

L.81.6.

National Library of Scotland



B000501502





Digitized by the Internet Archive
in 2013

LEABHRAICHEAN

AN

T-SEANN TIOMNAIDH,

AIR AN TARRUING

O'N CHEUD CHANAIN

CHUM GAELIG ALBANNAICH;

AGUS

AIR AN CUR A-MACH LE H-UGHDARRAS ARD-SHEANAIDH EAGLAIS
NA H-ALBA.

REVISED EDITION.

DUNEIDIN:

CLO-BHUAILTE AIRSON A CHOMUINN DHUTHCHASAICH CHUM
CRAOBHSGAOILIDH A' BHIUBUILL,
LEIS A' CHUIDEACHD CLO-BHUALAIDH MHAR-SANTAICH.

MDCCCLXXVI.

LAURISTON CASTLE
BEQUEST FUND

LIBRARY OF SCOTLAND
E3
28 14 DE
1960

ABBREVIATIONS AND MARKS.

- A' for "an" the article, as "a' bhean" *the woman*, for "an bhean."
- A' for "ag," sign of the pres. part. of verbs beginning with a consonant, as "a' bualadh" *striking*, but "ag òl" *drinking*.
- A' for "ann" *in*, as "a'd' cheann" *in thy head*, for "ann do cheann."
- A for "as" *out of*, marked with an acute accent, as "á teine" *out of fire*.
- 'Ar for "thar" *over, above*, as, "deich 'ar fhichead" *thirty*.
- B' for "bu" *was*, as "b'e" *he was*.
- C' for "cia" *who, what*, as "c'àit" *where or in what place?* "c'uin" *when or at what time?*
- D' for "do" *thy, thine*, as "d'athair" *thy father*; for "do" preposition *to* for "de" the preposition *of*.
- D' dh' for "do" sign of the preterite tense of verbs, as "an d'aidich e" *has he confessed?* "dh'aidich mi" *I have confessed*.
- 'G for "ag" sign of the pres. part. of verbs, as "g a dheanamh" *doing it*.
- 'G' for "gu" *to*, as "g'acheann" *to the end thereof*.
- M' for "mo" *my*, as "m'anam" *my soul*.
- M' for "mu" *about*, as, "m'a cheann" *about his head*.
- 'N a for "ann a" *in his*, as "'n a chridhe" *in his heart*.
- 'N an for "ann an" *in their*, as "'n an tighibh" *in their houses*.
- 'N ar for "ann ar" *in our*, as "'n ar dùthaich" *in our country*.
- 'N 'ur for "ann bhur" *in your*, as "'n 'ur fear-ann" *in your land*.
- 'N uair for "an uair" *in the time, when*.
- 'R for "ar" *our*, as "o'r sinnsiribh" *from our ancestors*.
- 'R for "bhur" *your*, as "le'r sinnsiribh" *with your ancestors*.
- R' for "ri" *to*, as "r'ar guth" *to our voice*.
- 'S an, s a' for anns an" *in the*, as "'s an àm" *in the time*, "'s a' bhaile" *in the city*.
- 'S na for "anns na" *in the*, as "'s na coilltibh" *in the woods*.
- ([˘]) Grave accent. Vowels marked with this accent are always sounded long; and such as are not are generally sounded short.
- ([˙]) Acute accent. When the vowel is sounded like *ai* in *pain*, or the Latin *œ* in *Phœbus*, as the Scotch pronounce it, it is commonly marked with this accent.
- (^ˈ) Apostrophe. When there is an elision of one or more letters, it is usually marked with an apostrophe. Thus when the preceding word ends or the following word begins with a vowel, there is an elision of the possessive pronoun "a," as "le 'shùil" *with his eye* for "le a shùil;" "call 'anama" *the loss of his soul* for "call a anama." A few Gaelic words admit of a final vowel, or not, as the euphony requires it, as "àit" or "àite" *a place*, "naomh" or "naomha" *holy*, "fad" or "fada" *long*, "camp" or "campa" *a camp*; but as these final vowels are not essential to the words, their absence is not always marked with an apostrophe.

LEABHRAICHEAN

AN

T-SEANN TIOMNAIDH.

	Caib.		Caib.
GENESIS : <i>anns am bheil</i> ,	50	Ecclesiastes,	12
Ecsodus,	40	Dàn Sholaimh,	8
Lebhiteicus,	27	Isaiah,	66
Aireamh,	30	Ieremiah,	52
Deuteronomi,	34	Tuireadh,	5
Iosua,	24	Eseciel,	48
Breitheamhna,	21	Daniel,	12
Rut,	4	Hosea,	14
1 Samuel,	31	Ioel,	3
2 Samuel,	24	Amos,	9
1 Rìgh,	22	Obadiah,	1
2 Rìgh,	25	Ionah,	4
1 Eachdraidh,	29	Micah,	7
2 Eachdraidh,	36	Nahum,	3
Esra,	10	Habacuc,	3
Nehemiah,	13	Sephaniah,	3
Ester,	10	Hagai,	2
Iob,	42	Sechariah,	14
Sailm,	150	Malachi,	4
Gnàth-fhocal,	31		

LEABHRAICHEAN

AN

TIOMNAIDH NUAIDH.

	Caib.		Caib.
AN SOISGEUL A REIR MHATA, <i>anns am bheil</i> , 28		1 Thimoteuis,	6
An Soisgeul a réir Mharcuis,	16	2 Thimoteuis,	4
An Soisgeul a réir Lucais,	24	Thituis,	3
An Soisgeul a réir Eoin,	21	Philemoin,	1
Gnìomharan nan Abstol,	28	Nan Eabhruidheach,	13
Litr an Abstoil Phoil chum nan Romanach, 16		Litr an Abstoil Sheumais,	5
1 Corintianach,	16	1 Litr an Abstoil Pheadair,	5
2 Corintianach,	17	2 Litr an Abstoil Pheadair,	3
Galatianach,	6	1 Litr an Abstoil Eoin,	5
Ephesianach,	6	2 Litr an Abstoil Eoin,	1
Philipianach,	4	3 Litr an Abstoil Eoin,	1
Colosianach,	4	Litr an Abstoil Iudais,	1
1 Tesalonianach,	5	Taisbeanadh an Abstoil Eoin,	22
2 Tesalonianach,	3		

CEUD LEABHAR MHAOIS,

D'AN AINM

GENESIS.

CAIB. I.

1 *Cruthachadh nan nèamh agus na talmhainn, 3 An t-soluis, 14 Na grèine, na gealaich, agus nan reult, 20 Eisg agus eunlaith, 24 Spréidh agus bheathaichean eile na talmhainn, 29 agus cruthachadh an duine ann an coslas Dhé.*

AN toiseach chruthaich Dia na nèamhan agus an talamh.

2 Agus bha 'n talamh gun dealbh agus falamh; agus bha dorchadas air aghaidh na doimhne: agus bha Spiorad Dhé a' gluasad air aghaidh nan uisgeachan.

3 Agus thubhairt Dia, Bitheadh solus ann: agus bha solus ann.

4 Agus chunnaic Dia an solus, gu 'n robh e maith: agus chuir Dia dealachadh eadar an solus, agus an dorchadas.

5 Agus thug Dia mar ainm air an t-solus, Là, agus air an dorchadas thug e mar ainm, Oidhche: agus b'iad am feasgar agus a' mhaduinn an ceud là.

6 Agus thubhairt Dia, Bitheadh athar'am meadhon nan uisgeachan, agus cuireadh e dealachadh eadar uisgeachan agus uisgeachan.

7 Agus rinn Dia an t-athar, agus chuir e dealachadh eadar na h-uisgeachan a bha fo 'n athar, agus na h-uisgeachan a bha os ceann an athair: agus bha e mar sin.

8 Agus thug Dia mar ainm air an athar, Nèamh: agus b'iad am feasgar agus a' mhaduinn an dara là.

9 Agus thubhairt Dia, Bitheadh na h-uisgeachan a tha fo nèamh air an cruinneachadh dh'aon àite, agus leigear ris an ùr thioram: agus bha e mar sin.

10 Agus thug Dia mar ainm air an ùr thioram, Talamh, agus air cruinneachadh nan uisgeachan thug e mar ainm, Fairgeachan: agus chunnaic Dia gu 'n robh e maith.

11 Agus thubhairt Dia, Thugadh an talamh a mach fear, luibh a ghineas sìol, craobh-mheas a bheir a mach meas a réir a gnè, aig am bheil a sìol innte féin air an talamh: agus bha e mar sin.

12 Agus thug an talamh a mach fear, luibh a ghineas sìol a réir a gnè, agus craobh a bheir a mach meas, aig am bheil a sìol innte féin a réir a gnè: agus chunnaic Dia gu 'n robh e maith.

13 Agus b'iad am feasgar agus a' mhaduinn an treas là.

14 Agus thubhairt Dia, Bitheadh soluis ann an speuraibh nèimh a chur dealachaidh eadar an là agus an oidhche, agus bitheadh iad air son chomharan, agus air son aim-sirean, agus air son làithean, agus bhliadh-nachan.

15 Agus bitheadh iad mar sholusaibh ann an speuraibh nèimh, a thoirt soluis air an talamh: agus bha e mar sin.

16 Agus rinn Dia dà sholus mhòr, an solus a's mò a riaghladh an là, agus an solus a's lugha a riaghladh na h-oidhche; agus na reultan.

17 Agus shuidhich Dia iad ann an speur-aibh nèimh, a thoirt soluis air an talamh,

18 Agus a riaghladh 's an là, agus 's an oidhche, agus a chur dealachaidh eadar an solus agus an dorchadas: agus chunnaic Dia gu 'n robh e maith.

19 Agus b' iad am feasgar agus a' mhaduinn an ceathramh là.

20 Agus thubhairt Dia, Thugadh na h-uisgeachan a mach gu pailt an creutair gluasach anns am bheil beatha, agus bitheadh eunlaith ag itealaich os ceann na talmhainn air aghaidh speuran nèimh.

21 Agus chruthaich Dia mucan-mara mòra, agus gach uile chreutair beò a ghluaiseas, a thug na h-uisgeachan a mach gu pailt a réir an gnè, agus gach eun iteagach a réir a ghnè: agus chunnaic Dia gu 'n robh e maith.

22 Agus bheannaich Dia iad, ag ràdh, Sìolaichibh, agus fasaibh lionmhor, agus lìonaibh na h-uisgeachan anns na fairgibh, agus fasaadh an eunlaith lionmhor air an talamh.

23 Agus b'iad am feasgar agus a' mhaduinn an cùigeamh là.

24 Agus thubhairt Dia, Thugadh an talamh a mach an creutair beò a réir a ghnè, spréidh, agus gach ni a shnàigeas, agus beathaichean na talmhainn a réir an gnè: agus bha e mar sin.

25 Agus rinn Dia beathaichean na talmhainn a réir an gnè, agus an spréidh a réir an gnè, agus gach ni a shnàigeas air an talamh a réir a ghnè: agus chunnaic Dia gu 'n robh e maith.

26 Agus thubhairt Dia, Deanamaid an

duine 'n ar dealbh féin, a réir ar coslais féin, agus bitheadh uachdaranachd aca os ceann éisg na mara, agus os ceann eunlaith nan speur, agus os ceann na spréidhe, agus os ceann na talmhainn uile, agus os ceann gach ní a shnáigear a tha 'snáigeadh air an talamh.

27 Agus chruthaich Dia an duine 'n a dhealbh féin; ann an dealbh Dhé chruthaich se e: fionnagh agus boirionnach chruthaich e iad.

28 Agus bheannaich Dia iad, agus thubhairt Dia riu, Siòlaichibh, agus fásaibh lionmhor, agus lonaibh an talamh, agus ceannsaichibh e; agus bitheadh uachdaranachd agaibh os ceann éisg na mara, agus os ceann eunlaith nan speur, agus os ceann gach ní beò a ghluaisceas air an talamh.

29 Agus thubhairt Dia, Feuch, thug mi dhuibh gach luibh a ghineas sìol, a tha air aghaidh na talmhainn uile, agus gach craobh anns *am bheil* meas craoibhe a ghineas sìol; dhuibhse bithidh e mar bhiadh.

30 Agus do uile bheathaichibh na talmhainn, agus do uile eunlaith nan speur, agus do gach ní a shnáigear air an talamh, anns *am bheil* beatha, *thug mi* gach luibh ghorm mar bhiadh: agus bha e mar sin.

31 Agus chunnaic Dia gach ní a rinn e, agus, feuch, *bha e* ro mhaith. Agus b' iad am feasgar agus a' mhaduinn an seathamh là.

CAIB. II.

1 *An seachdamh là air a naomhachadh.* 8 *Gàradh Edein.* 17 *Craobh eòlais a' mhaith agus an uile.* 21 *Cruthachadh na mnàth agus òrdughachadh a phòsaidh.*

AGUS chrìochnaich eadh na nèamhan agus an talamh, agus an sluagh uile.

2 Agus chrìochnaich Dia air an t-seachdamh là 'obair a rinn e; agus ghabh e fois air an t-seachdamh là o 'obair uile a rinn e.

3 Agus bheannaich Dia an seachdamh là, agus naomhaich se e: do bhrìgh gur ann air a ghabh e fois o 'obair uile, a chruthaich Dia agus a rinn e.

4 *Is iad* so gincalaich nan nèamh agus na talmhainn, 'n uair a chruthaich eadh iad, 's an là anns an d'rinn an Tighearn Dia an talamh agus na nèamhan.

5 Agus cha robh aon de phreasaibh na macharach fathast anns an talamh, agus cha d'fhàs fathast aon de lusaibh na macharach; do bhrìgh nach d'thug an Tighearn Dia air uisge frasadh air an talamh, agus cha robh duine ann a shaoithreachadh na talmhainn.

6 Ach chaidh ceò suas o'n talamh, agus dh'uisgich e aghaidh na talmhainn uile.

7 Agus dhealbh an Tighearn Dia an duine *de* dhuslach na talmhainn: agus shéid e ann an cuimcinnibh a shròire anail na beatha; agus dh' fhàs an duine 'n a anam beò.

8 Agus shuidhich an Tighearn Dia gàradh ann an Eden 's an àird an ear, agus chuir e an sin an duine a dhealbha e.

9 Agus thug an Tighearn Dia air gach uile chraoibh fàs as an talamh a tha taitneach do'n t-sealladh, agus maith a chum bith: craobh na beatha mar an ceudna ann am meadhon a' ghàraidh, agus craobh eòlais a' mhaith agus an uile.

10 Agus chaidh amhainn a mach á h-Eden a dh'uisgeachadh a' ghàraidh; agus as a sin roinneadh i, agus dh'fhàs i 'n a ceithir meuraibh.

11 *Is e ainm* na ceud *aimhne* Pison; so i a tha 'cuartachadh tìre Chabhalah uile, far *am bheil* òr.

12 Agus *tha* òr na tìre sin maith: an sin *tha* bdellium, agus a' chlach onics.

13 Agus *is e ainm* na dara aimhne Gihon: *is i sin a tha* 'cuartachadh tìre Chuis uile.

14 Agus *is e ainm* na treas aimhne Hidecel: *is i sin a tha* 'dol do'n taobh an ear de Asiria. Agus *is i a'* cheathramh amhainn Euphrates.

15 Agus ghabh an Tighearn Dia an duine, agus chuir se e ann an gàradh Edein, g'a shaoithreachadh, agus g'a ghleidheadh.

16 Agus dh'aithn an Tighearn Dia do'n duine, ag ràdh, De gach uile chraoibh 's a' ghàradh feudaich tu itheadh gu saor:

17 Ach de chraoibh eòlais a' mhaith agus an uile, cha-n ith thu dh'i sin; oir anns an là a dh'itheas tu dhith, gu cinnteach bàsaichidh tu.

18 Agus thubhairt an Tighearn Dia, Chan'eil e maith gu'm biodh an duine 'n a aonar: Nì mi dha còmhnaidh d'a réir féin.

19 Agus dhealbh an Tighearn Dia as an talamh uile bheathaichean na macharach, agus uile eunlaith nan speur, agus thug e iad a chum Adhamh, a dh'fhaicinn cionnas a bheireadh e ainm orra: agus ge b'e ainm a thug Adhamh air gach creutair beò, *b'e sin a' b'ainm* dha.

20 Agus thug Adhamh ainmean air an spréidh uile, agus air eunlaith nan speur, agus air uile bheathaichibh na macharach: ach do Adhamh cha d'fhuaradh còmhnaidh d'a réir féin.

21 Agus thug an Tighearn Dia air codal trom tuiteam air Adhamh, agus choidil e: agus ghabh e h-aon d'a aiseibh, agus dhùin e an fheoil suas 'n a h-àite.

22 Agus thog an Tighearn Dia an aiseinn a thug e o'n duine suas 'n a mnaoi, agus thug e i chum an duine.

23 Agus thubhairt Adhamh, So a nis enàmh de m' chnàmhaibh, agus fcoil de m' fheoil-sa: goirear bean dith, do bhrìgh gur ann as an duine a thugadh i.

24 Air an aobhar sin fagaidh fear 'athair agus a mhàthair, agus dlùth-leanaidh se r'a mnaoi; agus bithidh iad 'n an aon fheoil.

25 Agus bha iad le chèile lomnochd, an

duine agus a bhean; agus cha robh nàire orra.

CAIB. III.

1 *Cealg na nathair. 6 Peacadh an duine, 15 agus gealladh saorsa o Dhia trid sìl na mnà.*

ANIS bha an nathair ni bu sheolta na h-aon de bheathaichibh na macharach a rinn an Tighearn Dia; agus thubhairt i ris a' mhnaoi, Seadh, an dubhairt Dia, Cha-n ith sibh de gach craoibh 's a' ghàradh?

2 Agus thubhairt a' bhean ris an nathair, De mheas craobhan a' ghàraidh feudaich sinn itheadh:

3 Ach de mheas na craoibhe a tha ann am meadhon a' ghàraidh, thubhairt Dia, Cha-n ith sibh dheth, agus cha bhean sibh dhia, a chum nach faigh sibh bàs.

4 Agus thubhairt an nathair ris a' mhnaoi, Gu cinnteach cha-n fhaigh sibh bàs:

5 Oir a ta fiosaig Dia, 's an là annsan ith sibh dheth, gu'm fosgailear bhur sùilean, agus gu'm bi sibh mar dhée, fiosrach air maith agus air ole.

6 Agus chunnaic a' bhean gu'n robh a' chraobh maith a chum bìdh, agus gu'n robh i taitneach do 'n t-sùil, agus 'n a craoibh r'a miannachadh a dheanamh neach glic; agus ghabhadh a meas agus dh'ith i, agus thugimar an ceudna d'a fear mailleirthe, agus dh'ith e.

7 Agus dh'fhosgladh an sùilean le 'chéile, agus dh'aithnich iad gu'n robh iad lomnochd; agus dh' fhuair iad duilleach croinn-fhìge r'a chéile, agus rinn iad dhoibh féin aprain.

8 Agus chual' iad guth an Tighearna Dé ag imeachd 's a' ghàradh 'am fionnfhuaireachd an là; agus dh'fholaich Adhamh agus a bhean iad féin o ghnùis an Tighearna Dé am meas chraobhan a' ghàraidh.

9 Agus dh'èigh an Tighearn Dia air Adhamh, agus thubhairt e ris, C'ait am bheil thu?

10 Agus thubhairt e, Chuala mi do ghuth 's a' ghàradh, agus bha eagal orm a chionn gu'n robh mi lomnochd; agus dh'fholaich mi mi féin.

11 Agus thubhairt e, Cò 'dh'innis dhuit gu'n robh thu lomnochd? An d'ith thu de'n chraoibh, a dh'aitn mise dhuit gun itheadh dhith?

12 Agus thubhairt an duine, A' bhean a thug thu gu bhi mailleirium, thug ise dhomh de'n chraoibh, agus dh'ith mi.

13 Agus thubhairt an Tighearn Dia ris a' mhnaoi, Ciod e so a rinn thu? agus thubhairt a' bhean, Mheall an nathair mi, agus dh'ith mi.

14 Agus thubhairt an Tighearn Dia ris an nathair, A chionn gu'n d' rinn thu so, tha thu mallaichte thar gach ainmhidh, agus thar uile bheathaichean na macharach; air do bhroinn imichidh tu, agus duslach ithidh tu uile làithean do bheatha.

15 Agus cuiridh mi naimhdeas eadar thusa agus a' bhean, agus eadar do shìol-sa agus

a sìol-sa: bruthaidh esan do cheann, agus bruthaidh tusa a shàil-san.

16 Ris a' mhnaoi thubhairt e, Meudaichidh mi gu mòr do dhoilgheas agus do thoirricheas; 'am péin beiridh tu clann, agus ri d' fhear bithidh do thogradh, agus bithidh uachdaranachd aige ort.

17 Agus ri h-Adhamh thubhairt e, Do bhrìgh gu'n d'èisd thu ri guth do mhà, agus gu'n d'ith thu de'n chraoibh a dh' aithn mise dhuit, a' ghràdh, Cha-nith thu dhith, tha'n talamh mallaichte air do shon; ann an doilgheas ithidh tu dheth uile làithean do bheatha.

18 Agus droighionn agus cluarain bheir e mach dhuit, agus ithidh tu luibh na macharach.

19 'Am fallus do ghnùise ithidh tu aran, agus am pill thu dh' ionnsuidh na talmhainn; oir aiseid thugadh thu: oir is duslach thu, agus gu duslach pillidh tu.

20 Agus thug Adhamh Eubha mar ainm air a' mhnaoi, do bhrìgh gu'm b'i màthair nan uile bheò.

21 Agus rinn an Tighearn Dia do Adhamh agus d'a mhnaoi, còtaichean croicinn, agus chòmhdach e iad.

22 Agus thubhairt an Tighearn Dia, Feuch, tha'n duine air fas mar aon dhiinn féin, fiosrach air maith agus ole. Agus a nis air eagal gu'n sìneadh e mach a lamh, agus gu'n gabhadh e mar an ceudna de chraoibh na beatha, agus gu'n itheadh e, agus gu'm biodh e beò gu sìorruidh:

23 Air an aobhar sin chuir an Tighearn Dia a mach e á gàradh Edein, a shaoithreachadh na talmhainn, as an d'thugadh e.

24 Agus dh'fhògair e mach an duine; agus shuidhich e 's an taobh an ear de ghàradh Edein Cheruban, agus claidheamh lasarach, a bha 'tionndadh air gach làimh, a ghleidheadh slighe craoibhe na beatha.

CAIB. IV.

1 *Breith Chain agus Abeil. 8 Mortadh Abeil.*

11 *Mallachadh Chain. 19 Lamech agus a dhà mhnaoi.*

AGUS dh'aithnich Adhamh a bhean Eubha, agus dh'fhàs i torrach, agus rug i Cain, agus thubhairt i, Fhuair mi duine o'n Tighearn.

2 Agus a ris rug i a bhràthair Abel: agus bha Abel 'n a bhuachaille chaorach, ach bha Cain 'n a threabhaiche fearainn.

3 Agus tharladh an ceann làithean àraidh, gu'n d' thug Cain de thoradh an fhearainn tabhartas do'n Tighearn.

4 Agus thug Abel mar an ceudna de cheudghinibh a thréid, agus d'an saill: agus bha meas aig an Tighearn air Abel, agus air a tabhartas:

5 Ach air Cain, agus air a tabhartas, cha robh meas aige. Agus bha Cain fo throna fhèir, agus thuit a ghnùis.

6 Agus thubhairt an Tighearn ri Cain,

C'ar son a tha fearg ort? agus c'ar son a thuit do ghnùis?

7 Ma nì thu gu maith, nach gabhar riut? agus mur dean thu gu maith, aig an doras *tha* peacadh 'n a luidhe. Agus riutsa *bithidh* a thogradh, agus bithidh uachdar-*anachd* agad air.

8 Agus labhair Cain ri h-Abel a bhràthair: agus 'n uair a bha iad 's a' mhachair, dh'èirich Cain suas an aghaidh Abeil a bhràthar, agus mharbh se e.

9 Agus thubhairt an Tighearn ri Cain, C'ait *am bheil* Abel do bhràthair? Agus thubhairt esan, Cha-n 'eil fhios agam. Am mise fear-gleidhidh mo bhràthar?

10 Agus thubhairt esan, Ciod a rinn thu? *Tha* guth fola do bhràthar ag éigheach riumsa o'n talamh.

11 Agus a nis *tha* thu mallaichte o'n talamh, a dh'fhosgail a bheul a ghabhail fola do bhràthar o d'làimh.

12 'N uair a shaoithricheas tu an talamh, cha toir e dhuit á so suas a neart. A' d'fhògarach agus a' d'fhear-fuadain bithidh tu air an talamh.

13 Agus thubhairt Cain ris an Tighearn, Is mò mo pheanas na gur urrainn mi 'ghlùlan.

14 Feuch, dh' fhògair thu mì mach an diugh bhàrr aghaidh na talmhainn: agus o d' ghnùis-sa folaichear mi, agus bithidh mi a'm'fhògarach agus a'm' fhear-fuadain air an talamh; agus tarlaidh, gach neach a gheibh mi, gu marbh e mi.

15 Agus thubhairt an Tighearn ris, Uime sin ge b'e air bith a mharbhas Cain, nithear a sheachd uiread de dhìoghaltas air. Agus chuir an Tighearn comharadh air Cain, a chum ge b'e neach a gheibheadh e nach marbhadh se e.

16 Agus chaidh Cain a mach á làthair an Tighearn, agus ghabh e còmhnuidh ann an tìr Nod an taobh an ear a dh' Eden.

17 Agus dh'aithnich Cain a bhean, agus dh'fhàs i torrach, agus rug i Enoch: agus thog e baile, agus ghoir e ainm a' bhaile a réir ainm a mhic, Enoch.

18 Agus rugadh do Enoch Irad; agus ghin Irad Mehuiael; agus ghin Mehuiael Metusael; agus ghin Metusael Lamech.

19 Agus ghabh Lamech dha féin dà mhnai: b'e ainm a h-aon diùla Adah, agus ainm na mna eile Sillah.

20 Agus ghin Adah Iabal: b'esan athair na muinntir a thà' gabhail còmhnuidh 'n m' bithaibh, agus na muinntir aig *am bheil* spréidh.

21 Agus b'e ainm a bhràthar Iubal: b'esan athair nan uile a laimhsicheas clàrsach agus organ.

22 Agus Sillah, rug ise mar an ceudna Tubalcain, fear-teagaisg gach uile fhir-ceird ann an umha agus 'an iarunn: agus b'e iutthar Thubalcain Naamah.

23 Agus thubhairt Lamech r'a mhnàibh, Adah agus Sillah, Chuinnibh mo ghuth, a mhnathan Lameich, éisdibh ri m' chainnt: oir mharbh mi duine a chum mo lotaidh, agus òganach a chum mo chiurraidh.

24 Ma dh'iclar Cain a sheachd uiread, gu deimhin *dìolar* Lamech a sheachd-deug agus a thri fichead uiread.

25 Agus dh'aithnich Adhamh a ris a bhean, agus rug i mac, agus thug i Set mar ainm air; oir dh'òrduich Dia, *thubhairt i*, dhomhsa sliochd eile 'an àit Abeil, a mharbhadh le Cain.

26 Agus do Shet féin mar an ceudna rugadh mac, agus thug e Enos mar ainm air: an sin thòisich daoine ri gairm air ainm an Tighearna.

CAIB. V.

1 *Ginealach, beatha, agus bàs nam prìomh aithrichean, o Adhamh gu Noah. 24 Diadh-aithreachd Enoch, agus a ghabhail suas do fhàilicheanas.*

IS e so leabhar ghinealach Adhaimh: 's 'an là 'an do chruthaich Dia an duine, ann an coslas Dhé rinn se e.

2 Firionnach agus boirionnach chruthaich e iad; agus bheannaich e iad, agus thug e Adhamh mar ainm orra, 's an là 'an do chruthaich ead iad.

3 Agus bha Adhamh beò ceud agus deich bliadhna fichead, agus ghin e *mac* 'n a choslas féin, a réir iomhaigh féin: agus thug e Set mar ainm air.

4 Agus b'iad làithean Adhaimh an déigh dha Set a ghintinn, ochd ceud bliadhna: agus ghin e mic agus nigheanan.

5 Agus b'iad uile làithean Adhaimh a bha e beò, naoi ceud agus deich bliadhna fichead; agus fhuair e bàs.

6 Agus bha Set beò ceud agus cùig bliadhna, agus ghin e Enos.

7 Agus bha Set beò, an déigh dha Enos a ghintinn, ochd ceud agus seachd bliadhna, agus ghin e mic agus nigheanan.

8 Agus b'iad uile làithean Shet naoi ceud agus dà bhliadhna dheug; agus fhuair e bàs.

9 Agus bha Enos beò ceithir fichead bliadhna agus a deich, agus ghin e Cainan.

10 Agus bha Enos beò, an déigh dha Cainan a ghintinn, ochd ceud agus cùig bliadhna deug, agus ghin e mic, agus nigheanan.

11 Agus b'iad uile làithean Enois naoi ceud agus cùig bliadhna; agus fhuair e bàs.

12 Agus bha Cainan beò deich bliadhna agus trì fichead, agus ghin e Mahalaleel.

13 Agus bha Cainan beò, an déigh dha Mahalaleel a ghintinn, ochd ceud agus dà fhichead bliadhna, agus ghin e mic agus nigheanan.

14 Agus b'iad uile làithean Chainain naoi

ceud agus deich bliadhna; agus fhuaire e bàs.

15 Agus bha Mahalaleel beò cùig bliadhna agus trì fichead, agus ghin e Iared.

16 Agus bha Mahalaleel beò, an déigh dha Iared a ghintinn, ochd ceud agus deich bliadhna fichead, agus ghin e mic agus nigheanan.

17 Agus b' iad uile làithean Mhalalaleel ochd ceud, ceithir fichead, agus cuig bliadhna deug; agus fhuaire e bàs.

18 Agus bha Iared beò ceud, trì fichead agus dà bhliadhna, agus ghin e Enoch.

19 Agus bha Iared beò, an déigh dha Enoch a ghintinn, ochd ceud bliadhna, agus ghin e mic agus nigheanan.

20 Agus b' iad uile làithean Iareid naoi ceud, trì fichead, agus dà bhliadhna; agus fhuaire e bàs.

21 Agus bha Enoch beò trì fichead agus cùig bliadhna, agus ghin e Metuselah.

22 Agus ghluais Enoch maille ri Dia, an déigh dha Metuselah a ghintinn, trì cheud bliadhna, agus ghin e mic agus nigheanan.

23 Agus b' iad uile làithean Enoch trì cheud, agus trì fichead, agus cùig bliadhna.

24 Agus ghluais Enoch maille ri Dia, agus cha robh e ann, oir thug Dia leis e.

25 Agus bha Metuselah beò ceud, agus ceithir fichead, agus seachd bliadhna, agus ghin e Lamech.

26 Agus bha Metuselah beò, an déigh dha Lamech a ghintinn, seachd ceud, ceithir fichead, agus dà bhliadhna, agus ghin e mic agus nigheanan.

27 Agus b' iad uile làithean Mhetuselah naoi ceud trì fichead agus naoi bliadhna; agus fhuaire e bàs.

28 Agus bha Lamech beò ceud, ceithir fichead agus dà bhliadhna, agus ghin e mac.

29 Agus thug e Noah mar ainm air, ag ràdh, Bheir an tì so féin sòlas dhuinne thaobh ar n-oibre agus saothreach ar làmh, a thaobh na talmhainn a mhallaich an Tighearn.

30 Agus bha Lamech beò, an déigh dha Noah a ghintinn, cùig ceud, ceithir fichead, agus cùig bliadhna deug; agus ghin e mic agus nigheanan.

31 Agus b' iad uile làithean Lameich, seachd ceud trì fichead agus seachd bliadhna deug; agus fhuaire e bàs.

32 Agus bha Noah cùig ceud bliadhna dh'aois: agus ghin Noah Sem, Ham, agus Iaphet.

CAIB. VI.

1 Truaillidheachd a' chinne-daoine, a bhrosnaich Dia gu an sgrios le tuil, saor o Noah agus a theaghlach. 14 An àire air a h-orduchadh.

AGUS 'n uair a thòisich daoine ri fàs lionmhor air aghaidh na talmhainn, agus a rugadh nigheanan dhoibh,

2 Agus a chunnaic mic Dhé nigheanan

dhaoine, gu'n robh iad sgiamhach, ghabh iad dhoibh féin muathan de gach uile a ròghnaich iad.

3 Agus thubhairt an Tighearn, Cha bhì mo Spiorad a' strì ris an duine a ghuath, do bhrìgh gur feoil a mhàin e: gidheadh bithidh a là 'n a cheud agus fichead bliadhna.

4 Bha famhairean air an talamh 's na làithibh sin; agus mar an ceudna 'n a dhéigh sin, 'n uair a thàinig mic Dhé a steach a chum nigheanan dhaoine, agus a rug iad clann dhoibh, dh'fhàs iad sin 'n an daoinibh treuna, a bha o shean 'n an daoinibh ainmeil.

5 Agus chunnaic an Tighearn gu'm bu mhòr aingidheachd an duine air an talamh, agus gu'n robh uile bhreithneachadh smuaintean a chridhe a mhàin olc gach aon là.

6 Agus b'aithreach leis an Tighearn gu'n d' rinn e an duine air an talamh, agus thog e doilgheas da 'n a chridhe.

7 Agus thubhairt an Tighearn, Sgriosaidh mi an duine, a chruthaich mi, bhàrr aghaidh na talmhainn, araon duine agus ainmhidh, agus an creutair a shnaigcas, agus cunlaith nan speur; oir is aithreach leam gu'n d' rinn mi iad.

8 Ach fhuaire Noah deadh-ghean ann an suilbha an Tighearna.

9 Is iad so ginealaich Noah: Bha Noah 'n a dhùine cothromach, agus iomlan 'n a linn; agus ghluais Noah maille ri Dia.

10 Agus ghin Noah triuir mhac, Sem, Ham, agus Iaphet.

11 Agus bha 'n talamh truaillidh 'am fianuis Dhé, agus lìonadh an talamh le fòirneart.

12 Agus dh'annhaire Dia air an talamh, agus, feuch, bha e truaillidh; oir thruaill gach uile fheoil a slighe air an talamh.

13 Agus thubhairt Dia ri Noah, Thàinig crìoch gach uile fheòla a'm' fianuis; oir tha'n talamh air a lìonadh le fòirneart d'an trid-san: agus, feuch, sgriosaidh mise iad maille ris an talamh.

14 Dean dhuit féin àire de fhiodh gopher; seòmraichean nì thu 's an àire, agus còmhdaichidh tu i a stigh agus a muigh le pic.

15 Agus so a' chumachd air an dean thu i: Tri cheud làmh-choille fad na h-àire, leth-cheud làmh-choille a leud, agus deich 'ar fhichead làmh-choille a h-àirde.

16 Umneag nì thu do'n àire, agus 'an làmh-choille crìochnaichidh tu i 'n a mullach; agus doras na h-àire cuiridh tu 'n a taobh: le lobhtaibh ìochdarach, meadhonach, agus uachdarach nì thu i.

17 Agus, feuch, bheir mise, cadhon mise, dile uisgeachan air an talamh, a sgrios gach uile fheòla, anns am bheil anail na beatha fo nèamh: agus gheibh gach nì a tha air an talamh bàs.

18 Ach daingnichidh mi mo choimhchean-

gal riutsa: agus thèid thu a steach do'n àirc, thu *fèin*, agus do mhic, agus do bhean, agus mnathan do mhac maille riut.

19 Agus de gach uile *ni* beò de'n uile fheoil, dithis de gach *seòrsa* bheir thu steach do'n àirc, gu'n gleidheadh beò maille riut: firionn agus boirionn bithidh iad.

20 De'n eunlaith a réir an gnè, agus de'n spréidh a réir an gnè, agus de gach *ni* a shnàigeas air an talamh a réir a gnè: thèid dithis de gach *seòrsa* steach a d' ionnsuidh, gu'n gleidheadh beò.

21 Agus gabh thusa dhuit de gach uile bhiaidh a dh'ithear, agus cruinnichidh tu a d' ionnsuidh *e*; agus bithidh e dhuitse agus dhoibhsan air son beathachaidh.

22 Mar so rinn Noah; a réir gach *ni* a dh'àithn Dia dha, mar sin rinn e.

CAIB. VII.

1 *Chaidh Noah, agus gach creutair a bha maille ris a steach do'n àirc.* 10 *Toiseach agus éiridh na dila.* 24 *Mhair i ceud agus leth-cheud là.*

A GUS thubhairt an Tighearn ri Noah, Rach thusa, agus do thigh uile, a steach do'n àirc; oir thusa chunnaic mi cothromach a'm' fhianuis 's a' ghinealach so.

2 De gach uile ainmhidh glan gabhaidh tu dhuit 'n an seachdaibh, am firionn agus am boirionn; agus de ainmhidhibh nach 'eil glan 'n an càraidibh, am firionn agus am boirionn:

3 Mar an ceudna de eunlaith nan speur 'n an seachdaibh, firionn agus boirionn, a ghleidheadh sìl beò air aghaidh na talmhainn uile:

4 Oir fathast seachd làithean, agus bheir mise air uisge teachd air an talamh dà fhichead là agus dà fhichead oidhche; agus sgriosaidh mi gach dùil *bheò* a rinn mi, bhàrr aghaidh na talmhainn.

5 Agus rinn Noah a réir gach *ni* a dh'àithn an Tighearn dha.

6 Agus *bha* Noah sè ceud bliadhna dh'aois, 'n uair a bha an dile uisgeachan air an talamh.

7 Agus chaidh Noah steach, agus a mhic, agus a bhean, agus mnathan a mhac maille ris, do'n àirc, air son uisgeachan na dile.

8 De ainmhidhibh glan, agus de ainmhidhibh nach 'eil glan, agus de eunlaith, agus de gach *ni* a shnàigeas air an talamh,

9 Chaidh dithis agus dithis a steach a dh'ionnsuidh Noah do'n àirc, firionn agus boirionn, a réir mar a dh'àithn Dia do Noah.

10 Agus an deigh sheachd làithean bha uisgeachan na dile air an talamh.

11 Anns an t-seathamh ceud bliadhna dh'aois Noah, 's an dara mìos, 's an t-seachdamh là deug de'n mhìos, 's an là sin féin bhriseadh suas uile thobraichean na

doimhne mòire, agus bha tuil-dhorsan nan nèamh air am fosgladh.

12 Agus bha'n t-uisge air an talamh dà fhichead là agus dà fhichead oidhche.

13 'S a' cheart là sin féin chaidh Noah, agus Sem, agus Ham, agus Iaphet, mic Noah, agus bean Noah, agus triuir bhan a mhac maille ri u, steach do'n àirc;

14 Iad féin, agus gach uile bheathach a réir a gnè, agus an spréidh uile a réir an gnè, agus gach creutair a shnàigeas a tha 'snaigeadh air an talamh a réir a gnè, agus an eunlaith uile a réir an gnè, gach eun de gach seòrsa.

15 Agus chaidh iad a steach a chum Noah do'n àirc, a lion dithis agus dithis, de gach uile fheoil, anns *am bheil* anail na beatha.

16 Agus iadsan a chaidh a steach, firionn agus boirionn chaidh iad a steach de gach uile fheoil, mar a dh'àithn Dia dha: agus dhruid an Tighearn stigh e.

17 Agus bha 'n dile dà fhichead là air an talamh, agus mheudaicheadh na h-uisgeachan, agus ghiùlain iad an àirc, agus thogadh suas i os ceann na talmhainn.

18 Agus bhuaidhaich na h-uisgeachan, agus mheudaicheadh iad gu h-anabarrach air an talamh; agus shiubhail an àirc air aghaidh nan uisgeachan.

19 Agus bhuaidhaich na h-uisgeachan gu ro anabarrach air an talamh; agus chòmhdaicheadh na beanntan àrda uile, a *bha* fo na nèamhaibh gu léir.

20 Cùig lām-chòille dheug air àirde bhuaidhaich na h-uisgeachan; agus chòmhdaicheadh na beanntan.

21 Agus dh'èug gach uile fheòil a *bha* 'glusad air an talamh, araon de eunlaith, agus de spréidh, agus de bheathaichibh, agus de gach *ni* a shnàigeas a tha 'snaigeadh air an talamh, agus gach uile dhuine.

22 Gach *ni* aig an robh anail na beatha ann an cuinneinibh a shròine, de na h-uile a *bha* air an talamh thioram, dh'èug iad.

23 Agus sgriosadh gach uile dhùil a bha air aghaidh na talmhainn, araon duine agus ainmhidh, agus an creutair a shnàigeas, agus eunlaith nan speur; agus sgriosadh iad bhàrr na talmhainn, agus dh'fhàgadh a mhàin Noah, agus na *bha* maille ris 's an àirc.

24 Agus bhuaidhaich na h-uisgeachan os ceann na talmhainn ceud agus leth-cheud là.

CAIB. VIII.

1 *Throagh na h-uisgeachan.* 4 *Stad an àrc air beanntaibh Ararail.* 15 *A réir àithne Dhè chaidh Noah mach os an àrc;* 20 *thog e allair, agus dh'ìobair e ìobairtean-loisgte.*

A GUS chuimhich Dia air Noah, agus air gach *ni* beò, agus air gach uile spréidh a *bha* maille ris 's an àirc, agus thug Dia air gaoith dol thairis air an talamh, agus throagh na h-uisgeachan.

2 Agus dhruideadh suas tobraichean na doimhne, agus tuil-dhorsan nan nèamh; agus choisgeadh an t-uisge o na nèamhaibh.

3 Agus phill na h-uisgeachan a ghnàth bhàrr na talmhainn: agus thraogh na h-uisgeachan an déigh ceud agus leth-cheud là.

4 Agus stad an àire anns an t-seachdamh mìos, air an t-seachdamh là deug de'n mhìos, air beanntaibh Ararait.

5 Agus thraogh na h-uisgeachan a ghnàth gus an deicheamh mìos: Anns an deicheamh mìos, air a' cheud là de'n mhìos, chunnacas mullaichean nam beann.

6 Agus an ceam dà fhichead là, dh'fhosgail Noah uinneag na h-àirce a riun e.

7 Agus chuir e mach fitheach, a chaidh a mach a' dol air 'ais agus air 'aghaidh, gus an do thiornaicheadh na h-uisgeachan bhàrr na talmhainn.

8 Mar an ceudna chuir e mach columan uaithe, a dh'fhaicinn an do thraogh na h-uisgeachan bhàrr aghaidh na talmhainn.

9 Ach cha d'fhuair an columan fois do bhonn a chois, agus phill e d'a ionnsuidh do'n àire, do bhrìgh gu'n robh na h-uisgeachan air aghaidh na talmhainn uile. An sin chuir e mach a làmh, agus rug e air, agus thug e stigh e d'a ionnsuidh do'n àire.

10 Agus dh'fhan e fathast seachd làithean eile, agus a ris chuir e mach an columan o'n àire.

11 Agus thàinig an columan d'a ionnsuidh 's an fheasgar, agus, feuch, duilleag craoibh-ola, a spionadh leis, aige 'n a ghob: agus dh'aithnich Noah gu'n do thraogh na h-uisgeachan bhàrr na talmhainn.

12 Agus dh'fhan e fathast seachd làithean eile, agus chuir e mach an columan; agus cha do phill e ris d'a ionnsuidh ni's mò.

13 Agus anns an t-seathamh ceud bliadhna agus a h-aon, anns a' cheud mhìos, anns a' cheud là de'n mhìos, thiornaicheadh na h-uisgeachan suas bhàrr na talmhainn: agus bhuin Noah air falbh còmhdachadh na h-àirce, agus dh'amhairc e agus, feuch, bha aghaidh na talmhainn tioram.

14 Agus 's an dara mìos, 's an t-seachdamh là thar fhichead de'n mhìos, bha an talamh air tiormachadh.

15 Agus labhair Dia ri Noah, ag ràdh,

16 Rach a mach as an àire, 'thù *fèin*, agus do bhean, agus do mhic, agus mnathan do mhaic maille riut.

17 Thoir a mach leat gach ni beò a tha maille riut, de gach uile fhèidh, de eunlaith, agus de spréidh, agus de gach uile ni a shnàigeas a tha 'snàigeadh air an talamh, chum as gu'n sìolach iad air an talamh, agus gu'm bi iad torrach, agus gu'm fàs iad lionmhor air an talamh.

18 Agus chaidh Noah a mach, agus a mhic, agus a bhean, agus mnathan a mhaic maille ris:

19 Chaidh gach uile bheathach, gach ni a

shnàigeas, agus gach eun, gach ni a ghluais-eas air an talamh, a réir an cineil, a mach as an àire.

20 Agus thog Noah altair do'n Tighearn, agus ghabh e de gach ainmhidh glan, agus de gach eun glan, agus thug e suas tabhar-tais-loisgte air an altair.

21 Agus dh'fhairich an Tighearn fàile cùbhraidh; agus thubhairt an Tighearn 'n a chridhe, Cha mhallaich mi ris an talamh ni's mò air son an duine; oir tha smuaintean cridhe an duine olc o' dèig; nim'd a sgrios-as mi tuille gach ui beò, mar a riun mi.

22 Am feadh a mhaireas an talamh, cha sguir àm an t-sil-chur, agus foghar, agus fuachd agus teas, agus samhradh, agus geamhradh, agus là, agus oidhche.

CAIB. IX.

1 Bheannaich Dia Noah. 8 Dhaingnich e a choimh-cheangal ris-san agus r'a shliochd, le comharadh a' bhogha-fhroise. 20 Thòisich Noah air a bhi 'n a theabhaiche, agus shuidhich e fion-bios. 22 Cionta a mhic Haim. 29 Aois agus bàs Noah.

AGUS bheannaich Dia Noah agus a mhic, agus thubhairt e ri, Sìolachibh, agus fasaibh lionmhor, agus lionaibh an talamh.

2 Agus bithidh bhur n-eagal agus bhur fiamhas air uile bheathaichibh na talmhainn, agus air uile eunlaith nan spéur, air gach ni a ghluais-eas air an talamh, agus air uile iasgaibh na mara; d'ur làmh-sa tha iad air an tabhairt.

3 Bithidh gach ni gluasadach a tha beò, dhuibh mar bhiadh; amhuil mar an luibh ghoram thug mi dhuibh na h-uile nithean.

4 Ach feòil maille r'a beatha, eadhon a fuil, cha-n ith sibh.

5 Agus gu deimhin fuil bhur beatha-sa iarraidh mise; air làmh gach beathaich iarraidh mi i, agus air làmh an duine; air làmh bràthar gach duine iarraidh mi beatha an duine.

6 Ge b'e 'dhòirteas fuil duine, le duine dòirtear 'fhuil-san; oir ann an dealbh Dhé rinn e an duine.

7 Agus bithibh-sa sìolmhor, agus fasaibh lionmhor, ginibh air an talamh, agus fasaibh lionmhor ann.

8 Agus labhair Dia ri Noah, agus r'a mhic maille ris, ag ràdh,

9 Agus mise, feuch, daingnichidh mi mo choimh-cheangal ribhse, agus ri'r sliochd 'n ur dèigh.

10 Agus ris gach uile chreutair beò a tha maille ribh, de eunlaith, de spréidh, agus de uile bheathaichibh na talmhainn maille ribh, o gach uile 'tha 'dol a mach as an àire, gu uile bheathaichibh na talmhainn.

11 Agus daingnichidh mi mo choimh-cheangal ribh, agus cha sgriosar gach uile fhèidh tuille le h-uisgibh na dìle: agus cha bhi dìle ann ni's mò a sgrios na talmhainn.

12 Agus thubhairt Dia, So comharadh a' choimhcheangail a *tha* mi 'toirt eadar mise agus sibhse, agus gach creutair beò a *tha* maille ribh, air feadh ghinealach sìorruidh:

13 Mo bhogha cuiridh mi anns an neul, agus bithidh e 'n a chomharadh coimhcheangail eadar mise, agus an talamh.

14 Agus tarlaidh, 'n uair a bheir mi neul os ceann na talmhainn, gu'm faicear am bogha anns an neul.

15 Agus cuimhnichidh mi mo choimhcheangail, a *tha* eadar mise agus sibhse, agus gach creutair beò de'n uile fheadh; agus cha-n fhàs nì's mò na h-uiseachan 'n an dile a sgrios gach uile fheadh.

16 Agus bithidh am bogha anns an neul, agus amhaireidh mi air, chum as gu'n cuimhnich mi 'n coimhcheangail sìorruidh eadar Dia agus gach creutair beò de'n uile fheadh, a *tha* air an talamh.

17 Agus thubhairt Dia ri Noah, So comharadh a' choimhcheangail, a dhaingnich mi eadar mi féin agus gach uile fheadh a *tha* air an talamh.

18 Agus b'iad mic Noah a chaidh a mach as an àire, Sem, agus Ham, agus Iaphet: agus b'e Ham athair Chanaan.

19 *Is iad* sin triuir mhac Noah: agus leo sin lìonadh an talamh uile.

20 Agus thòisich Noah air a *bhi* 'n a fhearsaoithreach na talmhainn, agus shuidhich e fion-ghlàradh.

21 Agus dh'òl e de'n fhìon, agus bha e air mhìsg, agus bha e lomnochd a stigh 'n a bhùth.

22 Agus chunnaic Ham, athair Chanaan, nochd athar, agus dh'innis e d'a dhà bhràthair a muigh.

23 Agus ghabh Sem agus Iaphet brat, agus chuir iad le 'chéile air an guailnibh e, agus chaidh iad 'n comhair an cùil, agus chòmhraidh iad nochd an athar; agus *bha* 'n aghaidhean air an ais, agus cha-n fhac' iad nochd an athar.

24 Agus dhùisg Noah o 'fhìon, agus thuig e ciod a rinn a mhac a b'òige air.

25 Agus thubhairt e, Mallachte *gu'n robh* Chanaan; 'n a sheirbhiseach nan seirbhiseach bithidh e d'a bhràithribh.

26 Agus thubhairt e, Beannaichte *gu'n robh* Tighearn Dia Sheim; agus bithidh Chanaan 'n a sheirbhiseach dha.

27 Nì Dia Iaphet farsaing, agus còmhnuichidh e ann am bùthaibh Sheim; agus bithidh Chanaan 'n a sheirbhiseach dha.

28 Agus bha Noah beò an dèigh na dile trì cheud, agus leth-cheud bliadhna.

29 Agus b'iad uile làithean Noah naoi ceud, agus leth-cheud bliadhna: agus fluair e bàs.

CAIB. X.

1 *Ginealach Noah.* 2 *Mic Iaphet.* 6 *Mic Haim.* 15 *Sliochd Chanaan.* 21 *Mic Sheim.*

A NIS *is iad* sin ginealach mhac Noah; Sem, Ham, agus Iaphet: agus rugadh dhoibh mic an dèigh na dile.

2 Mic Iaphet; Gomer, agus Magog, agus Madai, agus Iabhan, agus Tubal, agus Mesekh, agus Tiras.

3 Agus mic Ghomeir; Ascenas, agus Riphath, agus Togarmah.

4 Agus mic Iabhain; Elisa, agus Tarsis, Citim, agus Dodanim.

5 Leo sin roinneadh eileanan nan cinneach 'n an tìrìbh féin, gach aon a reir a theanga, a réir an teaghlach, 'n an cinneachibh.

6 Agus mic Haim; Cush, agus Misraim, agus Phut, agus Canaan.

7 Agus mic Chuis; Seba, agus Habbilah, agus Sabtah, agus Raamah, agus Sabtecha: agus mic Raamah; Seba, agus Dedan.

8 Agus ghin Cush Nimrod: thòisich esan air a bhi cumhachdach 's an talamh.

9 Bha e 'n a shealgair cumhachdach an làthair an Tighearna: Uime sin theirear, Amhuil mar Nimrod an sealgair cumhachdach an làthair an Tighearna.

10 Agus b'e toiseach a rìoghachd Bàbel, agus Erech, agus Acad, agus Calneh, ann an tìr Shinair.

11 As an tìr sin chaidh a mach Asur, agus thog e Ninebheh, agus baile Rehobot, agus Calah,

12 Agus Resen eadar Ninebheh agus Calah: *is* baile mòr sin.

13 Agus ghin Misraim Ludim, agus Ananim, agus Lehabim, agus Naphtuhim,

14 Agus Patrusim, agus Casluhim, (o 'n d'fhàinig a mach Philistim) agus Caphtorim.

15 Agus ghin Canaan Sidon a cheud-ghin, agus Het,

16 Agus an Iebusach, agus an t-Amorach, agus an Girgasach,

17 Agus an t-Ibheach, agus an t-Harcach, agus an Sineach,

18 Agus an t-Arbhadach, agus an Semarach, agus an t-Hamatach: agus 'n a dhéigh sin sgaoileadh a mach teaghlach nan Canaanach.

19 Agus bha crìoch nan Canaanach o Shidon, mar a thig thu gu Gerar gu ruig Gadsa, mar a théid thu gu Sodòm agus Gomorrah, agus Admah, agus Seboim, gu ruig Lasa.

20 *Is iad* sin mic Haim, a réir an teaghlach, a réir an teangan, 'n an tìrìbh, agus 'n an cinneachibh.

21 Agus do Shem féin mar an ceudna, athair chloinn Ebeir uile, bràthair Iaphet a bu shine, rugadh clann.

22 Clann Sheim; Elam, agus Asur, agus Arphacsad, agus Lud, agus Aram.

23 Agus clann Aram; Uds, agus Hul, agus Geter, agus Mas.

24 Agus ghin Arphacsad Salah, agus ghin Salah Eber.

25 Agus do h-Eber rugadh dithis mhac: b'e ainm aoin diubh Peleg, (oir 'n a làith-

ibh-san roinneadh an talamh); agus ainm a bhràthar, Ioctan.

26 Agus ghin Ioctan Almodad, agus Seleph, agus Hadsarmabhet, agus Ierah, 27 Agus Hadoram, agus Udsal, agus Diclah, 28 Agus Obal, agus Abimael, agus Seba, 29 Agus Ophir, agus Habbilah, agus Iobab: b'iad sin uile mic Ioctan.

30 Agus bha'n àite-còmhnuidh o Mhesa, mar a thèid thu gu Sephar, beinn 's an àird an ear.

31 *Is iad* sin mic Sheim, a réir an teaghlaichean, a réir an teangan, 'n an tìrìbh, a réir an cinneacha.

32 *Is iad* sin teaghlaichean mhac Noah, a réir an ginealach, 'n an cinneachaibh: agus leo sin roinneadh na cinnich anns an talamh an déigh na dìle.

CAIB. XI.

1 *Aon chainnt air an talamh.* 3 *Tùr Bhabèil.* 10 *Ginealach Sheim.* 27 *Ginealach Therah,* athar Abram. 31 *Turus Therah o Ur gu Haran, agus a bhàs.*

AGUS bha'n talamh uile dh'aon tean-gaidh, agus na h-aon fhocail aig gach neach.

2 Agus 'n uair a bha iad air an turus o'n àird an ear, fhuair iad còmhnaidh ann an talamh Shìnnair, agus ghabh iad còmhnuidh an sin.

3 Agus thubhairt iad gach aon ri 'chéile, Thigibh, deanamaid clachan creadha, agus làn loisgeamaid iad: Agus bha 'chlach chreadha aca air son cloiche, agus bha làthach aca air son aoil.

4 Agus thubhairt iad, Thigibh, togamaid dhuinn féin baile, agus tò, aig am bi a mhlachd a' ruigheachd gu nèamh, agus deanamaid dhuinn féin ainm, air eagal gu'n sgaoilear o'chéile sinn air aghaidh na talmh-ainn uile.

5 Agus thàinig an Tighearn nuas a dh'fhaicinn a' bhaile, agus an tùir, a thog clann nan daoine.

6 Agus thubhairt an Tighearn, Feuch, is aon sluagh a th'ann, agus aon teanga ac' uile; agus thòisich iad air so a dheanamh: agus a nis cha bhacar dhiubh ni air bith, a smuainich iad a dheanadh.

7 Thigibh, rachamaid a sìos, agus cuireamaid an cainnt an sin thar a chéile, chum as nach tuig iad cainnt a chéile.

8 Mar sin sgaoil an Tighearn iad uaithe sin air aghaidh na talmhainn uile: agus sguir iad de thogail a' bhaile.

9 Uime sin thugadh Babel mar ainm air, a chionn ann an sin gu'n do chuir an Tighearn thar a' chéile cainnt na talmhainn uile: agus uaithe sin sgaoil an Tighearn iad air aghaidh na talmhainn uile.

10 *Is iad* sin ginealach Sheim: Bha Sem ceud bliadhna dh'aois, agus ghin e Arphacsad dà bhliadhna an déigh na dìle.

11 Agus bha Sem beò, an déigh dha Ar-

phacsad a ghintinn, cùig ceud bliadhna; agus ghin e mic agus nigheanan.

12 Agus bha Arphacsad beò cùig bliadhna deug 'ar fhichead, agus ghin e Salah.

13 Agus bha Arphacsad beò, an déigh dha Salah a ghintinn, ceithir cheud, agus trì bliadhna; agus ghin e mic agus nigheanan.

14 Agus bha Salah beò deich bliadhna fichead, agus ghin e Eber.

15 Agus bha Salah beò, an déigh dha Eber a ghintinn, ceithir cheud, agus trì bliadhna; agus ghin e mic agus nigheanan.

16 Agus bha Eber beò ceithir bliadhna deug 'ar fhichead, agus ghin e Peleg.

17 Agus bha Eber beò, an déigh dha Peleg a ghintinn, ceithir cheud, agus deich bliadhna fichead; agus ghin e mic agus nigheanan.

18 Agus bha Peleg beò deich bliadhna fichead; agus ghin e Reu.

19 Agus bha Peleg beò, an déigh dha Reu a ghintinn, dà cheud, agus naoi bliadhna; agus ghin e mic agus nigheanan.

20 Agus bha Reu beò dà bhliadhna dheug 'ar fhichead; agus ghin e Serug.

21 Agus bha Reu beò, an déigh dha Serug a ghintinn, dà cheud, agus seachd bliadhna; agus ghin e mic agus nigheanan.

22 Agus bha Serug beò deich bliadhna fichead; agus ghin e Nahor.

23 Agus bha Serug beò, an déigh dha Nahor a ghintinn, dà cheud bliadhna; agus ghin e mic agus nigheanan.

24 Agus bha Nahor beò naoi bliadhna fichead; agus ghin e Terah.

25 Agus bha Nahor beò, an déigh dha Terah a ghintinn, ceud, agus naoi bliadhna déug, agus ghin e mic agus nigheanan.

26 Agus bha Terah beò deich 'ustri fichead bliadhna; agus ghin e Abram, Nahor, agus Haran.

27 A nis *is iad* sin ginealach Therah: ghin Terah Abram, Nahor, agus Haran; agus ghin Haran Lot.

28 Agus fhuair Haran bàs roimh Therah 'athair, 's an tìr anns an d' rugadh e, ann an Ur nan Caldéach.

29 Agus ghabh Abram agus Nahor mnathan dhoibh féin: B'e ainm mnà Abram, Sarai; agus ainm mnà Nahor, Milcah, nighean Haran, athar Mhileah, agus athar Iscah.

30 Ach bha Sarai neo-thorrach; cha robh duine cloinne aice.

31 Agus ghabh Terah Abram a mhac, agus Lot mac Haran mac a mhic, agus Sarai a bhana-chliamhuinn, bean Abram a mhic; agus chaidh iad a mach maille ri u' h-Ur nan Caldéach, gu dol do thìr Chanaain: agus thàinig iad gu Haran, agus ghabh iad còmhnuidh an sin.

32 Agus b'iad làithean Therah dà cheud, agus cùig bliadhna: agus fhuair Terah bàs ann an Haran.

CAIB. XII.

- 1 *Gealladh Dhé do Abram a thaobh Chrìosd.*
 4 *Dh'imich Abram maille r'a mhnaoi agus ri Lot do Chanaan; ach a chionn gu'n robh gorta mhòr 's an tìr sin, chaidh e sìos do'n Eiphit.*
 14 *Thug Pharaoh rìgh na h-Eiphit Sarai uaih; ach an uair a thuig e gu'm bi a bhean i, leig e air falbh iad le 'chèile.*

A GUS thubhairt an Tighearn ri h-Abram, Rach a mach á d' dhùthaich, agus o d' dhìlsibh, agus á tigh d'athar, do'n tìr a nochdas mise dhuit.

2 Agus nì mi thu a' d' chinneach mòr, agus beannaichidh mi thu, agus nì mi d'ainm mòr: agus bithidh tu a'd' bheannachadh.

3 Agus beannaichidh mi iadsan a bheannaicheas thu, agus màllaichidh mi iadsan a mhallaicheas thu, agus annadsa beannaichear uile theaghlachan na talmhainn.

4 Agus dh'imich Abram, mar a labhair an Tighearn ris, agus chaidh Lot maille ris: agus bha Abram cùig bliadhna déug is trì fichead a dh'aois 'n uair a chaidh e mach á Haran.

5 Agus ghabh Abram Sarai a bhean, agus Lot mac a bhràthar, agus am maoin uile a chruinnich iad, agus na h-anaman a fhuair iad ann an Haran, agus chaidh iad a mach gu dol do thìr Chanaan; agus thàinig iad do thìr Chanaan.

6 Agus chaidh Abram air 'aghaidh 's an fhearnan gu àite Shicheim, gu còmhnaidh Mhoreh. Agus bha 'n Canaanach an sin 's an tìr.

7 Agus dh'fhoillsich an Tighearn e féin do Abram, agus thubhairt e, Do d' shìochd-sa bheir mise am fearann so: agus thog e'n sin altair do'n Tighearn, a dh'fhoillsicheadh dha.

8 Agus chaidh e as a sin gu sliabh air an taobh an ear de Bhetel, agus shuidhich e a bhùth, agus Betel aige air an taobh an iar, agus Hai air an taobh an ear: agus thog e 'n sin altair do'n Tighearn, agus ghairm e air ainm an Tighearna.

9 Agus dh'imich Abram, a' sìor-dhol air 'aghaidh mu dheas.

10 Agus bha gorta 's an tìr: agus chaidh Abram sìos do'n Eiphit, gu bhi air chuairt an sin, a chionn gu'n robh a' ghorta mòr 's an tìr.

11 Agus 'n uair a bha e dlùth do dhol a stigh do'n Eiphit, thubhairt e ri Sarai a bhean, Feuch a nìs, tha fios agam gur bean mhaiseach thusa ri amhare ort:

12 Uime sin, 'n uair a chi na h-Eiphitich thu, their iad, So a bhean; agus marbhadh iad mise, ach gleidhidh iad thusa beò.

13 Abair, guidheam ort, gur tu mo phiuthar, chum gu'n éirich gu maith dhomh air do sgàthsa; agus bithidh m' anam beò air do shonsa.

14 Agus 'n uair a thàinig Abram do'n Eiphit, chunnaic na h-Eiphitich a' bhean, gu'n robh i ro mhaiseach.

15 Chunnaic mar an ceudna ceannardan Pharaoh i, agus mhol iad i do Pharaoh: agus thugadh a steach a' bhean do thigh Pharaoh.

16 Agus bhuin e gu maith ri h-Abram air a sgàth-sa: agus bha aige caoraich, agus daimh, agus asaillean firionn, agus òglaich, agus banoglaich, agus asaillean boirionn, agus càmhaillean.

17 Agus bhuail an Tighearn Pharaoh agus a thigh le plàighibh mòra, air son Sharai mnà Abram.

18 Agus ghairm Pharaoh air Abram, agus thubhairt e, Cìod so a rinn thu orm? c'ar son nach d'innis thu dhomh gu'm 'bi so do bhean?

19 C'ar son a thubhairt thu, 'Si mo phiuthar i? Mar sin dh'fheudainn a gabhail do m' ionnsuidh mar mhnaoi: a nìs ma ta, feuch, do bhean; gabh i, agus bi 'g imeachd.

20 Agus thug Pharaoh àithne d' a dhaoineibh m'a thimchioll; agus chuir iad air falbh e féin, agus a bhean, agus gach nì a bh' aige.

CAIB. XIII.

- 1 *Phìll Abram as an Eiphit.* 7 *Dhealaich e ri Lot.* 14 *Dh'ath-nuadhaich Dia a ghealladh do Abram, agus d'a shìochd.*

A GUS chaidh Abram suas as an Eiphit, e féin, agus a bhean, agus gach nì a bh' aige, agus Lot maille ris, do'n taobh mu dheas.

2 Agus bha Abram ro shaoibhir ann an spréidh, ann an airgid, agus ann an òr.

3 Agus dh'imich e 'n a thurasuibh o'n taobh mu dheas eadhon gu Betel, gu ruig an t-àite anns an robh a bhùth 'an toiseach, eadar Betel agus Hai;

4 Gu àite na h-altarach a rinn e'n sin air tùs: agus ghairm Abram an sin air ainm an Tighearna.

5 Agus bha mar an ceudna aig Lot, a dh'imich maille ri h-Abram, caoraich, agus crodh, agus bàithean.

6 Agus cha robh am fearann comasach air an giùlan gu còmhnuidh a ghabhail cuid-eachd; oir bha am maoin mòr, agus cha b'urrainn iad còmhnuidh a ghabhail cuideachd.

7 Agus bha comhstri eadar buachaillean spréidhe Abram, agus buachaillean spréidhe Lot: agus bha 'n Canaanach, agus am Perid-scach 's an àm sin a chòmhnuidh 's an tìr.

8 Agus thubhairt Abram ri Lot, Na bith-eadh, guidheam ort, comhstri eadar mise agus thusa, agus eadar mo bhuachaillean agus do bhuachaillean-sa; oir is bràithrean sinn.

9 Nach 'eil an tìr uile romhad? Dealaich, guidheam ort, riumsa: ma ghabhas tusa dh'ionnsuidh na làimhe clìthe, an sin thèid mise dh'ionnsuidh na làimhe deise; agus ma thèid thusa dh'ionnsuidh na làimhe deise, an sin gabhadh mise dh'ionnsuidh na làimhe clìthe.

10 Agus thog Lot suas a shùilean, agus chuunnaic e còmharn Iordain uile, gu'n robh e gu léir air 'uisgeachadh gu maith, munn do sgrios an Tighearn Sodom agus Gomorrah, eadhon mar ghàradh an Tigh-earna, cosmhuil ri talamh na h-Eiphit, mar a thig thu gu Soar.

11 Agus thagh Lot dha féin còmharn Iordain uile; agus ghabh Lot a thurus o'n àird an ear, agus dhealaich na càirdean ri 'chéile.

12 Ghabh Abram còmharnidh ann an tìr Chanaain, agus ghabh Lot còmharnidh 'am bailtibh a' chòmharnaid, agus shuidhich e a bhùth aig Sodom.

13 Ach bha daoine Shodoim aingidh, agus 'n am peacaich 'am fianuis an Tighearna gu ro mhòr.

14 Agus thubhairt an Tighearn ri h-Abram, an déigh do Lot dealachadh ris, Tog a nis a suas do shùilean, agus amhaire o'n àit 'anns am bheil thu, gu tuath, agus gu deas, agus gus an àird an ear, agus an iar:

15 Oir am fearann uile a tha thu a' faicinn, dhuitse bheir mi e, agus do d' shliochd gu bràth.

16 Agus ni mi do shliochd mar dhuslach na talmhainn; ionnas ma bhios e'n comas do dhuine duslach na talmhainn àireamh, an sin gu'n àirmhear do shliochd-sa mar an ceudna.

17 Eirich, imich air feadh an fhearainn, 'n a fhad, agus 'n a leud, oir dhuitse bheir mi e.

18 Agus dh' atharraich Abram a bhùth, agus thàinig e, agus ghabh e còmharnidh ann an còmharn Mhamre, a tha ann an Hebron; agus thog e'n sin altair do'n Tigh-earn.

CAIB. XIV.

1 Cath nan ceithir rìghrean ri cùig. 12 Rinn-eadh Lot 'n a phrìosanach; 14 ach saoradh e le Abram. 15 Bheannaich Melchisedec Abram.

AGUS tharladh ann an làithibh Amraphel rìgh Shinar, Arioich rìgh Elasaìr, Chedorlaomeir rìgh Elaim, agus Thidail rìgh nan cinneach;

2 Gu'n d' rinn iad sin cogadh ri Bera rìgh Shodoim, agus ri Birsar rìgh Ghomorrah, Sinab rìgh Admah, agus Semeber rìgh Sheboim, agus rìgh Bhela, eadhon Shoaìr.

3 Chaidh iad sin uile ann an comh-bhoinn ri 'chéile ann an gleann Shidim, a tha nis 'n a fhaighe shalainn.

4 Dà bhliadhna dhéug rinn iad seirbhis do Chedorlaomer, agus anns an treas bliadhna deug rinn iad ceannaire.

5 Agus anns a' cheathramh bliadhna deug thàinig Cedorlaomer, agus na rìghrean a bha maille ris, agus bhuail iad na Rephaimich ann an Asterot Carnaim, agus na Susimich ann an Ham, agus na h-Emimich ann an Sabbeh Ciriataim.

6 Agus na Horich 'n an sliabh Seir, gu ruig El-paran, a tha làimh ris an fhàsach.

7 Agus phill iad, agus thàinig iad gu Henmispat, eadhon Cades, agus bhuail iad dùth-aich nan Amaleeach uile, agus mar an ceudna na h-Amoraich, a bha 'chòmharnidh ann an Haseson Tamar.

8 Agus chaidh rìgh Shodoim a mach, agus rìgh Ghomorrah, agus rìgh Admah, agus rìgh Sheboim, agus rìgh Bhela (eadhon Shoaìr,) agus chuir iad cath riu ann an gleann Shidim;

9 Ri Cedorlaomer rìgh Elaim, agus ri Tidal, rìgh nan cinneach, agus ri h-Amraphel rìgh Shinar, agus ri h-Arioich rìgh Elasaìr; ceithir rìghrean ri cùig.

10 Agus bha gleann Shidim làn de shluichd làthaich; agus theich rìgh Shodoim, agus rìgh Ghomorrah, agus thuit iad an sin; agus iadsan a mhair, theich iad do'n t-sliabh.

11 Agus thug iad leo uile mhaoìn Shodoim agus Ghomorrah, agus am biadh uile, agus dh'imich iad.

12 Agus thug iad leo Lot, mac bràthar Abram (a bha 'chòmharnidh ann an Sodom) agus a mhaoìn, agus dh'imich iad.

13 Agus thàinig a h-aon a chaidh as, agus dh'innis e do Abram an t-Eabhruidheach, a bha 'chòmharnidh ann an còmharn Mhamre an Amoraich, bràthar Escoil, agus bràthar Aneir; agus bha iad sin ann an comh-bhoinn ri h-Abram.

14 Agus 'n uair a chuala Abram gu'n do ghlacadh a bhràthair 'n a phrìosanach, dh'armaich e a sheirbhisich iunnsaichte, a rugadh 'n a thigh féin, tri cheud, agus ochd-deug; agus lean e iad gu Dan.

15 Agus roinn se e féin 'n an aghaidh 's an oidhche, e féin agus a sheirbhisich, agus bhuail e iad, agus lean e iad gu Hoba, a tha air an làimh chli de Dhamascus.

16 Agus thug e air ais a' mhaoìn uile, agus mar an ceudna thug e air ais a bhràthair Lot, agus a mhaoìn; agus mar an ceudna na mnathan, agus an sluagh.

17 Agus chaidh rìgh Shodoim a mach 'n a choinneamh, an déigh dha pilltinn o mharbhadh Chedorlaomeir, agus nan rìghrean a bha maille ris, aig gleann Shabbeh, eadhon gleann an rìgh.

18 Agus thug Melchisedec rìgh Shàleim a mach aran agus fion: agus 'vesan sagart an Dé a's ro àirde.

19 Agus bheannaich se e, agus thubhairt e, Beannaichte gu'n robh Abram o'n Dia a's ro àirde, sealbhadair nèimh, agus na talmhainn.

20 Agus beannaichte gu'n robh an Dia a's ro àirde, a thug thairis do naimhdean do d'làimh. Agus thug e dha deachamh de gach ni.

21 Agus thubhairt rìgh Shodoim ri h-Abram, Thoir dhomhsa na daoine, agus gabh a' mhaoìn dhuit féin.

22 Agus thubhairt Abram ri rìgh Shodoim, Thog mi mo làimh a suas ris an Tighearn

an Dia a's ro àirde, Sealbhadair nèimh agus na talmhainn.

23 Nach gabh mi o shnàthainn, eadhon gu h-éill bròige, agus nach gabh mi *'bheag* a dh'aon ni a's leatsa, chum as nach abair thu, Rinn mi Abram beartach?

24 Saor a mhàin o na dh'ith na h-òganaich, agus o chuibhrionn nan daoine a chaidh maille rium, Aner, Escol, agus Mamre; gabhadh iadsan an cuibhrionn.

CAIB. XV.

1 *Tha Dia a' toirt misnich agus sòlais a dh' Abram.* 4 *Tha e a' gealltainn dha oighre, agus sliochd ro lionmhòr.* 6 *Tha Abram air 'fhàreanachadh tre chreidimh, &c.*

AN déigh nan nithean sin thàinig focal an Tighearna gu h-Abram ann an taisbeanadh, ag ràdh, Na bitheadh eagal ort, Abram: *Is mise do sgiath, agus do dhuais ro mhòr.*

2 Agus thubhairt Abram, A Thighearna Dhé, ciod a bheir thu dhomh, is mi 'g im-eachd gun chloinn, agus *gur e* Eliéser so o Dhamascus fear-riaghlaidh mo thighe?

3 Agus thubhairt Abram, Feuch, dhomhsa cha d'thug thu sliochd *air bith*: agus, feuch, *is e* neach a rugadh a'm' thigh a's oighre orm.

4 Agus, feuch, *thàinig* focal an Tighearna d'a ionnsuidh, ag ràdh, Cha bhi e so 'n a oighre ort; ach esan a thig a mach á d'inn-bh féin, bithidh e 'n a oighre ort.

5 Agus thug e leis a mach e, agus thubhairt e, Amhaire a nis a suas gu nèamh, agus àir na reultan, ma's urrainn thu'n àireamh: Agus thubhairt e ris, Mar so bithidh do shliochd.

6 Agus chreid e anns an Tighearn; agus mheas e sin dha mar ionracas.

7 Agus thubhairt e ris, *Is* mise an Tighearn a thug a mach thusa á h-Ur nan Caldeach, a thoirt dhuit an fhearainn so, chum a shealbhachadh mar oighre.

8 Agus thubhairt esan, A Thighearna Dhé, cia leis a bhios fios agam gu'n sealbhaich mi e?

9 Agus thubhairt e ris, Gabh dhomhsa agh 'thri bliadhna dh'aois, agus gabhar 'thri bliadhna dh'aois, agus reithe 'thri bliadhna dh'aois, agus turtur, agus columan òg.

10 Agus ghabh e dha féin iad sin uile, agus roinn e iad 's a' mheadhon, agus chuir e gach aon de na mìribh fa chomhair a leth-bhreac; ach cha do roinn e na h-èòin.

11 Agus 'n uair a thàinig an eunlaith a nuas air na cairbhean, dh'fhuadaich Abram air falbh iad.

12 Agus 'n uair a bha 'ghrian a' dol fodha, thuit codal trom air Abram; agus, feuch, thuit uamhann dorchadais mhòir air.

13 Agus thubhairt e ri h-Abram, Bitheadh fios gu cinnteach agad, gu'm bi do shliochd 'n an coigrich ann an dùthaich nach leò féin;

agus ni iad seirbhis dhoibh, agus buinidh iad gu cruaidh riu ceithir cheud bliadhna.

14 Agus mar an ceudna air a' chinneach sin d'an dean iad seirbhis, bheir mise breth: agus 'n a dhéigh sin thig iad a mach le maoin mhòir.

15 Agus théid thusa dh'ionnsuidh d'aithrichean 'an sìth; adhlacair thu 'an deadh shean aois.

16 Ach anns a' cheathramh linn thig iad an so air an ais, oir cha-n' *eil* aingidheachd nan Amoraich fathast làn.

17 Agus 'n uair a bha 'ghrian air dol fodha, bha dorchadas ann; agus, feuch, àmhuinn dheataich agus leus teine, a chaidh eadar na mìribh sin.

18 Air an là sin féin rinn an Tighearn coimhcheangal ri h-Abram, ag ràdh, Do d' shliochdasa thug mi am fearann so, o amhainn na h-Eiphit, gu ruig an amhainn mhòr, amhainn Euphrates:

19 Na Cenich, agus na Cenidsich, agus na Cadmonaich,

20 Agus na Hitich, agus na Peridsich, agus na Rephaimich,

21 Agus na h-Amoraich, agus na Canaan- aich, agus na Girsaisich, agus na Iebusaich.

CAIB. XVI.

1 *Tha Sarai a' toirt Hagair a banoglaich a dh' Abram mar mhnaoi.* 4 *'N uair a rinn i tàir air a banamhaighstir, bhuin ise gu cruaidh rithe, agus theich i air falbh.* 9 *Thug aingeal an Tighearn' air a h-ais i, &c.*

ANIS cha d'rug Sarai, bean Abram clann dha; agus bha banoglach Eiphiteach aice, d'am b'ainm Hagar.

2 Agus thubhairt Sarai ri h-Abram, Feuch a nis, chum an Tighearn mi o *chloinn* a bhreith: rach a steach, guidheam ort, a dh'ionnsuidh mo bhanoglaich; theagamh gu'm faigh mi clann leathasa. Agus dh'éisd Abram ri guth Sharai.

3 Agus ghabh Sarai, bean Abram, Hagar a' bhan-Eiphiteach, a banoglach féin, an déigh do Abram còmhnuidh 'ghabhail deich bliadhna ann an tìr Chanaan, agus thug si i d'a fear Abram, gu bhi aige mar mhnaoi.

4 Agus chaidh esan a steach gu Hagar, agus dh'fhàs i torrach: agus 'n uair a chunnaic i gu'n d'fhàs i torrach, bha a bana-mhaighstir tàireil 'n a sùilbh.

5 Agus thubhairt Sarai ri h-Abram, *Bith-eadh* m'eucoir ortsa: thug mi mo bhanoglach do d' uchd; agus 'n uair a chunnaic i gu'n d'fhàs i torrach, bha mise tàireil 'n a sùilbh: Gu'n d' thugadh an Tighearn breth eadar mise agus thusa.

6 Ach thubhairt Abram ri Sarai, Feuch, *tha* do bhanoglach a' d' làimh féin, dean rithe mar is àill leat. Agus an uair a bhuin Sarai gu cruaidh rithe, theich i o 'gnàis.

7 Agus fhuair aingeal an Tighearn' i làimh ri tobar uisge 's an fhàsach, làimh ris an tobar 's an t-slighe gu Sur.

8 Agus thubhairt e, A Hagair, a bhano-
glach Sharai, cia as a thàinig thu, agus
c'aithe' bheil thu 'dol? Agus thubhairt ise,
Tha mi a' teicheadh o ghnùis Sharai mo
bhanamhaighstir.

9 Agus thubhairt aingeal an Tighearna
rithe, Pill a dh'ionnsuidh do bhanamhaigh-
stir, agus ùmhlaich thu fèin fa làmh.

10 Agus thubhairt aingeal an Tighearna
rithe, Meudaichidh mise gu mòr do shliochd,
agus cha-n àirmhear e thaobh lìonmhoir-
eachd.

11 Agus thubhairt aingeal an Tighearna
rithe, Feuch, *tha* thu torrach, agus beiridh
tu mac, agus bheir thu Ismael mar ainm
air, a chionn gu'n d' èisd an Tighearn ri d'
an-shocair.

12 Agus bithidh e 'n a dhuine fiadhaich;
bithidh a làmh an aghaidh gach *duine*, agus
làmh gach *duine* 'n a aghaidh-san: agus 'am
fianuis a bhràithrean uile gabhaidh e còmh-
nuidh.

13 Agusghoir i ainm an Tighearn 'alabhair
rithe, Thusa Dhé *a tha* 'g am fhaicim; oir
thubhairt i, An e gu'n robh agams' ann an
so mar an ceudna sùil ris an Tì sin a tha
'g am fhaicim?

14 Uime sin ghoir i de'n tobar, Beer-la-hai-
roi; feuch, *tha* e eadar Cades agus Bered.

15 Agus rug Hagar mac do Abram: agus
thug Abram Ismael mar ainm air a mhac,
a rug Hagar.

16 Agus bha Abram ceithir fichead agus sè
bliadhna dh'aois, 'n uair a rug Hagar Ismael
do Abram.

CAIB. XVII.

1 Coimhcheangal Dhé ri h-Abram air 'ath-
nuadhachadh, agus 'ainm air 'atharrachadh
'gu Abraham. 9 An timchioll-ghearradh air
'orduchadh. 16 Isaac air a ghealltainn.

AGUS 'n uair a bha Abram ceithir fichead
agus naoi bliadhna déug a dh'aois,
dh'fhoillsich an Tighearn e fèin dha, agus
thubhairt e ris, *Is* mise 'n Dia uile-chumh-
achdach; gluais thusa a'm' fhianuis, agus
bi foirfe.

2 Agus ni mi mo choimhcheangal eadar
mise agus thusa, agus meudaichidh mi thu
gu h-anabarrach.

3 Agus thuit Abram air 'eudan, agus
labhair an Tighearn ris, ag ràdh,

4 Do m' thaobhsa, feuch, *tha* mo choimh-
cheangal riutsa, agus bithidh tu a' d' athair
mhòran chinneach:

5 Agus nì'n toirear á so a mach Abram
mar ainm ort, ach bithidh Abraham agad
mar ainm; oir rinn mi thu a' d' athair
mhòran chinneach.

6 Agus nì mi thu ro shìolmhor, agus nì
mi dhìot cinnich, agus thig rìghrean a mach
asad.

7 Agus daingnichidh mi mo choimhcheangal
eadar mise agus thusa, agus do shliochd a'd'
dhéigh, 'n an ginealachaihl, mar choimh-

cheangal sìorruidh, gu bhi 'm' Dhia dhuitse,
agus do d' shliochd a'd' dhéigh.

8 Agus bheir mi dhuitse, agus do d' shliochd
a'd' dhéigh, am fearann anns an *is* eil thu
a'd' choigreach, tìr Chanaain uile, mar
sheilbh sìorruidh; agus bithidh mise a'm'
Dhia dhoibh.

9 Agus thubhairt Dia ri h-Abram, Coi-
mhididh tu uime sin mo choimhcheangal,
thu *fèin*, agus do shliochd a'd' dhéigh, 'n an
ginealachaihl.

10 So mo choimhcheangal, a choimhideas
sibh, eadar mise agus sibhse, agus do
shliochd a'd' dhéigh; Gu'n timchioll-ghear-
rar gach leanabh mic 'n 'ur measg.

11 Agus timchioll-ghearraidh sibh feòil
bhur roimh-chroicinn, agus bithidh e 'n a
chomhar' air a' choimhcheangal eadar mise
agus sibhse.

12 Agus am mac 'n 'ur measg a bhios ocha
làithean a dh'aois, timchioll-ghearrar e, gach
leanabh mic 'n 'ur ginealachaihl, esan a
bheirear 's an tigh, no 'cheannaichear le h-
airgiod o choigreach air bith, nach 'eil do
d'shliochd-sa.

13 Timchioll-ghearrar gu cinnteach esan a
bheirear a'd' thigh, agus esan a chean-
naichear le d'airgiod: agus bithidh mo
choimhcheangal 'n 'ur feoil-sa mar choimh-
cheangal sìorruidh.

14 Agus an leanabh mic neo-timchioll-
ghearrta, aig nach timchioll-ghearrar feoil
a roimh-chroicinn, gearrar an t-anam sin
a mach o 'shluagh: bhris e mo choimh-
cheangal.

15 Agus thubhairt Dia ri h-Abram, A
thaobh Sharai do mhnà, cha toir thu Sarai
mar ainm oirre, oir *is e* Sarah a h-ainm.

16 Agus beannaichidh mis' i, agus bheir mi
dhuit mar an ceudna mac uaipe: seadh,
beannaichidh mi i, agus bithidh i 'n a
màthair chinneach; thig rìghrean phoib-
leach uaipe.

17 An sin thuit Abraham air 'aghaidh, agus
rinn e gàire; agus thubhairt e 'n a chridhe,
Am beirear *mac* dhasan a tha ceud bliadhna
dh'aois? Agus am beir Sarah, a tha deich
agus ceithir fichead bliadhna dh'aois, *mac*?

18 Agus thubhairt Abraham ri Dia, O gu
maireadh Ismael beò a'd' fhianuis!

19 Agus thubhairt Dia, Gu cinnteach
beiridh do bhean Sarah mac dhuit; agus
bheir thu Isaac mar ainm air: agus daing-
nichidh mise mo choimhcheangal ris mar
choimhcheangal sìorruidh, agus r'a shliochd
'n a dhéigh.

20 Agus a thaobh Ismael, chuala mi thu
Feuch, bheannaich mi e, agus nì mi sìolmho-
e, agus cuiridh mi 'n lìonmhoireachd e gu
h-anabarrach. Dà cheannard deug gimidh
e, agus nì mi e 'n a chinneach mòr.

21 Ach mo choimhcheangal daingnichidh
mi ri h-Isaac, a bheireas Sarah dhuit 's an
am so anns an ath bliadhna.

22 Agus sguir e 'bhi 'labhairt ris; agus chaidh Dia suas o Abraham.

23 Agus ghabh Abraham Ismael a mhac, agus iadsan uile a rugadh 'n a thigh, agus iadsan uile a cheannaicheadh le 'airgid-san, gach firionnach am measg dhaoine tìghe Abraham; agus thimchioll-ghearr e feoil an roimh-chroicinn anns a' cheart là sin féin, mar a thubhairt Dia ris.

24 Agus bha Abraham ceithir fichead agus naoi bliadhna deug a dh' aois, 'n uair a thimchioll-ghearradh dha feoil a roimh-chroicinn.

25 Agus bha Ismael a mhac tri bliadhna deug a dh'aois, 'n uair a thimchioll-ghearradh dha feoil a roimh-chroicinn.

26 Anns a' cheart là sin féin thimchioll-ghearradh Abraham, agus Ismael a mhac.

27 Agus thimchioll-ghearradh maille ris uile dhaoine a thighe, a rugadh 'n a thigh, agus iadsan a cheannaicheadh le 'airgid o mhac coigrieih.

CAIB. XVIII.

1 Tha Abraham a' toirt aoidheachd do thrìuir ainglean. 17 Tha sgrìos Shodoim air 'fhoill-seachadh dha. 23 Tha e a' deanamh eadar-ghuidhe air a shon.

AGUS dh'fhoillsich an Tighearn e féin da ann an còmhnaid Mhamre, agus e 'n a shuidhe 'an dorus a' bhùtha ann an teas an là.

2 Agus thog e suas a shùilean, agus dh'amhairc e, agus, feuch, bha trìuir dhaoine a' seasamh làimh ris; agus 'n uair a chunnaic e iad, ruith e 'n an coinneamh o dhorus a' bhùtha, agus chrom se e féin gu làr,

3 Agus thubhairt e, Mo thighearna, ma fhuair mi nis deadh-ghean a'd' shùilibh, guidheam ort, na rach seachad air do sheirbheiseach.

4 Thugar an so, guidheam oirbh; beagan uisge, agus ionnlaidibh blur cosan, agus leigibh blur n-anail fo 'n chraoibh;

5 Agus bheir mise an so greim arain, agus neartaichibh blur cridhe: an déigh sin imichidh sibh roimhibh, oir is ann uime sin a thàinig sibh a dh'ionnsuidh bhur seirbhisich. Agus thubhairt iadsan, Dean cadhion mar a thubhairt thu.

6 Agus ghracas Abraham do'n bhùth a dh'ionnsuidh Sarah, agus thubhairt e, Dean cabhag, taoisinn tri mìosairean de mhin phlùir agus dean breacagan air lic an tein-tein.

7 Agus ruith Abraham a dh'ionnsuidh a' chruidh, agus ghabh e laogh maoth agus maith, agus thug e dh'òganach e, agus rinn e deisir g'a dheasachadh.

8 Agus ghabh e im agus bainne, agus an laogh a dheasaich e, agus chuir e air am beulaobh iad; agus sheas e làimh riu fo 'n chraoibh, agus dh' ith iad.

9 Agus thubhairt iad ris, C'ait am bheil Sàrah do bhean? Agus thubhairt esan, Feuch, anns a' bhùth.

10 Agus thubhairt e, Gu cinnteach pillidh

mi a'd'ionnsuidh a réir àm na beatha; agus, feuch, bithidh mac aig Sarah do bhean. Agus chuala Sarah sin ann an dorus a' bhùtha, a bha air a chùil.

11 A nis bha Abraham agus Sàrah sean, agus air dol air an aghaidh gu naith ann an aois: agus sguir Sàrah a bhi réir dòigh nam ban.

12 Uime sinn rinn Sàrah gàire innte féin, ag ràdh, An déigh dhomhsa fas aosda, am bi subhachas agam, agus gu bheil mo thigh-earn aosda mar an ceudna?

13 Agus thubhairt an Tighearn ri b-Abraham, C'ar son a rinn Sàrah gàire, ag ràdh, 'N e gu'm beir mise gu cinnteach leanabh, agus mi aosmhor?

14 Am bheil ni air bith do-dheanta do 'n Tighearn? 'S an àm shuidhichte pillidh mi a'd'ionnsuidh, a réir àm na beatha, agus bithidh mac aig Sàrah.

15 An sin dh'aicheadh Sàrah, ag ràdh, Cha d' rinn mi gàire: oir bha eagaloirre. Agus thubhairt esan, Ni h-eadh, oir rinn thu gàire.

16 Agus dh'éirich na daoine as a sin, agus dh'amhairc iad rathad Shòdoim: agus chaidh Abraham maille riu g'an cur air an t-slighe.

17 Agus thubhairt an Tighearn, An ceil mi air Abraham an ni sin a tha mi gus a dheanamh;

18 Agus gu'm fas Abraham gu cinnteach 'n a chinneach mòr agus cumhachdach, agus gu'm beannaichear annsan uile chinnich na talmhainn?

19 Oir is aithne dhomh e, gu'n toir e àithne d'a chloinn, agus d'a theaghlach 'n a dhéigh, agus gleidhidh iadsan slighe an Tighearna, a' deanamh ceartais agus breitheanais; chum as gu'n toir an Tighearn air Abraham an ni sin a labhair e m'a thimchioll.

20 Agus thubhairt an Tighearn, Do bhrìgh gu bheil glaoth Shodoim agus Ghomorrah mòr, agus do bhrìgh gu bheil am peacadh air 'antromachadh gu h-anabarrach;

21 Théid mi sìos a nis, agus chi mi ma rinn iad gu léir a réir a' ghlaoidh, a thàinig a' m' ionnsuidh; agus mar do rinn, bithidh fios agam.

22 Agus thionndaidh na daoine an aghaidh as a sin, agus ghabh iad an t-slighe gu Sodom: ach sheas Abraham fathast an làthair an Tighearna.

23 Agus thàinig Abraham am fagus, agus thubhairt e, An sgrìos thusa mar an ceudna an t-ionracan maille ris an aingidh?

24 Ma's e's gu bheil leth-cheud ionracan an taobh a stigh d'en bhaile, an sgrìos thu mar an ceudna, agus nach caomhain thu 'n t-àitair son an leth-cheud ionracan a tha ann.

25 Gu ma fada uaitse a dheanamh air an dòigh so, an t-ionracan a mharbhadh maille ris an aingidh, ionnas gu'm bi an t-ionracan mar an t-aingidh: gu ma fada sin uaitse. Nach dean Breitheamh na talmhainn uile ceartas?

GENESIS, XIX.

26 Agus thubhairt an Tighearn, Magheibh mi ann an Sodom leth-cheud ionracan an taobh a stigh de'n bhaile, an sin caomhnaidh mi an t-àit uile air an sgàthsan.

27 Agus fhreagair Abraham, agus thubhairt e, Feuch a nis, ghabh mi orm féin labhairt ri m' Thighearn, agus gun annam ach duslach agus luathre.

28 Ma's e's gu'm bi cùgear a dh'uireas-bhuidh air an leth-cneud ionracan, an sgrios thu'm baile uile air son *casbhuidh* chùigir? Agus thubhairt e, Cha sgrios mi e, ma gheibh mi'n sin cùig agus dà fhichead.

29 Agus labhair e ris a ris, agus thubhairt e, Ma's e's gu'm faighear an sin dà fhichead? Agus thubhairt e, Cha dean mi e air sgàth dhà fhichead.

30 Agus thubhairt e ris, Och! na bitheadh fearg air mo Thighearn, agus labhraidh mi: Ma's e's gu'm faighear an sin deich 'ar fhichead? Agus thubhairt e, Cha dean mi e, ma gheibh mi an sin deich 'ar fhichead.

31 Agus thubhairt e, Feuch a nis, ghabh mi orm féin labhairt ri m' Thighearn: Ma's e's gu'm faighear fichead an sin? Agus thubhairt e, Cha sgrios mi e air son fhichead.

32 Agus thubhairt e, Och! na bitheadh fearg air mo Thighearn, agus labhraidh mi mhàin an aon uair so: Ma's e's gu'm faighear deichnean an sin? Agus thubhairt e, Cha sgrios mi e air sgàth dheichnean.

33 Agus dh'imich an Tighearn roimhe, 'n uair a sguir e de labhairt ri h-Abraham: agus phill Abraham g'a àite féin.

CAIB. XIX.

1 *Tha Lot a' toirt aoidheadh do dhà aingeal.*
24 *Sodom agus Gomorrah air an sgrios.* 26 *Peanas mnà Lot.* 31 *Cionta a dh'ithis nighean.*

AGUS thàinig dà aingeal do Shodom's an fheasgar, agus bha Lot 'n a shuidhe ann an geata Shodom: agus 'n uair a chunnaic Lot iad, dh'èirich e suas 'n an coinneamh, agus chrom se e féin air 'aghaidh gu làr.

2 Agus thubhairt e, Feuch a nis, mo thighearnan, tionndaidhibh a steach, guidham oirbh, do thigh bhur seirbhisich, agus fanaibh rè na h-oidheche, agus ionnlaidibh bhur cosan, agus éiridh sibh gu moch, agus théid sibh air bhur turas. Agus thubhairt iad, Nì h-eadh, ach fanaidh sinn air an t-sràid rè na h-oidheche.

3 Agus choimh-éignich e iad, agus thionndaidh iad d'a ionnsuidh, agus chaidh iad a steach d'a thigh: agus rinn e cuiridh dhoibh, agus dheasaich e aran neo-ghoirtichte, agus dh'ith iad.

4 Ach mu'n deachaidh iad a luidhe, chuairtich daoine a' bhaile an tigh, *eadhon* daoine Shodom, araon sean agus òg, an sluagh uile o gach cearna.

5 Agus ghairm iad air Lot, agus thubhairt iad ris, *Càit am bheil* na daoine a thàinig

ad' ionnsuidh an nochd? Thoir a mach iad d'ar n-ionnsuidh, eum as gu'n aithnich sinn iad.

6 Agus chaidh Lot a mach d'an ionnsuidh air an doras, agus dhruid e 'n doras 'n a dhéigh,

7 Agus thubhairt e, Na deanaibh, guidham oirbh, mo bhràithre, gnìomh cho òle.

8 Feuch a nis, tha agam dithis nighean do nach b'aithne fear; leigibh leam, guidham oirbh, an toirt a mach d'ur n-ionnsuidh, agus deanaibh riu mar is àill leibh: a mhàin air na daoineibh so na deanaibh a' bheag, oir is ann a chum na crìche so a thàinig iad fo sgàile mo thighe-sa.

9 Agus thubhairt iadsan, Seas air d'ais. Agus thubhairt iad a ris, Thàinig am fear so 'n a aonar air chuairt, agus is àill leis a bhì 'n a bhreitheamh: a nis buinidh sinne riutsa nì's miosa na riu-san. Agus rinn iad éigin mhòr air an duine, *eadhon* air Lot, agus thàinig iad am fagus a bhriseadh an doruis.

10 Ach chuir na daoine mach an làmh, agus thug iad Lot a steach d'an ionnsuidh do'n tigh, agus dhùin iad an doras.

11 Agus bhuail iad na daoine, a *bha* aig doras an tìghe, le doille, eadar bheag agus mhòr; ionnas gu 'n do sgithich iad iad féin ag iarraidh an doruis.

12 Agus thubhairt na daoine ri Lot, Cò tuilleadh a th'agad an so? *Do* chliamhuin, agus do mhic, agus do nigheanan, agus ge b'e nì a tha agad 's a' bhaile, thoir a mach iad as an àite so:

13 Oir tha sinne gus an t-àite so a sgrios, do bhrìgh gu bheil an glaoth air fàs mòr an làthair an Tighearna; agus chuir an Tighearn sinne g'a sgrios.

14 Agus chaidh Lot a mach, agus labhair e r'a chleamhnaibh, a phòs a nigheanan, agus thubhairt e, Eiribh, rachaibh a mach as an àite so, oir tha'n Tighearn gus am baile so a sgrios: Ach bha e mar neach a bha ri fanoid ann an sùilibh a chleamhnan.

15 Agus 'n uair a dh'èirich a' mhaduinn, an sin ghreas na h-aingil Lot, ag ràdh, Eirich, gabh do bhean, agus do dhithis nighean a tha'n so, air eagal gu'n sgriosar thu ann an aingidheachd a' bhaile.

16 Agus 'n uair a bha e a' deannamh moille, an sin rug na daoine air làmh air, agus air làmh air a dhithis nighean; agus do'n Tighearn a bhi tròcaireach dha: agus thug iad a mach e, agus chuir iad e'n taobh a muigh de'n bhaile.

17 Agus 'n uair a thug iad a mach iad, thubhairt e, Teich air son d'anama; na seall a'd' dhéigh, agus na stad 's a' chòmhnard uile: teich do'n t-slabh, air eagal gu millcar thu.

18 Agus thubhairt Lot riu, Och! nì h-ann mar sin, mo thighearna.

19 Feuch a nis, thuaridh do sheirbhisich

deadh-ghean a'd' shùilbhl, agus mheudaich thu do thròcair, a nochd thu dhomhsa le m'anam a theasraiginn: agus cha-n urrainn mise dol as do'n t-sliabh, air eagal gu'n tig ole éigin orm, agus gu'm faigh mi bas.

20 Feuch a nis, *tha* 'm baile ud am fagus gu teicheadh d'a ionnsuidh, agus e beag; leigear dhomh a nis teicheadh an sud, (nach beag e?) agus bithidh m'anam beò.

21 Agus thubhairt e ris, Feuch, ghabh mi ri d'athchuinge 's an ni so mar an ceudna, nach sgrios mi'm baile so, mu'n do labhair thu.

22 Greas ort, teich an sud, oir cha-n urrainn mi ni air bith a dheanamh gus an téid thu'n sud: uime sin thugadh Soar mar ainm air a' bhaile.

23 Bha 'ghrian air éirigh air an talamh, 'n uair a chaidh Lot a steach do Shoar.

24 An sin thug an Tighearn air pronnase agus teine frasadh air Sodom agus air Gomorrah, a nuas o'n Tighearn as na ncamhann.

25 Agus sgrios e na bailtean sin, agus an còmhnaid uile, agus uile luchd-àiteachaidh nam bailtean, agus na dh'fhàs air an talamh.

26 Ach sheall a bhean 'n a déigh o'chù-laobh, agus dh'fhàs i 'n a carragh salainn.

27 Agus chaidh Abraham suas moch 's a' mhaduinn do'n àit anns an do sheas e an làthair an Tighearna.

28 Agus sheall e air Sodom agus Gomorrah, agus air fearann a' chòmhnaid uile, agus chunnaic e, agus feuch, chaidh deatach na tìre suas mar dheatach àmhainn.

29 Agus an uair a sgrios Dia bailtean a' chòmhnaid, an sin chumhnich Dia air Abraham, agus chuir e mach Lot a meadhan an léirsgrios, 'n uair a sgrios e na bailtean anns an robh Lot 'n a chòmhnuidh.

30 Agus chaidh Lot suas a Soar, agus ghabh e còmhnuidh 's an t-sliabh, agus a dhithis nighean maille ris; oir bha eagal air còmhnuidh 'ghabhail ann an Soar: agus ghabh e còmhnuidh ann an uaimh, e féin agus a dhithis nighean.

31 Agus thubhairt an té 'bu shine ris an té a b' oige, *Tha* ar n-athair sean, agus cha-n 'eil fear air an talamh gu teachd a steach d' ar n-ionnsuidh a réir gnàtha na talmhainn uile.

32 Thig, thugamaid air ar n-athair fion òl, agus luidheamaid maille ris, chum as gu'n gléidh sinn slìochd o ar n-athair.

33 Agus thug iad air an athair fion òl air an oidheche sin: agus chaidh an té 'bu shine steach, agus luidh i maille r'a h-athair: agus cha do mhothaich e 'n uair a luidh i sìos, no 'n uair a dh'éirich i.

34 Agus air an là-mhàireach thubhairt an té 'bu shine ris an té a b' oige, Feuch, luidh mise an raoir maille ri m' athair; thugamaid air fion òl an nochd mar an ceudna, agus theirig a steach, agus luidh maille ris,

chum as gu'n gléidh sinn slìochd o ar n-athair.

35 Agus thug iad air an athair fion òl air an oidheche sin mar an ceudna: agus dh'éirich an té a b' oige, agus luidh i maille ris, agus cha do mhothaich e 'n uair a luidh i sìos, no 'n uair a dh'éirich i.

36 Mar so bha dithis nighean Lot torrach aig an athair.

37 Agus rug an té 'bu shine mac, agus thug i Moab mar ainm air: is esan athair nam Moabach gus an là'n diugh.

38 Agus an té a b' oige, rug ise mar an ceudna mac, agus thug i Ben-ammi mar ainm air: is esan athair chloinn Ammoin gus an là'n diugh.

CAIB. XX.

1 *Tha Abraham ag àicheadh a mhna Sarah, agus Abimelech 'y a gabhail d'a ionnsuidh féin.*

6 *Ach air faotainn rabhaidh o Dhia ann an aising, tha e'g a toirt air a h-ais da.*

A GUS dh'imich Abraham as a sin do'n tìr mu dheas, agus ghabh e còmhnuidh eadar Cades agus Sur; agus bha e air chuairt ann an Gerar.

2 Agus thubhairt Abraham mu Shàrah a bhean, 'S i mo phiuthar i: Agus chuir Abimelech rìgh Ghèirair teachdaire uath, agus ghabh e Sarah.

3 Agus thàinig Dia gu Abimelech ann an aising 's an oidheche, agus thubhairt e ris, Feuch, is duine marbh thu air son na muà a ghabh thu; oir is bean duin' eile i.

4 Ach cha d'thàinig Abimelech am fagus d'i, agus thubhairt e, A Thighearna, am marbh thu mar an ceudna cinneach ionraic?

5 Nach d' thubhairt esan riumsa, 'S i mo phiuthar i? agus thubhairt ise, cadhoinn ise féin, 'Se mo bhràthair e: ann an treibhdhìreas mo chridhe, agus ann an uco-chionta mo làmh rinn mi so.

6 Agus thubhairt Dia ris ann an aising, Seadh, tha fios agam gur ann 'an treibhdhìreas do chridhe a rinn thu so, agus chum mise mar an ceudna thu o phicacachadh a'm' aghaidh: uime sin cha do leig mi leat beantainn rithe.

7 A nis mata, thoir air a h-ais do'n duine a bhean; oir is fàidh e, agus ni e urnuigh air do shon, agus bithidh tu beò: ach nuair thoir thu air a h-ais i, biodh fios agad gu'm faigh thu bàs gu cinnteach, thu féin agus gach uile a's leat.

8 Uime sin dh'éirich Abimelech moch s a' mhaduinn, agus ghairm e a sheirbhisich uile, agus dh'aithris e na nithean sin uile 'n an éisdeachd; agus bha eagal mòr air na daoine.

9 An sin ghairm Abimelech air Abraham, agus thubhairt e ris, Ciod so a rinn thu oirn? agus ciod an eucoir a rinn mise ort, gu'n d'thug thu ormsa, agus air mo rìoghachd peacadh mòr? rinn thu gnìomharan ormsa, nach bu chòir a dheanamh.

10 Agus thubhairt Abimelech ri h-Abra-

ham, Ciod a chunnaic thu' gu'n d'riun thu an ni so?

11 Agus thubhairt Abraham, A chionn gu'n d'thubhairt mi *annam féin*, Gu cinnteach cha-n 'eil eagal an Tighearna 's an ionad so; agus marbhaidh iad mi air son mo mhna.

12 Agus gidheadh *is* i gu deimhin mo phiuthar, nighean m'athar i, ach cha-n i nighean mo mhàthar: agus bha i agam mar mhnaoi.

13 Agus 'n uair a thug Dia orm dol air m'aineol o thigh m'athar, an sin thubhairt mi ri, 'S e so do chaoimhneas a nochdas tu dhomhsa; Anns gach àite d'an tig sinn, abair mu m' thimchioll, 'S e mo bhràthair e.

14 Agus ghabh Abimelech caoraich, agus buar, agus òglaich, agus banoglaich, agus thuge iad a dh' Abraham, agus thug e air a h-ais dha Sàrah a bhean.

15 Agus thubhairt Abimelech, Feuch, tha m'fhearann fa d' chomhair; gabh còmhnuidh far an taitneach leat.

16 Agus ri Sàrah thubhairt e, Feuch, thug mi mìle *bonn* airgid do d' bhràthair: feuch, *tha* e dhuitse 'n a chòmhachadh sùl do gach uile a tha maille riut, agus maille ris gach uile: mar so fhuair i achmhasan.

17 Agus rinn Abraham urnuigh ri Dia; agus leighis Dia Abimelech, agus a bhean, agus a bhanoglaich, agus rug iad clann.

18 Oir dhruid an Tighearna suas gach bolg ann an teaghlach Abimelech, air son Shàrah mnà Abraham.

CAIB. XXI.

1 Rugadh agus thimchioll-dhearradh Isaac. 9 Hagar agus a mac ismael air an cur air falbh. 22 Coimheangal eadar Abimelech agus Abraham.

AGUS dh'amhaire an Tighearna air Sàrah mar a thubhairt e; agus rinn an Tighearna do Shàrah mar a labhair e:

2 Oir dh'fhàs Sàrah torrach, agus rug i mac do Abraham 'n a shean aois, 's an am shuidhichte mu'n do labhair Dia ris.

3 Agus thug Abraham Isaac mar ainm air a mhac a rugadh dha, a rug Sàrah dha.

4 Agus thimchioll-ghearr Abraham Isaac a mhac, 'n uair a bha e ochd làithean a dh'aois, mar a dh'athn Dia dha.

5 Agus bha Abraham ceud bliadhna dh'aois, 'n uair a rugadh a mhac Isaac dha.

6 Agus thubhairt Sàrah, thug Dia orm gàire dheanamh: agus gach neach a chluinneas, ni e gàire maille rium.

7 Agus thubhairt i, Cò a theireadh ri h-Abraham, gu'n d'thugadh Sàrah cìoch do chloim? oir rug mi mac *dha* 'n a shean aois.

8 Agus dh'fhàs an leanabh, agus chuireadh bhàrr na eiche e: Agus rinn Abraham cuir m' mhòr 's an là 'an do chuireadh Isaac bhàrr na eiche.

9 Agus chunnaic Sàrah mac Hagar na ban-Eiphitich a rug i dh' Abraham, ri fanoid.

10 Uime sin thubhairt i ri h-Abraham, Tilg a mach a' bhan-tràill so, agus a mac; oir cha bhi mac na ban-tràille so 'n a oighre maille ri m' mhac-sa, *eadhon* ri h-Isaac.

11 Agus bha an ni ro dhoilgheasach ann an sùilbh Abraham, air son a mhic.

12 Agus thubhairt Dia ri h-Abraham, Na biodh e doilgheasach a'd' shùilbh air son an òganaich, agus air son do bhan-tràille: a thaobh gach ni a thubhairt Sàrah riut eisd r'a guth; oir is ann 'an Isaac a dh'ainmichear dhuitse sìochd.

13 Agus mar an ceudna de mhac na ban-tràille ni mise cinneach, do bhrìgh gur e do shìochd sa e.

14 Agus dh'èirich Abraham suas gu moch 's a' mhaduinn, agus ghabh e aran, agus searrag uisge, agus thug e *sin* do Hagar, agus chuir e air a gualaim e, agus an leanabh; agus chuir e air falbh i: agus dh'imich i, agus chaidh i air seacharan 'am fàsach Bheer-seba.

15 Agus chaitheadh an t-uisge o'n t-searraig; agus thilg i an leanabh fo aon de na preasaibh.

16 Agus dh'fhalbh i, agus shuidh i sìos fa chomhair, tanull maith uaidh, mu thimchioll urchuir saighde: oir thubhairt i, Na faiceam bàs an leinibh. Agus shuidh i f' a chomhair, agus thog i suas a guth, agus ghuil i.

17 Agus chuala Dia guth an òganaich: agus ghairm aingeal Dhé air Hagar o n'eamh agus thubhairt e ri, Ciod a *tha* 'teachd, riut, a Hagair? Na biodh eagal ort; oir chuala Dia guth an òganaich far *am bheil* e.

18 Eirich, tug suas an t-òganaich, agus gabh greim a'd' làimh dheth, oir ni mise 'n a chinneach mòr e.

19 Agus dh'fhosgail Dia a sùilean, agus chunnaic i tobar uisge; agus chaidh i, agus lion i an t-searrag le h-uisge, agus thug i deoch do'n òganaich.

20 Agus bha Dia leis an òganaich, agus dh'fhàs e suas: agus ghabh e còmhnuidh 's an fhàsach, agus bha e 'n a fhear-bogha.

21 Agus ghabh e còmhnuidh 'am fàsach Pharaim: agus ghabh a mhàthair bean da á tìr na h-Eiphit.

22 Agus 's an àm sin féin labhair Abimelech, agus Phichol ard cheannard a shluaigh, ri h-Abraham, ag ràdh, *Tha* Dia leat anns gach ni a *tha* thu a' deanamh.

23 A nis uime sin mionnach dhomhsa air Dia, nach buin thu gu fcalltach riumsa, no ri m' mhac, no ri mac mo mhic; *ach* a réir a' chaoimhneis a rinn mi riut, ni thusa riumsa, agus ris an tìr anns an robh thu air chuairt.

24 Agus thubhairt Abraham, bheir mi mo mhioman.

25 Agus thug Abraham achmhasan do Abimelech air son tobair uisge, a thug seirbhisich Abimelech a mach le h-ainneart.

GENESIS, XXII.

26 Agus thubhairt Abimelech, Cha b'fhiosrach mise cò'rinn an gnìomh so: cha d'innis thu féin domh, agus cha mhò a chuala mi 'bheag *m'a thumchioll* ach an diugh.

27 Agus ghabh Abraham caoraich agus crodh, agus thug e iad do Abimelech: agus rinn iad le 'chéile còimhcheangal.

28 Agus chuir Abraham seachd uain bhoirionn de'n treud air leth leo féin.

29 Agus thubhairt Abimelech ri h-Abraham, Cìod iad na seachd uain bhoirionn sin, a chuir thu air leth leo féin?

30 Agus thubhairt e, Oir gabhaidh tu na seachd uain bhoirionn *sin* o m' làimh; clum gu'm bi iad 'n am fianuis dhomhsa gu'n do chladhaich mi an tobar so.

31 Uime sin thug e Beer-seba mar ainm air an àite sin, do bhrìgh an sin gu'n d'thug iad am mìonnan le 'chéile.

32 Mar so rinn iad còimhcheangal aig Beer-seba: an sin dh'éirich Abimelech suas, agus Phìchol ard cheannard a shluaigh, agus phill iad do thìr nam Philisteach.

33 Agus shuidhich *Abraham doire* chraobh aig Beer-seba, agus ghairm e 'n sin air ainm an Tighearna, an Dè shìorruidh.

34 Agus bha Abraham air chuairt ann an tìr nam Philisteach mòran de làithibh.

CAIB. XXII.

1 *Aithne air a tabhairt a dh' Abraham gu'n iobradh e a mhac Isaac. 3 Tha e a' toirt dearbhaidh air a chreidimh agus air 'àmh-lachd. 13 Reithe air 'iobradh' an àit Isaac.*

AGUS an dèigh nan nithean sin dhearbha Dia Abraham, agus thubhairt e ris, Abraham. Agus thubhairt e, Feuch, *tha mi 'n so*.

2 Agus thubhairt esan, Gabh a nis do mhac, d'aon *mhac* Isaac, a's ionnmuinn leat, agus rach do thìr Mhòriah, agus thoir suas an sin e mar thabhartas-loisgte air an de na beanntaibh a dh'innseas mise dhuit.

3 Agus dh'éirich Abraham gu moch 's a' mhaduinn, agus dh'aighmich e 'asal, agus ghabh e dìthis d'a òganaich maille ris, agus a mhac Isaac; agus sgoilt e fiodh air son an tabhartais-loisgte, agus dh'éirich e suas, agus chaidh e do 'n àit a dh'innis Dia dha.

4 A nis air an treas là thog Abraham suas a shùilean, agus chunnaic e an t-àite fada uath.

5 Agus thubhairt Abraham r'a òganaich, Fanaibhe an so maille ris an asal, agus theid mise agus an gille gu ruige sud, agus ni sinn aoradh, agus thig sinn a ris d'ur n-ionnsuidh.

6 Agus ghabh Abraham fiodh an tabhartais-loisgte, agus chuir se e air muin a mha Isaac; agus ghabh e 'n *l* àmh an teine, agus an sgian: agus dh'imich iad le 'chéile cuideachd.

7 Agus labhair Isaac r'a athair Abraham, agus thubhairt e, Athair: agus thubhairt esan Feuch, *tha mi 'n so*, a mhic. Agus

thubhairt e, Feuch an teine agus am fiodh; ach c'ait *am bheil* an t-uan air son tabhartais-loisgte?

8 Agus thubhairt Abraham, Gheibh Dia, a mhic, uan dha féin air son tabhartais-loisgte: Mar sin dh'imich iad cuideachd le 'chéile.

9 Agus thàinig iad do'n àit a dh'innis Dia dha, agus thog Abraham altair an sin, agus chuir e 'm fiodh an òrdugh; agus cheangail e a mhac Isaac, agus chuir e air an altair e air uachdar an fhiodha.

10 Agus shìn Abraham a mach a làmh, agus ghabh e an sgian a mharbhadh a mhic.

11 Agus ghlaodh aingeal an Tighearna ris o nèamh, agus thubhairt e, Abraham, Abraham. Agus thubhairt esan Feuch, *tha mi 'n so*.

12 Agus thubhairt e, Na leag do làmh air a' ghille, agus na dean ni sam bith air: oir a n.s tha mi fiosrach gu bheil eagal Dhé ort, do bhrìgh nach do clum thu do mhac, *eadhon* d'aon *mhac* uamsa.

13 Agus thog Abraham suas a shùilean, agus dh'annhair e, agus, feuch, reithe air a chùlaobh 'an sàs ann am preas air 'adhaircean: agus chaidh Abraham, agus ghabh e an reithe, agus thug e suas e mar thabhartas-loisgte an àit a mhic.

14 Agus thug Abraham Iehobhah-Ireh mar ainm air an àite sin: mar a theirear *gus* an là'n diugh, Ann an sliabh an Tighearna chithhear e.

15 Agus ghlaodh aingeal an Tighearna ri h-Abraham an dara uair o nèamh.

16 Agus thubhairt e, Orm féin mhionnaich mi, ers' an Tighearna, a chionn gu'n d'rinn thu an ni so, agus nach do clum thu *uam* do mhac, *eadhon* d'aon *mhac*;

17 Gu'm beannaich mi thu gu mòr, agus gu'n dean mi do shliochd ro lionmhor *eadhon* mar reultan néimh, agus mar an gaineamh, a *tha* air tràigh na fairge; agus sealbhaichidh do shliochd geatadh an naimhdean;

18 Agus beannaichear ann ad shliochdsa uile chinnich na talmhainn, a chionn gu'n d' eisd thu ri m' ghuth.

19 Mar sin phill Abraham a dh'ionnsuidh 'òganacha; agus dh'éirich iad suas, agus chaidh iad cuideachd gu Beer-seba: agus ghabh Abraham còmhuidh aig Beer-seba.

20 Agus an dèigh nan nithean sin dh'innseadh do Abraham, ag ràdh, Feuch, rug Milcah mar an ceudna mic do d' bhràthair Nahor;

21 Hus a cheud-ghin, agus Buds a bhràthair, agus Cemucl athair Aram,

22 Agus Chesed, agus Hadso, agus Pildas, agus Idalph, agus Betuel.

23 Agus ghin Betuel Rebecah: an ochdnar sin rug Milcah do Nahor, bràthair Abraham.

24 Agus a choi-leabach, d'am b'ainm Reumah, rug ise mar an ceudna Tobah, agus Gaham, agus Tahas, agus Maachah.

CAIB. XXIII.

1 *Aois agus? às Shàrah. 3 Achadh agus uaimh Mhachpelah air an ceannach, 19 far an d'adhlaiacadh Sàrah.*

AGUS bha Sarah bed ceud agus seachd bliadhna fichead; *v'iad* sobliadhnachan beatla Shàrah.

2 Agus fhuair Sarah bàs ann an Ciriatarba; *'s e* sin Hebron ann an tìr Chanaain: Agus thàinig Abraham a dheanamh tuiridh air son Shàrah, agus a chaoidh air a son.

3 Agus dh'èirich Abraham suas o làthair a mhairbh, agus labhair e ri mic Het, ag ràdh.

4 *Is* coigreach agus fear-cuairt mise uaille ribh: thugaibh dhomh sealbh àit-adhlaic maille ribh, agus gu'n adhlaic mi mo mharbh as mo shealladh.

5 Agus fhreagair mie Het Abraham, ag ràdh ris,

6 Eisd ruinne, mo thighearna: *is* uach-daran cumbachdach thusa 'n ar measg -ne; ann an roghainn ar n-àiteachan-adhlaic, adhlaic do mharbh: cha chum duine 'n ar measg -ne 'àit-adhlaic uait, gu d' mharbh adhlaiacadh ann.

7 Agus dh'èirich Abraham suas, agus chrom se e féin do mhuinntir na tìre, *eadhon* do mhic Het.

8 Agus labhair e riu, ag ràdh, Ma's àill leibh gu'n adhlaiainn mo mharbh as mo shealladh, éisdibh rium, agus labhraibh air mo shon ri h-Ephron mac Shohair;

9 Chum asgu'n toir e dhomh uaimh Mhachpelah *a tha* aige, *a tha* ann an crìch 'achaidh; air son uiread airgid 's is fìu i, thugadh e dhomh i mar sheilbh àit-adhlaic 'n 'ur measg.

10 Agus bha Ephron 'n a chòmhnuidh 'am measg ehlainne Het. Agus fhreagair Ephron an t-Hiteach Abraham ann an éisd-eachd cloinne Het, *eadhon* gach neach a chaidh steach air geatadh a bhaile-san, ag ràdh,

11 Na bitheadh e mar sin, mo thighearna, éisd rium: an t-achadh bheir mi dhuit, agus an uaimh a tha ann, bheir mi dhuit i; ann an làthair mhac mo dhaoine bheir mi dhuit i: adhlaiac do mharbh.

12 Agus chrom Abraham e féin sìos an làthair muinntir na tìre.

13 Agus labhair e ri h-Ephron, ann an éisd-eachd muinntir na tìre, ag ràdh, Ach ma *bheir thu seachd i*, guidheam ort, éisd rium: bheir mi dhuit airgid air son an achaidh, gabh uam e, agus adhlaiaidh mi mo mharbh an sin.

14 Agus fhreagair Ephron Abraham, ag ràdh ris,

15 Mo thighearna, éisd rium: *is fìu* an t-achadh ceithir cheud secel airgid; ciod sin eadar mise agus thusa? uime sin adhlaiac do mharbh.

16 Agus dh'éisid Abraham ri h-Ephron, agus tuomhais Abraham do Ephron an t-

airgid, a dh'ainnich e ann an éisd-eachd mhac Het, ceithir cheud secel airgid, a ghabhas an ceannaiche.

17 Agus rinneadh achadh Ephroin a *bha* ann am Machpelah, a *bha* fa chomhair Mhamre, an t-achadh, agus an uaimh a *bh'* ann, agus gach craobh a *bha* 's an achadh, a *bha* 'n a crìch uile mu'n cuairt,

18 Daingean do Abraham mar sheilbh, ann an làthair cloinne Het, 'am fianuis gach neach a chaidh steach air geatadh a bhaile-san.

19 Agus an déigh sin dh'adhlaiac Abraham Sarah a bhean, ann an t-àit-mhachaidh Mhachpelah, fa chomhair Mhamre: *is e* sin Hebron ann an tìr Chanaain.

20 Agus rinneadh an t-achadh, agus an uaimh a *tha* ann daingean do Abraham, mar sheilbh àit-adhlaic, le mic Het.

CAIB. XXIV.

1 *Chuir Abraham uait a sheirbhiseach a dh'fhaotainn mùd d' a m'ac Isaac. 50 Fhuair e Rebecah. 63 Choinnich Isaoa i.*

AGUS bha Abraham sean, agus air teachd gu h-aois mhòir, agus bheannaich an Tighearn Abraham anns na h-uile nithibh.

2 Agus thubhairt Abraham r'a sheirbhiseach 'bu shine 'n a thigh, aig an robh riaghladh gach ni a bh'aige, Cuir, guidheam ort, do làmh fo m' shliasaid;

3 Agus bheir mi ort mionnachadh air an Tighearn, Dia nèimh, agus Dia na talmhainn, nach gabh thu bean do m' mhac de nigheanaibh nan Canaanach, 'am measg *am bheil* mis' a'm' chòmhnuidh;

4 Ach théid thu do m' dhùthaich féin, agus a chum mo luehd-dàimh, agus gabhaidh tu bean do m' mhac Isaac.

5 Agus thubhairt an seirbhiseach ris, Ma's e 's nach bi a' bhean toileach air mis' a leantuinne do'n tìr so, an éigin dhomh do mhac a thoirt air 'ais a ris do'n tìr as an d thàinig thu?

6 Agus thubhairt Abraham ris, Thoir an ro-aire nach toir thu mo mhac an sin a ris.

7 An Tighearn, Dia nèimh, a thug mise o thigh n'athar, agus o thìr mo dhìlsan, agus a labhair rium, agus a mhionnaich dhomh ag ràdh, Do d' shliochd bheir mi am fearann so; cuiridh esan 'aingear féin romhad, agus gabhaidh tu bean do m' mhac as a sin.

8 Agus mur bi a' bhean toileach air thusa a leantuinne, an sin bithidh tu saor o m' mhionnaibh so: a mhàin na toir mo mhac an sin a ris.

9 Agus chuir an seirbhiseach a làmh fo shliasaid Abraham a mhaighstir, agus mhionnaich e dha thaobh an ni sin.

10 Agus ghabh an seirbhiseach deich càmhail de eamhalaibh a mhaighstir, agus dh'fhalbh e; oir *bha* maoin a mhaighstir uile aige fa làmh: Agus dh'èirich e, agus chaidh e gu Mesopotamia, gu baile Naloir.

11 Agus thug e air na càmhalaibh an glùn a lùbadh an taobh a muigh de'n bhaile, làmh ri tobar uisge, mu thràth feasgair, *eadhon* mu'n àm 'an téid muathana mach a tharruing uisge.

12 Agus thubhairt e, O Thighearna, Dhé mo mhaighstir Abraham, deònaich gu'n soirbhich leams' an diugh, agus nochd caoinhneas do m'mhaighstir Abraham.

13 Feuch *tha* mi 'm' sheasamh an so làmh ris an tobar uisge, agus thig nigheanan muinntir a' bhaile mach a tharruing uisge.

14 Agus tachaireadh e, a' mhaighdean ris an abair mise, Leig sìos, guidheam ort, do shoitheach, chum's gu'n òl mi; agus thoir ise, Ol, agus bheir mise deoch do d' chàmh-alaidh mar an ceudna: *gu na h-i* sin féin a dh' òrduich thu do d' sheirbhiseach Isaac; agus le sin bithidh fios agam gu'n do nochd thu caoinhneas do m' mhaighstir.

15 Agus mun do sguir e de labhairt, feuch, thàinig Rebekah a mach, a rugadh do Bhetuel, mac Mhilcah, mnà Nahoir, bràthar Abraham; agus a soitheach air a gualainn.

16 Agus bha a' chailin ro mhaiseach ri amharc oirre, dèigh; agus cha b' aithne do fhear rianh i: agus chaidh i sìos do'n tobar, agus lìon i a soitheach, agus thàinig i nìos.

17 Agus ruith an seirbhiseach 'n a coinneamh, agus thubhairt e, Leig dhomh, guidheam ort, beagan uisg' òl as do shoitheach.

18 Agus thubhairt i, Ol, mo thighearna: agus gheas i oirre, agus leig i sìos a soitheach air a làmh, agus thug i dha deoch.

19 Agus an dèigh dh'i deoch a thabhairt dha, thubhairt i, Tairngidh mi *uisge* air son do chamhal mar an ceudna, gus an sguir iad a dh'òl.

20 Agus ghreas i oirre, agus dh'fhalbh i a soitheach 's an amar, agus ruith i ris do'n tobar a tharruing *uisge*; agus tharruing i air son a chàmhail uile.

21 Agus *bha'n* duine ag amharc le h-iongantais oirre, agus a' fantuinn 'n a thosd, a dh'fheuchainn an d'thug, no nach d'thug, an Tighearna air a thurus soirbheachadh leis.

22 Agus 'n uair a sguir na càmhail a dh'òl, an sin ghabh an duine chuas-fhàinne òir, 's an robh leth seceil a chudthrom, agus dà làmh-fhail air son a làmh, 's an robh deich *seceil* òir a chudthrom.

23 Agus thubhairt e, Cò d'an nighean thu? innis dhomh, guidheam ort: am bheil *ann* an tigh d'athar àite dhuinn gu tàmh a ghabhail ann?

24 Agus thubhairt i ris, *Is* mise nighean Bhetuel, mac Mhilcah, a rug i do Nahor.

25 Thubhairt i ris mar an ceudna, *Tha* againne araon connlach, agus innluiguleòr, agus àite gu tàmh a ghabhail ann.

26 Agus chrom an duine e fèin sìos, agus rium e aoradh do'n Tighearna.

27 Agus thubhairt e, Beannaichte gu robh an Tighearna, Dia mo mhaighstir Abraham, nach do bhuin a thròcair agus 'fhirinn o m' mhaighstir: air dhomhsa *bhi* 's an t-slighe, stiur an Tighearna mi gu tigh bhràithrean mo mhaighstir.

28 Agus ruith a' mhaighdean, agus dh'innis i na nithean so do mhuinntir tìghe a màthar.

29 Agus *bha* bràthair aig Rebekah, d'am b'ainm Laban: agus ruith Laban a dh'ionnsuidh an duine a mach chum an tobar.

30 Agus 'n uair a chunnaic e a' chluas-fhàinne, agus na làmh-fhailean air làmhan a pheathar, agus 'n uair a chual' e briathran Rebekah a pheathar, ag ràdh, Mar so labhair an duine rium; an sin thàinig e dh'ionnsuidh an duine, agus, feuch, sheas e làmh ris na càmhalaibh aig an tobar.

31 Agus thubhairt e, Thig a steach, thusa 'tha beannaichte o'n Tighearna; c'uime sheasas tu a muigh? oir dh'ulluich mise an tigh, agus àite do na càmhalaibh.

32 Agus thàinig an duine do'n tigh, agus dh'fhuasgail e na càmhail, agus thug e seachad connlach agus innlinn air son nan càmhail, agus uisge a dh'ionnlad a chosan, agus cosan nan daoine a *bha* maille ris.

33 Agus chuireadh *biadh* air a bheulaobh gu itheadh: ach thubhairt e, Cha-n ith mi, gus an innis mi mo ghnòthuch. Agus thubhairt esan, Labhair romhad.

34 Agus thubhairt e, *Is* mise seirbhiseach Abraham;

35 Agus bheannaich an Tighearna mo mhaighstir gu mòr, agus tha e air fas cumhachdach: agus thug e dha caoraich, agus crodh, agus airgiod, agus òr, agus òglaich agus banoglaich, agus càmhail agus asail.

36 Agus rug Sarah, bean mo mhaighstir, mac do m' mhaighstir 'n a sean aois; agus thug e dhàsan gach ni a *bh'* aige;

37 Agus thug mo mhaighstir ormsa mo mhionnan a thabhairt, ag ràdh, Cha ghabh thu bean do m' mhac de nigheanaibh nan Canaanach, muinntir a *tha* mise a' chòmhnuidh 'n am fearann:

38 Ach thèid thu dh'ionnsuidh tìghe m'athar, agus a dh'ionnsuidh mo dhùilean, agus gabhaidh tu bean do m' mhac.

39 Agus thubhairt mi ri m' mhaighstir, Theagamh nach lean a' bhean mi:

40 Agus thubhairt esan rium, Cuiridh an Tighearna, 'an làthair an do ghluais mise, 'aingeal fèin leat, agus soirbhichidh e do thurus; agus gabhaidh tu bean do m' mhac o m' dhùilsibh, agus o thigh m'athar.

41 An sin bithidh tu saor o m' mhionnaibhsa, 'n uair a thig thu chum mo dhùilean; agus mur tabhair iad dhuit *bean*, an sin bithidh tu saor o m' mhionnaibh.

42 Agus thàinig mi'n diugh chum an tobar, agus thubhairt mi, O Thighearna, Dhé

mo mhaighstir Abraham, ma shoirbhicheas tu nis mo thurus air am bheil mi 'g imeachd;

43 Feuch, tha mi 'm'sheasamh lannh ris an tobar uisge; agus 'n uair a thig a' mhaighdean a mach a tharruing uisge, agus a their mi rithe, Thoir dhomh, guidheam ort, beagan uisge ri òl as do shoitheach;

44 Agus a their ise rium, Ol thu féin, agus tairngidh mise mar an ceudna do d'chàmhalaidh: *gu ma h-i sin féin* a' bhean a dh'òrduich an Tighearn do mhac mo mhaighstir.

45 Agus mun do sguir mi de labhairt a' m' chridhe, feuch, thàinig Rebecah a mach, agus a soitheach air a gualainn; agus chaidh i sìos do'n tobar, agus tharruing i uisge: Agus thubhairt mi ri, Thoir dhomh deoch, guidheam ort:

46 Agus ghreas i oirre, agus leig i sìos a soitheach o' *gualainn*, agus thubhairt i, Ol, agus bheir mi deoch do d' chàmhalaidh mar an ceudna: agus dh' òl mi, agus thug i air na càmhalaidh òl mar an ceudna.

47 Agus dh'fhiosraich midh'i, agus thubhairt mi, Cò d'an nighean thusa? Agus thubhairt ise, Is mi nighean Bhetueil, mhic Nahoir, a rug Milcah dha: Agus chuir mi a' chluas-fhàinne air a h-aghaidh, agus na làmh-fhailean air a làmhnan.

48 Agus chrom mi sìos mo cheann, agus rim mi aoradh do'n Tighearn, agus bheannaich mi an Tighearn, Dia mo mhaighstir Abraham, a thredraich mi 's an t-slighe cheart, a ghabhail nighinn bràthar mo mhaighstir d'a mhac.

49 Agus a nis, ma bhuineas sibh gu caoimheil agus gu firinneach ri m' mhaighstir, innsibh dhomh; agus mur *bàin*, innsibh dhomh; chum as gu'n tionndaidh mi dh'ionnsuidh na làimhe deise, no na làimhe clithe.

50 An sin fhreagair Laban agus Betuel, agus thubhairt iad, 'S ann o 'n Tighearn thàinig an ni so: cha'n urrainn sinne òle no maith a ràdh riut.

51 Feuch, *tha* Rebecah a'd' làthair, gabh i, agus imich; agus biodh i 'n a mnaoi aig mac do mhaighstir, mar a labhair an Tighearn.

52 Agus 'n uair a chuala seirbhiseach Abraham am briathran, chrom se e féin gu lár do'n Tighearn.

53 Agus thug an seirbhiseach a làthair seudan airgid agus seudan òir, agus eudach, agus thug e iad do Rebecah: thug e mar an ceudna nithean luachmhor d'a bràthair agus d'a màthair.

54 Agus dh'ith iad, agus dh'òl iad, e féin agus na daoine a *bha* maille ris, agus dh'fhan iad rè na h-oidliche: agus dh'éirich iad 's a' mhaduinn; agus thubhairt esan, Cuiribh air falbh mi dh'ionnsuidh mo mhaighstir.

55 Agus thubhairt a bràthair agus a màthair, Fanadh a' mhaighdean maille

ruinne air a' chuid a's lugha deich làithean; 'n a dhéigh sin fallbaidh i.

56 Agus thubhairt e riu, Na cuiribh moille orm, oir shoirbhich an Tighearn mo thurus: cuiribh air falbh mi, chum gu'n téid mi dh'ionnsuidh mo mhaighstir.

57 Agus thubhairt iad, Gairmidh sinn air a' mhaighdean, agus fiosaichidh sinn d'a beul féin.

58 Agus ghairm iad air Rebecah, agus thubhairt iad ri, An téid thu leis an duine so? Agus thubhairt i, Théid.

59 Agus chuir iad air falbh Rebecah am piuthar, agus a banaltrum, agus seirbhiseach Abraham, agus a dhaoine.

60 Agus bheannaich iad Rebecah, agus thubhairt iad ri, 'S tu ar piuthar, bi-sa a'd' *màthair* mhiltean de mhuillionaibh; agus sealbhaicheadh do shliochd geata na muinntir sin le 'n fuathach iad.

61 Agus dh'éirich Rebecah agus a maighdeanan, agus mharcaich iad air na càmhalaidh agus lean iad an duine: agus ghabh an seirbhiseach Rebecah, agus dh'fhaibh e roimhe.

62 Agus bha Isaac a' teachd o shlighe an tobair Lahai-roi; oir bha e 'chòmhnuidh 's an tìr mh dheas.

63 Agus chaidh Isaac a mach a bheachd-smuaineachadh 's an fhaiche air feasgar: agus thog e suas a shùilean, agus chunnaic e, agus, feuch, *bha* na càmhalan a' tighinn.

64 Agus thog Rebecah suas a sùilean, agus 'n uair a chunnaic i Isaac, theiring i bhàrr a' càmhal,

65 Agus thubhairt i ris an t-seirbhiseach, Cò e 'n duine so a *tha* 'sràid-imeachd 's an fhaiche g'ar coimneachadh? Agus thubhairt an seirbhiseach, 'S e mo mhaighstir a th'ann: an sin ghabh i gnùis-bhrat, agus chòmhaich si i féin.

66 Agus dh'innis an seirbhiseach do Isaac na h-uile nithean a rinn e.

67 Agus thug Isaac i do bhùth Shàrah a màthar, agus ghabh e Rebecah, agus bha i aige 'n a mnaoi; agus ghràdhach e i: agus fhuair Isaac sòlas an déigh *bàis* a màthar.

CAIB. XXV.

1 *Mic Abraham ri Ceturah: 7 Aois Abraham agus a bhàs. 12 Ginealach Ismael. 24 Rugadh do Isaac Esau agus Jacob. 29 Rèic Esau a chòir-bhreith.*

AN sin ghabh Abraham bean a ris, d'ann b' ainm Ceturah.

2 Agus rug i dha Simran, agus Iocsan, agus Medan, agus Midian, agus Isbac, agus Suah.

3 Agus ghin Iocsan Seba, agus Dedan. Agus b' iad mic Dhédain Asurim, agus Letusim, agus Leumim.

4 Agus mic Mhidaiin: Ephah, agus Ephher, agus Hanoeh, agus Abidah, agus Eldaah: b' iad sin uile mic Chetarah.

5 Agus thug Abraham gach *ni* a bli' aige do Isaac.

6 Ach do mhienan coi-leabach a *bh'* aig Abraham, thug Abraham tiodhlacan; agus chuir e air falbh iad o' mhac Isaac, 'n uair a bha e féin fathast beò, do'n taobh an ear, do thìr na h-àirde 'n ear.

7 Agus *is iad* so làithean bhliadhnachan beatha Abraham a bha e beò; ceud, agus trì fichead, agus cùig bliadhna deug.

8 An sin thug Abraham suas an deò, agus fhuair e bàs ann an deadh shean aois 'n a sheann duine, agus làn *de bhliadhnaihbh*; agus chruinnicheadh e chum a mhuinntir.

9 Agus dh'adhlaic a mhic Isaac agus Ismael e ann an uainh Mhacpela, ann an achadh Ephroin, mhic Shoar an Hitich, a *tha* fa chomhair Mhamre;

10 An t-achadh a cheannaich Abraham o mhic Het: ann an sin dh'adhlaicheadh Abraham, agus Saràh a bhean.

11 Agus an déigh bàis Abraham, bheannaich Dia Isaac a mlac: agus ghabh Isaac còmhnuidh làimh ri tobar Lahai-roi.

12 A nis *is iad* sin ginealaich Ismael, mhic Abraham, a rug Hagar a' bhan-Eiphiteach, banoglaich Shàrah do Abraham.

13 Agus *is iad* sin ainmean mliac Ismael, 'n an ainmibh, a réir an ginealach: ceudghin Ismael, Nebaiot; agus Cedar, agus Adbeel, agus Mibsam,

14 Agus Misma, agus Dunah, agus Masa,

15 Hadar, agus Tema, Ietur, Naphis, agus Cedemah.

16 *Is iad* sin mic Ismael, agus *is iad* sin an ainmean 'n am bailtibh, agus 'n an daingneachaibh; dà cheannard deug a réir an fìneachan.

17 Agus *is iad* sin bliadhnachan beatha Ismael, ceud, agus seachd bliadhna deug 'ar fhichead: agus thug e suas an deò, agus dh'eug e, agus chruinnicheadh e chum a mhuinntir.

18 Agus ghabh iad còmhnuidh o Habbilah gu ruig Sur, a *tha* fa chomhair na h-Eiphit, mar a thèid thu gu h-Asiria. An làthair a bhràithrean uile fhuair e bàs.

19 Agus *is iad* sin ginealaich Isaac mhic Abraham: Ghin Abraham Isaac.

20 Agus bha Isaac dà fhichead bliadhna dh'aois 'n uair a ghabh e Rebecah. uigean Bhetueil, an t-Sirianaich o Phadan aram, piuthar Labain an t-Sirianaich dha féin 'n a mnaoi.

21 Agus ghuidh Isaac an Tighearn air son a mhnà, a chionn gu'n robh i neo-thorrach: agus dh'éisid an Tighearn ris, agus dh'fhàs Rebecah a bhean torrach.

22 Agus bha a' chlànn a' coimhghleacadh an taobh a stigh dh'i: agus thubhairt ise, Ma *tha* 'chàis mar sin, car son a *tha* mi mar so? Agus chaidh i a dh'fhiosrachadh de'n Tighearn.

23 Agus thubhairt an Tighearn r'i, *Tha*

dà ehinneach a'd' bholg, agus bithidh dà shluagh air an sgaradh o d'innibh: agus bithidh *aon* sluagh *dhiubh* so ni's treise na 'n sluagh *eile*; agus ni esan a's sine seirbbhis dhasan a's òige.

24 Agus 'n uair a choimhlionadh a làithean gu bhì air a h-aisead, feuch, *bha* leth-aona 'n a bholg.

25 Agus thàinig an ceud-ghin a mach dearg, *is* e uile mar fhalluinn mholaich: agus thug iad Esau mar ainm air.

26 Agus 'n a dhéigh sin thàinig a bhràthair a mach agus grein aig a làmh de shàil Esau; agus thugadh Iacob mar ainm air: agus *bha* Isaac trì fichead bliadhna dh'aois, 'n uair a rugadh iad.

27 Agus dh'fhàs na gillea; agus bha Esau 'n a shealgair scòlta, 'n a fhear macharach; agus *bha* Iacob 'n a dhuine coimhlionta, a' gabhail còmhnuidh 'am bùthaibh.

28 Agus glhàdhaich Isaac Esau, a chionn gu'n dith e d'a shithinn; ach glhàdhaich Rebecah Iacob.

29 Agus bhruidh Iacob brochan: agus thàinig Esau o'n mhachair, agus e fann.

30 Agus thubhairt Esau ri Iacob, Leig dhomh itheadh, guidheam ort, de'n *bhròchan* dhearg sin féin; oir *tha* mi fann: uime sin thugadh Edom mar ainm air.

31 Agus thubhairt Iacob, Reic rium an diugh do chòir-bhreithe.

32 Agus thubhairt Esau, Feuch, *tha* mi dlùth do'n bhàs; agus ciod an tairbhe a tha s' a' chòir-bhreithe so dhomhsa?

33 Agus thubhairt Iacob, Mionnaich dhomhsa an diugh; agus mhlionnaich e dha: agus reic e a chòir-bhreithe ri Iacob.

34 An sin thug Iacob do Esau aran, agus brochan de ghall-pheasair; agus dh'ith e agus dh'òl e, agus dh'èirich e, agus dh'fhalbh e roimhe: mar so rinn Esau dimeas air a chòir-bhreithe.

CAIB. XXVI.

1 Chaidh Isaac do Gherar, agus bheannaich Dia e. 26 Rinn Abimelech coimhcheangal ris aig Beer-seba.

A GUS bha gorta s' an tìr a bharrachd air a' cheud ghorta a bha ann an làithibh Abraham: agus chaidh Isaac gu Abimelech righ nam Philisteach, do Gherar.

2 Agus dh'fhoillsich an Tighearn e féin dha, agus thubhairt e, Na rach sìos do'n Eiphit: gabh còmhnuidh anns an tìr a dh'innseas mise dhuit.

3 Bì air chuairt s' an tìr so, agus bithidh mise maille riut, agus beannaichidh mi thu: oir dhuitse, agus do d' shliochd, bheir mise na dùthchannan sin uile, agus coimhlionaidh mi na mionnan a mhlionnaich mi do d'athair Abraham:

4 Agus bheir mi air do shliochd fàs lìonmhor mar reultan nèimh, agus bheir mi do d' shliochd na dùthchannan sin uile: agus

GENESIS, XXVI.

beannaichear a'd' shliochd-sa uile chin-
nich na talunnainn;

5 Do bhrìgh gu'n d'éisd Abraham ri m'
ghluth, agus gu'n do ghléidh e m'iarrtus, m'
àitheantan, m'orduighean, agus mo lagh-
annan.

6 Agus ghabh Isaac còmhnuidh ann an
Gerar.

7 Agus dh'fhiosraich daoine an àite *dh'e*
m'a mhnai; agus thubhairt e, '*S'i* mo phiut-
thar i: oir bha eagal air a ràdh, '*S'i* mo
bhean i; air eagal, *ars' esan*, gu'm mar-
bhaidh daoine an àite mi air son Rebekah, a
chionn gu'n *robh* i maiseach ri amharc oirre.

8 Agus 'n uair a bha e aimsir fhad' an sin,
sheall Abimelech rìgh nam Philisteach a
mach air uinneig, agus chunnaic e, agus,
feuch, *bha* Isaac a' sùgradh r'a mhnai Re-
bekah.

9 Agus ghairm Abimelech air Isaac, agus
thubhairt e, Feuch, gu cinnteach '*s'i* do
blean i: agus cionnus a thubhairt thu, '*S'i*
mo phiutthar i? agus thubhairt Isaac ris, A
chionn gu'n d' thubhairt mi, Air eagal gu'm
bàsaich mi air a son.

10 Agus thubhairt Abimelech, Ciod e so
a rinn thu oirnn? dh'fheudadh a h-aon de'n
t-sluagh luidhe le d' mhnai, agus bheireadh
tu cionta oirne.

11 Agus thug Abimelech àithne d'a
shluagh uile, ag ràdh, Esan a bheanas ris
an duine so, no r'a mhnai, gu cinnteach
cuirear gu bàs e.

12 An sin shìol-chuir Isaac 's an tìr sin,
agus fhuair e's a' bhliadhna sin féin a' cheud
uired '*s'a chuir e*, agus beannaich an
Tighearn' e.

13 Agus dh'fhàs an duine mòr, agus chaidh
e air aghaidh, agus dh'fhàs e, agus au robh e
ro mhòr:

14 Oir bha aige sealbh chaorach, agus
sealbh cruidh, agus mòran sheirbhiseach.
Agus ghabh na Philistich farnad ris.

15 Agus dhùin na Philistich suas na tob-
raichean uile a chladhaich seirbhisich 'athar,
ann an làithibh Abraham 'athar, agus lion
iad le h-ùir iad.

16 Agus thubhairt Abimelech ri h-Isaac,
Imich uainne; oir is cunnachdaiche thu gu
mòr na sinne.

17 Agus dh'imich Isaac as a sin, agus
shuidhich e a bhùth ann an gleann Gherair,
agus ghabh e còmhnuidh an sin.

18 Agus chladhaich Isaac a ris na tobraich-
ean usge, a chladhaicheadh ann an làith-
ibh Abraham 'athar; oir dhùin na Philistich
suas iad an déigh bàis Abraham: agus thug
e ainmean orra a réir nan ainm a thug 'athair
orra.

19 Agus chladhaich seirbhisich Isaac 's a'
ghleann, agus fhuair iad an sin tobar fìor-
uisge.

20 Agus rinn buachaillean Gherair conn-
sachadh ri buachaillean Isaac, ag ràdh, *Is*

leinne an t-uisge: agus thug e Esec mar
ainm air an tobar, a chionn gu'n d'rinn iad
counsachadh ris.

21 Agus chladhaich iad tobar eile, agus
rinn iad counsachadh uime sin cuideachd:
agus thug e Sitnah mar ainm air.

22 Agus chaidh e air imrich as a sin,
agus chladhaich e tobar eile; agus cha
d'rinn iad counsachadh uime sin: agus
thug e Rehobot mar ainm air; agus thubh-
airt e, Oir thug an Tighearn a nis farsain-
geachd dhuinn; agus fàsaidh sinn lionnhor
's an tìr.

23 Agus chaidh e suas as a siu gu Beer-
seba.

24 Agus dh'fhoillsich an Tighearn e féin
dha 's an oidhche sin féin, agus thubhairt e,
Is mise Dia Abraham d'athar; na biodh
eagal ort, oir tha mise maille riut, agus
beannaichidh mi thu, agus nì mi do shliochd
lionnhor air sgàth mo sheirbhisich Abra-
haim.

25 Agus thog e altair an sin, agus ghairm
e air ainm an Tighearn', agus shuidhich e
an sin a bhùth: agus chladhaich seirbhisich
Isaac tobar an sin.

26 An sin chaidh Abimelech d'a ionnsuidh
o Gherar, agus a charaid Ahudsat, agus Phi-
chol àrd cheannard a shluagh.

27 Agus thubhairt Isaac riut, C'ar son a
thàinig sibh a m'ionnsuidh, agus gu bheil
fuath agaibh dhomh, agus gu'n do chuir
sibh uaibh mi?

28 Agus thubhairt iadsan, Chunnaic sinn
gu cinnteach gu'n robh an Tighearn
leat; agus thubhairt sinn, Bitheadh a nis
mionnan eadarainn, *eadhon* eadar sinne
agus thusa, agus deanamaid coimheangal
riut;

29 Nach dean thu oirne cron sam bith,
mar nach do bhean sinne riutsa, agus mar
nach do rinn sinn nì sam bith ort ach maith,
agus a chuir sinn uainn thu 'an sìth: Tha
thusa nis air do bheannachadh leis an
Tighearn.

30 Agus rinn e dhoibh cuirm, agus dh'ith
agus dh'òl iad.

31 Agus dh'éirich iad gu moch 's a' mha-
duinn, agus mhionnaich iad d'a chéile: agus
chuir Isaac air falbh iad, agus dh'imich iad
uath 'an sìth.

32 Agus air an là sin féin thàinig seir-
bisich Isaac, agus dh'innis iad dha mu
thimchioll an tobar a chladhaich iad, agus
thubhairt iad ris, Fhuair sinn usge.

33 Agus thug e Seba mar ainm air: uime
sin *is e* Beer-seba ainm a' bhaile sin agus au
làn diugh.

34 Agus bha Esau dà fhichead bliadhna
dh'aois; agus ghabh e mar mhnai ludit,
nighean Bheeri an Hìtich, agus Basemat
nighean Eloin an Hìtich:

35 Agus bha iad *sin* 'n am briseadh-cridhe
do Isaac agus do Rebekah.

CAIB. XXVII.

1 *Chuir Isaac Esau a shealg sìthinn.* 18 *Le seòladh Rebekah thàinig Jacob a dh'ionnsuidh 'athar le biadh blasda an riochd Esau, agus fhuair e a bheannachadh.* 41 *Thug Esau fuath do Jacob, agus bhagair e a mharbhadh.*

AGUS 'n uair a bha Isaac air fàs sean, agus a bha a shùilean dall, air chor as nach faiceadh e, ghairm e air Esau a mhac a bu shine, agus thubhairt e ris, A mhic: agus thubhairt esan ris, Feuch, *tha mi 'n so.*

2 Agus thubhairt esan, Feuch a nis, *tha mise sean*; cha-n'eil fios agam air là mo bhàis.

3 Agus a nis, guidheam ort, gabh d' airm, do bholg-saighhead agus do bhogha, agus falbh a mach do'n mhachair, agus sealg dhomh sìthionn;

4 Agus dean dhomh biadh blasda, mar is ionmhuinn leam, agus thoir a m' ionnsuidh e, agus gu'n ith mi; chum as gu'm beannaich m'anam thu mum faigh mi bàs.

5 Agus chuala Rebekah an uair a labhair Isaac r'a mhac Esau: agus chaidh Esau do'n mhachair a shealg sìthinn, gu 'tabhairt d' a ionnsuidh.

6 Agus labhair Rebekah r'a mac Jacob, ag ràdh, Feuch, chuala mi d'athair a' labhairt ri h-Esau do bhràthair, ag ràdh,

7 Thoir a m' ionnsuidh sìthionn, agus dean biadh blasda dhomh, agus gu'n ith mi, agus gu'm beannaich mi thu an làthair an Tighearna, roimh mo bhàs.

8 A nis uime sin, a mhic, éisd ri m' ghuth, a réir an ni a *tha mi ag àithneadh dhuit.*

9 Falbh a nis a dh'ionnsuidh an tréuda, agus thoir a m'ionnsuidh o sin dà dheadh mheann de na gabbraibh; agus ni mise iad 'n am biadh blasda air son d'athar, mar is ionmhuinn leis:

10 Agus bheir thu dh'ionnsuidh d'athar e, agus gu'n ith e, chum as gu'm beannaich e thu roimh a bhàs.

11 Agus thubhairt Jacob ri Rebekah a mhàthair, Feuch, *tha Esau mo bhràthair 'n a dhuine molach*, agus mise a m' dhuine lom.

12 Ma 's e's gu'n laimhsich m'athair mi, an sin measar mi leis mar neach leis am bàill a mhealladh; agus bheir mi mallachadh orm féin, agus cha bheannachadh.

13 Agus thubhairt a mhàthair ris, Ormsa *bitheadh* do mhallachadh, a mhic; a mhàin éisd ri m' ghuth, agus falbh, thoir a m' ionnsuidh iad.

14 Agus dh'fhalbh e, agus ghlac e *iad*, agus thug e *iad* a dh'ionnsuidh a mhàthar: agus rinn a mhàthair biadh blasda, mar a b'ionmhuinn le 'athair.

15 Agus ghabh Rebekah eudach taitneach Esau a mic a bu shine, a b'haice's an tigh; agus chuir i e air Jacob a mac a b'òige.

16 Agus chuir i croine mheam nan gabhar air a làmhnan, agus air luime a mhuineil.

17 Agus thug i am biadh blasda, agus an t-aran a dh'caisich i, do làmh a mic Jacob.

18 Agus thàinig e dh'ionnsuidh 'athar, agus thubhairt e, Athair: agus thubhairt esan, Feuch, *tha mi 'n so*; cò thusa, a mhic!

19 Agus thubhairt Jacob r'a athair, *Is mise Esau do cheud-ghin*; rinn mi mar a dh'iarr thu orm: éirich, guidheam ort, suidh agus ith de m' sìthinn, chum as gu'm beannaich d'anam mi.

20 Agus thubhairt Isaac r'a mhac, Cionnus a fhuair thu i cho luath, a mhic? agus thubhairt esan, A chionn gu'n do chuir an Tighearna do Dhia a'm' rathad i.

21 Agus thubhairt Isaac ri Jacob, Thig am fagus a nis, agus gu'n laimhsich mi thu, a mhic, an tusa féin mo mhac Esau, no nach tu.

22 Agus chaidh Jacob am fagus d'a athair Isaac, agus laimhsich se e; agus thubhairt e, 'Se 'n guth guth Jacob, ach *is iad* na làmhnan làmhnan Esau.

23 Agus cha d'aithnich se e, a chionn gu'n robh a làmhnan molach, mar làmhnan Esau a bhràthar: mar sin bheannaich se e.

24 Agus thubhairt e, An tusa féin mo mhac Esau? agus thubhairt esan, *Is mi.*

25 Agus thubhairt e, Thoir am fagus domh e, agus ithidh mi de sìthinn mo mhic, chum as gu'm beannaich m'anam thu. Agus thug e 'm fagus dha e, agus dh'ith e; agus thug e d' a ionnsuidh fion, agus dh'òl e.

26 Agus thubhairt 'athair Isaac ris, Thig am fagus a nis, agus pòg mi, a mhic.

27 Agus thàinig e'm fagus, agus phòg se e: agus dh'fhaireich e failcadh 'eudaich; agus bheannaich se e, agus thubhairt e, Feuch, *tha faile mo mhic mar fhàile fear-ainn a bheannaich an Tighearna.*

28 Uime sin gu'n tugadh Dia dhuit de dhrùchd nèimh, agus de reamhrachd na talmhainn, agus paitreas arbhair agus fiona.

29 Deanadh slòigh seirbhis dhuit, agus strìochdadh cinnich dhuit; bi d' uachdaran air do bhràithribh, agus cromadh mic do mhàthar sìos dhuit: mallaichte *gu'n robh* gach neach a mhallacheas thu, agus beannaichte *gu'n robh* gach neach a bheannaicheas thu.

30 Agus cho luath agus a sguir Isaac de bheannachadh Jacob, 'n uair bu ghann a bha Jacob air dol a mach fathast á làthair Isaac 'athar, thàinig a bhràthair Esau o 'sheilt.

31 Agus rinn esan mar an ceudna biadh blasda, agus thug e dh'ionnsuidh 'athar e; agus thubhairt e a'athair, Eircadh m'athair, agus itheadh e de sìthinn a mhic, chum gu'm beannaich d'anam mi.

32 Agus thubhairt Isaac 'athair ris, Cò thusa? agus thubhairt esan, *Is mi do mhac*, do cheud-ghin, Esau.

33 Agus chrìochnaich Isaac le ball-enrith anabarraich, agus thubhairt e, Cò, c'àite

'm bheil esan a ghlac sìthionn, agus a thug 'm' ionnsuidh, agus dh'ith mi de'n iomlan mun d'fhàinig thusa? agus bheannaich mi e, seadh agus beannaichte bithidh e.

34 'N uair a chual' Esau briathran 'athar, ghlaoth e le glaoth mòr, agus ro shearbh; agus thubhairt e r'a athair, Beannaich mise, *eadhon* mise mar an ceudna, O athair.

35 Agus thubhairt e, Thàinig do bhràthair le ceilg, agus thug e leis do bheannachadh.

36 Agus thubhairt esan, Nach ceart a thugadh Iacob mar ainm air? oir thàinig e fodham an dà uair so: thug e leis mo chòir-bhreith; agus, feuch, a nis thug e leis mo bheannachadh. Agus thubhairt e, Nach do ghléidh thu dhomhsa beannachadh?

37 Agus fhreagair Isaac agus thubhairt e ri h-Esau, Feuch, rinn mi e 'n a uachdaran ort, agus a bhràithrean uile thug mi dha mar sheirbhiseach; agus le h-arbhar agus le fion chum mi suas e: agus dhuitse ciod a nis a ni mi, a mhic?

38 Agus thubhairt Esau r' a athair, Nach 'eil agad ach aon bheannachadh, athair? beannaich mise, *eadhon* mise mar an ceudna, O athair. Agus thog Esau suas a ghuth, agus ghuil e.

39 Agus fhreagair Isaac 'athair, agus thubhairt e ris, Feuch, ann an reamhrachd na tahnainn bithidh do chòmhnuidh, agus ann an drùchd nèimh o'n àirde.

40 Agus le d' chlàidheamh thig thu beò, agus do d' bhràthair ni thu seirbhis: agus 'n uair a bhios an uachdaranachd agad, an sin brisidh tu a chuing o d' mluineal.

41 Agus dh'fhuathaich Esau Iacob air son a' bheannachaidh leis an do bheannaich 'athair e: agus thubhairt Esau 'n a chridhe, Tha làithean a' bhròin air son m'athar am fagus, agus an sin marbhaidh mi mo bhràthair Iacob.

42 Agus dh'innseadh do Rebekah briathran Esau a mic a bu shine, agus chuir i *teachdaire uaipe*, agus ghairm i air Iacob a mac a b'òige, agus thubhairt i ris, Feuch, *tha* do bhràthair Esau 'toirt comhfhurtachd dhaféin a d' thaobhsa, a' cur roimhe do mharbhadh.

43 A nis uime sin, a mhic, éisd ri m' ghuth; agus éirich, teich a dh'ionnsuidh mo bhràthar Labain do Haran.

44 Agus fanaidh tu maille ris beagan làithean, gus an tionndaidh fraoch feirge do bhràthar;

45 Gus an tionndaidh corruich do bhràthar uait, agus gu'n dichuimhnich e na rinn thu air: an sin cuiridh mise *fios*, agus bheir mi as a sin thu. Car son a chaillm le 'chéile sibh ann an aon là?

46 Agus thubhairt Rebekah ri h-Isaac, Tha mi sgith de m' bheatha air son nigheanan Het: ma ghabhas Iacob bean de nigheanaibh Het, mar iadsan a *tha* de nigheanaibh na dùthcha, ciod am maith a ui mo bheatha dhomhsa?

1 *Bheannaich Isaac Iacob, agus chuir se e do Phadan-aram. 11 Aisling Iacob. 18 Clach Bheith. 20 Bòid Iacob.*

A GUS ghairm Isaac air Iacob, agus bheannaich se e, agus dh'èithne e dha, agus thubhairt e ris, Cha ghabh thu bean de nigheanaibh Chanaain.

2 Eirich, imich do Phadan-aram, do thigh Bhetueil athar do mhàthar, agus gabh dhuit féin as a sin bean de nigheanaibh Labain, bràthar do mhàthar.

3 Agus gu'm beannaicheadh 'Dia uile-chumhachdach thu, agus gu'n dcanadh e sìolmhor thu, agus gu'n tugadh e ort fàs liomhor, air chor as gu'm bi thu a'd' chomh-chruinneachadh chinneach:

4 Agus gu'n tugadh e dhuit beannachadh Abraham, dhuitse, agus do d' shliochd maille riut; chum gu'n scalbhaich thu am fearann anns am bheil thu a'd' choigreach, a thug Dia do Abraham.

5 Agus chuir Isaac air falbh Iacob, agus chaidh e do Phadan-aram, gu Laban, mac Bhetueil an t-Sirianaich, bràthair Rebekah, màthar Iacob agus Esau.

6 'N uair a chunnaic Esau gu'n do bheannaich Isaac Iacob, agus gu'n do chuir e air falbh e do Phadan-aram, a ghabhail mna dha féin as a sin; agus 'n uair a bheannaich se e, gu'n d' thug e àithne dha, ag ràdh, Cha ghabh thu bean de nigheanaibh Chanaain;

7 Agus gu'n d'éisd Iacob r'a athair, agus r'a mhàthair, agus gu'n deachaidh e do Phadan-aram;

8 Agus an uair a chunnaic Esau nach e' thaitim nigheanan Chanaain r'a athair Isaac,

9 An sin chaidh Esau dh'ionnsuidh Ismaeil, agus ghabh e Malalat nighean Ismaeil mhic Abraham, piuthar Nebaioit, dha féin mar mhnaoi a thuilleadh air na mnathan a bh' àige.

10 Agus chaidh Iacob a mach o Bheersaba, agus chaidh e gu Haran.

11 Agus thachair e air àite *àraidh*, agus dh'fhan e 'n sin an oidhe sin, a chionn gu'n robh a' glorian air luidhe: agus ghabh e *h-aon* de chlachaidh an àite sin, agus chuir e fo a cheann i, agus luidh e sìos 's an àite sin a chodail.

12 Agus bhruadair e; agus, feuch, faradh air a chur suas air an talamh, agus a bhàrr a' ruigheachd gu nèamh: agus, feuch, aingil Dhé a' dol suas agus a' teachd a nuas air.

13 Agus, feuch, sheas an Tighearn os a cheann, agus thubhairt e, Is mise an Tighearn Dia Abraham d'athar, agus Dia Isaac: am fearann air am bheil thu a' d' luidhe, bheir mise dhuit e, agus do d' shliochd.

14 Agus bithidh do shliochd mar dhuslach na tahnainn; agus sgaoilidh tu mach

dh'ionnsuidh na h-àird' an iar, agus na h-àird' an ear, agus a dh'ionnsuidh na h-àirde tuath agus na h-àirde deas: agus bcannaichear annadsa uile theaghlaichean na tal-mhainn, agus ann ad shliochd.

15 Agus, feuch, *tha* mise maille riut, agus gleidhidh mi thu anns gach àite d' an tèid thu, agus bheir mi ris thu dh'ionnsuidh na tìre so; oir cha tréig mi thu, gus an dean mi an *nì sin* a labhair mi riut.

16 Agus dhùisg Iacob as a chodal, agus thubhairt e, Gu cinnteach *tha* 'n Tighearn 's an àite so, agus cha robh fios agam *air*.

17 Agus bha eagal air, agus thubhairt e, Cia h-uamhasach an t-ionad so! cha *n àit* air bith so ach tigh Dhé, agus *is* e so geata nèimh.

18 Agus dh'éirich Iacob gu moch 's a' mhaduinn, agus ghabh e a' chlach a chuir e fo a cheann, agus chuir e suas 'n a carragh i, agus dhòirt e oladh air a mullach.

19 Agus thug e Bet-el mar ainm air an àite sin: ach *b' e* Luds ainm a' bhaile sin air tùs.

20 Agus bhòidich Iacob bòid, ag ràdh, Ma bhios Dia leam, agus *ma* ghleidheas e mi air an t-slighe sin air am bheil mi 'g ineachd, agus ma bheir e dhomh aran r'a itheadh, agus eudach r'a chur umam;

21 Agus gu'n tig mi ris 'an sìth a dh'ionnsuidh tighe m'athar; an sin bithidh an Tighearn agam 'n a Dhia:

22 Agus bithidh a' chlach so, a chuir mi suas 'n a carragh, 'n a tigh aig Dia: agus de gach *nì* a bheir thu dhomh, bheir mi gu cinnteach an deacham dhuit.

CAIB. XXIX.

1 *Thàinig Iacob gu tobar Haran, 13 agus thug Laban aoidheachd dha. 18 Gheall Iacob seirbhis sheachd bliadhna do Laban air son a nighinn Racheil; 23 thuir e Leah 'n a h-àite; ach a ris phòs e Rachel mar an ceudna.*

AN sin dh'imich Iacob air a thurus, agus chaidh e do dhùthaich dhaoine na h-àirde 'n ear.

2 Agus dh'amhaire e, agus, feuch, tobar 's a' mhachair, agus, feuch, *bha* 'n sin trì tréudan chaorach 'n an luidhe làimh ris; oir as an tobar sin thug iad uisge do na tréudaibh: agus *bha* clach mhòr air beul an tobair.

3 Agus chruinnicheadh a dh'ionnsuidh sin na tréudan uile; agus charuich iad a' chlach bhàrr beòil an tobair, agus thug iad uisge do na caoraich, agus chuir iad a' chlach a ris air beul an tobair 'n a h-àite féin.

4 Agus thubhairt Iacob riu, Mo bhràithrean, cia as a *thàinig* sibh? Agus thubhairt iadsan, O Haran *thàinig* sinn.

5 Agus thubhairt e riu, An aithne dhuibh Laban mac Nahcir? Agus thubhairt iadsan, *Is* aithne dhuinn.

6 Agus thubhairt e riu, Am *bheil* e gu maith? Agus thubhairt iadsan, *Tha* e gu

maith: agus, feuch, *tha* Rachel a nighean a' tighini leis na caoraich.

7 Agus thubhairt e, Feuch, 's e fathast àird' an là a *th' ann*, agus cha d *thàinig* idir àm cruinneachaidh na spréidhe: thug-aibhs' uisge do na caoraich, agus rachaibh *agus* ionaltraibh *iad*.

8 Agus thubhairt iad, Cha-n urrainn sinn, gus an cruinnichear na tréudan uile 'n ceann a chéile, agus *gus* an caruichear a' chlach bhàrr beòil an tobair; an sin bheir sinn uisge do na caoraich.

9 Agus am feadh a bha e fathast a' labhairt riu, thàinig Rachel le caoraich a h-athar; oir b'i a *bha 'g an* gleidhcadh.

10 Agus an uair a chunnaic Iacob Rachel nighean Labain bràthar a mhàthar, agus caoraich Labain bràthar a mhàthar, an sin chaidh Iacob am fagus, agus charuich e a' chlach bhàrr beòil an tobair, agus thug e uisge do chaoraich Labain bràthar a mhàthar.

11 Agus phòg Iacob Rachel, agus thog e suas a ghuth, agus ghuil e.

12 Agus dh'innis Iacob do Rachel gu'm *b'e* bràthair a h-athar e, agus gu'm *b'e* mac Rebecah e: agus ruith i, agus dh'innis i d'a h-athair.

13 Agus 'n uair a chuala Laban sg ul Iacob mhic a pheathar, an sin ruith e 'n a choinneamh, agus ghabh e 'n a ghlaicai'bh e, agus phòg se e, agus thug e d'a th gh e: agus dh'innis e do Laban na nithean sin uile.

14 Agus thubhairt Laban ris, Gu cinnteach *is* tu mo chnàimh agus m' fheoil: agus dh'fhan e maille ris rè mìos.

15 Agus thubhairt Laban ri Iacob, A chionn gur tu mo bhràthair, am buin e dhuit seirbhis a dheanamh dhomh a nasgaidh? innis dhomh ciod e do thuarasdal.

16 Agus *bha* aig Laban dithis nighean an: *b'e* ainm na té 'bu shine Leah, agus ainm na té a b'òige Rachel.

17 Agus *bha* sùilean Leah annmhunn, ach bha Rachel maiseach 'n a dealbh agus sgia mhach 'n a gnùis.

18 Agus bha gràdh aig Iacob air Rachel, agus thubhairt e, Ni mi seirbhis dhuit seachd bliadhna air son Racheil do nighinn a's òige.

19 Agus thubhairt Laban, *Is* fearr dhomh a toirt duitse na gu'n tugainn i do dhuine sam *bith* eile: fan maille rium.

20 Agus rinn Iacob seirbhis air son Racheil seachd bliadhna; agus bha iad 'n a shùilibh mar bheagan de làithibh, a thaobh a' ghràidh, a bh'aige oirre.

21 Agus thubhairt Iacob ri Laban, Thoir *dhomh* mo bhean (oir choimhlionadh mo làithean) a chum gu'n tèid mi steach d'a h-ionnsuidh.

22 Agus chruinnich Laban cuideachd daoine an àit' uile, agus rinn e cuirm.

23 Agus 's an fheasgar ghabh e Leah a nighean, agus thug e d'a ionnsuidh i; agus chaidh e steach d'a h-ionnsuidh.

24 Agus thug Laban d'a nighinn Leah Silpah a bhanoglach féin, mar bhanoglaich.

25 Agus 's a' mhaduinn, feuch, *b'i Leah' bh' ann*: agus thubhairt e ri Laban, Ciod e so a rinn thu orm? Nach ann air son Racheil a rinn mi seirbhis dhuit? agus c'ar son a mheall thu mi?

26 Agus thubhairt Laban, Cha-n fheud e bhi mar sin 'n ar dùthaich-ne, an té a's òige 'thoirt seachad roimh an té a's sine.

27 Coimhlon a seachduin-sa, agus bheir sinn dhuit ise mar an ceudna, air son na seirbhis a mi thu maille rium fathast rè sheachd bliadh'n eile.

28 Agus rinn Iacob mar sin, agus choimhlon e a seachduin; agus thug e dha Rachel a nighean mar an ceudna 'n a mnaoi.

29 Agus thug Laban do Rachel a nighean Billah a bhanoglach féin, mar bhanoglaich.

30 Agus chaidh e steach cuideachd a dh'ionnsuidh Racheil, agus ghràdhaidh e mar an ceudna Rachel ni's mò na Leah, agus rinn e seirbhis maille ris fathast seachd bliadh'n eile.

31 Agus 'n uair a chunnaic an Tighearn gu'n d' thugadh fuath do Leah, dh'fhosgail e a bòlg: ach *bha Rachel gum chlann*.

32 Agus dh'fhàs Leah torrach, agus rug i mac, agus thug i Reuben mar ainm air: oir thubhairt i, Gu deimhin dh'amhaire an Tighearn air m' àmhghar, a nis uime sin gràdhaidh m'fhear mi.

33 Agus dh'fhàs i torrach a ris, agus rug i mac, agus thubhairt i, A chionn gu'n cuala 'n Tighearn gu'n *robh* mi air m'fhuathachadh, uime sin thug e dhomh *am mac* so cuideachd: agus thug i Simeon mar ainm air.

34 Agus dh'fhàs i torrach a ris agus rug i mac; agus thubhairt i, A nis anns an uair so dlùthleanaidh m' fhear rium, do bhrìgh gu'n d'rug mi dha triuir mhac: uime sin thug i Lebhi mar ainm air.

35 Agus dh'fhàs i torrach a ris, agus rug i mac; agus thubhairt i, A nis molaidd mi 'n Tighearn: uime sin thug i Iudah mar ainm air. Agus sguir i de bhreith *cloinne*.

CAIB. XXX.

1 *Thug Rachel a banoglach Billah do Iacob mar mhnai, agus rug i Dan agus Naphtali.*
9 *Thug Leah dha a banoglach Silpah mar mhnai, agus rug i Gad agus Aser.* 22 *Rug Rachel Joseph.* 25 *Rinn Laban coimheangal nuadh ri Iacob.*

AGUS an uair a chunnaic Rachel nach d'rug i clann do Iacob, bha farmad aig Rachel r'a piuthair, agus thubhairt i ri Iacob, Thoir dhomh clann, no gheibh mi bàs.

2 Agus las corruich Iacoib ri Rachel, agus thubhairt e, Am bheil mis' 'an àite Dhé, a chum uait toradh na bronni?

3 Agus thubhairt i, Feuch, mo bhanoglach Billah, theirig a steach d'a h-ionnsuidh, agus beiridh i air mo ghlùinibh, agus bithidh agam-sa mar an ceudna clann d'a trid-sa.

4 Agus thug i dha Billah a banoglach mar mhnai; agus chaidh Iacob a steach d'a h-ionnsuidh.

5 Agus dh'fhàs Billah torrach, agus rug i mac do Iacob.

6 Agus thubhairt Rachel, Thug Dia breth orm, agus dh'éisd e mar an ceudna ri m' ghuth, agus thug e dhomh mac: uime sin thug i Dan mar ainm air.

7 Agus dh'fhàs Billah banoglach Racheil torrach a ris, agus rug i do Iacob an dara mac.

8 Agus thubhairt Rachel, le mòr ghileac ghleac mi ri m'phiuthair, agus thug mi buaidh: agus thug i Naphtali mar ainm air.

9 'N uair a chunnaic Leah gu'n do sguir i de bhreith *cloinne*, ghabh i Silpah a banoglach, agus thug i do Iacob mar mhnai i.

10 Agus rug Silpah, banoglach Leah, mac do Iacob.

11 Agus thubhairt Leah, Tha sonas air teachd: agus thug i Gad mar ainm air.

12 Agus rug Silpah, banoglach Leah, an dara mac do Iacob.

13 Agus thubhairt Leah, is sona mi, oir goiridh na nigheanan mise beannaichte: agus thug i Aser mar ainm air.

14 Agus chaidh Reuben a *mach* ann an làithibh fogharaidh a' chruithneachd, agus fhuair e mandragan 's a' mhachair, agus thug e iad a chum a mhàthar Leah. An sin thubhairt Rachel ri Leah, Thoir dhomh, guidheam ort, *cuid* de mhandragaibh do mhic.

15 Agus thubhairt i rithe, Am beag a' chùis gu'n d' thug thu m'fhear uam, agus am b'ail leat mandragan mo mhic a thoirt leat mar an ceudna? Agus thubhairt Rachel, Uime sin luidhidh e leats' an nochd air son mandragan do mhic.

16 Agus thàinig Iacob o'n mhachair 's an fheasgar, agus chaidh Leah mach 'n a choinneamh, agus thubhairt i, Thig thu steach a m' ionnsuidhs', oir gu deimhin cheannaich mi thu le mandragaibh mo mhic: Agus luidh e leatha air an oidhche sin.

17 Agus dh'éisd Dia ri Leah, agus dh'fhàs i torrach, agus rug i do Iacob an cuigeamh mac.

18 Agus thubhairt Leah, Thug Dia *dhomh* mo dhuais, a chionn gu'n d' thug mi mo bhanoglach do m'fhear: agus thug i Isachar mar ainm air.

19 Agus dh'fhàs Leah torrach a ris, agus rug i do Iacob an seathamh mac.

20 Agus thubhairt Leah, Dheonaich Dia dhomh deadh chuibhrionn: a nis gabbaidh m'fhear còmhuidh maille rium, a chionn gu'n d'rug mi dha seathnar mhac; agus thug i Sebulun mar ainm air.

21 Agus 'n a dhéigh sin, rug i nighean, agus thug i Dinah mar ainm oirre.

22 Agus chuimhnich Dia air Rachel, agus dh'éisd Dia rí, agus dh'fhosgail e a bolg.

23 Agus dh'fhás i torrach, agus rug i mac; agus thubhairt i, Thug Dia air falbh mo mhí-chliu.

24 Agus thug i Ioseph mar ainm air, ag rádh, Bheir an Tighearn dhomh fathast mae eile.

25 Agus 'n uair a rug Rachel Ioseph, an sin thubhairt Iacob ri Laban, Leig air falbh mi, chum gu 'n téid mi do m'áite, agus do m'dhúthaich féin.

26 Thoir dhomh mo mhnathan, agus mo chlann, air son an d'rinn mi seirbhis duit, agus gu'm falbh mi; oir is aithne dhuit mo sheirbhís a rinn mi dhuit.

27 Agus thubhairt Laban ris, Guidheam ort, ma fhuair mi deadh-ghean a'd shúilbh, *fuirich*: oir dh'fhóghluim mi o m' fhiosrachadh féin gu'n do bheannaich an Tighearn mi air do sgáth-sa.

28 Agus thubhairt e, Ainmich do thuarasdal dhomh, agus bheir mi dhuit e.

29 Agus thubhairt e ris, Tha fios agad cionnus a rinn mi seirbhis dhuit, agus cionnus a bha do spréidh agan:

30 Oir is beag a bh'agad mun d' tháinig mi, agus a nis tha e air fás 'n a mhórán; agus bheannaich Dia thu an lorg mo theachd-sa: agus a nis, c'uin a ní mi mar an ceudna air son mo thighe féin?

31 Agus thubhairt e, Ciod a bheir mi dhuit? Agus thubhairt Iacob, Cha toir thu ní sam bith dhomh: ma ní thu an ní so rium, ionaltraidh mi ris, agus gleidhidh mi do threud.

32 Théid mise troimh do threud uile an diugh, ag atharrachadh as a singach spréidhe a tha breac agus ballach, agus gach spréidhe a tha dubh-dhonn am measg nan caorach, agus ballach, agus breac am measg nan gabhar: agus is e so mo thuarasdal.

33 Agus freagraidh air mo shonsa m'ion-racas 's an àm ri teachd, 'n uair a thig e mar mo thuarasdal a'd làthair-sa: gach aon nach *bí* breac agus ballach am measg nan gabhar, agus dubh-dhonn am measg nan caorach, *measar* e mar ní bradach agam-sa.

34 Agus thubhairt Laban, Feuch, b'fhearr leam gu'm bitheadh e réir d'fhocail.

35 Agus dh'atharraich e air an là sin féin na gabhair fhuirionn a bha stiallach agus ballach, agus na gabhair bhoirionn uile a bha breac agus ballach, agus gach aon air an robh gile, agus gach aon a bha dubh-dhonn am measg nan caorach, agus thug e *iad* do lámhan a mhac.

36 Agus chuir e astar thri láithean eadar e féin agus Iacob: agus bheathaich Iacob a' chuid eile de threudaibh Labain.

37 Agus ghabh Iacob dha féin slatan glasa de'n chrithcam, agus de'n chaldainn, agus de chraoibh nan geann-chmò; agus ruisg e

annta stiallan geala, agus leig e ris an geal a *bha* 's na slataibh.

38 Agus chuir e na slatan a rùisg e anns na claisibh, anns na h-amair uisge, far an d'thàinig na treudan a dh'òl, fa chomhair nan treud, chum as gu'm fásadh iad torrach an uair a thigeadh iad a dh'òl.

39 Agus dh'fhàs na treudan torrach fa chomhair nan slat, agus rug iad spréidh stiallach, bhreac agus bhallach.

40 Agus thearbaidh Iacob na h-uain, agus chuir e aghaidh nan treud rìusan a bha stiallach, agus gach *beathach* a *bha* dubh-dhonn ann an treudaibh Labain; agus chuir e a threudan féin air leth, agus cha do chuir e iad laimh ri treudaibh Labain.

41 Agus ge b'e uair a dh'fhàs ann spréidh 'bu treise torrach, chuir Iacob na slatan fa chomhair sùl na spréidhe anns na claisibh, chum gu'm fásadh iad torrach a réir nan slat.

42 Ach 'n uair a bha'n spréidh annhumh, cha do chuir e ann *iad*: mar sin bu le Laban iadsan a b'annhuinn, agus le Iacob iadsan 'bu treise.

43 Agus dh'fhàs an duine ro shaoibhir; agus bha mòran spréidhe aige, agus banoglaich, agus d'glaich, agus camhail, agus asail.

CAIB. XXXI.

1 *Thoir Iacob air falbh gu h-uaigneach o Laban, gu dol do thír Chanain.* 22 *Lean Laban e.*

44 *Rinn iad coimheicangal ri' chéile aig Galeed.*

AGUS chual' e briathran mhac Labain, ag rádh, Thug Iacob leis gach ní a *bh'* aig ar n-athair, agus o'n ní sin 'bu le ar n-athair-ne fhuair e dha féin a' mhòrachd so uile.

2 Agus chunnaic Iacob gnùis Labain, agus, feuch, cha *robh* i leis mar a *bha* i roimhe sin.

3 Agus thubhairt an Tighearn ri Iacob, Pìll gu dùthaich d'athrichean, agus a dh'ionnsuidh do dhìlsean; agus bithidh mise maille riut.

4 Agus chuir Iacob *teachdairean* uaith, agus ghairm e Rachel agus Leah do'n mhìchair a dh'ionnsuidh a threudan.

5 Agus thubhairt e ri, Tha mi 'faicinn gnùise bhur n-athar, nach *'eil* i leam mar a *bha* i roimhe: ach bha Dia m'athar maille riumsa.

6 Agus tha fios agaibh féin, le m'uile dhùcholl gu'n d'rinn mi seirbhis do'r n-athair.

7 Gidheadh mheall bhur n-athair mi, agus mhùth e mo thuarasdal deich uairean: ach cha do leig Dia leis cron a dheanamh orm.

8 Ma thubhairt e mar so, Bithidh an *spréidh* breac 'n an tuarasdal agad, an sin rug an spréidh uile *àl* breac: agus ma thubhairt e mar so, Bithidh an *spréidh* stiallach 'n an tuarasdal agad, an sin rug an *spréidh* uile *àl* stiallach.

9 Mar so thug Dia air falbh spréidh bhur n-athar, agus thug e dhomhsa *iad*.

10 Agus 'n uair a dh'fhàs an spréidh torrach, thog mi suas mo shùilean, agus chunnaic mi ann an aising, agus, fench, *bha* na reitheachan, a bha 'reitheadh na spréidhe, stiallach, breac agus gris-fhionn.

11 Agus thubhairt aingeal an Tighearna riom ann an aising, A Iacob: agus thubhairt mise, *Tha mi 'n so*.

12 Agus thubhairt esan, Tog suas a nis do shùilean, agus faic na reitheachan uile, a tha 'reitheadh na spréidhe, *gu bheil iad* stiallach, breac agus gris-fhionn: oir chunnaic mise gach ni a rinn Laban ort.

13 Is mise Dia Bheteil, far an d'ung thu 'n carragh, far an do bhòidich thu dhomhla baid: a nis éirich, imich a mach as an tìr so, agus pill gu tìr do dhùilean.

14 Agus fhreagair Rachel agus Leah, agus thubhairt iad ris, Am *bheil* fathast cuibh-rionn no oighreachd air bith againne ann an tigh ar n-athar?

15 Nach 'eil sinn air ar meas leis mar choigrich? oir reic e sinn, agus struidh e mar an ceudna gu tur ar n-airgiod:

16 Oir an saoihbreas *sin* uile a thug Dia o'r n-athair, is leinn féin, agus le'r cloinn e: a nis uime sin, gach ni a thubhairt Dia riutsa, dean e.

17 An sin dh'éirich Iacob suas, agus chuir e a mhic agus a mhnathan air càmhalaibh;

18 Agus thug e leis a spréidh uile, agus a mhaoin uile a fhuair e, spréidh a chosnaidh, a fhuair e 'am Padan-aram, gu dol a dh'ionnsuidh Isaac 'athar gu tìr Chanaain.

19 Agus chaidh Laban a lomairt a chaorach; agus ghoid Rachel na dealbhan 'bu le a h-athair.

20 Agus theich Iacob gun fhios do Laban an Sirianach, a chionn nach d'innis e dha gu'n robh e *gu* teicheadh.

21 Agus theich e leis gach ni a bh' aige; agus dh'éirich e suas, agus chaidh e thar an amhainn, agus chuir e 'aghaidh ri sliabh Ghilead.

22 Agus dh'innseadh do Laban, air an treas là, gu'n do theich Iacob.

23 Agus thug e a bhràithrean leis, agus lean se e astar sheachd làithean, agus rug e air ann an sliabh Ghilead.

24 Agus thàinig Dia gu Laban an Sirianach ann an aising 's an oidhche, agus thubhairt e ris, Thoir an aire nach labhair thu ri Iacob aon chuid maith no ole.

25 An sin rug Laban air Iacob. A nis shuidhich Iacob a bhùth 's an t-sliabh, agus shuidhich Laban maille r'a bhràithribh ann an sliabh Ghilead.

26 Agus thubhairt Laban ri Iacob, Ciod e so a rinn thu, gu'n do theich thu gun fhios domh, agus gu'n d'thug thu leat mo nigheanan, mar bhraighdean a thugadh a mach leis a chlaidheamh?

27 C'ar son a theich thu gu h-uaigneach, agus a dh'fhalbh thu uam, agus nach

d'innis thu dhomh, agus gu'n cuirinn air falbh thu le subhachas, agus le h-òran-aibh, le tiompan, agus le clàrsaich?

28 Agus nach do leig thu leam mo mhic agus mo nigheanan a phògadh? a nis is amaidcach a fhuaradh tu le so a dheanamh.

29 Tha e'n comas mo làimhe-sa cron a dheanamh ort: ach labhair Dia d'athar riom an raoir, ag ràdh, Thoir an aire, nach labhair thu ri Iacob aon chuid maith no ole.

30 Agus a nis, ged a b'éigin duit falbh, a chionn gu'n robh thu gu ro mhòr 'an geall air tigh d'athar, *gidheadh* c'ar son a ghoid thu mo dhée?

31 Agus fircagair Iacob, agus thubhairt e ri Laban, A chionn gu'n robh eagal orm: oir thubhairt mi, Theagamh gu'n tugadh tu uam do nigheanan le h-ainneart.

32 Ge b'e neach aig am faigh thu do dhée, na maireadh e beò: an lathair ar bràithrean faic ciod a th'agam a *bhuineas* duit, agus gabh thugad e: oir cha robh fhios aig Iacob gu'n do ghoid Rachel iad.

33 Agus chaidh Laban a steach do bhùth Iacob, agus do bhùth Leah, agus do bhùth an dà bhanoglaich; ach cha d'fhuair e *iad*. An sin chaidh e mach á bhùth Leah, agus chaidh e steach do bhùth Rachel.

34 A nis ghoid Rachel na dealbhan, agus chuir i iad ann an acfhuinn a' chàmhail, agus shuidh i orra: agus rannsaich Laban am bhùth uile, ach cha d'fhuair e *iad*.

35 Agus thubhairt i r'a h-athair, Na cuireadh e corruich air mo thighearn nach urrainn mi éirigh suas a' d'fhianais, oir *tha* orm a réir gnatha nam ban: agus rannsaich e, ach cha d'fhuair e na dealbhan.

36 Agus bha fearg air Iacob, agus throd e ri Laban: agus fhreagair Iacob, agus thubhairt e ri Laban, Ciod i mo choire, agus ciod e mo pheacadh, gu'n robh thu cho dian air mo thòir?

37 An déigh dhuit m'airneis uile a rann-sachadh, ciod a fhuair thu dh'uile airneis do thighe? cuir an so e an lathair mo bhràithreansa agus do bhràithrean féin, agus gu'n tabhair iad breth cadaruinn 'n ar dithis.

38 A nis fichead bliadhna *bha* mi maille riut; cha do thilg do chaoraich an uain, no do ghabhair am mìn, agus reitheachan do threud cha d'ith mi.

39 An ni sin a reubadh *le fiadh-bheathaich*-ibh cha d'thug mi a d' ionnsuidh; ghiùlain mi féin a chall: o m' làimh-sa dh'iarr thu e, *co a'* a ghoidheadh e 's an là, no 'ghoidheadh e 's an oidhche.

40 Mar so bha mi; 's an là chlaoidh an teas mi, agus an reothadh 's an oidhche; agus dh'icheadh mi chodail ri m' shùilb.

41 Mar so *bha* mi fichead bliadhna a'd' thigh: ceithir bliadhna deug rinn mi seirbhis duit air son do dhithis nigheanan, agus se

blàdlna air son do spréidhe; agus mhùth thu mo thuarasdal deich uairean.

42 Mur bhitheadh gu'n robh Dia m'athar, Dia Abraham, agus Eagal Isaac maille rium, gu cinnteach chuireadh tu nis air falbh mi falamh: chunnaic Dia m'amhghar agus saothair mo làmh, agus chronaich e *thu* 'n raoir.

43 Agus fhreagair Laban, agus thubhairt e ri Iacob, Na nigheanan *so is iad* mo nigheanan-sa iad, agus a' chlann *so is iad* mo chlann-sa, agus an spréidh *so is iad* mo spréidh-sa; agus gach ni a *tha* thu a' faicinn, is leamsa e: agus ciod a dh'fheudas mi 'dheanaimh an diugh ri m' nigheanaibh so, no r'an cloinn a rug iad?

44 A nis uime sin thig-sa, deanamaid coimheangal, mise agus thusa; agus bith-cadh e mar fhianuis eadar mise agus thusa.

45 Agus ghabh Iacob clach, agus chuir e suas i mar charragh.

46 Agus thubhairt Iacob r' a bhràithribh, Cruinnichibh clachan: agus ghabh iad clachan, agus rinn iad carn, agus dh'ith iad an sin air a' charn.

47 Agus thug Laban mar ainm air Iegar-sahaduta: ach thug Iacob mar ainm air Galeed.

48 Agus thubhairt Laban, *Tha* 'n carn so 'n a fhianuis eadar mise agus thusa an diugh. Uime sin thugadh Galeed mar ainm air;

49 Agus Midspah; oir thubhairt e, Deanadh an Tighearn faire eadar mise agus thusa, 'n uair a bhitheas sinn á làthair a chéile.

50 Ma bhuineas tu gu cruaidh ri m' nigheanaibh, no ma ghabhas tu mnathan *eile* thuilleadh air mo nigheanaibh-sa, cha-n *'eil* duine sam bith maille ruinn; feuch, *tha* Dia 'n a fhianuis eadar mis' agus thusa.

51 Agus thubhairt Laban ri Iacob, Faic an carn so, agus faic an carragh *so*, a shuidhich mi eadar mis' agus thusa.

52 *Bitheadh* an carn so 'n a fhianuis, agus *bitheadh* an carragh *so* 'n a fhianuis, nach téid mise a d'ionnsuidh-sa thar a' charn so, agus nach tig thus' a m' ionnsuidh-sa thar a' charn so, agus a' charragh *so*, gu cron.

53 Gu'n tugadh Dia Abraham, agus Dia Nahoir, Dia an athar, breth eadarunn. Agus mhionnaich Iacob air Eagal 'athar Isaac.

54 An sin thug Iacob suas ìobairtean 's an t-slabh, agus ghairm e air a bhràithribh a dh'itheadh arain: agus dh'ith iad aran, agus dh'fhan iad rè na h-oidheche 's an t-slabh.

55 Agus dh'éirich Laban suas moch 's a' mhaduinn, agus phòg e a mhic agus a nigheanan, agus bheannaich e iad, agus dh'fhalbh e: agus phill Laban g'a àite féin.

1 *Chunnaic Iacob ainglean aig Mahanaim. 3 Chuir e teachdairean gu Esau. 7 Bha eagal air gu'n tigeadh e 'n a aghaidh, agus rinn e urnuigh ris an Tighearn gu'n sooradh e uairth e. 13 Chuir e tiodhlac d'a ionnsuidh. 24 Ghlac e ri aingeal aig Peniel, agus thugadh Israel mar ainm air.*

A GUS dh'imich Iacob air a shlighe, agus choinnich ainglean Dhé e.

2 Agus thubhairt Iacob, 'n uair a chunn-aic e iad, *Is e so* feachd Dhé: agus thug e Mahanaim mar ainm air an àite sin.

3 Agus chuir Iacob teachdairean roimhe gu h-Esau a bhràthair, gu fearann Sheir, dùthaich Edoinn.

4 Agus dh'àithn e dhoibh, ag ràdh, Mar so their sibh ri m' thighearn Esau, Mar so thubhairt do sheirbhiseach Iacob, Bha mi air chuairt maille ri Laban, agus dh'fhan mi *maille ris* gus a nis.

5 Agus tha agam buar, agus asail, treudan, agus òglaich, agus banoglaich; agus chuir mi dh'innsadh do m' thighearn, chum gu'm faighinn deadh-ghean a' d' shùil-ibh.

6 Agus phill na teachdairean gu Iacob, ag ràdh, Thàinig sinn a dh'ionnsuidh do bhràthar Esau, agus mar an ceudna tha e 'teachd a'd' chòdhail, agus ceithir cheud fear maille ris.

7 Agus bha Iacob fo eagal mòr, agus ann an airc; agus roim e'n sluagh a *bha* maille ris, agus na treudan, agus an crodh, agus na càmhail 'n an dà bhuidhinn;

8 Agus thubhairt e, Ma thig Esau gu h-aon de na buidhneibh, agus gu'm buail e i, an sin théid a' bhuidheann a dh'fhanas as *uairth*.

9 Agus thubhairt Iacob, O Dhé m'athar Abraham, agus a Dhé m'athar Isaac, a Thighearn' a thubhairt rium, Pill gu d' dhùthaich, agus gu d' dhilsean, agus ni mi maith dhuit:

10 Cha-n airidh mi air a' chuid a's lugha de na trècàiribh *sin* uile, no de'n fhèrrinn *sin* uile, a nochd thu do d'sheirbhiseach; oir le m' luirg thàinig mi thar an Iordan so, agus tha mi nis a'm' dhà bhuidhinn.

11 Saor mi, guidheam ort, o làimh mo bhràthar, o làimh Esau: oir tha eagal orm roimhe, gu'n tig e, agus gu'm buail e mi, agus a' mhàthair maille ris a' chloinn.

12 Agus thubhairt thu, Gu cinnteach ni mi maith dhuit, agus ni mi do shìochd mar ghaineamh na faire, nach feudar àir-eamh a thaobh homhoireachd.

13 Agus dh'fhan e an sin 's an oidheche sin féin, agus ghabh e de na thàinig g'a làimh tiodhlac air son Esau a bhràthar;

14 Dà cheud gabhar agus fichead boc, dà cheud caora agus fichead reithe,

15 Deich càmhail fhichead bhainne le 'n searraich, dà fhichead bò agus deich tairbh,

fichead asal bhoirionn agus deich searr-
aich.

16 Agus thug e *iad* do làimh a sheir-
bhiseach, gach iomain leatha féin; agus thu-
bhairt e r'a sheirbhiseach, Imichibh romham,
agus cuiribh dealachadh eadar iomain agus
iomain.

17 Agus dh'áithn e dhásan a bh'air thois-
each, ag ràdh, 'N uair a choinnichas mo
bhràthair Esau thu, agus a dh'fhèdraicheas
e dhìot, ag ràdh, Co leis thu, agus c'àit a
bheil thu dol? agus co leis iad sin a *tha*
romhad?

18 An sin their thusa, *Buinidh iad* do
d'sheirbhiseach Jacob; *is* tiodhlac a th'ann,
a chuireadh a dh'ionnsuidh mo' thighearn'
Esau: agus, feuch, mar an ceudna *tha* e
féin 'n ar déigh.

19 Agus dh'áithn e mar sin do'n dara
seirbhiseach, agus do'n treas, agus dhoibh-
san uile a bha 'leantuinn nan iomain, ag
ràdh, Air an dòigh so labhraidh sibh ri
h-Esau, 'n uair a gheibh sibh e.

20 Agus their sibh cuideachd, *Fench, Tha*
do sheirbhiseach Jacob 'n ar déigh-ne: oir
thubhairt e, Ni mi réidh e leis an tiodhlac
a théid romham, agus an déigh sin chi mi a
ghnùis; theagamh gu'n gabh e rium.

21 Mar sin chaidh an tiodhlac thairis
roimhe: agus dh'fhan e féin an oidheche sin
's a' chuideachd.

22 Agus dh'éirich e suas 's an oidheche sin,
agus ghabh e a dhà mhnaoi, agus a dhà
bhanoglach, agus 'aon mhac deug, agus
chaidh e thairis air àth Iabac.

23 Agus ghabh e iad, agus chuir e thairis
air an t-sruth iad, agus chuir e thairis na
bh'aige.

24 Agus dh'fhan Jacob 'n a aonar; agus
ghleac duine ris, gu ruig briseadh na faire.

25 Agus 'n uair a chunnaic e nach do
bhuadhaich e air, an sin bhean e ri lag a
shléisde; agus chaidh lag sléisde Iacoib as
an alt 'n uair a bha e a' gleac ris.

26 Agus thubhairt e, Leig air falbh mi, oir
tha'n fhàir a' briseadh: agus thubhairt
esan, Cha leig mi air falbh thu, mur beann-
aich thu mi.

27 Agus thubhairt e ris, Ciod e *is* ainm
dhuit? agus thubhairt e, Jacob.

28 Agus thubhairt esan, Cha ghoirear
Jacob ni's mò dhìot mar ainm, ach Israel:
oir bha cumhachd agad mar uachdaran
ri Dia, agus ri daoibh, agus thug thu
buaidh.

29 Agus dh'fhiosraich Jacob *dheth*, agus
thubhairt e, Innis *dhomh*, guidheam ort,
d'ainm: agus thubhairt esan, O' ar son a
tha thu a' farraid m'ainme. Agus bheann-
aich e an sin e.

30 Agus thug Jacob Peniel mar ainm air
an àite: oir chunnaic mi Dia aghaidh ri
h-aghaidh, agus thearnadh m' anam.

31 Agus dh'éirich a' ghrian air, 'n uair a

chaidh e seach Peniel, agus *bha* e bacach
air a shliasaid.

32 Uime sin cha-n ith clann Isracil de'n
fhéith a chrup, a *tha* air lag na sléisde, gus
an là'n diugh; a chionn gu'n do bhean e
ri lag sléisde Iacoib 's'an fhéith a chrup.

CAIB. XXXIII.

1 *Caoimhneas Iacoib agus Esau d'a chéile 'n*
uair a choinnich iad. 18 *Aig Salem cheann-
aich Jacob achadh, agus thog e altair.*

A GUS thog Jacob suas a shùilean, agus
dh'amhaire e, agus, feuch, *bha* Esau
a' teachd, agus maille ris ceithir cheud
fear. Agus roinn e a' chlann do Leah,
agus do Rachel, agus do'n dà bhanoglach.

2 Agus chuir e na banoglaich agus an
clann air thoiseach, agus Leah agus a clann
'n an déigh, agus Rachel agus Ioseph air
dheireadh.

3 Agus chaidh e féin air 'aghaidh rompa,
agus chrom se e féin gu lár seachd uairean,
gus an d'thàinig e dlùth d'a bhràthair.

4 Agus ruith Esau 'n a choinncamh, agus
ghabh e 'n a ghlacaibh e, agus thuit e air a
mhùineal, agus phòg se e: agus ghuil iad.

5 Agus thog e suas a shùilean, agus chunn-
aic e na mnathan agus a' chlann; agus
thubhairt e, Cò iad sin a *tha* maille riut?
agus thubhairt esan, A' chlann a thug Dia
gu gràmhor do d'sheirbhiseach.

6 An sin thàinig na banoglaich am fagus,
iad féin agus an clann, agus chrom siad iad
féin.

7 Agus thàinig Leah cuideachd am fagus
maille r'a cloinn, agus chrom siad iad féin;
agus an déigh sin thàinig Ioseph am fagus
agus Rachel, agus chrom siad iad féin.

8 Agus thubhairt e, Ciod *is* *ciall* duit leis
an iomain so uile, a choinnich mi? Agus
thubhairt esan, Gu deadh-ghean fhaghail
ann an sùilibh mo thighearna.

9 Agus thubhairt Esau, Tha agamsa pail-
teas, a bhràthair; gléidh dhuit féin na bheil
agad.

10 Agusthubhairt Jacob, Ni h-eadh, guidh-
eam ort, ma fhuair mi nis deadh-ghean a'd'
shùilibh, an sin gabh mo thiodhlac o m'
làimh: oir uime sin chunnaic mi do ghnùis,
mar gu'm faicinn gnùis Dhé, agus thaitim
mi riut.

11 Gabh, guidheam ort, mo bheannachadh
a thugadh a'd' ionnsuidh, do bhrìgh gu'n do
bhuin Dia gu toirbheartach rium, agus gu
bheil agam mòr phailteas: agus rinn e ro-
earail air, agus ghabh se e.

12 Agus thubhairt e, Gabhlamaid ar turus,
agus bitheamaid ag imeachd, agus théid
miso maille riut.

13 Agus thubhairt e ris, Tha fios aig mo
thighearn gu *bheil* a' chlann maoth, agus na
treudan agus an fheadail a *tha* maille rium,
trom le h-àl; agus ma dh'iomainear iad gu
dian an là, gheibh an treud uile bàs.

14 Rachadh, guidheam ort, mo thighearn seachad roimh a sheirbhiseach: agus gabhaidh mise an t-slighe gu socrach, a réir mar a bhitheas an spréidh a *tha* romham, agus a' chlànn, comasach air fhulang, gus an tig mi dh'ionnsuidh mo thighearna gu Seir.

15 Agus thubhairt Esau, Leig leam a nis *cuid* de'n mhuinntir a *tha* maille rium fhàgail marriut: Agus thubhairt esan, C'ar son sin? faigheam-sa deadh-ghean 'an sùilibh mo thighearna.

16 Mar sin phill Esau 's an là sin féin air a shlighe gu Seir.

17 Agus dh'imich Iacob gu Sucot, agus thog e dha féin tigh, agus rinn e bothain d'a spréidh: air an aobhar sin thugadh Sucot mar ainm air an áite.

18 Agus thàinig Iacob do Shalem, baile Shechem *a tha* ann an tìr Chanaain, 'n uair a thàinig e o Phadan-aram; agus shuidhich e a bhùth fa chomhair a' bhaile.

19 Agus cheannaich e mìr fearainn, far an do shuidhich e a bhùth, o làimh ehloinne Hamoir athar Shechem, air cheud bonn airgid.

20 Agus chuir e suas altair an sin, agus thug e El-Elohe-Israel mar ainm oirre.

CAIB. XXXIV.

1 Thruaillleadh Dinah nighean Leah. 20 Thimchioll-ghearradh muinntir Shechem; 25 Mharbhadh iad le mic Iacoib, 27 Agus chreachadh am baile.

A GUS ehaidh Dinah nighean Leah, a rug i do Iacob, a mach a dh'fhàicinn nigheanan na tìre.

2 Agus 'n uair a chunnaic Sechem mac Hamoir an Ibhich, uachdaran na tìre i, ghabh e i, agus luidh e leatha, agus thruaill e i.

3 Agus dhlùth-lean 'anam ri Dinah nighinn Iacoib, agus glràdhaich e a' ghruagach, agus labhair e gu caomh ris a' ghruagach.

4 Agus labhair Sechem ri Hamor 'athair, ag ràdh, Faigh dhomhsa a' ghruagach so mar mhnai.

5 Agus chuala Iacob gu'n do thruaill e Dinah a nighean. (Nis bha a mhie maille r'a spréidh 's a' mhachair) agus bha Iacob 'n a thosd gus an d'thàinig iad.

6 Agus chaidh Hamor athair Shechem a mach a dh'ionnsuidh Iacoib, a labhairt ris.

7 Agus thàinig mic Iacoib o'n mhachair 'n uair a thual' iad e, agus bha na daoine doilich, agus bha fearg mhòr orra, a chionn gu'n d'rinn e amaideachd ann an Israel, ann an luidhe le nighinn Iacoib, ni nach bu eòir a dheanamh.

8 Agus labhair Hamor riu, ag ràdh, Tha anam mo mhie Shechem 'an ro-gheall air bhur nighinn: thugaibh dha i, guidheam oirbh, mar mhnai.

9 Agus deanaibh ceanglaichean-pòsaidh ruinne; bhur nigheanan-sa thugaibh

dhuinne, agus ar nigheanan-ne gabhaidh sibh dhuibhse.

10 Agus maille ruinne gabhaidh sibh còmh-nuidh: agus bithidh an tìr roimh: gabhaidh còmh-nuidh, agus deanaibh reic agus ceannachd innte, agus faighibh sealbh iunte.

11 Agus thubhairt Sechem r'a h-athair, agus r'a bràithribh, Faigheam deadh-ghean 'n ur sùilibh; agus ge b'e ni a their sibh rium, bheir mi *dhuith*.

12 Air a mheud 's gu'n dean sibh an dubh-raidh orm, agus an tiodhlae, bheir mi dhuibh eadhon mar a their sibh rium: a mhàin thugaibh dhomh a' ghruagach mar mhnai.

13 Agus fhreagair mic Iacoib Sechem agus Hamor 'athair le ceilg, agus labhair iad, (a chionn gu'n do thruaill e Dinah am piuthar.)

14 Agus thubhairt iad riu, Cha -n fheud sinne an ni so dheanamh, ar piuthar a thoirt do dhuine neo-thimchioll-ghearrta: oir bhiodh sin 'n a mhasladh dhuinne.

15 Ach an so aontaichidh sinn leibh; ma bhios sibhse mar a *tha* sinne, gu'n timchioll-ghearrar gach firionnach 'n ur measg;

16 An sin bheir sinne ar nigheanan dhuibhse, agus bhur nigheanan-sa gabhaidh sinn dhuinne, agus gabhaidh sinn còmh-nuidh maille ribh, agus bithidh sinn 'n ar n-aon sluagh.

17 Ach mur éisd sibh ruinne, sibh a bhi air bhur timchioll-ghearradh, an sin gabhaidh sinne ar nighean, agus falbhaidh sinn.

18 Agus thaitinn am briathran ri Hamor, agus ri Sechem mac Hamoir.

19 Agus cha do chuir an t-òganach dàil anns an ni a dheanamh, a chionn gu'n robh tlachd aige ann an nighinn Iacoib: agus bha e ni b'urramaiche na tigh-athar uile.

20 Agus thàinig Hamor, agus Sechem a mhac gu geatadh am baile, agus labhair iad ri daoimibh am baile, ag ràdh,

21 *Tha* na daoine so sìochail maille ruinn, air an aobhar sin gabhadh iad còmh-nuidh 's an tìr, agus deanadh iad reic agus ceannachd innte; thaobh an fheairinn, feuch, *tha e* farsaing ni 's leòir dhoibh: an nigheanan-sa gabhaidh sinne dhuinne mar mhnai, agus ar nigheanan-ne bheir sinne dhoibhsan.

22 A mhàin anns an ni so aontaichidh na daoine leinn, gu còmh-nuidh aghabhal maille ruinn, gu bhi 'n ar n-aon sluagh, ma thimchioll-ghearrar gach firionnach agaiune, mar a *tha* iadsan air an timchioll-ghearradh.

23 Nach leinne an spréidh, agus an maoin, agus an ainmhidhean uile? a mhàin aontaicheamaid leo, agus gabhaidh iad còmh-nuidh maille ruinn.

24 Agus dh'éisd gach neach a ehaidh mach

air geatadh a bhaile ri Hamor, agus ri Sechem a mhac: agus thimchioll-ghearradh gach frionnach, iadsan uile a chaidh mach air geatadh a bhaile.

25 Agus air an treas là, 'n uair a bha iad air an cràdh, an sin ghabh dithis de mhic Iacòib, Simeon agus Lebhi, bràithrean Dhinah, gach fear aca a chlaidheimh, agus thàinig iad air a' bhaile gu dàna; agus mharbh iad gach frionnach.

26 Agus mharbh iad Hamor agus Sechem a mhac le faobhar a' chlaidheimh, agus thug iad Dinah à tigh Shechem, agus chaidh iad a mach.

27 Thàinig mic Iacòib air na mairbh, agus chreach iad ann baile, a chionn gu'n do thruaill iad am piuthar.

28 An caoraich, agus am buar, agus an asail, agus na *bha* 's a' bhaile, agus ua *bha* 's an fhearann, thog iad:

29 Agus am maoin uile, agus an clann bheag uile, agus am mnathan thug iad leo 'an daorsadh, agus thog iad 's a' chreich eadhon gach ui a *bha* stigh.

30 Agus thubhairt Iacob ri Simeon agus ri Lebhi, Chuir sibh trioblaid orm le m' dheanamh gràineil am measg luchd-àiteachaidh na tire, am measg nan Canaanach, agus nam Peridseach: agus air dhomhsa 'bhi gan'n an àireamh, cruinnichidh siad iad féin cuideachd a' m' aghaidh, agus marbhaidh iad mi; agus cuirear as domh, agus do m' thigh.

31 Agus thubhairt iad, Am bu chòir dha buntainn ri r'piuthair-neuar rìstriopaich?

CAIB. XXXV.

1 *Thàinig Iacob gu Betel, far an do thog e altair do Dhia. 9 Tha e air a bheannachadh. 16 Bàs Rachel. 23 Mic Iacob. 28 Aois Isaac, a bàs, agus 'adhlac.*

A GUS thubhairt Dia ri Iacob, Eirich, imich suas gu Betel, agus gabh còmhnuidh an sin; agus dean an sin altair do Dhia, a dh'fhoillsich e féin duit an uair a theich thu o ghnùis Esau do bhràthar.

2 Agus thubhairt Iacob r' a theaghlach, agus riu-san uile a *bha* maille ris Cuiribh uaibh na diathan coinneach a *tha* 'n 'ur measg, agus bithibh glan, agus mùthaibh bhur n-eudach:

3 Agus éireamaid, agus rachamaid suas gu Betel; agus nì mise an sin altair do Dhia, a dh'éisd rium ann au là mo chruaidh-chais, agus a bha maille rium 's au t-slighe air an deachaidh mi.

4 Agus thug iad do Iacob na diathan coinneach uile a *bha* 'n an làimh, agus an chuas-flàincean a *bha* 'n an cluasaibh; agus dh'fholaidh Iacob iad fo'n daraig a *bha* làimh ri Sechem.

5 Agus dh'imich iad: agus bha cagal Dhé air na bailtibh a *bha* mu'n cuairt orra, agus cha d'riun iad tòreachd air mic Iacob.

6 Mar sin thàinig Iacob gu Luds, a *tha* 'an

tìr Chanaan, eadhon Betel, e féin agus an sluagh uile a *bha* maille ris.

7 Agus thog e 'n sin altair, agus thug e El-betel mar ainm air an àite; do bhrìgh ann au sin gu'n d'fhoillsich Dia e féin dha, 'n uair a theich e o ghnùis a bhràthar.

8 Ach fhuair Deborah ban-altrum Rebecah bàs, agus dh'adhlacaidh i fo Bhetel, fo dharaig: agus thugadh Alon-bacut mar ainm air.

9 Agus dh'fhoillsich Dia e féin do Iacob a ris, an uair a thàinig e à Padan-aram; agus bheannaich se e.

10 Agus thubhairt Dia ris, 'S e Iacob a's ainm dhuit; cha-n aiumchiear thu Iacob nì's mò, ach 's e Israel a bhios 'n a ainm ort: agus thug e Israel mar ainm air.

11 Agus thubhairt Dia ris, *Is* mise Dia uile-chumhachdach; bi sìolmhor agus fas lìonmhor: thig cinneach agus còimhthional chinneach uait, agus thig rìghrean a mach à d'leasruidh.

12 Agus am fearann a thug mi dli' Abraham agus a dli' Isaac, dhuit -se bheir mi e; agus do d' shliochd a'd' dhéigh bheir mi am fearann.

13 Agus chaidh Dia suas uaith 's an àit' 'an do labhair e ris.

14 Agus chuir Iacob suas carragh 's an àit' 'an do labhair e ris, carragh cloiche, agus dhòirt e tabhartas-dìbhe air, agus dhòirt e oladh air.

15 Agus thug Iacob Betel, mar ainm air an àite far an do labhair Dia ris

16 Agus dh'imich iad o Bhetel, agus cha robh ach astar beag aca ri teachd gu h-Ephrat: agus thàinig tinneas cloinne air Rachel, agus bha saothair chruaidh oirre.

17 Agus 'n uair a bha i 'an cruaidh shaothair, an sin thubhairt a' bhean-ghlùine rithe, Na bitheadh eagal ort, oir *bithidh* au mac so agad cuideachd.

18 Agus 'n uair a bha 'h-anam a' dealachadh rithe, (oir fhuair i bàs,) thug i Benoni mar ainm air: ach dh'ainmich 'athair e Benjamin.

19 Agus fhuair Rachel bàs, agus dh'adhlacaidh i 's an t-slighe gu h-Ephrat, eadhon Betlehem.

20 Agus chuir Iacob suas carragh air a h-uaigh: *is* e so carragh uaighe Rachel gus an là n' diugh.

21 Agus ghabh Israel a thurus, agus shuidh e a bhùth an taobh thall de thùr Edeir.

22 Agus 'n uair a bha Israel a chòmhnuidh 's an tìr sin, chaidh Reuben, agus luidh e le Bilhah leannan 'athar: agus chual' Israel *sin*. A nis bha dà mhac dhéug aig Iacob.

23 Mic Leah, Reuben ceud-ghin Iacòib, agus Simeon, agus Lebhi, agus Iudah, agus Isachar, agus Sebulun.

24 Mic Rachel; Ioseph, agus Benjamin.

25 Agus mic Bilhah, banoglaich Rachel; Dan, agus Naphtali.

26 Agus mic Shilpah, banoglaich Leah; Gad agus Aser. *Is* iad sin mic Iacoib, a rugadh dha 'am Padan-aram.

27 Agus thàinig Iacob chum Isaac 'athar do Mhamre, gu baile Arbah, eadhon Hebron, far an robh Abraham agus Isaac air chuairt.

28 Agus b'iad làithean Isaac ceud bliadhna, 's ceithir fichead.

29 Agus thug Isaac suas an deò, agus 'théug e, agus chruinnicheadh e chum a mhuinntir féin, agus e 'n a sheann duine, agus làn de làithibh. Agus dh'adhlaic a mhic Esau agus Iacob e.

CAIB. XXXVI.

1 *Trìuir bhan Esau.* 9 *A ghinealaich ann an sliabh Sheir.* 15 *Na cinn-fheadhna a thàinig o 'mhic.*

AGUS *is* iad sin ginealaich Esau, eadhon Edoim.

2 Ghabh Esau a mhnathan de nigheanaibh Chanaain; Adah nighean Eloin an Hitich, agus Aholibamah nighean Anah, nighinn Shibeoin an Hibhich;

3 Agus Basemat nighean Ismaeil, piuthar Nebaioit.

4 Agus rug Adah do Esau Eliphais; agus rug Basemat Reuel.

5 Agus rug Aholibamah Ieus, agus Iaalaim, agus Corah: *Is* iad sin mic Esau, a rugadh dha ann an tìr Chanaain.

6 Agus ghabh Esau a mhnathan, agus a mhic, agus a nigheanan, agus uile mhuinntir a thighe, agus a spréidh, agus 'ainmhidhean uile, agus a mhaoin uile, a fhuair e ann an tìr Chanaain; agus chaidh e do thìr *eile* o ghnèis a bhràthar Iacoib.

7 Oir bha 'n saoihbreas ni bu mhò na gu'm feudadh iad còmhnuidh a ghabhail cuid-eachd; agus cha 'burrainn an tìr anns an robh iad 'n an coigrich, an giùlan air son an spréidhe.

8 Mar so ghabh Esau còmhnuidh ann an sliabh Sheir: *is e* Esau Edoim.

9 Agus *is* iad sin ginealaich Esau, athar nan Edomach, ann an sliabh Sheir:

10 *Is* iad sin ainmcanman mhac Esau; Eliphais mac Adah mnà Esau, Reuel mac Bhasemait mnà Esau.

11 Agus b'iad mic Eliphais Teman, Omar, Sepho, agus Gatam, agus Cenas.

12 Agus bha Timna 'n a leannan aig Eliphais, mac Esau; agus rug i do Eliphais Amalec: b'iad sin mic Adah, mnà Esau.

13 Agus *is* iad sin mic Reueil; Nahat, agus Serah, Samah, agus Midsah: b'iad sin mic Bhasemait, mnà Esau.

14 Agus b'iad sin mic Aholibamah, nighinn Anah, nighinn Shibeoin, mnà Esau: agus rug i do Esau Ieus, agus Iaalaim, agus Corah.

15 B'iad sin na cinn-fheadhna de mhic Esau: mic Eliphais, ceud-ghin Esau; Teman ceann-fheadhna, Omar ceann-fheadhna, Sepho ceann-fheadhna, Cenas ceann-fheadhna,

16 Corah ceann-fheadhna, Gatam ceann-fheadhna, agus Amalec ceann-fheadhna: *is* iad sin na cinn-fheadhna a thàinig o Eliphais, ann an tìr Edoim: b'iad sin mic Adah.

17 Agus *is* iad sin mic Reueil, mhic Esau; Nahat ceann-fheadhna, Serah ceann-fheadhna, Samah ceann-fheadhna, Midsah ceann-fheadhna. *Is* iad sin na cinn-fheadhna a thàinig o Reuel, ann an tìr Edoim: *is* iad sin mic Bhasemait, mnà Esau.

18 Agus *is* iad sin mic Aholibamah, mnà Esau; Ieus ceann-fheadhna, Iaalaim ceann-fheadhna, Corah ceann-fheadhna: b'iad sin na cinn-fheadhna a thàinig o Aholibamah nighinn Anah, mnà Esau.

19 *Is* iad sin mic Esau, eadhon Edoim; agus *is* iad sin an cinn-fheadhna.

20 *Is* iad sin mic Sheir an Horich, luchd-àiteachaidh na tìre; Lotan, agus Sobal, agus Sibeon, agus Anah.

21 Agus Dison, agus Edser, agus Disan: *is* iad sin cinn-fheadhna nan Horach, cloinne Sheir, ann an tìr Edoim.

22 Agus b'iad clann Lotain Hori, agus Heman: agus b'i Timna piuthar Lotain.

23 Agus b'iad sin clann Shobail; Albhan, agus Manahat, agus Ebal, Sepho, agus Onam.

24 Agus b'iad sin clann Shibeoin; araon Aiah, agus Anah: b' e so an t-Anah, a fhuair a mach na muileidean 's an fhàsach, an uair a bha e 'g ionaltradh asalan Shibeoin 'athar.

25 Agus b'iad sin clann Anah; Dison, agus Aholibamah nighean Anah.

26 Agus b'iad sin clann Dhisoin; Hemdan, agus Eshan, agus Itran, agus Cheran.

27 B'iad sin clann Eseir; Bilhan, agus Saabhan, agus Achan.

28 B'iad sin clann Dhisain; Uds, agus Aran.

29 B'iad sin cinn-fheadhna nan Horach; Lotan ceann-fheadhna, Sobal ceann-fheadhna, Sibeon ceann-fheadhna, Anah ceann-fheadhna,

30 Dison ceann-fheadhna, Eser ceann-fheadhna, Disan ceann-fheadhna: *is* iad sin na cinn-fheadhna a thàinig o Hori, am measg an ceann-fheadhna-san ann an tìr Sheir.

31 Agus *is* iad sin na rìghrean a rìghich ann an tìr Edoim, mun do rìghich rìgh sam bith air cloinn Israel.

32 Agus rìghich ann an Edom Belah mac Bheoir; agus b'e ainm a bhaile Dinhabah.

33 Agus dh'éug Belah, agus rìghich Iobab mac Sherah o Bhosrah 'n a àite.

34 Agus dh'éug Iobab, agus rìghich Husam o thìr Themani 'n a àite.

35 Agus dh'éug Husam, agus rìghich Hadad mac Bhedaid, a bhuail Midian 'am fearann Mhoab, 'n a àite: agus b'e ainm a bhaile Abhit.

36 Agus dh'éug Hadad, agus rìghich Samlah o Mhasrecah 'n a àite.

37 Agus dh'èug Samlah, agus rìghich Saul o Rehobot, *làimh ris* an amlainn, 'n a àite.

38 Agus dh'èug Saul, agus rìghich Baalhanan mac Achboir 'n a àite.

39 Agus dh'èug Baalhanan mac Achboir; agus rìghich Hadar 'n a àite: agus *b'e* ainm a bhaile Pau; agus ainm a mhàna Mehetabel, nighean Mhatreid, nighean Mhedasaibh.

40 Agus *is* iad sin ainmeanan nan ceann-feadhna a *thàinig* o Esau, a réir an teaghlach, a réir an àiteachan, 'n an ainmibh; Timnah ceann-feadhna, Albhah ceann-feadhna, Ietec ceann-feadhna,

41 Aholibamah ceann-feadhna, Elah ceann-feadhna, Pinon ceann-feadhna,

42 Cenas ceann-feadhna, Teman ceann-feadhna, Mibsar ceann-feadhna,

43 Magdiel ceann-feadhna, Iram ceann-feadhna: *is* iad sin cinn-fheadhna Edoim, a réir an àiteachan-còmhnuidh, ann an tìr an seilbh; *is* esan Esau, athair nan Edomach.

CAIB. XXXVII.

1 Dh' *fhuathaich*eadh Ioseph le a bhràithribh. 5 A dhà aisling. 18 Chuir a bhràithrean an comhairle ri 'chèile gus a mharbhadh; ach shaor Reuben e. 36 Reiccadh e ri Potiphar 's an Eipht.

AGUS ghabh Iacob còmhnuidh 's an tìr anns an robh 'athair 'n a choigreach, ann an tìr Chanaan.

2 *Is* iad so ginealaich Iacoib: 'N uair a bha Ioseph seachd bliadhna déug a dh'aois, bha e a' buachailleachd an treud' maille r'a bhràithribh, agus *bha* 'n t-òganach maille ri mic Bhillah, agus maille ri mic Shilpah, mnathan 'athar; agus thug Ioseph an droch thuairesgeul-san a dh'ionnsuidh 'athar.

3 Agus bu docha le h-Israel Ioseph na 'mhic uile, a chionn gu'm *b'e* mac a shean aois e: agus rinn e dha còta dh' *iomadh* dath.

4 Agus 'n uair a chunnaic a bhràithrean gu'm bu docha le 'athair e na 'bhràithrean uile, dh'fhuathaich iad e, agus cha b'urraim iad labhairt ris gu sìochail.

5 Agus chunnaic Ioseph aisling, agus dh'innis e d'a bhràithribh *i*, agus dh'fhuathaich iad e fathast ni's mò.

6 Agus thubhairt e riu, Eisdibh, guidheam oirbh, ris an aisling so a chunnaic mi:

7 Oir, feuch, *bha* sinn a' ceangal sguab 's an achadh, agus, feuch, dh'èirich mo sguab-sa suas, agus sheas i gu dìreach; agus, feuch, sheas bhuir sguaban-sa mu'n cuairt oirre, agus rinn iad ùmhlaich do m' sguab-sa.

8 Agus thubhairt a bhràithrean ris, Am bi thusa gun amharus a'd' rìgh oirme? Am bi agad d'a rìreadh tighearnas oirme? Agus dh'fhathach iad e fathast ni's mò airson 'aislingean, agus air son a bhriathran.

9 Agus chunnaic e fathast aisling eile, agus dh'innis e d'a bhràithribh *i*, agus thubhairt e, Feuch, chunnaic mi aisling eile; agus,

feuch, rinn a' ghrian agus a' ghealach, agus an aon reul deug, ùmhlaich dhomh.

10 Agus dh'innis e d'a athair *i*, agus d'a bhràithribh: agus thug 'athair achmhasan da, agus thubhairt e ris, Ciod i an aisling so a chunnaic thu? An e gu'n tig d'a rìreadh mise, agus do mhàthair; agus do bhràithrean, chum sinn féin a chromadh sìos dhuit-sa gu làr?

11 Agus bha farmad aig a bhràithribh ris; ach thug 'athair fairear a' chainnt.

12 Agus chaidh a bhràithrean a dh'ional-tradh treud an athar do Shechem.

13 Agus thubhairt Israel ri Ioseph, Nach 'eil do bhràithrean ag ionaltradh an treud ann an Sechem? Thig, agus cuiridh mi thu d'an ionnsuidh. Agus thubhairt e ris, *Tha* mise an so.

14 Agus thubhairt e ris, Imich, guidheam ort, faic am bheil do bhràithrean gu maith, agus am bheil an treud gu maith; agus thoir fios do m' ionnsuidh a ris. Mar sin chuir e mach e á gleann Hebroin, agus thàinig e gu Sechem.

15 Agus fhuaire duine *àraidh* e, agus, feuch, *bha* e air seacharan 's a' mhachair; agus dh'fhodraich an duine dh' e ag ràdh, Ciod a tha thu 'g iarraidh?

16 Agus thubhairt e, Tha mi 'g iarraidh mo bhràithrean: innis dhomh, guidheam ort, c'ait am bheil iad ag ionaltradh an treud.

17 Agus thubhairt an duine, Dh'fhalbh iad à so: oir chuala mi iad ag ràdh, Rachamaid gu Dotan. Agus chaidh Ioseph an déigh a bhràithrean, agus fhuaire e iad ann an Dotan.

18 Agus 'n uair a chunnaic iad e fada uatha, eadhon mun d'thàinig e am fagus doibh, chuir iad an comhairle ri 'chèile 'n a aghaidh, gus a mharbhadh.

19 Agus thubhairt iad r'a chèile, Feuch, tha an t-aislingiche so a' teachd.

20 Thigibh a nis ma ta, agus marbhamaid e, agus tilgeamaid e ann an slochd éigin; agus their sinn, Chuir droch bheist éigin as da: agus chi sinn ciod gus an tig 'aislingean.

21 Agus chuala Reuben so, agus shaor e as an làimh e, agus thubhairt e, Na cuireamaid gu bàs e.

22 Agus thubhairt Reuben riu, Na dòirtibh fuil; tilgibh e 's an t-slochd so, a *tha* 's an fhàsach, agus làmh na cuiribh air; a chum as gu'n saoradh e as an làimh e, agus gu'n aisigeadh e a ris d'a athair e.

23 Agus 'n uair a thàinig Ioseph a dh'ionnsuidh a bhràithrean, an sin bhuin iad do Ioseph a chòta, còta nan *iomadh* dath, a *bha* air.

24 Agus ghabh iad e, agus thilg iad e ann an slochd; agus bha 'n slochd falamh, gun uisge ann.

25 Agus shuidh iad sìos a dh'itheadh arain; agus thog iad suas an sùilean agus dh'amlhair iad, agus, feuch, *bha* cuideachd de

chloinn Ismaeil a' teachd o Ghilead, le'n càmhalan a' giùlan spìosraidh, agus ioc-shlaith, agus mairr, a' dol gus an tabhairt sìos do'n Eiphit.

26 Agus thubhairt Iudah r'a bhràithribh, Ciod an tairbhe a *bhios ann dhuinne*, ma mharbhas sinn ar bràthair, agus ma cheileas sinn fhuil?

27 Thigibh, agus reiceamaid e ris na h-Ismaelich, agus na cuireamaid lamh air; oir is e ar dearbh-bhràthair e, agus ar feòil: agus dh'éisd a bhràithrean ris.

28 An sin chaidh Midianaich seachad, ceannaichean; agus tharruing iad agus thog iad suas Ioseph as an t-slochd, agus reic iad Ioseph ris na h-Ismaelich air fichead *bonn* airgid. Agus thug iadsan Ioseph do'n Eiphit.

29 Agus phill Reuben a dh'ionnsuidh an t-sluichd; agus, feuch, cha robh Ioseph 's an t-slochd: agus reub e 'eudach.

30 Agus phill e dh'ionnsuidh a bhràithrean, agus thubhairt e, Cha-n'eil an leanabh ann; agus misc, c'àit an téid mi?

31 Agus ghabh iad còta Ioseph, agus mharbh iad meann de na gabhraibh, agus thum iad an còta 's an fhuil.

32 Agus chuir iad uatha còta nan *iomadh* dath, agus thug iad dh'ionnsuidh an athar; agus thubhairt iad, Fluair sinne so: aithnich a nis an e so còta do mhic, no nach e.

33 Agus dh'aithnich se e, agus thubhairt e, Còta mo mhic; chuir droch bheisd as da: tha Ioseph gun teagamh air a réubadh as a chéile.

34 Agus reub Iacob, 'eudach, agus chuir e eudach-saic air a leasruidh, agus rinn e bròn air son a mhic rè mòrain làithean.

35 Agus dh'éirich a mhic uile, agus a nigheanan uile suas, a thabhairt sòlais da; ach dhiùlt esan sòlas a ghabhail; agus thubhairt e, Oir théid mi sìos do 'n uaigh a chum mo mhic ri bròn. Mar so rinn 'athair caoidh air a shon.

36 Agus reic na Midianaich e 's an Eiphit ri Potiphar, oifigeach le Pharaoh, ceannard an fhreiceadain.

CAIB. XXXVIII.

1 *Ghìn Iudah Er, Onan, agus Selah.* 6 *Phòs Er Tamar.* 8 *Cion'a agus bàs Onain.* 11 *Dh' fhan Tamar ri Selah.*

AGUS 's an àm sin féin chaidh Iudah sìos o' bhràithribh, agus thionndaidh e steach a dh'ionnsuidh Adulamaich àraidh, d'am b'ainm Hirah.

2 Agus chunnaic Iudah an sin nighean Cananaich àraidh, d'am b'ainm Suah: agus ghabh e i, agus chaidh e steach d'a h-ionnsuidh.

3 Agus dh'fhàs i torrach, agus rug i mac; agus thug e Er mar ainm air.

4 Agus dh'fhàs i torrach a ris, agus rug i mac; agus thug i Onan mar ainm air.

5 Agus dh'fhàs i torrach fathast, agus rug i mac; agus thug i Selah mar ainm air: agus bha esan ann an Chedsib, an uair a rug i e.

6 Agus ghabh Iudah bean do Er a cheud-ghin, d' am b'ainm Tamar.

7 Agus bha Er, ceud-ghin Iudah, aingidh ann an sealladh an Tighearna; agus mharbh an Tighearna e.

8 Agus thubhairt Iudah ri h-Onan, Falbh a steach a dh'ionnsuidh mnà do bhràthar, agus pòs i, agus tog suas sliochd do d' bhràthair.

9 Agus bha fios aig Onan nach b'ann leis féin a bhiodh an sliochd; agus 'n uair a chaidh e steach a dh'ionnsuidh mnà a bhràthar, dhòirt e air a' bhàr e, chum nach tugadh e sliochd d'a bhràthair.

10 Agus bha an ni a rinn e ole ann an sealladh an Tighearna: uime sin mharbh e esan mar an ceudna.

11 An sin thubhairt Iudah ri Tamar mnaoi a mhic, Fan a'd' bhantraich ann an tigh d'athar, gus am fas mo mhac Selah suas; oir thubhairt e, Air eagal gu'm faigheadh esan bàs mar an ceudna, mar a *fhuaire* a bhràithrean. Agus dh'fhalbh Tamar, agus dh'fhan i 'n tigh a h-athar.

12 Agus ùine fhada 'n déigh sin fhuair nighean Shuah, bean Iudah, bàs: agus thog Iudah a mhisneach, agus chaidh e suas a dh'ionnsuidh luchd-lomairt a chaorach, e féin agus a charaid Hirah an t-Adulamach, gu Timnat.

13 Agus dh'innseadh do Thamar, ag ràdh, Feuch, *tha* d'athair-céile a' dol suas gu Timnat a lomairt a chaorach.

14 Agus chuir i a culaidh-bantraich dhith, agus chòmhdaich si i féin le gnùis-bhrat, agus phaisg si i féin, agus shuidh i ann an ionad follaiseach, a *tha* làimh ris an t-slighe gu Timnat: oir chunnaic i gu'n d'fhàs Selah suas, agus nach d'fhugadh i dha mar mnaoi.

15 'N uair a chunnaic Iudah i, shaoil e gu'm bu striopach i, a chionn gu'n do chòmhdaich i a h-eudan.

16 Agus thionndaidh e d'a h-ionnsuidh air an t-slighe, agus thubhairt e, Leig leam, guidheam ort, teachd a steach 'ad ionnsuidh; oir cha robh fhios aige gu'm b'i bean a mhic i: agus thubhairt i, Ciod a bheir thu dhomh, a chum as gu'n tig thu steach do m' ionnsuidh?

17 Agus thubhairt esan, Cuiridh mi meann a'd' ionnsuidh o'n treud: agus thubhairt ise, An toir thu geall domh gus an cuir thu do m' ionnsuidh e?

18 Agus thubhairt e, Ciod an geall a bheir mi dhuit? Agus thubhairt ise, Do sheula, agus do lamh-fhailean, agus do lorg a *tha* 'a d' làimh: agus thug e dh'i iad, agus chaidh e steach d'a h-ionnsuidh, agus rinneadh i torrach leis.

19 Agus dh'éirich i, agus dh'fhalbh i

roimpe, agus chuir i seachad a gnùis-bhrat naipe, agus chuir i a eulaidh-bantraich oirre.

20 Agus chuir Iudah am meana le làimh a charaid an Adulamaich, chum as gu'm faigheadh e 'n geall o làimh na mnà: ach cha d'fhuair e i.

21 An sin dh'fhèdraich e de dhaoimibh an àite sin, ag ràdh, Càit *am bheil* an strìopach a *bha* gu follaiseach ri taobh na slighe? Agus thubhairt iadsan, Cha robh strìopach *sam bith* an sò.

22 Agus phill e dh'ionnsuidh Iudah, agus thubhairt e, Cha d'fhuair mi i: agus mar an ceudna thubhairt daoine an àite, Cha robh strìopach *sam bith* an sò.

23 Agus thubhairt Iudah, Gabhadh i dh'i fèin e, air eagal gu maslaichear sinn: feuch, chuir mi am meann so *d' a h-ionnsuidh*, agus cha d'fhuair thu i.

24 Agus beul ri trì mìosan an dèigh sin, dh'ionnsaidh do Iudah, ag ràdh, Rinn Tamar bean do mhic strìopachas; agus, feuch, cuideachd, *tha* i torrach le strìopachas. Agus thubhairt Iudah, Thugaibh a mach i, agus loisgear i.

25 'N uair a thugadh a mach i, chuir i *fios* a dh'ionnsuidh a h-athar-céile, ag ràdh, Aig an fhear d'am buin iad sin *tha* mise lethtromach: agus thubhairt i, Faic guidheam ort, cia leis an seula, agus na làmh-fhailean, agus an long so.

26 Agus ghabh Iudah riu, agus thubhairt e, Bha i ni bu cheirte na mise, a chionn nach d'thug mi i do Shelah mo mhac: agus cha robh aithne aige oirre ni's mò.

27 Agus an uair a bha i ri saothair *chloinne*, feuch, *bha* leth-aona 'n a bolg.

28 Agus an uair a bha i ri saothair, chuir a *h-aon diubh* mach a làmh: agus rug a' bheanghlùine air a làimh, agus cheangail i snàthainn scàrlaid oirre, ag ràdh, Thàinig e so a mach an toiseach.

29 Agus 'n uair a tharruing e a làmh air ais, feuch, thàinig a bhràthair a mach; agus thubhairt ise, Cionnus a bhris thusa mach? *bitheadh* am briseadh so ortsa: Uime sin thugadh Phares mar ainm air.

30 Agus an dèigh sin thàinig a bhràthair a mach, aig an robh an snàthainn scàrlaid air a làimh; agus thugadh Sarah mar ainm air.

CAIB. XXXIX.

1 Rinn Potiphar Ioseph 'n a fhear-riaghlaidh air a thigh. 8 A gheannuidheachd. 19 Chuireadh 'am prìosan e; 21 ach bha an Tighearn maille ris, agus nochd fear-gleidhidh a' phrìosain a dheadh ràn da.

AGUS thugadh Ioseph sìos do'n Eiphit; agus cheannaich Potiphar, oifigeach le Pharaoh, ceannard an fhreiccadain, Eiphiteach, e o làimh nan Ismaelach, a thug sìos an sin e.

2 Agus bha 'n Tighearn maille ri Ioseph,

agus bha e 'n a dhuine leis an do shoirbhich gach ni; agus bha e'n tigh a mhaighstir an Eiphitich.

3 Agus chunnaic a mhaighstir gu 'n robh an Tighearn maille ris, agus gu'n d'thug an Tighearn air gach ni a rinn e soirbh-cachadh 'n a làimh.

4 Agus fhuair Ioseph deadh-ghean 'n a shealladh, agus rinn e scribedh dha: agus rinn se e 'n a fhear-riaghlaidh air a thigh, agus gach ni a bh'aige chuir e fo 'laimh.

5 Agus o'n àm sin fèin 's an d' rinn se e 'n a fhear-riaghlaidh air a thigh, agus air gach ni a bh'aige, bheannaich an Tighearn tigh an Eiphitich air sgàth Ioseph: agus bha beannachadh an Tighearn 'air gach ni a bh'aige, anns an tigh, agus anns a' mhachair.

6 Agus dh'fhàg e gach ni a bh'aige 'an làmh Ioseph, agus cha b'fhios da aon ni a bh'aige, saor o'n aran a *bha* e 'g itheadh: agus bha Ioseph 'n a *dhuine* maiseach, agus sgiamhach 's an aghaidh.

7 Agus an dèigh nan nithcan sin leag bean a mhaighstir a sùilean air Ioseph, agus thubhairt i, Luidh leamsa.

8 Agus dhiùlt esan, agus thubhairt e ri mnaoi a mhaighstir, Feuch, cha n-'eil fios aig mo mhaighstir ciod a *tha* maille rium 's an tigh, agus gach ni a th'aige chuir e fo m' làimh-sa.

9 Cha n-'eil neach 's an tigh so a's mò na mise; agus cha do chum e uam ni sam bith ach thusa, a chionn gur tu a bhean: cionnus uime sin a ni mise an t-òle mòr so, agus a pheacaicheas mi an aghaidh Dhé?

10 Agus thachair e, 'n uair a labhair i ri Ioseph o là gu là, nach éisdadh esan rithe, gu luidhe leatha, *no* bli maille rithe.

11 Agus thachair e air là àraidh, gu'n deachaidh esan a steach do 'n tigh a dhean-amh 'oibre fèin, agus cha robh a *h-aon* do dhaoimibh an tìghe an sin a stigh.

12 Agus rug i air air 'eudach-uachdair, ag ràdh, Luidh leamsa: agus dh'fhàg e 'eudach-uachdair 'n a làimh, agus theich e, agus thàr e mach.

13 Agus an uair a chunnaic ise gu 'n d'fhàg e 'eudach-uachdair 'n a làimh, agus gu 'n do theich e mach,

14 An sin ghairm i air daoimibh a tìghe, agus labhair i riu, ag ràdh, Faicibh, thug e steach d'ar n-ionnsuidh Eabhruidheach gar maslachadh: thàinig e steach a m' ionnsuidhs' a luidhe leam, agus ghlaodh mise le guth àrd:

15 Agus 'n uair a chual' e gu'n do thog mi suas mo ghuth, agus gu'n do ghlaodh mi, an sin dh'fhàg e 'eudach-uachdair maille rium, agus theich e, agus chaidh e mach.

16 Agus thàisg i 'eudach-uachdair làimh rithe, gus an d'thàinig a mhaighstir dhachaidh.

17 Agus labhair i ris a rèir nam briathran

so, ag ràdh, Thàinig an seirbhiseach Eabh-
ruidheach, a thug thu d'ar n-ionnsuidh, a
steach do m' ionnsuidh-sa gu m' mhaslach-
adh:

18 Agus an uair a thog mise suas mo
ghuth, agus a ghlaodh mi, an sin dh'fhàg e
'eudach-uachdair maille rium, agus theich
e mach.

19 Agus 'n uair a chual' a mhaighstir
briathran a mhà, a labhair i ris, ag ràdh,
Air an dòigh so rinn do sheirbhiseach orm;
an sin las 'fhearg suas.

20 Agus ghabh maighstir Ioseph e, agus
chuir e 's a' phrìosan e, far an robh prìos-
anaich an rìgh ceangailte: agus bha e an
sin 's a' phrìosan.

21 Ach bha 'n Tighearn maille ri Ioseph,
agus nochd e trècair dha, agus thug e dha
deadh-ghean ann an sùilbhi fhìr-gleidhidh
a' phrìosain.

22 Agus chuir fear-gleidhidh a' phrìosain
fo làimh Ioseph na prìosanaich uile a bha
's a' phrìosan; agus gach ni a rinn iad an
sin, b'esan a rinn e.

23 Cha d'amhairc fear-gleidhidh a' phrìos-
sain air ni sam bith a bha fo 'làimh, a chionn
gu'n robh an Tighearn maille ris agus an
ni sin a rinn e, thug an Tighearn air soir-
bheacadh leis.

CAIB. XL.

1 *Thilgeadh 'am prìosan àrd bhuidealair, agus
àrd fhuineadair rìgh na h-Eiphit. 4 Chuir
ceannard an fhreiccadain an cùram air
Ioseph. 5 Dh'eadar-mhìnich e an aisingean
dhoibh.*

AGUS an déigh nan nithean sin chuir
bhuidealair rìgh na h-Eiphit, agus
'fhuineadair, fearg air am maighstir, rìgh
na h-Eiphit.

2 Agus bha corruich mhòr air Pharaoh ri
dithis d'a sheirbhìsich, ris an àrd bhuid-
ealair, agus ris an àrd fhuineadair.

3 Agus chuir e 'n làimh iad ann an tigh
ceannaird an fhreiccadain 's a' phrìosan,
far an robh Ioseph ceangailte.

4 Agus chuir ceannard an fhreiccadain an
cùram air Ioseph, agus fhritheil e dhoibh;
agus dh'fhan iad tamull ann an làimh.

5 Agus chunnaic iad aising le 'chéile,
gach fear aca 'aisling féin 's an aon oidhele,
gach fear a réir eadar-mhìneachaidh 'ais-
linge; an bhuidealair agus fuineadair rìgh
na h-Eiphit, a bha ceangailte 's a' phrìos-
san.

6 Agus thàinig Ioseph a steach d'an ionn-
suidh 's a' mhaduinn, agus dh'amhairc e
orra, agus, fench, bha iad dubhach.

7 Agus dh'fheòraich e de sheirbhìsich
Pharaoh, a bha 'n làimh maille ris ann an
tigh a mhaighstir, ag ràdh, C'ar son a tha
bhur gnùis co muladach an diugh?

8 Agus thubhairt iad ris, Chunnaic sinn
aising, agus cha n-'eil neach againn a
dh'eadar-mhìnicheas i. Agus thubhairt

Ioseph riu, Nach ann o Dhia tha gach
eadar-mhìneachadh? innsibh dhomhs iad,
guidheam oirbh.

9 Agus dh'innis an t-àrd bhuidealair 'ais-
ling do Ioseph, agus thubhairt e ris, A'm'
aising-sa, feuch, bha fionain fa m' chomh-
air.

10 Agus air an fhionain bha trì mean-
glain; agus bha i mar gu'm biodh i a' bris-
cadh a mach, agus thàinig i fo a làn bhlàth,
agus thug a bagaidcan dearcan abuich
uatha.

11 Agus bha cupan Pharaoh a'm' làimh;
agus ghabh mi na fion-dhearc, agus
dh'fhàisg mi iad 'an cupan Pharaoh, agus
thug mi 'n cupan 'an làimh Pharaoh.

12 Agus thubhairt Ioseph ris, 'S e so a
h-eadar-mhìneachadh: Na trì meanglain,
is trì làithean iad.

13 Eadhon 'an ceann thri làithean togaidh
Pharaoh suas do cheann, agus bheir e ris
gu d'àite féin thu; agus bheir thu cupan
Pharaoh 'n a làimh, mar a b'abhuist duit
roimhe, 'n uair a bha thu a'd' bhuidealair
aige.

14 Ach cuimhnich thusa ormsa 'n uair a
dh'éireas gu maith dhuit, agus dean, guidh-
eam ort, caoimheas donh; agus dean iom-
radh orm ri Pharaoh, agus thoir a mach mi
as an tigh so:

15 Oir gu deimhin ghoideadh air falbh mi
à tìr nan Eabhruideach, agus mar an
ceudna 'an so cha d'rinn mi ni sam bith gu
'n cuirteadh 's an t-slochd mi.

16 'N uair a chunnaic an t-àrd fhuinead-
air gu'n eadar-mhìnich e gu maith, thubh-
airt e ri Ioseph, Bha mise mar an ceudna
a'm' aising, agus, feuch, bha trì bascaidean
geala air mo cheann:

17 Agus anns a' bhascaid a b'àirde bha de
gach seòrsa bìdh air son Pharaoh de dheas-
achadh an fhuineadair; agus dh'ith an eun-
laith iad a mach as a' bhascaid air mo
cheann.

18 Agus fhreagair Ioseph, agus thubhairt
e, Is e so a h-eadar-mhìneachadh: Na trì
bascaidean, is trì làithean iad.

19 'An ceann thri làithean togaidh Pha-
raoh suas do cheann dhiot, agus crochaidh
e thu air crann, agus ithidh an eunlaith
d'fheòil dhiot.

20 Agus air an treas là, comh-ainm là
breithe Pharaoh, rinn e cuirm d'a sheir-
bhìsich uile: agus thog e suas ceann an àrd
bhuidealair, agus ceann an àrd fhuineadair
am measg a sheirbhìsich.

21 Agus thug e an t-àrd bhuidealair a
chum a bhuidealairachd a ris; agus thug
e 'n cupan 'an làimh Pharaoh:

22 Ach chroch e 'n t-àrd fhuineadair, mar
a dh'eadar-mhìnich Ioseph dhoibh.

23 Gidheadh cha do chuimhnich an t-àrd
bhuidealair air Ioseph, ach dhì-chuimhnich
se e.

CAIB. XLI.

1 *Dà aisling Pharaoh. 25 Dh'eadar-mhìnich Joseph iad. 33 Thug e comhairle do Pharaoh. 38 Rinneadh e 'n a uachdaran air tìr na h-Eiphit. 56 Bha gorta air aghaidh na talmhainn uile.*

A GUS 'an ceann dà bhliadhna iomlan chunnaic Pharaoh aisling; agus, feuch, sheas e làimh ris an amhainn:

2 Agus, feuch, thàinig a nìos as an amhainn seachd bà, sgiamhach r'am faicinn, agus reamhar 'am feoil; agus bha iad ag ionaltradh ann am mìn-fheur.

3 Agus, feuch, thàinig seachd bà eile nìos 'n an dèigh as an amhainn, grannda r'am faicinn, agus caol 'n am feoil; agus sheas iad làimh ris na bà eile, air bruaich na h-aimhne.

4 Agus dh'ith na bà a bha grannda r'am faicinn agus caol 'n am feoil suas na seachd bà sgiamhach agus reamhar. Mar sin dhùisg Pharaoh.

5 Agus choidil, agus chunnaic e aisling an dara uair: agus, feuch, dh'èrich suas seachd diasan arbhair air aon choinnlein, reachdmhor agus maith.

6 Agus, feuch, dh'fhàs suas 'n an dèigh seachd diasan caola, agus air an seargadh leis a' ghaoith an ear.

7 Agus shluig na seachd diasan caola suas na seachd diasan reachdmhor agus làn: agus dhùisg Pharaoh, agus, feuch, b' aisling a bh' ann.

8 Agus 's a' mahaduinn bha a spiorad air a bhuaireadh; agus chuir e *fios* uaith, agus ghairm e nìdhruidhean na h-Eiphit, agus a daoine glic' uile: agus dh'innis Pharaoh 'aisling dhoibh; ach cha robh neach ann a mhìnicheadh iad do Pharaoh.

9 An sin labhair an t-àrd bhuidealair ri Pharaoh, ag ràdh, An diugh tha mis' a' cuimhneachadh mo lochdan.

10 Bha fearg air Pharaoh r'a sheirbhisich, agus chuir e mise 'an làimh ann an tigh ceannaird an fhreicadain, *araon* mise, agus an t-àrd fhuineadair.

11 Agus chunnaic sinn aisling 's an aon oidheche, mis' agus esan: chunnaic *gach* fear againn aisling a réir mineachaidh 'aislinge.

12 Agus bha 'n sin maille ruim òganach Eabhruidheach, seirbhisich do cheannard an fhreicadain; agus dh'innis sinn da, agus mhìnich e dhuinn ar n-aislingean: do *gach* fear againn a réir 'aislinge mhìnich e.

13 Agus mar a mhìnich e dhuinn, mar sin bha e: mise chuir e ris ann am àite, agus esan chroch e.

14 Agus chuir Pharaoh *teachdaire* uaith, agus ghairm e Ioseph, agus thug iad le cabhaig a mach as an t-slochd e: agus bhearr se e *fein*, agus mhùth e 'eudach, agus thàinig e steach a dh'ionnsuidh Pharaoh.

15 Agus thubhairt Pharaoh ri Ioseph, Chunnaic mi aisling, agus cha n'èil neach

ann a mhìnicheas i: agus chuala mi air a ràdh mu d'fhìneadh-sa, 'n uair a chluinneas tu aisling, gur aithne dhuìt a mìneachadh.

16 Agus fhreagair Ioseph Pharaoh, ag ràdh, Cha n'èile annansa: bheir Dia freagradh sìthe do Pharaoh.

17 Agus thubhairt Pharaoh ri Ioseph, 'Am' aisling, feuch, sheas mi air bruaich na h-aimhne:

18 Agus, feuch, thàinig a nìos as an amhainn seachd bà, reamhar 'am feoil, agus sgiamhach ann an cruth; agus bha iad ag ionaltradh ann am mìn-fheur;

19 Agus, feuch, thàinig seachd bà eile nìos 'n an dèigh, bochd agus ro ghrannda, agus caol 'am feoil: cha-n fhaca mi 'n samhail *riamh* ann an uile thìr na h-Eiphit air olcas.

20 Agus dh'ith na bà caola agus grannda suas na ceud seachd bà reamhra.

21 Agus 'n uair a dh'ith iad suas iad, cha-n aithnichteadh *orra* gu'n d'ith siad iad; ach bha iad grannda r'am faicinn, mar an toiseach. An sin dhùisg mi.

22 Agus chunnaic mi a'm' aisling; agus, feuch, thàinig a nìos seachd diasan air aon choinnlein, làn agus maith:

23 Agus, feuch, dh'fhàs suas 'n an dèigh seachd diasan, air an crìonadh, caol', agus seargta leis a' ghaoith an ear;

24 Agus shluig na diasan caola suas na seachd diasan maith: agus dh'innis mi *so* do na druìdhibh; ach cha robh neach ann a b'urrainn a' chùis fhòillseachadh dhoimh.

25 Agus thubhairt Ioseph ri Pharaoh, Aisling Pharaoh, *is* aon i: an ni sin a tha Dia gus a dheanamh, dh'fhoillsich e do Pharaoh.

26 Nascadh bà maith, *is* seachd bliadhna iad; agus na seachd diasan maith, *is* seachd bliadhna iad: *is* aon an aisling.

27 Agus na seachd bà caola agus grannda a thàinig a nìos 'n an dèigh, *is* seachd bliadhna iad; agus na seachd diasan fàs seargta leis a' ghaoith an ear, bithidh ia 'n an seachd bliadhna gorta.

28 So an ni a thubhairt mi ri Pharaoh: An ni a tha Dia gus a dheanamh, nochd e do Pharaoh.

29 Feuch, *tha* seachd bliadhna mòr phailteis a' teachd air feadh thìre na h-Eiphit uile:

30 Agus éiridh seachd bliadhna gorta suas 'n an dèigh, agus dì-chuimhnichear am pailteas uile 'an tìr na h-Eiphit; agus claidhidh a' ghorta an tìr.

31 Agus cha-n aithnìchear am pailteas anns an tìr, air son na gorta a leanas: cir bithidh i ro throm.

32 Agus a thaobh gu'n do dhùblaicheadh an aisling do Pharaoh, *tha sin* a chionn gu bheil an ni air a shuidheachadh le Dia; agus bheir Dia ann an aithghearradh gu crìch e.

33 A nis nìme sin amhaireadh Pharaoh a

mach air son duine a tha tuigseach agus glic, agus cuireadh e os ceann tìre na h-Eiphit e.

34 Deannadh Pharaoh *so*, agus orduicheadh e luchd riaghlaidh os ceann na tìre, agus togadh iad an cùigeamh cuid *de thoradh* tìre na h-Eiphit anns na seachd bliadhmaibh pailteis.

35 Agus cruinnicheadh iad uile bhiadh nam bliadhna maith e sin ri teachd, agus taisgeadh iad suas arbhar fo làimh Pharaoh, agus gleidheadh iad biadh anns na bailtibh.

36 Agus bithidh am biadh *sin* 'n a thaisgeadh do'n tìr, fa chomhair nan seachd bliadhna gorta a bhitheas ann an tìr na h-Eiphit: chum as nach téid as do'n tìr leis a' ghorta.

37 Agus bha a' ehomhairle maith ann an sùilibh Pharaoh, agus ann an sùilibh a sheirbhiseach uile.

38 Agus thubhairt Pharaoh r'a sheirbhiseach, Am bheil e 'n comas duinn a leithid so de dhuine fhaotainn, anns *am theil* spiorad Dhé?

39 Agus thubhairt Pharaoh ri Ioseph, A thaobh gu'n d'fhoillsich Dia so uile dhuit, cha *n-eil* neach ann cho tuigseach agus cho glic riut féin.

40 Bithidh tu os ceann mo thighe-sa, agus a réir d'fhocail bithidh mo shluagh uile air an riaghladh: a mhàin 's an rìgh-chaitir bithidh mise nì's mò na thusa.

41 Agus thubhairt Pharaoh ri Ioseph, Faic, chuir mi thu os ceann uile thìre na h-Eiphit.

42 Agus thug Pharaoh 'fhàinne bhàrr a làimhe, agus chuir e air làimh Ioseph e; agus sgeadaich se e ann an trusgan de lion-eudach grinn, agus chuir e slabhruidh òir m'a mhuineal.

43 Agus thug e air marcachd 's an dara carbad a *bh'aige* féin; agus ghlaodh iad roimhe, Lùbaibh an glùn; agus rinn se e 'n a uachdaran air tìr na h-Eiphit uile.

44 Agus thubhairt Pharaoh ri Ioseph, *Is* mise Pharaoh, agus as d'eugmhais-sa cha tog duine suas a làmh no a chos ann an tìr na h-Eiphit uile.

45 Agus thug Pharaoh Saphnat-paaneah mar ainm air Ioseph; agus thug e dha Asenat nighean Photipherah sagairt Oin mar mhnai: agus chaidh Ioseph a mach air feadh *uile* thìre na h-Eiphit.

46 Agus *bha* Ioseph deich bliadhna fichead a dh'aois an uair a sheas e 'm fianuis I pharaoh rìgh na h-Eiphit: agus chaidh Ioseph a mach o làthair Pharaoh, agus chaidh e troimh thìr na h-Eiphit uile.

47 Agus thug an talamh a mach anns na seachd bliadhmaibh pailteis 'n a ghlacaidibh.

48 Agus chruinnich e r'a chéile uile bhiadh nan seachd bliadhna, a bha 'an tìr na h-Eiphit; agus thaisg e suas biadh 's na

bailtibh: biadh fearainn gach baile, a *bha* mu'n cuairt air, thaisg e suas ann.

49 Agus chuir Ioseph r'a chéile sìol mar ghaineamh na fairge, ro mhòran, gus an do sguir e d'a àireamh; oir *bha* e gun àireamh.

50 Agus do Ioseph rugadh dithis mhac mun d'thàinig bliadhnachan na gorta, a rug Asenat dha, nighean Photipherah, sagairt Oin.

51 Agus thug Ioseph Manaseh mar ainm air a' cheud-ghin; oir thug Dia orm *ars' esan*, mo shaothair uile 'dhi-chuimhneachadh, agus tigh m'athar uile.

52 Agus air an dara *mac* thug e *J'hraim* mar ainm; oir thug Dia orm, *ars' esan*, a bhi sìolmhor ann an tìr m'àmghair.

53 Agus chrìochnuicheadh seachd bliadhnachan a' phailteis a bha ann an tìr na h-Eiphit.

54 Agus thòisich seachd bliadhna na gorta ri teachd, mar a thubhairt Ioseph; agus bha a' ghorta anns na dùthchannaibh uile: ach ann an uile thìr na h-Eiphit bha aran.

55 Agus an uair a bha tìr na h-Eiphit uile ann an uireasbhuidh, an sin ghlaodh an sluagh ri Pharaoh air son aran: agus thubhairt Pharaoh ris na h-Eiphitich uile, Ruigibh Ioseph; an *ni sin* a their e ruibli, deanaibh.

56 Agus bha a' ghorta air aghaidh na talmhainn uile: agus d'fhosgail Ioseph na tigheantaig uile, agus reic e ris na h-Eiphitich: agus bhuaidhaich a' ghorta ann an tìr na h-Eiphit.

57 Agus thàinig gach dùthaich do'n Eiphit a dh'ionnsuidh Ioseph a cheannach *bìdh*; oir bhuaidhaich a' ghorta anns gach dùthaich.

CAIB. XLII.

1 *Chuir Iacob a dheichnear mhac do'n Eiphit a cheannach sìl.* 17 *Chuir Ioseph 'am prìosan iad mar luchd-bratha; ach air a' chumha gu'm fàgadh iad Sìmeon, agus gu'm pilleadh iad a ris le'm bràthair a b'òige, leigeadh as iad.*

A NIS an uair a chunnaic Iacob gu'n robh sìol 's an Eiphit, thubhairt e r'a mhic, C'ar son a tha sibh ag amharc air a chéile?

2 Agus thubhairt e, Fench, chuala mi gu bheil sìol 's an Eiphit; rachaidh sìos an sin, agus ceannaichibh dhuinn as a sin, chum as gu'm bi sinn beò, agus nach faigh sinn bàs.

3 Agus chaidh deichnear bhràithrean Ioseph sìos a cheannach sìl 's an Eiphit.

4 Ach cha do chuir Iacob Benjamin bràthair Ioseph maille r'a bhràithribh: oir thubhairt e, Air eagal gu'n éirich olc dha.

5 Agus thàinig muintir Israel a cheannach *sìl* am measg na muinntir a thàinig: oir bha a' ghorta ann an tìr Chanaain.

6 Agus bha Ioseph 'n a uachdaran air an tìr: *B' esan* a bha a' reiceadh ri sluagh na tìre uile. Agus thàinig bràithrean Ioseph,

agus chrom siad iad féin sìos da, *le 'n* aghaidh gu làr.

7 Agus chunnaic Ioseph a bhràithrean, agus dh'aithnich e iad, ach rinn se c féin 'n a choigreach dhoibh, agus labhair e gu coimheach riu; agus thubhairt e riu, Cia as a thàinig sibhse? Agus thubhairt iadsan ris, A tìr Chanaani a cheannach bidh.

8 Agus dh'aithnich Ioseph a bhràithrean, ach cha d'aithnich iadsan esan.

9 Agus chuimhnich Ioseph air na h-aislingibh a chunnaic e mu'n timchioll, agus thubhairt e riu, *Is* luchd-bratha sibh; a dh'fhaicinn lomnochdaidh ua tìre thàinig sibh.

10 Agus thubhairt iad ris, Cha *-n eadh* mo thighearn', ach is ann a thàinig do sheirbhiseach a cheannach bidh:

11 *Is* mic aon duine sinne uile, *is* daoine fìrinneach siun; cha luchd-bratha do sheirbhiseach.

12 Agus thubhairt esan riu, Ni h-eadh, ach is ann a dh'fhaicinn lomnochdaidh na tìre thàinig sibh.

13 Agus thubhairt iad, *Is* dà bhràthair dheug do sheirbhiseach, mic aon duine ann an tìr Chanaani; agus, feuch, *tha'm fear* a's òig' au diugh maille r'ar n-athair, agus *tha* h-aon nach maireann.

14 Agus thubhairt Ioseph rin, So an ni a thubhairt mi ribh, ag ràdh, *Is* luchd-bratha sibh.

15 Mar so dearbhar sibh; mar is beò Pharaoh, cha téid sibh a mach á so, mur òig blur bràthair a's òige an so.

16 Cuiribh uaibh fear agaibh, agus thugadh eis bhur bràthair, agus gleidhear sibhse 'am prìosan, chum as gu'n dearbhar bhur bràthraun, *an bheil no nach 'eil* fìrinn annaibh: no mar is beò Pharaoh, gu cinuteach *is* luchd-bratha sibh.

17 Agus chuir e 'm prìosan iad uile rè thrì làithean.

18 Agus thubhairt Ioseph riu air an treas là, Deanaibh so, agus bithibh beò: *oir* tha eagal Dhé ormsa.

19 Ma's daoine fìrinneach sibh, fàgar aon d'ur bràithribh ceangailte 'an tigh bhur prìosan: agus imichibh-sa, thugaibh leibh sìol air sou gorta bhur teaghlachan.

20 Ach thugaibh bhur bràthair a's òige a m' ionnsuidh; mar sin dearbhar bhur bràthraun, agus cha'n fhaigh sibh bàs. Agus rinn iad mar sin.

21 Agus thubhairt iad r'a chéile. *Tha* sinn gu deimhin ciontach a thaobh ar bràthar, do bhrìgh gu'm faca sinn cràdh 'anama, 'n uair a ghuidh e oirnn, agus nach d'éisd siun ris: uime siu thàinig au aire so oirnn.

22 Agus fhreagair Reuben iad, ag ràdh, Nach do labhair mise ribh, ag ràdh, Na peacaichibh an aghaidh an leinibh? agus cha d'éisd sibh: Uime sin, feuch,

mar au ceudna tha 'fhuil air a n-iarraidh oirnn.

23 Agus cha robh fhios aca-san gu'n robh Ioseph 'g an tuisinn; oir *bha* cadar-theangair eatorra.

24 Agus thionndaidh se e féin uatha, agus ghluil e; agus phill e ris d'an ionnsuidh, agus labhair e riu, agus thug e Simeon uatha, agus cheangail se e fa chomhair an sùil.

25 An sin dh'aithn Ioseph an saic a lìonadh le sìol, agus airgid gach duine a chur air sou 'n a shac, agus biadh a thoirt doibh air sou na slighe: agus is ann mar so a rinn e riu.

26 Agus thog iad an sìol air an asalaibh, agus dh'imich iad á sin.

27 Agus au uair a dh'fhosgail fear dhiubh a shac, a thoirt bidh d'a asal 's an tigh-òsda, chunnaic e 'airgid; oir, feuch, *bha* e 'm beul a shaic.

28 Agus thubhairt e r'a bhràithribh, Thugadh air ais m'airgid-sa; agus, feuch, *tha* e cadhon a'm shac. Agus dh'fhàilnich au eridhe, agus bha eagal orra, ag ràdh gach fear r'a chéile, Cìod e so a rinu Dia oirnn?

29 'Agus thàinig iad a chum Iacoib an athar, do thìr Chanaani, agus dh'innis iad dha gach ni a thachair dhoibh, ag ràdh,

30 Labhair an duine a tha 'n a uachdaran air an tìr ruinn gu coimheach, agus ghlabh e sinn mar luchd-bratha air an dùthaich.

31 Agus thubhairt sinn ris, *Is* daoine fìrinneach sinne; cha luchd-bratha *idir* sinn:

32 *Is* dà bhràthair dheug sinn, mic ar n-athar; *tha* aon mhac nach maireann, agus tha 'm mac a's òige 'n diugh maille r'ar n-athair ann an tìr Chanaani.

33 Agus thubhairt an duine, uachdaran na tìre ruinn, Mar so aithmichidh mi gur daoine fìrinneach sibh; fàgaibh aon d'ur bràithribh uaille riumsa, agus gabhaibh biadh air son gorta bhur teaghlachan, agus bithibh ag imeachd:

34 Agus thugaibh bhur bràthair a's òige a m'ionnsuidh; an sin bithidh fios again nach luchd-bratha sibh, *ach* gur daoine fìrinneach sibh: *mar sin* bheir mise bhur bràthair dhuibh, agus ni sibh ceannachd 's an tìr.

35 Agus an uair a thaom iad an saic, feuch, *bha* ceanglachan airgid gach duine 'n a shac féu, agus an uair a chunnaic iad féu agus an athair ua ceanglachain airgid, bha eagal orra.

36 Agus thubhairt Iacob au athair riu, Thug sibh uamsa *mo chlan*: Ioseph cha mhaireann, agus Simcon cha mhaireann, agus Benjamin bheir sibh air *fàbhl*: 'm'aghaidh-sa tha na nithean sin uile.

37 Agus labhair Reuben r'a athair, ag ràdh, Cuir gu bàs mo dhithis mhac, mur toir mi a d'ionnsuidh e: thoir thairis do m

laimh's e, agus bheir mise a d'ionnsuidh a ris e.

38 Agus thubhairt e, Cha téid mo mhac sìos maille ribh; oir tha a bhràthair marbh, agus dh'fhàgadh esan 'n a aonar: ma thachras olc dha 's an t-slighe air an téid sibh, an sin bheir sibh sìos m'fhalt liath le bròn do'n uaigh.

CAIB. XLIII.

1 *Le comhairle Iudah leig Iacob le Benjamin dol do'n Eiphit.* 15 *Thugadh bràithrean Ioseph a dh'ionnsuidh a thighe.* 26 *Ghabh e gu h-aidheil riu, agus dh'ith agus dh'òl iad maille ris.*

A GUS bha a' ghortaro mhòr 's an tìr. 2 Agus an uair a dh'ith iad an sìol a thug iad as an Eiphit, thubhairt an athair riu, Rachaibh a ris, ceannaichibh dhuinn beagan bidh.

3 Agus labhair Iudah ris, ag ràdh, Thug an duine dearbhadh-chinnteach dhuinn, ag ràdh, Cha-n fhaic sibh mo ghnùis-sa, mur bi bhur bràthair maille ribh.

4 Ma chuireas tu ar bràthair maille ruinn, théid sinn sìos, agus ceannaichidh sinn biadh dhuit;

5 Ach mur cuir thu leinn e, cha téid sinn sìos: oir thubhairt an duine ruinn, Cha-n fhaic sibh mo ghnùis, mur bi bhur bràthair maille ribh.

6 Agus thubhairt Israel, C'ar son a bhuin sibh cho olc rium, agus gu'n d'innis sibh do'n duine gu'n robh bràthair tuilleadh agaibh?

7 Agus thubhairt iad, Dh'fhiosraich an duine dhinn gu teann m'ar thimchioll féin, agus mu thimchioll ar càirdean, ag ràdh, Am bheil bhur n-athair fathast beò? am bheil bràthair eile agaibh? Agus dh'innis sinne dha a réir brìgh nam briathar sin: Am b'urrainn sinne fios a bhi againn gu cinnteach gu'n abradh e, Thugaibh bhur bràthair a nuas?

8 Agus thubhairt Iudah ri h-Israel 'athair, Cuir an t-òganach maille riumsa, agus éiridh sinn, agus imichidh sinn, a chum as gu'm bi sinn beò agus nach faigh sinn bàs, araon sinne, agus thu féin, agus mar an ceudna ar clann bheag.

9 Bidhidh mise a'm' urras air a shon; o m' làimh-sa iarraidh tu e: mur toir mise a d'ionnsuidh, agus mur cuir mi a'd làthair e, an sin biodh a' choire gu bràth orm.

10 Oir mur bitheamaid air deanamh moille, gu cinnteach bha sinn a nis air pilltinn air ar n-ais an dara uair so.

11 Agus thubhairt Israel an athair riu, Ma dh'fheumas a' chàis a bhi mar sin a nis, deanaibh so; gabhaibh de'n toradh a's fearr 's an tìr 'n ur soithichibh, agus thugaibh sìos tiodhlac do'n duine; beagan ioc-shlaint, agus beagan meala, spiosraidh, agus mirr, cnothan, agus almoinean:

12 Agus thugaibh leibh airgid dubailte

'n ur làimh, agus an t-airgid a thugadh air ais 'am beul bhur sac, thugaibh air ais e 'n ur làimh; theagamh gur mearachd a bh'ann.

13 Gabhaibh mar an ceudna bhur bràthair; agus éiribh, rachaibh a ris a dh'ionnsuidh an duine.

14 Agus gu'n tugadh Dia uile-chumhachdach trèacar dhuibh an làthair an duine, chum as gu'n leig e air falbh leibh bhur bràthair eile, agus Benjamin: ach ma chaill mise mo chlann, chaill mi iad.

15 Agus ghabh na daoine an tiodhlac sin, agus thug iad leo airgid dubailte 'n au làimh, agus Benjamin; agus dh'éirich iad, agus chaidh iad sìos do'n Eiphit, agus sheas iad an làthair Ioseph.

16 Agus an uair a chunnaic Ioseph Benjamin maille riu, thubhairt e ri fear-riaghlaidh a thighe, Thoir na daoine sin dachaidh, agus marbh, agus deasaich; oir maille riumsa ithidh na daoine sin air mheadhon-là.

17 Agus rinn an duine mar a dh'iarr Ioseph; agus thug e na daoine do thigh Ioseph.

18 Agus bha eagal air na daoine, 'chionn gu'n d'thugadh iad do thigh Ioseph, agus thubhairt iad, 'S ann air son an airgid, a chuireadh air ais 'n ar sacaibh a' cheud uair, a thugadh a stigh sinn; chum gu faigh e cion-fàth 'n ar n-aghaidh, agus gu'n tuit e oirnn, agus gu'n gabh e sinn mar thràill-ean, agus ar n-asail.

19 Agus thàinig iad am fagus do fhear-riaghlaidh tighe Ioseph, agus labhair iad ris aig dorus an tighe,

20 Agus thubhairt iad, O mo thighearna, thàinig sinn da rìreadh a nuas an toiseach a cheannach bidh.

21 Agus an uair a thàinig sinn do'n tigh-òsda, agus a dh'fhosgail sinn ar saic, feuch, bha airgid gach fir 'am beul a shaic, ar n-airgid 'n a làn chothrom: agus thug sinn air ais leinn e 'n ar làimh.

22 Agus airgid cile thug sinn a nuas leinn 'n ar làimh a cheannach bidh: chan-eil fhios againn cò 'chuir ar n-airgid 'n ar sacaibh.

23 Agus thubhairt e, Sìth gu robh dhuibh, na biodh cagal oirbh: thug bhur Dia féin, agus Dia bhur n-athar ionmhas dhuibh 'n ur sacaibh: fhuair mise bhur n-airgid. Agus thug e Simeon a mach d'an ionnsuidh.

24 Agus thug an duine na daoine steach do thigh Ioseph, agus thug e uisge dhoibh, agus nigh iad an cosan, agus thug e biadh d'an asalaibh.

25 Agus dh'ulluich iad an tiodhlac 'an coinneamh do Ioseph teachd aig meadhon-là; oir chual' iad gu'n robh iad gu aran itheadh an sin.

26 Agus an uair a thàinig Ioseph dhachaidh, thug iad d'a ionnsuidh an tiodhlac, a

bha 'n an làimh, do'n tigh: agus chrom siad iad féin dha gu làr.

27 Agus dh'fheoraich e 'n robh iad gu maith, agus thubhairt e, Am bheil bhur n-athair, an seann duine mu'n do labhair sibh, gu maith? Am *bheil* e fathast beò?

28 Agus thubhairt iadsan, *Tha* do sheirbhisich ar n-athair-ne gu maith; *tha* e fathast beò: agus chrom siad iad féin sìos, agus rinn iad ùmhlaich.

29 Agus thog e suas a shùilean, agus chunnaice Benjamin a bhràthair, macamhàthar, agus thubhairt e, An e so bhur bràthair a's òige, mn'n do labhair sibh rium? Agus thubhairt e, Gu'n robh Dia gràs-mhor dhuit, a mhic.

30 Agus rinn Ioseph eabhag, oir bha a chridhe a' tiomachadh r'a bhràthair; agus dh'iarr e *àit* anns an guileadh e; agus chaidh e steach *d'a* sheòmar, agus ghuil e 'n sin.

31 Agus nigh e 'eudan, agus chaidh e mach, agus chum e air féin, agus thubhairt e, Cuiribh sìos aran.

32 Agus chuir iad sìos dhasan leis féin, agus dhoibhsan leo féin, agus do na h-Eiphitich, a dh'ith maille ris, leo féin; a chionn nach feudadh na h-Eiphitich aran itheadh maille ris na h-Eabhruidhich; oir *is* gràineileachd sin do na h-Eiphitich.

33 Agus shuidh iad sìos 'n a làthair, an ceudghin a réir a chòir-bhreithe, agus am fear a b'òige a réir 'òige: agus ghabh na daoine iongantach *gach* fear r'a chéile.

34 Agus ghabh esan, *agus chuir* e cuibh-rionnan o 'làthair féin d'an ionnsuidh: ach rinn e cuibh-rionn Bheniamin cùig uairean ni bu mhò na cuid a h-aoin aca-san. Agus dh'òl iad, agus bha iad subhach maille ris.

CAIB. XLIV.

1 *Innleachd Ioseph a chumail Bheniamin.* 12 *Fhuaradh cupan airgid Ioseph 'am beul saic Bheniamin.* 18 *Athcuinge iriosal Iudah.*

AGUS dh'àithn e do fhear-riaghlaidh a thighe, ag ràdh, Lion saic nan daoine le sìol, a' mheud 's is urrainn iad a ghiùlan, agus cuir airgid *gach* duine 'am beul a shaic.

2 Agus cuir mo chupans', an cupan airgid, 'am beul saic an fhir a's òige, agus airgid a shìl: agus rinn e a réir an fhocail a labhair Ioseph.

3 Co luath 's a bha 'mhaduinn soilleir, chuireadh na daoine air falbh, iad féin agus an asail.

4 *Agus* an uair a chaidh iad a mach as a' bhaile, agus gun iad *fathast* fad o làimh, thubhairt Ioseph ri fear-riaghlaidh a thighe, Eirich, lean na daoine; agus an uair a bheireas tu orra, abair riu, C'ar son a dhìol sibh olc 'an éric maith?

5 Nach e so *an cupan* as am bheil mo thighearn ag òl? agus leis am bheil e da

rìreadh a' deanamh fiosachd? is olc a fhuaradh sibh so a dheanamh.

6 Agus rug e orra, agus labhair e riu na briathran ceudna.

7 Agus thubhairt iad ris, C'ar son a labhras mo thighearn na briathran so? nar leigeadh Dia gu'n deanadh do sheirbhisich a réir an nì so.

8 Feuch, an t-airgid a fhuair sinn 'am beul ar sac, thug sinn a ris a d'ionnsuidh á tìr Chanaain; cionnus uime sin a ghoid-camaid airgid no òr á tigh do thighearna?

9 Cia b'e *air bith* de d'sheirbhisich aig am faighear e, cuirear gu bàs esan, agus bithidh sinne mar an ceudna 'n ar tràillean aig mo thighearn.

10 Agus thubhairt e, A nis ma ta *bith-cadh* e réir bhur briathar: bithidh esan aig am faighear e 'n a sheirbhisich agamsa; agus bithidh sibhse neochoireach.

11 An sin thug iad a nuas gu grad *gach* duine a shac féin gu làr, agus dh'fhosgail *gach* duine a shac.

12 Agus rannsaich esan, *agus* thòisich e aig an fhear' bu shìne, agus sgur e aig an fhear a b'òige: agus fhuaradh an cupan ann an sac Bheniamin.

13 An sin reub iad an eudach, agus chuir *gach* duine a shac air 'asail, agus phill iad do'n bhaile.

14 Agus thàinig Iudah, agus a bhràithrean do thigh Ioseph (oir *bha* e fathast an sin) agus thuit iad sìos 'n a fhianuis air an làr.

15 Agus thubhairt Ioseph riu, Ciod e an gnìomh so a rinn sibh? nach robh fhios agaibh gur aithne do m' leithidse de dhuine da rìreadh fiosachd a dheanamh?

16 Agus thubhairt Iudah, Ciod a their sinn ri m' thighearn? cionnus a labhras sinn? no cionnus a ghlanas sinn sinn féin? fhuair Dia a mach aingidheachd do sheirbhisich; feuch, tha sinne 'n ar seirbhisich do m' thighearn, araon sinne, agus esan mar an ceudna aig an d'fhuaradh an cupan.

17 Agus thubhairt e, Nar leigeadh Dia gu'n deanainnse so: ach an duine aig an d'fhuaradh an cupan, bithidh esan 'n a sheirbhisich agamsa; agus d'ur taobhsa, rachaibh suas 'an sìth a dh'ionnsuidh bhur n-athar.

18 An sin thàinig Iudah am fagus da, agus thubhairt e, Och mo thighearna, leig le d' sheirbhisich, guidheam ort, focal a labhair ann an cluasibh mo thighearn', agus na lasadh d'fhearg an aghaidh do sheirbhisich: oir *is* amhuil thusa agus Pharaoh.

19 Dh'fhàgadh mo thighearn d'a sheirbhisich, ag ràdh, Am bheil athair agaibh, no bràthair?

20 Agus thubhairt sinn ri m' thighearn, Tha athair againn, seann duine, agus leanabh a shean aois, maothran: agus tha 'bhràthair marbh, agus dh'fhàgadh esan 'n a ùonar da

chloinn a mhatnar, agus tha gràdh aig 'athair air.

21 Agus thubhairt thu ri d' sheirbhisich, Thugaibh a nuas e do m' ionnsuidhs' a chum as gu'n soeruch mi mo shùilean air.

22 Agus thubhairt sinne ri m' thighearn, Cha-n fheud an leanabh 'athair fhàgail: oir nam fàgadh e 'athair, gheibheadh 'athair bàs.

23 Agus thubhairt thusa ri d' sheirbhisich, Mur tig bhuir bràthair a's òige nuas maille ribh, cha-n fhaic sibh m'aghaidh-sa m's mò.

24 Agus an uair a chaidh sinne suas a dh'ionnsuidh do sheirbhisich m'athar, dh'innis sinn da fòcail mo thighearna.

25 Agus thubhairt ar n-athair, Rachaidh a ris, ceannaichibh dhuinn beagan bìdh.

26 Agus thubhairt sinne, Cha-n fheud sinn dol sìos: na bhios ar bràthair a's òige maille ruinn, an sin théid sinn sìos; oir cha-n fheud sinn aghaidh an duine fhaicinn, mur bi ar bràthair a's òige maille ruinn.

27 Agus thubhairt do sheirbhiseach m'athair ruinn, Tha fhios agaibh gu'n do rug mo bhean chaidh *mhac* dhomh.

28 Agus chaidh aon *diubh* a mach uam, agus thubhairt mi, Gu cinnteach reubadh 'n a bhloighdibh e; agus cha-n fhaca mi o sin e.

29 Agus ma bheir sibh *am mac* so uam mar an ceudna, agus gu'n tig tubaist air, bheir sibh sìos m'fhait liath le bròn do'n uigh.

30 A nis uime sin, an uair a thig mise a dh'ionnsuidh do sheirbhisich m'athar, gun an leanabh maille ruinn; (do bhrìgh gu bheil 'anamsa ceangailte ann an anam an leinibh:)

31 Tarlaidh, 'n uair a chi e nach 'eil an leanabh *maille ruinn*, gu'm faigh e bàs: agus bheir do sheirbhiseach sìos falt liath do sheirbhisich ar n-athar le bròn do'n uigh.

32 Oir chaidh do sheirbhiseach 'an urras air son an leinibh do m'athair, ag ràdh, Mur toir mi a d' ionnsuidh e, an sin bithidh mi fo choire aig m'athair gu bràth.

33 A nis uime sin, guidheam ort, leig le d' sheirbhiseach fantuinn 'an àit an leinibh, a'm thràil do m' thighearn; agus leig leis an leanabh dol suas maille r'a bhràithribh.

34 Oir cionnus a théid mise suas a dh'ionnsuidh m'athar, agus gun an leanabh maille ruinn? air eagal gu faic mi 'n t-òc a thig air m'athair.

CAIB. XLV.

1 Rinn Ioseph e féin aithnichte d'a bhràithribh; thug e comhfhurtachd doibh, agus chuir e fios leo air 'athair. 21 Thug e dhoibh carbadan agus lòn air son na slighe. 27 'N uair a phill iad, agus a dh'innis iad so do Iacob, dh'ath-bheothaich a spiorad.

A GUS cha b'urrainn Ioseph cumail air e féin 'n an lùthair-san uile a sheas

laimh ris; agus ghlaodh e, Cuiribh gach duine mach uam: agus cha do sheas duine san bith maille ris, an uair a rinn Ioseph e féin aithnichte d'a bhràithribh.

2 Agus ghul e gu h-àrd: agus chuala na h-Eiphitich, agus tigh Pharaoh e.

3 Agus thubhairt Ioseph r'a bhràithribh, Is mise Ioseph; am bheil m'athair fathast beò? agus cha b'urrainn a bhràithrean a fhreagairt; oir bha eagal orra roinn a lùthair-san.

4 Agus thubhairt Ioseph r'a bhràithribh, Thigibh am fagus domh, guidheam oirbh; agus thàinig iad an fagus: Agus thubhairt esan, Is mise Ioseph bhuir bràthair, a reic sibhse do'n Eiphit.

5 Agus a nis na biodh doilgheas oirbh, no corruich agaibh ribh féin, a chionn gu'n do reic sibh mise an so; oir chuir Dia roimhibh mi, gu *sibhse* a ghleidheadh beò:

6 Oir rè an dà bhliadhna-sa *bha* a' ghorta 's an tìr, agus *tha* fathast cuig bliadhna *ri teachd*, anns nach *bi* aon chuid treabhadh no foghar.

7 Agus chuir Dia mise roimhibh, a ghleidheadh dhuibhse iarmaid air thalamh, agus a thearnadh bhuir beatha le fuasgladh mòr.

8 A nis uime sin, cha sibhsa a chuir mise an so, ach Dia; agus rinn e mi a'm 'athair do Pharaoh, agus a'm 'thighearn os ceann a thighe uile, agus a'm 'uachdaran ann an tìr na h-Eiphit uile.

9 Deanaibh cabhag, agus rachaibh suas a chum m'athar, agus abraibh ris, Mar so thubhairt do m'ach Ioseph, Rinn Dia mise a'm 'uachdaran air an Eiphit uile; thig a nuas am' ionnsuidh, na dean moille:

10 Agus gabhaidh tu còmhnuidh 'am fearann Ghosein, agus bithidh tu'm fagus dhomhsa, thu *féin*, agus do chlann, agus clann do chloinne, agus do threudan, agus do bhuar, agus gach ni a *tha* agad.

11 Agus beathaichidh mise thu 'n sin, (oir fathast *bithidh* cuig bliadhna gorta ann,) air eagal gu'n tig thu féin, agus do theaghlach, agus gach ni a *tha* agad, gu bochdainn.

12 Agus, feuch, tha bhuir sùilean a' faicinn, agus sùilean mo bhràthar Bheniamin, gur e mo bheul féin a *tha* labhairt ribh.

13 Agus innsidh sibh do m'athair mo ghlòir-sa uile 's an Eiphit, agus gach ni a chunnaic sibh; agus ni sibh cabhag, agus bheir sibh a nuas m'athair an so.

14 Agus thuit e air muineal a bhràthar Benjamin, agus ghul e; agus ghul Benjamin air a muineal-san.

15 Phòg e mar an ceudna a bhràithrean uile, agus ghul e os an ceann: agus 'n a dhéigh sin rinn a bhràithrean cainnt ris.

16 Agus chualas iomrachd so ann an tigh Pharaoh, ag ràdh, Tha bràithrean Ioseph air teachd: agus thaitinn e gu maith ri Pharaoh, agus r'a sheirbhisich.

17 Agus thubhairt Pharaoh ri Ioseph,

Albair ri d'bhraithribh, Deanaibh so; sacaichibh bhuir n-aimhuidhean, agus imichibh, rachaibh do thir Chanaain.

18 Agus thugaibh leibh bhuir n-athair, agus bhuir teaghlaichean, agus thigibh a m'ionnsuidhse, agus bheir mise dhuibh maith tìre na h-Eiphit; ithidh sibh reamhrachd na tìre.

19 A nis thugadh àithne dhuit; deanaibhse mar so: thugaibh leibh a' tìr na h-Eiphit carbadan air son bhuir cloinne bige, agus bhuir ban, agus thugaibh bhuir n-athair leibh, agus thigibh.

20 Agus na bitheadh suim agaibh d'ur n-airneis-thighe; oir is leibhse maith tìre na h-Eiphit uile.

21 Agus rinn clann Israeil mar sin: agus thug Ioseph dhoibh carbadan a réir ordugh Pharaoh; agus thug e dhoibh lòn air son na slighe.

22 Thug e dhoibh uile, do gach aon diubh fa leth, culaidhean eudaich; ach do Bheniamin thug e trì cheud *bonn* airgid, agus cuig culaidhean eudaich.

23 Agus chuir e dh'ionnsuidh 'athar mar so: deich asail a' giùlan de nithibh maith na h-Eiphit, agus deich asail bhoirionn a' giùlan sil, agus arain, agus lòn d'an athair air son na slighe.

24 Mar sin chuir e a bhràithrean air falbh, agus dh'imich iad: agus thubhairt e riu, Feuchaibh nach cuir sibh amach air a chèile air an t-slighe.

25 Agus chaidh iad suas as an Eiphit, agus thàinig iad gu tìr Chanaain a dh'ionnsuidh Iacoib an athar.

26 Agus dh'imis iad da, ag ràdh, *Tha* Ioseph fathast beò, agus *tha* e 'n a uachdaran air tìr na h-Eiphit uile. Agus dh'fhannaich cridhe Iacoib, oir cha do chreid e iad.

27 Agus dh'imis iad da uile bhriathran Ioseph, a labhair e riu: Agus an uair a chunnaic e na carbadan a chuir Ioseph g'a ghiùlan, dh'ath-bheothaich spiorad Iacoib an athar.

28 Agus thubhairt Israel, *Is* leòr e; *tha* Ioseph mo mhac fathast beò: thèid mi agus chi mi e mun faigh mi bàs.

CAIB. XLVI.

1 *Thug Dia misneach agus sòlas do Jacob aig Beer-seba.* 5 O sin chaidh e jèin agus a theaghlach do'n Eiphit. 29 Choinnich Ioseph e. 31 Shèid e d'a bhràithribh ciod a theireadh iad ri Pharaoh.

A GUS dh'imich Israel maille ris gach ni a bh'aige, agus thàinig e gu Beer-seba, agus thug e suas iobairtean do Dhia 'athar Isaac.

2 Agus labhair Dia ri h-Israel ann an taisbeanaibh na h-oidheche, agus thubhairt e, A Iacoib, a Iacoib: Agus thubhairt esan, *Tha* mi 'n so.

3 Agus thubhairt e, *Is* mise Dia, Dia d'athar: na biodh cagal ort dol sìos do'n

Eiphit; oir ni mise a'd' chinncach mòr thu an sin.

4 Thèid mise maille riu sìos do'n Eiphit, agus bheir mi mar an ceudna gu cinnteach a nìos thu *rìs*: agus cuiridh Ioseph a làmh air do shùilibh.

5 Agus dh'éirich Jacob suas o Bheer-seba: agus thug mic Israeil leo Jacob an athair, agus an clann bheag, agus am mnathan, anns na carbadan a chuir Pharaoh g'a ghiùlan.

6 Agus ghabh iad an spréidh, agus am maoin, a fhuair iad ann an tìr Chanaain, agus thàinig iad do'n Eiphit, Jacob, agus a shliochd uile maille ris;

7 A mhic, agus mic a mhac maille ris, a nigheanan, agus nigheanan a mhac, agus a shliochd uile thug e maille ris do'n Eiphit.

8 Agus *is* iad so ainmean chloinn Israeil, a thàinig do'n Eiphit, Jacob agus a mhic: Reuben, ceud-ghlin Iacoib.

9 Agus mic Reubin; Hanoch, agus Phallu, agus Hesron, agus Carmi.

10 Agus mic Shimeoin; Iemuel, agus Iamin, agus Ohad, agus Iachin, agus Sohar, agus Saul mac Ban-chanaanaich.

11 Agus mic Lebhi; Gerson, Cohat, agus Merari.

12 Agus mic Iudah; Er, agus Onan, agus Selah, agus Phares, agus Serah: ach fhuair Er agus Onan bàs ann an tìr Chanaain. Agus b'iad mic Phareis, Hesron, agus H'mul.

13 Agus mic Isachair; Tola, agus Phuah, agus Iob, agus Simron.

14 Agus mic Shebuluin; Seread, agus Elon, agus Iahleel.

15 *Is* iad sin mic Leah, a rug i do Jacob 'an Padan-aram, maille r'a nighinn Dinah: *b'iad* uile anaman a mhac agus a nigheanan trì-deug 'ar fhichead.

16 Agus mic Ghaid; Siphion, agus Hagai, Suni, agus Esbon, Heri, agus Arodi, agus Areli.

17 Agus mic Aseir; Imnah, agus Isuah, agus Isui, agus Beriah, agus Serah am piuthar. Agus mic Bheriah; Heber, agus Machiel.

18 *Is* iad sin mic Shilpah, a thug Laban d'a nighinn Leah; agus rug i iad sin do Jacob, *eadhon* sè anaman deug.

19 Mic Racheil mnà Iacoib; Ioseph, agus Benjamin.

20 Agus rugadh do Ioseph ann an tìr na h-Eiphit, Manasèh agus Ephraim, a rug Asenat nighean Photipherah sagairt Oin dlia.

21 Agus *b'iad* mic Bheniamin; Belah agus Becher, agus Asbel, Gera, agus Naaman, Eli, agus Ros, Mupim, agus Hupim, agus Ard.

22 *Is* iad sin mic Racheil, a rugadh do Jacob: na h-anaman uile, ceithir-deug.

23 Agus mic Dhain; Ilusim.

24 Agus mic Naphtali; Iafseel, agus Guni, agus Ieser, agus Sillem.

25 *Is* iad sin mic Bhilhah, a thug Laban d'a nighinn Rachel, a rug i do Iacob: na h-anaman uile, seachdnar.

26 Na h-anaman uile a thàinig le Iacob do'n Eiphit, a thàinig a mach as a leasraidh, a thuilleadh air mnaibh mhac Iacob; *v'iad* na h-anamanna *so* uile tri fichead 's a sè.

27 Agus mic Ioseph a rugadh dha 's an Eiphit, *bu* dhà anam *iad*: uile anaman thighe Iacob, a thàinig do'n Eiphit, *bu* tri fichead 's a deich *iad*.

28 Agus chuir e Iudah roimhe gu Ioseph, chum as gu'n tugadh e fios dha *teachd* 'n a làthair ann an Gosen; agus thàinig iad gu fearann Ghosein.

29 Agus bheartaich Ioseph a charbad, agus chaidh e suas 'an coinneamh Israeil 'athar gu Gosen; agus nochd se e féin da, agus thuit e air a mhùineal, agus ghuil e air a mhùineal rè tamuill.

30 Agus thubhairt Israel ri Ioseph, Faigh-eams' a nis bàs, o chunnaic mi do ghnùis, do bhrìgh gu *bheil* thu fathast beò.

31 Agus thubhairt Ioseph r'a bhràithribh, agus ri teaghlach 'athar, Thèid mise suas, agus cuiridh mi 'n céill do Pharaoh, agus thear mi ris, Tha mo bhràithrean, agus teaghlach m'athar, a *bha* ann an tìr Chanaan, air teachd a m' ionnsuidh:

32 Agus *is* buachaillean na daoine, oir bu luchd-spréidhe iad; agus thug iad leo an treudan, agus am feudail, agus gach ni a *bh'* aca.

33 Agus tarlaidh 'n nair a ghairmeas Pharaoh oirbh, agus a their e, Ciod *is* ceird duibh?

34 Gun-abair sibhse, Bu luchd-spréidhe do sheirbhishich o'r n-òige eadhon gu a nis, sinn féin *agus* mar an ceudna n-aithrichean; chum as gu'n gabh sibh còmhnuidh ann am fearann Ghosein, oir *is* gràineileachd do na h-Eiphitich gach buachaille spréidhe.

CAIB. XLVII.

1 *Thug Ioseph cùignear d'a bhràithribh agus 'athair an làthair Pharaoh.* 11 Shuidhich e iad ann an tìr Rameseis agus bheathaich e iad. 28 Aois Iacob: 29 mhuinnach Ioseph dha gu'n adhlacadh se e maille r'a aithricuibh.

AN sin thàinig Ioseph agus dh'innis e do Pharaoh, agus thubhairt e, Thàinig m'athair agus mo bhràithrean, agus an treudan, agus am feudail, agus gach ni a *bh'* aca, a mach a tìr Chanaan; agus, fench, *tha* iad ann am fearann Ghosein.

2 Agus ghabh e cùignear d'a bhràithribh, agus chuir e 'n làthair Pharaoh iad.

3 Agus thubhairt Pharaoh r'a bhràithribh, Ciod *is* ceird duibh? Agus thubhairt iadsan ri Pharaoh, *Is* buachaillean do sheirbhishich, sinn féin agus ar n-aithrichean.

4 Thubhairt iad maran ceudna ri Pharaoh, 'S ann gu bhi air chuairt anns an tìr a

thàinig sinn, oir cha n'-eil fear aig do sheirbhishich d'an spréidh, do bhrìgh gu bheil a' ghorta mòr ann an tìr Chanaan: a nis uinne sin, guidheamaid ort, leig le d sheirbhishich còmhnuidh a ghabhail 'am fearann Ghosein.

5 Agus labhair Pharaoh ri Ioseph, ag ràdh, Thàinig d'athair agus do bhràithrean 'ad ionnsuidh:

6 Tha tìr na h-Eiphit romhad; anns a' chuid a's fearr dè'n fhearann thoir air d'athair agus do bhràithribh còmhnuidh a ghabhail; gabhadh iad còmhnuidh 'am fearann Ghosein; agus ma's aithne dhuit gu bheil 'n am mcas daoine comasach, ni thu iad 'n an àrd bhuachaillich air mo spréidh-sa.

7 Agus thug Ioseph Iacob 'athair a stigh, agus chuir e'n làthair Pharaoh e: agus bheannaich Iacob Pharaoh.

8 Agus thubhairt Pharaoh ri Iacob, Ciod a's aois dhuit?

9 Agus thubhairt Iacob ri Pharaoh, '*S'iad* làithean bhliadhnachan mo chuairte ceud agus deich bliadhna fichead: bu teare agus olc làithean bhliadhnachan mo bheatha, agus cha d'ràinig iad làithean bhliadhnachan beatha m' aithrichean ann an làithibh an cuairte-san.

10 Agus bheannaich Iacob Pharaoh, agus chaidh e mach a làthair Pharaoh.

11 Agus shuidhich Ioseph 'athair agus a bhràithrean, agus thug e dhoibh seallbh ann an tìr na h-Eiphit, anns a' chuid a's fearr dè'n fhearann, ann am fearann Rameseis, mar a dh'áithn Pharaoh.

12 Agus bheathaich Ioseph 'athair, agus a bhràithrean, agus uile theaghlach 'athar le h-aran, a réir an cloinne.

13 Agus cha *robh* aran anns an tìr uile; oir *bha* a' ghorta ro mhòr, air chor as gu'n robh tìr na h-Eiphit, agus tìr Chanaan *uile* fann leis a' ghorta.

14 Agus chruinnich Ioseph an t-airgid uile a fhuaradh ann an tìr na h-Eiphit, agus ann an tìr Chanaan, air son a' bhìdh a cheannaich iad: agus thug Ioseph an t-airgid do thigh Pharaoh.

15 Agus an uair a theirig airgid ann an tìr na h-Eiphit, agus ann an tìr Chanaan, thàinig na h-Eiphitich uile gu Ioseph, ag ràdh, Thoir dhuinn aran: c'ar son a gheibheamaid bàs a'd' làthair? oir theirig ar n-airgid.

16 Agus thubhairt Ioseph. Thugaibh seachad bhur spréidh, agus bheir mise dhuibh air son bhur spréidhe, ma theirig airgid dhuibh.

17 Agus thug iad an spréidh gu Ioseph: agus thug Ioseph dhoibh aran air son each, agus air son nan caorach, agus air son a' chruidh, agus air son nan asal; agus bheathaich e iad le h-aran, air son an spréidhe uile, air a' bhliadhna sin.

18 'N uair a chriochnaiceadh a' bhliadhna

sin, thàinig iad d'a ionnsuidh air an dara bliadhna, agus thubhairt iad ris, Cha cheil sinne air mo thighearn gu'n do chaitheadh ar n-airgid; tha mar an ceudna ar treudan sprièdh aig mo thighearn; cha d'fhàgadh ann an sealladh mo thighearna ach ar cuirp, agus ar fearann.

19 C'ar son a gheibh sinn bàs fa chomhair do shùl, aràon sinne agus ar fearann? Ceannaich sìone agus ar fearann air son arain, agus bithidh sinne agus ar fearann 'n ar seirbhisich do Pharaoh: agus thoir dhuinn sìol, chum as gu'm bi sinn beò, agus nach faigh sinn bàs, agus nach bi am fearann 'n a fhàsach.

20 Agus cheannaich Ioseph fearann na h-Eiphit uile do Pharaoh; oir reic na h-Eiphitich gach duine 'fhearann féin, a chionn gu'n do bhuadhaich a' ghort' orra: mar sin bu le Pharaoh an talamh.

21 Agus a thaobh an t-sluaigh, chuir e air imrich iad do bhaitibh o aon cheann chrìochan na h-Eiphit, eadhon gu ruig an ceann eile dhith:

22 A mhàin fearann nan sagart cha do cheannaich e; oir dh'orduicheadh cuibh-rionn do na sagartaibh le Pharaoh, agus dh'ith iad an cuibh-rionn a thug Pharaoh dhoibh: uime sin cha do reic iad am fearann.

23 Agus thubhairt Ioseph ris an t-sluaigh, Feuch, cheannaich mi sibh an diugh, agus bhur fearann do Pharaoh; feuch, so sìol duibh, agus eviribh am fearann.

24 Agus tarlaidh, de na chinneas gu'n toir sibh an cuigeamh *cuid* do Pharaoh, agus bithidh agaibh féin ceithir earrannan, air son sìl an fhearainn, agus air son bhur bìdh, agus air son muinntir bhur teaghlachean, agus air son bìdh d'ur cloinn bhig.

25 Agus thubhairt iadsan, Ghlèidh thu beò sinn: faigheamaid deadh-ghean ann an sealladh mo thighearna, agus bithidh sinn 'n ar seirbhisich do Pharaoh.

26 Agus rinn Ioseph sin 'n a lagh gus an là 'n diugh air feadh fearainn na h-Eiphit, gu'm bitheadh aig Pharaoh an cuigeamh *cuid*; saor a mhàin o fhearann nan sagart, nach bu le Pharaoh.

27 Agus ghabh Israel còmhnuidh ann an tìr na h-Eiphit, ann an talamh Ghòsein; agus bha seilbh aca ann, agus shìolaich iad, agus dh'fhàs iad ro lìonmhor.

28 Agus bha Iacob beò ann an tìr na h-Eiphit seachd bliadhna deug; agus b'iad bliadhnachan beatha Iacob uile ceud, agus dà fhichead agus seachd bliadhna.

29 Agus dhlùthaich ant-àmannsam b'éigin do Israel bàs fhaotainn: agus ghairm e air a mhac Ioseph, agus thubhairt e ris, Mafhuair mi nis deadh-ghean a'd' shealladh, cuir, guidheam ort, do làmh fo m'leis, agus buin gu caoimhneil agus gu fìrinneach

rium; na h-adhlaic mi, guidheam ort, 's an Eiphit.

30 Ach huidhidh mi mailleri m'aithrichibh, agus giùlainidh tu mi mach as an Eiphit, agus adhlaicidh tu mi 'n an àit' adhlaic-san. Agus thubhairt esan, Ni mi mar a thubhairt thu.

31 Agus thubhairt e, Mionnaich dhomh: agus mihonnaich e dhia. Agus chrom Israel e féin air ceann-adhairt na leapach.

CAIB. XLVIII.

1 *Chaidh Ioseph a dh'fhaicinn 'athar, agus e tinn.* 15 *Bheannaich Iacob e féin agus a chithis mhac, Ephraim agus Manaseh.* 21 *Roimh-innis e gu'm pilleadh iad a ris gu Canaan.*

AGUS an déigh nan nithean sin, dh'innis *neach* do Ioseph, Feuch, tha d'athair tinn: agus thug e leis a dhà mhac, Manaseh agus Ephraim.

2 Agus dh'innis *neach* do Iacob, agus thubhairt e, Feuch, tha do mhac Ioseph a' teachda d' ionnsuidh: agus neartaich Israel e féin, agus shuidh e air an leabaidh.

3 Agus thubhairt Iacob ri Ioseph, Dh'fhoillsich Dia uile-chumhachdach e féin dhomhsa aig Luds ann an tìr Chanaain, agus bheannaich e mi.

4 Agus thubhairt e rium, Feuch, ni mise sìolmhor agus lìonmhor thu, agus ni mi thu a'd' choimhthional chinneach, agus bheir mi am fearann so do d'shliochd a'd' dhéigh mar sheilbh shìorruidh.

5 Agus a nis do dhithis mhac, Ephraim agus Manaseh, a rugadh dhuit ann an tìr na h-Eiphit: mun d' thàinig mis' a'd' ionnsuidh do'n Eiphit, is leamsa iad; mar Reuben agus Shimeon, bithidh iad leamsa.

6 Agus bithidh do shliochd, a ghineas tu 'n an déigh, leat féin; a réir ainme am bràithrean goirear iad 'n an seilbh féin.

7 Agus air mo shonsa dheth, 'n uair a thàinig mi o Phadan, fhuair Rachael bàs agam ann an tìr Chanaain, air an t-slighe, 'n uair nach *robh* fathast ach astar goirid ri teachd gu h-Ephrat: agus dh'adhlaic mi 'n sin i air an t-slighe gu h-Ephrat; 's e sin Bethlehem.

8 Agus chunnaic Israel mic Ioseph, agus thubhairt e, Cò iad sin?

9 Agus thubhairt Ioseph r'a athair, 'S iad mo mhic-sa iad, a thug Dia dhomh an so: agus thubhairt e, Thoir a m' ionnsuidh iad, guidheam ort, agus beannaichidh mi iad.

10 Agus bha sùilean Israeil trom le h-aois, air chor nach bu léir dha *gu maith*: agus thug e 'm fagus da iad, agus phòg e iad, agus ghabh e 'n a ghlaicibh iad.

11 Agus thubhairt Israel ri Ioseph, Cha do shail mi gu'm faicinn do ghnùis, agus, feuch, nochd Dia dhomh mar an ceudna do shliochd.

12 Agus thug Ioseph a mach iad o eadar

a ghlùincan, agus chrom se e féin le 'aghaidh gu làr.

13 Agus ghabh Ioseph iad le 'chéile, Ephraim 'n a làimh dheis air làimh chli Israel, agus Manasch 'n a làimh chli air làimh dheis Israel; agus thug e 'm fàgus da iad.

14 Agus shìn Israel a mach a làmh dheas, agus chuir e i air ceann Ephraim, an mac a b'òige, agus a làmh chli air ceann Mhanasch: stiur e a làmh an gu seòlta; oir b'e Manasch an ceud-ghin.

15 Agus bheannaich e Ioseph, agus thubhairt e, Gu'n deanadh Dia, 'an làthair an do ghlua's m'athrichean Abraham agus Isaac, an Dia a bheathaich mi rè mo bheatha uile gus an là n diugh,

16 An t-aingal a shaor mi o gach ole, na leinibh a bheannachadh, agus ainmichear m'ainm-sa orra, agus ainm m'athrichean Abraham agus Isaac: agus mar iasg na mara fàsadh iad bonnhor 'am meadhon na talmhainn.

17 Agus an uair a chunnaic Ioseph gu'n do chuir 'athair a làmh dheas air ceann Ephraim, cha do thaitinn e ris: agus chum e suas làmh 'athar, a chum a h-atharrachadh o cheann Ephraim gu ceann Mhanasch.

18 Agus thubhairt Ioseph r'a athair, Ni h-ann mar sin, 'athair: oir is e so an ceud-ghin; cuir do làmh dheas air a cheann.

19 Agus dhiùlt 'athair, agus thubhairt e, Tha fhios agam, a mhic, tha fhios agam; bithidh esan cuideachd 'n a shluagh, agus fàsaidh e mar an ceudna mòr: ach gu deimhin bithidh a bhràthair a's òige nìs mò na e, agus bithidh a shliochd 'n am mòran chinneach.

20 Agus bheannaich e iad air an là sin, ag ràdh, Annadsa beannaichidh Israel, ag ràdh, Gu'n deanadh Dia thu mar Ephraim, agus mar Mhanasch: agus chuir e Ephraim roimh Mhanasch.

21 Agus thubhairt Israel ri Ioseph, Feuch, tha mis' a' faotainn a' bhàis; ach bithidh Dia maille ribhe, agus bheir e ris sibh gu dùthaich bhuir n-aithrichean.

22 Agus thug mise dhuit aon chuid-roinne thar do bhràithrean, a bhuin mi mach á làimh an Amoraich le m' chlachdheamh agus le m' bhogha.

CAIB. XLIX.

1 *Ghairm Iacob a mhic cuideachd, agus bheannaich e iad.* 29 *Dh'athair e dhoibh gu'n adhlacaidh iad e ann an tìr Chanaan.* 33 *A bhàis.*

AGUS ghairm Iacob air a mhic, agus thubhairt e, Cruinnichibh sibh féin an ceann a chéile, chum as gu'n innis mi dhuibh ciod a tharlas dhuibh 's na làithibh deireanach.

2 Cruinnichibh sibh féin an ceann a chéile, agus chumibh, a mhaca Iacob, agus éisdibh ri Israel bhuir n-athair.

3 A Reubein, is tu mo cheud-ghin, mo threise, agus toiseach mo neirt, òirdheirceas àrd-inbhe, agus òirdheirceas cumhachd.

4 Nco-sheasmhach mar uisge, cha toir thu barrachd, do bhrìgh gu'n deachaidh tu suas do leabaidh d'athair: an sin thruaill thu i; chaidh e suas do m' uirigh.

5 Is bràithrean Simcon, agus Lebhi: tha innil aingidheachd 'n an àitibh-còmhnuidh.

6 'N an diomhaireachd na tigeachd m'anam-sa; r'an còmhthional na bitheadh m' onoirsa air a h-aonadh: oir 'n an corruich mharbh iad duine, agus 'n am féin-thoil leag iad sìos balla.

7 Mallaichte *gu'n robh* an corruich, oir bha i garg; agus am fearg, oir bha i an-ìochd-mhor: roinnidh mi iad ann an Iacob, agus sgaoilidh mi iad ann an Israel.

8 A Iudah, molaidh do bhràithrean thusa; *bithidh* do làmh 'am muineal do naimhdean: cromaidh clann d'athar iad féin sìos a'd làthair.

9 Is cuilean leòmhain Iudah; o'n chobhar-taich, a mhic, chaidh thu suas: chrom se e féin sìos, chrùb e mar leòmhain, agus mar sheann leòmhain; co 'dhùisgeas suas e?

10 Cha dealaich an t-slat-rioghail ri Iudah, no lagh-thabhartair o cadar a chosan, gus an tig Siloh agus dhasan géillidh na slòigh:

11 A' ceangal a shearraich ris an fhionain, agus loth 'asail ris an fhionain thaghta; nigh e 'eudach 'am fion, agus a thrusgan 'am fuil nam fion-dhearc.

12 Bithidh a shùilean nìs deirge na fion, agus 'fhiacian nìs gile na bainne.

13 Gabhaidh Sebulun còmhnuidh aig caladh a' chuain, agus *bithidh* e air son calaidh long; agus *bithidh* 'eirthir gu ruig Sidon.

14 Is asal làidir Isachar, a' crùbadh sìos eadar dhà callaich.

15 Agus chunnaic e gu'm *bu* mhaith an ni fois, agus gu'n *robh* am fearann taitneach: agus chrom e a ghuala gu ionmhar, agus rinneadh e 'n a sheirbliseach do chùis.

16 Bhéir Dan breth air a shluagh, mar aon de threubhan Isracil.

17 Bithidh Dan 'n a nathair air an ròd, 'n a nathair-nimhe air an t-slighe, a theumas sàltan an eich, air chor as gu'n tuit a mharach 'an coimeamh a chùil.

18 Ri d' shlàinte dh'fheith mise, O Thigh-carna.

19 Gad, bheir buidheam buaidh air: ach bheir esan buaidh ma dheireadh.

20 A mach á h-Aser *bithidh* 'aran-san reamhar, agus bheir e uaidh sògh rioghail.

21 Is eilid air a leigeadh fuasgailte Naph-tali; bheir e focail thaitneach uaidh.

22 Is geug thorrach Ioseph, geug thorrach làimh ri tobar, aig am bheil a meanglain a sgaoileadh thar a' bhalla.

23 Chrùidh na fir-bhogha ga geur e, agus thilg iad air, agus dh'fhuathaich iad e.

24 Ach dh'fhan a bhogha 'n a neart, agus

rinneadh gairdeanan a lāmh làidir le lāmhan a Dhe chumhachdaich Iacoib; (uaith sin tha 'm buachaille, clach Isracil:)

25 *Eadhon* le Dia d'athar, a ni còmhnaidh leat, agus leis an Uile-chumhachdach, a bheannaicheas thu le beannachdaibh nèimh o 'n àirde, beannachdaibh na doimhne shìos, beannachdaibh nan cìoch, agus na bronn.

26 Thug beannachdan d'athar barrachd air beannachdaibh mo shìonscara, gu ruig toirionall nan slìabh sìorruidh; bithidh iad air ceann Ioseph, agus air mullach a chinn-san a sgaradh o 'bhràithribh.

27 Ni Benjamin fiadhach mar mhadaidh-alluidh; 's a' mhaduinn ithidh e a' chobhartaich, agus 's an fhcasgar roinnidh e a' chreach.

28 *Is* iad sin uile dà threubh dheug Isracil: agus *is e* so an ni a labhair an athair riu, agus bheannaich e iad; gach aon a' e' rìir a bheannachaidh, bheannaich e iad.

29 Agus dh'àithn e dhoibh, agus thubhairt e riu, Cruinnichar mise chum mo dhaoine. adhlacibh mi maille ri m'athrichibh 's an uaimh a *tha* ann an achadh Ephroin an Hiteich;

30 'S an uaimh a *tha* ann an achadh Mhachpelah, a *tha* fa chomhair Mhamre, ann an tìr Chanaain, a cheannaich Abraham maille ris an achadh o Ephron an Hiteach, mar sheilbh àit-adhlac.

31 (An sin dh'adhlac iad Abraham agus Sarah a bhean; an sin dh'adhlac iad Isaac agus Rebekah a bhean; agus an sin dh'adhlac e mise Leah.)

32 Cheannaicheadh an t-achadh, agus an uaimh a *tha* ann, o chloinn Het.

33 Agus an uair a chrìochnaich Iacob àitheantan a thoirt d'a mhic, chruinnich e a chosan suas do'n leabaidh, agus chaochail e, agus chruinnicheadh e chum a dhaoine.

CAIB. L.

1 Bròn air son bàis Iacob. 7' Adhlac. 24 Roimh-mis Ioseph d'a bhràithribh, gun tugadh Dia a mach iad as an Eiphit gu tìr an aithrichian. 26 A bhàs.

AGUS thuit Ioseph air aghaidh 'athar, agus ghuil e air, agus phòg se e.

2 Agus dh'àithn Ioseph d'a sheirbhisich na léighean, spìosraidh a chur air corp 'athar; agus chuir na léighean spìosraidh air Israel.

3 Agus choimhlionadh air a shon dà fhichead là (oir mar so coimhlionar làithean na muinntir sin air an cuirear spìosraidh;) agus rinn na h-Eiphitich bròn air a shon deich 'us trì fichead là.

4 Agus an uair a chaidh làithean a bhàròin thairis, labhair Ioseph ri teaghlach Pharaoh, ag ràdh, A nis ma fhuair mi deadh-ghean 'n 'ur sàilibh, labhraibh, guidheam oirbh, ann an cluasaibh Pharaoh, ag ràdh,

5 Ghabh m'athair mionnan dìom, ag ràdh,

Feuch, *tha* mise a' faghail a' bhàis: a'm uagh a chladhaich mi dhomh féin ann an tìr Chanaain, an sin adhlacaidh tu mi. A nis uime sin leig dhomh dol suas, guidheam ort, agus m'athair adhlacadh, agus thig mi ris.

6 Agus thubhairt Pharaoh, Falbh suas, agus adhlac d'athair, a réir mar a ghabh o mionnan dìot.

7 Agus chaidh Ioseph suas a dh'adhlacadh 'athar: agus maille ris chaidh seirbhisich Pharaoh suas uile, seanairean a thighe, agus uile sheanairean thìre na h-Eiphit,

8 Agus teaghlach Ioseph uile, agus a bhràithrean, agus teaghlach 'athar: a mha'n dh'fhàg iad an clann bheag, agus an caoraich, agus am buar, ann an tìr Ghòscin.

9 Agus chaidh suas maille ris, araon carbadan agus mare-shluagh: agus bha a' chuideachd ro mhòr.

10 Agus thàinig iad gu h-urlar-bualaidh Ataid, a *tha* 'n taobh thall de Iordan; agus rinn iad bròn an sin le caoidh mhòir agus ro chràitich: agus rinn e bròn air son 'athar seachd làithean.

11 Agus an uair a chunnaic luchd-àitcheaidh na tìre, na Cananaich, am bròn ann an urlar Ataid, thubhairt iad, *Is* doilgheasach am bròn so do na h-Eiphitich; uime sin thugadh Abel-misràim mar ainm air, a *tha* 'n taobh thall de Iordan.

12 Agus rinn a mhic dha mar a dh'àithn e dhoibh:

13 Oir ghiùlain a mhic e do thìr Chanaain, agus dh'adhlac iad e ann an uaimh acaidh Mhachpelah, a cheannaich Abraham maille ris an achadh mar sheilbh àit-adhlac, o Ephron an Hiteach, fa chomhair Mhamre.

14 Agus phill Ioseph do 'n Eiphit, e féin agus a bhràithrean, agus iadsan uile a chaidh suas maille ris a dh'adhlac 'athar, an déigh dha 'athair adhlac.

15 Agus an uair a chunnaic bràithrean Ioseph gu'n d'fhuair an athair bàs, thubhairt iad, Theagamh gu'n toir Ioseph fuath dhuinn, agus gu'n diol e gu cinnteach oirm an t-òle sin uile a rinn sinn air.

16 Agus chuir iad teachdairean gu Ioseph, ag ràdh, Dh'àithn d'athair mun d'fhuair o bàs, ag ràdh,

17 Mar so their sibh ri Ioseph, Maith, guidheam ort a nis, éucoir do bhràithrean, agus am peacadh, do bhrìgh gu'n d' rinn iad òle ort: agus a nis, guidheam ort, maith éucoir sheirbhisich Dhè d'athar. Agus ghuil Ioseph an uair a labhair iad ris.

18 Agus chaidh a bhràithrean mar an ceudna, agus thuit iad sìos 'n a làthair, agus thubhairt iad, Feuch, *is* seirbhisich dhuil sinne.

19 Agusthubhairt Ioseph riu, Na bitheadh cagal oirbh; oir am bheil mise 'an àite Dhè?

20 Agus d' ur taobhsa, shònraich sibh òle

ECSDUS, I.

a'm' aghaidh; *ach* shònaich Dia sin a chum maith, a chum, mar air an là 'n diugh, gu'n tearnadh e mòr shluagh beò.

21 A nis nìme sin na bitheadh eagal oirbh: altrumaidh mise sibh, agus blur clann bheag. Agus thug e comhlhùrtachd dhoibh, agus labhair e gu caoinmheil riu.

22 Agus ghabh Ioseph còmhnuidh 's an Eiphit, e féin agus teaghlach 'athar: agus bha Ioseph beò ceud agus deich bliadhna.

23 Agus chunnaic Ioseph clann Ephraim, de'n treas *ginealach*: thogadh suas mar an ceudna clann Mhachir, mhic Mhanaseh, air glùinibh Ioseph.

24 Agus thubhairt Ioseph r'a bhràithribh *tha* mise a' faghail a' bhàis, ach amhaircidh Dia gu cinnteach oirbhse, agus bheir e mach sibh as an fhicearum so, do'n fhicearum a mhnionnaich e do Abraham, do Isaac, agus do Iacob.

25 Agus ghabh Ioseph mionnan de chloinn Israeil, ag ràdh, Amhaircidh Dia gu cinnteach oirbhse, agus giùlainidh sibh mo chnàmhan-sa suas as a so.

26 Agus fhuair Ioseph bàs, agus e ceud agus deich bliadhna dh'aois: agus chuir iad spiosraidh air, agus chuircadh ann an ciste-mhairbh e 's an Eiphit.

DARA LEABHAR MHAOIS,

D'AN AINM

ECSDUS.

CAIB. I.

1 *Clann Israeil a' fàs lionmhor.* 8 *Tha iad air an sàruchadh le rìgh ùr air an Eiphit.* 15 *Diadhaidheachd nam ban-glùine.*

ANIS is iad so ainmeannan chloinn Israeil, a thàinig do'n Eiphit; thàinig gach duine agus a theaghlach maille ri Iacob:

2 Reuben, Simeon, Lebhi, agus Iudah,

3 Isachar, Sebulun, agus Benjamin,

4 Dan, agus Naphtali, Gad, agus Aser.

5 Agus na h-anaman uile a thàinig a mach a leasaidh Iacob, bu deich agus trì fichid anam iad; oir bha Ioseph 's an Eiphit *cheana*.

6 Agus fhuair Ioseph bàs, agus a bhràithrean uile, agus an ginealach sin uile.

7 Agus bha clann Israeil sìolmhor, agus dh'fhàs iad gu mòr, agus rinneadh lionmhor iad, agus chinn iad ro chumhachdach; agus lionadh an tìr leo.

8 A nis dh'èirich rìgh ùr air an Eiphit, do nach b'aithne Ioseph.

9 Agus thubhairt e r'a shluagh, Feuch, tha siuagh chloinn Israeil nì's lionmhoire agus nì's cumhachdaiche na sinne.

10 Thigibh, buineamaid gu seòlta: air eagal gum fàs iad lionmhor, agus gu'n tachair e, 'n uair a dh'èireas cogadh, gu'n gabh iadsan mar an ceudna le'r naimhdebhe, agus gu'n cog iad 'n ar n-aghaidh, agus gu'n téid iad a mach as an tìr.

11 Uime sin chuir iad maighstirean-oibre orra, chum an sàruchadh len eallachaibh. Agus thog iad bailtean-ionmhais do Pharaoh, Pitom agus Rameses.

12 Ach mar is mò a shàruich siad iad, 's ann is mò a rinneadh iadsan lionmhor agus

a dh'fhàs iad. Agus bha iad fo dhoilgheas air son chloinn Israeil.

13 Agus thug na h-Eiphitich air cloinn Israeil seirbhis a dheanamh le cruadhas.

14 Agus rinn iad am beatha searbh dhoibh le daorsa chruaidh, ann an criadh, agus ann an clachaibh-creadha, agus anns gach gné oibre 's a' mhachair: *tha* an obair uile, anns an d' thug iad orra obair a dheanamh, le cruadhas.

15 Agus labhair rìgh na h-Eiphit ri mnathan-glùine nan Eabhruidheach *(De ainm aoin duibh Siphrah, agus ainm na té eile Pual)*:

16 Agus thubhairt e, 'N uair a ni sibh gnìomh mnà-glùine do na mnathan Eabhruidheach, agus a chì sibh iad air na stòlaibh, ma's mac a *bhios ann*, an sin marbhadh sibh e, ach ma's nighean a *bhios ann*, bithidh i beò.

17 Ach bha eagal Dhé air na mnathan-glùine, agus cha d'rinn iad mar a dh'èithu rìgh na h-Eiphit dhoibh, ach ghléidh iad a' chlann-mhac beò.

18 Agus ghairm rìgh na h-Eiphit air na mnathan-glùine, agus thubhairt e riu, Car son a rinn sibh an ni so, agus a ghléidh sibh a' chlann-mhac beò?

19 Agus thubhairt na mnathan-glùine ri Pharaoh, A chionn nach 'eil na mnathan Eabhruidheach mar na mnathan Eiphiteach: oir *tha* iad féin beothail, agus air an aisead mu'n tig na mnathan-glùine a steach d'an ionnsuidh.

20 Uime sin bhuin Dia gu maith ris na mnathan-glùine: agus rinneadh an sluagh lionmhor, agus dh'fhàs iad ro chumhachdach.

21 Agus a chionn gu'n robh eagall Dhé air na mnathan-glúine, rinn e tighean dhoibh.

22 Agus thug Pharaoh áithne d'a shluagh uile, ag rãdh, Gach mac a bheirear, tilgidh sibh 's an amhaoin; agus gach nighean gleidhidh sibh beò.

CAIB. II.

1 *Maois air a bhreith, agus air a chur ann an cobhan am measg na cuilce. aig bruaich na h-aimhne. 5 Fhuairadh e, agus dh'altrumadh e le nighinn Pharaoh.*

AGUS chaidh duine de thigh Lebhi, agus ghabh e nighean do Lebhi 'n a mnaoi.

2 Agus dh'fhàs a' bhean torrach, agus rug i mac: agus an uair a chunnaic i gu'n robh e 'n a leanabh tlachdmhor, dh'fholaich i e rè thri mìosan.

3 Agus an uair nach b'urrainn i 'fholach ni b'fhaide, ghabh i dha cobhan cuilce, agus chuir i thairis e le làthaich agus le pic, agus chuir i an leanabh ann; agus chuir i e 's a' chuilce aig bruaich na h-aimhne.

4 Agus sheas a phiuthar am fad *uaith*, a dh'fhaicinn ciod a dheantadh ris.

5 Agus thàinig nighean Pharaoh a nuas g'a nigheadh féin 's an amhaoin, agus bha a maighdeanan ag imeachd ri taobh na h-aimhne; agus an uair a chunnaic i 'n cobhan am measg na cuilce, chuir i a banoglach g'a thabhairt *d'a h-ionnsuidh*.

6 Agus an uair a dh'fhosgail i e, chunnaic i 'n leanabh: agus, feuch, ghlil an naoidhean. Agus ghabh i truas ris, agus thubhairt i, *Is aon* so de chloinn nan Eabhruidh-each.

7 An sin thubhairt a phiuthar ri nighean Pharaoh, An téid mise, agus an ga'rim mi dhuit banaltrum de na mnathan Eabhruidh-each, a chum as gu'n altrum i 'n leanabh dhuit?

8 Agus thubhairt nighean Pharaoh rithe, Falbh. Agus chaidh a' mhaighdean, agus ghairm i màthair an leinibh.

9 Agus thubhairt nighean Pharaoh rithe, Thoir an leanabh so leat, agus altrum dhomhsa e, agus bheir mi *dhuit* do thuarasdal. Agus ghabh a' bhean an leanabh, agus dh'altrum i e.

10 Agus dh'fhàs an leanabh, agus thug i e dh'ionnsuidh nighinn Pharaoh, agus bha e 'n a mhac dh'i. Agus thug i Maois mar ainm air: agus thubhairt i, A ch'iom as an uisge gu'n do tharruing mi mach e.

11 Agus tharladh anns na làithibh sin, an uair a dh'fhàs Maois suas, gu'n deachaidh e mach a dh'ionnsuidh a bhraithrean, agus gu'n d'amhaire e air an callachaibh: agus chunnaic e Eiphiteach a' bualadh Eabhruidhich, aoin d'a bhraithribh.

12 Agus dh'amhaire e an taobh so agus an taobh ud, agus an uair a chunnaic o nach

robh aon duine ann, mharbh e an t-Eiphiteach, agus dh'fholaich e 's a' ghaimeamh e.

13 Agus an uair a chaidh e mach an dara là, feuch, *bha* dithis de na h-Eabhruidhich a' strì r'a chéile; agus thubhairt e ris-san a rinn an eucoir, C'ar son a bhuailleas tu do choimhearsnach?

14 Agus thubhairt e, Cò 'rinn thusa a'd' uachdaran agus a'd' bhreitheamh oirme? an miann leat mise a mharbhadh, mar? mharbh thu 'n t-Eiphiteach? agus ghabh Maois eagall, agus thubhairt e, Gu cimiteach tha an nì so aithichte.

15 A nis an uair a chuala Pharaoh an nì so, dh'iarr e Maois a mharbhadh, ach theich Maois o aghaidh Pharaoh, agus ghabh e còmhuidh ann an tìr Mhidiaim; agus shuidh e sìos làimh ri tobar.

16 A nis bha aig sagart Mhidiaim seachd-nar nighean: agus thàinig iad agus tharruing iad *uisge*, agus lion iad na h-annair a thoirt uisge do thréud an athar.

17 Agus thàinig na buachaillean agus dh'fhuadaich iad air falbh iad: ach sheas Maois suas agus chuidich e leo, agus thug e nìsge d'an tréud.

18 Agus an uair a thàinig iad gu Renel an athair, thubhairt e, Cionnus a thàinig sibh co luath an diugh?

19 Agus thubhairt iad, Shaor Eiphiteach sin a làimh nam buachaillean, agus mar an ceudna tharruing e uisge gu leòr dhuinn, agus thug e uisge do'n tréud.

20 Agus thubhairt esan r'a nigheanaibh, Agus c'àit *am bheil e*? C'ar son a dh'fhàg sibh an duine? Gairmibh air, a chum's gu'n ith e aran.

21 Agus bha Maois toileach còmhuidh a ghabhail maille ris an duine; agus thug e Siphrah a nighean do Mhaois 'n a mnaoi.

22 Agus rug i mac *dha*, agus thug e Gersom mar ainm air: oir thubhairt e, Bha mi m' choigreach ann an tìr aineoil.

23 Agus tharladh an ceann mòrain làithean, gu'n d'fhuair rìgh na h-Eiphit bàs, agus bha clann Israel ag osnaich air son na daorsa, agus ghlaodh iad; agus chaidh an glaoth suas gu Dia, air son na daorsa.

24 Agus chuala Dia an osnaich, agus chuimhnich Dia a choimhealgail ri h-Abraham, ri h-Isaac, agus ri Iacob.

25 Agus dh'amhaire Dia air cloinn Israhil, agus dh'fhiosraich e iad.

CAIB. III.

1 *Bha Maois a' gleidheadh tréud Ietro 'athar-céile. 2 Dh'fhoillsicheadh aingeal an Tigh-earna dha ann an lusair theine á meadhan prìs. 7 Chuir eadh e leis an Tigh-earna' a thubhairt cloinn Israel a mach as an Eiphit. 14 A theachdaireachd dhoibh.*

ANIS bha Maois a' gleidheadh tréud Ietro 'athar-céile, sagairt Mhidiaim: agus thug e'n tréud gu taobh cuil an

fhàsaich, agus thàinig e gu sliabh Dhé, gu Horeb.

2 Agus dh'fhoillsicheadh aingeal an Tighearna dha ann an lasair theine á meadhon prìs: agus dh'amhairc e, agus, feuch, bha m' preas a' lasadh le teine, ach cha robh am preas air a losgadh.

3 Agus thubhairt Maois, Tionndaidh mi nis a leth-taobh, agus chi mi an sealladh mòr so, 'eàr son nach 'eil am preas air a losgadh.

4 Agus an nair a chunnaic an Tighearn gu'n do thionndaidh e a leth-taobh a dh'fhaicinn sin, ghairm Dia air á meadhon a' phrìs, agus thubhairt e A Mhaois, a Mhaois. Agus thubhairt esan, *Tha mi 'n so.*

5 Agus thubhairt e, Na tig am fagus an so; cuir dhìot do bhrògan bhàrr do chos oir an t-'ait' air am bheil thu a' d' sheasamh, is talamh naomh e.

6 Thubhairt e mar an ceudna, *Is* mise Dia d'athar, Dia Abraham, Dia Isaac, agus Dia Iacob. Agus dh'fhoilaich Maois 'aghaidh: oir bha eagal air amharc air Dia.

7 Agus thubhairt an Tighearn, Chunnaic mi gu cinnteach àmhghar mo shluaigh a tha 's an Eiphit, agus chuala mi 'n glaoth air son am maighstirean-oibre: oir is aithne dhomh an doilgheas.

8 Agus thàinig mi nuas g'an saoradh á làmh nan Eiphitich, agus g'an toirt suas a mach as an fhearann sin, gu fearann maith agus farsuing, gu fearann a tha 'sruthadh le bainne agus le mil; gu àite nan Canaanach, agus nan Hiteach, agus nan Amorach, agus nam Peridseach, agus nan Hibheach, agus nan Iebusach.

9 A nis tìme sin, feuch, tha glaoth chloinn Israeil air teachd a m'ionnsuidh-sa: agus mar an ceudna chunnaic mi am fòirneart leis am bheil na h-Eiphitich 'g am foireigneadh.

10 Agus a nis thig, agus cuiridh mi thu dh'ionnsuidh Pharaoh, a chum as gu'n tabhair thu mach mo shluagh clann Israeil as an Eiphit.

11 Agus thubhairt Maois ri Dia, Cò mise, gu'n rachainn a dh'ionnsuidh Pharaoh, agus gu'n tugainn a mach clann Israeil as an Eiphit?

12 Agus thubhairt e, Bithidh mise gu cinnteach leat; agus b'ithidh so 'n a chomharadh dhuit, gu'n do chuir mise nam thu: 'n uair a bheir thu mach an sluagh as an Eiphit, ni sibh aoradh do Dhia air an t-sliabh so.

13 Agus thubhairt Maois ri Dia, Feuch, an uair a thig mi dh'ionnsuidh cloinn Israeil, agus a their mi riu, Chuir Dia bhur n-aithrichean mise d'ur n-ionnsuidh; agus a their iad rium, Ciod a's ainm dha? Ciod a their mi riu?

14 Agus thubhairt Dia ri Maois, IS MI AN TÌ A'S MI: Agus thubhairt e, Mar

so their thu ri cloinn Israeil, Chuir IS MI mise d'ur n-ionnsuidh.

15 Agus thubhairt Dia thuilleadh air so ri Maois, Mar so their thu ri cloinn Israeil, Chuir an Tighearn Dia bhur n-aithrichean, Dia Abraham, Dia Isaac, agus Dia Iacob, mise d'ur n-ionnsuidh: *e* so m' ainm a chaidh; agus *is* e so mo chuimhneachan do gach uile ghinealach.

16 Imich agus cruinnich r'a chéile sean-airean Israeil, agus abair riu, Dh'fhoillsich an Tighearn Dia bhur n-aithrichean e féin dhomhsa, Dia Abraham, Isaac, agus Iacob, ag ràdh, Gu cinnteach dh'amhairc mi oirbh, agus *chunnaic mi* an ni a rinneadh oirbh 's an Eiphit.

17 Agus thubhairt mi, Bheir mi suas sibh á h-àmhghar na h-Eiphit, gu fearann nan Canaanach, agus nan Hiteach, agus nan Amorach, agus nam Peridseach, agus nan Hibheach, agus nan Iebusach, gu fearann a tha 'sruthadh le bainne agus le mil.

18 Agus éisdidh iadsan ri d' ghuth: agus théid thu féin, agus seanaircan Israeil, gu rìgh na h-Eiphit, agus their sibh ris, Choinnich an Tighearn, Dia nan Eabh-ruidheach sinne: agus a nis leig dhuinn, guidheamaid ort, dol astar thri làithean do'n fhàsach, chum as gu'n iobair sinn do'n Tighearn ar Dia.

19 Agus is deimhin leam nach leig rìgh na h-Eiphit leibh imeachd, cha leig *eadhon* le làmh làidir.

20 Agus sinidh mis' a mach mo làmh, agus buailidh mi 'n Eiphit le m' iongantasan uile, a ni mi 'n a meadhon: agus an déigh sin leigidh e dhuibh imeachd.

21 Agus bheir mise do'n t-sluagh so deadh-ghean ann an sealladh nan Eiphitich: agus tarlaidh, 'n uair a dh'fhalbhas sibh, nach falbh sibh falamh;

22 Ach iarraidh gach bean o 'ban-choimhearsnaich, agus o'n mhnaoi a bhios air aoidheachd 'n a tigh, seudan airgid, agus seudan òir, agus eudach: agus cuiridh sibh *iad* air bhur mic, agus air bhur nigheanaibh; agus creachaidh sibh na h-Eiphitich.

CAIB. IV.

1 *Slat Mhaois air a tionndadh 'n a nothair.* 6 *A làmh lobhrach.* 21 *Teachdaireachd an Tighearna chum Pharaoh.*

A GUS fhreagair Maois, agus thubhairt e, Ach, feuch, cha chreid iad mi, ni mò dh'éisdeas iad ri m' ghuth: oir their iad, Cha do thaisbein an Tighearn e féin dhuit.

2 Agus thubhairt an Tighearn ris, Ciod sin 'n ad làmh? Agus thubhairt esan, Slat.

3 Agus thubhairt e, Tilg air an làr i; agus thilg e air an làr i, agus rinneadh i 'n a nathair: agus theich Maois roimpe.

4 Agus thubhairt an Tighearn ri Maois,

Cuir a mach do làmh, agus glac air a h-earr i. Agus chuir e mach a làmh, agus rug e oirre, agus rinneadh slat dh'i 'n a làmh.

5 Chum as gu'n creid iad gu'n d'fhoillsich an Tighearn Dia an a' thrì chean, Dia Abrahaim, Dia Isaac, agus Dia Iacob, e fèin dhuit.

6 Agus thubhairt an Tighearn a thuilleadh air so ris, Cuir a nis do làmh a'd' bhroilleach; agus chuir e a làmh 'n a bhroilleach: agus an nair a thug e mach i, feuch, bha a làmh lobhrach mar shneachda.

7 Agus thubhairt e, Cuir do làmh a ris a'd' bhroilleach: agus chuir e a làmh a ris 'n a bhroilleach, agus thug e mach a' bhroilleach i, agus, feuch, dh'icpaicheadh i mar a' chuid eile d' a fheoil.

8 Agus tarlaidh, mur creid iad thu, agus mur h-éisd iad ri gutha' chead chomharaidh, gu'n creid iad guth a' chomharaidh dheireannaich.

9 Agus tarlaidh, mur creid iad mar an ceudna an dà chomharaidh sin, agus mur h-éisd iad ri d' ghuth, gu'n gabh thu cuid a dh' uisge na h-aimhne, agus gu'n dòirt thu air an *talamh* thioram e: agus fàsaidh an t-uisge a bheir thu as an amhaim, 'n a fhuil air an *talamh* thioram.

10 Agus thubhairt Maois ris an Tighearn, O mo Thighearna, cha duine deas-chainnteach mi aon chuid roimhe so, no o'n àm 's an do labhair thusa ri d' sheirbhiseach: do bhrìgh gu'm bheil mi mall anu an cainnt, agus mall aun an teagaidh.

11 Agus thubhairt an Tighearn ris, Cò a rinn beul an duine? uò cò a rinn am balbh, no'm bodhar, no'n ti a chi, no'n dall? Nach mise an Tighearn?

12 A nis uime sin imich, agus bithidh mise le d' bheul, agus teagaisgidh mi dhuit ciod a their thu.

13 Agus thubhairt e, O mo Thighearna, cuir, guidheau ort, le làmh an tì a chuir-eas tu.

14 Agus las corruich an Tighearn 'an aghaidh Mhaois, agus thubhairt e, *Nach* e Aaron an Leblitheach do bhràthair? tha fios agam gu'n labhair esan gu maith. Agus mar an ceudna, feuch, tha e 'teachd a mach a'd' choinneamh: agus an uair a chi e thu, bithidh e subhach 'n a chridhe.

15 Agus labhraidh tusa ris, agus cuiridh tu focail 'n a bheul: agus bithidh mise le do bheul-sa agus le 'bheul-san, agus teagaisgidh mi dhuibh ciod a ni sibh.

16 Agus labhraidh esan air do shonsa ris an t-sluagh: agus bithidh esan, bithidh *eadhon* esan dhuit 'an àite beoil, agus bithidh tusa dhasan 'an àite Dhé.

17 Agus gabhaidh tu an t-slat so ann do làmh, leis an dean thu comharan.

18 Agus dh'imich Maois agus phill e gu Ietro athair-céile, agus thubhairt e ris, Théid mi uis, agus pillidh mi chum mo

bhràithrean a tha 's an Eiphit, agus chi mi am bheil iad fathast beò. Agus thubhairt Ietro ri Maois, Imich 'an sìth.

19 Agus thubhairt an Tighearn ri Maois ann am Midian, Imich, pill do'n Eiphit: oir tha na daoine *sin* uile marbh a bha 'g iarraidh d' anama.

20 Agus ghabh Maois a bhean, agus a mhic, agus chuir e iad air asail, agus phill e do thoir na h-Eiphit. Agus ghabh Maois slat Dhé 'n a làmh.

21 Agus thubhairt an Tighearn ri Maois, An uair a dh'imicheas tu chum pilltinn do'n Eiphit, tho'r an aire gu'n dean thu na h-iongantais *sin* uile, a chuir mise ann ad làmh, an fiamus Pharaoh: ach ernaidhichidh mise a chridhe, agus cha leig e leis an t-sluagh imeachd.

22 Agus their thu ri Pharaoh, Mar so tha'n Tighearn ag ràdh, 'S e Israeil mo ruhae, mo cheud-ghin.

23 Agus tha mi ag ràdh riut, Leig le m' mhac imeachd, a chum as gu'n dean e seirbhis dhomh; agus ma dh'ùltas tu leigeadh leis imeachd: feuch, marbhaidh mise do mhac-sa, *eadhon* do cheud-ghin.

24 Agus tharladh air an t-slighe 's an tigh-òsda, gu'n do choimich an Tighearn e, agus gu'n diarr e a mharbhadh.

25 An sin ghabh Siporah clach *gheur*, agus thimchioll-ghearr i roimh-chroic: ann a mic, agus thilg i aig a chosaibh e, agus thubhairt i, Gu cinnteach is fear-pòsda fuileachdach dhomh-sa thu.

26 Agus leig e uaidh e: an sin thubhairt i, Is fear-pòsda fuileachdach thu air son an timchioll-ghearraidh.

27 Agus thubhairt an Tighearn ri h-Aaron, Imich 'an coinneamh Mhaois do'n fhàsach. Agus dh'imich e, agus choinnich se e ann an sliabh Dhé, agus phòg se e.

28 Agus dh'innis Maois a dh' Aaron uile bhriathran an Tighearn', a chuir uaidh e, agus na comharan uile a dh'èitinn e dha.

29 Agus chaidh Maois agus Aaron, agus chruinnich iad seanairean chloinn Israeil uile.

30 Agus labhair Aaron na briathran uile a labhair an Tighearn ri Maois, agus rinn e na comharan ann an sealladh an t-sluaigh.

31 Agus chreid an sluagh: agus an uair a chual iad gu'n d'amhaire an Tighearn air cloinn Israeil, agus gu'm fac e an àmhghar, an sin chrom iad an cinn, agus rinn iad aoradh.

CAIB. V.

1 Tha Pharaoh a' dèibhadh cead do chloinn Israeil dol gu fèill a chumail do'n Tighearn anns an fhà-sach. 6 Dh'èitinn e obair nì bu trume a chur orra.

A GUS 'n a dhéigh sin chaidh Maois agus Aaron a steach, agus thubhairt iad ri Pharaoh, Mar so tha'n Tighearn Dia Israeil ag ràdh, Leig le m' shluagh imeachd, a chum

as gu'n gléidh iad féil dhomhsa 's an fhà-sach.

2 Agus thubhairt Pharaoh, Cò e an Tighearn, gu'n éisdinn-sa 'ra ghuth a leigeadh le h-Israel imeachd? Cha-naitime dhomhs' an Tighearn, agus mar an ceudna cha leig mi le h-Israel imeachd.

3 Agus thubhairt iad, Dh'fhoillsich Dia nan Eabhluidheach e féin dhuinne: leig leim, guidheamaid ort, dol astar thri làithcan do'n fhàsach, a chum as gu'n iobar sinn do'n Tighearn ar Dia, air eagal gu'm buail e sinn le plàigh, no leis a' chladheamh.

4 Agus thubhairt rìgh na h-Eiphit rin, C'ar son a tha sibhse, a Mhaois agus Aaron, a' toirt air an t-sluagh sgur o'n oibribh? Rachaidh a chum blur n-eallachan.

5 Agus thubhairt Pharaoh, Feuch, *tha* sluagh na tìre a nis lionmhor, agus *tha* sibhse a' toirt orra bhi 'n an tàmh o'n eallachaidh.

6 Agus dh'àithn Pharaoh air an là sin féin do mhaighstiribh-oibre an t-sluaigh, agus d'an luchd-riaghlaidh, ag ràdh,

7 Cha toir sibh comlach tuilleadh do'n t-sluagh a dheanamh chlachach-creadha mar roimhe so: rachadh iad agus cruinnicheadh iad comlach dhoibh féin.

8 Agus cuiridh sibh orra àireamh nan clacha-creadha a rinn iad roimhe: cha leig sibh sìos a bheag d'heath, oir *tha* iad dìomhanach; uime sin *tha* iad ag éigheach, ag ràdh, Rachamaid agus iobramaid d'ar Dia.

9 Cuirear an obair nìs truime air na daoine, chum as gu'n saoraich iad innte: agus na h-earbhadh iad à briathraibh dìomhan.

10 Agus chaidh maighstirean-oibre an t-sluaigh a mach, agus an luchd-riaghlaidh, agus labhair iad ris an t-sluagh, ag ràdh, Mar so *tha* Pharaoh ag ràdh, Cha toir mi dhuibh comlach.

11 Rachaidh, gabhaibh dhuibh féin comlach far am feud sibh a faotainn: gidheadh cha leigear sìos a bheag de'r n-obair.

12 Uime sin sgaoileadh an sluagh air fcaidh tìre na h-Eiphit uile, a chruinneachadh asbhua'n an àite comlach.

13 Agus chuir na maighstirean-oibre thuige iad, ag ràdh, Coimhleanaibh bhuir n-oibre cumta lathail, mar an uair a thugadh comlach dhuibh.

14 Agus bhuaicheadh luchd-riaghlaidh chloinn Israeil a chuir maighstirean-oibre Pharaoh os an ceann, agus dh'fhiosraicheadh dhuibh, C'ar son nach do choimhlean sibh bhuir n-obair cumta ann an deanamh chlachach-creadha, araon an dé agus an dingh, mar a *rinn sibh* roimhe?

15 An sin thàinig luchd-riaghlaidh chloinn Israeil, agus ghlaodh iad ri Pharaoh, ag ràdh, C'ar son a bhuineas tu air an dòigh so ri d' sheirbhiseach?

16 Cha n'eil comlach air a tabhairt do d' sheirbhiseach, agus *se'* their iad ruinn, Deanaibh clacha-creadha: agus, fench, *tha* do sheirbhiseach air am buaidh; ach is ann aig do shluagh féin a tha 'choire.

17 Ach thubhairt esan, *Tha* sibh dìomhanach, *tha* sibh dìomhanach: uime sin their sibh, Rachamaid agus iobramaid do'n Tighearn.

18 Uime sin imichibh a nis, deanaibh obair; oir cha toirear comlach dhuibh, agus bheir sibh uaibh làn àireamh nan clacha-creadha.

19 Agus chunnaic luchd-riaghlaidh chloinn Israeil gu'm bu chruaidh *an càs* anns an robh iad, agus e air a ràdh *riu*, Cha lughdaich sibh *dad* d'ur clachaibh-creadha, de'n obair dhligeach lathail.

20 Agus choinnich iad Maois agus Aaron, a sheas air an t-slighe, 'n uair a thàinig iad a mach o Pharaoh.

21 Agus thubhairt iad riu, Gu'n amhaireadh Dia oirbh, agus gu'n tugadh e breth, do bhrìgh gu'n d' rinn sibh ar fàile gràineil an làthair Pharaoh, agus an làthair a sheirbhiseach, a' cur claidheimh 'n an làmh a chum sinne a mharbhadh.

22 Agus phill Maois a dh'ionnsuidh an Tighearna, agus thubhairt e, A Thighearna, c'ar son a bhuin thu *cho* ole ris an t-sluagh so? c'ar son a chuir thu uait mi?

23 Oir o'n àm a thàinig mi gu Pharaoh a labhairt ann ad ainm, rinn e ole do'n t-sluagh so; agus cha do shaor thu idir do shluagh.

CAIB. VI.

1 *Tha* Dia ag àrachadh a gheallaidh do Mhaois le 'ainm Iehobah. 14 Ginealach Reubein. 15 Shimeoin. 16 agus Lebbi, o'n d' thàinig Maois agus Aaron.

AN sin thubhairt an Tighearn ri Maois, A nis chì thu ciod a ni mi ri Pharaoh: oir le làmh làidir leigidh e leo imeachd, agus le làmh làidir fuaidhichidh e mach as a dhùthaich iad.

2 Agus labhair Dia ri Maois, agus thubhairt e ris, *Is* mise an Tighearn.

3 Agus dh'fhoillsich mi mi féin do Abraham, do Isaac, agus do Jacob, le *ainm* an Dé uile-chumhachdaich, ach le m'ainm Iehobah cha robh mi aithnichte dhoibh.

4 Agus mar an ceudna d'iaingnich mi mo choimhcheangal riu, gu'n tugainn dhoibh tìr Chanaan, tìr an cuairte, anns an robh iad 'n an coigrich.

5 Agus mar an ceudna chuala mi osnach chloinn Israeil, a tha na h-Eiphiteach a' cumail ann an daorsa: agus chuimhnich mi mo choimhcheangal.

6 Uime sin abair ri cloinn Israeil, *Is* mise an Tighearn, agus bheir mi sibh a mach o *bhi* fo callachaibh nan Eiphiteach, agus saoraidh mi sibh o'n daorsa: agus fuasglaidh mi sibh le gairdean sint' a mach, agus le breitheanasaidh nòra.

7 Agus gabhaidh mi sibh dhomb fém mar shluagh, agus bithidh mi dhuibh a'm' Dhia: agus bithidh fios agaibh gur mise an Tighearn bhuir Dia, a tha 'g'ur tabhairt-sa mach o *bhi* fo eallachaibh nan Eiphiteach.

8 Agus bheir mi steach sibh a dh'ionnsuidh an fhearainn a m'ionnaich mi gu'n tugainn e do Abraham, do Isaac, agus do Iacob; agus bheir mi e dhuibhse mar oighreachd: *Is* mise an Tighearn.

9 Agus labhair Maois mar sin ri cloinn Israeil: ach cha d'éisd iad ri Maois, trid chruaidh spioraid, agus trid chruaidh dhaorsa.

10 Agus labhair an Tighearn ri Maois, ag ràdh,

11 Imich a steach, labhair ri Pharaoh rìgh na h-Eiphit, e a leigeadh do chloinn Israeil dol a mach as a dhùthaich.

12 Agus labhair Maois an lathair an Tighearn', ag ràdh, Feuch, cha d' éisd clann Israeil rium; cionnus ma tha dh'éisdeas Pharaoh riumsa, aig *am bheil* mo bhlèan neo-thimchìoli-ghearrta?

13 Agus labhair an Tighearn ri Maois, agus ri h-Aaron, agus thug e dhoibh àithne a chum cloinn Israeil, agus a chum Pharaoh rìgh na h-Eiphit, clann Israeil a thoirt a mach á tìr na h-Eiphit.

14 *Is* iad sin ceannardan thighean an aithrichean: mic Reubein ceud-ghlin Israeil; Hanoch, agus Pallu, Hesron, agus Carmi: *is* iad sin teaghlaichean Reubein.

15 Agus mic Shimeoin; Gemuel, agus Iamin, agus Ohad, agus Iachin, agus Soliar, agus Saul mac Ban-chanaanaich: *is* iad sin teaghlaichean Shimeoin.

16 Agus *is* iad sin ainmean mhac Lebhi, a réir an ginealach; Gerson, agus Cohat, agus Merari: agus *Viad* bliadhnachan beatha Lebhi ceud agus seachd bliadhna deug 'ar fhichead.

17 Mic Ghersein; Libni, agus Simi, a réir an teaghlaichean.

18 Agus mic Chohait; Anram, agus Idshar, agus Hebron, agus Udsiel: agus *Viad* bliadhnachan beatha Chohait ceud agus trì bliadhna deug 'ar fhichead.

19 Agus mic Mherari; Mahali agus Musi: *is* iad sin teaghlaichean Lebhi, a réir an ginealach.

20 Agus ghabh Amram Iochbed piuthar-athar dha féin 'n a mnaoi; agus rug i dha Aaron agus Maois: agus *Viad* bliadhnachan beatha Anram ceud agus seachd bliadhna deug 'ar fhichead.

21 Agus mic Idshair; Corah, agus Nepheg, agus Sichri.

22 Agus mic Udsiel; Misaël, agus Elaphan, agus Sitri.

23 Agus ghabh Aaron Eliseba nighean Aminadaib, piuthar Naasoin, dha féin 'n a mnaoi; agus rug i dha Nadab agus Abihu, Eleasar agus Itamar.

24 Agus mic Chorah; Asir, agus Elcanah,

agus Abiasaph: *is* iad sin teaghlaichean nan Corhach.

25 Agus ghabh Eleasar mac Aaron *aon* de nighcanaibh Phutiel dha féin 'n a mnaoi; agus rug i dha Phinehas: *is* iad sin ceannardan aithrichean nan Lebhitheach, a réir an teaghlaichean.

26 *Is* iad so an t-Aaron agus am Maois ud, ris an d'fhubhairt an Tighearn, Thugaibh a mach clann Israeil á tìr na h-Eiphit, a réir an slògh.

27 *Is* iad so iadsan a labhair ri Pharaoh, rìgh na h-Eiphit, a chum clann Israeil a thoirt a mach as an Eiphit: *is* iad so an Maois agus an t-Aaron ud.

28 Agus tharladh 's an là air an do labhair an Tighearn ri Maois ann an tìr na h-Eiphit,

29 Gu'n do labhair an Tighearn ri Maois, ag ràdh, *Is* mise an Tighearn: labhair thusa ri Pharaoh rìgh na h-Eiphit gach *ni* a their mi riut.

30 Agus thubhairt Maois an lathair an Tighearna, Feuch, *tha* mise neo-thimchìoll-ghearrta a'm' bhlèibh, agus cionnus a dh'éisdeas Pharaoh rium?

CAIB. VII.

1 *Chuireadh Maois a dh'ionnsuidh Pharaoh.*
10 *Rinneadh slat Aaron 'n a nathair.* 13 *Cruaidhichidh eadhe Pharaoh.* 20 *Uisge na h-aimhne air a thionndadh gu fuil.*

AGUS thubhairt an Tighearn ri Maois, Feuch, rinn mi thu a'd' dhia do Pharaoh: agus bithidh do bhràthair Aaron 'n a fhàidh agad.

2 Labhraidh tusa gach *ni* a dh'àithneas mise dhuìt: agus labhraidh Aaron do bhràthair ri Pharaoh, esan a chur cloinn Israeil a mach as a thìr.

3 Agus cruaidhichidh mise eadhe Pharaoh, agus ni mi mo chomharan agus m'iongantasan lionnuh air an tìr na h-Eiphit.

4 Ach cha-n'éisd Pharaoh ribh, agus leagaidh mise mo làmh air an Eiphit, agus bheir mi mach m'armailtean, agus mo shluagh clann Israeil, á tìr na h-Eiphit, le breitheanasaibh mòra.

5 Agus bithidh fios aig na h-Eiphitich gur mise an Tighearn, 'n uair a shìneas mi mach mo làmh air an Eiphit, agus a bheir mi mach clann Israeil o *bhi* 'n am measg.

6 Agus rinn Maois agus Aaron mar a dh'àithn an Tighearn dhoibh, mar sin rinn iad.

7 Agus *bha* Maois ceithir fichead bliadhna dh'aois, agus Aaron ceithir fichead agus trì bliadhna dh'aois, an uair a labhair iad ri Pharaoh.

8 Agus labhair an Tighearn ri Maois, agus ri h-Aaron, ag ràdh,

9 'N uair a labhras Pharaoh ribh, ag ràdh, Nochdaibh iongantasan air bhuir son fém; an sin their thu ri h-Aaron, Gabh do slat,

agus tilg sìos i an làthair Pharaoh, agus fasaidd i 'n a nathair.

10 Agus chaidh Maois agus Aaron a steach a dh'ionnsuidh Pharaoh, agus riun iad mar sin, mar a dh'àithn an Tighearn : agus thilg Aaron sìos a shlat an làthair Pharaoh, agus an làthair a sheirbhiseach, agus rinneadh i 'n a nathair.

11 An sin ghairm Pharaoh mar an ceudna air na daoine glice, agus air au luchd-fiosachd : agus riun mar an ceudna druidhean na h-Eiphit mar sin le'n druidheachdaibh :

12 Oir thilg iad sìos gach duine a shlat, agus rinneadh iad 'n an nathraichibh : ach shluig slat Aaron suas an slatansa.

13 Agus chruaidhich eadh cridhe Pharaoh, air chor as nach d'éisd e riu ; mar a thubhairt an Tighearn.

14 Agus thubhairt an Tighearn ri Maois, Chruaidhich eadh cridhe Pharaoh, tha c' diùltadh leigeadh leis an t-sluagh falbh.

15 Imich-sa dh'ionnsuidh Pharaoh 's a' mhaduinn, feuch, tha e' dol a mach a dh'ionnsuidh an uisge, agus seasaidh tu 'm a choinneamh air bruaich na h-aimhne ; agus an t-slat a thionndaidheadh gu bhì 'u a nathair, gabhaidh tu a'd làimh.

16 Agus their thu ris, Chuir an Tighearn Dia nan Eabhruidheach mise a' d'ionnsuidh, ag ràdh, Leig le m'shlugh imeachd, a chum as gu'n dean iad seirbhis dhomhsa 's an fhàsach : agus, feuch, gus a so cha b' àill leat éisdeachd.

17 Mar so tha'n Tighearn ag ràdh, Anu an so aithnichidh tu gur mise an Tighearn : feuch, buailidh mi leis an t-slaic a tha 'm' làimh, na h-uisgeachan a tha 's au amhainn, agus tionndaidhear iad gu fuil.

18 Agus gheibh an t-iasg a tha 's an amhainn bàs, agus lobhaidh an amhainn ; agus bithidh gràin air na h-Eiphitich uisge òl as an amhainn.

19 Agus labhair an Tighearn ri Maois, Abair ri h-Aaron, Gabh do shlat agus sin a mach do làmh air uisgeachaibh na h-Eiphit, air an aimhuichibh, air an sruthaibh, agus air au lochaibh, agus air uile chomh-chruinnachadh an uisgeachan, chum as gu'm fàs iad 'n am fuil : agus bithidh fuil air feadh tìre ua h-Eiphit uile, araon ann an soithichibh fiodha, agus ann an soithichibh cloiche.

20 Agus rinn Maois agus Aaron mar sin, a réir mar a dh'àithn an Tighearn, agus thog e suas an t-slat, agus bhual e na h-uisgeachan a bha 's an amhainn, ann au sealladh Pharaoh, agus ann an sealladh a sheirbhiseach : agus thionndaidheadh na h-uisgeachan uile a bha 's an amhainn, gu fuil.

21 Agus fhuair an t-iasg a bha 's an amhainn bàs : agus lobh an amhainn, agus cha b' urrainn na h-Eiphitich uisge òl as an

amhainn : agus bha'n fluil ann an tìr na h-Eiphit uile.

22 Agus rinn druidhean na h-Eiphit mar sin le'n druidheachdaibh : agus chruaidhich eadh cridhe Pharaoh, agus cha d'éisd e riu, mar a thubhairt au Tighearn.

23 Agus phill Pharaoh, agus chaidh e d'a thigh ; agus cha do shocraich e a chridhe air-so cuidcachd.

24 Agus chladhaich na h-Eiphitich uile timchioll na h-aimhne air son uisge r'a òl : oir cha b' urrainn iad òl a dh'uisge na h-aimhne.

25 Agus choimhlionadh seachd làithean an dèigh do'u Tighearn au amhainn a bhualadh.

CAIB. VIII.

2 *Losgann air an cur do'n Eiphit.* 16 *An d'uslach a' fàs 'n a mhaduinn.* 20 *Syaoth chuireag air feadh na tìre.* 32 *Chruaidhich Pharaoh a chridhe.*

AGUS thubhairt an Tighearn ri Maois, Falbh a dh'ionnsuidh Pharaoh, agus abair ris, Mar so tha 'n Tighearn ag ràdh, Leig le m' shluagh imeachd, a chum as gu'n dean iad seirbhis dhomh.

2 Agus ma dhiùltas tu 'n leigeadh air falbh, feuch, buailidh mi do chrichean uile le losgannaibh :

3 Agus brùchdaidh an amhainn a mach losgann, agus theid iad suas, agus thig iad a steach do d' thigh, agus do d' sheomhar-leapach, agus air uachdar do leapach, agus do thigh do sheirbhiseach, agus air do shluagh, agus do d' àmhuinnibh, agus do d' amaraibh-fuinidh.

4 Agus theid na losgann suas ort féin, agus air do shluagh, agus air do sheirbhiseach uile.

5 Agus thubhairt an Tighearn ri Maois, Abair ri h-Aaron, Sin a ma h do làmh le d' shlaic os ceann nan aimhuichean, os ceann nan allt, agus os ceann nan lochan ; agus thoir air na losgannaibh dol suas air talamh na h-Eiphit.

6 Agus shìn Aaron a mach a làmh os ceann uisgeachan na h-Eiphit : agus chaidh na losgann suas, agus chomhdaich iad talamh na h-Eiphit.

7 Agus rinn na druidhean mar sin le 'n druidheachdaibh, agus thug iad suas losgann air talamh ua h-Eiphit.

8 An sin ghairm Pharaoh air Maois agus air Aaron, agus thubhairt e, Guidhibh air an Tighearn gu'n toir e air fa bh na losgann uam féin, agus o m' shluagh ; agus leigidh mise leis an t-sluagh imeachd, a chum as gu'n iobair iad do'n Tighearn.

9 Agus thubhairt Maois ri Pharaoh, Dean uail tharun : c'uin a ghiuidheas mi air do shon, agus air son do sheirbhiseach, agus air son do shluagh, gu'n cuirear as do ua losgannaibh uait féin, agus o d' thighibh ;

air chor agus gu'm fan iad a mhàin 's an amhainn?

10 Agus thubhairt esan, Am màireach. Agus thubhairt e, *Bitheadhe* a réir d'fhocail; a chum as gu'm bi fios agad nach *cil* neach ann cosmhail ris an Tighearn ar Dia.

11 Agus falbhaidh na losgaim uait féin, agus o d' thighibh, agus o d' sheirbhisich, agus o d' shluagh; a mhàin 's an amhainn nairidh iad.

12 Agus chaidh Maois agus Aaron a mach o Pharaoh; agus dh'éigh Maois ris an Tighearn a thaobh nan losgann, a thug e 'n aghaidh Pharaoh.

13 Agus rinn an Tighearn a réir focail Mhaois: agus bhásaich na losgaim as na tighibh, as na bailtibh, agus as na mach-raichibh.

14 Agus chruinnich iad r'a chéile 'n an dúnaihb iad; agus lobb an tír.

15 Ach an uair a chunnaic Pharaoh gu'n robh fois ann, chruaidhich e a chridhe, agus cha d'éisd e riu, mar a thubhairt an Tighearn.

16 Agus thubhairt an Tighearn ri Maois, Abair ri h-Aaron, Sin a mach do shlat, agus buail duslach na talmhainn, a chum gu'm fàs e 'n a mhialaibh air feadh tíre na h-Eiphit uile.

17 Agus rinn iad mar sin; oir shìn Aaron a mach a lann le 'shlait, agus bhuail e duslach na talmhainn, agus rinneadh e 'n a mhialaibh air duine agus air ainmhidh: rinneadh uile duslach na talmhainn 'n a mhialaibh air feadh tíre na h-Eiphit uile.

18 Agus rinn na druidhean mar sin le'n druidheachdaibh a thoirt a mach mhial, ach cha b'urraim iad: agus bha mialan air duine agus air ainmhidh.

19 An sin thubhairt na druidhean ri Pharaoh, 'Se meur Dhé a th'ann: agus chruaidhich eadh cridhe Pharaoh, agus cha d'éisd e riu; mar a thubhairt an Tighearn.

20 Agus thubhairt an Tighearn ri Maois, Eirich suas gu moch 's a' mhaduinn, agus seas an làthair Pharaoh, (feuch, tha e 'teachd a mach a dh'ionnsuidh an uisge) agus abair ris, Mar so tha'n Tighearn ag ràdh, Leig le m' shluagh imeachd, a chum as gu'n dean iad seirbhis dhomh.

21 Ach mur leig thu le m' shluagh imeachd, feuch, cuiridh mi sgaoth chuilcag ort féin, agus air do sheirbhisich, agus air do shluagh, agus ann ad thighibh: agus lìonar tighean nan Eiphiteach leis an sgaoth chuilcag, agus mar an cendna an talamh air *am bheil* iad.

22 Agus cuiridh mi air leth air an là sin féin fearann Ghosein, anns am bheil mo shluagh a chòmhuidh, air chor as nach bi cuileagan sam bith an sin; a chum as gu'm bi fios agad gur mise an Tighearn 'am meadhon na talmhainn.

23 Agus cuiridh mi dealachadh eadar mo

shluaghsa agus do shluaghsa: air an là màireach bithidh an comharaidh so.

24 Agus rinn an Tighearn mar sin: agus thàinig sgaoth anabarrach chuilcag do thugh Pharaoh, agus do thighibh a sheirbhisich, agus do thir na h-Eiphit uile: thruaillcadh an talamh a thaobh nan cuileag.

25 Agus ghairm Pharaoh air Maois agus air Aaron, agus thubhairt e, Rachaibh, iobraibh d'ur Dia 's an tír.

26 Agus thubhairt Maois, Cha n'éil e iomchuidh *sinn* a dheanamh mar sin; oir iobraidh sinn gràncileachd nan Eiphiteach do'n Tighearn ar Dia. Feuch, an iobair sinne gràncileachd nan Eiphiteach fa chomhair an sùl, agus nach clach iad sinn?

27 Théid sinn astar thri làithean do'n fhàsach, agus iobraidh sinn do'n Tighearn ar Dia, mar a dh'aitlmeas e dhuinn.

28 Agus thubhairt Pharaoh, Leigidh mi dhuibh imeachd, a chum as gu'n iobair sibh do'n Tighearn bhur Dia 's an fhàsach; ach na rachaibh ro fhad air astar: guidhibh air mo shonsa.

29 Agus thubhairt Maois, Feuch, théid mise mach uait, agus guidhidh mi air an Tighearn gu'm falbh na cuileagan o Pharaoh, o 'sheirbhisich, agus o 'shluagh, an màireach: ach na buineadh Pharaoh gu cealgach tuilleadh, ann an diùltadh leigeadh do'n t-sluagh dol a dh'obraidh do'n Tighearn.

30 Agus chaidh Maois a mach o Pharaoh, agus ghuidh e air an Tighearn.

31 Agus rinn an Tighearn a réir focail Mhaois; agus chuir e air falbh na cuileagan o Pharaoh, o 'sheirbhisich, agus o 'shluagh: cha d'fhan a h-aon.

32 Agus chruaidhich Pharaoh a chridhe air an àm so mar an cendna, agus cha do leig e leis an t-sluagh imeachd.

CAIB. IX.

1 *Plàigh mhòr air an spréidh.* 8 *Neasguid ghráineil air duine agus air ainmhidh.* 22 *Clach-mheallain mhillteach 's an tír.*

AGUS thubhairt an Tighearn ri Maois, Falbh a steach a dh'ionnsuidh Pharaoh, agus innis da, Mar so tha'n Tighearn Dia nan Eabhruidheach ag ràdh, Leig le n' shluagh imeachd, a chum as gu'n dean iad seirbhis dhomh:

2 Oir na dhùltas tu leigeadh *leo* imeachd, agus gu'n cum thu iad fathast,

3 Feuch, bithidh lann an Tighearn air do spréidh a *tha* 's a' mhachair, air na h-eich, air na h-asail, air na càmbail, air a' chrodh, agus air na caoraich: *bithidh* plàigh ro mhòr ann.

4 Agus cuiridh an Tighearn dealachadh eadar spréidh Israeil, agus spréidh na h-Eiphit: agus cha-n fhaigh a bheag bàs a dh'aon *ni a's* le cloinn Israeil.

5 Agus shuidhich an Tighearn àm, ag

ràdh, Am màireach nì an Tighearn an nì so 's an tìr.

6 Agus rinn an Tighearn an nì sin air an là màireach, agus fhuair sprèidh na h-Eiphit uile bàs: ach de sprèidh chloinn Israeil cha d'fhuair a h-aon bàs.

7 Agus chuir Pharaoh *teachduire* uaith, agus, feuch, cha robh eadhon a h-aon de sprèidh na Israeleach marbh. Agus chruaidhicadh cridhe Pharaoh, agus cha do leig e an sluagh air falbh.

8 Agus thubhairt an Tighearn ri Maois, agus ri h-Aaron, Gabhaibh dhuibh féin làn bhrù glac de luath an teallaich, agus crathadh Maois i ri néamh ann an sealladh Pharaoh.

9 Agus bithidh i 'n a duslach mìn air feadh tìre na h-Eiphit uile, agus bithidh i 'n a neasgaid a' briseadh a mach 'n a bolgaibh air duine, agus air ainmhidh, air feadh tìre na h-Eiphit uile.

10 Agus ghabh iad luath an teallaich, agus sheas iad an làthair Pharaoh, agus crath Maois i ri néamh: agus rinneadh i 'n a neasgaid a' briseadh a mach 'n a bolgaibh air duine, agus air ainmhidh.

11 Agus cha b'urrainn na druidhean seasamh an làthair Mhaois air son nan neasgaid; oir bha an neasgaid air na druidhibh, agus air na h-Eiphitich uile.

12 Agus chruaidhich an Tighearn cridhe Pharaoh, agus cha d'éisd e riu; mar a labhair an Tighearn ri Maois.

13 Agus thubhairt an Tighearn ri Maois, Eirich suas gu moch 's a' mhaduinn, agus seas an làthair Pharaoh, agus abair ris, Mar so tha'n Tighearn Dia nan Eabhruidheach ag ràdh, Leig le m' shluagh imeachd, a chum as gu 'n dean iad seirbhis dhomh.

14 Oir air an àm so cuiridh mise mo phlàighean nìle air do chridhe-sa, agus air do sheirbhisich, agus air do shluagh; a chum as gu'm bi fios agad nach 'eil neach ann cosmhail riumsa 's an talamh uile.

15 Oir a nis sinidh mi mach mo làmh, agus buailidh mi thu féin agus do shluagh le plàigh; agus gearrar as thu o'n talamh.

16 Agus gu deimhin air son so thog mi suas thu, a chum as gu'n nochdaim annad mo chumhachd, agus gu'm biodh m'ainm ionraideach 's an domhan uile.

17 Am bheil thu fathast 'g ad àrdachadh féin an aghaidh mo shluagh, air chor as nach leig thu leo imeachd?

18 Feuch, mu'n àm so màireach, bheir mise air cloich-mheallain ro mhòir frasadh a nuas, nach robh a samhul 's an Eiphit, o'n là 's an do leagadh a bunachur cadhon gus a nis.

19 Uime sin a nis cuir *fios* uait, agus cruinnich do sprèidh, agus gach nì a tha agad 's a' mhachair; oir air gach duine agus ainmhidh a gheibhear 's a' mhachair, agus nach cruinnichear dhachaidh, thig a

chlach-mheallain a nuas, agus gheibh iad bàs.

20 An ti a ghabh eagal roimh fhocal an Tighearna 'measg sheirbhisich Pharaoh, thug e air a sheirbhisich agus air a sprèidh teicheadh do na tighibh.

21 Agus esan nach do ghabh suim de fhocal an Tighearna, dh'fhàg e a sheirbhisich agus a sprèidh 's a' mhachair.

22 Agus thubhairt an Tighearn ri Maois, Sin a mach do làmh gu néamh, chum as gu'm bi clach-mheallain ann an tìr na h-Eiphit uile, air duine, agus air ainmhidh, agus air nìle luibh na macharach ann an tìr na h-Eiphit.

23 Agus shìn Maois a mach a shlat gu néamh; agus rinn an Tighearn tairneanach agus clach-mheallain, agus ruith tein-athair air uachdar na talmhainn; agus fhras an Tighearn clach-mheallain air tìr na h-Eiphit.

24 Mar so bha clach-mheallain ann, agus teine measgta' leis a' chloich-mheallain, ro mhòr, aig nach robh a samhul ann an tìr na h-Eiphit uile, o rinneadh dùthaich dhith.

25 Agus bhuail a' chlach-mheallain air feadh tìre na h-Eiphit uile gach nì a bha 's a' mhachair, araon duine agus ainmhidh: agus bhuail a' chlach-mheallain uile luibhean na macharach, agus bhris i uile chraobhan na macharach.

26 A mhàin ann an tìr Ghosein, far an robh clann Israeil, cha robh clach-mheallain.

27 Agus chuir Pharaoh *teachduire* uaith, agus ghairm e air Maois agus air Aaron, agus thubhairt e riu Pheacaich mi an uair so: tha 'n Tighearn ceart, agus mise agus mo shluagh aingidh.

28 Guidhibhs' air an Tighearn (oir is leòr e) nach bi tairneanach anabarrach agus clach-mheallain ann nìs mò; agus leigidh mise leibh falbh, agus cha-n fhan sibh nìs faide.

29 Agus thubhairt Maois ris, Co luath 's a théid mise mach as a' bhaile, sinidh mi mo làmh a mach a chum an Tighearna: agus sguiridh an tairneanach, agus cha bhi a' chlach-mheallain ann nìs mò; chum as gu'm bi fios agad gur leis an Tighearn an talamh.

30 Ach air do shonsa, agus air son do sheirbhisich, tha fhios agam nach bi eagal oirbh fathast roimh an Tighearn Dia.

31 Agus bhuaileadh an lìon agus an t-còrna; oir bha 'n t-còrna fo dhéis, agus an lìon fo ros.

32 Ach cha do bhuaileadh an cruithneachd agus an seagal; oir cha robh iad air fàs suas.

33 Agus chaidh Maois a mach o Pharaoh as a' bhaile, agus shìn e mach a làmh chum an Tighearna; agus sguir an tairneanach agus a' chlach-mheallain, agus cha do dhòirt eadhon an t-uisge air an talamh.

34 Agus an uair a clumnaic Pharaoh gu'n do sgur an t-uisge, agus a' chlach-mheallain, agus an tairneanach, pheacaich e fathast mar an cendna, agus chruaidhich e a chridhe, e fèin agus a sheirbhisich.

35 Agus chruaidhicheadh cridhe Pharaoh, agus cha do leig e clann Israeil air falbh, mar a labhair an Tighearn le Maois.

CAIB. X.

12 *Plàigh nan locust*, 21 *agus an tiugh dhorchadais*. 27 *Chruaidhicheadh cridhe Pharaoh*.

AGUS thubhairt an Tighearn ri Maois, Imich a steach gu Pharaoh; oir chruaidhich mi a chridhe, agus cridhe a sheirbhisich, a chum gu nochdaim iad sin mo chomharan 'n a làthair:

2 Agus gu'n innseadh tu ann an clusaibh do mhic, agus mhac do mhic, na nithean a dh'oibrich mi 's an Eiphit, agus mo chomharan a rinn mi 'n am measg; agus gu'm bi fios agaibh gur mise an Tighearn.

3 Agus chaidh Maois agus Aaron a steach gu Pharaoh, agus thubhairt iad ris, Mar so tha'n Tighearn Dia nan Eabhruidheach ag ràdh, Cia fhada dhiùltas tu thu fèin isleachadh a'm làthair-sa? Leig le m' shluagh imeachd, agus gu'n dean iad seirbhis dhomh:

4 Ach na dhiùltas tu leigeadh le m' shluagh imeachd, feuch, bheir mise am màireach na locuist a steach do d' chrìoch-aibh.

5 Agus còmhdaichidh iad aghaidh na talmhainn, air chor as nach urrainn neach an talamh fhaicinn: agus ithidh iad fuigheal an ni sin a théid as, a dh'fhanas agaibh o'n chloich-mheallain, agus ithidh iad gach craobh a tha 'fas dhubh as a' mhachair.

6 Agus fionaidh iad do thighean, agus tighean do sheirbhisich uile, agus tighean nan Eiphiteach uile; ni nach faca aon chuid d'aithrichean no aithrichean d'aithrichean, o'n là a bha iad air an talamh gus an là'n diugh. Agus phill se e fèin, agus chaidh e mach o Pharaoh.

7 Agus thubhairt seirbhisich Pharaoh ris, Cia fhada bhios an duine so 'n a rìbe dhuinne? Leig leis na daoine falbh, chum gu'n dean iad seirbhis do'n Tighearn an Dia: nach 'eil fhios agad fathast gu bheil an Eiphit air a milleadh?

8 Agus thugadh Maois agus Aaron a ris gu Pharaoh: agus thubhairt e ri Rachaidh, deanaibh seirbhis do'n Tighearn bhur Dia: ach cò iad a théid?

9 Agus thubhairt Maois, Le'r n-òigridh agus le'r daoinibh aosmhor théid sinne; le'r mic agus le'r nigheanaibh, le'r treudaibh agus le'r buar théid sinn; oir is *éigin* duinn feill a chumail do'n Tighearn.

10 Agus thubhairt e rin, Gu robh an Tighearn mar sin maille ribh, mar a leigeas

mise leibh fèin agus le'r cloinn bhi'gimeachd: amhaircibh, oir *tha* olc roimhibh.

11 Ni h-ann mar sin: imichibh a nis, sibhse a tha 'n 'ur daoinibh, agus deanaibh seirbhis do'n Tighearn, oir *is* e so an ni a dh'iarr sibh: Agus dh'fhuadaicheadh a mach iad á làthair Pharaoh.

12 Agus thubhairt an Tighearn ri Maois, Sin a mach do làmh thar tìr na h-Eiphit air son nan locust, a chum as gu'n tig iad suas air tìr na h-Eiphit, agus gu'n ith iad uile luibh na talmhainn, *eadhon* gach ni a dh'fhàg a' chlach-mheallain.

13 Agus shìn Maois a mach a shlat thar tìr na h-Eiphit, agus thug an Tighearn gaath an ear air an tìr rè an là sin uile, agus rè na h-oidheche uile: agus 's a' mhaduinn thug a' ghaath an ear a steach na locuist.

14 Agus chaidh na locuist suas thar tìr na h-Eiphit uile, agus dh'fhan iad ann an crìochaibh na h-Eiphit uile, gu ro dhiubhalach; rompa cha robh riamh an leithid de locuist, agus 'n an déigh cha bhi an leithid:

15 Oir còmhdaich iad aghaidh na talmhainn uile, air chor as gu'n do dhorchaidheadh an talamh; agus dh'ith iad uile luibhean na talmhainn, agus uile mheas nan craobh, a dh'fhàg a' chlach-mheallain: agus cha d'fhàgadh ni sam bith glas 's na craobhan, no ann an luibhean na macharach ann an tìr na h-Eiphit uile.

16 An sin ghairm Pharaoh air Maois agus air Aaron le cablaig, agus thubhairt e, Pheacaich mi an aghaidh an Tighearna bhur Dé, agus 'n ur n-aghaidh-sa.

17 A nis uime sin maith, guidheam ort, mo pheacadh a mhàin an uair so, agus guidhibh air an Tighearn bhur Dia gu'n toir e air falbh uam a mhàin am bàs so.

18 Agus chaidh e mach o Pharaoh, agus ghuidh e air an Tighearn.

19 Agus thionndaidh an Tighearn gaath an iar ro làidir, a thug air falbh na locuist, agus a thilg iad 's a' mhuir ruaidh: cha d'fhan aon locust ann an crìochaibh na h-Eiphit uile.

20 Ach chruaidhich an Tighearn cridhe Pharaoh, agus cha do leig e air falbh clann Israeil.

21 Agus thubhairt an Tighearn ri Maois, Sin a mach do làmh gu nèamh, agus bithidh dorchadas air feadh tìre na h-Eiphit, eadhon dorchadas a dh'fheudar a laimhseachadh.

22 Agus shìn Maois a mach a lùmh gu nèamh: agus bha tiugh dhorchadas ann an tìr na h-Eiphit uile rè thrì làithean.

23 Cha'n fhaca h-aon duibh a chéile, ni mò a dh'éirich neach o 'àite rè thrì làithean: ach bha aig cloinn Israeil uile solus 'n an àitibh-còmhruidh.

24 Agus ghairm Pharaoh air Maois, agus thubhairt e, Rachaidhse, deanaibh seirbhis

do'n Tighearn; a mhàin fanadh bhur treudan agus bhur buar: rachadh bhur clann bheag mar an ceudna maille ribh.

25 Agus thubhairt Maois, Feumaidh tu mar an ceudna iobairtean a thoirt duinn, agus tabhartais-loisgte, chum as gu'n iobair sinn do'n Tighearn ar Dia.

23 Agus mar an ceudna théid ar spréidh maille ruinn; cha-n fhàgar ionga 'n ar déigh, oir is éigin duinn gabhail diubh gu seirbhìs a dheanamh do 'n Tighearn ar Dia; agus cha-n 'eil fhios againn cia leis a nì sinn seirbhìs do'n Tighearn, gus an tig sinn an sin.

27 Ach chruaidhich an Tighearn cridhe Pharaoh, agus cha leigeadh e leo inneachd.

28 Agus thubhairt Pharaoh ris, Imich a mach uam; thoir an aire dhuit féin, na faic m'aghaidh nì's mò; oir 's an là sin anns am faic thu m'aghaidh, gheibh thu bàs.

29 Agus thubhairt Maois, Labhair thu gu maith; cha-n fhaic mi d'aghaidh nì's mò.

CAIB. XI.

1 *Iarr'tus Dhé dona h-Israelich gu'n gabhadh iad séudan òir agus airgid o'n coimhearsnaich.*

4 *Tha Maois a' tòirt fios do Pharaoh gu'm faightheadh gach ceud-ghin 's an Eiphit bàs.*

AGUS thubhairt an Tighearn ri Maois, Bheir mi aon phlaigh fathast air Pharaoh, agus air an Eiphit; an déigh sin leigidh e leibh imeachd, as a so: an uair a leigeas e leibh imeachd, gu cinnteach fua-daichibh e mach as a so sibh gu h-iomlan.

2 Labhair a nìs ann an cluasaibh an t-sluaigh, agus iarradh gach duine o 'choimhearsnaich, agus gach bean o 'ban-choimhearsnaich, seudan airgid, agus seudan òir.

3 Agus thug an Tighearn deadh-ghcan do'n t-sluagh ann an sùilbhan nan Eiphiteach: Mar an ceudna, *tha* 'n duine Maois ro mhòr ann an tìr na h-Eiphit, ann an sùilbhan sheirbhiseach Pharaoh, agus ann an sùilbhan an t-sluaigh.

4 Agus thubhairt Maois, Mar so tha'n Tighearn ag ràdh, Mu mheadhon-oidheche théid mi mach do mheadhon na h-Eiphit.

5 Agus gheibh gach ceud-ghin ann an tìr na h-Eiphit bàs, o cheud-ghin Pharaoh, a tha 'n a shuidhe air a rìgh-chathair, eadhon gu ceud-ghin na ban-tràille a *tha* air cùl a' mhuilinn, agus uile cheud-ghin nan ainmhidhean.

6 Agus bithidh éigheach mhòr ann an tìr na h-Eiphit uile, nach robh riamh a leithid ann, nì mò bhitheas a leithid ann tuilleadh.

7 Ach an aghaidh aoin de chloinn Israeil cha charuich madadh a theanga, aon chuid an aghaidh duine no ainmhidh; chum as gu'm bi fios agaibh cionnus a chuircas an Tighearn dealachadh eadar na h-Eiphitich agus Israel.

8 Agus thig iad sin do sheirbhìsich uile aios a m' ionnsuidh-sa, agus cromaidh siad iad féin domh, ag ràdh, Imich a mach, agus

an sluagh uile a tha 'g ad leantuinn; agus an déigh sin théid mi mach: agus chaith e mach o Pharaoh ann an corruich mhòir.

9 Agus thubhairt an Tighearn ri Maois, Cha-n éisd Pharaoh ribh, a chum as gu meudaichear m'iongantais ann an tìr na h-Eiphit.

10 Agus rinn Maois agus Aaron na h-iongantais sin uile 'an fianuis Pharaoh: agus chruaidhich an Tighearn cridhe Pharaoh, agus cha do leig e le cloinn Israeil imeachd as a dhùthaich.

CAIB. XII.

3 *A' chàisg air a h-àit mheadh.* 29 *Gach ceud-ghin ann an tìr na h-Eiphit air a nuairbhadh.*

31 *Na h-Israelich air am fògradh as an tìr.* 43 *Ordugh na càisge.*

AGUS labhair an Tighearn ri Maois agus ri h-Aaron ann an tìr na h-Eiphit, ag ràdh,

2 *Bithidh* am mìos so dhuibh 'n a thoiscach nam mìos: *bithidh* e dhuibh 'n a cheud mhìos na bliadhna.

3 Labhairbh-sa ri coimhthional Israeil uile, ag ràdh, Air an deicheamh là de'n mhìos so gabhaidh iad dhoibh féin gach duine nan, a réir tighe an aithrichean, uan air son tighe.

4 Agus ma bhios an teaghlach ro bheag air son uain, an sin gabhaidh esan agus a choimhearsnach a's faigse d'a thigh e, a réir àireimh nan anaman; gach duine, a réir 'itheannaich, àirmhear leibh air son an uain.

5 *Bithidh* bhur n-uan gun ghaoid, frionn, bliadhna dh'aois: as na caoraich no as na gabhairbh gabhaidh sibh e.

6 Agus gleidhidh sibh a stigh e gu ruig an ceathramh là deug de'n mhìos so: agus marbhaidh comh-chruinneachadh iomlan chloinn Israeil e 's an fheasgar.

7 Agus gabhaidh iad de'n fhuil, agus cuiridh iad i air an dà ursainn, agus air àrd-dorus nan tighean, anns an ith iad e.

8 Agus ithidh iad an fheoil 's an oidheche sin féin ròiste le teine, agus aran neo-ghoirtichte; maille ri *luibh*ibh scarbha ithibh iad e.

9 Na h-ithibh a bheag dheth anih, no idir air a bhruchcadh ann an uisge, ach ròiste le teine: a cheann maille r'a chosaibh, agus maille r'a ghrealaich.

10 Agus cha-n fhàg sibh a *bheag* dh' e gu maduinn: agus na dh'fhàgar dh' e gu maduinn, loisgidh sibh le teine.

11 Agus mar so ithidh sibh e; le'r leas-ruidh crioslaichte, bhur brògan air bhur cosaibh, agus bhur lorg 'n 'ur làimh: agus ithidh sibh e le cabhaig; *is* i càisg an Tighearn a th'ann.

12 Oir théid mise troimh thìr na h-Eiphit air an oidheche so, agus buailidh mi gach ceud-ghin ann an tìr na h-Eiphit, araon duine agus ainmhidh: agus an aghaidh dhéanar

Eiphiteach uile cuiridh mi breitheanas an gnuimh; is mise an Tighearn.

13 Agus bithidh an fhuil dhuibh mar chomharadh air na tighibh anns an *bheil* sibh; agus an uair a chi mise an fhuil, théid mi thairis oirbh, agus cha bhi a' phlàigh oirbh a chum *bhur* milleadh 'n uair a bhuaileas mi tìr na h-Eiphit.

14 Agus bithidh an là so dhuibh mar chuimhneachan; agus gleidhidh sibh e 'n a là-féille do'n Tighearn air feadh bhur ginealach; le h-ordugh sìorruidh gleidhidh sibh e.

15 Seachd làithean ithidh sibh aran neo-ghoirtichte; air a' cheud là féin cuiridh sibh taois ghoirt a mach as bhur tighibh; oir gach neach a dh'itheas aran goirtichte, o'n cheud là gus an t-seachdamh là, gearrar an t-anam sin as o Israel.

16 Agus air a' cheud là *bithidh agaibh* comh-ghairm naomh, agus air an t-seachdamh là bithidh agaibh comh-ghairm naomh: obair sam bith cha deanar orra, saor o na dh'ithear leis gach neach; sin a mhàin nithear leibh.

17 Agus cumaidh sibh *féill* an arain neo-ghoirtichte; oir air an là sin féin thug mise mach bhur slòigh á tìr na h-Eiphit; uime sin coimhididh sibh an là so 'n ur ginealach-àibh, le h-ordugh sìorruidh.

18 'Sa' cheud *mhios*, air a' cheathramh là deug de'n mhios 's an fheasgar, ithidh sibh aran neo-ghoirtichte, gu ruig an ceud là 'ar fhichead de'n mhios 's an fheasgar.

19 Rè sheachd làithean cha-n fhaighear taois ghoirt 'n ur tighibh; oir ge b'e neach a dh'itheas aran goirtichte, gearrar an t-anam sin féin as o choimhthional Israeil, co dhiubh is coigreach e, no neach a rugadh 's an tìr.

20 Nì air bith goirtichte cha-n ith sibh: 'n ur n-àitibh-còmhnuidh uile ithidh sibh aran neo-ghoirtichte.

21 An sin ghairm Maois air seanairean Israeil uile, agus thubhairt e riu, Tairngibh a mach, agus gabhaidh dhuibh féin uan, a réir bhur teaghlachan, agus marbhadh a' chàisg.

22 Agus gabhaidh sibh bad hìosoip, agus tumaidh sibh e 's an fhuil a tha 's an t-soith-each, agus beanaidh sibh do'n àrd-dorus, agus do'n dà ursainn, leis an fhuil a tha 's an t-soitheach; agus cha téid a h-aon agaibh a mach air dorus a thighe gu ruig a' mhaduinn.

23 Agus théid an Tighearn thairis a bhuaidh nan Eiphiteach; agus an uair a chi e 'n fhuil air an àrd-dorus, agus air an dà ursainn, théid an Tighearn thairis air an dorus, agus cha leig e leis a' mhillteir teachd a steach d'ur tighibh gu'r bualadh.

24 Agus gleidhidh sibh an nì so mar ordugh dhuibh féin, agus d'ur mic, gu sìorruidh.

25 Agus tarlaidh, 'n uair a théid sibh a

steach do'n fhearann a bheir an Tighearn dhuibh, a réir mar a gheall e, gu'n gleidh sibh an t-seirbhis so.

26 Agus tarlaidh, 'n uair a their bhur clann ribh, Ciod a's *ciall duibh* leis an t-seirbhis so?

27 Gu'n abair sibh, So iobairt càisge an Tighearn', a chaidh thairis air tighibh chloinn Israeil 's an Eiphit, 'n uair a bhuail e na h-Eiphitich, agus a shaor e ar tighean-ne. Agus chrom an sluagh iad fèin, agus rinn iad aoradh.

28 Agus dh'fhalbh clann Israeil, agus rinn iad *mar so*; mar a dh'àithn an Tighearn do Mhaois agus do Aaron, mar sin rinn iad.

29 Agus air meadhon na h-oidheche sin féin bhuail an Tighearn gach ceud-ghin ann an tìr na h-Eiphit o cheud-ghin Pharaoh a shuidh air a rìgh-chaithir, gu ceud-ghin a' chiomaich a bha ann an slochd a' phriosain; agus gach ceud-ghin ainmhidh.

30 Agus dh'éirich Pharaoh 's an oidheche, e féin agus a sheirbhisich uile, agus na h-Eiphitich uile; agus bha éigheach mhòr 's an Eiphit; oir cha *robh* tigh anns nach *robh* neach marbh.

31 Agus ghairm e air Maois agus air Aaron 's an oidheche, agus thubhairt e, Eiribh, rachaibh a mach á meadhon mo shluaigh, araon sibhse agus clann Israeil: agus rachaibh, deanaibh seirbhis do'n Tighearn, mar a thubhairt sibh.

32 Thugaibh leibh mar an ceudna bhur treudan, agus bhur buar, mar a thubhairt sibh, agus imichibh: agus beannaichibh mise mar an ceudna.

33 Agus thug na h-Eiphitich dian-sparradh do'n t-sluagh, a chum gu'n cuireadh iad le cabhaig a mach as an tìr iad; oir thubhairt iad, *Is daoine* marbh sinn gu léir.

34 Agus ghabh an sluagh an taois mun do ghoirticheadh i, an amaran-fuinidh ceangailte 'n an eudach air an gnaillibh.

35 Agus rinn clann Israeil a réir focail Mhaois: agus dh'iarr iad o na h-Eiphitich seudan airgid, agus seudan òir agus eudach.

36 Agus thug an Tighearn deadh-ghcan do'n t-sluagh ann an sùilbìh nan Eiphit-each, agus thug iad 'an coingheall dhoibh: agus chreach iad na h-Eiphitich.

37 Agus dh'imich clann Israeil o Rameses gu Sucot, mu thimchioll sè ceud mìle fear d'an cois, a thuilleadh air cloinn.

38 Agus mar an ceudna chaidh iomadaidh deshlugh eile suas maille riu, agus treudan, agus buar, ro mhòran spréidhe.

39 Agus dh'fhuin iad de'n taois a thugadh a mach as an Eiphit breacagan neo-ghoirtichte, oir cha do ghoirticheadh i; do bhrìgh gu'n d'fhuadaicheadh iad a mach as an Eiphit, agus nach b'urraim iad fuir-each, agus mar an ceudna nach do dh'casaidh iad biadh dhoibh fèin.

40 A nis *b'i aimsir* cuairte chloinn Israeil,

2 bha iad a chòmhnuidh 's an Eiphit, ceithir cheud agus deich bliadhna fichead.

41 Agus aig ceann nan ceithir cheud agus nan deich bliadhna thar fhichead, air an là sin féin chaidh slòigh an Tighearn uile mach á tìr na h-Eiphit.

42 Is oidhche so gu bhi air a coimhead gu h-àraidh do'n Tighearn, air son an toirt-sau a mach á tìr na h-Eiphit: so an oidhche sin gu bhi air a coimhead do'n Tighearn le cloinn Israeil uile 'n an ginealachaihbh.

43 Agus thubhairt an Tighearn ri Maois agus ri h-Aaron, So ordugh na càisge: cha-n ith coigreach sam bith dh'i.

44 Agus gach seirbhiseach duine, a cheannachaidh le h-airgiod, an uair a thimchioll-ghearras tu e, an sin ithidh e dh'i.

45 Cha-n ith coigreach, no seirbhiseach tuarasdail dh'i.

46 Ann an aon tigh ithear i: cha ghiùlain thu bheag de'n fheoil a mach as an tigh; ni mò a bhriseas sibh cnàimh dh'i.

47 Ni coimhthional Israeil uile sin.

48 Agus an uair a bhios coigreach air chuairt maille riut, agus a chumas e a' chàisg do'n Tighearn, timchioll-ghearrar gach firionnach aige, agus an sin thigeadh e am fagus g'a cumail, agus bithidh e mar neach a rugadh 's an tìr: ach cha-n ith neach sam bith neo-thimchioll-ghearrta dh'i.

49 Bithidh an t-aon lagh aige-san a rugadh 's an tìr, agus aig a' choigreach a tha air chuairt 'n ur measg.

50 Mar so rinn clann Israeil uile; mar a dhàithn an Tighearn do Mhaois agus do Aaron, mar sin riuu iad.

51 Agus air an là sin féin thug an Tighearn a mach clann Israeil á tìr na h-Eiphit, a réir an slòigh.

CAIB. XIII.

1 *Gach ceud-ghin air a naomhachadh do'n Tighearn.* 3 *D'fòrdùicheadh cuimhne na càisge.* 21 *Clann Israeil air an treòrachadh le Dia air an slighe le meall neoil 's an là, agus le meall teine 's an oidhche.*

A GUS labhair an Tighearn ri Maois, ag ràdh,

2 Naomhaich dhomhsa gach ceud-ghin, ge b'e air bith a dh'fhosglaas a' bhrù am measg chloinn Israeil, eadar dhuine agus ainmhidh: 's leamsa e.

3 Agus thubhairt Maois ris an t-sluagh, Cuimhnichibh an là so, air an d'fhàinig sibh a mach as an Eiphit, á tigh na daorsa; oir le làimh thréin thug an Tighearn a mach sibh as a sin: agus cha-n ithear aran goirtichte.

4 Air an là 'n diugh thàinig sibh a mach, 'am mìos Abib.

5 Agus an uair a bheir an Tighearn steach thu do thìr nan Canaanach, agus nan Hiteach, agus nan Amorach, agus nan Hiteach, agus nan Iebusach, a mhionnaich e do d' aithrichibh gu'n tugadh e dhuit, fearann a' sruthadh le bainne agus le mil,

an sin coimhididh tu an t-seirbhis so anns a' mhìos so.

6 Seachd làithean ithidh tu aran neo-ghoirtichte, agus air an t-seachdamh là *bithidh* féill do 'n Tighearn.

7 Ithear aran neo-ghoirtichte seachd làithean; agus cha-n fhaicear aran goirtichte agad, agus ni mò a chithear taois ghoirt agad ann ad chrìochaibh uile.

8 Agus innsidh tu do d' mhac 's an là sin, ag ràdh, *Nithear* so air sgàth an ni sin a rinn an Tighearn dhomhsa, 'u uair a thàinig mi mach as an Eiphit.

9 Agus bithidh e dhuit mar chombaradh air do làimh, agus mar chuimhneachan eadar do shùilibh, a chum gu'm bi lagh an Tighearna ann ad bheul; oir le làimh thréin thug an Tighearn mach thu as an Eiphit.

10 Air an aobhar sin coimhididh tu an t-ordugh so 'n a thràth féin o bliadhna gu bliadhna.

11 Agus an uair a bheir an Tighearn steach thu do thìr nan Canaanach, mar a mhionnaich e dhuitse, agus do d' aithrichibh, agus a bheir e dhuit e,

12 An sin cuiridh tu air leth do'n Tighearn gach ni a dh'fhosglaas a' bhrù, agus gach ceud-ghin a thig o ainmhidh a's leatsa; *buinidh iadsan a tha firionn 'n am measg* do'n Tighearn.

13 Agus gach ceud-ghiu asail fuasgailidh tu le h-uau; agus mur fuasgail thu e, an sin brisidh tu 'amhach: agus gach ceud-ghin duine am measg do chloinne fuasgailidh tu.

14 Agus au uair a dh'fhèdaraicheas do mhac dhìot 's an aimsir ri teachd, ag ràdh, Ciod e so? an sin their thu ris, Le làimh thréin thug au Tighearn amach sinn as an Eiphit, á tigh na daorsa:

15 Agus an uair a chruaidhich Pharaoh e féin, agus nach bàill leis ar leigeadh air falbh, an siu mharbh an Tighearn gach ceud-ghin ann an tìr na h-Eiphit, araon ceud-ghin duine, agus ceud-ghiu ainmhidh; air an aobhar sin lobraidh mi do'n Tighearn gach ni a dh'fhosglaas a' bhrù, *ma 's* firionu *iad*, ach uile cheud-ghin mo chloinne fuasgailidh mi.

16 Agus bithidh e mar chombaradh air do làimh, agus mar eudanan eadar do shùilibh; oir le làimh thréin thug an Tighearn a mach sinn as an Eiphit.

17 Agus eadhon an uair a leig Pharaoh do'n t-sluagh imeachd, cha do thèdreach Dia iad *air* slighe tìre nam Philisteach, ged *a bha* sin aithghearr: oir thubhairt Dia, Air eagal gu'm bi aithreachas air an t-sluagh an uair a chi iad cogadh, agus gu'm pill iad do'n Eiphit.

18 Ach thèdreach Dia an sluagh mu'n cuairt, air slighe fàsaich na mara ruaidhe: agus chaidh clann Israeil suas 'an ordugh catha á tìr na h-Eiphit.

19 Agus thug Maois cnàmhan Ioseiph leis; oir ghabh e nuionnan teann de chloinn Israeil, ag ràdh, Gu cinnteach amhaireidh Dia oirbhse, agus bheir sibh suas mo chnàmhan leibh as a so.

20 Agus dh'imich iad o Shmcot, agus cham-paich iad ann an Etam, ann an iomall an fhàsaich.

21 Agus chaidh an Tighearn rompa 's an là nu am meall neoil, a chum au treòrachadh air an t-slighe, agus 's an oidhche ann am meall teine, a thoirt soluis doibh; gu imeachd a là agus a dh'oidhche.

22 Cha d' thug e air falbh am meall neoil 's an là, no 'm meall teine 's an oidhche, à làthair an t-sluaigh.

CAIB. XIV.

1 Chaidh Pharaoh 'an tòir air cloinn Israeil.
10 Rinn iadsan gearan an aghaidh Mhaois.
13 Thug esan comhwardachd dhoibh. 21 Chaidh iad troimh 'n mhuir ruaidh. Bhàthadh na h-Eiphitich.

A GUS labhair an Tighearn ri Maois, ag ràdh,

2 Labhair ri cloinn Israeil, gu 'm pill iad, agus gu'nampaich iad fa chomhair Philahiroit, eadar Migdol agus an fhairege, fa chomhair Bhaal-sephoiu; fa choinneamh-sanampaichidh sibh làmh ris an fhairege.

3 Oir their Pharaoh mu chloinn Israeil, Tha iad air seachran 's an tìr, dh'iadh am fàsach mu'u timchioll.

4 Agus cruaidhichidh mise cridhe Pharaoh, agus théid e air an tòir, agus gheibh mise glòir a thaobh Pharaoh, agus a shlàigh uile; agus bithidh fios aig na h-Eiphitich gur mise an Tighearn. Agus rinn iad mar sin.

5 Agus dh'innseadh do rìgh na h-Eiphit gu'u do theich au sluagh: agus thionndaidh cridhe Pharaoh, agus a sheirbhiseach an aghaidh au t-sluaigh, agus thubhairt iad, Ciod e so a rinn sinn, gu'n do leig sinn le h-Israel imeachd as ar seirbhis?

6 Agus bheartaich e a charbad, agus thug e a shluagh maille ris;

7 Agus thug e leis sè ceud carbad taghta, agus uile charbadan na h-Eiphit, agus ceannardan orra uile.

8 Agus chruaidhich an Tighearn cridhe Pharaoh rìgh na h-Eiphit, agus lean e air tòir chloinn Israeil: agus chaidh clann Israeil a mach le làmh àird.

9 Ach chaidh na h-Eiphitich air an tòir (eich agus carbadan Pharaoh, agus a mharcshluagh, agus 'armailt uile) agus rug iad orra, agus iad a' campachadh làmh ris an fhairege, làmh ri Pihahiroit, fa chomhair Bhaal-sephoin.

10 Agus an uair a thàinig Pharaoh am fagus, thog clann Israeil suas an shùilean, agus feuch, bha na h-Eiphitich air an tòir, agus bha eagal mòr orra: agus dh'éigh clann Israeil ris an Tighearn.

11 Agus thubhairt iad ri Maois, An ann a elionn nach robh uaighean 's an Eiphit, a thug thu leat sinn gu bàs fhaghail 's an fhàsach? C'ar son a rinn thu so oirnn, ar tabhairt a mach as an Eiphit?

12 Nach e so am focal a labhair sinn riut 's an Eiphit, ag ràdh, Leig leinn seirbhis a dheanamh do na h-Eiphitich? Oir b'fhearr dhuinn seirbhis a dheanamh do na h-Eiphitich na bàs fhaghail 's an fhàsach.

13 Agus thubhairt Maois ris an t-sluaigh, Na bitheadh eagal oirbh, seasaibh, agus faicibh slàinte an Tighearna, a dh'oibricheas e dhuibh an diugh; oir na h-Eiphitich a chunnaic sibh an diugh, cha-n fhaic sibh iad a chaoidh tuilleadh.

14 Cogaidh an Tighearn air blur son, agus fanaidh sibhse 'n 'ur tosd.

15 Agus thubhairt an Tighearn ri Maois, C'ar son a tha thu 'g éigheach riumsa? Abair ri cloinn Israeil dol air an aghaidh.

16 Ach togsa suas do shlat, agus sin a mach do làmh os ceann na fairge, agus sgoilt i; agus théid clanu Israeil a steach 'am meadhon na fairge air *talamh* tioram.

17 Agus cruaidhichidh mise, eadhon mise, cridhe nan Eiphiteach, agus théid iad a steach 'n au déigh: agus gheibh mise glòir a thaobh Pharaoh, agus a thaobh a shlàigh uile, a thaobh a charbadan, agus a thaobh a mharcshluagh.

18 Agus bithidh fios aig na h-Eiphitich gur mise an Tighearn, 'n nair a gheibh mi glòir a thaobh Pharaoh, a thaobh a charbadan, agus a thaobh a mharcshluagh.

19 Agus dh'fhalbh aingeal an Tighearn' a chaidh roimh champ Israeil, agus dh'imich e 'n au déigh; agus dh'fhalbh am meall neoil o 'm beulaobh, agus sheas e air an cùlaobh.

20 Agus thàinig e eadar camp nan Eiphiteach agus camp Israeil, agus bha e 'n a ueul, agus 'n a dhorchadas dhoibh sud, ach shoillsich e 'n oidhche dhoibh so, air chor as nach d'thàinig a h-aon diubh am fagus d'a chèile rè na h-oidhche.

21 Agus shìn Maois a mach a làmh os ceann na fairge, agus thug au Tighearn air an fhairege dol air a h-ais le gaoith làidir o 'n ear rè na h-oidhche sin, agus rinn e 'n fhairege 'n a *talamh* tioram, agus roinneadh na h-uisgeachan.

22 Agus chaidh clann Israeil a steach 'am meadhon na fairge air *talamh* tioram, agus bha na h-uisgeachan 'n am balla dhoibh air an làmh dheis, agus air an làmh ehlì.

23 Agus lean na h-Eiphitich, agus chaidh iad a steach 'n au déigh gu meadhon na fairge, eadhon eich Pharaoh uile, a charbadan, agus a mharcshluagh.

24 Agus annam faire na maidne dh'amhairc an Tighearn air sluagh nan Eiphiteach, troimh 'n mheall theine agus neoil; agus chlaoidh e armailt nan Eiphiteach.

25 Agus thug e air falbh *re* than an carbad, air chor as *gu'n* do tharruingeadh iad gu trom. Agus thubhairt na h-Eiphitich, Teicheamaid á lathair Israeil, oir tha 'n Tighearn a' cogadh leosan an aghaidh nan Eiphiteach.

26 Agus thubhairt an Tighearn ri Maois, Sin a mach do làmh os ceann na fairge, chum *gu'n* tig na h-uisgeachan air au ais air na h-Eiphitich, air an carbadaibh, agus air am marc-shluagh.

27 Agus shìn Maois a mach a làmh os ceann na fairge, agus phill an fhaire *g'a* neart an uair a shoillsich a' mhaduinn; agus theich na h-Eiphitich 'n a h-aghaidh; agus chuir au Tighearn na h-Eiphitich fodha 'am meadhan na fairge.

28 Agus phill na h-uisgeachan, agus dh'fholaich iad na carbaid, agus am marc-shluagh, agus armailt Pharaoh uile, a thàinig 's an fhaire 'n an deigh: cha d'fhagadh uiread 's a h-aon diubh.

29 Ach dh'imich clann Israeil air *talamh* tioram 'am meadhan na fairge, agus *bha* na h-uisgeachan 'n am balla dhoibh air an làmh dheis, agus air an làmh chli.

30 Mar so shaoir an Tighearn Israel air an là sin á làmh nan Eiphiteach: agus chunnaic Israel na h-Eiphitich marbh air tràigh na fairge.

31 Agus chunnaic Israel an obair mhòr sin a rinn an Tighearn air na h-Eiphitich, agus *bha* eagal an Tighearn' air an t-sluagh, agus chreid iad an Tighearn, agus Maois a sheirbhiseach.

CAIB. XV.

1 *Laoidh Mhaois.* 22 *Tha'n sluagh a dh'ith uisge.* 23 *Rinneadh uisgeachan searbh Mharah m'ùis dhoibh.* 27 *Thàinig iad gu h-Elìm.*

AN sin chan Maois agus clann Israeil an laoidh so do'n Tighearn, agus labhair iad, ag ràdh, Canaidh mise do 'n Tighearn, oir thug e buaidh gu glòrmhor; au t-each agus a mharcach thilg e 's an fhaire.

2 'Se 'n Tighearn mo neart, agus mo dhàn, agus tha e 'n a shlàinte dhomh: *is* esan mo Dhia-sa, agus ni mi àite còmhnuidh dha; Dia urathar agus àrdaichidh mi e.

3 *Is* fear-cogaidh an Tighearn; 'se 'n Tighearn a's ainm dha.

4 Carbadan Pharaoh, agus 'armailt thilg e 's an fhaire; agus tha rogha a cheannardan air am bàthadh 's an fhaire ruaidh.

5 Dh'fholaich na doimhneachdan iad; chaidh iad sìos do'n aigean mar chloich.

6 Rinneadh do dheas làmh, O Thighearna, glòrmhor ann an cumhachd; bhris do dheas làmh, O Thighearn', an nàmhaid 'n a bhloigdibh.

7 Agus ann am meud d'òirdheirceis chlaoidh thu iadsan a dh'èirich suas a'd aghaidh; chuir thu d'fhearg a mach, loisg i suas iad mar asbhuain.

8 Agus le anail do shròine chruinnicheadh

na h-uisgeachan; sheas na tuitlean suas mar thòrr, chruaidhich na doimhneachdan 'am meadhan na fairge.

9 Thubhairt an nàmhaid, Leanaidh mi, beiridh mi *orra*, roinnidh mi a' chreach: sàsuichear mo mhianin *orra*; rùisgidh mi mo chlaidheamh, sgriosaidh mi làmh iad.

10 Shéid thu le d'ghaoith, chòmhdaich an fhaire iad, chaidh iad fodha mar luaidh anns na h-uisgeachaibh làidir.

11 Cò 's cosmhail riuts' am measg nan *dée*, a Thighearna? Cò *tha* cosmhail riut, glòrmhor ann an naomhachd, uamhasach ann am moladh, a' deanamh *nìthean* iongantach?

12 Shìn thu mach do dheas làmh; shluig an talamh suas iad.

13 Thredraich thu ann ad thròcair an sluagh so a shaoir thu; thug thu *iad* ann ad neart a chum àite-còmhnuidh do naomhachd.

14 'N uair a chluinneas na cinnich, bithidh eagal *orra*; thig doilgheas air luchd-àiteachaidh Phalestina.

15 An sin bithidh uamhann air cinn-fheadhna Edoim, thig geilt-chrith air daoine treuna Mhoab; leaghaidh air falbh luchd-àiteachaidh Chanaam uile.

16 Tuitidh uamhann agus eagal *orra*, le meud do ghairdein bithidh iad tosdach mar chloich, gu an téid do shluagh, thairis, a Thighearna, gu an téid an sluagh so thairis, a cheannaich thu.

17 Bheir thu steach iad, agus suidhichidh tu iad ann an sliabh d' oigireachdsa, anns au àit a rinn thu dhuit féin, a Thighearna, chum còmhnuidh a ghabhail ann, 's on ionad-naomh, a Thighearn', a dhaingnich do làmh-an-sa.

18 Rìghichidh an Tighearn gu saoghal nan saoghal.

19 Oir chaidh eich Pharaoh a steach le 'charbadaibh, agus le 'mharc-shluagh, 's an fhaire, agus thug an Tighearn uisgeachan na fairge air an ais *orra*; ach dh'imich clann Israeil air *talamh* tioram 'am meadhan na fairge.

20 Agus ghlac Miriam a' bhan-fhàidh, piuthar Aaroin, tiompan 'n a làmh; agus chaidh na mnathan uile mach 'n a deigh le tiompanaibh agus le dannsa.

21 Agus fhreagair Miriam iad, Canaibh do 'n Tighearn, oir thug e buaidh gu glòrmhor; an t-each agus a mharcach thilg e 's an fhaire.

22 Mar sin thug Maois Israel o'n mhuir ruaidh, agus chaidh iad a mach gu fàsach Shuir, agus dh'imich iad trì làithean 's an fàsach, agus cha d'fhuair iad uisge.

23 Agus an uair a thàinig iad gu Marah, cha b' urrainn iad uisgeachan Mharah òl, oir bha iad searbh; uime sin thugadh Marah mar ainm air.

24 Agus rinn an sluagh gearan an aghaidh Mhaois, ag ràdh, Ciod a dh'òlas sinn?

25 Agus dh'èigh esan ris an Tighearn, agus nochd an Tighearn fiodh dha, agus thilg e 's na h-uisgeachaibh e, agus rinneadh na h-uisgeachan milis: ann an sin rinn e lagh agus ordugh dhoibh, agus ann an sin dhearbhl e iad;

26 Agus thubhairt e, Ma dh'èisdeas tu gu dùrachdach ri guth an Tighearna do Dhé, agus ma ni thu an ni sin a tha ceart 'n a shealladh, agus ma bheir thu 'n aire d'a àitheantaibh, agus ma ghleidheas tu a reachdan uile, aon de na h-eucailibh a chuir mi air na h-Eiphitich, cha chuir mi ortsa; oir is mise an Tighearn a shlànuicheas thu.

27 Agus thàinig iad gu h-Elim far an robh dà thobar dheug uisge, agus deich agus trì fichead crann pailme; agus champaich iad an sin làimh ris na h-uisgeachaibh.

CAIB. XVI.

1 Rinn clann Israeil gearan an aghaidh Mhaois agus Aaron, a chionn gu'n robh iad gun bhàdh. 12 Chuireadh gearra-geirt d'an iònsaidh, 14 agus Mana. 16 Riaghailtean m'a thimchioll.

A GUS dh'fhalbh iad o Elim, agus thàinig coimhthional chloinn Israeil uile gu fàsach Shin, a tha eadar Elim agus Sinai, air a' chùigeamh là deug de'n dara mìos an dèigh dhoibh teachd a mach á tìr na h-Eiphit.

2 Agus rinn coimhthional chloinn Israeil uile gearan an aghaidh Mhaois agus Aaron 's an fhàsach.

3 Agus thubhairt clann Israeil riu, B'fhearr gu'm faigheamaid bàs le làimh an Tighearn ann an tìr na h-Eiphit, an uair a bhia sinn 'n ar suidhe làimh ris na poitibh feòla, agus an uair a dh'ìth sinn aran gu'r sàth; oir thug sibh a mach sinn do'n fhàsach so, a mharbhadh a' choimhthionail so uile le h-omer.

4 An sin thubhairt an Tighearn ri Maois, Feuch, frasaidd mise dhuibh aran o neamh, agus théid an sluagh a mach, agus cruinnichidh iad cuibhrionn gach là air an là sin féin, a chum as gu'n dearbh mi iad, co dhùbh a ghluaiseas iad ann am lagh, no nach ghuais.

5 Agus air an t-seathamh là ulluichidh iad an ni sin a bheir iad a steach, agus bithidh e dhà uibhir agus a chruinnicheas iad gach là eile.

6 Agus thubhairt Maois agus Aaron ri cloinn Israeil uile, Mu fheasgar, an sin bithidh fios agaibh gu'n d' thug an Tighearn a mach sibh á tìr na h-Eiphit:

7 Agus 's a' mhaduinn, an sin chi sibh glòir an Tighearna; do bhrìgh gu bheil e a' chuinntinn bhuir gearain an aghaidh an Tighearn: Agus cìod sinne, gu bheil sibh a' deanamh gearain 'n ar n-aghaidh?

8 Agus thubhairt Maois, Bithidh a' chàis mar so 'n uair a bheir an Tighearn dhuibh

's an fheasgar feoil r'a h-iththead, agus aran 's a' mhaduinn gu'r sàth; do bhrìgh gu bheil an Tighearn a' cluinntinn bhuir gearain a tha sibh a' deanamh 'n a aghaidh: agus cìod sinne? cha-n ann 'n ar n-aghaidhne tha bhuir gearan, ach an aghaidh an Tighearna.

9 Agus thubhairt Maois ri h-Aaron, Abair ri coimhthional chloinn Israeil uile, Thigibh am fagus an làthair an Tighearn', oir chual' e bhuir gearan.

10 Agus an uair a labhair Aaron ri coimhthional chloinn Israeil uile, dh'amhaire iad a dh'ionnsuidh an fhàsaich, agus, feuch, dh'fhoillsicheadh glòir an Tighearn ann an neul.

11 Agus labhair an Tighearn ri Maois, ag ràdh,

12 Chual a mi gearan chloinn Israeil; labhair riu, ag ràdh, Mu fheasgar ithidh sibh feoil, agus 's a' mhaduinn sàsuichear sibh le h-aran: agus bithidh fios agaibh gur mise an Tighearn bhuir Dia.

13 Agus an uair a bha 'm fcasgar ann, an sin thàinig na gearra-geirt a mìos, agus chòmhdaich iad an camp; agus anns a' mhaduinn bha 'n drùchd 'n a luidhe mu thimchioll a' chaimp.

14 Agus an uair a dh'éirich an drùchd a bha 'n a luidhe, suas, feuch, bha air aghaidh an fhàsaich ni beag cruinn, beag mar an liath-reodh air an talamh.

15 Agus an uair a chunnaic clann Israeil e, thubhairt iad gach aon r'a chéile, Mana: oir cha robh fhios aca cìod e. Agus thubhairt Maois riu, So an t-aran a thug an Tighearn dhuibh r'a itheadh.

16 So an ni a dh'aitn an Tighearn, Cruinnichibh dheth gach duine a réir 'itheannaich, omer do gach neach a réir àireimh bhuir n-anamanna, gabhadh gach duine agaibh air an son-san a tha 'n a blùth.

17 Agus rinn clann Israeil mar sin, agus chruinnich iad, cuid ni bu mhò, agus cuid ni bu lugha.

18 Agus an uair a thomhais iad ele h-omer, cha robh a' bheag thairis aige-san a chruinnich ni bu mhò, agus air-san a chruinnich ni bu lugha, cha robh uireasbhuidh: chruinnich gach duine a réir 'itheannaich.

19 Agus thubhairt Maois riu, Na fàgadh duine sam bith dheth gu maduinn.

20 Gidheadh cha d'èisd iad ri Maois, ach dh'fhàg cuid diubh dheth gu maduinn, agus ghin e cnuimhean, agus lobh e: Agus bhia corruich air Maois riu.

21 Agus chruinnich iad eair gach maduinn, gach duine a réir 'itheannaich: agus an uair a dh'fhàs a' ghrian teth, leaghadh e.

22 Agus air an t-seathamh là chruinnich iad a dhà uiread arain, dà omer air son gach aoin: agus thàinig uachdarain a' choimhthionail uile, agus dh'innis iad sin do Mhaois.

23 Agus thubhairt e riu, So an ni a labh-

air an Tighearn, *Bithidh* fois na sàbaid' naomh do'n Tighearn am màireach: a' mheud's a tha sibh gu fhuineadh, fuinibh an diugh, agus a' mheud's a tha sibh gu bhrùicheadh, brùiclibh; agus gach ni a bhios thairis, taisgibh suas dhuibh féin gu maduinn.

24 Agus thaisg iad suas e gu maduinn, mar a dh'àithn Maois; agus cha do lobb e, ni mò a bha enuinnh sam bith ann.

25 Agus thubhairt Maois, Ithibh sin an diugh, oir tha sàbaid ann an diugh do'n Tighearn; an diugh cha-n fhaigh sibh e 's a' mhiachair.

26 Sè làithean cruinnichidh sibh e, ach air an t-seachdamh là *bithidh* an t-sàbaid; cha bhi e ann air an là sin.

27 Agus tharladh air an t-seachdamh là gu'n deachaidh cuid de'n t-sluagh a mach g'a chruinneachadh, agus cha d'fhuair iad a' bheag.

28 Agus thubhairt an Tighearn ri Maois, Cia fhad a dhiùltas sibh m'aitheantan-sa a choinhead, agus mò reachdan.

29 Faicibh, do bhrìgh gu'n d'thug an Tighearn dhuibh an t-sàbaid, air an aobhar sin tha e a' tabhairt dhuibh air an t-seathamh là aran dhà là: fanaibh, *gach* duine 'n a àite féin; na rachadh duine sam bith a mach as àit air an t-seachdamh là.

30 Mar sin ghabh an sluagh fois air an t-seachdamh là.

31 Agus thug tigh Israeil Mana mar ainm air: agus bha e mar fhlois coriandeir, geal, agus a bhlas mar abhlain air an deanamh le mil.

32 Agus thubhairt Maois, So an ni a dh'àithn an Tighearn, Lion omer dheth gu bhi air a ghleidheadh air son bhuir ginealach, chum gu faic iad an t-aran leis an do bheathaich mi sibh 's an fhàsach, an uair a thug mi mach sibh à tìr na h-Eiphit.

33 Agus thubhairt Maois ri h-Aaron, Gabh soitheach, agus cuir ann làn omcir de Mhana, agus taisg e an làthair an Tighearna gu bhi air a ghleidheadh air son bhuir ginealach.

34 Mar a dh'àithn an Tighearn do Mhaois, mar sin thaisg Aaron e an làthair na Fianuis, gu bhi air a ghleidheadh.

35 Agus dh'ith clann Israeil am Mana dà fhichead bliadhna, gus an d'fhàinig iad gu tìr àitichte: dh'ith iad am Mana, gus an d'fhàinig iad gu crìch tìre Chanaan.

36 A nis is e omer an deicheamh cuid de ephah.

CAIB. XVII.

1 An sluagh ri gearan air son dìth uisge aig Rephidim. 5 Chuir Maois do'n charraig ann an Horeb, as an d'fhàinig uisge mach. 8 Thugadh buaidh air Amalec.

A GUS dh'imich coimhthional chloinn Israeil uile o fhàsach Shìn, a réir an turusan, mar a dh'àithn an Tighearn, agus

champaich iad ann an Rephidim; agus cha robh uisge ann do'n t-sluagh ri òl.

2 Uime sin rinn an sluagh connsachadh ri Maois, agus thubhairt iad, Thoir dhuinn uisge chum as gu'n òl sinn. Agus thubhairt Maois ri, C'ar son a tha sibh a connsachadh riumsa? C'ar son a bhrosnaicheas sibh an Tighearn?

3 Agus mhiannaich an sluagh uisge ann an sin; agus rinn an sluagh gearan an aghaidh Mhaois, agus thubhairt iad, C'ar son so a thug thu nìos sinn as an Eiphit, a chum sinn féin a mharbladh, agus ar clann, agus ar spréidh le tart?

4 Agus dh'éigh Maois ris an Tighearn, ag ràdh, Ciod a ni mi ris an t-sluagh so? is beag nach 'eil iad 'g am chlachadh.

5 Agus thubhairt an Tighearn ri Maois, Inntich roimh 'n t-sluagh, agus thoir leat cuid de sheanairibh Israeil; agus do shlat leis an do bhuail thu an amhainn, gabh a'd làimh, agus bi 'g imeachd:

6 Feuch, seasaidh mise romhad an sin air a' charraig ann an Horeb, agus buailidh tusa a' charraig, agus thug uisge mach aisde, a chum gu'n òl an sluagh. Agus rinn Maois mar sin ann an sealladh sheanairean Israeil.

7 Agus thug e mar ainm air an àite Masah agus Meribah, air son connsachaidh chloinn Israeil, agus do bhrìgh gu'n do bhosnaich iad an Tighearn, ag ràdh, Am bheil an Tighearn 'n ar measg, no nach 'eil?

8 An sin fhàinig Amalec, agus chog e ri h-Israel ann an Rephidim.

9 Agus thubhairt Maois ri Iosua, Tagh a mach dhuinn daoine, agus falbh a mach, cog ri h-Amalec: am màireach seasaidh mise air mullach an t-sléibh, agus slat Dhé a'm' làimh.

10 Agus rinn Iosua mar a thubhairt Maois ris, agus chog e ri h-Amalec. Agus chaidh Maois, Aaron, agus Hur, suas gu mullach an t-sléibh.

11 Agus an uair a thog Maois suas a làmh, an sin bhuadhaich Israel, agus an uair a leag e sìos a làmh, bhuadhaich Amalec.

12 Ach bha làmhnan Mhaois trom, agus ghabh iad clach, agus chuir iad foidhe i, agus shuidh e oirre: agus chum Aaron agus Hur suas a làmhnan, fear dhiubh air aon taobh, agus fear air an taobh cile; agus bha a làmhnan seasmhach gu luidhe na gréine.

13 Agus chlaoidh Iosua Amalec agus a dhaoine le faobhar a' chla' dh'ic mh.

14 Agus thubhairt an Tighearn ri Maois, Sgrìobh so mar chluimneachan ann an leabhar, agus aithris e ann an clasaibh Iosua; oir dubhaidh mise as gu tur cuimhne Amaleic o bhi so nèamh.

15 Agus thog Maois altair, agus thug e Iehobab-Nisi mar ainm oirre:

16 Oir thubhairt e, do bhrìgh gu'n do mhiònnaich an Tighearn, *gu'n bi cogadh aig an Tighearn ri h-Amalec o linn gu linn.*

CAIB. XVIII.

1 *Thug Ietro a bhean agus a dhithis mhac a dh'ionnsuidh Mhaois. 7 Thug Maois aoidheachd dha, 13 agus ghabh e a chomhairte.*

'N UAIR a chuala Ietro, sagart Mhidiaìn, athair-céile Mhaois, gach uì a rinn Dia air son Mhaois, agus air son Israeil a shluaigh, gu'n d' thug an Tighearn a mach Israel as an Eiphit;

2 An sin thug Ietro, athair-céile Mhaois, leis Siporah bean Mhaois, an déigh dha a cur air a h-ais,

3 Agus a dithis mhac, d'am b' ainm do h-aon diubh Gerson, (oir thubhairt e, A'm' choigreach bha mi ann an tìr choimhich:)

4 Agus b'e ainm an fhir eile Elieser, (oir rinn Dia m'athair, *thubhairt e*, còmhnaidh rium, agus shaor e mi o chlàidheamh Pharaoh.)

5 Agus thàinig Ietro, athair-céile Mhaois, agus a mhic, agus a bhean, a dh'ionnsuidh Mhaois do'n fhàsach, far an do champaich e aig sliabh Dhé.

6 Agus thubhairt e ri Maois, *Tha mise d'athair-céile Ietro*, air teachd a'd'ionnsuidh, agus do bhean, agus a dithis mhac maille rithe.

7 Agus chaidh Maois a mach an coinneamh 'athair-céile, agus rinn e ùmhlachd dha, agus phòg se e, agus dh'altaich iad beatha a chèile: agus thàinig iad a steach do'n bhàth.

8 Agus dh'innis Maois d'a athair-céile gach nì a rinn an Tighearn air Pharaoh, agus air na h-Eiphitich air sgàth Israeil, gach saothair a thàinig orra air an t-slighe, agus cionnus a shaor an Tighearn iad.

9 Agus rinn Ietro gairdeachas à leth a' mhaith sin uile a rinn an Tighearn do Israel, a shaor e à làimh nan Eiphiteach.

10 Agus thubhairt Ietro, Beannaichte gu robh an Tighearn, a shaor sibh à làimh nan Eiphiteach, agus à làimh Pharaoh, a shaor an sluagh o bhi fo làimh nan Eiphiteach.

11 A nis tha fios agam gur mò an Tighearn na na h-uile dhée; oir anns an nì sin anns an do rinn iad gu h-uabhaireach, *tha ean* es an ceann.

12 Agus ghabh Ietro, athair-céile Mhaois, tabhartas-loisgte agus iobairtean do Dhia: Agus thàinig Aaron, agus uile sheanairean Israeil, a dh'itheadh arain maille ri athair-céile Mhaois an làthair Dhé.

13 A nis air an là màireach shuidh Maois gu breth a thoirt air an t-sluagh; agus shcas an sluagh làimh ri Maois o mhaduinn gu feasgar?

14 Agus an uair a chunnaic athair-céile Mhaois gach nì a rinn e ris an t-sluagh, thubhairt e, Ciod e an nì so a tha thu 'deauamh ris an t-sluagh? Car son a tha thusa a'd' shuidhe a'd' aonar, agus a tha 'n sluagh uile a' seasamh làimh riut o mhaduinn gu feasgar?

15 Agus thubhairt Maois r'a athair-céile, Do bhrìgh gu'n tig an sluagh a'm' ionnsuidh a dh'fhiosrachadh o Dhia.

16 'N uair a bhios cùis aca, thig iad a m' ionnsuidh, agus bheir mi breth cadar duine agus duine, agus nochdaidh mi dhoibh orduighean Dhé, agus a laghan.

17 Agus thubhairt athair-céile Mhaois ris, Cha mhaith an nì a tha thu 'deanamh.

18 Caithidh tu as gu tur, araon thu fèin, agus an sluagh so a tha maille riut, oir tha an nì so ro throm air do shion; chian 'eil e 'u comas duit a dheanamh a'd' aonar.

19 A nis ma ta éisd ri m' ghuth, bheir mi comhairl' ort, agus bithidh Dia maille riut: bi-sa air son an t-sluaigh an làthair Dhé, agus bheir thu na cùisean a dh'ionnsuidh Dhé:

20 Agus teagaisgidh tu dhoibh na h-orduighean agus na laghan, agus nochdaidh tu dhoibh an t-slighe air an còir dhoibh imeachd, agus an obair a's còir dhoibh a dheanamh.

21 Agus taghaidh tu mach as an t-sluagh uile, daoine foghainteach, air an bi eagal Dhé, daoine firinneach, a dh'fhuathaicheas sannt; agus cuiridh tu iad os a ceann 'n an uachdaranaibh uhlitean, 'n an uachdaranaibh cheudan, 'n an uachdaranaibh leth-cheudan, agus 'nau uachdaranaibh dheichnear.

22 Agus bheir iad breth air an t-sluagh anns gach àm; ach gach cùis uhlòir bheir iad a d' ionnsuidh-sa, agus air gach cùis bhig bheir iad fèin breth: mar sin bithidh e nìs eutruine dhuitse, agus ioncharaidh iadsan an *callach* maille riut.

23 Ma nì thu an nì so, agus gu'n àithn Dia sin dhuit, an sin is urrainn thu seasamh ris, agus mar an ceudna theid an sluagh so uile d'an àite fèin 'an sìth.

24 A nis dh'éisid Maois ri guth 'athair-céile, agus rinn e gach nì a thubhairt e.

25 Agus thagh Maois daoine foghainteach a mach à h-Israel uile, agus rinn e iad 'n an ceannardaibh air an t-sluagh; 'n an uachdaranaibh uhlitean, 'n an uachdaranaibh cheudan, 'n an uachdaranaibh leth-cheudan, agus 'n an uachdaranaibh dheichnear.

26 Agus thug iad breth air an t-sluagh anns gach àm: na cùisean cruaidhe thug iad a dh'ionnsuidh Mhaois, ach air gach cùis bhig thug iad fèin breth.

27 Agus leig Maois le 'athair-céile imeachd; agus dh'fhalbh e roimhe d'a thìr fèin.

CAIB. XIX.

1 *Thàinig an sluagh gu fàsach Shinai. 3 Teachd-airrachd Dhé do'n t-sluagh a sliabh Shinai. 8 Am freagradh. 12 Cha-n fheadadh neach air bith beanntuinn ris an t-sliabh.*

ANNS an treas mìos an déigh do chloinn Israeil teachd a mach á tìr na h-Eiphit, 's an là sin féin thàinig iad gu fàsach Shinaì.

2 Oir dh' imich iad o Rephidim, agus thàinig iad gu fàsach Shinai, agus champaich iad 's an fhàsach; agus champaich Israel ann an sin fa chomhair an t-sléibh.

3 Agus chaidh Maois suas a dh'ionnsuidh Dhé, agus ghairm an Tighearn air as an t-sliabh, ag ràdh, Mar so their thu ri tigh Iacoib, agus ionsidh tu do chloinn Israeil:

4 Chunnaic sibh na rinn mi ris na h-Eiphitich, agus cionnus a ghiùlain mi sibhse mar air sgiathaibh iolairean, agus a thug mi a m' ionnsuidh féin sibh.

5 A nis ma ta, ma dh'éisdeas sibh da rìreadh ri m' ghuth, agus ma ghleidheas sibh mo choimheangal, an sin bithidh sibh dhomhsa 'n ur n-ionnhas sònraichte os ceann nan uile shluagh: oir is leamsa an talamh uile.

6 Agus bithidh sibh dhomhsa 'n 'ur rìoghachd shagart, agus 'n 'ur ciumeach naomh. Is iad sin na briathran a labhras tu ri cloinn Israeil.

7 Agus thàinig Maois, agus ghairm e air seanairibh an t-sluaigh, agus chuir e rompa na briathran sin uile a dh'àithn an Tighearn dha.

8 Agus fhreagair an sluaigh uile le h-aon ghuth, agus thubhairt iad, Gach ni a labhair an Tighearn, ni sinne. Agus thug Maois air ais briathran an t-sluaigh a dh'ionnsuidh an Tighearna.

9 Agus thubhairt an Tighearn ri Maois, Feuch, thig mise a'd' ionnsuidh ann an neul tiugh, a chum gu'n chuinn an sluagh an uair a labhras mi riut, agus mar an ceudna gu'n creid iad thu gu sìorruidh. Agus dh'innis Maois briathran an t-sluaigh do'n Tighearn.

10 Agus thubhairt an Tighearn ri Maois, Imich a dh'ionnsuidh an t-sluaigh, agus naomhaich iad an diugh, agus am màireach, agus nigheadh iad an eudach,

11 Agus bitheadh iad deas air cheann an treas là; oir air an treas là thig an Tighearn a nuas ann an sealladh an t-sluaigh uile air sliabh Shinai.

12 Agus suidhichidh tu crìochan do'n t-sluagh mu'n cuairt, ag ràdh, Thugaibh an aire dhuibh féin, nach téid sibh suas do'n t-sliabh, agus nach bean sibh r'a iomall: gach neach a bheanas ris an t-sliabh, gu cinnteach cuirear gu bàs e.

13 Cha bhean làmh ris; oir gu deimhin elachar e, no sàthar sleagh troimhe; ma's ainmhidh no duine e, cha mhair e beò.

'N uair a shéideas an trompaid rè ùin' fhada thig iad-san a mìos do'n t-sliabh.

14 Agus chaidh Maois sìos o'n t-sliabh a dh'ionnsuidh an t-sluaigh, agus naomhaich e 'n sluagh, agus nigh iad an eudach.

15 Agus thubhairt e ris an t-sluagh, Bithibh deas air cheann an treas là: na tigibh am fagus d'ur mnàibh.

16 Agus an uair a thàinig an treas là, anns a' mhaduinn bha tairmeanaich agus dealanaich ann, agus neul tiugh air an t-sliabh, agus fuaim na trompaid ro àrd: agus chrìothnaich an sluagh uile a bha 's a' champ.

17 Agus thug Maois an sluagh a mach as a' champ an coimeamh Dhé, agus sheas iad aig ìochdar an t-sléibh.

18 Agus bha sliabh Shinai uile fodheataich, do bhrìgh gu'n d'thàinig an Tighearn a nuas air ann an teine; agus dh'éirich a dheatach suas mar dheataich àmhuinn, agus chrìothnaich an sliabh uile gu mòr.

19 Agus an uair a bha fuaim na trompaid' a' dol a mach, agus a' fàs ro làidir, an sin labhair Maois, agus fhreagair Dia e le guth.

20 Agus thàinig an Tighearn a nuas air sliabh Shinai, air mullach an t-sléibh: agus ghairm an Tighearn Maois suas gu mullach an t-sléibh, agus chaidh Maois suas.

21 Agus thubhairt an Tighearn ri Maois, Imich sìos, thet àithne do'n t-sluagh, air eagal gu'm bris iad a steach a dh'ionnsuidh an Tighearn' a dh'amharc, agus gu'n tuit mòran diubh.

22 Agus mar an ceudna na sagartan a thig am fagus do'n Tighearn, naomhaicheadh iad iad féin, air eagal gu'm bris an Tighearn a mach orra.

23 Agus thubhairt Maois ris an Tighearn, Cha-n 'eil e 'n comas do'n t-sluagh teachd a mìos do sliabh Shinai; oir thug thu àithne dhuinn, ag ràdh, Cuir crìochan mu'n t-sliabh, agus naomhaich e.

24 Agus thubhairt an Tighearn ris, Imich romhad, falbh sìos, agus thig a mìos thu féin, agus Aaron maille riut; ach na briseadh na sagartan agus an sluagh a steach, gu teachd a mìos a dh'ionnsuidh an Tighearna, air eagal gu'm bris e mach orra.

25 Agus chaidh Maois sìos a dh'ionnsuidh an t-sluaigh, agus labhair e riu.

CAIB. XX.

1 *Nadeich àitheant. 20 Eagal air an t-sluagh. 22 Iodhol-aoradh air a thoirmear.*

AGUS labhair Dia na briathran so uile, ag ràdh,

2 Is mise an Tighearn do Dhia, a thug a mach thu á tìr na h-Eiphit, á tigh na daorsa.

3 Na biodh dée sam bith eile agad a'm' làthair-sa.

4 Na dean dhuit féin dealbh snaidhte, no coslas, sam bith a dh'aon ni, a tha 's na

nèamhaibh shuas, no air an talamh a bhos, no 's na h-uisgeachaibh fo 'n talamh.

5 Na crom thu féin sìos doibh, agus na dean seirbhis doibh: oir mise an Tighearn do Dhia, is Dia eudmhor mi, a' leantuim aingidheachd nan aithrichean air a' chloinn, air an treas, agus air a' cheathramh *ginealach* dhiubhsan a dh'fhuathaicheas mi; 6 Agus a' nochdadh trècar do mhilltibh dhiubhsan a ghràdhaicheas mi, agus a choimhideas m'aitheantan.

7 Na tabhair ainm an Tighearna do Dhé an diomhanas; oir cha mheas an Tighearn neòchiontach *esan* a bheir 'ainm' an diomhanas.

8 Cuimhnich là na sàbaid a naomhachadh.

9 Sè làithean saothraichidh tu, agus ni thu d'obair uile.

10 Ach *air* an t-seachdamh là *tha* sàbaid an Tighearna do Dhé: *air an là sin* na dean obair sam bith, thu féin, no do mhac, no do nighean, d'òglach, no do bhanoglach, no d'ainmhidh, no do choigreach a *tha* 'n taobh a stigh de d'ghèataibh.

11 Oir ann an sè làithibh rinn an Tighearn na nèamhan agus an talamh, an fhaire, agus gach ni a *tha* ann; agus ghabh e fois air an t-seachdamh là: air an aobhar sin bheannaich an Tighearn là na sàbaid, agus naomhaich se e.

12 Tabhair onoir do d'athair, agus do d' mhàthair; a chum gu'm bi do làithean buan air an fhearran a *tha* 'n Tighearn do Dhia a' toirt dhuit.

13 Na dean mortadh.

14 Na dean adhaltrannas.

15 Na dean goide.

16 Na tabhair fianuis bhréige an aghaidh do choimhearsnaich.

17 Na sanntaich tigh do choimhearsnaich; na sanntaich bean do choimhearsnaich, no 'òglach, no 'bhanoglach, no 'dhamh, no 'asal, no aon ni a's le do choimhearsnach.

18 Agus mhothaich an sluagh uile na tairneanaich, agus na dealanaich, agus fuaim na trompaid', agus an sliabh fo dheataich: agus an uair a chunnaic an sluagh *sin*, ghluais iad, agus sheas iad fad o làimh.

19 Agus thubhairt iad ri Maois, Labhair thusa ruinn, agus éisdidh sinn: ach na labhradh Dia ruinn, air eagal gu'm faigh sinn bàs.

20 Agus thubhairt Maois ris an t-sluagh, Na bitheadh eagal oirbh, oir is ann a chum bhuir dearbhadh a thàinig Dia, agus a chum gu'm bi 'eagal-san oirbh, air chor as nach peacaich sibh.

21 Agus sheas an sluagh fad o làimh, agus thàinig Maois am fagus do'r dorchadas, far an *robh* Dia.

22 Agus thubhairt an Tighearn ri Maois, Mar so their thu ri cloinn Isracil, Chunnaic sibh gu'n do labhair mi ribh o nèamh.

23 Cha dean sibh maille riumsa diathan airgid, agus diathan òir cha dean sibh dhuibh féin.

24 Altair de thalamh ni thu dhomhsa, agus iobraidh tu oirre do thabhartais-loisgte, agus do thabhartais-sìth, do chaor-aich, agus do dhainn: anns gach àite 's an toir mise fainear gu'n cuimhnichear m'ainm, thig mi a d' ionnsuidh, agus beannaichidh mi thu.

25 Agus ma ni thu altair chloiche dhomh, cha tog thu i le cloich shnaidhte; oir ma thogas tu d'inneal-snaidhidh suas oirre, truailidh tu i.

26 Ni mò théid thu suas air ceumaibh a dh'ionnsuidh m'altarach, a chum nach leigear ris do lomnochduidh oirre.

CAIB. XXI.

1 *Laghan a thaobh òglach agus bhanoglach, 14 a thaobh an ti a mharbhas duine le ceilg, 17 a mhallacheas 'athair no 'mhàthair, &c.*

A NIS is iad so na breitheanaich a chuireas tu rompa.

2 Ma cheannacheas tu òglach Eabhruidh-each, sé bliadhna ni e seirbhis; agus 's an t-seachdamh théid e mach saor a nasguidh.

3 Ma's ann a *mhàin* leis féin a thàinig e steach, leis féin théid e mach; ma bha bean aige, théid mar an ceudna a bhean a mach maille ris.

4 Ma thug a mhaighstir bean dha, agus gu'n d'rug i dha mic no nigheanan; bithidh a' bhean agus a clann aig a mhaighstir, agus théid *esan* a mach leis féin.

5 Ach ma their an t-òglach gu cinnteach, is toigh leam mo mhaighstir, mo bhean, agus mo chlann, cha téid mi mach saor:

6 An sin bheir a mhaighstir e chum nam breitheamh; bheir e mar an ceudna chum an doruis e, no chum ursainn an doruis, agus tollaidh a mhaighstir a chluas le minidh, agus ni e seirbhis dha gu bràth.

7 Agus ma reiceas duine a nighean gu bhi 'n a banoglaich, cha téid i mach mar a théid na h-òglach.

8 Mur taitim i r'a mhaighstir, a rinn ceangal-pòsaidh rithe, an sin bheir e fainear gu'm fuasgailear i: ri cinneach coimheach cha bhi comas aige a reiceadh, do bhrìgh gun do bhuin e gu cealgach rithe.

9 Agus ma cheangail e r'a mhac i, a réir modh nan nighean ni e rithe.

10 Ma ghabhas e *bean* eile dha féin, a biadh, a h-eudach, agus a dlighe-pòsaidh, cha lughdaich e.

11 Agus mur dean e na tri *nithean* sin rithe, an sin théid i mach saor gun airgiod.

12 E san a bhuaileas duine, air chor as gu'm bàsaich e, gu cinnteach cuirear gu bàs e.

13 Agus mur do luidh duine 'am plaid, ach gu'n d'thug Dia thairis g'a làimh e, an sin sònruichidh mis' àite dhuit d'an teieh e.

14 Ach ma thig duine gu dàna air a choimhearsnach, gu 'mharbhadh le ceilg, o m' altair bheir thu e, a chum gu'm bàsaich e.

15 Agus esan a bhuailas 'athair, no a mhàthair, gu cinnteach cuirear gu bàs e.

16 Agus esan a ghoideas duine, agus a reiceas e, no ma gheibhear 'n a làimh e, gu cinnteach cuirear gu bàs e.

17 Agus esan a mhallaicheas 'athair no a mhàthair, gu cinnteach cuirear gu bàs e.

18 Agus ma ni daoine comhstrì, agus gu'm buail duine a choimhearsnach le cloich, no le 'dhorn, agus nach faigh e bàs, ach gu'n gabh e a leabadh:

19 Ma dh'éireas e, agus gu'n siubhail e mach air a luirg, an sin saorar esan a bhuail e; a mhlàn diolaidh e air son call 'hine, agus bheir e fainear a leigheas gu h-ìomlan.

20 Agus ma bhuailas duine 'òglach, no 'bhanoglach le slait, agus gu'm bàsaich e fo 'làimh, diolar air gu deimhin:

21 Ach ma mhaireas e beò là no dà là, cha diolar air; oir is e 'airgid e.

22 Agus ma ni daoine comhstrì, agus gu'm buail iad bean thorrach, agus gu'n dealaich i r'a cloim, ach nach faigh i bàs; cuirear gu cinnteach ùbhla air, a réir mar a chuireas fear namnáir, agus bheir e seachad mar a dh'òrduicheas na breitheamhan.

23 Ach ma gheibh i bàs an sin bheir thu anam air son anama,

24 Sùil air son sùla, fiacail air son fiaca, làmh air son làimhe, cos air son coise,

25 Losgadh air son losgaidh, lot air son lot, buille air son buille.

26 Agus ma bhuailas duine sùil 'òglach, no sùil a bhanoglach, agus gu mill e i, leigidh e as saor e air son a shùla.

27 Agus ma chuireas e fiacail á 'òglach, no fiacail as a bhanoglach, leigidh e as saor e air son 'fhiaca.

28 Agus ma reubas damh duine no bean le 'adhaire, agus gu'm faigh e bàs, gu cinnteach clachar an damh, agus cha-n ithear 'fheoil; ach bithidh sealbhadair an daimh neo-chiontach.

29 Ach ma ghnàthaich an damh sàthadh le 'adhaireibh 's an aimsir roimhe sin, agus gu'n do dhearbhadh sin d'a shealbhadair, agus nach do ghléidh e stigh e, agus gu'n do mharbh e duine no bean, clachar an damh, agus cuirear mar an ceudna a shealbhadair gu bàs.

30 Ma cuirear *airgid*-réitich air, an sin bheir e mar éirí 'anama ge b'e ni a cuirear air.

31 Ma's mac a reub e le 'adhaire, no ma's nighean a reub e, a réir a' bhreitheanais so nìthear ris.

32 Ma reubas an damh òglach no banoglach, bheir e deich secel 'ar fhichead airgid d'am maighstir, agus clachar an damh.

33 Agus ma dh'fhosgla duine slochd, no

ma chladhaicheas duine slochd, agus nach còmhdaich se e, agus gu'n tuit damh no asal ann;

34 Ni esan d'am buin an slochd suas an call, bheir e airgid d'an sealbhadair, agus is leis féin am *beathach* marbh.

35 Agus ma reubas damh neach air bith damh neach eile, agus gu'm faigh e bàs, an sin reicidh iad an damh beò, agus roinnidh iad an t-airgid a *fhuaradh* air a shon, agus roinnidh iad mar an ceudna an damh marbh.

36 No ma bha fhios gu'n do ghnàthaich an damh sàthadh le 'adhaireibh 's an aimsir roimhe sin, agus nach do ghléidh a shealbhadair a stigh e, gu cinnteach ìocaidh e damh air son daimh, agus is leis féin am marbh.

CAIB. XXII.

1 *Laghan a thaobh goide. 5 a thaobh coimhleasachaidh air son gach gné choire, 16 a thaobh diolanais, &c.*

MA ghoideas duine damh no caora, agus gu marbh se e, no gu'n reic se e, dioladh e cùig daimh air son an daimh, agus ceithir caoraich air son na caorach.

2 Ma gheibhear gaduiche a' briseadh a stigh, agus gu'm buail e, agus gu'm faigh e bàs, cha *dòirt*ear fail air a shon:

3 Ma bhios a' ghrian air éirigh air, *dòirt*ear fuil air a shon. Ni esan a ghoideas dioladh ìomlan: mur *bì* ni sam bith aige, an sin reicear e air son a ghoide.

4 Ma gheibhear gu cinnteach a' mheirle 'n a làimh beò, ma's damh e, no asal, no caora; diolaidh e dùbailt e.

5 Ma bheir duine fainear gu'n ithear suas fearann no fion-lios, agus gu'n cuir e 'aimhlidh ann, agus gu'm biadhar e ann am fearann duine eile; de'n chuid a's fearr d'a fhearann féin, agus de'n chuid a's fearr d'a fhion-lios féin, ni e dioladh.

6 Ma bhriseas teine a mach, agus gu'n tachair e air droighinn, agus gu'n loisgear na cruachan arbhair, no 'n t-arbhar 'n a sheasamh, no'n t-achadh; ni esan a rinn an losgadh gu cinnteach dioladh.

7 Ma bheir duine d'a choimhearsnach airgid, no airneis, g'a ghléidheadh, agus gu'n go dear a tigh an duine e; ma gheibhear an gaduiche, diolaidh e dùbailt e.

8 Mur faighear an gaduiche, an sin théid maighstir an tighe a dh'ionnsuidh nam breitheamh, a dh'fheuchainn co dhiubh a shìn e mach a làmh gu cuid a choimhearsnach.

9 Air son gach gné choire, air son daimh, air son asal, air son caorach, air son eudaich, air son gach ni a chaidh a chall, a their *neach eile* gur leis féin; an lathair nam breitheamh thig cùis gach aoin diubh: *esan* a dhìtas na breitheamhan, diolaidh e dùbailt d'a choimhearsnach.

10 Ma bheir duine d'a choimhearsnach

asal, no damh, no caora, no ainmhidh sam bith g'a ghleidheadh, agus gu'm faigh e bàs, no gu'n ciurrar e, no gu'n iomaneair air falbh e, gun neach air bith g'a fhaicim:

11 *An sin* bithidh mionnan an Tighearna eatorra le 'chéile, nach do shìn e a lann gu cuid a choimhearsnaich: agus gabhaidh a shealbhadair *sin* uaith, agus cha dean esan dioladh.

12 Agus ma ghoideadh uaith e, diolaidh e d'a shealbhadair.

13 Ma reubadh as a chéile e, thugadh e leis mar fhianuis e; air son an nì sin a chaidh reubadh, cha diol e.

14 Agus ma dhiarras duine *nì* 'an coingheall o' choimhearsnach, agus gu'n ciurrar e, no gu'm faigh e bàs, gun a shealbhadair a *bhi* maille ris: gu cinnteach diolaidh e.

15 *Ach* ma *bhitheas* a shealbhadair maille ris, cha diol e: ma's *nì* air son tuarasdail e, chàinig e air son a thuarasdail.

16 Agus ma mheallas duine maighdean, nach 'eil fo cheangal-pòsaidh, agus gu'n luidh e leatha, gu cinnteach gabhaidh e i dha féin 'n a mnaoi.

17 Ma dhiùltas a h-athair gu tur a tabhairt da, diolaidh e airgid a réir tochraidh nam maighdean.

18 Cha léig thu le ban-fhiosaiche bhi beò.

19 Ge b'e neach a luidheas le h-ainmhidh, gu cinnteach cuirear gu bàs e.

20 Esan a dh'ìobras do dhiathan *sam bith*, ach do'n Tighearn a mhàin, gearrar as e.

21 Air coigreach cha chuir thu doilgheas, nì mò a nì thu foirneart air: oir bha sibh féin 'n ur coigrich ann an tìr na h-Eiphit.

22 Rì bantraich sam bith, no dìleachdan, cha bhuin sibh gu cruaidh.

23 Ma bhuineas tu air chor sam bith gu cruaidh riu, agus gu'n glaoth iad idir riumsa, éisdidh mise gu cinnteach r'an glaoth.

24 Agus lasaidh mo chorruich suas, agus marbhaidh mi sibh leis a' chlàidheamh; agus bithidh bhuir mnathan 'n am bantraichibh, agus bhuir clann 'n an dìleachdain.

25 Ma bheir thu airgid 'an coingheall do *neach air bith de m' shluagh* sa tha bochd lànna riut, cha bhi thu dha mar neach a chuireas airgid air riadh; cha chuir thu riadh air.

26 Ma ghabhas tu idir cudach do choimhearsnaich ann an geall, mu dhol fodha na gréine bheir thu air ais dha e:

27 Oir *is* e sin a chomhdach a mhàin, *is* e 'eudach d'a chroicinn e: cìod anns an còidil e? agus an uair a dh'èigheas e rium, éisdidh mise; oir *tha* mi tròcaireach.

28 Air breitheamhaibh cha labhair thu ole, agus uachdaran do shluagh cha chàin thu.

29 Ceud thoradh d'fhearainn, agus d'fhion-lìos, gun dàil *bheir thu seachad*: ceud-ghin do mhaic bheir thu dhomhsa.

30 Mar sin nì thu ri d' chroth, agus ri d' chaoraich: seachd làithean bithidh e maille r'a mìlathair, air an ochdamh là bheir thu dhomhsa e.

31 Agus bithidh sibh 'n ur daoine naomha dhomhsa, agus feoil *sam bith* a reubadh le *fiadh bheathaichibh* s'a' mhaclair, cha-n ith sibh: chum nan con tilgidh sibh i.

CAIB. XXIII.

1 *Laghan a thaobh tuairesgeil no fianuis-blréige*, 12 a thaobh là na sàbaid, &c. 22 *Beannachadh air a ghealltuinn dhoibhsan a cheimhideas reachd Dhé.*

CHA tog thu tuairesgeul bréige: na cuir do lann maille ris an aingidh gu bhi 'n a d'fianuis air an cucoir.

2 Cha lean thu a' mhòr chuideachd a dh'ionnsuidh an uile, agus cha labhair thu ann an cùis, gu claothadh an déigha' mhòrain, chum *breth* f'haradh.

3 Agus ri *duine* bochd cha bhi thu bàigheil 'n a clùis.

4 Ma thachaireas tu air damh do nàmhaid, no 'asal a' dol air seacharan, bheir thu gu cinnteach air ais e d'a ionnsuidh.

5 Ma chi thu asal duine a'g am bheil fuath dhuit a' luidhe fo 'h-callaich, agus gu'n smuainich thu air fantuinn o chòmhmadh a dheanamh rithe, nì thu gu cinnteach còmhmadh rithe.

6 Cha chlaon thu breth do bhochd 'n a clùis.

7 O chùis bhréige cum thu féin am fad; agus an neò-chiontach agus an t-ionraic na marbh: oir cha-n fhìreanaich mise an t-aingidh.

8 Agus tiodhlac cha ghabh thu; oir dallaidh tiodhlac na daoine glìce, agus claothaidh e briathran nan daoine ionraic.

9 Agus air coigreach na dean fòirneart: oir is aithne dhuibh inntinn coigrich, do bhrìgh gu'n robh sibh féin 'n ur coigrich ann an tìr na h-Eiphit.

10 Agus sè bliadhna cuiridh tu d'fhearann, agus cruinnichidh tu stigh a thoradh.

11 Ach air an t-seachdamh fàgaidh tu *mach* e, agus leigidh tu leis *luidhe 'n a thàmh*, a chum gu'n ith bochdan do shluagh, agus na dh'fhàgas iadsan, gu'n ith beathaichean na macharach e. Air a' mhòd chudna nì thu ri d'fhion-lìos, agus ri d' lìos-olaidh.

12 Sè làithean nì thu d'obair, agus air an t-seachdamh là gabhaidh tu fois; a chum gu faigh do dhamh agus d'asal fois, agus gu faigh mac do bhanoglaich agus an coigreach an anail.

13 Agus a thaobh nan uile nithean a labhair mi ribh, bithibh faicilleach; agus air ainm dhiathan eile na luaidhibh: na cluinnear as bhuir beul e.

14 Tri uairean cumaidh tu féill dhomhsa s'a' bhladhna.

15 Féill an *arain* neo-ghoirtichte cumaidh

tu: seachd làithean ithidh tu *aran* neo-ghoirtichte, mar a dh'àithn mi dhuit, 's an am *shuidhichte* de'n mhìos Abib; oir anns a' mhìos sin thàinig thu mach as an Eiphit: agus cha tig neach air bith a'm' làthair-sa falamh:

16 Agus féill an fhogharaidh, ceud-thoraidh do shaoithreach, a chuir thu 's an fhearann: agus féill a' chruinneachaidh aig deireadh na bliadhna, 'n uair a chruinnicheas tu stigh *toradh* do shaoithreach as an fhearann.

17 Tri uairean 'sa' bhliadhna nochdar gach fàrionn agad an làthair an Tighearna Dé.

18 Cha toir thu seachad fuil m' iobairt-sa le *h-aran* goirtichte, ni mò dh'fhanas saill m' iobairt gu maduinn.

19 Toiseach ceud-thoraidh d'fhearainn bheir thu do thùgh an Tighearna do Dhé. Cha bhruich thu meann ann an bainne a mhàthar.

20 Feuch, cuiridh mise aingeal romhad, gu d' choimhead 's an t-slighe, agus gu d' thabhairt a steach do'n àit a dh'fhuic mi.

21 Bi faicillcach 'n a làthair, agus éisd r'a ghuth; na cuir 'n a aghaidh: oir cha lugh e bhuir cionta; oir *tha* m'ainm annsan.

22 Ach ma dh'éisdeas tu da rircadh r'a ghuth, agus ma ni thu gach ni a labhras mise, an sin bithidh mi a'm' nàmhaid do d' nàmhaid-sa, agus claidhidh mi iadsan a chlaoidheas thu:

23 Oir théid m' aingeal romhad, agus bheir e steach thu chum nan Amorach, agus nan Hiteach, agus nam Peridseach, agus nan Canaanach, nan Hibheach agus nan Iebusach; agus gearraidh mi as iad.

24 Cha chrom thu thu féin sìos d'an diathan, agus cha dean thu seirbhis doibh, ni mò a ni thu a réir an oibre: ach sgrìosaidh tu gu tur iad, agus brisidh tu an dealbhan 'n am bloighdibh.

25 Agus ni sibh seirbhis do'n Tighearn bhuir Dia, agus beannaichidh esan d'aran, agus d'uisge, agus cuiridh mi euslaint air falbh o'r measg.

26 Cha tilg mi sam bith 'al, ni mò a bhitheas e seasg a'd' thìr: àireamh do làithean coimhleanaidh mise.

27 Cuiridh mi m' eagal romhad, agus sgrìosaidh mi an sluagh uile dh'ionnsuidh an téid thu, agus bheir mi air do naimhaidibh gu léir an cùl a thionndadh riut.

28 Agus cuiridh mise cearnabhain romhad, agus 'ògraidh iad a mach an t-Hibheach, an Canaanach, agus an t-Hiteach, as do làthair.

29 Cha tilg mi mach iad as do làthair ann an aon bhliadhna, air eagal gu'm bi 'n fearann air 'hàsachadh, agus gu'm fas fiadhbheathaichean na macharach ònmhor a'd' aghaidh.

30 A lion beag 'usbeag tilgidh mi mach iad as do làthair, gus an sìolaich thu, agus gu'n sealbhaich thu am fearann.

31 Agus suidhichidh mi do chrìochan o'n mhuir ruaidh eadhon gu ruig fairge nam Philisteach, agus o'n fhàsach gu ruig an amhainn: oir bheir mi thairis 'n 'ur làmh luchd-àiteachaidh na tìre; agus tilgidh tu mach iad as do làthair.

32 Cha dean thu riu-san, no r'an diathan coimhcheangal sam bith.

33 Cha ghabh iad còmhuidh a'd' thìr, air eagal gu'n toir iad ort peacachadh a'm' aghaidh-sa le seirbhis a dheanamh d'an diathan; agus gu'm bi sin 'n a ribe dhuit.

CAIB. XXIV.

1 *Chaidh Maois suas do'n t-sliabh.* 3 *Gheall an sluagh gu'n d'fhoghadh iad géill do fhocal an Tighearna.* 16 *Glòir Dhé air a foill-seachadh.*

AGUS thubhairt e ri Maois, Thig a nìos a dh'ionnsuidh an Tighearna, thu féin agus Aaron, Nadab agus Abihu, agus tri fichead 's a deich de sheanairibh Israeil: agus ni sibh aoradh fad o làmh.

2 Agus thig Maois 'n a aonar am fagus do'n Tighearn; ach cha tig iadsan am fagus, ni mò théid an sluagh suas maille ris.

3 Agus thàinig Maois agus dh'innis e do'n t-sluagh briathran an Tighearna uile, agus na breitheanais uile: agus fhreagair an sluagh gu léir le h-aon ghuth, agus thubhairt iad, Gach ni a labhair an Tighearn, ni sinne.

4 Agus sgrìobh Maois briathran an Tighearn uile, agus dh'éirich e gu moch 's a mhaduinn, agus thog e altair fo 'n t-sliabh agus dà charragh dheug a réir dà thréibh dheug Israeil.

5 Agus chuir e uaith òganaich de chloinn Israeil, agus thug iad suas tabhartais-loisgte, agus dh'ìobair iad ìobairtean-sith de dhàimh do'n Tighearn.

6 Agus ghabh Maois leth na fola, agus chuir e ann an cuachaibh *i*; agus leth na fola chrath e air an altair.

7 Agus ghabh e leabhar a' choimhcheangail, agus leugh e ann an éisdeachd an t-sluaigh; agus thubhairt iadsan, Gach *ni* a labhair an Tighearn, ni sinne, agus bheir sinn géill.

8 Agus ghabh Maois an fhuil, agus chrath e *i* air an t-sluagh, agus thubhairt e, Feuch, fuil a' choimhcheangail a rinn an Tighearn ribh a thaobh nam briathran sin uile.

9 Agus chaidh Maois suas agus Aaron, Nadab agus Abihu, agus tri fichead 's a deich de sheanairibh Israeil.

10 Agus chunnaic iad Dia Israeil: agus fo a chosaibh *bha* mar gu'm bitheadh obair de chloich shaphir, agus mar na nèamhan féin ann an soillse.

11 Agus air maithibh chloinn Israeil cha do chuir e a làmh: agus chunnaic iad Dia, agus dh'ith iad agus dh'ol iad.

12 Agus thubhairt an Tighearn ri Maois, Thig a nìos a m' ionnsuidh-sa do'n t-sliabh,

agus bi 'n sin: agus bheir mise dhuit clàir chloiche, agus lagh, agus na h-àitheantan a sgriobh mi, chum iadsan a theagasg.

13 Agus dh'èirich Maois suas, agus Iosua 'òglach: agus chaidh Maois suas do shliabh Dhé.

14 Agus thubhairt e ris na seanairibh, Fanaibh-sa ruinn an so, gus am pill sinn d'ur n-ionnsuidh: Agus, feuch, *tha* Aaron agus Hur maille ribh: esan aig am bi cùis sam bith, thigeadh e d'an ionnsuidh-san.

15 Agus chaidh Maois suas do'n t-sliabh, agus chòmhdaich neul an sliabh.

16 Agus chòmhnuich glòir an Tighearna air sliabh Shinaì, agus chòmhdaich an neul e sè làithcan: Agus dh'èigh e ri Maois air an t-seachdamh là à meadhon an neoil.

17 Agus *bha* foillseachadh glòire an Tighearna mar theine dian-loisgeach air mullach an t-sléibh ann an sùilb chloinn Israeil.

18 Agus chaidh Maois a steach am meadhon an neoil, agus chaidh e suas do'n t-sliabh: agus *bha* Maois 's an t-sliabh dà fhichead là agus dà fhichead oidheche.

CAIB. XXV.

1 *Tabhartais air son a' phàilliuin.* 10 *Cumadh na h-àirce.* 17 *A' chaithir-thròcair.*

AGUS labhair an Tighearna ri Maois ag ràdh,

2 Labhair ri cloinn Israeil, gu'n toir iad a m' ionnsuidh tabhartas: o gach duine a bheir seachad gu toileach e le 'chridhe, gabhaidh sibh mo thabhartas.

3 Agus *is* e so an tabhartas a ghabhas sibh uatha; òr, agus airgid, agus umha,

4 Agus gorm, agus coreur, agus scarlaid, agus anart grinn, agus *fionnadh* ghabhar,

5 Agus croicinneau reitheachan air an dath dearg, agus croicinnean bhroc, agus fiodh sitim,

6 Oladh chum soluis, spìosraidh chum oiadh-ungaidh, agus a chum tùise deadh-bholaidh,

7 Clachan onics, agus clachan ri 'n cur anns an ephoid, agus 's an uchd-éididh.

8 Agus ni iad dhomh *ionad* naomh, agus gabhaidh mise còmhnuidh 'n am measg.

9 A réir gach ni a leigeas mise dhuit fhaicinn, *a réir* samhlaidh a' phàilliuin, agus samhlaidh 'airneis uile, eadhon mar sin ni sibh.

10 Agus ni iad àirce de fhiodh sitim: dà làmh-choille gu leth a fad, agus làmh-choille gu leth a leud, agus làmh-choille gu leth a h-àirde.

11 Agus còmhdaichidh tu thairis i le h-òr fìor-ghlan, a stigh agus a muigh còmhdaichidh tu thairis i; agus ni thu oirre coron òir mu'n cuairt.

12 Agus ni thu air a son ceithir failbheagan òir, agus cuiridh tu *iad* air a ceithir oisinnibh; agus *bithidh* dà fhaillbheig air

aon taobh dh'i, agus dà fhaillbheig air an taobh eile dh'i.

13 Agus ni thu bataichean de fhiodh sitim, agus còmhdaichidh tu thairis iad le h-òr.

14 Agus cuiridh tu na bataichean anns na faillbheagaibh air taobhan na h-àirce, chum an àirce a ghiùlan leo.

15 Ann am failbheagaibh na h-àirce bithidh na bataichean: cha ghluaisear uaipe iad.

16 Agus cuiridh tu 's an àirce an Fhianuis a bheir mise dhuit.

17 Agus ni thu caithir-thròcair a dh'òr fìor-ghlan; dà làmh-choille gu leth a fad, agus làmh-choille gu leth a leud.

18 Agus ni thu dà cherub òir; a dh' obair bhualte ni thu iad, aig dà cheann na caithir-thròcair.

19 Agus ni thu aon cherub aig aon cheann, agus cherub eile aig a' cheann eile de'n chaithir-thròcair: ni sibh na cherubanan aig a dà cheann.

20 Agus bithidh na cherubanan a' sìneadh a mach an sgiathan gu h-àrd, a' còmhdaichidh na caithir-thròcair le'n sgiathaibh, agus an aghaidhean r'a chèile: ris a' chaithir-thròcair bithidh aghaidhean nan cherub.

21 Agus cuiridh tu a' chaithir-thròcair suas air an àirce, agus anns an àirce cuiridh tu an Fhianuis a bheir mise dhuit.

22 Agus coinnichidh mise thu an sin, agus labhradh mi riut o uachdar na caithir-thròcair, o eadar an dà cherub a *tha* air àirce na Fianuis a thaobh gach ni a dh' àithneas mi dhuit do chloinn Israeil.

23 Agus ni thu bòrd de fhiodh sitim; dà làmh-choille 'fhad, agus làmh-choille a leud, agus làmh-choille gu leth 'àirde.

24 Agus còmhdaichidh tu thairis e le h-òr fìor-ghlan, agus ni thu dha coron òir mu'n cuairt.

25 Agus ni thu dha iomall de leud boise mu'n cuairt, agus ni thu coron òir d'a iomall mu'n cuairt.

26 Agus ni thu dha ceithir failbheagan òir, agus cuiridh tu na failbheagan air na ceithir oisinnibh a *tha* aig a ceithir chosaibh.

27 Fa chion hair an iomail bithidh na failbheagan, chum àitean do na bataichibh, gus am bòrd a ghiùlan.

28 Agus ni thu na bataichean de fhiodh sitim, agus còmhdaichidh tu thairis iad le h-òr, agus giùlainear am bòrd leo.

29 Agus ni thu a mliasan, agus a thùseir-eau, agus a chuachan, agus a chopain, leis an toirear seachad iobairt-dìbbie; a dh'òr fìor-ghlan ni thu iad.

30 Agus cuiridh tu air a' bhòrd aran tais-beanaidh romhanis an còmhnuidh.

31 Agus ni thu coinnleir a dh'òr fìor-ghlan; a dh'obair bhualte nithear an coinnleir. Bithidh a chos, agus a mheoir, a chopain, a chnapan, agus a bhilathan, de'n obair cheudna.

32 Agus thig sè meoir a mach as a thaobhan; tri meoir a' choinnleir á h-aon taobh dh'è, agus tri meoir a' choinnleir as an taobh eile dh'è.

33 Tri copain air an deanamh cosmhuil ri almonaibh ann an aon mheur, *maille ri* cnap agus blàth; agus tri copain air an deanamh cosmhuil ri almonaibh anns a' mheur eile, *maille ri* cnap agus blàth; mar sin anns na sè meoir a thig a mach as a' choinnleir.

34 Agus anns a' choinnleir *bithidh* ceithir chopain air an deanamh cosmhuil ri almonaibh, *maille ri* 'n cnapaibh agus am blàthaibh.

35 Agus *bithidh* cnap fo dhà mheur dheth, agus cnap fo dhà mheur dheth, agus cnap fo dhà mheur dheth; *mar sin* do na sè meoir a thig a mach as a' choinnleir.

36 Bithidh an cnaip agus am meoir de'n obair cheudna: *bithidh* e uile 'n a aon obair bhualte de òr fìor-ghlan.

37 Agus ni thu dha seachd lòchrain: agus cuirèar suas a lòchrain, a chum gu'n toir iad solus thall fa chomhair.

38 Agus *bithidh* a chlobhachan, agus a sloithichean smàlaidh a dh'òr fìor-ghlan.

39 De thàlam a dh'òr fìor-ghlan nìthear e, *maille ris* na soithichibh sin uile.

40 Agus feuch gu'n dean thu *iad* a réir an t-samhlaidh, a chaidh leigeadh fhaicinn dhuit 's an t-sliabh.

CAIB. XXVI.

1 Deich cùirteinean a' phàilliuin. 31 Am brat air son na h-àirce.

AGUS ni thu am pàilliuin le deich cùirteinibh a dh' anart grinn toimnte, agus de ghorm, agus de chorcur, agus de scarlaid: *maille ri* cherubaibh a dh'obair ealanta ni thu iad.

2 Fad aoin chùirtein oehd làmhan-coille thar fhichead, agus leud aoin chùirtein, ceithir làmhan-coille: an t-aon tomhas do na cùirteinibh uile.

3 Bithidh cùig cùirteinean air an ceangal gach aon r'a chéile; agus na cùig cùirteinean eile air an ceangal gach aon r'a chéile.

4 Agus ni thu lùban de ghorm air oir aoin chùirtein, o'n iomall anns a' cho-aonadh: agus air a' mhodh cheudna ni thu 'a 'n oir a' chùirtein a's fhaide mach, ann an co-aonadh an dara aoin.

5 Leth-cheud lùb ni thu ann an aon chùirtein, agus leth-cheud lùb ni thu 'a 'n oir a' chùirtein a tha ann an co-aonadh an dara aoin; a chum's gu'n gabh na lùban greim d'a chéile.

6 Agus ni thu leth-cheud cromag òir, agus ceanglaidh tu na cùirteinean r'a chéile leis na cromagaibh: agus bithidh e 'n a aon phàilliuin.

7 Agus ni thu cùirteinean de fhionmadh ghabhar gu bhì 'n an còmhdach air a'

phàilliuin: aon chùirtein deug ni thu dhiubh.

8 Fad aoin chùirtein deich làmhan-coille thar fhichead, agus leud aoin chùirtein ceithir làmhan-coille: *bithidh* an t-aon chùirtein deug uile dh'aon tomhas.

9 Agus cuiridh tu ri' chéile cùig cùirteinean leo féin, agus sè cùirteinean leo féin, agus dùblaichidh tu an seathamh cùirtein air taobh beoil a' bhùtha.

10 Agus ni thu leth-cheud lùb air oir an aoin chùirtein a's fhaide mach 's a' cho-aonadh, agus leth-cheud lùb air oir a' chùirtein a tha 'co-aonadh an dara aoin.

11 Agus ni thu leth-cheud cromag a dh'umha, agus cuiridh tu na cromagan anns na làubaibh, agus cuiridh tu am bùth r'a chéile, air chor as gu'm bi e 'n a aon.

12 Agus am fuigheall a dh'fhàgar de chùirteinibh a' bhùtha, leth a' chùirtein a dh'fhàgar, crochar c thar taobh-cùil a' phàilliuin.

13 Agus làmh-choille air an taobh so, agus làmh-choille air an taobh eile de na dh'fhàgadh air am fad de chùirteinibh a' bhùtha, crochar e thar taobhan a' phàilliuin, air an taobh so, agus air an taobh eile, g'a chòmhdachadh.

14 Agus ni thu còmhdach air son a' bhùtha de chroicinnibh reitheachan air an dath dearg, agus còmhdach de chroicinnibh bhroc os a cheann.

15 Agus ni thu buird air son a' phàilliuin de fhiodh sìtim, 'n an seasamh:

16 Deich làmhan-coille fad buird, agus làmh-choille gu leth leud aoin bhuird.

17 *Bithidh* dà làmh aig aon bhòrd, air an cur 'an ordugh fa chomhair a chéile; mar so ni thu do uile bhòrdaibh a' phàilliuin.

18 Agus ni thu na buird air son a' phàilliuin, fichead bòrd air an taobh deas, ris an àirde deas.

19 Agus ni thu dà fhichead cos airgid, fo 'n fhichead bòrd: dà chois fo aon bhòrd a réir a dhà làmh, agus dà chois fo bhòrd eile a réir a dhà làmh.

20 Agus air son an dara taobh de'n phàilliuin air an taobh tuath, fichead bòrd;

21 Agus an dà fhichead cos a dh' airgid, dà chois fo aon bhòrd, agus dà chois fo bhòrd eile.

22 Agus air son taobhan a' phàilliuin air an làmh an iar, ni thu sè buird.

23 Agus ni thu dà bhòrd air son oisinn a' phàilliuin 's an dà thaobh.

24 Agus bithidh iad air an ceangal foidhe, agus mar an ceudna bithidh iad air an ceangal os a cheann ri aon fhailbheig: mar so nìthear riù le 'chéile; bithidh iad air son an dà oisinn.

25 Agus bithidh oehd buird ann, agus an cosan a dh'airgid, sè cosan deug; dà chois fo aon bhòrd, agus dà chois fo bhòrd eile.

26 Agus ni thu croinn de fhiodh sìtim;

cùig air son nam bòrd air aon taobh de'n phàilliuin.

27 Agus cùig croinn air son nam bòrd air an taobh eile de'n phàilliuin, agus cùig croinn air son bhòrd taobh a' phàilliuin air son an dà thaobh an iar.

28 Agus ruigidh an crann meadhonach ann am meadhon nam bòrd o cheann gu ceann.

29 Agus còmhdaichidh tu thairis na buird le h-òr, agus ni thu am failbheagan a dh'òr mar àiteachan do na crannaibh: agus còmhdaichidh tu thairis na croinn le h-òr.

30 Agus togaidh tu suas am pàilliuin a rèir a shamhlaidh, a nochdadh dhuit 's an t-sliabh.

31 Agus ni thu brat de ghorm, agus de chorcur, agus de scarlaid, agus a dh'anart grinn toimnte: a dh'obair calanta nithear c. le cherubaibh.

32 Agus crochaidh tu e air ceithir puist de fhiodh sitim, air an còmhdaichidh thairis le h-òr: agus bithidh an cromagau a dh'òr, air na ceithir bonaibh airgid.

33 Agus crochaidh tu suas am brat fo na cromagaibh, agus bheir thu steach ann an sin àir na Fianuis, an taobh a stigh de'n bhrat: agus roinnidh am brat dhuibhse eadar an t-ionad naomh agus an t-ionad ro uaomh.

34 Agus cuiridh tu a' chaithir-thrècair air àire na Fianuis, 's an ionad ro naomh.

35 Agus cuiridh tu an bòrd an leth muigh de'n bhrat, agus an coinnleir fa chomhair a' bhuird air taobh deas a' phàilliuin: agus cuiridh tu am bòrd air an taobh tuath.

36 Agus ni thu còmhdach air son doruis a' bhùtha, de ghorm, agus de chorcur, agus de scarlaid, agus de anart grinn toimnte, oibrichte le h-obair ghrèise.

37 Agus ni thu air son a' chòmhdaich cùig puist de fhiodh sitim, agus còmhdaichidh tu thairis iad le h-òr, agus bithidh an cromagan a dh'òr, agus tilgidh tu air an son cùig buinn umha.

CAIB. XXVII.

1 Altair na h-àbairt-loisgte, agus a soithichean.
9 Cùirt a' phàilliuin. 20 Oladh fhìor-ghlan a' chroinn-olaidh air a toirt air son soluis.

AGUS ni thu altair de fhiodh sitim: cùig làmh-an-coille air fad, agus cùig làmh-an-coille air leud: bithidh an altair ceithir-chearnach, agus a h-àirde trì làmh-an-coille. 2 Agus ni thu a h-adhaircean air a ceithir oisiumibh: bithidh a h-adhaircean de'n ni cheudna: agus còmhdaichidh tu thairis i le h-umha.

3 Agus ni thu a h-aighnean a ghabhail a luatha, agus a sluasaidean, agus a cuachan, agus a greinichean, agus a h-aighnean-teine: a soithichean uile ni thu a dh'umha.

4 Agus ni thu dh'i cliath de lìon-obair umha: agus ni thu air an lìon ceithir failbheagan umha air a cheithir oisiumibh.

5 Agus cuiridh tu e fo chuairt ua h-altarach gu h-ìosal, agus bithidh an lìon gu ruig meadhon na h-altarach.

6 Agus ni thu bataichean do'n altair, bataichean de fhiodh sitim, agus còmhdaichidh tu thairis iad le h-umha.

7 Agus cuirear na bataichean anns na failbheagaibh, agus bithidh na bataichean air dà thaobh na h-altarach g'a giùlan.

8 Fàs le bòrdaibh ni thu i; mar a nochdadh dhuit 's an t-sliabh, mar sin nithear i.

9 Agus ni thu cùirt a' phàilliuin air an taobh deas, ri deas: bithidh cùirteinean air son na cùirte dh' anart grinn toimnte; ceud làmh-choille 'am fad air aon taobh.

10 Agus bithidh a fichead post, agus am fichead bonn a dh'umha: bithidh cromagan nam post, agus an cuairteagan, a dh-airgiod.

11 Agus mar an ceudna air an taobh tuath air fad, bithidh cùirteinean ceud làmh-choille air fad, agus a fichead post, agus am fichead bonn a dh'umha: cromagan nam post, agus an cuairteagan, a dh-airgiod.

12 Agus air leud na cùirte air an taobh an iar, bithidh cùirteinean de leth-cheud làmh-choille: am puist deich, agus am buinn deich.

13 Agus bithidh leud na cùirte air an taobh an ear, ris an àird an ear, leth-cheud làmh-choille.

14 Agus bithidh na cùirteinean air aon taobh cùig làmh-an-choille deug: am puist trì, agus am buinn trì.

15 Agus air an taobh eile bithidh a cùirteinean cùig làmh-an-coille deug: am puist trì, agus am buinn trì.

16 Agus air son geata na cùirte bithidh brat a dh'fhichead làmh-choille, de ghorm, agus de chorcur, agus de scarlaid, agus a dh'anart grinn toimnte, oibrichte le h-obair shùthaide: am puist ceithir, agus am buinn ceithir.

17 Bithidh na puist uile timchioll na cùirte air an ceangal mu'n cuairt le h-airgiod: bithidh an cromagan a dh'airgiod, agus am buinn a dh'umha.

18 Fad na cùirte ceud làmh-choille, agus a leud leth-cheud làmh-choille 's gach àite, agus a h-àirde cùig làmh-an-coille, a dh'anart grinn toimnte; agus am buinn a dh'umha.

19 Bithidh uile soithichean a' phàilliuin, 'n a sheirbhis uile, agus a phinncean uile, agus pinneachan na cùirte uile de umha.

20 Agus àithnidh tu do chloinn Israeil, gu'n toir iad a d'ionnsuidh oladh fhìor-ghlan a' chroinn-olaidh, brùite air son an t-soluis, a thoirt air an lòchran lasadh an còmh-nuidh.

21 Ann am bùth a' choimhthionail an taobh a muigh de'n bhrat, a tha fa chomhair na Fianuis, orduichidh Aaron c, agus a mhic, o fheasgar gu maduinn an làthair an Tighe-

earna : *bithidh e 'n a reachd sìorruidh d'an ginealachaisibh, à leth chloinn Israeil.*

CAIB. XXVIII.

1 *Chuireadh Aaron agus a mhic air leth air son dreuchd an t-sagairt. 6 An ephod. 30 An Urim agus an Tumim, &c.*

AGUS gabh a d'ionnsuidh Aaron do bhràthair, agus a mhic maille ris, o mheasg chloinn Israeil, a chum gu fritheil e dhomhsa ann an dreuchd an t-sagairt *eadhon* Aaron, Nadab agus Abihu, Eleasar agus Itamar, mic Aaron.

2 Agus ni thu éididh naomha do d' bhràthair Aaron, air son glòire, agus air son maise.

3 Agus labhraidh tu riu-san uile a *tha* glie 'an cridhe, a lion mise le spiorad a' ghliocais; agus ni iad éididh Aaron, g'a choisreagadh, a chum gu fritheil e dhomhsa ann an dreuchd an t-sagairt.

4 Agus so na h-éididha ni iad; uchd-éididh, agus ephod, agus falluinn, agus còta iomadh-dathach, crùn-sagairt, agus crios: agus ni iad éididh naomha air son Aaron do bhràthar, agus air son a mhac, a chum gu fritheil e dhomhsa ann an dreuchd an t-sagairt.

5 Agus gabhaidh iad òr, agus gorm, agus corcur, agus scarlaid, agus anart grinn.

6 Agus ni iad an ephod *de òr, de ghorm, agus de chorcur, agus de scarlaid, agus de anart grinn toinnte, le h-obair ealanta.*

7 Bithidh an dà mhir-guailne aice ean-gailte r'a chéile aig a dà oir; agus *mar sin* cuirear ri 'chéile i.

8 Agus bithidh crios rìomhach na h-ephoid a *tha* air a h-uachdar, a réir a h-oibre féin, de'n ni cheudna, *eadhon de òr, de ghorm, agus de chorcur, agus de scarlaid, agus de anart grinn toinnte.*

9 Agus gabhaidh tu dà chloich onics, agus gearraidh tu orra ainmean chloinn Israeil.

10 Sè d'an ainmibh air aon chloich, agus sè ainmean chàich air a' chloich eile, a réir an aoise.

11 Le h-obair gearradair 'an cloich, le gearradh seulaidh, gearraidh tu an dà chloich, le ainmibh chloinn Israeil: bheir thu fainear an ceangal ann am failbheagaibh òir.

12 Agus cuiridh tu an dà chloich air guailnibh na h-ephoid, *mar* chlachan cuimhneachain do chloinn Israeil. Agus giùlainidh Aaron an ainmean ann an làthair an Tighearn' air a dhà ghualainn, mar chuimhneachan.

13 Agus ni thu failbheagan òir;

14 Agus dà shlabhruidh *dh'òr* fìor-ghlan aig na cinn: ni thu iad a *dh'obair* fhighte, agus ceanglaidh tu na slabhruidhean fìgte ris na failbheagan:

15 Agus ni thu uchd-éididh a' bhreitheanais le h-obair ealanta; a réir oibre na h-ephoid

ni thu i: *de òr, de ghorm, agus de chorcur agus de scarlaid, agus de anart grinn toinnte ni thu i.*

16 Ceithir-chearnach bithidh i, agus dà-fhillte; réis a fad, agus réis a leud.

17 Agus cuiridh tu innte suidheachadh chlach, *eadhon* ceithir sreathan chlach; a' cheud sreath, sardius, topas, agus carbuncle: so a' cheud sreath.

18 Agus an dara sreath; emerald, saphir, agus daoimein.

19 Agus an treas sreath; ligur, agat, agus ametist.

20 Agus an ceathramh sreath; beril, agus onics, agus iasper; ceanglar iad le h-òr 'n an suidheachadh.

21 Agus bithidh na clachan le ainmibh chloinn Israeil, a dhà-dheug, a réir an ainmean; le gearradh seulaidh, bithidh gach aon aca le 'h-ainm féin a réir an dà thréibh dheug.

22 Agus ni thu air an uchd-éididh slabhruidhean aig na cinn a *dh'obair* fhighte, *dh'òr* fìor-ghlan.

23 Agus ni thu air an uchd-éididh dà fhàinne òir, agus cuiridh tu 'n dà fhàinne air dà cheann na h-uchd-éididh.

24 Agus cuiridh tu 'n dà shlabhruidh fhighte òir 's an dà fhàinne, a *tha* air cinn na h-uchd-éididh.

25 Agus dà cheann eile na dà shlabhruidh fhighte daing nichidh tu anns an dà fhail, agus cuiridh tu *ad* air mìribh-guailne na h-ephoid air a beulaobh.

26 Agus ni thu dà fhàinne òir, agus cuiridh tu iad air dà cheann na h-uchd-éididh, 's an oir sin dith, a *tha* aig taobh na h-ephoid a stigh.

27 Agus ni thu dà fhàinne eile de òr, agus cuiridh tu iad air dà thaobh na h-ephoid foidhpe, làimh r'a cuid-thoisich, fa chomhair a co-aonaidh eile, os ceann crios rìomhaich na h-ephoid.

28 Agus ceanglaidh iad an uchd-éididh le a fàinnibh, ri fàinnibh na h-ephoid le h-éill ghuirn, chum as gu'm bi i os ceann crios rìomhaich na h-ephoid, agus nach fuasglar an uchd-éididh o'n ephoid.

29 Agus giùlainidh Aaron ainmean chloinn Israeil ann an uchd-éididh a' bhreitheanais, air a cridhe, 'n uair a théid e steach do'n *ionad* naomh, mar chuimhneachan ann an làthair an Tighearna a ghnàth.

30 Agus cuiridh tu ann an uchd-éididh a' bhreitheanais, an Urim agus an Tumim; agus bithidh iad air cridhe Aaron, an uair a théid e steach an làthair an Tighearna; agus giùlainidh Aaron breitheanas chloinn Israeil air a chridhe, ann a làthair an Tighearn' an còmhnuidh.

31 Agus ni thu falluinn na h-ephoid uile de ghorm.

32 Agus bithidh toll 'n a mullach, 'n a meadhon: bithidh oir aice timchioll a tuill

a dh'obair fhighe, mar tholl àirich mhàill-
ich, a chum as nach reubar i.

33 Agus gu h-ìosal, air a h-ìomall, ni thu pomgranata de ghorm, agus de choreur, agus de scarlaid, air a h-ìomall mu'n cuairt; agus cluig òir eatorra mu'n cuairt.

34 Clag òir agus pomgranat, clag òir agus pomgranat, air ìomall na falluinn' mu'n cuairt.

35 Agus bithidh i air Aaron gu frithealadh: agus cluinnear a fuaim, an uair a thèid e steach do'n ìonad naomh an làthair an Tighearna, agus an uair a thig e mach, a chum nach bàsaich e.

36 Agus ni thu leac a dh' òr fìor-ghlan, agus gearraidh tu oirre, *cosmhuil ri* gearradh seulaidh, NAOMHACHD DO'N TIGHEARN.

37 Agus cuiridh tu i air èill ghuirm, agus bithidh i air a' chrùn-shagairt: air taobh beoil a' chrùn-shagairt bithidh i.

38 Agus bithidh i air clàr eudain Aaron, agus giùlainidh Aaron cionta nan nithean naomha, a choisrigeas clann Israeil 'n an fìodhlacaibh naomha uile: agus bithidh i air clàr 'eudain an còmhnuidh, a chum as gu'm bi iad taitneach an làthair an Tighearna.

39 Agus ni thu 'n còta le h-obair ghrèise dh'anart grinn, agus ni thu'n crùn sagairt a dh'anart grinn, agus ni thu 'n crios a dh'obair shnàthaide.

40 Agus do mhic Aaron ni thu còtaichean, agus ni thu dhoibh criosan, agus boineidean ni thu dhoibh, air son glòire agus air son maise.

41 Agus cuiridh tu iad air Aaron do bhràthair, agus air a mhic maille ris; agus ungaidh tu iad, agus coisrigidh tu iad, agus naomhaichidh tu iad; agus fritheilidh iad dhomhsa ann an dreuchd an t-sagairt.

42 Agus ni thu dhoibh briogais anairt a dh'fholach an lomocheduidh: o'n leasruidh ea' hon gus an sléisdcan ruigidh iad.

43 Agus bithidh iad air Aaron, agus air a mhic, an uair a thig iad a stigh do phàilliuin a' choimhthionail, no 'n uair a thig iad an fagus do'n altair, a fhrithealadh 's an ìonad naomh; chum as nach giùlain iad aingidh-eachd, agus nach faigh iad bàs: *bithidh e 'n a'* reachd sìorruidh dha fèin, agus d'a shliochd 'f a dhéigh.

CAIB. XXIX.

1 An ùbairt, &c. aig coisreagadh nan sagart
33 An iobairt-loisgte bith-bhuan.

AGU S so an ni a ni thu riu chum an coisreagadh, gu frithealadh d' omhsa ann an dreuchd an t-sagairt: Gabh aon tarbh òg, agus dà reithe gun ghaoid

2 Agus aran neo-ghoirtichte, agus breacagan neo-ghoirtichte coimhmeasgta le h-oladh, agus gearragan neo-ghoirtichte, ungta le h-oladh: de phlùr a' chruithneachd ni thu iad.

3 Agus cuiridh tu iad ann an aon blascaid, agus bheir thu iad leat 's a blascaid, maille ris an tarbh òg agus an dà reithe.

4 Agus bheir thu Aaron agus a mhic gu dorus pàilliuin a' choimhthionail, agus ionnlaididh tu iad le h-uisge.

5 Agus gabhaidh tu an éididh, agus cuiridh tu an còta air Aaron, agus falluinn na h-ephoid, agus an ephod, agus an uchd-éididh, agus crioslaichidh tu e le crios rionhach na h-ephoid.

6 Agus cuiridh tu an crùn-sagairt air a cheann, agus an crùn naomh air a' chrùn-shagairt.

7 Agus gabhaidh tu 'n oladh-ungaidh, agus dòirtidh tu air a cheann i, agus ungaidh tu e.

8 Agus bheir thu leat a mhic, agus cuiridh tu còtaichean orra.

9 Agus crioslaichidh tu iad le criosaibh (Aaron agus a mhic) agus cuiridh tu na boineidean orra: agus is leo-san dreuchd an t-sagairt le reachd bith-bhuan: agus coisrigidh tu Aaron agus a mhic.

10 Agus bheir thu faineir an tarbh a thoirt gu beulaobh pàilliuin a' choimhthionail: agus cuiridh Aaron agus a mhic an làmh air ceann an tairbh.

11 Agus marbhaidh tu an tairbh an làthair an Tighearna, làmh ri dorus pàilliuin a' choimhthionail.

12 Agus gabhaidh tu de fhuil an tairbh, agus cuiridh tu i air adhaircibh na h-altarach le d'mheur, agus dòirtidh tu 'n fhuil uile aig bun na h-altarach.

13 Agus gabhaidh tu 'n t-saill uile a tha còmhdaich a' mhìonaich, agus an scairt a tha os ceann nan àinean, agus an dà àra, agus an t-saill a tha orra, agus loisgidh tu iad air an altair.

14 Ach feoil an tairbh agus a sheiche, agus 'aolach loisgidh tu le teine an taobh a muigh de'n champ: *is tabhartas*-peacaidh e.

15 Gabhaidh tu mar an ceudna aon reithe, agus cuiridh Aaron agus a mhic an làmh air ceann an reithe.

16 Agus marbhaidh tu an reithe, agus gabhaidh tu fhuil, agus crathaidh tu i mu'n cuairt air an altair.

17 Agus gearraidh tu an reithe 'n a mhiribh, agus nighidh tu a mhìonach, agus a chosan, agus cuiridh tu iad air a mhiribh, agus air a cheann.

18 Agus loisgidh tu an reithe uile air an altair: *is tabhartas-loisgte* e do'n Tighearna; àille cùbhraidh, tabhartas air a thoirt suas le teine do'n Tighearna.

19 Agus gabhaidh tu an reithe eile, agus cuiridh Aaron agus a mhic an làmh air ceann an reithe.

20 An sin marbhaidh tu an reithe, agus gabhaidh tu d'a fhuil, agus cuiridh tu i air bàrr cluaise deis' Aaron, agus air bàrr cluaise deis' a mhac, agus air ordaig an làimhe deise, agus air ordaig an coise deise;

agus crathaidh tu an fhuil air an altair mu'n cuairt.

21 Agus gabhaidh tu de'n fhuil a *tha* air an altair, agus de'n oladh-ungaidh, agus crathaidh tu *iad* air Aaron, agus air 'éididh, agus air a mhic, agus air 'éididh a mhac maille ris: agus coisrigear e féin, agus 'éididh, agus a mhic, agus 'éididh a mhac maille ris.

22 Mar an ceudna gabhaidh tu de'n reithe an t-saill, agus bun an earbaill, agus an t-saill a *tha* 'còmhdachadh a' mionaich, agus scairt nan àinean, agus an dà àra, agus an t-saill a *tha* orra, agus an slinnean deas; oir *is* reithe coisreagaidh e.

23 Agus aon bhuilinn arain, agus aon bhreacag arain le h-oladh, agus aon ghearrag á bascad an arain neo-ghoirtichte a *tha* 'n lathair an Tighearna'.

24 Agus cuiridh tu *iad* uile ann an lāmhan Aaroin, agus ann an lāmhan a mhac; agus luaisgidh tu *iad* mar thabhartas-luaisgte an lathair an Tighearna.

25 Agus gabhaidh tu iad bhàrr an lāmh, agus loisgidh tu *iad* air an altair mar thabhartas-loisgte, chum faile cùbhraidh an lathair an Tighearna: *is* tabhartas e air a thoirt suas le teine do'n Tighearna.

26 Agus gabhaidh tu an t-uchd o reithe coisreagaidh Aaroin, agus luaisgidh tu e mar thabhartas-luaisgte an lathair an Tighearna: agus bithidh sin agad sa mar chuibhrionn.

27 Agus naomhaichidh tu uchd an tabhartais-luaisgte, agus slinnean an tabhartais-thogta, a chaidh luasgadh, agus a thogail suas do reithe a' choisreagaidh, *eadhon de'n ni sin a's* le h-Aaron, agus de'n ni sin a *bhuineas* d'a mhic.

28 Agus bithidh e le h-Aaron agus le 'mhic le reachd bith-bhuan o chloinn Israeil; oir *is* tabhartas-togta e: agus bithidh e 'n a thabhartas-togta o chloinn Israeil de iobairtibh an tabhartasan-sith, *eadhon* an tabhartas-togta do'n Tighearna.

29 Agus is le mic Aaroin 'éididh naomhsan 'n a dhéigh, gu' bhi air an ungadh innte, agus gu' bhi air an coisreagadh innte.

30 Seachd làithean cuiridh esan d'a mhic air i, a bhitheas 'n a shagart 'n a àit, a théid a stigh do phàillium a' choimhthionail, a fhrithealadh 's an *ionad* naomh.

31 Agus gabhaidh tu reithe a' choisreagaidh, agus bruichidh tu 'fheoil 's an *ionad* naomh.

32 Agus ithidh Aaron agus a mhic feoil an reithe, agus an t-aran a *tha* 's a' bhascad, aig dorus pàillium a' choimhthionail.

33 Agus ithidh iad na nithean sin leis an d'rinneadh an réite, chum an coisreagadh agus an naomhachadh: ach cha-n ith coisreach *dhiubh*, do bhrìgh gu *bheil* iad naomh.

34 Agus ma dh'fhàgar a' bheaga dh'fheoil a' choisreagaidh, no 'bheag de'n aran, agus a' mhaduinn, an sin loisgidh tu am fuigheall

le teine: cha-n ithear e, do bhrìgh gu *bheil* e naomh.

35 Agus ni thu mar so ri h-Aaron, agus r'a mhic, a réir nan uile *nithean* a dh'aitthin mise dhuit: seachd làithean coisrigidh tu *iad*.

36 Agus bheir thu seachad gach là tarbh òg *mar* thabhartas-peacaidh, chum réité: agus glanaidh tu an altair, an uair a ni thu réite air a son, agus ungaidh tu i chum a naomhachadh.

37 Seachd làithean ni thu réite air son na h-altarach, agus naomhaichidh tu i; agus bithidh i 'n a h-altair ro naomh: gach ni a bheanas ris an altair, naomhaichear e.

38 Agus so an ni a bheir thu seachad air an altair; dà uan a dh'aois bliadhna, o là gu là an còmhnuidh.

39 Aon uan bheir thu seachad 's a' mhaduinn, agus an t-uan eile bheir thu seachad mu fheasgar.

40 Agus maille ris an aon uan an deicheamh cuid de phlàr mìn measgta leis a' cheathramh cuid de hin a dh'olaidh bhrùite; agus an ceathramh cuid de hin a dh'fhion, *mar* thabhartais-dìbhe.

41 Agus an t-uan eile bheir thu seachad mu fheasgar, *agus* ni thu ris a réir tabhartais-bìdh na maidne, agus a réir a tabhartais-dìbhe, mar fhàile cùbhraidh, tabhartas air a thoirt suas le teine do'n Tighearna.

42 *Bithidh so* 'n a thabhartas-loisgte bith-bhuan air feadh bhuir ginealach, aig dorus pàillium a' choimhthionail an lathair an Tighearna, far an coinnich mise sibh, a labhairt riutsa an sin.

43 Agus an sin coinnichidh mise clann Israeil, agus naomhaichear am pàillium le m' ghloir.

44 Agus naomhaichidh mi pàillium a' choimhthionail, agus an altair: naomhaichidh mi mar an ceudna Aaron agus a mhic, gu fhrithealadh dhomh ann an dreuchd an t-sagairt.

45 Agus gabhaidh mi còmhnuidh am measg chloinn Israeil, agus bithidh mi a'm' Dhia aca.

46 Agus bithidh fios aca gur mise an Tighearna an Dia, a thug a mach iad á tìr na h-Eipht, a chum 's gu'n gabh mi còmhnuidh 'n am measg: *is* mise an Tighearna an Dia.

CAIB. XXX.

1 *Altair na tìse.* 11 *Eiric gach duine air son 'anama.* 22 *An oladh-ungaidh naomh.* 34 *Am boitreachan cùbhraidh.*

AGUS ni thu altair a losgadh tùise oirre; de fhiodh sitim ni thu i:

2 Lāmh-choille a fad, agus lāmh-choille a leud (ceithir-chearnach bithidh i) agus dà lāmh-choille a h-àirde; *bithidh* a h-adhaircean de'n *ni* cheudna.

3 Agus còmhdaichidh tu thairis i le h-òr fìor-ghlan, a nullach, agus a taobhan mu'n

cuairt, agus a h-adhaircean: agus ni thu dh'i coron òir mu'n cuairt.

4 Agus dà fhaillbheig òir ni thu dh'i fo a coron; aig a dà oisinn ni thu *iad*, air a dà thaobh: agus bithidh iad air son àiteachan do na bataichibh chum a giùlan leo.

5 Agus ni thu na bataichean *de* fhiodh sitim, agus còmhdaichidh tu thairis iad le h-òr.

6 Agus cuiridh tu i fa chomhair an roinn-bhrat, a tha làimh ri àire na Fianuis; air beulaobh na caithir-thròcair, a *tha* os ceann na Fianuis, far an coinnich mise thu.

7 Agus loisgidh Aaron tùis chùbhraidh oirre gach maduinn: an uair a dh-casaicheas e na lòchrain, loisgidh e tùis oirre.

8 Agus an uair a lasas Aaron na lòchrain mu fheasgar, loisgidh e tùis oirre; tùis bhith-bhuan an làthair an Tighearna, air feadh bhur ginealach.

9 Cha loisg sibh tùis choimheach sam bith oirre, no iobairt-loisgte, no tabhartas-bidh; ui mò dhòirtcas sibh tabhartas-dìbhe oirre.

10 Agus ni Aaron réite air a h-adhaircibh aon uair 's a' bhliadhna, le fuil iobairt-phcacadh na réite: aon uair 's a' bhliadhna ni e réite oirre, air feadh bhur ginealachan: tha i ro naomh do'n Tighearn.

11 Agus labhair an Tighearn ri Maois, ag ràdh,

12 'N uair a ghabhas tu cunntas chloinn Israeil a réir an àireimh, an sin bheir gach duine dhiubh éiric air son 'anama do'n Tighearn, 'n uair a dh'àirmheas tu iad; a chum nach bi plàigh 'n am measg, an uair a dh'àirmheas tu iad.

13 So bheir iad uatha, gach aon a théid seachad 'n am measgsan a dh'àirmhear; leth seceil, a réir seceil an *ionaid* naoimh ('s e seceil fheadh gerah) leth seceil mar tabhartas do'n Tighearn.

14 Bheir gach aon a théid seachad 'n am measgsan a dh'àirmhear, o fhichead bliadhna dh'aois agus os a cheann, tabhartas do'n Tighearn.

15 Cha toir an saoi bhir tuilleadh, agus cha toir am bochd ni's lugha na leth seceil, an uair a bheir *iad* tabhartas do'n Tighearn, a dheanamh réite air son bhur n-anaman.

16 Agus gabhaidh tu airgid na réite o chloinn Israeil, agus cuiridh tu air leth e fa chomhair seirbhis pàilliuin a' choimhthionail; agus bithidh e 'n a chuimhneachan do chloinn Israeil an làthair an Tighearna, a dheanamh réite air son bhur n-anaman.

17 Agus labhair an Tighearn ri Maois, ag ràdh,

18 Ni thu mar an ceudna do theach-ionnlaid a *dh'*umha, agus a chos a *dh'*umha, chum ionnlaid: agus cuiridh tu e eadar pàilliuin a' choimhthionail agus an altair, agus cuiridh tu uisge ann.

19 Agus ionnlaididh Aaron agus a mhie an làmhan, agus an cosan as.

20 'N uair a théid iad a steach do phàilliuin a' choimhthionail, ionnlaididh siad iad féin le h-uisge, chum as nach faigh iad bàs; no 'n uair a thig iad am fagus do'n altair a fhrithéaladh, a losgadh tabhartais a bheir suas le teine do'n Tighearn.

21 Agus ionnlaididh iad an làmhan agus an cosan, a chum as nach faigh iad bàs: agus bithidh e 'n a ordugh bith-bhuan dhoibh, *eachdon* dha féin agus d'a shliochd air feadh an gincalach.

22 Agus labhair an Tighearn ri Maois, ag ràdh,

23 Gabh-sa dhuit féin mar an ceudna spiosraidh thaghta de mhirr fìor-ghlan, cùig ceud *secel*, agus de chanal cùbhraidh a leth uiread, *eachdon* dà cheud agus leth-cheud *secel*, agus de chalamus cùbhraidh dà cheud agus leth-cheud *secel*,

24 Agus de chasia cùig ceud *secel*, a réir seceil an *ionaid* naoimh, agus hin de oladh a' chroinn-olaidh.

25 Agus ni thu dheth oladh-ungaidh naomh, oladh-ungaidh coimhmeasga réir ealadhain an léigh; bithidh i 'n a h-oladh-ungaidh naomh.

26 Agus ungaidh tu pàilliuin a' choimhthionail leatha, agus àire na Fianuis,

27 Agus am bòrd agus a shoithichean uile, agus an coinnleir agus a shoithichean, agus altair na tùise,

28 Agus altair na h-iobairt-loisgte agus a soithichean uile, agus an soitheach-ionnlaid agus a chos.

29 Agus naomhaichidh tu iad, a chum as gu'm bi iad ro naomh: ge b'e ni a bheanas riu, bithidh e naomh.

30 Agus ungaidh tu Aaron agus a mhic, agus coisrigidh tu iad, gu fhrithéaladh dhomhsa ann an dreuchd an t-sagairt.

31 Agus labhraidh tu ri cloinn Israeil, ag ràdh, Bithidh i so 'n a h-oladh-ungaidh naoimh dhomhsa, air feadh bhur ginealach.

32 Air feoil duine cha dòirtcar i, ni mò a ni sibh a leithid, a réir a measgaidh: *tha* i naomh, agus naomh bithidh i dhuibh.

33 Ge b'e neach a mheasga *ni* cosmhuil rithe, agus ge b'e neach a chuireas *a' bheag* dhith air coigreach, gu deimhin gearrar as o 'shluagh e.

34 Agus thubhairt an Tighearn ri Maois, Gabh dhuit spiosraidh chùbhraidh, stacte, agus onicha, agus galbanum; spiosraidh chùbhraidh maille ri tùis fhìor-ghloin: de gach aon diubh bithidh an t-aon tommas.

35 Agus ni thu boltrachan deth, air a dheanamh suas a réir ealadhain an léigh, coimhmeasga, fìor-ghlan, naomh.

36 Agus bruthaidh tu *cuid* deth ro mhìn, agus cuiridh tu *cuid* deth fa chomhair na Fianuis ann am pàilliuin a' choimhthionail, far an coinnich mise thu: ro naomh bithidh e dhuibh.

37 Agus am boltrachan a ni thu, cha dean

sibha' leithid duibh féin, a réir a mheasgaidh: bithidh c dhuitse naomh do'n Tighearn.

38 Ge b'e neach a ni a choslas, a ghabhail faile uaith, gearrar as o 'shluagh e.

CAIB. XXXI.

1 *Besaleel agus Aholiab air an gairm dh'ionnsuidh oibre a' phàilliuin.* 12 *An t-sàbaid gu bhí air a coimhead naomh.* 18 *Dà chlàr na Fianuis air an labhairt do Mhaois.*

A GUS labhair an Tighearn ri Maois, ag ràdh,

2 Feuch, ghairm mi air ainm Besaleel mac Uri, mhic Hur, de thréibh Iudah;

3 Agus fionn mi e le spiorad Dhé, ann an gliocas, agus ann an tuigse, agus ann an eòlas, agus anns gach uile ghné oibre,

4 A dhealbhadh oibre calanta, a dh'oibreachadh ann an òr, agus ann an airgiod, agus ann an umha,

5 Agus ann an gearradh chlach a chum an ceangal, agus ann an gearradh fiodha, a dh'oibreachadh anns gach uile ghné oibre.

6 Agus mise, feuch, thug mi seachad maille ris Aholiab mac Ahisamaich, de thréibh Dhain; agus ann an cridhe gach neach a tha glic-chridheach chuir mi gliocas, agus ní iad gach ni a dh'àithn mi dhuit;

7 Pàillium a' choimhthionail, agus àire na Fianuis, agus a' chaithir-thròcair a tha oirre, agus uile uidheam a' phàilliuin,

8 Agus am bòrd agus 'uidheam, agus an coinnleir fìor-ghlan le 'uidheam uile, agus altair na tùise,

9 Agus altair na h-ìobairt-loisgte le h-uidheam uile, agus an soitheach-ionnlaid agus a chos,

10 Agus éididh na scirbhis, agus éididh naomh air son Aaroin an t-sagairt, agus éididh a chuid mac, gu frithealadh ann an dreuchd an t-sagairt,

11 Agus an oladh-ungaidh, agus tùis chùbhraidh air son an ìonaid naomh; a réir nan uile nithean a dh'àithn mi dhuit, ní iad.

12 Agus labhair an Tighearn ri Maois, ag ràdh,

13 Labhair thusa mar an ceudna ri cloinn Israeil, ag ràdh, Gu deimhin coimhididh sibh mo shàbaidean: or is comharadh sin eadar mise agus sibhse, air feadh bhur ginealach; chum as gu'm bi fios agaibh gur mise an Tighearn, a naomhaicheas sibh.

14 Coimhididh sibh uime sin an t-sàbaid; oir a tha i naomh dhuibh. Esan a thruaileas i, cuircar gu cinnteach gu bàs e; oir gach neach a ni obair oirre, gearrar an t-anam sin as o mheasg a shluagh.

15 Sè làithean feudar obair a dheanamh, ach 's an t-seachdamh tha sàbaid fhois, naomh do'n Tighearn: gach neach a ní obair air là na sàbaid, cuircar gu cinnteach gu bàs e.

16 Uime sin coimhididh clann Israeil an t-sàbaid, a ghleidheadh na sàbaid air feadh an ginealach, mar choimhcheangal sìorruidh.

17 Eadar mise agus clann Israeil is comharadh i a chaoidh; oir ann an sè làithibh rinn an Tighearn na nèamhan agus an talamh, agus air an t-seachdamh là sguir e, agus ghabh c fòis.

18 Agus thug e do Mhaois, an uair a sguir e de labhairt ris air sliabh Shinai, dà chlàr na Fianuis, clàir chloiche, sgrìobhta le meur Dhé.

CAIB. XXXII.

1 *Thug an sluagh air Aaron laogh leaghta a dheanamh.* 19 *Las corruich Mhaois, agus bhris e clàir an lagha.* 30 *Rinn e urnaigh ri Dia air son an t-shluagh.*

A GUS an uair a chunnaic an sluagh gu'n d'rinn Maois moille ann an teachd a nuas as an t-sliabh, chruinnich iad iad féin gu h-Aaron, agus thubhairt iad ris, Eirich suas, dean dhuinn dée a théid romhainn; oir a thaobh a' Mhaois so, an duine a thug a nìos sinn á tìr na h-Eiphit, cha-n'eil fhios againn ciod a thàinig air.

2 Agus thubhairt Aaron riu, Brisibh dhiubh na chuas-fhailean òir a tha ann an cluasaibh bhur ban, bhur mac, agus bhur nigheanan, agus thugaibh a m' ionnsuidhs' iad.

3 Agus bhris an sluagh uile dhiubh na chuas-fhailean òir a bha 'n an cluasaibh, agus thug iad gu h-Aaron iad.

4 Agus ghabh c iad as an làimh; agus chum se e le innal-gcarraidh, an déigh dha laogh leaghta dheanamh dheth, agus thubhairt iad, Sin do dhée, O' Israeil, a thug a nìos thu á tìr na h-Eiphit.

5 Agus an uair a chunnaic Aaron e, tlóg e altair fa' chomhair, agus thug Aaron gairm, agus thubhairt e, Is là féille am màireach do'n Tighearn.

6 Agus dh'éirich iad suas gu moch air an là màireach, agus thug iad suas tabhartais-loisgte, agus thug iad leo tabhartais-sith: agus shuidh an sluagh sìosa dh'ithcadh agus a dh'òl, agus dh'éirich iad suas gu sùgradh.

7 Agus thubhairt an Tighearn ri Maois, Imich, falbh sìos; oir thruaill do shluagh, a thug thu mach á tìr na h-Eiphit, iad féin.

8 Chlaon iad gu grad o'n t-slighe a dh'àithn mise dhoibh: rinn iad dhoibh féin laogh leaghta; agus rinn iad aoradh dha, agus thug iad suas ìobairtean dha, agus thubhairt iad, Sin do dhée, O' Israeil, a thug a nìos thu á tìr na h-Eiphit.

9 Agus thubhairt an Tighearn ri Maois, Chumnaic mise an sluagh so, agus, feuch, is sluagh rag-mhuinealach iad.

10 A nis uime sin leig leam, agus lasaidh mo chorruich 'n an aghaidh, agus claidhidh mi iad: agus ní mi dhìotsa cinnteach mòr.

11 Agus ghuidh Maois air an Tighearn a Dhia, agus thubhairt e, C'ar son, a Thighearn, a tha do chorruich a' lasadh an aghaidh do shluaigh, a thug thu mach á tìr na h-Eiphit le cumhachd mòr, agus le làimh thrèan?

12 C'ar son a labhradh na h-Eiphitich, ag ràdh, Le droch rùn thug e mach iad, a chum am marbhadh 's na beanntaibh, agns an claidh bhàrr aghaidh na talmhainn? Pill o d' chorruich ghairg, agus gabh aithreachas de'n olc so an aghaidh do shluaigh.

13 Cuimhnich air Abraham, Isaac, agus Israel, do sheirbhisich, d'an d'thug thu mionnan ort féin, agus r'an d'thubhairt thu, Ni mi bhur sliochd lionmhor mar reultan nèimh, agus am fearann so uile mn'n do leabhair mi, bheir mi d'ur sliochd-sa, agus sealbhaichidh iad e gu sìorruidh.

14 Agus ghabh an Tighearn aithreachas de'n olc a thubhairt e gu'n deanadh e air a shluagh.

15 Agus thionndaidh Maois, agus chaidh e sìos as an t-slabh, agus dà chlàr na Fianuis 'n a làimh: *bha* na clàir sgrìobhta air an dà thaobh; air an taobh so, agus air an taobh ud eile *bha* iad sgrìobhta.

16 Agus b'iad na clàir obair Dhé, agus b'e 'n sgrìobhadh sgrìobhadh Dhé, gearrta air na clàraibh.

17 Agus chuala Iosna toirm an t-sluaigh an uair a rinn iad gàir, agus thubhairt e ri Maois, *Tha* toirm chogaidh 's a' champ.

18 Agus thubhairt e, Cha-n e guth *dhaoine* a' deanamh gàir air son na buadha, cha mhò *is* e guth *dhaoine* ag éigheach a chionn gu'n d'thugadh bnaidh orra, *ach* toirm luchd gabhail ciuil a tha mi a' cluinntinn.

19 Agus co math 's a thàinig e 'm fagus do'n champ, chumnaic e 'n laogh, agus an dannsa: agus las corruich Mhaois, agus thilg e na clàir as a làimh, agus bhris e iad aig bun an t-sléibh.

20 Agus ghabh e 'n laogh a rinn iad, agus loisg e 's an teine e, agus mheil e gu smùr e, agus chrath e air an uisge e, agus thug e air cloinn Israeil òl *dheth*.

21 Agus thubhairt Maois ri h-Aaron, Ciod a rinn an sluagh so ort, gu'n d'thug thu peacadh co mòr orra?

22 Agus thubhairt Aaron, Na lasadh fearg mo thighearna: is aithne dhuìt an sluagh, gu'm bheil iad *so-aomaidh* dh'ionnsuidh an uile.

23 Oir thubhairt iad rium, Dean dhuinn dée, a théid romhainn; oir a thaobh a' Mhaois so, an d'neine a thug a mach sinn á tìr na h-Eiphit, cha-n fhios duinn ciod a thàinig air.

24 Agus thubhairt mi rin, Gach neach aig am bheil a bhacag a dh'òr, briseadh e dheth e: agus thug iad dhomh e, agus thilg mi 's an teine e, agus thàinig a mach an laogh so.

25 Agus an uair a chumnaic Maois gu'n robh an shlagh rùisgte, (oir rùisg Aaron iad a chum an nàire am measg an naimhdean.)

26 An sin sheas Maois ann an geata a' chaimp, agus thubhairt e, Cò 'tha leis an Tighearn? *thigeadh* e amionnsuidh-sa. Agus chruinnich mie Lebhi nile d'a ionnsuidh.

27 Agus thubhairt e riu, Mar so tha 'n Tighearn Dia Israeil ag ràdh, Cuireadh gach duine agaibh a chlaidheach air a leis, agus rachaibh a steach agus a mach o gheata gu geata air feadh a' chaimp, agus marbhadh gach duine agaibh a bhràthair, agus gach duine a chompanach, agus gach duine a choimhearsnach.

28 Agus rinn clann Lebhi a réir focail Mhaois: agus thuit de'n t-sluagh 's an là sin mu thimchioll trì mìle fear.

29 Oir thubhairt Maois, Coisrigibh sibh féin an dingh do'n Tighearn, eadhon gach duine air a mhac, agus air a bhràthair; a chum as gu'm builich e oirbh beannachadh air an là 'n diugh.

30 Agus air an là màireach thubhairt Maois ris an t-sluagh, Pheacaich sibh peacadh mòr: agus a nis théid mise suas a dh'ionnsuidh an Tighearna, a dh'fheuchaim an dean mi réite air son blur peacaidh.

31 Agus phill Maois a dh'ionnsuidh an Tighearna, agus thubhairt e, Och! pheacaich an sluagh so peacadh mòr, agus rinn iad dhoibh féin diathan òir:

32 Gidheadh a nis, ma's toil leat, maith dhoibh am peacadh; ach mur maith, dubh mise, guidheam ort, a mach as do leabhar a sgrìobh thu.

33 Agus thubhairt an Tighearn ri Maois, Ge b'e a pheacaich a'm aghaidh, esan dubhaidh mi mach as mo leabhar.

34 Uime sin a nisimich, treòraich an sluagh a chum an *ionaid* mn'n do labhair mi rint; fench, théid m'aingeal romhad: gidheadh, 's an là am fiosraich mi, leanaidh mi am peacadh orra.

35 Agus chlaoidh an Tighearn an sluagh, a chionn gu'n d'rinn iad an laogh, a rinn Aaron.

CAIB. XXXIII.

1 *Dhiùlt an Tighearn dol leis an t-sluagh. 9 Labhair e ri Maois. 18 Ghuidh esan air Dia gu'm foillsicheadh e a ghloir dha.*

A GUS thubhairt an Tighearn ri Maois, Imich, falbh suas as a so, thu fèin agus an sluagh a thug thu mach á tìr na h-Eiphit, a dh'ionnsuidh na tìre a mhiomnaich mi do Abraham, do Isaac, agus do Iacob, ag ràdh, Do d' shliochd-sa bheir mi i:

2 Agus eniridh mi aingeal romhad; agus fuadaichidh mi mach an Canaanach, an t-Amorach, agus an t-Hiteach, agus am Peridseach, agus an t-Hibheach, agus an Iebusach;

3 A dh'ionnsuidh fearainn a tha 'sruthadh

se bainne agus mil: oir cha téid mi suas a'd' mheasg, oir is sluagh rag-mhuinealach thu; air egal gu'n claidh mi thu 's an t-slighe.

4 Agus an uair a chual' an sluagh an droch sgeul so, rinn iad bròn; agus cha do chuir duine sam bith air a bhreaghachd.

5 Oir thubhairt an Tighearn ri Maois, Abair ri cloinu Israeil, Is sluagh rag-mhuinealach sibh: ann am platha théid mi suas 'n'ur measg, agus claidhidh mi sibh: a nis uime sin cuiribh dhìbh bhur brèaghachd, a chum as gu'm bi fios agam cìod a ni mi ribh.

6 Agus rùisg clann Israeil an brèaghachd dhiubh làimh ri sliabh Horeb.

7 Agus ghabh Maois am pàillium, agus shuidhich e 'n taobh a mach de'n champ e, fad o'n champ, agus thug e pàillium a' choimhthionail mar ainm air. Agus 'n a lorg sin, chaidh gach neach a bha 'g iarraidh an Tighearna a mach do phàillium a' choimhthionail, a bha 'n taobh a muigh de'n champ.

8 Agus an uair a chaidh Maois a mach do'n phàillium, dh'éirich an sluagh gu léir suas, agus sheas gach duine aig dorus a bhùtha, agus dh'amhaire iad an déigh Mhaois, gus an deachaidh e stigh do'n phàillium.

9 Agus an uair a chaidh Maois a stigh do'n phàillium, thàinig am meall neoila nuas, agus sheas e aig dorus a' phàillium, agus labhair an Tighearn ri Maois.

10 Agus chunnaic an sluagh uile am meall neoil 'u a sheasann aig dorus a' phàillium: agus dh'éirich an sluagh uile suas, agus rinn iad aoradh, gach duine ann an dorus a bhùtha.

11 Agus labhair an Tighearn ri Maois aghaidh ri h-aghaidh, mar a labhras duine ra charaid. Agus phill e ris do'n champ; ach cha deachaidh a sheirbhliseach Iosua, nac Nuiu, duine òg, a mach as a' phàillium.

12 Agus thubhairt Maois ris an Tighearn, Feuch, tha thu 'g ràdh rium, Thoir suas an sluagh so; agus cha d'thug thu fios domh cò 'chuireas tu maille rium. Gidheadh thubhairt thu, Is aithne dhomh thu air d'ainm, agus mar an ceudna fhuair thu deadh-ghean a'm' shùilibh.

13 A nis uime sin, guidheam ort, ma fhuair mi deadh-ghean a'd' shùilibh, nochd dhomh do shlighe, a chum as gu'm bi aithne agam ort, agus gu'm faigh mi deadh-ghean a'd' shùilibh, agus meas gur e 'n cinneach so do shluagh-sa.

14 Agus thubhairt e, Théid mo làthaireachd leat, agus bheir mi fois dhuit.

15 Agus thubhairt e ris, Mur téid do làthaireachd maille ruinn, na toir suas sinn á so:

16 Oir cìod e leis an aithnichear ann an so, gu'n d'fhuair mise agus do shluagh deadh-ghean a'd' shùilibh? Nach ann le d'

dhòl maille ruinn? Mar so dealaichear sinn, mise agus do shluagh, o gach uile shluagh a tha air aghaidh na talmhainn.

17 Agus thubhairt an Tighearn ri Maois, An ni so mar an ceudna a thubhairt thu, ni mise; oir fhuair thu deadh-ghean a'm' shùilibh, agus is aithne dhomh thu air d'ainm.

18 Agus thubhairt esan, Foillsich dhomh guidheam ort, do ghlòir.

19 Agus thubhairt e, Bheir mi air mo mhaithreas uile dol seachad ann ad làthair, agus gairmidh mi ainm an TIGHEARN a'd' fhianuis; agus bithidh mi gràs-mhor dha-san d'am bi mi gràs-mhor, agus nochdadh mi trècair dha-san d'an nochd mi trècair.

20 Agus thubhairt e, Cha-n fheud thu m'aghaidh's fhaicinn; oir cha-n fhaic duine air bith mise, agus e beò.

21 Agus thubhairt an Tighearn, Feuch, tha àite làimh rium, agus seasaidh tusa air carraig:

22 Agus an nair a bhios mo ghlòir a' dol seachad, an sin cuiridh mi thu ann an sgoltadh de'n charraig, agus còmhdaichidh mi le m' làimh thu gus an téid mi seachad.

23 Agus bheir mi air falbh mo làimh, agus chì thu mo chùlaobh; ach cha-u fhaicear m'aghaidh.

CAIB. XXXIV.

1 Dh'ath-nuadhachaidh clàir an lagha. 5 Ghairmeadh air oim an Tighearna. 10 Rinn Dia coimhcheangal r'a shluagh.

AGUS thubhairt an Tighearn ri Maois, A Snaidh dhuit féin dà chlàr chloiche cosmhuil ris na ceud *chlàir*; agus sgrìobhaidh mis' air na clàir *sin* na focail a bha air na ceud *chlàir*, a bhris thu.

2 Agus bi deas 's a' mhaduinn, agus thig a nìos 's a' mhaduinn do shliabh Shinaì, agus nochd thu féin an sin dhomhs' air mullach an t-sléibh.

3 Agus na tigeadh duine sam bith a nìos maille riut, agus na faicear duine 's an t-sliabh uile, agus na h-ionaltradh na treudan no'm buar fa chomhair an t-sléibh sin.

4 Agus shnaidh e dà chlàr chloiche, cosmhuil ris na ceud *chlàir*; agus dh'éirich Maois suas gu moch 's a' mhaduinn, agus chaidh e suas do shliabh Shinaì, mar a dh'aithu an Tighearn dha, agus thug e leis 'n a làimh an dà chlàr chloiche.

5 Agus thàinig an Tighearn nuas ann an neul, agus sheas e maille ris an sin; agus ghairm e air ainm an Tighearna.

6 Agus chaidh an Tighearn seachad is 'chomhair, agus ghairm e, an TIGHEARN. AN TIGHEARN DIA, iochdmhor agus gràs-mhor, fad-fhulangach, agus pailt ann an caoinmeas agus ann am fìrinu,

7 A' gleidheadh trècair do mhilltibh, a' maitheadh aingidheachd agus eusaontais,

agus peacadh, agus nach saor air aon dòigh an ciontach; a' leantainn aingidheachd nan aithrichean air a' chloinn, agus air cloinn na cloinne, air an treas agus air a' cheathramh ginealach.

8 Agus rinu Maois deifir, agus chrom e a cheann ri lùr, agus rinn e aoradh.

9 Agus thubhairt e, Ma fhuair mi nis deadhighean a'd' shùilibh, O 'Thighearna, rachadh mo Thighearna, guidheam ort, 'n ar measg, (oir is sluagh rag-mhuinealach iad,) agus maith dhuinn ar n-aingidheachd agus ar peacadh, agus gabh sinn mar d'òigh-reachd féin.

10 Agus thubhairt e, Feuch, ni mise coimhcheangal; ann an làthair do shluaigh uile ni mi nithean iongantach, nithean nach d'rinneadh an leithid air an talamh uile, no ann an aon chinneach: agus chi an sluagh uile, am measg am bheil thu, obair an Tighearna: oir is mi uamhasach a ni mise riut.

11 Coimhid thusa an ni a tha mi'g àithneadh dhuit an diugh: Feuch, fuadaichidh mi mach romhad an t-Amorach, agus an Canaanach, agus an t-Hiteach, agus an Peridsach, agus an t-Hibheach, agus an Iebusach.

12 Thoir an aire dhuit féin, air eagal gu'n dean thu coimhcheangal ri luchd-àiteachaidh na tìre d'am bheil thu 'dol, air eagal gu'm bi e 'n a ribeadh a'd' mheadhon:

13 Ach sgrìosaidh sibh an altairean, agus brisidh sibh an dealbhan, agus gearraidh sibh sìos an doireachan.

14 Oir cha dean thu aoradh do dhia sam bith eile; oir an Tighearna, d'an ainm Eudmhor, is Dia eudmhor e:

15 Air eagal gu'n dean thu coimhcheangal ri luchd-àiteachaidh na tìre, agus gu'n téid iad le strìopachas an déigh an diathan, agus gu'n toir iad iobairt d'an diathan, agus gu'n toir neach cuireadh dhuit, agus gu'n ith thu d'a iobairt;

16 Agus gu'n gabh thu d'an nigheanaibh do d' mhic, agus gu'n téid an nigheanan le strìopachas an déigh an diathan, agus gu'n toir iad air do mhic dol le strìopachas an déigh an diathan.

17 Cha dean thu dhuit féin diathan leaghta.

18 Féill an arain neo-ghoirtichte cumaidh tu: seachd làithean ithidh tu aran neo-ghoirtichte, mar a dh'èithu mi dhuit, ann an àm a' mhìos Abib; oir anns a' mhìos Abib thàinig thu mach as an Eiphit.

19 Gach ni a dh'fhosglaas a' bhrù is leams' e; agus gach ceud-ghin am measg do spréidhe, ma's ann de'n bhuair no de na caoraich e, a bhiitheas fìrionn.

20 Ach ceud-ghin asail fuasglaidh tu le h-uair; agus mur fuasgail thu e, an sin brisidh tu 'amhach. Uile cheud-ghin do mhae fuasglaidh tu; agus cha nochdar a h-aon a'm làthair-sa falamh.

21 Sè làithean ni thu obair, ach air an t-seachdamh là gabhaidh tu fois: aon an àm au treabhaidh agus anns an fhoghar gabhaidh tu fois.

22 Agus cumaidh tu féill nan seachdain, a' cheud toraidh de fhoghar a' chruithneachd, agus féill a' chròdhaidh ann an deireadh na bliadhna.

23 Tri uairean 's a' bhliadhna nochdar do mhic uile 'an làthair an Tighearna Iehobah, Dé Israeil:

24 Oir tilgidh mi mach na cinnich romhad, agus ni mi do chrìochan ni's farsuinge; agus cha mhiannaich duine sam bith d'fhearann, an uair a théid thu suas g'ad nochdadh féin 'am fianuis an Tighearna do Dhé, tri uairean 's a' bhliadhna.

25 Cha-n iobair thu fuil m'ìobairt-sa le taois ghoirt, cha mhò a dh'fhàgar gu ma-duinn iobairt féill na càisge.

26 Toiseach ceud thoraidh d'fhearainn a bheir thu do thigh an Tighearna do Dhé. Cha bhrùich thu meann 'am bainne a mha-thar.

27 Agus thubhairt an Tighearna ri Maois, Sgrìobh thusa na focail so: oir a réir brìgh nam focal so rinn mise coimhcheangal riut féin, agus ri h-Israel.

28 Agus bha e 'n sin maille ris an Tighearna dà fhichead là agus dà fhichead oidhe; cha d'ith e aran, ni mò dh'òl e uisge: agus sgrìobh e air na clàir focail a' choimhcheangail, na deich àitheantan.

29 Agus an uair a thàinig Maois a nuas o shliabh Shinaì, (le dà chlàr na Fianuis aon an làimh Mhaois, an uair a thàinig e nuas o'n t-sliabh) cha robh fios aig Maois gu'n do dhealraich croicinn 'aghaidh, am feadh 's a bha e 'còmhraidh ris.

30 Agus dh'amhairc Aaron agus clann Israeil uile air Maois; agus, feuch, dhealraich croicinn 'aghaidh, agus bha eagal orra teachd am fagus da.

31 Agus ghairm Maois orra; agus phill Aaron agus uachdarain a' choimhthionail uile d'a ionusuidh: agus rinn Maois còmhraidh riu.

32 Agus 'n a dh'éigh sin thàinig clann Israeil uile am fagus da; agus dh'èith e dhoibh na h-uile nithean a labhair an Tighearna ris ann an sliabh Shinaì.

33 Agus sguir Maois a labhairt riu; agus chuir e gnùis-bhrat air 'aghaidh.

34 Ach an uair a chaidh Maois a steach an làthair an Tighearna a labhairt ris, thug e 'n gnùis-bhrat deth, gus an d'thàinig e mach. Agus thàinig e mach, agus labhair e ri cloinn Israeil an ni sin a dh'àithneadh dha.

35 Agus chunnaic clann Israeil aghaidh Mhaois, gu'n do dhealraich croicinn aghaidh Mhaois: agus chuir Maois an gnùis-bhrat air 'aghaidh a ris, gus an deachaidh e stigh a labhairt ris.

CAIB. XXXV.

- 1 *Tha'n t-sàbaid gu' bhi air a coimhead naomh*
 4 *Saor thabhartais air son a' phàilliuin.* 20
Thug an sluagh gu toileach seachad iad.

A GUS chrùinnich Maois coimhthional a chloinn Israeil uile r'a chèile, agus thubhairt e riù, Sin na nithean a dh'athn an Tighearn, gu'n deanadh sibh iad.

2 Sè làithean mthear obair, ach bithidh an seachdamh là dhuibh 'n a là naomh, 'n a shàbaid thàimh do'n Tighearn: ge b'e neach a ni obair air, cuirear gu bàs e.

3 Cha-n fhadaidh sibh teine sam bith air feadh bhur n-àiteachan-còmhnuidh air là na sàbaid.

4 Agus labhair Maois ri coimhthional chloinn Israeil uile, ag ràdh, So an ni a dh'athn an Tighearn, ag ràdh,

5 Togaibh 'n 'ur measg tabhartas do'n Tighearn: gach neach aig am bheil cridhe toileach, thugadh e leis e, tabhartas do'u Tighearn; òr, agus airgiod, agus umha,

6 Agus gorm, agus corcur, agus scarlaid, agus anart grinn, agus *fiannadh* ghabhar,

7 Agus croicinnean reitheachan air an dath dearg, agus croicinnean bhroc, agus fiodh sitim,

8 Agus oladh air son soluis, agus spìosraidh air son oladh-ungaidh, agus air son tùise cùbhraidh,

9 Agus clachan onics, agus clachan a chum an ceangal, air son na h-ephoid, agus air son na h-uchd-éididh.

10 Agus thigeadh gach duine glic-chridheach 'n 'ur measg, agus deanadh e gach nì a dh'athn an Tighearn;

11 Am pàilliuin, a bhùth, agus a chòmhdach, a chromagan, agus a bhuird, a chroinn, a phuist, agus a bhuinn;

12 An àirc agus a bataichean, a' chaithir-thròcair agus roinn-bhrat a' chòmhdach;

13 Am bòrd agus a bhataichean, agus a shoithichean uile, agus an t-aran-tais-beanaidh;

14 Agus an coinnleir a chum an t-soluis, agus uidheam, agus a lòchrain, maille ri oladh chum an t-soluis;

15 Agus altair na tùise, agus a bataichean, agus an oladh-ungaidh, agus an tùis chùbhraidh, agus an cùrtein air son doruis a' phàilliuin;

16 Altair na h-lobairt-loisgte agus a cliath umha, a bataichean, agus a soithichean uile, an soitheach-ionnlaid agus a chos;

17 Cùrteinean na cùrte, a puist agus a buinn, agus cùrtein air son doruis na cùrte;

18 Pinneachan a' phàilliuin, agus pinn-eachan na cùrte, agus ar cùrd;

19 Eìdidh an fhrithealaidh, a fhrithealadh 's an *ionad* naomh; an éididh naomha air son Aroin an t-sagairt, agus éididh air son a chuid mac, a fhrithealadh ann an dreuchd an t-sagairt.

20 Agus dh'fhalbh coimhthional chloinn Israeil uile á làthair Mhaois.

21 Agus thàinig iad, gach duine a dhùisg a chridhe suas, agus gach duine a rinn a chridhe toileach, agus thug iad leo tabhartas an Tighcarna air son oibre pàilliuin a' coimhthional, agus air son a sheirbhis uile, agus air son na h-éididh naomh.

22 Agus thàinig iad, araon fir agus mnathan, a' mhead's aig an robh cridhe toileach, agus thug iad leo bràistean agus cluas-fhaillean, agus fàinneachan, agus criosa-muineil, gach uidheam òir: agus gach fear a thug seachad, *thug e seachad* tabhartas òir do'n Tighearn.

23 Agus gach fear aig an d'fhuaradh gorm, agus corcur, agus scarlaid, agus anart grinn, agus *fiannadh* ghabhar, agus croicinnean dearg reitheachan, agus croicinnean bhroc, thug iad leo iad.

24 Gach duine a thug seachad tabhartas airgid agus umha, thug e leis tabhartas an Tighearna: agus gach duine aig an d'fhuaradh fiodh sitim chum oibre sam bith do'n t-seirbhis, thug e leis e.

25 Agus shnìomh na mnathan uile a bha glic-chridheach le'n lannhan, agus thug iad leo an ni a shnìomh iad, an gorm, agus an corcur, an scarlaid, agus an t-anart grinn.

26 Agus na mnathan uile a dhùisg an cridhe suas ann an gliocas, shnìomh iad *fiannadh* ghabhar.

27 Agus thug na h-uachdarain leo clachan onics, agus clachan chum an ceangal, air son na h-ephoid, agus air son na h-uchd-éididh;

28 Agus spìosraidh, agus oladh air son an t-soluis, agus air son na h-oladh-ungaidh, agus air son na tùise cùbhraidh.

29 Thug clann Israeil tabhartas toileach a dh'ionnsuidh an Tighearna, gach fear agus bean a rinn an cridhe toileach a thoirt a chum gach gnè oibre, a dh'athn an Tighearn a dheanamh le làmh Mhaois.

30 Agus thubhairt Maois ri cloinn Israeil, Faicibh, ghairm an Tighearn air ainm Besalel mac Uri, mhic Hur, de thréibh Iudah:

31 Agus lion se e le spiorad Dhé, ann an gliocas, ann an tuigse, agus ann an eòlas, agus anns gach gnè oibre;

32 Agus a dhealbhadh oibre ealanta, a dh'oibreachadh ann an òr, agus ann an airgiod, agus ann an umha,

33 Agus ann an gearradh chlach chum an ceangal, agus ann an snaidheadh fiodha, a dheanamh gnè sam bith a dh'obair ealanta.

34 Agus chuir e 'n a chridhe gu'n teagaisgeadh e, e féin agus Aholiab mac Ahisamaich, de thréibh Dhain.

35 Lion e iadsan le gliocas cridhe, a dh'oibreachadh gach gnè oibre, oibre a' ghearrad-air, agus an oibrichean ealanta agus an

oibrichean le snàthaid ann an gorm, agus ann an ecreurr, ann an scarlaid, agus ann an anart grunn, agus an fhligheadair, a nì obair sam bith, agus a dhealbhas obair ealanta.

CAIB. XXXVI.

1 *Thugadh na tabhartais do'n luchd-oibre. 6 Thoirimisgeadh do'n t-sluagh tuilleadh a thoirt leo. 8 Rinneadh cùirteinean agus buird air son a' phàilliuin.*

AGUS dh'oibrich Besaleel agus Aholiab, agus gach duine glic-chridheach d'an d'thug an Tighearn gliocas agus tùr, a thuisinn cionnus a dheanadh iad gach gné oibre air sou seirbhis an *ionaid* naoimh, a réir gach nì a dh'àithn an Tighearn.

2 Agus ghairm Maois air Besaleel, agus air Aholiab, agus air gach duine glic-chridheach, d'an d'thug an Tighearn gliocas 'n a chridhe, *eadhon* gach aon a dhùisg a chridhe suas, gu teachd a chum na h-oibre g'a deanamh.

3 Agus ghabh iad o Mhaois ua tabhartasan uile a thug clann Israeil leo chum oibre seirbhis an *ionaid* naoimh, g'a deanamh. Agus thug iad fathast d'a ionnsuidh sgor thabhartasan gach aon mhaduim.

4 Agus thàinig na daoine glic uile, a rinn uil' obair an *ionaid* naoimh, gach duine ac' o 'obair féin a *bha* iad a' deanamh;

5 Agus labhair iad ri Maois, ag ràdh, Tha 'n sluagh a' toirt leo tuilleadh gn' uèr na nì's leòr, a chum seirbhis na h-oibre a dh'àithn an Tighearn a dheanamh.

6 Agus dh'àithn Maois, agus thugadh gairm air feadh a' chaimp, ag ràdh, Na deanadh fear no bean sam bith tuilleadh oibre air son tabhartais an *ionaid* naoimh. Mar sin thoirimisgeadh do'n t-sluagh *nì sam bith* a thabhairt leo.

7 Oir bu leòr an t-uidheam a bh'aca air son na h-oibre uile, g'a deanamh, agus bu tuilleadh 's nì bu leòr e.

8 Agus rinn gach duine glic-chridheach 'n am measg-sau a dh'oibrich obair a' phàilliuin, deich cùirteinean *de* anart grunn toiuute, agus *de* ghorm, agus *de* chorcur, agus *de* scarlaid; *le* cherubaibh a dh'obair ealanta rinu e iad:

9 Fad aon chùirtein ochd làmhan-coille thar fhichead, agus leud aon chùirtein ceithir làmhan-coille: na cùirteinean uile dh'aon tomhas.

10 Agus cheangail e cùig cùirteinean gach aon r'a chéile: agus na cùig cùirteinean *eile* cheangail e gach aon r'a chéile.

11 Agus rinn e lùban de ghorm air oir aoiu chùirtein, o'n iomall 's a' cho-aonadh: air a' mhodh cheudna rinn e ann an oir a' chùirtein *eile* 's faide mach, auu anco-aonadh an dara *aoin*.

12 Leth-cheud lùb rinn e ann an aon chùirtein, agus leth-cheud lùb rinn e ann an

iomall a' chùirtein a *bha* ann an co-aonadh an dara *aoin*: cheangail na lùban aon *chùirtein* ri *cùirtein* eile.

13 Agus rinn e leth-cheud cromag òir, agus choimhcheangail e na cùirteinean aon ri h-aon leis na cromagaibh. Mar sin rinneadh e 'n a aon phàilliuin.

14 Agus rinu e cùirteinean *de fhionnadh* ghabhar, air son a' bhùtha os ceau a' phàilliuin: aon chùirtein deug rinn e dhiubh:

15 *B'e* fad aon chùirtein deich làmhan-coille thar fhichead, agus ceithir làmhan-coille leud aon chùirtein: *bha'n* t-aon chùirtein deug a dh'aon tomhas.

16 Agus choimhcheangail e cùig cùirteinean leo féin, agus sè cùirteinean leo féiu.

17 Agus rinu e leth-cheud lùb air an foir a b'fhaide mach de'n chùirtein 's a' choimhcheangal, agus leth-cheud lùb rinn e air oir a' chùirtein a tha 'coimhcheangal a d'ara *aoin*.

18 Agus rinu e leth-cheud cromag a dh'umha, a cheangal a' bhùtha r'a chéile, chum as gu'm biodh e 'n a aon.

19 Agus rinn e còmhach do'n bhùth, *de* chroicinnibh-reitheachan air an dath dearg, agus còmhach *de* chroicinnibh bhroc os a cheann.

20 Agus rinn e buird do'n phàilliuin *de* fhiodh sitim, 'u an seasamh:

21 Deich làmha-coille fad buird, agus làmh-coille gu leth leud aon bhùird.

22 *Bha* dà làimh aig aon bhòrd, air an eur 'an ordugh aon fa chomhair *aoin*: mar so rinn e ri buird a' phàilliuin uile.

23 Agus rinn e buird do'n phàilliuin: fichead bòrd air son an taoibh dheis, ris an àirde deas.

24 Agus dà fhichead cos airgid rinn e fo 'n fhichead bòrd: dà chois fo aon bhòrd a réir a dhà làimh, agus dà chois fo bhòrd eile a réir a dhà làimh.

25 Agus air son taoibh eile a' phàilliuin a tha ris an àirde tuath, rinn e fichead bòrd,

26 Agus an dà fhichead cos a dh'airgiod: dà chois fo aon bhòrd, agus dà chois fo bhòrd eile.

27 Agus air son taobhan a' phàilliuin ris an àird an iar, rinn e sè buird.

28 Agus rinn e dà bhòrd air son oisinnean a' phàilliuin 's an dà thaobh.

29 Agus bha iad air an ceangal ri 'chéile foidhe, agus mar an eudna bha iad air an coimhcheangal aig a cheam ri h-aon fhailbheig: mar so rinn e riu le 'chéile 's an dà oisinn.

30 Agus bha ochd buird ann, agus an cosan a dh'airgiod, *eadhon* se cosa deug; dà chois fo gach bòrd.

31 Agus rinn e croinn de fhiodh sitim, cùig air son bhòrd aon taoibh de'n phàilliuin.

32 Agus cùig croinn air son bhòrd an taoibh eile de'n phàilliuin, agus cùig croinn air son

bhòrd a' phàilliuin a chum nan taobh a *tha* ris an àird an iar.

33 Agus thug e air a' chraim mheadhionach dol troimh na buird o cheann gu ceann.

34 Agus chòmhdach e thairis na buird le h-òr, agus rinn e'n failbheagan a *dh'òr gu bhì* 'n an àitibh do na croimh, agus chòmhdach e thairis na croimh le h-òr.

35 Agus rinn e roinn-bhrat *de ghorm*, agus *de choreur*, agus *de scarlaid*, agus *de anart grinn toinnte*: dh'obair ealanta rinn se e, le cherubaibh.

36 Agus rinn e dha ceithir puist *de fhiodh sitim*, agus chòmhdach e thairis iad le h-òr: *bha* 'n cromagan a *dh'òr*, agus thilg e dhoibh ceithir buinn airgid.

37 Agus rinn e air son doruis a' bhùtha brat *de ghorm*, agus *de choreur*, agus *de scarlaid*, agus *de anart grinn toinnte*, dh'obair shnàthaide:

38 Agus a chùig puist le 'n cromagaibh: agus chòmhdach e thairis an cinn, agus an cuairteagan le h-òr: ach *bha* 'n cùig buinn a dh'umha.

CAIB. XXXVII.

1 An àire. 6 Caithir-thrècair le cherubaibh. 10 An bòrd le 'shoithichibh. 17 An coinnleir òir. 25 Altair na tùise. 29 An cladh-ungaidh.

A GUS rinn Besaleel an àire *de fhiodh sitim*; dà làmh-choille gu leth a fad, agus làmh-choille gu leth a leud, agus làmh-choille gu leth a h-àirde:

2 Agus chòmhdach e thairis i le h-òr fìor-ghlan a stigh agus a muigh; agus rinn e coron òir dh'i mu'n cuairt.

3 Agus thilg e dh'i ceithir failbheagan òir, *gu bhì* air a ceithir oisinnibh; eadhon dà fhailbheig air aon taobh dh'i, agus dà fhailbheig air an taobh eile dh'i.

4 Agus rinn e bataichean *de fhiodh sitim*, agus chòmhdach e thairis iad le h-òr.

5 Agus chuir e na bataichean anns na failbheagaibh air taobhan na h-àirce, chum an àire a ghiulan.

6 Agus rinn e caithir-thrècair a *dh'òr* fìor-ghlan: dà làmh-choille gu leth a fad, agus làmh-choille gu leth a leud.

7 Agus rinn e dà cherub a *dh'òr*, buailte mach a h-aon mhìr rinn e iad, aig dà cheann na caithir-thrècair;

8 Aon cherub aig a' cheann air an taobh so, agus cherub eile aig a' cheann air an taobh ud; a mach as a' chaithir-thrècair rinn e na cheruban aig a dà cheann.

9 Agus bha na cheruban a' sgaoileadh an sgiathairb os ceann na caithir-thrècair, agus an aghaidhean r'a chéile; ris a' chaithir-thrècair bha aghaidhean nan cherub.

10 Agus rinn e 'm bòrd *de fhiodh sitim*: dà làmh-choille 'fhad, agus làmh-choille a leud, agus làmh-choille gu leth 'àirde.

11 Agus chòmhdach e thairis e le h-òr fìor-ghlan, agus rinn e dha coron òir mu'n cuairt.

12 Mar an ceudna rinn e dha iomall de leud boise mu'n cuairt; agus rinn e coron òir d'a iomall mu'n cuairt.

13 Agus thilg e dha ceithir failbheagan òir, agus chuir e na failbheagan air na ceithir oisinnibh a *bha* aig a cheithir chosaibh.

14 Thall fa chomhair an iomaill bha na failbheagan, na h-àiteachan do na bataichibh gus am bòrd a ghiulan.

15 Agus rinn e na bataichean *de fhiodh sitim*, agus chòmhdach e thairis iad le h-òr, gus am bòrd a ghiulan.

16 Agus rinn e na soithichean a *bha* air a' bhòrd, a mhiasan, agus a thùiseirean, agus a chopain, agus a chuachan leis an toircar seachad tabhartas-dìbhe, a *dh'òr* fìor-ghlan.

17 Agus rinn e 'n coinnleir a *dh'òr* fìor-ghlan; a *dh'obair* bhuailte rinn e 'n coinnleir: bha a chos, agus a mheur, a chopain, a chnapan, agus a bhàlthan, de'n *ni* cheudna.

18 Agus sè meoir a' dol a mach as a thaobhan: trì meoir a' choinnleir á h-aon taobh dheth, agus trì meoir a' choinnleir as an taobh eile dheth.

19 Tri copain air an deanamh cosmhuil ri almonaibhann an aon mheur, *maille ri* cnap agus blàth; agus tri copain air an deanamh cosmhuil ri almonaibh ann am meur eile, *maille ri* cnap agus blàth: mar sin anns na sè meoir a' dol a mach as a' choinnleir.

20 Agus anns a' choinnleir *bha* ceithir copain air an deanamh cosmhuil ri almonaibh, *maille ri* a chnap agus a bhàlthan.

21 Agus cnap fo dhà mheur dheth, agus cnap fo dhà mheur dheth, a réir nan sè meur a' dol a mach as.

22 Bha 'n cnap agus an meoir de'n *ni* cheudna: b'aon obair bhuailte a *dh'òr* fìor-ghlan an t-ionlan deth.

23 Agus rinn e a sheachd lèchraim, agus a smàladairean, agus a shoithichean-smàlaidh, *dh'òr* fìor-ghlan.

24 *De* thalam òir fìor-ghlan rinn se e, agus a shoithichean uile.

25 Agus rinn e altair na tùise *de fhiodh sitim*: làmh-choille a fad, agus làmh-choille a leud, (*bha i* ceithir-cheamach,) agus dà làmh-choille a h-àirde; bha a h-adhaircean de'n *ni* cheudna.

26 Agus chòmhdach e thairis i le h-òr fìor-ghlan, a mullach, agus a taobhan mu'n cuairt, agus a h-adhaircean; agus rinn e coron òir dh'i mu'n cuairt.

27 Agus rinn e dà fhailbheig òir dh'i fo a coron, aig a dà oisinn, air a dà thaobh, *gu bhì* 'n an àitibh do na bataichibh chum a ghiulan leo.

28 Agus rinn e na bataichean *de fhiodh sitim*, agus chòmhdach e thairis iad le h-òr.

29 Agus rinn e an oladh-ungaidh naomh, agus an tùis fhior-ghlan de spìosraidh chùbhraidh, a réir oibre an léigh.

CAIB. XXXVIII.

1 *Altair na h-ìobairt-loisgte.* 8 *An soithreach-ionnlaid umha.* 9 *A' chàirt.* 24 *Tomhas an òir a chuireadh 'am feum 's an obair.*

A GUS rinn e altair na h-ìobairt-loisgte *de fhiodh sitim: cùig lànhan-coille a fad, agus cùig lànhan-coille a leud, (bha i ceithir-chearnach,) agus trì lànhan-coille a h-àirde.*

2 Agus rinn e a h-adhaircean air a ceithir oisinnibh: bha a h-adhaircean de'n *nì* cheudna; agus chòmhdach e thairis i le h-umha.

3 Agus rinn e uile shoitichean na h-altarach, na h-àighnean, agus na sluasaidhean, agus na cuachan, agus na greimichean, agus na h-àighnean teine: a soithichean uile rinn e *dh'umha.*

4 Agus rinn e do'n altair cliath *de lion-obair umha*, fa cuairt gu h-ìosal, gu ruig a meadhon.

5 Agus thilg e ceithir failbheagan do cheithir oisinnibh na cléith umha, *gu' bhi 'n an àitibh do na bataichibh.*

6 Agus rinn e na bataichean *de fhiodh sitim*, agus chòmhdach e thairis iad le h-umha.

7 Agus chuir e na bataichean anns na failbheagaibh air taobhan na h-altarach, chum a giùlan leo: fàs le bòrdaibh rinn e i.

8 Agus rinn e an soitheach-ionnlaid *a dh'umha*, agus a chos a dh'umha, de sgàth-naibh *nam ban*, a chruinnich 'nam buidhnibh aig dorus pàilliuin a' choimhthionail.

9 Agus rinn e a' chàirt air an taobh mu dheas, ris an àirde deas: *bha* cùirteinean na cùirte de anart grinn toinnte, ceud làn-choille *air fad*;

10 Am puist fichead, agus am buinn umha fichead; *bha* cromagan nam post agus an cuairteagan *a dh'airgiod.*

11 Agus air an taobh mu thuath, *bha na* cùirteinean ceud làn-choille; am puist fichead, agus am buinn umha fichead: cromagan nam post, agus an cuairteagan *a dh'airgiod.*

12 Agus air an taobh an iar *bha* cùirteinean de leth-cheud làn-choille; am puist deich, agus am buinn deich: cromagan nam post agus an cuairteagan *a dh'airgiod.*

13 Agus air an taobh an ear ris an àird an ear, leth-cheud làn-choille.

14 *Bha* cùirteinean aon taoibh *de'n gheata* cùig lànhan-coille deug; am puist trì, agus am buinn trì.

15 Agus air son an taoibh eile de gheata na cùirte, air an làmh so agus air an làmh rd, *bha* cùirteinean cùig lànhan-coille deug; am puist trì, agus am buinn trì.

16 *Bha* cùirteinean na cùirte uile mu'n cuairt *a dh'anart grinn toinnte.*

17 Agus *bha* buinn nam post *a dh'umha*; cromagan nam post, agus an cuairteagan *a dh'airgiod*, agus còmhdach an ceann *a dh'airgiod*; agus *bha* uile phuist na cùirte air an ceangal mu'n cuairt le h-*airgiod.*

18 Agus *bha* 'm brat air son geata na cùirte 'n a obair shnàthaid *de ghorm*, agus *de* chorcur, agus *de* searlaid, agus *de* anart grinn toinnte: agus *be* fichead làn-choille fhad, agus *be* àirde's an leud cùig lànhan-coille, a' coimhfhreagairt do chùirteinibh na cùirte:

19 Agus am puist ceithir, agus am buinn umha ceithir; an cromagan *a dh'airgiod*, agus eòmhach an ceann, agus an cuairteagan *a dh'airgiod.*

20 Agus *bha* uile phinneachan a' pàilliuin, agus na cùirte mu'n cuairt, a dh'umha.

21 *Is* e sin àireamh *nithean* a' pàilliuin, pàilliuin na Fianuis, mar a dh'àirmheadh iad, a réir àithne Mhaois, *air son* seirbhis nan Lebhitheach, le làmh Itamair, mhie Aaroin an t-sagairt.

22 Agus rinn Besaleel mac Uri, mhic Shur, de thréibh Iudah, gach *nì* a dh'àitlin an Tighearn do Mhaois;

23 Agus maille ris Aholiab, mac Ahisamaich, de thréibh Dham, gearradair, agus oibriche calanta, agus fear oibre gréise ann an gorm, agus ann an coreur, agus ann an searlaid, agus ann an anart grinn.

24 B'e 'n t-òr uile a chuireadh 'a 'm feum 's an obair, ann an uil' obair an *ionaid* naoimh, cadhon òr an tabhartais, naoi tàlannan fichead, agus seachd ceud agus deich secl 'ar fhichead, a réir seceil an *ionaid* naoimh.

25 Agus *be* airgiod na muinntir a chaidh àireamh de'n choimhthional, ceud tàlann, agus mìle agus seachd ceud agus cùig secl deug agus trì fichead, a réir seceil an *ionaid* naoimh.

26 Beeah air son gach fir, 's e sin leth seceil, a réir seceil an *ionaid* naoimh, air son gach aoin a chaidh gu bli air an àireamh, o fhichead bliadhna a dh'aois agus os a cheann, air son shè ceud mìle agus thri mìle agus chùig ceud agus leth-cheud *fear*.

27 Agus de'n cheud tàlann airgid thilgadh buinn an *ionaid* naoimh, agus buinn an roinn-bhrata; ceud bonn de'n cheud tàlann, tàlann do gach bonn.

28 Agus de'n mhìle agus sheachd ceud agus a' chùig secl deug agus trì fichead, rinn e cromagan do na puist, agus chòmhdach e 'n cinn, agus chuir e cuairteagan mu'n tim-chioll.

29 Agus *be* umha an tabhartais deich agus trì fichead tàlann, agus dà mhìle agus ceithir cheud secl.

30 Agus rinn e le sin na buinn do dhorus pàilliuin a' choimhthionail, agus an altair

umha, agus a' chliath umha aice, agus soithichean na h-altarach uile,

31 Agus buinn na cùirte mu'n cuairt, agus buinn geata na cùirte, agus uile phinneachan an a' phàilliuin, agus uile phinneachan na cùirte mu'n cuairt.

CAIB. XXXIX.

1 *Eudach na seirbis, agus an t-eudach naomh.*
2 *An ephod.* 8 *An uchd-éididh.* 22 *Falluinn na h-ephoid.* 27 *Na cò'aichean, an crùn-sagairt, agus an crios a dh'anart grinn.* 39 *Leac a' chrùn naoinh.* 43 *Dh'amhairc Maois air an obair uile, agus thuitinn i ris.*

AGUS de'n ghorm, agus de'n chorcur, agus de'n scarlaid, rinn iad éididh fhrithcalaidh, gu fhrithcaladh 's an ionad naomh, agus rinn iad éididh naomh do Aaron; mar a dh'àithn an Tighearn do Mhaois.

2 Agus rinn o 'n ephod de òr, de ghorm, agus de chorcur, agus de scarlaid, agus de anart grinn toinnte.

3 Agus bhuail iad a mach an t-òr 'n a leac-aibh tana, agus ghearr iad 'n a shnàithnibh, a chum oibreachadh am measg a' gluirm, agus am measg a' chorcur, agus am measg na scarlaid, agus am measg an anart ghrinn le h-obair ealanta.

4 Rinn iad mìrean-gualne dh'i, ceangailte ri 'chéile air a dà oir: *mar sin* chuireadh ri 'chéile i.

5 Agus *bha* crios rìomhach na h-ephoid a *bha* air a h-uachdar, de'n *ni* cheudna, a réir a h-oibre féin; *cadhòn* de òr, de ghorm, agus de chorcur, agus *ae* scarlaid, agus de anart grinn toinnte; mar a dh'àithn an Tighearn do Mhaois.

6 Agus dh'oibrich iad clachan onics ceangailte ann am faillbheagaibh òir, air an gearradh le gearradh seulaidh, le ainmibh chloinn Israeil *orra*.

7 Agus chuir e iad air guailnibh na h-ephoid, *gubhi 'n* an clachan cuimhneachain do chloinn Israeil; mar a dh'àithn an Tighearn do Mhaois.

8 Agus rinn e 'n uchd-éididh le h-obair ealanta, a réir oibre na h-ephoid, de òr, de ghorm, agus de chorcur, agus de scarlaid, agus de anart grinn toinnte.

9 Bha i ceithir-cheannach; rinn iad an uchd-éididh dà-fhillte: réis a fad, agus réis a leud; *bha i* dà-fhillte.

10 Agus chuir iad innte ceithir sreathan chlach: *a' cheud* sreath, sardius, topas, agus carbuncle: *so a' cheud* sreath.

11 Agus an dara sreath, emerald, saphir, agus daoimein.

12 Agus an treas sreath, ligur, agat, agus ametist.

13 Agus an ceathramh sreath, beril, onics, agus iasper: *bha iad* air an ceangal ann am faillbheagaibh òir 'n an suidheachadh.

14 Agus *bha* na clachan a réir ainmcan chloinn Israeil, a dhà-dheug a réir an ainm-

can le gearradh seulaidh, gach aon aca le h-ainm féin, a réir an dà thréibh dheug.

15 Agus rinn iad air an uchd-éididh slabhruidhean aig na cinn, *a dh'*obair shuimhla *dh'*òr fìor-ghlan.

16 Agus rinn iad dà fhailbheig òir, agus dà fhàinne òir: agus chuir iad an dà fhàinne air dà cheann na h-uchd-éididh.

17 Agus chuir iad an dà slabhruidh shuimhla 's an dà fhàinne air cinn na h-uchd-éididh.

18 Agus dhaingnich iad dà cheann na dà slabhruidh shuimhla 's an dà fhailbheig, agus chuir siad iad air mìribh-gualne na h-ephoid, air a beulaobh.

19 Agus rinn iad dà fhàinne òir, agus chuir siad iad air dà cheann na h-uchd-éididh, air an iomall dith, a *bha* air taobh na h-ephoid a stigh.

20 Agus rinn iad dà fhàinne òir *eile*, agus chuir siad iad air dà thaobh na h-ephoid gu h-ìosal, leth ris a' chuid bheoil dith, fa chomhair a' cho-aonaidh *eile*, os ceann crios rìomhach na h-ephoid.

21 Agus cheangail iad an uchd-éididh le a fàinnibh ri fàinnibh na h-ephoid le h-éill gluirm, a chum gu'm bitheadh i os ceann crios rìomhach na h-ephoid, agus nach biodh an uchd-éididh air a fuasgladh o'n ephoid; mar a dh'àithn an Tighearn do Mhaois.

22 Agus rinn e falluinn na h-ephoid a *dh'*obair fhligte, uile de ghorm.

23 Agus *bha* toll 'am meadhon na falluinn, mar tholl lùirich-mhàillich, agus oir tim-chioll a tuill, a chum nach reubadh i.

24 Agus rinn iad air iomallaibh na falluinn pomgranatan de ghorm, agus de chorcur, agus de scarlaid, agus de anart toinnte.

25 Agus rinn iad cluig a *dh'*òr fìor-ghlan, agus chuir iad na cluig cadar na pomgranatan, air iomall na falluinn mu'n cuairt eadar na pomgranatan:

26 Clag agus pomgranat, clag agus pomgranat, air iomall na falluinn mu'n cuairt, a fhrithcaladh *innte*; mar a dh'àithn an Tighearn do Mhaois.

27 Agus rinn iad còtaichean a *dh'*anart grinn, a *dh'*obair fhligte, air son Aaron agus a chuid mac,

28 Agus crùn-sagairt a *dh'*anart grinn, agus boineidean sgramhach a *dh'*anart grinn, agus briogais anart a *dh'*anart grinn toinnte,

29 Agus crios de anart grinn toinnte, agus de ghorm, agus de chorcur, agus de scarlaid, a *dh'*obair shnàthaide; mar a dh'àithn an Tighearn do Mhaois.

30 Agus rinn iad leac a' chrùn naoinh a *dh'*òr fìor-ghlan, agus sgriobh iad oirre sgriobhadh, *cosmhuil ri* gearradh seulaidh, NAOMHACHD DON TIGHEARN.

31 Agus cheangail iad ri iall de ghorm, g'a daingeachadh air a' chrùn gu h-ard; mar a dh'àithn an Tighearn do Mhaois.

32 Mar so chrìochnaich eadh uil' obair

pàillun bùtha a' choimhthionail: agus rinn clann Israeil a réir gach nì a dh'àithn an Tighearn do Mhaois; mar sin rinn iad.

33 Agus thug iad am pàillun gu Maois, am bùth, agus àirneis uile, a chromagan, a bhuird, a chroinn, agus a phuist, agus a bhuinn;

34 Agus an còmh-dach de chroicinnibh reith-eachan air an dath dearg, agus an còmh-dach de chroicinnibh bhroc, agus brat a' chòmhdach;

35 Àire na Fianuis, agus a bataichean, agus a' chaithir-thròcair;

36 Am bòrd agus a shoithichean uile, agus an t-aran taisbeanaidh;

37 An coinnleir fìor-ghlan agus a lòchrain, cadhlon a lòchrain gu 'bhi air an cur ann an ordugh, agus a shoithichean uile, agus an oladh a chum soluis;

38 Agus an altair òir, agus an oladh-ungaidh, agus an tùis chùbhraidh, agus am brat air son doruis a' phàilluin;

39 An altair umha, agus a cliath umha, a bataichean, agus a soithichean uile, an soithichean-ionnlaid agus a chos;

40 Càirtean na cùirte, a puist, agus a buinn, agus am brat air son geata na cùirte, a cùird, agus a pinneachan, agus uile shoithichean seirbhis a' phàilluin, air son bùtha a' choimhthionail;

41 Eudach an fhrithealaidh gu frithealadh 's an ìonad naomh, an t-eudach naomh air son Aroin an t-sagairt, agus eudach a chuid mac, a fhrithealadh ann an dreachd an t-sagairt.

42 A réir gach nì a dh'àithn an Tighearn do Mhaois, mar sin rinn clann Israeil an obair uile.

43 Agus dh'annhaire Maois air an obair uile, agus, feuch, rinn iad i mar a dh'àithn an Tighearn, eadhon mar sin rinn iad i: agus bheannaich Maois iad.

CAIB. XL.

1 Thugadh àithne do Mhaois gu'n cuireadh e suas pàillun bùtha a' choimhthionail, agus gu'n naomhaicheadh se e. 16 Rinn Maois gach nì a dh'àithn an Tighearn dha. 34 Chòmhdach neul bùth a' choimhthionail.

AGUS labhair an Tighearn ri Maois, ag ràdh,

2 Air a' cheud là de'n cheud mhìos cuiridh tu suas pàillun bùtha a' choimhthionail.

3 Agus cuiridh tu ann àire na Fianuis', agus folaichidh tu 'n àire leis an roinn-bhrat.

4 Agus bheir thu stigh am bòrd, agus cuiridh tu 'n ordugh na nithean a tha gu 'bhi air an cur 'an ordugh air; agus bheir thu stigh an coinnleir, agus lasaidh tu a lòchrain.

5 Agus suidhichidh tu 'n altair òir a tha chum na tùise fa chomhair àirce na Fianuis', agus cuiridh tu brat an doruis ris a' phàillun.

6 Agus suidhichidh tu altair na h-iobairt-loisgte fa chomhair doruis pàilluin bùtha a' choimhthionail.

7 Agus suidhichidh tu 'n soitheach-ionnlaid eadar bùth a' choimhthionail agus an altair, agus cuiridh tu uisge ann.

8 Agus cuiridh tu suas a' chùirt mu'n cuairt, agus crochaidh tu suas am brat aig geata na cùirte.

9 Agus gabhaidh tu an oladh-ungaidh, agus ungaidh tu am pàillun, agus gach nì a tha ann, agus naomhaichidh tu e, agus a shoithichean uile: agus bithidh e naomh.

10 Agus ungaidh tu altair na h-iobairt-loisgte, agus a soithichean uile, agus naomhaichidh tu an altair: agus bithidh an altair ro naomh.

11 Agus ungaidh tu an soitheach-ionnlaid agus a chos, agus naomhaichidh tu e.

12 Agus bheir thu Aaron agus a mhic gu doruis bùtha a' choimhthionail, agus ionnlaididh tu iad le h-uisge.

13 Agus cuiridh tu air Aaron an t-eudach naomh, agus ungaidh tu e, agus naomhaichidh tu e; agus fritheilidh e dhomhsa ann an dreachd an t-sagairt.

14 Agus bheir thu leat a mhic, agus cuiridh tu còtaichean orra,

15 Agus ungaidh tu iad, mar a dh'ung thu 'n athair, agus fritheilidh iad dhomhsa ann an dreachd an t-sagairt; oir bithidh gu deimhin an ungadh-san dhoibh a chum sagartachd shìorruidh air feadh an ginealach.

16 Agus rinn Maois a réir gach nì a dh'àithn an Tighearn dha: mar sin rinn e.

17 Agus b'annas a' cheud mhìos, 's an dara bliadhna, air a' cheud là de'n mhìos, a chuireadh suas am pàillun.

18 Agus chuir Maois suas am pàillun agus dhaingnich e a bhuinn, agus chuir e suas a bhuird, agus chuir e stigh a chroinn, agus thog e suas a phuist.

19 Agus sgaoil e mach am bùth os ceann a' phàilluin, agus chuir e còmh-dach a' bhùtha air os a cheann; mar a dh'àithn an Tighearn do Mhaois.

20 Agus ghabh e agus chuir e an Fhianuis anns an àire, agus chuir e na bataichean air an àire, agus chuir e a' chaithir-thròcair air an àire os a ceann.

21 Agus thug e 'n àire a stigh do'n phàillun, agus chuir e suas brat a' chòmhdach, agus chòmhdach e àire na Fianuis; mar a dh'àithn an Tighearn do Mhaois.

22 Agus chuir e 'n bòrd ann am bùth a' choimhthionail, air taobh a' phàilluin mu thuath, an taobh a muigh de'n roinn-bhrat.

23 Agus chuir e 'n t-aran ann an ordugh air, ann an làthair an Tighearna; mar a dh'àithn an Tighearn do Mhaois.

24 Agus chuir e 'n coinnleir ann am bùth a' choimhthionail, thall fa chomhair a' bhuird, air taobh a' phàilluin ris an àirde deas.

25 Agus las e na lòchrain ann an làthair an Tighearna; mar a dh'àithn an Tighearn do Mhaois.

LEBHITICUS, I.

26 Agus chuir e 'n altair òir ann am bùth a' choimhthionail, air beulaobh an roimhbhrait.

27 Agus loisg e tùis chùbhraidh oirre; mar a dh'àithn an Tighearn do Mhaois.

28 Agus chuir e suas am brat aig doras a' phàilliuin.

29 Agus chuir e altair na h-ìobairt-loisgte làmh ri doras pàilliuin bùtha a' choimhthionail, agus thug e suas oirre an ìobairt-loisgte, agus an tabhartas-bìdh; mar a dh'àithn an Tighearn do Mhaois.

30 Agus chuir e 'n soitheach-ionnlaid eadar bùth a' choimhthionail agus an altair, agus chuir e uisge ann, a dh'ionnlaid leis.

31 Agus dh'ionnlaid Maois, agus Aaron, agus a mhic, an làmh an cosan aige.

32 An uair a bha iad gu dol a stigh do bhùth a' choimhthionail, agus gu teachd an fagus do'n altair, dh'ionnlaid siad iad féin, mar a dh'àithn an Tighearn do Mhaois.

33 Agus chuir e suas a' chùirt timchioll a' phàilliuin agus na h-altarach, agus chuir e suas brat geata na cùirte: mar sin chrìochnaich Maois an obair.

34 An sin chòmhdaich neul bùth a' choimhthionail, agus lìon glòir an Tighearn' am pàilliuin.

35 Agus cha b'urrainn Maois dola stigh do bhùth a' choimhthionail, a chionn gu'n do ghabh an neul còmhnuidh air, agus gu'n do lìon glòir an Tighearn' am pàilliuin.

36 Agus an uair a dh'éirich an neul suas o mhullach a' phàilliuin, chaidh clann Israeil air an aghaidh 'n an uile thurusaidh:

37 Ach mur d'éirich an neul suas, an sin cha do thriall iad gus an là 's an d'éirich e suas:

38 Oir bha neulan Tighearn' air a' phàilliuin 's an là, agus bha teime air 's an oidhche, ann an sealladh thighe Israeil uile, air feadh an uile thurusan.

LEBHITICUS.

CAIB. I.

3 Ìobairtean-loisgte de'n bhuar, 10 de na treud-aibh, 14 agus a dh' eoin.

AGUS ghairm an Tighearn air Maois, agus labhair e ris á pàilliuin a' choimhthionail, ag ràdh,

2 Labhair ri cloinn Israeil, agus abair riu, Ma bheir duine *sam bith* agaibh tabhartas a dh'ionnsuidh an Tighearna, bheir sibh bhur tabhartas de'n spreidh, *eadhon* de'n bhuar agus de'n treud.

3 Ma *bhios* a thabhartas de'n bhuar 'n a ìobairt-loisgte, thugadh e seachad *beathach* firionn gun ghaoid: aig doras pàilliuin a' choimhthionail bheir e seachad e d'a shaor thoil féin, an làthair an Tighearn'.

4 Agus cuiridh e a làmh air ceann na h-ìobairt-loisgte: agus gabhar air a shon i, a dheanamh réite air a shon.

5 Agus marbhaidh e 'n tarbh òg an làthair an Tighearn': agus bheir na sagartan, mic Aaroin, leo an fhuil, agus crathaidh iad an fhuil mu'n cuairt air an altair, a *tha* aig doras pàilliuin a' choimhthionail.

6 Agus fionnaidh e an ìobairt-loisgte, agus gearraidh e i 'n a mhiribh.

7 Agus cuiridh mic Aaroin an t-sagairt teine air an altair, agus leagaidh iad fiodh ann an ordugh air an teine.

8 Agus leagaidh na sagartan, mic Aaroin, na mìrean, an ceann, agus an t-saill, ann an ordugh air an fhiodh a *tha* air an teine, a *tha* air an altair.

9 Ach a mhionach agus a chosan nighidh e ann an uisge: agus loisgidh an sagart an

t-ìomlan air an altair, mar ìobairt-loisgte, tabhartas a bheirear suas le teime, a dh'fhàile cùbhraidh do'n Tighearn.

10 Agus ma's ann de na treudaibh a *bhios* a thabhartas, *eadhon* de na caoraich, no de na gabhraibh, chum ìobairt-loisgte; 'n a *bheathach* firionn gun ghaoid bheir e leis e.

11 Agus marbhaidh se e aig taobh na h-altarach mu thuath ann an làthair an Tighearn': agus crathaidh na sagartan, mic Aaroin, 'fhuil air an altair mu'n cuairt.

12 Agus gearraidh e 'n a mhiribh e, maille r'a cheann agus r'a sbaill; agus cuiridh an sagart iad ann an ordugh air an fhiodh a *tha* air an teine, a *tha* air an altair.

13 Ach nighidh e an mionach agus na cosan le h-uisge; agus bheir an sagart leis an t-ìomlan, agus loisgidh e air an altair e, mar ìobairt-loisgte, tabhartas a bheirear suas le teime, a dh'fhàile cùbhraidh do'n Tighearn.

14 Agus ma's ann a dh' còin a *bhios* a thabhartas do'n Tighearn *chum* ìobairt-loisgte, an sin bheir e a thabhartas de thurturaibh, no de cholumain òga.

15 Agus bheir an sagart e chum na h-altarach, agus sniomhaidh e a cheann deth, agus loisgidh e air an altair e; agus fàisgear a mach 'fhuil air taobh na h-altarach.

16 Agus spionaidh e a gheuban as maille r'a iteagan, agus tilgidh e làmh ris an altair e, air an taobh an ear, a dh'àite na luatha.

17 Agus sgoiltidh e maille r'a sgiathaibh e, *ach* cha roinn e o 'chéile e: agus loisgidh an sagart e air an altair, air an fhiodh a

tha air an teine, mar iobairt-loisgte, tabhartas a bheirear suas le teine, a dh'fhàile cùbhraidh do'n Tighearn.

CAIB. II.

1 *An tabhartas-bidh de phlùr mìn maille ri h-oladh agus ri tùis.* 12 *Tabhartas ceud-thoraidh gach bliadhna.* 13 *Bheirear seachad gach tabhartas-bidh le salann.*

AGUS an nair a bheir neach air bith tabhartas-bidh do'n Tighearn, bithidh a thabhartas de phlùr mìn: agus dòirtidh e oladh air, agus cnuiridh e tùis air:

2 Agus bheir se e gu mic Aaroin, na sagartan, agus gabhaidh e as làn a dhuirn d'a phlùr, agus d'a olaidh, maille r'a thùis uile; agus loisgidh an sagart a chumhneachan air an altair, *gu bhli* 'n a thabhartas air a thoirt suas le teine, a dh'fhàile cùbhraidh do'n Tighearn.

3 Agus fuigheall an tabhartais-bhìdh, *is* le Aaron agus le 'mhic *e*: *is* ni ro naomh e de thabhartasaidh an Tighearna air an toirt suas le teine.

4 Agus ma bheir thu seachad tabhartas-bidh air a dheasachadh 's an àmhuiinn, *is* breacagan neo-ghoirtichte de phlùr mìn measgta le h-olaidh a *bhios ann*, no dearnagan neo-ghoirtichte ungta le h-olaidh.

5 Agus ma's tabhartas-bidh air a dheasachadh ann an àghann a *bhios a'd'* thabhartas, bithidh e de phlùr mìn neo-ghoirtichte, measgta le h-olaidh.

6 Roinnidh tu e 'n a mhìribh, agus dòirtidh tu oladh air: *is* tabhartas-bidh a t'ann.

7 Agus ma *bhios* do thabhartas 'n a thabhartas-bidh o'n àghann-ròstaidh, nithear e de phlùr mìn le h-olaidh.

8 Agus bheir thu 'n tabhartas-bidh, a nithear de na nithean so, chum an Tighearn: agus an uair a thaisbeanar do'n t-sagart e, bheir se e chum na h-altarach.

9 Agus gabhaidh an sagart as an tabhartas-bhìdh cnimhneachan dheth, agus loisgidh se e air an altair: *is* tabhartas a *th'ann* air a thoirt suas le teine, a dh'fhàile cùbhraidh do'n Tighearn.

10 Agus an ni a dh'fhàgar de'n tabhartas-bhìdh, *is* le Aaron agus le 'mhic *e*: *tha e* 'n a ni ro naomh de thabhartais an Tighearna air an toirt suas le teine.

11 Cha deanar tabhartas-bidh sam bith, a bheir sibh a dh'ionnsaidh an Tighearna, le taois ghoirt; oir cha loisg sibh a' bheag de thaois ghoirt, no de mhill, ann an tabhartais an Tighearn: a bheirear suas le teine.

12 A thaobh tabhartais a' cheud toraidh, bheir sibh seachad e do'n Tighearn: ach cha loisgear air an altair e chum fàile cùbhraidh.

13 Agus gach tabhartas-bidh a bheir thu leat, ni thu blasda le salann: cha mhò a leigeas tu le salann coimheangail do Dhé 'bhi dh'easbhuidh air do thabhartas-bidh:

le d' thabhartais uile bheir thu seachad salann.

14 Agus ma bheir thu seachad tabhartas-bidh de d' chend thoradh do'n Tighearn, bheir thu seachad mar an tabhartas-bidh de d' cheud thoradh, diasan glasa de arbhar crnaidhichte leis an teine, *cadhòn* siol buailte as na diasaidh ùra.

15 Agus cnuiridh tu oladh air, agus leagaidh tu tùis air: *is* tabhartas-bidh e.

16 Agus loisgidh an sagart a chumhneachan, cuid d'a arbhar bnailte, agus cnid d'a olaidh, maille r'a thùis nile: *is* tabhartas e a bheirear suas le teine do'n Tighearn.

CAIB. III.

1 *An tabhartas-sith de'n bhur, 6 de'n treud, 7 uan, 12 no gabhar, gun ghaoid.*

AGUS ma *bhios* a thabhartas a *chum* iobairt tabhartasan-sith, ma's ann de'n bhuar a bheir e seachad e, ma's fionn no boirionn e, bheir e seachad e gun ghaoid an làthair an Tighearn.

2 Agus cuiridh e a làmh air ceann a thabhartais, agus marbhaidh se e aig doras pàilliuin a' choimhthionail: agus crathaidh mic Aaroin, na sagartan, an fhuil air an altair mu'n cuairt.

3 Agus bheir e seachad de iobairt nan tabhartas-sith, tabhartas a bheirear suas le teine do'n Tighearn: an t-saill a *tha* 'còmh-dachadh a' mhìonaich, agus an t-saill uile a *th'air* a' mhìonaich,

4 Agus an dà àra, agus an t-saill a *tha* orra, a *tha* air an loch-léin, agus an sgairt a *tha* os ceann nan àinean; maille ris na h-àirnibh, bheir e air falbh i.

5 Agus loisgidh mic Aaroin e air an altair, air an iobairt-loisgte, a *tha* air an fhiodh a *th'air* an teine: *is* tabhartas e a bheirear suas le teine, a dh'fhàile cùbhraidh do'n Tighearn.

6 Agus ma's ann de'n trend a bhitheas a thabhartas chum iobairt tabhartasan-sith do'n Tighearn, fionn no boirionn; bheir e seachad e gun ghaoid.

7 Ma bheir e seachad nan mar a thabhartas, bheir e seachad e an làthair an Tighearn.

8 Agus cuiridh e a làmh air ceann a thabhartais, agus marbhaidh se e fa chomhair pàilliuin a' choimhthionail: agus crathaidh mic Aaroin 'fhuil air an altair mu'n cuairt.

9 Agus bheir e seachad *cuid* de iobairt nan tabhartas-sith, mar thabhartas a bheirear suas le teine do'n Tighearn; a shaill agus an t-earball uile, teann air a' chnàimh-dhroma bheir e air falbh e; agus an t-saill a *tha* 'còmh-dachadh a' mhìonaich, agus an t-saill nile a *tha* air a' mhìonaich,

10 Agus an dà àra, agus an t-saill a *tha* orra, a *tha* làmh ris an loch-léin, agus an sgairt os ceann nan àinean; maille ris na h-àirnibh, bheir e air falbh i.

11 Agus lóisgidh an sagart e air an altair, *is e* biadh an tabhartais a bheirear suas le teine do'n Tighearn.

12 Agus ma's gabhar *abhithéas* 'n a thabhartas, bheir e seachad i an lathair an Tighearn'.

13 Agus cuiridh e a lámh air a ceann, agus marbhaidh se i fa chomhair pàillium a' choimhthionail: agus crathaidh mic Aaroin a fuil air an altair mu'n cuairt.

14 Agus bheir e seachad dh'i a thabhartas, *eadhon* tabhartas a bheirear suas le teine do'n Tighearn; an t-saill a tha 'còmh-dachadh a' mhìonaich, agus an t-saill uile a *tha* air a' mhìonach,

15 Agus an dà àra, agus an t-saill a *tha* orra, a *tha* làimh ris an loch-léin, agus an sgairt os ceann nan àinean; maille ris na h-airnibh, bheir e air falbh i.

16 Agus loisgidh an sagart iad air an altair: *is iad* biadh an tabhartais a bheirear suas le teine, chum faile cùbhraidh. An t-saill uile *is* leis an Tighearn,

17 *Bithidh e* 'n a reachd bith-bhuan do'r ginealachaihbh air feadh bhuir n-àiteachan-còmhuidh uile, nach ith sibh saill no fuil sam bith.

CAIB. IV.

1 *Iobairt-pheacaidh an aineolais*, 3 *air son an t-sagairt*, 13 *air son a' choimhthionail*, 22 *air son uachdarain*, 27 *agus air son an t-sluaigh*.

A GUS labhair an Tighearn ri Maois, ag ràdh,

2 Labhair ri cloinn Israeil, ag ràdh, Ma pheacaicheas anam trid aineolais an aghaidh aoin sam bith a dh' àitheantaibh an Tighearn' (a *thaobh* nithean nach bu chòir a dheanamh) agus gu'n dean e *ni* an aghaidh aoin diubh;

3 Ma pheacaicheas an sagart a chaidh ungadh, a réir peacaidh an t-sluaigh; an sin thugadh e air son a pheacaidh a pheacaich e, tarbh òg gun ghaoid a dh'ionnsuidh an Tighearna chum iobairt-pheacaidh.

4 Agus bheir e an tarbh gu dorus pàillium a' choimhthionail an lathair an Tighearn'; agus cuiridh e a lámh air ceann an tairbh, agus marbhaidh e 'n tarbh an lathair an Tighearn'.

5 Agus gabhaidh an sagart a chaidh ungadh, *cuid* de fluil an tairbh, agus bheir e i gu pàillium a' choimhthionail.

6 Agus tumaidh an sagart a mheur 's an fhuil, agus crathaidh e *cuid* de'n fhuil seachd uairean an lathair an Tighearna, fa chomhair roim-bhrat' a *ionaid* naoimh.

7 Agus cuiridh an sagart *cuid* de'n fhuil air adhaircibh altarach na tìise cùbhraidh 'am fianuis an Tighearn', a *tha* ann am pàillium a' choimhthionail; agus doirtidh e fuil an tairbh uile aig bun altarach na h-iobairt-loisgte, a *tha aig* dorus pàillium a' choimhthionail.

8 Agus uile shàill tairbh na h-iobairt-pheacaidh bheir e air falbh uaith; an t-saill

a tha 'còmh-dachadh a' mhìonaich, agus an t-saill uile a *tha* air a' mhìonach;

9 Agus an dà àra, agus an t-saill a *tha* orra, a *tha* làimh ris an loch-léin, agus an sgairt os ceann nan àinean; maille ris na h-airnibh bheir e air falbh i,

10 Mar a thugadh air falbh i o tharbh iobairt nan tabhartas-sith; agus loisgidh an sagart iad air altair na h-iobairt-loisgte.

11 Agus seiche an tairbh, agus 'fheoil uile, maille r'a cheann, agus maille r'a chosan, agus a *hìon* nach, agus a ghaorr,

12 Eadhon an tarbh gu h-ìomlan giùlainidh e mach an taobh a muigh de'n champ gu h-ionad glan, far an dòrtear a mach an luath, agus loisgidh e air an fhiodh e le teine: iar an dòrtear a mach an luath, loisgear e.

13 Agus ma pheacaicheas coimhthional Israeil uile trid aineolais, agus gu bheil an ni folaichte o shùilibh a' chomhchrùnn-eachaidh, agus gu'n d'rinn iad *ni-eigin* an aghaidh aoin sam bith dh' àitheantaibh an Tighearna, a *thaobh* nithean nach bu chòir a dheanamh, agus gu bheil iad ciontach;

14 An uair a bhios am peacadh, a pheacaidh iad 'n a aghaidh, aithnichte, an sin bheir an comhchrùnn-eachadh seachd tarbh òg air son a' pheacaidh, agus bheir iad e fa chomhair pàillium a' choimhthionail.

15 Agus cuiridh seanairean a' choimhthionail an làmh air ceann an tairbh an lathair an Tighearna; agus marbhar an tarbh an lathair an Tighearna.

16 Agus bheir an sagart a chaidh ungadh *cuid* de fluil an tairbh gu pàillium a' choimhthionail.

17 Agus tumaidh an sagart a mheur *ann an cuid* de'n fuil, agus crathaidh e i seachd uairean an lathair an Tighearna, fa chomhair an roim-bhrat'.

18 Agus cuiridh e *cuid* de'n fhuil air adhaircibh na h-altarach a *tha* 'am fianuis an Tighearna, a *tha* ann am pàillium a' choimhthionail, agus doirtidh e mach an fhuil uile aig bun altarach na h-iobairt-loisgte, a *tha aig* dorus pàillium a' choimhthionail.

19 Agus bheir e air falbh a shàill uile uaith, agus loisgidh e i air an altair.

20 Agus ni e ris an tarbh mar a rian e ri tarbh na h-iobairt-pheacaidh, mar sin ni e ris: agus ni an sagart réite air an son, agus bheirear maithneas dhoibh.

21 Agus bheir e mach an tarbh an taobh a muigh de'n champ, agus loisgidh se e mar a loisge e 'n ceud tarbh: *is* iobairt-pheacaidh e air son a' chomhchrùnn-eachaidh.

22 'N uair a pheacaicheas uachdaran, agus a ni e *ni-eigin* trid aineolais an aghaidh aoin sam bith dh' àitheantaibh an Tighearna a Dhé, a *thaobh* nithean nach bu chòir a dheanamh, agus gu bheil e ciontach:

23 Ma thig a pheacadh, a pheacaich e, g'a fhios; bheir e leis *mar* a thabhartas meann de na gabhraibh, *beathach* firionn gun ghaoid.

24 Agus cuiridh e a làmh air ceann a' mhinn, agus marbhaidh se e 's an ionad anns am marbh iad an ìobairt-loisgte ann an làthair an Tighearna: *is* ìobairt-pheacaidh e.

25 Agus gabhaidh an sagart *cuid* de fhuil na h-ìobairt-pheacaidh le 'mheur, agus cuiridh e *i* air adhaireibh altarach na h-ìobairt-loisgte, agus dòirtidh e mach a fuil aig bun altarach na h-ìobairt-loisgte.

26 Agus loisgidh e a saill uile air an altair, mar a *loisgear* saill ìobairt nan tabhartas-sith: agus ni an sagart rèite air a shon a thaobh a pheacaidh, agus maithear dha e.

27 Agus ma pheacaicheas aon neach de shluagh na dùthcha tràid aineolais, an uair a tha e 'deanamh *ni-eigin* an aghaidh aoin sam bitha dh'aitheantaibh an Tighearna, a *thaobh nithéan* nach bu chòir a dheanamh, agus gu bheil e ciontach:

28 Ma thig a pheacadh, a pheacaich e, g'a fhios; an sin bheir e leis *mar* a thabhartas meann de na gabhraibh, *beathach* boirionn gun ghaoid, air son a pheacaidh a pheacaich e.

29 Agus cuiridh e a làmh air ceann na h-ìobairt-pheacaidh, agus marbhaidh e an ìobairt-pheacaidh ann an ionad na h-ìobairt-loisgte.

30 Agus gabhaidh an sagart *cuid* d'a fuil le 'mheur, agus cuiridh e *i* air adhaireibh altarach na h-ìobairt-loisgte, agus dòirtidh e mach a fuil uile aig bun na h-altarach.

31 Agus bheir e aiseid a saill uile, mar a bheirear an t-saill á h-ìobairt nan tabhartas-sith; agus loisgidh an sagart *i* air an altair, a chum faile cùbhraidh do'n Tighearna: agus ni an sagart rèite air a shon, agus bheirear maitheanas dha.

32 Agus ma bheir e leis uan mar a thabhartas air son peacaidh, bheir e leis *uan* boirionn gun ghaoid.

33 Agus cuiridh e a làmh air ceann an tabhartais-peacaidh, agus marbhaidh se e mar ìobairt-peacaidh 's an ionad anns am marbh iad an ìobairt-loisgte.

34 Agus gabhaidh an sagart *cuid* de fhuil na h-ìobairt-peacaidh le 'mheur, agus cuiridh e *i* air adhaireibh altarach na h-ìobairt-loisgte, agus dòirtidh e mach a fuil uile aig bun na h-altarach.

35 Agus bheir e aiseid a saill uile, mar a bheirear air falbh saill an uain o ìobairt nan tabhartas-sith; agus loisgidh an sagart iad air an altair, a réir nan tabhartas a bheirear suas le feine do'n Tighearna: agus ui an sagart rèite air a shon a thaobh a pheacaidh a rinn e, agus maithear dha e.

1 A thaobh an ti a cheilleas 'eòlas, 2 mu neach a bheanas ri ni sam bith neòghlan, 4 no a bheir mionnan. 14 An ìobairt-eusaontais air son peacaidh ann an nithibh naomha an Tighearna, 17 agus air son pheacaidhean aineolais.

A GUS ma pheacaicheas anam, agus gu'n cluinn e guth mionnachaidh, agus gur fianais e, a chunnaic no is fiosrach air a' chuis, mur cuir e'n eéill *i*, an sin giùlainidh e a chionta:

2 No ma bheanas anam ri ni sam bith neòghlan, ma's cairbh fiadh-bheathaich neòghloin e, no cairbh spréidhe neòghloin, no cairbh ni neòghloin a shnáigeas, agus e an-fhiosrach air; bithidh esan mar an ceudna neòghlan, agus ciontach:

3 No ma bheanas e ri neòghloine duine, ge b'e air bith an neòghloine leis an sa-laichear duine, agus gu bheil e an-fhiosrach air; an uair is fios da e, an sin bithidh e ciontach:

4 No ma mhionnaicheas anam, ag ràdh le 'bhilibh gu'n dean e olc, no gu'n dean e maith, ge b'e air bith e a labhras duine le mionnaibh, agus gu bheil e an-fhiosrach air; an uair is fios da e, an sin bithidh e ciontach ann an aon diubh sin.

5 Agus tachraidh, 'n uair a bhios e ciontach a dh' aon de na *nithibh*, sin, gu'n aidich e gu'n do pheacaich e 's an *ni* sin.

6 Agus bheir e leis 'ìobairt-eusaontais a dh'ionnsuidh an Tighearna air son a pheacaidh a pheacaich e, *beathach* boirionn o'n treud, uan, no meann o na gabhraibh, mar ìobairt-peacaidh: agus ni an sagart rèite air a shon a thaobh a pheacaidh.

7 Agus mur urrainn e uan a thoirt leis, an sin bheir e leis air son a choire a rinn e, dà thurtur, no dà choluman òg, a dh'ionnsuidh an Tighearna; fear a chum ìobairt-peacaidh, agus am fear eile chum ìobairt-loisgte.

8 Agus bheir e iad a dh'ionnsuidh an t-sagairt, agus bheir esan seachad *am fear* a tha chum na h-ìobairt-peacaidh air tùs. agus snìomhaidh e a cheann o 'amhaich, a' cha sgar e o 'chéile iad.

9 Agus crathaidh e *cuid* de fhuil na h-ìobairt-peacaidh air taobh na h-altarach, agus faisgear a' chuid eile de'n fhuil a mach aig bun na h-altarach: *is* ìobairt-peacaidh i.

10 Agus bheir e seachad an dara *cun* mar ìobairt-loisgte, a réir a' ghnàtha: agus ni an sagart rèite air a shon a thaobh a pheacaidh a pheacaich e, agus maithear dha e.

11 Ach mur urrainn e dà thurtur, no dà choluman òg a thoirt leis; an sin bheir esan a pheacaich leis mar a thabhartas an deich-eamh cuid a dh' ephal de phlùr mìn, mar thabhartas-peacaidh: cha chuir e oladh air, ni mò a chuireas e tùis air, oir *is* tabhartas-peacaidh e.

12 An sin bheir e chum an t-sagairt e, agus gabhaidh an sagart làn a dhuinn deth.

eadhon cuimhneachan deth, agus loisgidh e air an altair *e*, a réir nan tabhartas a bheir-ear suas le teine do'n Tighearn: *is* tabhartas-peacaidh *e*.

13 Agus ní an sagart réite air a shon a thaobh a pheacaidh a pheacaich e ann an aon diubh sin, agus maithear dha *e*: agus bithidh *am fuigheall* leis an t-sagart, mar thabhartas-bídh.

14 Agus labhair an Tighearn ri Maois, ag ràdh,

15 Ma ní anam coire, agus gu'm peacaich e tríd aineolais ann an nithibh naomha an Tighearna; an sin bheir e air son a choire dh'ionnsuidh an Tighearna, reithe gun ghaoid o na treudaibh, a réir do mheas-sa le seceibh airgid, a réir seceil an *ionaid* naoimh, chum iobairt-eusaontais.

16 Agus air son an lochd a rinn e 's an ní naomha ní e coimhleasachadh, agus cuiridh e ris an cùigeamh cuid, agus bheir e do 'n t-sagart *e*: agus ní an sagart réite air a shon le reithe na h-iobairt-eusaontais, agus maithear dha *e*.

17 Agus ma pheacaicheas anam, agus gu'n dean e aon de na nithibh sin a thoirmisgeadh le áitheantaibh an Tighearna 'bhi air an deanamh; ged nach b'fhios da e, gidheadh tha e ciontach, agus giùlainidh e aingidheachd.

18 Agus bheir e leis reithe gun ghaoid o'n treud, a réir do mheas-sa, chum iobairt-eusaontais, a dh'ionnsuidh an t-sagairt: agus ní an sagart réite air a shon a thaobh 'aineolais, leis an deachaidh e air seacharan agus gun fhios aig *air*; agus maithear dha *e*.

19 *Is* iobairt-eusaontais a th'ann: chiontaich e gu deimhin an aghaidh an Tighearna.

CAIB. VI.

1 *Na h-ìobairtean-eusaontais air son pheacaidhean a rinneadh le daoimh le'm fios.* 19 *An tabhartas a bheir seachad 'n uair a dh'ungar sagart.*

AGUS labhair an Tighearn ri Maois, ag ràdh,

2 Ma pheacaicheas anam, agus gu'n dean e eusaontas an aghaidh an Tighearna, agus gu'n dean e breug d'a choimhearsnach a thaobh an ní a thugadh dha r'aghleidheadh, no ann an companas, no thaobh an ní a thugadh air falbh le h-ainneart, no ma mheall e a choimhearsnach;

3 No ma fhuair e an ní sin a chailleadh, agus gu'n d'rinn e breug uime, agus gu'n d'thug e mionnan eithich; ann an aon ní dhiubh sin uile a ní duine, a' peacachadh anna:

4 An sin tachraidh, a chionn gu'n do pheacaich e, agus gu bheil e ciontach, gu'n toir e air ais an ní sin a thug e air falbh le h-ainneart, no an ní sin a fhuair e gu mealltach, no an ní sin a thugadh dha r'aghleidheadh, no a chailleadh agus a fhuair e,

5 No ní sam bith m'an d'thug e mionnan

eithich; bheir e air ais e 's an iomlan, agus cuiridh e 'n cùigeamh cuid a thuilleadh ris, agus bheir e dha-san e d'am buin e, ann an là iobairt-eusaontais.

6 Agus bheir e leis iobairt-eusaontais chum an Tighearna, reithe gun ghaoid o'n treud, a réir do mheas-sa, mar iobairt-eusaontais, a dh'ionnsuidh an t-sagairt.

7 Agus ní an sagart réite air a shon an làthair an Tighearna: agus gheibh e maith-eanas a thaobh gach ní dhiubh sin uile a rinn e, a' ciontachadh anna.

8 Agus labhair an Tighearn ri Maois, ag ràdh,

9 Thoir òithne do Aaron agus d'a mhic, ag ràdh, *Is e* so lagh na h-iobairt-loisgte: *(Is i 'n iobairt-loisgte i, air son an loisgidh air an altair air feadh na h-oidheche uile gu maduinn, agus bithidh teine na h-altarach a' losgadh innte)*

10 Agus cuiridh an sagart trusgan anairt uime, agus cuiridh e briogais anairt air 'fhcoil, agus togaidh e suas an luath a loisg an teine leis an iobairt-loisgte air an altair, agus cuiridh e i làimh ris an altair.

11 Agus cuiridh e a thrusgan dheth, agus cuiridh e trusgan eile uime, agus giùlainidh e 'n luath a mach an taobh a muigh de'n champ, gu h-ionad glan.

12 Agus bithidh an teine air an altair a' losgadh innte; cha chuirear as e: agus loisgidh an sagart fiodh oirre gach maduinn, agus cuiridh e an iobairt-loisgte ann an ordugh oirre, agus loisgidh e oirre saill nan iobairtean-sith.

13 Bithidh an teine a' lasadh air an altair an còmhuidh: cha téid e idir as.

14 Agus *is e* so lagh an tabhartais bhídh: Bheir mic Aaroin e an làthair an Tighearna, fa chomhair na h-altarach.

15 Agus gabhaidh e làn a dhuirn dheth, de phlùr an tabhartais bhídh, agus d'a olaidh, agus an tùis uile a *tha* air an tabhartas-bhídh, agus loisgidh e air an altair *e*, chum faile cùbhraidh, *eadhon* cuimhneachan dheth do'n Tighearn.

16 Agus ithidh Aaron agus a mhic am fuigheall: maille ri aran neo-ghoirtichte ithear e 's an ionad naomh; ann an cùirt pàilluin a' choimhthionail ithidh iad e.

17 Cha-n fhuinear e le taois ghoirt: thug mi *dhoibh e mar* an cuibhrionn de m' thabhartasaibh air an toirt suas le teine: *tha e* ro naomh, mar an iobairt-peacaidh, agus mar an iobairt-eusaontais.

18 Ithidh gach frionnach am measg chloinn Aaroin dheth: *bithidh e 'n a reachd siorruidh air feadh bhur ginealachan thaobh tabhartasan an Tighearna air an toirt suas le teine: bithidh gach neach a bheanas riu naomh.*

19 Agus labhair an Tighearn ri Maois, ag ràdh,

20 *Is e* so tabhartas Aaroin, agus a chuid

mac, a bheir iad seachad do'n Tighearn, 's an là a dh'ungar e; an deicheamh cuid de ephal de phlùr uin mar thabhartas-bidh an còmhnuidh, a leth 's a' mhaduinn, agus a leth 's an fheasgar.

21 Anu an àghainn nithear e le h-olaidh, agus an uair a bhitheas e fuinte, bheir thu stigh e: agus na mìrean fuinte de'n tabhartas-bidh bheir thu seachad a chum faile chùbhraidh do'u Tighearn.

22 Agus bheir an sagart d'a mhic, a dh'ungadh 'u a àite, seachad e: is reachd sìorruidh e do'n Tighearn; loisgear gu h-iomlan e.

23 Oir loisgear gach tabhartas bidh air son an t-sagairt gu h-iomlan: cha-n ithear e.

24 Agus labhair an Tighearn ri Maois, ag ràdh,

25 Labhair ri h-Aaron agus r'a mhic, ag ràdh, Is e so lagh na h-ìobairt-pheacaidh: 's an ionad anns am uarbhar an ìobairt-loisgte, bithidh an ìobairt-pheacaidh air a marbhadh 'am fianuis an Tighearna: tha i ro naomh.

26 Ithidh an sagart i, a bheir seachad i air son peacaidh: anns an ionad naomh ithear i, anu an cùirt pàilliuin a' choimhthionail.

27 Ge 'b' ni a bheanas r'a feoil, bithidh e naomh; agus an uair a chrathar a' bheag d'a fuil air eudach sam bith, niglidh tu an ni air an do chrathadh i anns an ionad naomh.

28 Agus bithidh au soitheach creadh anns an do bhruicheadh i air a bhriseadh; ach ma bhruicheadh i ann an coireadh umha, glanar agus nighear e ann an uisge.

29 Ithidh na firionnaich uile am measg nan sagart dhith: tha i ro naomh.

30 Ach cha-n ithear ìobairt pheacaidh sam bith, d'an d'fhugadh a' bheag de'n fhuil a steach do phàilliuin a' choimhthionail, a dheanamh rèite 's an ionad naomh: loisgear 's an teine i.

CAIB. VII.

1 Lagh na h-ìobairt-eusaontais, 11 agus lagh ìobairt' nan tabhartas-sith. 22 An t-saill, 26 agus an fhuil air an toirmeasg.

AGUS is e so lagh na h-ìobairt-eusaontais: tha i ro naomh.

2 Annsau ionad 's am marbhadh an ìobairt-loisgte, marbhadh iad an ìobairt-eusaontais: agus crathaidh e a fuil air an altair mu'n euairt.

3 Agus bheir e seachad dhith a saill uile; an t-earball, agus an t-saill a tha 'còmh-dachadh a' mhìonaich,

4 Agus an là àra, agus an t-saill a tha orra, a tha làimh ris an loch-léiu, agus an seairt a tha os ceann nan àinean; uaille ris na h-àirnibh, bheir e air falbh i.

5 Agus loisgidh an sagart iad air an altair, mar thabhartas a bheirear suas le teine do'u Tighearn: is ìobairt-eusaontais i.

6 Ithidh gach firionnach am measg nan sagart dhith: 's an ionad naomh ithear i; tha i ro naomh.

7 Mar an ìobairt-pheacaidh, is amhuil sin an ìobairt-eusaontais: is aon lagh dhoibh: leis an t-sagart a ni rèite leathra, bithidh i.

8 Agus an sagart a bheir seachad ìobairt-loisgte duine sam bith, is leis an t-sagart so croicìonu na h-ìobairt-loisgte a thug e seachad.

9 Agus buinidh an tabhartas-bidh uile a dh'fhuinear ann an àmhuinn, agus gach ni a dheasaichear ann an àghann-ròstaidh, agus ann am mèis, do'n t-sagart a bheir seachad e.

10 Agus bithidh gach tabhartas-bidh measgta le h-olaidh agus tioram, le mic Aaron uile, leis gach aon uiread r'a chèile.

11 Agus is e so lagh ìobairt' nau tabhartas-sith, a bheir e seachad do'n Tighearn:

12 Ma's ann mar bhreith-buidheachais a bheir e seachad i, an sin bheir e seachad maille ris an ìobairt-bhuidheachais breacagan neo-ghoirtichte measgta le h-olaidh, agus dearnagan neo-ghoirtichte ungta le h-olaidh, agus breacagan measgta le h-olaidh, de phlùr mìn, air a ròstadh.

13 A thuilleadh air na breacagaibh, bheir e seachad mar a thabhartas, aran goirtichte, maille ri ìobairt-buidheachais a thabhartas-sith.

14 Agus dh'i sin bheir e seachad aon as an tabhartas iomlan, mar thabhartas-togta do'n Tighearn, agus bithidh e leis an t-sagart a chrathas fuil nan tabhartas-sith.

15 Agus ithear feoil ìobairt a thabhartas-sith air son breith-buidheachais, 's au là sin féin anns an toir ear seachad i; cha-n fhàg e 'bheag dhith gu maduinn.

16 Ach ma's bòid no tabhartas deònach ìobairt a thabhartais, 's an là sin féin anns an toir e seachad ìobairt, ithear i; agus air an là muireach mar an ceudna ithear a fuigheall.

17 Ach loisgear le teine fuigheall feòla na h-ìobairt' air an treas là.

18 Agus ma dh'ithear idir a bheag de fheoil ìobairt a thabhartas-sith air an treas là, cha ghabhar i, ui nuò a mheasar i dha-sau a bheir seachad i: bithidh i 'n a gràineileachd, agus an t-anau a dh'itheas dhith giùlainidh e a'aingidheachd.

19 Agus an fheoil a bheanas ri ni sam bith neòghlan, cha-n ithear i; loisgear i le teine: agus a thaobh na feòla, gach neach a bhitheas glan, ithidh e dhith.

20 Ach an t-anam a dh'itheas de fheoil ìobairt' nan tabhartas-sith, a bhuineas do'n Tighearn, agus a neòghloine air, gearrar eadhon an t-anam sin as o 'shluagh.

21 Agus an t-anam a bheanas ri ni sam bith neòghlan, ri neòghloine duine, no ri ainmhidh neòghlan, no ri gràineileachd neòghloin sam bith, agus a dh'itheas de

fheoil iobairt nan tabhartas sìth a *bhuineas* do'n Tighearn, gearrar eadhon an t-anam sin as o 'shluagh.

22 Agus labhair an Tighearn ri Maois, ag ràdh,

23 Labhair ri cloinn Israeil, ag ràdh, Saill air bith daimh, no caorach, no gaibhre, cha-n ith sibh.

24 Agus feudar saill ainmhidh a gheibh bàs leis féin, agus saill an ainmhidh sin a reubar le fiadh-bheathaichibh, a ghnàthachadh gu feum sam bith eile; ach cha-n ith sibh idir dhith:

25 Oir ge b'e dh'itheas saill o'n ainmhidh sin d'an toir daoine seachad iobairt a loisgear le teine do'n Tighearn, gearrar eadhon an t-anam sin a dh'itheas *dhith* as o 'shluagh.

26 Agus cha-n ith sibh gnè sam bith fola, ma's ann a dh'coin no dh' ainmhidh, ann an aon air bith d'ur n-àiteachaibh-còmh-nuidh.

27 Gach anam a dh'itheas gnè sam bith fola, gearrar eadhon an t-anam sin as o 'shluagh.

28 Agus labhair an Tighearn ri Maois, ag ràdh,

29 Labhair ri cloinn Israeil, ag ràdh, Esan a bheir seachad iobairt a thabhartasan-sìth do'n Tighearn, bheir e leis a thabhartas a dh'ionnsuidh an Tighearna, de iobairt a thabhartasan-sìth.

30 Bheir a lùmhan féin leo tabhartasan an Tighearna a bheirear suas le teine; an t-saill maille ris an uchd, so bheir e leis, a chum gu'n luaisgear an t-uchd *mar* thabhartas-luaiseag an làthair an Tighearna.

31 Agus loisgidh an sagart an t-saill air an altair: ach bithidh an t-uchd le Aaron agus le mhic.

32 Agus an slinnean deas bheir sibh do'n t-sagart *mar* thabhartas-togta, de iobairtibh bhuir tabhartasan-sìth.

33 Aige-san de mhic Aaron a bheir suas fuil nan tabhartas-sìth, agus an t-saill, bithidh an slinnean deas mar a chuibhrionn.

34 Oir ghabh mi an t-uchd luaisgte agus an slinnean togta o chloinn Israeil, de iobairtibh an tabhartasan-sìth, agus thug mi iad do Aaron an sagart, agus d'a mhic, le reachd sìorruidh o mheasg chloinn Israeil.

35 *Is* e so *cuibhrionn* ungaidh Aaron, agus ungaidh a chuid mac, de thabhartasaibh an Tighearna a bheirear suas le teine, 's an là anns an d'thug e a làthair iad a fhrithealadh do'n Tighearn ann an dreuchd an t-sagairt;

36 A dh'àithn an Tighearn a thoirt dhoibh o chloinn Israeil, 's an là anns an d'ung e iad, le reachd sìorruidh air feadh an gin-calachan.

37 *Is* e so lagh na h-iobairt-loisgte, an tabhartais bhidh, agus na h-iobairt-pheacaidh, agus na h-iobairt cusaontais, agus nan

coisreagadh, agus iobairt nan tabhartas-sìth,

38 A dh'àithn an Tighearn do Mhaois ann an sliabh Shinaì, 's an là anns an d'àithn e do chloinn Israeil an tabhartasan a thoirt seachad do'n Tighearn, ann am fàsach Shinaì.

CAIB. VIII.

1 *Choisrig Maois Aaron agus a mhic.* 14 *An iobairt-pheacaidh.* 18 *An iobairt-loisgte.* 22 *Reithe a' choisreagaidh.* 31 *Aile agus àm an coisreagaidh.*

A GUS labhair an Tighearn ri Maois, ag ràdh,

2 Thoir leat Aaron agus a mhic maille ris, agus an trusgan *naomh*, agus an oladh-ungaidh, agus tarbh mar an iobairt-pheacaidh, agus dà reithe, agus bascaid de aran neo-ghoirtichte.

3 Agus cruinnich an coimhthional uile 'an ceann a chèile gu dorus pàilliuin a' choimhthional.

4 Agus rinn Maois mar a dh'àithn an Tighearn dha; agus chruinnicheadh an coimhthional r'a chèile gu dorus pàilliuin a' choimhthional.

5 Agus thubhairt Maois ris a' choimhthional, *Is* e so an ni a dh'àithn an Tighearn a dheanamh.

6 Agus thug Maois Aaron agus a mhic leis, agus dh'ionnlaid e iad le h-uisge.

7 Agus chuir e air an còta, agus chrìoslaich se e leis a' chrìos, agus dh'endaich se e leis an fhalluinn, agus chuir e 'n ephod air, agus chrìoslaich se e le crìos rìomhach na h-ephoid, agus cheangail e ris i leis.

8 Agus chuir e 'n uchd-éididh air; agus chuir e anns an uchd-éididh an Urim agus an Tumìn.

9 Agus chuir e 'n crùn-sagairt air a cheann; mar an ceudna air a' chrùn-sagairt, eadhon air a' chuid-beoil deth chuir e 'n leac òir, an crùn naomh, mar a dh'àithn an Tighearn do Mhaois.

10 Agus ghabh Maois an oladh-ungaidh, agus dh'ung e 'm pàilliuin, agus gach *ni* a *bha* ann, agus naomhaich e iad.

11 Agus chrath e *cuid* dhith air an altair seachd uairean, agus dh'ung e 'n altair, agus a soithichean uile, arann an soitheach-ionnlaid agus a chos, a chum an naomhachadh.

12 Agus dhòirt e de'n oladh-ungaidh air ceann Aaron, agus dh'ung se e, chum a naomhachadh.

13 Agus thug Maois mic Aaron leis, agus chuir e còtaichean orra, agus chrìoslaich e iad le crìosaibh, agus chuir e boineidean orra, mar a dh'àithn an Tighearn do Mhaois.

14 Agus thug e leis an tarbh air son na h-iobairt-pheacaidh, agus chuir Aaron agus a mhic an lùmhan air ceann an tairbh air son na h-iobairt pheacaidh.

15 Agus mharbh se *e*; agus ghabh Maois an fhuil, agus chuir e *i* air adhaircibh na h-altarach mu'n cuairt le 'mheur, agus ghlan e 'n altair; agus dhòirt e 'n fhuil aig bun na h-altarach, agus naomhaich e *i*, a dheanamh réite oirre.

16 Agus ghabh e 'n ìgh uile a *bha* air a' mhionach, agus an scart *os ceann* nan àinean, agus an dà àra, agus an ìgh; agus loisg Maois *iad* air an altair.

17 Ach an tarbh agus a sheiche, agus 'fheoil, agus 'aolach, loisg e le teine an taobh a nuigh de'n champ, mar a dh'àithn an Tighearn do Mhaois.

18 Agus thug e leis an reithe *air son* na h-ìobairt-loisgte: agus chuir Aaron agus a mhic an làmh an air ceann an reithe.

19 Agus mharbh se *e*; agus chrath Maois an fhuil air an altair mu'n cuairt.

20 Agus ghearr e 'n reithe 'n a mhìribh; agus loisg Maois an ceann, agus na mìrean, agus an t-saill.

21 Agus nigh e am mionach agus na cosan ann an uisge; agus loisg Maois an reithe uile air an altair: b'ìobairt-loisgte e, chum faile chùbhraidh: tabhartas air a thoirt suas le teine do'n Tighearn, mar a dh'àithn an Tighearn do Mhaois.

22 Agus thug e leis an reithe eile, reithe a' choisreagaidh: agus chuir Aaron agus a mhic an làmh an air ceann an reithe.

23 Agus mharbh se *e*; agus ghabh Maois *cuid* d'a fhuil, agus chuir e *i* air bàrr chaise deise Aaroin, agus air ordaig a làimhe deise, agus air ordaig a choisre deise.

24 Agus thug e leis mic Aaroin, agus chuir Maois *cuid* de'n fhuil air bàrr an cluaise deise, agus air ordaig an làimhe deise, agus air ordaig an coise deise: agus chrath Maois an fhuil air an altair mu'n cuairt.

25 Agus ghabh e 'n t-saill, agus an t-earball, agus an ìgh uile a *bha* air a' m'ìonach, agus an scart *os ceann* nan àinean, agus an dà àra agus an ìgh, agus an slùinean deas.

26 Agus á bascaid an arain neo-ghoirtichte, a *bha* an làthair an Tighearna, ghabh e aon bhreacag neo-ghoirtichte, agus aon bhreacag de aran le h-olaidh, agus aon dearnagan, agus chuir e *iad* air an t-saill, agus air an t-slinnean deas:

27 Agus chuir e 'n t-ìomlan air làmh an Aaroin, agus air làmh an chuid mac, agus luaig e *iad* mar thabhartas-luaisgte an làthair an Tighearna.

28 Agus ghabh Maois *iad* bhàrr an làmh, agus loisg e *iad* air an altair os ceann na h-ìobairt-loisgte; *bu* tabhartas-coisreagaidh *iad* a chum faile chùbhraidh; tabhartas air a thoirt suas le teine do'n Tighearn.

29 Agus ghabh Maois an t-uchd, agus luaig se e mar thabhartas-luaisgte an làthair an Tighearna: b'e cuibhrionn Mhaois

e de reithe a' choisreagaidh; mar a dh'àithn an Tighearn do Mhaois.

30 Agus ghabh Maois *cuid* de'n oladhungaidh, agus de'n fhuil a *bha* air an altair, agus chrath e air Aaron *i*; air 'eudach, agus air a mhic, agus air eudach a m'iac maille ris: agus naomhaich e Aaron, agus 'eudach, agus a mhic, agus eudach a m'iac maille ris.

31 Agus thubhairt Maois ri h-Aaron, agus r'a mhic, Bruichibh an fheoil aig dorus pàilliuin a' choimhthionail, agus am an sin ìthibh *i* leis an aran a *tha* ann am bascaid a' choisreagaidh, mar a dh'àithn mise, ag ràdh, fthidh Aaron agus a mhic *i*.

32 Agus an ni sin a dh'fhàgar de'n fheoil agus de'n aran, loisgidh sibh le teine.

33 Agus air dorus pàilliuin a' choimhthionail cha téid sibh a mach *rè* sheachd làithean, gus am bi làithean bhur coisreagaidh air an crìochnachadh: oir rè sheachd làithean coisrigidh e sibh.

34 Mar a rinn e 'n diugh, mar sin dh'àithn an Tighearna a bhdeanta, a dheanamh réite air bhur son.

35 Uime sin aig dorus pàilliuin a' choimhthionail fanaidh sibh a là agus a dh'oidheche, rè sheachd làithean, agus coimhididh sibh ordugh an Tighearna, chum nach faigh sibh bàs: oir is ann mar sin a thugadh làithne dhomhsa.

36 Agus rinn Aaron agus a mhic na h-uile nithean a dh'àithn an Tighearn le làimh Mhaois.

CAIB. IX.

1, 8 *Ìobairt-pheacaidh agus ìobairt-loisgte Aaroin air a shon féin, agus air son an t-sluaigh. 23 An sluagh air am beannachadh. 24 Thàinig teine mach o'n Tighearn air an altair.*

A GUS air an ochdamh là ghairm Maois air Aaron agus air a mhic, agus air scanairibh Israeil;

2 Agus thubhairt e ri h-Aaron, Gabh dhuit féin laogh òg chum ìobairt-pheacaidh, agus reithe chum ìobairt-loisgte, gun ghaoid, agus thoir seachd *iad* an làthair an Tighearna.

3 Agus labhraidh tu ri cloinn Israeil ag ràdh, Gabhaibhse kann de na gabhraidh chum ìobairt-pheacaidh; agus laogh, agus uan, le *'chéile* de'n cheud bhliadhna, gun ghaoid, a chum ìobairt-loisgte;

4 Mar an ceudna tarbh agus reithe, mar thabhartasan-sith, a chum an ìobradh an làthair an Tighearna; agus tabhartas-bidh measgta le h-olaidh: oir an diugh foillsichidh an Tighearn e féin dhuibh.

5 Agus thug *iad an ni sin* a dh'àithn Maois gu beulaobh pàilliuin a' choimhthionail: agus thàinig an coimhthional uile an fagus, agus sheas *iad* an làthair an Tighearna.

6 Agus thubhairt Maois, *Is* e so an ni a



dh'àithn an Tighearn gu'n deanadh sibh; agus foillsichear glòir an Tighearna dhuibh.

7 Agus thubhairt Maois ri h-Aaron, Imich a dh'ionnsuidh na h-altarach, agus iobairt d'iobairt-pheacaidh, agus d'iobairt-loisgte, agus dean réite air do shon féin, agus air son an t-sluaigh: agus thoir suas tabhartas an t-sluaigh, agus dean réite air an sou, mar a dh'àithn an Tighearn.

8 Chaidh Aaron uime sin a dh'ionnsuidh na h-altarach, agus mharbh e laogh na h-iobairt-pheacaidh, a *bha* air a shon féin.

9 Agus thug mic Aaron an fhuil d'a ionnsuidh; agus thum e a mheur 's an fhuil, agus chuir e air adhaircibh na h-altarach i, agus dhòirt e mach an fhuil aig bun na h-altarach.

10 Ach an t-saill agus na h-àirnean, agus an scairt os ceann àinean na h-iobairt-pheacaidh, loisg e air an altair, mar a dh'àithn an Tighearn do Mhaois.

11 Agus an fheoil agus an t-seiche loisg e le teine, an taobh a muigh de'n champ.

12 Agus mharbh e 'n iobairt-loisgte; agus thug mic Aaron an fhuil d'a ionnsuidh, agus chrath e i air an altair mu'n cuairt.

13 Agus thug iad an iobairt-loisgte d'a ionnsuidh, maille r'a miribh, agus an ceann; agus loisg e *iad* air an altair.

14 Agus nigh e am mionach agus na cosan, agus loisg e *iad* air an iobairt-loisgte air an altair.

15 Agus thug e leis tabhartas an t-sluaigh, agus ghabh e meann na h-iobairt-pheacaidh a *bha* air son an t-sluaigh, agus mharbh se e, agus thug e suas e air son peacaidh, mar a' cheud iobairt.

16 Agus thug e leis an iobairt-loisgte, agus dh'iobairt e i do réir a' ghnàtha.

17 Agus thug e leis an tabhartas-bìdh, agus lion e a dhòrn as, agus loisg e air an altair e, a thuilleadh air iobairt-loisgte na maidne.

18 Mharbh e mar an ceudna an tarbh, agus an reithe, mar iobairt nan tabhartasan-sith, a *bha* air son an t-sluaigh; agus thug mic Aaron d'a ionnsuidh an fhuil, agus chrath e i air an altair mu'n cuairt.

19 Agus saill an tairbh, agus earball an reithe, agus an *ni* sin a tha còmhachadh a' *mhìonaich*, agus na h-àirnean, agus an scairt os ceann nan àinean.

20 Agus chuir iad an t-saill air na h-uchd-aibh, agus loisg e 'n t-saill air an altair.

21 Agus na h-uchdan agus an slinnean deas luaisg Aaron mar tabhartas-luaisgte an làthair an Tighearna, mar a dh'àithn Maois.

22 Agus thog Aaron suas a làmhnan chum an t-sluaigh, agus bheannaich e iad; agus thàinig e nuas o iobradh na h-iobairt-pheacaidh, agus na h-iobairt-loisgte, agus nan iobairtean-sith.

23 Agus chaidh Maois agus Aaron a steach

do phàillium a' choimhthionail, agus thàinig iad a mach, agus bheannaich iad an sluagh: agus dh'fhoillsicheadh glòir an Tighearna do'n t-sluaigh uile.

24 Agus thàinig teine a mach o làthair an Tighearna, agus loisg e air an altair an iobairt-loisgte, agus an t-saill: agus chumnaic an sluagh uile e, agus rinn iad iolach, agus thuit iad air an aghaidh.

CAIB. X.

1 *Nadab agus Abihu air an losgadh.* 8 *Fion air a thoirmeasg do na sagartan an uair a rachadh iad do bhàth a' choimhthionail, &c.*

AGUS ghabh Nadab agus Abihu, mic Aaron, gach fear diubh a thùiseir, agus chuir iad teine ann, agus chuir iad tuis air, agus thug iad suas 'am fianuis an Tighearna teine coimheach, nach d'àithn e dhoibh.

2 Agus chaidh teine mach o làthair an Tighearna, agus loisg e suas iad, agus fhuair iad bàs an làthair an Tighearna.

3 An sin thubhairt Maois ri h-Aaron, *Is e so an ni a labhair an Tighearn, ag ràdh, Amta-san a thig am fagus dhomh naomhaichear mise, agus an làthair an t-sluaigh uile glòraichear mi.* Agus dh'fhan Aaron 'n a thosd.

4 Agus ghairm Maois air Misael agus air Elsaphan, mic Udsieil, bràthar athar Aaron, agus thubhairt e riu, Thigibh am fagus, giùlainibh bhur bràithrean o fhianuis an *ionaid* naoimh a mach as a' champ.

5 Agus chaidh iad am fagus, agus ghiùlain iad 'n an còtaichibh iad a mach as a' champ, mar a thubhairt Maois.

6 Agus thubhairt Maois ri h-Aaron, agus ri h-Eleasar, agus ri h-Itamar, a mhic, Na rùisgibh bhur cinn, agus na reubaibh bhur n-eudach, air eagal gu'm faigh sibh bàs, agus air eagal gu'n tig fearg air an t-sluaigh uile; ach deanadh bhur bràithrean, tigh Israeil uile, tuireadh air son an losgaidh a las an Tighearn.

7 Agus cha téid sibh a mach air dorus pàillium a' choimhthionail, air eagal gu'm faigh sibh bàs: oir tha oladh-ungaidh an Tighearna oirbh. Agus rinn iad a réir focail Mhaois.

8 Agus labhair an Tighearn ri h-Aaron, ag ràdh,

9 Na h-dèl fion no deoch làidir, thu féin, no do mhic maille riut, an uair a théid sibh a steach do phàillium a' choimhthionail, air eagal gu'm faigh sibh bàs: *bithidh e 'n a reachd bith-bhuan* air feadh bhur gincalach;

10 Agus a chum gu'n cuir sibh eadar-dhealachadh eadar naomh agus mì-naomh, agus eadar neòghlan agus glan;

11 Agus a chum gu'n teagaisg sibh do chloinn Israeil na h-orduighean uile a labhair an Tighearn riu le làmh Mhaois.

12 Agus labhair Maois ri h-Aaron, agus ri h-Eleasar, agus ri h-Itamar, a mhic a

dh'fhan *beò*, Gabhaibh an tabhartas-bìdh a dh'fhàgadh de thabhartasaibh an Tighearna air an toirt suas le teine, agus ithibh e gun ghoirteachadh laimh ris an altair; oir *tha* e ro naomha.

13 Agus ithidh sibh e 's an ionad naomh, a chionn *gur* e do dhlighe e, agus dlighe do mhac, de thabhartasaibh an Tighearna air an toirt suas le teine: oir is ann mar sin a dh'èithneadh dhomhsa.

14 Agus an t-uchd luaisgte agus an slinnean togta ithidh sibh ann an ionad glan; thu féin, agus do mhic, agus do nigheanan, maille riut: oir *is iad* do dhlighe iad, agus dlighe do mhac, a thugadh dhoibh á iobairtibh tabhartasan-sith chloinn Israeil.

15 An slinnean togta, agus an t-uchd luaisgte, maille ris na tabhartasaibh air an toirt suas le teine de'n t-saill, bheir iad leogus a luasgadh mar thabhartas-luaisgte an làthair an Tighearna; agus is leats' e, agus le d' mhic maille riut, le reachd bith-bhuan, mar a dh'èithn an Tighearn.

16 Agus dh'iarr Maois gu dìchiollach meann na h-iobairt-phacaidh, agus feuch, loisgeadh e: agus bhia fearg aige ri h-Eleasar agus ri h-Itamar, mic Aarom, a dh'fhàgadh *beò*, ag ràdh,

17 Car son nach d'ith sibh an iobairt-phacaidh 's an ionad naomh, do bhrìgh gu *bheil* i ro naomh, agus thug *Dia* dhuibh i a ghiùlan aingidheachd a' choimhthionail, a dheanamh rèite air an son 'am fianuis an Tighearna?

18 Feuch, cha d'fhugadh a fuil a steach an taobh a stigh de'n *ionad* naomh: bu chòir dhuibh gu deimhin a h-ithheadh 's an *ionad* naomh, mar a dh'èithn mise.

19 Agus thubhairt Aaron ri Maois, Feuch, an diugh thug iad suas an iobairt-phacaidh, agus an iobairt-loisgte, an làthair an Tighearn; agus thachair an leithidean sin de nithibh dhomhsa; agus nam bithinn air itheadh na h-iobairt-phacaidh an diugh, an gabhtadh rithe an làthair an Tighearna?

20 Agus an uair a chuala Maois *sin*, bha e toilichte.

CAIB. XI.

1, 4 *Mu bheathaichibh glana. 13 agus mu bheathaichibh neòghlan.*

AGUS labhair an Tighearn ri Maois, agus ri h-Aaron, ag ràdh riu,

2 Labhraidh ri cloinn Israeil, ag ràdh, *Is iad* so na beathaichean a dh'itheas sibh de na h-uile ainmhidhean a *tha* air an talamh.

3 Gach aon a roinneas an ionga, agus, a sgoilteasan ladhar, agus a' chnàmhas a' chùir, ann measg nan ainmhidhean, sin ithidh sibh.

4 Ach iad so cha-n ith sibh, dhiubhsan a chnàmhas a' chùir, no dhiubhsan a roinneas an ionga: *mar* an càmhail, a chionn ged a chnàmh e a' chùir, nach roinn e an ionga; neòghlan *tha* e dhuibh.

5 Agus an coinean, a chionn ged a chnàmh e a' chùir, nach roinn e an ionga; neòghlan *tha* e dhuibh.

6 Agus a' mhaigheach, a chionn ged a chnàmh i a' chùir, nach roinn i an ionga; neòghlan *tha* i dhuibh.

7 Agus a' mhuc, a chionn ged a roinn i an ionga, agus ged a sgoilt i an ladhar, gidh-eadh nach cnàmh i a' chùir; neòghlan *tha* i dhuibh.

8 D'am feoil eha-n ith sibh, agus r'an cairbh cha bhean sibh; neòghlan *tha* iad dhuibh.

9 Iad so ithidh sibh, dhiubhsan uile a *tha* 's na h-uisgeachaibh: gach *ni* air am bheil itean agus lannan anns na h-uisgeachaibh, anns na cuantaibh, agus anns na h-aimhnicuibh, iad sin ithidh sibh.

10 Agus gach *ni* air nach 'eil itean no lannan anns na cuantaibh, agus anns na h-aimhnicuibh, de gach *ni* a ghluaiseas 's na h-uisgeachaibh, agus de gach *ni* beò, a *tha* 's na h-uisgeachaibh; 'n an gràineileachd *bithidh* iad dhuibh:

11 Eadhon 'n an gràineileachd bithidh iad dhuibh: d'am feoil eha-n ith sibh, agus d'an cairbh gabhaidh sibh gràin.

12 Gach *ni* air nach 'eil itean no lannan anns na h-uisgeachaibh, 'n a ghràineileachd *bithidh* sin dhuibh.

13 Agus dhiubh so gabhaidh sibh gràin ann measg nan eun; cha-n ithear iad, 'n an gràineileachd *tha* iad: an iolair, agus an cnàmh-bhristeach, agus an iolar-uisge,

14 Agus am fang, agus an clamhan a réir a ghnè;

15 Gach fitheach a réir a ghnè;

16 Agus a' chailleach-oidhe, agus an t-seabag-oidhe, agus a chuach, agus an t-scabhag a réir a ghnè,

17 Agus a' chailleach-oidhe bheag, agus an scarbh, agus a' chailleach-oidhe mhòr,

18 Agus an eala, agus am pelican, agus an iolair-fhionn,

19 Agus a' chorra-bhàn, agus a' chorra-ghlas a réir a ghnè, agus an t-adharcann-luachrach, agus an ialtag.

20 *Bithidh* gach *ni* snàigeach a dh'itealaicheas, agus a dh'imicheas air ceithir chosan, 'n a ghràineileachd dhuibh.

21 Ach iad so feudaidh sibh itheadh, de gach *ni* snàigeach a dh'itealaicheas, agus a dh'imicheas air ceithir chosan, aig am bheil luirgean os ceann a throidhean, gu leum leo air an talamh.

22 Eadhon iad so dhiubh feudaidh sibh itheadh: an locust a réir a ghnè, agus an locust maol a réir a ghnè, agus an daol a réir a ghnè, agus an leummach-uaine a réir a ghnè.

23 Ach *bithidh* gach *ni* eile snàigeach a dh'itealaicheas, aig am bheil ceithir chosan, 'n a ghràineileachd dhuibh.

24 Agus air an son sin bithidh sibh neò-

ghlan: gach neach a bheanas r'an cairbh, bithidh e neòghlan gu feasgar.

25 Agus ge b'e air bith a ghiùlaineas a' bheag d'an cairbh, nighidh e 'eudach, agus bithidh e neòghlan gu feasgar.

26 Bithidh cairbh gach ainmhidh a roinneas an ionga, agus nach sgoilt an ladhar, agus nach cnàmh a' chuir, neòghlan dhuibh: gach neach a bheanas riu, bithidh e neòghlan.

27 Agus ge b'e air bith a dh'imicheas air a mhàgaibh, am measg nan uile bheathaichean a dh'imicheas air cheithir chosan, bithidh e neòghlan dhuibh; gach neach a bheanas r'an cairbh, bithidh e neòghlan gu feasgar.

28 Agus easan a ghiùlaineas an cairbh, nighidh e 'eudach, agus bithidh e neòghlan gu feasgar; neòghlan *tha* iad dhuibh.

29 Agus bithidh iad so neòghlan dhuibh am measg nan nithean snàigeach a shnàigeas air an talamh: an neas, agus an luch, agus an crocoideil a réir a ghné,

30 Agus am firead, agus an cameleon, agus an deare-luachrach, agus an t-seilcheag, agus am fámh.

31 *Tha* iad sin neòghlan dhuibh 'n am measg nan uile a shnàigeas: gach neach a bheanas riu, 'n uair a bhios iad marbh, bithidh e neòghlan gu feasgar.

32 Agus gach ni air an tuit a *h-aon* diubh, 'n uair a bhios e marbh, bithidh e neòghlan; co dhiubh is soitheach fiodha sam bith e, no eudach, no croicionn, no sac: feumaidh gach soitheach anns an deanar obair sam bith, a bhi air a chur ann an uisge, agus bithidh e neòghlan gu feasgar; an sin bithidh e glan.

33 Agus a *thaobh* gach soithich creadha, anns an tuit a *h-aon* diubh, bithidh gach ni a *tha* ann neòghlan; agus brisidh sibh e.

34 De gach uile bhiadh a dh'ithear, bithidh am *biadh sin* air an tig uisge, neòghlan; agus bithidh gach deoch a dh'òlar ann an soitheach sam bith, neòghlan.

35 Agus bithidh gach ni air an tuit a' bheag d'an cairbh, neòghlan; *ma's* àmhuinn e, no coireachan, brisear sìos iad: neòghlan *tha* iad, agus neòghlan bithidh iad dhuibh.

36 Gidheadh bithidh fuaran no tobar *anns am bi* pailteas uisge, glan: ach bithidh an ni sin a bheanas r'an cairbh, neòghlan.

37 Agus ma thuiteas a' bheag d'an cairbh air sìol-cuir sam bith, a bhios r'a chur, bithidh e glan.

38 Ach ma chuirear uisge sam bith air an t-sìol, agus gu'n tuit a' bheag d'an cairbh air, neòghlan bithidh e dhuibh.

39 Agus ma bhàsaicheas ainmhidh sam bith d'am feud sibh itheadh, bithidh easan a bheanas r'a cairbh neòghlan gu feasgar.

40 Agus easan a dh'itheas d'a chairbh, nighidh e 'eudach, agus bithidh e neòghlan gu feasgar: easan mar an ceudna a ghiù-

laineas a chairbh, nighidh e 'eudach, agus bithidh e neòghlan gu feasgar.

41 Agus bithidh gach ni snàigeach a shnàigeas air an talamh, 'n a ghràineileachd: cha-nithear e.

42 Gach ni a dh'imicheas air a' bhroinn, agus gach ni a dh'imicheas air cheithir chosan, no ge b'e air bith aig am bheil tuilleadh chosan am measg nan uile nithean snàigeach a shnàigeas air an talamh; cha-nith sibh iad, oir is gràineileachd iad.

43 Cha dean sibh sibh féin gràineil le ni snàigeach sam bith a shnàigeas, cha mhò 'ni sibh sibh féin neòghlan leo, air chor is gu'n truaillcar sibh leo.

44 Oir is mise an Tighearn bhur Dia: naomhaichidh sibh air an aobhar sin sibh féin, agus bithidh sibh naomha; oir *tha* mise naomh: agus cha truaill sibh sibh féin le ni snàigeach sam bith a shnàigeas air an talamh.

45 Oir is mise an Tighearn a thug sibhse a mach á tìr na h-Eiphit, gu bhi 'a m' Dhia agaibh: bithidh sibhse uime sin naomha, oir *tha* mise naomh.

46 Is e so lagh nan ainmhidh, agus nan eunlaith, agus gach dùile bhed a ghluaiseas anns na h-uisgeachan, agus gach dùil a shnàigeas air an talamh:

47 A chur dealachaidh eadar an neòghlan agus an glan, agus eadar am beathach a dh'fheadar itheadh, agus am beathach nach feudar itheadh.

CAIB. XII.

1 Mu neòghloine bhan an dèigh breill doinne, 6 agus an iobairtean.

A GUS labhair an Tighearn ri Maois, ag ràdh,

2 Labhair ri cloinn Israeil, ag ràdh, Ma dh'fhàsas bean torrach, agus gu'm beir i mac, an sin bithidh i neòghlan seachd làithean; a réir làithean a dealachaidh air son a h-annhuinneachd bithidh i neòghlan.

3 Agus air an ochdamh là timchioll-ghearr foil a roinnh-chroicinn.

4 Agus fanaidh i an sin trì làithean deug 'ar fhichead ann an fuil a glanaidh: cha bhean i ri ni naomh sam bith, agus cha tig i steach do'n ionad naomh, gus an coimhlionar làithean a glanaidh.

5 Ach ma bheireas i leanabh nighinn, an sin bithidh i neòghlan dà sheachdain, mar 'n a dealachadh: agus fanaidh i ann am fuil a glanaidh trì fichead agus sè làithean.

6 Agus an uair a choimhlionar làithean a glanaidh air son mic, no air son nighinn, bheir i uan de'n cheud bhliadhna chum iobairt-loisgte, agus columan òg, no eun turuir chum iobairt-pheacaidh, gu dorus pàilluin a' choimhthionail, a dh'ionnsuidh an t-sagairt:

7 Agus bheir e seachad e an làthair an Tighearna, agus ni e réite air a son, agus

glanar i o ruith a fola. *Is e so an 'lagh air a sonsa a bheireas mac no nighean.*

8 Agus mur urrainn i uan a thoirt leatha, an sin bheir i leatha dà thurtur, no dà choluman òg; fear dhiubh chum ìobairt-loisgte, agus am fear eile chum ìobairt-phéacaidh; agus ni an sagart réite air a son, agus bithidh i glan.

CAIB. XIII.

1 *Na riaghailtean agus na comharan leis an aithnich an sagart plàigh na luibhre.*

Agus labhair an Tighearn ri Maois agus ri h-Aaron, ag ràdh,

2 'N uair a bhios aig duine ann an croicinn 'fheòla atadh, no guirein, no ball soilleir, agus gu'm bi e ann an croicinn 'fheòla *cosmhuilt* ri plàigh luibhre; an sin bheirear e gu h-Aaron an sagart, no gu h-aon d'a mhic, na sagartan.

3 Agus amhaircidh an sagart air a' phlàigh ann an croicinn 'fheòla; agus *an uair* a bhios am fionnadh 's a' phlàigh air tionndadh gu bà, agus *a bhios a'* phlàigh r'a faicinn ni's doimhne na croicinn 'fheòla; *is* plàigh luibhre a th'ann: agus amhaircidh an sagart air, agus gairmidh e neòghlan e.

4 Ach ma *tha* am ball soilleir ann an croicinn 'fheòla bà, agus gun e bhi r'a fhaicinn ni's doimhne na 'n croicinn, agus gun 'fhlionnadh 'bhi air tionndadh gu bà; an sin druididh an sagart a stigh *esan air am bheil a'* phlàigh seachd làithean.

5 Agus amhaircidh an sagart air, air an t-seachdamh là: agus, feuch, *ma tha'* phlàigh 'n a shealladh air stad, *agus* gun a' phlàigh 'bhi 'sgaoileadh 's a' chroicinn; an sin druididh an sagart a stigh e seachd làithean eile.

6 Agus amhaircidh an sagart air a ris air an t-seachdamh là, agus, feuch, *ma bhios a'* phlàigh càil-eigin dorcha, agus nach 'eil a' phlàigh air sgaoileadh 's a' chroicinn, gairmidh an sagart glan e: *cha-n'èil* ann ach guirein; agus nighidh e 'eudach, agus bithidh e glan.

7 Ach ma sgaoil an guirein gu mòr a mach 's a' chroicinn, an deigh dha bhi air 'fhaicinn leis an t-sagart a chum a ghlanaidh; ehithear e ris leis an t-sagart.

8 Agus amhaircidh an sagart air, agus, feuch, *ma tha 'n* guirein air sgaoileadh 's a' chroicinn, an sin gairmidh an sagart e neòghlan: *is* luibhre *a th'ann.*

9 An uair a bhios plàigh luibhre air duine, an sin bheirear e chum an t-sagairt:

10 Agus amhaircidh an sagart air: agus, feuch, *ma tha* atadh bà 's a' chroicinn, agus gu'n do thionndaidh e am fionnadh gu bà, agus *gu'm bheil* feoil bheò dhearg 's an atadh,

11 Is seann luibhre a th'ann, ann an croicinn 'fheòla; agus gairmidh an sagart e neòghlan, agus eha druid e stigh e, oir *tha* e neòghlan.

12 Agus ma bhriseas luibhre gu mòr a mach 's a' chroicinn, agus gu'n còmhdaich an luibhre croicinn *an neach air am bheil a'* phlàigh uile o 'cheann gu 'throidh, ge b'e ball air an amhaire an sagart;

13 An sin bheir an sagart fairear: agus, feuch, *ma* còmhdaich an luibhre 'fheoil uile, gairmidh e *esan glan air am bheil a'* phlàigh: thionndaidheadh e uile gu bà; *tha e* glan.

14 Ach an uair a bhios feoil dhearg r'a faicinn air, bithidh e neòghlan.

15 Agus amhaircidh an sagart air an fheoil dhearg, agus gairmidh e neòghlan e; oir *tha 'n* fheoil dhearg neòghlan: *is* luibhre a th'ann.

16 Ach ma thig an fheoil dhearg air a h-ais a ris, agus gu'n tionndaidhear gu bà i, thug e chum an t-sagairt,

17 Agus amhaircidh an 'sagart air: agus, feuch, *ma tha'* phlàigh air tionndadh gu bà, an sin gairmidh an sagart *esan glan air am bheil a'* phlàigh: *tha e* glan.

18 An fheoil mar an ceudna anns an robh, *eadhon 'n* a croicinn, neascaid, agus a leighiseadh,

19 Agus aig am bheil ann an àite na neascaid' atadh bà, no ball soilleir bà, càil-eigin dearg, nochdar do'n t-sagart e;

20 Agus ma 'se 'n uair a chi an sagart e, feuch, gu bheil e r'a fhaicinn ni's doimhne na'n croicinn, agus 'fhlionnadh air a thionndadh gu bà; gairmidh an sagart neòghlan e: *is* plàigh luibhre a *th'ann* air briseadh a mach anns an neascaid.

21 Ach ma dh'amhairceas an sagart air, agus, feuch, *nach 'eil* fionnadh bà air bith ann, agus gun e ni's doimhne na'n croicinn, ach càil-eigin dorcha; an sin druididh an sagart a stigh e seachd làithean.

22 Agus ma tha e air sgaoileadh a mach gu mòr 's a' chroicinn, an sin gairmidh an sagart e neòghlan; *is* plàigh a th'ann.

23 Ach ma tha 'm ball soilleir air stad 'n a àite, gun e air sgaoileadh, *is* neascaid loisgeach a th'ann; agus gairmidh an sagart glan e.

24 No *ma bhios* feoil air bith ann, aig am bheil 'n a croicinn losgadh teth, agus gu'm bi anns an *fheoil* bheò a tha' losgadh ball bà soilleir, càil-eigin dearg, no bà;

25 An sin amhaircidh an sagart air; agus, feuch, *ma tha 'm* fionnadh anns a' bhall shoilleir air tionndadh gu bà, agus e r'a fhaicinn ni's doimhne na 'n croicinn; *is* luibhre a th'ann air briseadh a mach anns an losgadh: uime sin gairmidh an sagart neòghlan e; *is* plàigh luibhre a th'ann.

26 Ach ma dh'amhairceas an sagart air, agus, feuch, *nach 'eil* fionnadh bà air bith air a' bhall shoilleir, agus nach 'eil e ni's doimhne na'n croicinn eile, ach *gu bheil e* càil-eigin dorcha; an sin druididh an sagart a stigh e seachd làithean.

27 Agus amhaircidh an sagart air, air an t-seachdamh là, agus ma tha e air sgaoileadh a mach gu mòr 's a' chroicinn, an sin gairmidh an sagart neòghlan e; is plàigh luibhre a th'ann.

28 Agus ma tha 'm ball soilleir air stad 'n a àite, gun e air sgaoileadh 's a' chroicinn, ach e càil-eigin dorch; is atadh o'n losgadh a th'ann, agus gairmidh an sagart glan e; oir is leannachadh a th'ann o'n losgadh.

29 Ma tha aig duine no mnaoi plàigh air a' cheann, no air an fheusaig;

30 An sin amhaircidh an sagart air a' phlàigh: agus, feuch, ma tha i r'a faicinn nì's doimhne na 'n croicinn, agus fionnadh tana buidhe innte; an sin gairmidh an sagart neòghlan e: is càrr tioram a th'ann, eadhon luibhre air a' cheann, no air an fheusaig.

31 Agus ma dh'amhairceas an sagart air plàigh a' charra, agus, feuch, nach 'eil i r'a faicinn nì's doimhne na 'n croicinn, agus nach 'eil fionnadh dubh sam bith innte; an sin druididh an sagart a stigh esan air am bheil plàigh a' charra, seachd làithean.

32 Agus amhaircidh an sagart air a' phlàigh air an t-seachdamh là, agus, feuch, mur 'eil an càrr air sgaoileadh, agus nach 'eil fionnadh buidhe sam bith ann, agus nach 'eil an càrr r'a faicinn nì's doimhne na'n croicinn;

33 An sin bcarrar e, ach an càrr cha bhearr e; agus druididh an sagart a stigh esan air am bheil an càrr, seachd làithean eile.

34 Agus air an t-seachdamh là amhaircidh an sagart air a' chàrr: agus, feuch, mur 'eil an càrr air sgaoileadh 's a' chroicinn, no r'a faicinn nì's doimhne na'n croicinn; an sin gairmidh an sagart glan e: agus nighidh e 'eudach, agus bithidh e glan.

35 Ach ma tha an càrr air sgaoileadh gu mòr 's a' chroicinn an déigh a ghlanaidh;

36 An sin amhaircidh an sagart air, agus, feuch, ma tha an càrr air sgaoileadh 's a' chroicinn, cha-n iarr an sagart fionnadh buidhe: tha e neòghlan.

37 Ach ma tha an càrr 'n a shealladh air stad, agus ma tha fionnadh dubh air fàs suas ann, leighiseadh an càrr, tha e glan: agus gairmidh an sagart glan e.

38 Ma bhios mar an ceudna aig duine no aig mnaoi ann an croicinn am feòla buill shoilleir, eadhon buill bhàna shoilleir;

39 An sin amhaircidh an sagart: agus, feuch, ma tha na buill shoilleir ann an croicinn am feòla odhar-bhàn, is leus teas e air fàs 's a' chroicinn: tha e glan.

40 Agus an duine aig am bheil a cheann air failleadh, tha e maol: gidheadh tha e glan.

41 Agus esan aig am bheil 'fholt air failleadh de'n chuid sin d'a cheann a' tha leth r'a eudan, tha e maol-bhathais each; gidheadh tha e glan.

42 Agus ma tha 'n a cheann maol, no 'n a bhathais mhaol creuchd bhàn càil-eigin dearg; is luibhre a th'ann air fàs suas 'n a cheann maol, no 'n a bhathais mhaol.

43 An sin amhaircidh an sagart air; agus, feuch, ma tha atadh no creuchdan bann-dhearg 'n a mhaol cheann, no 'n a mhaol bhathais, mar a nochdar an luibhre ann an croicinn na feòla;

44 Is duine lobhrach e, tha e neòghlan: gairmidh an sagart e neòghlan gu h-ìomlan; tha a' phlàigh 'n a cheann.

45 Agus an lobhar air am bheil a' phlàigh, reubar 'eudach, agus bithidh a cheann lom-nochd, agus cuiridh e folach air a bhl' uachdaraich, agus gladhaidh e, Neòghlan, neòghlan.

46 Rè ran uile làithean a bhios a' phlàigh air, bithidh e salach; tha e neòghlan: gabhaidh e còmhnuidh 'n a aonar; an taobh a muigh de'n champ bithidh 'ionad tàimh.

47 An t-eudach mar an ceudna anns am bheil plàigh na luibhre, ma's eudach olla e, no ma's eudach lìn e,

48 Ma's ann a tha i 's an dlùth, no 's an inneach, de lìon no dl'olainn, ma's ann an croicinn, no ann an nì sam bith deanta de chroicinn:

49 Agus ma tha 'phlàigh uaine no dearg 's an eudach, no 's a' chroicinn, aon chuid 's an dlùth no 's an inneach, no ann an nì sam bith deanta de chroicinn; is plàigh luibhre a th'ann, agus feuchar i do'n t-sagart.

50 Agus amhaircidh an sagart air a' phlàigh, agus druididh e stigh an nì anns am bheil a' phlàigh seachd làithean.

51 Agus amhaircidh e air a' phlàigh air an t-seachdamh là: ma tha 'phlàigh air sgaoileadh 's an eudach, aon chuid 's an dlùth no 's an inneach, no ann an croicinn, no ann an obair sam bith deanta de chroicinn; is luibhre chnàmhanach a' phlàigh: tha e neòghlan.

52 Loisgidh e uime sin an t-eudach, ma's dlùth no inneach, ann an olainn no ann an lìon, no nì air bith deanta de chroicinn, anns a' bheil a' phlàigh: oir is luibhre chnàmhanach a th'ann; loisgear e 's an teine.

53 Agus ma dh'amhairceas an sagart, agus, feuch, nach 'eil a' phlàigh air sgaoileadh 's an eudach, aon chuid 's an dlùth, no 's an inneach, no ann an nì sam bith deanta de chroicinn;

54 An sin àithnidh an sagart dhoibh an nì anns a' bheil a' phlàigh a nigheadh, agus druididh e stigh e seachd làithean eile.

55 Agus amhaircidh an sagart air a' phlàigh an déigh a nigheadh: agus, feuch, mur do mhlùth a' phlàigh a dath, agus mur do sgaoil a' phlàigh, tha e neòghlan; loisgidh tu 's an teine e: is cnàmhan 'an leth stigh e, ma's lom a stigh no muigh e.

56 Agus ma dh'amhairceas an sagart, agus, feuch, *gu bheil* a' phlàigh càil-eigin dorchaidh au dèigh a nightheadh; an sin reubaidh e as an eudach i, no as a' chroicinn, no as an dlùth, no as an inneach.

57 Agus ma tha i r'a faicinn fathast 's an eudach, aon chuid 's an dlùth, no 's an inneach, no ann an ni air bith *deanta* de chroicinn; *is plàigh* sgaoilteach a th'ann: loisgidh tu le teime an ni anns a' *bheil* a' phlàigh.

58 Agus an t-eudach, ma's dlùth, no inneach e, no ni air bith *deanta* de chroicinn, a nighas tu, ma chaidh a' phlàigh asda, an sin nighear e an dara uair, agus bithidh e glan.

59 *Is* e so lagh plàigh' na luibhre ann an eudach olla no lìn, anns an dlùth, no anns an inneach, no ann an ni sam bith *deanta* de chroicinn, chum a ghairm glan, no 'ghairm neòghlan.

CAIB. XIV.

1 An lagh agus na h-ìobairtean leis an glanar an lobhar. 33 Comharan luibhre ann an tigh: 48 mar a ghlanar an tigh sin.

AGUS labhair an Tighearn ri Maois, ag ràdh,

2 Bithidh so 'n a lagh do'n lobhar, ann an là a ghlanaidh: Bheirrean e chum an t-sagairt;

3 Agus thèid an sagart a mach as a' champ; agus amhaircidh an sagart, agus, feuch, *ma* leighiseadh plàigh na luibhre anns an lobhar;

4 An sin àithnidh an sagart gu'n gabhar air a shonsan a tha gu 'bhi air a ghlanadh, dà eun bhed ghlan, agus fiodh seudair, agus scarlaid, agus hiosop.

5 Agus àithnidh an sagart gu marbhar aou de na h-eòin ann an soitheach creadha, os ceann uisge ruith.

6 A thaobh an coin bhed, gabhaidh se e, agus am fiodh seudair, agus an scarlaid, agus an hiosop, agus tumaidh e iad agus an t-eun beò, ann am fuil an eoin a mharbhadh os ceann an uisge ruith.

7 Agus crathaidh e air-san a tha gu bhi air a ghlanadh o'n luibhre, seachd uairean, agus gairmidh e glan e, agus leigidh e as an t-eun beò air aghaidh na macharach.

8 Agus nighidh esan a tha gu 'bhi air a ghlanadh 'eudach, agus bearraidh e dh' e 'fhionnadh uile, agus nighidh se e féin ann an uisge, chum gu'm bi e glan: agus 'n a dhéigh sin thig e steach do'n champ, agus fanaidh e mach as a' bhùth seachd làithean.

9 Ach air an t-seachdamh là, bearraidh e uile fholt a chinn, agus 'fheusag, agus mailghean a shùl, cadhon 'fhionnadh uile bearraidh e dheth: agus nighidh e 'eudach, nighidh e mar an ceudna 'fheoil ann an uisge, agus bithidh e glan.

10 Agus air an ochdamh là gabhaidh e dà uan fhirionn gun ghaoid, agus aon uan boirionn de'n cheud bhliadhna gun ghaoid,

agus tri deich carrannan de phlùr mìn mar thabhartas-bidh, measgta le h-olaidh, agus aon log olaidh.

11 Agus nochdaidh an sagart a ni glan e, an duine a tha r'a ghlanadh, agus na nithean sin an làthair an 'Tighearn', *aig* doras pàill-inn a' choimhthionail:

12 Agus gabhaidh an sagart aon uan fhirionn, agus bheir e seachad e mar ìobairt-eusaontais, agus an log olaidh, agus luaisgidh e iad mar thabhartas-luaisgte 'am fianuis an Tighearn'.

13 Agus marbhaidh e 'n t-uan anns an àito 's an marbh e 'n ìobairt-pheacaidh agus an ìobairt-loisgte, anns an ionad naomh; oir mar *is* leis an t-sagart an ìobairt-pheacaidh, *is amhuil* sin an ìobairt-eusaontais: *tha* i ro naomh.

14 Agus gabhaidh an sagart *cuid* de fhuil na h-ìobairt-eusaontais, agus cuiridh an sagart *i* air bàrr cluaisc deise an neach a tha r'a ghlanadh, agus air ordaig a làimhe deise, agus air ordaig a chois deise.

15 Agus gabhaidh an sagart *cuid* de'n log olaidh, agus dòirtidh e *i* ann an glaic a làimhe clithe féin.

16 Agus tumaidh an sagart a mheur deas 's an olaidh a *tha* 'n a làimh chli, agus crathaidh e *cuid* de'n olaidh le 'mheur, seachd uairean an làthair an Tighearn'.

17 Agus de'n chuid eile de'n olaidh a *tha* 'n a làimh, cuiridh an sagart air bàrr cluaisc deise an neach a tha r'a ghlanadh, agus air ordaig a làimhe deise, agus air ordaig a chois deise, air fuil na h-ìobairt-eusaontais.

18 Agus fuigheall na h-olaidh, a *tha* 'n làimh an t-sagairt, dòirtidh e air ceann an neach a tha r'a ghlanadh: agus ni an sagart réite air a shon 'am fianuis an Tighearna.

19 Agus ìobraidh an sagart an ìobairt-pheacaidh, agus ni e réite air a shonsan a tha r'a ghlanadh o 'neòghloine, agus 'n a dhéigh sin marbhaidh e 'n ìobairt-loisgte.

20 Agus bheir an sagart seachad an ìobairt-loisgte, agus an tabhartas-bidh air an altair: agus ni an sagart réite air a shon, agus bithidh e glan.

21 Agus ma *tha* e bochd, agus nach urrainn e an uiread sin fhaghail; an sin gabhaidh e aon uan *chum* ìobairt-eusaontais gu 'bhi air a luasgadh, a dheanamh réite air a shon, agus aon deicheadh carrann de phlùr mìn measgta le h-olaidh, mar thabhartas-bidh, agus log olaidh;

22 Agus dà thururt, no dà choluman òg, mar is urrainn e fhaghail; agus bithidh fear dhiubh 'n a ìobairt-pheacaidh, agus am fear eile 'n a ìobairt-loisgte.

23 Agus bheir e iad air an ochdamh là, air son a ghlanaidh, chum an t-sagairt, gu doras pàilluin a' choimhthionail, an làthair an Tighearna.

24 Agus gabhaidh an sagart uan na h-ìobairt-eusaontais, agus an log olaidh, agus

huaisgidh an sagart iad *mar* thabhartas-luaisgte an làthair an Tighearna.

25 Agus marbhaidh e uan na h-ìobairt-eusaontais, agus gabhaidh an sagart *cuid* de fhuil na h-ìobairt-eusaontais, agus cuiridh e i air bàrr chuaise deise an fhir a tha r'a ghlanadh, agus air ordaig a làimhe deise, agus air ordaig a choise deise.

26 Agus dòirtidh an sagart *cuid* de'n olaidh ann an glaic a làimhe clìthe féin.

27 Agus crathaidh an sagart le 'mhèur deas *cuid* de'n olaidh a *tha* 'n a làimh chli seachd uairean 'am fianuis an Tighearna.

28 Agus cuiridh an sagart *cuid* de'n olaidh a *tha* 'n a làimh, air bàrr chuaise deise an fhir a tha r'a ghlanadh, agus air ordaig a làimhe deise, agus air ordaig a choise deise, air ionad fola na h-ìobairt-eusaontais.

29 Agus a' chuid eile de'n olaidh a *tha* 'an làimh an t-sagart, cuiridh e air ceann an fhir a tha r'a ghlanadh, a dheanamh réite air a shon 'am fianuis an Tighearna.

30 Agus ìobraidh e fear de na turtuir, no de na columain òga, mar is urrainn e fhaghail;

31 *Eadhon* an ni is urrainn e fhaghail, fear mar ìobairt-phéacaidh, agus am fear eile mar ìobairt-loisgte, maille ris an tabhartas-bhìdh. Agus ni an sagart réite air a shonsan a tha r'a ghlanadh, 'am fianuis an Tighearna.

32 So lagh an *fhir* anns a' *bheil* plàigh na luibhre, neach nach ruig a làmh air *an ni sin a bhuineas* d'a ghlanadh.

33 Agus labhair an Tighearn ri Maois, agus ri h-Aaron, ag ràdh,

34 An uair a thig sibh do thìr Chanaain, a bheir mise dhuibh mar sheilbh, agus a chuireas mi plàigh luibhre ann an tigh fearainn blur seilbhe;

35 Agus gu'n tig esan d'am buin an tigh agus gu'n innis e do'n t-sagart, ag ràdh, A réir mo bharail-sa tha mar gu'm bu phlàigh *luibhre* 's an tigh;

36 An sin àitimidh an sagart dhoibh an tigh fhalmhachadh mun téid an sagart a *stigh ann* a dh'fhaicinn na plàigh; chum nach deanar gach ni a *tha* 's an tigh neòghlan: agus 'n a déigh sin théid an sagart a steach a dh'fhaicinn an tigh.

37 Agus amhaircidh e air a' phlàigh, agus, feuch, *ma bhitheas* a' phlàigh ann am ballaibh an tighe, le stiallaibh domhain, càileigin uaine no dearga, a *tha* r'am faicinn nì's isle na 'm balla:

38 An sin théid an sagart a mach as an tigh gu dorus an tighe, agus bheir e faineir an tigh a dhùnadh suas seachd làithean.

39 Agus thig an sagart a ris air an t-seachdamh là, agus amhaircidh e: agus, feuch, *ma bhitheas* a' phlàigh air sgaoileadh ann am ballaibh an tighe;

40 An sin àithnidh an sagart iad a thoirt air falbh nan clach, anns a' *bheil* a' phlàigh,

agus tilgidh iad ann an àite neòghlan iad an taobh a mach de'n bhaile.

41 Agus bheir e faineir an tigh a sgrìobadh air an taobh a stigh mu'n cuairt, agus tilgidh iad a mach an dslach a sgrìobas iad deth, an taobh a muigh de'n bhaile gu àite neòghlan.

42 Agus gabhaidh iad clachan eile, agus cuiridh iad ann an àite nan clach ud *iad*; agus gabhaidh e criadh eile, agus còmhdaichidh e thairis an tigh *leathra*.

43 Agus ma thig a' phlàigh a ris, agus *ma bhriseas* i mach 's an tigh, an déigh dha na clachan a thoirt air falbh, agus an déigh dha an tigh a sgrìobadh, agus an déigh *dha* a chòmhdachadh thairis *le crèidh*;

44 An sin thig an sagart agus amhaircidh e, agus, feuch, ma tha 'phlàigh air sgaoileadh 's an tigh, *is* luibhre chnàmham i 's an tigh; *tha* e neòghlan.

45 Agus brisidh e sìos an tigh, a chlachan, agus 'fhiodh, agus criadh an tighe uile: agus bheir e faineir *an* giùlan a mach as a' bhaile gu h-ionad neòghlan.

46 Agus bithidh esan a théid a stigh do'n tigh rè na h-ùine a dhruidear suas e, neòghlan gu feasgar.

47 Agus nighidh esan a luidheas anns an tigh 'eudach: agus nighidh esan a dh'itheas anns an tigh 'eudach.

48 Agus ma théid an sagart a stigh, agus gu'n amhaire e *air*, agus, feuch, nach do sgaoil a' phlàigh 's an tigh, an déigh an tigh a chòmhdachadh thairis; an sin gairmidh an sagart an tigh glan, a chionn gu'n do leighisidh a' phlàigh.

49 Agus gabhaidh e chum an tigh a ghlanadh dà eun, agus fiodh seudair, agus scarlaid, agus hiosop.

50 Agus marbhaidh e aon de na h-eoin ann an soitheach creadha, os ceann uisge ruith.

51 Agus gabhaidh e an fiodh seudair, agus an hiosop, agus an scarlaid, agus an t-eun beò, agus tumaidh e iad ann am fuil an eoin a chaidh a mharbhadh, agus anns an uisge ruith; agus crathaidh e i air an tigh seachd uairean.

52 Agus glanaidh e an tigh le fuil an eoin, agus leis an uisge ruith, agus leis an eun bheò, agus leis an fhiodh sheudair, agus leis an hiosop, agus leis an scarlaid.

53 Ach leigidh e as an t-eun beò an taobh a mach de'n bhaile, air aghaidh na macharach, agus ni e réite air son an tighe: agus bithidh e glan.

54 So an lagh air son gach gnè de phlàigh luibhre, agus de chàrr,

55 Agus air son luibhre eudaich, agus air son tighe,

56 Agus air son ataidh, agus air son guirein, agus air son buill shoilleir;

57 A theagasg c'uin a *bhitheas* e neòghlan, agus c'uin a *bhitheas* e glan: *is e* so lagh na luibhre.

CAIB. XV.

1, 19 *Neòghloine le sìltichibh: 13, 28 Mar a ghlanar iad.*

AGUS labhair an Tighearn ri Maois, agus ri h-Aaron, ag ràdh,

2 Labhraibh ri cloinn Israeil, agus abraibh riu, 'N uair a bhios aig duine sam bith silteach o 'fheoil, air son a shiltich *bithidh* e neòghlan.

3 Agus is e so a neòghloine 'n a shilteach: ma shileas 'fheoil a mach a sìleadh, no ma dhùinear 'fheoil suas o shilteach, *is* e so a neòghloine.

4 Gach leabadh air an luidh esan air am bheil silteach, bithidh *i* neòghlan: agus gach ni air an suidh e, bithidh e neòghlan.

5 Agus gach neach a bheanas r'a leabaidh, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

6 Agus esan a shuidheas air ni *sam bith* air an do shuidh neach air am bheil silteach, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

7 Agus esan a bheanas ri feoil neach air am bheil silteach, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

8 Agus ma thilgeas esan air am bheil silteach smugaid airsan a tha glan, an sin nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

9 Agus gach diollaid air am marcaich esan air am bheil silteach, bithidh *i* neòghlan.

10 Agus gach neach a bheanas ri ni sam bith a bha foidhe, bithidh e neòghlan gu feasgar: agus esan a ghiùlaineas a *h-aon air bith de* na nithibh sin, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

11 Agus gach neach ris am bean esan air am bheil silteach, agus nach d'ionnlaid a làmhann ann an uisge, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

12 Agus an soitheach creadha ris am bean esan air am bheil silteach, brisear *e*: agus gach soitheach fiodha, nighear ann an uisge e.

13 Agus an uair a ghlanar esan air am bheil silteach o 'shilteach, an sin àirmhidh e dha fèin seachd làithean air son a ghlanaidh, agus nighidh e 'eudach, agus ionnlaididh e 'fheoil ann an uisge ruith, agus bithidh e glan.

14 Agus air an ochdamh là gabhaidh e dha fèin dà thurtur, no dà choluman òg, agus thig e an làthair an Tighearna, gu doras pàilliuin a' choimhthionail, agus bheir e iad do'n t-sagart.

15 Agus iobraidh an sagart iad, aon diubh

mar iobairt-pheacaidh, agus an t-aon eile mar iobairt-loisgte; agus ni an sagart réite air a shon an làthair an Tighearna a thaobh a shiltich.

16 Agus ma dh'fhalbhas a shìol-gin o dhuine sam bith, an sin nighidh e 'fheoil uile ann an uisge, agus bithidh e neòghlan gu feasgar.

17 Agus gach eudach, agus gach croicinn air am bi an sìol-gin, nighear e ann an uisge, agus bithidh e neòghlan gu feasgar.

18 Mar an ceudna a' bhean leis an luidh fear le sìol-gin, nighidh iad *araon iad fèin* ann an uisge, agus bithidh iad neòghlan gu feasgar.

19 Agus an uair a bhios silteach air nmaoi, agus gur fuil a bhios 'n a silteach 'n a feoil, seachd làithean cuirear air leth i; agus gach neach a bheanas rithe, bithidh e neòghlan gu feasgar.

20 Agus gach ni air an luidh i 'n uair a chufrear air leth i, bithidh e neòghlan: gach ni mar an ceudna air an suidh i, bithidh e neòghlan.

21 Agus gach neach a bheanas r'a leabaidh, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

22 Agus gach neach a bheanas ri ni sam bith air an do shuidh i, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

23 Agus ma *bhios* e air a leabaidh, no air ni sam bith air an suidh i, 'n uair a bheanas e ris, bithidh e neòghlan gu feasgar.

24 Agus ma luidheas fear sam bith maille rithe, agus gu'm bi a fuil-mòs air, bithidh e neòghlan seachd làithean, agus bithidh gach leabadh air an luidh e neòghlan.

25 Agus an uair a bhios a silteach fola air nmaoi mòran de làithibh, cha-n ann 'an àm a dealachaidh, no ma shileas e an deigh *àn* a dealachaidh, bithidh uile làithean sìlidh a neòghloine mar làithean a dealachaidh: bithidh *i* neòghlan.

26 Gach leabadh air an luidh i ré uile làithean a sìltich, bithidh i dh'i mar leabaidh a dealachaidh: agus gach ni air an suidh i, bithidh e neòghlan, a réir neòghloine a dealachaidh.

27 Agus gach neach a bheanas ris na nithibh sin, bithidh e neòghlan; agus nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

28 Ach ma ghlanar i o 'silteach, an sin àirmhidh i dh'i fèin seachd làithean, agus an deigh sin bithidh i glan:

29 Agus air an ochdamh là gabhaidh i dh'i fèin dà thurtur, no dà choluman òg, agus bheir i iad a dh'ionnsuidh an t-sagairt. gu doras pàilliuin a' choimhthionail:

30 Agus iobraidh an sagart aon *diubh* mar iobairt-pheacaidh, agus an t-aon *eile* mar iobairt-loisgte; agus ni an sagart réite

air a son an làthair an Tighearna, air son sìtich a neòghloine.

31 Mar so dealaichidh sibh clann Israeil o'n neòghloine, chum as nach bàsaich iad 'n an neòghloine, 'n uair a thruailleas iad mo phàilliuin-sa a *tha* 'n am mcasg.

32 Is e so lagh an *fhìr* air am bheil sìlteach, agus an *fhìr* sin aig an tèid a shìol uath, agus a shalaichear leis;

33 Agus na *mnà* a bhios gu tinn ann an àm a dealachaidh, agus an neach sin air am bi sìlteach, an *fhìr*, agus na *mnà*, agus an duine *sin* a luidheas leatha-sa a *tha* neòghlan.

CAIB. XVI.

11 *Iobairt-pheacaidh an àrd-shagairt.* 20 *Am boc-gaithre aileigeadh as beò.* 29 *Féill a' ghlanaidh.*

A GUS labhair an Tighearna ri Maois an déigh bàis dhithis mhac Aaroin, an uair a thug iad seachad tabhartas an làthair an Tighearna, agus a bhàsaich iad:

2 Agus thubhairt an Tighearna ri Maois, Labhair ri h-Aaron do bhràthair, a chum nach tèid e anns gach àm a steach do'n *ionad* naomh an taobh a stigh de'n roinn-bhrat, an làthair na caithir-thròcair, a *tha* air an àire; a chum nach bàsaich e; oir foillsichidh mise mì féin ann an neul air a' chaithir-thròcair.

3 Mar so théid Aaron a steach do'n *ionad* naomh: le tarbh òg chum iobairt-pheacaidh, agus reithe chum iobairt-loisgte.

4 An còta anairt naomh cuiridh e air, agus bithidh na brigisean anairt aige air 'fheoil, agus leis a' chrios anairt crioslaichidh se e féin, agus cuiridh e an crùn-auairt air: is éididh naomha iad sin; air an aobhar siu iomlaididh e 'fheoil ann an uisge, agus cuiridh e air iad.

5 Agus o choimhthionail chloinn Israeil gabhaidh e dà bhoc o na gabhraibh chum iobairt-pheacaidh, agus aon reithe chum iobairt-loisgte.

6 Agus bheir Aaron seachad tarbh na h-iobairt-pheacaidh a *bhios* air a shou féin: agus ni e réite air a shon féin, agus air sou a thighe.

7 Agus gabhaidh e an dà bhoc-gaibhre, agus nochdaidh e iad an làthair an Tighearna, aig dorus pàilliuin a' choimhthionail.

8 Agus tilgidh Aaron croinn air an dà bhoc; aon chrann air son an Tighearna, agus crann cile air son a' bhuic a théid as.

9 Agus bheir Aaron leis am boc air an do thuit an crann air son an Tighearna, agus iobairidh se c mar iobairt-pheacaidh.

10 Ach am boc air an do thuit an crann gu'n leigtheadh as e, nochdar beò e an làthair an Tighearna, gu réite a dheanamh leis, chum a leigeadh as saor do'n fhàsach.

11 Agus bheir Aaron leis tarbh na h-iobairt-pheacaidh, a *bhios* air a shou féin, agus ui e réite air a shon féin, agus air son

a thighe; agus marbhaidh e tarbh na h-iobairt-pheacaidh, a *bhios* air a shon féin.

12 Agus gabhaidh e tùiseir làn a dh'èibhl-libh teine o'n altair an làthair an Tighearna, agus làn a ghlac de thùis dheadh-bholaidh promta gu mìn, agus bheir e 'n taobh a stigh de'n roinn-bhrat e.

13 Agus cuiridh e an tùis air an teine an làthair an Tighearna, chum gu'n còmhdaich neul na tùise a' chaithir-thròcair a *tha* air an Fhianuis, agus nach faigh e bàs.

14 Agus gabhaidh e de fhuil an tairbh, agus crathaidh e i le 'mheur air a' chaithir-thròcair chum na h-àird an ear: agus fa chomhair na caithir-thròcair crathaidh e de'n fhuil seachd uaircan le 'mheur.

15 An sin marbhaidh e boc-gaibhre na h-iobairt-pheacaidh a *bhitheas* air son an t-sluaigh, agus bheir e 'fhuil an taobh a stigh de'n roinn-bhrat, agus ni e r'a fhuil-san mar a rinn e ri fuil an tairbh, agus crathaidh e i air a' chaithir-thròcair, agus fa chomhair na caithir-thròcair.

16 Agus ni e réite air son an *ionaid* naoimh a thaobh neòghloine chloinn Israeil, agus a thaobhran seachran 'nam peacaidhibh gu léir: agus mar so ni e air son pàilliuin a' choimhthionail a *tha* 'chòmhnuidh maille ri u, ann am meadhon an neòghloine.

17 Agus duine sam bith cha bhi ann am pàilliuin a' choimhthionail, an uair a théid e 'dheanamh réite 's an *ionad* naomh, gus an tig e mach, agus gu bheil e air deanamh réite air a shon féin, agus air son a thighe, agus air son uile choimhthionail Israeil.

18 Agus théid e mach a dh'ionnsuidh na h-altarach a *tha* 'm fianuis an Tighearna, agus ni e réite air a son; agus gabhaidh e de fhuil an tairbh, agus de fhuil a' bhuic, agus cuiridh e i air adhaircibh na h-altarach mu'n cuairt.

19 Agus crathaidh e oirre de'n fhuil le 'mheur seachd uaircan, agus glanaidh e i, agus naomhaichidh e i o neòghloine chloinn Israeil.

20 Agus an uair a bhios e air deanamh réite air son an *ionaid* naoimh, agus air son pàilliuin a' choimhthionail, agus air son na h-altarach, bheir e leis am boc-gaibhre beò:

21 Agus cuiridh Arou a dhà làimh air ceann a' bhuic bheò, agus aidichidh e os a cheanu uile lochdan chloinn' Israeil, agus an uile sheachrain 'n am peacaidhean gu léir, agus cuiridh e iad air ceann a' bhuic, agus cuiridh e air falbh e le làimh duine iom-chuidh do'n fhàsach.

22 Agus giùlainidh am boc-gaibhre air féin an lochdan gu léir gu fearann air leth: agus leigidh e air falbh am boc 's an fhàsach.

23 Agus théid Aaron a steach do phàilliuin a' choimhthionail, agus cuiridh e dheth an éididh anairt, a chuir e air an uair a chaidh e steach do'n *ionad* naomh, agus fàgaidh e 'n sin i.

24 Agus ionnlaididh e 'Theoil ann an uisge 's an ionad naomh, agus cuiridh e air 'èididh, agus thig e mach, agus iobairidh e 'iobairt-loisgte féin, agus iobairt-loisgte an t-sluaigh; agus ní e réite air a shon féin, agus air son an t-sluaigh.

25 Agus saill na h-iobairt-pheacaidh loisgidh e air an altair.

26 Agus esan a leig as am boc gaibhre mar bhoc saor, nighidh e 'eudach, agus ionnlaididh e 'Theoil ann an uisge; agus 'n a dhéigh sin théid e do'n champ.

27 Agus an tarbh air son na h-iobairt-pheacaidh, agus am boc-gaibhre air son na h-iobairt-pheacaidh, d'an d'thugadh am fuil a steach a chum réite a dheanamh 's an ionad naomh, bheircear a mach iad an taobh a muigh de'n champ; agus loisgidh iad 's an teine an croicinnean, agus am feoil, agus an aolach.

28 Agus esan a loisgeas iad, nighidh e 'eudach, agus ionnlaididh e 'Theoil ann an uisge, agus 'n a dhéigh sin théid e do'n champ.

29 Agus bithidh so dhuibh 'n a ordugh gu siorruidh: Anns an t-seachdamh mhios, air an deicheamh lá de'n mhios, irioslaichidh sibh bheur n-anaman, agus obair sam bith cha dean sibh, *aon chuid* esan a tha de mhuinntir bheur dùthcha féin, no 'n coigreach a tha air chuairt 'n 'ur measg;

30 Oir air an là sin ní an sagart réite air bheur son, chum bheur glanaidh: o bheur peacaidhean gu léir an lathair an Tighearna glanar sibh.

31 *Bithidh* e 'n a shàbaid tàimh dhuibh, agus irioslaichidh sibh bheur n-anaman, le ordugh siorruidh.

32 Agus ní an sagart a dh'ungas e, agus a choisrigeas e gu frithcaladh ann an àit 'athar, an réite: agus cuiridh e air an éididh anairt, *cadhón* an trusgan naomh.

33 Agus ní e réite air son an ionaid ro naomh, agus air son pàilliuin a' choimhthionail, agus air son na h-altarach ní e réite; mar an cendna air son nan sagart, agus air son uile shluaigh a' choimhthionail ní e réite.

34 Agus bithidh so dhuibh 'n a ordugh siorruidh, chum réite a dheanamh air son chloinn Israeil, as leth am peacaidhean gu léir aon uair 's a' bhliadhna. Agus rinn e mar a dh'àitlin an Tighearn do Mhaois.

CAIB. XVII.

1 *Mu'n ionad anns an còir iobairtean iobradh.*

10 *Cha-n fheadar fuil 'itheadh, 15 no feoil a reuladh le fiadh-bheathaichibh.*

AGUS labhair an Tighearn ri Maois, ag ràdh.

2 Labhair ri h-Aaron, agus r'a mhic, agus ri cloinn Israeil uile, agus abair riu, So an ní a dh'àitlin an Tighearn, ag ràdh,

3 Ge b'e duine air bith de thigh Israeil, a

mharrbhas tarbh, no uan, no gabhar anns a' champ, no 'mharrbhas e mach as a' champ,

4 Agus nach toir e gu dorus pàilliuin a' choimhthionail, gu tabhartas a thoirt seachad do'n Tighearn air beulaobh pàilliuin' an Tighearna, cuirear fuil as leth an duine sin, dhòirt e fuil; agus gearrar as an duine sin o mheasg a shluaigh:

5 Chum as gu'n toir clann Israeil an iobairtean, a dh'iobras iad a muigh 's a' mhach-air, cadhón gu'n toir iad a chum an Tighearna iad, gu dorus pàilliuin a' choimhthionail a dh'ionnsuidh an t-sagart, agus gu'n iobair iad *mar* iobairtean-sith iad do'n Tighearn.

6 Agus crathaidh an sagart an fhuil air altair an Tighearna, aig dorus pàilliuin a' choimhthionail, agus loisgidh e 'n t-saill a chum faile chùbhraidh do'n Tighearn.

7 Agus cha -n iobair iad ní mò an iobairtean do dhiabhlaibh, 'an déigh an deachaidh iad le strìopachas: Bithidh so 'n a reachd dhoibh gu siorruidh air feadh an ginealach.

8 Agus their thu rin, Ge b'e duine air bith de thigh Israeil, no de na coigrich a bhios air chuairt 'n 'ur measg, a bheir seachad tabhartas-loisgte no iobairt,

9 Agus nach toir e gu dorus pàilliuin a' choimhthionail, a chum iobradh do'n Tighearn; gearrar eadhon an duine sin as o mheasg a shluaigh.

10 Agus ge b'e duine de thigh Israeil, no de na coigrich a tha air chuairt 'n 'ur measg, a dh'itheas gnè sam bith fola; cuiridh mise mo ghnùis an aghaidh an anama sin a dh'itheas fuil, agus gearraidh mi as e o mheasg a shluaigh.

11 Oir tha beatha na feòla 's an fhuil, agus thug mi dhuibh i air an altair, a dheanamh réite air son bheur n-anaman: oir *is i* 'n fhuil a ní réite air son an anama.

12 Uime sin thubhairt mi ri cloinn Israeil, Cha-n ith anam sam bith aguibh fuil, ní mò a dh'itheas an coigreach fuil, a bhios air chuairt 'n 'ur measg.

13 Agus ge b'e duine air bith de chloinn Israeil, no de na coigrich a bhios air chuairt 'n 'ur measg, a ní sealg agus a ghlacas beathach no cun a dh'fheadar itheadh; dòrtidh e mach 'fhuil, agus còmhdaichidh e le duslach i.

14 Oir *is i* beatha gach uile feòla a fuil; *tha i* air son beatha dh'i: uime sin thubhairt mi ri cloinn Israeil, Cha-n ith sibh fuil feòla sam bith; oir *is i* beatha gach feòla a fuil: gach neach a dh'itheas i, gearrar as e.

15 Agus gach anam a dh'itheas an ní a blàsaicheas *dheth féin*, no a reubadh *le fiadh-bheathaichibh*, (ma's neach e a rugadh 'n 'ur tir féin, no coigreach) nighidh e 'eudach agus ionnlaididh se e *féin* ann an uisge, agus bithidh e neòghlan gu feasgar; an sin bithidh e glan.

16 Ach mur nigh se e, agus mur ionnlaid e 'fheoil; an sin giùlainidh e 'aingidheachd.

CAIB XVIII.

6 Mu phòsadh mì-laghail. 19 Mu anamian-
aibh gràineil.

AGUS labhair an Tighearn ri Maois, ag ràdh,

2 Labhair ri cloinn Israeil, agus abair riu, *Is mise an Tighearn bhur Dia.*

3 A réir ghnìomharan tìre na h-Eiphit anns an robh sibh a chòmhnuidh, cha dean sibh; agus a réir ghnìomharan tìre Chan-
aain gus am bheil mise 'g 'ur tabhairt, cha dean sibh; ni mò a ghluaiscas sibh 'n an orduighibh.

4 Ni sibh mo bhreitheanais, agus gleidhidh sibh m'orduighean, gu gluasad annta: *Is mise an Tighearn bhur Dia.*

5 Uime sin gleidhidh sibh mo reachdan agus mo bhreitheanais; nithean ma ni duine, bithidh e beò annta: *Is mise an Tighearn.*

6 Cha tig a h-aon agaibh am fagus a dh'aon neach a tha dlùth dha ann an càimh, a chum a nàire a leigeadh ris: *Is mise an Tighearn.*

7 Nochd d'athar, no nochd do mhàthar, cha leig thu ris: *is i do mhàthair i*, cha leig thu ris a nochd.

8 Nochd mnà d'athar cha leig thu ris: *is e nochd d'athar e.*

9 Nochd do pheathar, nighinn d'athar, no nighinn do mhàthar, co dhiubh a rugadh i aig an tigh, no 'rugadh a mach i, *eadhon* an nochd-san cha leig thu ris.

10 Nochd nighinn do mhic, no nighinn do nighinn, *eadhon* an nochd-san cha leig thu ris: oir *is e an nochd-san* do nochd féin.

11 Nochd nighinn mnà d'athar, a ghineadh le d'athair, (*is i do phiuthar i*) cha leig thu ris a nochd-sa.

12 Cha leig thu ris nochd peathar d'athar: *is i banacharaid ro dhìleas d'athar i.*

13 Cha leig thu ris nochd peathar do mhàthar: oir *is i banacharaid ro dhìleas do mhàthar i.*

14 Cha leig thu ris nochd bràthar d'athar, cha tig thu 'm fagus d'a mhnaoi: *is i bean bhràthar d'athar i.*

15 Cha leig thu ris nochd do bhana-
chleamhna; *is i bean do mhic i*, cha leig thu ris a nochd.

16 Cha leig thu ris nochd mnà do bhràthar: *is e nochd do bhràthar e.*

17 Cha leig thu ris nochd mnà agus a h-ighinn, ni mò a ghabhas tu nighean a mic, no nighean a h-ighinn, a chum a nochd a leigeadh ris; oir *is iad a banachairdean* dìleas iad: *is aingidheachd e.*

18 Ni mò a ghabhas tu bean maille r'a phiuthar, a chum a buaireadh, a leigeadh ris a nochd, a thuilleadh air an té eile, am feadh is beò i.

19 Mar an ceudna cha tig thu 'm fagus do

mhnaoi a leigeadh ris a nochd, an uair a chuirear air leth i air son a neòghloine.

20 Agus cha luidh thu gu collaidh le mnaoi do choimhearsnaich, a chum thu féin a thruaillcadh leatha.

21 Agus cha leig thu le neach air bith de d' shliochd dol troimh 'n teine do Mholech, ni mò a mhi-naomhaicreas tu ainm do Dhé: *Is mise an Tighearn.*

22 Cha luidh thu le firionnach mar le boirionnach: *is gràineileachd e.*

23 Ni mò a luidheas tu le h-ainmhidh sam bith gu d' thruailladh féin leis; ni mò a sheasas bean sam bith roimh ainmhidh gu luidhe sìos da: *is amhluidh e.*

24 Na truaillich sibh féin ann an aon sam bith de na nithibh sin: oir anns na nithibh sin uile thruaill na cinnich sin iad féin, a thilgeas mise mach roimhibh.

25 Agus shalacaidh am fearann: uime sin leanaidh mi 'aingidheachd air, agus sgeithidh am fearann féin a mach a luchd-àiteachaidh.

26 Uime sin gleidhidh sibh mo reachdan agus mo bhreitheanais, agus cha dean sibh *aon air bith* de na gràineileachdaibh sin; *aon chuid* neach air bith d'ur cinneach féin, no coigreach a bhios air chuairt 'n 'ur measg:

27 (Oir na gràineileachdan sin uile rinn daoine na dùthcha, a bha roimhibh, agus tha 'm fearann air a thruailladh.)

28 Chum nach sgeith am fearann sibhse mach mar an ceudna, 'n uair a thruaillias sibh e, mar a sgeith e mach na cinnich a bha roimhibh.

29 Oir ge b'e neach a ni h-aon air bith de na gràineileachdaibh ud, eadhon na h-anaman a ni iad, gearrar as iad o mheasg an sluigh.

30 Uime sin gleidhidh sibh m'orduighean, a chum nach dean sibh *aon air bith* de na gnàthannaibh gràineil ud, a rinneadh roimhibh, agus nach truail sibh sibh féin annta: *Is mise an Tighearn bhur Dia.*

CAIB. XIX.

Laghan àraidh air am mìneachadh.

AGUS labhair an Tighearn ri Maois, ag ràdh,

2 Labhair ri coimhthional chloinn' Israeil uile, agus abair riu, Bithibh naomha: oir *tha mise an Tighearn bhur Dia naomh.*

3 Bitheadh eagal bhur màthar agus bhur n-athar air gach duine agaibh, agus gleidhibh mo shàbaidean: *Is mise an Tighearn bhur Dia.*

4 Na racaibh a thaobh gu h-ìodholaibh, agus na deanaibh diathan leaghta dhuibh féin: *Is mise an Tighearn bhur Dia.*

5 Agus ma dh'ìobras sibh ìobairt thabhartasan-sith do'n Tighearn, ìobraidh sibh i d'ur toil féin.

6 'S an là sin féin anns an ìobair sibh i ithear i, agus air an là màireach: agus ma

mhaireas a bheag *dh'i* gus an treas là, loisgear 's an teine e.

7 Agus ma dh'ithear e idir air an treas là, is gràineil e; cha ghabhar e.

8 Uime sin *gach neach* a dh'itheas e, giùlainidh e a' aingidheachd, a chionn gu'n do mhi-naomhaich e ni coisrigte an Tighearna: agus gearrar an t-anam sin as o 'shluagh.

9 Agus an uair a bhuaineas sibh foghar bhur fearainn, cha bhuaibh thu gu buileach oisimean d'achaidh, ni mò a cruinnicheas tu dìoghluid d'fhogharaidh.

10 Agus cha tur-lom thu d'fhion-lios, ni mò a chruinnicheas tu d'fhion-dhearcand'fhion-lios; do'n bhoehd agus do'n choigreach fàgaidh tu iad: *Is mise an Tighearn* bhur Dia.

11 Cha ghoid sibh, ni mò a ni sibh breug, no 'mheallas aon agaibh a chéile.

12 Agus cha mhionnaich sibh air m'ainm-sa gu breugach, ni mò a mhi-naomhaicheas tu ainm do Dhé: *Is mise an Tighearn*.

13 Cha dean thu foirneart air do choimhearsnach, ni mò a ni thu reubainn air: cha-n fhan duais an fhir-thuarasdail maille riut rè na h-oidheche gu maduinn.

14 Cha mhallaich thu 'm bodhar, agus roimh 'n dall cha chuir thu ceap-tuislidh, ach bithidh eagal do Dhé ort: *Is mise an Tighearn*.

15 Cha dean sibh eucoir sam bith ann am breitheanas; cha bhi suim agad do ghnùis an *duine* bhoehd, ni mò a bheir thu urram do ghnùis an duine chumhaichidh; ann an ceartas bheir thu breth air do choimhearsnach.

16 Cha téid thu *mìn cuairt* mar fhear tuailleisam measgdò shluagh; ni mò a sheasas tu an aghaidh fola do choimhearsnach: *Is mise an Tighearn*.

17 Cha bhi fuath agad do d' bhràthair ann ad chridhe: air gach aon chor cronaichidh tu do choimhearsnach, agus cha-n fhuiligh thu peacadh air.

18 Cha dean thu dìoghaltas, ni mò bhios falachid agad ri cloinn do shluagh, ach gràdhaichidh tu do choimhearsnach mar thu féin: *Is mise an Tighearn*.

19 Gleidhidh sibh mo reachdan: Cha leig thu le d' spréidh sìolachadh le gnè eile; Cha chuir thu d'fhearann le sìol measgta: ni mò a chuirear umad eudach measgta de olainn agus de lìon.

20 Agus ge b'e neach a luidheas gu collaidh le mnaoi a *tha* 'n a ban-tràill fo cheangal-pòsaidh aig fear, agus nach d'fhuasgladh idir, ni mò a thugadh saorsa dh'i, sgiùrsar i: cha chuirear gu bàs iad, a chionn nach robh i saor.

21 Agus bheir e 'ìobairt-eusaontais do'n Tighearn, gu dorus pàilluin a' choimhthionail, *eadhon* reithe mar ìobairt-eusaontais.

22 Agus ni an sagart réite air a shìon le reithe na h-ìobairt-eusaontais an làthair an Tighearna, air son a pheacaidh a rinn e: agus maithear dha a pheacadh a rinn e.

23 Agus an uair a thig sibh do'n fhearann agus a shuidhicheas sibh gach gnè chraobh air son bith, an sin measaidh sibh an toradh mar ni neo-thimchioll-ghearrta: tri bliadhna bithidh e dhuibh mar ni neo-thimchioll-ghearrta: cha-n ithear dheth.

24 Ach air a' cheathramh bliadhna bithidh a thoradh uile naomh, eum cliu do'n Tighearn.

25 Agus air a' chùigeamh bliadhna ithidh sibh d'a thoradh, eum as gu'n toir e a chinncas duibh: *Is mise an Tighearn* bhur Dia.

26 Cha-n ith sibh *ni sam bith* leis an fhuil: ni mò a ghnàthaicheas sibh druiddheachd, no 'sheallas sibh air amannaibh.

27 Cha bhearr sibh mu'n euairt oisimean bhur ceam, ni mò a mhillas tu oisimean d'fheusaig.

28 Cha dean sibh gearradh sam bith 'n 'ur feoil air son nam marbh, ni mò a chuireas sibh comharadh sam bith oirbh: *Is mise an Tighearn*.

29 Na truail do nighean, a thoirt oirre bhi 'n a strìopaich; a chum as nach toirear am fearann gu strìopachas, agus nach lìonar an dùthaich le h-aingidheachd.

30 Gleidhidh sibh mo shàbaidean, agus bheir sibh urram do m'ionad naomh: *Is mise an Tighearn*.

31 Na biodh suim agaibh dhiubh-san aig am bheil leannain-shlith, agus na h-iarraibh a dh'ionnsuidh luchd-fiosachd, gu 'bhi air bhur truailleadh leo: *Is mise an Tighearn* bhur Dia.

32 An làthair a' chiun léith éiridh tu suas, agus bheir thu urram do ghnùis an duine aosda, agus bithidh eagal do Dhé ort: *Is mise an Tighearn*.

33 Agus na blios coigreach air chuairt maille riut 'n 'ur tìr, cha bhuin sibh gu eruaidh ris.

34 Mar neach a rugadh 'n 'ur measg bithidh dluibhse an coigreach a tha air chuairt maille ribh, agus gràdhaichidh tu e mar thu féin; oir bha sibh féin 'n 'ur coigreich ann an tìr na h-Eiphit: *Is mise an Tighearn* bhur Dia.

35 Cha dean sibh eucoir sam bith ann am breitheanas, ann an slait-thomhais, ann an eudthrom, no ann an tomhas.

36 Meidhean cearta, clachan - tomhais cearta, ephrah cheart, agus hin cheart bithidh agaibh: *Is mise an Tighearn* bhur Dia, a thug sibhse mach á tìr na h-Eiphit.

37 Uime sin gleidhidh sibh mo reachdan uile, agus mo bheirtheanas uile, agus ni sibh iad: *Is mise an Tighearn*.

CAIB. XX.

1 *Mu shliochd a thathairt do Mhoelch.* 6 *Mu mhuinntir aig am bheil leannain-shlith.* 9 *Mu neach a mhallachas 'athair no 'mhàthair, &c.*

AGUS labhair an Tighearn ri Maois, ag ràdh,

2 A ris, their thu ri cloinn Israeil, Ge b'e air bith e de chloinn Israeil, no de na coig-rich a tha air chuairt ann an Israeil a bheir a bheag d'a shliochd do Mholech, cuirear gu cinnteach gu bàs e, clachaidh sluagh na dùthcha e le clachaibh.

3 Agus cuiridh mise mo ghnùis an aghaidh an duine sin, agus gearraidh mi as e o mheasg a shluaigh; a chionn gu'n d'thug e d'a shliochd do Mholech, a shalachadh m'ionaid naoinmh-sa, agus a thruaillleadh m'ainme naoinmh.

4 Agus ma dh'fholaicheas sluagh na dùthcha air chor sam bith an sùilean o'n duine sin, an uair a bheir e d'a shliochd do Mholech, agus nach marbh iad e;

5 An sin cuiridh mise mo ghnùis an aghaidh an duine sin, agus an aghaidh a theaghaich, agus gearraidh mi as e, agus iadsan uile a thèid le strìopachas 'n a dhéigh, a dheanamh strìopachais le Molech, o mheasg an sluaigh.

6 Agus an t-anam a thèid a thaobh a dh'ionnsuidh muinntir aig am bheil leann-ain-shith, agus a dh'ionnsuidh luchd fiosachd, gu dol le strìopachas 'n an déigh, cuiridh mise mo ghnùis an aghaidh an anama sin, agus gearraidh mi as e o mheasg a shluaigh.

7 Naomhaichibh sibh féin uime sin, agus bithibh naomha: oir *is* mise an Tighearn bhur Dia.

8 Agus gleidhidh sibh mo reachdan, agus ni sibh iad: *Is* mise an Tighearn a naomhaicheas sibh.

9 Oir gach neach a mhallaicheas 'athair no 'mhàthair, cuirear gu cinnteach gu bàs e: mhallaich e 'athair no 'mhàthair; *bithidh* 'fhuil air féin.

10 Agus an duine a ni adhaltrannas ri mnaoi fir *eile*, *eadhon esan* a ni adhaltrannas ri mnaoi a choimhearsnaich, cuirear an t-adhaltranach agus a' bhan-adhaltranach gu cinnteach gu bàs.

11 Agus an duine a luidheas le mnaoi 'athar, leig e ris nochd 'athar: cuirear gu cinnteach le 'chéile gu bàs iad; *bithidh* am fuil orra féin.

12 Agus ma luidheas duine le mnaoi a mhiic, cuirear gu deimhin le 'chéile gu bàs iad: dh'oilbrich iad amhladh: *bithidh* am fuil orra féin.

13 Mar an ceudna ma luidheas duine le fear, mar a luidheas e le mnaoi, rinn iad le 'chéile gràineileachd: cuirear gu cinnteach gu bàs iad; *bithidh* am fuil orra féin.

14 Agus ma ghabhas duine d'a ionnsuidh bean agus a màthair, *is* aingidheachd e: loisgear le teine iad, eadhon esan agus iadsan; a chum nach bi aingidheachd 'n ur measg.

15 Agus ma luidheas duine le h-aimhidh, cuirear gu cinnteach gu bàs e: agus marbhaidh sibh an t-aimhidh.

16 Agus ma thig bean am fagus a dh'ain-

mhidh sam bith, agus gu'n luidh i sìos da, marbhaidh tu a' bhean agus an t-aimhidh: cuirear gu cinnteach gu bàs iad; *bithidh* am fuil orra féin.

17 Agus ma ghabhas duine a phiuthar, nighean 'athar, no nighean a màthair, agus gu'm faic e a nochd, agus gu'm faic ise a nochd-san; *is* ni maslach e; agus gearrar as iad ann an sealladh an sluaigh: leig e ris nochd a pheathar, giùlainidh e 'aingidh-eachd.

18 Agus ma luidheas duine le mnaoi agus a tinneas oirre, agus gu'n leig e ris a nochd, leig e ris a tobar, agus leig ise ris tobar a folà; agus gearrar as le 'chéile iad o mheasg an sluaigh.

19 Agus cha leig thu ris nochd peathar do màthar, no peathar d'athar; oir tha e a' rùsgadh 'fheòla féin: giùlainidh iad an aingidheachd.

20 Agus ma luidheas duine le mnaoi bhràthar 'athar, leig e ris nochd bhràthar 'athar: giùlainidh iad am peacadh; gheibh iad bàs gun chloinn.

21 Agus ma ghabhas duine bean a bhràthar, *is* ni neòghlan e: leig e ris nochd a bhràthar; *bithidh* iad gun chloinn.

22 Uime sin gleidhidh sibh mo reachdan uile, agus mo bhreitheanais uile, agus ni sibh iad; a chum nach dean am fearann, g'am bheil mi 'g'ur tabhairt gu còmhnuidh a ghabhail ann, bhur sgeith a mach.

23 Agus cha ghluais sibh ann an gnàthann-aibh nan cinneach a *tha* mise a' tilgeadh a mach roimhibh: oir rinn iadsan na nithean sin uile, agus uime sin ghabh mi gràin diubh.

24 Ach thubhairt mi ribhse, Sealbhaichidh sibh am fearann, agus bheir mi dhuibh e chum a shealbhadh, fearann a tha 'sruthadh le bainne agus le mil: *Is* mise an Tighearn bhur Dia, a dh'calaich sibhse o gach sluagh *eile*.

25 Cuiridh sibh uime sin dealachadh eadar bheathaichibh glana agus neòghlan, agus eadar eumlaith neòghlan agus ghlan; agus cha dean sibh bhur n-anaman gràineil le beathach, no le h-eun, no le gnè air bith *de ni beò* a shuàigas air an talamh, a sgar mise uaibh mar neòghlan.

26 Agus bithidh sibh naomha dhomhsa: oir *tha* mise an Tighearn naomh, agus dh'calaich mi sibhse o gach sluagh *eile*, chum as gu'm bu leam *féin* sibh.

27 Bean no duine mar an ceudna aig am bheil leannan-sith, no 'bhitheas ri fiosachd, cuirear gu deimhin gu bàs iad: clachaidh iad le clachaibh iad; *bithidh* am fuil orra féin.

CAIB. XXI.

Mu giùlan nan sagart a thaobh nam marbh, agus mu'm pòsadh.

AGUS thubhairt an Tighearn ri Maois, Labhair ris na sagartaibh, mic Aaroin,

agus abair riu, Air son nam marbh cha salaichear neach sam bith *dh'ion* am measg a shluaigh.

2 Ach air son a dhùilean, a tha 'm fagus da, *cadhòn* air son a mhàthar, agus air son 'athar, agus air son a mhic, agus air son a nighinn, agus air son a bhràthar,

3 Agus air son a pheathar a tha 'n a h-òigh, a *tha* 'm fagus da, aig nach robh fear-pòsda; air a sonsa feudaidd e 'bhi air a shalachadh.

4 Ach cha salaich se e féin, *air bhi dha* 'n a dhuine urramach am measg a shluaigh, gu 'thruaillleadh féin.

5 Cha dean iad maoile air an ceann, agus cha bhearr iad oisinn am feusaig, ni mò a ni iad gearradh 'n am feoil;

6 Bithidh iad naomha d'an Dia, agus cha truail iad ainm an Dè: oir tha iad a' toirt seachad tabhartais an Tighearna a bheirear suas le teine, agus arain an Dè; uime sin bithidh iad naomha.

7 Cha ghabh iad bean a tha 'n a striopaich, no mi-naomh; ni mò a ghabhas iad bean a chuireadh air falbh o 'fear: oir *tha* e naomh d'a Dhia.

8 Uime sin naomhaichidh tu e, oir tha e a' toirt seachad arain do Dhé; bithidh e naomh dhuit: oir *tha* mise an Tighearna naomh, a *tha* 'g ur naomhachadh.

9 Agus ma thruaill eas nìgean sagairt air bith i féin le striopachas a dheanamh, tha i a' truailleadh a h-athar: loisgear le teine i.

10 Agus esan a tha 'n a àrd-shagart o mheasg a bhràithrean, neach a dhòirt-eadh an oladh naomh air a cheann, agus a choisrigeadh a chur na h-éididh uime, cha rùisg e a cheann, ni mò a reubas e 'eudach.

11 Ni mò a théid e steach a dh'ionnsuidh cuirp mhairbh sam bith: air son 'athar no air son a mhàthar cha salaich se e féin.

12 Agus as an ionad naomh cha téid e mach, ni mò a thruaill eas e ionad naomh a Dhé; oir *tha* crùn oladh-ungaidh a Dhé air: *Is* mise an Tighearna.

13 Agus gabhaidh e bean 'n a maighd-eanas.

14 Bantrach no bean a chuireadh air falbh o 'fear, no bean mhi-naomh, no striopach; iad sin cha ghabh e: ach òigh d'a shluaigh féin gabhaidh e 'n a mnaoi.

15 Agus cha truail e a shliochd am measg a shluaigh: oir *tha* mise an Tighearna 'g a naomhachadh.

16 Agus labhair an Tighearna ri Maois, ag ràdh,

17 Labhair ri h-Aaron, ag ràdh, Ge b'e air bith e de d' shliochd 'n an ginealachaidh, anns am bi gaoid *sam bith*, na tigeadh e 'm fagus a thoirt seachad arain a Dhé:

18 Oir ge b'e air bith duine anns *am bi* gaoid, cha tig e 'm fagus: duine dall, no

baach, no aig am bheil sròn leachdach, no ni sam bith thuilleadh air a' chòir.

19 No duine aig am bi cos bhriste no làmh bhriste,

20 No crotach, no 'n a throich, no aig am bheil leus air a shùil, no air am bheil càrr, no cloimh, no aig am bheil a chlochan brùite:

21 Cha tig duine sam bith de shliochd Aaron an t-sagairt, anns am bheil gaoid, am fagus a thoirt seachad tabhartasan an Tighearna a bheirear suas le teine: *tha* gaoid ann, cha tig e 'm fagus a thoirt seachad arain a Dhé.

22 Ithidh e aran a Dhé, *araon* de'n *aran* ro naomh, agus naomh.

23 Ach an taobh a steach de'n roinn-bhrat càa téid e, ni mò thig e 'm fagus do'n altair, a chionn gu *bheil* gaoid ann; a chum nach truail e m' ionad naomh: oir *tha* mise an Tighearna 'g an naomhachadh.

24 Agus dh'innis Maois so do Aaron, agus d'a mhic, agus do chloinn Israeil uile.

CAIB. XXII.

Feumaidh an sagart air am bi neòghlorne sam bith, fantuinn o nithibh naomha, &c.

AGUS labhair an Tighearna ri Maois, ag ràdh,

2 Labhair ri h-Aaron, agus r'a mhic, iad 'g an sgaradh féin o nithibh naomha chloinn Israeil, agus gun iad a thoirt easonoir do m'ainm naomh-sa, anns *na nithibh sin* a naomhaicheas iad dhomh: *Is* mise an Tighearna.

3 Abair riu, Ge b'e air bith e d'ur shliochd uile am measg bhur ginealach, a théid a dh'ionnsuidh nan nithean naomha, a naomhaicheas clann Israeil do'n Tighearna, agus a neòghloine air, gearrar as an t-anam sin as mo làthair: *Is* mise an Tighearna.

4 Ge b'e air bith an duine de shliochd Aaron a *tha* 'n a lobhar, no air am bheil silteach, cha-n ith e de na nithibh naomha, gus am bi e glan. Agus ge b'e 'bheanas ri ni air bith a *tha* neòghlan leis a' mharbh, no duine aig am bheil a shìol a' dol uaith;

5 No ge b'e 'bheanas ri ni air bith a shnàig-eas, leis an deanar neòghlan e, no ri duine o'm faigh e neòghloine, ge b'e air bith neòghloine a bhitheas air;

6 An t-anam a bheanas ri h-aon air bith d'an leithidibh sin, bithidh e neòghlan gu feasgar, agus cha-n ith e de na nithibh naomha, mur nigh e 'fhcoil le h-uisge.

7 Agus an uair a théid a' ghrian sìos, bithidh e glan, agus an déigh sin ithidh e de na nithibh naomha, a chionn gur e a bliadh e.

8 An ni sin a bhàsaicheas leis féin, no a reubar *le fiadh-bheathaichibh*, cha-n ith e 'g a shalachadh féin leis: *Is* mise an Tighearna.

9 Gleidhidh iad uime sin m'ordugh, air eagal gu'n giùlain iad peacadh air a shon, agus uime sin gu'm faigh iad bàs, ma

thruailleas iad e: Tha mise an Tighearn 'g an naomhachadh.

10 Cha-n ith coigreach sam bith *de'n* ni naomh: cha-n ith fear-euairt an t-sagairt, no seirbhiseach tuarasdail *de'n* ni naomh.

11 Aeh ma cheannaicheas an sagart duine le 'airgiod, ithidh e dheth, agus esan a rugadh 'n a thigh; ithidh iad d'a bhiadh.

12 Agus ma bhitheas nighean an t-sagairt *pòda* ri coigreach, cha-n fheud i itheadh de thabhartas nan nithean naomha.

13 Ach ma bhitheas nighean an t-sagairt 'n a bantraich, no dealaichte *r'a fear*, agus gun sliochd aice, agus i air pilltinn gu tigh a h-athar, mar 'n a h-òige, ithidh i de bhiadh a h-athar; ach cha-n ith coigreach sam bith dheth.

14 Agus ma dh'itheas duine *de'n* ni naomh gun fhios da, an sin cuiridh e an cuigeamh *cuid* deth ris, agus bheir e do'n t-sagart e, *maille ris* an ni naomh.

15 Agus cha truaill iad nithean naomha chloinn Israeil, a bheir iad suas do'n Tighearn;

16 Ni mò a leigeas iad leo eionta an eus-aontais a ghiùlan an uair a dh'itheas iad an nithean naomha: oir tha mise an Tighearn 'g an naomhachadh.

17 Agus labhair an Tighearn ri Maois, ag ràdh,

18 Labhair ri h-Aaron agus r'a mhie, agus ri cloinn Israeil uile, agus abair riu, Ge b'e air bith e de thigh Israeil, no de na coigrieach ann an Israel, a bheir seachad a thabhartas air son a bhòidean uile, no air son a shaor thabhartasan uile, a bheir iad seachad do'n Tighearn eum iobairt-loisgte;

19 *Bheir sibh seachad* d'ur toil féin *beathaich* firionn, gun ghaid *de'n* bhuar, de na eaoraich, no de na gabhraibh.

20 *Ach ge b'e* air bith ni anns am bi gaoid, *sin* cha toir sibh seachad: oir cha ghabhar air bhur son e.

21 Agus ge b'e air bith e a bheir seachad iobairt thabhartasan-sìth do'n Tighearn, a ehoimhlionadh a bhòide, mar thabhartas saor-thoile, *de'n* bhuar, no de na eaoraich, bithidh e iomlan, a chum as gu'n gabhar ris: cha bhi gaoid sam bith ann.

22 Dall, no briste, no ciurramach, no air am bi foinne, no càrr, no eloinmh, cha toir sibh seachad iad sin do'n Tighearn, ni mò a bheir sibh thabhartas dhiubh a bheirear suas le teine air an altair do'n Tighearn.

23 Aon chuid tarbh no uan aig am bi ni sam bith thar a' chòir, no dh'uireasbhuidh 'n a bhallaibh, sin feudaidh tu thoirt seachad *mar* shaor thabhartas; ach air son bòide cha ghabhar ris.

24 Ni sam bith a tha brùite, no pronnta, no reubta, no gearrta, cha toir sibh seachad do'n Tighearn; agus cha-n iobair sibh e 'n 'ur tìr.

25 Agus o làimh coigrich cha toir sibh

seachad aran bhur Dé de h-aon diubh sin; a ehiom *gu'm bheil* an truaillidheachd ann, *agus gu'm bheil* gaoidean ann: cha ghabhar riu air bhur son.

26 Agus labhair an Tighearn ri Maois, ag ràdh,

27 'N uair a bheirear tarbh, no caora, no gabhar, an sin bithidh e seachd làithean fo 'mhàthair; agus o'n oehdamh là agus á sin suas, gabhar ris mar thabhartas a bheirear suas le teine do'n Tighearn.

28 Agus *ma's* bò no caora a *bhitheas ann*, cha mharbhsibh i féin agus a h-àl's an aon là.

29 Agus an uair a dh'ìobras sibh iobairt-buidheachais do'n Tighearn, iobraidh sibh i d'ur toil féin.

30 Air an là sin féin ithear suas i, cha-n fhàg sibh a bheag dh'i gu maduinn: *Is* mise an Tighearn.

31 Air an aobhar sin gleidhidh sibh m'aitheantan, agus ni sibh iad: *Is* mise an Tighearn.

32 Agus cha truaill sibh m'ainm naomh-sa, agus bithidh mi air mo naomhachadh am measg chloinn Israeil: *Is* mise an Tighearn a tha 'g 'ur naomhachadh,

33 A thug a mach sibh á tìr na h-Eiphit gu bhi a'm' Dhia agaibh: *Is* mise an Tighearn.

CAIB. XXIII.

1 *Mu làithibh-féile an Tighearna.* 22 *Fàgar dìoghuim's an fhearann air son nam bochl.*

26 *Mu la na rèile.*

A GUS labhair an Tighearn ri Maois, ag ràdh,

2 Labhair ri cloinn Israeil, agus abair riu, *A thaobh* féillean an Tighearna, a ghairmeas sibh *gu bhi* 'n an comhghairmibh naomha, *is* iad eadhon sin m'fhéileansa.

3 Sè làithean nithear obair, aeh air an t-seachdamh là *bithidh* sàbaid fhoise, comhghairm naomh: obair sam bith cha dean sibh *air*: *is* e sàbaid an Tighearn' e 'n ur n-àiteachaibh-eòmhuidh uile.

4 *Is iad* sin féillean an Tighearn', *eadhon* comhghairmean naomha, a ghairmeas sibh 'n an amannaibh féin:

5 Anns a' cheud mhìos, air a' cheathramh là deug de'n mhìos air feasgar, *bithidh* càisg an Tighearna.

6 Agus air a' chùigeamh là deug de'n mhìos sin féin *bithidh* féil an arain neo-ghoirtichte do'n Tighearn: seachd làithean ithidh sibh aran neo-ghoirtichte.

7 Air a' cheud là bithidh comhghairm naomh agaibh: obair thràilleil sam bith cha dean sibh *air*.

8 Aeh bheir sibh seachad thabhartas a bheirear suas le teine do'n Tighearn seachd làithean: air an t-seachdamh là *bithidh* comhghairm naomh; obair thràilleil sam bith cha dean sibh *air*.

9 Agus labhair an Tighearn ri Maois, ag ràdh,

10 Labhair ri cloinn Israeil, agus abair riu, 'N uair a thig sibh a dh'ionnsuidh an fhearainn a bheir mise dhuibh, agus a bhuaineas sibh fhoghar, an sin bheir sibh sguab de cheud thoradh bhur fogharaidh dh'ionnsuidh an t-sagairt:

11 Agus luaisgidh e'n sguab an làthair an Tighearna, chum gu'n gabhar ri air bhur son: air an là màireach an déigh na sàbaid' luaisgidh an sagart i.

12 Agus iobraidh sibh air an là sin, an uair a luaisgeas sibh an sguab, uan fìrionn gun ghaoid, de'n cheud bhliadhna, mar iobairt-loisgte do'n Tighearn.

13 Agus *is e* a thabhartas-bidh dà dheicheamh earrann de phlùr mìn measgta le h-olaidh, tabhartas a bheirear suas le teine do'n Tighearn, *chum* faile cùbhraidh: agus *bithidh* a thabhartas-dìbhe de fhìon, an ceathramh *cuid* de hin.

14 Agus cha-n ith sibh aran, no gràn cruaidhichte, no dhasan glasa, gus an là sin fèin anns an toir sibh tabhartas a chum bhur Dé: *bithidh e* 'n a reachd bith-bhuan air feadh bhur ginealachan, 'n ur n-àiteach-aibh-còmhnuidh uile.

15 Agus àirmhidh sibh dhuibh fèin o'n là màireach an déigh na sàbaid', o'n là 's an d'thug sibh leibh sguab an tabhartais-luaisgte: bithidh seachad sàbaidean iomlan ann:

16 Eadhon gus an là màireach an déigh na seachdamh sàbaid', àirmhidh sibh leth-cheud là, agus bheir sibh seachad nuadh tabhartas-bidh do'n Tighearn.

17 Bheir sibh leibh as bhur n-àiteach-aibh-còmhnuidh dà bhuilinn luaisgte, de dhà dheicheamh earrann: bithidh iad de phlùr mìn; fuinear iad le taois ghoirt; *bithidh iad* 'n an ceud thoradh do'n Tighearn.

18 Agus bheir sibh seachad maille ris an aran seachd uain gun ghaoid, de'n cheud bhliadhna, agus aon tarbh òg, agus dà reithe: bithidh iad 'n an iobairt-loisgte do'n Tighearn, maille r'an tabhartas-bidh, agus an tabhartas-dìbhe, *eadhon* tabhartas a bheirear suas le teine, a dh'fhàile cùbhraidh do'n Tighearn.

19 An sin iobraidh sibh aon mheann de na gabhraibh mar iobairt-phacaidh, agus dà uan de'n cheud bhliadhna mar iobairt tabhartasan-sith.

20 Agus luaisgidh an sagart iad maille ri aran a' cheud toraidh, *mar* thabhartas-luaisgte an làthair an Tighearna, maille ris an dà uan: bithidh iad naomha do'n Tighearn chum an t-sagairt.

21 Agus gairmidh sibh air an là sin fèin, *a chum gu'm* bi e 'n a chomhghairm naomh dhuibh: obair thràilleil sam bith cha dean sibh *air*: *Bithidh e* 'n a reachd sìorruidh 'n ur n-àiteach-aibh-còmhnuidh uile air feadh bhur ginealachan.

22 Agus an uair a bhuaineas sibh foghar bhur fearainn, cha ghearr thu gu buileach oisnean d'achaidh 'n uair a bhuaineas tu, ni mò a thionailas tu dioghluim d'fhogharaidh: fàgaidh tu iad do'n bhochd agus do'n choigreach: *Is* mise an Tighearn bhur Dia.

23 Agus labhair an Tighearn ri Maois, ag ràdh,

24 Labhair ri cloinn Israeil, ag ràdh, 'S an t-seachdamh mìos, air a' cheud là de'n mhìos, bithidh sàbaid agaibh, cuimhneachan shéideadh thrompaidean, comhghairm naomh.

25 Obair thràilleil sam bith cha dean sibh *air*; ach bheir sibh seachad tabhartas a bheirear suas le teine do'n Tighearn.

26 Agus labhair an Tighearn ri Maois, ag ràdh,

27 Mar an ceudna air an deicheamh là de'n t-seachdamh mìos so *bithidh* là réite; bithidh e 'n a chomhghairm naomh dhuibh, agus cràdhaidh sibh bhur n-anaman, agus bheir sibh seachad tabhartas a bheirear suas le teine do'n Tighearn.

28 Agus obair sam bith cha dean sibh air an là cheudna; oir *is* là réite e, a dheanamh réite air bhur son an làthair an Tighearn' bhur Dé.

29 Oirge b'e anam nach bi fo chràdh 's an là sin fèin, gearrar as e o mheasg a shluaigh.

30 Agus gach anam a ni obair sam bith air an là cheudna, an t-anam sin fèin sgriosaidh mise o mheasg a shluaigh.

31 Obair sam bith cha dean sibh: *bithidh e* 'n a reachd sìorruidh air feadh bhur ginealachan, 'n ur n-àiteach-aibh-còmhnuidh uile.

32 *Bithidh e* dhuibh 'n a shàbaid fhoise, agus cràdhaidh sibh bhur n-anaman air an naothamh là de'n mìos air feasgar: o fheasgar gu feasgar cumaidh sibh bhur sàbaid.

33 Agus labhair an Tighearn ri Maois, ag ràdh,

34 Labhair ri cloinn Israeil, ag ràdh, Air a' chùigeamh là deug do'n t-seachdamh mìos so *bithidh* féill nam pàillium rè sheachd làithean do'n Tighearn.

35 Air a' cheud là *bithidh* comhghairm naomh: obair thràilleil sam bith cha dean sibh *air*.

36 Seachd làithean bheir sibh seachad tabhartas a bheirear suas le teine do'n Tighearn: air an ochdamh là bithidh comhghairm naomh agaibh, agus bheir sibh seachad tabhartas a bheirear suas le teine do'n Tighearn; is àrd choimhthional e; obair thràilleil sam bith cha dean sibh *air*.

37 *Is* iad sin féillean an Tighearn', a ghairneas sibh *gu bhì* 'n an comhghairm naomha, a thoirt seachad tabhartais a bheirear suas le teine do'n Tighearn, tabl-

artas-loisgte, agus tabhartas-bidh, iobairt agus tabhartasan-dìbhe, gach nì air a là féin;

38 A thuilleadh air sàbaidibh an Tighearna, agus a thuilleadh air bhuir tiodhlacaibh, agus a thuilleadh air bhuir bòidibh uile, agus a thuilleadh air bhuir saor-thabhartais uile, a bheir sibh do'n Tighearn.

39 Mar an ceudna air a' chùigeamh là deug de'n t-seachdamh mìos, an uair a chruinnicheas sibh a stigh troadha an fhearainn, cumaidh sibh féill do'n Tighearn, seachd làithean: air a' cheud là *bithidh* sàbaid, agus air an ochedamh là *bithidh* sàbaid.

40 Agus gabhaidh sibh dhuibh *féin* air a' cheud là meas chraobh àluinn, geugan chrannpailme, agus geugan chraobh tiugha, agus seileach an t-srutha; agus nì sibh gairdeachas an làthair an Tighearna bhuir Dé seachd làithean.

41 Agus eumaidh sibh e 'n a fhéill do'n Tighearn seachd làithean 's a' bhliadhna: *bithidh* e 'n a reachd sìorruidh air feadh bhuir ginealach; eumaidh sibh e 's an t-seachdamh mìos.

42 Ann am pàillionaibh gabhaidh sibh còmhnuidh seachd làithean; gabhaidh gach aon a rugadh 'n a Israelach còmhnuidh ann am pàillionaibh;

43 Chum gu'm bi fios aig bhuir ginealaich gu'n d'thug mise air cloinn Israeil còmhnuidh 'ghabhail ann am pàillionaibh, 'n uair a thug mi mach iad á tìr na h-Eiphit: *Is* mise an Tighearn bhuir Dia.

44 Agus ehuir Maois 'an céill do ehloinn Israeil féillean an Tighearna.

CAIB. XXIV.

1 *Mu'n olaidh air son nan làchran.* 13 *Mu pheanas gach neach a mhallaicheas Dia.* 17 *no 'bhios ciontach de mhortadh.* 18 *Mu choimheasachadh.*

A GUS labhair an Tighearn ri Maois, ag ràdh,

2 Aithn do ehloinn Israeil iad a thoirt a d'ionnsuidh oladh fhìor-ghlan a' ehloinn-olaidh, brùite air son an t-soluis, a thoirt air na làchraim lasadh an còmhnuidh.

3 An taobh a muigh de bhrat na Fianuis, ann am pàillun a' ehoinn-thionail, orduichidh Aaron e o fheasgar gu maduinn, an làthair an Tighearna an còmhnuidh: *bithidh* e 'n a reachd sìorruidh air feadh bhuir ginealach.

4 Orduichidh e na làchraim air a' ehoinn-leir fhìor-ghlan an làthair an Tighearna an còmhnuidh.

5 Agus gabhaidh tu plùr nìnn, agus fuinidh tu dà bhreacaig dheug dhòth: dà dheicheamh carrann bithidh ann an aon bhreacag.

6 Agus suidhichidh tu iad ann an dà shreath, sè ann an sreath, air a' bhòrd fhìor-ghlan an làthair an Tighearna.

7 Agus cuiridh tu tùis fhìor-ghlan air *gach* sreath, chum gu'm bi i air an aran mar ehiumhneachan, *eadhon* tabhartas a bheir car suas le teine do'n Tighearn.

8 Gach aon là sàbaid cuiridh e'n ordugh o an làthair an Tighearna an còmhnuidh, *air a ghabhail* o chloinn Israeil le coimheangal sìorruidh.

9 Agus is le Aaron agus a mhic e, agus ithidh iad e 's an ionad naomh; oir *thù* e ro naomh dha, de thabhartasaibh an Tighearna a bheir car suas le teine, le reachd bith-bhuann.

10 Agus ehaidh mae Ban-Israelich, aig an robh Eiphiteach 'n a athair, a mach am measg chloinn Israeil: agus bha mac na Ban-Israelich agus duine de Israeil a' comhstri 's a' champ.

11 Agus mhaslaich mae na Ban-Israelich ainm an Tighearna, agus mhallaich e: agus thug iad gu Maois e (agus *b'e* ainm a mhàthar Selomit, nighean Dhibri, de thréibh Dhan.)

12 Agus ehuir iad 'an làmh e, chum, gu'n nochdtadh dhoibh imtinn an Tighearna.

13 Agus labhair an Tighearn ri Maois, ag ràdh,

14 Thoir a mach esan a mhallaich an taobh a muigh de'n champ, agus cuireadh iadsan uile a ehuail' e an làmh air a cheann, agus elachadh an comhchruinneachadh uile e.

15 Agus labhraidh tu ri cloinn Israeil, ag ràdh, Ge b'e neach a mhallaicheas a Dhia, giùlainidh e a pheacadh.

16 Agus esan a mhaslaicheas ainm an Tighearna, cuirear gu ciunnteach gu bàs e; clachaidh gu deimhin an comhchruinneachadh uile e: an coigreach co mhaith agus esan a rugadh 's an dùthaich, 'n uair a mhaslaicheas e ainm an Tighearna, cuirear gu bàs e.

17 Agus esan a mharbhas duine sam bith, cuirear gun teagamh gu bàs e.

18 Agus esan a mharbhas ainmhidh, nì e dìoladh air a shon; ainmhidh air son ainmhidh.

19 Agus ma bheir duine ciurram air a choimhearsnach, mar a riun e, mar sin nithear air:

20 Briseadh air son brisidh, sùil air son sùla, fiacail air son fiacail; mar a thug e ciurram air duine, mar sin nithear air.

21 Agus esan a mharbhas ainmhidh, dìolaidh se e: agus an neach a mharbhas duine, cuirear gu bàs e.

22 Bithidh an t-aon ghnè lagha agaibh co mhaith air son a' ehogrieh, agus air son neach de mhuinntir bhuir dùthcha féin: oir *is* mise an Tighearn bhuir Dia.

23 Agus labhair Maois ri cloinn Israeil, iad a thoirt leo esan a mhallaich, an taobh a muigh de'n champ, agus a chlachadh le clachaibh: agus rinn clann Israeil mar a dh'aitn an Tighearn do Mhaois.

CAIB, XXV.

8 *Mu bhliadhna na Iubile, no an Fhuasglaidh.*

14 *Mu fhoirneart, 35 agus mu thruacantas a thaobh nam bochd.*

A GUS labhair an Tighearn ri Maois ann an shlabh Shinaì, ag ràdh,

2 Labhair ri cleimn Israel, agus-abair riu, 'N uair a thig sibh chum na tìre a bheir mise dhuibh, an singleidhidh au tìr sàbaid do'n Tighearn.

3 Sè bliadhna cuiridh tu d'fhearann, agus sè bliadhna bearraidh tu d'fhion-lios, agus cruinnichidh tu stigh a thoradh.

4 Ach anns an t-seachdamh bliadhna bithidh sàbaid fhoise do'n tìr, sàbaid do'n Tighearn: d'fhearann cha chuir thu, agus d'fhion-lios cha bhearr thu.

5 Au ni sin a dh'fhàsas dheth féinde d'fhoghar, cha bhuain thu, agus fion-dhearcan d'fhionain neo-dheasaichte cha chruinnich thu: 'n a bliadhna fhoise bithidh i do'n tìr.

6 Agus bithidh sàbaid na tìre 'n a biadh dhuibh: dhuit féin, agus do d' òglach, agus do d' bhanoglaich, agus do d' fhear-tuarasdail, agus do d' choigreach a tha air chuairt maille riu;

7 Agus do d' spréidh, agus do'n fhiadh-bheathach a tha ann ad fhearann; bithidh a cinneas uile chum bidh.

8 Agus àirmhidh tu dhuit féin seachd sàbaidean de bhliadhnai, seachd nairean seachd bliadhna; agus bithidh ùine nan seachd sàbaidean de bhliadhnai dhuit 'n a naoi bliadhna's dà fhichead.

9 An sin bheir thu fainear trompaid na Iubile a shéideadh 's an t-seachdamh mìos, air an deicheamh ù de'n mhìos: ann an là na réite bheir sibh fainear an trompaid a shéideadh air feadh bhur tìre uile.

10 Agus naomhaichidh sibh an deicheamh bliadhna 's dà fhichead, agus gairmidh sibh saorsa air feadh na dùthcha, d'a luchd-àiteachaidh uile: bithidh i 'n a Iubile dhuibh, agus pillidh sibh gach duine chum a sheilbhe féin, agus pillidh gach duine agaibh g'a theaghlach féin.

11 Bithidh an deicheamh bliadhna sin agus dà fhichead 'n a Iubile dhuibh; cha chuir sibh sìol, ni mò a bhuaineas sibh an ni a dh'fhàsas dheth féin innte, ni mò a thionailas sibh *dearcan-fìona* innte de d' fhionain neo-dheasaichte:

12 Oir is Iubile i, bithidh i naomh dhuibh; ithidh sibh a cinneas an fhearann.

13 Ann am bliadhna na Iubile so pillidh gach duine agaibh a dh'ionnsuidh a sheilbhe féin.

14 Agus ma reiceas tu 'bheag ri d' choimhearsnach, no ma cheannaicheas tu 'bheag o lèimh do choimhearsnach; cha dean sibh eucoir air a chéile.

15 A réir àireimh nam bliadhna an déigh na Iubile ceannaichidh tu o d' choimh-

earsnach, agus a réir àireimh bhliadhna nam bàrr reicidh e riu.

16 A réir lìomhoireachd nam bliadhna meudaichidh tu a luach, agus a réir teireid nam bliadhna lughdaichidh tu a luach: oir a réir àireimh bhliadhna nam bàrr tha e a' reiceadh riu.

17 Agus cha dean sibh eucoir air a chéile: ach bithidh eagal do Dhé ort; oir is mise an Tighearn bhur Dia.

18 Uime sin ni sibh mo reachdan, agus gleidhidh sibh mo bhreitheanaìs, agus ni sibh iad; agus gabhaidh sibh còmhuidh 's an tìr ann an tèaruinteachd.

19 Agus bheir am fearann a mach a thoradh, agus ithidh sibh bhur sàth, agus gabhaidh sibh còmhuidh ann gu tèaruinte.

20 Agus ma thoir sibh, Cìod a dh'itheas sin air an t-seachdamh bliadhna? feuch, cha chuir sinn sìol, ni mò a chruinnicheas sinn ar toradh:

21 An sin àithnidh mise mo bheannachadh oirbh 's an t-seathamh bliadhna, agus bheir i mach toradh air son thri bliadhna.

22 Agus cuiridh sibh air an ochdamh bliadhna, agus ithidh sibh *fathast* de'n t-seann toradh gus an naothamh bliadhna; gus an tig a toradh a stigh, ithidh sibh de'n t-seann toradh.

23 Cha reicear am fearann gu bràth; oir is leamsa am fearann: oir is coigrich agus luchd-cuairt sibhse maille rium.

24 Agus ann am fearann bhur seilbhe uile, bheir sibh saorsa do'n fhearann.

25 Ma dh'fhàs do bhràthair bochd, agus gu'n do reio e *cuid* d'a sheilbh, agus ma thig a h-aon air bith d'a dhìlsibh g'a fhuasgladh, an sin fhuasglaidh e an ni a reic a bhràthair.

26 Agus mur 'eil aig an duine neach g'a fhuasgladh, agus gur urrainn e féin 'fhuasgladh;

27 Au sin àirmheadh e bliadhnachan a reicidh, agus thugadh e air ais an ni a tha thairis do'n duine ris an do reic se e, a chum's gu'm pill e dh'ionnsuidh a sheilbhe féin.

28 Agus mur urrainn e sin a thoirt air ais da, an sin fanaidh an ni sin a reiceadh ann an lèimh an neach a cheannaich e, gu bliadhna na Iubile: agus anns an Iubile théid e mach, agus pillidh e chum a sheilbhe.

29 Agus ma reiceas duine tigh-còmhuidh ann am baile cuairtiche le balla, an sin feudaidh e 'fhuasgladh an taobh a stigh de bhliadhn' iomlain an déigh a reiceadh: an taobh a stigh de bhliadhn' iomlain feudaidh e 'fhuasgladh.

30 Agus mur fhuasglar e gus an coimhlionar bliadhn' iomlain, an sin daingnichear an tigh, a tha 'n taobh a stigh de'n bhailo cuairtiche le balla, gu bràth dhasan a cheannaich e, air feadh a ghinealach: cha téid e mach 's an Iubile.

31 Ach measar tighean nam bailtean nach eil cuairtiche le balla, mar fhearann na tìre: feudar am fuasgladh, agus théid iad a mach 's an Iubile.

32 Gidheadh, bailtean nan Lebhitheach, agus tighean bhailtean an seilbhe, feudaidh na Lebhithich am fuasgladh uair sam bith.

33 Agus ma cheannaicheas duine o na Lebhithich, an sin théid an tigh a reiceadh, agus baile a sheilbhe, mach 's an Iubile: oir *is iad* tighean bhailtean nan Lebhitheach an sealbh am measg chloinn Israeil.

34 Ach cha-n fheudar am fearann a tha'n taobh a muigh da'm bailtibh a reiceadh, oir *is e sin* an sealbh mhaireannach.

35 Agus ma dh'fhàsas do bhràthair bochd, agus gu'n téid e dhéigh-làimh agad, an sin fuasglaidh tu air: *seadh, ged is coigreach* no fear-cuairt' e; agus bithidh e beò maille riut.

36 Na gabh riadh uaith, no tuille 's a thug thu dha: ach bitheadh eagal do Dhé ort, a chum's gu'm feud do bhràthair a bhi beò maille riut.

37 D'airgiod cha toir thu dha air riadh, agus air son buannachd cha toir thu dha do bhiadh.

38 *Is* mise an Tighearn bhur Dia, a thug a mach sibh á tìr na h-Eiphit, a thoirt dhuibh tìre Chanaan, agus a bhi a'm' Dhia agaibh.

39 Agus ma dh'fhàsas do bhràthair a tha làimh riut bochd, agus gu'n do reiceadh riut e; cha toir thu air seirbhis a dheanamh dhuit mar thràill:

40 Mar sheirbhiseach tuarasdail, agus mar fhear-cuairte, bithidh e maille riut; gu bliadhna na Iubile ni e seirbhis dhuit.

41 Agus an sin imichidh e uait, e féin agus a chlann maille ris, agus pillidh e chum a theaghlach féin, agus a chum seilbhe 'aithrichean pillidh e:

42 Oir *is iadsan* mo sheirbhisich, a thug mi mach á tìr na h-Eiphit: cha reicear iad mar thràillibh.

43 Cha ghnàthaich thu uachdaranachd os a cheann le h-an-ìochd, ach bithidh eagal do Dhé ort.

44 Agus bithidh do thràillean, agus do bhan-tràillean, a bhios agad, de na cinneibh a tha m'ur timchioll; uatha-san ceannaichidh sibh tràillean agus ban-tràillean.

45 Agus a thuilleadh air so, o chloinn nan coigreach a tha air chuairt 'n ur measg, uathasan ceannaichidh sibh, agus o'n teaghlachibh a tha maille ribh, a ghin iad 'n ur fearann: agus bithidh iad 'n an seilbh dhuibh.

46 Agus gabhaidh sibh iad mar oighreachd d'ur cloinn 'n ur déigh, a chum an seilbh-achadh mar oighreachd; bithidh iad dhuibh 'n an tràillibh a chaoidh: ach os ceann bhur bràithrean, cloinn Israeil, *eadhon* os ceann a chéile cha ghnàthaich sibh uachdaranachd le h-an-ìochd.

47 Agus ma dh'fhàsas fear-cuairte no coigreach saobhair làimh riut, agus ma dh'fhàsas do bhràthair làimh ris bochd, agus gu'n reic se e féin ris a' choigreach, ris an fhear-chuairte a tha maille riut, no ri gineal teaghlach a' choigrich:

48 An déigh a reiceadh, feudar 'fhuasgladh a ris; feudaidh aon d'a bhràithribh 'fhuasgladh;

49 Feudaidh aon chuid bràthair 'athar, no mac bhràthar 'athar 'fhuasgladh, no feudaidh aon neach a tha dlùth 'an dàimh dha d'a theaghlach féin 'fhuasgladh; no ma's urrainn e, feudaidh se e féin 'fhuasgladh.

50 Agus ni e cunntas ris-san a cheannaich e o'n bhliadhna anns an do reiceadh ris e, gu bliadhna na Iubile: agus bithidh luach a reicidh a réir àireimh nam bliadhna; a réir aimsir seirbhisich tuarasdail bithidh e dha.

51 Ma bhios fathast mòran bhliadhnachan ri teachd, d'an réir sin bheir e a ris luach 'fhuasglaidh, as an airgiod air son an do cheannaicheadh e.

52 Agus mur 'eil ri teachd ach beagan bhliadhnachan gu bliadhna na Iubile, an sin ni e cunntas ris, agus a réir a bhliadhnachan bheir e dha a ris luach 'fhuasglaidh.

53 Mar sheirbhiseach a tha air thuarasdal o bhliadhna gu bliadhna bithidh e maille ris: cha ghnàthaichear uachdaranachd os a cheann le h-an-ìochd ann ad shealladh-sa.

54 Agus mur fuasglar e anns na bliadhn-*naibh* sin, an sin théid e mach ann am bliadhna na Iubile, e féin agus a chlann maille ris.

55 Oir dhomhsa tha clann Israeil 'n an seirbhisich; *is iadsan* mo sheirbhisich, a thug mi mach á tìr na h-Eiphit: *Is* mise an Tighearn bhur Dia.

CAIB. XXVI.

1 *Mu iodhol-aoradh.* 3 *Beannachadh air a ghealltainn.* 14 *Mallachadh air a thagairt.*

CHA dean sibh dhuibh féin iodholan no *coslas* snaidhte, agus cha chuir sibh suas ìomhaigh dhuibh féin, ni mò shuidhicheas sibh dealbh-cloiche 'n ur fearann, gu cromadh sìos dha; oir *is* mise an Tighearn bhur Dia.

2 Gleidhidh sibh mo shàbaidean, agus bheir sibh urram do m'ionad naomh: *Is* mise an Tighearn.

3 Ma ghluaiseas sibh a'm' reachdaibh, agus ma ghleidheas sibh m'aitheantan; agus *ma* ni sibh iad;

4 An sin bheir mise dhuibh uisge 'n a àm féin, agus bheir am fearann a mach a thoradh, agus bheir craobhan na macharach am meas uatha.

5 Agus ruigidh bhur bualadh am fion-fhoghar, agus ruigidh *bhur* fion-fhoghar àm an t-sìlchur, agus ithidh sibh bhurn-aran gu'r sàth, agus gabhaidh sibh còmhuidh gu téaruinte 'n ur tìr.

6 Agus bheir mise sìth 's an tìr, agus luidhidh sibh sìos, agus cha chuir neach sam bith cagal *oirbh*: agus sgrìosaidd mi droch bheathaichean as an dùthaich, agus cha téid an claidheamh tríd bhur fearainn.

7 Agus ruaigidh sibh bhur naimhdean, agus tuitidh iad roimhibh leis a' chlaidheamh.

8 Agus cuiridh cùigear dhibh an ruaig air ceud, agus cuiridh ceud dhibh an ruaig air deich mìle: agus tuitidh bhur naimhdean roimhibh leis a' chlaidheamh.

9 Oir amhaircidh mise oirbh, agus ni mi sìolmhor sibh, agus bheir mi oirbh fàs lìonmhor, agus daingnichidh mi mo choimhcheangal ribh.

10 Agus ithidh sibh an seann *lòn*, agus bheir sibh a mach an seann *lòn* air son an *lòin* nomha.

11 Agus suidhichidh mi mo phàillion 'n ur measg: agus cha bhi gràin aig m'anam dhibh.

12 Agus imichidh mi 'n ur measg, agus bithidh mi a'm' Dhia dhuibh, agus bithidh sibhse 'n ur sluagh dhomhsa.

13 Is mise an Tighearn bhur Dia, a thug sibhse a mach á tìr na h-Eìphit, a chum nach bitheadh sibh 'n ur tràillibh aca; agus bhris mi cuibhreach bhur cuinge, agus thug mi oirbh imeachd dìreach.

14 Ach mur éisd sibh rium, agus mur dean sibh na h-àitheantan sin uile;

15 Agus ma ni sibh tàir air mo reachdaibh, no ma ghabhas bhur n-anam gràin de m'bhreitheanais, air chor as nach dean sibh m'àitheantan uile, *ach* gu'm bris sibh mo choimhcheangal;

16 Ni mise mar an ceudna so ribhse; orduichidh mi oirbh uamhas, caitheamh, agus fiabhrus loisgeach, a chaitheas na sùilean, agus a bheir cràdh do'n chridhe: agus cuiridh sibh bhur sìol ann an dìomhanas, oir ithidh bhur naimhdean e.

17 Agus cuiridh mise mo ghnùis 'n ur n-aghaidh, agus marbhar sibh an làthair bhur naimhdean: agus rioghaichidh a' mhuinntir air am beag sibh oirbh, agus teichidh sibh an uair nach bi neach 'an tòir oirbh.

18 Agus mur éisd sibh rium fathast air a shon so uile, an sin ni mi peanas oirbh seachd uairean ni's mò air son bhur peacaidhean.

19 Agus brisidh mi uabhar bhur cumhachd; agus ni mi bhur speuran mar iarunn, agus bhur talamh mar umha:

20 Agus caithear bhur spionnadh ann an dìomhanas; oir cha toir bhur fearann 'fhàs uaith, ni mò a bheir craobhan na tìre am meas uatha.

21 Agus ma théid sibh a'm' aghaidh, agus nach éisd sibh rium; bheir mi seachd uairean tuille phlàighean oirbh, a réir bhur peacaidhean.

22 Cuiridh mi mar an ceudna fiadh-bheathaichean na macharach 'n ur measg, a bheir uuibh bhur clann, agus a chuircas as d'ur spréidh, agus a ni sibh tearc ann an àircaimh, agus bithidh bhur rathaidean *mòra* fàs.

23 Agus mur leasaichear leamsa sibh leis na *nìthibh* sin, ach gu'n téid sibh a'm' aghaidh;

24 An sin théid mise mar an ceudna 'n ur n-aghaidh-sa, agus ni mi peanas oirbh seachd uairean fathast air son bhur peacaidhean.

25 Agus bheir mi claidheamh oirbh, a dhìolas cùis-ghearain mo choimhcheangail; agus an uair a chruinnichear sibh an ceann a chéile an taobh a stigh d'ur bailtibh, cuiridh mi a' phlàigh 'n ur measg; agus bheirear thairis sibh do làimh naimhdean.

26 An uair a bhriseas mise lorg bhur n-aran, fuinidh deich mnathan bhur n-aran ann an aon àmhuinn, agus bheir iad air ais *dhuibh* bhur n-aran air a thomhas, agus ithidh sibh agus cha bhi sibh sàthach.

27 Agus mur éisd sibh air son so *uile* rium, ach gu'n téid sibh a'm' aghaidh;

28 An sin théid mise 'n ur n-aghaidh-sa mar an ceudna ann am fraoch feirge; agus smachdaichidh mise, eadhon mise, seachd uairean sibh air son bhur peacaidhean.

29 Agus ithidh sibh feoil bhur mac, agus feoil bhur nigheanan ithidh sibh.

30 Agus cuiridh mise as d'ur n-ionadaibh àrda, agus gearraidh mi sìos bhur dealbhan, agus tilgidh mi bhur colannan air colann-aibh bhur n-iodholan, agus gabhaidh m'anam gràin dhibh.

31 Agus cuiridh mi bhur bailtean fàs, agus bheir mi lom-sgrìob air bhur n-ionadan naomha, agus cha ghabh mi fàile bhur boltraich chùbhraidh.

32 Agus bheir mi lom-sgrìob air an fhearann; agus bithidh ioghnadh air bhur naimhdeibh a ghabhas còmhnuidh ann, mu'n *ni* sin.

33 Agus sgapaidh mi sibh am measg nan cinneach, agus tairngidh mi claidheamh 'n ur deigh; agus bithidh bhur fearann creachta, agus bhur bailtean fàs.

34 An sin mealaidh am fearann a shàbaidhean, am fad 's a luidheas e fàs, agus a *bhios* sibhse ann am fearann bhur naimhdean; eadhon an sin gabhaidh am fearann fois, agus mealaidh e a shàbaidhean.

35 Am fad 's a luidheas am fearann fàs, bithidh fois aige; do bhrìgh nach robh fois aige 'n ur sàbaidibh-sa, 'n uair a ghabh sibh còmhnuidh ann.

36 Agus orrasan a dh'fhàgar *beò* dhibh, cuiridh mise laigse 'n an cridheachaibh ann an dùthelaibh an naimhdean; agus cuiridh fuaim duilleig air chrith iad air theicheadh; agus teichidh iad, mar gu'm biodh iad a' teicheadh o'n chlaidheamh; agus tuitidh iad an uair nach bi neach 'an tòir orra.

37 Agus tuitidh iad air muintinn a chéile, mar gu'm b'ann roimh 'n chlaideamh, 'n uair nach bi neach 'an tòir orra; agus cha bhi neart agaibh gu seasamh roimh bhuir naimh-dibh.

38 Agus théid as duibh am measg nan cinneach, agus ithidh talamh bhuir naimh-dean suas sibh.

39 Agus iadsan a dh'fhàgar dhibh, scargaidh iad as 'n an aingidheachd ann an clùthchaibh bhuir naimh-dean; agus mar an ceudna ann an euceartaibh an aithrichean scargaidh iad as maille ri.

40 Ma dh'aideicheas iad an aingidheachd féin, agus aingidheachd an aithrichean, a réir an eusaontais a rinn iad a'm' aghaidh, agus mar an ceudna gu'n do ghluais iad a'm' aghaidh;

41 Agus gu'n do ghluais mise mar an ceudna 'n an aghaidh-san, agus gu'n d'thug mi iad do dhùthaich an naimh-dean; ma bhios an sin an cridhe neo-thimchioll-ghearrta air 'irioslachadh, *air chor as gu'n* gabh iad ri peanas an aingidheachd;

42 An sin cuimhnichidh mise mo choimhcheangal ri Iacob, agus mar an ceudna mo choimhcheangal ri h-Isaac, agus mar an ceudna mo choimhcheangal ri h-Abraham cuimhnichidh mi; agus cuimhnichidh mi an fearann.

43 Tréigear mar an ceudna am fearann leo, agus mealaidd e a shàbaidean, an feadh 's a tha e 'n a luidhe fàs as an eugmhais; agus gabhaidh iad ri peanas an aingidheachd; a chionn, eadhon a chionn gu'n d'rinn iad tàir air mo bheithneais, agus a chionn gu'n do ghabh an anam gràin de m' reachdaibh.

44 Agus gidheadh air a shon so uile, 'n uair a bhios iad ann an tìr an naimh-dean, cha tìlg mi uam iad, ni mò a ghabhas mi gràin diubh, g'an sgrios gu tur, *agus a* bhriseadh mo choimhcheangail ri: oir *is* mise an Tighearn an Dia.

45 Ach air an sgàthsan cuimhnichidh mi coimhcheangal an sinnsirean, a thug mi mach à tìr na h-Eiphit, ann an sealladh nan cinneach, a chum gu'm bithinn a'm' Dhia aca: *Is* mise an Tighearn.

46 *Is iad* sin na h-orduighean, agus na breithneais, agus na reachdan, a rinn an Tighearn eadar e féin agus clann Israeil ann an sliabh Shinai, le làimh Mhaois.

CAIB. XXVII.

1 *Mu bhòidibh.* 28 *Chan a fhuaiglar ni sam bith coisrigte.* 30 *Buinidh uile dheachamh an fhearainn do'n Tighearn.*

AGUS labhair an Tighearn ri Maois, ag ràdh,

2 Labhair ri cloinn Israeil, agus abair ri, 'N uair a bheir duine boid àraidh, *buinidh* na h-anaman do'n Tighearn, a réir do mheas:

3 Agus bithidh do mheas, air an fhìrionnach o fhichead bliadhna dh'aois, eadhon gu trì fichead bliadhna dh'aois; bithidh eadhon

do mheas leth-cheud secel airgid, a réir seceil an ionaid naomh.

4 Agus ma's boirionnach a bhios ann, an sin bithidh do mheas deich seceil 'ar fhichead.

5 Agus ma's gille o chùig bliadhna dh'aois, eadhon gu fichead bliadhna dh'aois, a bhios ann, an sin bithidh do mheas air son an fhìrionnach fichead secel, agus air son a' bhoirionnach deich seceil.

6 Agus ma's ann o mhios a dh'aois, eadhon gu cùig bliadhna dh'aois, an sin bithidh do mheas air son an fhìrionnach cùig seceil airgid, agus air son a' bhoirionnach *bithidh* do mheas trì seceil airgid.

7 Agus ma's ann a bhios e o thri fichead bliadhna dh'aois agus os a cheann, ma's fìrionnach e, an sin bithidh do mheas cùig seceil deug, agus air son boirionnach deich seceil.

8 Ach ma bhios e nìs bochda na do mheas, an sin nochdaidh se e féin an làthair an t-sagairt, agus measaidh an sagart e: a réir a chomais-san a thug a' bhòid, measaidh an sagart e.

9 Agus ma's ainmhidh e, d'an toir daoine tabhartas a dh'ionnsuidh an Tighearna, bithidh gach ni a bheir *duine* d'an leithidibh sin do'n Tighearn, naomh.

10 Cha dean e mùthadh, ni mò ni e malairt, maith air son uile, no ole air son maith: ach ma ni e malairt, air chor sam bith, ainmhidh air son ainmhidh, an sin bithidh e féin, agus *an ni a fhuaradh* 'n a mhalairt, naomh.

11 Agus ma's ainmhidh neòghlan sam bith e, de nach toir iad seachad tabhartas do'n Tighearn, an sin nochdaidh e 'n t-ainmhidh an làthair an t-sagairt:

12 Agus measaidh an sagart e, ma's maith no ole e; mar a mheasas tusa a bhios a'd' shagart e, mar sin bithidh e.

13 Ach ma dh'fhuasglas e air chor sam bith e, an sin euiridh e an cùigeamh cuid deth ri d' mheas-sa.

14 Agus an uair a choisrigeas duine a thigh, *gu bhì* naomh do'n Tighearn, an sin measaidh an sagart e, ma's maith no ole e: mar a mheasas an sagart e, mar sin seasaidh e.

15 Agus ma dh'fhuasglas esan a choisrig e, a thigh, an sin euiridh e an cùigeamh *cuid* a dh'airgid do mheas-sa ris, agus buinidh e dha.

16 Agus ma choisrigeas duine do'n Tighearn *cuid* de fhearann a sheilbh, an sin bithidh do mheas a réir a shìl: *measar* homer de shìol corna aig leth-cheud secel airgid.

17 Ma choisrigeas e 'fhearann o bhliadhna na Iubile, a réir do mheas seasaidh e.

18 Ach ma choisrigeas e 'fhearann an déigh na Iubile, an sin ainmhidh an sagart an t-airgid da a réir nam bliadhna a tha ri

AIREAMH, I.

teachd, eadhon gu bliadhna na Iubile, agus leigear sin sìos de d' mheas-sa.

19 Agus ma dh'fhuasglas am fear a choisrig am fearan e air chor sam bith, an sin cuiridh e au cùigcamh *cuid* a dh'airgiod do mheas-sa ris, agus daingnichear dha e.

20 Agus mur fuasgail e 'm fearann, no ma reic e 'm fearann ri duine eile, cha-n fhuasglar ni's mò e.

21 Ach bithidh am fearann, an uair a théid e mach 's an Iubile, naomh do'n Tighearn, mar fhearann coisrigte: buinidh a shealbh do'n t-sagart.

22 Ach ma choisrigeas *duine* do'n Tighearn fearann a cheannaich e, nach ann de fhearann a sheilbh;

23 An sin àirmhidh an sagart dha luach do mheas, *eadhon* gu bliadhna na Iubile, agus bheir e scachad do mheas *fein* 's an là sin, *mar* ni naomh do'n Tighearn.

24 Ann am bliadhna na Iubile pillidh am fearann d'a ionnsuidh-san o'n do cheannaich e, *eadhon* d'a ionnsuidh-san d'*am buineadh* sealbh an fhearainn.

25 Agus bithidh do mheas-sa uile a réir seceil an ionaid naomh; bithidh fichead gearh 's an t-secel.

26 Ach ceud-ghlin nan ainmhidh, 'bu chòir a bli 'n a cheud-ghlin do'n Tighearn, cha choisrig duine air bith sin, co dhiubh *is* tarbh, no caora e: *is* leis an Tighearn e.

27 Ach ma's *ann* de bheathach uedghlan

e, an sin fuasglaidh se e a réir do mheas-sa, agus cuiridh e an cùigcamh *cuid* deth ris; no mur fuasglar e, an siu reicear e a réir do mheas.

28 Gidheadh, cha reicear agus cha-n fhuasglar ni sam bith coisrigte a choisrigeas duine do'n Tighearn, de gach ni a tha aige, àron de dhuine agus de ainmhidh, agus de fhearann a sheilbh: tha gach ni coisrigte ro naomh do'n Tighearn.

29 Cha-n fhuasglar ni sam bith coisrigte, a choisrigear le daoineibh: *ach* cuirear gu cinnteach gu bàs e.

30 Agus uile dheachamh an fhearainn, *ma's ann* de shìol an fhearainn, *no* de mheas na craibhe, *is* leis an Tighearn e; *tha e* naomh do'n Tighearn.

31 Agus ma dh'fhuasglas duine idir a bheag d'a dheachamh, cuiridh e an cùigcamh *cuid* deth ris.

32 Agus a thaobh uile dhcachaimh a' chruidh, no an treuda, *eadhon* gach ni air bith a dh'innicheadh fo'n t-slaic; bithidh an deachamh dheth naomh do'n Tighearn.

33 Cha ramsaich e am bi e maith no olc, ni mò a ni e malairt leis: agus ma ni e malairt idir leis, an sin bithidh an dà chuid e féin agus a mhalairt naomh; cha-n fhuasglar e.

34 *Is* iad sin na h-àitheantan a dh'aitm an Tighearn do Mhaois, air son chloimn Israeil, ann an sliabh Shinaì.

A I R E A M H.

CAIB. I.

1, 17 *Na fir uile ann an Israel a b'urraim dol a mach gu cogadh air an àireamh*, 47 *saor o na Lebhitich.*

AGUS labhair an Tighearn ri Maois ann am fàsach Shinaì, ann am pàillion a' choimhthionail, air a' cheud là de'n dara mìos, 's an dara bliadhna an déigh dhoibh teachd a mach á tìr na h-Eiphit, ag ràdh,

2 Gabhaibh *àireamh* cheann comh-chruinneachaidh chloimn Israeil uile, a réir an teaghlaichean, a réir tighe an aithrich-eann, maille ri àireamh an ainmean, gach firionnach a réir an ceann:

3 O fhichead bliadhna dh'aois, agus os a cheann, gach aon a's urraim dol a mach gu cogadh ann an Israel; àirmhidh tusa agus Aaron iad a réir am buidhean.

4 Agus maille ribhse bithidh duine de gach uile thréibh: gach aon diubh 'n a cheann tighe aithrich-eann.

5 Agus *is* iad so ainmean nan daoine a sheasas maille ribh: De *thréibh* Reubein; Elisur mac Shedeuir.

6 De Shimeon; Selumiel mac Shurisadai.

7 De Iudah; Nahson mac Aminadaib.

8 De Isachar; Nataneel mac Shuair.

9 De Shebulun; Eliab mac Heloin.

10 De chloimn Ioseiph; de Ephraim, Elisama mac Amihuid; de Mhanaseh, Gana liel mac Phedahsuir.

11 De Bheniamin; Abidan mac Ghideoni

12 De Dhan; Ahieser mac Amisadai.

13 De Aser; Pagiel mac Oerain.

14 De Ghad; Eliasaph mac Dheueil.

15 De Naphtali; Ahira mac Enain.

16 *B'* iad sin *daoin'* ainmeil a' chomh-chruinneachaidh, cinu-fheadhna threubhan an aithrich-eann, ceannardan mhiltean ann an Israel.

17 Agus ghabh Maois agus Aaron na daoine sin a ghairmeadh air an ainmibh.

18 Agus thionail iad an comhchruinneachadh uile an ceann a chéile air a' cheud là de'n dara mìos, agus chuir iad 'an céill an gincalachan a réir an teaghlaichean, a réir tighe an aithrich-eann, a réir àireimh nan ainmean, o fhichead bliadhna dh'aois agus thairis, a réir an ceann.

19 Mar a d'aitm an Tighearn do Mhaois,

mar sin riun e an àireamh ann am fàsach Shinai.

20 Agus bha clann Reubein, a' mhic 'bu shine a bh'aig Israel, *a réir* an ginealach, a réir an teaghlaichean, a réir tighe an aithrichean, a réir àireimh *nan ainmean*, a réir an ceann, gach firionnach o fhichead bliadhna dh'aois agus os a cheann, gach aon a b'urrainn dol a mach gu cogadh;

21 Bha iadsan a chaidh àireamh dhiubh *eadhon* de thréibh Reubein, 'n an dà fhichead agus sè mìle agus cùig ceud.

22 De chloinn Shimeoin, *a réir* an ginealach, a réir an teaghlaichean, a réir tighe an aithrichean, iadsan a chaidh àireamh dhiubh, a réir àireimh *nan ainmean*, a réir an ceann, gach firionnach o fhichead bliadhna dh'aois agus os a cheann, gach aon a b'urrainn dol a mach gu cogadh;

23 B'iadsan a chaidh àireamh dhiubh, *eadhon* de thréibh Shimeoin, leth-cheud agus naoi mìle agus trì cheud.

24 De chloinn Ghad, *a réir* an ginealach, a réir an teaghlaichean, a réir tighe an aithrichean, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

25 B'iadsan a chaidh àireamh dhiubh, *eadhon* de thréibh Ghad, dà fhichead agus cùig mìle agus sè ceud agus leth-cheud.

26 De chloinn Iudah, *a réir* an ginealach, a réir an teaghlaichean, a réir tighe an aithrichean, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

27 B'iadsan a chaidh àireamh dhiubh, *eadhon* de thréibh Iudah, trì fichead agus ceithir mìle deug agus sè ceud.

28 De chloinn Isachair, *a réir* an ginealach, a réir an teaghlaichean, a réir tighe an aithrichean, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

29 B'iadsan a chaidh àireamh dhiubh, *eadhon* de thréibh Isachair, leth-cheud agus ceithir mìle agus ceithir cheud.

30 De chloinn Shebuluin, *a réir* an ginealach, a réir an teaghlaichean, a réir tighe an aithrichean, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

31 B'iadsan a chaidh àireamh dhiubh, *eadhon* de thréibh Shebuluin, leth-cheud agus seachd mìle agus ceithir cheud.

32 De chloinn Ioseiph, *eadhon* de chloinn Ephraim, *a réir* an ginealach, a réir an teaghlaichean, a réir tighe an aithrichean, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

33 B'iadsan a chaidh àireamh dhiubh, *eadhon* de thréibh Ephraim, dà fhichead mìle agus cùig ceud.

34 De chloinn Mhanaseh, *a réir* an ginealach,

a réir an teaghlaichean, a réir tighe an aithrichean, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

35 B'iadsan a chaidh àireamh dhiubh, *eadhon* de thréibh Mhanaseh, dà mhìle dheug 'ar fhichead agus dà cheud.

36 De chloinn Bheniamin, *a réir* an ginealach, a réir an teaghlaichean, a réir tighe an aithrichean, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

37 B'iadsan a chaidh àireamh dhiubh, *eadhon* de thréibh Bheniamin, cùig mìle deug 'ar fhichead agus ceithir cheud.

38 De chloinn Dhan, a réir an ginealach, a réir an teaghlaichean, a réir tighe an aithrichean, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

39 B'iadsan a chaidh àireamh dhiubh, *eadhon* de thréibh Dhan, trì fichead agus dà mhìle agus seachd ceud.

40 De chloinn Aseir, *a réir* an ginealach, a réir an teaghlaichean, a réir tighe an aithrichean, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

41 B'iadsan a chaidh àireamh dhiubh, *eadhon* de thréibh Aseir, aon mhìle agus dà fhichead agus cùig ceud.

42 De chloinn Naphtali, *a réir* an ginealach, a réir an teaghlaichean, a réir tighe an aithrichean, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

43 B'iadsan a chaidh àireamh dhiubh, *eadhon* de thréibh Naphtali, trì mìle deug agus dà fhichead agus ceithir cheud.

44 Sin iadsan a chaidh àireamh, a rinn Maois agus Aaron, agus ceannardan Israeil, *eadhon* dà fhear dheug àireamh: bha gach fear dhiubh air son tighe 'aithrichean.

45 Mar sin bha iadsan uile a chaidh àireamh de chloinn Israeil, a réir tighe an aithrichean, o fhichead bliadhna dh'aois agus os a cheann, gach aon a b'urrainn dol a mach gu cogadh ann an Israel;

46 Eadhon iadsan uile a chaidh àireamh, b'iad sè ceud agus trì mìle agus cùig ceud agus leth-cheud.

47 Ach cha deachaidh na Lebhitich, a réir tréibh an aithrichean, àireamh 'n am measg:

48 Oir labhair an Tighearn ri Maois, ag ràdh,

49 A mhàin cha dean thu treubh Lebhi àireamh, nì mò a ghabhas tu an *cunntas* cheann am measg chloinn Israeil:

50 Ach orduichidh tu na Lebhitich os ceann pàilluin na Fianuis', agus os ceann a shoithichean uile, agus os ceann nan uile nithean a *bhuineas* da: giùlainidh iad an pàilluin, agus a shoithichean uile; agus

frithelidh iad da, agusampaichidh iad mu'n cuairt air a' phàillion.

51 Agus an uair a bhios am pàillion gu dol air 'aghaidh, leagaidh na Lebhithich a sìos e: agus an uair a bhithcas am pàillion r'a shuidhacadh, togaidh na Lebhithich suas e: agus cuircar an coigreach a thig am fagus gu bàs.

52 Agus suidhichidh clann Israeil am bùthan, gach duine làimh r'a chuideachd féin, agus gach duine làimh r'a bhrataich féin, air feadh an armailtean.

53 Ach suidhichidh na Lebhithich am bùthan mu'n cuairt air pàillion na Fianuis'; a chum's nach bi corruich air comhchruim-eachadh chloinn Israeil, agus gleidhidh na Lebhithich cùram pàillion na Fianuis'.

54 Agus rinn clann Israeil a réir nan uile nithean a dh'àithn an Tighearn do Mhaois; mar sin rinn iad.

CAIB. II.

Suidheachadh nan treubh 'n am bùthaibh.

A GUS labhair an Tighearn ri Maois, agus ri h-Aaron, ag ràdh,

2 Suidhichidh gach duine de chloinn Israeil làimh r'a bhrataich féin, maille ri suaichiontas tìghe an aithrichean: fad as mu'n cuairt air pàillion a' choimhthionail suidhichidh iad.

3 Agus air taobh na h-àirde 'n ear, leth ri éirigh na gréine, suidhichidh luchd brataich chaimp Iudah, a réir an armailtean: agus *bithidh* Nahson mac Aminadaib 'n a cheannard air cloinn Iudah.

4 Agus *b'iad* 'armailt-san, cadhon iadsan a chaidh àireamh dhiubh, trì fichead agus ceithir mìle deug agus sè ceud.

5 Agus am fagus da suidhichidh treubh Isachair: agus *bithidh* Nataneel mac Shuair 'n a cheannard air cloinn Isachair.

6 Agus *b'iad* 'armailt-san, agus iadsan a chaidh àireamh dh'i, leth-cheud agus ceithir mìle agus ceithir cheud.

7 An sin treubh Shebuluin: agus *bithidh* Eliab mac Heloin 'n a cheannard air cloinn Shebuluin.

8 Agus *b'iad* 'armailt-san, agus iadsan a chaidh àireamh dh'i, leth-cheud agus seachd mìle agus ceithir cheud.

9 Na h-uile a chaidh àireamh ann an camp Iudah, *b'iad* ceud, agus ceithir fichead, agus sè mìle agus ceithir cheud, a réir an armailtean: theid iad so a mach air thùs.

10 Air taobh na h-àirde deas *bithidh* bratach chaimp Reubein, a réir an armailtean: agus 'n a cheannard air cloinn Reubein *bithidh* Elisur mac Sheduair.

11 Agus *b'iad* 'armailt-san, agus iadsan a chaidh àireamh dh'i, dà fhichead agus sè mìle agus cùig ceud.

12 Agus làimh ris suidhichidh treubh Shimeoin; agus *bithidh* Selumiel mac Shurisadai 'n a cheannard air cloinn Shimeoir

13 Agus *b'iad* 'armailt-san, agus iadsan a chaidh àireamh dh'i, leth-cheud agus naoi mìle agus trì cheud.

14 An sin treubh Ghad: agus 'n a cheannard air mic Ghad, *bithidh* Eliasaph mac Reucil.

15 Agus *b'iad* 'armailt-san, agus iadsan a chaidh àireamh dhiubh, dà fhichead agus cùig mìle agus sè ceud agus leth-cheud.

16 Na h-uile a chaidh àireamh ann an camp Reubein, *b'iad* ceud agus leth-cheud agus aon mhìle, agus ceithir cheud agus leth-cheud, a réir an armailtean: agus theid iadsan a mach 's an dara ordugh.

17 An sin theid pàillion a' choimhthionail air 'aghaidh, maille ri camp nan Lebhith-each 'am meadhan a' chaimp: mar a champ-aicheas iad, mar sin theid iad air an aghaidh, gach duine 'n a àite féin, làimh r'am brataichibh.

18 Air taobh na h-àirde 'n iar *bithidh* bratach chaimp Ephraim, a réir an armailtean; agus *bithidh* Elisama mac Amihuid 'n a cheannard air mic Ephraim.

19 Agus *b'iad* 'armailt-san, agus iadsan a chaidh àireamh dhiubh, dà fhichead mìle agus cùig ceud.

20 Agus làimh ris-san *bithidh* treubh Mhanaseth: agus *bithidh* Gamaliel mac Phedahsuir 'n a cheannard air cloinn Mhanaseth.

21 Agus *b'iad* 'armailt-san, agus iadsan a chaidh àireamh dhiubh, dà mhìle dheug 'ar fhichead agus dà cheud.

22 An sin treubh Bheniamin: agus *bithidh* Abidan mac Glhideoni 'n a cheannard air mic Bheniamin.

23 Agus *b'iad* 'armailt-san, agus iadsan a chaidh àireamh dhiubh, cùig mìle deug 'ar fhichead agus ceithir cheud.

24 *B'iad*san uile a chaidh àireamh de champ Ephraim, ceud agus oichd mìle, agus ceud, a réir an armailtean: agus theid iadsan air an aghaidh 's an treas ordugh.

25 *Bithidh* bratach chaimp Dhan air taobh na h-àirde tuath a réir an armailtean: agus *bithidh* Ahieser mac Amisadai 'n a cheannard air cloinn Dhan.

26 Agus *b'iad* 'armailt-san, agus iadsan a chaidh àireamh dhiubh, trì fichead agus dà mhìle agus seachd ceud.

27 Agus làimh risampaichidh treubh Aseir: agus *bithidh* Pagiel mac Ocrain 'n a cheannard air cloinn Aseir.

28 Agus *b'iad* 'armailt-san, agus iadsan a chaidh àireamh dhiubh, dà fhichead agus aon mhìle agus cùig ceud.

29 An sin treubh Naphtali: agus *bithidh* Ahira mac Enain 'n a cheannard air cloinn Naphtali.

30 Agus *b'iad* 'armailt-san, agus iadsan a chaidh àireamh dhiubh, leth-cheud agus trì mìle agus ceithir cheud.

31 *B'iad*san uile a chaidh àireamh ann an

camp Dhan, ceud agus leth-cheud agus seachd mìle agus sè ceud: Imichidh iadsan fa dheireadh le'm brataichibh.

32 *Is* iad sin iadsan a chaidh àirmheadh de chloinn Israeil, a réir tighe an aithrichean: *b'i* iadsan uile a chaidh àireamh de na camp, a réir an armailtean, sè ceud agus trì mìle agus cùig ceud agus leth-cheud.

33 Ach cha deachaidh na Lebhithich àireamh 'am measg chloinn Israeil, mar a dh'àitlin an Tighearn do Mhaois.

34 Agus rinn clann Israeil a réir gach nì a dh'àitlin an Tighearn do Mhaois: mar sin champaich iad làimh r'am brataichibh, agus mar sin chaidh iad air an aghaidh, gach aon a réir an teaghlach, a réir tighe an aithrichean.

CAIB. III.

1 *Ginealaich Aaroin agus Mhaois. 3 Frithealadh agus àireamh nan Lebhithich.*

I*S* iad so mar an ceudna ginealaich Aaroin agus Mhaois, 's an là anns an do labhair an Tighearn ri Maois am an sliabh Shinaì.

2 Agus *is* iad so ainmean mhac Aaroin; Nadab an ceud-ghin, agus Abihu, Eleasar, agus Itamar.

3 *Is* iad sin ainmean mhac Aaroin, na sagartan a dh'ungadh, a choisrig e gu frithealadh ann an dreuchd an t-sagairt.

4 Agus fhuaire Nadab agus Abihu bàs an làthair an Tighearna, 'n uair a thug iad suas teine coimheach an làthair an Tighearna, am am fasach Shinaì, agus cha robh clann aca: agus fhrithheil Eleasar agus Itamar ann an dreuchd an t-sagairt, ann an sealladh Aaroin an athar.

5 Agus labhair an Tighearn ri Maois, ag ràdh,

6 Thoir treubh Lebhi am fagus, agus taisbein iad an làthair Aaroin an t-sagairt, a chum gu'm fritheil iad dha.

7 Agus gleidhidh iad a chùram-san, agus cùram a' choimhthionail uile, air beulaobh pàilliuin a' choimhthionail, a dheanamh seirbhis a' phàilliuin.

8 Agus gleidhidh iad uile shoithichean pàilliuin a' choimhthionail, agus cùram chloinn Israeil, a dheanamh seirbhis a' phàilliuin.

9 Agus bheir thu na Lebhithich do Aaron, agus d'a mhic: *tha* iad air an tabhairt da gu h-ionmhan a mach á cloinn Israeil.

10 Agus orduichidh tu Aaron agus a mhic, agus feithidh iadsan air dreuchd an t-sagairt: agus cuirear an coigreach a thig am fagus gu bàs.

11 Agus labhair an Tighearn ri Maois, ag ràdh,

12 Agus mise, feuch, ghabh mi na Lebhithich o mheasg chloinn Israeil, 'an àit a' cheud-ghin uile a dh'fhosgla a' bhrù am measg chloinn Israeil: agus is leamsa na Lebhithich;

13 A chionna gur leamsa gach uile cheud-

ghin; *oir* air an là anns an do bhuail mi gach ceud-ghin ann an tìr na h-Eiphit, naomhaich mi dhomh féin gach ceud-ghin ann an Israeil, eadar dhuine agus ainmhidh; is leamsa iad: *Is* mise an Tighearn.

14 Agus labhair an Tighearn ri Maois ann am fasach Shinaì, ag ràdh,

15 Àireamh clann Lebhi a réir tighe an aithrichean, a réir an teaghlach: gach fìrionnach o mhìos a dh'aois agus os a cheann àirmhidh tu iad.

16 Agus rinn Maois an àireamh a réir focail an Tighearna, mar a thugadh àithne dha.

17 Agus *b'i* iad so mic Lebhi a réir an ainmean; Gerson, agus Cohat, agus Merari.

18 Agus *is* iad so ainmean mhac Ghersein a réir an teaghlach: Libni agus Simeì.

19 Agus mic Chohait a réir an teaghlach: Amram, agus Idsar, Hebron, agus Udsiel.

20 Agus mic Mherari a réir an teaghlach: Mahli, agus Musi: *is* iad sin teaghlach nan Lebhithich, a réir tighe an aithrichean.

21 O Ghersein *bha* teaghlach Libni, agus teaghlach Shimeì: *is* iad sin teaghlach nan Gersonach.

22 Iadsan a chaidh àireamh dhiubh, a réir àireimh nam fìrionnach uile o mhìos a dh'aois agus os a cheann, *eadhon* iadsan a chaidh àireamh dhiubh, *b'i* iad seachd mìle agus cùig ceud.

23 Suidhichidh teaghlach nan Gersonach air cùlaobh a' phàilliuin air taobh na h-àirde 'n iar.

24 Agus *bithidh* Eliasaph mac Laeil, 'n a cheann tighe athar nan Gersonach.

25 Agus air cùram mhac Ghersein, ann am pàilliuin a' choimhthionail, *bithidh* am pàilliuin, agus am bùth, a chòmhach, agus am brat air son doruis pàilliuin a' choimhthionail,

26 Agus cùrteinean na cùirte, agus am brat air son doruis na cùirte, a tha làimh ris a' phàilliuin, agus làimh ris an altair mu'n cuairt, agus a cuird, air son a seirbhis uile.

27 Agus o Chohat *bha* teaghlach nan Amramach, agus teaghlach nan Idscharach, agus teaghlach nan Hebronach, agus teaghlach nan Udsielach: *is* iad sin teaghlach nan Cohatach.

28 Ann an àireamh nam fìrionnach uile o mhìos a dh'aois agus os a cheann, *bha* ochd mìle agus sè ceud, a bha 'gleidheadh cùrain an ionaid naomh.

29 Suidhichidh teaghlach mhac Chohait air taobh mu dheas a' phàilliuin

30 Agus *bithidh* Elisaphan mac Udsiel 'n a cheann tighe athar theaghlach nan Cohatach.

31 Agus air an cùram-san *bithidh* an àire, agus am bòrd, agus an coinnleir, agus na h-altairean, agus soithichean an ionaid

naoinh, leis am fritheil iad, agus am brat, agus a sheirbhis uile.

32 Agus *bithidh* Eleasar, mac Aaroin an t-sagairt, 'n a cheannard air ceannardaibh nan Lebhithich, agus *bithidh* sùil aig orra-san a bhios a' gleidheadh cùrain an ionaid naoinh.

33 O Mherari bha teaghlach nam Mahlach, agus teaghlach nam Musitheach: *is* iad sin teaghlachan Mherari.

34 Agus iadsan a chaidh àireamh dhiubh, a réir àireimh nam firionnach uile o mhios a dh'aois agus os a cheann, *'b'iad* sè mìle agus dà cheud.

35 Agus *'b'e* Suriel mac Abihail ceann tighe athar theaghlachan Mherari: suidhichidh iadsan air taobh mu thuath a' phàilliuin.

36 Agus *'f'o* choimhead agus cùram mhac Mherari *'bithidh* buird a' phàilliuin, agus a chroinn, agus a phuist, agus a bhuinn, agus a shoithichean uile, agus gach nì a fhrithleas da,

37 Agus puist na cùrte mu'n cuairt, agus am buinn, agus am pinneachan, agus an cuird.

38 Ach iadsan a champaicheas air beulaobh a' phàilliuin air taobh na h-àirde 'n car, *cadh'onn* air beulaobh pàilliuin a' choimhthionail leth ri éirigh na gréine, *is iad* Maois, agus Aaron, agus a mhic, a' gleidheadh cùrain an ionaid naoinh, air son cùrain chloinn Israeil; agus cuirear an coigreach a thig am fagus gu bàs.

39 Iadsan uile a chaidh àireamh de na Lebhithich, a rinn Maois [agus Aaron] àireamh a réir àithne an Tighearna, a réir an teaghlachan, na firionnach uile o mhios a dh'aois agus os a cheann, *'b'iad* dà mhìle thar fhichead.

40 Agus thubhairt an Tighearn ri Maois, Àireamh gach ceud-ghin *a tha* 'n a fhirionnach de chloinn Israeil o mhios a dh'aois agus os a cheann, agus gabh àireamh an ainmean.

41 Agus gabhaidh tu na Lebhithich dhomha (*Is* mise an Tighearn) 'an àite nan ceud-ghin uile am measg chloinn Israeil; agus spréidh nan Lebhithich 'an àite nan ceud-ghin uile am measg spréidhe chloinn Israeil.

42 Agus rinn Maois, mar a dh'àithn an Tighearn dha, gach ceud-ghin am measg chloinn Israeil àireamh.

43 Agus gach ceud-ghin *a bha* 'n a fhirionnach, a réir àireimh nan ainmean o mhios a dh'aois agus os a cheann, dhiubhsan a chaidh àireamh dhiubh, *'b'* iad dà mhìle thar fhichead, dà cheud agus tri fichead agus tri-deug.

44 Agus labhair an Tighearn ri Maois, ag ràdh,

45 Gabh na Lebhithich 'an àite nan ceud-ghin uile am measg chloinn Israeil, agus spréidh nan Lebhithich 'an àit an spréidhe-

san, agus bithidh na Lebhithich agamsa: *Is* mise an Tighearn.

46 Agus air an son-san a tha gu bhi air am fuasgladh de'n dà cheud agus an tri fichead agus an tri-deug, de cheud-ghin chloinn Israeil, a tha nìs lionmhoire na na Lebhithich;

47 Gabhaidh tu eadhon cùig seceil am fear air an ceann; a réir seceil an ionaid naoinh gabhaidh tu *iad: is e* 'n seceil fichead gerah.

48 Agus bheir thu 'n t-airgiod, leis am fuasglar an àireamh chòrr dhiubh, do Aaron agus d'a mhic.

49 Agus ghabh Maois an t-airgiod fuasglaidh uatha-san a bha thuilleadh orra-san a dh'fhuasgladh leis na Lebhithich.

50 O cheud-ghin chloinn Israeil ghabh e an t-airgiod: mìle, tri cheud agus tri fichead agus cùig seceil, a réir seceil an ionaid naoinh.

51 Agus thug Maois airgiod na muinntir' sin a dh'fhuasgladh do Aaron, agus d'a mhic, a réir focail an Tighearna, mar a dh'àithn an Tighearn do Mhaois.

CAIB. IV.

1 *Aois agus àm frithealaidh nan Lebhithich. 17 Dreuchd nan sagart.*

A GUS labhair an Tighearn ri Maois, agus ri h-Aaron, ag ràdh,

2 Gabh àireamh mhac Chohait o mhacas mhac Lebhi, a réir an teaghlachan, a réir tighe an aithrichean;

3 O dheich bliadhna fichead a dh'aois agus os a cheann, cadh'onn gu leth-cheud bliadhna dh'aois, gach neach a théid a steach do'n armait, a dheanamh na h-oibre ann am pàilliuin a' choimhthionail.

4 So an t-seirbhis a bhios aig mic Chohait, ann am pàilliuin a' choimhthionail, *mu thimchioll* nan nithean ro naomh.

5 Agus an uair a bhitheas an camp gu dol air 'aghaidh, thig Aaron agus a mhic, agus bheir iad a nuas brat a' chòmhdachaidh, agus còmhdachidh iad àire na Fianuis leis;

6 Agus cuiridh iad oirre an còmhdachadh de chroicinnibh bhroce, agus sgaoilidh iad os a cheann eudach uile de ghorm, agus cuiridh iad a bataichean innte.

7 Agus air bòrd arain na Fianuis' sgaoilidh iad eudach de ghorm, agus cuiridh iad air na miasan, agus na tuisceiran, agus na copain, agus na cuachan leis an toircar seachad tabhartas-dìbhe: agus bithidh an t-aran an còmhuidh air.

8 Agus sgaoilidh iad orra eudach scarlaid, agus còmhdachidh iad sin le còmhdachadh de chroicinnibh bhroce, agus cuiridh iad a bhataichean ann.

9 Agus gabhaidh iad eudach de ghorm, agus còmhdachidh iad coinnleir an t-solais, agus a lòchraim, agus a chlobhachan, agus a shoithichean-snàlaidh, agus a shoithichean-olaidh uile, leis am fritheil iad da.

10 Agus cuiridh iad *e f'in*, agus a shoithichean uile, ann an còmh-dachadh de chroicinnibh bhroc, agus cuiridh iad air lunn *e*.

11 Agus air an altair òir sgaoilidh iad eudach de ghorm, agus còmh-daichidh iad i le còmh-dachadh de chroicinnibh bhroc, agus cuiridh iad *r'i* a bataichean.

12 Agus gabhaidh iad na h-innill fhrithealaidh uile, leis am fritheil iad 's an ionad naomh, agus cuiridh iad ann an eudach de ghorm *iad*, agus còmh-daichidh iad le còmh-dachadh de chroicinnibh bhroc *iad*, agus cuiridh iad air lunn *iad*.

13 Agus bheir iad air falbh an luath o'n altair, agus sgaoilidh iad eudach corcuir oirre;

14 Agus cuiridh iad oirre a soithichean uile, leis am fritheil iad n'a timchioll, *eadhon* na tùiseirean, na greimichean-fèila, agus na shuasaidean, agus na cuachan, soithichean na h-altarach uile; agus sgaoilidh iad oirre còmh-dachadh de chroicinnibh bhroc, agus cuiridh iad *r'i* a bataichean.

15 Agus crìochnaichidh Aaron agus a mhic còmh-dachadh an ionaid naomh, agus uile shoithichean an ionaid naomh, 'n uair a bhios an camp gu dol air 'aghaidh; agus an déigh sin thig mic Chohait *g'an* giùlan: ach cha bhean iad ri ni naomh *sam bith*, air eagal gu'm bàsaich iad. *Is iad na nithean* sin eallach mhac Chohait ann am pàillium a' choimhthionail.

16 Agus do dhreuchd Eleasair, mhic Aaron an t-sagairt, *buinidh* an oladh chum an t-soluis, agus an tùis chùbhraidh, agus an tabhartas-bidh lathail, agus an oladh-ungaidh, agus cùram a' phàillium uile, agus nan uile nithean a *tha* ann, 's an ionad naomh, agus 'n a shoithichibh.

17 Agus labhair an Tighearn ri Maois, agus ri h-Aaron, ag ràdh,

18 Na gearraibh as treubh theaghlaidhean nan Cohatach o mheasg nan Leblitheach.

19 Ach so ni sibh riu, chum gu'm bi iad beò agus nach bàsaich iad, an uair a thig iad am fagus do na nithibh ro naomh; théid Aaron agus a mhic a steach, agus orduichidh siad iad gach aon d'a sheirbhis *fèin*, agus d'a eallaich.

20 Ach cha téid iad a steach a dh'fhaicinn an uair a chòmh-daichear na nithean naomh', air cagal gu'm faigh iad bàs.

21 Agus labhair an Tighearn ri Maois, ag ràdh,

22 Gabh mar an ceudna àireamh mhac Ghersoin, a réir tighe an aithrichean, a réir an teaghlaidhean:

23 O dheich bliadhna fichead a dh'aois agus os a cheann, gu leth-cheud bliadhna dh'aois àirmhidh tu iad; gach neach a théid a steach a dheanamh na seirbhis, a dheanamh na h-oibre ann am pàillium a' choimhthionail.

24 *Is i* so seirbhis theaghlaidhean nan Ger-

sonach, seirbhis a dheanamh, agus eallach a ghiulan.

25 Agus giùlainidh iad cùirteinean a' phàillium, agus pàillium a' choimhthionail, a chòmh-dach, agus an còmh-dachadh de chroicinnibh bhroc, a tha shuas thairis air, agus brat doruis pàillium a' choimhthionail.

26 Agus cùirteinean na cùirte, agus brat doruis geata na cùirte, a *tha* làimh ris a' phàillium, agus ris an altair mu'n cuairt, agus an cuird, agus innil am frithealaidh uile, agus gach ni a rinneadh air an son: mar so ni iad seirbhis.

27 A réir focail Aaron agus a mhac bithidh uile sheirbhis mhac nan Gersonach, 'n an eallachaibh uile, agus 'n an seirbhis uile: agus orduichidh sibh dhoibh mar an cùram an eallachan uile.

28 *Is i* so seirbhis theaghlaidhean mhac Ghersoin, ann am pàillium a' choimhthionail; agus *bithidh* an cùram fo làimh Itamair mhic Aaron an t-sagairt.

29 A thaobh mhac Mherari, àirmhidh tu iad a réir an teaghlaidhean, a réir tighe an aithrichean:

30 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, àirmhidh tu iad, gach aon a théid a steach do'n t-seirbhis, a dheanamh oibre pàillium a' choimhthionail.

31 Agus *is e* so cùram an eallaich, a réir an seirbhis uile ann am pàillium a' choimhthionail; buird a' phàillium, agus a chroinn, agus a phuist, agus a bhuinn,

32 Agus puist na cùirte mu'n cuairt, agus am buinn, agus am pinneachan, agus an cuird, maille r'an innealaibh uile, agus maille r'an seirbhis uile: agus air an ainm àirmhidh sibh innil cùram an eallaich.

33 *Is i* so seirbhis theaghlaidhean mhac Mherari, a réir an seirbhis uile ann am pàillium a' choimhthionail, fo làimh Itamair mhic Aaron an t-sagairt.

34 Agus rinn Maois agus Aaron agus ceannardan a' chomhchruinneachaidh mic nan Cohatach àireamh, a réir an teaghlaidhean, agus a réir tighe an aithrichean:

35 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, chum oibre ann am pàillium a' choimhthionail.

36 Agus iadsan a chaidh àireamh dhiubh, a réir an teaghlaidhean, biad dà mhìle, seachd ceud agus leth-cheud.

37 Biad so iadsan a chaidh àireamh de theaghlaidhibh nan Cohatach, gach neach a dh'fheadadh seirbhis a dheanamh ann am pàillium a' choimhthionail, a rinn Maois agus Aaron àireamh, a réir àithne an Tighearna le làimh Mhaois.

38 Agus iadsan a chaidh àireamh de mhic Ghersoin, a réir an teaghlaidhean, agus a réir tighe an aithrichean:

39 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, a chum oibre ann am pàillion a' choinmthionail;

40 Eadhon iadsan a chaidh àireamh dhiubh, a réir an teaghlaichean, a réir tighe an aithrichean, b'iad dà mhìle agus sè ceud agus deich 'ar fhichead.

41 So iadsan a chaidh àireamh de theaghlachibh mhae Ghersein, de gach neach a dh'fheudadh seirbhis a dheanamh ann am pàillion a' choinmthionail, a rinn Maois agus Aaron àireamh a réir àithne an Tighearna.

42 Agus iadsan a chaidh àireamh de theaghlachibh mhae Mherari, a réir an teaghlaichean, a réir tighe an aithrichean:

43 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a stigh do'n t-seirbhis, chum oibre ann am pàillion a' choinmthionail;

44 Eadhon iadsan a chaidh àireamh dhiubh, a réir an teaghlaichean, b'iad trì mìle agus dà cheud.

45 So iadsan a chaidh àireamh de theaghlachibh mhae Mherari, a rinn Maois agus Aaron, àireamh a réir focail an Tighearna le làimh Mhaois.

46 Iadsan uile a chaidh àireamh de na Lebhithich, a rinn Maois agus Aaron, agus ceannardan Israeil aircamh a réir an teaghlaichean, agus a réir tighe an aithrichean;

47 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a thàinig a dheanamh seirbhis an fhrithealaidh, agus seirbhis na h-eallaich ann am pàillion a' choinmthionail;

48 Eadhon iadsan a chaidh àireamh dhiubh, b'iad ochd mìle agus eùg ceud agus ceithir fichead.

49 A réir àithne an Tighearna chaidh an àirmheadh le làimh Mhaois, gach aon a réir a sheirbhis, agus a réir 'eallaich: mar so chaidh an àirmheadh leis, mar a dh'àithn an Tighearn do Mhaois.

CAIB. V.

1 An còmhleasachd air son eucorach. 11
Deuchainn eudaich.

AGUS labhair an Tighearn ri Maois, ag ràdh,

2 Aithn do chloinn Israeil, iad a chur a mach as a' champ gach lobhar, agus gach neach air am bheil sìlteach, agus gach neach a tha air a shalachadh leis a' mharbhl:

3 Araon fionnach agus boirionnach cuiridh sibh a mach, an taobh a muigh de'n champ cuiridh sibh iad; a chum as nach truail iad an campan, anns am bheil mise 'gabhail còmhnuidh.

4 Agus rinn clann Israeil mar so, agus

chuir iad a mach iad an taobh a muigh de'n champ: mar a labhair an Tighearn ri Maois, mar sin rinn clann Israeil.

5 Agus labhair an Tighearn ri Maois, ag ràdh,

6 Abair ri cloinn Israeil, An uair a ni fear no bean peacadh air bith a ni daoine, a dheanamh eusaontais an aghaidh an Tighearna, agus gu'm bheil an t-anam sin ciontach;

7 An sin aidichidh iad am peacadh a rinn iad: agus ni e còmhleasachadh air son 'eucorach 's an iomlan, agus cuiridh e an eùgeamh cuid de th ris, agus bheir e sin dhasan air an d'rinn e 'n eucoir.

8 Ach mur bi aig an duine caraid sam bith gu còmhleasachadh a thoirt da 's an eucoir, thugar an còmhleasachadh a nithear do'n Tighearn air son na h-eucorach, do'n t-sagart; a thuilleadh air reithe na réite, leis an deanar réite air a shon.

9 Agus gach tabhartas de nithibh naomha chloinn Israeil uile, a bheir iad chum an t-sagairt, is leis-san iad.

10 Agus nithean coisrigte gach duine, is leis-san iad: ge b'e-ni a bheir duine sam bith do'n t-sagart, is leis e.

11 Agus labhair an Tighearn ri Maois, ag ràdh,

12 Labhair ri cloinn Israeil, agus abair riu, Ma théid bean fir sam bith a thaobh, agus gu'n ciontaich i 'n a aghaidh,

13 Agus gu'n huidh fear gu collaidh leatha, agus gu'm bi sin folaichte o shùilibh a fir-phòda, agus gu'm bi e ceilte, agus gu'm bi i air a truailleadh, agus nach bi fianuis sam bith 'n a h-aghaidh, agus gun i air a glacadh 's a' chàis,

14 Agus gu'n tig spiorad eudaich air, agus gu'm bheil e 'g eudach air a mhnaoi, agus gu'n do thruailleadh i; no ma thàinig spiorad eudaich air, agus gu'm bheil e eudmhor m'a mhnaoi, agus nach do thruailleadh i:

15 An sin bheir an duine a bhean a dh'ionnsuidh an t-sagairt, agus bheir e leis a tabhartas air a son, an deicheamh cuid a dh'ephah de mhin còrna; cha dòirt e oladh air, ni mò a chuircas e tùis air, oir is tabhartas eudaich a th'ann, tabhartas cuimhneachain, a' toirt aingidheachd ann an cuimhne.

16 Agus bheir an sagairt an fagus i, agus cuiridh e i an làthair an Tighearna.

17 Agus gabhaidh an sagart uisge naomh ann an soitheach creadha, agus gabhaidh an sagart cuid de'n duslach a bhios air urlar a' phàillion, agus cuiridh e 's an uisge e.

18 Agus cuiridh an sagart a' bhean ann an làthair an Tighearna, agus rùsgidh e ceann na mnà, agus cuiridh e 'n tabhartas cuimhneachain 'n a làmhann, eadhon an tabhartas eudaich; agus bithidh a'g an

t-sagart 'n a lèimh an t-uisge searbh a mhallachas.

19 Agus gabhaidh an sagart mionnan dh'i, agus their e ris a' mhnaoi, Mur do luidh fear sam bith leat, agus mur deachaidh tu thaobh gu neòghloine *maille ri neach eile* 'an àite d'fhir-phòsda, bi-sa saor o' n uisge shearbh so a mhallachas:

20 Ach ma chaidh thu thaobh *gu neach eile* 'an àite d'fhir-phòsda, agus gu'n do thruailladh thu, agus gu'n do luidh fear eile leat a thuilleadh air d'fhear-phòsda;

21 An sin gabhaidh an sagart mionnan mallachaidh de'n mhnaoi, agus their an sagart ris a' mhnaoi, Gu'n deanadh an Tighearn a'd' mhallachadh agus a'd' mhionnan thu am measg do shluaigh, 'n uair a bheir an Tighearn air do shliasaid lobhadh, agus air do bhroinn atadh;

22 Agus théid an t-uisge so a mhallachas a stigh a'd' innibh, a thoirt air do bhroinn atadh, agus air do shliasaid lobhadh: Agus their a' bhean, Amen, amen.

23 Agus sgrìobhaidh an sagart na mallachdan sin ann an leabhar, agus dubhaidh e nach *iad* leis an uisge shearbh;

24 Agus bheir e air a' mhnaoi an t-uisge searbh a bheir am mallachadh, òl: agus théid an t-uisge a mhallachas a steach innte, *agus fàsaidh* e searbh.

25 An sin gabhaidh an sagart an tabhartas eudaich á lèimh na mnà, agus luaisgidh e 'n tabhartas an làthair an Tighearn, agus bheir e seachad e air an altair.

26 Agus gabhaidh an sagart Ìn glaise de'n tabhartas, *eadhon* a chuimhneachan, agus loisgidh e air an altair e, agus an deigh sin bheir e air a' mhnaoi an t-uisge òl.

27 Agus an uair a bheir e oirre an t-uisge òl, an sin tarlaidh na thruailladh i, agus na rinn i coire an aghaidh a fir-phòsda, gu'n téid an t-uisge a mhallachas a steach innte, *agus fàsaidh* e searbh, agus ataidh a brù, agus lobhaidh a shliasaid: agus bithidh a' bhcan 'n a mallachadh am measg a sluaigh.

28 Agus mur do thruailladh a' bhean, ach gu'm bheil i glan; an sin bithidh i saor, agus fàsaidh i torrach.

29 *Is* e so lagh nan eud, an uair a théid bean a thaobh *gu fear eile* 'an àit a fir-phòsda, agus a thruaillear i;

30 No 'n uair a thig spiorad eudaich air fear, agus a tha e 'g eudach air, agus a chuireas e a' bhean an làthair an Tighearna, agus a chuireas an sagart 'an gnìomh oirre an lagh so uile;

31 An sin bithidh an duine saor o'n chionta, agus giùlainidh a' bhean so a cionta.

CAIB. VI.

1 *Lagh nan Nasaraich.* 22 *Modh beunnachaidh chloinn Israeil.*

A GUS labhair an Tighearn ri Maois, ag ràdh,

2 Labhair ri cloinn Israeil, agus abair riu, 'N uair a dhealaicheas aon chuid bean no fear *iad fèin* a bhòideachadh bòide Nasaraich, a chum *iad fèin* a dhealachadh do'n Tighearn;

3 O fhìon, agus o dhìbh làidir sgaraidh se e fèin; fion-geur fiona, no fion-geur dìbhe làidir cha-n òl e, ni mò a dh'òlas e bhacag de shùgh nam fion-dhearcan, ni mò a dh'itheas e fion-dhearcan ùra no tior-am.

4 Uile làithean a dhealachaidh cha-n ith e bhacag a nithear de'n chraoibh-fhìona, o na h-eiteanaibh gus am plaosg.

5 Uile làithean bòide a dhealachaidh, cha tig ealtainn air a cheann: gus an coimhlonar na làithean anns an dealaich se e *fèin* do'n Tighearn, bithidh e naomh; agus leigidh e le ciabhan gruaige a chinn fàs.

6 'S na làithibh sin uile anns an dealaich se e *fèin* do'n Tighearn, cha tig e 'm fagus do chorp marbh sam bith.

7 Cha dean se e fèin neòghlan air son 'athar, no air son a mhàthar, air son a bhràthar, no air son a pheathar, an uair a gheibh iad bàs; do bhrìgh *gu bheil* coisreagaidh a Dhé air a cheann.

8 Uile làithean a dhealachaidh *tha* e naomh do'n Tighearn.

9 Agus ma gheibh duine gu h-obann bàs lèimh ris, agus gu'n do shalaich e ceann a choisreagaidh; an sin bearraidh e a cheann ann an là a ghlanaidh, air an t-seachdamh là bearraidh se e.

10 Agus air an ochdamh là bheir e dà thurtur, no dà choluman òg, a dh'ionnsuidh an t-sagairt, gu dorus pàilliuin a' choimh-thionail.

11 Agus iobraidh an sagart fear diubh mar iobairt-pheacaidh, agus am fear eile mar iobairt-loisgte, agus ni e réite air a shon, a chionn gu'n do pheacaich e thaobh a' mhairbh, agus naomhaichidh e a cheann 's an là sin fèin.

12 Agus coisrigidh e do'n Tighearn làithean a dhealachaidh, agus bheir e leis uan de'n cheud bhliadhna chum iobairt-eusaontais: ach bithidh na làithean a chaidh seachad caillte, do bhrìgh gu'n do shalaicheadh a dhealachadh.

13 Agus *is* e so lagh an Nasaraich: 'N uair a choimhlonar làithean a dhealachaidh, bheirear e gu dorus pàilliuin a' choimh-thionail:

14 Agus bheir e seachad a thabhartas do'n Tighearn, aon uan fionn de'n cheud bhliadhna gun ghaoid a chum iobairt-loisgte, agus aon uan boirionn de'n cheud bhliadhna gun ghaoid a chum iobairt-pheacaidh, agus aon reithe gun ghaoid a chum iobairt-shùth;

15 Agus bascaid de aran neo-ghoirtichte, breacagan de phlùrmin measgta le h-òlaidh, agus dearnaganan de aran neo-ghoirtichte

ungta le h-olaidh, agus an tabhartas-bìdh, agus an tabhartasan-dìbhe.

16 Agus bheir an sagart *iad* an làthair an Tighearn, agus ìobraidh e ìobairt-phcacaaidh, agus ìobairt-loisgte.

17 Agus ìobraidh e 'n reithe mar ìobairt thabhartasan-sith do'n Tighearn, maille ris a' bhascaid de aran neo-ghoirtichte: bheir an sagart seachad mar an ceudna a thabhartas-bìdh, agus a thabhartas-dìbhe.

18 Agus bearraidh an Nasarach ceann a dhealachaidh, aig doras pàilliuin a' choimh-thionail; agus gabhaidh e gruag cinn a dhealachaidh, agus cuiridh e i 's an teine a *tha* fo ìobairt nan tabhartasan-sith.

19 Agus gabhaidh an sagart slinnean bruich an reithe, agus aon bhreacag neo-ghoirtichte as a' bhascaid, agus aon dearnagan neo-ghoirtichte; agus cuiridh e *iad* air lùnan an Nasaraich, an déigh do *ghruaig* a dhealachaidh bhi air a bearradh.

20 Agus luaisgidh an sagart *iad* mar thabhartas-luaisgte an làthair an Tighearn; *tha* so naomh do'n t-sagart maille ris an uchd luaisgte, agus *maille ris* an t-slinnean thogta: agus an déigh sin feudaidh an Nasarach fiou òl.

21 *Is* e so lagh an Nasaraich, a thug bòid, agus *lagh* a thabhartais do'n Tighearn air son a dhealachaidh, a thuilleadh air na gheibh a làmh: a réir a bhòide a bhòidich e, mar sin is éigin de dheanamh, a réir lagha a dhealachaidh.

22 Agus labhair an Tighearn ri Maois, ag ràdh,

23 Labhair ri h-Aaron agus r'a mhic, ag ràdh, Air a' mhòd so beannaichidh sibh clann Israeil, ag ràdh riu,

24 Gu'n beannaicheadh an Tighearn thu, agus gu'n gleidheadh e thu:

25 Gu'n tugadh an Tighearn air 'aghaidh deachrachadh ort, agus bitheadh e gràsmhor riut:

26 Gu'n togadh an Tighearn suas a ghnùis ort, agus gu'n tugadh e sìth dhuit.

27 Agus cuiridh iad m'ainm air cloinn Israeil, agus beannaichidh mise iad.

CAIB. VII.

2, 10 *Tabhartais cheannardan Israeil. 89 Labhair Dia ri Maois.*

AGUS tharladh air an là anns an do chuir Maois suas an pàilliu gu h-ìomlan, agus 's an d'ung se e, agus 's an do naomhaich se e, agus 'uidheam uile, araon an altair agus a soithichean uile, agus 's an d'ung e iad, agus 's an do naomhaich e iad;

2 Gu'n d'thug ceannardan Israeil, cinn tighé an aithrichean, (eadhon ceannardan nan treubh, a bha os ceann na muinntir' a chaidh àireamh) seachad tabhartas:

3 Agus thug iad an tabhartas an làthair an Tighearna, sè feunan còmhdaichte, agus

dà dhamh dheug: feun air son dithis de na ceannardaibh, agus damh air son gach fir dhiubh, agus thug iad air beulaobh a' phàilliuin iad.

4 Agus labhair an Tighearn ri Maois, ag ràdh,

5 Gabh uatha *iad*, a chum gu'm bi iad a dheanamh seirbhis pàilliuin a' choimh-thionail; agus bheir thu iad do na Lebhithich, do gach fear a réir a sheirbhis.

6 Agus ghabh Maois na feunan agus na daimh, agus thug e do na Lebhithich iad.

7 Dà fheun agus ceithir daimh thug e do mhic Ghersein, a réir an seirbhis.

8 Agus ceithir feunan agus ochd daimh thug e do mhic Mherari, a réir an seirbhis, fo làmh Itamair mhic Aaroin an t-sagairt.

9 Ach do mhic Chohait cha d' thug e h-aon air bith; a chionn gu'm *b'i* seirbhis an ionaid naoimh a bhuineadh dhoibhsan, gu'n giùlaincadh iad air an gvaillibh.

10 Agus thug na ceannardan seachad tabhartas a chum coisreagaidh na h-altarach, air an là anns an d'ugadh i; thug eadhon na ceannardan seachad an tabhartas air beulaobh na h-altarach.

11 Agus thubhairt an Tighearn ri Maois, Bheir gach ceannard seachad a thabhartas air a là féin, chum coisreagaidh na h-altarach.

12 Agus esan a thug seachad a thabhartas air a' cheud là, b'e Nahson mae Aminadaib, de thréibh Iudah.

13 Agus b'e a thabhartas aon mhias airgid, d'am bu chudthrom ceud agus deich *seceil* 'ar fhlichead, aon chuach airgid de dheich agus trì fichead seceil, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bìdh:

14 Aon spàin de dheich *seceil* òir, làn de thùis:

15 Aon tarbh òg, aon reithe, aon uan de'n cheud bhliadhna, chum ìobairt-loisgte:

16 Aon mheann de na gabhraibh chum ìobairt-pheacaidh:

17 Agus a chum ìobairt nan tabhartas-sith, dà tharbh, cùig reitheachan, cùig buicghaibhre, cùig uain de'n cheud bhliadhna. *Be* so tabhartas Nahson mhic Aminadaib.

18 Air an dara là thug Nataneel mae Shuair, ceannard Isachair, seachad tabhartas.

19 Thug e seachad mar a thabhartas aon mhias airgid, d'am bu chudthrom ceud agus deich *seceil* 'ar fhlichead, aon chuach airgid de dheich agus trì fichead seceil, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bìdh:

20 Aon spàin òir, de dheich *seceil*, làn de thùis:

21 Aon tarbh òg, aon reithe, aon uan de'n cheud bhliadhna, chum ìobairt-loisgte:

22 Aon mheann de na gabhraibh chum ìobairt-pheacaidh:

23 Agus a chum ìobairt nan tabhartas-sith, dà tharbh, cùig reitheachan, cùig buig-ghaibhre, cùig uain de'n cheud bhliadhna.

Be so tabhartas Nataneil mhic Shua'ir.

24 Air an treas là *thug* Eliab mac Heloin, ceannard chloinn Shebuluin, *seachad* tabhartas.

25 *Be* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bidh:

26 Aon spàin òir de dheich *seceil*, làn de thùis:

27 Aon tarbh òg, aon reithe, aon uan de'n cheud bhliadhna, chum ìobairt-loisgte:

28 Aon mheann de na gabhraibh chum ìobairt-pheacaidh:

29 Agus a chum ìobairt nan tabhartas-sith, dà tharbh, cùig reitheachan, cùig buig-ghaibhre, cùig uain de'n cheud bhliadhna. *Be* so tabhartas Eliab mhic Heloin.

30 Air a' cheathramh là *thug* Elisur mac Shedeuir, ceannard chloinn Reubein, *seachad* tabhartas.

31 *Be* a thabhartas-san aon mhias airgid de cheud agus deich secel 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bidh:

32 Aon spàin òir de dheich *seceil*, làn de thùis:

33 Aon tarbh òg, aon reithe, aon uan de'n cheud bhliadhna, chum ìobairt-loisgte:

34 Aon mheann de na gabhraibh chum ìobairt-pheacaidh:

35 Agus a chum ìobairt nan tabhartas-sith, dà tharbh, cùig reitheachan, cùig buig-ghaibhre, cùig uain de'n cheud bhliadhna. *Be* so tabhartas Elisuir mhic Shedeuir.

36 Air a' chùigcamh là *thug* Selumiel mac Shurisadai, ceannard chloinn Shimeoin, *seachad* tabhartas.

37 *Be* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bidh:

38 Aon spàin òir de dheich *seceil*, làn de thùis:

39 Aon tarbh òg, aon reithe, aon uan de'n cheud bhliadhna, chum ìobairt-loisgte:

40 Aon mheann de na gabhraibh chum ìobairt-pheacaidh.

41 Agus a chum ìobairt nan tabhartas-sith, dà tharbh, cùig reitheachan, cùig buig-ghaibhre, cùig uain de'n cheud bhliadhna. *Be* so tabhartas Selumiel mhic Shurisadai.

42 Air an t-seathamh là *thug* Eliasaph

mac Dheueil, ceannard chloinn Ghad, *seachad* tabhartas.

43 *Be* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bidh:

44 Aon spàin òir de dheich *seceil*, làn de thùis:

45 Aon tarbh òg, aon reithe, aon uan de'n cheud bhliadhna, chum ìobairt-loisgte:

46 Aon mheann de na gabhraibh chum ìobairt-pheacaidh:

47 Agus a chum ìobairt nan tabhartas-sith, dà tharbh, cùig reitheachan, cùig buig-ghaibhre, cùig uain de'n cheud bhliadhna. *Be* so tabhartas Eliasaiph mhic Dheueil.

48 Air an t-seachdamh là *thug* Elisama mac Amihuid, ceannard chloinn Ephraim, *seachad* tabhartas.

49 *Be* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bidh:

50 Aon spàin òir de dheich *seceil*, làn de thùis:

51 Aon tarbh òg, aon reithe, aon uan de'n cheud bhliadhna, chum ìobairt-loisgte:

52 Aon mheann de na gabhraibh chum ìobairt-pheacaidh:

53 Agus a chum ìobairt nan tabhartas-sith, dà tharbh, cùig reitheachan, cùig buig-ghaibhre, cùig uain de'n cheud bhliadhna. *Be* so tabhartas Elisama mhic Amihuid.

54 Air an ochdamh là *thug* Gamaliel mac Phedahsuir, ceannard chloinn Mhanashe,

seachad tabhartas.

55 *Be* a thabhartas-san aon mhias airgid de cheud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bidh:

56 Aon spàin òir de dheich *seceil*, làn de thùis:

57 Aon tarbh òg, aon reithe, aon uan de'n cheud bhliadhna, chum ìobairt-loisgte:

58 Aon mheann de na gabhraibh chum ìobairt-pheacaidh:

59 Agus a chum ìobairt nan tabhartas-sith, dà tharbh, cùig reitheachan, cùig buig-ghaibhre, cùig uain de'n cheud bhliadhna. *Be* so tabhartas Ghamalieil mhic Phedahsuir.

60 Air an naothamh là *thug* Abidan mac Ghideoni, ceannard chloinn Bheniamin, *seachad* tabhartas.

61 *Be* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid

naoimh, iad le 'chéile làn de phlùr min measgta le h-olaidh, chum tabhartais-bidh:

62 Aon spàin òir de dheich *seceil*, làn de thùis:

63 Aon tarbh òg, aon reithe, aon uan de'n cheud bhliadhna, chum ìobairt-loisgte:

64 Aon mheann de na gabhraibh chum ìobairt-pheacaidh:

65 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *Be* so tabhartas Abidain mhic Ghideon.

66 Air an deicheamh là *thug* Ahieser mac Amisadai, ceannard chloinn Dhan, *seachad* tabhartas.

67 *Be* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr min measgta le h-olaidh, chum tabhartais-bidh:

68 Aon spàin òir de dheich *seceil*, làn de thùis:

69 Aon tarbh òg, aon reithe, aon uan de'n cheud bhliadhna, chum ìobairt-loisgte:

70 Aon mheann de na gabhraibh chum ìobairt-pheacaidh:

71 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *Be* so tabhartas Ahieser mhic Amisadai.

72 Air an aon là dheug *thug* Pagièl mac Ocrain, ceannard chloinn Aseir, *seachad* tabhartas.

73 *Be* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr min measgta le h-olaidh, chum tabhartais-bidh:

74 Aon spàin òir de dheich *seceil*, làn de thùis:

75 Aon tarbh òg, aon reithe, aon uan de'n cheud bhliadhna, chum ìobairt-loisgte:

76 Aon mheann de na gabhraibh chum ìobairt-pheacaidh:

77 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *Be* so tabhartas Phagièil mhic Ocrain.

78 Air an dara là dheug *thug* Ahira mac Enain, ceannard chloinn Naphtali, *seachad* tabhartas.

79 *Be* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr min measgta le h-olaidh, chum tabhartais-bidh:

80 Aon spàin òir de dheich *seceil*, làn de thùis:

81 Aon tarbh òg, aon reithe, aon uan de'n cheud bhliadhna, chum ìobairt-loisgte:

82 Aon mheann de na gabhraibh chum ìobairt-pheacaidh:

83 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'u cheud bhliadhna. *Be* so tabhartas Ahira mhic Enain.

84 *Be* so coisreagadh na h-altarach ('s an là anns an d'ungadh i) le ceannardaibh Israeil: dà mhias dheug airgid, dà chuach dheug airgid, dà spàin dheug òir:

85 *Be* *cudthrom* gach maise airgid ceud agus deich *seceil* 'ar fhichead, agus gach cuaiche deich agus trifichead: *Be* *cudthrom* nan soithichean airgid uile, dà mhile agus ceithir cheud *seceil*, a réir seceil an ionaid naoimh.

86 *Bha* dà spàin dheug òir ann, làn de thùis, *cudthrom* gach aon fa leth deich seceil, a réir seceil an ionaid naoimh: *be* òr nan spàinean uile ceud agus fichead *secel*.

87 *B'iad* na tairbh uile chum ìobairt-loisgte dà tharbh dheug, na reitheachan a dhà-dheug, na h-uain de'n cheud bhliadhna dhà-dheug, maille r'an tabhartas-bidh: agus na minn de na gabhraibh chum ìobairt-pheacaidh a dhà-dheug.

88 Agus *b'iad* na tairbh uile, chum ìobairt nan tabhartas-sith, ceithir tairbh 'ar fhichead, na reitheachan tri fichead, na buic-ghaibhre tri fichead, na h-uain de'n cheud bhliadhna tri fichead. *Be* so coisreagadh na h-altarach, an deigh dh'i bhi air a h-ungadh.

89 Agus an uair a chaidh Maois a steach do phaillion a' choimhthionail, a labhair ris: a'u sin chual' e guth *ainn* a' labhairt ris o uachdar na caithir-thròcair' a *bha* os ceann airece na Fianuis, o eadar an dà cherub; agus labhair e ris.

CAIB. VIII.

1 *Mar a lasadh na lòchrain.* 5 *Coisreagadh nan Lebhithich: 23 an aois agus am am fhrèachaidh.*

AGUS labhair an Tighearn ri Maois, ag ràdh,

2 Labhair ri h-Aaron, agus abair ris, 'N uair a lasas tu na lòchrain, bheir na seachd lòchrain solus uatha thall fa chomhair a' choimhleir.

3 Agus rinn Aaron mar sin; las e a lòchrain thall fa chomhair a' choimhleir; mar a dh'èithu an Tighearn do Mhaois.

4 Agus *be* so obair a' choimhleir: *bha* e dh'òr buailte gu ruig a chos, gu ruig a bhàthlan *bha* e dh'obair bhualte: a réir an t-samhlaidh a nochd an Tighearn do Mhaois, mar sin rinn e 'n coimhleir.

5 Agus labhair an Tighearn ri Maois, ag ràdh,

6 Gabh na Lebhithich o mheasg chloinn Israeil, agus glan iad.

7 Agus mar so nì thu riu, chum an glanadh: crath nìsge glanaidh orra, agus thugadh iad caltainn thar an fèoil uile, agus

nigheadh iad an eudach, agus *mar sin* deanadh iad glan iad féin.

8 An sin gabhadh iad tarbh òg maille r'a thabhartas-bìdh, *eadhon* plùr mìn measgta le h-òlaidh, agus gabhaidh tu tarbh òg eile chum iobairt-pheacaidh.

9 Agus bheir thu na Lebhithich air beul-aobh pàilliuin a' choimhthionail: agus cruinnichidh tu coimhthional chloinn Israeil uile 'an ceann a chéile:

10 Agus bheir thu na Lebhithich an làth-air an Tighearn', agus cuiridh clann Israeil an làmh-an air na Lebhithich:

11 Agus luaisgidh Aaron na Lebhithich ann an làthair an Tighearn', *mar* thabhartas-luaisgte o chloinn Israeil; a chum gu'n dean iad seirbhis an Tighearn'.

12 Agus cuiridh na Lebhithich an làmh-an air cinn nan tarbh; agus iobraidh tu h-aon *diubh mar* iobairt-pheacaidh, agus an fear eile *mar* iobairt-loisgte do'n Tighearn, a dheanamh réite air son nan Lebhithich.

13 Agus cuiridh tu na Lebhithich an làth-air Aaron, agus an làthair a mhac, agus luaisgidh tu iad *mar* thabhartas-luaisgte do'n Tighearn.

14 Mar so sgaraidh tu na Lebhithich o mheasg chloinn Israeil; agus bithidh na Lebhithich leamsa.

15 Agus 'n a dhéigh sin théid na Lebhithich a steach a dheanamh seirbhis pàilliuin a' choimhthionail; agus glanadh tu iad, agus luaisgidh tu iad *mar* thabhartas-luaisgte:

16 Oir thugadh dhomhsa gu h-iomlan iad o mheasg chloinn Israeil; 'an àite gach aoin a dh'fhosglaas a' bhrù, *eadhon 'an àite* ceud-ghin chloinn Israeil uile, ghabh mi dhomh féin iad.

17 Oir is leamsa uile cheud-ghin chloinn Israeil, *arao*n duine agus ainmhidh: 's an là air an do bhuail mi gach ceud-ghin ann an tìr na h-Eiphit, naomhaich mi iad dhomh féin.

18 Agus ghabh mi na Lebhithich 'an àit uile cheud-ghin chloinn Israeil.

19 Agus thug mi na Lebhithich mar thiodhlac do Aaron, agus d'a mhic, o mheasg chloinn Israeil, a dheanamh seirbhis chloinn Israeil ann am pàilliuin a' choimhthionail, agus a dheanamh réite air son chloinn Israeil; a chum as nach bi plaigh sam bith ann measg chloinn Israeil, an uair 'a thig clann Israeil am fagus do'n ionad naomh.

20 Agus rinn Maois agus Aaron, agus comheachruinneachadh chloinn Israeil uile, ris na Lebhithich a réir gach nì a dh'àithn an Tighearn do Mhaois a thaobh nan Lebhithich, mar sin rinn clann Israeil riu.

21 Agus ghlanadh na Lebhithich, agus nigh iad an eudach; agus thug Aaron suas iad *mar* thabhartas an làthair an Tighearn';

agus rinn Aaron réite air an son a chum an glanadh.

22 Agus an déigh sin chaidh na Lebhithich a steach, a dheanamh an seirbhis ann am pàilliuin a' choimhthionail, an làthair Aaron agus an làthair a mhac: mar a dh'àithn an Tighearn do Mhaois a thaobh nan Lebhithich, mar sin rinn iad riu.

23 Agus labhair an Tighearn ri Maois, ag ràdh,

24 *Is e so an nì a bhuineas* do na Lebhithich: o chùig bliadhna fichead a dh'aois, agus os a cheann, théid iad a steach a dh'fheitheamh air seirbhis pàilliuin a' choimhthionail:

25 Agus ó aois leth-cheud bliadhna sguridh iad a dh'fheitheamh air a sheirbhis, agus cha dean iad seirbhis nì 's mò:

26 Ach fritheilidh iad maille r'am bràithribh ann am pàilliuin a' choimhthionail a ghleidheadh a' chùrain, agus cha dean iad seirbhis sam bith eile. Mar so nì thu ris na Lebhithich a thaobh an cùrain.

CAIB. IX.

1 *A' chàisg air a h-orduachadh.* 15 *Threòraich* *neul a bha air a' phàilliuin clann Israeil air an turus.*

AGUS labhair an Tighearn ri Maois ann am fasach Shinaì, 's a' cheud mhìos de'n dara bliadhna an déigh dhoibh teachd a mach à tìr na h-Eiphit, ag ràdh,

2 Cumadh mar an ceudna clann Israeil a' chàisg 'n a h-àm suidhichte féin.

3 'S a' cheathramh là deug de'n mhìos so, air feasgar, cumaidh sibh i 'n a h-àm suidhichte féin, a réir a h-orduighean uile, agus a réir a deas-ghnàthan uile, cumaidh sibh i.

4 Agus labhair Maois ri cloinn Israeil, iad a chumail na càisge.

5 Agus chum iad a' chàisg air a' cheathramh là deug de'n cheud mhìos air feasgar, ann am fasach Shinaì: a réir gach nì a dh'àithn an Tighearn do Mhaois, mar sin rinn clann Israeil.

6 Agus bha daoine àraidh a shalaicheadh le corp duine mhairbh, air chor as nach b'urrainn iad a' chàisg a chumail air an là sin; agus thàinig iad an làthair Mhaois, agus an làthair Aaron air an là sin.

7 Agus thubhairt na daoine sin ris, *Tha* sinne air ar salachadh le corp duine mhairbh: c'ar son a chumar air ar n-ais sinn, a chum as nach feud sinn tabhartas an Tighearn' a thoirt seachad 'n a àm suidhichte féin am measg chloinn Israeil?

8 Agus thubhairt Maois riu, *Seasaibh an sin*, agus cluinnidh mise cìod a dh'àithneas an Tighearn d'ur taobh.

9 Agus labhair an Tighearn ri Maois, ag ràdh,

10 Labhair ri cloinn Israeil, ag ràdh, Ma bhios duine sam bith dhiubh, no d'ur sliochd, air a shalachadh le corp marbh, no *ma bhios*

air thurus fad air astar, gidheadh cumaidh e a' chàisg do'n Tighearn.

11 'S a' cheathramh là deug de'n dara mìos air feasgar cumaidh iad i: le h-aran neo-ghoirichtiche, agus le *usaibh* searbha ithidh iad i.

12 Cha -n fhàg iad a bheag dhith gu maduinn, ni mò a bhriseas iad cuaimh dhith: a réir uile orduighean na chàisge cumaidh iad i.

13 Ach an duine a *tha* glan, agus nach 'eil air thurus, agus a dhearmadas a' chàisg a chumail; gearrar eadhon an t-anam sin féin as o' shluagh, a chionn nach d'thug e seachad tabhartas an Tighearna 'n a àm suidhichte: giùlainidh an duine sin a pheacadh.

14 Agus ma bhios coigreach air chuairt 'n ur measg, agus gu'n cum e a' chàisg do'n Tighearn, a réir orduigh na chàisge, agus a réir a gnàtha, mar sin ni e: bithidh aon ordugh agaibh araon air son a' choigrich, agus air a shonsan a rugadh 's an tìr.

15 Agus air an là anns an do thogadh suas am pàillium, chòmhdaich an neul am pàillium, *eadhon* bùth na Fianuis'; agus air feasgar bha air a' phàillium mar gu'm bu choslas teine gus a' mhaduinn.

16 Mar sin bha e ghnàth: chòmhdaich an neul e 's an là, agus coslas teine 's an oidheche.

17 Agus an uair a thogadh an neul suas o'n phàillium, an sin gun dàil ghabh clann Israeil an turus: agus 's an ionad anns an do stad an neul, ann an sin champaich clann Israeil.

18 Air àithne an Tighearna ghabh clann Israeil an turus, agus air àithne an Tighearna champaich iad: am feadh 's a dh'fhan an neul air a' phàillium, dh'fhan iad 'n am bùthaibh.

19 Agus an uair a dh'fhan an neul air a' phàillium mòran de làithibh, an sin ghléidh clann Israeil treasdal an Tighearna, agus cha d'imich iad.

20 Agus an uair a bha an neul beagan de làithibh air a' phàillium, a réir àithne an Tighearna dh'fhan iad 'n am bùthaibh, agus a réir àithne an Tighearna ghabh iad an turus.

21 Agus an uair a dh'fhan an neul o fheasgar gu maduinn, agus a thogadh an neul suas 's a' mhaduinn, an sin ghabh iad an turus: ma b'ann 's an là no 's an oidhel' a thogadh an neul suas, ghabh iad an turus.

22 No co *dhiubh a' Vann* dà là, no mìos, no bliadhna, dh'fhan an neul air a' phàillium, a' fuireach air, dh'fhan clann Israeil 'n am bùthaibh, agus cha d'imich iad: ach an uair a thogadh suas e, ghabh iad an turus.

23 A réir àithne an Tighearna dh'fhan iad 'n am bùthaibh, agus a réir àithne an Tighearna ghabh iad an turus: ghléidh iad

treasdal an Tighearna a réir àithne an Tighearna le làimh Mhaois.

CAIB. X.

1 *Mar a ghnàthaicheadh na trompaidean.* 33 *Beannachadh Mhaois an uair a bha 'n àire gu dol air a h-aghaidh, agus an uair a stad i.*

A GUS labhair an Tighearn ri Maois, ag ràdh,

2 Dean dluit féin dà thrompaid airgid; a dh'aon mhìr ni thu iad; agus gnàthaichidh tu iad a ghairm a' choimhthionail, agus a chum turuis nan camp.

3 Agus an uair a shéideas iad leo, cruinnichidh an coimhthional uile iad féin a d'ionnsuidh aig doras pàillium a' choimhthionail.

4 Agus mur séid iad *ach* le h-aon *trompaid*, an sin cruinnichidh na ceannardan a *tha* 'n an cinn-fheadhna air mhiltibh Israeil, iad féin a d'ionnsuidh.

5 'N uair a shéideas sibh caismeachd, an sin théid na campan a tha 'n an luidhe air taobh na h-àirde 'n ear air an aghaidh.

6 'N uair a shéideas sibh caismeachd an dara uair, an sin théid na campan a tha 'n an luidhe air taobh na h-àirde deas air an aghaidh: séididh iad caismeachd a chum an turusan.

7 Ach an uair a tha 'n coimhthional gu bhi air a chruinneachadh' an ceann a chéile, séididh sibh, ach cha séid sibh caismeachd.

8 Agus séididh mic Aaroin, na sagartan, leis na trompaidibh; agus bithidh iad dhuibh mar reachd siorruidh air feadh bhur ginealach.

9 Agus ma théid sibh gu cogadh 'n ur dùthaich an aghaidh an nàmhaid a tha 'deanamh foirneart oirbh, an sin séididh sibh caismeachd leis na trompaidibh; agus cuimhnichear sibh an làthair an Tighearn' bhur Dé, agus saorar sibh o bhur naimhidh.

10 Mar an ceudna ann an là bhur subhachais, agus 'n ur n-àrd làithibh féille, agus ann an toiseach bhur mìosan, séididh sibh leis na trompaidibh os ceann bhur n-iobairtean-loisgte, agus os ceann iobairtean bhur tabhartas-sith; agus bithidh iad dhuibh mar chuimhneachan an làthair bhur Dé: *Is mise an Tighearn bhur Dia.*

11 Agus tharladh, air an fhicheadamh là de'n dara mìos, 's an dara bliadhna, gu'n do thogadh suas an neul o uachdar pàillium na Fianuis'.

12 Agus ghabh clann Israeil an turusan á fasach Shinai; agus stad an neul ann am fasach Pharain.

13 Agus ghabh iad air tùs an turus, a réir àithne an Tighearna le làimh Mhaois.

14 'S a' cheud àite dh'imich bratach caimp chloinn Iudah, a réir an armailtean; agus air ceann a shìobh *bha* Nahson mac Aminadaib.

15 Agus air ceann slòigh thréibh chloinn Isachair *bha* Nataneel mac Shuair.

16 Agus air ceann slòigh thréibh chloinn Shebuluin *bha* Eliab mac Heloin.

17 Agus thugadh a nuas am pàillium; agus chaidh mic Ghersein, agus mic Mherari air an aghaidh, a' giùlan a' phàillium.

18 Agus ghluais bratach caimp Renbein air a h-aghaidh, a réir an armailtean; agus air ceann a shlòigh *bha* Elisur mac She-deuir.

19 Agus air ceann slòigh thréibh chloinn Shimeoin *bha* Selumiel mac Shurisadai.

20 Agus air ceann slòigh thréibh chloinn Ghad *bha* Eliasaph mac Dheuil.

21 Agus chaidh na Cohataich air an aghaidh, a' giùlan an ionaid naoinh, agus chuireadh suas am pàillium air cheann do bh teachd.

22 Agus ghluais bratach caimp chloinn Ephraim air a h-aghaidh, a réir an armailtean: agus air ceann a shlòigh *bha* Elisama mac Amiluid.

23 Agus air ceann slòigh thréibh chloinn Mhanasch *bha* Gamaliel mac Phedahsuir.

24 Agus air ceann slòigh thréibh chloinn Bheniamin *bha* Abidan mac Ghideoni.

25 Agus chaidh bratach thréibh chloinn Dhan air a h-aghaidh, a *bha* air deireadh nan camp uile air feadh an slògh: agus air ceann a shlòigh *bha* Ahieser mac Amisadai.

26 Agus air ceann slòigh thréibh chloinn Aseir *bha* Pagiel mac Ocrain.

27 Agus air ceann slòigh thréibh chloinn Naphtali *bha* Ahira mac Enain.

28 *B'* iad sin turusan chloinn Isracil, a réir an armailtean, 'n uair a ghluais iad air an aghaidh.

29 Agus thubhairt Maois ri Hobab, mac Ragueil a' Mhidianaich, athair-céile Mhaois, Tha sinn air ar turas a chum an àite mu'n dubhairt Dia, Bheir mi dhuibh e: thig thusa maille ruian, agus ni sinn maith dlmit; oir labhair an Tighearn maith a thaobh Isracil.

30 Agus thubhairt e ris, Cha téid mi *maille ribh*: ach inieidh mi chum mo dhùthcha féin, agus a chum mo dhilsean féin.

31 Agus thubhairt e, Na fàg sinn, guidheam ort; oir tha fhios agad cionnus a champaicheas sinn ams an fhàsach, agus bithidh tu dhuinn 'an àite shùil.

32 Agus tarlaidh, ma théid thu maille ruinn, scadh, tarlaidh, ge b'e maith a ni Dia dhuinne, gu'n dean sinne am maith ceudna dhuitse.

33 Agus dl'imich iad o shliabh an Tighearn' astar thri làithean: agus chaidh àire coimheicangail an Tighearna rompa astar thri làithean, a rannasachadh a mach àitc-tàimh dhoibh.

34 Agus *bha* neul an Tighearn' orra 's an là, 'n uair a chaidh iad a mach as a' champ.

35 Agus tharlaidh, 'n uair a bha 'n àire gu dol air a h-aghaidh, gu'n dubhairt Maois, Eirich suas, a Thighearn', agus biodh do naimhdean air an sgapadh, agus teichadh a' mhuinntir leis am fuathach thu romhad.

36 Agus an uair a stad i, thubhairt e, Pill, a Thighearna, chum nam mìltean de mhiltibh Israeil.

CAIB. XI.

4 *Tha'n sluagh a' talach nach robh aca ach am mana mar bhiadh.* 16 *Tha tri fichead 's a deich seanair air an orduchadh gu bhli'n an luchd-riaghlaidh os an ceann.* 31 *Gearra-gort air an tabhairt dhoibh 'am feirg.*

A GUS an uair a rinn an sluagh gearan, A mli-thaitinn e ris an Tighearn: agus chual' an Tighearn e; agus las fhearg; agus loisg teine an Tighearna 'n am measg, agus chuir e as doibhsan a bha 'n iomall a' chaimp.

2 Agus ghlaodh an sluagh ri Maois; agus an uair a rinn Maois urnuigh ris an Tighearn, choisgeadh an teine.

3 Agus thug e Taberah mar ainm air an àite sin; a chionn gu'n do loisg teine an Tighearna 'n am measg.

4 Agus ghlac ciocras an cumasg sluaigh a *bha* 'n am measg: agus ghul mar an ceudna clann Israeil a ris, agus thubhairt iad, Co 'bheir dhuinn feoil r'a h-iththead?

5 Is cuimhne leinn an t-iasg a dl'ith sinn 's an Eiphit gu saor; na cularain, agus na meall-bhucain, agus na léicis, agus na h-uinneinan, agus an creamh:

6 Ach a nis *tha* ar n-anam air tiormachadh; cha-n'eil ni air bith *againn*, ach am mana so, 'n ar sealladh.

7 Agus *bha* am mana cosmhuil ri frois coriandeir, agus a dhath mar dhath bdellium.

8 Chaidh an shlagh mu'n cuairt, agus thionail iad e, agus mheil iad e ann am muillnibh, no phrom iad e ann am morta'ir, agus bhruch iad e ann an àighnibh, agus rinn iad breacgan deth: agus bha bhlas mar bhlas olaidh ùir.

9 Agus an uair a thuit an drùchd air a' champ 's an oidhche, thuit am mana air.

10 An sin chuala Maois an sluagh a' gul air feadh an teaghlach, gach duine ann an dorus a bhùtha: agus las fearg an Tighearna gu mòr; bha Maois mar an ceudna diombach.

11 Agus thubhairt Maois ris an Tighearn, Car son a bluin thu gu h-òle ri d' shearblis-chach? agus Car son nach d'fhuair nà deadh-ghean a'd' shealladh, gu'n do leag thu callach an t-sluaigh so uile orm?

12 Am mise a ghin an sluagh so uile? an ann domh a rugadh iad, gu'n abradh tu rium, Giùlain a'd' uchd iad (mar a ghiùl-aineas oid'altruim leanabh na cìche) chum an fhearainn a mhiomaich thu d'an aithrichibh?

13 Cia as a gheibhinn-sa feoil gu 'tabhairt do'n t-sluagh so uile? oir tha iad a' gul rium, ag ràdh, Thoir dhuinn feoil, a chum as gu'n ith sinn?

14 Cha-n urrainn mise *cudthrom* an t-sluagh so uile a ghiùlan a'm' aonar, a chionn gu *bheil* e ro throm air mo shon.

15 Agus ma bhuineas tu rium mar so, marbh mi, guidheam ort, as an làimh, ma fàuair mi deadh-ghcan a'd' shealladh; agus na faiceam mo thruaighe.

16 Agus thubhairt an Tighearn ri Maois, Cruinnich dhomhsa deich agus tri fichead fear de sheanairibh Israeil, muinntir a's aithne dhuit a bhi 'n an seanairibh an t-sluagh, agus 'n an luchd-riaghlaidh os an ceann; agus thoir iad gu pàillium a' choimh-thionail, chum gu'n seas iad an sin maille riut.

17 Agus thig mise nuas agus labhraidh mi riut an sin: agus gabhaidh mi de'n spiorad a tha ortsa, agus cuiridh mi orrasan e; agus giùlainidh iad eallach an t-sluagh maille riut, a chum as nach giùlain thu féin e a'd' aonar.

18 Agus abair ris an t-sluagh, Naomh-aichibh sibh féin air cheann an là màireach, agus ithidh sibh feoil (oir ghuil sibh ann an éisdeachd an Tighearna, ag ràdh, Cò 'bheir dhuinn feoil r'a h-ithedh? oir bu mhaith ar cor's an Eiphit) uime sin bheir an Tighearn feoil dhuibh, agus ithidh sibh.

19 Cha-n ith sibh aon là, no dà là, no cùig làithean, no deich làithean, no fichead là,

20 Ach eadhon mìos iomlan, gus an tig i mach à cuinneinibh bhur sròn, agus gu'm bi i gràineil duibh; a chionn gu'n d'rinn sibh tàir air an Tighearn a tha 'n ur measg, agus gu'n do ghuil sibh 'n a làthair, ag ràdh, C'ar son a thàinig sinn a mach as an Eiphit?

21 Agus thubhairt Maois, Tha'n sluagh ann measg am bheil mise, 'n an sè ceud mìle cois'che; agus thubhairt thu, Bheir mi dhoibh feoil, chum gu'n ith iad rè mìosa iomlain:

22 Am marbhar na caoraich agus am buar dhoibh, chum an sàsachadh? no an cruinn-ichear iasg na mara uile r'a chéile dhoibh, chum an sàsachadh.

23 Agus thubhairt an Tighearn ri Maois, Am bheil làmh an Tighearna air fàs goirid? chì thusa nis an tig no nach tig m'fhocal gu crìch dhuit.

24 Agus chaidh Maois a mach, agus dh'innis e do'n t-sluagh focail an Tighearna, agus chruinnich e an deich agus an tri fichead de sheanairibh an t-sluagh, agus thug e orra seasamh mu thimchioll a' phàillium.

25 Agus thàinig an Tighearn a nuas ann an neul, agus labhair e ris, agus ghabh e de'n spiorad a bha air, agus thug se e do'n deich agus an tri fichead seana-ir: agus tharladh, an uair a ghabh an spiorad còmh-

nuidh orra, gu'n d'rinn iad fàidheadaireachd, agus nach do sguir iad.

26 Ach dh'fhan dithis *de na* daoineibh 's a' champ; *Ve* ainm aoine diubh Eldad, agus ainm an fhir eile Medad: agus ghabh an spiorad còmhnuidh orra, (agus bha iad dhiubhsan a chaidh a sgrìobhadh, ach cha deachaidh iad a mach do'n phàillium) agus rium iad fàidheadaireachd 's a' champ.

27 Agus ruith òganach, agus dh'innis e de Mhaois, agus thubhairt e, *Tha* Eldad agus Medad ri fàidheadaireachd 's a' champ.

28 Agus fhreagair Iosua mac Nuin, seir-bhiseach Mhaois, *aon* d'a òganach, agus thubhairt e, Mo thighearna, a Mhaois, bac iad.

29 Agus thubhairt Maois ris, Am bheil farmad ort air mo shon-sa? Is e mo ghuidhe ri Dia gu'm biodh sluagh an Tighearna uile 'n am fàidhean, agus gu'n cuireadh an Tighearn a spiorad orra!

30 Agus chaidh Maois do'n champ, e féin agus seanairean Israeil.

31 Agus chaidh gaoth a mach o'n Tighearn, agus thug i gearra-goirt o'n fhaireg, agus leig i leo tuiteam làimh ris a' champ, mar astar là air an taobh so, agus mar astar là air an taobh eile, mu'n cuairt air a' champ, agus mar dhà làimh-choille *air àirde*, air aghaidh na talmhainn.

32 Agus sheas an sluagh suas air an là sin uile, agus air an oidheche *sin* uile, agus air an là a b'fhaigse uile, agus thionail iad na gearra-goirt: esan a bu lugha a thionail, thionail e deich homcir, agus sgaoil iad gu farsuing doibh féin iad mu thimchioll a' chaimp.

33 'N uair a bha 'n fheoil fathast eadar am faclan, mun do chagnadh i, las feargan Tighearna an aghaidh an t-sluagh, agus bhuail an Tighearn an sluagh le plàigh ro mhòir.

34 Agus thug e Cibrot-hataabhah mar ainm air an àite sin; a chionn ann an sin gu'n d'adhlac iad an sluagh a mhiamaich.

35 Agus dh'imich an sluagh o Chibrot-hataabhah gu Haserot: agus dh'fhan iad ann an Haserot.

CAIB. XII.

1 *Ceannaire Mhiriam agus Aaron an aghaidh Mhaois air a cronachadh.* 10 *Luibhre Mhiriam.*

AGUS labhair Miriam agus Aaron an aghaidh Mhaois air son na mnà o Etiopia, a phòs e: oir bha e air pòsadh mnà o Etiopia.

2 Agus thubhairt iad, An do labhair an Tighearn da rìreadh le Maois a mhàin? nach do labhair e mar an ceudna leinne? agus chual' an Tighearn e.

3 (A nis bha 'n duine Maois ro chiùin. thar nan uile dhaoine a bha a.r aghaidh na talmhainn.

4 Agus labhair an Tighearn gu grad ri

Maois, agus ri h-Aaron, agus ri Miriam, Thigibh a mach sibhse 'n 'ur triuir gu pàill-iun a' choimhthionail. Agus thàinig iad 'n an triuir a mach.

5 Agus thàinig an Tighearn nuas ann am meall neoil, agus sheas e ann an dorus a' phàilliuin, agus ghairm e air Aaron agus Miriam: agus thàinig iad le 'chécile mach.

6 Agus thubhairt e, Eisdibh a nis ri m' bhriathraibh-sa: Ma tha fàidh 'n 'ur measg, ni mise an Tighearn mi féin aithmichte dha ann an taisbeanadh, agus labhraidh mi ris ann am brudhar.

7 Cha-n 'eil mo sheirbhiseach Maois mar sin, a tha fìrinnach ann am thigh uile.

8 Beul ri beul labhraidh mi ris-san, eadhon gu soilleir, agus cha-n ann 'am briathraibh dorch, agus chi e coslas an Tighearna: c'ar son ma tha nach robh eagal oirbh labhairt an aghaidh mo sheirbhiseich Mhaois?

9 Agus las fearg an Tighearna 'n an aghaidh, agus dh'fhalbh e.

10 Agus dh'fhalbh an neul bhàrr a' phàilliuin agus, feuch, rinneadh Miriam 'n a lobhar, geal mar shneachd: agus dh'amhairc Aaron air Miriam, agus, feuch, bha i 'n a lobhar.

11 Agus thubhairt Aaron ri Maois, Och! mo thighearna, guidheam ort, na cuir am peacadh as ar leth, leis an d'rinn sinn gu h-amaideach, agus leis an do pheacaich sinn.

12 Na biodh i mar aon marbh, d'am bheil an fhoil air a leth-chaitheamh, 'n uair a thig e mach á broinn a mhàthar.

13 Agus ghlaodh Maois ris an Tighearn, ag ràdh, Leighis i nis, O Dhé, guidheam ort.

14 Agus thubhairt an Tighearn ri Maois, Na 'n tilgeadh a h-athair ach smugaid 'n a h-eudan, nach bu chòir dh'i bhi fo nàire seachd làithean? druidear a mach o'n champ i rè sheachd làithean, agus 'n a dhéigh sin gabhar a steach i rìs.

15 Agus dhruideadh Miriam a mach o'n champ seachd làithean: agus cha do ghabh an sluagh an turas, agus an d'thugadh Miriam a steach a rìs.

16 Agus 'n a dhéigh sin dh'imich an sluagh o Haserot, agus champaich iad ann am fàsach Pharain.

CAIB. XIII.

1 *Luchd-rannsachaidh tìre Chanaain.* 17 *Sòlaidhean air an labhairt dhoibh.* 21 *Na rinn iad: 26 an aithris.*

AGUS labhair an Tighearn ri Maois, ag ràdh,

2 Cuir daoine uait, a chum gu'n rannsach iad tìre Chanaain, a bheir mise do chloinn Israeil; as gach uile thréibh d'an aithrichibh cuiridh sibh duine, gach aon *diubh* 'n a channard 'n am measg.

3 Agus chuir Maois iad o fhàsach Pharain,

a rèir àithne an Tighearna: *bu* channardan na daoine sin uile air cloinn Israeil.

4 Agus *is* iad so an ainmean: De thréibh Reubcin, Samua mac Shacuir.

5 De thréibh Shimeoin, Saphat mac Hori.

6 De thréibh Iudah, Caleb mac Iephunch.

7 De thréibh Isachair, Igal mac Ioseiph.

8 De thréibh Ephraim, Hosea mac Nuin.

9 De thréibh Bheniamin, Palti mac Raphu.

10 De thréibh Shebuluin, Gadiel mac Shodi.

11 De thréibh Ioseiph, eadhon, de thréibh Mhanaseh, Gadi mac Shusi.

12 De thréibh Dhan, Amiel mac Ghemali.

13 De thréibh Aseir, Setur mac Mhichaeil.

14 De thréibh Naphtali, Nahbi mac Uopsi.

15 De thréibh Gad, Geuel mac Mhachi.

16 *Is* iad sin ainmean nan daoine a chuir Maois a ghabhail beachd air an fhearann: Agus thug Maois Iehosua mar ainm air Hosea, mac Nuin.

17 Agus chuir Maois iad a ghabhail beachd air talamh Chanaain, agus thubhairt e riu, Rachaibh suas 's an t-slighe so na dheas, agus gabhaibh suas a chum na beinne;

18 Agus faicibh am fearann, ciod e, agus an sluagh a tha 'n an còmhuidh ann, am *bheil* iad làidir no annhunn, teare no lìonmhor;

19 Agus ciod e am fearann anns am *bheil* iad a chòmhuidh, am *bheil* e maith no olc; agus ciod iad na bailtean anns am *bheil* iad 'n an còmhuidh, an ann 'am bùthaibh, no ann an daingneachaibh làidir;

20 Agus ciod e an talamh, am *bheil* e reamhar no bochd, am *bheil* coille ann no nach 'eil. Agus biodh agaibh deadh mhisneach, agus thugaibh leibh de thoradh an fhearainn. (A nis *b'e* 'n t-àm àm nan ceud dhearcan-fiona abuich.)

21 Mar sin chaidh iad suas, agus rannsach iad am fearann o fhàsach Shin gu Rehob, mar a théid daoine gu Hamat.

22 Agus chaidh iad suas mu dheas, agus thàinig iad gu Hebron, far an robh Ahiman, Sesai, agus Talmi, mic Anaic. (A nis thogadh Hebron seachd bliadhna roimh Shoa'n 's an Eiphit.)

23 Agus thàinig iad gu sruth Escoil, agus ghearr iad sìos as a sin geug le aon bhagaide fhion-dhearc, agus ghiùlain iad i eadar dhithis air luirg: agus *thug* iad leo de na pomgranataibh, agus de na figibh.

24 Thugadh sruth Escoil mar ainm air an àite sin, air son a' bhagaide fhion-dhearc a ghearr clann Israeil sìos as a sin.

25 Agus phill iad o rannsachadh an fhearainn an déigh dhà fhlichead là.

26 Agus dh'imich iad, agus thàinig iad gu Maois, agus gu h-Aaron, agus gu comh-chruinneachadh chloinn Israeil uile, gu fàsach Pharain, gu Cades; agus thug iad leo fios d'an ionnsuidh, agus a dh'ionn-

suidh a' chomhchruinneachaidh uile, agus dh'fheuch iad dhoibh toradh na tìre.

27 Agus dh'innis iad dha, agus thubhairt iad, Thàinig sinne a dh'ionnsuidh an fhearainn gus an do chuir thu sinn, agus gu deimhin tha e a' sruthadh le bainne agus le mìl; agus *is* e so a thoradh.

28 Gidheadh, *tha* 'n sluagh làidir a *tha* 'n an còmhnuidh 's an fhearann, agus *tha* na bailtean air an cuairteachadh le ballachaibh, agus ro mhòr: agus os bàrr, chunnaic sinn clann Anaic an sin.

29 Tha na h-Amalecich 'n an còmhnuidh 'am fearann na h-àirde deas; agus *tha* na Hitich, agus na Iebusaich, agus na h-Amoraich, 'n an còmhnuidh 's na beanntaibh; agus *tha* na Cananaich 'n an còmhnuidh làimh ris an fhairge, agus ri taobh Iordain.

30 Agus chlàinig Caleb an sluagh an làthair Mhaois, agus thubhairt e, Rachamaid suas a dh'aon fheadh, agus sealbhaicheamaid e; oir is urrainn sinn gu cinnteach a cheannsachadh.

31 Ach thubhairt na daoine a chaidh suas maille ris, Cha-n urrainn sinn dòl suas an aghaidh an t-sluaigh; oir *is* treise iad na sinne.

32 Agus thug iad droch sgeul gu cloinn Israeil, air an fhearann a rannsach iad ag ràdh, Am fearann troimh 'n deachaidh sinne g'a rannsachadh, *is* fearanne a *tha* 'g itheadh suas a luchd-àiteachaidh, agus an sluagh uile a chunnaic sinn ann, *is* daoine iad de mheudachd mhòir.

33 Agus chunnaic sinn na fannhairean an sin, mic Anaic, a *thàinig* o na fannhairean: agus bha sinne 'n ar sealladh féin mar fhiomain fheoir, agus bha sinn mar sin 'n an sealladh-san.

CAIB. XIV.

1 *Tha'n sluagh ri gearan 'n uair a chual' iad aithris an luchd-rannsachaidh.* 20 *Chrònaich an Tighearn iad.*

AGUS thog an comhchruinneachadh uile suas an guth, agus ghlaodh iad; agus ghuil an sluagh air an oidhche sin.

2 Agus rinn clann Israeil uile gearan an aghaidh Mhaois, agus an aghaidh Aaroin; agus thubhairt an comhchruinneachadh uile riu, Och nach d'fhuair sinn bàs ann an tìr na h-Eiphit, no nach d'fhuair sinn bàs anns an fhàsach so!

3 Agus c'ar son a thug an Tighearn sinn do'n fhearann so, a thuiteam leis a' chlàidheamh, a chum gu'm bitheadh ar mnathan agus ar clann bheag 'n an còbhartaich? nach b'fhearr dhuinn pilltinn do'n Eiphit?

4 Agus thubhairt iad gach fear r'a chèile, Deanaimaid dhuinn féin ceannard, agus pilleamaid do'n Eiphit.

5 An sin thuit Maois agus Aaron air an aghaidh an làthair còimhthionail comhchruinneachaidh chloinn Israeil uile.

6 Agus reub Iosua mac Nuin, agus Caleb

mac Iephuneh, a *bha* dhiubhsan a rannsach am fearann, an eudach.

7 Agus labhair iad ri cuideachd chloinn Israeil uile, ag ràdh, Am fearann a chaidh sinne troimhe g'a rannsachadh, *is* fearann ro mhaith e.

8 Ma *tha* tlachd aig an Tighearn annainn, an sin bheir e sinn a dh'ionnsuidh an fhearainn so, agus bheir e dhuinn e; fearann a *tha* 'sruthadh le mìl agus le bainne.

9 A mhàin na deanaibh ceannaire an aghaidh an Tighearna, agus na bitheadh eagal sluagh an fhearainn oirbh; oir *is* aran duinn iad: dh'fhalbh an dìon uatha, agus *tha* 'n Tighearn maille ruinne; na biodh cagal oirbh rompa.

10 Ach dh'iarr an comhchruinneachadh uile an clachadh le clachaibh. Agus dh'fhoillsicheadh glòir an Tighearna ann am pàillion a' chòimhthionail, an làthair chloinn Israeil uile.

11 Agus thubhairt an Tighearn ri Maois, Cia fhad a bhrosnaicheas an sluagh so mi? agus cia fhad a blitheas e mun creid iad mi, air son nan comharan uile a nochd mi 'n am measg?

12 Buailidh mi iad leis a' phlàigh, agus fògraidh mi iad, agus ni mi thusa a'd' chinneach ni's mò, agus ni's cumhachdaiche na iadsan.

13 Agus thubhairt Maois ris an Tighearn, An sin cluinidh na h-Eiphitich e, (oir thug thusa nìos an sluagh so le d'chumhachd o bli 'n am measg.)

14 Agus innisidh iad e do luchd-àiteachaidh an fhearainn so: *oir* chual' iad gu *bheil* thusa, a Thighearn', am measg an t-sluaigh so; gu *bheil* thusa, a Thighearn', air d'fhaicinn aghaidh ri h-aghaidh; agus *gu bheil* do neul a' seasamh os an ceann; agus *gu bheil* thu ag imeachd rompa, ann am meall neoil 's an là, agus ann am meall teine 's an oidhche.

15 A nis, ma mharbas tu an sluagh so uile mar aon duine, an sin labhraidh na cinnich a chual' iomradh ort, ag ràdh,

16 A chionn nach b'urraim an Tighearn an sluagh so thoirt do'n fhearann a mhionnaich e dhoibh, uime sin mharbh e iad 's an fhàsach.

17 Agus a nis, guidheam ort, bitheadh cumhachd mo Thighearna mòr, a réir mar a labhair thu, ag ràdh,

18 *Tha* 'n Tighearn fad-flulangach, agus mòr-thràcaireach, a' toirt maitheanas ann an aingidheachd, agus ann an eusaontas, agus air chor sam bith nach saor an *ciontach*; a' leantuinn aingidheachd nan aithlichean air a' chloinn, air an treas, agus air a' cheathramh *ginealach*.

19 Maith, guidheam ort, aingidheachd an t-sluaigh so, a réir meud do thròcair, agus a réir mar a thug thu maitheanas do'n t-sluagh so o'n Eiphit gus a nis.

20 Agus thubhairt an Tighearn, Mhaith mi, a réir d'fhocail:

21 Ach co fhìor 's is beò mi, lìonar an talamh uile le glòir an Tighearna.

22 Oir na daoine sin uile a chunnaic mo ghloir, agus mo chomharan a rinn mi 's an Eiphit, agus anns an fhàsach, agus a blùair mi nis na deich uairean so, agus nach d'éisd ri m' ghuth;

23 Gu cinnteach cha-n fhaic iadsan am fearann a mhionnaich mi d'an aithrichibh, ni mò a chi neach air bith dhiubhsan a bhrònaich mi e:

24 Ach mo sheirbhiseach Caleb, a chionn gu'n robh aige-san spiorad eile maille ris, agus gu'n do lean e mi gu h-iomlan, esan bheir mi do'n fhearann d'an deachaidh e; agus sealbhaichidh a shliochd e.

25 (A nis bha na h-Amaleicich, agus na Canaanaich 'n an còmhnuidh 's a' ghleann.) Am màireach pillibh, agus rachaibh do'n fhàsach, air slighe na mara ruaidhe.

26 Agus labhair an Tighearn ri Maois, agus ri h-Aaron, ag ràdh,

27 Cia fhad a *ghlùlainneas mi* leis an droch chomhehrinneachadh so, a *tha* ri gearan a'm' aghaidh? Chuala mi gearain chloinn Israeil, leis *am bheil* iad ri gearan a'm' aghaidh.

28 Abair riu, Co fhìor 's a tha mi beò, ars' an Tighearn, mar a labhair sibh a'm' éisd-eachd, mar sin ni mi ribh.

29 'S an fhàsach so tuitidh bhur colannan: agus a' mhicud's a chaidh àireamh dhubh, a réir bhur n-àireimh iomlain, o fhichead bliadhna dh'aois agus os a cheann, a rinn gearan a'm' aghaidh,

30 Gun amharus sam bith cha tig sibh a steach do'n fhearann a mhionnaich mise gu'n tugainn oirbh còmhnuidh a ghabhail ann, saor o Chaleb mae Iephunch, agus Iosua mac Nuin.

31 Ach bhur clann bheaga, a thubhairt sibh a bhitheadh 'n an cobhartaich, iadsan bheir mi steach, agus gabhaidh iad eòlas air an fhearann air an d'rinn sibhse tàir.

32 Agus air bhur son-sa dh'e, tuitidh bhur colannan anns an fhàsach so.

33 Agus bithidh bhur clann air seacharan 's an fhàsach dà fhichead bliadhna, agus glùlainidh iad bhur striopachais, gus an caithear bhur colannan 's an fhàsach.

34 A réir àireimh nan làithean anns an do rannsaich sibh am fearann, *eadhon* dà fhichead là, (gach là air son bliadhna) glùlainidh sibh bhur n-euceartan, eadhon dà fhichead bliadhna, agus bithidh fios agaibh air mo bhriseadh-gcallaidh-sa.

35 Thubhairt mise an Tighearn *e*, agus gu cinnteach ni mi c do'n chomhehrinneachadh olc so uile, a chruinnich a'm' aghaidh: anns an fhàsach so claidhear iad, agus an sin gheibh iad bàs.

36 Agus na daoine a chuir Maois a rann-

sachadh an fhearainn, a phill, agus a thug air a' chomhehrinneachadh uile gearan a dheanamh 'n a aghaidh, le droch sgeul a thoirt seachad air an fhearann,

37 Fhuair eadhon na daoine sin, a thug seachad droch sgeul air an fhearann, bàs leis a' phlàigh an làthair an Tighearna.

38 Ach de na daoineibh sin a chaidh a rannsachadh an fhearainn, mhair Iosua mac Nuin, agus Caleb mae Iephunch beò.

39 Agus dh'innis Maois na briathran sin do chloinn Israeil uile: agus rinn an sluagh caoidh mhòr.

40 Agus dh'éirich iad gu moch 's a' mhaduinn, agus chaidh iad suas gu mullach an t-sléibh, ag ràdh, Feuch, *tha sinne an so*, agus thléid sinn suas do'n àit a gheall an Tighearn: oir pheacaich sinn.

41 Agus thubhairt Maois, C'ar son a nis a tha sibh a' briseadh àithne an Tighearna? ach cha soirbhich an nì so leibh.

42 Na rachaibh suas, oir *cha -n 'eil* an Tighearn 'n 'ur measg; achum as nach buail-ear sibh an làthair bhur naimhdean.

43 Oir *tha* na h-Amaleicich agus na Canaanaich an sin roimhibh, agus tuitidh sibh leis a' chlaidheamh: a chionn gu'n do chlaon sibh o'n Tighearn, uime sin cha bhi 'n Tighearn maille ribh.

44 Ach ghabh iad de dhànadas orra dol suas gu mullach an t-sléibh: gidheadh cha deachaidh àire coimheangail an Tighearna, no Maois, a mach as a' champ.

45 An sin thàinig na h-Amaleicich a nuas, agus na Canaanaich, a bha 'n an còmhnuidh 's an t-sliabh sin, agus bhual siad iad, agus chuir iad an ruaig orra, *eadhon* gu Hormah.

CAIB. XV.

1 *Lagh tabhartas an àraidh.* 32 *Chlachadh gu bàs fear-brisidh na sàbaid'.*

A GUS labhair an Tighearn ri Maois, ag ràdh,

2 Labhair ri cloinn Israeil, agus abair riu, 'N uair a thig sibh a chum fearainn bhur n-àiteachan-còmhnuidh, a *tha* mise a' tabhairt dhuibh.

3 Agus a bheir sibh suas tabhartas le teine do'n Tighearn, tabhartas-loisgte no ìobairt, gu bòid a choimhionadh, no mar thabhartas saorthoil, no 'n 'ur n-àrd fhéillibh, a dheanamh fàile cùbhraidh do'n Tighearn, de'n spréidh no de'n treud.

4 An sin bheir esan a bheir seachad a tabhartas do'n Tighearn, seachad tabhartas-bidh de'n deicheamh cuid de phlùr, measgta maille ris a' cheathramh cuid de hin olaidh.

5 Agus bheir thu seachad an ceathramh cuid de hin fiona mar thabhartas-dibhe, maille ris an tabhartas-loisgte no'n ìobairt, air son aon uain.

6 No air son reithe, bheir thu seachad mar thabhartas-bidh, dà dheicheamh cuid de phlùr, measgta leis an treas cuid de hin olaidh.

7 Agus a chum tabhartais-dìbhe, bheir thu seachad an treas *cuid* de hin fìona, *chum* fàille cùbhraidh do'n Tighearn.

8 Agus an uair a bheir thu seachad tarbh òg *mar* ìobairt-loisgte, no *mar* ìobairt gu bòid a choinnleadh, no *mar* ìobairt-shìth do'n Tighearn,

9 An sin bheirear maille ris an tarbh òg, tabhartas-bidh de thri deich codaichibh de phlùr, measga le leth hin olaidh.

10 Agus bheir thu seachad a chum tabhartais-dìbhe leth hin fìona, *chum* tabhartais a bheirear suas le teine, dh'fhàile cùbhraidh do'n Tighearn.

11 Mar so iùthear air son aon tairbh, no air son aon reithe, no air son uain, no minn.

12 A réir an àireimh a bheir sibh seachad, mar sin nì sibh do gach aon, a réir an àireimh.

13 Gach neach a rugadh 's an dùthaich, nì e na nithean sin air a' mhodh so, ann an tabhartas a thoirt seachad a bheirear suas le teine, dh'fhàile cùbhraidh do'n Tighearn.

14 Agus ma bhitheas coigreach air chuairt maille ribh, no cò air bith e *bhitheas* 'n 'ur measg 'n ur ginealachaidh, agus gu'n toir e seachad tabhartas a bheirear suas le teine, dh'fhàile cùbhraidh do'n Tighearn; mar a nì sibhse, mar sin nì esan.

15 *Bithidh* aon reachd dhuibhse a tha de'n chomhchruinneachadh, agus mar an ceudna do'n choigreach a tha air chuairt *maille ribh*, reachd sìorruidh 'n ur ginealachaidh: mar a tha sibhse, mar sin bithidh an coigreach an làthair an Tighearn.

16 Aon lagh, agus aon mhodh, bithidh agaidhse, agus ag a' choigreach a tha air chuairt maille ribh.

17 Agus labhair an Tighearn ri Maois, ag ràdh,

18 Labhair ri cloinn Israeil, agus abair riu, 'N uair a thèid sibh a steach do'n fhearann d'am bheil mise 'g 'ur tabhairt,

19 An sin tarlaidh, 'n uair a dh'itheas sibh a dh'aran an fhearainn, gu'n toir sibh suas tabhartas-togta do'n Tighearn.

20 Bheir sibh suas breacag de'n cheud chuid d'ur taois, *mar* thabhartas-togta; mar a *thogas sibh* tabhartas-togta an ur-lair-bhualaidh, mar sin toigaidh sibh i.

21 De'n cheud chuid d'ur taois bheir sibh do'n Tighearn tabhartas-togta, 'n ur ginealachaidh.

22 Agus ma rinn sibh mearachd, agus nach do ghléidh sibh na h-àitheantan sin uile a labhair an Tighearn ri Maois,

23 *Eadhon* gach nì a dh'aithean an Tighearn dhuibh le làimh Mhaois, o'n là sin anns an d'thug an Tighearn àithne do Mhaois, agus o sin suas air feadh bhur ginealach;

24 An sin tarlaidh, ma rinneadh *nì sam bith* ann an a-neolas, gun fhios do'n chomh-

chruinneachadh, gu'n toir an comhchruinneachadh uile seachad aon tarbh òg a chum ìobairt-loisgte, chum fàille cùbhraidh do'n Tighearn, maille r'a thabhartas-bidh, agus a thabhartas-dìbhe, a réir a' ghnàtha, agus aon mheann de na gabhraibh chum ìobairt-pheacaidh.

25 Agus nì an sagart réite air son comhchruinneachaidh chloinn Israeil uile, agus maithear dhoibh e, oir *is* aineolas a t'ann: agus bheir iad leo an tabhartas, ìobairt a bheirear suas le teine do'n Tighearn, agus an ìobairt-pheacaidh an làthair an Tighearna, air son an aineolais.

26 Agus maithear e do chomhchruinneachadh chloinn Israeil uile, agus do'n choigreach a tha air chuairt 'n am measg; do bhrìgh gu'n *robh* an sluagh uile ann an aineolas.

27 Agus ma pheacaicheas anam sam bith trid aineolais, an sin bheir e leis gabhar de'n cheud bliadhna chum ìobairt-pheacaidh.

28 Agus nì an sagart réite air son an anama a pheacaicheas gu h-aineolach, an uair a pheacaicheas e le h-aineolas an làthair an Tighearna, a dheanamh réite air a shon; agus maithear dha e.

29 Bithidh aon lagh agaibh air a shonsan a pheacaicheas trid aineolais, *araon air* a shonsan a rugadh am measg chloinn Israeil, agus air son a' choigreach a tha air chuairt 'n am measg.

30 Ach an t-anam a nì 'bheag gu h-ann-dàna, (*co dhiubh* a rugadh e 's an tìr, no 's coigreach e) tha esan a' toirt easurram do'n Tighearn; agus gearrar an t-anam sin as o mheasg a shluagh.

31 Do bhrìgh gu'n d'rinn e tàir air focal an Tighearna, agus gu'n do bhris e àithne, gearrar an t-anam sin as gu tur: *bithidh* 'aingidheachd air féin.

32 Agus an uair a bha clann Israeil 's an fhàsach, fhuair iad duine a' tional mhaidean air là na sàbaid.

33 Agus thug iadsan a fhuair e a' tional mhaidean a dh'ionnsuidh Mhaois e, agus a dh'ionnsuidh Aaroin, agus a dh'ionnsuidh a' chomhchruinneachaidh uile.

34 Agus chuir iad 'an làimh e, a chionn nach d'innseadh ciod a bu chòir a dheanamh ris.

35 Agus thubhairt an Tighearn ri Maois, Cuirear an duine gu cinnteach gu bàs; clachaidh an comhchruinneachadh uile e le clachaidh an taobh a muigh de'n champ.

36 Agus thug an comhchruinneachadh uile mach as a' champ e, agus chlach iad e le clachaidh, agus fhuair e bàs; mar a dh'aithean an Tighearn do Mhaois.

37 Agus labhair an Tighearn ri Maois, ag ràdh,

38 Labhair ri cloinn Israeil, agus abair riu, iad a dheanamh fàbhra dhoibh féin air

iomallaibh an eudaieh air feadh an gineal-
aeh, agus iad a ehur air fàbhra nan iomall
iall de ghorm.

39 Agus bithidh e dhuibh mar fhàbhra,
agus amhairidh sibh air, a chum gu'n
cuimhnich sibh uile àitheantan an Tigh-
earna, agus gu'n dean sibh iad; agus nach
iarr sibh an dèigh bhrur eridhe agus bhrur
sùl féin, nithean a's àbhaist duibh dol 'n an
dèigh le h-anamian:

40 A ehum gu'n cuimhnich, agus gu'n
dean sibh m'àitheantan uile, agus gu'm bi
sibh naomha d'ur Dia.

41 *Is* mise an Tighearn bhrur Dia, a thug
a mach sibh á tìr na h-Eiphit, gu bhi a'm
Dhia dhuibh: *Is* mise an Tighearn bhrur
Dia.

CAIB. XVI.

1 Ceannaire Chorah, Dhatain, agus Abiraim.

31 *Shluig an talamh suas iad.*

A GUS ghabh Corah mac Idsair, mhic
Chohait, mhic Lebhi, agus Danan agus
Abiram mie Eliaib, agus On mac Phelcit,
mie Reubein, daoine:

2 Agus dh'éirich iad suas an làthair
Mhaois, maille ri daoir àraidh de chloinn
Israeil, dà cheud agus leth-cheud ceannard
de'n eòimhthional, inbheach 's a' chomh-
chruinneachadh, daoine ionraideach.

3 Agus chruinnich siad iad féin 'an eann
a chèile an aghaidh Mhaois agus an aghaidh
Aaron, agus thubhairt iad riu, *Tha sibh a'
gabhail* tuille 's a' chòir oirbh féin, do bhrìgh
gu bheil an eomhechruinneachadh uile naomh
gach aon duibh, agus *tha* 'n Tighearn 'n am
measg: car son uime sin a tha sibh 'g' ur
togail féin suas os ecann comhechruinneach-
aidh an Tighearna?

4 Agus an uair a chuala Maois e, thuit e
air 'aghaidh:

5 Agus labhair e ri Corah, agus r'a chuid-
eachd uile, ag ràdh, Eadhon an màireach
noehdaidh an Tighearn cò iad *a's* leis, agus
cò a tha naomh, agus bheir e air teachd am
fagus da: bheir e eadhon air-san a ròghnaieh
e, teachd am fagus da.

6 Deanaibhse so; gabhail dhuibh féin
tùiseirean, Corah, agus a chuideachd uile;

7 Agus cuiribh teine annta, agus cuiribh
tùis orra an làthair an Tighearna air an là
màireach; agus an duine sin a ròghnaieheas
an Tighearn, *bithidh* esan naomh. *Tha
sibh a' gabhail* tuille 's a' chòir oirbh féin,
sibhse a mhaea Lebhi.

8 Agus thubhairt Maois ri Corah, Eisdibh,
guidheam oirbh, sibhse a mhaca Lebhi:

9 An ni beag e 'n 'ur *barail-sa*, gu'n do
sgar Dia Israeil sibh o chomhechruinneach-
adh Israeil, gu'r toirt am fagus da féin, a
dheanamh seirbhis pàilluin an Tighearna,
agus a sheasamh am fianuis a' chomh-
ehruinneachaidh, a fhrithealadh dhoibh?

10 Agus thug e thus' am fagus da féin,
agus do bhràithrean uile mic Lebhi maille

riut; agus am bheil sibh ag iarraidh na
sagartaehd mar an eudna?

11 Air an aobhar sin *tha* thusa, agus do
chuideachd uile, air bhrur cruinneachadh' an
ceann a chèile an aghaidh an Tighearna:
agus a *thaobh* Aaron, ciod e, gu bheil sibh
ri gearan 'n a aghaidh-san?

12 Agus ehur Maois *teachdairean uait*
a ghairm Dhatain agus Abiraim mhac
Eliaib, a thubhairt, Cha téid sinn suas.

13 An ni beag e gu'n d'thug thu mìos sinn
á talamh a tha 'sruthadh le bainne agus le
mil, gu'r marbhadh 's an fhàsach, mur dean
thu thu féin gu h-ionlan a'd' uachdaran os
ar ecann?

14 A thuilleadh air so, cha d'thug thu sinn
gu fearann a tha 'sruthadh le mil agus le
bainne, ni mò thug thu dhuinn oighreachd
mhacharach agus fhion-liosan: an cuir thu
mach sùilean nan daoine sin? cha téid sinne
suas.

15 Agus bha Maois ro dhiombaeh, agus
thubhairt e ris an Tighearn, Na bitheadh
meas agad d'an tabhartas; cha do ghabh
mise aon asal uatha, ni mò a rinn mi cron
air a h-aon duibh.

16 Agus thubhairt Maois ri Corah, Bi
thusa agus do ehuideachd uile an làthair an
Tighearna, thusa, agus iadsan, agus Aaron
am màireach;

17 Agus gabhail gach duine, a thùiseir,
agus cuiribh tùis annta, agus thugaibh an
làthair an Tighearna gach duine a thùiseir,
dà cheud agus leth-cheud tùiseir; thusa
mar an eudna, agus Aaron, gach aon
dhiubh a thùiseir,

18 Agus gabh gach duine *dhiubh* a thùis-
eir, agus ehur iad teine annta, agus chuir
iad tùis orra, agus sheas iad ann an doras
pàilluin a' choimhthionail maille ri Maois
agus ri h-Aaron.

19 Agus chruinnich Corah an comh-
chruinneachadh uile 'n an aghaidh gu doras
pàilluin a' choimhthionail: agus thaisbein-
eachd glòir an Tighearna do'n chomhechruinn-
eachadh uile.

20 Agus labhair an Tighearn ri Maois,
agus ri h-Aaron, ag ràdh,

21 Sgaraibh sibh féin o mheasg a' chomh-
chruinneachaidh so, agus sgriosaidh mi iad
mar ann am prìobadh na sùla.

22 Agus thuit iad air an aghaidh, agus
thubhairt iad, O Dhé, a Dhé spiorad gach
uile fheòla, am peacaich aon duine, agus
am bi fearg agad ris a' ehomhechruinneach-
adh uile?

23 Agus labhair an Tighearn ri Maois, ag
ràdh,

24 Labhair ris a' ehomhechruinneachadh,
ag ràdh, Raehaibh suas o thimehioll pàill-
iun Chorah, Dhatain, agus Abiraim.

25 Agus dh'éirich Maois suas, agus chaidh e
dh'ionnsuidh Dhatain agus Abiraim; agus
lean seanairean Israeil e.

26 Agus labhair e ris a' chomhlachruinneachadh, ag ràdh, Sgaraibh sibh féin, guidheam oirbh, o bhùthaibh nan daoine aingidh ud, agus na beanaibh ri ni sam bith a 's leo, air cagal gu'n sgriosar sibh 'n am peacaidhibh uile.

27 Mar sin ehaidh iad suas o phàillium Chorah, Dhatain, agus Abiraim, air gach taobh: agus thàinig Datan agus Abiram a mach, agus sheas iad ann an doras an bùthan, agus am mnathan, agus am mic, agus an elann bheag.

28 Agus thubhairt Maois, Le so bithidh fios gaibh gu'n do chuir an Tighearn mise a dheanamh nan oibre sin uile; oir eha *d'rinn mi iad* as mo cheann féin.

29 Ma gheibh na daoine sin bàs mar na h-uile dhaoin' eile, no ma dh'fhosraichear iad a réir fiosrachaidh nan uile dhaoine, *an sin* cha do chuir an Tighearn mise *uaith*:

30 Ach ma ni an Tighearn gnìomh nuadh, agus gu'n fosgail an talamh a bheul, agus gu'n sluig e suas iad maille ris gach ni a's leo, agus gu'n téid iad sìos beò do'n t-slochd; i sin tuigidh sibh gu'n do bhròsnaich na daoine sin an Tighearn.

31 Agus tharladh, an uair a sguir e de labhairt nam briathran sin uile, gu'n do sgoilt an talamh a *bha* fodhpa o 'chéile:

32 Agus dh'fhosgail an talamh a bheul, agus shluig e suas iad, agus an tighearn, agus na daoine uile a *bhuin* do Chorah, agus *am* maoin uile.

33 Chaidh iad féin, agus gach ni a *bhuin* doibh, beò sìos do'n t-slochd, agus dhruid an talamh orra: agus chaidh as doibh o mheasg a' chomhlachruinneachaidh.

34 Agus theich Israel uile a *bha* mu'n timchioll, ro'n glaoth; oir thubhairt iad, Air cagal gu'n sluig an talamh sinne suas *mar an ceudna*.

35 Agus thàinig teine a mach o'n Tighearn, agus loisg e 'n dà cheud agus an leth-cheud fear a thug seachad tùis.

36 Agus labhair an Tighearn ri Maois, ag ràdh,

37 Labhair ri h-Eleasar mac Aaroin an sagart, e 'thogail suas nau tùiseirean á meadhon an losgaidh, agus sgap thusa an teine an sud; oir tha iad coisrigte.

38 Tùiseirean nam peacadh ud an aghaidh an anama féin; agus deanadh iad dhiubh leacan leathan *mar* chòmhdach do'n altair: oir thug iad seachad iad an làthair an Tighearna, air an aobhar sin tha iad coisrigte; agus bithidh iad 'n an comharadh do chloinn Israeil.

39 Agus ghabh Eleasar an sagart na tùiseirean umha, leis an d'thug iadsan a ehaidh a losgadh seachad tabhartas; agus rinneadh iad 'n an *leacaidh* leathan *mar* chòmhdach do'n altair,

40 *Gu bhì* 'n an cuimhneachan do ehloinn Israeil, air chor as nach tig coigreach, nach

eil de shliochd Aaroin, an fagus a losgadh tùise an làthair an Tighearna; chum as nach bi e mar Chorah, agus mar a chuid-eachd: mar a thubhairt an Tighearn ris le làimh Mhaois.

41 Ach air an là màireach, rinn comhlachruinneachadh ehloinn Israeil uile gearan, an aghaidh Mhaois agus an aghaidh Aaroin, ag ràdh, Mharbh sibh sluagh an Tighearna.

42 Agus tharladh, an uair a chruinnich-eadh an comhlachd an aghaidh Mhaois agus an aghaidh Aaroin, gu'n do sheall iad air pàillium a' chomhlachd: agus, feuch, chòmhdach an neul e, agus dh'fhoillsich-eadh glòir an Tighearna.

43 Agus thàinig Maois agus Aaron gu beulaobh pàillium a' chomhlachd.

44 Agus labhair an Tighearn ri Maois, ag ràdh,

45 Rachaidh suas o mheasg a' chomhlachruinneachaidh so, agus sgriosaidh mi iad mar ann am priobadh na sùla: agus thuit iad air an eudannaibh.

46 Agus thubhairt Maois ri h-Aaron, Glac tùiseir, agus cuir teine ann bhàrr na h-altarach, agus cuir tùis air, agus imich gu grad a dh'ionnsuidh a' chomhlachruinneachaidh, agus dean réite air an son; oir chaidh fearg a mach o'n Tighearn: thòisich a' phlàigh.

47 Agus ghlac Aaron e, mar a dh'aithn Maois, agus ruith e gu meadhon a' chomhlachruinneachaidh; agus, feuch, bha 'phlàigh air tòiseachadh am measg an t-sluaigh: agus chuir e tùis air, agus rinn e réite air son an t-sluaigh.

48 Agus sheas e eadar na mairbh agus na beotha; agus choisgeadh a' phlàigh.

49 Agus bhàsaich 's a' phlàigh ceithir mìle deug agus seachd ceud, a thuilleadh orrasan a bhàsaich 'an aobhar Chorah.

50 Agus phill Aaron a dh'ionnsuidh Mhaois, gu doras pàillium a' chomhlachd: agus choisgeadh a' phlàigh.

CAIB. XVII.

1 *Slat Aaroin fo bhlàth*: 10 tha i air a gleidh-eadh mar chomharadh an aghaidh nan ceann-airceach.

AGUS labhair an Tighearn ri Maois, ag ràdh,

2 Labhair ri cloinn Israeil, agus gabh slat o gach aon aca, a réir tighe *an* aithrichean, o'n ceannardaibh uile, a réir tighe an aithrichean, dà shlat deug: sgrìobh ainm gach duine air a shlat féin.

3 Agus sgrìobhaidh tu ainm Aaroin air slat Lebhi: oir *bithidh* aon slat air son cinn tighe an aithrichean.

4 Agus cuiridh tu suas iad ann am pàillium a' chomhlachd, an làthair na Fianuis', far an coinnich mise thu.

5 Agus tarlaidh, *gu'n* tig slat an duine a thaghas mise fo bhlàth; agus bheir mi air

gearain chloinn Israeil sgar uam, leis am bheil iad ri gearan 'n ur n-aghaidh-sa.

6 Agus labhair Maois ri cloinn Israeil, agus thug gach aon d'an ceannardaibh dha slat am fear, aon air son gach ceannaird, a réir tighe an aithrichean, *eudhon* dà shlat deug; agus *bha* slat Aaroin am measg an slat.

7 Agus chuir Maois suas na slatan an làthair an Tighearn', ann am pàillium na Fianuis'.

8 Agus air an là maireach chaidh Maois a steach do phàillium na Fianuis'; agus, feuch, bha slat Aaroin, air son tighe Lebhi, air briscadh a mach, agus air cur maoth dhuilleach aise, agus air teachd fo bhàth, agus air giùlan almona.

9 Agus thug Maois a mach na slatan uile o làthair an Tighearna gu cloinn Israeil uile; agus dh'annhairc iad orra, agus ghabh gach duine a shlat féin.

10 Agus thubhairt an Tighearn ri Maois, Thoir slat Aaroin a ris an làthair na Fianuis', gu bhli air a gleidheadh mar chomharadh an aghaidh nan ceannairceach; agus bheir thu air falbh gu tur an gearain uamsa, chum nach bàsaich iad.

11 Agus rinn Maois *mar sin*: mar a dh'fàith an Tighearn dha, mar sin rinn e.

12 Agus labhair clann Israeil ri Maois, ag ràdh, Feuch, tha sinn a' bàsachadh, théid as duinn, théid as duinn uile.

13 Ge b'e air bith a thig am fagus do phàillium an Tighearna, gheibh e bàs; an claoidhear sinn le bàsachadh?

CAIB. XVIII.

1 Cùram nan sayart. 6 Frithealadh nan Lebhtheach. 8 Cuibhrionn nan sayart. 21 agus nan Lebhtheach. 25 Mu'n tabhartas-thogta.

A Gus thubhairt an Tighearn ri h-Aaron, Giùlainidh tusa agus do mhic, agus tigh d'athar maille riut, euceart an ionaid naoimh; agus giùlainidh tusa agus do mhic maille riut euceart bhur sagartachd.

2 Agus do bhràithrean mar an ceudna de thréibh Lebhi, thréibh d'athar, bheir thu leat maille riut, chum gu'n ceanglar riut iad, agus gu'm fritheil iad dhuit: ach *fritheilidh* tusa agus do mhic maille riut air beulaobh pàillium na Fianuis'.

3 Agus gleidhidh iad do cùram-sa, agus cùram a' phàillium uile: a mhàin cha tig iad am fagus do shoitheachibh an ionaid naoimh agus do'n altair, a chum nach faigh aon chuid iadsan no sibhs bàs.

4 Agus ceanglar riut iad, agus gleidhidh iad cùram pàillium a' choimhthionail, air son uile sheirbhis a' phàillium: agus cha tig coigreach am fagus duibh.

5 Agus gleidhidh sibh cùram an ionaid naoimh, agus cùram na h-altarach; a chum nach bi fearg nì's mò air cloinn Israeil.

6 Agus mise, feuch, thug mi bhràithrean na Lebhithich o mheasg chloinn Israeil: dhuibhsè thugadh iad *mar* thabhartas

do'n Tighearn, a dheanamh seirbhis pàillium a' choimhthionail.

7 Uime sin gleidhidh tusa, agus do mhic maille riut, bhur sagartachd anns gach nì a *bhuineas* do'n altair, agus an taobh a stigh de'n roinn-bhrat, agus nì sibh seirbhis: thug mi *dhuibh* bhur sagartachd, *mar* sheirbhis tabhartais; agus cuirear an coigreach a thig am fagus gu bàs.

8 Agus labhair an Tighearn ri h-Aaron, Feuch, thug mi dhuit mar an ceudna cùram mo thabhartasan-togta, de uile nithibh coisrigte chloinn Israeil; dhuitse thug mi iad, air son an ungaidh, agus do d' mhic le reachd sìorruidh.

9 Bithidh so leatsa de na nithibh ro naomha, a *ghleidheadh* o'n teine: gach tabhartas leo-san, gach tabhartas-bidh leo, agus gach iobairt-phacaidh leo, agus gach iobairt-eusaontais leo, a bheir iad dhomhsa, bithidh e ro naomh dhuitse, agus do d' mhic.

10 'S an ionad ro naomh ithidh tu e, ithidh gach firionnach e: bithidh e naomh dhuitse.

11 Agus *is* leat so; tabhartas-togta an tabhartais, maille ri uile thabhartasan-luaisgte chloinn Israeil: thug mi dhuitse iad, agus do d' mhic, agus do d' nigheanaibh maille riut, le reachd sìorruidh: gach neach a tha glan a'd' thigh, ithidh e dheth.

12 A'd' chuid a's fearr uile de'n olaidh, agus a' chuid a's fearr uile de'n fhion, agus de'n chruithneachd, an ceud thoradh leo-san a bheir iad seachad do'n Tighearn, iad sin thug mi dhuit.

13 Gach nì a's luaithe b'bitheasabuich 'n am fearann, a bheir iad chum an Tighearna, bithidh e leatsa; gach aon a tha glan a'd' thigh, ithidh e dheth.

14 Gach nì a choisrigear ann an Israel, bithidh e leatsa.

15 Gach nì a dh'fhosglaas a' bhrù de gach feoil, a bheir iad a dh'ionnsuidh an Tighearna, *ma's ann* de dhuine, no dh'ainmhidh, bithidh e leatsa: gidheadh gu cinnteach fuasglaidh tu ceud-ghin duine, agus ceud-ghin an ainmhidh neòghlain fuasglaidh tu.

16 Agus iadsan a dh'fhuasgar, o mhios a dh'aois fuasglaidh tu *iad* a réir do mheas, air son airgid chùig seceilean, a réir seceil an ionaid naoimh: *is e 'n secel* fichead gerah.

17 Ach ceud-ghin boin, no ceud-ghin caorach, no ceud-ghin gaibhre, cha-n fhuasgail thu; *tha* iad naomha: crathaidh tu am fuil air an altair, agus loisgidh tu 'n sail *mar* thabhartas a bheirar suas le teine, chum faile cùbraidh do'n Tighearn.

18 Agus bithidh am feoil leatsa, mar a b'bitheas an t-uchd luaisgte agus an slinnean deas leat.

19 Uile thabhartasan-togta nan nithear naomha, a bheir clann Israeil seachad do'n

Tighearn, thug mi dhuitse, agus do d' mhiic, agus do d' nigheanaibh maille riut, le reachd sìorruidh: *is* coimheangal salainn e gu bràth an lathair an Tighearna, dhuitse agus do d' shliochd maille riut.

20 Agus labhair an Tighearn ri h-Aaron, 'N am fearann cha bhi oighreachd agad, ni mo bhios roinn agad 'n am measg: *is* mise do roinn-sa agus d'oighreachd am measg chloinn Israeil.

21 Agus, feuch, do chloinn Lebhi thug mi an deachamh uile ann an Israel mar oighreachd, air son an seirbhis a ni iad, *cadhòn* seirbhis pàilliuin a' choimhthionail.

22 Agus cha-n fheadh clann Israeil o so suas teachd am fagus do pàilliuin a' choimhthionail, air cagal gu'n giùlain iad peacadh, agus gu'm faigh iad bàs.

23 Ach ni na Lebhithich seirbhis pàilliuin a' choimhthionail, agus giùlainidh iad an cionta: *bithidh e* 'n a reachd sìorruidh air feadh bhur ginealach, nach bi oighreachd sam bith aca am measg chloinn Israeil.

24 Ach deachamh chloinn Israeil a bheir iad seachad mar thabhartas-togta do'n Tighearn, thug mi do na Lebhithich mar oighreachd: uime sin thubhairt mi riu, Am measg chloinn Israeil cha bhi oighreachd aca.

25 Agus labhair an Tighearn ri Maois, ag ràdh,

26 Mar so labhair ris na Lebhithich, agus abair riu, 'N uair a thogas sibh o chloinn Israeil an deachamh a thug mise dhniibh uatha mar bhur n-oighreachd, an sin bheir sibh suas tabhartas-togta dheth do'n Tighearn, *cadhòn* an deicheadh *cuid* de'n deachamh.

27 Agus measar an tabhartas-togta so dhuibh, mar *gu'm b'e* arbhar an urlair-bhualaidh, agus mar làn amar-bruthaidh an fhìona.

28 Mar so maran ceudna bheir sibh seachad tabhartas-togta do'n Tighearn, d'ur n-uile dheachamh a thogas sibh o chloinn Israeil; agus bheir sibh dheth tabhartas-togta an Tighearna do Aaron an sagart.

29 As bhur n-uile thiodhlacaibh, bheir sibh seachad uile thabhartas-togta an Tighearna de'n chuid a's fearr dheth uile, *cadhòn* a' chuid sin deth a tha coisrigte.

30 Uime sin their thu riu, 'N uair a thogas sibh suas uatha a' chuid a's fearr dheth, an sin measar e do na Lebhithich mar thoradh an urlair-bhualaidh, agus mar thoradh amar-bruthaidh an fhìona.

31 Agus ithidh sibh e anns gach àite, sibh fèin agus bhur teaghlachan: oir *is e* bhur duais air son bhur seirbhis ann am pàilliuin a' choimhthionail.

32 Agus cha giùlain sibh peacadh sam bith air a shon, an uair a thogas sibh suas as a' chuid a's fearr dheth: ni mò a thruaill eas sibh nithan naona chloinn Israeil, air eagal gu'm faigh sibh bàs.

1 An t-uisge dealachaidh: 11 mar a ghnàthaich-eadh e chum iadsan a bha neòghlan a ghlanadh.

A GUS labhair an Tighearn ri Maois, agus ri h-Aaron, ag ràdh,

2 *Is e* so ordugh an lagha a dh'àithn an Tighearn, ag ràdh, Labhair ri cloinn Israeil, iad a thoirt a d' ionnsuidh agh ruadh gun ghaoid, air nach 'eil smal, agus nach robh riann fo chuig.

3 Agus bheir sibh i dh'ionnsuidh Eleasair an t-sagairt; agus bheir iad an taobh a muigh de'n champ, agus marbhar i 'n a fhianuis.

4 Agus gabhaidh Eleasar an sagart *cuid* d'a fuil le mheur, agus crathaidh e cuid d'a fuil dìreach fa chomhair pàilliuin a' choimhthionail seachd uairean.

5 Agus loisgidh neach an t-agh 'n a shealladh; a seiche, agus a feoil, agus a fuil, maille r'a h-aolach, loisgidh e.

6 Agus gabhaidh an sagart fiodh scudair, agus hiosop, agus scarlaid, agus tilgidh e sin am meadhon losgaidh an aighe.

7 An sin nighidh an sagart eudach, agus ionnlaidh e 'fheoil ann am uisge, agus an dèigh sin thig e steach do'n champ, agus bithidh an sagart neòghlan gu feasgar.

8 Agus nighidh esan a loisg i 'eudach ann am uisge, agus ionnlaidh e 'fheoil ann am uisge, agus bithidh e neòghlan gu feasgar.

9 Agus cruinnichidh duine a tha glan luath an aighe, agus taisgidh e i 'n taobh a muigh de'n champ ann am àite glan; agus gleidhear i air son comhchrumeachaidh chloinn Israeil, mar uisge dealachaidh: *is glanadh* air son peacaidh i.

10 Agus nighidh esan a thionailas luath an aighe eudach, agus bithidh e neòghlan gu feasgar: agus bithidh e do chloinn Israeil, agus do'n choigreach a th'air chuairt 'n am measg, 'n a reachd sìorruidh.

11 Esan a bheanas ri corp duine mhairbh sam bith, bithidh e neòghlan seachd làithean.

12 Glanaidh se e fèin leis air an treas là, agus air an t-seachdamh là bithidh e glan: ach mur glan se e fèin air an treas là, an sin air an t-seachdamh là cha bhi e glan.

13 Ge b'e neach a bheanas ri corp duine sam bith a tha marbh, agus nach glan e fèin, tha e a' truailladh pàilliuin an Tighearn; agus gearrar an t-anam sin as o Israel: a chionn nach do chrathadh an t-uisge dealachaidh air, bithidh e neòghlan; *tha a neòghloine* fathast air.

14 *Is e* so an lagh, an uair a bhàsaichas duine ann am bùth: Gach neach a thig a stigh do'n bhùth, agus gach neach a tha 's a' bhùth, bithidh iad neòghlan seachd làithean.

15 Agus gach soitheach fosgailte aig nach 'eil còmhach ceangailte air, *tha e* neòghlan.

16 Agus ge b'e' bheanas ri neach a mharbhadh le claidheamh 's a' mhaclair, no ri corp marbh, no ri cnàimh duine, no ri h-uagh, bithidh e neòghlan seachd làithean.

17 Agus air son an *duine* neòghloin gabhadh iad de luaith an aighe, a loisgeadh air son glanaidh peacaidh, agus curidh iad sruth uisge oirre ann an soitheach.

18 Agus gabhadh duine glan hiosop, agus tunaiddh e 's an uisge e, agus crathaidh e air a bhùth e, agus air na soitheachibh uile, agus air a' mhuinntir a bha 'n sin, agus a'rsan a bhean ri cnàimh, no ri neach a mharbhadh, no ri aon marbh, no ri h-uagh:

19 Agus crathaidh an *duine* glan air an neòghlan air an treas là, agus air an t-seachdamh là; agus glanaidh se e féin air an t-seachdamh là, agus nighidh e 'eudach, agus ionnlaididh se e féin ann an uisge, agus bithidh e glan air fcasgar.

20 Ach an duine a bhios neòghlan, agus nach glan e féin, gearrar an t-anam sin as o mhcasg a' chomhchruinneachaidh, a chionn gu'n do thruaill e ionad naomh an Tighearna: cha do chrathadh uisge dealachaidh air; *tha* e neòghlan.

21 Agus bithidh e 'n a reachd sìorruidh dhoibh, gu'n nigh esan a chrathas an t-uisge dealachaidh 'eudach, agus bithidh esan a bheanas ris an uisge dhealachaidh, agus neòghlan gu fcasgar.

22 Agus ge b'e ni ris am bean an *duine* neòghlan, bithidh e neòghlan: agus an t-anam a bheanas ris, bithidh e neòghlan gu fcasgar.

CAIB. XX.

1 *Bàs Mhìriaim. 7 Thug Maois uisge do'n t-sluagh as a' charraig. 22 Bàs Aaroin.*

AN sin thàinig clann Israeil, *cadhon* an comhchruinneachadh uile, gu fasach Shìn, anns a' cheud mhìos: agus dh'fhan an sluagh ann an Cades; agus fluair Miriam bàs an sin, agus dh'adhlacaidh an sin i.

2 Agus cha robh uisge ann do'n choimhthional: agus chruinnich siad iad féin an aghaidh Mhaois agus an aghaidh Aaroin.

3 Agus throd an sluagh ri Maois, agus labhair iad, ag ràdh, B'fhearr gu'm bith-eamaid air faghail bàis an uair a blàsaich ar bràithrean an làthair an Tighearna!

4 Agus c'ar son a thug sibh a nìos comhchruinneachadh an Tighearna do'n fhàsach so, gu bàs fhaghail an sin, sinn féin agus ar spréidh?

5 Agus c'ar son a thug sibh oirne teachd a nìos an Eiphit, g'ar toirt a steach do'n droch àite so? cha-nàite sil e, no fhigis, no chrannfiona, no phomgranata; ni mò *tha* uisge ann r'a òl.

6 Agus chaidh Maois agus Aaron o làthair a' chomhchruinneachaidh gu dorus pàilliuin a' choimhthional, agus thuit iad air an aghaidh: agus dh'fhoillsichadh glòir an Tighearna dhoibh.

7 Agus labhair an Tighearna ri Maois, ag ràdh,

8 Gabh an t-slat, agus cruinnich thus' an coimhthional 'an ceann a chéile, thu féin agus Aaron do bhràthair, agus labhraibh ris a' charraig fa chomhair an sùil, agus bheir i seachad a h-uisge; agus bheir thusa maen uisge dhoibh as a' charraig, agus bheir thu deoch do'n choimhthional, agus d'an spréidh.

9 Agus ghabh Maois an t-slat o làthair an Tighearna, mar a dh'àithn e dha.

10 Agus chruinnich Maois agus Aaron an comhchruinneachadh 'an ceann a chéile fa chomhair na carraig, agus thubhairt e riu, Eisdibh a nis, a luchd-ceannaire; as a' charraig so am feum sinne uisge thoirt duibh?

11 Agus thog Maois suas a làmh, agus bhuail e a' charraig le 'shlaid dà uair; agus thàinig an t-uisge mach gu pailt: agus dh'òl an comhchruinneachadh, agus an spréidh.

12 Agus labhair an Tighearna ri Maois agus ri h-Aaron, A chionn nach do chreid sibh mi, chum mo naomhachadh ann an sùilibh chloimn Israeil, uime sin cha toir sibh a steach an comhchruinneachadh so do'n fhearann a thug mise dhoibh.

13 *Is* e so uisge Mheribah, a chionn gu'n d'rinn clann Israeil strì ris an Tighearna, agus naomhaicheadh e anna.

14 Agus chuir Maois teachdairean o Chades gu rìgh Edoim, Mar so tha do bhràthair Israel ag ràdh, Tha fios agad air an t-saothair sin uile a thàinig oirne;

15 Mar a chaidh ar n-aithrichean sìos do'n Eiphit, agus a ghabh sinn còmhuidh 's an Eiphit aimsir fhada; agus bhuin na li-Eiphitich gu h-òlc ruinne, agus r'ar n-aithrichibh.

16 Agus an uair a ghlaodh sinn ris an Tighearna, chual' e ar guth, agus chuir e aingeal uaith, agus thug e mach sinn as an Eiphit; agus, feuch, *tha* sinn ann an Cades, baile 's a' chuid a's ionallaiche de d' chrìch.

17 Leig leinn, guidheam ort, dol troimh do dhùthaich: cha téid sinn troimh achadh sam bith, no troimh fhìon-lios, ni mò dh'òlas sinn uisge nan tobar; imichidh sinn air rathad mòr an rìgh, cha tionndaidh sinn a dh'ionnsuidh na làimhe deise, no na làimhe clìthe, gus an téid sinn seach do chrìochan.

18 Agus thubhairt Edom ris, Cha téid thu seachad orm, air eagal leis a' chlaidheamh gu'n tig mi mach a' d' aghaidh.

19 Agus thubhairt clann Israeil ris, Imichidh sinn air an rathad mhòr; agus ma dh'òlas mi féin agus mo spréidh de d' uisge, bheir mi luach air a shon: a màinn guu tuille *d'heanamh*, théid mi troimhe de m' chois.

20 Agus thubhairt e, Cha téid thu troimhe. Agus thàinig Edom a mach 'n a aghaidh le mòr-shluagh, agus le làimh thréin.

21 Mar so dhiùlt EDOM do Israel comas dol troimh a chrich; uime sin thionndaidh Israel uaithe.

22 Agus ghabh clann Israeil, *eadhon* an comhchruinneachadh uile, an turus o Chades, agus thàinig iad gu sliabh Hor.

23 Agus labhair an Tighearn ri Maois agus ri h-Aaron ann an sliabh Hor, làimh ri crìch fearainn Edoim, ag ràdh,

24 Cruinnich Aaron a chum a shluaigh; oir cha téid e steach do'n fhearann a thug mise do chloinn Israeil, a chionn gu'n robh sibh ceannairceach an aghaidh m'fhocail-sa aig uisge Mheribah.

25 Gabh Aaron agus Eleasar a mhac, agus thoir suas iad gu sliabh Hor:

26 Agus buin 'eudach de Aaron, agus cuir air a mhac Eleasar e; agus cruinnich Aaron a chum a mhuinntir, agus gheibh e bàs an sin.

27 Agus rinn Maois mar a dh'àithn an Tighearn: agus chaidh iad suas gu sliabh Hor, ann an sealladh a' chomhchruinneachaidh uile.

28 Agus bhuin Maois 'eudach de Aaron, agus chuir e air Eleasar a mhac e; agus fhuair Aaron bàs an sin air mullach an t-sléibh: agus thàinig Maois agus Eleasar a nuas o'n t-sliabh.

29 Agus an uair a chunnaic an comhchruinneachadh uile gu'n d'fhuair Aaron bàs, rinn iad bròn air son Aaron deich làithean 'ar fhichead, eadhon tigh Israeil uile.

CAIB. XXI.

1 Sgrìos clann Israeil na Canaanach. 4 Lotadh iad le nathraichibh loisgeach. 7 Dh'aicidh iad am peacadh, agus leighiseadh iad le amharc air nathair umha. 21 Thug iad buaidh air Sihon agus air Og.

A GUS an uair a chuala rìgh Arad an Canaanach, a bha 'chòmhnuidh 's an àirde deas, gu'n d'fhàinig Israel air slighe an luchd-brathaidh, an sin chog e 'n aghaidh Israeil, agus rinn e cuid diubh 'n an ciomich.

2 Agus bhòidich Israel bòid do'n Tighearn, agus thubhairt iad, Ma bheir thu da rìreadh an sluagh so thairis d'ar làimh, an sin sgrìosaidh sinn gu tur am bailtean.

3 Agus dh'éisd an Tighearn ri guth Israeil, agus thug e na Canaanach suas doibh: agus sgrìos iad gu tur iad féin agus am bailtean: agus thug iad Horma mar ainm air an àite.

4 Agus ghabh iad an turus o sliabh Hor, air slighe na mara ruaidhe, a dhol mu'n cuairt air tìr Edoim; agus bha anam an t-sluaigh fo mhi-nhisnich 's an t-slighe.

5 Agus labhair an sluagh an aghaidh Dhé, agus an aghaidh Mhaois, 'C'ar son a thug sibh a nìs sinn as an Eiphit, gu bàs fhagbail 's an fhàsach? oir cha-n 'eil aran,

no uisge ann, agus tha ar n-anam a' gabhail gràin de'n aran eutrom so.

6 Agus chuir an Tighearn nathraichean loisgeach am measg an t-sluaigh; agus ló iad an sluagh, agus fhuair mòr-shluagh de Israel bàs.

7 Uime sin thàinig an sluagh a dh'ionnsuidh Mhaois, agus thubhairt iad. Pheacaich sinn, oir labhair sinn an aghaidh an Tighearn, agus a'd' aghaidh-sa; guidh air an Tighearn gu'n toir e air falbh uainn na nathraichean. Agus ghuidh Maois air son an t-sluaigh.

8 Agus thubhairt an Tighearn ri Maois, Dean dhuit féin nathair loisgeach, agus cuir i air crann; agus tarlaidh, gach neach a lotar, an uair a dh'amhairceas e oirre, gu mair e beò.

9 Agus rinn Maois nathair umha, agus chuir e air crann i: agus tharladh, ma lot nathair duine sam bith, agus gu'n d'amhairce e air an nathair umha, gu'n d'fhan e beò.

10 Agus chaidh clann Israeil air an aghaidh, agus champaich iad ann an Obot.

11 Agus ghabh iad an turus o Obot, agus champaich iad aig Iie-abarim 's an fhàsach a tha fa chomhair Mhoab, leth ri éirigh na gréine.

12 Uaith sin dh'imich iad, agus champaich iad ann an gleann Shareid.

13 O sin dh'imich iad, agus champaich iad air an taobh eile de Arnon, a tha 's an fhàsach a tha 'teachd a mach á crìochaibh nan Amorach: oir is e Arnon crìoch Mhoab, eadar Moab agus na h-Amorach.

14 Uime sin innsear ann an leabhar chogannan an Tighearna, Cìod a rinn e s' a' mhuir ruaidh, agus ann an sruthaibh Arnoim.

15 Agus aig ruith nan sruth a tha 'dol sìos gu àite-còmhnuidh Ar, agus a' luidhe air crìch Mhoab.

16 Agus o sin chaidh iad gu Beer: is e sin an tobar mu'n do labhair an Tighearn ri Maois, Cruinnich an sluagh r'a chéile, agus bheir mise uisge dhoibh.

17 An sin chan Israel an laoidh so, Sruth a nìs, O thobair; canaibhse dha:

18 Chladhaich na h-uachdairan an tobar, chladhaich uaislean an t-sluaigh e, le seòladh fhir thubhairt an lagha, le 'n lorgaibh. Agus o'n fhàsach chaidh iad gu Matana;

19 Agus o Mhatana gu Nahaliel; agus o Nahaliel gu Bamot;

20 Agus o Bhamot 's a' ghleann a tha ann an dùthaich Mhoab, gu mullach Phisgah, a tha 'g amharc ri Iesimon.

21 Agus chuir Israel teachdairean gu Sihon rìgh nan Amorach, ag ràdh,

22 Leig dhomh dol troimh d'fhearann; cha tionndaidh sinn a dh'ionnsuidh raoin no dh'ionnsuidh fìon-lios sam bith; cha'n òl sinn uisgeachar an tobar: rathad an rìgh

gabhadh sinn, gus an téid sinn seachad air do chrich.

23 Agus cha leigeadh Sihon le Israel dol troimh a chrich: agus chruinnich Sihon a shluagh uile r'a chéile, agus chaidh e mach an aghaidh Israeil do'n fhàsach: agus thàinig e gu Iahas, agus chog e 'n aghaidh Israeil.

24 Agus bhuail Israel e le faobhar a' chlaidheimh, agus ghabh e sealbh air 'fhearann o Arnon gu Iaboc, eadhon gu cloinn Amoin: oir *bha* crìoch chloinn Amoin lùidir.

25 Agus ghlac Israel na bailtean mòra sin uile: agus ghabh Israel còmhnuidh ann am bailtibh mòra nan Amorach uile, ann an Hesbon, agus 'n a bhailtibh beaga uile:

26 Oir *be* Hesbon baile mòr Shihoin rìgh nan Amorach, a chog an aghaidh rìgh Mhoib a bli'ann roimhe sin, agus a bhuin 'fhearann uile as a làimh, eadhon gu h-Arnon.

27 Uime sin their iadsan, a labhras ann an gnàth-fhoclaibh, Thigibh do Hesbon; biodh baile mòr Shihoin air a thogail agus air a dheasachadh:

28 Oir chaidh teine mach á Hesbon, lasair o bhaile mòr Shihoin; loisg e Ar Mhoib, agus tighearnan ionadan àrda Arnoin.

29 Mo thruaighe thu, a Mhoib! thàinig sgrìos ort, O shluaigh Chemois! thug e 'mhic a chaidh as, agus a nigheanan, 'am braighdeanas do Shihon rìgh nan Amorach.

30 Thilg sinn saighdean orra; chaidh as do Hesbon eadhon gu Dibon, agus dh'fhàs-aich sinn iad eadhon gu Nopha, a *tha 'ruigheachd* gu Medeba.

31 Mar so ghabh Israel còmhnuidh ann am fearann nan Amorach.

32 Agus chuir Maois *daoine* uaith a ghabhail beachd air Iaser, agus ghlac iad a bhaileann, agus dh'fhògair iad a mach na h-Amoraich a *bha* 'n sin.

33 Agus phill iad agus chaidh iad suas air slighe Bhasain: agus chaidh Og rìgh Bhasain a mach 'n an aghaidh, e féin, agus a shluagh uile, gu cath aig Edrei.

34 Agus thubhairt an Tighearn ri Maois, Na gabh eagal roimhe; oir do d' làimh-sa thug mi thairis e féin, agus a shluagh uile, agus 'fhearann; agus nì thu air mar a rinn thu air Sihon rìgh nan Amorach, a *bha* chòmhnuidh aig Hesbon.

35 Mar sin bhuail iad e féin agus a mhic, agus a shluagh uile, gus nach dh'fhàgadh aon bed aige: agus ghabh iad sealbh air 'fhearann.

CAIB. XXII.

1 *Dhiùlt Balaam air ceud iarrtus Bhalaic teachd d'a ionnsuidh; ach an uair a chuir e ath-theachdairean d'a ionnsuidh, dh'imich e air a thurus: 28 labhair 'asal ris air a shlighe.*

A GUS chaidh clann Israeil air an aghaidh, agus clampaich iad ann an còmh-

nardaibh Mhoib, air an taobh so de Iordan làimh ri Iericho.

2 Agus chunnaic Balac mac Shipoir gach nì a rinn Israel air na h-Amoraich.

3 Agus bha eagal ro mhòr air Moab roimh 'n t-sluagh, a chionn gu'n *robh* iad lìonmhòr; agus bha Moab ann an teinn a thaobh chloinn Israeil.

4 Agus thubhairt Moab ri seanairibh Mhidiam, A nis imlichidh a' chuideachd so suas gach nì a *tha* mu'r timchioll, mar a dh'imlicheas an damh suas fear na macharach. Agus *bha* Balac mac Shipoir 'n a rìgh air na Moabaich 's an àm sin.

5 Chuir e teachdairean uime sin gu Balaam mac Bheoir, gu Petor, a tha làimh ri anhaimean dùthcha cloimne a shluaigh, g'a ghairn, ag ràdh, Feuch, tha sluagh air teachd a mach as an Eiphit: feuch, tha iad a' còmh-dachadh aghaidh na talmhainn, agus tha iad 'n an còmhnuidh thall fa m' chomhair.

6 Thig a nis uime sin, guidheam ort, mall-aich dhomhs' an sluagh so, oir *tha* iad tuilleadh 's cunhabhadh air mo shon: theagamh gur urrainn mi an bualadh, agus gu'm fuadaich mi iad a mach as an dùthaich; oir tha fios agam gu'm *bheil* esan a bheannaicheas tusa, beannaichte, agus esan a mhall-aicheas tu, mallaichte.

7 Agus dh'imich seanairean Mhoib agus seanairean Mhidiam, le *duais* na druidheachd 'n an làimh; agus thàinig iad gu Balaam, agus dh'innis iad dha briathran Bhalaic.

8 Agus thubhairt e riu, Fanaibh an so an nochd, agus bheir mise fios duibh a ris, a réir mar a labhras an Tighearn rium. Agus dh'fhan ceannardan Mhoib maille ri Balaam.

9 Agus thàinig an Tighearn gu Balaam, agus thubhairt e, Cò iad na daoine so maille riut?

10 Agus thubhairt Balaam ri Dia, Chuir Balac mac Shipoir, rìgh Mhoib, *teachdaire* a m' ionnsuidh, *ag ràdh*,

11 Feuch, *tha* sluagh air teachd a mach as an Eiphit, a tha 'còmh-dachadh aghaidh na talmhainn: thig a nis, mallaich dhomh iad; theagamh gur urrainn mi buaidh' thoirt orra, agus gu'm fuadaich mi mach iad.

12 Agus thubhairt Dia ri Balaam, Cha téid thu maille riu; cha mhallach thu 'n shuagh; oir *tha* iad beannaichte.

13 Agus dh'éirich Balaam 's a' mhaduinn, agus thubhairt e ri ceannardaibh Bhalaic, Imichibh d'ur dùthaich féin; oir tha 'n Tighearn a' diùltadh cead a thoirt dhomhsa dol maille ribh.

14 Agus dh'éirich ceannardan Mhoib suas, agus chaidh iad a dh'ionnsuidh Bhalaic, agus thubhairt iad, Tha Balaam a' diùltadh teachd maille rinn.

15 Agus chuir Balac uaith a ris ceannardan a bu lìonmhòire, agus a b'urramaiche na iadsan.

16 Agus thàinig iad gu Balaam, agus thubhairt iad ris, Mar so tha Balac, mac Shipoir, ag ràdh, Na bacadh ni sam bith thu, guidheam ort, o theachd a m' ionnsuidh;

17 Oir ardaichidh mi thu gu h-ìmhle ro mhòir, agus ge b'e ni a their thu rium, ni mi e: thig uime sin, guidheam ort, mallaich dhomh an sluagh so.

18 Agus fhlegair Balaam, agus thubhairt e ri seirbhisich Bhalaic, Ged a bheireadh Balaac dhomsha làn a thighe a dh'airgiod agus a dh'òr, cha-n fheudainn dol thar focal an Tighearna mo Dhé, a dheanamh 'bheag no 'mhòr.

19 A nis uime sin, guidheam oirbh, fan-aibhse mar an ceudna an so an nochd, a chum gu'm bi fios agam ciod tuilleadh a their an Tighearn rium.

20 Agus thàinig Dia dh'ionnsuidh Bhalaaim 's an oidheche, agus thubhairt e ris, Ma thig na daoine gu d' ghairm, éirich suas, agus imich maille riu; gidheadh am focal a their mise riut, sin ni thu.

21 Agus dh'éirich Balaam suas 's a' mha-duinne, agus chuir e diollaid air 'asal, agus chaidh e maille ri ceannardaibh Mhoab.

22 Agus las corruich Dhé a chionn gu'n d'imich e; agus sheas aingeal an Tighearna 's an t-slighe mar eascairid 'n a aghaidh. A nis bha e 'marcachd air 'asal féin, agus a dhà òglach maille ris.

23 Agus chunnaic an asal aingeal an Tighearna 'n a sheasamh 's an t-slighe, agus a chlaidheamh tairngte 'n a làimh: agus thionndaidh an asal a leth taobh as an t-slighe, agus chaidh i air feadh an fhearainn; agus bhuail Balaam an asal, g'a tionndadh dh'ionnsuidh na slighe.

24 Agus shcas aingeal an Tighearn', ann an cos-cheum nam fion-lios: *bha* balla air an taobh so, agus balla air an taobh ud.

25 Agus an uair a chunnaic an asal aingeal an Tighearn', theannaich si i féin ris a' bhalla, agus bhrùth i cos Bhalaaim ris a' bhalla; agus bhuail e ris i.

26 Agus a ris chaidh aingeal an Tighearna seachad, agus sheas e ann an àite cumhann, far nach robh slighe gu tionndadh aon chuid a chum na làimhe deise no clithe.

27 Agus an uair a chunnaic an asal aingeal an Tighearna, luidh i sìos fo Bhalaam: agus las corruich Bhalaaim, agus bhuail e 'n asal le bata.

28 Agus dh'fhosgail an Tighearn beul na h-asail, agus thubhairt i ri Balaam, Ciod a rinn mise ort, gu'n do bhuail thu mi na tri uairean so?

29 Agus thubhairt Balaam ris an asal, A chionn gu'n d'rinn thu fanaid orm: b'fhearr leam gu'm biodh claidheamh a'm' làimh, oir a nis mharbham thu.

30 Agus thubhairt an asal ri Balaam, Nach mise d'asal féin, air an do mharcaich thu riamh o bu leat *mi*, gus an là 'n diugh? am

b'abhaist domh riamh a dheanamh mar so riut? Agus thubhairt e, Cha *b'abhaist*.

31 An sin dh'fhosgail an Tighearn sùilean Bhalaaim, agus chunnaic e aingeal an Tighearna 'n a sheasamh 's an t-slighe, agus a chlaidheamh tairngte 'n a làimh; agus chrom e sìos a cheann, agus thuit e sìos air 'aghaidh.

32 Agus thubhairt aingeal an Tighearna ris, C'ar son a bhuail thu d'asal na tri uairean so? Feuch, chaidh mi mach gu bli a'm' eascairid duit, a chionn gu'm bheil do shlighe fìar a'm' fhianuis.

33 Agus chunnaic an asal mi, agus thionndaidh i uam na tri uairean so: mur bitheadh i air tionndadh uam, gu cinnteach bha mi nis eadhon air do mharbhadh-sa, agus air a gleidheadh-sa beò.

34 Agus thubhairt Balaam ri aingeal an Tighearna, Pheacaich mi; oir cha robh fios agam gu'n do sheas thu 's an t-slighe a'm' aghaidh: a nis uime sin, ma's mi-thaitneach leat e, pillidh mi air m'ais a ris.

35 Agus thubhairt aingeal an Tighearna ri Balaam, Im'ch leis na daoimibh; ach a mha'n am focal a labhras mise riut, sin labhraidh tusa. Mar sin chaidh Balaam le ceannardaibh Bhalaic.

36 Agus an uair a chuala Balac gu'n d'thàinig Balaam, chaidh e mach 'n a choinneamh gu baile de Mhoab, a tha làimh ri comh-chrich Arnoin, a tha 's a' chrich a's faidemach.

37 Agus thubhairt Balac ri Balaam, Nach do chuir mise gu cinnteach fios a d'ionnsuidh g'ad ghairm? C'ar son nach d'thàinig thu a m' ionnsuidh? Nach 'eil mise gu deimhin comasach air d'ardachadh gu h-ìmhle.

38 Agus thubhairt Balaam ri Balac, Feuch, tha mi air teachd a d'ionnsuidh: an bheil agam a nis cumhachd idir ni sam bith a ràdh? Am focal a'chuireas Dia a'm' bheul sin labhraidh mi.

39 Agus chaidh Balaam maille ri Balac, agus thàinig iad gu Cariat-husot.

40 Agus dh'ìobair Balac daimh agus caor-aich, agus chuir e fios a dh'ionnsuidh Bhalaaim, agus a dh'ionnsuidh nan ceannard a bha maille ris.

41 Agus air an là màireach, ghabh Balac Balaam, agus thug e suas e gu àitibh àrda Bhaail, a chum gu'm faicheadh e o sin a' chuid a b'iomallaiche de'n t-sluagh.

CAIB. XXIII.

1, 14, 28 *Iobairtean Bhalaic*. 7, 18 *Cosamhlachdan Bhalaaim*.

AGUS thubhairt Balaam ri Balac, Tog dhomh an so seachd altairean, agus ulluich dhomh an so seachd tairbh òga, agus seachd reitheachan.

2 Agus rinn Balac mar a thubhairt Balaam: agus dh'ìobair Balac agus Balaam air *gach* altair tarbh òg agus reithe.

3 Agus thubhairt Balaam ri Balac, Seas làimh ri d'ìobair-loisgte, agus imichidh

mise; theagamh gu'n tíg an Tighearn a'm' choinneamh: agus ge b'e ní a nochdas e dhomh, innsidh mi dhuit. Agus chaidh e gu h-ionad árd.

4 Agus choinnich Dia Balaam, agus thubhairt *Balaam* ris, Dheasaich mi seachd altairean, agus dh'íobair mi air *gach* altair tarbh óg agus reithe.

5 Agus chuir an Tighearn focal ann am beul Bhalaam, agus thubhairt e, Pill a dh'ionnsuidh Bhalaic, agus mar so labhairaidh tu.

6 Agus phill e d'a ionnsuidh, agus, feuch, sheas e laimh r'a íobairt-loisgte, e féin, agus ceannardan Mhoib uile.

7 Agus thog e suas a chosamhlachd, agus thubhairt e, Thug Balac righ Mhoib mise á h-Aram, o bheanntaibh na h-áird' an ear, *ag rádh*, Thig, mallaich dhomhsa Iacob; agus thig, thoir dúbhlán do Israel.

8 Cionnus a mhallaicheas mi esan nach do mhallach Dia? agus cionnus a bheir mi dúbhlán *dha-san* do nach d'thug an Tighearn dúbhlán?

9 Oir o mbullach nan creag tha mi 'g a fhaicinn, agus o na sléibhtibh tha mi 'g amhairc air: feuch, gabhaidh an sluagh comhnuidh air leth, agus cha mheasar iad am measg nan cinneach.

10 Cò dh'àirmheas duslach Iacoib, nó àir-camh na ceathramh *cuid* de Israel? Faigheam-sa bàs an ionracain, agus bitheadh mo chríoch dheireannach cosmhail r'a *chrích-san*!

11 Agus thubhairt Balac ri Balaam, Ciod e so a rinn thu orm? a mhallachadh mo naimhdean thug mi thu, agus, feuch, da ríreadh bheannaich thu *iad*.

12 Agus fhreagair agus thubhairt e, An ní sin a chuir an Tighearn a'm' bheul, nach feum mis' an aire thoirt a labhairt?

13 Agus thubhairt Balac ris, Thig, guidheam ort, maille rium gu h-àit eile, o'm faic thu iad: cha-n fhaic thu ach a' chuid a's iomallaiche dhiubh, agus eha-n fhaic thu iad uile; agus mallaich dhomh as a sin iad.

14 Agus thug e gu fearann Shophim e, gu mullach Phisgah, agus thog e seachd altairean, agus dh'íobair e tarbh óg agus reithe air *gach* altair.

15 Agus thubhairt e ri Balac, Seas an so laimh ri d'íobairt-loisgte, gus an coinnich mis' an *Tighearn* an sud.

16 Agus choinnich an Tighearn Balaam, agus chuir e focal 'n a bheul, agus thubhairt e, Inich a ris a dh'ionnsuidh Bhalaic, agus abair mar so.

17 Agus an uair a thàinig e d'a ionnsuidh, feuch, sheas e laimh r'a íobairt-loisgte, agus ceannardan Mhoib maille ris. Agus thubhairt Balac ris, Ciod e a labhair an Tighearn?

18 Agus thog e suas a chosamhlachd, agus thubhairt e, Éirich suas, a Bhalaic,

agus eluinn; éisd riumsa, thus' a mhic Shipoir:

19 Cha duine Dia, gu'n deanadh e breug; no mac duine, gu'n gabhadh e aithreachas: an dubhairt e, agus nach dean e? agus an do labhair e, agus nach coimhlíon se e?

20 Feuch, fhuaire ní *áithne* beannachadh; agus bheannaich esan, agus cha-n urrainn mise atharrachadh.

21 Cha d'thug e fainear eucart ann an Iacob, agus cha-n fhaic e cealg ann an Israel: *tha 'n* Tighearn a Dhia leis, agus caithream righ 'n am measg.

22 Thug Dia mach iad as an Eiphit; *tha aige* amhuil neart an aon-adharcaich.

23 Gu cinnteach *cha-n 'eil* druidheachd an aghaidh Iacoib, ní mò *dha* fiosaichd an aghaidh Israeil: a réir na h-aimsir so theirear mu Iacob, agus mu Israel, Ciod e a dh'íobair Dia!

24 Feuch, éiridh an sluagh suas mar ledmhan mòr, agus mar ledmhan óg togaidh e suas e féin: cha luidh e síos gus an ith e a' chreach, agus gus an òl e fuil nam marbh.

25 Agus thubhairt Balac ri Balaam, Na dean aon chuid am mallachadh idir, no'm beannachadh idir.

26 Ach fhreagair Balaam agus thubhairt e ri Balac, Nach d'innis mi dhuit, *ag rádh*, Gach ní a labhras an Tighearn, sin is éigin domhs' a dheanamh?

27 Agus thubhairt Balac ri Balaam, Thig, guidheam ort, bheir mi thu gu h-ionad eile; theagamh gur toil le Dia thu 'g am mallachadh dhomh as a sin.

28 Agus thug Balac Balaam gu mullach Pheoir, a tha 'g anhare ri Iesimon.

29 Agus thubhairt Balaam ri Balac, Tog dhomh an so seachd altairean, agus ulluich dhomh an so seachd tairbh óga, agus seachd reitheachan.

30 Agus rinn Balac mar a thubhairt Balaam, agus dh'íobair e tarbh agus reithe air *gach* altair.

CAIB. XXIV.

1 *Fàisneachd Bhalaam a thabha soirbheachaidh Israel. 15 Mu reul Iacoib, &c. 20 Mus grios nan Amaleacach.*

AGUS an uair a chunnaic Balaam gu'm bu toil leis an Tighearn Israel a bheannachadh, cha deachaidh e, mar air uairibh eile, a dh'iarraidh manaidhean, ach chuir e 'aghaidh ris an fhàsach.

2 Agus thog Balaam suas a shùilean, agus chunnaic e Israel a' fantuinn 'n am *bùth-aibh* a réir an treubhan, agus thàinig spiorad Dhé air.

3 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùilean dùinte;

4 Thubhairt esan, a chuala briathran Dhé, a chunnaic taisbeanadh an Uile-chumhach-

daich, a' tuitcam agus a shùilean air am fosgladh:

5 Cìà àlunn do bhùthan, O Iacoib! do phàilliuuan, O Isracil!

6 Mar na gliun tha iad sìnte mach, mar liosan ri taobh aimhue, mar chraobhan fiodh-alois a shuidhich an Tighearn, mar chraobhan seudair làmh ris ua h-uisgeach-aibh.

7 Sruthaidh an t-uisge mach as a shoith-ichibh, agus bithidh a shliochd ann am mòran uisgeachau, agus bithidh a rìgh nì's àirde na Agag, agus ardaichear a rìoghachd.

8 Thug Dia mach as an Eiphit e; tha aige amhuil ucart an aon-adharcaich: ithidh e suas na cinuich a naimhdean, agus brisidh e 'n enàman, agus le 'shaighdibh troimh-lotaidh e iad.

9 Chrùb e, huidh e sìos mar lèomhan, agus mar lèomhan mòr: cò 'dhùisgeas suas e? Is beannaichte gach neach a bheannaicheas thusa, agus is mallaichte gach neach a mhallaicheas thu.

10 Agus las corruich Bhalaic an aghaidh Bhalaa, agus bhuaile e 'bhasan air a chèile: agus thubhairt Balac ri Balaam, A mhall-achadh mo naimhdean ghairm mi thu, agus, feuch, da rìreadh bheannaich thu iad ua tri uairean so.

11 Uime sin teich a nis do d' àite féin: shaoil mi d'ardachadh gu h-inbhe mhòir, ach, feuch, chum an Tighearn air d'ais thu o inbhe.

12 Agus thubhairt Balaam ri Balac, Nach do labhair mi eadhon ri d' theachdairibh, a chuir thu a m' ionnsuidh, ag ràdh,

13 Ged a bheireadh Balac dhomhsa làn a thighe dh'airgid agus a dh'òr, cha b'urrainn mi dol thar àithne an Tighearna, a dheanamh maith no uile o m'intinn féin: ach ge b'e ni a their an Tighearn, sin labhraidh mise?

14 Agus a nis, feuch, tha mi 'dol a dh'ionnsuidh mo dhaoine féin: thig uime sin, bheir mi rabhadh dhuit, ciod a ni 'n sluagh so air do shluaghsa ams na làithibh deir-oannach.

15 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùilean dùinte;

16 Thubhairt esan a chuala briathran Dhé, agus d'an aithne eòlas an Ti 's ro-àirde, a chunnaic taisbeanadh an Uile-chumhach-daich, a' tuiteam agus a shùilean air am fosgladh:

17 Chi mi e, ach ni h-ann a nis; amhaireidh mi air, ach ni h-ann am fagus: thig reul a mach á Jacob, agus éiridh slat rìoghail, á h-Israel, agus buailidh i oisinnan Mhoibh, agus cuiridh i as do chloinn Shet uile.

18 Agus bithidh Edom 'n a sheilbh, bithidh Seir mar an ceudna 'n a sheilbh aig a naimhaidibh, agus ni Israel gaisge,

19 A mach á Jacob thig esan a bhitheas 'n a nachdaran, agus sgriosaidh e 'n ti a mhair-eas de'n bhaile mhòr.

20 Agus au uair a dh'amhaire e air Amalec, thog-e suas a chosamhlachd, agus thubhairt e, Tùs nan cinneach Amalec, ach is e 'dheireadh bhi air a sgrios gu sìorruidh.

21 Agus dh'amhaire e air na Cenich; agus thog e suas a chosamhlachd, agus thubhairt e, Is làidir d'áite-còmhuidh, agus tha thu 'cur do mid ann an carraig:

22 Gidheadh, fàsaichear na Cenich, gus an toir Asur leis thu ann am braigheanas.

23 Agus thog e suas a chosamhlachd, agus thubhairt e, Mo thruaigh! cò 'bhitheas beò 'n uair a ni Dia sò?

24 Agus thig longan o iomall Chitim, agus ni iad ole air Asur, agus ni iad ole air Eber, agus sgriosar esan mar an ceudna gu bràth.

25 Agus dh'éirich Balaam suas, agus dh'fhalbh e, agus phill e d'a àite féin: agus dh'fhalbh Balac mar an ceudna air a shlighe féin.

CAIB. XXV.

1 *Striopachas agus iodhol-aoiridh chloinn Isracil.*

6 *Simri agus Cosbi air an marbhadh.*

A GUS dh'fhan Israel ann an Sitim, agus thòisich an sluagh air striopachas a dhcanamh le nigheanaibh Mhoibh.

2 Agus ghairm iad an sluagh gu iobairtibh an diathan: agus dh'ith an sluagh, agus chrom iad sìos d'an diathaibh.

3 Agus cheangail Israel e féin ri Baal-peor: agus las corruich an Tighearna an aghaidh Israel.

4 Agus thubhairt an Tighearn ri Maois, Glac cinn-fheadhna an t-sluaigh uile, agus croch suas iad an làthair an Tighearna fa chomhair na gréine, chum gu'n pill corruich gharg an Tighearn 'o Israel.

5 Agus thubhairt Maois ri breitheamh-naibh Isracil, Marbhaibh gach aon agaibh a dhaoine, a cheangail iad féin ri Baal-peor.

6 Agus, feuch, thàinig fear de chloinn Isracil, agus thug e elum a bhràithrean Ban-mhidianach, ann an sealladh Mhoais, agus ann an sealladh comhchruinneachaidh chloinn Isracil uile, agus iad a' gul aig dorus pàilliuim a' choimhthionail.

7 Agus an uair a chunnaic Phinehas mac Eleasair, mhic Aaroin an t-sagairt e, dh'éirich e agus o mheasg a' ehomhchruinneachaidh, agus ghabh e sleagh 'n a làimh;

8 Agus chaidh e 'n dèigh an duine de Israel a steach do'n bhùth, agus throimh-lot e iad le 'chéile, an duine de Israel, agus a' bhean troimh a broinn: mar siu choisgeadh a' phlàigh o chloinn Isracil.

9 Agus bhàsaich 's a' phlàigh ceithir mìle thar fhichead.

10 Agus labhair an Tighearn ri Maois, ag ràdh,

11 Phill Phinehas mac Eleasair, mhic

Aaroin an t-sagairt, mo chorruihl air falbh o chloinn Israeil, an uair a bha e ùd-mhor as mo leth 'n am measg, air chor as nach do chuir mi as do chloinn Israeil a'm' èud.

12 Air an aobhar sin abair, Feuch, bheir mise dha mo choimheangal sìthe:

13 Agus bithidh e aige, agus aig a shliochd 'n a dhèigh, *eadhon* coimheangal sagart-achd shiorruidh; a chionn gu'n robh e ùd-mhor as leth a Dhé, agus gu'n d'rinn e réite air son chloinn Israeil.

14 A nis *be* ainm an Israelich a mharbhadh, *eadhon* a mharbhadh maille ris a' Bhan-mhidianaich, Simri mac Shalu, ceannard prìomh thighe am measg nan Simeonach.

15 Agus *be* ainm na Ban-mhidianaich a mharbhadh, Cosbi nighean Shur; *bu* cheann cinnidh e, agus do phrìomh thigh ann am Midian.

16 Agus labhair an Tighearn ri Maois, ag ràdh,

17 Buin gu naimhdeil ris na Midianaich, agus buailibh iad:

18 Oir tha iadsan a' buntuinn gu naimhdeil ri bhe le'n as-inneachdaibh, leis an do mheall iad sibh ann an aobhar Pheoir, agus ann an aobhar Chosbi, nighinn ceannard do Mhidian, am peathar, a mharbhadh ann an là na plàighe ann an aobhar Pheoir.

CAIB. XXVI.

1 *Clann Israeil air an àireamh an dara uair.*

52 *Am fearann gu bhà air a roinn doibh le crannchur.* 64 *Caleb agus Iosua mhàin beò de na chaidh àireamh air tùs.*

A GUS tharladh an déigh na plàighe, gu'n do labhair an Tighearn ri Maois, agus ri Elcasar mac Aaroin an t-sagairt, ag ràdh,

2 Gabhaibh àireamh comhehruinneachaidh chloinn Israeil uile, o fhichead bliadhna dh'aois agus os a cheann, trid thighe an aithrichean, iadsan uile *a's urrainn* dol a mach gu cogadh ann an Israel.

3 Agus labhair Maois agus Elcasar an sagart riu ann an còmhnradaibh Mhoais, làmh ri Iordan *am fagus* do Iericho, ag ràdh,

4 *Gabhaibh àireamh an t-stuaigh*, o fhichead bliadhna dh'aois agus os a cheann; mar a dh'athn an Tighearn do Mhoais agus do chloinn Israeil, a chaidh a mach á tìr na h-Eiphit.

5 Reuben, am mac 'bu shìne aig Israel: clann Reubein; Hanoah, *o'm bheil* teaghlach nan Hanochach: o Phalu, teaghlach nam Paluthach:

6 O Hesron, teaghlach nan Hesronach: o Charni, teaghlach nan Carmach.

7 *Is* iad sin teaghlach nan Reubeneach: agus b'iadsan a chaidh àireamh dhiubh, dà fhichead agus trì mìle agus seachd ceud agus deich 'ar fhichead.

8 Agus mic Phalu; Eliab.

9 Agus mic Eliab; Nemuel, agus Datan, agus Abiram. *Is* iad so an Datan agus an t-Abiram *a bha* ainmeil 's a' chomhehruinn-cachadh, a rinn strì an aghaidh Mhoais agus an aghaidh Aaroin ann an cuideachd Chorah, 'n uair a rinn iad strì an aghaidh an Tighearna;

10 Agus dh'fhosgail an talamh a bheul, agus shluig e suas iad maille ri Corah, 'n uair a bhàsaich a' chuideachd sin, an uair a loisg an teine suas dà cheud agus leth-cheud fear: agus rinneadh iad 'n an comharadh.

11 Gidheadh, cha do bhàsaich clann Chorah.

12 Mic Shimeoin, a réir an teaghlach nan Nemuel, teaghlach nan Nemueach: o Iamin, teaghlach nan Iamineach: o Iachin, teaghlach nan Iachineach:

13 O Sherah, teaghlach nan Sarhach: o Shaul, teaghlach nan Saulach.

14 *Is* iad sin teaghlach nan Simconach, fichead agus dà mhìle agus dà cheud.

15 Clann Ghad, a réir an teaghlach nan Slepheon, teaghlach nan Sephonach: o Hagi, teaghlach nan Hagitheach: o Shuni, teaghlach nan Sunitheach:

16 O Osni, teaghlach nan Osnitheach: o Eri, teaghlach nan Eritheach:

17 O Arod, teaghlach nan Arodach: o Areli, teaghlach nan Arelitheach.

18 *Is* iad sin teaghlach nan chloinn Ghad, a réir na chaidh àireamh dhiubh, dà fhichead mìle agus cùig ceud.

19 *B'iad* mic Iudah, Er agus Onan: agus fhuair Er agus Onan bàs ann an tìr Chanaain.

20 Agus b'iad mic Iudah, a réir an teaghlach nan Osherah, teaghlach nan Oshlach: o Pharets, teaghlach nam Pharetsach: o Sherah, teaghlach nan Sarhach:

21 Agus b'iad mic Pharets; o Hesron, teaghlach nan Hesronach: o Hamul, teaghlach nan Hamulach.

22 *Is* iad sin teaghlach nan Iudah, a réir na chaidh àireamh dhiubh, trì fhichead agus sè mìle deug, agus cùig ceud.

23 De mhic Isachair, a réir an teaghlach nan Otholach, teaghlach nan Tolahach: o Phua, teaghlach nam Punach:

24 O Iasub, teaghlach nan Iasubach: o Shimron, teaghlach nan Simronach.

25 *Is* iad sin teaghlach nan Isachair, a réir na chaidh àireamh dhiubh, trì fhichead agus ceithir mìle agus trì cheud.

26 De mhic Shebuluin, a réir an teaghlach nan Oshered, teaghlach nan Sardach: o Elon, teaghlach nan Elonach: o Iahleel, teaghlach nan Iahleleach.

27 *Is* iad sin teaghlach nan Sebulunach, a réir na chaidh àireamh dhiubh, trì fhichead mìle agus cùig ceud.

28 *B'iad* mic Ioseph, a réir an teaghlach nan Manasach agus Ephraim.

29 De mhic Mhanasch: o Mhachir, teaghlach nam Machireach; agus ghin Machir Gilead: o Ghilead *thàinig* teaghlach nan Gileadach.

30 *Is* iad so mic Ghilead: o Ieser, teaghlach nan Iesereach: o Helee, teaghlach nan Heleceach:

31 Agus o Asriel, teaghlach nan Asrieleach: agus o Shechem, teaghlach nan Sechem-each:

32 Agus o Shemida, teaghlach nan Semid-each: agus o Hephher, teaghlach nan Hephher-each.

33 Agus cha robh aig Selophehad mac Shepheir mic sam bith, ach nigheanan: agus *b'i ad* ainmean nigheanan Shelophehaid, Mahla, agus Noah, Hoglah, Milcah, agus Tirshah.

34 *Is* iad sin teaghlaichean Mhanasch, agus iadsan a chaidh àireamh dhiubh, leth-cheud agus dà mhìle, agus seachd ceud.

35 *Is* iad so mic Ephraim, a réir an teaghlaichean: o Shutelah, teaghlach nan Sutel-each: o Bhecher, teaghlach nan Bechereach: o Thahan, teaghlach nan Tahanach.

36 Agus *is* iad so mic Shutelah: o Eran, teaghlach nan Eranach.

37 *Is* iad sin teaghlaichean mhac Ephraim, a réir na chaidh àireamh dhiubh, dà mhìle dheug 'ar fhichead agus cùig ceud. *Is* iad sin mic Ioseiph a réir an teaghlaichean.

38 Mic Bheniamin, a réir an teaghlaichean: o Bhelah, teaghlach nam Belahach: o Asbel, teaghlach nan Asbeleach: o Ahiram, teaghlach nan Ahiramach:

39 O Shupham, teaghlach nan Suphamach: o Hupham, teaghlach nan Huphamach.

40 Agus *b'i ad* mic Bhelah Ard agus Naaman: o *Ard*, teaghlach nan Ardach: agus o Naaman, teaghlach nan Naamanach.

41 *Is* iad sin mic Bheniamin, a réir an teaghlaichean: agus *b'i ad*san a chaidh àireamh dhiubh, dà fhichead agus cùig mìle agus sè ceud.

42 *Is* iad so mic Dhan, a réir an teaghlaichean: o Shuham, teaghlach nan Suhamach. *Is* iad so teaghlaichean Dhan, a réir an teaghlaichean.

43 *B'i ad* teaghlaichean nan Suhamach uile, a réir na chaidh àireamh dhiubh, trì fichead agus ceithir mìle agus ceithir cheud.

44 De chloinn Aseir, a réir an teaghlaichean: o Iimna, teaghlach nan Iimmathach: o Iesui, teaghlach nan Iesuiteach: o Bheriah, teaghlach nam Beritheach.

45 De mhic Bheriah: o Heber, teaghlach nan Hebereach: o Mhalchiel, teaghlach nam Malchieleach.

46 Agus *b'e* ainm nighinn Aseir, Sarah.

47 *Is* iad sin teaghlaichean mhac Aseir, a réir na chaidh àireamh dhiubh, leth-cheud agus trì mìle agus ceithir cheud

48 De mhic Naphtali, a réir an teaghlaichean: o Iahseel, teaghlach nan Iahseeleach: o Ghuni, teaghlach nan Gunitheach:

49 O Ieser, teaghlach nan Iesereach: o Shillem, teaghlach nan Sillemeach.

50 *Is* iad sin teaghlaichean Naphtali, a réir an teaghlaichean: agus *b'i ad*san a chaidh àireamh dhiubh, dà fhichead agus cùig mìle, agus ceithir cheud.

51 *B'i ad* sin iadsan a chaidh àireamh de chloinn Israeil, sè ceud mìle agus aon mhìle, seachd ceud agus deich 'ar fhichead.

52 Agus labhair an Tighearn ri Maois, ag ràdh,

53 Dhoibh sin roinnear am fearann mar oighreachd, a réir àireimh nan ainm.

54 Do mhòran bheir thu nì's mò dh'oighreachd, agus do bheagan bheir thu nì's lugha dh'oighreachd: bheirear oighreachd fèin do gach aon, a réir an àireimh.

55 Gidheadh, roinnearam fearann le crann-chur: a réir ainmean threubhan an aithrich-ean gheibh iad an oighreachd.

56 A réir a' chramchuir roinnear a shealbh cadar mhòran agus bheagan.

57 Agus *is* iad so iadsan a chaidh àireamh de na Lebhitich, a réir an teaghlaichean: o Gherson, teaghlach nan Gersonach: o Chohat, teaghlach nan Cohatach: o Mherari, teaghlach nam Meraritheach.

58 *Is* iad so teaghlaichean nan Lebhitheach: teaghlach nan Libnitheach, teaghlach nan Hebronach, teaghlach nan Mahlahach, teaghlach nam Muistheach, teaghlach nam Corahach: agus ghin Cohat Amram.

59 Agus *b'e* ainm mnà Amram Iochebed, nighean Lebli, a rug a *màthair* do Lebli 's an Eipht: agus rug i do Amram, Aaron, agus Maois, agus Miriam am piuthar.

60 Agus do Aaron rugadh Nadab agus Abihu, Eleasar agus Itamar.

61 Agus fhuair Nadab agus Abihu bàs, an uair a thug iad suas teine coimheach an làthair an Tighearna.

62 Agus *b'i ad*san a chaidh àireamh dhiubh, fichead agus trì mìle, fìrionnaich uile o mhìos a dh'aois agus os a cheann; oir cha deachaidh an àireamh ann measg chloinn Israeil, a chionn nach d'thugadh oighreachd dhoibh ann measg chloinn Israeil.

63 *Is* iad sin iadsan a chaidh àireamh le Maois agus Eleasar an sagart, a rinn clann Israeil àireamh ann an comhwardaibh Mhoais, làimh ri Iordan *an fagus do* Iericho.

64 Ach 'n am measg sin cha robh aon duine dhiubhsan a rinn Maois agus Aaron an sagart àireamh, an uair a rinn iad àireamh air clann Israeil ann am fasach Shinai:

65 Oir thubhairt an Tighearn umpasan, Gheibh iad gu deimhin bàs auns an fhàsach. Agus cha d'fhàgadh duine dhiubh, saor e Chaleb mac Iephuneh, agus Iosua mac Nuin.

CAIB. XXVII.

1 An lagh a thaobh oighreachdan chloinn Israeil, 12 Fhuair Maois fios a bhàis, 15 agus ghuidh e air an Tighearn gu'n cuirteadh e duine ionchuidh os ceann a' chomhchruinneachaidh 'n a àite: 18 dh'ordnich ean dha Iosua mac Nuin a ghabhail, agus a chur air leth chum na crìche sin.

A N sin thàinig nigheanan Shelopheaid, mhic Hephair, mhic Ghilead, mhic Mhachir, mhic Mhanasch, de theaghlachibh Mhanasch mhic Ioseph: agus is iad so ainmean a nigheanan, Mahlah, Noah, agus Hoglah, agus Milcah, agus Tirsah.

2 Agus sheas iad an làthair Mhaois, agus an làthair Eleasair an t-sagairt, agus an làthair nan ceannard, agus a' chomhchruinneachaidh uile, làmh ri dorus pàillhuin a' choinhthionail, ag ràdh,

3 Dh'eng ar n-athair anns an fhàsach, agus cha robh e ann an cuideachd na muinntir a chruinnich iad fèin r'a chèile an aghaidh an Tighearna ann an cuideachd Chorah, ach dh'eng e 'n a pheacadh fèin; agus eha robh mic sam bith aige.

4 Car son a chaillear ainm ar n-athar o mheasg a theaghlach, a chionn nach 'eil mac aige? Thugaibh dhuinn uime sin seallb am measg bhràithrean ar n-athar.

5 Agus thug Maois an cùis an làthair an Tighearna.

6 Agus labhair an Tighearn ri Maois, ag ràdh,

7 Labhair nigheanan Shelopheaid gu ceart: bheir thu dhoibh gu cinnteach seallb oighreachd am measg bhràithrean an athar; agus bheir thu fainear gu'n tig oighreachd an athar d'an ionnsuidh.

8 Agus labhraidh tu ri cloinn Israeil, ag ràdh, Ma gheibh duine bàs, agus gun mhac aige, an sin bheir sibh fainear gu'n tig 'oighreachd-san chum a nighinn.

9 Agus mur bi nighean aige, an sin bheir sibh 'oighreachd d'a bhràithribh.

10 Agus mur bi bràithrean aige, an sin bheir sibh 'oighreachd do bhràithribh 'athar.

11 Agus mur bi bràithrean aig 'athair, an sin bheir sibh 'oighreachd d'a fhear-dàimh a's faigse dha d'a theaghlach, agus seallb-aichidh e i: agus bithidh e do chloinn Israeil 'n a reachd breitheanais, mar a dh'àithn an Tighearn do Mhaois.

12 Agus thubhairt an Tighearn ri Maois, Imich suas do'n t-sliabh so Abarim, agus gabh sealladh de'n fhearann a thug mise do chloinn Israeil.

13 Agus an uair a chi thu e, cruinnichear thusa mar an ceudna chum do dhaoine, mar a chrùinnicheadh Aaron do bhràthair,

14 A chionn gu'n d'rinn sibh ceannaire an aghaidh m'àithne-sa ann am fàsach Shin, ann an comhstr a' chomhchruinneachaidh, agus nach do naomhaich sibh mi aig an uisge

ann an sealladh an sùl: is e sin uisge Mheribah ann an Cades, ann am fàsach Shin.

15 Agus labhair Maois ris an Tighearn, ag ràdh,

16 Cuireadh an Tighearn, Dia spiorad na h-uile fheòla, duine os ceann a' chomhchruinneachaidh,

17 A thèid a mach rompa, agus a thig a steach rompa, agus a thèoraicheas a migh iad, agus a bheir a stigh iad; a chum nach bi comhchruinneachadh an Tighearna mar chaoraich aig nach 'eil buachaille.

18 Agus thubhairt an Tighearn ri Maois, Gabh a d'ionnsuidh Iosua mac Nuin, duine anns am bheil an spiorad, agus cuir do làmh air.

19 Agus cuir e an làthair Eleasair an t-sagairt, agus an làthair a' chomhchruinneachaidh uile; agus thair àithne dha 'n am fianais.

20 Agus cuiridh tu cuid de d'urram air, a chum gu'm bi comhchruinneachadh chloinn Israeil uile ùmhal dha.

21 Agus seasaidh e 'n làthair Eleasair an t-sagairt, a dh'iarraas comhairl' air a shon, a réir breitheanais na h-Urim an làthair an Tighearna: air 'fhocal-san thèid iad a mach, agus air 'fhocal thig iad a steach, e fèin agus clann Israeil uile maille ris, eadhon an comhchruinneachadh uile.

22 Agus rinn Maois mar a dh'àithn an Tighearn dha; agus ghabh e Iosua, agus chur e 'n làthair Eleasair an t-sagairt e, agus an làthair a' chomhchruinneachaidh uile.

23 Agus chuir e a làmhnan air, agus thug e àithne dha, mar a labhair an Tighearn le làmh Mhaois.

CAIB. XXVIII.

Mu thabhartas an agus iobairtean àraidh, gu bhith air an toirt seachad 'n an àm sìudhichte.

A GUS labhair an Tighearn ri Maois, ag ràdh,

2 Aithn do chloinn Israeil, agus abair riu, Mo thabhartas, agus m'aran air son m'io-bairtean a bheir suas le teine chum faile chùbhraidh dhomh, bheir sibh an aire gu'n toir sibh seachad dhomhsa 'n an àm ionchuidh fèin.

3 Agus their thu riu, Is e so an tabhartas a bheir suas le teine, a bheir sibh seachad do'n Tighearn; dà uan de'n cheud bliadhna gun ghaoid gach là, chum iobairt-loisgte gnàthaichte.

4 Aon uan bheir thu seachad 's a' mhad-uinn, agus an t-uann eile bheir thu seachad air feasgar;

5 Agus an deicheamh earrann de ephah phlùir mar thabhartas-bidh, measgta leis a' cheathramh earrann de hin a dh'olaidh bhrùite.

6 Is iobairt-loisgte ghnàthaichte a th'ann, a dh'orduicheadh ann an sliabh Shinaì chum

fàile chùbhraidh, ìobairt a bheirear suas le teine do'n Tighearn.

7 Agus *is i* a tabhartas-dibhe an ceathramh earrann de hin air son aon uain: anns an ionad naomh bheir thu fainear fion làidir a dhòrtadh do'n Tighearn mar thabhartas-dibhe.

8 Agus an t-uain eile bheir thu seachad air feasgar: mar thabhartas-bidh na maidne, agus mar a tabhartas-dibhe, bheir thu seachad *e*, ìobairt a bheirear suas le teine, a dh'fhàile cùbhraidh do'n Tighearn.

9 Agus air là na sàbaid, dà uan de'n cheud bhliadhna gun ghaoid, agus dà dheicheamh earrann phlùir measgta le h-olaidh mar thabhartas-bidh, agus a tabhartas-dibhe.

10 *Is e so* ìobairt-loisgte gach sàbaid, a thuilleadh air an ìobairt-loisgte ghnàthaichte, agus a tabhartas-dibhe.

11 Agus ann 'an toiseach bhur mìos bheir sibh seachad *chum* ìobairt-loisgte do'n Tighearn, dà tharbh òg, agus aon reithe, seachd uain de'n cheud bhliadhna gun ghaoid,

12 Agus tri deicheamh earrannan phlùir measgta le h-olaidh mar thabhartas-bidh air son gach tairbh, agus dà dheicheamh earrann phlùir measgta le h-olaidh mar thabhartas-bidh air son gach reithe;

13 Agus aon deicheamh earrann phlùir air leth measgta le h-olaidh mar thabhartas-bidh air son gach uain, *chum* ìobairt-loisgte deadh fhàile, ìobairt a bheirear suas le teine do'n Tighearn.

14 Agus *mar* an tabhartas-dibhe bithidh leth hin de fhion air son tairbh, agus an treas earrann de hin air son reithe, agus an ceathramh earrann de hin air son uain: *is i so* ìobairt-loisgte gach mìosa air feadh mhìosan na bliadhna.

15 Agus ìobrar aon mheann de na gabhraibh mar ìobairt-pheacaidh do'n Tighearn, a thuilleadh air an ìobairt-loisgte ghnàthaichte, agus a tabhartas-dibhe.

16 Agus air a' cheathramh là deug de'n cheud mhìos *tha* càisg an Tighearna.

17 Agus air a' chùigeamh là deug de'n mhìos so *tha* 'n fhéill: seachd làithean ithcar aran neo-ghoirtiche.

18 Air a' cheud là *bithidh* comhghairm naomh; obair thràilleil sam bith cha dean sibh air:

19 Ach bheir sibh seachad a *chum* ìobairt a bheirear suas le teine, mar ìobairt-loisgte do'n Tighearn, dà tharbh òg, agus aon reithe, agus seachd uain de'n cheud bhliadhna: gun ghaoid bithidh iad duibh.

20 Agus bithidh an tabhartas-bidh de phlùir measgta le h-olaidh: tri deicheamh earrannan bheir sibh seachad air son tairbh, agus dà dheicheamh earrann air son reithe.

21 Deicheamh earrann air leth bheir thu

seachad air son gach uain, air feadh nan seachd uain:

22 Agus aon bhoc-gaibhre *chum* ìobairt-pheacaidh, a dheanamh réite air bhur son.

23 Iobraidh sibh iad sin a thuilleadh air an ìobairt-loisgte 's a' mhaduinn, a *tha* mar ìobairt-loisgte ghnàthaichte.

24 Mar so bheir sibh seachad gach là air feadh nan seachd làithean, biadh na h-ìobairt a bheirear suas le teine, *chum* fàile chùbhraidh do'n Tighearn: bheirear seachad e thuilleadh air an ìobairt-loisgte ghnàthaichte, agus a tabhartas-dibhe.

25 Agus air an t-seachdamh là bithidh comhghairm naomh agaibh; obair thràilleil sam bith cha dean sibh air.

26 Mar an ceudna air là na ceud thoradh, 'n uair a bheir sibh seachad tabhartas-bidh nuadh do'n Tighearn, aig ceann bhur seachd-ùinean, bithidh comhghairm naomh agaibh; obair thràilleil sam bith cha dean sibh:

27 Ach bheir sibh seachad mar ìobairt-loisgte, *chum* fàile chùbhraidh do'n Tighearn, dà tharbh òg, aon reithe, seachd uain de'n cheud bhliadhna;

28 Agus an tabhartas-bidh de phlùir measgta le h-olaidh, tri deicheamh earrannan air son gach tairbh, dà dheicheamh earrann air son gach reithe,

29 Deicheamh earrann air leth air son gach uain, air feadh nan seachd uain;

30 Agus aon mheann de na gabhraibh, a dheanamh réite air bhur son.

31 Iobraidh sibh *iad* a thuilleadh air an ìobairt-loisgte ghnàthaichte, agus a tabhartas-bidh, (gun ghaoid bithidh iad duibh,) agus an tabhartasan-dibhe.

CAIB. XXIX.

1 An ìobairt-loisgte gu bhà air a toirt seachad air latha séididh nan trompaid, 7 air latha cràidhaidh an anamanna, 12 agus air oched làitheibh féille nam pàillion.

A GUS anns an t-seachdamh mìos, air a' cheud là de'n mhìos, bithidh comhghairm naomh agaibh; obair thràilleil sam bith cha dean sibh: is là séididh nan trompaid dhuibh e.

2 Agus bheir sibh seachad mar ìobairt-loisgte, *chum* fàile cùbhraidh do'n Tighearn, aon tarbh òg, aon reithe, agus seachd uain de'n cheud bhliadhna gun ghaoid:

3 Agus *bithidh* an tabhartas-bidh de phlùir measgta le h-olaidh, tri deicheamh earrannan air son tairbh, agus dà dheicheamh earrann air son reithe,

4 Agus aon deicheamh earrann air son gach uain, air feadh nan seachd uain;

5 Agus aon mheann de na gabhraibh *chum* ìobairt-pheacaidh, a dheanamh réite air bhur son:

6 A thuilleadh air ìobairt-loisgte a' mhìosa, agus a tabhartas-bidh, agus an ìobairt-loisgte ghnàthaichte, agus a tabhartas-bidh, agus an tabhartasan-dibhe, a réir an gnàtha,

chum faile cùbhraidh, ìobairt a bhicear suas le teine do'n Tighearn.

7 Agus bithidh agaibh air an deicheamh là den t-seachdamh mìos so comhghairm naomh: agus cràdhaidh sibh bhur n-anaman: obair sam bith cha dean sibh air.

8 Ach bheir sibh seachad *chum* ìobairt-loisgte do'n Tighearn a dh'fhàile cùbhraidh, aon tarbh òg, aon reithe, agus seachd uain de'n cheud bhliadhna; gun ghaoid bithidh iad duibh.

9 Agus *bithidh* an tabhartas-bidh de phlùr measgta-leh-olaidh, trì deicheamh earrannan air son gach tairbh, agus dà dheicheamh carrann air son gach reithe,

10 Deicheamh carrann air leth air son gach uain, air feadh nan seachd uan;

11 Aon mheam de na gabhraidh *chum* ìobairt-pheacaidh, a thuilleadh air ìobairt-pheacaidh na réite, agus an ìobairt-loisgte ghnàthaichte, agus a tabhartas-bidh, agus an tabhartasan-dibhe.

12 Agus air a' chùigeamh là deug de'n t-seachdamh mìos, bithidh comhghairm naomh agaibh; obair thràilleil sam bith cha dean sibh; agus gleidhidh sibh féill do'n Tighearn seachd làithean.

13 Agus bheir sibh seachad *chum* ìobairt-loisgte, ìobairt a bhicear suas le teine, a dh'fhàile cùbhraidh do'n Tighearn, trì tairbh dheug òga, dà reithe, agus ceithir uain deug de'n cheud bhliadhna; gun ghaoid bithidh iad.

14 Agus *bithidh* an tabhartas-bidh de phlùr measgta le h-olaidh, trì deicheamh carrannan air son gach tairbh de na trì tairbh dheug, dà dheicheamh carrann air son gach reithe de'n dà reithe,

15 Agus deicheamh earrann air leth air son gach uain de na ceithir uain deug;

16 Agus aon mheam de na gabhraidh *chum* ìobairt-pheacaidh, a thuilleadh air an ìobairt-loisgte ghnàthaichte, a tabhartas-bidh, agus a tabhartas-dibhe.

17 Agus air an dara là bheir sibh seachad dà tharbh dheug òg, dà reithe, ceithir uain deug de'n cheud bhliadhna gun ghaoid:

18 Agus *bithidh* an tabhartas-bidh, agus an tabhartasan-dibhe air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

19 Agus aon mheam de na gabhraidh *chum* ìobairt-pheacaidh, a thuilleadh air an ìobairt-loisgte ghnàthaichte, agus a tabhartas-bidh, agus an tabhartasan-dibhe.

20 Agus air an treas là aon tarbh deug, dà reithe, ceithir uain deug de'n cheud bhliadhna gun ghaoid:

21 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

22 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte

ghnàthaichte, agus a tabhartas-bidh, agus a tabhartas-dibhe.

23 Agus air a' cheathramh là deich tairbh, dà reithe, agus ceithir uain deug de'n cheud bhliadhna gun ghaoid:

24 *Bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

25 Agus aon mheam de na gabhraidh *chum* ìobairt-pheacaidh, a thuilleadh air an ìobairt-loisgte ghnàthaichte, a tabhartas-bidh, agus a tabhartas-dibhe.

26 Agus air a' chùigeamh là naoi tairbh, dà reithe, agus ceithir uain deug de'n cheud bhliadhna gun ghaoid:

27 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha.

28 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte ghnàthaichte, agus a tabhartas-bidh, agus a tabhartas-dibhe.

29 Agus air an t-seathamh là ochd tairbh, dà reithe, agus ceithir uain deug de'n cheud bhliadhna gun ghaoid:

30 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

31 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte ghnàthaichte, a tabhartas-bidh, agus a tabhartas-dibhe.

32 Agus air an t-seachdamh là seachd tairbh, dà reithe, agus ceithir uain deug de'n cheud bhliadhna gun ghaoid:

33 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha;

34 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte ghnàthaichte, a tabhartas-bidh, agus a tabhartas-dibhe.

35 Agus air an ochdamh là bithidh àrd choimhthional agaibh: obair thràilleil sam bith cha dean sibh air:

36 Ach bheir sibh seachad *chum* ìobairt-loisgte, ìobairt a bhicear suas le teine, a dh'fhàile cùbhraidh do'n Tighearn, aon tarbh, aon reithe, seachd uain de'n cheud bhliadhna gun ghaoid:

37 *Bithidh* an tabhartas-bidh, agus an tabhartasan-dibhe, air son nan tairbh, air son an reithe, agus air son nan uan, a réir an àireimh, a réir a' ghnàtha;

38 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte ghnàthaichte, agus a tabhartas-bidh, agus a tabhartas-dibhe.

39 Na nithean sin ni sibh do'n Tighearn 'n ur féillibh suidhichte, thuilleadh air bhur

bhòidibh, agus bhur tabhartasan saor-thoile, air son bhur n-iobairtean-loisgte, agus air son bhur tabhartasan-bidh, agus air son bhur tabhartasan-dibhe, agus air son bhur tabhartasan-sith.

40 Agus dh'innis Maois do chloinn Israeil a réir gach ni a dh'àithu au Tighearn do Mhaois.

CAIB. XXX.

1 *Cha-n fheadh bòidean a bhi air am brisradh. 9 Mu bhòid bantraich, agus mnà a dheal-aicheadh r'a fearpòsda.*

AGUS labhair Maois ri ceannardan nan treubh a thaobh ehloinn Israeil, ag ràdh, *Is e so an ni a dh'àithn an Tighearn. 2* Ma bhòidicheas duine bòid do'n Tighearn, no ma mhionnaicheas e mionnan a cheangal 'anama le ceangal, cha bhris c'fhocal; a réir gach ni a thig a mach as a bheul, uie.

3 Mar an ceudna ma bhòidicheas bean bòid do'n Tighearn, agus gu'n ceangail si i *rèin* le ceangal, agus i ann an tigh a h-athar 'n a h-òige;

4 Agus gu'n cluinn a h-athair a bòid, agus a ceangal leis an do cheangail i a h-anam, agus gu'm fan a h-athair 'n a thosd r'i, an sin seasaidh a bòidean uile, agus seasaidh gach ceangal leis an do cheangail i a h-anam.

5 Ach ma chuireas a h-athair 'n a h-aghaidh 's an là anns an cluinn e, cha seas aon d'a bhòidibh, no d'a ceanglaichibh, leis an do cheangail i a h-anam; agus maithidh an Tighearn dh'i, a chionn gu'n do chuir a h-athair 'n a h-aghaidh.

6 Agus ma bha idir fear-pòsda aice 'n uair a bha bòidean oirre, no 'n uair a labhair i ui as a beul, leis an do cheangail i a h-anam,

7 Agus gu'n eual' a fear e, agus gu'n d'fhan e 'n a thosd rithe 's an là anns an eual' e i; an sin seasaidh a bòidean, agus seasaidh a ceanglaichean leis an do cheangail i a h-anam.

8 Ach ma chuireas a fear-pòsda 'n a h-aghaidh 's an là anns an eluinn e i, an sin bheir e gu neò-bhrìgh a bòid a bhòidich i, agus an ui a labhair i le 'bilibh, leis an do cheangail i a h-anam; agus bheir an Tighearn maitheanas dh'i.

9 Ach gach bòid bantraich, agus mnatha dealaichte, leis an do cheangail i a h-anam, seasaidh i 'n a h-aghaidh.

10 Agus ma bhòidich i ann an tigh a fir, no ma cheangail i a h-anam le ceangal maille ri mionnaibh,

11 Agus gu'n eual' a fear e, agus gu'n d'fhan e 'n a thosd rithe, agus nach do ehuir e 'n a h-aghaidh; an sin seasaidh a bòidean uile, agus seasaidh gach ceangal leis an do cheangail i a h-anam.

12 Ach ma chuir a fear gu tur air chùl iad 's an là anns an eual' e iad, an sin ge

b'e ni a thàinig a mach as a beul a thaobh a bòidean, no thaobh ceangail a h-anama, cha seas e: chuir a fear air chùl iad, agus bheir an Tighearn maitheanas d'i.

13 Na bòidean, agus na mionnan sin uile a eheanglas a chum an t-anam a chràdh, feudaidh a fear an daingneachadh, no feudaidh a fear an cur air chùl.

14 Ach ma dh'fhanas a fear gu tur 'n a thosd rithe, o là gu là; an sin tha e a' daingneachadh a bòidean uile, no a ceanglaichean uile, a tha oirre: tha e g'an deanann seasmhach, a chionn gu'n d'fhan e 'n a thosd rithe 's au là anns an eual' e iad.

15 Ach ma chuireas e air chor sam bith air chùl iad, an déigh dha 'n cluinntinn; an sin giùlainidh e a h-aghaidh acaid-sa.

16 *Is iad sin na reachdan a dh'àithn an Tighearn do Mhaois, eadar duine agus a bhean, eadar athair agus a nighean, agus i fathast 'n a h-òige ann an tigh a h-athar.*

CAIB. XXXI.

1 *Chreachadh na Midianaich, agus mharbhadh Balaam. 14 Bha corruich air Maois ris na ceannardair, a chionn gu'n do ghlèidh iad na mnathan beò.*

AGUS labhair an Tighearn ri Maois, ag ràdh,

2 Dìol clann Israeil air na Midianaich; 'n a dhéigh sin cruinniehear chum do dhaoine thu.

3 Agus labhair Maois ris an t-sluagh, ag ràdh, Raeadh cuid dibh fo'n armaibh chum a' chogaidh, agus imicheadh iad a chogadh au aghaidh nam Midianaeh, agus dìoladh iad an Tighearn air Midian.

4 Cuiridh sibh mìle de gach tréibh, air feadh uile threubhan Israeil, chum a' chogaidh.

5 Mar sin thugadh a mach á mìltibh Israeil, mìle de gach tréibh, dà mhìle dhecug armaichte chum cogaidh.

6 Agus chuir Maois iad a ehum a' chogaidh, mìle de gach tréibh, iadsan agus Phineas mac Eleasair an t-sagairt, a chum a' chogaidh, leis na h-innealaibh uamha 'n a Ràimh, agus na trompaidean gu séideadh.

7 Agus chog iad an aghaidh nam Midianaeh, mar a dh'àithn an Tighearn do Mhaois; agus mharbh iad na firionnaich uile.

8 Agus mharbh iad rìghrean Mhidiain, a thuilleadh air a' chuid cile dhiubh a mharbhadh; eadhon Ebhi, agus Recem, agus Sur, agus Hur, agus Reba, èig rìghrean Mhidiain: Balaam mac Bheoir mar an ceudna mharbh iad leis a' chlaidheamh.

9 Agus thug clann Israeil leo mnathan Mhidiain 'n am braighdibh, agus an clann bheag, agus thug iad leo creach an spréidh uile, agus an treudan uile, agus am maoin uile.

10 Agus loisg iad am bailtean uile anns an robh iad a chòmhnuidh, agus an dùin nìle le tèine.

11 Agus thug iad leo a' chreach uile, agus an cobhartach uile, eadar dhaoine agus ainmhidhean.

12 Agus thug iad na braighdean, agus a' chreach, agus an cobhartach, gu Maois agus Eleasar an sagart, agus gu comhchruinneachadh chloinn Israeil, a chum a' chainp aig còmhardaibh Mhoisib, a tha làimh ri Iordan *am fagus do Iericho*.

13 Agus chaidh Maois agus Eleasar an sagart, agus ecannardan a' chomhchruinneachaidh uile mach 'n an coimeamh au taobh a muigh de'n champ.

14 Agus bha corruich air Maois ri luchd-riaghlaidh an t-sluaigh, *ris* na ceannardaibh air mhìltibh, agus na ceannardaibh air cheudaibh, a thàinig o'n chogadh.

15 Agus thubhairt Maois riu, Au do ghleidh sibh na mnathan uile beò?

16 Feuch, thug iad sin air cloinn Israeil, le comhairle Bhalaaim, peacachadh an aghaidh an Tighearn' ann an aobhar Pheoir; agus bha plaigh air feadh comhchruinneachaidh an Tighearna.

17 A nis uime sin marbhaibh gach frionnach an measg na cloinne bige, agus marbhaibh gach beau d'am b'aithne fear le luidhe leis.

18 Ach a' chlann bhan uile do nach b'aithne fear le luidhe leis, gleidhibh beò dhuibh féin.

19 Agus fanaibhse an taobh a muigh de'n champ seachd làithean: ge b'e 'nharbh neach air bith, agus ge b'e 'bhean ri neach a nharbhadh, glanaibh sibh féin, agus bhur braighdean air an treas là, agus air an t-seachdamh là;

20 Agus glanaibh *bhur* n-eudach uile, agus gach ni a rinneadh de chroicnibh, agus gach obair de *fhionnadh* ghabhar, agus gach ni a rinneadh de fhiodh.

21 Agus thubhairt Eleasar an sagart ris na fir-chogaidh a chaidh a mach a dh'ionnsuidh a' chatha, *Is* e so ordugh au lagha a dh'athn an Tighearn do Mhaois:

22 A mhàin an t-òr, agus an t-airgid, an t-umha, an t-iarum, au staoin, agus au luaidh,

23 Gach ni a dh'fhuilgeas an teine, bheir sibh fainear e dhol troimh 'n teine, agus glanar e; gidheadh le uisge an sgaraidh glanar e: agus gach ui nach fulaing an teine, bheir sibh fainear e dhol troimh 'n uisge.

24 Agus nighidh sibh bhur n-eudach air an t-seachdamh là, agus bithidh sibh glan, agus 'n a dhéigh sin thig sibh a stigh do'n champ.

25 Agus labhair an Tighearn ri Maois, ag ràdh,

26 Gabh àireamh na creich' a thogadh, eadar dhuine agus ainmhidh, thu féin, agus Eleasar an sagart, agus prìomh aithrichean a' chomhchruinneachaidh;

27 Agus roinn a' chreach 'n a dà earrainn; eadar a' mhuinntir a ghabh an cogadh orra féin, a chaidh mach do'u chath, agus eadar an comhchruinneachadh uile:

28 Agus tog cìs do'n Tighearn o na fir-chogaidh, a chaidh mach do'n chath: aon anam á cùig ceud, *araon* de na daoineibh, agus de'n bhuar, agus de na h-asaillean, agus de na caoraich.

29 Gabh *e* as an leth-san, agus thoir *e* do Eleasar an sagart, *mar* thabhartas-togta do'n Tighearn.

30 Agus á leth chloinn Israeil, gabhaidh tu aon chuibhrionn á leth-cheud, de na daoineibh, de'n bhuar, de ua h-asaillean, agus de na treudaibh, de gach ainmhidh, agus bheir thu iad do na Lebhitich, a tha 'gleidheadh cùrainn pàilliuu an Tighearn'.

31 Agus rinn Maois agus Eleasar an sagart mar a dh'athu au Tighearn do Mhaois.

32 Agus b'e an cobhartach, *eadhon* a' chuid eile de'n chreich a ghlaic na fir-chogaidh, sè ceud mìle, agus deich is trì fichead mìle, agus cuig mìle caora,

33 Agus trì fichead agus dà mhìle dheug bò,

34 Agus trì fichead agus aon mhìle asal,

35 Agus dà mhìle dheug 'ar fhichead anam 's an iomlan, de mhuathau do uach b'aithne fear le luidhe leis.

36 Agus bha 'n leth a bu chuibhrionn doibhsan a chaidh mach a chum a' chogaidh, an am àireamh trì cheud mìle, agus seachd mìle deug 'ar fhichead agus cùig ceud caora;

37 Agus b'i cìs an Tighearna de na caoraich sè ceud agus trì fichead agus cùig deug.

38 Agus *b'iad* an buar sè mìle deug 'ar fhichead: dhiubh so *b'i* cìs au Tighearna trì fichead 's a dhà-dheug.

39 Agus bha deich mìle thar fhichead agus cùig ceud asail ann: dhiubh so *b'i* cìs an Tighearna trì fichead agus a h-aon.

40 Agus *b'iad* anaman nan daoine sè mìle deug: dhiubh so *b'i* cìs an Tighearna dà anam dheug 'ar fhichead.

41 Agus thug Maois a' chis, *eadhon* tabhartas-togta an Tighearn', do Eleasar an sagart, mar a dh'athu au Tighearn do Mhaois.

42 Agus de leth chloinn Israeil, a roinn Maois o'n luchd cogaidh,

43 (A nis *b'i* 'n leth a *bhuineadh* do'n chomhchruinneachadh, trì cheud mìle, agus seachd mìle deug 'ar fhichead agus cùig ceud caora,

44 Agus sè mìle deug 'ar fhichead bò,

45 Agus deich mìle thar fhichead asal agus cùig ceud,

46 Agus sè mìle deug anam.)

47 Eadhon de'n leth a *bhuineadh* do chloinn Israeil, ghabh Maois aon chuibh-

rionn á leth-cheud eadar dhuine agus ainmhidh, agus thug e iad do na Lebhithe, a bha 'gleidheadh cùraim pàilliuin an Tighearna, mar a dh'aitm an Tighearna do Mhaois.

48 Agus thàinig an luchd-riaghlaidh a bha os ceann mhiltèan an t-sluaigh, na ceannardan air mhiltibh, agus na ceannardan air cheudaibh, am fagus do Mhaois:

49 Agus thubhairt iad ri Maois, Ghabh do sheirbhìsich àireamh uam fear-cogaidh a tha fo' r làimh, agus cha-n'eil duine dhinn air chall.

50 Uime siu thug sinn tabhartas a chum an Tighearna, gach fear na fhuair e de sheudaibh òir, *eadhon* slabhraidhean, agus usgràichean, fàinnean, cluas-fhaillean, agus criosau, a dheanamh réite air son ar n-anaman an làthair an Tighearna.

51 Agus ghabh Maois agus Eleasar an sagart an t-òr uatha, uile 'n a sheudaibh oibrichte.

52 Agus b'e òr an tabhartais uile a thug iad seachad do'n Tighearn, o na ceannardaibh air mhiltibh, agus o na ceannardaibh air cheudaibh, sè mìle deug, seachd ceud agus leth-cheud secl.

53 (Oir ghabh na fir-chogaidh cobhartach, gach duine dha féin.)

54 Agus ghabh Maois agus Eleasar an sagart an t-òr o na ceannardaibh air mhiltibh, agus air cheudaibh, agus thug iad e gu pàilliu a' choimhthiouvail, mar chuimhneachan do chloinn Israeil an làthair an Tighearna.

CAIB. XXXII.

Dh'iarr clann Reubein agus clann Ghad seallbh 's an fhearann air an taobh an ear de Iordan.

ANIS bha aig cloinn Reubein agus cloinn Ghad ro iuhòran spréidhe: agus an uair a chunnaic iad fearann Iascir, agus fearann Ghileaid, feuch, *bha* 'n t-àit 'n a àit spréidhe:

2 Agus thàinig clann Ghad, agus clann Reubein, agus labhair iad ri Maois, agus ri Eleasar an sagart, agus ri uachdaranabha a' chomhchruinneachaidh ag ràdh,

3 Atarot, agus Dibou, agus Iaser, agus Nimrah, agus Hesbon, agus Elcalch, agus Sebam, agus Nebo, agus Beon;

4 *Eadhon* an dùthaich a bhuail an Tighearn roimh chomhchruinnachadh Israeil, 's fearann e air son spréidhe, agus tha spréidh aig do sheirbhìsich.

5 Uime sin, ars' iadsan, ma fhuair sinn deadh-ghean a'd' shealladh, thugar am fearann so do 'd' sheirbhìsich mar sheilbh, agus na toir sinn a null thar Iordan.

6 Agus thubhairt Maois ri cloinn Ghad, agus ri cloinn Reubein, An tèid blur bràithrean gu cogadh, agus an suidh sibhse an so?

7 Agus c'ar son a bheir sibh mimhisneach

do chridhe chloinn Israeil, a dhol a null do'n fhearann a thug an Tighearn dhoibh?

8 Mar so rinn blur n-aithrichean, 'n uair a chuir mi iad o Chades-barnea a dh'amhàre na tìre:

9 'N uair a chaidh iad suas gu gleann Escoil, agus a chunnaic iad am fearann, thug iad mimhisneach do chridhe chloinn Israeil, a chum nach rachadh iad a steach do'n fhearann a thug an Tighearn dhoibh.

10 Agus las corruich an Tighearna 's an àm sin féin, agus mhionnaich e, ag ràdh,

11 Gu cinnteach cha-n fhaic a h-aon de na daoibh a thàinig a uòs as an Eiphit, o fhichead bliadhna dh'aois agus os a cheann, am fearann a mhiomnaich mi do Abraham, do Isaac, agus do Jacob, a chionn nach do lean iad mi gu h-iomlan;

12 Saor o Chaleb mac Nuin: oir lean iadsan an Tighearn gu h-iomlan.

13 Agus las corruich an Tighearn' an aghaidh Israeil, agus chuir e air seacharan iad 's an fhàsach dà fhichead bliadhna, gus an deachaidh as do'n ghinealach siu uile a rinu olc 'an sealladh an Tighearn'.

14 Agus, feuch, tha sibhse air èirigh suas 'an àite blur n-aithrichean, gineal dlìoch dhaoine, a mheudachadh fathast mòr ehorruich an Tighearna ri h-Israel.

15 Oir ma thionndaidheas sibh air falbh o 'teantuin-san, fàgaidh e fathast uair eile 's an fhàsach iad, agus sgriosaidh sibh an sluagh so uile.

16 Agus thàinig iad am fagus da, agus thubhairt iad, Togaidh sinn cròidhean chaorach an so d'ar spréidh, agus bailtean d'ar cloinn bhlìg:

17 Ach théid sinn féin deas-armaichte roimh chloinn Israeil, gus an toir sinn iad d'au àite: agus mi ar clann bheag còmh-uaidh 's ua bailtibh daingnichte air sgàth luchd-àiteachaidh na tìre.

18 Cha phill sinn d'ar tighibh, gus an sealbhaich clann Israeil gach duine dhiubh 'oighreachd féin:

19 Oir cha sealbhaich sinne maille riu-san an taobh eile de Iordan, no thall o sin; a chionn gu'n do thuit ar n-oighreachd dhuinne air an taobh so de Iordan a làimh na h-àird an ear.

20 Agus thubhairt Maois riu, Ma ni sibh an ni so, ua théid sibh fo' n-armaibh roimh an Tighearn gu cogadh,

21 Agus gu'n téid sibh uile armaichte thar Iordan roimh an Tighearn, gus am fuadaich e mach a naimhdean as a làthair,

22 Agus gu'n caunsaichear am fearann 'am fianuis an Tighearna; 'n a dhéigh sin pillidh sibh, agus bithidh sibh neo-choirceach an làthair an Tighearn', agus an làthair Israeil, agus bithidh am fearann so 'n a sheilbh agaibh 'am fianuis an Tighearn'.

23 Ach nurr dean sibh mar so, feuch

pheacaich sibh an aghaidh an Tighearn'; agus bithibh cinuteach gu'm faigh bhur peacadh a mach sibh.

24 Togaibh bailtean d'ur cloinn bhig, agus cròidhean d'ur caoraich; agus deanaibh an nì a chaidh mach as bhur beul.

25 Agus labhair clann Ghad agus clann Reubein ri Maois, ag ràdh, Nì do sheirbhisich mar a tha mo thighearn ag àithneadh.

26 Bithidh ar clann bhacag, ar mnathan, ar treudan agus ar spréidh uile, an siu am am bailtibh Ghileaid;

27 Ach théid do sheirbhisich thairis, gach fear dhiubh armaichte chum cogaidh, roimh an Tighearn gu cath, mar a tha mo thighearn ag ràdh.

28 Agus thug Maois àithne d'an taobh do Eleasar an sagart, agus do Iosua mac Nuin, agus do phrìomh aithrichibh threubhan chloinn Israeil:

29 Agus thubhairt Maois riu, Ma théid clann Ghad, agus clanu Reubein a null maille ribh thar Iordan, gach fear *dhiubh* armaichte gu cath an làthair an Tighearn', agus gu'n ceannsaichear an tìr roimhibh, an sin bheir sibh dhoibh fearann Ghilead mar sheilbh:

30 Ach mur téid iad thairis maille ribh armaichte, bithidh seilbh aca 'n ur measg *vein* ann an tìr Chanaain.

31 Agus fhreagair clanu Ghad, agus clann Reubein, ag ràdh, Mar a thubhairt an Tighearn ri d' sheirbhisich, mar sin nì sinne.

32 Théid sinn a null armaichte roimh an Tighearn do thìr Chanaain, a chum gu'm *bi* scalbh ar n-oighreachd againn air an taobh so de Iordan.

33 Agus thug Maois dhoibh, *eadhon* do chloinn Ghad, agus do chloinn Reubein, agus do leth thréibh Mhanasch, mhic Ioseph, rioghachd Shilhoir rìgh nan Amorach, agus rioghachd Og rìgh Bhàsain, an tìr maille r'a bailtibh anns an crìochaibh, *eadhon* bailtean na dùthcha mu'n cuairt.

34 Agus thog clann Ghad Dibon, agus Atarot, agus Aroer,

35 Agus Atrot, Sophan, agus Iaser, agus Iogbehah,

36 Agus Bet-nimrah, agus Bet-haran, bailtean daingnichte; agus cròidhean air son chaorach.

37 Agus thog clann Reubein Hesbon, agus Elealeh, agus Giritaim,

38 Agus Nebo, agus Baal-meon, (air d'an ainmean a bhi air an atharrachadh,) agus Sibmah: agus thug iad ainmean eile do na bailtibh a thog iad.

39 Agus chaidh clanu Mhachir, mhic Mhanasch, do Ghilead, agus ghlac iad e, agus chuir iad á seilbh an t-Amorach a *bha* ann.

40 Agus thug Maois Gilead do Mhachir mac Mhanasch; agus ghabh e còmhluidh ann.

41 Agus chaidh Iacer mac Mhanasch agus ghlac e a bhailean beaga, agus thug e Habbotaiar mar ainm orra.

42 Agus chaidh Nobah agus ghlac e Cenat, agus a bhailean beaga, agus thug e Nobah mar ainm air, a réir 'ainme féin.

CAIB. XXXIII.

1 *Turusan chloinn Israeil anns an fhàsach.*
50 *Na Canaanach agus an deulbhan agus an coslais leaghta uile air an sgrìos.*

*I*S iad so turusan chloinn Israeil, a chaidh mach á tìr na h-Eiphit, a réir an armaithean, fo làimh Mhaois agus Aaroin.

2 Agus sgrìobh Maois an dol a mach a réir an turusan, air àithne an Tighearn': agus *is* iad so an turusan, a réir an dol a mach.

3 Agus dh'imich iad o Rameses anns a' cheud mhìos, air a' chùigeamh là deug de'n cheud mhìos: air an là màireach an déigh na càiseig chaidh clann Israeil a mach le làimh àird ann an sealiadh nau Eiphit-each uile.

4 (Oir dh'adhlaic na h-Eiphitich an ceud-ghin uile, a bhuail an Tighearn 'n am measg: air an diathan mar an ceudna chuir an Tighearn breitheanas 'an gnìomh.)

5 Agus dh'imich clann Israeil o Rameses, agus champaich iad ann an Sucot.

6 Agus dh'imich iad o Shucot, agus champaich iad ann au Etam, a *tha* ann an iomall an fhàisach.

7 Agus dh'imich iad o Etam, agus phill iad a ris gu Pihahiro, a *tha* fa chomhair Bhaal-sephoin: agus champaich iad fa chomhair Mhigdol.

8 Agus dh'imich iad o chomhair Pihahiro, agus chaidh iad troimh mheadhou na fairge do'n fhàsach, agus dh'imich iad astar thrì làithean ann an fàsach Etain, agus champaich iad ann am Màrah.

9 Agus dh'imich iad o Mhàrah, agus thàinig iad gu h-Elim: agus ann an Elim *bha* dà thobar dheug uisge, agus deich agus trì fichead craobh phailme; agus champaich iad an sin.

10 Agus dh'imich iad o Elim, agus champaich iad làimh ris a' mhuir ruaidh.

11 Agus dh'imich iad o'n mhuir ruaidh, agus champaich iad ann am fàsach Shin.

12 Agus dh'imich iad á fàsach shin, agus champaich iad ann an Dophcah.

13 Agus dh'imich iad o Dophcah, agus champaich iad ann an Alus.

14 Agus dh'imich iad o Alus, agus champaich iad ann an Rephidim, far nach robh uisge aig au t-sluagh r'a òl.

15 Agus dh'imich iad o Rephidim, agus champaich iad ann am fàsach Shinai.

16 Agus dh'imich iad o fhàsach Shinai, agus champaich iad ann an Cibrot-hataabhah.

17 Agus dh'imich iad o Cibrot-hataabhah, agus champaich iad ann an Haserot.

18 Agus dh'imich iad o Haserot, agus champaich iad ann an Ritmah.

19 Agus dh'imich iad o Ritmah, agus champaich iad ann an Rimon-pares.

20 Agus dh'imich iad o Rimon-pares, agus champaich iad ann an Libnah.

21 Agus dh'imich iad o Libnah, agus champaich iad ann an Risah.

22 Agus dh'imich iad o Risah, agus champaich iad ann an Cehelatah.

23 Agus dh'imich iad o Cehelatah, agus champaich iad ann an sliabh Shapher.

24 Agus dh'imich iad o shliabh Shapher, agus champaich iad ann an Haradah.

25 Agus dh'imich iad o Haradah, agus champaich iad ann am Machelot.

26 Agus dh'imich iad o Machelot, agus champaich iad ann an Tahat.

27 Agus dh'imich iad o Thahat, agus champaich iad ann an Tarah.

28 Agus dh'imich iad o Tharah, agus champaich iad ann am Miteah.

29 Agus dh'imich iad o Miteah, agus champaich iad ann an Hasmonah.

30 Agus dh'imich iad o Hasmonah, agus champaich iad ann am Moserot.

31 Agus dh'imich iad o Mhoserot, agus champaich iad ann am Bene-iaacan.

32 Agus dh'imich iad o Bhene-iaacan, agus champaich iad ann an Hor-hagidgad.

33 Agus dh'imich iad o Hor-hagidgad, agus champaich iad ann an Iot-batah.

34 Agus dh'imich iad o Iot-batah, agus champaich iad ann an Ebronah.

35 Agus dh'imich iad o Ebronah, agus champaich iad ann an Esion-gaber.

36 Agus dh'imich iad o Esion-gaber, agus champaich iad ann am fàsach Shin: *is e so Cades.*

37 Agus dh'imich iad o Chades, agus champaich iad ann an sliabh Hor, ann an iomall fearainn Edoim.

38 Agus chaidh Aaron an sagart suas gu sliabh Hor, air àithne an Tighearn, agus fhuair e bàs an sin, anns an dà fhicheadamh bliadhna an deigh do chloinn Israeil teachd a mach à tìr na h-Eiphit, air a' cheud là de'n chùigeamh mìos.

39 Agus bha Aaron cend agus fichead agus trì bliadhna dh'aois, an uair a dh'eug e ann an sliabh Hor.

40 Agus chuala rìgh Arad an Canaanach (a bha 'chòmhnuidh' 's an àirde deas ann an tìr Chanaain) nu theachd chloinn Israeil.

41 Agus dh'imich iad o shliabh Hor, agus champaich iad ann an Salmonah.

42 Agus dh'imich iad o Shalmonah, agus champaich iad ann am Punon.

43 Agus dh'imich iad o Phunon, agus champaich iad ann an Obot.

44 Agus dh'imich iad o Obot, agus champaich iad ann an Iie-abarim, ann an crìch Mhoab.

45 Agus dh'imich iad o Iim, agus champaich iad ann an Dibon-gad.

46 Agus dh'imich iad o Dhibon-gad, agus champaich iad ann an Almon-diblataim.

47 Agus dh'imich iad o Almon-diblataim, agus champaich iad ann an sléibhtibh Abarim, fa chomhair Nebo.

48 Agus dh'imich iad o shléibhtibh Abarim, agus champaich iad ann an còmhnrdaibh Mhoab, làimh ri Iordan *am fagus do Iericho.*

49 Agus champaich iad làimh ri Iordan, o Bhct-iesimot *eadhon* gu Abel-sitim, ann an còmhnrdaibh Mhoab.

50 Agus labhair an Tighearn ri Maois ann an còmhnrdaibh Mhoab, làimh ri Iordan *am fagus do Iericho*, ag ràdh,

51 Labhair ri cloinn Israeil, agus abair riu, 'N uair a théid sibh a null thar Iordan, do thìr Chanaain;

52 An sin fògraidh sibh a mach uile luchd-àiteachaidh na tìre as bhuir fianuis, agus cuiridh sibh as d'an dealbhan uile, agus sgriosaidh sibh an coslais leaghta uile, agus fàsaichidh sibh an ionadan àrda uile.

53 Agus cuiridh sibh à seilbh *luchd-àiteachaidh* an fhearainn, agus ni sibh còmhnuidh ann: oir thug mise dhuibh an fearann r'a shealbhachadh.

54 Agus roinnidh sibh am fearann le crannchur mar oighreachd am measg bhuir teaghlaichean: dhoibhsan a's fionnhoire bheir sibh an oighreachd a's mò, agus dhoibhsan a's teirce bheir sibh an oighreachd a's lugha: bithidh *oighreachd* gach duine 's an àit anns an tuit a chrannchur; a réir treubhan bhuir n-aithrichean sealbh-aichidh sibh.

55 Ach mur fògair sibh a mach luchd-àiteachaidh an fhearainn as bhuir fianuis, an sin bithidh iadsan diubh d'an leig sibh fuir-each, 'n an scolbaibh 'n ur sùilean, agus 'n am bioraibh 'n ur taobhan, agus cuiridh iad campar oirbh 's an fhearann anns am bi sibh a chòmhnuidh.

56 Os bàrr tarlaidh, mar a smuainich mi a dhcanamh riu-san, *gu'n* dean mi ribhse.

CAIB. XXXIV.

1 *Criochan fearainn Chanaain.* 16 *Ainmean nan daoine a bha guas a roinn mar oighreachd.*

AGUS labhair an Tighearn ri Maois, ag ràdh,

2 Aithn do chloinn Israeil, agus abair riu, 'N uair a thig sibh do thalamh Chanaain, (*is e so* an fearann a thuiteas oirbh mar oighreachd, *eadhon* fearann Chanaain maille r'a chrìochaibh)

3 An sin bithidh bhuir cearna dheas o fhàsach Shin, leth ri crìch Edoim, agus is i bhuir crìoch mu dheas fìor iomall na fairge salainn à làimh na h-àird' an ear.

4 Agus pillidh bhuir crìoch o'n taobh mu dheas gu dìreadh Aerabim, agus théid i air a h-aghaidh gu Sin; agus bithidh a dol a mach o'n taobh mu dheas gu Cades-barnca.

agus gabhaidh i roimpe gu Hasar-adar, agus théid i air a h-aghaidh gu h-Asmon:

5 Agus bheir a' chrìoch cuairt o Asmon gu amhainn na h-Eiphit, agus bithidh a dol a mach aig an fhaige.

6 Agus a thaobh na crìch' an iar, bithidh agaibh cadhòn an fhaige mhòr mar chrìch: bithidh a' chrìoch so 'n a crìch dhuibh air an làimh an iar.

7 Agus is i so bhur crìoch air an làimh mu thuath: o'n fhaige mhòir comharaichidh sibh dhuibh féin gu sliabh Hor.

8 Oshliabh Hor comharaichidh sibh bhur crìoch gu dol a stigh Hamait; agus bithidh dol a mach na crìche gu Sedad.

9 Agus gabhaidh bhur crìoch roimpe gu Siphron, agus bithidh a dol a mach aig Hasar-enan; is i so bhur crìoch mu thuath.

10 Agus comharaichidh sibh bhur crìoch air an taobh an ear o Hasar-enan gu Sepham.

11 Agus théid a' chrìoch sìos o Shepham gu Riblah, air an taobh an ear de Ain; agus théid a' chrìoch sìos, agus ruigidh i gu taobh fairge Chineret a làimh na h-àird' an ear.

12 Agus théid a' chrìoch sìos gu Jordan, agus bithidh a dol a mach aig a' mhuir shalaime: is e so bhur fearann le' chrìochaibh mu'n cuairt.

13 Agus dh'àithn Maois do chloinn Israeil, ag ràdh, *Is e so am fearann a shealbhaicheas sibh le crannchur, a dh'àithn an Tighearn a thabhairt do na naoi treubhan,* agus do'n leth thréibh.

14 Oir fhuair treubh chloinn Reubein an oighreachd, a réir tighe an aithrichean, agus treubh chloinn Ghad a réir tighe an aithrichean; agus fhuair leth thréibh Mhanashe an oighreachd.

15 Fhuair an dà treubh agus an leth thréibh an oighreachd air an taobh so de Jordan *am fagus do Iericho*, a làimh na h-àird' an ear, leth ri éirigh na gréine.

16 Agus labhair an Tighearn ri Maois, ag ràdh,

17 *Is iad so ainmean nan daoine aroinneas am fearann duibh:* Elcasar an sagart, agus Iosua mac Nuin.

18 Agus gabhaidh sibh aon cheannard de gach thréibh, a roinn an fhearainn mar oighreachd.

19 Agus *is iad so ainmean nan daoine.* De thréibh Iudah, Caleb mac Iephuneh.

20 Agus de thréibh chloinn Shimcoim, Semuel, mac Amihuid.

21 De thréibh Bheniamin, Elidad mac Chisloin.

22 Agus ceannard thréibhe chloinn Dhan, Buci mac Iogli.

23 Ceannard chloinn Ioseiph, air son thréibhe chloinn Mhanashe, Haniel mac Ephoid.

24 Agus ceannard thréibhe chloinn Ephraim, Cennuel mac Shiphlain.

25 Agus ceannard thréibhe chloinn Shebulin, Elisaphan mac Pharnaich.

26 Agus ceannard thréibhe chloinn Isachair, Paitiel mac Assain.

27 Agus ceannard thréibhe chloinn Aseir, Ahihud mac Shelomi.

28 Agus ceannard thréibhe chloinn Naphtali, Pedahel mac Amihuid.

29 *Is iad sin iadsau d'an d'àithn an Tighearn an oighreachd a roinn do chloinn Israeil ann an tìr Chanaain.*

CAIB. XXXV.

1 *Ochd agus dà fhichead baile air an toirt do na Lebhithe: 6 Sè bailte dhuibh chum dèid.*

9 *Na laghanan a thaobh mortaidh.*

AGUS labhair an Tighearn ri Maois ann am còmhlaraidh Mhois, làimh ri Iordan *am fagus do Iericho*, ag ràdh,

2 Aithn do chloinn Israeil, iad a thabhairt do na Lebhithe, de oighreachd an seilbh, bailtean gu còmhnuidh a ghabhail anna: agus bheir sibh mar an ceudna do na Lebhithe fearann comh-roinn d'am bailtibh mu'n cuairt orra.

3 Agus bithidh na bailtean aca gu còmhnuidh a ghabhail anna, agus bithidh am fearann comh-roinn air son an spréidhe, agus air son an maoin, agus air son an ainmhidhean uile.

4 Agus *ruigidh* fearann comh-roinn nam bailtean, a bheir sibh do na Lebhithe, a mach o bhalla a' bhaile, mìle làmh-choille mu'n cuairt.

5 Agus tomhaisidh sibh o'n leth a muigh de'n bhaile air an taobh an ear dà mhìle làmh-choille, agus air an taobh mu dheas dà mhìle làmh-choille, agus air an taobh an iar dà mhìle làmh-choille, agus air an taobh mu thuath dà mhìle làmh-choille; agus *bithidh* am baile 's a' mheadhon: bithidh so dhoibh 'n a fhearann comh-roinn d'am bailtibh.

6 Agus am measg nam bailtean a bheir sibh do na Lebhithe, bithidh sè bailtean chum dèid, a dh'orduicheas sibh air a shon-san a mharbhas duine, chum gu'n teich e an sin: agus riu-san cuiridh sibh dà bhaile 's dà fhichead.

7 Mar so *is iad* na bailtean sin uile a bheir sibh do na Lebhithe, ochd agus dà fhichead baile: iad sin *bheir sibh seachaa* agus am fearann comh-roinn.

8 Agus *bithidh* na bailtean a bheir sibh seachad de sheilbh chloinn Israeil: uathas an aig am *bheil* mòran, bheir sibh mòran; ach uathas an aig am *bheil* beagan, bheir sibh beagan: bheir gach aon d'a bhailtibh do na Lebhithe, a réir 'oighreachd a tha e a' seallbhachadh.

9 Agus labhair an Tighearn ri Maois, ag ràdh,

10 Labhair ri cloinn Israeil, agus abair

riu, 'N uair a bhitheas sibh air teachd thar Iordan do thír Chanaain,

11 Au sin orduichidh sibh dhuibh féin bailtean, gu bhí 'n am bailtibh dhéidin dhuibh, a chum gu'n teich am marbhaiche an sin, a mharbhas neach 'an ain-fhios.

12 Agus bithidh iad duibh 'n am bailtibh a' chum dhéidin o'n dioghaltair; a chum nach básaich esan a mharbhas duine, gus au seas e au láthair a' chomhchruinneachaidh ann am breitheanas.

13 Agus de na bailtibh sin a bheir sibh seachad, bithidh sè bailtean agaibh a chum dhéidin.

14 Bheir sibh seachad tri bailtean air au taobh so de Iordan, agus tri bailtean bheir sibh seachad ann an tír Chanaain, a bhios 'n am bailtibh dhéidin.

15 Bithidh na sè bailtean sin 'n an dhéidu, *araon* do chloinn Israeil, agus do'n choigreach, agus dhasan a bhios air chuairt 'n am measg; a chum gu'n teich gach neach an sin, a mharbhas duine gun fhios.

16 Agus ma bhuailas se e le h-inneal iaruin, (air chor as gu'm básaich e,) *is* mortair e: cuirear gu cinnteach am mortair gu bàs.

17 Agus ma bhuailas se e le clach a thilg-cadh (a dh'fheudas a bhàs a thoirt,) agus gu'm básaich e, *is* mortair e: cuirear gu cinnteach am mortair gu bàs.

18 No ma bhuailas se e le làmh-bhall fiodha (a dh'fheudas a bhàs a thoirt,) agus gu'm faigh e bàs, *is* mortair e: cuirear gu cinnteach am mortair gu bàs.

19 Marbhaidh dioghaltair na fola e féin am mortair: an uair a choinnicheadh se e, marbhaidh se e.

20 Ach ma bheir e urchuir dha tre fhuatl, no ma thilgeas e *ni sam bith* air 'am feall-fholach, air chor as gu'm faigh e bàs;

21 No ma bhuailas se e le a làmh ann an naimhdeas, air chor as gu'm faigh e bàs; cuirear esan a bhuail e gun teagamh gu bàs; *oir is* mortair e: marbhaidh dioghaltair na fola am mortair, an uair a choinnicheadh se e.

22 Ach ma thug e urchuir dha gu h-obann gun naimhdeas, no ma thilg e *ni sam bith* air gun fheall-fholach;

23 No le cloich sam bith, a dh'fheudas bàs duine a thabhairt, gun e 'g a fhaicinn, agus gu'n do thilg e air *i*, air chor as gu'm faigh e bàs, agus nach bu naimhaid da e, agus nach d'iarr e a chionn;

24 An sin bheir an comhchruinneachadh breth eadar am marbhaiche agus dioghaltair na fola, a réir nan breitheanas sin:

25 Agus saoraidh an comhchruinneachadh am marbhaiche á làmh dioghaltair ua fola, agus cuiridh an comhchruinneachadh air ais e do bhaile a dhéidin, gus an do theich e: agus fanaidh e ann gu bàs an àrd-shagairt, a dh'ungadh leis an olaidh naoimh.

26 Ach ma thig am marbhaiche uair air bith an taobh a mach de chrìch baile a dhéidin, gus an do theich e;

27 Agus gu'm faigh dioghaltair na fola e an taobh a mach de chrìch baile a dhéidin, agus gu'm marbh dioghaltair na fola am marbhaiche; cha bhí e ciontach de fhuil:

28 A chionn gu'm bu chòir dha fuireach ann am baile a dhéidin gu bàs an àrd-shagairt: ach au déigh bàis an àrd-shagairt, pillidh am marbhaiche gu fearann a sheilbhe féin.

29 Agus bithidh na *nithean* sin 'n an reachd breitheanas dhuibh, air feadh bhur ginealach, 'n ur n àitibh-còmhnuidh uile.

30 Ge b'e mharbhas neach sau bith, cuirear am mortair gu bàs le beul fhiaiuiscan: ach cha toir aon flianus teistean an aghaidh neach sam bith *a chum a chur* gu bàs.

31 Agus cha ghabh sibh éiric sam bith air sou anama mortair, a tha ciontach do bhàs; ach cuirear gu cinnteach gu bàs e.

32 Agus cha ghabh sibh éiric sam bith air a shon-san a theich do bhaile a dhéidin, a chum gu'n tigeadh e ris a ghabhail còmhnuidh 's an fhearann, gu bàs an t-sagairt.

33 Mar sin cha truail sibh am fearann anns am *bheil* sibh; oir truailidh fuil am fearann, agus cha-n'oil e 'n comas am fearann a ghlanadh de'n fhuil a dhoirteadh ann, ach le fuil an tì a dhòirt i.

34 Na salaichibh uime sin am fearann anns am bi sibh a chòmhnuidh, anns am bheil mise a'm chòmhnuidh: a chionn gu bheil mise an Tighearn a'm chòmhnuidh 'am meadhan chloinn Israeil.

CAIB. XXXVI

Nigheanan chloinn Israeil aig an robh oighreachd, gu 'sòadh 'n an tréibh féin.

AGUS thàinig prìomh aithrichean a theaghlach eile chloinn Ghileaid, mhic Mhachir, mhic Mhanaseh, de theaghlachibh mhac Ioseiph, ann fagus, agus labhair iad an làthair Mhaois, agus an làthair nan ceannard, *eadhon* prìomh aithrichean chloinn Israeil;

2 Agus thubhairt iad, Dh'àithn an Tighearn do m' thighearn ann fearann a thoirt mar oighreachd le craunchur do chloinn Israeil, agus dh'àithn eadh do m' thighearn leis an Tighearn, oighreachd ar bràthar Shelophehad a thoirt d'a nigheanaibh.

3 Agus ma phòsar iad ri h-aon de mhic nan treubh *eile* de chloinn Israeil, an sin bheir an oighreachd-san o oighreachd ar n-aithrichean, agus cuirear i ri oighreachd na tréibhe d'an gabhar iad: mar sin bheir e i o chraunchur ar n-oighreachd-ne.

4 Agus an uair a bhitheas an iubile ann do chloinn Israeil, an sin cuirear an oighreachd ri oighreachd na tréibhe gus an do ghabhadh iad: mar sin bheir an oighreachd-

san air falbh o oighreachd thréibhe ar n-aithrichean.

5 Agus dh'àithn Maois do chloinn Israeil, a réir focail an Tighearna, ag ràdh, Is ceart a labhair treubh mhac Ioseiph.

6 *Is e so an ni a dh'àithn an Tighearn* thaobh nigheanan Shelopheaid, ag ràdh, Pòsadh iad an neach a's aill leo; a mhàin ri teaghlach thréibhe an aithrichean pòsadh iad.

7 Mar sin cha-n atharraich oighreachd chloinn Israeil o thréibh gu thréibh; oir dlùth-leanaidh gach duine de chloinn Israeil ri oighreachd thréibhe aithrichean.

8 Agus bithidh gach nighean, a shealbhaicheas oighreachd ann an thréibh sam bith de chloinn Israeil, 'n a mnaoi aig aon de theaghlach thréibhe a h-athar, a chum gu meall clann Israeil gach duine dhiubh oighreachd aithrichean.

9 Ni mò dh'atharraicheas an oighreachd o aon thréibh gu thréibh eile; ach dlùth-leanaidh gach duine de theubhan chloinn Israeil r'a oighreachd féin.

10 Eadhon mar a dh'àithn an Tighearn do Mhaois, mar sin rinn nigheanan Shelopheaid:

11 Oir phòsadh Mahlah, Tirsah, agus Heglah, agus Milcah, agus Noah, nigheanan Shelopheaid, ri mic bhràthar an athar.

12 Phòsadh iad *ri fir* de theaghlachibh mhac Mhanaseh mhic Ioseiph, agus dh'fhan an oighreachd ann an thréibh teaghlach an athar.

13 *Is iad sin na h-àitheantan,* agus na breitheanais, a dh'àithn an Tighearn le làimh Mhaois, do chloinn Israeil ann an còmhnradaibh Mhoais, làimh ri Jordan *am fagus* do Iericho.

DEUTERONOMI.

CAIB. I.

1 *Ath-aithris le Maois air na thachair do chloinn Israeil anns an fhàsach.* 34 *Geur smachdachadh an Tighearna dhoibh air son am mì-chreidimh.*

IS iad so na briathran a labhair Maois ri h-Israeil uile, air an taobh so de Iordan 's an fhàsach, anns a' chòmhnard fa chomhair na mara *ruaidhe*, eadar Paran, agus Tophel, agus Laban, agus Haserot, agus Disahab.

2 (*Tha astar aon là deug o Horeb, rathad sléibh Sheir, gu Cades-barnea.*)

3 Agus anns an dà fhicheadamh bliadhna, anns an aon mhìos deug, air a' cheud là de'n mhìos, labhair Maois ri cloinn Israeil, a réir nan uile *nithean* a dh'àithn an Tighearn dha d'an taobh;

4 An dèigh dha Sihon rìgh nan Amorach a mharbhadh, a bha 'chòmhnuidh ann an Hesbon, agus Og rìgh Bhàsain, a bha 'chòmhnuidh aig Astarot ann an Edrei,

5 Air an taobh so de Iordan, ann an tìr Mhoais, thòisich Maois air an lagh so chur 'an céill, ag ràdh,

6 Labhair an Tighearn ar Dia ruinn ann an Horeb, ag ràdh, Ghabh sibh còmhnuidh fada gu leòr 's an t-sliabh so:

7 Pilibh agus gabhaibh bhur turus, agus rachaibh a chum sléibh nan Amorach, agus a chum nan *ionadan* uile am fagus da anns a' chòmhnard, anns a' mhionadh, agus anns an t-srath, agus mu dheas, agus ri taobh na fairge, gu fearann nan Canaanach, agus gu Lebanon, dh'ionnsuidh na h-aimhne mòire, aimhne Euphrates.

8 Feuch, chuir mi 'n tìr roimhibh; rachaibh

a steach, agus sealbhaichibh am fearann a mhionnaich an Tighearn d'ur n-aithrichibh, Abraham, Isaac, agus Jacob, gu'n tugadh e dhoibh e agus d'an sliochd 'n an dèigh.

9 Agus labhair mi ribh 's an àm sin, ag ràdh, Cha-n urrainn mise bhur giùlan a'm aonar:

10 Rinn an Tighearn bhur Dia lìonmhor sibh, agus, feuch, *tha* sibh an diugh mar reultan nèimh a thaobh lìonmhoireachd.

11 (Gu 'n deanadh an Tighearn, Dia bhur n-aithrichean, sibh mìle uair nì's lìonmhoire na *tha* sibh, agus gu'm beannaicheadh e sibh, mar a gheall e dhuibh.)

12 Cionnus is urrainn mise leam féin bhur dragh a ghiùlan, agus bhur n-callach, agus bhur comhistri?

13 Gabhaibhse dhuibh féin daoine glie' agus tuisgeach, agus aithnichte 'n 'ur treubhan agus nì mise iad 'n an ceannardaibh oirbh.

14 Agus fhreagair sibh mi, agus thubhairt sibh, *Tha* an nì a labhair thu maith *dhuinne* r'a dheanadh.

15 Agus ghabh mi cinn bhur treubhan, daoine glie', agus aithnichte, agus rinn mi iad 'n an ceannardaibh oirbh, 'n an uachdaranaibh mhiltean, agus 'n an uachdaranaibh cheudan, agus 'n an uachdaranaibh dheicnean, agus 'n an luchd-riaghlaidh am measg bhur treubhan.

16 Agus dh'àithn mi d'ur breitheamhnaibh 's an àm sin, ag ràdh, Eisdibh ris na *cùisean a bhitheas* eadar bhur bràithrean, agus thugaibh breth cheart eadar gach duine agus a bhràthair, agus an coigreach *a tha* maille ris.

DEUTERONOMI, I.

17 Cha bhi suim agaibh do neach seach a chéile ann am breitheanas; ris a' bheag éisdidh sibh co mhaith is ris a' mhòr; cha bhi athadh oirbh roimh ghnùis duine, oir is le Dia a' bhreth: agus a' chùis a bhitheas ro chruaidh oirbh, bheir sibh a m' ionnsuidh's, agus éisdidh mise rì.

18 Agus dh'àithn mi dhuibh 's an àm sin na h-uile nithean 'bu chòir dhuibh a dheanamh.

19 Agus an uair a dh'fhalbh sinn o Horeb, chaidh sinn troimh an fhàsach mhòr agus uamhasach sin uile, a chunnaic sibh air slighe sléibh nan Amorach, a réir mar a dh'àithn an Tighearn ar Dia dhuinn; agus thàinig sinn gu Cades-barnea.

20 Agus thubhairt mi ribh, Tha sibh air teachd gu sliabh nan Amorach, a tha 'n Tighearn ar Dia a' tabhairt dhuinn.

21 Feuch, chuir an Tighearn do Dhia am fearann romhad, imich suas, sealbhaich e, a réir mar a thubhairt an Tighearn Dia d'aithrichean riut; na bitheadh cagal ort, agus na bitheadh faitheas ort.

22 Agus thàinig sibh am fagus domhsa gach aon agaibh, agus thubhairt sibh, Cuireamaid daoine romhainn, agus rannsaicheadh iad a mach dhuinn am fearann, agus thugadh iad fios d'ar n-ionnsuidh a ris eod an t-slighe air an téid sinn suas, agus eod an bailtean gus an tig sinn.

23 Agus thaitinn a' chainnt riom gu maith; agus ghabh mi dà fhear dheug dhibh, aon fhear as gach tréibh.

24 Agus thionndaidh iad, agus chaidh iad suas do'n t-sliabh, agus thàinig iad gu gleann Escoil, agus rannsaich iad a mach e.

25 Agus ghabh iad 'n an làmh de thoradh an fhearainn, agus thug iad a nuas e d'ar n-ionnsuidhne, agus thug iad fios duinn a ris, agus thubhairt iad, Is maith am fearann a tha 'n Tighearn ar Dia a' tabhairt dhuinn.

26 Gidheadh, cha b'àill leibh dol suas, ach ehuir sibh an aghaidh àithne an Tighearna bhur Dé.

27 Agus rinn sibh gearan 'n 'ur bùthaibh, agus thubhairt sibh, A chionn gu'm b'fhuathach leis an Tighearn sinn, thug e mach sinn à tir na h-Eiphit, gu'r toirt thairis do làmh nan Amorach, a chur as duinn.

28 C'àit an téid sinn suas? Chuir ar bràithrean ar cridhe fo mhi-mhisnich, ag ràdh, Tha 'n sluagh nì's mò agus nì's àirde na sinne; tha na bailtean mòra, agus daing-nichte suas gu nèamh, agus os barr, chunnaic sinn mic uan Anacach an sin.

29 An sin thubhairt mi ribh, Na bitheadh geilt oirbh, no cagal rompa.

30 An Tighearn bhur Dia, a tha 'dol roimhibh, cogaidh esan air bhur son, a réir nan uile nithean a rinn e air bhur son 's an Eiphit fa chomhair bhur sùl.

31 Agus anns an fhàsach, far am faca tu cionnus a ghiùlan an Tighearn do Dhia thu,

mar a ghiùlaineas duine a mhac, 's an t-slighe sin uile air an deachaidh sibh, gus an d'thàinig sibh do'n àite so.

32 Gidheadh 's an ni so cha do chreid sibh an Tighearn bhur Dia,

33 A dh'imich roimhibh 's an t-slighe, a rannsachadh a mach àite dhuibh gus 'ur bùthan a shuidheachadh ann, ann an teine 's an oidehe, a nochdadh dhuibh eod an t-slighe air an imicheadh sibh, agus ann an neul 's an là.

34 Agus chual' an Tighearn fuaim bhur briathran, agus bha corruich air, agus mhionnaich e, ag ràdh,

35 Gu cinnteach cha-n fhaic a h-aon de dhaoinibh a' glinealaich uile so am fearann maith sin, a mhionnaich mise gu'n tugainn d'ur n-aithrichibh,

36 Saor o Chaleb mac Iephuneh; chi esan e, agus dhasan bheir mi am fearann air an do shaltair e, agus d'a chloinn, a chionn gu'n do lean e 'n Tighearn gu h-iomlan.

37 Mar an ceudna bha fearg aig an Tighearn riomsa air bhur sgàth, ag ràdh, Cha téid thusa féin a steach an sin.

38 Ach Iosua mac Nuin, a tha 'n a sheasamh a'd' làthair, théid esan a steach an sin. Thoir misneach dha; oir bheir e air Israel a shealbhadh.

39 Agus bhur clann bheag a thubhairt sibh a bhitheadh 'n an creich, agus bhur clann, aig nach robh 's an là ud eòlas air maith seach ole, théid iadsan a steach an sin, agus dhoibh-san bheir mi e, agus sealbhaichidh iad e.

40 Ach air bhur sonsa, pillibh, agus gabhaibh bhur turas do'n fhàsach, air slighe na mara ruaidhe.

41 An sin fhreagair sibh agus thubhairt sibh riom, Pheacaich sinn an aghaidh an Tighearna, théid sinn suas agus cogaidh sinn, a réir nan uile nithean a dh'àithn an Tighearn ar Dia dhuinn. Agus chrioslaich sibh oirbh gach fear agaibh 'airm-chogaidh, agus bha sibh ullamh gu dol suas do'n t-sliabh.

42 Agus thubhairt an Tighearn riom, Abair riu, Na rachaibh suas, agus na cogaidh, oir cha-n'eil mise 'n 'ur measg; air cagal gu'n buailear sibh an làthair bhur naimhdean.

43 Mar so labhair mi ribh, agus cha-n éisdadh sibh, ach rinn sibh ceannuair an aghaidh àithne an Tighearna, agus chaidh sibh gu h-annàna suas do'n t-sliabh.

44 Agus thàinig na h-Amoraich, a bha 'chòmlmuidh 's an t-sliabh sin, a mach 'n 'ur n-aghaidh, agus ruaig iad sibh mar a ni beachan, agus chuir iad as duibh ann an Seir, eadhon gu Hormah.

45 Agus phill sibh, agus ghuil sibh an làthair an Tighearn; ach cha-n éisdeadh an Tighearn rìr gutli, agus cha tugadh e chuas duibh.

agus gabhaidh i roimpe gu Hasar-adar, agus théid i air a h-aghaidh gu h-Asmon:

5 Agus bheir a' chrìoch cuairt o Asmon gu amhainn na h-Eiphit, agus bithidh a dol a mach aig an fhairge.

6 Agus a *thaobh* na crìch' an iar, bithidh agaibh cadhon an fhairge mhòr *mar* chrich: bithidh a' *chrìoch* so 'n a crìch dhuibh air an làimh an iar.

7 Agus is i so bhur crìoch air an làimh mu thuath: o'n fhairge mhòir comharaichidh sibh dhuibh féin gu sliabh Hor.

8 O shliabh Hor comharaichidh sibh *bhur crìoch* gu dol a stigh Hamait; agus bithidh dol a mach na crìche gu Sedad.

9 Agus gabhaidh *bhur* crìoch roimpe gu Siphron, agus bithidh a dol a mach aig Hasar-enan; is i so bhur crìoch mu thuath.

10 Agus comharaichidh sibh *bhur* crìoch air an taobh an ear o Hasar-enan gu Sepham.

11 Agus thèid a' chrìoch sìos o Shepham gu Riblah, air an taobh an ear de A'n; agus thèid a' chrìoch sìos, agus ruigidh i gu taobh fairge Chimeret a làimh na h-àird' an ear.

12 Agus thèid a' chrìoch sìos gu Iordan, agus bithidh a dol a mach aig a' mhuir shalainn: is e so bhur fearann le 'chrìochaibh mu'n cuairt.

13 Agus dh'àithn Maois do chloinn Israeil, ag ràdh, *Is* c so am fearann a shealbhaicheas sibh le crannchur, a dh'àithn an Tighearn a thabhairt do na naoi treubhan, agus do'n leth thréibh.

14 Oir fhuair treubh chloinn Reubein an oighreachd, a réir tighe an aithrichean, agus treubh chloinn Ghad a réir tighe an aithrichean; agus fhuair leth thréibh Mhanaseh an oighreachd.

15 Fhuair an dà threubh agus an leth thréibh an oighreachd air an taobh so de Iordan *am fagus* do Iericho, a làimh na h-àird' an ear, leth ri éirigh na gréine.

16 Agus labhair an Tighearn ri Maois, ag ràdh,

17 *Is* iad so ainmean nan daoine a roinneas an fearann duibh: Elcasar an sagart, agus Iosua mac Nuin.

18 Agus gabhaidh sibh aon cheannard de gach thréibh, a roinn an fhearainn mar oighreachd.

19 Agus *is* iad so ainmean nan daoine. De thréibh Iudah, Caleb mac Iephuneh.

20 Agus de thréibh chloinn Shimeoin, Semuel, mac Amihuid.

21 De thréibh Bheniamin, Elidad mac Chisloin.

22 Agus ceannard tréibhe chloinn Dhan, Buci mac Iogli.

23 Ceannard chloinn Ioseiph, air son tréibhe chloinn Mhanaseh, Haniel mac Ephoid.

24 Agus ceannard tréibhe chloinn Ephraim, Cemuel mac Shiptain.

25 Agus ceannard tréibhe chloinn Shebulin, Elisaphan mac Pharnaich.

26 Agus ceannard tréibhe chloinn Isachair, Pattiel mac Asain.

27 Agus ceannard tréibhe chloinn Aseir, Alihud mac Shelomi.

28 Agus ceannard tréibhe chloinn Naph-tali, Pedahel mac Amihuid.

29 *Is* iad sin iadsan d'an d'àithn an Tighearn an oighreachd a roinn do chloinn Israeil ann an tìr Chanaain.

CAIB. XXXV.

1 *Ochd agus dà fhichead baile air an toirt do na Lebhithe: 6 Sè baile dhuibh chum dèidh.*

9 *Na laghaman a thaobh mortaidh.*

A GUS labhair an Tighearn ri Maois ann an còmhnrdaibh Mhoais, làimh ri Iordan *am fagus* do Iericho, ag ràdh,

2 Aithn do chloinn Israeil, iad a thabhairt do na Lebhithe, de oighreachd an seilbh, bailtean gu còmhnuidh a ghabhail annta: agus bheir sibh mar an ceudna do na Lebhithe fearann comh-roinn d'am bailtibh mu'n cuairt orra.

3 Agus bithidh na bailtean aca gu còmhnuidh a ghabhail annta, agus bithidh am fearann comh-roinn air son an spréidhe, agus air son am maoin, agus air son an ainmhidhcan uile.

4 Agus *ruigidh* fearann comh-roinn nam bailtean, a bheir sibh do na Lebhithe, a mach o bhalla a' bhaile, mìle lann-choille mu'n cuairt.

5 Agus tomhaisidh sibh o'n leth a muigh de'n bhaile air an taobh an ear dà mhìle lann-choille, agus air an taobh mu dheas dà mhìle lann-choille, agus air an taobh an iar dà mhìle lann-choille, agus air an taobh mu thuath dà mhìle lann-choille; agus *bithidh* am baile 's a' mheadhon: bithidh so dhoibh 'n a fhearann comh-roinn d'am bailtibh.

6 Agus am measg nam bailtean a bheir sibh do na Lebhithe, bithidh sè bailtean chum dèidh, a dh'orduicheas sibh air a shon-san a mharbas duine, chum gu'n teich e an sin: agus riu-san cuiridh sibh dà bhaile 's dà fhichead.

7 Mar so *is* iad na bailtean sin uile a bheir sibh do na Lebhithe, ochd agus dà fhichead baile: iad sin *bheir sibh seachad* agus am fearann comh-roinn.

8 Agus *bithidh* na bailtean a bheir sibh seachad de sheilbh chloinn Israeil: uatha-san aig am *bheil* mòran, bheir sibh mòran; ach uatha-san aig am *bheil* beagan, bheir sibh beagan: bheir gach aon d'a bhailtibh do na Lebhithe, a réir 'oighreachd a tha e a' seallbhachadh.

9 Agus labhair an Tighearn ri Maois, ag ràdh,

10 Labhair ri cloinn Israeil, agus abair

ria, 'N uair a bhitheas sibh air teachd thar Iordan do thìr Chanaain,

11 An sin ordnichidh sibh dhuibh féin bailtean, gu bhli 'n am bailtibh dhèidh dhuibh, a chum gu'n teich am marbhaiche an sin, a mharbhas neach 'an ain-fhios.

12 Agus bithidh iad duibh 'n am bailtibh a' chum dhèidh o'n dioghaltair; a chum nach bàsaich esan a mharbhas duine, gus an seas e an làthair a' chomhehrinneachaidh ann am breitheanas.

13 Agus de na bailtibh sin a bheir sibh seachad, bithidh sè bailtean agaibh a chum dhèidh.

14 Bheir sibh seachad tri bailtean air an taobh so de Iordan, agus tri bailtean bheir sibh seachad ann an tìr Chanaain, a bhios 'n am bailtibh dhèidh.

15 Bithidh na sè bailtean sin 'n an dhèidh, *araon* do chloinn Israeil, agus do'n choigreach, agus dhasan a bhios air chuairt 'n am measg; a chum gu'n teich gach neach an sin, a mharbhas duine gun fhios.

16 Agus ma bhuailcas se e le h-inneal iarunn, (air chor as gu'm bàsaich e,) *is* mortair e: cuirear gu cinnteach am mortair gu bàs.

17 Agus ma bhuailcas se e le clach a thilgeadh (a dh'fheudas a bhàs a thoirt,) agus gu'm bàsaich e, *is* mortair e: cuirear gu cinnteach am mortair gu bàs.

18 No ma bhuailcas se e le làmh-bhall fiodha (a dh'fheudas a bhàs a thoirt,) agus gu'm faigh e bàs, *is* mortair e: cuirear gu cinnteach am mortair gu bàs.

19 Marbhaidh dioghaltair na fola e féin ann mortair: an uair a choinnicheas se e, marbhaidh se e.

20 Ach ma bheir e urchuir dha tre fhuath, no ma thilgeas e *ni sam bith* air 'am feall-fholach, air chor as gu'm faigh e bàs;

21 No ma bhuailcas se e le a làmh ann an naimhdeas, air chor as gu'm faigh e bàs; cuirear esan a bhuail e gun teagamh gu bàs; *oir is* mortair e: marbhaidh dioghaltair na fola am mortair, an uair a choinnicheas se e.

22 Ach ma thug e urchuir dha gu h-obann gun naimhdeas, no ma thilg e *ni sam bith* air gun fheall-fholach;

23 No le cloich sam bith, a dh'fheudas bàs duine a thabhairt, gun e 'g a fhaicinn, agus gu'n do thilg e air e, air chor as gu'm faigh e bàs, agus nach bu naimhaid da e, agus nach d'iarr e a chron;

24 An sin bheir an comhehrinneachadh breth eadar am marbhaiche agus dioghaltair na fola, a réir nam breitheanas sin:

25 Agus saoraidh an comhehrinneachadh am marbhaiche á làmh dioghaltair na fola, agus cuiridh an comhehrinneachadh air ais e do bhaile a dhèidh, gus an do theich e: agus fanaidh e ann gu bàs an àrd-shagairt, a dh'ungadh leis an olaidh naoimh.

26 Ach ma thig am marbhaiche uair air bith an taobh a mach de chrìch baile a dhèidh, gus an do theich e;

27 Agus gu'm faigh dioghaltair na fola e an taobh a mach de chrìcheaibh baile a dhèidh, agus gu'm marbh dioghaltair na fola am marbhaiche; cha bhli e ciontach de fhuil:

28 A chionn gu'm bu chòir dha fuireach ann am baile a dhèidh gu bàs an àrd-shagairt: ach an dèigh bàis an àrd-shagairt, pillidh am marbhaiche gu fearann a sheilbhe féin.

29 Agus bithidh na *nithean* sin 'n an reachd breitheana's dhuibh, air feadh bhur ginealach, 'n ur n-àitibh-còmhnuidh uile.

30 Ge b'e 'mharbhas neach sam bith, cuirear am mortair gu bàs le beul fhianuisan: ach cha toir aon fhianuis teistean an aghaidh neach sam bith a *chum a chur* gu bàs.

31 Agus cha ghabh sibh éiric sam bith air son anama mortair, a cha ciontach do bhàs; ach cuirear gu cinnteach gu bàs e.

32 Agus cha ghabh sibh éiric sam bith air a shon-san a theich do bhaile a dhèidh, a chum gu'n tigeadh e ris a ghabhail còmhnuidh 's an fhearann, gu bàs an t-sagairt.

33 Mar sin cha truail sibh am fearann anns am *bheil* sibh; oir truailidh fuil am fearann, agus cha-nèil e 'n comas am fearann a ghlanadh de'n fhuil a dhoirteadh ann, ach le fuil an tì a dhòirt i.

34 Na salaichibh uime sin am fearann anns am bi sibh a còmhnuidh, anns am bheil mise a'm' còmhnuidh; a chionn gu bheil mise an Tighearn a'm' còmhnuidh 'am meadhon chloinn Israeil.

CAIB. XXXVI

Nigheanan chloinn Israeil aig an robh oighreachd, gu ròsadh 'n an tréibh féin.

AGUS thàinig prìomh aithrichean theaghlacha chloinn Ghileaid, mhic Mhachir, mhic Mhanaseh, de theaghlachibh mhac Ioseph, am fagus, agus labhair iad an làthair Mhaois, agus an làthair nan ceannard, *eadhon* prìomh aithrichean chloinn Israeil;

2 Agus thubhairt iad, Dh'àithn an Tighearn do m' thighearn am fearann a thoirt mar oighreachd le crannchur do chloinn Israeil, agus dh'àithneadh do m' thighearn leis an Tighearn, oighreachd ar bràthar Shelopheaid a thoirt d'a nigheanaibh.

3 Agus ma phòsar iad ri h-aon de mhic nan treubh *eile* de chloinn Israeil, an sin bheir an oighreachd-san o oighreachd ar n-aithrichean, agus cuirear i ri oighreachd na tréibhe d'an gabhar iad: mar sin bheir e i o chranncur ar n-oighreachd-ne.

4 Agus an uair a bhitheas an iubile ann do chloinn Israeil, an sin cuirear an oighreachd ri oighreachd na tréibhe gus an do ghabhadh iad: mar sin bheir an oighreachd-

pillidh gach duine agaibh g'a sheilbh, a thug mi dhuibh.

21 Agus dh'àithn mi do Iosua's an àm sin, ag ràdh, Chunnaic do shùilean na h-uile nithean a rinn an Tighearn bhur Dia ris an dà rìgh sin: mar sin nì an Tighearn ris na rìoghachdaibh uile gus *am bheil* thu dol.

22 Cha bhi eagal oirbh rompa: oir cogaidh an Tighearn bhur Dia e féin air bhur son.

23 Agus ghuidh mi air an Tighearn 's an àm sin, ag ràdh,

24 O Thighearna Dhé, thòisich thu air do mhòrachd, agus do làmh chumhachdach a nochdadh do d' òglach; oir co an dia air nèamh no air talamh, a's urrainn a dheanamh a réir d'òibre-sa, agus a réir do chumhachd-sa?

25 Guidheam ort, leig dhomh dol thairis, agus am fearann maith sin fhaicinn a *tha* 'n taobh thall de Iordan, an sliaibh maith sin, agus Lebanon.

26 Ach bha fearg air an Tighearn rium air bhur son-sa, agus cha d'éisd e rium: agus thubhairt an Tighearn rium, Gu ma leòr leat e; ~~na~~ labhair nì's mò rium mu'n chùis so.

27 Falbh suas gu mullach Phisgah, agus tog suas do shùilean ris an àird' an iar, agus ris an àirde tuath, agus ris an àirde deas, agus ris an àird' an ear, agus amhaire le d' shùilibh; oir cha téid thu thar Iordan so.

28 Ach thoir àithne do Iosua, agus thoir misneach dha, agus neartaich e: oir théid esan thairis roimh an t-slugh so, agus bheir e orra am fearann sin a chi thusa, a shealbhachadh mar oighreachd.

29 Mar sin ghabh sinn còmhluaidh 's a' ghleann thall fa chomhair Bhetpeoir.

CAIB. IV.

1 *Eavail chum àmhlaich do lagh Dhé.* 41 *Chuir Maois air leth trì bailtean dèidein air an taobh an ear de Iordan.*

ANIS uime sin éisd, O Israeil, ris na reachdaibh, agus ris na breitheanaibh, a *tha* mise a' teagasg dhuibh a dheanamh, a chum gu'n bi sibh beò, agus gu'n téid sibh a steach agus gu'n sealbhaich sibh am fearann a bheir an Tighearn Dia bhur n-aithrichean dhuibh.

2 Cha chuir sibh a' bheag ris an fhocal a *tha* mise ag àithneadh dhuibh, nì mò a bheir sibh nì sam bith uaithe, a chum gu'n gléidh sibh àitheantan an Tighearna bhur Dé, a *tha* mise ag àithneadh dhuibh.

3 Chunnaic bhur sùilean eòd a rinn an Tighearn thaobh Bhaal-peoir: oir na daoine sin uile a lean Baal-peor, sgrios an Tighearn bhur Dia iad as bhur measg.

4 Ach *tha* sibhse a lean ris an Tighearn bhur Dia, beò gach aon agaibh air an là'n diugh.

5 Feuch, theagaisg mi dhuibh reachdan agus breitheanaibh, eadhon mar a dh'àithn

an Tighearn mo Dhia dhomh, a chum gu'n deanadh sibhise mar sin anns an fhearann gus am bheil sibh a' dol g'a shealbhachadh.

6 Uime sin gleidhibh agus deanaibh *iad*; oir *is* e so bhur gliocas agus bhur tuigse ann an sealladh nan cinneach, a chluinnas na reachdan sin uile, agus a their, Gu cinnteach *is* sluagh glie agus tuigseach an cinneach mòr so.

7 Oir co e an cinneach *co* mhòr, aig *am bheil* Dia am fagus doibh, mar a *tha* 'n Tighearn air Dia-ne 's na h-uile *nithibh* air son am bheil sinne a' gairm air?

8 Agus co an cinneach *co* mhòr, aig am bheil reachdan agus breitheanaibh *co* cheart ris an lagh so uile, a *tha* mise a' cur roimhibh air an là'n diugh?

9 A mhàin thoir an aire dhuit féin, agus gléidh d'anam gu dìchiollach, air eagal gu'n dì-chuimhnich thu na nithean sin a chunnaic do shùilean, agus air eagal gu'n dealaich iad ri d' chridhe uile làithean do bheatha; ach teagaisg iad do d' mhie, agus do mhie do mhac:

10 *Gu h-àraidh* an là a sheas thu an làth-air an Tighearna do Dhé ann an Horeb, an uair a thubhairt an Tighearn riumsa, Tionail thugam an sluagh r'a chéile, agus bheir mi orra mo bhriathran a chluinntinn, a chum gu'm fòghlum iad eagal a ghabhail romham rè nan uile làithean a *lhu*ios iad beò air an talamh, agus *gu'n* teagaisg iad an clann.

11 Agus thàinig sibh am fagus, agus sheas sibh fo 'n t-sliabh; agus bha 'n sliaibh a' losgadh le teine gu meadhon nèimh, maille ri duibhre, neoil, agus dubh dhorchadas.

12 Agus labhair an Tighearn ribh á meadhon an teine: chuala sibh guth nam briathran, ach coslas sam bith cha-n fhaca sibh; a mhàin *chuada* sibh guth.

13 Agus chuir e 'n céill duibh a choimhcheangal, a dh'àithn e dhuibh a choimhlionadh, *eadhon* deich àitheantan; agus sgrìobh e iad air dà chlàr chloiche.

14 Agus dh'àithn an Tighearn dhomhsa 's an àm sin, reachdan agus breitheanaibh a theagasg dhuibh, a chum gu'n deanadh sibh iad anns an fhearann a théid sibh a null g'a shealbhachadh.

15 Thugaibh uime sin an aire mhaith dhuibh féin, (oir cha-n fhaca sibh gné coslais sam bith anns an là *air* an do labhair an Tighearn ribh ann an Horeb, á meadhon an teine.)

16 Air eagal gu'n truaill sibh sibh féin, agus gu'n dean sibh dhuibh féin deallh snaidhte, coslas riochd air bith, coslas fir no mnà,

17 Coslas ainmhidh sam bith a *tha* air an talamh, coslas eòin sgiathaich air bith a dh'italaicheas 's an athar,

18 Coslas nì sam bith a shnàigeas air an

làr, coslas éisg air bith a *tha* 's na h-uigibh fò'n talamh;

19 Agus air eagal gu'n tog thu suas do shùilean ri nèamh, agus an uair a chi thu a' ghrian, agus a' ghealach, agus na reultan, *eadhon* slòigh nèimh uile gu'n tairngear thu gu cromadh sìos dhoibh, agus gu aoradh a dhèanamh dhoibh, a roim an Tighearn do Dhia ris gach cinneach a tha fo nèamh uile.

20 Ach ghabh an Tighearn sibhse, agus thug e mach sibh as an àmhuinn iarum, as an Eiphit, gu bhli 'n 'ur sluagh air son oighreachd dha féin, mar air an là 'n diugh.

21 Agus bha fearg aig an Tighearn riunsa air bhur sona, agus mhionnaich e nach rachainn thar Iordan, agus nach rachainn a steach do'n fhearann mhaith sin a *tha* 'n Tighearn do Dhia a' tabhairt duit mar oighreachd.

22 Ach is éigin domh bàs fhaotainn 's an fhearann so, cha téid mi thar Iordan; ach théid sibhse null, agus sealbhaichidh sibh am fearann maith sin.

23 Thugaibh an aire dhuibh féin, air eagal gu'n dì-chuimhnich sibh coimhcheangal an Tighearna bhur Dé, a rinn e ribh, agus gu'n dean sibh dhuibh féin dealbh snaidhte, coslas *ni* air bith a thoirnisg an Tighearn do Dhia dhuit:

24 Oir is teine dian-loisgeach an Tighearn do Dhia; *is* Dia èudmhor e.

25 'N uair a ghineas tu clann, agus clann cloinne, agus a dh'fhanas sibh fada 's an fhearann, agus a thruaillas sibh *sibh féin*, agus a ni sibh dealbh snaidhte, coslas *ni* sam bith, agus a ni sibh ole am an sealladh an Tighearna do Dhé, agus a bhrosnaicheas sibh e gu feirg;

26 Gar-meam nèamh agus talamh mar fhiauis 'n 'ur n-aghaidh air an là 'n diugh, gu'n t'g léir-grios oirbh gu h-aithghearr as an fhearann a chum am bheil sibh 'dol thar Iordan g'a shealbhachadh: cha bhunaich sibh bhur làithean ann, ach sgriosar sibh gu tur.

27 Agus sgapaidh an Tighearn sibh am measg nan cinneach, agus fàgar sibh tearc 'an àreann am measg nan cinneach, far an toir an Tighearn sibh.

28 Agus an sin ni sibh seirbhis do dhiathuibh, obair làmhnan dhaoine, fiodh agus clach, nach faic, agus nach cluinn, agus nach ith, agus nach gabh faile.

29 Ach ma dh'iarras tu 'n Tighearn do Dhia as a sin amaisidh tu air, ma dh'iarras tu e le d' uile chridhe, agus le d'uile anam.

30 'N uair a bhitheas tu am an àmhlghar, agus a th'g na nithean sin uile ort 's na làithibh deireannach, ma philleas tu chum an Tighearna do Dhé, agus ma bhitheas tu àmhal d'a ghuth:

31 (Oir is Dia trèaireach an Tighearn do Dhia-sa,) cha tréig e thu, ni mò a sgriosas

e thu, no dhì-chuimhnicheas e coimhcheangal d'aithrichean, a mhionnaich e dhoibh.

32 Oir fiosaich a nis de na làithibh a chaidh seachad, a bha romhad, o'n là air an do chruthaich Dia an duine air an talamh, agus *fiosaich* o aon iomall de nèamh gus ant-iomall eile, an robh riamh *ni sam bith* ann mar an ni mòr so, no'n cualas *ni* cosmhuil ris?

33 An cuala sluagh *sam bith* guth Dhé a' labhairt á meadhon an teine, mar a chuala tusa, agus an do mhair iad beò?

34 No 'n d'fheuch Dia ri dol gu cinneach a ghabhail da féin o mheasg cinnich *eile*, le deucha'nnaibh, le comharaibh, agus le h-iongantasaibh, agus le cogadh, agus le h-ìmh chumhachdaich, agus le gairdean sìnte mach, agus le h-uamhasaibh mòra, a réir nan uile nithean a rinn an Tighearn bhur Dia air bhur son 's an Eiphit fa chomhair bhur sùl?

35 Dhuitse nochdadh e, chum gu'm bith-eadh fios agad gur e 'n Tighearn *a's* Dia ann; cha-n *eil* ann ach e.

36 A nèamh thug e ort a ghuth a chluinntinn, a chum gu'n teagaisgcadh e thu; agus air talamh nochd e dhuit a theine mòr, agus chuala tu a bhriathran á meadhon an teine.

37 Agus a chionn gu'n do ghràdhaich e d'aithrichean, uime sin thagh e an sìochd 'n an déigh, agus thug e thusa mach 'n a shealladh, le 'chumhachd mòr, as an Eiphit;

38 A dh'fhuadachadh a mach chinneach romhad, a's mò agus a's cumhachdaiche na thusa, g'ad thoirt-sa stigh a thabhairt dhuit am fearainn 'n a oighreachd, mar air an là 'n diugh.

39 Bitheadh agad fios uime sin an diugh, agus thoir faicair ann ad chridhe, gur e 'n Tighearn *a's* Dia ann air nèamh shuas, agus air an talamh a bhos: cha-n *eil* ann ach e.

40 Gleidhidh tu uime sin a reachdan, agus àitheantan, a tha mise ag àithneadh dhuit an diugh, a chum gu'n éirich gu maith dhuit, agus do d' chloinn a'd' dhéigh, agus a chum gu 'm buanaich thu do làithean air an fhearann, a bheir an Tighearn do Dhia dhuit gu bràth.

41 An sin chuir Maois air leth trì bailtean air an taobh so de Iordan, leth ri éirigh na gréine:

42 A chum gu'n teicheadh am marbhaiche an sin, a mharb a choimhearsnach gun fhios da, agus gun fhuath aige dha 's an a'nsir a chaidh seachad; agus gu'n teicheadh e gu' h-aon de na bailtibh sin, agus gu maireadh e beò:

43 *Eadhon* Baser'san fhàsach, ann an dùth-aich a' chòmhnaidh, de na Reubenich; agus Ramot ann an Gilead, de na Gadaich; agus Golan ann am Basan, de na Manasaich.

44 Agus *is* e so an lagh a chuir Maois roimh chloinn Israeil.

45 *Is* iad so na teisteis, agus na reachdan, agus na breitheanais, a labhair Maois ri chloinn Israeil, an uair a thàinig iad a mach as an Eiphit,

46 Air an taobh so de Iordan 's a' ghleann thall fa chomhair Bheth-pcoir, ann am fearann Shihoin rìgh nan Amorach, a *Uha* 'chòmhnuidh ann am Hesbon, a bhuail Maois agus clann Israeil, an dèigh dhoibh teachd a mach as an Eiphit:

47 Agus shealbhaich iad 'fhearann, agus fearann Og rìgh Bhasàin, dà rìgh nan Amorach, a *Uha* air an taobh so de Iordan, leth ri éiridh na gréine;

48 O Aroer, a tha Rìmh ri bruaich sruth Arnoin, eadhon gu sliabh Shioin, a's e Hermon,

49 Agus an còmhnaidh uile air an taobh so de Iordan a làimh na h-àird' an ear, eadhon gu muir a' chòmhnaidh, fo thobraichibh Phisgah.

CAIB. V.

1 *Aithris a' choimhcheangail a rinn Dia ri chloinn Israeil ann an Horeb. 6 Na deich àith-cantain. 23 Air iarrtus an t-sluaigh fhuair Maois an lagh o Dhia.*

AGUS ghairm Maois air Israel uile, agus thubhairt e ri, Eisd, O Israeil, ris na reachdaibh agus na breitheanais a labhras mi 'n 'ur chusaibh air an là'n diugh, a chum gu'm fòghlum sibh iad, agus gu'n gleidh agus gu'n dean sibh iad.

2 Rinn an Tighearn ar Dia coimhcheangail ruinn ann an Horeb.

3 Cha d' rinn an Tighearn an coimhcheangal so r'ar n-àithrichean, ach ruinne, eadhon ruinne a *tha* uile beò an so air an là'n diugh.

4 Aghaidh ri h-aghaidh labhair an Tighearn ribh 's an t-sliabh, á meadhon an teine,

5 (Sheas mise eadar an Tighearn agus sibhse 's an àm sin, a nochdadh dhuibh focal an Tighearna: oir bha eagal oirbh roimh an teine, agus cha deachaidh sibh suas do'n t-sliabh,) ag ràdh,

6 *Is* mise an Tighearn do Dhia, a thug a mach thusa á tir na h-Eiphit, á tigh na daorsa.

7 Na bitheadh dée sam bith eile agad a'm' fhianuis.

8 Na dean dhuìt féin dealbh snaidhte, no coslas air bith *dhi'an* ni a *tha* shuas air nèamh, no a *tha* shìos air an talamh, no a *tha* 's na h-uisgeachaibh fo 'n talamh.

9 Na crom thu féin sìos doibh, agus na dean seirbhìs doibh: oir mise an Tighearn do Dhia, *is* Dia èudmhor *mi*, a' leantuin aingidheachd nan aithrichean air a' chloinn, agus air an treas agus air a' cheathramh *ginealach* dhiubhsan a dh'fhuathaicheas ni,

10 Agus a' deanamh tràcair air mìltibh

dhiubhsan a ghràdhaicheas mi, agus a ghleidheas m'aitheantan.

11 Na tabhair ainm an Tighearna do Dhé 'an dìomhanas: oir cha mheas an Tighearn neòchiontach *esan* a bheir 'ainm 'an dìomhanas.

12 Thoir an aire là na sàbaid a naomhachadh, mar a dh'àithn an Tighearn do Dhia dhuìt.

13 Sè làithean saothraichidh tu, agus ni thu d'obair uile;

14 Ach air an t-seachdamh là *tha* sàbaid an Tighearna do Dhé: *air an là* so cha dean thu obair sam bith, thu féin, no do mhac, no do nighean, no d'òglach, no do bhanoglach, no do dhamh, no d'asal, no aon air bith de d' spréidh, no do cho'greach a *tha* 'n taobh a stigh de d' gheataibh; a chum gu'n gabh d'òglach agus do bhanoglach fois co mhaith riut féin.

15 Agus cuimhnich gu'n robh thu *féin* a'd' sheirbhiseach ann an tìr na h-Eiphit, agus gu'n d'thug an Tighearn do Dhia mach as a sin thu, le Rìmh chumhachdaich agus le gáirdean sìnte mach: uime sin dh'àithn an Tighearn do Dhia dhuìt an t-sàbaid a choinneadh.

16 Tabhair urram do d'athair agus do d' mhàthair, mar a dh'àithn an Tighearn do Dhia dhuìt; a chum gu'm buanaichear do làithean, agus gu'n éirich gu maith dhuìt, 's an fhearann a bheir an Tighearn do Dhia dhuìt.

17 Na dean mortadh.

18 Ni mò a ni thu adhaltrannas.

19 Ni mò a ghoidcas tu.

20 Ni mò a bheir thu fianuis bhréige an aghaidh do choimhearsnaich.

21 Ni mò a mhiannaicheas tu bean do choimhearsnaich, ni mò a shauntaicheas tu tigh do choimhearsnaich, 'fhearann, no 'òglach, no 'bhanoglach, no 'dhamh, no 'asal, no *ni* air bith a's le do choimhearsnaich.

22 Na briathran sin labhair an Tighearn r'ur coimhthional uile 's an t-sliabh, á meadhon an teine, an ncoil agus an dubh dhorchadais, *le* guth mòr; agus cha do chuir e tuilleadh ris: agus sgrìobh e iad air dà chlàr chloiche, agus thug e dhomhsa iad.

23 Agus an uair a chuala sibh an guth á meadhon an dorchadais, agus an t-sleibh a' losgadh le teine, an sin thàinig sibh am fagus dhomhsa, *eadhon* uile cheannardan thur treubhan, agus bhur scanairean,

24 Agus thubhairt sibh, Feuch, dh' fhoillsich an Tighearn ar Dia dhuinn a ghloir, agus a mhòrachd, agus chuala sinn a ghuth á meadhon an teine: chunnaic sinn an diugh gu'n labhair Dia ri duine, agus gu mair e beò.

25 A nis uime sin c'ar son a gheibheamaid bàs? oir lòsgidh an teine mòr so sinn. Ma chluinneas sinn guth an Tighearna ar Dé tuilleadh, an sin bàsaichidh sinn.

26 Oir eò *dè'n* uile fheoil a chuala guth an Dé bheadh a' labhairt á meadhon an teine, mar a rium sinne, agus a mha'ir beò?

27 Theirig-sa ann lagus, agus éisd ris na h-uile nithibh a their an Tighearn ar Dia; agus labhair thusa ruinne gach *ní* a their an Tighearn ar Dia riut, agus éisdidh sinne ris, agus ní sinn e.

28 Agus chual' an Tighearn guth bhur briathran, 'n uair a labhair sibh rium: agus thubhairt an Tighearn rium, Chuala mi guth bhriathran an t-sluaigh so, a labhair iad riut: *is* maith a thubhairt iad gach ní a labhair iad.

29 O gu'm bitheadh an gnè cridhe so anna, gu'm bitheadh m'cagals' orra, agus gu'n gleidheadh iad m'aitheantan uile a ghnath, a chum gu'n éireadh gu maith dhoibh, agus d'an clònn gu bràth!

30 Imich, abair riu, Rachaibh d'ur bùth-aibh a ris.

31 Ach do d' thaobhsa, seas an so làimh riumsa, agus labhraidh mi riut na h-àith-eantan uile, agus na reachdan, agus na breitheana's, a theagaisgeas tu dhoibh, a chum as gu'n dean siad *iad* anns an fhearann a *tha* mise a' tabhairt dhoibh r'a shealbhadh.

32 Their sibh an aire uime sin gu'n dean sibh mar a dh'èithu an Tighearn bhur Dia dhuibh: cha chlaon sibh a thaobh a chum na làithe deise no clithe.

33 Anns gach slighe a dh'èithn an Tighearn bhur Dia dhuibh ghuaisidh sibh, a chum gu'm bi sibh beò, agus gu'n éirich gu maith dhuibh, agus gu'm buanaich sibh *bhur* làithean anns an fhearann a shealbhaicheas sibh.

CAIB. VI.

1 *Is i àmhhlachd do thoil Dhé crìoch an lagha.*

3 *Earrail do'n t-sluaigh chum na crìche so.*

ANIS *is* iad so na h-àitheantan, na reachdan, agus na breitheana's, a dh'èithn an Tighearn bhur Dia a theagasg dhuibh, a chum gu'n deanadh sibh *iad* 's an fhearann d'am bheil sibh a' dol g'a shealbhadh:

2 A chum gu'n bitheadh cagal an Tighearna do Dhé ort, gu'n gleidheadh tu a reachdan uile, agus àitheantan, a *tha* mise ag àithneadh dhuit, thu féin, agus do mhac, agus mac do mhie, uile làithean do bheatha, agus a chum gu'm buanaichear do làithean.

3 Eisd uime sin, O Israel, agus their an aire gu'n dean thu so, a chum gu'n éirich gu maith dhuit, agus gu'm fàs sibh ro fionn, mar a gheall an Tighearn Dia d'aithrichean dhuit, ann am fearann a *tha* sruthadh le bainne agus mil.

4 Eisd, O Israel: An Tighearn ar Dia-ne, *is* aon Tighearn e.

5 Agus gràdhaidh tu an Tighearn do Dhia le d' uile chridhe, agus le d' uile amam, agus le d' uile neart.

6 Agus bithidh na briathran so, a *tha* mi ag àithneadh dhuit an diugh, ann ad chridhe;

7 Agus teagaisgidh tu iad do d' chloinn, agus labhraidh tu orra 'n uair a shuidheas tu a d' thigh, agus an uair a dh'im'cheas tu air an t-slighe, agus an uair a luidheas tu sìos, agus an uair a dh'éireas tu suas.

8 Agus ceanglaidh tu iad mar chomharadh air do làimh, agus bithidh iad mar eudanain eadar do shùilbh.

9 Agus sgrìobhaidh tu iad air ursainnibh do thighe, agus air do gheataibh.

10 Agus an uair a bheir an Tighearn do Dhia thu do'n fhearann a mhìonnaidh e do d' aithrichean, do Abraham, do Isaac, agus do Iacob, gu'n tugadh e dhuit bàiltan mòra agus ma'ithe, nach do thog thu féin.

11 Agus tighean làn de gach ní maith nach do lion thu agus tobraichean cladh-aichte nach do chladhaich thu, fion-liosan agus liosan-claidh nach do shuidhich thu, 'n uair a dh'itheas tu agus a bhithcas tu air do shàsachadh;

12 *An sin* thoir an aire air cagal gu'n dì-chuimhich thu an Tighearn, a thug a mach thu à tìr na h-Eiphit, a t'gh ua daorsa.

13 Bithidh eagal an Tighearna do Dhé ort, agus ní thu seirbhìs dha, agus mìonnaichidh tu air 'ainm.

14 Cha téid sibh an déigh dh'athan eile, de dh'athaibh an t-sluaigh a *tha* mu'n cuairt oirbh;

15 (Oir *tha* 'n Tighearn do Dhia 'n a Dhia eudamhor 'n 'ur measg;) air cagal gu'n las fearg an Tighearna do Dhé a d' aghaidh, agus gu'n sgròs e thu o aghaidh na talmhainn.

16 Cha bhrosnaich sibh an Tighearn bhur Dia, mar a bhrosnaich sibh e ann am Masah.

17 Gleidhidh sibh gu dìchiollach à themtan an Tighearna bhur Dé, agus a theisteis, agus a reachdan, a dh'èithn e dhuit.

18 Agus ní thu an *ní sin* a *tha* ceart agus maith ann an sealladh an Tighearna; a chum gu'n éirich gu maith dhuit, agus gu'n téid thu steach, agus gu'n sealbhaich thu an fearann maith a mhìonnaich an Tighearn do d'aithrichean;

19 A thilgeadh a mach do naimhdean uile romhad, mar a labhair an Tighearn.

20 'N uair a dh'fhiosraicheas do mhac dhòt 's an aimsir ri teachd, ag ràdh, Ciod *a's ciall* do na teisteachaibh, agus do na reachdaibh, agus do na breitheana's a dh'èithn an Tighearn ar Dia dhuibh?

21 An sin their thu ri d' mhac, Bha sinn 'n ar tràillibh aig Pharaoh 's an Eiphit, agus thug an Tighearn a mach sinn as an Eiphit le làimh chumhachda'ch.

22 Agus nochd an Tighearn comharan agus iongantasan mòra agus doilgheasach 's an Eiphit, air Pharaoh, agus air a theaghlach uile fa chomhair ar sul;

23 Agus thug e mach sinn as a sin, a chum gu'n tugadh e sinn a stigh, a thoirt dhuinn an fhearainn a mhionnaich e d'ar n-aithrichibh.

24 Agus dh'àithn an Tighearn dhuinn na reachdan sin uile a dheanamh, eagal an Tighearna ar Dé bhi oirm a chum ar maith a ghnàth, a chum gu'n gleidheadh e beò sinn, mar air an là'n diugh.

25 Agus bithidh e 'n a fhìreantachd dhuinn, ma bheir sinn faicear na h-àitheantan so uile a dheanamh, an làthair an Tighearna ar Dé, mar a dh'àithn e dhuinn.

CAIB. VII.

1 *Uile chomh-chomunn ris na Cinnich air a thoirmeachs, 4 air eagal gu'n tairngeadh siad iad gu h-ìodhol-aoradh.*

'N UAIR a bheir an Tighearn do Dhia thu stigh do'n fhearann a chum am bheil thu 'dol g'a shealbhachadh, agus a thilgeas e mach ronhad mòran chinneach, na Hìtich, agus na Girsasach, agus na h-Amoraich, agus na Canaanach, agus na Peridsich, agus na Hìbhich, agus na Iebusach, seachd cinnich a's mò agus a's cumhachdaiche na thusa;

2 Agus an uair a bheir an Tighearn do Dhia iad thairis a'd làthair, buailidh tu iad, agus cuiridh tu gu tur as doibh; cha dean thu coimhcheangal sam bith riu, ni mò. a nochdas tu trècàir dhoibh;

3 Ni mò a ni thu cleamhas riu; do nighean cha toir thu d'a mhacas, ni mò a ghabhas tu a nighean-san do d' mhacas.

4 Oir tionndaidh iad do mhac o mise a lean-tuinn, a chum gu'n dean iad seirbhis do dh'athann eile: mar sin lasaidh fearg an Tighearna 'n ur n-aghaidh, agus sgriosaidh e thu gu h-obann.

5 Ach mar so buinidh sibh riu: sgriosaidh sibh an altairean, agus brisidh sibh an dealbhan, agus gearraidh sibh sìos an doireachan, agus loisgidh sibh an coslais slnaidhte le teine.

6 Oir is sluagh naomh do'n Tighearn do Dhia thusa: thagh an Tighearn do Dhia thu gu bhi 'd' shluagh àraidh dha féin, os ceann gach sluagh a tha air aghuidh na talmhainn.

7 Cha do ghràdhaich an Tighearn sibh, ni mò a thagh e sibh, a chionn gu'n robh sibh ni bu lìonmhoire na sluagh sam bith eile; (oir is sibh 'bu teirce de gach uile shluagh;)

8 Ach a chionn gu'n do ghràdhaich an Tighearn sibh, agus a chum gu'n gleidheadh e na mionnan a mhionnaich e d'ur n-aithrichibh, thug an Tighearn mach sibh le làimh chumhachdach, agus shaor e thu á tigh nan tràilleann, á làimh Pharaoh rìgh na h-Eiphit.

9 Bitheadh fios agad uime sin, an Tighearn do Dhia gur h-esan Dia, an Dia fìrinneach, a chumas coimhcheangal agus trècàir riu-san

a ghràdhaicheas e, agus a ghleidheas àitheantan, gu mìle ginealach;

10 Agus a dhlòas orrasan a dh'fhuathaicheas e, r'an eudainn, a chum an sgrios: cha dean e moile d'a thaobh-san aig am bheil fuath dha; diolaidh e air r'a eudainn.

11 Gleidhidh tu uime sin na h-àitheantan, agus na reachdan, agus na lreitheanais, a tha mi 'g àithneadh dhuit an diugh a dheanamh.

12 Uime sin, ma dh'èisdeas sibh ris na breitheanais sin, agus na choimhcheas agus ma ni sibh iad, cumaidh an Tighearn do Dhia riutsa an coimhcheangal agus an trècàir a mhionnaich e do d' aithrichibh.

13 Agus gràdhaichidh e thu, agus beannaichidh e thu, agus ni e lìonmhor thu: mar an ceudna beannaichidh e toradh do bhronn, agus toradh d'fhearainn, d'arbhar, agus d'fhion, agus d'oladh, fàs do chruidh, agus treudan do chaorach, 's an fhearann a mhionnaich e do d' aithrichibh a thabhairt duit.

14 Bithidh tu beannaichte os ceann gach sluagh; cha bhi fìrionnach no boirionnach neothorrach 'n ur measg, no measg bhur spréidhe.

15 Agus bheir an Tighearn uait gach eucail, agus cha chuir e ort a h-aon air bith de d'broch ghalaraidh na h-Eiphit, a's aithne dhuit, ach cuiridh e iad orra-san uile le 'm fuathach thu.

16 Agus sgriosaidh tu an sluagh sin uile a bheir an Tighearn do Dhia thairis dhuit; cha ghabh do shùil trasas riu: ni mò a ni thu seirbhis d'an diathan, oir bithidh sin 'n a rìbe dhuit.

17 Ma their thu ann ad chridhe, *Is* mò na cinnich sin na mise, cionnus is urrainn mise an cur á seilbh?

18 Cha bhi eagal ort rompa; ach cuimhnichidh tu gu maith cìod a rinn an Tighearn do Dhia ri Pharaoh, agus ris na h-Eiphitich uile;

19 Na deuchainnean mòra a chunnaic do shùilean, agus na comharan, agus na h-iongantais, agus an làmh chumhachdach, agus an gairdean sìnte mach, leis an d'thug an Tighearn do Dhia mach thu: mar sin ni an Tighearn do Dhia ris an t-sluagh uile roimh am bheil eagal ort.

20 Os bàrr, cuiridh an Tighearn do Dhia an consbeach 'n am measg, gus am bi iad-san a dh'fhàgar, agus a dh'fholaicheas iad féin o d' ghluais air an sgrìos.

21 Cha bhi uamhann ort rompa; oir tha 'n Tighearn do Dhia 'n ur measg, Dia mòr, agus uamhasach.

22 Agus cuiridh an Tighearn do Dhia a mach na cinnich sin romhad a lìon beagain is beagain: cha n fheadh thu an sgrios a dh'aon bheum, air eagal gu'm fàs fadh-bheathaichean na macharach lìonmhor ort.

23 Ach bheir an Tighearn do Dhia iad

thairis duit, agus sgriosaidh e iad le sgrios mòr, gus an cuirear as doibh.

24 Agus bheir e an rìghrean thairis do d' làimh, agus sgriosaidh tu an ainm o bhi fo nèamh: cha seas duine sam bith a'd aghaidh, gus an cuir thu as doibh.

25 Dealbhan snaidhte an diathan loisgidh sibh le teine: cha mhiannaich thu 'nt-airgid no 'u t-dòr a tha orra, ni mò ghabhas tu e dhuit féin, air eagal gu'n rìbeair thu leis: oir is gràineileachd e do'n Tighearn do Dhia.

26 Ni mò bheir thu gràineileachd do d' thìgh, air eagal gu'm bi thu a'd ni mall- aichte cosmhuil ris: ach bheir thu fuath iomlan da, agus gabhaidh tu gràin d'e gu tur, oir is ni mallachta e.

CAIB. VIII.

1 Earail do chloinn Israeil gu'n tugadh iad géill a dh'àitheantaibh Dhé, agus nach dìch- uimhnichadh iad a mhaithas agus a fhreas- dal d'an taobh.

NA h'àitheantan uile a tha mi ag àith- neadh dhuit an diugh, bheir sibh an aire gu'n dean sibh iad, a chum gu'm bi sibh beò, agus gu'm fàs sibh lionmhòr, agus gu'n téid sibh a stigh, agus gu'n seallbhaich sibh ann fearann, a mhionnaich an Tighearn d'ur n-aithrichibh.

2 Agus cuimhnichidh tu an t-slighe sin uile air au do threoraich an Tighearn do Dhia thu rè an dà fhichead bhliadhna so anns an fhàsach, gu d' irioslachadh, gu d' dhearbhadh, a chum gu'm biodh fios ciod a bh'ann ad chridhe, an gleidheadh tu 'àith- eantan, no nach gleidheadh.

3 Agus dh'irioslaich e thu, agus thug e ort ocras fhulang, agus bheathaich e thu le mana, (ni nach b'aithe dhuit féin, ni mò a b'aithe do d'aithrichibh e,) a chum gu'n tugadh e ort fios a bhi agad nach ann le h-aran a mha'n a bheathaichear duine, ach leis gach focal a thig a mach à beul an Tighearna bithidh duine beò.

4 Cha do chaitheadh d'eudach dhìot le h-aois, ni mò a dh'at do chos rè au dà fhichead bliadhna-sa.

5 Bheir thu mar an ceudna faineas ann ad chridhe, uar a smachdaicheas duine a mhac, gur ann mar sin a tha 'n Tighearn do Dhia 'g ad smachdachadh-sa.

6 Uime sin gleidhidh tu àitheantan an Tighearna do Dhé, a chum gu'n gluais thu 'n a shlighibh, agus gu'm bi eagal-san ort.

7 Oir tha 'n Tighearn do Dhia 'g ad tha- bhairt gu fearann maith, fearann shruthan uisgeachan, thobraichean, agus dhoimh- neachdan a tha 'g éirigh suas air feadh ghleann agus air feadh bheann;

8 Fearann cruithneachd, agus eòrna, agus fhìonaineas, agus chraobhan figis, agus phomgranat, fearann olaidh na craoibh- olaich, agus meala;

9 Fearann anns an ith thu aran gun

ghoinne, cha bhi uireasbhuidh ni sam bith ort ann; fearann aig am bheil a ehlachan 'n an iarunn, agus as a bheanntaibh cladhach- ear umha.

10 'N uair a dh'itheas tu agus a shàsuieh- ear thu, an sin beannaichidh tu an Tighearn do Dhia air son an fhearainn mhaith a thug e dhuit.

11 Thoir an aire nach dì-chuimhnich thu an Tighearn do Dhia, air chor as naeh gléidh thu 'àitheantan, agus a bhreithean- ais, agus a reachdan, a tha mise ag àith- neadh dhuit an diugh:

12 Air eagal, an uair a dh'itheas tu, agus a shàsuiehar thu, agus a thogas tu tighean maith, agus a ehòmhnuicheas tu anna;

13 Agus a dh'fhàsas do bhuar agus do chaoraich, agus a mheudaichear d'airgid agus d'òr, agus a mheudaichear gach ni a tha agad;

14 Gu'm bi an sin do ehridhe an a thogail suas, agus gu'n dì-chuimhnich thu 'n Tighearn do Dhia, a thug a mach thu à tìr na h-Eiphit, agus à tigh na daorsa;

15 A threoraich thu troimh 'n fhàsach mhòr agus uamhasach sin, far an robh nathraiche- can loisgeach, agus seorpionan, agus ionadan tartmhòr, far nach robh uisge; a thug a mach dhuit uisge as a' eharraig aillbhinn;

16 A bheathaich thu 's an fhàsach le mana, nach b'aithe do d' aithrichibh, a chum gu'n irioslaicheadh e thu, agus gu'n dearbhadh e thu, a dheanamh maith dhuit ann ad làithibh deircannach;

17 Agus gu'n abair thu ann ad chridhe, Fhuair mo eumhachd, agus neart mo làimhe, an saoihbreas so dhomh.

18 Ach cuimhnichidh tu 'u Tighearn do Dhia: oir is esan a bheircomas dhuit beartas fhaghail, a chum gu'n daingnich e a choinn- cheangal a mhionnaich e do d' aithrichibh, mar air an làin diugh.

19 Agus tarlaidh, ma dhì-chuimhnichas tu air chor sam bith an Tighearn do Dhia, agus gu'n gluais thu an dèigh dhìathan eile, agus gu'n dean thu scribhis doibh, agus gu'n dean thu aoradh dhoibh, tha mi a' toirt fianuis 'n ur n-aghaidh an diugh, gu'n sgriosar gu tur sibh.

20 Mar na cinnich a tha 'n Tighearn a' sgrios roimh blur gnùis, is amhuil sin a thèid as duibhse; a chionn uach b'ail leibh a bhi àmhail do ghuth au Tighearna blur Dé.

CAIB. IX.

Tha Maois a' deanamh a dhìchill gu barail an t-sluaigh islachadh a thaobh an fàrentachd agus an ionracais féin, lè'n ceannaire, an gearan, agus an easamhlachd a cluar' an cuimhne dhoibh.

EISD, O Israeil: tha thu gu gabhail thar Iordan an diugh, gu dol a stèach a shealbhadh chinnceach a's mò agus a's

treise na thu féin, bailtean mòra agus daingnichte suas gu nèamh;

2 Sluagh mòr agus àrd, clann nan Anacach, a's a' tìne dhuibh, agus *mun* cual' thu air a' ràdh, Cò a's urrainn seasamh roimh chloinn Anaic?

3 Uime s'n tuig thusa an dingh, gur e 'n Tighearn do Dhia an tì a' theid thairis romhad 'n a' theine caithreach: cuiridh esan as doibh, agus cuiridh e sìos iad a' d' fhlannais; mar sin fògraidh tu mach iad, agus sgriosaidh tu iad gu grad, mar a' thubhairt an Tighearn riut.

4 Na labhar ann ad chridhe, an déigh do'n Tighearn do Dhia an tìgeadh a' mach romhad, ag ràdh, Air son m'fhèantachd féin thug an Tighearn steach mi a' shealbhadh an fhearainn so; ach air son aingidheachd nan cinneach sin tha 'n Tighearn 'g am fògradh a' mach o' d' làthair.

5 Cha-n ann air son d'fhèantachd, no air son ionracais do chridhe, tha thu 'dol a' shealbhadh ann fearainn; ach air son aingidheachd nan cinneach sin tha 'n Tighearn do Dhia 'g am fògradh a' mach o' d' làthair-sa, agus a' chum gu'n coimhlion e 'n focal a' mhionnach an Tighearn do d'ath-ricibh, Abraham, Isaac, agus Jacob.

6 Tuig uime sin nach ann air son d'fhèantachd-sa a' tha'n Tighearn do Dhia a' toirt duit an fhearainn mhaith so 'a' shealbhadh; oir is sluagh rag mhuinealach thu.

7 Cuimhnich, na di-chuimhnich cionnus a' bhrosnach thu 'n Tighearn do Dhia gu feirg 's an fhàsach: o'n là 's an deachaidh tu mach à tìr na h-Eiphit, gus an d'fhàinig sibh do'n àite so, bha sibh ceannairceach an aghaidh an Tighearna.

8 Mar an ceudna ann an Horeb bhrosnach sibh an Tighearn gu feirg, air chor as gu'n robh corruich air an Tighearn ribh, a' chum bhur sgrios.

9 'N uair a' chaidh mise suas do'n t-slabh a' ghabhail nan clàr chloiche, *eadhon* clàir a' choimhcheangail a' rinn an Tighearn ribh, an sin dh'fhan mi 's an t-slabh dà fhichead là agus dà fhichead oidhech; cha d'ith mi aran, ni mò dh'òl mi uisge:

10 Agus thug an Tighearn dhomh dà chlàr chloiche, sgrìobhta le meur Dhé; agus orra bha sgrìobhta réir nan uile bhriathran a' labhair an Tighearn ribh 's an t-slabh, à meadhon an teine, ann an là a' chomh-chruinneachaidh.

11 Agus tharladh, an ceann dhà fhichead là agus dhà fhichead oidhech, *gu'n* d' thug an Tighearn dhomh 's an dà chlàr chloiche, *eadhon* clàir a' choimhcheangail.

12 Agus thubhairt an Tighearn rium, Eirich, innis sìos gu luath as a so; oir thruaill do shluagh a' thug thu mach as an Eiphit iad féin; chlaon iad gu grad o'n t-slighe a' dh'aithean mise dhoibh; rinn iad dhoibh féin dealbh leaghta.

13 A bhàrr air so, labhair an Tighearn rium, ag ràdh, Chunnac mi an sluagh so, agus, feuch, is sluagh rag-mhuinealach iad.

14 Leig dliomh, a' chum gu'n sgrios mi iad, agus gu'n dubh mi mach an ann o' bhi fo nèamh; agus ni mi dhiotsa cinneach a's cumhachdaiche agus a's mò na iadsan.

15 Mar sin phill mi, agus thàinig mi nuas o'n t-slabh, agus bha 'n slabh a' losgadh le teine; agus bha dà chlàr a' choimhcheangail a'm' dhà làimh.

16 Agus dh'amhairc mi, agus, feuch, bha sibh air peacadh an aghaidh an Tighearna bhuir Dé, rinn sibh laogh leaghta dhuibh féin: bha sibh air tionndadh a' thaobh gu grad as an t-slighe a' dh'aithean an Tighearna dhuibh.

17 Agus ghilac mi an dà chlàr, agus thilg mi as mo dhà làimh iad, agus bhris mi iad fa' chomhair bhuir sùl.

18 Agus thuit mi sìos 'am fianuis an Tighearna, mar air tùs, dà fhichead là agus dà fhichead oidhech; cha d'ith mi aran, ni mò dh'òl mi uisge, air son bhuir peacannan uile a' pheacaich sibh, le ole a' d'heanann ann an sealladh an Tighearna, 'g a' bhrosnachadh gu feirg.

19 Oir bha eagal na feirge orm, agus na ro-chorruich leis an robh an Tighearn feargach 'n ur n-aghaidh-sa chum bhuir sgrios.) Ach dh'éisid an Tighearn rium 's an àm sin mar an ceudna.

20 Agus bha ro-fhearg air an Tighearn ri h-Aaron a' chum a' sgrios: agus rinn mi urnuigh mar an ceudna air son Aaron 's an àm sin féin.

21 Agus ghabh mi bhuir peacadh, an laogh a' rinn sibh, agus loisg mi e le teine, agus phronn mi e, agus mheil mi gu mìn e, *eadhon* gus an d'rinnadh mìn e mar dhuslach; agus thilg mi a' dhuslach 's an t-sruth a' thàinig a' nuas o'n t-slabh.

22 Agus aig Taberah, agus aig Masah, agus aig Cibrot-Hataabha, bhrosnach sibh an Tighearn gu feirg.

23 Mar an ceudna, 'n uair a' chuir an Tighearn sibh o' Chades-barnea, ag ràdh, Rachaidh suas, agus scalbhaicibh ann fearann a' thug mise dhuibh; an sin rinn sibh ceannairc an aghaidh a' tìne an Tighearna bhuir Dé, agus cha do chreid sibh e, ni mò dh'éisid sibh 'a' ghuth.

24 Bha sibh ceannairceach an aghaidh an Tighearna o'n là a' bàillme dhomhsa sibh.

25 Mar so thuit mi sìos 'am fianuis an Tighearna dà fhichead là agus dà fhichead oidhech, mar a' thuit mi sìos air tùs; a' chionn gu'n dubhairt an Tighearn gu'n sgriosadh e sibh.

26 Uime sin rinn mi urnuigh ris an Tighearn, agus thubhairt mi, O Thighearna Dhé, na sgrios do shluagh féin, agus d'òighreachd, a' shaor thu trid do mhorachd, a

thug thu mach as an Eiphit le làimh chumhachdaich.

27 Cuimhnich do sheirblisich, Abraham, Isaac, agus Jacob; na h-amhairc air reasgachd an t-sluaigh so, no air an aingidheachd, no air am peacadh;

28 Air eagal gu'n abair am fearann as an d'thug thu mach sinn, A chionn nach b'urrainn an Tighearn an toirt a steach do'n fhearann a gheall e dhoibh, agus a chionn gu'n robh fuath aige dhoibh, thug e mach iad g'am marbhadh 's an fhàsach.

29 Gidheadh *is* iad do shluaigh iad, agus d'oghreachd, a thug thu mach le d' threùn neart, agus le d' ghairdean sìnte mach.

CAIB. X.

1 *Maitheas agus trócar Dié air an nochdadh le dà chlàr an Lagha ath-nuadhachadh. 8 Treubh Lebhi air a cur air leth, &c.*

SAN àm sin thubhairt an Tighearn rium, Snaidh dhuit fèin dà chlàr chloiche cosmhuil ris na ceud chlàir, agus thig a nìos a'm ionnsuidh-sa do'n t-sliabh, agus dean dhuit àire fhiodha.

2 Agus sgrìobhaidh mise air na clàir na focail a bh'air na ceud chlàir a bhris thu, agus cuiridh tu iad 's an àire.

3 Agus rinn mi àire de fhiodh sìtim, agus shnaidh mi dà chlàr chloiche cosmhuil ris na ceud chlàir, agus chaidh mi suas do'n t-sliabh, agus an dà chlàr a'm làimh.

4 Agus sgrìobh e air na clàir a réir a' cheud sgrìobhaidh, na deich àitheantan, a labhair an Tighearn ribh 's an t-sliabh, à meadhon an teime, ann an là a' chomh-chruinneachaidh: agus thug an Tighearn iad dhomhsa.

5 Agus phill mise, agus thàinig mi nuas o'n t-sliabh, agus chuir mi na clàir 's an àire a rinn mi, agus an sin tha iad, mar a dh'àithn an Tighearn dhomh.

6 Agus dh'imich clann Israel o Bherot chloinn Iaacain gu Mosera: an sin fluair Aaron bàs, agus dh'adhlacaidh e an sin; agus fhrithheil Eleasar a mhac ann an dreuchd an t-sagairt 'n a àite.

7 As a sin dh'imich iad gu Gudgodah, agus o Ghudgodah gu Iotbat, fearann shruthan uisge.

8 'S an àm sin chuir an Tighearn air leth treubh Lebhi, a ghiùlan àire coimhichean-gail an Tighearna, a sheasamh an lùthair an Tighearna gu frithealadh dha, agus a bheannachadh 'n a ainm, gus an là'n diugh.

9 Uime sin cha-n'èil aig Lebhi roinn no oighreachd maille r'a bhràithribh; *is* e 'n Tighearn a's oighreachd dha, a réir mar a gheall an Tighearn do Dhia dha.

10 Agus dh'fhan mi 's an t-sliabh, a réir na ceud ùine, dà fhichead là agus dà fhichead oidhche, agus dh'éisid an Tighearn rium mar an ceudna 's an àm sin, agus cha bu toil leis an Tighearn thusa a sgrìos.

11 Agus thubhairt an Tighearn rium, Eir-

ieh, imich roimh 'n t-sluaigh, a chum gan téid iad a steach, agus gu'n seallbhaich iad am fearann, a mhionnaich mi d'an aithrichibh gu'n tugaibh doibh.

12 Agus a nis, Isracil, ciod a tha 'n Tighearn do Dhia ag iarraidh ort, ach eagal an Tighearna do Dhé a bli ort, gluasad 'n a uile shlighibh, agus a ghràdhachadh, agus seirblis a dheanamh do'n Tighearn do Dhia le d' uile chridhe, agus le d' uile anam;

13 Aitheantan an Tighearna a ghleidheadh, agus a reachdan, a tha mise ag aithneadh dhuit an diugh air son do leas?

14 Feuch, *is* leis an Tighearn do Dhia nèamh, agus nèamh nan nèamhan, an talamh mar an ceudna, agus gach *ni* a tha ann.

15 A mhàin bhia tlachd a'g an Tighearn a'd' aithrichibh g'an gràdhachadh, agus thagh e 'n sliochd 'n an déigh, eadhon sibhse os ceann gach shuaigh, mar air an là'n diugh.

16 Timchioll-ghearraibh uime sin roimh-chroicinn bhur cridhe, agus na bithidh rag-mhuinealach nì's mò.

17 Oir an Tighearn bhur Dia, *is* esan Dia nan Dia, agus Tighearn nan Tighearn, Dia mòr, cumhachdach, agus namhasach, aig nach 'eil bàigh ri neach seach a chéile, agus nach gabh duais.

18 Tha e a' cur 'an gnìomh breitheanas an dilicachdain agus na bantraich, agus is toigh leis an coigreach, a' toirt dha bidh agus eudaich.

19 Uime sin gràdhaidhidh sibh an coigreach; oir bha sibh fèin 'n ur coigrich ann an tìr na h-Eiphit.

20 Bithidh eagal an Tighearna do Dhé ort; dhàsan nì thu seirblis, agus ris-san dlùth-leanaidh tu, agus air 'ainm mionnaichidh tu.

21 *Is* esan do chliu, agus *is* esan do Dhia, a rinn air do shon na nithean mòr' agus uamhasach ud, a chunnaic do shùilean.

22 Le trì fichead agus deich anamanna chaidh d'aithrichcan sìos do'n Eiphit; agus a nis rinn an Tighearn do Dhia thu mar reulta nèimh a thaobh lionmhoireachd.

CAIB. XI.

1 *Earrail do'n t-sluaigh gu gèilleachdainn do lagh Dhé. 8 Dhoibh-san a bhios àrmail dha tha sochairan mòra air an gealltainn. 26 Tha beannachadh agus mallachadh air an cur fa'n comhair.*

AIR an aobhar sin gràdhaidhidh tu 'n Tighearn do Dhia, agus gleidhidh tu a chùram, agus a reachdan, agus a bhreithcanais, agus àitheantan a ghnàth.

2 Agus bithedh fios agaibhse an diugh: oir nì 'n *tabhran* r'ur cloinn do nach b'aithne, agus nach faca smachdachadh an Tighearn' bhur Dé, a mhòrachd, a làmh chumhachdach, agus a ghairdean sìnte mach,

3 Agus a chomharan, agus a ghlìomharan, a rinn e ann an meadhon na h-Eiphit, ri

Pharaoh rìgh na h-Eiphit, agus r' a fhearann uile;

4 Agus cìod a rinn e ri armailt nan Eiphiteach, r'an eich, agus r'an carbadaibh; cionnus a thug e air uisge na mara ruaidhe dol tharta 'n uair a bha iad 'an tòir oirbh, agus cionnus a sgrios an Tighearn iad gus an là'n diugh;

5 Agus cìod a rinn e dhuibhse 's an fhàsach, gus an d'fhàinig sibh do'n àite so;

6 Agus cìod a rinn e ri Datan agus Abiram mic Eliab, mhic Reubein; cionnus a dh'fhosgail an talamh a bheil, agus a shluig e sìos iad, agus an teaghlaichean, agus am bàthan, agus a' mhàin uile a bha 'n an seilbh, 'am meadhon Israèil uile.

7 Ach chunnaic bhur sùilean-sa gnìomharan mòra an Tighearn' uile, a rinn e.

8 Uime sin gleidhidh sibh na h-àitheantan sin uile a tha mi ag àithneadh dhuibh air an là'n diugh, a chum gu'm bi sibh làidir, agus gu'n tèid sibh a stigh agus gu'n sealbhaich sibh am fearann, gus am bheil sibh a' dol g'a shealbhadh;

9 Agus gu'm buanaich sibh bhur làithean aons an fhearann a mhionnaich an Tighearn d'ur u-aithrichibh gu'n tugadh e dhoibh e, agus d'an sliochd, fearann a tha 'sruthadh le bainne agus mil.

10 Oir cha-n'eil am fearann d'am bheil thu 'dol a stigh g'a shealbhadh, mar fhearann na h-Eiphit, o'n d'fhàinig sibh a mach far an robh thu 'cur do shìl, agus g' a uisgeachadh le d' chois, mar lios lusan:

11 Ach am fearann gus am bheil sibh a' dol g'a shealbhadh, is fearann bheann agus ghleann e: de fhrasachd nèimh òlaidh e uisge:

12 Fearann d'am bheil an Tighearn do Dhia a' gabhail cùraim: tha sùilean an Tighearna do Dhé air a ghnàth, o thoiseach na bliadhna eadhon gu deire na bliadhna.

13 Agus tarlaidh, ma dh'èisdeas sibh gu dùrachdach ri m' àitheantaibhs', a tha mi ag àithneadh dhuibh air an là'n diugh, an Tighearn bhur Dia a ghràdhachadh, agus seirbhis a dheanamh dha le'r n-uile chridhe, agus le'r n-uile anam;

14 Gu'n toir mise dhuibh uisge bhur fearainn 'n a àm féin, an ceud uisge, agus an t-uisge deireannach, agus cruinnichidh tu stigh d'arbar, agus d'fhic, agus d'oladh.

15 Agus cuiridh mi fear a d' mhaichair do d' spréidh, agus ithidh tu, agus sàsaichear thu.

16 Thugaibh an aire dhuibh féin, air eagal gu meallar bhur cridhe, agus gu'n claon sibh a leth-taobh, agus gu'n dean sibh seirbhis do dhiathan eile, agus gu'n dean sibh aoradh dhoibh;

17 Agus gu'n las fearg an Tighearna 'n ur n-aghaidh, agus gu'n druid e suas nèamh, air chor as nach bi uisge sam bith ann, agus nach toir am fearann a thoradh uaith,

agus gu'n sgriosar gu grad sibh as an fhearann uhaith a tha 'n Tighearn a' tabhairt duibh.

18 Uime sin taisgidh sibh suas iad so mo bhriathra 'n ur cridhe, agus 'n ur n-anam, agus ceanglaidh sibh iad mar chomharadh air bhur làimh; agus bitheadh iad mar eud-anain eadar bhur sùilean.

19 Agus teagaisgidh sibh iad d'ur cloinn, a' labhairt orra 'n uair a shuidheas tu a d' thigh, agus an uair a dh'imicheas, tu air an t-slighe, agus an uair a luidheas tu sìos, agus an uair a dh'éireas tu suas.

20 Agus sgrìobhaidh tu iad air ursainnean doruis do thighe, agus air do gheataibh:

21 A chum gu'm bi bhur làithean lionmhor, agus làithean bhur cloinne, 's an fhearann a mhionnaich an Tighearn d'ur n-aithrichibh a thoirt doibh, mar làithean nèimh air an talamh.

22 Oir ma ghleidheas sibh gu dùrachadh na h-àitheantan so uile a tha mise ag àithneadh dhuibh a dheanamh, an Tighearn bhur Dia a ghràdhachadh, gluasad 'n a uile shlighibh, agus dlùth-leantainn ris;

23 An sin-tilgidh an Tighearn a mach na cinnich sin uile roimhibh, agus sealbhaichidh sibh cinnich a's mò agus a's cumhachdaiche na sibh féin.

24 Gach àit air an saltair buinn bhar cos, is leibhse: o'n fhàsach agus Lebanon, o'n amhainn, an amhainn Euphrates, eadhon gus an fhaireg a's faide mach, bitheadh bhur crìoch.

25 Cha seas duine 'n ur n-aghaidh: air gach fearann air an saltair sibh, cuiridh an Tighearn bhur Dia eagal agus geilt-ehrith roimhibh, a réir mar a thubhairt e ribh.

26 Feuch, tha mise a' cur fa'r comhair air an là'n diugh beannachadh agus mallachadh;

27 Beannachadh, na bheir sibh géill a dh'àitheantaibh an Tighearna bhur Dé, a tha mi ag àithneadh dhuibh air an là'n diugh;

28 Agus mallachadh, mar toir sibh géill a dh'àitheantaibh an Tighearna bhur D, ach gu'n claon sibh o'n t-slighe a tha mi ag àithneadh dhuibh an diugh, a dhol an déigh dhiathan eile, nach b'aithe dhuibh.

29 Agus tarlaidh, 'n uair a bheir an Tighearn do Dhia thu stigh do'n fhearann d'am bheil thu 'dol g'a shealbhadh, gu'n cuir thu am beannachadh air sliabh Gheridim, agus am mallachadh air sliabh Ebal.

30 Nach 'eil iad air an taobh eile de Iordan, leth ri sliaghe dol fodha na gréine, ann an tìr nan Canaanach, a tha 'g àiteachadh a' còmhnaidh fa chomhair Gulgail, làimh ri còmhnaidh Mhoreh?

31 Oir thèid sibh thar Iordan, a dhol a stigh a shealbhadh an fhearainn a tha 'n Tighearn bhur Dia a' tabhairt duibh, agus sealbhaichidh sibh e, agus gabhaidh sibh còmhnaidh ann.

32 Agus bheir sibh an aire gu'n dean sibh na reachdan uile agus na breitheanais, a tha mi 'cur roimhibh air an là 'n diugh.

CAIB. XII.

1 *Aitean-aoraidh agus altairean nan ìodhol gu bhì air an sgrios. 5 Ant-ionad anns an deantar seirbhis do Dhia gu bhì air a choinhead naomh. 16, 23 Fuil air a toirmeasg.*

IS iad so na reachdan agus na breitheanais a bheir sibhse fainear gu'n dean sibh 's an fhearann a tha 'n Tighearn, Dia d'aithrichean, a' toirt duit g'a shealbhadh, uile làithean bhur beatha air an talamh.

2 Léir-sgrìosaidh sibh na h-àiteachan uile anns an d'rinn na cinnich a shealbhaicheas sibh seirbhis d'an diathaibh, air na beannaibh àrda, agus air na cnocaidh, agus fo gach craoibh ghhlais.

3 Agus leagaidh sibh sìos an altairean, agus brisidh sibh an carraighean, agus loisgidh sibh an doireachan le teime, agus gearraidh sibh sìos dealbhan snaidhte an diathan, agus sgrìosaidh sibh an ainm a mach as an àite sin.

4 Cha dean sibh mar sin ris an Tighearn bhur Dia.

5 Ach a dh'ionnsuidh an àite a ròghnaicheas an Tighearn bhur Dia as bhur treubhan uile, chum 'ainm a chur an sin, *eudhon* a dh'ionnsuidh: 'àite-còmhnuidh-saò iarraidh sibh, agus gu sin thig thu.

6 Agus bheir sibh gu sin bhur tabhartais-loisgte, agus bhur n-ìobairtean, agus bhur deachamh, agus tabhartais-thogta bhur làimhe, agus bhur bòidean, agus bhur sòr-thabhartais, agus ceud-ghin bhur cruaidh agus bhur caorach.

7 Agus ithidh sibh an sin an làthair an Tighearna bhur Dé, agus ni sibh gairdeachas anns gach ni ris an cuir sibh bhur làmh, sibh féin agus bhur teaghlach, anns an do bheannaich an Tighearn do Dhia thu.

8 Cha dean sibh a réir nan uile *nithean* a tha sinn a' deanamh an so an diugh, gach duine an ni a *tha* ceart 'n a shùilibh féin.

9 Oir cha d'fhàinig sibh fathast a dh'ionnsuidh na foise, agus a dh'ionnsuidh na h-oighreachd a *tha* 'n Tighearn bhur Dia, a' tabhairt duibh.

10 Ach an uair a théid sibh thar Iordan, agus a ghabhas sibh còmhnuidh 's an fhearann a bheir an Tighearn bhur Dia dhuibh r'a shealbhadh, agus an uair a bheir e fois dhuibh o'r naimhidh uile mu'n cuairt, agus a ghabhas sibh còmhnuidh gu tèaruinte.

11 An sin bithidh àit ann a thaghas an Tighearn bhur Dia, a thoirt air 'ainm còmhnuidh a ghabhail ann: gu sin bheir sibh na h-uile nithean a *tha* mise ag àithneadh dhuibh; bhur tabhartais-loisgte, agus bhur n-ìobairtean, bhur deachamh, agus tabhartais-thogta bhur làimhe, agus taghadh bhur

bòidean uile a bhòidicheas sibh do'n Tighearn.

12 Agus ni sibh gairdeachas an làthair an Tighearna bhur Dé, sibh féin, agus bhur mic, agus bhur nigheanan, agus bhur n-òglach, agus bhur banoglach, agus an Lebhitheach a *tha* 'n taobh a stigh d'ur geataibh; do bhrìgh nach 'eil roinn no oighreachd aige maille ribh.

13 Thoir an aire dhuit féin, nach ìobair thu d'ìobairtean-loisgte anns gach àit a chi thu.

14 Ach anns an àit a thaghas an Tighearn as aon de d' treubhan, an sin ìobraidh tu d'ìobairtean-loisgte, agus an sin ni thu na h-uile ni a *tha* mise ag àithneadh dhuit.

15 Gidheadh, feudaidh tu feoil a mharbhadh agus itheadh a'd' gheataibh uile, ge b'e ni air am bheil miann aig d'anam, a réir beannachaidh an Tighearna do Dhé a thug e dhuit: feudaidh an neòghlan agus an glan itheadh dh'e; mar de'n bhoc-carba, agus de'n fhiadh.

16 A mhàin cha-n ith sibh an fhuil; air an talamh dòirtidh sibh i mar uisge.

17 Cha-n fheud thu deachamh d'arbhair itheadh an taobh a stigh de d' gheataibh, no d'fhiona, no d'olaidh, no ceud-ghin do chruidh no do chaorach, no h-aon air bith de d' bhòidibh a bhòidicheas tu, no de shaor-thabhartais, no tabhartais-thogta do làimhe:

18 Ach an làthair an Tighearna do Dhé ithidh tu iad anns an àit a thaghas an Tighearn do Dhia, thu féin, agus do mhac, agus do nighean, agus d'òglach, agus do bhanoglach, agus an Lebhitheach a *tha* 'n taobh a stigh de d' gheataibh: agus ni thu gairdeachas an làthair an Tighearna do Dhé anns gach ni ris an cuir thu do làmh.

19 Thoir an aire dhuit féin nach tréig thu an Lebhitheach am feadh is beò thu air d'fhearann.

20 'N uair a leudaicheas an Tighearn do Dhia do chrìoch, mar a gheall e dhuit, agus a their thu, Ithidh mi feoil, (a chionn gu bheil d'anam a' miannachadh feoil itheadh,) a réir uile mhiann d'anama feudaidh tu feoil itheadh.

21 Ma bhitheas an t-àit a thagh an Tighearn do Dhia a chur 'ainme an sin, ro fhada uait; an sin marbhaidh tu de d'bluar, agus de d' threud, a thug an Tighearn dhuit, mar a dh'aithe mise dhuit, agus ithidh tu an taobh a stigh de d' gheataibh gach ni is miannach le d'anam.

22 Eadhon mar a dh'ithear an ruadh-bhoc, agus am fadh, mar sin ithidh tu e: ithidh an neòghlan agus an glan d'e air an aon dòigh:

23 A mhàin thoir an ro-aire nach ith thu 'n fhuil: oir *is* 'n fhuil a' bheatha; agus cha-n fheud thu a' bheatha itheadh maille ris an fheoil.

24 Cha-n ith thu i; air an talamh dòirtidh tu i mar uisge.

25 Cha-n ith thu i, chum gu'n éirich gu maith dhuit, agus do d' chloinn a'd dhéigh, 'n uair a nì thu *an nì a tha* ceart ann an sùilibh an Tighearna.

26 A mhàin gabhaidh tu do nìthan naomha a tha agad, agus do bhòidean, agus thèid thu do'u àit a thaghas an Tighearn.

27 Agus iobairidh tu d' iobairtean-loisgte, an fheoil agus an fhuil, air altair an Tighearna do Dhé; agus dòirtear a mach fuil d' iobairtean air altair an Tighearna do Dhé, agus ithidh tu 'n fheoil.

28 Thoir an aire, agus éisd ris na briathraibh sin uile a *tha* mi ag àithneadh dhuit, a chum gu'n éirich gu maith dhuit féin, agus do d' chloinn a'd dhéigh gu bràth, an uair a nì thu *an nì a tha* maith agus ecart ann an sùilibh an Tighearna do Dhé.

29 'N uair a ghearras an Tighearn do Dhia as na cinnibh romhad, a tha thu' dol a steach an sud a chum an seallbhachadh, agus a thig thu 'n an àite, agus a ghabhas tu còmhnuidh 'n am fearann;

30 Thoir an aire dhuit féin nach ribear thu le'n leantuin, an déigh dhoibh bhì air an sgrios as do làthair, agus nach fiosraich thu mu thimcheall an diathan, ag ràdh, Cionnus a rinn na cinnibh sin seirbhis d'an diathaibh? ni mise mar sin mar an ceudna.

31 Cha dean thusa mar sin ris an Tighearn do Dhia: oir gach gràineileachd d' n Tighearn a's fuathach leis, 'rinn iadsan d'an diathaibh; oir eadhon am mic agus an nigh-eanan loisg iad 's an teine d'an diathaibh.

32 Gaeh mi a *tha* mise ag àithneadh dhuibh, thugaibh an aire gu'n dean sibh e: eha chuir thu ris, ni mò bheir thu ni sam bith riuth.

CAIB. XIII.

1 *Clachar gu bàs iadsan a mheallas daoine gu dol an déigh dhiathan eile, 6 ged a robh iad fagus 'an dàimh dhuit.* 12 *Cha chaomhnar na bailtean anns am bi iodhol-aoradh.*

MA dl'éireas suas 'n ur measg fàidh, no fear a chi aisling, agus gu'n toir e dhuit comharadh no iongantas,

2 Agus gu'n tig an comharadh no'n t-iongantas gu crìch, air an do labhair e riut, ag ràdh, Rachamaid an déigh dhiathan eile, naeh b'aithne dhuit, agus deanamaid seirbhis doibh:

3 Cha-n éisd thu ri briathraibh an fhàidh sin, no ris an fhear sin a chi aisling: oir tha 'n Tighearn bhur Dia 'g ur dearbhadh, a dl'fheuchainn am bheil sibh a' gràdhachadh an Tighearn bhur Dé le'r n-uile chridhe, agus le'r n-uile anam.

4 An déigh an Tighearna bhur Dé gluaisidh sibh, agus bithidh 'eagal-san oirbh, agus gleidhidh sibh àitheantan, agus éisdidh sibh r'a ghuth, agus ni sibh seirbhis da, agus dlùth-leanaidh sibh ris.

5 Agus cuirear am fàidh sin, no am fear

sin a chi aisling, gu bàs; a chionn gu'n do labhair e chum *sibhse* chur air seacharan o'n Tighearn bhur Dia, a thug a mach sibh á tìr na h-Eiphit, agus a dh'fhuasgail sibh á tìgh na daorsa, chum d'iomain a mach as an t-slighe anns an d'aithn an Tighearn do Dhia dhuit imeachd; mar sin cuiridh tu air falbh an t-olc as do mheadhon.

6 Ma chuiras do bhràthair, mae do mhàthar, no do mhae féin, no do nighean, no bean-phòsa d'uehd, no do charaid, a *tha dhuit* mar d'anam, impidh ort ann an uaigneas, ag ràdh, Rachamaid agus deanamaid seirbhis do dhiathan eile, naeh b'aithne dhuit féin, no do d'aithrieibh;

7 *Eadhon* do dhiathan nan cinneach a *tha* mu'n cuairt oirbh, am fagus duit, no fada uait, o'n *dara* ceann de'n talamh eadhon gus an ceann *eile* de'n talamh;

8 Cha-n aontaich thu leis, ni mò a dh'eisdeas tu ris; ni mò a ghabhas do shùil truas ris, ni mò a chaomhnas no'cheileas tu e:

9 Ach cuiridh tu gu einnteach gu bàs e; bithidh do làmh féin an tús air g'a mharbhadh, agus an déigh sin làmh an t-sluaigh uile.

10 Agus clachaidh tu e le clachaibh, a chum gu'm bàsaich e; a chionn gu'n d'iarra e do tharruing o'n Tighearn do Dhia, a thug a mach thu á tìr na h-Eiphit, á tìgh na daorsa.

11 Agus cluinidh Israel uile, agus bithidh eagal orra, agus cha dean iad nì's mò a leithid so de ghnìomh aingidh 'n ur measg.

12 Ma chluinneas tu ann an aon de d' bhaitibh a thug an Tighearn do Dhia dhuit gu còmhnuidh a ghabhail ann, *neach air bith* ag ràdh,

13 Chaidh daoine àraidh, clann Bhelail, a mach as bhur measg, agus bhuair iad luchd-àiteachaidh am baile, ag ràdh, Rachamaid agus deanamaid seirbhis do dhiathaibh eile, naeh b'aithne dhuibh;

14 An sin fiosraichidh tu agus rannsaichidh tu, agus feòraichidh tu gu dùrachdach; agus, feuch, *ma's* fìrinn e, agus gu'm bheil a' chùis dearbhta, *gu'n* do rinneadh a' ghràincilcaehd sin 'n ur measg;

15 Gu einnteach buailidh tu luchd-àiteachaidh a' bhaile sin le faobhar a' ehlaidheimh, 'g a sgrios gu tur, agus gaeh ni a *tha* ann, agus a spréidh, le faobhar a' ehlaidheimh.

16 Agus eruinnidh tu a chreach uile gu meadhon a shràide, agus loisgidh tu le teine am baile, agus a chreach uile gu h-ìomlan, air son an Tighearna do Dhé: agus bithidh e'n a thòrr a chaoidh; cha togar suas e nì's mò.

17 Agus cha lean ri d' làimh-sa a' bheag de'n nì mhallaichte; a chum gu'm pill an Tighearn o lasair 'fheirge, agus gu noehd e trèair dhuit, agus gu'n dean e iochd riut, agus gu'n toir e ort fas lìonmhor, mar a mhìonnaidh e do d'aithrieibh:

18 'N uair a dh'éisdeas tu ri guth an Tigh-carna do Dhé, a ghleidicadh 'áitheantán uile a *tha* mí ag áithneadh dhuit an diugh, a dheanamh an ní a *tha* ceart ann an súilibh an Tighearna do Dhé.

CAIB. XIV.

1 *Cha ghearr agus cha lom clann Dhé iad féin, an uair a ní iad bròn air son maírbh.* 3 *Ná beathaichean a dlé'fheudar íltheadh, agus nach feudar.*

IS sibhse clann an Tighearna bhuir Dé: cha ghearr sibh sibh féin, ní mó a ní sibh lomadh *air bith* eadar bhuir súilean air son maírbh:

2 Oir *is* sluagh naomh thu do'n Tighearna do Dhia, agus thagh an Tighearna thu gu ohí a'd' shluagh sònraichte dha féin, thar gach uile chinneach a *tha* air aghaidh na talmhainn.

3 Cha-n ith thu ní gràineil sam bith.

4 Is iad so na beathaichean a dh'ítheas sibh: an damh, a' chaora, agus a' ghabhar,

5 Am fiadh, agus an ruadh-bhoc, agus an dathais, agus a' ghabhar fhiadhaich, agus an t-earr-gheal, agus an damh fiadhaich, agus an somer.

6 Agus gach beathach a roinneas an ionga, agus a sgoilteas sgoltadh an dà ionga, agus a chnámhas a' chuir, am measg nan ainmhidhean, sin ithidh sibh.

7 Gidheadh, iad so cha-n ith sibh dhiubhsan a chnámhas a' chuir, no dhiubhsan a roinneas an ionga sgoilte, mar an camhal, agus a' mhaigheach, agus an coinean; oir cnamlaidh iad a' chuir, ach cha roinn iad an ionga: neòghlan *tha* iad dhuibh.

8 Agus a' mhuc, a chionn ged a roinneas i 'n ionga, nach cnámh i a' chuir, *tha* i neòghlan dhuibh: d'am feoil cha-n ith sibh, agus r'an cairbh cha bhean sibh.

9 Iad so ithidh sibh dhiubhsan uile a *tha* 's na h-uisgeachaibh: gach ní air am bheil itean agus lannan, ithidh sibh;

10 Agus gach ní air nach 'eil itean agus lannan, cha-n ith sibh: *tha* e neòghlan dhuibh.

11 Gach eun glan ithidh sibh.

12 Ach *is* iad so *iadsan* de nach ith sibh: an iolair, agus an cnámh-bhristeach, agus an iolar-uisge,

13 Agus an cromán-gobhlach, agus an clámhan, agus am fang a réir a ghné,

14 Agus gach fitheach a réir a ghné,

15 Agus a' chailleach-oidhche, agus an t-seabhag-oidhche, agus a' chuach, agus an t-seabhag a réir a ghné,

16 Agus a' chailleach-oidhche bheag, agus a' chailleach-oidhche mhór, agus an eala,

17 Agus am pelican, agus an iolair fhionn, agus an sgarbh,

18 Agus a' chorra-bhàn, agus a' chorra-ghlas a réir a ghné, agus an t-adharcan-luachrach, agus an ialtag.

19 Agus *tha* gach ní snáigeach a dh'íteal-

aicheas, neòghlan dhuibh: cha-n ithear iad.

20 Gach eun glan ithidh sibh.

21 Cha-n ith sibh ní sam bith a bhàsaicheas dheth féin: bheir thu e do'n choigreach a *tha* 'n taobh a stigh de d' gheataibh, chum gu'n ith se e, no reic e ris an ciltir-each: oir *is* sluagh naomh thu do'n Tighearna do Dhia. Cha bhuirich thu meann ann am bainne a mhàthar.

22 Bheir thu seachad gu ceart deachamh uile chinneis do shíl, a bheir am fearann uaith o bhliadhna gu bliadhna.

23 Agus ithidh tu 'm fianús an Tighearna do Dhé, 's an àit a thaghas e chum 'ainm a chur an sin, deachamh d'arbhair, d'fhiona, agus d'olaidh, agus ceud-ghin do chruidh, agus do chaorach; a chum gu fòghlum thu eagal an Tighearna do Dhé a bli ort a ghnàth.

24 Agus ma bhios an t-slighe ro fhada dhuit, air chor as nach urrainn thu a ghiùlan, a chionn an t-àite bhi fada uait, a thaghas an Tighearna do Dhia a chur 'ainme an sin, an uair a bheannaicheas an Tighearna do Dhia thu;

25 An sin ní thu airgiod *d'e*, agus ceanglaidh tu suas an t-airgiod a'd' làimh, agus théid thu chum an àit a thaghas an Tighearna do Dhia:

26 Agus bheir thu an t-airgiod sin air son gach ní a mhiannaicheas d'anam, air son buair, no air son chaorach, no air son fìona, no air son dibhe làidir, no air son gach ní a mhiannaicheas d'anam: agus ithidh tu an sin an lathair an Tighearna do Dhé, agus ní thu gairdeachas, thu féin, agus do theaghlach.

27 Agus an Leblitheach a *tha* 'n taobh a stigh de d' gheataibh, cha tréig thu e: oir cha-n'eil roinn no oighreachd aige maille riut.

28 Aig erioch thri bliadhna bheir thu mach uile dheachamh do chinneis air a' bhliadhna sin féin, agus taisgidh tu suas e an taobh a stigh de d' gheataibh:

29 Agus thig an Leblitheach, (a chionn nach 'eil roinn no oighreachd aige maille riut,) agus an coigreach, agus an dilleachdan, agus a' bhantrach, a *tha* 'n taobh a stigh de d' gheataibh, agus ithidh iad, agus sasuichear iad; a chum gu'm beannaich an Tighearna do Dhia thu ann an uile oibribh do làimhe a ní thu.

CAIB. XV.

1 *An seachdamh bliadhna 'n a bliadhna fuasglaidh do'n bhocd.* 7 *Bheirrean dha air iasachd, agus builichear air an ní a tha dh'eachbuidh air.*

AN ceann gach seachd bliadhna ní thu fuasgladh.

2 Agus *is* e so modh an fhuasglaidh: Gach fear fiacha a bheir ní sam *bith* air iasachd d'a choimhearsnach, fuasglaidh se e; cha-n

iarr e air ais e o 'choimhearsnach no o bhràthair, a chionn gu'n goirear fuasgladh an Tighearna dh'e.

3 O eilthreach feudaich tu 'iarraidh air ais; ach an nì a's leat fèin a tha aig do bhràthair, fuasglaidh do làmh e:

4 Ach a mhàin an uair nach bi uircasbhuidheach sam bith 'n 'ur measg: oir beannaichidh an Tighearn gu mòr thu 's an fhearann a tha 'n Tighearn do Dhia a' toirt dhuit *mar* oighreachd, r'a shealbhadh:

5 A mhàin ma dh'èisdeas tu gu dùrachdach ri guth an Tighearna do Dhé, a thoirt an aire gu'n dean thu na h-àitheantan so uile a *tha* mi 'g àithneadh dhuit air an là'n diugh.

6 Oir beannaichidh an Tighearn do Dhia thu, mar a gheall e dhuit: agus bheir thu air iasachd do mhòran chinneach, ach cha ghabh thu air iasachd; agus bithidh uachdaranachd agad air mòran chinneach, ach cha bhi uachdaranachd aca-san ort-sa.

7 Ma bhios 'n 'ur measg duine bochd, aon de d' bhràithribh, an taobh a stigh de aon de d' gheataibh, ann ad fhearann a *tha* 'n Tighearn do Dhia a' tabhairt duit, cha chruaidhich thu do chridhe, ni mò a dhruideas tu do làmh o d' bhràthair bochd;

8 Ach fosglaidh tu do làmh gu farsaing dha, agus gu cinnteach bheir thu air iasachd dha nìs leòr air son 'fheuma, *de'n nì* a tha dh'casbhuidh air.

9 Thoir an aire nach bi smuain a'd' chridhe aingidh, ag ràdh, Tha 'n t-seachdamh bliadhna, bliadhna an fhuasglaidh, am fagus; agus gu'm bi do shùil ole an aghaidh do bhràthar bochd, agus nach toir thu 'bheag dha, agus gu'n glaoth e ris an Tighearn a'd' aghaidh, agus gu'm bi e 'n a pheacadh dhuit.

10 Bheir thu dha gu deimhin, agus cha bhi doilgheas air do chridhe 'n uair a bheir thu dha; a chionn air son an nì so gu'm beannaich an Tighearn do Dhia thu a'd' oibrigh uile, agus anns gach nì ris an cuir thu do làmh.

11 Oir cha bhi 'n tìr a chaidh gun bochd: uime sin tha mi 'g àithneadh dhuit, ag ràdh, Fosglaidh tu do làmh gu farsaing do d' bhràthair, do d' bochd, agus do d' uircasbhuidheach, a'd' dhùthaich.

12 Ma reicear riut do bhràthair Eabhruidheach, no Ban-Eabhruidheach, agus gu'n dean e seirbhis duit sè bliadhna; an sin anns an t-seachdamh bliadhna leigidh tu leis dol saor uait.

13 Agus an uair a chuireas tu e mach saor uait, cha chuir thu air falbh e falanb:

14 Bheir thu dha gu pailt as do threud, agus á d'urrlar, agus á d'fhìon-amara; *as na nithibh sin* leis an do bheannaich an Tighearn do Dhia thu, bheir thu dha.

15 Agus cuimhnichidh tu gu'n robh thu fèin a'd' thràill ann an tìr na h-Eiphit; agus

shaor an Tighearn do Dhia thu: uime sin *tha* mi ag àithneadh so dhuit an dingh.

16 Ach ma their e riut, Cha-n fhalbh mi uait; (a chionn gur toigh leis thu agus do thigh, do bhrìgh gu bheil e gu maith agad;)

17 An sin gabhaidh tu minidh, agus cuiridh tu troimh a chluais e anns an dorus, agus bithidh e 'n a sheirbhiseach dhuit gu brath: agus mar an ceudna ri d' bhanoglaich nì thu mar sin.

18 Na measar e cruaidh leat, an uair a chuireas tu uait saor e; oir bha e dà uair co mhaith *dhuitse* ri seirbhiseach tuarasdail, le seirbhis a dheanamh dhuit sè bliadhna: agus beannaichidh an Tighearn do Dhia thu anns gach nì a ni thu.

19 Gach ceud-ghin firionn a bheirear am measg do chruidh, agus am measg do threud, naomhaichidh tu do'n Tighearn do Dhia: cha dean thu obair sam bith le ceud-ghin do mhairt, ni mò a lomas tu ceud-ghin do chaorach.

20 'Am fannus an Tighearna do Dhé ithidh tu e o bhliadhna gu bliadhna, 's an ionad a thaghas an Tighearn, thu fèin agus do theaghlach.

21 Agus ma bhios gaoid *sam bith* ann, crùbaiche, no doille, no droch ghaoid sam bith, cha-n iobair thu e do'n Tighearn do Dhia.

22 An taobh a stigh de d' gheataibh ithidh tu e; *ithidh* an glan agus an neòghlan comh-ionnan *d'e*, mar *d'e'n* ruadh-bhoc, agus mar *d'e'n* fhiadh.

23 A mhàin 'fhuil cha-n ith thu: air an talamh dòirtidh tu i mar uisge.

CAIB. XVI.

1 *Féill na càisge*, 9 *nan seachduin*, 13 *nam pàillium*. 16 *Na tabhartais a bheirear seachad*. 18 *Mu bhrèitheamhnaibh agus mu cheartas*. 21 *Doireachan agus òmhaishean air an toirmeasg*.

COIMHID mìos Abib, agus cumaidh tu a' chàisg do'n Tighearn do Dhia: oir 's a' mhìos Abib thug an Tighearn do Dhia thu mach as an Eiphit 's an oidheche.

2 Uime sin iobraidh tu a' chàisg do'n Tighearn do Dhia, de'n treud agus de'n bhuar, 's an ionad a thaghas an Tighearn chum 'ainm a chur an sin.

3 Cha-n ith thu aran goirtichte sam bith leatha: seachd làithean ithidh tu aran neo-ghoirtichte leatha *cadhon* aran àmhghair; (oir le cabhaig thàinig thu mach á tìr na h-Eiphit;) a chum gu'n cuimhnich thu 'n là air an d'fhàinig thu mach á tìr na h-Eiphit, uile làithean do bheatha.

4 Agus cha-n fhaicear agad *aran* goirtichte a'd' chrìochaibh uile rè sheachd làithean: ni mò a mhaireas *a bheag* de'n fheoil a dh'ìobras tu air fèasgar 's a' cheud là, rè na h-oidheche gu maduinn.

5 Cha-n fheud thu a' chàisg iobradh an

taobh a stigh de aon air bith de d' gheataibh, a bheir an Tighearn do Dhia dhuit:

6 Ach aig an àit a thaghas an Tighearn do Dhia a chur 'ainme ann, an sin iobraidh tu a' chàisg air feasgar, aig dol foidhe na gréine, 's an àm anns an d'fhàinig thu mach as an Eiphit.

7 Agus ròistidh agus ithidh tu i 's an àit a thaghas an Tighearn do Dhia: agus pillidh tu 's a' mhaduinn, agus théid thu do d' bhùthaibh.

8 Sè làithean ithidh tu *aran* gun ghoirt-eachadh; agus air an t-seachdamh là *bithidh* àrd chomhchruinneachadh do'n Tighearn do Dhia: cha dean thu obair sam bith *air*.

9 Seachd seachduinean àirmhidh tu dhuit féin: o'n àm 's an tòisich thu air a' chorran a chur 's an arbhar, tòisichidh tu air na seachd seachduinean àireamh.

10 Agus cumaidh tu féill nan seachduin do'n Tighearn do Dhia, le tiodhlac saor-thoil thabhartais do làimhe, a bheir thu *seachad* a réir mar a bheannaich an Tighearn do Dhia thu.

11 Agus ni thu gairdeachas 'an làthair an Tighearna do Dhé, thu féin, agus do mhac, agus do nighean, agus d'òglach, agus do bhanoglach, agus an Lebhith each a *tha* 'n taobh a stigh de d' gheataibh, agus an coigreach, agus an dilleachdan, agus a' bhantrach, a *tha* 'n 'ur measg, 's an ionad a thagh an Tighearn do Dhia a chur 'ainme ann.

12 Agus cuimhnichidh tu gu'n robh thu féin a d' thràill 's an Eiphit: agus coimhididh tu, agus ni thu na reachdan so.

13 Cumaidh tu féill nam pàillion seachd làithean an dèigh dhuit d'arbhar a chruinneachadh a stigh, agus d'fhòn.

14 Agus ni thu gairdeachas a d' fhéill, thu féin, agus do mhac, agus do nighean, agus d'òglach, agus do bhanoglach, agus an Lebhith each, agus an coigreach, agus an dilleachdan, agus a' bhantrach, a *tha* 'n taobh a stigh de d' gheataibh.

15 Seachd làithean cumaidh tu féill àraidh do'n Tighearn do Dhia, 's an ionad a thaghas an Tighearn: a chionn gu'm beannaich an Tighearn do Dhia thu a d' chinneas uile, agus ann an oibribh do làmh uile; uime sin ni thu gu deinnhin gairdeachas.

16 Tri uairean 's a' bhliadhma taisbeinear d'fhirionnach uile 'an làthair an Tighearna do Dhé, 's an ionad a thaghas e; ann am féill an arain neo-ghoirtichte, agus ann am féill nan seachduin, agus ann am féill nam pàillion: agus cha taisbeinear iad an làthair an Tighearna falamh.

17 *Bheir* gach duine *seachad* mar is urrainn e, a réir beannachaidh an Tighearna do Dhé, a thug e dhuit.

18 Breitheamhnán, agus uachdarain ni thu

dhuit féin an taobh a stigh de d' gheataibh uile, a bheir an Tighearn do Dhia dhuit, air feadh do threubh: agus bheir iad breth air an t-sluagh le ceart blreith-eanas.

19 Cha dean thu breitheanas fhìaradh; cha bhi bàigh agad ri neach seach a chéile, ni mò a ghabhas tu tiodhlac: oir dallaidh an tiodhlac sùile nan daoine glic, agus fìaraidh e briathran nan ionraean.

20 An ni sin a tha uile-cheart leanaidh tu, a chum gu'm bi thu beò, agus gu'n sealbh-aich thu 'm fearann a *tha* an Tighearn do Dhia a' tabhairt dhuit.

21 Cha suidhich thu dhuit féin doire chraobhan sam bith làimh ri altair an Tighearna do Dhé, a ni thu dhuit féin.

22 Ni mò a chuireas tu suas dhuit féin dealbh *sam bith*, ni a's fuathach leis an Tighearn do Dhia.

CAIB. XVII.

1 *Fevmàidh gach ni a dh'ìobrar a bhi fallain. 2 Cuirear luchd òdhol-aoraidh gu bàs. 14 Taghaidh agus dleasdanas rìgh.*

CHA'N iobair thu do'n Tighearn do Dhia tarbh, no caora, anns am bheil gaoid, no mi-mhaise sam bith: oir is gràineileachd sin do'n Tighearn do Dhia.

2 Ma gheibhear 'n 'ur measg, an taobh a stigh de aon de d' gheataibh a bheir an Tighearn do Dhia dhuit, fear no bean a rinn aingidheachd ann an sùilibh an Tighearna do Dhé, le 'choimhcheangal a bhriseadh,

3 Agus gu'n deachaidh e agus gu'n d'rinn e seirbhìs do dhiathaibh eile, agus gu'n d'rinn e aoradh dhoibh, aon chuid do'n ghreìn, no do'n ghealaich, no do uile arnailt nèimh, nach d'àithn mise;

4 Agus gu'n d'innseadh dhuit e, agus gu'n cuala tu e, agus gu'n do ramnaich thu gu maith, agus, feuch, *gur* fìor e, agus gu bheil a' chùis deirbhte, *gu'n* do rinneadh a' ghràineileachd sin ann an Israel;

5 An sin bheir thu mach am fear sin no a' bhean sin, a rinn an ni aingidh sin, chum do gheatachan, *eadhon* am fear sin no a' bhean sin, agus clachaidh tu iad le clachaibh gus am basaich iad.

6 Aig beul dà fhianuis, no thrì fhianuis-ean, cuirear gu bàs esan a tha toillteanach air bàs: cha chuirear gu bàs e aig beul aon fhianuis.

7 Bithidh làmhan nam fianuisean air an toiseach, g'a chur gu bàs; agus 'n a dhéigh sin làmhan an t-sluaigh uile: mar sin cuiridh tu 'n t-òle air falbh o blur measg.

8 Ma dh'éireas cùis a bhios ro chruaidh ort ann am breitheanas, cadar fuil agus fuil, cadar breth agus breth, agus cadar buille agus buille, *eadhon* cùisean conspoid an taobh a stigh de d' gheataibh; an sin

éiridh tu, agus théid thu suas do'n ionad a thaghas an Tighearn do Dhia:

9 Agus thig thu chum nan sagart, nan Lebhithreach, agus a chum a' bhreitheimh a bhios anns na làithibh sin, agus fiosaichidh tu; agus nochdaidh iad dhuit focal a' bhreitheanais:

10 Agus ni thu a réir na breithe a nochdas muinntir an àite sin (a thaghas an Tighearn) dhuit, agus bheir thu 'n aire gu'n dean thu a réir gach ni a theagaisgeas iad duit:

11 A réir breth an lagha a theagaisgeas iad duit, agus a réir a' bhreitheanais a dh'innsas iad duit, ni thu: cha chlaon thu o'n bhreth a nochdas iad duit, a chum na làimhe deise no na làimhe clìthe.

12 Agus an duine a ni gu h-anndàna, agus nach éisd ris an t-sagart, a sheasas gu frith-ealadh an sin an làthair an Tighearna do Dhé, no ris a' bhreitheamh, bàsaichidh eadhon an duine sin, agus cuiridh tu 'n t-olc air falbh o Israel.

13 Agus cluinidh an sluagh uile, agus bithidh eagal orra, agus cha dean iad gu h-anndàna ni's mò.

14 'N uair a thig thu chum an fhearainn a bheir an Tighearn do Dhia dhuit, agus a shealbhaicheas tu e, agus a ghabhas tu còmhnuidh ann, agus a their thu, Cuiridh mi rìgh os mo cheann, mar na cinnich uile a tha mu'n cuairt orm:

15 Cuiridh tu air gach aon chor esan 'n a rìgh os do cheann a thaghas an Tighearn do Dhia; *aon* o mheasg do bhràithrean cuiridh tu 'n a rìgh os do cheann: cha'n fheud thu coigreach a chur os do cheann, nach 'eil 'n a bhràithir dhuit.

16 Ach cha chuir e eich 'an lìonmhoireachd dha féin, ni mò a bheir e air an t-sluagh pilltinn do'n Eiphit, a chum gu'n cuir e eich 'an lìonmhoireachd: do bhrìgh gu'n dubhairt an Tighearn ribh, Cha phill sibh á so a mach ni's mò air an t-slighe sin.

17 Ni mò a chuireas e mnathan 'an lìonmhoireachd dha féin, a chum nach claon a chridhe air falbh; ni mò a mheudaicheas e gu mòr dha féin airgid agus òr.

18 Agus an uair a shuidheas e air rìgh-chaitheir a rìoghachd, an sin ath-sgrìobhaidh e dha féin an lagh so ann an leabhar, as an leabhar sin a tha 'n làthair nan sagart, nan Lebhithreach.

19 Agus bithidh e aige, agus leughaidh e ann uile làithean a bheatha; chum gu fòghlum e eagal an Tighearn' a Dhé a bhi air, uile bhriathran an lagha so a ghlèidheadh, agus na reachdan so, chum an dean-amh:

20 A chum nach bi 'chridhe air a thogail suas os ceann a bhràithrean, agus nach claon e o'n àitline chum na làimhe deise no na làimhe clìthe; air chor as gu'm buanaich e a làithean 'n a rìoghachd, e féin agus a chlànn 'am meadhon Israeil.

1 *Is e'n Tighearn oighreachd nan sagart agus nan Lebhithreach.* 15 *Éisdear ris an fhàidh cosmhuil ri Moais, a bha Dia gus a thogail suas 'n am measg.*

CHA bhi aig na sagartaibh, na Lebhithich, eadhon uile thréibh Lebhi, roinn sam bith no oighreachd maille ri h-Israel: ithidh iad tabhartais an Tighearna a bheir ear suas le teine, agus 'oighreachd-san.

2 Uime sin cha bhi oighreachd sam bith aca am measg am bràithrean: *is e 'n Tighearn féin an oighreachd, mar a thubhairt e riu.*

3 Agus is e so dlìghe nan sagart o'n t-sluagh, uatha-san a dh'ìobras lobairt, ma's tarbh no caora e; agus bheir iad do'n t-sagart an slinnean, agus na gialan, agus a' mhaodal.

4 *Mar an ceudna* ceud thoradh d'arbhair, d'fhìona, agus d'olaidh, agus ceud lomradh do chaorach bheir thu dha:

5 Oir thagh an Tighearn do Dhia e mach as do threubhan uile, gu seasamh chum frithealaidh ann an ainm an Tighearna, e féin agus a mhic gu bràth.

6 Agus ma thig Lebhithreach o h-aon de d' gheataibh a mach á h-Israel uile, far am bheil e air chuairt, agus ma thig e le uile thogradh 'inntinn do'n ionad a thaghas an Tighearn;

7 An sin fritheilidh e ann an ainm an Tighearna a Dhé, mar a bhràithrean uile na Lebhithich, a tha 'n an seasamh an sin an làthair an Tighearna.

8 Bithidh ac' uiread ri 'chéile r'a itheadh, a bhàrr air na thig air o reiceadh a chuid duine-cloinne.

9 'N uair a thig thu do'n fhearann a tha 'n Tighearn do Dhia a' tabhairt duit, cha'n fhòghlum thu 'dheanamh a réir gràineil-eachd nan cinneach sin.

10 Cha'n fhaighear 'n 'ur measg *neach air bith* a bheir air a mhac, no air a nighinn dol troimh 'n teine, no a ghnàthaicheas fiosachd, no speuradair, no fear-fàisteachd, no a ghnàthaicheas droch innleachdan,

11 *No* seunadair, no neach a dh'fiosaicheas cas de leannan-sìth, no druidh, no neach a dh'ìarras eòlas o na mairbh.

12 Oir *is* gràineileachd do'n Tighearn iad-san uile a ni na nithean sin; agus air son nan gràineileachd sin, tha'n Tighearn do Dhia 'g am fuadachadh a mach romhad.

13 Bithidh tusa coimhlionta maille ris an Tighearn do Dhia.

14 Oir dh'éisd na cinnich sin a shealbhaicheas tusa ri speuradairibh, agus ri fiosaichibh: ach air do shonsa, cha do leig an Tighearn do Dhia leat mar sin a *dheanamh*.

15 Togaidh an Tighearn do Dhia suas fàidh dhuit o d' mheadhon féin, o d' bhràithreibh, cosmhuil riumsa; ris-san éisdidh sibh;

16 A rú' ràn uile nithean a dh'ìarr thu

o'n Tighearn do Dhia ann an Horeb, ann an là a' chombchruinneachaidh, ag ràdh, Na cluinneamsa ris guth an Tighearna mo Dhé, agus na faiceam an teine mòr so nì's mò, a chum nach bàsaich mi.

17 Agus thubhairt an Tighearn riumsa, Is maith a labhair iad an nì a labhair iad.

18 Togaidh mise suas fàidh dhoibh o mheasg am bràithrean, cosmhuil riutsa, agus cuiridh mi mo bhriathran 'n a bheul, agus labhraidh e riu gach nì a dh'àithneas mi dha.

19 Agus tarlaidh, an duine nach éisd ri m' bhriathraibhse a labhras e a'm' ainm, iarraidh mi uaith e:

20 Ach am fàidh aig am bi 'dhànadas focal a labhairt a'm' ainm, nach d'àithn mise dha a labhairt, no a labhras annan ainm dhiathan eile, gu cinnteach bàsaichidh am fàidh sin.

21 Agus ma their thu ann ad chridhe, Clionnas a dh'àithnicheas sinn am focal nach do labhair an Tighearn?

22 'N uair a labhras fàidh ann an ainm an Tighearna, mur tachair an nì, agus mur tig e gu crìch, is e sin an nì nach do labhair an Tighearn; gu h-andana labhair am fàidh e: cha bhi eagal ort roimhe.

CAIB. XIX.

1 Na bailtean dèidh. 16 Peanas fianuis bhréige.

'N UAIR a ghearras an Tighearn do Dhia as na cinnich, aig an robh am fearann a tha 'n Tighearn do Dhia a' tabhairt duit, agus a thig thu 'n an àit, agus a ghabhas tu còmhnuidh 'n am bailtibh, agus 'n an tighibh;

2 Cuiridh tu air leth dhuit féin trì bailtean am meadhon d'fhearainn, a bheir an Tighearn do Dhia dhuit r'a shealbhachadh.

3 Deasaichidh tu dhuit féin slighe, agus roinnidh tu crìoch d'fhearainn a bheir an Tighearn do Dhia dhuit r'a shealbhachadh, 'n an trì earrannaibh, a chum gu feud gach marbhaiche teicheadh an sin.

4 Agus is e so còir a' mharbhaiche, a theicheas an sin, a chum gu'm bi e beò: Ge b'e a mharbhas a choimhearsnach gun fhios da, do nach robh fuath aige roimhe:

5 Mar a tha 'n uair a théid duine maille r'a choimhearsnach do'n choille a ghearradh fiodha, agus a bheir a làmh buille leis an tuaidh a ghearradh sìos na craoibhe, agus a leumas an ceann bhàrr na coise, agus a thuiteas e air a choimhearsnach, air chor as gu'm bàsaich e; teichidh e chum aoine de na bailtibh sin, agus bithidh e beò:

6 Air eagal gu'n lean dioghaltair na fola am marbhaiche, am feadh 's a tha 'chridhe teth, agus gu'm beir e air, a chionn gu bheil an t-slighe fada, agus gu marbh se e, ged nach robh e toillteanach air bàs, do bhrìgh nach robh fuath aige dha 's an àm a chaidh seachad.

7 Uime sin tha mi ag àithneadh dhuit, ag

ràdh, Cuiridh tu air leth dhuit féin trì bailtean.

8 Agus ma leudaicheas an Tighearn do Dhia do chrìoch, mar a mhionnaich e do d'aithrichibh, agus ma bheir e dhuit am fearann uile a gheall e thoirt do d'aithrichibh;

9 Ma bheir thu an aire na h-àitheantan sin uile a dheanamh, a tha mise ag àithneadh dhuit an diugh, an Tighearn do Dhia a ghràdhachadh, agus gluasad a ghràth 'n a shligheibh: an sin cuiridh tu air leth dhuit féin trì bailtean eile thuilleadh air an trì sin;

10 A chum nach dòirtear fail neòchiontach a'd' fhearann, a bheir an Tighearn do Dhia dhuit mar oighreachd, agus nach bi mar sin fuil ort.

11 Ach ma tha aig duine sam bith fuath d'a choimhearsnach, agus gu'n luidh e 'm folach air a shon, agus gu'n éirich e suas 'n a aghaidh, agus gu'm buail e gu marbhtach e, air chor as gu'm faigh e bàs, agus gu'n teich e gu h-aon de na bailtibh sin;

12 An sin cuiridh seanairean a' bhaile féin fos uatha, agus bheir iad as a sin e, agus bheir iad thairis e do làimh dioghaltair na fola, a chum gu'm bàsaich e.

13 Cha ghabh do shùil truas ris: ach cuiridh tu air falbh cionta fola neòchiontaich o Israeil. a chum gu'n éirich gu maith dhuit.

14 Cha-n adarraich thu crìoch fearainn do choimhearsnaich, a shuidhich na sinnsir a'd' oighreachd a shealbhaicheas tu, anns an fhearann a bheir an Tighearn do Dhia dhuit r'a shealbhachadh.

15 Cha-n éirich aon fhianuis a mhàin suas an aghaidh duine air son euceirt sam bith, no air son peacaidh sam bith, ann am peacadh sam bith a pheacaicheas e: aig beul da fhianuis, no aig beul thri fhianuis-ean daingnichear a' chùis.

16 Ma dh'éireas fianuis bhréige suas an aghaidh duine sam bith, a thoirt fianuis 'n a aghaidh air an euceirt;

17 An sin seasaidh an dithis dhaoine aig am bheil, an connsachadh, 'am fianuis an Tighearn, an làthair nan sagart, agus nam breitheamhan a bhitheas anns na làithibh sin:

18 Agus nì na breitheamhan rannsachadh geur; agus, feuch, ma's fianuis bhréige an fhianuis, agus gu'n d'thug e fianuis bhréige an aghaidh a bhràthar,

19 An sin nì sibh ris, mar a shaoil esan a dheanamh r'a bhràthair: mar sin cuiridh tu air falbh an t-olc as bhur measg.

20 Agus cluinidh iadsan a mhaireas, agus bithidh eagal orra, agus cha dean iad o sin a mach a shamhuil so de olc 'n ur measg.

21 Agus cha ghabh do shùil truas: ach theid anam air son anama, sùil air son sùla.

fiacail air son fiacla, làmh air son làimhe, cos air son coise.

CAIB. XX.

1 *Brosnachadh catha an t-saigairt do'n t-sluagh.*
12 *Mar a bhuinear ris na bailtibh a ghabhas no' dhiùltas lairgsean sìthe.* 16 *Na bailtean a bha gu bhi air an sgrios.*

'N UAIR a thèid thu mach gu cath an aghaidh do naimhdean, agus a clii thu eich agus carbaid, agus sluagh a's lìon-mhoire na thu fèin, na bitheadh eagal ort rompa: oir *tha 'n Tighearn do Dhia maille riut*, a thug a mach thu à tìr na h-Eiphit.

2 Agus an uair a dhlùthaicheas sibh ris a' chath, an sin thig an sagart am fagus, agus labhraidh e ris an t-sluagh,

3 Agus their e riu, Eisd, O Israeil, tha sibh an diugh a' dol gu cath an aghaidh bhur naimhdean: na bitheadh bhur cridhe fann, na bitheadh eagal oirbh, agus na crìothnaichibh, agus na biodh uamhann oirbh air an son;

4 Oir *tha 'n Tighearn bhur Dia a' dol maille ribh*, a chogadh air bhur son an aghaidh bhur naimhdean, a chum bhur tearnadh.

5 Agus labhraidh an luchd-riaghlaidh ris an t-sluagh, ag ràdh, Cia am fear a thog tigh nomha, agus nach do choisrig e? rachadh e agus pilleadh e chum a thighe, air eagal gu'm bàsaich e 's a' chath, agus gu'n coisrig fear cile e.

6 Agus cia an duine a shuidhich fion-lios, agus nach d'ith *fathast* dheth? rachadh esan *mar an ceudna*, agus pilleadh e d'a thigh, air eagal gu'm bàsaich e 's a' chath, agus gu'n ith neach eile dheth.

7 Agus cia an duine a rinn ceangal-pòsaidh ri mnaoi, agus nach do ghabh *d'a ionnsuidh* i? rachadh e agus pilleadh e d'a thigh, air eagal gu'm bàsaich e 's a' chath, agus gu'n gabh neach eile i *d'a ionnsuidh*.

8 Agus labhraidh an luchd-riaghlaidh a bhàrr air sin ris an t-sluagh, agus their iad, Cia an duine a tha gealtach, agus lag-chridheach? rachadh e agus pilleadh e d'a thigh, a chum nach dean e cridhe a bhràithrean lag mar a chridhe fèin.

9 Agus tarlaidh, 'n uair a chuireas an luchd-riaghlaidh crìoch air labhairt ris an t-sluagh, gu'n cuir iad ceannardan air na h-armaitibh gus an sluagh a thoirt air an aghaidh.

10 'N uair a thig thu 'm fagus do bhaile gu cogadh 'n a aghaidh, an sin gairmidh tu sìth dha.

11 Agus tarlaidh, ma bheir e freagradh na sìthe dhuit, agus ma dh'fhosgla e dhuit, an sin tarlaidh, gu'm bi 'n sluagh uile a gheibhear ann fo chis dhuit, agus gu'n dean iad seirbhis dhuit.

12 Agus mur dean e sìth riut, ach gu'n cog e riut, an sin cuiridh tu gu cruaidh 'n a aghaidh.

13 Agus an uair a bheir an Tighearn do Dhia thairis do d' làmh e, buailidh tu gach fìrionnach ann le faobhar a' chlaidheimh:

14 Ach na mnathan, agus a' chlànn bheag, agus an sprèidh, agus na h-uile nithean a tha 's a' bhaile, eadhon a' chreach uile, gabhaidh tu dhuit fèin; agus ithidh tu creach do naimhdean, a thug an Tighearn do Dhia dhuit.

15 Mar so ni thu ris na bailtibh *sin uile a tha* ro fhada uait, nach 'eil de bhailtibh nan cinneach sin.

16 Ach de bhailtibh an t-sluaigh sin, a tha 'n Tighearn do Dhia a' toirt duit mar oighreachd, cha ghlèidh thu ni sam bith beò anns am bheil anail:

17 Ach sgriosaidh tu gu tur iad, eadhon na Hìtich, agus na h-Amoraich, na Canaan-aich, agus na Peridsich, na Hibhich, agus na Iebusaich, a réir mar a dh'aitin an Tighearn do Dhia dhuit:

18 A chum nach teagaisg iad duit a dheanamh a réir an uile ghràineileachd, a rinn iad d'an diathan; mar sin phcacaicheadh sibh an aghaidh an Tighearna bhur Dé.

19 'N uair a chuireas tu gu cruaidh an aghaidh baile rè ùine fhada, a' deanamh cogaidh 'n a aghaidh chum a ghlacadh, cha chuir thu as d'a chraobhan le tuadh a bhualadh orra: oir feudaidh tu ithcadh dhiubh, agus cha ghearr thu sìos iad, (oir is i craobh na macharach *beatha* duine) chum an gnàthachadh ann an cur an aghaidh a' bhaile.

20 A mhàin na craobhan a's aithne dhuit fèin nach craobhan bidh iad, sgriosaidh agus gearraidh tu sìos iad; agus togaidh tu daingnichean an aghaidh a' bhaile a chogas riut, gus an ceannsaich thu e.

CAIB. XXI.

1 *Mu mhortadh duine 's a' mhachair, gun fhios cò 'mharbh e.* 10 *O mheasg nam braighean dh'fheudaidh fear bean a ghabhail dha fèin.*

15 *Còir a' cheud-ghnì mic.* 18 *Am mac reasgach gu bhi air a chlachadh gu bàs.*

M A gheibhear neach air a mharbhadh 's an fhearann a bheir an Tighearn do Dhia dhuit r'a shealbhadh, 'n a luidhe 's a' mhachair, agus gun fhios cò 'mharbh e; 2 An sin thig do sheanairean agus do bhreitheamhnan a mach, agus tomhaisidh iad a chum nam bailtean a tha mu'n cuairt aisans a mharbhadh:

3 Agus tarlaidh gu'n gabh am baile a's faigse do'n duine a mharbhadh, eadhon seanairean a' bhaile sin agh leis nach d'rinneadh obair, nach do tharruing *riamh* ann an cuing;

4 Agus bheir seanairean a' bhaile sin an t-agh sìos do ghleann garbh, nach do threabhadh agus nach do shìol-chur ead, agus gearraidh iad an sin amhach an aighe dhith 's a ghleann;

5 Agus thig na sagartan mic Lebhi am fagus;

(oir iadsan thagh au Tighearn do Dhia gu frithealadh dha féin, agus gu beannachadh ann an ainm an Tighearna;) agus a réir an focail-san crìochnaichear gach uile chomn-sachadh, agus gach uile bhuille.

6 Agus nìghidh uile sheauairean a' bhaile sin *a's* faigse do'n *duine* a mharbhadh, an lùmhán os ceann an aighe d'an do ghearradh an amhach 's a' ghleann:

7 Agus freagraidh iad agus their iad, Cha do dhòirt ar lùmhán an fhuil so, ui mò a chunnaic ar sùilean i.

8 Bi tròcaireach, O Thighearna, do d' shluagh Israel, a shaor thu, agus na cuir fuil neò-chiontach á leth do shluagh Israel. Agus maithear an fhuil dhoibh.

9 Mar sin cuiridh tu air falbh *cionta* na fola neò-chiontaich o bhuir measg, a chionn gu'n dean thu *an nì a tha* ceart ann an sùilbh an Tighearna.

10 'N uair a thèid thu mach gu cogadh an aghaidh do naimhdean, agus gu'u toir an Tighearn do Dhia thairis iad do d' làimh, agus gu'n dean thu braighdean dhiubh,

11 Agus gu'm faic thu am measg nam braighdean bean sgianlach, agus gu bheil dèigh agad oirre, agus gu'm bu mhaith leat agad i 'n a mnaoi;

12 An sin bheir thu dhachaidh i do d' thigh, agus bearraidh i a ceann, agus bheir i dhith a h-inean;

13 Agus cuiridh i dhith a h-eudach braighdeanaís, agus fanaidh i a'd' thigh, agus ni i cnoidh air son a h-athar agus a màthar mios iomlan: agus an dèigh sin thèid thu steach d'a h-ionnsuidh, agus bithidh tu a'd' fhear-pòsda aice, agus bithidh ise 'n a mnaoi agad.

14 Ach mur bi tlachd agad innte, an sin leigidh tu leatha dol far an àill leatha, ach cha reic thu idir air airgid i, ni mò a ni thu aintighearnas oirre, a chionn gu'n d'islich thu i.

15 Ma bhios aig duine dà uhnai, aon diubh gràdhaichte agus an aon eile fuath-aichte, agus ma rug iad clann da, *araon* a' bhean gràdhaichte agus a' bhean fhuath-aichte; agus ma's leis a' mhnai fhuath-aichte an ceud-ghin mic,

16 An sin tarlaidh, 'n uair a bheir e scalbh d'a mhic air *an nì* a tha aige, nach fheud e ceud-ghin a dheanamh de mhac na mnà gràdhaichte roimh mhac na mnà fuath-aichte, *a's e da rìreadh* an ceud-ghin:

17 Ach gabhaidh e ri mac na mnà fuath-aichte mar au ceud-ghin, le roim dhùbailte a thoirt da de gach nì a tha aige: oir *is* esan toiseach a neirt, *is* leis còir a' cheud-ghin.

18 Ma bhios aig duine mac reasgach agus ceannairceach, nach géill do ghuth 'athar, no do ghuth a mhàthar, agus an uair a smachdaicheas iad e, nach èisd riu:

19 An sin beiridh 'athair agus a mhàthair

air, agus bheir iad a mach e gu seanairean a bhaile, agus gu geata 'àite féin;

20 Agus their iad ri seanaireibh a bhaile. *Tha* ar mac so reasgach agus ceannairceach, cha toir e géill d'ar guth; *tha e 'n a gheòc*-air agus 'n a mhisgeir.

21 Agus clachaidh uile dhaoine a bhaile le clachaibh, a chum gu'm bàsaich e: mar sin cuiridh tu ole air falbh as bhuir measg, agus chuinnidh Israel uile, agus bithidh cagal orra.

22 Agus ma rinn duine peacadh a tha toilleanaich air bàs, agus gu'm bi e r'a chur gu bàs, agus gu'n croch thu ri craoibh e:

23 Cha-n fhan a chorp rè na h-oidheche air a' chraoibh, ach air gach aon chor adhlaidh tu e air an là sin féin; (oir mallaichte le Dia *tha* esan a chrochadh;) agus cha salaich thu d'fhearrann, a *tha 'n* Tighearn do Dhia a' toirt duit mar oighreachd.

CAIB. XXII.

Mu chaoimhneas a nochdadh do bhràithribh, agus mu riaghailteibh àraidh eile.

'N UAIR a chi thu damh do bhràthar, no a chaora 'dol air seacharan, cha-n fholaich thu thu féin uatha; bheir thu air gach aon chor air an ais iad a ris a dh'ionnsuidh do bhràthar.

2 Agus mur bi do bhràthair làmh riut, no mur h-aithue dhuit e, an sin bheir thu e dh'ionnsuidh do thighe féin, agus bithidh e maille riut gus an iarr do bhràthair e, agus bheir thu air ais dha e.

3 Air a' mhodh cheudna ni thu r'a asal, agus mar so ni thu r'a eudach, agus mar so ni thu ris na h-uile nithibh caillte le d' bhràthair, a chaill e, agus a fhuair thusa: cha-n fheud thu thu féin fholaich.

4 'N uair a chi thu asal do bhràthar, no a dhamh a' tuiteam sìos air an t-slighe, cha-n fholaich thu thu féin uatha; gu ciunteach togaidh tu suas *iad* maille ris a ris.

5 Cha chaith bean an ni sin a's le fear, ni mò a chuireas fear uime eudach mnà: oir *is* gràineileachd do'n Tighearn do Dhia iadsan uile a ni so.

6 Ma tharlas do nead eoin a bhi romhad 's an t-slighe ann an craoibh sam bith, no air làr, *ma's* eoin òga *iad*, no uibhean, agus a' mhàthair 'n a suidhe air an àlach, no air na h-uibhean, cha ghlac thu a' mhàthair maille ris an àlach:

7 Air gach aon chor leigidh tu leis a' mhàthair dol as, agus an t-àlach gabhaidh tu dhuit féin; a chum gu'n éirich gu maith dhuit, agus gu'm buanaich thu do làithean.

8 'N uair a thogas tu tigh nomha, an sin togaidh tu barr-bhalla d'a mùllach, a chum nach toir thu fuil air do thigh, ma thuites duine sam bith o sin.

9 Cha chuir thu d'fhòn-lios le h-ìomadh

gnè *sìl*, air eagal gu'n truaillear toradh do shìl a chuir thu, agus meas d'fhòn-lìos.

10 Cha dean thu ar le damh agus le h-asal maille ri 'chèile.

11 Cha chuir thu umad eudach measgta, *mar* de olainn agus de lìon le 'chèile.

12 Nì thu dhuit féin fàbhran air ceithir cheithreanaibh d'eudaich leis an còmhdaich thu *thu féin*.

13 Ma ghabhas duine bean, agus gu'n téid e steach d'a h-ionnsuidh, agus gu'm fuath-aich e i,

14 Agus gu'n toir e aobhar cainnte 'n a h-aghaidh, agus gu'n tog e suas droch ainm oirre, agus gu'n abair e, Ghabh mi a' bhean so, agus an uair a thàinig mi d'a h-ionnsuidh, cha d'fhuair mi 'n a maighdinn i:

15 An sin gabhaidh athair na h-ighinn, agus a màthair, agus bheir iad a mach *comharan* maighdeanais na h-ighinn gu seanairibh a' bhaile anns a' gheata:

16 Agus their athair na h-ighinn ris na seanairibh, Thug mi mo nighean do'n duine so 'n a mnaoi, agus tha fuath aige dhi';

17 Agus, feuch, thug e aobhar cainnte 'n a h-aghaidh, ag ràdh, Cha d'fhuair mi do nighean 'n a maighdinn; agus gidheadh is iad sin *comharan* maighdeanais mo nighinn: agus sgaoilidh iad an t-cudach an làthair sheanairean a' bhaile.

18 Agus gabhaidh seanairean a' bhaile sin an duine, agus smachdaichidh iad e:

19 Agus cuiridh iad ùmhla cheud *secel* airgid air, agus bheir iad do athair na h-ighinn iad, a chionn gu'n do thog e droch ainm air òigh de *chloinn* Israeil; agus bithidh i 'n a mnaoi aige: cha-n fheud e a eur uath ri'a bheò.

20 Ach ma tha an ni so fìor, agus nach 'eil *comharan* maighdeanais r'am faghail do'n nighinn;

21 An sin bheir iad a mach an nighean gu dorus tighe a h-athar, agus clachaidh daoine a baile i le clachaibh gus am bàsaich i; a chionn gu'n d'oibrich i amaideachd ann an Israel, le striopachas a dhcanamh ann an tigh a h-athar: mar sin cuiridh tu air falbh ole as blur measg.

22 Ma gheibhear duine a' luidhe le mnaoi a tha pòda ri fear, an sin cuirear gu bàs iad le 'chèile, an duine a luidh leis a' mnaoi, agus a' bhean: mar sin cuiridh tu ole air falbh o Israel.

23 Ma tha nighean, agus i 'n a h-òigh, fo cheangal-pòsaidh aig fear, agus gu'm faigh duine i's a' bhaile, agus gu'n luidh e leatha;

24 An sin bheir sibh a mach iad le 'chèile gu geata a' bhaile sin, agus clachaidh sibh iad le clachaibh gus am bàsaich iad; an nighean, a chionn nach do ghlaodh i, agus i *bhi* 's a' bhaile; agus am fear, a chionn gu'n d'islich e bean a choimhearsnaich: mar sin cuiridh tu air falbh ole as blur measg.

25 Ach ma gheibh fear 's a' mhachair

nighean a tha fo cheangal-pòsaidh, agus gu'n éignich an duine i, agus gu'n luidh e leatha, an sin cuircar a mhàin an duine a luidh leatha gu bàs.

26 Ach air an nighinn cha dean thu 'bheag sam bith; cha 'n eil 's an nighinn coire bàis: oir mar an uair a dh'éirias duine suas an aghaidh a choimhearsnaich, agus a mharbhas se e, mar sin tha a' chùis so:

27 Oir fhuair e 's a' mhachair i, agus dh'éigh an nighean a bhia fo cheangal-pòsaidh, agus cha robh neach ann g'a teas-airginn.

28 Ma gheibh duine nighean a tha 'n a h-òigh, nach 'eil fo cheangal-pòsaidh, agus gu'n dean e greim oirre, agus gu'n luidh e leatha, agus gu'm faighear iad;

29 An sin bheir am fear a luidh leatha do athair na h-ighinn leth-cheud *secel* airgid, agus bithidh i 'n a mnaoi aige; a chionn gu'n d'islich e i, cha-n fheud e a cur uatha ri'a bheò.

30 Cha ghabh duine d'a ionnsuidh bean 'athar, ni mò a leigeas e ris còmhdaichdhi 'athar.

CAIB. XXIII.

1 Co 'dh'fheudadh agus nach feudadh dol a steach do choinmhlional an Tighearna. 9 Neòghloine 's a' champ gu bhi air a seach-nadh.

CHA téid esan aig am bheil a chlochan air am bruthadh, no 'bhall dìomhair air a ghearradh dheth, a steach do chomhchruinneachadh an Tighearna.

2 Cha téid fear dìolain a steach do chomhchruinneachadh an Tighearna; cadhon gu ruig an deicheamh ginealach cha téid e steach do chomhchruinneachadh an Tighearna.

3 Cha téid Amonach no Moabach a steach do chomhchruinneachadh an Tighearna; cadhon gus an deicheamh ginealach cha téid iad a steach do chomhchruinneachadh an Tighearna a chaoidh:

4 A chionn nach do choinnich iad sibh le h-aran agus le h-uisge air an t-slighe, 'n uair a thàinig sibh a mach as an Eiphit, agus a chionn gu'n do thuarasdalaich iad a'd' aghaidh Balaam mac Bheoir, o Phetor na Mesopotamia, chum do mhallachadh.

5 Gidheadh, cha-n éisdeadh an Tighearn do Dhia ri Balaam; ach thionndaidh an Tighearn do Dhia dhuit am mallachadh gu beannachadh, a chionn g'um bu toigh leis an Tighearn do Dhia thu.

6 Cha-n iarr thu an sìth, no an sonas rè d'uile làithean gu bràth.

7 Cha ghabh thu gràin de Edomach, oir is e do bhràthair e: cha ghabh thu gràin de Ephiteach, a chionn gu'n robh thu a'd' choigreach 'n a fhearann.

8 Théid a' chlànn a ghincar leo-san, a steach do chomhchruinneachadh an Tighearna, 'n an treas ginealach.

9 'N uair a théid d'fhcachd a mach an aghaidh do naimhdear, an sin gléidh thu féin o gach droch ní.

10 Ma bhios 'n ur measg duine sam bith nach 'eil glan, a thaobh neòghloine a tharlas da's an oidhche, an sin théid e mach as a' champ; cha tig e steach do mheadhon a' chaimp:

11 Ach an uair a bhios e dlùth do'n fheasgar, an sin nighidh se e féin le h-uisge, agus an uair théid a' ghrian fodha, thig e steach do mheadhon a' chaimp.

12 Bithidh agad àite mar an cendna an taobh a muigh de'n champ, far an téid thu mach.

13 Agus bithidh pleadhag agad air do chrìos, agus an uair a shuidheas tu a muigh, cladhaichidh tu leatha, agus tionndaidh tu air d'ais, agus folaicidh tu an ní a thig uait.

14 Oir tha 'n Tighearn do Dhia ag imeachd 'am meadhon do chaimp, chum do shaoradh, agus a chum do naimhdean a thoirt thairis romhad: nìme sin bithidh do champ naomh, chum nach faic e ní sam bith neòghlan annad, agus nach pill e air falbh uait.

15 Cha toir thu suas d'a mhaighsidir an seirbhiseach a chaidh as a d' ionnsuidh o 'mhaighsidir.

16 Maille riut gabhaidh e còmhnuidh 'n ur measg, anns an ait a thaghas e, an taobh a stigh aoin de d' gheataibh far an taitniche leis: cha dean thu foirneart air.

17 Cha bhì striopach air bith de nigean-aibh Israeil, ní mò bhitheas Sodomach de mhacaibh Israeil.

18 Cha toir thu tuarasdál striopaich, no luach coin, do thigh an Tighearna do Dhé air son bòid sam bith; oir tha iad sin eadhon le 'chéile 'n an gràineileachd do'n Tighearn do Dhia.

19 Cha toir thu *ni sam bith* 'an coingheall do d' bhràthair air riadh; riadh airgid, riadh bìdh, riadh ní sam bith a bheirear 'an coingheall air riadh.

20 Do choigreach feudaidh tu *ni* a thoirt 'an coingheall air riadh, ach do d' bhràthair cha toir thu ní sam bith 'an coingheall air riadh; a chum gu'm beannaich an Tighearn do Dhia thu anns gach ní ris an cuir thu do làmh, 's an fhearann d'am bheil thu 'dol g'a shealbhadh.

21 'N uair a bheir thu bòid do'n Tighearn do Dhia, cha dean thu mòille 'n a h-ìocadh: oir gu cinnteach iarraidh an Tighearn do Dhia uait i; agus bhiodh e 'n a pheacadh dhuit.

22 Ach ma dh'fhanas tu gun bhòid a thabhairt, cha bhì e 'n a pheacadh dhuit.

23 An ní sin a chaidh mach as do bhlìbh, coimhididh agus coimhlionaidh tu; a réir mar a bhòidich thu do'n Tighearn do Dhia, eadhon tabhartas saor-thoile, a gheall thu le d' bheul.

24 'N uair a théid thu steach do fhòn-lìos do choimhearsnaich, an sin feudaidh tu fion-dhearcan itheadh mar is miann leat, eadhon do shàth; ach cha chuir thu bheag a'd' shoitheach.

25 'N uair a théid thu steach a dh'arbhar do choimhearsnaich, an sin feudaidh tu na dìanan a spìonadh le d' làimh; ach corran cha chuir thu ann an arbhar do choimhearsnaich.

CAIB. XXIV.

1 *Mu litir-dhealachaidh do mhnai-phòsda.* 6. 10 *Mu gheall.* 7 *Mu ghaduiche dhaoine.* 8 *Mu phlàigh na luibhre.* 14 *Tuarasdál seirbhiseach gu bhì air ìocadh 's an là air am bì e dligeach.* 17 *Mu cheartas.*

N UAIR a ghabhas fear bean, agus 'a phòsas e i, agus gu'n tachair nach faigh i deadhgean 'n a shùilibh, a chionn gu'n d'fhuair e neòghloine éigin innte; an sin sgrìobhadh e litir-dhealachaidh dh'i, agus thugadh e 'n a làimh i, agus cuireadh e mach as a thigh i.

2 Agus an uair a dh'fhalbhas i mach as a thigh, feudaidh i dol agus a bhì 'n a mnaoi aig fear eile.

3 Agus ma dh'fhuathaicheas am fear-pòsda mu dheireadh so i, agus gu'n sgrìobh e litir-dhealachaidh dh'i, agus gu'n toir e 'n a làimh i, agus gu'n cuir e mach as a thigh i; no ma gheibh am fear mu dheireadh bàs, a ghabh i 'n a mnaoi dha féin;

4 Cha-n fhead a ceud fhear-pòsda a chuir uait i, a gabhail a ris gu bhì 'n a mnaoi dha, an deigh dh'i bhì air a truailleadh; oir 's gràineileachd sin an làthair an Tigh-earn': agus cha toir thu air an fhearann peacadhadh, a tha 'n Tighearn do Dhia a' toirt duit mar oighreachd.

5 'N uair a ghabhas duine bean nuadh, cha téid e mach gu cogadh. ní mò a chuirear cùram gnòthuic sam bith air: fanaidh e saor aig a thigh féin aon bhliadhna, agus bheir e subhachas d'a mhnai a ghabh e.

6 Cha ghabh duine sam bith a' chlach-mhuilinn ìochdarach no uachdarach mar gheall: oir tha e 'gabhail anama duine mar gheall.

7 Ma gheibhear duine a' goid aoin neach d'a bhràthribh de chloinn Israeil, agus ma ní e ain-tighearnas air, no ma reiceas se e; an sin cuirar gu bàs an gaduiche sin; agus cuiridh tu òle air falbh as bhuir measg.

8 Thoir an aire, ann am plàigh na luibhre, gu'n toir thu faineir gu dùrachdach, agus gu'n dean thu a réir nan uile nithean a theagnisgeas na sagartan na Leblithich dhuibh: a réir mar a dh'àithn na dhoibh, bheir sibh faineir gu'n dean sibh.

9 Cuimhnich cìod a rinn an Tighearn do Dhia ri Miriam air an t-slighe, an deigh dhuibh teachd a mach as an Eiphit.

10 'N uair a bheir thu do d' choimhears-

nach ni sam bith 'an coingheall, cha téid thu steach d'a thigh a ghabhail a ghill.

11 A mach seasaidh tu, agus bheir an duine d'am bheil thu 'toirt 'an coingheall, an geall a mach dhuit.

12 Agus ma *bhios* an duine bocht, cha choidil thu le 'gheall.

13 Air gach aon chor bheir thu air ais dha 'n geall a ris, 'nuair a théid a' ghrian fodha, chum gu'n coidil e 'n a eudach féin, agus gu'm beannaich e thu: agus bithidh so 'n a ionracas dhuit an lathair an Tighearna do Dhé.

14 Cha dean thu foirneart air seirbhiseach tuarasdail a tha bocht agus uireasbhuidh-each, *co dhìubh a tha e* de d' bhràithribh, no de d' choigrich, a *tha ann* a d' fhearann an taobh a stigh de d' gheataibh.

15 Air a lathair bheir thu *dha* a thuarasdail, agus cha téid a' ghrian sìos air, oir *tha e* bocht, agus a' suidheachadh a chridhe air; air eagal gu'n glaoth e a'd' aghaidh ris an Tighearn, agus gu'm bi e 'n a pheacadh dhuit.

16 Cha chuirear na h-aithrichean gu bàs air son na cloinne, ni mò a chuirear a' chlam gu bàs air son nan aithrichean: cuirear gach duine gu bàs air son a pheacaidh féin.

17 Cha chlaon thu breitheanas a' choigrich, no an dilleachdain, ni mò a ghabhas tu eudach bantraich mar gheall.

18 Ach cuimhnichidh tu gu'n robh tinn *féin* a'd' thràill 's an Eiphit, agus *gu'n* do shaor an Tighearn do Dhia thu as a sin: uime sin *tha mi* ag àithneadh dhuit *an ni* so a dheanamh.

19 'N uair a bhuaineas tu d'fhoghar a'd' achadh, agus a dhì-chuimhnicheas tu sguab 's an achadh, cha phill thu g'a togail: air son a' choigrich, air son an dilleachdain, agus air son na bantraich bithidh i; a chum gu'm beannaich an Tighearn do Dhia thu ann an uile oibrigh do lamh.

20 'N uair a chrathas tu do chraun-oladh, cha téid thu thairis air na geugaibh a ris: air son a' choigrich, air son an dilleachdain, agus air son na bantraich bithidh e,

21 'N uair a chruinnicheas tu fion-dhearcan d'fhion-lios, cha ghlan thu gu buileach a'd' dhèigh e: air son a' choigrich, air son an dilleachdain, agus air son na bantraich bithidh e.

22 Agus cuimhnichidh tu gu'n robh thu a'd' thràill ann an tìr na h-Eiphit: uime sin *tha mi* ag àithneadh dhuit an ni so a dheanamh.

CAIB. XXV.

1 *Mu smachdachadh a' chiontaich.* 4 *Cha chuirear ceangal air beul an daimh an uair a tha e 'sol'airt an arbhair.* 5 *Mu shìol a thogail suas do bhràthair.* 11 *Mu'n mnaoi gun nàire.* 13 *Mu chathromaibh ceart.* 17 *Mu lèir-sgrìos Amaleic.*

MA bhios connasachadh eadar daoine, agus gu'n tig iad gu breitheanas, a

chum as gu'n toir na breitheamhna breth orra; an sin saoraidh iad an t-ionracan, agus ditidh iad an ciontach.

2 Agus tarlaidh, ma 's airidh an duine aingidh bhi air a bhualadh, gu'n toir am breitheamh air luidhe sìos, agus a bhi air a bhualadh 'n a lathair, a réir a choire, ann an àireamh àraidh de *bhuillibh*.

3 Dà fhichead buille bheir e dha: cha téid e thairis, air eagal nan rachadh e thairis, agus gu'm buileadh se e os an ceann sin le mòran bhuillibh, an sin gu'm biodh do bhràthair tàireil a'd' shùilibh.

4 Cha chuir thu ceangal air beul an daimh an uair a tha e 'saltairt an arbhair.

5 'N uair a ghabhas bràithrean còmhnuidh maille ri 'chèile, agus gu'm faigh aon diubh bàs, agus gun duine cloinne aige, cha phòs bean a' mhairbh a mach ri coigreach: théid a bràthair-céile steach d'a h-ionnsuidh, agus gabhaidh e dha féin i 'n a mnaoi, agus ni e dlighe bràthar-céile rithe.

6 Agus éiridh an ceud-ghin mic a bheireas i, suas ann an ainm a bràthar a *tha marbh*, a chum nach dubhar a mach 'ainm á h-Israel.

7 Agus mur toil leis an duine bean a bràthar a ghabhail, an sin théid bean a bràthar suas do'n gheata chum nan seanairean, agus their i, Tha mo bhràthair-céile a' diùltadh ainm a thogail suas d'a bhràthair ann an Israel, cha-n àill leis dlighe bràthar-céile a dheanamh rium.

8 An sin gairmidh seanairean a bhaile air, agus labhraidh iad ris: agus *ma* sheasas e mach, agus gu'n abair e, Cha-n àill leam a ghabhail;

9 An sin thig bean a bràthar d'a ionnsuidh an lathair nan seanairean, agus fuasglaidh i a bhròg bhàrr a choise, agus tilgidh i smugaid 'n a eudann, agus freagraidh agus their i, Mar so nithear ris an duine nach tog suas tigh a bràthar.

10 Agus goirear 'ainm ann an Israel, Tigh an fhir aig am bheil a bhròg fuasgailte.

11 'N uair a bhios daoine ri comhstri cuid-eachd, neach ri neach eile, agus gu'n tig bean aoin diubh am fagus a dh'fhuasgladh a fir-pòsda à làmh an fhir a tha 'g a bhualadh, agus gu'n sin i mach a lathair, agus gu'n gabh i greim air a bhuill dhìomhair;

12 An sin gearraidh tu dlùth a làmh; cha ghabh do shùil tras *rithe*.

13 Cha bhi agad ann ad mhàla *aon* chothrom agus cothrom eile; cothrom mòr agus beag.

14 Cha bhi agad ann ad thigh *aon* soitheach, agus soitheach eile tomhais; soitheach mòr agus beag.

15 Cothrom iomlan agus ceart bithidh agad, soitheach-tomhais iomlan agus ceart bithidh agad; a chum gu'm buanaichear do làithean anns an fhearann a *tha 'n* Tigh-earn do Dhia a' tabhairt duit.

16 Oir *tha* iadsan uile a ni na nithean sin, iadsan uile a ni gu h-eucorach, 'n an gràin-eileacld do'n Tighearn do Dhia.

17 Coimhnich ciod a rinn Amalec ort 's an t-slighe, 'n uair a thàinig sibh a mach as an Eiphit,

18 Cionnas a choinnich e thu 's an t-slighe, agus a bhuail e 'chuid 'bu deireannaiche dhìot, *eadhon* iadsan uile a *bha* lag a'd dhéigh, an nair a *bha* thu fann agus sgith, agus nach robh eagal Dhé air.

19 Uime sin an uair a bheir an Tighearn do Dhia fois duit o d' naimhaidibh uile mu'n cuairt, anns an fhearann a bheir an Tighearn do Dhia dhuit mar oighreachd r'a shealbhachadh, dubhaidh tu as cuimhne Amaleic o *bhi* fo nèamh; cha dì-chuimhnich thu e.

CAIB. XXVI.

1 *Aideachadh an ti a thug seachad do'n t-sagart bascaid le ceud thoradh an fhearainn.* 12 *Mu dheachamh na treas bliadhna.* 16 *An coimh-cheangal eadar Dia agus a shluagh.*

AGUS an uair a théid thu stigh do'n fhearann a *tha* 'n Tighearn do Dhia a' toirt dhuit mar oighreachd, agus a shealbh-aicheas tu e, agus a ghabhas tu còmhnuidh ann,

2 An sin gabhaidh tu de'n cheud chuid de uile thoradh na talmhainn, a bheir thu 'eat do d'fhearann a *tha* 'n Tighearn do Dhia a' tabhairt duit, agus cuiridh tu ann ain bascaid e, agus théid thu chum an àite a thaghas an Tighearn do Dhia, a chur 'ainme an sin.

3 Agus théid thu dh'ionnsuidh an t-sagairt a bhios anns na làithibh sin, agus their thu ris, Tha mi ag aideachadh air an là 'n diugh do'n Tighearn do Dhia, gu'n d'fhàinig mi do'n dùthaich a mhionnach an Tighearn d'ar n-aithrichibh gu'n tugadh e dhuinn.

4 Agus gabhaidh an sagart a' bhascaid as do làimh, agus cuiridh e sìos i air beulaobh altarach an Tighearna do Dhé.

5 Agus freagraidh tu agus their thu an làthair an Tighearna do Dhé, Bu Shìrvianach air sheòl a bhì cailte n'athair, agus chaidh e sìos do'n Eiphit, agus bha e air chuairt an sin le beagan cuideachd, agus dh'fhàs e 'n sin 'n a chinneach mòr, cumhachdach, agus lìomhor.

6 Agus bhuin na h-Eiphitich gu h-olc ruinn, agus shàraich iad sinn, agus chuir iad daorsa chruaidh oirnn.

7 Agus ghlaodh sinn ris an Tighearn, Dia ar n-aithrichean, agus dh'éisid an Tighearn r'ar guth, agus dh'amhaire e air ar n-amhghar, agus ar saothair, agus ar foirneart:

8 Agus thug an Tighearn mach sinn as an Eiphit le làimh chumhachdaich, agus le gairdean sìnte mach, agus le h-uamhann mòr, agus le comharaibh, agus le h-iongantassuibh:

9 Agus thug e sinn do'n àite so, agus thug e dhuinn an fearann so, fearann a tha 'sruthadh le bainne agus mil.

10 Agus a nis, feuch, thug mi leam ceud thoradh an fhearainn a thug thusa, a Tighearna, dhomh. Agus cuiridh tu e 'am fianuis an Tighearna do Dhé, agus ni thu aoradh 'am fianuis an Tighearna do Dhé.

11 Agus ni thu gairdeachas anns gach *ni* maith a thug an Tighearn do Dhia dhuit, agus do d' thigh, thu féin, agus an Lebhitheach, agus an coigreach a *bhios* 'n ur measg.

12 'N uair a chuireas tu crìoch air deachamh a thoirt seachad, *eadhon* uile dheachamh do chinneis air an treas bliadhna, bliadhna an deachaimh, agus a bheir thu e do'n Lebhitheach, do'n choigreach, do'n dilleadhdan, agus do'n bhantraich, a chum gu'n ith iad an taobh a stigh de d' gheataibh, agus gu'n sàsuichear iad;

13 An sin their thu 'am fianuis an Tighearna do Dhé, Thug mi leam na nithean naomha as mo thigh, agus mar an ceudna thug mi iad do'n Lebhitheach, agus do'n choigreach, do'n dilleadhdan, agus do'n bhantraich, a réir d'àitheantan uile a dh'àithn thu dhomh: cha do bhris mi h-aon de d'àitheantaibh, ni mò a dhì-chuimhnich mi iad.

14 Cha d'ith mi *bheag* dhiubh a'm' bhròn, ni mò a ghabh mi *bheag* dhiubh gu *feum* neòghlan *sam bith*, ni mò a thug mi *bheag* dhiubh air son a' mhairbh: dh'éisid mi ri guth an Tighearna mo Dhé; rinn mi a réir nan uile nithean a dh'àithn thu dhomh.

15 Amhaire a nuas o ionad-còmhnuidh do naomhachd, o nèamh, agus beannaich do shluagh Israeil, agus an fearann a thug thu dhuinn, mar a mhionnach thu d'ar n-aithrichibh, fearann a tha 'sruthadh le bainne agus mil.

16 Air an là 'n diugh dh'àithn an Tighearn do Dhia dhuit na reachdan agus na breitheanais sin a dheanamh: uime sin coimhididh agus ni thu iad le d' uile chridhe agus le d' uile anam.

17 Rinn thu roghainn an diugh de'n Tighearn gu bhì 'n a Dhia dhuit, agus gu g'ur-sad 'n a shligheibh, agus gu 'reachdan a ghleidheadh, agus 'àitheantan, agus a bhreitheanais, agus gu éisdeachd r'a ghuth.

18 Agus thagh an Tighearn thusa an diugh gu bhì a'd' shluagh sòraichte dha féin, mar a gheall e dhuit, agus a chum gu'n gleidheadh tu 'àitheantan uile;

19 Agus a chum gu'n deanadh e àrd thu os ceann nan uile chinneach a rinn e, ann an cliù, agus ann an ainm, agus ann an urram; agus a chum gu'n bitheadh tu a'd' shluagh naomh do'n Tighearn do Dhia, mar a' labhair e.

CAIB. XXVII.

1 *Dh'àithn Maois do'n t-sluagh an lagh a sgrìobhadh air clachaibh mòra; agus allair a thogail suas de chlachaidh slàna. 11 Mu bhean-nachdaibh agus nu mhallachdaibh.*

AGUS dh'àithn Maois agus seanairean Israeil do'n t-sluagh, ag ràdh, Gleidhibh na h-àitheantan uile a *tha* mi ag àithneadh dhuibh an diugh.

2 Agus tarlaidh, air an là anns an téid sibh thar Iordan do'n fhearann a bheir an Tighearn do Dhia dhuit, gu'n cuir thu suas dhuit féin clachan mòra, agus còmhdaichidh tu thairis le h-aol iad.

3 Agus sgrìobhaidh tu orra uile bhriathran an lagha so, 'n uair a théid thu thairis, a chum gu'n téid thu steach do'n fhearann a bheir an Tighearn do Dhia dhuit, fearann a *tha* 'sruthadh le bainne agus le mìl; mar a gheall an Tighearn Dia d'aithriche dhuit.

4 Uime sin an uair a théid sibh thar Iordan, cuiridh sibh suas na clachan sin, a *tha* mi ag àithneadh dhuibh air an là'n diugh, ann an sliabh Ebail, agus còmhdaichidh tu thairis le h-aol iad.

5 Agus an sin togaidh tu suas altair do'n Tighearn do Dhia, altair de chlachaidh: cha tog thu suas inneal iaruin *sam bith orra*.

6 De chlachaidh slàna togaidh tu altair an Tighearna do Dhé, agus bheir thu suas oirre iobairte-loisgte do'n Tighearn do Dhia.

7 Agus iobraidh tu iobairte-sith, agus ithidh tu 'n sin, agus ni thu gairdeachas an làthair an Tighearna do Dhé.

8 Agus sgrìobhaidh tu air na clachaidh uile bhriathran an lagha so gu ro shoilleir.

9 Agus labhair Maois, agus na sagartan na Lebhithich, ri h-Israel uile, ag ràdh, Thoir an aire, agus éisd, O Israeil; air an là'n diugh rinneadh thu a'd' shluagh do'n Tighearn do Dhia.

10 Uime sin éisdidh tu ri guth an Tighearna do Dhé, agus ni thu 'àitheantan, agus a reachdan, a *tha* mi ag àithneadh dhuit air an là'n diugh.

11 Agus dh'àithn Maois do'n t-sluagh air an là sin féin, ag ràdh,

12 Seasaidh iad so air sliabh Gheridsim a bheannachadh an t-sluaigh, 'n uair a théid sibh thar Iordan; Simeon, agus Lebhi, agus Iudah, agus Isachar, agus Ioseph, agus Benjamin.

13 Agus seasaidh iad so air sliabh Ebail a mhallachadh; Reuben, Gad, agus Aser, agus Sebulun, Dan, agus Naphtali.

14 Agus labhraidh na Lebhithich, agus their iad ri daoineibh Israeil uile le guth àrd,

15 Mallaichte *gu robh* an duine a ni dealbh snaidhte no leaghta, gràineilcachd do'n Tighearn, obair lamh an fhir-cheird, agus

a chuireas e ann an ionad dìomhair: agus freagraidh an sluagh uile, agus their iad, Amen.

16 Mallaichte *gu robh* esan a ni tàir air 'athair no air a mhàthair: agus their an sluagh uile, Amen.

17 Mallaichte *gu robh* esan a dh'atharraicheas crìoch fearainn a chomhearsnaich: agus their an sluagh uile, Amen.

18 Mallaichte *gu robh* esan a chuireas an dall air seacharan 's an t-slighe: agus their an sluagh uile, Amen.

19 Mallaichte *gu robh* esan a chlaonas breitheanas a' choigrich, an dilleachdain. agus na bantraich: agus their an sluagh uile, Amen.

20 Mallaichte *gu robh* esan a luidheas le mnaoi 'athar, a chionn gu bheil e a' leigeadh ris còmhdaich 'athar: agus their an sluagh uile, Amen.

21 Mallaichte *gu robh* esan a luidheas le h-ainmhidh sam bith: agus their an sluagh uile, Amen.

22 Mallaichte *gu robh* esan a luidheas le 'phiuthair, nighean 'athar, no nighean a mhàthar: agus their an sluagh uile, Amen.

23 Mallaichte *gu robh* esan a luidheas le 'mhàthair-chéile: agus their an sluagh uile, Amen.

24 Mallaichte *gu robh* esan a bhuaileas a choimhearsnach gu h-uaigneach: agus their an sluagh uile, Amen.

25 Mallaichte *gu robh* esan a ghabhas duais air son duine neò-chiontach a mharbhadh: agus their an sluagh uile, Amen.

26 Mallaichte *gu robh* esan nach daingnich uile bhriathran an lagha so chum an deanaimh: agus their an sluagh uile, Amen.

CAIB. XXVIII.

1 *Beannachdan air an gealltainn dhoibhsan a bhios àmhhal do lagh Dhé. 15 Mallaicid an orrasan a bhios eav-àmhhal.*

AGUS tarlaidh, ma dh'éisdeas tu gu dùrachdach ri guth an Tighearna do Dhé, a chaimhead agus a dheanamh 'àitheantan uile, a *tha* mi ag àithneadh dhuit air an là'n diugh, gu'n cuir an Tighearn do Dhia suas thu os ceam uile chinneacha na talmhainn.

2 Agus thig na beannachdan so uile ort, agus beiridh iad ort, ma dh'éisdeas tu ri guth an Tighearna do Dhé.

3 Beannaichte *bithidh* tu 's a' bhaile, agus beannaichte *bithidh* tu 's a' mhachair.

4 Beannaichte *bithidh* toradh do chuip, agus toradh d'fhearainn, agus toradh do spréidhe, fàs do chruidh, agus treudan do chaorach.

5 Beannaichte *bithidh* do bhascaid agus do chuibhrionn.

6 Beannaichte *bithidh* tu 'n uair a thig thu stigh, agus beannaichte *bithidh* tu 'n uair a théid thu mach.

7 Bheir an Tighearn fainear gu'm bi do

naimhdean, a dh'éircas suas a'd' aghaidh, air am buaidh roimh do ghnùis: thig iad a mact a'd' aghaidh air aon slighe, agus teicheadh iad romhad air seachd slighean.

8 Aithmidh an Tighearn am beannachadh ort a'd' thighibh-tasgaidh, agus anns gach ni ris an cuir thu do làmh; agus beannaichidh e thu 's an fhearann a bheir an Tighearn do Dhia dhuit.

9 Daingnichidh an Tighearn thu a'd' shluagh naomh dha féin, mar a mhionnaich e dhuit, ma ghleidheas tu àitheantan an Tighearna do Dhé, agus ma ghluaiscas tu 'n a shligheibh.

10 Agus chi uile chinnich na talmhainn gu'n goirear ainm an Tighearna ort, agus bithidh eagal orra romhad.

11 Agus ni an Tighearn saobhair thu ann am maoin, ann an toradh do chuip, agus ann an toradh do spréidhe, agus ann an toradh d' fhearainn, anns an talamh a mhionnaich an Tighearn do d'aithrichean a thabhairt duit.

12 Fosglaidh an Tighearn dhuit a dhcadh ionmhas, na nèamhan a thoirt uisge do d'fhearann 'n a àm, agus a bheannachadh uile oibre do làimhe; agus bheir thu 'n iasachd do mhòran chinnich, agus cha gabh thu 'n iasachd.

13 Agus ni an Tighearn an ceann dhòt, agus ni h-e an t-eàball; agus bithidh tu an uachdar a mhàin, agus cha bhi thu 'n ìochdar; ma dh'éisdeas tu ri àitheantaibh an Tighearna do Dhé, a *tha* mi ag àithneadh dhuit air an là'n diugh, gu'n coimhead agus gu'n dean thu iad.

14 Agus cha téid thu tbaobh o aon air bith de na briathraibh a *tha* mi ag àithneadh dhuit an diugh, a chum na làimhe deise no chum na làimhe clithe, a dhol an déigh dhiathan eile a dheanamh seirbhis doibh.

15 Ach tarlaidh, mur éisd thu ri guth an Tighearna do Dhé, a thoirt faineair gu'n dean thu àitheantan agus a reachdan uile, a *tha* mi ag àithneadh dhuit an diugh, gu'n tig na mallachdan so uile ort, agus gu'm beir iad ort.

16 Mallaichte *bithidh* tu 's a' bhaile, agus mallaichte *bithidh* tu s a' mhachair.

17 Mallaichte *bithidh* do bhascaid agus do chubhrionn.

18 Mallaichte *bithidh* toradh do chuip, agus toradh d'fhearainn, fàs do chruidh, agus treudan do chaorach.

19 Mallaichte *bithidh* tu 'n uair a thig thu stigh, agus mallaichte *bithidh* tu 'n uair a théid thu mach.

20 Cuiridh an Tighearn ort mallachadh, mì-shuaimhneas, agus acimhasan, anns gach ni ris an cuir thu do làmh gu 'dheanamh, agus an sgriosar thu, agus gus an téid as duit gu h-obann, air son aingidheachd do ghnìomh-aran leis an do thréig thu mise

21 Bheir an Tighearn air a' phlàigh lean-tuinn riut, gus an claidh e thu bhàr an fhearainn, d'am bheil thu 'dol a steach g'a shealbhadh.

22 Buaidh an Tighearn thu le caitheamh agus le fiabhras, agus le h-ain-teas, agus le h-àrd-losgadh, agus leis a' chlaidheamh, agus le seargadh, agus le fuar-dhealt; agus leanaidh iad thu gus an téid as duit.

23 Agus bithidh do speuran a *tha* os do cheann 'n an umha, agus an talamh a *tha* fodhad 'n a iarunn.

24 Ni an Tighearn uisge d'fhearainn 'n a luathre agus 'n a dhuslach: o nèamh thig e nuas ort, gus an sgriosar thu.

25 Bheir an Tighearn faineair gu'm buail-eir thu air beulaobh do naimhdean: théid thu mach air aon slighe 'n an aghaidh, agus teicheadh tu rompa air seachd slighean; agus atharraichear thu chum uile rìoghachdan na talmhainn.

26 Agus bithidh do chlosach 'n a biadh aig uile eunlaith an athair, agus aig beathaichibh na talmhainn, agus cha-n fhuadaich duine sam bith air falbh iad.

27 Buaidh an Tighearn thu le neasgaid na h-Eiphit, agus le ruith fola, agus le càrr, agus le cloimh, de nach bi e'n comas do leigheas.

28 Buaidh an Tighearn thu le cùthach, agus le doille, agus le h-uamhan cridhe.

29 Agus smeuraicheadh tu mu mheadhon-là, mar a smeuraicheas an dall 's an dorch-adas, agus cha soirbhich leat a'd' shlighean: agus bithidh tu fo fhoirneart a mhàin, agus air do chrcachadh a ghnàth, agus cha teasaig duine sam bith *thu*.

30 Ni thu cèangal-pòsaidh ri mnai, agus luidhidh fear eile leatha: togaich tu tigh, agus cha gabh thu còmluidh ann: suidhichidh tu fion-lios, agus cha tionail thu 'fhion-dhearcan.

31 Marblar do dhamh fa chomhair do shùl, agus cha-n ith thu dh'e: bheirear air falbh d'asal a dh'aindeoin as do làthair, agus cha toirear air a h-ais dhuit i: bheirear do chaoarach do d' naimhidibh, agus cha bhi neach agad a bheir uatha iad.

32 Bheirear do mhic agus do nigheanan do shluagh eile, agus chi do shùilean, agus fàilnichidh iad *le fadal* air an son rè an là: agus cha bhi neart sam bith a'd' làimh.

33 Toradh d'fhearainn, agus do shaothair uile, ithidh cinneach suas, nach b'aithne dhuit; agus bithidh tu fo fhoirneart a mhàin agus air do bhruthadh an còmluidh:

34 Air chor as gu'm bi thu air mhi-chéill, air son scallaidh do shùl a chi thu.

35 Buaidh an Tighearn thu 's na glùinibh, agus anns na cosaibh, le neasgaid chràitich nach gabh leigheas, o bhonn do chois gu mullach do chinn.

36 Bheir an Tighearn thu *féin*, agus do

rioh a chuireas tu os do cheann, gu einn-
each nach b'aithe aon chuid duit féin no do
d'aitheiribh; agus an sin ní thu seirbhís
do dhiathaibh eile, *de* fhíodh agus *de*
chloich.

37 Agus bithidh tu a'd' uamhas, a'd'
shamhladh, agus a'd' leth-fhocal, an measg
nan uile chinneach gus an treoraich an
Tighearn thu.

38 Bheir thu mórán síl a mach do'n fhear-
ann, ach is beag a chruinnicreas tu stigh:
oir ithidh an locust suas e.

39 Suidhichidh tu fion-liosan agus deas-
aichidh tu *iad*, ach cha-n òl thu de'n fhion,
ní mò a chruinnicreas tu *na dearsan*: oir
ithidh a' chnuimh iad.

40 Bithidh croinn-oladh agad air feadh do
chriochan uile, ach cha-n uing thu thu *féin*
leis an oladh: oir tilgidh do chrann-oladh *a*
thoradh.

41 Ginidh tu mic agus nigheanan, ach cha
níceal thu iad; oir théid iad 'am braigh-
deanas.

42 Do chraobhan uile, agus toradh d'fhear-
ainn, millidh an locust.

43 Éiridh an coigreach a tha 'n 'ur measg
suas gu ro àrd os do cheann; agus thig thusa
uas gu ro íosal.

44 Bheir e 'n íasachd dhuit, agus cha toir
thusa 'an íasachd dha: bithidh esan 'n a
cheann, agus bithidh tusa a'd' earball.

45 Agus thig na mallachdan sin uile ort,
agus leanaidh iad thu, agus beiridh iad ort,
gus an sgriosar thu; a chionn nach d'éisid
thu ri guth an Tighearna do Dhé, a ghléidh-
eadh 'aitheantan agus a reachdan a dh'aithean
e dhuit.

46 Agus bithidh iad ort mar chomharadh
agus mar iongantach, agus air do shliochd a
chaoidh.

47 A chionn nach d'rinn thu seirbhís do'n
Tighearn do Dhia le gairdeachas, agus le
subhachas cridhe, air son pailteis nan uile
nithean;

48 Uime sin ní thu seirbhís do d' naimh-
dibh, a chuireas an Tighearn a'd' aghaidh,
an aocras, agus ann an tart, agus ann an
lomochoadaidh, agus ann an uircasbhuidh
nan uile *nithean*: agus cuiridh e cuing
iaruinn air do mhúineal, gus an cuir e as
duit.

49 Bheir an Tighearn cinneach a'd' aghaidh
o *ionad* fad o *táimh*, o íomall na talmhainn,
mar an íolair air iteig; cinneach nach tuig
thu 'n caint;

50 Cinneach aig am bheil aghaidh bhorb,
nach toir urram do ghmúis an aosmhoir,
agus nach dean íochd ris an òg.

51 Agus ithidh e toradh do spréidhe, agus
toradh d'fhearainn, gus an sgriosar thu:
neach nach fág agad arbhar, fion, no oladh,
fás do chruidh, no treudan do chaorach, gus
an cuir e as duit.

52 Agus teannaichidh e thu ann ad gheat-

aibh uile, gus am brisear síos do bhallachan
àrda agus daingnichte, anns an robh do
dhòigh, air feadh d'fhearainn uile; agus
teannaichidh e thu ann ad gheataibh, air
feadh d'fhearainn uile a thug an Tighearn
do Dhia dhuit.

53 Agus ithidh tu toradh do chuirp féin,
feoil do mhac agus do nigheanan, a thug an
Tighearn do Dhia dhuit, anns a' chogadh,
agus anns an teinn, leis an teannaich do
naimhdean thu:

54 *Air chor as* an duine *a tha* maoth 'n 'ur
measg, agus ro shòghar, gu'm bi a shùil ole
a thaobh a bhràthar, agus a thaobh muà
'uchd féin, agus a thaobh iarmaid a chloinne
a dh'fhàgas e:

55 Air chor as nach toir e do h-aon diubh
a bheag de fheoil a chloinne a dh'itheas e;
a chionn nach fàgar a' bheag aige 's a'
chogadh, agus anns an teinn, leis an teann-
aich do naimhdean thu a'd' gheataibh uile.

56 A'bhean mhaoth agus shòghar 'n 'ur
measg, nach dùraichdeadh bonn a coise a
chur air an talamh a thaobh mùirn agus
maothalachd, bithidh a sùil ole a thaobh sìr-
pòsda a h-uchd, agus a thaobh a mic, agus
a thaobh a h-ighinn,

57 Agus a thaobh a maothrain a thig a
mach o cadar a cosaibh, agus a thaobh a
cloinne a bheireas i: oir ithidh i iad a dh'-
uireasbhuidh nan uile *ni*, 'an dìomhair-
eachd anns a' chogadh, agus anns an teinn,
leis an teannaich do naimhdean thu a'd'
gheataibh.

58 Mur toir thu an aire uile bhriathran an
lagha so a dheanamh, a tha sgrìobhta 's an
leabhar so, a chum gu'm bi eagal an ainm
ghlòrmhoir agus uamhasaich so ort, AN
TIGHEARN DO DHIA;

59 An sin ní an Tighearn do phlàighean
iongantach, agus plàighean do shliochd,
cudhlon plàighean mòra agus maireannach,
agus eucaillean cràiteach agus fadalach.

60 A bhàrr air so, bheir e ort uile ghal-
aran na h-Elphit, roimh an robh eagal ort;
agus leanaidh iad riut.

61 Mar an ceudna gach tinneas, agus gach
plàigh, nach 'eil sgrìobhta ann an leabhar
an lagha so, iad sin bheir an Tighearn ort,
gus an sgriosar thu.

62 Agus fàgar sibh tearc ann an àireamh,
'an àite dhuibh 'bhi mar reultan nèimh 'an
lionmhòireachd; a chionn nach d' éisid thu
ri guth an Tighearna do Dhé.

63 Agus tarlaidh, mar a rinn an Tighearn
gairdeachas os bhur ceann a dheanamh
maith dhuibh, agus gu'r deanamh lion-
mhor, mar sin gu'n dean an Tighearn gaird-
eachas os bhur ceann gu'r sgrios, agus gu'r
toirt gu neo-ni; agus spionar sibh as an
fhearann d'am bheil thu a' dol g'a shealbha-
chadh.

64 Agus sgapaidh an Tighearn thu ann
measg nan uile chinneach, o'n dara ceann

de'n talamh eadhon gus an ceann cile de'n talamh; agus an sin ni thu seirbhis do dhiathaihb eile, nach b'aithne *aon chuid* duit féin no do d'aithrichibh, eadhon *de* fhíodh agus *de* chloich.

65 Agus am measg nan einneach sin cha-n fhaigh thu suaimhneas san bith, ni mò bhitheas fois aig bonn do choise: ach bheir an Tighearn dhuit an sin cridhe gealtach, agus fáilneachadh shùl, agus doilgheas inn-tinn.

66 Agus bithidh do bheatha 'an crochadh ann an amharus fa d' chomhair; agus bithidh eagal ort a là agus a dh'oidhech, agus cha bhi cinnte air bith agad de d' bheatha.

67 'S a' mhaduinn their thu, Och! nach b'e 'in fcasgar e; agus 's an fheasgar their thu, Och! nach b'i a' mhaduinn e; air son eagal do chridhe leis am bi eagal ort, agus air son seallaidh do shùl a chi thu.

68 Agus bheir an Tighearn ris thu do'n Eiphit ann an longaibh, air an t-slighe mu'n dubhairt mi riut, Cha-n fhaic thu ris i tuilleadh: agus an sin reicear sibh ri'r naimhdiubh mar thràillean agus mar bhan-tràillean, agus cha bhi neach ann gu'r ceannach.

CAIB. XXIX.

2 *Earrail do chloinn Israeil an coimhcheangal ri Dia a choimhead. 29 Buinidh nihean d'omhair do'n Tighearn.*

IS iad sin briathran a' choimhcheangail a dh'àithn an Tighearn do Mhaois a dheanamh ri cloinn Israeil, ann an tìr Mhoais, a thuilleadh air a' choimhcheangal a rinn e riut ann an Horeb.

2 Agus thug Maois gairm do Israel uile, agus thubhairt e riut, Chumnaic sibh gach ni a rinn an Tighearn fa chomhair bhur sùl ann an tìr na h-Eiphit, ri Pharaoh, agus cha d' sheirbhisich uile, agus r'a fhearann uile;

3 Na deuchainnean mòra a chumnaic do shùilean, na comharan agus na h-iongantasan mòra sin;

4 Gidheadh cha d'thug an Tighearn dhuibh cridhe a thuigsinn, agus sùilean a dh'fhaicinn, agus cluasan a chluinntinn, gus an là'n diugh.

5 Agus thredraich mise sibh dà fhichead bliadhna 's an fhàsach: cha do chaitheadh bhur n-eudach dhiubh le h-aois, agus cha do chaitheadh do bhròg le h-aois bhàrr do choise.

6 Cha d'ith sibh aran, ni mò dh'òl sibh fion, no deoch làidir; a chum gu'm bitheadh fios agaibh gur mise an Tighearn bhur Dia.

7 Agus an uair a thàinig sibh do'n àite so, thàinig Sihon rìgh Hesboin, agus Og rìgh Bhàsain, a mach 'n ar n-aghaidh chum catha, agus bhuail sinn iad;

8 Agus ghlac sinn am fearann, agus thug sinn emaroghreachd do na Reubenich, agus do na Gadaich, agus do leth thrèibb Mhanasch.

9 Gleidhibh uime sin briathran a' choimhcheangail so, agus deanaibh iad, a chum gu'n soirbhich leibh anns gach ni a ni sibh.

10 Tha sibh uile 'n 'ur seasamh an diugh an làthair an Tighearna bhur Dé; ceannardan bhur treubhan, bhur seanairean, agus bhur luchd-riaghlaidh, fir Israeil uile,

11 Bhur elann bheag, bhur mnathan, agus do choigreach a tha ann ad clamp, o fhear-gearraidh d'fhiodha gu fear-tarruing d'uisge;

12 A chum gu'n rachadh tu ann an coimhcheangal ris an Tighearn do Dhia, agus 'n a mhionnaibh-san, a tha'n Tighearn do Dhia a' deanamh riut air an là'n diugh:

13 A chum gu'n daingnich e thu an diugh mar shluagh dha féin, agus gu'm bi esan dhuitse 'n a Dhia, mar a thubhairt e riut, agus mar a mhionnaich e do d'aithrichibh, do Abraham, do Isaac, agus do Iacob.

14 Agus cha-n ann ribhse mhàin a tha mise a' deanamh a' choimhcheangail so, agus nam mionnan so;

15 Ach ris-san a tha 'n so maille ruinn 'n a sheasamh an diugh an làthair an Tighearna ar Dé, agus mar an ceudna ris-san nach 'eil an so maille ruinn an diugh:

16 (Oir is aithne dhuibh cionnus a bha sinn a chòmhnuidh ann an tìr na h-Eiphit, agus cionnus a thàinig sinn troimh mhacadhon nan einneach air an deachaidh sibh seachad;

17 Agus chumnaic sibh an gràineileachdan, agus an iodholan, fíodh agus clach, airgid agus òr, a bha 'n am measg:)

18 Air eagal gu'm bitheadh 'n 'ur measg fear, no bean, no teaghlach, no treubh, a ehlaoas a chridhe air falbh an diugh o'n Tighearn ar Dia, a dhol a dheanamh seirbhis do dhiathaihb nan einneach sin; air eagal gu'm bitheadh 'n 'ur measg freumh a bheir uaith mar thoradh nìmh agus searblas,

19 Agus an uair a chluinneas e briathran a' mhallachaidh so, an sin gu'm beanmaich se e féin 'n a chridhe, ag ràdh, Bithidh sith agam, ged a ghluais mi ann an ananiam mo chridhe féin, a ehur misge ri pathadh:

20 Cha chaomhain an Tighearn e, ach an sin cuiridh fearg an Tighearna, agus 'eud, smùid diubh an aghaidh an duine sin, agus luidhidh gach mallachadh air a tha sgrìobhta 's an leabhar so, agus dubhaidh an Tighearn mach 'ainm o bhi fo nèamh.

21 Agus sgaraidh an Tighearn e chum uile, a mach á treubhan Israeil uile, a réir uile mhallaehdan a' choimhcheangail, a tha sgrìobhta ann an leabhar an lagha so:

22 Air ehor as gu'n abair an ginealach ri teachd, bhur clann a dh'éireas suas 'n 'ur déigh, agus an coigreach a thig o thìr fad o làimh, 'nuair a chi iad plàighean an fhearainn sin, agus 'eucailcan a leag an Tighearn air;

23 Agus gu bheil a thalamh uile 'n a phrònnaag, agus 'n a shalann, agus 'n a losgadh, nach 'eil e air a chur, no 'toirt toraidh uaith, agus nach 'eil feur sam bith a' fàs ann, cosmhuil ri sgrios Shodoin agus Ghomorrah, Admah agus Sheboim, a sgrios an Tighearn 'n a fheirg, agus 'n a chorruih;

24 Their eadhon na h-uile chinnich, 'Car son a bhuin an Tighearn mar so ris an fhearann so? Ciod is *ciall* do theas na corruiche mòire so?

25 An sin their daoine, A chionn gu'n do thréig iad coimhcheangal an Tighearna Dé an aithrichean a rinn e riu, 'n uair a thug e mach iad á tìr na h-Eiphit.

26 Oir chaidh iad agus rinn iad seirbhis do dhiathaibh eile, agus rinn iad aoradh dhoibh, dée nach b'aithne dhoibh, agus nach d'thug esan doibh.

27 Agus las corruich an Tighearna an aghaidh an fhearainn so, a thoirt nam mallachd sin uile air a tha sgrìobhta 's an leabhar so.

28 Agus spìon an Tighearn a mach iad as am fearann ann an feirg, agus ann an corruich, agus ann an lasan ro mhòr, agus thig e iad do dhùthaich eile, nìar air an là'n diugh.

29 *Buinidh* na nithean dìomhair do'n Tighearn ar Dia, ach na nithean a tha foillsichte dhuinne, agus d'ar cloinn a chaoidh, a chum gu'n dean sinn uile bhriathran an lagha so.

CAIB. XXX.

1 *Maithas agus tròcair air an gealltainn dhoibh-san a bheir géill a dh'aitheantaibh an Tighearna.* 15 *Beatha agus bàs air an cur fa'n comhair.*

AGUS an uair a thig na nithean so uile ort, am beannachadh agus am mallachadh, a chuir mise romhad, agus a chuimhnichas tu orra 'am measg nan cinneach uile chum an d'fhogair an Tighearn do Dhia thu,

2 Agus a philleas tu dh'ionnsuidh an Tighearna do Dhé, agus a bheir thu géill d'a ghuth, a réir nan uile nithean a tha mise ag aithneadh dhuit air an là'n diugh, thu féin agus do chlam, le d'uile chridhe, agus le d'uile anam;

3 An sin bheir an Tighearn do Dhia air ais do bhraighdeanas, agus nì e iochd riut, agus pillidh e agus cruinnichidh e thu as na h-uile chinnich a chum an do sgap an Tighearn do Dhia thu.

4 Ma dh'fhògradh neach agad gus a' chuid a's iomallaiche de nàmh, as a sin cruinnichidh an Tighearn do Dhia thu, agus as a sin bheir e thu:

5 Agus bheir an Tighearn do Dhia thu do'n fhearann a shealbhaich d'aithrichean, agus sealbhaichidh tu e; agus nì e maith dhuit, agus bheir ort fàs lionmhor os ceann d'aithrichean.

6 Agus timchioll-ghearraidh an Tighearn do Dhia do chridhe, agus cridhe doshlìochd, a ghràdlachadh an Tighearn do Dhé le d'uile chridhe, agus le d'uile anam, a chum gu'm bi thu beò.

7 Agus cuiridh an Tighearn do Dhia na mallachdan sin uile air do naimhdeibh, agus orra-san aig am bheil fuath dhuit, a rinn geur-leanmhuinn ort.

8 Agus pillidh tu agus bheir thu géill do ghuth an Tighearna, agus nì thu 'aithcantan uile a tha mise ag aithneadh dhuit an diugh.

9 Agus nì an Tighearn do Dhia pailt thu ann an uile obair do làimhe, ann an toradh do chuirp, agus ann an toradh do spréidhe, agus ann an toradh d'fhearainn, a chum maith: oir nì an Tighearn aris gairdeachas os do cheann chum maith, mar a rinn e gairdeachas os ceann d'aithriche;

10 Ma dh'éisdeas tu ri guth an Tighearna do Dhé, a ghleidheadh aitheantan, agus a reachdan, a tha sgrìobhta ann an leabhar an lagha so, agus ma philleas tu chum an Tighearna do Dhé le d'uile chridhe, agus le d'uile anam.

11 Oir an aithne so a tha mise ag aithneadh dhuit an diugh, cha-n'eil i 'm folach ort, nì mò a tha i fada uait.

12 Cha-n'eil i 's na nàmhann air chor as gu'n abradh tu, Cò 'théid suas air ar son do na nàmhann, agus a bheir i d'ar n-ionnsuidh, a chum gu'n cluinn sinn i, agus gu'n dean sinn i?

13 Nì mò a tha i 'n taobh thall de'n fhairge, air chor as gu'n abradh tu, Cò 'théid a null air ar son thar an fhairge, agus a bheir i d'ar n-ionnsuidh a chum gu'n cluinn sinn i, agus gu'n dean sinn i?

14 Ach tha 'm focal ro flagus duit, ann do bheul, agus ann do chridhe, chum gu'n dean thu e.

15 Feuch, chuir mi romhad an diugh beatha agus maith, agus bàs agus olc;

16 A mheud gu bheil mi ag aithneadh dhuit an diugh an Tighearn do Dhia a ghràdhachadh, gluasad 'n a shlighean, agus aitheantan a ghleidheadh, agus a reachdan, agus a bhreitheanais, a chum gu'm bi thu beò, agus gu'm fàs thu lionmhor, agus gu'm beannaich an Tighearn do Dhia thu 's an fhearann d'am bheil thu dol g'a shealbhaichadh.

17 Ach ma thionndaidheas do chridhe air falbh, agus nach éisd thu, ach gu'n tairngear air falbh thu, agus gu'n dean thu aoradh do dhiathaibh eile, agus gu'n dean thu seirbhis dhoibh;

18 Tha mi ag innseadh dhuibh air an là'n diugh, gu'n sgriosar gu cinnteach sibh, agus nach sin sibh bhur àithean air an fhearann, d'am bheil thu 'dol thar Iordan, gu gabhail a steach g'a shealbhaichadh.

19 Tha mi a' gairm nan nàmh agus na tal-

mhainn mar fhianuisean 'n 'ur n-aghaidh air an là'n diugh, gu'n do chuir mi beatha agus bàs far comhair, beannachadh agus mallachadh: uime sin ròghnuich beatha, chum gu'm bi thu féin agus do shliochd beò:

20 A chum gu'n gràdhaidh thu 'n Tighearn do Dhia, agus gu'n toir thu géill d' a ghuth, agus gu'n lean thu ris; (oir is esau do bheatha, agus fad do làithean;) a chum gu'n gabh thu còmhnuidh 's an fhearann a mhionnaich an Tighearn do d'aithr. chean, do Abraham, do Isaac, agus do Iacob, gu'n tugadh e dhoibh.

CAIB. XXXI.

1 *Thug Maois misneach do Iosua agus do'n t-sluagh.* 9 *Thug e'n lagh do na sagartaibh, agus dh'àithn e dhoibh aig ceann gach seachd bliadhna a' leughadh an éisdeachd an t-sluaigh.* 19 *Thug Dia laoidh do Mhaois mar fhianuis 'n an aghaidh.*

AGUS chaidh Maois agus labhair e na briathran so ri h-Israel uile.

2 Agus thubhairt e riu, *Tha mise ceud agus fichead bliadhna dh'aois air, an là'n diugh; cha'n urrainn mi tuilleadh dol a mach agus teachd a steach: agus thubhairt an Tighearn rium, Cha téid thu thar an Iordau so.*

3 Théid an Tighearn do Dhia e féin a null romhad; sgriosaidh esan na cinnich sin o d' làthair, agus sealbhaichidh tu iad: agus théid Iosua uull romhad, mar a thubhairt an Tighearn.

4 Agus ni an Tighearn riu mar a rinn e ri Sihon, agus ri h-Og, rìghrean nan Amorach, agus ri fearann na muinntir sin a sgrios e.

5 Agus bheir an Tighearn thairis iad roimh bhur gnùis, a chum gu'n dean sibh riu a réir gach àithne a dh'àithn mise dhuibh.

6 Bithibh làidir, agus bitheadh deadh mhisneach agaibh, na bitheadh eagail oirbh, agus na gabhaibh geilt rompa: oir is e 'n Tighearn do Dhia e féin a théid leat; cha dibir e thu, ni mò a thréigear e thu.

7 Agus ghairm Maois air Iosua, agus thubhairt e ris ann an sealladh Israeil uile, Bi làidir, agus bitheadh deadh mhisneach agad: oir is tusa a théid a stigh leis an t-sluagh so do'n fhearann a mhionnaich an Tighearn d'an aithrichibh gu'n tugadh e dhoibh; agus bheir thu orra a shealbhachadh mar oighreachd.

8 Agus théid an Tighearn e féin romhad; bithidh esan maille riut, cha dibir e thu, ni mò a thréigear e thu: na gabh eagail, agus na bitheadh geilt ort.

9 Agus sgriobh Maois an lagh so, agus thug se e do na sagartaibh, mic Lebbi, a tha 'griulan àirce coimhcheangail an Tighearn, agus do sheanairibh Israeil uile.

10 Agus dh'àithn Maois dhoibh, ag ràdh, Aig ceann gach seachd bliadhna, ann an

àm òrduichte bliadhna an fhuasglaidh, aig féill nam pàillium.

11 'N uair a thig Israel uile g'an taisbeanadh féin an làthair an Tighearna do Dhé, 's an ionad a thaghas e; leughaidh tu 'n lagh so 'an làthair Israeil uile 'n an éisdeachd.

12 Cruinnich an sluagh r'a chéile, fir agus mnathan, agus clann, agus do choigreach a tha 'n taobh a stigh de d' gheataibh, a chum gu'n, cluinn iad, agus gu'm foghlum iad, agus gu'm bi eagal an Tighearna bhur Dé orra, agus gu'n toir iad fairear uile bhriathran an lagha so a dheanamh;

13 Agus gu'n cluinn an clann do nach b'aithne *b'heag*, agus gu'm foghlum iad eagal an Tighearna bhur Dé a bhi orra, am fad's is beò dhuibh 's an fhearann d'am bheil sibh 'dol thar Iordan g'a shealbhachadh.

14 Agus thubhairt an Tighearn ri Maois, Feuch, tha do làithean a' d'ùthachadh anns am feum thu bàs fhagail: gairm air Iosua, agus nochdaibh sibh féin ann am pàillium a' choimhthionail, a chum gu'n toir mise aithne dha. Agus chaidh Maois agus Iosua, agus nochd siad iad féin ann am pàillium a' choimhthionail.

15 Agus dh'fhoillsich an Tighearn e féin 's a' phàillium ann am meall neoil: agus sheas am meall neoil os ceann doruis a' phàillium.

16 Agus thubhairt an Tighearn ri Maois, Feuch, coidlidh tusa maille ri d'aithrichean; agus éiridh an sluagh so suas, agus théid iad le striopachas an déigh dhiathan na tìre coimhich sin d'am bheil iad a' dol a steach gu *jantuinn* 'n a meachon, agus tréigidh iad mise, agus brisidh iad mo choimhcheangal a rinn mi riu.

17 Agus lasaidh mo chorruich 'n an aghaidh 's an là sin, agus tréigidh mi iad, agus folaichidh mi mo ghnùis uathá, agus ithear suas iad, agus thig mòran oic agus àmhgharan orra, air chor as gu'n abair iad 's an là sin, Nach ann a chionn nach *'eil* ar Dia 'n ar measg a thàinig na h-uile so oirnn?

18 Agus gu cinnteach folaichidh mise mo ghnùis 's an là sin, air sou gach uile a dh'oibrich iad, a chionn gu'n do thionudaidh iad an déigh dhiathan eile.

19 A nis uimè sin sgriobhaibhse dhuibh féin an laoidh so, agus teagaisgibh i do chloinn Israeil: cuir i 'n am beul, a chum gu'n bi 'n laoidh so mar fhianuis dhomhsa an aghaidh chloinn Israeil.

20 Oir an uair a bheir mi stigh iad do'n fhearann a mhionnaich mi d'an aithrichean, a tha 'sruthadh le bàine agus le mil, agus a dh'itheas iad agus a shàsuichear iad, agus a dh'fhàsas iad reamhar; an sin tionndaidh iad gu diathan eile, agus ni iad seirbhìs doibh, agus brosnuichidh iad mi, agus brisidh iad mo choimhcheangal.

21 Agus tarlaidh, an uair a thig mòran

ole agus àmhgharan orra, gu'n labhair an laoidh so mar fhianuis 'n an aghaidh; oir cha dì-chuimhnichear i á beul an sliochd: oir is aithne dhomh an smuaintean a tha iad a' dealbh an diugh *féin*, mun d'thug mi steach iad do'n fhearann a mhionnaich mi.

22 Sgrìobh uime sin Maois an laoidh so air an là sin féin, agus theagaisgeid do chloinn Israeil.

23 Agus dh'àithn e do Iosua mac Nuin, agus thubhairt e, Bi làidir, agus bithcadh deadh mhisneach agad: oir bheir thu clann Israeil do'n fhearann a mhionnaich mi dhoibh; agus bithidh mise maille riut.

24 Agus an uair a chuir Maois crìoch air sgrìobhadh bhriathran an lagha so ann an leabhar, gus an do chrìochnaicheadh iad,

25 An sin dh'àithn Maois do na Lebhithich, a tha 'gùlan àirce coimheangail an Tighearna, ag ràdh,

26 Gabhaibh leabhar an lagha so, agus cuiribh e aig taobh àirce coimheangail an Tighearna bhur Dé, chum gu'm bi e 'n sin mar fhianuis a'd' aghaidh.

27 Oir is aithne dhomh do cheannairce, agus do mhuineal rag: feuch, am feadh 's a tha mi fathast beò maille ribh an diugh, bha sibh ceannairceach an aghaidh an Tighearna; agus cia's mò na sin *abhiitheas sibh* an deigh mo bhàis?

28 Cruinnichibh a m' ionnsuidh seanairean bhur treubhan uile, agus bhur luchd-riaghlaidh, a chum gu'n labhair mi 'n an cluas-aibh na briathran so, agus gu'n gairm mi na nèamhan agus an talamh mar fhianuiscau 'n an aghaidh.

29 Oir tha fhios agam, an déigh mo bhàis gu'n truaill sibh *sibh féin* gu tur, agus gu'n téid sibh a thaobh o'n t'slighe a dh'àithn mi dhuibh; agus thig ole oirbh anns na làithibh deireannach, a chionn gu'n dean sibh ole ann an sealladh an Tighearna, 'g a bhrosnachadh gu feirg le h-obair bhur làmh.

30 Agus labhair Maois ann an cluasaibh uile chomhchruinneachaidh Israeil briathra na laoidhe so, gus an do chrìochnaicheadh iad.

CAIB. XXXII.

1 *Laoidh Mhaois. 46 Tha e a' toirt earail do'n t-sluagh, gu'n socraicheadh iad an cridhe air na nìibh a bha air an cur 'an cèill dhoibh innle.*

CLINNIBH, O a nèamhan, agus labhairidh mi; agus éisdeadh an talamh ri briathraibh mo bheoil.

2 Silidh mo theagasg mar an t-uisge, tuitidh mo chainnt mar an drùchd; mar mhùisge air an lus nìhaoth, agus mar fhrasan air an fheur;

3 A chionn gu'm foillsich mi ainm an Tighearna: thugaibhse mòrachd d'ar Dia-ne.

4 *Is esan a' charraig, tha 'obair iomlan;*

oir is breithcanas a shlighean uile: Dia na firinn, agus gun eucoir, cothromach agus ceart *tha esan.*

5 Thruaill siad iad féin, cha-n e an smal *smal* a chloinne-san: is ginealach coirbte agus fiar iad.

6 An ann mar so a dh'ìocas sibh do'n Tighearna, O a shluagh amaideach agus gun chéill? nach esan d'athair a cheannaich thu? nach d'rinn e thu, agus nach do dhaingnich e thu?

7 Cuimhnich na làithean o chian, thoir faineair bliadhnanach nan iomadh ginealach: fiosraich de d'athair, agus nochdaidh e dhuit; de d' sheanairibh, agus innsidh iad dhuit.

8 'N uair a roinn an Ti a's ro-àirde do na cinnich an oighreachd, an uair a sgar e mic Adhaimh o' *chéile*, shuidhich e crìochan nan sluagh a réir àireimh chloinn Israeil:

9 Oir is e 'shluagh cuibhrionn an Tighearna; is e Jacob crannchur 'oighreachd-san.

10 Fhuair e ann am fearann fas e, eadhon ann am fàsach falamh *làn* ulfhartaich: threoraich e mu'n cuairt e, theagaisg se e, ghléidh e mar ubhal a shùla e.

11 Mar a charaicheas iolar suas a nead, a dh'itealaicheas i os ceann a h-àlaich, a sgaoileas i mach a sgiathan, a ghabhas i iad, a ghiùlaideas i iad air a sgiathaibh;

12 *Mar sin* threoraich an Tighearna 'n a aonar esan, agus cha robh Dia coimheach maille ris.

13 Thug e air marcachd air àitibh àrda na talmhainn, a chum gu'n itheadh e toradh an fhearainn, agus thug e air mil a dheothal as a' charraig, agus oladh as a' charraig aibhinn;

14 Im cruidh, agus bainne chaorach, maille ri saill uan agus reitheachan de shìol Bhàs-ain, agus ghabhar, maille ri reamhrachd airnean a' chruithneachd; agus dh'òl thu fuil fhìor-ghlan nam fion-dhearc.

15 Ach dh'fhàs Iesurun reamhar, agus bhreab e: tha thu air cinntinn reamhar, tha thu air fàs tiugh, tha thu còmhdaichte *le saill*: an sin thréig e an Dia a rinn e, agus rinn e dimeas air carraig a shlàinte.

16 Bhrosnach iad e gu h-eud le *dhiathan* eile, le gràineileachdaibh chuir iad corruich air.

17 Dh'òbair iad do dhcamhnaibh, cha-n ann do Dhia; do dhiathan nach b'aithne dhoibh, do *dhiathan* nuadh a dh'ùr-éirich suas, roimh nach robh eagal air bhur n-aithrichean.

18 Air a' charraig a ghlin thu tha thu mi-chuimhnecachail, agus tha thu dearmadach air an Dia a dhealbha thu.

19 Agus an uair a chuinnic an Tighearna e, ghabh e gràin *diubh*, air son brosnachaidh a mhac agus a nigheanan.

20 Agus thubhairt e, Folaichidh mi mo

ghnais uatha, chi mi ciod a's crìoch dhoibh: oir is ginealach ro cho-ròte iad, clann anns nach 'eil creidimh.

21 Rinn iad eudmhor mise leis an nì nach 'eil 'n a Dhia, bhrosnaich iad mi gu feirg le 'n dìomhanais: agus nì mise eudmhor iadsan leo-san nach 'eil 'n an sluagh, brosnachidh mi iad gu feirg le cinneach amaidheach.

22 Oir tha teime air fhadadh a'm fheirg, agus loisgidh e gu h-ìfrinn iochdraich, agus cuiridh e as do 'n talamh le 'thoradh, agus cuiridh e ri theine bunaitean nam beanna.

23 Carnaidh mi suas uile orra, mo shaighdean caithidh mi orra.

24 Claidhear iad le h-ocras, agus cuirear as doibh le teas loigeach, agus le sgrios searbh: fìaclan fhiadh-bheathaichean mar an ceudna cuiridh mi orra, maille ri nìmh nathraichean an duslaich.

25 O'n leth a muigh sgriosaidh an claidheamh, agus o'n leth a stigh uamhann, arson an t-òig-fhear agus an òigh, an cìochran agus fear na gruaige léithe.

26 Thubhairt mi, Sgapaidh mi iad gu cuilbìbh, bheir mi air an cuimhne sgur o mheasg dhaoine:

27 Mur bhitheadh gu'n robh eagul orm roimh chorruich an nàmhaid, air cagal gu'n giùlaineadh an eascairdean iad féin gu mì-chubhadh, air cagal gu'n eabradh iad, *Is* i ar làmh àrd-ne, agus cha-n e an Tighearn a rinn so uile.

28 Or *is* cinncach gu'n chomhairle iad, nì mò a tha tuigse anna.

29 O gu'm bitheadh iad glic, *gu'n* tuigeadh iad so, *gu'n* tugadh iad faincar an crìoch dheireannach!

30 Cionnus a chuireadh a h-aon ruaig air mìle, agus a chuireadh dìthis deich mìle air theicheadh, mur bitheadh an carraig air an reiceadh, agus mur bitheadh an Tighearn air an druideadh suas?

31 Oir mar ar carraig-ne cha-n'eil an carraig-san, air bhi d'ar naimhaidibh féin 'n am breitheamhnaibh.

32 Oir de fhionain Shodoim *tha* 'm fionain-san, agus de mhachairibh Ghomorrah: *is* fìon-dhearcan marbhtach am fìon-dhearcan, *tha* 'm bagaidhean searbh:

33 *Is* e nìmh nan dràgon am fìon, agus puinsion an-ìochdmhor nan nathraichean nìmh.

34 Nach 'eil so air a thasgadh suas agam, air a sheulachadh a'm' ionmhasaibh?

35 Dhomhsa *buinidh* dioghaltas, agus luigeachaidh; ri h-ùine sleamhnaichidh an cos: oir *tha* là an sgrios am fagus, agus tha na nithean a thig orra a' deanamh deifir.

36 Oir bheir an Tighearn breth air a shluagh, agus gabhaidh e aithreachas a thaobh a sheirbhiseach, 'n uair a chi e gu'n d'fhalbh an ncart, agus nach 'eil neach dhiubh air a dhruideadh suas, no air fhàgail.

37 Agus their e, C'ait *am bheil* an diathan, a' charraig as an d'earb iad,

38 A dh'ith saill an iobairtean, a dh'òl fìon an tabhartais-dìbhe? Èireadh iad suas, agus cuidicheadh iad leibh; bitheadh iad dhuibh 'n an didean.

39 Faicibh a nis gur mise, *eadhon* mise e, agus nach 'eil Dia sam bith maille rium: marbhaidh mi, agus beothaichidh mi; lotaidh mi, agus leighisidh mi: agus cha-n'eil neach ann a shaoras as mo làimh.

40 Oir togaidh mi suas mo làmh gu nèamh, agus their mi, *Is* beò mise gu sìorruidh.

41 Ma gheuraicheas mi mo chlaidheamh lasarach, agus ma nì mo làmh greim air breitheanas, iocaidh mi dioghaltas do m' naimhaidibh, agus bheir mi luigeachaidh dhoibhsan aig am bheil fuath orm.

42 Cuiridh mi air mhisg mo shaighdean le fuil, agus ithidh mo chlaidheamh suas feoil; *eadhon* le fuil nam marbh, agus nam braighdean, o thoiscach nan dioghaltas air an nàmhaid.

43 Deanaibh gairdeachas, O chinneacha, maille r'a shluagh-san: oir dìolaidh e fuil a sheirbhiseach, agus nì e dioghaltas air 'eascairidibh, agus bithidh e tròcaireach d'a thìr, *agus d'a* shluagh féin.

44 Agus thàinig Maois, agus labhair e uile bhriathran na laoidh' so ann an cìscdach an t-sluaigh, e féin agus Hosea mac Nuin.

45 Agus chuir Maois crìoch air na briathran sin uile a labhairt ri h-Israel uile.

46 Agus thubhairt e riu, Socraichibh bhur cridhe air na focail uile air am bheil mise a' toirt fianuis 'n ur measg air an là'n diugh, a dh'àithneas sibh d'ur cloinn a chomhead, a chum gu'n dean iad uile bhriathran an lagha so.

47 Oir cha nì dìomhain e dhuibh, a chionn gur e bhur beatha e; agus leis an nì so buanaichidh sibh *bhur* làithean 'n an fhearann a tha sibh a' dol a null thar Iordan g'a shealbhachadh.

48 Agus labhair an Tighearn ri Maois 's an là sin féin, ag ràdh,

49 Imich suas do'n bheinn so Abarim, *do* shliabh Nebo, a *tha* ann an tìr Mhoab, a *tha* fa chomhair Iericho, agus gabh sealladh de thìr Chanaain, a *tha* mi a' toirt do chloinn Israel mar sheilbh;

50 Agus gheibh thu bás 's an t-sliabh d'an téid thu suas, agus cruinnichear thu chum do dhaoine; mar a fhuair Aaron do bhràthair bàs ann an sliabh Hor, agus a chruinnicheadh e chum a dhaoine:

51 A chionn gu'n do chiontaich sibh a'm' aghaidh-sa am measg chloinn Israel, aig uisgeachaibh Mheribah-Cades, ann am fasach Shin; a chionn nach do naomhaich sibh mi 'am meadhon chloinn Israel.

52 Gidheadh chi thu am fearann fa d' chomhair; ach cha téid thu steach do'n fhearann a *tha* mi 'tabhairt do chloinn Israel.

CAIB. XXXIII.

1 *Mòrachd Dhé.* 6 *Beannuchadh an dà threubh dheug.*

AGUS *is e so am beannachadh leis an* do bheannaich Maois, òglach Dhé, elann Israeil roimh a bhàs.

2 Agus thubhairt e, Thàinig an Tighearn o Shinaì, agus dh'éirich e suas dhoibh o Sheir; dhcairach e mach o shliabh Pharain, agus thàinig e le deich mìle de naoimh: o 'dheas làimh chaidh lagh teine mach dhoibh.

3 Seadh, ghràdhaich e 'n sluagh; *tha* a naoimh uile a'd làimh: agus shuidh iad sìos aig do ehosaibh; gheibh *gach neach* de d' bhriathraibh.

4 Dh'àithn Maois lagh dluinn, *mar oighreachd* do chomhecrumneachadh Iacoib.

5 Agus bha e 'n a rìgh ann an Iesurun, an nair a chruinnich ceannardan an t-sluaigh agus treubhan Isracil an ecann a chèile.

6 Bithcadh Reuben beò, agus na faigheadh e bàs; agus bitheadh a dhaoine *lion-mhor* 'an àireamh.

7 Agus *is e so beannachadh* Iudah: agus thubhairt e, Eisd, a Thighearna, ri guth Iudah, agus thoir e ehum a shluaigh: bitheadh a làmhnan foghainteach dha, agus bi-sa a'd' ehòmh-nadh *aige* o 'naimh-dibh.

8 Agus mu Lebhi thubhairt e, *Bitheadh* do Thuumn agus d'Urim aig d'aon naomh, a dhearbhu thu aig Masah, ris an d' rinn thu strì aig uisgachaibh Mheribah;

9 A thubhairt r'a athair agus r'a mhàthair, Cha-n' fhaea mi e; agus cha do ghabh e r'a bhràithribh, agus cha d'aithnich e a ehlann féin: oir choimhid iad d'fhocail, agus ghléidh iad do choimheheangal.

10 Teagaisgidh iad do bhreitheanais do Iacob, agus do lagh do Israel: cuiridh iad tùis fa d' chomhair, agus làn iobairt-loisgte air d'altair.

11 Beannaich, O Thighearna, a mhaoin, agus gabh ri obair a làmh: buail troimh leasraidh na muinntir a dh'éireas 'n a aghaidh, agus na muinntir le 'm fuathach e, ehum nach éirich iad a ris.

12 Mu Bheniamin thubhairt e, Gabhaidh aon gràdhach an Tighearna còmhnuidh ann an tèaruinteachd làimh ris; agus còmhdaichidh an Tighearn e rè an là uile, agus gabhaidh e còmhnuidh cadar a ghuaillibh.

13 Agus mu Ioseph thubhairt e, Beannaichte o'n Tighearn *gu robh* 'fhearann, a thaobh nithean luachmhor nèimh, a thaobh an drùchd, agus a thaobh na doimhne 'tha 'n a luidhe shìos,

14 Agus a thaobh nan toradh luachmhor a bheirear a mach leis a' ghréin, agus a thaobh nan nithean luachmhor a chuirear a mach leis gach mìos,

15 Agus a thaobh prìomh nithean nam beann aosda, agus a thaobh nithean luachmhor nan sliabh sìorruidh,

16 Agus a thaobh nithean luachmhor na talmhainn, agus a làin, agus dcadh-ghean an Tì sin a bha 'chòmhnuidh 's a' phreas: thigeadh *am beannachd* air ecann Ioseph, agus air mullach a chinn-san a sgaradh o 'bhràithribh.

17 Mar cheud-ghin a thairbh *tha* a sgéimh, agus *mar* adhaircean nan aon-adhaircach *tha* 'adhaircean-sa: lco so purraidh e 'n sluagh le 'chéile, gu h-ìomallaibh na talmhainn: agus *is* iad so deich mìltean Ephraim, agus *is* iad so mìltean Mhan-aseh.

18 Agus mu Shebulun thubhairt e, Dean gairdeachas, a Shebuluin, a'd' dhol a mach; agus Isachair, a'd' bhùthaibh.

19 Gairmidh iad an sluagh a chum na beinne; an sin iobraidh iad iobairtean ionracais: oir pailteas nan euan sùghaidh iad suas, agus ionmhais fholaichte na gain-eimh.

20 Agus mu Ghad thubhairt e, Beannaichte *gu robh* esan a chuireas Gad 'am farsuingeachd: mar leòmhnan *tha* e 'gabhail còmhnuidh, agus reubaidh e 'n gairdean maille ri mullach a' chinn.

21 Agus dheasaich e a' cheud chuid dha féin, a chionn an sin, *ann an* cuibhrionn an lagh-thabhartair, gu'n do shuidhicheadh e; agus thàinig e *maille ri* ceannardaibh an t-sluaigh; ceartas an Tighearna chuir e 'n gnìomh, agus a bhreitheanais ri h-Israel.

22 Agus mu Dhan thubhairt e, *Is* euclean leòmhain Dan: leumaidh e o Bhàsan.

23 Agus mu Naphtali thubhairt e, O Naphtali, sàsaichte le dcadh-ghean, agus làn de bheannachadh an Tighearna, sealbhaich thusa an àird' an iar agus an àird' deas.

24 Agus mu Aser thubhairt e, *Bitheadh* Ascr beannaichte le cloinn; bitheadh e taitneach d'a bhràithribh, agus tumadh e a chos ann an oladh.

25 *Bithidh* do bhrògan 'n an iarunn agus 'n an umha; agus mar do làithean *is amhluidh bhitheas* do neart.

26 Cha-n'èil neach cosmhuil ri D'a Iesurun, a *tha* 'marcachd air nèamh a'd' chòmh-nadh, agus 'n a mhòrachd air na speur-aibh.

27 *Is e* 'n Dia bith-bhuan do thearmunn, agus fodha *tha* na gairdeanan sìorruidh: agus fuadaichidh e mach an nàmhaid remh-ad, agus their e. Cuir as da.

28 An sin gabhaidh Israel còmhnuidh gu tèaruinte 'n a aonar: *bithidh* tobar Iacoib air fearann arbhair agus fiona; mar an eudna sìlidh a nèamha nuas drùchd.

29 *Is* sona thu, O Israeil: eò *tha* cosmhuil riut, O sluaigh a shaoradh leis an Tighearn, sgiath do chòmhnuidh, agus neach 'is e claidheamh do mhòrachd? agus gheibhear do naimhdean 'n am breugairibh d'huil, agus saltraidh tu air an àitibh àrda.

CAIB. XXXIV.

1 O shliabh Nebo fhuair Maois sealladh dethir Chanaain. 5 A bhàs agus 'adhlac. 7 'Aois. 8 An tuitreadh air a shon. 10 A chliu.

AGUS chaidh Maois suas o chòmhuardaibh Mhoais gu shliabh Nebo, gu mullach Phisgal, a tha thall fa chomhair Iericho: agus nochd an Tighearn dha fearann Ghilead uile gu Dan,

2 Agus Naphtali uile, agus tìr Ephraim, agus Mhanaseh, agus tìr Iudah uile, gu ruig an fhairge a's faide mach,

3 Agus an taobh deas, agus còmharnad glinne Iericho, baile nan craobh pailm, gu ruig Soar.

4 Agus thubhairt an Tighearn ris, *Is e so am fearann a mhuinnich mi do Abraham, do Isaac, agus do Iacob, ag ràdh, Do d' shliochd-sa bheir mi e: thug mi orts a fhaicinn le d' shùilibh, ach d'a ionnsuidh cha téid thu thairis.*

5 Agus fhuair Maois, òglach an Tighearna, bàs an sin, ann am fearann Mhoais, a réir focail an Tighearna.

6 Agus dh'adhlac e ann an gleann e, ann am fearann Mhoais, thall fa chomhair Bhet-

poir: ach cha-n aithne do dhuine sam bith uaigh gus an là'n diugh.

7 Agus bha Maois ceud agus fichead bliadhna dh'aois an uair a fhuair e bàs: cha d'fàilnich a shùil, ni mò a thréig a neart e.

8 Agus ghuil clann Israeil air son Mhoais ann an còmharnadaibh Mhoais deich làithean 'ar fhichead: mar so chrìochnachadh làithean a' ghuil agus a' bhròin air son Mhoais.

9 Agus bha Iosua mac Nuin làn de spiorad a' ghliocais; oir chuir Maois a làmhau air: agus dh'éisd clann Israeil ris, agus rinn iad mar a dh'àithn an Tighearn do Mhoais.

10 Agus cha d'éirich fàidh o sin ann an Israel cosmhuil ri Maois, neach a b'aithne do'n Tighearn aghaidh ri h-aghaidh;

11 Anns na h-uile chomharab, agus iongantasaibh a chuir an Tighearn e a dheanamh ann an tìr na h-Eiphit, air Pharaoh agus air a sheirbhisich uile, agus air f'fhearann uile,

12 Agus anns an làmh chumhlachdaich sin uile, agus anns an uamhas mhòr uile, a dh'òibrich Maois ann an sealladh Israeil uile.

I O S U A .

CAIB. I.

1 Dh'ordugh an Tighearn Iosua 'an àite Mhoais. 5, 7 Gheall e bhì maille ris: 8 thug e riaghailtean dha a thaobh a ghilain.

ANIS, an déigh bàis Mhoais, òglach an Tighearna, labhair an Tighearn ri Iosua, mac Nuin, fear-frithealaidh Mhoais, ag ràdh,

2 Tha m'òglach Maois marbh: a nis nime sin éirich, gabh thairis air Iordan so thu féin, agus an sluagh so uile, dh'ionnsuidh na tìre a tha mise a' tabhairt dhoibh, eadhon do chloinn Israeil.

3 Gach ionad air an saltair bonn bhur coise, siu thug mi dhuibh, mar a thubhairt mi ri Maois.

4 O'n fhàsach, agus Lebanon so, eadhon gus an amhainn mhòir, amhainn Euphrates, tìr nan Hiteach uile, agus gus an fhairge mhòir, leth ri dol fodha na gréine, bithidh 'n a chrìch dhuibh.

5 Cha-n urrainn duine sam bith seasamh a'd' aghaidh uile làithean do bheatha. Mar a bha mi le Maois, mar sin bithidh mi leatsa: cha dìbir mi thu, agus cha tréig mi thu.

6 Bi làidir, agus ro mhisneachail; oir do'n t-sluagh so roinnidh tu mar oighreachid an tìr a mhuinnich mi d'an aithrichibh a thubhairt doibh.

7 A mhàin bi-sa làidir agus ro mhisneachail.

ail, a chum gu'n toir thu 'n aire gu'n dean thu a réir an lagha uile a dh'àithn m'òglach Maois dhuit: na tionndaidh uaith dh'ionnsuidh na laimhe deise no dh'ionnsuidh na laimhe clìthe, a chum gu'n soirbhich leat anns gach àite d'an téid thu.

8 Cha téid leabhar an lagha so as do bheul; ach beachd-smuainichidh tu air a là agus a dh'oidheche, chum gu'n toir thu 'n aire gu'n dean thu a réir gach *ni a tha* sgrìobhta ann: oir an sin bheir thu air do shlighe soirbheachadh leat, agus an sin ni thu gu glie.

9 Nach d'àithn mise dhuit? Bi làidir agus ro mhisneachail; na bi fo eagal, agus na biodh faitheas ort: oir *tha 'u* Tighearn do Dhia leat anns gach *ionad* d'an téid thu.

10 An sin dh'àithn Iosua do luchd-riaghlaidh an t-sluaigh, ag ràdh,

11 Rachaibh troimh'n champ, agus àithnibh do'n t-sluagh, ag ràdh, Deasaichibh dhuibh féin lòn; oir an ceann thri làithean théid sibh thar Iordan so, a dhol a stigh a shealbhadh na tìre a *tha 'n* Tighearn bhuir Dia a' toirt duibh r'a sealbhadh.

12 Agus ris na Reubenich, agus ris na Gadaich, agus ri leth thréibh Mhanaseh, labhair Iosua, ag ràdh,

13 Cuimhnichibh am focal a dh'àithn Maois òglach an Tighearna dhuibh, ag

ràdh, Thug an Tighearn bhur Dia fois duibh, agus thug e dhuibh an tìr so.

14 Fanaidh bhur mnathan, bhur clann bheag, agus bhur spréidh, 's an tìr a thug Maois dhuibh air an taobh so de Iordan; ach théid sibh féin thairis fo'r n-armaibh roimh bhur bràithrean, sibhse uile a tha treun ann an neart, agus cuidichidh sibh leo;

15 Gus an toir an Tighearn fois d'ur bràithribh, mar a thug e dhuibhse, agus gu'n scalbhaich iadsan mar an ceudna an tìr a tha 'n Tighearn bhur Dia a' tabhairt doibh: an sin pillidh sibh gu tìr bhur seilbhe, agus sealbhaichidh sibh i, *eadhon an tìr* a thug Maois òglach an Tighearna dhuibh air an taobh so de Iordan, leth ri éirigh na gréine.

16 Agus fhreagair iad Iosua, ag ràdh, Na h-uile *nithean* a dh'àithn thu dhuinne, uì sinn; agus ge b'e taobh a chuireas tu sinu, théid sinn.

17 A réir mar a dh'éisd sinn ri Maois anns na h-uile *nithibh*, mar sin éisdidh sinn riutsa: a mhàin bitheadh an Tighearn do Dhia maille riut, mar a bha e maille ri Maois.

18 Gach duine a chuireas an aghaidh d'àithne, agus nach éisd ri d' bhrìathraibh, anns na h-uile *nithibh* a dh'àithneas tu dha, cuirear gu bàs e: a mhàin bi làidir, agus ro mahisneachail.

CAIB. II.

1 *Thug Rahab aoidheuchd do'n dùthis dhaoine a thàinig à Sitim a rannsachadh na tìre. S'An coimheangal eadar ise agus iadsan.*

AGUS chuir Iosua mac Nuin a mach à Sitim dithis dhaoine a rannsachadh a mach gu h-uaigneach, ag ràdh, Imichibh, rannsachibh a mach an tìr, agus Iericho: agus dh'imich iad, agus chaidh iad a steach do thigh striopaich, d'am b'ainm Rahab, agus luidh iad an sin.

2 Agus dh'innscadh do rìgh Iericho, ag ràdh, Fench, thàinig daoine an so an nochd, de chloinn Israèil, a rannsachadh a mach na tìre.

3 Agus chuir rìgh Iericho *teachdair* gu Rah b, ag ràdh, Thoir a mach na daoine a thàinig a d'ionnsuidh, a chaidh steach do d' thigh: oir is ann a rannsachadh a mach na tìre uile a thàinig iad.

4 Agus ghabh a' bhean an dithis dhaoine, agus dh'fholaich i iad, agus thubhairt i mar so, Thàinig gun aubhar daoine a m' ionnsuidh, ach cha robh fhios agam cia as a thàinig iad:

5 Agus thachair *mu àm* druididh a' gheata 'n uair a bha e dorela, gu'n deachaidh na daoine mach: c'àit a ghabh na daoine cha'n fhios domh: leanaibh gu luath air au tòir, oir beiridh sibh orra.

6 Ach bha i air an toirt suas gu mullach an tighe, agus air am folach lo cuiseagaibh

an lìn, a leag i 'an ordugh air mullach an tighe.

7 Agus lean na daoine air an tòir 's an t-slighe gu Iordan, gu ruig na h-àthan: agus co luath as a chaidh a' mhuinntir a bh'air au tòir a mach, dhruid iad an geata.

8 Agus mun robh iad air luidhe sìos, chaidh i suas d'an ionnsuidh air mullach an tighe;

9 Agus thubhairt i ris na daoineibh, Tha fios agam gu bheil an Tighearn air toirt duibh na tìre, agus gu bheil bhur n-uamhas air tuiteam oirne, agus gu bheil luchd-àiteachadh na tìre uile air leaghadh as le h-cagal roimhibh:

10 Oir chuala sinne cionnus a thiormaich an Tighearn suas uisge na mara ruaidhe roimhibh, 'n uair a thàinig sibh a mach as an Eiphit; agus ciod a rinn sibh air dà rìgh nan Amorach, a bh'air an taobh eile de Iordan, Sihon agus Og, a sgrìos sibh gu tur.

11 Agus co luath as a chuala sinne na *nithean sin*, leagh ar cridheachan, agus cha d'fhan tuilleadh a bheag de mhìnich ann an duine sam bith air bhur sonsa: oir an Tighearn bhur Dia, is esan Dia anns na nèamhan shuas, agus air an talamh bhos.

12 A nis uime sin guidheam oirbh, mìonnachibh dhomh air an Tighearn, a chionn gu'n do nochd mi caoimhneas dhuibh, gu'n nochd sibhse mar an ceudna caoimhneas do thigh m'athar-sa, agus gu'n toir sibh dhomh comhara cinnteach;

13 Agus gu'n gléidh sibh beò m'athair, agus mo mhàthair, agus mo bhràithrean, agus mo pheathraichean, agus na h-uile a tha aca, agus gu'n saor sibh ar n-anamauna o'n bhàs.

14 Agus fhreagair ua daoine i, Ar n-anamne air bhur sonsa gu bàs, mur foillsich sibh an gnotluch so againu. Agus tarlaidh, 'n uair a bheir an Tighearn dhuinn an tìr, gu'm buin sinn gu caoimhneil agus gu firinneach riutsa.

15 An sin leig i sìos iad air cord troimh 'n uinneig: oir bha a tigh air balla a' bhaile, agus bha i 'chòmhnuidh air a' bhalla.

16 Agus thubhairt i riu, Thugaibh am monadh oirbh, air eagal gu'n coinnich an luchd tòrachd sibh; agus folachibh sibh féin an sin trì làithean, gus am bi'n luchd tòrachd air piltinn, agus au déigh sin feudaidh sibh imeachd air bhur slighe.

17 Agus thubhairt na daoine rithie, *Bithidh* sinne neò-chiontach a thaobh iad so do mhìonnan a thug thu oirnn a uhiomnachadh.

18 Feuch, 'n uair a thig sinn do'n tìr, ceanglaidh tu an stiom so de shùath scar-lait anns an uinneig troimh an do leig thu sìos sinn: agus bheir thu d'athair, agus do mhàthair, agus do bhràithrean, agus teaghlach d'athar uile, dhachaidh a d' ionnsuidh.

19 Agus tarlaidh, ge b'e neach a théid a mach air dorsaibh do thighe do'n t-sràid, *gu'm bi* 'fhuil air a cheann *féin*, agus *bithidh* sinne neò-chiontach: agus ge b'e neach a bhios maille riut anns an tigh, *bithidh* 'fhuil air ar ceann-ne, ma bheanas làmh ris.

20 Agus ma dh'fhoillsicheas tu an gnotluch so againn, an sin bithidh sinne saor o d' mhiomnaibh a thug thu oirnn a mhiomnachadh.

21 Agus thubhairt ise, A réir bhur briathra, mar sin *bitheadh* e. Agus chuir i air falbh iad, agus dh'imich iad: agus cheangail i an stiom searlait anns an uinneig.

22 Agus dh'fhalbh iad, agus thàinig iad do'n mhonadh, agus dh'fhan iad an sin trì làithean, gus an do phill an luchd tòrachd. Agus dh'iarr an luchd tòrachd *iad* air feadh na slighe uile, ach cha d'fhuair siad *iad*.

23 Mar sin phill an dithis dhaoine, agus chaidh iad sìos o'n mhonadh, agus chaidh iad thairis, agus thàinig iad gu Iosua mac Nuin, agus dh'imnis iad da gach *ni* a thach-air dhoibh:

24 Agus thubhairt iad ri Iosua, Gu fìrinneach thug an Tighearn thairis d'ar làimh an fèarrann uile: oir tha eadhon luchd-àiteachaidh na tìre uile air leaghadh as fa'r comhair.

CAIB. III.

1 *Thàinig Iosua gu Iordan.* 7 *Thug Dia nìs-neach dha,* 9 *agus thug ean misneach do'n t-sluagh.*

AGUS dh'éirich Iosua gu moch 's a' mhadaunn; agus dh'imich iad o Shitim, agus thàinig iad gu Iordan, e féin agus clann Israeil uile, agus ghabh iad tàmh an sin mun deachaidh iad thairis.

2 Agus an ceann trì làithean, chaidh an luchd-riaghlaidh troimh 'n champ;

3 Agus dh'àithn iad do'n t-sluagh, ag ràdh, 'N uair a chi sibh àire coimheangail an Tighearna bhur Dé, agus na sagartan na Lebhitich 'g a giùlan, an sin gluaisidh sibh o'r n-àit, agus théid sibh 'n a dèigh.

4 Gidheadh bithidh astar eadar sibh agus i, mu thimchioll dà mhìle làmh-choille de thomhas: na tigibh am fagus di, a chum gu'm bi fios na slighe agaibh air am feum sibh imeachd; oir cha do ghabh sibh rianmh roimhe an rathad so.

5 Agus thubhairt Iosua ris an t-sluagh, Naomhaichibh sibh féin; oir am màireach ni 'n Tighearn *nìthean* iongantach 'n ur measg.

6 Agus labhair Iosua ris na sagartaibh, ag ràdh, Togaibh suas àire a' choimheangail, agus rachaibh thairis roimh 'n t-sluagh. Agus thog iad suas àire a' choimheangail, agus chaidh iad roimh 'n t-sluagh.

7 Agus thubhairt an Tighearn ri Iosua, An diugh tòisichidh mi air thusa dheanamh mòr ann an sealladh Israeil uile a chum

gu'm bi fios aca, mar a bha mi le Maois, gu'm bi mi leatsa.

8 Agus bheir thu àithne do na sagartaibh a tha 'giùlan àire a' choimheangail, ag ràdh, 'N uair a bhios sibh air teachd gu oir uisge Iordain, ann an Iordan seasaidh sibh.

9 Agus thubhairt Iosua ri cloinn Israeil, Thigibh an so, agus éisdibh ri briathraibh an Tighearna bhur Dé.

10 Agus thubhairt Iosua, Le so bithidh fios agaibh gu *bheil* an Dia beò 'n ur measg, agus *gu'm* fuadaich e gun teagamh a mach roimhibh na Canaanaich, agus na Hitich, agus na Hibhich, agus na Peridsich, agus na Girgasaich, agus na h-Amoraich, agus na Iebusaich.

11 Feuch, tha àire coimheangail Tighearna na talmhainn uile a' dol thairis roimhibh do Iordan.

12 A nis uime sin gabhaibh dà fhear dheug á treubhan Israeil, fear as gach tréibh.

13 Agus co luath 's a shocraicheas na sagartan a tha 'giùlan àire an Tighearna, Tighearna na talmhainn uile, buinn an cos ann an uisgeachaibh Iordain, bithidh uisgeachan Iordain air an sgaradh o na h-uisgeachaibh a thig a nuas o'n àirde; agus seasaidh iad 'n an torr.

14 Agus an uair a dh'fhalbh an sluagh o'm bùthaibh, gu dol thar Iordan, agus na sagartan a' giùlan àire a' choimheangail roimh 'n t-sluagh;

15 Agus an uair a bha iadsan a ghiùlain an àire air teachd gu Iordan, agus a bha cosan nan sagart a ghiùlain an àire air an tumadh ann an oir an uisge, (oir tha Iordan a' sruthadh thar a bruachan uile rè an fhogharaidh uile),

16 An sin sheas na h-uisgeachan a thàinig a nuas o'n àirde, agus dh'éirich iad suas 'n an torr ro fhad o'n bhaile Adam, a tha làimh ri Saretan: agus theirg iadsan a chaidh sìos rathad mara a' chòmhnaird, eadhon na mara salainn, agus ghearradh as iad; agus chaidh an sluagh thairis dìreach fa chomhair Iericho.

17 Agus sheas na sagartan, a ghiùlain àire coimheangail an Tighearna gu daingean air talamh tioram 'am meadhon Iordain, agus chaidh na h-Israeilich uile thairis air talamh tioram, gus an robh an sluagh uile air dol thar Iordan.

CAIB. IV.

1 *Dà chloich dheug air an toirt mar chuimhneachan à meadhon aithne Iordain:* 9 *dà chloich dheug eile air an cur suas 'n a meadhon.* 19 *Chaidh an sluagh thairis.*

AGUS an uair a bha 'n sluagh uile air dol thar Iordan, an sin labhair an Tighearn ri Iosua, ag ràdh,

2 Gabhaibh dhuibh féin dà fhear dheug as an t-sluagh, duine as gach tréibh;

3 Agus àithnibh dhoibh, ag ràdh, Thug-aibh leibh o so á meadhon Iordain, as an àit anns an do sheas cosan nan sagart gu daingean, dà chloich dheug; agus bheir sibh iad thairis leibh, agus cuiridh sibh iad anns an àite-tàimh anns an gabh sibh fois an noehd.

4 An sin ghairm Iosua air an dà fhear dheug, a dheasaich e á cloinn Israeil, fear as gach tréibh.

5 Agus thubhairt Iosua riu, Raehaibh thairis roimh àire an Tighearna bhur Dé gu meadhon Iordain, agus togadh gach fear dhìbh clach air a ghualainn, a réir àireimh threubhan chloinn Israeil.

6 A chum gu'm bi so 'n a chomharadh 'n ur measg, a *chum* 'n uair a dh'fhiosraicheas blur clann 'n an àm ri teachd, ag ràdh, Ciod *a's ciall* duibh leis na elachaibh so?

7 An sin gu'm freagair sibh iad, Gu'n robh uisgeachan Iordain air an sgaradh o 'chéile roimh àire coimhcheangail an Tighearna; 'n uair a chaidh i thar Iordan, *gu'n* robh uisgeachan Iordain air an sgaradh o 'chéile: agus bithidh na elachan so 'n an cuimhneachan do ehloinn Israeil gu bràth.

8 Agus rinn clann Israeil anluil mar a dh'àithn Iosua, agus thog iad suas dà ehloich dheug á meadhon Iordain, mar a labhair an Tighearn ri Iosua, a réir àireimh threubhan chloinn Israeil, agus ghiùlain iad leo thairis iad do'n àit anns an do ghabh iad tàmh, agus ehuir iad sìos an sin iad.

9 Agus ehuir Iosua suas dà chloich dheug 'am meadhon Iordain, 's an ionad anns an do sheas cosan nan sagart a ghiùlain àire a' choimheheangail: agus tha iad an sin gus an là'n diugh.

10 Oir sheas na sagartan a ghiùlain an àire 'am meadhon Iordain, gus an do chrìochnaieheadh gach nì a dh'àithn an Tighearn do Iosua a labhairt ris an t-sluagh, a réir nan uile nithean a dh'àithn Maois do Iosua: agus rinn an sluagh cabhag, agus chaidh iad thairis.

11 Agus an uair a bha 'n sluagh uile air dol thairis, an sin chaidh àire an Tighearna thairis, agus na sagartan, an làthair an t-sluagh.

12 Agus ehaidh clann Reubein, agus elann Ghad, agus leth thréibh Mhanaseh, thairis fo'n arnaibh roimh chloinn Israeil, mar a labhair Maois riu:

13 Chaidh thairis mu thimchioll dà fhiehad mìle, deas air son eogaidh, an làthair an Tighearna gu cath, do chòmhnradaibh Iericho.

14 Air an là sin dh'àrdaich an Tighearn Iosua ann an sealladh Israeil uile, agus bha eagal orra roimhe, mar a bha eagal orra roimh Mhaois, uile làithean a bheatha.

15 Agus labhair an Tighearn ri Iosua, ag ràdh,

16 Aithn do na sagartaibh a tha 'giùlan

àiree na Fianuis, iad a theachd a nìos á Iordan.

17 Agus dh'àitlm Iosua do na sagartaibh, ag ràdh, Thigibh a nìos á Iordan.

18 Agus an uair a bha na sagartan a ghiùlain àire coimhcheangail an Tighearna air teachd a nìos á meadhon Iordain, agus a bha buinn chos nan sagart air an togail suas air an talamh thioram, an sin phill uisgeachan Iordain d'an àite féin, agus ehaidh iad thar a bruachan uile, mar a rinn iad roimhe.

19 Agus thàinig an sluagh a nìos á Iordan air an deicheamh là de'n cheud mhìos, agus eamphaich iad ann an Gilgal, 's an iomall a làimh na h-àirde 'n ear de Iericho.

20 Agus an dà chloich dheug sin, a thug iad a mach á Iordan, ehuir Iosua suas ann an Gilgal.

21 Agus labhair e ri cloinn Israeil, ag ràdh, 'N uair a dh'fhiosraicheas blur elann d'an aithrichibh 's an àm ri teachd, ag ràdh, Ciod *a's ciall* do na clachaibh so?

22 An sin bheir sibh fios d'ur eloinn, ag ràdh, Thàinig Israel thar Iordan so air talamh thioram.

23 Oir thiormaich an Tighearn bhur Dia suas uisgeachan Iordain roimhibhse, gus an deachaidh sibh thairis, mar a rinn an Tighearn bhur Dia air a' mhuir ruaidh, a thiormaich e suas roimhainn, gus an robh sinn air dol thairis;

24 A elum gu'n aithnich sluagh na talmainn uile làmh an Tighearna, gu *theil* i cumhachdach: a elum gu'm bi eagal an Tighearna bhur Dé oirbh an feasd.

CAIB. V.

1 *Ghòch na Canaanich eagal.* 2 *An timchioll-ghearradh air 'ath-orduchadh.* 10 *Chumaidh a' chàisg aig Gilgal.* 13 *Làimh ri Iericho chunnaic Iosua aingeal.*

A GUS an uair a ehuail uile rìghrean nan Amoraeh, a bh'air an taobh thall de Iordan a làimh na h-àirde 'n iar, agus uile rìghrean nan Canaanach, a bha làimh ris an fhairge, gu'n do thiormaich an Tighearn suas uisgeachan Iordain roimh ehloinn Israeil, gus an deachaidh sinn thairis, leagh an cridhe, agus cha robh spiorad tuilleadh aunta, air son chloinn Israeil.

2 Anns an àm sin thubhairt an Tighearn ri Iosua, Dean duit féin sgcanan geura, agus timchioll-ghearr clann Israeil a ris an dara uair.

3 Agus rinn Iosua dha féin sgeanan geura, agus thimchioll-ghearr e clann Israeil aig cnoc nan roimh-ehroieionn.

4 Agus is e so an t-aobhar mu'n do thimchioll-ghearr Iosua: Fhuair an sluagh uile a thàinig a mach as an Eiphit, a bha 'n an fìrionnaich, eadhon na fìr ehogaidh uile, bàs anns an fhasach air an t-slighe, an déigh dhoibh teachd a mach as an Eiphit.

5 A nis bha 'n sluagh uile a thàinig a mach, air an timchioll-ghearradh; ach an sluagh uile a rugadh 's an fhàsach air an t-slighe, 'n uair a thàinig iad a mach as an Eiphit, iadsan cha do thimchioll-ghearr iad.

6 Oir dh'innich clann Israeil anns an fhàsach dà fhichead bliadhna, gus an deachaidh as do'n luchd-cogaidh uile a thàinig a mach as an Eiphit, a chionn nach d'thug iad géill do ghuth an Tighearna; d'an do mhionnaich au Tighearn nach uochdadh e dhoibh am fearann, a mhonnaich an Tighearn d'an aithrichibh gu'n tugadh e dhuinn, fearann a tha 'sruthadh le bainne agus le mil.

7 Agus an clann-san, a thog e suas 'n an àit, iadsan thimchioll-ghearr Iosua: oir bha iad neo-thimchioll-ghearrta, a chionn nach do thimchioll-ghearradh iad air an t-slighe.

8 Agus au uair a bha 'n sluagh uile air an timchioll-ghearradh, dh'fhan iad 'n an àit-bh anns a' champ, gus an robh iad slàn.

9 Agus thubhairt an Tighearn ri Iosua, Air an là 'n diugh bhuin mi air falbh uaibh masladh na h-Eiphit: uime sin thugadh Gilgal mar ainm air an àite sin gus an là 'u diugh.

10 Agus champaich clann Israeil ann an Gilgal, agus chum iad a' chàisg air a' cheathramh là deug de'n mhios anns an fheasgar, ann an còmhnaidhean Iericho.

11 Agus dh'ith iad de sheann bhàrr au fhearainn air an là màireach an déigh ua chàisge, breacagan neo ghoirtichte, agus sìol cruaidhichte air an là sin féin.

12 Agus sguir am mana air an là màireach an déigh dhoibh itheadh de sheann bhàrr an fhearainn; ni mò a bha mana tuilleadh aig cloinn Israeil, ach dh'ith iad de thoradh fearainn Chauaain air a' bhliadhna sin.

13 Agus an uair a bha Iosua làmh ri Iericho, thog e suas a shùilean agus dh'amaire e, agus, feuch, sheas duine thall fa' chomhair, agus a chlaidheamh rùisgte 'n a làmh: agus chaidh Iosua d'a ionnsuidh, agus thubhairt e ris, An aun leiuine a tha thu, no le'r n-casairidibh?

14 Agus thubhairt e, Cha-n ann: ach mar cheannard slòigh an Tighearna tha mi a nis air teachd. Agus thuit Iosua air a'ghaidh air an talamh, agus rinn e aoradh, agus thubhairt e ris, Ciod a tha mo thighearn ag ràdh r'a sheirbhiseach?

15 Agus thubhairt ceannard slòigh an Tighearna ri Iosua, Fuasgail do bhròg bhàrr do choisge, oir tha 'n t-ìoad air an bheil thu a'd' sheasamh, naomh. Agus rinn Iosua mar sin.

CAIB. VI.

1 Dhruideadh Iericho suas. 20 Thuit a' Ualla.
22 Shaoaradh Rahab agus a' dìlsean.

A NIS bha Iericho air a dhruideadh suas gu teann, roimh chloinn Israeil; cha

deachaidh neach air bith a mach, agus cha d'thàinig neach air bith a stigh.

2 Agus thubhairt an Tighearn ri Iosua, Feuch, thug mi do d' làmh Iericho, agus a rìgh, agus na daoine treun' ann an neart.

3 Agus cuairtichidh sibh am baile, sibhse fheara-cogaidh uile, agus théid sibh mu thimchioll a' bhaile aon uair: mar so ni thu air sè làithibh.

4 Agus giùlainidh seachd sagartan roimh an àire seachd trompaidean a dh'adhaireibh reitheachan: agus air an t-seachdamh là théid sibh mu thimchioll a' bhaile seachd uairean, agus séididh na sagartan leis na trompaidibh.

5 Agus an uair a ni iad tuaim fhada le adhaireibh uan reitheachan, agus au uair a chluinneas sibh fuaim ua trompaid, an sin éighidh an sluagh uile le h-ìolaich mhòir, agus tuitidh balla a' bhaile sìos o' bhunadh, agus théid an sluagh suas gach duine dìreach roimhe.

6 Agus ghairm Iosua mac Nuin air na sagartaibh, agus thubhairt e ri, Togaibh suas àire a' chloimhcheangail, agus giùlainidh seachd sagartan seachd trompaidean a dh'adhaireibh reitheachan roimh àire an Tighearna.

7 Agus thubhairt e ris an t-sluagh, Gabhaibh air bhur n-aghaidh, agus cuairtichibh am baile, agus gabhadh csa a tha fo aruaibh air aghaidh roimh àire an Tighearna.

8 Agus au uair a labhair Iosua ris an t-sluagh, ghabh na seachd sagartan, a' giùlan sheachd trompaidean a dh'adhaireibh reitheachan, air an aghaidh roimh 'n Tighearn, agus shéid iad leis na trompaidibh; agus lean àire coimhcheangail au Tighearna iad.

9 Agus chaidh na daoine armaichte roimh na sagartaibh a shéid leis na trompaidibh, agus thàinig a' chuid eile de'n t-sluagh an déigh na h-àire, na sagartan a' gabhail air an aghaidh, agus a' séideadh leis ua trompaidibh.

10 Agus dh'àithn Iosua do'n t-sluagh, ag ràdh, Cha dean sibh ìolach, agus cha dean sibh fuaim sam bith le'r guth, ni mò théid focal sam bith a mach as blur beul, gus an là anns an abair mise ribh, Deanaibh ìolach; an sin ni sibh ìolach.

11 Mar sin chuairtich àire an Tighearna am baile, a' dol ni' a thimchioll aon uair: agus thàinig iad do'n champ, agus ghabh iad tàmh anns a' champ.

12 Agus dh'éirich Iosua gu moch 's a' nìhaduinn, agus thog na sagartan suas àire an Tighearna.

13 Agus dh'innich air an aghaidh a ghnàth seachd sagartan, a' giùlan sheachd trompaidean a dh'adhaireibh reitheachan roimh àire an Tighearna, agus shéid iad leis na trompaidibh: agus dh'innich an sluagh armaichte rompa, ach thàinig a' chuid eile

de'n t-sluagh an dèigh àirec an Tighearna, na *sagartan* a' gabhail air an aghaidh, agus a' séideadh leis na trompaidibh.

14 Agus air an dara là chuairtich iad am baile aon uair, agus phill iad do'n champ: mar so rinn iad *air* se làithibh.

15 Agus air an t-seachdamh là dh'éirich iad gu naoch mu bhriscadh na faire, agus chuairtich iad am baile air an dòigh cheudua, seachd nairean: a mhàin air an là sin chuairtich iad am baile seachd uairean.

16 Agus air an t-seachdamh uair shéid na sagartan leis na trompaidibh, agus thubhairt Iosua ris an t-sluagh, Deanaibh iolach; oir thug an Tighearn dhuibh am baile.

17 Agus bithidh am baile mallaichte, e féin agus gach *ni* a *thé*ann, do'n Tighearn: a mhàin bithidh Rahab an striopach beò, i féin agus iadsan uile a *tha* maille rithe 's an tigh, a chionn gu'n d'fholaich i na teachdairean a chuir sinn uainn.

18 Agus sibhse, air gach aon chor gleidhibh *sibh féin* o'n ni mhallaichte, air eagal gu'n dean sibh *sibh féin* mallaichte, 'n uair a ghabhas sibh de'n ni mhallaichte, agus gu'n dean sibh camp Israeil 'n a mhallachadh, agus gu'n cuir sibh e fo bhuaireas.

19 Ach *tha* 'u t-airgid uile, agus an t-òr, agus na soithichean umha agus iarunn, coisrigte do'n Tighearn: thig iad a steach do ionmhas an Tighearna.

20 Agus rinn an sluagh iolach an uair a shéid na *sagartan* leis na trompaidibh: agus an uair a chual' an sluagh fuaim na trompaid, agus a dh'éigh an sluagh le h-iolaich mhòir, an sin thuit am balla sìos gu lùr; agus chaidh an sluagh suas do'n bhaile, gach duine dìreach roimhe, agus ghlac iad am baile.

21 Agus léir-sgrìos iad gach *ni* a *bha* 's a' bhaile, eadar fear agus bean, òg agus shean, agus gach damh, agus caora, agus asal, le faobhar a' chlàidheimh.

22 Ach ris an dithis fhcar a rannsach a mach an tìr thubhairt Iosua, Rachaibh a steach do thigh na striopach, agus thugaibh a mach as a sin a' bhean, agus gach *ni* a *th'aice*, mar a mhionnaich sibh dhi.

23 Agus chaidh na h-òganaich a bha 'n an luchd-raunsachaidh a stigh, agus thug iad a mach Rahab, agus a h-athair, agus a màthair, agus a bràithrean, agus gach *ni* a *bh'aice*; agus thug iad a mach a dìlsean uile, agus chuir iad an taobh a muigh de champ Israeil iad.

24 Agus loisg iad am baile le teine, agus gach *ni* a bh'ann: an t-airgid, agus an t-òr a mhàin, agus na soithichean umha agus iarunn, chuir iad am an ionmhas tìghe an Tighearna.

25 Agus ghléidh Iosua Rahab an striopach beò, agus teaghlach a h-athair, agus gach *ni* a *bh'aice*; agus *tha* i 'n a còmhnuidh ann an Israel gus an là 'n d'ìngh, a chionn gu'n

d'fholaich i na teachdairean a chuir Iosua a rannsachadh a mach Iericho.

26 Agus chuir Iosua fo mhìonnaibh iad 's an àm sin, ag ràdh, Mallaichte *gu robh* an duine an làthair an Tighearna, a dh'éireas agus a thogas am baile so Iericho: 'n a cheud-ghin leagaidh e a bhunachair, agus 'n a *mhaic* a's òige cuiridh e suas a gheatachan.

27 Mar so bha'n Tighearn maille ri Iosua, agus sgaoileadh 'iomradh-san air feadh na tìre uile.

CAIB. VII.

1 *Chuireadh an ruaig air cloinn Israeil aig Ai.* 6 Gearan Iosua. 10 Nochd an Tighearn dha cìod a bhuineadh dha a dheanamh. 19 Aid-mheil Achain.

ACH rinn clann Israeil cionta 's an ni mhallaichte: oir ghabh Achain mac Charmi, mhic Shabdi, mhic Sherah, de thrèibh Iudah, *cuid* de'n ni mhallaichte: agus las fearg an Tighearna an aghaidh chloinn Israeil.

2 Agus chuir Iosua daoine o Iericho gu h-Ai, a *tha* làimh ri Bet-abhen, air an taobh an ear de Bhet-el, agus labhair e ri, ag ràdh, Rachaibh suas, agus rannsachibh a mach an tìr. Agus chaidh na daoine suas, agus rannsach iad a mach Ai.

3 Agus phill iad gu Iosua, agus thubhairt iad ris, Na rachadh an sluagh uile suas; ach rachadh mu thimchioll dà mhìle no trì mìle fear suas, agus buaileadh iad Ai: na toir air an t-sluagh uile saothreachadh an sin; oir *cha n'èil ann* diubh *ach* beagan.

4 Agus chaidh suas an sin de'n t-sluagh mu thimchioll trì mìle fear; agus theich iad roimh fhcar Ai.

5 Agus bhuail fir Ai dhiubh mu thimchioll sè fir dheug thar fhichead: oir chuir iad an ruaig orra o chomhair a' gheata *eadhon* gu Sebarim, agus bhuail iad 's an dol sìos iad; uime sin leagh cridhe an t-sluaigh, agus dh'fhàs e mar uisge.

6 Agus reub Iosua 'eudach, agus thuit e gu làr air 'aghaidh roimh àire an Tighearna, gu tràth fèagair, e féin agus seanaircan Israeil, agus chuir iad duslach air an cinn.

7 Agus thubhairt Iosua, Och! a Thighearna Dhé, c'ar son a thug thu idir an sluagh so thar Iordan, g'ar toirt thairis do làimh nan Amorach, a chum ar sgrios? O b'fhearr gu'm bitheamaid toilichte, agus gu'm bitheamaid air gabhail còmhnuidh air an taobh eile de Iordan!

8 O Thighearna, cìod a their mi 'n uair a thionndaidheas Israel an cùl r'an nainn-dibh?

9 Oir cluinnidh na Canaanaich, agus uile luchd-àiteachaidh na tìre, agus iadhaidh iad mu'n cuairt oirn, agus gearraidh iad as ar n-ainm o'n talamh: agus cìod a nì thu ri d'ainm mòr?

10 Agus thubhairt an Tighearn ri Iosua

Eirich suas; c'ar son a hùdheas tu mar so air d'aghaidh?

11 Pheacaich Israel, agus bhris iad mar an ceudna mo choimhcheangal a dh'àithn mi dhoibh: oir ghabh iad eadhon de'n ni mhallaichte, agus mar an ceudna ghoid iad, agus mar an ceudna cheil iad, agus chuir iad eadhon am measg an airueis féin e.

12 Uime siu cha b'urainn clann Israeil seasamh roimh an naimhdean, *ach* thionndaidh iad an cùl r'an naimhdeibh, a chionn gu'n robh iad mallachite. Cha bhi mise maille ribh tuilleadh, mur sgrios sibh an ni mallachite as bhur measg.

13 Eirich suas, naomhaich an sluagh, agus abair, Naomhaichibh sibh féin air son an là mà'reach; oir mar so tha an Tighearn Dia Israeil ag ràdh, *Tha* ni mallachite a'd' mheadhon, O Israeil: cha-n urrainn thu seasamh roimh do naimhdeibh, gus an cuir sibh air falbh an ni mallachite as bhur measg.

14 Anns a' mhaduinn uime sin bheirear cuideachd sibh a réir bhur treubhan: agus an treubh a ghabhas an Tighearn, thig i a réir a teaghlachan; agus thig an teaghlach a ghabhas an Tighearn, a réir a thighean; agus thig an tigh a ghabhas an Tighearn, a lion fear is fear.

15 Agus esan a ghlacair leis an ni mhallaichte, loisgear le teine e féin agus gach *ni* a *th'aige*; a chionn gu'n do bhris e coimhcheangal an Tighearn, agus gu'n d'rinn e amaidcachd ann an Israel.

16 Uime sin dh'éirich Iosua gu moch's a' mhaduinn, agus thug e leis Israel a réir an treubhan; agus ghabhadh treubh Iudah.

17 Agus thug e leis teaghlach Iudah; agus ghabh e teaghlach nan Sarhitheach: agus thug e leis teaghlach nan Sarhitheach a lion fear is fear; agus ghabhadh Sabdi.

18 Agus thug e leis a thigh, a lion fear agus fear; agus ghabhadh Achan mac Charmi, mhic Shabdi, mhic Sherah, de thiréibh Iudah.

19 Agus thubhairt Iosua ri Achan, A mhic, thoir, guidheam ort, glòir do'n Tighearn Dia Israeil, agus dean aidmheil da; agus innis domh a nis ciod a rinn thu, na folaich uam e.

20 Agus fhreagair Achan Iosua, agus thubhairt e, Gu deimhin, pheacaich mi an aghaidh an Tighearn Dé Israeil, agus mar so agus mar so rinn mi.

21 'N uair a chunnaic mi am measg na creiche earradh bhrèagha Bhabilonach, agus dà cheud secel airgid, agus geinn òir anns an *roth* leth-cheud secel de chudthrom, an sin shanntaich mi iad, agus ghabh mi iad; agus, feuch, *tha* iad folaichte's an talamh 'am meadhon mo bhùtha, agus an t-airgid foidhe.

22 Mar sin chuir Iosua teachdairean uaith, agus ruith iad do'n bhùth, agus, feuch,

Uha e folaichte'n a bhùth, agus an t-airgid foidhe.

23 Agus thug iad *leo* iad á meadhon a' bhùtha, agus thug iad gu Iosua iad, agus gu clanu Israeil uile, agus sgaoil iad a mach iad 'am fianuis an Tighearna.

24 Agus ghabh Iosua agus Israel uile maille ris, Achan mac Sherah, agus an t-airgid, agus an earradh, agus an geinn òir, agus a mhic, agus a nigheanan, agus a dhaimh, agus 'asail, agus a chaoraich, agus a bhùth, agus gach *ni* a *th'aige*; agus thug iad do ghleann Achoir iad.

25 Agus thubhairt Iosua, C'ar son a chuir thu dragh oirnn? cuiridh an Tighearn dragh ortsa an diugh. Agus chlach clann Israeil uile e le clachan, agus loisg iad le teine iad, an déigh dhoibh an clachadh le clachan.

26 Agus thog iad suas càrn mòr chlach air a mhuin gus an là'n diugh: Agus phill an Tighearn o ghairge a chorruich: uime sin thugadh gleann Achoir mar aium air an àite sin, gus an là'n diugh.

CAIB. VIII.

1 *Ting an Tighearn misneach do Iosua.* 3 *An dòigh air an do ghlacadh baile Ai.* 29 *Chrochadh a rìgh.* 30 *Thog Iosua altair do Dhia.* 32 *Sgrìobh e an tigh air clachaibh, agus leugh e a bhrìathran uile.*

AGUS thubhairt an Tighearn ri Iosua, Na gabh eagal, agus na bi fo gheilt; gabh an sluagh-cogaidh uile maille riut, agus éirich, imich suas gu h-Ai: feuch, thug mi thairis do d' làimh rìgh Ai, agus a shluagh, agus a bhaile, agus 'fhearrann.

2 Agus mi thu ri h-Ai agus r'a rìgh, mar a rinn thu ri Iericho, agus r'a rìgh: a mháin a chreach, agus a spréidh, gabhaidh sibh mar chobhartach dhuibh féin. Cuir *davine* ann am feall-fholach au aghaidh a' bhaile air a chùlaobh.

3 Agus dh'éirich Iosua agus an sluagh-cogaidh uile, a dhol suas an aghaidh Ai: agus thagh Iosua mach deich mìle fichcad fear treun ann an neart, agus chuir e air falbh iad's an oidheche.

4 Agus dh'àithn e dhoibh, ag ràdh, Feuch, ni sibh feall-fholach an aghaidh a' bhaile, eadhon air cùl a bhaile: na rachaibh ro fhad o'n bhaile, ach bithibh uile deas:

5 Agus théid mise, agus an sluagh uile a *tha* maille rium, dlùth do'n bhaile: agus an uair a thig iad a mach'n ar coinneamh, mar air tùs teicheadh sinne rompa.

6 (Oir thig iad a mach'n ar déigh) gus an tarruing sinn iad o'n bhaile: oir their iad, *Tha* iad a' teicheadh romhainn, mar air tùs: uime sin teicheadh sinne rompa.

7 An sin éiridh sibhse o'n fheall-fholach, agus glacadh sibh am baile: oir bheir an Tighearn blur Dia 'n 'ur làimh e.

8 Agus an uair a ghlacas sibh am baile, cuiridh sibh am baile ri theine: a réir àithne

an Tighearna ni sibh. Feuch, dh'èithn mise dhuibh.

9 Uime sin chuir Iosua mach iad; agus dh'fhalbh iad a dheanamh feall-fholach, agus dh'fhan iad eadar Bet-el agus Ai, air an taobh an iar a dh' Ai: ach dh'fhan Iosua an oidheche sin ann measg an t-sluaigh.

10 Agus dh'èirich Iosua gu moch 's a' mhaduinn, agus rinn e'n sluagh àireamh, agus chaidh e suas, e féin agus seanairean Israeil, roimh 'n t-sluagh gu h-Ai.

11 Agus chaidh an sluagh-cogaidh uile suas, a bha maille ris, agus chaidh iad am fagus, agus thàinig iad fa chomhair a' bhaile, agus champaich iad air an taobh mu thuath de Ai: a nis bha gleann eadar iad agus Ai.

12 Agus ghabh e mu thimcheall chùig mìle fear, agus chuir c iad a dheanamh feall-fholach eadar Bet-el agus Ai, air an taobh an iar de'n bhaile.

13 Agus an uair a shuidhich iad an sluagh, eadhon am feachd uile a bh' air an taobh mu thuath de'n bhaile, agus an luchd feall-fholach air an taobh an iar de'n bhaile, chaidh Iosua 's an oidheche sin do mheadhon a' ghlinne.

14 Agus an uair a chunnaic rìgh Ai sin, rinn iad cabhag agus dh'èirich iad gu moch; agus chaidh fir a' bhaile a mach gu cath an aghaidh Israeil, e féin agus a shluagh uile, 'an àm suidhichte, fa chomhair a' chòmhairid: ach cha robh fhios aige gu'n robh luchd feall-fholach 'n a aghaidh air cùl a' bhaile.

15 Agus rinn Iosua agus Israel uile mar gu'n buailteadh iad rompa, agus theich iad rathad an fhàsach.

16 Agus ghairm eadhn an sluagh uile a bha ann an Ai an ceann a chéile gu dol air an tòir, agus chaidh iad air tòir Iosua, agus thairngadh o'n bhaile iad.

17 Agus cha d'fhàgadh duine ann an Ai, no ann am Bet-el, nach deachaidh a mach an deigh Israeil: agus dh'fhàg iad am baile fòsgailte, agus chaidh iad air tòir Israeil.

18 Agus thubhairt an Tighearn ri Iosua, Sin a mach an t-sleagh a tha 'n ad làmh rathad Ai; oir bheir mise a'd làmh e. Agus shìn Iosua mach an t-sleagh a bh'aige 'n a làmh, a dh'ionnsuidh a' bhaile.

19 Agus dh'èirich na daoine a bha ris an fheall-fholach gu grad as an àit, agus ruith iad co luath 's a shìn e mach a làmh: agus chaidh iad a stigh do'n bhaile, agus ghlac iad e, agus rinn iad cabhag, agus chuir iad am baile ri theine,

20 Agus an uair a sheall fir Ai 'n an deigh, chunnaic iad, agus, feuch, chaidh deatach a' bhaile suas gu nèamh, agus cha robh comas aca teicheadh an taobh so no'n taobh ud: agus thionndaidh an sluagh a theich do'n fhàsach, air an ais air an luchd-tòrachd.

21 Agus an uair a chunnaic Iosua agus Israeil uile gu'n do ghlac luchd na feall-fholach am baile, agus gu'n deachaidh deatach a' bhaile suas, an sin phill iad, agus bhuail iad fir Ai.

22 Agus chaidh iadsan a mach as a' bhaile 'n an aghaidh; mar sin bha iad am meadhon Israeil, cuid air an taobh so, agus cuid air an taobh ud: agus bhuail siad iad, gus nach d'fhàgadh aon dhubh beò, no aon gu dol as.

23 Agus ghlac iad rìgh Ai beò, agus thug iad e gu Iosua.

24 Agus an uair a chuir Israel crìoch air uile luchd-àiteachaidh Ai a mharbhadh, anns a' mhachair, anns an fhàsach d'an do chuir iad an ruaig orra, agus an uair a thuit iad uile le faobhar a' chlàidheimh, gus an do chuireadh as doibh, an sin phill na h-Israelich uile gu h-Ai, agus bhuail iad e le faobhar a' chlàidheimh.

25 Agus bha ann dhiubhsan uile a thuit air an là sin, eadar fheara agus mhnathan, dà mhìle dheug, eadhon muinntir Ai uile:

26 Oir cha do tharruing Iosua a làmh air a h-ais, a shìn e mach leis an t-sleagh, gus an do léir-sgrìos e luchd-àiteachaidh Ai uile.

27 A mhàin spréidh agus creach a' bhaile sin ghabh Israel mar chobhartach dhoibh féin, a réir focail an Tighearna a dh'èithn e do Iosua.

28 Agus loisg Iosua Ai, agus rinn e 'n a chàrn e gu bràth, 'n a fhàsach gus an lè'n diugh.

29 Agus rìgh Ai chroch e air crann gu àm an fheasgair: agus mu dhol fodha na grèine dh'èithn Iosua, agus thug iad a nuas a chorp o'n chrann, agus thilg iad e aig dol a stigh geata a' bhaile, agus thog iad air càrn mòr chlach, a tha 'lathair gus an là 'n diugh.

30 An sin thog Iosua altair do'n Tighearn Dia Israeil air sliabh Ebail,

31 Mar a dh'èithn Maois, òglach an Tighearna, do chloinn Israeil, a réir mar a tha e sgrìobhta ann an leabhar lagha Mhaois, altair de chlachaihb slàna, air nach do thog duine sam bith suas iarum; agus thug iad suas oirre ìobairtean-loisgte do'n Tighearn, agus dh'ìobair iad tabhartais-shith.

32 Agus sgrìobh e 'n sin air na clachaihb dùblachadh lagha Mhaois, a sgrìobh e an làthair chloinn Israeil.

33 Agus sheas Israel uile, agus an seanairean, agus an luchd-riaghlaidh, agus an breitheamhan, air an taobh so de'n àire, agus air an taobh ud, an làthair nan sagart nan Lebhitheach, a ghiùlan àire coimheangail an Tighearna, an coigreach co mhaith ris-san a rugadh 'n am measg; leth dhiubh thall fa chomhair sléibh Gheridsim, agus leth dhiubh thall fa chomhair sléibh Ebail: mar a dh'èithn Maois, òglach an

Tighearna, chum sluagh Israeil a bheannachadh air tús.

34 Agus an déigh sin leugh e uile bhriathran an lagha, na beannachdan agus na mallachdan, a réir nan uile *nithéan a tha* sgrìobhta ann an leabhar an lagha.

35 Cha robh focal de na h-uile *nithibh* a dh'aitin Maois, nach do leugh Iosua an lathar comhchruinneachaidh Israeil uile, agus nam ban, agus na eloinne bige, agus nan coigreach a bha 'fantuinn 'n am measg.

CAIB. IX.

1 Rinn na rìghrean *coimheangal an aghaidh* Israeil. 3 Cealg nan Gibeonach. 26 Rinn eadh tràillean dhiubh.

A GUS an uair a chuala na rìghrean uile a *bh'air* an taobh so de Iordan, anns na beanntaibh, agus anns a' chòmhnard, agus ann an uile oirthir na fàirge mòire thall fa chomhair Lebanoin, an Hiteach, agus an t-Amorach, 'an Canaanach, am Peridseach, an Hibeach, agus an Iebusach so;

2 Chruinnich iad 'an ceann a chèile a chogadh ri Iosua, agus ri h-Israel, le aon rùn.

3 Agus an uair a chuala luchd-àiteachaidh Ghibeoin ciod a rinn Iosua ri Iericho, agus ri h-Ai;

4 Rinn iadsan mar an ceudna gu seòlta, agus chaidh iad agus leig iad orra gu'm bu teachdairean iad, agus ghabh iad seann saic air an asdaibh, agus fion-shearragan *a bha* sean agus reubta, agus ceangailte suas,

5 Agus brògan a *bha* scan agus càirichte air an cosaibh, agus scan cudach orra; agus bha an aran uile tioram *agus* liath.

6 Agus chaidh iad a dh'ionnsuidh Iosua do'n champ gu Gilgal, agus thubhairt iad ris, agus ri fir Israeil, Thàinig sinne o dhùthaich fad as; a nis uime sin deanaibh coimheangal ruinn.

7 Agus thubhairt fir Israeil ris na Hibhich, Theagamh gu bheil sibh a' còmhnuidh 'n ar measg, agus cionnus a dh'fheadas sinne coimheangal a dheanamh ribh?

8 Agus thubhairt iad ri Iosua, *Is* sinne do sheirbhisich. Agus thubhairt Iosua ri, Cò sibh? agus cia as a thàinig sibh?

9 Agus thubhairt iad ris, O dhùthaich ro fhad air astar thàinig do sheirbhisich, air sgàthainne an Tighearna do Dhé: air chuala sinn 'iomradh-san, agus gach *ni* a rinn e 's an Eiphit,

10 Agus gach *ni* a rinn e ri dà rìgh nan Amorach, a *bha* 'n taobh thall de Iordan, ri Sihon rìgh Hesboin, agus ri h-Og rìgh Bhàsain, a *bha* aig Astarot;

11 Uime sin labhair ar seanairean agus uile luchd-àiteachaidh ar dùtheha ruinn, ag ràdh, Gabhaibh lòn 'n 'ur làimh air son an turuis, agus rachaibh 'n an coinneamh, agus abraibh ri, *Is* sinne bhuir seirbhisich; agus a nis deanaibh coimheangal ruinn.

12 An t-aran so againn ghabh sinn teth air son ar lòn a mach as ar tighibh, 's an

là anns an d'fhàinig sinn a mach gu dol d'ur n-ionnsuidh-sa; ach a nis, feuch, tha e tioram, agus liath:

13 Agus na scarragan fìona so a lion sinn, *bha* iad nuadh, agus, feuch, tha iad reubta: agus tha ar n-eudach so agus ar brògan air fàs sean, le ro-fhad na slighe.

14 Agus ghabh na daoine d'am biadh, agus cha d'iarr iad *comhairle* o bheul an Tighearna.

15 Agus rinn Iosua sìth riu, agus rinn e coimheangal riu, a leigeil leo bhi beò: agus mhìonnaich uachdarain a' chomhchruinneachaidh dhoibh.

16 Agus thachair an ceann thri làithean, an déigh dhoibh coimheangal a dheanamh riu, gu'n cual' iad gu'm biad an coimhearsnaich iad, agus gu'n robh iad a chòmhnuidh 'n am measg.

17 Agus chaidh clann Israeil air an aghaidh, agus thàinig iad a dh'ionnsuidh am bailtean air an treas là: a nis *biad* am bailtean Gibeon, agus Chephirah, agus Becrot, agus Ciriath-icairim.

18 Agus cha do bhuail clann Israeil iad, a chionn gu'n do mhìonnaich uachdarain a' chomhchruinneachaidh dhoibh air an Tighearna Dia Israeil. Agus rinn an coimhchruinneachadh uile gearan an aghaidh nan uachdaran.

19 Ach thubhairt na h-uachdarain uile risa' chomhchruinneachadh uile, Mhìonnaich sinn dhoibh air an Tighearna Dia Israeil; agus uime sin cha-n fhead sinn beantuinn riu.

20 So ni sinn riu; leigidh sinn eadhon leo a bhi beò, a chum nach bi fearg *Dhé* 'n ar n-aghaidh, air son nam mìonnan a mhìonnaich sinn dhoibh.

21 Agus thubhairt na h-uachdarain riu, Leigibh leo bhi beò; ach biodh iad 'n an luchd-gearraidh fiodha, agus 'n an luchd-tarruing uisge do'n chomhchruinneachadh uile, mar a gheall na h-uachdarain dhoibh.

22 Agus ghairm Iosua orra, agus labhair e riu, ag ràdh, C'ar son a mheall sibh sinn, ag ràdh, *Tha* sinn ro fhada uaibh, an uair a tha sibh a' còmhnuidh 'n ar measg?

23 A nis uime sin *tha* sibh mallaichte, agus cha saorar neach air bith dhiob o bhi 'n 'ur tràillibh, agus 'n 'ur luchd-gearraidh fiodha, agus 'n 'ur luchd-tarruing uisge air son tighe mo Dhé.

24 Agus fhreagair iad Iosua, agus thubhairt iad, Do bhrìgh gu'n d'innseadh gu cinnteach do d' sheirbhisich cionnus a dh'aitin an Tighearna do Dhia d'a òglach Maois an fearann uile a thoirt duibh, agus luchd-àiteachaidh na tìre uile a sgrios roimhibh, uime sin bha eagal mòr ar n-anama oirm roimhibh, agus rinn sinn an ni so.

25 Agus a nis, feuch, *tha* sinn a'd làimh: mara mheasar maith agus ceart leatsa a dheanamh ruinn, dean.

26 Agus mar so rinn e riu, agus shaor e iad & làimh chloinn Israeil; agus cha do mharbhl siad iad.

27 Agus rinn Iosua iad 's an là sin féin 'n an luchd-gearraidh fiodha, agus 'n an luchd-tarruing uisge do'n chomhchruinneachadh, agus do altair an Tighearna, eadhon gus an là 'n diugh, anns an ionad a ròghnaicheadh e.

CAIB. X.

1 *Chog cùig rìghrean nan Amorach an aghaidh baile Ghibeoin. 6 Shaor Iosua e. 12 Air focal Iosua sheas a' ghrian agus a' ghealach 's na speurailbh.*

AGUS an uair a chual' Adonisedec rìgh Ierusalem gu'n do ghlac Iosua Ai, agus gu'n do leir-sgrìos se e; mar a rinn e ri Iericho agus r'a rìgh, mar sin gu'n d'rinn e ri h-Ai agus r'a rìgh; agus gu'n d'rinn luchd-àiteachaidh Ghibeoin sìth ri h-Israel, agus gu'n robh iad 'n am measg;

2 Ghabh iad cagal mòr, do bhrìgh gu'm bu bhaile mòr Gibeon, mar aon de na bailtibh rìoghail, agus do bhrìgh gu'm bu mhò e na Ai, agus gu'n robh a dhaoine uile treun.

3 Uime sin chuir Adonisedec, rìgh Ierusalem, fios gu Hoham rìgh Hebroin, agus gu Piram rìgh Iarmuit, agus gu Iaphia rìgh Lachis, agus gu Debir rìgh Eglain, ag ràdh,

4 Thigibh a nìs a m'ionnsuidh-sa, agus cuidichibh leam, a chum gu'm buail sinn Gibeon: oir rinn e sìth ri Iosua, agus ri cloinn Israeil.

5 Uime sin ehruinnich cùig rìghrean nan Amorach, rìgh Ierusalem, rìgh Hebroin, rìgh Iarmuit, rìgh Lachis, rìgh Eglain. iad féin an ceann a chèile, agus chaidh iad suas, iad féin agus an slòigh uile, agus champaich iad fa chomhair Ghibeoin, agus chog iad 'n a aghaidh.

6 Agus chuir fir Ghibeoin fios gu Iosua, do'n champ gu Gilgal, ag ràdh, Na deanadh do làmh moille o d' sheirbhisich: thig a nìs d'ar n-ionnsuidh gu grad, agus saor sinn, agus cuidich leinn: oir tha rìghrean nan Amorach uile a tha 'n an còmluinidh 's na beanntaibh, air cruinneachadh ri 'chèile 'n ar n-aghaidh.

7 Agus chaidh Iosua suas o Ghilgal, e féin agus an sluagh-cogaidh uile maille ris, agus na fir threuna uile.

8 Agus thubhairt an Tighearna ri Iosua, Na gabh eagal rompa; oir thug mise thairis do d' làimh iad: cha seas duine dhiubh romhad.

9 Uime sin thàinig Iosua orra gu h-obann: rè na h-oidheche chaidh e suas o Ghilgal.

10 Agus chlaoidh an Tighearna iad roimh Israel, agus mharbh e iad le h-àr mòr aig Gibeon, agus chuir e'n ruaig orra rathad uchdaich Bheth-horoin, agus bhuail e iad gu Hasecah, agus gu Macedah.

11 Agus an uair a bha iad a' teicheadh

roimh Israel, agus iad air leathad Bheth-horoin, thilg an Tighearna clachan mòra orra nuas o nèamh gu Hasecah, agus fhuar iad bàs: bu lìonmhòire iadsan a bhàsaich leis na clachan-meallain, na iadsan a mharbh clann Israeil leis a' chlaidheamh.

12 An sin labhair Iosua ris an Tighearna, 's an là anns an d'thug an Tighearna suas na h-Amoraich roimh chloinn Israeil, agus thubhairt e 'm fianuis Israeil, A ghrian, stad air Gibeon, agus thusa, a ghealach, air gleann Aialoin.

13 Agus stad a' ghrian, agus sheas a' ghealach, gus an do dhìol an sluagh iad féin air an naimhdibh. Nach 'eil so sgrìobhta ann an leabhar Iaseir? Agus stad a' ghrian 'am meadhan nèimh, agus cha d'rinn i cabhag gu dol fo mu thimchioll là iomlain.

14 Agus cha robh là sam bith cosmhuil ris an là sin, roimhe no 'n a dhéigh, anns an d'èid an Tighearna ri guth duine; oir chog an Tighearna air son Israeil.

[15 Agus phill Iosua, agus Israel uile maille ris, do'n champ gu Gilgal.]

16 Ach theich na cùig rìghrean ud, agus dh'fholaich siad iad féin ann an uaimh ann am Macedah.

17 Agus dh'innscadh do Iosua, ag ràdh, Fhuaradh na cùig rìghrean folaichte ann an uaimh ann am Macedah.

18 Agus thubhairt Iosua, Caruichibh clachan mòra air beul na h-uamha, agus cuiribh daoine làimh ri g'an gleidheadh.

19 Agus na stadaibhse, ach rachaibh air tòir bhuir naimhdean, agus bualibh iadsan a's deircannaiche dhiubh, na leigibh leo dol a stigh d'am bailtibh; oir thug an Tighearna bhuir Dia iad thairis d'ur làimh.

20 Agus an uair a chuir Iosua agus clann Israeil crìoch air am marbhadh le h-àr ro mhòr, gus an do chuireadh as doibh, chaidh a' chuid a mhair dhiubh a steach do na bailtibh daingnichte.

21 Agus phill an sluagh uile do'n champ gu Iosua aig Macedah ann an sìth: cha do ghluais neach a theanga an aghaidh duine sam bith de chloinn Israeil.

22 An sin thubhairt Iosua, Fosglaihb beul na h-uamha, agus thugaibh a mach a m' ionnsuidh na cùig rìghrean ud as an uaimh.

23 Agus rinn iad mar sin, agus thug iad a mach na cùig rìghrean ud d'a ionnsuidh as an uaimh, rìgh Ierusalem, rìgh Hebroin, rìgh Iarmuit, rìgh Lachis, agus rìgh Eglain.

24 Agus an uair a thug iad a mach na rìghrean sin gu Iosua, ghairm Iosua air fearaibh Israeil uile, agus thubhairt e ri ceannardaibh nam fear-cogaidh a chaidh maille ris, Thigibh am fagus, cuiribh bhuir cosan air muinealaibh nan rìgh sin. Agus thàinig iad am fagus, agus chuir iad an cosan air am muinealaibh.

25 Agus thubhairt Iosua riu, Na bitheadh cagal oirbh agus na bithibh fo gheilt, bith-

ibh làidir agus bitheadh deadh mhiseach agaibh; oir mar so ni 'n Tighearn r'ur naimhidh uile ris am bhic sibh a' cogadh.

26 Agus an déigh sin bhuail Iosua iad, agus mharbh e iad, agus chroch e iad air cùig crannaibh: agus bha iad an crochadh air na crannaibh gu feasgar.

27 Agus 'an àm dol fodha na gréine dh'àithn Iosua, agus thug iad a nuas iad o na crannaibh, agus thilg siad iad 's an uainh anns an d'fhlaich siad iad féin, agus chuir iad clachan mòra 'am beul na h-uamha, a *tha làthair* gus a' cheart là so.

28 Agus air an là sin féin ghlac Iosua Mhacedah, agus bhuail se e le faobhar a' chlaidheimh, agus a rìgh sgrìos e gu tur, iadsan agus gach anam a *bha* ann; cha d'fhàg e neach air bith beò: agus rinn e ri rìgh Mhacedah, mar a rinn e ri rìgh Iericho.

29 An sin chaidh Iosua, agus Israel uile maille ris, thairis o Mhacedah gu Libnah, agus chog e 'n aghaidh Libnah.

30 Agus thug au Tighearn thairis e mar an ceudna, agus a rìgh, do làimh Israeil, agus bhuail se e le faobhar a' chlaidheimh, agus na h-anaman uile a *bha* ann: cha d'fhàg e neach air bith beò ann, ach rinn e r'a rìgh, mar a rinn e ri rìgh Iericho.

31 Agus chaidh Iosua, agus Israel uile maille ris, thairis o Libnah gu Lachis, agus champaich e 'n a aghaidh, agus chog e 'n a aghaidh.

32 Agus thug an Tighearn thairis Lachis do làimh Israeil, agus ghlac se e air an dara là, agus bhuail se e le faobhar a' chlaidheimh, agus gach anam a *bha* ann, a réir nan uile *nithean* a rinn e air Libnah.

33 An sin thàinig Horam rìgh Gheseir a nìos a chuideachadh Lachis; agus bhuail Iosua e agus a shluagh, gus nach d'fhàg e h-aon air bith beò aige.

34 Agus chaidh Iosua agus Israel uile maille ris, o Lachis gu h-Eglon, agus champaich iad 'n a aghaidh, agus chog iad 'n a aghaidh:

35 Agus ghlac iad e air an là sin féin, agus bhuail iad e le faobhar a' chlaidheimh, agus gach anam a *bha* ann sgrìos e gu tur 's an là sin, a réir nan uile *nithean* a rinn e ri Lachis.

36 Agus chaidh Iosua, agus Israel uile maille ris, suas o Eglon gu Hebron, agus chog iad 'n a aghaidh:

37 Agus ghlac iad e, agus bhuail iad e le faobhar a' chlaidheimh, agus a rìgh, agus a bhailtean uile, agus gach anam a *bha* ann: cha d'fhàg e h-aon air bith beò, a réir nan uile *nithean* a rinn e ri h-Eglon, ach sgrìos e gu tur e, agus gach anam a *bha* ann.

38 Agus phill Iosua, agus Israel uile maille ris, gu Debir, agus chog e 'n a aghaidh:

39 Agus ghlac se e, agus a rìgh, agus a

bhailtean uile, agus bhuail siad iad le faobhar a' chlaidheimh, agus léir-sgrìos iad gach anam a *bha* ann; cha d'fhàg e h-aon air bith beò: mar a rinn e ri Hebron, mar sin rinn e ri Debir, agus r'a rìgh; agus mar a rinn e ri Libnah, agus r'a rìgh.

40 Agus bhuail Iosua tìr nan beann uile, agus na h-àirde deas, agus a' chòmhnaird, agus nan tobar, agus an rìghrean uile: cha d'fhàg e h-aon air bith beò, ach léir-sgrìos e gach neach anns an robh anail, mar a dh'àithn an Tighearn Dia Israeil.

41 Agus bhuail Iosua iad o Chades-barnea gu ruig Gasa, agus tìr Ghosein uile gu ruig Gibeon.

42 Agus na rìghrean sin uile, agus am fearann, ghlac Iosua dh'aon tarruing, do bhrìgh gu'n do chog an Tighearn Dia Israeil air son Israeil.

43 Agus phill Iosua, agus Israel uile maille ris, do'n champ gu Gilgal.

CAIB. XI.

1 *Aig uisgeachaibh Mheroim thugadh buaidh air rìghribh a dh'èirich suas an aghaidh Israeil.* 10 *Ghlacadh agus loisgeadh Hasor.* 21 *Ghearradh as na h-Anacaich.*

AGUS an uair a chuala Iabin rìgh Haisoir na *nithean sin*, chuir e *fios* gu Iobab rìgh Mhadoin, agus gu rìgh Shimroin, agus gu rìgh Achsaiph,

2 Agus a dh'ionnsuidh nan rìgh a *bha* mu thuath anns na beanntaibh, agus anns a' chòmhnard mu dheas de Chinerot, agus anns a' ghleann, agus ann an crìochaibh Dhoir, air an làimh an iar;

3 *Agus a dh'ionnsuidh a' Chanaanaich* air an làimh an ear agus an làimh an iar, agus a dh'ionnsuidh an Amoraich, agus an Hìtich, agus a' Pheridsich, agus an Iebusaich anns na beanntaibh, agus a dh'ionnsuidh an Hibhich fo Hermon, ann an tìr Mhisphe.

4 Agus chaidh iad a mach, iad féin agus an feachd uile maille ri, slugh lionmhòr, eadhon mar a' ghaineamh a *tha* air tràigh na fairge thaobh lionmhoireachd, le h-eachaibh agus carbaidh ri lionmhòr.

5 Agus an uair a bha na rìghrean sin uile air coinneachadh a chèile, thàinig iad agus champaich iad cuideachd aig uisgeachaibh Mheroim, a chogadh an aghaidh Israeil.

6 Agus thubhairt an Tighearn ri Iosua, Na bitheadh eagal ort rompa; oir am màir-each, mu'n àm so, bheir mise suas iad uile marbh 'am fianuis Israeil: gearraidh tu iosaidean an each, agus loisgidh tu an carbadan le teine.

7 Agus thàinig Iosua orra, agus an slugh cogaidh uile maille ris, aig uisgeachaibh Mheroim gu h-obann, agus bhuail iad orra.

8 Agus thug an Tighearn thairis iad do làimh Israeil, a bhuail iad, agus a chuir an ruaig orra gu Sidon mòr, agus gu Misrephot-maim, agus gu còmhnard Mhisphe air ar

làimh an ear, agus bhuail siad iad, gus nach d'fhàg iad aon diubh beò.

9 Agus rinn Iosua riu mar a dh'iarr an Tighearn air: ghearr e iosgaidean an each, agus loisg e 'n carbadan le teine.

10 Agus phill Iosua 's an àm sin air ais, agus ghlac e Hasor, agus bhuail e a rìgh leis a' chlàidheamh: oir b'e Hasor roimhe sin ceann nan rìoghachdan sin uile.

11 Agus bhuail iad na h-anaman uile a bha ann le faobhar a' chlàidheimh 'g an léir-sgrìos: cha d'fhàgadh aon anns an robh anail; agus loisg e Hasor le teine.

12 Agus uile bhailtean nan rìgh sin, agus an rìghrean uile ghlac Iosua, agus bhuail e iad le faobhar a' chlàidheimh, agus sgrìos e gu tur iad, mar a dh'àithn Maois, òglach an Tighearna.

13 Ach a thaobh nam bailtean sin uile a sheas a ghnàth 'n an neart, cha do loisg Israel aon diubh sin, saor o Hasor a mhàin; sin loisg Iosua.

14 Agus uile chreach nam bailtean sin, agus an spréidh, ghabh clann Israeil mar chobhartach dhoibh féin; ach bhuail iad gach duine le faobhar a' chlàidheimh, gus an do chuir iad as doibh; cha d'fhàg iad neach air bith anns an robh anail.

15 Mar a dh'àithn an Tighearn d'a òglach Maois, mar sin dh'àithn Maois do Iosua, agus mar sin rinn Iosua: cha d'fhàg e ni gun deanamh de na h-uile a dh'àithn an Tighearn do Mhaois.

16 Mar sin ghlac Iosua am fearann sin uile na sléibhteann, agus an tìr mu dheas uile, agus fearann Ghosein uile, agus an gleann, agus an còmhnaidh, agus sliabh Israeil, agus a ghleann;

17 O sliabh Halaic, a tha 'dol suas gu Seir, eadhon gu Baal-gad ann an gleann Lebanon, fo sliabh Hermoin; agus an rìghrean uile ghlac e, agus bhuail e iad, agus mharbh e iad.

18 Rè ùine fhada rinn Iosua cogadh ris na rìghribh sin uile.

19 Cha robh baile mòr air bith a rinn sìth ri cloinn Israeil, saor o na Hibhich, luchd-àiteachaidh Ghibeoin; *cach* uile ghlac iad ann an cath.

20 Oir b'ann o'n Tighearn' a bha e an cridheachan a chruadhachadh, chum gu'n tigeadh iad an aghaidh Israeil ann an cath, a chum gu'n sgrìosadh e iad gu tur, agus nach bith-eadh iochd sam bith *aira nochdadh* dhoibh, ach gu'n cuireadh e as doibh, mar a dh'àithn an Tighearn do Mhaois.

21 Agus anns an àm sin thàinig Iosua, agus ghearr e as na h-Anacaich o na sléibhtibh, o Hebron, o Dhebir, o Anab, agus o bheanntaibh Iudah uile, agus o bheanntaibh Israeil uile: sgrìos Iosua gu tur iad le'm bailtibh.

22 Cha d'fhàgadh aon de na h-Anacaich ann am fearann chloinn Israeil; a mhàin

ann an Gasah, ann an Gat, agus ann an Asdod, dh'fhàgadh iad.

23 Mar sin ghlac Iosua an tìr uile, a réir nan uile a thubhairt an Tighearn ri Maois, agus thug Iosua i mar oighreachd do chloinn Israeil, ann an earrannaibh a réir an treubhan. Agus fhuair an tìr fois o chogadh.

CAIB. XII.

1 *An dà rìgh a bhuail Maois 'an taobh an ear de Iordan.* 7 *Aon rìgh deug thar fhichead air am buail le Iosua air an taobh an iar de Iordan.*

ANIS is iad so rìghrean an fhearainn a bhuail clann Israeil; agus shealbhaich iad ann fearann air taobh eile Iordain leth ri éirigh na gréine, o shruth Arnoin gu sliabh Hermoin, agus an còmhnaidh uile air an làimh an ear.

2 Sihon rìgh nan Amorach, a bha a chòmh-nuidh ann an Hesbon, agus a riaghalach o Aroer, a tha air bruaich sruth Arnoin, agus o mheadhon an t-srutha, agus leth Ghilead eadhon gus an sruth Iaboc, crìoch chloinn Amoin:

3 Agus an còmhnaidh gu muir Chineroit a làimh na h-àirde 'n ear, agus gu muir a' chòmhnaidh, eadhon a' mhuir shalainn a làimh na h-àirde 'n ear, an t-slighe gu Bet-iesimot; agus o'n àirde deas, fo Asdot-pis-gah.

4 Agus crìoch Og rìgh Blàsain, a bha dh'iarmaid nam fàmhairean a bha a chòmh-nuidh ann an Astarot, agus ann an Edrei.

5 Agus a rioghaich ann an sliabh Hermoin, agus ann an Salcah, agus ann am Bàsan uile, gu crìch nan Gesurach agus nam Maachatach. agus leth Ghilead, crìoch Shihoir rìgh Hesboin.

6 Iadsan bhuail Maois, òglach an Tighearna, agus clann Israeil; agus thug Maois, òglach an Tighearna, e mar sheilbh do na Reubenich, agus do na Gadaich, agus do leth-thréibh Mhanaseh.

7 Agus is iad so rìghrean na tìre a bhuail Iosua agus clann Israeil air an taobh so de Iordan air an làimh an iar, o Bhaal-gad ann an gleann Lebanon, eadhon gu sliabh Halaic, a tha 'dol suas gu Seir; a thug Iosua do theubhan Israeil mar sheilbh, a réir an roinnean:

8 Anns na beanntaibh, agus anns na gleanntaibh, agus anns na còmhnaidhaibh, agus anns na tobraichibh, agus anns an fhàsach, agus anns an tìr mu dheas: na Hitich, na h-Amoraich, agus na Cananaich, na Peridsich, na Hibhich, agus na Iebus-aich.

9 Rìgh Iericho, aon; rìgh Ai, a tha làimh ri Bet-el, aon;

10 Rìgh Ierusalem, aon; rìgh Hebroin, aon;

11 Rìgh Iarmuit, aon; rìgh Lachis, aon;

12 Rìgh Egloin, aon; rìgh Gheseir, aon;

13 Rìgh Dhebir, aon; rìgh Ghedeir, aon;

IOSUA, XIII.

14 Rìgh Hormah, aon ; rìgh Araid, aon ;
15 Rìgh Libnah, aon ; rìgh Adulaim, aon ;
16 Rìgh Mhacedah, aon ; rìgh Bhet-eil,
aon ;

17 Rìgh Thapuah, aon ; rìgh Hephair, aon ;
18 Rìgh Apheic, aon ; rìgh Lasaroin, aon ;
19 Rìgh Mhadoin, aon ; rìgh Hasoir, aon ;
20 Rìgh Shimon-meroin, aon ; rìgh Ach-
saiph, aon ;
21 Rìgh Thaanaich, aon ; rìgh Mhegido,
aon ;

22 Rìgh Chedeis, aon ; rìgh Iocneaim o
Charmel, aon ;
23 Rìgh Dhoir, ann an crìch Dhoir, aon ;
rìgh chinneach Ghilgail, aon ;
24 Rìgh Thirshah, aon ; na rìghrean uile,
deich thar fhichead agus aon.

CAIB. XIII.

1 Crìochan an fhearainn air nach d' thugadh
fathast buaidh 14, 33 Is iad ìobairtean an
Tighearn oighreachd nan Lebhilheach. 22
Mharbhadh Balaam.

ANIS bha Iosua sean agus air teachd
air aghaidh ann am bliadhnaibh;
agus thubhairt an Tighearn ris, Tha thusa
sean agus air teachd air d'aghaidh 'am
bliadhnaibh, agus tha fathast ro mhòran
fearainn r'a shealbhachadh.

2 Is e so am fearann a tha fathast a làth-
air ; uile chrìochan nam Philisteach, agus
Gesuri uile,

3 O Shihor, a tha fa chomhair na h-Eiphit,
eadhon gu crìch Ecroin mu thuath a
mheasar do'n Chanaanaich: eùig tighearnan
nam Philisteach; na Gasataich, agus na
h-Asdodaich, na h-Escalonaich, na Gitich,
agus na h-Eronaich, agus na Habhaich:

4 O'n taobh mu dheas uile fhearann nan
Canaanach, agus Mearah a tha làimh ris
na Sidonaich, gu Aphec, gu crìch nan
Amorach;

5 Agus fearann nan Gibleach, agus Lebanon
uile leth ri éirigh na gréine, o Bhaal-gad fo
shliabh Hermoin, gu ruig an dol a stigh do
Hamat;

6 Uile luchd-àiteachaidh nam beann o
Lebanon gu Misrephot-maim agus na Si-
donaich uile, iadsan fàgraidh mi mach roimh
chloinn Israeil; a mhàin roinn e le cran-
chur do na h-Israelich mar oighreachd, mar
a dh'àithn mise dhuit.

7 A nis uime sin, roinn am fearann so mar
oighreachd do na naoi treubhan, agus do
leth-thrèibh Mhanasch;

8 Maille ris an leth-thrèibh eile fhuair na
Reubenich agus na Gadaich an oighreachd-
san a thug Maois doibh, an taobh thall de
Jordan a làimh na h-àirde 'n ear, eadhon
mar a thug Maois, òglach an Tighearna,
dhoibh:

9 O Aroer, a tha air bruaich sruth Arnoin,
agus am baile a tha ann am meadhon an
t-srutha, agus còmhnaid Mhedebah uile gu
Dibon;

10 Agus uile bhailtean Shihoin, rìgh nan
Amorach a rìoghaich ann an Heshbon, gu
crìch chloinn Amoin;

11 Agus Gilead, agus crìoch nan Gesur-
ach, agus nam Maachatach, agus sliabh
Hermoin uile, agus Basan uile gu Salcah;

12 Uile rìoghachd Og ann am Basan, a
rìoghaich ann an Astarot agus ann an
Edrei, a mhair de iarmad nam fàmhairean:
oir iad sin bhuail Maois, agus dh'fhògair e
mach iad.

13 Gidheadh, cha d'fhògair clann Israeil a
mach na Gesuraich, no na Maachataich; ach
tha na Gesuraich agus na Maachataich 'n an
còmhnuidh 'am measg nan Israeleach gus
an lán diugh.

14 A mhàin do thrèibh Lebhi cha d'thug
e oighreachd sam bith; is iad ìobairtean an
Tighearna Dé Israeil a bheirear snas le
teime, an oighreachd-san, mar a thubhairt e
riu.

15 Agus thug Maois do thrèibh chloinn
Reubein oighreachd a réir an teaghlachan:

16 Agus bha 'n crìoch o Aroer a tha air
bruaich sruth Arnoin, agus am baile a tha
ann am meadhon an t-srutha, agus an
còmhnaid uile gu Medebah:

17 Heshbon, agus a bhailtean uile a tha
's a' còmhnaid; Dibon, agus Bamot-baal,
agus Bet-baal-meon,

18 Agus Iahasa, agus Cedemot, agus Me-
phaat,

19 Agus Ciriataim, agus Sibmah, agus
Saretsahar ann an sliabh a' ghlinne,

20 Agus Bet-peor, agus Asdod-pisgah,
agus Bet-iesimot,

21 Agus uile bhailtean a' còmhnaid,
agus uile rìoghachd Shihoin rìgh nan Amor-
ach, a rìoghaich ann an Heshbon, a bhuail
Maois maille ri ceannardaibh Mhidiaim,
Ebhi, agus Recem, agus Sur, agus Hur,
agus Rebah, cinn-fheadhna Shihoin, a bha
'còmhnuidh 's an tìr.

22 Balaam mar an ceudna, mac Bheoir,
am fiosaiche, mharbh clann Israeil leis a'
chladheamh 'n am measg-san a mharbhadh
leo.

23 Agus b'i crìoch chloinn Reubein, Ior-
dan agus a crìoch-san. B'i sin oighreachd
chloinn Reubein a réir an teaghlachan,
na bailte mòra agus am bailte beaga.

24 Agus thug Maois oighreachd do thrèibh
Ghad, eadhon do chloinn Ghad a réir an
teaghlachan.

25 Agus b'i an crìoch Iaser, agus uile
bhailtean Ghilead, agus leth fearainn
chloinn Amoin, gu Aroer a tha fa clom air
Rabah:

26 Agus o Heshbon gu Ramat-mhispeh,
agus Betonim; agus o Mahanaim gu crìch
Dhebir;

27 Agus anns a' ghleann, Betaram, agus
Bet-ninrah, agus Sucot, agus Saphon a'
chuid eile de rìoghachd Shihoin rìgh Hes-

boin, Iordan agus a crìoch, eadhon gu oir fhaire Chineret, air taobh eile Iordain a làimh na h-àrde 'n ear.

28 *B'i* sin oighreachd chloinn Ghad, a réir an teaghlaidhean, na bailte mòra agus am bailte beaga.

29 Agus thug Maois oighreachd do leth-thrèibh Mhanaseh: agus *b'i so sealtbh* leth-thrèibh chloinn Mhanaseh, a réir an teaghlaidhean:

30 Agus bha 'n crìoch o Mhahanaim, Bàsan uile, uile rioghachd Og rìgh Bhasain, agus uile bhailean Iair, a tha ann am Bàsan, trì fichead baile mòr:

31 Agus leth Ghilead, agus Astarot, agus Edrei, bailtean rioghachd Og ann am Bàsan, *bhuin iad* do chloinn Mhachir mhic Mhanaseh, eadhon do leth chloinn Mhachir, a réir an teaghlaidhean.

32 *Is iad* sin na dùchannan a roinn Maois mar oighreachd ann an còmhnaidh Mhoab, air an taobh eile de Iordan làimh ri Iericho, air an taobh an ear.

33 Ach do thrèibh Lebhì cha d'thug Maois oighreachd: *'b'e 'n Tighearn Dia* Isracil e féin an oighreachd-san, mar a thubhairt e riu.

CAIB. XIV.

1 *Thugadh an oighreachd le crannchur do na naoi treubhan agus an leth-thrèibh.* 6 *Fhuair Caleb Hebron.*

A GUS *is iad so na dùchan* a fhuair clann Israeil mar oighreachd ann an tìr Chanaain, a roinn Eleasar an sagart, agus Iosua mac Nuin, agus cinn-fheadhna aithriche threubhan chloinn Israeil mar oighreachd dhoibh.

2 Le crannchur bha an oighreachd, mar a dh'àithn an Tighearn le làimh Mhaois, do na naoi treubhan agus an leth-thrèibh.

3 Oir bha Maois air tabhairt oighreachd do dhà thrèibh, agus do leth-thrèibh, air an taobh eile de Iordan: ach do na Lebhithich cha d'thug e oighreachd sam bith 'n am measg.

4 Oir bha clann Ioseph 'n an dà thrèibh, Manaseh agus Ephraim: uime sin cha d'thug iad roinn sam bith do na Lebhithich 's an fhearann, saor o bhailtibh gu còmhnuidh 'ghabhail *annta*, maille r'am fearann comh-roinn d'an sprèidh, agus d'am maoin.

5 Mar a dh'àithn an Tighearn do Mhaois, mar sin rinn clann Israeil, agus roinn iad am fearann.

6 An sin thàinig clann Iudah gu Iosua ann an Gilgal; agus thubhairt Caleb mac Iephumeah an Ceniseach ris, Tha fios agad air an ni a thubhairt an Tighearn ri Maois, òglach Dhé, 'am thaobhs' agus 'ad thaobh féin, ann an Cades-barnea.

7 Dà fhichead bliadhna dh'aois bha mise u uair a chuir Maois, òglach Dhé, mi o Chades-barnea, a rannsachadh a mach an

fhearainn; agus thug mi air ais fios d'a ionnsuidh, mar a bha e ann am chridhe.

8 Gidheadh, thug mo bhràithrean a chaidh suas maille rium, air cridhe an t-sluagh leaghadh: ach lean mise gu h-ìomlan an Tighearn mo Dhia.

9 Agus mhionnaich Maois air an là sin, ag ràdh, Gu cinnteach bithidh am fearann air an do shaltair do chos, agad féin mar oighreachd, agus aig do chloinn gu bràth; a chionn gu'n do lean thu gu h-ìomlan an Tighearn mo Dhia.

10 Agus a nis, feuch, ghlèidh an Tighearn mi beò, mar a thubhairt e, na chug agus an dà fhichead bliadhna so, eadhon o labhair an Tighearn am focal so ri Maois, am feadh a dh'fhuich clann Israeil anns an fhàsach; agus a nis, feuch, tha mi 'n diugh ceithir fichead agus chug bliadhna dh'aois.

11 Fathast tha mi co làidir an diugh as a bha mi 's an là anns an do chuir Maois uaith mi: mar a bha mo neart an sin, mar sin tha mo neart a nis, chum cogaidh, agus a dhol a mach, agus a theachd a steach.

12 A nis uime sin thoir dhomh a' bheinn so, mu'n do labhair an Tighearn 's an là ud; (oir chuala tu 's an là ud cionnus a bha na h-Anaicaich an sin, agus gu'n robh na bailte mòr' agus daingnichte;) ma tharlas gu'm bi 'n Tighearn leam, an sin fògraidh mi mach iad, mar a thubhairt an Tighearn.

13 Agus bheannaich Iosua e, agus thug e do Chaleb, mac Iephuneh, Hebron mar oighreachd.

14 Rinneadh uime sin Hebron 'n a oighreachd do Chaleb, mac Iephuneh, an Ceniseach, gus an là 'n diugh; a chionn gu'n do lean e gu h-ìomlan an Tighearn Dia Israeil.

15 Agus 'b'e ainm Hebroin roimhe Ciriatarba: *bha'n t-Arba* so 'n a dhuine mòr am measg nan Anacach. Agus bha fois aig an tìr o chogadh.

CAIB. XV.

1 Crìocha crannchuir chloinn Iudah. 13 Roinn Chaleb. 16 Treubhantas agus duais Otniel. 18 Aitheuinge Achah.

B' E so uime sin crannchur trèibhe chloinn Iudah a réir an teaghlaidhean, eadhon gu crìch Edoin, gu fasach Shin ri deas o'n chuid a's fhaide mach de'n ìomall dheas.

2 Agus bha 'n crìoch mu dheas o thrèigh na mara salainn, o 'n luib a tha 'g amharc ri deas.

3 Agus chaidh i mach a dh'ionnsuidh an taoibh mu dheas gu h-uchdaich Acraim, agus ghabh i air a h-aghaidh gu Sin, agus chaidh i suas air an taoibh mu dheas gu Cades-barnea, agus chaidh i air a h-aghaidh gu Hesron, agus chaidh i suas gu h-Adar, agus ghabh i mu'n cuairt gu Carcaa.

4 Uaith sin ghabh i dh'ionnsuidh Asmoin, agus chaidh i mach gu amhainn na h-Eiphit, agus bha dol a mach na crìche sin aig a

mluir, bithidh so agaibh 'n a crìch mu dheas.

5 Agus *b'i* a' chrìoch an ear a' mhuir shalainn *eadhon* gu ceann Iordain: agus *bha* a' chrìoch air an taobh mu thuath o luib na mara, aig a' chuid a b'fhaide mach de Iordan.

6 Agus chaidh a' chrìoch suas gu Beth-hoglah, agus ghabh i air a h-aghaidh air an taobh mu thuath de Bhet-arabah; agus chaidh a' chrìoch suas gu cloich Bhohain mhic Reubin.

7 Agus chaidh a' chrìoch suas gu Debir o ghleann Achoir, agus ri tuath ag amharc ri Gilgal, a *tha* fa chomhair uchdaich Adumim, a *tha* air taobh deas na h-aimhne: agus chaidh a' chrìoch thairis gu uisgeach-aibh En-semeis, agus bha a dol a mach aig En-rogel.

8 Agus chaidh a' chrìoch suas gu gleann mhic Hinoim, gu taobh deas an Iebusaich; (*is e sin Ierusalem*): agus chaidh a' chrìoch suas gu mullach na beinne, a *tha* roimh ghleann Hinoim, air an làimh an iar, a *tha* aig ceann glinne nam fannhairean ri tuath.

9 Agus thairngeadh a' chrìoch o mhullach an t-sleibh gu tobar uisge Nephtoah, agus chaidh i mach gu bailtibh sléibh Ephroin, agus thairngeadh a' chrìoch gu Baalah; (*is e sin Ciriati-earim*.)

10 Agus chaidh a' chrìoch mu 'n cuairt o Bhaalah air an làimh an iar gu sliabh Sheir, agus ghabh i thairis gu taobh sléibh Iearim, (*is e sin Chesalon*), air an taobh mu thuath, agus chaidh i sìos gu Bet-semes, agus ghabh i air a h-aghaidh gu Timnah:

11 Agus chaidh a' chrìoch a mach gu taobh Ecroin ri tuath; agus thairngeadh a' chrìoch gu Sieron, agus ghabh i thairis air sliabh Bhaalah, agus chaidh i mach gu Iabneel; agus bha dol a mach na crìche aig a' mhuir.

12 Agus *bha* a' chrìoch an iar gus an fhairge mhòir, agus a h-oirthir: *b'i* sin crìoch chloinn Iudah mu'n cuairt, a réir an teaghlachain.

13 Agus do Chaleb, mac Iephuneh, thug e roinn am measg chloinn Iudah, a réir àitline an Tighearna do Iosua, *eadhon* baile Arbah, athar Anaic: (*is e sin Hebron*.)

14 Agus dh'fhògair Caleb a mach as a sin trìthir mhac Anaic, Sesai, agus Ahiman, agus Talmai, clann Anaic.

15 Agus chaidh e suas o sin gu luchd-àit-eachaidh Dhebir: agus *b'e* ainm Dhebir roimhe Ciriati-sepher.

16 Agus thubhairt Caleb, Esan a blhuailcas Ciriati-sepher, agus a ghlacas e, dhiasan bheir mi Achsah mu nighean 'n a mnaoi.

17 Agus ghlac Otniel, mac Chenais, bràthar Chaleib e; agus thug e dha Achsah a nigh-ean 'n a mnaoi.

18 Agus tharladh, 'n uair a thàinig i d' a *ionnsuidh*, gu'n do bhrosnuich i e gu achadh

iarraidh air a h-athair: agus theirinn i bhàrr a h-asail; agus thubhairt Caleb rithe, Ciod a *b'ail* leat?

19 Agus fhreagair ise, Thoir dhomh beann-achadh; oir thug thu dhomh fearann mu dheas, thoir dhomh mar an ceudna tobair uisge; agus thug e dhi na tobair uachdarach, agus na tobair iochdarach.

20 *B'i* sin oighreachd tréibhe chloinn Iudah, a réir an teaghlachain.

21 Agus b'iad na bailtean a b'fhaide mach, le tréibh chloinn Iudah, leth ri crìch Edoim mu dheas, Cabseel, agus Eder, agus Iagur,

22 Agus Cinah, agus Dimonah, agus Adadah,

23 Agus Cedec, agus Hasor, agus Itnan,

24 Siph, agus Telem, agus Bealot,

25 Agus Hasor, Hadatah, agus Ceriot, agus Hesron, (*is e sin Hasor*),

26 Aman, agus Sema, agus Moladah,

27 Agus Hasar-gadah, agus Hesmon, agus Bet-palet,

28 Agus Hasar-sual, agus Beer-seba, agus Bis-iotiah,

29 Baalah, agus Iim, agus Asem,

30 Agus Eltolad, agus Chesil, agus Hormah,

31 Agus Sielag, agus Madmanah, agus Sansanah,

32 Agus Lebaot, agus Silhim, agus Ain, agus Rimon: *b'iad* na mòr-bhailtean uile naoi thar fhichead, maille r'am bailtibh beaga.

33 Agus anns a' chòmharnard, Estaol, agus Soreah, agus Asnah,

34 Agus Sanoah, agus Enganim, Tapuah, agus Enam,

35 Iarmut, agus Adulam, Sochoh, agus Asecah,

36 Agus Saraim, agus Aditaim, agus Gederah, agus Gederotaim; ceithir mòr-bhailte deug le'm bailtibh beaga.

37 Senan, agus Hadasah, agus Migdal-gad,

38 Agus Dilean, agus Mispah, agus Ioctecl,

39 Lachis, agus Boscat, agus Egion,

40 Agus Cabon, agus Lahmas, agus Citlis,

41 Agus Gederot, Bet-dagon, agus Naamah, agus Macedah; sè mòr-bhailte deug le'm bailtibh beaga.

42 Libnah, agus Eter, agus Asan,

43 Agus Jiphtah, agus Asnah, agus Nesib,

44 Agus Ceilah, agus Achsib, agus Mare-sah; naoi bailte mòra le'm bailtibh beaga.

45 Ecron le 'bhailtibh a's mò, agus a bhailtibh beaga.

46 O Ecron, eadhon gus an fhairge, iad-san uile a *bha* làimh ri Asdod, le'm bailtibh beaga.

47 Asdod le 'bhailtibh a's mò agus a bhailtibh beaga, Gasah le 'bhailtibh a's mò agus a bhailtibh beaga, gu amhainn na h-Eiphit, agus an fhairge mhòir, eadhon a crìch.

48 Agus anns na beanntaibh, Samir, agus Iatir, agus Socoh,

49 Agus Danah, agus Ciri-at-sanah, eadhon Debir,

50 Agus Anab, agus Estemoh, agus Anim,

51 Agus Gosen, agus Holon, agus Giloh; aon mhòr-bhaile deng le'm bailtibh beaga.

52 Arab, agus Dumah, agus Escan,

53 Agus Ianum, agus Bet-tapuah, agus Aphecah,

54 Agus Humtah, agus Ciri-at-arbah, (*is e sin Hebron*.) agus Sior; naoi bailtean mòra le'm bailtibh beaga.

55 Maon, Carmel, agus Siph, agus Iutah,

56 Agus Iesreel, agus Iocdean, agus Sanaoh,

57 Cain, Gibeah, agus Timnah; deich bailtean mòra le'm bailtibh beaga.

58 Halhul, Bet-sur, agus Gedor,

59 Agus Maarat, agus Betanot, agus Eltecon; sè bailtean mòra le'm bailtibh beaga.

60 Ciri-at-baal, (*is e sin Ciri-at-earim*), agus Rabah; dà bhaile mòr le'm bailtibh beaga.

61 'S an fhàsach, Bet-arabah, Midin, agus Secacah,

62 Agus Nibsan, agus 'baile an t-salainn, agus En-gedi; sè bailtean mòra le'm bailtibh beaga.

63 A thaobh nan Ieubasach luchd-àiteachaidh Ierusalem, cha b'urrainn clann Iudah am fògradh a mach: ach tha na Ieubasach 'n an còmhnuidh maille ri cloinn Iudah ann an Ierusalem gus an là 'n diugh.

CAIB. XVI.

1 Crannchur chloinn Ioseiph. 5 Crìoch oighreachd Ephraim.

AGUS chaidh crannchur chloinn Ioseiph a mach o Iordan làimh ri Iericho gu uisgeachaidh Iericho air an làimh an ear, dh'ionnsuidh an fhàisach a' dol suas o Iericho gu sliabh Bhet-eil.

2 Agus tha e 'dol a mach o Bhet-el gu Luds, agus a' gabhail seachad gu crìochaibh Archi gu Atarot,

3 Agus a' gabhail sìos a làimh na h-àirde 'n iar gu crìch Iaphleti, gu crìch Bhet-horoin iochdaraich, agus gu Geser: agus tha a dhol a mach aig an fhairste.

4 Mar sin ghabh clann Ioseiph, Manasch, agus Ephraim, an oighreachd.

5 Agus bha crìoch chloinn Ephraim, a réir an teaghlaichean, *mar so*: b'i eadhon crìoch an oighreachd air an làimh an ear Atarot-adar, gu Bet-horon uachdarach:

6 Agus chaidh a' chrìoch a mach a dh'ionnsuidh na fairge, gu Michmetah air an taobh mu thuath; agus chaidh a' chrìoch mu 'n cuairt a làimh na h-àirde 'n ear gu Taanotsileh, agus ghabh i seachad air an taobh an ear gu Ianoah:

7 Agus chaidh i sìos o Ianoah gu Atarot, agus gu Naarat, agus thàinig i gu Iericho, agus chaidh i mach aig Iordan.

8 Chaidh a' chrìoch a mach o Thapuah a làimh na h-àirde 'n iar gu sruth Chanah:

agus bha a dol a mach aig an fhairste. *B'i sin oighreachd trèibhe chloinn Ephraim, a réir an teaghlaichean.*

9 Agus *bha* na bailtean mòra a chuireadh air leth do chloinn Ephraim, am measg oighreachd chloinn Mhanasch, na bailtean mòra uile le'm bailtibh beaga.

10 Agus cha d'fhògair iad a mach na Canaanach a bha 'chòmhnuidh ann an Geser: ach tha na Canaanach 'n an còmhnuidh am measg nan Ephraimeach gus an là 'n diugh; agus tha iad a' deanamh seirbhis *dhoibh* fo chis.

CAIB. XVII.

1 Crannchur trèibhe Mhanasch: 7 a chrìoch. 12 Cha d'fhògradh na Canaanach a mach. 14 Fhuair clann Ioseiph crannchur eile.

BHA mar an ceudna crannchur aig trèibh Mhanasch, (oir b'esan ceud-ghin Ioseiph,) eadhon aig Machir ceud-ghin Mhanasch, athair Ghilead; a chionn gu'm b'fhear-cogaidh e: uime sin bha Ghilead agus Bèsan aige.

2 Bha mar an ceudna crannchur aig a' chuid eile de chloinn Mhanasch a réir an teaghlaichean; aig cloinn Abieser, agus aig cloinn Heleic, agus aig cloinn Asriel, agus aig cloinn Shechem, agus aig cloinn Heph-eir, agus aig cloinn Shemida: *b'i ad* sin clann-mhac Mhanasch, mhic Ioseiph, a réir an teaghlaichean.

3 Ach aig Selophehad mac Heph-eir, mhic Ghilead, mhic Mhachir, mhic Mhanasch, cha robh mic, ach nigheanan: agus *is* iad so ainmean a nigheanan, Mahlah, agus Noah, Hoglah, Mileah, agus Tirsah.

4 Agus thàinig iad an fagus an làthair Eleasar an t-sagairt, agus an làthair Iosua mhic Nuin, agus an làthair nan uachdaran, ag ràdh, Dh'aitn an Tighearn do Mhaois oighreachd a thoirt duinne am measg ar bràithrean: uime sin a réir àithne an Tighearna, thug e dhoibh oighreachd am measg bhràithrean an athar.

5 Agus thuit air Manasch deich cuibh-rionnan, thuilleadh air fearann Ghilead, agus Bhèsan, a *bh'*air an taobh eile de Iordan;

6 A chionn gu'n robh aig uigheanan Mhanasch oighreachd am measg a chuid mac; agus bha fearann Ghilead aig a' chuid eile de mhic Mhanasch.

7 Agus bha crìoch Mhanasch o Aser gu Michmetah, a *tha* fa chomhair Shechem, agus chaidh a' chrìoch air a h-aghaidh air an làimh dheis gu luchd-àiteachaidh Eutapuah.

8 *A nis* bha aig Manasch fearann Thapuah: ach Tapuah air crìch Mhanasch *bu* le cloinn Ephraim.

9 Agus chaidh a' chrìoch sìos gu sruth Chanah mu dheas de'n t-sruth: *bha* bailtean sin Ephraim am measg bhailtean Mhanasch;

bha mar an ceudna crìoch Mhanaseh air an taobh mu thuath de'n t-sruth, agus bha a dol a mach aig an fhairege.

10 An taobh mu dheas *bu* le Ephraim, agus an taobh mu thuath *bu* le Manaseh, agus b'i an fhairege a chrìoch, agus choinnich iad a chèile ann an Aser air an taobh mu thuath, agus ann an Isachar air an taobh an car.

11 Agus bha aig Manaseh ann an Isachar agus ann an Aser, Bet-seau agus a bhailtean, agus Ibleam agus a bhailtean, agus luchd-àiteachaidh Dhoir agus a bhailtean, agus luchd-àiteachaidh En-doir agus a bhailtean, agus luchd-àiteachaidh Thaanaich agus a bhailtean, agus luchd-àiteachaidh Mhegido agus a bhailtean; *eadhon* trì dùchanna.

12 Gidheadh cha b'urraim clann Mhanaseh *luchd-àiteachaidh* nam bailtean sin fhògradh a mach; ach b'àill leis na Canaanach còmhnuidh 'ghabhail 's an tìr sin.

13 Gidheadh tharladh, 'n nair a dh'fhàs clann Israeil làidir, gu'n do chuir iad na Canaanach fo chis; ach cha d'fhògair iad gu tur a mach iad.

14 Agus labhair clann Ioseiph ri Iosua, ag ràdh, 'Car son nach d'thug thu dhomhsa ach aon chrannchur agus aon chuibhrionn r'au sealbhachadh, agus gur sluagh mòr mi, agus gu'n do bheauaich an Tighearn mi gus a so!

15 Agus fhreagair Iosua iad, Ma's sluagh mòr thu, imich suas do'u choilltich, agus gearr sìos dhuit fèin *àit* an sin ann am fearaun uam Pèridseach, agus uam famh-airean, ma tha sliabh Ephraim ro chumham duit.

16 Agus thubhairt clann Ioseiph, Cha leòr an sliabh dhuinne: agus tha aig na Canaanach uile a tha 'còmhnuidh ann am fearann a' ghlinne, carbadan iaruin, *an dà chuid* aca-san a tha ann am Bet-sean agus 'n a bhailtibh, agus aca-san a tha ann an glcann Iesreil.

17 Agus labhair Iosua ri tigh Ioseiph, ri h-Ephraim, agus ri Manaseh, ag ràdh, *Is* sluagh mòr thu, agus tha cumhachd mòr agad; cha bhi agad aon chrannchur a *mhaoin*.

18 Ach bithidh an sliabh agadsa, oir is coille e; agus gearraidh tu sìos i: agus bithidh a dhòl a mach agad: oir fògraidh tu mach na Canaanach, ged tha carbadan iaruin aca, *agus ged tha* iad làidir.

CAIB. XVIII.

1 Chuireadh suas bùth a' choimhlùthail aig Siloh. 2 Roinneadh a' chuid eile de'n fhearann 'n a sheachd carrannaibh.

AGUS chruinnich coimhthional chloinn Israeil uile 'an ceann a chèile aig Siloh, agus chuir iad suas pàilluinn a' choimhthional an sin, agus cheannsaicheadh an tìr rompa.

2 Agus bha fathast am measg chloinn Israeil seachd treubhau, nach d'fhuair an oighreachd.

3 Agus thubhairt Iosua ri cloinn Israeil, Cia fhad a tha sibh mall a dhòl a shealbhachadh an fhearainn, a thug an Tighearn Dia bhuir n-aithrichean dhuibh?

4 Thugaibh a mach *dhomhsa* as blur measg trìbh dhaoine as *gach* trèibh; agus cuiridh ui uam iad, agus éiridh iad, agus thèid iad troimh 'n fhearann, agus tairngidh iad e a réir an oighreachd-sau, agus thig iad a m' ionnsuidh's a rìs.

5 Agus roinnidh iad e 'n a sheachd carrannaibh: fauidh Iudah 'n a chrìch fèin air an taobh mu dheas, agus fauidh tigh Ioseiph 'n a chrìch fèin air an taobh mu thuath.

6 Uime sin tairngidh sibh am fearann 'n a sheachd carrannaibh, agus bheir sibh an *tarring* an so am' ionnsuidhse, chum gu'n tilg mi croinn air bhuir son an so an làthair an Tighearna ar Dé.

7 Ach cha-n'eil aig na Lebhitich roinn sam bith 'u ur measg, oir *is* i sagartachd an Tighearn' an oighreachd-san: agus fluair Gad, agus Reuben, agus leth-thrèibh Mhanaseh, an oighreachd-sau an taobh thall de Iordan air an làimh an ear, a thug Maois, òglach an Tighearna, dhoibh.

8 Agus dh'éirich na daoine agus dh'fhalbh iad: agus dh'àithn Iosua dhoibhsan a chaidh a tharring an fhearainn, ag ràdh, Imichibh agus rachaibh troimh 'u fhearaun, agus tairngibh e, agus thigibh a iris am' ionnsuidhse, chum gu'u tilg mi an so croinn air bhuir son au làthair an Tighearna anu an Siloh.

9 Agus dh'imich na daoine, agus chaidh iad troimh 'n fhearann, agus tharring iad e a réir a bhailtean 'n a sheachd carrannaibh, ann an leabhar, agus thàinig iad gu Iosua do'n champ aig Siloh.

10 Agus thilg Iosua croinn air an son ann an Siloh, an làthair an Tighearna: agus an sin roinn Iosua am fearann do chloinn Israeil, a réir an roinnean.

11 Agus thàinig crannchur trèibhe chloinn Bheniamin a mach a réir an teaghlachan: agus chaidh crìoch an crannchur a mach eadar clann Iudah agus clann Ioseiph.

12 Agus bha 'u crìoch air au taobh mu thuath o Iordan; agus chaidh a' chrìoch suas gu taobh Iericho air an taobh mu thuath, agus chaidh i suas troimh 'n mhonadh a làimh ua h-àirde 'n iar, agus bha a dol a mach aig fasach Bhet-abhen.

13 Agus chaidh a' chrìoch thairis o sin gu Luds gu taobh Luds, (*is e* sin Bet-el,) ri deas, agus chaidh a' chrìoch sìos gu Atarot-adar, am fagus do'n t-sliabh a tha air an taobh dheas de Bhet-loron ìochdarach.

14 Agus thairngeadh a' chrìoch o sin, agus chuairtich i oisinn na unara ri deas, o'u

t-sliabh a *tha* fa chomhair Bhet-horoin ri deas: agus bha a dol a mach aig Ciri-at-baal, (*is e* sin Ciri-at-earim,) baile le cloinn Iudah. *B'i* sin a' chearna an iar.

15 Agus *bha* a' chearna mu dheas o cheann Chiri-at-earim, agus chaidh a' chrìoch a mach air an làimh an iar, agus ghabh i mach gu tobar uisgeachan Nephtoah.

16 Agus chaidh a' chrìoch sìos gu ceann na beinne, a *tha* fa chomhair glime mhie Hinoim, a *tha* ann an gleann nam famh-airean air an taobh mu thuath, agus chaidh i sìos gu gleann Hinoim, gu taobh Icbusi air an *làimh* dheis, agus ghabh i sìos gu En-rogel.

17 Agus thairngeadh i o'n taobh mu thuath, agus ghabh i air a h-aghaidh gu En-semes, agus chaidh i mach a dh'ionn-suidh Ghelilot, a *tha* thall fa chomhair uchdaich Adumim, agus ghabh i sìos gu cloich Bhohain mhie Reubein,

18 Agus ghabh i air a h-aghaidh chum an taoibh thall fa chomhair Arabah mu thuath, agus chaidh i sìos gu Arabah;

19 Agus ghabh a' chrìoch thairis gu taobh Bhet-hoglah mu thuath; agus bha dol a mach na crìche aig an luib mu thuath de'n mhuir shalainn, aig ceann Iordain mu dheas. *B'i* sin a' chrìoch mu dheas.

20 Agus b'i Iordan a chrìoch air an làimh an ear. *B'i* sin oighreachd chloinn Bheniamin, le a crìochaibh mu'n cuairt, a réir an teaghlachan.

21 A nis b'i ad bailtean mòra tréibhe chloinn Bheniamin, a réir an teaghlachan, Iericho, agus Bet-hoglah, agus gleann Chesis,

22 Agus Bet-arabah, agus Semaraim, agus Bet-el,

23 Agus Abhim, agus Parah, agus Ophrah,

24 Agus Chephar-haamonai, agus Ophni, agus Gabah; dà mhòr-bhaile dheug le'm bailtibh beaga.

25 Gibeon, agus Ramah, agus Beerot,

26 Agus Mispheh, agus Chephirah, agus Mosah,

27 Agus Rechem, agus Irpeel, agus Tara-lah,

28 Agus Selah, Eleph, agus Icbusi, (*is e* sin Ierusalem,) Gibeat, agus Ciri-at; ceithir mòr-bhailtean deug le'm bailtibh beaga. *B'i* sin oighreachd chloinn Bheniamin, a réir an teaghlachan.

CAIB. XIX.

1 Crannchur Shimeoin, 10 Shebuluin, 17 Isachair, 24 Aser. 32 Naphtali, 40 Dha'n. 49 Thug clann Israeil oighreachd do Iosua 'n an measg.

AGUS thàinig an dara crannchur a mach do Shimeon, eadhon do thréibh chloinn Shimeoin, a réir an teaghlachan: agus bha 'n oighreachd-san 'am meadhon oighreachd chloinn Iudah.

2 Agus bha aca 'n an oighreachd, Beer-sebah, agus Sebah, agus Moladah,

3 Agus Hasar-sual, agus Balah, agus Asem,

4 Agus Eltolad, agus Betul, agus Hormah, 5 Agus Siclag, agus Bet-marcabot, agus Hasar-susah,

6 Agus Bet-labaot, agus Saruhen; trì mòr-bhailtean deug agus am bailtean beaga.

7 Ain, Remon, agus Eter, agus Asan; ceithir bailtean mòra le'm bailtibh beaga.

8 Agus na bailtean beaga uile a *bha* mu thimchioll nam bailtean mòra sin, gu Balat-beer-ramat, mu dheas. *B'i* sin oighreachd tréibhe chloinn Shimeoin, a réir an teaghlachan.

9 A mach á crannchur chloinn Iudah *bha* oighreachd chloinn Shimeoin: oir bha cuibh-rìonn chloinn Iudah ro mhòr dhoibh; uime sin bha aig cloinn Shimeoin an oighreachd ann am meadhon an oighreachd-san.

10 Agus thàinig an treas crannchur a mach air son chloinn Shebuluin, a réir an teaghlachan: agus bha crìoch an oighreachd-san gu Sarid.

11 Agus chaidh an crìoch suas a dh'ionn-suidh na fairge, agus Maralah, agus ràinig i gu Dabaset, agus ràinig i gu ruig an sruth a *tha* fa chomhair Ioceaim,

12 Agus phill i o Shared a làimh na h-àirde 'n ear, leth ri éirigh na gréine, gu crìch Chislot-tabor: agus an sin *tha* i 'dol a mach gu Daberat, agus a' dol suas gu Iaphia,

13 Agus o sin a' gabhail thairis air an làimh an eargu Githah-hepher, gu Itah-casin, agus a' dol a mach gu Remon-mctoar gu Neah;

14 Agus *tha* a' chrìoch a' dol mu'n cuairt mu thuath gu Hanaton: agus *tha* a dol a mach ann an gleann Iiphtah-el;

15 Agus Catat, agus Nahalal, agus Simron, agus Idalah, agus Bet-lehem; dà mhòr-bhaile dheug le'm bailtibh beaga.

16 *B'i* sin oighreachd chloinn Shebuluin, a réir an teaghlachan, na bailtean mòra sin le'm bailtibh beaga.

17 Thàinig an ceathramh crannchur a mach do Isachar, air son chloinn Isachair, a réir an teaghlachan.

18 Agus b'i an crìoch Iesreel, agus Chesulot, agus Sunem,

19 Agus Hapharim, agus Sihon, agus Anaharath,

20 Agus Rabit, agus Cision, agus Abes,

21 Agus Remet, agus Enganim, agus Enhadah, agus Bet-pases;

22 Agus *tha* a' chrìoch a' ruigheachd gu Tabor, agus Sahasimah, agus Bet-semes, agus bha dol a mach an crìche aig Iordan; sè mòr-bhailtean deug le'm bailtibh beaga.

23 *B'i* sin oighreachd tréibhe chloinn Isachair, a réir an teaghlachan, na bailtean mòra agus am bailtean beaga.

24 Agus thàinig an cùigcamh crannchur

a mach do thréibh chloinn Aseir, a réir an teaghlaichean.

25 Agus b'i an críoch Helcat, agus Hali, agus Beten, agus Achsaph,

26 Agus Alamelech, agus Amad, agus Miscal; agus tha i a' ruigheachd gu Carmel air an làimh an iar, agus gu Sihor-libnat,

27 Agus a' pilltinn leth ri éirigh na gréine gu Bet-dagon, agus a' ruigheachd gu Sebulun, agus gu gleann Iiphtah-el, leth ris an taobh mu thuath de Bhet-emec, agus Neiel, agus a' dol a mach gu Cabul air an làimh chli,

28 Agus Hebron, agus Rehob, agus Hamon, agus Canah, eadhon gu Sidon mòr;

29 Agus an sin tha a' chrìoch a' pilltinn gu Ramah, agus gu am mòr-bhaile daingnichte Tirus, agus tha a' chrìoch a' pilltinn gu Hosah; agus tha a dol a mach aig an fhairge o'n oirthir gu Achsib;

30 Umah mar an ceudna, agus Aphec, agus Rehob; dà mhòr-bhaile thar fhichead le 'm bailtibh beaga.

31 Is i sin oighreachd tréibhe chloinn Aseir, a réir an teaghlaichean, na bailtean mòra sin le'm bailtibh beaga.

32 Thàinig an seathamh crannchur a mach do chloinn Naphtali, a réir an teaghlaichean.

33 Agus bha 'n crìoch o Heleph, o Alon gu Sahananim, agus Adami, Neceb, agus Iabneel, gu Lacum; agus bha a dol a mach gu Iordan.

34 Agus an sin tha a' chrìoch a' pilltinn an iar gu Asnot-tabor, agus a dol a mach o sin gu Hucoc, agus tha i a' ruigheachd gu Sebulun air an taobh mu dheas, agus a' ruigheachd gu Aseir air an taobh an iar, agus gu bruachaibh Iordain leth ri éirigh na gréine

35 Agus is iad na mòr-bailtean daingnichte Sidim, Ser, agus Hamat, Racat, agus Cineret,

36 Agus Adamah, agus Ramah, agus Hasor,

37 Agus Cedec, agus Edrei, agus Enhasor,

38 Agus Iron, agus Migdalel, Horem, agus Bet-hanat, agus Bet-semes; naoi mòr-bhailtean deug le'm bailtibh beaga.

39 Is i sin oighreachd tréibhe chloinn Naphtali, a réir an teaghlaichean, na bailtean mòra agus am bailtean beaga.

40 Agus thàinig an seachdamh crannchur a mach do thréibh chloinn Dhain, a réir an teaghlaichean.

41 Agus b'i crìoch an oighreachd Sora, agus Estaol, agus Ir-semes,

42 Agus Saalabin, agus Aialon, agus Ietlah,

43 Agus Elon, agus Timnatah, agus Ecron,

44 Agus Elteceh, agus Gibeton, agus Baalat,

45 Agus Iehud, agus Bene-berac, agus Gat-rimon,

46 Agus Mc-iarcon, agus Racon, maille ris a' chrìch fa chomhair Iapho.

47 Agus chaidh crìoch chloinn Dhain a mach ro ghann doibh: uime sin chaidh clann Dhain suas agus chog iad an aghaidh Leseim, agus ghlac iad e, agus bhuail iad e le faobhar a' chlàidheimh, agus shealbhaich iad e, agus ghabh iad còmhuidh ann, agus thug iad Dan a dh'ainm air Lescm, a réir ainme an athar Dan.

48 Is i sin oighreachd tréibhe chloinn Dhain, a réir an teaghlaichean, na bailtean mòra sin le'm bailtibh beaga.

49 'N uair a chuir iad crìoch air an fhear-ann a roinn mar oighreachd a réir an crìochan, thug clann Israeil oighreachd do Iosua mac Nuin, 'n am measg:

50 A réir focail an Tighearna, thug iad da am baile a dh'iarr e, eadhon Timnat-serah ann an sliabh Ephraim, agus thog e am baile, agus ghabh e còmhuidh ann.

51 Is iad sin na h-oighreachdan a roinn Elcasar an sagart, agus Iosua mac Nuin, agus cinn aithriche threubhan chloinn Israeil, mar oighreachd le crannchur, ann an Siloh an làthair an Tighearna, aig doras pàilliuin a' choimhthionail. Mar sin chuir iad crìoch air am fhearann a roinn.

CAIB. XX.

1 A réir àithne Dhé do Iosua, 7 chuir clann Israeil air leth sè bailt-an didein.

A GUS labhair an Tighearn ri Iosua, ag ràdh,

2 Labhair ri cloinn Israeil, ag ràdh, Sònraichibh dhuibh féin bailtean didein, mu'n do labhair mi ribh le làimh Mhaois;

3 A chum gu'n teich am marbhaiche a mharbhas neach ann an aincolas agus gu fhios da, an sin: agus bithidh iad 'n an didein duibh o dhiùghaltair na fola.

4 Agus an uair a sheasas esan a theicheas a dh'ionnsuidh aoine de na bailtibh sin, aig dol a stigh geata a' bhaile, agus a chuireas e a chùis 'an cèill ann an clusaibh shcan-airean a' bhaile sin, gabhaidh iad a steach e do'n bhaile d'an ionnsuidh, agus bheir iad àite dha chum gu'n gabh e còmhuidh 'n am measg.

5 Agus an uair a théid diùghaltair na fola 'an tòir air, an sin cha toir iad suas am marbhaiche d'a làimh; a chionn gu'n do bhuail e 'choimhearsnach gun fhios da, agus gu fhuath aige dha 's an aimsir roimhe sin.

6 Agus gabhaidh e còmhuidh 's a' bhaile sin, gu'n seas e an làthair a' chomhechruinn- eachaidh chum breitheanais, agus gu bàs an àrd-shagairt a bhitheas anns na làithibh sin: an sin pillidh an marbhaiche, agus thig e d'a bhaile féin, agus d'a thigh féin, do'n bhaile o'n do theich e.

7 Agus chuir iad air leth Cedec ann an Galilee ann an sliabh Naphtali, agus Sechem ann an sliabh Ephraim, agus Ciriata-arta (eadhon Hebron) ann an sliabh Iudah.

IOSUA, XXI.

8 Agus air taobh eile Iordain, làimh ri Iericho air an làimh an ear, shònruich iad Beser anns an fhàsach air a' chòmhnard á tréibh Reubein, agus Ramot ann an Gilead á tréibh Ghad, agus Golan ann am Bàsan á tréibh Mhanaseh.

9 B'iad sin na bailtean a shònraicheadh air son chloinn Israeil uile, agus air son a' choigrich a tha air chuairt 'n am measg, a chum ge b'e 'mharbhadh neach ann an aineolas, gu'n teicheadh e an sin, agus nach bàsaich-eadh e le làimh dioghaltair na fola, gus an seasadh e an làthair a' chomhchruinneachaidh.

CAIB. XXI.

1 *Thugadh ochd bailtean agus dà fhichead le crannchur as na treubhan eile do na Lebhithich.*
43 *Thug an Tighearn fois do chloinn Israeil.*

AN SIN thàinig cinn aithrichean nan Lebhithich an fagus do Eleasar an sagart, agus do Iosua mac Nuin, agus do cheannaidh aithrichean threubhan chloinn Israeil;

2 Agus labhair iad riu aig Siloh ann an tìr Chanaana, ag ràdh, Dh'àithn an Tighearn le làimh Mhaois, bailtean a thoirt duinn gu còmhnuidh 'ghabhail anna, le'm fearann comh-roinn d'ar spréidh.

3 Agus thug clann Israeil do na Lebhithich, as an oighreachd, air àitlne an Tighearna, na bailtean so agus am fearann comh-roinn.

4 Agus thàinig an crannchur a mach air son theaghlach nan Cohatach, agus bha aig cloinn Aaroin an t-sagairt, a bha de na Lebhithich, le crannchur á tréibh Iudah, agus á tréibh Shimeoin, agus á tréibh Bheniamin, trì bailtean deug.

5 Agus bha aig a' chuid eile de chloinn Chohait le crannchur, á teaghlaichibh thréibh Ephraim, agus á tréibh Dhain, agus á leth-thréibh Mhanaseh, deich bailtean.

6 Agus bha aig cloinn Ghersein le crannchur, á teaghlaichibh thréibh Isachair, agus á tréibh Aseir, agus á tréibh Naphtali, agus á leth-thréibh Mhanaseh ann am Bàsan, trì bailtean deug.

7 Bha aig cloinn Mherari, a réir an teaghlaichean, á tréibh Reubein, agus á tréibh Ghad, agus á tréibh Shebuluin, dà bhaile dheug.

8 Agus thug clann Israeil le crannchur do na Lebhithich na bailtean sin le'm fearann comh-roinn, mar a dh'àithn an Tighearn le làimh Mhaois.

9 Agus thug iad a mach á tréibh chloinn Iudah, agus á tréibh chloinn Shimeoin, na bailtean so a tha air an ainmeachadh,

10 A bha aig cloinn Aaroin, de theaghlaichibh nan Cohatach, *muinntir* a bha de chloinn Lebbi: (oir bu leo-san an ceud crannchur.)

11 Agus thug iad dhoibh mòr-bhaile Arba, athar Anaie, (eadhon Hebron) ann an sliabh

Iudah, maille r'a fhearann comh-roinn mu'n euairt air.

12 Ach fearann a' mhòr-bhaile, agus a bhailean beaga, thug iad do Chaleb mac Iephunch mar a sheilbh.

13 Mar so thug iad do chloinn Aaroin an t-sagairt, Hebron maille r'a fhearann comh-roinn, *gu bhi* 'n a bhaile dèidein do'n mharbhaiche, agus Libnah le 'fhearann comh-roinn,

14 Agus Iatir le 'fhearann comh-roinn, agus Estemoah le 'fhearann comh-roinn,

15 Agus Holon le 'fhearann comh-roinn, agus Debir le 'fhearann comh-roinn,

16 Agus Ain le 'fhearann comh-roinn, agus Iutali le 'fhearann comh-roinn, agus Betsemes le 'fhearann comh-roinn: uaoi bailtean as an dà thréibh sin.

17 Agus á tréibh Bheniamin, Gibeon le 'fhearann comh-roinn, Gebah le 'fhearann comh-roinn,

18 Anatot le 'fhearann comh-roinn, agus Almon le 'fhearann comh-roinn; ceithir bailtean.

19 B'iad uile bhailean chloinn Aaroin nan sagart, trì bailtean deug le'm fearann comh-roinn.

20 Agus bha aig teaghlaichibh chloinn Chohait, na Lebhithich, a mhair de chloinn Chohait, eadhon aca-san, bailtean an crannchur á tréibh Ephraim.

21 Oir thug iad dhoibh Sechem le 'fhearann comh-roinn ann an sliabh Ephraim, *gu bhi* 'n a bhaile dèidein do'n mharbhaiche; agus Geser le 'fhearann comh-roinn,

22 Agus Cibsaim le 'fhearann comh-roinn, agus Bet-horon le 'fhearann comh-roinn; ceithir bailtean.

23 Agus á tréibh Dhain Eltecc le 'fhearann comh-roinn, Gibeton le 'fhearann comh-roinn,

24 Aialon le 'fhearann comh-roinn, Gatrimon le 'fhearann comh-roinn; ceithir bailtean.

25 Agus á leth-thréibh Mhanaseh, Taanach le 'fhearann comh-roinn, agus Gatrimon le 'fhearann comh-roinn; dà bhaile.

26 B'iad na bailtean uile le'm fearann comh-roinn deich, air son theaghlaichean chloinn Chohait a mhair *gun an oighreachd fhaghail*.

27 Agus do chloinn Ghersein, de theaghlaichibh nan Lebhithich, á leth eile thréibh Mhanaseh, *thug iad* Golan ann am Bàsan le 'fhearann comh-roinn, *gu bhi* 'n a bhaile dèidein do'n mharbhaiche, agus Beesterah le 'fhearann comh-roinn: dà bhaile.

28 Agus á tréibh Isachair, Cison le 'fhearann comh-roinn, Dabareh le 'fhearann comh-roinn,

29 Iarmut le 'fhearann comh-roinn, Enganim le 'fhearann comh-roinn: ceithir bailtean.

30 Agus á tréibh Aseir, Misal le 'fhear-

ann comh-roinn, Abdon le 'fhearann comh-roinn,

31 Helcat le 'fhearann comh-roinn, agus Rehob le 'fhearauu comh-roinn; ceithir bailtean.

32 Agus á tréibh Naphtali, Cedes ann an Galile le 'fhearann comh-roinn, *gu bhi* 'n a bhaile didein do'n mharbhaiche: agus Hamot-dor le 'fhearann comh-roinn, agus Cartan le 'fhearann comh-roinn; tri bailtean.

33 *B'iad* uile bhailtean nan Gersonach, a réir an teaghlaichean, tri bailtean deug le'm fearann comh-roinn.

34 Agus do theaghlaichibh chloinn Mherari, a' chuid eile de na Lebhitich, á tréibh Shebuluin, Iocneam le 'fhearann comh-roinn, agus Cartah le 'fhearann comh-roinn,

35 Dinnah le 'fhearann comh-roinn, Nahalal le 'fhearann comh-roinn; ceithir bailtean.

36 Agus á tréibh Reubein, Beser le 'fhearann comh-roinn, agus Iahaseh le 'fhearann comh-roinn,

37 Cedemot le 'fhearann comh-roinn, agus Mephaat le 'fhearann comh-roinn; ceithir bailtean.

38 Agus á tréibh Ghad, Ramot ann an Gilead le 'fhearann comh-roinn, *gu bhi* 'n a bhaile didein do'n mharbhaiche; agus Mahanaim le 'fhearann comh-roinn,

39 Hesbon le 'fhearann comh-roinn, Iaser le 'fhearann comh-roinn: ceithir bailtean 's an iomlan.

40 Mar sin b'iad na bailtean uile air son chloinn Mherari, a réir an teaghlaichean, a mhair de theaghlaichibh nan Lebhitheach, a réir an crannchuir, dà bhaile dheug.

41 *B'iad* uile bhailtean nan Lebhitheach, an taobh a stigh de sheilbh chloinn Israeil, ochd bailtean agus dà fhichead le'm fearann comh-roinn.

42 Bha na bailtean sin gach aon le'm fearann comh-roinn mu'n timchioll: mar so *bha* na bailtean sin uile.

43 Agus thug an Tighearn do Israel am fearann uile a mhionnaich e 'thoirt d'an aithrichibh; agus shealbhaich iad e, agus ghabh iad còmhuidh ann.

44 Agus thug an Tighearn dhoibh fois mu'n euairt, a réir nan uile *nithean* a uilionnaich e d'an aithrichibh: agus cha do sheas duine d'an naimhdeibh uile rompa; thug an Tighearn thairis an naimhdean uile d'an làimh.

45 Cha d'fhàillnich a bheag de gach ni maith a labhair an Tighearn ri tigh Israeil: thàinig an t-iomlan gu crìch.

CAIB. XXII.

1 An dà thréibh agus an leth-thréibh air an cur d'am bàlhaibh: 10 thog iad altair na fianuis 'n an turas, &c.

AN SIN ghairm Iosua na Reubenich, agus na Gadaich, agus leth-thréibh Mhanasch,

2 Agus chubhairt e riu, Ghléidh sibh na h-uile *nithean* a dh'àithn Maois òglach an Tighearna dhuibh, agus thug sibh géill do m' ghuthsa auns na h-uile *nithibh* a dh'àithn mi dhuibh.

3 Cha d'fhàg sibh bhur bràithrean rè mhòrain de làithibh gus an là'n diugh, ach ghléidh sibh curam àithue an Tighearna bhur Dé.

4 Agus a nis thug an Tighearn bhur Dia fois d'ur bràithribh, mar a gheall e dhoibh: a nis uime sin pillibh, agus raehaibh d'ur pàilliuinaibh, agus gu fearann bhur seilbhe, a thug Maois, òglach an Tighearna, dhuibh air an taobh thall de Iordau.

5 Ach thugaibh ro-aire gu'n coimhlion sibh an àitline agus an lagh, a dh'àithn Maois, òglach an Tighearna, dhuibh, gràdh a thoirt do'n Tighearn bhur Dia, agus gluasad 'n a uile shlighibh, agus 'aithcantan a ghleidheadh, agus dlùth-leantuinn, ris agus seirbhis a dheanamh dha le'r n-uile ehiridhe, agus le'r n-uile anam.

6 Mar sin bheannaich Iosua *iad*, agus chuir e air falbh iad: agus chaidh iad d'am pàilliuinaibh.

7 A nis do aon leth-thréibh Mhanasch thug Maois *sealbh* ann am Bàsan: ach d'on leth-thréibh eile dhuibh thug Iosua *sealbh* am measg am bràithrean air an taobh so de Iordan air an làimh an iar. Agus euid-eachd, an uair a chuir Iosua air falbh iad d'am pàilliuinaibh, an sin bheannaich e iad,

8 Agus labhair e riu, ag ràdh, Le mòr shaoibhreas pillibh d'ur pàilliuinaibh, agus le ro-mhòran spréidhe, le h-airgid, agus le h-òr, agus le h-umha, agus le h-iarunn, agus le ro-mhòran eudaie; roinuibh creach bhur naimhdean r'ur bràithribh.

9 Agus phill clann Reubein, agus clann Ghad, agus leth-thréibh Mhanasch, agus dh'fhalbh iad o chloinn Israeil á Siloh, a *tha* ann an tìr Chanaain, gu dol do thìr Ghilead, gu fearann an seilbhe, a shealbhaich iad, a réir focail an Tighearna le làimh Mhaois.

10 Agus an uair a thàinig iad gu crìochaibh Iordain, a *tha* ann an tìr Chanaain, thog clann Reubein, agus clann Ghad, agus leth-thréibh Mhanasch altair an siu làimh ri Iordan, altair mhòr ri anhare oirre.

11 Agus chuala clann Israeil air a ràdh, Feuch, thog clann Reubein, agus clann Ghad, agus leth-thréibh Mhanasch, altair thall fa chomhair tìre Chanaain, ann an crìochaibh Iordain, far an d'thàinig clann Israeil thairis.

12 Agus an uair a chuala clann Israeil so, chruinich coimhlional chloinn Israeil nìle iad féin 'an ceann a chèile aig Siloh, gu dol suas a chogadh 'n an aghaidh.

13 Agus chuir clann Israeil dh'ionnsuidh cloinn Reubein, agus dh'ionnsuidh cloinn Ghad, agus gu leth-thréibh Mhanasch, do

thàir Ghilead, Phinehas mac Eleasair an t-sagairt;

14 Agus deich ceannardan maille ris, ceannard de gach prìomh thigh, air feadh uile threubhan Israeil, agus b'e gach fear dhiubh ceann tìghe an aithrichean, air feadh mhiltean Israeil.

15 Agus thàinig iad gu cloinn Reubein, agus gu cloinn Ghad, agus gu leth-thréibh Mhanasheh, gu tìr Ghilead, agus labhair iad riu, ag ràdh,

16 Mar so tha comhchruinneachadh an Tighearna uile ag ràdh, Ciod e an cionta so a rinn sibh an aghaidh Dhé Israeil, 'pilltinn air falbh an diugh o leantuinn an Tighearna, le altair a thogail dhuibh féin, chum ceannaire a dheanamh an diugh an aghaidh au Tighearna?

17 An ro-bheag dhuinn cionta Pheoir, o nach 'eil sinn air ar glanadh gus an là'n diugh, (agus *air son* an robh plaigh ann an comhchruinneachadh au Tighearna.)

18 Ach gu'm pillcadh sibh air falbh an diugh o'n Tighearna a leantuinn? agus tar-laidh, *do bhrìgh* gu bheil sibh a' deanamh ceannaire an diugh an aghaidh an Tighearna, am màireach gu'n las 'fhearg an aghaidh uile chomhchruinneachaidh Israeil.

19 Gidheadh, ma tha fearann bhuir seilbhe neoighlan, rachaibh thairis a dh'fhearann seilbhe an Tighearna, far am bheil pàillion an Tighearna a chòmhuidh, agus gabhaibh sealbh 'n ar measg-ne: ach na deanaibh ceannaire an aghaidh an Tighearna, no ceannaire 'n ar n-aghaidh-ne, le altair a thogail duibh féin, a thuilleadh air altair an Tighearna ar Dé.

20 Nach d'rinn Achan mac Sherah cionta 's an m'hallaichte, agus thuit fearg air uile chomhchruinneachadh Israeil? agus cha b'e 'u duine sin 'n a zonar a bhàsaich 'u a chionta.

21 An sin fhireagair clann Reubein, agus clann Ghad, agus leth-thréibh Mhanasheh, agus thubhairt iad ri ceannardaibh mhilt-ean Israeil,

22 Aig an Tighearna Dia nan dia, aig an Tighearna Dia nan dia e féin tha fios, agus aig Israel bithidh fios, ma's ann an ceannaire, no ann an eusaontas an aghaidh an Tighearna, (*ma's ann*, na saor sinn an diugh,)

23 A thog sinne dhuinn féin altair, gu pilltinn air falbh o'n Tighearna a leantuinn, no ma's ann a thoirt suas oirre iobairt-loisgte, no tabhartais-bidh, no ma's ann a thoirt suas oirre iobairtean tabhartas-sithe, an sin agra dh an Tighearna féin e;

24 Agus mur ann air eagal an ui so a rinn sinn e, ag ràdh, Anns an am ri teachd dh'-fheudadh bhuir clann-sa labhairt ri 'r eloimne, ag ràdh, Ciod bhuir gnothuch-sa ris an Tighearna Dia Israeil?

25 Oir rinn an Tighearna Iordan 'n a crìch

cadar sinne agus sibhse, a chlann Reubein, agus a chlann Ghad; cha-u'eil agaibhse cuibhrionn air bith 's an Tighearna: mar so bheir bluir clann-sa air ar cloinn-ne sgur de eagal an Tighearna a bhi orra.

26 Uime sin thubhairt sinn, Gabhamaid a nis mu altair a thogail dhuinn féin, cha-n ann air son tabhartais-loisgte, no air son iobairt;

27 Ach a chum gu'm bi i 'n a fianuis cadar sinne agus sibhse, agus ar slìochd 'n ar déigh, a chum gu'n dean sinn seirbhis an Tighearna 'n a làthair le'r tabhartais-loisgte, agus le'r n-iobairtibh, agus le'r tabhartais-sith, a chum nach abair bluir clann-sa r'ar cloinn-ne 's an am ri teachd, Cha-n'eil cuibhrionn agaibh 's an Tighearna.

28 Uime sin thubhairt sinu, gu'n tachair e, 'n uair a their iad so ruinne, uo r'ar slìochd 's an am ri teachd, gu'm bi againn ri ràdh a r's, Faicibh samhladh altair au Tighearna, a rinn ar n-aithrichean, cha-n ann air son tabhartasan-loisgte, no air son iobairtean; ach is fianuis i cadar sinne agus sibhse.

29 Gu ma fada e uainne ceannaire a dheanamh an aghaidh an Tighearna, agus pilltinn an diugh o leantuinn an Tighearna, le altair a thogail air son tabhartasan-loisgte, air son tabhartasan-bidh, no air son iobairtean, seach altair an Tighearna ar Dé, a tha air beulaobh a' phàillium.

30 Agus an uair a chuala Phinehas an sagart, agus ceannardan a' chomhchruinneachaidh, agus cinn mhilt-ean Israeil a bha maille ris, na briathran a labhair clann Reubein, agus clann Ghad, agus clann Mhanasheh, thaitim e riu.

31 Agus thubhairt Phinehas mac Eleasair an t-sagairt ri eloim Reubein, agus ri eloim Ghad, agus ri eloim Mhanasheh, An diugh tha fhios againn gu'm bheil an Tighearna 'n ar measg, a chionn uach d'rinn sibh an cionta so an aghaidh an Tighearna: a nis shaor sibh clann Israeil á laimh an Tighearna.

32 Agus phill Phinehas mac Eleasair an t-sagairt, agus na ceannardan, o chloinn Reubein, agus o chloinn Ghad, á tìr Ghilead gu tìr Chanaain, gu cloinn Israeil, agus thug iad fios d'an ionnsuidh a ris.

33 Agus thaitinn a' chùis ri eloim Israeil, agus bheannaich clann Israeil Dia, agus cha robh riu aca dol suas 'n an aghaidh gu cath, a sgrìos na tìre anns an robh clann Reubein agus Ghad 'n an còmhuidh.

34 Agus thug clann Reubein, agus clann Ghad Ed mar aium air an altair: oir bithidh i 'n a fianuis cadaruinn, gur e'n Tighearna a's Dia ann.

CAIB. XXIII.

Thug Iosua, roinn a bhàs, earrail do chloinn Israeil lagh Dhé a chòimhead gu cùramach.

A GUS an ceann uime fhada, an déigh do'n Tighearna fois a thoirt do Israel

o'n naimhdibh uile mu'n cuairt, dh'fhàs Iosua sean, agus thàinig e air 'aghaidh ann am bliadhnaibh.

2 Agus ghairm Iosua *d'a ionnsuidh* Israel uile, an seanairean, agus an ceannardan, agus am breitheamhnan, agus an luchd-riaghlaidh, agus thubhairt e riu, Tha mise sean, agus air teachd air m'aghaidh anu am bliadhnaibh:

3 Agus chunnaic sibh gach *ni* a rinn an Tighearn bhur Dia ris na cinnich sin uile air bhur sonsa; oir *is e* 'n Tighearn bhur Dia e féin a chog air bhur son.

4 Faicibh, roim mi dhuibh le crannchur ua cinnich sin a mhaireas, *gu bhi* 'n an oighreachd d'ur treubhan, o Iordan, maille ris na cinnich uile a ghearr mi as, eadhon gus an fhaighe nhoir air an taobh an iar.

5 Agus an Tighearn bhur Dia, fuadaichidh esau iad as bhur fianuis, agus iomainidh e iad a mach as bhur sealladh; agus sealbh-aichidh sibh am fearann, mar a gheall an Tighearn bhur Dia dhuibh.

6 Bithibhse uime sin ro mhisneachail a ghleidheadh agus a dheanamh nan uile nithean a tha sgriobhta ann an leabhar lagha Mhaois, a chum nach pill sibh a leth-taobh naith, a dh'ionnsuidh na làimhe deise no dh'ionnsuidh na làimhe clìthe;

7 A chum nach tig sibh air feadh nan cinneach sin, nau *cinneach* sin a mhaireas 'n ur measg, agus nach luaidh sibh ainm an diathan, agus nach mionuaich sibh *orra*, agus nach dean sibh seirbhis dhoibh, agus nach crom sibh sibh féin doibh:

8 Ach dlùth-leanaibh ris an Tighearn bhur Dia, mar a rinn sibh gus an là 'n diugh.

9 Oir dh'fhuadaich an Tighearn a mach as bhur fianuis cinnich mhòr agus threun: ach d'ur taobh-sa, cha b'urrainn duine sam bith seasamh roimhibh gus an là 'n diugh.

10 Cuiridh aon fhear dhibh an teicheadh air mìle: oir *is e* 'n Tighearn bhur Dia e féin a chogas air bhur son, mar a gheall e dhuibh.

11 Thugaibh uime sin aire mhaith dhuibh féin, gu'n gràdhach sibh an Tighearn bhur Dia.

12 No ma théid sibh air chor sam bith air bhur n-ais, agus ma leanas sibh ri fuigheall nan cinneach sin, *eadhon nan cinneach* sin a mhaireas 'n ur measg, agus ma ni sibh cleamhnas riu, agus ma théid sibh a steach d'an ionnsuidh, agus iadsan d'ur n-ionnsuidh-sa:

13 Bitheadh fios cinnteach agaibh, nach fuadaich an Tighearn bhur Dia tuilleadh *aon air bith* de na cinnich sin a mach roimhibh; ach bithidh iad dhuibh 'n an ribe, agus 'n an ceaptuislidh, agus 'n an sgiursadh 'n ur taobhan, agus 'n am bioraibh 'n ur sùil-ibh, gus an téid as duibh bhàrr an fhearainn mhaith so a thug an Tighearn bhur Dia dhuibh.

14 Agus feuch, *tha* mise an diugh a' dol air slighe na talmhainn uile, agus tha fhios agaibh féin 'n ur n-uile chridhe, agus 'n ur n-uile anam, nach d'fhàilnich aon ni de na nithibh maith e sin uile a labhair an Tighearn bhur Dia d'ur taobh; thàinig iad gu léir gu crìch dhuibhse, cha d'fhàiluich aon ni dhuibh.

15 Uime sin tarlaidh, mar a thàinig na h-uile nithean maith e oirbh, a gheall an Tighearn bhur Dia dhuibh, mar sin gu'n toir an Tighearn oirbh na h-uile ni olc, gus an sgrios e sibh bhàrr an fhearainn mhaith so a thug an Tighearn bhur Dia dhuibh.

16 'N uair a bhriseas sibh coimhcheangal an Tighearna bhur Dé, a dh'àithn e dhuibh, agus a théid sibh, agus a ni sibh seirbhis do dhiathaibh eile, agus a chromas sibh sibh féin doibh; an sin lasaidh fearg au Tighearna 'u 'n ur n-aghaidh, agus théid as duibh gu grad bhàrr an fhearainn mhaith a thug e dhuibh.

CAIB. XXIV.

1 *Chruinnich Iosua treubhan Israeil gu Sechem.*

2 *Dh'aithris e tiodhlacan Dhé: 14 dh'aith-muadhaich e coimhcheangal eadar Dia agus iad.*

AGUS chruinnich Iosua treubhan Israeil uile gu Sechem, agus ghairm e air seanaireibh Israeil, agus air an ceannardaibh, agus air am breitheamhnaibh, agus air an luchd-riaghlaidh; agus nochd siad iad féin 'am fianuis Dhé.

2 Agus thubhairt Iosua ris an t-sluagh uile, Mar so tha 'n Tighearn Dia Israeil ag ràdh, Air taobh thall na h-aimhne, anns an t-sean aimsir, chòmhnuich bhur n-aithrichean, eadhon Terah, athair Abrahaim, agus athair Nachoir: agus rinn iad seirbhis do dhiathaibh eile.

3 Agus thug mi bhur n-athair Abraham o thaobh thall na h-aimhne, agus threòraich mi e troinnh thir Chanaain uile, agus rinn mi a shliochd lionmhor, agus thug mi dha Isaac.

4 Agus thug mi do Isaac, Jacob agus Esau: agus thug mi do Esau shiabh Sheir r'a shealbhachadh; ach chaidh Jacob agus a chlann sìos do'n Eiphit.

5 Chuir mi Maois mar an cendna agus Aaron a mach, agus bhuail mi an Eiphit, a réir an ni sin a rinn mi 'n a mcadhon: agus an déigh sin thug mi sibhse mach.

6 Agus thug mi bhur n-aithrichean, as an Eiphit: agus thàinig sibh a dh'ionnsuidh na fàirge; agus lean na h-Eiphitich bhur n-aithrichean le carbadaibh agus mare-shluagh gus a' mhuir ruaidh.

7 Agus au uair a ghlaodh iad ris an Tighearn, chuir e dorchadas cadar sibhse agus na h-Eiphitich, agus thug e a' mhuir orrasan, agus dh'fhòlaich e iad; agus chunnaic bhur sùilcan ciod a rium mi 's an Eiphit:

agus ghabh sibh còmhnuidh 's an fhàsach uine fhada.

8 Agus thug mi sibh do fhearann nan Amorach, a bha 'chòmhnuidh air an taobh thall de Iordan; agus chog iad ribh: agus thug mi thairis iad d'ur làimh, agus shealbhaich sibh am fearann: oir sgrìos mise iad as bhur fianuis.

9 An sin dh'éirich Balac mac Shipoir, rìgh Mhoab, agus chog e 'n aghaidh Israeil, agus chuir e *fios*, agus ghairm e Balaam mac Bheoir, chum sibhise a mhallachadh:

10 Ach cha-n éisdinn-sa ri Balaam; uime sin da rìreadh bheannaich e sibh: mar sin shaor mi sibh as a làimh.

11 Agus chaidh sibh thar Iordan, agus thàinig sibh gu Iericho: agus chog fir Iericho 'n 'ur n-aghaidh, na h-Amoraich, agus na Peridsich, agus na Canaanaich, agus na Hitich, agus na Girsasach, na Hibhich agus na Iebusaich; agus thug mi thairis iad d'ur làimh.

12 Agus chuir mi a' choinsbeach roimhibh, a dh'fhuadaich iad a mach as bhur fianuis, *eadhon* dà rìgh nan Amorach; *ach* cha-n ann le d' chlàidheamh, no le d' bhogha.

13 Agus thug mi dhuibh fearann anns nach do shaothraich sibh, agus bailtean nach do thog sibh, agus ghabh sibh còmhnuidh anna; de fhion-liosaibh agus de liosaibh-olaidh nach do shuidhich sibh, tha sibh ag itheadh.

14 A nis uime sin bitheadh eagal an Tighearna oirbh, agus deanaibh seirbhis dha ann an treibhdhìreas agus 'am firinn, agus cuiribh uaibh na diathan d'an d'rinn bhur n-aithrichean seirbhis air taobh thall na h-aimhne, agus anns an Eiphit, agus deanaibh seirbhis do'n Tighearna.

15 Agus ma mheasar e olc leibh seirbhis a dheanamh do'n Tighearna, roghnaichibh an diugh cò d'an dean sibh seirbhis; an ann do na diathaibh d'an d'rinn bhur n-aithrichean seirbhis, a *bh'*air taobh thall na h-aimhne, no do dhiathaibh nan Amorach, muinntir a tha sibh a còmhnuidh 'n an tìr: ach air mo shon-sa, agus air son mo thighe, ni sinne seirbhis do'n Tighearna.

16 Agus fhreagair an sluagh, agus thubhairt iad, Gu ma fada robh e uainne an Tighearna a thréigsinn, gu seirbhis a dheanamh do dhiathaibh eile;

17 Oir an Tighearna ar Dia, *is esan* a thug a nìos sinne, agus ar n-aithrichean a tìr na h-Eiphit, a tìgh na daorsa, agus a rinn na comharan mòra sin 'n ar sealladh, agus a ghléidh sinn anns an uile shlighe air an d'imich sinn, agus am measg nan uile shlògh trid an deachaidh sinn:

18 Agus dh'fhògair an Tighearna a mach romhainn na slòigh uile eadhon na h-Amoraich a bha 'chòmhnuidh 's an tìr; uime sin ni sinne mar an ceudna seirbhis do'n Tighearna, oir *is esan* ar Dia.

19 Agus thubhairt Iosua ris an t-sluagh, Cha-n-urrainn sibh seirbhis a dheanamh do'n Tighearna; oir *is* Dia ro naomh e; *is* Dia eudmhor e; cha lagh e bhur n-eusaontais, no bhur peacaidhean.

20 Ma thréigeas sibh an Tighearna, agus ma ni sibh seirbhis do dhiathaibh coimheach, an sin pillidh e agus ni e olc oirbh, agus claidhidh e sibh, an dèigh dha maith a dheanamh dhuibh.

21 Agus thubhairt an sluagh ri Iosua, Ni h-cadh, ach ni sinne seirbhis do'n Tighearna.

22 Agus thubhairt Iosua ris an t-sluagh, *Is* fianuiscan sibh 'n 'ur n-aghaidh féin, gu'n do thagh sibh dhuibh féin an Tighearna, gu seirbhis a dheanamh dha. Agus thubhairt iad, *Is* fianuiscan sinn.

23 A nis uime sin cuiribh air falbh (*ars' esan*) na diathan coimheach a tha 'n 'ur measg, agus aomaibh bhur cridhe ris an Tighearna Dia Israeil.

24 Agus thubhairt an sluagh ri Iosua, Do'n Tighearna ar Dia ni sinn seirbhis, agus r'a ghuthsan éisdidh sinn.

25 Mar sin rinn Iosua coimheangal ris an t-sluagh air an là sin; agus shuidhich e dhoibh reachd, agus riaghailt ann an Sechem.

26 Agus sgrìobh Iosua na briathran so ann an leabhar lagha Dhé, agus ghabh e clach mhòr, agus chuir e suas i an sin fo dharraig, a *bha* làimh ri ionad naomh an Tighearna.

27 Agus thubhairt Iosua ris an t-sluagh uile, Feuch, bithidh a' chlach so 'n a fianuis duinn; oir chual' i uile bhriathran an Tighearna a labhair e ruinn: bithidh i uime sin 'n a fianuis 'n 'ur n-aghaidh-sa, air eagal gu'n àicheadh sibh bhur Dia.

28 Agus leig Iosua leis an t-sluagh imeachd, gach duine d'a oighreachd féin.

29 Agus an déigh nan nithean sin, fhuair Iosua mac Nuin, óglach an Tighearna, bàs, agus e ceud agus deich bliadhna dh'aois.

30 Agus dh'adhlac iad e ann an crìch 'oighreachd féin ann an Timnat-serah, a *tha* ann an sliabh Ephraim, air an taobh mu thuath de shliabh Ghaais.

31 Agus rinn Israeil seirbhis do'n Tighearna uile làithean Iosua, agus uile làithean nan seanair a nìhair beò an déigh Iosua, agus d'am b'aithne uile oibre an Tighearna, a rinn e air son Israeil.

32 Agus dh'adhlac iad cnàmhan Ioseiph, a thug clann Israeil a nìos as an Eiphit, ann an Sechem, ann am mìr fearainn a cheannaich Iacob o mhacaibh Hamoir, athar Shechem, air son ceud bonn airgid; agus bha e 'n a oighreachd aig cloinn Ioseiph.

33 Agus fhuair Eleasar mac Aaroin bàs, agus dh'adhlac iad e ann an sliabh le Phinehas a mhac, a thugadh dha ann an sliabh Ephraim.

BREITHEAMHNAN.

CAIB. I.

1 *Chaidh Iudah agus Simeon suas a chogadh an aghaidh nan Canaanach.* 6 *Lean iad, agus ghlac iad A donibesece.* 8 *Ghlacadh Ierusalem, 10 agus Hebron.*

ANIS an déigh bàis Iosua, dh'fhiosraich clann Israeil de'n Tighearn, ag ràdh, Cò a théid suas air ar son an aghaidh nan Canaanach air tùs, a chogadh 'n an aghaidh?

2 Agus thubhairt an Tighearn, Théid Iudah suas: feuch, thug mi 'n tìr thairis d'a làimh.

3 Agus thubhairt Iudah ri Simeon a bhràthair, Thig a nìos maille riumsa do m' chrann-chur, a chum gu'n cog sinu an aghaidh nan Canaanach, agus théid mise mar an ceudna maille riutsa do d' chrannchur-sa. Agus chaidh Simeon maille ris.

4 Agus chaidh Iudah suas; agus thug an Tighearn na Canaanach, agus ua Peridsich, thairis d'an làimh: agus mharbh iad diubh ann am Bcsec deich mìle fear.

5 Agus fhuair iad Adoni-besec ann am Besec; agus chog iad 'u a aghaidh, agus bhuail iad na Canaanach agus ua Peridsich.

6 Ach theich A doni-besec, agus lean iad e, agus ghlac iad e, agus ghearr iad dheth ordagan a làmh agus a chos.

7 Agus thubhairt Adoni-besec, Thionail trì fichead agus deich rìghrean, aig an robh ordagan an làmh agus au cos air au gearradh dhiubh, *an biadh* fo m' bhord-sa: mar a rinn mi, mar siu dhiol Dia orm. Agus thug iad e gu h-Ierusalem, agus fhuair e bàs an sin.

8 A nis chog clann Iudah an aghaidh Ierusalem, agus ghlac iad e, agus bhuail iad e le faobhar a' chlàidheimh, agus chuir iad ann baile ri theine.

9 Agus an déigh sin chaidh clann Iudah sìos a chogadh an aghaidh nan Canaanach, a bha 'chòmhnuidh 's a' mhonadh, agus anus an àirde deas, agus anns a' chòmhnard.

10 Agus chaidh Iudah an aghaidh nan Canaanach a bha 'chòmhnuidh ann au Hebron, (a nis *b'e* ainm Hebròin roimhe Ciriatarba;) agus mharbh iad Sesai, agus Ahiman, agus Talmai.

11 Agus a sin chaidh e an aghaidh luchd-àiteachaidh Dhebir: (agus *b'e* ainm Dhebir roimhe Ciriat-sepher:

12 Agus thubhairt Caleb, Esan a bhuail eas Ciriat-sepher, agus a ghlacas e, dha-san bheir mi Achsah mo nighean 'n a mnaoi.

13 Agus ghlac Otniel mac Chenais am bràthair a b'òige bh'aig Caleb e: agus thug e dha Achsah a nighean 'n a mnaoi.

14 Agus an uair a thàinig i *d'a ionnsuidh*, bhrosnaich i e gu achadh iarraidh 'h-athair: agus theirinn i bhàrr a h-asail; agus thubhairt Caleb ri, Ciod is àill leat?

15 Agus thubhairt i ris, Thoir dhomh beannachadh: oir thug thu dhomh fearann ri deas; thoir dhomh mar an ceudna tobair uisge. Agus thug Caleb dh'i na tobraichean nachdarach, agus na tobraichean iochdarach.

16 Agus chaidh clann a' Chenich, athar-céile Mhaois, suas á baile nan craobh-pailme, maille ri cloinn Iudah, do fhàsach Iudah, a tha air an taobh mu dheas de Arad; agus chaidh iad agus ghabh iad còmhnuidh am measg an t-sluaigh.

17 Agus chaidh Iudah maille ri Simeon a bhràthair, agus bhuail iad na Canaanach a bha 'n an còmhnuidh ann an Sephat, agus sgrios iad gu tur e: (agus thugadh Hormah mar ainm air a' bhaile:)

18 Agus ghlac Iudah Gasa agus a chrìochan, agus Ascelon agus a chrìochan, agus Ecron agus a chrìochan.

19 Agus bha'n Tighearn maille ri Iudah; agus ghabh e sealbh air a' mhonadh, ach cha b'urrainn e luchd-àiteachaidh an t-sratha fhògradh a mach, a chium gu'u robh carbadan iaruiunn aca.

20 Agus thug iad Hebron do Chaleb, mar a thubhairt Maois: agus dh'fhuadaich e as a sin trìuir mhac Anaic.

21 Agus cha do chuir clann Bheniamin a mach ua Iebusaich a bha 'n an còmhnuidh ann an Ierusalem; ach tha na Iebusaich 'n an còmhnuidh maille ri cloinn Bheniamin ann an Ierusalem gus an là'n diugh.

22 Agus chaidh tigh Ioseiph mar an ceudna suas an aghaidh Bheth-eil: agus bha'n Tighearn maille rin.

23 Agus chuir tigh Ioseiph daoine a rannsachadh a mach Bheth-eil: (a nis b'e aium a' bhaile roimhe Luds.)

24 Agus chunnaic an luchd-bratha duine a' teachd a mach as a' bhaile, agus thubhairt iad ris, Feuch dhuinn, guidheamaid ort, an rathad a stigh do'n bhaile, agus nochdaidh sinu trècair dhuit.

25 Agus an uair a dh'fheuch e dhoibh an rathad a stigh do'n bhaile, bhuail iad am baile le faobhar a' chlàidheimh: ach leig iad air falbh an duine agus a theaghlach uile.

26 Agus chaidh an duine do fhearann nan Hiteach, agus thog e baile, agus thug e Luds mar ainm air: *is e* so 'aium gus an là'n diugh.

27 Cha mhò a dh'fhògair Mauaseli a mach *luchd-àiteachaidh* Bheth-seaiu agus a bhailtean, no Thaanaich agus a bhailtean, no luchd-àiteachaidh Dhoir agus a bhailtean, uo luchd-àiteachaidh Ibleaim agus a bhailtean, no luchd-àiteachaidh Mhegido agus a bhailtean: ach b'àill leis na Canaanach còmhnuidh a ghabhail 's an fhearann sin.

28 Agus tharladh, an uair a dh'fhàs Israel

làidir, gu'n do chuir iad na Canaanaich fo chis; ach cha d'fhuadaich iad gu buileach a mach iad.

29 Cha mhò a dh'fhuadaich Ephraim a mach na Canaanaich a bha 'chòmhnuidh ann an Geser: ach ghabh na Canaanaich còmhnuidh 'n am measg ann an Geser.

30 Cha mhò a dh'fhuadaich Sebulun a mach luchd-àiteachaidh Chitroin, no luchd-àiteachaidh Nahaloi: ach ghabh na Canaanaich còmhnuidh 'n am measg, agus bha iad fo chis doibh.

31 Cha mhò a dh'fhuadaich Aser a mach luchd-àiteachaidh Acho, no luchd-àiteachaidh Shidoin, no Achlaib, no Achsib, no Helbah, no Aphic, no Rehoib:

32 Ach ghabh na h-Aserich còmhnuidh ann measg nan Canaanach, luchd-àiteachaidh na tìre; oir cha d'fhuadaich iad a mach iad.

33 Cha mhò a dh'fhuadaich Naphtali a mach luchd-àiteachaidh Bhet-semeis, no luchd-àiteachaidh Bhet-anait; ach ghabh e còmhnuidh am measg nan Canaanach, luchd-àiteachaidh na tìre: gidheadh bha luchd-àiteachaidh Bhet-semeis agus Bhet-anait fo chis doibh.

34 Agus dh'èignich na h-Amoraich clann Dhain do'n t-sliabh: oir cha leigeadh iad leo teachd a nuas do'n ghleann.

35 Ach b'aill leis na h-Amoraich còmhnuidh a ghabhail ann an sliabh Hereis ann an Aialon, agus ann an Saalbin: gidheadh bhuadhaich làmh tighe Ioseiph, agus bha iad fo chis doibh.

36 Agus bha crìoch nan Amorach o uchdaich Acrabim, o'n charraig, agus suas o sin.

CAIB. II.

1 *Chronaich aingeal an sluagh aig Bochim.* 10 *A' nìridheachd a' ghinealaich an dèigh Iosua.*

AGUS thàinig aingeal an Tighearna nìos o Ghilgal gu Bochim, agus thubhairt e, Thug mi nìos sibh as an Eiphit, agus thug mi steach sibh do'n fhearann a mhionnaich mi d'ur n-aithrichean; agus thubhairt mi, Cha bhris mi mo choimhcheangal ribh gu bràth.

2 Agus cha dean sibh coimhcheangal san bith ri luchd-àiteachaidh na tìre so; tilgidh sibh sìos an altairean: ach cha d'thug sibh gèill do m' ghuth: c'ar son a rinn sibh so?

3 Uime sin mar an ceudna thubhairt mi, Cha n'fhuadaich mi mach iad roimhibh; ach bithidh iad mar *bhìoran* 'n 'ur taobhan, agus bithidh an dèe 'n an rìbe dhuibh.

4 Agus an uair a labhair aingeal an Tighearna na briathran sin ri cloinn Israeil uile, thog an sluagh suas an guth, agus ghluil iad.

5 Agus ghairm iad aium an àite sin Bochim: agus dh'ìobair iad an sin do'n Tighearn.

6 Agus an uair a lèig Iosua leis an t-sluagh imeachd, chaidh clann Israeil gach duine d'a oighreachd a ghabhail seilbhe air an fhearann.

7 Agus rinn an sluagh seirbhis do'n Tighearn rè uile làithean Iosua, agus uile làithean nan seanair a mhair beò an dèigh Iosua, a chunnaic uile oibre mòra an Tighearna, a rinn e air son Israeil.

8 Agus fhuair Iosua mac Nuin, òglach an Tighearna, bàs, agus e ceud agus deich bliadhna dh'aois.

9 Agus dh'adhlac iad e ann an crìch 'oighreachd féin, ann an Timnat-heres, ann an sliabh Ephraim, air an taobh mu thuath de shliabh Ghaais.

10 Agus chruinnicheadh mar an ceudna an ginealach sin uile chum an aithrichean: agus dl'èirich ginealach eile suas 'n an dèigh, do nach b'aithean an Tighearn, no na h-oibre a rinn e air son Israeil.

11 Agus rinn clann Israeil olc ann an sealladh an Tighearna, agus rinn iad seirbhis do Bhaalim.

12 Agus thréig iad an Tighearn Dia an aithrichean, a thug a mach iad á tìr na h-Eiphit, agus lean iad diathan eile, de dhiathaibh an t-sluaigh a bha mu'n cuairt orra, agus chrom siad iad féin sìos doibh, agus bhrosnaich iad an Tighearn gu corr-uich.

13 Agus thréig iad an Tighearn, agus rinn iad seirbhis do Bhaal agus do Astartet.

14 Agus las corruich an Tighearna an aghaidh Israeil, agus thug e thairis iad do làimh chreachadairean a chreach iad, agus reic e iad do làimh an naimhdean mu'n cuairt, air chor as nach b'urraim iad ni b'fhaide seasamh an làthair an naimhdean.

15 Ge b'e taobh a chaidh iad a mach, bha làmh an Tighearna 'n an aghaidh chum uile, mar a thubhairt an Tighearn, agus mar a mhionnaich an Tighearn dhoibh: agus bha iad ann an teinn ro mhòir.

16 Gidheadh thog an Tighearn suas breitheamhnan, a shaor iad á làimh na muinntir sin a chreach iad.

17 Gidheadh cha-n éisdeadh iad r'am breitheamhaibh, ach chaidh iad le striopachas an dèigh dhiathan eile, agus chrom siad iad féin doibh: phill iad gu grad as an t-slighe anns an d'imich an aithrichean, a' toirt gèill a dh'aitheantaibh an Tighearna: cha d'rinn iadsan mar sin.

18 Agus an uair a thog an Tighearn suas doibh breitheamhnan, an sin bha 'n Tighearna leis a' bhreitheamh, agus shaor e iad á làimh an naimhdean, rè uile làithean a' bhreithcinn: oir ghabh an Tighearn truas doibh air son an osnaich o làthair na muinntir sin a rinn ainneart orra, agus a shàruich iad.

19 Agus an uair a bha 'm breitheamh marbh, phill iad, agus thruaill siad iad féin

ni's mò na'n aithrichean, ann an leantuinn dhiathan eile, gu seirbhis a dheanamh dhoibh, agus gu cromadh sìos doibh; cha do sguir iad o'n gnìomharaibh féin, no o'n slighe eas-ùmhail.

20 Agus las fearg an Tighearna an aghaidh Israeil; agus thubhairt e, A chionn gu'n do bhris an sluagh so mo choimh-cheangal a dh'èithu mi d'an aithrichibh, agus nach d'éisd iad ri m' ghuth,

21 Cha chuir mise mar an ceudna á so suas duine sam bith a mach rompa, de na cinnich a dh'fhàg Iosua 'n uair a fhuair e bàs;

22 Chum leo-san gu'n dearbh mi Israeil, an gléidh iad slighe an Tighearna, a dh'im-eachd innte, mar a ghléidh an aithrichean i, no nach gléidh.

23 Uime sin dh'fhàg an Tighearna na cinnich sin, gun am fuadachadh a mach gu grad; agus cha d'thug e thairis iad do làimh Iosua.

CAIB. III.

1 Na cinnich a dh'fhàgadh chum clann Israeil a dhearbhadh. 5 Le còmhnuidh a ghabhail 'nam measg, thairngeadh iad gu h-olc a dheanamh ann an sealladh an Tighearna'.

A NIS is iad so na cinnich a dh'fhàg an Tighearna a dhearbhadh Israeil leo; (eadhon a mheud de Israeil do nach b'aithne cogaidhnean Chanaain uile;

2 A mhàin a chum gu'm b'aithne do ghinealaich chloinn Israeil cogadh iunnsachadh dhoibh, air bheag sam bith dhoibhsan do nach b'aithne a bheag dheth reimhe;)

3 Eadhon cùig tighearnan nam Philisteach, agus na Canaanach uile, agus na Sidonaich, agus na Hibhich a bha 'chòmhnuidh ann an sliabh Lebanon, o shliabh Bhaal-hermoin gu dol a stigh Hamait.

4 Agus bha iad gu Israel a dhearbhadh leo, a dh'aithneachadh an éisdeadh iad ri àitheantaibh an Tighearna; a dh'èithn e 'an aithrichibh le làimh Mhaois.

5 Agus ghabh clann Israeil còmhnuidh am measg nan Canaanach, nan Hiteach, agus nan Amorach, agus nan Peridseach, agus nan Hibheach, agus nan Iebusach:

6 Agus ghabh iad an nigheanan gu bhi 'n am màinibh aca, agus thug iad an nigh-eanan féin d'am macaibh-san; agus rinn iad seirbhis d'an diathaibh.

7 Agus rinn clann Israeil olc ann an sùil-ibh an Tighearna; agus dhì-chuinnich iad an Tighearna an Dia, agus rinn iad seirbhis do Bhaalim, agus do Astarot.

8 Uime sin las fearg an Tighearna an aghaidh Israeil, agus reic e iad do làimh Chusan-risataim rìgh Mhesopotamia: agus rinn clann Israeil seirbhis do Chusan-risataim ochd bliadhna.

9 Agus an uair a ghlaodh clann Israeil ris an Tighearna, thog an Tighearna suas fear-saoraidh do chloinn Israeil, a shaor iad,

eadhon Otniel mac Chenais, am bràthair a b'òige 'bhaig Caleb.

10 Agus bha spiorad an Tighearna air, agus thug e breth air Israel, agus chaidh e mach a chogadh: agus thug an Tighearna thairis d'a làimh Cusan-risataim rìgh Mhesopotamia; agus bhuadhaich a làmh an aghaidh Chusan-risataim.

11 Agus bha fois aig an tìr rè dhà fhichead bliadhna: agus fhuair Otniel mac Chenais bàs.

12 Agus rinn clann Israeil olc a ris ann an sùil-ibh an Tighearna: agus neartaich an Tighearna Eglon rìgh Mhaoib an aghaidh Israeil, a chionn gu'n d'rinn iad olc ann an sùil-ibh an Tighearna.

13 Agus chruinnich e d'a ionnsuidh clann Amoin, agus Amalec, agus chaidh e agus bhuail e Israel, agus shealbhaich iad baile nan craobh-pailme.

14 Agus rinn clann Israeil seirbhis do Eglon rìgh Mhaoib ochd bliadhna deug.

15 Ach an uair a ghlaodh clann Israeil ris an Tighearna, thog an Tighearna suas doibh fear-saoraidh, Ehud mac Ghera, Beniamin-each, duine ciotach: agus leis-san chuir clann Israeil tiodhlac gu h-Eglon rìgh Mhaoib.

16 Ach rinn Ehud dha féin claidheamh, aig an robh dà fhaobhar, làmh-choille air fad; agus cheangail se e fo 'eudach, air a shliasaid dheis.

17 Agus thug e 'n tiodhlac gu h-Eglon rìgh Mhaoib: agus bha Eglon 'n a dhuine ro reamhar.

18 Agus an uair a chuir e crìoch air an tiodhlac a thoirt seachad, chuir e air falbh an sluagh a ghiùlain an tiodhlac.

19 Ach phill e féin a ris e na clach-shloc-aibh a bha làimh ri Gilgal, agus thubhairt e, Tha gnothuch uaigneach agam riut, O a rìgh. Agus thubhairt esan, Bi 'd thosd. Agus chaidh iadsan uile a sheas làimh ris a mach uath.

20 Agus chaidh Ehud a steach d'a ionnsuidh; agus bha e 'n a shuidhe ann an seòmar-samhraidh, a bh'aige dha féin a mhàin: agus thubhairt Ehud, Tha teachd-air-eachd agam o Dhia a d' ionnsuidh. Agus dh'èirich e suas as a chaithir.

21 Agus chuir Ehud a mach a làmh chli, agus thug e 'n claidheamh o' shliasaid dheis, agus shàth e 'n a bhroinn e.

22 Agus chaidh an dorn-chur a stigh mar an ceudna an déigh na laimhe, agus dhùin an t-saill air an laimh; oir cha do tharruing e'n claidheamh as a bhroinn: agus thàinig an salchar a mach.

23 An sin chaidh Ehud a mach troimh 'n fhor-dhorus, agus dhùin e dorsan an t-seò-mair air, agus ghlaic e iad.

24 'N uair a chaidh e mach, thàinig a sheir-bhisich; agus an uair a chunnaic iad, feuch, gu'n robh dorsan an t-seòmair

glaioste, thubhairt iad, Gu cinnteach *tha* e 'còmhachadh a chos 'n a sheòmar-samhraidh.

25 Agus dh'fheith iad gus an robh nàire orra: agus, feuch, cha d'fhosgail e dorsan an t-seòmair; uime sin ghabh iad iuchair, agus dh'fhosgail siad *iad*: agus, feuch, *bha* 'n tighcarn air tuiteam sìos marbh air an talamh.

26 Agus chaidh Ehud as an uair a bha iadsan fo'amluadh; agus chaidh e seachad air na clach-shlocaibh, agus chaidh e as gu Seirat.

27 Agus an uair a bha e air teachd, shéid e trompaid ann an sliabh Ephraim, agus chaidh clann Israeil sìos maille ris o'n t-sliabh, agus csan rompa.

28 Agus thubhairt e riu, Leanaibh mise; oir thug an Tighearn bhur naimhdean na Moabaich thairis d'ur làimh. Agus chaidh iad sìos 'n a dhéigh, agus ghlac iad àthan Iordain leth ri Moab, agus cha do leig iad duine thairis.

29 Agus mharbh iad do Mhoab 's an àm sin mu thimchioll deich mìle fear, sultmhor uile, agus 'n an daoineibh gaisgeil uile: agus cha deachaidh duine air bith as.

30 Mar sin cheannsaicheadh Moab air an là sin fo làimh Israeil. Agus bha fois aig an tìr ceithir fichead bliadhna.

31 Agus 'n a dhéigh-san bha Samgar mac Anait, a mharbh de na Philistich sè ceud fear le luirg-iomain dhamh: agus shaor esan Israel mar an ceudna.

CAIB. IV.

1 *Shaor Deborah agus Barac clann Israeil o Iabin agus o Shisera. 18 Mharbh Iael Shisera.*

A GUS rinn clann Israeil olc a ris ann an àsailibh an Tighearna, 'n uair a bha Ehud marbh.

2 Agus reic an Tighearn iad do làimh Iabin righ Chanaain, a righich ann an Hasor; agus b'e ceannard a shluaigh Sisera, a bha 'chòmhnuidh ann an Haroset nan cinneach.

3 Agus ghlaodh clann Israeil ris an Tighearn: oir bha naoi ceud carbad iaruin aige; agus rinn e ainneart air cloinn Israeil gu ro mhòr rè fhichead bliadhna.

4 Agus thug Deborah ban-fhàidh, bean Lapidoit, breth air Israel 's an àm sin.

5 Agus *bha* i 'chòmhnuidh fo chraoibh-phailme Dheborah, eadar Ramah agus Bet-el, ann an sliabh Ephraim: agus chaidh clann Israeil suas d'a h-ionnsuidh air son breitheanais.

6 Agus chuir i *fios*, agus ghairm i Barac, mac Abinoaim, a mach à Cedes-naphtali, agus thubhairt i ris, Nach d'aitm an Tighearn Dia Israeil, *ag ràdh*, Imich, agus tarruing gu sliabh Thaboair, agus thoir leat deich mìle fear de chloinn Naphtali, agus de chloinn Shebuluin?

7 Agus tairngidh mis' a d'ionnsuidh gu

sruth Chisoin, Sisera ceannard armailte Iabin, le 'charbadaibh, agus a mhòr shluaigh; agus bheir mi thairis e do d' làimh.

8 Agus thubhairt Barac rithe, Ma théid thusa leam, an sin théid mi; ach mur téid thu leam, cha téid.

9 Agus thubhairt i, Gu cinnteach théid mi leat: gidheadh cha bhi 'n turus a ghabhas tu chum do chliù; oir do làimh mnà reicidh an Tighearn Sisera. Agus dh'éirich Deborah, agus chaidh i maille ri Barac gu Cedes.

10 Agus ghairm Barac Sebulun agus Naphtali gu Cedes; agus chaidh e suas d'a chois *le* deich mìle fear: agus chaidh Deborah suas maille ris.

11 A nis sgar Heber an Ceneach, *a bha* de chloinn Hobab, athar-céile Mhaois, o féin o na Cenich, agus shuidhich e a bhùth gu ruig còmluaidh Shanaim, a *tha* làimh ri Cedes.

12 Agus dh'innis iad do Shisera gu'n deachaidh Barac mac Abinoaim suas gu sliabh Thaboair.

13 Agus chruinnich Sisera r'a chéile a charbadan uile, *eadhon* naoi ceud carbad iaruin, agus an sluaigh uile a *bha* maille ris, o Haroset nan cinneach, gu sruth Chisoin.

14 Agus thubhairt Deborah ri Barac, Eirich; oir *is* e so an là 's an d'thug an Tighearn Sisera thairis do d' làimh: nach 'eil an Tighearn air dol a mach romhad? Agus chaidh Barac sìos o sliabh Thaboair, agus deich mìle fear 'n a dhéigh.

15 Agus sgrios an Tighearn Sisera, agus a charbadan uile, agus *a* shluaigh uile, le faobhar a' chlaidheimh roimh Bharac: agus theirinn Sisera sìos o 'charbad, agus theich e as d'a chois.

16 Ach lean Barac an déigh nan carbad, agus an déigh an t-shluaigh, gu Haroset nan cinneach: agus thuit sluaigh Shisera uile le faobhar a' chlaidheimh: cha d'fhàgadh uircad as a h-aon *diubh*.

17 Gidheadh theich Sisera d'a chois gu bhùth Iael, mnà Hebeir a' Chenich; oir *bha* sìth cadar Iabin righ Hasoir agus tigh Hebeir a' Chenich.

18 Agus chaidh Iael a mach an coinneamh Shisera, agus thubhairt i ris, Tionndaidh a steach, mo thighearna, tionndaidh a steach a m' ionnsuidhse; na bitheadh eagail ort. Agus an uair a thionndaidh e steach d'a h-ionnsuidh do'n bhùth, chòmhdaich i e le brat.

19 Agus thubhairt e rithe, Thoir dhomh, guidheam ort, beagan uisge r'a òl, oir tha tart orm: agus dh'fhosgail i searrag bhainne, agus thug i deoch dha, agus chòmhdaich i e.

20 A ris thubhairt e rithe, Seas ann an doras a' bhùth, agus ma thig duine agus gu'm fedraich e dhìot, agus gu'n abair e,

Am bheil duine sam bith au so? an sin their thusa, Cha-n 'eil.

21 An sin ghabh Iael, bean Hebeir, tarrann de'n phàillium, agus ghlac i ord 'n a làimh, agus chaidh i gu samhach a steach d'a ionnsuidh, agus bhual i 'n tarrann 'u a leth-cheann, agus shàth i's an talamh i; (oir bha e trom 'n a chodal agus sgith;) agus fhuair e bàs.

22 Agus, feuch, an uair a bha Barac 'an tòir air Sisera, thàinig Iael a mach 'n a choinneamh, agus thubhairt i ris, Thig, agus feuchaidh mise dhuit am fear a *tha* thu 'g iarraidh. Agus an uair a chaidh e steach d'a bùth, feuch, *bha* Sisera 'n a luidhe marbh, agus an tarrann 'n a leth-cheann.

23 Mar sin cheannsaich Dia air an là sin Iabin rìgh Chanaain 'am fianuis chloinn Israeil.

24 Agus shoirbhich le làimh chloinn Israeil, agus bha i trom air Iabin rìgh Chanaain, agus an do chuir iad as do Iabin rìgh Chauaain.

CAIB. V.

Oran Deborah agus Bharaic.

AGUS chan Deborah, agus Barac mac Abinoaim, air an là sin, ag ràdh,

2 A chionn gu'n do ghabh Israeil dioghaltas, a chionn gu'n do thairg an sluagh iad fèin gu toileach, molaibhse an Tighearn.

3 Eisidibh, a rìghre; thugaibh aire, a cheannarda; canaidh mise, mise fèin, do'n Tighearn; canaidh mi do'n Tighearn Dia Israeil.

4 A Tighearna, 'n uair a chaidh thu mach á Seir, 'n uair a shiubhail thu mach á tìr Edoim, chrìochnaich an talamh, agus shil na néamhan; shil na neoil mar an ceudna uisge.

5 Leagh na sléibhteann o làthair an Tighearna, Sinai sin fèin o làthair an Tighearna Dé Israeil.

6 Ann an làithibh Shamgair mhic Anait, ann an làithibh Iael, bha na rathaidean mòra gun tàthuich, agus dh'innich an luchd turuis air rathaidibh seachranach.

7 Sguir *luchd-àiteachaidh* nam bailtean ann an Israeil, sguir iad gus an d'èirich mise Deborah, gus an d'èirich mise a'm mhàthair ann an Israeil.

8 Thagh iad diathan nuadha; an sin *bha* cogadh anns na geataibh: an robh sgiath no sleagh ri'm faicinn am measg dhà fhichead mhile ann an Israeil?

9 *Tha* mo chridhe le uachdaranaibh Israeil, a thairg iad fèin gu toileach am measg an t-sluaigh. Beannaichibh an Tighearn.

10 Sibhse a tha 'marcachd air asalaibh geala, sibhse a tha 'n 'ur suidhe 'am breitheanas, agus a' siubhal an ròid, labhraibh.

11 *Iadsan a tha air an saoradh* o fhuaim

nam fear-bogha ann an ionadaibh tarruing an uisge, an sin airisidh iad guìomharan cothromach an Tighearn, *eadhon* na gnìomharan cothronach a *thaobh luchd-àiteachaidh* a bhailtean ann an Israeil: an sin thèid sluagh an Tighearna sìos a dh'ionnsuidh nam geatachan.

12 Dùisg, dùisg, a Dheborah; dùisg, dùisg; can òran: éirich, a Bharaic, agus thoir do bhruid 'am bairghdeanas, thusa a mhic Abinoaim.

13 An sin thug e air-san a mhaireas tighearnas a bhi aige air na h-uaislibh am measg an t-sluaigh: thug an Tighearn ormsa tighearnas a bhi agam os eann nan cumhachdach.

14 A h-Ephraim *bha* freumh dhiubh an aghaidh Amaleic; a'd' dhéigh-sa a Bheniamin, am measg do shluaigh: á Machir thàinig a nuas lagh-thabhartaircan, agus á Sebulun iadsan a laimhsichas pcann an sgrìobhadair.

15 Agus *bha* ceannardan Isachair le Deborah, eadhon Isachar, agus mar an ceudna Barac: do'n ghleann chuireadh esan sìos d'a chois. Air son roinnean Reubein *bha* smuaintean mòra cridhe.

16 C'ar son a dh'fhuirich thu am measg chrò nan caorach, a chluinntinn mèilich nan treud? Air son roinnean Reubein *bha* smuaintean mòra cridhe.

17 Dh'fhan Gilead an taobh thall de Iordan: agus c'ar son a dh'fhuirich Dan ann an longaibh? dh'fhan Aser air traigh na fairge, agus 'n a bhearnaibh ghabh e còmh-nuidh.

18 *Bu* shluagh Sebulun agus Naphtali, a chuir an anaman ann an cumnart gu bàs ann an àitibh àrda an fheairinn.

19 Thàinig na rìghrean agus chog iad; an sin chog rìghrean Chanaain ann an Taanach làimh ri uisgibh Mhegido; cha do ghabh iad buannachd air bith aigrid.

20 O nèamh chog na reultan; o'n slighibh àrda chog iad an aghaidh Shisera.

21 Sguab sruth Chisoin air falbh iad, an seann sruth sin, sruth Chisoin. O m'anam! shaltair thu sìos neart.

22 An sin blurthadh ladhran nan each le leumnaich, leumnaich an *aona* cumhachdach.

23 Mallaichibhse Mcros, (thubhairt aingal an Tighearna;) mallaichibh gu mòr a luchd-àiteachaidh; a chionn nach d'thàinig iad gu còmh-nadh an Tighearna, gu còmh-nadh an Tighearn' an aghaidh nan cumhachdach.

24 Beannaichte os eann bhan bithidh Iael bean Hebeir a' Chenich; beannaichte bithidh i os eann bhan anns a' bhith.

25 Dh'iarr e uisge, thug i *dha* bainne; ann an soitheach uasal thug i làthair im.

26 Chuir i a làmh ris an tarrainn, a làmh dhìcas ri ord nan oibrichean: agus leis an

ord bhuail i Sisera; bhuail i a cheann, agus lot i, agus shàth i troimh a leth-cheann.

27 Aig a cosaibh chrom e, thuit e, luidh e sìos: aig a cosaibh chrom e, thuit e; far an do chrom e, an sin thuit e sìos marbh.

28 A mach air uinneig dh'amhairc màthair Shisera, agus ghlaodh i troimh'n chléith, 'Car son a tha charbad co fhad a' teachd? 'car son a tha rothan a charbaid a' deanamh moille?

29 Fhreagair a bain-tighearnan glic i, seadh, thug i freagradh dhi féin.

30 Nach d'fhuair iad, *nach* 'eil iad a' roimh na creiche? maighdean no dhà do gach fear? creach iomadh-dathach do Shisera, creach iomadh-dathach a dh'obair-snàthaide, iomadh-dathach a dh'obair-snàthaide air gach taobh, air son mhuinealan na muinntir sin a ghlacas a' chreach?

31 Mar sin rachadh as do d' naimhdbh uile, a Tighearn: ach *bitheadh* iadsan leis an ionmhuinn e mar a'ghrian an uair a théid i mach 'n a neart. Agus bha fois aig an tìr rè dhà fhichead bliadhna.

CAIB. VI.

1 *Air sgàth am peacadh shàruicheadh clann Israeil le Midian.* 8 Chuireadh fàidh d'an ionnsuidh a thug achmhasan dhuibh. 11 Chuir aingeal an Tighearna Gideon g'an saoradh.

AGUS rinn clann Israeil ole ann an sùilbhan an Tighearna; agus thug an Tighearn thairis iad do làimh Mhidiaim rè sheachd bliadhna.

2 Agus bhuadhaich làimh Mhidiaim an aghaidh Israeil: agus air sgàth nam Midianach rinn clann Israeil dhoibh féin na sluic a tha 's na beanntaibh, agus na h-uamhan, agus na daingnichean làidir.

3 Agus thachair, an uair a chuir clann Israeil *sìol*, gu'n d'fhàinig na Midianaich a nìos, agus na h-Amaleich, agus clann na h-àird' an ear, thàinig eadhon iadsan a nìos 'n an aghaidh;

4 Agus champaich iad 'n an aghaidh, agus mhill iad toradh na talmhainn, gus an tig thu gu Gasa; agus cha d'fhàg iad teachdan-tìr sam bith do Israeil, aon chuid caora, no bò, no asal.

5 Oir thàinig iad a nìos le'n spréidh, agus an bithaibh, agus thàinig iad mar na locuist air Ìomhoireachd; *oir* bha 'n dà chuid iad féin agus an càmhalan gun àireamh: agus chaidh iad a steach do'n tìr a chum a mill-eadh.

6 Agus thugadh Israel gu bochdainn ro mhòir leis na Midianaich; agus ghlaodh clann Israeil ris an Tighearn.

7 Agus an uair a ghlaodh clann Israeil ris an Tighearn air son nam Midianach,

8 Chuir an Tighearn fàidh dh'ionnsuidh chloinn Israeil, agus thubhairt e riu, Mar so tha'n Tighearn Dia Israeil ag ràdh, Thug mi nìos sibh o'n Eiphit, agus thug mi mach sibh a tigh na daorsa;

9 Agus shaor mi sibh à làimh nan Eiphit-each, agus à làimh nan uile a rinn fòirneart oirbh, agus dh'fhuadaich mimach iad roimh-ibh, agus thug mi dhuibh an fearann:

10 Agus thubhairt mi ribh, *Is* mise an Tighearn bhur Dia; na bitheadh eagal dhiathan nan Amorach oirbh, muinntir a tha sibh a chòmhnuidh 'n am fearann: ach cha d'éisd sibh ri m' ghuth.

11 Agus thàinig aingeal an Tighearn, agus shuidh e fo dharaig a bha ann an Ophrah, a bhuin do Ioas an t-Abi-esrach: agus bha a mhac Gideon a' bualadh arbhair ann an amar-bruthaidh an fhiona, gu 'fholach o na Midianaich.

12 Agus dh'fhoillsich aingeal an Tighearna e féin dha, agus thubhairt e ris, *Tha'n* Tighearn maille riut, a dhuine thréin ann an neart.

13 Agus thubhairt Gideon ris, Och mo thighearna, ma tha 'n Tighearn maille ruinn, 'car son a thàinig so uile oirnn? agus c'àit am bheil a mhiorbhuilean uile a dh'innis ar n-aithrichean dhuinn, ag ràdh, Nach d'thug an Tighearn sinn a nìos o'n Eiphit? ach a nis thrèig an Tighearn sinn, agus thug e thairis sinn do làimh nam Midianach.

14 Agus dh'amhairc an Tighearn air, agus thubhairt e, Imich a'd' neart so, agus saoraidh tu Israel o làimh nam Midianach: nach do chuir mise *uam* thu?

15 Agus thubhairt e ris, Och mo Thighearna, cia leis a shaoras mise Israel? feuch, *tha* mo theaghlach bochd ann am Mopas, agus *is* mise a's lugha ann an tigh m'athar.

16 Agus thubhairt an Tighearn ris, Gu cinnteach bithidh mise maille riut, agus buailidh tu na Midianaich mar aon duine.

17 Agus thubhairt e ris, Ma fhuair mi nis deadh-ghean a'd' shùilbhan, an sin nochd comharadh dhomh gur tusa a tha 'labhairt rium.

18 Na falbh à so, guidheam ort, gus an tig mi a d' ionnsuidh, agus gun toir mi mach mo thiodhlac, agus gu'n cuir mi a'd' làthair e. Agus thubhairt e, Fanaidh mi gus an tig thu a ris.

19 Agus chaidh Gideon a stigh, agus dheasaich e nicann de na gabhraibh, agus ephail phlùir 'n a bhreacaibh neo-ghoirtichte: an fheoil chuir e ann am bascaid, agus an sùgh chuir e ann am poit, agus thug e mach *iad* d'a ionnsuidh fo 'n daraig, agus chuir e 'n a làthair *iad*.

20 Agus thubhairt aingeal Dhé ris, Gabh an fheoil, agus na breacagan neo-ghoirtichte, agus cuir *iad* air a' charraig so, agus taom a mach an sùgh. Agus rinn e mar sin.

21 An sin chuir aingeal an Tighearna mach bàrr a' bhata a bha 'n a làimh, agus bhean e ris an fheoil, agus ris na breacaibh neo-ghoirtichte; agus dh'éirich teine suas as a' charraig, agus loisg e 'n fheoil, agus na

brecagan neo-ghoirtichte. An sin chaidh aingear an Tighearn' as a shealladh.

22 Agus an uair a thuig Gideon gu'm òe aingear an Tighearn' a bh'ann, thubhairt Gideon, Oeh, a Thighearna Dhé! a chionn gu'm faca mi aingear an Tighearn' aghaidh ri h-aghaidh.

23 Agus thubhairt an Tighearn ris, Sìth dhuit; na bitheadh eagal ort: cha-n fhaigh thu bàs.

24 Agus thog Gideon altair an sin do'n Tighearn, agus thug e Ichobhab-salom mar ainm oirre: gus an là'n diugh *tha* i fathast ann an Ophrah nan Abi-esrach.

25 Agus air an oidheche sin féin thubhairt an Tighearn ris, Gabh an tarbh òg aig d'athair, agus an dara tarbh *a tha* seachd bliadhna dh'aois, agus tilg sìos altair Bhaail a *tha* aig d'athair, agus gearr sìos an doire a *tha* làimh rithe;

26 Agus tog altair do'n Tighearn do Dhia air mullach na carraige so, ann an ordugh, agus gabh an dara tarbh, agus thoir suas iobairt-loisgte le fiodh an doire a ghearras tu sìos.

27 An sin ghabh Gideon deichnear dhaoine d'a sheirbhisich, agus rinn e mara thubhairt an Tighearn ris: agus tharladh, a chionn gu'n robh eagal teaghlaich 'athar air, agus dhaoine a' bhaile, air chor as nach b'urraim e 'dheanamh 's an là, gu'n d'rinn e 's an oidheche e.

28 Agus an uair a dh'éirich daoine a' bhaile gu moch anns a' mhaduinn, feuch, bha altair Bhaail air a tigeadh sìos, agus bha'n doire a *bha* làimh rithe air a ghearradh sìos, agus bha'n dara tarbh air 'iobradh air an altair a thogadh.

29 Agus thubhairt iad gach aon r'a chéile, Co a rinn an ni so? agus an uair a dh'fhiosraich agus a rannsaich iad, thubhairt iad, Is e Gideon mac Ioais a rinn an ni so.

30 An sin thubhairt daoine a' bhaile ri Ioas, Thoir a mach do mhac a chum gu'm bàsaich e; a chionn gu'n do thilg e sìos altair Bhaail, agus gu'n do ghearr e sìos an doire a *bha* làimh rithe.

31 Agus thubhairt Ioas rìusan uile a sheas 'n a aghaidh, An tagair sibh air son Bhaail? an saor sibh e? csan a thagras air a shon, cuirear gu bàs e, am feadh is i' mhaduinn *a tha fathast ann*: ma's dia e, tagradh e air a shon féin, a chionn gu'n do thilgeadh sìos 'altair.

32 Uime sin air an là sin féin thug e Ierubaal mar ainm air, ag ràdh, Tagradh Baal 'n a aghaidh, a chionn gu'n do thilg e sìos 'altair.

33 An sin bha na Midianaich uile, agus na h-Amaleich, agus clann na h-ìrde 'n ear air cruinnicheadh r'a chéile, agus chaidh iad a null, agus champaich iad ann an gleann Iesreil.

34 Ach thàinig spiorad an Tighearn' air

Gideon, agus shéid e trompaid, agus ghairm e Abieser 'n a dhéigh.

35 Agus chuir e teachdaircan air feadh Mhanasch uile, a chruinnicheadh mar an ceudna 'n a dhéigh: agus chuir e teachdaircan gu h-Aser, agus gu Sebulun, agus gu Naphtali; agus thàinig iad a nìos 'n an coimeamh.

36 Agus thubhairt Gideon ri Dia, Ma shaoras tu Israel le m' làimh-sa, mar a thubhairt thu,

37 Feuch, cuiridh mi lomradh olla air an urlar-bhualaidh; agus ma bhitheas an drùchd air an lomradh a mhàin, agus tiormachd air an talamh uile, an sin bitheadh fios agam gu'n saor thu Israel le m' làimh, mar a thubhairt thu.

38 Agus bha e mar sin: oir dh'éirich e gu moch air an là màireach, agus theann e 'n lomradh cuideachd, agus dh'fhaig e 'n drùchd as an lomradh, làn cuaiiche dh'uisge.

39 Agus thubhairt Gideon ri Dia, Na bitheadh do chorroich teth a'm' aghaidh, agus labhraidh mi a mhàin an aon uair so: leig dhomh dearbhadh, guidheam ort, an uair so a mhàin leis an lomradh; bitheadh a nis tiormachd air an lomradh a mhàin, agus air an talamh uile bitheadh drùchd.

40 Agus rinn Dia mar sin air an oidheche sin: agus bha tiormachd air an lomradh a mhàin, agus air an talamh uile bha drùchd.

CAIB. VII.

1 *Armail Ghideoin: 9 Thugadh misneach dha le h-aisling, agus a h-eadar-mhèineachadh. 16 Ghlacadh Oreb agus Seeb.*

AN SIN dh'éirich Ierubaal, (cadhon Gideon) agus an sluagh uile a *bha* maille ris, suas gu moch, agus champaich iad làimh ri tobar Haroid: agus bha feachd nam Midianach air an taobh mu thuath dhìubh, làimh ri sliabh Mhoreh, anns a' ghleann.

2 Agus thubhairt an Tighearn ri Gideon, *Tha'n* sluagh a *tha* maille riut tuille 's lionmhor gu mise a thoirt nam Midianach 'n an làimh, air eagal gu'n deanadh Israel uail a'm' aghaidh, ag ràdh, Shaor mo làmh féin mi.

3 Agus a nis uime sin gairm ann an chuas-aibh an t-sluagh, ag ràdh, Ge b'e neach air am bheil eagal agus geilt, pillleadh e, agus imichadh e gu moch o sliabh Ghilead. Agus phill de'n t-sluagh dà mhile thar fhichead, agus dh'fhan deich mìle.

4 Agus thubhairt an Tighearn ri Gideon, *Tha'n* sluagh fathast *tuilleadh* 's lionmhor; thoir sìos iad a dh'ionnsuidh an uisge, agus dearbhaidh mise dhuit iad an sin: agus tarlaidh, ge b'e *fear* mu'n abair mise riut, Théid am *fear* so maille riut, gu'n téid ean maille riut; agus ge b'e *fear* mu'n abair mi riut, Cha téid am *fear* so maille riut, nach téid ean ann.

5 Mar sin thug e sìos an sluagh a dh'ionn-

suidh an uisge: agus thubhairt an Tighearn ri Gideon, Gach aon a dh'imlicheas an t-uisge le 'theangaidh, mar a dh'imlicheas eù, cuiridh tu esan air leth; mar an ceudna gach aon a chomas sìos air a ghlùinibh a' dh'èl.

6 Agus b'è àireamh na muinntir a dh'imlich, *a' cur* an làimhe r'am beul, tri cheud fear: ach chrom a' chuid eile uile de'n t-sluagh sìos air an glùinibh a dh'òl uisge.

7 Agus thubhairt an Tighearn ri Gideon, Leis an tri cheud fear so a dh'imlich, saoraidh mise sibh, agus bheir mi na Midianaich thairis do d' làimh: agus rachadh am mòr shluagh uile, gach duine d'a àite féin.

8 Agus ghabh an sluagh lòn 'n an làimh, agus an trompaidean: agus gach fear *eile* de Israel chuir e air falbh, gach aon d'a bhùth, agus ghléidh e an tri cheud fear so. Agus bha sluagh Mhidiain foidhe anns a' ghleann.

9 Agus air an oidheche sin féin thubhairt an Tighearn ris, Eirich, falbh sìos a dh'ionnsuidh an fheachd, oir thug mise thairis e do d' làimh.

10 Ach ma tha eagal ort dol sìos, falbh-sa agus Phurah d'òglach sìos a dh'ionnsuidh an fheachd:

11 Agus chuinnidh tu eiod a their iad; agus 'n a dhéigh sin neartaichear do làmhian, agus théid thu sìos a dh'ionnsuidh an fheachd. An sin chaidh e sìos maille ri Phurah: 'òglach, gu taobh a muigh nan daoine armaichte a *bha* 's an fheachd.

12 Agus bha na Midianaich, agus na h-Amaleich, agus clann na h-àird' an ear uile 'n an luidhe 's a' ghleann mar na locuist air Ìomhoireachd; agus *bha* na càmhail gun àireamh, mar a' ghaineamh a *tha* air traigh na fairge air Ìomhoireachd.

13 Agus an uair a thàinig Gideon, feuch, *bha* duine ag innseadh aisinge d'a chompanach, agus thubhairt e, Feuch, chunnaic mi aisinge, agus, feuch, thàinig breacag a dh'aran eorna car air char a stigh do champ Mhidiain, agus thàinig i gu bùth, agus bhuail i e, agus thuit e, agus thilg i bun os ceann e, agus thuit am bùth sìos.

14 Agus fhreagair a chompanach, agus thubhairt e, Cha ni sam bith so ach claidheamh Ghideoin mhic Ioais, duine de Israel: thug Dia thairis d'a làimh-sau Midian, agus an sluagh uile.

15 Agus an uair a chuala Gideon aithris na h-aisinge, agus a h-eadar-mhìneachadh, rinn e aoradh; agus phill e gu feachd Israeil, agus thubhairt e, Eiribh, oir thug an Tighearn thairis d'ur làimh feachd Mhidiain.

16 Agus roinn e 'n tri cheud fear 'n an tri chuideachdaibh, agus chuir e trompaid ann an làimh gach aoin diubh, maille ri soithicheibh falamh, agus lòchrauaibh anns na soithicheibh.

17 Agus thubhairt e riu, Amhaircibh orm-sa, agus deanaibhse mar an ceudna: agus, feuch, an uair a thig mi gu taobh a mach a' chaimp, tarlaidh, mar a ni mise, mar sin gu'n dean sibhse.

18 'N uair a shéideas mise le trompaid, mi féin agus iadsan uile a *tha* maille rium, an sin séidibhse na trompaidean mar an ceudna mu thimchioll a' chaimp uile, agus abraibh, *Claidheamh* an Tighearna, agus Ghideoin.

19 Mar sin thàinig Gideon agus an ceud fear a *bha* maille ris, gu taobh a mach a' chaimp, ann an toiseach na faire meadhonaich; agus cha robh iad ach air ùr-shuidh-eachadh na faire: agus shéid iad na trompaidean, agus bhris iad na soithichean a *bha* 'nan làimh.

20 Agus shéid na tri chuideachdan na trompaidean, agus bhris iad na soithichean, agus chum iad na lòchraim 'n an làimh ehlì, agus na trompaidean 'n an làimh dheis gu sùideadh *leo*: agus ghlaodh iad, Claidheamh an Tighearna, agus Ghideoin.

21 Agus sheas iad gach duine 'n a àite féin mu thimchioll a' chaimp: agus bhris-cadh am feachd uile, agus ghlaodh iad, agus theich iad.

22 Agus shéid an tri cheud na trompaidean, agus chuir an Tighearn claidheamh gach duine an aghaidh a chompanaich, eadhon air feadh an fheachd uile; agus theich an sluagh gu Bet-sitah ann an Sererat, agus gu erich Abeil-mheholah, làimh ri Tabat.

23 Agus chruinnicheadh fir Israeil r'a chèile a Naphtali, agus á h-Aser, agus á Manaseh uile, agus chaidh iad air tòir nam Midianach.

24 Agus chuir Gideon teachdairean air feadh sléibh Ephraim uile, ag ràdh, Thigibh a nuas an aghaidh nam Midianach, agus glacaibh rompa na h-uisgeachan gu Bet-barah agus Iordan. An sin chruinnicheadh fir Ephraim uile ri 'chéile, agus ghlac iad na h-uisgeachan gu Bet-barah agus Iordan.

25 Agus ghlac iad dà eheannard nam Midianach, Oreb agus Seeb; agus mharbh iad Oreb air earraig Oreib, agus Seeb, mharbh iad aig amar-bruthaidh fìona Sheeib, agus chaidh iad air tòir Mhidiain, agus thug iad cinn Oreib agus Sheeib gu Gideon air an taobh eile de Iordan.

CAIB. VIII.

1 Shìothaicheadh fir Ephraim. 10 Ghlacadh Seba agus Salmuna. 33 Iodhol-aoradh chloinn Israeil.

AGUS thubhairt fir Ephraim ris, Ciod é an ni so a rinn thu oirn, nach do ghairm thu oirn an uair a chaidh thu a chogadh an aghaidh nam Midianach? agus throid iad ris gu geur.

2 Agus thubhairt e riu, Ciod a nis a rinn

mise mar a rinn sibhse? Nach fearr dìoghlaim fhìon-dhearcan Ephraim na fìou-fhoghar Abieseir?

3 Thug Dia thairis d'ur làimh ceannardan Mhidiain, Oreb agus Seeb: agus ciod a b'urraiu mis' a dheanamh mar a rinn sibhse? Au sin thraoigh am fearg ris, an uair a thubhairt e sin.

4 Agus thàinig Gideon gu Iordan, agus chaidh e thairis, e féin, agus an tri cheud fear a bha maille ris, sgèth, gidheadh air an tòir.

5 Agus thubhairt e ri fir Shucoit, Thug-aibh, guidheam oirbh, builinncean arain do'n t-sluagh a tha 'g am leantuinn; oir tha iad sgèth, agus tha mi air tòir Sheba agus Shalmuna, rìghrean Mhidiain.

6 Agus thubhairt ceannardan Shucoit, Am bheil làmban Sheba agus Shalmuna uis ann ad làimh, gu'n tugamaid aran do d' armait?

7 Agus thubhairt Gideon, Uime sin an nair a bheir an Tighearn Seba agus Salmuna thairis do m' làimh, an sin reubaidh mi bhuir feoil le sgiòthach an fhàsaich, agus le drisibh.

8 Agus chaidh e suas á sin gu Penueil, agus labhair e rìusan air a' mhodh cheudna: agus fhreagair daoine Penueil e, mar a fhreagair daoine Shucoit.

9 Agus labhair e cnìdeachd ri daoineibh Penueil, ag ràdh, 'N uair a thig mi a ris ann an sìth, brisidh mi sìos an tùr so.

10 A nis bha Seba agus Salmuna ann an Carcor, agus an sìogh maille riu, nu thinn-chioll cuig mìle deug fear, au t-ioulan a dh'fhàgadh de shìogh cloinne na h-àird' an ear uile: oir thuit ceud agus fichead mìle fear a tharruing claidheamh.

11 Agus chaidh Gideon suas air slighe na muinntir a tha 'n an còmhnuidh ann am bùthaibh, air an làimh au ear de Nobah, agus de Iogbehah, agus bhuail e 'n sluagh: oir bha 'n sluagh gun umhail.

12 Agus an uair a theich Seba agus Salmuna, chaidh e air an tòir, agus ghlac e dà rìgh Mhidiain, Seba agus Salmuna; agus chuir e geilt air an t-sluagh uile.

13 Agus phill Gideon mac Ioais o'n chath roimh éirigh na gréine,

14 Agus ghlac e òig-fhear de dhaoineibh Shucoit, agus dh'fhiosraich e dheth: agus sgrìobh e dha ainnean cheannardan Shucoit, agus a sheanairean, trì fichead agus seachd fir dheug.

15 Agus thàinig e gu fir Shucoit, agus thubhairt e, Feuchaibh, Seba agus Salmuna a thilg sibh suas orm, ag ràdh, Am bheil làmban Sheba agus Shalmuna uis a'd làimh, gu'n tugamaid aran do d' dhaoineibh a tha sgèth?

16 Agus ghlac e seanairean a' bhaile, agus ghabh e sgiòthach an fhàsaich, agus drisean, agus leo so reub e fir Shucoit.

17 Agus leag e sìos tùr Phcnueil, agus mharbh e fir a' bhaile.

18 An sin thubhairt e ri Seba agus ri Salmuna, Ciod a' ghnè dhaoine a mharbh sibh ann an Tabor? Agus fhreagair iad, Mar a tha thusa, is amhuil a bha iadsan; gach aon cosmhuil ri cloinn rìgh.

19 Agus thubhairt e, B'iad sin mo bhràithrean-sa, mic mo mhàthar: mar is beò an Tighearn, nau gleidheadh sibh beò iadsan, cha mharbhainu sibhse.

20 Agus thubhairt e ri Ieter a cheud-ghiu, Eirich, marbh iad: ach cha do tharruing an t-òganach a chlaidheamh; oir bha eagall air, a chionn gu'u robh e fathast 'n a òganach.

21 An sin thubhairt Seba agus Salmuna, Eirich féin, agus buail oirun: oir mar an duine, tha a neart. Agus dh'éirich Gideon, agus mharbh e Seba agus Salmuna, agus thug e leis na h-usgraichean a bh'air aumhaichean an càmhalan.

22 An sin thubhairt fir Isracil ri Gideon, Bi-sa a'd nachdaran oirun, thu féin, agus do mhac, agus mac do mhic mar an ceudna; oir shaor thu sinu á làimh Mhidiain.

23 Agus thubhairt Gideon riu, Cha bhi mis' a'm uachdaran oirbh, ni mò a bhitheas mo mhac 'n a uachdaran oirbh: bithidh an Tighearn 'n a uachdaran oirbh.

24 Agus thubhairt Gideon riu, Dh'iarraim aon athchuinge oirbh, gu'n tugadh gach duine dhihb cluas-fhàinnean a chreiciche dhomh: (oir bha cluas-fhàinnean òir aca, a chionn gu'm b' Ismaelich iad.)

25 Agus fhreagair iad, Bheir sinne gu toilcach dhuit iad. Agus sgaoil iad eudach, agus thilg iad an sin, gach duine cluas-fhàinnean a chreiciche.

26 Agus b'e cothrom nan cluas-fhàinnean òir a dh'iarr e mìle agus seachd ceud secel òir, a thuilleadh air usgraichibh, agus cluig-einibh, agus eudach corcur a bh'air rìgh-rìbh Mhidiain, agus a thuilleadh air na slabhraidhibh a bh'air aumhaichean an càmh-alan.

27 Agus rinn Gideon ephod dheth, agus chuir e i 'n a bhaile féin, eadhon ann an Ophrah; agus chaidh Isracil uile an sin le strìopachas 'n a dèigh; agus rinneadh sin 'n a ribe do Ghideon agus d'a thigh.

28 Mar so chiosnaicheadh Midian roimh chloinn Isracil, agus cha do thog iad an ceann tuilleadh: agus bha fois aig an tìr rè dhà fhichead bliadhna ann an làithibh Ghideon.

29 Agus chaidh Ierubaal mac Ioais, agus ghabh e còmhnuidh 'n a thigh féin.

30 Agus bha aig Gideon deichnear agus trì fichead mac a thàinig o 'leasraidh féin; oir bha mòran bhan aige.

31 Agus a choimhleabach a bha ann an Sechem, rug ise mar an ceudna mac dha, air an d'thug e Abimelech mar ainm.

32 Agus fhuair Gideon mac Ioais bàs ann an deadh shean aois, agus dh'adhlacaidh e ann an uaigh Ioais 'athar, ann an Ophrah nan Abiesrach.

33 Agus co luath 's a fhuair Gideon bàs, phill clann Israeil a ris, agus chaidh iad le striopachas an déigh Bhaalim, agus rinn iad Baal-berit 'n a dhia dhoibh féin.

34 Agus cha do ehunhnich clann Israeil an Tighearn an Dia, a shaor iad a làimh an naimhdean uile air gach taobh:

35 Nimò a nochd iad caomhnas do thigh Ierubail, *eadhon* Ghideoin, a réir a' mhaith-eis rinn uile a nochd e do Israel.

CAIB. IX.

1 *Rinneadh Abimelech 'n a rìgh. 7 Thug Iotam, le cosmahlachd, achmhasan do mhaithcan Shechem, agus roimh-innis e an sgrios.*

AGUS chaidh Abimelech mac Ierubail do Shechem, gu bràithribh a mhàthar, agus labhair e riu, agus ri teaghlach tighe 'athar a mhàthar uile, ag ràdh,

2 Labhraibh, guidheam oirbh, ann an chusaibh mhaithcan Shechem uile, Co dhiubh is fearr dhuibh tri fichead agus deichnear fhear (*eadhon* mic Ierubail uile) a bhi 'n an uachdarain oirbh, no aon fhear a bhi 'n a uachdaran oirbh? cuimhnichibh mar an ceudna gur mise bhur cnàimh agus bhur feoil.

3 Agus labhair bràithrean a mhàthar uime ann an chusaibh mhaithcan Shechem uile na briathran sin uile: agus dh'aom an eridheachan an déigh Abimelech; oir thubhairt iad, *Is e ar bràthair e.*

4 Agus thug iad dha tri fichead agus deich *bhuinn* airgid a tigh Bhaal-bherit; leis an do thuarasdalaich Abimelech daoine faoin agus eutrom, a lean e.

5 Agus chaidh e gu tigh 'athar ann an Ophrah, agus mharbh e a bhràithrean, mic Ierubail, *eadhon* deichnear agus tri fichead fear, air aon chloich: gidheadh, dh'fhàgadh Iotam ann mac a b'òige aig Ierubail; oir dh'fholaich se e féin.

6 Agus chruinnich maithean Shechem uile r'a ehéile, agus tigh Mhilo uile, agus chaidh iad agus rinn iad Abimelech 'n a rìgh, làimh ri còmhnard a' charraigh a *bha* ann an Sechem.

7 Agus an uair a dh'innis iad *so* do Iotam, chaidh e agus sheas e air mullach sléibh Gheridsim, agus thog e suas a ghuth, agus ghlaodh e, agus thubhairt e riu, Eisdibh riumsa, sibhs a mhaithcan Shechem, a chum gu'n éisd Dia ribhs.

8 Chaidh na craobhan a mach *air òm àraidh* a dh'ungadh rìgh os an ceann féin, agus thubhairt iad ris a' chrann-olaidh, *Bi-sa a'd' rìgh oirn.*

9 Ach thubhairt an crann-olaidh riu, Am fàgainnse mo reamhrachd, leis am bheil iad leam-sa 'toirt urrainn do Dhia agus do dhuine, agus an rachainn gu bhi air m'ardachadh os ceann nan craobh?

10 Agus thubhairt na craobhan ris a' chrann-fhìge, Thig-sa, *agus* bi d' rìgh oirn.

11 Ach thubhairt an crann-fìge riu, Am fàgainnse mo mhilleachd, agus mo dheadh mhcas, agus an rachainn gu bhi air m'ardachadh os ceann nan craobh?

12 Agus thubhairt na craobhan ris an fhìonain, Thig-sa, *agus* bi d' rìgh oirn.

13 Agus thubhairt an fhìonain riu, Am fàgainnse m'fhìon, a tha 'toirt subhachais do Dhia agus do dhuine, agus an rachainn gu bhi air m'ardachadh os ceann nan craobh?

14 An sin thubhairt na craobhan uile ris an dris, Thig-sa, *agus* bi d' rìgh oirn.

15 Agus thubhairt an dris ris na craobhan, Ma's e is da rìrcadh gu'n ung sibh mise a'm' rìgh oirbh, thigibh, cuiribh bhur dòchas a'm' sgàile-sa: agus mur *dean sibh so*, thigeadh teine mach as an dris, agus loisgeadh e seudair Lebanoin.

16 A nis uime sin, ma rinn sibh gu firinn-each agus gu tréibhdhireach an uair a rinn sibh Abimelech 'n a rìgh, agus ma bhuin sibh gu maith ri Ierubail agus r'a thigh, agus ma rinn sibh ris a réir toillteanais a làmh;

17 (Oir chog m'athair-sa air bhur son, agus chuir e 'anam ann an cunnart mòr, agus shaor e sibh a làimh Mhidiain;

18 Agus tha sibh air éirigh suas an aghaidh tighe m'athar-sa an diugh, agus mharbh sibh a mlic, tri fichead agus deichnear fhear, air aon chloich, agus rinn sibh Abimelech, mac a bhanoglaich, 'n a rìgh os ceann mhaithcan Shechem, a chionn gur e bhur bràthair e:)

19 Uime sin ma bhuin sibh gu firinneach agus gu tréibhdhireach ri Ierubail agus r'a thigh an diugh, deanaibh gairdeachas ann an Abimelech, agus deanadh e san mar an ceudna gairdeachas annaibhs:

20 Ach mur *do rinn sibh mar sin*, thigeadh teine a mach o Abimelech, agus loisgeadh e maithean Shechem, agus tigh Mhilo; agus thigeadh teine a mach o mhaithibh Shechem, agus o thigh Mhilo, agus loisgeadh e Abimelech.

21 Agus ruith Iotam air falbh, agus theich e, agus chaidh e gu Beer, agus ghabh e còmhnuidh an sin, air cagal Abimelech a bhràthar.

22 Agus rìghich Abimelech tri bliadhna air Israel,

23 Agus chuir Dia droch spiorad eadar Abimelech agus maithean Shechem; agus bhuin maithean Shechem gu fealltach ri Abimelech:

24 A chum gu'n tigeadh an t-ainncart a rinneadh air deichnear agus tri fichead mac Ierubail, agus gu'n luidheadh am fuil air Abimelech ann bràthair, a mharbh iad; agus air maithibh Shechem, a neartaich a làmh an am marbhadh a bhràithrean.

25 Agus chuir maithean Shechem lucid

feall-fholach air a shon air mullaichibh nam beann, agus rinn iad reubainn air gach neach a chaidh seachad orra 's an t-slighe sin: agus dh'innseadh sin do Abimelech.

26 Agus thàinig Gaal mac Ebeid agus a bhràithrean, agus chaidh iad thairis gu Sechem: agus chuir maithean Shecheim an dòchas ann.

27 Agus chaidh iad a mach do'n fhearann, agus chruinnich iad toradh an fion-liosan, agus bhrùth iad na fion-dhearcan, agus rinn iad gairdeachas, agus chaidh iad a steach do thigh an dé, agus dh'ith agus dh'òl iad, agus mhallaich iad Abimelech.

28 Agus thubhairt Gaal mac Ebeid, Cò e Abimelech, agus cò e Sechem, gu'n deanaidne seirbhis da? nach e mac Ierubaail e, agus Sebul ceannard a shìdigh? deanaibh seirbhis do dhaoineibh Hamoir athar Shechein; oir c'ar son a dheanamaid seirbhis dhasan?

29 Agus b'e mo ghuidhe gu'n tugtadh an sluagh so do m'lainn-sa! an sin dh'athar-achinn Abimelech. Agus thubhairt e ri Abimelech, Mèdaich d'armailt, agus thig a mach.

30 Agus an uair a chuala Sebul, uachdaran a' bhaile, briathiran Ghaail mhic Ebeid, las a chorruich.

31 Agus chuir e teachdairean gu Abimelech os ìosal, ag ràdh, Feuch, thàinig Gaal mac Ebeid, agus a bhràithrean, do Shechem; agus, feuch, *tha* iad a' teannachadh a' bhaile a' d' aghaidh.

32 An nis uime sin éirich suas 's an oidhe, thu féin agus an sluagh a *tha* maille riut, agus dean feall-fholach anns an fhearann:

33 Agus anns a' mhaduinn mu éirigh na gréine, éiridh tu gu moch, agus bheir thu ionnsuidh air a' bhaile: agus, feuch, 'n uair a thig e féin agus an sluagh a *tha* maille ris a mach a'd' aghaidh, an sin ni thu orra mar a bhitheas a'd' chomas.

34 Agus dh'éirich Abimelech suas, agus an sluagh uile a *bha* maille ris, 's an oidhe, agus rinn iad feall-fholach an aghaidh Shechein, 'n an ceithir chuideachdaibh.

35 Agus chaidh Gaal mac Ebeid a mach, agus sheas e ann an dol a stigh geata a' bhaile. Agus dh'éirich Abimelech, agus an sluagh a *bha* maille ris, o'n fheall-fholach.

36 Agus an uair a chunnaic Gaal an sluagh, thubhairt e ri Sebul, Feuch, *tha* sluagh a' teachd a nuas o mhullach nam beann. Agus thubhairt Sebul ris, *Tha* thu 'faicinn sgaile nam beann mar dhaoine.

37 Agus labhair Gaal a ris, agus thubhairt e, Feuch, *tha* sluagh a' teachd a nuas o mheadhon na tire, agus *tha* cuid eachd eile a' teachd air an aghaidh rathad còmhnaid Mhehonenim.

38 An sir thubhairt Sebul ris, C'ait a nis

am bheil do bheil, leis an dubhairt thu, Cò e Abimelech, gu'n deanamaid seirbhis da? nach e so an sluagh air an d'rinn thu tàir? falbh a mach, guidheam ort a nis, agus cog riu.

39 Agus chaidh Gaal a mach roimh mhaithlean Shecheim, agus chog e ri Abimelech.

40 Agus chuir Abimelech an ruaig air, agus theich e roimhe; agus thuit mòran a chaidh 'leònachd, *cadhò* gu ruig dol a stigh a' gheata.

41 Agus ghabh Abimelech còmhnuidh ann an Arumah: agus dh'fhuadaich Sebul a mach Gaal agus a bhràithrean, a chum nach gabhadh iad còmhnuidh ann an Sechem.

42 Agus air an là màireach chaidh an sluagh a mach do'n mhachair; agus dh'innis iad sin do Abimelech.

43 Agus ghabh e'n sluagh, agus roinn e iad 'n an trì chuideachdaibh, agus rinn e feall-fholach 's a' mhachair, agus dh'anhaire e, agus, feuch, *bha'n* sluagh air dol a mach as a' bhaile; agus dh'éirich e 'n an aghaidh, agus bhuail e iad.

44 Agus thug Abimelech agus a' chuideachd a *bha* maille ris ionnsuidh, agus sheas iad ann an dol a stigh geata a' bhaile; agus thug an dà chuideachd *eile* ionnsuidh orrasan uile a *bha* 's a' mhachair, agus bhuail siad iad.

45 Agus chog Abimelech an aghaidh a' bhaile rè an là sin; agus ghlac e 'm baile, agus mharb e'n sluagh a *bh'ann*, agus leag e sìos am baile, agus chuir e le salann e.

46 Agus an uair a chual' uile mhuinntir tùir Shechein sin, chaidh iad a steach do dhaingneach tighe an dé Bherit.

47 Agus dh'innseadh do Abimelech, gu'n robh uile mhuinntir tùir Shechein air cruinneachadh r'a chéile.

48 Agus chaidh Abimelech suas gu shlabh Shalmoin, e féin agus an sluagh uile a *bha* maille ris; agus ghlac Abimelech tuagh 'n a lùmh, agus ghearr e sìos geug o na craobhan, agus ghabh e i, agus chuir e air a ghualainn i, agus thubhairt e ris an t-sluagh a *bha* maille ris, An ni a chunnaic sibh mise a' deanamh, greasaibh, deanaibh mar a *rinn* mise.

49 Agus ghearr mar an ceudna an sluagh uile sìos gach duine a gheug, agus lean iad Abimelech, agus chuir iad ris an daingneach iad, agus chuir iad an daingneach ri theine orra: mar sin fhuair daoine tùir Shechein bàs uile mar an ceudna, mu thimechioll mìle fear agus bean.

50 An sin chaidh Abimelech gu Tebes agus champaich e 'n aghaidh Thebeis, agus ghlac se e.

51 Ach bha tùr làidir ann am meadhon a' bhaile, agus gu sin theich na fir agus na mnathan uile, agus muinntir a' bhaile uile,

agus dhùin iad orra féin e, agus chaidh iad suas air mullach an tùir.

52 Agus thàinig Abimelech gu ruig an tùir, agus chog e 'n a aghaidh, agus dhlùthaich e ri dorus an tùir a chum a losgadh le teine.

53 Agus thilg bean àraidh mìr de chloich-mhuilinn air ceann Abimeleich, agus bhris i a chlaigionn.

54 Au sin ghairm e gu luath air an òganach a bha 'g' iomchar 'arm, agus thubhairt e ris, Tarruing do chlaidheamh, agus marbh mi, air eagal gu'n abair iad umam, Mharbh bean e. Agus shàth an t-òganach aige troinne e, agus fhuair e bàs.

55 Agus an uair a chumaidh fir Israeil gu'n d'fhuair Abimelech bàs, dh'imich iad *gach* fear d'a àite féin.

56 Agus dhìol Dia olc Abimeleich, a rinn e air 'athair, le 'thri fhead agus a dheichnear bhràithrean a mharbhadh.

57 Agus uile olc dhaoine Shecheim dhìol Dia air an ceann féin; agus thàinig orra mallachadh lotaim mhic Ierubabail.

CAIB. X.

1 *Thug Tola breth air Israel. 7 Rinn na Philistich agus na h-Amoraich fòirneart air Israel. 10 Dh'aidich iad an peacadh; 15 ghabh iad aithreachas, agus shaor Dia iad.*

AGUS dh'éirich an déigh Abimeleich, a shaoradh Israeil, Tola mac Phuah, mhic Dhodo, duine de Isachar; agus bha e 'chòmhnuidh ann an Samir, aon an sliabh Ephraim.

4 Agus thug e breth air Israel tri bliadhna fhead: agus fhuair e bàs, agus dh'adhlacadh e ann an Samir.

3 Agus 'n a dhéigh-san dh'éirich Iair, Gileadach, agus thug e breth air Israel dà bhliadhna thar fhichead.

4 Agus bha deich thar fhichead mac aige, a mharcaich air deich thar fhichead asal òg; agus bha deich thar fhichead baile aca, air an d'thugadh Habbot-iair mar ainm gu ruig an là'n diugh, a tha ann an tìr Gilead.

5 Agus fhuair Iair bàs, agus dh'adhlacadh e ann an Camon.

6 Agus rinn clann Israeil a ris olc ann an sùilbhan an Tighearn, agus rinn iad seirbhis do Bhaalim, agus do Astarot, agus do dhiathaibh Shiria, agus do dhiathaibh Shidon, agus do dhiathaibh Mhoab, agus do dhiathabh chloinn Amoin, agus do dhiathaibh nam Philisteach; agus thréig iad an Tighearn, agus cha d'rinn iad seirbhis dha.

7 Agus las fearg an Tighearna an aghaidh Israeil, agus thug e thairis iad do làmh nam Philisteach, agus do làmh chloinn Amoin.

8 Agus chlaoidh agus rinn iad fòirneart air cloinn Israeil aons an àm sin rè oichd bliadhna deug, air cloinn Israeil uile a bh'air an taobh eile de Jordan, ann an tìr nan Amurach, a tha ann an Gilead.

9 Agus chaidh clann Amoin thar Iordan a chogadh mar an ceudna an aghaidh Iudah, agus an aghaidh Bheniamin, agus an aghaidh tighe Ephraim; agus bha Israel aon an teanntachd ro mhòir.

10 Agus ghlaodh clann Israeil ris an Tighearn, ag ràdh, Pheacaich sinn a'd' aghaidh, an dà chuid a chionn gu'n do thréig sinn ar Dia, agus gu'n d'rinn sinn seirbhis do Bhaalim.

11 Agus thubhairt an Tighearn ri cloinn Israeil, Nach do shaor mise sibh o na h-Eiphitich, agus o na h-Amoraich, o chloinn Amoin, agus o na Philistich?

12 Rinn mar an ceudna na Sidonaich, agus na h-Amaleich, agus na Maonaich fòirneart oirbh, agus ghlaodh sibh riumsa, agus shaor mi sibh as an làmh.

13 Gidheadh thréig sibh mi, agus rinn sibh seirbhis do dhiathaibh eile: uime sin cha saor mi sibh uì's mò.

14 Rachaibh agus gairmibh air na diathaibh a ròghnuich sibh: saoradh iad sibh ann an àm bhuir teanntachd.

15 Agus thubhairt clann Israeil ris an Tighearn, Pheacaich sinn; dean-sa ruinn a réir gach nì a tha maith a'd' shùilbhan; a mha'n saor sinn, guidheamaid ort, air an là'n diugh.

16 Agus chuir iad air falbh na diathan coimheach as am mcasg, agus rinn iad seirbhis do'n Tighearn: agus bha doilgheas air 'anam air son truaighe Israeil.

17 An sin ghairmeadh clann Amoin cuid-eachd, agus champaich iad ann an Gilead: agus chruinnich clann Israeil iad féin an ceann a chéile, agus champaich iad ann an Misphe.

18 Agus thubhairt an comhchruinneachadh, uachdarain Ghilead, gach aon ri 'chéile, Co am fear sin a thòisicheas ri cogadh an aghaidh chloinn Amoin? bithidh esan 'n a cheann air uile luchd-àiteachaidh Ghilead.

CAIB. XI.

1 *Coimheangal Iephtah ri seana-iribh Ghilead: 29 a bhòid: 34 choimhlean e a bhòid air a nighinn.*

ANIS bha Iephtah an Gileadach treun aon an ncart, agus bu mhaic striopaich e: agus ghin Gilead Iephtah.

2 Agus rug bean Ghilead mic dha; agus dh'fhàs mic a mhnà suas, agus thilg iad a mach Iephtah, agus thubhairt iad ris, Chan fhaigh thu oighreachd ann an tigh ar n-athar-ne, oir is mac mnà coimhich thu.

3 An sin theich Iephtah o 'bhràithribh, agus ghabh e còmhnuidh ann an tìr Thob: agus chruinnicheadh daoine faoin gu Iephtah, agus chaidh iad a mach maille ris.

4 Agus an ceann làithean àraidh, chog clann Amoin ri h-Israel.

5 Agus an uair a chog clann Amoin ri h-Israel, chaidh seanairean Ghilead a thoirt Iephtah á tìr Thob:

6 Agus thubhairt iad ri Iephtah, Thig agus b' a' d' cheannard oirnn, agus cogaidh sinn an aghaidh chloinn Amoin.

7 Agus thubhairt Iephtah ri seanairibh Ghilead, Nach d'fhuathaich sibh mi, agus nach do thilg sibh a mach mi á tigh m'athar? agus c'ar son a thàinig sibh a m'ionnsuidh a nis, an uair a tha sibh ann an teanntachd?

8 Agus thubhairt seanairean Ghilead ri Iephtah, Uime sin phill sinn a nis a d'ionnsuidh, a chum gu'n téid thu maille ruinn, agus gu'n cog thu 'n aghaidh chloinn Amoin, agus gu'm bi thu a' d' cheann oirnn, eadhon air uile luchd-àiteachaidh Ghilead.

9 Agus thubhairt Iephtah ri seanairibh Ghilead, Ma bheir sibh air m'ais mi a chogadh an aghaidh chloinn Amoin, agus gu'n toir an Tighearn thairis iad a'm' fhianuis, am bi mise a'm' cheann oirbh?

10 Agus thubhairt seanairean Ghilead ri Iephtah, Bithcadh an Tighearn 'n a fhianuis cadaruinn, gu'n dean sinne mar sin, a réir d'fhocail.

11 Agus chaidh Iephtah maille ri seanairibh Ghilead, agus rinn an sluagh e 'n a cheann orra, agus 'n a cheannard. Agus labhair Iephtah a bhriathran uile an làthair an Tighearna ann am Mispeh.

12 Agus chuir Iephtah teachdairean a dh'ionnsuidh rìgh chloinn Amoin, ag ràdh, Ciod e do ghnòthuch-sa rium-sa, gu'n d'thàinig thu a'm' aghaidh a chogadh ann am thir?

13 Agus thubhairt rìgh chloinn Amoin ri teachdaireibh Iephtah, A chionn gu'n do ghlac Israel m'fhearann an uair a thàinig iad a nìos as an Eiphit, o Arnon gu ruig Iaboc, agus gu ruig Iordan: a nis uime sin thoir thusa air ais e ann an sìth.

14 Agus chuir Iephtah a rìs teachdairean a dh'ionnsuidh rìgh chloinn Amoin,

15 Agus thubhairt e ris, Mar so tha Iephtah ag ràdh, Cha do ghlac Israel fearann Mhoab, no fearann chloinn Amoin:

16 Ach an uair a thàinig Israel a nìos as an Eiphit, agus a ghluais iad troimh 'n fhàsach gu ruig a' mhuir ruadh, agus a thàinig iad gu Cades;

7 An sin chuir Israel teachdairean gu rìgh Edoim, ag ràdh, Leig dhuinn, guidheamaid ort, dol troimh d'fhearann: ach cha-n éisdeadh rìgh Edoim. Agus mar an ceudna chuir iad teachdairean gu rìgh Mhoab: ach cha d'aontaich e: agus dh'fhan Israel ann an Cades.

18 An sin ghluais iad troimh 'n fhàsach, agus chuairtich iad tìr Edoim, agus tìr Mhoab, agus thàinig iad o thaobh na h-àirde 'n ear de thìr Mhoab, agus champaich iad air an taobh eile de Arnon, ach cha d'thàinig iad an taobh a stigh de chrìch Mhoab; oir b'e Arnon crìoch Mhoab.

19 Agus chuir Israel teachdairean gu Sihon rìgh nan Amorach, rìgh Ilesboin;

agus thubhairt Israel ris, Leig dhuinn, guidheamaid ort, gabhail troimh d'fhearann do'r n-àite féin.

20 Ach cha d'carb Sihon ri h-Israel gabhail troimh a chrìch: ach chruinnich Sihon a shluagh uile cuideachd, agus champaich iad ann an Iahas; agus chog e ri h-Israel.

21 Agus thug an Tighearn Dia Israeil Sihon agus a shluagh uile thairis do làimh Israeil, agus bhuail siad iad: agus shealbhaich Israel uile fhearann nan Amorach, luchd-àiteachaidh na tìre sin.

22 Agus shealbhaich iad uile chrìochan nan Amorach, o Arnon gu ruig Iaboc, agus o'n fhàsach gu ruig Iordan.

23 Agus a nis thilg an Tighearn Dia Israeil a mach na h-Amoraich á fianuis a shluaigh Israeil, agus am bu chòir dhuitse dol 'n an seilbh-san?

24 An nì sin a bheir do dhia Chemos dhuit r'a shealbhadh, nach sealbhaich thusa c? agus ge b'e neach a thilg an Tighearn ar Dia-ne mach romhainn, 'n a sheilbhsan thèid sinne.

25 Agus a nis am bheil thusa nì's fearr na Balac, mac Shipoir, rìgh Mhoab? an d' rinn esan riamh strì ri h-Israel, agus an do chog e riamh 'n an aghaidh,

26 'N uair a ghabh Israel còmhnuidh ann an Hesbon agus 'n a bhailtibh, agus ann an Aroer agus 'n a bhailtibh, agus anns na bailtibh uile a tha làimh ri Arnon, rè thri ceud bliadhna? agus c'ar son nach do bhuin sibh air an ais iad anns an àm sin?

27 Uime sin cha do pheacaidh mise a'd' aghaidh, ach tha thusa a' deanamh eucoir ormsa le cogadh a'm' aghaidh: thugadh an Tighearn am Breitheamh breth an diugh cadar clann Israeil agus clann Amoin.

28 Gidheadh cha d'éisid rìgh chloinn Amoin ri briathraibh Iephtah, a chuir e d'a ionnsuidh.

29 Agus thàinig spiorad an Tighearna air Iephtah; agus chaidh e thairis gu Gilead agus Manaseh, agus o sin chaidh e thairis gu Mispeh Ghilead, agus o Mhispeh Ghilead chaidh e thairis gu cloinn Amoin.

30 Agus bhòidich Iephtah bòid do'n Tighearn, agus thubhairt e, Ma bheir thu gu cinnteach clann Amoin thairis do m' làimh,

31 An sin tarlaidh, ge b'e nì a thig a mach á dorsaibh mo thighe a'm' choinneamh, 'n uair a philleas mi ann an sìth o chloinn Amoin, gu cinnteach gur leis an Tighearn e, agus iobraidh mi e dha 'n a òbairt-loisgte.

32 Agus chaidh Iephtah thairis gu cloinn Amoin a chogadh 'n an aghaidh; agus thug an Tighearn thairis iad d'a làimh.

33 Agus bhuail e iad o Aroer, cadhion gus an tig thu gu Minit, fichead baile, agus gu còmhnaid nam fion-lios, le àr ro mhòr. Mar so dh'riosaicheadh clann Amoin 'am fianuis chloinn Israeil.

34 Agus thàinig Iephtah gu Mispeh d'a

thigh, agus, feuch, tlàinig a nighean a mach 'n a choinneamh le tiompanaibh agus le dannsaibh, agus *b'i* 'aou leanabh cloinne i: cha robh aige mac no nighean ach i.

35 Agus an uair a chunnaic e i, reub e 'eudach, agus thubhairt e, Och, mo nighean! is ro ìosal a leag thu mi, agus is aon thu dhiubh-san a ta 'g am chlaoidh: oir dh'fhosgail mi mo bheul do'n Tighearn, agus cha-n fheud mi dol air m'ais.

36 Agus thubhairt ise ris, Athair, ma dh'fhosgail thu do bheul do'n Tighearn, dean riumsa a réir an ni a thàinig a mach as do bheul, o rinn an Tighearn dìoghaltas air do shonsa air do naimhdeibh, *eadhon* air cloinn Amoin.

37 Agus thubhairt i r'a h-athair, Deanar an ni so air mo shonsa: Leigear leam dà mhìos, a chum gu'n imich mi suas agus sìos air na beanntaibh, agus gu'n dean mi caoidh air son m'òigheachd, mi féin agus mo bhan-chompanaich.

38 Agus thubhairt e, Imich. Agus leig e air falbh i ré dà mhìos; agus chaidh i maille r'a ban-chompanachaibh, agus rinn i caoidh air son a h-òigheachd air na beanntaibh.

39 Agus an ceann dà mhìos, phill i dh'ionnsuidh a h-athair, agus rinn e r'i a réir a bhòide a bhòidich e: agus cha robh aithne aice air fear. Agus bha e 'n a ghnàth ann an Israel,

40 Gu'n rachadh nigheanan Israeil o bhliadhna gu bliadhna a dheanamh caoidh air son nighinn Iephtah, a' Ghileadaich, ceithir làithean 's a' bhliadhna.

CAIB. XII.

1 Rinn na Ephraimich comhstri ri Iephtah agus ris na Gileadaich. 4 Choy iad-an 'n an aghaidh, agus mharbh iad mòran diubh. 7 Fhuair Iephtah bàs.

A GUS chruinnicheadh fir Ephraim an ceann a chéile, agus chaidh iad thairis mu thuath, agus thubhairt iad ri Iephtah, C'ar son a chaidh thu thairis a chogadh an aghaidh chloinn Amoin, agus nach do ghairm thu oirne gu dol maille riut? loisgidh sinn do thigh ort le teine.

2 Agus thubhairt Iephtah riu, Bha agamsa agus aig mo shluagh comhstri mhòr ri cloinn Amoin; agus an uair a ghairm mi oirbh, cha do shaor sibh mi as an làimh.

3 Agus an uair a chunnaic mi nach do shaor sibh mi, chuir mi m'anam a'm' làimh, agus chaidh mi a null an aghaidh chloinn Amoin, agus thug an Tighearn thairis iad do m' làimh: c'ar son ma tha a tha sibh air teachd a nìs a m' ionnsuidhs' an diugh, a chogadh a'm' aghaidh?

4 An sin chruinnich Iephtah cuidcachd fir Ghilead uile, agus chog e ri h-Ephraim: agus bhuail fir Ghilead Ephraim, a chionn gu'n dubhairt iad, *Is* luchd-fuadain de Ephraim, sibhse a Ghileadacha, an measg Ephraim, agus an measg Mhanasch

5 Agus ghlac na Gileadaich àthannan Iordain air na h-Ephraimich: agus an uair a thubhairt na h-Ephraimich sin a chaidh as, Leig dhomh dol thairis, thubhairt fir Ghilead ris, An Ephraimeach thu? Ma thubhairt esan, Cha-n cadh;

6 An sin thubhairt iadsan ris, Abair a nis Schiboleth; agus thubhairt esan Schiboleth: oir cha b'urraim e a ràdh mar sin. An sin ghabh iad e, agus mharbh iad e aig àthann-aibh Iordain: agus thuit anns an àm sin de na h-Ephraimich a dhà agus dà fhichead mìle.

7 Agus thug Iephtah breth air Israel sè bliadhna: an sin fhuair Iephtah an Gileadach bàs, agus dh'adhlacaidh e ann an *aon de* bhailtibh Ghilead.

8 Agus 'n a dhéigh-sau thug Ibsan o Dhet-lechem breth air Israel.

9 Agus bha deich thar fhichead mac aige, agus deich thar fhichead nighean, a chuir e mach uaith, agus ghabh e deich thar fhichead nighean a stigh d'a ionnsuidh air son a mhac. Agus thug e breth air Israel seachd bliadhna.

10 Agus fhuair Ibsan bàs, agus dh'adhlacaidh e ann am Bet-Ichem.

11 Agus 'n a dhéigh-san thug Elon, an Sebulonach, breth air Israel: agus thug e breth air Israel deich bliadhna.

12 Agus fhuair Elon an Sebulonach bàs, agus dh'adhlacaidh e ann an Aialon, ann an tìr Shebuloin.

13 Agus 'n a dhéigh-san thug Abdon mac Hileil, Piratonach, breth air Israel.

14 Agus bha dà fhichead mac aige, agus deich thar fhichead mac a mhac, a mharaich air deich agus trì fichead asal òg: agus thug e breth air Israel ochd bliadhna.

15 Agus fhuair Abdon mac Hileil ann Piratonach bàs, agus dh'adhlacaidh e ann am Piraton, ann an tìr Ephraim, ann an slabh nan Amaleccach.

CAIB. XIII.

1 Thugadh clann Israeil thairis do làimh nam Philisteach. 2, 8 Dh'fhoillsich aingcal an Tighearna e féin do mhnaoi Mhanoah, agus d'a fear. 19 Iobairt-loisgte Mhanoah. 24 Rugadh Samson.

A GUS rinn clann Israeil ole a ris ann an sùilbh an Tighearna; agus thug an Tighearn thairis iad do làimh nam Philisteach dà fhichead bliadhna.

2 Agus bha duine àraidh de Shorah, de theaghlach nan Danach, d'am b'ainm Manoah; agus bha a bhean neo-thorrach, agus cha d'rug i clann.

3 Agus dh'fhoillsich aingcal an Tighearna e féin do'n mhnaoi, agus thubhairt e r'i, Feuch a nis, tha thu neo-thorrach, agus cha d'rug thu *fathast clann*; ach ginidh tu, agus beiridh tu mac.

4 A nis ma tha thoir an aire, guidheam

ort, agus na h-òl fion no deoch làidir, agus na h-ith *ni* air bith neòghlan:

5 Oir, feuch, ginidh tu, agus beiridh tu mac; agus cha tig ealtainn sam bith air a cheann: oir bithidh an leanabh 'n a Nasarach do Dhia o'n bhroinn; agus tòisichidh e air Israel a shaoradh á làimh nam Philisteach.

6 Agus thàinig a' bhean agus dh'innis i d'a fear, ag ràdh, Thàinig òglach Dhé a m'ionnsuidh, agus a ghnùis mar ghnùis aingil Dhé, ro uamhasach: ach cha d'fhèoraich mi dh'è cia as a *bha e*, agus cha d'innis e dhomh 'ainm.

7 Ach thubhairt e rium, Feuch, ginidh tu, agus beiridh tu mac; agus a nis na h-òl fion no deoch làidir, agus na h-ith *ni* air bith neòghlan: oir bithidh an leanabh 'n a Nasarach do Dhia o'n bhroinn gu là a bhàis.

8 An sin ghuidh Manoah air an Tighearn, agus thubhairt e, O mo Thighearna, thig-eadh, guidheam ort, òglach Dhé a chuir thu uait a ris d'ar n-ionnsuidh, agus teagaisgeadh e dhuinn ciod a ni sinn ris an leanabh a bheirear.

9 Agus dh'éisd Dia ri guth Mhanoah; agus thàinig aingeal Dhé a ris a dh'ionnsuidh na mnà, agus i'n a suidhe anns an achadh: ach cha robh Manoah a fear maille ri.

10 Agus rinn a' bhean cabhag, agus ruith i, agus dh'innis i d'a fear, agus thubhairt i ris, Feuch, chunnaic mi an duine a thàinig a m'ionnsuidh air an là *roimhe*.

11 Agus dh'éirich Manoah, agus chaidh e 'n déigh a mhà, agus thàinig e dh'ionnsuidh an duine, agus thubhairt e ris, An tusa an duine a labhair ris a' mhnaoi? Agus thubhairt esan, *Is mi*.

12 Agus thubhairt Manoah, A nis thig-eadh do bhriathran gu crìch: cionnus a dh'orduicheas sinn mu'n leanabh, agus ciod a ni sinn ris?

13 Agus thubhairt aingeal an Tighearna ri Manoah, O gach *ni* a thubhairt mise ris a' mhnaoi coimhleadh si i féin.

14 De *ni* sam bith a thig o'n chrann-fhìona na h-ithcadh i, agus fìon no deoch làidir na h-òladh i, agus *ni* sam bith neòghlan na h-ithcadh i: gach *ni* a dh'àithn mise dh'i, coimhleadh i.

15 Agus thubhairt Manoah ri aingeal an Tighearna, Leig dhuinn, guidheamaid ort, do ghleidheadh, agus deasaichidh sinn fa d' chomhair meann de na gabhraibh.

16 Agus thubhairt aingeal an Tighearna ri Manoah, Ged ghléidh thu mi, cha-n ith mi de d'aran; agus ma bheir thu suas iobairt-loisgte, do'n Tighearn bheir thu suas i: oir cha robh fios aig Manoah gu'm *b'e* aingeal an Tighearna e.

17 Agus thubhairt Manoah ri aingeal an Tighearna, Ciod *a's* ainm dhuit; a chum 'u uair a thig do bhriathran gu crìch, gu'n toir sinn urram dhuit?

18 Agus thubhairt aingeal an Tighearna ris, C'arson a tha thu mar so a' fiosrachadh a thaobh m'ainme-sa, agus *gu bheil* e dìomhair?

19 Agus ghabh Manoah meann de na gabhraibh, maille ri tabhartas-bidh, agus dh'ìobair se e air carraig do'n Tighearn: agus b'iongantach an ni a rinn an *t-aingeal*, agus Manoah agus a bhean ag amharc air:

20 Oir an uair a dh'éirich an lasair bhàrr na h-altarach suas gu nèamh, chaidh aingeal an Tighearna suas ann an lasair na h-altarach; agus an uair a chunnaic Manoah agus a bhean *sin*, thuit iad air an aghaidh a dh'ionnsuidh na talmhainn.

21 (Ach cha d'fhoillsich aingeal an Tighearna e féin tuilleadh do Mhanoah agus 'a mhuaoi.) An sin bha fios aig Manoah gu'm *b'e* aingeal an Tighearna e.

22 Agus thubhairt Manoah r'a mhnaoi, Gu cinnteach gheibh sinn bàs, oir chunnaic sinn Dia.

23 Ach thubhairt a bhean ris, Nam bu toil leis an Tighearn ar marbhadh, cha ghabhadh e o'r làimh iobairt-loisgte agus tabhartas-bidh, agus cha nochdadh e dhuinn na *ni*than so uile, agus mar air an àm so, cha chuireadh e 'n cèill duinn a leithid so *de nithibh*.

24 Agus rug a' bhean leanabh, agus thug i Samson mar ainm air: agus dh'fhàs an leanabh, agus bheannaich an Tighearn e.

25 Agus thòisich spiorad an Tighearna r'a bhrosnachadh air uairibh ann an camp Dhain, eadar Sorah agus Estaol.

CAIB. XIV.

1 Dh'iarr Samson bean de na Philistich. 10 A chuir m-bainne agus a thòimheachan. 19 Mharbh e deich 'ar fhichead Philisteach, agus bhuin e diabh an eudach. 20 Thugadh a bhean do fhear eile.

AGUS chaidh Samson sìos gu Timnat; agus chunnaic e bean ann an Timnat de nigheanaibh nam Philisteach.

2 Agus thàinig e nìos, agus dh'innis e d'a athair agus d'a mhàthair, agus thubhairt e, Chunnaic mi bean ann an Timnat de nigheanaibh nam Philisteach; agus a nis faighibh i dhomhsa 'n a mnaoi.

3 An sin thubhairt 'athair agus a mhàthair ris, Nach *'eil* bean air bith am measg nigheanan do bhràithrean, no am measg mo shluaigh uile, gu'n rachadh tu a ghabhail mnà de na Philistich neo-thimchioll-ghearra? Agus thubhairt Samson r'a athair, Faigh dhomh i; oir tha i taitneach a'm shùilibh.

4 Ach cha robh fhios aig 'athair agus a mhàthair gu'm b'ann o'n Tighearn *bha e*, gu'n d'iarr e fàth an aghaidh nam Philisteach: oir anns an àm sin bha uachdran-achd aig na Philistich os ceann Israeil.

5 Uime sin chaidh Samson sìos, agus 'athair agus a mhàthair, gu Timnat, agus

thàinig iad gu fion-liosaibh Thimnait; agus, feuch, *bha* leòmhann òg a' beuchdaich 'n a aghaidh.

6 Agus thàinig spiorad an Tighearna air gu treun, agus reub se e mar a reubadh e meann, agus cha *robh* ni air bith 'n a làimh: ach cha d'innis e d'a athair no d'a mhàthair ciod a rinn e.

7 Agus chaidh e sìos, agus labhair e ris a' mhnaoi; agus bha i taitneach ann an sùil-bh Shamsoin.

8 Agus an déigh làithean àraidh, phill e clum a gabhail, agus chaidh e a leth-taobh a dh'fhacinn ciosaich an leòmhain; agus, feuch, *bha* sgaoth bheach ann an ciosaich an leòmhain, agus mil.

9 Agus ghabh e dh'i 'n a làmhnan, agus chaidh e air 'a ghaidh ag itheadh, agus thàinig e dh'ionnsuidh 'athar agus a mhàthar, agus thug e dhoibh, agus dh'ith iad: ach cha d'innis e dhoibh gu'm b'ann á ciosaich an leòmhain a thug e a' mhil.

10 Agus chaidh 'athair sìos a dh'ionnsuidh na mnà: agus rinn Samson an sin cuir; oir mar sin bu ghnàth leis na daoineibh òga a dheanamh.

11 Agus an uair a chunnaic iad e, thug iad deich thar fhichead companach gu bhi maille ris.

12 Agus thubhairt Samson riu, Cuiridh mi nis toimhseachan a mach dhuibh: ma chuireas sibh gu cinnteach 'an céill domh e an taobh a stigh de sheachd làithibh na cuirme, agus gu'm faigh sibh a mach e, an sin bheir mise dhuibh deich thar fhichead brat-lìn, agus deich thar fhichead culaidh eudaich:

13 Ach mur urrainn sibh a chur 'an céill domh, an sin bheir sibhse dhomh-sa deich thar fhichead brat-lìn, agus deich thar fhichead culaidh eudaich. Agus thubhairt iad ris, Cuir a mach do thoimhseachan, agus gu'n cluinn sinn e.

14 Agus thubhairt esan riu, As an *fhear* a dh'itheas thàinig a mach biadh, agus as an *fhear* gharg thàinig a mach millsead. Agus cha b'urrainn iad an toimhseachan fhuasgladh ann an trì làithibh.

15 Agus air an t-seachdamh là thubhairt iad ri mnaoi Shamsoin, Meall d'fhear, a chum gu'n innis e dhuinn an toimhseachan, air cagal gu'n loisg sinn thu féin agus tigh d'athar le teine: an ann gu seàibh a ghabhail anns na bheil againn a ghairm thu oirnn? nach ann?

16 Agus ghul bean Shamsoin 'n a fhianuis, agus thubhairt i, Tha mhàin fuath agad orm, agus cha-n'èil gràdh agad domh: chuir thu mach toimhseachan do chloinn mo shluaigh, agus cha d'innis thu dhomhsa e. Agus thubhairt esan ri the, Feuch, cha d'innis mi e do m'athair no do m' mhàthair, agus an innis mi dhuitse e?

17 Agus ghul i 'n a làthair rè nan seachd

làithean a bha 'chuir aca: agus air an t-seachdamh là dh'innis e dh'i, a chionn gu'n do chuir i gu teann ris: agus dh'innis ise an toimhseachan do chloinn a sluaigh.

18 Agus thubhairt daoine a' bhaile ris air an t-seachdamh là, roimh luidhe na gréine, Ciod a's milse na mil, agus ciod a's gairge na leòmhann? Agus thubhairt esan riu, Mur bithcadh sibh air treabhadh le m'agh-sa, cha-n fhaigheadh sibh a mach mo thoimhseachan.

19 Agus thàinig spiorad an Tighearna air gu treun, agus chaidh e sìos gu Ascelon, agus mharbh e dhiubh deich thar fhichead fear, agus ghabh e an creach, agus thug e culaidhean eudaich dhoibhsan a dh'fhuasgail an toimhseachan: agus las 'fhearg, agus chaidh e suas gu tigh 'athar.

20 Ach thugadh bean Shamsoin d'a chompanach, a bha mar charaid aige.

CAIB. XV.

1 Dhiùltadh a bhean do Shamson. 3 Loisg e arbhar nam Philisteach. 9 Cheangladh e le fir Iudah, agus thugadh thairis e do na Philistich. 14 Mharbh e mìle fear le cnàimh-peircill.

A GUS an déigh làithean àraidh, ann an àm fogharaidh a' chruithneachd, chaidh Samson a dh'fhacinn a mhna le meann de na gabhraibh; agus thubhairt e, Théid mi stigh a dh'ionnsuidh mo mhna do'n t-seòmar. Ach cha leigeadh a h-athair leis dol a stigh.

2 Agus thubhairt a h-athair, Gu deimhin shaoil mi gu'n d'fhuathaich thu gu tur i, agus thug mi i do d' chompanach: nach 'eil a piuthar a's òige nìs maisiche na i? bith-eadh i nis agad 'n a h-àite.

3 Agus thubhairt Samson nu'n timchioll, A nis bithidh mi nìs neò-chiontaiche na na Philistich, ged ni mi òle orra.

4 Agus chaidh Samson, agus ghlac e trì cheud sionnach, agus ghabh e leusan-teine, agus thionndaidh e earball ri h-earball, agus chuir e leus-teine anns a' mheadhon eadar dà earball.

5 Agus an uair a chuir e na leusan ri theine, leig e air falbh iad am measg arbhair nam Philisteach, agus loisg e 'n dà chuid na h-adagan agus mar an ceudna an t-arbhar a bha 'n a sheasamh, maille ris na fion-liosaibh agus ris na liosaibh-olaidh.

6 An sin thubhairt na Philistich, Co a rinn so? Agus dh'innseadh dhoibh, Samson cliamhuin an Timnataich, a chionn gu'n do ghabh esan a bhean, agus gu'n d'fhug e i d'a chompanach. Agus chaidh na Philistich suas, agus loisg iad i féin agus a h-athair le teine.

7 Agus thubhairt Samson riu, Ge do rinn sibh mar so, gidheadh dìolaidh mise mi féin oirbh, agus 'n a dhéigh sin sguiridh mi.

8 Agus bhuail e iad cos gu leis le h-àr mòr: agus chaidh e sìos agus ghabh e còmhnuidh ann an uaimh carraige Ètain.

9 Agus chaidh na Philistich suas, agus champaich iad ann an Iudah, agus sgaoil siad iad fèin ann an Lehi.

10 Agus thubhairt fir Iudah, 'Car son a thàinig sibh a nìos 'n ar n-aghaidh-ne? Agus thubhairt iadsan, A cheangal Shamsoin thàinig sinn a nìos, a dheanamh air mar a rinn esan oirne.

11 Uime sin chaidh trì mìle fear de Iudah sìos gu uaimh carraige Etain, agus thubhairt iad ri Samson, Nach 'eil fhios agad gu bheil na Philistich 'n an uachdarain oirne? agus ciod é so a rinn thu oirne? agus thubhairt esan riu, Mar a rinn iadsan ornsa, mar sin rinn mise orrasan.

12 Agus thubhairt iad ris, A chum thusa a cheangal tha sinn air teachd a nuas, a chum gu'n toir sinn thairis thu do làmh nam Philisteach. Agus thubhairt Samson riu, Thugaibh bhur mionnan dhomh, nach buail sibh fèin orm.

13 Agus fhreagair iad e, ag ràdh, Cha bhuail: ach ceanglaidh sinn thu gu teann, agus bheir sinn thairis thu d'an làmh, ach gu cinnteach cha mharbh sinn thu. Agus cheangail iad e le dà chord ùr, agus thug iad a nìos e o'n charraig.

14 Agus an uair a thàinig e gu Lehi, rinn na Philistich iolach a' dol 'n a choinneamh: agus thàinig spiorad an Tighearna air gu treun, agus dh'fhàs na cuird a bha air a ghairdeanaibh mar lion a loisgeadh le teine, agus dh'fhuasgladh a cheanglaichean bhàrr a làmhan.

15 Agus fhuair e cnàimh-peircill ùr asail, agus chuir e mach a làmh, agus ghlac se e, agus bhuail e leis mìle fear.

16 Agus thubhairt Samson, Le cnàimh-peircill asail, dùn air dhùn, le cnàimh-peircill asail mharbh mi mìle fear.

17 Agus an uair a sguir e de labhairt, thilg e 'n cnàimh-peircill as a làmh, agus dh'ainntich e 'n t-àite sin Ramat-Lehi.

18 Agus bha tart mòr air, agus ghairm e air an Tighearna, agus thubhairt e, Thug thu an t-saorsa mhòr so do làmh do sheirbhisich: agus a nis an faigh mi bàs le tart, agus an tuit mi ann an làmh nan neo-thimchioll-ghearrta?

19 Agus sgoilt Dia lag a bha ann an Lehi, agus thàinig uisge as; agus dh'òl e, agus thàinig a spiorad a ris, agus dh'ath-bheothaich e: uime sin thug e En-hacore mar ainm air, a tha ann an Lehi gu ruig an là 'n diugh.

20 Agus thug e breth air Israel ann an Ràithibh nam Philisteach fichead bliadhna.

CAIB. XVI.

1 Thug Samson leis comhlaichean geata Ghasa. 4 Mheall Delilah e, 15 agus thugadh buaidh air. 21 Chuir na Philistich a mach a shùilean.

A GUS chaidh Samson gu Gasa, agus chunnaic e an sin striopach, agus chaidh e stigh d'a h-ionnsuidh.

2 Agus dh' innseadh do na Gasaich, ag ràdh, Thàinig Samson an so. Agus chuairtich iad e, agus rinn iad feall-fholach air a shon rè na h-oidhech ann an geata a' bhaile, agus bha iad tosdach rè na h-oidheche, ag ràdh, 'N uair a thig solus na maidne, marblhaidh sinn e.

3 Agus luidh Samson gu meadhon-oidheche, agus dh'éirich e mu mheadhon-oidheche, agus ghabh e comhlaichean geata a' bhaile, agus an dà phost, agus thug e leis iad maille ris na crannaibh, agus chuir e air a ghuaillibh iad, agus thug e suas iad gu mullach sléibhe a tha fa chomhair Hebrion.

4 Agus 'n a dhéigh sin ghràdhaich e bean ann an gleann Shoreic, d'am b'ainm Delilah.

5 Agus chaidh tighearnan nam Philisteach suas d'a h-ionnsuidh, agus thubhairt iad rithe, Meall e, agus faic c'àit am bheil a neart mòr a' luidhe, agus cionnus a bhuadaicheas sinn air, air chor as gu'n ceangail sinn e chum a cheannsachadh; agus bheir sinn dhuit, gach aon againn, mìle agus ceud bonn airgid.

6 Agus thubhairt Delilah ri Samson, Innis dhomh, guidheam ort, c'àit am bheil do neart mòr a' luidhe, agus cionnus a dh'fheudas tu bhì air do cheangal chum do cheannsachadh.

7 Agus thubhairt Samson rithe, Ma cheanglas iad mi le seachd goid ùra nach do thiormaicheadh, an sin bithidh mi annamh, agus bithidh mi mar dhuine eile.

8 An sin thug tighearnan nam Philisteach suas d'a h-ionnsuidh seachd goid ùra nach do thiormaicheadh, agus cheangail i e leo.

9 (A nis bha daoine ri feall-fholach, a' fantuinn maille rithe anns an t-seòmar.) Agus thubhairt i ris, Na Philistich ort, a Shamsoin. Agus bhris e na goid, mar a bhrisear snàthainn ascaird an uair a bheanas e ri teine: agus cha d'fhuaras fios a neirt.

10 Agus thubhairt Delilah ri Samson, Feuch, mheall thu mi, agus dh'innis thu dhomh breugan: a nis innis dhomh, guidheam ort, cionnus a dh'fheudas tu bhì air do cheangal.

11 Agus thubhairt esan rithe, Ma cheanglas iad mi gu teann le cordaibh ùra nach do ghnàthaicheadh riamh, an sin bithidh mi annamh, agus bithidh mi mar dhuine eile.

12 Agus ghabh Delilah cuird ùra, agus cheangail i e leo, agus thubhairt i ris, Na Philistich ort, a Shamsoin. (Agus bha luchd feall-fholach a' fantuinn anns an t-seòmar.) Agus bhris e iad bhàrr a ghairdeanan mar shnàthainn.

13 Agus thubhairt Delilah ri Samson, Gu ruige so mheall thu mi, agus dh'innis thu dhomh breugan: innis dhomh cionnus a dh'fheudas tu bhì air do cheangal. Agus

thubhairt esan rithe, Ma dh'fhigheas tu seachd duail mo chinn maille ris an eige.

14 Agus dhaingnich i *iad* leis a' phinne, agus thubhairt i ris, Na Philistich ort, a Shamsoin. Agus mhosgail e as a chodal, agus thug e air falbh leis piùne na garmainn agus an eige.

15 Agus thubhairt isc ris, Cionnus is urrainn thu a ràdh, Tha gràdh agam dhuit, an uair nach 'eil do chridhe leam? na tri uair-ean so mheall thu mi, agus cha d'innis thu dhomh c'ait *am bheil* do neart mòr a' *luidhe*.

16 Agus an uair a chuir i gu teann ris gach aon là le a briathraibh, agus a choimh-éignich i e, bha 'anam air a chràdh gu bàs.

17 An sin dh'innis e dh'i a chridhe uile, agus thubhairt rithe, Ealtainn cha d'fhàinig riamh air mo cheann; oir *ba* Nasarach do Dhia mi o bhroinn mo mhàthar: ma bhearrar mi, an siu fàlbhaidh mo neart uam, agus fàsaidd mi amhunn, agus bithidh mi mar gach duine *eile*.

18 Agus an uair a chunnaic Delilah gu'n d'innis e dh'i a chridhe uile, chuir i fios, agus ghairm i air tighearnaibh nam Philisteach, ag ràdh, Thigibh a uios an aon uair so, oir dh'innis e dhomh a chridhe uile. An sin thàinig tighearnan nam Philisteach a nìos d'a h-ionnsuidh, agus thug iad airgid a nìos 'n an làimh.

19 Agus thug i air codal air a glùinibh; agus ghairm i air fear, agus thug i air seachd duail a chinn a bhearradh dheth; agus thòisich i air a cheannsachadh, agus dh'fhalbh a neart uait.

20 Agus thubhairt i, Na Philistich ort, a Shamsoin. Agus mhosgail e as a chodal, agus thubhairt e, Théid mi mach, mar air uairibh eile, agus crathaidh mi mi féin: oir cha 'obh fhios aige gu'n d'innich an Tighearn iait.

21 Ach ghlac na Philistich e, agus chuir iad a mach a shùilean; agus thug iad sìos e gu Gasa, agus cheangail iad e le geiuilbhibh umha, agus bha e a' bleth ann an tigh a' phriosain.

22 Gidheadh thòisich folt a chinn air fàs a ris, an déigh dha bhi air a bhearradh.

23 Agus chruinnich tighearnan nam Philisteach iad féin an ceann a chéile a dh'òbradh iobairte mòire d'an dia Dagon, agus a dheanamh gairdeachais: oir thubhairt iad, Thug ar dia thairis Samson ar nàmhaid d'ar làimh.

24 Agus an uair a chunnaic an sluagh e, mhol iad an dia: oir thubhairt iad, Thug ar dia thairis d'ar làimh ar nàmhaid, agus fear-millidh ar dùthcha, a mharbh mòran dhinn.

25 Agus an uair a bha'n cridheachan subhach, thubhairt iad, Gairmibh air Samson, a chum gu'n dean e fearas-chnideachd dhuinn. Agus ghairm iad air Samson a tigh a'

phriosain; agus rinn e fearas-chuideachd 'n an làthair: agus chuir iad e eadar na puist.

26 Agus thubhairt Samson ris an òganach a ghabh greim d' a làimh, Leig dhomh na puist a làimhseachadh air am bheil an tigh: 'n a sheasamh, a chum gu'n leig mi mo thàic riu.

27 A nis bha'n tigh làn dhaoine ag-
bhan; agus *bha* uile thighearnan nam Philisteach an sin: agus *bha* air mullach an tigh mu thimchioll tri mìle fear agus bean, a bha 'g amharc an uair a rinn Samson fearas-chuideachd.

28 Agus ghairm Samson air an Tighearn, agus thubhairt e, O Thighearna Dhé, cuimh-nich orm, guidheam ort, agus neartaich mi, guidheam ort, a mhàin an aon uair so, O Dhé, a chum gu'm bi mi dìolta dh'aon tarr-aing air na Philistich air son mo dhà shùil.

29 Agus ghabh Samson greim de'n dà phost mheadhonach air an robh an tigh 'n a sheasamh, agus ris an robh e 'n taic, *de* h-aon *diubh* le a làimh dheis, agus *de* 'n aon eile le a làimh chlì.

30 Agus thubhairt Samson, Faigheam bàs maille ris na Philistich. Agus chrom se e féin le 'uile neart; agus thuit an tigh air na tighearnaibh, agus air an t-sluagh uile a *bha* ann: agus bha na mairbh a mharbh e aig a bhàs ni bu lionmhoire na *iadsan* a mharbh e 'n a bheatha.

31 Agus chaidh a bhràithrean agus tigh 'athar uile sìos, agus ghabh iad e, agus thug iad suas e, agus dh'adhlac iad e eadar Sorah agus Estaol, ann an àit-adhlac Mhanoah 'athar: agus thug e breth air Israel fichead bliadhna.

CAIB. XVII.

1 *Thug Micah air ais d'a mhàthair an t-airgid a ghoidheadh, agus rinn i dealbh snaidhte agus dealbh leaghta dheth.* 7 *Thuarasalach Micah Lebhithich gu bh' 'n a shogart aige.*

A GUS bha duine de shliabh Ephraim, d'am b'ainm Micah.

2 Agus thubhairt e r'a mhàthair, Am mìle agus an ceud *secel* airgid, a thugadh air falbh uait, mu'n do mhallach thu, agus mu'n do labhair thu cuideachd ann am chluasaibh-sa, feuch, *tha* 'n t-airgid agamsa; ghabh mise e. Agus thubhairt a mhàthair, Gu ma beannaichte thusa o'n Tighearn, a mhic.

3 Agus an uair a thug e air ais am mìle agus an ceud *secel* airgid d'a mhàthair, thubhairt a mhàthair, Naomhaich mi gu h-iomlan an t-airgid do'n Tighearn o m' làimh air son uo mhic, a dheanamh dealbh shnaidhte, agus dealbh leaghta: a nis ma ta bheir mi air ais dhuit e.

4 Agus thug e air ais an t-airgid d'a mhàthair; agus ghabh a mhàthair dà cheud *secel* airgid, agus thug i iad do'n òr-cheard, agus rinn esan dhiubh dealbh snaidhte agus

dealbh leaghta: agus bha iad ann an tigh Mhìcach

5 Agus *bha* aig an duine Micah tigh dhiath-an, agus rinn e ephod, agus teraphim, agus choisrig e aon d'a mhic, agus bha e aige 'n a shagart.

6 Anns na làithibh sin cha *robh* rìgh air bith ann an Israel: rinn *gach* fear an *ni sin a bha* céart 'n a shùilibh féin.

7 Agus bha òganach o Bhet-lehem Iudah, de theaghlach Iudah, *a bha* 'n a Lebhitheach, agus bha e air chuairt an sin.

8 Agus dh'imich an duine as a' bhaile o Bhet-lehem Iudah, a dhòl air chuairt far am faigheadh e *àit*: agus thàinig e gu sliabh Ephraim, gu tigh Mhìcach, a' dol air aghaidh air a thurus.

9 Agus thubhairt Micah ris, Cia as a tha thu air teachd? Agus thubhairt esan ris, Is Lebhitheach mise o Bhet-lehem Iudah, agus *tha* mi a' triall air chuairt far am faigh mi *àite*.

10 Agus thubhairt Micah ris, Fan maille riumsa, agus bi dhomhsa a'd' athair agus a'd' shagart, agus bheir mi dhuit deich *seceil* airgid 's a' bhliadhna, agus culaidh eudaich, agus do bhiaidh. Agus chaidh an Lebhitheach a stigh.

11 Agus bha'n Lebhitheach toilichte còmh-nuidh 'ghabhail maille ris an duine, agus bha'n t-òganach dha mar aon d'a mhic.

12 Agus choisrig Micah an Lebhitheach; agus bha 'n t-òganach aige 'n a shagart, agus bha e ann an tigh Mhìcach.

13 Agus thubhairt Micah, A nis tha fios agam gu'n dean an Tighearn maith dhomh, a chionn gu bheil Lebhitheach agam 'n a shagart.

CAIB. XVIII.

1 *Chuir* na Danaich cùgear fhear a dh' iarr-aidh oighreachd dhoibh féin. 26 *Ghlac* iad *Lais*.

A NNS na làithibh sin cha *robh* rìgh air bith ann an Israel: agus anns na làithibh sin dh'iarr treubh nan Danach dhoibh féin oighreachd anns an gabhadh iad còmh-nuidh; oir gu ruig an là sin cha do thuit an oighreachd *uile* orra am measg threubhan Israeil.

2 Agus chuir clann Dhain cùgear d' an teaghlach o'n crìochaibh, daoine treun', o Shorah agus o Estaol, a ghabhail beachd air an tìr, agus g'a rannsachadh a mach; agus thubhairt iad riu, Imichibh, rannsaichibh a mach an tìr. Agus thàinig iad gu sliabh Ephraim, gu tigh Mhìcach, agus dh'fhan iad an sin rè na h-oidhche.

3 An uair a *bha* iad aig tigh Mhìcach, dh'aithnich iad guth an òganaich, an Lebhitheich; agus thionndaidh iad a stigh an sin, agus thubhairt iad ris, Cò 'thug an so thu? agus ciod a *tha* thu 'deanamh an so? agus ciod a *th'* agad an so?

4 Agus thubhairt esan riu, Mar so agus

mar so rinn Micah rium, agus thuarasdaiaich e mi, agus tha mi aige a'm' shagart.

5 Agus thubhairt iad ris, Iarr comharra, guidheamaid ort, air Dia, chum gu'm bi fios againn an soirbheach leinn 'n ar slighe air *am bheil* sinn ag imeachd.

6 Agus thubhairt an sagart riu, Imichibh 'an sìth: an làthair an Tighearna *tha* bhur slighe, air am bheil sibh ag imeachd.

7 Agus dh'imich an cùgear fhear, agus thàinig iad gu Lais, agus chunnaic iad an sluagh a *bha* ann, a' gabhail còmh-nuidh gun umhail, a réir gnàtha nan Sidonach, sàmhach agus neo-umhail each; agus cha *robh* uach-daran air bith anns an tìr, a chuireadh gu nàire *iad* ann an *ni air bith*: agus *bha* iad fada o na Sidonaich, agus cha robh gnothuch aca ri duine *air bith*.

8 Agus thàinig iad a dh'ionnsuidh am bràithrean gu Sorah agus Estaol; agus thubhairt am bràithrean riu, Ciod a *tha* sibh ag ràdh?

9 Agus thubhairt iad, Eiribh agus racha-maid suas 'n an aghaidh: oir chunnaic sinne an tìr, agus, feuch, *tha* i ro mhaith: agus *am bheil* sibhse 'n ur tàmh? na bithibh leasg gu imeachd, agus gu dol a steach a shealbhiachadh na tìre.

10 'N uair a théid sibh, thig sibh a steach a dh'ionnsuidh sluagh neo-umhailich, agus do thìr ro fharsaing; oir thug Dia thairis d'ur làimh i; àit anns nach *eil* uireasbhuidh ni air bith a *th'* air an talamh.

11 Agus chaidh á sin de theaghlach nan Danach, á Sorah agus á Estaol, sè ceud fear, crioslaichte le innealaibh cogaidh.

12 Agus chaidh iad suas, agus champaich iad ann an Cariat-earim, ann an Iudah: uime sin thugadh Mahaneh-dan mar ainm air an àite sin gu ruig an là'n dìugh; feuch, *tha* e air cùlaobh Chariat-earim.

13 Agus chaidh iad seachad o sin gu sliabh Ephraim, agus thàinig iad gu tigh Mhìcach.

14 An sin fhreagair an cùgear fhear a chaidh a ghabhail beachd air tìr Lais, agus thubhairt iad r'am bràithribh, Am bheil fhios agaibh gu bheil anns na tighibh sin ephod, agus teraphim, agus dealbh snaidhte, agus dealbh leaghta? a nis ma ta sinuainichibh ciod a ni sibh.

15 Agus thionndaidh iad gus a sin, agus thàinig iad gu tigh an òganaich, an Lebhitheich, *eadhon* gu tigh Mhìcach, agus chuir iad falte air.

16 Agus sheas an sè ceud fear a *bha* de chloinn Dhain, crioslaichte le iuncalaibh-cogaidh, aig dol a stèach a' gheata.

17 Agus chaidh an cùgear fhear suas a chaidh a ghabhail beachd air an tìr, agus thàinig iad a stigh an sin, agus ghabh iad an dealbh snaidhte, agus an ephod, agus an teraphim, agus an dealbh leaghta: agus sheas an sagart aig dol a stigh a' gheata,

agus an sè eud fear a bha crioslaichte le innealaibh cogaidh.

18 Agus an uair a chaidh iad sin a steach do thigh Mhìcach, agus a ghabh iad an dealbh snaidhte, an ephod, agus an teraphim, agus an dealbh leaghta, an sin thubhairt an sagart riu, Ciod a tha sibh a' deanamh?

19 Agus thubhairt iadsan ris, Bi 'd thosd, cuir do làmh air do bheul, agus falbh maille ruinne, agus bi dhuinn a' d' athair agus a' d' shagart: am fearr dhuit a bhi a' d' shagart do thigh aoin duine, na thu bhi a' d' shagart do thighibh agus do theaghlach ann an Israel?

20 Agus bha cridhe an t-sagairt subhach; agus ghabh e'n ephod, agus an teraphim, agus an dealbh snaidhte, agus chaidh e ann am meadhon an t-sluaigh.

21 Agus thionndaidh iad, agus dh'imich iad, agus chuir iad a' chlànn bheag, agus an spreidh, agus gach ni trom rompa.

22 Agus an uair a bha iad astar fada o thigh Mhìcach, chruinnich na fir a bh'anns na tighibh a bha làimh ri tigh Mhìcach iad féin an ceann a chéile, agus chaidh iad air tòir chloinn Dhain.

23 Agus ghlaodh iad ri cloinn Dhain; agus thionndaidh iadsan an aghaidh, agus thubhairt iad ri Micah, Ciod a tha 'teachd riut, gu bheil thu 'teachd le leithid so de chuid-eachd?

24 Agus thubhairt esan, Mo dhianhan a rinn mi thug sibh leibh, agus an sagart, agus dh'fhalbh sibh roimhibh; agus ciod a th'agam sa tuilleadh? agus ciod e so a tha sibh ag ràdh rium, Ciod a tha 'teachd riut?

25 Agus thubhairt clann Dhain ris, Na chuinnear do ghuth 'n ar measg, air eagal gu'm buail daoine feargach 'n an spiorad ort, agus gu'n caill thu d'anam féin, agus anaman do theaghlach.

26 Agus dh'imich clann Dhain air an slighe; agus an uair a chunnaic Micah gu'n robh iad tuilleadh 's làidir air a shon, thionndaidh e agus phill e d'a thigh.

27 Agus ghabh iad na nithean a rinn Micah, agus an sagart a bhaige, agus thàinig iad gu Lais, a dh'ionnsuidh sluaigh a bha samhach agus neo-umhaileach: agus bhuaill siad iad le faobhar a' chlàidheimh, agus loisg iad am baile le teine.

28 Agus cha robh fear-saoraidh ann, a chionn gu'n robh e fada o Shidon, agus nach robh gnothuch aca ri duine sam bith; agus bha e anns a' ghleann a tha làimh ri Bet-rehob: agus thog iad baile, agus ghabh iad còmhluaidh ann;

29 Agus thug iad 'Dan mar ainm air a' bhaile, a réir ainme Dhain an athar, a rugadh do Israel: gidheadh 'e Lais ainm a' bhaile an toiseach.

30 Agus chuir clann Dhain suas dhoibh féin an dealbh snaidhte: agus bha Ionatan mac Ghersoim, mhic Mhanaseh, e féin agus

a mhic, 'n an sagartaibh do thighibh Dhain, gu ruig là braighdeanais na tire.

31 Agus chuir iad suas dhoibh féin dealbh snaidhte Mhìcach, a rinn e, rè na h-ùine a bha tigh Dhé ann an Siloh.

CAIB. XIX.

1 Chaidh Lebhitheach gu Bet-lehem a thoirt dhachaidh a' mhòid. 16 Thug seann duine aoidheachd dha aig Gibeath. 22 Mhìghnàth-aich daoine Ghibeah a choimhleabach.

AGUS anns na làithibh sin, an uair nach robh rìgh air bith ann an Israel, bha Lebhitheach àraidh air chuairt air taobh sléibh Ephraim, a ghabh d'a ionnsuidh coimhleabach o Bhet-lehem Iudah.

2 Agus rinn a choimhleabach siùrtachd 'n a aghaidh, agus dh'fhalbh i uaith gu tigh a h-athar gu Bet-lehem Iudah, agus bha i 'n sin ceithir mìosan iomlan.

3 Agus dh'éirich a fear, agus chaidh e 'n a déigh, a chum gu'n labhradh e r'a cridhe, agus gu'n tugadh e air a h-ais i, agus 'òganach maille ris, agus dà asal: agus thug i steach e do thigh a h-athar; agus an uair a chunnaic athair na h-ighinn e, chaidh e le gairdeachas 'n a choinneamh.

4 Agus ghléidh 'athair-céile, athair na h-ighinn e, agus dh'fhan e maille ris trì làithean: agus dh'ith agus dh'òl iad, agus dh'fhan iad rè na h-oidheche an sin.

5 Agus air a' cheathramh là, 'n uair a dh'éirich iad gu moch anns a' mhaduinn, dh'éirich esan suas gu imeachd: agus thubhairt athair na h-ighinn r'a chliamhuin, Neartaich do chridhe le greim arain, agus 'n a dhéigh sin imichidh sibh.

6 Agus shuidh iad sìos le 'chéile, agus dh'ith iad cuideachd, agus dh'òl iad: oir thubhairt athair na h-ighinn ris an duine, Bi toilichte, guidheam ort, agus fan rè na h-oidheche, agus bitheadh do chridhe subhach.

7 Agus an uair a dh'éirich an duine suas gu imeachd, rinn 'athair-céile dian-earail air; uime sin dh'fhan e 'n sin an oidheche sin a ris.

8 Agus dh'éirich e gu moch anns a' mhaduinn air a' chùigeamh là gu imeachd: agus thubhairt athair na h-ighinn, Neartaich do chridhe, guidheam ort. Agus dh'fhan iad gu déigh mheadhoin-là, agus dh'ith iad le 'chéile.

9 Agus an uair a dh'éirich an duine suas gu imeachd, e féin, agus a choimhleabach, agus 'òganach, thubhairt 'athair-céile, athair na h-ighinn ris, Feuch, a nis tha'n là a' tarruing gu feasgar, fanaibh, guidheam ort, rè na h-oidheche: feuch, tha'n là a' dlùthachadh r'a chrìch, fan an so rè na h-oidheche, agus bitheadh do chridhe subhach; agus an màireach éiridh sibh gu moch a chum blur turais, agus théid thu dhachaidh.

10 Ach cha b' àill leis an duine fantuinn an oidheche sin, ach dh'éirich e suas agus

dh'imich e, agus thàinig e air aghaidh fa chomhair Iebuis, (*is e sin Ierusalem*); agus *bha* maille ris dà asal le'n diollaidibh; *bha* mar an ceudna a choimhleabach maille ris.

11 Agus an uair a *bha* iad làimh ri Iebuis, chaitheadh an là gu mòr; agus thubhairt an t-òganach ri a mhaighstir, Thig, guidheam ort, agus tionndaidhmid a stigh do bhaile so nan Iebusach, agus fanamaid rè na h-oidheche ann.

12 Agus thubhairt a mhaighstir ris, Cha tionndaidh sinn a stigh an so gu baile coigriche, nach 'eil de chloinn Israeil, ach gabhadh sinn thairis gu Gibeah.

13 Agus thubhairt e r'a òganach, Thig, agus tairngeamaid ann fagus do aon de na h-aitibh sin gu fantuinn rè na h-oidheche, ann an Gibeah, no ann an Ramah.

14 Agus ghabh iad thairis, agus dh'imich iad; agus chaidh a' ghrian sìos orra làimh ri Gibeah, a *bhuineas* do Bheniamin.

15 Agus thionndaidh iad a leth-taobh an sin, gu dol a stigh a dh'fhantuinn rè na h-oidheche ann an Gibeah: agus an uair a chaidh e stigh, shuidh e sìos ann an sràid a' bhaile; oir cha robh duine sam bith a ghabh iad d'a thigh gu fantuinn rè na h-oidheche.

16 Agus, feuch, thàinig seann duine o 'obair a mach as an fhearann mu fheasgar, a *bha* mar an ceudna o shliabh Ephraim, agus *bha* e air chuairt ann an Gibeah; ach *bu* Bheniaminich daoine an àite.

17 Agus an uair a thog e suas a shùilean, chunnaic e duine a *bha* air thurus ann an sràid a' bhaile: agus thubhairt an seann duine, C'ait a' bheil thu dol? agus cia as a tha thu air teachd?

18 Agus thubhairt e ris, *Tha* sinn a' gabhail thairis o Bhet-lehem Iudah dh'ionnsuidh taoibh sléibh Ephraim, as *am bheil* mise; agus chaidh mi do Bhet-lehem Iudah, ach *tha* mi *nis* a' dol gu tigh an Tighearn; agus cha-n'eil duine air bith ann a ghabhas mi d'a thigh.

19 Gidheadh, tha 'n dà chuid fodar agus imlinn ann air son ar n-asal, agus tha mar an ceudna aran agus fion ann air mo shon-sa, agus air son do bhanoglaich, agus air son an òganaich a tha maille ri d' sheirbhisich: cha-n'eil easbhuidh ni air bith oirnn.

20 Agus thubhairt an seann duine, *Sith gu robh* maille riut: gidheadh, *bithheadh* d'easbhuidh gu léir ormsa; a mhàin na fan anns an t-sràid rè na h-oidheche.

21 Agus thug e steach e d'a thigh, agus thug e imlinn do na h-asalaibh: agus uigh iad an cosan, agus dh'ith agus dh'òl iad.

22 *Ach* an uair a *bha* iad a' deanamh an cridhe subhach, feuch, chuairtich daoine a' bhaile, daoine a bu mhioc do Bheil, an tigh mu'n cuairt, agus bhuail iad aig an dorus, agus labhair iad ri maighstir an tighe, an

seann duine, ag ràdh, Thoir a mach an duine a thàinig a dh'ionnsuidh do thighe, a chum gu'n aithnich sinn e.

23 Agus chaidh an duine, maighstir an tighe, mach d'an ionnsuidh, agus thubhairt e riu, Na *deanaibh*, mo bhràithrean, na deanaibh, guidheam oirbh, *cho* ole; an dèigh do'n duine so teachd a dh'ionnsuidh mo thighe-sa, na deanaibh an ni gràineil so.

24 Feuch, mo nighean, maighdean, agus a choimhleabach, iadsan bheir mi mach a nis, agus islichibhse iad, agus deanaibh riu an *ni sin* a tha maith 'n ur sùilibh: ach air an duine so na deanaibh ni cho gràineil.

25 Ach cha-n éisdeadh na daoine ris: agus rug an duine air a choimhleabach, agus thug e mach i d'an ionnsuidh; agus dh'aithnich iad i, agus mhi-ghnàthaich iad i rè na h-oidheche gu maduinn: agus aig briseadh na faire leig iad air falbh i.

26 Agus thàinig a' bhean ann an scarthan-ach an là, agus thuit i sìos aig dorus tighe an duine, far an robh a tighearn, gus an robh solus ann.

27 Agus dh'éirich a tighearn anns a' mhaduinn, agus dh'fhosgail e dorus an tighe, agus chaidh e mach gu meachd air a shlighe: agus, feuch, *bha* a' bhean a choimhleabach air tuiteam sìos aig dorus an tighe, agus a làmhnan air an stairsnich.

28 Agus thubhairt e rithe, Eirich, agus imicheamaid; ach cha d'thug i freagradh air bith. Agus ghabh e i air asail, agus dh'éirich an duine suas, agus chaidh e d'a àite féin.

29 Agus an uair a thàinig e d'a thigh, ghabh e sgian, agus rug e air a choimhleabach, agus roinn e i, maille r'a cnàmhan, 'n a dà mhir dheug, agus chuir e i gu uile chrìochaibh Israeil.

30 Agus thubhairt gach neach a chunnaic e, Cha d'rinnadh agus cha-n fhaeas *ni air bith* cosmhuil ri so, o'n là anns an d'thàinig clann Israeil a nìos á tìr na h-Eiphit gus an là'n diugh: beachdaichibh air, gabhaibh comhairle, agus labhraibh.

CAIB. XX.

1 *An'n an coimhthional an t-sluaigh chuir an Le-bhithreach 'an cèll an eucoir a rinneadh air.* 8. *Shonruich clann Israeil air dol suas gu cath an aghaidh Ghibeah.* 29 *Syriosadh na Beniaminich.*

AN SIN chaidh clann Israeil uile mach, agus chruinnicheadh an coimhthional ri 'chéile mar aon duine, o Dhan gu Beer-seba, agus o thìr Ghilead, a dh'ionnsuidh an Tighearna gu Misphe.

2 Agus nochd prìomh-dhaoine an t-sluaigh uile, *eadhon* threubhan Israeil uile, iad fèin ann an coimhthional sluagh Dhé, ceithir cheud mìle coisiche a tharruing claidhearnh.

3 (A nis chuala clann Bheniamin gu'n deachaidh clann Israeil suas gu Misphe.)

Agus thubhairt clann Israeil, Innsibh cionnus a bha'n t-olc so?

4 Agus fhearagair an Lebhitheach, fear na mnà a mharbhadh, agus thubhairt e, Gu Gibeah a *bhuineas* do Bheniamin thàinig mise agus mo choimhleabach, gu fantuinn ann rè na h-oidhche:

5 Agus dh'éirich fir Ghibeah a'm' aghaidh, agus chuairtich iad an tigh mu'n cuairt orm anns an oidhche: mi féin b'àill leo a mharbhadh, agus air mo choimhleabach rinn iad éigin, agus tha i marbh.

6 Agus rug mi air mo choimhleabach, agus ghearr mi i 'n a miribh, agus chuir mi i air feadh uile fhearainn oighreachd Israeil: oir rinn iad cionta agus gràineileachd ann an Israel.

7 Feuch, *is* clann Israeil sibh uile; thugaibh seachad an so bhur focal agus bhur comhairle.

8 Agus dh'éirich an sluagh uile mar aon duine, ag ràdh, Cha téid neach air bith dhinn d'a bhùth, agus cha tionndaidh neach air bith dhinn a steach d'a thigh:

9 Ach a nis so an ni a ni sinn ri Gibeah; *théid sinn suas* le crannchur 'n a aghaidh.

10 Agus gabhaidh sinn deich fir as a' cheud air feadh uile threubhan Israeil, agus ceud as a' mhìle, agus mìle as na deich mìle, a thoirt lèin a dh'ionnsuidh an t-sluaigh, a chum gu'n dean *iad*, an uair a thig iad gu Gibeah Bheniamin, a réir na gràineileachd uile a rinn iadsan ann an Israel.

11 Mar sin chruinnicheadh fir Israeil uile an aghaidh a' bhaile, ceangailte ri 'chéile mar aon duine.

12 Agus chuir treubhan Israeil daoine air feadh uile thréibhe Bheniamin, ag ràdh, Ciod é an t-olc so a rinneadh 'n 'ur measg?

13 A nis ma ta thugaibh thairis *dhuinn* na daoine, clann Bheilail, a *tha* ann an Gibeah, a chum gu'n cuir sinn gu bàs iad, agus gu'n cuir sinn air falbh olc o Israel. Ach cha-n éisdeadh clann Bheniamin ri guth am bràithrean cloinn Israeil:

14 Ach chruinnich clann Bheniamin iad féin 'an ceann a chéile as na bailtibh gu Gibeah, chum dol a mach gu cath an aghaidh chloinn Israeil.

15 Agus dh'àirmheadh clann Bheniamin anns an àm sin as na bailtibh, sè mìle thar fhichead fear a tharruing claidheamh, a bhàrr air luchd-àiteachaidh Ghibeah.

16 Dh'àirmheadh seachd ceud fear taghta am measg an t-sluaigh so uile, seachd ceud fear taghta clì-làmbach: thilgeadh gach aon diubh so clach à crann-tàbhuilt air *leud* ròinneige, agus cha mhearachdaicheadh e.

17 Agus dh'àirmheadh clann Israeil air leth o Bheniamin, ceithir cheud mìle fear a tharruing claidheamh: *ù*fhir chogaidh iad so uile.

18 Agus dh'éirich clann Israeil, agus chaidh iad suas gu tigh Dhé, agus dh'fhiosraich

iad de Dhia, agus thubhairt iad, Cò dhinn a théid suas air tùs gu cath an aghaidh chloinn Bheniamin? agus thubhairt an Tighearn, *Théid Iudah suas* air tùs.

19 Agus dh'éirich clann Israeil anns a' mhaduinn, agus champaich iad an aghaidh Ghibeah.

20 Agus chaidh fir Israeil a mach gu cath an aghaidh Bheniamin; agus chuir fir Israeil iad féin ann an ordugh catha 'n an aghaidh aig Gibeah.

21 Agus thàinig clann Bheniamin a mach á Gibeah, agus sgrios iad sìos gu làr de chloinn Israeil air an là sin, dà mhìle thar fhichead fear.

22 Agus ghabh an sluagh, fir Israeil, misneach dhoibh féin, agus chuir iad a ris an cath ann an ordugh, far an do chuir siad iad féin 'an ordugh air a' cheud là.

23 (Agus chaidh clann Israeil suas, agus ghul iad 'am fianuis an Tighearna gu feasgar, agus dh'fhiosraich iad de'n Tighearn, ag ràdh, An téid mi suas a ris gu cath an aghaidh chloinn Bheniamin mo bhràthar? Agus thubhairt an Tighearn, Rachaibh suas 'n a aghaidh.)

24 Agus thàinig clann Israeil am fagus an aghaidh chloinn Bheniamin an dara là.

25 Agus chaidh Beniamin a mach 'n an aghaidh á Gibeah an dara là, agus sgrios iad de chloinn Israeil a ris oclh mìle dcug fear sìos gu làr; tharruing iad so uile claidheamh.

26 Agus chaidh clann Israeil uile agus an sluagh uile suas, agus thàinig iad gu tigh Dhé, agus ghul iad, agus shuidh iad an sin 'am fianuis an Tighearn', agus thraisg iad air an là sin gu feasgar, agus dh'ìobair iad ìobairtean-loisgte agus ìobairtean-sith 'am fianuis an Tighearna.

27 Agus dh'fhiosraich clann Israeil de'n Tighearn, (oir *bha* àirc coimhcheangail Dhé an sin anns na làithibh sin;

28 Agus sheas Phinehas, mac Eleasair, mhic Aaroin, 'n a làthair anns na làithibh sin,) ag ràdh, An téid mi fathast a ris a mach gu cath an aghaidh chloinn Bheniamin mo bhràthar, no an sguir mi? Agus thubhairt an Tighearn, Rachaibh suas; oir am màireach bheir mise thairis iad do d' làimh.

29 Agus chuir Israel luchd feall-fholach mu'n cuairt air Gibeah.

30 Agus chaidh clann Israeil suas an aghaidh chloinn Bheniamin air an treas là, agus chuir siad iad féin ann an ordugh catha an aghaidh Ghibeah, mar air uairibh eile.

31 Agus chaidh clann Bheniamin a mach an aghaidh an t-sluaigh, agus thairngeadh air falbh iad o'n bhaile; agus thòisich iad air *cuid* de'n t-sluagh a bhualadh agus a mharbhadh, mar air uairibh eile, anns na rathaidibh mòra, d'am *bheil* aon a' dol suas gu tigh Dhé, agus aon gu Gibeah anns an

fhèarann, mu thimchioll deich fir fhichead de Israel.

32 Agus thubhairt clann Bheniamin, *Tha* iad air am bualadh sìos romhainn, mar air tùs. Ach thubhairt clann Israeil, Teich-eamaid, agus tairngeamaid iad o'n bhaile gu ruig na rathaidibh mòra.

33 Agus dh'éirich clann Israeil uile suas as an àit, agus chuir siad iad féin ann an ordugh cathla ann am Baal-tamar: agus thàinig luchd feall-fholach Israeil a mach as an àitibh, *cadhon* o uchdaich Ghibeah.

34 Agus thàinig an aghaidh Ghibeah deich mìle fear taghta mach a h-Israel uile, agus bha'n cath cruaidh: ach cha robh fhios aca gu'n robh ole am fagus doibh.

35 Agus bhuail an Tighearn Benjamin 'am fianuis Israeil: agus sgrios clann Israeil de Bheniamin air an là sin, cùig mìle fichead agus ceud fear; tharruing iad so uile claidheamh.

36 Agus chunnaic clann Bheniamin gu'n do bhuailleadh iad: oir thug fir Israeil àite do na Benjaminich, a chionn gu'n d' earb iad ris an luchd feall-fholach a shuidhich iad làmh ri Gibeah.

37 Agus rinn an luchd feall-fholach cabh-ag, agus ruith iad a stigh air Gibeah; agus tharruing an luchd feall-fholach air an aghaidh, agus bhuail iad am baile uile le faobhar a' chladheimh.

38 A nis bha comharadh suidhichte eadar fir Israeil agus an luchd feall-fholach, gu'n tugadh iad air lasair mhòir le deataich éirigh suas as a' bhaile.

39 Agus an uair a chaidh fir Israeil air an ais anns a' chath, thòisich Benjamin air fir Israeil a bhualachd, agus mharbh iad diubh mu thimchioll deich thar fhichead fear; oir thubhairt iad, Gu cinnteach tha iad air am bualadh sìos romhainn, mar anns a' cheud chath.

40 Agus an uair a thòisich an lasair air éirigh suas as a' bhaile, maille ri meall deataich, dh'amhaire na Benjaminich air an cùlaobh, agus, feuch, dh'éirich deatach a' bhaile suas gu nèamh.

41 Agus an uair a phill fir Israeil a ris, bha uamhas air fir Bheniamin; oir chunnaic iad gu'n robh ole air teachd orra.

42 Uime sin thionndaidh iad an aghaidh 'am fianuis chloinn Israeil ri slighe an fhàsaich; ach rug an cath orra: Agus iadsan a *thàinig* a mach as na bailtibh sgrios iad 'n am meadhon.

43 Chuairtich iad na Benjaminich air gach taobh, ruig siad iad, shaltair iad orra gun sbàirn thall fa chomhair Ghibeah, leth ri éirigh na gréine.

44 Agus thuit de Bheniamin ochd mìle deug fear; iad uile 'n an daoineibh treuna.

45 Agus phill iad, agus theich iad a dh'ionnsuidh an fhàsaich gu carraig Rimoin; agus dh'ìoghlum iad diubh air na

rathaidibh mòra cùig mìle fear; agus lean iad gu cruaidh iad gu ruig Gidom, agus mharbh iad dhiubh dà mhìle fear.

46 Agus b'iadsan uile a thuit de Bheniamin air an là sin, cùig mìle thar fhichead fear a tharruing claidheamh; iad uile 'n an daoineibh treuna.

47 Ach phill sè ceud fear, agus theich iad do'n fhàsach gu carraig Rimoin, agus dh'fhan iad ann an carraig Rimoin ceithir mìosan.

48 Agus phill clann Israeil air an ais air cloinn Bheniamin, agus bhuail siad iad le faobhar a' chladheimh, araon daoine gach baile, agus an spréidh, agus gach nì air bith a fhuaradh ann: mar an ceudna chuir iad ri theine na bàltean uile d'an d' thàinig iad.

CAIB. XXI.

1 *Rinn an sluagh caoidh air son sgrios nam Beniamineach. 16 Thug iad comhairle dhoibhsan diubh a mhair beò, mnathan a ghlacadh dhoibh féin de nigheanaibh Shìloah, 'n uair a thigeadh iad a mach a dh'annasadh.*

A NIS mhiònnaich fir Israeil ann am Mispel, ag ràdh, Cha toir fear air bith againn a nighean do Bheniamin 'n a mnaoi.

2 Agus thàinig an sluagh gu tigh Dhé, agus dh'fhan iad an sin gu feasgar 'am fianuis Dhé, agus thog iad suas an guth, agus ghul iad gu goirt;

3 Agus thubhairt iad, C'ar son, O Thighearna Dhé Israeil, a thàinig an nì so gu crìch ann an Israel, gu'm bitheadh an diugh aon treubh a dh'easbhuidh air Israel?

4 Agus air an là nàireach dh'éirich an sluagh gu moch, agus thog iad an sin altair, agus dh'ìobair iad ìobairtean-loisgte agus ìobairteau-sith.

5 Agus thubhairt clann Israeil, Cò am measg uile threubhan Israeil, nach d' thàinig a nìos maille ris a' choimhthional a dh'ionnsuidh an Tighearna? oir thug iad miannan mòra mu thimchioll-san naeh tigeadh a nìos a dh'ionnsuidh an Tighearna gu Mispel, ag ràdh, Cuirear gu cinnteach gu bàs e.

6 Agus ghabh clann Israeil aithreachas a thaobh Bheniamin ann bràthar, agus thubhairt iad, Ghearradh air falbh an diugh aon treubh o Israel.

7 Cionnus a nì sinn air son bhan dhoibhsan a mhair, agus gu'n do mhiònnaich sinn air an Tighearn, nach toir sinn dhoibh d'ar nigheanaibh mar mhnàibh?

8 Agus thubhairt iad, Cia an aon de threubhan Israeil, nach d' thàinig a nìos a dh'ionnsuidh an Tighearna gu Mispel? agus, feuch, cha d' thàinig duine do'n champ o labeis-ghilead dh'ionnsuidh a' choimhthional.

9 Oir dh'àirmheadh an sluagh, agus, feuch, cha robh neach air bith an sin de luchd-àiteachaidh labeis-ghilead.

10 Agus chuir an coimhthional an sin dà mhìle dheug fear dhiubhsan a bu tréine, agus dh'àithn iad dhoibh, ag ràdh, Falbh-aibh agus buailibh luchd-àiteachaidh Iabeis-ghilead le faobhar a' chlaidheimh, maille ris na mnàibh agus ris a' chloinn.

11 Agus so an nì a nì sibh, Sgriosaidh sibh gu tur gach firionnach, agus gach bean a luidh le firionnach.

12 Agus fhuair iad am measg luchd-àiteachaidh Iabeis-ghilead ceithir cheud maighdean òg, aig nach robh aithne air fear le luidhe le firionnach sam bith: agus thug iad do'n champ iad gu Siloh, a *tha* ann an tìr Chanaain.

13 Agus chuir an coimhthional uile *davine* uatha, agus labhair iad ri cloinn Bheniamin a *bha* ann an carraig Rimoin, agus ghairm iad orra ann an sìth.

14 Agus thàinig Benjamin a rìs anns an àm sin; agus thug iad dhoibh mnathan a ghléidh iad beò de mhnaibh Iabeis-ghilead: gidheadh cha d'fhuair iad *nabuteòr* mar sin.

15 Agus ghabh an sluagh aithreachas a thaobh Bheniamin, a chionn gu'n d'rinn an Tighearn briseadh ann an treubhan Israeil.

16 Agus thubhairt seanairean a' choimhthional, Cionnus a nì sinn air son bhan dhoibh-san a mhair, oir sgriosadh na mnathan amach á Benjamin?

17 Agus thubhairt iad, *Tha* oighreachd ann air an son-san a chaidh as de Bheniamin: agus cha sgriosar treubh á h-Israel.

18 Gidheadh, cha-n fheud sinn mnathan a thoirt doibh d'ar nigheanaibh féin; oir mlionnaich clann Israeil, ag ràdh, Mall-aichte *gu robh* esan a bheir bean do Bheniamin.

19 An sin thubhairt iad, Feuch, *tha* féill an Tighearna ann an Siloh gach bliadhna, *anns an àit* a tha air an taobh mu thuath de Bhet-el, air an taobh an ear de'n rathad mhòr a tha 'dol suas o Bhet-el gu Sechem, agus air an taobh mu dheas de Lebonah.

20 Uime sin dh'àithn iad do chloinn Bheniamin, ag ràdh, Falbh-aibh, agus deanaibh feall-fhòlach anns na fìon-hiosaibh;

21 Agus seallaibh, agus, feuch, ma thig nigheanan Shiloh a mach a dhannsadh ann an dannsaibh, an sin thigibh-sa mach as na fìon-hiosaibh, agus glacaibh, gach fear dhiubh, a bhean de nigheanaibh Shiloh, agus rach-aibh gu tìr Bheniamin.

22 Agus tarlaich, 'n uair a thig an aithrichean no am bràithrean d'ar n-ionnsuidh-ne a dheanamh gearain, gu'n abair sinne riu, Bithibh bàigheil riu air ar son-ne, a chionn nach do ghléidh sinn *de* gach fear a bhean anns a' chogadh; oir cha d'thug sibhse dhoibh anns an àm so, air chor as gu'm bitheadh sibh ciontach.

23 Agus rinn clann Bheniamin mar sin, agus ghabh iad mnathan dhoibh féin a réir an àireimh, dhiubhsan a bha 'dannsadh, a ghilac iad; agus chaidh iad agus phill iad a dh'ionnsuidh an oighreachd, agus thog iad suas na bailtean, agus ghabh iad còmhnuidh anna.

24 Agus dh'imich clann Israeil as a sin 's an àm sin, gach duine dh'ionnsuidh a thréibhe, agus a dh'ionnsuidh a theaghlach, agus chaidh iad a mach as a sin gach duine dh'ionnsuidh 'oighreachd féin.

25 Anns na làithibh sin cha *robh* rìgh air bith ann an Israel: rinn gach duine an *nì sin* a *bha* ceart 'n a shùilibh féin.

R U T.

CAIB. I.

1 Chaidh Elimelech agus a theaghlach, gu bhàir chuairt ann am Moab, air son na gorta a bha ann an tìr Iudah. 6 An dèigh a bhàis, phill a bhean Naomi dhachaidh, maille r'a ban-chliamhuin Rut.

ANIS ri linn nam breitheamh, bha gorta 's an tìr: agus chaidh duine àraidh de Bhet-lehem Iudah gu bhàir chuairt ann am fearann Mhoab, e féin agus a bhean, agus a dhithis mhac.

2 Agus *b'e* ainm an duine Elimelech, agus ainm a mhnà Naomi, agus ainm a dhithis mhac Mahlon agus Chilion, Ephrataich de Bhet-lehem Iudah: agus thàinig iad gu fearann Mhoab, agus dh'fhan iad an sin.

3 Agus fhuair Elimelech fear Naomi bàs; agus dh'fhàgadh ise, agus a dithis mhac.

4 Agus ghabh iad dhoibh féin mnathan de

na Ban-mhoabaich: *b'e* ainm aoin *diubh* Orpah, agus ainm na *mnà* eile Rut: agus ghabh iad còmhnuidh an sin mu thimchioll deich bliadhna.

5 Agus fhuair mar an ceudna Mahlon agus Chilion le 'chéile bàs; agus dh'fhàgadh a' bhean as eugmhais a dithis mhac, agus as eugmhais a fir.

6 Agus dh'éirich i suas maille r'a ban-chliamhuinibh, a chum gu'm pillcadh i o fhearann Mhoab: oir chual' i ann am fearann Mhoab, gu'n d'amhaire an Tighearn air a shluagh le aran a thubhairt doibh.

7 Uime sin chaidh i mach as an àite 's an robh i, agus a dà bhan-chliamhuin maille r'i; agus dh'imich iad air an t-slighe gu dol air an ais do thìr Iudah.

8 Agus thubhairt Naoni r'a dà bhan-

chliamhuin, Falbhaibh, pilleadh gach aon agaibh do thigh a màthar: gu'm buineadh an Tighearn gu caoimhneil ribh, mar a bhuin sibhse riuthasan nach maireann, agus riumsa.

9 Gu'n tugadh an Tighearn dhuibh gu'm faigh sibh fois, gach aon dhibh ann an tigh a fir. An sin phòg i iad: agus thog iad suas an guth, agus ghul iad.

10 Agus thubhairt iad rithe, Gu cinnteach maille riutsa pillidh sinne dh'ionnsuidh do shluaigh.

11 Agus thubhairt Naomi, Pillibh, mo nigheanan; c'ar son a théid sibh maille riumsa? am bheil fathast mic agamsa a'm' innibh, gu bhi agaibh 'n am fir?

12 Pillibh, mo nigheanan; imichibh; oir tha mise tuilleadh's sean gu fear a bhi agam: nan abrainn, Tha dòchas agam, nam bith-eadh fear agam eadhon an nochd, agus mar an ceudna gu'm beirinn mic,

13 Am feitheadh sibh riugus an cinneadh iad? am fanadh sibh air an son gun fhir a bhi agaibh? na *deanaibh sin*, mo nigheanan; oir tha mi ro dhoilich air bhur sonsa, gu'n deachaidh làmh an Tighearna mach a'm' aghaidh-sa.

14 Agus thog iad suas an guth, agus ghul iad a ris: agus phòg Orpah a màthair-chéile, ach dhlùth-lean Rut rithe.

15 Agus thubhairt i, Feuch, tha do phiuthar-chéile air pilltinn a dh'ionnsuidh a sluaigh, agus a dh'ionnsuidh a diathan; pill thusa 'n déigh do pheathar-chéile.

16 Agus thubhairt Rut, Na h-iarr orm d'fhàgail, no pilltinn o bhi 'g ad leantunn: oir ge b'e taobh a théid thusa, théid mise; agus far an gabh thusa tàmh, gabhaidh mise tàmh: *is e do shluagh-sa mo shluagh-sa*, agus do Dhia-sa mo Dhia-sa.

17 Far am faigh thusa bàs, gheibh mise bàs, agus an sin adhlaicear mi. Gu'n deanadh an Tighearn mar sin ormsa, agus tuilleadh mar an ceudna, *ma* chuireas ach am bàs dealachadh eadar mise agus thusa.

18 'N uair a chunnaic i gu'n robh i suidhichte air dol maille rithe, an sin sguir i de labhairt rithe.

19 Agus dh'imich iad le 'chéile gus an d'thàinig iad gu Bet-lehem. Agus an uair a bha iad air teachd gu Bet-lehem, ghluais-eadh am baile uile mu'n tinnchionn, agus thubhairt iad, An i so Naomi?

20 Agus thubhairt ise riut, Na h-abraibh Naomi rium: abraibh Màrium; oir bhuir an t-Uile-chumhachdach gu ro gheur rium.

21 Chaidh mi mach làn, agus thug an Tighearn air m'ais mi falamh. C'ar son ma ta their sibh Naomi rium, agus gu'n d'thug an Tighearn fianuis a'm' aghaidh, agus gu'n do ehuir an t-Uile-chumhachdach fo àmhghar mi?

22 Mar sin phill Naomi, agus Rut a' Bhan-mhoabach, bean a nìe, maille rithe, a phill

à fearann Mhoab: agus thàinig iad gu Bet-lehem ann an toiscach na buain-eorna.

CAIB. II.

1 Chaidh Rut a dhìoghlum ann an achadh Bhoais. 4 Chuir esan eòlas oirre, 8 agus nochd e caoimhneas dhi.

AGUS bha aig Naomi caraid a thaobh a fir, duine cumhachdach aig an robh mòr bheartas, de theaghlach Elimelech, agus b'e ainm Boas.

2 Agus thubhairt Rut a' Bhan-mhoabach ri Naomi, Leig dhomh a nis dol do'n achadh, agus diasan arbhair a dhìoghlum an déigh an ti sin, aig am faigh mi deadh-ghean 'n a shùilb. Agus thubhairt i rithe, Falbh, mo nighean.

3 Agus dh'fhalbh i, agus thàinig i, agus dhìoghlum i 's an achadh an déigh nam buanaichean; agus thachair dhi dol air earrann de'n achadh 'bu le Boas, a tha de theaghlach Elimelech.

4 Agus, feuch, thàinig Boas o Bhet-lehem, agus thubhairt e ris na buanaichibh, Gu robh an Tighearn maille ribh: agus thubhairt iadsan ris, Gu'm beannaicheadh an Tighearn thusa.

5 An sin thubhairt Boas r'a dèglach a chuir-cadh os ceann nam buanaichean, Cò leis an dèg-bhean so?

6 Agus fhreagair an t-dèglach a chuireadh os ceann nam buanaichean, agus thubhairt e, *Is i so an dèg-bhean Mhoabach*, a thàinig air a h-ais maille ri Naomi à fearann Mhoab:

7 Agus thubhairt ise, Guidheam ort, leig dhomh dìoghlum, agus tional am measg nan sguab an déigh nam buanaichean: agus thàinig i, agus dh'fhuirich i eadhon o'n mhaduinn gus a nis, gu'n d'fhan i tamull beag a stigh.

8 An sin thubhairt Boas ri Rut, Nach cluinn thu, mo nighean? Na gabh a dhìoghlum ann an achadh eile, agus na falbh à so, ach fan an so làmh ri m' ghruagaichibh-sa.

9 Bitheadh do shùilean air an achadh a bhuaineas iad, agus falbh thusa 'n an déigh. Nach d'aitinn mise do na h-òganaich gun bheantunn riut? agus an uair a bhitheas iotadh ort, falbh a dh'ionnsuidh nan soithichean, agus òl de'n uisge a tharruing na h-òganaich.

10 An sin thuit i air a h-aghaidh, agus chròim si i féin gu làr, agus thubhairt i ris, C'ar son a fhuair mi deadh-ghean a'd' shùilb, gu'n cuireadh tu eòlas orm, agus mi a'm' choigreach?

11 Agus fhreagair Boas, agus thubhairt e rithe, Dh'innseadh gu h-iomlan dhomhsa gach nì a rinn thu do d' mhàthair-chéile an déigh bàis d'fhir, agus mar a dh'fhàg thu d'athair agus do mhàthair, agus an tìr anns an d'rugadh tu, agus a tha thu air teachd a dh'ionnsuidh sluaigh nach b'aithe dhuith roimhe so.

12 Gu'n dioladh an Tighearn do shaothair, agus gu robh do dhuais iomlan o'n Tighearn Dia Israel, fo a sgiathaibh an d'thàinig thu a chur do dhòchais.

13 Agus thubhairt ise, Faigheam deadh-ghean a'd shùilibh, moThighearna, do bhrìgh gu'n d'thug thu sòlas dhomh, agus gu'n do labhair thu gu caoimhneil ri d' bhanoglaich, ged nach 'eil mi cosmhuil ri h-aon de d' ghruagaichibh-sa.

14 Agus thubhairt Boas rithe, Aig àm bidh thig thusa an so, agus ith de'n aran, agus tum do ghreim anns an fhìon-gheur. Agus shuidh i ri taobh nam buanaichean: agus shìn e dhi *sìol* cruaidhichte, agus dh'ith i, agus shàsuicheadh i, agus dh'fhàg i fuigh-eall.

15 Agus an uair a dh'éirich i suas gu dìoghlum, dh'àithn Boas d'a òganaich, ag ràdh, Eadhon am measg nan sguab dìoghlumeadh i, agus na cuiribh nàire oirre.

16 Agus cuideachd leigibh d'ur deoin le *cuid* de na dlòghaibh tuiteam air a son, agus fagaibh *iad* a chum gu'n dìoghlum i *iad*, agus na tugaibh achmhasan dhi.

17 Mar sin dhìoghlum i 's an achadh gu feasgar, agus bhuail i as na dhìoghlum i; agus bha *ann* mu thimchioll ephah eorna.

18 Agus thog i suas e, agus chaidh i do'n bhaile, agus chunnaic a màthair-chéile na dhìoghlum i: agus chuir i a làthair, agus ùrug i dhi na dh'fhàg i, an déigh dhi bhi sàsuichte.

19 Agus thubhairt a màthair-chéile rithe, C'àit an do dhìoghlum thu'n diugh? agus c'àit an do shaothraich thu? beannaichte gu robh an ti a chuir còlas ort. Agus dh'innis i d'a màthair-chéile co aig a shaothraich i, agus thubhairt i, *Is* e ainm an duine aig an do shaothraich mi 'n diugh, Boas.

20 Agus thubhairt Naomi r'a ban-chliamhuin, Beannaichte gu robh esan o'n Tighearn, nach do leig dheth a chaoimhneas do na beothaibh, agus do na marbhaibh. Agus thubhairt Naomi rithe, *Tha* 'n duine dlùth 'an dàimh dhuinn; is aon e d'ar dilsibh a's faigse.

21 Agus thubhairt Rut a' Bhan-mhoabach, Mar an ceudna thubhairt e riumsa, Làimh ri m'òganaich-sa fanaidh tu, gus an crìochnaich iad m'fhoghar uile.

22 Agus thubhairt Naomi ri Rut a ban-chliamhuin, *Is* fearr dhuit, mo nighean, dol a mach maille r'a ghruagaichibh, a chum nach coinnich iad thu ann an achadh sam bith eile.

23 Dh'fhan i uime sin làimh ri gruagaichibh Bhoais a dhìoghlum, gus an do chrìochnaich iad foghar an eorna, agus foghar a' chruithneachd; agus ghabh i còmhnuidh maille r'a màthair-chéile.

1 *Air comhairle Naomi, 5 chaidh Rut agus luidh i aig cosaibh Bhoais. 13 Gheall Boas gu'n deanadh e rithe dlìghe fir-dàimh.*

AN SIN thubhairt Naomi a màthair-chéile rithe, Mo nighean, nach iarr mise suaimhneas dhuitse, chum gu'n éirich gu maith dhuit?

2 Agus a nis nach 'eil Boas d'ar dilsibh, maille r'a ghruagaichibh an robh thu? Feuch, *bithidh* e a' fasnadh eorna an nochd air an urlar-bhualaidh.

3 Uime sin bigh thu féin, agus ung thu féin, agus cuir do thrusgan ort, agus gabh sìos do'n urlar-bhualaidh: *ach* na dean thu féin aithnichte do'n duine, gus an sguir e dh'itheadh agus a dh'òl.

4 Agus an uair a luidheas e sìos, bheir thu fàinear an t-àit anns an luidh e, agus théid thu agus rùisgidh tu a chosan, agus luidhidh tu sìos; agus innsidh e dhuit ciod a ni thu.

5 Agus thubhairt i rithe, Gach *ni* a tha thu ag ràdh rium, ni mise.

6 Agus chaidh i sìos do'n urlar-bhualaidh, agus rinn i a réir gach *ni* a dh'àithn a màthair-chéile dhi.

7 Agus an uair a dh'ith agus a dh'òl Boas, agus a bha a chridhe subhach, chaidh e a luidhe sìos aig ceann an dùin arbhair: agus thàinig i gu sàmhach, agus rùisg i a chosan, agus luidh i sìos.

8 Agus an uair a bha e mu mhcadhonn-oidheche, bha eagal air an duine, agus thionndaidh se e féin; agus, feuch, bean 'n a luidhe aig a chosaibh.

9 Agus thubhairt e, Cò thusa? Agus fhreagair i, *Is* mise Rut do bhanoglach: sgaol uime sin iomall d'euadaich air do bhanoglaich, oir *is* fear-dàimh thu.

10 Agus thubhairt e, Beannaichte gu robh thusa o'n Tighearn, mo nighean; nochd thu tuilleadh caoimhneis mu dheireadh na an toiseach, do bhrìgh nach deachaidh tu 'n déigh òigfhearan, bochd no beartach.

11 Agus a nis, mo nighean, na bitheadh eagal ort; gach *ni* a tha thu ag iarraidh, ni mi dhuit; oir tha fios aig uile bhaile mo shluaigh gur bean bheusach thu.

12 Agus a nis tha e fìor gur fear-dàimh dhuit mise; gidheadh tha fear-dàimh a's faigse dhuit na mi.

13 Fan an nochd, agus anns a' mhaduinn ma ni e riut dlìghe fir-dàimh, *tha sin* gu maith, deanadh e dlìghe fir-dàimh; ach mur bi e toileach dlìghe fir-dàimh a dheanamh riut, an sin ni mise dlìghe fir-dàimh riut, *mar* is beò an Tighearn: luidh sìos gu maduinn.

14 Agus luidh i sìos aig a chosaibh gu maduinn: agus dh'éirich i mu'n robh e 'n comas do dhuine duin' eile aithneachadh. Agus thubhairt e, Na bitheadh fios aig

neach air bith gu'n d'fhàinig bean a steach do'n urlar-bhualaidh.

15 Mar an cendna thubhairt e, Thoir an so am brat a tha agad nmad, agus cum e. Agus chum i e, agus thomhais e sè *toimhsean* eorna, agus chuir e oirre iad; agus chaidh i a steach do'n bhaile.

16 Agus an uair a thàinig i dh'ionnsuidh a màthar-chéile, thubhairt i, Cò thusa, mo nighean? agus dh'innis i dhi gach *ni* a rinn an duine dhi.

17 Agus thubhairt i, Na sè *toimhsean* eorna so thug e dhomh; oir thubhairt e rium, Na imich falamh a dh'ionnsuidh do mhàthar-chéile.

18 Agus thubhairt ise, Fuirich, mo nighean, gus am bi fios agad cionnus a dh'èirceas do'n chùis: oir cha bhi an duine aig fois gus an crìochnaich e 'n gnotluch an dìngh.

CAIB. IV.

1 *Ghairm Boas air an fhear-dàimh a b'fhaigse, chum gu'm fuasgladh e fearann Elimelech.*
6 *Dhùit esan 'fhuasgladh.* 13 *Phòs Boas Rut.* 17 *Rug ise Obed, sean-athair Dhaibhidh.*

AN SIN chaidh Boas suas a dh'ionnsuidh a' gheata, agus shuidh e sìos an sin: agus, feuch, bha 'n fear-dàimh mu'n do labhair Boas a' dol seachad, agus thubhairt e ris, Ho, a leithid so a dh'fhear! thig a leth-taobh, suidh sìos an so. Agus thàinig e a leth-taobh, agus shuidh e sìos.

2 Agus ghabh e deichnear dhaoine de sheanairibh a' bhaile, agus thubhairt e, Suidhibh sìos an so. Agus shuidh iad sìos.

3 Agus thubhairt e ris an fhear-dàimh, Tha Naomi, a thàinig air a h-ais á fearann Mhoab, gu earraun de'n achadh a bu le ar bràthair Elimelech, a reic.

4 Agus smnainich mi air fios a thoirt duit, ag ràdh, Ceannaich e 'am fiannis an luchd-àiteachaidh, agus 'am fianuis shean-airean mo shluaigh: ma dh'fhuasgaileas tu e, fuasgail e; ach mair fuasgail thu e, innis dhomh, a chum gu'm bi fios agam: oir cha-n'èil neach air bith ann gu 'fhuasgladh ach thusa, agus mise a'd' dhèigh-san. Agus thubhairt esan, Fuasgailidh mise e.

5 An sin thubhairt Boas, 'S an là anns an ceannaich thu 'n t-achadh o làimh Naomi, feumaidh tu cuideachd a cheannach o Rut a' Bhan-mhoabach, bean a' mhairbh, a thogail suas ainme a' mhairbh air 'oigh-reachd-san.

6 Agus thubhairt am fear-dàimh, Cha-n fheud mi 'fhuasgladh dhomh féin, air eagail gu mill mi m' oighreachd féin: fuasgail thusa mo chòir dhuit féin, oir cha-n fheud mise a fuasgladh.

7 A nis *b'e* so o shean an *gnàth* ann an Israel a thaobh fuasglaidh, agus a thaobh

iomlaid, a dhaingneachadh gach *ni*: chuir eadh duine dheth a bhròg, agus bheireadh e d'a choimhearsnach i: agus bha so mar fhianuis ann an Israel.

8 Uime sin thubhairt am fear-dàimh ri Boas, Ceannaich air do shon féin e: agus chuir e dheth a bhròg.

9 Agus thubhairt Boas ris na seanairibh, agus ris an t-sluagh nile, *Is* fianuisean sibhse an diugh, gu'n do cheannaich mise gach *ni 'bu* le Elimelech, agus gach *ni 'bu* le Chilion, agus le Mahlon, o làimh Naomi.

10 Agus mar an ceudna Rnt a' Bhan-mhoabach, bean Mhahloin, cheannaich mi dhomh féin gu bhi 'n a mnaoi agam, a thogail suas ainme a' mhairbh air 'oigh-reachd, a chum nach gearrar as ainm a' mhairbh á meadhan a bhràithrean, agus o gheata 'àite féin: *is* fianuisean sibhse an diugh.

11 Agus thubhairt an sluagh uile a bha 's a' gheata, agus na seanairean, *Is* fianuisean sinn: gu'n deanadh an Tighearn a' bhean a tha 'teachd a dh'ionnsuidh do thighe, mar Rachel agus mar Leah, a thog suas le 'chéile tigh Israel: agus dean thusa gu cubhaidh ann an Ephratah, agus bi cluichteach ann am Bet-lehem;

12 Agus bitheadh do thigh mar thigh Phareis, (a rug Tamar do Indah,) de'n t-sliochd a bheir an Tighearn dhuit o'n mnaoi òig so.

13 Agus ghabh Boas Rut, agus bha i aige 'n a mnaoi: agus chaidh e stigh d'a h-ionnsuidh, agus thug an Tighearn toirrechas dhi, agus rug i mac.

14 Agus thubhairt na mnathan ri Naomi, Beannaichte gu robh an Tighearn nach d'fhàg thusa an dìngh gun fhear-dàimh, a chum gu'm bi 'ainm cluichteach ann an Israel.

15 Agus bithidh e dhuit 'n a fhear ath-nuadhachaidh do bheatha, agus 'n a fhear-altruim do shean aois: oir is i do bhan-chliamhuin, aig am bheil gràdh dhuit, a's fearr dhuit na seachd mic, a rug e.

16 Agus ghabh Naomi an leanabh, agus chuir i 'n a h-nchd e, agus bha i 'n a ban-altruim aige.

17 Agus thug na ban-choimhearsnaich ainm air, ag ràdh, Rugadh mac do Naomi; agus thug iad Obed mar ainm air: *Is* esan athair Iese, athar Dhaibhidh.

18 A nis *is* iad so ginealaich Phareis: Ghin Phares Hesron,

19 Agus ghin Hesron Ram, agus ghin Ram Aminadab,

20 Agus ghin Aminadab Nahson, agus ghin Nahson Salmon,

21 Agus ghin Salmon Boas, agus ghin Boas Obed,

22 Agus ghin Obed Iese, agus ghin Iese Daibhidh.

CEUD LEABHAR SHAMUEIL,

D'AN AINM, AIR MHODH EILE,

CEUD LEABHAR NAN RIGH.

CAIB. I.

1 *Elcanah, agus a dhà mhnaoi. 9 Urnuigh Hanah. 20 Rugadh Samuel.*

ANIS bha duine àraidh o Ramataim-sophim, o shliabh Ephraim, agus b'e ainm Elcanah, mac Ierohaim, mhic Elihu, mhic Thohu, mhic Shuph, Ephratach.

2 Agus bha dithis bhian aige: ainm mnà dhiubh Hanah, agus ainm na mnà eile Peninah. Agus aig Peninah bha clann, ach aig Hanah cha robh clann.

3 Agus thàinig an duine so nìos as a bhaile gach bliadhna, a dheanamh aoraidh agus a dh'ìobradh do Thighearn nan sluagh ann an Siloh: agus bha dà mhac Eli, Hophui agus Phinchas, sagartan an Tighearna an sin.

4 Agus an uair a thàinig an t-àm anns an d'ìobair Elcanah, thug e d'amhnaoi Peninah, agus d'a mic uile agus d'a nigheanaibh, cuibhrionnann.

5 Ach do Hanah thug e cuibhrionn dhù-bailte; oir ghràdhaich e Hanah: ach dhruid an Tighearn a brù.

6 Agus bhrosnaich a h-eascaraid i mar an ceudna gu feirg, a thoirt oirre gearan a dheanamh, a chionn gu'n do dhruid an Tighearn a brù.

7 Agus mar sin rinn e gach bliadhna, 'n uair a thàinig i nìos do thigh an Tighearna, mar sin bhrosnaich si i. Uime sin ghluil i, agus cha-n itheadh i.

8 An sin thubhairt Elcanah a fear rithe, A Hanah, c'ar son a tha thu a' gul? agus c'ar son nach 'eil thu ag itheadh? agus c'ar son a tha do chridhe air a chràdh? nach fearr mise dhuìt na deich mic?

9 Agus dh'èirich Hanah suas an dèigh dhoibh itheadh ann an Siloh, agus an dèigh dhoibh òl: (a nis bha Eli an sagart 'n a sluaidhe air caithir làimh ri ursainn ann an teampull an Tighearna.)

10 Agus bha i air a cràdh 'n a h-anam, agus rinn i urnuigh ris an Tighearn, agus ghluil i gu goirt.

11 Agus bhòidich i bòid, agus thubhairt i, O Tighearna nan sluagh, ma dh'amhairceas tu da rìreadh air àmhghar do bhanoglaich, agus gu'n cuimhnich thu orm, agus nach dì-chuimhnich thu do bhanoglach, ach gu'n toir thu do d' bhanoglaich leanabh gille, an sin bheir mi e do'n Tighearn rè uile làithean a bheatha, agus cha téid ealtainn air a cheann.

12 Agus an uair a bhvanaich i ri h-urnuigh

an làthair an Tighearna, thug Eli fainear a beul.

13 A nis bha Hanah a' labhairt 'n a cridhe; bha a bilean a mhàin a' gluasad, ach cha chualas a guth: uime sin shaoil Eli gu'n robh i air mhisg.

14 Agus thubhairt Eli rithe, Cia fad a bhios tu air mhisg? cuir air falbh d'fhion uait.

15 Agus fhreagair Hanah agus thubhairt i, Ni h-eadh, mo thighearna; is bean mise a tha tuirseach a'm spiorad: aon cluid fion no deoch làidir cha d'òl mi, ach dhòirt mi mach m'anam an làthair an Tighearna.

16 Na meas do bhanoglach mar nighean do Bhelial: oir is ann á ro-mheud mo ghearnair agus mo dhoilgheis a labhair mi gus a nis.

17 An sin fhreagair Eli agus thubhairt e, Imich ann an sìth: agus gu'n tugadh Dia Israeil dhuit d'iarrtus a dh'iarr thu air.

18 Agus thubhairt ise, Faigheadh do bhanoglach deadh-ghean a d' shùilibh. Agus dh'imich a' bhean roimpe, agus dh'ith i, agus cha robh a gnùis ni b'fhaide dubhach.

19 Agus dh'èirich iad gu moch anns a' mhaduinn, agus rinn iad aoradh an làthair an Tighearna, agus phill iad, agus thàinig iad a dh'ionnsuidh an tighe gu Ramah: agus dh'aithnich Elcanah a bhean Hanah, agus chuimhnich an Tighearn oirre.

20 Uime sin tharladh, an uair a thàinig an t-àm mu'n cuairt, an dèigh do Hanah fas torrach, gu'n d'rug i mac; agus thug i Samuel mar ainm air, *ag ràdh*, Do bhrìgh gu'n d'iarr mi e air an Tighearn.

21 Agus chaidh an duine Elcanah, agus a thigh uile, suas a dh'ìobradh do'n Tighearn na h-ìobairt bhliadhnail, agus a choimh-lionadh a bhòide.

22 Agus cha deachaidh Hanah suas; oir thubhairt i r'a fear, *Cha téid mise suas* gus an cuirear an leanabh bhàrr na cìche, agus an sin bheir mi leam e, chum gu'n taisbeanar e 'am fianuis an Tighearna, agus gu'm fan e 'n sin gu bràth.

23 Agus thubhairt Elcanah a fear rithe, Dean mar is maith leat; fan gus an cuir thu bhàrr na cìche e; a mhàin daingnicheadh an Tighearn 'fhocal. Agus dh'fhan a' bhean, agus thug i cìoch d'a leanabh, gus an do chuir i bhàrr na cìche e.

24 Agus an uair a chuir i bhàrr na cìche e, thug i suas leatha e, maille ri trì-bliadh-nach tairbh, agus aon ephah de mhin mhin,

agus searrag fhìona, agus thug i e do thigh an Tighearn' ann an Siloh: agus bha 'n leanabh òg.

25 Agus mharbhadh iad an tarbh, agus thug iad an leanabh a dh'ionnsuidh Eli.

26 Agus thubhairt i, Mo thighearna, *mar* is beò d'anam, mo thighearn', *is* mis' a' bhean a sheas làimh riut an so, a' deanamh urnuigh ris an Tighearn.

27 Air son an leinibh so rinn mi urnuigh; agus thug an Tighearn dhomh m'iarrtus a dh'iarr mi air:

28 Agus uime sin thug mi seachad gu saor e do'n Tighearn: rè uile làithean a bheatha thugadh seachad e do'n Tighearn. Agus rinn e aoradh do'n Tighearn an sin.

CAIB. II.

1 *Laoidh Hanah.* 12 *Aingidheachd mhac Eli.*

18 *Fhrithheil Samuel an làthair an Tighearna.*

27 *Fàisteachd an aghaidh tighe Eli.*

AGUS rinn Hanah urnuigh, agus thubhairt i, Tha mo chridhe a' deanamh gàirdreachais anns an Tighearn; dh'ardaich-eadh m'adharc anns an Tighearn; rinneadh mo bheul farsaing os ceann mo naimhdean, do bhrìgh gu bheil mi aoibhneach ann do shlàinte-sa.

2 Cha-n'eil neach air bith naomh mar an Tighearn; oir cha-n'eil neach ann ach thu, agus cha-n'eil carraig ann mar ar Dia-ne.

3 Na labhraibh nìs mò cho ro uaibhreach; na tigeadh àrdan a mach as bhrù beul; oir is Dia eòlais an Tighearn, agus leis-san tha guìomharan air an cothromachadh.

4 Tha boghannan nan daoine treuna air am briseadh, agus tha iadsan a thuislich air an crioslachadh le neart.

5 *Iadsan a bha làn*, air son arain thuaras-dalaich siad iad féin; agus *iadsan a bha* ocrach, sguir iad *de bhì mar sin*: is e a bha roimhe neothorrach, rug i seachdnar; agus is e aig an robh mòran cloinne, dh'fhàs i fann.

6 'S e 'n Tighearn a mharbhas agus a bheothaicheas: bheir e sìos a dh'ionnsuidh na h-uaghe, agus bheir e nìos.

7 'S e 'n Tighearn a nì bochd, agus a nì beartach: leagaidh e sìos, agus togaidh e suas.

8 Togaidh e 'm bochd o'n duslach; o'n òtrach togaidh e suas am feumach, g'an cur 'n an suidhe maille ri uachdaranaibh, agus a thoirt orra caithir glòire a sheallbhachadh: oir *is* leis an Tighearn bunaitean na talmhainn, agus shuidhich e an domhan orra.

9 Cosan a naomh gleidhidh e, agus bithidh na h-aingidh tosdach ann an dorchadas; oir le neart cha bhuaidhaich duine sam bith.

10 Briscar 'n am bloighdibh eascairdean an Tighearna: as na nàmhnan nì e tairneau-ach orra: bheir an Tighearn breth air

crìochaibh na talmhainn; agus bheir e neart d'a rìgh, agus àrdaichidh e adharc 'Aoin ungta féin.

11 Agus dh'imich Elcanah gu Ramah d'a thigh; agus fhrithheil an leanabh do'n Tighearn 'am fianuis Eli an t-sagairt.

12 A nis *bu* mhic do Bheilial mic Eli; cha b'aithne dhoibh an Tighearn.

13 Agus *be* gnàth nan sagart leis an t-sluagh, an uair a dh'ìobradh duine sam bith ìobairt, gu'n tigeadh òglach an t-sagairt, an uair a bha 'n fheoil 'g a bruicheadh, agus greimiche-fèdla thàr meur 'n a làimh;

14 Agus bhuaileadh e *s* an aghann e, no 's a' choire bheag, no 's a' choire mhòr, no 's a' phoit; gach nì a bheircadh an greimiche-fèdla suas, ghabhadh an sagart air a shon féin: mar sin rinn iad ann an Siloh, ris na h-Israelich uile a thàinig an sin.

15 Mar an ceudna mun loisgeadh iad an t-saill, thigeadh òglach an t-sagairt, agus theireadh e ris an duine a dh'ìobairt, Tho'r feoil g'a ròstadh do'n t-sagart; oir cha ghabh e uait feoil bhrùich, ach amh.

16 Agus *nan* abradh duine sam bith ris, Na dearmadadh iad an t-saill a losgadh air ball, agus an *sin* gabh dhuit féin mar is miann le d'anam; an sin fhreagradh e, *Nì h-eadh*, ach bheir thu *dhomh* a nis; agus mur tabhair, gabhadh mi a dh'aindeoin.

17 Uime sin bha peacadh nan òganach ro mhòr 'am fianuis an Tighearna; oir rinn daoine tarcius air ìobairt an Tighearna.

18 Ach fhrithheil Samuel an làthair an Tighearna, agus e 'n a leanabh, air a chrìoslachadh le ephod de lion-eudach.

19 Agus rinn a mhàthair dha còta beag, agus thug i d'a ionnsuidh e o bhliadhna gu bliadhna, 'n uair a chaidh i suas maille r'a fear a dh'ìobradh na h-ìobairt bhliadhnail.

20 Agus bheannaich Eli Elcanah, agus a bhean, agus thubhairt e, Gu'n tugadh an Tighearn dhuit sliochd o'n mhnaoi so, air son an tiodhlaic a thug i seachad do'n Tighearn. Agus chaidh iad d'an àite féin.

21 Agus dh'amhairc an Tighearn air Hanah, agus dh'fhàs i torrach, agus rug i trì mic, agus dà nighinn. Agus dh'fhàs an leanabh Samuel suas 'am fianuis an Tighearna.

22 A nis bha Eli ro shean, agus chual' e gach *nì* a rinn a mhic ri h-Israel uile, agus cionnus a luidh iad leis na mnàibh a chrùinich aig doras pàilliun a' choimh-thionail.

23 Agus thubhairt e riu, C'ar son a tha sibh a' deanamh a leithid so de nithibh? oir tha mi a' cluinntinn a thaobh bhrù droch ghniomharan o'n t-sluagh so uile.

24 Na *deanaibh mar so*, mo mhic: oir cha sgeul maith a tha mi a' cluinntinn, gu bheil sibh a' toirt air sluagh an Tighearna dol air seacharan.

25 Ma phcacaicheas duine an aghaidh

duin' eile, bheir am breithcamh breth air: ach ma pheacaicheas duine an aghaidh an Tighearna, cò a ghuidheas air a shon? gideadh cha d'éisd iadsan ri guth an athar, do bhrìgh gu'm bu toil leis an Tighearn am marbhadh.

26 (Agus dh'fhàs an leanabh Samuel suas, agus bha e taitneach araon do'n Tighearn, agus do dhaoibh.)

27 Agus thàinig duine le Dia dh'ionnsuidh Eli, agus thubhairt e ris, Mar so tha 'n Tighearn ag ràdh, An d'fhoillsich mise gu scilleir mi féin do thigh d'athar, an uair a bha iad 's an Eiphit, ann an tigh Pharaoh?

28 Agus an do thag mi e á treubhan Israeil uile *gu bhi* 'n a shagart agam, a dh'ìobradh air m'altair, a losgadh tùis, a dh'iomchar ephoid a'm' fhianuis? agus an d'thug mi do thigh d'athar na tabhartasan uile a bheirear suas le teine le cloinn Israeil?

29 C'ar son a tha sibh a' deanamh tàir air m'ìobairt, agus air mo thabhartas a dh'aithe m' *ann am* àite-còmhnuidh, agus a tha thu a' toirt urrainn do d' mhic os mo cheann-sa, gu sibh féin a dheanamh reamhar le roghadh uile tabhartas mo shluaigh Israeil?

30 Uime sin tha 'n Tighearn Dia Israeil ag ràdh, Thubhairt mi gu deimhin, *gu'n* gluaiseadh do thigh-sa agus tigh d'athar a'm' fhianuis gu bràth: ach a nis tha 'n Tighearn ag ràdh, Gu ma fada sin uamsa; oir dhoibhsan a bheir urram dhomhsa bheir mise urram, agus iadsan a ni tàir ormsa, is beag am meas a bhitheas dhiubh.

31 Feuch, *tha* na làithean a' teachd anns an gearr mi dhòt do ghàirdean, agus gàirdean tighe d'athar, air chor as nach bi seann duine a'd' thigh.

32 Agus chì thu nàmhaid *ann am* àite-còmhnuidh-sa anns an uile shaoibhreas a bheir *Dia* do Israel: agus cha bhi seann duine a'd' thighsa, gu bràth.

33 Agus an duine sin agad nach gearr mi as o m'altair, *bithidh e* a chlaoidh do shùl, agus a chràdh do chridhe: agus bàsaichidh uile ghineal do thighe ann an tréin' an neirt.

34 Agus *bithidh* so 'n a chomharadh dhuit, a thig air do dlithis mhac, air Hophni agus Phinehas, ann an aon là bàsaichidh iad le 'chéile.

35 Agus togaidh mi suas dhomh féin sagart dileas, a ni mar *a tha e* ann am chridhe, agus ann am inntinn; agus togaidh mi dha tigh seasmhach, agus imichidh e 'am fianuis m' Aoin uanta gu bràth.

36 Agus tarlaidh gu'n tig gach neach a dh'fhàg a'd' thigh a chromadh sìos da air son mìr airgid, agus greim arain; agus their e, Cuir mi, guidheam ort, ann an aon de dhreuchdaibh nan sagart, a chum gu'n ith mi greim arain.

1 *Dh' fhoillsicheadh focal an Tighearna do Shamuel.* 11 *Chuir Dia 'an cèill do Shamuel an sgrìos a bha gu teachd air tigh Eli.*

AGUS fhritheil an leanabh Samuel do'n Tighearn 'am fianuis Eli: agus bha focal an Tighearna luachmhor anns na làitheibh sin; cha robh taisbeanadh follais-each ann.

2 Agus tharladh anns an àm sin, an uair a bha Eli 'n a luidhe 'n a àite; (agus thòisich a shùilean air failneachadh: cha b'urraim e faicinn *gu maith*);

3 Agus mun deachaidh lèchran Dhé as, an uair a bha Samuel 'n a luidhe ann an teampull an Tighearna, far an robh àire Dhé;

4 Gu'n do ghairm an Tighearn air Samuel; agus fhreagair esan, *Tha mi 'n so.*

5 Agus ruith e dh'ionnsuidh Eli, agus thubhairt e, *Tha mi 'n so*, oir ghairm thu orm. Agus thubhairt esan, Cha do ghairm mise *ort*; pill, luidh sìos. Agus dh'fhalbh e agus luidh e sìos.

6 Agus ghairm an Tighearn a ris air Samuel. Agus dh'éirich Samuel, agus chaidh e dh'ionnsuidh Eli, agus thubhairt e, *Tha mi 'n so*, oir ghairm thu orm. Agus fhreagair esan, Cha do ghairm mise *ort*, a mhic; pill, luidh sìos.

7 A nis cha b'aithe do Shamuel fathast an Tighearn, agus cha d'fhoillsicheadh focal an Tighearna fathast da.

8 Agus ghairm an Tighearn fathast air Samuel an treas uair. Agus dh'éirich e, agus chaidh e dh'ionnsuidh Eli, agus thubhairt e, *Tha mi 'n so*, oir ghairm thu orm. Agus thuig Eli gu'm b'e 'n Tighearn a ghairm air an leanabh.

9 Uime sin thubhairt Eli ri Samuel, Falbh, luidh sìos; agus ma ghairmeas e ort, an sin their thu, Labhair, a Tighearna, oir *tha* do sheirbhiseach a' cluinntinn. Agus dh'fhalbh Samuel, agus luidh e sìos 'n a àite féin.

10 Agus thàinig an Tighearn, agus sheas e, agus ghairm e mar air na h-uairibh eile, A Shamuel, a Shamuil. An sin fhreagair Samuel, Labhair, oir *tha* do sheirbhiseach a' cluinntinn.

11 Agus thubhairt an Tighearn ri Samuel, Feuch, ni mi nì ann an Israel, a ni gaoir ann an dà chluais gach neach a chluinneas e.

12 Anns an là sin, coimhleanaidh mi an aghaidh Eli na *nithean sin* uile a labhair mi mu thimcheall a thighe: tòisichidh mi agus crìochnaichidh mi.

13 Oir dh'innis mi dha gu'n toir mi breth air a thigh gu bràth, air son na h-aingidheachd air am bheil e fiosrach; a chionn gu 'n d'thug a mhic masladh dhomhsa, agus nach do chaisg esan iad.

14 Agus uime sin mhionnaich mi do thigh Eli, nach glanar as aingidheachd tighe Eli le h-ìobairt, no le tabhartas gu bràth.

15 Agus luidh Samuel gu maduinn, agus

dh'fhosgail e dorsan tighe an Tighearna: agus bha eagal air Samuel an taisbeanadh innseadh do Eli.

16 An sin ghairm Eli air Samuel, agus thubhairt e, A Shamueil a mhic. Agus thubhairt esan, *Tha mi 'n so.*

17 Agus thubhairt e, Ciod an ni a chaidh a ràdh riut? na ceil orm a e, guidheam ort: gu'n deanadh Dia mar sin riut, agus tuilleadh mar an ceudna, ma cheileas tu ni air bith orm, de gach ni a chaidh a ràdh riut.

18 Agus dh'innis Samuel dha na h-uile nithean, agus cha do cheil e *ni sam bith* air. Agus thubhairt esan, *Is e 'n Tighearna a th'ann; an ni sin a tha maith 'n a shùilibh ni e.*

19 Agus dh'fhàs Samuel suas, agus bha 'n Tighearna maille ris, agus cha do leig e do h-aon air bith d'a fhoclaidh tuiteam a dh'ionnsuidh an làir.

20 Agus bha fios aig Israel uile, o Dhan gu ruig Beer-seba, gu'n d'orduicheadh Samuel 'n a fhàidh do'n Tighearna.

21 Agus thaisbeineadh an Tighearna a ris ann an Siloh; oir dh'fhoillsich an Tighearna e féin do Shamuel ann an Siloh, le focal an Tighearna.

CAIB. IV.

1 Bhuaileadh clann Israel roimh na Philistich. 11 Ghlacadh àire Dhé, agus mharbhadh Hophni agus Phinehas. 18 Bàs Eli.

AGUS thàinig focal Shamueil a dh'ionnsuidh Israel uile. A nis chaidh Israel a mach an aghaidh nam Philisteach gu cath, agus champaich iad làimh ri Ebeneser: agus champaich na Philistich ann an Aphec.

2 Agus tharruing na Philistich iad féin suas 'an ordugh blàir an aghaidh Israel: agus chuireadh an cath, agus bhuaileadh Israel roimh na Philistich: agus mharbh iad anns a' chath 's a' mhachair mu thimchioll ceithir mìle fear.

3 Agus an uair a thàinig an sluagh do'n champ, thubhairt scansairean Israel, 'Car son a bhuaill an Tighearna sinn an diugh an làthair nam Philisteach? Thugamaid d' ar n-ionnsuidh à Siloh àire coimheangail an Tighearna, chum 'n uair a thig i 'n ar measg gu'n saor i sinn à làimh ar naimhdean.

4 Agus chuir an sluagh daoine gu Siloh, a chum gu'n tugadh iad à sin àire coimheangail Thighearna nan sluagh, a tha 'chòmhnuidh eadar na Cheruban: agus bha dithis mhac Eli, Hophni agus Phinehas, an sin maille ri àire coimheangail Dhé.

5 Agus an uair a thàinig àire coimheangail an Tighearna do'n champ, dh'éigh Israel uile le h-iolaich mhòir, agus fhreagair an talamh do'n fhuaim.

6 Agus chuala na Philistich fuaim na h-iolaich, agus thubhairt iad, Ciod 'a's ciall

do fhuaim na h-iolaiche mòire so ann an camp nan Eabhruidheach? Agus thuig iad gu'n robh àire an Tighearna' air teachd do'n champ.

7 Agus bha eagal air na Philistich, oir thubhairt iad, Tha diathan air teachd do'n champ: agus thubhairt iad, Mo thruaighe sinne! oir cha robh a leithid so de ni riamh roimhe ann:

8 Mo thruaighe sinne! cò a shaoras sinn à làimh nan diathan cumhachdach sin? is iad sin na diathan a bhuaill na h-Eiphitich leis gach plàigh, agus a rinn nithean iongantach anns an fhàsach.

9 Bithibh làidir, agus bithibh fearail, O sibhse Philisteacha, a chum nach bi sibh 'n ur tràillibh aig na h-Eabhruidhich, mar a bha iadsan 'n an tràilleann agaibhse: bithibh ma ta fearail, agus cogaibh.

10 Agus chog na Philistich; agus bhuaileadh Israel, agus theich gach duine dhiubh a dh'ionnsuidh a bhùtha: agus bha àr ro mhòr ann; oir thuit de Israel deich mìle fichead coisiche.

11 Agus ghlacadh àire Dhé; agus fhuair dithis mhac Eli, Hophni agus Phinehas, bàs.

12 Agus ruith duine de Bheniamin a mach as an armaill, agus thàinig e gu Siloh air an là sin féin, agus 'eudach air a reubadh, agus duslach air a cheann.

13 Agus an uair a thàinig e, feuch, bha Eli 'n a shuidhe air caithir làimh ris an t-slighe, a' coimhead: oir bha a chridhe air chrith air son àire Dhé. Agus an uair a thàinig an duine do'n bhaile, agus a dh'innis se e, dh'éigh am baile uile.

14 Agus an uair a chual' Eli fuaim na h-éighich, thubhairt e, Ciod 'a's ciall do fhuaim na conghàir so? agus rinn an duine cabhag, agus thàinig e, agus dh'innis e do Eli.

15 A nis bha Eli ochd bliadhna deug agus ceithir fichead a dh'aois; agus bha a shùilean mall, air chor as nach faiceadh e gu maith.

16 Agus thubhairt an duine ri Eli, *Is mise* esan a thàinig a mach as an armaill, agus theich mise 'n diugh as an armaill. Agus thubhairt esan, Ciod a thachair, a mhic?

17 Agus fhreagair an teachdair agus thubhairt e, Theich Israel roimh na Philistich, agus mar an ceudna bha àr mòr am measg an t-sluaigh, agus mar an ceudna tha do dhithis mhac Hophni agus Phinehas marbh, agus ghlacadh àire Dhé.

18 Agus an uair a dh'ainnich e àire Dhé, thuit e bhàrr na cathrach 'an comhair a chùil làimh ris a' gheata, agus bhriseadh 'amhach, agus fhuair e bàs; oir bha e 'n a sheann duine, agus trom. Agus thug e breth air Israel dà fhichead bliadhna.

19 Agus bha bean a mhic, bean Phinehas, torrach, dh'ath do bhi air a h-aisead: agus an uair a chual' i 'n sgeul gu'n do ghlacadh

àirè Dhé, agus gu'n robh a h-athair-céile marbh, agus a fear, chrom si i féin, agus rug i *mac*; oir thàinig a saothair-chloinne oirre.

20 Agus mu àm a bàis, thubhairt na *mnathan* a bha 'seasamh làimh rithe, Na bithcadh eagal ort, oir rug thu *mac*. Ach chla do fhreagair ise, nì mòd a thug i faincar e.

21 Agus thug i Ichabod mar ainm air an leanabh, ag ràdh, Dh'fhalbh a' ghloir o Israel: (do bhrìgh gu'n do ghlacadh àirc Dhé, agus air son a h-athair-céile agus a fir).

22 Agus thubhairt i, Dh'fhalbh a' ghloir o Israel; oir ghlacadh àirc Dhé.

CAIB. V.

1 *Chuir na Philistich àirc Dhé ann an tigh Dhagoin ann an Asdod. 6 Bhuaill an Tighearn muinntir Asdoid le neasgaidean fola. 8 Thug na Philistich àirc Dhé gu Gat, agus á sin gu Hecon.*

AGUS ghabh na Philistich àirc Dhé, agus thug iad leo i o Ebeneser gu Asdod.

2 An sin ghabh na Philistich àirc Dhé, agus thug iad i do thigh Dhagoin, agus shuidhich iad i làimh ri Dagon.

3 Agus an uair a dh'éirich muinntir Asdoid gu moch air an là màireach, feuch, *bha* Dagon air tuiteam air 'aghaidh dh'ionnsuidh an làir fa chomhair àirc an Tighearna: agus ghabh iad Dagon, agus chuir iad a ris e n a àite féin.

4 Agus an uair a dh'éirich iad gu moch 's a' mhaduinn air an là màireach, feuch, *bha* Dagon air tuiteam air 'aghaidh dh'ionnsuidh an làir fa chomhair àirc an Tighearna: agus *bha* ceann Dhagoin, agus dà bhois a làmh air an gearradh dheth aig an stairsnich: dh'fhàgadh a mhàin *corp* Dhagoin aige.

5 Uime sin cha saltair sagartan Dhagoin, no neach air bith a théid a steach do thigh Dhagoin, air stairsnich Dhagoin ann an Asdod, gus an là 'n diugh.

6 Ach *bha* làmh an Tighearna trom air muinntir Asdoid, agus sgrìos e iad, agus bhuaill e iad le neasgaidean fola, eadhon Asdod agus a chrìochan.

7 Agus an uair a chunnaic daoine Asdoid gu'n robh e mar sin, thubhairt iad, Cha-n fhan àirc Dhé Israeil maille ruinne; oir *tha* a làmh trom oirnn, agus air Dagon ar Dia.

8 Uime sin chuir iad *fios* uatha, agus chruinnich iad uile thighearnan nam Philisteach d'an ionnsuidh, agus thubhairt iad, Ciod a nì sinn ri àirc Dhé Israeil? Agus fhreagair iadsan, Thugar àirc Dhé Israeil mu'n cuairt gu Gat. Agus thug iad mu'n cuairt àirc Dhé Israeil *gu Gat*.

9 Agus an uair a thug iad mu'n cuairt i, *bha* làmh an Tighearn' an aghaidh a' bhaile le sgrìos ro mhòr, agus bhuaill e daoine a' bhaile eadar bheag agus mhòr; agus *bha*

neasgaidean fola orra 'n an àitibh diomhair.

10 Uime sin chuir iad air falbh àirc Dhé gu Hecon; agus an uair a bha àirc Dhé air teachd gu Hecon, dh'éigh na Heconaich, ag ràdh, Thug iad mu'n cuairt d'ar n-ionnsuidh-ne àirc Dhé Israeil, gu sinn féin a mharbhadh, agus ar sluagh.

11 Uime sin chuir iad *fios* uatha, agus chruinnich iad uile thighearnan nam Philisteach, agus thubhairt iad, Cuiribh air falbh àirc Dhé Israeil, agus rachadh i air a h-àis d'a h-àite féin, a chum nach marbh i sinn féin agus ar sluagh; oir *bha* sgrìos bàis anns a' bhaile uile; *bha* làmh Dhé ro throm an sin.

12 Agus na daoine nach do bhàsaich, bhuaileadh iad le neasgaidean fola; agus chaidh éigheach a' bhaile suas gu nèamh:

CAIB. VI.

1 *Chuir na Philistich àirc Dhé air feun ùr, agus ghiulain iad i gu Bet-semes. 17 An tabhartas a thug iad seachad. 19 Bhuaill Dia daoine Bhet-semeis a chionn gu'n do sheall iad air an àirc.*

AGUS *bha* àirc an Tighearna ann an fearann nam Philisteach seachd mìosan.

2 Agus ghairm na Philistich air na sagartaibh, agus air na fiosaichibh, ag ràdh, Ciod a nì sinn ri àirc an Tighearna? thugaibh fios duinn cionnus a chuireas sinn air falbh i d'a h-àite féin.

3 Agus thubhairt iadsan, Ma chuireas sibh air falbh àirc Dhé Israeil, na cuiribh uaibh falamh i; ach air gach uile chor ìocaibh dha tabhartas-eusaontais: an sin slànuichear sibh, agus bithidh fios agaibh c'ar son nach do phill a làmh uaibh.

4 An sin thubhairt iad, Ciod an tabhartas-eusaontais a dh'ìocas sinn da? Agus fhreagair iadsan, Cùig neasgaidean òir, agus cùig luchaidh òir, a *rèir* àireimh thighearnan nam Philisteach; oir *bha* aon phlàigh oirbh uile, agus air bhuir tighearnaibh.

5 Uime sin nì sibh dealbhan bhur neasgaidean, agus dealbhan bhur luchaidh, a tha 'milleadh na tìre; agus heir sibh glòir do Dhia Israeil: theagamh gu'n eutromaich e a làmh dhibh, agus de bhuir diathaibh, agus de bhuir tìr.

6 C'ar son uime sin a chruaidhicheas sibh bhuir cridhe, mar a chruaidhich na h-Eiphitich agus Pharaoh an cridhe? an uair a rinn e gu h-iongantach 'n am measg, nach do leig iad an sluagh air falbh, agus dh'imich iad?

7 A nis uime sin deanaibh feun ùr, agus gabhaibh dà mhart-bainne, air nach deachaidh cuing; agus ceanglaibh sibh na mairt ris an fheun, agus bheir sibh an laogh dhachaidh uatha.

8 Agus gabhaidh sibh àirc an Tighearna, agus cuiridh sibh i air an fheun; agus

cuiridh sibh na seudan òir, a dh'ìocas sibh dha *mar* thabhartas-eusaontais, ann an cobhan r'a taobh; agus cuiridh sibh air falbh i, chum gu'n imich i.

9 Agus chi sibh, ma théid i suas rathad a criche féin gu Bet-semeis, *an sin* rinn e an t-òle mòr so oirnn: ach mur *téid*, an sin bithidh fios againn nach i a lámh-san a bhuail sinn; is tuiteamas a thàinig oirnn.

10 Agus rinn na daoine mar sin; agus ghabh iad dà mhart-bainne, agus cheangail iad ris an fheum iad, agus dhruid iad an lioigh a stigh.

11 Agus chuir iad àire an Tighearn' air an fheum, agus an cobhan leis na luchaidh òir, agus dealbhan an neasgaidean fola.

12 Agus ghabh na mairt an rathad dìreach gu slighe Bhet-semeis; air an rathad mhòr dh'imich iad, a' geumnaich mar a dh'imich iad, agus cha do thionndaidh iad a leth-taobh a dh'ionnsuidh na làimhe deise no na làimhe clìthe; agus chaidh tighearnan nam Philisteach 'n an dèigh gu crìch Bhet-semeis.

13 Agus *bha muinntir* Bhet-semeis a' bhuain an cruithneachd anns a' ghleann; agus thog iad suas an sùilean, agus chunnaic iad an àire, agus rinn iad gairdeachas 'n uair a chunnaic iad i.

14 Agus thàinig am feum gu achadh Iosua a' Bhet-semesich, agus sheas e 'n sin, far an robh clach mhòr; agus sgoilt iad fiodh an fheuma, agus thug iad suas na mairt 'n an iobairt-loisgte do'n Tighearn.

15 Agus thug na Lebhithich sìos àire an Tighearna, agus an cobhan a *bha* maille rithe, anns an robh na seudan òir, agus chuir iad air a' chloich mhòir iad: agus thug daoine Bhet-semeis suas tabhartais-loisgte, agus dh'ìobair iad iobairtean 's an là sin féin do'n Tighearn.

16 Agus an uair a chunnaic cùig tigh-carnan nam Philisteach e, phill iad gu Hebron 's an là sin féin.

17 Agus *is* iad so na neasgaidean òir, a dh'ìoc na Philistich *mar* thabhartas-eusaontais do'n Tighearn; air son Asdoid aon, air son Ghasa aon, air son Asceloin aon, air son Ghat aon, air son Heceoin aon:

18 Agus na luchaidh òir, a *réir* àireimh uile bhailtean nam Philisteach, a *bhuineadh* do na cùig tighearnaibh, araon bhailtean daingnichte agus bhailtean gun bhalla, eadhon gu ruig a' chlach mhòr, air an do chuir iad sìos àire an Tighearna, *clach a tha làthair* agus an là 'n diugh ann an achadh Iosua a' Bhet-semesich.

19 Ach bhuail e daoine Bhet-semeis, a chionn gu'n do sheall iad a stigh do àire an Tighearna; bhuail e eadhon de'n t-sluagh leth-cheud mìle, agus tri fichead agus deich-near fhear: agus rinn an sluagh caoidh, do bhrìgh gu'n do bhuail an Tighearn *cuid* de'n t-sluagh le plaigh mhòir.

20 Agus thubhairt daoine Bhet-semeis, Cò'a's urrainn seasamh an làthair an Tigh-earna Dé naomh so? agus co dh'ionnsuidh a théid i suas uainne?

21 Agus chuir iad teachdairean a dh'ionnsuidh luchd-àiteachaidh Chiriat-earim, ag ràdh, Thug na Philistich air a h-ais àire an Tighearna; thigibh a nuas, thugaibh suas i d'ur n-ionnsuidh.

CAIB. VII.

1 *Thug daoine Chiriat-earim an àire gu Gibeah, agus naomhaich iad Eliasar mac Abinadaib g'a gleidheadh.* 10 *Bhuailleadh na Philistich roimh chloinn Israeil.*

A GUS thàinig daoine Chiriat-earim, agus thug iad suas àire an Tighearna, agus thug iad a steach i do thigh Abinadaib ann an Gibeah, agus naomhaich iad a mhac Eliasar, a ghleidheadh àire an Tighearna.

2 Agus tharladh, o'n là a dh'fhan an àire ann an Chiriat-earim, gu'n robh an aimsir fada; (oir bha fichead bliadhna ann;) agus rinn tigh Israeil uile caoidh an dèigh an Tighearna.

3 Agus labhair Samuel ri uile thigh Israeil, ag ràdh, Ma philleas sibh a dh'ionnsuidh an Tighearna le'r n-uile chridhe, *an sin* cuiribh air falbh na diathan coimheach as bhur measg, *Baalim* agus Astarot; agus ulluichibh bhur cridhe a chum an Tigh-earn', agus deanaibh seirbhis dhasan a mhàin, agus saoraidh e sibh á làimh nam Philisteach.

4 An sin chuir clann Israeil air falbh Baalim agus Astarot, agus rinn iad seirbhis do'n Tighearn a mhàin.

5 Agus thubhairt Samuel, Cruinnichibh Israel uile gu Misphe, agus ni mise urnuigh air bhur son ris an Tighearn.

6 Agus chruinnich iad an ceann 'a chéile gu Misphe, agus tharruing iad uisge, agus dhòirt iad a mach e an làthair an Tighearna, agus thraisg iad air an là sin, agus thubhairt iad an sin, Pheacaich sinn an aghaidh an Tighearna. Agus thug Samuel breth air cloinn Israeil ann am Misphe.

7 Agus chuala na Philistich gu'n robh clann Israeil air cruinneachadh an ceann a chéile gu Misphe, agus chaidh tighearnan nam Philisteach suas an aghaidh Israeil: agus an uair a chuala clann Israeil e, bha cagal orra roimh na Philistich.

8 Agus thubhairt clann Israeil ri Samuel, Na sguir de ghlaodhaich ris an Tighearn ar Dia air ar son, a chum gu'n saor e sinn á làimh nam Philisteach.

9 Agus ghabh Samuel uan deothail, agus thug e suas e uile mar iobairt-loisgte do'n Tighearn; agus ghlaodh Samuel ris an Tighearn air son Israeil, agus chual' an Tighearn e.

10 Agus an uair a bha Samuel a' toirt suas na h-iobairt-loisgte, tharruing na Philistich am fagus gu cath an aghaidh Israeil:

ach rinn an Tighearn tairneanach le fuaim mhòir 's an là sin air na Philistich, agus chlaoidh e iad; agus bhuaicadh iad roimh Israel.

11 Agus chaidh fir Israeil a mach á Misphe, agus ruaig iad na Philistich, agus bhuaic iad iad, agus an d'fhàinig iad fo Bhet-car.

12 An sin ghabh Samuel clach, agus shuidh e i cadar Misphe agus Sen; agus thug e Ebeneser mar ainm oirre, agus thubhairt e, Gu ruige so chuidich an Tighearn leinn.

13 Agus dh'frioslaicheadh na Philistich, agus cha d'fhàinig iad tuilleadh gu crìch Israeil: agus bha làmh an Tighearn an aghaidh nam Philisteach uile làithean Shamueil.

14 Agus thugadh na bailtean a ghlaic na Philistich o Israel, air an ais do Israel, o Hebron eadhon gu Gat; agus shaor Israel an crìochan á làmh nam Philisteach; agus bha sìth cadar Israel agus na h-Amoraich.

15 Agus thug Samuel breth air Israel rè uile làithean a bhacath.

16 Agus chaidh e o bhliadhna gu bliadhna mu'n cuairt gu Bet-el, agus Gilgal, agus Misphe, agus thug e breth air Israel anns na h-àitibh sin uile.

17 Agus bha 'theachd air ais gu Ramah; oir an sin bha a thigh; agus an sin thug e breth air Israel, agus an sin thog e altair do'n Tighearn.

CAIB. VIII.

1 *Dh'iarr seanairean Israeil rìgh gu breth a thoirt orra. 6 Mhì-thaitinn an nì so ri Samuel; 9 ach dh'orduich Dia cha eisdeachd r'an guth, agus fìos a thoirt doibh air seòl an rìgh a rìoghachas os an ceann.*

ANIS an uair a bha Samuel aosda, chuir e a mhic 'n am breitheamhaibh os ceann Israeil.

2 Agus b'e ainm a cheud-ghin mic Ioel, agus ainm a dhara mic Abiah: bha iad 'n am breitheamhaibh ann am Beer-seba.

3 Agus cha do ghluais a mhic 'n a shligheibh-san, ach chlaon iad an déigh tairbhe, agus ghabh iad duais, agus dh'fhiar iad breitheanas.

4 An sin chruinnich uile sheanairean Israeil iad féin an ceann a chéile, agus thàinig iad a dh'ionnsuidh Shamueil gu Ramah.

5 Agus thubhairt iad ris, Feuch, tha thusa air fàs aosda, agus cha-n'eil do mhic a' gluasad ann ad shligheibh: a nis ma ta dean dhuinn rìgh gu breth a thoirt oirnn, mar na cinnich uile.

6 Ach mhi-thaitinn an nì ri Samuel, an uair a thubhairt iad, Thoir dhuinn rìgh gu breth a thoirt oirnn: agus rinn Samuel urnuigh ris an Tighearn.

7 Agus thubhairt an Tighearn ri Samuel, Eisd ri guth an t-sluaigh anns gach nì a their iad riut: oir riutsa cha do chuir iad cùl, ach riumsa chuir iad cùl, a chum nach rìoghaichinn os an ceann.

8 A réir nan uile oibre a rinn iad o'n là anns an d'thug mi mios iad as an Eiphit, gu ruig an là'n diugh, leis an do thréig iad mi, agus an d'rinn iad seirbhis do dhiathaibh eile, mar so tha iad a' deanamh mar an ceudna riutsa.

9 A nis uime sin éisd r'an guth: gidheadh bheir thu gu cinnteach fianuis 'n an aghaidh, agus cuiridh tu 'n céill dhoibh lagh an rìgh a rìoghaicheas os an ceann.

10 Agus dh'innis Samuel uile bhriathran an Tighearna do'n t-sluaigh, a bha 'g iarraidh rìgh air.

11 Agus thubhairt e, So mar a bhitheas lagh an rìgh a rìoghaicheas os bhur ceann: Gabhaidh e bhur mic, agus orduichidh e dha féin iad a chum a charbadan, agus gu bhi 'n am marcaich aige, agus gu ruith roimh a charbadaibh;

12 Agus gu'n cur 'n an ceannardaibh dha féin air mhiltibh, agus 'n an ceannardaibh air leth-cheudaibh, agus a threabhaidh 'fhear-aim, agus a bhuain 'fhogharaidh, agus a dheanamh innil-cogaidh air a shon, agus innil air son a charbadan.

13 Agus gabhaidh e bhur nigheanan a dheanamh olaidh-ungaidh chàbhraidh, agus gu bhi 'n am ban-chòcàiribh, agus 'n am ban-fhuineadairibh.

14 Agus gabhaidh e bhur n-achaidhean, agus bhur fìon-liosan, agus bhur liosan-olaidh, eadhon a' chuid a's fearr dhiubh, agus bheir e iad d'a òglachaibh.

15 Agus gabhaidh e an deachamh d'ur siol, agus d'ur fìon-liosaibh, agus bheir e d'a luchd-dreuchd e, agus d'a òglach-aihbh.

16 Agus gabhaidh e bhur n-òglach-sa, agus bhur banoglaich, agus na h-òganaich a's fearr agaibh, agus bhur n-asail, agus cuiridh e chum 'òibre féin iad.

17 Gabhaidh e an deachamh d'ur caor-ach: agus bithidh sibh 'n ur seirbhisich aige.

18 Agus glaothaidh sibh a mach 's an là sin o làthair bhur rìgh a thagh sibh dhuibh féin; agus cha-n éisd an Tighearn ribh 's an là sin.

19 Gidheadh, dh'iult an sluaigh éisdeachd ri guth Shamueil, agus thubhairt iad, Nì h-cadh; ach bithidh rìgh againne os ar ceann:

20 Agus bithidh sinne mar an ceudna mar na cinnich uile, agus bheir ar rìgh breth oirnn, agus théid e mach romhainn, agus cuiridh e ar cathan.

21 Agus chuala Samuel uile bhriathran an t-sluaigh, agus dh'aithris e iad ann an chusaibh an Tighearna.

22 Agus thubhairt an Tighearn ri Samuel, Eisd r'an guth, agus dean rìgh dhoibh. Agus thubhairt Samuel ri fir Israeil, Rachaidh gach duine dhibh d'a bhaile féin.

CAIB. IX.

1 *Chailleadh asail Chis, agus chaidh Saul a mhac gan iarraidh. 6 Air conhairle 'òganach thàinig e dh'ionnsuidh Shamuel a dh'fhiosrachadh a shlighe. 22 Thug Samuel cuirteadh dha chum na cuirme anns an ionad àrd.*

AGUS bha duine de Bheniamin, d'am b'ainm Cis, mac Abieil, mhic Sheroir, mhic Bhechorait, mhic Aphiah, Benjaminich, duine treun ann an neart.

2 Agus bha mac aige, d'am b'ainm Saul, roghadh òig-fhir, agus e tlachdmhor; agus cha robh ann measg chloinn Israeil fear a bu tlachdmhoire na e: o' ghuaillibh agus o sin suas b'àirde e na 'n sluagh uile.

3 Agus chailleadh asail Chis, athar Shaul; agus thubhairt Cis r'a mhac Saul, Thoir leat a nis aon de na h-òganaich, agus èirich, falbh, iarr na h-asail.

4 Agus chaidh e troimh mhonadh Ephraim, agus chaidh e troimh thìr Shalisha, ach cha d'fhuair siad iad: an sin chaidh e troimh thìr Shalim, agus cha robh iad an sin: agus chaidh e troimh thìr nam Benjaminich, ach cha d'fhuair siad iad.

5 Agus an uair a thàinig iad gu tìr Shuph, thubhairt Saul r'a òganach a bha maille ris, Thig agus pillcamaid, air eagal gu'n leig m'athair dheth a chùram mu na h-asail, agus gu'm bi smuaisean air m'ar timchioll-ne.

6 Agus thubhairt esan ris, Feuch, a nis, tha duine le Dia anns a' bhaile: so, agus is duine urramach e; thig gach ni a their e gu cinnteach gu crìch: a nis ma ta rachamaid an sin; theagamh gu'n innis e dhuinn ar slighe, air an còir dhuinn ghasad.

7 An sin thubhairt Saul r'a òganach, Ach, feuch, ma théid sinn, ciod a bheir sinn a dh'ionnsuidh òglaich Dhé? oir chaitheadh an t-aran 'n ar soithichibh, agus cha-n'èil tiodhlac ann ri thoirt a dh'ionnsuidh òglaich Dhé: ciod ma ta a ni sinn?

8 Agus fhreagair an òganach Saul a ris, agus thubhairt e, Feuch, tha agam an so a'n' làimh an ceathramh cuid de sheel airgid: sin bheir mi do òglach Dhé, agus innsidh e dhuinn ar slighe.

9 (O shean ann an Israel, an uair a rachadh duine a dh'fhiosrachadh de Dhia, mar so labhradh e, Thigibh, agus rachamaid a dh'ionnsuidh an fhir-sheallaidh: oir esan ris an abrar a nis fàidh, o shean theirteadh fear-seallaidh ris.)

10 An sin thubhairt Saul r'a òganach, Is maith a labhair thu; thig, imicheamaid: agus dh'imich iad do'n bhaile, far an robh òglach Dhé.

11 Agus an uair a chaidh iad suas uclach a' bhaile, fhuair iad gruagaichean a' dol a mach a tharruing uisge, agus thubhairt iad riu, Am bheil am fear-seallaidh an so?

12 Agus fhreagair iadsan iad, agus thu-

bhairt iad, Tha; feuch, *tha e roimhlàbha*. deanaibh cabhag a nis, oir an diugh tha e air teachd do'n bhaile; oir tha iobairt aig an t-sluagh an diugh anns an ionad àrd.

13 An uair a théid sibh a steach do'n bhaile, air ball gheibh sibh e, mun téid e suas do'n ionad àrd a dh'itheadh: oir cha-n'ith an sluagh gus an tig e, a chionu gu'm beannaich e an iobairt, agus an déigh sin ithidh iadsan a chuireadh. A nis uime sin rachaibh suas, oir mu'n àm so gheibh sibh e.

14 Agus chaidh iad suas do'n bhaile: agus an uair a bha iad a' dol a steach gu mcadhon a' bhaile, feuch, thàinig Samuel a mach 'n an coinneamh, gu dol suas do'n ionad àrd.

15 A nis dh'innis an Tighearn ann an cluais Shamuel, là mun d'thàinig Saul, ag ràdh,

16 Mu'n àm so am maireach cuiridh mi a d' ionnsuidh duine á tìr Bheniamin, agus ungaidh tu e 'n a cheannard air mo shluagh Israel, agus saoraidh e mo shluagh á làimh nam Philisteach; oir dh'amhaire mi air mo shluagh, a chionn gu'n d'thàinig an glaoth a m' ionnsuidh.

17 Agus an uair a chunnaic Samuel Saul, thubhairt an Tighearn ris, Feuch an duine mu'n do labhair mi riut: rioghaichidh esan os ceann mo shluaigh.

18 An siu thàinig Saul am fagus do Shamuel anns a' gheata, agus thubhairt e, Innis dhomh, guidheam ort, c'àit am bheil tigh an fhir-sheallaidh?

19 Agus fhreagair Samuel Saul, agus thubhairt e, Is mise am fear-seallaidh: gabh suas romham do'n ionad àrd, agus ithidh sibh maille riumsa an diugh; agus leigidh mi leat falbh 's a' mhaduinn, agus gach ni a tha ann ad chridhe innsidh mi dhuit.

20 Agus a thiaobh nan asal agad a chaill-eadh o cheann trì làithean, na suidhich d'inntinn orra, oir fhuaradh iad: agus cò air am bheil uile dhéigh Israeil? nach ann ortsa, agus air uile thugh d'athar?

21 Agus fhreagair Saul agus thubhairt e, Nach Benamineach mise de'n treubh a's lugha ann au Israel? agus nach e mo theaghlach a's lugha de uile theaghlachibh tréibhe Bheniamin? c'ar son uime sin a tha thu 'labhairt riumsa air an dòigh so?

22 Agus ghabh Samuel Saul agus òganach, agus thug e steach iad do'n t-seòmar-chuirm, agus thug e àite-suidhe dhoibh aig ceann-toisich nan daoine a chaidh a chuireadh, agus iad mu thimchioll deich fir fhichead.

23 Agus thubhairt Samuel ris a' chòcaire, Thoir dhomh a' chuibhriom a thug mi dhuit, mu'n dubhairt mi riut, Cuir làimh riut i.

24 Agus thog an còcaire an slinnean, agus an ni a bha air, agus chuir e fa chomhaid Shaul e, agus thubhairt Samuel, Feuch

cuir an ni sin a dh'fhàgadh air do bheulaobh, agus i; oira dh'ionnsuidh an àm' soghleith-eadh dhuit e, o thubhairt mi, Thug mi cuireadh do'n t-sluagh. Agus dh'ith Saul maille ri Samuel air an là sin.

25 Agus an uair a thàinig iad a nuas o'n ionad àrd do'n bhaile, labhair *Samuel* ri Saul air mullach an tighe.

26 Agus dh'éirich iad gu moch: agus mu bhriseadh na faire, ghairm Samuel air Saul gu mullach an tighe, ag ràdh, Eirich, a chum gu'n leig mi air falbh thu. Agus dh'éirich Saul, agus chaidh iad a mach le 'chéile, e féin agus Samuel.

27 Agus an uair a bha iad a' dol sìos gu iomall a' bhaile, thubhairt Samuel ri Saul, Abair ris an òganach dol air aghaidh romhainn, (agus chaidh e air aghaidh,) ach seas thusa tamull, agus cuiridh mi 'n céill dhuit focal Dhé.

CAIB. X.

1 *Dh'ung Samuel Saul, agus neartaich se e le tri comharaibh.* 10 *Thuirling spiorad Dhé air Saul agus rinn e fàidheadaireachd.* 17 *Shonraicheadh e gu bhí 'n a rìgh os ceann Israeil.*

AN SIN ghabh Samuel corn olaidh, agus dhòirt e air a cheann e, agus phòg se e, agus thubhairt e, Nach ann a chionn gu'n d'ung an Tighearn thu *gu bhí* 'd cheannard air 'oighreachd féin?

2 'N uair a dh'imicheas tu 'n diugh uamsa, an sin gheibh thu dithis dhaoine làimh ri uaigh Racheil, ann an crìch Bheniamin ann an Selsah: agus their iad riut, Fhuaradh na h-asail a chaidh thu a dh'iarraidh; agus, feuch, leig d'athair dheth cùram nan asal, agus tha smuairan air mu'r timchioll-sa, ag ràdh, Ciod a ni mi air son mo mhic?

3 An sin théid thu air d'aghaidh as a sin, agus thig thu dh'ionnsuidh còmhnaidh Thaboir, agus coinnichidh tu 'n sin triuir dhaoine a' dol suas a dh'ionnsuidh Dhé gu Bet-el, aon *diubh* a' giùlan thri meann, agus aon *eile* a' giùlan thri buillean arain, agus aon *eile* a' giùlan searraig fhìona.

4 Agus cuiridh iad fàilte ort, agus bheir iad dhuit dà *bhuilionn* arain, agus gabhadh tu as an làimh *iad*.

5 'N a dhéigh sin thig thu gu enoc Dhé, far *am bheil* freiceadan nam Philisteach: agus tarlaidh, 'n uair a thig thu an sin do'n bhaile, gu'n coinnich thu cuideachd fhàidhean a' teachd a nuas o'n ionad àrd, le saltair, agus tiompan, agus pìob, agus clàrsach rompa, agus iad ri fàidheadaireachd:

6 Agus tuirlingidh spiorad an Tighearna ort, agus ni thu fàidheadaireachd maille riu-san, agus tionndaidhear thu a'd' dhuine eile.

7 Agus an uair a thig na comharan sin ort, ni thu mar a fhreagras a' chùis duit, oir *bithidh* Dia maille riut.

8 Agus théid thu sìos romham-sa gu Gil-

gal; agus, feuch, théid mise sìos a d' ionnsuidh, a thoirt suas thabhartas-loisgte, agus a dh'ìobradh ìobairtean thabhartas-sìth; seachd làithean fanaidh tu, gus an tig mise a d' ionnsuidh, agus gu'n toir mi fios dhuit ciod a ni thu.

9 Agus an uair a thionndaidh e a chùl gu falbh o Shamuel, thug Dia dha cridhe eile; agus thàinig na comharan sin uile gu crìch air an là sin féin.

10 Agus thàinig e o sin do'n chnoc; agus, feuch, choinnich cuideachd fhàidhean e; agus thuirling spiorad Dhé air, agus rinn e fàidheadaireachd 'n am measg.

11 A nis an uair a chunnaic iadsan uile a ghabh eòlas air roimhe, feuch, gu'n d'riun e fàidheadaireachd maille ris na fàidhibh, an sin thubhairt an sluagh gach aon ri 'chéile, Ciod e so a thàinig air mac Chis? *Am bheil* Saul cuideachd am measg nam fàidhean?

12 Agus fhreagair duine as an àite sin, agus thubhairt e, Ach cò e an athair? uime sin bha e 'n a ghnàth-fhocal, *Am bheil* Saul cuideachd am measg nam fàidhean?

13 Agus an uair a chuir e crìoch air fàidheadaireachd a dheanamh, thàinig e do'n ionad àrd.

14 Agus thubhairt bràthair-athar Shaul ris, agus r'a òganach, C'àite an deachaidh sibh? agus thubhairt esan, A dh'iarraidh nan asal: agus an uair a chunnaic sinn nach *robh* iad *r'am faghail*, thàinig sinn gu Samuel.

15 Agus thubhairt bràthair-athar Shaul, Innis dhomh, guidheam ort, ciod a thubhairt Samuel ribh.

16 Agus thubhairt Saul ri bràthair-athar, Dh'innis e dhuinn gu cinnteach gu'n d'fhuaradh na h-asail; ach a thaobh na rìoghachd, cha d'innis e dha ciod a thubhairt Samuel.

17 Agus ghairm Samuel an sluagh an ceann a chéile a dh'ionnsuidh an Tighearna gu Mispeh;

18 Agus thubhairt e ri cloinn Israeil, Mar so tha'n Tighearn Dia Israeil ag ràdh, Thug mi nìos Israel as an Eiphit, agus shaor mi sibh á làimh nan Eiphiteach, agus á làimh nan rìoghachdan uile, a bha 'deanamh ainneirt oirbh.

19 Gheadh chuir sibhse an diugh cùl ri'r Dia, esan a shaor sibh o bhur n-uile agus bhur teamntachdaibh gu léir; agus thubhairt sibh, Ni h-eadh, ach cuiridh tu rìgh os ar ceann. A nis uime sin nochdaibh sibh féin 'am fianuis an Tighearna, a réir bhur treubhan, agus a réir bhur mìltean.

20 Agus an uair a thug Samuel air uile threubhan Israeil teachd am fagus, ghabhadh treubh Bheniamin.

21 Agus an uair a thug e air tréibh Bheniamin teachd am fagus a réir an teaghlach-ean, ghabhadh teaghlach Mhatrì: agus an uair a thug e air teaghlach Mhatrì teachd am fagus a lion fear agus fear, ghabhadh

Saul mac Chis: agus an uair a dh'iarr iad e, cha d'fhuairadh e.

22 Uime sin dh'fhiosraich iad fathast de'n Tighearn, an tigeadh an duine fathast an sin; agus fhreagair an Tighearn, Feuch, dh'fholaich se e féin am measg na h-airneis.

23 Agus ruith iad, agus thug iad á sin e: agus an uair a sheas e 'am meadhon an t-sluaigh, bha e ni b'airde na 'n sluagh uile, o 'ghuaillibh agus o sin suas.

24 Agus thubhairt Samuel ris an t-sluagh uile, Am faic sibh esan a thagh an Tighearn, nach 'eil neach cosmhail ris am measg an t-sluaigh uile? agus rinn an sluagh uile iolach, agus thubhairt, iad, Gu ma fada beò an rìgh.

25 An sin dh'innis Samuel do'n t-sluagh lagh na rioghachd, agus sgrìobh e ann an leabhar e, agus thaisg e suas 'am fianuis an Tighearna e: agus leig Samuel an sluagh uile air falbh, gach duine d'a thigh.

26 Agus chaidh Saul mar an ceudna dhachaidh gu Gibeah, agus chaidh maille ris daoine treun, aig an do bhean Dia r'an cridhe.

27 Ach thubhairt mic Bheliail, Cionnus a shaoras am fear so sinn? agus rinn iad dimeas air, agus cha d'thug iad tiodhlac sam bith d'a ionnsuidh: ach dh'fhan esan 'n a thosd.

CAIB. XI.

1 *Champaich Nahas an t-Amonach an aghaidh Iabeis-ghilead.* 4 *Chuir luchd-muinntir an àite sin teachdairean a dh'ionnsuidh Shaul a dh'iarraidh còmhnaidh.* 7 *Chruinnich esan sluagh Israel ri 'chéile, agus bhuail e na h-Amonaich.* 14 *Dh'athnuadh aicead a rioghachd ann an Gilgal.*

AN SIN chaidh Nahas an t-Amonach suas, agus champaich e an aghaidh Iabeis-ghilead: agus thubhairt uile dhaoine Iabeis ri Nahas, Dean coimheangal ruinn, agus ni sinne seirbbhis dhuith.

2 Agus fhreagair Nahas an t-Amonach iad, Air a' chùmhnannt so ni mi coimheangal ribh, gu'n spìon mi mach gach sùil dheas agaibh, agus gu'n cuir mi am masladh so air Israel uile.

3 Agus thubhairt seanairean Iabeis ris, Thoir dhuinn dàil sheachd làithean, a chum gu'n cuir sinn teachdairean gu uile chrìoch-aibh Israel; agus mur bi neach sam bith gu'r saoradh, an sin thèid sinn a mach a d' ionnsuidh.

4 An sin thàinig nateachdairean gu Gibeah Shaul, agus dh'innis iad an sgeul ann an cluasaibh an t-sluaigh: agus thog an sluagh uile suas an guth, agus ghuil iad.

5 Agus, feuch, thàinig Saul an déigh a' bhuair as a' mhachair; agus thubhairt Saul, Ciod a thàinig air an t-sluagh, gu bheil iad a' gul? agus dh'innis iad da sgeul dhaoine Iabeis.

6 Agus thuirling spiorad Dhé air Saul an

uair a chual' e an sgeul sin, agus lasadh 'fhearg gu mòr.

7 Agus ghabh e cuing dhamh, agus ghearr e sìos 'n am mìribh iad, agus chuir e iad air feadh uile chrìochan Israel le làimh theachdairean, ag ràdh, Ge b'e nach tig a mach an déigh Shaul, agus an déigh Shamueil, mar so nithcar r'a dhaimh: agus thuit eagal an Tighearna air an t-sluagh, agus thàinig iad a mach mar aon duine.

8 Agus an uair a rinn e an àireamh ann am Besec, bha ann de chloinn Israel trì cheud mìle, agus de fhir Iudah deich mìle fichead.

9 Agus thubhairt iad ris na teachdairibh a thàinig, Mar so their sibh ri fir Iabeis-ghilead, Am màireach, an uair a dh'fhàsas a' ghrian teth, bithidh cabhair agaibh. Agus thàinig na teachdairean, agus dh'innis iad sin do fhir Iabeis; agus bha aoibhneas orra.

10 Uime sin thubhairt fir Iabeis, Am màireach thèid sinn a mach d'ur n-ionnsuidh, agus ni sibh ruinn a réir gach ni a's àill leibh.

11 Agus air an là màireach chuir Saul an sluagh 'n an trì buidhnibh; agus thàinig iad gu meadhon an fheachd ann am faire na maidne, agus bhuail iad na h-Amonaich gus an d'fhàs an latha teth: agus sgapadh iad-san a mhair, air chor as nach d'fhàgadh dithis duibh cuideachd.

12 Agus thubhairt an sluagh ri Samuel, Cò a thubhairt, Cha rìghich Saul os ar ceann? thugaibh an so na daoine a chum gu'n cuir sinn gu bàs iad.

13 Agus thubhairt Saul, Cha chuirear duine gu bàs air an là so; oir an diugh dh'òibrich an Tighearn saorsa ann an Israel.

14 An sin thubhairt Samuel ris an t-sluagh, Thigibh, agus rachamaid do Gilgal, agus athnuadh aiceamaid an sin an rioghachd.

15 Agus chaidh an sluagh uile gu Gilgal, agus rinn iad Saul an sin 'n a rìgh am fianuis an Tighearna ann an Gilgal; agus dh'ìobair iad an sin iobairtean thabhartas-sith 'am fianuis an Tighearn': agus rinn Saul an sin agus fir Israel uile gairdeachas mòr.

CAIB. XII.

1 *Dh'aidich an sluagh neo-chiontas Shamueil.* 6 *Chuir esan 'an cèill doibh na nithean iongantach a rinn Dia air an son, agus an eas-ùmhachadh dhasan le rìgh iarraidh dhoibh féin.*

AGUS thubhairt Samuel ri h-Israel uile, Feuch, dh'èisd mi ri'r guth anns gach ni a thubhairt sibh ruinn, agus rinn mi rìgh os bhur ceann.

2 Agus a nis, feuch, tha'n rìgh ag imeachd roimhibh: agus tha mise aosmhor agus ceannliath, agus, feuch, tha mo mhic maille ribh: agus ghluais mise 'n ur fianuis o m'dìge gus an là 'n diugh.

I SAMUEL, XIII.

3 Feuch, *tha mi 'n so*; thugaibh fianuis a'm aghaidh au làthair an Tighearna, agus an làthair 'Aoin ungta: cò esan o'n d'thug mi a dhamh? agus cò esan o'n d'thug mi 'asal? agus cò esau air an d'rinn mi feall? cò esan air an d'rinn mi ainneart? agus cò esan o làimh an do ghabh mi duais a chum mo shùilean a dhalladh leatha? agus aisgidh mi dhuibh.

4 Agus thubhairt iadsan, Cha d'rinn thu feall oirne, ni mò a rinn thu ainneart oirn, ni mò a ghabh thu ni air bith o làimh aoin duine.

5 Agus thubhairt e riu, Tha 'n Tighearn 'n a fhianuis 'n ur n-aghaidh, agus tha 'Aou ungta 'n a fhianuis an diugh, nach d'fhuair sibh a'm làimh-sa ni sam bith. Agus fhreagar iadsan, *Tha e 'n a fhianuis*.

6 Agus thubhairt Samuel ris an t-sluagh, *Is e 'n Tighearn a thog suas Maois agus Aaron*, agus a thug bhur n-aithrichean mios á tìr na h-Eiphit.

7 A nis uime sin séasaibh, a chum gu'u toir mi breth oirbh an làthair an Tighearna, a thaobh uile ghnìomharan ceart an Tighearna, a rinn e dhuibhse agus do bhur n-aithrichibh.

8 An uair a thàinig Iacob a steach do'n Eiphit, agus a ghlaodh bhur n-aithrichean ris an Tighearn, an sin chuir an Tighearn *d'an ionnsuidh* Maois agus Aaron, a thug bhur n-aithrichean a mach as an Eiphit, agus a thug orra còmhuidh 'ghabhail agus an àite so.

9 Agus an uair a dhì-chuimhnich iad an Tighearn an Dia, thug e thairis iad do làimh Shisera, ceannaird armaile Hasoir, agus do làimh uam Philisteach, agus do làimh rìgh Hmoib; agus chog iad 'n an aghaidh.

10 Agus ghlaodh iad ris an Tighearn, agus thubhairt iad, Pheacaich sinn, do bhrìgh gu'u do thréig sinn an Tighearn, agus gu'n d'rinn sinn seirbhis do Bhaalim agus Ast-arot; ach a nis saor sinn á làimh ar naimhdean, agus ni siun seirbhis dhuith.

11 Agus chuir an Tighearn uaithe Ierubaal, agus Barac, agus Iephtah, agus Samuel, agus shaor e sibh á làimh bhur naimhdean air gach taobh, agus ghabh sibh còmhuidh gu tèarainte.

12 Agus an uair a chunnaic sibh gu'n d'thàinig Nahas rìgh chloinn Amoin 'n ur n-aghaidh, thubhairt sibh riumsa, Ni h-eadh, ach rìghaichidh rìgh os ar ceann: an uair a b'e an Tighearn bhur Dia bhur rìgh.

13 A nis uime siu feuch an rìgh a thagh sibh, agus a dh'iarr sibh: agus, feuch, chuir an Tighearn rìgh os bhur ceann.

14 Ma bhlithcas eagal an Tighearna oirbh, agus ma ni sibh seirbhis dha, agus ma dh'èisdeas sibh r'a ghuth, agus nach deau sibh ceannaire an aghaidh àithne an Tigh-

earna, an sin bithidh sibh féin tèarainte, agus mar an ceudna an rìgh a rìghaicheas os bhur ceann an déigh an Tighearna bhur Dé.

15 Ach mur éisd sibh ri guth an Tighearna, agus gu'n dean sibh ceannaire an aghaidh àithne an Tighearna, an sin bithidh làmh an Tighearna 'n ur n-aghaidh-sa, mar a bha i 'n aghaidh bhur n-aithrichean.

16 A nis uime sin scasaibh agus faicibh an ni mòr so, a ni an Tighearn fa chomhair bhur sùl.

17 Nach 'eil foghar a' chruithneachd ara an diugh? gairnidh mise air an Tighearn, agus cuiridh e *nuas* tairneanach agus uisge; a chum gu'n tuig agus gu'm faic sibh gu bheil bhur u-ole mòr, a rinn sibh ann an sealladh an Tighearna, le rìgh iarraidh dhuibh féin.

18 Agus ghairm Samuel air an Tighearn; agus chuir an Tighearn a nuas tairneanach agus uisge air an là sin: agus ghabh an sluagh uile eagal mòr roinn an Tighearn, agus roimh Shamuel.

19 Agus thubhairt an sluagh uile ri Samuel, Dean urnuigh air son do sheirbhiseach rìg an Tighearn do Dhia, a chum nach bàsaich sinn: oir chuir sinu r'ar peacaidhean uile an t-ole so, rìgh iarraidh dhuinn féin.

20 Agus thubhairt Samuel ris an t-sluagh, Na bitheadh eagal oirbh: (rinn sibh an t-ole so uile: gidheadh na tionndaidhibh a thaobh o'n Tighearn a leantuin, ach deanaibh seirbhis do'n Tighearn le'r n-uile chridhe;

21 Agus na tionndaidhibh a thaobh an déigh nithean faoin, nach bi chum tairbhe dhuibh, agus nach saor sibh; oir is faoincis iad.)

22 Oir cha tréig an Tighearn a shluagh, air sgàth a mhòir-ainme féin; do bhrìgh gu'm bu toil leis an Tighearn bhur deaamh 'n ur sluagh dha féin.

23 Ach air mo shon-sa, nar leigeadh Dia gu'm peacaichinn an aghaidh an Tighearna, le sgrud de urnuigh a dheanamh air bhur son: ach teagaisgidh mi dhuibh au t-slighe mhaith agus cheart.

24 A mhàin bitheadh cagal an Tighearna oirbh, agus deanaibh seirbhis dha ann am fìrian le bhur n-uile chridhe: oir faicibh cia mòr na nithean a rinn e air bhur son.

25 Ach ma bhanaicheas sibh ann an droch dheanadas, sgriosar araon sibh féin agus bhur rìgh.

CAIB. XIII.

1 Bhuaill Ionatan freiceadan nam Philisteach ann an Geba. 5 Chruinnicheadh iadsan an ceann a chèile ann am Michmas gu cogadh ri Israel. 6 Teanntachd nam Israeleach. 9 Thug Saul suas iobairt-loisgte. 11 Chronaich Samuel e. 17 Chuir na Philistich a mach tri cuideachdan de luchd-creiche.

BHIA Saul deich bliadhna fichead a dh'aois an uair a thòisich e air rìgh-

achadh; agus rìghich e dà bhliadhna os ceann Israeil.

2 An sin thagh Saul dha féin trì mìle fear de Israel; *d'an* robh dà mhìle maille ri Saul ann am Michmas, agus ann an shìabh Bhet-eil, agus bha mìle maille ri Ionatan ann an Gibeah Bheniamin: agus a' chuid eile de'n t-sluagh chuir e gach duine *dhiubh* dh'ionnsuidh a bhàtha.

3 Agus bhuail Ionatan freiceadan nam Philisteach a bha ann an Geba; agus chuala na Philistich *sin*: agus shéid Saul an trompaid air feadh na tìre uile, ag ràdh, Cluinneadh na h-Eabhruidhich.

4 Agus chual' Israel uile iomradh *gu'n* do bhuail Saul freiceadan nam Philisteach, agus mar an cendna *gu'n* robh Israel air am meas gràineil leis na Philistich: agus ghairmeadh an slagh an ceann a chèile an dèigh Shaul gu Gilgal.

5 Agus chruinnicheadh na Philistich an ceann a chèile gu cogadh ri h-Israel, deich mìle fichead carbad, agus sè mìle marcach, agus sluagh mar a' ghaineamh a tha air tràigh na fairge thaobh lìonmhoireachd: agus thàinig iad a nìos, agus champaich iad ann am Michmas, a làimh na h-àirde 'n ear o Bhet-abhen.

6 An uair a chunnaic fir Israeil *gu'n* robh iad ann an teanntachd, a chionn *gu'n* do dhlùthaich an armailtean rin, an sin dh'fhòlaich an sluagh iad féin ann an uamhan, agus ann an droighnich, agus ann an creagaibh, agus ann an daingneachaibh, agus ann an slochdaibh.

7 Agus chaidh *cuid* de na h-Eabhruidhich thar Iordan gu tìr Ghad, agus Ghilead: ach bha Saul fathast ann an Gilgal, agus bha'n sluagh 'n a dhéigh uile air chrith.

8 Agus dh'fheith e seachd làithean, gu ruig an t-àm àraidh a shuidhich Sammel: ach cha d'thàinig Samuel gu Gilgal; agus sgapadh an slagh uaith.

9 Agus thubhairt Saul, Thugaibh am' ionnsuidh an so ìobairt-loisgte, agus tabhartasan-sìth. Agus thug e suas an ìobairt-loisgte.

10 Agus cò luath as a chuir e crìoch air an ìobairt-loisgte a thoirt suas, feuch, thàinig Samuel; agus chaidh Saul a mach 'n a choinneamh a chum gu'm beannaicheadh e dha.

11 Agus thubhairt Samuel, Ciod a rinn thu? Agus fhreagair Saul, A chionn gu'm faca mi *gu'n* robh an sluagh air an sgapadh uam, agus nach d'thàinig thu an taobh a stigh de'n àm shuidhichte, agus *gu'n* do chruinnich na Philistich iad féin an ceann a chèile gu Michmas;

12 Uime sin thubhairt mi, A nis thig na Philistich a nuas orm gu Gilgal, agus cha do chuir mi a thechuinge dh'ionnsuidh an Tighearna: rinn mi éigin uime sin orm féin, agus thug mi suas an ìobairt-loisgte.

13 Agus thubhairt Samuel ri Sanl, Rinn thu gu h-amaideach; cha do ghléidh thu àithne an Tighearna do Dhé, a dh'àithn e dhuit; oir a nis dhaingnicheadh an Tighearna do rìoghachd air Israel gu bràth.

14 Ach a nìscha seas do rìoghachd: dh'iarr an Tighearna dha féin duine a réir a chridhe féin, agus dh'àithn an Tighearna dha *bhi* 'n a cheannard air a shluagh, a chionn nach do ghléidh thusa *an ni* a dh'àithn an Tighearna dhuit.

15 Agus dh'éirich Samuel, agus chaidh e suas o Ghilgal gu Gibeah Bheniamin: agus rinn Saul an sluagh àireamh a bha làthair maille ris, nu thimchioll sè cend fear.

16 Agus dh'fhan Saul, agus a mhac Ionatan, agus an sluagh a bha làthair maille rin, ann an Gibeah Bheniamin: ach champaich na Philistich ann am Michmas.

17 Agus thàinig an lùchd-millidh a mach à camp nam Philisteach 'n an trì cuideachdaibh: thionndaidh aon cuideachd *dhiubh* do 'n t-slighe dh'ionnsuidh Ophrah, gu tìr Shaul:

18 Agus thionndaidh cuideachd eile do'n t-slighe dh'ionnsuidh Bhet-horoin: agus thionndaidh cuideachd eile do shlighe na crìche, a tha 'g amhare ri gleann Sheboim, a dh'ionnsuidh an fhàsaich.

19 A nis cha d'fhuaradh gobha ann an tìr Israeil uile: (oir thubhairt na Philistich, Air eagal *gu'n* dean na h-Eabhruidhich *dhoibh* *féin* claidhean no sleaghan.)

20 Uime sin chaidh na h-Israelich uile sìos dh'ionnsuidh nam Philisteach, gach duine a gheurachadh a shuic, agus a chaibe, agus a thuaghe, agus a phiocaid.

21 Gidheadh bha eighean aca air son nam piocaidean, agus air son nan soc, agus air son nan trì-mheurach, agus air son nan tuaghan, agus a gheurachadh nam bior.

22 Mar sin thachair e ann an là a' chatha, nach d'fhuaradh aon chuid claidheam no sleagh ann an làimh neach sam bith de'n t-sluagh, a bha maille ri Saul agus Ionatan: ach fhuaradh aig Saul agus aig a mhac Ionatan.

23 Agus chaidh freiceadan nam Philisteach a mach gu bealach Mhichmais.

CAIB. XIV.

1 Bhuail Ionatan agus fear iomchair 'arm freiceadan nam Philisteach. 17 Thàinig Saul agus 'fheachd dh'ionnsuidh a' chatha. 21 Chuir e an sluagh fo mhionnaibh nach 'fheadh iad biadh gu feasgar, a chum *gu'n* diùltadh e air a naimhidibh. 27 Shaoradh Ionatan leis an t-sluagh.

A NIS air là àraidh thubhairt Ionatan a mac Shaul ris an òganach a dh'iomchair 'airm, Thig, agus rachamaid thairis gu freiceadan nam Philisteach, a tha air an taobh thall: ach cha d'innis e d' a athair.

2 Agus dh'fhan Saul anns a' chuid a bh'fhaide mach de Ghibeah, fo chraoibh

pomgranait, a *tha* ann am Migron: agus *bha'n* sluagh a *bha* maille ris mu thimchioll sè ceud fear.

3 Agus *bha* Ahiah mac Ahituib, bhràthar Ichabod, mhic Phinehais, mhic Eli sagairt an Tighearn' ann an Siloh, ag iomchar ephoid. Ach cha robh fios aig an t-sluagh gun d'fhalbh Ionatan.

4 Agus cadar na bealaichean, air an d'iarr Ionatan dol thairis a dh'ionnsuidh freiceadain nam Philisteach, *bha* creag gheur air aon taobh, agus creag gheur air an taobh eile: agus *b'e* ainm creige dhiubh Boses, agus ainm na creige eile Seneh.

5 Bha suidheachadh creige dhiubh o thuath fa chomhair Mhichmais, agus suidheachadh na creige eile o dheas fa chomhair Ghibeah.

6 Agus thubhairt Ionatan ris an òganach a dh'iomhair 'arm, Thig, agus rachamaid thairis a dh'ionnsuidh freiceadain nan *daoine* neo thimchioll-ghearrta ud: theagamh gu'n oibrich an Tighearn air ar son; oir cha *n'eil* bacadh air an Tighearn saoradh le mòran no le beagan.

7 Agus thubhairt fear iomhair 'arm ris, Dean gach *ni* a th'ann ad chridhe: tionndaidh thu féin; feuch, *tha* mise maille riut a réir do chridhe.

8 An sin thubhairt Ionatan, Feuch, théid sinn thairis a dh'ionnsuidh nan *daoine* ud, agus nochdaidh sinn sinn féin doibh.

9 Ma their iad mar so ruinn, Fanaibh gus an tig sinn d'ur n-ionnsuidh; an sin seasaidh sinne 'n ar n-àite, agus cha téid sinn suas d'an ionnsuidh.

10 Agus ma their iad mar so, Thigibh a nìos d'ar n-ionnsuidh-ne; an sin théid sinn suas, oir thug an Tighearn thairis iad d'ar làimh: agus *bithidh* so 'n a chomharadh dhuinm.

11 Agus nochd iad le 'chéile iad féin do fhreiceadan nam Philisteach: agus thubhairt a Philistich, Feuch, *tha* na h-Eabhruidhich a' teachd a mach as na tollaibh, anns an d'fholaich siad iad féin.

12 Agus fhreagair fir an fhreiceadain Ionatan agus fear iomhair 'arm, agus thubhairt iad, Thigibh a nìos d'ar n-ionnsuidh-ne, agus nochdaidh sinne dhiubh ni. Agus thubhairt Ionatan ri fear iomhair 'arm, Thig a nìos a'm dhéigh; oir thug an Tighearn thairis iad do làimh Israeil.

13 Agus chaidh Ionatan suas air a làmhan agus air a chosan, agus fear iomhair 'arm a dhéigh: agus thuit iad roimh Ionatan; agus mharbh fear iomhair 'arm 'n a dhéigh.

14 Agus bha an ceud àr sin a rinn Ionatan agus fear iomhair 'arm, mu thimchioll fichead fear, an taobh a stigh mar gu'm b'ann de leth-acair fhearainn, a dh'fheudadh cuing *dhamh* a threabhadh ann an là.

15 Agus bha ball-chrith anns an fheachd, 's a' mhachair, agus am measg an t-sluaigh uile: bha crith mar an ceudna air an fhreic-

cadan agus air an luchd-millidh féin, agus chrìothnaich an talamh; agus bha i 'n a crith ro mhòir.

16 Agus dh'amhaire luchd-faire Shaul ann an Gibeah Bheniamin; agus, feuch, leagh am mòr-shluagh as, agus dh'fhalbh iad a' bualadh sìos a *chéile*.

17 An sin thubhairt Saul ris an t-sluagh a *bha* maille ris, Gabhaibh àireamh a nis, agus faicibh cò a dh'fhalbh uainn. Agus an uair a dh'àireamh iad, feuch, cha robh Ionatan agus fear iomhair 'arm an sin.

18 Agus thubhairt Saul ri Ahiah, Thoir an so àire Dhé; oir bha àire Dhé 's an àm sin maille ri cloinn Israeil.

19 Agus an uair a bha Saul a' labhairt ris an t-sagart, chaidh a' chonghair a bha ann am feachd nam Philisteach air a h-aghaidh, agus nheudaich i: agus thubhairt Saul ris an t-sagart, Tarruing air a h-ais do làmh.

20 Agus chrùinnich Saul agus an sluagh uile a *bha* maille ris iad féin an ceann a chéile, agus thàinig iad a dh'ionnsuidh a' chatha; agus, feuch, bha claidheamh gach fir an aghaidh a chomharsaich, agus *bha* amhluaadh ro mhòr ann.

21 Agus na h-Eabhruidhich a bha maille ris na Philistich roimhe sin, a chaidh suas maille ri u do'n champ *o'n tìr* mu'n cuairt, thionndaidh iadsan mar an ceudna gu bhi leis na h-Israelich, a *bha* maille ri Saul agus Ionatan.

22 Agus an uair a chuala na fir sin uile de Israel, a dh'fholaich iad féin ann an sliabh Ephraim, gu'n do theich na Philistich, dhlùth-leam iadsan mar an ceudna 'n an déigh anns a' chath.

23 Mar sin shao an Tighearn Israel air an là sin: agus chaidh an cath thairis gu Bet-abhen.

24 Agus thàinig fir Israeil am fagus air an là sin, agus chuir Saul an sluagh fo mhionnaibh, ag ràdh, Mallaichte gu robh am fear a dh'itheas biadh gu feasgar, a chum gu'n diolar mi air mo naimhaidh: agus cha do bhlais neach air bith de'n t-sluagh biadh.

25 Agus thàinig an sluagh uile gu coille, agus bha mil air aghaidh na macharach.

26 Agus an uair a thàinig an sluagh do'n choille, feuch, shil a' mhill sìos; ach cha do chuir duine sam bith a làmh a dh'ionnsuidh a bheoil; oir bha cagal nam mionnan air an t-sluagh.

27 Ach cha chuala Ionatan an uair a chuir 'athair an sluagh fo na mionnaibh: uime sin shìn e mach bàrr na slait a *bha* 'n a làimh, agus thum e i ann an cìr mheala, agus chuir e a làmh gu 'bheul, agus shoillsicheadh a shùilean.

28 An sin fhreagair fear de'n t-sluagh, agus thubhairt e, Chuir d'athair an sluagh fo mhionnaibh teann, ag ràdh, Mallaichte gu robh an duine a dh'itheas biadh an diugh. Agus bha'n sluagh air fannachadh.

29 An sin thubhairt Ionatan, Chuir m'athair an tìr fo bhuairreas: faicibh, guidheam oirbh, cionnus a tha mo shùilean air an soilseachadh, do bhrìgh gu'n do bhlais mi beagan de 'n mhìl so.

30 Cia mò gu mòr, nam bitheadh an sluagh air itheadh gu saor an diugh de chreic an naimhdean, a fhuair iad? oir nach bitheadh a nis àr nì bu mhò am measg nam Philisteach?

31 Agus bhuail iad air an là sin na Philistich o Mhichmas gu Aialon: agus bha 'n sluagh air fannachadh gu mòr.

32 Agus leum an sluagh air a' chreich, agus ghabh iad caoraich, agus buar, agus laoigh, agus mharbh iad air an talamh iad: agus dh'ith an sluagh iad leis an fhuil.

33 Agus dh'innis iad do Shaul, ag ràdh, Feuch, tha'n sluagh a' peacachadh an aghaidh an Tighearna, le itheadh maille ris an fhuil. Agus thubhairt esan, Pheacaich sibh: caruicibh a m' ionnsuidh an diugh clach mhòr.

34 Agus thubhairt Saul, Sgaoilbh sibh féin am measg an t-sluaigh, agus abraibh riu, Thugaibh a m' ionnsuidh an so gach duine a mhart, agus gach duine a chaora, agus marbhaibh iad an so agus ithibh: agus na peacaichibh an aghaidh an Tighearna le itheadh maille ris an fhuil. Agus thug an sluagh uile gach duine a mhart leis air an oidliche sin, agus mharbh iad an sin iad.

35 Agus thog Saul altair do'n Tighearn: B'i sin a' cheud altair a thog e do'n Tighearn.

36 Agus thubhairt Saul, Rachamaid sìos au déigh nam Philisteach 's an oidliche, agus creachamaid iad gu solus na maidne, agus na fàgamaid fear dhiubh. Agus thubhairt iadsan, Dean gach-ni a's maith-leat. An sin thubhairt an sagart, Thigearnaid am fagus au so dh'ionnsuidh Dhé.

37 Agus dh'iarr Saul comhairle air Dia, An téid mi sìos an déigh nam Philisteach? an toir thu thairis iad do làimh Israeil? ach cha do fhreagair se e air an là sin.

38 Agus thubhairt Saul, Thigibh-am fagus an so, sibhse uile mhaithéan an t-sluaigh, agus bitheadh fios agaibh, agus faicibh, c'ait an robh am peacadh so an diugh.

39 Oir mar is beò an Tighearn, a shaor Israel, ged robh e ann am mhac Ionatan, gu cinnteach gheibh e bas. Ach cha do fhreagair duine e de'n t-sluaigh uile.

40 An sin thubhairt e ri h-Israel uile, Bithibhse air aon taobh, agus bithidh mise agus mo mhac Ionatan air an taobh eile. Agus thubhairt an sluagh ri Saul, Dean an nì a's maith leat.

41 Uime sin thubhairt Saul ris an Tighearn Dia Israeil, Thoir seachad crannchur cothromach. Agus ghabhadh Saul agus Ionatan; ach chaidh an sluagh as.

42 Agus thubhairt Saul, Tilgibh crannchur

cadar mise agus mo mhac Ionatan. Agus ghabhadh Ionatan.

43 An sin thubhairt Saul ri Ionatan, Innis dhomh ciod a rinn thu. Agus dh'innis Ionatan da, agus thubhairt e, Gu deimhin le bàrr na slait a bha a'm' làimh, bhlais mi beagan meala; agus, feuch, am faigh mi bàs?

44 Agus thubhairt Saul, Gu'n deanadh Dia mar sin, agus tuilleadh mar an ceudna: oir gu cinnteach gheibh thu bàs, a Ionatan.

45 Agus thubhairt an sluagh ri Saul, Am faigh Ionatan bàs, a dh'oibrich an t-saorsa mhòr so ann an Israel? Nar leigeadh Dia: mar is beò an Tighearn, cha tuit aon ròinneag de fholt a chinn gu làr; oir maille ri Dia dh'oibrich e an diugh. Uime sin shaor an sluagh Ionatan, agus cha d'fhuair e bàs.

46 An sin chaidh Saul suas o leantuinn nam Philisteach: agus dh'fhalbh na Philistich d'an àite féin.

47 Agus ghabh Saul an rìoghachd os ceann Israeil, agus chog e air gach làimh an aghaidh a naimhdean gu léir, an aghaidh Mhoibh, agus an aghaidh chloimh Ainoim, agus an aghaidh Edoim, agus an aghaidh rìghrean Shobah, agus an aghaidh nam Philisteach: agus ge b'e taobh a thionndaidh e, chlaoidh e iad.

48 Agus thog e sluagh, agus bhuail e na h-Amalecch, agus shaor e Israel à làimh na muinntir a bha 'g am millleadh.

49 A nis b'iad mic Shaul Ionatan, agus Isui, agus Melchisua: agus b'iad so ainmean a dhithis uighean; ainm na cend-ghlin Merab, agus ainm na h-ighinn a b'òige Michal.

50 Agus b'e ainm mnà Shaul Ahinoam, nighean Ahimahais: agus b'e ainm ceannaird a shluaigh Abner mac Neir, bràthair-athar Shaul.

51 Agus b'e Cis athair Shaul: agus b'e Ner athair Abneir, mac Abieil.

52 Agus bha cogadh dian an aghaidh nam Philisteach ré uile làithean Shaul: agus an uair a chitheadh Saul fear làidir sam bith, no fear treun sam bith, ghabhadh e d'a ionnsuidh e.

CAIB. XV.

1 Chuircadh Saul a sgrios Amaleic. 6 Nochd e caoinheas do na Cenich. 7 Bhuail e na h-Amalecch, ach chaomhain e na caoraich agus am buar. 10 Air son 'eas-àmhachd bha corruich air Dia 'n a aghaidh, agus chuir e cùl ris o bli 'n a rìgh. 32 Mharbh Samuel Agag.

AGUS thubhairt Samuel ri Saul, Chuir an Tighearn mi gu thusa ungadh a'd' rìgh os ceann a shluaigh, os ceann Israeil: a nis uime sin éisd ri briathraibh an Tighearna.

2 Mar so tha Tighearn nan sluagh ag ràdh, Is cuimhne leam ciod a rinn na

h-Amalecich air na h-Israelich, cionnus a chuir iad 'n an aghaidh 's an t-slighe, 'n uair a thàinig iad a nìos as an Eiphit.

3 A nis falbh, agus buail na h-Amalecich, agus sgrios gu tur gach *ni* a *th*'aca, agus na caomhain iad; ach marbh araon fear agus bean, leanabh agus clochran, damh agus caora, càmhail agus asal.

4 Agus chruinnich Saul an sluagh an ceann a chèile, agus rinn e an àireamh ann an Telaim, dà cheud mìle coisiche, agus deich mìle fear de Iudah.

5 Agus thàinig Saul gu baile le Amalec, agus rinn e feall-fholach anns a' ghleann.

6 Agus thubhairt Saul ris na Cenich, Falbhaibh, imichibh á so, rachaibh sìos o mheasg nan Amaleceach, air eagal gu'n sgrios mi sibh maille riu; oir nochd sibhse caoinhneas do chloinn Israeil uile 'n uair a thàinig iad a nìos as an Eiphit. Uime sin dh'imich na Cenich o mheasg nan Amaleceach.

7 Agus bhuail Saul na h-Amalecich o Habhulath *gus* an tig thu gu Sur, a *tha* fa chomhair na h-Eiphit.

8 Agus ghlac e Agag rìgh nan Amaleceach beò, agus sgrios e 'n sluagh uile le faobhar a' chlàidheimh.

9 Agus chaomhain Saul agus an sluagh Agag, agus a' chuid a b'fhearr de na caoraich, agus de'n bhuar, agus de na *beathaichibh* reamhra, agus de na h-uain, agus de gach *ni* a *bha* maith, agus cha bàill leo an sgrios gu tur; ach gach *ni* a *bha* taireil agus suarrach, sin sgrios iad gu tur.

10 An sin thàinig focal an Tighearna dh'ionnsuidh Shamueil, ag ràdh,

11 Is aithreach leam gu'n d'rinn mi Saul 'n a rìgh; oir thionndaidh e air ais o m'leantuinn, agus cha do choimhlion e m'aitheantan. Agus chuir sin doilgheas air Samuel, agus ghlaodh e ris an Tighearn ré na h-oidhche.

12 Agus an uair a dh'éirich Samuel gu moch a choinneachadh Shauil 'sa mhaduinn, dh'innseadh do Shamuel, ag ràdh, Thàinig Saul gu Carmel, agus, feuch, chuir e suas dha féin clach-chuimhneachain, agus dh'imich e mu'n cuairt, agus ghabh e air aghaidh, agus chaidh e sìos gu Gilgal.

13 Agus thàinig Samuel gu Saul; agus thubhairt Saul ris, Beannaichte *gu'n robh* thusa o'n Tighearn; choimhlion mis' àithne an Tighearna.

14 Agus thubhairt Samuel, Ciod *a's ciall* ma *tha* do mhèilich nan caorach so ann an chluasaibh, agus do gheumnaich a' chruidh a *tha* mi a' cluinntinn?

15 Agus thubhairt Saul, o na h-Amalecich thug siad iad; oir chaomhain an sluagh a' chuid a b'fhearr de na caoraich, agus de'n bhuar, a chum an iobradh do'n Tighearn do Dhia; agus a' chuid eile sgrios sinn gu tur.

16 An sin thubhairt Samuel ri Saul, Fuirich, agus innsidh mi dhuit ciod a thubhairt an Tighearn rium's an nochd. Agus thubhairt e ris, Abair romhad.

17 Agus thubhairt Samuel, An uair a *bha* thu beag a'd' shùilibh féin nach d'rinnadh thu a'd' cheann air treubhan Israeil? agus dh'ung an Tighearn thu a'd' rìgh os ceann Israeil.

18 Agus chuir an Tighearn thu air thurus, agus thubhairt e, Falbh, agus sgrios gu tur na peacaich, na h-Amalecich, agus cog 'n an aghaidh gu an cuir thu as doibh.

19 C'ar son ma ta nach d'éisid thu ri guth an Tighearna, ach a leum thu air a' chreic, agus a rinn thu ole ann an sùilbhan an Tighearna?

20 Agus thubhairt Saul ri Samuel, Seadh, dh'éisid mi ri guth an Tighearna, agus dh'imich mi air an t-slighe air an do chuir an Tighearn mi, agus thug mi leam Agag rìgh Amaleic, agus sgrios mi gu tur na h-Amalecich:

21 Ach ghabh an sluagh de'n chreich, caoraich agus buar, toiseach nan nithean 'bu chòir a bhi air an sgrios gu tur, a chum an iobradh do'n Tighearn do Dhia ann an Gilgal.

22 Agus thubhairt Samuel, Am bheil tlachd aig an Tighearn ann an tabhartas-aibh-loisgte agus 'an iobairtibh, mar ann an ùmhlachd do ghuth an Tighearna? Feuch, *is* fearr ùmhlachd na iobairt, agus aire a thabhairt na saill reitheachan.

23 Oir *mar* pheacadh na druidheachd *tha* ceannaire, agus *mar* aingidheachd iodhol-aoraidh *tha* rag-mhuineileachd: a chionn gu'n do chuir thusa cùl ri focal an Tighearna, chuir esan mar an ceudna cùl riutsa o *bhi* 'd' rìgh.

24 Agus thubhairt Saul ri Samuel, Pheacaich mi, oir bhris mi àithne an Tighearna, agus do bhrithran-sa; a chionn gu'n robh eagal orm roimh 'n t-sluagh, agus gu'n d'éisid mi r'an guth.

25 A nis uime sin, guidheam ort, lugh mo pheacadh, agus pill maille rium, a chum gu'n dean mi aoradh do'n Tighearn.

26 Agus thubhairt Samuel ri Saul, Cha phill mi maille riut; oir chuir thu cùl ri focal an Tighearna, agus chuir an Tighearn cùl riutsa o *bhi* 'd' rìgh air Israel.

27 Agus an uair a thionndaidh Samuel mu'n cuairt gu falbh, rug e air oir 'fhalluinne, agus reubadh i.

28 Agus thubhairt Samuel ris, Reub an Tighearn rìoghachd Israeil dhiotsa an diugh, agus thug e i do d' choimhearsnach, *a's* fearr na thusa.

29 Agus mar an ceudna cha dean Neart Israeil breug, agus cha ghabh e aithreachas; oir cha duine e gu'n gabhadh e aithreachas.

30 An sin thubhairt e Pheacaich mi; *gidh-*

eadh a nis thoir urram dhomh, guidheam ort, 'am fianuis sheanairean mo shluaigh, agus 'am fianuis Israeil, agus pill maille rium, a ehun gu'n dean mi aoradh do'n Tighearn do Dhia.

31 Agus phill Samuel an déigh Shaul; agus rinn Saul aoradh do'n Tighearn.

32 An sin thubhairt Samuel, Thugaibh an so a m' ionnsuidh-sa Agag rìgh nan Amalec: agus thàinig Agag d'a ionnsuidh gu suilbhir. Agus thubhairt Agag, Gu cinnteach chaidh scarbhadas a' bhàis seachad.

33 Agus thubhairt Samuel, Mar a rinn do ehlaidheamh-sa mnathan gun chlann, mar sin bithidh do mhàthair gun ehlann am measg bhan. Agus thug Samuel fainear Agag a ghearradh sìos 'n a mhìrìbh 'am fianuis an Tighearna ann an Gilgal.

34 An sin dh'innich Samuel gu Ramah; agus chaidh Saul suas d'a thigh gu Gibeah Shaul.

35 Agus eha d'thàinig Samuel tuilcadh a dh'fhaicinu Shaul gu latha a bhàis; gidheadh, rinn Samuel bròn air son Shaul: agus b'athreach leis an Tighearn gu'n d'rinn e Saul 'n a rìgh air Israeil.

CAIB. XVI.

1 *Chaidh Samuel gu Bet-lehem, agus dh'ung e Daibhidh mac Iese.* 14 *Chuir droch spiorad o'n Tighearn dragh air Saul.* 19 *Thugadh Daibhidh 'n a làthair.*

AGUS thubhairt an Tighearn ri Samuel, Cia fhad a ni thu bròn air son Shaul, agus gu'n do chuir mise cùl ris o rìoghachadh os ceann Israeil? lion do ehorn le h-oladh, agus falbh, cuiridh mise thu gu Iese am Bet-lehemeach; oir fhuair mi mach am measg a ehuid mac rìgh dhomh féin.

2 Agus thubhairt Samuel, Cionnus a dh'fhalbhas mi? oir eluinnidh Saul, agus marbhaidh e mi. Agus thubhairt an Tighearn, Thoir agh leat, agus abair, A dh'ìobradh do'n Tighearn thàinig mi.

3 Agus gairm air Iese dh'ionnsuidh na h-ìobairte, agus bheir mise fios dhuit ciod a ni thu: agus ungaidh tu dhomhsa *esan* a dh'ainmiehas mi dhuit.

4 Agus rinn Samuel an ni sin a labhair an Tighearn, agus thàinig e gu Bet-lehem: agus ehriothnaich seanairean a' bhaile r'a theachd, agus thubhairt iad, An ann 'an sìth a tha thu 'teachd?

5 Agus thubhairt esan, Ann an sìth: a dh'ìobradh do'u Tighearn thàinig mi: naomhaichibh sibh féin, agus thigibh maille rium a dh'ionnsuidh na h-ìobairte. Agus naomhaich e Iese agus a mhic, agus ghairm e iad a dh'ionnsuidh na h-ìobairte.

6 Agus an uair a thàinig iad, dh'amhaire e air Eliab, agus thubhairt e, Gu cinnteach 'am fianuis an Tighearna *tha* 'aon ungta-san.

7 Aeh thubhairt an Tighearn ri Samuel, Na h-amhaire air a ghnùis, no air àirde a

phearsa, a chionn gu'n do chuir mise cùl ris; oir eha-n *fhaic an Tighearn* mar a chi duine: oir amhaircidh an duine air coslas an taobh a muigh, aeh amhaircidh an Tighearn steach air a' chridhe.

8 An sin ghairm Iese air Abinadab, agus thug e air gabhail seachad fa eomhair Shamueil: agus thubhairt e, Ni mò a thagh an Tighearn *e* so.

9 An sin thug Iese air Samah dol seachad: agus thubhairt e, Ni mò a thagh an Tighearn *e* so.

10 An sin thug Iese air seachdnar d'a mhic dol seachad fa eomhair Shamueil: agus thubhairt Samuel ri Iese, Cha do thagh an Tighearn *iad* so.

11 Agus thubhairt Samuel ri Iese, Am bheil do mhic uile an so? Agus thubhairt esan, Dh'fhàgadh fathast *am mac* a's òige, agus feuch, tha e ag ionaltradh nan caorach. Agus thubhairt Samuel ri Iese, Cuir *fios air*, agus thoir an so e; oir cha suidh sinn sìos gus an tig e 'n so.

12 Agus ehuir e *fios air*, agus thug e steach e: a nis *bha* e ruiteach, agus sgiamhach 'n a ghnùis, agus maiseach ri amhare air. Agus thubhairt an Tighearn, Eirich, ung e; oir *is* e so esan.

13 Agus ghabh Samuel an còrn-olaidh, agus dh'ung se e am measg a bhràithrean: agus thuirling spiorad an Tighearna air Daibhidh, o'n là sin a mach. Agus dh'éirich Samuel, agus chaidh e gu Ramah.

14 Aeh dh'fhalbh spiorad an Tighearna o Shaul, agus ehuir droch spiorad o'n Tighearn buaireas air.

15 Agus thubhairt seirbhisich Shaul ris, Feuch a nis, *tha* droch spiorad o Dhia a' cur buaireis ort.

16 Thugadh a nis ar tighearn àithne do d' sheirbhisich *a tha* ann ad fhianuis, gu'n iarr iad a mach duine a ehluicheas gu h-ealanta air elàrsaich: agus an uair a bhitheas an droch spiorad o Dhia ort, an sin eluichidh esan le a làimh, agus bithidh tusa gu maith.

17 Agus thubhairt Saul r'a sheirbhisich, Faighibh a nis dhomh duine a chluicheas gu maith, agus thugaibh a m' ionnsuidh *e*.

18 An sin fhreagair aon de na h-òglaich, agus thubhairt e, Feuch, eumnaie mi mac le Iese am Bet-lehemeach, a chluicheas gu h-ealanta, agus *a tha* treun ann an neart, agus 'n a fhear-cogaidh, agus glic ann an gnothuichibh, agus 'n a dhuine maiseach; agus *tha* 'n Tighearn maille ris.

19 Uime sin chuir Saul teachdairean a dh'ionnsuidh Iese, agus thubhairt e, Cuir a m' ionnsuidh Daibhidh do mhae, a *tha* maille ris na caoraich.

20 Agus ghabh Iese asal *luchdaichte le h-aran*, agus scarrag fhìona, agus meann de na gabhraibh, agus chuir e *iad* le làimh Dhaibhidh, a mhie, a dh'ionnsuidh Shamuil.

21 Agus thàinig Daibhidh a dh'ionnsuidh Shaul, agus sheas e 'n a fhianuis; agus ghràdhaich e gu mòr e, agus bha e aige 'n a fhear-iomchair 'arm.

22 Agus chuir Saul *teachdaire* dh'ionnsuidh Iese, ag ràdh, Seasadh, guidheam ort, Daibhidh a'm' fhianuis; oir fhuaire e deadh-ghean a'm' shùilbh.

23 Agus an uair a bha'n droch spiorad o Dhia air Saul, an sin ghabh Daibhidh clàrsach, agus chluich e le a làimh: agus bha fois aig Saul, agus bha e gu maith; oir dh'fhalbh an droch spiorad uait.

CATB. XVII.

1 *Chruinnicheadh slòigh nam Philisteach an ceann a chèile gu cath an aghaidh Israeil. 4 Thug Goliath dàbhlain do chloinn Israeil. 38 Mharbh Daibhidh e.*

ANIS chruinnich na Philistich an slòigh an ceann a chèile gu cath, agus chruinnicheadh iad aig Sochoh, a *bhuineas* do Iudah; agus champaich iad eadar Sochoh agus Asecah, ann an Ephesdamim.

2 Agus chruinnicheadh Saul agus fir Israeil an ceann a chèile, agus champaich iad ann an gleann Elah, agus chuir iad an cath 'an òrdugh, an aghaidh nam Philisteach.

3 Agus sheas na Philistich air sliabh air aon taobh, agus sheas Israel air sliabh air an taobh eile: agus *bha* gleann eatorra.

4 Agus thàinig curaidh a maeh á camp nam Philisteach, d'am b'ainm Goliath o Ghat, *anns an robh* sè làmhan-coille agus réis air àirde.

5 Agus *bha* clogaid umha air a cheann, agus *bha* e air 'éideadh le lùirich-mhàilich: agus *b'e* cudthrom na lùirich cùig mìle secel umha.

6 Agus *bha* coisbheirt umha air a chosaibh, agus targaid umha eadar a ghuaillibh.

7 Agus *bha* crann a shleagha mar gharmain figheadair; agus *bha ann an ceann* a shleagha sè ceud secel iarunn: agus *bha fear* a' giùlan sgéithe ag imeachd roimhe.

8 Agus sheas e, agus ghlaodh e ri slòigh Israeil, agus thubhairt e riu, C'ar son a tha sibh a' teachd a mach gu'r cath a chur 'an òrdugh? Nach Philisteach mise, agus *nach* seirbhisich sibhse do Shaul? taghaibh dhuibh féin fear, agus thigeadh e nuas a m' ionnsuidh-sa.

9 Ma's urrainn e còmhrag riumsa, agus *ma* mharbhas e mi, an sin bithidh sinne 'n ar seirbhisich agaibhse; ach na bheir mise buaidh air-san, agus gu marbh mi e, an sin bithidh sibhse 'n ur seirbhisich againne, agus ni sibh seirbhis dhuinn.

10 Agus thubhairt am Philisteach, Tha mi a' toirt dàbhlain do shlòigh Israeil an diugh; faighibh dhomhsa fear, a chum gu'n dean sinn còmhrag ri 'chéile.

11 An uair a chuala Saul agus Israel uile briathran sin an Philistich, bha iad fo uamhas, agus fo eagal mòr.

12 A nis *b'e* Daibhidh mac an Ephrataich sin o Bhet-lehem Iudah, d'am b'ainm Iese; agus *bha* ochnar mhac aige: agus bha an duine ann an làithibh Shaul 'n a sheam duine, air teachd air aghaidh ann an aois.

13 Agus dh'imich an triuir mhac a bu shine aig Iese, agus chaidh iad an déigh Shaul a chum a' chogaidh; agus *biad* ainmean a thriuir mhac a chaidh dh'ionnsuidh a' chogaidh, Eliab an ceud-ghin, agus 'n a dhéigh-san Abinadab, agus an treas *mac* Samah.

14 Agus *b'e* Daibhidh am *mac* a b'dige: agus chaidh an triuir a bu shine an déigh Shaul.

15 Ach dh'fhalbh Daibhidh agus phill e o Shaul, a dh'ionaltradh chaorach 'athar ann am Bet-Jehem.

16 Agus tharruing am Philisteach am fagus 's a' mhaduinn agus mu fheasgar, agus nochd se e féin dà fhichead là.

17 Agus thubhairt Iese ri Daibhidh a mhac, Gabh a nis air son do bhràithrean ephah de'n *t-sìol* chruaidhichte so, agus na deich buillean so, agus ruith do'n champ a dh'ionnsuidh do bhràithrean;

18 Agus giùlain na deich mulchagan càise so dh'ionnsuidh ceannaird am mìle-san, agus seall cionnus a tha do bhràithrean, agus gabh an geall.

19 A nis *bha* Saul, agus iadsan, agus fir Israeil uile ann an gleann Elah, a' cogadh ris na Philistich.

20 Agus dh'éirich Daibhidh gu moch 's a' mhaduinn, agus dh'fhàg e na caoraich aig fear-gleidhidh, agus thug e leis, agus dh'imich e, mar a dh'aitim Iese dha; agus thàinig e do'n chlais-bhlàir an uair a bha 'n armait a' dol a mach a dh'ionnsuidh a chatha, agus a rinn iad iolach chum a' chatha:

21 Oir chuir Israel agus na Philistich iad féin 'an òrdugh catha, armait an aghaidh armait.

22 Agus dh'fhàg Daibhidh an t-uidheam a *chuir* e dbeth ann an làimh fir-gleidhidh an uidheim, agus ruith e dh'ionnsuidh na h-armait, agus thàinig e, agus chuir e failt air a bhràithribh.

23 Agus an uair a bha e a' labhairt riu, feuch, thàinig an curaidh d'am b'ainm Goliath, am Philisteach o Ghat, a nìos á armait nam Philisteach, agus labhair e a réir nam briathran ceudna: agus chuala Daibhidh iad.

24 Agus an uair a chunnaic fir Israeil uile an duine, theich iad roimhe, agus bha cagal mòr orra.

25 Agus thubhairt fir Israeil, Am faca sibh an fear so a tha air teachd a nìos? gu cinnteach *is ann* a thoirt dàbhlain do Israel a *tha* e air teachd a nìos: agus ge b'e fear a mharbhas e, ni an rìgh saobhir e le mòr shaoibhreas, agus bheir e dha a

nighean, agus ni e tigh 'athar saor ann an Israel.

26 Agus thubhairt Daibhidh ris na daoimibh a sheas làimh ris, ag ràdh, Ciod a nithear ris an duine a mharbhas am Philisteach so, agus a bheir air falbh am masladh o Israel? oir eò e am Philisteach neo-thimchioll-ghearrta so, gu'n tugadh e dùbhlán do armailtibh an Dé bheò?

27 Agus fhreagair an sluagh e air an dòigh so, ag ràdh, Mar so nithear ris an duine a mharbhas e.

28 Agus chuala Eliab, a bhràthair a bu shine, 'n uair a labhair e ris na daoimibh: agus las fearg Eliab an aghaidh Dhaibhidh, agus thubhairt e, 'Car son a thàinig thu nuas an so? agus eò aig a dh'fhàg thu am beagan chaorach sin anns an fhàsach? tha mi fiosrach air d'uabhar agus oleas do chridhe; oir is ann a dh'fhaicinn a' chatha a thàinig thu nuas.

29 Agus thubhairt Daibhidh, Ciod a rinn mi a nis? nach briathran iad?

30 Agus thionndaidh e uathsan a dh'ionnsuidh *fir* eile, agus labhair e air an dòigh cheudna: agus fhreagair an sluagh e a ris a réir na ceud dòigh.

31 Agus an uair a chualas na briathran a labhair Daibhidh, dh'aithris iad 'am fianuis Shaùil *iad*: agus chuir e fios air.

32 Agus thubhairt Daibhidh ri Saul, Na fannaicheadh cridhe duine sam bith air a shon-san: théid do sheirbhiseach agus cogaidh e ris an Philisteach so.

33 Agus thubhairt Saul ri Daibhidh, Cha-n urrainn thusa dol an aghaidh an Philistich so a chogadh ris: oir *cha-n'eil* annadsa *ach* òganach, agus *tha* esan 'n a fhear-cogaidh o 'òige.

34 Agus thubhairt Daibhidh ri Saul, Bha do sheirbhiseach ag ionaltradh chaorach 'athar, agus thàinig leòmhán, agus math-glamhuin, agus thug e uan as an treud:

35 Agus chaidh mi mach 'n a dhéigh, agus bhuail mi e, agus shaor mi as a bheul *e*. Agus an uair a dh'éirich e a'm' aghaidh, rug mi air fheusaig *air*, agus bhuail mi e, agus mharbh mi e.

36 Araon an leòmhán agus am math-glamhuin mharbh do sheirbhiseach: agus bithidh am Philisteach neo-thimchioll-ghearrta so mar aon diubhsan, do bhrìgh gu'n d'thug e dùbhlán do armailtibh an Dé bheò.

37 Mar an ceudna thubhairt Daibhidh, An Tighearn a shaor mise á màg an leòmhain, agus á màg a' mhath-glamhuin, saoraidh esan mi á làimh an Philistich so. Agus thubhairt Saul ri Daibhidh, Falbh, agus gu robh an Tighearn maille riut.

38 Agus chuir Saul 'éididh féin air Daibhidh, agus chuir e clogaid umha air a cheann; mar an ceudna chuir e lùireach air.

39 Agus ehrioslaich Daibhidh a chlaidheamh air uachdar 'éididh, agus b'aill leis imeachd, oir cha do chleachd e *iad*: agus thubhairt Daibhidh ri Saul, Cha-n urrainn mi imeachd leo so, oir cha do chleachd mi *iad*. Agus chuir Daibhidh dheth iad.

40 Agus ghabh e a bhata 'n a làimh, agus thagh e dha féin cùig clachan mìne o'n t-sruth, agus chuir e iad ann am màla buachaille a *bha* aige, eadhon ann an sporan, agus *bha* a chrann-tàbhuill 'n a làimh: agus tharruing e 'm fagus do'n Philisteach.

41 Agus thàinig am Philisteach air aghaidh, agus tharruing e 'm fagus do Dhaibhidh; agus fear-ionmhair a sgéithe roimhe.

42 Agus an uair a dh'amhairc am Philisteach agus a chunnaic e Daibhidh, rinn e dimeas air, a chionn gu'n robh e 'n a òganach, agus ruiteach, agus sgiamhach 'n a ghnùis.

43 Agus thubhairt am Philisteach ri Daibhidh, An eù mise, gu'n tigeadh tu a m' ionnsuidh le bataibh? agus mhallaich am Philisteach Daibhidh ann an *ainm* a dhiathan.

44 Agus thubhairt am Philisteach ri Daibhidh, Thig a m' ionnsuidh-sa, agus bheir mi d'fheoil do eunlaith an athair, agus do bheathaichibh na macharach.

45 An sin thubhairt Daibhidh ris an Philisteach, *Tha* thusa a' teachd a m' ionnsuidh-sa le claidheamh, agus le sleagh, agus le sgéith; ach *tha* mise a' teachd a d' ionnsuidh-sa ann an ainm Thighearna nan sluagh, Dhé armailtean Israeil, d'an d'thug thusa dùbhlán.

46 Air an là 'n diugh bheir an Tighearn thairis thu do m' làimh-sa, agus buailidh mi thu, agus buinidh mi dhìot do cheann, agus bheir mi elosaichean fhèachd nam Philisteach air an là 'n diugh do eunlaith an athair, agus do fhiadh-bheathaichibh na talmhainn; a chum gu'm bi fios aig an talamh uile gu bheil Dia ann an Israel.

47 Agus bithidh fios aig a' choimhthional so uile, nach ann le claidheamh no le sleagh a shaoras an Tighearn: oir *is* leis an Tighearn an cath, agus bheir e sibhse d'ar làimh-ne.

48 Agus an uair a dh'éirich am Philisteach, agus a thàinig e agus a tharruing e 'm fagus 'an coimeamh Dhaibhidh, an sin rinn Daibhidh cabhag, agus ruithe e dh'ionnsuidh na h-armailt 'an coimeamh an Philistich.

49 Agus chuir Daibhidh a làmh 'n a mhàla, agus ghabh e as a sin clach, agus thilg e as a chrann-tàbhuill, agus bhuail e 'm Philisteach ann an clàr 'eudainn: agus chaidh a' chlach a stigh ann an clàr 'eudainn, agus thuit e air 'aghaidh dh'ionnsuidh an làir.

50 Mar sin thug Daibhidh buaidh air an Philisteach le crann-tàbhuill agus le cloich; agus bhuail e 'm Philisteach, agus mharbhadh se e: ach cha robh claidheamh ann an làimh Dhaibhidh.

51 Uime sin ruith Daibhidh agus sheas e air an Philisteach, agus ghlac e a chladheamh, agus tharruing e as a thruaill e, agus mharbhadh se e, agus ghearr e dheth a cheann leis. Agus an uair a chunnaic na Philistich gu'n robh an gaisgeach marbh, theich iad.

52 Agus dh'éirich fir Israeil agus Iudah, agus rinn iad iolach, agus chaidh iad air tòir nam Philisteach, gus an tig thu gu gleann, agus gu geataichibh Eeroim: agus thuit iadsan a bha leònta de na Philistich air an t-slighe gu Saraim, eadhon gu ruig Gat, agus gu ruig Eeron.

53 Agus phill clann Israeil o ruagadh nam Philisteach, agus chreach iad an camp.

54 Agus ghabh Daibhidh ceann an Philistich, agus thug e leis e gu h-Ierusalem: ach chuir e 'armachd 'n a bhùth.

55 Agus an uair a chunnaic Saul Daibhidh a' dol a mach an aghaidh an Philistich, thubhairt e ri Abner ceannard an t-sluaigh, Abneir, cò d'am mac an t-òganach so? Agus thubhairt Abner, Mar is beò d'anam, O a rìgh, cha-n'eil fhios agam.

56 Agus thubhairt an rìgh, Fèdaich thusa cò d'am mac an t-òganach so.

57 Agus an uair a phill Daibhidh omharbhadh an Philistich, ghabh Abner e, agus thug e 'am fianuis Shaul e, le ceann an Philistich 'n a làimh.

58 Agus thubhairt Saul ris, Cò d'am mac thu, òganaich? Agus fhreagair Daibhidh, *is mi* mac do sheirbhisich Iese, a' Bhet-lehemich.

CAIB. XVIII.

1 *Ghràdhaich Ionatan Daibhidh. 10 Dh'fhuathach Saul e, agus dh'iarr e a mharbhadh. 22 Thug e Michal a nighean dha 'n a mnaoi.*

A GUS tharladh an uair a chuir e crìoch air labhairt ri Saul, gu'n do cheanglaidh anam Ionatan ri anam Dhaibhidh, agus ghràdhaich Ionatan e mar 'anam féin.

2 Agus ghabh Saul d' a ionnsuidh e air an là sin, agus cha do leig e leis pilltinn ni's mò gu tigh 'athar.

3 An sin rinn Ionatan agus Daibhidh coimheangal, a chionn gu'n do ghràdhaich se e mar 'anam féin.

4 Agus chuir Ionatan dheth féin an fhallinn a bh'air, agus thug e do Dhaibhidh i, agus 'éididh eadhon gu 'chladheamh, agus gu 'bhogha, agus gu 'chrios.

5 Agus chaidh Daibhidh mach gach taobh a chuir Saul e, agus ghluail se e féin gu glic: agus chuir Saul e os ceann nam fear-cogaidh; agus bha e taitneach ann an sùilibh an t-sluaigh uile, agus mar an ceudna ann an sùilibh sheirbhisich Shaul.

6 Agus an uair a bha iad a' teachd, an déigh do Dhaibhidh pilltinn o mharbhadh an Philistich, thàinig na mnathan a mach á uile bhailtibh Israeil, a' seinn agus a' damasadh 'an coineamh rìgh Shaul, le tiompanaibh, le gairdeachas, agus le h-innealaibh ciuil tri-theudach.

7 Agus fhreagair na mnathan a *chéile an uair a bha iad* a' seinn, agus thubhairt iad, Mharbh Saul a mhiltean, agus Daibhidh a dheich mìltean.

8 Agus bha Saul ro fheargach, agus mhi-thaithinn an ràdh sin ris; agus thubhairt e, Thug iad do Dhaibhidh deich mìltean, agus dhomhsa cha d'thug iad *ach* mìltean: agus *ciod* tuille dh'fheudas a bhi aige ach an rìoghachd?

9 Agus chum Saul sùil air Daibhidh o'n là sin, agus o sin a mach.

10 Agus air an là màireach thàinig an droch spiorad o Dhia air Saul, bha e air bhoile ann am meadhon an tighe; agus chluich Daibhidh le a làimh, mar air uairibh eile: agus *bha* sleagh ann an làimh Shaul.

11 Agus thilg Saul an t-sleagh, agus thubhairt e, Buailidh mi Daibhidh *leatha* gu ruig am balla: ach tharruing Daibhidh as a làthair dà uair.

12 Agus bha eagal air Saul roimh Dhaibhidh, do bhrìgh gu'n robh an Tighearn maille ris, agus gu'n d'inich e o Shaul.

13 Uime sin chuir Saul air falbh uaith e, agus rinn e 'n a cheannard dha féin os ceann mìle e; agus chaidh e mach, agus thàinig e stigh roimh 'n t-sluagh.

14 Agus ghluilaim Daibhidh e fèin gu glic 'n a shligheibh uile; agus *bha* 'n Tighearn maille ris.

15 Agus an uair a chunnaic Saul gu'n do ghluil se e fèin gu ro ghlic, bha eagal air roimhe.

16 Ach ghràdhaich Israel uile agus Iudah Daibhidh, do bhrìgh gu'n deachaidh e mach agus gu'n d'thàinig e stigh rompa.

17 Agus thubhairt Saul ri Daibhidh, Feuch, mo nighean a's sine, Merab, ise bheir mi dhuit 'n a mnaoi: a mhàin bi thusa gaisgeil air mo shon-sa, agus cuir eathan an Tighearn: oir thubhairt Saul, Na bitheadh mo làmh-sa air, ach bitheadh làmh nam Philisteach air.

18 Agus thubhairt Daibhidh ri Saul, Cò mise? agus ciod i mo bheatha, no teaghlach m'athar ann an Israel, gu'm bithinn a'm' chliamhuin aig an rìgh?

19 Ach ams an àn 's am bu chòir do Mherab nighean Shaul a bhi air a tabhairt do Dhaibhidh, thugadh i do Adriel am Meholatach 'n a mnaoi.

20 Agus ghràdhaich Michal, nighean Shaul, Daibhidh; agus dh'innis iad *sin* do Shaul, agus thaitinn an ni ris.

21 Agus thubhairt Saul, Bheir mi dha i, a chum gu'm bi i dha 'n a ribe, agus *gu'm bi*

làmh nam Philisteach 'n a aghaidh. Uime sin thubhairt Saul ri Daibhidh, *Le aon de'n dithis bithidh tu a'd' chliamhuin agams' an diugh.*

22 Agus dh'aitn Saul d'a sheirbhisich, *ag ràdh*, Labhraibh ri Daibhidh 'an uaigneas, ag ràdh, Feuch, tha tlachd aig an rìgh ann-ad, agus tha gràdh aig a sheirbhisich uile dhuith: a nis uime sin bi-sa a'd' chliamhuin aig an rìgh.

23 Agus labhair seirbhisich Shaul na briathran so ann an cluasaibh Dhaibhidh: agus thubhairt Daibhidh, An ni faoin 'n ur suilibh-sa bhi ann an cleamhnas rìrigh, agus nach 'eil annamsa ach dnine bochd, agus fo dhimeas?

24 Agus dh'inns seirbhisich Shaul dha, ag ràdh, Air an dòigh so labhair Daibhidh.

25 Agus thubhairt Saul, Mar so their sibh ri Daibhidh, Cha-n'eil an rìgh ag iarraidh dubharaidh sam bith, ach ceud roimh-chroicinn de na Philistich, gu bhi dìolta air naimhidh an rìgh. Ach shaoil Saul gu'n tugadh e air Daibhidh tuiteam le làmh nam Philisteach.

26 Agus an uair a dh'inns a sheirbhisich do Dhaibhidh na briathran sin, thaitinn e ri Daibhidh a bhi 'n a chliamhuin aig an rìgh: agus cha do chrìochnaiceadh na làithean.

27 Uime sin dh'èirich Daibhidh, agus dh'imich e fèin agus a dhaoine, agus mharbh e de na Philistich dà chend fear; agus thug Daibhidh leis an roimh-chroicinn, agus thug e 'n an làn àireamh iad do'n rìgh, a chum gu'm bitheadh e 'n a chliamhuin aig an rìgh: agus thug Saul dha Michal a nighean 'n a mnaoi.

28 Agus chunnaic Saul, agus bha fios aige gu'n robh an Tighearn maille ri Daibhidh, agus gu'n do ghràdhaich Michal nighean Shaul e.

29 Agus bha fathast an tuilleadh eagail air Saul roimh Dhaibhidh; agus bha Saul 'n a nàmhaid do Dhaibhidh 'an còmhnuidh.

30 An sin chaidh ceannardan nam Philisteach a mach: agus an dèigh dhoibh do a mach, ghiùlaiu Daibhidh e fèin ni bu ghlice na uile sheirbhisich Shaul: agus bha 'ainm ro urramach.

CAIB. XIX.

1 *Dh'inns Ionatan do Dhaibhidh gu'n robh athair ag iarraidh a mharbhadh.* 11 *Chuir Saul teachdairean a dh'ionnsuidh a thighe g'a chur gu bàs.* 12 *Leig Michal sìos troimh uinneig e, agus theich e dh'ionnsuidh Shamuel gu Ramah.*

AGUS labhair Saul r'a mhac Ionatan, agus r'a sheirbhisich uile iad a mharbhadh Dhaibhidh.

2 Ach bha tlachd mòr aig Ionatan mac Shaul anu an Daibhidh: agus dh'inns Ionatan do Dhaibhidh, ag ràdh, Tha m'athair Saul ag iarraidh do mharbhadh; a nis

uime sin, guidheam ort, thoir an aire dhuith fèin 's a' mhaduinn, agus fan ann an àite dìomhair, agus folaich thu fèin.

3 Agus theid mise mach, agns seasaidh mi làmh ri m'athair 's a' mhachair amms *am bi* thu, agus labhairaidh mi mu d' thimcheall ri m'athair; agns an ni a chi mi, sin innsidh mi dhuith.

4 Agus labhair Ionatan maith mn Dhaibhidh r'a athair Saul, agus thubhairt e ris, Na peacaicheadh an rìgh an aghaidh a sheirbhisich, an aghaidh Dhaibhidh; do bhrìgh nach do pheacaich esan a'd' aghaidh-sa, agus do bhrìgh gu'n robh 'oibre do d' thaobh-sa ro mhaith:

5 Oir chuir e 'anam 'n a làmh, agus mharbh e am Philisteach; agus dh'oibrich an Tighearn saorsa mhòr air son Israeil uile: chunnaic thu e agus rinn thu gàird-eachas: c'ar son na ta a pheacaicheas tu an aghaidh fola neo-chiontaich, le Daibhidh a mharbhadh gun aobhar?

6 Agus dh'èisd Saul ri guth Ionatan; agus mionnaich Saul, *Mar is beò an Tighearn*, cha mharbhar e.

7 Agus ghairm Ionatan air Daibhidh, agus chuir Ionatan 'an céill dha na briathran sin uile: agus thug Ionatan Daibhidh a dh'ionnsuidh Shaul, agus bha e 'n a fhiannis mar a bha e roimhe.

8 Agus bha cogadh a ris ann: agus chaidh Daibhidh a mach, agus chog e ris na Philistich, agus bhuail e iad le h-àr mòr; agus theich iad roimhe.

9 Agns bha'n droch spiorad o'n Tighearn air Saul, an uair a shuidh e 'n a thigh, agus a shleagh 'n a làmh: agus chluich Daibhidh le a làmh.

10 Agus dh'iarr Saul Daibhidh a bhualadh gu ruig am balla leis an t-sleagh; ach tharruing e air falbh á làthair Shaul, agns bhuail e 'n t-sleagh a stigh 's a' bhalla: agus theich Daibhidh, agns chaidh e as air an oidheche sin.

11 Agus chuir Saul teachdairean a dh'ionnsuidh tighe Dhaibhidh, g'a choimhead agus g'a mharbhadh 's a' mhaduinn: agus dh'inns Michal a bhean do Dhaibhidh e, ag ràdh, Mur teasairg thu d'anam an nochd, an màireach cuirear gu bàs thu.

12 Agus leig Michal sìos Daibhidh troimh uinneig: agns dh'fhalbh e, agus theich e, agus chaidh e as.

13 Agus ghabh Michal dealbh, agus chuir i 's an leabaidh e, agus chuir i adhartan de fhionnadh ghabharf a cheann, agus clòmhdaich i le eudach e.

14 Agus an uair a chuir Saul teachdairean a ghilacadh Daibhidh, thubhairt i, *Tha e timh.*

15 Agus chuir Saul na teachdairean a ris a dh'fhàicinn Daibhidh, ag ràdh, Thugaibh a mhos 's an leabaidh a m' ionnsuidh e, a chum gu marbh mi e.

16 Agus an uair a thàinig na teachdairean a stigh, feuch, *bha* dealbh anns an leabaidh, agus adhartan de *fhionnadh* ghabhar f'a cheann.

17 Agus thubhairt Saul ri Michal, C'ar son a mheall thu mi mar so, agus a chuir thu air falbh mò ràmlaid, air chor as gu'n deachaidh e as? Agus fhreagair Michal Saul, Thubhairt e rium, Leig dhomh im-eachd; c'ar son a mharbhainn thu?

18 Agus theich Daibhidh, agus chaidh e as, agus thàinig e dh'ionnsuidh Shamueil gu Ramah, agus dh'innis e dha gach *ni* a rinn Saul ris: agus dh'imich esan agus Samuel, agus ghabh iad còmhnuidh ann an Naiot.

19 Agus dh'innscadh do Shaul, ag ràdh, Feuch, *tha* Daibhidh aig Naiot ann an Ramah.

20 Agus chuir Saul teachdairean a ghla-dh Daibhidh: agus an uair a chunnaic iad cuideachd nam fàidhean ri fàidhead-aireachd, agus Samuel 'n a sheasamh *mar* airasuidheachadh os an ceann, bha spiorad Dhé air teachdairibh Shaul, agus rinn iad-san fàidheadaireachd mar an ceudna.

21 Agus an uair a dh'innseadh *sin* do Shaul, chuir e uaith mar an ceudna teachd-airean eile, agus rinn iadsan cuideachd fàidheadaireachd. Agus chuir Saul teachd-airean a ris an treas uair, agus rinn iadsan cuideachd fàidheadaireachd.

22 An sin chaidh e féin mar an ceudna gu Ramah, agus thàinig e gu tobar mòr a *tha* ann an Sechu, agus dh'fhedraich e, agus thubhairt e, C'ait *am bheil* Samuel agus Daibhidh? agus thubhairt aon, Feuch, *tha iad* aig Naiot ann an Ramah.

23 Agus chaidh e 'n sin gu Naiot ann an Ramah: agus bha spiorad Dhé air-san mar an ceudna, agus chaidh e air aghaidh agus rinn e fàidheadaireachd, agus an d'thàinig e gu Naiot ann an Ramah.

24 Agus chuir esan cuideachd 'eudach dheth, agus rinn e fàidheadaireachd 'am fianuis Shamueil air an dòigh cheudna: agus luidh e sìos linnochd rè an là sin agus rè na h-oidhche. Uime sin their iad, Am *bheil* Saul mar an ceudna 'am measg nam fàidhean?

CAIB. XX.

1 *Dh'athnuadhach Daibhidh agus Ionatan an còmhcheangal a bha eatorra.* 24 *Dh'iarra Saul Ionatan a mharbhadh, a chionn gu'n do leig e Daibhidh air falbh.* 35 *Dh'innis Ionatan a chunnart do Daibhidh; 41 agus dheal-aidh iad.*

A GUS theich Daibhidh o Naiot ann an Ramah, agus thàinig e, agus thubhairt e 'am fianuis Ionatain, Ciod a rinn mi? ciod i m'euceart, agus ciod e mo pheacadh 'am fianuis d'athar, gu bheil e 'g iarraidh m'anama?

2 Agus thubhairt esan ris, Nar leigeadh Dia; cha-n fhaigh thu bàs: feuch, cha dean m'athair ni air bith mòr no beag, nach foillsich e dhomhsa: agus c'ar son a dh'fholaicheadh m'athair uamsa an ni so? cha *bhi* e mar sin.

3 Agus m'ionnaich Daibhidh cuideachd, agus thubhairt e, Tha gu cinnteach fios aig d'athair gu'n d'fhuair mise deadh-ghean a' d'shùilibh, agus theire, Na bitheadh fios aig Ionatan air so, air eagal gu'm bi doilgheas air: ach gu deimhin *mar* is beò an Tighearn, agus *mar* is beò d'anam, cha-n'eil ach ceum eadar mise agus am bàs.

4 An sin thubhairt Ionatan ri Daibhidh, Ge b'e ni a dh'iarraas d'anam, eadhon *sin* ni mise dhuit.

5 Agus thubhairt Daibhidh ri Ionatan, Feuch, *tha* a' ghealach nuadh ann am màireach, agus bu chòir dhomhsa suidhe maille ris an rìgh gu biadh; ach leig air falbh mi, a chum gu'm folaich mi mi féin anns a' mhachair gu feasgar an treas *là*.

6 Ma dh'ionndrameas d'athair idir mi, an sin their thu, Dh'iarra Daibhidh gu dùrachd-ach *cead* ormsa gu ruith do Bhet-lehem a bhaile féin; oir *tha* iobairt bhliadhnail an sin air son an teaghlach uile.

7 Ma their c mar so, *Ro* mhaith; *bithidh* sìth aig do sheirbhiseach: ach ma bhitheas fearg ro mhòr air, an *sin* bi cinnteach gu bheil olc air a shonrachadh leis.

8 Uime sin buinidh tu gu caoimhneil ri d' sheirbhiseach; oir thug thu air do sheirbhiseach còmhcheangal an Tighearna 'dhean-ainh riut: gidheadh, ma tha ole annamsa, marbh féin mi; oir c'ar son a bheireadh tu mi dh'ionnsuidh d'athar?

9 Agus thubhairt Ionatan, Gu ma fada sin uait; oir ma bhitheas fios gu cinnteach agamsa gu bheil olc air a shonrachadh le m'athair gu teachd ortsas, an sin nach innis mise dhuit e?

10 An sin thubhairt Daibhidh ri Ionatan, Cò'dh'innseas dhomh, ma fhreagras d'athair thu gu garg?

11 Agus thubhairt Ionatan ri Daibhidh, Thig, agus rachamaid a mach do'n mhachair. Agus chaidh iad a mach le 'chéile do'n mhachair.

12 Agus thubhairt Ionatan ri Daibhidh, *Gu'n deanadh* an Tighearn Dia Israeil, an uair a dh'fhidireas mi m'athair mu'n àm so am màireach, no air an treas là, agus, feuch, *ma bhios* maith ann a thaobh Daibhidh, agus nach cuir mi an sin *fios* a d' ionnsuidh-sa, agus nach foillsich mi dhuit e;

13 Gu'n deanadh an Tighearn mar sin, agus m's ro mhò ri Ionatan: ach ma's toil le m'athair olc a *dheanamh* ort, an sin foillsichidh mi dhuit e, agus cuiridh mi air falbh thu, agus imichidh tu 'an sìth; agus gu robh an Tighearn maille riut, mar a bha e maille ri m'athair-sa.

14 Agus cha-n e mhàin, ma bhitheas mi fathast beò, gu'n nochd thu dhomh caomhneas an Tighearna, chum nach faigh mi bàs:

15 Ach *cuideachd* cha ghearr thu as do ehaomhneasom' thigh gu bràth: *chaghearr*, eadhon an uair a ghearras an Tighearn as naimhdean Dhaibhidh, gach aon diubh bhàrr aghaidh na talmhainn.

16 Mar sin rinn Ionatan *coimhcheangal* ri tigh Dhaibhidh, *ag ràdh*, Gu'n agra dh an Tighearn e eadhon o làimh naimhdean Dhaibhidh.

17 Agus thug Ionatan air Daibhidh mionnachadh a ris, a chionn gu'n do ghràdhaidh se e: oir ghràdhaidh se e mar a ghràdhaidh e 'anam féin.

18 An sin thubhairt Ionatan ris, Am màir-each *tha a' ghealach nuadh ann*; agus ionndrainear thu, a chionn gu'm bi d'àite-suidhe falamh.

19 Agus an *uair* a dh'athanas tu gus an treas là, thèid thu sìos gu grad, agus thig thu dh'ionnsuidh an àite anns an d'fholaich thu thu féin, an uair a bha'n gnothuch 'an làimh, agus fanaidh tu aig a' chloich Esel.

20 Agus tilgidh mise trì saighdean r'a taobh, mar gu'n tilginn air comharadh.

21 Agus, feuch, cuiridh mi òganach uam, *ag ràdh*, Falbh, faigh a mach na saighdean. Ma their mi gu cinnteach ris an òganach, Feuch, *tha* na saighdean air an taobh so dhìot, gabh iad; an sin thig thusa: oir *tha* sìth ann dhuit, agus cha-n'èil *olc* sam bith, *mar* is beò an Tighearn.

22 Ach ma their mi mar so ris an òganach, Feuch, *tha* na saighdean air an taobh thall dìot; imich thusa, oir chuir an Tighearn air falbh thu.

23 Agus a' *thaobh* a' ghnòthuich mu'n do labhair mise agus thusa, feuch, gu robh an Tighearn eadar mise agus thu gu bràth.

24 Uime sin dh'fholaich Daibhidh e féin anns a' mhachair: agus an uair a thàinig a' ghealach nuadh, shuidh an rìgh sìos gu biadh itheadh.

25 Agus shuidh an rìgh air a' chaithir féin, mar air uairibh eile, *eadhon* air caithir làimh ris a' bhalla: agus dh'éirich Ionatan, agus shuidh Abner ri taobh Shaul: agus bha àite Dhaibhidh falamh.

26 Gidheadh, cha do labhair Saul a' bheag sam bith air an là sin: oir thubhairt e *leis féin*, Thàinig ni-eigin air, cha-n'èil e glan; gu cinnteach cha-n'èil e glan.

27 Agus thachair air an là màireach, an dara là de'n mhìos, gu'n robh àite Dhaibhidh falamh: agus thubhairt Saul r'a mhac Ionatan, C'ar son nach d'thàinig mac Iese gu biadh, aon chuid an dé no'n diugh?

28 Agus fhreagair Ionatan Saul, Dh'iarr Daibhidh gu dùrachdach *ceud* ormsa *dol* do Bhet-lehem:

29 Agus thubhairt e, Leig air falbh mi,

guidheam ort, oir *tha* òbairt aig ar teaghlach anns a' bhaile; agus dh'àithn mo bhràthair dhomh a' *bhi 'n sin*: agus a nis ma fhuair mi deadh-ghean a'd' shùilibh, leig dhomh imeachd, guidheam ort, agus mo bhràithrean fhlaicinn: uime sin cha d'thàinig e gu bòrd an rìgh.

30 An sin las fearg Shaul an aghaidh Ionatan, agus thubhairt e ris, A mhic na *mnà* crosta, ceannaircigh, nach 'èil fhios agamsa gu'n do thagh thu mac Iese chum do mhaslaidh féin, agus a chum maslaidh lomnochduidh do mhàthar?

31 Oir co fhad 's a bhitheas mac Iese beò air an talamh, cha daingnichear thusa, no do rìoghachd: uime sin a nis cuir *fios air*, agus thoir a m' ionnsuidh e, oir gu cinnteach gheibh e bàs.

32 Agus fhreagair Ionatan 'athair Saul, agus thubhairt e, C'ar son a chuirear gu bàs e? ciod a rinn e?

33 Agus thilg Saul sleagh air, chum a bhualadh: le sin bha fios aig Ionatan gu'n *robh* e suidhichte le 'athair Daibhidh a chur gu bàs.

34 Uime sin dh'éirich Ionatan o'n bhòrd ann am feirg ro mhòir, agus cha d'ith e biadh sam bith air an dara là de'n mhìos: oir bha e fo dhoilgheas air son Dhaibhidh, a chionn gu'n d'thug 'athair masladh dha.

35 Agus anns a' mhaduinn chaidh Ionatan a mach do'n mhachair aig an àm a shuidh-icheadh ri Daibhidh, agus òganach beag maille ris.

36 Agus thubhairt e r'a òganach, Ruith, faigh a nis a mach na saighdean a thilg mi. Agus an uair a ruith an t-òganach, thilg e saighid thairis air.

37 Agus an uair a thàinig an t-òganach gu àite na saighde a thilg Ionatan, ghlaodh Ionatan an déigh an òganaich, agus thubhairt e, Nach 'èil an t-saighhead air do thaobh thall?

38 Ghlaodh Ionatan mar an ceudna an déigh an òganaich, Luathaich, dean cabhag, na stad. Agus thionail òganach Ionatan suas na saighdean, agus thàinig e dh'ionnsuidh a mhaighstir.

39 Ach cha robh fios aig an òganach air ni sam bith; bha fios a mhàin aig Daibhidh agus Ionatan air a' ehùis.

40 Agus thug Ionatan 'armachd d'a òganach, agus thubhairt e ris, Falbh, thoir do'n bhaile iad.

41 Agus co luath 's a dh'fhalbh an t-òganach, dh'éirich Daibhidh a' *àite* mu dheas, agus thuit e air 'aghaidh dh'ionnsuidh na talmhainn, agus chrom se e féin trì uairean: agus phòg iad a chéile, agus ghuil iad le 'ehéile; ach *ghuil* Daibhidh ni bu mhò.

42 Agus thubhairt Ionatan ri Daibhidh, Imich 'an sìth, do bhrìgh gu'n do mhlionnaich sinn le 'chéile ann an ainm an Tigh-carna, ag ràdh, Gu robh an Tighearn eadar

misc agus thusa, agus eadar mo shliochd-sa agus do shliochd-sa gu bràth. Agus dh'èirich e agus dh'imich e: agus chaidh Ionatan do'n bhaile.

CAIB. XXI.

1 *Fhuair Daibhidh aran coisrigte o Ahimelech. 8 Ghabh e claidheamh Gholiath, agus theich e gu Gat. 10 Aig Gat leig e air fèin a bhì air a' chluach.*

AN SIN thàinig Daibhidh gu Nob, a dh'ionnsuidh Ahimelech an t-sagairt: agus bha eagal air Ahimelech ag coimneachadh Daibhidh, agus thubhairt e ris, 'C'ar son a tha thu a'd' aonar, agus nach 'eil duine sam bith maille riut?

2 Agus thubhairt Daibhidh ri Ahimelech an sagart, Dh'aitinn an rìgh gnothuch dhomhsa, agus thubhairt e rium, Na bith-eadh fios aig duine sam bith a thaobh a' ghnòthuich mu'm bheil mise 'g ad chur uam, agus a dh'aitinn mi dhuit: agus dh'òrd-uich mi do m' òganaich *dot* a dh'ionnsuidh a leithid so agus a leithid sud a dh'àite.

3 A nis uime sin ciod a tha fo d' làimh? thoir dhomh cuig *builinnean* arain a'm làimh, no ge b'e ni a tha làthair.

4 Agus fhreagair an sagart Daibhidh, agus thubhairt e, Cha-n'eil aran coitcheann sam bith fo m' làimh, ach tha aran coisrigte ann; ma ghléidh na h-òganaich iad fèin air bheag sam bith o mhnàibh.

5 Agus fhreagair Daibhidh an sagart, agus thubhairt e ris, Gu deimhin chumadh mnathan uainne na trì làithean so, o thàinig mise mach, agus tha soithichean nan òganach naomha; agus tha 'n t-aran air chor coitcheann, eadhon ged naomhaicheadh e an diugh anns an t-soitheach.

6 Uime sin thug an sagart dha *aran* naomh; oir cha robh aran sam bith an sin ach aran na fianuis, a thugadh á fianuis an Tighearna, gu aran teth a chursios anns an là 's an d'thugadh air falbh e.

7 A nis bha duine àraidh de sheirbhisich Shaul an sin air an là sin, air a chumail an làthair an Tighearn'; agus *b'e* 'ainm Doeg, Edomach, am fear a b'àirde de na buachaillibh a bhuineadh do Shaul.

8 Agus thubhairt Daibhidh ri Ahimelech, Agus nach 'eil an so fo d' làimh sleagh no claidheamh? oir cha d'thug mi aon chuid mo chlaidheamh no m'airm *eile* leam, a chionn gu'n robh gnothuch an rìgh cabhagach.

9 Agus thubhairt an sagart, Claidheamh Gholiath an Philistich, a mharbh thu ann an gleann Elah, feuch, *tha e 'n so* paisgte ann an cudach air cùlaobh na h-Èphoid: ma ghabhas tu sin dhuit fèin, gabh e; oir cha-n'eil claidheamh sam bith eile ach e an so. Agus thubhairt Daibhidh, Cha-n'eil a leithid eile ann, thoir dhomh e.

10 Agus dh'èirich Daibhidh, agus theich e

air an là sin á fianuis Shaul, agus chaidh e gu Achis rìgh Ghat.

11 Agus thubhairt seirbhisich Achis ris, Nach e so Daibhidh rìgh na tìre? nach ann m'a thimchioll-san a chan iad le 'chéile ann an dannsaibh, ag ràdh, Mharbh Saul a mhìltean, agus Daibhidh a dheich mìltean?

12 Agus thaisg Daibhidh suas na briathran sin 'n a chridhe, agus bha eagal mòr air roimh Achis rìgh Ghat.

13 Agus dh'atharraich e a ghiùlan 'n am fianuis, agus leig e air fèin a bhì air a' chuthach 'n an Ìmhhan, agus scriob e air comhlaichibh a' gheata, agus leig e le 'shil-eadh tuiteam sìos air 'fheusaig.

14 An sin thubhairt Achis r'a sheirbhisich, Feuch, chì sibh gu bheil an duine air a' chuthach: c'ar son *ma ta* 'thug sibh a m' ionnsuidhs' e?

15 Am bheil feum agamsa air daoineibh air a' chuthach, gu'n tugadh sibh am fear so gu bhì air a' chuthach a'm làthair? an tig am fear so a steach do m' thigh-sa?

CAIB. XXII.

1 *Chaidh a luchd-dàimh agus sluagh eile a dh'ionnsuidh Daibhidh gu Adulaim. 6 Gearan Shaul an aghaidh a sheirbhisich. 11 Dh'òrdich e Ahimelech agus sagartan an Tighearna a clair gu bàs. 20 Theich Abiatar.*

DH'IMICH Daibhidh air an aobhar sin as a sin, agus chaidh e as gu uaimh Adulaim: agus an uair a chual' a bhràithrean agus tigh 'athar uile e, chaidh iad sìos an sin d'a ionnsuidh.

2 Agus chruinnich d'a ionnsuidh gach duine a bha'n teanntachd, agus gach duine a bha fo fhìachaibh, agus gach duine a bha fo smuairin 'n a inntinn; agus bha e 'n a cheannard orra: agus bha maille ris mu thimchioll ceithir cheud fear.

3 Agus chaidh Daibhidh as a sin gu Mispel Mhoais, agus thubhairt e ri rìgh Mhoais, Thigeadh, guidheam ort, m'athair agus mo mhàthair a mach, agus bitheadh iad maille ribh, agus am bi fios agam ciod a ni Dia air mo shon.

4 Agus thug e iad am fianuis rìgh Mhoais; agus dh'fhan iad maille ris ré nan làithean uile a bha Daibhidh anns an daingneach.

5 Agus thubhairt am fàidh Gad ri Daibhidh, Na fan anns an daingneach; falbh, agus imich romhad gu tìr Iudah. An sin dh'fhalbh Daibhidh, agus thàinig e gu coilleach Harcit.

6 Agus chuala Saul gu'm facas Daibhidh, agus na daoine a bha maille ris, (a nis dh'fhan Saul ann an Gibeah fo chraoibh ann an Ramah, agus a shleagh 'n a làimh, agus a sheirbhisich uile 'n an seasamh làimh ris.)

7 Agus thubhairt Saul r'a sheirbhisich a sheas làimh ris, Eisdibh a nis, a Bheniamineacha; eadhon dhuibhs e uile an toir mac Iese achaidhean agus fion-liosan, agus an

dean e sibh uile 'n 'ur ceannardaibh air mhiltibh, agus 'n 'ur ceannardaibh air cheudaibh;

8 Gu'n deachaidh sibh uile ann an comhbhoinn a'm' aghaidh-sa, agus nach 'eil neach ann a chuireas 'an céill domh gu bheil mo mhac air deanamh coimhcheangail ri mac Iese; agus nach 'eil neach agaibh a tha doilich air mo shon, no 'chuireas 'an céill domh gu'n do dhùisg mo mhac mo sheirbhiseach a'm' aghaidh, a dheanamh feall-fholach, mar air an là 'n diugh?

9 An sin fhreagair Doeg an t-Edomach, (a bha 'n a sheasamh maille ri seirbhisich Shaul), agus thubhairt e, Chunnaic mi mac Iese a' teachd gu Nob, a dh'ionnsuidh Ahimelech mhic Ahituib.

10 Agus dh'fhiosraich e air a shon de'n Tighearn, agus thug e biadh dha, agus thug e dha claidheamh Gholiath an Philistich.

11 An sin chuir an rìgh fios air Ahimelech an sagart, mac Ahituib, agus tigh 'athar uile, na sagartan a bha ann an Nob: agus thàinig iad uile dh'ionnsuidh an rìgh.

12 Agus thubhairt Saul, Eisd a nis, a mhic Ahituib. Agus fhreagair esan, Tha mi 'n so, mo thighearna.

13 Agus thubhairt Saul ris, C'ar son a chaidh sibh ann an comhbhoinn a'm' aghaidh-sa, thusa agus mac Iese, do bhrìgh gu'n d'thug thu dha aran agus claidheamh, agus gu'n d'fhiosraich thu de Dhia air a shon, a chum gu'n éireadh e suas a'm' aghaidh, a dheanamh feall-fholach, mar air an là 'n diugh?

14 An sin fhreagair Ahimelech an rìgh, agus thubhairt e, Agus cò am measg do sheirbhiseach uile a tha co firinneach ri Daibhidh, a tha 'n a chliamhuin aig an rìgh, agus a dh'imicheas air d'iarrtus, agus a tha urramach ann ad thigh?

15 An do thòisinn mi air an là sin air Dia fhiosrachadh air a shon? gu ma fada sin uam: na cuireadh an rìgh ni sam bith as leth a sheirbhisich, no as leth tighe m'athar uile; oir cha robh fios aig do sheirbhiseach air ni sam bith dheth so uile, beag no mòr.

16 Agus thubhairt an rìgh, Gu cinnteach gheibh thu bàs, Ahimelech, thu féin agus uile thigh d'athar.

17 Agus thubhairt an rìgh ris na gillibh-ruith a sheas làimh ris, Tionndaidhibh agus marbhaibh sagartan an Tighearna; a chionn gu bheil mar an ceudna an làmh-san maille ri Daibhidh, agus a chionn gu'n robh fios aca gu'n do theich e, agus nach do chuir iad 'an céill domhsa e. Ach cha b'aill le seirbhisich an rìgh an làmh a shineadh a mach gu bualadh air sagartaibh an Tighearna,

18 Agus thubhairt an rìgh ri Doeg, Tionndaidh thusa, agus buail air na sagartaibh. Agus thionndaidh Doeg an t-Edomach, agus bhuail e air na sagartaibh: agus

mharbh e air an là sin ceithir fichead agus cùig fir a dh'iomchair ephod de lion-eudach.

19 Agus bhuail e Nob baile nan sagart le faobhar a' chlaidheimh, eadar fhear agus bhean, leanabh agus chlochan, agus dhamh, agus asal, agus chaora, le faobhar a' chlaidheimh.

20 Agus chaidh aon de mhic Ahimelech mhic Anituib as, d'am b'ainm Abiatar, agus theich e 'n déigh Dhaibhidh.

21 Agus dh'innis Abiatar do Dhaibhidh gu'n do mharbh Saul sagartan an Tigh-carna.

22 Agus thubhairt Daibhidh ri Abiatar, Bha fios agam air an là ann an robh Doeg an t-Edomach an sin, gu einnteach gu'n innseadh e do Shaul: is mise 'b'aoibhar bàis gach neach de thigh d'athar.

23 Fan thusa maille riumsa; na bitheadh eagal ort: oir esan a dh'iarras m'anam-sa, iarraidh e d'anam-sa: ach maille riumsa bithidh tu fo dhèid.

CAIB. XXIII.

1 Chog na Philistich an aghaidh Cheilah. 5 Bhuail Daibhidh iad. 9 Dh'innseadh dha gu'n robh Saul a' teachd air a thoir gu Ceilah. 13 Theich e gu Siph. 19 Thug na Siphich fios do Shaul gu'n robh e a' gabhail coimhuidh maille ris, agus gheall iad a thoirt thairis d' a làimh.

AN SIN dh'innis iad do Dhaibhidh, ag ràdh, Feuch, tha na Philistich a' cogadh an aghaidh Cheilah, agus tha iad a' creachadh nan urlar-bualaidh.

2 Uime sin dh'fhiosraich Daibhidh de'n Tighearn, ag ràdh, An téid mise, agus am buail mi na Philistich sin? Agus thubhairt an Tighearn ri Daibhidh, Falbh agus buail na Philistich, agus saor Ceilah.

3 Agus thubhairt daoine Dhaibhidh ris, Feuch, tha eagal oirne an so ann an Iudah; cia mò gu mòr ma ta, ma théid sinn gu Ceilah an aghaidh. armaithean nam Philisteach?

4 An sin dh'fhiosraich Daibhidh a ris de'n Tighearn. Agus fhreagair an Tighearn e, agus thubhairt e, Eirich, falbh sios gu Ceilah; oir bheir mise na Philistich thairis do d' làimh.

5 Agus chaidh Daibhidh agus a dhaoine gu Ceilah, agus chog e 'n aghaidh nam Philisteach, agus thug e leis an sprèidh, agus bhuail e iad le h-àr mòr; mar sin shaor Daibhidh luchd-àiteachaidh Cheilah.

6 (A nis an uair a theich Abiatar mac Ahimelech a dh'ionnsuidh Dhaibhidh gu Ceilah, chaidh e sìos le ephod 'n a làimh.)

7 Agus dh'innseadh do Shaul gu'n d'thàinig Daibhidh gu Ceilah; agus thubhairt Saul, Thug Dia thairis do m' làimh e: oir dhruideadh a stigh e le dol a steach do bhaile gheatachan agus chrann.

8 Agus ghairm Saul an sluagh uile chum

cogaidh, a dhol sìos gu Ceilah a chuairt-eachadh Dhaibhidh agus a dhaoine.

9 Agus bha fios aig Daibhidh gu'n *robh* Saul gu dìomhair a' dealbhadh uile 'n a aghaidh; agus thubhairt e ri Abiatar an sagart, Thoir an so an ephod.

10 Agus thubhairt Daibhidh, A Thighearna Dhé Israel, chuala do sheirbhiseach gu cinnteach gu *bheil* Saul ag iarraidh teachd gu Ceilah, a sgrios a' bhaile air mo shon-sa.

11 An toir luchd-àiteachaidh Cheilah mise thairis d'a làimh? an tig Saul a nuas mar a chuala do sheirbhiseach? A Thighearna Dhé Israel, guidheam ort, innis do d' sheirbhiseach. Agus thubhairt an Tighearna, Thig e nuas.

12 An sin thubhairt Daibhidh, An toir luchd-àiteachaidh Cheilah mise agus mo dhaoine thairis do làimh Shaul? Agus thubhairt an Tighearna, Bheir iad thairis *theu*.

13 An sin dh'éirich Daibhidh agus a dhaoine, *a bha* mu thimcheall sè ceud, agus chaidh iad a mach á Ceilah, agus dh'imich iad an taobh a dh'fheudadh iad imeachd. Agus dh'innseadh do Shaul gu'n deachaidh Daibhidh as á Ceilah, agus leig e dheth dol a mach.

14 Agus dh'fhan Daibhidh anns an fhàsach ann an daingneachaibh làidir, agus dh'fhan e ann an sliabh 'am fàsach Shiph; agus dh'iarr Saul e gach aon là, ach cha d'fhug Dia thairis d'a làimh e.

15 Agus chunnaic Daibhidh gu robh Saul air dol a mach a dh'iarraidh anama; agus bha Daibhidh ann am fàsach Shiph ann an coille.

16 Agus dh'éirich Ionatan mac Shaul, agus chaidh e dh'ionnsuidh Dhaibhidh do'n choille, agus neartaich e a làmh ann an Dia.

17 Agus thubhairt e ris, Na bitheadh eagal ort; oir cha'n fhaigh làmh Shaul m'athar-sa thù, agus rìoghaichidh tu os ceann Israel, agus is mise a's faigse 'bhitheas dhuit; agus cuideachd tha fios aig m'athair Saul air sin.

18 Agus rinn iadsan nan dìthis coimheangal 'am fianuis an Tighearna: agus dh'fhan Daibhidh anns a' choille, agus dh'imich Ionatan d' a thigh féin.

19 An sin chaidh na Siphich suas a dh'ionnsuidh Shaul gu Gibeah, ag ràdh, Nach *'eil* Daibhidh 'g a fhòlach féin maille ruinne ann an daingneachaibh 's a' choille, ann an sliabh Hachilah, a tha air an taobh deas de Iesimon?

20 A nis uime sin, a *xéir* uilo mhiann d'anama, O a rìgh, thig da rìreadh a nuas, agus *is i* ar cuide-ne a thoirt thairis do làimh an rìgh.

21 Agus thubhairt Saul, Beannaichte *gu robh* sibhe o'n Tighearna, oir ghabh sibh truas rium.

22 Imichibh, guidheam oirbh, ulluichibh fathast, agus bitheadh fios agaibh, agus faicibh 'ait anns an gnàth leis a bhi, agus eò a chunnaic an sin e: oir dh'innseadh dhomh *gu bheil* e 'deanamh gu ro sheòlta.

23 Faicibh ma ta, agus bitheadh fios agaibh air gach àite-fòlach anns am bheil e 'g a fhòlach féin, agus thigibh a m' ionnsuidh a ris le *fios* cinnteach, agus thèid mise maille ribh: agus an sin, na bhithcas e anns an tìr, rannsaichidh mise mach e air feadh uile mhilltean Iudah.

24 Agus dh'éirich iad, agus chaidh iad gu Siph roimh Shaul: ach *bha* Daibhidh agus a dhaoine ann am fàsach Mhaoin, anns a' chòmhnard air an taobh deas de Iesimon.

25 Agus chaidh Saul agus a dhaoine *'g a* iarraidh; agus dh'innis iad *sin* do Dhaibhidh: uime sin thàinig e nuas gu carraig, agus dh'fhan e ann 'am fàsach Mhaoin. Agus an uair a chuala Saul *sin*, chaidh e air tòir Dhaibhidh ann am fàsach Mhaoin.

26 Agus chaidh Saul air an taobh so de'n t-sliabh, agus Daibhidh agus a dhaoine air an taobh eile de'n t-sliabh; agus rinn Daibhidh cabhag gu imeachd air falbh roimh Shaul; oir chuairtich Saul agus a dhaoine Daibhidh agus a dhaoine, chum an glacadh.

27 Ach thàinig teachdair a dh'ionnsuidh Shaul, ag ràdh, Dean cabhag agus thig; oir bhris na Philistich a stigh air an tìr.

28 Uime sin phill Saul o dhol air tòir Dhaibhidh, agus chaidh e an aghaidh nam Philisteach: air an aobhar sin thug iad Selah-hamah-lecot mar ainm air an àite sin.

29 Agus chaidh Daibhidh suas as a sin, agus ghabh e còmhnuidh ann an daingneachaibh làidir Engedi.

CAIB. XXIV.

1 Ann an uaimh Engedi ghearr Daibhidh air falbh iomall falluime Shaul. 8 Dh'fheuch e so do Shaul mar chomharadh air ionracas.

16 Dh'aidich Saul a chionta; 21 ghabh e mionnan de Dhaibhidh, agus phill e.

AGUS an uair a bha Saul air pilltinn o leantuinn nam Philisteach, dh'innseadh dha, ag ràdh, Feuch, *tha* Daibhidh ann am fàsach Engedi.

2 An sin ghabh Saul trì mìle fear taghta á h-Israel uile, agus chaidh e dh'iarraidh Dhaibhidh agus a dhaoine air aghaidh chreag nam fiadh-ghabhar.

3 Agus thàinig e dh'ionnsuidh chrò nan caorach làmh ris an t-slighe, far an *robh* uaimh; agus chaidh Saul a steach a chòmhdachadh a chos: agus dh'fhan Daibhidh agus a dhaoine ann an taobhan na h-uamha.

4 Agus thubhairt daoine Dhaibhidh ris, Feuch, an là mu'n d'thubhairt an Tighearna riut, Feuch, bheir mi thairis do namhaid do d' làimh, a chum gu'n dean thu ris mar is àil leat. An sin dh'éirich Daibhidh,

agus ghearr e air falbh iomall falluinne Shaul os ìosal.

5 Agus 'n a dhéigh sin bhuail cridhe Dhaibhidh e, a chionn gu'n do ghearr e air falbh iomall falluinne Shaul.

6 Agus thubhairt e r'a dhaoineibh, Nar leigeadh Dia gu'n deanainnse an nì so ri m' thighearn 'on ungta an Tighearna, mo làmh a shineadh a mach 'n a aghaidh, o's e aon ungta an Tighearna e.

7 Agus choisg Daibhidh a dhaoine leis na briathraibh sin, agus cha do leig e leo-éirigh an aghaidh Shaul. Ach dh'éirich Saul suas as an uaimh, agus dh'innich e air a shlighe.

8 Agus dh'éirich Daibhidh suas an déigh sin, agus chaidh e mach as an uaimh, agus ghlaodh e'n déigh Shaul, ag ràdh, Mo thighearna, a rìgh. Agus an uair a dh'amhaire Saul 'n a dhéigh, chom Daibhidh e féin air 'a ghaidh dh'ionnsuidh ua talmhainn, agus rinn e ùmhlaich.

9 Agus thubhairt Daibhidh ri Saul, C'ar son a tha thu ag éisdeachd ri briathraibh dhaoine, ag ràdh, Feuch, tha Daibhidh ag iarraidh do chroiu?

10 Feuch, air an là 'n diugh chunnaic do shùilean cionnus a thug an Tighearn thairis thu an diugh do m' làmh ams an uaimh: agus dh'iarr cuid orm do mharbhadh, ach chaomhain mo shùil thu, agus thubhairt mi, Cha chuir mi mo làmh a mach an aghaidh mo thighearna; oir is e aon ungta an Tighearn' e.

11 Agus faic, O athair, eadhon faic iomall d'fhalluinne a'm' làmh: do bhrìgh an uair a ghearr mi air falbh iomall d'fhalluinne, nach do mharbh mi thu, bitheadh fios agad agus faic nach 'eil aon chuid ole no eusaontas a'm' làmh, agus nach do pheacail mi a'd' aghaidh; gidheadh tha thu a' scalg air m'anam, a chum a ghlacadh.

12 Gu'n tugadh an Tighearn breth eadar mise agus thusa, agus gu'n dioladh an Tighearnu mise ort: ach cha bhi mo làmh-sa ort.

13 Mar a their gnàth-fhocal nan sean-fhear, O na h-aingidh thig aiugidheachd: ach cha bhi mo làmh-sa ort.

14 Cò an déigh an d'thàinig rìgh Israeil a mach? cò air am bheil thu 'n tòir? an déigh coim mhairbh, an déigh deargainne.

15 Uime sin bitheadh an Tighearn 'n a bhreitheamh, agus thugadh e breth eadar mise agus thusa, agus faicheadh e, agus tagradh e mo chùis, agus saoradh e mi as do làmh.

16 Agus an uair a chuir Daibhidh crìoch air ua briathran sin a labhairt ri Saul, an sin thubhairt Saul, An e so do ghuth, a mhic, a Dhaibhidh? Agus thog Saul suas a ghuth, agus ghuil e.

17 Agus thubhairt e ri Daibhidh, Is tusa a's fìrinniche na mise; oir dh'ìol thusa maith dhomhsa, ach dh'ìol mise ole dhuitse.

18 Agus nochd thu an diugh cionnus a bhuin thu gu maith rium; do bhrìgh, an uair a thug an Tighearn thairis mi do d' làmh, nach do mharbh thu mi.

19 Oir an uair a gheibh duine a nàmhaid, an leig e as gu maith e? uime sin gu'n dioladh an Tighearn maith dhuitse air son na rinn thu dhomhsa an diugh.

20 Agus a nis, feuch, tha fios agam gu'm bi thu gu cinnteach a'd' àigh, agus gu'n daingnichear rìoghachd Israeil a'd' làmh.

21 Uime sin uionnaich dhomhsa air an Tighearn, nach gearr thu as m' shliochd a'm' dhéigh, agus nach sgrios thu m'ainm 's tigh m'athar.

22 Agus mhionnaich Daibhidh do Shaul agus chaidh Saul dhachaidh; ach chaidh Daibhidh agus a dhaoine suas do'n daingneach.

CAIB. XXV.

1 *Fhuair Samuel bàs. 4 Bhrosnach Nabal Daibhidh le iargaltas. 13 Chuirnich Abigail e. 36 Bàs Nabal. 39 Ghabh Daibhidh Abigail agus Ahinoam gu bhi 'n am mnàibh aige. 44 Thugadh Michal, bean Dhaibhidh, do Phaltai.*

AGUS fhuair Samuel bàs; agus chruinnich na h-Israelich uile an ceann a chéile, agus rinn iad caoidh air a shon, agus dh'adhlac iad e 'n a thigh ann an Ramah. Agus dh'éirich Daibhidh, agus chaidh e sìos gu fasach Pharain.

2 Agus bha duine ann am Maon, aig an robh a shealbh ann an Carmel; agus bha 'n duine ro mhòr, agus bha trì mìle caora aige, agus mìle gabhar: agus bha e a' lomairt a chaorach ann an Carmel.

3 A nis b'e ainm an duine Nabal, agus ainm a mhnà Abigail; agus bha i 'n a mnaoi aig an robh deadh thuinge, agus maiseach 'n a dealbh; ach bha 'n duine iargalta, agus ole 'n a ghnìomharaibh; agus bha e de thigh Chaleib.

4 Agus chuala Daibhidh 's an fhàsach gu'n robh Nabal a' lomairt a chaorach.

5 Agus chuir Daibhidh uaidh deichnear òganaich; agus thubhairt Daibhidh ris na h-òganaich, Gabhaibh suas gu Carmel, agus rachaibh a dh'ionnsuidh Nabal, agus cuiribh fàilte air a'm' ainm-sa.

6 Agus mar so their sibh, Slàn gu robh thu; agus sìth gu robh dhuit féin, agus sìth do d' thigh, agus sìth do gach nì a th'agad.

7 Agus a nis chuala mi gu bheil luchd-lomairt chaorach agad: a nis do bhuachaillean-sa, a bha maille ruinn, cha d'rinn sinn cron orra, ni mò a dh'ionndraineadh ui sam bith leo ré na h-aimsir a bha iad ann an Carmel.

8 Feòrach de d' òganaich, agus innsidh iad dhuit: faigheadh ma ta na h-òganaich deadh-ghean a'd' shùilibh, oir air là maith thàinig sinn: thoir, guidheam ort, do

d' sheirbhisich, agus do d' mhac Daibhidh, ge b'e ni a thig a dh'ionnsuidh do làimhe.

9 Agus an uair a thàinig òganaich Dhaibhidh, labhair iad ri Nabal a réir nam briathran sin uile ann an ainm Daibhidh, agus bha iad 'n an tosd.

10 Agus fhreagair Nabal seirbhisich Daibhidh, agus thubhairt e, Cò e Daibhidh? agus cò e mac Iese? is lionmhor seirbhisich 's na làithibh so a tha 'briacadh air falbh gach duine dhiubh o' mhaighstir.

11 An gabh mise ma ta m'aran, agus m'uisge, agus m'fheoil a mharbh mi air son mo luchd-lomairt, agus an tabhair mi e do dhaoineibh nach aithne dhomh cia as a tha iad?

12 Uime sin thionndaidh òganaich Dhaibhidh air an slighe, agus phill iad, agus thàinig iad agus dh'innis iad dha do réir nam briathran sin uile.

13 Agus thubhairt Daibhidh r'a dhaoineibh, Cuiribh gach duine a chlaidheamh air. Agus chuir gach duine dhiubh a chlaidheamh air; agus chuir Daibhidh mar an ceudna a chlaidheamh air: agus chaidh suas an déigh Daibhidh mu thimchioll ceithir cheud fear, agus dh'fhan dà cheud maille ris an airneis.

14 Ach dh'innis fear de na h-òganaich do Abigail bean Nabal, ag ràdh, Feuch, chuir Daibhidh teachdairean as an fhàsach a chur fàilte air ar maighstir, agus thug e anacaintt dhoibh.

15 Ach bha na daoine ro mhaith dhuinn, agus cha d'rinneadh cron oirnn, mi mò a dh'ionndrain siun ni sam bith ré na h-aimsir a bha sinn maille riu, 'n uair a bha sinn 's an fhearann.

16 Bha iad 'a am balla dhuinn araon a dh'oidheche agus a là, ré na h-aimsir a bha sinn maille riu ag ionaltradh nan caorach.

17 A nis air an aobhar sin bitheadh fios agad agus smuainich ciod a ni thu; oir shonraicheadh olc an aghaidh ar maighstir, agus an aghaidh a thighe uile: agus is mac do Bhelial esan, air chor as nach feud *neach* labhairt ris.

18 An sin rinn Abigail cabhag, agus ghabh i dà cheud *buillonn* arain, agus dà shearrag fhìona, agus cùig caoraich air an deasachadh, agus cùig toimhsean de shìol cruaidhichte, agus ceud bagaid de fhìon-dhearcaibh tiormaichte, agus dà cheud meall de fhigibh; agus chuir i air asalaibh *iad*.

19 Agus thubhairt i r'a h-òganaich, Rach-aibh air bhuir n-aghaidh romham: feuch, *tha* mi 'teachd 'n 'ur déigh: ach cha d'innis i sin d'a fear Nabal.

20 Agus an uair a bha i a' marcachd air an asail, agus a' teachd a nuas ann am fasgath an t-sléibh, feuch, thàinig Daibhidh agus a dhaoine a nuas 'n a còdhail; agus choinnich i iad.

21 A nis thubhairt Daibhidh, Gu cinnt-

each is ann gu dìomhain a ghléidh mise gach *ni* a bh'aig an *fhear* so 's an fhàsach, air chor as nach d'ionndraineadh ni air bith de gach *ni* a *bhuineadh* dha; oir dhiol esan olc dhomhsa 'an éric maith.

22 Gu'n deanadh Dia mar sin ri naimhdeibh Daibhidh, agus tuilleadh mar an ceudna, ma dh'fhàgas mise dhiubhsan uile a *tha* aige gu ruig a' mhaduinn, aon air bith a ni uisge ri balla.

23 Agus an uair a chunnaic Abigail Daibhidh, rinn i cabhag agus theirinn i bhàrr na h-asail, agus thuit i sìos air a h-aghaidh 'am fianuis Daibhidh, agus chrom si i féin gu làr.

24 Agus thuit i aig a chosaibh, agus thubhairt i, Ormsa, *eadhon* ormsa mo thigh-earna, *bitheadh* an cionta so, agus labhradh, guidheam ort, do bhanoglach ann ad éisdeachd, agus cluinn briathran do bhanoglaich.

25 Na tugadh mo thighearn, guidheam ort, fainear an duine so le Belial, eadhon Nabal; oir a réir 'ainme, mar sin *tha e: is e* Nabal 'ainm, agus *tha* amaideachd maille ris: ach cha-n fhaca mise, do bhanoglach, òganaich mo thighearn', a chuir thu uait.

26 A nis uime sin, mo thighearna, *mar* is beò an Tighearn, agus *mar* is beò d'anam, a chionn gu'n do chum an Tighearn thusa o theachd a *dhòrtadh* fola, agus o thu féin a dhioladh le d' làimh fèin; a nis uime sin mar Nabal bitheadh do naimhdean, agus iadsan a dh'iarraas olc do m' thighearn.

27 Agus a nis am beannachadh so, a thug do bhanoglach a dh'ionnsuidh mo thighearna, thugar e eadhon do na h-òganaich a tha 'siubhal' an cois mo thighearna.

28 Maith, guidheam ort, cionta do bhanoglaich; oir ni an Tighearn gu cinnteach tigh seasmhach do m' thighearn, do bhrìgh gu bheil mo thighearn a' cur cathan an Tighearna, agus nach d'fhuaradh olc annad o *thus* do làithean.

29 Gidheadh dh'éirich duine gu dol air do thòir, agus a dh'iarraidh d'anama: ach bithidh anam mo thighearna air a cheangal suas ann an ceanglachan na beatha aig an Tighearn do Dhia; agus anaman do naimhdean, iadsan tilgidh e mach, *mar á* meadhon croinn-tàbhuilt.

30 Agus an uair a ni an Tighearn do m' thighearn a réir gach maith a labhair e mu d' thimchioll, agus a dh'orduicheas e thu a'd' uachdaran os ceann Israeil;

31 Cha bhi so chum doilgheis dhuit, no chum oibbheim cridhe do m' thighearn, gu'n do dhòirt thu fuil gun aobhar, agus gu'n do dhiol mo thighearn e féin: ach an uair a bhuineas an Tighearn gu maith ri m' thighearn, an sin cuimhnich air do bhanoglaich.

32 Agus thubhairt Daibhidh ri Abigail Beannaichte *gu robh* Tighearn Dia Is-

raeil, a chuir thusa an diugh a'm' choinn-eamh-sa:

33 Agus beannaichte *gu robh* do chomhairle, agus beannaichte *gu robh* thu féin, a chum uise an diugh o theachd a dhòrtadh fola, agus o mi féin a dhìoladh le m' làimh féin.

34 Oir gu deimhin, *mar* is beò an Tighearn Dia Israeil, a chum mis' o chion a dheanamh ort, mur bitheadh tu air dean-*ar*u chabhaig, agus air teachd a'm' choinn-eamh, gu cinnteach cha-n fhàgtadh do Nabal gu solus na maidne neach sam bith a ni uisge ri balla.

35 Uime sin ghabh Daibhidh as a làimh na thug i d'a ionnsuidh, agus thubhairt e rithe, Gabh suas ann an sìth a dh'ionnsuidh do thighe: faic, dh'éisd mi ri d' ghuth, agus ghabh mi ri d' ghluais.

36 Agus thàinig Abigail a dh'ionnsuidh Nabail; agus, feuch, *bha* cuirm aige 'n a thigh mar chuir m' rìgh; agus *bha* cridhe Nabail snbhach an taobh a stigh dheth, oir *bha* e gu mòr air mhisg: uime sin cha d'innis i dha a bhacag no 'mhòr, gu solus na maidne.

37 Ach anns a' mhaduinn, an uair a chaidh am fion á Nabal, agus a dh'innis a bhean dha na nithean sin, bhàsaich a chridhe an taobh a stigh dheth, agus *bha* e mar chloich.

38 Agus mu thimchioll deich làithean 'n a dhéigh sin bhuail an Tighearn Nabal, agus fhuair e bàs.

39 Agus an uair a chuala Daibhidh gu'n d'fhuair Nabal bàs, thubhairt e, Beannaichte *gu robh* an Tighearn a thagair cùis mo mhàslaidh o làimh Nabail, agus a chum a sheirbhiseach o ole: oir thionndaidh an Tighearn aingidheachd Nabail air a cheann féin. Agus chuir Daibhidh *teachdairean* uath, agus labhair e ri Abigail, a chum a gabhail dha féin 'n a mnaoi.

40 Agus an uair a thàinig seirbhiseich Dhaibhidh a dh'ionnsuidh Abigail gu Carmel, labhair iad rithe, ag ràdh, Chuir Daibhidh sinn a d' ionnsuidh a chum do ghabhail thuige a'd' mnaoi.

41 Agus dh'éirich i, agus chrom si i féin air a h-aghaidh dh'ionnsuidh na tahnainn, agus thubhairt i, Feuch, bitheadh do bhan-oglach 'n a h-innilt a nigheadh chos sheirbhiseach mo thighearna.

42 Agus rinn Abigail cabhag, agus dh'éirich i, agus mharcaich i air asail, agus cùig-near ghruagach aice ag imeachd 'n a déigh; agus lean i teachdairean Dhaibhidh, agus *bha* i 'u a mnaoi aige.

43 Ghabh Daibhidh cuideachd Ahioam o Iesreel; agus *bha* iad mar au ceudna le 'chéile 'n am mnàibh aige.

44 Oir thug Saul a nighean Michal, bean Dhaibhidh, do Phalti mac Lais, a *bha* de Ghalim.

1 Chaidh Saul gu Hochilah air tòir Dhaibhidh. 5 Thàinig Daibhidh do'n chlais-bhlàir far an robh Saul 'n a luidhe, agus thug e air falbh a shleagh agus a shoitheach-uisge. 13 Thug Daibhidh achmhasan do Abner. 21 Dh'aidich Saul a pheacadh.

A GUS thàinig na Siphich a dh'ionnsuidh Shaul gu Gibeah, ag ràdh, Nach 'eil Daibhidh 'g a fhòlach féin ann an slabh Hachilah fa chomhair Iesimoin?

2 An sin dh'éirich Saul, agus chaidh e sìos gu fàsach Shiph, agus maille ris trì mìle fear taghta de Israel, a dh'iarraidh Dhaibhidh ann am fàsach Shiph.

3 Agus champaich Saul ann an slabh Hachilah, a *tha* fa chomhair Iesimoin air an t-slighe: ach dh'fhan Daibhidh anns an fhàsach, agus chumnaic e gu'n d'thàinig Saul 'n a dhéigh do'n fhàsach.

4 Uime sin chuir Daibhidh mach luchd-rannsachaidh, agus thuig e gu'n d'thàinig Saul da rìreadh.

5 Agus dh'éirich Daibhidh, agus thàinig e dh'ionnsuidh an àite anns an do champaich Saul; agus chuanaic Daibhidh an t-àit anns an robh Saul 'n a luidhe, agus Abner mac Neir, ceannard 'armailte: agus luidh Saul an taobh a stigh de'n chlais-bhlàir, agus champaich an sluagh m'a thimchioll.

6 An sin fhreagair Daibhidh, agus thubhairt e ri Ahimelech an Hiteach, agus ri Abisai, mac Sheruiah, bràthair Ioaib, ag ràdh, Cò 'théid sìos maille riumsa dh'ionnsuidh Shaul do'n champ? Agus thubhairt Abisai, Théid mise sìos maille riut.

7 Uime sin thàinig Daibhidh agus Abisai dh'ionnsuidh an t-sluaigh 's an oidhech; agus, feuch, luidh Saul 'n a chodal an taobh a stigh de'n chlais-bhlàir, agus a shleagh sàthta 's an talamh aig a cheann-adhairt: ach luidh Abner agus an sluagh mu'n cuairt air.

8 An sin thubhairt Abisai ri Daibhidh, Thug Dia thairis do nàmhaid an diugh do d' làimh: a nis uime sin, leig leam a bhuail-adh, guidheam ort, leis an t-sleagh a dh'ionnsuidh na tahnainn aon uair, agus cha *bhuail* mi e an dara uair.

9 Agus thubhairt Daibhidh ri Abisai, Na marbh e; oir cò a shineas a mach a làmh an aghaidh aoin ungta an Tighearna, agus a bhitheas neo-chiontach?

10 Thubhairt Daibhidh mar an ceudna, *Mar* is beò an Tighearn, buailidh an Tighearn e, no thig a là anns am faigh e bàs, no théid e sìos do'n chath agus tuitidh e.

11 Nar leigeadh an Tighearn gu'n sìoinnse mach mo làmh an aghaidh aoin ungta an Tighearna: ach a nis gabh, guidheam ort, an t-sleagh a *tha* aig a' cheann-adhairt, agus an soitheach-uisge, agus bitheamaid ag imeachd.

12 Agus ghabh Daibhidh an t-sleagh agus

an soitheach-uisge o cheann-adhairt Shaul, agus dh'imich iad rompa, agus cha robh neach ann a chunnaic sin, no aig an robh fios air, no a mhosgail; oir *bha* iad uile 'n an codal, do bhrìgh gu'n do thuit codal trom o'n Tighearn orra.

13 An sin chaidh Daibhidh thairis do'n taobh eile, agus sheas e air mullach sléibh fad as, *le* astar mòr eatorra.

14 Agus ghlaodh Daibhidh ris an t-sluagh, agus ri Abner mac Neir, ag ràdh, Nach freagair thu, Abneir? Agus fhreagair Abner, agus thubhairt e, Cò thusa, *a tha* 'glaodhaich ris an rìgh?

15 Agus thubhairt Daibhidh ri Abner, Nach fear *treun* thusa? agus cò *a's* cos-mhuil riut ann an Israel? c'ar son ma ta nach do choinnidh thu do thighearn an rìgh? oir thàinig aon de'n t-sluagh a steach a mharbhadh an rìgh do thighearna.

16 Cha-*neil* an ni so maith a rinn thu: mar is beò an Tighearn, *tha* sibh a' toill-tinn a' bhàis, do bhrìgh naeh do ghléidh sibh bhur maighstir, aon ungta an Tighearna: agus a nis faic c'àit *am bheil* sleagh an rìgh, agus an soitheach-uisge, a *bha* aig a cheann-adhairt?

17 Agus dh'aitnich Saul guth Dhaibhidh, agus thubhairt e, An e so do ghuth-sa, a mhic, a Dhaibhidh? agus thubhairt Daibhidh, *Ise* mo ghuth-sa *a th'ann*, mo thighearn, a rìgh.

18 Agus thubhairt e, C'ar son *a tha* mo thighearn air tòir a sheirbhisich? oir ciod a rinn mi? uo ciod an t-ole a th'ann am lèimh?

19 A nis uime sin, guidheam ort, éisdeadh mo thighearn an rìgh ri briathraibh a sheirbhisich: ma's e an Tighearn a bhrosnuich thu a'm' aghaidh, gabhaidh e tabhartas: ach ma's iad clann nan daoine, mallaichte *tha* iad 'am fianuis an Tighearn'; oir dh'fhuadaich iad mise mach an diugh o fhantuin ann an oighreachd an Tighearn', ag ràdh, Falbh, dean seirbhis do dhiathaibh eile.

20 A nis ma ta, na tuiteadh m' fhuil a dh'ionnsuidh ua talmhainn ann am fianuis an Tighearn'; oir thàinig rìgh Israeil a mach a dh'iarraidh deargainne, mar a ruaigeas fear ceare-thomain anns na beanntaibh.

21 An sin thubhairt Saul, Pheacaich mi: pill, a mhic, a Dhaibhidh, oir cha dean mi cron ort tuilleadh, a chionn gu'n robh m'anam luachmhor a'd' shùilbh an diugh: feuch, rinn mi gu h-amaideach, agus chaidh mi air seacharan gu ro mhòr.

22 Agus fhreagair Daibhidh agus thubhairt e, Feuch, sleagh an rìgh; agus thigeadh aon de na h-òganaich a nall agus gabhadh e i.

23 Agus iocadh an Tighearn do gach neach a réir 'iomracais agus 'fhireantachd: oir thug an Tighearn thairis thu an diugh do m' lèimh-sa, ach cha b'àill leam mo

làmh a shìneadh a mach an aghaidh aon ungta an Tighearna.

24 Agus, feuch, mar a mheasadh d'anam-sa gu mòr leamsa an diugh, mar sin bitheadh m'anam-sa air a mheas gu mòr leis an Tighearn, agus saoradh e mi as gach gàbh-adh.

25 Agus thubhairt Saul ri Daibhidh, Beannaichte gu robh thusa, a mhic, a Dhaibhidh: an dà chuid ni thu *nithean* mòra, agus mar an ceudna bheir thu gu cinnteach buaidh. Agus dh'imich Daibhidh air a shlighe, agus phill Saul do 'àite féiu.

CAIB. XXVII.

1 *Chuala Saul gu'n do theich Daibhidh a dh'ionnsuidh rìgh Ghat, agus cha d'iarr e tuilleadh air a shon. 5 Thug Achis Sielag do Dhaibhidh. 8 Bhuail Daibhidh na Gesur-aich, &c.*

A GUS thubhairt Daibhidh 'n a chridhe, A nis tuitidh mi là éigin 'an làimh Shaul: cha-*neil* ni air bith a's fearr dhomh na mi dhòl as gu luath do dhùthaich nam Philisteach, a chum gu'n leig Saul dheth mise iarraidh ni's mò ann an crìch air bith de Israel, agus gu'n téid mi as o 'làimh.

2 Agus dh'éirich Daibhidh, agus chaidh e thairis agus an sè ceud fear a *bha* maille ris, a dh'ionnsuidh Achis mhic Mhaoich, rìgh Ghat.

3 Agus ghabh Daibhidh còmhnuidh maille ri Achis ann an Gat, c'fém agus a dhaoine, gach fear le 'theaghlach, Daibhidh agus a dhà mhnaoi, Ahinoam a' Bhan-iesreeleach, agus Abigail a' Bhan-charmeleach, bean Nabail.

4 Agus dh'innsadh do Shaul gu'n do theich Daibhidh gu Gat; agus cha d'iarr e ni's mò air a shon.

5 Agus thubhairt Daibhidh ri Achis, Ma fhuair mi nis deadh-ghean a'd' shùilbh, thugar dhomh àit ann am baile éigin 's an dùthaich, a chum gu'n gabh mi còmhnuidh an sin; oir c'ar son a ghabhadh do sheirbhiseach còmhnuidh anns a' bhaile rìoghail maille riutsa?

6 Au sin thug Achis dha Sielag air an là sin: uime sin buimidh Sielag do rìghribh Iudah gus an là 'n diugh.

7 Agus b'e fad na h-aimsir a dh'fhan Daibhidh ann an dùthaich nam Philisteach, bliadhna iomlan agus ceithir mìosan.

8 Agus chaidh Daibhidh agus a dhaoine suas, agus bhris iad a stigh air na Gesur-aich, agus na Gesirich, agus na h-Amalec-ich; oir b'iadsan o shean luchd-àiteachaidh na tìre, mar a théid thu gu Sur, eadhon gu tìr na h-Eiphit.

9 Agus bhuail Daibhidh an tìr, agus cha d'fhàg e fear no bean beò; agus thug e leis na caoraich, agus am buar, agus na h-asail, agus na càmhalan, agus an t-cudach; agus phill e, agus thàinig e gu Achis.

10 Agus thubhairt Achis, C'ait an do bhris sibh a stigh an diugh? Agus thubhairt. Daibhidh, Air an taobh deas de Indah, agus air an taobh deas de na Ierahmeelich, agus air an taobh deas de na Cenich.

11 Agus fear no bean eha do leig Daibhidh as beò, a thoirt *sgeula* gu Gat, ag ràdh, Air eagal gu'n innseadh iad oirm, ag ràdh, Mar so rinn Daibhidh. Agus mar so bha a sheòl rè na h-aimsir a dh'fhan e ann an dùthaich nam Philisteach.

12 Agus chreid Achis Daibhidh, ag ràdh, Thug e air a shluagh Israel gràin mhòr a ghabhail deth: uime sin bithidh e 'n a sheirbhiseach agamsa gu bràth.

CAIB. XXVIII.

1 *Chruinnicheadh na Philistich 'an ceann a chèile aig Sunem.* 5 *Bha eagal air Saul rompa, agus chaidh e dh'ionnsuidh mnà ann an Endor aig an robh leannan-sith.* 11 *Air 'iarrtus thog i Samuel nìos dha.* 15 *Dh'innis Samuel do Shaul gu'n tuileadh e fèin agus Israel 'an làimh an naimhdean.*

AGUS anns na làithibh sin chruinnich na Philistich an armaistean 'an ceann a chèile chum cogaidh, a chur catha ri h-Israel: agus thubhairt Achis ri Daibhidh, Bitheadh fios gu cumteach agad gu'n téid thu mach maille riumsa chum catha, thu fèin agus do dhaoine.

2 Agus thubhairt Daibhidh ri Achis, Gu deimhin bithidh fios agad ciod a ni do sheirbhiseach. Agus thubhairt Achis ri Daibhidh, Uime sin ni mi fear-gleidhidh mo cluin diot gu bràth.

3 A nis fhuair Samuel bàs, agus rinn Israel uile caoidh air a shon, agus dh'adhlaid iad e ann an Ramah 'n a bhaile fèin: agus chuir Saul air falbh iadsan aig an robh leannan-shith, agus na fiosaichean, as an tìr.

4 Agus chruinnicheadh na Philistich 'an ceann a chèile, agus thàinig iad agus champ-aich iad ann an Sunem: agus chruinnich Saul Israel uile 'an ceann a chèile, agus champaich iad ann an Gilboa.

5 Agus an uair a chunnaic Saul feachd nam Philisteach, bha eagal air, agus chriothnaich a chridhe gu mòr.

6 Agus an uair a dh'fhiosraich Saul de'n Tighearn, cha do fhreagair an Tighearn e, aon chuid le aisingibh, no le Urim, no le fàidhibh.

7 An sin thubhairt Saul r'a sheirbhisich, Iarraibh dhomhsa bean aig am bheil leannan-sith, agus theid mi d'a h-ionnsuidh, agus fiosaichidh mi dhith. Agus thubhairt a sheirbhisich ris, Feuch, *tha* bean aig am bheil leannan-sith ann an Endor.

8 Agus chuir Saul e fèin ann an riochd eile, agus chuir e air eudach eile, agus dh'imich e, agus dithis dhaoine maille ris, agus thàinig iad a dh'ionnsuidh na mnà anns an oidhech; agus thubhairt e, Dean

fiosachd dhomhsa, gnidheam ort, leis an leannan-shith, agus tog suas dhomh esan a dh'ainmicheas mi dhuit.

9 Agus thubhairt a' bhean ris, Feuch, *tha* fios agad ciod a rinn Saul cionnus a ghearr e as iadsan aig an robh leannan-shith, agus na fiosaichean, as an tìr: e'ar son ma ta a tha thu a' leagadh rìbe air son m'ana-ma, chum mo chur gu bàs?

10 Agus mhionnaich Saul dhi air an Tighearn, ag ràdh, *Mar* is beò an Tighearn, cha tachair olc sam bith dhuit air son an ni so.

11 An sin thubhairt a' bhean, Cò 'thogas mi nìos dhuit? Agus thubhairt esan, Tog a nìos dhomh Samuel.

12 Agus an uair a chunnaic a' bhean Samuel, ghlaodh i le guth àrd; agus labhair a' bhean ri Saul, ag ràdh, C'ar son a mheall thu mi? oir *is* tu Saul.

13 Agus thubhairt an rìgh rithe, Na bith-eadh eagal ort: oir ciod a chunnaic thu? Agus thubhairt a' bhean ri Saul, Chunnaic mi diathan a' teachd a nìos as an talamh.

14 Agus thubhairt e rithe, Ciod e a choslas? Agus thubhairt ise, *Tha* seann duine air teachd a nìos, agus e còmhdaichte le falluinn. Agus dh'aithnich Saul gu'm b'e Samuel a *bh'ann*, agus chrom se e fèin air aghaidh dh'ionnsuidh na talmhainn, agus rinn e ùmhlaichd dha.

15 Agus thubhairt Samuel ri Saul, C'ar son a chuir thu dragh orn, le m' thoirt a nìos? Agus fhreagair Saul, Tha mi ann an teannfachd mhòir; oir tha na Philistich a' cogadh a'm' aghaidh, agus dhealaich Dia riun, agus cha-n'eil e 'toirt freagraidh dhomh nìs mò, aon chuid le fàidhibh no le aisingibh: uime sin ghairm mi ortsa gu fios a thoirt dhomh ciod a ni mi.

16 An sin thubhairt Samuel, C'ar son ma ta a tha thu a' fiosrachadh dhìomsa, agus gu'n do dhealaich an Tighearn riut, agus gu bheil e *nìs* air fàs 'n a nàmhaid duit?

17 Agus rinn an Tighearn dha, mar a labhair e tromham-sa; oir reub an Tighearn an rìoghachd as do làimh, agus thug e i do d' choimhearsnach, do Dhaibhidh.

18 Do bhrìgh nach d'èisd thu ri guth an Tighearn, agus nach do chuir thu 'an gnìomh a' chorroich gharg an aghaidh Amaleic; uime sin rinn an Tighearn an ni so riut air an là 'n diugh.

19 Agus bheir an Tighearn mar an ceudna Israel maille riutsa thairis do làimh nam Philisteach: agus am màireach *bithidh* tusa agus do mhic maille riumsa: bheir an Tighearn mar an ceudna feachd Israel thairis do làimh nam Philisteach.

20 An sin air ball thuit Saul sìnte air an talamh, agus bha e fo eagal ro mhòr air son bhriathran Shamuel, agus cha robh neart air bith ann; oir cha d'ith e aran rè an là no rè na h-oidheche sin.

21 Agus thàinig a' bhean a dh'ionnsuidh

Shaul, agus chunnaic i gu'n robh e fo uamhann mòr, agus thubhairt i ris, Feuch, thug do bhanoglach géill do d' ghuth, agus chuir mi m'anam a'm' làimh, agus dh'éisd mi ri d' bhriathraibh a labhair thu rium:

22 A nis uime sin, guidheam ort, éisd thusa mar an ceudna ri guth do bhanoglaich, agus cuiream greim arain fa d' chomhair, agus ith e, agus bithidh neart agad, an uair a dh'imicheas tu air do shlighe.

23 Ach dhiùlt esan, agus thubhairt e, Cha-n ith mi: ach choimh-éignich a sheirbhisich agus mar an ceudna a' bhean e; agus dh'éisd e r'an guth: agus dh'éirich e o'n talamh, agus shuidh e air an leabaidh.

24 Agus bha aig a' mhnaoi laogh biadhtha 's an tigh, agus rinn i cablag, agus mharbh i e; agus ghabh i min mhin, agus dh'fhuin si i, agus rinn i aran neo-ghoirichte dhith: 25 Agus chuir i iad fa chomhair Shaul, agus fa chomhair a sheirbhiseach, agus dh'ith iad: an sin dh'éirich iad suas, agus dh'imich iad air an oidheche sin féin.

CAIB. XXIX.

1 *Bha fearg air ceannardaibh nam Philisteach do bhrìgh gu'n d'thug Achis Daibhidh maille ris. 6 Chuir Achis air falbh e.*

ANIS chruinnich na Philistich am na feachd uile gu Aphec: agus champaich na h-Israelich làmh ri tobar a th'ann an Iesreel.

2 Agus chaidh tighearnan nam Philisteach air an aghaidh 'n an ceudaibh agus 'n am mìtibh: ach chaidh Daibhidh agus a dhaoine air an aghaidh 'n an deireadh maille ri Achis.

3 An sin thubhairt ceannardan nam Philisteach, Ciod a tha na h-Eabhruidhich sin a' deanamh an so? Agus thubhairt Achis ri ceannardaibh nam Philisteach, Nach e so Daibhidh seirbhiseach Shaul righ Israeil, a bha maille riumsa na làithcan so, no na bliadhnan so, agus cha d'fhuair micron sam bith ann o'n là anns an d'thàinig e a m' ionnsuidh gus an là 'n diugh?

4 Agus bha fearg air ceannardaibh nam Philisteach ris; agus thubhairt ceannardan nam Philisteach ris, Thoir air an fhear so pilltinn, a chum gu'n téid e ris d'a àit a dh'orduich thu dha, agus na rachadh e sìos maille ruinne do'n chath, air eagal gu'm bi e 'n a nàmhaid againn 's a' chath: oir cia leis a dheanadh e a réite r'a mhaighstir? uach ann le cinn nan daoine sin?

5 Nach e so Daibhidh, mu'n do chan iad le 'chéile ann an daunsaibh, ag ràdh, Mharbh Saul a mhlèan, agus Daibhidh a dheich mìltean?

6 An sin ghairm Achis air Daibhidh, agus thubhairt e ris, Gu deimhin, mar is beò an Tighearn, bha thu dìreach, agus is taitneach a'm' shùilibh-sa do dhol a mach agus do theachd a steach maille rium anns a' champ; oir cha d'fhuair mi ole annad, o'n

là anns an d'thàinig thu a m' ionnsuidh gus an là 'n diugh: gidheadh, ann an shùilbh nan tighearnan cha-n'eil thu taitneach.

7 A nis ma ta pill, agus imich ann an sìth, a chum nach dean thu *ni a tha* ole ann an shùilbh thighearnan nam Philisteach.

8 Agus thubhairt Daibhidh ri Achis, Ach ciod a rinn mi, agus ciod a fhuair thu ann do sheirbhiseach o'n *cheud* là a bha mi maille riut gu ruig an là 'n diugh, nach feud mi dol a chogadh an aghaidh naimhdean mo thighearn' an righ?

9 Agus fhreagair Achis agus thubhairt e ri Daibhidh, Tha fios agam gu bheil thu maith; ann am shùilbh-sa *tha thu* mar aingeal Dhé: gidheadh, thubhairt tigh-earnan nam Philisteach, Cha téid e suas maille ruinne do'n chath.

10 A nis ma ta seirbhiseach gu moch 's a' mhaduinn maille ri sheirbhiseach do mhaighstir, a thàinig maille riut; agus co luath 's a dh'éireassibh 's a' mhaduinn, agus a bhitheas solus agaibh, imichibh.

11 Uime sin rinn Daibhidh agus a dhaoine moch-eirigh chum gu'm falbhadh iad anns a' mhaduinn, agus gu'm pilleadh iad gu tìr nam Philisteach; agus chaidh na Philistich suas gu Iesreel.

CAIB. XXX.

1 *Chreach na h-Amaleich Sicalag. 9 Chaidh Daibhidh air an tìr: 16 bhuail e iad, agus shaor e gach ni a thug iad leo. 26 Chuir e tiodhlacan a dh'ionnsuidh a chairdean de chreich a naimhdean.*

AGUS an uair a bha Daibhidh agus a dhaoine air teachd gu Sicalag air an treas là, bhris na h-Amaleich a stigh air an taobh deas, agus air Sicalag; agus bhuail iad Sicalag, agus loisg iad e le teine.

2 Agus thug iad leo 'n am braighdibh na mnathan a bha ann: cha do mharbh iad neach air bith, aon chuid beag no mòr, ach thug iad leo iad, agus dh'imich iad air an slighe.

3 Agus thàinig Daibhidh agus a dhaoine do'n bhaile, agus, feuch, *bha e* loisgte le teine; agus thugadh am mnathan, agus am mic, agus an nigheanan air falbh ann am braighdeanas.

4 An sin thog Daibhidh agus an sluagh a bha maille ris an guth, agus ghuil iad, gus nach robh neart anna gu gul ni b'fhaide.

5 Agus thugadh dà mhnaoi Daibhidh air falbh 'n am braighdibh, Ahinoam a' Bhan-freesealach, agus Abigail bean Nabail a' Chermelich.

6 Agus bha Daibhidh ann an teanntachd mhòir; oir labhair an sluagh mu a chlachadh, do bhrìgh gu'n robh anam an t-sluaigh uile air a chràdh, gach duine air son a chuid mac, agus air son a nigheanan: ach ghabh Daibhidh misneach dha féin anns an Tighearn' a Dhia.

7 Agus thubhairt Daibhidh ri Abiatar an

sagart, mac Ahimeleich, Thoir a m' iounsuidh an so, guidham ort, au ephod: agus thug Abiatar au ephod an sin a dh'ionnsuidh Dhaibhidh.

8 Agus dh'fhiosraich Daibhidh de'n Tigh-earn, ag ràdh, An téid mi air toir na buidhne so? am beir mi orra? Agus fhreagair esan e, Falbh air an tòir; oir gu cinnteach beiridh tu orra, agus saoraidh tu au t-iomlan.

9 Agus dh'imich Daibhidh, e féin agus an sè cheud fear a *bha* maille ris, agus thàinig iad gu ruig an sruth Besor, far an d'fhan iadsan a dh'fhàgadh 'n an déigh.

10 Agus chaidh Daibhidh air an tòir, e féiu agus ceithir cheud fear: ach dh'fhan dà cheud fear 'n an déigh, a bha cho sgith as nach b'urraim iad dol thar au t-sruth Besor.

11 Agus fhuair iad Eiphiteach anns a' mhachair, agus thug iad e dh'ionnsuidh Dhaibhidh, agus thug iad dha aran, agus dh'ith e; agus thug iad air uisge òl;

12 Agus thug iad dha mìr de mheall fhigean, agus dà bhagaid de *fhion-dhearcaibh* tiormachte; agus an uair a dh'ith e, thàinig a spiorad a ris d'a ionnsuidh: oir cha d'ith e aran, agus cha d'òl e uisge rè thri làithean agus thri oidhean.

13 Agus thubhairt Daibhidh ris, Co leis thu, agus cia as a *thàinig* thu? Agus thubhairt esan, *Is* òganach Eiphiteach mi, seirbhisich do Amaleceach; agus dh'fhàg mo mhaighstir mi, do bhrìgh gu'n robh mi tinn o cheann tri làithean.

14 Bhris sinu a steach air taobh deas nan Cereteach, agus air a' *chrìch* a *bhuineas* do Iudah, agus air taobh deas Chaleib; agus loisg sinu Siclag le teine.

15 Agus thubhairt Daibhidh ris, An toir thu sìos mi dh'ionnsuidh na buidhne sin? Agus thubhairt esan, Mionnaich dhomh air Dia, nach marbh thu mi, agus nach toir thu thairis mi do làimh mo mhaighstir, agus bheir mi sìos thu dh'ionnsuidh na buidhne sin. *Agus m'ionnaich Daibhidh dha.*

16 Agus an uair a thug e sìos e, feuch, sgaioleadh iad air aghaidh na tìre uile, ag itheadh agus ag òl, agus a' dannsadh, air son na creiche mòire uile a thug iad leo á tìr nam Philisteach, agus á tìr Iudah.

17 Agus bhuail Daibhidh iad o bhriseadh na faire gu ruig feasgar an là màireach; agus cha deachaidh duine dhiubh as, ach ceithir cheud òganach a mharaich air camhalaibh, agus a theich.

18 Agus shaor Daibhidh gach *ni* a thug na h-Amalecich leo: agus shaor Daibhidh a dhà mhnai.

19 Agus cha robh *ni* air bith a dh'ith orra, aon chuid beag no mòr, mic no nigheanan, no creach, no *ni* air bith a thug iad leo: bhuin Daibhidh gach *ni* air ais.

20 Agus ghabh Daibhidh an treud uile, agus an buar: agus dh'imich iad roimh an sprèidh so, agus thubhairt iad, *Is i* so creach Dhaibhidh.

21 Agus thàinig Daibhidh a dh'ionnsuidh an dà cheud fear, a bha cho sgith as nach b'urraim iad Daibhidh a leantuinn, agus air an d'thug iad fantuinn aig an t-sruth Besor: agus chaidh iad a mach 'an coimeamh Dhaibhidh, agus 'an coimeamh au t-sluaigh a *bha* maille ris: agus an uair a thàinig Daibhidh an fagus do'n t-sluaigh, chuir e failt' orra.

22 An sin fhreagair na droch dhaoine uile, agus daoine Bhelail, dhuibhsan a chaidh maille ri Daibhidh, agus thubhairt iad, Do bhrìgh nach deachaidh iad maille ruinne, cha toir sinn dhoibh a' *bheag* de'n chreich a shaor sin, ach a mhàin do gach duine a bhean, agus a chlann, a chum gu'n toir iad leo iad, agus gu'n imich iad.

23 An sin thubhairt Daibhidh, Cha dean sibh mar sin, mo bhràithrean, ris na thug an Tighearn dhuinn, a ghléidh sinn, agus a thug a' bhuidheann a thàinig 'u ar n-aghaidh thairis d'ar làimh.

24 Agus cò a dh'eisdeas ribh 's a' chùis so? ach mar chuibhriom an ti a théid sìos do'n chath, mar sin *bithidh* cuibhriom an ti a dh'fhanas maille ris au aircis: roinnidh iad air an aon dòigh.

25 Agus bha e mar sin o'n là sin a mach, gu'n d'rinne e 'n a lagh e agus 'u a riaghailt aig Israel gus an là 'n diugh.

26 Agus an uair a thàinig Daibhidh gu Siclag, chuir e *cuid* de'n chreich a dh'ionnsuidh sheanairean Iudah, *eadhon* a dh'ionnsuidh a chairdean, ag ràdh, Feuch, tiodhlac dhuibh de chreich naimhdean an Tighearna:

27 Dhoibhsan a *bh'ann* am Bet-el, agus dhoibhsan a *bh'ann* an Ramot mu dheas, agus dhoibhsau a *bh'ann* an Iater,

28 Agus dhoibhsan a *bh'ann* an Aroer, agus dhoibhsan a *bh'ann* an Siphmot, agus dhoibhsan a *bh'ann* an Estemoa,

29 Agus dhoibhsan a *bh'ann* an Rachal, agus dhoibhsan a *bh'ann* am bailtibh nan Ierahmeeleach, agus dhoibhsan a *bh'ann* am bailtibh nan Cencach,

30 Agus dhoibhsan a *bh'ann* an Hormah, agus dhoibhsan a *bh'ann* an Cor-asan, agus dhoibhsan a *bh'ann* au Atach,

31 Agus dhoibhsan a *bh'ann* an Hebron, agus do na h-aitibh sin uile anns am bu ghnàth le Daibhidh agus a dhaoine tathuich.

CAIB. XXXI.

1 Bhuail na Philistich fir Israeil, agus mharbh iad trìuir mhac Shaul. 5 Mharbh Saul agus fear iomchair 'arm iad féin. 10 Spàr na Philistich cuirp Shaul agus a chuid mac ri balla Bhet-sain. 12 Thug daoine Iabesh-gilead air falbh iad, agus dh'adhlac siad iad.

A NIS chog na Philistich an aghaidh Israeil; agus theich fir Israeil o flianaidh

nam Philisteach, agus thuit iad sìos marbh ann an sliabh Ghilboa.

2 Agus lean na Philistich Saul agus a mhic gu teann; agus bhuail na Philistich Ionatan, agus Abinadab, agus Malchisua, mic Shaul.

3 Agus dh'fhàs an cath cruaidh an aghaidh Shaul, agus bhuail na fir-bhogha air; agus lotadh gu mòr e leis na fir-bhogha.

4 An sin thubhairt Saul ri fear-ionmhair 'arm, Rùisg do chhlaidheamh, agus sàth tromham e, air eagal gu'n tig na daoine neo-thimchioll-ghearrta sin, agus gu'n sàth iad tromham, agus gu'n toir iad masladh dhomh. Ach cha b'ail le fear-ionmhair 'arm sin a dheanamh, oir bha eagal mòr air: uime sin ghabh Saul claidheamh, agus thuit e air.

5 Agus an uair a chunnaic fear-ionmhair 'arm gu'n robh Saul marbh, thuit esan mar an ceudna air a chhlaidheamh, agus fhuair e bàs maille ris.

6 Mar sin fhuair Saul bàs, agus a thriuir mhac, agus fear-ionmhair 'arm, agus a dhaoine uile air an là sin fèin maille ri chéile.

7 Agus an uair a chunnaic fir Israeil, a bha air taobh a' ghlinne, agus iadsan a

bha air an taobh so de Iordan, gu'n do theich fir Israeil, agus gu'n robh Saul agus a mhic marbh, thréig iad na bailtean, agus theich iad; agus thàinig na Philistich, agus ghabh iad còmhnuidh anna.

8 Agus air an là màireach, an uair a thàinig na Philistich a dh'fhaobhachadh nam marbh, fhuair iad Saul agus a thriuir mhac air tuiteam ann an sliabh Ghilboa.

9 Agus ghearr iad dheth a cheann, agus rùisg iad 'armachd dheth, agus chuir iad fios gu tìr nam Philisteach mu'n cuairt, g'a chur 'an cèill ann an tigh an diathan-bréige, agus am measg an t-sluaigh.

10 Agus chuir iad 'armachd ann an tigh Astaroit; agus spàrr iad a chorp ri balla Bhet-sain.

11 Agus an uair a chuala luchd-àiteachaidh Iabéis-ghilead an nì sin a rinn na Philistich ri Saul,

12 Dh'éirich na daoine treuna uile, agus dh'imich iad rè na h-oidhche, agus thug iad corp Shaul, agus cuirp a chuid mac, o bhalla Bhet-sain, agus thàinig iad gu Iabes, agus loisg iad an sin iad.

13 Agus ghabh iad an cnaimhean, agus dh'adhlac siad iad fo chraoibh ann an Iabes, agus thraisg iad seachd làithean.

DARA LEABHAR SHAMUEIL,

D'AN AINM, AIR MHODH EILE,

DARA LEABHAR NAN RIGH.

CAIB. I.

1 Mharbhadh an t-Amaleceach a dh'innis do Dhaibhidh gu'n do bhuailleadh clann Israeil, agus a thug fianais 'n a aghaidh fèin gu'n do mharbh e Saul. 17 Caidh Dhaibhidh air son Shaul agus air son Ionatan.

ANIS an déigh bàis Shaul, phill Daibhidh o àr nan Amaleceach, agus dh'fhan Daibhidh ann an Siclag dà latha.

2 Agus air an treas là, feuch, thàinig duine as a' champ o Shaul, agus 'eudach reubta, agus ùir air a cheann: agus an uair a thàinig e dh'ionnsuidh Dhaibhidh, thuit e air an talamh, agus rinn e ùmhlachd.

3 Agus thubhairt Daibhidh ris, Cia as a tha thu air teachd? Agus thubhairt esan ris, A camp Israeil theich mi.

4 Agus thubhairt Daibhidh ris, Ciod a thachair? innis dhomh, guidheam ort. Agus fhreagair e, Theich an sluagh o'n chath, agus cuideachd tha mòran de'n t-sluagh air tuiteam agus marbh; agus nìar an ceudna tha Saul agus a mhac Ionatan marbh.

5 Agus thubhairt Daibhidh ris an òganach

a dh'innis dha, Cionnus a tha fios agad gu bheil Saul agus a mhac Ionatan marbh?

6 Agus thubhairt an t-òganach a dh'innis dha, Thachair dhomhsa 'bhi air sliabh Ghilboa, agus, feuch, bha Saul a' leigeil a thaice r'a shleagh; agus, feuch, lean na carbadan agus am marc-shluagh gu dian 'n a dhéigh.

7 Agus an uair a dh'amhairc e 'n a dhéigh, chuinnic e mise, agus ghairm e orm: agus fhreagair mi, Tha mi 'n so.

8 Agus thubhairt e rium, Cò thusa? Agus fhreagair mise e, Is Amaleceach mi.

9 Thubhairt e rium a ris, Seas orm, guidheam ort, agus marbh mi; oir ghlac teamntachd mi, do bhrìgh gu bheil mi bheatha fathast gu h-ionnan annam.

10 Agus sheas mi air, agus mharbh mi e, a chionn gu'n robh fios agam nach biodh e beò an déigh dha tuiteam; agus ghabh mi 'n crùn a bha air a cheann, agus an làmh-fhàil a bha air a ghairdean, agus thug mi 'n so iad a dh'ionnsuidh mo thighearna.

11 An sin rug Daibhidh air 'eudach, agus

reub se e, agus mar an ceudna na daoine uile a *bha* maille ris.

12 Agus rinn iad caoidh, agus ghuil iad, agus thraisg iad gu feasgar, air son Shauil, agus air son a mhic Ionatain, agus air son sluagh an Tighearn', agus air son tìghe Israeil, do bhrìgh gu'n do thuit iad leis a' chlaidheamh.

13 Agus thubhairt Daibhidh ris an òganach a dh'innis dha, Cia as duitse? Agus threagair esan, *Is* mac coigrich Amalech mi.

14 Agus thubhairt Daibhidh ris, Cionnus nach robh eagal ort do làmh a shineadh a mach a mharbhadh aoin ungta an Tighearna?

15 Agus ghairm Daibhidh air aon de na h-òganaich, agus thubhairt e, Thig am fagus, agus leum air. Agus bhuail se e, agus fhuair e bàs.

16 Agus thubhairt Daibhidh ris, *Bitheadh* d'fhuil air do cheann féin, oir thug do bheul fianuis a'd' aghaidh, ag ràdh, Mharbh mi aon ungta an Tighearna.

17 Agus rinn Daibhidh caoidh leis a' chumhadh so os ceann Shauil, agus os ceann a mhic Ionatain;

18 (Agus dh'èithn e gu'n teagaisgeadh iad do chloinn Iudah *tilgeadh le bogha*: feuch, *tha e* sgrìobhta ann an leabhar lasair;)

19 O mhaise Israeil, air do lotadh air d'aitibh àrda! cionnus a thuit na cumhachdaich?

20 Na h-innsibh e ann an Gat, na cuiribh 'an céill e ann an sràidibh Asceloin; air eagal gu'm bi nigheanan nam Philisteach a' bhuineach, air eagal gu'n dean nigheanan nan neo-thimcheall-ghearrta luathghaire.

21 A shléibhte Ghilboa, na *bitheadh* drùchd no uisge oirbh; no *oirbhse*, achanna thabhartas: oir an sin thilgeadh gu tàircii air falbh sgiath nan cumhachdach, sgiath Shauil, mar nach *bitheadh e* ungta le h-oladh.

22 O fhuil nam marbh, o shàill nan cumhachdach, cha do thionndaidh bogha Ionatain air ais; agus cha do phill claidheamh Shauil gu faoin.

23 *Bha* Saul agus Ionatan gràdhach agus taitneach 'n am beatha, agus 'n am bàs cha do sgaradh iad: bu luathie iad na iolaircan, bu treise iad na leòmhain.

24 A nigheanan Israeil, guilibh air son Shauil, a dh'èidich sibh ann an searlad le a' bhuineas, a chuir òir-ghreus air bhur n-endach.

25 Cionnus a thuit na cumhachdaich 'am meadhan a' chatha! O a Ionatain, air d'aitibh àrda mharbhadh *thu*!

26 *Tha* cràdh orm air do shon, mo bhràthar a Ionatain; ro thaitneach bha thu dhomhsa: b'iongantach do ghràdh dhomhsa, a' toirt barrachd air gràdh nam ban.

27 Cionnus a thuit na cumhachdaich, agus a chaidh as do airm a' chogaidh!

1 *Chaidh Daibhidh suas gu Hebron, agus an sin rinneadh rìgh d'èith os ceann Iudah.* 8 *Rinn Abner Isoset 'n a rìgh air Israeil.* 17 *Bhuail eadh Abner agus fir Israeil roimh sheirbhiseich Daibhidh.*

AGUS 'n a dhéigh so dh'fhiosraich Daibhidh de'n Tighearn', ag ràdh, An téid mi suas gu aon de bhaitibh Iudah? Agus thubhairt an Tighearn ris, Falbh suas. Agus thubhairt Daibhidh, C'ait an téid mi suas? Agus thubhairt esan, Gu Hebron.

2 Agus chaidh Daibhidh suas an sin, agus mar an ceudna a dhà mhnaoi, Ahinoan a' Bhan-iesreelach, agus Abigail bean Nabail a' Charmelech.

3 Agus a dhaoine a *bha* maille ris thug Daibhidh suas leis, gach fear le 'theaghlach; agus ghabh iad còmhuidh ann am bailtibh Hebron.

4 Agus thàinig daoine Iudah, agus dh'ung iad an sin Daibhidh 'n a rìgh os ceann tìghe Iudah. Agus dh'innis iad do Dhaibhidh, ag ràdh, *B' iad* daoine labeis-ghilead a dh'adhlac Saul.

5 Agus chuir Daibhidh teachdairean a dh'ionnsuidh dhaoine labeis-ghilead, agus thubhairt e riu, Beannaichte *gu* robh sibh o'n Tighearn, a thaobh gu'n do nochd sibh an caoinmheas so do'r tìghearn, do Shaul, agus gu'n d'adhlac sibh e.

6 Agus a nis gu nochdadh an Tighearn caoinmheas dhuibhse, agus firinn: agus diolaidh mise mar an ceudna ann maithreas so dhuibh, do bhrìgh gu'n d'ram sibh an ni so.

7 A nis uime sin bitheadh bhur làmh air an neartachadh, agus bithibh gaisgeil; oir tha bhur tìghearn Saul marbh, agus mar an ceudna dh'ung tigh Iudah mise a'm rìgh os an ceann.

8 Ach ghabh Abner mac Neir, ceannard arnaite Shauil, Isoset mac Shauil, agus thug e thairis e gu Mahanaim;

9 Agus rinn se e 'n a rìgh air Gilead, agus air na h-Asuraich, agus air Iesreel, agus air Ephraim, agus air Benjamin, agus air Israel uile.

10 Dà fhichead bliadhna dh'aois *bha* Isoset mac Shauil an uair a *thòisich e* air rìoghachadh os ceann Israeil, agus rìghich e dà bhliadhna: ach lean tigh Iudah Daibhidh.

11 Agus b'e àireamh nan bàitean a bha Daibhidh 'n a rìgh ann an Hebron air tigh Iudah, seachd bliadhna agus sè mìosan.

12 Agus chaidh Abner mac Neir, agus seirbhiseich Isoset mhic Shauil, a mach o Mahanaim gu Gibeon.

13 Agus chaidh Ioab mac Sheraiah, agus seirbhiseich Daibhidh a mach, agus choinnich iad a chèile aig lochan Gibeon: agus shuidh iad sìos, iad so air aon taobh de'n lochan, agus iad sud air an taobh eile de'n lochan.

14 Agus thubhairt Abner ri Ioab, Eireadh na h-òganaich a nis, agus deanadh iad lù-chleas 'n ar fianuis. Agus thubhairt Ioab, Eircadh iad.

15 An sin dh'éirich suas agus chaidh thairis dà fhear dheug 'an àireamh de Bheniamin, a *bhuineadh* do Isboset mac Shaul, agus dà fhear dheug de sheirbhiseich Dhaibhidh.

16 Agus rug gach fear dhiubh air ceann a chompanaich, agus *shàth e* a chlaidheamh ann an leth-taobh a chompanaich, agus thuit iad sìos cuideachd: uime sin thugadh mar ainm air an àite sin Helcat-hasurim, a *tha* ann an Gibeon.

17 Agus bha cath ro chruaidh ann air an là sin; agus bhualacadh Abner agus fir Israeil fa chomhair sheirbhiseach Dhaibhidh.

18 Agus bha trì mic Sheruah an sin, Ioab, agus Abisai, agus Asahel: agus *bha* Asahel co luath d'a chois ri boc earba na mach-arach.

19 Agus chaidh Asahel air tòir Abneir; agus cha do chlaon e 'n a shiubhal a dh'ionnsuidh na làimhe deise no na làimhe clìthe, o *dhol* an déigh Abneir.

20 An sin dh'amhairc Abner 'n a dhéigh, agus thubhairt e, An tusa Asahel? Agus fireagair esan, *Is mi*.

21 Agus thubhairt Abner ris, Tionndaidh a dh'ionnsuidh do làimhe deise ne dh'ionnsuidh do làimhe clìthe, agus glac aon de na h-òganaich, agus gabhad' ionnsuidh 'fhaobh. Ach cha b'ail le Asahel tionndadh o esan a leantainn.

22 Agus thubhairt Abner a rìs ri Asahel, Tionndaidh o mise a leantainn: c'ar son a bhuaillinn thu gu làr? cionnus an sin a thogainn suas m'aghaidh ri Ioab do bhràthair?

23 Gidheadh dhiùlt esan tionndadh: uime sin bhuail Abner e le earr na sleagha fo 'n chùigeadh *aisinn*, agus thàinig an t-sleagh a mach air a chùlaobh; agus thuit e 'n sin, agus fhuair e bàs 's an àite sin féin: agus iadsan uile a thàinig a dh'ionnsuidh an àite anns an do thuit Asahel sìos agus anns an d'fhuair e bàs, dh'fhan iad 'n an seasamh.

24 Chaidh Ioab mar an ceudna agus Abisai air tòir Abneir: agus luidh a' ghrian an uair a thàinig iad gu sliabh Amah, a *tha* fa chomhair Ghiah, air sliغه fàsaich Ghibeoin.

25 Agus chruinnich clann Bhen'amin iad féin 'an ceann a chéile *gu dol* an déigh Abneir, agus bha iad 'n an aon bluidhinn, agus sheas iad air mullach cnoic.

26 An sin ghlaodh Abner ri Ioab, agus thubhairt e, An sgrios an claidheamh gu bràth? nach 'eil fios agad gu'm bi searbhadas ann fa dheireadh? cia fad a bhitheas e ma ta mu'n abair thu ris an t-sluagh pilltinn o leantainn am bràithrean?

27 Agus thubhairt Ioab, *Mar is beò Dia*,

mur bitheadh tu air labhairt, gu deimhin an sin anns a' mhaduinn rachadh an sluagh suas, gach fear o leantainn a bhràthar.

28 Uime sin shéid Ioab trompaid, agus stad an sluagh uile, agus cha deachaidh iad ni's mò air tòir Israeil, agus cha do chog iad ni's mò.

29 Agus dh'imich Abner agus a dhaoine air feadh a' chòmhnaird ré na h-oidhe sin, agus chaidh iad thar Iordan, agus chaidh iad troimh Bhitron uile, agus thàinig iad gu Mahanaim.

30 Agus phill Ioab o *dhol* an déigh Abneir; agus an uair a chruinnich e 'n sluagh uile 'an ceann a chéile, dh'ionndraineadh de sheirbhiseich Dhaibhidh naoi fir dheug agus Asahel.

31 Ach bhuail seirbhiseich Dhaibhidh de Bheniamin, agus de dhaoine Abneir, trì cheud agus trì fichead fear, a fhuair bàs.

32 Agus thog iad leo Asahel, agus dh'adhlac iad e ann an àit-adhlacaidh 'athar, a *bha* ann am Bet-lehem: agus dh'imich Ioab agus a dhaoine ré na h-oidheche, agus thàinig iad gu Hebron mu bhriseadh na fàire.

CAIB. III.

1 *Rugadh sèanar nhas do Dhaibhidh ann an Hebron.* 6 *Tha fearg air Abner ri Isboset, agus bhagair e an rìoghachd atharrachadh o thigh Shaul.* 14 *Chuir Daibhidh fios air Michal a mhnai.* 22 *Mharbh Ioab Abner.* 28 *Rinn Daibhidh caoidh air a shon.*

ANIS bha cogadh fada eadar tigh Shaul agus tigh Dhaibhidh: ach *bha* Daibhidh a' sìor-dhol air aghaidh ann an neart, agus tigh Shaul a' sìr-dhol 'an laige.

2 Agus rugadh do Dhaibhidh mic ann an Hebron: agus b'e a cheud ghin Amnon, ri Ahinoam a' Bhan-iesreeleach:

3 Agus a dhara *mac* Chiliab, ri Abigail bean Nabail a' Charmelich: agus an treas *mac* Absalom, mac Mhaacah, uighinn Thalmair, rìgh Ghesuir:

4 Agus an ceathramh *mac* Adoniah, mac Hagit: agus an cùigeamh *mac* Sephatiah, mac Abitail:

5 Agus an seathamh *mac* Itream, ri Eglah bean Dhaibhidh. Rugadh iad sin do Dhaibhidh ann an Hebron.

6 A nis an uair a bha cogadh eadar tigh Shaul agus tigh Dhaibhidh, rinn Abner e féin làidir ann an tigh Shaul.

7 Agus *bha* coimhleabach aig Saul, d'am b'ainm Rispah, nighean Aiah: agus thubhairt Isboset ri Abner, C'ar son a chaidh thu stigh a dh'ionnsuidh coimhleabaich m'athar?

8 An sin bha fearg mhòr air Abner air son bhrìathran Isboset, agus thubhairt e, An ceann coin mise, a *bhuineas* do Iudah? tha mi a' nochdadh caoimhneis an diugh do thigh Shaul d'athar, d'a bhràithribh, agus d'a chairidibh, agus cha d'thug mi thairis

thusa do làimh Dhaibhidh; gidheadh tha thusa a' cur coire as mo leth an diugh a thaobh na mnà so?

9 Mar sin gu'n deanadh Dia ri Abner, agus tuilleadh mar an ceudna, mar a mhiomnaich an Tighearn do Dhaibhidh, mur dean mise eadhon mar sin ris-san;

10 An rioghachd atharrachadh o thigh Shaul, agus rìgh-chaithir Dhaibhidh a chur suas os ceann Israeil, agus os ceann Iudah, o Dhan eadhon gu Bcerseba.

11 Agus cha b'urraim e Abner a fhreagairt aon fhocal a ris, a chionn gu'n robh eagal air roimhe.

12 Agus chuir Abner teachdairean a dh'ionnsuidh Dhaibhidh 'n a àite féin, ag ràdh, Cò leis an tìr? ag ràdh *mar an ceudna*, Dean do choimhcheangal riumsa, agus, feuch, *bithidh* mo làmh leat, gu Israel uile a thionndadh a d' ionnsuidh.

13 Agus thubhairt esan, *Ro* mhaith; ni mise coimhcheangal riut: ach aon ni *tha* mi ag iarraidh ort, eadhon, Nach faic thu mo ghnùis, mur toir thu leat air tìs Michal nighean Shaul, an uair a thig thu g'am fhaicinn.

14 Agus chuir Daibhidh teachdairean gu Isboset mac Shaul, ag ràdh, Tabhair *dhomh* mo bhean Michal, a cheangail mi rium féin 'am pòsadh air son ceud roimh-chroiciomn de na Philistich.

15 Agus chuir Isboset *fios oirre*, agus thug e o a fear i, *eadhon* o Phaltiel mac Lais.

16 Agus dh'imich a fear maille rithe, a' gul 'n a déigh gu Bahurim: an sin thubhairt Abner ris, Falbh, pill. Agus phill e.

17 Agus rinn Abner còmhradh ri seanairibh Israeil, ag ràdh, Anns an ainsir roimhe so dh'iarr sibh Daibhidh a *bhi* 'n a rìgh os blur ceann.

18 A nis ma ta deanaibh e; oir labhair an Tighearn mu Dhaibhidh, ag ràdh, Le làimh mo sheirbhisich Dhaibhidh saoraidh mi mo shlugh Israel á làimh nam Philisteach, agus á làimh an naimhdean uile.

19 Agus labhair Abner mar an ceudna ann an clusaibh Bheniamin: agus chaidh Abner mar an ceudna a labhairt ann an clusaibh Dhaibhidh ann an Hebron, gach ni a *bha* taitneach ann an sùilbhe Israeil, agus ann an sùilbhe tìghe Bheniamin uile.

20 Agus thàinig Abner a dh'ionnsuidh Dhaibhidh gu Hebron, agus fichead fear maille ris: agus rinn Daibhidh cuirm do Abner agus do na daoineibh a *bha* maille ris.

21 Agus thubhairt Abner ri Daibhidh, Eiridh mi, agus falbhaidh mi, agus cruinnichidh mi Israel uile dh'ionnsuidh mo thighearn' an rìgh, a chum gu'n dean iad coimhcheangal riut, agus gu'n rìghich thu os ceann gach ni a's miann le d'anam: agus chuir Daibhidh Abner air falbh, agus dh'imich e ann an sìth.

22 Agus, feuch, thàinig seirbhisich Dhaibh-

idh agus Ioab o *ruagadh* buidhne, agus thug iad creach mhòr leo: (ach cha *robh* Abner maille ri Daibhidh ann an Hebron; oir chuir e air falbh e, agus dh'imich e ann an sìth.)

23 Agus an uair a thàinig Ioab agus an armailt uile a *bha* maille ris, dh'innis iad do Ioab, ag ràdh, Thàinig Abner mac Neir a dh'ionnsuidh an rìgh, agus chuir e air falbh e, agus dh'imich e ann an sìth.

24 An sin thàinig Ioab a dh'ionnsuidh an rìgh, agus thubhairt e, Ciod e a rinn thu? feuch, thàinig Abner a d'ionnsuidh; c'ar son so a chuir thu air falbh e, agus gun amharus dh'imich e?

25 Is aithne dhuit Abner mac Neir, gur h-ann gu d' mhealladh a thàinig e, agus gu fios fhaghail air do dhol a mach agus do theachd a steach, agus gu fios fhaghail air gach ni a *tha* thu a' deanamh.

26 Agus an uair a thàinig Ioab a mach o Dhaibhidh, chuir e teachdairean an dèigh Abneir, a thug air ais e o thobar Shirah: ach cha robh fios aig Daibhidh air.

27 Agus an uair a phill Abner gu Hebron, thug Ioab e a leth-taobh anns a' gheata a labhairt ris ann an sìth; agus bhuail e 'n sin e fo 'n chùigeamh *asinn*, agus fhuaire bàs air son folu a bhràthar Asahel.

28 Agus 'n a dhéigh sin an uair a chuala Daibhidh e, thubhairt e, *Tha* mise agus mo rioghachd neo-chiontach an làthair an Tighearn gu bràth o fhuil Abneir mhic Neir.

29 Fanadh i air ceann Ioab, agus air tigh 'athair uile, agus na bitheadh a dhith air tigh Ioab neach air am bi silteach, no *'bhios* 'n a lobhar, no d'an éigin siubhal le bata, no 'thuiteas air claidheamh, no air am bi easbuidh arain.

30 Mar sin mharbh Ioab agus a bhràthair Abisai Abner, a chionn gu'n do chuir esan gu bàs ann bràthair Asahel aig Gibeon anns a' chath.

31 Agus thubhairt Daibhidh ri Ioab, agus ris an t-sluagh uile a *bha* maille ris, Reubaidh bhur n-eudach, agus cuiribh saic-eudach umaibh, agus deanaibh caoidh roimh Abner. Agus lean rìgh Daibhidh *féin* an giùlan.

32 Agus dh' adhlaic iad Abner ann an Hebron: agus thog an rìgh suas a ghuth, agus ghuil e aig uaigh Abneir; agus ghuil an sluagh uile.

33 Agus rinn an rìgh caoidh os ceann Abneir, agus thubhairt e, An ann mar a bhàsaicheas amadan, a bhàsaich Abner?

34 Cha do cheangladh do làmh an, agus cha do chuireadh do chosan ann an geimhlìbh: mar a thuiteas duine roimh dhaoine aingidh, *mar sin* thuit thusa. Agus ghuil an sluagh uile a ris os a cheann.

35 Agus an uair a thàinig an sluagh uile a thoirt air Daibhidh biadh itheadh, an feadh 's a b'e 'n là fathast a bh'ann, mhiomnaich

Daibhidh, ag ràdh, Mar sin gu'n deanadh Dia riumsa, agus tuilleadh mar an ceudna, ma bhlaiseas mi aran no mi air bith eile, gus an téid a' ghrian fodha.

36 Agus thug an sluagh uile faineair e, agus bha e taitneach 'n an sùilbhi; mar a bha gach *ni* a rinn an rìgh taitneach ann an sùilbhi an t-sluaigh uile:

37 Oir thuig an sluagh uile agus Israel uile air an là sin, nach ann o'n rìgh a bha e Abner mac Neir a chur gu bàs.

38 Agus thubhairt an rìgh r'a sheirbhishich, Nach 'eil fhios agaibh gu'n do thuit uachdaran agus *duine* mòr an diugh ann an Israel?

39 Agus tha mise an diugh annshunn, ged *tha* mi ungta a'm rìgh; agus tha na daoine sin mic Sheruah ro chruidh air mo shon: diolaidh an Tighearn do fhear-deanamh an uilo a réir 'aingidheachd.

CAIB. IV.

1 Mharbh Baanah agus Rechab Isboet, agus thug iad a cheann a dh'ionnsuidh Dhaibhidh gu Hebron. 9 Dh'àithn Daibhidh an cur gu bàs.

A GUS an uair a chuala mac Shaul gu'n d'fhuair Abner bàs ann an Hebron, dh'fhàs a làmhan fann, agus bha Israel uile fo bhuaireas.

2 Agus bha aig mac Shaul dithis fhear a bha 'n an ceannardaibh air buidhnibh; *b'e* ainm aoin diubh Baanah, agus ainm an fhir eile Rechab, mic Rimoin a' Bheerotaich, de chloinn Bheniamin: (oir mheasadh Beerot mar an ceudna de Bheniamin:

3 Agus theich na Beerotaich gu Gitaim, agus tha iad 'n an luchd-cuairt an sin gu ruig an là 'n diugh:)

4 Agus bha aig Ionatan mac Shaul mac a bha bacach, agus a bha cùig bliadhna dh'aois an uair a thàinig an sgeul mu Shaul agus Ionatan á Iesreel; agus thog a bhan-astrum leatha e, agus theich i: agus an uair a rinn i cabhag gu teicheadh, thuit esan, agus rinneadh bacach e; agus *b'e* 'ainm Mephiboset.

5 Agus dh'imich mic Rimoin a' Bheerotaich, Rechab agus Baanah, agus thàinig iad mu theas an là gu tigh Isboet, a bha 'n a luidhe air leabaidh mu mheadhon-là.

6 Agus, feuch, thàinig iad air an aghaidh gu meadhon an tighe, *mar gu'm bitheadh iad* gu cruithneachd a thoirt leo, agus bhuail iad e fo 'n chùigeamh *aisinn*: agus chaidh Rechab agus a bhràthair Baanah as:

7 Oir an uair a thàinig iad a steach do n tigh, bha esan 'n a luidhe air a leabaidh 'n a sheòmar-codail, agus bhuail iad e, agus mharbh iad e, agus chuir iad an ceann d'e, agus thug iad leo a cheann, agus dh'imich iad rompa air slighe an fhàsaich ré na h-oidheche.

8 Agus thug iad ceann Isboet a dh'ionnsuidh Dhaibhidh gu Hebron, agus thubhairt

iad ris an rìgh, Feuch, ceann Isboet m'ic Shaul do nàmhaid, a dh'iarr d'anam; agus thug an Tighearn do m' thighearn an rìgh dioghaltas air an là 'n diugh air Saul agus air a shliochd.

9 Agus fhreagair Daibhidh Rechab agus Baanah a bhràthair, mic Rimoin a' Bheerotaich, agus thubhairt e riu, *Mar* is beò an Tighearn, a shaor m'anam as gach uile aire,

10 An uair a dh'innis neach dhomh, ag ràdh, Feuch, tha Saul marbh, (agus e a' meas gu'n robh e 'toirt deadh sgeoil leis,) rug mi air, agus mharbh mi e ann an Siclag, an uair a *shaol* e gu'n tugainn luigh-eachd dha air son a sgeoil:

11 Nach mò gu mòr, an uair a mharbh daoine aingidh duine ionraic 'n a thigh féin air a leabaidh? agus a nis nach iarr mi 'fhuil-san air bhur làmh-sa, agus nach toir mi bhàrr na talmhainn sibh?

12 Agus dh'àithn Daibhidh d'a òganaich, agus mharbh siad iad, agus ghearr iad dhiubh an làmhan agus an cosan, agus chroch iad suas iad os ceann an tobair ann an Hebron: ach ghabh iad ceann Isboet, agus dh'adhlac iad e ann an àit-adhlacaidh Abneir ann an Hebron.

CAIB. V.

1 Thàinig treubhan Israeil a dh'ionnsuidh Dhaibhidh gu Hebron, agus dh'ung iad e 'n a rìgh os an ceann. 6 Ghlac e Sion, agus ghabh e còmhmuidh ann. 17 Bhuail e na Philistich aig Baal-perasim, agus a ris aig craobhan nan smeur.

A N SIN thàinig uile threubhan Israeil a dh'ionnsuidh Dhaibhidh gu Hebron, agus labhair iad, ag ràdh, Feuch, is sinne do chlàmh agus d'fheoil.

2 Mar an ceudna roimhe so, 'n uair a bha Saul 'n a rìgh os ar ceann, bu tusa an ti a threoraich a mach agus a thug a steach Israel: agus thubhairt an Tighearn riut, Beathaichidh tu mo shluagh Israel, agus bithidh tu a'd' cheannard air Israel.

3 Agus thàinig uile sheanairean Israeil a dh'ionnsuidh an rìgh gu Hebron, agus rinn rìgh Daibhidh còmhcheangal riu ann an Hebron 'am fianuis an Tighearna: agus dh'ung iad Daibhidh 'n a rìgh air Israel.

4 Bha Daibhidh deich bliadhna fhichead a dh'aois an uair a thòisich e air rioghachadh; agus rìghich e dà fhichead bliadhna.

5 Ann an Hebron rìghich e os ceann Iudah seachd bliadhna agus sè mìosan; agus ann an Ierusalem rìghich e trì bliadhna deug thar fhichead os ceann Israeil uile agus Iudah.

6 Agus dh'imich an rìgh agus a dhaoine gu h-Ierusalem, dh'ionnsuidh nan Iebusach, luchd-àiteachaidh na tìre; a labhair ri Daibhidh, ag ràdh, Cha tig thu a steach an so mur toir thu air falbh na doill agus na bacaich; ag ràdh, Cha tig Daibhidh a steach an so.

7 Gidheadh, ghlac Daibhidh daingneach Shìoin: *is e sin baile Daibhidh.*

8 Agus thubhairt Daibhidh air an là sin, Ge b'è neach a ruigeas a' chlaic-uisge, agus a bhuaileas na Iebusaich, agus na bacaich, agus na doill, do am bheil fuath aig anam Daibhidh, *bithidh esan 'n a cheannard:* uime sin thubhairt iad, Cha tigh an dall agus am bacach a steach do'n tigh.

9 Agus ghabh Daibhidh còmhnuidh anns an daingneach, agus dh'aimeich se e, Baile Daibhidh; agus thog Daibhidh *aitreabh* mu'n cuairt, o Mhìlo agus air an taobh a stigh.

10 Agus chaidh Daibhidh air 'aghaidh, a' fas mòr; agus *bha 'n Tighearn Dia* nan sluagh maille ris.

11 Agus chuir Hiram rìgh Thiruis teachd-airean a dh'ionnsuidh Dhaibhidh, agus fiodh seudair, agus saoir, agus clachairean; agus thog iad tigh do Dhaibhidh.

12 Agus thuig Daibhidh gu'n do dhaingnich an Tighearn e 'n a rìgh air Israel, agus gu'n d'ardaich e a rìoghachd air son a shluaigh Israeil.

13 Agus ghabh Daibhidh *dha fèin* tuilleadh choimhleabach agus bhan a h-Ierusalem, an deigh dha teachd a' Hebron: agus rugadh fathast mic agus nigheanan do Dhaibhidh.

14 Agus *is* iad so an ainmean-san, a rugadh dha ann an Ierusalem: Samuail, agus Sobab, agus Natan, agus Solamh,

15 Agus Ibhar, agus Elisua, agus Nepheg, agus Iaphia,

16 Agus Elisama, agus Eliada, agus Eliphalet.

17 Ach an uair a chuala na Philistich gu'n d'ung iad Daibhidh 'n a rìgh air Israel, thàinig na Philistich uile nìs a dh'iarraidh Dhaibhidh; agus chuala Daibhidh *sin*, agus chaidh e sìos do'n daingneach.

18 Agus thàinig na Philistich, agus sgaoil siad iad fèin ann an gleann Rephaim.

19 Agus dh'fhiosraich Daibhidh de'n Tighearn, ag ràdh, An tèid mi suas a dh'ionnsuidh nam Philisteach? an toir thu thairis iad a m' làimh? Agus thubhairt an Tighearn ri Daibhidh, Gabh suas; oir gu cinnteach bheir mi thairis na Philistich a d' làimh.

20 Agus thàinig Daibhidh gu Baal-perasim, agus bhuail Daibhidh iad an sin, agus thubhairt e, Bhriar an Tighearn o' chéile mo naimhdean a m' fhianuis, mar bhriseadh uisgeachan. Uime sin thug e Baal-perasim mar ainm air an àite sin.

21 Agus dh'fhàg iad an sin an dealbhan, agus loisg Daibhidh agus a dhaoine iad.

22 Agus thàinig na Philistich a nìs a rìs, agus sgaoil siad iad fèin ann an gleann Rephaim.

23 Agus an uair a dh'fhiosraich Daibhidh de'n Tighearn, thubhairt e, Cha tèid thu suas; ach gabh mu'n cuairt air an cùlaobh,

agus thig orra fa chomhair chraobh nan smeur.

24 Agus an uair a chluinneas tu fuaim siubhail ann am mullach chraobh nan smeur, an sin ghuaisidh tu thu fèin; oir an sin thèid an Tighearn amach romhad, a bhualadh feachd nam Philisteach.

25 Agus rinn Daibhidh mar sin, mar a dh'àithn an Tighearn dha; agus bhuail e na Philistich o Gheba, gus an tigh thu gu Gaser.

CAIB. VI.

1 *Thug Daibhidh an àire o Chiriat-iearim gu Sion.* 6 *Bhuail Dia Usah a chionn gu'n do ghabh e greim dhih.* 16 *Rinn Michal tàir air Daibhidh.*

AGUS chruinnich Daibhidh fathast 'an ceann a chéile *fir* thaghta Israeil uile, deich mìle fichead.

2 Agus dh'éirich Daibhidh, agus chaidh e, agus an sluagh uile a *bha* maille ris, o Bhaal Iudah, a thubhairt suas a sin àire Dhé, air an gairmear aium Thighearna nan sluagh, a ghabhas còmhnuidh *eadar* na Cheruban.

3 Agus chuir iad àire Dhé air feun ùr agus thug iad i a tigh Abinadaib a *bha* ann an Gibeah: agus dh'iomain Usah agus Ahio, mic Abinadaib, am feun ùr maille ri àire Dhé.

4 Agus dh'imich Ahio roimh 'n àire.

5 Agus chluich Daibhidh agus tigh Israeil uile 'am fianuis an Tighearna air gach *inneal-ciùil de* fhiodh giuthais, eadhon air clàrsaichibh, agus air saltairibh, agus air nabalaibh, agus air tiompanaibh, agus air ciombalaibh.

6 Agus an uair a thàinig iad gu urlar-bualaidh Nachoin, chuir Usah a mach a *làmh* a dh'ionnsuidh àire Dhé, agus ghabh e greim dhih; oir chuir na daimh air chriith i.

7 Agus las corruich an Tighearna an aghaidh Usah, agus bhuail Dia an sin e air son a dhànadais; agus fhuair e bàs an sin làimh ri àire Dhé.

8 Agus bha doilgheas air Daibhidh, do bhrìgh gu'n d'rinn an Tighearn briseadh air Usah; agus dh'aimeich e an t-àite sin Peresusah gu ruig an là 'n diugh.

9 Agus bha eagal air Daibhidh roimh 'n Tighearn air an là sin, agus thubhairt e, Cionnus a thig àire an Tighearna do m' ionnsuidh-sa?

10 Agus cha b'àill le Daibhidh àire an Tighearna a thionndadh d'a ionnsuidh fèin gu baile Dhaibhidh: ach thug Daibhidh a leth-taobh i gu tigh Obed-edom a' Ghitich.

11 Agus dh'fhan àire an Tighearna ann an tigh Obed-edom a' Ghitich trì mìosan: agus bheannaich an Tighearn Obed-edom, agus a thigh uile.

12 Agus dh'innsadh do rìgh Daibhidh, ag ràdh, Bheannaich an Tighearn tigh Obed-edom, agus gach nì a *bhuineas* da, air son àire' Dhé. Uime sin dh'fhalbh Daibhidh

agus thug e nìos àire Dhé á tigh Obed-
edoin gu baile Dhaibhidh, le gairdeachas.

13 Agus an uair a dh'imich iadsan a ghiùl-
ain àire an Tighearna sè ceuman, dh'ìobair
e tairbh agus *beathaichean* reamhra.

14 Agus dhanns Daibhidh le 'uile neart
'am fianuis an Tighearna, agus *bha* Daibh-
idh crioslaichte le ephod lin-eudaich.

15 Agus thug Daibhidh agus uile thigh
Israeil a nìos àire an Tighearna le iolach,
agus le fuaim trompaide.

16 Agus au uair a bha àire an Tighearna
a' teachd a steach gu baile Dhaibhidh, dh'-
amhaire Michal nighean Shaul troimh
uinneig, agus chunnaic i rìgh Daibhidh
a' leumnaich agus a' danusadh 'am fianuis an
Tighearna, agus riun i tàir air 'n a cridhe.

17 Agus thug iad a steach àire an Tigh-
earna, agus chuir iad suas i 'n a h-àit, ann
am meadhon a' phàilliuin a shuidhich Daibh-
idh air a son: agus thug Daibhidh suas
ìobairtean-loisgte 'am fianuis an Tighearna,
agus ìobairtean-sith.

18 Agus au uair a chuir Daibhidh crìoch
air ìobairtean-loisgte a thoirt suas, agus
ìobairtean-sith, bheannaich e an sluagh ann
an ainm Thighearna nan sluagh.

19 Agus roinn e air an t-sluagh uile, *eadhon*
air uile chomhchruinneachadh Israeil, eadar
f'heara agus mhuathan, do gach neach
breacag arain, agus mir maith *jeòla*, agus
copan *fìona*: agus dh'fhalbh an sluagh uile,
gach neach d'a thigh féin.

20 Agus phill Daibhidh a bheannachadh a
theaghlach: agus thàinig Michal uighean
Shaul a mach 'an coinneamh Dhaibhidh,
agus thubhairt i, Cia urramach a bha rìgh
Israeil an diugh, a rùisg e féin an diugh ann
am sùilbhbhanoglach a sheirbhiseach, mar a
rùisgeas aon de na daoineibh eutrom e féin!

21 Agus thubhairt Daibhidh ri Michal, *Is*
ann a bha e 'am fianuis an Tighearna, a
thagh mise roimh d'athair, agus roimh a
thigh uile, chum m'orduchadh a'm' cheann-
ard air sluagh an Tighearna, air Israel: uime
sin chluich mise 'am fianuis an Tighearna.

22 Agus bithidh mi fathast nì's tàireile na
so, agus bithidh mi ìosal a'm' shùilbhbh féin;
agus aig na banoglaich mu'n do labhair thu,
aca-san gheibh mi urram.

23 Agus cha robh duine-cloinne aig Michal
nighean Shaul gu là a bàis.

CAIB. VII.

1 *Thoir misg Natan do Dhaibhidh tigh a thogail*
do Dhia. 12 *Gheall Dia dha sochairean agus*
bheannachadh 'n a shliochd. 13 *Urnuigh agus*
burdheachas Dhaibhidh.

AGUS an uair a shuidh an rìgh 'n a thigh,
agus a thug an Tighearn fois dha o a
nair: dhìbhibh uile mu'n cuairt,

2 Thubhairt an rìgh ri Natan am fàidh,
Fèuch a nis, tha mise a'm' còmhnuidh ann
an tigh seudair, ach tha àire Dhé 'n a còmh-
nuidh an taobh a stigh de chùirteinaibh.

3 Agus thubhairt Natan ris an rìgh, Falbh,
dean gach nì a tha ann ad chridhe; oir *tha* 'n
Tighearn maille riut.

4 Agus air an oidheche sin féin thàinig
focal an Tighearna gu Natan, ag ràdh,

5 Falbh agus innis do m' òglach Daibhidh,
Mar so tha'n Tighearn ag ràdh, An tog
thusa tigh dhomhsa, a chum gu'n gabhainn
còmhnuidh ann?

6 Oir cha do ghabh mise còmhnuidh ann
an tigh o'n là anns an d'thug mi nìos clann
Israeil as an Eiphit, eadhon gus an là'n
diugh, ach bha mi ag imeachd ann am bùth
agus ann am pàilliuin.

7 Anns gach àit d'an d'imich mi maille ri
cloinn Israeil uile, an do labhair mi focal
ri h-aon air bith de bhreitheamhaibh Is-
raeil, d'an d'àithn mi mo shluagh Israel a
bheathachadh, ag ràdh, C'ar son nach tog
sibh dhomhsa tigh seudair?

8 A nis uime sin mar so their thu ri m'
sheirbhiseach Daibhidh, Mar so tha Tigh-
earn nan sluagh ag ràdh, Thug mise thu o
chrò nan caorach, o bhi 'leantuinn nan caor-
ach, gu bhi 'd cheannard air mo shluagh,
air Israel:

9 Agus bha mi maille riut anns gach àite
d'an deachaidh tu, agus ghearr mi as do
naimhdean uile o d'fhianuis, agus rinn mi
dhuit ainm mòr, mar ainm nan *daoine* mòra
a *tha* air an talamh.

10 (Agus ordulichidh mi àit air son mo
shluagh Israeil, agus suidhichidh mi iad,
agus gabhaidh iad còmhnuidh 'n an àite
féin, agus cha ghluaisear iad nì's mò: agus
cha sàraich clann na h-aingidheachd iad
tuilleadh mar air tùs,

11 Agus o'n àm anns an d'àithn mi breith-
eamhan 'bhi os ceann mo shluagh Israeil:
agus bheir mi dhuit fois o d' uaimhdibh gu
léir.) Mar an ceudna tha'n Tighearn ag inns-
eadh dhuit, gu'n dcan an Tighearn tigh dhuit.

12 Agus an uair a choimhlionar do làith-
ean, agus a choidileas tu maille ri d'aith-
richibh, togaidh mi suas do shliochd a'd
dhéigh, a thigh a mach á d'innibh; agus
daingnichidh mi a rìoghachd.

13 Togaidh esan tigh do m'ainm-sa, agus
daingnichidh mise rìgh-chaitheir a rìogh-
achd gu bràth.

14 Bithidh mi a'm' athair aige-san, agus
bithidh esan 'n a mhac agamsa: ma nì e
aingidheachd, smachdaichidh mi e le slait
dhaoine, agus le buillibh chloimn nan daoine:

15 Ach cha-n imich mo thròcair air falbh
uaith, mar a thug mi air falbh i o Shaul, a
chuir mi air falbh o d'fhianuis-sa.

16 Agus *bithidh* do thigh seasmhach, agus
do rìoghachd gu bràth a'm' fhianuis-sa:
bithidh do rìgh-chaitheir daingean gu bràth

17 A réir nan briathran so uile, agus a réir
an taisbeinidh so uile, mar sin labhair
Natan ri Daibhidh.

18 An sin chaidh rìgh Daibhidh a stigh,

agus shuidh e 'am fianuis an Tighearna agus thubhairt e, Cò mise, O Thighearna Dhé? agus ciod e mo thigh, gu'n d'thug thu mi gu ruige so?

19 Agus bu bheag au nì so fathast a'd' shùilbha-sa, a Thighearna Dhé; ach labhair thu mar an ceudna thaobh tighde do sheirbhisich ré aimsir fhada ri teachd; agus an e so gràth duine, a Thighearna Dhé?

20 Agus ciod tuilleadh a dh'fheudas Daibhidh a ràdh riut? oir is aithne dhuit do sheirbhisich, a Thighearna Dhé.

21 Air son d'fhocail, agus a réir do chridhe féin, rinn thu na nithean mòra so uile, a thoirt air do sheirbhisich eòlas a ghabhail orra.

22 Uime sin tha thu mòr, a Thighearna Dhé: oir cha-n'eil neach ann cosmhuil riut, agus cha-n'eil Dia ann ach thusa, a réir gach nì a chuala sinu le'r cluasaibh.

23 Agus cia an cinneach air thalamh cosmhuil ri d' shluagh-sa, cosmhuil ri h-Israel, a chaidh Dia a shaoradh mar shluagh dha féin, agus a dheanamh ainme dha féin, agus a dheanamh air an son nithean mòra, agus uamhasach, air son do thàire, 'am fianuis do shluagh a shaor thu dhuit féin as an Eiphit, o na cinneachaibh agus o'n diathaibh?

24 Oir dhaingnich thu dhuit féin do shluagh Israel, *gu bhi* 'n an sluagh dhuit gu bràth; agus tha thusa, a Thighearna, a'd' Dhia aca.

25 Agus a nis, a Thighearna Dhé, am focal a labhair thu a thaobh do sheirbhisich, agus a thaobh a thighe, dean scasmhach e gu bràth; agus dean mar a thubhairt thu.

26 Agus àrdaichear d'ann gu bràth, ag ràdh, *Is e* Tighearna nan sluagh a's Dia os ceann Israeil: agus bitheadh tigh do sheirbhisich Daibhidh daingean a'd' fhianuis.

27 Oir dh'fhoillsich thusa, a Thighearna nan sluagh, a Dhé Israeil: do d' sheirbhisich, ag ràdh, Togaidh mi tigh dhuit; uime sin fhuid do sheirbhisich *n a* chridhe au urnuigh so a dheanamh riut.

28 Agus a nis, a Thighearna Dhé, *is* tu féin Dia, agus is iad do bhriathraun an fhìrinn; agus gheall thu am maithas so do d' sheirbhisich:

29 A nis uime sin gu ma toil leat tigh do sheirbhisich a bheannachadh, a chum gu uair e gu bràth a'd' fhianuis: oir labhair thusa e, a Thighearna Dhé, agus le d' bheannachadh beannaichear tigh do sheirbhisich gu bràth.

CAIB. VIII.

1 Bhuaill Daibhidh na Philistich, agus thug e na Moabaich fo chàis. 3 Bhuaill e Hadadeser agus na Sirianaich. 9 Chuir Toi a mhac le tioddhlacan d'a ionnsuidh. 11 Choisrig e iad do'n Tighearna. 14 Shuidhich e freiceadain ann an Edom.

AGUS an déigh so bhuaill Daibhidh na Philistich, agus cheannsaich e iad: agus ghlac Daibhidh Meteg-amah & làimh nam Philisteach.

2 Agus bhuaill e na Moabaich, agus thomhais e iad le cord, 'g an tilgeadh sìos gu làr: eadhon le dà chord thomhais e a thubhairt bàis, agus le aou chord iomlan a ghleidlheadh beò. Agus bha na Moabaich 'n an seirbhisich aig Daibhidh, agus thug iad tioddhlacan leo.

3 Bhuaill Daibhidh mar au ceudna Hadadeser mac Rehoib, rìgh Shobah, 'n uair a chaidh e a chosnadh a chrìche air a h-ais: aig amhainn Euphrates.

4 Agus thug Daibhidh uaidh mìle carbad, agus seachd ceud marcach, agus fichead mìle coisiche: agus ghearr Daibhidh speir-eachan *each* nan carbad uile, ach dh'fhàg e dhiubh *dìol* cheud carbad.

5 Agus au uair a thàinig Sirianaich Dhamascuis a chuideachadh le Hadadeser rìgh Shobah, bhuaill Daibhidh de na Sirianaich dà mhìle thair fhichead fear.

6 An sin chuir Daibhidh freiceadain ann an Siria Dhamascuis: agus bha na Sirianaich 'n an seirbhisich aig Daibhidh, agus thug iad leo tioddhlacan: agus ghléidh an Tighearna Daibhidh gach taobh a chaidh e.

7 Agus ghabh Daibhidh na sgiathan òir a bh'aig seirbhisich Hadadeser, agus thug e iad gu h-Ierusalem.

8 Agus o Bhetah, agus o Bherotai, bailtibh Hadadeser, thug rìgh Daibhidh ro mhòran umha.

9 An uair a chuala Toi rìgh Hamait gu'n do bhuaill Daibhidh sluagh Hadadeser uile,

10 An sin chuir Toi a mhac Ioram gu rìgh Daibhidh, a chur fàilte air, agus g'a bheannachadh, a chionn gu'n do chog e ri Hadadeser, agus gu'n do bhuaill se e: (oir bha cogadh aig Hadadeser ri Toi): agus 'n a làimh bha soithichean airgid, agus soithichean òir, agus soithichean umha.

11 Iad sin mar an ceudna choisrig rìgh Daibhidh do'u Tighearna, maille ris au airgid agus ris an òr a choisrig e o na h-uile chinneachaibh a cheannsaich e;

12 O Shiria, agus o Mhoab, agus o chloinn Amoin, agus o na Philistich, agus o Amalec, agus o chreich Hadadeser, mhic Rehoib, rìgh Shobah.

13 Agus fhuaill Daibhidh ainm *dha féin*, an uair a phill e o bhualadh nan Edomach ann an gleann an t-salainn, oclid mìle deug fear.

14 Agus chuir e freiceadain ann an Edom: air feadh Edoim uile chuir e freiceadain; agus bha na h-Edomach uile 'n an seirbhisich aig Daibhidh: agus ghléidh an Tighearna Daibhidh gach taobh a chaidh e.

15 Agus rìghich Daibhidh air Israel uile; agus rinn Daibhidh breitheanas agus ceartas d'a shluagh uile.

16 Agus bha Ioab mac Sheruah os ceann na h-armailte; agus bha Ichosaphat mac Ahiluid 'n a sheanachaidh;

17 Agus *bha* Sadoc mac Ahituib, agus Ahimelech mac Abiatair 'n an sagartaibh; agus Seraiah 'n a sgrìobhaiche;

18 Agus *bha* Benaiah mac Iehoiada os ceann nan Cereteach agus nam Peleteach; agus *bha* mic Dhaibhidh 'n an àrd uachdaranaibh.

CAIB. IX.

1 Chuir *Daibhidh fios air Mephiboset, agus nochd e caoimhneas da air son 'athar Ionatain.*
 7 Dh'aisig e dha am fearann a bhuineadh do Shaul. Dh'orduich e do Shiba a threabhadh air a shon.

AGUS thubhairt Daibhidh, Am bheil A fathast neach air bith a dh'fhagadh de thigh Shaul, a chum gu nochd mi dha caoimhneas air sgàth Ionatain?

2 Agus *bha* aig tigh Shaul seirbhiseach, d'am b'ainm Siba: agus an uair a ghairm iad e chum Dhaibhidh, thubhairt an rìgh ris, An tusa Siba? Agus thubhairt esan, *Is e do sheirbhiseach a th'ann.*

3 Agus thubhairt an rìgh, Nach 'eil fathast neach air bith de thigh Shaul, a chum gu nochd mi dha caoimhneas Dhé? Agus thubhairt Siba ris an rìgh, *Tha* fathast mac aig Ionatan, *a tha* bacach.

4 Agus thubhairt an rìgh ris, C'ait am bheil e? Agus thubhairt Siba ris an rìgh, Feuch, *tha* e ann an tigh Mhachir, mhic Amiel, ann an Lodebar.

5 Agus chuir rìgh Daibhidh *fios air*, agus chug se a tigh Mhachir, mhic Amiel, o Lodebar.

6 A nis an uair a thàinig Mephiboset, mac Ionatain, mhic Shaul, a dh'ionnsuidh Dhaibhidh, thuit e air 'aghaidh, agus rinn e ùmhlaichd. Agus thubhairt Daibhidh, A Mephiboset! Agus fhreagair esan, Feuch, do sheirbhiseach.

7 Agus thubhairt Daibhidh ris, Nabitheadh eagail ort; oir gu cinnteach nochdaidh mise dhuit caoimhneas air son d'athar Ionatain, agus aisgidh mi dhuit uile fhearann d'athar Shaul, agus ithidh tu aran aig mo bhòrd-sa an còmhnuidh.

8 Agus chom se e féin, agus thubhairt e, Cò e do sheirbhiseach, gu'n amhairceadh tusa air eò marbh, cosmhail riumsa?

9 An sin ghairm an rìgh air Siba òglach Shaul, agus thubhairt e ris, Gach ni a bhuineadh do Shaul, agus d'a thigh uile, thug mi do mhac do mhaighstir.

10 Agus treabhaidh tusa am fearann air a shon, thu féin, agus do mhic, agus do sheirbhiseach, agus bheir thu a stigh an toradh, a ehum gu'm bi biadh aig mae do mhaighstir a dh'itheas e: ach ithidh Mephiboset mac do mhaighstir aran an còmhnuidh aig mo bhòrd-sa. A nis *bha* aig Siba eùig mic dheug agus fichead seirbhiseach.

11 An sin thubhairt Siba ris an rìgh, A réir gach ni a dh'àithn mo thighearn an rìgh d'a sheirbhiseach, mar sin ni do

sheirbhiseach: a thaobh Mephiboset, ithidh esan aig a bhòrd-san, mar aon de mhic an rìgh.

12 Agus *bha* aig Mephiboset mac òg, d'am b'ainm Mìchael: agus *bha* iadsan uile a ghabh còmhnuidh ann an tigh Shiba 'n an seirbhiseach do Mephiboset.

13 Agus chòmhnuich Mephiboset ann an Ierusalem; oir dh'ith e an còmhnuidh aig bòrd an rìgh: agus *bha* e bacach air a dhà chois.

CAIB. X.

1 Bhuin Hanun gu h-olc ri teachdairibh Dhaibhidh. 6 Bhuail Ioab agus Abisai na h-Amonaich. 15 Cheannsaich Daibhidh na Sirianaich.

AGUS 'n a dhéigh so fhuair rìgh chloinn A Amoin bàs, agus rìghich a mhac Hanun 'n a àit.

2 An sin thubhairt Daibhidh, Nochdaidh mi caoimhneas do Hanun mac Nahais, mar a nochd 'athair-san caoimhneas dhomhsa. Agus chuir Daibhidh uait a sheirbhiseach, a thoirt sòlais da air son 'athar. Agus thàinig seirbhiseach Dhaibhidh a steach do thìr chloinn Amoin.

3 Agus thubhairt ceannardan chloinn Amoin ri Hanun an tighearn, An saoil thu gur h-ann a chum urram a thabhairt do d'athair, a chuir Daibhidh a d' ionnsuidh luchd-sòlais? nach ann a rannsachadh a' bhaile, agus a ghabhail beachd air, agus g'a sgrìos, a chuir Daibhidh a sheirbhiseach a d' ionnsuidh?

4 Uime sin ghlac Hanun seirbhiseach Dhaibhidh, agus bhearr e *dhiubh* leth am feusaig, agus ghearr e an eudach 's a' mheadhon, gu ruig am màsan; agus chuir e air falbh iad.

5 Agus an uair a dh'innseadh sin do Dhaibhidh, chuir e *daoine* 'n an coinneamh, a chionn gu'n robh nàire mhòr air na daoineibh: agus thubhairt an rìgh, Fanaibh ann an Iericho gus am fas bhur feusag, agus an sin pillibh.

6 Agus an uair a chunnaic clann Amoin gu'n robh iad gràineil 'am fianuis Dhaibhidh, chuir clann Amoin *teachdaircan* uatha, agus thuarasdalaich iad Sirianaich Bhet-rehoib, agus Sirianaich Shoba, fichead mìle coisiche, agus o rìgh Mhaacah mìle fear, agus o Istob dà mhìle dheug fear.

7 Agus an uair a chuala Dhaibhidh sin, chuir e mach Ioab, agus uile shluagh nan daoine treuna.

8 Agus thàinig clann Amoin a mach, agus chuir iad an cath 'an ordugh aig dol a stigh a' gheata: agus *bha* Sirianaich Shoba, agus Rehob, agus Istoib, agus Mhaacah, leo féin anns a' mhachair.

9 Agus an uair a chunnaic Ioab gu'n robh aghaidh a' chatha ris air a bheulaobh agus air a chùlaobh, thagh e mach *cuid* de uile *dhaoinibh* taghta Israeil, agus chuir e ann

an ordugh catha *iad* an aghaidh nan Sirianach:

10 Agus a' chuid eile de'n t-sluagh thug e chairis do làimh a bhràthar Abisai, a chum gu'n cuireadh e 'an ordugh *iad* an aghaidh chloinn Amoin.

11 Agus thubhairt e, Ma bhitheas na Sirianaich nìs treise na mise, an sin nì thusa còmhnaidh riumsa; ach ma bhios clann Amoin nìs treise na thusa, an sin thig mise a dheanamh còmhnaidh riutsa.

12 Bi misneachail, agus biomaid gaisgeil air son ar sluaigh, agus air son bhaitean ar Dé; agus deanadh an Tighearn an *nì a tha* maith 'n a shùilibh.

13 Agus thàinig Ioab am fagus, agus an sluagh a *bha* maille ris, gu cath an aghaidh nan Sirianach: agus theich *iad* roimhe.

14 Agus an uair a chunnaic clann Amoin gu'n do theich na Sirianaich, an sin theich iadsan mar an ceudna roimh Abisai, agus chaidh *iad* a steach do'n bhaile: agus phill Ioab o chloinn Amoin, agus thàinig e gu h-Ierusalem.

15 Agus an uair a chunnaic na Sirianaich gu'n do bhuailleadh *iad* roimh Israel, chruinnich siad *iad* fèin 'an ceann a chèile.

16 Agus chuir Hadadeser *fios uaith*, agus thug e mach na Sirianaich a *bh'* air an taobh thall de'n amhainn, agus thàinig *iad* gu Helam; agus chaidh Sobach ceannard armailte Hadareseir rompa.

17 Agus an uair a dh'innseadh sin do Dhaibhidh, chruinnich e Israel uile 'an ceann a chèile, agus chaidh e thar Iordan, agus thàinig e gu Helam: agus chuir na Sirianaich *iad* fèin 'an ordugh catha an aghaidh Dhaibhidh, agus chog *iad* ris.

18 Agus theich na Sirianaich roimh Israel; agus mharbh Daibhidh de na Sirianaich *fir* sheachd ceud carbad, agus dà fhichead mìle marcach; agus bhuail e Sobach ceannard an armailte, a fhuair bàs an sin.

19 Agus an uair a chunnaic na rìghrean uile, a *bha* 'n an seirbhisich aig Hadadeser, gu'n do bhuailleadh *iad* roimh Israel, rinn *iad* sìth ri h-Israel, agus rinn *iad* seirbhis dhoibh. Agus bha eagal air na Sirianaich còmhnaidh a dheanamh tuilleadh ri cloinn Amoin.

CAIB. XI.

1 *Luidh Daibhidh le Batseba mnaoi Uriah an Hìthich, agus dh'fhàs i torrach. 14 Chuireadh Uriah gu bàs. 26 Ghabh Daibhidh Batseba gu bhli 'n a mnaoi aige.*

AGUS aig teachd mu'n cuairt na bliadhna, mu'n àm anns an téid rìghrean a mach *gu cath*, chuir Daibhidh uaith Ioab, agus a sheirbhisich maille ris, agus Israel uile, agus sgrìos *iad* clann Amoin, agus theannaich iad Rabah: ach dh'fhan Daibhidh ann an Ierusalem.

2 Agus thachair e mu fheasgar, gu'n

d'èirich Daibhidh bhàrr a leapach, agus gu'n robh e a' spaisdearachd air mullach tighe an rìgh: agus o'n mhullach chunnaic e bean 'g a nigheadh fèin; agus *bha* a' bhean ro mhaiseach ri sealltuinn oirre.

3 Agus chuir Daibhidh *fios*, agus dh'fhèdr-aich e mu thimchioll na mnà: agus thubhairt *neach*, Nach i so Batscaba nighean Eliam, bean Uriah an Hìthich?

4 Agus chuir Daibhidh uaith teachdairean, agus ghabh e i; agus thàinig i stigh d'a ionnsuidh, agus luidh e leatha; (oir *bha* i air a glanadh o a neoghloine;) agus phill i d'a tigh fèin.

5 Agus dh'fhàs a' bhean torrach, agus chuir i *fios* uaipе, agus dh'innis i do Dhaibhidh, agus thubhairt i, *Tha* mi torrach.

6 Agus chuir Daibhidh *fios* uaith gu Ioab, *ag ràdh*, Cuir a m' ionnsuidh Uriah an Hìteach. Agus chuir Ioab Uriah dh'ionnsuidh Dhaibhidh.

7 Agus an uair a thàinig Uriah d'a ionnsuidh, dh'fhèdraich Daibhidh *d'heath* cionnus a bha Ioab, agus cionnus a bha 'n sluagh, agus cionnus a chaidh an cogadh air aghaidh.

8 Agus thubhairt Daibhidh ri Uriah, Imich sìos do d' thigh, agus nigh do chosan. Agus chaidh Uriah a mach á tigh an rìgh, agus chuireadh 'n a dhéigh lòn o'n rìgh.

9 Ach luidh Uriah aig dorus tighe an rìgh, maille ri uile sheirbhisich a thighearn', agus cha deachaidh e sìos d'a thigh.

10 Agus an uair a dh'innis *iad* do Dhaibhidh, ag ràdh, Cha deachaidh Uriah sìos d'a thigh, thubhairt Daibhidh ri Uriah, Nach ann o d' thurus a thàinig thu? c'ar son *mu ta* nach deachaidh tu sìos do d' thigh?

11 Agus thubhairt Uriah ri Daibhidh, *Tha* 'n àire, agus Israel, agus Iudha a' fannuinn, 'am pàillionaibh; agus *tha* mo thigh-carn Ioab, agus seirbhisich mo thighearn' air campachadh air aghaidh na macharach; an téid mise ma ta a stigh do m' thigh, a dh'itheadh, agus a dh'òl agus a luidhe le m' mhnaoi? *mar* is beò thusa, agus *mar* is beò d'anam, cha dean mi an nì so.

12 Agus thubhairt Daibhidh ri Uriah, Fan an so mar an ceudna an diugh, agus am màireach leigidh mi leat imeachd. Agus dh'fhan Uriah ann an Ierusalem an là sin, agus an là màireach.

13 Agus ghairm Daibhidh air, agus dh'ith agus dh'òl e 'n a fhianuis, agus chuir e air mhisg e; ach chaidh e mach mu fheasgar a luidhe 'n a leabaidh maille ri seirbhisich a thighearn', agus d'a thigh fèin cha deachaidh e sìos.

14 Agus anns a' mhaduinn sgrìobh Daibhidh litir a dh'ionnsuidh Ioab, agus chuir e i le làimh Uriah.

15 Agus sgrìobh e anns an litir, ag ràdh, Cuiribh Uriah mu choinneamh a' chatha a's déine, agus pillibh fèin o 'chùlaobh, a chum gu'm buailcar e, agus gu'm faigh e bàs

16 Agus an uair a ghabh Ioab beachd air a' bhaile, dh'orduich e Uriah dh'ionnsuidh àite anns an robh fios aige gu'n robh daoine gaisgil.

17 Agus chaidh fir a' bhaile a mach, agus chog iad ri Ioab; agus thuit cuid de'n t-sluagh, de sheirbhisich Dhaibhidh; agus fhuair Uriah an Hiteach bàs mar an ceudna.

18 An sin chuir Ioab fios uaith, agus dh'innis e do Dhaibhidh gach ni a thachair 's a' chath:

19 Agus dh'àithn e de'n teachdair, ag ràdh, An uair a chuireas tu crìoch air gach ni a thachair 's a' chath innseadh do'n rìgh,

20 Agus ma thachaireas gu'n èirich fearg an rìgh, agus gu'n abair e riut, 'Car son a chaidh sibh teann air a' bhaile a chath-achadh? nach robh fios agaibh gu'n tilgeadh iad o'n bhalla?

21 Cò a bhuail Abimelech mac Ierubescit? nach do thilg bean mìr de chloich-mhuilinn air o'n bhalla, air chor as gu'n d'fhuair e bàs ann an Tebes? 'car son a chaidh sibh teann air a' bhalla? an sin their thusa, Tha do sheirbhisich Uriah an Hiteach marbh mar an ceudna.

22 Agus dh'imich an teachdair, agus thàinig agus dh'innis e do Dhaibhidh gach ni mu'n do chuir Ioab air falbh e.

23 Agus thubhairt an teachdair ri Daibhidh, Gu deimhin bhuadhaich na daoine oirn, agus thàinig iad a mach d'ar n-ionnsuidh 's a' mhachair, agus chuir sinn an ruaig orra eadhon gu dol a stigh a' gheata.

24 Agus thilg na fir-bhogha air do sheirbhisich o'n bhalla, agus tha cuid de sheirbhisich an rìgh marbh, agus tha do sheirbhisich Uriah an Hiteach marbh mar an ceudna.

25 An sin thubhairt Daibhidh ris an teachdair, Mar so their thu ri Ioab, Na bitheadh an ni so olc a'd' shùilibh; oir cuiridh an claidheamh as do aon duine co mhaith as do dhuin' eile: dean do chath ni's treise an aghaidh a' bhaile, agus sgrìos e; agus thoir misneach dha.

26 Agus an uair a chuala bean Uriah gu'n d'fhuair a fear Uriah bàs, rinn i caoidh air son a fir.

27 Agus an uair a bha i'n bròn thairis, chuir Daibhidh fios oirre, agus thug e i dh'ionnsuidh a thighe, agus bha i 'n a mnaoi aige, agus rug i mac dha: ach bha an ni a rinn Daibhidh olc ann an sùilibh an Tighearna.

CAIB. XII.

1 Thug Natan achmhasan do Dhaibhidh a chionn gu'n do mharb e Uriah. 13 Dh'aidich Daibhidh a pheacadh, agus fhuair e maith-eanas. 24 Rugadh Solamh. 26 Ghlac Daibhidh Rabah.

A GUS chuir an Tighearna Natan a dh'ionnsuidh Dhaibhidh; agus an uair

a thàinig e d'a ionnsuidh, thubhairt e ris, Bha dithis fhear ann an aon bhaile, fear dhiubh beartach, agus am fear eile bochd.

2 Aig an duine bheartach bha ro mhòran chaorach agus cruith:

3 Ach aig an duine bhochd cha robh ni sam bith ach aon uan beag boirionn, a cheannaich e, agus a bheathaich e: agus dh'fhàs e suas maille ris féin, agus maille r'a chloinn; dh'ith e d'a ghreim féin, agus dh'òl e as a chopan féin, agus luidh e 'n a uchd, agus bha e dha mar nighinn.

4 Agus thàinig fear-turuis a dh'ionnsuidh an duine bheartaich, agus chaomhain e gabhail d'a chaoraich féin, agus d'a chrodh féin, a dheasachadh air son an fhir-turuis a thàinig d'a ionnsuidh, ach ghabh e uan an duine bhochd, agus dheasaich se e do'u fhear a thàinig d'a ionnsuidh.

5 Agus las fearg Dhaibhidh an aghaidh an duine gu mòr; agus thubhairt e ri Natan, Mar is bed an Tighearna, gu cinnteach cuir-e ar gu bàs am fear a rinn an ni so:

6 Agus diolaidh e 'n t-uann ceithir uairean, do bhrìgh gu'n d'rinne e an ni so, agus a chionn nach do chaomhain e.

7 Agus thubhairt Natan ri Daibhidh, Is tusa an duine. Mar so tha 'n Tighearna Dia Israeil ag ràdh, Dh'ung mise thu a'd' rìgh os ceann Israeil, agus shaor mi thu à làimh Shaul:

8 Agus thug mi dhuit tigh do mhaighstir, agus mnathan do mhaighstir ann ad uchd, agus thug mi dhuit tigh Israeil agus Iudah; agus nam bu bheag sin, bheirinn dhuit euideachd an leithide so agus an leithide sud de nithibh.

9 'Car son a rinn thu tàir air àithne an Tighearna, le olc a dheanamh 'n a fhianuis? Uriah an Hiteach bhuail thu leis a' chlaidheamh, agus a bhean ghabh thu 'n a mnaoi dhuit féin, agus esan mharbh thu le claidheamh chloinn Amoin.

10 A nis uime sin cha dealaich an claidheamh ri d' thigh gu bràth, do bhrìgh gu'n d'rinne thu tàir orm, agus gu'n do ghabh thu bean Uriah an Hiteach gu bhi 'n a mnaoi dhuit féin.

11 Mar so tha 'n Tighearna ag ràdh, Feuch, togaidh mise suas olc ann ad aghaidh as do thigh féin; agus gabhaidh mi do mhnathan fa chomhair do shùl, agus bheir mi iad do d' choimhearsnach, agus luidhidh e le d' mhnàibh ann an sealladh na gréine so:

12 Oir rinn thusa e gu dìomhair; ach ni mise an ni so 'am fianuis Israeil uile, agus 'am fianuis na gréine.

13 Agus thubhairt Daibhidh ri Natan, Pheacaich mi an aghaidh an Tighearna. Agus thubhairt Natan ri Daibhidh, Mar an ceudna chuir an Tighearna air falbh do pheacadh; cha-n fhaigh thu bàs.

14 Gidheadh, a chionn leis a' ghnìomh so gu'n d'thug thu air naimhidh an Tighearna

mòr thàir a dheanamh air, gheibh mar an ceudna am mac a rugadh dhuit gu cinn-teach bàs.

15 Agus dh'fhalbh Natan d'a thigh féin: agus bhuail an Tighearn an leanabh a rug bean Uriah do Dhaibhidh, agus bha e ro thinn.

16 Uime sin ghuidh Daibhidh air Dia air son an leinibh; agus thraisg Daibhidh, agus chaidh e stigh, agus luidh e ré na h-oidhche air an talamh.

17 Agus thàinig seanairean a thighe d'a ionnsuidh, g'a thogail suas o'n talamh: ach cha b'aill leis, ni mò a dh'ith e aran maille riu.

18 Agus air an t-seachdamh là fhuair an leanabh bàs; agus bha eagal air seirbhisich Dhaibhidh innseadh dha gu'n robh an leanabh marbh: oir thubhairt iad, Feuch, an uair a bha an leanabh fathast beò, labhair sinn ris, agus cha-n éisdeadh e r'ar guth: cionnus ma ta, ma dh'innseas sinn dha gu bheil an leanabh marbh, a chràidheas se c féin?

19 Ach an uair a chunnaic Daibhidh gu'n robh a sheirbhisich ri cogarsaich, thuig Daibhidh gu'n robh an leanabh marbh: uime sin thubhairt Daibhidh r'a sheirbhisich, Am bheil an leanabh marbh? Agus thubhairt iadsan, Tha e marbh.

20 An sin dh'éirich Daibhidh o'n talamh, agus dh'ionnlaid agus dh'ung se e féin, agus mhàth e 'eudach, agus chaidh e steach do thigh an Tighearn, agus rinn e aoradh: an sin thàinig e d'a thigh féin, agus an uair a dh'iarr e, chuir iad aran fa chomhair, agus dh'ith e.

21 An sin thubhairt a sheirbhisich r's, Ciod e an ni so a rinn thu? air son an leinibh, an uair a bha e beò, thraisg thu agus ghuil thu; ach an uair a dh'eug an leanabh, dh'éirich thu agus dh'ith thu aran.

22 Agus thubhairt esan, An uair a bha'n leanabh fathast beò, thraisg mi agus ghuil mi: oir thubhairt mi, Cò aig am bheil fios nach gabh Dia tras rium, agus nach mair an leanabh beò?

23 Ach a nis o fhuair e bàs, c'ar son a thraisginn? an urrainn mi a thubhairt air ais tuilleadh? théid mise d'a ionnsuidh-san, ach cha phill esan do m' ionnsuidh-sa.

24 Agus thug Daibhidh sòlas d'a mhnaoi Batseba, agus chaidh e steach d'a h-ionnsuidh, agus luidh e leatha: agus rug i mac, agus thug e Solamh mar ainm air; agus ghràdhaich an Tighearn e.

25 Agus chuir e *fios* le làimh an fhàidh Natan, agus thug e Iedidiah mar ainm air, air son an Tighearna.

26 Agus chog Ioab an aghaidh Rabah chloinn Amoin, agus ghlac e am baile ròghail.

27 Agus chuir Ioab teachdairean a dh'ionnsuidh Dhaibhidh, agus thubhairt e,

Chog mi an aghaidh Rabah, agus ghlac mi baile nan uisgeachan.

28 A nis uime sin cruinnich a' chuid eile de'n t-sluagh, agus campaich an aghaidh a' bhaile, agus glac e, air eagal gu'n glac mise am baile, agus gu'n toirear m'ainm féin air.

29 Agus chruinnich Daibhidh an sluagh uile cuideachd, agus chaidh e gu Rabah, agus chog e 'n a aghaidh, agus ghlac se e.

30 Agus thug e crùn an rìgh bhàrr a chinn, (agus b'e a chudthrom tàlann òir, maille ris na clachaibh luachmhor,) agus chuireadh e air ceann Dhaibhidh: agus thug e mach creach a' bhaile ann am mòr phailteas.

31 Agus thug e mach au sluagh a *bha* ann, agus chuir e *iad* fo shàbhan, agus fo innealan-bualaidh iarunn, agus fo thuaghan iarunn, agus thug e orra dol troimh àth nan clacha-creadha; agus mar so rinn e ri uile bhaitibh chloinn Amoin. Agus phill Daibhidh agus an sluagh uile gu h-Ierusalem.

CAIB. XIII.

1 *Dh'éignich Amnon Tamar piuthar Absalom.*
28 *Mharbh Absalom Amnon, agus theich e d'o Ghesur.* 39 *Mhiannaich Daibhidh an déigh Absalom.*

AGUS thachair an déigh so, gu'n robh aig Absalom mac Dhaibhidh piuthar mhaiseach, d'am *Uainm* Tamar; agus ghràdhaich Amnon mac Dhaibhidh i.

2 Agus bha Amnon ann an aire co mhòr, is gu'n d'fhàs e tinn air son a pheathar Tamair; oir b'òigh i, agus bha e cruaidh ann an stùilbh Amnon ni sam bith a dheanamh oirre.

3 Ach bha aig Amnon caraide, d'am *Uainm* Ionadab, mac Shimeah, bràthar Dhaibhidh: agus *bha* Ionadab 'n a dhuine ro sheòlta.

4 Agus thubhairt e ris, C'ar son a *tha* thusa, agus gur mac do'n rìgh thu, tana mar so o là gu là? nach innis thu dhomhsa? Agus thubhairt Amnon ris, Tha gràdh agam air Tamar, piuthar mo bhràthar Absalom.

5 Agus thubhairt Ionadab ris, Luidh sìos air do leabaidh, agus leig ort a bhi tinn; agus an uair a thig d'athair g'ad fhaicinn, their thu ris, Thigeadh, guidheam ort, mo phiuthar Tamar, agus thugadh i biadh dhomh, agus deasaicheadh i am biadh a'm' fhianuis, a chum gu'm faic mi e agus gu'n ith mi as a làimh e.

6 Agus luidh Amnon sìos, agus leig e air a bhi tinn; agus an uair a thàinig an rìgh g'a fhaicinn, thubhairt Amnon ris an rìgh, Thigeadh, guidheam ort, mo phiuthar Tamar, agus deanadh i dà bhreacaig a'm' fhianuis, a chum gu'n ith mi as a làimh.

7 An sin chuir Daibhidh *fios* dhachaidh a dh'ionnsuidh Tamair, ag ràdh, Luich a nis gu tigh do bhràthar Amnon, agus deasaich dha biadh.

2 SAMUEL, XIII.

8 Agus claidh Tamar do thigh a bràthar Amnoin, (agus *bha* esan 'n a luidhe,) agus ghabh i min mhìn, agus thaoisinn si i, agus rinn i breacagan 'n a fhianuis, agus bhruch i na breacagan.

9 Agus ghabh i aghann, agus thaom i mach *iad* 'n a fhianuis, ach dhiùlt esan itheadh. Agus thubhairt Amnon, Thugaibh a mach gach duine uam; agus thug iad a mach gach duine uaith.

10 Agus thubhairt Amnon ri Tamar, Thoir am biadh a steach do'n t-seòmar, a chum gu'n ith mi as do làimh. Agus ghabh Tamar na breacagan a rinn i, agus thug i *iad* do'n t-seòmar a dh'ionnsuidh a bràthar Amnoin.

11 Agus an uair a thug i *iad* d'a ionnsuidh chum an itheadh, rug e oirre, agus thubhairt e rithe, Thig, luidh leam, a phiuthar.

12 Agus fhreagair i e, Ni h-eadh, a bhràthair, na h-éignich mi; oir cha chòir a leithid so a bhi air a dheanamh ann an Israel: na deansa au amaidcachd so.

13 Agus mise, c'ait an cuir mi air falbh mo mhasladh? agus air do shonsa, bithidh tu mar aon de na h-amadanaibh ann an Israel: a nis uime sin labhair, guidheam ort, ris an rìgh; oir cha chum e uait mi.

14 Gidheadh, cha-n éisdheadh esan r'a guth; ach a chionn gu'm bu làidire e na ise, dh'éignich e i, agus luidh e leatha.

15 An sin dh'fhuathaich Amnon i le fuath ro mhòr, air chor as gu'm bu mhò an fuath leis an d'fhuathaich e i, na 'u gràdh leis an do ghràdhaich e i: agus thubhairt Amnon rithe, Eirich, bi 'g imeachd.

16 Agus thubhairt ise ris, Na *bitheadh e mar sin, a bhràthair*; oir is mò an t-olc so 'n am chur air falbh, na'n t-olc eile a rinn thu orm: ach cha-n éisdheadh esan rithe.

17 An sin ghairm e air 'òglach a fhrithheil dha, agus thubhairt e, Cuir a nis a' *bhean* so a mach uam, agus cuir an crann air an dorus 'n a déigh.

18 Agus *bha* trusgan iomadh-dathach oirre; oir le leithid so de dheise bha nigh-eanan an rìgh, a *bha* 'n an òighibh, air an sgeadachadh. An sin thug a sheirbhiseach a mach i, agus chrann e an dorus 'n a déigh.

19 Agus chuir Tamar luath air a ceann, agus reub i an trusgan iomadh-dathach a *bha* oirre, agus chuir i a làmh air a ceann, agus chaidh i air falbh a' glaothaich.

20 Agus thubhairt a bràthair Absalom rithe, An robh do bhràthair Amnon maille riut? ach a nis, a phiuthar, bi 'd' thosd; is e do bhràthair e; na cuireadh an ni so smuaircan ort. Agus dh'fhan Tamar gu h-aonaranach ann an tigh a bràthar Absalom.

21 Ach an uair a chuala rìgh Daibhidh na nithean so uile, bha fearg ro mhòr air.

22 Agus cha do labhair Absalom ri Amnon aon chuid ole no maith; oir dh'fhuathaich

Absalom Amnon, a chionn gu'n d'éignich e a phiuthar Tamar.

23 Agus thachair an déigh dà bhliadhna iomlan, gu'n robh aig Absalom luchd-lomairt chaorach ann am Baal-hasor, a *tha* làimh ri Ephraim: agus thug Absalom cuireadh do mhic an rìgh uile.

24 Agus thàinig Absalom a dh'ionnsuidh an rìgh, agus thubhairt e, Feuch a nis, tha luchd-lomairt chaorachaig do sheirbhiseach; thigeadh, guidheam ort, an rìgh agus a sheirbhisich maille ri d' sheirbhiseach.

25 Agus thubhairt an rìgh ri Absalom, Ni h-eadh, a mhic, na rachamaid uile a nis, a chum nach bi sinn trom ort. Agus chuir e impidh air: gidheadh cha b' àill leis imeachd, ach bheannaich se e.

26 An sin thubhairt Absalom, Mur *tig thu fèin*, thigeadh, guidheam ort, mo bhràthair Amnon maille rinn. Agus thubhairt an rìgh, C'ar son a rachadh e maille riut?

27 Ach chuir Absalom impidh air; agus leig e le Amnon agus mic an rìgh uile dol maille ris.

28 A nis dh'àithn Absalom d'a òglach-aibh, ag ràdh, Thugaibh fainear a' nis an uair a bhios cridhe Amnoin subhach le fìdn, agus an uair a their mise rìbh, Buailbh Amnon, an sin marbhaibh e. Na bitheadh eagal oirbh: nach d'àithn mise dhuibh? bithibh misneachail, agus bithibh treun.

29 Agus rinn òglacha Absalom ri h-Amnon mar a dh'àithn Absalom: an sin dh'éirich mic an rìgh uile, agus chaidh gach fear dhiubh air a mhuileid, agus theich iad.

30 Agus an uair a bha iad air an t-slighe, thàinig sgeul a dh'ionnsuidh Dhaibhidh, ag ràdh, Bhual Absalom mic an rìgh uile, agus cha d'fhàgadh aon dhiubh *beò*.

31 An sin dh'éirich an rìgh, agus reub e 'eudach, agus luidh e air an talamh; agus sheas a sheirbhisich uile làimh ris le 'n eudach reubta.

32 Agus fhreagair Ionadab mac Shimeah, bràthar Dhaibhidh, agus thubhairt e, Na smuaineachadh mo thighearn *gu'n* do mharbh iad na h-òganach uile, mic an rìgh; oir tha Amnon a mhàin marbh: oir le Absalom shuidhicheadh an ni so, o'n là anns an d'éignich e a phiuthar Tamar.

33 Agus a nis na gabhadh mo thighearn an rìgh an ni thuige d'a chridhe, a' smuaineachadh gu bheil mic an rìgh uile marbh; oir tha Amnon a mhàin marbh.

34 Ach theich Absalom: agus thog an t-òganach a bha 'gleidheadh na faire a shùilean, agus dh'amhair e, agus, feuch, bha mòran sluagh a' teachd air an t-slighe air a chùlaobh o thaobh an t-sléibh.

35 Agus thubhairt Ionadab ris an rìgh, Feuch, tha mic an rìgh a' teachd: a réir focail do sheirbhisich, mar sin tha e.

36 Agus co luath as a sguir e de labhairt,

feuch, thàinig mic an rìgh, agus thog iad suas an guth agus ghuil iad: agus ghuil mar an eudna an rìgh, agus a sheirbhisich uile, le gul ro mhòr.

37 Ach theich Absalom, agus chaidh e dh'ionnsuidh Thalmair, mhic Amihaid, rìgh Ghesur: agus chuala Daibhidh *sin*, agus rinn e caoidh air son a mhic gach aon là.

38 Mar sin theich Absalom, agus ehaidh e do Ghesur, agus bha e 'n sin trì bliadhna.

39 Agus mhuannaich *anam* rìgh Daibhidh dol a mach a dh'ionnsuidh Absaloin: oir fhuair e comhfhurtachd a thaobh bàis Annoin.

CAIB. XIV.

1 Chuir Ioab *fiòs* air mnaoi ghlic o Thecoah, agus chuir e focal 'n a beul a bhrosnachadh Dhàibhidh gu Absalom a thoirt dhachaidh. 23 Thug Ioab Absalom gu Ierusalem.

AGUS thuig Ioab, mac Sherniah, gu'n robh cridhe an rìgh air Absalom.

2 Agus chuir Ioab *fiòs* gu Tecoah, agus thug e as a sin bean ghlic, agus thubhairt e rithe, Leig ort a bhli ri bròn, guidheam ort, agus cuir ort a nis endach bròn, agus na h-ung thu féin le h-oladh, ach bi mar mhnai a tha nis fada ri bròn air son mairbh:

3 Agus théid thu a dh'ionnsuidh an rìgh, agus labhairaidh tu ris air an dòigh so. Agus chuir Ioab na focail 'n a beul.

4 Agus thàinig a' bhean o Thecoah a dh'ionnsuidh an rìgh, agus thuit i air a h-aghaidh gu làr, agus rinn i ùmhlachd, agus thubhairt i, Cabhair *orm*, a rìgh.

5 Agus thubhairt an rìgh rithe, Ciod a tha teachd riut? Agus fhreagair ise, Gu deimhin *is* bantrach mi; oir fhuair m'fhear bàs.

6 Agus bha aig do bhanoglaich dithis mhac, agus chuir iad a mach air a chéile 's an achadh, agus cha robh neach ann a chuir-eadh eatorra: agus bhuail fear dhiubh am fear eile, agus mharbh se e.

7 Agus, feuch, dh'éirich an teaghlach uile an aghaidh do bhanoglaich, agus thubhairt iad, Thoir seachad esan a bhuail a bhràthair, a chum gu marbh sinn e air son anama a bhràthar a mharbh e, agus gu'm marbh sinn an t-oighre mar an eudna: agus *mar sin* mùchaidh iad mèibhicag a dh'fhagadh, air chor as nach fàg iad aig m'fhear *aon chuid* sinn, no iarmad air aghaidh na talmhainn.

8 Agus thubhairt an rìgh ris a' mhnai, Imich a dh'ionnsuidh do thighe, agus gheir mise àithne mu d' thimchioll.

9 Agus thubhairt a' bhean o Thecoah air an rìgh, Ormsa, a thighearn', a rìgh, *bith-eadh* am peacadh, agus air tigh mathar; agus *bith-eadh* an rìgh agus a rìgh-chaitheir neo-chiontach.

10 Agus thubhairt an rìgh, Ge b'e neach a their *ni sam bith* riut, thoir a m'ionnsuidh's e, agus cha bhean e riut n's mò.

11 An sin thubhairt ise, Cuimhnichadh,

guidheam ort, an rìgh an Tighearn do Dhia, a chum nach bi dioghaltairean na fola lion-mhor gu sgrios, agus nach marbh iad mo mhac. Agus thubhairt esan, *Mar is beò* an Tighearn, cha tuit *aon ròinneag* a dh' fheò do mhic gu làr.

12 An sin thubhairt a' bhean, Labhradh, guidheam ort, do bhanoglaich *aon fhocal* ri m' thighearn an rìgh. Agus thubhairt esan, Abair romhad.

13 Agus thubhairt a' bhean, C'ar son ma ta a smuainich thu a leithid *so de ni* an aghaidh sluaigh Dhe? oir tha'n rìgh a' labhairt an ni so mar neach a tha ciontach, a chionn nach 'eil an rìgh a' toirt 'fhògaraidh air ais.

14 Oir bàsaichidh sinn gu deimhin, agus tha sinn mar uisge a dhòirteadh air an talamh, agus nach cruinnichear a ris: gidheadh cha-n àill le Dia beatha a thoirt air falbh, ach smuainichidh e air meadhonaibh a chum nach fògair e 'fhògarach gu tur uath.

15 Agus a nis gu bheil mi air teachd a labhairt ri m' thighearn an rìgh mu'n ni so, *is ann* a chionn gu'n do chuir an sluagh eagal orm: agus thubhairt do bhanoglaich, Labhairidh mi nis ris an rìgh; theagamh gu'n dean an rìgh iarrtus a bhanoglaich.

16 Oir éisdidh an rìgh, a shaoradh a bhanoglaich á lèimh an duine, *leis am bàill* mi féin agus mo mhac a sgrios le 'chéile a mach á oighreachd Dhé.

17 An sin thubhairt do bhanoglaich, Bithidh focal mo thighearn' an rìgh a nis sòlasach: oir mar aingeal Dhé, mar sin tha mo thighearn an rìgh, a thuigsinn maith agus uile: agus bithidh an Tighearn do Dhia maille riut.

18 Agus fhreagair an rìgh, agus thubhairt e ris a' mhnai, Na ceil orm, guidheam ort, an ni a dh'fheòraicheas mi dhìot. Agus thubhairt a' bhean, Labhradh a nis mo thighearn an rìgh.

19 Agus thubhairt an rìgh, *Nach 'eil* lèimh Ioab maille riut anns an ni so uile? Agus fhreagair a' bhean agus thubhairt i, *Mar is beò* d'anam, a thighearn', a rìgh, cha-n'eil claonadh sam bith a dh'ionnsuidh na lèimhe deise, no dh'ionnsuidh na lèimhe clìthe, ann an ni air bith a labhair mo thighearn an rìgh; oir do sheirbhisich Ioab, *is* esan a dh'iarr ormsa, agus is esan a chuir ann ann beul do bhanoglaich na briathan so uile:

20 A thoirt mu'n cuairt a leithid so de chainnt, rinn do sheirbhisich Ioab an ni so: agus tha mo thighearn glic, a réir gliocais aingil Dhé, a thuigsinn gach *ni a tha* air an talamh.

21 Agus thubhairt an rìgh ri Ioab, Feuch, a nis, rinn mi an ni so: imich ma ta, thoir air ais an t-òganach Absalom.

22 Agus thuit Ioab air aghaidh gu iar, agus chrom se e féin, agus bheannaich e

an rìgh: agus thubhairt Iob, An diugh tha fios aig do sheirbhiseach gu'n d'fhuair mi deadh-ghean a'd shùilibh, mo thighearn', a rìgh; oir rinn an rìgh iartus a sheirbhiseach.

23 Agus dh'éirich Iob agus chaidh e gu Gesur, agus thug e Absalom gu h-Ierusalem.

24 Agus thubhairt an rìgh, Pilleadh e dh'ionnsuidh a thighe féin, agus na faiceadh e mo ghnùis-sa. Agus phill Absalom a dh'ionnsuidh a thighe féin, agus cha 'n fhac e gnùis an rìgh.

25 Ach ann an Israel uile cha robh duine eo mhaiseach ri Absalom: *bha e ri 'mholadh gu mòr*: o bhonn a chois e gu ruig mullach a chinn cha robh smal air bith air.

26 Agus an uair a bhearr e *falt* a chinn, (oir b'ann aig ceann gach bliadhna a bhearr se e; a chionn gu'n robh e trom air, uime sin bhearr se e,) chothromaich e falt a chinn aig dà cheud secel, a réir tomhais an rìgh.

27 Agus rugadh do Absalom trì mic, agus aon nighean, d'am b'ainm Tamar: bha i 'n a nnaoi sgiamhaich 'n a gnùis.

28 Agus ghabh Absalom còmhnuidh ann an Ierusalem dà bhliadhna iomlan, agus cha-n fhac e gnùis an rìgh.

29 Uime sin chuir Absalom *fios* air Iob, a chum a chur a dh'ionnsuidh an rìgh; ach cha b'àill leis teachd d'a ionnsuidh: agus an uair a chuir e *fios* a ris an dara uair, cha b'àill leis teachd.

30 Uime sin thubhairt e r'a sheirbhiseich, Faicibh achadh Iobh làmh ri m'achadh-sa, agus eorna aig an sin; rachaibh, agus cuiribh ri theine e. Agus chuir seirbhiseich Absalom an t-achadh ri theine?

31 An sin dh'éirich Iob, agus thàinig e dh'ionnsuidh Absalom d'a thigh, agus thubhairt e ris, C'ar son a chuir do sheirbhiseich m'achadh ri theine?

32 Agus fhreagair Absalom Iob, Feuch, chuir mi *fios* do d'ionnsuidh, ag ràdh, Thig an so, agus cuiridh mi thu dh'ionnsuidh an rìgh, a ràdh, C'ar son a thàinig mi o Ghesur? *bu mhaith dhomhsa gu'm bithinn fathast an sin*: a nis ma ta faiceam gnùis an rìgh; agus ma tha eu-ceart *sam bith* annam, thugadh e fainear mo mharbhadh.

33 Uime sin thàinig Iob a dh' ionnsuidh an rìgh, agus dh'innis e *sin* da: agus ghairm e air Absalom, agus thàinig e dh'ionnsuidh an rìgh, agus chrom se e féin air 'aghaidh gu làr 'am fianuis an rìgh; agus phòg an rìgh Absalom.

CAIB. XV.

1 *Ghoid Absalom cridheachan chloinn Israeil, agus rinn e ceannaire làidir an aghaidh Dhaibhidh. 13 Theich Daibhidh o Ierusalem. 34 Chuireadh Sadoc agus Abiatar air an àis leis an àire.*

AGUS an déigh so dh'ulluich Absalom dha féin carbadan, agus eich, agus leth-cheud fear gu ruith roimhe.

2 Agus dh'éirich Absalom gu moch, agus sheas e làmh ri slighe a' gheata: agus an uair a thigeadh neach air bith aig an robh cùis-lagha dh'ionnsuidh an rìgh chum breitheanais, an sin ghairmeadh Absalom air, agus theireadh e, Ciod am baile as *an bheil* thu? Agus theireadh esan, O aon do threubhan Israeil *tha* do sheirbhiseach.

3 Agus theireadh Absalom ris, Feuch, *tha* d'fhocail maith agus ceart; ach cha-n'eil neach air bith ann *air orduchadh* leis an rìgh gu éisdeachd riut.

4 Theireadh Absalom cuideachd, Oh nach robh mise air mo shuidheachadh a'm' bhreitheamh anns an tìr, a chum do m' ionnsuidh-sa gu'n tigeadh gach duine aig an bheil comhstri no cùis-lagha, agus dheanainn ceartas dha!

5 Agus an uair a thigeadh duine sam bith ann agus *da* a dheanamh ùmhilachd dha, chuireadh e mach a làmh, agus bheireadh e air, agus phògadh se e.

6 Agus air an dòigh so rinn Absalom ri Israel uile a thàinig a chum breitheanais a dh'ionnsuidh an rìgh: agus ghoid Absalom cridheachan dhaoine Israeil.

7 Agus 'an ceann cheithir bliadhna thubhairt Absalom ris an rìgh, Leig dhomh imcaidh, guidheam ort, agus mo bhòid a dh'ioladh a bhòidich mi do'n Tighearn ann an Hebron.

8 Oir bhòidich do sheirbhiseach bòid an uair a bha mi a'm' còmhnuidh 'an Gesur ann an Siria, ag ràdh, Ma bheir an Tighearn mi gu dearbh a ris gu h-Ierusalem, an sin ni mi seirbhis do'n Tighearn.

9 Agus thubhairt an rìgh ris, Imich ann an sìth. Agus dh'éirich e, agus chaidh e gu Hebron.

10 Ach chuir Absalom luchd-bratha air feadh uile threubhan Israeil, ag ràdh, Co luath as a chluinneas sibh fuaim na trompaide, an sin their sibh, Tha Absalom 'n a rìgh ann an Hebron.

11 Agus maille ri Absalom chaidh dà cheud fear a mach a h-Ierusalem, a ghairmeadh, agus dh'innis iad ann an treibhdhircas an *cridhe*, agus cha robh fios ni sam bith aca.

12 Agus chuir Absalom *fios* air Ahitophel an Gilonach, comhairliche Dhaibhidh, o a bhaile, *eadhon* o Ghiloh, an uair a bha e ag iobradh iobairtean: agus bha a' cheannaire làidir; oir bha 'n sluagh a' sir-dhol 'an lìon-mhoireachd maille ri Absalom.

13 Agus thàinig teachdair a dh'ionnsuidh Dhaibhidh, ag ràdh, Tha cridheachan fhear Israeil an déigh Absalom.

14 Agus thubhairt Daibhidh r'a sheirbhiseich uile a *bha* maille ris ann an Ierusalem, Eiribh, agus teicheadh; oir *mur dean sinn sin*, cha bhi dol as againn o aghaidh Absalom; luathaichibh agus imichibh, airagal gu'n dean e cabhag, agus gu'm

beir e oirn, agus gu'n tarruing e ole oirn, agus gu'n buail e 'm baile le faobhar a' chlaidheimh.

15 Agus thubhairt seirbhìsich an rìgh ris an rìgh, A rèir gach nì a's àill le m' thighearn an rìgh, feuch, *nì* do sheirbhìsich.

16 Agus chaidh an rìgh a mach, agus a theaghlach uile 'n a dhéigh: a mhàin dh'fhàg an rìgh deichnear bhan a' bha 'n an coimhleabaich *aige*, a ghleidheadh an tighe.

17 Agus chaidh an rìgh a mach, agus an sluagh uile 'n a dhéigh, agus dh'fhan iad ann ar àit a bha fad as.

18 Agus chaidh a sheirbhìsich uile thairis làimh ris; agus chaidh na Ceretich uile, agus na Peletich uile, agus na Gitich uile, sè ceud fear a thàinig 'n a dhéigh o Ghat, thairis roimh an rìgh.

19 Agus thubhairt an rìgh ri Itai an Giteach, C'ar son a tha thusa mar an ceudna 'dol maille ruinne? pill gu d'ait, agus fau maille ris an rìgh; oir is coigreach thu, agus mar an ceudna fògarach o d'aité féin.

20 An dé a mhàin thàinig thu, agus an diugh an toir uise ort dol air faontraidh maille ruinne? oir théid mise an taobh a tha mi gu dol: pill thusa, agus thoir air an ais do bhràithrean leat; agus gu nochdadh an Tighearn dhuit tròcair agus firiuu.

21 Agus fhreagair Itai an rìgh, agus thubhairt e, *Mar* is beò an Tighearn, agus *mar* is beò mo thighearn an rìgh, gu cinnteach ge b'e àit anns am bi mo thighearn an rìgh, ma's ann a chum bàis uo 'chum beatha, eadhon an sin bithidh do sheirbhìseach.

22 An sin thubhairt Daibhidh ri Itai, Imich, agus gabh thairis. Agus chaidh Itai an Giteach thairis, agus a dhaoine uile, agus a' chlànn bheag uile a bha maille ris.

23 Agus ghluil an tìr uile le guth àrd, agus chaidh an sluagh uile thairis; chaidh au rìgh cuideachd thairis air sruth Chid-roin, agus chaidh an sluagh uile thairis a làimh na slighe do'n fhàsach.

24 Agus, feuch, bha Sadoc mar an ceudna, agus na Lebhitich uile maille ris, a' giùlan àire coimheangail Dhé, agus shuidhich iad àire Dhé; agus chaidh Abiatar suas, gus an do sguir an sluagh uile de dhòl a mach as a' bhaile.

25 Agus thubhairt an rìgh ri Sadoc, Thoir air a h-ais àire Dhé do'n bhaile: ma gheibh mi deadh-ghean ann an sùilbhan an Tigh-carna, bheir e air m'ais mi, agus nochdadh e dhomh e féin, agus 'aité-còmhuidh.

26 Ach ma their e mar so, Cha-n 'eil tlachd agam annad; feuch, *tha* mise an so, deanadh e rium mar is maith leis.

27 Thubhairt an rìgh mar an ceudna ri Sadoc an sagart, Nach fear-seallaidh thusa? pill do'n bhaile aun an sìth, agus Ahimaas do mhac féin, agus Ionatan mae Abiatar, bhur dithis mhac maille ribh.

28 Faicibh, fanaidh mise ann an còmh-nardaibh an fhàsaich, gus an tig focal uaibhse a thoirt fios domh.

29 Uime sin thug Sadoc agus Abiatar àire Dhé a ris gu h-Ierusalem; agus dh'fhan iad an sin.

30 Agus chaidh Daibhidh suas ri uchdaich *sléibh* nan oladh, a' dol suas agus a' gul, agus a cheann còmhdaichte, agus e 'g imeachd cosruisgte: agus còmhdaich an sluagh uile a bha maille ris, gach fear *dhiubh* a cheann, agus chaidh iad suas, ag imeachd agus a' gul.

31 Agus dh'innis *neach* do Dhaibhidh, ag ràdh, *Tha* Ahitophel an meas an luchd-ceannaire maille ri Absalom. Agus thubhairt Daibhidh, Tionudaidd, a Thigh-earna, guidheam ort, comhairle Ahitophel gu h-amaideachd.

32 Agus an uair a thàinig, Daibhidh gu mullach an *t-sléibh*, far an d'inn e aoradh do Dhia, feuch, thàinig Husai an t-Areacach 'n a choinneamh, le 'chòta reubta, agus ùir air a cheann.

33 Agus thubhairt Daibhidh ris, Ma théid thu thairis uaille riumsa, an sin bithidh tu a' d' eallaich orm.

35 Ach ma philleas tu do'n bhaile, agus ma their thu ri Absalom, Bithidh uise a'm' sheirbhìseach dhuit, a rìgh; *bu* sheirbhìseach do d'athair mi gu ruige so, agus a nis *bithidh* mi mar an ceudna a'm' sheirbhìseach dhuitse; au sin bheir thu air mo shonsa comhairle Ahitophel gu neo-ni.

35 Agus nach 'eil maille riut an sin Sadoc agus Abiatar na sagartan? agus gach focal a chluinneas tu á tigh an rìgh, innsidh tu e do Shadoc agus do Abiatar na sagartan.

36 Feuch, *tha'n* sin maille riu an dithis mhac, Ahimaas mac Shadoc, agus Ionatan mac Abiatar: agus le'n làimh-san cuiridh sibh do m' ionnsuidh-sa gach focal a chluinneas sibh.

37 Uime sin thàinig Husai caraid Dhaibhidh do'n bhaile, agus thàinig Absalom gu h-Ierusalem.

CAIB. XVI.

1 *Le casaid blàrèige fhuair Siba oighreachd a mhaighstir.* 5 *Mhallaich Simeì Daibhidh.* 20 *Comhairle Ahitophel.*

AGUS an uair a chaidh Daibhidh beagan a' thar mullach an *t-sléibh*, feuch, thàinig Siba òglach Mhephiboset 'n a choinneamh le dà asail air an diollaideach-adh, agus dà cheud buillion arain orra, agus ceud bagaid de fhiou-dhearcabih tiormaichte, agus ceud de mheas samhraidh, agus searrag fhiona.

2 Agus thubhairt au rìgh ri Siba, Ciod a's ciall duit leo sin? Agus thubhairt Siba, *Tha* na h-asail air son teaghlach an rìgh chum marcachd; agus an t-arau agus an meas samhraidh air son nan òganach chum

an itheadh; agus am fion, a chum gu'n òl esan a bhithas sgith anns an fhàsach.

3 Agus thubhairt an rìgh, Agus c'ait am bheil mac do mhaighstir? Agus thubhairt Siba ris an rìgh, Feuch, tha e 'fantuinn ann an Ierusalem: oir thubhairt e, An diugh aisgidh tigh Israeil dhomhsa rioghachd m'athar.

4 An s'n thubhairt an rìgh ri Siba, Feuch, is leatsa gach *ni* a *bha* aig Mephiboset. Agus thubhairt Siba, Tha mi le mòr-ùmhlachd a' guidhe ort *gu'm* faigh mi deadh-ghean a'd' shùilbh, a thighearn', a rìgh.

5 Agus an uair a thàinig rìgh Daibhidh gu Bahurim, feuch, á sin thàinig a mach duine de theaghlach tìghe Shaul, d'am b'ainm Simei, mac Ghera: thàinig e mach, a' teachd air aglaidh agus a' mallachadh.

6 Agus thig e clachan air Daibhidh, agus air seirbhisich rìgh Daibhidh uile; agus *bha* 'n sluagh uile, agus na daoine treuna uile, air a làimh dheis agus air a làimh chlì.

7 Agus mar so thubhairt Simei an uair a mhallach se e, Thig a mach, thig a mach, thus' a dhuine fhuileachdaich, agus a dhuine le Belial:

8 Dh'òl an Tighearn orts a uile fhuil tìghe Shaul, 'an àit an do rìghich thu; agus thug an Tighearn an rioghachd do làimh do mhic Absalom: agus, feuch, *ghlacadh* thu ann ad ole féin, a chionn gur duine fuileachdach thu.

9 An sin thubhairt Abisai mac Sheruah ris an rìgh, C'ar son a mhallachadh an cù marbh so mo thighearn an rìgh? leig dhomh dol a null, guidheam ort, agus a cheann a thoirt d'heath.

10 Agus thubhairt an rìgh, Ciod e mo ghnothuch-sa ribhse, a mhaca Sheruah? leigibh leis mallachadh, a chionn gu'n d'thubhairt an Tighearn ris, Mallach Daibhidh: agus cò a their, C'ar son a rinn thu mar so?

11 Agus thubhairt Daibhidh ri Abisai, agus r'a sheirbhisich uile, Feuch, mo mhac, a thàinig a mach á m'innibh, ag iarraidh m'anama; agus cia mòr is mò a nis a *difheudas* an Beniamincach so? Leigibh leis, agus mallaicheadh e, oir dh'iarr an Tighearn air.

12 Theagamh gu'n amhaire an Tighearn air m'amhghar, agus gu'n diol an Tighearn dhomh maith air son a mhallachaidh air an là 'n diugh.

13 Agus an uair a dh'imich Daibhidh agus a dhaoine air an t-slighe, dh'imich Simei air slìos an t-sléibh làimh ris, a' dol air aghaidh agus a' mallachadh, agus thilg e clachan agus ùir air.

14 Agus thàinig an rìgh agus an sluagh uile a *bha* maille ris, sgith; agus leig iad an anail an sin.

15 Agus thàinig Absalom agus uile shluagh

fhear Israeil, gu h-Ierusalem, agus Ahitophel maille ris.

16 Agus an uair a thàinig Husai an t-Arach, caraid Dhaibhidh, a dh'ionnsuidh Absalom, thubhairt Husai ri Absalom, Gu ma fada beò an rìgh, gu ma fada beò an rìgh.

17 Agus thubhairt Absalom ri Husai, An e so do chaoimhneas ri d' charaid? c'ar son nach deachaidh tu maille ri d' charaid?

18 Agus thubhairt Husai ri Absalom, Ni h-eadh; ach ge b'e neach a thaghas an Tighearn, agus an sluagh so, agus fir Israeil uile, leis-san bithidh mise, agus maille ris fanaidh mi.

19 Agus 's an dara àite, co dha a dheanainn seirbhis? nach ann an làthair a mhic? mar a rinn mi seirbhis ann an làthair d'athar, mar sin bithidh mi a'd' làthair-sa.

20 An sin thubhairt Absalom ri Ahitophel, Thugaibh comhairle 'n 'ur measg ciod a ni sinn.

21 Agus thubhairt Ahitophel ri Absalom, Gabh a stigh a dh'ionnsuidh choimhleabach d'athar, a dh'fhàg e a ghleidheadh an tìghe; agus cluinidh Israel uile gu bheil thu air fàs gràineil do d'athair, agus neartaichear làmh an gach neach a *tha* maille riut.

22 Agus sgaol iad bùth do Absalom air mullach an tìghe; agus chaidh Absalom a steach a dh'ionnsuidh choimhleabach 'athar ann an sealladh Israeil uile.

23 Agus *bha* comhairle Ahitophel a thug e seachad anns na làithibh sin, mar gu'm fiosraicheadh duine de fhocal Dhé: mar sin *bha* uile chomhairle Ahitophel, aron aig Daibhidh agus aig Absalom.

CAIB. XVII.

1 *Dh'iarr Ahitophel dol air tòir Dhaibhidh, 15 Chuir Husai fios a dh'ionnsuidh Dhaibhidh os ìosal air gach nì a chomhairlich Ahitophel. 23 Chroch Ahitophel e féin. 25 Rinn Absalom Amasa 'n a cheannard air an t-sluagh.*

AGUS thubhairt Ahitophel ri Absalom, Leig dhomh a nis dà mhìle dheug fear a thaghadh a mach, agus éiridh mi, agus théid mi air tòir Dhaibhidh an nochd:

2 Agus thig mi air an uair a tha e sgith agus lag-lámhach, agus cuiridh mi eagal air: agus teichidh an sluagh uile a *tha* maille ris, agus buailidh mi an rìgh a mhàin.

3 Agus bheir mi air an ais an sluagh uile a dh'ionnsuidh-sa: *tha* 'n duine a *tha* thu ag iarraidh mar gu'm pilleadh an t-ionlan: agus bithidh an sluagh uile ann an sìth.

4 Agus thaitinn a' chainnt ri Absalom, agus ri seanairibh Israeil uile.

5 Agus thubhairt Absalom, Gairm a nis mar an ceudna air Husai an t-Arach, agus chuinneamaid mar an ceudna ciod a their esan.

6 Agus thàinig Husai dh'ionnsuidh Absalom, agus labhair Absalom ris, ag ràdh,

Air an dòigh so labhair Ahitophel: an dean sinn a *reir* 'fhocail, no uach *dean?* labhair thusa.

7 Agus thubhairt Husai ri Absalom, Chan *eil* a' chomhairle a thug Ahitophel maith air an uair so.

8 Oir, arsa Husai, is aithne dhuit d'athair agus a dhaoine, gur *daoine* treun' iad agus air am brosnachadh gu feirg 'n an spiorad, mar mhath-ghamhuin o'n d'thugadh a cuilcanau anns a' mhachair: agus is fear-cogaidh d'athair, agus cha ghabh e tàmh maille ris an t-sluagh.

9 Feuch, tha e nis 'am folach ann an slochd éigin, no ann an àit *éigin* eile: agus tachairidh, an uair a thuiteas cuid diubh an toiseach, ge b'e neach a chluineas e gu'n abair e, Tha àr am measg an t-sluaigh a tha 'leantuinn Absalom.

10 Agus esan mar an ceudna a tha 'n a dhuine treun, aig am *bheil* a chridhe mar ehiridhe leòmhain, leaghaidh e gu tur: oir tha fios aig Israel uile gur duine treun d'athair, agus gur daoine treun' iadsan a tha maille ris.

11 Air an aobhar sin is i mo chomhairle-sa, Gu'n cruinnichtear Israel uile a d'ionnsuidh, o Dhan eadhon gu Beer-seba, mar a' ghaineamh a tha làimh ris an fhairge air lìonmhoireachd, agus gu'n téid thu féin *maille riu* do'n chath.

12 Agus thig sinn air ge b'e àit 'am faighear e, agus tuitidh sinu air uar a thuiteas an drùchd air an talamh: agus cha-n fhàgar dheth féin, agus de na fir uile a tha maille ris, eadhon aon.

13 Agus ma théid e a steach do bhaile, an sin bheir fir Israel uile cuid leò a d'ionnsuidh a' bhaile sin, agus tairngidh sinn e do'n amhainn, gus nach fàgar an sin aon chlach bheag.

14 Agus thubhairt Absalom, agus fir Israel nile, Is fearr comhairle Husai an Arcaich na comhairle Ahitophel: oir dh'orduich an Tighearn comhairle mhaith Ahitophel a thoirt gu neo-ù, a chum gu'n tugadh an Tighearn ole air Absalom.

15 An sin thubhairt Husai ri Sadoc agus ri Abiatar na sagartan, Mar so agus mar so chomhairlich Ahitophel Absalom agus seanairean Israeil: agus mar so agus mar so chomhairlich mise.

16 A nis nime sin cuiribh *fios* gu grad, agus innsibh do Dhaibhidh, ag ràdh, Na fan an uochd ann an còmharrdaibh an fhàsaich, ach gabh thairis gu luath, air eagal gu'n shigear suas an rìgh, agus an sluagh uile a tha maille ris.

17 Agus dh'fhan Ionatan agus Ahimaas làimh ri Eu-rogel; (oir cha-n fheadadh iad a bhì air am faicinn a' dol a stigh do'n bhaile): agus chaidh cailin agus dh'innis i dhoibh; agus chaidh iadsan agus dh'innis iad do rìgh Daibhidh.

18 Gidheadh chunnaic òganach iad, agus dh'innis e do Absalom: ach dh'imich iadsan le 'chéile gu luath, agus thàinig iad gu tigh duine ann am Bahurim, aig an robh tobar 'n a chùirt, agus chaidh iad sìos an sin.

19 Agus ghabh a' bhean còmhach agus sgaoil i e air beul an tobair, agus chuir i gràn bleithe air; agus cha d'aithnicheadh an ni.

20 Agus an uair a thàinig seirbhisich Absalom a dh'ionnsuidh na mùa do'n tigh, thubhairt iad, C'ait am bheil Ahimaas agus Ionatan? Agus thubhairt a' bhean riu, Chaidh iad thairis air an t-sruthan uisge. Agus an uair a dh'iarr iad, agus nach d'fhuair iad, phill iad gu h-Iersalem.

21 Agus an uair a dh'fhalbh iad, thàinig iadsan a nìos as an tobar, agus chaidh iad agus dh'innis iad do rìgh Daibhidh, agus thubhairt iad ri Daibhidh, Eiribh, agus rachaibh gu grad thar an uisge; oir mar so chomhairlich Ahitophel 'n 'ur n-aghaidh-sa.

22 Agus dh'éirich Daibhidh, agus an sluagh uile a bha maille ris, agus chaidh iad thar Iordan gu solus na maidne, gus nach robh aon diubh nach deachaidh thar Iordan.

23 Agus an uair a chunnaic Ahitophel nach do ghabhadh a chomhairle, chuir e diollaid air 'asail, agus dh'éirich e, agus dh'imich e dh'ionnsuidh a thighe, d'a bhaile féin, agus thug e àitheantan d'a theaghlach, agus chroch se e féin, agus fhuair e bàs, agus dh'adhlacaidh e ann an àit-adhlacaidh 'athar.

24 An sin thàinig Daibhidh gu Mahanaim: agus chaidh Absalom thar Iordan, e féin agus fir Israeil uile maille ris.

25 Agus rinn Absalom Amasa 'n a cheannard air an t-sluagh 'an àit Ioab: agus b'e Amasa mae duine, d'am b'aim Itra, Israeleach a chaidh a steach gu Abigail nighean Nahais, piuthar Sheruah, màthar Ioab.

26 Agus champaich Israel agus Absalom ann am fearann Ghilead.

27 Agus an uair a thàinig Daibhidh gu Mahanaim, thug Sobi mae Nahais o Rabah chloinn Amoin, agus Machir mae Amieil o Lodebar, agus Barsillai an Gilcadach o Rogelim,

28 Leapaichean, agus cuachan, agus soithichean creadha, agus cruithneachd, agus eorna, agus min mhìn, agus gràn cruaidhichte, agus pònaire, agus gill-pheasair, agus *peasair* chrnadhichte.

29 Agus mil, agus im, agus caoraich, agus cùise cruaidh air son Dhaibhidh, agus air son an t-sluaigh a bha maille ris, a chum an itheadh: oir thubhairt iad, Tha'n sluagh ocrach, agus sgith, agus iotmhor anns an fhasach.

CAIB. XVIII.

1 *Chuir Daibhidh a mach 'armailt fo làimh Ioab, Abisa, agus Itai, agus dh'ordluich e dhoibh buintinn gu caoimhnèil ri Absalom.* 6 *Bhuailleadh fir Israel.* 9 *Mharbh Ioab Absalom.* 33 *Rinn Daibhidh caoidh air a shon.*

AGUS rinn Daibhidh an sluagh a *bha* maille ris àireamh, agus chuir e ceannardan mhìltean, agus ceannardan eheudan os an ceann.

2 Agus chuir Daibhidh a mach trian de'n t-sluagh fo làimh Ioab, agus trian fo làimh Abisai, mhic Sheruah, bràthar Ioab, agus trian fo làimh Itai a' Ghithich: agus thubhairt an rìgh ris an t-sluagh, Gu deimhin théid mi féin mar an ceudna mach maille ribh.

3 Ach fhreagair an sluagh, Cha téid thu mach: oir ma theicheas sinne, cha ghabh iad suim dhinn; agus ma bhàsaicheas ar leth, cha ghabh iad suim dhinn; ach a nis *tha thusa* mar dheich mìle dhinne: uime sin a nis is fearr gu'n deanadh tusa eòmh-nadh ruinn a mach as a' bhaile.

4 Agus thubhairt an rìgh riu, *An nì sin* a tha ceart 'n 'ur shùilibh, ni mise. Agus sheas an rìgh làimh ris a' gheata, agus thàinig an sluagh uile a mach 'n an ceud-aibh agus 'n am mìltibh.

5 Agus dh'àithn an rìgh do Ioab, agus do Abisai, agus do Itai, ag ràdh, *Buinibh* gu caoimhnèil air mo sgàth-sa ris an òganach, ri Absalom. Agus chual' an sluagh uile 'n uair a dh'àithn an rìgh do na ceannardaibh uile a thaobh Absalom.

6 Agus chaidh an sluagh a mach do'n mhachair an aghaidh Israeil: agus bha'n cath ann an coille Ephraim.

7 Agus mharbhadh an sin sluagh Israeil roimh sheirbhiseich Dhaibhidh; agus bha'n sin air an là sin àr mòr fhichead mìle fear:

8 Oir bha'n cath an sin air sgoileadh air aghaidh na tìre uile; agus chuir a' choille as do thuilleadh sluaigh air an là sin na chuir an claidheamh.

9 Agus thachair Absalom air seirbhiseich Dhaibhidh; agus *bha* Absalom a' marcachd air muileid, agus chaidh a' mhùileid a steach fo gheugan tiugha craoibhe mòire daraich, agus ghlacadh a cheann anns a' chraoibh dharaich, agus chrochadh e cadar nèamh agus talamh; agus dh'imich a' mhùileid a *bha* fòidhe roimpe.

10 Agus chunnaic duine àraidh *so*, agus dh'innis e do Ioab, agus thubhairt e, Feuch, chunnaic mi Absalom crochta ann an craoibh dharaich.

11 Agus thubhairt Ioab ris an duine a dh'innis dha, Agus, feuch, chunnaic thu e, agus e'ar son nach do bhuail thu e 'n sin gu làr, agus bheirinnse dhuit deich *secel* airgid, agus crios?

12 Agus thubhairt an duine ri Ioab, Ged gheibhinnse mìle *secel* airgid ann mo làimh,

cha chuirinn mo làimh a mach an aghaidh mic an rìgh: oir 'n ar n-éiseachd dh'àithn an rìgh dhuitse, agus do Abisai, agus do Itai, ag ràdh, Gleidhibh dhomh an t-òganach Absalom.

13 No dheanainn eucoir an aghaidh m'an-ama féin: oir cha-n'èil ni air bith 'am folach air an rìgh, agus sheasadh tusa féin a'm' aghaidh.

14 An sin thubhairt Ioab, Cha-n fhead mise fuireach mar so maille riut. Agus ghabh e trì gathan 'n a làimh, agus shàth e iad 'an eridhe Absalom, an uair a *bha* e fatath beò ann am meadhon na craoibhe daraich.

15 Agus chuairtich deichnear òganach a *bha* 'g iomchar arm Ioab Absalom agus bhuail iad e, agus mharbh iad e.

16 Agus shéid Ioab an trompaid, agus phill an sluagh o ruagadh Israeil; oir chum Ioab air an ais an sluagh.

17 Agus ghabh iad Absalom, agus thilg iad e ann an slochd mòr anns a' choille, agus chuir iad carn ro mhòr chlach air: agus theich Israel uile, gach fear a dh'ionnsuidh a bhùtha.

18 A nis ghabh Absalom, an uair bu bheò e, agus chuir e suas dha féin curragh, a *tha* ann an gleann an rìgh: oir thubhairt e, Cha-n'èil mac agam a chumail m'ainme air chuimhne: agus thug e ainm féin air a' charragh; agus theirear ris gus an là 'n diugh, Clach-chuimhneachain Absalom.

19 An sin thubhairt Ahimaas mac Shadoic, Leig dhomh ruith a nis, agus sgeul a thoirt a dh'ionnsuidh an rìgh, gu'n do shaor an Tighearn e á làimh a naimhdean.

20 Agus thubhairt Ioab ris, Cha toir thu sgeul leat an diugh, ach bheir thu sgeul leat là eile: ach an diugh cha toir thu sgeul leat, a chionn gu bheil mac an rìgh marbh.

21 Agus thubhairt Ioab ri Cusi, Falbh, innis do'n rìgh ciod a chunnaic thu. Agus chom Cusi e féin do Ioab, agus ruith e.

22 An sin thubhairt Ahimaas mac Shadoic a ris ri Ioab, Ach gidheadh, leig dhomhsa, guidheam ort, ruith mar an ceudna an déigh Chusi. Agus thubhairt Ioab, C'ar son a ruithheadh tusa, a mhic, agus nach d'fhuaradh sgeul sam bith dhuit?

23 Ach gidheadh, *ars' esan*, leig dhomh ruith. Agus thubhairt e ris, Ruith. Agus ruith Ahimaas rathad a' chòmhnaird, agus chaidh e seachad air Cusi.

24 Agus shuidh Daibhidh eadar an dà gheata: agus chaidh an fear-faire suas gu muillach a' gheata, air a' bhalla; agus thog e suas a shùilean, agus dh'amhaire e, agus, feuch, duine a' ruith 'n a aonar.

25 Agus ghlaodh am fear-faire, agus dh'innis e do'n rìgh. Agus thubhairt an rìgh Ma *tha* e 'n a aonar, *tha* sgeul aige 'n a bheul. Agus dh'imich e air aghaidh, agus thàinig e am fagus.

23 Agus chunnaic am fear-faire duine eile a' ruith; agus ghlaodh am fear-faire ris an dorsair, agus aghaidh e, Feuch, *tha* duine eile a' ruith 'n aonair. Agus thubhairt an rìgh. Tha esan mar an ceudna a' toirt sgeòil.

27 Agus thubhairt am fear-faire, Tha mi a' faicinn ruith a' cheud *duine* mar ruith Ahimaas, mhic Shadoic. Agus thubhairt an rìgh, Is duine maith esan, agus is ann le sgeul maith a tha e a' teachd.

28 Agus ghlaodh Ahimaas, agus thubhairt e ris an rìgh, Tha gach nì gu maith. Agus chom se e fèin sìos do'n rìgh air 'aghaidh dh'ionnsuidh na talmhainn, agus thubhairt e. Gu ma beannaichte an Tighearn do Dhia, a thug thairis na daoine a thog an lannhan suas an aghaidh mo thighearn an rìgh.

29 Agus thubhairt an rìgh, Am bheil an t-òganach Absalom tèaruinte? Agus fhreagair Ahimaas, an uair a chuir Ioab air falbh seirbhiseach an rìgh, agus *mise* do sheirbhiseach, chunnaic mi buaireas mòr, ach cha robh fios agam ciod e.

30 Agus thubhairt an rìgh *ris*, Tionndaidh a leth-taobh, agus seas an so. Agus thionndaidh e a leth-taobh, agus sheas e.

31 Agus, feuch, thàinig Cusi; agus thubhairt Cusi, Bheirar sgeul do m' thighearn, an rìgh, gu'n do shaor an Tighearn thusa an diugh à làimh nan uile a dh'èirich suas a d' aghaidh.

32 Agus thubhairt an rìgh ri Cusi, Am bheil an t-òganach Absalom tèaruinte? Agus fhreagair Cusi, Gu robh naimhdean mo thighearn an rìgh, agus iadsan uile a dh'èirich suas a' d' aghaidh a dheanamh do chroin, mar a *tha* an t-òganach sin.

33 Agus ghluaisleadh an rìgh gu mòr, agus chaidh e suas do'n t-seòmar os ceann a' gheata, agus ghuil e: agus ag imeachd dha, thubhairt e mar so, A mhic Absalom! a mhic, a mhic Absalom! O nach mise fèin a fhuair bàs air do shon, Absalom, a mhic, a mhic!

CAIB. XIX.

1 *Thug Ioab air Daibhidh sgeul o bhròn a dheanamh air son Absalom. Di' iarr na h-Israelich an rìgh a thoirt air ais.* 16 *Fhuair Simeil maithanas.* 24 *Ghabh Mephiboset a leisgeul fèin.* 31 *Phàill Barsillai o Dhaibhidh a lean-tuinn.*

AGUS dh'innseadh do Ioab, Feuch, tha'n rìgh a' gul agus a' caoidh air son Absalom.

2 Agus bha a' bhuaidh air an là sin air a tionndadh gu caoidh do'n t-sluagh uile; oir chual an sluagh e air a ràdh an uair a sin, Tha 'n rìgh fo thuirse air son a mhic.

3 Agus ghòid an sluagh air an là sin a steach do'n bhaile, mar a ghoideas sluagh air falbh agus iad fo nàire, an uair a theicheas iad ann an cath.

4 Ach dh'fholaich an rìgh 'aghaidh, agus

ghlaodh an rìgh le guth àrd, A mhic Absalom! Absalom, a mhic, a mhic!

5 Agus thàinig Ioab a steach a dh'ionnsuidh an rìgh do'n tigh, agus thubhairt e, Chuir thu nàire an diugh air aghaidhean do sheirbhiseach uile, a shaor d'anam an diugh, agus anaman do mhac, agus do nighean, agus anaman do bhan, agus anaman do choimhleabach:

6 A chionn gu bheil gràdh agad dhoibhsan aig am bheil fuath dhuit, agus gu bheil fuath agad dhoibhsan aig am bheil gràdh dhuit: oir nochd thu an diugh nach 'eil *suim* agad do cheannardaibh, no do sheirbhiseach: oir tha mi 'tuigsinn an diugh, nam bitheadh Absalom beò, agus nam bitheamaidne uile marbh an diugh, an sin gu'm bitheadh e ceart a d' shùilibh.

7 A nis uime sin éirich, falbh a mach, agus labhair gu caoimheil ri d' sheirbhiseach: oir bheireamsa mo mhionnan air an Tighearn. mur téid thu mach, nach fan duine maille riut an nochd: agus bithidh sin nì's miosa dhuit na gach òle a thàinig ort o d'òige gus a nis.

8 An sin dh'èirich an rìgh, agus shuidh e anns a' gheata. Agus dh'innis iad do'n t-sluagh uile, ag ràdh, Feuch, tha'n rìgh 'n a shuidhe anns a' gheata: agus thàinig an sluagh uile 'am fianuis an rìgh. Agus theich Israel, gach fear a dh'ionnsuidh a bhùtha.

9 Agus bha'n sluagh uile ri connsachadh air feadh uile threubhan Israeil, ag ràdh, Theasair an rìgh sinn à làimh air naimhdean, agus shaor e sinn à làimh nam Philisteach, agus a nis tha e air teicheadh as an tìr roimh Absalom.

10 Agus fhuair Absalom, a dh'ung sinn os ar ceann, bàs anns a' chath: a nis ma ta c'ar son a tha sibh tosdach mu'n rìgh a thoirt air ais?

11 Agus chuir rìgh Daibhidh *fios* gu Sadoe agus gu Abiatar na sagartan, ag ràdh, Labhraibh ri seanairibh Iudah, ag ràdh, C'ar son a tha sibhse air dheireadh a thoirt an rìgh air ais d'a thigh? (agus gu'n d'thàinig cainnt Israeil uile dh'ionnsuidh an rìgh d'a thigh.)

12 Is sibhse mo bhràithrean, is sibh mo chnàmhan agus m'fheoil: c'ar son ma ta a tha sibh air dheireadh a thoirt an rìgh air ais?

13 Agus ri h-Amasa their sibh, Nach tusa mo chnàmh, agus m'fheoil? Mar sin gu'n deanadh Dia riumsa, agus tuilleadh mar an ceudna, mur bi thusa a d' cheannard air an t-sluagh a'm làthairs' an còmhnuidh 'an àit Ioab.

14 Agus dh'aom e cridheachan fhear Iudah uile, mar *chridhe* aoin duine; *air chor* as gu'n do chuir iad *am fios* so dh'ionnsuidh an rìgh, Pill fèin agus do sheirbhiseach uile.

7 Uime sin phill an rìgh, agus thàinig e gu Iordan: agus thàinig Iudah gu Gilgal, a dh'ol 'an coinnimh an rìgh, gus an rìgh a thoirt thar Iordan.

16 Agus ghreas S'mei mac Ghera, Beniamineach, a bha o Bhahurim, agus thàinig e nuas maille ri fearaibh Iudah 'an coinnimh rìgh Daibhidh.

17 Agus bha mìle fear de Bheniamin maille ris, agus Siba òglach tighe Shaul, agus a chàig mic dheug, agus fhichead seirbhiseach maille ris; agus chaidh iad thar Iordan roimh an rìgh.

18 Agus chaidh bàt-aisig a null a thoirt teaghlach an rìgh thairis, agus a dheanamh an *ni* 'bu mhaith leis. Agus thuit Simci mac Ghera, sìos 'am fianuis an rìgh, 'n uair a thàinig e thar Iordan;

19 Agus thubhairt e ris an rìgh, Na cuir-eadh mo thighearn cu-ceart as mo leth, agus uia cuimhnich an nì a rinn do sheirbhiseach gu h-an-dligheach air an là anns an deachaidh mo thighearn an rìgh a mach á I-Ierusalem, air chor as gu'n gabhadh an rìgh g'a chridhe e.

20 Oir tha fios aig do sheirbhiseach gu'n do pheacaich mi: uime sin, feuch, thàinig mi an diugh an ceud duine de thigh Ioseiph uile, a dh'ol sìos 'an coinnimh mo thighearn 'an rìgh.

21 Ach fhreagair Abisai mac Sheruah, agus thubhairt e, Nach cuirear air a shon so Simeì gu bàs, a chionn gu'n do mhallaich e *aon* ungta an Tighearna?

22 Agus thubhairt Daibhidh, Ciod e mo ghnòthuch-sa ribhse, a mhaca Sheruah, gu'm bitheadh sibh an diugh 'n 'ur n-eascairdibh dhomh? an cuirear an diugh duine sam bith gu bàs ann an Israel? oir nach 'eil fhios agam gu bheil mi an diugh a'n' rìgh os ceann Israeil?

23 Agus thubhairt an rìgh ri Simeì, Cha-n fhaigh thu bàs: agus mhionnaich an rìgh dha.

24 Agus thàinig Mephiboset, mac Shaul, a nuas 'an coinneamh an rìgh, agus cha do dheasaich e a chosan, agus cha do chuir e snas air 'fheusaig, agus cha do nigh e 'eudach o'n là anns an do thrìall an rìgh, gus an là anns an d'thàinig e ris ann an sìth.

25 Agus an uair a thàinig e gu h-Ierusalem 'an coinnimh an rìgh, an sin thubhairt an rìgh ris, C'ar son nach deachaidh tu maille riumsa, a Mephiboset?

26 Agus fhreagair esan, A thighearn', a rìgh, mheall mo sheirbhiseach mi; oir thubhairt do sheirbhiseach, Cuiridh mi diollaid dhomh féin air asail, agus marcaichidh mi oirre, agus théid mi dh'ionnsuidh an rìgh, a chionn gu bheil do sheirbhiseach baeach.

27 Agus chùl-chàin esan do sheirbhiseach ri m' thighearn an rìgh; ach *tha* mo thigh-

earn an rìgh mar aingeal Dhé: dean uime sin an *ni sin a tha* maith a'd' shùilibh.

28 Oir cha robh teaghlach m'athar uile ach 'n an daoinibh marbha 'am fianuis mo thighearn' an rìgh; gidheadh chuir thu do sheirbhiseach 'n am meas-san a dh'ith aig do bhord féin: ciod ma ta a' chòir a th' agamsa tuilleadh air glaothaich nì's mò ris an rìgh?

29 Agus thubhairt an rìgh ris, C'ar son a labhras tu nì's mò mu d' ghnòthuichibh? thubhairt mise, Roimnidh tusa agus Siba am fearann.

30 Agus thubhairt Mephiboset ris an rìgh, Scadh, gabhadh e an t-ìomlan, o thàinig mo thighearn an rìgh a ris ann an sìth d'a thigh féin.

31 Agus thàinig Barsillai an Gilcadach a nuas o Rogelim, agus chaidh e thar Iordan maille ris an rìgh, chum a chur thar Iordan.

32 A nis bha Barsillai 'n a dhuine ro shean, ceithir fichead bliadhna dh'aois: agus thug esan lòn do'n rìgh an uair a dh'fhan e ann am Mahanaim; oir *bu* duine ro mhòr e.

33 Agus thubhairt an rìgh ri Barsillai, Thig-sa thairis maille rium, agus beathaichidh mi thu maille rium féin ann an Ierusalem?

34 Agus thubhairt Barsillai ris an rìgh, Cia fad a th'agamsa ri bhi beò, gu'n rachainn suas maille ris an rìgh gu h-Ierusalem?

35 *Tha* mi an diugh ceithir fichead bliadhna dh'aois: an urrainn mise dealachadh a chur eadar maith agus olc? an urrainn do sheirbhiseach na dh'itheas no na dh'òlas mi a bhlasadh? an urrainn mise tuilleadh guth fhear agus bhan a sheinneas a chluinntinn? c'ar son ma ta a bhitheadh do sheirbhiseach fathast na eire air mo thighearn an rìgh?

36 Théid do sheirbhiseach ré ùine bhig thar Iordan maille ris an rìgh: agus c'ar son a dhioladh an rìgh sin dhomhsa le leithid so de luigheachd?

37 Leig le d' sheirbhiseach, guidheam ort, pilltinn air ais, a chum gu'm faigh mi bàs ann mo bhaile féin, làimh ri uaigh m'athar, agus mo mhàthar: ach, feuch, rachadh do sheirbhiseach Chimham thairis maille ri m' thighearn an rìgh, agus dean ris na *bhitheas* maith a'd' shùilibh.

38 Agus fhreagair an rìgh, Théid Chimham thairis maille rium, agus nì mi dha na *bhitheas* maith a'd' shùilibh; agus ge b'e nì a dh'iarras tusa orm, nì mi e dhuit.

39 Agus chaidh an sluagh uile thar Iordan, agus chaidh an rìgh thairis: agus phòg an rìgh Barsillai, agus bheannaich se e; agus phill e d'a àite féin.

40 An sin chaidh an rìgh air aghaidh gu Gilgal, agus chaidh Chimham air aghaidh maille ris: agus thug sluagh Iudah uile thairis an rìgh, agus mar an ceudna leth sluaigh Israeil.

41 Agus, feuch, thàinig fir Israeil uile dh'ionnsuidh an rìgh, agus thubhairt iad ris an rìgh, 'Car son a ghoid ar bràithrean fir Iudah thu air falbh, agus a thug iad an rìgh agus a theaghlach, agus daoine Dhaibhidh uile maille ris thar Iordan?

42 Agus fhreagair fir Iudah uile fir Israeil, A chionn gu bheil an rìgh fagus 'an dàimh dhuinne; 'car son ma ta a tha fearg oirbhe air son an ni so? an d'ith sinn a' bheag o'n rìgh? no'n d'thug e tiodhlac sam bith dhuinn?

43 Agus fhreagair fir Israeil fir Iudah, agus thubhairt iad, *Tha* deich earrannan againne anns an rìgh, agus *tha* mar an ceudna tuilleadh còir againn ann an Daibhidh na th'agaibhse: 'car son ma ta a rinn sibh tàir oirne? agus nach b'e ar gnothuch-ne an toiseach ar rìgh a thabhairt air ais? Agus bu ghairge briathran fhear Iudah na briathran fhear Israeil.

CAIB. XX.

1 *Rinn Seba agus fir Israeil ceannaire an aghaidh Dhaibhidh.* 10 *Mharbh Ioab Amasa;* 14 *agus chaidh e air tòir Sheba gu Abel.* 16 *Shaor bean ghlic an baile le ceann Sheba a thoirt do Ioab.* 23 *Luchd-dreuchd Dhaibhidh.*

AGUS thachair gu'n robh duine an sin a' le Belial, do 'm b'ainm Seba, mac Bhichri, Beniamineach; agus shéid e trompaid, agus thubhairt e, Cha-n'eil againne cuibhrionn sam bith ann an Daibhidh, agus cha-n'eil oighreachd sam bith againn ann am mac Iese: gach fear a dh'ionnsuidh a bhùtha, O Israeil.

2 Agus chaidh gach duine de Israel suas o *bhi* 'n déigh Dhaibhidh, agus lean iad Seba mac Bhichri: ach dhlùth-lean daoine Iudah r'an rìgh, o Iordan eadhon gu h-Ierusalem.

3 Agus thàinig Daibhidh d'a thigh ann an Ierusalem; agus ghabh an rìgh an deichnear bhan, a choimhleabaich, a dh'fhàg e a ghleidheadh an tighe, agus chuir e ann an gainntir iad, agus bheathaich e iad, ach cha deachaidh e stigh d'an ionnsuidh; agus bha iad air an druidealh suas gu là am bàis, a' caitheamh am beatha ann am bantrachas.

4 An sin thubhairt an rìgh ri Amasa, Cruinnich dhomhsa fir Iudah 'an ceann thri làithean, agus seas féin an so.

5 Agus dh'fhalbh Amasa a chruinneachadh fhear Iudah: ach dh'fhan e ni b'fhaide na'n t-àm suidhichte a shònraich esan dha.

6 Agus thubhairt Daibhidh ri Abisai, A nis ni Seba, mac Bhichri, tuille croin duinn na rinn Absalom: gabh thusa seirbhisich do thighearna, agus falbh air a thòir, air eagal gu'm faigh e dha féin bailtean daing-nichte, agus gu'n téid e as uainn.

7 Agus chaidh a mach 'n a dhéigh fir Ioab, agus na Ceretich, agus na Pelctich,

agus na fir threuna uile: agus chaidh iad a mach á h-Ierusalem, a dhol air tòir Sheba, mhic Bhichri.

8 An uair a bha iad aig a' chloich mhòir a tha ann an Gibeon, thàinig Amasa rompa. Agus bha Ioab crioslaichte le falluinn a chuir e uime, agus oirre sin crios le claidheamh ceangailte air a leis 'n a thruaill; agus an uair a chaidh e air aghaidh, thuit e aiste.

9 Agus thubhairt Ioab ri Amasa, Am bheil thu slàn, a bhràthair? Agus ghlac Ioab le 'dheas làimh Amasa air fheusaig, a thabhairt pòige dha.

10 Ach cha d'thug Amasa fainear an claidheamh a bha ann an làimh Ioab: agus bhuail e leis e fo 'n chùigeamh *aisinn*, agus leig e mach a mhionach a dh'ionnsuidh an làir, agus cha do bhuail e ris e; agus fhuair e bàs. Agus chaidh Ioab, agus a bhràthair Abisai, air tòir Sheba, mhic Bhichri.

11 Agus sheas fear de òganaich Ioab làimh ris, agus thubhairt e, Esan leis an ionmhuinn Ioab, agus esan a tha le Daibhidh, leanadh e Ioab.

12 Agus bha Amasa 'g a aonairt ann am fuil 'am meadhon an rathaid mhòir. Agus an uair a chunnaic an duine gu'n d'fhan an sluagh uile 'n an seasamh, dh'atharraich e Amasa o'n rathad mhòr do'n achadh, agus thilg e eudach air, an uair a chunnaic e gu'n d'fhan gach neach a thàinig làimh ris 'n an seasamh.

13 An uair a dh'atharraicheadh e o'n rathad mhòr, chaidh an sluagh uile air an aghaidh an déigh Ioab, a dhol air tòir Sheba mhic Bhichri.

14 Agus chaidh e air feadh uile threubhan Israeil gu h-Abel Bhetmaacah, agus na Berich uile: agus chruinnicheadh iad 'an ceann a chèile, agus chaidh iad mar an ceudna 'n a dhéigh.

15 Agus thàinig iad, agus theannaich iad e ann an Abel Bhetmaacah, agus chuir iad suas torr an aghaidh a' bhaile, agus sheas e làimh ris a' bhalla: agus rinn an sluagh uile a bha maille ri Ioab an dìchioll air a' bhalla a leagadh sìos.

16 An sin ghlaodh bean ghlic a mach as a' bhaile, Eisdibh, éisdibh; abraibh, guidheam oirbh, ri Ioab, Thig am fagus an so, agus labhraidh mi riut.

17 Agus an uair a thàinig e 'm fagus d'i, thubhairt a' bhean, an tu Ioab? Agus fhreagair esan, *Is* mi. An sin thubhairt i ris, Eisd ri briathraibh do bhanoglaich. Agus fhreagair esan, Tha mi ag éisdeachd.

18 An sin labhair i, ag ràdh, Gu cinnteach labhairidh an toiseach, ag ràdh, Gu deimhin iarraidh iad sìth air Abel: agus mar sin crìochnaichidh iad an gnothuch.

19 *Is aon* mise dhiubhsan a tha sìochail agus firinneach ann an Israel: ach tha

thusa ag iarraidh baile a sgrios, agus màthair ann an Israel. C'ar son a shluigeas tu suas oighreachd an Tighearna?

20 Agus fhreagair Iobab agus thubhairt e, Gu ma fada, fada sin uamsa, gu'n sluiginn suas, no gu'n sgriosainn.

21 Cha-n ann mar sin a tha an gnothuch: ach thug duine de shliabh Ephraim, d'an ainm Seba mac Bhichri, a lamh suas an aghaidh an rìgh, an aghaidh Dhaibhidh: thugaibh esan a mlàin thairis, agus imichidh mi o'n bhaile. Agus thubhairt a' bhean ri Iobab, Feuch, tilgear a cheann a d' ionnsuidh thar a' bhalla.

22 An sin chaidh a' bhean a dh'ionnsuidh an t-sluaigh uile 'n a ghlocas: agus ghearr iad ceann Sheba mhic Bhichri dheth, agus thilg iad a mach e dh'ionnsuidh Iobab: agus shéid e trompaid, agus chaidh iad air falbh o'n bhaile, gach fear a dh'ionnsuidh a bhùtha. Agus phill Iobab do Ierusalem a dh'ionnsuidh an rìgh.

23 A nis bha Iobab os ceann armailte Isracil uile: agus bha Benaiah mac Iehoiada os ceann nan Cereach, agus os ceann nam Peleteach:

24 Agus bha Adoram os ceann na cise: agus bha Iehosaphat mac Ahiluid 'n a shean-achaidh:

25 Agus bha Sebha 'n a sgrìobhaiche: agus b'iad Sadoe agus Abiatar na sagartan:

26 Agus mar an ceudna bha Ira an Iair-each 'n a àrd riaghlair aig Daibhidh.

CAIB. XXI.

1 *Sguir a' ghorta a bha 's an tìr 'n uair a chroch na Gibeonaich seachdnar de mhic Shaul.* 12 *Dh'adhlaid Daibhidh cnàmhan Shaul agus Ionatain.* 15 *Chog seirbhìsich Dhaibhidh an aghaidh nam Philisteach.*

AGUS bha gorta ann an làithlibh Dhaibhidh, ré thri bliadhna, bliadhna 'n déig bliadhna. Agus dh'fhiosraich Daibhidh de'n Tighearn, agus fhreagair an Tighearn, *Is ann air son Shaul, agus air son a thighe fhuiteachdaich a tha i*, a chionn gu'n do mharbh e na Gibeonaich.

2 Agus ghairm an rìgh air na Gibeonaich, agus thubhairt e riu: (a nis cha robh na Gibeonaich de chloinn Israeil, ach de Iarmad nan Amorach; agus thug clann Israeil mionnan doibh: agus dh'iarr Saul am marbhadh, 'n a eud air son chloinn Israeil agus Iudah:)

3 Uime sin thubhairt Daibhidh ris na Gibeonaich, Ciod a ni mi air bhur son? agus cia leis a ni mi an réite, a chum gu'm beannaich sibh oighreachd an Tighearna?

4 Agus thubhairt na Gibeonaich ris, Cha bhi againne airgid no òr o Shaul, no o a thighe; agus air ar soinne cha mharbh thu duine sam bith ann an Israel. Agus thubhairt esan, *An ni a their sibh ni mise dhuibh.*

5 Agus fhreagair iad an rìgh, An duine a chuir as duinn, agus a smuainich 'n ar n-aghaidh sinn a bhi air ar sgrios, air chor as nach fanamaid ann an crìch air bith de Israel;

6 Thugar dhuinn seachdnar d'a mhic-san, agus crochaidh sinn suas iad do'n Tighearn, ann an Gibeah Shaul, a thagh an Tighearn. Agus thubhairt an rìgh, Bheir mi *dhuibh iad.*

7 Ach chaomhain an rìgh Mephiboset mac Ionatain, mhic Shaul, air son mhionnan an Tighearn' a bha catorra, eadar Daibhidh agus Ionatan mac Shaul.

8 Ach ghabh an rìgh dà mhac Rispah nighinn Aiah, a rug i do Shaul, Armoni agus Mephiboset; agus cùgnear mhac Mheroib nighinn Shaul, a rug i do Adriel mac Bharsillai a' Mheholataich;

9 Agus thug e thairis iad do làimh nan Gibeonach, agus chroch siad iad anns an t-sliabh 'am fianuis an Tighearna: agus thuit an t-seachdnar sin cuideachd, agus chuir-eadh gu bàs iad ann an ceud làithibh an fhogharaidh, ann an toiseach fogharaidh an corna.

10 Agus ghabh Rispah nighean Aiah saic-eudach, agus sgaoil i dhi féin e air a' charr-aig, o thoiseach an fhogharaidh gus an do shlu uisge orra o nèamh: agus cha do leig i le eunlaith an athair fois a ghabhail orra 's an là, no do fhiadh-bheathaichibh na macharach 's an oidhche.

11 Agus dh'innseadh do Dhaibhidh ciod a rinn Rispah, nighean Aiah, coimhleabach Shaul.

12 Agus dh'fhalbh Daibhidh, agus thug e o dhaoinibh labeis-ghilead cnàmhan Shaul, agus cnàmhan a mhic Ionatain, a ghoid iad o shràid Bhet-sain, far an do chroch na Philistich iad, anns an là air an do mharbh na Philistich Saul ann an Gilboa:

13 Agus thug e nìs as a sin cnàmhan Shaul, agus cnàmhan Ionatain, a mhic: agus chruinnich iad cnàmhan na muinntir a chrochadh.

14 Agus dh'adhlaid iad cnàmhan Shaul, agus a mhic Ionatain, ann an tìr Bheniamin ann an Selah, ann an àit-adhlacaidh Chis 'athar. Agus rinn iad gach ni a dh'aithn an rìgh: agus 'n a dhéigh sin bha Dia réidh ris an tìr.

15 Agus bha cogadh aig na Philistich fathast ri Israel; agus chaidh Daibhidh sìos agus a sheirbhìsich maille ris, agus chog iad ris na Philistich; agus dh'fhàs Daibhidh sgèth.

16 Agus thubhairt Isbi-benob, a bha de shliochd an fhamhair, (agus aig am b'e cothrom cinn a shleagha tri cheud secl umha, agus e crioslaichte le crios ùr,) gu'm marbhadh e Daibhidh.

17 Ach rinn Abisai mac Shernaiah còmh-nadhl ris, agus bhual e am Philisteach, agus

mharbh se e. An sin mhionnaich fir Dhaibhidh dha, ag ràdh, Cha téid thu mach nì's mò maille ruinne gu cath, chum nach cuir thu as lòchran Israeil.

18 Agus 'n a dhéigh so bha cath a ris ann an Gob ris na Philistich: an sin bhuail Sibechai an Husatach Saph, a bha de shliochd an fhamhair.

19 Agus bha ris cath ann an Gob ris na Philistich: agus bhuail Elhanan mac Iare-oregim Lahmi bràthair Gholiath a' Ghitich; agus bha crann a shleagha mar gharman figheadair.

20 Agus bha fathast cath ann an Gat, far an robh fear de mheud *mhoir*, agus sè meoir aige air gach làimh, agus sè meoir air gach cois, ceithir thar fhichead 'an àireamh; agus rugadh esan mar an ceudna do'n fhamhair.

21 Agus an uair a thug e dùbhlán do Israel, mharbh Ionatan, mac Shimeah, bràthar Dhaibhidh e.

22 Rugadh a' cheathrar sin do'n fhamhair ann an Gat, agus thuit iad le làimh Dhaibhidh, agus le làimh a sheirbhiseach.

CAIB. XXII.

1 *Laoidh bhuidheachais le Daibhidh do bhrìgh gu'n do shaor an Tighearna e à làmh a naimhdean.*

AGUS labhair Daibhidh ris an Tighearn briathran na laoidhe so, anns an là air an do shaor an Tighearn e à làmh a naimhdean uile, agus à làmh Shaul:

2 Agus thubhairt e, *Is e'n Tighearn mo charraig*, agus mo dhaingneach, agus mo shlanuidhear.

3 *Is e Dia mo charraig*; earbaidh mi as: mo sgiath agus adharc mo shlàinte, mo thùr àrd agus mo dhìdean: m'fhear-saoraidh; o ainneart saoraidh tusa mi.

4 Gairmidh mi air an Tighearn, *a's a' airidh* air cliu; agus o m' naimhdeibh saorar mi.

5 Oir chuairtich tonnan a' bhàis mi: chuir tuiltean dhroch dhaoine eagal orm.

6 Dh'iadh cuird ifrinn mu m' thimchioll: ghabh lìontan a' bhàis romham.

7 A'm airc ghairm mi air an Tighearn, agus ri m' Dhia ghlaodh mi, agus chual' e o 'theampull mo ghuth, agus ràinig mo ghlaodh a chluasan.

8 Agus chrathadh agus chrìochnaich an talamh: ghluaiseadh bunaitean nan nèamh agus chrathadh iad, a chionn gu'n robh fearg air.

9 Chaidh deatach suas o 'shròin, agus loisg teine as a bheul: lasadh éibhlean leis.

10 Agus lùb e a nèamhan, agus thàinig e suas; agus dorchadas fo 'chosaibh.

11 Agus mharcaich e air cherub, agus chaidh e air iteig: agus dh'itealaich e air sgiathaibh na gaoithe.

12 Agus rinn e dorchadas 'n a phàillion-aibh m' a thimchioll, comh-chruinneachadh nan uisgeachan, neil thiugha nan spur.

13 Leis an dealradh a bha fa 'chomhair lasadh éibhlean teine.

14 Rinn an Tighearn tairneanach o na nèamhan, agus leig an Ti a's àird' a ghuth a mach.

15 Agus chuir e mach saighdean, agus sgap e iad; dealanach agus chlaoidh e iad.

16 Agus leigeadh ris aigean na fairge, nochdadh bunaitean an domhain, le ach-mhasan an Tighearna, le séideadh anail' a shròine.

17 Chuir e nuas o'n àird', ghlac e mi; tharruing e mi à mòran uisgeachan.

18 Shaor e mi o m' naimhaid làidir, uathas an a' dh'fhuathaich mi; oir bu treise iad na mise.

19 Ghabh iad romham ann an là m' àmhghair; ach b'e 'n Tighearn mo chùl-taice.

20 Agus thug e mach mi gu ionad farsaing: shaor e mi, a chionn gu'n do ghabh e tlachd annam.

21 Thug an Tighearn luigheachd dhomh a réir m'ionracais: a réir gloine mo làmh dhìol e dhomh.

22 Oir ghléidh mi slighean an Tighearn', agus o m' Dhia cha do chluon mi gu h-aingidh.

23 Oir bha a bhreitheanais uile a'm' fhianuis: agus a reachdan cha do chuir mi uam.

24 Agus bha mi ionraic 'n a fhianuis, agus ghléidh mi mi féin o m' aingidheachd.

25 Uime sin dhìol an Tighearn dhomh a réir m'ionracais, a réir mo ghloine ann an sealladh a shùil.

26 Do'n duine thrèaireach nochdaidh tu thu féin thrèaireach, agus do'n duine ionraic nochdaidh tu thu féin ionraic.

27 Do'n duine ghlan nochdaidh tu thu féin glan, agus do'n duine reasgach nochdaidh tu thu féin reasgach.

28 Agus an sluagh a tha fo àmhghar saoraidh tu: ach *tha* do shùilean an aghaidh nan uaibhreach; bheir thu nuas iad.

29 Oir lasaidh tusa mo lòchran, a Thighearna: agus soillsichidh an Tighearn na dhorchadas.

30 Oir leatsa ruith mi troimh bhuidhinn: le m' Dhia leum mi thar balla.

31 *A thaobh Dhé, tha* a shlighe iomlan; *tha* focal an Tighearn' air a dhearbhadh: *is* sgiath e dhoibhsan uile a chuireas an dòchas ann.

32 Oir cò a's Dia ann ach an Tighearn? agus cò a's carraig ann ach ar Dia-ne?

33 Is e Dia mo neart agus mo chumhachd; agus tha e 'deanamh mo shlighe iomlan.

34 *Tha e* 'deanamh mo chos mar chosan éilde: agus air m' àitibh àrda socraichidh e mi.

35 *Tha e a'* teagasg mo làmh gu càth, air chor as gu'm briscar bogha umha le m' ghairdeinibh.

36 Agus thug thu dhomh sgiath d'òshlàinte: agus rinn do chaomhneas mòr mi.

37 Rinn thu mo cheum farsaing fodham, air chor as nach do shleamhnaich mo chosan.

38 Lean mi mo naimhdean, agus rug mi orra; agus cha do phill mi air m'ais gus an do chuir mi as doibh.

39 Agus lot mi iad, agus cha-n éirich iad; agus thuit iad fo m' chosaibh.

40 Oir chrìosaich thu mi le neart chum catha: leag thu iadsan a dh'éirich suas a'm' aghaidh, sìos fodham.

41 Agus mo naimhdean thug thu dhomh air mhuineal; iadsan a dh'fhuathaich mi, agus ghearr mi as iad.

42 Sheall iad, agus cha robh fear-saoraidh ann; eadhon a dh'ionnsuidh an Tighearn', ach cha do fhreagair e iad.

43 Au sin mhin-phronn mi iad mar dhuslach na talmhainn; mar chlàbar na sràide bhrùth mi iad, leudaich mi a mach iad.

44 Agus shaor thu mi o chomhstri mo shluaigh; ghléidh thu mi gu bhì 'm cheann air na cinnich: nì sluagh nach b'aithne dhomh seirbhis dhomh.

45 Strìochdaidh coigrich sìos dhomh: co luath 's a chluineas iad, géillidh iad dhomh.

46 Seargaidh coigrich as, agus bithidh cagal orra a mach as an àitibh-daingne.

47 Is beò an Tighearn, agus gu ma beannaichte mo charraig-sa: agus air àrdachadh gu robh Dia, carraig mo shlàinte.

48 Is e Dia a nì dioghaltas air mo shonsa, agus a chuireas sìos an sluagh fodham,

49 Agus a bheir a mach mi o m' naimhdeibh: agus os an ceann-san a dh'éirich suas a'm' aghaidh thog thu suas mi; o fhear an ainneirt shaor thu mi.

50 Uime siu cliùthaichidh mi thu a Thighearn', ann measg nan cinneach, agus do d'ainm seinnidh mi.

51 Bheir esan saorsa mhòr d'a rìgh, agus nochdaidh e trèacair d'a aon ungta féin, do Dhaibhidh, agus d'a shliochd gu bràth.

CAIB. XXIII

1 'N a bhriathraibh deireannach chuir Daibhidh 'an cèil sonas an duine ionraic, agus syrios an ainidh. 8 Ainmean a dhaoine treuna.

ANIS is iad so briathran deireannach Dhaibhidh. Thubhairt Daibhidh mac Iese, agus thubhairt an duine a chuireadh suas gu h-àrd, aon ungta Dhé Iacoib, agus saimadair binn Israeil;

2 Labhair spiorad an Tighearna tromhamas, agus fhocal air mo theangaidh.

3 Thubhairt Dia Israeil, labhair carraig Israeil riumsa: *Bithidh* esan a riaghlas os ceann dhaoine ceart, a' riaghladh ann an cagal Dhé:

4 Agus mar sholus na maidne 'n uair a dh'éireas a' ghrian, maidne gun neoil; mar

am fear *a' fàs* a' an talmh le deairadh an déigh uisge.

5 Ged nach 'eil mo thigh mar sin aig Dia, gidheadh rinn e coimheangal sìorruidh riumsa, air a shuidheachadh anns gach nì, agus a choimhead: oir *is e* so mo shlàinte uile, agus *mo* mhiann uile, ged nach 'eil e 'toirt air fàs.

6 Ach *bithidh* mic Bheliail uile mar dhroighionn a thilgear air falbh, a chionn nach glacar le làimh iad:

7 Ach am fear a bheanas riu, dìonar e le h-iarunn, agus le crann sleagha; agus le teine loisgear gu tur iad far am fàs iad.

8 *Is* iad so ainmean nan daoine treuna a bha aig Daibhidh: Iasobeam, mac Hachmoni, 'n a cheann air triuir; thog esan a shleagh an aghaidh thri ceud, a mharbhadh leis 's an aon am.

9 Agus 'u a dhéigh-san bha Eleasar mac Dhodo an t-Ahohach, aon de'n triuir dhaoine treuna a bha maille ri Daibhidh, an uair a thug iad dùbhlán do na Philistich a chruinnicheadh an sin gu cath, agus a dh'imich fir Israeil rompa.

10 Dh'éirich esan agus bhuail e na Philistich gus an robh a làmh sgìth, agus gu'n do lean a làmh ris a' chlaidheamh. Agus dh'oibrich an Tighearn saorsa mhòr air an là sin; agus phill an sluagh 'n a dhéigh a mhàin a chreachadh.

11 Agus 'n a dhéigh-san bha Samah, mac Agee, an Hararach. Agus chruinnicheadh na Philistich 'n am buidhinn, far an robh mìr fearainn làn de ghall-pheasair: agus theich an sluagh roimh na Philistich.

12 Ach sheas esan 'am meadhon an fhearainn, agus dhion se e, agus bhuail e na Philistich: agus dh'oibrich an Tighearn saorsa mhòr.

13 Agus chaidh triuir de na deich ceannardan fichead sìos, agus thàinig iad 'an am an fhogharaidh a dh'ionnsuidh Dhaibhidh. do uaimh Adullain: agus champaich buidheann nam Philisteach ann an gleann Rephaim.

14 Agus bha Daibhidh an sin ann an daingneach, agus bha freiceadan nam Philisteach an sin ann am Bet-lehem.

15 Agus mhiannaich Daibhidh, agus thubhairt e, O gu'n tugadh fear-éigin dhomh deoch uisge o thobar Bhet-lehem, a tha làimh ris a' gheata!

16 Agus bhris an triuir dhaoine treuna stigh troimh fheachd nam Philisteach, agus tharruing iad uisge á tobar Bhet-lehem. a bha làimh ris a' gheata, agus ghabh iad e, agus thug iad leo e dh'ionnsuidh Dhaibhidh: gidheadh cha b'ail leis òl deth ach thaom e mach e do'n Tighearn.

17 Agus thubhairt e, Gu ma fada uamsa. a Thighearna, so a dheanamh: an *duinne* fuil nan daoine a chaidh ann an cunuart an anama? uime sin cha b'ail leis òl deth.

Na nithean sin rinn a' triuir dhaoine treuna.

18 Agus bha Abisai bràthair Ioaib, mac Sheruah, 'n a cheann air triuir; agus thog e suas a shleagh an aghaidh thri ceud, a mharbh e; agus fhuair e ainm am measg triuir.

19 De'n triuir nach b'e a b'urramaiche? uime sin bha e 'n a cheannard orra: gidheadh, cha do ràinig e gu ruig a' cheud triuir.

20 Agus mharbh Benaiah mac Iehoiada, mhic duine ghaigheil, o Chabseel, a rinn mòran ghnìomharau, mharbh esan dithis fhear leòmhanaid de Mhoab: chaidh e sìos mar au ceudna, agus mharbh e leòmhnan ann am meadhon sluicidh 'an àm sneachda.

21 Agus mharbh e Eiphiteach, duine comh-araichte: agus aun au làimh an Eiphitich bha sleagh; ach chaidh esan sìos d'a ionnsuidh le huirg, agus spìon e 'n t-sleagh á làimhan Eiphitich, agus mharbh e le'shleagh féin e.

22 Na nithean sin rinn Benaiah mac Iehoiada; agus bha ainm aige am measg triuir dhaoine treuna.

23 De'n triuir b'e a b'urramaiche, ach cha d'ràinig e gu ruig a' cheud triuir: agus chuir Daibhidh e os ceann a fhreiceadain.

24 Bha Asabel bràthair Ioaib am measg an deich thar fhichead, Elhanan mac Dhodo o Bhet-lehem.

25 Samah an Harodach, Elica an Harodach,

26 Hcles am Paltach, Ira mac Iceis an Tecoch,

27 Abieser an t-Anetotach, Mebunai an Husatach,

28 Salmon an t-Ahohach, Maharai an Netophatach,

29 Heleb mac Bhauuah, an Netophatach Itai mac Ribai o Ghibeah chloinn Bheniamin,

30 Benaiah am Piratonach, Hidai o shruthaibh Ghaais,

31 Abialbon au t-Arbatach, Asmabhet am Barhumach,

32 Eliahba an Saalbonach: de mhic Iassein, Ionatan,

33 Samah an Hararach, Ahiam mac Sharair an Hararach,

34 Eliphelet mac Ahasbai, mhic a' Mhaachataich, Eliam mac Ahitop eil an Gilonach,

35 Hesrai an Carmeleach, Paarai an t-Arbach,

36 Igal mac Natain o Shobah, Bani an Gadach,

37 Selech an t-Amonach, Naharai am Beerotach, fear iomchair arm Ioaib, mhic Sheruah,

38 Ira an t-Itreach, Gareb an t-Itreach,

39 Uriah an Hiteach: seachd deug thar fhichead uile.

CAIB. XXIV.

1 Chuir Daibhidh Ioaib a ghabhail àireimh Israel. 13 Air son so tha plàigh am measg t-sluaigh. 15 Bhàsaich deich agus trì fhichead mìle fear leis a' phlàigh. 18 Thog Daibhidh altair ann an urlar-bualaidh Araunah.

A GUS a ris las fearg an Tighearn' an aghaidh Israeil, agus bhrosnaich e Daibhidh 'n an aghaidh, a ràdh, Falbh, gabh àireamh Israeil agus Iudah.

2 O'r thubhairt an rìgh ri Ioaib ceannard an t-slàigh, a bha maille ris, Imich a nis air feadh uile threubhan Israeil, o Dhan eadhon gu Beerseba, agus gabh àireamh an t-sluaigh, a chum gu'm bi fios àireimh an t-sluaigh agam.

3 Agus thubhairt Ioaib ris an rìgh, A nis gu'n cuireadh an Tighearn do Dhia ris an t-sluaigh, (ge b'e ciod an àireamh a th'ann diubh), fathast a' cheud uibhir, agus gu'm faicadh sùilean mo thighearn' an rìgh e: ach car son tha mo thighearn an rìgh a' gabhail tlachd anns an nì so?

4 Gidheadh, bhuadhaich focal an rìgh an aghaidh Ioaib, agus an aghaidh cheannardan an t-slàigh: agus chaidh Ioaib agus ceannardan an t-slàigh a mach à fiauuis an rìgh, a ghabhail àireimh sluaigh Israeil.

5 Agus chaidh iad a null thar Iordan, agus champaich iad ann an Aroer, air taobh mu dheas a' bhaile, a tha ann am meadhon ainmhe Ghad, agus leth ri Caser:

6 An sin thàinig iad gu Gilead, agus gu fearann iochdarach Hodsì; agus thàinig iad gu Dan-iaan, agus mu'n cuairt gu Sidon,

7 Agus thàinig iad gu daingneach Thiruis, agus gu uile bhailtibh nan Hibheach, agus nan Canaanach; agus chaidh iad a mach do'n taobh mu dheas de Iudah, gu Beerseba.

8 Agus an uair a chaidh iad air feadh na tire uile, thàinig iad gu h-Ierusalem 'an ceann naoi mìosau agus fhichead là.

9 Agus thug Ioaib suas làn àireamh an t-sluaigh do'n rìgh: agus bha ann de Israel ochd ceud mìle fear gaisgil a tharruing claidheamh, agus de fhearraibh Iudah cùig ceud mìle fear.

10 Agus bhuail cridhe Dhaibhidh e, an déigh dha'n sluagh àireamh: agus thubhairt Daibhidh ris an Tighearn, Pheacaich mi gu mòr anns an nì a rinn mi: agus a nis, a Thighearna, guidheam ort, thoir air cionta do sheirbhisich dol seachad, oir rinn mi gu ro amaideach.

11 Agus dh'éirich Daibhidh anns a' mhaduinn, agus thàinig focal an Tighearna dh'ionnsuidh an fhàidh Ghad, fr-seallaidh Dhaibhidh, ag ràdh,

12 Falbh agus abair ri Daibhidh, Mar so tha'n Tighearn ag ràdh, Tha mi 'cur thri

nithean fa d' chomhair: ròghnaich dhuit féin aon diubh, a chum gu'n dean mi riut e.

13 Agus thàinig Gad a dh'ionnsuidh Dhaibhidh, agus dh'innis e dha, agus thubhairt e ris, An tig tri bliadhna gorta ort ann ad thùr? no an teich thu tri mìosan roimh do naimhdbh, agus iad 'an tòir ort? no am bi tri làithean plàigh ann ad thùr? A nis smuainich, agus faic ciod a fhreagairas mi dhasan a chuir uaith mi.

14 Agus thubhairt Daibhidh ri Gad, Tha mi ann an teinn mhòir: tuiteamaid a nis ann an làmh an Tighearn, oir is lionmhòr a thròcairean, ach ann an làmh duine na t-sluagh.

15 Agus chuir an Tighearn plàigh air Israel, o'n mhaduinn eadhon gu ruig an t-àm suidhichte: agus bhàsaich de'n t-sluagh e Dhan gu Beer-seba, deich agus trì fichead mìle fear.

16 Agus an uair a chuir an t-aingear a mach a làmh gu h-Ierusalem g'a sgrios, ghabh an Tighearn aithreachas a thaobh an uile, agus thubhairt e ris an aingear a sgrios an sluagh, *Is leòr e*: cum a nis air do làmh. Agus bha aingear an Tighearna làmh ri urlar-bualaidh Araunah an Iebusaich.

17 Agus labhair Daibhidh ris an Tighearn 'n uair a chunnaic e 'n t-aingear a bhuail an sluagh, agus thubhairt e, Feuch, is mise a pheacaich, agus is mise a rinn gu h-aingidh; ach na caoraich sin, ciod a rinn iad? bitheadh do làmh, guidheam ort, a'm' aghaidhsa, agus an aghaidh tighe m'athar.

18 Agus thàinig Gad a dh'ionnsuidh Dhaibhidh air an là sin, agus thubhairt e

ris, Gabh suas, tog altair do'n Tighearn ann an urlar-bualaidh Araunah an Iebusaich.

19 Agus chaidh Daibhidh suas, a réir focail Ghad, mar a dh'àithn an Tighearn.

20 Agus dh'amhaire Araunah, agus chunnaic e'n rìgh agus a sheirbhisich a' teachd air an aghaidh d'a ionnsuidh: agus chaidh Araunah a mach, agus chrom se e féin do'n rìgh air 'aghaidh gu làr.

21 Agus thubhairt Araunah, C'ar son a thàinig mo thighearn an rìgh a dh'ionnsuidh a sheirbhisich? Agus thubhairt Daibhidh, a cheannach uait an urlair-bhualaidh, a thogail altarach do'n Tighearn, a chum gu'n caisgear a' phlàigh o'n t-sluagh.

22 Agus thubhairt Araunah ri Daibhidh, Gabhadh, agus iobradh mo thighearn an rìgh an *ni sin a bhitheas* maith 'n a shùilbh: feuch, *tha buar an so* chum iobairt-loisgte, agus innealan-bualaidh, agus acfhuinn *eile* a bhuineas do'n bhuar air son connaidh.

23 Iad sin uile thug Araunah do'n rìgh. Agus thubhairt Araunah ris an rìgh, Gu'n gabhadh an Tighearn do Dhia riut.

24 Agus thubhairt an rìgh ri Araunah, Ni h-cadh; ach gu deimhin ceannaichidh mi uait *iad* air luach; agus cha-n iobair mi iobairtean-loisgte do'n Tighearn mo Dhia de'n ni sin a gheibh mi a nasgaidh. Agus cheannaich Daibhidh an t-urlar-bualaidh, agus am buar, air leth-cheud secel airgid.

25 Agus thog Daibhidh an sin altair do'n Tighearn, agus dh'ìobaire iobairtean-loisgte, agus iobairtean-sith: agus bha'n Tighearn rèidh ris an tìr, agus choisgeadh a' phlàigh o Israel.

CEUD LEABHAR NAN RIGH,

D'AN AINM GU COITCHEANN,

TREAS LEABHAR NAN RIGH.

CAIB. I.

1 *Dh'eiridinn Abisag Daibhidh 'n a shean aois.* 5 *Le còmhnaidh Ioaib ghlac Adoniah an rìoghachd.* 11 *Chuir Natan Batseba dh'ionnsuidh Dhaibhidh gu fios a thoirt da mu'n chèis so.* 38 *Le ordugh Dhaibhidh dh'ung Sadoc agus Natan Solamh.* 41 *Theich Adoniah, &c.*

A NIS bha rìgh Daibhidh sean, agus air teachd air aghaidh ann am bliadhnaibh; agus chòmhdaich iad e le h-eudach, gidheadh cha do ghabh e blàthas.

2 Uime sin thubhairt a sheirbhisich ris, Iarradh iad do m' thighearn an rìgh gruagach a tha 'n a h-òigh, agus seasadh i 'am fianuis an rìgh, agus eiridneadh i e, agus luidheadh i ann ad uchd, a chum gu'n gabh an tighearn mo rìgh blàthas.

3 Uime sin dh'iarr iad gruagach mhaiseach air feadh uile chrìoch Israeil, agus fhuair iad Abisag, Ban-sunamach, agus thug iad i dh'ionnsuidh an rìgh.

4 Agus bha a' ghruagach ro mhaiseach,

agus dh'èiridinn i an rìgh, agus fhritheil i dha; ach cha dh'aithnich an rìgh i.

5 An sin dh'ardaich Adoniah mac Hagit e fèin, ag ràdh, Rìoghaichidh uise: agus dh'ulluich e dha fèin carbaid, agus mar-shluagh, agus leth-cheud fear a ruith roimhe.

6 Agus cha do chuir 'athair doilgheas air tur sam bith, ag ràdh, 'Car son a rinu thu mar so? Agus bha esan nuar an ceudna ro mhaiseach 'u a chealbh; agus rugadh e an dèigh Absaloin.

7 Agus bha comhludair aige ri Ioab mac Sheruah, agus ri Abiatar an sagart: agus a' leantuinn Adoniah, rinn iad cònmhadh ris.

8 Ach cha robh Sadoc an sagart, agus Benaiah mac Iehoiada, agus Natan am fàidh, agus Simeì, agus Reì, agus na fir threuna, a bhuineadh do Dhaibhidh, maille ri Adoniah.

9 Agus dh'ìobair Adoniah caoraich agus buar, agus *sprèidh* reamhar làimh ri cloich Shohélet, a tha làimh ri Eùrogel; agus thug e cuireadh d'a bhràithribh uile, mic an rìgh, agus do fhearaibh Iudah uile, seirbhiseich an rìgh.

10 Ach do Natan am fàidh, agus do Benaiah, agus do na fir threuna, agus do Sholamh a bhràthair, cha d'thug e cuireadh.

11 Uime sin labhair Natan ri Batseba màthair Sholaimh, ag ràdh, Nach cuala tu gu bheil Adoniah mac Hagit a' rìoghachadh, agus cha-u'eil fhios aig ar tighearn Daibhidh air?

12 A nis ma ta, leig dhomhsa, guidheam ort, comhairle a thabhairt ort, a chum gu'n saor thu d'anam fèin, agus anam Sholaimh do mhic.

13 Inuich, agus gabh a steach gu rìgh Daibhidh, agus abair ris, Nach d'thug thusa, mo thighearn, a rìgh, mionnan do d' bhanoglaich, ag ràdh, Gu deimhin rìoghaichidh Solamh do mhac a'm' dhéigh-sa, agus suidhidh e air mo rìgh-chaitheir-sa? 'Car son ma seadh a tha Adoniah a' rìoghachadh?

14 Feuch, am feadh a bhitheas tusa fathast a' labhairt an sin ris an rìgh, thig mise mar an ceudna steach a'd' dhéigh, agus daing-uichidh mi do bhriathran.

15 Agus chaidh Batseba a steach a dh'ionnsuidh an rìgh, do'n t-seòmar: agus bha'n rìgh ro shean; agus fhritheil Abisag a' Buan-sunamach do'n rìgh.

16 Agus chrom Batseba sìos, agus rinn i ùmhlaich do'n rìgh. Agus thubhairt an rìgh, Cìod a's àill leat?

17 Agus thubhairt ise ris, Mo thighearna, mhinnaich thu air an Tighearn do Dha do d' bhanoglaich, ag ràdh, Gu cinnteach rìoghaichidh Solamh do mhac a'm' dhéigh-sa, agus suidhidh e air mo rìgh-chaitheir-sa:

18 Agus a nis, feuch, tha Adoniah a' rìogh-

achadh, agus agad-sa, mo thighearn, a rìgh, cha-n'eil fios air.

19 Agus dh'ìobair e buar, agus *sprèidh* reamhar, agus caoraich gu hionmhor, agus thug e cuireadh do mhic an rìgh uile, agus do Abiatar an sagart, agus do Ioab ceannard an t-slàigh; ach do d'òglach Solamh cha d'thug e cuireadh.

20 Agus a nis mo thighearn, a rìgh, tha sìulean Israeil uile ort, a chum gu'n innscadh tu dhoibh cò a shuidheas air rìgh-chaitheir mo thighearn an rìgh 'n a dhéigh fèin.

21 Oir, *mur innis*, tarlaidh 'n uair a choidheas mo thighearn an rìgh maille r'a aithrichibh, gu'm measar mise agus mo mhac Solamh 'n ar ciontaich.

22 Agus, feuch, am feadh a bha i fathast a' labhairt ris an rìgh, thàinig Natan am fàidh mar an ceudna a steach.

23 Agus dh'innis iad do'n rìgh, ag ràdh, Feuch, Natan am fàidh. Agus an uair a thàinig e steach 'am fianuis an rìgh, chrom se e fèin do'n rìgh le 'aghaidh gu làr.

24 Agus thubhairt Natan, Mo thighearn, a rìgh, an d'thubhairt thusa, Rìoghaichidh Adoniah a'm' dhéigh-sa, agus suidhidh esan air mo rìgh-chaitheir?

25 Oir chaidh e sìos an diugh, agus dh'ìobair e buar, agus *sprèidh* reamhar, agus caoraich gu hionmhor; agus thug e cuireadh do mhic an rìgh uile, agus do cheannardaibh an t-slàigh, agus do Abiatar an sagart; agus, feuch, tha iad ag itheadh agus ag òl 'n a làthair, agus their iad, Gu ma fada beò an rìgh Adoniah.

26 Ach dhomhsa, *eadhon* dhomhsa do sheirbhiseach, agus do Shadoc an sagart, agus do Benaiah mac Iehoiada, agus do d'òglach Solamh cha d'thug e cuireadh.

27 An ann le m' thighearn an rìgh a rinn-cadh an nì so, agus nach d'thug thu fios do d' sheirbhiseach co a shuidheas air rìgh-chaitheir mo thighearn an rìgh 'n a dhéigh fèin?

28 Agus fhreagair rìgh Daibhidh, agus thubhairt e, Gairmibh do m' ionnsuidh Batseba. Agus thàinig i an làthair an rìgh, agus sheas i 'am fianuis an rìgh.

29 Agus mhinnaich an rìgh, agus thubhairt e, *Mar* is beò an Tighearn, a shaor m'anam as gach airc,

30 Anhuil mar a mhinnaich mi dhuit air an Tighearn Dia Israeil, ag ràdh, Gu deimhin rìoghaichidh do mhac Solamh a'm' dhéigh-sa, agus suidhidh e air mo rìgh-chaitheir a'm' àite; gu cinnteach is ann nuar sin a nì mi an diugh.

31 An sin chrom Batseba sìos le 'h-aghaidh gu làr, agus rinn i ùmhlaich do'n rìgh, agus thubhairt i, Maireadh mo thighearn rìgh Daibhidh gu bràth.

32 Agus thubhairt rìgh Daibhidh, Gairmibh do m' ionnsuidh Sadoc an sagart, agus

Natan am fàidh, agus Benaiah mac Iehoiada. Agus thàinig iad 'am fianuis an rìgh.

33 Agus thubhairt an rìgh riu, Thugaibh leibh seirbhìsich bhuir tighearn', agus thugaibh air Solamh mo mhac marcachd air mo mhuileid féin, agus thugaibh sìos e gu Gihon;

34 Agus ungadh Sadoc an sagart, agus Natan am fàidh, an sin e 'n a rìgh air Israel: agus séidibhse an trompaid, agus abraibh, Gu ma fada beò rìgh Solamh.

35 An sin thig sibh a nìos 'n a dhéigh, agus thig esan, agus suidhidh e air mo rìgh-chaithir-sa, agus rìghaichidh e a'm' àite; agus dh'àithn mise e bhi 'n a cheannard air Israel, agus air Iudah.

36 Agus fhreagair Benaiah mac Iehoiada an rìgh, agus thubhairt e, Amen: gu'n abradh an Tighearn Dia mo thighearn' an rìgh mar sin *cuideachd*.

37 Mar a bha'n Tighearn maille ri m' thighearn an rìgh, gu ma h-amhluidh bhitheas e le Solamh, agus gu'n àrdaicheadh e a rìgh-chaithir thar rìgh-chaithir mo thighearna rìgh Daibhidh.

38 Agus chaidh Sadoc an sagart, agus Natan am fàidh, agus Benaiah mac Iehoiada, agus na Ceretich, agus na Peletich sìos, agus thug iad air Solamh marcachd air muileid rìgh Daibhidh; agus thug iad e gu Gihon.

39 Agus thug Sadoc an sagart corn olaidh as a' phàillium, agus dh'ung e Solamh; agus sheid iad an trompaid, agus thubhairt an sluagh uile, Gu ma fada beò rìgh Solamh.

40 Agus thàinig an sluagh uile a nìos 'n a dhéigh, agus *bha'n* sluagh a' piobaireachd le pioban, agus a' deanamh gairdeachais le mòr ghairdeachas, air chor as gu'n do reubadh an talamh le'm fuaim.

41 Agus ehuail' Adoniah, agus na h-aoidhean uile a *bha* maille ris e, 'n uair a sguir iad a dh'itheadh: agus an uair a ehuail' Ioaib fuaim na trompaide, thubhairt e, C'ar son a tha fuaim so a' bhaile, agus e làn comh-ghàir?

42 Agus am feadh a bha esan fathast a' labhairt, feuch, thàinig Ionatan mac Abiatair an t-sagart, agus thubhairt Adoniah ris, Thig a steach, oir is duine treun thu, agus bheir thu sgeul maith leat.

43 Agus fhreagair Ionatan, agus thubhairt e ri Adoniah, Gu deimhin rinn ar tighearn rìgh Daibhidh Solamh 'n a rìgh.

44 Agus chuir an rìgh leis Sadoc an sagart, agus Natan am fàidh, agus Benaiah mac Iehoiada, agus na Ceretich, agus na Peletich; agus thug iad air marcachd air muileid an rìgh.

45 Agus dh'ung Sadoc an sagart, agus Natan am fàidh, e 'n a rìgh ann an Gihon: agus thàinig iad a nìos as a sin a' deanamh gairdeachais, air chor as gu bheil an baile

ri comh-ghàir: *is* is so an fhuaim a chuala sibh.

46 Agus mar an ceudna tha Solamh 'n a shuidhe air caithir na rìoghachd.

47 Agus os barr, thàinig seirbhìsich an rìgh a bheannachadh ar tighearna rìgh Daibhidh, ag ràdh, Gu'n deanadh Dia ainm Sholaimh nì's fearr na d'ainm-sa, agus gu'n àrdaicheadh e a rìgh-chaithir os ceann do rìgh-chaithir-sa: agus chrom an rìgh e féin air an leabaiddh.

48 Agus cuideachd mar so thubhairt an rìgh, Gu ma beannaicht' an Tighearn Dia Israeil, a thug an duigh *duine* a shuidhe air mo rìgh-chaithir, agus mo shùilean féin 'g a fhaicinn.

49 Agus ghlac uamhas na h-aoidhean uile a *bha* maille ri Adoniah, agus dh'éirich iad, agus dh'imich iad gach fear air a shlighe féin.

50 Agus bha eagal air Adoniah roimh Sholamh, agus dh'éirich e, agus chaidh e, agus ghabh e greim a dh'adharcaibh na h-altarach.

51 Agus dh'innseadh do Sholamh, ag ràdh, Feuch, tha eagal air Adoniah roimh rìgh Solamh, agus, feuch, ghabh e greim a dh'adharcaibh na h-altarach, ag ràdh, Thugadh rìgh Solamh a mhionnan dhomhsa an duigh, nach marbh e a sheirbhiseach leis a' chlaidheamh.

52 Agus thubhairt Solamh, Ma bhitheas e 'n a dhuine maith, chatuit *roinneag* d'a fholt gu làr; ach ma gheibhear ole ann, cuirear gu bàs e.

53 Agus chuir rìgh Solamh *fios air*, agus thug iad air teachd a nuas o'n altair, agus thàinig e agus chrom se e féin do rìgh Solamh. Agus thubhairt Solamh ris, Imich do d' thigh.

CÀIB. II.

1 *Thug Daibhidh àithne do Sholamh, agus fhuair e bàs.* 12 *Rìghich Solamh 'n a àite.* 23 *Chuireadh Adoniah gu bàs.* 26 *Thig Solamh a mach Abiatar o bhi 'n a shagart.* 29 *Mharbhadh Ioaib aig adharcaibh na h-altarach.*

ANIS thàinig làithean Dhaibhidh am fagus anns am faigheadh e bàs, agus dh'àithn e do Sholamh a mhac, ag ràdh,

2 Tha mise a' dol air slighe na tamhaim uile: bi thusa uime sin làid'r, agus dean gu fearail:

3 Agus coimhid cùram an Tighearna do Dhé, a dh'imeachd 'n a shlighibh, a ghleidheadh a reachdan, agus 'aitheantann, agus a bhreitheanais, agus a theisteis, mar a tha e sgrìobhta ann an lagh Mhaois, a chum gu'n soirbheich leat anns gach nì a ni thu, agus anns gach *àite* d'an tionndaidh tu thu féin;

4 Chum gu'n daingnich an Tighearn fhocal féin, a labhair e do m' thaobh-sa, ag ràdh, Ma choimhideas do chlànn an slighe, gu imeachd a'm' fhianuis-sa ann am firinn,

le'n nìle chridhe, agus le'n uile anam, cha bhi (ars' esan) duine dh'easbhuidh ort air rìgh-chaithir Israeil.

5 Os barr, tha fhios agad cìod a rinn Ioab mac Sheruiah ormsa, agus cìod a rinn e air dà cheannard slòigh Israeil, air Abner mac Neir, agus air Amasa mac Ieteir; oir mharbh e iad, agus dhòir e fuil a' chogaidh anns an t-sith, agus chuir e fuil a' chogaidh air a chrìos a *bha* m'a leasraidh, agus air a bhròg-aibh a *bh'* air a chosaibh.

6 Dean thusa ma ta a réir do ghliocais, agus na leig le 'cheann liath dól sìos do'n naigh ann an sith.

7 Ach nochd caomhneas do mhacaibh Bharsillai a' Ghileadaich, agus bitheadh iad am measg an dream a dh'itheas aig do bhòrd; oir is ann mar so a thàinig iad do m' ionnsuidh-sa 'n uair a theich mi roimh Absalom do bhràthair.

8 Agus, feuch, maille riut *tha* Simeì, mac Ghera, Beniamineach o Bhahurim, a mhall-aich mise le mallachadh geur, anns an là 's an deachaidh mi do Mhahanaim: ach thàinig e nuas a'm choinneamh gu Iordan, agus mhionnaich mi dha air an Tighearn, ag ràdh, Cha chuir mi gu bàs leis a' chlaidheamh thu.

9 A nis ma ta na meas neo-chiontach e: oir is duine glic thu, agus tha fhios agad cìod 'a's còir dhuìt a dheanamh ris; ach thoir a cheann liath sìos do'n naigh le fuil.

10 An sin chòidil Daibhidh maille r'a aithrichibh, agus dh'adhlacaidh e ann am baile Dhaibhidh.

11 Agus *b'iad* na làithean a rìghich Daibhidh os ceann Israeil dh'fhichead bliadhna: ann an Hebron rìghich e seachd bliadhna, agus ann an Ierusalem rìghich e trì bliadhna deug thar fhichead.

12 An sin shuidh Solamh air rìgh-chaithir Dhaibhidh 'athar, agus dhaingnicheadh a rìoghachd gu mòr.

13 Agus thàinig Adoniah mac Hagit gu Batseba màthair Sholaimh; agus thubhairt i, An ann 'an sith a tha thu 'teachd? agus thubhairt esan, Ann an sith.

14 Thubhairt e os barr, Tha ni agam ri ràdh riut. Agus thubhairt ise, Abair romhad.

15 Agus thubhairt esan, Tha fhios agad gu'm bi leamsa an rìoghachd, agus *gu'n* do chuir Israel uile an aghaidh orm, chum gu'n rìoghaichinn: gidheadh, thionndaidh-cadh an rìoghachd mu'n cuairt, agus fhuair mo bhràthair i; oir bu leis-san o'n Tighearn i.

16 Agus a nis, aon athchuinge *tha* mi 'g iarraidh ort, na diùlt mi. Agus thubhairt ise ris, Abair romhad.

17 Agus thubhairt esan, Labhair, guidheam ort, ri Solamh an rìgh, (oir cha diùlt e thusa,) gu'n tugadh e dhomh Abisag a' Bhan-sunamach 'n a mnaoi.

18 Agus thubhairt Batseba, Ro mhaith; labhraidh mise air do shon ris an rìgh.

19 Chaidh Batseba uime sin a dh'ionnsuidh rìgh Solamh, a labhairt ris air son Adoniah. Agus dh'èirich an rìgh suas 'n a coinneamh, agus chrom se e fèin d'i, agus shuidh e air a rìgh-chaithir, agus thug e fainear caithir a chur sìos do mhàthair an rìgh; agus shuidh i air a làimh dheis.

20 An sin thubhairt i, *Tha* mi 'g iarraidh aon athchuinge bige ort, na diùlt mi, *guidheam ort*. Agus thubhairt an rìgh rithe, Iarr, a mhàthair, oir cha diùlt mi thu.

21 Agus thubhairt ise, Thugar Abisag a' Bhan-sunamach do Adoniah do bhràthair 'n a mnaoi.

22 Agus fhreagair rìgh Solamh, agus thubhairt e r'a mhàthair, Agus e'ar son a dh'iarras tu Abisag a' Bhan-sunamach do Adoniah? iarr dha an rìoghachd mar an ceudna; (oir is e mo bhràthair a's sine e;) eadhon doab-san, agus do Abiatar an sagart, agus do Ioab mac Sheruiah.

23 An sin mhionnaich rìgh Solamh air an Tighearn, ag ràdh, Gu'n deanadh Dia mar sin riumsa, agus tuilleadh mar an ceudna, mur li-ann an aghaidh a bheatha fèin a labhair Adoniah am focal so.

24 A nis uime sin, *mar* is beò an Tighearn, a dhaingnich mise, agus a chuir a'm shuidhe mi air rìgh-chaithir Dhaibhidh m'athar, agus a rinn tigh dhomh, mar a labhair e, cuirear Adoniah gu bàs an diugh.

25 Agus chuir rìgh Solamh le làimh Bhenaiiah mhic Iehoiada, agus blhuail e air, air chor as gu'n d'fhuair e bàs.

26 Agus ri Abiatar an sagart thubhairt an rìgh, Imich gu Anatot, a' dh'ionnsuidh d'fhearainn fèin, oir *tha* thu 'toilltim a' bhàis: ach an diugh cha mharbh mi thu, a chionn gu'n do ghluàin thu àire an Tighearna Iehobhab 'am fianuis Dhaibhidh m'athar, agus a chionn gu'n d'fhuiling thu àmhghar anns gach *ni* 's an d'fhuiling m'athair àmhghar.

27 Mar so thilg Solamh a mach Abiatar o bhi 'n a shagart do'n Tighearn, a choimhionadh focail an Tighearna, a labhair e de thaobh tìghe Eli ann an Siloh.

28 An sin thàinig tuairesgeul gu Ioab; oir thionndaidh Ioab an dèigh Adoniah, ged nach do thionndaidh e 'n dèigh Absalom;) agus theich Ioab gu pàillion an Tighearna agus ghabh e greim a dh'adhaicibh na h-altarach.

29 Agus dh'innseadh do rìgh Solamh gu'n do theich Ioab gu pàillion an Tighearna, agus gu'n robh e làimh ris an altair: an sin chuir Solamh uaidh Benaiah mac Iehoiada, ag ràdh, Falbh, buail air.

30 Agus thàinig Benaiah gu pàillion an Tighearna, agus thubhairt e ris, Mar so tha'n rìgh ag ràdh, Thig a mach. Agus

thubhairt esan, Cha téid, ach gbeibh mi bàs an so. Agus thug Benaiah sgeul air ais a dh'ionnsuidh an rìgh, ag ràdh, mar so labhair Ioab, agus mar so fhreagair e mi.

31 Agus thubhairt an rìgh ris, Dean mar a labhair e, agus buail air, agus adhlaic e, a chum gu'n toir thu air falbh an fhuil neo-chiontach, a dhòirt Ioab, uamsa agus o thigh m'athar.

32 Agus pillidh an Tighearn 'fhuil air a cheann féin, do bhrìgh gu'n do bhuail e air dithis dhaoine a b'ionraice agus a b'fhearr na e féin, agus gu'n do mharbh e leis a' chlaidheamh iad, gun fhios do m' athair Daibhidh, eadhon Abner mac Neir, ceannard slòigh Israeil, agus Amasa mac Ieteir ceannard slòigh Iudah.

33 Pillidh uime sin am fuil-san air ceann Ioab, agus air ceann a shliochd gu bràth: ach aig Daibhidh, agus aig a shliochd, agus aig a thigh, agus aig a rìgh-chaitheir, bithidh sìth gu bràth o'n Tighearn.

34 Agus chaidh Benaiah mac Iehoiada suas, agus bhuail e air, agus mharbh se e: agus dh'adhlacadh e 'n a thigh féin anns an fhàsach.

35 Agus chuir an rìgh Benaiah mac Iehoiada 'n àit os ceann an t-slòigh: agus Sadoe an sagart chuir an rìgh 'an àit Abiatair.

36 Agus chuir an rìgh fios, agus ghairm e air Simeì, agus thubhairt e ris, Tog dhuit féin tigh ann an Ierusalem, agus gabh còmh-nuidh an sin, agus na falbh a mach as a sin taobh sam bith.

37 Oir tachairidh air an là anns an téid thu mach, agus an gabh thu thar sruth Chidroin, gu'm bi fios gu cinnteach agad gu'm faigh thu gu deimhin bàs: bithidh d'fhuil air do cheann féin.

38 Agus thubhairt Simeì ris an rìgh, Is maith an ràdh: mar a labhair mo thighearn an rìgh, is amhluidh a ni do sheirbhiseach. Agus ghabh Simeì còmh-nuidh ann an Ierusalem mòran de làithibh.

39 Agus thachair 'an ceann thri bliadhna, gu'n do theich dà sheirbhiseach le Simeì dh'ionnsuidh Achis, mhic Mhaachah, rìgh Ghat: agus dh'innis iad do Shimeì, ag ràdh, Feuch, tha do sheirbhiseach ann an Gat.

40 Agus dh'éirich Simeì, agus chuir e diollaid air 'asail, agus chaidh e do Ghat a dh'ionnsuidh Achis, a dh'iarraidh a sheirbhiseach: agus dh'fhalbh Simeì, agus thug e leis a sheirbhiseach o Ghat.

41 Agus dl'innseadh do Sholamh gu'n deachaidh Simeì o Ierusalem gu Gat, agus gu'n d'thàinig e air ais.

42 Agus chuir an rìgh fios, agus ghairm e air Simeì, agus thubhairt e ris, Nach d'thug mise orts a mionnachadh air an Tighearn, agus nach d'thug mi fianuis a'd aghaidh, ag ràdh, Air an là anns an téid thu mach, agus am falbh thu taobh sam bith, bitheadh fios

gu cinnteach agad gu'm faigh thu gu deimhin bàs? agus thubhairt thu rium, Is maith am focal a chuala mi.

43 Car son ma ta nach do ghléidh thu mionnan an Tighearna, agus an àithne a dh'àithn mise dhuit?

44 Thubhairt an rìgh cuideachd ri Simeì, Is aithne dhuit féin gach uile olc air am fiosrach do chridhe, a rinn thu air Daibhidh m'athair-sa: uime sin phill an Tighearn d'olc air do cheann féin:

45 Ach bithidh rìgh Solamh beannaichte, agus bithidh rìgh-chaitheir Dhaibhidh daingean 'am fianuis an Tighearna gu bràth.

46 An sin dh'àithn an rìgh do Benaiah mac Iehoiada; agus chaidh e mach, agus bhuail e air, agus fhuair e bàs. Agus dhaingnicheadh an rìoghachd ann an làimh Sholaimh.

CAIB. III.

1 Ghabh Solamh nighean Pharaoh dha féin 'n a mnaoi. 5 Thaisbein an Tighearn e féin do Sholamh ann an aising, agus dh'fheòraich e dheth ciod a b'àill leis e 'thabhairt da. 9 Rògh-naich esan glicos: 11 Gheall Dia sin dha, maille ri saobhbheas agus urram. 16 Thug e breth eadar dà strìopach.

AGUS rinn Solamh cleamhnas ri Pharaoh rìgh na h-Eiphit, agus ghabh e nighean Pharaoh, agus thug e i do bhaile Dhaibhidh, gus an do chuir e crìoch air a thigh féin a thogail, agus tigh an Tighearn', agus balla Ierusalem mu'n cuairt.

2 Ach dh'ìobair an sluagh air àitibh àrda, do bhrìgh nach do thogadh tigh do ainm an Tighearna gus na làithibh sin.

3 Agus ghràdhaich Solamh an Tighearn, ag imeachd ann an orduighibh Dhaibhidh 'athar: ach ann an àitibh àrda dh'ìobair e agus loisg e tùis.

4 Agus chaidh an rìgh do Ghibeòn a dh'ìobradh an sin, oir 'e sin am mòr àit àrd: mìle ìobairt-loisgte thug Solamh suas air an altair sin.

5 Ann an Gibeòn thaisbein an Tighearn e féin do Sholamh ann an aising na h-oidheche; agus thubhairt Dia, Iarr ciod a'sàill leat mi 'thabhairt duit.

6 Agus thubhairt Solamh, Nochd thu do d'òglach Daibhidh m'athair caoimhneas mòr, a rèir mar a dh'imich e a'd f'fianuis ann am fìrinn, agus ann an ionracas, agus ann an treibhdhìreas cridhe maille riut; agus ghléidh thu dha an caoimhneas mòr so, gu'n d'thug thu dha mac a shuidhe air a rìgh-chaitheir, mar a tha e 'n diugh.

7 Agus a nis a Thighearna mo Dha, rinn thu d'òglach 'n a rìgh 'an àite Dhaibhidh m'athar; agus mise a'm' leanabh beag, do nach aithne dol a mach no teachd a steach.

8 Agus tha d'òglach 'am meadhon do shluaigh a thagh thu, sluagh lionmhor, nach 'eil e 'n comas àireamh no mheas aig an lionmhoireachd.

9 Thoir uime sin do d'òglach cridhe tuigseach a thoirt breth air do shluagh, gu dealachadh 'chur eadar am maith agus an t-olc; oir cò 'a's urraim breth a thabhairt air do shluagh so a tha co mhòr?

10 Agus bha e 'n a ni taitneach leis an Tighearn, gu'n d'iarr Solamh an ni so.

11 Agus thubhairt Dia ris, A chionn gu'n d'iarr thu an ni so, agus nach d'iarr thu dhuit féin saoghal fada, agus nach d'iarr thu dhuit féin saoihbreas, agus nach d'iarr thu anam do naimhdean, ach gu'n d'iarr thu dhuit féin tuigse a dheanamh breitheanais.

12 Feuch, rinn mise a réir do bhriathar: feuch, thug mi dhuit cridhe glic agus tuigseach, air chor as nach robh neach air bith romhad cosmhuil riut, agus nach mò a dh'éireas a'd' dhéigh neach air bith cosmhuil riut.

13 Agus mar an ceudna thug mi dhuit an ni nach d'iarr thu, araon saoihbreas agus cliu, air chor as nach bi duine cosmhuil riut am measg nan rìgh ré do làithean uile.

14 Agus ma dh'imicheas tu ann mo shlighibh-sa, a ghleidheadh mo reachdan, agus m'aitheantan, mar a dh'innich Daibhidh d'athair, an sin ni mi do làithean fada.

15 Agus mhosgail Solamh, agus, feuch, b'aisling a bh'ann: agus thàinig e gu h-Ierusalem, agus sheas e 'am fianuis àire coimhcheangail an Tighearna, agus thug e suas ìobairtean-loisgte, agus dh'ìobair e ìobairtean-sìth, agus rinn e cuirm d'a sheirbhisich uile.

16 An sin thàinig dithis bhan, a bha 'n an striopaichean, a dh'ionnsuidh an rìgh, agus sheas iad 'n a làthair.

17 Agus thubhairt bean diubh, O mo thighearna, tha mise agus a' bhean so a' gabhail còmhnuidh ann an aon tigh, agus dh'aiseadadh mise maille rithe 's an tigh.

18 Agus air an treas là 'n dèigh dhomhsa bhi air m'aisead, dh'aiseadadh a' bhean so mar an ceudna, agus bha sinn cuideachd; cha robh coigreach sam bith maille ruinn 's an tigh, ach sinn féin 'n an dithis anns an tigh.

19 Agus dh'eug mac na mnà so 's an oidhche, a chionn gu'n do luidh i air.

20 Agus dh'éirich i mu mheadhon-oidhche, agus thug i mo mhac-sa o m' thaobh, ann feadh a bha do bhanoglach 'n a codal, agus chuir i 'n a luidhe e 'n a h-uchd féin, agus chuir i a mac marbh féin 'n a luidhe ann am uchd-sa.

21 Agus dh'éirich mi anns a' mhaduinn a thoirt cìche do m' mhac, agus, feuch, bha e marbh. Ach an uair a thug mi an aire dha 's a' mhaduinn, feuch, cha b'e mo mhac-sa 'bh'ann, a rug mi.

22 Agus thubhairt a' bhean eile, Ni h-eadh; ach *is e* mo mhac-sa 'tha beò, agus *is e* do mhac-sa 'tha marbh; agus thubhairt ise, Ni h-eadh; ach *is e* do mhac-sa 'tha marbh,

agus *is e* mo mhac-sa 'tha beò. Mar so labhair iad 'am fianuis an rìgh.

23 An sin thubhairt an rìgh, *Tha i* so ag ràdh, *Is e* so mo mhac-sa 'tha beò, agus *is e* do mhac-sa 'tha marbh; agus *tha i* sud ag ràdh, Ni h-eadh; ach *is e* do mhac-sa 'tha marbh, agus *is e* mo mhac-sa 'tha beò.

24 Agus thubhairt an rìgh, Thugaibh dhomh claidheamh. Agus thug iad claidheamh 'am fianuis an rìgh.

25 Agus thubhairt an rìgh, Roinnibh am mac beò 'n a dhà leth, agus thugaibh leth a dh'aon *mhnaoi*, agus leth do'n *mhnaoi* eile.

26 An sin labhair a' bhean le'm bu leis am mac beò ris an rìgh, (oir theòdh a cridhe r'a mac), agus thubhairt i, O mo thighearna, thugaibh dh'ise an leanabh beò, agus na marbhaibh idir e: ach thubhairt a' bhean eile, Na bitheadh e agam-sa no agad-sa, *ach roinnibh e*.

27 An sin fhreagair an rìgh, agus thubhairt e, Thugaibh dh'ise an leanabh beò, agus na marbhaibh idir e: *is* ise a mhàthair.

28 Agus chual Israel uile a' bhreth a thug an rìgh, agus bhaagal orra roimh an rìgh; oir chunnac iad gu'n robh gliocas Dhé ann, a dheanamh breitheanais.

CAIB. IV.

1 *Uachdarain Sholaimh.* 20 *Meud a rìoghachd, agus sonas a shluagh.* 22 *A lòn air son aoin là. A ghliocas, agus a sgrìobhadh.*

A GUS bha rìgh Solamh 'n a rìgh air Israel uile.

2 Agus *is* iad so na h-uachdarain a bh'aige: Asariah mac Shadoic an t-sagairt:

3 Elihoreph agus Ahiah mic Shisa, sgrìobhaichean: Iehosaphat mac Ahiluid, an sean-achaidh:

4 Agus Benaiah mac Iehoiada air ceann an t-slòigh: agus Sadoc agus Abiatar, na sagartan:

5 Agus Asariah mac Naitan os ceann an luchd-dreuchd: agus Sabud mac Naitan, an t-àrd fhear-dreuchd, 'n a charaid aig an rìgh:

6 Agus Alishar os ceann an teaghlach: agus Adoniram mac Abda os ceann na cìse.

7 Agus bha aig Solamh dà fhear dheng dreuchd os ceann Israel uile, a bheathaich an rìgh agus a theaghlach: ré a mhìosa féin 's a' bhliadhna bha e mar fliachaibh air gach fear dhiubh a bheathachadh.

8 Agus *is* iad so an ainmean: mac Huir ann an sliabh Ephraim:

9 Mac Dhecair ann am Màcas, agus ann an Saalim, agus ann am Bet-semes, agus ann an Elon, agus ann am Bet-hanan:

10 Mac Heseid ann an Arubot: aige-san bha Sochoi, agus uile thir Hepheir:

11 Mac Abinadaib, aig an robh uile thir Dhoir; bha Taphat nighean Sholaimh aige 'n a mnaoi:

12 Baanah mac Aliluid; *aige-san bha* Taanach, agus Megido, agus Bet-sean uile, a *tha làimh ri Sartanah* sios o Iesrecl, o Bhet-sean gu Abel-meholah, gu ruig an taobh thall de Iocneam:

13 Mac Ghebeir ann an Ramot-gilead; dhasan *bhuineadh* bailtean Iair mhic Mhanasch, a *tha ann an Gilcad*; dhasan *mar an ceudna bhuineadh* tir Argoib, a *tha ann am Basan*, tri fichead baile mòr le ballachaibh agus le crannaibh umha:

14 Ahinadab mac Ido ann am Mahanaim:

15 Ahimaas ann an Naphtali; ghabh esan *mar an ceudna* Basmat nighean Sholaimh 'n a mnaoi:

16 Baanah mac Husai ann an Aser, agus ann am Balot:

17 Iehosaphat mac Pharuah ann an Isachar:

18 Simei mac Elah ann am Benjamin:

19 Geber mac Uri ann an tìr Ghilcad, ann an tìr Shihoin rìgh nan Amorach, agus Og rìgh Blasain; agus *Vesan* an t-aon fhear-dreuchd a *bha's* an tìr.

20 *Bha* Iudah agus Israel lìonmhòr, mar a' ghaineamh a *tha ri* taobh na fàirge air lìonmhoireachd, ag itheadh, agus ag òl, agus a' deanamh subhachais.

21 Agus rìghich Solamh os ceann nan rìoghachdan uile, o'n amhainn gu tìr nam Philisteach, agus gu ruig crìoch na h-Eiphit: thug iad leo tìodhlacan, agus rinn iad seirbhis do Sholamh ré uile làithean a bheatha.

22 Agus b'e lòn Sholaimh air son aoin là, deich tomhais fhichead de mhìn mhìn *chruithneachd*, agus tri fichead tomhas mine eile,

23 Deich daimh bhiadhtha, agus fichead damh bhàrr an fheoir, agus ceud caora, a thuilleadh air fèidh, agus ruadh-bhuic, agus dathais, agus coin bhiadhtha.

24 Oir bha uachdaranachd aige os ceann na tìre uile air an taobh so de'n amhainn, o Thiphsah cadhon gu Asah, os ceann nan rìgh uile air an taobh so de'n amhainn: agus bha sìth aige o gach taobh mu'n cuairt da.

25 Agus ghabh Iudah agus Israel còmh-nuidh gu tèaruinte, gach fear fo a chrann-fìona, a' gearu a chramn-fìge fèin, o Dhian eadhon gu Beer-seba, ré uile làithean Sholaimh.

26 Agus bha aig Solamh ceithir mìle prasach each air son a charbad, agus dà mhìle dheug marcach.

27 Agus bheathaich an luchd-dreuchd sin rìgh Solamh, agus gach neach a thàinig gu bòrd rìgh Solaimh, gach duine 'n a mìlios fèin: cha d'fhuiling iad ni air bith a bhi dh'eachbuidh.

28 Eorna mar an ceudna agus connlach do na h-eachaibh, agus do na dromedairibh, thug iad a dh'ionnsuidh an àit anns an robh

an *luchd-dreuchd*, gach fear a réir 'orduigh fèin.

29 Agus thug Dia gliocas do Sholamh, agus tuigse ro mhòr, agus farsaingeachd cridhe, mar a' ghaineamh a *tha air tràigh* na mara.

30 Agus bu mhò gliocas Sholaimh na gliocas uile chloinne na h-àird' an ear, agus na uile ghliocas na h-Eiphit.

31 Agus bha e glic thar gach duine, thar Etan an t-Esrahach, thar Heman, agus Chalcol, agus Darda, mic Mhafoil: agus bha a chliu anns gach dùthaich mu'n cuairt.

32 Agus labhair e trì mìle gnàth-fhocal; agus b'e *àireamh* a dhàn mìle agus cùig.

33 Agus labhair e air craobhan, o'n chrann-scudair a *tha ann an* Lebanon, cadhon gu ruig an hisop a dh'fhàsas a mach as a' bhalla: labhair e mar an ceudna air ainmhidhean, agus air eunlaith, agus air nithibh a shnàigeas, agus air iasgaibh.

34 Agus thàinig *cuid* de na h-uile chinn-eacha a dh'èisdeachd ri gliocas Sholaimh, o uile rìghribh na talmhainn, a chual' *iomradh* a ghliocais.

CAIB. V.

1 *Thug Solamh fios do Hiram gu'n robh e gu teampall a thogail do Dhia, agus dh'iarr e fiodh uath air-son na h-oibre.* 7 *Gheall Hiram da gu'n deanadh e uile thoil a thogail an fhiodha.* 13 *Aireamh luchd-oibre Sholaimh.*

A GUS chuir Hiram rìgh Thiruis a sheirbhisich a dh'ionnsuidh Sholaimh, an uair a chual' e gu'n d'ungadh e 'n a rìgh 'an àit 'athar: oir bha spéis aig Hiram do Dhaibhidh ré uile làithean.

2 Agus chuir Solamh *fios* gu Hiram, ag ràdh,

3 Tha fhios agad cionnus nach b'urraim m'athair Daibhidh tigh a thogail do ainm an Tighearn' a Dhé, air son a' chogaidh leis an do chuairtich a *naimhdean* e, gus an do chuir an Tighearn iad fo bhonnaibh a chos.

4 Ach a nis thug an Tighearn mo Dhia fois dhomhsa air gach taobh: cha-n'èil nàmhaid air bith ann, no droch thuiteamas.

5 Agus, feuch, tha mi a' cur romham tigh a thogail do ainm an Tighearna mo Dhé, mar a labhair an Tighearn ri m'athair Daibhidh, ag ràdh, Do mhac a chuireas mise a'd' àit air do rìgh-chaitheir, togaidh esan tigh do m'ainm-sa.

6 A nis uime sin àithn thusa gu'n gearr iad dhomhsa craobhan seudair à Lebanon; agus bitidh mo sheirbhisich-sa maille ri d' sheirbhisich-sa: agus tuarasdail do sheirbhiseach bheir mise dhuit, a réir gach nì a dh'ainmicheas tu: oir tha fhios agad nach 'èil' 'n a measg-ne duine d'an aithne fiodh a ghearradh, mar na Sidonaich.

7 Agus an uair a chuala Hiram briathran Sholaimh, bha aoibhneas mòr air, agus

thubhairt e, Gu ma beannaicht' an Tighearn an diugh, a thug do Dhaibhidh mac glie os ceann an t-sluaigh lionmhoir so.

8 Agus chuir Hiram *fios* gu Solamh, ag ràdh, Chuala mi na nithean mu'n do chuir thu *fios* do m'ionnsuidh: ni mi d'uile thoil a thaobh nan craobh seudair agus a thaobh nan craobh giuthais.

9 Bheir mo sheirbhisich sìos *iad* o Lebanon a dh'ionnsuidh na mara: agus cuiridh mi air falbh iad 'n an ràthaibh air muir, gu ruig an t-àit a shònraicheas tu dhomh, agus cuiridh mi air tìr iad an sin, agus bheir thusa leat *iad*; agus ni thu mo riar ann am biadh a thabhairt do m' theaghlach.

10 Mar sin thug Hiram do Sholamh fiodh seudair, agus fiodh giuthais, a *reir* uile thoil.

11 Agus thug Solamh do Hiram fichead mìle tomhas cruithneachd mar lòn d'a theaghlach, agus fichead tomhas a dh'olaidh fhìor-ghloin: mar so thug Solamh do Hiram o bhliadhna gu bliadhna.

12 Agus thug an Tighearn gliocas do Sholamh, mar a gheall e dha: agus bha sìth eadar Hiram agus Solamh, agus rinn iad coimheangal ri 'chéile.

13 Agus rinn rìgh Solamh togail *dhaoiné* à h-Israel uile; agus b'i an togail deich mìle fichead fear.

14 Agus chuir e iad do Lebanon, deich mìle 's a' mhìos mu seach: mìos bha iad ann an Lebanon, agus dà mhìos 'n an tighibh féin: agus *bha* Adoniram air ceann na togalach.

15 Agus bha aig Solamh deich agus trì fichead mìle fear-iomchar callaich, agus ceithir fichead mìle fear-gearraidh anns a' bheinn:

16 A thuilleadh air àrd luchd-drenchd Sholaimh, a *bha* os ceann na h-oibre, trì mìle agus trì cheud, aig an robh uachdaranachd air an t-sluagh a bha 'deanamh na h-oibre.

17 Agus dh'àithn an rìgh, agus thug iad leo clachan mòra, clachan luachmhor, a shuidheachadh bunait an tighe, clachan snaidhte.

18 Agus shnaidh clachairean Sholaimh, agus clachairean Hiraim, na gearradh-àirean-chlach *iad*: mar sin *ré thri bliadhna* dheasaich iad fiodh agus clachan a thogail an tighe.

CAIB. VI.

1 *Thog Solamh teampull do'n Tighearna* 11 *Gealladh Dhé a thaobh an teampuill.* 23 *Rinn Solamh dà cherub.* 37 *An aimsir a ghabh e a thogail an tighe.*

AGUS anns a' cheathramh ceud agus an ceathramh fichead bliadhna o theachd chloinn Israeil a mach á tìr na h-Eiphit, anns a' cheathramh bliadhna de rìoghachadh Sholaimh os ceann Israeil, anns a' mhìos

Sìph, (*is e sin an dara mìos*), thòisich e air tigh a thogail do'n Tighearn.

2 Agus an tigh a thog rìgh Solamh do'n Tighearn, *b'e* 'fhad trì fichead làmh-choille, agus a leud fichead làmh-choille, agus àirde deich thar fhichead làmh-choille.

3 Agus an sgàth-thigh air beulaobh teampuill an tighe, *b'e* 'fhad fichead làmh-choille, a rèir leoid an tighe; agus a leud deich làmh-choille, air beulaobh an tighe.

4 Agus rinn e do'n tigh uinneagan soltis air an tarruing cumhann.

5 Agus thog e ri balla an tighe seòmraichean mu'n cuairt, ri ballachaibh an tighe mu'n cuairt, *araon* an teampuill agus a' ghuth-àit; agus rinn e frith-sheòmraichean mu'n cuairt.

6 *Bha'n* seòmraich ionchdrach cùig làmh-choille air leud, agus an seòmraich meadhonach sè làmh-choille air leud, agus an treas seòmraich seachd làmh-choille air leud; oir thug e steach balla an tighe mu'n cuairt o'n taobh a muigh, air chor as nach rachadh na sailithean 'an greim ann am balla an tighe.

7 Agus an uair a bha'n tigh 'g a thogail, thogadh e de chlachairibh air an cumadh mun d'thugadh d'a ionnsuidh iad: agus cha chualas òrd no tuagh, *no* inneal iarunn sam bith, anns an tigh, an uair a bha e 'g a thogail.

8 *Bha* doras an t-seòmraich mheadhonaich air taobh deas an tighe: agus air staidh-richibh sniomhain chaidh iad suas do'n t-seòmraich mheadhonaich, agus as an t-seòmraich mheadhonaich do'n treas seòmraich.

9 Mar so thog e an tigh, agus chrìochnaich se e; agus chòmhaich e an tigh le sailthibh agus le clàraibh seudair.

10 Agus thog e seòmraichean ris an tigh uile, cùig làmh-choille air àirde: agus leig iad an cudthrom air an tigh le fiodh seudair.

11 Agus thàinig focal an Tighearna gu Solamh, ag ràdh,

12 *A thaobh* an tighe so a *tha* thu a' togail, na ghluaiseas tu ann am reachdaibh-sa, agus *ma* chuireas tu mo bhreitheanaiss 'an gnìomh, agus *ma* ghleidheas tu m'àith-cantan uile le gluasad anna; an sin coimhlionaidh mise m'focal duit, a labhair mi ri Daibhidh d'athair:

13 Agus gabhaidh mi còmhnuidh 'am meadhon chloinn Israeil, agus cha tréig mi mo shluagh Israel.

14 Mar sin thog Solamh an tigh agus chrìochnaich se e.

15 Agus thog e ballachan an tighe air an taobh a stigh le clàraibh seudair, o urlar an tighe gu ruig mullach nam ballachan chòmhaich e *iad* le fiodh a stigh: agus chòmhaich e urlar an tighe le clàraibh giuthais.

16 Agus thog e fichead làmh-choille ri taobhan an tighe, le clàraibh seudair, o'n

urlar gu ruig *mullach* nam ballachan; agus thog e dha *iad* air an taobh a stigh, *eadhon* do'n ghuth-àit, do'n *ionad* ro naomh.

17 Agus *bha'n* tigh, sin *ri ràdh*, an teampull air a bheulaobh, dà fhichead làmh-choille *air fad*.

18 Agus *bha* seudar an tighe air an taobh a stigh gearrta ri cnapaibh, agus blàthaibh fosgailte: *bu* sheudar an t-ionfian; cha robh clach r'a faicinn.

19 Agus dh'ulluich e an guth-àit anns an tigh a steach, a chur an sin àire coimh-cheangail an Tighearna.

20 Agus ann an taobh-beoil a' ghuth-àit *bha* fichead làmh-choille air fad, agus fichead làmh-choille air leud, agus fichead làmh-choille air àirde: agus chòmhdaich se e le h-òr fiorghlan: chòmhdaich e cuideachd an altair le seudar.

21 Agus chòmhdaich Solamh an tigh a steach le h-òr fiorghlan: agus rinn e balla-dealachaidh le slabhraidhibh òir air beulaobh a' ghuth-àit, agus chòmhdaich e le h-òr e.

22 Agus chòmhdaich e an tigh uile le h-òr, agus an do chrìochnaich eadh an tigh uile: mar an ceudna an altair uile, a *bha* làmh ris a' ghuth-àit, chòmhdaich e le h-òr.

23 Agus rinn e anns a' ghuth-àit dà cherub de chrann-olaidh, gach aon diubh deich làmhan-coille air àirde.

24 Agus *bha* cùig làmhan-coille ann an aon sgèith a' cheruib, agus cùig làmhan-coille ann an sgèith eile a' cheruib: *bha* deich làmhan-coille o bhàrr aoin sgèith aige gu bàrr a sgèith eile.

25 Agus *bha* deich làmhan-coille anns a' cherub eile: *bha'n* aon tomhas agus an aon mheud anns an dà cherub.

26 *Be* àirde aoin cheruib deich làmhan-coille, agus mar sin *bha* àirde a' cheruib eile.

27 Agus chuir e na cheruban anns an tigh a b'fhaide a steach; agus shìn na cheruban an sgiathan a mach, air chor as gu'n do bhean sgiath aoin *cheruib* ri aon bhalla, agus sgiath a' cheruib eile ris a' bhalla eile; agus bhean an sgiathan ri 'chéile ann am meadhan an tighe.

28 Agus chòmhdaich e na cheruban le h-òr.

29 Agus bhreac e ballachan an tighe uile mu'n cuairt le dealbhaibh gearrta cheruban, agus chraobhan-pailme, agus bhlàth fosgailte, a stigh agus a muigh.

30 Agus urlar an tighe chòmhdaich e le h-òr, a stigh agus a muigh.

31 Agus do dhorus a' ghuth-àit rinn e còmhlaichan de chrann-olaidh: *bha'n* t-àrd-dhorus agus na h-ursainnean cùig-oisneach.

32 *Bha'n* dà chòmhlaich mar an ceudna de chrann-olaidh; agus ghearr e orra dealbhan cherub, agus chraobh-pailme, agus bhlàth fosgailte, agus chòmhdaich e le h-òr *iad*:

agus sgaol e òr air na cheruban, agus air na craobhan-pailme.

33 Agus air an dòigh cheudna rinn e do dhorus an teampull ursainnean de chrann-olaidh, ceithir-chearnach.

34 Agus *bha'n* dà chòmhlaich de fhiodh giuthais: *bha* dà dhuilleag aoin chòmhlaich a' filleadh, agus dà dhuilleag a' chòmhlaich eile a' filleadh.

35 Agus ghearr e orra cheruban, agus craobhan-pailme, agus blàthan-fosgailte: agus chòmhdaich e *iad* le h-òr, cumta ris an obair ghearrta.

36 Agus thog e a' chùirt a stigh le tri sreathan de chlachaidh snèidhte, agus sreath de shailthibh seudair.

37 Anns a' cheathramh bliadhna shuidh-icheadh bunait tighe an Tighearna, anns a' mhios Siph.

38 Agus anns an aon bhliadhna deug, anns a' mhios Bul, (*is* e sin an t-ochdamh mìos,) chrìochnaich eadh an tigh 'n a cearrannaibh uile, agus a rèir a chumaidh uile. Agus *bha* e seachd bliadhna 'g a thogail.

CAIB. VII.

1 *Thog Solamh tigh dha ién; 2 tigh frithe Lebanoin; 8 agus tigh do nighinn Pharaoh. 15 Obair nam post; 23 agus na mara leaghlha.*

ACH *bha* Solamh tri bliadhna deug a' togail a thighe féin, agus chrìochnaich e a thigh uile.

2 Thog e mar an ceudna tigh frithe Lebanoin; ceud làmh-choille 'fhad, agus leth-cheud làmh-choille a leud, agus deich thar fhichead làmh-choille àirde; air ceithir sreathaibh de phuist seudair, agus sailthean seudair air na puist.

3 Agus chòmhdaich eadh e le seudar os a cheann air na sailthibh, a *bha* air dà fhichead agus cùig puist, cùig-deug anns gach sreath.

4 Agus *bha* tri sreathan uinneag ann, agus solus fa chomhair soluis tri uairean.

5 Agus *bha* na dorsan uile agus na h-ursainnean ceithir-chearnach, maille ris na h-uinneagaibh: agus *bha* solus fa chomhair soluis tri uairean.

6 Agus rinn e sgàth-thigh de phuist; leth-cheud làmh-choille 'fhad, agus deich làmhan-coille thar fhichead a leud: agus *bha'n* sgàth-thigh rompa sin; agus *bha* na puist eile agus na sailthean garbha rompa.

7 Rinn e mar an ceudna sgàth thigh na rìgh-chaitreach far am bitheadh e a' tabhairt breth, *eadhon* sgàth-thigh a' bhreitheanais: agus chòmhdaich eadh e le seudar o aon taobh de'n urlar gu ruig an taobh eile.

8 Agus aig a thigh féin anns an do chòmhnuich e, *bha* cùirt eile an taobh a stigh de'n sgàth-thigh, a *bha* de'n obair cheudna. Rinn e cuideachd tigh do nighinn Pharaoh,

a ghabh Solamh dha féin 'n a mnaoi, cosmhail ris an sgàth-thigh so.

9 Bha iad sin uile de chlachaibh luachmhor, a réir tomhais chlach snaidhte, air an gearradh le sàibh a stigh agus a muigh, eadhon o'n bhunait gu ruig na clachan-mullaich, agus mar sin air an taobh a mach gu ruig a' chùirt mhòir.

10 Agus bha a' bhunait de chlachaibh luachmhor, de chlachaibh mòra; clachan 'san robh deich làmhnan-coille, agus clachan 'san robh ochd làmhnan-coille.

11 Agus gu h-àrd bha clachan luachmhor, (a réir tomhais chlach snaidhte,) agus sendair.

12 Agus aig a' chùirt mhòir mu'n cuairt bha trì sreathan de chlachaibh snaidhte, agus sreath de shailthibh seudair: air an dòigh cheudna aig cùirt a steach tighe an Tighearna, agus aig sgàth-thigh an tighe.

13 Agus chuir rìgh Solamh fios, agus thug e Hiram o Thirus.

14 Bu mhac bantraich e de thrèibh Naph-tali, agus òfhhear o Thirus 'athair, ceard-umha; agus bha e làn de ghliocas, agus de thuigse, agus de eòlas a dheanamh gach oibre ann an umha: agus thàinig e dh'ionn-suidh rìgh Solamh, agus rinn e 'obair uile.

15 Oir dhealbh e dà phost umha: ochd làmhnan-coille deug àirde gach puist dhiubh, agus chaidh snàthainn anns an robh dà làmh-choille dheug mu'n cuairt air gach post dhiubh.

16 Agus rinn e dà cheann de umha leaghta, chum an cur air mullach nam post: cùig làmhnan-coille àirde aoin chinn, agus cùig làmhnan-coille àirde a' chinn eile.

17 Lìonta de lìon-obair, stioman de obair shlabhraidh, do na cinn a bha air mullach nam post: seachd do aon cheann, agus seachd do'n cheann eile.

18 Agus rinn e pomgranatan, dà shreath mu'n cuairt air aon lìon-obair, a chòmh-dachadh nan ceanna a bha air mullach nam post: agus mar sin rinn e ris a' cheann eile.

19 Agus bha na cinn a bh'air mullach nam post de obair lìli anns an sgàth-thigh, ceithir làmhnan-coille.

20 Agus bha cinn air an dà phost mar an ceudna gu h-àrd, làmh ris a' bhalg a bha air an taobh thall de'n lìon-obair: agus bha dà chend pomgranat ann, 'n an sreathaibh mu'n cuairt air a' cheann eile.

21 Agus chuir e suas na puist ann an sgàth-thigh an teampill: agus chuir e suas am post deas, agus thug e Iachin mar ainm air; agus chuir e suas am post clì, agus thug e Boas mar ainm air.

22 Agus air mullach nam post bha obair lìli: mar so chrìochnaicheadh obair nam post.

23 Agus rinn e muir leaghta, deich

làmhnan-coille o bhile gu bile; cruinn mu'n cuairt, agus cùig làmhnan-coille a h-àirde: agus chuairtich snàthainn dheich làmhnan-coille thar fhichead i air gach taobh.

24 Agus bha mill fo a bile 'g a caairteachadh mu'n cuairt, deich anns an làmh-choille, a' dol mu thimchioll na mara: thilgeadh dà shreath mheall an uair a thilgeadh i féin.

25 Sheas i air dà dhamh dheug, trì ag amharc gu tuath, agus trì ag amharc an iar, agus trì ag amharc gu deas, agus trì ag amharc an ear: agus chuireadh a' mhuir orra gu h-àrd, agus bha a' chuid dheiridh dhiubh nìle a stigh.

26 Agus bha leud boise air tiughad innte, agus bha a bile air a dheanamh mar bhile copain, le blàthan lìli: chum i dà mhìle bat.

27 Agus rinn e deich buinn umha: ceithir làmhnan-coille fad gach buinn, agus ceithir làmhnan-coille a lènd, agus trì làmhnan-coille àirde.

28 Agus bha obair nam bonn air an dòigh so: bha iomaill aca, agus bha na h-iomaill eadar na tàdhachan.

29 Agus air na h-iomaill a bha eadar na tàdhachan bha leòmhain, daimh, agus cheruban: agus air na tàdhachan bha mar sin gu h-àrd: agus fo na leòmhain agus na daimh bha ath-leasachadh a dh'obair thana.

30 Agus bha ceithir rothan umha aig gach bonn, agus clàir umha; agus aig a' cheithir oisnibh bha guailnean: fo 'n t-soitheach-ionnlaid bha guailnean leaghta, aig taobh gach ath-leasachaidh.

31 Agus bha a bheul an taobh a stigh de'n cheann, agus shuas, làmh-choille air leud: ach bha a bheul cruinn, a réir oibre a' bhuinn, làmh-choille gu leth: agus mar an ceudna air a bheul bha gearraidhean, agus an iomaill ceithir-chearnach, cha-n ann cruinn.

32 Agus bha ceithir rothan fo na h-iomallaibh; agus bha aisilean nan roth 'an greim anns a' bhonn: agus b'e àirde gach rotha làmh-choille gu leth.

33 Agus bha obair nan roth cosmhail ri obair rotha carbaid: bha an aisilean, agus an cìochan, agus an cuairsgeinean, agus an tarsanain uile leaghta.

34 Agus bha ceithir guailnean ri ceithir oisnibh gach buinn; na guailnean de'n bhonn féin.

35 Agus ann am mullach a' bhuinn, leth làmh-choille air àirde, bha cuairt mu thimchioll: agus air mullach a' bhuinn bha a làmhnan agus iomaill dheth féin.

36 Agus air clàraibh a làmh, agus air iomallaibh, ghearr e cheruban, leòmhain, agus craobhan-pailme, a réir riochd gach aoin diubh, agus ath-leasachadh mu'n cuairt.

37 Mar so riun e na deich buinn: an t-aon tilgeadh, an t-aon tomhas, an t-aon ghearradh aca uile.

38 Agus rinn e deich soithichean-ionnlaid umha: chumadh gach soitheach-ionnlaid dhiubh dà fhichead bat: *bhaceithir* làmhancaille anns gach soitheach ionnlaid: *chuireadh* aon soitheach-ionnlaid air gach aon de na deich buinn.

39 Agus chuir e cùig buinn air taobh na làimhe deise de'n tigh, agus cùig air taobh na làimhe clithe dheth: agus chuir e a' mhuir air taobh na làimhe deise de'n tigh, a làmh na h-àirde 'n ear, fa chomhair na h-àirde deas.

40 Agus rinn Hiram na soithichean-ionnlaid, agus na sluasaidean, agus na cuachan: agus chuir Hiram crìoch air deanamh na h-oibre uile a rinn e do rìgh Solamh air son tìghe an Tighearna:

41 An dà phost, agus dà chuairt nan ceann a bh'air mullach an dà phuist; agus an dà lion-obair, a chòmhachadh dà chuairt nan ceann a bh'air mullach nam post:

42 Agus ceithir cheud pomgranat do'n dà lion-obair: dà shreath phomgranat do gach lion-obair, a chòmhachadh dà chuairt nan ceann a bh'air na puist:

43 Agus na deich buinn, agus na deich soithichean-ionnlaid air na buinn:

44 Agus aon mhuir, agus dà dhamh dheug fo 'n mhuir:

45 Agus na h-aighnean, agus na sluasaid-ean, agus na cuachan: agus na soithichean sin uile a riun Hiram do rìgh Solamh air son tìghe an Tighearna, *bha iad de umha liobhta*.

46 Ann an còmharn Iordain thilg an rìgh iad, anns an talamh chreadha eadar Sucot agus Sarta.

47 Agus dh'fhàg Solamh na soithichean uile *gun chothromachadh*, air son an lion-mhoireachd anabarrach: cha d'fhuaradh a mach cudthrom an umha.

48 Agus rinn Solamh an t-uidheam uile a *thhuineadh* do thigh an Tighearna: an altair de òr, agus am bòrd, air an robh aran na fianuis, de òr:

49 Agus na coimleirean, cùig air an làmh dheis, agus cùig air an làmh chlì, air beul-aobh a' ghuth-àite, de òr fìor-ghlan; agus na blathan, agus na lòchrain, agus na clobh-achan, de òr.

50 Agus na cuachan, agus na smàladair-ean, agus na copain, agus na spàinean, agus na tùiseirean, de òr fìor-ghlan: agus na lùthdagan de òr, an dà chuid do dhorsaibh an tìghe a steach, *eadhon an ionaid* ro naomh, agus do dhorsaibh an tìghe, *eadhon* an teampuill.

51 Agus chrìochnaich eadhn an obair uile a rinn rìgh Solamh air son tìghe an Tighearna: agus thug Solamh a stigh nithean naomhaichte Dhaibhidh 'athar; *eadhon* an t-airgid, agus an t-òr, agus an t-uidheam, chuir e am measg ionmhais tìghe an Tighearna.

CAIB. VIII.

1 *Thug Solamh agus seanairean Israeil an àire suas do'n ionad naomh.* 14 *Bheannaich Solamh an coimhthional.* 22 *Rinn e urnaigh ri Dia.* 62 *Thug e seachad robairtean thabhartas-sìth.*

AN SIN chruinnich Solamh seanairean Israeil, agus cinn nan treubh uile, ceannardan aithrichean chloinn Israeil, gu rìgh Solamh ann an Ierusalem, chum gu'n tugadh iad a mìos àire coimheangail an Tighearna, a baile Dhaibhidh: *is e sin Sion.*

2 Agus chruinnich fir Israeil uile iad fèin a dh'ionnsuidh rìgh Solamh, air an fhéill ann am mìos Etanim; *is e sin an seachdamh mìos.*

3 Agus thàinig uile sheanairean Israeil, agus thog na sagartan an àire.

4 Agus thug iad suas àire an Tighearna, agus paillun a' choimhthional, agus an t-uidheam naomh uile a *bha 's a' phaillun*; eadhon iad sin thug na sagartan agus na Leibhithich suas.

5 Agus *bha* rìgh Solamh, agus coimhthional Israeil uile, a thional d'a ionnsuidh, maille ris roimh an àire, ag òbradh chaorach, agus cruiddh, nach robh e'n comas àireamh, no mheas, a thaobh lìonmhoireachd.

6 Agus thug na sagartan a steach àire coimheangail an Tighearna d'a h-àite fèin, do ghuth-àit an tìghe, do'n ionad a's ro naomhe, *eadhon* fo sgìthaibh nan cherub.

7 Oir sgaoil na cheruban a mach an sgìathan os ceann àite na h-àirce, agus chòmhachadh na cheruban an àire, agus a lunnan gu h-àrd.

8 Agus tharruing iad a mach na lunnan, air chor as gu'n faicteadh cinn nan lunn as an ionad naomh fa chomhair a' ghuth-àite, ach cha-n fhaicteadh a mach iad: agus tha iad an sin gus an lùn diugh.

9 Cha robh nì air bith anns an àire ach an dà chlàr chloiche, a chuir Maois an sin ann an Horeb, an uair a rinn an Tighearna coimheangal ri cloinn Israeil, aig teachd a mach dhoibh á tìr na h-Eiphit.

10 Agus an uair a thàinig na sagartan a mach as an ionad naomh, lion an neul tigh an Tighearna.

11 Air chor as nach b'urrainn na sagartan seasamh a fhrithealadh leis an neul: oir lion glòir an Tighearna tigh an Tighearna.

12 An sin thubhairt Solamh, Thubhairt an Tighearna gu'n gabhadh e còmhuid ann an dorchadas tiugh.

13 Gu dearbh thog mise tigh-còmhuidh dhuit, àite deas chum thu dh'fhiantuinn ann gu bràth.

14 Agus thionndaidh an rìgh 'aghaidh, agus bhcannaich e uile eòimhthional is

racil: (agus uile choimhthional Israeil 'n an seasamh.)

15 Agus thubhairt e, Gu ma beannaichte an Tighearn Dia Israeil, a labhair le 'bheul féin ri m'athair Daibhidh, agus a choimhilion e le lámh, ag rádh,

16 O'n là air an d'thug mi mo shluagh Israel a mach as an Eiphit, cha do thagh mi baile sam bith á uile threubhan Israeil a thogail tigh, chum gu'm bitheadh m'ainm an sin: ach thagh mi Daibhidh gu bhi os ceann mo shluaigh Israeil.

17 Agus bha e ann an cridhe Dhaibhidh m'athar, tigh a thogail do ainm an Tighearna Dé Israeil.

18 Agus thubhairt an Tighearn ri Daibhidh m'athair, A chionn gu'n robh e ann ad chridhe tigh a thogail do m'ainm-sa, is maith a rinn thu gu'n robh e ann ad chridhe:

19 Gidheadh, cha tog thusa an tigh, ach do mhac a thig a mach as do leasraidh, togaidh esan an tigh do m'ainm-sa.

20 Agus choimhilion an Tighearn 'fhocal a labhair e; agus dh'éirich mise suas 'an áite Dhaibhidh m'athar, agus tha mi a'm shuidhe air righ-chaitheir Israeil, mar a labhair an Tighearn, agus thog mi tigh do ainm an Tighearna Dé Israeil.

21 Agus shuidhich m'n sin 'áite do'n áire, anns am bheil coimheangal an Tighearn', a rian e r'ar n-aithrichibh, an uair a thug e mach iad á tír na h-Eiphit.

22 Agus sheas Solamh air beulaobh altair an Tighearn', ann an láthair uile choimhthional Israeil, agus sgaoil e mach a lámhan gu nêamh:

23 Agus thubhairt e, A Thighearna Dhé Israeil, cha-néil Dia ann cosmhuil riutsa, anns na nêamhan shuas, no air an talamh a bhos, a chumas coimheangal agus trócair ri d'sheirbhíoch a ghluaiscas a'd' fhianuis le'n uile chridhe:

24 A chum ri d'òglach Daibhidh m'athair an ní a labhair thu ris; oir labhair thu le d' bheul, agus le d' lámh choimhilion thu, mar air an là'n diugh.

25 A nis uime sin, a Thighearna Dhé Israeil, cum ri d'òglach Daibhidh m'athair an ní a labhair thu ris, ag rádh, Cha bhi duine dhith ort a'm' fhianuis-sa, a shuidheas air righ-chaitheir Israeil; ma bheir a mhàin do chlann an aire d'an slighe, le gluasad a'm' fhianuis-sa, mar a ghluais thusa a'm' fhiantuis.

26 Agus a nis, a Dhé Israeil, daingnícheas guidheam ort, d'fhocal, a labhair thu ri d'òglach Daibhidh m'athair.

27 Ach an gabh Dia da rìreadh còmhuidh air an talamh? feuch, cha chum na nêamhan agus nêamhan nan nêamh thusa; cia gu mòr as lugha na sin an tigh so a thog mise?

28 Gidneadh amhaire air urnuigh do

sheirbhíoch, agus air 'athchuinge, a Thighearna mo Dhia, a dh'éisdcachd risa' ghlaodh agus ris an urnuigh, a tha do sheirbhíseach a' deanamh a'd' fhianuis an diugh:

29 A chum gu'm bi do shùilean fosgailte ris an tigh so a dh'oidhche agus a là; cadhonn ris an áite mu'n dubhairt thu, Bithidh m'ainm an sin: a chum gu'n éisd thu ris an urnuigh a ní do sheirbhíseach a dh'ionnsuidh an áite so.

30 Agus éisd thusa ri athchuinge do sheirbhíoch, agus do shluaigh Israeil, an uair a ní iad urnuigh a dh'ionnsuidh an áite so: agus éisd thusa o d' áite-còmhuidh, o na nêamhan, agus an uair a dh'éisdeas tu, maith dhoibh.

31 Ma pheacaicheas duine an aghaidh a choimhearsnaich, agus ma dh'iarras e mionnan air, a' toirt air mionnachadh, agus gu'n tig na mionnan air beulaobh d'altarach anns an tigh so;

32 An sin éisd thusa o na nêamhan, agus dean, agus thoir breth air do sheirbhíoch, a' dteadh an aingidh, gu 'shlighe a thabhairt air a cheamh féin; agus a' fircanachadh an fhíreín, a thabhairt da a réir 'fhírcantachd.

33 An uair a bhualcar do shluagh Israel an láthair an nêamhaid, a chionn gu'n do pheacaich iad a'd' aghaidh, agus a philleas iad riut, agus a dh'aicheadh iad d'ainm, agus a ní iad urnuigh, agus a ghuidheas iad ort anns an tigh so;

34 An sin éisd thusa o na nêamhan, agus maith peacadh do shluaigh Israeil, agus thoir a ris iad do'n fhcarann a thug thu d'an aithrichibh.

35 An uair a dhruidear na nêamhan, agus nach bi uisge ann, a chionn gu'n do pheacaich iad a'd' aghaidh-sa, agus a ní iad urnuigh a dh'ionnsuidh an áite so, agus a dh'aicheadh iad d'ainm, agus a dh'iompaichear iad o'm peacadh, an uair a chuireas tu fo àmhghar iad;

36 An sin éisd thusa o na nêamhan, agus maith peacadh do sheirbhíseach, agus do shluaigh Israeil, a chum gu'n teagaisg thu dhoibh an t-slighe mhaith anns an eòir dhoibh gluasad, agus gu'n cuir 'hu uisge air d'fhearann, a thug thu do d' shluagh mar oighreachd.

37 Ma bhitheas gorta anns an tír, na bhitheas plàigh ann, seargadh, fuar dhealt, locust, na bhitheas burruis ann; ma theannaicheas a nêamhaid e ann an tír a bhailtean, ciod air bith plàigh, ciod air bith euslaint a bhitheas ann:

38 Ge b'e urnuigh, ge b'e athchuinge a chuirear suas le duine sam bith, no le d' shluagh Israel uile, ma bhitheas fios aig gach aon air plàigh a chridhe féin, agus ma sgaoileas e mach a lámhan a dh'ionnsuidh an tigh so,

39 An sin éisd thusa o na nêamhan d'áite-

còmhnuidh, agus maith, agus dean, agus thoir do gach duine a réir a shlighean uile, a tha fios agad air a chridhe; (oir is ann agadsa, agadsa mhàin a tha fios air cridheachaibh uile chloinn nan daoine:)

40 A chum gu'm bi eagal orra romhad-sa ré nan uile làithean a bhios iad beò anns an fhearann, a thug thu d'ar n-aithrichibh.

41 Os bàrr, a thaobh coigrich nach *'eil* de d' shluagh Israel, ach a thig á tìr chéin air sgàth d'ainm-sa;

42 (Oir cluinidh iad mu d'ainm mòr-sa, agus mu d' làimh làidir, agus do ghairdean sìnte mach:) an uair a thig e agus a ni e urnuigh a dh'ionnsuidh an tìge so;

43 Eisd thusa o na nèamhan d'àite-còmh-nuidh, agus dean a réir nan uile *nithean* mu'n glaoth an coigrich riut: air chor as gu'm bi eòlas aig uile shlòigh na talmhainn air d'ainm-sa, chum gu'm bi eagal orra romhad mar a tha air do shluagh Israel, agus gu'm bi fios aca gu bheil an tìgh so a thog mise air 'ainmcachadh ort.

44 Ma théid do shluagh a mach a chogadh an aghaidh an naimhdean, ge b'e rathad a chuireas tu iad, agus gu'n dean iad urnuigh ris an Tighearn dh'ionnsuidh a' bhaile a ròghnaich thusa, agus an tìghe a chuir mise suas do d'ainm;

45 An sin éisd thusa o na nèamhan r'an urnuigh agus r'an athchuinge, agus seas an còir.

46 Ma pheacaicheas iad a'd' aghaidh, (oir cha-*'eil* duine ann nach peacaich,) agus gu'n las d'fhearg 'n an aghaidh, agus gu'n toir thu thairis iad d'an naimhdeibh, agus gu'n toir iad leo 'n am braighdibh iad do thìr an naimhdean, ann fad no'm fagus;

47 *Gidheadh*, ma ni iad aithreachas 'n an cridhe anns an tìr d'an d'thugadh 'n am braighdibh iad, agus ma dh'ìompaichear iad, agus ma ghuidheas iad ort ann an tìr na muinntir a thug leo 'n am braighdibh iad, ag ràdh, Pheacaich sinn, rinn sinn gu h-eucorach, rinn sinn gu h-aingidh;

48 Agus mar so ma philleas iad ad ionnsuidh-sa le'n uile chridhe, agus le'n uile anam, ann an tìr an naimhdean, a thug leo 'n am braighdibh iad, agus ma ni iad urnuigh riutsa rathad an tìre féin, a thug thu d'an aithrichibh, *rathad* a' bhaile a ròghnaich thu, agus an tìghe a thog mi do d'ainm;

49 An sin éisd thusa o na nèamhan, d'àite-còmhnuidh, r'an urnuigh agus r'an athchuinge, agus seas an còir,

50 Agus maith do d' shluagh a pheacaich a'd' aghaidh, agus an eusaontais uile a rinn iad a'd' aghaidh, agus faigh truas dhoibh an fathair na muinntir a thug leo 'n am braighdibh iad, a chum gu'n gabh iad truas ri u:

51 Oir is iad do shluagh-sa agus d'oghreachd iad, a thug thu mach as an Eiphit, meadhon na h-àmhainne iarunn:

52 A chum gu'm bi do shùilcan fosgailte ri athchuinge do sheirbhisich, agus ri athchuinge do sluaigh Israel, a dh'éisdeachd riu anns gach ni mu'n gairm iad ort.

53 Oir dhealaich thu iad chum oighreachd dhuit féin o uile shluagh na talmhainn, mar a labhair thu le làimh Mhaois d'òglaich féin, an uair a thug thu ar n-aithrichean mach as an Eiphit, a Thighearna Dhé.

54 Agus an uair a chuir Solamh crìoch air an urnuigh so uile a dheanamh ris an Tighearn, agus an athchuinge so, dh'éirich e o bheulaobh altarach an Tighearna, o e féin a lùbadh air a ghluinibh, agus a làmhan sgaoilte dh'ionnsuidh nan nèamh:

55 Agus sheas e, agus bheannaich e uile choimhthional Israeil, le guth mòr, ag ràdh,

56 Gu ma beannaichte an Tighearn a thug suaimehneas d'a shluagh Israel, a réir nan uile *nithean* a labhair e: cha do thuit aon fhocal *gu làr* d'a bhriathraibh maithe uile, a labhair e le làimh Mhaois, 'òglaich féin.

57 Gu'n robh an Tighearn ar Dia maille rinne, mar a bha e maille ri'r n-aithrichibh: na fàgadh e sinn, agus na tréigeadh e sinn;

58 A chum gu'n aom e ar cridhe thuige féin, a ghluasad 'n a shligheibh uile, agus a ghleidheadh 'aitheantan, agus a reachdan, agus a bhreitheanas, a dh'àithn e d'ar n-aithrichibh.

59 Agus gu'n robh na briathran so agamsa, leis an do chuir mi suas athchuinge 'am fianuis an Tighearn, am fagus do'n Tighearn ar Dia a là agus a dh'oidhche, a chum gu'n seas e còir a sheirbhisich, agus còir a shluaigh Israeil, anns gach àm, mar a dh'iarraas a' chùis:

60 A chum gu'n bi fios aig uile shluagh na talmhainn gur e'n Tighearn a's Dia ann, agus nach *'eil* ann ach e.

61 Bitheadh bhur cridhe uime sin iomlan leis an Tighearn ar Dia, a ghluasad 'n a reachdaibh, agus a ghleidheadh 'aitheantan, mar air an là'n diugh.

62 Agus dh'ìobair an rìgh, agus Israel uile maille ris, ìobairt 'am fianuis an Tighearna.

63 Agus dh'ìobair Solamh ìobairt thabhartas-sith, a dh'ìobair e do'n Tighearn, dà mhìle thar fhichead bò, agus ceud agus fichead mìle caora: mar sin choisrig an rìgh, agus clann Israeil uile, tìgh an Tighearna.

64 Air an là sin féin naomhaich an rìgh meadhon na cùirte, a bh'air beulaobh tìghe an Tighearna: oir thug e suas an sin ìobairtean-loisgte, agus tabhartasan-bìdh, agus saill nan tabhartas-sith; a chionn gu'n robh an altair umha a bha'm fianuis an Tighearna, ro bheag a ghabhail nan ìobairt-loisgte, agus nan tabhartas-bìdh, agus saill nan tabhartas-sith.

65 Agus chum Solamh anns an àm sin feill, agus Israel uile maille ris, coimhthional mòr, o dhòl a stigh Hamait gu ruig anhainn na h-Eiphit, 'am fianuis an Tighearn' ar Dé, seachd làithean agus seachd làithean, *eadhon* ceithir là deug.

66 Air an ochdamh là leig e air falbh an sluagh: agus bheannaich iad an rìgh, agus chaidh iad a dh'ionnsuidh am bùthan, subhach agus aoibhinn 'n an cridhe, air son a' mhaith uile a rinn an Tighearn do Dhaibhidh a sheirbhiseach agus d'a shluagh Israel.

CAIB. IX.

1 *Rinn Dia, an dara uair, coimhcheangal ri Solamh.* 11 *Thug Solamh fichead baile do Hiram air son a sheirbhis dha.* 20 *Rinneadh tràillean de na Cananaich.*

AGUS an uair a chuir Solamh crìoch air tigh an Tighearn', agus tigh an rìgh a thogail, agus uile mhianh Sholaimh a bu taitneach leis a dheanamh,

2 Dh'fhoillsich an Tighearn e féin do Sholamh an dara uair, mar a dh'fhoillsich se e féin da ann an Gibeon.

3 Agus thubhairt an Tighearn ris, Chuala mi d'urnuigh agus d'athcuinge a cluir thu suas a'm' fianuis: naomhaich mi an tigh so a thog thu, a chur m'ainne an sin gu bràth; agus bithidh mo shùilean agus mo chridhe an sin gach là.

4 Agus ma ghluaiscas tusa ann am fhianuis, mar a ghluais Daibhidh d'athair, ann an ionlanachd cridhe, agus ann an ionracas, a dheanamh a réir nan uile *nithean* a dh'aitim mise dhuit, agus gu'n gléidh thu mo reachdan agus mo bhreitheanas.

5 An sin daingnichidh mise caithir do rìoghachd air Israel gu bràth, mar a labhair mi ri Daibhidh d'athair, ag ràdh, Cha bhì duine dhith ort air rìgh-chaitir Israel.

6 Ach ma thionndaidheas sibh da rìreadh o m'leantuinnsa, *sibh* féin agus bhuir clann, agus nach gléidh sibh m'aitheantan agus mo reachdan a chuir mi roimhibh, ach gu'm falbh sibh agus gu'n dean sibh seirbhis do dhaibhaibh eile, agus gu'n sleuchd sibh dhoibh;

7 An sin gearraidh mise Israel as bhàrr aghaidh an fhearainn a thug mi dhoibh: agus an tigh so a naomhaich mi do m'ainm féin, tilgidh mi as mo shealladh; agus bithidh Israel 'n a ghuàth-fhocal, agus 'n a leth-fhocal am measg nan uile shluagh;

8 Agus an tigh so a bha co àrd, gach neach a ghabhas seachad air, bithidh iongnadh air, agus nì e sgeig; agus their iad, C'ar son a rinn an Tighearn mar so ris an tìr so, agus ris an tigh so?

9 Agus freagraidh iad, A chionn gu'n do thréig iad an Tighearn an Dia, a thug a mach an aithrichean á tìr na h-Eiphit, agus gu'n do ghabh iad d'an ionnsuidh diathan

eile, agus gu'n do shleuchd iad dhoibh, agus gu'n do rinn iad seirbhis dhoibh; nìme sin thug an Tighearn orra an t-òle so uile.

10 Agus an ceann fhichead bliadhna, anns an do thog Solamh an dà thigh, tigh an Tighearn' agus tigh an rìgh,

11 *A chionn gu'n d'thug Hiram rìgh Thiruis seachad do Sholamh fiodh seudair, agus fiodh giuthais, agus òr, gu uile thoil, an sin thug rìgh Solamh do Hiram fichead baile ann an tìr Ghalile.*

12 Agus thàinig Hiram a mach á Tirus a dh'fhaicim nam bailtean a thug Solamh dha; ach cha do thaitinn iad ris.

13 Agus thubhairt e, Cìod iad na bailtean sin a thug thu dhomh, a bhràthair? Agus thugadh fearann Chàbuil mar ainm orra agus an là'n diugh.

14 Agus chuir Hiram a dh'ionnsuidh an rìgh sè fichead tàlann òir.

15 Agus *is e* so aobhar na cìse a thog rìgh Solamh a thogail tìghe an Tighearn', agus a thighe féin, agus Mhìlo, agus balla Ierusalem, agus Hasoir, agus Mhegido, agus Gheseir.

16 Chaidh Pharaoh rìgh na h-Eiphit suas, agus ghlac e Geser, agus loisg se e le teine, agus mharbh e na Cananaich a bha 'chòmhnuidh 's a' bhaile, agus thug se e *mar* thiodhlac d'a nighinn, mnaoi Sholaimh.

17 Agus thog Solamh Geser, agus Bethoron iochdarach,

18 Agus Baalat, agus Tadmor 's an fhàsach, anns an tìr,

19 Agus na h-uile bhailtean ionmhais a bh'aig Solamh, agus bailtean a charbad, agus bailtean a mharc-shluaigh, agus miann Sholaimh a mhiannaich e 'thogail ann an Ierusalem, agus ann an Lebanon agus ann an tìr a thighearnais uile.

20 *Agus* an sluagh uile a dh'fhàgadh *beò* de na h-Amoraich, *de* na Hitich, *de* na Peridsich, *de* na Hibhich, agus *de* na Iebusaich, nach *robh* de chloinn Israeil.

21 An clann a dh'fhàgadh 'n an déigh 's an tìr, nach b'urraim clann Israeil as g'ios gu tur, dhiubhsan thog Solamh daor-chìs agus an là'n diugh.

22 Ach de chloinn Israeil cha d'rinn Solamh tràill sam bith: ach *bha* iad 'n an fìr-chogaidh, agus 'n an seirbhisich aige, agus 'n an uachdaranab, agus 'n an ceannardaibh, agus 'n an riaghlairibh a charbad agus a mharc-shluaigh.

23 *B'iad* so uachdaran an luchd-dreuchd a *bha* os ceann oibre Sholaimh, cùig ceud agus leth-cheud, a riaghal os ceann an t-sluaigh a dh'òibrich 's an obair.

24 Ach chaidh nìgean Pharaoh suas á baile Dhaibhidh d'a tigh féin, a thog *Solamh* dhi: an sin thog e Milo.

25 Agus dh'ìobair Solamh trì uairean 's a'

bhliadhna iobairtean-loisgte, agus iobairtean-sith air an altair a thog e do'n Tighearn, agus loisg e tùis air an *altair a bha* 'm fianuis an Tighearn': agus chrìochnaich e 'n tigh.

26 Agus rinn rìgh Solamh loingeis ann an Esion-geber, a *tha* làimh ri Elot, air tràigh na mara ruaidhe, ann an tìr Edoim.

27 Agus chuir Hiram anns an loingeis 'òglaich féin, maraichean aig an robh eòlas na faire, maille ri òglaich Sholaimh.

28 Agus thàinig iad gu h-Ophir, agus thug iad as a sin òr, ceithir cheud agus fichead tàlann, agus thug iad gu rìgh Solamh e.

CAIB. X.

1 *Ghabh ban-rìghinn Sheba iongantais ri gliocas Sholaimh.* 14 *Cudthronn an òir a thàinig d'a ionnsuidh gach bliadhna.* 18 *A rìgh-chaithir.* 21 *A shoithichean.* 26 *A charbaid agus a mharc-shluagh.*

A GUS an uair a chuala ban-rìghinn Sheba cliù Sholaimh ann an ainm an Tighearna, thàinig i g'a dhearbhadh le ceisidibh cruaidhe.

2 Agus thàinig i do h-Ierusalem le cuid-eachd ro mhòir, le càmhalaibh a' giùlan spìosraidh, agus ro mhòran òir agus chlachan luachmhor: agus thàinig i dh'ionnsuidh Sholaimh, agus labhair i ris gach ni a bha 'n a cridhe.

3 Agus mhìnich Solamh dhi a briathran uile: cha robh ni *air bith* 'am folach air an rìgh nach do mhìnich e dhi.

4 Agus an uair a chunnaic ban-rìghinn Sheba uile ghliocas Sholaimh, agus an tigh a thog e,

5 Agus biadh a bhuird, agus suidhe a sheirbhiseach, agus feitheamh a luchd-frith-ealaidh, agus an trusgain, agus a gheillean-cupain, agus a dhol suas air an dèachaidh e suas gu tigh an Tighearna, cha robh spiorad innte ni's mò.

6 Agus thubhairt i ris an rìgh, B'fheòr an t-iomradh a chuala mise ann am thìr féin air do ghnìomharaibh, agus air do ghliocas.

7 Gidheadh, cha do chreid mi na briathran, gus an d'thàinig mi, agus gu'm faca mo shùilean féin e; agus, feuch, cha d'imiseadh a leth dhomh: chaidh do ghliocas agus do shoirbheachadh thar an iomradh a chuala mi.

8 *Is* sona do dhaoine, *is* sona iad so do sheirbhiseach, a sheasas a'd' fhianuis an còmhnuidh, ag èisdeachd ri d' ghliocas.

9 Gu ma beannaichte an Tighearn do Dhia, a ghabh tlachd annad gu d' chur air rìgh-chaithir Israel: a chionn gu bheil gràdh aig an Tighearn do Israel gu bràth, uime sin rinn e thusa a'd' rìgh, a dheanamh breitheanais agus ceartais.

10 Agus thug i do'n rìgh sè fichead tàlann òir, agus ro mhòran de spìosraidh, agus clachan luachmhor: (cha d'thàinig riamh

tuilleadh a leithid so de phailteas spìosraidh, as a thug banrighinn Sheba do rìgh Solamh.

11 Agus mar an ceudna loingeis Hiram a ghiùlain òr o Ophir, thug i o Ophir ro mhòran de fhiodh almuig, agus clachan luachmhor.

12 Agus rinn an rìgh de'n fhiodh almuig puist do thigh an Tighearn', agus do thigh an rìgh, clàrsaichean mar an ceudna agus saltairean do'n luchd-ciùil: cha d'thàinig a leithid so de fhiodh almuig, agus chan fhacas a *leithid* gus an là'n diugh.)

13 Agus thug rìgh Solamh do bhan-rìghinn Sheba a h-uile mhiann a dh'iarr i, a thuilleadh air na thug e dhi a réir 'fhiailaidheachd rìoghail féin: agus phill i, agus dh'fhalbh i d'a tìr, i féin agus a seirbhiseich.

14 A nis b'e cudthronn an òir a thàinig gu Solamh ann an aon bhliadhna, sè ceud, trì fichead, agus sè tàlannan òir;

15 A thuilleadh air na *fhuair* e o na ceannaichibh, agus o mhalairt an luchd-spìosraidh, agus o uile rìghribh Arabia, agus o uachdaranaibh na tìre.

16 Agus rinn rìgh Solamh dà cheud sgiath de òr buailte: sè ceud *secel* òir chuir e chum gach sgéithe.

17 Agus *rinn* e trì cheud targaid de òr buailte: trì puinnnd òir chuir e chum gach targaide: agus chuir an rìgh iad ann an tigh frithe Lebanon.

18 Rinn an rìgh mar an ceudna rìgh-chaithir mhòr de fhiacalaibh *elephant*, agus chòmhaich e i leis an òr a bu ghloine.

19 *Bha* sè ceuman aig an rìgh-chaithir, agus *bha* mullach na rìgh-chaithearach cruinn o' cùl; agus *bha* làmh an air gach taobh de'n àite-shuidhe, agus dà leòmhann a' seasamh làimh ris na làmh.

20 Agus sheas dà leòmhann dheug an sin air na sè ceumaibh, air an taobh so agus air an taobh ud: cha d'rinneadh a leithid ann an rìoghachd air bith *eile*.

21 Agus *bha* uile shoithichean òil rìgh Solaimh de òr, agus uile shoithichean tìghe frithe Lebanon de òr fìor-ghlan: cha robh aon diubh de airgid; cha robh meas 'air bith dheth ann an làithibh Sholaimh.

22 Oir *bha* loingeis Tharsis aig an rìgh air muir maille ri loingeis Hiram: aon uair anns na trì bliadhnaibh thàinig loingeis Tharsis, a' giùlan òir, agus airgid, fhiacal elephant, agus apan, agus pheucag.

23 Mar so thug rìgh Solamh barrachd air uile rìghribh an domhain ann an saoihrreas, agus ann an gliocas.

24 Agus dh'iarr an talamh uile teachd an làthair Sholaimh, a dh'èisdeachd r'a ghliocas, a chuir Dia 'n a chridhe.

25 Agus thug iad leo gach fear a thìodhlac; soithichean airgid agus soithichean òir, agus trusganan, agus airm, agus spìosraidh,

eich agus muileidean; cuibhrionn bliadhna agus gach bliadhna.

26 Agus chruinnich Solamh carbaid agus marc-shluagh: agus bha mìle agus ceithir cheud carbaid aige, agus dà uile dheug marcach; a chuir e ann am bailtibh nan carbaid, agus maille ris an rìgh ann an Ierusalem.

27 Agus thug an rìgh air airgid a *bhi* ann an Ierusalem mar chlachan, agus air na cranuaibh seudair thug e *bhi* mar na croinu shicomoir a *tha* ann an t-srath, air lion-whoireachd.

28 Agus thugadh eich do Sholamh a mach as an Eiphit, agus snàth-lìn: ghabh ceanu-aichean an rìgh an snàth-lìn air luach.

29 Agus thàinig carbaid a nìos agus chaidh e mach as an Eiphit air shè eud *secl* airgid, agus each air cheud gu leth: agus mar sin do uile rìghribh nan Hiteach, agus do rìghribh Shiria, thug iadsan a mach *iad* le'n làimh.

CAIB. XI.

1 *Chlaon mnathan Sholaimh a chridhe 'n a shean aois an dèigh dhiathan coimheach.* 9 *Bhagair Dia gu'n reubadh e a rìoghachd uaih.* 14 *Dhùisg an Tighearn naimhdean suas da.* 43 *A bhàs.*

AGUS *bha* gaol aig rìgh Solamh air mòran de mhnathan coimheach, a thuillcadh air nighinn Pharaoh, Ban-mhoab-aich, Bau-amonaich, Ban-edomaich, Bانشidonaich, agus Ban-litich;

2 De ua cinnich mu'n d'thubhairt an Tighearn ri cloinn Israeil, Cha téid sibhse a steach d'an ionnsuidh-san, cha mhò a thig iadsan a steach d'ur n-ionnsuidh-sa; *oir* gu deimhin bheir iad air bhuir cridhe claoanadh an dèigh an diathan: riu so dhlùth-lean Solamh ann an gaol.

3 Agus bha seachd eud bean aige, mar bhau-righinncan, agus trì cheud coimheach: agus thug a mhuathan air a chridhe claoanadh.

4 Oir thachair, ann an àm sean aois Sholaimh, *gu'n* do chlaon a mhnathan a chridhe an dèigh dhiathan eile; agus cha robh a chridhe iomlan leis an Tighearn a Dhia, mar a *bha* cridhe Dhaibhidh 'athar.

5 Oir chaidh Solamh an dèigh Astaroit ban-dé nan Sidonach, agus an dèigh Mhil-coim gràineileachd nan Amonach.

6 Agus rinn Solamh olc ann an sùilibh an Tighearn; agus cha do lean e gu coimhlionta an Tighearn, mar a *rinn* Daibhidh 'athair.

7 An sin thog Solamh ionad àrd do Chemos, gràineileachd Mhoab, anns an t-slabh a *tha* mu choimhinm Ierusalem; agus do Mhòlech, gràineileachd chloinn Amon.

8 Agus air an dòigh cheudna rinn e d'a mhnàibh coimheach uile, a loisg tùis agus a thug suas iobairt d'an diathan.

9 Agus bha fearg air an Tighearn ri Solamh, a chionn gu'n do chlaon a chridhe o'n Tighearn Dia Israeil, a dh'fhoillsich e féu dha dà uair.

10 Agus a dh'àithn dha a thaobh an nì so, nach rachadh e'n dèigh dhiathan eile: ach cha do ghleidh esan an nì a dh'àithn an Tighearn.

11 Uime sin thubhairt an Tighearn ri Solamh, A chionn gu'n d'rinneadh so leat, agus nach do ghleidh thu mo choimheangal-sa agus mo reachdan a dh'àithn mi dhuit, gu deimhin reubaidh mise an rìoghachd uait, agus bheir mi do d' sheir-bliseach i.

12 Gidheadh ann ad làithibh-sa cha dean mi so, air sgàth Dhaibhidh d'athar: á làimh do mhic reubaidh mi i.

13 Ach cha reub mi an rìoghachd uile: bheir mi aon treubh do d' mhac air sgàth Dhaibhidh m'dglaich, agus air sgàth Ierusalem a thagh mi.

14 Agus dhùisg an Tighearn nàmhaid suas do Sholamh, Hadad an t-Edomach: *bha* e de'n t-slochd rìoghail ann an Edom.

15 Oir an uair a bha Daibhidh ann an Edom, agus a chaidh Ioab ceannard an t-sloigh suas a dh'adhlacadh nam marbh, an dèigh dha gach fionnach ann an Edom a bhualadh,

16 (Oir dh'fhan Ioab sè mìosan an sin, agus Israel uile, gus an do ghearr e as gach fionnach ann an Edom.)

17 Theich Adad, e féin agus Edomaich àraidh de sheirbhiseich 'athar maille ris, gu dol a stigh do'n Eiphit; agus Hadad fathast 'n a leanaban òg.

18 Agus dh'éirich iad á Midian, agus thàinig iad gu Paran, agus thug iad daoine leo á Paran, agus thàinig iad do'n Eiphit, gu Pharaoh rìgh na h-Eiphit; agus thug esan dha tigh, agus dh'òrduich e lèu dha, agus thug e fearann dha.

19 Agus fhuair Hadad deadh-ghean mòr ann an sùilibh Pharaoh, air chor as gu'n d'thug e dha 'n a mnaoi piuthar a mhnà féin, piuthar Thalpenais na ban-righinn.

20 Agus rug piuthar Thalpenais dha Genubat a mhac, a chuir Talpenes bhàrr na cìche ann an tigh Pharaoh: agus bha Genubat ann an teaghlach Pharaoh am measg mhac Pharaoh.

21 Agus an uair a chuala Hadad 's an Eiphit gu'n do choidil Daibhidh maille r'a aithrichibh, agus gu'n robh Ioab ceannard an t-sloigh marbh, thubhairt Hadad ri Pharaoh, Leig dhomh imeachd, a chum gu'n téid mi do m' thìr féin.

22 Agus thubhairt Pharaoh ris, Ach ciod a tha dh'easbhuidh ort maille riumsa, gu'n iarradh tu, feuch, dol do d' thìr féin? Agus fhreagair esan, *Cha-n'eil nì air bith*, gidheadh leig dhomh falbh air gach aon chor.

23 Agus dhùisg Dia suas nàmhaid eile

dha, Reson mac Eliadah, a theich o Hadereser, rìgh Shobah, a thighearn.

24 Agus chruinnich e daoine thuige, agus bha e 'n a cheannard air buidhlinn, an uair a mharbh Daibhidh iadsan o *Shobah*: agus chaidh iad do Dhamascus, agus chòmhnuich iad ann, agus rinn iad e 'n a rìgh ann an Damascus.

25 Agus bha e 'n a nàmhaid do Israel ré uile làithean Sholaimh, a thuilleadh air an ole a *rinn* Hadad: agus dh'fhuathaich e Israel, agus rìghich e os ceann Edoim.

26 Agus Ieroboam mac Nebait, Ephratich o Shereda, seirbhiseach do Sholaimh, (agus *he* ainm a mhàthar Seruah, bantrach,) thog eadhon esan a làmh an aghaidh an rìgh.

27 Agus *be* so an t-aobhar mu'n do thog e a làmh an aghaidh an rìgh: Thog Solaimh Milo, agus chàirich e bearnan bhaile Dhaibhidh 'athar.

28 Agus *bha* 'n duine Ieroboam treun ann an uair: agus an uair a chunnaic Solaimh gu'n robh an t-òganach deanadach, chuir se e os ceann uile luchd-giùlain uallach tighe Ioseiph.

29 Agus tuachair anns an àm sin, air dol do Ieroboam a mach á h-Ierusalem, gu'n d'fhuair am fàidh Ahiah an Silonach e 's an t-slighe; agus e sgeadaichte le trusgan ùr: agus *bha* iad 'n an dithis leo féin anns a' mhachair.

30 Agus rug Ahiah air an trusgan ùr a *bha* air, agus reub e 'n a dhà mhìr dheug e.

31 Agus thubhairt e ri Ieroboam, Gabh dhuit féin deich mìrean; oir mar so tha'n Tighearn Dia Israeil ag ràdh, Feuch, reubaidh mise an rìoghachd á làimh Sholaimh, agus bheir mi deich treubhan dhuitse:

32 (Ach bithidh aon treubh aige-san air sgàth Dhaibhidh m'òglaich, agus air sgàth Ierusalem, an baile a thagh mi á uile treubhan Israeil:)

33 A chionn gu'n do thréig iad mise, agus gu'n do shleuchd iad do Astarot ban-dia nan Sidonach, do Chemos dia nam Moabach, agus do Mhilcom dia chloim Amoin, agus nach do ghluais iad ann am shligheibh-sa, a dheanamh an *ni a tha* ceart a'm' shùilibh, agus a ghlèidheadh mo reachdan agus mo bhreitheanas, mar a *rinn* Daibhidh 'athair.

34 Gidheadh, cha toir mi'n rìoghachd uile as a làimh, ach ni mi e 'n a uachdaran ré uile làithean a bheatha, air sgàth Dhaibhidh m'òglaich, a thagh mi, a chionn gu'n do ghlèidh e m'aitheantan agus mo reachdan.

35 Ach bheir mi'n rìoghachd á làimh a mhic, agus bheir mi dhuitse i, eadhon deich treubhan.

36 Agus d'a mhac-san bheir mi aon treubh, a chum gu'm bi lòchran aig Daibhidh m'òglaich an còmhnuidh a'm' fhianuis ann

an Ierusalem, an baile a thagh mi dhomh féin a chur mainne an sin.

37 Agus gabhaidh mi thusa, agus rìoghaidh tu a réir nan uile *nithean* a mhiann-aicheas d'anam, agus bithidh tu a'd' rìgh air Israel.

38 Agus ma dh'éisdeas tu ris na h-uile *nithibh* a dh'aitheanas mise dhuit, agus gu'n gluais thu ann am shligheibh, agus gu'n dean thu an *ni a tha* ceart a'm' shùilibh, a ghlèidheadh mo reachdan agus m'aitheantan, mar a rinn Daibhidh m'òglaich; an sin bithidh mise maille riut, agus togaidh mi dhuit tigh dangean. mar a thog mi do Dhaibhidh, agus bheir mi Israel dhuit.

39 Agus cràdhaidh mi sliochd Dhaibhidh air a shon so, ach cha-n aun gu bràth.

40 Uime sin dh'iarr Solaimh Ieroboam a mharbhadh. Ach dh'éirich Ieroboam, agus theich e do'n Eiphit, a dh'ionnsuidh Shisaie rìgh na h-Eiphit, agus bha e's an Eiphit gu bàs Sholaimh.

41 Agus a' chuid eile de ghnìomharaibh Sholaimh, eadhon na h-uile *nithean* a rinn e, agus a ghliocas, nach *eil* iad sgrìobhta ann an leabhar ghnìomharan Sholaimh?

42 Agus *bi* an ùine a rìghich Solaimh ann an Ierusalem os ceann Israeil uile, dà fhichead bliadhna.

43 Agus choidil Solaimh maille r'a aithrichibh, agus dh'adhlacadh e ann am baile Dhaibhidh 'athar: agus rìghich Rehoboam a mhac 'n a àit.

CAIB. XII.

1 *Chruinnich na h-Israelich naig Sechem gu Rehoboam a dheanamh 'n a rìgh. 16 Rinn deich treubhan ceannairc 'n a aghaidh, agus dh'uing iad Ieroboam gu bhì 'n a rìgh os an ceann. 26 Chuir Ieroboam suas dà luogh òir ann am Bet-el agus ann an Dan.*

AGUS chaidh Rehoboam do Sechem: oir thàinig Israel uile gu Sechem gu 'dheanamh 'n a rìgh.

2 Agus an uair a chuala Ieroboam, mac Nebait, a bha fathast anns an Eiphit *sin*, (far an do theich e o ghnàis rìgh Solaimh,) phill Ieroboam as an Eiphit.

3 Agus chuir iad *fios* agus ghairm iad air: agus thàinig Ieroboam, agus comhchruinn-eachadh Israeil uile, agus labhair iad ri Rehoboam, ag ràdh,

4 Dh'antromaich d'athair ar cuingne, ach eutromaich thus' a nis seirbhis chruaidh d'athar, agus a chuig throm a chuir e oirn, agus ni sinn seirbhis dhuit.

5 Agus thubhairt e ri, Falbhaibh fathast *gu ceann* thri làithean, an sin thigibh a ris a m' ionnsuidh. Agus dh'fhalbh an sluagh.

6 Agus chuir rìgh Rehoboam a chomhairle ris na seann daoineibh a sheas an làthair Sholaimh 'athar, an uair bu bhead e, ag ràdh, Cionnus a tha sibh a' comhairleachadh

dhomh freagradh a thabhairt do'n t-sluagh so?

7 Agus labhair iadsan ris, ag ràdh, Ma bhitheas tusa an diugh a'd' sheirbhiseachais an t-sluagh so, agus gu'n dean thu seirbhis dhoibh, agus gu'm freagair thu iad, agus gu'n labhair thu focal iuhaithe riu, an siu bithidh iadsan agadsa 'n au seirbhisich gu bràth.

8 Ach thréig esan comhairle nan seann daoine, a thug iad air; agus chuir e 'chomhairle ris na daoineibh òga a dh'fhàs suas maille ris *féin*, agus a sheas 'n a làthair.

9 Agus thubhairt e riu, Ciod a *tha* sibhse a' comhairleachadh, a chum gu'n toir sinn freagradh do'n t-sluagh so, a labhair rium, ag ràdh, Eutromaich a' chung a chuir d'athair oirn?

10 Agus labhair na daoine òga a dh'fhàs suas maille ris *féin* ris, ag ràdh, Mar so their thu ris an t-sluagh so a labhair riut, ag ràdh, Dh'antromaich d'athair ar cuingne, ach eutromaich thusa dhuinn *i*; mar so labhraidh tu riu, *Tha am meur* a's lugha agamsa ni's gairbhe na leasraidh m'athar.

11 Agus a nis chuir m'athair gun amharus oirbh cuing throm, ach cuiridh mise ri bhu cuing: smachdaich m'athair sibh le slataibh, ach smachdaichidh mise sibh le scorpionaidh.

12 Uime sin thàinig Ieroboam agus an sluagh uile gu Rehoboam air an treas là, mar a dh'aithean au righ, ag ràdh, Thigibh a m' ionnsuidh a ris air an treas là.

13 Agus fhreagair an righ an sluagh gu garbh; agus thréig e comhairle nan seann daoine a thug iad dha.

14 Agus labhair e riu a réir comhairle nan daoine òga, ag ràdh, Dh'antromaich m'athair bhu cuing, agus cuiridh mise ri bhu cuing: smachdaich m'athair sibh le slataibh, ach smachdaichidh mise sibh le scorpionaidh.

15 Mar so cha d'éisd an righ ris an t-sluagh; oir bha'n t-aobhar o'u Tighearn, chum gu'n coimhlionadh e 'fhocal féin, a labhair au Tighearn le làmh Ahiah an t-Silonaich ri Ieroboam mac Nebait.

16 Agus an uair a chunnaic Israel uile nach d'éisd an righ riu, fhreagair an sluagh an righ, ag ràdh, Ciod a' chuibrionn a *th* againne ann an Daibhidh? agus cha-n'eil oighreachd againne ann am mac Iese: do d' bhràthar, O Israeil; a nis amhairc air do thigh féin, a Dhaibhidh. Agus dh'fhalbh Israel d'am bùthaibh.

17 Ach a *thaobh* chloinn Israeil a bha 'chòmhnuidh ann am bailtibh Iudah, righich Rehoboam os an ceann.

18 An sin chuir righ Rehoboam Adoram a' ionnsuidh a *bha* os ceann na cise; agus chlach Israel uile e le clachaibh, agus fhuair e bàs: uime sin rinn righ Rehoboam

cabhag gu dol suas d'a charbad, chum gu'n teicheadh e do h-Ierusalem.

19 Agus rinn Israel ceannaire au aghaidh tìghe Dhaibhidh gus an là'n diugh.

20 Agus an uair a chual' Israel uile gu'n d'fhàinig Ieroboam a ris, chuir iad *fios*, agus ghairm iad air do'n chomh-chruinneachadh, agus rinn iad e 'n a righ air Israel uile: cha do lean tigh Dhaibhidh ach treubh Iudah a mhàin.

21 Agus an uair a thàinig Rehoboam gu h-Ierusalem, chruinnich e tigh Iudah uile, agus treubh Bheniamin, ceud agus ceithir fichead mìle fear taghta a bha deanta ri cogadh, a chogadh ri tigh Israeil, a thoirt na rìoghachd air a h-ais gu Rehoboam mac Sholaimh.

22 Ach thàinig focal Dhé gu Semaiah duine le Dia, ag ràdh,

23 Labhair ri Rehoboam mac Sholaimh, righ Iudah, agus ri tigh Iudah agus Bheniamiu uile, agus ri fuigheall an t-sluaigh, ag ràdh,

24 Mar so tha'n Tighearn ag ràdh, Na rachaibh suas, agus na cogaibh ri'r bràithribh cloinn Israeil: pillibh gach duine d'a thigh féin, oir is ann leamsa a rinneadh an ni so. Agus dh'éisd iad ri focal an Tighearna, agus phill iad gu ineachd a réir focail an Tighearna.

25 Agus thog Ieroboam Sechem ann an sliabh Ephraim, agus chòmhnuich e ann; agus chaidh e mach as a sin, agus thog e Penuel.

26 Agus thubhairt Ieroboam 'n a chridhe, Anispillidh an rìoghachd gutigh Dhaibhidh: A nis thaéid an sluagh so suas a dheanamh iobairtean ann an tigh an Tighearn' ann an Ierusalem, an sin pillidh cridhe an t-sluaigh so 'an tighearn, ri Rehoboam righ Iudah: agus marbhaidh iad mise, agus pillidh iad gu Rehoboam righ Iudah.

28 Uime sin ghabh an righ comhairle, agus rinn e dà laogh òir, agus thubhairt e riu, Is mòr oirbh dol suas gu h-Ierusalem: feuch do dhiathan, O Israeil, a thug a nìos thu á tìr na h-Eiphit.

29 Agus shuidhich e aon *diubh* ann am Betel, agus an *laogh* eile chuir e ann au Dan.

30 Agus rinneadh an ni so 'n a pheacadh: oir chaidh an sluagh a *shleuchdadh* an làthair aoin *diubh*, gu ruig Dan.

31 Agus rinn e tigh àitean àrda, agus rinn e sagart de'n chuid a b'isde de'n t-sluagh, nach robh de chloinn Lebi.

32 Agus rinn Ieroboam féill anns an ochdamh mìos, air a' chùigeamh là deug de'u mìos, cosmhuil ris an fhéill a *bha* ann an Iudah, agus dh'ìobair e air an altair: mar sin rinn e ann am Bet-el, ag iobradh do na laigh a rinn e: agus shuidhich e ann am Bet-el sagartan nan àitean àrda a rinn e.

33 Agus dh'ìobair e air an altair a rinn e ann am Bet-el, air a' chàigeamh là deug de'n ochdamh mìos, anns a' mhìos air an do smuainich e 'n a chridhe fèin: agus rinn e fèill do chloinn Israeil, agus dh'ìobair e air an altair, agus loisg e tùis.

CAIB. XIII.

1 *Dh'èigh fàidh an aghaidh na h-altarach ann am Bet-el.* 4 *Shearg làmh Ieroboam, ach air iarrtus an fhàidh dh'aisigeadh dha i a ris.* 11 *Bha am fàidh eas-ùmhail do fhocal Dhé, agus mharbhadh e le leòmhnan air an t-slighe.* 26 *Dh'adhlac sean fhàidh e.*

AGUS, feuch, thàinig duine le Dia á Iudah le focal an Tighearna gu Bet-el: agus *bha* Ieroboam 'n a sheasamh làmh ris an altair, a losgadh tùise.

2 Agus dh'èigh e an aghaidh na h-altarach ann am focal an Tighearna, agus thubhairt e, O altair, altair! mar so thubhairt an Tighearna, Feuch, beirear mac do thigh Dhaibhidh, d'an ainm Iosiah, agus iobraidh e ortsa sagartan nan àitean arda a loisgeas tùis ort, agus loisgear cnàmhnan dhaoine ort.

3 Agus thug e air an là sin fèin comharaidh seachad, ag ràdh, *Is e* so an comharaidh a labhair an Tighearna: Feuch, reubar an altair, agus dèirtear a mach an luath a tha oirre.

4 Agus an uair a chuala rìgh Ieroboam focal an duine le Dia, a dh'èigh e an aghaidh na h-altarach ann am Bet-el, shìn e a làmh a mach o'n altair, ag ràdh, Beiribh air: agus shearg a làmh a shìn e mach 'n a aghaidh, air chor as nach b'urrainn e a tabhairt air a h-ais thuige.

5 Agus reubadh an altair, agus dhòirteadh an luath a mach o'n altair, a réir a' chomharaidh a thug an duine le Dia le focal an Tighearna.

6 Agus fhreagair an rìgh, agus thubhairt e ris an duine le Dia, Aslaich a nis gnùis an Tighearna do Dhé, agus dean urnuigh air mo shon, a chum gu'n aisgear mo làmh dhomh a ris. Agus dh'aslaich an duine le Dia gnùis an Tighearna, agus dh'aisigeadh làmh an rìgh dha a ris, agus bha i mar air tùis.

7 Agus thubhairt an rìgh ris an duine le Dia, Thig maille riumsa do m' thigh, agus neartaich thu fèin; agus bheir mi tìodhlac dhuit.

8 Agus thubhairt an duine le Dia ris an rìgh, Ged bheireadh tu dhomhsa leth do thighe, cha rachainn a stigh maille riut, cha mhò a dh'ithinn aran, no 'dh'òlainn uisge anns an àite so:

9 Oir mar so dh'àithnacadh dhomhsa le focal an Tighearna, ag ràdh, Na ith aran, agus na òl uisge, agus na pill air an t-slighe air an d'thàinig thu.

10 Agus dh'fhalbh e air sùgla eife, agus cha do phill e air an t-slighe air an d'thàinig e do Bet-el.

11 A nis bha sean fhàidh 'n a chòmhnuidh ann am Bet-el; agus thàinig a mhic, agus dh'innis iad da na h-oibre uile a rinn an duine le Dia air an là sin ann am Bet-el: na briathran a labhair e ris an rìgh, iad so dh'innis iad mar an ceudna d'an athair.

12 Agus thubhairt an athair riu, Cia i an t-slighe air an d'fhalbh e? agus dh'fheuch a mhic *dha* an t-slighe air an d'fhalbh an duine le Dia, a thàinig á Iudah.

13 Agus thubhairt e r'a mhic, Cuiribh diollaid dhomh air an asail. Agus chuir iad diollaid dha air an asail, agus mharcaich e oirre.

14 Agus chaidh e'n déigh an duine le Dia, agus fhuair e 'n a shuidhe e fo dharaig; agus thubhairt e ris, An tusa an duine le Dia, a thàinig á Iudah? Agus thubhairt esan, *Is* mi.

15 An sin thubhairt e ris, Thig maille riumsa do m' thigh, agus ith aran.

16 Agus thubhairt esan, Cha-n fheud mi pilltinn maille riut, no dol a steach maille riut: cha mhò a dh'itheas mi aran, no 'dh'òlas mi uisge maille riut anns an àite so:

17 Oir chaidh a ràdh rium le focal an Tighearna, Cha-n ith thu aran, agus cha-n òl thu uisge an sin; cha mhò philleas tu gu imeachd air an t-slighe air an d'thàinig thu.

18 Agus thubhairt e ris, *Is* fàidh mise mar an ceudna mar thu fèin, agus labhair aingeal rium le focal an Tighearna, ag ràdh, Thoir air ais leat e do d'thig, a chum gu'n ith e aran, agus gu'n òl e uisge. *Ach* rinn e breug dha.

19 Agus phill e maille ris, agus dh'ith e aran 'n a thigh, agus dh'òl e uisge.

20 Agus an uair a bha iad 'n an suidhe aig a' bhord, thàinig focal an Tighearna dh'ionnsuidh an fhàidh a thug air ais e:

21 Agus ghlaodh e ris an duine le Dia a thàinig á Iudah, ag ràdh, Mar so tha'n Tighearna ag ràdh, A chionn gu'n robh thu eas-ùmhail do fhocal an Tighearna, agus nach do ghléidh thu an àithne a dh'àithn an Tighearna do Dhia dhuist,

22 Ach gu'n do phill thu, agus gu'n d'ith thu aran, agus gu'n d'òl thu uisge anns an àite mu'n d'thubhairt e riut, Na hith aran, agus na òl uisge; cha téid do chorp a steach do uaigh d'aitirichean.

23 Agus an déigh dha aran itheadh, agus an déigh dha òl, chuir e diollaid dha air an asail, *eadhon* do'n fhàidh a thug e air ais.

24 Agus an uair a dh'fhalbh e, thachair leòmhnan air 's an t-slighe, agus mharbh se e; agus thilgeadh a chorp air an t-slighe, agus sheas an asail làmh ris: sheas an leòmhnan mar an ceudna làmh ris a' chorp.

25 Agus, feuch, *bha* daoine a' gabhail seachad, agus chummaic iad an corp tilgte

air an t-slighe, agus an leòmhán 'n a sheas-
amh làimh ris a' chorp: agus thàinig iad,
agus dh'innis iad e anns a' bhaile, anns an
robh an sean fhàidh 'n a chòmhuuidh.

26 Agus an uair a chual' am fàidh a thug
air ais e o'n t-slighe *sin*, thubhairt e, *Is*
esàn an duine le Dia, a bha eas-ùmhail do
fhocal an Tighearna: uinne sin thug an
Tighearn thairis e do'n leòmhán, a reub e,
agus a mharbh e, a réir focail an Tighearna,
a labhair e ris.

27 Agus labhair e r'a mhic, ag ràdh,
Cuiribh diollaid dhomhair au asail. Agus
chuir iad diollaid *oirre*.

28 Agus dh'fhalbh e, agus fhuair e a chorp
tilgte air an t-slighe, agus an asal agus an
leòmhán 'n an seasamh làimh ris a' chorp:
cha d'ith an leòmhán an corp; cha mhò a
reub e an asal.

29 Agus thog am fàidh corp an duine le
Dia, agus chuir e air an asail e, agus thug
e air ais e: agus thàinig an sean fhàidh
do'n bhaile, gu caoidh a dheanamh, agus
gu adhlacadh.

30 Agus chuir e a chorp 'n a uaigh féin;
agus rinn iad caoidh os a cheann, *ag ràdh*,
Mo thruaighe mo bhrathair!

31 Agus an déigh dha esan adhlacadh,
labhair e r'a mhic, ag ràdh, 'N uair a gheibh
mise bàs, an sin adhlacibh mi anns an
uaigh anns an *bheil* an duine le Dia
adhlacite; làimh r'a chrannhaibh-san cuir-
ibh mo chnàmhan-sa:

32 Oir gu deimhin thig e gu crìch an ni
a dh'éigh e le focal an Tighearn' an aghaidh
na h-altair ach ann am Bet-el, agus an
aghaidh uile thighean nan àitean àrda, a
tha ann am bailtibh Shamaria.

33 An déigh an ni so, cha do phill Iero-
boam o' dhroch shlighe, ach rinn e a ris
de'n chuid a b'isle de'n t-sluagh sagartan
do na h-àitibh àrda: ge b'e leis am bàill,
choisrig se e, agus bha e 'n a *aon de* shag-
artaibh nan àitean àrda.

34 Agus bha an ni so 'n a pheacadh do
thigh Ieroboam, agus a chum a ghearradh
as, agus a chum a sgrios bhàrr aghaidh na
talmhainn.

CAIB. XIV.

1 Chaidh bean Ieroboam a dh'ionnsuidh an
fhàidh Ahiah a dh'fhiosrachadh dheth a
thaobh a mic. 5 Dh'innis Ahiah dhi am
breitheanas a bha gu teachd air tigh Ieroboam.
21 Rìoghachadh aingidh Rehoboam. 25
Chreuch Sisac Ierusalem. 29 Fhuair Re-
hoboam bàs, agus rìghich Abram a mhac 'n a
àit.

ANNS an àm sin bha Abiah, mac Iero-
boam, gu tinn.

2 Agus thubhairt Ieroboam r'a mhnaoi,
Eirich a nis, agus cuir thu féin ann an coslas
eile, air chor as nach aithnich iad gur tu
bean Ieroboam; agus imich do Shiloh:
feuch, an sin *tha* Ahiah am fàidh, a dh'innis

dhomhsa *gu'm bithinn* a'm' rìgh air an
t-sluagh so.

3 Agus thoir leat a'd làimh deich builinn-
ean, agus breacagan, agus soithcach meala,
agus falbh d'a ionnsuidh: innsidh esan duit
ciod a dh'éireas do'n leanabh.

4 Agus rinn bean Ieroboam mar sin, agus
dh'éirich i, agus chaidh i do Shiloh, agus
thàinig i gu tigh Ahiah: ach cha b'urraim
Ahiah *ni* fhaicinn, oir dhorchaicheadh a
shùilcan le aois.

5 Agus thubhairt an Tighearn ri Ahiah,
Feuch, tha bean Ieroboam a' teachd a
dh'iarraidh ni ort a thaobh a mic, oir *tha* e
gu tinn; mar so agus mar so labhaird tu
rithe; oir tarlaidh 'n uair a thig i a steach,
gu'n gabh i oirre féin *gur bean* eile i.

6 Agus tharladh, an uair a chual' Ahiah
fuaim a cos, agus i a' teachd a steach air an
dorus, gu'n dubhairt e, Thig a steach,
a bhean Ieroboam: c'ar son a tha thu a'
gabhair ort *gur bean* eile thu? ach chuir-
eadh mise 'ad ionnsuidh *le teachdaireachd*
chruaidh.

7 Falbh, innis do Ieroboam, Mar so tha'n
Tighearn Dia Israeil ag ràdh, A chionn
gu'n d'àrdaich mise thu a meadhon an
t-sluagh, agus gu'n do chuir mi thu a'd'
cheannard air mo shluagh Israel,

8 Agus gu'n do reub mi an rìoghachd o
thigh Dhaibhidh, agus gu'n d'thug mi dhuitse
i; agus *gidheadh* nach robh thu mar m'òglach
Daibhidh, a ghléidh m'aitheantan, agus a
lean mi le 'uile chridhe, a dheanamh *an*
ni sin a mhàin a bha ceart ann mo shùil-
ibh-sa;

9 Ach gu'n d'rinn thu ole os ceann nan
uile a bha romhad, agus gu'n deachaidh tu
agus gu'n d'rinn thu dhuit féin diathan eile,
agus dealbhan leaghta, gu fearg a chur
ormsa; agus gu'n do thig thu mi air do
chùlaobh:

10 Uinne sin, feuch, bheir mise ole air
tigh Ieroboam, agus gearraidh mi as o
Ieroboam esan a ni uisge ri balla, esan a
dhruidcadh a steach agus a dh'fhàgadh ann
an Israel; agus bheir mi air falbh fuigheall
tighe Ieroboam, mar a bheir neach air falbh
aolach gus an teirig e.

11 Esan a gheibh bàs de Ieroboam anns
a' bhaile, ithidh na madraidh e; agus esan
a gheibh bàs anns a' mhachair, ithidh
eunlaith an athair e: oir labhair an Tigh-
earn e.

12 Uinne sin éirich thusa, imich do d' tigh
féin: an uair a théid do chosan a steach
do'n bhaile, gheibh an leanabh bàs.

13 Agus ni Israel uile caoidh air a shon,
agus adhlacaidh iad e: oir théid esan a
mhàin o Ieroboam a dh'ionnsuidh na
h-uaigne; a chionn gu'n d'fhuaradh ann
ni maith a thaobh an Tighearna Dhé Is-
raeil, ann an tigh Ieroboam.

14 Os bàrr, togaidh an Tighearn suas dha

féin rìgh air Israel, a ghearras as tigh Ieroboam air an là sin: ach ciod? a nis féin.

15 Agus buailidh an Tighearn Israel, mar a ghluaisear cuile anns an uisge, agus spionaidh e Israel as an fhearann mhaith so, a thug e d'an aithrichibh, agus sgapaidh e iad air an taobh thall de'n amhainn; a chionn gu'n d'rinn iad an doireachan, a' cur feirge air an Tighearn.

16 Agus bheir e thairis Israel, air son pheacaidhean Ieroboam, a pheacaich, agus a thug air Israel peacachadh.

17 Agus dh'éirich bean Ieroboam, agus dh'imich i, agus thàinig i gu Tirzah: agus an uair a chaidh i steach air stairsnich an tighe, fhuair an leanabh bàs.

18 Agus dh'adhlac iad e, agus rinn Israel uile caoidh air a shon, a réir focail an Tighearna, a labhair e le làimh 'òglaich féin Ahiah an fhàidh.

19 Agus a' chuid eile de ghnìomharaibh Ieroboam, mar a chog, agus mar a rìghich e, feuch, *tha* iad sgrìobhta ann an leabhar eachdraidh rìghrean Israeil.

20 Agus *biad* na làithean a rìghich Ieroboam dà bhliadhna thar fhichead: agus choidil e maille r'a aithrichibh, agus rìghich Nadab a mhac 'n a àit.

21 Agus rìghich Rehoboam mac Sholaimh ann an Iudah. *Bha* Rehoboam bliadhna agus dà fhichead a dh'aois an uair a thòisich e air rìoghachadh; agus rìghich e seachd bliadhna deug ann an Ierusalem, am baile a thagh an Tighearn á uile threubhan Israeil, a chur 'ainne an sin: agus *be* ainm a mhàthar Naamah, Ban-amonach.

22 Agus rinn Iudah ole ann an sùilbh an Tighearna, agus bhrosnaich iad e gu h-eud le'm peacaidhean, a rinn iad os ceann nan uile a rinn an aithrichean:

23 Oir thog iadsan mar an cendna àitean àrda dhoibh féin, agus dealbhan, agus doir-eachan, air gach cnoc àrd, agus fo gach craoibh uaine.

24 Agus bha mar an cendna Sodomaich anns an tìr: rinn iadsan a réir uile ghràin-eileachdan nan cinneach, a thilg an Tighearn a mach roimh chloinn Israeil.

25 Agus anns a' chùigeamh bliadhna de rìgh Rehoboam, thàinig Sisac rìgh na h-Eiphit a nìos an aghaidh Ierusalem:

26 Agus thug e leis ionmhais tighe an Tighearna, agus ionmhais tighe an rìgh; bhuin e leis cadhon an t-ionnlan: agus thug e leis na sgiathan òir uile a rinn Solamh.

27 Agus rinn rìgh Rehoboam sgiathan umha 'n an àit, agus thug e thairis *iad* gu làimh cheannard an fhreiceadain a ghléidh dorus tighe an rìgh.

28 Agus an uair a chaidh an rìgh a steach do thigh an Tighearna, dh'iomhair am freiceadan iad, agus thug iad air an ais iad gu seòd an fhreiceadain.

29 Agus a' chuid eile de ghnìomharaibh Rehoboam, agus na h-uile nithean a rinn e, nach 'eil iad sgrìobhta ann an leabhar eachdraidh rìghrean Iudah?

30 Agus bha cogadh eadar Rehoboam agus Ieroboam ré *an* làithean uile.

31 Agus choidil Rehoboam maille r'a aithrichibh, agus dh'adhlac iad e maille r'a aithrichibh ann am baile Dhaibhidh: agus *be* ainm a mhàthar Naamah, Ban-amonach. Agus rìghich Abiam a mhac 'n a àit.

CAIB. XV.

1 *Rìoghachadh aingidh Abiam: 7 a bhàs: 8 rìghich Asa 'n a dhéigh. 23 Fhuair Asa bàs, agus rìghich Iehosaphat 'n a àit. 25 Rìoghachadh aingidh Nadab: 27 mharbhadh e le Baasa: 28 rìghich Baasa 'n a dhéigh, agus choimhlion e fàistneachd Ahiah an aghaidh tighe Ieroboam.*

ANIS anns an ochdamh bliadhna deug de rìgh Ieroboam mac Nebait, rìghich Abiam os ceann Iudah.

2 Tri bliadhna rìghich e ann an Ierusalem: agus *be* ainm a mhàthar Maachah, nighean Abisaloim.

3 Agus ghluais e ann an uile pheacaidhean 'athar, a rinn e roimhe: agus cha robh a chridhe ionlan leis an Tighearn a Dhia, mar a bha cridhe Dhaibhidh 'athar.

4 Gidheadh, air sgàth Dhaibhidh thug an Tighearn a Dhia lòchran dha ann an Ierusalem, a chur a mhic suas 'n a dhéigh, agus a dhaingneachadh Ierusalem:

5 A chionn gu'n d'rinn Daibhidh an *ni a bha* ceart ann an sùilbh an Tighearna, agus nach do chlaon e o na h-uile *nithibh* a dh'àithn e dha rè uile làithean a bheatha, ach a mhàin 'an cùis Uriah an Hìtich.

6 Agus bha cogadh eadar Rehoboam agus Ieroboam ré uile làithean a bheatha.

7 A nis a' chuid eile de ghnìomharaibh Abiam, agus na h-uile *nithean* a rinn e, nach 'eil iad sgrìobhta ann an leabhar eachdraidh rìghrean Iudah? agus bha cogadh eadar Abiam agus Ieroboam.

8 Agus choidil Abiam maille r'a aithrichibh; agus dh'adhlac iad e ann am baile Dhaibhidh: agus rìghich Asa a mhac 'n a àit.

9 Agus anns an fhicheadamh bliadhna de Ieroboam rìgh Israeil, rìghich Asa os ceann Iudah.

10 Agus bliadhna agus dà fhichead rìghich e ann an Ierusalem: agus *be* ainm a mhàthar Maachah, nighean Abisaloim.

11 Agus rinn Asa an *ni a bha* ceart ann an sùilbh an Tighearna, mar a rinn Daibhidh 'athair.

12 Agus dh'fhuadaich e na Sodomaich as an tìr, agus chuir e air falbh na dealbhan uile a rinn 'aithrichean.

13 Agus mar an cendna Maachah a mhàthair, chuir e cadhon ise o *bhi* 'n a ban-

rìghinn, a chionn gu'n d'rinn i dealbh uamhasach ann an doire: agus sgrìos Asa a dealbh uamhasach, agus loisg se e aig sruth Chidroin.

14 Ach cha do chuireadh as do na h-àitibh àrda: gidheadh, bha cridhe Asa iomlan leis an Tighearn ré a làithean uile.

15 Agus thug e steach na nithean a naomhaich 'athair, agus na nithean a naomhaich e féin, do thigh an Tighearn', airgiod, agus òr, agus soithichean.

16 Agus bha cogadh eadar Asa agus Baasa rìgh Israeil, ré an làithean uile.

17 Agus chaidh Baasa rìgh Israeil suas an aghaidh Iudah, agus thog e Ramah, a chum nach leigeadh e le neach air bith dol a mach no teachd a steach gu Asa rìgh Iudah.

18 Agus ghabh Asa an t-airgiod agus an t-òr uile a dh'fhàgadh ann an ionmhasaibh tighe an Tighearna, agus ann an ionmhasaibh tighe an rìgh, agus thug e iad 'an làimh a sheirbhisich: agus chuir rìgh Asa iad gu Ben-hadad mac Thabrimoin, mhic Hesoin rìgh Shiria, a bha 'chòmhluuidh ann an Damascus, ag ràdh,

19 *Tha* coimheangal eadar mise agus thusa, agus eadar m'athair-sa agus d'athair-sa: feuch, chuir mi a d'ionnsuidh tiodhlac airgid agus òir; thig agus bris do choimheangal ri Baasa rìgh Israeil, a chum gu'm falbh e uam.

20 Agus dh'éisd Ben-hadad ri rìgh Asa, agus chuir e ceannardan nan armaitean a bha aige, an aghaidh bhailtean Israeil, agus bhuail e Iion, agus Dan, agus Abeltet-maachah, agus Cimerot uile, maille ri tìr Naphtali uile.

21 Agus an uair a chuala Baasa sin, sguir e de thogail Ramah, agus ghabh e còmhluuidh ann an Tirsah.

22 An sin thug rìgh Asa gairm air feadh Iudah uile, (cha robh neach air bith saor); agus thug iad leo clachan Ramah, agus 'fhiodh, leis an do thog Baasa e; agus thog rìgh Asa leo Gebah Bheniamin, agus Mispah.

23 Agus a' chuid eile de uile ghnìomharaibh Asa, agus a neart uile, agus gach *ni* a rinn e, agus na bailtean a thog e, nach 'eil iad sgrìobhta ann an leabhar eachdraidh rìghrean Iudah? Gidheadh, 'an àm a shean aois bha eucail 'n a chosaibh.

24 Agus choidil Asa maille r'a aithrichibh, agus dh'adhlacaidh e maille r'a aithrichibh ann am baile Dhaibhidh 'athar: Agus rìghich a mhac Iehosaphat 'n a àit.

25 Agus thòisich Nadab mac Ieroboaim air rìoghachadh os ceann Israeil anns an dara bliadhna de Asa rìgh Iudah; agus rìghich e os ceann Israeil dà bhliadhna.

26 Agus rinn e ole ann an sùilbhan Tighearna, agus ghluais e ann an slighe

'athar, agus 'n a pheacadh leis an d'thug e air Israel peacadhadh.

27 Agus rinn Baasa mac Ahiah, de thigh Isachair, ceannaire 'n a aghaidh: agus bhuail Baasa e làimh ri Gibeton, a *thuin-eas* do na Philistich, an uair a bha Nadab agus Israel uile a' teannachadh Ghibetoin.

28 Mar so mharbh Baasa e anns an treas bliadhna de Asa rìgh Iudah, agus rìghich e 'n a àit.

29 Agus an uair a rìghich e, bhuail e tigh Ieroboaim uile; cha d'fhàg e neach air bith anns an robh anail aig Ieroboaim, gus an do sgrìos se e, a réir focail an Tighearna, a labhair e le làimh a sheirbhisich Ahiah an t-Silonaich.

30 Airson pheacaidhean Ieroboaim a pheacaidh e, agus leis an d'thug e air Israel peacadhadh; air son a' bhrosnachaidh leis an do bhrosnaich e'n Tighearn Dia Israeil gu feirg.

31 Agus a' chuid eile de ghnìomharaibh Nadaib, agus na h-uile *nithean* a rinn e, nach 'eil iad sgrìobhta ann an leabhar eachdraidh rìghrean Israeil?

32 Agus bha cogadh eadar Asa agus Baasa rìgh Israeil ré an làithean uile.

33 Anns an treas bliadhna de Asa rìgh Iudah, thòisich Baasa mac Ahiah air rìoghachadh os ceann Israeil uile ann an Tirsah; agus rìghich e ceithir bliadhna fichead.

34 Agus rinn e ole ann an sùilbhan Tighearna, agus ghluais e ann an slighe Ieroboaim, agus 'n a pheacadh leis an d'thug e air Israel peacadhadh.

CAIB. XVI.

1 *Fàistneachd Iehu an aghaidh tighe Bhaasa.* 5 *Fhuair Baasa bàs, agus rìghich Elah 'n a àit.* 8 *Mharbh Simri Elah.* 18 *Loisg Simri e féin 'n uair a theannaich Omri e ann an Tirsah.* 22 *Bhuadhach Omri air Tibri.* 27 *Fhuair Omri bàs agus rìghich Ahab 'n a àit.*

UIME sin thàinig focal an Tighearna gu Iehu mac Hanani an aghaidh Bhaasa, ag ràdh.

2 A chionn gu'n d'àrdaich mise thu o'n duslach, agus gu'n d'rinn mi thu a'd' cheannard air mo shluagh Israel, ach gu'n do ghluais thusa ann an slighe Ieroboaim, agus gu'n d'thug thu air mo shluagh Israel peacadhadh, 'g am bhrosnachadh gu feirg le 'm peacaidhean: -

3 Feuch, gearradh mi as sìochd Bhaasa, agus sìochd a thighe; agus ni mi do thighsa mar thigh Ieroboaim mhic Nebait.

4 Esan a dh'eugas de Bhaasa anns a' bhaile, ithidh na madraidh e; agus esan a dh'eugas leis anns an fhearann, ithidh cunlaith an athair e.

5 Agus a' chuid eile de ghnìomharaibh Bhaasa, agus na *nithean* a rinn e, agus a neart, nach 'eil iad sgrìobhta ann an leabhar eachdraidh rìghrean Israeil?

6 Agus choidil Baasa maille r'a aithrichibh, agus dh'adhlaicheadh e ann an Tirsah: agus rìghich Elah a mhac 'n a àit.

7 Agus mar an ceudna le làimh an fhàidh Iehu mhic Hanani, thàinig focal an Tigh-earn' an aghaidh Bhaasa, agus an aghaidh a thighe, air son an uile uile a rinn e ann an sùilbhan an Tighearna, 'g a bhrosnachadh gu feirg le obair a làmh, gu bhli mar thigh Ieroboaim, agus a chionn gu'n do mharbhadh se e.

8 Anns an t-sèathamh bliadhna fichead de Asa rìgh Iudah, thòisich Elah mac Bhaasa air rìoghachadh os ceann Israeil ann an Tirsah; agus rìghich e dà bliadhna.

9 Agus rinn a sheirbhiseach Simri, ceannard leth a charbad, ceannairc 'n a aghaidh 'n uair a bha e ann an Tirsah, ag òl gus an robh e air mhisg ann an tigh Arsah, a bha os ceann a thighe ann an Tirsah.

10 Agus chaidh Simri steach, agus bhuail se e, agus mharbhadh se e, anns an t-seachdamh bliadhna fichead de Asa rìgh Iudah; agus rìghich e 'n a àit.

11 Agus an uair a thòisich e air rìoghachadh, co luath as a shuidh e air a rìgh-chaitheir, bhuail e tigh Bhaasa uile: cha d'fhàg e neach air bith aige a dheanadh uisge ri balla, d'a luchd-dàimh no d'a chàiridibh.

12 Mar so sgrios Simri tigh Bhaasa uile, a rèir focail an Tighearna, a labhair e an aghaidh Bhaasa le làimh Iehu an fhàidh;

13 Air son uile pheacaidhean Bhaasa, agus pheacaidhean Elah a mhic, leis an do pheacaidh iad, agus leis an d'fhug iad air Israel peacachadh, a' brosnachadh an Tighearna Dé Israeil gu feirg le'n dìomhanasaidh.

14 Agus a' chuid eile de ghnìomharaibh Elah, agus na h-uile *nithean* a rinn e, nach 'eil iad sgrìobhta ann an leabhar eachdraidh rìghrean Israeil?

15 Anns an t-seachdamh bliadhna fichead de Asa rìgh Iudah, rìghich Simri seachd làithean ann an Tirsah: agus bha'n sluagh air campachadh an aghaidh Ghibeton, a *bhuineadh* do na Philistich.

16 Agus chual' an sluagh a bha air campachadh, 'g a ràdh, Rinn Simri ceannairc, agus mar an ceudna bhuail e'n rìgh: uime sin rinn Israel uile Omri, ceannard an t-sloigh, 'n a rìgh air Israel an là sin féin anns a' champ.

17 Agus chaidh Omri, agus Israel uile maille ris, suas o Ghibeton, agus theannaidh iad Tirsah.

18 Agus an uair a chunnaic Simri gu'n do ghlacadh am baile, chaidh e steach do luchairt tìghe an rìgh, agus loisg e tigh an rìgh os a cheann féin le teine, agus dh'èug e.

19 Air son a pheacaidhean leis an do pheacaidh e, a' deanamh uile ann an sùilbhan an Tighearna, a' gluasad ann an slighe Iero-

boaim, agus 'n a pheacadh a rinn e, ann an tabhairt air Israel peacachadh.

20 Agus a' chuid eile de ghnìomharaibh Shimri, agus a cheannairc a rinn e, nach 'eil iad sgrìobhta ann an leabhar eachdraidh rìghrean Israeil?

21 An sin roinneadh sluagh Israeil 'n an dà leth: lean leth an t-sluaigh Tibni mac Ghinait, gu 'dheanamh 'n a rìgh; agus lean an leth eile Omri.

22 Ach bhuaidhaich an sluagh a lean Omri air an t-sluaigh a lean Tibni mac Ghinait: agus fhuair Tibni bàs, agus rìghich Omri.

23 Anns an aon bliadhna deug thar fhichead de Asa rìgh Iudah, thòisich Omri air rìoghachadh os ceann Israeil; agus rìghich e dà bliadhna dheug: ann an Tirsah rìghich e sè bliadhna.

24 Agus cheannaich e sliabh Shamaria o Shemer air dhà thàlann airgid, agus thog e *aitteabha* air an t-sliabh, agus ghoir e ainm a' bhaile a thog e, a réir ainme Shemeir, sealbhadair sléibh Shamaria.

25 Ach rinn Omri olc ann an sùilbhan an Tighearna, agus rinn e ni bu mhiosa na iadsan uile a bha roimhe:

26 Oir ghluais e ann an uile shlighe Ieroboaim mhic Nebait, agus 'n a pheacadh leis an d'fhug e air Israel peacachadh, a' brosnachadh an Tighearna Dé Israeil gu feirg le'n dìomhanasaidh.

27 Agus a' chuid eile de ghnìomharaibh Omri, a rinn e, agus a neart a dh'fheuch e, nach 'eil iad sgrìobhta ann an leabhar eachdraidh rìghrean Israeil?

28 Agus ehoidil Omri maille r'a aithrichibh, agus dh'adhlaicheadh e ann an Samaria: agus rìghich Ahab a mhac 'n a àit.

29 Agus thòisich Ahab mac Omri air rìoghachadh os ceann Israeil, anns an ochdamh bliadhna deug thar fhichead de Asa rìgh Iudah: agus rìghich Ahab mac Omri os ceann Israeil ann an Samaria, dà bliadhna thar fhichead.

30 Agus rinn Ahab mac Omri olc ann an sùilbhan an Tighearna, os ceann nan uile a bha roimhe.

31 Agus mar gu'm bu ni faoin dhasan gluasad ann an peacaidhean Ieroboaim mhic Nebait, ghabh e 'n a mnaoi Iesebel, nighean Etbaail, rìgh nan Sidonach, agus chaidh e agus rinn e seirbhis do Bhaal, agus shleuchd e dha.

32 Agus chuir e suas altair do Bhaal ann an tigh Bhaail, a thog e ann an Samaria.

33 Agus rinn Ahab doire; agus rinn Ahab ni's mò a bhrosnachadh an Tighearna Dé Israeil gu feirg na uile rìghrean Israeil a bha roimhe.

34 'N a làithibh-san thog Hiel am Betel-cach Iericho: ann an Abiram a cheud-ghin shuidhich e a bheumait, agus ann an Segub a mhac a b'òige chuir e suas a gheatachan, a

réir focail an Tighearna, a labhair e le làimh Iosua mhic Nuin.

CAIB. XVII.

1 Fàisteachd an aghaidh Ahab. 6 Bheathach fithich am fàidh Eliah aig sruth Cherit. 8 'N uair a thiormaich an sruth chuir Dia e dh'ionnsuidh bantraich ann an Sarephat. 17 Fhuair mac na bantraich bàs, agus dh'ath-bheothaich e a ris.

AGUS thubhairt Eliah an Tisbitheach, a bha de luchd-àiteachaidh Ghilead, ri Ahab, *Mar* is beò an Tighearn Dia Israeil, an làthair am bheil mise a'm' sheasamh, cha bhi 's na bliadhnaibh so drùchd no uisge ann, ach a réir m'fhocail-sa.

2 Agus thàinig focal an Tighearna d'a ionnsuidh, ag ràdh,

3 Imich as a so, agus tionndaidh thu féin a làimh na h-àirde 'n ear, agus folaich thu féin aig sruth Cherit, a tha fa chomhair Iordain.

4 Agus òlaidh tu de'n t-sruth, agus dh'àithn mise do na fithich do bheathachadh an sin.

5 Agus dh'imich e, agus rinn e a réir focail an Tighearna; oir chaidh e, agus ghabh e còmhnuidh aig sruth Cherit, a tha fa chomhair Iordain.

6 Agus thug na fithich d'a ionnsuidh aran agus feoil 's a' mhaduinn, agus aran agus feoil 's an fheasgar; agus dh'òl e as an t-sruth.

7 Ach an ceann tamuill thiormaich an sruth, a chionn nach robh uisge anns an tìr.

8 Agus thàinig focal an Tighearna d'a ionnsuidh, ag ràdh,

9 Eirich, imich gu Sarephat, a's le Sidon, agus gabh còmhnuidh an sin: feuch, dh'àithn mise do mhnaoi a tha 'n a bantraich an sin do bheathachadh.

10 Agus dh'éirich e, agus chaidh e do Sharephat: agus an uair a thàinig e gu geata a' bhaile, feuch, bha a' bhantrach an sin a' tional bhioran: agus ghairm e oirré, agus thubhairt e, Thoir a'm' ionnsuidh, guidheam ort, beagan uisge ann an soitheach, a chum gu'n òl mi.

11 Agus an uair a bha i a' dol g'a thoirt leatha, ghlaodh e rithe, agus thubhairt e, Thoir a m' ionnsuidh, guidheam ort, greim arain a'd' làimh.

12 Agus thubhairt ise, *Mar* is beò an Tighearn do Dhia, cha-n'èil breacag agam, ach làn an duirn de mhin ann an soitheach, agus beagan olaidh ann an còrn: agus, feuch, tha mi a' tional biorain no dhà, a chum gu'n tèid mi steach, agus gu'n deasaich mi e dhomh féin agus do m' mhac, agus gu'n ith sinn e, agus gu'm faigh sinn bàs.

13 Agus thubhairt Eliah rithe, Na bith-eadh egal ort; falbh, dean a réir d'fhocail: ach dean dhemsas dhiubh sin breacag bheag an toiscach, agus their a m' ionn-

suidh i, agus dhuit féin agus do d'mhac deasaich 'n a dhéigh sin.

14 Oir mar so tha'n Tighearn Dia Israeil ag ràdh, Cha chaithear an soitheach mine, agus cha teirig an còrn olaidh, gus an là's an cuir an Tighearn uisge air aghaidh na talmhainn.

15 Agus dh'fhalbh i, agus rinn i a réir focail Eliah: agus dh'ith ise, agus esan, agus a tigh ré mòrain de làithibh.

16 Cha do chaitheadh an soitheach mine, agus cha do theirig an còrn olaidh, a réir focail an Tighearna, a labhair e le làimh Eliah.

17 Agus thachair an déigh nan nithean sin, gu'n d'fhàs mac na mnà, eadhon mnà an tigh, gu tinn; agus bha a thineas cho trom as nach d'fhagadh anail ann.

18 Agus thubhairt i ri Eliah, Ciod e mo ghnothuch-sa riut, a dhuine le Dia? an d'fhàigh thu a m' ionnsuidh a chur mo pheacaidh 'an cuimhne, agus a mharbhadh mo mhic?

19 Agus thubhairt esan rithe, Thoir dhomh-sa do mhac. Agus ghlac e as a h-uchd e, agus thug e suas e do sheòmar uachdarach, anns an robh e féin a' fantuinn, agus chuir e 'n a luidhe air a lcaibaidh féin e.

20 Agus dh'éigh e ris an Tighearn, agus thubhairt e, A Thighearna mo Dhia, an d'thug thu mar an ceudna olc air a' bhantraich aig am theil mi air aoidheachd, le a mac a mharbhadh?

21 Agus shìn se e féin air an leanabh tri uairean, agus dh'éigh c ris an Tighearn, agus thubhairt e, A Thighearna mo Dhia, thigeadh, guidheam ort, anam an leinibh so a steach ann a ris.

22 Agus dh'éisd an Tighearn ri guth Eliah; agus thàinig anam an leinibh a steach ann a ris, agus dh'ath-bheothaich e.

23 Agus ghlac Eliah an leanabh, agus thug e sìos e as an t-seòmar uachdarach do'n tigh, agus thug e d'a mhàthair e: agus thubhairt Eliah, Feuch, tha do mhac beò.

24 Agus thubhairt a' bhean ri Eliah, A nis le so tha fios agam gur duine le Dia thu, agus gur fìrinn focal an Tighearn 'ann do bheul.

CAIB. XVIII.

1 Nochd Eliah e féin do Ahab, 18 agus thug e achmhasan dha air son a dhroch ghnòmharan. 40 Mharbh e fàidhean Bhaail aig sruth Chisoin. 41 Thug e fios do Ahab gu'n tigeadh pàirtas uisge air aghaidh na talmhainn.

AGUS an déigh mòrain làithean, thàinig focal an Tighearna gu Eliah anns an treas bliadhna, ag ràdh, Falbh, nochd thu féin do Ahab, agus bheir mise uisge air aghaidh na talmhainn.

2 Agus dh'fhalbh Eliah g'a nochdadh féin do Ahab: agus bha gorta mhòr ann an Samaria.

3 Agus ghairm Ahab air Obadiah, a bha

os ceann a thighe: (a nis bha cagal an Tighearna gu mòr air Obadiah:

4 Oir an uair a thug Iesobel fairnear fàidhean an Tighearn' a ghearradh as, ghabh Obadiah ceud fàidh, agus dh'fhòlaich e iad 'n an leth-cheudaibh ann an uaimh, agus bheathaich e iad le h-aran agus uisge:)

5 Agus thubhairt Ahab ri Obadiah, Imich do'n tìr, a dh'ionnsuidh nan tobar uisge uile, agus a dh'ionnsuidh nan sruth uile, a dh'fheuchaimm am faigh sinn fear, a chum gu'n gléidh sinn ar n-eich agus ar muileidean beò, agus nach caill sinn an spréidh uile.

6 Agus roinn iad an tìr eatorra gu dol troimpe: chaidh Ahab air aon slighe leis féin, agus chaidh Obadiah air slighe eile leis féin.

7 Agus an uair a bha Obadiah 's an t-slighe, feuch, thachair Eliah air: agus dh'aithnich se e, agus thuit e air 'aghaidh, agus thubhairt e, An tusa *tha'n* so, mo thighearn' Eliah?

8 Agus thubhairt esan ris, *Is* mi: imich, innis do d' thighearn, Feuch, *tha* Eliah an so.

9 Agus thubhairt esan, Ciod am peacadh a rinn mi, gu'n tugadh tu do sheirbhiseach 'an àimh Ahaib, g'am mharbhadh?

10 *Mar* is beò an Tighearn do Dhia, cha-n'eil cinneach no rìoghachd, do nach do chuir mo thighearn g'ad iarraidh: agus an uair a thubhairt iad, Cha-n'eil e'n so, ghabh e mionnan de'n rìoghachd agus de'n chinn-each, nach d'fhuair e thu.

11 Agus a nis *tha* thu ag ràdh, Imich, innis do d' thighearn, Feuch, *tha* Eliah an so.

12 Agus tacharaidh, an uair a dh'innicheas mise uait, gu'n tog spiorad an Tighearna leis thusa far nach 'eil fhios agamsa; agus an uair a thig mise a dh'innseadh do Ahab, agus nach faigh e thu, gu'm marbh e mise: gideadh *tha* cagal an Tighearn' ormisa do sheirbhiseach o m'òige.

13 Nach d'innseadh do m' thighearn ciod a rinn mi 'n uair a mharbh Iesebel fàidhean an Tighearna, mar a dh'fhòlaich mi ceud fear a dh'fhàidhibh an Tighearna, 'n an leth-cheudaibh ann an uaimh, agus a bheathaich mi iad le h-aran agus le h-uisge?

14 Agus a nis *tha* thu ag ràdh, Imich, innis do d' thighearn, Feuch, *tha* Eliah an so; agus marbhaidh e mi.

15 Agus thubhairt Eliah, *Mar* is beò Tighearn nan slògh, an làthair am bheil mi a'm' sheasamh, gu deimhin nochdaidh mi mi féin dha an diugh.

16 Uime sin chaidh Obadiah 'an coinnimh Ahaib, agus dh'innis e dha: agus chaidh Ahab 'an coinnimh Eliah.

17 Agus an uair a chunnaic Ahab Eliah, thubhairt Ahab ris, An tusa esan a tha 'cur Israeil fo bhuaireas?

18 Agus thubhairt esan, Cha mhise a chuir Israel fo bhuaireas, ach thusa agus tigh d'athar, a thaobh gu'n do thréig sibh àithcantan an Tighearn', agus gu'n do lean sibh Baalim.

19 A nis uime sin cuir *fios*, cruinnich a m' ionnsuidh-sa Israel uile gu sliabh Charneil, agus fàidhean Bhaail, ceithir chend agus leth-cheud, agus fàidhean nan doire, ceithir cheud, a tha g'itheadh aig bord Iesebeil.

20 Agus chuir Ahab *fios* a dh'ionnsuidh chloimn Israeil uile, agus chruinnich e na fàidhean an ceann a chéile gu sliabh Charneil.

21 Agus thàinig Eliah dh'ionnsuidh an t-sluaigh uile, agus thubhairt e, Cia fhad a bhitheas sibh 's an ioma-chomhairl' eadar dhà bharail? Ma's e'n Tighearn 'a's Dia ann, leanaibh e; ach ma's e Baal, leanaibh esan. Ach cha do fhreagair an sluagh e aon fhocal.

22 An sin thubhairt Eliah ris an t-sluaigh, Dh'fhàgadh mise, cadhon mise a mhàin a'm' fhàidh leis an Tighearn; ach *tha* fàidhean Bhaail ceithir cheud agus leth-cheud fear *'an àireamh*.

23 Thugadh iad dhuinne ma ta dà tharbh òg, agus taghadh iadsan dhoibh féin aon tarbh òg, agus gearradh iad 'n a mhiribh e, agus cuireadh iad air connadh e; ach na cuireadh iad teine foidhe: agus deasaichidh mise an tarbh òg eile, agus cuiridh mi air connadh e, ach cha chuir mi teine foidhe.

24 An sin gairmibh-sa air ainm bhur diathan féin, agus gairmidh mise air ainm an Tighearn': agus an Dia a fhreagras le teine, bithidh esan 'n a Dhia. Agus fhreagair an sluagh uile agus thubhairt iad, *Is* maith a labhair *thu*.

25 Agus thubhairt Eliah ri fàidhibh Bhaail, Taghaibh-sa dhuibh féin aon tarbh òg, agus deasaichibh 'an toiseach e, oir tha sibh lionmhor; agus gairmibh air ainm bhur diathan, ach na cuiribh teine foidhe.

26 Agus ghabh iad an tarbh òg a thugadh dhoibh, agus dheasaich iad e, agus ghairm iad air ainm Bhaail o mhaduinn cadhonn gu meadhon-là, ag ràdh, A Bhaail, éisd ruinne! Ach cha *robh* guth, no neach air bith a fhreagradh ann: agus leum iad air an altair a rinn iad.

27 Agus an uair a bha e mu mheadhon-là, rinn Eliah faoid orra, agus thubhairt e, Eighibh le guth àrd; oir *is* dia e: an dara cuid *tha* e a' beachd-smuaincachadh, no *tha* e air tòir, no *tha* e air thurus, no theagamh gu'm bheil e 'n a chodal, agus gu'm feumar a dhùsgadh.

28 Agus dh'éigh iadsan le guth àrd, agus ghearr siad iad féin a réir an gnàtha le claidhibh agus le lannaibh, agus an do thaom an fhuil a mach orra.

29 Agus an uair a chaidh meadhon-là thairis, agus a riun iad fàidheadaireachd

gu àm toirt suas na h-ìobairt-*fheasgair*, cha *robh* guth ann, no aon air bith a fhreagradh, no 'bheireadh faincar *iad*.

30 Agus thubhairt Eliah ris an t-sluagh uile, Thigibh am fagus domh-sa. Agus thàinig an sluagh uile am fagus da; agus chàirich e altair an Tighearn' a *bha* air a briseadh sìos.

31 Agus ghabh Eliah dà chloich dheug, a réir àireimh threubh mhac Iacoib, chum an d-thàinig focal an Tighearn', ag ràdh, Bithidh Israel mar aium ort.

32 Agus thog e, leis ua clachaibh, altair anu an ainm an Tighearn'; agus rinn e clais co mhòr as gu'n cumadh i dà thomhas sìl, mu'n cuairt air an altair.

33 Agus shuidhich e'n connadh, agus ghearr e'n tarbh òg 'n a mhiribh, agus chuir e air a' chonnadh e.

34 An sin thubhairt e, Lìonaibh ceithir soitheichean le h-uisge, agus dòirtibh e air an ìobairt-loisgte, agus air a' chonnadh. Agus thubhairt e, Deanaibh an dara h-uair e, agus rinn iad an dara h-uair e: agus thubhairt e, Deanaibh an treas uair e, agus rinn iad an treas uair e.

35 Agus chaidh an t-uisge mu'n cuairt air an altair; agus lion e mar an ceudna a' chlais le h-uisge.

36 Agus 'an àm toirt suas na h-ìobairt-*fheasgair*, thàinig Eliah an fàidh am fagus, agus thubhairt e, A Thighearna Dhé Abraham, Isaac, agus Israel, biodh fhios an diugh gur tusa 'a's Dia ann an Israel, agus *gur* mise d'òglach, agus *gur* ann air d'fhocal-sa rinn mi na nithean so uile.

37 Eisd rium, A Thighearna, eisd rium; agus bitheadh fios aig an t-sluagh so gur tusa an Tighearn Dia, agus gu'n do phill thu an cridhe air ais a ris.

38 An sin thuit teiue an Tighearn', agus chaith e an ìobairt-loisgte, agus an connadh, agus na clachan, agus an luathre; agus an t-uisge 'bha' s a' chlais dh'imlich e suas.

39 Agus au uair a chunnaic an sluagh uile e, thuit iad air an aghaidh, agus thubhairt iad, *Is e'n* Tighearn féin 'a's Dia ann, *is e'n* Tighearn féin 'a's Dia ann.

40 Agus thubhairt Eliah riu, Glacaibh fàidhean Bhaail; na rachadh duine dhiubh as. Agus ghlac siad iad; agus thug Eliah sìos iad gu sruth Chisoim, agus mharbh e iad an sin.

41 Agus thubhairt Eliah ri Ahab, Eirich suas, ith agus òl; oir *tha* fuaim pailteis uisge ann.

42 Agus chaidh Ahab suas a dh'itheadh agus a dh'òl: agus chaidh Eliah suas gu mullach Charmeil, agus thilg se e féin sìos air an talamh, agus chuir e 'aghaidh eadar a ghluinibh;

43 Agus thubhairt e r'a òglach, Falbh suas a nis, amhaire a dh'ionnsuidh na fairge. Agus chaidh esan suas, agus dh'amhaire e,

agus thubhairt e, Cha-n'eil ni air bith ann. Agus thubhairt e, Falbh a ris seachd uairean.

44 Agus air an t-seachdamh uair thubhairt e, Feuch, *tha* neul beag cosnuil ri bois duine ag éirigh as an fhàirge. Agus thubhairt e, Falbh suas, abair ri Ahab, Ulluidh do charbad, agus gabh sìos, a chum nach bac an t-uisge thu.

45 Agus anns a' cheart àm sin, dhorch-aicheadh na speuran le neulaibh agus le gaoith; agus bha uisge mòr ann. Agus mharcaich Ahab, agus chaidh e do Iesreel.

46 Agus bha lamh an Tighearn' air Eliah; agus chrìosaich e a leasraidh, agus ruith e roimh Ahab, gus an d-thàinig e do Iesreel.

CAIB. XIX.

1 *Theich Eliah o làlhair Iesebel, agus thàinig e gu Beer-seba. 4 'S an fhàsach dh'iarr e dha féin bàs fhagail; 5 ach rinn aingeal an Tighearn' cabhair air. 9 Ann an Horeb dh'fhoillsich Dia e féin dha, agus chuir se e a dh'ungadh Hasaël, Iehu, agus Elisa.*

A GUS dh'innis Ahab do Iesobel na h-uile *nithean* a rinn Eliah, agus cionnus a mharbh e na fàidhean uile leis a' chlaidheamh.

2 Agus chuir Iesebel teachdair a dh'ionnsuidh Eliah, ag ràdh, Mar sin deanadh na diathan *riumsa*, agus tuilleadh mar an ceudna, mur dean mise mu'n àm so am màireach d'anam-sa mar anam aoin diubhsan.

3 Agus bha eagal air, agus dh'éirich e, agus dh'fhalbh e air sgàth 'anam, agus thàinig e gu Beer-seba, a *bhuineas* do Iudah, agus dh'fhàg e òglach an sin.

4 Ach chaidh e féin astar latha do'n fhàsach, agus thàinig e agus shuidh e fo chraoibh-aiteil, agus dh'iarr e dha féin bàs fhagail, agus thubhairt e, Is leòr e, a nis a Thighearna, thoir leat m'anam; oir cha-n fhearr misc ua m'athrichean.

5 Agus an uair a luidh e agus a choidil e fo chraoibh-aiteil, feuch, an sin bhean aingeal ris, agus thubhairt e ris, Eirich, ith.

6 Agus dh'amhaire e, agus, feuch, *bha* aig a cheann breacag a bhrùicheadh air a' ghrìosaich, agus soitheach uisge: agus dh'ith agus dh'òl e, agus luidh e sìos a ris.

7 Agus thàinig aingeal an Tighearn' air ais an dara h-uair, agus bhean e ris, agus thubhairt e, Eirich, ith; oir tha'n turas mòr air do shon.

8 Agus dh'éirich esan, agus dh'ith agus dh'òl e, agus dh'imich e ann an neart a' bhìdh sin dà fhichead là, agus dà fhichead oidheche, gu ruig Horeb slabh Dhé.

9 Agus chaidh e steach an sin do uaimh, agus ghabh e tàmh innte; agus, feuch, thàinig focal an Tighearna d'a ionnsuidh, agus thubhairt e ris Ciod e do ghnothuch an so, Eliah!

10 Agus thubhairt esan, Bha mi ro eud-mhor air son an Tighearna Dé nan slògh: oir thréig clann Israeil do choimhcheangal, thilg iad sìos d'altairean, agus mharbh iad d'fhàidhean leis a' chlàidheamh; agus dh'fhàgadh mise a mhàin, agus tha iad ag iarraidh m'anama, chum a thoirt air falbh.

11 Agus thubhairt e, Falbh a mach, agus seas air an t-slabh an làthair an Tighearna. Agus, feuch, ghabh an Tighearna seachad, agus reub gaoth mhòr agus làidir na beanntan, agus bhris i na creagan 'n am bloighd-ibh roimh an Tighearn', *ach* cha *robh* an Tighearn anns a' ghaoith; agus an déigh na gaoithe crith-thalmhainn, *ach* cha *robh* an Tighearn anns a' chrith-thalmhainn;

12 Agus an déigh na crith-thalmhainn teine, *ach* cha *robh* an Tighearn anns an teine; agus an déigh an teine guth ciuin caol.

13 Agus an uair a chual' Eliah e, chòmh-daich e aghaidh le f'halluinn, agus chaidh e mach, agus sheas e 'an beul na h-uamha; agus, feuch, *thàinig* guth d'a ionnsuidh, agus thubhairt e, Cìod e do ghnòthuch an so, Eliah?

14 Agus thubhairt esan, Bha mi ro eud-mhor air son an Tighearna Dé nan slògh: oir thréig clann Israeil do choimhcheangal, thilg iad sìos d'altairean, agus mharbh iad d'fhàidhean leis a' chlàidheamh; agus dh'fhàgadh mise a mhàin, agus tha iad ag iarraidh m'anama, chum a thoirt air falbh.

15 Agus thubhairt an Tighearn ris, Falbh, pill air do shlighe gu fàsach Dhamascuis: agus an uair a thig thu, ung Hasael 'n a rìgh air Siria.

16 Agus Iehu mac Nimsi ungaidh tu 'n a rìgh air Israel: agus Elisa mac Shaphait o Abel-meholah ungaidh tu 'n a fhàidh a'd' àite féin.

17 Agus tacharaidh, esan a théid as o chlàidheamh Hasael, gu marbh Iehu e; agus esan a théid as o chlàidheamh Iehu, gu marbh Elisa e.

18 Gidheadh dh'fhàg mi *dhomh* féin ann an Israel seachd mìle, na glùinean uile nach do lùb iad féin do Bhaal, agus gach uile bheul nach d'thug pòg dha.

19 Agus dh'fhalbh e as a sin, agus fhuair e Elisa mac Shaphait, agus e a' treabhadh le dà chuing dheug *dhamh* roimhe, agus e féin leis an dara *cuing* deug: agus chaidh Eliah thairis d'a ionnsuidh, agus thilg e f'halluinn air.

20 Agus dh'fhàg esan na daimh, agus ruith e 'n déigh Eliah, agus thubhairt e, Leig dhomh, guidheam ort, m'athair agus mo mhàthair a phògadh, agus *an sin* leanaidh mi thu. Agus thubhairt esan ris, Falbh, pill; oir cìod a rinn mise ort?

21 Agus phill e uath, agus ghabh e cuing dhamb, agus mharbh e iad, agus le acfhuinn

nan damh bhrùich e am feoil, agus thug e do'n t-sluagh i, agus dh'ith iad. An sin dh'éirich e, agus chaidh e'n déigh Eliah, agus fhritheil e dha.

CAIB. XX.

1 *Theannaich Ben-hadad agus na Sirianaich Samaria. 13 Bhuaill Ahab agus ògandich uachdaran Israeil iad. 22 Thàinig na Sirianaich a chogadh ri Israel aig Aphec. agus bhuaileadh iad a ris le h-àr mòr. 31 Rinn Ahab coimhcheangal ri Ben-hadad.*

A GUS chruinnich Ben-hadad rìgh Shiria a shluagh uile an ceann a chèile; agus *bha* dà rìgh dheug thar fhichead maille ris, agus eich, agus carbaid: agus chaidh e suas agus theannaich e Samaria, agus chog e 'n a aghaidh.

2 Agus chuir e teachdairean gu Ahab rìgh Israeil do'n bhaile, agus thubhairt e ris, Mar so tha Ben-hadad ag ràdh,

3 D'airgiod agus d'òr *is* leamsa; do mhnathan mar an ceudna agus do chlann, *eadhon a' chuid* a's fearr dhiubh, *is* leamsa iad.

4 Agus fhreagair rìgh Israeil, agus thubhairt e, A réir d'fhocail, mo thighearn a rìgh, *is* leat mise, agus gach *ni* a *tha* agam.

5 Agus phill na teachdairean, agus thubhairt iad, Mar so labhair Ben-hadad, ag ràdh, Ged a chuir mi fios a d' ionnsuidh, ag ràdh, D'airgiod, agus d'òr, agus do mhnathan, agus do chlann bheir thu dhomh-sa;

6 Gidheadh mu'n tràth so am màireach cuiridh mi mo sheirbisich a d' ionnsuidh, agus rannsaicidh iad do thigh, agus tighcan do sheirbhiseach: agus tacharaidh e, gach *ni* a tha taitneach do d' shùilibh, *gu'n* cuir iad 'n an làimh, agus *gu'n* toir iad leo e.

7 Agus ghairm rìgh Israeil air uile shean-airibh na tìre, agus thubhairt e, Thugaibh fàinear, guidheam oirbh, agus faicibh cionnus a *tha'm fear* so ag iarraidh uile; oir chuir e *fios* a m' ionnsuidh, air mo mhnàibh, agus air mo chloinn, agus air m'airgiod, agus air m'òr, agus cha do dhiùlt mi e.

8 Agus thubhairt na seanairean uile agus an sluagh uile ris, Na éisd *ris*, agus na aontaich leis.

9 Uime sin thubhairt e ri teachdairibh Bhen-hadad, innsibh do m' thighearn an rìgh, Gach *ni* air an do chuir thu *fios* gu d'òglach an toiseach, *ni* mi; ach an *ni* so cha'n urrainn mi d'heanamh. Agus dh'fhalbh na teachdairean, agus thug iad freagradh air ais d'a ionnsuidh.

10 Agus chuir Ben-hadad *fios* d'a ionnsuidh, agus thubhairt e, Mar sin deanadh na diathan riumsa, agus tuilleadh mar an ceudna, ma's leòr duslach Shamaria gu làn an dorn do'n t-sluagh uile a *tha* 'gam lean-tuinn-sa.

11 Agus fhreagair rìgh Israeil, agus thug

bhairt e, Abraibh *ris*, Na deanadh an ti sin uail, a tha 'crioslachadh 'armachd uime, mar an ti a chuir dheth i.

12 Agus an uair a chuala Ben-hadad an teachdaireachd so, agus e fèin agus na rìghrean ag òl anns na pàilliuanaibh, thubhairt e r'a sheirbhisich, Cuiribh sibh fèin 'an ordugh. Agus chuir iadsan iad fèin 'an ordugh an aghaidh a' bhaile.

13 Agus, feuch, thàinig fàidh àraidh gu Ahab rìgh Israeil, agus thubhairt e, Mar so tha'n Tighearn ag ràdh, Am faca tusa an sluagh mòr so uile? feuch, bheir mise a'd' làimh iad an diugh, agus bithidh fios agad gur mise an Tighearn.

14 Agus thubhairt Ahab, Co leis? Agus thubhairt esan, Mar so tha'n Tighearn ag ràdh, Le òganaich nachdaranan nan dùchannan. An sin thubhairt e, Cò 'chuircas an cath 'an ordugh? Agus thubhairt esan, Thusa.

15 An sin rinn e òganaich uachdaran nan dùchannan àireamh, agus bha ann diubh dà cheud agus a dhà dheug thar fhichead: agus 'n an deigh-san riun e an sluagh uile àireamh, eadhon uile shluagh chloinn Israeil, seachd mìle.

16 Agus chaidh iad a mach mu mheadhon-là: ach *bha* Ben-hadad ag òl gus an robh e air mhisg anns ua pàilliuanaibh, e fèin agus na rìghrean, eadhon an dà rìgh dheug thar fhichead a bha 'g a chòmhnaidh.

17 Agus chaidh òganaich uachdaran nan dùchannan a mach an toiseach: agus chuir Ben-hadad daoine mach, agus dh'innis iad da, ag ràdh, Thàinig daoine mach a' Samaria.

18 Agus thubhairt esan, Ma's ann gu sìth a thàinig iad a mach, glacaibh beò iad; no ma's ann gu cogadh a thàinig iad a mach, glacaibh beò iad.

19 Agus thàinig iad a mach as a' bhaile, òganaich uachdaran nan dùchannan, agus an armait a lean iad.

20 Agus mharbh gach fear diubh 'fhear: agus theich na Sirianaich, agus ruaig Israeil iad; agus chaidh Ben-hadad rìgh Shiria as air muin eich, maille ris a' mharcshluagh.

21 Agus chaidh rìgh Israeil a mach, agus bhuaill e na h-eich, agus na carbaid, agus mharbh e na Sirianaich le h-àr mòr.

22 Agus thàinig am fàidh gu rìgh Israeil, agus thubhairt e ris, Falbh, neartaich thu fèin, agus thoir fainear, agus faic ciod a ni thu; oir aig teachd mu'n cuairt na bliadhna thig rìgh Shiria nìs a'd' aghaidh.

23 Agus thubhairt seirbhisich rìgh Shiria ris, Is diathan bheann an diathan-san; uime sin bhuaidhaich iad oirnn: ach cogamaid riu anns a' chòmhnaidh, agus gun teagamh buadhaichidh sinne orrasan.

24 Agus dean an ni so, Thoir na rìghrean air falbh, gach fear as àit, agus cuir ceannardan 'n an àit.

25 Agus dean armait àireamh dhuit fèin, mar an armait a thuit agad, each air an each, agus carbad air a' charbad; agus cogaidh sium riu anns a' chòmhnaidh, agus gu cinnteach buadhaichidh sinn orra. Agus dh'èisd e r'an guth, agus rinn e mar sin.

26 Agus aig teachd mu'n cuairt na bliadhna rinn Ben-hadad na Sirianaich àireamh, agus chaidh e suas gu h-Aphee a chogadh ri h-Israel.

27 Agus chaidh clann Israeil 'àireamh, agus bha iad uile a làthair, agus chaidh iad 'n an coinnimh: agus champaich clann Israeil fa'n comhair, mar dhà threud bheag ghabhar: ach lion na Sirianaich an tìr.

28 Agus thàinig duine le Dia, agus labhair e ri rìgh Israeil, agus thubhairt e, Mar so tha'n Tighearn ag ràdh, A chionn gu'n dubhairt na Sirianaich, Is Dia bheann an Tighearn, ach cha-n e Dia nan gleann e; air an aobhar sin bheir mise an sluagh lionmhor so uile ann ad làimh-sa, agus bithidh fios agaibh gur mise an Tighearn.

29 Agus champaich iad mu choinnimh a chéile seachd làithean: agus air au t-seachdamh là chuireadh an cath: agus mharbh clann Israeil de na Sirianaich ceud mìle coisiche ann an aon là.

30 Ach theich a' chuid eile gu h-Aphee, do'n bhaile; agus an sin thuit balla air seachd mìle fichead fear de na dh'fhàgadh.

Agus theich Ben-hadad, agus thàinig e do'n bhaile, do sheòmar-cùil.

31 Agus thubhairt a sheirbhisich ris, Feuch a nis, chuala sinn mu rìghrean tighe Israeil, gur rìghrean iochdmhor iad: cuir eamaid ma ta saic-eudach air ar leasraidh, agus cuirid air ar cinn, agus rachamaid a mach gu rìgh Israeil; theagamh gu'n saor e d'anam.

32 Agus cheangail iad saic-eudach air an leasraidh, agus chuir iad cuirid air an cinn, agus thàinig iad gu rìgh Israeil, agus thubhairt iad, Tha do sheirbhiseach Ben-hadad ag ràdh, Leig dhomh, guidheam ort, a bli beò. Agus thubhairt esan, *Am bheil* e fathast beò? *is e* mo bhràthair e.

33 Agus thug na daoine an aire gu furach-air a dh'fheuchainn an tigeadh nì air bith uait, agus ghrad-ghlac iad e; agus thubhairt iad, Do bhràthair Ben-hadad. An sin thubhairt esau, Rachaibh, thugaibh leibh e. Agus thàinig Ben-hadad a mach d'a ionnsuidh; agus thug e air dol suas do'n charbad.

34 Agus thubhairt Ben-hadad ris, Na bailtean a thug m'athair-sa o d'athair-sa, bheir mise air an ais, agus nì thusa sràidean dhuit fèin ann an Damascus, mar a rinn m'athair-sa ann an Samaria. Au siu thubhairt Ahab, Leigidh mise air falbh thu leis a' coimhcheangal so. Mar so rinn e coimhcheangal ris, agus leig e air falbh e.

35 Agus thubhairt duine àraidh de mhac-

aibh nam fàidhean r'a choimhearsnach ann am focal an Tighearna, Buail mi, guidheam ort. Agus dhiùlt an duine a bhualadh.

36 An sin thubhairt esan ris, A chionn nach d'èisd thu ri guth an Tighearna, feuch, co luath as a dh'fhalbhas tu uam-sa, marbhaidh leòmhann thu. Agus co luath as a dh'fhalbh e uath, fhuair leòmhann e, agus marbhadh se e.

37 'N a dhéigh sin fhuair e duine eile, agus thubhairt e, Buail mi, guidheam ort. Agus bhual gu deimhin an duine e, agus lot se e.

38 Agus dh'fhalbh am fàidh, agus dh'fheith e air an rìgh làmh ris an t-slighe, agus chuir se e féin ann an coslas eile le luath air aghaidh.

39 Agus an uair a bha'n rìgh a' gabhail seachad, dh'èigh e ris an rìgh, agus thubhairt e, Chaidh d'òglach a steach gu meadhon a' chatha, agus feuch, thionndaidh duine a leth-taobh, agus thug e duine a m' ionnsuidh-sa, agus thubhairt e, Gléidh am fear so: mur bi e r'a fhaotainn air chor sam bith, bithidh d'anam-sa air son 'anama-san, no diolaidh tu tàlann airgid.

40 Agus am feadh a bha d'òglach a' bith-dheanamh an so agus an sud, cha robh esan r'a fhaighail. Agus thubhairt rìgh Israeil ris, is ann mar so a bhitheas do bhreitheanas-sa; dh'òrduich thu féin e.

41 Agus rinn e cabhag, agus chuir e'n luath air falbh o' aghaidh; agus dh'aithnich rìgh Israeil e, gu'm b'ann de na fàidhean e.

42 Agus thubhairt e ris, Mar so tha'n Tighearna ag ràdh, A chionn gu'n do leig thu as do làmh duine a dh'òrduich mise gu léir-sgrìos, uime sin bithidh d'anam-sa air son 'anama-san, agus do shluagh-sa air son a shluaigh-san.

43 Agus dh'fhalbh rìgh Israeil a dh'ionnsuidh a thighe dubhach agus feargach, agus thàinig e gu Samaria.

CAIB. XXI.

1 Bha Ahab dubhach 'n a spiorad a chionn gu'n do dhiùlt Nabot 'fhion-lios a thoirt da. 8 Chuir Iesebel Nabot gu bàs. 17 Thug Eliah fìos do Ahab air a' bhreitheanas a labhair Dia d'a thaobh air son a dhroch ghuòmharran. 27 Ghabh Ahab aithreachas.

AGUS thachair an déigh nan nithean sin gu'n robh fion-lios aig Nabot an t-Iesreelach, a bha ann an Iesreel, làmh ri làmh air Ahab rìgh Shamaria.

2 Agus labhair Ahab ri Nabot, ag ràdh, Thoir dhomhsa d'fhion-lios, gu bhli agam 'n a lios lumbhean, a chionn gu bheil e fagus do m' thigh, agus bheir mise dhuitse air a slon fion-lios a's fearr na e; no ma's e a's taitneich leat, bheir mi dhuit a luach 'an airgid.

3 Agus thubhairt Nabot ri Ahab, Nar leigeadh Dia dhomhsa, gu'n tugaim oighreachd m'athrichcan dhuitse.

4 Agus thàinig Ahab d'a thigh dubhach agus feargach, air son an fhocail a labhair Nabot an t-Iesreelach ris: oir thubhairt e, Cha toir mi dhuit oighreachd m'athrichcan: agus luidh e sìos air a lcaaidh, agus thionndaidh e 'aghaidh air falbh, agus cha-n itheadh e aran.

5 Ach thàinig Iesebel a bhcan d'a ionnsuidh, agus thubhairt i ris, C'ar son a tha do spiorad cho dubhach, agus nach ith thu aran?

6 Agus thubhairt esan rithe, Air son gu'n do labhair mi ri Nabot an t-Iesreelach, agus gu'n dubhairt mi ris, Thoir dhomhsa d'fhion-lios air airgid; no, ma's àill leat, bheir mi dhuit fion-lios eile air a shon: agus thubhairt esan, Cha toir mi dhuit m'fhion-lios.

7 Agus thubhairt Iesebel a bhean ris, Tha thu's a nis a' stiùradh rioghachd Israeil! Eirich, ith aran, agus bithcadh do chridhe subhach: bheir mise dhuit fion-lios Nabot an Iesreelich.

8 Agus sgrìobh i litrichean ann an ainm Ahab, agus sheulaich i iad le 'sheula; agus chuir i na litrichean a dh'ionnsuidh nan seanairean, agus a dh'ionnsuidh nan uaislean a bha 'chòmhnuidh maille ri Nabot 'n a bhaile.

9 Agus sgrìobh i anns na litricheibh, ag ràdh, Gairmibh trasgadh, agus thug-aibh air Nabot suidhe air toiseach an t-sluaigh:

10 Agus cuiribh dithis dhaoine, mic Bheilaibh, mu 'choinnimh, a thoirt fianuis 'n a aghaidh, ag ràdh, Mhaslaich thu Dia agus an rìgh: agus an sin thugaibh a mach e, agus clachaibh e, a chum gu'm faigh e bàs.

11 Agus rinn daoine a bhaile, eadhon na seanairean, agus na h-uaislean a chòmhnuich 'n a bhaile, a réir an fhìos a chuir Iesebel d'an ionnsuidh, a réir an nì a bha sgrìobhta anns na litricheibh a chuir i d'an ionnsuidh.

12 Ghlairm iad trasgadh, agus thug iad air Nabot suidhe air toiseach an t-sluaigh.

13 Agus thàinig dithis dhaoine, mic Bheilaibh, agus shuidh iad mu 'choinnimh; agus rinn fir Bheilaibh fianuis 'n a aghaidh, eadhon an aghaidh Nabot, an làthair an t-sluaigh, ag ràdh, Mhaslaich Nabot Dia agus an rìgh. An sin thug iad a mach as a' bhaile e, agus chlach iad e le clachaibh, agus fhuair e bàs.

14 'N a dhéigh sin chuir iad teachdair gu Iesebel, ag ràdh, Chlachadh Nabot, agus tha e marbh.

15 Agus an uair a chuala Iesebel gu'n do chlachadh Nabot, agus gu'n robh e marbh, thubhairt Iesebel ri Ahab, Eirich, gabh sealbh ann am fion-lios Nabot an Iesreelich, a dhiùlt e 'thoirt duit air

airgiod ; oir cha-n'eil Nabot beò, ach marbh.

16 Agus an uair a chual' Ahab gu'n robh Nabot marbh, dh'éirich Ahab a dhol sìos gu fion-lios Naboit an Iesreelich, a ghabhail seilbh ann.

17 Agus thàinig focal an Tighearna dh'ionn-suidh Eliah an Tisbithich, ag ràdh,

18 Eirich, falbh sìos a choimneachadh Alaib rìgh Isracil, a *tha* ann an Samaria: feuch, *tha* e ann am fion-lios Naboit, d'an deachaidh e sìos a ghabhail seilbh ann.

19 Agus labhraidh tu ris, ag ràdh, Mar so *tha'n* Tighearna ag ràdh, An do mharbh thu, agus mar an ceudna an do ghabh thu sealbh? Agus labhraidh tu ris, ag ràdh, Mar so *tha'u* Tighearna ag ràdh, Anns an àit anns an d'imlich na madraidh fuil Naboit, imlichidh ua madraidh d'fhuil-sa, eadhon d'fhuil-sa.

20 Agus thubhairt Ahab ri h-Eliah, An d'fhuair thu mi, O mo nàmhaid? Agus thubhairt esan, Fhuair mi *thu*; a chiomn gu'n do reic thu thu fèin a dheanamh uile ann an sùilbh an Tighearna.

21 Feuch, bheir mise olc ort, agus cuiridh mi as do d' shliochd, agus gearraidh mi air falbh o Ahab esan a nì uisge ri balla, agus esan a dhruidear a stigh, agus a dh'fhàgar ann an Israel.

22 Agus nì mi do thigh-sa mar thigh Iero-boaim mhic Nebait, agus mar thigh Bhaasa mhic Ahiah, air son a' bhrosnachaidh leis an do bhrosnach thu *mi* gu feirg, agus leis an d'thug thu air Israel peacachadh.

23 Agus mar an ceudna nu Iesebel labhair an Tighearna, ag ràdh, Ithidh na madraidh Iesebel aig balla Iesreil.

24 Esan a gheibh bàs de Ahab anns a' bhaile ithidh na madraidh; agus esan a gheibh bàs anns a' mhachair ithidh cunlaith an athair.

25 Ach cha robh *neach* ann eòsmhuil ri Ahab, a reic e fèin a dheanamh uile ann an sùilbhan Tighearna do bhrìgh gu'n do chuir a bhean Iesebel thuige e.

26 Agus rinu e nithean ro ghràineil ann an leantuinn dhiathan brèige, a réir nan uile *nithean* a rinn ua h-Amoraich, a thilg an Tighearna a mach roimh chloinn Isracil.

27 Agus an uair a chual' Ahab na briathran sin, reub e 'eudach, agus chuir e saic-eudach air 'fheoil, agus thraisg e, agus luidh e ann an saic-eudach, agus ghluais e gu fòil.

28 Agus thàinig focal an Tighearna gu Eliah an Tisbithich, ag ràdh,

29 Am faie thusa mar a *tha* Ahab 'ga ùmhlachadh fèin a'm' fhanuis-sa? a chiomn gu bheil e 'g a ùmhlachadh fèin a'm' fhanuis, cha toir mi an t-olc 'n a làithibh-san: *ach* ann an làithibh a mhic bheir mi an t-olc air a thigh.

CAIB. XXII.

1 Mhealladh Ahab le fàidhibh brèige, agus mharbhadh e aig Ramot-gilead: 40 rìghich Ahasiah 'n a dèil. 50 Fhuair Iehosaphat rìgh Iudah bàs, agus rìghich Iehoram a mhac 'n a dhèigh.

A GUS dh'fhan iad trì bliadhna gun chog-adh eadar Siria agus Israel.

2 Agus anns an treas bliadhna thàinig Iehosaphat rìgh Iudah a nuas gu rìgh Isracil.

3 (Agus thubhairt rìgh Isracil r'a sheir-bhisich, Nach 'eil fhios agaibh gur leinne Ramot ann an Gilcad? agus *gidheadh* *tha* sinn gun ghuth againn air a ghlacadh á làimh rìgh Shiria.)

4 Agus thubhairt e ri Iehosaphat, An téid thu maille riumsa gu cath do Ramot-gilead? Agus thubhairt Iehosaphat ri rìgh Isracil, *Tha* mise mar *tha* thusa, mo shluagh-sa mar do shluagh-sa, m'eich-sa mar d'eich-sa.

5 Agus thubhairt Iehosaphat ri rìgh Isracil, Fiosraich, guidheam ort, an diugh de fhocal an Tighearna.

6 Uime sin chruinnich rìgh Isracil na fàidhean an ceann a chéile, nu thimchioll ceithir ehead fear, agus thubhairt e ri, An téid mi an aghaidh Ramot-gilead gu cath, no'n leig mi leis? Agus thubhairt iadsan, Falbh suas, oir bheir an Tighearna ann an làimh an rìgh e.

7 Agus thubhairt Iehosaphat, Nach 'eil an so fàidh tuilleadh leis an Tighearna, ehum gu'm fiosraich sinn deth?

8 Agus thubhairt rìgh Isracil ri Iehosaphat, *Tha* fathast aon fhear ann, Micaiah mac Imlah, leis am feud sinn fiosrachadh de'n Tighearna; ach *tha* fuath agam dha, oir cha mhaith a chuireas e air mo mhanadhsa, ach olc. Agus thubhairt Iehosaphat, Na abradh an rìgh mar sin.

9 Agus ghairm rìgh Isracil air maor, agus thubhairt e, Greas an so Micaiah mac Imlah.

10 Agus shuidh rìgh Isracil, agus Iehosaphat rìgh Iudah, gach fear air a rìgh-chaitheir fèin, le'n earradh *rìoghail* orra, ann an àite rèidh, ann an dol a steach geata Shamaria, agus na fàidhean uile ri fàidheadaireachd 'n am fianuis.

11 Agus rinn Sedeciah mae Chenaanah adhaircean iaruin dha fèin, agus thubhairt e, Mar so *tha'n* Tighearna ag ràdh, Leo so buailidh tu na Sirianaich, gus an cuir thu as doibh.

12 Agus rinn na fàidhean uile fàidheadaireachd mar so, ag ràdh, Falbh suas gu Ramot-gilead, agus soirbhich; oir bheir an Tighearna ann an làimh an rìgh e.

13 Agus an teachdair a chaidh a ghairm Micaiah, labhair e ris, ag ràdh, Feuch a nis, *tha* briathran nam fàidhean le h-aon bheul a' foillseachadh maith do'n rìgh

bitheadh d'fhocal-sa, guidheam ort, mar fhocal aoin diubhsan, agus labhair an *ni a tha* maith.

14 Agus thubhairt Micaiah, *Mar* is beò an Tighearn, an *ni* a their an Tighearn rium, sin labhraidh mise.

15 Agus thàinig e dh'ionnsuidh an rìgh, agus thubhairt an rìgh ris, A Mhicaiah, an téid sinn do Ramot-gilead gu cath, no'n leig sinn leis? Agus thubhairt esan ris, Falbh suas, agus soirbhich; oir bheir an Tighearn ann an làmh an rìgh e.

16 Agus thubhairt an rìgh ris, Cia lion uair a mhionnaicheas mi thu, nach innis thu dhomh ach an fhàirinn ann an ainm an Tighearn?

17 Agus thubhairt esan, Chunnaic mi Israel uile sgapta air na sléibhtibh, mar chaoiraich aig nach *'eil* buachaill: agus thubhairt an Tighearn, Cha-n'eil maighstir orra so: pilleadh gach fear dhiubh d'a thlugh féin ann an sìth.

18 Agus thubhairt rìgh Israeil ri Iehosaphat, Nach d'innis mi dhuit nach cuirheadh e maith sam bith air mo mhanadh-sa, ach ole?

19 Agus thubhairt esan, Uime sin éisd thusa ri focal an Tighearna: Chunnaic mise an Tighearn 'n a shuidhe air a rìgh-chaithir, agus uile shlòigh nan uèamh 'n an seasainh làmh ris, air a làmh dheis agus air a làmh chli.

20 Agus thubhairt an Tighearn, Cò a chuireas impidh air Ahab, a clum gu'n téid e suas, agus gu'n tuit e ann an Ramot-gilead? Agus thubhairt aon mar se, agus aon eile mar sud.

21 Agus thàinig spiorad a mach, agus sheas e 'am fianuis an Tighearn, agus thubhairt e, Cuiridh mise impidh air.

22 Agus thubhairt an Tighearn ris, Co leis? Agus thubhairt esan, Théid mi mach, agus bithidh mi a'm' spiorad bréige ann am beul fhàidhean uile. Agus thubhairt e, Cuiridh tu impidh air, agus mar an ceudna buadhaichidh tu: falbh a mach, agus dean mar sin.

23 A nis uime sin, fench, chuir an Tighearn spiorad bréige ann am beul nam fàidhean sin agad uile, agus labhair an Tighearn ole nu d' thimchioll.

24 Agus chaidh Sedeciah mac Chenaanah am fagus, agus bhuail e Micaiah air a' ghiall, agus thubhairt e, Cia'n taobh a chaidh spiorad an Tighearn' uamsa a labhair riutsa?

25 Agus thubhairt Micaiah, Feuch, chi thu 's an là air an téid thu steach do shcòmar-eùil gu d'fhòlach féin.

26 Agus thubhairt rìgh Israeil, Glacabh Micaiah, agus thugaibh air' ais e gu Amon uachdaran a' bhaile, agus gu Iosias mac an rìgh;

27 Agus abraibh, Mar so thubhairt an

rìgh, Cuiribh am fear so anns a' phrìosan, agus beathaichibh e le aran airce, agus le uisge airce, gus an tig mise ann an sìth.

28 Agus thubhairt Micaiah, Ma philleas tusa idir ann an sìth, cha do labhair an Tighearn leamsa. Agus thubhairt e, Eisdibh, a shlòigh uile.

29 Uime sin chaidh rìgh Israeil, agus Iehosaphat, rìgh Iudah, suas gu Ramot-gilead.

30 Agus thubhairt rìgh Israeil ri Iehosaphat, Cuiridh mise mi féin ann an coslas eile, agus théid mi a steach do'n chath; ach cuir thusa d'earradh *rioghail* ort. Agus chuir rìgh Israeil e féin ann an coslas eile, agus chaidh e steach do'n chath.

31 Ach dh'àithn rìgh Shiria do'n dà cheannard deng thar fhichead a bha os ceann a charbad, ag ràdh, Na cogaibh ris a' bheag no ris a' mhòr, ach ri rìgh Israeil 'n a aonar.

32 Agus an uair a chunnaic ceannardan nan carbad Iehosaphat, thubhairt iad, Gu cinnteach *is* e so rìgh Israeil. Agus thionndaidh iad a leth-taobh a chogadh 'n a aghaidh: agus ghlaodh Iehosaphat a mach.

33 Agus an uair a chunnaic ceannardan nan carbad nach *'e* rìgh Israeil a bh'ann, phill iad o a leantuinn.

34 Agus tharuing fear a bhogha air thuairimeas, agus bhuail e rìgh Israeil eadar altaibh na lùirich: uime sin thubhairt e r'a charbadair, Tionndaidh do làmh, agus thoir a mach as an fheachd mi; oir tha mi air mo lotadh.

35 Agus mheudaich an cath air an là sin: agus chumadh an rìgh suas 'n a charbad an aghaidh nan Sirianach, agus fhuair e bàs nu fheasgar; agus ruith an fhuil a mach as an lot gu meadhon a' charbaid.

36 Agus chaidh gairm air feadh an t-slòigh nu luidhe na gréine, ag ràdh, Gach fear d'a bhaile, agus gach fear d'a thir féin.

37 Agus dh'cug an rìgh, agus thugadh do Shamaria e: agus dh'adhlaic iad an rìgh ann an Samaria.

38 Agus nìgh *neach* an carbad ann an lochan Shamaria, agus dh'imlich na madraidh 'fhuil; agus nìgh iad 'armachd, a réir focail an Tighearn', a labhair e.

39 Agus a' chuid eile de ghnìomharaibh Ahaib, agus na h-uile *nithean* a rinn e, agus an tigh de fhiacailbh *elephant* a thog e, agus na bailtean uile a thog e, nach *'eil* iad sgriobhta ann an leabhar eachdraidh rìghrean Israeil?

40 Agus choidh Ahab maille r'a aithrichibh, agus rìghich Ahasiah a mhae 'n a àit.

41 Agus thòisich Iehosaphat mac Asa air rìoghachadh os ceann Iudah anns a' cheathramh bliadhna de Ahab rìgh Israeil.

42 Bha Iehosaphat eùig bliadhna deug thar fhìthead a dh'aois an uair a thòisich e air rìoghachadh, agus rìghich e eùig bliadhna fichead ann an Ierusalem: agus b'e ainn a mhàthar Asubah nighean Shilhi.

43 Agus ghluais e ann an uile shlighean Asa 'athar; cha de chlaon e uaipe, a' deanamh an *ni a bha* ceart ann an sùilbh an Tighearna: gidheadh, cha d'thugadh air falbh na h-àitean àrda, *oir* fathast dh'ìobair an sluagh, agus loisg iad tùis anns na h-àitibh àrda.

44 Agus rinn Iehosaphat sìth ri rìgh Israeil.

45 Agus a' chuid eile de ghlìomharaibh Iehosaphat, agus a thréine a dh'fheuch e, agus cionnus a chog e, nach 'eil iad sgriobhta ann an leabhar eachdraidh rìgh-rean Iudah?

46 Agus fuigheall nan Sodomach a dh'fhan ann an làithibh Asa 'athar, chuir e as an tìr.

47 'S an àm sin cha robh rìgh ann an Edom: b'fhear-riaghlaidh a *bha* 'n a rìgh.

48 Rinn Iehosaphat longan Tharsis gu

dol do Ophir air son òir: (ach cha deachaidh iad ann; oir bhriseadh na longan ann an Esiòn-geber.)

49 Agus thubhairt Ahasiah mac Ahaib ri Iehosaphat, Rachadh mo sheirbhisich-sa maille ri d' sheirbhisich-sa anns na longaibh: ach cha b'ail le Iehosaphat *sin*.

50 Agus choidil Iehosaphat maille r'a aithrichibh, agus dh'adhlacadh e maille r'a aithrichibh ann an baile Dhaibhidh 'athar: agus rìghich Iehoram a mhac 'n a àit.

51 Thòisich Ahasiah mac Ahaib air rìoghachadh os ceann Israeil ann an Samaria 's an t-seachdamh bliadhna deug de Iehosaphat rìgh Iudah, agus rìghich e os ceann Israeil dà bhliadhna.

52 Agus rinn e ole ann an sùilbh an Tighearna, agus ghluais e ann an slighe 'athar, agus ann an slighe a mhàthar, agus ann an slighe Ieroboam mhic Nebat, a thug air Israel peacachadh:

53 Oir rinn e seirbhis do Bhaal, agus shleuchd e dha, agus bhròsnaich e an Tighearn Dia Israeil gu feirg, a réir nan uile *nithean* a rinn 'athair.

DARA LEABHAR NAN RIGH,

D'AN GOIREAR GU COITCHEANN,

CEATHRAMH LEABHAR NAN RIGH.

CAIB. I.

1 Bha Ahasiah tinn, 4 agus fhuair e fios o Dhia gu'm faigheadh e bàs. 9 Dà uair thug Eliah teine o na nèamhan a losgadh an t-sluaigh a chuireadh g'a ghlacadh. 17 Fhuair Ahasiah bàs, agus rìghich Iehoram 'n a àit.

AGUS rinn Moab ceannaire an aghaidh Israeil an déigh bàis Ahaib.

2 Agus thuit Ahasiah sìos troimh chliathuinneig 'n a sheòmar uachdarach a *bha* ann an Samaria, agus bha e tinn: agus chuir e teachdairean uath, agus thubhairt e riu, Rachaibh, fiosraicibh de Bhaal-sebub dia Ecroin, an tig mi beò o'n tinneas so.

3 Ach thubhairt aingeal an Tighearna ri Eliah an Tisbitheach, Eirich, falbh suas an coinnimh theachdairean rìgh Shamaria, agus abair riu, An ann a chionn nach 'eil Dia ann an Israel, a tha sibh a' dol a dh'fhiosrachadh de Bhaal-sebub dia Ecroin?

4 A nis uime sin mar so tha'n Tighearn ag ràdh, O'n leabaidh sin air an deachaidh tu suas, cha tig thu a nuas, ach gu cinnteach gheibh thu bàs. Agus dh'fhalbh Eliah.

5 Agus an uair a phill na teachdairean d'a ionnsuidh, thubhairt e riu, Car son a tha sibh air pillinn?

6 Agus thubhairt iadsan ris, Thàinig duine a nìos 'n ar coinnimh, agus thubhairt e ruinn, Rachaibh, pillibh a dh'ionnsuidh an rìgh a chuir uath sibh, agus abraibh ris, Mar so tha'n Tighearn ag ràdh, An ann a chionn nach 'eil Dia ann an Israel, a tha thu a' cur theachdairean a dh'fhiosrachadh de Bhaal-sebub dia Ecroin? Uime sin o'n leabaidh sin air an deachaidh tu suas, cha tig thu a nuas, ach gu cinnteach gheibh thu bàs.

7 Agus thubhairt e riu, Ciod e eugas an duine a thàinig a nìos n' 'ur coinnimh, agus a labhair ribh na briathran sin?

8 Agus thubhairt iadsan ris, Duine molach, agus e crioslaichte le crios leathair m'a leasraidh. Agus thubhairt esan, *Is* e Eliah an Tisbitheach a *bh'ann*.

9 Agus chuir an rìgh d'a ionnsuidh ceannard leth-cheud, maille r'a leth-cheud: agus chaidh e suas d'a ionnsuidh, (agus, feuch, *bha* e 'n a shuidhe air mullach sèibh,) agus

labhair e ris, A dhuine le Dia, thubhairt an rìgh, Thig a nuas.

10 Agus fhreagair Eliah, agus thubhairt e ri ceannard an leth-cheud, Agus ma's duine le Dia mise, thigeadh teine a nuas o na nèamhan, agus loisgeadh e suas thusa agus do leth-cheud. Agus thàinig teine a nuas o na nèamhan, agus loisg e suas esan agus a leth-cheud.

11 Agus a ris chuir e d'a ionnsuidh ceannard eile leth-cheud, maille r'a leth-cheud: agus labhair e, agus thubhairt e ris, A dhuine le Dia, mar so thubhairt an rìgh, Thig a nuas gu grad.

12 Agus fhreagair Eliah agus thubhairt e ri, Ma's duine le Dia mise, thigeadh teine a nuas o na nèamhan, agus loisgeadh e suas thusa agus do leth-cheud. Agus thàinig teine Dhé a nuas o na nèamhan, agus loisg e suas esan agus a leth-cheud.

13 Agus a ris chuir e uath ceannard an treas leth-cheud, maille r'a leth-cheud: agus chaidh an treas ceannard leth-cheud suas, agus thàinig e, agus leig se e fèin air a ghluinibh fa chomhair Eliah, agus dh'as-laich e air, agus thubhairt e ris, A dhuine le Dia, bitheadh, guidheam ort, m'anamsa, agus anam an leth-cheud òglach so agad, luachmhòr a'd' shùilibh.

14 Feuch, thàinig teine a nuas o na nèamhan, agus loisg e suas an dà cheud cheannard leth-cheud, maille r'an leth-cheudaibh; ach a nis bitheadh m'anam-sa luachmhòr a'd' shùilibh.

15 Agus thubhairt aingeal an Tighearna ri Eliah, Falbh sìos maille ris; na bitheadh eagal ort roimhe. Agus dh'éirich e, agus chaidh e sìos maille ris a dh'ionnsuidh an rìgh.

16 Agus thubhairt e ris, Mar so tha'n Tighearn ag ràdh, A chionn gu'n do ehuir thu teachdairean a dh'fhiosrachadh de Bhaal-sebub dia Eeroim, mur nach bitheadh Dia ann an Israel a dh'fhiosrachadh d'a fhocal, uime sin o'n leabaidh sin air an deachaidh tu suas, cha tig thu nuas, ach gu cìnteach gheibh thu bàs.

17 Agus fhuair e bàs, a réir focail an Tighearna' a labhair Eliah: agus rìghich Iehoram 'n a àit, ams an dara bliadhna de Iehoram mac Iehosaphat rìgh Iudah, a chionn nach robh mac aige.

18 Agus a' chuid eile de ghnìomharaibh Ahasiah a rinn e, nach 'eil iad sgrìobhta ann an leabhar eachdraidh rìghrean Israeil?

CAIB. II.

1 *Dh'èit Elisa dealachadh ri Eliah.* 11 *Thogadh Eliah suas le h-ìomghaoith do na nèamhan.* 14 *Roinn Elisa uisge Iordain le falluinn a mhaighstir.* 23 *Mharbh dà mhadh-ghamhain a' clann a rinn fanoid air.*

A GUS thachair an uair a bha'n Tighearn gu Eliah a thogail suas le h-ìomghaoith

do na nèamhan, gu'n deachaidh Eliah maille ri Elisa o Ghilgal.

2 Agus thubhairt Eliah ri Elisa, Fan an so, guidheam ort; oir chuir an Tighearn mise gu Bet-el. Agus thubhairt Elisa ris, Mar is beò an Tighearn, agus mar is beò d'anam, cha-n fhàg mi thu. Agus chaidh iad sìos gu Bet-el.

3 Agus thàinig mic nam fàidhean a bha ann an Bet-el a mach gu Elisa, agus thubhairt iad ris, Am bheil fhios agad gu'n toir an Tighearn an diugh do mhaighstir air falbh o d' cheann? Agus thubhairt esan, Seadh, tha fhios agam air; bithibhse 'n 'ur tosd.

4 Agus thubhairt Eliah ris, Elisa, fan an so, guidheam ort; oir chuir an Tighearn mise gu Iericho. Agus thubhairt esan, Mar is beò an Tighearn, agus mar is beò d'anam, cha dealaich mi riut. Agus thàinig iad gu Iericho.

5 Agus thàinig mic nam fàidhean a bha ann an Iericho gu Elisa, agus thubhairt iad ris, Nach 'eil fhios agad-sa gu'n toir an Tighearn an diugh do mhaighstir air falbh o d' cheann? Agus fhreagair esan, Seadh, tha fhios agam air; bithibhse 'n 'ur tosd.

6 Agus thubhairt Eliah ris, Fan, guidheam ort, an so; oir chuir an Tighearn mise gu Iordan. Agus thubhairt esan, Mar is beò an Tighearn, agus mar is beò d'anam, cha-n fhàg mi thu. Agus chaidh iad 'n an dithis air an aghaidh.

7 Agus chaidh leth-cheud fear de mhaighstir nam fàidhean, agus sheas iad fa'n comhair fad as: agus sheas iadsan 'n an dithis làmh ri Iordan.

8 Agus ghabh Eliah 'thalluinn, agus dh'fhill e cuideachd i, agus bhuail e na h-uisgeachan, agus roinneadh iad a null agus a null; agus chaidh iadsan 'n an dithis thairis air *talamh* tiorann.

9 Agus an uair a bha iad air dol thairis, thubhairt Eliah ri Elisa, Iarr ciod a's àill leat mise a dheanamh air do shon, mun toirear mi air falbh uait. Agus thubhairt Elisa, Bitheadh, guidheam ort, cuibhrionn dhùbailte de d' spiorad orm.

10 Agus thubhairt esan, Is cruaidh an nì a dh'iarr thu: *gidheadh*, ma chi thu mise 'n uair a bheir car air falbh uait mi, bithidh e dhuit mar sin; ach mur *faic*, cha bhi e mar sin.

11 Agus an uair a bha iad a' gabhail air an aghaidh, agus a' comhradh, feuch, carbad teine, agus eich theine, agus dh'calaich iad o 'chéile iad: agus chaidh Eliah suas le h-ìomghaoith do na nèamhan.

12 Agus chunnaic Elisa sin, agus ghlaodh e, M'athair, m'athair! carbad Israeil, agus a mhare-shluagh. Agus cha-n fhac e nì's mò e: agus rug e air 'eudach fèin, agus reub e 'n a dhà mhar e.

13 Agus thog e suas falluinn Eliah a thuit uath, agus phill e, agus sheas e làmh ri bruaich Iordain;

14 Agus ghabh e falluinn Eliah a thuit

uaith, agus bhuail e na h-uisgeachan, agus thubhairt e, C'ait a nis *am bheil* Tighearn Dia Eliah? Agus an uair a bhuail e na h-uisgeachan, roinneadh iad a null agus a nall, agus chaidh Elisa thairis.

15 Agus an uair a chunnaic mie nam fàidhean e, a *bha* ann an Iericho fa' chomh-air, thubhairt iad, Dh'fhan spiorad Eliah air Elisa. Agus thàinig iad 'n a choinn-inn, agus chrom siad iad féin dha gu làr.

16 Agus thubhairt iad ris, Feuch a nis, tha leth-cheud fear treun maille ri d' sheir-bhisich; rachadh iad, guidheamaid ort, agus iarradh iad do mhaighstir, air cagal gu'n do thog spiorad an Tighearna suas e, agus gu'n do thilg se e air beinn éigin, no ann an gleann éigin. Agus thubhairt esan, Cha chuir sibh uaibh *iad*.

17 Agus an uair a chuir iad impidh air gus an robh nàire air, thubhairt e, Cuiribh uaibh *iad*. Agus chuir iad uatha leth-cheud fear; agus dh'iarr iad e ré thri làithean, ach cha d'fhuair iad e.

18 Agus an uair a thàinig iad a ris d'a ionnsuidh, agus e a chòmhnuidh ann an Iericho, thubhairt e riu, Nach dubhairt mise ribh, Na raelaibh?

19 Agus thubhairt fir a' bhaile ri Elisa, Feuch a nis, *tha* stiùdeachadh a' bhaile so taitneach, mar a *tha* mo thighearn a' faicinn; ach *tha'n* t-uisge ole, agus an talamh neo-thorach.

20 Agus thubhairt esan, Thugaibh a m' ionnsuidh soitheach ùr, agus cuiribh salann ann. Agus thug iad d'a ionnsuidh e.

21 Agus chaidh e mach a dh'ionnsuidh tobair nan uisgeachan, agus thilg e salann an sin, agus thubhairt e, Mar so *tha'n* Tighearn ag ràdh, Shlànuich mi ua h-uisgeachan sin: cha bhli o sin ni's mò bàs, no *talamh* neo-thorach.

22 Agus shlànuicheadh na h-uisgeachan gus an là'n diugh, a réir focail Elisa a labhair e.

23 Agus chaidh e suas a a sin gu Bet-el: agus an uair a bha e a' dol suas air an t-slighe, thàinig clann bheag a mach as a' bhaile, agus rinn iad fanoid air, agus thubhairt iad ris, Gabh suas, fhir mhaoil; gabh suas, fhir mhaoil.

24 Agus sheall e 'n a dhéigh, agus chunnaic e iad, agus mhallaich e iad ann an ainm an Tighearna: agus thàinig dàmbath-ghamhuin bhoirionn a mach as a' choille, agus reuc iad a dhà agus dà fhichead duine cloinne dhiubh.

25 Agus chaidh e as a sin gu sliabh Charmeil: agus as a sin phill e gu Samaria.

CAIB. III.

1 Rìoghachadh aingidh Iehoram. 4 Rinn Mesa rìgh Mhoib ceannaire 'n a aghaidh. 24 Bhuailleadh na Moabaich. 26 Dh'ìobair rìgh Mhoib a cheud-ghnà mic, agus phill sluagh Israeil uaith.

A NIS thòisich Iehoram mac Ahaib air rìoghachadh os ceann Israeil ann an

Samaria, aims an ochdamh bliadhna deng de Iehosaphat rìgh Iudah, agus rìghich e dà bhliadhna dheug.

2 Agus rinn e ole ann an sùilbhan an Tighearn', ach cha *b'ann* cosmhuil r'a athair, agus cosmhuil r'a mhàthair; oir chuir e air falbh dealbh Bhaai a rinn 'athair.

3 Gidheadh, ri peacaidhean Ieroboaim mhic Nebait a thug air Israel peacachadh, dh'lùth-lean e: cha do dhealaich e riu sin.

4 Agus bha Mesa rìgh Mhoib 'n a shealbhadair chaorach, agus dh'ìoc e do rìgh Israeil ceud mìle uan, agus ceud mìle reithe le'n olainn.

5 Agus an uair a dh'eug Ahab, rinn rìgh Mhoib ceannaire an aghaidh rìgh Israeil.

6 Agus chaidh rìgh Iehoram a mach air an là sin a Samaria, agus rinn e Israel uile àireamh.

7 Agus chaidh e, agus chuir e *teachdair-ean* gu Iehosaphat rìgh Iudah, ag ràdh, Rinn rìgh Mhoib ceannaire a'm' aghaidh: an téid thu maille rium an aghaidh Mhoib gu cath? Agus thubhairt esan, Théid mi suas: *tha* mise mar *tha* thusa, mo shluaghsa mar do shluaghsa, m'eich-sa mar d'eich-sa.

8 Agus thubhairt e, Cia an rathad a théid sinn suas? Agus fhreagair esan, Rathad fàsaich Edoim.

9 Agus dh'imich rìgh Israeil, agus rìgh Iudah, agus rìgh Edoim, agus chaidh iad mu'n cuairt astar sheachd là; agus cha robh uisge *aca* do'n t-sluagh, agus do'n spréidh a lean iad.

10 Agus thubhairt rìgh Israeil, Mo thruaighe, gu'n do ghairm an Tighearn na tri rìghrean so cuideachd, chum an toirt thairis do làimh Mhoib.

11 Agus thubhairt Iehosaphat, Nach 'eil an so fàidh leis an Tighearn, a chum gu'm fiosraich sinn de'n Tighearn leis? Agus fhreagair aon de sheirbhisich rìgh Israeil, agus thubhairt e, *Tha'n* so Elisa mac Shaphait, a thaom uisge air làmhan Eliah.

12 Agus thubhairt Iehosaphat, Tha focal an Tighearna maille ris. Agus chaidh rìgh Israeil, agus Iehosaphat, agus rìgh Edoim, sìos d'a ionnsuidh.

13 Agus thubhairt Elisa ri rìgh Israeil, Ciod e mo ghnòthuch-sa riut-sa? imich e dh'ionnsuidh fhàidhean d'athar, agus a dh'ionnsuidh fhàidhean do mhàthar. Agus thubhairt rìgh Israeil ris, Ni h-cadh: oir ghairm an Tighearn na tri rìghrean so cuideachd, chum an toirt thairis do làimh Mhoib.

14 Agus thubhairt Elisa, *Mar* is beò Tighearn nan slògh. 'an làthair am bheil mi a'm' sheasamh, gu cìumteach mur bheil eadh meas agamsa air làthairachd Iehosaphait rìgh Iudah, cha seallainn ortsa, ni mò a clithinn thu.

15 Ach a nis thugaibh a m' ionnsuidh fear-

cùil. Agus an uair a bha 'm fear-cùil a' cluicheadh, bha làn an 'Tighearn' air.

16 Agus thubhairt e, Mar so tha'n Tighearn ag ràdh, Dean an gleann so làn de chlaisibh:

17 Oir mar so tha'n Tighearn ag ràdh, Cha-n fhaic sibh gaoth, ni mò a chi sibh uisge; gidheadh lionar an gleann so le h-uisge, agus òlaidh sibh, sibh féin agus bhuir spréidh, agus bhuir n-aimhhidhean.

18 Agus is beag so ann an sùilibh an Tighearna: bheir e mar an ceudna na Moabaich thairis d'ur làimh.

19 Agus buailidh sibh gach baile daing-nichte, agus gach baile taghta, agus leagaidh sibh sìos gach craobh mhaith, agus dùinidh sibh suas na tobraichean uisge uile, agus millidh sibh gach mìr maith *fearainn* le clachaibh.

20 Agus anns a' mhaduinn, mu àm toirt suas an tabhartais-bidh, feuch, thàinig uisge rathad Edoim, agus lìonadh an tìr le h-uisge.

21 Agus an uair a chuala na Moabaich uile gu'n d'thàinig na rìghrean a nìos a chogadh 'a an aghaidh, ghairmeadh cuid-eachd iadsan uile a thàinig gu aois airn iomchar, agus os a cheann *sin*, agus sheas iad aig a' chrìch.

22 Agus dh'éirich iad gu moch anns a' mhaduinn, agus dhealraich a' ghrian air na h-uisgeachan, agus chunnaic na Moabaich thall fa'n comhair na h-uisgeachan dearg mar fhuil:

23 Agus thubhairt iad, *Is* fuil so: sgriosadh gun teagamh na rìghrean, agus bhuail iad a chéile: a nis ma ta, dh'ionnsuidh na creiche, a Mhoab.

24 Agus an uair a thàinig iad gu camp Israeil, dh'éirich na h-Israelich, agus bhuail iad na Moabaich, agus theich iad rompa: ach chaidh iadsan air an aghaidh a' bualadh nam Moabach, eadhon 'n an tìr féin.

25 Agus leag iad sìos na bailtean, agus air gach mìr maith fearainn thilg gach fear a chlach, agus lìon iad e; agus dhùin iad suas gach tobar uisge, agus leag iad sìos gach craobh mhaith: a nìoin ann an Cirharaset dh'fhàg iad a chlachan: ach chnairtich luchd nan crann-tàbhuilt e, agus bhuail iad e.

26 Agus an uair a chunnaic rìgh Mhoab gu'n do bhuadhaich an cath air, thug e leis seachd ceud fear a tharruing claidheamh, a chum briseadh a steach gu rìgh Edoim; ach cha b'urrainn iad.

27 An sin ghabh e a cheud-ghin mic, a bha gu rìghachadh 'n a àit, agus dh'ìobair se e mar ìobair-loisgte air a' bhalla: agus bha corruich mhòr an aghaidh Israeil: agus dh'imich iad uaith, agus phill iad d'an tìr féin.

CAIB. IV.

1 Mheudaich Elisa oladh na bantraich. 8 Aig Sunam thug bean àraidh aoidheachd dha. 18 Fhuair a mac bàs, agus dh'ath-bheothaich Elisa e. 42 Bheathaich e ceud fear le fichead buillinn.

A NIS ghlaodh bean àraidh de mhnàibh mhac nam fàidhean ri Elisa, ag ràdh, Fhuair d'òglach m'fhear bàs; agus tha fios agad gu'n robh eagal an Tighearn air d'òglach: agus tha fear nam fiach air teachd a thoirt mo dhithis mhac leis gu bhì 'n an tràillobh aige.

2 Agus thubhairt Elisa rithe, Ciod a ni mise air do shon? imis dhoinh ciod a th'agad 's an tigh? Agus thubhairt ise, Cha-n'eil aig do blannoglaich ni air bith 's an tigh, ach soitheach olaidh.

3 An sin thubhairt esan, Falbh, iarr dhuit féin soitheichean 'an coingheall a nuigh o d' choimhearsnaich uile, eadhon soitheichean falamh: na dean le beagan.

4 Agus an uair a théid thu a steach, druididh tu an doras ort féin, agus air do mhacaibh, agus taomaidh tu anns na soitheichean sin uile, agus cuiridh tu'n soitheach làn a leth-taobh.

5 Agus dh'fhalbh i uaith, agus dhruid i an doras oirre féin, agus air a macaibh; agus thug iadsan na soitheichean d'a h-ionnsuidh, agus thaom ise a mach.

6 Agus an uair a bha na soitheichean làn, thubhairt i r'a mac, Thoir a m'ionnsuidh fathast soitheach. Agus thubhairt esan rithe, Cha-n'eil soitheach ann tuilleadh. Agus stad an oladh.

7 An sin thàinig i agus dh'innis i *sin* do'n duine le Dia: agus thubhairt esan, Falbh, reic an oladh, agus diol d'fhiachan; agus thig féin agus do mhic beò air a' chuid eile.

8 Agus thachair air là àraidh gu'n deachaidh Elisa thairis gu Sunam, far an robh bean mhòr; agus chuir i impidh air aran itheadh. Agus ge b'e uair a rachadh e seachad, thionndaidheadh e stigh an sin a dh'itheadh arain.

9 Agus thubhairt ise r'a fear, Feuch a nis, tha fhios agam gur duine naomh le Dia e so, a tha 'gabhaill seachad oirnn cho tric.

10 Deanamaid, guidheam ort, seòmar beag balla, agus cuireamaid da an sin leab-adh, agus bord, agus caithir, agus coim-leir: agus an uair a thig e d'ar n-ionnsuidh, tionndaidhidh e stigh an sin.

11 Agus tharladh air là àraidh gu'n d'thàinig e 'n sin, agus thionndaidh e steach do'n t-seòmar, agus luidh e 'n sin.

12 Agus thubhairt e ri Gehasi 'òglach, Gairm air a' Bhan-sunamaich so. Agus ghairm esan oirre, agus sheas i 'n a fhian-uis.

13 Agus thubhairt e ris, Abair a nis rithe,

Feuch, ghabh thu cùram d'ar taobh-ne leis a' chùram so uile; ciod *a tha* ri dheanamh air do shon? an àill leat labhairt air do shon ris au rìgh, no ri ceannard an t-sloigh? Agus fhreagair ise, Am measg mo shluaigh fèin *tha* mi a'm' chòmhnuidh.

14 Agus thubhairt esan, Ciod *ma-ta a tha* ri dheanamh air do shon? Agus thubhairt Gehasi, Gu deimhin *cha-n'èil* mac aice, agus *tha* a fear sean.

15 Agus thubhairt esan, Gairm oirre. Agus an uair a ghairm e oirre, sheas i anns an dorus.

16 Agus thubhairt e, Aig an àm shuidhichte so, a réir àm na beatha, *bithidh* mac agad a'd' ghlaicibh. Agus thubhairt ise, Na *dean*, mo thighearn, a' dhuine le Dia, na dean breug do d' bhanoglaich.

17 Agus dh'fhàs a' bhean torrach, agus rug i mac aig an àm shuidhichte sin mu'n do labhair Elisa rithe, a réir àm na beatha.

18 Agus dh'fhàs an leanabh suas: agus thachair air là *àraidh* gu'n deachaidh e mach a chum 'athar, a dh'ionnsuidh nam buanaichean.

19 Agus thubhairt e r'a athair, Mo cheann, mo cheann! Agus thubhairt esan ri òglach, Tog leat e dh'ionnsuidh a mhàthar.

20 Agus thog esan leis e, agus thug e dh'ionnsuidh a mhàthar e: agus shuidh e air a ghèibh gu meadhon-là, agus *an sin* dh'eug e.

21 Agus chaidh i suas, agus chuir i 'n a huidhe e air leabaidh an duine le Dia, agus dhruid i *an dorus* air, agus chaidh i mach.

22 Agus ghairm i air a fear, agus thubhairt i, Cuir a m' ionnsuidh, guidheam ort, aon de na h-òglach, agus aon de na h-asalaibh, a chum gu'n ruith mi dh'ionnsuidh an duine le Dia, agus gu'n tig mi a ris.

23 Agus thubhairt esan, C'ar son a théid thu d'a ionnsuidh? an diugh *cha-n'èil* gealach ùr, no sàbaid ann. Agus thubhairt ise, *Bithidh gach nì* gu maith.

24 An sin chuir i diollaid air asail, agus thubhairt i r'a h-òglach, Tarruing, agus bi 'g imeachd: na cuir moille òrm a' marcachd, mur iarr mi ort.

25 Agus dh'imich i, agus thàinig i dh'ionnsuidh an duine le Dia gu sliabh Charneil: agus an uair a chunnaic an duine le Dia i fa 'chomhair, thubhairt e ri Gehasi 'òglach, Feuch, *is i* sud a' Bhan-sunamach.

26 Ruith a nis, guidheam ort, 'n a coinnimh agus abair rithe, Am *bheil* thu féin gu maith? am bheil d'fhear gu maith? am *bheil* an leanabh gu maith? Agus fhreagair ise, *Tha* gu maith.

27 Agus an uair a thàinig i dh'ionnsuidh an duine le Dia chum an t-sléibh, rug i air a chosaibh; ach thàinig Gehasi an fagus gus a cur air falbh. Agus thubhairt an duine le Dia, Leig dhi, oir *tha* a h-anam air

a chràdh innte; agus cheil an Tighearn ornasa e, agus clia d'innis e dhomh.

28 Agus thubhairt ise, An d'iarr mise mac o 'm thighearn? nach dubhairt mi, Na mcall mi?

29 An sin thubhairt e ri Gehasi, Crios-laich do leasraidh, agus glac mo bhata-sa aon do làimh, agus bi 'g imeachd: ma thachaireas tu air duine san bith, na beannaich dhia; agus ma bheannaichas duine sam bith dhuit, na freagair e a ris: agus cuir mo bhata air aghaidh an leinibh.

30 Agus thubhairt màthair an leinibh, *Mar* is beò an Tighearn, agus *mar* is beò d'anam-sa, cha-n' fhàg mi thu. Agus dh'èirich e, agus lean e i.

31 Agus chaidh Gehasi air aghaidh rompa, agus chuir e 'm bata air aghaidh an leinibh; ach cha *robh* cainnt no clàisteachd *aige*: uime sin phill e 'n a choinnimh, agus dh'innis e dha, agus ràdh, Cha-n'èil an leanabh air d'usgadh.

32 Agus an uair a thàinig Elisa a steach do'n tigh, feuch, bhà'n leanabh marbh, agus 'n a huidhe air a leabaidh san.

33 Uime sin chaidh e stigh, agus dhùin e 'n dorus orra 'n an dithlis, agus rinn e urnuigh ris an Tighearn.

34 Agus chaidh e suas agus huidh e air an leanabh, agus chuir e a bheul air a bheul, agus a shùilean air a shùilibh, agus a làmh an air a làmh an, agus shìn se e féin sìos air, agus dh'fhàs feoil an leinibh blàth.

35 Agus a ris, dh'imich e anns an tigh a null agus a nall, agus chaidh e suas, agus shìn se e féin sìos air; agus rinn an leanabh sreothartaich seachd uairean, agus dh'fhosgail an leanabh a shùilean.

36 Agus ghairm e air Gehasi, agus thubhairt e, Gairm air a' Bhan-sunamaich so. Agus ghairm esan oirre; agus an uair a thàinig i stigh d'a ionnsuidh, thubhairt esan, Tog leat do mhac.

37 Agus thàinig i agus thuit i aig a chosaibh, agus chrom si i féin sìos gu làr, agus thog i leatha a mac, agus chaidh i mach.

38 Agus phill Elisa gu Gilgal; agus *bha* gorta 's an tìr, agus *bha* mic nam fàidhean 'n an suidhe fa 'chomhair: agus thubhairt e r'a òglach, Cuir air a' phoit mhòr, agus bruich brochan do mhacaibh nam fàidhean.

39 Agus chaidh aon a mach do'n achadh a thional luibhean, agus fluair e fionain fhiadhaich, agus thionail e dhith dearcain fadhaich, làn 'fhalluime, agus thàinig e agus ghearr e sìos iad anns a' phoit bhrochain; oir cha b'aithe dhoibh iad.

40 Agus thaom iad a mach do na daoinibh gu itheadh; agus an uair a bha iad ag itheadh de'n bhrochan, ghlaodh iad, agus thubhairt iad, Bàs anns a' phoit, a dhuine

le Dia. Agus cha buntainn iad itheadh *dheth*.

41 Agus thubhairt esan, Thugaibh ma ta, min a m' ionnsuidh. Agus thig e anns a' phoit *i*; agus thubhairt e, Taom a mach air son an t-sluagh, a chum gu'n ith iad: agus cha robh ni air bith ole anns a' phoit.

42 Agus thàinig duine o Bhaal-salisa, agus thug e dh'ionnsuidh an duine le Dia aran de'n cheud toradh, fichead buillion eòrna, agus lan dhiasan arbhair 'n an càithleach; agus thubhairt e, Thoir do'n t-sluagh, a chum gu'n ith iad.

43 Agus thubhairt 'fhear-frithealaidh ris, C'ar son a chuirinn so an làthair cheud fear? Agus thubhairt esan a *ris*, Thoir do'n t-sluagh, a chum gu'n ith iad: oir mar so tha'n Tighearn ag ràdh, Ithidh *iad*, agus bithidh fuigheall ann.

44 Uime sin chuir e 'n an làthair e, agus dh'ith iad, agus bha fuigheall aca, a réir focail an Tighearna.

CAIB. V.

1 *Leighis Elisa Naaman an Sirianach o 'luibhre.* 15 *Dh'ith Elisa tìoahlae a ghabhail uailh.* 20 *Fhuair Gehazi an tìodhlac le ceily, agus bhuailleadh e le luibhre.*

ANIS bha Naaman ceannard slòigh rìgh Shiria 'n a dhuine mòr aig a thigh-carn, agus urramach; a chionn leis-san gu'n d'thug an Tighearn saorsa do Shiria: bha e mar an ceudna treun ann an ncart, *ach bu* lobhar e.

2 Agus chaidh na Sirianaich a mach 'n am buidhnibh, agus thug iad leo 'am braidh-eanas á tìr Israeil caileag bheag; agus bha i a' feitheamh air mnaoi Naamain.

3 Agus thubhairt i r'a ban-mhaighstir, B'fhearr leam gu'm bitheadh mo thighearn maille ris an fhàidh a *tha* ann an Samaria; an sin leighiseadh e o 'luibhre e.

4 Agus chaidh esan a stigh, agus dh'innis e d'a thighearn, ag ràdh, Mar so agus mar so thubhairt a' chaileag a *tha* o thir Israeil.

5 Agus thubhairt rìgh Shiria, Imich romhad, agus cuiridh mise litir a dh'ionnsuidh rìgh Israeil. Agus dh'imich e, agus thug e leis deich tàlannan airgid, agus sè mìle *bonn* òir, agus deich culaidhean eud-aich.

6 Agus thug e 'n litir a dh'ionnsuidh rìgh Israeil, ag ràdh, A nis an uair a thig an litir so a d' ionnsuidh, feuch, chuir mi a d' ionnsuidh *leatha* Naaman mo sheirbhiseach, a chum gu'n leighis thu e o 'luibhre.

7 Agus an uair a leugh rìgh Israeil an litir, reub e 'eudach, agus thubhairt e, An Dia mise, a mharbhadh agus a dheanamh beò, gu'n cuireadh an *fear* so *fios* a m' ionnsuidh duine a leigheas o 'luibhre? uime sin thugaibh fainear, guidheam oirbh, agus faicibh cionnus a *tha* e 'g iarraidh aobhair a'm' aghaidh.

8 Agus an uair a chual' Elisa an dnine le Dia gu'n do reub rìgh Israeil 'eudach, chuir e *fios* a dh'ionnsuidh an rìgh, ag ràdh, C'ar son a reub thu d'eudach? thigeadh e nis a m' ionnsuidh-sa, agus bithidh fios aige gu bheil faidh ann an Israeil.

9 Agus thàinig Naaman le 'eich agus le 'charbad, agus sheas e aig doras tìghe Elisa.

10 Agus chuir Elisa teachdair d'a ionnsuidh, ag ràdh, Imich, agus nigh thu féin seachd uairean ann an Iordan, agus thig d'fheoil a ris a d' ionnsuidh, agus bithidh tu glan.

11 Ach bha fearg air Naaman, agus dh'fhalbh e roimhe, agus thubhairt e, Feuch, shaoil mi, gu cinnteach gu'n tigeadh e mach a m' ionnsuidh, agus gu'n seasadh e, agus gu'n gairmeadh e air ainm an Tigh-earn' a Dhé, agus gu'n cuiradh e a làmh air an àit, agus gu'n leighiseadh e an lobhar.

12 Nach 'eil Abana agus Pharpar, aimh-nichean Dhamascuis, nì's fearr na uile uisgeachan Israeil? nach feud mi mi féin a nigh-cadh amntasan, agus a bhi glan? Agus thionndaidh e, agus dh'fhalbh e roimhe ann an corruich.

13 Agus thàinig a sheirbhisich am fagus, agus labhair iad ris, agus thubhairt iad, O athair, *nam* bitheadh am fàidh air iarraidh ort nì mòr a dheanamh, nach deanadh tu e? nach ro mhò na sin ma ta, 'n uair a *tha* e 'g ràdh riut, Nigh agus bi glan?

14 An sin chaidh e sìos, agus thum se e féin ann an Iordan seachd uairean, a réir focail an duine le Dia; agus thàinig 'fheoil a ris mar fheoil leinibh bhig, agus ghlanadh e.

15 Agus phill e dh'ionnsuidh an duine le Dia, e féin agus a chuideachd uile, agus thàinig e, agus sheas e 'n a làthair; agus thubhairt e, Feuch, a nis *tha* fios agam nach 'eil Dia anns an talamh uile ach ann an Israeil: a nis ma ta, guidheam ort, gabh tìodhlac o d' sheirbhiseach.

16 Ach thubhairt esan, *Mar* is beò an Tighearn, 'an làthair am bheil mi a'm' sheasamh, cha ghabh mi e. Agus chuir e impidh air a ghabhail, ach dh'uit esan e.

17 Agus thubhairt Naaman, Nach toirear ma ta, guidheam ort, do d' sheirbhiseach luehd dhà mhùileid de thalamh? oir cha toir do sheirbhiseach suas á so a mach tabhartas-loisgte, no ìobairt do dhiathaibh air bith eile, ach do'n Tighearn.

18 Anns an nì so gu'n tugadh an Tighearn maithneas do d' sheirbhiseach, an uair a théid mo thighearn a steach do thigh Rimoin a dheanamh aoraidh an sin, agus a leigeas e a thàic air mo làmh-sa, agus a chromas mise mi féin sìos ann an tigh Rimoin: an uair a chromas mise mi féin sìos ann an tigh Rimoin, gu'n tugadh an Tighearn maithneas do d' sheirbhiseach anns an nì so,

19 Agus thubhairt esan ris, Imich ann an sìth. Agus dh'imich e uaith beagan as-tair.

20 Ach thubhairt Gehasi òglach Elisa an duine le Dia, Feuch, chaomham mo mhaighstir Naaman an Sirianach so, a thaobh nach do ghabh e as a làimh *an nì* sin a thug e leis: ach *mar* is beò an Tighearn, ruithidh mise 'u a dh'èigh, agus gabhaidh mi nì éigin uaith.

21 Agus lean Gehasi Naaman: agus an uair a chunnaic Naaman e a' ruith 'n a dh'èigh, leum e nuas as a charbad 'n a choinnimh, agus thubhairt e, Am *bheil* gach nì gu maith?

22 Agus thubhairt esan, *Tha gach nì* gu maith: chuir mo mhaighstir uaith mi, ag ràdh, Feuch, a nis thàinig a m' ionnsuidh dà òganach o shliabh Ephraim de mhac-aibh nam fàidhean: thoir dhoibh, guidheam ort, tàlann airgid, agus dà chulaidh eudaich.

23 Agus thubhairt Naaman, *Ma's* toil leat, gabh dà thàlanu. Agus choimh-éiginich se e, agus cheangail e dà thàlann airgid ann an dà mhàla, agus dà chulaidh eudaich, agus chuir e iad air dithis d'a òglachaibh; agus ghiùlain iadsan roimhe *iad*.

24 Agus an uair a thàinig e do'n dùn, ghabh e as an làimh *iad*, agus thaisg e anns an tigh *iad*: agus leig e na daoine air falbh, agus dh'fhalbh iad.

25 Agus chaidh esan a steach, agus sheas e 'an làthair a mhaighstir, agus thubhairt Elisa ris, Cia as a thàinig *thusa*, a Ghehasi? Agus thubhairt esan, Cha deachaidh do sheirbhisich taobh air bith.

26 Agus thubhairt esan ris, Nach deachaidh mo chridhe-sa *maille riut*, an uair a phill an duine o 'charbad a'd' choinnimh? an àm so a ghabhail airgid, agus a ghabhail eudaich, agus liosan-olaidh, agus fhion-liosan, agus chaorach, agus buair, agus òglach, agus bhanoglach?

27 Uime sin dlùth -leanaidh luibhre Naamain riutsa, agus ri d' shliochd gu bràth. Agus chaidh e mach a 'fhianus, 'u a lobhar, *geal* mar shneachda.

CAIB. VI.

1 *Thug Elisa air iarunni snàmh.* 8 *Leig e ris comhairle rìgh Shìria, agus thug e gu neo-nì i.* 11 *Chuir rìgh Shìria armaill g'a ghlualh.* 18 *Bhuailleadh iad le doille.* 24 *Theannaich Ben-hadad Samaria.* 25 *Bhuadhach a' ghorta 's a' bhaile.*

AGUS thubhairt mic nam fàidhean ri Elisa, Feuch, a nis, *tha'n* t-àit anns am bheil sinn a chòmhnuidh maille riut ro chumhann air ar son.

2 Leig dhuinn dol, guidheamaid ort, gu Iordan, agus bheir gach fear againn sail as a sin, agus ni sinn dhuinne fèin an sin àite gu còmhnuidh a ghabhail ann. Agus fhreagair esan, Rachaidh.

3 Agus thubhairt aon *diubh*, Ma's i do

thoil a nis, falbh fèin maille ri d' sheirbhisich. Agus fhreagair esan, Thèid mi.

4 Agus chaidh e maille riu: agus an uair a thàinig iad gu Iordan, ghearr iad sìos fiodh.

5 Ach an uair a bha aon *diubh* a' leagadh craoibhe, thuit iarunn *na tuaighe* anns an uisge: agus dh'èigh e agus thubhairt e, Mo thruaigh, a mhaighstir! agus *gur* ann 'an coingheall a *bha* e.

6 Agus thubhairt an duine le Dia, C'ait an do thuit e? Agus dh'fheuch esan da an t-àit. Agus ghearr e sìos maide, agus thilg e 'n sin e, agus thug e air an iarunn snàmh.

7 Agus thubhairt e, Tog leat e. Agus shìn esan a mach a làmh, agus ghabh se e.

8 Agus bha rìgh Shìria a' cogadh ri h-Israel: agus chuir e a chomhairle r'a sheirbhisich, ag ràdh, Ann an leithid so dh'àite *bithidh* mo champ.

9 Agus chuir an duine le Dia *fios* a dh'ionnsuidh rìgh Israeil, ag ràdh, Feuch nach téid thu thairis a dh'ionnsuidh a leithid so dh'àite; oir an sin tha na Sirianaich air teachd a nuas.

10 Agus chuir rìgh Israeil *daoine* a dh'ionnsuidh an àite mu'n d'innis an duine le Dia dha, agus mu'n d'thug e rabhadh dha, agus dh'ion se e fèin an sin, cha b'ann aon uair no dà uair.

11 Agus bha cridhe rìgh Shìria fo bhuair-eas mòr air sou an uì so; agus ghairm e air a sheirbhisich, agus thubhairt e riu, Nach innis sibh dhomh cò 'u ar measg-ne *'tha* le rìgh Israeil?

12 Agus thubhairt aon d'a sheirbhisich, Cha-*neil* neach air *bith*, a thighearn', a rìgh: ach Elisa am fàidh, a *tha* ann an Israel, innsidh *esan* do rìgh Israeil na briathran a labhras tu ann do sheòmar-leabach.

13 Agus thubhairt esan, Rachaidh agus seallaidh c'ait *am bheil* e, a chum gu'n cuir mi *daoine* uam, agus gu'n glac mi e. Agus dh'innseadh dha, ag ràdh, Feuch, *tha* e ann an Dotan.

14 Uime sin chuir e eich an sin, agus carbaid, agus sluagh mòr: agus thàinig iad 's an oidheche, agus chuairtich iad am baile.

15 Agus dh'èirich seirbhisich an duine le Dia gu moch 's a' mhaduim, agus chaidh e mach, agus, feuch, *bha* armait a' cuairt-eachadh a' bhaile, maille ri eeachaibh agus ri carbadaibh; agus thubhairt òglach ris, Mo thruaigh, a mhaighstir! cionnus a ni sinn?

16 Agus fhreagair esan, Na bitheadh eagal ort; oir is lionnhoire *iad* a *tha* leimne na *iadsan* a *tha* leo-san.

17 Agus rinn Elisa urnuigh, agus thubhairt e, A Thighearna, fosgail, guidheam ort a shùilean, a chum gu'm faic e. Agus dh'fhosgail an Tighearn sùilean an ògan-

aich, agus chunnaic e; agus, feuch, *bha'n* sliabh làn each agus charbad teine mu'n cuairt air Elisa.

18 Agus an uair a thàinig iad a nuas d'a ionnsuidh, rinn Elisa urnuigh ris an Tighearn, agus thubhairt e, Buail, guidheam ort, an sluagh so le doille. Agus bhuail e iad le doille, a réir focail Elisa.

19 Agus thubhairt Elisa riu, Cha-n i so an t-slighe, agus cha-n e so am baile; leanaibh maise, agus bheir mi sibh a dh'ionnsuidh an duine a tha sibh ag iarraidh. Ach thug e iad gu Samaria.

20 Agus an uair a thàinig iad a steach do Shamaria, thubhairt Elisa, A Thighearna, fosgail stùilean nan daoine so, chum gu'm faic iad. Agus dh'fhosgail an Tighearn an stùilean, agus chunnaic iad, agus, feuch, *bha iad* 'am meadhon Shamaria.

21 Agus thubhairt rìgh Israeil ri Elisa, an uair a chunnaic e iad, Am buail, am buail mi iad, athair!

22 Agus fhreagair esan, Cha bhuail thu iad; am buailcadh tu iadsan a ghlac thu 'n am braighdibh le d' chlaidheamh, agus le d' bhogha? cuir aran agus uisge fa'n comhair, a chum gu'n ith agus gu'n òl iad, agus gu'n téid iad a dh'ionnsuidh an tighearna féin.

23 Agus rinn e deasachadh mòr air an son; agus an uair a dh'ith agus a dh'òl iad, leig e air falbh iad, agus chaidh iad a dh'ionnsuidh an tighearn'. Agus cha d' thàinig buidhnean Shiria ni's mò do thìr Israeil.

24 Agus na dhéigh so chruinnich Benhadad rìgh Shiria 'armailt uile, agus chaidh e suas agus theannaich e Samaria.

25 Agus bha gorta mhòr ann an Samaria; agus, feuch, theannaich iad e, gus an robh ceann asail air a rèic air cheithir fichead *bonn* airgid, agus an ceathramh cuid de chab a dh'aolach choluman air chùig *bonn-aibh* airgid.

26 Agus an uair a bha rìgh Israeil a' gabhail seachad air a' bhalla, ghlaodh beaù ris, ag ràdh, Dean cabhair orm, mo thighearn' a rìgh.

27 Agus thubhairt esan, Mur dean an Tighearn cabhair ort, cionnus a ni mise cabhair ort? an ann a' urlar an t-sabhail, no as an fhìon-amar?

28 Agus thubhairt an rìgh rithe, Ciod a tha 'teachd riut? Agus fhreagair ise, Thubhairt a' bhean so rium, Thoir seachad do mhac-sa, chum gu'n ith sinn an diugh e, agus mo mhac-sa ithidh sinn am màireach.

29 Agus bhrnich sinn mo mhac-sa, agus dh'ith sinn e: agus thubhairt mise rithe-sa air an ath là, Thoir seachad do mhac-sa, chum gu'n ith sinn e: ach dh'fholaich ise a mac.

30 Agus an uair a ehual' an rìgh briathran na mà, reub e 'eudach, agus ghabh e seachad air a' bhalla, agus dh'amhairc an

sluagh, agus, feuch, *bha* saic-eudach air 'fheoil air an taobh a stigh.

31 An sin thubhairt e, Gu'n deanadh Dia mar sin riumsa, agus tuilleadh mar an ceudna, ma sheasa seann Elisa mhie Shaphait air an diugh.

32 Ach *bha* Elisa 'n a shuidhe 'n a thigh, agus na seanairean 'n an suidhe maille ris: agus chuir an rìgh duine uaith as a làthaireachd féin: ach mu'n d' thàinig an teachdair d'a ionnsuidh, thubhairt e ris na seana-iribh, Am faic sibhse mar a chuir mac so a' mhortair duine a thoirt mo chinn diomsa? thugaibh an aire 'n uair a thig an teachdair, druidibh an dorus, agus cumaibh gu daingean e aig an dorus: nach 'eil fuaim chos a thighearna 'n a dhéigh?

33 An uair a bha e fastach a' labhairt riu, feuch, thàinig an teachdair a nuas d'a ionnsuidh: agus thubhairt e, Feuch, tha'n t-òle so o'n Tighearn; c'ar son a dh'fheithinnse air an Tighearn ni's faide?

CAIB. VII.

1 Roimh-innis Elisa gu'm bitheadh mòr phailteas ann an Samaria. 3 Thug ceathrar dhaoine a chaidh a mach do'n champ fìos seachad gu'n do theich na Sirianach. 12 Chreach rìgh Israeil agus an sluagh camp nan Sirianach.

AN SIN thubhairt Elisa, Eisdibh ri a focal an Tighearna: Mar so tha'n Tighearn ag ràdh, Mu'n tràth so am màireach reicear tommas de mhin mhin air secel, agus dà thomhas còrna air secel, ann an geata Shamaria.

2 Agus fhreagair ceannard, a leig an rìgh a thaic air a làimh, an duine le Dia, agus thubhairt e, Feuch, ged dheanadh an Tighearn tuil-dhorsan anns na nèamhan am feudadh an ni so 'bhi? agus thubhairt esan, Feuch, chi thu seachad le d' shùilibh e, ach cha-n ith thu dheth.

3 Agus bha ceathrar dhaoine air an robh an hùbhr e aig dol a steach a' gheata; agus thubhairt iad gach fear r'a chèile, C'ar son a dh'fhanas sinn an so gus am bàsaich sinn?

4 Ma their sinn, Rachamaid a steach do'n baile, tha a' ghorta anns a' bhaile, agus bàsaichidh sinn an sin; agus ma dh'fhanas sinn an so, bàsaichidh sinn mar an ceudna. A nis ma ta thigibh, agus teicheadaidh gu camp nan Sirianach: ma chaomhnas iad beò sinn, bithidh sinn beò; ach ma mharbhas iad sinn, cha-n fhaigh sinn ach am bàs.

5 Agus dh'éirich iad anns an dùthra gu dol a dh'ionnsuidh caimp nan Sirianach: agus an uair a thàinig iad gus a' chuid a b'fhaide mach de champ nan Sirianach, feuch, cha robh duine air bith an sin:

6 Oir thug an Tighearn air feachd nan Sirianach fuaim eharbad a chluinntinn, agus faaim each, *eadhon* fuaim slòigh mhòir: agus thubhairt iad gach fear r'a chèile, Feuch, thuarasdalaich rìgh Israeil 'n ar

n-aghaidh rìghrean nan Hiteach, agus rìghrean nan Bìphiteach, gu teachd oirnn.

7 Uime sin dh'éirich iad, agus theich iad anns an dùthra, agus dh'fhàg iad am bùthan, agus an eiech, agus an asail, *eadhon* an camp mar *a bha* e, agus theich iad air son an anama.

8 Agus an uair a thàinig na lobhair sin gu a chuid a b'fhaide mach de'n champ, ehaidh iad a steach do aon bhùth, agus dh'ith iad, agus dh'òl iad, agus thug iad leo as a sin airgid, agus òr, agus eudach, agus chaidh iad agus dh'fholaich siad *iad*; agus thàinig iad air an ais, agus ehaidh iad a steach do bhùth cile, agus thug iad leo as a sin mar an *ceudna*, agus chaidh iad agus dh'fholaich siad *iad*.

9 Agus thubhairt iad gaeh fear r'a chéile, *Cha-n'èil* sinn a' deanamh gu ceart: *is là* deadh sgeòil an là so, agus *tha* sinne 'n ar tosd: ma dh'fhanas sinn gu solus na maidne, thig olc éigin oirnn: a nis ma ta thigibh, agus rachamaid agus innseamaid do theaghlach an rìgh.

10 Agus thàinig iad agus ghlaodh iad ri dorsairibh a' bhaile, agus dh'innis iad dhoibh, ag ràdh, Chaidh sinne gu camp nan Sirianaeh, agus, feuch, eha *robh* duine air bith an sin, no guth duine, aeh cich ceangailte, agus asail ceangailte, agus na bùthan mar *a bha* iad.

11 Agus ghlaodh na dorsairean, agus dh'innis iadsan do theaghlach an rìgh a stigh.

12 Agus dh'éirich an rìgh anns an oidheche, agus thubhairt e r'a sheirbhisich, Innsidh mi dhuibh a nis ciod a rinn na Sirianaeh, oirnn: tha fios aca gu *bheil* sinne ocrach, agus ehaidh iad a mach as a' champ gu'm folach féin anns a' mhachair, ag ràdh, An uair a thig iad a mach as a' bhaile, glacadh sinn beò iad, agus théid sinn a steach do'n bhaile.

13 Agus fhreagair aon d'a sheirbhisich, agus thubhairt e, Gabhar a nis cùig de na h-eich a tha air am fàgail, a dh'fhan anns *a' bhaile*, (feuch, *tha* iad mar uile shluagh Israeil d'an do ehuireadh as,) agus cuireamaid *teachdairean* uaim agus faiceamaid.

14 Ghabhadh uime sin dà each earbaid; agus chuir an rìgh *teachdairean* an dèigh feachd nan Sirianaeh, ag ràdh, Rachaidh, agus faicibh.

15 Agus chaidh iad 'n an dèigh gu ruig Iordan, agus, feuch, bha'n t-slighe uile làn de eudach, agus de shoithiehean, a thilg na Sirianaeh uatha 'n an cabhaig; agus phill na teachdairean, agus dh'innis iad do'n rìgh.

16 Agus chaidh an sluagh a mach, agus ehreach iad camp nan Sirianaeh: agus reiceadh tomhas de mhìn mhìn air secel, agus dà thomhas eorna air secel, a réir focail an Tighearna.

17 Agus ehuir an rìgh eùram a' gheata air a' cheannard, a leig e a thaic air a làmh: agus shaltair an sluagh air anns a' gheata, agus dh'eug e, mar a thubhairt an daine le Dia, a labhair an uair a thàinig an rìgh a nuas d'a ionnsuidh.

18 Agus thachair e, mar a labhair an duine le Dia ris an rìgh, ag ràdh, Bithidh dà thomhas eorna air secel, agus tomhas de mhìn mhìn air secel, mu'n tràth so am màireach, ann an geata Shamaria:

19 Agus fhreagair an ceannard sin an duine le Dia, agus thubhairt e, Feuch a nis, *ged* dheanadh an Tighearn tuil-dhòrsan anns na nàmhàn, am feudadh a' leithid so de ni a bhi? agus thubhairt esan, Feuch, chi thu le d' shùilibh e, aeh eha-n ith thu dheth.

20 Eadhon mar sin thachair e dha: oir shaltair an sluagh air anns a' gheata, agus dh'cug e.

CAIB. VIII.

3 *Phill a' Bhan-sunamach á tìr nam Philisteach.* 10 *Thug Elisa fios do Haseal gu'm faighceadh Ben-hadad bàs, agus gu'm bitheadh e féin 'n a rìgh air Siria.* 20 *Rinn Edom agus Libnah ceannairc an aghaidh Iudah.* 23 *Rìghich Ahasiah 'an àit Ichoraim.*

AN SIN labhair Elisa ris a' mnaoi, d'an d'ath-bheothaich e a mac, ag ràdh, Eirich, agus imich thusa agus do theaghlach, agus falbh air chuairt ge b'e àit am feud thu' bhi air ehuairt: oir ghairm an Tighearn air gorta, agus mar an ceudna thig i air an tìr ré sheachd bliadhna.

2 Agus dh'éirich a' bhean, agus rinn i a réir focail an duine le Dia: agus dh'fhalbh i féin agus a teaghlach, agus bha i air ehuairt ann an tìr nam Philisteach ré sheachd bliadhna.

3 Agus aig ceann nan seachd bliadhna, phill a' bhean á tìr nam Philisteach: agus chaidh i mach a ghairm air an rìgh air son a tighe, agus air son a fearainn.

4 Agus labhair an rìgh ri Gehasi, òglach an duine le Dia, ag ràdh, Innis dhomh, guidheam ort, na nithean mòra uile a rinn Elisa.

5 Agus an uair a bha e ag innseadh do'n rìgh mar a dh'ath-bheothaich e *neach* a bha marbh, feuch, ghlaodh a' bhean, d'an d'ath-bheothaich e a mae, ris an rìgh air son a tighe, agus air son a fearainn. Agus thubhairt Gehasi, Mo thighearn', a rìgh, so a' bhean, agus so a mac, a dh'ath-bheothaich Elisa.

6 Agus an nair a dh'fheadraich an rìgh de'n mnaoi, dh'innis i dha. Agus dh'orduich an rìgh dhi maor àraidh, ag ràdh, Thoir air ais gach *ni* 'bu leatha, agus uile thoradh an fhearainn, o'n là a dh'fhàg i an tìr, eadhon gus a nis.

7 Agus thàinig Elisa gu Damaseus; agus *bha* Ben-hadad rìgh Shiria tim; agus

dh'innseadh dha, ag ràdh, Thàinig an duine le Dia an so.

8 Agus thubhairt an rìgh ri Hasael, Gabh ann ad làimh tiodhlac, agus fallbh an coinnimh an duine le Dia, agus fiosraich de'n Tighearn leis, ag ràdh, An tig mi beò o'n tinnneas so?

9 Agus dh'fhalbh Hasael 'n a choinnimbh, agus ghabh e tiodhlac 'n a làimh, eadhon de gach ni maith a bha'n Damascus, luchd dha fhichead chàmhail: agus thàinig e, agus sheas e 'n a làthair, agus thubhairt e, Chuir do mhac Ben-hadad, rìgh Shiria, mise a' d'ionnsuidh, ag ràdh, An tig mi beò o'n tinnneas so?

10 Agus thubhairt Elisa ris, Falbh, abair ris, Feudaidd tu gun teagamh teachd uath: gidheadh, nochd an Tighearn dhomhsa gu'n faigh e gu cinnteach bàs.

11 Agus shocraich e a ghnùis gu seas-mhach, gus an robh nàire air: agus ghuil an duine le Dia.

12 Agus thubhairt Hasael, C'ar son a tha mo thighearn a' gul? Agus fhreagair esan, A chionn gu bheil fios again air an ole a ni thusa do chloinn Israeil: an daingneachan làidir euiridh tu ri theine, agus an daoine òga marbhaidh tu leis a' chlaidheamh, agus an elam bhacg bruthaidh tu, agus am mnathan torrach reubaidh tu suas.

13 Agus thubhairt Hasael, Ach eiod, an cù do sheirbhiseach, gu'n deanadh e an ni mòr so? Agus fhreagair Elisa, Nochd an Tighearn dhomhsa *gu'n bi* thu a'd' rìgh air Siria.

14 Agus dh'fhalbh e o Elisa, agus thàinig e dh'ionnsuidh a thighearn', a thubhairt ris, Ciod a thubhairt Elisa riut? Agus fhreagair esan, Dh'innis e dhomh *gu'n* tig thu gu cinnteach *o'n tinnneas* so.

15 Agus air an là màireach ghabh e eudach tigh, agus thum e ann an uisge e, agus sgaoil e air 'aghaidh e, air chor as gu'n d'fhuair e bàs: agus rìghich Hasael 'n a àit.

16 Agus annas a' chùigeamh bliadhna de Ioram mae Ahaib, rìgh Israeil, thòisich Iehoram, mae Iehosaphait rìgh Iudah, air rìoghachadh.

17 Dà bhliadhna dheug thar fhichead a dh'aois bha e 'n uair a thòisich e air rìoghachadh, agus rìghich e ochd bliadhna ann an Ierusalem.

18 Agus ghluais e ann an slighe rìghrean Israeil mar a rinn tigh Ahaib; oir bha nighean Ahaib 'n a mnaoi aige: agus rinn e ole ann an sùilbhan an Tighearna.

19 Gidheadh cha b'ail leis an Tighearn Iudah a sgrios, air sgàth Dhaibhidh 'òg-laich, mar a gheall e dha solus a thabhairt da féin agus d'a mhaeaidh an còmhuidh.

20 'N a làithibh-san dh'éirich Edom o bhi fo làimh Iudah, agus rinn iad rìgh os an ceann féin.

21 Agus chaidh Ioram thairis gu Sair,

agus na carbadan uile maille ris; agus dh'éirich e 's an oidheche, agus bhuail e na h-Edomaich a bha mu'n cuairt air, agus ecannardan nan earbad: agus theich an stuagh d'am bùthaibh.

22 Gidheadh dh'éirich Edom o bhi fo làimh Iudah gus an là'n diugh: agus dh'éirich Libnah 's an àm cheudna.

23 Agus a' ehuid eile de ghnìomharaibh Ioram, agus gael ni a rinn e, nach 'eil iad sgrìobhta ann an leabhar eachdraidh rìghrean Iudah?

24 Agus choìdil Ioram maille r'a aithrichibh, agus dh'adhlacadh e maille r'a aithrichibh ann am baile Dhaibhidh: agus rìghich Ahasiah a mhac 'n a àit.

25 Auns an dara bliadhna deug de Ioram mae Ahaib, rìgh Israeil, thòisich Ahasiah mae Iehoram, rìgh Iudah, air rìoghachadh.

26 Dà bhliadhna thar fhichead a dh'aois bha Ahasiah an uair a thòisich e air rìoghachadh, agus rìghich e aon bhliadhna ann an Ierusalem: agus b'e ainm a mhàthar Ataliah, nighean Omri rìgh Israeil.

27 Agus ghluais e ann an slighe tigh Ahaib, agus rinn e ole ann an sùilbhan an Tighearna, mar a rinn tigh Ahaib: oir bu chliamhuin do thigh Ahaib e.

28 Agus chaidh e maille ri Ioram mae Ahaib, gu cogadh an aghaidh Hasael rìgh Shiria ann an Ramot-gilead; agus lot na Sirianaich Ioram.

29 Agus chaidh rìgh Ioram air ais gu bhi air a leigheas ann an Iesreel o na lotaibh a thug na Sirianaich dha ann an Ramot, an uair a chog e an aghaidh Hasael rìgh Shiria: agus chaidh Ahasiah mae Iehoram, rìgh Iudah, sìos a dh'fhaicinn Ioram mhic Ahaib ann an Iesreel, a chionn gu'n robh e tinn.

CAIB. IX.

1 Chuir Elisa fàidh gu Ramot-gilead a dh'ungadh Iehu. 11 Rinneadh Iehu 'n a rìgh le ceannardaibh an t-slàigh. 24 Mharbh e Iehoram agus Ahasiah. 30 Thig' caillteanach Iesebel a nuas o winneig, agus dh'ìh na madraidh a feoil a réir focail an fhàidh Eliah.

A GUS ghairm Elisa am fàidh air aon de na mhaeaidh nam fàidhean, agus thubhairt e ris, Crìoslaich do leasraidh, agus gabh an corn olaidh so ann do làimh, agus innich gu Ramot-gilead.

2 Agus an uair a thig thu 'n sin, seallaidh tu an sin air son Iehu mhic Iehosaphait, mhic Nimsi; agus théid thu a stigh, agus bheir thu air éingh suas o mheasg a bhràithrean, agus bheir thu e do sheòmar-cùil:

3 Agus gabhaidh tu an corn olaidh, agus taomaidh tu air a ehcann e, agus their thu, Mar so tha'n Tighearn ag ràdh, Dh'ung mi thu a'd' rìgh air Israeil: an sin fosgailidh tu an dorus, agus teichidh tu, agus cha'n fhan thu.

4 Agus dh'ìmiel an t-òganach am fàidh, gu Ramot-gilead.

5 Agus an uair a thàinig e, feuch, *bha* ceannardan an t-slàigh 'n an suidhe; agus thubhairt e, Tha mi agam ri ràdh riut, a cheannaird. Agus thubhairt Iehu, Co ris dhinn uile? Agus thubhairt esan, Riut-sa, a cheannaird.

6 Agus dh'èirich e, agus chaidh e steach do'n tigh, agus thaom e an oladh air a cheann, agus thubhairt e ris, Mar so tha'n Tighearn Dia Israeil ag ràdh, Dh'ung mi thusa a'd' rìgh air sluagh an Tighearn', *eadhon* air Israel.

7 Agus buailidh tu tigh Ahaib do thighearn', agus diolaidh mise fuil mo sheirbhis-each nam fàidhean, agus fuil uile sheirbhis-each an Tighearn', air làimh Iesebeil.

8 Agus sgrìosar tigh Ahaib uile, agus gearraidh mi as o Ahab esan a ni usge ri balla, agus esan a dhruidear suas agus a dh'fhàgar ann an Israel.

9 Agus ni mi tigh Ahaib mar thigh Iero-boam m'bie Nebat, agus mar thigh Bhaasa m'bie Ahiah.

10 Agus ithidh na madraidh Iesebel ann an cuibhrionn Iesreel, agus cha *bhi neach* air *bith ann* a dh'adhlacais e. Agus dh'fhosgail e 'n dorus, agus theich e.

11 An sin thàinig Iehu a mach a dh'ionnsuidh sheirbhis-each a Thighearn', agus thubhairt iad ris, Am *bheil* gach ni gu maith? c'ar son a thàinig am *fear* cuthaich so a'd' ionnsuidh? Agus thubhairt esan riu, Is aithne dhuibh an duine, agus a chainnt.

12 Agus thubhairt iadsan, *Is breug e*; innis dhuinn a nis. Agus thubhairt esan, Mar so agus mar so labhair e rium, ag ràdh, Mar so tha'n Tighearn ag ràdh, Dh'ung mi thu a'd' rìgh air Israel.

13 An sin rinn iad cabhag, agus ghabh iad gach fear dhiubh 'fhalluinn, agus chuir iad foidhe *i* air mullach na staidhreach, agus shéid iad le trompaid, agus thubhairt iad, Is e Iehu an rìgh.

14 Uime sin rinn Iehu mac Ichosaphait, m'bie Nimsi, ceannairc an aghaidh Ioraim: (a nis bha Ioram a' gleidheadh Ramot-gilead, e féin agus Israel uile, an aghaidh Hasaeil rìgh Shuria:

15 Ach phill rìgh Ioram gu bhi air a leigh-eas ann an Iesreel o na lotaibh a thug na Sirianaich dha, 'n uair a chog e ri Hasael rìgh Shuria.) Agus thubhairt Iehu, Ma's e blur toil e, na rachadh neach air bith a mach, agus na teicheadh e as a' bhaile, gu dol g'a innseadh ann an Iesreel.

16 Agus mharaich Iehu ann an carbad, agus chaidh e gu Iesreel; oir *bha* Ioram 'n a luidhe an sin: agus thàinig Ahasiah rìgh Iudah a nuas a dh'fhàicinn Ioraim.

17 Agus sheas fear-faire an tùr ann an Iesreel, agus chunnaic e buidheann Iehu 'n uair a bha e a' teachd, agus thubhairt e,

Tha mi 'faicinn buidhne. Agus thubhairt, Ioram, Gabh marcach, agus cuir 'n an coinnimh e, agus abradh e, An sith a *th'ann?*

18 Agus chaidh fear a' marcachd air each 'n a choinnimh, agus thubhairt e, Mar so tha'n rìgh ag ràdh, An sith a *th'ann?* Agus thubhairt Iehu, Cìod do ghnothuch-sa ri sith? tionndaidh air mo chùlaobh. Agus dh'innis am fear-faire, ag ràdh, Thàinig an teachdair d'an ionnsuidh, ach cha-n'eil e teachd air ais.

19 Agus chuir e uaith fear eile a' marcachd air each, agus thàinig e d'an ionnsuidh, agus thubhairt e, Mar so tha'n rìgh ag ràdh, An sith a *th'ann?* Agus fhreagair Iehu, Cìod do ghnothuch-sa ri sith? tionndaidh air mo chùlaobh.

20 Agus dh'innis am fear-faire, ag ràdh, Thàinig e eadhon d'an ionnsuidh, agus cha-n'eil e teachd air ais: agus *tha'n* siubhal cosmhuil ri siubhal Iehu m'bie Nimsi; oir tha e a' siubhal gu dian.

21 Agus thubhairt Ioram, Ullhuich. Agus dh'ullhuich e a charbad. Agus chaidh Ioram rìgh Israeil, agus Ahasiah rìgh Iudah, a mach, gach fear dhiubh 'n a charbad, agus chaidh iad a mach 'an coinnimh Iehu, agus thachair iad air ann an cuibhrionn Naboit an Iesreelich.

22 Agus an uair a chunnaic Ioram Iehu, thubhairt e, An sith a *th'ann*, a Iehu? Agus thubhairt esan, Cìod an t-sith, fhad 's a *bhios* strìopachas Iesebel do mhàthar, agus a druidheachdan co lionmhor?

23 An sin thionndaidh Ioram a làmh an rìgh, agus theich e, agus thubhairt e ri Ahasiah, *Tha* feall ann, Oh Ahasiah.

24 Agus tharruing Iehu bogha le 'uile neart, agus bhual e Ioram eadar a ghairdeanan, agus chaidh an t-saighead a mach troimh a chridhe, agus chruim e sìos 'n a charbad.

25 An sin thubhairt Iehu ri Bidcar a cheannard, Tog *agus* tilg e ann an cuibhrionn fearainn Naboit an Iesreelich: oir is cuimhne leam, an uair a bha mise agus thusa a' marcachd cuideachd an déigh Ahaib 'athar, gu'n do chuir an Tighearn an eallach so air.

26 Gu cinnteach chunnaic mi an dé fuil Naboit, agus fuil a mhàc, ars' an Tighearn, agus diolaidh mi ort anns a' cuibhrionn so, ars' an Tighearn. A nis ma ta tog *agus* tilg e anns a' cuibhrionn *fhearainn*, a réir focail an Tighearna.

27 Agus an uair a chunnaic Ahasiah rìgh Iudah so, theich e Rathad tìghe an liosa: agus lean Iehu 'n a dhéigh, agus thubhairt e, Buailibh esan mar an ceudna 'n a charbad. *Agus bhual iad* e aig uchdaich Ghuir, a *tha* làimh ri Ibleam: agus theich e gu Megido, agus fhuair e bàs an sin.

28 Agus thug a sheirbhisich leò e ann an

carbad gu h-Ierusalem, agus dl'adhlaidh iad e 'n a àit-adhlacaidh, maille r'a aithrichibh ann am baile Dhaibhidh.

29 Agus anns an aon bhliadhna deug de Ioram mac Ahaib, thòisich Ahasiah air rìoghachadh os ceann Iudah.

30 Agus an uair a thàinig Iehu gu Iesreel, chuala Iesebel e; agus chuir i dath mu a sìthibh, agus sgèadaich i a ceann, agus dh'amaire i mach air uinneig.

31 Agus an uair a bha Iehu a' teachd a stigh air a' gheata, thubhairt i, An robh sìth aig Simri; a mharbh a thighearn?

32 Agus thog esan a'ghaidh suas a dh'ionnsuidh na h-uinneige, agus thubhairt e, Cò a tha leamsa, cò? agus dh'amaire dithis no triuir de chaillteanaich a mach air.

33 Agus thubhairt e, Tilgibh a nuas i. Agus thilg iadsan sìos i; agus chrathadh cuid d'a fuil air a' bhalla, agus air na h-eachaibh, agus shaltair iad fo 'n cos-aibh i.

34 Agus chaidh e stigh, agus dl'ith agus dh'òl e, agus thubhairt e, Rachaibh a nis a dh'fhaicinn na mnà mallaichte sin, agus adhlacibh i; oir is nighean rìgh i.

35 Agus chaidh iad g'a h-adhlacadh, ach cha d'fhuair iad dìth ach an cloigeann, agus na cosan, agus basan a lamh.

36 Agus phill iad, agus dh'innis iad da: agus thubhairt esan, *Is e* so focal an Tighearn', a labhair e le làimh 'òglaich Eliah an Tisbithich, ag ràdh, Ann an cuibhrionn Iesreel, itluidh na madraidh feoil Iesebeil: 37 Agus bithidh cìosach Iesebeil mar aolach air a'ghaidh an fhearainn ann an cuibhrionn Iesreel, *air chor* as nach abair iad, *Is i* so Iesebel.

CAIB. X.

1 Chuir Iehu mic Ahaib gu bàs. 12 Air a shlighe gu Samaria mharbh e bràithrean Ahasiah. 18 Le a sheòl'achd sgrios e uile luchd-aoraidh Bhaail, agus loisg e an dealbhan. 32 Bhuail Hasael Israel. 34 Fhuair Iehu bàs, agus righeich Iehoahaz 'n a àit.

AGUS bha aig Ahab deich agus trì fichead mac ann an Samaria. Agus sgrìobh Iehu litrichean, agus chuir e do Shamaria iad, a dh'ionnsuidh uachdarana Iesreel, a dh'ionnsuidh nan seanair, agus d'an ionnsuidh-san a thog clann Ahaib, ag ràdh,

2 A nis an uair a thig an litir so d'ur n-ionnsuidh, o tha mic bhur tighearna maille ribh, agus carbaid aguibh, agus eich, agus baile daingnichte, agus airm,

3 Amhaircibh a mach eadhon air a shon-san a's fearr agus a's iomchuidh de mhac-aibh bhur tighearn', agus cuiribh e air rìgh-claithir 'athar, agus cogaibh air son tighe bhur tighearn'.

4 Ach bha eagal ro mhòr orra-san, agus thubhairt iad, Feuch, cha do sheas dà rìgh roimhe agus cionnus a sheasas sinne?

5 Agus chuir esan a bha os ceann an tighe, agus esan a bha os ceann a' bhaile, agus na seanairean, agus iadsan a thog a' chlan, teachdairean gu Iehu, ag ràdh, *Is* sinne do sheirbhisich, agus ni sinn gach nì a dh'arras tu oirnn; cha dean sinn rìgh air bith: an nì a tha taitneach a'd' shùilibh-sa, dean e.

6 Agus sgrìobh e d'an ionnsuidh litir an dara uair, ag ràdh, Ma's leamsa sibh, agus ma dh'èisdeas sibh ri m' ghuth, gabhaibh cinn mhac bhur tighearn', agus thigibh a m' ionnsuidh-sa mu'n tràth so am maireach gu Iesreel: (a nis bha mic an rìgh, deich agus trì fichead fear, maille ri daoinibh mòra a' bhaile a thog iad.)

7 Agus an uair a thàinig an litir d'an ionnsuidh, ghabh iad mic an rìgh, agus mharbh iad deich agus trì fichead fear, agus chuir iad an cinn ann am bascaidibh, agus chuir iad d'a ionnsuidh iad gu Iesreel.

8 Agus thàinig teachdair, agus dh'innis e dha, ag ràdh, Thug iad leo cinn mhac an rìgh. Agus thubhairt esan, Cuiribh iad 'n an dà dhùn aig dol a stigh a' gheata gu maduinn.

9 Agus anns a' mhaduinn chaidh e mach agus sheas e, agus thubhairt e ris an t-sluagh uile, Tha sibhse ionraic: feuch, rinn mise ccannaire an a'ghaidh mo thighearn', agus mharbh mi e; ach cò a bhuail iad so uile?

10 Bitheadh fios agaibh a nis, nach tuit lide de fhocal an Tighearna gu làr, a labhair an Tighearn mu thigh Ahaib; oir rinn an Tighearn an nì sin a labhair e le làimh a sheirbhisich Eliah.

11 Mar sin bhuail Iehu iadsan uile a mhair de thigh Ahaib ann an Iesreel, agus a dhaoine mora uile, agus a luchd-dàimh, agus a shagartan, gus nach d'fhàg e duine beò aige.

12 Agus dh'èirich e, agus dh'imich e, agus chaidh e do Shamaria. Agus an uair a bha e aig tigh-bearraidh nam buachailleann air an t-slighe,

13 Thachair Iehu air bràithribh Ahasiah rìgh Iudah, agus thubhairt e, Cò sibhse? Agus thubhairt iadsan, *Is* sinne bràithrean Ahasiah, agus tha sinn a' dol sìos a chur failte air cloinn an rìgh, agus air cloinn na ban-righinn.

14 Agus thubhairt esan, Glacaidh beò iad. Agus ghlac iad beò iad, agus mharbh siad iad aig slochd an tigh-bhearraidh, dà fhichead agus dithis fhear; agus cha d'fhàg e duine beò dhiubh.

15 Agus an uair a dh'fhalbh e as a sin, thachair e air Iehonadab mac Rehaib a' teachd 'n a choinninn; agus chuir e failte air, agus thubhairt e ris, Am bheil do chridhe-sa dìreach, mar a tha mo chridhe-sa le d' chridhe-sa? Agus thubhairt Iehonadab, Tha. Ma tha, *ars' esan*, thoir dhomh

do làmh. Agus thug e dha a làmh, agus thog e suas e d'a ionnsuidh do'n charbad.

16 Agus thubhairt e, Thig maille riumsa, agus faic m'èud air son an Tighearn'. Agus thug e air marcachd 'n a charbad.

17 Agus thàinig e do Shamaria, agus bhuail e iadsan uile a mhair de Ahab ann an Samaria, gus an do sgrios se e, a réir focail an Tighearn', a labhair e ri Eliah.

18 Agus chruinnich Iehu an sluagh uile, agus thubhairt e riu, Rinn Ahab beagau seirbhis do Bhaal, *ach* ni Iehu mòran seirbhis dha.

19 A nis na ta gairmibh a m' ionnsuidh-sa fàidhean Bhaail uile, a sheirbhisich uile, agus a shagartan uile; na biodh duine dhiubh air chall; oir *tha* iobairt mhòr agam *r'a deanamh* do Bhaal: ge b'e neach a bhios air chall, cha mhair e beò. Ach rinn Iehu so ann an seòltachd, a chum gu'n sgriosadh e luchd-aoraidh Bhaail.

20 Agus thubhairt Iehu, Gairmibh féill namh do Bhaal. Agus ghairm iad i.

21 Agus chuir Iehu *fios* air feadh Israeil uile, agus thàinig uile luchd-aoraidh Bhaail; cha d'fhàgadh duine dhiubh nach d'fhàinig: agus chaidh iad a steach do thigh Bhaail, agus lìonadh tigh Bhaail o cheann gu ceann.

22 Agus thubhairt e ris-san *a bha* os ceann seòmair nan culaidhean. Thoir a mach culaidhean do uile luchd-aoraidh Bhaail. Agus thug e mach dhoibh culaidhean.

23 Agus chaidh Iehu agus Iehonadab mac Rehaiba steach do thigh Bhaail, agus thubhairt e ri luchd-aoraidh Bhaail, Rannsaichibh agus faicibh nach bi an so maille ribh *neach air bith* de sheirbhisich an Tighearn', ach luchd-aoraidh Bhaail a mhàin.

24 Agus an uair a chaidh iad a steach a thoirt suas iobairtean agus thabhartas-loisgte, shuidhich Iehu ceithir fichead fear leis a muigh, agus thubhairt e, *Ma* théid fear air bith as de na daoineibh a thug mise thairis d'ur làmh, théid anam an neach *a leigeas as e* air son 'anama-san.

25 Agus co luath as a chuir e crìoch air an iobairt-loisgte iobradh, thubhairt Iehu ris an fhreiceadan, agus ris na ceannardaibh, Rachaidh a steach, buailibh iad, na tigeadh duine dhiubh mach. Agus bhuail siad iad le faobhar a' chlaidheimh, agus thilg am freiceadan agus na ceannardan a mach *iad*; agus chaidh iad gu baile tìghe Bhaail.

26 Agus thug iad a mach na dealbhan a tigh Bhaail, agus loisg siad iad.

27 Agus bhris iad sìos dealbh Bhaail, agus bhris iad sìos tigh Bhaail, agus rinn iad e 'n a thigh-salchair gus an lè'n diugh.

28 Mar so sgrios Iehu Baal a mach a h-Israel.

29 Gidheadh ri peacaibh Ieroboaim mhie Nebait, a thug air Israel peacachadh, cha do dhealaich Iehu, *eadhon ris* na laigh òir

a *bha* ann an Bet-el, agus a *bha* ann an Dan.

30 Agus thubhairt an Tighearn ri Iehu, A chionn gu'n do rinn thu gu maith *anns an nì sin* a dheanamh a *tha* ceart ann mo shùilibh-sa, agus gu'n d'rinn thu ri tigh Ahaib a réir gach *nì a bha* ann an chridhe-sa, suidhich do mhic de'n cheathramh *ginealach* air rìgh-chaitheir Israeil.

31 Ach cha d'thug Iehu an aire air imeachd ann an lagh an Tighearna Dé Israeil le uile chridhe; oir cha do dhealaich e ri peacaibh Ieroboaim, a thug air Israel peacachadh.

32 Anns na làitheibh sin thòisich an Tighearn air Israel a ghearradh goirid: agus bhuail Hasael iad ann an uile chrìochaibh Israeil;

33 O Iordan a làimh na h-àirde 'n ear, fearann Ghilead uile, na Gadaich, agus na Reubenich, agus na Manasaich, o Aroer, (a *tha* làimh ri sruth Arnoim,) eadhon Gilead agus Basan.

34 Agus a' chuid eile de ghluimharaibh Iehu, agus gach *nì* a rinn e, agus a thréine uile, nach *'eil* iad sgrìobhta ann an leabhar eachdraidh rìghrean Israeil?

35 Agus chòidil Iehu maille r'a aithrichibh; agus dh'adhlac iad e ann an Samaria: agus rìghich Iehoabas a mhac 'n a àit.

36 Agus *bi* 'n ùin' a rìghich Iehu os ceann Israeil ann an Samaria, ochd bliadhna fichead.

CAIB. XI.

1 *Dh'fholaich Iehoseba* *Ioas* ré shè bliadhna ann an tigh an Tighearn'. 4 *Air an t-seachdamh bliadhna dh'ung Iehoiada e'n a rìgh air Iudah.* 13 *Mharbhadh Ataliah.* 18 *Bhriseadh atalaeann agus dealbhan Bhaail.*

AGUS an uair a chunnaic Ataliah màthair air Ahasiah gu'n robh a mac marbh, dh'éirich i, agus sgrios i an sliochd rìghail uile.

2 Ach ghabh Iehoseba nighean rìgh Ioraim, piuthar Ahasiah, *Ioas* mac Ahasiah, agus ghoid i e a measg mhac an rìgh a mharbhadh, agus chuir i e féin agus a bhan-altarm ann an seòmar nan leabaichean: agus dh'fholaich iad e o Ataliah air chor as nach do mharbhadh e.

3 Agus bha e maille rithe 'am folach ann an tigh an Tighearna ré shè bliadhna: agus rìghich Ataliah os ceann na tìre.

4 Agus air an t-seachdamh bliadhna chuir Iehoiada *fios* uaithe, agus ghabh e iadsan a bha os ceann cheudan, agus na ceannardan, agus am freiceadan, agus thug e steach d'a ionnsuidh iad do thigh an Tighearn', agus rinn e coimhcheangal riu, agus ghabh e mionnan diubh ann an tigh an Tighearn', agus dh'fheuch e dhoibh mac an rìgh.

5 Agus dh'àithn e dhoibh, ag ràdh, So an nì a nì sibh: *Bithidh* an treas cuid dhibhsio

a thèid a steach air an t-sàbaid, a' gleidh-eadh faire tighe an rìgh:

6 Agus *bithidh* trian aig geata Shuir, agus trian aig a' gheata air cùlaobh an fhreiceadain: mar so gleidhidh sibh faire an tighe, a chum nach brisear a steach air.

7 Agus *gleidhidh* dà chuid dhlhbse uile a thèid a mach air an t-sàbaid, gleidhidh eadhon iadsan faire tighe an Tighearna mu'n cuairt air an rìgh.

8 Agus cuartichidh sibh an rìgh air gach taobh, gach fear le 'airm 'n a làimh: agus esan a thig an taobh a stigh de na sreathaibh, marbhar e; agus bithibhse maille ris an rìgh 'n uair a thèid e mach, agus an uair a thig e steach.

9 Agus rinn na ceannardan-cheud a réir gach *ni* a dh'àithn Iehoiada an sagart, agus ghabh iad gach fear dhiubh a dhaoine a *bha* 'dol a steach air an t-sàbaid, maille riutha-san a *bha* 'dol a mach air an t-sàbaid, agus thàinig iad a dh'ionnsuidh Iehoiada an t-sagairt.

10 Agus thug an sagart do na ceannardaibh-cheud sleaghan agus sgiathan rìgh Daibhidh, a *bha* ann an tigh an Tighearna.

11 Agus sheas am freiceadan, gach fear le 'airm 'n a làimh, mu'n cuairt air an rìgh, o thaobh deas an tighe gu ruig taobh clì an tighe, làimh ris an altair agus an tigh.

12 Agus thug e mach mac an rìgh, agus chuir e 'n crùn air, agus *thug e dha* an fhianuis; agus rinn iad 'n a rìgh e, agus dh'ung iad e, agus bhuail iad am basan, agus thubhairt iad, Gu ma fada beò an rìgh.

13 Agus an uair a chual' Ataliah fuaim an t-sluaigh a' ruith cuideachd, thàinig i dh'ionnsuidh an t-sluaigh, a steach do thigh an Tighearna.

14 Agus an uair a dh'amhaire i, feuch, eas an rìgh làimh ri post, mar bu ghnàth, gus na h-uachdarain, agus na trompaidirean làimh ris an rìgh; agus rinn sluagh na tìre uile gairdeachas, agus shéid iad le trompaidibh: agus reub Ataliah a h-cudach, agus dh'éigh i, Feall, feall!

15 Ach dh'àithn Iehoiada an sagart do na ceannardaibh-cheud, a chuireadh os ceann an t-slòigh, agus thubhairt e riu, Thugaibh a mach i an taobh a muigh de na sreathaibh; agus ge b'e neach a leanas i, marbhar leis a' chlàidheamh e: oir thubhairt an sagart, Na cuirear gu bàs i ann an tigh an Tighearna.

16 Agus thug iad comas d'i, agus dh'fìnich i air an t-slighe air an tìg na h-eich gu tigh an rìgh, agus mharbhadh an sin i.

17 Agus rinn Iehoiada coimheangal eadar an Tighearn agus an rìgh agus an sluagh, gu'm bitheadh iad 'n an sluagh aig an Tighearn; na ceudna eadar an rìgh agus an sluagh.

18 Agus chaidh sluagh na tìre uile a steach do thigh Bhaail, agus leag iad sìos e; 'altairean agus a dhealbhan bhris iad gu tur; agus mharbh iad Matan sagart Bhaail fa chomhair nan altairean: agus chuir an sagart luchd-riaghlaidh os ceann tighe an Tighearna.

19 Agus ghabh e iadsan a bha os ceann cheudan, agus na ceannardan, agus am freiceadan, agus sluagh na tìre uile; agus thug iad a nuas an rìgh o thigh an Tighearn, agus thàinig iad rathad geata an fhreiceadain gu tigh an rìgh: agus shuidh e air eathir nan rìgh.

20 Agus rinn sluagh na tìre uile gairdeachas, agus bha 'm baile sìmhach: agus mharbh iad Ataliah leis a' chlàidheamh *làimh ri tigh* an rìgh.

21 Seachd bliadhna dh'aois bha Iehoas an uair a thòisich e air rìoghachadh.

CAIB. XII.

1 *Dh'orduich Iehoas do na sagartaibh tigh an Tighearn a chàradh.* 17 *Ghlac Hasael Gat, agus chuir e 'aghaidh ri dol suas gu Ierusalem.* 18 *Air dha tiodhlac fhaghail phill e air ais.* 20 *Chuireadh Iehoas gu bàs, agus rìghich Amasiah 'n a àit.*

A NNS an t-seachdamh bliadhna de Iehu dh'òisich Iehoas air rìoghachadh, agus rìghich e dà fhichead bliadhna ann an Ierusalem: agus *b'e* ainm a mhàthar Sibiah o Bheerseba.

2 Agus rinn Iehoas an *ni* a *bha* ceart ann an sùilbh an Tighearna ré a làithean uile, anns an do theagaisg Iehoiada an sagart e.

3 Ach cha d'fhugadh air falbh na h-àitean àrda: *bha* 'n sluagh fathast ag ìobradh, agus a' losgadh tùis anns na h-àitibh àrda.

4 Agus thubhairt Iehoas ris na sagartaibh, Uile airgid nan nithean coisrigte a bheirear a steach do thigh an Tighearn, airgid gach duine a thèid seachad 's an àireamh, airgid meas gach duine, an t-airgid uile a thig e ann an cridhe duine sam bith a thoirt a steach do thigh an Tighearna,

5 Gabhadh na sagartan d'an ionnsuidh e gach duine o 'fhear-eòlais; agus càircadh iad briseadh an tighe, eadhon gach briseadh a gheibhear ann.

6 Gidheadh, anns an treas bliadhna fichead de rìgh Iehoas, cha do chàirich na sagartan briseadh an tighe.

7 An sin ghairm rìgh Iehoas air Iehoiada an sagart agus air na sagartaibh *eile*, agus thubhairt e riu, C'ar son nach 'eil sibh a' càradh brisidh an tighe? a nis ma ta na gabhaibh airgid *tuilleadh* o luchd bhur n-eòlais, ach thugaibh air son brisidh an tighe e.

8 Agus dh'aontaich na sagartan gun argiod a ghabhail *tuilleadh* o'n t-sluaigh, agus gun bhriseadh an tighe a chàradh.

9 Ach ghabh Iehoiada an sagart ciste, agus rinn e toll 'n a h-uachdar, agus chuir

e iri taobh na h-altarach air an làimh dheis, mar a thig duine a steach do thigh an Tighearna: agus ann an sin chuir na sagartan a bha 'gleidheadh an doruis, an t-airgid uile a thugadh a steach do thigh an Tighearna.

10 Agus an uair a chunnaic iad gu'n robh mòran airgid anns a' chiste, chaidh sgrìobhaich an rìgh suas, agus an t-àrd shagart, agus cheangail iad suas, agus rinn iad an t-airgid àircamh a fhuairadh ann an tigh an Tighearna.

11 Agus thug iad an t-airgid, an uair a dh'àirinnheadh e, ann an làimh nan daoine a rinn an obair, a chuireadh os ceann tighe an Tighearna; agus thug iadsan a mach e do na saoir, agus do'n luchd-togail, a rinn obair air tigh an Tighearna,

12 Agus do chlacharaibh, agus do luchd-snaidhidh chlach, agus a cheannach fiodha agus chlachan snaidhte a chàradh brisidh tighe an Tighearna, agus air son gach ni a chuireadh a mach air an tigh g'a chàradh.

13 Gidheadh, cha d'rinneadh do thigh an Tighearna copain airgid, smàladairean, cuachan, trompaidean, soithichean òir air bith, no soithichean airgid air bith, de'n airgid a thugadh a steach do thigh an Tighearna:

14 Ach thug iad e do'n luchd-oibro, agus chàirich iad leis tigh an Tighearna.

15 Os bàrr, cha d'fhug iad air na daoineibh, 'an làimh an d'fhug iad an t-airgid chum a thoirt do'n luchd-oibre, cunntas a thoirt seachad: oir rinn iadsan gu fìrinneach.

16 Cha d'fhugadh an t-airgid-eusantais agus an t-airgid-peacaidh a steach do thigh an Tighearna: bu leis na sagartibh e.

17 An sin chaidh Hasael rìgh Shìria suas, agus chog e an aghaidh Ghat, agus ghlac se e: agus chuir Hasael aghaidh ri dol suas gu h-Ierusalem.

18 Agus ghabh Iehoas rìgh Iudah na nithean coisrigte uile a choisrig Iehosaphat, agus Iehoram, agus Ahasiah aithrichean, rìghrean Iudah, agus a nithean coisrigte fèin, agus an t-òr uile a fhuairadh ann an ionmhasaibh tighe an Tighearna, agus tighe an rìgh, agus chuir e dh'ionnsuidh Hasael rìgh Shìria e; agus dh'imich e o Ierusalem.

19 Agus a' chuid eile de ghnìomharaibh Iehoais, agus gach *ni* a rinn e, nach *eil* iad sgrìobhta ann an leabhar eachdraidh rìghrean Iudah?

20 Agus dh'éirich a sheirbhisich, agus rinn iad ceannaire, agus bluaill iad Iehoas ann an tigh Mhilo, a tha 's an dol sìos gu Sila:

21 Oir bluaill Iosachar mac Shimeait, agus Iehosabad mac Shomair a sheirbhisich e, agus fhuair e bàs; agus dh'adhlaic iad e maille r'a aithrichibh ann am baile Dhaibhidh: agus rìghich Amasiah a mhac 'n a àit.

1 Rìoghachadh aingidh Iehoahais. 5 Shaoradh Israel o fhoirneirt nan Sirianach. 9 Fhuair Iehoahas bàs, agus rìghich a mhac 'n a àit. 14 Roimh-innis Elisa do Ioaas gu'm buadh-aicheadh e air na Sirianaich. 20 Fhuair Elisa bàs. 22 Bluaill Ioaas na Sirianaich trì uairean.

ANNS an treas bliadhna fichead de Ioaas mac Ahasiah rìgh Iudah, thòisich Iehoahas mac Iehu air rìoghachadh os ceann Israeil ann an Samaria; agus rìghich e seachd bliadhna deug.

2 Agus rinn e olc ann an sùilbha an Tighearna, agus lean e peacaidhean Ieroboaim mhic Nebait, a thug air Israeil peacachadh: cha do dhealaich e riu.

3 Agus las fearg an Tighearna' an aghaidh Israeil, agus thug e thairis iad do làimh Hasaeil rìgh Shìria, agus do làimh Bhenhadaid mhic Hasaeil, ré a làithean uile.

4 Agus ghuidh Iehoahas air an Tighearna, agus dh'éisd an Tighearna ris; oir chunnaic e foirneart Israeil, oir rinn rìgh Shìria foirneart orra.

5 (Agus thug an Tighearna fear-saoraidh do Israeil, agus chaidh iad a mach o bhi fo làimh nan Sirianach: agus ghabh clann Israeil còmhnuidh 'n am bùthaibh, mar a rinn iad roimhe.

6 Gidheadh, cha do dhealaich iad ri peacaidhean tighe Ieroboaim, a thug air Israeil peacachadh, *ach* ghluais iad annta: agus dh'fhan an doire cuideachd ann an Samaria.)

7 Agus cha d'fhàgadh aig Iehoahas de'n t-sluagh ach leth-cheud marcach, agus deich carbaid, agus deich mìle coisiche; oir sgrìos rìgh Shìria iad, agus rinn e iad mar an duslach le bualadh.

8 Agus a' chuid eile de ghnìomharaibh Iehoahais, agus gach *ni* a rinn e, agus a thréine, nach *eil* iad sgrìobhta ann an leabhar eachdraidh rìghrean Israeil?

9 Agus choidil Iehoahas maille r'a aithrichean, agus dh'adhlaic iad e ann an Samaria, agus rìghich Ioaas a mhac 'n a àit.

10 Anns an t-seachdamh bliadhna deug thar fhichead de Iehoas rìgh Iudah, thòisich Ioaas mae Iehoahais air rìoghachadh os ceann Israeil ann an Samaria; agus rìghich e se bliadhna deug.

11 Agus rinn e olc ann an sùilbha an Tighearna: cha do dhealaich e ri uile pheacaidhean Ieroboaim mhic Nebait, a thug air Israeil peacachadh, *ach* ghluais e annta.

12 Agus a' chuid eile de ghnìomharaibh Ioaais, agus gach *ni* a rinn e, agus a thréine leis an do chog e an aghaidh Amasiah rìgh Iudah, nach *eil* iad sgrìobhta ann an leabhar eachdraidh rìghrean Israeil?

13 Agus choidil Ioaas maille r'a aithrichibh, agus shuidh Ieroboaim air a rìgh-

chaithir: agus dh'adhlacaidh Iòas ann an Samaria maille ri rìghrìbh Israeil.

14 A nis bha Elisa tinn d'a thinneas d'an d'fhuair e bàs, agus thàinig Iòas rìgh Israeil a nuas d'a ionnsuidh, agus ghuil e os a cheann, agus thubhairt e, O athair, athair, carbad Israeil agus a mharc-shluagh.

15 Agus thubhairt Elisa ris, Gabh bogha agus saighdean: agus ghabh e d'a ionnsuidh bogha agus saighdean.

16 Agus thubhairt e ri rìgh Israeil, Cuir do làmh air a' bhogha. Agus chuir e a làmh air; agus chuir Elisa a làmh an air làmh an rìgh.

17 Agus thubhairt e, Fosgail an uinneag a làmh na h-àirde 'n ear: agus dh'fhosgail e i. An sin thubhairt Elisa, Tilg: agus thilg esan. Agus thubhairt e, Saighdean-saoraidh an Tighearn', agus saighdean-saoraidh o Shìria: oir bualaidh tu na Sirianaich ann an Aphec, gus an cuir thu as doibh.

18 Agus thubhairt e, Gabh na saighdean: agus ghabh esan iad. Agus thubhairt e ri rìgh Israeil, Buail air an talamh: agus bhuail e trì uairean, agus stad e.

19 Agus bha fearg air an duine le Dia ris, agus thubhairt a, Bu chòir dhuit bualadh cuig no sè uairean, an sin bhuailcadh tu Shìria gus an cuireadh tu as dìth: ach a nis buailidh tu Shìria a *mhàin* trì uairean.

20 Agus fhuair Elisa bàs, agus dh'adhlacaidh e: agus thàinig buidheann nam Moabach a stigh do'n tìr aig teachd a steach na bliadhna.

21 Agus an uair a bha iad ag adhlacadh duine, feuch, chunnaic iad buidheann *dhaoinè*, agus thilg iad sìos an duine do àit-adhlacaidh Elisa; agus an uair a leigeadh an duine sìos, agus a bhean e ri cnàmhan Elisa, dh'ath-bheothaicheadh e, agus dh'éirich e air a chosaibh.

22 A nis rinn Hasael rìgh Shìria foirneart air Israel ré nìle làithean Iehoahais.

23 Ach bha'n Tighearn bàigheil riu, agus ghabh e truas riu, agus dh'amhairc e orra air sgàth a choimheangail ri Abraham, Isaac, agus Iacob, agus cha b'ail leis an sgrios, cha mhò a thilg e as a làthair iad gus a nis.

24 Agus fhuair Hasael rìgh Shìria bàs, agus rìghich Ben-hadad a mhaic 'n a àit.

25 Agus thug Iòas mac Iehoahais air an ais a làmh Bhèh-hadad mhic Hasael, na bailtean a thug esan a làmh Iehoahais 'athar anns a' chogadh: trì uairean bhuail Iòas e, agus thug e air an ais bailtean Israeil.

CAIB. XIV.

1 Chuir Amasiah gu bàs na daoine a mharbhadh. 7 Bhuail e na h-Edomaich ann an gleann an t-salainn. 11 Chog Iehoas rìgh Israeil 'n a aghaidh, agus chreach e Ierusalem. 17 Chuireadh Amasiah gu bàs, agus rìghich Asariah 'n a àit.

A NNS an dara bliadhna de Iehoas mac Iehoahais rìgh Israeil, rìghich Amasiah mac Iòais rìgh Iudah.

2 Cùig bliadhna fichead a dh'aois bha e an uair a thòisich e air rìoghachadh, agus rìghich e naoi bliadhna fichead ann an Ierusalem: agus *b'e* ainm a mhàthar Iehoadan o Ierusalem.

3 Agus rinn e an *ni a bha* ceart ann an sùilbha an Tighearna; ach cha b'ann cosmhuil ri Daibhidh 'athair: a rèir gach *ni* a rinu Iòas 'athair, rinn esan.

4 Ach cha d'tlughadh air falbh na h-àitean àrda: fathast *bha'n* sluagh ag iobradh, agus a' losgadh tùis air na h-àitibh àrda.

5 A nis an uair a dhaingnicheadh an rìoghachd 'n a làmh, mharbh e a sheirbhisich a mharbh an rìgh 'athair.

6 Ach mic nam mort-fhear cha do mharbh e; mar tha e sgrìobhta ann an leabhar lagha Mhaois, anns an d'àithn an Tighearn, ag ràdh, Cha chuirear na h-aithrichean gu bàs air son nam mac, agus cha chuirear na mic gu bàs air son nan aithrichean: ach cuirear gach duine gu bàs air son a pheacaidh féin.

7 Bhuail e de Edom ann an gleann an t-salainn deich mìle, agus ghlac e Selah anns a' chogadh, agus thug e Iocteel mar ainm air gus an là'n diugh.

8 An sin chuir Amasiah teachdairean a dh'ionnsuidh Iehoais mhic Iehoahais, mic Iehu rìgh Israeil, ag ràdh, Thig, seallamaid air a chèile 's an aghaidh.

9 Agus chuir Iehoas rìgh Israeil *teachdairean* a dh'ionnsuidh Amasiah rìgh Iudah, ag ràdh, Chuir am foghannan a *bha* ann an Lebanon fios a dh'ionnsuidh an t-seudair a *bha* ann an Lebanon, ag ràdh, Thoir do nìghean do mo mhaic-sa 'n a mnaoi: agus chaidh fiadh-bheathach seachad a *bha* ann an Lebanon, agus slaltair e sìos am foghannan.

10 Bhuail thu gun amharas Edom, agus thog do chridhe suas thu: dean uail *a so*, agus fan aig do thigh: oir c'ar son a bhith-eadh làmh agad ann an nì chum d'aimhleis, air chor as gu'n tuiteadh tu féin agus Iudah maille riut?

11 Ach cha d'éisid Amasiah ris: uime sin chaidh Iehoas rìgh Israeil suas, agus dh'amhairc e féin agus Amasiah rìgh Iudah air aghaidh a chèile aig Betsemes, a *bhuineas* do Iudah.

12 Agus bhuailcadh Iudah roimh Israel, agus theich iad gach fear a dh'ionnsuidh an bùthan.

13 Agus ghlac Iehoas rìgh Israeil Amasiah rìgh Iudah, mac Iehoais mhic Amasiah, aig Betsemes, agus thàinig e gu h-Ierusalem, agus bhris e sìos balla Ierusalem, o gheata Ephraim gu geata na h-òisne, ceithir cheud làmh-choille.

14 Agus ghabh e an t-òr agus an t-airgid uile, agus na soitichean uile a fhuaradh ann an tigh an Tighearn', agus ann an

ionmhasaibh tighe an rìgh, agus braigh-dean-gill, agus phill e gu Samaria.

15 Agus a' chuid eile de ghnìomharaibh Iehoais a rinn e, agus a thréine, agus mar a chog e ri Amasiah rìgh Iudah, nach 'eil iad sgrìobhta ann an leabhar eachdraidh rìghrean Israeil?

16 Agus choidil Iehoas maille r'a aithrichibh, agus dh'adhlaicheadh e ann an Samaria maille ri rìghribh Israeil, agus rìghich Ieroboam a mhac 'n a àit.

17 Agus bha Amasiah mac Ioais rìgh Iudah, bed an déigh bàis Iehoais, mhic Iehoahais rìgh Israeil, cùig bliadhna deug.

18 Agus a' chuid eile de ghnìomharaibh Amasiah, nach 'eil iad sgrìobhta ann an leabhar eachdraidh rìghrean Iudah?

19 Agus rinn iad ceannaire 'n a aghaidh ann an Ierusalem; agus theich e gu Lachis: ach chuir iad *daoine* 'n a dhéigh gu Lachis, agus mharbh iad e an sin.

20 Agus thug iad leo air eich e: agus dh'adhlaicheadh e ann an Ierusalem maille r'a aithrichibh ann am baile Dhaibhidh.

21 Agus ghabh sluagh Iudah uile Asariah, agus e sè bliadhna deug a dh'aois, agus rinn iad 'n a rìgh e 'an àit 'athar Amasiah.

22 Thog esan Elat, agus dh'aisig se e do Iudah, an déigh do'n rìgh codal maille r'a aithrichibh.

23 Anns a' chùigeamh bliadhna deug de Amasiah mac Ioais, rìgh Iudah, thòisich Ieroboam mac Ioais rìgh Israeil, air rìoghachadh ann an Samaria; agus rìghich e bliadhna agus dà fhichead.

24 Agus rinn e ole ann an sùilbhan an Tighearna: cha do dhealaich e ri uile pheacaidhean Ieroboaim mhic Nebait, a thug air Israel peacachadh.

25 Dh'aisig e crìoch Israeil o dhola steach Hamait gu ruig muir a' chòmhnaidh, a réir focail an Tighearna Dé Israeil, a labhair e le làimh a sheirbhisich Ionah, mhic Amitai an fhàidh, a *bha* o Ghat-hepher.

26 Oir chunnaic an Tighearn àmhghar Israeil, *gu'n robh* e ro shearbh; oir cha *robh* neach air bith air a dhruidealh suas, agus cha d'fhàgadh neach air bith, agus cha *robh* fear-còmhnaidh ann aig Israel.

27 Agus cha dubhairt an Tighearn gu'n dubhadh e mach ainm Israeil o *bhi* fo nàmh: ach shaor e iad le làimh Ieroboaim mhic Ioais.

28 Agus a' chuid eile de ghnìomharaibh Ieroboaim, agus gach *ni* a rinn e, agus a thréine, mar a chog e, agus mar a dh'aisig e Damascus, agus Hamat, 'bu le Iudah, do Israel, nach 'eil iad sgrìobhta ann an leabhar eachdraidh rìghrean Israeil?

29 Agus choidil Ieroboam maille r'a aithrichibh, maille ri rìghribh Israeil; agus rìghich Sachariah a mhac 'n a àit.

7 *Fhuair Asariah bàs, agus rìghich Iotam 'n a àit.* 10 *Mharbh Salum Sachariah rìgh Israeil.* 14 *Chuir Menahem Salum gu bàs, agus rìghich e 'n a àit.* 29 *Rinn Tiglat-pileser joirneart air Israel, &c.*

ANNS an t-seachdamh bliadhna fichead de Ieroboam rìgh Israeil, thòisich Asariah mac Amasiah rìgh Iudah air rìoghachadh.

2 Sè bliadhna deug a dh'aois bha e 'n uair a thòisich e air rìoghachadh; agus rìghich e dà bhliadhna dheug agus dà fhichead ann an Ierusalem: agus *b'e* ainm a mhàthar Iecholiah o Ierusalem.

3 Agus rinn e an *ni a bha* ceart ann an sùilbhan an Tighearn, a réir gach *ni* a rinn Amasiah 'athair.

4 Gidheadh, cha d'thugadh air falbh na h-àitean àrda: fathast *bha* 'n sluagh ag iobradh, agus a' losgadh tùis anns na h-àitibh àrda.

5 Agus bhual an Tighearn an rìgh, agus bha e 'n a lobhar gu là a bhàis, agus ghabh e còmhnuidh ann an tigh air leth: agus *bha* Iotam mac a' rìgh os ceann an tighe, a' toirt breth air sluagh na tìre.

6 Agus a' chuid eile de ghnìomharaibh Asariah, agus gach *ni* a rinn e, nach 'eil iad sgrìobhta ann an leabhar eachdraidh rìghrean Iudah?

7 Agus choidil Asariah maille r'a aithrichibh, agus dh'adhlaic iad e maille r'a aithrichibh ann am baile Dhaibhidh: agus rìghich Iotam a mhac 'n a àit.

8 Anns an ochdamh bliadhna deug thar fhichead de Asariah rìgh Iudah, rìghich Sachariah mac Ieroboaim os ceann Israeil ann an Samaria sè mìosan.

9 Agus rinn e ole ann an sùilbhan an Tighearna, mar a rinn 'aithrichean: cha do dhealaich e ri peacaidhean Ieroboaim mhic Nebait, a thug air Israel peacachadh.

10 Agus rinn Salum mac Iabeis ceannaire 'n a aghaidh, agus bhual se e 'am fianuis an t-sluaigh, agus mharbh se e, agus rìghich e 'n a àit.

11 Agus a' chuid eile de ghnìomharaibh Shachariah, feuch, *tha* iad sgrìobhta ann an leabhar eachdraidh rìghrean Israeil.

12 *B'e* so focal an Tighearn, a labhair e ri Iehu, ag ràdh, Suidhidh do mhic air rìgh-chaitirh Israeil, gu ruig an ceathramh *gin-ealach*. Agus bha e mar sin.

13 Thòisich Salum mac Iabeis air rìoghachadh anns an naothamh bliadhna deug thar fhichead de Udsiah rìgh Iudah, agus rìghich e mìos iomlan ann an Samaria:

14 Oir chaidh Menahem mac Ghadi suas o Thirsah, agus thàinig e gu Samaria, agus bhual e Salum mac Iabeis ann an Samaria, agus mharbh se e, agus rìghich e 'n a àit.

15 Agus a' chuid eile de ghnìomharaibh

Shaluim, agus a cheannaire a rinn e, feuch, *tha* iad sgrìobhta ann an leabhar eachdraidh rìghrean Israeil.

16 An sin bhuail Menahem Tiphseh, agus iadsan uile a *bha* ann, agus a chrìochan o Thirsah; a chionn nach d'fhosgail iad *dha*, uime sin bhuail se e: a mhnathan torrach uile reub e suas.

17 Anns an naothamh bliadhna deug thar fhìchead de Asariah rìgh Iudah thòisich Menahem mac Ghadi air rìoghachadh os ceann Israeil; agus *rìghiche* deich bliadhna ann an Samaria.

18 Agus rinn e ole ann an sùilibh an Tighearna: cha do dhealaich e ré 'uile làithean ri peacaidhean Ieroboaim mhic Nebait, a thug air Israel peacachadh.

19 Agus thàinig Pul rìgh Asiria an aghaidh na tìre: agus thug Menahem do Phul mìle tàlann airgid, a chum gu'm biodh a làmh leis, a dhaingneachadh na rìoghachd 'n a làimh.

20 Agus thog Menahem an t-airgiod o Israel, *eadhon* uathasan uile a bha comasach ann an saoihbheas, leth-cheud scèl airgid o gach duine, chum a thabhairt do rìgh Asiria: agus phill rìgh Asiria air ais, agus cha d'fhan e 'n sin anns an tìr.

21 Agus a' chuid eile de ghnìomharaibh Mhenahem, agus gach *ni* a rinn e, nach *'eil* iad sgrìobhta ann an leabhar eachdraidh rìghrean Israeil?

22 Agus choidil Menahem maille r'a aithrichibh; agus rìghich Pecahiah a mhac 'n a àit.

23 Anns an deicheamh bliadhna agus dà fhìchead de Asariah rìgh Iudah, thòisich Pecahiah mac Mhenahem air rìoghachadh os ceann Israeil ann an Samaria; agus *rìghiche* e dà bhliadhna.

24 Agus rinn e ole ann an sùilibh an Tighearna: cha do dhealaich e ri peacaidhean Ieroboaim mhic Nebait, a thug air Israel peacachadh.

25 Ach rinn Pecah mae Remaliah, ceannard leis féin, ceannaire 'n a aghaidh, agus bhuail se e ann an Samaria, ann an lùchairt tighe an rìgh, maille ri Argob, agus ri Arieih, agus maille ris leth-cheud fear de na Gileadaich: agus mharbh se e, agus rìghich e 'n a àit.

26 Agus a' chuid eile de ghnìomharaibh Phēciah, agus gach *ni* a rinn e, feuch, *tha* iad sgrìobhta ann an leabhar eachdraidh rìghrean Israeil.

27 Anns an dara bliadhna deug agus dà fhìchead de Asariah rìgh Iudah, thòisich Pecah mae Remaliah air rìoghachadh os ceann Israeil ann an Samaria; agus *rìghiche* e fichead bliadhna.

28 Agus rinn e ole ann an sùilibh an Tighearna; cha do dhealaich e ri peacaidhean Ieroboaim mhic Nebait, a thug air Israel peacachadh.

29 Ann an làitheibh Phēcah rìgh Israeil thàinig Tiglat-pàeser rìgh Asiria, agus ghlac e Iion, agus Abel-bet-maachah, agus Ianoah, agus Cedes, agus Hasor, agus Gilead, agus Galile, uile thìr Naphtali, agus thug e 'n am braighdibh iad gu Asiria.

30 Agus rinn Hoseah mac Elah ceannaire an aghaidh Phēcah mhic Remaliah, agus bhuail se e, agus mharbh se e, agus rìghich e 'n a àit, anns an fhìcheadamh bliadhna de Iotam mac Udsiah.

31 Agus a' chuid eile de ghnìomharaibh Phēcah, agus gach *ni* a rinn e, feuch, *tha* iad sgrìobhta ann an leabhar eachdraidh rìghrean Israeil.

32 Anns an dara bliadhna de Phēcah mae Remaliah rìgh Israeil, thòisich Iotam mac Udsiah rìgh Iudah air rìoghachadh.

33 Chig bliadhna fichead a dh'aois bha e 'n uair a thòisich e air rìoghachadh; agus rìghich e sè bliadhna deug ann an Ierusalem: agus *b'e* ainm a mhàthar Ierusa, nigh-ean Shadoic.

34 Agus rinn e an *ni* a bha ceart ann an sùilibh an Tighearn: a réir nan uile *nithean* a rinn Udsiah 'athair, rinn esan.

35 Gidheadh cha d'thugadh air falbh na h-àitean àrda: fathast *bha* 'n sluagh ag òbradh agus a' losgadh tùis anns na h-àitibh àrda. Chuir e suas an geata a b'àirde de thigh an Tighearna.

36 Agus a' chuid eile de ghnìomharaibh Iotam, agus gach *ni* a rinn e, nach *'eil* iad sgrìobhta ann an leabhar eachdraidh rìghrean Iudah?

37 (Anns na làitheibh sin thòisich an Tighearn air Resin rìgh Shiria, agus Pecah mae Remaliah a chur an aghaidh Iudah.)

38 Agus choidil Iotam maille r'a aithrichibh, agus dh'adhlacadh e maille r'a aithrichibh ann am baile Dhaibhidh 'athar: agus rìghich Ahas a mhac 'n a àit.

CAIB. XVI.

1 Rìoghachadh aingidh Ahas. 5 Chog Resin agus Pecah 'n a aghaidh. 10 Rinn Ahas athair a réir samhlaibh allarach a bha ann an Damascus, agus dh'òbair e oirre. 20 Fhuair e bàs, agus rìghich Hesechiah 'n a àit.

S AN t-seachdamh bliadhna deug de Phēcah mae Remaliah, thòisich Ahas mae Iotam rìgh Iudah air rìoghachadh.

2 Fichead bliadhna dh'aois bha Ahas an uair a thòisich e air rìoghachadh, agus rìghich e sè bliadhna deug ann an Ierusalem; agus cha do rinn e an *ni* a bha ceart ann an sùilibh an Tighearn a Dhé, mar a rinn Daibhidh 'athair.

3 Ach dh'innich e ann an slighe rìghrean Israeil, agus mar an ceudna thug e air a mhac dol troimh 'n teine, a réir ghràincil-cachd nan cinneach, a thlig an Tighearn a mach roimh chloinn Israeil.

4 Agus dh'ìobair e agus loisg e tùis anns na h-aitibh àrda, agus air na cnoic, agus fo gach craoibh uaine.

5 An sin thàinig Resin rìgh Shiria, agus Peacal mac Remaiah rìgh Isracil, a nìos gu n-Ierusalem a chogadh: agus theannaich iad Ahas, ach cha b'urrainn iad buaidh a thoirt air.

6 'S an àm sin choisinn Resin rìgh Shiria Elat air ais do Shiria, agus dh'fhògair e na h-Iudhaich à h-Elat: agus thàinig na Sirianach do Elat, agus ghabh iad còmhnuidh ann gus an là 'n diugh.

7 Agus chuir Ahas teachdairean gu Tiglat-pileser rìgh Asiria, ag ràdh, *Is mise d'òglach agus do mhac; thig a nìos agus saor mi à làimh rìgh Shiria, agus à làimh rìgh Isracil, a dh'éirich a'm' aghaidh.*

8 Agus ghabh Ahas an t-airgiod agus an t-òr a fhuair ann an tigh an Tighearn', agus ann an ionmhaisibh tighe an rìgh, agus chuir se e mar thiodhlac gu rìgh Asiria.

9 Agus dh'éisd rìgh Asiria ris; oir chaidh rìgh Asiria suas an aghaidh Dhamascuis, agus ghlac se e, agus thug e a *shluagh* leis 'am braighdeanas gu Cir, agus mharbh e Resin.

10 Agus chaidh rìgh Ahas 'an coinnimh Thiglat-pileser rìgh Asiria gu Damascus, agus chunnaic e altair a *bha* ann an Damascus: agus chuir rìgh Ahas gu h-Uriah an sagart samhladh na h-altarach, agus a cumadh, a réir a h-uile oibre.

11 Agus thog Uriah an sagart altair a réir gach nì a chuir Ahas an rìgh o Dhamascuis: mar sin rinn Uriah an sagart *i* air cheann do rìgh Ahas teachd o Dhamascuis.

12 Agus an uair a thàinig an rìgh o Dhamascuis, chunnaic an rìgh an altair: agus thàinig an rìgh am fagus agus dh'ìobair e oirre.

13 Agus loisg e a thabhartas-loisgte, agus a thabhartas-bidh, agus thaom e a thabhartas-dibhe, agus chrath e fuil a thabhartasan-sith air an altair.

14 Agus thug e mar an ceudna an altair umha, a *bha* 'n fauuis an Tighearn', o bheul-aobh an tighe, o eadar an altair agus tigh an Tighearn', agus chuir e i air taobh tuath na h-altarach.

15 Agus dh'àithn rìgh Ahas do Uriah an sagart, ag ràdh, Air an altair mhòir loisg tabhartas-loisgte na maidne, agus tabhartas-bidh an fheasgair, agus tabhartas-loisgte an rìgh, agus a thabhartas-bidh, agus tabhartas-loisgte uile shluagh na tire, agus an tabhartas-bidh, agus an tabhartas-dibhe; agus crath oirre uile fhuil an tabhartais-loisgte, agus nìle fhuil na h-ìobairte: agus bithidh an altair umha agamsa gu fìosrachadh *leatha*.

16 Mar so rinn Uriah an sagart, a réir gach nì a dh'àithn rìgh Ahas.

17 Agus ghearr rìgh Ahas iomaill nam bonn diubh, agus dh'atharraich e dhiubh an soitheach-ionnlaid, agus thug e nuas an fhainge bhàrr nan damh umha a bha foipe, agus chuir e i air urlar chlach.

18 Agus an còmhachadh sàbaid a thog iad 's an tigh, agus slioghe an rìgh a steach o'n leth muigh, thionndaidh e o thigh an Tighearn' air son rìgh Asiria.

19 A nìs a' chuid eile de ghnìomharaibh Ahais a rinn e, nach 'eil iad sgrìobhta ann an leabhar eachdraidh rìghrean Iudah?

20 Agus chòidil Ahas maille r'a aithrichibh, agus dh'adhlaicadh e maille r'a aithrichibh ann am baile Dhaibhidh; agus rìghich Hececiah a mhac 'n a àit.

CAIB. XVII.

1 *Rìoghachadh aingidh Hoseah.* 4 *Rinn Hoseah agus Sò rìgh na h-Eiphit ceannaire an aghaidh Sholmaneser.* 6 *Ghlac Salmaneser Samaria.* 24 *Chuir Dia leòmhain an measg an t-sluaigh choirich a dh'àitich Samaria.*

A NNS an dara bliadhna deug de Ahas rìgh Iudah, thòisich Hoseah mac Elah air rìoghachadh ann an Samaria air Israel; agus *rìghich* e naoi bliadhna.

2 Agus rinn e olc ann an sealladh an Tighearn', ach cha b'anu mar rìghribh Isracil a bhla roimhe.

3 'N a aghaidh-san thàinig a nìos Salmaneser rìgh Asiria; agus bha Hoseah 'n a sheirbhseach aige, agus thug e tiodhlac dha.

4 Agus fhuair rìgh Asiria ceannaire ann an Hoseah; oir chuir e teachdairean gu Sò rìgh na h-Eiphit, agus cha d'thug e tiodhlac air bith gu rìgh Asiria, mar a *chleachd* e o bliadhna gu bliadhna: uime sin dhruid rìgh Asiria suas e, agus cheangail e ann am prìosan e.

5 An sin thàinig rìgh Asiria nìos troimh 'n fhearann uile, agus chaidh e suas gu Samaria, agus theannaich se e trì bliadhna.

6 Anns an naothamh bliadhna de Hoseah ghlac rìgh Asiria Samaria, agus thug e leis Israel do Asiria, agus shuidhich e iad ann an Halah, agus ann an Habor *làimh ri* amhainn Ghosain, agus ann am bailtibh nam Medeach.

7 Oir tharladh gu'n do pheacaich clann Isracil an aghaidh an Tighearn' an Dé, a thug a nìos iad à tìr na h-Eiphit, o bhi fo làimh Pharaoh rìgh na h-Eiphit, agus bha cagal dhiathan eile orra.

8 Agus dh'imich iad ann an reachdaibh nan cinneach, (a thilg an Tighearn a mach roimh chloinn Isracil,) agus ann an reachdaibh rìghrean Isracil a rinn iad.

9 Agus rinn clann Isracil gu dìomhair nithean nach *robh* ceart an aghaidh an Tighearn' an Dé, agus thog iad dhoibh fèinàitean àrda 'n an mòr-bhailtibh uile, o thàit an lèchd-faire gus am baile daingichte.

10 Agus chuir iad suas dhoibh fèin

dealbhan agus doireachan air gach uile ehnoc àrd, agus fo gach uile chraoibh uaine.

11 Agus an sin loisg iad tùis anns na h-àitibh àrda uile, mar na cinnich a thug Dia air falbh rompa; agus rinn iad nithean olc a bhrosnachadh an Tighearn 'gu corr-uich:

12 Oir rinn iad seirbhis do ìodholaibh, mu'n d'thubhairt an Tighearn riu, Cha dean sibh an ni so.

13 Gidheadh thug an Tighearn fianuis an aghaidh Israeil, agus an aghaidh Iudah, leis na fàidhibh uile agus leis an luchd-seallaidh uile, ag ràdh, Fìllibh o bhuir droch shlighean, agus gleidhibh m'aitheantan agus mo reachdan, a réir an lagha uile a dh'àithn mi d'ur n-aithrichibh, agus a chuir mi d'ur n-ionnsuidh le m' sheirbhisich na fàidhean.

14 Gidheadh cha b'àill leo éisdeachd, ach ehuadhaich iad am muineal, cosmhuil ri muineal an aithrichean, nach do chreid anns an Tighearn an Dia.

15 Agus rinn iad tàir air a reachdaibh, agus air a choimhcheangal a rinn e r'an aithrichibh, agus air a theisteis leis an d'thug e fianuis 'n an aghaidh; agus lean iad dìomhanas, agus dh'fhàs iad dìomhain, agus chaidh iad an déigh nan cinneach a bha mu'n cuairt orra, mu'n d'thug an Tighearn sparradh dhoibh, nach deanadh iad cosmhuil riu.

16 Agus thréig iad uile àitheantan an Tighearn' an Dé, agus rinn iad dhoibh féin dealbhan leaghta, eadhon dà laogh, agus rinn iad doire, agus rinn iad aoradh do uile armailt nèimh, agus rinn iad seirbhis do Bhaal.

17 Agus thug iad air am macaibh agus air an nigheanaibh dol troimh 'n teine, agus ghnàthaich iad fiosachd agus druidheachd, agus reic siad iad féin a dheanamh uile ann an scalladh an Tighearna, chum a bhrosnachadh gu feirg.

18 Uime sin bha fearg ro mhòr aig an Tighearn ri h-Israel, agus dh'atharraich e iad as a shealladh: cha d'fhagadh aon ach treubh Iudah a mhàin.

19 (Mar an ceudna cha do ghléidh Iudah àitheantan an Tighearn' an Dé, ach dh'imich iad ann an reachdaibh Israeil a rinn iad.)

20 Agus chuir an Tighearn cùl ri uile shliochd Israeil, agus chuir e fo àmhghar iad, agus thug e thairis iad do làimh chreachadairean, gus an do thilg e as a shealladh iad.

21 Oir sgar Israel e féin o thigh Dhaibhidh, agus rinn iad Ieroboam mac Nebait 'n a rìgh; agus dh'fhuadaich Ieroboam Israel o'n Tighearn a leantuinn, agus thug e orra pacadh mòr a pheacachadh.

22 Agus dh'imich clann Israeil ann an uile

pheacaidhean Ieroboaim a rinn e: cha do dhealaich iad riu;

23 Gus an d'atharraich an Tighearn Israel as a shealladh, mar a thubhairt e le 'sheirbhisich uile na fàidhean. Agus thugadh Israel air falbh as an tìr féin do Asiria, gus an là 'n diugh.

24 Agus thug rìgh Asiria daoine o Bhabylon, agus o Chutah, agus o Abha, agus o Hamat, agus o Shepharbhaim, agus shuidhich e iad ann am bailtibh Shamaria, 'an àite chloinn Israeil; agus shealbhaich iad Samaria, agus ghabh iad còmhnuidh 'n a bhailtibh.

25 Agus tharladh, 'n uair a ghabh iad an toiseach còmhnuidh an sin, nach robh eagal an Tighearn' orra; uime sin chuir an Tighearn leòmhain 'n am measg, a mharbh cuid diubh.

26 Air an aobhar sin labhair iad ri rìgh Asiria, ag ràdh, Na cinnich a dh'atharraich thu, agus a shuidhich thu ann am bailtibh Shamaria, cha-n aithne dhoibh gnàth Dhé na tìre: uime sin chuir e leòmhain 'n am measg, agus, feuch, tha iad 'g am marbhadh, a chionn nach aithne dhoibh gnàth Dhé na tìre.

27 An sin dh'àithn rìgh Asiria, ag ràdh, Thugaibh leibh an sin aon de na sagartaibh a thug sibh as a sin; agus rachadh e agus gabhadh e còmhnuidh an sin, agus teagaisgeadh e dhoibh gnàth Dhé na tìre.

28 An sin thàinig aon de na sagartaibh a thug iad leo à Samaria, agus ghabh e còmhnuidh ann am Bet-el, agus theagaisg e dhoibh cionnus bu chòir dhoibh eagal an Tighearn' a bhì orra.

29 Gidheadh, rinn gach cinneach diathan dhoibh féin, agus chuir siad iad ann an tighibh nan àitean àrda a rinn na Samaritich, gach cinneach 'n am bailtibh féin anns an do ghabh iad còmhnuidh.

30 Agus rinn daoine Bhabiloin Sucot-Benot, agus rinn daoine Chuit Nergal, agus rinn daoine Hamait Asima,

31 Agus rinn na h-Abhaich Nibhas agus Tartac, agus loisg na Sepharbhaich an clann 's an teine do Adramelech agus Anamalech, diathan Shepharbhaim.

32 Agus bha eagal an Tighearn' orra, agus rinn iad dhoibh féin de'n chuid a b'isle dhiubh sagartan nan àitean àrda, agus thug iad suas iobairtean air an son ann an tighibh nan àitean àrda.

33 Bha eagal an Tighearn' orra, agus rinn iad seirbhis d'an diathaibh féin, a réir gnàthan nan cinneach a thug iad leo as a sin.

34 Gus an là 'n diugh tha iad a' deanamh a réir nan ceud ghnàth: cha 'n'eil eagal an Tighearn' orra, cha mhò tha iad a' deanamh a réir nan reachdan, no 'réir nan orduighean, no 'réir an lagha, no 'réir na h-àithne a dh'àithn an Tighearn do chloinn Iacoib, air an d'thug e Israel mar ainm.

35 Ris an d'rinn an Tighearn coimheangal, agus d'an d'thug e sparradh, ag ràdh, Cha bhi eagal dhiathan eile oirbh, agus cha chrom sibh sibh féin doibh, agus cha dean sibh seirbhis doibh, agus cha-n iobair sibh doibh:

36 Ach an Tighearn, a thug a nìos sibh á tìr na h-Eiphit le mòr chumhachd, agus le gairdean sint' a mach, 'eagal-san bithidh oirbh, agus dha-san lùbaidh sibh an glùn, agus dha-san iobraidh sibh.

37 Agus na reachdan, agus na h-orduigh-ean, agus an lagh, agus an àithne a sgrìobh e dhuibh, bheir sibh an aire gu'n dean sibh iad gu bràth; agus cha bhi eagal dhiathan eile oirbh.

38 Agus an coimheangal a rinn mise ribh cha dì-chuimhneich sibh; agus cha bhi eagal dhiathan eile oirbh.

39 Ach bithidh eagal an Tighearna bhur Dé oirbh, agus saoraidh esan sibh á làimh bhur naimhdean uile.

40 Gidheadh cha d'éisd iad, ach rinn iad a-réir an ceud gnàthan.

41 Agus bha eagal an Tighearn' air na cinnich sin, gidheadh rinn iad seirbhis d'an dealbhaibh snaidhte féin, araon an clann, agus clann an cloinne: mar a rinn an aithrichean, is anluil a tha iadsan a' deanamh agus an là'n diugh.

CAIB. XVIII.

1 Rìoghachadh agus treubhantas Hesechia. 9 Ghlac Salmaneser Samaria. 13 Thàinig Senacherib a nìos an aghaidh bhailltean Iudah, agus thog e cis o Hesechia. 17 Chàin Rabsaceh Hesechia.

AGUS anns an treas bliadhna de Hoseah mac Elah rìgh Israeil, thòisich Hesechia mac Ahais, rìgh Iudah, air rìoghachadh.

2 Cùig bliadhna fichead a dh'aois bha e 'n uair a thòisich e air rìoghachadh; agus rìghich e naoi bliadhna fichead ann an Ierusalem: agus b'e ainm a mhàthar Abi, nighean Shechariah.

3 Agus rinn e an *ni a bha* ceart ann an sùilibh an Tighearn', a réir nan uile nithean a rinn Daibhidh 'athair.

4 Chuir e air falbh na h-àitean àrda, agus bhris e na dealbhan, agus ghearr e sìos na doireachan, agus mhìn-phronn e an nathair umha a rinu Maois; oir gus na làithibh sin bha clann Israeil a' losgadh tùis dhi: agus thugadh Nehustan mar ainm oirre.

5 As an Tighearn Dia Israeil bha 'carb-sadh; agus 'n a dhéigh cha robh neach sam bith cosmhail ris ann measg uile rìghrean Iudah, no *aon* a bha roinne.

6 Oir dh'lùth-lean e ris an Tighearn, cha do chlaon e o a leantuin; ach ghléidh e 'àitheantan, a dh'àithn an Tighearn do Mhaois.

7 Agus bha 'n Tighearn maille ris: anns gach àite d'an deachaidh e, shoirbhich e.

Agus dh'éirich e 'n aghaidh rìgh Asiria, agus cha d'rinn e seirbhis dha.

8 Bluail e na Philistich gu ruig Gasa, agus a chrìochan, o thùr an fhreiceadain gu ruig am baile daingichte.

9 Agus anns a' cheathramh bliadhna de rìgh Hesechia, agus 's an t-seachdamh bliadhna de Hoseah mac Elah rìgh Israeil, thàinig Salmaneser, rìgh Asiria, a nìos an aghaidh Shamaria, agus theannaich se e.

10 Agus ghlac iad e an ceann thri bliadhna: anns an t-sèathamh bliadhna de Hesechia, agus 's an naothamh bliadhna de Hoseah rìgh Israeil, ghlacadh Samaria.

11 Agus thug rìgh Asiria leis Israel do Asiria, agus chuir e iad ann an Halah agus ann an Habor *làimh ri* amhainn Ghosain, agus ann am bailtibh nam Medeach:

12 A chionn nach d'éisd iad ri guth an Tighearn' an Dé, ach gu'n do bhris iad a choimheangal, na h-uile *nithean* a dh'àithn Maois òglach an Tighearna; nach d'éisd iad *riu*, agus nach mò a rinn siad *iad*.

13 Agus anns a' cheathramh bliadhna deug de rìgh Hesechia thàinig Senacherib rìgh Asiria a nìos an aghaidh uile bhailltean daingichte Iudah, agus ghlac e iad.

14 Agus chuir Hesechia rìgh Iudah *teachd-air* gu rìgh Asiria do Lachis, ag ràdh, Chiontaich mi; pill uam: *an ni* a. chuireas tu orm, giùlainidh mi. Agus chuir rìgh Asiria air Hesechia rìgh Iudah trì cheud tàlann airgid, agus deich tàlanna fichead òir.

15 Agus thug Hesechia *dha* an t-airgid uile a fhuaradh ann an tigh an Tighearn', agus ann an ionmhasaibh tìghe an rìgh.

16 Anns an àm sin ghearr Hesechia air falbh còmhlaichean teampull an Tighearn', agus na h-ursainnean a chòmhdaich Hesechia rìgh Iudah, agus thug e iad do rìgh Asiria.

17 Agus chuir rìgh Asiria Tartan, agus Rabsaris, agus Rabsaceh, o Lachis gu rìgh Hesechia le sluagh mòr an aghaidh Ierusalem: agus air teachd a nìos doibh, thàinig iad agus sheas iad aig sruth-chlais na linne a's àirde, a *tha* air slighe achaidh an luadh-adair.

18 Agus an uair a dh'éigh iad ris an rìgh, thàinig a mach d'an ionnsuidh Eliacim mac Hileiah, a *bha* os ceann an teaghlach, agus Sebna an sgrìobhaich, agus Ioas mac Asaiph an seanachaidh.

19 Agus thubhairt Rabsaceh *riu*, Abraibh a nis ri Hesechia, Mar so tha 'n rìgh mòr, rìgh Asiria, ag ràdh, Ciod an carb-sadh mhòr so a th'agad?

20 Tha thu ag ràdh, (ach *is* briathran faoin *iad*), *Tha* comhairle agus neart *agam* chum a' chogaidh: a nis ma ta cò as am bheil thu ag carb-sadh, gu'n deanadh tu cogadh a'm' aghaidh-sa?

21 A nis, feuch, tha thu 'g carb-sadh as an

luirg bhrìste chuilce sin, as an Eiphit, a thèid, ma leigeas dume a chudthrom oirre, a steach 'n a làimh, agus a thollas troimhe i. *Is ann mar so a tha Pharaoh rìgh na h-Eiphit dhoibhsan uile a dh'earbas as.*

22 Ach ma their sibh rium, As an Tighearn' ar Dia tha ar n-earbsadh: nach e so csan, a chuir Hesechia air falbh 'àitean àrda, agus 'altaircan, agus a thubhairt ri Iudah agus ri Ierusalem, Fa chomhair na h-altarach so sleuchdaidh sibh ann an Ierusalem?

23 A nis uime sin, guidheam ort, thoir gill do m' thighearn rìgh Asiria, agus bheir mise dhuit da mhìle each, ma's urrainn thusa air do thaobh féin marcaich a chur orra.

24 Cionnus ma ta 'bheir thu air aon cheannard, de na seirbhisich a's lugha a tha aig mo thighearn-sa, 'aghaidh a thionndadh uait, agus a dh'earbas tu as an Eiphit air son charbad agus marc-shluaigh?

25 *Ach* a nis, an ann as eugmhais an Tighearn' a thàinig mis' a nìos an aghaidh an àite so, g'a sgrios? Is e 'n Tighearn a thubhairt riumsa, Falbh suas an aghaidh na tìre so, agus sgrios i.

26 An sin thubhairt Eliacim mac Hileciah, agus Sebna, agus Ioah, ri Rabsaceh, Labhair, guidheam ort, ri d' sheirbhisich anns a' chaint Shìrianaich, oir tuigidh sinn i; agus na labhair ruinn anns a' chaint Iudhaich, 'an cluasaibh an t-sluaigh a tha air a' bhalla.

27 Ach thubhairt Rabsaceh riu, An ann a dh'ionnsuidh do thighearna-sa, agus a d' ionnsuidh-sa, a chuir mo thighearn mise a labhairt nam briathran so? nach ann a dh'ionnsuidh nan daoine a tha 'n an suidhe air a' bhalla, a chum gu'n ith iad an salchar féin, agus gu'n òl iad an uisge féin maille ribhse?

28 An sin sheas Rabsaceh, agus dh'éigh e le guth àrd anns a' chaint Iudhaich, agus labhair e, ag ràdh, Eisdibh ri focal an rìgh mhòir, rìgh Asiria:

29 Mar so tha'n rìgh ag ràdh, Na mealladh Hesechia sibh, oir cha-n urrainn e bhr saoradh á m' làimh-sa:

30 Agus na tugadh Hesechia oirbh blur dòchas a chur 's an Tighearn', ag ràdh, Gu deimhin saoraidh an Tighearn sinne, agus cha toirear thairis am baile so do làimh rìgh Asiria.

31 Na h-éisdibh ri Hesechia: oir mar so tha rìgh Asiria ag ràdh, Deanaibh suas cairdeas riumsa, agus thigibh a mach a m' ionnsuidh, agus itubh gach fear d'a chrann-fìona, agus gach fear d'a chrann-fìge féin, agus òlaibh gach fear uisge a thobair féin;

32 Gus an tig misc, agus gu'n toir mi air falbh sibh do thìr cosmhail r'ur tìr féin, tìr arbhair agus fìona, tìr arain agus fhion-lios, tìr olaidh a' chroinn olaidh, agus meala,

a chum gu'm bi sibh beò, agus nach faigh sibh bàs: agus na h-éisdibh ri Hesechia, an uair a chuireas e impidh oirbh, ag ràdh, Saoraidh an Tighearn sinn.

33 An do shaor riamh diathan nan cinn-each, gach aon a thìr féin, á làimh rìgh Asiria?

34 C'àit *am bheil* diathan Hamait, agus Arphaid? c'àit *am bheil* diathan Shepharbhaim, Hena, agus Ibha? an do shaor iad Samaria as mo làimh-sa?

35 Cò am measg uile dhiathan nan dùch-annan, a shaor an tìr féin as mo làimh-sa, gu'n saoradh an Tighearn Ierusalem as mo làimh?

36 Ach bha 'n sluagh 'n an tosd, agus cha do fhreagair iad aon fhocal da: oir b'i àithne an rìgh dhoibh, Na tugaibh freagradh air.

37 An sin thàinig Eliacim mac Hileciah, a bha os ceann an teaghlaich, agus Sebna an sgrìobhaich, agus Ioah mac Asaiph an seanachaidh, gu Hesechia le'n cudach reubta, agus dh'innis iad da briathran Rabsaceh.

CAIB. XIX.

1 *Chuir Hesechia fios a dh'ionnsuidh Isaiah gu urnuigh a dheanamh air a shon.* 20 *Fàist-neachd Isaiah a thaobh Shenacherib.* 33 *Bhuail aingeal an Tighearn armait nan Asirianach.* 37 *Chuir a mhic Senacherib gu bàs.*

AGUS an uair a chuala Hesechia an rìgh e, reub e 'eudach, agus chòmhdaich se e féin le saic-eudach, agus chaidh e do thigh an Tighearna.

2 Agus chuir e Eliacim, a bha os ceann an tighe, agus Sebna an sgrìobhaich, agus seanairean nan sagart, còmhdaichte le saic-eudach, gu Isaiah am fàidh, mac Amois.

3 Agus thubhairt iad ris, Mar so tha Hesechia ag ràdh, *Is là teinn*, agus ach-mhasain, agus maslaidh an là so: oir tha clann air teachd gu inbhe breith, agus neart gu'm breith cha-n'eil ann.

4 Theagamh gu'n chuinn an Tighearn do Dhia uile bhriathran Rabsaceh, a chuir a thighearn rìgh Asiria a mhaslachadh an Dé bheò; agus gu'n cronaich e na briathran a chual' an Tighearn do Dhia: tog suas d'urnuigh ma ta air son an fhuighill a dh'fhàg-adh.

5 Uime sin an uair a thàinig seirbhisich rìgh Hesechia gu h-Isaiah,

6 Thubhairt Isaiah riu, Mar so their sibh r'ur tighearn, Mar so tha'n Tighearn ag ràdh, Na bitheadh eagal ort roimh na briathraibh a chuala tu, leis an d'thug seirbhisich rìgh Asiria masladh dhomhsa.

7 Feuch, cuiridh mise spiorad ann, agus chuinnidh e tuairesgeul, agus pillidh e d'a thìr féin; agus bheir mise air tuiteam leis a' chlaidheamh 'n a thìr féin.

8 Agus phill Rabsaceh, agus fhuair e rìgh

Asiria a' cogadh an aghaidh Libnah: oir chual' e gu'n d'fhalbh e o Lachis.

9 Agus an uair a chual' e 'g a ràdh mu Thirhaeah rìgh Etiopia, Feuch, thàinig e maeh a chogadh riut; chuir e teachdairean a ris gu Hesechia, ag ràdh,

10 Mar so labhraidh sibh ri Hesechia rìgh Iudah, ag ràdh, Na mealladh do Dhia thu, as am bheil thu 'g carbhadh, ag ràdh, Cha toirear Ierusalem thairis do làimh rìgh Asiria.

11 Feuch, chuala tu ciod a rinn rìghrean Asiria ris gaeh uile thìr, g' an sgrios gu tur; agus an saorar thusa?

12 An do shaor diathan nan cinneach iad-san a sgrios m'athrichean-sa, *eadhon* Gosan, agus Haran, agus Reseph, agus clann Edein a bha ann an Telasar?

13 C'ait am bheil rìgh Hamait, agus rìgh Arpaìd, agus rìgh mòr-bhaile Shepharbhaim, Hena, agus Ibhah?

14 Agus ghabh Hesechia an litir à làimh nan teachdairean, agus leugh e i: agus chaidh Hesechia suas do thigh an Tighearn', agus sgaoil e i 'am fianuis an Tighearna.

15 Agus rinn Hesechia urnuigh 'an làthair an Tighearn', agus thubhairt e, O Thighearna Dhé Israeil, a tha 'd chòmhnuidh eadar na cheruban, is tu féin Dia, thusa a'd' aonar, *Dia* uile rìghachdan na talmhainn; is tu a rinn na nèamhan agus an talamh.

16 Crom, a Thighearn', a nuas do chluas, agus éisd; fosgail, a Thighearna, do shùilean, agus faic: seadh eluinu briathran Shenacherib, a chuir e a mhaslachadh an Dé bhèd.

17 Gu deimhin, a Thighearna, sgrios rìghrean Asiria na cinnich agus an tirean;

18 Agus thilg iad an diathan 's an teine: oir cha *bu* diathan iad, ach oibre làmban dhaoine, fiodh agus clach: uime sin sgrios siad iad.

19 A nis ma ta, O Thighearn' ar Dia, saor sinn, guidhean ort, as a làimh, chum gu'm bi fios aig uile rìghachdaibh na talmhainn gur tusa an Tighearn Dia, thu féin a'd' aonar.

20 An sin chuir Isaiah mac Amois *teachd-air* gu Hesechia, ag ràdh, Mar so tha'n Tighearn Dia Israeil ag ràdh, An urnuigh a rinn thu riumsa mu thimehioll Shenacherib rìgh Asiria, chuala mi.

21 So an focal a labhair an Tighearn mu thimehioll: Rinn dìgh nighean Shìoin tàir ort; rinn i gaire fanoid riut; chrath nighean Ierusalem a ceann air do chùlaobh.

22 Cò d'an d'thug thu masladh agus toibheum? agus cò an aghaidh an d'ardaich thu do ghuth, agus a thog thu do shùilean gu h-àrd? an aghaidh *Ti* naomh Israeil.

23 Le làimh do theachdairean mhaslach thu an Tighearn', agus thubhairt thu, Le

lionmhoireachd mo charbad dhìrieh 'mi àirde na bean, shosan Lebanon; agus gearraidh mi sìos a chraobhan seudair a's àirde, agus roghadh a chraobhan giuthais, agus thèid mi stigh a dh'aitibh-tàimh a chriche, frith a Charneil.

24 Chladhaich mi agus dh'òl mi uisgeachan còimheach, agus le bonn mo chos thiormaich mi suas uile aimhnichean nan daingneach.

25 Nach euala tu o cheann fada *cionnus* a rinn mi e, agus o'n aimsir eléin gu'n do dhealbh mi e! a nis thug mi gu crìch e, gu'm bitheadh tusa chum bailtean daingnichte fhàsachadh 'n an carnaibh sgrìos.

26 Uime sin bha 'n luchd-àiteachaidh air bheag neirt: bha crith-eagal orra agus amhladh; bha iad *mar* fheir na machar-ach, agus *mar* an luibh ghlas, *mar* fheur mullaich nan tighean, agus *mar* arbhar seargta mu'm fàs e suas.

27 Ach is aithne dhomh d'àite-còmhnuidh, agus do dhòl a maeh, agus do theachd a steach, agus fraoeh d'fheirge a'm' aghaidh.

28 A chionn gu bheil fraoeh d'fheirge a'm' aghaidh, agus d'onfhadh air teachd a nìos gu m' chluasaibh, uime sin cuiridh mi mo dhubhan a'd' shròin, agus mo shrian a'd' bheul, agus pillidh mi air d'ais thu 's an t-slighe air an d'thàinig thu.

29 Agus *bithidh* so 'n a chomharadh dhuit: Ithidh tu air a' bhliadhna so na nithean a dh'fhàsas leo féin, agus anns an dara bliadhna na nithean a chinneas asda sin; agus anns an treas bliadhna cuiridh agus buainidh sibh, agus suidhichidh sibh fionlosan, agus ithidh sibh d'an toradh.

30 Agus gabhaidh am fuigheall a thèid as de thigh Iudah, fathast freumh sìos, agus cuiridh e toradh dheth.

31 Oir à Ierusalem thèid fuigheall a mach, agus iadsan a thèid as o shliabh Shìoin: nì eud Thighearna nan sluagh so.

32 Uime sin mar so tha'n Tighearn ag ràdh: mu thimehioll rìgh Asiria, Cha tig e do'n bhaile so, agus eha tilg e saighead ann, agus cha tig e fa chomhair le sgéith, agus cha chuir e suas tòrr 'n a aghaidh.

33 Air an t-slighe air an d'thàinig e, air an t-slighe cheudna pillidh e, agus cha tig e steach do'n bhaile so, ars' an Tighearn:

34 Oir dìonaidh mise am baile so chum a shaoradh, air mo shon féin, agus air son Dhaibhidh m'òglaich.

35 Agus air an oidhche sin féin chaidh ain-geal an Tighearna maeh, agus bhuail e ann an camp nan Asirianaeh ceud agus ceithir fichead agus cùig mìle: agus an uair a dh'éirich iad gu moch anns a' mhaduinn, feuch, *bha* iad uile 'n an corpaibh marbha.

36 Agus dh'imich Senacherib rìgh Asiria, agus chaidh e agus phill e, agus ghabh e còmhnuidh ann an Ninebheh.

37 Agus an uair a bha e ri aoradh ann an

tigh Nisroich a dhé, bhuail Adramclech agus Sareser a mhic e leis a' chlàidheamh; agus theich iad do thìr Armenia: agus rìghich Esarhadon a mhac 'n a àit.

CAIB. XX.

1 'N uair bha Hesechia tinn gu bàs rinn e urnuigh ri Dia, agus fhuir e gealladh gu'm maireadh e beò. 12 Chuir Berodach-baladan teachdaircan d'a ionnsuidh, agus dh'fheuch e dhoibh na h-uile nithean a bha 'n a thigh. 21 Fhuair Hesechia bàs, agus rìghich Manaseh 'n a àit.

ANNS na làithibh sin bha Hesechia tinn gu bàs: agus thàinig am fàidh Isaiah mac Amais d'a ionnsuidh, agus thubhairt e ris, Mar so tha'n Tighearn ag ràdh, Cuir do thigh 'an ordugh, oir gheibh thu bàs, agus cha bhì thu beò.

2 An sin thionndaidh e 'aghaidh ris a' bhalla, agus rinn e urnuigh ris an Tighearn, ag ràdh,

3 Guidheam ort, O Thighearna cuimhnich a nis cionnus a ghluais mi a'd' làthair ann am firinn, agus le cridhe iomlan, agus a rinn mi an *ni a tha* maith a'd' shùilibh. Agus ghuil Hesechia gu goirt.

4 Agus mu'n deachaidh Isaiah mach do'n chùirt mheadhonaich, thàinig focal an Tighearna d'a ionnsuidh, ag ràdh,

5 Pill, agus abair ri Hesechia ceannard mo shluaigh, Mar so tha'n Tighearn, Dia Dhaibhidh d'athar, ag ràdh, Chuala mise d'urnuigh, chunnaic mi do dheoir: feuch, slànuidhich mi thu; air an treas là théid thu suas do thigh an Tighearna.

6 Agus cuiridh mi ri d' làithibh cùig bliadhna deug; agus saoraidh mi thusa, agus am baile so, á làimh rìgh Asiria; agus dìonaidh mi am baile so air mo shon féin, agus air son Dhaibhidh m'òglach.

7 Agus thubhairt Isaiah, Gabhaibh meall fhigisean. Agus ghabh agus chuir iad e air an neascaid, agus shlànuidheadh e.

8 Agus thubhairt Hesechia ri Isaiah, Ciod an comharadh gu'n leighis an Tighearn mi, agus gu'n téid mi suas air an treas là do thigh an Tighearna?

9 Agus thubhairt Isaiah, *Bithidh* so 'n a chomharadh dhuit o'n Tighearn, gu'n dean an Tighearn an *ni a labhair* e: An téid an dubhar air aghaidh deich ceumannan, no'n téid e air ais deich ceumannan?

10 Agus fhreagair Hesechia, Is suarach an do'n dubhar dol sìos deich ceumannan; ni h-eadh, ach pilleadh an dubhar air ais deich ceumannan.

11 Agus ghlaodh Isaiah am fàidh ris an Tighearn; agus thug e air ais an dubhar deich ceumannan, a chaidh e sìos air ceumannailh Abais.

12 'S an àm sin chuir Berodach-baladan mac Bhaladain, rìgh Babiloin, *teachdaircan* le litricheibh agus tiodhlac gu Hesechia: oir chual' e gu'n robh Hesechia tinn.

13 Agus rinn Hesechia gairdeachas os an ceann, agus dh'fheuch e dhoibh uile thigh-tasgaidh a nithean luachmhor, an t-airgiod, agus an t-òr, agus na spìosraidh, agus an oladh luachmhor, agus a thigh armachd, agus na nithean uile a fhuaradh 'n na ionmhasaibh: cha robh ni 'n a thigh, no 'n a rìoghachd uile, nach d'fheuch Hesechia dhoibh.

14 An sin thàinig Isaiah am fàidh gu rìgh Hesechia, agus thubhairt e ris, Ciod a thubhairt na daoine so? agus cia as a thàinig iad a'd' ionnsuidh? agus thubhairt Hesechia, Thàinig iad o thìr chein, o Babilon.

15 Agus thubhairt e, Ciod a chunnaic iad a'd' thigh? Agus fhreagair Hesechia, Na h-uile *nithean a tha a'u'* thigh chunnaic iad: cha-n'eil ni ann am ionmhasaibh nach d'fheuch mi dhoibh.

16 Agus thubhairt Isaiah ri Hesechia, Eisd ri focal an Tighearna:

17 Feuch, tha na làithean a' teachd, anns am bi na h-uile *nithean a tha* ann ad thigh, agus na h-ionmhasan a thaisg d' aithrich-eann suas gus an là'n diugh, air an giùlan gu Babilon: cha-n fhàgar ni air bith, ars' an Tighearn.

18 Agus *cuid* de d' mhacaibh a thig uait, a ghineas tu, bheir iad leo, agus bithidh iad 'n an caillteanaich ann an lùchairt rìgh Babiloin.

19 An sin thubhairt Hesechia ri Isaiah, *Is* maith focal an Tighearn' a labhair thu: thubhairt e mar an ceudna, Nach *maith*, ma bhios sìth agus firinn a'm' làithibh-sa?

20 Agus a' chuid eile de ghnìomharaibh Hesechia, agus a thréine uile, agus mar a rinn e lochan, agus sruth-chlais, agus a thug e uisge steach do'n bhaile, nach 'eil iad sgriobhta ann an leabhar eacheidraidh rìghrean Iudah?

21 Agus choidil Hesechia maille r'a aithrichibh: agus rìghich Manaseh a mhac 'n a àit.

CAIB. XXI.

1 *Rìoghachadh aingidh agus òdhol - aoradh Mhanaseh.* 10 *Fàisteachd an aghaidh Iudah.* 17 *Fhuair Manaseh bàs, agus rìghich Amor 'n a àit.* 23 *Mharbh a sheirbhiseich Amen: 26 rìghich Josiah 'n a àit.*

DA bhliadhna dheug a dh'aois bha Manaseh 'n uair a thòisich e air rìoghachadh, agus rìghich e cùig bliadhna deug agus dà fhichead ann an Ierusalem: agus *be* ainm a mhàthar Hephzibah.

2 Agus rinn e ole ann an sùilibh an Tighearn, a réir ghràineileachd nan cinneach, a thilg an Tighearn mach roimh chloinn Israeil.

3 Oir thog e suas a ris na h-àitean àrda a sgrios Hesechia 'athair; agus chuir e suas altairean do Bhaal, agus rinn e doire, mar a rinn Ahab rìgh Israeil; agus

shleuchd e do uile armaillt nèimh, agus rinn e seirbhis doibh.

4 Agus thog e altairean ann an tigh an Tighearna, mu'n dubhairt an Tighearna, Ann an Ierusalem cuiridh mi m'ainm.

5 Agus thog e altairean do uile armaillt nèimh, ann an dà chùirt tighe an Tighearna.

6 Agus thug e air a mhac dol troimh 'n teine, agus thug e fainear amannan, agus ghnàthaich e druidheachd, agus chuir e air chois leannainshith, agus luchd-fiosachd: dh'oibrich e mòr aingidheachd ann an sùilbhan an Tighearna, g'a bhrosnachadh gu féirg.

7 Agus chuir e dealbh snaidhte an doire a rinn e, anns an tigh mu'n dubhairt an Tighearna ri Daibhidh, agus ri Solamh a mhac, Anns an tigh so, agus ann an Ierusalem, a thagh mi a uile threubhan Isracil, cuiridh mi m'ainm gu bràth.

8 Cha mhò a bheir ui air cosaibh Isracil caruchadh tuilleadh a mach as an fhearran a thug mi d'an aithrichibh; a mhàin ma bheir iad an aire gu'n dean iad a réir nan uile *nithean* a dh'àithn mise dhoibh, agus a réir an lagha uile a dh'àithn m'oghlach Maos dhoibh.

9 Ach cha d'éisd iad: agus tharruing Manaseh iad gu tuilleadh uile a dheanamh na rinn na cinnich, a sgrios an Tighearna roimh chloinn Isracil.

10 Agus labhair an Tighearna le 'sheirbhisich na fàidhean, ag ràdh,

11 A chionn gu'n d'rinn Manaseh rìgh Iudah na gràineileachdan so, agus gu'n d'rinn e ni's mìosa na na h-uile *nithean* a rinn na h-Amoraich a *bha* roimhe, agus gu'n d'thug e air Iudah mar an ceudna peacachadh le iodholaibh:

12 Uime sin mar so tha'n Tighearna Dia Isracil ag ràdh, Feuch, *tha* mi 'tabhairt uile air Ierusalem agus Iudah, a bheir air gach neach a chluinneas e, gu'm bi gaoir 'n a dhà chluais.

13 Agus sinidh mi mach os ceann Ierusalem sreang-thonhais Shamaria, agus sreang-riaghailt tighe Ahaib: agus glanaidh mi as Ierusalem mar a ghlanas *neach* soith-each, g'a ghlanadh, agus a' tionndadh a bheoil foidh.

14 Agus tréigidh mi fuigheall m'oighreachd, agus bheir mi iad do làimh an naimhdean; agus bithidh iad 'n an creich agus 'n an cobhartach d'an naimhidibh uile;

15 A chionn gu'n d'rinn iad olc a'm shùilbhan, agus gu'n do bhrosnaich iad mi gu féirg o'n là 's an d'fhàinig an aithrichean mach as an Eiphit, eadhon gus an là 'n diugh.

16 Os bàrr, dhòirt Maneseh fuil neò-chiontach gu ro mhòr, gus an do lìon e Ierusalem o cheann gu ceann, a thuilleadh air a pheacadh féin leis an d'thug e air

Iudah peacachadh, le olc a dheanamh ann an sùilbhan an Tighearna.

17 Agus a' chuid eile de ghnìomharaibh Mhanaseh, agus na h-uile *nithean* a rinn e, agus a pheacadh a rinn e, nach *'eil* iad sgrìobhta ann an leabhar eachdraidh rìgh-rean Iudah?

18 Agus choidil Manaseh maille r'a aithrichibh, agus dh'adhlacaidh e ann an lios a thighe féin, ann an lios Udsa: agus rìghich Amon a mhac 'n a àit.

19 Dà bhliadhna thar fhichead a dh'aois *bha* Amon an uair a thòisich e air rìoghachadh; agus rìghich e dà bhliadhna ann an Ierusalem: agus *b'e* ainm a mhàthar Mesulemet, nighean Haruis o Iotbah.

20 Agus rinn e olc ann an sùilbhan an Tighearna, mar a rinn Manaseh 'athair.

21 Agus dh'ìmich e anns an uile shlighe 's an d'ìmich 'athair, agus rinn e seirbhis do na h-iodholaibh d'an d'rinn 'athair seirbhis, agus rinn e aoradh dhoibh:

22 Agus thréig e 'n Tighearna Dia 'aithrichean, agus cha do ghluais e ann an slighe an Tighearna.

23 Agus rinn seirbhisich Amoin ceannaire 'n a aghaidh, agus mharbh iad an rìgh 'n a thìgh féin.

24 Agus mharbh sluagh na tìre iadsan uile a rinn ceannaire an aghaidh rìgh Amoin; agus rinn sluagh na tìre Iosiah a mhac 'n a rìgh 'n a àit.

25 Agus a' chuid eile de ghnìomharaibh Amoin a rinn e, nach *'eil* iad sgrìobhta ann an leabhar eachdraidh rìgh-rean Iudah?

26 Agus dh'adhlacaidh e 'n a uigh féin ann an lios Udsa: agus rìghich Iosiah a mhac 'n a àit.

CAIB. XXII.

1 *Dh'orduich Iosiah tigh an Tighearna' a chàradh.* 8 *Fhuair Hileiah leabhar an lagha.* agus leugh Saphan e an làthair an rìgh. 12 *Dh'fhuair Iosiah de Dha thaobh rìgh-ran an lagha.* 15 *Roimh-innis Huldah syrios Ierusalem.*

OCHD bliadhna dh'aois *bha* Iosiah 'n ua' a thòisich e air rìoghachadh, agus rìghich e aon bhliadhna deug thar fhichead ann an Ierusalem: agus *b'e* ainm a mhàthar Iedidah, nighean Adaiah o Bhoscat.

2 Agus rinn e an *ni* a *bha* ceart ann an sùilbhan an Tighearna', agus dh'ìmich e ann an uile shlighe Dhaibhidh 'athar, agus cha do chlaon e dh'ionnsuidh na làimhe deise no na làimhe clìthe.

3 Agus anns an ochdamh bliadhna deug de rìgh Iosiah, chuir an rìgh Saphan mac Asaiah, mhic Mhesulaim, an sgrìobhaiche, do thigh an Tighearna', ag ràdh,

4 Falbh suas gu Hileiah an t-àrd shagart, chum gu'n àireamh e an t-airgid a thugadh do thigh an Tighearna', a chruinnich luchd-gleidhidh an doruis o'n t-sluagh:

5 Agus thugadh iad e do làmh luchd

deanamh na h-oibre, dhoibhsan a tha os ceann tìghe an Tighearn': agus thugadh iadsan e do luchd deanamh na h-oibre, a *tha* ann an tigh an Tighearn', a chàradh brisidh an tìghe;

6 Do shaoir, agus do luchd togail, agus do chlachairibh, agus a cheannach fiodha, agus chlach snaidhte, a chàradh an tìghe.

7 Gidheadh, cha d'rinneadh cunntas riuthaobh an airgid a thugadh d'an làimh, a chionn gu'n d'rinn iad gu h-ionraic.

8 Agus thubhairt Hileiah an t-àrd shagart ri Saphan an sgrìobhaiche, Fhuair mi leabhar an lagha ann an tigh an Tighearn': agus thug Hileiah an leabhar do Shaphan, agus leugh se e.

9 Agus thàinig Saphan an sgrìobhaiche dh'ionnsuidh an rìgh, agus dh'aithris e 'n gnothuch do'n rìgh, agus thubhairt e, Chrùinnich do sheirbhiseich an t-airgid a fhuaradh anns an tigh, agus thug iad e do làimh luchd deanamh na h-oibre, a bha os ceann tìghe an Tighearna.

10 Agus dh'innis Saphan an sgrìobhaiche do'n rìgh, ag ràdh, Thug Hileiah an sagart leabhar dhomh: agus leugh Saphan e an làthair an rìgh.

11 Agus an uair a chual' an rìgh briathran leabhair an lagha, reub e 'eudach.

12 Agus dh'àithn an rìgh do Hileiah an sagart, agus do Ahicam mac Shaphan, agus do Achbor mac Mhicaiah, agus do Shaphan an sgrìobhaiche, agus do Asahiah seirbhiseach an rìgh, ag ràdh,

13 Rachaidh, fìsraichibh de'n Tighearn' air mo shon-sa, agus air son an t-sluaigh, agus air son Iudah uile, thaobh bhriathran an leabhair so a fhuaradh: oir is mòr fearg an Tighearn' a tha air lasadh 'n ar n-aghaidh, a chionn nach d'éisid ar n-aithrichean ri briathraibh an leabhair so, a dheanamh a réir *gach nì* a tha sgrìobhta d'ar taobh.

14 Uime sin chaidh Hileiah an sagart, agus Ahicam, agus Achbor, agus Saphan, agus Asahiah, dh'ionnsuidh Huldah na ban-fhàidh, mnà Shalumh mhic Thieblah, mhic Harhais, fir-gleidhidh an eudaich, (a nis *tha* i 'chòmhnuidh ann an Ierusalem anns an oil-thigh,) agus labhair iad rithe.

15 Agus thubhairt i ri, Mar so tha'n Tighearn Dia Israeil ag ràdh, Innsibh do'n duine a chuir a' m' ionnsuidh-sa sibh,

16 Mar so tha'n Tighearn ag ràdh, Feuch, bheir mise ole air an àite so, agus air a luchd-àiteachaidh, *eadhon* uile bhriathran an leabhair a leugh rìgh Iudah:

17 A chionn gu'n do thréig iad mise, agus gu'n do loig iad tùis do dhìathaibh eile, clum mo bhrosnachadh gu corruich le uile oibribh an làmh: uime sin lasaidh m'fhearg an aghaidh an àite so, agus cha mhùchar i.

18 Ach ri rìgh Iudah a chuir sibh a dh'fhiosrachadh de'n Tighearn. mar so their sibh ris, Mar so tha'n Tighearn Dia

Israeil ag ràdh, *A thaobh* nam briathran a chual' thu,

19 A chionn gu'n robh do chridhe tiom, agus gu'n d'irislich thu thu féin an làthair an Tighearna, 'n uair a chual' thu ciod a labhair mise an aghaidh an àite so, agus an aghaidh a luchd-àiteachaidh, gu'm biodh iad 'n am fàsach, agus 'n am mallachadh, agus *gu'n do* reub thu d'eudach, agus *gu'n do* ghul thu a'm' fhianuis; chuala mise mar an ceudna *thusa*, ars' an Tighearn.

20 Feuch uime sin, crùinnichidh mise thu chum d'aithrichean, agus crùinnichear thu do d' uaigh 'an sìth, agus cha-n fhaic do shùilean an t-ole sin uile a bheir mise air an àite so. Agus thug iad *fios* a ris a dh'ionnsuidh an rìgh.

CAIB. XXIII.

1 *Leugh Iosiah leabhar an lagha 'an éisdeachd an t-sluaigh; 3 Rinn e coimhcheangal 'am fianuis an Tighearna: 4 Chuir e air falbh iodhol-aoradh, 24 leannain-shìth, agus luchd-fiosachd. 29 Mharbh Pharaoh-necho Iosiah aig Megido, agus rìghich Jehohas 'n a dit.*

A GUS chuir an rìgh *teachdairean* uaith, agus chrùinnich d' ionnsuidh uile sheanairean Iudah, agus Ierusalem.

2 Agus chaidh an rìgh suas do thigh an Tighearn', agus daoine Iudah uile, agus uile luchd-àiteachaidh Ierusalem maille ris, agus na sagartan, agus na fàidhean, agus an sluagh uile cadar bhacag agus mhòr: agus leugh e 'n an éisdeachd uile bhriathran leabhair a' choimhcheangail, a fhuaradh ann an tigh an Tighearna.

3 Agus sheas an rìgh làmh ri post, agus rinn e coimhcheangal 'am fianuis an Tighearna, gu'n gluaiseadh iad an déigh an Tighearn', agus gu'n gleidheadh iad àitheantan, agus a theisteis, agus a reachdan, le'n uile chridhe, agus le'n uile anam, a choimhionadh bhriathran a' choimhcheangail so, a *tha* sgrìobhta's an leabhar so: agus sheas an sluagh uile ris a' choimhcheangal.

4 Agus dh'àithn an rìgh do Hileiah an t-àrd shagart, agus do shagartaibh an dara *orduigh*, agus do luchd-gleidhidh an doruis, na soithichean uile a rinneadh do Bhaal, agus do'n doire, agus do uile armailt nèimh, a thoirt a mach à teampull an Tighearn': agus loig e iad an taobh a muigh de Ierusalem ann am machairibh Chidroin, agus ghiùlain e'n luath gu Bet-el.

5 Agus chuir e as do shagartaibh an iodhol-aoraidh, a dh'orduich rìghrean Iudah a losgadh tùis anns na h-àitibh àrda, ann am mòr-bhailtibh Iudah, agus anns na h-àitibh mu thimcheall Ierusalem; iadsan mar an ceudna a loig tùis do Bhaal, do'n ghréin, agus do'n ghealaich, agus do na reultaibh siubhlach, agus do uile armailt nèimh.

6 Agus thug e'n doire o thigh an Tighearn', an taobh a mach de Ierusalem, gu srutl: Chidroin, agus loig se e aig sruth Chidroin,

agus mhìn-phronn e gu luaithe e, agus thilg e a luaithe air uaighibh cloinne an t-sluaigh.

7 Agus bhris e sìos tighéan nan Sodomach a *bha* laimh ri tigh an Tighearna, far an robh na mnaithan a' figheadh chùirteinean do'n doire.

8 Agus thug e mach na sagartan uile a' bailtibh Iudah, agus thruaill e na h-àitean àrda far an do loisg na sagartan tùis, o Gheba gu Beer-seba, agus bhris e sìos àitean àrda nan geata, a *bha* ann an dol a stigh geata Iosua uachdarain a' bhaile, a *bha* air laimh chli duine ann an geata a' bhaile.

9 Gidheadh, cha deachaidh sagartan nan àitean àrda suas gu altair an Tighearn' ann an Ierusalem, ach dh'ith iad aran neo-ghoirtichte am measg am bràithrean.

10 Agus thruaill e Tophet a *tha* ann an gleann mhic Hinnoin, a chum nach feudadh duine air bith toirt air a mhaic no air a nighinn dol troimh 'n teine do Mholech.

11 Agus thug e air falbh na h-eich a thug rìghrean Iudah do'n ghréin, o dhol a steach tìghe an Tighearna, laimh ri seomair Natan-melech a' chaillteanaich, a *bha* 's a' mhach-bhaile, agus loisg e carbadan na gréine le teine.

12 Agus na h-altairean a *bha* air mullach seòmair uachdaraich Ahais, a rinn rìghrean Iudah, agus na h-altairean a rinn Manaseh ann an dà chùirt tìghe an Tighearna, thilg an rìgh sìos, agus bhris e o sin *iad*, agus thilg e 'n luaithe ann an sruth Chidroin.

13 Agus na h-àitean àrda a *bha* fa chomhair air Ierusalem, a *bh'air* an laimh dheis de shliabh na truaidheachd, a thog Solamh rìgh Israeil do Astarot gràineileachd nan Sidonach, agus do Chemos gràineileachd nam Moabach, agus do Mhileom gràineileachd chloinn Amoin, thruaill an rìgh.

14 Agus bhris e 'n am bloighdibh na dealbhan, agus ghearr e sìos na doircachan, agus lion e 'n àitean le cnàman dhaoine.

15 Os bàrr, an altair a *bh'air* Bet-el, agus an t-àit àrd a rinn Ieroboam mac Nebait, a thug air Israel peacachadh, araon an altair agus an t-àit àrd bhris e sìos, agus loisg e 'n t-àit àrd; agus mhìn-phronn e gu luaithe e, agus loisg e 'n doire.

16 Agus an uair a thionndaidh Iosiah mu'n cuairt, chunnaic e na h-uaighean a *bha* 'n sin 's an t-sliabh, agus chuir e *daoine* uaith, agus thug e na cnàman as na h-uaighean, agus loisg e *iad* air an altair, agus thruaill e i, a réir focail an Tighearn', a labhair òglach Dhé a chuir 'an cèill na briathran so.

17 An sin thubhairt e, Ciod e an carragh so a *tha* mi 'faicim? Agus thubhairt daoine a' bhaile ris, *Is i* uaigh òglaich Dhé a th'ann, a thàinig o Iudah, agus a chuir 'an cèill na nithean sin a rinn thusa an aghaidh altarach Bhet-eil.

18 Agus thubhairt e, Leigibh leis; na

gluaiseadh duine sam bith a chnàmhan-sa; agus leig iad tàmh d'a chnàmhan maille ri cnàmhan an fhàidh a thàinig á Samaria.

19 Agus mar an ceudna uile thighean nan àitean àrda a *bha* ann am bailtibh Shamaria, a rinn rìghrean Israeil a bhrosnachadh *an Tighearna* gu feirg, thug Iosiah air falbh, agus rinn e riu a réir nan uile ghlèimh a rinn e ann am Bet-el.

20 Agus mharbh e uile shagartan nan àitean àrda a *bha* 'n sin air na h-altairich, agus loisg e cnàmhan dhaoine orra, agus phill e gu h-Ierusalem.

21 Agus dh'athain an rìgh do'n t-sluaigh uile, ag ràdh, Cumaibh a' chàisg do'n Tigh-eann bhuir Dia, mar *tha* e sgriobhta ann an leabhar a' choimhcheangail so.

22 Gu cinnteach cha do chumadh a leithid so de chàisg, o làithibh nam breitheamh a thug breth air Israel, no ann an uile làithibh rìghrean Israeil, no rìghrean Iudah:

23 Ach anns an ochdamh bliadhna deug de rìgh Iosiah, chumadh a' chàisg so do'n Tighearn, ann an Ierusalem.

24 Os bàrr, na leannain-shith, agus an luchd-fiosachd, agus na dealbhan, agus na h-òdholan, agus gach uile ghràineileachd a chumacas ann an tìr Iudah, agus ann an Ierusalem, chuir Iosiah air falbh, a chum gu'n coimhionadh e briathran an lagha, a *bha* sgriobhta 's an leabhar a fhuair Hileiah an sagart ann an tigh an Tighearna.

25 Agus cosmhuil ris-san cha robh rìgh air bith roimhe, a phill a dh'ionnsuidh an Tighearna le 'uile chridhe, agus le 'uile anam, agus le 'uile neart, a réir lagha Mhaois uile; agus 'n a dhéigh cha d'éirich a shamhuil.

26 Gidheadh, cha do phill an Tighearn o theas 'fheirge mòire, leis an do las 'fhearg an aghaidh Iudah, air son nan uile bhrosnachadh leis an do bhrosnaich Manaseh e.

27 Agus thubhairt an Tighearn, Atharraichidh mi Iudah mar an ceudna as mo shealladh, mar a dh'atharraich mi Israel, agus cuiridh mi cùl gu tur ris a' mhòr-bhaile so Ierusalem, a thagh mi, agus ris an tigh mu'n dubhairt mi, Bithidh m'ainm an sin.

28 Agus a' ehuid eile de ghlèimharaibh Iosiah, agus na h-uile *nithean* a rinn e, nach 'eil iad sgriobhta ann an leabhar eachdraidh rìghrean Iudah?

29 'N a làithibh-san chaidh Pharaoh-necho rìgh na h-Eipht suas an aghaidh rìgh Asiria gu amhainn Euphrates; agus chaidh rìgh Iosiah 'n a aghaidh, agus mharbh esan e aig Megido 'n uair a chunnaic se e.

30 Agus ghluilain a sheirbhiseich e marbh ann an carbad o Mhegido, agus thug iad e gu h-Ierusalem, agus dh'adhlaic iad e 'n t-uaigh féin: agus ghabh sluaigh na tìre Ie hoahas mac Iosiah, agus dh'ung iad e, agus rinn iad 'n a rìgh e 'an àit 'athar.

31 Tri bliadhna fichead a dh'aois *bha* Iehoahas an uair a thòisich e air rioghachadh; agus rìghich e trì mìosan ann an Ierusalem: agus *be* ainm a mhàthar Hamutal, nighean Ieremiah o Libnah.

32 Agus rinn e olc ann an sùilibh an Tighearn, a réir nan uile *nithean* a rinn 'aithrichean.

33 Agus chuir Pharaoh-necho e ann an cuibhreachaibh aig Riblah, ann an tìr Hamait, a chum nach rioghaicheadh e ann an Ierusalem; agus chuir e ceud tàlann airgid, agus tàlann òir, mar chùis air an tìr.

34 Agus rinn Pharaoh-necho Eliacim mac Iosiah 'n a rìgh 'an àit Iosiah 'athar, agus dh'atharraich e 'ainm gu Iehoiacim, agus thug e air falbh Iehoahas; agus thàinig e do'n Eiphit, agus dh'eug e an sin.

35 Agus thug Iehoiacim an t-airgid agus an t-òr do Pharaoh: ach thug e fainear an tìr a mheas a chum gu'n iocadh iad an t-airgid a rèir àithne Pharaoh; dh'iarr e 'n t-airgid agus an t-òr o shluagh na tìre, o gach neach a réir a mheas, gus a thabhairt do Pharaoh-necho.

36 Cùig bliadhna fichead a dh'aois *bha* Iehoiacim an uair a thòisich e air rioghachadh, agus rìghich e aon bhliadhna deug ann an Ierusalem; agus *be* ainm a mhàthar Sebudah, nighean Phedaiah o Rumah.

37 Agus rinn e olc ann an sùilibh an Tighearn, a réir nan uile *nithean* a rinn aithrichean.

CAIB. XXIV.

1 Rinn Iehoiacim ceannairc an aghaidh Nebuchadnesair. 5 *Fhuair* e bàs, agus rìghich Iehoiachin 'n a àit. 7 Bhuaidhich rìgh Bhabiloìn air rìgh na h-Eiphit. 10 Ghlac Nebuchadnesair Ierusalem, agus thug e leis Iehoiachin 'am braighdeanas do Bhabilon. 17 Rinneadh Sedeciah 'n a rìgh 'n a àit.

'N A làithibh-san thàinig Nebuchadnesair rìgh Bhabiloìn a nìos, agus bha Iehoiacim 'n a sheirbhiseach aige trì bliadhna: an sin phill e agus rinn e ceannairc 'n a aghaidh.

2 Agus chuir an Tighearn 'n a aghaidh buidhnean de na Caldeanaich, agus buidhnean de na Sirianaich, agus buidhnean de na Moabaich, agus buidhnean de chloinn Amoin, agus chuir e iad an aghaidh Iudah g'a sgrìos, a réir focail an Tighearn, a labhair e le 'sheirbhiseach na fuidhean.

3 Gu cinnteach air àithne an Tighearn thàinig so air Iudah, chum an atharrachadh as a shealladh air son pheacaidhean Mhanaseh, a réir nan uile *nithean* a rinn e:

4 Agus mar an ceudna air son na fola neò-chiontaich a dhòirt e; oir lìon e Ierusalem le fuil neò-chiontaich, nach maithcadh an Tighearn.

5 Agus a' chuid eile de ghnìomharaibh Iehoiacim, agus na h-uile *nithean* a rinn e,

nach 'eòil iad sgrìobhta ann an leabhar eachdraidh rìghrean Iudah?

6 Agus chaidh Iehoiacim maille r'a aithrichibh: agus rìghich Iehoiachin a mhac 'n a àit.

7 Agus cha d'fhàinig rìgh na h-Eiphit nì's mò as a thùr féin: oir ghlac rìgh Bhabiloìn o amhainn na h-Eiphit gus an amhainn Euphrates, gach nì 'bu le rìgh na h-Eiphit.

8 Ochd bliadhna deug a dh'aois *bha* Iehoiachin an uair a thòisich e air rioghachadh; agus rìghich e ann an Ierusalem trì mìosan: agus *be* ainm a mhàthar Nehusta, nighean Elnatain o Ierusalem.

9 Agus rinn e olc ann an sùilibh an Tighearn, a réir nan uile *nithean* a rinn 'athair.

10 Anns an àm sin thàinig seirbhiseach Nebuchadnesair rìgh Bhabiloìn a nìos an aghaidh Ierusalem, agus theannaicheadh am baile.

11 Agus thàinig Nebuchadnesair rìgh Bhabiloìn an aghaidh a' bhaile, agus theannaich a sheirbhiseach e.

12 Agus chaidh Iehoiachin rìgh Iudah a mach a dh'ionnsuidh rìgh Bhabiloìn, e féin, agus a mhàthair, agus a sheirbhiseach, agus a cheannardan, agus a chailteanaich; agus ghlac rìgh Bhabiloìn e 's an ochdamh bliadhna d'a rioghachadh.

13 Agus thug e mach as a sin uile ionmhais tighe an Tighearn, agus ionmhais tighe an rìgh, agus ghearr e 'n am bloighdibh na soithichean òir uile a rinn Solamh rìgh Israeil ann an teampull an Tighearn, mar a labhair an Tighearn.

14 Agus thug e leis Ierusalem uile, agus na ceannardan uile, agus na daoine treuna uile, deich mìle de bhraighdibh, agus an luchd-ceirde uile, agus na goibhnean: cha d'fhan a h-aon ach bochdan sluagh na tìre.

15 Agus thug e leis Iehoiachin do Bhabilon, agus màthair an rìgh, agus mnathan an rìgh, agus a chailteanaich, agus daoine cumhachdach na tìre; iad sin thug e leis 'am braighdeanas, o Ierusalem do Bhabilon:

16 Agus na daoine gaisgeil uile, seachd mìle, agus an luchd-ceirde agus na goibhnean, mìle, iadsan uile a bha comasach agus a dheanadh cogadh, eadhon iadsan thug rìgh Bhabiloìn 'am braighdeanas leis do Bhabilon.

17 Agus rinn rìgh Bhabiloìn Mataniah bràthair 'athar 'n a rìgh 'n a àit, agus dh'atharraich e 'ainm gu Sedeciah.

18 Bliadhna thar fhichead a dh'aois *bha* Sedeciah 'n uair a thòisich e air rioghachadh; agus rìghich e aon bhliadhna deug ann an Ierusalem: agus *be* ainm a mhàthar Hamutal, nighean Ieremiah o Libnah.

19 Agus rinn e olc ann an sùilibh an

Tighearn', a réir nan uile *nithean* a rinn Iehoiacin.

20 Oir troimh chorruich an Tighearna bha e *mar sin* ann an Ierusalem agus ann an Iudah, gus an do thilg e as a làthair iad: agus rinn Sedeciah ceannaire an aghaidh rìgh Bhabiloin.

CAIB. XXV.

1 *Theannaich Nebuchadnesar Ierusalem. 4 Ghlac e Sedeciah, agus chuir e mach a shùilean. 8 Loisg Nebusaradan Ierusalem. 18 Mharbhadh uaislean Iudah aig Riblah. 23 Chuir Ismael Gedaliah gu bàs. 27 Nochd Ehbil-merodach caoimheas do Iehoiachin.*

A GUS anns an naothamh bliadhna d'a rìoghachadh, 's an deicheamh mìos, air an deicheamh là de'n mhìos, thàinig Nebuchadnesar rìgh Bhabiloin, e fèin agus 'armailt uile, an aghaidh Ierusalem, agus champaich e 'n a h-aghaidh; agus thog iad daingnichean 'n a h-aghaidh mu'n cuairt.

2 Agus bha am baile air a theannachadh gus an aon bhliadhna deug de rìgh Sedeciah.

3 Agus air an naothamh là de'n *cheathramh* mìos, bhuadhaich a' ghorta 's a' bhaile, agus cha robh aran ann do shluagh na tìre.

4 Agus bhriseadh sìos am baile, agus theich na fir-chogaidh uile 's an oidhche, air slighe a' gheata, eadar an dà bhalla, a *tha* làimh ri lìos an rìgh; (a nis *bha* na Caldeanaich an aghaidh a' bhaile mu'n cuairt;) agus dh'imich iad air an t-slighe dh'ionnsuidh a' chòmhnaidh.

5 Agus lean armailt nan Caldeanach an rìgh, agus rug iad air ann an còmhnaidh Iericho; agus sgapadh 'armailt uile uaith.

6 Mar sin ghlac iad an rìgh, agus thug iad suas e dh'ionnsuidh rìgh Bhabiloin gu Riblah; agus thug esan breth air.

7 Agus mharbh e mic Shedeciah fa chomhair a shùil, agus chuir e a shùilean á Sedeciah, agus cheangail se e le geimhlìbh umha, agus thug e leis e do Bhabilon.

8 Agus anns a' chùigeamh mìos, air an t-seachdamh là de'n mhìos, (b'i sin an naothamh bliadhna deug de rìgh Nebuchadnesar, rìgh Bhabiloin,) thàinig Nebusar-adan ceannard an fhreiceadain, seirbhisceach rìgh Bhabiloin, gu h-Ierusalem:

9 Agus loisg e tigh an Tighearn', agus tigh an rìgh, agus tighean Ierusalem uile; agus gach uile thigh mòr loisg e le teine.

10 Agus leag uile armailt nan Caldeanach, a *bha* maille ri ceannard an fhreiceadain, sìos ballachan Ierusalem mu'n cuairt.

11 Agus a' chuid eile de'n t-sluaigh a dh'fhàgadh 's a' bhaile, agus an luchd-teichidh a chaidh thairis gu rìgh Bhabiloin, maille ri fuigheall an t-sluaigh, thug Nebusar-adan ceannard an fhreiceadain air falbh leis.

12 Ach dh'fhàg ceannard an fhreiceadain

cuid de bhochdaibh na tìre, *gu bhì* 'n an luchd-deasachaidh fhìonaincan agus 'n an treabhaichibh.

13 Agus na puist umha a *bha* ann an tigh an Tighearna', agus na buinn, agus an fhaireg umha a *bha* ann an tigh an Tighearna, bhris na Caldeanaich 'n am bloighdibh, agus thug iad leo an umha do Bhabilon.

14 Agus na poitean, agus na sluasaidean, agus na smàladairean, agus na spàinean, agus na soithichean umha uile leis an d'rinn iad frìthealadh, thug iad leo.

15 Agus na h-aighnean teine, agus na cuachan, na *nithean* a *bha* dh'òrd 'n a òr, agus a *bha* dh'airgid 'n a airgid, thug ceannard an fhreiceadain air falbh.

16 Dà phost, aon fhaireg, agus na buinn a rinn Solamh air son tighe an Tighearna; bha umha nan soithichean sin uile gun tomhas:

17 Ochd làmhnan-coille deng àirde aoin phuist, agus an ceann-mullaich a *bh'*air a dh'umha; agus àirde a' chinn-mhullaich trì làmhnan-coille: agus an lìon-obair, agus na pomgranatan air a' cheann-mhullaich mu'n cuairt, iad sin uile de umha: agus an leithid sin *bha* aig an dara post, maille ri lìon-obair.

18 Agus ghlac ceannard an fhreiceadain Seraiah an t-àrd-shagart, agus Sephaniah an dara sagart, agus na trì dorsairean.

19 Agus as a' bhaile thug e aon chaillteanach, a *bha* os ceann nam fear-cogaidh, agus cùignear fhear dhiubhsan a *bha* 'n làthair an rìgh, a fhuaradh 's a' bhaile, agus àrd sgrìobhaiche na h-armailt, a *bha* 'teagasg cogaidh do shluagh na tìre, agus trì fìchcad fear de shluagh na tìre a fhuaradh 's a' bhaile.

20 Agus ghlac Nebusar-adan ceannard an fhreiceadain iad sin, agus thug e iad gu rìgh Bhabiloin do Riblah.

21 Agus bhual rìgh Bhabiloin iad, agus mharbh e iad aig Riblah, ann an tìr Hamait. Agus thugadh Iudah air falbh as an tìr féin.

22 Agus os ceann an t-sluaigh a dh'fhàgadh ann an tìr Iudah, a dh'fhàg Nebuchadnesar rìgh Bhabiloin, eadhon os an ceann-san chuir e Gedaliah mac Ahicaim, mhic Shaphain.

23 Agus an uair a chual' uile cheannardan nan armailt, iad fèin agus an daoine, gu'n do rinn rìgh Bhabiloin Gedaliah 'n a uachdaran, thàinig gu Gedaliah do Mhispa, eadhon Ismael mac Netaniah, agus Iohan-an mac Chareah, agus Seraiah mac Thanhumet an Nctophatach, agus Iasaniah mac Mhaachataich, iad fèin agus an daoine.

24 Agus mhionnaich Gedaliah dhoibh, agus d'an daoibh, agus thubhairt e riu, Na bitheadh cagal oirbh a bhì 'n ur seirbhisich do na Caldeanaich: gabhaibh còmh-

nuidh 's an tìr, agus deanaibh seirbhis do rìgh Bhabiloìn, agus éiridh gu maith dhuibh.

25 Ach anns an t-seachdamh mìos, thàinig Ismael mac Nctaniah, mhic Elisama, de'n t-sliochd rìoghail, agus deichnear fhear maille ris, agus bh'nail iad Gedaliah air chor as gu'n d'eug e, agus na h-Iudhaich agus na Caldeanaich a bha maille ris aig Mispah.

26 Agus dh'éirich an sluagh uile eadar bhac agus mhòr, agus ceannardan nan arnailt, agus thàinig iad do'n Eiphit: oir bha eagal nan Caldeanach orra.

27 Ach anns an t-seachdamh bliadhna deug thar fhichead de bhraighdeanas Iehoiachin rìgh Iudah, anns an dara mìos

deug, air an t-seachdamh là fichead de'n mhìos, thog Ehbil-merodach rìgh Bhabiloìn, air a' bhliadhna anns an do thòisich e air rìoghachadh, suas ceann Iehoiachin rìgh Iudah a prìosan.

28 Agus labhair e gu caoimhneil ris, agus chuir e suas a rìgh-chaitheir os ceann rìgh-chathrach nan rìgh, a bha maille ris ann am Babilon:

29 Agus mhùth e 'eudach-prìosain; agus dh'ith e aran a ghnàth 'n a làthair ré uile làithean a bheatha.

30 Agus bu chuibhrionn ghnàthaichte a chuibhrionn a thugadh dha o'n rìgh, cuid laitheil fa chomhair gach là, ré uile làithean a bheatha.

CEUD LEABHAR

NAN

E A C H D R A I D H.

CAIB. I.

1 *Sliochd Adhaimh gu Noah.* 5 *Mic Iapheit.* 8 *Mic Ham.* 17 *Mic Sheim.* 24 *Sliochd Sheim gu Abraham.* 29 *Mic Ismaeil.* 32 *Mic Cheturah.* 36 *Sliochd Abraham te Esau, &c.*

A DHAMH, Set, Enos,

2 Cenan, Mahaleel, Iered,

3 Henoch, Metuselach, Lamech,

4 Noah, Sem, Ham, agus Iaphet.

5 Mic Iapheit: Gomer, agus Magog, agus Madai, agus Iabhan, agus Tubal, agus Mesech, agus Tiras.

6 Agus mic Ghomeir; Aschenas, agus Riphat, agus Togarmah.

7 Agus mic Iabhain; Elisah, agus Tarsis, Citim, agus Dodanin.

8 Mic Ham; Cus, agus Misraim, agus Phut, agus Canaan.

9 Agus mic Chuis; Seba, agus Habhilah, agus Sabta, agus Raamah, agus Sabtecha: agus mic Raamah; Seba agus Dedan.

10 Agus ghin Cus Nimrod: thòisich esan air a' bhli cumhachdach air an talamh.

11 Agus ghin Misraim na Iudaich, agus na h-Anamaich, agus na Lehabaich, agus na Naphtuhaich,

12 Agus na Patrusaich, agus na Cashu-haich, (o'n d'thàinig na Philistich,) agus na Caphtoraich.

13 Agus ghin Canaan Sidon a cheud-ghin, agus Hct,

14 Agus an t-Iebusach, agus an t-Amorach, agus an Girsasach,

15 Agus an t-Ibheach, agus an t-Archach, agus an Sineach,

16 Agus an t-Arbhadach, agus an Semarach, agus an t-Hamatach.

17 Mic Sheim; Elam, agus Asur, agus Arphacsad, agus Lud, agus Aram; agus mic Aram Us, agus Hul, agus Geter, agus Mesech.

18 Agus ghin Arphacsad Selah, agus ghin Selah Eber.

19 Agus do Eber rugadh dithis mhac: 'b'e ainm aoin diubh Peleg, a chionn 'n a làithibh-san gu'n do roinneadh an talamh; agus ainm a bhràthar Ioctan.

20 Agus ghin Ioctan Almodad, agus Selceph, agus Hasarmabhet, agus Ierah,

21 Agus Hadoram, agus Usal, agus Dielach,

22 Agus Ebal, agus Abimael, agus Seba,

23 Agus Ophir, agus Habhilah, agus Iobab. *B'iad* sin uile mic Ioctain.

24 Sem, Arphacsad, Selah,

25 Eber, Peleg, Reu,

26 Serug, Nahor, Terah,

27 Abram, *is e* sin Abraham.

28 Mic Abraham; Isaac agus Ismael.

29 *Is iad* so an ginealaich: Ceud-ghin Ismaeil, Nebaiot; an sin Cedar, agus Adbeel, agus Mibsam,

30 Misma, agus Dumah, Masa, Hadad, agus Tema,

31 Ictur, Naphis, agus Cedemah. *Is iad* sin mic Ismaeil.

32 Agus mic Cheturah, coimhleabach Abraham: rug ise Simran, agus Iocsan, agus Medan, agus Midian, agus Isbac, agus Suah. Agus mic Iocsaia; Seba, agus Dedan.

33 Agus mic Mhidiain; Ephah, agus Ephraim, agus Henoah, agus Abida, agus Eldaah. *Is iad sin uile mic Cheturah.*

34 Agus ghin Abraham Isaac. Mic Isaac; Esau agus Israel.

35 Mic Esau; Eliphaz, Reuel, agus Icus, agus Iaalam, agus Corah.

36 Mic Eliphaz; Teman, agus Omar, Sephi, agus Gatan, agus Cenas: agus rug Timna, coimhleabach Eliphaz, dha Analec.

37 Mic Reueil; Nahat, Serah, Samah, agus Midsah.

38 Agus mic Sheir; Lotan, agus Sobal, agus Sibeon, agus Anah, agus Dison, agus Eser, agus Disan.

39 Agus mic Lotain; Hori, agus Homam: agus *b'i* Timna piuthar Lotain.

40 Mic Shobail; Alian, agus Manahat, agus Ebal, Sephi, agus Onam. Agus mic Shibeoin; Aiah, agus Anah.

41 Mic Anah; Dison. Agus mic Dhisoin; Anram, agus Esban, agus Itran, agus Cheran.

42 Mic Eseir; Bilhan, agus Sabhan, agus Iacan. Mic Dhisain; Us, agus Aran.

43 A nis *is iad* so na rìghrean a rìghich ann an tìr Edoim, mun do rìghich rìgh air bith os ceann chloinn Israeil; Bela mac Bheoir: agus *b'e* ainm a bhaile Dimhabah.

44 Agus dh'eug Bela; agus rìghich Iobab, mac Sherah o Bhosrah, 'n a àit.

45 Agus dh'eug Iobab; agus rìghich 'n a àit Husam o thir nan Temanach.

46 Agus dh'eug Husam; agus rìghich Hadad mac Bhedaìd (a bhuail Midian ann an machair Mhoab) 'n a àit: agus *b'e* ainm a bhaile Abhit.

47 Agus dh'eug Hadad; agus rìghich Samlah o Mhasrecal 'n a àit.

48 Agus dh'eug Samlah; agus rìghich Saulo Rehobot làimh ris an amhaim 'n a àit.

49 Agus dh'eug Saul; agus rìghich Baalhanan mac Achboir 'n a àit.

50 Agus dh'eug Baalhanan; agus rìghich Hadad 'n a àit: agus *b'e* ainm a bhaile Pau; agus *b'e* ainm a mhàin Meheteabel, nighean Mhatreid, nighinn Mhesaib.

51 Dh'eug Hadad mar an ceudna. Agus b'iad cinn-fheadhna Edoim; Timnah ceann-fheadhna, Aluah ceann-fheadhna, Ietet ceann-fheadhna,

52 Aholibamah ceann-fheadhna, Elah ceann-fheadhna, Pinon ceann-fheadhna,

53 Cenes ceann-fheadhna, Teman ceann-fheadhna, Mibsar ceann-fheadhna,

54 Magdiel ceann-fheadhna, Iram ceann-fheadhna. *Is iad sin cinn-fheadhna Edoim.*

CAIB. II.

1 Mic Israeil. 3 *Stiochd Iudah le Tamar.* 13 *Mic Iese.* 18 *Stiochd Chaleib mhic Hesroin.*

25 *Stiochd Ierahmeil.* 34 *Stiochd Shesain.* 50 *Stiochd Chaleib mhic Huir.*

Is iad so mic Israeil; Reuben, Simeon, Lebhi, agus Iudah, Isachar, agus Sebulan,

3 Dan, Ioseph, agus Benjamin, Naphtali, Gad, agus Aser.

3 Mic Iudah; Er, agus Onan, agus Selah: rugadh dha an triuir so le nighinn Shualh a' Bhan-chanaanaich. Agus bha Er ceud-ghin Iudah-ole ann an sùilbh an Tighearn', agus mharbh se e.

4 Agus rug Tamar a bhan-chliamhuin dha Phares agus Serah. *B'iad* uile mhic Iudah cùigear.

5 Mic Phareis; Hesron agus Hamul.

6 Agus mic Sherah; Simri, agus Etan, agus Heman, agus Calcol, agus Dara: cùigear dhiubh uile.

7 Agus mic Charmi; Achar; fear-buaireis Israeil, a chiontaich anns an ni mhallaichte.

8 Agus mic Etain; Asariah.

9 Agus mic Hesroin, a rugadh dha; Ierahmeel, agus Ram, agus Chelubai.

10 Agus ghin Ram Aminadab, agus ghin Aminadab Nahson, ccannard chloinn Iudah;

11 Agus ghin Nahson Salma, agus ghin Salma Boas,

12 Agus ghin Boas Obed, agus ghin Obed Iese,

13 Agus ghin Iese a cheud-ghin Eliab, agus Abinadab an dara mac, agus Sima an treas,

14 Netaneel an ccathramh, Radai an cùigear,

15 Osem an seathamh, Daibhidhan seachdamh:

16 Agus *b'iad* am peathraichean-san Seruah agus Abigail. Agus mic Sheruah; Abisai, agus Ioab, agus Asahel, triuir.

17 Agus rug Abigail Amasa: agus *b'e* athair Amasa, Ieter an t-Ismoeleach.

18 Agus ghin Caleb mac Hesroin ri Asubah a mhnaoi, Ieriot: *b'iad* so mar an ceudna a mic, Ieser, agus Sobab, agus Ardon.

19 Agus an uair a bha Asubah marbh, ghabh, Caleb d'a ionnsuidh Ephrat, a rug Hur dha.

20 Agus ghin Hur Uri, agus ghin Uri Besaleel.

21 Agus 'n a dhéigh sin, chaidh Hesron a steach a dh'ionnsuidh nighinn Mhachir, athar Ghilead, agus ghabh e i 'n uair a bha e tri fiched bliadhna dh'aois; agus rug i dha Segub.

22 Agus ghin Segub Iair, aig an robh tri thar fhichead de bhailtibh mora ann an tìr Ghilead.

23 Agus thug e Gesur agus Aram le bailtibh Iair uatha, maille ri Cnat agus a bhailtibh, *eadhon* tri fiched baile mòr: *bhuin* iad sin uile do mhacaibh Mhachir, athar Ghilead.

24 Agus an déigh do Hesron bàs fhaghaill ann an Caleb-cphratah, an sin rug Abiah bean Hesroin Asur athair Thecoah dha.

25 Agus b'iad mic Ierahmeil ceud-ghin

Hesroin, Ram an ceud-ghin, agus Bunah, agus Oren, agus Osem, agus Ahiah.

26 Bha mar an ceudna bean eile aig Ierahmeel d'am b'ainm Atarah; b'ise màthair Onaim.

27 Agus b'iad mic Ram ceud-ghin Ierahmeel, Maas, agus Iamin, agus Ecer.

28 Agus b'iad mic Onaim, Samai, agus Iada. Agus mic Shamai; Nadab agus Abisur.

29 Agus b'e ainm mnà Abisuir, Abihail; agus rug i dha Ahban agus Molid.

30 Agus mic Nadaib; Seled agus Apaim: ach fhuair Seled bàs gun chlann.

31 Agus mic Apaim; Isi. Agus mic Isi; Sesan. Agus mic Shesain; Ahlai.

32 Agus mic Iada bràthar Shamai; Ieter, agus Ionatan: agus fhuair Ieter bàs gun chlann.

33 Agus mic Ionatain; Pelet, agus Sasa. B'iad sin mic Ierahmeel.

34 A nis cha robh aig Sesan mic ach nighcanan: agus bha aig Sesan òglach, Eiphiteach, d'am b'ainm Iarha.

35 Agus thug Sesan a nighean d'a òglach Iarha 'n a mnaoi; agus rug i dha Atai.

36 Agus ghin Atai Natan, agus ghin Natan Sabad,

37 Agus ghin Sabad, Ephlal, agus ghin Ephlal Obed,

38 Agus ghin Obed Iehu, agus ghin Iehu Asariah,

39 Agus ghin Asariah Heles, agus ghin Heles Eleasah,

40 Agus ghin Eleasah Sisamai, agus ghin Sisamai Salum,

41 Agus ghin Salum Iecamiah, agus ghin Iecamiah Elisama.

42 A nis b'iad mic Chaleib bràthar Ierahmeel, Mesa a cheud-ghin; b'esan athair Shiph; agus mic Mharsah athar Hebroin.

43 Agus mic Hebroin; Corah, agus Tapuah, agus Recem, agus Sema.

44 Agus ghin Sema Raham, athair Iorcoaim: agus ghin Recem Samai.

45 Agus b'e mac Shamai Maon: agus b'e Maon athair Bhetsuir.

46 Agus rug Ephah coimhleabach Chaleib Haran, agus Msa, agus Gases: agus ghin Haran Gases.

47 Agus mic Iahdai; Regem, agus Iotam, agus Gesan, agus Pelet, agus Ephah, agus Saaph.

48 Rug Maachah coimhleabach Chaleib Seber agus Tirhanah.

49 Rug i mar an ceudna Saaph athair Mhadmanah, Sebhah athair Mhachbenah, agus athair Ghibeah: agus b'i nighean Chaleib Achsa.

50 B'iad so mic Chaleib mhic Huir, ceud-ghin Ephratah; Sobal athair Chiriat-icarim,

51 Salma athair Bhets-lehem, Hareph athair Bhets-gadeir.

52 Agus bha aig Sobal athair Chiriat-icarim mic; Haroeh, Hatsi; Hameniot.

53 Agus teaghlachan Chiriat-icarim; na h-Itrich, agus na Puthich, agus na Sumataich, agus na Misraich: uatha-san thàinig na Sareataich, agus na h-Estaulaich.

54 Mic Shalma; Bet-lehem, agus na Netophataich, Atarot, tigh Ioaih, agus leth nam Manaheteach, na Soraich.

55 Agus teaghlachan nan sgrìobhaich a bha 'chòmhnuidh aig Iabes; na Tirataich, na Simeataich, agus na Suchataich. Is iad sin na Cenich a thàinig o Hemat, athair tighe Rechaib.

CAIB. III.

1 Mic Dhaibhidh. Sliocht Sholaimh gu Sede-
ciah. 17 Sliocht Ieconiah.

ANIS b'iad so mic Dhaibhidh, a rugadh dha ann an Hebron: an ceud-ghin Amnon o Ahinoam a' Bhan-iesreeleach: an dara mac, Daniel o Abigail a' Bhan-charmeleach:

2 An treas mac, Absalom mac Mhaachah, nighinn Thalmi rìgh Ghesuir: an ceathramh, Adoniah mac Hagit:

3 An cùigeamh, Sephatiah o Abital: an sèathamh, Itream le Egliah a mnaoi.

4 Rugadh an t-sèathnar sin dha ann an Hebron; agus ann an sin rìghich e seachd bliadhna agus sè mìosan: agus ann an Ierusalem rìghich e trì bliadhna deug thar fhichead.

5 Agus rugadh iad so dha ann an Ierusalem; Simea, agus Sobab, agus Natan, agus Solamh, ceathrar, o Bhatseba nighinn Amieil:

6 Ibharr mar an ceudna, agus Elisama, agus Eliphelet.

7 Agus Nogah, agus Nepheg, agus Iaphia,

8 Agus Elisama, agus Ehada, agus Eliphelet, naonar.

9 B'iad sin mic Dhaibhidh uile, a bhàrr air macaibh nan coimhleabach, agus Tamar am pinthar.

10 Agus b'e mac Sholaimh Rehoboam, Abia a mhac-san, Asa a mhac-san Iehosaphat a mhac-san,

11 Ioram a mhac-san, Ahasiah a mhac-san, Ioas a mhac-san,

12 Amasiah a mhac-san, Asariah a mhac-san, Iotam a mhac-san,

13 Ahas a mhac-san, Heseciah a mhac-san, Manaseh a mhac-san,

14 Amon a mhac-san, Iosiah a mhac-san.

15 Agus b'iad mic Iosiah; an ceud-ghin Iohanah, an dara mac Ieoiaic'm, an treas mac Sedeciah, an ceathramh, Salum.

16 Agus mic Ieoiaic'm; Ieconiah a mhac, Sedeciah a mhac.

17 Agus mic Ieconiah; Asir, Salatiel a mhac,

18 Agus Malchiram, agus Pedaiah, agus Senasar, Iccamiah, Hosama, agus Nedabiah.

I EACHDRAIDH, IV.

19 Agus *b'iad* mic Phedaiah Sernabel, agus Simeì: agus mic Sherubabail; Mesulam, agus Hananiah; agus Selomit am piuthar:

20 Agus Hasnbah, agus Ohel, agus Berechiah, agus Hasadiah, Insab-hesed, cùigear.

21 Agus mic Hananiah; Pelatiah, agus Iesiah a mhac-san, Rephaiah a mhac-san, Arnan a mhac-san, Obadiah a mhac-san, Sechaiah a mhac-san.

22 Agus mic Shechaniah; Semaiah: agus mic Shemaiah; Hatns, agus Igeal, agus Bariah, agus Neariah, agus Saphat, seathmar.

23 Agus mic Neariah; Elieonai, agus Hesechiah, agus Asricam, triuir.

24 Agus *b'iad* mic Elieonai; Hodaiah, agus Eliasib, agus Pelaiah, agus Acub, agus Iohanan, agus Dalaiah, agus Anani, seachdnar.

CAIB. IV.

1 *Sliochd Iudah le Culeb mac Huir. 5 Sliochd Asuir. 21 Sliochd Shelah.*

MIC Iudah; Phares, Hesron, agus Carmi, agus Hnr, agus Sobal.

2 Agus ghin Reaiah mac Shobail Iahat; agus ghin Iahat Ahmaji, agus Lahad. *Is iad sin teaghlachan nan Soratach.*

3 Agus *thàinig* iad so o athair Etain; Jesreel, agus Isma, agus Idbas: agus *b'e* ann am peathar Haselelponi.

4 Agus Pennel athair Ghedoir, agus Eser athair Husah. *Is iad sin mic Hnir, ceud-ghin Ephratah, athar Bhet-lehem.*

5 Agus bha aig Asur athair Thecoah dà ulnaoi, Helah agus Naarah.

6 Agus rug Naarah dha Ahusam, agus Hephher, agus Temeni, agus Haahastari. *B'iad sin mic Naarah.*

7 Agus *b'iad* mic Helah, Seret, agus Iesoar, agus Etnan.

8 Agus ghin Cos Annb, agus Sobebah, agus teaghlachan Aharheil, mhic Harnim.

9 Agus bha Iabes ni b'urramaiche na a bhràithrean: agus thug a mhàthair Iabes mar ainm air, ag ràdh, A chionn gu'n d'rug mi e le doilgheas.

10 Agus ghairm Iabes air Dia Israeil, ag ràdh, O gu'm beannaicheadh tu mi da rìreadh, agus gu'n cuireadh tu mo chrìochan 'am farsaingeachd, agus gu'm bitheadh do lamh leam, agus gu'n gleidheadh tu mi o olc, a chum nach cràidh e mi! Agus dheònaich Dia dha an sin a ghuidh e.

11 Agus ghin Chelnb bràthair Shnah Mehìr: *b'esan* athair Estoin.

12 Agus ghin Eston Betrapha, agus Paseah, agus Tchinah athair Inahais. *Is iad sin fir Rechah.*

13 Agus mic Chenais; Otniel, agus Seraiah: agus mic Otniel; Hatat.

14 Agus ghin Meouotai Ophrah: agus ghin Seraiah Ioab, athair *muinntir* glinuc Charasaim; oir bu Inehd-ceirde iad.

15 Agus mic Chaleib mhic Iephneh; Iru, Elah, agus Naam: agus mic Elah; Cenas.

16 Agus mic Ichaleleel; Siph, agus Siphah. Tiria, agus Asareel.

17 Agus *b'iad* mic Esra, Ieter, agus Mered, agus Ephher, agus Ialon: agus rug i Miriam, agus Samai, agus Isbah athair Estemoa.

18 Agus rug a bhean Iehndiah. Iered athair Ghedoir, agus Heber athair Shocho, agus Iecutiel athair Shanoah. Agus *is iad sin mic Blitiah* nighinn Pharaoh, a ghabh Mered 'n a mnaoi.

19 Agus mic a mhnà Hodiah, peathar Nahaim, athar Cheilah a' Gharmaich, agus Estemoa a' Mhaachataich.

20 Agus *b'iad* mic Shimoin, Amnon, agus Rinah, Ben-hanan, agus Tilon. Agus *b'iad* mic Isi, Sohet, agus Ben-sohet.

21 *B'iad* mic Shelah mhic Indah, Er athair Lecah, agus Laadah athair Mhar-esah, agus teaghlachan tighe na muinntir a dh'oibrich anart grunn de thigh Asbea.

22 Agus Iocim, agus daoine Choseba, agus Ioas, agus Saraph, aig an robh an uachdaranachd ann am Moab, agus Iasubilehem. Agus *is seann nithean iad sin.*

23 *B'iad sin* na criadhadairean, agus iad-san a chòmhnuich am measg lusan agus ghàraidhean: maille ris an rìgh 'n a obair dh'fhan iad an sin.

24 *B'iad* mic Shimeoin, Nemnel, agus Iamin, Iarib, Serah, agus Saul:

25 Salmu a mhac-san, Mibsam a mhac-san, Misma a mhac-san.

26 Agus mic Mhisma; Hammel a mhac, Sachnr a mhac-san, Simeì a mhac-san.

27 Agus *bha* aig Simeì sè mic deng agus seathnar nighean; ach aig a bhràithribh cha robh mòran cloinne, agus cha deachaidh an teaghlachan uile ann an lionnhoireachd, cosmhail ri cloinn Indah.

28 Agus chòmhnuich iad ann am Beer-seba, agus Moladah, agus Hasarsnal,

29 Agus ann am Bilhah, agus ann an Esem, agus ann an Tolad,

30 Agus ann am Betnel, agus ann an Hormah, agus ann an Siclag,

31 Agus ann am Bet-marcabot, agus ann an Hasar-susim, agus ann am Bet-birei, agus ann an Saaraim. *B'iad sin* am bailtean mòra, agus an do rìghich Daibhidh, maille ri'm bailtibh beaga.

32 Etan mar an ceudna, agus Ain, Rimon, agus Tochen, agus Asai, cùig bailtean mòra;

33 Agus am frith-bhailtean uile a *bha* mu'n cuairt air na mòr-bhailtibh sin gu rùig Baal. *B'iad sin* an ionadan-tàimh, agus an sloinneadh.

34 Agus Mesobab, agus Iamlech, agus Iosah mac Amasai,

35 Agus Ioel, agus Iehu mac Iosibiah, mhic Sheraiah, mhic Asieil,

36 Agus Elioenai, agus Iacobah, agus Iesohiah, agus Asaiah, agus Adiel, agus Iesimiel, agus Benaiah,

37 Agus Sisa mac Shipli, mhic Aloid, mhic Iedaiah, mhic Shimri, mhic Shemaiah.

38 *Bha* iad sin a *tha* air an aithris air an ainmibh 'n an ceannardaibh 'n an teaghlachan féin: agus ann an tigh an aithrichean mheudaich iad gu mòr.

39 Agus ehaidh iad gu ruig dol a steach Ghedoir, *eadhon* gu ruig taobh an ear a' ghlinne, a dh'iarraidh ionaltraidh d'an treudaibh.

40 Agus fhuair iad ionaltradh reamhar agus maith, agus *bha* an tìr farsaing, agus sàmhach, agus sìochail; oir *bha sìochd* Ham a chòmhnuidh an sin roimhe.

41 Agus thàinig iadsan a tha sgrìobhta air an ainm, ann an làithibh Heseciah rìgh Iudah, agus bhuail iad am bùthan, agus na h-ìouadan-còmhnuidh a fhuair iad an sin, agus ehuir iad as doibh gu tur gus an là'n diugh, agus ghabh iad còmhnuidh 'n an àite; a chionn gu'n *robh* ionaltradh an sin d'an treudaibh.

42 Agus ehaidh *cuid* diubh, *eadhon* de mhacaibh Shimeoin, cùig ceud fear, gu sliabh Sheir; agus Pelatiah, agus Neariah, agus Rephaiah, agus Udsiel, mic Isi air an ceann.

43 Agus bhuail iad am fuigheall a ehaidh as de Amalec, agus còmhnuich iad an sin gus an là'n diugh.

CAIB. V.

1 *Sìochd Reubein (a chaill a chòir-bhreith) gus an d'thugadh air falbh iad ann am bairighdeanas. II Cinn-fheadhna Ghad. 18 A'ireamh agus treubhantas mhac Reubein, Ghad, agus leth-thréibh Mhanaseh.*

A NIS *b'iad* mic Reubein, ceud-ghin Israeil, (oir b'esan an ceud-ghin; aeh a chionn gu'n do thruaill e leabadh 'athar, thugadh a chòir-bhreith do mhacaibh Ioseiph mhic Israeil: agus cha-n'eil na ginealaich gu bhì air an àircamh a réir na còir-bhreithe.)

2 Oir bhuaidhaich Iudah air a blràithribh, agus uaith-san *thàinig* an t-àrd riaghladair, aeh bu le Ioseph a' chòir-bhreith;

3 Mic Reubein, ceud-ghin Israeil; Hanoeh, agus Palu, Hesron, agus Carni.

4 Mic Ioel; Semaiah a mbac, Gog a mhae-san, Simeì a mhac-san,

5 Micah a mhac-san, Reaia a mhac-san, Baal a mhac-san,

6 Beerah a mhac-san, a thug Tiglat-pilneser, rìgh Asiria, air falbh leis: b'esan uaehdaran nan Reubeneach.

7 Agus *bha* 'bhràithrean a réir an teaghlachan, (nuair a dh'àirmheadh an sloinn-

eadh a réir an ginealach,) 'n an cinn-fheadhna, Ieiel, agus Sechariah,

8 Agus Bela mac Asaiah, mhic Shema, mhic Ioel, aig an *robh* a chòmhnuidh ann an Aroer, eadhon gu ruig Nebo, agus Baalmeon:

9 Agus a làimh na h-àirde 'n ear còmhnuich e gu ruig dol a steach an fhàsaich o'n amhainn Euphrates; a chionn gu'n d'fhàs an spréidh ro lionmhor ann am fearann Ghilead.

10 Agus ann an làithibh Shaul rinn iad cogadh ris na Hagaraich, a thuit le'n làimh: agus còmhnuich iad 'n am bùthaibh-san air feadh uile aghaidh na h-àird' an ear de Ghilead.

11 Agus còmhnuich clann Ghad thall fa'n comhair, ann an tìr Bhàsain gu ruig Salchah:

12 Ioel an ceann, agus Saphan a b'fhagise, agus Iaanai, agus Saphat ann am Basan.

13 Agus *b'iad* ann am bràithrean de thigh an aithrichean, Michael, agus Mesulam, agus Seba, agus Iorai, agus Iachan, agus Sia, agus Heber, seachdnar.

14 *Is iad* sin clann Abihail mhic Huri, mhic Ieroah, mhic Ghilead, mhic Mhicheail, mhic Iesiai, mhic Iahdo, mhic Bhuis:

15 Ahi mac Abdieil, mhic Ghuni, ceann tighe an aithrichean.

16 Agus ghabh iad còmhnuidh ann an Gilead, ann am Bàsan, agus 'n a bhàitibh, agus ann an uile fhearann chomh-roinn Sharoin, air an crìochaibh.

17 Dh'àirmheadh iad sin uile le sloinn-teireachd ann an làithibh Iotaim rìgh Iudah, agus ann an làithibh Icroboaim rìgh Israeil.

18 *Bha* mic Reubein, agus na Gadaich, agus leth-thréibh Mhanaseh, de fhearaidh treuna, fir chomasach gu sgiath agus claidheamh iomchar, agus gu tilgeadh le bogha, agus tèma air cogadh, ceithir agus dà fhichead mìle, agus seachd ceud agus trì fichead 'an àircamh, ehaidh a mach gu cogadh.

19 Agus rinn iad cogadh ris na Hagaraich, agus ri Ietur, agus Nephtis, agus Nodab;

20 Agus chuidicheadh leo 'n an aghaidh, agus thugadh thairis 'n an làimh na Hagaraich, agus iadsan uile a *bha* maille riu: oir dh'èigh iad ri Dia anns a' chath, agus dh'aontaich esan le'n guidhe, a chionn gu'n d'carb iad as.

21 Agus thug iad leo am feudail; d'an càmhalaibh deich agus dà fhichead mìle, agus de chaoirich dà cheud agus leth cheud mìle, agus de asalaibh dà mhìle, agus de dhaoinibh ceud mìle:

22 Oir thuit mòran sìos air am marbhadh, a chionn gu'n *robh* an cogadh o Dhia. Agus ghabh iad còmhnuidh 'n an àite gu ruig am bairighdeanas.

23 Agus còmhnuich clann leth-thréibh

Mhanaseh anns an tìr, o Bhàsan gu Baalhermon, agus Senir, agus gu sliabh Hermon, agus dh'fhàs iad ònmhor.

24 Agus b'iad so cinn tìghe an aithrichean, eadhon Ephraim, agus Isi, agus Eliel, agus Asriel, agus Jeremiah, agus Hodabiah, agus Iahdiel, daoine treumhor, daoine ainmeil, cinn tìghe an aithrichean.

25 Ach chiontaich iad an aghaidh Dhé an aithrichean, agus chaidh iad le striopachas an dèigh dhiathan muinntir na tìre, a sgrios Dia rompa.

26 Agus dhùisg Dia Israeil suas spiorad Phul rìgh Asiria, agus spiorad Thiglatpilnèsair rìgh Asiria, agus thug e leis iad, (eadhon na Reubenich, agus na Gadaich, agus leth-thrèibh Mhanaseh,) agus thug e iad gu Halah, agus Habor, agus Hara, agus gu amhainn Ghosain, gus an là'n diugh.

CAIB. VI.

1 Mic Lebhi. 4 Shlochd Eleasair gu ruig am braighdeanas. 20 Mic Ghersein, Chohait, agus Mherari. 49 Dreuchd Aaroin: 50 A shlochd gu ruig Ahimaas.

MIC Lebhi; Gerson, Cohat, agus Merari.

2 Agus mic Chohait; Amram, Ishar, agus Hebron, agus Udsiel.

3 Agus mic Amram; Aaron, agus Maois, agus Miriam. Agus mic Aaroin; Nadab, agus Abihu, Eleasar, agus Itamar.

4 Ghin Eleasar Phinehas, agus ghin Phinehas Abisua,

5 Agus ghin Abisua Buci, agus ghin Buci Udsi,

6 Agus ghin Udsi Serahiah, agus ghin Serahiah Meraiot,

7 Ghin Meraiot Amariah, agus ghin Amariah Ahitub,

8 Agus ghin Ahitub Sadoc, agus ghin Sadoc Ahimaas,

9 Agus ghin Ahimaas Asariah, agus ghin Asariah Iohanan.

10 Agus ghin Iohanan Asariah, (esan a bha 'frithealadh ann an dreuchd an t-sagairt anns an tìgh a thog Solamh ann an Ierusalem,)

11 Agus ghin Asariah Amariah, agus ghin Amariah Ahitub,

12 Agus ghin Ahitub Sadoc, agus ghin Sadoc Salum,

13 Agus ghin Salum Hilciah, agus ghin Hilciah Asariah,

14 Agus ghin Asariah Scraiah, agus ghin Scraiah Iehosadac,

15 Agus chaidh Iehosadac 'am braighdeanas, an uair a thug an Tighearn air falbh Iudah agus Ierusalem le làimh Nebuchadnesair.

16 Mic Lebhi; Gerson, Cohat, agus Merari.

17 Agus is iad so ainmean mhac Ghersein; Libni, agus Simei.

18 Agus b'iad mic Chohait, Amram, agus Ishar, agus Hebron, agus Udsiel.

19 Mic Mherari; Mahli, agus Musi. Agus is iad so teaghlaichean nan Lebhitheach, a réir an aithrichean:

20 O Ghersein; Libni a mhac, Iahat a mhac-san, Simah a mhac-san,

21 Ioah a mhac-san, Ido a mhac-san, Serah a mhac-san, Ieaterai a mhac-san.

22 Mic Chohait; Aminadab a mhac, Corah a mhac-san, Asir a mhac-san,

23 Elcanah a mhac-san, agus Ebiasaph a mhac-san, agus Asir a mhac-san,

24 Tahat a mhac-san, Uriel a mhac-san, Udsiah a mhac-san, agus Saul a mhac-san.

25 Agus mic Elcanah; Amasai, agus Ahimot:

26 Elcanah a mhac-san, Sophai a mhac-san, agus Nahat a mhac-san,

27 Eliab a mhac-san, Ieroham a mhac-san, Elcanah a mhac-san,

28 Agus mic Shamueil; an ceud-ghin Joel, agus an dara Abiah.

29 Mic Mherari; Mahli, Libni a mhac-san, Simei a mhac-san, Udsa a mhac-san,

30 Simea a mhac-san, Hagiah a mhac-san, Asaiah a mhac-san.

31 Agus is iad sin iadsan a chuir Daibhidh os ceann seirbhis a' chiuil ann an tìgh an Tighearn, an dèigh do'n àire fois fhaghail.

32 Agus bha iad a' frithealadh fa chomhair pàilliuin bùtha a' choimhthionail le ceòl, gus an do thog Solamh tìgh an Tighearn ann an Ierusalem; agus an sin dh'fheith iad air an dreuchd a réir an orduigh.

33 Agus is iad so iadsan a bha 'fritheamh, le'n cloinn: de mhacaibh nan Cohatach; Heman am fear-ciuil, mac Ioel, mhic Shemueil,

34 Mhic Elcanah, mhic Ierohaim, mhic Elieil, mhic Thoah,

35 Mhic Shuph, mhic Elcanah, mhic Mhahait, mhic Amasai,

36 Mhic Elcanah, mhic Ioel, mhic Asariah, mhic Shephaniah,

37 Mhic Thahait, mhic Asir, mhic Ebiasaph, mhic Chorah,

38 Mhic Ishair, mhic Chohait, mhic Lebhi, mhic Israeil.

39 Agus a bhràthair Asaph, (a sheas air a làimh dheis,) eadhon Asaph mac Bherachiah, mhic Shimea,

40 Mhic Mhichacil, mhic Bhaaseiah, mhic Mhalchiah,

41 Mhic Etni, mhic Sherah, mhic Adaiah,

42 Mhic Etain, mhic Shimah, mhic Shimei,

43 Mhic Iahait, mhic Ghersein, mhic Lebhi.

44 Agus am bràithrean mic Mherari air an làimh chli; Etan mac Chisi, mhic Abdi, mhic Mhaluich,

45 Mhic Hasabiah, mhic Amasiah, mhic Hilciah,

46 Mhic Amsi, mhic Bhani, mhic Shameir,

47 Mhic Mhahli, mhic Mhusi, mhic Mherari, mhic Lebhi.

48 Dh' orduicheadh mar an ceudna am bràithrean na Lebhithich chum uile ghnè sheirbhhis pàilliuin tighe Dhé.

49 Ach thug Aaron agus a mhic suas tabhartais air altair na h-ìobairt-loisgte, agus air altair na tùise; agus dh'orduicheadh iad chum uile oibre an ìonaid ro naoimh, agus a chum rèite a dheanamh air son Israeil, a réir gach nì a dh'aithn Maois òglach Dhé.

50 Agus is iad so mic Aaroin; Eleasar a mhac, Phinehas a mhac-san, Abisua a mhac-san,

51 Buci a mhac-san, Udsi a mhac-san, Seashiah a mhac-san.

52 Meraiot a mhac-san, Amariah a mhac-san, Ahitub a mhac-san,

53 Sadoc a mhac-san, Ahimaas a mhac-san.

54 Agus is iad so an àiteachan-còmh-nuidh, air feadh an lùchairtean 'n an eriochaibh, de mhacaibh Aaroin, de theaghlachibh nan Cohatach; oir bu leo-san an crannchur.

55 Agus thug iad dhoibh Hebron ann an tìr Iudah, agus 'fhearann comh-roinn mu'n cuairt air.

56 Ach achanna a' bhaile, agus a fhrith-bhailtean thug iad do Chaleb mac Iephuneh.

57 Agus do mhacaibh Aaroin thug iad bailtean; Hebron am baile didein, agus Libnah le 'fhearann comh-roinn, agus Iatir, agus Estemoa le 'fhearann comh-roinn:

58 Agus Hilén le 'fhearann comh-roinn, Debir le 'fhearann comh-roinn,

59 Agus Asan le 'fhearann comh-roinn, agus Betsemes le 'fhearann comh-roinn:

60 Agus o thréibh Bheniamin; Geba le 'fhearann comh-roinn, agus Aleniet le 'fhearann comh-roinn, agus Anatot le 'fhearann comh-roinn. B'iad am bailtean uile, air feadh an teaghlach, tri bailtean deug.

61 Agus do mhacaibh Chohait a dh'fhagadh de theaghlach an thréibh sin, thugadh o'n leth-thréibh, eadhon leth-thréibh Mhanaseh, le crannchur, deich bailtean.

62 Agus do mhacaibh Ghersoim air feadh an teaghlach, thugadh o thréibh Isachair agus o thréibh Aseir, agus o thréibh Naphtali, agus o thréibh Mhanaseh ann am Bāsan, tri bailtean deug.

63 Do mhacaibh Mherari air feadh an teaghlach, o thréibh Reubein, agus o thréibh Ghad, agus o thréibh Shebuluin, thugadh le crannchur dà bhaile dheug.

64 Agus thug clann Israeil do na Lebhi-

thich na bailtean sin le'm fearann comh-roinn.

65 Agus thug iad le crannchur o thréibh chloinn Iudah, agus o thréibh chloinn Shimeoin, agus o thréibh chloinn Bheniamin, na bailtean sin a ghairmear air an ainmibh.

66 Agus bha aig a' chuid eile de theaghlachibh mhac Chohait bailtean an crìch o thréibh Ephraim.

67 Agus thug iad dhoibh de na bailtibh didein, Sechem ann an sliabh Ephraim, le 'fhearann comh-roinn: Geser mar an ceudna le 'fhearann comh-roinn,

68 Agus Iocmeam le 'fhearann comh-roinn, agus Bethoron le 'fhearann comh-roinn,

69 Agus Aialon le 'fhearann comh-roinn, agus Gat-rimon le 'fhearann comh-roinn;

70 Agus o leth-thréibh Mhanaseh; Aner le 'fhearann comh-roinn, agus Bileam le 'fhearann comh-roinn, air son teaghlach chloinn Chohait a dh'fhagadh.

71 Do mhacaibh Ghersoim thugadh o theaghlach leth-thréibh Mhanaseh, Golan ann am Bāsan le 'fhearann comh-roinn, agus Astarot le 'fhearann comh-roinn:

72 Agus o thréibh Isachair; Cedes le 'fhearann comh-roinn, Dabarat le 'fhearann comh-roinn,

73 Agus Ramot le 'fhearann comh-roinn, agus Anem le 'fhearann comh-roinn:

74 Agus o thréibh Aseir; Masal le 'fhearann comh-roinn, agus Abdon le 'fhearann comh-roinn,

75 Agus Hucoc le 'fhearann comh-roinn, agus Rehob le 'fhearann comh-roinn:

76 Agus o thréibh Naphtali; Cedes ann an Galile le 'fhearann comh-roinn, agus Hamon le 'fhearann comh-roinn, agus Ciriataim le 'fhearann comh-roinn.

77 Do'n chuid eile de chloinn Mherari thugadh o thréibh Shebuluin, Rimon le 'fhearann comh-roinn, Tabor le 'fhearann comh-roinn:

78 Agus air taobh thall Iordain àimh ri Iericho, air an taobh an ear de Iordan, thugadh dhoibh o thréibh Reubein, Beseir ann an thàsach le 'fhearann comh-roinn, agus Iahsah le 'fhearann comh-roinn,

79 Agus Cedemot le 'fhearann comh-roinn, agus Mephaat le 'fhearann comh-roinn:

80 Agus o thréibh Ghad; Ramot ann an Gilead le 'fhearann comh-roinn, agus Mahanaim le 'fhearann comh-roinn,

81 Agus Hesbon le 'fhearann comh-roinn, agus Iaser le 'fhearann comh-roinn.

CAIB. VII.

1 Mic Isachair, 6 Bheniamin, 13 Naphtali, 14 Mhanaseh, 20 agus Ephraim. 21 Bròn Ephraim, &c.

ANIS B'iad mic Isachair, Tola, agus Puah, Iasub, agus Simron, ceathrar.

2 Agus mic Thola; Udsi, agus Rephaiah,

agus Ieriel, agus Iahmai, agus Ibsan, agus Semuel, cinn tighe an aithrichean, *eadhon* Thola: daoine treuna 'n an ginealachaidh, d'am b'àireamh ann an làithibh Dhaibhidh dà mhìle thar fhichead agus sè ceud.

3 Agus mic Udsi; Israhiah: agus mic Israhiah; Michael, agus Obadiah, agus Ioel, agus Isiah, cùighear; iad uile 'n an ceannaidh *tighe*:

4 Agus aca-san, a réir an ginealach, a réir tighe an aithrichean, *bha* buidhnean shaighdeirean gu cogadh, sè mìle deug thar fhichead *fear*: oir bha iomadh bean agus mac aca.

5 Agus *bha* am bràithrean am measg uile theaghlachian Isachair 'n an daoinibh treuna, air an àireamh 's an iomlan a réir an ginealach 'n an seachd agus ceithir fichead mìle.

6 Mic Bheniamin; Bela, agus Becher, agus Iediel, triuir.

7 Agus mic Bhela; Esbon, agus Udsi, agus Udsiel, agus Ierimot, agus Iri, cùighear; cinn tighe an aithrichean, daoine treuna, agus dh'àirmheadh iad a réir an ginealach 'n an dà mhìle thar fhichead, agus ceithir deug thar fhichead.

8 Agus mic Bhecheir; Semira, agus Ioas, agus Elieser, agus Elioenai, agus Omri, agus Ierimot, agus Abiah, agus Anatot, agus Alamet. *Is* iad sin uile mic Bhecheir.

9 Agus *b'e* an àireamh a réir an sloinnidh a réir an ginealach, cinn tighe an aithrichean, daoine treuna, fichead mìle agus dà cheud.

10 Agus mic Iediaeil; Bilhan: agus mic Bhilhain; Ieus, agus Benjamin, agus Ehud, agus Cenaanah, agus Setan, agus Tarsis, agus Ahisahar.

11 *Bha* iad sin uile, mic Iediaeil, a réir cheann an aithrichean, daoine treuna, 'n an seachd mìle deug agus dà cheud *fear*, iomchuidh gu dol a mach chum cogaidh *agus* catha.

12 Supim mar an ceudna agus Hupim mic Ir, *agus* Husini mic Aheir.

13 Mic Naphtali; Iahsiel, agus Guni, agus Ieser, agus Salum, mic Bhilhah.

14 Mic Mhanaseh; Asriel, a rug i: (*ach* rug a choimhleabach, a' Bhan-aramach, Machir athair Ghilead.

15 Agus ghabh Machir mar mhnaoi *piuthar* Hupim agus Shupim, *agus b'e* ainm a peathar Maachah:) agus *b'e* ainm an dara mic Selphehad: agus bha aig Selphehad nigh-eanan.

16 Agus rug Maachah bean Mhachir mac, agus thug i Peres mar ainm air; agus *b'e* ainm a bhràthar Seres; agus b'iad a mhic-san Ulam agus Racem.

17 Agus mic Ulaim; Bedan. *B'iad* sin mic Ghilead, mhic Mhachir, mhic Mhanaseh.

18 Agus rug a phiuthar Hamolecet Isod, agus Abieser, agus Mahalah.

19 Agus b'iad mic Shemida, Ahian, agus Sechem, agus Lichi, agus Aniam.

20 Agus mic Ephraim; Sutelah, agus Bered a mhac-san, agus Tahat a mhac-san, agus Eladah a mhac-san, Tahat a mhac-san,

21 Agus Sabad a mhac-san, agus Sutelah a mhac-san, agus Eser, agus Elead, a mharbhn fir Ghat a rugadh 's an tìr *sin*, a chionn gu'n d'thàinig iad a nuas a thogail an creich.

22 Agus rinn an athair Ephraim bròn ré iomadh là, agus thàinig a bhràithrean gu comhfhurtachd a thoirt da.

23 Agus chaidh e stigh a dh'ionnsuidh a mhnà, agus dh'fhàs i torrach, agus rug i mac, agus thug e Beriah mar ainm air, a chionn gu'n d'èirich gu h-òle do 'thigh.

24 (Agus b'i an ìomhainn Serah, ise a thog Bet-horon iochdarach, agus uachdarach, agus Udsen-serah.)

25 Agus b'e Rephah a mhac, mar an ceudna Reseph, agus Tela a mhac-san, agus Tahan a mhac-san,

26 Laadan a mhac-san, Amihud a mhac-san, Elisama a mhac-san,

27 Non a mhac-san, Iehosua a mhac-san.

28 Agus *b'iad* an seilbh agus an àiteachan-còmhnuidh Bet-el agus a bhailtean, agus a làimh na h-àirde 'n ear Naaran, agus a làimh na h-àirde 'n iar Geser le 'bhailtibh, Sechem mar an ceudna agus a bhailtean, gu ruig Gasa agus a bhailtean.

29 Agus làimh ri cloinn Mhanaseh, Betsean agus a bhailtean, Taanach agus a bhailtean, Megido agus a bhailtean, Dor agus a bhailtean. Annta sin ghabh clann Ioseiph mhic Israeil còmhnuidh.

30 Mic Aseir; Innah, agus Isuah, agus Isui, agus Beriah, agus Serah am piuthar.

31 Agus mic Bheriah; Heber, agus Malchiel: *b'esan* athair Bhirsabhit.

32 Agus ghin Heber Iaphlet, agus Somer, agus Hotam, agus Suah am piuthar.

33 Agus mic Iaphleic; Pasach, agus Bimhal, agus Asbhat: *is* iad sin mic Iaphleic.

34 Agus mic Shameir; Ahi, agus Rohgah, Iehubah, agus Aram.

35 Agus mic Heleim a bhràthar; Sophah, Imna, agus Seles, agus Amal.

36 Mic Shophah; Suah, agus Harnepher, agus Saul, agus Beri, agus Imrah,

37 Beser, agus Hod, agus Sama, agus Silsah, agus Itran, agus Beera.

38 Agus mic Ietcir; Iephuneh, agus Pis-pah, agus Ara.

39 Agus mic Ula; Ara, agus Haniel, agus Resia.

40 B'iad sin uile mic Aseir, cinn tighe an aithrichean, daoine taghta, treun ann an neart, roghadh nan uachdaran. Agus an uair a dh'àirmheadh iad a réir an ginealach

clann cogaidh agus catha, b'e an àireamh
sè mìle fichead fear.

CAIB. VIII.

1 Mic agus cinn-fheadhna Bheniamin. 33
Sliochd Shaul agus Ionatain.

ANIS ghin Benjamin Bela a cheud-ghin,
Asbel an dara, agus Ahara an treas,
2 Nohah an ceathramh, agus Rapha an
cùigeamh.

3 Agus b'iad mic Bhela, Adar, agus Gera,
agus Abihud,

4 Agus Abisua, agus Naaman, agus
Ahoah.

5 Agus Gera, agus Sephuphan, agus Hu-
ram.

6 Agus *is* iad so mic Ehuid: *is* iad so cinn
aithrichean luchd-àiteachaidh Gheba, agus
dh'atharraich siad iad gu Manahet:

7 Agus Naaman, agus Ahiah, agus Gera,
dh'atharraich e iad, agus ghin e Udsa, agus
Ahihud.

8 Agus ghin Saharaim clann ann an tìr
Mhoab, an deigh dha Husim agus Baara a
mhnathan a chur air falbh.

9 Agus ghin e ri Hodes a mhnai, Iobab,
agus Sibia, agus Mesa, agus Malcham.

10 Agus Ieus, agus Sachia, agus Mirma.
B'iad sin a mhic, cinn nan aithrichean.

11 Agus ri Husim ghin e Ahitub agus
Elpaal.

12 Mic Elpaail; Eber, agus Misam, agus
Samed, a thog Ono, agus Lod le 'bhailtibh.

13 Agus Beriah agus Sema: *b'iadsan cinn
aithrichean luchd-àiteachaidh Aialoin, a
ruaig luchd-àiteachaidh Ghat:*

14 Agus Ahio, Sasac, agus Ierimot,
15 Agus Sebadiah, agus Arad, agus Ader,

16 Agus Michael, agus Ispah, agus Ioha,
mic Bheriah;

17 Agus Sebadiah, agus Mesulam, agus
Heseci, agus Heber,

18 Agus Ismerai, agus Iesliah, agus Iobab,
mic Elpaail;

19 Agus Iacim, agus Sichri, agus Sabdi,
20 Agus Elioenai, agus Siltai, agus Eliel,

21 Agus Adaiah, agus Beraiah, agus Simi-
rat, mic Shimhi;

22 Agus Ispan, agus Heber, agus Eliel,
23 Agus Abdon, agus Sichri, agus Hanan,

24 Agus Hananiah, agus Elam, agus An-
totiah,

25 Agus Iphedeiah, agus Penuel, mic Sha-
saic;

26 Agus Samserai, agus Schariah, agus
Ataliah,

27 Agus Iaresiah, agus Eliah, agus Sichri,
mic Ierohaim.

28 Sin cinn nan aithrichean, a réir an gin-
ealach, cinn-fheadhna. Bha iad sin a
chòmhnuidh ann an Ierusalem.

29 Agus ann an Gibcon bha *Leziel*, athair
Ghibeoin, a chòmhnuidh; agus *Ve* ainm a
mhà Maachah;

30 Agus a cheud-ghin mic Abdon, agus Sur,
agus Cis, agus Baal, agus Ner, agus Nadab,
31 Agus Gedor, agus Ahio, agus Sacher,
agus Miclot.

32 Agus ghin Miclot Simeah. Agus
chòmhnuich iad sin mar an ceudna fa
chomhair am bràithrean ann an Ierusalem
maille r'am bràithribh.

33 Agus ghin Ner Cis, agus ghin Cis Saul,
agus ghin Saul Ionatan, agus Malchisua,
agus Abinadab, agus Esbaal.

34 Agus *Ve* mac Ionatain Merib-baal; agus
ghin Merib-baal Micah.

35 Agus *b'iad* mic Mhlicah, Piton, agus
Melech, agus Tarea, agus Ahas.

36 Agus ghin Ahas Iehoadah; agus ghin
Iehoadah Alemet, agus Asmabhet, agus
Simri; agus ghin Simri Mosa,

37 Agus ghin Mosa Binea: *Ve* Rapha a
mhac-san, Eleasah a mhac-san, Asel a
mhac-san.

38 Agus *bha* aig Asel seathnar mhac;
agus *is* iad so an ainmean, Asricam, Bo-
cheru, agus Ismael, agus Seariah, agus
Obadiah, agus Hanan. *B'iad sin uile mic*
Aseil.

39 Agus *b'iad* mic Escic a bhràthar, Ulam
a cheud-ghin, Iehus an dara, agus Eliphelet
an treasa.

40 Agus bha mic Ulaim 'n an daoineibh
treuna, 'n am fir-bhogha; agus bha mòran
mhac aca, agus mhac am mac, ceud agus
leth-cheud: iad sin uile de mhacaibh Bhe-
niamin.

CAIB. IX.

1 *Toiseach ghinealach Israeil agus Iudah. 2*
Na h-Israelich, 10 na sagartan, 14 agus na
Lebhithich, a ghabh còmhnuidh ann an Ieru-
salem. 27 Càram nan Lebhithich. 35 Sliochd
Shaul agus Ionatain.

AGUS dh'àirmheadh Israel uile a réir
an ginealach, agus, feuch, *bha* iad
sgriobhta ann an leabhar rìghrean Israeil.
Ach thugadh Iudah air falbh do Bhabylon
air son an eusaontais.

2 Agus *b'iad* an ceud luchd-àiteachaidh a
ghabh còmhnuidh 'n an sealbh 'n am bailt-
ibh, na h-Israelich, na sagartan, na Lebhi-
thich, agus na Netinich.

3 Agus ann an Ierusalem ghabh còmhnuidh
de chloinn Iudah, agus de chloinn Bhe-
niamin, agus de chloinn Ephraim, agus
Mhanaseh;

4 Utaì mac Amihuid, mhic Omri, mhic
Imri mhic Bhani, de chloinn Phareis mhic
Iudah.

5 Agus de na Silonaich; Asaiah an ceud-
ghin, agus a mhic.

6 Agus de mhacaibh Sherah; Ieuel, agus
am bràithrean, sè ceud agus ceithir fichead
agus a deich.

7 Agus de mhacaibh Bheniamin; Salu mac
Mhesulaim, mhic Hodabhiah, mhic Hase-
nuah:

8 Agus Ibnciah mac Ierohaim, agus Elah mac Udsi, mhic Mhichri, agus Mesulam mac Shephathiah, mhic Reueil, mhic Ibniah;

9 Agus am bràithrean, a réir an ginealach, naoi ceud agus se deug agus dà fhichead. *Bu* chinn aithrichean na daoine sin uile ann an tigh an aithrichean.

10 Agus de na sagartaibh; Iedaiah, agus Iehoiarib, agus Iachin;

11 Agus Asariah mac Hilciah, mhic Mhesulam, mhic Shadoic, mhic Mheraiot, mhic Ahituib, riaghladair tìghe Dhé;

12 Agus Adaiah mac Ierohaim, mhic Phasuir, mhic Mhalechiah; agus Maasai mac Adieil, mhic Iahserah, mhic Mhesulaim, mhic Mhesulemit mhic Imeir;

13 Agus am bràithrean, cinn tìghe an aithrichean, mìle agus seachd ceud agus trì fichead, daoine ro fhoghainteach fa chomhair oibre seirbhis tìghe Dhé.

14 Agus de na Lebhithich; Semaiah mac Hasuib, mhic Asricaim, mhic Hasabiah, de mhacaibh Mherari;

15 Agus Bachacar, Heres, agus Galal, agus Mataniah mac Mhicaiah, mhic Shichri, mhic Asaph;

16 Agus Obadiah mac Shemaiah, mhic Ghalail, mhic Iedutuin, agus Berechiah mac Asa, mhic Elcanah, a bha 'chòmhnuidh ann am frith-bhailtibh nan Netophatach.

17 Agus *b'iad* na dorsairean Salum, agus Acub, agus Talmon, agus Ahiman, agus am bràithrean: *b'e* Salum an ceannard;

18 A *bha* gus an àm so aig geata an rìgh air an taobh an ear, 'n an dorsairibh ann an cuideachdaibh chloinn Lebhì.

19 Agus *bha* Salum mac Chore, mhic Ebiasaph, mhic Chorah, agus a bhràithrean, (de thigh 'athar), na Corahaich os ceann oibre na seirbhis, 'n an luchd-gleidhidh gheatachan a' phàillium; agus an aithrichean os ceann slòigh an Tighearna, 'n an luchd-gleidhidh air dol a stigh a' phàillium.

20 Agus *b'e* Phinehas mac Eleasair a bu cheann-riaghlaidh orra *o shean* 'am fianuis an Tighearna.

21 Maille ris *bha* Sechariah, mac Mheselemiah, 'n a dhorsair doruis pàillium a' choimhthionail.

22 Iad sin uile a thaghadh gu bhi 'n an dorsairibh anns na gcataibh, bu dà cheud agus dà fhear dheug iad. Dh'àirmheadh iad sin a réir an ginealach 'n am frith-bhailtibh, a shuidhich Daibhidh agus Samuel ann fear-seallaidh 'n an dreuchd suidhichte.

23 Mar sin bha iadsan, agus am mic, os ceann gheatachan tìghe an Tighearna, agus tìghe a' phàillium chum an gleidheadh.

24 Ann an ceithir chearnaibh bha na dorsairean, a rèim na h-àirde 'n car, na h-àirde 'n iar, na h-àirde tuath, agus na h-àirde deas.

25 Agus am bràithrean 'n am frith-bhailt-

ibh, gu teachd an déigh sheachd làithean o àm gu h-am maille riu.

26 Oir bha na Lebhithich sin, na ceithir àrd dhorsairean, 'n an dreuchd suidhichte, agus bha iad os ceann sheòmraichean, agus os ceann ionmhasan tìghe Dhé.

27 Agus bha iad a' gabhail tàimh mu'n cuairt air tigh Dhé, a chionn gu'm b'ann orra-san a *bha* a chùram, agus gu'm *buin-eadh* dhoibh 'fhosgladh gach maduinn.

28 Agus *bha cuid* diubh os ceann nan soithichean frithealaidh, chum an toirt a stigh agus a mach air àircamh.

29 Chuircadh *cuid* diubh mar an ceudna os ceann nan soithichean, agus os ceann uile imnealan an ionaid naoimh, agus os ceann na mìne mìne, agus an fhìona, agus na h-olaidh, agus na tùise, agus nan spìosraich.

30 Agus *bha cuid* de mhacaibh nan sagart a' deanamh na h-oladh-ungaidh de na spìosraich.

31 Agus b'ann aig Matitiah *aon* de na Lebhithich, eadhon ceud-ghin Shaluum a' Chorahaich, a *bha* dreuchd suidhichte os ceann nan nithean a rinneadh ann an aighnibh.

32 Agus *bha cuid eile* d'am bràithribh, de mhacaibh nan Cohatach, os ceann arain na fianuis, gu 'dheasachadh gach sàbaid.

33 Agus *is* iad sin an luchd-ciuil, cinn aithrichean nan Lebhithich, a *bha* anns na sèomraichibh, saor *o gach càram eile*; oir a là agus a dh'oidheche *bha* orra 'bhi r'an obair-san.

34 *Bha* cinn aithrichean sin nan Lebhithich 'n an cinn a réir an ginealach: bha iad a chòmhnuidh ann an Ierusalem.

35 Agus ann an Gibeon chòmhnuich athair Ghibeoin, Iehiel; agus *b'e* ainm a mhnà Maachah:

36 Agus a cheud-ghin mic Abdon, an sin Sur, agus Cis, agus Baal, agus Ner, agus Nadab,

37 Agus Gedor, agus Ahio, agus Sechariah, agus Miclot.

38 Agus ghin Miclot Simeam: agus ghabh iadsan mar an ceudna còmhnuidh fa chomhair am bràithrean ann an Ierusalem, maille r'am bràithribh.

39 Agus ghin Ner Cis, agus ghin Cis Saul, agus ghin Saul Ionatan, agus Malchisua, agus Abinadab, agus Esbaal.

40 Agus *b'e* mac Ionatain Merib-baal: agus ghin Merib-baal Micah.

41 Agus b'iad mic Mhicaiah, Piton, agus Melech, agus Tahrea, agus Ahas.

42 Agus ghin Ahas Iehoadah, agus ghin Iehoadah Alemet, agus Asmabhet, agus Simri; agus ghin Simri Mosa;

43 Agus ghin Mosa Binea: agus *b'e* Rephaiah a mhac-san, Eleasah a mhac-san, Asel a mhac-san.

44 Agus bha aig Asel seathmar mhac, agus

is iad so an ainmean: Asricam, Bocheru, agus Ismael, agus Scariah, agus Obadiah, agus Hanan. *B'iad* sin mic Aseil.

CAIB. X.

1 *Bhuail na Philistich clann Israeil, agus mharbh iad Saul. 11 Nochd fir Iabais-ghilead caomhneas do Shaul agus d'a mhic. 14 Thugadh an rìoghachd do Dhaibhidh.*

ANIS chog na Philistich an aghaidh Israeil; agus theich fir Israeil o fhianuis nam Philisteach, agus thuit iad sìos marbhta ann an sliabh Ghilboa.

2 Agus lean na Philistich gu teann an dèigh Shaul, agus an dèigh a chuid mac; agus bhuail na Philistich Ionatan, agus Abinadab, agus Malchisua, mic Shaul.

3 Agus dh'fhàs an cath cruaidh an aghaidh Shaul, agus chuimsich na fir-bhogha e, agus lotadli e leis na fir-bhogha.

4 An sin thubhairt Saul ri fear-iomchair 'arm, Rùisg do chladheamh agus sàth tromham e, air cagal gu'n tig na daoine neo-thimchioll-ghearrta sin, agus gu'n guàthaich iad gu maslach mi. Ach cha deanadh fear-iomchair 'arm sin, oir bha eagal mòr air. Uime sin ghlac Saul claidheamh, agus thuit e air.

5 Agus an uair a chunnaic fear-iomchair 'arm gu'n robh Saul marbh, thuit esan mar an ceudna air a' chladheamh, agus fhuair e bàs.

6 Mar sin fhuair Saul bàs, agus a thriuir mhac, agus dh'eug a thigh uile 's an aon àm.

7 Agus an uair a chunnaic uile fhir Israeil a *bha* 's a' ghlcanm gu'n do theich iad, agus gu'n robh Saul agus a mhic marbh, an sin thréig iad am bailtean, agus theich iad; agus thàinig na Philistich, agus chòmhnuich iad anna.

8 Agus air an là màireach, an uair a thàinig na Philistich a dh'fhaobhachadh nam marbh, fhuair iad Saul agus a mhic air tuiteam ann an sliabh Ghilboa.

9 Agus an uair a dh'fhaobhaich iad e, ghlac iad a cheann, agus 'airm, agus chuir iad *fios* do thìr nam Philisteach mu'n cuairt, gu sgeul a thoirt do thigh an diathan bréige, agus do'n t-sluagh.

10 Agus chuir iad 'airm ann an tigh an diathan agus dhainnich iad a cheann ann an teampull Dhagoin.

11 Agus an uair a chual' uile luchd-àiteachaidh Iabais-ghilead na h-uile nithean a rinn na Philistich ri Saul,

12 Dh'éirich na fir threuna uile, agus thug iad leo corp Shaul, agus cuirp a chuid mac, agus thug iad gu Iabes iad, agus dh'adhlac iad an cnamhan fo 'n daraig ann an Iabes, agus thraisg iad seachd Ràthean.

13 Mar so dh'èug Saul air son a chionta a rinn e 'n aghaidh an Tighearn', an aghaidh focail an Tighearna nach do ghléidh e, agus mar an ceudna a chionn gu'n d'iarr e *bean*

aig an robh leannan-sìth, a dh'fhiosrachadh *dhith*.

14 Agus nach d'fhiosraich e de'n Tighearn: mime sin mharbh se e, agus thionndaidh e 'n rìoghachd a dh'ionnsuidh Dhaibhidh mhic Iesc.

CAIB. XI.

1 *Rinneadh Daibhidh 'n a rìgh air Israel aig Hebron. 5 Ghlac e tìr Shioin. 10 Aireamh a dhaoine treuna.*

AN SIN chruinnich Israel uile iad féin a dh'ionnsuidh Dhaibhidh gu Hebron, ag ràdh, Feuch, *is* sinne do chnàimh agus d'fheoil.

2 Agus a bhàrr air so, 's an ùine 'chaidh seachad, eadhon an uair a bha Saul 'n a rìgh, *bu* tusa a thredraich a mach, agus a thug a steach Israel; agus thubhairt an Tighearn do Dhia riut, Beathaichidh tusa mo shluagh Israel, agus bithidh tu a'd' cheannard air mo shluagh Israel.

3 Agus thàinig uile sheanairean Israeil a dh'ionnsuidh an rìgh gu Hebron; agus rinn Daibhidh coimheangal riu ann an Hebron 'am fianuis an Tighearn': agus dh'èug iad Daibhidh 'n a rìgh air Israel, a réir focail an Tighearn', le laimh Shamueil.

4 Agus chaidh Daibhidh agus Israel uile gu h-Ierusalem, (*is* e sin Iebus,) far an robh na Iebusaich, luchd-àiteachaidh an fhearainn.

5 Agus thubhairt luchd-àiteachaidh Iebuis ri Daibhidh, Cha tig thu 'n so. Gidheadh, ghlac Daibhidh tìr Shioin; *is* e sin baile Dhaibhidh.

6 Agus thubhairt Daibhidh, Ge b'e 'bhuail-eas na Iebusaich an toiseach, bithidh esan 'n a cheannard agus 'n a uachdaran. Agus chaidh Ioab mac Sheruaiah suas an toiseach, agus bha e 'n a cheannard.

7 Agus ghabh Daibhidh còmhnuidh 's an tìr; uime sin thug iad baile Dhaibhidh mar ainm air.

8 Agus thog e am baile mu'n cuairt, eadhon o Mhìlo mu'n cuairt: agus chuir Ioab suas a ris a' chuid eile de'n bhaile.

9 Agus dh'fhàs Daibhidh ni bu mhò, agus ni bu mhò; oir *bha* Tighearn nan sluagh leis.

10 Agus *is* iad so rogladh nan daoine treuna a *bha* aig Daibhidh, a neartaich iad féin leis 'n a rìoghachd, agus le h-Israel uile, gu rìgh a dheanamh dheth, a réir focail an Tighearna mu thimchioll Israeil.

11 Agus *is* e so àireamh nan daoine treun a *bha* aig Daibhidh; Iasobeam, mac Hachmoni, 'n a cheann air triuir: thog esan a shleagh an aghaidh thri ceud, a mharbhadh leis 's an aon àm.

12 Agus 'n a dhéigh-san *bha* Eleasar, mac Dhodo, an t-Ahohach: 'b'aon esan de na tri gaisgich.

13 Bha esan maille ri Daibhidh ann an Pasdamim, agus an sin bha na Philistich

air cruinneachadh an ceann a chèile gu cath; [agus dh'imich fir Israeil rompa:

Dh'éirich esan, agus bhuail e na Philistich gu an robh a làmh sgàth, agus gu'n do lean a làmh ris a' chlaidheamh. Agus dh'òibrich an Tighearn saorsa mhòr air an là sin; agus phill an sluagh 'n a dhéigh a mhàin a thional creiche.

Agus 'n a dhéigh-san bha Samah, mac Agee, an Hararach: agus chruinnicheadh na Philistich 'n am buidhinn; far an robh dail fhearainn làn eorna; agus theich an sluagh roimh na Philistich.

14 Agus shuidhich iadsan iad féin 'am meadhon na dalach sin, agus dhòn iad i, agus mharbh iad na Philistich; agus shaor an Tighearn iad le saorsa mhòir.

15 A nis chaidh triuir de na deich ceann-aidr fhichead sìos do'n charraig a dh'ionnsuidh Dhaibhidh, gu uaimh Adullaim: agus champaich feachd nam Philisteach ann an gleann Rephaim.

16 Agus bha Daibhidh an sin 's an daingneach; agus bha freiceadan nam Philisteach an sin ann am Bet-lehem.

17 Agus mhiannaich Daibhidh, agus thubhairt e, O nach tugadh neach dhomh deoch uisge o tobar Bhet-lehem, a tha aig a' gheata!

18 Agus bhris an triuir troimh fheachd nam Philisteach, agus tharruing iad uisge á tobar Bhet-lehem a tha aig a' gheata, agus ghabh iad e, agus thug iad e gu Daibhidh: ach cha-n oladh Daibhidh e, ach thaom e mach e do'n Tighearn,

19 Agus thubhairt e, Nar leigeadh mo Dhia dhomh gu'n deanainn an ni so: an òlainnse fuil nan daoine so a chuir am beatha ann an cunnart? oir le cunnart am beatha thug iad leo e: uime sin cha-n oladh e d'beth. Na nithean sin rinn an triuir dhaoine treuna.

20 Agus bha Abisai, bràthair Ioaib, 'n a cheann air triuir: agus thog e a shleagh an aghaidh tri cheud, a mharbh e; agus bha ainm aige am measg thriuir.

21 De'n triuir b'e a b'urramaiche na an dithis, agus bha e 'n a cheannard orra: gidheadh, cha d'ràinig e gu ruig a' cheud triuir.

22 Mharbh Benaiah, mac Iehoiada, mhic duine ghaigseil o Chabseel, a rinn mòran ghnìomharan, mharbh esan dithis fhear leòmhanaid de Mhoab: chaidh e sìos mar an ceudna, agus mharbh e leòmhann ann am meadhon sluicid air latha sneachda.

23 Agus mharbh e Eiphiteach, duine de mheudachd mhòir, cùig làmhnan-coille air àirde; agus ann an làmh an Eiphitich bha sleagh cosmhuil ri garman figheadair; ach chaidh esan sìos d'a ionnsuidh le luirg, agus spion e 'n t-sleagh á làmh an Eiphitich, agus mharbh e le 'shleagh féin e.

24 Na nithean sin rinn Benaiah mac Ie-

hoiada, agus bha ainm aige am measg triuir dhaoine treuna.

25 Feuch, de'n triuir b'e a b'urramaiche, ach cha d'ràinig e gu ruig a' cheud triuir: agus chuir Daibhidh e os ceann a fbreiceadain.

26 Mar an ceudna b'iad daoine treuna nan armailt, Asahel bràthair Ioaib, Elhanan mac Dhodo o Bhet-lehem,

27 Samot an t-Hararach, Heles am Pelonach,

28 Ira mac Iceis an Tecoch, Abieser an t-Anatotach,

29 Sibecai an t-Husatach, Ilai an t-Aho-hach,

30 Maharai an Netophatach, Heled mac Bhaanah an Netophatach,

31 Itai mac Ribai o Ghibeah chloinn Bheniamin, Benaiah am Piratonach,

32 Hurai o shruthaibh Ghaais, Abiel an t-Arbatach,

33 Asmabhet am Baharumach, Eliabha an Saalbonach.

34 Mic Haseim a' Ghisonaich; Ionatan mac Shage an t-Hararach,

35 Ahiam mac Shacair an t-Hararach, Eli-phal mac Uir,

36 Hopher am Mecheratach, Ahiah am Pelonach,

37 Hesro an Carmeleach, Naarai mac Esbai,

38 Ioel bràthair Natain, Mibchar mac Hageri,

39 Selec an t-Amonach, Naharai am Bero-tach, fear-iomchair arm Ioaib mhic Sheruah,

40 Ira an t-Itreach, Gareb an t-Itreach,

41 Uriah an t-Hiteach, Sabad mac Ahlai,

42 Adina mac Shisa Reubeneach, ceannard de na Reubenich, agus deich thar fhichead maille ris,

43 Hanan mac Mhaachah, agus Iosaphat am Mitneach,

44 Udsia an t-Asteratach, Sama agus Iehiel mic Hotaim an Aroerich,

45 Iediel mac Shimri, agus Ioha a bhràthair an Tidsach,

46 Eliel am Mahabbach, agus Ieribai agus Iosabbiah mic Elnaaim, agus Itmah am Moabach,

47 Eliel, agus Obed, agus Iasiel o Mhesobia.

CAIB. XII.

1 Na buidhnean a thàinig a dh'ionnsuidh Dhaibhidh gu Siolag. 23 Na daoine armaichte a thàinig d'a ionnsuidh gu Helron.

A NIS is iad so iadsan a thàinig a dh'ionnsuidh Dhaibhidh gu Siolag, 'n uair a bha e fathast 'g a chumail féin a stigh air eagal Shaul mhic Chis: agus bha iad am measg nam fear treuna, 'n an luchd-cuideachaidh 's a' chogadh.

2 Bha iad armaichte le boghannaibh, agus teòma leis an làmh dheis agus chli air clachan a thilgeadh, agus saighdean a

bogha, *eadhon* de bhràithribh Shaul de Bheniamin.

3 *B'e* Ahiesera 'bu bharrachta *dhiubh*, an sin Ioa, mic Shemaah a' Ghibeataich; agus Iesiel agus Pelet mic Asmabheit; agus Beracha, agus Iehu an t-Anatotach,

4 Agus Ismaiah an Gibeonach, duine treun am measg an deich thar fhichead, agus os ceann an deich thar fhichead; agus Ieremiah, agus Iehasiel, agus Iohanan, agus Iosabad an Gederatach,

5 Elusai, agus Ierimot, agus Bealiah, agus Semariah, agus Sephatiah an t-Haruphach, 6 Elcanah, agus Iesia, agus Asareel, agus Ioeser, agus Iasobeam, na Corhaich,

7 Agus Ioelach agus Sebadiah, mic Iero-haim o Ghedor.

8 Agus de na Gadaich chaidh thairis a dh'ionnsuidh Dhaibhidh, do'n daingneach anns an fhàsach, daoine treuna, fir-chogaidh *iomchuidh* chum catha, d'am b'aithe n sgiath agus targaid a laimhseachadh, aig an *robh* an gnùisean mar ghnùisibh lèomhan, agus iad co luath ris na h-èildibh air na beanntaibh.

9 Eser an ceud fhear, Obadiah an dara, Eliab an treas,

10 Misanah an ceathramh, Ieremiah an cùigeamh,

11 Atai an sèathamh, Eliel an seachdamh, 12 Iohanan an t-ochdamh, Elsabad an naothamh,

13 Ieremiah an deichcamh, Machbanai an t-aon fhear deug.

14 *Bha* iad sin de mhacaibh Ghad 'n an ceannardaibh an t-slàigh: an t-aon 'bu lugha dhiubh os ceana ceud, agus an t-aon 'bu mhò os ceana mìle.

15 *Sin* iad an a chaidh thairis air Iordan 's a' cheud mìlios, an uair a bha sruth 'cur thairis air a bruachaibh uile; agus chuir iad an ruaig air *muinntir* nan gleann uile, a laimh na h-àirde 'n ear, agus na h-àirde 'n iar.

16 Thàinig mar an ceudna *cuid* de chloinn Bheniamin agus Iudah do'n daingneach a dh'ionnsuidh Dhaibhidh.

17 Agus chaidh Daibhidh a mach 'n an coinneamh, agus fhreagair e, agus thubhairt e riu, Ma thàinig sibh gu sìochail a m' ionnsuidh-sa a chuideachadh leam, bithidh mo chridhe leibh le aon rùn: ach ma thàinig sibh a chum mo bhrath do m' naimhaidibh, 'n uair nach 'eil eucoir air bith a'm lannan, gu'n amhairceadh Dia ar n-aithrichean air *sin*, agus gu'n cronaich-cadh se e.

18 An sin thàinig an spiorad air Amasai, am fear a b'innbiche de na ceannardaibh, agus thubhairt e, Leatsa *tha sinne*, a Dhaibhidh, agus air do thaobh, a mhic Iese: sìth, sìth dhuit, agus sìth do d' luchd-cuideachaidh; oir tha do Dhia a' còmh-nadh leat. Agus ghabh Daibhidh iad,

agus rinn e iad 'n an ceannardaibh na buidhne.

19 Agus chaidh *cuid* de Mhanaseh thairis a dh'ionnsuidh Dhaibhidh, 'n uair a thàinig e leis na Philistich an aghaidh Shaul gu cath, ach cha do chuidich iad leo; oir, le comhairle, chuir tighearnan nam Philisteach air falbh e, ag ràdh, Le *cunnart* ar ceann-ne thèid e thairis a dh'ionnsuidh Shaul a thighearna.

20 'N uair a bha e 'dol gu Siclag, chaidh thairis d'a ionnsuidh de Mhanaseh, Adnah, agus Iosabad, agus Iedaiel, agus Michael, agus Iosabad, agus Elihu, agus Siltai, cinn-fheadhna nam mìltean a *bha* de Mhanaseh.

21 Agus chuidich iad le Daibhidh an aghaidh buidhne nan creachadairean: oir *bu* daoine treuna iad uile, agus bha iad 'n an ceannardaibh 's an fheadhd.

22 Oir mu'n àm *sin*, là 'n déigh là, thàinig iad a dh'ionnsuidh Dhaibhidh a chòmh-nadh leis, gus an robh feachd mòr ann, mar fheadhd *Dhé*.

23 Agus *is* e so àireamh nan *daoine* armaichte chum cogaidh, a thàinig a dh'ionnsuidh Dhaibhidh gu Hebron, a thionndadh rìoghachd Shaul d'a ionnsuidh-san, a réir focail an Tighearna.

24 Mic Iudah, a ghiùlain sgiath agus sleagh, sè mìle agus ochd ceud, armaichte chum cogaidh.

25 De mhacaibh Shimeoin, fir threuna gu cogadh, seachd mìle agus ceud.

26 De mhacaibh Lebhi, ceithir mìle agus sè ceud.

27 Agus Iehoiada ccannard nan Aaronach, agus maille ris trì mìle agus seachd ceud.

28 Agus Sadoc òganach ro threun, agus de thigh 'athar dà cheannard thar fhichead.

29 Agus de mhacaibh Bheniamin, luchd-dàimh Shaul, trì mìle; oir fathast *bha* 'chuid 'bu mhò dhiubh 'n am freiceadan air tigh Shaul.

30 Agus de mhacaibh Ephraim, fichead mìle agus ochd ceud, fir threuna, ainmeil ann an tigh an aithrichean.

31 Agus de leth-thrèibh Mhanaseh, ochd mìle deug, a dh'ainmicheadh air an ainmibh, gu teachd a dheanamh Dhaibhidh 'n a rìgh.

32 Agus de mhacaibh Isachair, aig an robh aithne air na h-aimsiribh, a thuigsinn ciod a bu chòir do Israel a dheanamh, *bu* dà cheud an ceannardan; agus am bràithrean uile aig an ordugh-san.

33 De Shebulun a' mheud 's a chaidh mach gu cath, daoine tèdha ann an cogadh, le uil' innealaibh cogaidh, deich agus dà fhichead mìle, a chuideachadh Dhaibhidh gun cheilg 'n an cridhe.

34 Agus de Naphtali mìle ceannard, agus

maille riu-san, le sgéith agus sleagh, seachd mìle deug thar fhichead.

35 Agus de na Danaich, tèdma ann an cogadh, ochd mìle fichead agus sè ceud.

36 Agus de Aser, a' mheud 's a rachadh a mach gu cath, tèdma ann an cogadh, dà fhichead mìle.

37 Agus air an taobh eile de Iordan, de na Reubenich, agus de na Gadaich, agus de leth-thréibh Mhanasch, le uil' innealaibh-cogaidh chum catha, ceud agus fich-ead mìle.

38 Na fir-chogaidh sin uile, d'am b'aithne dol'an ordugh *blàir*, le cridhe ionlan thàinig iad gu Hebron a dheanamh Dhaibhidh 'n a rìgh os ceann Israeil uile: agus mar an e cudna *bha* 'chuid eile de Israel gu léir a dh' aon chridhe chum Daibhidh a dheanamh 'n a rìgh.

39 Agus bha iad an sin maille ri Daibhidh trì lathcan, ag itheadh agus ag òl: oir dh'ulluich am bràithrean air an son.

40 A bhàrr air 'sin, thug iadsan a bha fagus doibh, gu ruig Isachar, agus Sebulun, agus Naphtali, aran leo air asalaibh, agus air chàmhalaibh, agus air mhuileidibh, agus air dhaimh, biadh, min, mill fhige, agus bagaidean de fhìon-dhearcaibh tìorm-aichte, agus fion, agus oladh, agus daimh, agus caoraich ann am pailteas; oir *bha* aoibhneas ann an Israel.

CAIB. XIII.

1 *Thug Daibhidh an àire o Chiriat-earim. 9 Bhual Dia Usa, agus fhuair e bàs. 13 Dh'fhàgadh an àire aig tigh Obed-edoim.*

AGUS chuir Daibhidh a chomhairle riu-san a bha os ceann mhiltcan agus cheud, ris gach uile cheannard.

2 Agus thubhairt Daibhidh ri uile chomh-chruinneachadh Israeil, Ma *chithear* iom-chuidh dhuibh, agus *gur ann* o'n Tighearn ar Dia a *tha 'chùis*, cuireamaid fios a mach a dh'ionnsuidh ar bràithrean anns gach àit, a dh'fhàgadh ann an uile thìr Israeil, agus maille riu-san a *dh'ionnsuidh* nan sagart agus nan Lebhithreach a *tha* 'n am bailtibh *lè'm* fearann comh-roinn, iad g'an eruinn-eachadh fèin thugainn.

3 Agus thugamaid a rìs àire ar Dé d'ar n-ionnsuidh: oir cha d'fhiosraich sinn dheth ann an làithibh Shaul.

4 Agus thubhairt an comhchruinneachadh gu léir, gu'm bu chòir sin a dheanamh; oir bha an nì ceart ann an sùilbh an t-sluaigh uile.

5 Uime sin chruinnich Daibhidh Israel uile an ccann a chéile, o Shihor na h-Eiphit gu dol a steach Hamait, chum àire Dhé a thoirt o Chiriat-earim.

6 Agus chaidh Daibhidh snas, agus Israel uile do Bhaalat, *eadhon* gu Ciriat-earim a *bhuineadh* do Iudah, a thabhairt leo as a sin àire Dhé an Tighearn', a tha 'chòmh-

nuidh *eadar* na cherubim air an gairmear 'ainm.

7 Agus ghiùlain iad àire Dhé air feun ùr o thigh Abinadaib: agus dh'iomain Usa agus Ahio am feun.

8 Agus chluich Daibhidh agus Israeil uile 'am fianuis Dhé le 'n uile neart, eadhon le laoidhean, agus le clàrsaichean, agus le saltairibh, agus le tiompanaibh, agus le ciombalaibh, agus le trompaibh.

9 Agus an uair a thàinig iad gu h-urlar-bualaidh Chidoim, chuir Usa a mach a làmh a ghabhail greim de'n àire, oir chuir na damh air chrith i.

10 Agus las fearg an Tighearn' an aghaidh Usa, agus bhuail se e, a chionn gu'n do chuir e a làmh ris an àire: agus dh'eug e 'n sin an làthair Dhé.

11 Agus bha doilgheas air Daibhidh a chionn gu'n d'rinn an Tighearn briseadh air Usa: agus dh'ainmich e 'n t-àite sin Peres-usa gu ruig an là 'n diugh.

12 Agus bha eagal air Daibhidh roimh Dhia air an là sin, agus thubhairt e, Cionnus a bheir mise àire Dhé dhachaidh do m' ionnsuidh?

13 Uime sin cha d'thug Daibhidh an àire d'a ionnsuidh fèin gu baile Dhaibhidh; ach thug e a leth-taobh i gu tigh Obed-edoim a' Ghithlich.

14 Agus dh'fhan àire Dhé maille ri teaghlach Obed-edoim 'n a thigh trì mìosan. Agus bheannaich an Tighearn tigh Obed-edoim, agus gach nì a bh'aige.

CAIB. XIV.

1 *Chuir Hiram fiodh agus clachairean a dh'ionnsuidh Dhaibhidh. 4 Ainmean a chloinne a rugadh dha ann an Ierusalem. 8 Bhual Daibhidh na Philistich dà uair le h-àr mòr.*

ANIS chuir Hiram rìgh Thiruis teachd-airean a dh'ionnsuidh Dhaibhidh, agus fiodh seudair, agus clachairean, agus saoir, a thogail tighe dha.

2 Agus dh'aitnich Daibhidh gu'n do dhaingnich an Tighearn e 'n a rìgh air Israel, agus gu'n d'ardaicheadh gu mòr a rìoghachd air son a shluaigh Israeil.

3 Agus ghabh Daibhidh tuileadh bhan ann an Ierusalem; agus ghin Daibhidh fathast mic agus nigheanan.

4 Agus is iad so ainmean a chloinne a bha aige ann an Ierusalem; Samua, agus Sobab, Natan, agus Solamh,

5 Agus Ibar, agus Elisua, agus Elphalet,

6 Agus Nogah, agus Nepheg, agus Iaphia,

7 Agus Elisama, agus Bechiada, agus Elphalet.

8 Agus an uair a chuala na Philistich gu'n d'ungadh Daibhidh 'n a rìgh air Israel uile, thàinig na Philistich gu léir a nìos a dh'iarraidh Dhaibhidh: agus chuala Daibhidh sin, agus chaidh e mach 'n an aghaidh.

9 Agus thàinig na Philistich, agus sgaoil siad iad fèin ann an gleann Rephaim.

10 Agus dh'fhiosraich Daibhidh de Dhia, ag ràdh, Au téid mi suas an aghaidh nam Philisteach, agus an toir thu thairis iad a'm' làimh? Agus thubhairt au Tighearn ris, Gabh suas, agus bheir mise thairis iad a' d' làimh.

11 Agus thàinig iad gu Baal-perasim; agus bhuail Daibhidh an sin iad. Agus thubhairt Daibhidh, Bhriis Dia mo naimh-dean o' chéile le m' làimh-sa, mar bhriseadh uisgeachan: uime sin thug iad Baal-perasim mar ainm air an àite sin.

12 Agus dh'fhàg iad an diathan an sin, agus thug Daibhidh àithne, agus loisgeadh iad le teime.

13 Agus thàinig na Philistich a ris, agus sgaoil siad iad fèin anns a' ghleann.

14 Uime sin dh'fhiosraich Daibhidh a ris de Dhia; agus thubhairt Dia ris, Na gabh suas 'n an déigh; tionndaidh air falbh uatha, agus thig orra fa chomhair chraobh nan smeur.

15 Agus an uair a chluinneas tu fuaim siubhail annam barraibh chraobh nan smeur, an sin théid thu mach chum catha; oir théid Dia a mach romlad, a bhnaladh feachd uam Philisteach.

16 Agus rinn Daibhidh mar a dh'àithn Dia dha: agus bhuail iad feachd nam Philisteach o Glibeon cadhion gu Gaser.

17 Agus chaidh ainm Dhaibhidh a mach do gach tìr, agus thug an Tighearn 'cagal-san air na h-uile chinueachaibh.

CAIB. XV.

1 *Dh'orduich Daibhidh do na Lebhithich an àire a thoirt suas do'n àit a dh'ulluich e air a son. 2 Rinn Michal tair air 'n a cridhe 'n uair a chunnair i e a' dannsadh agus a' cluicheadh.*

AGUS rinn Daibhidh dha fèin tighean ann am baile Dhaibhidh, agus dh'ulluich e àite do àire Dhé, agus shuidhich e bith dhi.

2 An sin thubhairt Daibhidh; cha chòir do neach air bith àire Dhé iomchar, ach do na Lebhithich; oir iadsan ròghnaich an Tighearn gu àire Dhé iomchar, agus gu frithealachd dha gu bràth.

3 Agus chruinnich Daibhidh Israel uile an ceann a chéile gu h-Ierusalem, gu àire an Tighearn a thoirt suas a dh'ionnsuidh a h-àite, a dh'ulluich e air a son.

4 Agus chruinnich Daibhidh mic Aaroin agus na Lebhithich:

5 De mhacaibh Chohait; Uriel an ceann, agus a bhràithrean ceud agus fichead.

6 De mhacaibh Mherari; Asaiah an ceann, agus a bhràithrean dà cheud agus fichead.

7 De mhacaibh Ghersoim; Ioel an ceann, agus a bhràithrean ceud agus deich thar fhichead.

8 De mhacaibh Elisaphain; Semaiah an ceann, agus a bhràithrean dà cheud.

9 De mhacaibh Hebroin; Eliel an ceann, agus a bhràithrean ceithir fichead.

10 De mhacaibh Udseil; Aminadab an ceann, agus a bhràithrean ceud agus dà fhear dheug.

11 Agus ghairm Daibhidh air Sadoc agus Abiatar na sagartan, agus air na Lebhithich, air Uriel, Asaiah, agus Ioel, Semaiah, agus Eliel, agus Aminadab,

12 Agus thubhairt e riu, *Is sibhse cinn aithrichean nan Lebhitheach: naomhaichibh sibh fèin, sibhse agus blur bràithrean, chum gu'n toir sibh suas àire an Tighearna Dé Israel, a dh'ionnsuidh an àit a dh'ulluich mise dhi:*

13 Oir a chionn nach robh sibh a làthair roimhe, rinn an Tighearn ar Dia briseadh oirne, do bhrìgh nach d'iarr sinn e air mhodh dligheach.

14 Uime sin naomhaich na sagartan agus na Lebhithich iad fèin, a thubhairt suas àire an Tighearna Dé Israel.

15 Agus ghiùlain mic nan Lebhitheach àire Dhé air an guailnibh, leis na lunnabha orra, mar a dh'àithn Maois a réir focail an Tighearna.

16 Agus labhair Daibhidh ri h-uachdaran-aibh nan Lebhitheach, am bràithrean orduchadh 'bhi' 'n an luchd-ciuil le h-inneal-aibh-ciuil, saltairibh, agus clàrsaichibh, agus ciombalaibh, a' deanamh fuaim, a' togail suas a' ghutha le h-aobhneas.

17 Uime sin dh'orduich na Lebhithich Heman mac Ioeil; agus d'a bhràithribh, Asaph mac Bherechiah; agus de mhacaibh Mherari am bràithribh, Etan mac Chusaiah:

18 Agus maille riu am bràithrean dc'n dara ceum, Sechariah, Ben, agus Iaasiel, agus Semiramot, agus Iehiel, agus Um Eliab, agus Benaiah, agus Maaseiah, agus Matitiah, agus Elipheleh, agus Miceiah, agus Obed-edom, agus Ieiel, na dorsairean.

19 Agus bha'n luchd-ciuil, Heman, Asaph, agus Etan, gu fuaim a dheanamh le ciombalaibh umha;

20 Agus Sechariah, agus Asiel, agus Semiramot, agus Iehiel, agus Uni, agus Eliab, agus Maaseiah, agus Benaiah, le saltairibh air Alamot;

21 Agus Matitiah, agus Elipheleh, agus Miceiah, agus Obed-edom, agus Ieiel, agus Asaiah, le clàrsaichibh air Seminit a thoirt barrachd.

22 Agus bha Cenaniah uachdaran de na Lebhithich os ceann na laoidh: sheòl e mu thimchioll na laoidh, a chionn gu'n robh e eòlach.

23 Agus bha Berechiah agus Elcanah 'n an dorsairibh do'n àire.

24 Agus bha Sebaniah, agus Iehosaphat, agus Netaneel, agus Amasai, agus Sechariah, agus Benaiah, agus Elieser na sagartan, a' séideadh leis na trompaidibh roimh àire Dhé: agus bha Obed-edom agus

Iehiah 'n an luchd-gleidhidh doruis na h-àirce.

25 Mar sin chaidh Daibhidh agus sean-aircan Israeil, agus na ceannardan mhil-tean, a thoirt suas àirce coimhcheangail an Tighearn 'a tigh Obed-edom le h-aobh-neas.

26 Agus an uair a chuidich Dia leis na Lebhitheach a ghiùlain àirce coimhcheangail an Tighearna, dh'ìobair iad seachd tairbh òga agus seachd reitheachan.

27 Agus bha Daibhidh sgeadaichte le falluinn de anart grunn, agus na Lebhitheach uile a bha 'giùlan na h-àirce, agus an luchd-cuill, agus Chenaniah an t-àrd fhear-seinn am measg an luchd-ciuil: air Daibhidh mar an ceudna bha ephod anairt.

28 Mar so thug Israel uile suas àirce coimhcheangail an Tighearna le h-iolaich, agus le fuaim a' bhuabhuill, agus le trompaidibh, agus le ciombalaibh, a' deanamh coimh-sheirm le saltairibh agus clàrsaichibh.

29 Agus an uair a thàinig àirce coimhcheangail an Tighearna steach do bhaile Dhaibhidh, bha Michal nighean Shaul ag amharc a mach air uinneig, agus chunnaic i rìgh Daibhidh a' damnsadh agus a' cluich-eadh; agus rinn i tàir air 'n a cridhe.

CAIB. XVI.

1 Thug Daibhidh suas iobairtean, agus bheannaich e an sluagh. 7 A laoidh mholaidh. 37 Dh'òrduich e cuid de'n t-sluagh a fhrithealadh roimh an Tighearna.

AGUS thug iad a steach àirce Dhé, agus chuir iad i ann am meadhon a' bhùtha a shuidhich Daibhidh air a son: agus thug iad seachd iobairtean-loisgte agus iobairtean-sith 'am fianuis Dhé.

2 Agus an uair a chuir Daibhidh crìoch air na h-iobairtean-loisgte 'thoirt suas, agus na h-iobairtean-sith, bheannaich e 'n sluagh 'au ainm an Tighearna.

3 Agus roinn e air gach aon de Israel, eadar fhear agus bhean, do gach aon buillonn arain, agus mair maith feòla, agus copan fionna.

4 Agus dh'òrduich e cuid de na Lebhitheach a fhrithealadh roimh àirce an Tighearn', agus a chur air chuimhue, agus a thoirt buidheachais agus cliù do'n Tighearn Dia Israeil:

5 Asaph an ceann, agus 'n a dhéigh-san Sechariah, an sin Ieiel, agus Semiramot, agus Ichiel, agus Matitiah, agus Eliab, agus Benaiah, agus Obed-edom: agus Ieiel le saltairibh agus clàrsaichibh; agus Asaph le ciombalaibh a' deanamh fuaim:

6 Benaiah mar an ceudna agus Iahasiel na sagartan, le trompaidibh a ghuàth roimh àirce coimhcheangail Dhé.

7 An sin air an là sin, thug Daibhidh seachad a' cheud uair an laoidh mholaidh so do'n Tighearn, ann an làimh Asaph agus a bhràithrean:

8 Molaibh an Tighearn, gairmibh air ainm, deanaibh a ghluatharan aithnichte am measg nan sluagh.

9 Seinnibh dha-san, seinnibh sailm dha, labhraibh air 'uile oibribh iongantach-san.

10 Deanaibhse uail 'n a ainm naomh: deanadh cridhe na muinntir a tha 'g iarraidh an Tighearna gairdeachas.

11 Iarraibh au Tighearn agus a neart, iarraibh a ghuàis a ghuàth.

12 Cuimhnichibh 'oibrean iongantach a rinn e, a chomharan agus breitheanais a bhéil;

13 O sibhse a shliochd Israeil 'òglaich-san, sibhse a chlaun Iacoib, a dhaoine taghta-san.

14 Is esan an Tighearn ar Dia-ne; air feadh na talmhainn uile tha a bhreitheanais-san.

15 Cuimhnichibh an còmhnuidh a choimhcheangal, am focal a dh'aithean e do mhìle ginealach;

16 A rinn e ri h-Abraham, agus a mhionnan do Isaac:

17 Agus dhaingnich e sin do Iacob mar lagh, do Israel mar choimhcheangal bith-bhuan,

18 Ag ràdh, Dhuitse bheir mi fearann Chanaain, crannchur bhuir n-òighreachd.

19 An uair nach robh iad ach ro thearc 'an àireamh, agus 'n an coigriche ann.

20 Agus a chaidh iad o chinneach gu cinn-each, agus o rìoghachd gu sluagh eile;

21 Cha do leig e le duine sam bith eucòir a dheanamh orra; agus smachdaich e rìgh-rean air an son-san:

22 Ag ràdh, Na bheanaibh ri m' dhaoineibh ungta, agus air m'fhàidhibh na deanaibh cron sam bith.

23 Seinnibh do'n Tighearn, gach uile thìr; foillsichibh o là gu là a shlàinte.

24 Cuiribh a ghloir 'an céil am measg uan cinneach; 'oibre iongantach am measg nan uile shluagh:

25 Oir is mòr an Tighearn, agus ro airidh air cliù; agus is aobhar eagail esan os ceann nan uile dhiathan:

26 Oir is iodholan uile dhiathan nau cinneach; ach is e 'n Tighearn a rinna na nèamhan.

27 Tha glòir agus mòralachd 'n a làthair; uèart agus subhachas 'n a ionad-san.

28 Thugaibh do'n Tighearn, sibhse fhìneacha nau sluagh; thugaibh do'n Tighearn urram agus neart.

29 Thugaibh do'n Tighearn an t-urram a's cubhaidh d'a ainm: thugaibh tabhartas leibh, agus thigibh 'n a làthair; sleuchdaibh do'n Tighearn ann am maise na naomhachd.

30 Bitheadh eagail oirbh 'n a fhiauis-san, gach uile thìr: daingnichear an domhan leis, air chor as nach gluaisear e.

31 Bitheadh na nèamhan ait, agus deanaidh an talmh gairdeachas; agus abradh iad am

measg nan cinneach, Tha'n Tighearn a' rìoghachadh.

32 Beucadh an fhairge, agus a làn; deanadh a' mhachair gairdeachas, agus gach *ni a tha* innte.

33 An sin seinnidh craobhan na coille gu h-àrd-ghuthach an làthair an Tighearn', a chionn gu bheil e 'teachd a thoirt breth air an talamh.

34 Molaibh an Tighearn, oir *tha* e maith; oir gu bràth *mairidh* a thròcair.

35 Agus abraibhse, Tèaruinn sinn, O 'Dhé ar slàinte, agus cruinnich r'a chéile sinn, agus saor sinn o na cinnich, a chum gu'n toir sinn moladh do d'aime naomha-sa, agus gu'n dean sinn uail ann ad chliu.

36 Beannaichte gu robh an Tighearn Dia Israeil gu saoghal nan saoghal. Agus thubhairt an sluagh uile, Amen, agus chliùthaich iad an Tighearn.

37 Agus dh'fhàg e an sin fa chomhair àirce coimheangail an Tighearn', Asaph agus a bhràithrean, a fhrithéaladh air beulaobh na h-àirce an còmhnuidh, mar a dh'iarradh obair gach là:

38 Agus Obed-edom, agus am bràithrean, ocd agus tri fichead: Obed-edom mar an ceudna, mac Iedutuin, agus Hosah, 'n an dorsairibh:

39 Agus Sadoc an sagart, agus a bhràithrean na sagartan, fa chomhair pàilliuin an Tighearna, anns an àit àrd a *b'ann* an Gibeon,

40 A dh'ìobradh ìobairtean-loisgte do'n Tighearn air altair na h-ìobairt-loisgte a ghnàth, 's a' mhaduinn agus 's an fheasgar, agus a *dheanamh* a réir gach *ni a tha* sgriobhta ann an lagh an Tighearn', a dh'àithn e do Israel:

41 Agus maille ri-san Heman agus Iedutun, agus a' chuid eile a thaghadh, a ghairmeadh air an ainmibh, a thoirt cliù do'n Tighearn, a chionn gu *bheil* a thròcair bith-bhuan:

42 Eadhon maille ri-san Heman agus Iedutun le trompaidibh, agus le ciombal-aibh, a' deanamh fuaim, agus le h-iuneal-aibh ciuil Dhé: agus *bha* mic Iedutuin 'n an dorsairibh.

43 Agus dh'fhalbh an sluagh uile, gach duine d'a thigh féin: agus phill Daibhidh a bhcanachadh a thighe féin.

CAIB. XVII.

1 *Thoir misg Natan do Dhaibhidh tigh a thogail do Dhia.* 11 *Phuair Doibhidh gealladh air beannachdaibh àraidh 'n a shìochd.* 16 *'Urnuigh agus a laoidh-mholaidh.*

A NIS an uair abha Daibhidh 'n a shuidhe 'n a thigh, thubhairt Daibhidh ri Natan am fàidh, Feuch, *tha* mise a'm' chòmhnuidh ann an tigh seudair, ach *tha* àire coimheangail an Tighearna fo chùirt-eimibh.

2 Agus thubhairt Natan ri Daibhidh,

Dean gach *ni a tha* ann ad chridhe; oir *tha* Dia leat.

3 Agus air an oidheche sin féin thàinig focal Dhé gu Natan, ag ràdh,

4 Falbh agus innis do m'òglach Daibhidh, Mar so tha'n Tighearn ag ràdh, Cha tog thusa dhomhsa tigh gu còmhnuidh 'ghabhail ann:

5 Oir cha do ghabh mise còmhnuidh ann an tigh o'n là air an d'thug mi mios Israel as an Eiphit gus an là'n diugh, ach bha mi o bhùth gu bùth, agus o phàilliuin gu *pàilliuin*.

6 Ge b'e taobh a chaidh mi le h-Israel uile an do labhair mi focal ri h-aon de bhreith-eamhnaibh Israeil, (d'an d'àithn mi mo shluagh a bhacachadh,) ag ràdh, C'ar son nach do thog sibh dhomh tigh seudair?

7 A nis uime sin mar so their thu ri m' sheirbhiseach Daibhidh, Mar so tha Tighearn nan sluagh ag ràdh, thug mi thu o chrò nan caorach, o leantuinn nan caorach, gu bhi ann ad cheannard air mo shluagh Israel:

8 Agus bha mi leat gach taobh a chaidh thu, agus ghearr mi as do naimhdean uile romhad, agus rinn mi dhuit ainm cosmhuil ri ainm nan *daoine* mòra a *tha* air an talamh.

9 Agus dh'orduich mi àite do m' shluagh Israel, agus shuidhich mi iad, agus gabhaidh iad còmhnuidh 'n an àit, agus cha ghluaisear iad tuilleadh; cha mhò a chlaoidheas clann na h-àingidheachd iad tuilleadh, mar an toiseach,

10 Agus o'n àm 's an d'àithn mi do bhreith-eamhnaibh *bhi* os ceann mo shluaigh Israeil: agus ceannsaichidh mi do naimhdean uile. Mar an ceudna tha mi 'g innsadh dhuit gu'n tog an Tighearn tigh dhuit.

11 Agus an uair a choimhlionar do làithean, agus gur h-èiginn duit triall maille ri d'aithrichibh, togaidh mise suas do shìochd a'd' dhéigh, a bhitheas de d' mhacaibh; agus daingnichidh mi a rìoghachd-san.

12 Togaidh esan tigh dhomh, agus daingnichidh mi a rìgh-chaitir gu bràth.

13 Bithidh mi a'm' athair dha, agus bithidh esan 'n a mhac dhomhsa; agus cha toir mi mo thròcair air falbh uath, mar a thug mi uaithe-san a bha romhad-sa.

14 Agus suidhichidh mi e ann am thigh agus ann am rìoghachd gu bràth; agus bithidh a rìgh-chaitir daingean gu bràth.

15 A réir nam briathar so uile, agus a réir an taisbeinidh so uile, mar sin labhair Natan ri Daibhidh.

16 An sin chaidh rìgh Daibhidh a stigh, agus shuidh e 'am fianuis an Tighearn', agus thubhairt e, Cò mise, O Thighearna Dhé, agus ciod e mo thigh, gu'n d'thug thu mi gu ruige so?

17 Agus bu bheag so a'd' shùilbh-sa, O Dhé, oir labhair thu *mar an ceudna* mu thigh do sheirbhisich ré aimsir fhada ri

teachd, agus thug thu meas orm a réir staid duine àrd-inbhich, a Thighearna Dhé.

18 Ciod tuilleadh is urrainn Daibhidh a ràdh riut, air son urrainn do sheirbhisich? ach is aithne dhuit do sheirbhiseach.

19 A Thighearna, is ann air son do sheirbhisich, agus a réir do chridhe féin a rinn thu na nithean mòra so uile, a chum gu'n deanadh tu na nithean mòra so gu léir aithnichte.

20 O Thighearna, cha-n'eil neach ann cosmhuil riutsa, agus cha-n'eil Dia ann ach thusa, a réir gach nì a chuala sinn le'r chusaibh.

21 Agus cia an cinneach air thalamh cosmhuil ri d' shluagh Israel, a chaidh Dia a shaoradh mar shluagh dha féin, a dheanadh ainme dhuit féin, a *dheanamh* nithean mòra agus uamhasach le cinnich fhògradh roimh do shluagh, a shaor thu as an Eiphit?

22 Oir rinn thu do shluagh Israel 'n an sluagh dhuit féin gu bràth; agus tha thusa, a Thighearna, a'd' Dhia aca.

23 A nis ma ta, a Thighearna, am focal a labhair thu mu thimchioll do sheirbhisich, agus mu thimchioll a thighe, daingnich. car e gu bràth, agus dean mar a thubhairt thu.

24 Bitheadh e eadhon air a dhaingneachadh, agus àrdaichear d'ainm-sa gu bràth, ag ràdh, *Is e* Tighearna nan sluagh Dia Israel *a's* Dia do Israel: agus *bitheadh* tigh Daibhidh do sheirbhisich air a dhaingneachadh a'd' fhianuis.

25 Oir dh'fhoillsich thusa, O mo Dhia, do d' sheirbhiseach, gu'n togadh tu tigh dha: uime sin fhuaire do sheirbhiseach 'n a chridhe urnuigh a dheanamh a'd' làth-air.

26 Agus a nis, a Thighearna, *is* tu féin Dia, agus gheall thu do d' sheirbhiseach am maithreas so.

27 A nis uime sin gu ma toil leat tigh do sheirbhisich a bheannaichadh, a chum gu'm bi e gu bràth a'd' fhianuis: oir an uair a bheannaicheas thusa, a Thighearna, beannaichte *bithidh* e gu bràth.

CAIB. XVIII.

1 Cheannsaich Daibhidh na Philistich, agus thug e na Moabaich fo chis. 3 Bhuail e Hadareser agus na Sirianaich. 9 Chuir Tou a mhac le tioldlacaibh a dh'ionnsuidh Daibhidh. 13 Chuir Daibhidh freiceadain ann an Edom. 15 A luchd-dreuchd.

AGUS an déigh so bhuail Daibhidh na Philistich, agus cheannsaich e iad; agus ghlac e Gat agus a bhuiltean beaga á laimh nam Philisteach.

2 Agus bhuail e Moab; agus bha na Moabaich 'n an seirbhisich aig Daibhidh, agus thug iad tabhartais leo.

3 Agus bhuail Daibhidh Hadareser rìgh Shobah gu ruig Hamat, an uair a chaidh e a dhaingneachadh a thighearnais aig ainhaiu Euphrates.

4 Agus thug Daibhidh uaith mìle carbad, agus seachd mìle marcach, agus fichead mìle coisiche: agus ghearr Daibhidh speireachan *each* nan carbad uile, ach dh'fhlàg e dhiubh dlìghe cheud carbad.

5 Agus an uair a thàinig Sirianaich Dhamascuis a chuideachadh le Hadareser rìgh Shobah, mharbh Daibhidh de na Sirianaich dà mhìle fichead fear.

6 Au sin chuir Daibhidh freiceadain ann an Siria Dhamascuis; agus bha na Sirianaich 'n an seirbhisich aig Daibhidh, agus thug iad tabhartais leo. Agus ghléidh an Tighearna Daibhidh gach taobh a chaidh e.

7 Agus ghabh Daibhidh na sgiathan òir a bh'air seirbhisich Hadareseir, agus thug e iad gu h-Ierusalem.

8 Agus o Thibat agus o Chun, bailtibh Hadareseir, thug Daibhidh ro mhòran umha, leis an d'rinn Solamh an fhairge umha, agus na puist, agus na soithichean umha.

9 Agus an uair a chuala Tou rìgh Hamat gu'n do bhuail Daibhidh uile shluagh Hadareseir rìgh Shobah,

10 Chuir e Hadoram a mhac gu rìgh Daibhidh, a chur fàilte air, agus g'a bhicannachadh, a chionn gu'n do chog e 'n aghaidh Hadareseir, agus gu'n do bhuail se e; (oir bha Hadareser a' cogadh ri Tou); agus *leis-ean* gach uile ghnè shoithichean òir, agus airgid, agus umha.

11 Iad sin mar an ceudna choisrig rìgh Daibhidh do'n Tighearna, maille ris an airgid agus an òr a thug e o na cinneach-aibh so uile; o Edom, agus o Mhoab, agus o chloinn Amoin, agus o na Philistich, agus o Amalec.

12 Os bàrr, mharbh Abisai mac Sheruah de na h-Edomaich ann an gleanu an t-salainn ochd mìle deug.

13 Agus chuir e freiceadain ann an Edom; agus bha na h-Edomaich uile 'n an seirbhisich aig Daibhidh. Agus ghléidh an Tighearna Daibhidh gach taobh a chaidh e.

14 Agus rìghich Daibhidh air Israel uile; agus bha e a' cur 'an gnìomh breitheanaibh agus ceartais d'a shluagh uile.

15 Agus bha Ioab mac Sheruah os ceann na h-armailte; agus Ichosaphat mac Ahiluid 'n a sheanachaidh;

16 Agus Sadoc mac Ahituib, agus Ahimelech mac Abiatair 'n an sagartaibh; agus Sabhsa 'n a sgrìobhaiche;

17 Agus Benaiah mac Ichoiada os ceann nan Cereteach, agus nam Peleteach. Agus *Uiad* mic Daibhidh 'bu mhò inbhe mu thimchioll an rìgh.

CAIB. XIX.

1 *Bhuin Hanun gu h-òle ri teachdairibh Dhàibhidh. 6 Bhuail Ioab clann Amoin agus na Sirianach a thàinig g'an còmhladh. 17 Cheannsaich Daibhidh na Sirianach.*

AGUS an déigh so fhuair Nahas rìgh chloinn Amoin bàs, agus rìghich a mhac 'n a àit.

2 Agus thubhairt Daibhidh, Nochdaidh mi caoimhneas do Hanun mac Nahais, a chionn gu'n do nochd 'athair-san caoimhneas dhomhsa. Uime sin chuir Daibhidh teachdairean gu còmhfhurtaehd a thoirt da mu thimchioll 'athar: agus thàinig seirbhisich Dhàibhidh do fhearann chloinn Amoin gu Hanun, chum còmhfhurtaehd a thabhairt da.

3 Ach thubhairt ceannardan chloinn Amoin ri Hanun, An saoil thusa gur ann a chum urram a thabhairt do d'athair a chuir Daibhidh a d' ionnsuidh luchd còmhfhurtaehd? nach ann a rampsachadh, agus a ghabhail beachd air an fhearann, agus g'a sgrios, a thàinig a sheirbhisich a'd ionnsuidh?

4 Uime sin ghlac Hanun seirbhisich Dhàibhidh, agus bhearr e iad, agus ghearr e an eudach 's a' mheadhon, gu ruig am màsan; agus chuir e air falbh iad.

5 Agus chaidh *daoine*, agus dh'innis iad do Dhàibhidh mar a bhuineadh ris na fearaibh; agus chuir esan *teachdairean* 'n an coinneamh, a chionn gu'n robh nàire mhòr air na daoineibh: agus thubhairt an rìgh, Fanaibh ann an Iericho gus am fàs blur feusag, agus *an sin* pillibh.

6 Agus an uair a chunnaic clann Amoin gu'n d' rinn siad iad féin gràineil do Dhàibhidh, chuir Hanun agus clann Amoin mìle tàlann airgid a thuarasdalachadh charbad agus marc-shluaigh dhoibh à Mesopotamia, agus à Siria-maachah, agus à Sobah.

7 Agus thuarasdalaich iad dà mhìle dheug thar fhichead *fear*, agus carbadan, agus rìgh Mhaachah agus a shluaigh; agus thàinig iadsan agus champaich iad fa chomhair Mhedeba. Agus chruinnich clann Amoin iad féin 'an ceann a chéile as am bailtibh, agus thàinig iad chum catha.

8 Agus an uair a chuala Daibhidh *sin*, chuir e mach Ioab, agus uile fheachd nan daoine treuna.

9 Agus thàinig clann Amoin a mach, agus chuir iad an cath 'an ordugh fa chomhair geata a' bhaile: agus *bha* na rìghrean a thàinig, leo féin anns a' mhachair.

10 Agus an uair a chunnaic Ioab gu'n robh aghaidh a' chatha ris air a bheulaobh, agus air a chùlaobh, thagh e mach *cuid* de uile *dhaoinibh* taghta Israeil, agus chuir e ann an ordugh catha *iad* an aghaidh nan Sirianach.

11 Agus a' chuid eile de'n t-sluaigh thug e thairis do làimh Abisai a bhràthar, agus

chuir iadsan *iad féin* 'an ordugh an aghaidh chloinn Amoin.

12 Agus thubhairt e, Mabhithcas na Sirianach nì's treise na mise, an sin cuidichidh tusa leamsa: ach na bhitheas clann Amoin nì's treise na thusa, an sin cuidichidh mise leatsa.

13 Bi misneachail, agus bitheamaid gaisgeil air son ar sluaigh, agus air son bhailean ar Dé: agus deanadh an Tighearn an *ni a tha* maith 'n a shùilbhih.

14 Agus thàinig Ioab am fagus, agus an sluaigh a *bha* maille ris, an aghaidh nan Sirianach gu cath; agus theich iad roimhe.

15 Agus an nair a chunnaic clann Amoin gu'n do theich na Sirianach, theich iadsan mar an ceudna roimh Abisai a bhràthair, agus chaidh iad a steach do'n bhaile. An sin thàinig Ioab gu h-Ierusalem.

16 Agus an nair a chunnaic na Sirianach gu'n do bhuail iad roimh Israel, chuir iad teachdairean uatha, agus thug iad a mach na Sirianach a *bh'air* an taobh thall de'n amhainn; agus *chaidh* Sophach ceannard armailte Hadareseir rompa.

17 Agus an uair a dh'innseadh sin do Dhàibhidh, chruinnich e Israel uile, agus chaidh e thar Iordan, agus thàinig e orra, agus chuir e'n *cath* 'an ordugh 'n an aghaidh. Agus an uair a chuir Daibhidh an cath 'an ordugh an aghaidh nan Sirianach, chog iad ris.

18 Agus theich na Sirianach roimh Israel; agus mharbh Daibhidh de na Sirianach *fir* sheachd mìle carbad, agus dà fhichead mìle coisiche, agus mharbh e Sophach ceannard na h-armailte.

19 Agus an uair a chunnaic seirbhisich Hadareseir gu'n do bhuail iad roimh Israel, rinn iad sìth ri Daibhidh, agus rinn iad seirbhis da: agus cha chuidicheadh na Sirianach le cloinn Amoin tuilleadh.

CAIB. XX.

1 *Theannaich Ioab Rabah: 2 Chreach Daibhidh am baile, agus bhuin e gu cruaidh r'a shluaigh. 4 Mharbhadh triuir fhamhairean.*

AGUS aig teachd mu'n cuairt na bliadhna, mach gu *cogadh*, tharruing Ioab a mach neart an airm, agus chuir e fas duthaich chloinn Amoin, agus thàinig e agus theannaich e Rabah; (ach dh'fhan Daibhidh ann an Ierusalem;) agus bhuail Ioab Rabah, agus sgrios se c.

2 Agus thug Daibhidh crùn an rìgh bhàrr a chinn, agus fhuair e cudthrom tàlaim òir ann, agus *bha* clachan luachmhor ann; agus chuireadh e air ceann Dhàibhidh; agus thug e mach ro mhòran creiche as a' bhaile.

3 Agus thug e mach an sluaigh a *bha* ann, agus ghearr e *iad* le sàibh, agus le h-inneal-aibh-bualaidh iarunn, agus le tuaghan: agus mar so bhuin Daibhidh ri uile bhailtibh

chloinn Amoin. Agus phill Daibhidh agus an sluagh uile gu h-Ierusalem.

4 Agus 'u a dhéigh so dh'éirich cogadh ann an Geser ris na Philistich: an sin bhuail Síbechai an t-Husatach Sipai a bha de shliocht au fhamhair; agus cheannsaicheadh iad.

5 Agus bha ris cogadh ris na Philistich; agus bhuail Elhanau mac Iair Lahmi, bráthair Gholiath a' Ghitich, aig an robh erann a shleagha mar gharmain figheadair.

6 Agus bha fathast cogadh ann an Gat, far an robh fear de mheudachd mhóir, agus sè meoir aige air gach làimh, agus sè air gach cois, ceithir thar fhichead an àireamh; agus rugadh esan mar an ceudna do'n fhamhair.

7 Ach an uair a thug e dùbhlán do Israel, mharbh Ionatan mac Shimea, bráthair Dhaibhidh, e.

8 Rugadh iad sin do'n fhamhair ann an Gat; agus thuit iad le làimh Dhaibhidh, agus le làimh a sheirbhiseach.

CAIB. XXI.

1 Chuir Daibhidh Ioab gu Israel àireamh: 7 Mhì-thaitinn an nì so ri Dia: 8 Dh'aicidh Daibhidh a pheacadh. 10 De na trì nìidh a chuir Dia fa' chomhair ròghnaich e a' phlàigh. 16 Rinn Daibhidh eadar-ghuidhe air son an t-sluaigh. 18 Cheannaich e urlar-bualaidh Ornain.

AGUS sheas Satan suas an aghaidh Israeil, agus bhrosnuich e Daibhidh gu Israel àireamh.

2 Agus thubhairt Daibhidh ri Ioab, agus ri uachdaranaibh an t-sluaigh, Raehaibh, àirmhìbh Israel o Bheer-seba eadhon gu Dan; agus thugaibh an àireamh a m' ionusaidh-sa, ehum gu'm bi fios agam air.

3 Agus fhreagair Ioab, Gu'n deanadh an Tighearn a shluagh féin ceud uair nì's lionmhoire na tha iad. Ach, mo thighearn' a rìgh, nach iad seirbhisich mo thighearn' iad uile? 'Car son ma seadh a tha mo thighearn ag iarraidh an nì so? 'Car son a bhios e 'n a aobhar eionta do Israel?

4 Gidheadh, bhuadhaich focal an rìgh an aghaidh Ioab: uime sin dh'imich Ioab, agus chaidh e air feadh Israeil uile, agus thàinig e gu h-Ierusalem.

5 Agus thug Ioab uibhir àireimh an t-sluaigh do Dhaibhidh: agus bha ann de Israel uile, mìle de mhiltibh agus ceud mìle fear a tharuing claidheamh; agus de Iudah, ceithir cheud agus deich agus trì fichead mìle fear a tharuing claidheamh.

6 Ach Lebhi agus Benjamin cha d'rinn e àireamh 'n am measg; oir bha focal an rìgh gràineil do Ioab.

7 Agus mhi-thaitinn an nì so ri Dia; uime sin bhuail e Israel.

8 Agus thubhairt Daibhidh ri Dia, Pheacaidh mi gu mòr, a chionn gu'n d'rinn mi an nì so; ach a nis, guidheam ort, thoir air

falbh eionta do sheirbhisich; oir rinn mi gu ro amaideach.

9 Agus labhair an Tighearn ri Gad, fear-scallaidh Dhaibhidh, ag ràdh,

10 Falbh agus labhair ri Daibhidh, ag ràdh, Mar so tha'n Tighearn ag ràdh, Tri nìthean tha mi 'cur fa' d' eomhair; ròghnaich dhuit féin aon diubh, ehum gu'n dean mi dhuit e.

11 Agus thàinig Gad a dh'ionnsuidh Dhaibhidh, agus thubhairt e ris, Mar so tha'n Tighearn ag ràdh, Gabh do roghainn:

12 Aon ehuid trì bliadhna gortaidh; no 'bbitrimiosana' teicheadh roimh do naimh-dibh, agus claidheamh do naimhdean a' breith ort; no trì làithean de ehlaidheamh an Tighearna, eadhon de'n phlàigh, anns an fhearann, agus aingeal an Tighearn a' sgrios air feadh uile ehriochan Israeil: a nis uime sin faic ciod a fhreagaireas mi dha-san a ehuir uith mi.

13 Agus thubhairt Daibhidh ri Gad, Tha mi ann an teinn mhòir: tuiteam a nis ann an làimh an Tighearn', oir is ro lionmhor a thròcairean; ach ann an làimh duine na tuiteam.

14 Agus ehuir an Tighearn plàigh air Israel: agus thuit de Israel deich agus trì fichead mìle fear.

15 Agus chuir Dia aingeal gu h-Ierusalem, chum a sgrios: agus an uair a bha e a' sgrios, dh'amhaire an Tighearn, agus ghabh e aithreacheas a thaobh an uile, agus thubhairt e ris an aingeal a bha ri sgrios, Is leòir e; cum a nis air do làimh. Agus sheas aingeal an Tighearna làimh ri urlar-bualaidh Ornain an Iebusaich.

16 Agus thog Daibhidh suas a shùilean, agus chumaid e aingeal an Tighearna 'n a sheasamh eadar talamh agus nèamh, agus a chlaidheamh ruisg 'u a làimh, sìnte mach os ceann Ierusalem: agus thuit Daibhidh agus seanairean Israeil, còmhdaichte le saie-eudach, sìos air an aghaidh.

17 Agus thubhairt Daibhidh ri Dia, Nach mise a dh'àithn an sluagh àireamh? Is mise féin a pheacaidh, agus a rinn gu ro olc; ach na caorach so, ciod a rinn iadsan? Bith-eadh do làmh, guidheam ort, a Thighearna mo Dhia, a'm' aghaidh-sa, agus an aghaidh tighe m'athar; ach an aghaidh do shluaigh na bitheadh i, gu plàigh a chur orra.

18 An sin dh'àithn aingeal an Tighearna do Ghad a ràdh ri Daibhidh, gu'n rachadh Daibhidh suas a thogail altarach do'n Tighearn ann an urlar-bualaidh Ornain an Iebusaich.

19 Agus chaidh Daibhidh suas air focal Ghaid, a labhair e ann an ainm an Tighearna.

20 Agus thionndaidh Ornan air ais, agus chumaid e an t-aingeal; agus dh'fhòlach e cheathrar mhac; a bha maille ris, iad

fein. A nis bha Ornan a' bualadh cruithneachd.

21 Agus an uair a thàinig Daibhidh a dh'ionnsuidh Ornain, dh'amaire Ornan agus chunnaic e Daibhidh, agus chaidh e mach as an urlar-bhualaidh, agus chrom se e féin do Dhaibhidh le 'aghaidh gu làr.

22 An sin thubhairt Daibhidh ri Ornan, Thoir dhomhsa àit an urlar-bhualaidh so, a chum gu'n tog mi altair ann do'n Tighearn: air a làn luach bheir thu dhomh e, a chum gu'n caisgear a' phlàigh o'n t-sluagh.

23 Agus thubhairt Ornan ri Daibhidh, Gabh thugad e, agus deanadh mo thighearn an rìgh an *ni a tha* maith 'n a shùilbh: feuch, tha mi 'toirt a' bhuair *dhuìt* chum ìobairtean-loisgte, agus nan innealan-bualaidh chum coimaidh, agus a' chruithneachd chum tabhartais-bidh; sin uile tha mi 'tabhairt *duit*.

24 Agus thubhairt rìgh Daibhidh ri Ornan, Ni h-eachd, ach gu deimhin ceannaichidh mi *iad* air an làn luach; oir cha ghabh mi *an ni a's* leatsa *gu 'thoirt* do'n Tighearn, agus cha toir mi suas ìobairtean-loisgte gun chostus.

25 Uime sin thug Daibhidh do Ornan air an àite, sè ceud secel òir air thomhas.

26 Agus thog Daibhidh an sin altair do'n Tighearn, agus dh'ìobair e ìobairtean-loisgte agus ìobairtean-sith, agus ghairm e air an Tighearn; agus fhreagair se e le teine o neamh air altair na h-ìobairt-loisgte.

27 Agus dh'àithn an Tighearn do'n aingcal; agus chuir e suas a chlaidheamh a ris 'n a thruaill.

28 'S an àm sin, an uair a chunnaic Daibhidh gu'n do fhreagair an Tighearn e ann an urlar-bhualaidh Ornain an Iebusaich, dh'ìobair e an sin:

29 Oir bha pàillium an Tighearn' a rinn Maois 's an fhàsach, agus altair na h-ìobairt-loisgte 's an àm sin anns an àit àrd ann an Gibeon.

30 Ach cha b'urraim Daibhidh dol 'n a làthair, a dh'fhiosrachadh de Dhia; oir bha e fo eagal air son claidheimh aingil an Tighearna.

CAIB. XXII.

1 Dh'ulluich Daibhidh gu pàill air son tìghe an Tighearna. 6 Theagaisg e do Sholamh a dh'leasadanas, agus geallannan Dhé d'a thaobh. 17 Thug e àithne do uachdaranaibh Israeil iad a chuideachadh le Solamh.

AGUS thubhairt Daibhidh, *Is* e so tìgh an Tighearn' Dé, agus *is i* so altair na h-ìobairt-loisgte do Israel.

2 Agus dh'àithn Daibhidh na coigrich a bha ann am fearann Israeil a chruinneachadh an ceann a chèile; agus chuir e clachairean a ghearradh clachan snaidhte a thogail tìghe Dhé.

3 Agus sholair Daibhidh iarunn ann am

pailteas chum tairngean do chomhlaichibh nan geatachan, agus a chum nan dlùthadh; agus umha ann am pailteas, gun tomhas;

4 Agus fiodh seudair gun àireamh, oir thug na Sidonaich agus muinntir Thiruis fiodh seudair 'am pailteas a dh'ionnsuidh Dhaibhidh.

5 Agus thubhairt Daibhidh, Tha Solamh mo mhac òg agus maoth; agus an tìgh a tha ri thogail do'n Tighearn, *is còir* a dheanamh mòr agus àrd, a chum gu'm bi e ainmeil agus 'n a aobhar uaill air feadh gach uile thìr: uime sin ulluichidh mise fa 'chomhair. Agus dh'ulluich Daibhidh gu pàill roimh a bhàs.

6 Agus ghairm e air Solamh a mhac, agus dh'àithn e dha tìgh a thogail do'n Tighearn Dia Israeil.

7 Agus thubhairt Daibhidh ri Solamh, A mhic, air mo shonsa dheth, bha ann am aire tìgh a thogail do ainm an Tighearna mo Dhé:

8 Ach thàinig focal an Tighearn' a m' ionnsuidh, ag ràdh, Dhòirt thu mòran fola, agus rinn thu cogannan mòra: cha tog thu tìgh do m'ainm-sa, a chionn gu'n do dhòirt thu mòran fola air an talamh a'm' fhianuis.

9 Feuch, beirear mac dhuit: bithidh esan 'n a dhuine foistinneach, agus bheir mise fois dha o 'naimhdeibh uile mu'n cuairt; oir bithidh Solamh mar ainm air, agus sith agus suaimhneas bheir mise do Israel r'a linn-san.

10 Togaidh esan tìgh do m'ainm-sa; agus bithidh e 'n a mhac dhomh, agus bithidh mise a'm' athair dha-san; agus daingnichidh mi rìgh-chaitir a rìoghachd os ceann Israeil gu bràth.

11 A nis uime sin, a mhic, gu'n robh an Tighearn maille riut, chum gu'n soirbhich thu, agus gu'n tog thu tìgh an Tighearna do Dhé, mar a labhair e mu d' thimchioll.

12 A mhàin gu'n tugadh an Tighearn dhuit gliocas agus tuigse, agus gu'n tugadh e dhuit àithne a thaobh Israeil, chum gu'n gléidh thu lagh an Tighearna do Dhé.

13 An sin soirbhichidh tu, ma bheir thu 'n aire gu'n coimhlion thu na reachdan agus na breitheanais a dh'àithn an Tighearn do Mhaois a thaobh Israeil: bi làidir, agus biodh deadh mhiseach agad; na gabh eagal agus na bi fo uamhann.

14 A nis, feuch, ann am theanntachd dh'ulluich mise fa chomhair tìghe an Tighearna ceud mìle tàlam òir, agus mìle de mhiltibh tàlam airgid, agus de umha agus de iarunn gun tomhas: (oir tha ro-phailteas ann) fiodh mar an ceudna agus clachan dh'ulluich mi; ach feudaidh tusa cur riu.

15 Mar an ceudna tha luchd-oibre 'am pailteas agad, snaidheadairean agus luchd saothreachaidh cloiche agus fiodha, agus gach uile ghnè dhaoine tìrail fa chomhair gach gnè oibre.

16 Air an òr, an airgiod, agus an umha, agus an iarumh, cha-n eil àireamh. Eirich agus dean romhad, agus gu robh an Tighearn maille riut.

17 Dh'aitlm Daibhidh mar an ceudna do uachdaranaibh Israeil gu léir, iad a chuid-eachadh le Solamh a mhac, *ag ràdh*,

18 Nach 'eil an Tighearn blur Dia maille ribh? agus nach d'thug e dhuibh suaimhneas air gach taobh? oir thug e luchd-àiteachaidh na tìre a'm' làimh-sa; agus tha'u tìr air a cìosnachadh roimh an Tighearn, agus roimh a shluagh.

19 A nis uime sin socraichibh blur cridhe agus blur n-anam a dh'iarraidh an Tighearn blur Dé: éiribhse agus togaibh ionad naomh an Tighearna Dé, chum gu'n toir sibh steach àire coimhcheangailan Tighearn', agus soithichean naomha Dhé, do'n tigh a tha r'a thogail do ainm an Tighearna.

CAIB. XXIII.

1 *Rinn Daibhidh, 'n a shean aois, Solamh 'n a rìgh.* 3 *Àireamh nan Lebhithich.* 7 *Teaghlach nan Gersonach.* 12 *Mic Chohait.* 21 *Mic Mherari.* 24 *Dreuchd nan Lebhithich.*

A NIS an uair a bha Daibhidh scan agus àn de làithibh, rinn e Solamh a mhac 'n a rìgh air Israel.

2 Agus chruinnich e 'n ceann a chèile ceannardan Israeil uile, agus na sagartan agus na Lebhithich.

3 Agus dh'àirmheadh na Lebhithich o aois dheich bliadhna fichead agus os a cheann: agus b'e an àireamh air an cinn, duin' air dhuine, ochd mìle deug thar fhichead.

4 Dhuibh sin *bha* ceithir mìle fichead gu obair tighe an Tighearn' a chur air a h-aghaidh, agus sè mìle 'n an luchd-riaghlaidh agus 'n am breitheamhnaibh:

5 Agus ceithir mìle 'n an dorsairibh; agus ceithir mìle a' cliùthachadh an Tighearn' leis na h-innealaibh a rinn *Daibhidh* gu cliùthachadh.

6 Agus roinn Daibhidh iad 'n an roinnibh eadar mhacaibh Lebhi, *eadhon* Ghersoin, Chohait, agus Mherari.

7 De na Gersonach; Laadan agus Simeì.

8 Mic Laadain; Iehiel an ceann, agus Setam, agus Ioel, triuir.

9 Mic Shimeì; Selomit, agus Hasiel, agus Haran, triuir. *B'iad* sin cinn aithrichean Laadain.

10 Agus mic Shimeì; Iahat, Sidsa, agus Ieus, agus Beriah. *B'iad* sin mic Shimeì, ceathrar.

11 Agus b'e Iahat an ceann, agus Sidsa an dara fear: ach cha robh mòran mhac aig Ieus agus Beriah; uime sin bha iad ann an aon àireamh, a réir tighe an aithrichean.

12 Mic Chohait; Amram, Itsar, Iiebron, agus Udsiel, ceathrar.

13 Mic Amram; Aaron agus Maois; agus dhealaicheadh Aaron chum gu'n naomhaich-

eadh e na nithean ro naomha, e féin agus a mhic gu bràth, gu'n loisgeadh e tùis an làthair an Tighearna, gu'm fritheilcadh e dha, agus gu'm bearnaicheadh e 'ainm gu bràth.

14 A nis *mu thimchioll* Mhaois òglaich Dhé, bha a mhic air an ainneachadh de thréibh Lebhi.

15 Mic Mhaois; Gersom agus Elieser.

16 Mic Ghersoim; Sebuel an ceann.

17 Agus b'iad mic Elieser; Rehabiah an ceann. Agus cha robh aig Elieser mic sam bith eile; ach bha mic Rehabiah ro lionmhor.

18 Mic Itsair; Selomit an ceann.

19 Mic Hebroin; Ieriah an ceud *fhear*, Amariah au dara, Iahasiel an treas, agus Iecameam an ceathramh.

20 Mic Udsiel; Micah an ceud *fhear*, agus Iesiah an dara.

21 Mic Mherari; Machli agus Musi; mic Machli; Eleasar agus Cis.

22 Agus fluair Eleasar bàs, agus cha robh mic aige, ach a mhàin nigheanan: agus ghabh am bràithrean mic Chis iad.

23 Mic Mhusi; Machli, agus Eder, agus Ieremot, triuir.

24 *B'iad* sin mic Lebhi, a réir tighe an aithrichean, cinn nan aithrichean mar a dh'àirmheadh iad le àireamh an ainmean air an cinn, a rinn obair seirbhìs tighe an Tighearn', o aois fhichead bliadhna agus os a cheann.

25 Oir thubhairt Daibhidh, Tha'n Tighearn Dia Israeil air toirt fois d'a shluagh, agus gabhaidh iad còmhuidh ann an Ierusalem gu bràth.

26 Agus mar an ceudna a thaobh nan Lebhithich, cha *bh'i*n pàillium aca *nà's mò* r'a iomchar, agus uile shoithichean a sheirbhìs.

27 Oir le briathraibh deircannach Dhàibhidh dh'àirmheadh na Lebhithich o aois fhichead bliadhna agus os a cheann:

28 A chionn gu'm *b'e* an dreuchd-san bhi fo làmh mhac Aaroin, fa chomhair seirbhìs tighe an Tighearn', anns na cùirtibh, agus anns na sèomraichibh, agus ann an glanadh nan uile nithean naomha, agus ann an obair seirbhìs tighe Dhé;

29 Araon fa chomhair an arain thaisbeanaidh, agus fa chomhair na mìne mìne chum tabhartais-bidh, agus fa chomhair nam breacagan neo-ghoirtichte, agus fa chomhair nan nithean a *dheasaichear* 's an aghann agus a ròistear, agus fa chomhair gach uile ghnè tomhais agus meud;

30 Agus a chum seasamh gach maduinn a thoirt buidheachais agus cliu do'n Tighearn, agus mar an ceudna mu fheasgar;

31 Agus a chum gach iobairt-loisgte thoirt suas do'n Tighearn, air na sàbaidibh, agus air na gealaichibh nuadh, agus air na fèilibh suidhichte, ann an àireamh, a réir

na riaghailt' a dh'àithneadh dhoibh a ghnàth an làthair an Tighearna.

32 Agus a chum gu'n gleidheadh iad cùram pàilluin a' choimhthionail, agus cùram an ionaid naoimh, agus cùram mhac Aaroin am bràithrean, ann an seirbhis tighe an Tighearna.

CAIB. XXIV.

1 Roinneadh mic Aaroin le crannchur 'n an ceithir buidhnibh thar fhichead. 20 Roinneadh a' chuid eile de mhacaibh Lebhi le crannchur.

AGUS is iad so roinnean mhac Aaroin. Mic Aaroin; Nadab, agus Abihu, Eleasar, agus Itamar.

2 Ach fhuair Nadab agus Abihu bàs roimh an athair, agus cha robh clann aca: uime sin fhrithheil Eleasar agus Itamar ann an dreuchd an t-sagairt.

3 Agus roinn Daibhidh iad, araon Sadoc de mhacaibh Eleasair, agus Ahimelech de mhacaibh Itamair, a réir an àireimh 'n an seirbhis.

4 Agus fhuairadh mic Eleasair ni's lìon-mhoire 'n am prìomh dhaoimibh na mic Itamair; agus mar so roinneadh iad: De mhacaibh Eleasair bha sè prìomh dhaoine deug, a réir tighe an aithrichean; agus de mhacaibh Itamair ochdnar, a réir tighe an aithrichean.

5 Agus roinneadh iad le crannchur, iad so leo sin; oir bha uachdarain an ionaid naoimh, agus uachdarain nam breitheamhnan, de mhacaibh Eleasair agus de mhacaibh Itamair.

6 Agus sgrìobh Semaiah mac Netaneeil an sgrìobhaiche, *duine* de na Lebhitheach iad, am fianuis an rìgh, agus nan uachdaran, agus Shadoic an t-sagairt, agus Ahimelech mhic Abitair, agus cheann aithrichean nan sagart agus nan Lebhitheach; aon phrìomh thigh air a ghabhail air son Eleasair, agus aon air a ghabhail air son Itamair.

7 Agus thàinig a' cheud chrann a mach do Iehoiarib, an dara do Iedaiah,

8 An treasa do Harim, an ceathramh do Sheorim,

9 An cùigeamh do Mhalchiah, an sèathamh do Mhiniamin,

10 An seachdamh do Hacots, an t-ochdamh do Abiah,

11 An naothamh do Iesua, an deicheamh do Shecaniah,

12 An t-aon deug do Eliasib, an dara crann deug do Iacim,

13 An treas deug do Chupah, an ceathramh deug do Iesebeab,

14 An cùigeamh deug do Bhilgah, an sèathamh deug do Imer,

15 An seachdamh deug do Hedsir, an t-ochdamh deug do Apses,

16 An naothamh deug do Phetahiah, am ficheadamh do Ieheseccl,

17 An t-aon thar fhichead do Iachin, an dara thar fhichead do Ghamul,

18 An treas thar fhichead do Dhelaiah, an ceathramh thar fhichead do Mhasiah.

19 *B'e* sin an àircamh a réir an seirbhis chum teachd a steach do thigh an Tighearna, a réir an gnàtha, fo làimh Aaroin an athair, mar a dh'àithn an Tighearna Dia Israeil dha.

20 Agus a thaobh a' chuid eile de mhacaibh Lebhi: de mhacaibh Amrain; Subael: de mhacaibh Shubaeil; Iehdeiah.

21 A thaobh Rehabiah: de mhacaibh Rehabiah, an ceud fhear Isiah.

22 De na h-Itsaraich; Selomot: de mhacaibh Shelomoit; Iahat.

23 Agus mic Hebroin; Ieriah an ceud fhear, Amariah an dara, Iahasiel an treasa, Iecameam an ceathramh.

24 De mhacaibh Udsieil; Micah: de mhacaibh Mhichah; Samir.

25 *B'e* bràthair Mhichah Isiah: de mhacaibh Isiah; Sechariah.

26 *B'iad* mic Mherari, Machli agus Musi: mic Iaasiah; Beno.

27 Mic Mherari le Iaasiah; Beno, agus Solam, agus Sachur, agus Ibrì.

28 O Mhachli *thàinig* Eleasar, aig nach robh mic sam bith.

29 A thaobh Chis: mic Chis; Ierahmcel.

30 Agus mic Mhusi; Machli, agus Eder, agus Ierimot. *B'iad* sin mic nan Lebhitheach, a réir tighe an aithrichean.

31 Agus chuir iad sin mar an ceudna crannchur fa chomhair an bràithrean mhac Aaroin, 'am fianuis Dhaibhidh an rìgh, agus Shadoic, agus Ahimelech, agus cheann aithrichean nan sagart agus nan Lebhitheach, *eadhon* cinn nan aithrichean fa chomhair an bràithrean a b'òige.

CAIB. XXV.

1 *Aireamh agus dreuchd an luchd-frithealaidh.* 8 Roinneadh iad le crannchur 'n an ceithir buidhnibh thar fhichead.

OS bàrr, chuir Daibhidh agus ceannardan an t-sluaigh air leth fa chomhair na seirbhis de mhacaibh Asaiph, agus Hemain, agus Iedutuin, *duine* a dheanadh fàidheadaireachd, le clàrsaichibh, le salt-airibh, agus le ciombalaibh. Agus b'e àireamh an luchd-frithealaidh, a réir an seirbhis:

2 De mhacaibh Asaiph; Sachur, agus Ioseph, agus Netaniah, agus Asarelah, mic Asaiph, fo làimh Asaiph, a bha ri fàidheadaireachd a réir àithne an rìgh.

3 O Iedutum: mic Iedutuin; Gedaliah, agus Seri, agus Iesaiah, agus Simeì, agus Hasabiah, agus Matitiah, seathnar fo làimh a' athar Iedutuin, a bha ri fàidheadaireachd le clàrsaich a thoirt buidheachais agus cliù do'n Tighearna.

4 O Heman: mic Hemain; Bueiah, Mataniah, Udsicel, Sebuel, agus Ierimot, Han-

aniah, Hanani, Eliatah, Gidalti, agus Romamti-cser, Iosbecasah, Maloti, Hotir, Mahasiot:

5 B iad sin uile mic Hemain, fhir-seallaidh an rìgh, ann am briathraibh Dhé, chum an adharca a thogail suas. Agus thug Dia do Heman ceithir mic dheug agus trì nigh-eanan.

6 Bha iad so uile fo làimh an athar, fa chomhair laoidhean tighe Dhé, le ciombal-aibh, saltairibh, agus clàrsaichibh, chum seirbhìs tighe Dhé, fo làimh an rìgh, Asaiph, Hemain agus Iedutuinn.

7 Agus b'e an àireamh maille r'am bràithribh, a fhuair iannsaehadh air laoidhibh an Tighearna, *cadhon* iadsan uile a bha tùrail, dà cheud, ceithir fichead agus ochdnar.

8 Agus chuir iad crannchur, buidheann an aghaidh *buidhne*, am beag co mhaith ris a' mhòr, an t-oid-iunsaich co mhaith ris an fhoghlumach.

9 Agus thàinig an ceud chrannchur a mach air Asaph, do Ioseph: an dara do Ghedaliah, dha fèin agus d'a bhràithribh agus d'a mhacaibh, dà fhear dheug:

10 An treas do Shachur, d'a mhacaibh agus d'a bhràithribh, dà fhear dheug:

11 An ceathramh do Isri, d'a mhacaibh agus d'a bhràithribh, dà fhear dheug:

12 An cùigeamh do Netaniah, d'a mhacaibh agus d'a bhràithribh, dà fhear dheug:

13 An sèathamh do Bhuciah, d'a mhacaibh agus d'a bhràithribh, dà fhear dheug:

14 An seachdamh do Iesarelach, d'a mhacaibh agus d'a bhràithribh, dà fhear dheug:

15 An t-ochdamh do Iesaiach, d'a mhacaibh agus d'a bhràithribh, dà fhear dheug:

16 An naothamh do Mhataniah, d'a mhacaibh agus d'a bhràithribh, dà fhear dheug:

17 An deicheamh do Shimei, d'a mhacaibh agus d'a bhràithribh, dà fhear dheug:

18 An t-aou deug do Asareel, d'a mhacaibh agus d'a bhràithribh, dà fhear dheug:

19 An dara *crannchur* deug do Hasabiah, d'a mhacaibh agus d'a bhràithribh, dà fhear dheug:

20 An treas deug do Shubael, d'a mhacaibh agus d'a bhràithribh, dà fhear dheug:

21 An ceathramh deug do Mhatitiah, d'a mhacaibh agus d'a bhràithribh, dà fhear dheug:

22 An cùigeamh deug do Ierimot, d'a mhacaibh agus d'a bhràithribh, dà fhear dheug:

23 An sèathamh deug do Hananiah, d'a mhacaibh agus d'a bhràithribh, dà fhear dheug:

24 An seachdamh deug do Iosbecasah, d'a mhacaibh agus d'a bhràithribh, dà fhear dheug:

25 An t-ochdamh deug do Hanani, d'a mhacaibh agus d'a bhràithribh, dà fhear dheug:

26 An naothamh deug do Mhaloti, d'a

mhacaibh agus d'a bhràithribh, dà fhear dheug:

27 Am ficheadamh do Eliatah, d'a mhacaibh agus d'a bhràithribh, dà fhear dheug:

28 An t-aon thar fhichead do Hotir, d'a mhacaibh agus d'a bhràithribh, dà fhear dheug:

29 An dara thar fhichead do Ghidalti, d'a mhacaibh agus d'a bhràithribh, dà fhear dheug:

30 An treas thar fhichead do Mhahasiot, d'a mhacaibh agus d'a bhràithribh, dà fhear dheug:

31 An ceathramh thar fhichead do Romantieser, d'a mhacaibh agus d'a bhràithribh, dà fhear dheug.

CAIB. XXVI.

1 *Roinnean nan dorsair.* 13 *Thilgeadh croinn air son nan geatachan.* 20 *Ghabh na Lebhlhich cùram ionmhasan tighe Dhé, agus ionmhasan nan nithean naomha.*

ATHAOBH roinnean nan dorsair: de na Coraich, Meselemiah mac Chore, de mhacaibh Asaiph.

2 Agus mic Mheselemiah; Sechariah an ceud-ghin Iedial an dara, Sebadiach an treas, Iatniel an ceathramh.

3 Elam an cùigeamh, Iehohanan an sèathamh, Elhoenai an seachdamh.

4 Agus mic Obed-edoim; Semaiah an ceud-ghin, Iehosabad an dara, Ioah an treas, agus Sacar an ceathramh, agus Netaneel an cùigeamh.

5 Amiel an sèathamh, Isachar an seachdamh, Peultai an t-ochdamh; oir bheannaich Dia e.

6 Agus do Shemaiah a mhac rugadh mic, a bha riaghladh tighe an athar: oir bu daoine treuna iad.

7 Mic Shemaiah; Otni, agus Rephael, agus Obed, Elsabad: agus b'iad am bràithrean, daoine gaisgil, Elibu agus Semachiah.

8 Iad sin uile de mhacaibh Obed-edoim: iad fèin, agus am mic, agus am bràithrean, daoine comasach ann an neart fa chomhair na seirbhìs, 'n an tri fichead agus a dhà, o Obed-edom.

9 Agus bha aig Meselemiah mic agus bràithrean, daoine gaisgil, ochd fir dheug.

10 Agus bha aig Hosah, de chloinn Mhehari, mic; Simri an ceann: (oir ged nach b'e an ceud-ghin, gidheadh rinn 'athair e 'n a cheann:

11 Hilciah an dara fear, Tetaliah an treas, Sechariah an ceathramh: uile mhic agus bràithrean Hosah tri deug.

12 Dhiubh sin bha roinnean nan dorsair, *cadhon* de na prìomh dhaoimibh a bha ri faire fa chomhair am bràithrean, gu frithealachd ann an tigh an Tighearna.

13 Agus thilg iad croinn, am beag co mhaith ris a' mhòr, a réir tighe an aithrich-eann, air son gach geata.

14 Agus thuit an crannchur a làimh na

'h-àird' an ear air Selemiah: agus thilg iad croinn air son a mhic Sechariah, (comhairliche glic,) agus thàinig a chramchur-san a mach mu thuath.

15 Do Obed-edom mu dheas, agus d'a mhacaibh tigh Asupim.

16 Do Shupim agus do Hosah a làimh na h-àird' an iar, maille ris a' gheata Salechet, làimh ri cruaidh-rathad na h-uchdaich, faire fa chomhair faire.

17 Air an taobh an ear *bha* sèathmar Lebhitheach, air an taobh mu thuath ceathrar gach là, air an taobh mu dheas ceathrar gach là, agus air taobh Asupim dithis agus dithis.

18 Aig Parbar a làimh na h-àird' an iar, ceathrar aig a' chruaidh-rathad, agus dithis aig Parbar.

19 Is iad sin roinnean nan dorsair de mhacaibh Chore, agus de mhacaibh Mhe-rari.

20 Agus de na Lebhitheach, *bha* Abiah os ceann ionmhasan tighe Dhé, agus os ceann ionmhasan nan nithean naomha.

21 *A thaobh* mhac Laadain: mie a' Gher-sonaich Laadain, prìomhaithrichean, *eadhon* o Laadan an Gersonach *bha* Iehieli.

22 Mic Iehieli; Setam, agus Ioel a bhràthair, a *bha* os ceann ionmhasan tighe an Tighearna.

23 De na Hamramaich, de na h-Idsaraich, de na Hebronaich, agus de na h-Udsielich.

24 Agus *bha* Sebucl mac Ghersoim, mhic Mhaois, 'n a àrd riaghlair air na h-ionmhasaibh.

25 Agus a bhràithrean le Elieser; Rehabiah a mhac, agus Iesai h a mhac-san, agus Ioram a mhac-san, agus Sickri a mhac-san, agus Selomit a rhac-san.

26 *B'e* Selomit so agus a bhràithrean, a *bha* os ceann uile ionmhasan nan nithean coisrigte, a-choisrig Daibhidh an rìgh, agus cinn nan aithrichean, agus an ceannardan mhlèan agus cheud, agus ceannardan an t-slòigh.

27 As na cathaibh agus as na creachaibh choisrig iad *tabhartais* a cùradh tighe an Tighearna.

28 Agus gach uile *ni* a choisrig Samuel am fear-seallaidh, agus Saul mac Chis, agus Abner mac Neir, agus Ioab mac Sheruah; agus ge b'e neach a choisrig *ni air bith*, *bha sin* fo làimh Shelomit agus a bhràithrean.

29 De na h-Idsaraich, *bha* Chenaniah agus a mhic fa chomhair nan gnothuichean o'n leth muigh os ceann Israeil, 'n an luchd-riaghlaidh agus 'n am breitheamhnaibh.

30 De na Hebronaich, *bha* Hasabiah agus a bhràithrean, daoine gaisgil, mìle agus seachd ceud fear, 'n an luchd-riaghlaidh air Israel air an taobh so de Iordan a làimh na h-àirde 'n iar, ann an uile ghnòthuichibh an Tighearn', agus ann an seirbhis an rìgh.

31 De na Hebronaich, *b'e* Ieriah ceann nan Hebronach a réir ghlinealach 'aithrichean. Anns an dà fhicheadamh bliadhna de rioghachadh Dhaibhidh dh'iarradh iad, agus fhuaradh 'n am measg daoine trenna ann an Iaser Ghilead.

32 Agus a bhràithrean, daoine gaisgil, dà mhìle agus seachd ceud, cinn nan teaghlach: agus rinn Daibhidh iad 'n an riaghlairibh os ceann nan Reubeneach, agus nan Gadach, agus leth-thréibh Mhanaseh, anns gach ni a bhuineadh do Dhia, agus ann an gnothuichibh an rìgh.

CAIB. XXVII.

1 An dà cheannard dheug a fhrithheil do'n rìgh mìos air mìos air feadh uile mìos na bliadhna. 16 Ceannardan treubh Israeil. 25 Luchd-dreuchd Dhaibhidh.

ANIS *bha* clann Israeil, a réir an àireimh, *eadhon* cinn nan aithrichean, agus na ceannardan mhlèan agus cheud, agus an luchd-riaghlaidh, a' frithealadh do'n rìgh anns gach cùis a bhuineadh do na roinnibh, a bha 'teachd a steach agus a' dol a mach mìos air mìos, air feadh uile mìos na bliadhna: anns gach roinn *bha* ceithir mìle fichead fear.

2 Os ceann na ceud roinne, fa chomhair a' cheud mhìos, *bha* Iasobeam mac Shabdieil: agus 'n a roinn-san *bha* ceithir mìle fichead.

3 De chloinn Pheres *bha* ceann uile cheannardan an t-slòigh fa chomhair a' cheud mhìos.

4 Agus os ceann roinn an dara mìos *bha* Dodai an t-Ahohach, agus air a roinn-san *b'e* Miclot am fear-riaghlaidh: agus 'n a roinn-san mar an ceudna *bha* ceithir mìle fichead.

5 *B'e* treas ceannard an t-slòigh, fa chomhair an treas mìos, Benaiah mac Iehoiada, àrd shagairt: agus 'n a roinn-san *bha* ceithir mìle fichead.

6 So am Benaiah ud a bha treun am measg an deich thar fhichead, agus os ceann an deich thar fhichead: agus 'n a roinn-san *bha* Amisabad a mhac.

7 *B'e* 'n ceathramh ceannard, fa chomhair a' cheathramh mìos, Asahel bràthair Ioab, agus Sebadiach a mhac 'n a dhéigh: agus 'n a roinn-san *bha* ceithir mìle fichead.

8 *B'e* 'n cùigeamh ceannard, fa chomhair a' chùigeamh mìos, Samhut an t-Israhach. agus 'n a roinn-san *bha* ceithir mìle fichead.

9 *B'e* 'n sèathamh ceannard, fa chomhair an t-sèathamh mìos, Ira mac Iceis, an Tecothach: agus 'n a roinn-san *bha* ceithir mìle fichead.

10 *B'e* 'n seachdamh ceannard, fa chomhair an t-seachdamh mìos, Heles am Pelonach de chloinn Ephraim: agus 'n a roinn-san *bha* ceithir mìle fichead.

11 *B'e* 'n t-ochdamh ceannard, fa chomhair an ochdamh mìos, Sibecai an t-Husatach

de na Sarhaich: agus 'n a roinn-san *bha* ceithir mìle fichead.

12 *B'e'n* naothamh mìos, Abieser an t-Anetotach de chloinn Iarain: agus 'n a roinn-san *bha* ceithir mìle fichead.

13 *B'e'n* deicheamh *ceannard*, fa chomhair an deicheamh mìos, Maharai an Netophatach de na Sarhaich: agus 'n a roinn-san *bha* ceithir mìle fichead.

14 *B'e'n* t-aon *cheannard* derg, fa chomhair an aon mhìos deug, Benaiah am Piratonach de chloinn Ephraim: agus 'n a roinn-san *bha* ceithir mìle fichead.

15 *B'e'n* dara *ceannard* deug, fa chomhair an dara mìos deug, Heldai an Netophatach o Otniel: agus 'n a roinn-san *bha* ceithir mìle fichead.

16 Os bàrr, os ceann threubh Israeil: *Ùe* ceannard nan Reubeneach, Elieser mac Shiechri: nan Simeonach, Sephatiah mac Mhaachah:

17 Nan Lebbitheach, Hasabiah mac Chemuel: nan Aaronach, Sadoc:

18 *Ceannard* Iudah, Elihu aon de bhràithribh Dhaibhidh: *ceannard* Isachair, Omri mac Mhichacil:

19 Shebuluin, Ismaiah mac Obadiah: *ceannard* Naphtali, Ierimot mac Asriel:

20 *Ceannard* chloinn Ephraim, Hosea mac Asasiah: leth-thréibh Mhanaseh, Ioel mac Phedaiah.

21 *Ceannard* leth-thréibh Mhanaseh ann an Gilead, Ido mac Shechariah: Bheniamin, Iasiel mac Abneir:

22 Dhain, Asareel mac Ierohaim. *B'iad* sin ceannardan threubh Israeil.

23 Ach cha do ghabh Daibhidh an àir-eamh o aois fhichead bliadhna agus foidhe: a chionn gu'n dubhairt an Tighearn, gu'n deanadh e Israel lionmhòr mar reultan nan nèamh.

24 Thòisich Ioab mac Sheruah air àir-eamh, ach cha do chrìochnaich e, a chionn gu'n robh air a shon so fearg an aghaidh Israeil; cha mhò 'chuireadh sìos an uibhir ann an àireamh eachdraidh rìgh Daibhidh.

25 Agus os ceann ionmhasan an rìgh *bha* Asmabhet mac Adiel: agus os ceann nan tigh-tasgaidh anns na machairibh, anns na mòrbhailtibh, agus anns na frith-bhailtibh, agus anns na tùraibh, *bha* Iehonatan mac Udsiah.

26 Agus os an ceann-san a rinn obair na macharach, ann an treabhadh an fhearainn, *bha* Esri mac Cheluib.

27 Agus os ceann nam fion-lios *bha* Simeil an Ramatach: os ceann toraidh nam fion-lios, fa chomhair nam fion-thaisgeach, *bha* Sabdi an Siphmitheach.

28 Agus os ceann nan craobh olaidh agus nan craobh sicemoir a *bha* 's na còmh-nardaibh ìosal *bha* Baal-hanan an Gede-

reach: agus os ceann nan taisgeach olaidh *bha* Ioas.

29 Agus os ceann a' chruidh a *bha* air feur ann an Saron *bha* Sitrai an Saronach: agus os ceann a' chruidh anns na gleantaibh *bha* Saphat mac Adlai.

30 Os ceann nan càmhal mar an ceudna *bha* Obil an t-Ismaeleach: agus os ceann nan asal *bha* Iehdeiah am Meronotach.

31 Agus os ceann nan treud *bha* Iasis an t-Hagereach. *B'iad* sin uile luchd-riaghlaidh na maoin a bule rìgh Daibhidh.

32 Mar an ceudna *bha* Ionatan, bràthair-athar Dhaibhidh 'n a chomhairleach, 'n a dhuine glic, agus 'n a sgrìobhaiche: agus *bha* Iehiel mac Hachmoni maille ri mic an rìgh.

33 Agus *Ùe* Ahitophel comhairleach an rìgh, agus Husai an t-Architheach companach an rìgh.

34 Agus an dèigh Ahitopheil *bha* Iehoiada mac Bhenaiah, agus Abiatar. Agus *Ùe* Ioab ceannard armait' an rìgh.

CAIB. XXVIII.

1 *Chruinnich Daibhidh uile cheannardan Israeil gu Ierusalem, agus thug e earail doibh àitheantan an Tighearn' a ghlèidheadh. 9 Dh'orduich e do Sholamh tigh a thogail do Dhia. 11 Thug e dha samhladh an tighe, agus òr agus airgid air son na h-oibre.*

A GUS chruinnich Daibhidh gu h-Ierusalem uile cheannardan Israeil, ceannardan nan treubh, agus ceannardan nan roinn a *bha* 'frithealadh do'n rìgh, agus na ceannardan mhilltean, agus na ceannardan cheud, agus an luchd-riaghlaidh os ceann uile mhaoin agus sprèidh an rìgh agus a mhac, leis an luchd-dreuchd, agus na daoineibh cunbhadhach, agus na daoineibh gaisgeil uile.

2 An sin sheas Daibhidh an rìgh suas air a chosaibh, agus thubhairt e, Eisdibh riumsa, mo bhràithrean, agus mo shluagh: *Bha* e agamsa a'm' chridhe tigh-còmhnuidh a thogail do àire coimheangail an Tighearn', agus do stòl-chos ar Dia-ne, agus dh'ulluich mi fa chomhair na h-oibre:

3 Ach thubhairt Dia rium, Cha tog thu tigh do m'ainm-sa, a chionn gu'n *robh* thu a'd' fhear-cogaidh, agus gu'n do dhòirt thu fuil.

4 Gidheadh roghnaich an Tighearn Dia Israeil mi roimh uile thigh m'athar, gu bhi m' rìgh air Israel gu bràth: oir roghnaich e Iudah mar riaghlair, agus à tìgh Iudah, tigh m'atharsa, agus am measg mhac m'athar bu toil leis mise a dheanamh a'm' rìgh os ceann Israeil uile.

5 Agus de m' mlaicabhi uile, (oir thug an Tighearn mòran mhac dhomh,) roghnaich e Solamh mo mhac gu suidhe air rìgh-chaithir rìoghachd an Tighearn' os ceann Israeil.

6 Agus thubhairt e rium, Togaidh Solamh

do mhac mo thigh-sa agus mo luchairtean; oir thagh mi e gu bhì 'n a mhac agam, agus bithidh mise a'm' athair aige-san.

7 Os bàrr, daingnichidh mi a rìoghachd gu bràth, ma bhios esan seasmhach a choimhionadh m'athèantann agus mo bhreith-eanaise, mar air an là'n diugh.

8 A nis uime sin *guidheam oirbh* ann an sealladh Israeil uile, comhchruinneachaidh an Tighearn', agus ann an èisdeachd ar Dé-ne, gleidhlibh agus iarraibh uile àith-eantann an Tighearna bhur Dé: chum gu'n sealbhaich sibh am fearann maith so, agus gu'm fag sibh e mar oighreachd d'ur cloinn 'n ur deigh gu bràth.

9 Agus thusa a Sholaimh, a mhic, bitheadh aithne agad air Dia d'athar, agus dean seirbhais da le cridhe iomlan, agus le inntinn thoilich: oir tha'n Tighearn' a' rannsachadh nan uile clridhe, agus a' tuigsinn uile dhealbhadh nan smuain: ma dh'iarraas tus' esan, gheibhear e leat; ach ma thréigear tu e, tilgidh e uath thu gu bràth.

10 Thoir an aire a nis, oir thagh an Tighearn thu gu tigh a thogail do'n ionad naomh; bi làidir agus dean e.

11 An sin thug Daibhidh do Sholaimh a mhac samhldadh an sgàth-thigh, agus a thighean, agus 'ionadan-ionmhais, agus a sheòmraichean uachdarach, agus a sheòmraichean an leth stigh, agus àite na caithir-thòcair.

12 Agus samhldadh nan uile nithean a bha aige 'n a inntinn, a thaobh luchairtean tìghe an Tighearn', agus a thaobh nan uile sheòmraichean mu'n cuairt, a thaobh ionadan-ionmhais tìghe Dhé, agus a thaobh ionadan-taisgidh nan nithean coisrigte.

13 Mar an ceudna thaobh roinnean nan sagart agus nan Lebhitheach, agus a thaobh uile oibre seirbhais tìghe an Tighearn', agus a thaobh nan uile shoithichean seirbhais ann an tigh an Tighearna.

14 A thaobh òir air chudthrom chum *nithean* òir, chum uile innealan gach uile ghnè sheirbhais; a thaobh *airgid* chum nìle innealan airgid air chudthrom, chum uile innealan gach uile ghnè sheirbhais:

15 Eadhon an cudthrom chum nan coinnleir òir, agus a chum an lòchranan òir, air chudthrom chum gach coinnleir agus a lòchranan: agus a chum nan coinnleir airgid air chudthrom, chum a' choinnleir agus a lòchranan, a rèir feuma gach coinnleir.

16 Agus òr air chudthrom chum bhòrd an arain thaisbeanaidh, chum gach buird, agus airgid chum nam bord airgid:

17 Mar an ceudna òr glan chum nan greimichean feòla, agus nan cuach, agus nan copan: agus a chum nan soithichean-ionnlaid òir, òr air chudthrom fa chomhair gach soithich-ionnlaid; agus *airgid* air chudthrom fa chomhair gach soithich-ionnlaid airgid:

18 Agus a chum altair na tùise òr fìorghlan air chudthrom; agus òr fa chomhair samhlaidh carbaid nan cherub, a sgaol a mach an *sgiathan*, agus a chòmhdach air coimhleangail an Tighearna.

19 So uile, *arsa Daibhidh*, thug an Tighearn orm a thuigsinn ann an sgrìobhadh le a làmh orm, *eadhon* uile oibre an t-samhlaidh so.

20 Agus thubhairt Daibhidh ri Solaimh a mhac, Bi làidir agus gabh misneach, agus dean e: na bitheadh cagal ort, agus na bi fo uamhas, oir bithidh an Tighearn Dia, mo Dhia-sa, leat; cha-n fhàilnich e thu, cha mhò a thréigear e thu, gus an crìochnaich thu an obair uile fa chomhair seirbhais tìghe an Tighearna.

21 Agus, feuch, roinnean nan sagart agus nan Lebhitheach *maille riut* chum uile sheirbhais tìghe Dhé, agus maille riut a chum gach uile ghnè oibre, gach duine toileach tùrail fa chomhair gach uile ghnè sheirbhais; agus na ceannardan agus an sluagh gu h-iomlan freagarrach do d'ath-eantaibh uile.

CAIB. XXIX.

6 Thug uachdarain thruabh Israeil tabhartais uatha gu toileach fa chomhair tìghe Dhé. 10 Urnuigh Daibhidh. 20 Bheannaich an sluagh an Tighearn, agus rinn iad Solaimh an dara uair 'n a rìgh. 26 Rìoghachadh agus bàs Daibhidh.

AGUS thubhairt Daibhidh an rìgh ris a' chomhchruinneachadh uile, Tha Solaimh mo mhac d'an d'rim Dia a mhàin roghainn, òg agus maoth agus *tha* 'n obair mòr: oir cha-n ann air son duine ach air son an Tighearna Dé *tha* an luchairt.

2 A nis le m'uile neart dh'ulluich mise fa chomhair tìghe mo Dhé, an t-òr chum *nithean* de òr, agus an t-airgid chum *nithean* de airgid, agus an t-umha chum *nithean* de umha, agus an t-iarunn chum *nithean* de iarunn, agus an fiodh chum *nithean* de fhiodh; clachan onics, agus clachan r' an cur, clachan loinnreach agus de iomadh dath, agus gach uile ghnè chlach luach-mhor, agus clachan marmoir 'am pailteas.

3 Os bàrr, a chionn gu'n do shocraich mi m'aigne air tigh mo Dhé, tha agam de m' sheibh àraidh féin, de òr agus de airgid a thug mi seachad do thigh mo Dhé, a bhàrr air na dh'ulluich mi uile fa chomhair an tìghe naomh,

4 Tri mìle tàlann òir, de òr na h-Ophir, agus seachd mìle tàlann de airgid fìorghlan, a chòmhdachadh bhallachan an tìghe;

5 An t-òr fa chomhair *nithean* de òr, agus an t-airgid fa chomhair *nithean* de airgid, agus fa chomhair gach uile ghnè oibre a *nithean* le làmhann luchd-cèirde. Agus cò

a tha toileach air a sheirbhis a choisreagadh an diugh do'n Tighearn.

6 An sin thug cinn nan aithrichean agus uachdarain threubh Israeil, agus na ceannardan mhàltean agus cheud, maille ris an luchd-riaghlaidh os ceann oibre an rìgh, tabhartais uatha gu toileach.

7 Agus thug iad seachad fa chomhair seirbhis tighe Dhé, de òr cùig mìle tàlann agus deich mìle darcon, agus de airgid deich mìle tàlann, agus de umha ochd mìle deug tàlann, agus ceud mìle tàlann iarunn.

8 Agus ge b'e aig an d'fhuaradh clachan *luachmhor*, thug iad seachad iad do ionmhas tighe an Tighearna, le làimh Iebieil a' Ghersonaich.

9 Agus rinn an sluagh gairdeachas a chionn gu'n d'thug iad uatha gu toileach, a chionn le cridhe iomlan gu'n d'thug iad tabhartas uatha gu toileach do'n Tighearn: agus rinn Daibhidh an rìgh mar an ceudna gairdeachas le aoibhneas mòr.

10 Air an aobhar sin bheannaich Daibhidh an Tighearn ann am fianuis a' chomhchruinneachaidh uile; agus thubhairt Daibhidh, Gu ma beannaicht' thu, a Thighearna Dhia Israeil ar n-athar, gu saoghal nan saoghal.

11 *Is* leatsa, O Thighearn', a' mhòrachd, agus an cumhachd, agus a' ghloir, agus a' bhuaidh, agus a' mhòralachd; oir is leat na h-uile a tha air nèamh agus air talamh: *is* leat an rìoghachd, O Thighearn', agus tha thu air d'arachadh mar cheann thar na h-uile.

12 Uaitse *tha teachd* aron saoihbreas agus urram, agus *tha* thu a' rioghachadh os ceann gach uile, agus ann ad làimh *tha* cumhachd agus neart; agus ann ad làimh *tha e neach* a dheanamh mòr, agus neart a thoirt do gach neach.

13 A nis uinne sin, ar Dia-ne, tha sinn a' toirt buidheachais duit, agus a' cliùthachadh d'ainm urramaich.

14 Ach cò mise, agus ciod iad mo shlugh, gu'm bitheadh e 'n ar comas tabhartais a thoirt seachad cho toileach air an dòigh so? oir *is* ann uaitse *tha* na h-uile nithean, agus is ann de d' chuid féin a thug sinn duit:

15 Oir *is* coigrich sinne a'd' fhianuis agus luchd-cuairt, mar ar n-aithrichean uile; mar fhaileas *tha* ar làithean air thalamh, agus cha-n' eil buanas ann.

16 O Thighearn' ar Dia, *tha* 'm pailteas so uile a dh'ulluich sinne a thogail tighe dhuit fa chomhair d'ainm naoimh a' teachd o d' làimh féin, agus *is* leat féin e gu léir.

17 Tha fios agam mar an ceudna, mo Dhia gu'n dearbh thusa an cridhe, agus gu bheil tlachd agad ann an treibhdhreas. Do m' thaobh-sa, ann an treibhdhreas mo chridhe thug mi gu toileach uam mar thabhartas na nithean so uile: agus a nis chunnaic mi le h-aoibhneas do shlugh, a tha 'n so a làthair, a' toirt seachad gu toileach an tabhartais dhuit-sa.

18 O Thighearna Dhia Abrahaim, Isaac, agus Israeil ar n-aithrichean, gléidh so gu bràth ann am breithneachadh smuaintean cridhe do shluaigh, agus ulluich an cridhe dhuit féin;

19 Agus thoir do Sholamh mo mhac cridhe iomlan, a ghleidheadh d'aithcantan, do theisteis, agus do reachdan, agus a dheanamh nan nithean so uile, agus a thogail na làchairt fa chomhair an d'ulluich mise.

20 Agus thubhairt Daibhidh ris a' chomhchruinneachadh uile, A nis beannaichibh an Tighearn bhur Dia. Agus bheannaich an comhchruinneachadh gu léir an Tighearn Dia an aithrichean, agus chrom iad sìos an cinn, agus thug iad urram do'n Tighearn agus do'n rìgh.

21 Agus dh'ìobair iad ìobairtean do'n Tighearn, agus thug iad seachad ìobairtean-loisgte do'n Tighearn air an là maireach an déigh an là sin, eadhon mìle tarbh, mìle reithe, agus mìle uan, le'n tabhartais-dìbhe, agus ìobairtean 'am pailteas air son Israeil uile;

22 Agus dh'ith agus dh'òl iad an làthair an Tighearn' air an là sin le mòr shubhlachas; agus rinn iad Solamh mac Dhaibhidh 'n a rìgh an dara uair, agus dh'ung iad e do'n Tighearn 'n a àrd uachdaran, agus Sadoc 'n a shagart.

23 Agus shuidh Solamh ann an caithir rìoghail an Tighearna mar rìgh 'an àite Dhaibhidh 'athar, agus shoirbhich leis, agus bha Israel uile ùmhail dha.

24 Agus strìochd na h-uachdarain uile, agus na daoine cumhachdach, agus mar an ceudna uile mhic rìgh Daibhidh, iad féin do Sholamh an rìgh.

25 Agus dh'ardaich an Tighearn Solamh gu ro mhòr 'an sealladh Israeil uile, agus thug e mòralachd rìoghail dha nach robh aig rìgh sam bith roimhe ann an Israel.

26 Mar so rìghich Daibhidh mac Iese os ceann Israeil uile.

27 Agus b'i 'n uime a rìghich e os ceann Israeil dà fhichead bliadhna: ann an Hebròn rìghich e seachd bliadhna, agus ann an Ierusalem rìghich e trì bliadhna deug thar fhichead.

28 Agus fhuair e bàs ann an deadh shean aois, làn de làithibh, de shaoibhreas, agus de urram; agus rìghich Solamh a mhac 'n a àit.

29 A nis gnìomharan Dhaibhidh an rìgh, eadar thoiseach agus dheireadh, feuch, *tha* iad sgrìobhta ann an leabhar Shamueil an fhir-sheallaidh, agus ann an leabhar Natan an fhaidh, agus ann an leabhar Ghad an fhir-sheallaidh.

30 Maille r'a rìoghachadh gu léir, agus a chumhachd, agus na h-aimsirean a chaidh thairis air, agus thar Israel, agus thar uile rìoghachdan nan dùchan.

EACHDRAIDH.

CAIB. I.

1 *Dh'iarr Solamh agus coinmthional Israeil an Tighearn ann an Gibeon. 7 Dh'fhoillsich Dia e fèin do Sholamh ann an aising. 8 Roghnaich Solamh gliocas: 13 A charbaid agus a mharc-shluagh.*

AGUS dhaingnicheadh Solamh mac Dhaibhidh 'n a rioghachd, agus bha'n Tighearn a Dhia maille ris, agus dh'ardaich se e gu mòr.

2 Agus dh'aithn Solamh do Israel uile, do na ceannardaibh mhiltean agus cheud, agus do na breitheamhnaibh, agus do gach uachdaran air Israel uile, cinn nan aithrichean.

3 Agus chaidh Solamh agus an coinmthional nile maille ris do'n àit àrd a bha ann an Gibeon; oir an sin bha pàillium coinmthionail Dhé, a rinn Maois, òglach an Tighearn', anns an fhàsach.

4 Ach àire Dhé thug Daibhidh a nìs o Chiriat-earim do 'n àit a dh'ulluich Daibhidh dhi; oir shuidhich e pàillium air a son ann an Ierusalem.

5 Mar an ceudna, bha'n altair umha, a rinn Besaleel mac Uri, mhic Huir, an sin fa chomhair pàillium an Tighearn'; agus dh'iarr Solamh agus an coinmthional e.

6 Agus chaidh Solamh suas an sin a dh'ionnsuidh na h-altair-umha 'am fianuis an Tighearna, a bha aig pàillium a' choimhthionail, agus dh'ìobair e oirre mile ìobairt-loisgte.

7 Air an oidheche sin dh'fhoillsich Dia e fèin do Sholamh, agus thubhairt e ris, Iarr eiod a bheir mi dhuit.

8 Agus thubhairt Solamh ri Dia, Nochd thu do Dhaibhidh m'athair caoinhneas mòr, agus rinn thu mise a'm' rìgh 'n a àit.

9 A nis, a Thighearna Dhé, coinmhlionar do ghealladh do Dhaibhidh m'athair: oir rinn thu mise a'm' rìgh air sluagh, lionmhor mar dhuasach na talmhainn.

10 Thoir dhomh a nis gliocas agus eòlas, a chum gu'n tèid mi mach agus gu'n tig mi steach roimh an t-sluagh so: oir cò 'a's urrainn breth a thabhairt air do shluagh so a tha cho mòr?

11 Agus thubhairt Dia ri Solamh, A chionn gu'n robh so a'd' chridhe, agus nach d'iarr thu beartas, maoin, no cliù, no beatha do naimhdean, agus mar an ceudna nach d'iarr thu saoghal fada; ach gu'n d'iarr thu dhuit fèin gliocas agus eòlas, leis an tugadh tu breth air mo shluagh-sa, air an d'rinn mi thu a'd' rìgh;

12 Tha gliocas agus eòlas air an tabhairt duit, agus bheir mise dhuit beartas, agus maoin, agus cliù, air chior as nach robh a' leithid aig na rìghribh a bha romhad, agus a'd' dhéigh nach bi a' leithid.

13 Agus thàinig Solamh o'n àit àrd a bha ann an Gibeon gu h-Ierusalem, o làthair pàillium a' choimhthionail, agus rìghich e os ceann Israeil.

14 Agus chruinnich Solamh carbadan agus marc-shluagh: agus bha mìle agus ceithir cheud carbad aige, agus dà mhìle dheug marcach; agus chuir e iad ann am bailtibh nan carbad, agus maille ris an rìgh ann an Ierusalem.

15 Agus thug an rìgh air airgid agus air òr a bhi ann an Ierusalem mar na clachan, agus thug e air na crannaibh seudair a bhi mar na croinn shicomoir a tha anns an t-srath, air lionmhoireachd.

16 Agus thugadh eich do Sholamh a mach as an Eiphit, agus snàth-lìn: ghabh ceann-aichean an rìgh an snàth-lìn air luach.

17 Agus thàinig iad a nìs, agus thug iad a mach as an Eiphit carbad air shè ceud secel airgid, agus each air cheud agus leth-cheud: agus mar sin do uile rìghribh nan Hiteach, agus do rìghribh Shìria, le'n lèinn-san thugadh a mach iad.

CAIB. II.

1 *Aireamh an luchd-oibre chum tigh Dhé a thogail. 3 Chuir Solamh fios a dh'ionnsuidh Hiraim air son duine tèima air oibreachadh ann an òr, agus air son fiodha. 11 Freagradh eirdeil Hiraim.*

AGUS shonraich Solamh tigh a thogail do ainm an Tighearn', agus tigh d'a rioghachd.

2 Agus chomharraich Solamh a mach deich agus trì fichead mìle fear-iomchair eallach, agus ceithir fichead mìle fear-gearraidh anns a' bheinn, agus trì mìle agus sè ceud a shealltuinn thairis orra.

3 Agus chuir Solamh teachdair gu Huram rìgh Thiruis, ag ràdh, Mar a rinn thu ri Daibhidh m'athair, agus a chuir thu d'a ionnsuidh craobhan seudair a thogail tighe dha gu còmhnuidh a ghabhail ann. *dean riumsa:*

4 Feuch, tha mi gu tigh a thogail do ainm an Tighearna mo Dhé, chum a choisreagadh dha, gu tùis chùblraidh a losgadh 'n a fhianais, agus air son an arain thaisbeanaidh blith-bhuain, agus air son iobairtean-loisgte air maduinn agus air feasgar, air na sàbaidibh, agus air na gealaichibh ùra, agus

air àrd fhéillibh an Tighearn' ar Dé: gu bràth *tha* so ceangailte air Israel.

5 Agus *bithidh* an tigh a thogas mise mòr: oir is mòr ar Dia-ne os ceann nan uile dhiathan.

6 Ach cò 'a's urrainn tigh a thogail dha, 'n uair nach cum na nèamhan, no nèamhan nan nèamh e? Agus cò mise gu'n togainn dha tigh, ach a mhàin a losgadh iobairtean 'n a fhianuis?

7 A nis ma ta cuir a m' ionnsuidh duine, teòna air oibreachadh ann an òr, agus ann an airgid, agus ann an umha, agus ann an iarunn, agus ann an corcur, agus ann an dearg, agus ann an gorm, agus a tha eòlach air gearradh gu grinn maille ris na daoineibh calanta a *tha* maille rium-sa ann an Iudah, agus ann an Ierusalem, a sholair Daibhidh m'athair.

8 Cuir a m' ionnsuidh mar an ceudna craobhan seudair, craobhan giuthais, agus craobhan algum o Lebanon: oir tha fhios agam gu bheil do sheirbhisich eòlach air fiodh a ghearradh ann an Lebanon: agus, feuch, *bithidh* mo sheirbhisich-sa maille ri d' sheirbhisich-sa.

9 Eadhon a dheasachadh dhomh fiodha ann am pailteas; oir *bithidh* an tigh a tha mise gus a thogail mòr agus iongantach.

10 Agus, feuch, bheir mi do d' sheirbhisich, na gearradairean a ghearras fiodh, fichead mìle tomhas de chruithneachd buaitte, agus fichead mìle tomhas eorna, agus fichead mìle bat fiona, agus fichead mìle bat olaidh.

11 Agus fhreagair Hiram rìgh Thiruis ann an sgrìobhadh, a chuir e dh'ionnsuidh Sholaimh, A chionn gu bheil gràdh aig an Tighearn d'a shluagh, rinn e thusa a'd' rìgh os an ceann.

12 Thubhairt Hiram mar an ceudna, Beannaichte *gu robh* an Tighearn Dia Israeil a rinn nèamh agus talamh, a thug do Dhaibhidh an rìgh mac glic, aig am bheil còlas agus tuigse, a thogail tigh do'n Tighearn, agus tigh d'a rìoghachd.

13 Agus a nis chuir mi 'a d' ionnsuidh duine eòlach, aig am bheil tuigse, a *bha* aig Hiram m'athair;

14 Mac mnà de nigheanaibh Dhain, agus 'athair 'n a dhuine o Thirus, teòna air oibreachadh ann an òr, agus ann an airgid, ann an umha, ann an iarunn, ann an cloich, agus ann am fiodh, ann an corcur, ann an gorm, agus ann an anart grinn, agus ann an dearg; agus air gearradh gach gnè gearraidh, agus air dealbhadh gach nì innleachdaich a chuirear fa' chomhair, maille ri d' dhaoineibh ealanta-sa, agus daoineibh ealanta mo thighearna Dhaibhidh d'athair.

15 A nis air an aobhar sin an cruithneachd, agus an t-corna, an oladh, agus am fion, air an do labhair mo thighearn, cuireadh e *iad* a dh'ionnsuidh a sheirbhiseach:

16 Agus gearraidh sinne fiodh á Lebanon,

a réir gach feum' a bhios agad; agus bheir sinn a d'ionnsuidh e 'n a ràthaibh air muir gu Iopa; agus bheir thusa suas e gu h-Ierusalem.

17 Agus rinn Solamh àireamh air na coigriche uile a *bha* ann an tìr Israeil, an déigh an àireimh leis an d'rinn Daibhidh 'athair an àireamh; agus fhuaradh ann diubh ceud agus leth-cheud mìle, agus trì mìle agus sè ceud.

18 Agus rinn e trì fichead agus deich mìle dhiubh 'n an luchd-ionchair callach, agus ceithir fichead mìle 'n an gearradairibh anns an t-sliabh, agus trì mìle agus sè ceud 'n an luchd-amhairc thairis a thoirt air an t-sluagh obair a dheanamh.

CAIB. III.

1 An t-dit agus an t-àm 's an do thòisich Solamh air togail an teampuill. 3 Tomhas agus uidheam an teampuill. 8 Tomhas an tighe ro naoimh. 14 An brat, 15 agus na puist.

AGUS thòisich Solamh air togail tighe an Tighearn' ann an Ierusalem air sliabh Mhoriah, far an d'fhoillsicheadh an Tighearn do Dhaibhidh 'athair, anns an àit a dh'ulluich Daibhidh ann an urlar-bualaidh Ornain an Iebusaich.

2 Agus thòisich e air togail air an dara mìos, anns a' cheathramh bliadhna d'a rìoghachadh.

3 Agus is iad so na nithean a shuidhicheadh le Solamh chum tigh Dhé a thogail: am fad ann an lèmh-choille, a réir a' cheud tomhais, trì fichead lèmh-choille, agus an leud fichead lèmh-choille.

4 Agus an sgàth-thigh a *bha* air beulaobh an tighe, fichead lèmh-choille 'fhad, a réir leoid an tighe, agus ceud agus fichead lèmh-choille 'airde: agus chòmhdach e thairis e air an taobh a stigh le h-òr fìor-ghlan.

5 Agus an tigh mòr chòmhdach e le fiodh giuthais, agus chòmhdach e thairis e le h-òr fìor-ghlan, agus thug e air craobhan-pailme éirigh suas air, agus slabhraidhean.

6 Agus sgèadaich e an tigh le clachaibh uasal air sgàth sgéimhe; agus *b'e* an t-òr òr Pharbhaime.

7 Agus chòmhdach e thairis an tigh, na sailthean, na puist, agus a bhallachan, agus a dhorsan, le h-òr; agus ghearr e cherubim air na ballachaibh.

8 Agus rinn e 'n tigh ro naomh: 'fhad a réir leoid an tighe, fichead lèmh-choille, agus a leud fichead lèmh-choille: agus chòmhdach e thairis e le h-òr fìor-ghlan, a *thàinig* gu sè ceud tàlann.

9 Agus *b'e* cothrom nan tairngean leth-cheud secl òir: agus chòmhdach e thairis na seòmraichean uachdarach le h-òr.

10 Agus anns an tigh ro naomh rinn e dà cherub de obair sho-ghluasaid, agus chòmhdach e thairis le h-òr iad.

11 Agus *bha* sgiathan nan cherub fichead

làmh-choille air fad: aon sgiath cùig làmhan-choille, a' ruigheachd gu balla an tighe; agus an sgiath eile cùig làmhan-choille, a' ruigheachd gu sgiath a' cheruib eile:

12 Agus sgiath a' cheruib eile cùig làmhan-choille, a' ruigheachd gu balla an tighe; agus an sgiath eile cùig làmhan-choille, tàthta ri sgiath a' cheruib eile.

13 Sgaol sgiathan nan cherub sin iad féin a mach fichead làmh-choille: agus sheas iad air an cosaibh, agus an aghaidhean ris an taobh a stigh.

14 Agus rinn e am brat *de* ghorin, agus *de* chorcur, agus *de* dhearg, agus *de* anart grinn, agus dh'oibrich e cherubim air.

15 Agus rinn e air beulaobh an tighe dà phosta cùig làmhan-choille deug thar fhichead air àirde, agus an ceann a *bha* air mullach gach aoin diubh cùig làmhan-choille.

16 Agus rinn e slabhraidhean, *mar* anns a' ghuth-àit, agus chuir e *iad* air mullach nam post; agus rinu e ceud pomgranat, agus chuir e *iad* air na slabhraidhibh.

17 Agus chuir e suas na puist air beulaobh an teampuill, aon air an làimh dheis, agus aon air an làimh chlì. Agus thug e lachin mar ainm air a' *phost* air an làimh dheis, agus Boas mar ainm air a' *phost* air an làimh chlì.

CAIB. IV.

1 *An altair umha.* 2 *A' mhuir leaghta.* 6 *Na soilleichean-ionnlaid,* 7 *na coimleirean,* 8 *agus na buird.* 19 *An t-uidheam a rinn-eadh de òr.*

AGUS rinn e altair umha: fichead làmh-choille a fad, agus fichead làmh-choille a leud, agus deich làmhan-choille a h-àirde.

2 Agus rinn e muir leaghta, deich làmhan-choille o bhile gu bile, cruinn mu'n cuairt, agus cùig làmhan-choille a h-àirde; agus chuairtich snàthainn dheidh làmhan-choille thar fhichead i mu'n cuairt.

3 Agus foipe *bha* coslas dhamh, a chuairtich i mu'n cuairt, deich anns an làmh-choille a' dol mu thimchioll na mara mu'n cuairt. Thilgeadh dà shreath dhamh an uair a thilgeadh i féin.

4 Sheas i air dà dhamh dheug, tri ag amharc ri tuath, agus tri ag amharc an iar, agus tri ag amharc ri deas, agus tri ag amharc an ear: agus *chuireadh* a' mhuir orra gu h-àrd, agus *bha* a' chuid-dheiridh dhiubh uile a stigh.

5 Agus *bha* leud boise air tiùighead innte, agus *bha* a bile air a dheanamh mar bhile copain, le blàthaibh lili: ghabh i agus chum i tri mìle bat.

6 Agus rinn e deich soithichean-ionnlaid, agus chuir e cùig dhiubh air an làimh dheis, agus cùig air an làimh chlì, a dh'ionn-

lad anna: nithean na h-iobairt-loisgte nigh iad anna; ach *bha* a' mhuir air son nan sagart, a dh'ionnlaid innte.

7 Agus rinn e deich coimleirean òir, a réir an cumaidh, agus chuir e *iad* anns an teampull, cùig air an làimh dheis, agus cùig air an làimh chlì.

8 Agus rinn e deich buird, agus chuir e *iad* anns an teampull, cùig air an làimh dheis, agus cùig air an làimh chlì: agus rinn e ceud cuach òir.

9 Agus rinn e cùirt nan sagart, agus a' chùirt mhòr, agus dorsan air son na cùirte, agus chòmhdaich e an dorsan thairis le h-umha.

10 Agus chuir e a' mhuir air an taobh deas de'n cheann an ear, fa chomhair na h-àirde deas.

11 Agus rinn Hiram na h-aighnean, agus na sluasaidcan, agus na cuachan; agus chuir Hiram crìoch air deanamh na h-òibre a rinn e do rìgh Solamh ann an tigh Dhé:

12 *Eadhon* an dà phost, agus na cuairtean, agus na cinn a *bh'* air mullach an dà phuist, agus an dà lion-obair a chòmhdaichadh dà chuairt nan ceann a *bh'* air mullach nam post:

13 Agus ceithir cheud pomgranat do'n dà lion-obair; dà shreath phomgranat do gach lion-obair, a chòmhdaichadh dà chuairt nan ceann, a *bh'* air ua puist.

14 Agus rinn e buinn, agus rinu e soithichean-ionnlaid ar na buinn:

15 Aon mhuir, agus dà dhamh dheug foipe:

16 Agus na h-aighnean, agus na sluasaidcan, agus na greimichean feòla, agus an uidheam uile, rinn Hiram do rìgh Solamh ann an tigh an Tighearna de umha lìobhta.

17 Ann an còmharnad Iordain thilg an rìgh iad, anns an talamh chreadha eadar Sucot agus Seredatal.

18 Agus rinn Solamh an t-uidheam so uile ann am mòr-phailteas; oir cha robh e comasach cothrom an umha fhaghail a mach.

19 Agus rinn Solamh an t-uidheam uile a *bhuineadh* do thigh Dhé, agus an altair òir, agus na buird air an *robh* aran na fianuis;

20 Agus na coimleirean maille r'an lòch-ranaibh, chum gu'n loisgeadh iad a réir a' ghmàtha air beulaobh a' ghuth-àite, de òr fìorghlan;

21 Agus na blàthan, agus na lèchraim, agus na clobhachan, de òr, cadhon de'n òr 'bu ghloine;

22 Agus na smùladairean, agus na cuachan, agus na spàinean, agus na tùiseirean de òr fìor-ghlan;

23 Agus dol a steach an tighe, a dhorsan a bh'fhaide a stigh aig an ionad ro naomh, agus dorsan tighe an teampuill, de òr.

CAIB. V.

1 *Thug Solamh na nithean naomhaichte a stigh do'n teampull. 2 Thug na Lebhithich a nìos an àire à baile Dhaibhidh. 11 'N uair a bha na Lebhithich, &c. a' moladh Dhé lionadh an teampull le neul.*

AGUS chrìochnaicheadh an obair uile a rinn Solamh air son tighe an Tigh-earn': agus thug Solamh a stigh nithean naomhaichte Dhaibhidh 'athar: au t-airgiod, agus au t-òr, agus na h-innealan uile, chuir e am measg ionmhasan tighe Dhé.

2 An sin chruinnich Solamh seanairean Israeil, agus cinn nan treubh uile, ceannardan aithrichean chloinn Israeil, gu h-Ierusalem, chun gu'n tugadh iad a nìos àire coimhcheangail au Tighearn' à baile Dhaibhidh, a's e Sion.

3 Agus chruinnich fir Israeil uile iad féin a dh'ionnsuidh an rìgh air an fhéill, [ann am mìos Etanim,] is e siu an seachdamh mìos.

4 Agus thàinig uile sheanairean Israeil; agus thog na Lebhithich an àire.

5 Agus thug iad suas an àire, agus phàillium a' choimhthional, agus na soithichean naomha uile a bha 's a' phàillium: thug na sagartan agus na Lebhithich iad sin suas.

6 Agus dh'ìobair rìgh Solamh, agus coimhthional Israeil uile a chruinnich d'a ionnsuidh roimh an àire, caoraich agus crodh, nach robh e'n comas àireamh no mheas, a thaobh lionmhoireachd.

7 Agus thug na sagartan a steach àire coimhcheangail an Tighearna d'a h-àite féin, do ghuth-àit an tighe, do'n ionad a's ro naoimhe, *eadhon* fo sgiathaibh nau cherub:

8 Oir sgaoil na cherubim a mach an sgiathan os ceann àite na h-àirce, agus chòmhdaich na cherubim an àire agus a lunnan gu h-àrd.

9 Agus tharruing iad a mach na lunnan, air chor as gu'm faicteadh ciun nan lunn o'n àire fa choimhair a' ghuth-àite; ach cha-n fhaicteadh a mach iad: agus tha iad an sin gu an là'n dingh.

10 Cha robh ni air bith anns an àire ach an dà chlàr a chuir Maois an sin ann an Horeb, an uair a rinn an Tighearn coimhcheangal ri cloinn Israeil, aig teachd a mach dhoibh as an Eiphit.

11 Agus an uair a thàinig na sagartan a mach as an *ionad* naomh; (oir naomhaicheadh na sagartan uile a bha làthair: cha robh iad a' feitheamh 's an àm sin a réir an roinnean:

12 An sin bha na Lebhithich, an luchd-seinn, agus iad uile de Asaph, de Heman, de Iedutun, maille r'am macaibh agus am bràithribh, air dhoibh 'bhi air an sgeadachadh ann an lion-eudach geal, le ciombalaibh, agus le saltairibh, agus le clàrsaichibh, 'u an seasamh aig a' cheann an ear de'n

altair, agus uaille riu ceud agus fichead sagart a' deanaulh fnaim le troupaidibh.)

13 Agus bha iad mar aon a' deanaulh fnaim le troupaidibh, agus a' seinn, a thoirt air aon ghuth a bhi air a chluinntinn a mholadh agus a thoirt buidheachais do'n Tighearn. Ach an uair a thog iad suas an guth leis na troupaidibh, agus na ciombalaibh, agus na h-innealaibh ciuil, agus a bha iad a' moladh an Tighearn, a chioun gu *bheil* e maith, a chioun gu *mair* a thròcair gu bràth; an sin lionadh an tigh le neul, tigh au Tighearna.

14 Agus cha b'urrainn na sagartan seasamh a fhrith-ealadh air sgàth an neoil: oir lion glòir an Tighearna tigh Dhé.

CAIB. VI.

1 *B'eannaich Solamh an sluagh, agus m'hol e Dia. 12 Urnuigh agus athchuinge Sholamh 'n uair a choisrig e an teampull. 19 Ghuidh e gu'n tugadh Dia éisdeachd d'a urnuigh, agus gu'm bitheadh a làthaireachd maille ris a ghnàth.*

AN sin thubhairt Solamh, Thubhairt an Tighearn gu'n gabhadh e còmhnuidh ann an dorchadas tigh.

2 Ach thog mise tigh-còmhnuidh dhuit, agus àite chum thu dh'fhantuinn ann gu bràth.

3 Agus thionndaidh au rìgh 'aghaidh, agus bheannaich e uile choimhthional Israeil, (agus uile choimhthional Israeil 'n au seasamh.)

4 Agus thubhairt e, Gu ma beannaichte an Tighearn Dia Israeil, a choimhion le a làimh na labhair e le 'bheul ri m'athair Daibhidh, ag ràdh,

5 O'n là air an d'thug mi mo shluagh a mach à tir na h-Eiphit, cha do thagh mi baile sam bith á uile threubhan Israeil a thogail tigh, chum gu'm bitheadh m'ainm an sin, agus cha do thagh mi duine sam bith gu bhi 'u a nachdaran os ceann mo shluagh Israeil.

6 Ach a nìs thagh mi Ierusalem, a chum gu'm bitheadh m'ainm an sin; agus thagh mi Daibhidh gu bhi os ceann mo shluagh Israeil.

7 Agus bha e ann an cridhe Dhaibhidh m'athar tigh a thogail do ainm an Tighearna Dé Israeil.

8 Agus thubhairt an Tighearn ri Daibhidh m'athair, A chioun gu'n robh e aun ad chridhe tigh a thogail do m' ainm-sa, is maith a riun thu gu'n robh e aun ad chridhe: 9 Gidheadh, cha tog thusa au tigh, ach do mhac a thig a ruach as do leasraibh, toguidh esau an tigh do m'ainm-sa.

10 Agus choimhion an Tighearn 'fhoceal a labhair e. agus dh'èirich mise suas 'an àite Dhaibhidh m'athar, agus tha mi a'm' shuidhe air rìgh-chaithir Israeil, mar a labhair an Tighearn, agus thog mi au tigh do ainm an Tighearna Dé Israeil:

11 Agus shuidhich mi an sin an àire, anns am bheil coimhcheangal an Tighearn', a rinn e ri cloinn Israeil.

12 Agus sheas e roimh altair an Tighearn', an làthair uile choimhthionail Israeil, agus sgaoil e mach a làmh,

13 (Oir rinn Solamh bonn umha, agus chuir se e ann am meadhon na cùirte, cuig làmh-an-coille air fad, agus cuig làmh-an-coille air leud, agus trì làmh-an-coille air àirde; agus sheas e air, agus leig se e féin air a ghluinibh an làthair choimhthionail Israeil uile, agus sgaoil e mach a làmh gu nèamh.)

14 Agus thubhairt e, A Thighearna Dhé Israeil, cha-n'èil Dia ann cosmhuil riutsa anns na nèamhan, no air an talamh, a chumas coimhcheangal agus trèacar ri d' sheirbhiseach, a ghluaisceas a'd' fhianuis le'n uile chridhe;

15 A chum ri d'òglach Daibhidh m'athair an nì a labhair thu ris; oir labhair thu le d' bheul, agus le d' làmh choimhion thu, mar air an là'n diugh.

16 A nis uime sin, a Thighearna Dhé Israeil, cum ri d'òglach Daibhidh m'athair an nì a labhair thu ris, ag ràdh, Cha bhi duine dhith ort a'm' fhianuis-sa, a shuidheas air rìgh-chaithir Israeil, ma choimhideas a mhàin do chlànn an slighe, a ghluasad ann am lagh, mar a ghluais thusa a'm' fhianuis.

17 Agus a nis, a Thighearna Dhé Israeil, daingnichear d'fhocal a labhair thu ri d'òglach Daibhidh.

18 Ach an gabh Dia d'a rìreadh còmh-nuidh maille ri daoinibh air an talamh? feuch, cha chum na nèamhan agus nèamhan nan nèamh thusa; cia is ro lugha na sin an tigh so a thog mise?

19 Gidheadh, amhaire air urnuigh do sheirbhiseich, agus air 'athchuinge, a Thighearna mo Dhia a dh'èisdeachd ris a' ghlaodh agus ris an urnuigh, a tha do sheirbhiseach a' deanamh a' d'fhianuis;

20 A chum gu'm bi do shùilean fosgailte ris an tigh so a dh'oidiche agus a là, eadhon ris an àite mu'n dubhairt thu gu'n cuireadh tu d'ainm an sin, a dh'èisdeachd ris an urnuigh a nì do sheirbhiseach a dh'ionnsuidh an àite so.

21 Eisd air an aobhar sin ri athchuinge do sheirbhiseich, agus do shluaigh Israeil, an uair a nì iad urnuigh a dh'ionnsuidh an àite so; agus eisd thusa o d'àite-còmhnuidh, o na nèamhan; agus an uair a dh'èisdeas tu, maith dhoibh.

22 Ma pheacaicheas duine an aghaidh a choimhearsnaich, agus ma dh'iarras e miannan air, a' toirt air miannachadh, agus gu'n tig na miannan an làthair d'altarach anns an tigh so;

23 An sin eisd thusa o na nèamhan, agus dean, agus thoir breth air do sheirbhiseich, ag iocadh do'n aingidh, a' toirt a shlighe

air a cheann féin; agus a' fircanachadh an fhèirein, a' tabhairt da a réir 'fhèireantachd.

24 Agus ma bhuaillear do shluaigh Israel an làthair an nàmhaid, a chionn gu'n do pheacaigh iad a'd' aghaidh, agus ma philleas iad agus gu'n aidich iad d'ainm, agus gu'n dean iad urnuigh, agus gu'n guidh iad a'd' làthair anns an tigh so;

25 An sin eisd thusa o na nèamhan, agus maith peacadh do shluaigh Israeil, agus thoir a ris iad do'n fhearann a thug thu dhoibh féin agus d'an aithrichibh.

26 An uair a dhruidear na nèamhan, agus nach bi uisge ann, a chionn gu'n do pheacaigh iad a'd' aghaidh-sa, agus a nì iad urnuigh a dh'ionnsuidh an àite so, agus a dh'aidicheas iad d'ainm, agus a dh'iompaichear iad o'm peacadh, an uair a chuireas tu fo àmhghar iad;

27 An sin eisd thusa o na nèamhan, agus maith peacadh do sheirbhiseach, agus do shluaigh Israeil, a chum gu'n teagaisg thu dhoibh an t-slighe mhaith air an còir dhoibh gluasad, agus gu'n cuir thu uisge air an fhearann a thug thu do d' shluaigh mar oighreachd.

28 An uair a bhios gorta anns an tìr, an uair a bhios plàigh ann, an uair a bhios seargadh ann, no fuar-dhealt, lècust, no burruis; an uair a theannaicheas a nàmhaid e ann an tìr a bhailean, ciod air bith plàigh, agus ciod air bith euslaint a bhios ann;

29 Ge b'e urnuigh, ge b'e athchuinge a chuirear suas le duine sam bith, no le d' shluaigh Israel uile, an uair a bhios fios aig gach aon air a phlàigh féin, agus a dhoilgheas féin, agus a sgaoileas e mach a làmh an d'ionnsuidh an tigh so;

30 An sin eisd thusa o na nèamhan, o d'àite-còmhnuidh, agus maith, agus thoir do gach duine a réir a shlighean uile, a tha fios agad air a chridhe; (oir is ann agadsa, agadsa mhàin a tha fios air cridheachaibh chloinn nan daoine);

31 A chum gu'm bi eagal orra romhad-sa, a ghluasad ann ad shligheibh rè an làithean uile a bhitheas iad beò anns an tìr a thug thu d'ar n-aithrichibh.

32 Os bàrr, a thaobh a' choigrich, nach 'èil de d' shluaigh Israel, ach a thig á tìr chéin air sgàth do mhòir ainme-sa, agus do làimhe làidir, agus do ghairdein sìnte mach, agus a thig agus a nì urnuigh anns an tigh so;

33 An sin eisd thusa o na nèamhan, o d'àite-còmhnuidh, agus dean a réir nan uile nìthean mu'n glaoth an coigreach riut; a chum gu'm bi eòlas aig uile shlighe na talmhainn air d'ainm, agus gu'm bi eagal orra romhad, mar tha air do shluaigh Israeil, agus gu'm bi fios aca gu'n goirear d'ainm-sa air an tigh so a thog mise.

34 An uair a theid do shluaigh a mach a chogadh an aghaidh an naimhdean air an

t-slighe air an cuir thu iad, agus a uì iad urnuigh riut a làimh a' bhaile so a rògh-naich thusa, agus an tighe a thog mise do d'ainm;

35 An sin éisd thusa o na nèamhan r'an urnuigh agus r'an athchuinge, agus cum ceartas riu.

36 An uair a pheacaicheas iad a'd' aghaidh, (oir cha-n'eil duine ann nach peacaich,) agus a lasas d'fhearg 'n an aghaidh, agus a bheir thu thairis iad d'an naimh-dibh, agus a bheir iad leo 'n am braighdibh iad do thir am fad no ma fagus;

37 Gidheadh ma thig iad gu inntinn cheart anns an tìr d'au d'thugadh 'n am braighdibh iad, agus ma dh'ìompaichear iad, agus ma ni iad urnuigh riut aun an tìr am braighdeanaibh, ag ràdh, Pheacaich sinn, rinn sinn gu h-eucorach, agus rinn sinn gu h-aingidh;

38 Ma philleas iad a d' ionnsuidh-sa le'n uile chridhe, agus le'n uile anam, anu an tìr am braighdeanaibh, d'au d'thugadh iad 'n am braighdibh, agus ma ni iad urnuigh a làimh an tìre féin a thug thu d'an aithrichibh, agus a làimh a' bhaile a rògh-uaich thu, agus a làimh an tighe a thog mise do d'ainm;

39 An sin éisd thusa o na nèamhan, o d'àite-còmhnuidh, r'an urnuigh agus r'an athchuinge, agus cum ceartas riu, agus maith do d' shluagh a pheacaich a'd' aghaidh.

40 A nis, mo Dhia, bitheadh, guidheam ort, do shùilean fosgailte, agus thugadh do chluasan an aire do urnuigh an àite so.

41 Ach a uis éirich thusa, a Thighearna Dhé, do d' àite suaimhneis, thu féin, agus àire do neirt. Bitheadh do shagartan, a Thighearna Dhé, air an sgeadachadh le slàinte, agus deanadh do naomh gairdeachas ann am maithneas.

42 A Thighearna Dhé, na tionndaidh air falbh gnùis d'aoin ungta: cuimhnich tròcairean Dhaibhidh do sheirbhisich.

CAIB. VII.

1 *Lìon glòir an Tighearn' an teampull. 5 Choisrig Solamh agus clann Israel tigh Dhé, 10 agus an sin pillt an sluagh d'an bùthaidh aobhneach agus subhach 'n an cridhe. 12 Dh'fhàillsich Dia e féin a ris do Sholamh, agus rinn e coimhcheangal ris.*

AGUS an uair a chuir Solamh crìoch air urnuigh a dheanamh, thàinig an teine a nuas o nèamh, agus loisg e suas an tabhartas-loisgte agus na h-iobairtean; agus lion glòir an Tighearn' an tigh.

2 Agus cha b'urrainn na sagartan dol a steach do thigh an Tighearn', a chionn gu'u do lion glòir an Tighearna tigh an Tighearna.

3 Agus au uair a chunnaic clann Israeil uile mar a thàinig an teine nuas, agus glòir an Tighearna, air an tigh, chrom siad iad

féin le'n aghaidhean chum na taluinn ann a' an urlar, agus rinn iad aoradh, agus mho iad an Tighearna, a chionn *gu bheil* e maith, gu *mair* a thròcair gu bràth.

4 An sin dh'ìobair an rìgh agus an sluagh uile iobairtean 'am fianuis an Tighearna.

5 Agus dh'ìobair rìgh Solamh mar iobairt dà mhìle fichead bò, agus ceud agus fichcad mìle caora: agus choisrig an rìgh agus an sluagh uile tigh Dhé.

6 Agus dh'fheith na sagartan air an dreuchd; na Lebhithich mar an ceudna le innealaibh-ciuil an Tighearn', a rinn Daibhidh an rìgh a mholadh an Tighearna, a chionn gu *mair* a thròcair gu bràth, an uair a bha Daibhidh a' chùthachadh le 'n làimh-san: agus shéid na sagartan trompaidean rompa, agus sheas Israel uile.

7 Agus naomhaich Solamh meadhon na cùrte a *bha* fa chomhair tighe an Tighearn': oir thug e suas an sin iobairtean-loisgte, agus saill nan tabhartas-sith, a chionn nach b'urrainn an altair umha a rinn Solamh na h-iobairtean-loisgte, agus na tabhartasan-bidh, agus an t-saill, a ghabhail.

8 Agus chum Solamh anns an àm sin an fhéill seachd làithean, agus Israel uile maille ris, comhchruinneachadh ro mhòr, o dhà a stigh Hamait gu ruig amhainn na h-Eiphit.

9 Agus air an ochdamh là chum iad àrd choimthional; oir chum iad coisreagadh na h-altarach seachd làithean, agus an fhéill seachd làithean.

10 Agus air an treas là fichead d'è t-seachdamh mìos leig e an sluagh air falbh d'am bùthaibh, aobhneach agus subhach 'n an cridhe air son a' mhaithais a nochd an Tighearnu do Dhaibhidh, agus do Sholamh, agus do Israel a shluagh.

11 Agus chrìochnaich Solamh tigh an Tighearna, agus tigh an rìgh; agus gach ni a thàinig ann an cridhe Sholaimh a dheanamh ann an tigh an Tighearna, agus 'n a thigh féin, shoirbhich leis 'n a dheanamh.

12 Agus dh'fheillsich an Tighearn e féin do Sholamh 's an oidhe, agus thubhairt e ris, Chuala mi d'urnuigh, agus thagh mi 'n t-àite so dhomh féiu air son tighe iobairte.

13 Ma dhruideas mi na nèamhan, agus nach bi uisge ann, no ma dh'àithneas mi do na locuist am fearann itheadh suas, no ma chuireas mi plàigh am measg mo shluaigh;

14 Ma dh'irioslaicheas mo shluagh air an goirear m'ainm iad féiu, agus gu'n deau iad urnuigh, agus gu'u iarr iad mo ghnùis, agus gu'm pill iad o'n droch shligheibh, an siu chuinnidh mise o na nèamhan, agus maithidh mi am peacadh, agus leighisidh mi am fearan.

15 A nis bithidh mo shùilean fosgailte

agus bheir mo ehlusan an aire do urnuigh an àite so:

16 Oir a nis thagh mi agus naomhaich mi an tigh so, chum gu'm bi m'ainm an sin gu bràth; agus bithidh mo shùilean agus mo chridhe an sin gach là.

17 Agus ma ghluaiseas tusa ann am fhianuis, mar a ghluais Daibhidh d'athair, agus ma ni thu a réir gach *ni* a dh'àithn mi dhuit, agus gu'n gléidh thu mo reachdan agus mo bhreitheanais;

18 An sin daingnichidh mise rìgh-chaithir do rìoghachd, mar a rinn mi còmhcheangal ri Daibhidh d'athair, ag ràdh, Cha bhi duine d'hiith ort gu bhi 'n a uachdaran ann an Israel.

19 Ach ma thionndaidheas sibh uam, agus gu'n tréig sibh mo reachdan agus m'aitheantan a chuir mi roimhibh, agus gu'n téid sibh agus gu'n dean sibh seirbhis do dhiaibhaibh eile, agus gu'n sleuchd sibh dhoibh;

20 An sin spionadh mise sibh á m'fhearann a thug mi dhuibh; agus an tigh so a naomhaich mi do m'ainm, tilgidh mi as mo shealladh, agus ni uile e 'n a shamhladh agus 'n a leth-fhocal am measg nan uile chinneach.

21 Agus an tigh so a bha co àrd, bithidh iongantais air gach neach a théid seachad air, agus their e, Car son a rinn an Tighearn mar so ris an tìr so, agus ris an tigh so?

22 Agus freagar, A chionn gu'n do thréig iad an Tighearn Dia an aithrichean, a thug a mach iad á tìr na h-Eiphit, agus gu'n do ghabh iad d'an ionnsuidh diathan eile, agus gu'n do shleuchd iad dhoibh, agus gu'n do rinn iad seirbhis dhoibh; uime sin thug e an t-òc so uile orra.

CAIB. VIII.

1 Na bailtean a thog Solamh. 7 Rinneadh tràilean de na Canaanach. 11 Thug Solamh suas nighean Pharaoh a dh'ionnsuidh a tighe féin. 14 Shuidhich e roinnean nan sagart, agus nan Lebhithich. 17 Thug longan Sholaimh òr o Ophir.

AGUS tharladh 'an ceann fhichead bliadhna, anns an do thog Solamh tigh an Tighearn' agus a thigh féin,

2 Na bailtean a thug Huram do Sholamh, gu'n do thog Solamh iad, agus thug e air cloinn Israeil còmhnuidh a ghabhail an sin.

3 Agus chaidh Solamh gu Hamat-sobah, agus thug e buaidh air.

4 Agus thog e Tadmor anns an fhàsach, agus na bailtean-ionmhais uile a thog e ann an Hamat.

5 Mar an ceudna thog e Bet-horon uachdarach, agus Bet-horon iochdarach, bailtean daingichte, le ballachaibh, geatachaibh agus crannaibh:

6 Agus Baalat, agus na h-uile bhailtean-ionmhais a bha aig Solamh, agus uile bhailtean nan carbad, agus bailtean a'

mharc-shluaigh, agus uile m'hiann Sholaimh a mhiannaich e 'thogail ann an Ierusalem, agus ann an Lebanon, agus ann an uile thìr a thighearnais.

7 A thaobh an t-sluaigh uile a dh'fhàgadh de na Hitich, agus de na h-Amoraich, agus de na Peridsich, agus de na Hibhich, agus de na Iebusaich, nach robh de Israel,

8 D'an cloinn a dh'fhàgadh 'n an deigh anns an tìr, nach do sgrios clann Israeil, dhiubhsan thog Solamh eis gus an là'n diugh.

9 Ach de chloinn Israeil cha d'rinn Solamh tràill sam bith air son 'oibre; oir bha iad 'n an fìr-chogaidh, agus 'n an uachdaranaibh, agus 'n an ceannardaibh aige, agus 'n an riaghlairibh a charbad agus a mharc-shluaigh.

10 Agus b' iad so uachdarain an luchd-dreuchd a bha aig rìgh Solamh, dà cheud agus leth-cheud a riaghail os ceann a' t-sluaigh.

11 Agus thug Solamh suas nighean Pharaoh á baile Dhaibhidh a dh'ionnsuidh an tighe a thog e dhi: oir thubhairt e, Cha ghabh mo bhean-sa còmhnuidh ann an tigh Dhaibhidh rìgh Israeil; oir is naomha na h-àitean d'an d'fhàinig aire an Tighearna steach.

12 An sin dh'ìobair Solamh ìobairtean-loisgte do'n Tighearn, air altair an Tighearn', a thog e fa chomhair an sgàth thighe;

13 A dhlighe féin air gach là, ag òbradh a réir àithne Mhaois, air na sàbaidibh, agus air na gealaichibh nomha, agus air na feilibh sonraichte, trì uairean 's a' bhliadhna, air féill an arain neo-ghoirtichte, agus air féill nan seachduin, agus air féill nam pàillun.

14 Agus shuidhich e, a réir riaghailt Dhaibhidh 'athar, roinnean nan sagart chum an seirbhis, agus na Lebhithich chum an cùraim, a mholadh agus a fhrith-ealadh 'am fianuis nan sagart, a réir dlighe gach là; agus na dorsairean a réir an roinnean aig gach geata: oir mar sin dh'àithn Daibhidh òglach Dhé.

15 Agus cha do chlaon iad o àithne an rìgh mu na sagairtibh agus na Lebhithich, a thaobh ni air bith, no 'thaobh nan ionmhas.

16 Agus dheasaicheadh obair Sholaimh uile gu ruig an là anns an do leagadh bunait tighe an Tighearn', agus gus an do chrìochnaicheadh e. Mar sin rinneadh tigh an Tighearna gu h-iomlan.

17 An sin chaidh Solamh gu h-Esion-geber, agus gu h-Elot, air taobh na mara ann an tìr Edoim.

18 Agus thug Huram d'a ionnsuidh le làmh a sheirbbiseach longan, agus seirbbisich aig an robh còlas na fairge; agus chaidh iad maille ri seirbbisich Sholaimh

gu h-Ophir, agus thug iad as a sin ceithir cheud agus leth-cheud tàlann òir, agus thug iad gu rìgh Solamh iad.

CAIB. IX.

1 Thàinig ban-rìghinn Sheba gu h-Ierusalem a dhearbhadh Sholaimh. 3 Ghabh i iongantas r'a ghliocas. 13 Cudthrom an òir a thàinig dh'ionnsuidh Sholaimh ann an aon bhliadhna. 16 A rìgh-chaithir. 20 A shoithichean-òil. 29 A bhàs.

AGUS an uair a chuala ban-rìghinn Sheba cliù Sholaimh, thàinig i a dhearbhadh Sholaimh le ceisdibh cruaidhe gu h-Ierusalem, le cuideachd ro mhòir, agus le càmhalaibh a' giùlan spìosraidh agus òir ann am pailteas, agus chlachan luachmhor: agus an uair a thàinig i dh'ionnsuidh Sholaimh, labhair i ris gach nì a bha 'n a cridhe.

2 Agus fhreagair Solamh dhi a ceisdean uile; agus cha robh ni air bith 'am folach air Solamh nach d'innis e dhi.

3 Agus an uair a chunnaic ban-rìghinn Sheba gliocas Sholaimh, agus an tigh a thog e,

4 Agus biadh a bhuird, agus suidhe a sheirbhiseach, agus feitheamh a luchd-frithealaidh agus an trusgan, agus a ghillean-cupain agus an trusgan, agus a dhol-suas air an deachaidhe suas gu tigh an Tighearna; cha robh spiorad innte nì's mò.

5 Agus thubhairt i ris an rìgh, B'fhior an t-iomradh a chuala mi ann am thìr fèin air do ghnìomharaibh, agus air do ghliocas:

6 Gidheadh cha do chreid mi ann briathran, agus an d'thàinig mi, agus gu'm faca mo shùilean; agus, feuch, cha d'innseadh dhomh leth meud do ghliocas: chaidh thu thar an iomradh a chuala mi.

7 Is sona do dhaoine, agus is sona iad so do sheirbhiseich, a sheasas a'd' fhianuis an còmhnuidh, agus a chluinneas do ghliocas.

8 Gu ma beannaichte an Tighearn do Dhia a ghabh tlachd annad gu d'chur air a rìgh-chaithir, gu bhi 'd' rìgh air son an Tighearna do Dhé: a chionn gu'n do ghràdaich do Dhia Israel, chum an daingneachadh gu bràth, uime sin rinn e thusa a'd' rìgh os an ceann, a dheanamh breitheanaïs agus ceartais.

9 Agus thug i do'n rìgh ceud agus fichead tàlann òir, agus ro mhòran de spìosraidh, agus clachan luachmhor: Agus cha robh riamh a leithid so de spìosraidh, as a thug ban-rìghinn Sheba do rìgh Solamh.

10 Agus mar an ceudna thug seirbhiseich Huraim, agus seirbhiseich Sholaimh, a thug òr o Ophir, fiodh alguim lco, agus clachan luachmhor.

11 Agus rinn an rìgh de'n fhiodh alguim staidhrichean do thigh an Tighearn', agus do thigh an rìgh, agus clàrsaichean agus salt-aircan do'n luchd-ciuil: agus cha-n fhacas an leithid roimhe ann an tìr Iudah.

12 Agus thug rìgh Solamh do bhan-rìghinn Sheba a h-uile mhiaunn a dh'iarr i, a thuilleadh air na thug i dh'ionnsuidh an rìgh: agus thionndaidh i agus dh'imich i d'a tìr, i fèin agus a seirbhiseich.

13 A nis b'e cudthrom an òir a thàinig a dh'ionnsuidh Sholaimh ann an aon bhliadhna, sè ceud agus trì fichead agus sè tàlannan òir:

14 A thuilleadh air na thug na ceann-aichean agus an luchd malairt, agus uile rìghrean Arabia, agus uachdarain na tìre; a thug òr agus airgid a dh'ionnsuidh Sholaimh.

15 Agus rinn rìgh Solamh dà cheud sgiath de òr buailte: chaidh sè ceud *secel* de òr buailte chum gach sgèithe.

16 Agus rinn e trì cheud targaid de òr buailte: chaidh trì cheud *secel* òir chum gach targaide: agus chuir an rìgh iad ann an tigh frithe Lebanoin.

17 Rinn an rìgh mar an ceudna rìgh-chaithir mhòr de fhiacraibh *elephant*, agus chòmhdaich e i leis an òr a bu ghloine.

18 Agus bha sè ceuman aig an rìgh-chaithir agus cos-stòl òir, air an tàthadh ris an rìgh-chaithir, agus làmh an air gach taobh de'n àite-shuidhe, agus dà leòmhann a' seasamh làmh ris na làmh an.

19 Agus shcas dà leòmhann dheug an sin air na sè ceumaibh, air an taobh so agus air an taobh ud. Cha d'rinneadh a leithid ann an rìoghachd air bith eile.

20 Agus bha uile shoithichean òil rìgh Solaimh a dh' òr, agus uile shoithichean tighe frithe Lebanoin a dh' òr fìor-ghlan: cha robh meas de airgid ann an làithibh Sholaimh chum nì sam bith.

21 Oir chaidh loingeis an rìgh gu Tarsis maille ri seirbhiseich Huraim: aon uair anns na trì bliadhnaibh thàinig loingeis Tharsis a' giùlan òir agus airgid, fhiacal elephant, agus apan agus pheucag.

22 Agus thug rìgh Solamh barrachd air uile rìghribh an domhain ann an saoihbheas agus gliocas.

23 Agus dh'iarr uile rìghrean na talmhainn teachd an làthair Sholaimh, a chluinntinn a ghliocais a chuir Dia 'n a chridhe.

24 Agus thug iad leo gach fear a thiodhlac, soithichean airgid, agus soithichean òir, agus trusganan, agus airm, agus spìosraidh, agus eich, agus muilcean, cuibhrionn bliadhna anns gach bliadhna.

25 Agus bha aig Solamh ceithir mìle prasach each air son a charbad, agus dà mhìle dheug marcach, a chuir e mach ann am bailtibh nan carbad, agus maille ris an rìgh ann an Ierusalem.

26 Agus rìghich e os ceann nan rìghrean nìle, o'n amhainn gu ruig tìr nam Philisteach, agus gu ruig crìoch na h-Eiphit.

27 Agus thug an rìgh air airgid a bhi ann an Ierusalem mar chlachan, agus air na

cramnaibh seudair thug e *bhi* mar na croinn shicomoir, a *tha* anns an t-srath, air lìon-mnoireachd.

28 Agus thugadh eich a dh'ionnsuidh Sholaimh as an Eiphit, agus as gach uile thìr.

29 Agus a' chuid eile de ghniomharaibh Sholaimh, an toiseach agus mu dheireadh, nach 'eil iad sgrìobhta ann an leabhar Naitan an fhàidh, agus ann am fàidhead-aireachd Ahiah an t-Silonaich, agus ann an seallannaibh Ido an fhir-sheallaidh an aghaidh Ieroboam mhic Nebait?

30 Agus rìghich Solamh ann an Ierusalem os ceann Israeil uile, dà fhichead bliadhna.

31 Agus choidil Solamh maille r'a aith-richibh, agus dh'adhlacaidh e ann an baile Dhaibhidh 'athar: agus rìghich Rehoboam a mhac 'n a àit.

CAIB. X.

1 *Thàinig clann Israeil do Shechem gu Rehoboam a dheanamh 'n a rìgh.* 6 *Dh'ùlt ean comhairle nan seann daoine, agus labhair e gu gairis an t-sluagh, a rèir comhairle nan daoine òga.* 16 *Rinn clann Israeil ceannaire 'n a aghaidh.*

A GUS claidh Rehoboam do Shechem: oir thàinig Israel uile do Shechem g'a dheanamh 'n a rìgh.

2 Agus an uair a chuala Ieroboam mac Nebait *sin*, a *bha* anns an Eiphit, far an do theich e o ghnùis rìgh Solaimh, phill Ieroboam as an Eiphit.

3 Agus chuir iad *fios*, agus ghairm iad e: agus thàinig Ieroboam agus Israel uile, agus labhair iad ri Rehoboam, ag ràdh,

4 Dh'antromaich d'athair ar cuing-ne, ach eutromaich thus' a nis seirbhis chruaidh d'athar, agus a chuing throm a chuir e oirnn, agus ni sinn seirbhis dhuit.

5 Agus thubhairt e riu, 'An ceann thrì làithean thigibh a ris a m'ionnsuidh. Agus dh'fhalbh an sluagh.

6 Agus chuir rìgh Rehoboam a chomhairle ris na seann daoineibh a sheas an làthair Sholaimh 'athar, an uair bu bhead e, ag ràdh; Cionnus a chomhairlicheas sibh dhomh freagradh a thabhairt do'n t-sluagh so?

7 Agus labhair iadsan ris, ag ràdh, Ma bhitheas tusa caomhneil ris an t-sluagh so, agus gu'n toilich thu iad, agus gu'n labhair thu riu briathran maithc, bithidh iadsan agadsa 'n an seirbhisich gu bràth.

8 Ach thréig ean comhairle nan seann daoine, a thug iad air; agus chuir e 'chomhairle ris na daoineibh òga a dh'fhàs suas maille ris féin, agus a sheas 'n a làthair.

9 Agus thubhairt e riu, Ciod a *tha* sibhse a' comhairleachadh, a chum gu'n toir sinn freagradh do'n t-sluagh so, a labhair rium, ag ràdh, Eutromaich a' chuing a chuir d'athair oirnn?

10 Agus labhair na daoine òga a dh'fhàs

suas maille ris féin ris, ag ràdh, Mar so their thu ris an t-sluagh a labhair riut, ag ràdh, Dh'antromaich d'athair ar cuing-ne, ach eutromaich thusa dhuinn i; mar so their thu riu, *Is* gairble mo lùghdag-sa na leasraidh m'athar.

11 Agus a nis chuir m'athair gu amharus oirbh cuing throm, ach cuiridh mise ri bhur cuing; smachdaich m'athair sibh le slataibh, ach smachdaichidh mise sibh le scorpionaibh.

12 Agus thàinig Ieroboam agus an sluagh uile gu Rehoboam air an treas là, mar a dh'aitm an rìgh, ag ràdh, Thigibh a ris a m'ionnsuidh air an treas là.

13 Agus fhreagair an rìgh iad gu garbh; agus thréig rìgh Rehoboam comhairle nan seann daoine.

14 Agus labhair e riu a rèir comhairle nan daoine òga, ag ràdh, Dh'antromaich m'athair bhur cuing, ach cuiridh mise rithe; smachdaich m'athair sibh le slataibh, ach smachdaichidh mise sibh le scorpionaibh.

15 Mar so cha d'éisd an rìgh ris an t-sluagh; oir bha'n t-aobhar o Dhia, chum gu'n coimhlionadh an Tighearn 'fhocal féin, a labhair e le làimh Ahiah an t-Silonaich ri Ieroboam mac Nebait.

16 Agus an uair a chunnaic Israel uile nach d'éisd an rìgh riu, fhreagair an sluagh an rìgh, ag ràdh, Ciod a' chuibhrionn a th'againne ann an Daibhidh? agus cha-n'èil oighreachd againn ann am mac Iese: gach fear do d' bhùthaibh, O Israeil; a nis thoir an aire air do thigh féin, a Dhaibhidh. Agus dh'fhalbh Israel uile d'am bùthaibh.

17 Ach a thaobh chloinn Israeil a bha 'chòmhluaidh ann am bailtibh Iudah, rìghich Rehoboam os an ceann.

18 An sin chuir rìgh Rehoboam Adoram a bha os ceann na cìse d'an ionnsuidh; agus chlach clann Israeil e le clachaibh, agus fhuair e bàs: agus rinn Rehoboam cabhag gu dol suas d'a charbad, chum gu'n teicheadh e do Ierusalem.

19 Agus rinn Israel ceannaire an aghaidh tighe Dhaibhidh gus an là'n diugh.

CAIB. XI.

1 *Chruinnich Rehoboam armait a chogadh an aghaidh Israeil.* 6 *Na bailtean daingnichtc a thog e.* 13 *Thàinig na sagartan agus na Lebhithich gu Ierusalem, a chionn gu'n do chuir Ieroboam iad o flurithealadh 'n an dreuchd.* 18 *Mnathan agus clann Rehoboam.*

A GUS an uair a thàinig Rehoboam gu h-Ierusalem, chruinnich e de thigh Iudah agus Bheniamin, ceud agus ceithir fichead mìle fear taghta, deanta ri cogadh, a chogadh an aghaidh Israeil, a chum an rìoghachd a thoirt a ris gu Rehoboam.

2 Ach thàinig focal an Tighearna gu Semaiah òglach Dhé, ag ràdh,

3 Labhair ri Rehoboam, mac Sholaimh,

rìgh Iudah, agus ri h-Israel uile ann an Iudah agus ann am Benjamin, ag ràdh,

4 Mar so tha'n Tighearn ag ràdh, Cha tèid sibh suas, agus cha chog sibh ri'r bràithribh: pillibh, gach fear a dh'ionnsuidh a thighe; oir leamsa rinneadh an nì so. Agus dh'éisd iad ri briathraibh an Tighearn, agus phill iad o dhol an aghaidh Ieroboam.

5 Agus ghabh Rehoboam còmhnuidh ann an Ierusalem, agus thog e bailtean daingnichte ann an Iudah:

6 Thog e cadhon Bet-lehem, agus Etam, agus Tecoa,

7 Agus Bet-sur, agus Socho, agus Adullam,

8 Agus Gat, agus Maresah, agus Siph,

9 Agus Adoraim, agus Lachis, agus Asecab,

10 Agus Sorah, agus Aialon, agus Hebron; a tha ann an Iudah, agus ann am Benjamin, 'n am bailtibh daingnichte.

11 Agus neartaich e na daingnichean, agus chuir e ceannardan anna, agus taisgeachan-bidh, agus olaidh, agus fiona.

12 Agus anns gach baile fa leth *chuir e* sgiathan agus sleaghan, agus rinn e ro laidir iad; oir bha Iudah agus Benjamin aige air a thaobh.

13 Agus thàinig na sagartan agus na Lebhithich, a bha ann an Israel uile, d'a ionnsuidh as an crìochaibh uile:

14 (Oir dh'fhàg na Lebhithich am fo-bhailtean, agus an sealbh, agus thàinig iad gu Iudah agus gu h-Ierusalem; a chionn gu'n do chuir Ieroboam agus a mhic iad o fhrithéaladh ann an dreuchd nan sagart do'n Tighearn.

15 Agus rinn e dha féin sagartan air son nan àitean àrda, agus air son dheamhan, agus air son nan laogh a rinn e.)

16 Agus 'n an déigh-san thàinig a mach á uile threubhan Israeil, iadsan a shocraich an cridhe a dh'iarraidh an Tighearna Dhé Israeil, gu h-Ierusalem a dh'ìobradh do'n Tighearn Dia an aithrichean.

17 Agus dhaingnich iad rìoghachd Iudah, agus rinn iad Rehoboam mac Sholaimh laidir ré thri bliadhna; oir ré thri bliadhna ghluais iad ann an slighe Dhaibhidh agus Sholaimh.

18 Agus ghabh Rehoboam Mahalat nighean Ierimoit, mhic Dhaibhidh, dha féin 'n a mnaoi; Abihail mar an ceudna, nighean Eliaib, mhic Iese:

19 Agus rug ise dha clann; Ieus, agus Semariah, agus Saham.

20 Agus 'n a déigh-sa ghabh e Maachah, nighean Absaloim, a rug dha Abiah, agus Atai, agus Sisa, agus Selomit.

21 Agus ghràdhaich Rehoboam Maachah, nighean Absaloim, os ceann a bhan agus a choimhleabach uile; oir ghabh e dha féin ocd mnà dheug, agus tri fichead coimhleabach, agus ghin e ocd mic fhichead, agus tri fichead nighean.)

22 Agus rinn Rehoboam 'n a cheannard Abiah, mac Mhaachah, gu bhi 'n a riaghlair am measg a bhràithrean; oir smuinich e air a dheanamh 'n a rìgh.

23 Agus rinn e gu glie, agus sgaoil e a' *chuid eile* d'a mhacaibh uile air feadh uile thìre Iudah agus Bhéniamin, anns na bailtibh daingnichte uile; agus thug e dhoibh pailteas bidh: agus dh'iarr e mòran bhan.

CAIB. XII.

1 *Thréig Rehoboam lagh an Tighearna.* 2 *Thàinig Sisac rìgh na h-Eiphit a nìos 'n a aghaidh, agus ghlac e bailtean daingnichte Iudah.* 3 *Dh'ìrioslaich Rehoboam e féin, agus thug Dia càil-eigin de shaorsa dha.* 13 *A rìoghachadh agus a bhàs.*

AGUS an uair a dhaingnicheadh rìoghachd Rehoboam, agus a dh'fhàs e cunhachdach, thréig e lagh an Tighearn, agus Israel uile maille ris.

2 Agus anns a' chàigeamh bliadhna de rìgh Rehoboam, thàinig Sisac rìgh na h-Eiphit a nìos an aghaidh Ierusalem, (a chionn gu'n do pheacaich iad an aghaidh an Tighearna.)

3 Le mìle agus dà cheud carbad, agus le trì fichead mìle marcach: agus bha 'n sluagh gun àireamh a thàinig maille ris as an Eiphit; na Lubaich, na Sucaich, agus na h-Etiopaich.

4 Agus ghlac e na bailtean daingnichte a *bhuineadh* do Iudah, agus thàinig e gu h-Ierusalem.

5 An sin thàinig Semaiah am fàidh gu Rehoboam, agus gu h-nachdaranuibh Iudah, a bha air cruinneachadh gu h-Ierusalem air eagal Shisaic, agus thubhairt e riu, Mar so tha'n Tighearn ag ràdh, Dh'fhàg sibhse mise, agus air an aobhar sin dh'fhàg mise sibhse ann an làimh Shisaic.

6 An sin dh'ìrioslaich uachdarain Israeil agus an rìgh iad féin, agus thubhairt iad, *Tha'n* Tighearn ceart.

7 Agus an uair a chunnaic an Tighearn gu'n d'ìrioslaich siad iad féin, thàinig focal an Tighearna gu Semaiah, ag ràdh, Dh'ìrioslaich siad iad féin; cha sgrìos mi iad, ach bheir mi dhoibh càil-eigin de shaorsa; agus cha taomar mo chorruich a mach air Ierusalem le làimh Shisaic.

8 Gidheadh, bithidh iad 'n an seirbhisich aige, agus bithidh aithne aca air mo sheirbhis-sa, agus air seirbhis rìoghachdan nan dùchan.

9 Uime sin thàinig Sisac rìgh na h-Eiphit a nìos an aghaidh Ierusalem, agus thug e leis ionmhais tighe an Tighearn, agus ionmhais tighe an rìgh; bhuin e leis an t-ìomlan: thug e leis mar an ceudna na targaidean òir a rinn Solamh.

10 Agus rinn rìgh Rehoboam targaidean umha 'n an àit, agus thug e thairis *iad* do làimh cheannard an fhreiceadain, a ghléidh dorus tighe an rìgh.

11 Agus an uair a chaidh an rìgh a steach do thigh an Tighearna, thàinig am freiceadan agus thog siad iad, agus thug iad air an ais iad gu seòmar an fhreiceadan.

12 Agus an uair a dh'ìroslaich se e fèin, thionndaidh corruich an Tighearn' uath, chum nach sgriosadh se e gu tur. Agus mar an ceudna ann an Iudah bha nithean gu maith.

13 Agus dhaingnich rìgh Rehoboam e fèin ann an Ierusalem, agus rìghich e. A nis *bha* Rehoboam aen agus dà fhichead bliadhna dh'aois an uair a thòisich e air rìoghachadh, agus rìghich e seachd bliadhna deug ann an Ierusalem, ann baile a thagh an Tighearn a mach á uile threubhan Israeil a chur 'ainne an sin: agus *b'e* ainm a mhàthar Naamah, Ban-amonach.

14 Agus rinn e olc, a chionn nach d'ulluich e a chridhe a dh'iarraidh an Tighearna.

15 A nis gnòmhàran Rehoboam, an toiseach agus mu dheireadh, nach 'eil iad sgrìobhta ann an leabhar Shemaiah an fhàidh, agus Ido an fhìr-sheallaidh, mu thimcheall ghinealach? Agus *bha* cogadh eadar Rehoboam agus Ieroboam rè an làithean uile.

16 Agus chaidil Rehoboam maille r'a aithrichibh, agus dh'adhlacadh e ann am baile Dhaibhidh: agus rìghich Abiah a mhac 'n a àit.

CAIB. XIII.

1 *Bha cogadh eadar Abiah agus Ieroboam.* 5 *Chuir Abiah 'an cèll ceartas a chàise.* 13 *Bhuadhaich e air Ieroboam, agus mharbh e Israel le h-àr mòr.* 21 *A mhnathan agus a chlann.*

A NIS anns an ochdamh bliadhna deng de rìgh Ieroboam, thòisich Abiah air rìoghachadh os ceann Iudah.

2 Tri bliadhna rìghich e ann an Ierusalem: agus *b'e* ainm a mhàthar Maachah, nighean [Abisaloim, mhic] Uriel o Ghibeah. Agus bha cogadh eadar Abiah agus Ieroboam.

3 Agus chuir Abiah an cath 'an ordugh le armaid de dhaoineibh treuna ann an cogadh, ceithir cheud mìle fear taghta: agus chuir Ieroboam an cath 'an ordugh 'n a aghaidh le ochd ceud mìle fear taghta, daoine treuna gaisgil.

4 Agus sheas Abiah suas air slabh She-mariam, a *tha* ann an sliabh Ephraim, agus thubhairt e, Eisdibh rium, a Ieroboam, agus Israeil uile.

5 Nach bu chòir dhuibhse fios a bhi agaibh gu'n d'thug an Tighearn Dia Israeil an rìoghachd os ceann Israeil thairis do Dhaibhidh gu bràth, *eadhon* dhà-san agus d'a mhacaibh le coimhcheangal salainn?

6 Gidhcadh, dh'èirich Ieroboam, mac Nebait, seirbhiseach Sholaimh mhic Dhaibhidh suas, agus rinn e ceannaire an aghaidh a thighearna:

7 Agus chruinnich d'a iom snidh daoine faoine, mic Bheliah, agus neartaich siad iad fèin an aghaidh Rehoboam, mhic Sholaimh, 'n uair a bha Rehoboam òg agus tais-chridheach, agus nach b'urraim e cur 'n an aghaidh.

8 Agus a nis *tha* sibh a' smuaineachadh air cur an aghaidh rìoghachd an Tighearn' ann an làimh mhac Dhaibhidh; agus *tha* sibh 'n 'ur sluagh mòr, agus *tha* agaibh laogh òir, a rinn Ieroboam dhuibh mar dhiathan.

9 Nach do thilg sibh a mach sagartan an Tighearna, mic Aaroin, agus na Lebhithich, agus nach d'rinn sibh dhuibh fèin sagartan mar chinnich *eile* an domhain? Gach neach a thig g'a choisreacadh fèin le tarbh òg agus le seachd reitheachaibh, bithidh esan air ball 'n a shagart dhoibhsan nach 'eil 'n an diathaibh.

10 Ach d'ar taobh-ne, *is e'n* Tighearn ar Dia, agus cha do thréig sinn e: agus *is iad* mic Aaroin na sagartan a *tha* 'frithealadh do'n Tighearn, agus *tha* na Lebhithich a' *seitheamh* air an obair fèin:

11 Agus *tha* iad a' losgadh do'n Tighearn ìobairtean-leisgte air gach maduinn agus air gach feasgar, agus tùis chùbhraidh; agus *tha* aran na fianuis air a' bhord fhior-ghlan. agus an coimleir òir maille r'a lòchranaibh a lasadh air gach feasgar: oir *tha* sinne a' gleidheadh cùrainn an Tighearn' ar Dé; ach thréig sibhse e.

12 Agus, feuch, maille ruinne *tha* Dia fèin 'n a cheannard *oirnn*, agus a shagartan le trompaidibh fuaimneach a thoirt caismeachd 'n 'ur n-aghaidh-sa. A chlann Israeil, na cogaibhse an aghaidh an Tighearna Dé bhuir n-aithrichean; oir cha soirbhich leibh.

13 Ach thug Ieroboam air luchd feall-fholaich teachd mu'n cuairt air an cùlaobh, air chor as gu robh iad fèin fa chomhair Iudah, agus an luchd feall-fholaich air an cùlaobh.

14 Agus an uair a sheall Iudah 'n an déigh, feuch, *bha'n* cath air am beulaobh agus air an cùlaobh: agus ghlaodh iad ris an Tighearn, agus rinn na sagartan fuaim le trompaidibh.

15 Agus rinn fir Iudah gàir: agus an uair a rinn fir Iudah gàir, air ball bhuail Dia Ieroboam agus Israel uile roimh Abiah agus Iudah.

16 Agus theich clann Israeil roimh Iudah; agus thug Dia thairis iad 'n an làimh.

17 Agus mharbh Abiah agus a shluagh iad le h-àr mòr; oir thuit sìos marbhta de Israel, cùig ceud mìle fear taghta.

18 Agus dh'ìroslaicheadh clann Israeil air an àm sin, agus neartaicheadh clann Iudah. a chionn gu'n d'earb iad as an Tighearn Dia an aithrichean.

19 Agus lean Abiah an ruaig air Iero-

boam, agus glùac e uaith mòr-bhailtean; Bet-~~el~~ le 'bhailtibh beaga, agus Iesana le 'bhailtibh beaga, agus Ephron le 'bhailtibh beaga.

20 Agus cha d'fhuair Ieroboam neart nì's mò ann an làithibh Abiah: agus bhuail an Tighearn e; agus fhuair e bàs:

21 Ach dh'fhàs Abiah cumhachdach, agus phòs e ceithir mnathan deug, agus ghin e dà mhac thar fhlichead, agus sè nigheanan deug.

22 Agus a' chuid eile de ghlèomharaibh Abiah, agus a shlighean, agus a bhriathran, *tha iad* sgrìobhta ann an eachdraidh-an fhàidh Ido:

CAIB. XIV.

1 *Fhuair Abiah bàs, agus rìghich Asa 'n a àit.*
3 *Chuir Asa air falbh altairean nan diathan coimheach. 9 Bhuail e na h-Etiopaich aig Maresah, agus thug e mòran creiche uatha.*

AGUS choidil Abiah maille r'a aithrichibh, agus dh'adhlac iad e ann am baile Dhaibhidh: agus rìghich Asa a mhac 'n a àit. 'N a làithibh-san bha'n tìr sàmhach deich bliadhna.

2 Agus rinn Asa an *ni a bha* maith agus ceart ann an sùilibh an Tighearn' a Dhé:

3 Oir chuir e air falbh altairean nan diathan coimheach, agus na h-àitean àrda, agus bhris e sìos na dealbhan, agus ghearr e sìos na doireachan;

4 Agus dh'àithn e do Iudah an Tighearn Dia an aithrichean iarraidh, agus an lagh a ghleidheadh, agus an àithne.

5 Chuir e air falbh mar an ceudna á uile bhailtibh Iudah na h-àitean àrda, agus na dealbhan. Agus bha 'n rìoghachd sàmhach 'n a làthair.

6 Agus thog e bailtean daingnichte ann an Iudah: oir bha'n tìr sìochail, agus cha robh cogadh aige anns na bliadhnaibh sin; oir thug an Tighearn fois da.

7 Uime sin thubhairt e ri Iudah, Togamaid na bailtean so, agus deanamaid mu'n cuairt *orra* ballachan, le tùraibh, geatachaibh, agus crannaibh, an uair a *thà'n* tìr fathast romhainn: oir dh'iarr sinne an Tighearn ar Dia; dh'iarr sinn e, agus thug e fois dhuinn air gach taobh. Uime sin thog iad, agus shoibrbhich leo.

8 Agus bha aig Asa armailt *de dhaoimibh* a dh'iomchair sgiath agus sleagh, à Iudah trì cheud mìle, agus 4 Bheniamin, a dh'iomchair targaid agus a tharruing bogha, dà cheud agus ceithir fichead mìle; iad sin uile 'n an daoimibh treuna gaisgeil.

9 Agus thàinig a mach 'n an aghaidh Serah an t-Etiopach le armailt mìle de mhiltibh, agus trì cheud carbad, agus thàinig e gu Maresah.

10 Agus chaidh Asa mach 'n a aghaidh, agus chuir iad an cath 'n ordugh ann an gleann Shephatah aig Maresah.

11 Agus ghlaodh Asa ris an Tighearn a

Dhia, agus thubhairt e, A Thighearna, cha *neil* ann ach an aon chuid duitse cuideachadh le mòran, no leo-san *a tha* gun neart: cuidich leinne, a Thighearn' ar Dia; oir asadsa earbaidh sinn, agus ann ad ainm-sa thèid sinn an aghaidh na mòr-chuideachd so: a Thighearn, *is* tusa ar Dia; na buadh-aieheadh duine a'd aghaidh.

12 Agus bhuail an Tighearn na h-Etiopach roimh Asa, agus roimh Iudah; agus theich na h-Etiopach.

13 Agus lean Asa agus an sluagh a *bha* maille ris iad gu Gerar: agus thuit de na h-Etiopach uiread as nach robh tuilleadh neirt aca; oir sgriosadh iad roimh an Tighearn agus roimh 'theachd: agus thug iad leo ro-mhòran creiche.

14 Agus bhuail iad na bailtean uile mu'n cuairt air Gerar, oir bha eagal an Tighearn' *orra*: agus chreach iad na bailtean uile, oir bha mòran creiche anna.

15 Agus bhuail iad mar an ceudna bùthan na spreidh, agus thug iad leo caoraich ann am pailteas, agus càmhalan; agus phill iad gu h-Ierusalem.

CAIB. XV.

1 *Fàidheadaireachd Asariah. 8 Chuir Asa air falbh na h-ìodholan gràineil à tìr Iudah.*

12 *Rinn e fèin agus an sluagh uile coimheangal ris an Tighearn. 16 Chuir e Maachah a mhàthair o bli 'n a ban-righinn a chionn gu'n d'rinn i dealbh ann an doire.*

AGUS thàinig spiorad Dhé air Asariah mac Odeid:

2 Agus chaidh e suas 'an coinneamh Asa, agus thubhairt e ris, Eisdibh riumsa, Asa, agus Iudah uile, agus a Bheniamin; *Tha'n* Tighearn maille ribh, an feadh a tha sibhse maille ris-san: agus ma dh'iarras sibh e, gheibhear leibh e; ach ma thréigear sibhse esan, tréigidh esan sibhse.

3 A nis ré iomadh là *bithidh* Israel as eugmhais Dhé na frinn, agus as eugmhais sagairt a theagaisgeas, agus as eugmhais lagha.

4 Ach an uair a philleas iad 'n an aire a dh'ionnsuidh an Tighearna Dé Israeil, agus a dh'iarras iad e, gheibhear leo e.

5 Agus anns na h-amannaibh sin cha *bhi* sìth ann dhà-san a thèid a mach, no dhà-san a thig a steach, ach buaireas mòr air uile luchd-àiteachaidh nan dùchan.

6 Agus sgriosar cinneach le cinneach, agus baile le baile; oir claidhidh Dia iad leis gach airc.

7 Ach bithibhse làidir, agus na bitheadh bhur làmhnan lag; oir tha duais ann air son bhur n-oibre.

8 Agus an uair a chual' Asa na briathran sin, agus fàidheadaireachd [Asariah mhic] Odeid an fhàidh, ghabh e misneach, agus chuir e air falbh na h-ìodholan gràineil à tìr Iudah agus Bheniamin uile, agus as na

bailtibh a ghlac e de shliabh Ephraim, agus dh'athnuadhaich e altair an Tighearn, a *bha* air beulaobh sgàth-thighe an Tighearna.

9 Agus chruinnich e Iudah uile Benjamin, agus na coigrich maille ri uile h-Ephraim, agus á Manaseh, agus á Simeon; oir thàinig iad thairis d'a ionnsuidh á h-Israel ann am pailteas, an uair a chumnaic iad gu'n robh an Tighearn a Dhia maille ris.

10 Agus chruinnich iad 'an ceann a chéile aig Ierusalem anns an treas mìos, anns a' chùigeamh bliadhna deug de rioghachadh Asa.

11 Agus dh'òbair iad do'n Tighearn 's an àm sin de'n chreic a thug iad leo, seachd ceud bò, agus seachd mìle caora.

12 Agus rinn iad coimheangal gu'n iarradh iad an Tighearn Dia an aithrichean le'n uile chridhe, agus le'n uile anam;

13 Agus gu'n rachadh gach neach nach iarradh an Tighearn Dia Israeil, a chur gu bàs, co dhiubh bu bheag no mòr, fear no bean e.

14 Agus mhionnaich iad do'n Tighearn le guth àrd, agus le gàir, agus le trompaidibh, agus le buabhullaibh.

15 Agus rinn Iudah uile gairdeachas a thaobh nam mìonnan sin: oir mhionnaich iad le'n uile chridhe, agus dh'iarr iad e le'n uile rùn; agus fhuaradh e leo. Agus thug an Tighearn fois dhoibh air gach taobh.

16 Agus mar an ceudna *thaobh Mhaachah* màthar rìgh Asa, chuir e i o *bhi* 'n a ban-rìghinn, a chionn gu'n d'rinn i dealbh uamhasach ann an doire: agus ghearr Asa sìos a dealbh uamhasach, agus mhin-phronn se e, agus loisg se e aig sruth Chidroin.

17 Ach cha do chuireadh na h-àitean àrda air falbh á h-Israel: gidheadh, bha cridhe Asa iomlan ré a làithean uile.

18 Agus thug e steach na nithean a naomhaich 'athair, agus na nithean a naomhaich e féin, do thigh an Tighearn', airgiod, agus òr, agus soithichean.

19 Agus cha robh cogadh tuilleadh ann gu ruig an cùigeamh bliadhna deug thar fhichead de rioghachadh Asa.

CAIB. XVI.

1 Rinn Asa coimheangal ri Benhadad an aghaidh Baasa. 7 Thug Hanani admhaisan do Asa a chionn gu'n d'earb e as na Sirianaich. 12 Dh'fhàs eucail 'n a chosailh. 13 A bhàs.

ANNS an t-scathamh bliadhna deug thar fhichead de rioghachadh Asa, thàinig Baasa rìgh Israeil a nìos an aghaidh Iudah, agus thog e Ramah, chum nach leigeadh e le neach air bith dol a mach no teachd a stigh gu Asa rìgh Iudah.

2 An sin thug Asa mach airgiod agus òr á ionmhasaibh tighe an Tighearn' agus tighe an rìgh, agus chuir e *teachdairean* gu

Benhadad rìgh Shiria a bha 'còmhnnidh aig Damascus, ag ràdh,

3 *Bithheadh* coimheangal eadar mise agus thusa, mar a *bha* eadar m'athair-sa agus d'athair-sa: feuch, chuir mi a d'ionnsuidh airgiod agus òr; falbh, bris do choimheangal ri Baasa rìgh Israeil, a chum gu'n imich e uam.

4 Agus dh'éisid Benhadad ri rìgh Asa, agus chuir e ceannardan nan armait a *bha* aige, an aghaidh bhailtean Israeil; agus bhuail iad Ion, agus Dan, agus Abel-maim, agus uile bhailtean ionmhais Naphtali.

5 Agus an uair a chuala Baasa *sin*, leig e dheth Ramah a thogail, agus sguir e d'a obair.

6 An sin thug Asa an rìgh leis Iudah uile; agus thug iad leo clachan Ramah, agus 'fhiodh, leis an robh Baasa a' togail; agus thog e lco Geba, agus Mispah.

7 Agus anns an àm sin thàinig Hanani am fear-scallaigh gu h-Asa rìgh Iudah, agus thubhairt e ris, A chionn gu'n d'earb thu á rìgh Shiria, agus nach d'earb thu as an Tighearn do Dhia, uime sin tha armait rìgh Shiria air dol as o d' làimh.

8 Nach robh na h-Etiopaich agus na Lubaich nan sluagh lionmhòr, le ro-mhòran charbad agus marc-shluaigh? gidheadh, a chionn gu'n d'earb thu as an Tighearn, thug e thairis do d' làimh iad.

9 Oir *tha* sùilean an Tighearn' ag amharc a null agus a nall air feadh na talmhainn uile, a chum e féin a nochdadh làidir as an leth-san, aig am bheil cridhe iomlan d'a thaobh. Rinn thu gu h-amaideach an so; air an aobhar sin o so a mach bithidh cogadh a'd' aghaidh.

10 An sin bha fearg air Asa ris an fhear-sheallaidh, agus chuir e ann an tigh prìosan e, a chionn gu'n robh e ann an corruich ris a thaobh an *nì* so. Agus rinn Asa ainneart air *cuid* de'n t-sluagh 's an àm sin.

11 Agus, feuch, gnìomharan Asa, an toiseach agus mu dheireadh, feuch, *tha* iad sgrìobhta ann an leabhar rìghrean Iudah agus Israeil.

12 Agus dh'fhàs eucail air Asa 'n a chosailh anns an naothamh bliadhna deug thar fhichead d'a rioghachadh, agus an d'fhòinig 'eucail gu h-àirde mhòir: gidheadh, 'n a eucail cha d'iarr e an Tighearn, ach na lighichean.

13 Agus choidil Asa maille r'a aithrichibh, agus dh'eug e anns an aon bhliadhna thar an dà fhichead d'a rioghachadh.

14 Agus dh'adhlac iad e 'n a uaigh féin, a rinn e air a shon féin ann am baile Dhaibhidh, agus chuir iad 'n a luidhe e ann an leabaigh, a lionadh le nithibh cùbhraidh, agus le h-iomadh gnè olaidh air an deasachadh le h-ealadhain an léigh: agus rinn iad dha losgadh ro mhòr.

CAIB. XVII.

1 *Ghluais Iehosaphat ann an slihibh an Tighearna. 7 Chuir e cuid d'a uachdaranaibh a theagas ann am bailtibh Iudah. Thug na Philistich agus na h-Arabaich tiodhlacan d'a ionnsuidh. 13 A ceannardan agus 'armailtean.*

AGUS rìghich Iehosaphat a mhac 'n a àit, agus neartaich se e féin an aghaidh Israeil.

2 Agus chuir e feachd ann an uile bhailtibh daingnichte Iudah, agus chuir e freiceadain ann an tìr Iudah, agus ann am bailtibh Ephraim, a ghlac Asa 'athair.

3 Agus bha 'n Tighearn maille ri Iehosaphat, a chionn gu'n do ghluais e ann an ceud slihibh Dhaibhidh 'athair, agus nach d'iarr e dh'ionnsuidh Bhaalim;

4 Ach gu'n d'iarr e dh'ionnsuidh [an Tighearna] Dé 'athair, agus gu'n do ghluais e 'n a àiteantaibh, agus cha b'ann a réir deanailais Israeil:

5 Uime sin dhaingnich an Tighearn an rìoghachd 'n a làimh; agus thug Iudah uile tiodhlacan gu Iehosaphat; agus bha aige beartas agus urram ann am pailteas.

6 Agus dh'ardaicheadh a chridhe ann an slihibh an Tighearna; agus mar an ceudna chuir e air falbh na h-àitean àrda agus na doireachan à Iudah.

7 Agus anns an treas bliadhna d'a rìoghachadh chuir e *cuid* d'a uachdaranaibh, Benhail, agus Obadiah, agus Sechariah, agus Netaneel, agus Micaiah, a theagasg ann am bailtibh Iudah.

8 Agus maille ri-san na Lebhithich, Se-maiah, agus Netaniah, agus Sebadiah, agus Asahel, agus Semiramot, agus Ichonatan, agus Adoniah, agus Tobiah, agus Tobadoniah, Lebhithich *uile*; agus maille ri-san Elisama, agus Iehoram, na sagartan.

9 Agus theagaisg iad ann an Iudah, agus leabhar lagha an Tighearn' aca, agus chaidh iad mu'n cuairt air feadh uile bhailtean Iudah, agus theagaisg iad an sluagh.

10 Agus bha eagal an Tighearn' air uile rìoghachdaibh nan tìr a *bha* mu'n cuairt air Iudah, agus cha do chog iad ri Iehosaphat.

11 Agus thug *cuid* de na Philistich tiodhlacan do Iehosaphat, agus airgiod cìse: mar an ceudna thug na h-Arabaich d'a ionnsuidh spréidh, seachd mìle agus seachd ceud reithe, agus seachd mìle agus seachd ceud boc-gaibhre.

12 Agus dh'fhàs Iehosaphat gu h-anabarrach mòr; agus thog e ann an Iudah caist-ealan agus bailtean ionmhais.

13 Agus bha mòran oibre aige ann am bailtibh Iudah, agus fir-chogaidh, daoine comasach gaisgeil ann an Ierusalem.

14 Agus is e so an àireamh, a réir tighe an aithrichean: De Iudah, ceannardan mhiltean; Adnah an ceannard, agus maille

ris Iaoine comasach gaisgeil, trì cheud mìle.

15 Agus 'n a dhéigh-san Ichohanann an ceannard, agus maille ris dà cheud agus ceithir fichead mìle.

16 Agus 'n a dhéigh-san Amasiah mac Shichri, a thug e féin suas do'n Tighearn, agus maille ris dà cheud mìle fear comasach gaisgeil.

17 Agus de Bheniamin; Eliada fear comasach gaisgeil, agus maille ris daoine arm-aichte le bogha agus le targaid, dà cheud mìle.

18 Agus 'n a dhéigh-san Iehosabad, agus maille ris ceud agus ceithir fichead mìle, deas gu cogadh.

19 *Bha* iad sin a' feitheamh air an rìgh, a bhàrr *orra-san* a chuir an rìgh anns na bailtibh daingnichte air feadh Iudah uile.

CAIB. XVIII.

1 *Chaidh Iehosaphat maille ri Ahab an aghaidh Ramot-gilead. 4 Dh'fhiosraich iad de fhocal an Tighearna, agus thug na fàidhean bréige lìn-dearbhadh dhoibh gu'n soirbhicheadh leo. 6 Chuir iad fìos air Micaiah: 15 Roimhinis e bàs Ahab.*

AGUS bha aig Iehosaphat beartas agus cliu ann am pailteas; agus rium e cleamhnas ri Ahab.

2 Agus 'an ceann bhliadhnan àraidh chaidh e sìos a dh'ionnsuidh Ahaib do Shamar: agus mharbh Ahab caoraich agus crodh ann am pailteas air a shon, agus air son an t-sluaigh a *bha* maille ris, agus chuir e impidh air dol suas gu Ramot-gilead.

3 Agus thubhairt Ahab rìgh Israeil ri Iehosaphat rìgh Iudah, An téid thu maille riumsa do Ramot-gilead? Agus fhreagair ean e, *Tha* mise mar tha thusa, agus mo shluagh-sa mar do shluagh-sa, agus *bithidh sinn* leat anns a' chogadh.

4 Agus thubhairt Iehosaphat ri rìgh Israeil, Fiosraich, guidheam ort, an diugh de fhocal an Tighearna.

5 Uime sin chruinnich rìgh Israeil na fàidhean 'an ceann a chéile, ceithir cheud fear, agus thubhairt e ri-u, An téid sinn do Ramot-gilead gu cath, no'n leig mi leis? Agus thubhairt iadsan, Falbh suas; oir bheir Dia 'an làimh an rìgh *iad*.

6 Agus thubhairt Iehosaphat, Nach 'eil an so fàidh tuilleadh leis an Tighearn, chum gu'm fiosraich sinn dheth?

7 Agus thubhairt rìgh Israeil ri Iehosaphat, *Tha* fathast aon fhear ann, leis am feud sinn fiosrachadh de'n Tighearn; ach tha fuath agam dha, oir cha-n'eil e 'dean-amh faisteachd mu m' thimchioll idir air maith, ach an còmhnuidh air olc: *is* e so Micaiah, mac Imla. Agus thubhairt Iehosaphat, Na h-abradh an rìgh mar sin.

8 Agus ghairm rìgh Israeil aon d'a mhaor-aibh, agus thubhairt e, Greas an so Micaiah mac Imla.

9 Agus shuidh rìgh Israeil, agus Iehosaphat rìgh Iudah, gach fear air a rìgh-chaitheir féin, le'n earradh *rìoghail* orra, agus shuidh iad ann an àite réidh, aig dol a steach geata Shamaria; agus *bha* na fàidhean uile ri fàidheadaireachd 'n an làthair.

10 Agus rinn Sedeciah, mac Chenaanah, adhairecan iarunn dha féin, agus thubhairt e, Mar so tha'n Tighearn ag ràdh, Leo so buailidh tu na Sirianaich, gus an cuirear as doibh.

11 Agus rinn na fàidhean uile fàidhead-aircachd mar sin, ag ràdh, Falbh suas gu Ramot-gilead, agus soirbheich; oir bheir an Tighearn 'an làmh an rìgh iad.

12 Agus an teachdair a chaidh a ghairm Mhicaiah, labhair e ris, ag ràdh, Feuch, *tha* briathran nam fàidh le h-aon bheul a' *fuillsachadh* maith do'n rìgh: bitheadh d'fhocal-sa, guidheam ort, mar *fhocal* aoin diubhsan, agus labhair maith.

13 Agus thubhairt Micaiah, *Mar is* beò an Tighearn, eadhon an *ni* a their mo Dhia, sin labhaird mise.

14 Agus thàinig e dh'ionnsuidh an rìgh, agus thubhairt an rìgh ris, a Mhicaiah, an téid sinn do Ramot-gilead gu cath, no'n leig mi leis? agus thubhairt esan, Rachaidh suas, agus soirbheichibh, oir bheirear ann bhuir làmh iad.

15 Agus thubhairt an rìgh ris, Cia lìon uair a chuireas mi mionnan ort, nach inis thu dhomh ach an fhùrinn ann an ainm an Tighearna?

16 Agus thubhairt esan, Chunnaic mi Israel uile sgapta air na sléibhtibh, mar chaoraich aig nach *'eil* buachaill: agus thubhairt an Tighearn, Cha-n'èil maighstir orra so; pilleadh gach fear d'a thigh féin ann an sìth.

17 (Agus thubhairt rìgh Israeil ri Iehosaphat, Nach d'innis mi dhuit, nach deanadh e faistneachd mu m' thimchioll-sa air maith, ach air ole?)

18 A ris thubhairt e, Uime sin éisdibh ri focal an Tighearna: Chunnaic mise an Tighearn 'n a shuidhe air a rìgh-chaitheir, agus nì shlòigh nan nèamh 'n an seasamh air a làmh dheis agus air a làmh chlì.

19 Agus thubhairt an Tighearn, Cò a chuireas impidh air Ahab rìgh Israeil, a chum gu'n téid e suas, agus gu'n tuit e ann an Ramot-gilead? Agus labhair aon, ag ràdh mar so, agus aon eile ag ràdh mar sud.

20 Agus thàinig spiorad a mach, agus sheas e 'am fiannis an Tighearna, agus thubhairt e, Cuiridh mise impidh air. Agus thubhairt an Tighearn ris, Cia leis?

21 Agus thubhairt esan, Théid mi mach, agus bithidh mi a'm' spiorad bréige ann am beul 'fhàidhean uile. Agus thubhairt an Tighearn, Cuiridh tu impidh air, agus mar an ceudna buaidhiehidh tu: imich, agus dean mar sin.

22 A nis uirne sin, feuch, chuir an Tighearn spiorad bréige ann am beul nam fàidh sin agad, agus labhair an Tighearn ole mu d' thimchioll.

23 An sin chaidh Sedeciah mac Chenaanah am fagus, agus bluail e Micaiah air a' ghiall, agus thubhairt e, Cia an taobh a chaidh spiorad an Tighearn' uamsa a labhair riutsa?

24 Agus thubhairt Micaiah, Feuch, chit thu 's an là sin air an téid thu steach do sheòmar-eùil gu d'fhalachadh féin.

25 An sin thubhairt rìgh Israeil, Glacaidh Micaiah, agus thugaibh air ais e gu h-Aon uachdarana' bhaile, agus gu loas mac an rìgh;

26 Agus abraibh, Mar so thubhairt an rìgh, Cuiridh am fear so anns a' phrìosan, agus beathaichibh e le aran airce, agus le uisge airce, gus am pill mise ann an sìth.

27 Agus thubhairt Micaiah, Ma philleas tusa idir ann an sìth, eha do labhair an Tighearn leamsa. Agus thubhairt e, Eisdibh a shlòigh uile.

28 Uime sin chaidh rìgh Israeil, agus Iehosaphat rìgh Iudah, suas gu Ramot-gilead.

29 Agus thubhairt rìgh Israeil ri Iehosaphat, Cuiridh mise mi féin ann an coslas eile, agus théid mi steach do'n chath; ach cuir thusa d'earradh *rìoghail* ort. Agus chuir rìgh Israeil e féin ann an coslas eile, agus chaidh e steach do'n chath.

30 A nis dh'aithean rìgh Shiria do cheannardaibh nan carbad a *bha* aige, ag ràdh, Na cogaibh ris a' bheag, no ris a' mhòr, ach ri rìgh Israeil a mliàn.

31 Agus an uair a chunnaic ceannardan nan carbad Iehosaphat, thubhairt iad, *Is* e so rìgh Israeil: uime sin thàinig iad mu'n cuairt air a chogadh. Ach ghlaodh Iehosaphat a mach, agus chuidich an Tighearn leis, agus dh'aom Dia iad *gu falbh* uaithe.

32 Oir an uair a chunnaic ceannardan nan carbad nach b'e rìgh Israeil a bha ann, phill iad o a leantuinn.

33 Agus tharruing fear a bhogha air thuairmeis, agus bhuail e rìgh Israeil cadar altan na lùirich: uime sin thubhairt e r'a charbadair, Tionndaidh do làmh, agus thoir a mach as an fheachd mi; oir tha mi leònte.

34 Ach mheudaich an cath air an là sin: uime sin dh'fhan rìgh Israeil suas 'n a charbad an aghaidh nan Sirianaich gu ruig am feasgar; agus fhuair e bàs mu àm dol fodha na gréine.

CAIB. XIX.

1 *Thug Iehu achmhasan do Iehosaphat a chionn gu'n do chuidich e le Ahab.* 4 *Chaidh Iehosaphat a mach air feadh an t-sluaigh, agus shuidh e breithcamhan ann an ùr.* 6 *Theagaisg e dhoibh an dleasdanas.*

AGUS phill Iehosaphat rìgh Iudah a dh'ionnsuidh a thighe ann an sìth gu h-Ierusalem.

2 Agus chaidh Iehu mae Hanani am fear-

seallaidh a mach 'n a choimnigh, agus thubhairt e ri rìgh Iehosaphat, An buineadh dhuit-sa an t-aingidh a chuideachadh, agus iadsan a ghràdhachadh a dh'fhuathaicheas an Tighearn? uime sin *tha* fearg riut o làthair an Tighearna.

3 Ach fhuaradh nithean maithe annad, a thaobh gu'n do chuir thu air falbh na d'ir-eachau as an tìr, agus gu'n d'ulluich thu do chridhe a dh'iarraidh Dhé.

4 Agus ghabh Iehosaphat còmhnuidh ann an Ierusalem: agus chaidh e mach a ris air feadh an t-sluaigh, o Bhceir-sèba gu sliabh Ephraim, agus thug e air an ais iad a dh'ionnsuidh an Tighearna Dé an aithrichean.

5 Agus shuidhich e breitheamhnan anns an tìr, air feadh uile bhailtean daingnichie Iudah, anns gach baile fa leth.

6 Agus thubhairt e ris na breitheamh-naibh, Thugaibh an aire cìod a ni sibh, oir cha-n ann air son duine a tha sibh a' tabhairt breth, ach air son an Tighearna; agus *tha e fèin* maille ribh anns a' bhreithcanas.

7 A nis ma ta bitheadh eagal an Tighearn' oirbh; thugaibh an aire agus bithibh a' deònamh; oir maille ris an Tighearn ar Dia cha-n'eil euceart, no bàigh ri neach seach a chéile, no gabhail duaise.

8 Agus mar an ceudna ann an Ierusalem shuidhich Iehosaphat *cuid* de na Lebhithich, agus *de* na sagartaibh, agus de cheann-aibh theaghlach Israeil, air son breitheanas an Tighearn', agus gu consachadh *a chrioch-nachadh* an uair a phill iad gu h-Ierusalem.

9 Agus thug e sparradh dhoibh, ag ràdh, Mar so ni sibh ann an eagal an Tighearn', aun an ionracas, agus le cridhe ionlan.

10 Agus ge b'e chis a thig d'ur n-ionnsuidh o bhrù bràithribh a tha 'còmhnuidh 'n am bailtibh, eadar fuil agus fuil, eadar lagh agus àithean, reachdan agus breithe-eanas, bheir sibh rabhadh dhoibh nach dean iad eusaontas an aghaidh an Tighearn', agus gu'n tig fearg oirbhse agus air bhrù bràithribh: deanaibh mar so, agus cha chiontaich sibh.

11 Agus, feuch, *tha* Amariah an t-àrd shagart os bhrù ceann ann an uile ghnòth-uichibh an Tighearna; agus Sebadiah mac Is-maeil 'n a cheannard air tigh Iudah ann an uile ghnòth-uichibh an rìgh; agus na Lebhithich 'n an luchd-riaghlaidh 'n ur fianuis. Bithibh misneachail, agus deannaibh; agus bithidh an Tighearn maille ris a' mhaith.

CAIB. XX.

1 *Thàinig na Moabaich agus na h-Amonaich gu cath an aghaidh Iudah.* 5 *Urnuigh Iehosaphat.* 14 *Fàisteachd Iahasiel.* 22 *Bhuail eadh clann Amoin agus Mhoab le h-àr mòr.* 26 *Bheannaich an sluagh an Tighearn, agus phill iad gu h-Ierusalem.*

AGUS an déigh nan nithean so thàinig clann Mhoab, agus clann Amoin, agus

maille riù cuid de na h-Edomaich, an aghaidh Iehosaphait gu cath.

2 Agus thàinig *teachdairean*, agus dh'innis iad do Iehosaphat, ag ràdh, Tha sluagh mòr a' teachd ort a nall thar fairge, agus o Edom; agus, feuch, *tha* iad ann an Haseon-tamar; *is e* sin En-gedi.

3 Agus bha eagal air Iehosaphat, agus chuir e 'aghaidh a dh'iarraidh an Tighearn', agus ghaire e trasgadh air feadh Iudah uile.

4 Agus chruinnicheadh Iudah 'an ceann a chéile a dh'iarraidh *còmhnuidh* o'n Tighearn: eadhon á uile bhailtibh Iudah thàinig iad a dh'iarraidh an Tighearna.

5 Agus sheas Iehosaphat ann an coimhthional Iudah agus Ierusalem, ann an tigh an Tighearna, fa chomhair na cùirte nomha.

6 Agus thubhairt e, a Tighearna Dhé ar n-aithrichean nach tusa Dia anns na nèamhan? agus *nach 'eil* thu a' riaghladh os ceann uile rìoghachdan nan cinncach? agus ann ad làimh-sa *nach 'eil* neart agus cumhachd, air chor as nach 'eil neach air bith comasach air seasamh a' d'aghaidh?

7 Nach tusa ar Dia-ne, a dh'fhògair a mach luchd-àiteachaidh na tìre so roimh do shluagh Israel, agus a thug i do shlichd Abraham do charaid gu bràth?

8 Agus ghabh iad còmhnuidh innte, agus thog iad air do shonsa innte ionad naomh, air son d'aime-sa, ag ràdh,

9 Ma thig ole air bith oirnn, claidheamh, breitheanas, no plàigh, no gorta, seasaidh sinn fa chomhair an tìghe so, agus ann ad fhianuis-sa, (oir *tha* d'aime anns an tigh so,) agus glaothaidh sinn riut 'n ar teinn, agus eisidh tusa, agus saoraidh tu sinn.

10 Agus a nis, feuch, *tha* clann Amoin, agus Mhoab, agus sléibh Sheir, aig nach do leig thu le h-Israel dol troimh an crìochan, 'n uair a thàinig iad á tìr na h-Eiphit, ach thionndaidh iad uatha, agus cha do sgrios siad iad:

11 Feuch a nis, *mar a tha* iad a' toirt luigheachd dhuinn, le teachd gus ar tilgeadh a mach á d'oghreachd, a thug thu dhuinn r'a seallbhachadh.

12 O ar Dia, nach toir thu breth orra? oir cha-n'eil neart againne an aghaidh an t-sluaigh mhòir so, a tha 'teachd oirnn: agus cha-n'eil fhios againn cìod a ni sinn; ach ortsa *tha* ar suilean.

13 Agus sheas Iudah uile 'am fianuis an Tighearna; mar an ceudna an òigridh, am mnathan, agus an clann.

14 Agus air Iahasiel, mac Shechariah, mhic Bhenaiah, mhic Ichiel, mhic Mhathaniah, Lebhithich de mhacaibh Asaiph, bha spiorad an Tighearna, ann am meadhan a' choimhthionail:

15 Agus thubhairt e, Eisidibh *riumsa*, a Iudah uile, agus a luchd-àiteachaidh Ierusalem, agus tlusa a rìgh Iehosaphait: Mar

so tha'n Tighearn ag ràdh ribh, Na bitheadh eagal no faitheas oirbh air son an t-sluaigh mhòir so; oir cha leibhse an cath, ach le Dia.

16 Am màireach rachaibh sìos 'n an aghaidh: feuch, *tha* iad a' teachd a nìos rathad uchdaich Shids; agus gheibh sibh iad aig ceann an t-srutha, fa chomhair fàsaich Ierueil.

17 Cha *bhà* cath agaibh r'a chur an so; a mhàin thigibh a lathair, seasaibh, agus faicibh saorsa an Tighearna maille ribh, a Iudah, agus a Ierusalem: na bitheadh eagal no faitheas oirbh; am màireach rachaibh a mach 'n an aghaidh, agus *bithidh* an Tighearn maille ribh.

18 Agus chrom Iehosaphat a cheann, le 'aghaidh gu làr; agus thuit Iudah uile, agus luchd-àiteachaidh Ierusalem, sìos 'am fianuis an Tighearn', a' deanamh aoraidh do'n Tighearn.

19 Agus dh'éirich na Lebhithich de chloinn nan Cohatach, agus de chloinn nan Corhach, suas a mholadh an Tighearna Dé Isracil le guth mòr, gu h-àrd.

20 Agus dh'éirich iad gu moch anns a' mhaduinn, agus chaidh iad a mach gu fasach Thecoa: agus an uair a *bha* iad a' dol a mach, sheas Iehosaphat agus thubhairt e, Eisdibh riumsa, a Iudah, agus a luchd-àiteachaidh Ierusalem; Creidibh anns an Tighearn bhur Dia, agus daingnichear sibh; creidibh 'fhàidhean, agus soirbhichidh leibh.

21 Agus an uair a thug e comhairle do'n t-sluaigh, dh'orduich e luchd-seinn do'n Tighearn, agus daoine a mholadh maise na naomhachd, an uair a thigeadh iad a mach roimh an armailt, agus a theircadh, Thugaibh buidheachas do'n Tighearn, oir gu bràth *mairidh* a thròcair.

22 Agus an uair a thòisich iad air seinn agus air moladh, chuir an Tighearn luchd feall-fholaich an aghaidh chloinn Amoin, agus Mhoib, agus sléibh Sheir, a thàinig an aghaidh Iudah; agus bhuaileadh iad:

23 Oir sheas clann Amoin agus Mhoib suas an aghaidh luchd-àiteachaidh sléibh Sheir, chum *am* marbhadh agus *an* sgrios gu tur; agus an uair a chuir iad as do luchd-àiteachaidh Sheir, chuidich iad gach aon diubh gus a chéile a sgrios.

24 Agus an uair a thàinig Iudah làimh ri tùr na faire anns an fhàsach, dh'amhairc iad air an t-sluaigh mhòr, agus, feuch, *bha* iad 'n an corpaibh marbha air tuiteam gu talamh, agus cha deachaidh duine as diubh.

25 Agus thàinig Iehosaphat agus a shluaigh a thoirt leo an creiche; agus fhuair iad 'n am measg ann am pailteas araon beartas maille ris na corpaibh marbha, agus scudan luachmhor a thug iad dhiubh air an son féin, tuilleadh as a b'urrainn iad iomchar

leo: agus bha iad trì làithean ann an cruinn-eachadh na creiche; oir *bha* i mòr.

26 Agus air a' cheathramh là chruinnich-eadh iad 'an ceann a chéile ann an gleann Bherachah; oir an sin bhèannaich iad an Tighearn: uime sin thugadh mar ainm air an àite sin gleann Bherachah, gus an là'n diugh.

27 An sin phill fir Iudah agus Ierusalem uile, agus Iehosaphat air an ceann, a dhol air an ais gu h-Ierusalem le gairdeachas; oir thug an Tighearn orra gairdeachas a dheanamh os ceann an naimhdean.

28 Agus thàinig iad gu h-Ierusalem le saltairibh, agus le clàrsaichibh, agus le trompaidibh, a dh'ionnsuidh tighe an Tighearna.

29 Agus bha eagal Dhé air uile rìoghachdaibh nan dùchannan *sin*, an uair a chual' iad gu'n do chog an Tighearn an aghaidh naimhdean Israeil.

30 Agus bha rìoghachd Iehosaphat sàmhach; oir thug a Dhia fois dha air gach taobh.

31 Agus rìghich Iehosaphat os ceann Iudah: cùig bliadhna deug thar fhichead a dh' aois *bha* e 'n uair a thòisich e air rìoghachadh, agus rìghich e cùig bliadhna fichead ann an Ierusalem: agus *b'e* ainm a mhàthar Asubah, nighean Shilhi.

32 Agus ghluais e ann an slighe Asa 'athar, agus cha do dhealaich e rithe, a' deanamh an *nì* a *bha* ceart ann an sùilbh an Tighearna.

33 Ach cha d'thugadh air falbh na h-àitean àrda; oir fathast cha d'ulluich an sluagh an cridhe air son Dhé an aithrichean.

34 A nis a' chuid eile de ghniomharaibh Iehosaphat, an tòiseach agus mu dheireadh, feuch, *tha* iad sgrìobhta ann am briathraibh Iehu mhic Hanani, a chuir e sìos ann an Icabhar rìghrean Israeil.

35 Agus 'n a dhéigh so rinn Iehosaphat rìgh Iudah coimhcheangal ri Ahasiah rìgh Israeil, a bha olc 'n a dheanadas.

36 Agus rinn e coimhcheangal ris longan a dheanamh a rachadh gu Tarsis; agus rinn iad na longan ann an Esion-geber.

37 Ach rinn Eliesar, mac Dhodabhah o Mharesah, fàistneachd an aghaidh Iehosaphat, ag ràdh, A chionn gun d'rinn thu coimhcheangal ri Ahasiah, bhris an Tighearn d'òibre. Agus bhriseadh na longan, agus cha b'urrainn iad dol gu Tarsis.

CAIB. XXI.

1 *Fhuair Iehosaphat bàs, agus rìghich Iehoram 'n a àit.* 4 *Mharbh Iehoram a bhràithrean.* 8 *Rinn Edom agus Libnah ceannairc 'n a aghaidh.* 16 *Chreach na Philistich e agus rinn iad ainneart air.* 18 *A bhàs, agus 'adhlac.*

AGUS choidil Iehosaphat maille r' aithrichibh, agus dh'adhlac e maille r'a aithrichibh ann am baile Dhaibhidh: agus rìghich Iehoram a mhac 'n a àit.

2 Agus *bha* bràithrean aige san, mic Iehosaphait, Asariah, agus Iehiel, agus Sechariah, agus Asariah, agus Michael, agus Septhiah: *b'iad* sin uile mic Iehosaphait, rìgh Iudah.

3 Agus thug an athair dhoibh iomadh tiodhlac airgid agus òir, agus nithean luachmhor, maille ri bailtibh daingnichte ann an Iudah; ach thug e an rìghachd do Iehoram, a chionn gu'm *b'e* an ceud-ghin e.

4 Agus an uair a dh'éirich Iehoram suas gu rìghachd 'athar, agus a dhaingnich se e féin, mharbh e a bhràithrean uile leis a' chlaidheamh, agus mar an ceudna *feadhain* de uachdaranaibh Israeil.

5 Dà bhliadhna dheug thar fhichead a dh'aois *bha* Iehoram an uair a thòisich e air rìghachadh, agus rìghich e ochd bliadhna ann an Ierusalem.

6 Agus ghluais e ann an slighe rìghrean Israeil, mar a rinn tigh Ahaib; oir bha nighean Ahaib 'n a mnaoi aige: agus rinn e olc ann an sùilbhan Tighearna.

7 Gidheadh, cha b'àill leis an Tighearna tigh Dhaibhidh a sgrios, air sgàth a' choimhcheangail a rinn e ri Daibhidh, agus gu'n do gheall e solus a thabhairt da féin agus d'a mhacaidh gu bràth.

8 'N a làithibh-san dh'éirich na h-Edomaich o *bhi* fo làimh Iudah, agus rinn iad rìgh os an ceann féin.

9 Agus chaidh Iehoram a mach le 'cheannardaibh, agus a charbadan uile maille ris: agus dh'éirich e 's an oidhche, agus bhuail e na h-Edomaich a thàinig mu'n cuairt air, agus ceannardan nan carbad.

10 Gidheadh, dh'éirich na h-Edomaich o *bhi* fo làimh Iudah gus an là'n diugh. Agus dh'éirich Libnah 's an àm cheudna o *bhi* fo a làimh, a chionn gu'n do thréig e an Tighearna Dia 'aithrichean.

11 Mar an ceudna rinn e àitean àrda ann an sléibhtibh Iudah, agus thug e air luchd-àiteachaidh Ierusalem striopachas a dheanamh, agus tharruing e Iudah a dh'ionnsuidh sin.

12 Agus thàinig sgrìobhadh d'a ionnsuidh o Eliah am fàidh, ag ràdh, Mar so tha'n Tighearna, Dia Dhaibhidh d'athar, ag ràdh, A chionn nach do ghluais thu ann an slighibh Iehosaphait d'athar, no ann an slighibh Asa rìgh Iudah,

13 Ach gu'n do ghluais thu ann an slighe rìghrean Israeil, agus gu'n d'thug thu air Iudah agus luchd-àiteachaidh Ierusalem striopachas a dheanamh, cosmhuil ri striopachas tìghe Ahaib, agus mar an ceudna gu'n do mharbh thu do bhràithrean de thigh d'athar, a b'fhearr na thu féin:

14 Fench, buailidh an Tighearna le plàigh mhòr do shluagh, agus do chlànn, agus do mhnathan, agus do mhaoin uile.

15 Agus *bithidh* tu ann an tinneas mòr le eucail do mhionaich, gus an tuit

do mhionach a mach leis an eucail. o là gu là.

16 Uime sin bhrosnaich an Tighearna an aghaidh Iehoraim spiorad nam Philisteach, agus nan Arabach, a *bha* làimh ris na h-Etiopaich:

17 Agus thàinig iad a nìos gu Iudah, agus bhris iad a steach innte, agus thug iad leo a' mhaoin uile a fhuaradh ann an tigh an rìgh, agus mar an ceudna a mhie agus a mhnathan; air chor as nach d'fhàgadh mae aige ach Ahasiah a mhac a b'òige.

18 Agus 'n a dhéigh so uile bhuail an Tighearna e 'n a mhionach le h-eucail nach gabhadh leigheas.

19 Agus an déigh làithean àraidh, 'an ceann dà bhliadhna, thuit a mhionach a mach le 'eucail, agus fhuair e bàs le droch ghalaraidh; agus cha d'rinn a shluagh losgadh air a shon cosmhuil ri losgadh 'aithrichean.

20 Dà bhliadhna dheug thar fhichead a dh'aois bha e 'n uair a thòisich e air rìghachadh, agus rìghich e ochd bliadhna ann an Ierusalem agus shiubhail e gun déidh sam bith air; agus dh'adhlac iad e ann an baile Dhaibhidh, ach cha b'ann 'an àitibh-adhlac nan rìghrean.

CAIB. XXII.

1 Rìghachadh aingidh Ahasiah. 5 Rinn e comhcheangal ri Iehoram, agus mharbhadh e le Iehu mac Nimsi. 10 Chuir Ataliah an sliochd rìghail gu bas, agus rìghich i os ceann na tìre.

AGUS rinn luchd-àiteachaidh Ierusalem Ahasiah a mhac a b'òige 'n a rìgh 'n a àit: oir mharbh a' bhuidheann a thàinig maille ris na h-Arabaich do'n champ na mic a bu shine uile. Agus rìghich Ahasiah mac Iehoram, rìgh Iudah.

2 Dà bhliadhna thar fhichead a dh'aois bha Ahasiah 'n uair a thòisich e air rìghachadh, agus rìghich e aon bhliadhna ann an Ierusalem: agus *b'e* aium a mhàthar Ataliah nighean Omri.

3 Ghluais esan mar an ceudna ann an slighibh tìghe Ahaib; oir bi 'mhàthair a chomhairliche a dheanamh uile.

4 Air an aobhar sin rinn e olc ann an sùilbhan Tighearna, cosmhuil ri tigh Ahaib; oir b'iad sin a chomhairlichean an déigh bàis 'athar, chum a sgrios.

5 Ghluais e mar an ceudna a réir an comhairle, agus chaidh e maille ri Iehoram, mac Ahaib rìgh Israeil, a chogadh an aghaidh Hasaile rìgh Shiria ann an Ramot-gilead: agus lot na Sirianaich Ioram.

6 Agus phill e gu bhì air a leigheas ann an Iesreel o na lotaibh a thug iad dha ann an Ramah, an uair a chòmhraig e an aghaidh Hasaile rìgh Shiria. Agus chaidh Ahasiah mac Iehoram, rìgh Iudah, sìos a dh'fhaicinn Ioraim mhie Ahaib ann an Iesreel, a chionn gu'n robh e tinn.

7 Agus b'ann o Dhia'bha sgrios Ahasiah, le 'theachd gu Ioram: oin an uair a thàinig e, chaidh e mach maille ri Iehoram an aghaidh Iehu mhic Nimsi, a dh'ung an Tighearn a ghearradh as tighe Ahaib.

8 Agus an uair a bha Iehu a' dcanamh breitheanais air tigh Ahaib, agus a fhuair e uachdarain Iudah, agus micbhràithrean Ahasiah, a fhrithheil do Ahasiah, mharbh e iad.

9 Agus dh'iarr e Ahasiah; agus ghlac iad e, agus e 'am folach ann an Samaria: agus thug iad e dh'ionnsuidh Iehu, agus mharbh iad e, agus dh'adhlac iad e, a chionn, thubhairt iad, gur e mac Iehosaphat e, a dh'iarr an Tighearn le 'uile chridhe. Agus cha robh e 'n comas do thigh Ahasiah an rìoghachd a ghleidheadh ni b'fhaide.

10 Agus an uair a chunnaic Ataliah, màthair Ahasiah, gu'n robh a mac mharbh, dh'èirich i, agus sgrios i uile shliochd rìoghail tighe Iudah.

11 Agus ghabh Iehosabet, nighean an rìgh, Ios mac Ahasiah, agus ghoid i e á measg mhac an rìgh a mharbhadh, agus chuir i e féin agus a bhanaltrum ann an seòmar nan leapaichean. Mar sin dh'fhol-aich Iehosabet, nighean rìgh Iehoraim, bean Iehoiada an t-sagairt e (oir b' piuthar Ahasiah i) o Ataliah, air chor as nach do mharbh i e.

12 Agus bha e maille ri 'am folach ann an tigh Dhé ré shè bliadhna; agus Ataliah a' rìoghachadh os ceann na tìre.

CAIB. XXIII.

1 Rinn Iehoiada Ios 'n a rìgh. 12 Chuireadh Ataliah gu bàs. 16 Bhriseadh altairean agus dealbhan Bharil. 20 Shuidhich Iehoiada Ios air an rìgh-chàithir.

AGUS anns an t-scachdamh bliadhna neartaich Iehoiada e féin, agus ghabh e na ceannardan cheud, Asariah mac Ierohaim, agus Ismael mac Iehohanain, agus Asariah mac Obeid, agus Maaseiah mac Adaiah, agus Elisaphat mac Shichri, a steach ann an coimhcheangal ris.

2 Agus chaidh iad mu'n cuairt ann an Iudah, agus chruinnich iad na Lebhithich a mach á uile bhailtibh Iudah, agus cinn aithrichean Israeil, agus thàinig iad gu h-Ierusalem.

3 Agus rinn an coimhthional uile coimhcheangal ris an rìgh ann an tigh Dhé: agus thubhairt e ri u. Feuch, rìghachidh mac an rìgh, mar a thubhairt an Tighearn mu mhac-aibh Dhaibhidh.

4 So an ni a ni sibh: *Bithidh* an treas cuid dhìbhse a théid a steach air an t-sàbaid, de na sagartaibh agus de na Lebhithich, 'n an luchd-gleidhidh nan dorsan:

5 Agus *bithidh* trian aig tigh an rìgh; agus trian aig geata na bunaite: agus *bithidh* an sluagh uile ann an cùirtibh tighe an Tighearna.

6 Ach na tìgeadh a steach do thigh an Tighearn' ach na sagartan, agus iadsan de na Lebhithich a fhrithchealas; théid iadsan a steach, oir *tha* iad naomha: ach coimhididh an sluagh uile faire an Tighearna.

7 Agus cuairtichidh na Lebhithich an rìgh air gach taobh, gach fear le 'airm 'n a làimh; agus ge b'e neach a thig a steach do'n tigh, cuircar gu bàs e: ach bithibhse maille ris an rìgh, 'n uair a thig e steach, agus an uair a théid e mach.

8 Agus rinn na Lebhithich, agus Iudah uile, a réir nan uile *nithean* a dh'èithn Iehoiada an sagart, agus ghabh iad gach fear a dhaoine féin a bha gu teachd a steach air an t-sàbaid, maille ri-san a bha gu dol a mach air an t-sàbaid; oir cha do leig Iehoiada an sagart air falbh na roinnean.

9 Agus thug Iehoiada an sagart do na ceannardaibh-cheud sleaghan, agus sgiathan, agus targaidean, a *bh'aig* rìgh Daibhidh, a *bha* ann an tigh Dhé.

10 Agus chuir e an sluagh uile, gach fear le 'ghath 'n a làimh, o thaobh deas an tighe gu ruig taobh clì an tighe, làimh ris an altair agus an tigh, mu'n cuairt air an rìgh.

11 Agus thug iad a mach mac an rìgh, agus chuir iad an crùn air, agus *thug iad dha* an fhianuis, agus rinn iad 'n a rìgh e: agus dh'ung Iehoiada agus a mhic e, agus thubhairt iad, Gu ma fada beò an rìgh.

12 Agus an uair a chual' Ataliah fuaim an t-sluaigh a' ruith cuideachd, agus a' moladh an rìgh, thàinig i dh'ionnsuidh an t-sluaigh, a steach do thigh an Tighearna.

13 Agus dh'amhair e i, agus, feuch, sheas an rìgh làimh r'a phost aig an dol a steach, agus na h-uachdarain agus na trompaidean làimh ris an rìgh; agus rinn uile shluaigh na tìre gairdeachas, agus rinn iad fuaim le trompaidibh, agus an luchd-seinn le h-innealaibh-ciùil, agus iadsan a bha eòlach air moladh: agus reub Ataliah a h-eudach, agus thubhairt i, Foill! Foill!

14 An sin dh'èithn Iehoiada an sagart do na ceannardaibh-cheud a chuireadh os ceann an t-slàigh, agus thubhairt e ri u. Thugaibh a mach i an taobh a muigh de na sreathaibh; agus ge b'e neach a leanas i, mharbh leis a chlaidheamh e: oir thubhairt an sagart, Na cuiribh gu bàs i ann an tigh an Tighearna.

15 Agus thug iad comas di; agus an nair a thàinig i gu dol a stigh geata nan each aig tigh an rìgh, mharbh iad an sin i.

16 Agus rinn Iehoiada coimhcheangal eadar e féin, agus an sluagh gu léir, agus an rìgh, gu'm bitheadh iad 'n an sluagh aig an Tighearn.

17 Agus chaidh an sluagh uile a stigh do thigh Bhaail, agus leag iad sìos e, agus bhris iad 'altairean agus a dhealbhan gu tur, agus mharbh iad Matan sagart Bhaail fa chomhair nan altair.

18 Agus shuidhich Iehoiada luchd-riaghlaidh tighe an Tighearna le làimh nan sagart agus nan Lebbitheach, a roinn Daibhidh ann an tigh an Tighearna, chum ìobairtean-loisgte an Tighearn' ìobradh, mar *tha* e sgrìobhta ann an lagh Mhaois, le gairdeachas agus le seinn, a rèir orduigh Dh'haibhidh.

19 Agus shuidhich e na dorsairean aig geataibh tighe an Tighearna, chum nach rachadh neach air bith a stigh, a *bha* nedghlan ann an nì air bith.

20 Agus ghabh e na ceannardan-cheud, agus na h-àrd uaislean, agus uachdarain an t-sluaigh, agus uile shluagh na tire, agus thug iad a nuas an rìgh o thigh an Tighearn'; agus thàinig iad troimh 'n gheata àrd a steach do thigh an rìgh, agus chuir iad an rìgh 'n a shuidhe air rìgh-chaitheir na rìoghachd.

21 Agus rinn uile shluagh na tire gairdeachas: agus bha'm baile samhach, an déigh dhoibh Ataliah a mharbhadh leis a' chlaidheamh.

CAIB. XXIV.

1 *Dh'orduigh Ioaas do na sagartaibh agus do na Lebbithich tigh an Tighearn' a chàradh.* 15 *Bàs Iehoiada* 17 *Thréig Ioaas lagh Dhé, agus mharbh e Sechariah mac Iehoiada.* 23 *Chreach na Sirianaich Ierusalem.* 25 *Mharbh a sheirbhisich Ioaas, agus rìghich Amasiah o m'haic 'n a àit.*

SEACHD bliadhna dh'aois *bha* Ioaas an uair a thòisich e air rìoghachadh. agus rìghich e dà fhichead bliadhna ann an Ierusalem: agus *b'e* ainm a mhàthar Sibia o Bheerseba.

2 Agus rinn Ioaas an *nì a bha* ceart ann an suilibh an Tighearna ré uile làithean Iehoiada an t-sagairt.

3 Agus ghabh Iehoiada air a shon dà mhnaoi, agus ghin e mic agus nigheanan.

4 Agus 'n a dhéigh so bha e ann an inntinn Ioaas tigh an Tighearn' a chàradh.

5 Agus chruinnich e ri 'chéile na sagartan agus na Lebbithich, agus thubhairt e riu, Rachaidh a mach do bhailtibh Iudah, agus cruinnichibh o Israel uile airgid a chàradh tighe bhuir Dé o bhliadhna gu bliadhna, agus faicibh gu'n dean sibh cabhag 's a' ghnòthuch. Gidheadh cha d'rinn na Lebbithich cabhag.

6 Agus ghairm an rìgh Iehoiada an t-àrd-shagart, agus thubhairt e ris, C'ar son nach d'iarr thu air na Lebbithich cìs Mhaois, èglaich an Tighearn', a thoirt a steach o Iudah, agus o Ierusalem, agus o choimh-thional Israeil, air son pàilliuin na fianuis?

7 Oir bhris mic na droch mhnà Ataliah sìos tigh Dhé; agus mar an ceudna uile nithean coisrigte tighe an Tighearna thug iad seachd do Bhaalim.

8 An sin air àithne an rìgh rinn iad ciste,

agus chuir iad i aig geata tighe an Tighearn' air an taobh a muigh.

9 Agus thug iad gairm air feadh Iudah agus Ierusalem, cìs Mhaois, èglaich Dhé, a *chuir e* air Israel anns an fhàsach, a thoirt a steach do'n Tighearn.

10 Agus rinn na h-uachdarain uile agus an sluaigh uile gairdeachas, agus thug iad leo, agus thilg iad anns a' chiste, gus an do lionadh i.

11 Agus an uair a thugadh a' chiste steach a dh'ionnsuidh luchd-riaghlaidh an rìgh le làimh nan Lebbitheach, agus a chuanaic iad gu'n *robh* mòran airgid *innte*, an sin thàinig sgrìobhaich an rìgh agus fear-riaghlaidh an àrd-shagairt, agus dh'fhal-amhuich iad a' chiste, agus ghabh iad i, agus thug iad air a h-ais i d'a h-àite féin. Mar sin rinn iad o là gu là, agus chruinnich iad airgid ann am pailteas.

12 Agus thug an rìgh agus Iehoiada e dhoibhsan a rinn obair seirbhis tighe an Tighearn', agus thuarasdalaich iad luchd-snaithidh *chlach* agus saoir a chàradh tighe an Tighearn', agus mar an ceudna luchd-oibre ann an iarunn agus 'an umha a dheanamh suas tighe an Tighearna.

13 Agus dh'oibrich an luchd-oibre, agus choimhlonadh an obair le'n làimh; agus rinn iad suas tigh an Tighearna co cheart as a bha e roimhe, agus dhaingnich iad e.

14 Agus an uair a chrìochnaich iad an obair, thug iad na dh'fhagadh de'n airgid an làthair an rìgh agus Iehoiada, agus rinn iad soithichean deth do thigh an Tighearna. soithichean-frithealaidh nan ìobairt-loisgte, agus spàinean, agus soithichean òir agus airgid: agus dh'ìobair iad ìobairtean-loisgte a ghnàth ann an tigh an Tighearna, ré uile làithean Iehoiada.

15 Ach dh'fhàs Iehoiada sean, agus bha e làn de làithibh, agus fhuair e bàs: ceud agus deich bliadhna fichead a dh'aois *bha e* 'n uair a fhuair e bàs.

16 Agus dh'adhlac iad e ann am baile Dhaibhidh maille ris na rìghribh, a chioun gu'n d'rinn e maith ann an Israel, araon a thaobh Dhé, agus a thaobh a thighe.

17 Agus an déigh bàis Iehoiada, thàinig uachdarain Iudah, agus rinn iad ùmhlachd do'n rìgh. An sin dh'éisd an rìgh riu.

18 Agus thréig iad tigh an Tighearna Dé an aithrichean, agus rinn iad seirbhis do dhoircachaibh agus do dh'calbhaibh: agus thàinig fearg air Iudah agus Ierusalem air son an cionta.

19 Gidheadh chuir e fàidhean d'an ionnsuidh, gu'n toirt air an aise a dh'ionnsuidh an Tighearn'; agus rinn iad fianuis 'n an aghaidh, ach cha d'éisd iadsan riu.

20 Agus thàinig spiorad an Tighearn' air Sechariah mac Iehoiada an t-sagairt, agus sheas e os ceann an t-sluaigh, agus thubhairt e riu, Mar so tha Dia ag ràdh, C'ar son

a *tha* sibh a' briseadh àitheantan an Tighearna? rime sin cha soirbhich sibh. A chionn gu'n do thréig sibhse an Tighearn, tréigidh esan sibhse.

21 Agus chaidh iad ann an comhbhoinn 'n a aghaidh, agus chlach iad le clachaibh e, air àithne an rìgh, ann an cùirt tìghe an Tighearna:

22 Oir cha do chuimhnicheadh Ioadan an rìgh an caoimhneas a rinn Ichoiada 'athair ris, ach mharbh e a mhac: agus an uair a bha esan a' faghail a' bhàis, thubhairt e, Chì an Tighearn, agus agraidd e.

23 Agus aig ceann na bliadhna thàinig armailt Shìria nios 'n a aghaidh; agus thàinig iad gu Iudah agus gu h-Ierusalem, agus sgrios iad uile uachdarain an t-sluaigh o mheasg an t-sluaigh, agus chuir iad an creach uile dh'ionnsuidh rìgh Dhamascuis.

24 Oir le beagan dhaoine thàinig armailt Shìria, agus thug an Tighearn thairis 'n an làimh sluaigh ro mhòr, a chionn gu'n do thréig iad an Tighearn Dia an aithrichean: uime sin rinn iad breitheanas an aghaidh Ioadan.

25 Agus an uair a dh'imich iad uaith, a chionn gu'n d'fhàg iad e ann an eucailibh mòra, rinn a sheirbhisich féin ceannaire 'n a aghaidh air son fola mhic Ichoiada an t-sagairt, agus mharbh iad e air a leabaidh, agus an uair a fhuair e bàs, dh'adhlac iad e ann am baile Dhaibhidh, ach cha d'adhlac iad e ann an àitibh-adhlac nan rìghrean.

26 Agus *is* iad so iadsan a rinn ceannaire 'n a aghaidh; Sabad mac Shimeait na Banamonaich, agus Iehosabad mac Shimrit na Ban-mhoabaich, agus a mhic.

27 A nis a *thaobh* meud na cise a thog e, agus mar a rinn e suas tigh Dhé, feuch, *tha* iad sgrìobhta ann an eachdraidh leabhar nan rìghrean. Agus rìghich Amasiah a mhac 'n a àit.

CAIB. XXV.

3 *Chuir Amasiah gu bàs na daoine a mharbh 'athair.* 6 *Tiuarasdalaich e armailt á h-Israel an aghaidh nan Edomach.* 11 *Bhuail e na h-Edomach ann an gleann an t-salainn.* 22 *Choig Ioadan 'n a aghaidh, agus bhuadhach e air.* 27 *Bàs Amasiah.*

CUIG bliadhna fichead a dh'aois bha Amasiah 'n uair a thòisich e air rìoghachadh, agus rìghich e naoi bliadhna fichead ann an Ierusalem: agus b'e ainm a mhàthar Iehoodan o Ierusalem.

2 Agus rinn e an *ni a bha* ceart ann an suilibh an Tighearn, ach cha b'ann le cridhe iomlan.

3 A nis an uair a dhaingnicheadh an rìoghachd dha, mharbh e a sheirbhisich a mharbh an rìgh 'athair.

4 Ach an clann cha do mharbh e, a réir mar tha e sgrìobhta anns an lagh ann an leabhar Mhaois, far an d'aitin an Tighearn, ag ràdh, Cha chuirear na h-aithrichean gu

bàs air son nam mac, agus cha chuirear na mic gu bàs air son nan aithrichean; ach cuirear gach duine gu bàs air sou a pheacaidh féin.

5 Agus chruinnich Amasiah Iudah r'a chéile, agus rinn e iad, a réir tìghe an aithrichean, 'n an ceannardaibh mhlitean agus 'n an ceannardaibh cheud, ann an Iudah agus ann am Beniamin uile: agus rinn e an àireamh o fhichead bliadhna dh'aois agus os a cheann, agus fhuair e ann diubh trì cheud mìle *fear* taghta, a rachadh a mach gu cath, a laimhsicheadh sleagh agus sgiath.

6 Thuarasdalaich e mar an ceudna á h-Israel ceud mìle fear comasach, gaisgeil, air cheud tàlann airgid.

7 Ach thàinig duine le Dia d'a ionnsuidh, ag ràdh, A rìgh, na rachadh armailt Israeil maille riut; oir cha-n'eil an Tighearn maille ri h-Israel, eadhon maille ri cloinn Ephraim uile.

8 Ach ma's àill leat imeachd, dean, bi làidir air son a' chatha: bheir Dia ort tuiteam roimh an nàmhaid; oir tha Dia comasach air còmhadh a dheanamh, agus air tilgeadh sìos.

9 Agus thubhairt Amasiah ris an duine le Dia, Ach ciod a ni sinn mu'n cheud tàlann a thug mi do armailt Israeil? Agus fhreagair an duine le Dia, Tha'n Tighearn comasach air mòran tuilleadh na sin a thabhairt duitse.

10 An sin sgaoil Amasiah iadsan de'n armailt a thàinig d'a ionnsuidh á h-Ephraim, a chum gu'n rachadh iad d'an àite féin. Agus las am fearg gu mòr an aghaidh Iudah, agus phill iad d'an àite féin ann an corruich mhòir.

11 Agus neartaich Amasiah e féin, agus thug e mach a shluaigh, agus chaidh e gu gleann an t-salainn, agus bhuail e de chloinn Sheir deich mìle.

12 Agus deich mìle *dhiubh* ghlac clann Iudah beò, agus thug iad leo iad gu mullach carraig, agus thilg iad sìos iad o mhullach na carraig, agus bhriseadh iad gu tur.

13 Ach bhris fir na h-armailt a chuir Amasiah, air a ais, a chum nach rachadh iad maille ris gu cath, a stigh air bailtibh Iudah, o Shamaria eadhon gu ruig Betheron, agus bhuail iad trì mìle dhiubh, agus thug iad leo creach mhòr.

14 A nis an déigh do Amasiah teachd o àr nan Edomach, thug e leis diathan chloinn Sheir, agus chuir e suas iad dha féin mar dhiathaibh, agus chrom se e féin sìos rompa, agus loisg e tùis dhoibh.

15 Uime sin las fearg an Tighearn an aghaidh Amasiah, agus chuir e d'a ionnsuidh fàidh, a thubhairt ris, C'ar son a dh'iarr thu'n déigh dhiathan an t-sluaigh, nach b'urrainn an sluaigh féin a shaoradh as do làimh-sa?

16 Agus an uair a bha e a' labhairt ris, fhreagair esan e, An d'rinneadh thusa a'd' chomhairliche do'n rìgh? bi 'd' thosd; c'ar son a bhitheadh tu air do bhualadh? Agus leig am faidh dheth, agus thubhairt e, Thu fios agam gu'n do shònraich Dia air do sgrios, a chionn gu'n d'rim thu so, agus nach d'éisd thu ri m' chomhairle-sa.

17 An sin ghabh Amasiah rìgh Iudah comhairle, agus chuir e *teachdair*ean a dh'ionnsuidh Iois, mhic Iehoahais, mhic Iehu rìgh Israeil, ag ràdh, Thig, faiceamaid aghaidh a chèile.

18 Agus chuir Iois rìgh Israeil *teachdair*ean gu Amasiah rìgh Iudah, ag ràdh, Chuir am foghaman a bha ann an Lebanon *teachdair* a dh'ionnsuidh an t-seudair a bha ann an Lebanon, ag ràdh, Thoir do nighean do m' mhac-sa 'n a mnaoi: agus chaidh fiadh-bheathach seachad a bha ann an Lebanon, agus shaltair e sìos am foghannan.

19 Thubhairt thu, Feuch, bluail mi Edom, agus thog do chridhe suas thu chum uail a dheanamh: fan a nis aig do thigh: c'ar son a bhitheadh lamh agad ann an ni chum d'aimhleis, air chor as gu'n tuiteadh tu féin agus Iudah maille riut?

20 Ach cha d'éisd Amasiah ris; oir bha e o Dhia an toirt thairis 'n a làimh, a chionn gu'n d'iarr iad an déigh dhiathan Edoim.

21 Uime sin chaidh Iois rìgh Israeil suas, agus chunnaic e féin agus Amasiah rìgh Iudah aghaidh a chèile aig Bet-semes, a *bluineas* do Iudah.

22 Agus bhuaileadh Iudah roimh Israel, agus theich iad gach fear a dh'ionnsuidh a bhùtha.

23 Agus ghlac Iois rìgh Israeil Amasiah rìgh Iudah mac Iois, mhic Ahasiah, aig Betsemes, agus thug se e gu h-Ierusalem, agus bhris e sìos balla Ierusalem, o gheata Ephraim gu geata na h-oisne, ceithir cheud lamh-choille.

24 Agus ghabh e an t-òr agus an t-airgid uile, agus na soithichean uile a fhuaradh ann an tigh Dhé aig Obed-edom, agus ion-mhasan tighe an rìgh, agus braighde-gill, agus phill e gu Samaria.

25 Agus nìhair Amasiah mac Iois, rìgh Iudah, beò an déigh bàis Iois mhic Iehoahais rìgh Israeil, cùig bliadhna deug.

26 Agus a' chuid eile de ghnìomharaibh Amasiah, an toiseach agus mu dheireadh, feuch, nach 'eil iad sgrìobhta ann an leabhar rìghrean Iudah agus Israeil?

27 Ach o'n àm anns an do thionndaidh Amasiah o leantuinn an Tighearn, rinn iad ceannaire 'n a aghaidh ann an Ierusalem, agus theich e gu Lachis: ach chuir iad daoine 'n a dheigh gu Lachis, agus mharbh iad e an sin.

28 Agus thug iad leo air eachaibh e, agus

dh'adhlaid iad e maille r'a aithrichibh am baile Dhaibhidh.

CAIB. XXVI.

1 *Soirbheachadh Udsiah: 9 Na tùir a thog e ann an Ierusalem: 11 'Armait, agus 'innil-chogaidh. 16 Bhuaileadh e le luibhre air son a pheacaidhean. 22 A bheas.*

A GUS ghabh sluagh Iudah uile Udsiah, agus e sè bliadhna deug a dh'aois, agus rinn iad e 'n a rìgh 'an àit 'athar Amasiah.

2 Thog esan Eilat, agus dh'aisig se e do Iudah, an déigh do'n rìgh codal maille r'a aithrichibh.

3 Sè bliadhna deug a dh'aois bha Udsiah 'n uair a thòisich e air rìoghachadh, agus rìghich e dà bhliadhna dheug agus dà fhichead ann an Ierusalem: agus *be* ainm a mhàthar Iecolia o h-Ierusalem.

4 Agus rinn e an *ni* a bha ceart ann an sùilibh an Tighearn, a réir gach *ni* a rinn Amasiah 'athair.

5 Agus dh'iarr e Dia ann an làithibh Shechariah, a theagaisg e ann an eagall Dhé: agus fhad 's a dh'iarr e an Tighearn, thug Dia air soirbheachadh.

6 Agus chaidh e mach, agus chog e 'n aghaidh nam Philisteach, agus bhris e sìos balla Ghait, agus balla Iabneith, agus balla Asdoid; agus thog e bailtean ann an Asdod, agus am measg nam Philisteach.

7 Agus chuidich Dia leis an aghaidh nam Philisteach, agus an aghaidh nan Arabach a bha 'n an còmhnuidh ann an Gur-baal, agus nan Amonach.

8 Agus thug na h-Amonach tiodhlacan do Udsiah; agus chaidh 'ainm a mach gu ruig dol a steach na h-Eiphit, oir dh'fhas e ro chumhachdach.

9 Agus thog Udsiah tùir ann an Ierusalem aig geata na h-oisne, agus aig geata a' ghlinne, agus aig an oisinn, agus dhaingnich e iad.

10 Agus thog e tùir anns an fhàsach, agus chladhaich e mòran thobar; oir bha mòran spréidh aige, agus anns an *tir* iosail agus anns a' chòmhnaid treabhaichean, agus fion-lìosadaircan anns na sléibhtibh agus ann an Carmel, a chionn gu'n bu toigh leis tuathanachas.

11 Bha aig Udsiah mar an ceudna armait *de dhaoine* a dheanadh cogadh, a rachadh a mach gu cath 'n am buidhnibh, a réir uibhir an àireimh, le làimh Ieiel an sgrìobhaiche, agus Mhaaseiah an fhir-riaghlaidh, fo làimh Hananiah *aon* de uachdaranaibh an rìgh.

12 *Be* àireamh iomlan phrìomh aithrichcan nan daoine comasach gaisgeil, dà mhìle agus sè ceud.

13 Agus fo 'n làimh-san bha armait, tri cheud mìle agus seachd mìle agus cùig ceud, a dheanadh cogadh le treun neart, a chuidicheadh leis an rìgh an aghaidh an nàmhaid.

14 Agus dheasaich Udsiah air an son, *eadhon* do'n fheachd uile, targaidean, agus sleaghan, agus clogaidean, agus lùirichean, agus boghannan, agus cranna-tabhuill a *thilgeadh* chlach.

15 Agus rinn e ann an Ierusalem innil-chogaidh, a dhealbhadh le daoineibh ealanta, gu bhli air na tùraibh agus air oisnibh *nam ballachan*, a thilgeadh shlaighead agus chlach mòra leo; agus chaidh 'ainm a mach 'an céin, oir b'iongantach an dòigh air an do chuidicheadh leis gus an d'fhàs e cumhachdach.

16 Ach an uair a dh'fhàs e cumhachdach, thogadh a chridhe suas a chum aimhleis, agus pheacaich e an aghaidh an Tighearn' a Dhé: oir chaidh e steach do theampull an Tighearn', a losgadh tùise air altair na tùise.

17 Agus chaidh Asariah an sagart a steach 'n a dhéigh, agus maille ris ceithir fichead sagart leis an Tighearn, fir threuna;

18 Agus sheas iad an aghaidh Udsiah an rìgh, agus thubhairt iad ris, Cha *bhuin* e dhuit-sa, Udsiah, tùis a losgadh do'n Tighearn, ach do na sagartaibh, mie Aaroin, a tha air an naomhachadh a losgadh tùise: imich a mach as an ionad naomh, oir pheacaich thu, agus cha *bhi* e dhuit a chum urraim o'n Tighearn Dia.

19 Agus bha fearg air Udsiah, agus tùiseir aige 'n a làimh a losgadh tùise: agus an uair a bha fearg air ris na sagartaibh, air ball dh'èirich luibhre suas ann an clàr 'eudain, 'am fianuis nan sagart ann an tigh an Tighearn', os ceann altair na tùise.

20 Agus dh'amhaire Asariah an t-àrd shagart, agus na sagartan uile air, agus, feuch, *bha* luibhre air ann an clàr 'eudain, agus ghreas iad a mach as a sin e; agus rinn e féin mar an ceudna cabhag gu dol a mach, a chionn gu'n do bhuail an Tighearn e.

21 Agus bha Udsiah an rìgh 'n a lobhar gu là a bhàis agus ghabh e còmhnuidh ann an tigh air leth, mar fhear a bha 'n a lobhar, an uair a dhruicheadh a mach e á tigh an Tighearna: agus *bha* Iotam a mhac os ceann tìghe an rìgh, a' toirt breth air sluagh na tìre.

22 Agus a' chuid eile de ghnìomharaibh Udsiah, an toiseach agus mu dheireadh, sgrìobh Isaiah am faidh, mac Amois.

23 Agus choidil Udsiah maille r'a aithrichibh, agus dh'adhlac iad e maille r'a aithrichibh ann am magh *àit-adhlacaidh* nan rìgh: oir thubhairt iad, *Tha* e 'n a lobhar. Agus rìghich Iotam a mhac 'n a àit.

CAIB. XXVII.

1 *Rìoghachadh Iotaim*: 5 *Bhualadh* e air na h-Amonaich. 9 *Fhuair* e bàs, agus rìghich Ahas 'n a àit.

CUIG bliadhna fichead a dh'aois *bha* Iotam an uair a thòisich e air rìoghachadh, agus rìghich e sè bliadhna deug ann

an Ierusalem; agus *bha* ainm a mhàthar Ierusa, nighean Shadoic.

2 Agus rinn e an *ni a bha* ceart ann an sùilbhan an Tighearn', a réir nan uile *nithean* a rinn Udsiah 'athair; gidheadh cha deachaidh e steach do theampull an Tighearn', agus *bha'n* sluagh fathast truaillidh.

3 Thog e geata àrd tìghe an Tighearn', agus air balla Opheil thog e mòran.

4 Agus thog e bailtean ann an slèibhtibh Iudah, agus anns na coilltibh thog e caist-ealan agus tùir.

5 Agus chog e ri rìgh chloinn Amoin, agus thug e buaidh orra. Agus thug clann Amoin dha air a' bhliadhna sin féin ceud tàlan airgid, agus deich mìle tomhas crùthneachd, agus deich mìle *tomhas* eorna. So thug clann Amoin seachad da, araon air an dara bliadhna, agus *air* an treas.

6 Agus dh'fhàs Iotam cumhachdach, a chionn gu'n do dheasaich e a shlighean 'am fianuis an Tighearn' a Dhé.

7 Agus a' chuid eile de ghnìomharaibh Iotaim, agus a chogaidhean uile, agus a shlighean, feuch, *tha* iad sgrìobhta ann an leabhar rìghrean Israel agus Iudah.

8 Cùig bliadhna fichead a dh'aois *bha* e 'n uair a thòisich e air rìoghachadh, agus rìghich e sè bliadhna deug ann an Ierusalem.

9 Agus choidil Iotam maille r'a aithrichibh, agus dh'adhlac iad e ann am baile Dhaibhidh: agus rìghich Ahas a mhac 'n a àit.

CAIB. XXVIII.

1 *Rìoghachadh aingidh Ahas*. 5 *Thug* Dia thairis e do làimh rìgh Shìria agus rìgh Israeil. 9 *Chuir* clann Israeil braighdean Iudah air an ais. 20 *Shàraich* rìgh Asria Ahab. 22 'N a theanntachd chiontaich e nì bu mhò an aghaidh Dhé.

FICHEAD bliadhna dh'aois *bha* Ahas an uair a thòisich e air rìoghachadh, agus rìghich e sè bliadhna deug ann an Ierusalem: agus cha d'rinn e an *ni a bha* ceart ann an sùilbhan an Tighearna, mar a rinn Daibhidh 'athair.

2 Ach dh'imich e ann an slighibh rìghrean Israeil, agus mar an ceudna rinn e dealbhan leaghta do Bhaalim.

3 Agus loisg e tùis ann an gleann Bhenhinoim, agus loisg e a chlànn anns an teine, a réir ghràineileachdan nan cinneach a thilg an Tighearn a mach roimh chloinn Israeil.

4 Agus dh'òbair e agus loisg e tùis anns na h-àitibh àrda, agus air na cnoic, agus fo gach craoibh uaine.

5 Uime sin thug an Tighearn a Dhia thairis e 'an làimh rìgh nan Sirianach; agus bhuail iad e, agus thug iad leo mòran diubh 'n am braighdibh, agus thug siad iad gu Damascus: agus thugadh mar an ceudna thairis e 'an làimh rìgh Israeil, a bhuail e le h-àr mòr.

6 Agus mharbh Pecah mac Remaliah anu an Iudah ceud agus fichead mìle ann an aon là, fir threuna uile; a chionn gu'n do-thréig iad an Tighearn Dia an aithrichean.

7 Agus mharbh Sichi, duine treun de Ephraim, Maaseiah mac an rìgh, agus Asrican uachdarau au tìgle, agus Elcanah a b'fhaigse do'u rìgh.

8 Agus thug clann Israeil leo 'n am braighdibh d'am bràithribh dà cheud mìle, bean, mac agus nighean, agus thog iad mar an ceudna creach uhòr uatha, agus thug iad a' chreach gu Samaria.

9 Ach bha fàidh leis an Tighearn an sin d'am b'ainm Oded, agus chaidh e mach 'am fianuis an t-sòlgh a thàinig gu Samaria, agus thubhairt e riu, Feuch, a chionn gu robh fearg air an Tighearn Dia bhuir n-aithrichean ri Iudah, thug e thairis iad ann bhuir làimh-sa, agus mharbh sibh iad le ainiochd a ràinig suas gu nèamh.

10 Agus a uis *tha* sibh a' cur roimhlibh clann Iudah agus Ierusalem a chur foidhibh mar thràillibh agus mar bhan-tràillibh agaibh. Nach 'eil idir agaibhse, *eadhon* agaibhse peacaidhean an aghaidh an Tighearna bhuir Dé?

11 A nis ma ta éisdibh riumsa, agus thugaibh air an ais na braighdean a thug sibh leibh anu am braighdeanas o bhuir bràithribh; oir *tha* fearg laiste an Tighearna ribh.

12 An sin dh'éirich daoine àraidh de cheanaibh chloinn Ephraim, Asariah mac Iohanan, Berechiah mac Mhesilemoit, agus Iehisc'ah mac Shalum, agus Amasa mac Hadlai, suas 'u an aghaidh-san a thàinig o'n chogadh,

13 Agus thubhairt iad riu, Cha toir sibh na braighdean a steach an so; oir *bhitheadh sin* 'n a chionta an aghaidh an Tighearn oirme. *Tha* sibhse a' cur roimhlibh tuilleadh a chur r'ar peacaidhean, agus r'ar cionta, 'n uair a *tha* ar cionta *cheana* mòr agus fearg laiste ri h-Israel.

14 An sin dh'fhàg na daoine a bha fo 'n armaibh na braighdean agus a' chreach 'am fianuis nan uachdaran agus a' chomh-chruinneachaidh uile.

15 Agus dh'éirich na daoine a ghairmeadh air an ainm, agus ghabh iad na braighdean, agus dh'éidich iad leis a' chreach iadsan uile a bha lomnochd dhiubh, agus an uair a chuir iad eudach agus brògan orra, thug iad orra itheadh agus òl, agus dh'ung siad iad, agus chuir iad air asalaibh iadsan uile a bha annhunn diubh, agus thug siad iad gu Iericho, baile nan craobh pailme, a dh'ionnsuidh am bràithrean; agus phill iad gu Samaria.

16 'S an àm sin chuir rìgh Ahas *fios* a dh'ionnsuidh rìgh Asiria, e 'chuideachadh leis.

17 Oir thàinig na h-Edomaich a rìs, agus

bhuail iad Iudah, agus thug iad leo braighdean.

18 Thug na Philistich mar an ceudna ionnsuidh air bailtibh a' chòmhnaird, agus air an taobh deas de Iudah, agus ghlaic iad Bet-emes, agus Aialon, agus Gederot, agus Socho le 'bhailtibh beaga, agus Timnah le 'bhailtibh beaga, agus Gimso le 'bhailtibh beaga; agus ghabh iad còmhnuidh an sin.

19 Oir rinn an Tighearn Iudah iosal air son Ahais rìgh Iudah, a chionn gu'n d'rinn e Iudah lomnochd, agus gu'n d'rinn e cionta mòr an aghaidh an Tighearna.

20 Uime sin thàinig Tilgat-pilneser rìgh Asiria d'a ionnsuidh, agus shàraich, ach cha do neartaich se e.

21 Oir ghabh Ahas cuibhrionn á tigh an Tighearn', agus á tigh an rìgh, agus o na h-uachdaranabih, agus thug e *sin* do rìgh Asiria; ach cha do chuidich e leis.

22 Agus 'an àm a theanntachd rinn e fathast tuilleadh cionta an aghaidh an Tighearna, an rìgh so féin Ahas.

23 Oir dh'ìobair e do dhiathlaibh Dhamascuis a bhuail e, agus thubhairt e, A chionn gu'n cuidich diathan rìghrean Shiria leo, ìobraidh mise dhoibh a chum gu'n cuidich iad leamsa: ach is ann a bha iad 'n aobhar sgrios dha féin, agus do Israel uile.

24 Agus chruinnich Ahas soithichean tìghe Dhé, agus ghearr e 'n am mìribh soithichean tìghe Dhé, agus dhruid e dorsan tìghe an Tighearna. Agus rinn e dha féin altairean anns gach cearnaidh de Ierusalem.

25 Agus anns gach baile fa leth de Iudah rinn e àitean àrda, chum tuis a losgadh do dhiathlaibh coimheach, agus bhrosnaich e gu feing an Tighearn Dia 'aithrichean.

26 Agus a' chuid eile d'a ghnìomharaibh agus d'a shlighibh uile, an toiseach agus mu dheireadh, feuch, *tha* iad sgrìobhta ann an leabhar rìghrean Iudah agus Israeil.

27 Agus choidil Ahas maille r'a aithrichibh, agus dh'adhlaic iad e agus a' bhaile, ann an Ierusalem; ach cha d'thug iad e do àitibh-adhlaic rìghrean Israeil: agus rìghich Hececiah a mhac 'n a àit.

CAIB. XXIX.

1 Rìoghachadh Hececiah. 5 *Thug e earail do na Lebhithich iad a naomhachadh tìghe Dhé.* 12 *Naomhaich na Lebhithich iad féin, agus ghlan iad an teampull.* 20 *Iobairtean Hececiah.*

THOSICH Hececiah air rìoghachadh 'n uair a bha e cùig bliadhna fichead a dh'aois, agus rìghich e naoi bliadhna fichead ann an Ierusalem: agus *b'e* ainm a mhàthar Abiah, nighean Shechariah.

2 Agus rinn e an *ni* a *bha* eart ann an suilibh an Tighearn', a réir nan uile *nithean* a rinn Daibhidh 'athair.

3 Anns a' cheud bhliadhna d'a rìoghachadh, air a' cheud mhios, dh'fhosgail e

dorsan tighe an Tighearn', agus chàirich e iad.

4 Agus thug e stigh na sagartan agus na Lebhithich, agus chruinnich e iad do'n t-sràid an car,

5 Agus thubhairt e riu, Eisdibh rium, a Lebhithieacha; a nis naomhaichibh sibh féin, agus naomhaichibh tigh an Tighearna Dé bhuir n-aithrichean, agus thugaibh a mach an salchar as an *ionaid* naomh:

6 Oir pheacaich ar n-aithrichean, agus rinn iad an *ni a bha* olc ann an sùilibh an Tighearn' ar Dé, agus thréig iad e, agus thionndaidh iad an aghaidhean o phàillian an Tighearn', agus chuir iad cùl ris.

7 Mar an ceudna dhruid iad dorsan an sgàth-thighe, agus chuir iad as na làchraim, agus cha do loisg iad tùis, agus cha d'thug iad iobairtean-loisgte suas anns an *ionaid* naomh, do Dhia Israeil.

8 Uime sin bha fearg an Tighearna ri Iudah agus ri h-Ierusalem, agus thug e thairis iad do theinn, do uamhann, agus do sgeig, mar a chi sibh le'r sùilibh.

9 Oir feuch, thuit ar n-aithrichean leis a' chlàidheamh, agus *tha* ar mic, agus ar nigh-eanan, agus ar mnathan ann am braigh-deanas air son so.

10 A nis *tha e* ann am ehiridhe coimh-cheangal a dheanamh ris an Tighearn Dia Israeil, a chum gu'n tionndaidh 'fhearg laiste uaim.

11 Mo mhic, na bithibh a nis dearmadach; oir thagh an Tighearn sibh gu seasamh 'n a làthair a dheanamh seirblis da, agus gu bhi a' frithealadh dha agus a' losgadh tùise.

12 An sin dh'éirich na Lebhithich, Mahat mac Amasai, agus Ioel mae Asariah, de mhacaibh nan Cohatach: agus de mhacaibh Mherari, Cis mac Abdi, agus Asariah mac Iehaleil: agus de na Gersonaich, Ioah mac Shimah, agus Eden mae Ioah:

13 Agus de mhacaibh Elisaphain, Simri agus Iehiel: agus de mhacaibh Asaiph, Sechariah agus Mataniah:

14 Agus de mhacaibh Hemaine, Iehiel agus Simet: agus de mhacaibh Iedutuin, Semaiah agus Udsiel.

15 Agus chruinnich iad ann bràithrean, agus naomhaich siad iad féin, agus thàinig iad a réir àithne an rìgh ann am briathraibh an Tighearna, a ghlanadh tighe an Tighearna.

16 Agus chaidh na sagartan do'n chuid a b'fhaide steach de thigh an Tighearna g'a ghlanadh, agus thug iad a mach gach salchar a fhuair iad ann an teampull an Tighearna, gu cùirt tighe an Tighearna. Agus thog na Lebhithich leo e, gu 'thoirt a mach gu sruth Chidroin.

17 A nis thoisich iad air a' cheud là de'n cheud mhìos air naomhachadh, agus air an ochdamh là de'n mhìos thàinig iad gu sgàth-thigh an Tighearn', agus naomhaich iad tigh

an Tighearn' ann an ochd làithibh, agus air an t-seathamh là deug de'n cheud mhìos chrìochnaich iad an *obair*.

18 An sin chaidh iad a steach a dh'ionnsuidh Heseciah an rìgh, agus thubhairt iad, Ghlan sinn tigh an Tighearn' uile, agus altair na h-ìobairt-loisgte maille r'a sòithichibh uile, agus bord an arain thaisbeanaidh maille r'a shoithichibh uile.

19 Agus na soithichean sin uile a chuir rìgh Ahas, an uair a rìghich e, air falbh 'n a eusaontas, dheasaich sinne agus naomhaich sinn, agus, feuch, *tha* iad fa chomhair altair an Tighearna.

20 An sin dh'éirich Heseciah an rìgh gu moch, agus chruinnich e uachdarain a' bhaile, agus chaidh e suas do thigh an Tighearna.

21 Agus thug iad leo seachd tairbh òga, agus seachd reitheachan, agus seachd uam, agus seachd buic-ghaibhre mar iobairt-pheacaidh air son na rìoghachd, agus air son an *ionaid* naoimh, agus air son Iudah: agus dh'àithn e do na sagartaibh, mie Aaroin an ìobradh air altair an Tighearn'.

22 Uime sin mharbh iadsan na tairbh, agus ghabh na sagartan an fhuil, agus chrath iad i air an altair: mharbh iad mar an ceudna na reitheachan, agus chrath iad an fhuil air an altair: mharbh iad cuideachd na h-uain, agus chrath iad an fhuil air an altair.

23 Agus thug iad leo na buic-ghaibhre air son na h-ìobairt-pheacaidh an làthair an rìgh agus a' choimhthionail, agus chuir iad an làmh an orra:

24 Agus mharbh na sagartan iad, agus chrath iad am fuil air an altair chum reite 'dheanamh air son Israeil uile: oir dh'àithn an rìgh an ìobairt-loisgte agus an ìobairt-pheacaidh air son Israeil uile.

25 Agus chuir e na Lebhithich ann an tigh an Tighearna le ciombalaibh, le salt-airibh, agus le clarsaichibh, a réir àithne Dhaibhidh, agus Ghaid fhir-sheallaidh an rìgh, agus Natain an fhàidh: oir *b'i sin* àithne an Tighearna le làimh 'fhàidhean.

26 Agus sheas na Lebhithich le h-innealaibh Dhaibhidh, agus na sagartan leis na trompaidibh.

27 Agus dh'àithn Heseciah an ìobairt-loisgte iobradh air an altair: agus an uair a thoisich an ìobairt-loisgte, thoisich *mar an ceudna* laoidh an Tighearna leis na trompaidibh, agus le h-innealaibh Dhaibhidh rìgh Israeil.

28 Agus rinn an coimhthionail uile aoradh, agus sheinn an luchd-seinn, agus shéid na trompadairean: *mhair* so uile gus an do chrìochnaich iad an ìobairt-loisgte.

29 Agus an uair iad chuir iad crìoch air ìobradh, chròin an rìgh agus iadsan uile a bha maille ris iad féin, agus rinn iad aoradh.

30 Agus dh'àithn Hececiah an rìgh agus na h-uachdarain do na Lebhithich gu moladh iad an Tighearn ann am briathraibh Dhaibhidh, agus Asaph an fhir-sheallaidh: agus mhol iad le subhachas, agus chrom iad an cinn, agus rinn iad aoradh.

31 An siu fhreagair Hececiah, agus thubhairt e, A nis choisrig sibh sibh féin do'n Tighearn: thigibh am fagus, agus thugaibh leibh iobairtean, agus tabhartais-bhuidheachais do thigh an Tighearna. Agus thug an coimhthional a steach iobairtean, agus tabhartais-bhuidheachais, agus iadsan uile a bha toileach 'n an cridhe, tabhartais-loisgte.

32 Agus b'e àireamh nan tabhartas-loisgte a thug an coimhthional leo, trì fichead agus deich tairbh òga, ceud rèithe, dà cheud uan; iad sin uile chum iobairt-loisgte do'n Tighearn.

33 Agus na nithean coisrigte, sè ceud bò, agus trì mìle caora.

34 Ach bha na sagartan tearc, agus cha b'urrainn iad na tabhartais-loisgte uile fhionnadh: uime siu chuidich am bràithrean na Lebhithich leo, gus an do chrìochnaich iad an obair, agus gus an do naomhaich na sagartan iad féin; oir bha na Lebhithich ni bu deise 'n an cridhe chum iad féin a naomhachadh na na sagartan.

35 Agus mar an ceudna bha na tabhartais-loisgte 'am pailteas, maille ri saill nan tabhartas-sith agus nan tabhartas-dibhe, chum na h-iobairt-loisgte. Agus dheasaich-eadh seirbhis tìghe an Tighearna.

36 Agus rinn Hececiah agus an sluagh uile gairdeachas, a chionn gu'n do dheasaich Dia air son an t-sluaigh: oir rinneadh an ni gu grad.

CAIB. XXX.

1 *Thug Hececiah fairear gairm a thabhairt air feadh Israeil uile iad a chumail na càise ann an Ierusalem.* 13 *Thug an comhchrinneachadh air falbh altairean nan dia coimheach, agus chum iad a' chàisg ceithir là deug.*

AGUS chuir Hececiah fios gu h-Israel uile agus gu Iudah, agus mar an ceudna sgrìobh e litrichean gu h-Ephraim agus gu Manaseh, iad a theachd gu tigh an Tighearn ann an Ierusalem, a chumail na càise do'n Tighearn Dia Israeil.

2 Agus ghabh an rìgh, agus 'uachdarain, agus an coimhthional uile ann an Ierusalem, comhairle a' chàisg a chumail air an dara mìos.

3 Oir cha b'urrainn iad a cumail 's an àm sin, a chionn nach do naomhaich na sagartan iad féin gu leòr, agus nach robh an sluagh air cruinneachadh gu h-Ierusalem.

4 Agus thaitinn an ni ris an rìgh, agus ris a' choimhthional uile.

5 Agus shuidhich iad reachd, gairm a thabhart air feadh Israeil uile o Bheer-seba eadhon gu Dan, iad a theachd a chumail na

càise do'n Tighearn Dia Israeil ann an Ierusalem; oir cha do chum mòran i mar a bha e sgrìobhta.

6 Agus chaidh na gillecan-ruithe le litricheibh o'n rìgh agus o 'uachdaranaibh air feadh Israeil uile agus Iudah, agus a réir àithne an rìgh, ag ràdh, A chlann Israeil pillibh a dh'ionnsuidh an Tighearna Dé Abraham, Isaac, agus Israeil, agus pillidh esan a dh'ionnsuidh an fhuighill dibh a chaidh as o làimh rìghrean Asiria.

7 Agus na bithibh cosmhuil ri'r n-aithrichibh, agus cosmhuil ri'r bràithribh, a pheacaich an aghaidh an Tighearna Dé an aithrichean, agus thug esan thairis iad gu léir-sgrìos, mar a chi sibh.

8 A nis na bithibhse cruaidh-mhuineileach cosmhuil ri'r n-aithrichibh: thugaibh sibh féin thairis do'n Tighearn, agus rachaibh a steach d'a ionad naomh, a naomhaich e gu bràth; agus deanaibh seirbhis do'n Tighearn bhur Dia, a chum gu'n tionndaidh lasan 'fheirge air falbh uaibh.

9 Oir ma philleas sibh a dh'ionnsuidh an Tighearna, [gheibh] bhur bràithrean agus bhur clann iochd 'n am fianuis-san a thug leo 'am braigheanas iad, air chor as gu'm pill iad a dh'ionnsuidh na tìre so: oir gràs-mhor agus tròcaireach tha'n Tighearn bhur Dia, agus cha tionndaidh e a ghnùis air falbh uaibh, ma philleas sibh d'a ionnsuidh.

10 Agus chaidh na gillecan-ruithe thairis o bhaile gu baile, air feadh tìre Ephraim agus Mhanaseh, eadhon gu ruig Sebulun: ach bha iad a' fanoid orra, agus a' deanamh ball-magaidh dhiubh.

11 Dihheadh, dh'ìroslaich daoine àraidh de Asir, agus de Mhanaseh, agus de Sebulun iad féin, agus thàinig iad gu h-Ierusalem.

12 Mar an ceudna aun an Iudah bha làmh Dhé a thoirt aoin chridhe dhoibh, a dheanamh àithne an rìgh agus nan uachdaran, a réir focail an Tighearna.

13 Agus chruinnich ann an Ierusalem mòran sluagh, a chumail féil an arain neo-ghoirtichte anns an dara mìos, comhchrinneachadh ro mhòr.

14 Agus dh'éirich iad, agus thug iad air falbh na h-altairean a bha ann an Ierusalem, agus na h-altairean uile air son thùse thug iad air falbh, agus thilg siad iad ann an sruth Chidroin.

15 Agus mharbh iad a' chàisg air a' cheathramh là deug de'n dara mìos; agus bha nàir air na sagartan agus air na Lebhithich, agus naomhaich siad iad féin, agus thug iad a steach iobairtean-loisgte do thigh an Tighearna.

16 Agus sheas iad 'n an àit a réir an riaghailt, a réir lagha Mhaois òglaich Dhé; agus chrath na sagartan an fhuil a ghabh iad o làimh nan Lebhithich.

17 Oir bha mòran anns a' choimhthional

nach robh air an naomhachadh: uime sin bha cùram marbhaidh na càisge air na Lebhithich, air son gach neach nach *robh* glan, a chum *an* naomhachadh do'n Tigh-earn.

18 Oir cha do ghlan mòran de'n t-sluagh, mòran de Ephraim, agus *de* Mhanaseh, *de* Isachar, agus *de* Shebulun iad féin; gidh-eadh, dh'ith iad a' chàisg, cha b'ann mar *tha* e sgrìobhta.

19 Ach rinn Heseciah urnuigh air an son, ag ràdh, Gu'n tugadh an Tighearn maith maithneas do gach aon, a dheasaich a chridhe a dh'iarraidh an Tighearn' Dé aithrichean, ged nach *'eil e glan* a réir glanaidh an *ionaid* naoimh.

20 Agus dh'éisd an Tighearn ri Heseciah, agus leighis e an sluagh.

21 Agus chum clann Israeil a bha làthair ann an Ierusalem féill an arain neo-ghoirtichte seachd làithean le mòr ghairdeachas: agus mhol na Lebhithich agus na sagartan an Tighearn o là gu là, *a' seinn* le h-inneal-aibh fuaimneach do'n Tighearn.

22 Agus labhair Heseciah gu caoimhneil ris na Lebhithich uile, a theagaisg còlas maith an Tighearna: agus dh'ith iad *air* an fhéill ré sheachd làithean, ag iobradh iobairtean-sith, agus a' cliùthachadh an Tighearn' Dé an aithrichean.

23 Agus ghabh an coimhthional uile comhairle seachd làithean eile a chumail: agus chum iad seachd làithean *eile* le h-aobh-neas.

24 Oir thug Heseciah rìgh Iudah suas do'n choimhthional mìle tarbh òg, agus seachd mìle caora; agus thug na h-uachdarain suas do'n choimhthional mìle tarbh òg, agus deich mìle caora: agus naomhaich mòran shagart iad féin.

25 Agus rinn coimhthional Iudah uile gairdeachas, agus na sagartan, agus na Lebhithich, agus an coimhthional uile a thàinig á h-Israel, agus na coigrich a thàinig á tìr Israeil, agus a bha 'chòmhnuidh ann an Iudah.

26 Mar sin bha mòr aoibhneas ann an Ierusalem; oir o làithibh Shoiainmh, mhic Dhaibhidh rìgh Israeil, cha *robh* a leithid ann an Ierusalem.

27 An sin dh'éirich na sagartan agus na Lebhithich, agus bheannaich iad an sluagh: agus chuala [Dia] 'an guth, agus thàinig an urnuigh suas d'a àite-còmhnuidh naomhsan, do nèamh.

CAIB. XXXI.

2 *Shuidhich Heseciah roinnean nan sagart agus nan Lebhithich. 5 Thug clann Israeil seachd gu toileach ceud thoradh an fhearainn. 11 An luchd-dreuchd a bha os ceann nan tabhartais.*

A GUS an uair a chrìochnaich eadh so uile, chaidh Israel uile a bha làthair a mach do bhailtibh Iudah, agus bhris iad

na dealbhan, agus ghearr iad sìos na dojr-eachan, agus thilg iad sìos na h-ionadan àrda agus na h-altairean á Iudah uile agus á Benjamin, agus ann an Ephraim agus Manaseh, gus an do sgrios iad gu tur *iad*. An sin phill clann Israel uile, gach duine a dh'ionnsuidh a sheilbhe féin, d'am bailtibh féin.

2 Agus shuidhich Heseciah roinnean nan sagart agus nan Lebhithich a réir an roinnean, gach duine a réir a sheirbhìs féin, na sagartan agus na Lebhithich air son nan iobairt-loisgte, agus air son nan iobairt-shith, a fhrithealadh, agus a thabhairt buidheachais, agus a chliùthachadh ann an geatachaibh chàmp an Tighearna:

3 Cuibhrionn an rìgh mar an ceudna d'a mhaoin, air son nan iobairt-loisgte, air son iobairt-loisgte na maidne, agus an fheasgair, agus iobairte-loisgte nan sàbaid, agus nan gealach ùra, agus nam féill suidhichte, mar *tha e* sgrìobhta ann an lagh an Tighearna.

4 Dh'àithn e cuideachd do'n t-sluagh a bha 'chòmhnuidh ann an Ierusalem, gu'n tugadh iad seachd cuibhrionn nan sagart agus nan Lebhithich, chum gu'm bitheadh iad air an daingneachadh ann an lagh an Tighearna.

5 Agus co luath as a thàinig an àithne mach, thug clann Israeil seachd gu pailt ceud thoradh an arbhair, an fhìona, agus na h-olaidh, agus na meala, agus uile fhàis an fhearainn: agus deachamh nan uile *nithean* thug iad a stigh ann am pailteas.

6 Agus *a thaobh* chloinn Israeil agus Iudah a bha 'chòmhnuidh ann am bailtibh Iudah, thug iadsan mar an ceudna stigh deachamh a' bhuair agus nan caorach, agus deachamh nan nithean naomha *a bha* air an naomhachadh do'n Tighearn an Dia, agus rinn iad mòran cruach *d'ubh*.

7 Anns an treas mìos thòisich iad air bunaitean nan cruach a leagadh, agus anns an t-seachdamh mìos chrìochnaich siad iad.

8 Agus thàinig Heseciah agus na h-uachdarain, agus chunnaic iad na cruachan, agus bheannaich iad an Tighearn agus a shluagh Israel.

9 Agus dh'fhiosraich Heseciah de na sagartan agus na Lebhithich mu thimchioll nan cruach.

10 Agus fhreagair Asariah an t-àrd shagart de thigh Shadoic e, agus thubhairt e, O'n a thòisich iad air na tabhartais a thoirt a steach do thigh an Tighearna, dh'ith sinn gus an do shàsuicheadh sinn, agus dh'fhàg sinn pailteas: oir bheannaich an Tighearn a shluagh, agus dh'fhàgadh am pailteas mòr so.

11 An sin dh'àithn Heseciah àitean-lasgaidh ulluchadh ann an tigh an Tighearna; agus dh'ulluich siad *iad*;

12 Agus thug iad a stigh na tabhartais

agus an deachamh, agus na *nithean* naomhaichte gu fìrinneach; agus os an ceann *bha* Cononiah an Lebhitheach 'n a riaghlair, agus Simeì a bhràthair 's an àit a b'fhaigse.

13 Agus *bha* Iehiel, agus Asariah, agus Nahat, agus Asahel, agus Ierimot, agus Iosabad, agus Eiel, agus Ismahiah, agus Mahat, agus Benaiah, 'n an luchd-amhairc thairis fo làimh Chononiah, agus Shimeì a bhràthar, air àithne Heseciah an rìgh, agus Asariah uachdarain tighe Dhé.

14 Agus *bha* Core mac Innah an Lebhitheach, an dorsair a làimh na h-àird 'n ear, os ceann shaor thiodhlac Dhé, chum gu'n tugadh e seachad tabhartais an Tighearna, agus na nithean ro naomh.

15 Agus làimh ris-san Eden, agus Beniamin, agus Iesua, agus Semaiah, agus Amariah, agus Secaniah, ann am bailtibh nan sagart 'n an dreuchd, a thabhairt d'am bràithribh 'n an roinnibh, do'n bheag mar do'n mhòr.

16 A thuilleadh air àireamh nam fìrionnach a réir an ginealach o thri bliadhna dh'aois agus os a cheann, do gach neach a théid a steach do thigh an Tighearn', a ehuithrionn lathail, air son an seirbhis 'n an dreuchd, a réir an roinnean;

17 Araon do àireamh nan sagart a réir an ginealach, a réir tighe an aithrichean, agus nan Lebhitheach o fhichead bliadhna dh'aois agus os a cheann, 'n an dreuchd, a réir an roinnean;

18 Agus do àireamh an cloinne bige uile a réir an ginealach, am ban, agus am mac, agus an nigheanan, do'n choimhthional uile; oir 'n an dreuchd naomhaich siad iad féin gu mòr:

19 Agus do mhacaibh Aaroin na sagart-aibh ann am fearann comh-roinn am bailtean, anns gach baile fa leth, na daoine a dh'aoinicheadh air an ainm, a thabhairt an cuibhrrinn do gach fìrionnach am measg nan sagart, agus dhoibhsan uile a bha air an àireamh a réir an ginealach am measg nan Lebhitheach.

20 Agus rinn Heseciah mar so air feadh Iudah uile: agus rinn e an *ni sin a bha* maith, agus ceart, agus fìrinneach ann am fianuis an Tighearn' a Dhé.

21 Agus a thaobh gach oibre air an do thòisich e ann an seirbhis tighe Dhé, agus anns an lagh, agus anns na h-àitheantaibh, a dh'farraidh a Dhé, rinn e uile 'uile chridhe, agus shoirbhich leis.

CAIB. XXXII.

1 *Dhaingnich Heseciah baile Ierusalem an aghaidh rìgh Asiria.* 9 *Teachdaireachd mhaslach Shenacherib.* 20 *Bhuail aingeal an Tighearna feadh nan Asirianach.* 32 *Bàs agus adhlacadh Heseciah.*

A N déigh nan nithean so agus an uair a bha iad air an suidheachadh, thàinig

Senacherib rìgh Asiria, agus chaidh e steach do Iudah, agus champaich e an aghaidh nam bailtean daingnichte, agus shònraich e air an cosmadh dha féin.

2 Agus an uair a chunnaic Heseciah gu'n d'thàinig Senacherib, agus gu'n robh e 'cur roimhe cogadh an aghaidh Ierusalem,

3 Chuir e a chomhairle r'a uachdaranaibh agus r'a dhaoinibh cumbhachdach, uisgeachan nan tobar a *bha'n* taobh a muigh de'n bhaile a dhùnadh suas; agus chuidich iad leis.

4 Agus chruinnich sluagh mòr, agus dhùin iad suas na tobraichean uile, agus na sruthain a bha 'ruith ann am meadhon na tìre, ag ràdh, 'Car son a thigeadh rìghrean Asiria, agus a gheibheadh iad mòran uisge?

5 Agus dhaingnich se e féin, agus thog e am balla uile a chaidh a bhriseadh, agus chuir e suas tùir air, agus balla eile air an taobh a muigh, agus dhaingnich e Milo baile Dhaibhidh, agus rinn e gathan agus targaidean ann am pailteas.

6 Agus chuir e ceannardan cogaidh os ceann an t-sluaigh, agus chruinnich e iad d'a ionnsuidh ann an sràid geata a' bhaile, agus labhair e r'an cridhe, ag ràdh,

7 Bithibh làidir agus bithibh misneachail, na bitheadh eagal agus na bitheadh faitcheas oirbh roimh rìgh Asiria, no roimh an t-sluagh mhòr so uile a *tha* maille ris; oir is mò *na tha* leinne na leis-san.

8 Leis-san *tha* gairdean feòla, ach leinne *than* Tighearn ar Dia, a chuideachadh leinn, agus a chur ar catha. Agus dh'carb an sluagh á briathraibh Heseciah rìgh Iudah.

9 'N a dhéigh so chuir Senacherib rìgh Asiria a sheirblisich gu h-Ierusalem, (oir *bha* e féin aig Lachis, agus a neart uile maille ris,) a dh'ionnsuidh Heseciah rìgh Iudah, agus a dh'ionnsuidh Iudah uile, a *bha* aig Ierusalem, ag ràdh,

10 Mar so *tha* Senacherib rìgh Asiria ag ràdh, Cìs a *tha* sibh ag carbsadh, agus sibh a' fantuinn 'n ur daingneach ann an Ierusalem?

11 Nach 'eil Heseciah 'g ur comhairleachadh sibh féin a thoirt thairis gu bàs le gorta agus le tart, ag ràdh, Saoraidh an Tighearn ar Dia sinn á làimh rìgh Asiria?

12 Nach do chuir Heseciah so féin air falbh àitean àrda, agus àltairean, agus nach d'àithm e do Iudah agus do Ierusalem, ag ràdh, Fa chomhair aoin altarach sleuchdaidh sibh, agus loisgidh sibh tùis oirre?

13 Nach 'eil fhios agaibh cìod a rinn mise agus m'aithrichean ri uile shluagh nan dùchan? an robh diathan chinneach nan tìr sin comasach air an tìr féin a shaoradh as mo làimh-sa?

14 Cò an measg uile dhiathan nan cinn-each sin a sgrìos m'aithrichean-sa gu tìr, a b'urraim a shluagh a shaoradh as mo

làimh-sa, gu'm bitheadh bhuir Dia-sa comasach air bhuir saoradh as mo làimh?

15 A nis ma ta na mcalladh Hecseciah sibh, agus na comhairlicheadh e sibh mar so, agus na creidibh e; oir cha robh dia air bith cinnich no rìoghachd sam bith comasach air a shluagh a shaoradh as mo làimh-sa, agus à làimh m'athrichean; nach lugha gu mòr na sin is urrainn bhuir Dia-sa bhuir saoradh as mo làimh?

16 Agus labhair a sheirbhishich tuilleadh as so an aghaidh an Tighearna Dé, agus an aghaidh a sheirbhishich Hecseciah.

17 Sgrìobh e mar an ceudna litrichean a chàineadh an Tighearna Dé Israeil, agus a labhairt 'n a aghaidh, ag ràdh, Mar nach do shaor diathan chinneach nan dùchan an sluagh as mo làimh-sa, mar sin cha saor Dia Hecseciah a shluagh as mo làimh.

18 Ghlaodh iad euideachd le guth àrd 's a' chàinain Iudhaich ri sluagh Ierusalem a bha air a' bhalla, gu eagal agus buaireas a chur orra, chum gu'n glacadh iad am baile.

19 Agus labhair iad an aghaidh Dhé Ierusalem, mar an aghaidh dhiathan shluagh na talnhaoin, oibre lànhan dhaoine.

20 Agus rinn Hecseciah an dha, agus am fàidh Isaiah mae Amois, urnuigh air son so, agus ghlaodh iad gu nèamh.

21 Agus chuir an Tighearn aingeal uaith, a sgrìos na daoine comasach gaisgeil uile, agus na ceannardan, agus na h-uachdarain ann an camp rìgh Asiria: uime sin phill e le nàire gnùise d'a thir féin. Agus an uair a chaidh e steach do thigh a dhé, mharbh iadsan a thàinig a mach à 'innibh féin e 'n sin leis a' chlàidheamh.

22 Mar so shaor an Tighearn Hecseciah agus luchd-àiteachaidh Ierusalem à làimh Shenacherib rìgh Asiria, agus à làimh nan uile, agus stiùir e iad air gach taobh.

23 Agus thug mòran tabhartais a dh'ionnsuidh an Tighearna gu h-Ierusalem, agus tiodhlacan a dh'ionnsuidh Hecseciah rìgh Iudah: agus dh'àrdachadh e ann an sùilb nan uile chinneach 'n a dhéigh sin.

24 Anns na làithibh sin bha Hecseciah tinn gu bàs, agus rinn e urnuigh ris an Tighearn: agus dh'éisd esan ris, agus thug e comharadh dha.

25 Ach cha d'ìoe Hecseciah a rìs a réir mar a bhuilicheadh air; oir thogadh a chridhe suas: agus bha fearg ris, agus ri Iudah agus Ierusalem.

26 Gidheadh dh'ìrioslaich Hecseciah e féin air son uabhair a chridhe; (*araon* e féin agus luchd-àiteachaidh Ierusalem): uime sin cha d'thàinig fearg an Tighearn orra ann an làithibh Hecseciah.

27 Agus bha aig Hecseciah beartas agus urram ro mhòr: agus rinn e dha féin ionmhasan a dh' airgid, agus a dh' òr, agus de chlachaidh luachmhor, agus de spìosraidh,

agus de thargaidibh, agus de gach seud taitneach;

28 Agus tighean-tasgaidh air son toraidh an arbhair, agus an fhìona, agus na h-olaidh; agus tighean air son gach gnè ainmhidh, agus mainneirean air son nan treud.

29 Agus rinn e dha féin bailtean: agus bha sealbh choarach agus buar aige ann am pailteas, oir thug Dia dha maoin ro mhòr.

30 Chuir Hecseciah so féin mar an ceudna stad air sruth uisge uachdarach Ghiloin, agus thug e sìos dìreach e a làimh na h-àirde 'n iar do bhaile Dhaibhidh. Agus shoirbhich Hecseciah 'n a oibribh uile.

31 Gidheadh, a thaobh theachdairean uachdaran Bhabiloin, a chuireadh d'a ionnsuidh a dh'fhiosrachadh mu'n iongantas a bha 's an tìr, thréig Dia e g'a dhearbhadh, chum gu'm bitheadh fios aige air gach *ni a bha* 'n a chridhe.

32 Agus a' chuid eile de ghnìomharaibh Hecseciah, agus a mhaithreas, feuch, *tha* iad sgrìobhta ann am faistneachd Isaiah an fhàidh, mhic Amois, agus ann an leabhar rìghrean Iudah agus Israeil.

33 Agus choidil Hecseciah maille r'a aithrichibh, agus dh'adhlac e ann an àrd àit-adhlacaidh mhac Dhaibhidh: agus thug Iudah uile agus luchd-àiteachaidh Ierusalem urram dha 'n uair a fhuair e bàs. Agus rìghich Manaseli a mhac 'n a àit.

CAIB. XXXIII.

1 Rìoghachadh aingidh Manaseli. 10 Thug ceannardan rìgh Asiria 'an braighdeanas e gu Babilon. 12 Dh'ìrioslaich se e féin an sin, agus thug Dia air ais e d'a rìoghachd. 14 A ghnìomharan. 20 Fhuair e bàs, agus rìghich Amon 'n a àit.

DA bhliadhna dheug a dh'aois bha Manaseli 'n uair a thòisich e air rìoghachadh, agus rìghich e cùig bliadhna deug agus dà fhichead ann an Ierusalem.

2 Ach rinn e ole ann an sùilb an Tighearn, a réir ghràineilcachd nan cinneach, a thig an Tighearn a mach roimh chloinn Israeil.

3 Oir thog e suas a rìs na h-àitean àrda a sgrìos Hecseciah 'athair, agus chuir e suas altairean do Bhaalim, agus rinn e doir-eachan, agus shleuchd e do uile shlàigh nan nèamh, agus rinn e seirbhis doibh.

4 Agus thog e altairean ann an tigh an Tighearna, mu'n dubhairt an Tighearn, Ann an Ierusalem bithidh n'ainm-sa gu bràth.

5 Agus thog e altairean do uile shlàigh nan nèamh ann an dà chùirt tìghe an Tighearna.

6 Agus thug e air a chloinn dol troimh 'n teine ann an gleann mhic Hinoim; agus thug e faineas àman, agus ghnàthaich o geasachd agus druidheachd, agus chuir e air chois leannain-shìth agus luchd-fiosachd: dh'oibrich e mòr aingidheachd ann

an sùilibh an Tighearua, g'a bhrosnachadh gu feirg.

7 Agus chuir e dealbh snaidhte, ìodhol a rinn e, ann an tigh Dhé, mu'n dubhairt Dia ri Daibhidh, agus ri Solamh a mhac, Anns an tigh so, agus ann an Ierusalem, a thagh mi a uile threubhan Israeil, cuiridh mi m'ainm gu bràth.

8 Agus cha charuich mi cos Israeil ni's mòd an fhearrann a dh'òrduich mi do bhuir n-aithrichibh; na bheir iad a mhàin an aire gu'n dean iad gach *ni* a dh'àithn mi dhoibh, a réir an lagha nìle, agus naom reachd, agus nan riaghaill le lùimh Mhaois.

9 Mar sin thug Manaseh air Iudah agus luchd-àiteachaidh Ierusalem dol air seacharan, gu tuilleadh uile a dheanamh na *rinn* na cinnich, a sgrios an Tighearn roimh chloinn Israeil.

10 Agus labhair an Tighearn ri Manaseh, agus r'a shluagh; ach cha-n éisdeadh iad.

11 Uime sin thug an Tighearn orra ceannardan feachd rìgh Asiria; agus ghlac iad Manaseh ann an droighnich, agus cheangail iad e le slabhraidhibh, agus thug iad leo e gu Babilon.

12 Agus an uair a bha e ann an àmhghar dh'iarr e an Tighearn a Dhia, agus dh'ìrìs-laich se e féin gu mòd 'am fianuis Dhé 'aithrichean,

13 Agus rinn e urnuigh ris, agus rinn-eadh esan réidh ris, agus dh'éisd e r'a ath-chuinge, agus thug e air ais e gu h-Ierusalem d'a rìoghachd. Agus dh'aithnich Manaseh gur e'n Tighearn a's Dia ann.

14 Agus 'n a dhéigh so thog e balla an taobh a muigh de bhaile Dhaibhidh, air an taobh an iar de Ghìhon anns a' ghleann, eadhon gu ruig dol a stigh geata an éisg, agus thug e mu'n cuairt air Ophel e, agus thog e suas e gu ro àrd; agus chuir e ceannardan cogaidd ann an uile bhailtibh daing-nichte Iudah.

15 Agus chuir e air falbh na diathan coimheach agus an ìodhol á tigh an Tighearn', agus na h-altairean uile a thog e ann an slabh tìghe an Tighearn', agus ann an Ierusalem, agus thilg e mach as a' bhaile iad.

16 Agus chàirich e altair an Tighearn', agus dh'ìobair e oirre ìobairtean-sithe agus buidheachais, agus dh'àithn e do Iudah seirbhis a dheanamh do'n Tighearn Dia Israeil.

17 Gidheadh, dh'ìobair an sluagh fathast anns na h-àitibh àrda, *ach* a mhàin do'n Tighearn an Dia.

18 Agus a' chuid eile de ghnìomhairibh Mhanaseh, agus 'urnnigh r'a Dhia, agus briathran nam fear-seallaidh a labhair ris ann an ainm an Tighearna Dé Israeil, feuch, *tha* iad sgrìobhta ann an leabhar rìghrean Israeil.

19 'Urnigh mar an ceudna, agus mar a

dh'éisdeadh ris, agus a pheacadh nìle, agus 'eusaoutas, agus na h-àitean anns an do thog e ionadan àrda, agus an do chuir e suas doireachan agus dealbhan snaidhte, mu'n d'ìrìs-laicheadh e, feuch, *tha* iad sgrìobhta am measg bhriathar nam fear-seallaidh.

20 Agus choidil Manaseh maille r'a aithrichibh, agus dh'adhlac iad e 'n a thigh féin: agus rìghich a mhac Amon 'n a àit.

21 Dà bhliadhna thar fhichead a dh'aois *bha* Amon an uair a thòisich e air rìoghachadh, agus rìghich e dà bhliadhna ann an Ierusalem.

22 Agus rinn e olc ann an sùilibh an Tighearna, mar a rinn Manaseh 'athair: oir dh'ìobair Amon do na dealbhaibh snaidhte uile a rinn Manaseh 'athair, agus rinn e seirbhis doibh:

23 Agus cha d'ìrìs-laich se e féin 'am fianuis an Tighearna, mar dh'ìrìs-laich Manaseh 'athair e féin; ach mheudaich Amon eusaontas.

24 Agus rinn a sheirbhisich ceannaire 'n a aghaidh, agus mharbh iad e 'n a thigh féin.

25 Ach mharbh sluagh na tìre iadsan uile a rinn ceannaire an aghaidh rìgh Amon, agus rinn sluagh na tìre Iosiah a mhac 'n a rìgh 'n a àit.

CAIB. XXXIV.

1 *Ghlac Iosiah Iudah agus Ierusalem o na h-àitibh àrda.* 8 *Chuir e luchd-oibre a chàradh tìghe an Tighearna.* 14 *Fhuair Hìleach leabhar an lagha, agus leugh Saphan e 'an éisdeadh an rìgh.* 23 *Roimh-innis Huldah sgrios Ierusalem.*

OCHD bliadhna dh'aois *bha* Iosiah 'n uair a thòisich e air rìoghachadh, agus rìghich e ann an Ierusalem aon bhliadhna deug thar fhichead.

2 Agus rinn e an *ni* a *bha* ceart ann an sùilibh an Tighearn', agus dh'imich e ann an slighibh Dhaibhidh 'athar, agus cha do ehlaon e dh'ionnsuidh na làimhe deise no na làimhe clìthe.

3 Oir anns an ochdamh bliadhna d'a rìoghachadh, 'n uair a bha e fathast òg, thòisich e air Dia Dhaibhidh 'athar iarraidh, agus anns an dara bliadhna deug thòisich e air Iudah agus Ierusalem a ghlanadh o na h-àitibh àrda, agus na doireachan, agus na dealbhan snaidhte, agus na dealbhan leaghta.

4 Agus bhris iad sìos altairean Bhaalim 'n a fhianuis, agus na dealbhan grianach a *bha* gu h-àrd os na ceann ghearr e sìos, agus na doireachan; agus na dealbhan snaidhte, agus na dealbhan leaghta bhris e 'n am mìribh, agus phronn e gu luathre, agus chrath e i air uaighean na muinntir a dh'ìobair dhoibh.

5 Agus loisg e canùman nan sagart air an

altairibh, agus ghlan e Iudah agus Ierusalem.

6 Mar an ceudna ann am bailtibh Mhanaseh, agus Ephraim, agus Shimeoin, eadhon gu ruig Naphtali, 'n an àitibh fàsaichte mu'n cuairt.

7 Agus an uair a bhris e sìos na h-altair-ean agus na doireachan, agus a phronn e na dealbhan snaidhte gu luathre, agus a ghearr e sìos na dealbhan grianach uile air feadh tìre Israeil uile, phill e gu h-Ierusalem.

8 Agus anns an ochdamh bliadhna deug d'a rioghachadh, 'n uair a ghlan e an tìr, agus an tigh, ehuir e Saphan mae Asaliah, agus Maaseiah nachdarau a' bhaile, agus Ioah mae Ioahais an seanachaidh, a chàradh tìghe an Tighearn' a Dhé.

9 Agus thàinig iad gu Hileiah an t-àrd shagart, agus thugadh *dhoibh* an t-airgiod a thugadh steach do thigh Dhé, a ehuinnich na Lebhithich a ghléidh ua dorsan o àimh Mhanaseh agus Ephraim, agus o uile fhuigheall Israeil, agus o Iudah uile, agus o Bheniamin, agus o luchd-àiteachaidh Ierusalem.

10 Agus thug iad e do àimh luchd-deanamh na h-oibre, a chuireadh os ceann tìghe an Tighearn', agus thug iadsan e do'n luchd-oibre a dh'oibriebh ann an tigh an Tighearn', a chàradh agus a leasachadh an tìghe:

11 Thug iad e eadhon do na saoraibh agus do'n luchd-togail, a cheamaeh ehlaeh snaidhte, agus fiodha ehum nan ceangal, agus gu urlar a ehur 's na tighibh a mbiill rìghrean Iudah.

12 Agus rinn na daoine an obair gu frinn-each: agus *Uiad* an luchd-amhaire thairis orra Iahat agus Obadiah, na Lebhithich, de mhacaibh Mherari; agus Sechariah agus Mesulam, de mhacaibh nan Cohatach, a ehur *na h-oibre* air a h-aghaidh; mar au ceudna de na Lebhithich gaeh neach a bha eòlach air innealaibh-ciùil.

13 *Bha iad* cuideachd os ceann luchd-ionmhair nan eallach, agus 'n an luchd-amhaire thairis orra-san uile a rinn obair ann an gnè seirbhis air bith: agus de na Lebhithich *bha* sgrìobhaichean, agus riaghladairean, agus dorsairean.

14 Agus an uair a bha iad a' toirt a maeh an airgid a thugadh a steach do thigh an Tighearna, fhuair Hileiah an sagart leabhar lagha an Tighearn' an àimh-sgrìobhaidh Mhaois.

15 Agus fhreagair Hileiah, agus thubhairt e ri Saphan an sgrìobhaiche, Fhuair mi leabhar an lagha ann an tigh an Tighearna. Agus thug Hileiah an leabhar do Shaphan.

16 Agus thug Saphan an leabhar a dh'ionnsuidh an rìgh, agus dh'aithris e 'n gnothueh do'n rìgh, ag ràdh, *Gaeh nì* a dh'àithneadh do d' sheirbhisich, *tha iad* a' deanamh.

17 Chruinnich iad an t-airgiod a fhuair ann an tigh an Tighearn', agus thug iad e do àimh an luchd-amhaire-thairis, agus do àimh luchd-deanamh na h-oibre.

18 Agus dh'innis Saphan an sgrìobhaiche do'n rìgh, ag ràdh, Thug Hileiah an sagart leabhar dhomh. Agus leugh Saphan e an làthair an rìgh.

19 Agus an uair a chual' an rìgh briathran an lagha, reub e 'eudaeh.

20 Agus dh'àithn an rìgh do Hileiah, agus do Ahieam mae Shaphain, agus do Abdon mac Mheah, agus do Shaphan an sgrìobhaiche, agus do Asaiah seirbhisich an rìgh, ag ràdh,

21 Rachaibh, fiosaicheibh de'n Tighearn air mo shon-sa, agus air an son-san a dh'fhàgadh ann an Israel agus ann an Iudah, thaobh bhriathar an leabhair a fhuair: oir *is* mòr fearg an Tighearn', a tha air a taomadh a mach oirm, a chionn nach do ehoimhid ar n-aithriehean focal an Tighearn', a dheanamh a réir gaeh *nì a tha* sgrìobhta anns an leabhar so.

22 Agus chaidh Hileiah agus *iadsan* a dh'orduich an rìgh gu Huldah a' bhan-fhàidh, bean Shalum, mhie Thicbhabh, mhie Hasrah fhuir-ghleidhidh an eudaieh; (a uis bha i 'ehòmhnuidh ann an Ierusalem ann an oil-thigh;) agus labhair iad rithe mar sin.

23 Agus fhreagair i iad, Mar so tha'n Tighearn Dia Israeil ag ràdh, Innsibh do'n duine a chuir sibh a m'ionnsuidh-sa,

24 Mar so tha'n Tighearn ag ràdh, Feueh, bheir mise oile air an àite so, agus air a luchd-àiteachaidh, *eadhon* gach mallachadh a *tha* sgrìobhta anns an leabhar a leugh iad 'am fianuis rìgh Iudah;

25 A chionn gu'n do thréig iad mise, agus gu'n do loisg iad tuis do dhiathaibh eile chum mo bhrosnachadh gu corruich le uile oibribh an làmh; uime sin taomar urfhearg a maeh air an àite so, agus cha mhèhar i.

26 Ach a thaobh rìgh Iudah, a chuir sibh a dh'fhiosrachadh de'n Tighearn, mar so their sibh ris, Mar so tha'n Tighearn Dia Israeil ag ràdh, *A thaobh* nam briathar a chual' thu,

27 A chionn gu'n do thiomhaich do chridhe, agus gu'n d'fiosraich thu thu féin an làthair Dhé, 'n uair a chual' thu a bhriathran an aghaidh an àite so, agus an aghaidh a luchd-àiteachaidh, agus gu'n d'fiosraich thu thu féin a'm' làthair-sa, agus gu'n do reub thu d'eudach, agus gu'n do ghul thu a'm' làthair, chuala mise mar an ceudna *thusa*, ars' an Tighearn.

28 Feueh, cruinnichidh mi thu chum d'aithriehean, agus euvinnichear thu do d' uagh 'n sìth, agus eha-n fhaie doshùilean an t-oile sin uile a bheir mise air an àite so, agus air a luchd-àiteachaidh. Agus thug iad fios a ris a dh'ionnsuidh an rìgh.

29 Agus ehuir an rìgh *teachdairean* uaith,

agus chruinnich e r'a chéile uile sheanairean Iudah agus Ierusalem.

30 Agus chaidh an rìgh suas do thigh an Tighearn, agus fir Iudah uile, agus luchd-àiteachaidh Ierusalem, agus na sagartan agus na Lebhithich, agus an sluagh uile eadar bheag agus mhòr; agus leugh e 'n an éisdeachd uile bhriathran leabhair a' choimhcheangail, a fhuaradh ann an tigh an Tighearna.

31 Agus sheas an rìgh 'n a àite féin, agus rinn e coimhcheangal am fianuis an Tighearna, gu'n gluaiseadh e 'u déigh an Tighearn, agus gu'n gleidheadh e àitheantan, agus a theisteis, agus a reachdan, le 'uile chridhe agus le 'uile anam, a choimhionadh bhriathar a' choimhcheangail, a tha sgrìobhta anns an leabhar so.

32 Agus thug e orra-sau uile a fhuaradh ann an Ierusalem agus Beniamin, seasamh: agus rinu luchd-àiteachaidh Ierusalem a réir coimcheangail Dhé, Dhé an aithrichean.

33 Agus chuir Iosiah air falbh na gràin-eileachdan uile as na tìr bhuile a *bhuineadh* do chloinn Israeil, agus thug e orra-san uile a fhuaradh ann an Israel seirbhis a dheanamh do'n Tighearn an Dia. Ré a làithean nile cha do chlaon iad o leautuinn an Tighearna, Dhé an aithrichean.

CAIB. XXXV.

1 *Chum Iosiah càisg do'n Tighearn ann an Ierusalem.* 20 *Chaidh e a chogadh ri rìgh na h-Eiphit, agus mharbhadh e aig Megido.* 25 *Rinn Jeremiah tuireadh air a shon.* 26 *A ghlòimharan.*

AGUS chum Iosiah ann an Ierusalem a' chàisg do'n Tighearn: agus mharbhadh iad a' chàisg air a' cheathramh là deug de'n cheud mhìos.

2 Agus shuidhich e na sagartan 'n an dreuchd, agus thug e misneach dhoibh chum seirbhis tìghe an Tighearna.

3 Agus thubhairt e ris ua Lebhithich a theagaisg Israeil uile, a *bha* naomha do'n Tighearn, Cuiribh an àire naomh agus an tigh a thog Solamh, mac Dhaibhidh, rìgh Israeil; cha *bhi* i 'n a h-eallaich air bhur guailibh: deanaibh seirbhis a nis do'n Tighearn bhur Dia, agus d'a shluagh Israeil;

4 Agus deasaichibh sibh féin a réir tìghe bhur n-aithrichean, a réir bhur roinneau, mar a sgrìobh Daibhidh rìgh Israeil, agus mar a sgrìobh Solamh a mhac;

5 Agus seasaibh anns an *ionad* naomh a réir roinnean theaghlach aithrichean bhur bràithrean de'n t-sluagh, agus a réir roinne theaghlach aithrichean nan Lebhithich;

6 Agus marbhaibh a' chàisg, agus naomhaichibh sibh féin, agus deasaichibh bhur bràithrean, chum gu'n dean iad a réir focail an Tighearna le laimh Mhaois.

7 Agus thug Iosiah do'n t-sluagh caoraich, uain agus miun, iad uile air son iobairtean càisge dhoibhsan uile a bha làthair, gu ruig

deich mìle fichead an àireamh, agus trì mìle bò: iad sin de mhaoin an rìgh.

8 Agus thug na h-uachdarain aige gu tèid each do'n t-sluagh, do na sagartaibh, agus do na Lebhithich. Thug Hileiah, agus Sechariah, agus Ichiel, uachdarain tìghe Dhé, do na sagartaibh, air son iobairtean na càisge, dà mhìle agus sè ceud [caora,] agus trì cheud bò.

9 Agus thug Conaniah, agus Semaiah, agus Netaneel agus a bhràithrean, agus Hasabiah, agus Ichiel, agus Iosabad, uachdarain nan Lebhithich, do na Lebhithich air son iobairtean na càisge, cùig mìle [caora,] agus cùig ceud bò.

10 Agus dh'ulluicheadh an t-seirbhis, agus sheas na sagartan 'n an àit, agus na Lebhithich 'n an roinnibh, a réir àithne an rìgh.

11 Agus mharbhadh iad a' chàisg, agus chrath na sagartan [an fhuil] le'n làimh, agus dh'fhionn na Lebhithich.

12 Agus thug iad air falbh na h-iobairtean-loisgte, chum gu'n tugadh iad seachad a réir roinnean theaghlach an t-sluaigh, a dh'ìobradh do'n Tighearn, mar *tha e* sgrìobhta ann an leabhar Mhaois: agus mar sin *rinn iad* ris a' bhuair.

13 Agus ròist iad a' chàisg le teine, a réir na riaghailt; ach bhruidh iad na *tabhartais* naomha ann am poitibh, agus ann an coir-eachaidh, agus ann an aighnibh, agus roinn siad iad gu grad am uicsean an t-sluaigh uile.

14 Agus 'n a dhéigh sin dh'caisich iad dhoibh féin agus do na sagartaibh. A chionn gu'n *robh* na sagartau, mic Aaroin, ag ìobradh iobairtean-loisgte agus ua saill gu h-oidhche, nime sin dheasaich na Lebhithich dhoibh féin agus do na sagartaibh, mic Aaroin.

15 Agus *bha* 'n luchd-seinn, mic Asaiph, 'n an àite féin, a réir àithne Dhaibhidh, agus Asaiph, agus Hemain, agus ledutuin fear-seallaidh an rìgh, agus na dorsairean aig gach geata: cha-n fheumadh iad an seirbhis fhàgail, oir dheasaich am bràithrean na Lebhithich air an son.

16 Agus dheasaicheadh uile sheirbhis an Tighearn' air an là sin féin, chum a' chàisg a chumail, agus iobairtean-loisgte ìobradh air altair an Tighearn, a réir àithne an rìgh Iosiah.

17 Agus chum clann Israeil, a bha làthair, a' chàisg 's an àm sin, agus féill an arain neoghoirtichte, seachd làithean.

18 Agus cha do chumadh a leithid sin de chàisg ann an Israel o làithibh Shamuel air fhàidh; ni mò a chum uile rìghean Israeil a leithid de chàisg as a chum Iosiah, agus na sagartan, agus na Lebhithich, agus Iudah agus Israel uile a bha làthair, agus luchd-àiteachaidh Ierusalem.

19 Anns an ochedamh bliadhna deug àe rìoghachadh Iosiah chumadh a' chàisg so.

20 'N a dhéigh so uile 'n uair a dhcaisich Iosiah an teampull, thàinig Necho rìgh na h-Eiphit a nìos a chogadh an aghaidh Charchemis, làmh ri Euphrates: agus chaidh Iosiah a mach 'n a aghaidh.

21 Ach chuir esan teachdairean d'a ionnsuidh, ag ràdh, Cìod e mo ghnòthuch-sa riutsa, a rìgh Iudah? Cha'n ann a'd' aghaidh-sa *tha* mise teachd an diugh, ach an aghaidh tighe ris am bheil mi a' cogadh; agus dh'àithn Dia dhomh mi 'dheanamh cabhaig: leig dhiot a *bhi* ri Dia, a *tha* maille riutsa, chum nach sgrios e thu.

22 Gidheadh cha do thionndaidh Iosiah 'a ghaidh uaith, ach dh'fhàs e ni bu déine gu cogadh 'n a aghaidh, agus cha d'éisd e ri briathraibh Necho o bheul Dhé, agus chaidh e steach a chur catha ann an gleann Mhegido.

23 Agus thilg na fir-bhogha air rìgh Iosiah; agus thubhairt an rìgh r'a sheirbhisich, Beiribh leibh mi, oir tha mi air mo lotadh gu mòr.

24 Agus thug a sheirbhisich e as a' charbad sin, agus chuir iad e anns an dara carbad a *bha* aige; agus thug iad e gu h-Ierusalem, agus fluair e bàs, agus dh'adhlaic eadh e ann an àit-adhlaic 'aithrichean: agus rinn Iudah agus Ierusalem uile caoidh air son Iosiah.

25 Agus rinn Jeremiah tuireadh air son Iosiah; agus labhair na fir-sheinn agus na mnathan-seinn uile mu thimchioll Iosiah 'n a tuireannaibh gu ruig an là 'n diugh, agus rinn siad iad 'n an reachd ann an Israel. Agus, feuch, *tha* iad sgrìobhta ann an leabhar nan tuireadh.

26 Agus a' chuid eile de ghnìomharaibh Iosiah, agus a mhaitheas, mar *tha* e sgrìobhta ann an lagh an Tighearna,

27 Eadhon a ghnìomharan an toiseach agus mu dheireadh, feuch, *tha* iad sgrìobhta ann an leabhar rìghrean Israeil agus Iudah.

CAIB. XXXVI.

1 Chuir rìgh na h-Eiphit Iehoahas o rìoghachadh ann an Ierusalem. 4 Rinneadh Iehoacim 'n a rìgh 'n a àit. 6 Cheangail Nebuchadnesar Iehoacim chum a thoirt do Bhabilon. 14 Sgrìos na Caldèanaich Ierusalem. 22 Gairm Chiruis.

AGUS ghabh sluagh na tìre Iehoahas mac Iosiah, agus rinn iad 'n a rìgh e 'an àit 'athar ann an Ierusalem.

2 Tri bliadhna fìhead a dh'aois *bha* Iehoahas an uair a thòisich e air rìoghachadh, agus rìghich e trì mìosan ann an Ierusalem.

3 Agus chuir rìgh na h-Eiphit e [o rìoghachadh] ann an Ierusalem, agus chuir e ceud tàlan airgid, agus tàlan òir, mar chis air an tìr.

4 Agus rinn rìgh na h-Eiphit Eliacim a bhràthair 'n a rìgh air Iudah agus Ierusalem, agus thionndaidh e 'ainm gu Ieho-

iacim. Agus ghabh Necho Iehoahas a bhràthair, agus thug e do'n Eiphit e.

5 Cùig bliadhna fìhead a dh'aois *bha* Iehoacim an uair a thòisich e air rìoghachadh, agus rìghich e aon bhliadhna deug ann an Ierusalem: agus rinn e ole ann an sùilb an Tighearn' a Dhé.

6 'N a aghaidh-san thàinig Nebuchadnesar rìgh Bhabilon a nìos, agus cheangail e ann an geimhlìbh umha e, chum a thoirt do Bhabilon.

7 Thug Nebuchadnesar mar an ceudna leis *cuid* de shoithichibh tighe an Tighearna do Bhabilon, agus chuir e iad 'n a teampull ann am Babilon.

8 Agus a' chuid eile de ghnìomharaibh Iehoacim, agus a ghràineileachdan a rinn e, agus na fhuaradh ann, feuch, *tha* iad sgrìobhta ann an leabhar rìghrean Israeil agus Iudah. Agus rìghich Iehoacim a mhae 'n a àit.

9 Ochd bliadhna deug a dh'aois *bha* Iehoacin an uair a thòisich e air rìoghachadh, agus rìghich e trì mìosan agus deich làithean ann an Ierusalem: agus rinn e ole ann an sùilb an Tighearna.

10 Agus aig ceann na bliadhna chuir rìgh Nebuchadnesar daoine uaith, agus thug e do Bhabilon e, maille ri soithichibh taitneach tighe an Tighearn'; agus rinn e Sedeciah a bhràthair 'n a rìgh air Iudah agus Ierusalem.

11 Bliadhna thar fhìhead a dh'aois *bha* Sedeciah 'n nair a thòisich e air rìoghachadh, agus rìghich e aon bhliadhna deug ann an Ierusalem.

12 Agus rinn e ole ann an sùilb an Tighearn' a Dhé; agus cha d'frioslaich se e fèin 'am fianuis Jeremiah an fhàidh, a labhair o bheul an Tighearn'.

13 Agus mar an ceudna rinn e ceannaire an aghaidh rìgh Nebuchadnesar, a thug air mìonnachadh air Dia: ach rinn e a mhuineal rag, agus chruaidhich e a chridhe o thionndadh a dh'ionnsuidh an Tighearna Dhé Israeil.

14 Mar an ceudna pheacaich iadsan uile a b'airde de na sagartaibh agus de'n t-sluagh gu ro mhòr, a réir uile ghràineileachd nan ciùneach, agus thruaill iad tigh an Tighearn', a naomhaich e ann an Ierusalem.

15 Agus chuir an Tighearn Dia an aithrichean *fios* d'an ionnsuidh le làmh a theachdairean, ag éirigh gu moch, agus a' cur uaith; a chionn gu'n robh truas aige d'a shluagh, agus d'a àite-còmhnuidh.

16 Ach rinn iadsan fanoid air teachdairibh Dhé, agus rinn iad dimeas air a bhriathraibh, agus rinn iad tarcuais air 'fhàidhibh, gus an d'éirich fearg an Tighearn' an aghaidh a shluaigh air chor as nach robh leigheas ann.

17 Uime sin thug e orra rìgh nan Caldèanaich, a mharbh an daoine òga leis a' chlaidh-

eamh ann an tigh an *ionaid* naoimh, agus nach do chaomhain òig-fhear no òigh, seann duine no esan a bha air a chlomadh leis an aois: thug e thairis iad uile 'n a làimh.

18 Agus uile shoithicheau tighe Dhé, mòr agus beag, agus ionmhais tighe an Tighearn', agus ionmhais an rìgh agus 'uachdaranan, thug e leis uile do Bhabìlon.

19 Agus loisg iad tigh Dhé, agus bhris iad sìos balla Ierusalem, agus loisg iad a lùchairtean uile le teine, agus mhill iad a shoithicheau taitneach uile.

20 Agus iadsan a chaidh as o'n chlàidheamh thug e leis do Bhabìlon, far an robh iad 'n an seirbhisich aige féin agus aig a mhacaibh, gus an do rìghich rìgh Phersia:

21 Chum gu'm bitheadh focal an Tighearna le beul Ieremiah air a choimhlionadh, gus am mealadh an tìr a sàbaidean:

ré na h-ùine a bha i fàs, chum i sàbaidean gus an do choimhlionadh trì fichead agus deich bliadhna.

22 A nis ann an ceud bhliadhna Chiruis rìgh Phersia, chum gu'm bitheadh focal an Tighearna le beul Ieremiah air a choimhlionadh, dhùisg an Tighearn suas spiorad Chiruis rìgh Phersia, agus thug e fainear gairm a bhi air a tabhairt air feadh a rìoghachd uile, agus a *chur* mar an ceudna ann an sgrìobhadh, ag ràdh,

23 Mar so tha Cirus rìgh Phersia ag ràdh, Uile rìoghachdan an domhain thug an Tighearn Dia nau uèamh dhomhsa, agus dh'àithn e dhomh tigh a thogail dha ann an Ierusalem, a *tha* ann an Iudah: ge b'e neach a *tha* 'n 'ur measg d'a shluagh uile, gu robh au Tighearn a Dhia maille ris, agus rachadh e suas.

ESRA.

CAIB. I.

1 *Dh'ordugh Cirus an teampull a thogail.* 7 *Dh'àisg e soithichean tighe an Tighearna do Shesbadsar uachdaran Iudah.* 9 *Aireamh nan soithichean.*

A NIS ann an ceud bhliadhna Chiruis rìgh Phersia, chum gu'm bitheadh focal an Tighearna le beul Ieremiah air a choimhlionadh, dhùisg an Tighearn suas spiorad Chiruis rìgh Phersia, agus thug e fainear gairm a bhi air a tabhairt air feadh a rìoghachd uile, agus a *chur* mar an ceudna ann an sgrìobhadh, ag ràdh,

2 Mar so tha Cirus rìgh Phersia ag ràdh, Uile rìoghachdan an domhain thug an Tighearn Dia nan nèamh dhomhsa, agus dh'àithn e dhomh tigh a thogail dha ann an Ierusalem, a *tha* ann an Iudah.

3 Ge b'e neach a *tha* 'n 'ur measg-sa d'a shluagh uile, gu robh a Dhia maille ris, agus rachadh e suas gu h-Ierusalem a *tha* ann an Iudah, agus togadh e tigh an Tighearna Dhé Israeil: *is* esan an Dia, a *tha* ann an Ierusalem.

4 Agus ge b'e neach a dh'fhàgadh ann an àite sam bith far *am bheil* e air chuairt, cuidicheadh daoine àite leis le h-airgid, agus le h-òr, agus le maoin, agus le h-ainmhidhibh, a thuilleadh air an tabhartas saorthoil air son tighe Dhé a *tha* ann an Ierusalem.

5 An sin dh'éirich cinn aithrichean Iudah agus Bheniamin, agus na sagartan agus na Lebhithich, gach neach aig an do dhùisg Dia a spiorad gu dol suas a thogail tighe an Tighearn', a *tha* ann an Ierusalem.

6 Agus neartaich iadsan uile a *bha* mu'n cuairt doibh an làmh na soithichibh airgid,

le h-òr, le maoin, agus le h-ainmhidhibh, agus le uithibh luachmhor, a thuilleadh air gach *ni* a thugadh seachad le saor-thoil.

7 Thug mar an ceudna an rìgh Cirus a mach soithichean tighe an Tighearn', a thug Nebuchadnesar a mach à h-Ierusalem, agus a chuir e ann an tigh a dhiathan:

8 Eadhon iad sin thug Cirus rìgh Phersia mach le làmh Mhitredait fhir-ghleidhidh an ionmhais, agus rinn e an àireamh do Shesbadsar uachdaran Iudah.

9 Agus *is* e so an àireamh: Deich cuachan fichead òir, mìle cuach airgid, naoi sgeanan fichead,

10 Deich thar fhichead soitheach-ionnlaid òir, ceithir cheud agus deich soithichean-ionnlaid airgid d'e'n dara *seòrsa*, mìle de shoithichibh eile.

11 Na soithichean òir agus airgid uile, cùig mìle agus ceithir cheud: *iad sin* uile thug Sesbadsar suas maille ris na braighdibh, a thugadh suas o Bhabìlon gu h-Ierusalem.

CAIB. II.

1 *Aireamh an t-sluaigh a phill gu Ierusalem.* 36 *Aireamh nan sagart.* 40 *nan Lebhithich.* 43 *nan Netineach.* 55 *agus mhac sheirbhiseach Sholaimh.* 68 *Na tabhartais air son togail an teampull.*

A GUS *is* iad so clann na mòr-roinne, a chaidh suas de na braighdibh, dhiubhsau a thugadh air falbh, a thug Nebuchadnesar rìgh Bhabìlon air falbh leis do Bhabìlon, agus a phill gu h-Ierusalem agus Iudah, gach fear d'a bhaile féin;

2 A thàinig maille ri Serubabel, Iesua, Nehemiah, Seraiah, Realaiah, Mordecai, Bilsan, Mispas, Bigblai, Rehum, Baanah.

AIRRAMH DHAGINE SLUAIGH ISRAËIL.

3 Mic Pharois dà mhìle, ceud, tri fichead agus a dhà-dheug.

4 Mic Shephathiah, tri cheud, tri fichead agus a dhà-dheug.

5 Mic Arah, seachd ceud, tri fichead agus cùig-deug.

6 Mic Phahat-mhoaib, de chloinn Iesua [agus] Ioaib, dà mhìle, ochd ceud agus a dhà-dheug.

7 Mic Elaim, mìle, dà cheud, leth-cheud agus a ceithir.

8 Mic Shatu, naoi ceud, dà fhichead agus a cùig.

9 Mic Shacai, seachd ceud, agus tri fichead.

10 Mic Bhani, sè ceud, dà fhichead agus a dhà.

11 Mic Bhebai, sè ceud, fichead agus a tri.

12 Mic Asgaid, mìle, dà cheud, fichead agus a dhà.

13 Mic Adonicaim, sè ceud, tri fichead agus a sè.

14 Mic Bhigbhai, dà mhìle, da fhichead agus sè-deug.

15 Mic Adin, ceithir cheud, leth-cheud agus a ceithir.

16 Mic Ateir o Hececiah, ceithir fichead agus ochd-deug.

17 Mic Bhesai, tri cheud, fichead agus a tri.

18 Mic Iorah, ceud agus a dhà-dheug.

19 Mic Hasuim, dà cheud, fichead agus a tri.

20 Mic Ghibair, ceithir fichead agus cùig-deug.

21 Mic Bhet-leheim, ceud, fichead agus a tri.

22 Daoine Netophah, dà fhichead agus sè-deug.

23 Daoine Anatoit, ceud, fichead agus a h-ochd.

24 Mic Asmabheit, dà fhichead agus a dhà.

25 Mic Chiriat-arim, Chephirah, agus Bhecroit, seachd ceud agus dà fhichead agus a tri.

26 Mic Ramah agus Gheba, sè ceud, fichead agus a h-aon.

27 Daoine Mhichmais, ceud, fichead agus a dhà.

28 Daoine Bhet-eil agus Ai, dà cheud, fichead agus a tri.

29 Mic Nebo, dà fhichead agus a dhà-dheug.

30 Mic Mhagbis, ceud, leth-cheud agus a sè.

31 Mic Elaim eile, mìle, dà cheud, leth-cheud agus a ceithir.

32 Mic Harim, tri cheud agus fichead.

33 Mic Loid, Hadid, agus Ono, seachd ceud, fichead agus a cùig.

34 Mic Iericho, tri cheud, dà fhichead agus a cùig.

35 Mic Shenaah, tri mìle agus sè ceud agus deich thar fhichead.

36 Na sagartan: Mic Iedaiah, de thigh Iesua, naoi ceud, tri fichead agus tri-deug.

37 Mic Imeir, mìle, dà fhichead agus a dhà-dheug.

38 Mic Phasuir, mìle, dà cheud, dà fhichead agus a seachd.

39 Mic Harim, mìle agus seachd-deug.

40 Na Lebhitich: Mic Iesua agus Chad-mieil, de chloinn Hodabbiah, tri fichead agus ceithir-deug.

41 An luchd-seinn: Mic Asaiph, ceud, fichead agus a h-ochd.

42 Mic nan dorsairean: Mic Shaluim, mic Ateir, mic Thalmoin, mic Acuib, mic Hata, mic Shobai, iad uile ceud agus naoi-deug thar fhichead.

43 Na Netinich: Mic Shiha, mic Hasupha, mic Thabaoit,

44 Mic Cherois, mic Shiaha, mic Phadoin.

45 Mic Lebanah, mic Hagabah, mic Acuib,

46 Mic Hagaib, mic Shalmal, mic Hanain,

47 Mic Ghideil, mic Ghahair, mic Reaiah,

48 Mic Resin, mic Necoda, mic Ghadsaim,

49 Mic Udsca, mic Phaseah, mic Bhesai,

50 Mic Asnah, mic Mhehunim, mic Ne-phusim,

51 Mic Bhacbuic, mic Hacupha, mic Har-huir,

52 Mic Bhasluit, mic Mhehida, mic Harsa,

53 Mic Bharcois, mic Shisera, mic Thamah,

54 Mic Nesiah, mic Hatipha.

55 Mic sheirbhisich Sholaimh: Mic Shotai, mic Shophereit, mic Pheruda,

56 Mic Iaalah, mic Dharcoim, mic Ghideil,

57 Mic Shephathiah, mic Hatil, mic Phochereit o Sheboim, mic Ami.

58 Na Netinich uile, agus clann sheirbhisich Sholaimh, tri cheud, ceithir fichead agus a dhà-dheug.

59 Agus so iadsan a chaidh suas o Thelmelah, Telharsa, Cherub, Adan, agus Imer; ach cha b'urrainn iad tigh an athar a nochdadh agus an sìochd, am b'ann de Israel iad:

60 Mic Dhelaiah, mic Thobiah, mic Necoda, sè ceud, leth-cheud agus a dhà.

61 Agus de mhacaibh nan sagart: Mic Habaiah, mic Chois, mic Bharsillai, a ghabh bean de nigheanaibh Bharsillai a' Ghilead-aich, agus a ghoireadh air an ainm.

62 Dh'iarr iadsan an càr-sgrìobhaidh 'n am measg-san a bha air an àireamh le sloinne-teirachd, ach cha d'fhuaradh iad: uime sin ghearradh as o'n t-sagartachd iad.

63 Agus thubhairt an Tirsata riu, nach feudadh iad itheadh de na nithibh ro naomha, gus an seasadh sagart suas le Urim agus le Tumim.

64 An coimhthional uile cuideachd, dà fhichead agus dà mhìle, tri cheud agus tri fichead;

65 A thuilladh air an seirblusich agus an

banoglaich, d'an robh ann seachd mìle, tri cheud agus seachd-deug thar fhichead; agus dhiubh-san dà cheud 'n am fearaibh agus 'u am mnàibh-seinn.

66 An eich, seachd ceud agus sè-deug thar fhichead: am muileidean, dà cheud, dà fhichead agus a cùig:

67 An càmhalan, ceithir cheud agus cùig-deug thar fhichead: an asail, sè mìle, seachd ceud agus fichead.

68 Agus thug cuid de chinn nan aithrichean, 'n uair a thàinig iad do thigh an Tighearn, a tha ann an Ierusalem, seachad d'an saor-thoil air son tighe Dhé, chum a chur suas 'n a àite féin.

69 A réir an comais thug iad, gu h-ionmhas na h-oibre, tri fichead agus aon mhìle daron òir, agus cùig mìle punnd airgid, agus ceud culaidh sagairt.

70 Agus ghabh na sagartan agus na Lebhithich, agus cuid de'n t-sluagh, agus an luchd-seinn, agus na dorsairean, agus na Netinich, còmhnuidh 'n am bailtibh, agus Israel uile 'n am bailtibh.

CAIB. III.

1 Thog an sluagh altair Dhé Israeil, 4 agus thug iad seachad an iobairt-loisgte lathail. 10 'N uair a leagadh bunait an teampuill mhol na sagartan agus na Lebhithich an Tighearn.

AGUS an uair a thàinig an seachdamh mìos, agus clann Israeil 'n am bailtibh, chruinich an sluagh an ceann a chèile mar aon duine gu h-Ierusalem.

2 Agus sheas Iesua mac Iosadaic suas, agus a bhràithrean na sagartan, agus Serubabel mac Shealtiel, agus a bhràithrean, agus thog iad altair Dhé Israeil, a dh'ìobradh iobairtean-loisgte oirre, mar tha e sgrìobhta ann an lagh Mhaois òglaich Dhé.

3 Agus shuidhich iad an altair air a bonnaibh, oir bha eagal orra roimh shluagh nan tìr sin; agus dh'ìobair iad iobairtean-loisgte do'n Tighearn, iobairtean-loisgte air ma-duinn agus air feasgar.

4 Agus chum iad féill nam pàillion, mar tha e sgrìobhta, agus dh'ìobair iad an iobairt-loisgte lathail ann an àireamh, a réir na riaghailt, a dh'lighe féin air gach là;

5 Agus 'n a dhéigh sin an iobairt-loisgte ghnàthaichte, araon air na gealaichibh nomha, agus air uile fhéillibh naomhaichte an Tighearn, agus o gach neach a thug seachad gu toileach tabhartas saor-thoile do'n Tighearn.

6 O'n cheud là de'n seachdamh mìos thòisich iad air iobairtean-loisgte ìobradh do'n Tighearn, 'n uair nach do leagadh *fathast* bunait teampuill an Tighearna.

7 Ach thug iad airgid do na snaidhead-airibh agus do'n luchd-ceirde; agus biadh, agus deoch, agus oladh do na Sìdanaich agus do na Tioraich, a chum gu'n tugadh iad fiodh seudair o Lebanon gu muir Iopa,

a réir a' chomais a fhuair iad o Chirus rìgh Persia.

8 Agus anns an dara bliadhna an déigh dhoibh teachd gu tigh Dhé aig Ierusalem, anns an dara mìos, thòisich Serubabel mac Shealtiel, agus Iesua mac Iosadaic, agus fuigheall am bràithrean na sagartan agus na Lebhithich, agus iadsan uile a thàinig o'n bhraighdeanas gu h-Ierusalem; agus dh'òrduich iad na Lebhithich, o fhichead bliadhna dh'aois agus os a cheann, a chur oibre tighe an Tighearn air a h-aghaidh.

9 Agus sheas Iesua agus a mhic agus a bhràithrean, Cadmiel agus a mhic, agus mic Iudah mar aon duine, a ghreasadh an luchd-oibre ann an tigh Dhé: mic Henadaid [agus] am mic agus am bràithrean na Lebhithich.

10 Agus an uair a leag an luchd-togail bunait teampuill an Tighearna, sheas na sagartan 'n an culaidhibh le trompaidibh, agus na Lebhithich, mic Asaiph, le ciombalaibh, a mholadh an Tighearn le làimh Dhaibhidh rìgh Isracil.

11 Agus fhreagair iad a chèile ann am moladh, agus ann an tabhairt buidheachais do'n Tighearn, A chionn gu bheil e maith, gu màir a thròcair do Israel gu bràth. Agus rinn an sluagh uile gair mhòr, an uair a mhol iad an Tighearn, a chionn gu'n do leagadh bunait tighe an Tighearna.

12 Ach bha mòran de na sagartaibh agus de na Lebhithich, agus de chinn nan aithrichean, seann daoine a chunnaic an ceud thigh, 'n uair a leagadh bunait an tighe so fa chomhair an sùl, a' gul le guth àrd, agus bha mòran a' deauamh gair gu h-àrd le h-aobhneas:

13 Air chor as nach b'urrainn an sluagh fuaim gair an aobhneis aithneachadh, seach fuaim gul an t-sluaigh; oir rinu an sluagh gair uhlòr, agus chualas an fhuaim 'an cèin

CAIB. IV.

1 Ann an togail an teampuill dh'annhunnach sluagh na tìre lànhan sluaigh Iudah. 7 Sgrìobh iad litir gu Artacereses. 17 Freagradh Artacereses. 23 Sguir obair tighe Dhé.

AGUS chuala naimhdean Iudah agus A' Bheniamin gu'n robh clann a' bhraighdeanas a' togail an teampuill do'n Tighearn Dia Israeil:

2 Agus thàinig iad gu Serubabel, agus gu cinn nan aithrichean, agus thubhairt iad riu, Togaidh sinne maille ribh; oir tha sinne ag iarraidh bhuir Dé-sa mar sibh féin, agus dhasan tha sinn ag ìobradh o Bithibh Esar-hadoiu rìgh Asiria, a thug a nìos an so sinn.

3 Ach thubhairt Serubabel agus Iesua agus a' chuid eile de cheannaibh aithrichean Israeil riu, Cha bhuin e dluibhse tigh a thogail maille ruinne d'ar Dia-ne; oir togaidh siun féin 'n ar n-aonar do'n Tigh-

earn Dia Israeil, mar a dh'àithn Cyrus rìgh Phersia dhuinn.

4 Uime sin dh'annhunnach sluagh na tìre lànhan sluaigh Iudah, agus chuir iad dragh orra anns an togail;

5 Agus thuarasdalaich iad comhairlich 'n an aghaidh, a bhacadh an rùn rè uile làithean Chiruis rìgh Phersia, eadhon gus an do rìghich Darius rìgh Phersia.

6 Agus an uair a rìghich Ahasuerus, ann an toiseach a rìoghachaidh, sgrìobh iad l tìr-chasaid an aghaidh luchd-àiteachaidh Iudah agus Ierusalem.

7 Agus ann an làithibh Artasercseis sgrìobh Bislam, Mitridat, Tabecl, agus a' chuid eile d'an cuideachd, gu Artasercses rìgh Phersia; agus *bha* sgrìobhadh na litir-each ann an sgrìobhadh nan Sirianach, agus air a mhuineachadh anns a' chàinain Shirianach.

8 Sgrìobh Rehum an t-àrd chomhairleach, agus Simsai an sgrìobhaiche, litir an aghaidh Ierusalem gu h-Artasercses an rìgh anns na briathraibh so:

9 An sin *sgrìobh* Rehum an t-àrd chomhairleach, agus Simsai an sgrìobhaiche, agus a' chuid eile de'n cuideachd, na Dinathaich, na h-Apharsachaich, na Tarpelaich, na h-Apharsaich, na h-Archebhich, na Babilonaich, na Susanchaich, na Dehabhaich, na n-Elamaich,

10 Agus a' chuid eile de na cinnich a thug Asnapar mòr agus urramach a nall, agus a shuidhich e ann am bailtibh Shamaria, agus a' chuid eile air an taobh so de'n amhainn, agus ann an leithid so a dh' àm.

11 *Is* e so ath-sgrìobhadh na litireach a chuir iad d'a ionnsuidh: Gu h-Artasercses an rìgh, do sheirbhisich, na daoine air an taobh so de'n amhainn, agus aig a leithid so a dh' àm.

12 Bitheadh fios aig an rìgh gu bheil na h-Iudhaich a thàinig a nìos uait d'ar n-ionnsuidh air teachd gu h-Ierusalem, a' togail a' bhaile cheannaircìch agus uile sin, agus a' cur suas a bhallachan, agus a' ccangal r'a chéile nam bunaitean.

13 Bitheadh a nis fios aig an rìgh, ma thogar am baile so, agus ma chuirear suas a bhallachan, nach ioc iad dlighe, eis, no càin, agus gu'n toir thu call air teachd-a-steach nan rìgh.

14 A nis a chionn gu bheil sinne air ar beathachadh o'n lùchairt, agus nach 'eil e iomchuid dhuinn easurram an rìgh fhaicinn, uime sin chuir sinn *litir* uainn, agus thug sinn fios do'n rìgh,

15 Chum gu'n rannsaichear ann an leabhar eachdraidh d'aithriehean, agus gu'm faigh thu anns an leabhar eachdraidh, agus gu'm bi fios agad gu *bheil* am baile so 'n a bhaile ceannaircìch, agus dìubhalach do rìghrìbh agus do mhòr-roinnibh, agus gu'n *robh* iad a' deanamh buaireis 'n a mhcadhon 's an

t-sean aimsir: air son so sgriosadh am baile so.

16 Tha sinn a' toirt fios do'n rìgh, ma thogar am baile so, agus ma chuirear suas a bhallachan, an sin nach bi cuibhrionn air bith agad air an taobh so de'n amhainn.

17 Chuir an rìgh freagradh gu Rehum an t-àrd chomhairleach, agus Simsai an sgrìobhaiche, agus a' chuid eile d'an cuideachd a *bha* 'chòmhnuidh ann an Samaria, agus a' chuid eile an taobh thall de'n amhainn, Sìth, agus aig a leithid so a dh' àm.

18 An litir a chuir sibh a m'ionnsuidh, leughadh gu soilleir a'm' lathair i.

19 Agus thugadh àithne leam, agus rannsaicheadh, agus fhuairadh a mach gu'n *robh* am baile so o shean ag éirigh an aghaidh rìghrean, agus gu'n d'rinncadh ceannairc agus buaircas ann.

20 Agus bha rìghrean cumhachdach ann an Ierusalem, a rìghie os an ceann-san uile air an taobh thall de'n amhainn; agus dh'icadh dlighe, eis, agus càin doibh.

21 Thugaibhse nis àithne, a thoirt air na daoine sin sgur, agus nach togar am baile sin gus an tig ordugh uamsa.

22 Thugaibh an aire ma ta nach dean sibh mearachd an so. C'ar son a dh'fhàsadh callach ann gu cron nan rìgh?

23 An sin an uair a leughadh ath-sgrìobhadh litreach Artasercses an rìgh ann 'an lathair Rehum, agus Shimsai an sgrìobhaiche, agus an cuideachd, chaidh iad le cabhaig suas gu h-Ierusalem a dh'ionnsuidh nan Iudhach, agus thug iad orra sgur leis an làimh làidir.

24 An sin sgur obair tighe Dhé, a *tha* ann an Ierusalem. Sgùir i gus an dara bliadhna de rìoghachadh Dhariuis rìgh Phersia.

CAIB. V.

1 *Le brosnachadh Hagai thòisich Serubabel agus Iesua air tigh Dhé a thogail.* 3 *Dh'fheuch Tatnai agus Setar-bosnai ri'n bacadh: 5 Thugadh a' chàis a dh'ionnsuidh Dhariuis.*

ACH rinn Hagai am fàidh, agus Secharia mac Ido an fàidh, fàidhead-aircàchd do na h-Iudhaich a *bha* ann an Iudah agus ann an Ierusalem, *fàidhead-aircàchd* dhoibh ann an ainm an Tighearna Dé Israeil.

2 An sin dh'éirich Serubabel mac Shealtiel, agus Iesua mac Iosadaic, agus thòisich iad air tigh Dhé a thogail, a *tha* ann an Ierusalem: agus maille riu-san *bha* fàidhean Dhé a' cuideachadh leo.

3 Anns an àm sin féin thàinig d'an ionnsuidh Tatnai, an t-uachdaran air an taobh so de'n amhainn, agus Setar-bosnai, agus an cuideachd, agus mar so thubhairt iad riu, Cò 'thug ordugh dhuibhse an tigh so a thogail, agus na ballachan so a dheanamh suas?

4 An sin thubhairt iad riu air an dòigh so,

Cainn a *th'* air na daoineibh a *tha'* togail na h-aitreachaibh so?

5 Ach bha sùil an Dé air scanairibh nan Iudhach, agus cha d'thug iad orra sguir, gus an d'thàinig a' chùis a dh'ionnsuidh Dhàriuis; agus an sin thugadh freagradh le litir mu thimchioll so:

6 Ath-sgrìobhadh na litreach a chuir Tatnai an t-uachdaran air an taobh so de'n amhainn, agus. Setar-bosnai agus a chuid-eachd na h-Arphasachaich, a *bha* air an taobh, so de'n amhainn, a dh'ionnsuidh Dhàriuis an rìgh:

7 Chuir iad litir d'a ionnsuidh, anns an robh sgrìobhta mar so: Gu Darius an rìgh, gach uile shìochainnt.

8 Bitheadh fios aig an rìgh gu'n deachaidh sinn gu mòr-roinn Iudea, a dh'ionnsuidh tighe an Dé mhòir, a *tha* 'g a thogail le clachaibh mòra, agus *tha* fiodh air a chur anns na ballachaibh, agus *tha*'n obair so a' dol gu luath air a h-aghaidh, agus *tha* soirbheachadh leatha 'n au lèmhann.

9 An sin dh'fhèdraich sinn de na scanairibh sin, [agus] mar so thubhairt sinn riu, Cò d'thug dhuibh ordugh an tigh so a thogail, agus na ballachan so 'chur suas?

10 Agus mar an ceudna dh'fhèdraich sinn an ainmean diubh, a thoirt fios duit, a chum, gu'n sgrìobhamaid ainmean nan daoine a *bh'* air an ceann.

11 Agus mar so thug iad freagradh dhuinn, ag ràdh, *Is* sinne seirbhiseach Dhé nan nèmh agus na talmhainn, agus *tha* sinn a' togail tighe a chaidh a thogail iomadh bliadhna roimhe so, a thog agus a chrìochnaich rìgh mòr a bh' air Israel.

12 Ach an uair a bhrosnaich ar n-aithrichean Dia nèmh gu feirg, thug e thairis iad do làmh Nebuchadnesair rìgh Babiloin a' Chaldéanaich, a sgrìos an tigh so, agus a thug an sluagh leis do Bhabylon.

13 Ach ann an ceud bliadhna Chiruis, rìgh Babiloin, thug rìgh Cyrus ordugh tigh so Dhé a thogail.

14 Agus mar an ceudna soithichean òir agus airgid tighe Dhé, a thug Nebuchadnesair a' ann an teampull a *bha* ann an Ierusalem, agus a thug e leis do theampull Babiloin, iad sin thug rìgh Cyrus a mach á teampull Babiloin, agus thugadh iad do *fhear d'am b'ainm* Sesbadsar, a rinn e 'n a uachdaran;

15 Agus thubhairt e ris, Gabh na soithichean so, imich, thoir leat iad do'n teampull a *tha* ann an Ierusalem, agus bitheadh tigh Dhé air a thogail 'n a àit.

16 An sin thàinig Sesbadsar sin, agus leag e bunait tighe Dhé a *tha* ann an Ierusalem: agus o'n àm sin gus a nis *tha* e 'g a thogail, agus cha-n'èil e *fathast* crìochnaichte.

17 A nis uime sin, ma's maith leis an rìgh, deanar rannsachadh ann an tigh ionmhais an rìgh a *tha* ann am Babilon, a *dh'fheuchainn* an d'thugadh an t-ordugh so le rìgh Cyrus, tigh so Dhé a thogail ann an Ierusalem, agus cuireadh an rìgh *fios* d'ar n-ionnsuidh *ciod i* a thoil a thaobh an nì so.

CAIB. VI.

1 *Thug Darius ordugh do Thatnai agus Shetar-bosnai iad a chuideachadh le scanairibh nan Iudhach chum tigh Dhé a thogail.* 13 *Chrìochnaich na h-Iudhaich an teampull.* 16 *Choirig iad e le gairdeachas.*

AN sin, thug Darius an rìgh ordugh seachad, agus rannsach iad ann an tigh nan leabhar, far an robh na h-ionmhais air an tasgadh ann am Babilon.

2 Agus fhuaradh ann an Achmeta, anns an lùchairt a *tha* ann am mòr-roinn nam Medach, clàr, agus mar so *bha* sgrìobhta ann gu bh' air a chumail air chuimhne.

3 Ann an ceud bliadhna Chiruis an rìgh, thug Cyrus an rìgh ordugh seachad a *thaobh* tighe Dhé ann an Ierusalem, Bitheadh an tigh air a thogail, an t'àit anns an d'ìobair iad ìobairtean, agus a bhunaitean air an suidheachadh gu làidir: 'àirde, trì fichead lèmh-choille; a leud, trì fichead lèmh-choille:

4 Tri sreathan de chlachaihb mòra, agus sreath de fhiodh ùr; agus ìocar an costus á tigh an rìgh.

5 Agus mar an ceudna aisgear soithichean òir agus airgid tighe Dhé, a thug Nebuchadnesar as an teampull a *tha* ann an Ierusalem, agus a thug e leis do Bhabylon, agus thugar a ris iad do'n teampull a *tha* ann an Ierusalem, *gach aon* d'a àit féin, agus suidhich iad ann an tigh Dhé.

6 Anis a Thatnai, uachdaran air an taobh thall de'n amhainn, a Shetar-bosnai, maille r'ir cuideachd na h-Arphasachaich a *tha* air an taobh thall de'n amhainn, bithibhse fada o sin:

7 Leigibh le obair-tighe so Dhé: togadh uachdaran nan Iudhach, agus seanaircan nan Iudhach, tigh so Dhé 'n a àit.

8 Agus *tha* mise a' toirt ordugh a thaobh na nì sibh ri scanairibh nan Iudhach sin, chum tigh so Dhé a thogail; eadhon gu'n tugar de mhaoin an rìgh, de'n ohis air an taobh thall de'n amhainn, costas air ball do na daoineibh sin, a chum nach cuirear bacadh orra.

9 Agus na *tha* dh'easbhuidh orra, araan tairbh òga, agus reitheachan, agus uain, air son ìobairtean-loisgte Dhé nèmh, cruithneachd, salann, fion, agus oladh, a réir ordugh nan sagart a *tha* ann an Ierusalem, thugar gu cinnteach dhoibh o là gu là, gun fhàillig.

10 A chum gu'n toir iad seachad tabhartais deadh-bhòlaidh do Dhia nèmh, agus

gu'n dèan iad urnuigh air son beatha an rìgh agus a mhac.

11 Mar an ceudna thug mi seachad ordugh, ge b'e neach a dh'atharraicheas am focal so, gu'n spionar sìos fiodh as a thigh, agus an uair a chuirear suas e, gu'n crochar air e, agus gu'n dcanar a thigh 'n a dhùnan air son so.

12 Agus an Dia a thug air 'ainm còmh-nuidh a ghabhail an sin, gu'n sgriosadh e san na rìghrean sin uile, agus an sluagh a shìneas a mach an làmh a dh'atharrachadh agus a sgrios tighe Dhé a tha ann an Ierusalem. Thug mise Darius ordugh seachad; deanar an nì gu luath.

13 An sin rinn Tatnai an t-uachdaran air an taobh so de'n amhainn, Setar-bosnai, agus an cuidcachd, gun dàil a réir an *fhios* a chuir Darius an rìgh uath.

14 Agus thog seanairean nan Iudhach, agus shoirbhich leo a réir fàidhcadaircachd Hagai an fhàidh, agus Shechariah mhic Ido; agus thog iad agus chrìochnaich iad, a réir àithne Dhé Israeil, agus a réir àithne Chiruis agus Dhariuis, agus Artacserceis rìgh Phersia.

15 Agus chrìochnaicheadh an tigh so air an treas là de'n mhios Adar, a bha anns an t-seathamh bliadhna de rìoghachadh Dhariuis an rìgh.

16 Agus chum clann Israeil, na sagartan agus na Lebhithich, agus a' chuid eile de chloinn a' bhraighdeanais, coisreagadh tighe so Dhé le gairdeachas;

17 Agus dh'obair iad aig coisreagadh tighe so Dhé, ceud tarbh òg, dà cheud reithe, ceithir cheud uan; agus mar iobairt-phaicaidh air son Israeil uile, dà bhoc dheug ghaibhre, a réir àireimh thruceibh Israeil.

18 Agus shuidhich iad na sagartan 'n an roinnibh, agus na Lebhithich 'n an sealaibh, air son seirbhis Dhe, a tha ann an Ierusalem; mar tha e sgriobhta ann an leabhar Mhaois.

19 Agus chum clann a' bhraighdeanais a' chàisg air a' cheatkrannh là deug de'n cheud mhios.

20 Oir ghlanaidh na sagartan agus na Lebhithich le 'chéile: bha iad uile glan, agus mharbh iad a' chàisg do chloinn a' bhraighdeanais uile, agus d'an bràithribh na sagartaibh, agus dhoibh féin.

21 Agus dh'ith clann Israeil a thàinig air an ais o'n bhraighdeanas, agus iadsan uile a dhealaich iad féin d'an ionnsuidh o shalachar chinneach na tìre, a dh'iarraidh an Tighearna Dhé Israeil.

22 Agus chum iad féill an arain neo-ghoirtichte seachd làithean le h-aoibhneas: oir rinn an Tighearn aoibhinn iad, agus thionndaidh e cridhe rìgh Asiria d'an ionnsuidh, a' neartachadh an làmhan ann an obair tighe Dhé, Dhé Israeil.

1. *Ginealach Esra o Aaron. 6 Chaidh Esra suas o Bhabilon gu h-Ierusalem. 11 Ath-sgrìobhadh na litireach a thug Artacserces dha. 27 Bheannaich Esra Dia.*

AGUS an déigh nan nithean sin, ri linn Artacserceis rìgh Phersia, chaidh Esra mac Sheraiah, mhic Asariah, mhic Hileiah,

2 Mhic Shaluim, mhic Shadoic, mhic Ahi-tuib,

3 Mhic Amariah, mhic Asariah, [mhic Iohanan, mhic Asariah, mhic Ahimaais, mhic Shadoic, mhic Ahituib, mhic Amariah,] mhic Mheraioit,

4 Mhic Sheraiah, mhic Udsi, mhic Bhuci, 5 Mhic Abisua, mhic Phinehais, mhic Eleasair, mhic Aaroim an àrd shagairt:

6 Chaidh Esra so suas o Bhabilon, agus e 'n a sgrìobhaiche deas ann an lagh Mhaois, a thug an Tighearn Dia Israeil seachad: agus thug an rìgh dha, a chionn gu'n robh làmh an Tighearn' a Dhé air, 'iartus uile.

7 Agus chaidh *cuid* de chloinn Israeil, agus de na sagartaibh, agus de na Lebhithich, agus de'n luchd-seinn, agus de na dorsairibh, agus de na Netinich, suas gu h-Ierusalem, anns an t-seachdamh bliadhna de Artacserces an rìgh.

8 Agus thàinig e gu h-Ierusalem anns a' chùigeamh mìos, a bha anns an t-seachdamh bliadhna de'n rìgh.

9 Oir air a' cheud là de'n cheud mhios thòisich e air dol suas o Bhabilon, agus air a' cheud là de'n chùigeamh mìos thàinig e gu h-Ierusalem, a chionn gu'n robh làmh mhaith a Dhé air.

10 Oir dh'ulluich Esra a chridhe a dh'iarraidh lagha an Tighearn', agus g'a dheanamh, agus a theagasg ann an Israel reachd-an agus bhreitheanas.

11 Agus is e so ath-sgrìobhadh na litireach a thug rìgh Artacserces do Esra an sagart, an sgrìobhaiche, sgrìobhaiche briathar àitheantan an Tighearn', agus a reachdan do Israel:

12 Artacserces rìgh nan rìgh, gu Esra an sagart, sgrìobhaiche lagha Dhé nan nèamh, gach uile *shith*, agus 'n a leithid so a dh' àm.

13 Tha mi a' toirt orduigh, iadsan uile ann am rìoghachd de shluagh Israeil, agus d'a shagartaibh, agus d'a Lebhithich, leis an àill triall do h-Ierusalem, gu'n téid iad maille riut-sa:

14 A thaobh gu'n do chuireadh thu leis an rìgh, agus le 'sheachd luchd-comhairle, a dh'fhiosrachadh mu thimchioll Iudah agus Ierusalem, a réir lagha do Dhé a tha ann ad làmh;

15 Agus a thoirt leat an airgid agus an òir, a thug an rìgh agus a luchd-comhairle d'an toil féin do Dhia Israeil, aig am bheil àite-còmhnuidh ann an Ierusalem;

16 Agus an airgid agus an òir uile a gheibh thu ann an uile mhòr-roinn Bhabiloin, maille ri tabhartas saor-thoile an t-sluaigh agus nan sagart, a' toirt seachad d'an saor-thoil air son tighe an Dé, a *tha* ann an Ierusalem:

17 A chum gu'n ceannaich thu air ball leis an airgid so tairbh òga, reitheachan, uain, agus an tabhartais-bidh, agus an tabhartais-dibhe, agus gu'n iobair thu iad air altair tighe bhuir Dé a *tha* ann an Ierusalem.

18 Agus ge b'e ni a's maith leat féin agus le d' bhràithribh a dhcanamh leis a' chuid eile de'n airgid agus de'n òr, a réir toile bhuir Dé deanaibh.

19 Na soithichean mar an ceudna a *tha* air an tabhairt duit, air son seirbhis tighe do Dhé, thoir seachad 'am fianuis Dhé Ierusalem.

20 Agus ge b'e ni tuilleadh a bhios feumail air son tighe do Dhé, a chi thu aobhar air a bhuileachadh, builich e á tigh-ionmhais an rìgh.

21 Agus *tha* mise, mise féin Artacserces an rìgh, a' toirt orduigh do uile luchd-coimhead an ionmhais a *tha* air an taobh thall de'n amhainn, ge b'e ni a dh'iarras Esra an sagart, sgrìobhaiche lagha Dhé nan nèamh oirbh, gu'n deantar air ball e;

22 Gu ruig ceud tàlann airgid, agus gu ruig ceud tomhas cruithneachd, agus gu ruig ceud bat fiona, agus gu ruig ceud bat olaidh, agus salann gun àireamh.

23 Gach ni a *tha* a réir àithne Dhé nan nèamh, deantar gu cùramach e do thigh Dhé nan nèamh, air eagal gu'm bi fearg an aghaidh rìoghachd an rìgh agus a mhac.

24 Mar an ceudna *tha* sinn a' toirt fios duibh a thaobh nan sagart uile agus nan Lebhitheach, an luchd-seiun, nan dorsair, nan Netineach, no sheirbhiseach tighe so Dhé, nach feudar dlighe, cis, no càin a chur orra.

25 Agus suidhich thusa, Esra, a réir gliocais do Dhé, a *tha* ann ad làimh, uachdarain, agus breitheamhan, a bheir-breth air an t-sluagh uile a *tha* air an taobh thall de'n amhainn, orra-sann uile d'an aithne laghan do Dhé; agus teagaisgibh iadsan do nach aithne iad.

26 Agus gach neach nach dean a réir lagha do Dhé agus lagha an rìgh, deantar breith-canas air ball air, ma's ann a chum bàis, no chum fògraidh, no chum ùbhlaidh, no chum prìosain.

27 Beannaichte *gu robh* an Tighearn Dia ar n-aithrichean, a chuir mar so ann an cridhe an rìgh, a dheanamh maiseach tighe an Tighearn', a *tha* ann an Ierusalem;

28 Agus a fhuair tròcair dhomhsa 'am fianuis an rìgh agus a luchd-comhairle, agus 'am fianuis uile uachdaran cumhachdach an rìgh: agus ncartaichadh mi a chionn gu'n

robh làmh an Tighearna mo Dhé orm; agus chruinnich mi á h-Israel daoine taghta gu dol suas maille rium.

CAIB. VIII.

1 *Aireamh an t-sluaigh a phill maille ri Esra o Bhabilon.* 15 *Chuir Esra fios gu Ido air son sheirbhiseach a fhrith-ealadh do thigh Dhé.* 24 *Chuir e ionmhasan an teampuill fo làmh nan sagart.*

AGUS *is* iad so cinn an aithrichean, agus an àireamh a réir an ginealach, a chaidh suas maille rium o Bhabilon, ri linn Artacserces an rìgh:

2 De mhacaibh Phinehais; Gersom: de mhacaibh Itamair; Daniel: de mhacaibh Dhaibhidh; Hatus.

3 De mhacaibh Shechaniah; ****: de mhacaibh Pharois; Sechariah: agus maille risan *tha* air an àireamh a réir an ginealach de fhirionnaich ceud, agus leth-cheud.

4 De mhacaibh Phahat-mhoaib; Elioenai mac Sherahiah, agus maille ris dà cheud fìrionnach.

5 De mhacaibh [Shatu:] Sechaniah nac Iahasiel, agus maille ris trì cheud fìrionnach.

6 Agus de mhacaibh Adin; Ebed mac Ionatain, agus maille ris leth-cheud fìrionnach.

7 Agus de mhacaibh Elainh; Iesaiah mac Ataliah, agus maille ris trì fichead agus deich fìrionnach.

8 Agus de mhacaibh Shephatiah; Sebadiah mac Mhichael, agus maille ris ceithir fichead fìrionnach.

9 De mhacaibh Ioab; Obadiah mac Iehiel, agus maille ris dà cheud, agus ochd fìrionnach dheug.

10 Agus de mhacaibh [Bhani:] Selomit mac Iosiphiah, agus maille ris ceud, agus trì fichead fìrionnach.

11 Agus de mhacaibh Bhebai; Sechariah mac Bhebai, agus maille ris ochd fìrionnach thar fhìchead.

12 Agus de mhacaibh Asgaid; Iohanan, mac Hacatain, agus maille ris ceud, agus deich fìrionnach.

13 Agus de mhacaibh dcireannach Adoniam; agus *is* iad so an ainmean, Eliphelet, Ieicl, agus Semaiah, agus maille riu trì fichead fìrionnach.

14 Agus de mhacaibh Bhigbhai; Utai agus Sabud, agus maille riu trì fichead agus deich fìrionnach.

15 Agus chruinnich mi iad a dh'ionnsuidh na h-aimhne a *tha* teachd gu Ahabha, agus an sin dh'fhan sinn ann am bùthaibh trì làithean, agus ghabh mi beachd de'n t-sluagh, agus de na sagartan, agus cha d'fhuair mi'n sin a h-aon de mhacaibh Lebhi.

16 An sin chuir mi fios air Elieser, air Ariel, air Semaiah, agus air Elnatan, agus air Natan, agus air Sechariah, agus air Mesu-

lam, prìomh dhaoine; agus air Ioiarib, agus air Elnatan, daoine tuigseach.

17 Agus chuir mi iad le h-àithne gu Ido an ceann, aig àit Chasiphia, agus dh'innis mi dhoibh cìod a theireadh iad ri Ido, [agus] r'a bhràithribh na Netinich aig àit Chasiphia, gu'n tugadh iad d'ar n-ionnsuidh seirbhisich air son tighe ar Dé.

18 Agus le làimh mhaith ar Dé oirnn thug iad d'ar n-ionnsuidh Is-sechel, de mhacaibh Mhahli, mhic Lebhi, mhic Israeil, agus Serebiah agus a mhic agus a bhràithrean, ochd *fir* dheug;

19 Agus Hasabiah, agus maille ris Iesaiah de mhacaibh Mherari, a bhràithrean, agus am mic, fichead;

20 Agus de na Netinich a dh'orduich Daiblidh agus na h-uachdarain air son seirbhis nan Lebhithich, dà cheud agus fichead Netineach: ghoireadh iad uile air an ainm.

21 An sin ghairm mi trasgadh 's an àite sin aig amhainn Ahabha, chum gu'n irios-laicheamaid sinn féin 'am fianuis ar Dé, a dh'iarraidh air slighe cheirt dhuinn féin, agus d'ar cloinn bhlìg, agus d'ar maoin uile.

22 Oir bu nàr leam buidheann shaighdear agus marc-shluagh iarraidh air an rìgh, a chuideachadh leinn an aghaidh an nàmhaid air an t-slighe; a chionn gu'n do labhair sinn ris an rìgh, ag ràdh, Tha làmh ar Dé chum maith orra-san uile a dh'iarraas e, ach a clumhachd agus 'fhearg 'n an aghaidh-san uile a thréigas e.

23 Uime sin thraisg sinn, agus dh'iarr sinn ar Dia air son so, agus dh'éisd e ri'r n-aith-chuinge.

24 An sin chuir mi air leth dà fhear dheug dhiubhsan a b'airde de na sagartaibh, Serebiah, Hasabiah, agus deichnear d'am bràithribh maille riu;

25 Agus thomhais mi dhoibh an t-airgid, agus an t-òr, agus na soithichean, tabhartas tighe ar Dé, a thug an rìgh, agus a luchd-comhairle, agus a dhaoine mòra, agus Israel uile a bha làthair, seachad;

26 Thomhais mi cadhon d'an làimh sè ceud agus leth - cheud tàlann airgid, agus de shoithichibh airgid ceud tàlann, agus ceud tàlann òir;

27 Agus fichead cuach òir de mhìle darcen; agus dà shoitheach a dh'umha buidh maith, luachmhor mar òr.

28 Agus thubhairt mi riu, *Tha* sibhise naomha do'n Tighearn, agus na soithichean naomha, agus an t-airgid agus an t-òr 'n a thabhartas saor-thoile do'n Tighearn Dia bhuir n-aithrichean.

29 Deanaibh faire, agus coimheadaibh, gus an cothromaich sibh *iad*, 'am fianuis uachdarain nan sagart, agus nan Lebhithich, agus uachdarain aithrichean Israeil ann an Ierusalem, ann an seomraichibh tighe an Tighearna.

30 Uime sin ghabh na sagartan agus na Lebhithich cothrom an airgid agus an òir, agus nan soitheach, chum an tabhairt gu h-Ierusalem a dh'ionnsuidh tighe ar Dé.

31 Agus dh'imich sinn o amhainn Ahabha air an dara là deug de'n cheud mhìos, gu dol do h-Ierusalem; agus bha làmh ar Dé oirnn, agus shaor e sinn o làimh an nàmhaid, agus o'n làimh-san a bha 'deanamh feall-fholach air an t-slighe.

32 Agus thàinig sinn gu h-Ierusalem, agus dh'fhan sinn an sin trì làithean.

33 Agus air a' cheathramh là thomhaiseadh an t-airgid agus an t-òr, agus na soithichean ann an tigh ar Dé, le làimh Mheremot mhic Uriah an t-sagairt, agus maille ris bha Eleasar mac Phinehais, agus maille riu-san Iosabad mac Iesua, agus Noadiah mac Bhinui, Lebhithich:

34 A réir àireimh agus a réir tomhais nan uile: agus sgrìobhadh an tomhas uile 's an àm sin.

35 Thug clann na muinntir a thugadh air falbh, agus a thàinig o'n bhraigheanas, seachad iobairtean-loisgte do Dhia Israeil, dà tharbhadh dheug òg air son Israeil uile, ceithir fichead reithe agus sè deug, trì fichead uan agus seachd deug, dà bhoc dheug ghaibhre mar iobairt-pheacaidh: iad uile 'n an iobairt-loisgte do'n Tighearn.

36 Agus thug iad seachad orduighean an rìgh do àrd riaghlairibh an rìgh, agus do na h-uachdaranaibh air an taobh so de'n amhainn; agus chuir iadsan an sluagh agus tigh Dhé air an aghaidh.

CAIB. IX.

1 Rinn Esra caoidh a chionn gu'n do ghabh sluagh Israeil d'an ionnsuidh mnathan coimheach. 5 Dh'irioslaich se e féin, agus rinn e urnaigh ri Dia.

AGUS an uair a rinneadh na nithean sin, thàinig na h-uachdarain 'a m' ionnsuidh, ag ràdh, Cha do dhealaich sluagh Israeil, agus na sagartan, agus na Lebhithich iad féin o shluagh na tìre, d' deanamh a réir an gràineileachd, cadhon nan Canaanach, nan Hiteach, nam Peridseach, nan Iebusach, nan Amonach, nam Moabach, nan Eiphiteach, agus nan Amorach.

2 Oir ghabh iad d'am nigheanaibh dhoibh féin agus d'am macaibh, agus mheasg an sliochd naomh iad féin ri sluagh nan tìr: agus bha làmh nan uachdarain agus nan riaghlair air thoiseach anns a' chionta so.

3 Agus an uair a chuala mi an ni so, reub mi m'eadach, agus m'halluim, agus spion mi cuid de ghruaig mo chinn agus m'fheusag, agus shuidh mi sìos fo uamhann.

4 An sin chruinnicheadh 'a m' ionnsuidh iadsan uile a chrìochnaich roimh bhriathraibh Dhé Israeil, air son euceirt na muinntir a thugadh air falbh; agus shuidh mi fo uamhann gu ruig an iobairt-fheasgair.

5 Agus aig an ìobairt-fheasgair dh'éirich mi o m' thùirse, le m'eudach agus m'fhall-uinn reubta umam, agus leag mi mi féin air mo'ghlùinibh, agus sgaoil mi mach mo làmh an dh'ionnsuidh an Tighearna mo Dhé,

6 Agus thubhairt mi, O mo Dhia, tha nàir' orm agus rudhadh gruaidh m'aghaidh thogail riutsa, mo Dhia: oir tha ar n-euceartan air fàs lionmhòr os ar ceann, agus tha ar cionta air éirigh suas gu nèamh.

7 O làithibh ar n-aithrichean *bha* sinn ann an cionta mhòir guruig an là 'n diugh, agus air son ar n-euceartan thugadh thairis sinn féin, ar rìghrean, ar sagartan do làmh rìghrean nan tìr, do'n chlàidheamh, do dhaorsa, agus do chreachadh, agus do nàire gnùise, mar air an là 'n diugh.

8 Agus a nis car tannuill bhlìg nochdadh gràs o'n Tighearn ar Dia, a dh'fhàgail duinn fuighill, agus a thabhairt tàirnge dhuinn 'n a ionad naomh, chum gu'n soillsicheadh ar Dia ar sùilean, agus gu'n tugadh e dhuinn beagan beothlachaidh 'n ar daorsa:

9 Oir *bha* sinne 'n ar tràillibh, gidheadh 'n ar daorsa cha do thréig ar Dia sinn, ach fhuair e trócàir dhuinn ann an sùilibh rìghrean Phersia, a thoirt duinn ath-bheothachaidh a chur suas tighe ar Dé, agus a leasachadh na mhilleadh ann, agus a thoirt duinn balla ann an Iudah agus ann an Ierusalem.

10 Agus a nis, O ar Dia, ciod a their sinn an déigh so? oir thréig sinn d'àitheantan,

11 A dh'àithn thu le d' sheirbhisich na fàidhean, ag ràdh, *Tha'n* talamh d'am bheil sibh a' dol ga' shealbhadh, 'n a thalamh neòghlan le neòghloine shluaigh nan tìr, le'n gràineileachdaibh, a lìon e o cheann gu ceann le'n salachar.

12 A nis ma ta na tugaibh bhuir nigh-eanan d'am macaibh, agus an nigheanan-san na gabhaibh do bhuir macaibh-sa, agus na h-iarraibh an sìth, no an saobhbheas gu bràth: chum gu'm bi sibh làidir, agus gu'n ith sibh maith an fhearainn, agus gu'm fàg sibh e 'n a oighreachd do'r cloinn gu bràth.

13 Ach an déigh gach *ni* a thàinig oirnn air son ar droch oibre, agus air son ar cionta mhòir, o nach d'rinn thusa ar Dia peanas oirnn a réir ar droch thoillteanais, agus gu'n d'thug thu dhuinn a leithid so dé shaorsa;

14 Nam briseamaid a ris d'àitheantan, agus nan deanamaid cleamhnas ri sluagh nan gràineileachd sin, nach bitheadh fearg ort ruinn gus an cuireadh tu as *duinn*, air chor as nach *bitheadh* fuigheall no dol as ann?

15 A Thighearna Dhé Israeil *is* ceart thusa, oir tha fuigheall a làthair dhinn, mar air an là 'n diugh. Feuch, *tha* sinn a' d'fhianuis 'n ar peacaidhean: oir cha-n urrainn sinn seasamh a' d' fhianuis air son so.

CAIB. X.

1 *Thug* Sechaniah misneach do Esra, agus *chomhairlich* e na mnathan coimheach a chur air falbh. 7 Chruinnicheadh an sluagh gu h-Ierusalem, 9 agus dh'aidich iad am peacaidhean. 18 Aireamh na muinntir a ghabh dhoibh féin mnathan coimheach.

A NIS an uair a rinn Esra urnuigh, agus a dh'aidich e, a' gul, agus 'g a thilg-eadh féin sìos fa chomhair tighe Dhé, chruinnich d'a ionnsuidh á h-Israel comh-chruinneachadh ro mhòr de fhearaibh, agus de mhnàibh, agus de chloinn; oir ghuil an sluagh gu mòr.

2 Agus labhair Sechaniah mac Iehieil, *aon* de mhacaibh Elaim, agus thubhairt e ri h-Esra, Pheacach sinn an aghaidh ar Dé, agus ghabh sinn d'ar n-ionnsuidh mnathan coimheach de shluagh na tìre: ach a nis tha dòchas aig Israel a thaobh an ni so.

3 A nis tìme sindeanamaid coimheangal ri'r Dia, na mnathan uile a chur uainn, agus iadsan a rugadh leo, a réir comhairle mo thighearna, agus na muinntir a chrioht-naicheas roinnh àitlne ar Dé, agus dcanar a réir an lagha.

4 Eirich; oir dhuitse *buinidh* an ni so, agus *bithidh* sinne maille riut: gabh misneach, agus dean.

5 Agus dh'éirich Esra, agus thug e air na h-àrd shagartaibh, na Lebhitheach, agus Israel uile mionnachadh, gu'n deanadh iad a réir an fhocail so; agus mhionnaich iad.

6 An sin dh'éirich Esra o làthair tighe Dhé, agus chaidh e do sheòmar Iohanain, mhic Elíasib: agus an uair a thàinig e 'n sin, cha d'ith e aran, agus cha d'òl e uisge; oir rinn e bròn air son cionta na muinntir a thugadh air falbh.

7 Agus thug iad gairm air feadh Iudah agus Ierusalem, do uile chloinn a' bhraighdeanais, iad a chruinneachadh an ceann a chéile gu h-Ierusalem;

8 Agus ge b'e neach nach tigcadh 'an ceann thri làithean, a réir comhairle nan uachdaran agus nan seanair gu'n tugtadh uaith a mhaoin uile, agus gu'm bitheadh e féin air a dhealachadh o chomhchruinneachadh na muinntir a thugadh air falbh.

9 Agus chruinnicheadh fir Iudah agus Bheniamin uile gu h-Ierusalem 'an ceann thri làithean: *bha* e *anns* an naothamh mìos, air an fhichcadamh là de'n mhìos: agus shuidh an sluagh uile ann an sràid tighe Dhé, air chrith air son an ni so, agus air son an uisge mhòir.

10 Agus dh'éirich Esra an sagart, agus thubhairt e ri u, Pheacach sibh, agus ghabh sibh dhuibh féin mnathan coimheach a mheudachadh peacaidh Israeil.

11 A nis ma tha deanaibh aidmheil do'n Tighearn Dia bhuir n-aithrichean, agus coimh-lionaibh a thoil; agus dealaichibh sibh féin o shluagh na tìre, agus o na muinntir coimheach

12 Agus fhreagair an coimhthional uile, agus thubhairt iad le guth àrd, Mar sin, a réir d'fhocail, *tha e ceangailte oirne a dheanamh.*

13 Ach *tha'n* sluagh lionmhor, agus *is* àm mòr uisge e, agus cha-n urrainn sinn seasamh a muigh, agus cha-n obair aoin là, no dhà là so; oir tha sinn lionmhor a pheacaich anns an nì so.

14 Seasadh a nis ar n-uachdarain de'n choimhthional uile, agus aig àmaibh suidhichte thigeadh iadsan uile 'n ar bailtibh a ghabh dhoibh féin mnathan coimheach, agus maille riu seanairean gach baile, agus a bhreitheamhnan, gus an tionndaidhear fearg laiste ar Dé uainn a thaobh an nì so.

15 Sheas a mhàin Ionatan mac Asaheil, agus Iahasiah mac Thiebhah, air son so: agus chuidich Mesulam agus Sabetai an Lebhithreach leo.

16 Agus rinn clann a' bhraighdeanais mar sin: agus dhealaicheadh Èsra an sagart, agus cinn àraidh nan aithrichean a réir tighe an aithrichean, agus iad uile a réir an ainmean, agus shuidh iad sìos air a' cheud là de'n deicheamh mìos a rannsachadh na chùise.

17 Agus chrìochnaich iad a thaobh nan daoine uile a ghabh dhoibh féin mnathan coimheach, air a' cheud là de'n cheud mìos.

18 Agus an measg mhac nan sagart fhuaradh a ghabh dhoibh féin mnathan coimheach: De mhacaibh Iesua, mhic Iosadaic, agus a bhraithrean; Maaseiah, agus Elieser, agus Iarib, agus Gedaliah.

19 Agus thug iad an làmhnan gu'n cuireadh iad uatha an mnathan: agus air dhoibh bhì ciontach, *thug iad* reithe de'n treud air son an cionta.

20 Agus de mhacaibh Imcir; Hanani, agus Sebadiah.

21 Agus de mhacaibh Harim; Maaseiah, agus Eliah, agus Semaiah, agus Iehiel, agus Udsiah.

22 Agus de mhacaibh Phasuir; Elieonai, Maaseiah, Ismael, Netanceel, Iosabad, agus Elalah.

23 Agus de na Lebhithich; Iosabad, agus Simel, agus Celaiah, (*is e sin Celita*), Peta-hiah, Iudah agus Elieser.

24 Agus de'n luchd-seinn; Eliasib: agus de na dorsairibh; Salum, agus Telem, agus Uri.

25 Agus de Israel: De mhacaibh Pharois; Ramaiah, agus Iesiah, agus Malchiah, agus Miamin, agus Elieser, agus Malchiah, agus Benaiah.

26 Agus de mhacaibh Elaim; Mataniah, Sechariah, agus Iehiel, agus Abdi, agus Ierimot, agus Eliah.

27 Agus de mhacaibh Shatu; Elieonai, Eliasib, Mataniah, agus Ieremot, agus Sabad, agus Asisa.

28 Agus de mhacaibh Bhebai; Ichohanah, Hananiah, Sebai, agus Atlai.

29 Agus de mhacaibh Bhani; Mesulam, Maluch, agus Adaiah, Iasub, agus Seal, agus Ramot.

30 Agus de mhacaibh Phalat-mhoibh; Adna, agus Chelal, Benaiah, Maaseiah, Mataniah, Besaleel, agus Binui, agus Manaseh.

31 Agus de mhacaibh Harim; Elieser, Isiah, Malchiah, Semaiah, Simcon,

32 Benjamin, Maluch, agus Semariah.

33 De mhacaibh Hasuin; Matenai, Mata-tah, Sabad, Eliphelet, Ieremai, Manaseh, agus Simeì.

34 De mhacaibh Bhani; Maadai, Amram, agus Uel,

35 Benaiah, Bedaiah, Cheluh,

36 Bhaniah, Meremot, Eliasib,

37 Mataniah, Matenai, agus Iaasau,

38 Agus Bani, agus Binui, Simeì,

39 Agus Selemiah, agus Natan, agus Adaiah,

40 Macknadebai, Sasai, Sarai,

41 Asareel, agus Selemiah, Semariah,

42 Salum, Amariah, agus Ioseph,

43 De mhacaibh Nebo; Ieiel, Matitiah, Sabad, Sebina, Iadai, agus Ioel, Benaiah.

44 Ghabh iad sin uile dhoibh féin mnathan coimheach: agus aig cuid diubh bhà mnathan ris an robh clann aca.

N E H E M I A H.

CAIB. I.

1 'N uair a chuala Nehemiah iomradh air doilpheas nan Iudhach a dh'fhàgadh de'n braighdeanas thraisg e, agus rinn e bròn 'am fianais Dhé. 5 Urnuigh Nehemiah.

BRIATHRAN Nehemiah mhic Hachalah. Agus tharladh anns a' mìos Chisleu, anns an fhlicheadamh bliadhna, 'n uair a bha mi ann an Susan an lùchairt,

2 Gu'n d'thàinig Hanani, aon de m' bhràith-

ribh, e féin agus daoine de Iudah; agus dh'fhèoraich mi dhiubh a thaobh nan Iudhach a chaidh as, a dh'fhàgadh de'n bhraighdeanas, agus mu thimcheall Ierusalem.

3 Agus thubhairt iad rium, *Tha 'n* fuigh-eall a dh'fhàgadh de'n bhraighdeanas an sin anns a' mhìor-roinn, ann an àmhghar mòr agus ann am mì-chliu; agus bhriseadh balla Ierusalem sìos, agus loisgeadh a geatachan le teine.

4 Agus an uair a chuala mi na briathran so, shuidh mi sìos, agus ghuil mi, agus rinn mi bròn làithean *àraidh*, agus thraisg mi, agus rinn mi urnuigh 'am fianuis Dhé nan nèamh,

5 Agus thubhairt mi, Guidheam ort, a Thighearna, Dhé nan nèamh; an Dia mòr agus uamhasach, a ghlaidheas coimh-cheangal agus tròcair dhoibhsan a ghrèdh-aicheas e, agus a choimheadas àitheantan;

6 Bitheadh do chluas a nis furachair, agus do shùilean fosgailte, chum gu'n éisd thu rì urnuigh d'òglach, a *tha* mi a' deanamh a'd' fhianuis a nis, a là agus a dh'oidhche, air son chloinn Israeil d'òglach: agus *tha mi* 'g aideachadh pheacaidhean chloinn Israeil, a pheacaidh sinn a'd' aghaidh: pheacaich araon mise agus tigh m'athar.

7 Rinn sinn gu rò thruaillidh a'd' thaobhsa, agus cha do ghléidh sinn na h-àitheantan, no na reachdan, no na breitheanais a dh'àithn thu do d'òglach Maois.

8 Cuimhnich, guidheam ort, am focal a dh'àithn thu do d'òglach Maois, ag ràdh, *Ma* pheacaicheas sibh, sgapaidh mise sibh am measg nan cinneach.

9 Ach *ma* philleas sibh a m'ionnsuidh, agus gu'n coimhid sibh m'àitheantan, agus gu'n dean sibh iad, ged robh iad dhibh air an tilgeadh a mach do'n chuid a's iomallaiche de nèamh, cruinnichidh mi as a sin iad, agus bheir mi iad do'n àit' a thagh mi, a chur m'ainme 'an sin.

10 A nis *is* iad so do sheirbhisich agus do shluagh, a shaor thule d' mhòr chumhachd, agus le d' làimh thréim.

11 A Thighearna, guidheam ort, bitheadh do chluas a nis furachair ri urnuigh do sheirbhisich, agus ri urnuigh d'òglach, le'm miann eagail d'ainme 'bhi orra: agus soirbheich, guidheam ort, le d' sheirbhiseach an diugh, agus thoir dha tròcair ann an sealladh an duine so. 'A nis bha mise a'm' ghille-cupain aig an rìgh.

CAIB. II.

1 *Thug Artaserces comas do Nehemiah dol a thogail balla Ierusalem.* 9 *Thàinig gu Ierusalem, agus dh'fheuch e litrichean an rìgh do na h-uachdaran aibh.* 17 *Bhrosnaich e an sluagh gu am balla a thogail.*

AGUS tharladh ann am mìos Nisain, anns an fhicheadamh bliadhna de Artaserces an rìgh, gu'n robh fion fa chomhair; agus ghabh mi am fion, agus thug mi e do'n rìgh. Agus cha robh mise *roimhe sin* dubhach 'n a fhianuis.

2 Uime sin thubhairt an rìgh rium, 'Car son a tha do ghnùis dubhach, agus gun thu bli tinn? cha nì eile so ach cradh cridhe. Agus bha eagail mòr orm;

3 Agus thubhairt mi ris an rìgh, Gu mair-cadh an rìgh gu bràth: c'ar son nach bith-eadh mo ghnùis dubhach, an uair a tha 'm baile, àit-adhlacaidh m'aithrichean, air

'fhàsachadh, agus a gheatachan air an caithheadh le teine?

4 Agus thubhairt an rìgh rium, Ciod e so a *tha* thu ag iarraidh? Agus rinn mi urnuigh ri Dia nan nèamh:

5 Agus thubhairt mi ris an rìgh, Ma's maith leis an rìgh, agus ma gheibh do sheirbhiseach deadh-ghean a'd' fhianuis, gu'n cuireadh tu mi dh'ionnsuidh Iudah, gu baile àit-adhlacaidh m'aithrichean, agus gu'n tog mi e.

6 Agus thubhairt an rìgh rium, agus a' bharrighinn 'n a suidhe làimh ris, Cia fad an ùine 'bhios tu air do thurus; agus c'uir a philleas tu? Agus bu toil leis an rìgh mo chur air falbh, agus shuidhich mi àm ris.

7 Agus thubhairt mi ris an rìgh, Ma's toi leis an rìgh, thugar litrichean dhomh a dh'ionnsuidh nan uachdaran air an taobh thall de'n amhainn, chum gu'n cuir iad thairis mi gus an tig mi gu Iudah;

8 Agus litir gu Asaph fear-gleidhidh frìthe an rìgh, chum gu'n toir e dhomh fiodh a dheanamh sailthean air son gheatachan na lùchairt 'a *bhuineas* do'n tigh, agus air son balla a' bhaile, agus air son an tighe d'an téid mi. Agus thug an rìgh dhomh, a réir làimhe mhaith mo Dhé orm.

9 Agus thàinig mi dh'ionnsuidh nan uachdaran air an taobh eile de'n amhainn, agus thug mi dhoibh litrichean an rìgh. A nis chuir an rìgh maille rium ceannardan de'n armailt agus marc-shluagh.

10 An uair a chuala Sanbalat an t-Horonach, agus Tobiah an seirbhiseach an t-Amonach e, chuir e doilgheas mòr orra gu'n d'thàinig duine a dh'iarraidh leas chloinn Israeil.

11 Agus thàinig mi gu h-Ierusalem, agus bha mi 'n sin trì làithean.

12 Agus dh'éirich mi 's an oidhche, mi féin agus beagan dhaoine maille rium; ach cha d'innis mi do dhuine ciod a chuir mo Dhia ann am chridhe a dheanamh ann an Ierusalem: agus cha robh ainmhidh maille rium, ach an t-ainmhidh air an do mharcaich mi.

13 Agus chaidh mi mach 's an oidhche air geata a' ghlinne, agus fa chomhair tobair an dragoin, agus gu geata an aolaich, agus ghabh mi sealladh de bhallaichean Ierusalem, a *bha* air am briseadh sìos, agus d'a geatachaibh a bha air an caithheadh le teine.

14 Agus chaidh mi air m'aghaidh gu geata an tobair, agus gu lochan an rìgh: ach cha robh àit ann do'n ainmhidh a *bha* fodham gu dol thairis.

15 An sin chaidh mi suas 's an oidhche làimh ris an t-sruth, agus ghabh mi sealladh de'n bhalla, agus thionndaidh mi air m'ais, agus chaidh mi steach air geata a' ghlinne, agus phill mi.

16 Agus cha robh fios aig na riaghlairibh

càit an deachaidh mi, no cìod a rinn mi, agus cha d'innis mi e do na h-Iudhaich, no do na sagartaibh, no do na h-àrd uaislibh, no do na riaghlairibh, no do'n chuid eile a rinn an obair.

17 Agus thubhairt mi riu, *Tha sibh a' faicinn a' chruaidh-chais anns am bheil sinn*, mar a tha Ierusalem air a fàsachadh, agus a geatachan air an losgadh le teine: thigibh agus togamaid balla Ierusalem, chum nach bi sinn nì's mò 'n ar masladh.

18 Agus dh'innis mi dhoibh a thaobh làimhe mo Dhé, a *bha* maith orm, agus mar an ceudna briathran an rìgh a labhair e rium. Agus thubhairt iad, Eireamaid agus togamaid. Agus neartaich iad an làmhan chum maith.

19 Ach an uair a chuala Sanbalat an t-Horonach, agus Tobiah an seirbhiseach an t-Amonach, agus Gesem an t-Arabach e, rinn iad gàire fànoid oirn, agus rinn iad tàir oirn, agus thubhairt iad, Cìod an nì so a *tha* sibh a' deanamh? an dean sibh ceannaire an aghaidh an rìgh?

20 An sin fhreagair mi iad, agus thubhairt mi riu, Dia nan nèamh, soirbhidhich esan leinn: a chionn gur sinne a sheirbhisich, éiridh sinn agus togaidh sinn: ach agaibhse cha-n'èil cuibhrienn, no còir, no cuimhneachan ann an Ierusalem.

CAIB. III.

1 *Ainmean agus orduigh an t-sluaigh a thog balla Ierusalem.*

AGUS dh'éirich Eliasib an t-àrd shagart maille r'a bhràithribh na sagartan, agus thog iad geata nan caorach: naomhaich iad e, agus chuir iad suas a chomhlachan: cadhon gu ruig tùr Mheah naomhaich iad e, agus gu ruig tùr Hananeel.

2 Agus làimh ris-san thog fir Iericho: agus làimh riu-san thog Sacur mac Imri.

3 Ach geata an éisg thog mic Hasenaah: leag iad a shailthean, agus chuir iad suas a chomhlachan, a ghlasan, agus a chroinn.

4 Agus làimh riu-san chàirich Meremot mac Uriah, mhic Chois: agus làimh ris-san chàirich Mesulam mac Bherechia, mhic Mhesesabail: agus làimh riu-san chàirich Sadoc mac Bhaanah.

5 Agus làimh riu-san chàirich na Tecoaich: ach cha do chuir an àrd uaislean ann muineal ri seirbhis an Tighearna.

6 Agus an seann gheata chàirich Iehoiada mac Phaseah, agus Mesulam mac Bhcsodia: leag iad a shailthean, agus chuir iad suas a chomhlachan, agus a ghlasan, agus a chroinn.

7 Agus làimh riu-san chàirich Melatiah an Gibeonach, agus Iadon an Meronotach, fir Ghibeoin agus Mhispah, gu ruig rìgh-chathair an uachdarain air an taobh so de'n amhainn.

8 Làimh ris-san chàirich Udsiel mac Har-

haiah, de na h-òr-cheardaibh: agus làimh ris-san chàirich Hananiah, mac aoin de na léighean, agus neartaich iad Ierusalem gu ruig am balla leathan.

9 Agus làimh riu-san chàirich Rephaiah mac Huir, riaghlair leth-roinne Ierusalem.

10 Agus làimh ris-san chàirich Tedaiah mac Harumaph, eadhon fa chomhair a thighe: agus làimh ris-san chàirich Hatus, mac Hasabniah.

11 An t-ath-thomhas chàirich Malchiah mac Harim, agus Hasub mac Phahat-mhoab, agus tùr nan àmhuinnean.

12 Agus làimh ris-san chàirich Salum mac Haloheis, riaghlair leth-roinne Ierusalem, e fén agus a nigheanan.

13 Geata a' ghlinne chàirich Hanan, agus luchd-àiteachaidh Shanoah: thog iad e, agus chuir iad suas a chomhlachan, a ghlasan, agus a chroinn, agus mìle làmh-choille de'n bhalla, gu ruig geata an aolaich.

14 Ach geata an aolaich chàirich Malchiah mac Rechaib, riaghlair roinne Bhet-hacereim: thog se e, agus chuir e suas a chomhlachan, a ghlasan, agus a chroinn.

15 Ach geata an tobar chàirich Salum mac Chol-hoseh, riaghlair roinne Mhispah: thog se e, agus chuir e dìu air, agus chuir e suas a chomhlachan, a ghlasan, agus a chroinn, agus balla lochain Shiloah làimh ri lios an rìgh, agus gu ruig na ceuman a' dol sìos o bhaile Dhaibhidh.

16 'N a dhéigh-san chàirich Nehemiah mac Asbuc, riaghlair leth-roinne Bhet-suir, gu ruig fa chomhair àitean-adhlacaidh Dhaibhidh, agus gu ruig an lochan a rinn-eadh, agus gu ruig Bet-agbarim.

17 'N a dhéigh-san chàirich na Lebhitich, Rehun mac Bhani: làimh ris-san chàirich Hasabiah, riaghlair leth-roinne Cheilah, 'n a roinn fén.

18 'N a dhéigh-san chàirich an bràithrean, Babhai mac Henadaid, riaghlair leth-roinne Cheilah.

19 Agus làimh ris-san chàirich Eser mac Iesua, riaghlair Mhispah, an t-ath-thomhas fa chomhair an dol suas do'n arm-thigh aig an tionndadh.

20 'N a dhéigh-san chàirich Baruch mac Shabai an t-ath-thomhas, o'n tionndadh gu ruig dorus tighe Eliasib an àrd-shagairt.

21 'N a dhéigh-san chàirich Meremot mac Uriah, mhic Acois, an t-ath-thomhas, o dhorus tighe Eliasib gu ruig ceann tighe Eliasib.

22 Agus 'n a dhéigh-san chàirich na sagartan, dàoinne a' chòmhnaird.

23 'N an déigh-san chàirich Benjamin agus Hasub, fa chomhair an tighe: 'n a dhéigh-san chàirich Asariah mac Mhaaseiah, mhic Ananiah, làimh r'a thigh.

24 'N a dhéigh-san chàirich Binui, mac Henadaid, an t-ath-thomhas, o thigh Asa-

riah gu ruig an tionndadh, agus gu ruig an oisinn.

25 Palal mac Udsai, fa chomhair an tionndaidh, agus an tùir a tha 'dol a mach o thigh àrd an rìgh a bha làimh ri cùirt a' phrìosain: 'n a dhéigh-san Pedaiah mac Pharois.

26 Mar an ceudna na Netinich a bha 'chòmhnuidh ann an Ophel, gu ruig fa chomhair geata an uisge a làimh na h-àirde 'n ear, agus an tùir a tha 'dol a mach.

27 'N an déigh-san chàirich na Tecoaich an t-ath-thomas, fa chomhair an tùir mhòir a tha 'dol a mach, gu ruig balla Ophel.

28 O thaobh shuas geata nan each chàirich na sagartan, gach aon fa chomhair a thighe.

29 'N an déigh-san chàirich Sadoc mac Imeir, fa chomhair a thighe: agus 'n a dhéigh-san chàirich Semaiah, mac Shechamiah, fear-gleidhidh an doruis an ear.

30 'N a dhéigh-san chàirich Hananiah, mac Shelemiah, agus Hanun, seathamh mac Shalaiph, an t-ath-thomas: 'n a dhéigh-san chàirich Mesulam mac Bherechiah, fa chomhair a sheòmar féin.

31 'N a dhéigh-san chàirich Malechiah, mac an òr-cheird, gu àite nan Netineach, agus nan ceannaichean, fa chomhair geata Mhipheaid, agus gu dol suas na h-oisinn.

32 Agus o dhol suas na h-oisinn gu geata nan caorach, chàirich na h-òr-cheird agus na ceannaichean.

CAIB. IV.

1 'Nuair a bha an naimhdean a' deanamh fànoid air na h-Iudhaich rinn Nehemiah urnuigh. agus bhunaich e ann an togail a' bhalla. 9 Shuidhich e freiceadan, 13 agus dh'armaich e an luchd-oibre.

AGUS an uair a chuala Sanbalat gu'n robh sinn a' togail a' bhalla, bha fearg air, agus bha e ann an corruich ro mhòir, agus rinn e fànoid air na h-Iudhaich.

2 Agus labhair e 'am fianuis a bhràithrean agus armailt Shamaria, agus thubhairt e, Cìod a nì na h-Iudhaich annhunn so? an daingnich siad iad féin? an iobair iad? an crìochnaich iad ann an là? an tog iad suas a ris na clachan as na dùnaibh luathre a chaidh a losgadh?

3 Agus bha Tobiah an t-Amonach làimh ris, agus thubhairt e, Eadhon an nì a tha iad a' togail, ma théid sionnach suas, brisidh e sìos am balla cloiche.

4 Eisd, O ar Dia, oir tha tàir air a dheanamh oirnn, agus tionndaidh am masladh air an ceann féin, agus tabhair iad 'n an còbhartach ann an tìr a' bhraighdeanais:

5 Agus na còmhdaich an euceart, agus na dubhar a mach am peacadh a' d'ìhianuis; oir bhrosnaich iad thu gu feirg an làthair an luchd-togail.

6 Agus thog sinn am balla; agus cheangladh am balla uile ri 'chéile gu ruig a leth:

oir bha toil aig an t-sluagh obair a dheanamh.

7 Ach an uair a chuala Sanbalat, agus Tobiah, agus na h-Arabaich, agus na h-Amonaich, agus na h-Asdodaich, gu'n robh uile bhallachan Ierusalem 'g an cur suas, gu'n do thòisich na bèarnan ri 'bhi air an dùnadh, an sin bha fearg mhòr orra.

8 Agus chuir iad uile an comhairle ri 'chéile iad a theachd a chogadh an aghaidh Ierusalem, agus g'a bhacadh.

9 Ach rinn sinne urnuigh r'ar Dia, agus shuidhich sinn freiceadan 'n an agaidh a là agus a dh'òidhe fa'n comhair.

10 Agus thubhairt Iudah, Tha neart luchd-iomchair nan eallach air failleachadh, agus mòran luathre ann, air chor as nach urrainn sinn am balla a thogail.

11 Agus thubhairt ar naimhdean, Cha bli fios aca, agus cha-n fhaic iad, gus an tig sinn a stigh 'n am meadhon, agus gu marbh sinn iad, agus gu'n cuir sinn stad air an obair.

12 Agus an uair a thàinig na h-Iudhaich a bha 'chòmhnuidh làimh riu, thubhairt iad ruinn deich uairean, As gach àit o'm pill sibh d'ar n-ionnsuidh-ne, *bithidh iad oirbh.*

13 Uime sin shuidhich mi anns na h-àitibh a b'isle air cùlaobh a' bhalla, agus air na h-àitibh a b'àirde, shuidhich mi eadhon an sluagh a réir an teaghlachan le'n claidhibh, le'n sleaghan, agus le'm boghachan.

14 Agus dh'amhairc, agus dh'éirich, mi, agus thubhairt mi ris na h-àrd uaislibh, agus ris na riaghlairibh, agus ris a' chuid eile de'n t-sluagh, Na bithcadh eagal oirbh rompa: cuimhnichibh an Tighearn mòr agus uanhasach, agus cogaibh air son bhrù bràithrean, bhrù mac, agus bhrù nigh-eanan, bhrù ban, agus bhrù tighean.

15 Ach an uair a chual' ar naimhdean gu'n d'fhair sinn fios air, agus a thug Dia an comhairle gu neo-nì, phill c'inn uile dh'ionnsuidh a' bhalla, gach aon a dh'ionnsuidh 'oibre féin.

16 Agus o'n àm sin a mach dh'oibrich leth m'òglach-sa anns an obair, agus chum an leth eile dhiubh na sleaghan, na sgiathan, agus na boghachan, agus na lùirichean; agus bha na riaghlaircan air cùlaobh uile thighe Iudah.

17 Dh'oibrich iadsan a thog air a' bhalla, agus iadsan a ghiùlain eallachan, maille riu-san a luchdaich, gach aon le aon làimh anns an obair, agus leis an làimh eile chum e gath.

18 Agus bha aig gach aon de'n luchd-togail a chlaidheamh crìoslaichte air a làis, an uair a thog iad: agus bha esan a shéid an trompaid làimh riumsa.

19 Agus thubhairt mi ris na h-àrd uaislibh, agus ris na riaghlairibh, agus ris a' chuid eile de'n t-sluagh, Tha'n obair mòr agus farsainn, agus tha sinn air ar deal-

achadh air a' bhalla gach aon fada o 'chèile:

20 Ge b'è àit anns an chuinn sibh fuaim na trompaid', cruinnichibh an sin d'ar n-ionnsuidhne: cogaidh ar Dia air a son.

21 Agus shaothraich sinn anns an obair: agus chum leth dhiubh na sleaghan o èirigh na maidne gus am facas na rionnagan.

22 Mar an ceudna 's an àm sin thubhairt mi ris an t-sluagh, Fanadh gach aon maille r'a òglach ann an Ierusalem, chum gu'm bi iad 'n am freiceadan dhuinn 's an oidheche, agus 's an là 'n an oibrichibh.

23 Agus cha do chuir mise, no mo bhràithrean, no m'òglaich, no fir an fhreiceadain a lean mi, dhiun ar n-eudach; *ach a mhàin* gu'n do chuir gach duine dheth e air son 'ionnlaid.

CAIB. V.

1 *Rinn an sluagh gearan an aghaidh cìse an rìgh, agus daorsa an cloinne. 6 Chronaich Nehemiah na h-àrd uaislean a chionn gu'n robh iad a' togail ocair o'm bràithribh.*

AGUS bha gair mhòr aig an t-sluagh, agus aig am mnàibh, an aghaidh am bràithrean na h-Iudhaich.

2 Agus bha ann a thubhairt, *Le* ar mic agus ar nigheanan *tha* sinne lionmhor; agus gabhaidh sinn siol *air an son*, chum gu'n ith sinn, agus gu'm bi sinn beò.

3 Agus bha ann a thubhairt, Ar fearann, agus ar fion-liosan, agus ar tighean bheir sinn 'an geall, chum gu'm faigh sinn siol anns a' ghorta.

4 Agus bha ann a thubhairt, Ghabh sinn airgid 'an coingheall air son cìse an rìgh *air ar fearann* agus ar fion-liosaibh.

5 Agus a nis mar fheoil ar bràithrean *tha* ar feoil-ne, mar am mic-san ar mic-ne; ach feuch, *tha* sinn a' toirt thairis ar mac agus ar nigheanan gu bhi 'n an tràillibh, agus *tha cuid* d'ar nigheanaibh air an toirt thairis *cheana*, agus gu'n chomas againn *am fuasgladh*, an uair a *tha* ar fearann agus ar fion-liosan aig daoineibh eile.

6 Agus bha fearg mhòr orm an uair a chuala mi an gair, agus na briathran sin.

7 Agus chuir mi mo chomhairle ri m' ebridhe féin, agus chronaich mi na h-àrd uaislean, agus na riaghlaircan, agus thubhairt mi ri, *Tha* gach aon agaibh a' togail ocair o a bhràthair. Agus chuir mi comh-chruinneachadh mòr 'n an aghaidh.

8 Agus thubhairt mi ri, Shaor sinne, a réir ar comais, ar bràithrean na h-Iudhaich a reiccadh ris na cinnich, agus an reic sibhse mar an ceudna bhuir bràithrean, agus an reicear iad ruinn féin? Agus bha iad 'n an tosd, agus cha d'fhuair iad ni air bith ri ràdh.

9 Mar an ceudna thubhairt mi, Cha mhaith an ni a *tha* sibh a' deanamh: nach buin-cadh dhuibh gluasad ann an eagal ar Dé, air son maslaidh nan cinneach ar naimhdean?

10 Dh'fheudainn-sa cuideachd, mo bhràithrean, agus m'òglaich, airgid agus siol a thogail uatha. Leigeamaid dhinn, guidheam oirbh, an t-ain-dlighe so.

11 Aisigibh dhoibh, guidheam oirbh, mar air an là 'n diugh, am fearann, am fion-liosan, an liosan-olaidh, agus an tighean; mar an ceudna *cuid* de'n airgid, agus de'n t-sìol, de'n fhion, agus de'n olaidh, a *tha* sibh a' togail uatha.

12 Agus thubhairt iadsan, Aisigidh sinn, agus cha-n iarr sinn uatha: mar sin ni sinn mar *tha* thu 'g ràdh. An sin ghairm mi na sagartan, agus ghabh mi mionnan diubh gu'n deanadh iad a réir a' gheallaidh so:

13 Mar an ceudna chrith mi m'uchd, agus thubhairt mi, Mar so crathadh Dia gach duine nach coimhlion an gealladh so, a mach as a thigh, agus á 'obair, eadhon mar so crathar a mach agus falmhaichear e. Agus thubhairt an coimhthional uile, Amen, agus mhol iad an Tighearn. Agus rinn an sluagh a réir a' gheallaidh so.

14 Os bàrr, o'n là air an d'thugadh ordugh dhomh mi bhi m'uachdaran orra ann an tìr Iudah, o'n fhicheadamh bliadhna, eadhon gus an dara bliadhna deug thar fhichead de Artacserces an rìgh, dà bhliadhna dheug, cha d'ith mise no mo bhràithrean aran an uachdarain.

15 Ach bha na ceud uachdarain a *bha* romham trom air an t-sluagh, agus ghabh iad uatha aran agus fion, a thuilleadh air dà fhichead seel airgid; rinn cadhon an òglaich ain-tighearnas air an t-sluagh: ach cha d'rinn mise mar sin air sgath eagail Dhé.

16 Agus mar an ceudna ann an obair a' bhalla so bhunaich mi, agus cha do cheannaich sinn fearann; agus chruinnicheadh m'òglaich uile 'an sin a dh'ionnsuidh na h-oibre.

17 Agus *bha* aig mo bhord ceud gu leth Iudhach agus riaghlair, a bhàrr orra-san a thàinig d'ar n-ionnsuidh o na cinnich a *tha* mu'n cuairt oirnn.

18 Agus so na dheasaicheadh air son gach là, aon damh, sè caoraich thaghta; mar an ceudna dheasaicheadh eoin dhomh, agus aon uair anns na deich làithibh pailteas de gach gnè fhiona: gidheadh air son so cha d'iarr mi aran an uachdarain, a chionn gu'n robh an daorsa trom air an t-sluagh so.

19 Cuimhnich ormsa, mo Dhia, chum maith, *a thaobh* gach ni a rinn mi air son an t-sluaigh so.

CAIB. VI.

1 *Dh'fheuch Sanbalat ri Nehemiah a mhas-lachd le bhi 'togaill droch speoil air. 15 Chruinneachadh balla Ierusalem. 17 Chuir uaislean Iudah titrichean feallach a dh'ionnsuidh Thobiah.*

ANIS an uair a chuala Sanbalat, agus Tobiah, agus Gesem an t-Arabach,

agus a' chuid eile d'ar naimh-dibh gu'n do thog mi am balla, agus nach d'fhàgadh briseadh ann, (ged nach do chuir mi suas 's an àm sin comhlachan air na geataibh.)

2 Chuir Sanbalat agus Gesem *teachdairean* a m' ionnsuidh, ag ràdh, Thig, agus coinnicheadh a chèile ann an Chephirim ann an còmharnad Ono: ach smuainich iad-san air ole a dheanamh orm.

3 Agus chuir mi teachdairean d'an ionnsuidh, ag ràdh, *Tha* mi a' deanamh oibre mòire, agus cha-n urrainn mi dol sìos: c'ar son a sguireadh an obair, an uair a dh'fhàg-innse i, agus a rachainn sìos d'ur n-ionnsuidh?

4 Gidheadh chuir iad *teachdairean* a m' ionnsuidh air an dòigh so ceithir uairean; agus fhreagair mi iad air an dòigh chendna.

5 An sin chuir Sanbalat a m' ionnsuidh air au dòigh so an cùigeamh uair 'òglach féin, agus litir fhosgailte 'n a làimh;

6 Anns an robh sgrìobhta; Am measg nan ciùneach tha e air aithris, agus tha Gesem ag ràdh, *gu bheil* thusa agus na h-Iudhaich a' smuaineachadh air ceannaire a dheanamh: uime sin *tha* thu a' togail a' bhalla, a chum gu'm bi thu a'd' rìgh orra a réir nam briathar so.

7 Agus mar an ceudna dh'orduich thu fàidhean a ghairm mu d' thimchioll ann an Ierusalem, ag ràdh, *Is* rìgh e ann an Iudah: agus a nis aithriscar do'n rìgh a réir nam briathar so. A nis ma ta thig, agus cuir-eamaid ar comhairle ri 'chéile.

8 An sin chuir mi *fios* d'a ionnsuidh, ag ràdh, Cha d'rinneadh nithean sam bith mar tha thu 'g ràdh, ach is ann as do chridhe féin a tha thu 'g an dealbh.

9 Oir *bha* iad uile a' cur eagal oirn, ag ràdh, Anmhuinnaichear an làmhnan o'n obair, agus cha deanar i: ach a nis neart-aiach mise mo làmhnan.

10 An sin chaidh mi teach do thigh She-maiah, mhic Dhelaiah, mhic Mhelatabeeil, agus e air a dhruideadh suas; agus thubhairt e, Coinnicheadh a chèile ann an tigh Dhé, ann am meadhan an teampuill, agus dùineamaid dorsan an teampuill; oir thig iad g'ad mharbhadh, eadhon anns an oidheche thig iad g'ad mharbhadh.

11 Agus thubhairt mi, An teich dnine mar *tha* mise? agus cò mar *tha* mise a rach-adh a steach do'n teampull, a chum **gu** maireadh e beò? Cha téid mi teach.

12 Agus, feuch, dh'aithnich mi nach do chuir Dia uaith e, ach gu'n do labhair e an fhàidheadaireachd so a'm' aghaidh: oir thug Tobiah agus Sanbalat duais dha.

13 Air an aobhar so thugadh duais dha chum gu'm bitheadh eagal ormsa, agus gu'n deanainn mar so, agus gu'm peacaichinn, agus gu'm bitheadh fàth droch sgeoil acu, chum gu maslaicheadh iad mi.

14 Cuimhnich thusa, mo Dhia, air Tobiah

agus Sanbalat a réir an oibre sin, agus mar an ceudna air a' bhan-flàidh Noad-iah, agus a' chuid eile de na fàidhibh leis am b'aill eagal a chur orm.

15 Ach chrìochnaichadh am balla air a' chùigeamh là fichead de'n mhìos Elul, ann an dà là dheug agus dà fhichead.

16 Agus an uair a chual' ar uaimhdean uile e, agus a chunnaic na cinnich uile a *bha* mu'n cuairt duinn e, thilgceadh gu mòr sìos iad 'n an sùilibh féin; oir dh'aithnich iad gu'm b'ann le'r Dia-ne a rinneadh an obair so.

17 Os bàrr, anns na làithibh sin chuir àrd uaislean Iudah mòran litrichean gu Tobiah, agus thàinig *litrichean* Thobiah d'an ionnsuidhsan:

18 Oir *bha* mòran ann an Iudah air toirt am miannan da, a chionn gu'm *bu* chliamhuin e do Shechania mac Arah; agus gu'n do ghabh Iohanan a mhac nighean Mhesulaim, mhic Bherechiah, 'n a mnaoi.

19 Mar an ceudna dh'aithris iad a dheadh bhuaidhean a'm' fhlianus, agus dh'innis iad mo bhriathran-sa dha. Agus chuir Tobiah litrichean uaithe gu eagal a chur orm.

CAIB. VII.

1 *Thug Nehemiah aithne d'a bhràthair agus do uachdaran na lùchairt a thaobh Ierusalem.*
 5 *Fhuaradh leabhar ginealaich na muinntir a phill gu h-Ierusalem.* 8 *Aireamh an t-sluaigh,*
 39 *nan sagart,* 43 *nan Lebhithich,* 46 *agus nan Neineach, &c.* 70 *Na tabhartais a thugadh seachad.*

A NIS an uair a thogadh am balla, agus a chuir mi suas na comhlachan, agus a dh'orduicheadh na dorsairean, agus au luchd-seinn, agus na Lebhithich,

2 Thug mi aithne do m' bhràthair Hanani, agus Hananiah uachdaran na lùchairt, a thaobh Ierusalem; (oir *bha* e 'n a dhuine firinneach, agus cagal Dhé air os ceann mhòrain.)

3 Agus thubhairt mi riu, Na fosgailear geatachan Ierusalem gus am fas a' ghrian teth; agus ag seasamh doibh fathast aig làimh, druideadh iad na comhlachan, agus crannadh iad *iad*: agus shuidhich mi freiceadain de luchd-àiteachaidh Ierusalem, gach aon 'n a fhreiceadan, agus gach aon fa chomhair a thighe féin.

4 A nis *bha'm* baile farsainn agus mòr: ach *bha'n* sluagh tearc ann, agus cha *robh* na tighèan air an togail.

5 Agus chuir mo Dhia ann am chridhe gu'n cruinnichinn ri 'chéile na h-àrd uaislean, agus na riaghlairean, agus an sluagh, gu bhi air an àircamh a réir an ginealach: agus fhuair mi leabhar ginealach na muinntir' a thàinig a nìos an toiscach, agus fhuair mi sgrìobhta ann,

6 *Is* iad so clann na mòr-roinne, a chaidh suas de na braighdibh, dhiubhsan a thugadh air falbh, a thug Nebuchadnesar rìgh

Bhabiloin air falbh leis, agus a phill gu h-Ierusalem agus gu Iudah, gach fear d'a bhaile féin;

7 A thàinig maille ri Serubabel, Iesua, Nehemiah, Asariah, Raaniah, Nahamani, Mordecai, Bilsan, Misperet, Bigbhai, Nehum, Baanah.

AIREAMH DHAOINE SLUAIGH ISRAEL.

8 Mic Pharois, dà mhìle, ceud, tri fichead agus a dhà-dheug.

9 Mic Shephatiah, tri cheud, tri fichead agus a dhà-dheug.

10 Mic Arah, sè ceud, dà fhichead agus a dhà-dheug.

11 Mic Phalah-mhoaib, de chloinn Iesua agus Ioaib, dà mhìle, ochd ceud agus ochd-deug.

12 Mic Elaim, mìle, dà cheud, leth-cheud agus a ceithir.

13 Mic Shatu, ochd ceud, dà fhichead agus a cùig.

14 Mic Shacai, seachd ceud agus tri fichead.

15 Mic Bhinui, sè ceud, dà fhichead agus a h-ochd.

16 Mic Bhebai, sè ceud, agus a h-ochd thar fhichead.

17 Mic Asgaid, dà mhìle, tri cheud agus a dhà thar fhichead.

18 Mic Adonicaim, sè ceud, tri fichead agus a seachd.

19 Mic Bhigbhai, dà mhìle, tri fichead agus a seachd.

20 Mic Adin, sè ceud, leth-cheud agus a cùig.

21 Mic Ateir o Hesechia, ceithir fichead agus ochd-deug.

22 Mic Hasum, tri cheud, agus a h-ochd thar fhichead.

23 Mic Bhesai, tri cheud, agus a ceithir thar fhichead.

24 Mic Hariph, ceud agus a dhà-dheug.

25 Mic Ghibcoim, ceithir fichead agus a cùig-deug.

26 Fir Bhet-leheim agus Nctophah, ceud, ceithir fichead agus a h-ochd.

27 Fir Anatoit, ceud, agus a h-ochd thar fhichead.

28 Fir Bhet-asmabheit, dà fhichead agus a dhà.

29 Fir Chiriat-earim, Chephirah, agus Bhecroit, seachd ceud, dà fhichead agus a tri.

30 Fir Ramah agus Gheba, sè ceud, agus a h-aon thar fhichead.

31 Fir Michmais, ceud agus a dhà thar fhichead.

32 Fir Bhet-eil agus Ai, ceud agus a tri thar fhichead.

33 Fir Nebo-air, leth-cheud agus a dhà.

34 Mic Elaim-air, mìle, dà cheud, leth-cheud agus a ceithir.

35 Mic Hiarim, tri cheud agus fichead.

36 Mic Iericho, tri cheud, dà fhichead agus a cùig.

37 Mic Loid, Hadid agus Ono, seachd ceud agus a h-aon thar fhichead.

38 Mic Shenaar, tri mìle, naoi ceud agus deich thar fhichead.

39 Na sagartan: Mic Iedaiah, de thigh Iesua, naoi ceud, tri fichead agus tri-deug.

40 Mic Imeir, mìle, leth-cheud agus a dhà.

41 Mic Phasuir, mìle, dà cheud dà fhichead agus a seachd.

42 Mic Harim, mìle agus seachd-deug.

43 Na Lebhithich: Mic Iesua agus Chad-mieil, de chloinn Hodebhah, tri fichead agus ceithir-deug.

44 An luchd-seinn: Mic Asaiph, ceud, dà fhichead agus a h-ochd.

45 Na dorsairean: Mic Shaluim, mic Ateir, mic Thalmoin, mic Acuib, mic Hatita, mic Shobai, ceud, agus ochd-deug thar fhichead.

46 Na Netinich: Mic Shiha, mic Hasupha, mic Thabaoit,

47 Mic Clerois, mic Shia, mic Phadoin,

48 Mic Lebana, mic Hagaba, mic Shalmair,

49 Mic Hanain, mic Ghideil, mic Ghalair,

50 Mic Reaiah, mic Resin, mic Necoda,

51 Mic Ghadsaim, mic Udsa, mic Phasah,

52 Mic Bhesai, mic Mheunim, mic Nephtesim,

53 Mic Bhacbuic, mic Hacupha, mic Harhuir,

54 Mic Bhaslit, mic Mhehida, mic Harsa,

55 Mic Bharcois, mic Shisera, mic Thamah,

56 Mic Nesiah, mic Hatipha.

57 Mic sheirbhiseach Sholaimh: Mic Shotai, mic Shophereit, mic Pherida,

58 Mic Iaala, mic Dharcoin, mic Ghideil,

59 Mic Shephatiah, mic Hatil, mic Phochereit o Shebaim, mic Amoin:

60 Na Netinich uile, agus clann sheirbhiseach Sholaimh, tri cheud, ceithir fichead agus a dhà-dheug.

61 Agus so iadsan a chaidh suas o Thel-melah, Telharsa, Cherub, Adon agus Imer; ach eha b'urraim iad tigh an athar a nochdadh agus an sliochd, am b'ann de Israel iad.

62 Mic Dheiaiah, mic Thobiah, mic Necoda, sè ceud, dà fhichead agus a dhà.

63 Agus de na sagartaibh: Mic Habaiah, mic Chois, mic Bharsillai, a ghabh bean de nigheanaibh Bharsillai a' Ghileadaich, agus a ghoireadh air an ainm.

64 Dh'iarr iadsan an clàr-sgrìobhaidh 'n am measg-san a bha air an àireamh a réir an ginealach, ach cha d'fhuaradh e: uime sin ghearradh as o'n t-sagartachd iad.

65 Agus thubhairt an Tirsata riu, nach

feudadh iad itheadh de na nithibh ro naomha, gus an seasadh sagart suas le Urim agus Tumim.

66 An coimhthional uile cuideachd, dà fhichead agus dà mhìle, trì cheud agus trì fichead;

67 A thuilleadh air an òglaich agus am banoglaich, d'an robh ann seachd mìle, trì cheud agus seachd-deug thar fhichead, agus dhùibhsan dà cheud, agus dà fhichead agus a chùig 'n am fearaibh agus 'n am muàibh-seinn.

68 An eich, seachd ceud agus sè deug thar fhichead: am muileidean, dà cheud dà fhichead agus a chùig:

69 [An] càmhalan, ceithir cheud agus cùig-deug thar fhichead: [an] asalan sè mìle, seachd ceud agus fichead.

70 Agus thug cuid de chinn nan aithrichean seachd air son na h-oibre. Thug an Tirsata seachd do'n ionmhas, mìle darcon òir, leth-cheud cuach, cùig ceud agus deich thar fhichead culaidh sagairt.

71 Agus thug cuid de chinn nan aithrichean seachd do ionmhas na h-oibre, fichead mìle darcon òir, agus dà mhìle agus dà cheud punnd airgid.

72 Agus so na thug a' chuid eile de'n t-sluagh: fichead mìle darcon òir, agus dà mhìle punnd airgid, agus trì fichead agus seachd culaidh sagairt.

73 Agus ghabh na sagartan, agus na Lebhithich, agus na dorsairean, agus an luchd-seinn, agus cuid de'n t-sluagh, agus na Netinich, agus Israel uile, còmhnuidh 'n am bailtibh; agus an uair a thàinig an seachdamh mìos, bha clann Israeil 'n am bailtibh.

CAIB. VIII.

1 *Leugh Esra leabhar an lagha 'an èisdeachd a' choimhthionail.* 9 *Chiùinich na Lebhithich an sluagh.* 15 *Chum iad fèill nam pàillium.*

A GUS chruinnich an sluagh uile an ceann a chèile mar aon duine do'n t-sràid a tha fa chomhair geata an uisge; agus dh'iarr iad air Esra an sgrìobhaiche e 'thoirt a làthair leabhar lagha Mhaois, a dh'àithn an Tighearn do Israel.

2 Agus thug Esra an sagart an lagh an làthair a' choimhthionail, araon fhear agus bhan, agus gach uile a thuigeadh 'n uair a chluinneadh iad e, air a' cheud là de'n t-seachdamh mìos.

3 Agus leugh e ann fa chomhair na sràide a tha fa chomhair geata an uisge, o mhad-uinn gu meadhon-là, an làthair nam fear agus nam ban, agus na muinntir a thuigeadh; agus bha cluasan an t-sluaigh uile ri leabhar an lagha.

4 Agus sheas Esra an sgrìobhaiche air crannaigh fhiodha, a rinn iad air son a' ghnòthuich, agus làimh ris sheas Matitiah, agus Sema, agus Anaiah, agus Uriah, agus

Hilciah, agus Maaseiah, air a làimh dheis; agus air a làimh chli Pedaiah, agus Misael, agus Malchiah, agus Hasum, agus Hasbadana, Sechariah [agus] Mesulam.

5 Agus dh'fhosgail Esra an leabhar ann an sealladh an t-sluaigh uile, oir bha e os ceann an t-sluaigh uile; agus an uair a dh'fhosgail se e, sheas an sluagh uile.

6 Agus bheannaich Esra an Tighearn, an Dia mòr: agus fhreagair an sluagh uile, Amen, Amen, a' togail suas an làmh. Agus chrom iad an cinn, agus rinn iad aoradh do'n Tighearn le'n aghaidhibh ris an talamh.

7 Mar an ceudna thug Iesua, agus Bani, agus Serebiah, Iamin, Acub, Sabetai, Hodiah, Maaseiah, Celita, Asariah, Iosabab, Hanan, Pelaiah, agus na Lebhithich, air an t-sluagh an lagh a thuigsinn: agus sheas an sluagh 'n an àite.

8 Agus leugh iad ann an leabhar lagha Dhé gu soilleir, agus thug iad an seadh seachd; agus thuig iadsan an uair a leughadh.

9 Agus thubhairt Nehemiah, neach a's e an Tirsata, agus Esra an sagart an sgrìobhaiche, agus na Lebhithich a theagaisg an sluagh, ris an t-sluagh uile, *Tha 'n là so* naomh do'n Tighearn bhur Dia; na dean-aibh caoidh no gul: oir ghuid an sluagh uile, 'n uair a chual' iad briathran an lagha.

10 An sia thubhairt e riu, Imichibh, ithibh *nithean* reamhra, agus òlaibh *nithean* milis, agus cuiribh cuibhriannon d'an ionnsuidh-san do nach d'ulluicheadh ni air bith; oir *tha 'n là so* naomh d'ar Tighearn: agus na bithibh ri bròn, oir *is e* gairdeachas an Tighearna bhur neart.

11 Agus chiùinich na Lebhithich an sluagh uile, ag ràdh, Bithibh 'n nr tosd, oir *tha 'n là so* naomh, agus na bithibh ri bròn.

12 Agus dh'ìnich an sluagh uile a dh'ith-eadh agus a dh'òl, agus a chur cuibhrionn uatha, agus a dheanamh aoibhneis mhòir, a chionn gu'n do thuig iad na briathran a chuir iad 'n ceill doibh.

13 Agus air an dara là chruinnicheadh cuideachd cinn aithrichean an t-sluaigh uile, na sagartan agus na Lebhithich gu h-Esra an sgrìobhaiche, chum gu'n tuigeadh iad briathran an lagha.

14 Agus fhuair iad sgrìobhta anns an lagh a dh'àithn an Tighearn le làimh Mhaois, gu'n gabhadh clann Israeil còmhnuidh ann am pàilliumaibh air an fhéill air an t-seachdamh mìos.

15 Agus an uair a chual' iad so, thug iad gairm 'n am bailtibh uile, agus ann an Ierusalem, ag ràdh, Rachaibh a mach do'n t-slabh, agus thugaibh leibh geugan chrann-olaidh, agus geugan giuthais, agus geugan miortail, agus geugan palmie, agus geugan chraobh tiugh', a dheanamh pàillium, mar *tha e* sgrìobhta.

16 Agus chaidh an sluagh a mach, agus thug iad leo *iad*, agus rinn iad dhoibh féin pàillunau, gach fear air mullach a thighe, agus 'n an cùirtibh, agus ann an cùirtibh tìghe Dhé, agus ann an sràid geata an uisge, agus ann an sràid geata Ephraim.

17 Agus rinn uile choimhthional na muinntir a thàinig air an ais o'n bhraighdeanas pàillunan, agus sluaidh iad fo na pàillun-aibh: oir o làithibh Iosua mhic Nuin, gu ruig an là sin, cha d'rinn clann Israeil mar sin; agus bha gairdeachas ro mhòr ann.

18 Agus leugh e ann an leabhar lagha Dhé là'n déigh là, o'n cheud là gu ruig an là mu dheireadh: agus chum iad an fhéill seachd làithean, agus air an ochdamh là àrd choimhthional a réir a' ghnàtha.

CAIB. IX.

1 *Dh'aicidh sluagh Israeil am peacaidhean féin, agus euccartan an aithrichean. 4 Labhair na Lebhithich air maitheas agus truacantas Dhé d'a shluagh Israeil.*

A GUS air a' ceathramh là fichead de'n mhìos so chrìnnicheadh clann Israeil ann an trasgadh, agus ann an saic-eudach, agus ùir orra.

2 Agus dh'eaiaich siol Israeil iad féin o uile chloinn choigreach, agus sheas iad, agus dh'aicidh iad am peacaidhean, agus euccartan an aithrichean.

3 Agus dh'éirich iad 'n an àit, agus leugh iad ann an leabhar lagha an Tighearn' an Dé an ceathramh cuid de'n là; agus ceathramh *eile* dh'aicidh iad, agus rium iad aoradh do'n Tighearn an Dia.

4 An sin dh'éirich air cheumaibh nan Lebhithich, Iesua, agus Bani, Cadmiel, Sebaniah, Buni, Serebiah, Bani, agus Chenani, agus ghlaodh iad le guth àrd ris an Tighearn an Dia.

5 Agus thubhairt na Lebhithich, Iesua agus Cadmiel, Bani, Hasabniah, Serebiah, Hodiah, Sebaniah, agus Petahiah, Eiribh, beannaichibh an Tighearn bhur Dia gu saoghal nan saoghal: agus beannaichte gu robh d'ainm glòrmhor-sa, a tha air àrdachadh os ceann gach beannaichidh agus cliù.

6 Is tusa, *is tusa* a'd' aonar an Tighearn: rinn thu na nèamhan, nèamhan nan nèamh agus an slòigh uile, an talamh agus gach *ni* a tha air, na cuantan agus gach *ni* a tha anna, agus *tha* thu 'g an cumail suas uile; agus *tha* slòigh nan nèamh a' deanamh aoraidh dhuit.

7 *Is tu* féin an Tighearn an Dia, a thagh Abram, agus a thug a mach e á h-Ur nan Caddéanach, agus a thug Abraham mar ainm air.

8 Agus fhuair thu a chridhe firinneach a'd' fhianuis, agus rinn thu coimhcheangal ris, gu'n tugadh tu tìr nan Canaanach, nan Hiteach, nan Amorach, agus nam Peridseach, agus nan Iebusach, agus nan Girsach, gu'n tugadh tu *so* d'a shliochd;

agus choimhionn thu do bhriathran, oir tha thu ceart:

9 Agus chunnaic thu àmhghar ar n-aithrichean anns an Eiphit, agus chuala tu an glaoth aig a' mhuir ruaidh:

10 Agus nochd thu comharan agus iongantais air Pharaoh, agus air a sheirbhisich uile, agus air uile shluagh a thùre; oir bha fios agad gu'n d'rinn iad gu h-uabhbreach 'n an aghaidh: agus fhuair thu dhuit féin ainm, mar air an là 'n diugh.

11 Agus roinn thu a' mhuir rompa, agus chaidh iad troimh mheadhon na mara air talamh tioram; agus an luchd-tòrachd thilg thu anus an doimhne, mar chloich anns na h-uisgeachaibh làidir.

12 Agus le ueall neoil thredraich thu iad 's an là; agus le meall teine 's an oidhche, a shoillseachadh dhoibh na slighe air an imicheadh iad.

13 Agus thàinig thu nuas air sliabh Shinai, agus labhair thu riu o nèamh, agus thug thu dhoibh breitheanais chearta, agus laghau fìor-ghlan, reachdan agus àitheantan maithe.

14 Agus do shàbaid naomh dh'fhoillsich thu dhoibh; agus àitheantan, agus reachdan, agus lagh, dh'àithn thu dhoibh le làimh Mhaois d'òglaich:

15 Agus aran o nèamh thug thu dhoibh 'n an ocras, agus uisge as a' charraig thug thu mach dhoibh 'n an tart: agus thubhairt thu riu dol a steach a shealblachadh an fhearcainn a mhionnaich thu gu'n tugadh tu dhoibh.

16 Ach rinn iad féin agus ar n-aithrichean gu h-uabhbreach, agus chruaidhich iad am muineal, agus cha d'éisd iad ri d'àitheant-aibh,

17 Agus dhiùlt iad éisdeachd, agus cha do chumhnich iad d'iongantasan a rinn thu 'n am measg; ach chruaidhich iad am muineal, agus chomharraich iad ceannard, chum pillinn d'an daorsa 's an Eiphit: ach *is* Dia thusa a tha calamh gu maitheanas a thoirt seachad, gràsmhor agus tròcaireach, mall a chum feirge, agus pailt ann an truacantas, agus cha do thréig thu iad.

18 Eadhon an uair a rinn iad dhoibh féin laogh leaghta, agus a thubhairt iad, So do dhia a thug a nìos thu as an Eiphit, agus a dh'oibrich iad mòran brosnachaidh;

19 Gidheadh a'd' thruacantas mòr cha do thréig thu iad 's an fhàsach: cha do dheal-aich am meall neoil riu 's an là, gu'n treòrachadh air an t-slighe; no am meall teine 's an oidhche, a shoillseachadh na slighe dhoibh air an imicheadh iad.

20 Agus do spiorad maith thug thu seachad gu'n teagasg, agus do mhana cha do chum thu o'm beul, agus uisge thug thu dhoibh 'n an tart.

21 Eadhon dà fhichead bliadhna bhacath-aich thu iad 's an fhàsach: cha robh dìth

orra: cha d'fhàs an cudach sean, agus cha d'at an cosan.

22 Agus thug thu dhoibh rìoghachdan agus slòigh, agus roinn thu iad ann an cearnaibh; agus shealbhaich iad tìr Shihoin, agus tìr rìgh Hesboin, agus tìr Og rìgh Bhàsain.

23 Agus rinn thu an clann lìonmhor mar reultan nan nèamh, agus thug thu iad do'n tìr mu'n dubhairt thu r'an aithrichibh, gu'n rachadh iad a steach g'a sealbhadh.

24 Agus chaidh an clann a steach, agus shealbhaich iad an tìr, agus chiosnaich thu rompa luchd-àiteachaidh na tìre, an Canaan-ach, agus thug thu thairis 'n an làimh iad fén agus an rìghrean, agus sluagh na tìre, a dheanamh riu mar bu mhiann leo.

25 Agus ghlac iad bailtean daingnichte, agus talamh reamhar, agus shealbhaich iad tighean làn de gach *ni* maith, tobraichean cladhaichte, fion-lìosan agus lìosan-olaidh, agus craobhan meas ann am pailteas: agus dh'ith iad, agus shàsuicheadh iad, agus dh'fhàs iad reamhar, agus bha toil-inntinn aca ann ad mhòr mhaith-eas-sa.

26 Gidheadh, bha iad eas-umhal, agus rinn iad ceannaire a'd' aghaidh, agus thilg iad do lagh air an eulaobh, agus mharbh iad d'fhàidhean a thug fianuis 'n an aghaidh, chum am pillinn a d'ionnsuidh; agus dh'oibrich iad mòran brosnachaidh.

27 Air an aobhar sin thug thu thairis iad do làimh an naimhdean, a shàraich iad: agus ann an àm an aice ghlaodh iad riut, agus o na nèamhan chuala tu, agus a'd' mhòr thròcair thug thu dhoibh luchd-saoraidh, a shaor iad á làimh an naimhdean.

28 Ach an uair a bha fois aca, rinn iad olc a ris a'd' fhianuis; uime sin dh'fhàg thu iad ann an làimh an naimhdean, agus bha uachdaranachd aca orra. Gidheadh, an uair a phill iad agus a ghlaodh iad riut, chuala tu o na nèamhan, agus shaor thu iad a'd' mhòr thròcair iomadh uair:

29 Agus thug thu fianuis 'n an aghaidh, chum an toirt air an ais a dh'ionnsuidh do lagha: gidheadh, rinn iadsan gu h-uabhlach, agus cha d'éisd iad ri d'aitheantaibh, ach pheacaich iad an aghaidh do bhreith-eanas, (nithean ma bheir duine ùmhlaich dhoibh, bithidh e bed antta:) agus tharruing iad air falbh an gualann, agus chruaidhich iad am muineal, agus cha-n éisdeadh iad.

30 Agus ghiùlain thu leo ré iomadh bliadhna, agus rinn thu fianuis 'n an aghaidh le d' spiorad le làimh d'fhàidhean: ach cha-n éisdeadh iad, agus thug thu thairis iad do làimh shluagh nan tìr.

31 Gidheadh ann ad mhòr thròcair cha do chuir thu as doibh gu tur, agus cha do thréig thu iad; oir *is* Dia gràsmhor agus tròcair-each thusa.

32 A nis ma ta, O ar Dia-ne, a Dhé mhòir, chumhachdaich, agus uamhasaich,

a chumas coimhcheangal agus tròcair, na measar beag a' d'fhianuis an sàrachadh so uile a thàinig oirne, air ar rìghribh, air ar n-uachdaranaihb, agus air ar sagartaibh, agus air ar fàidhibh, agus air ar n-aithrichibh, agus air do shluagh uile, o làithibh rìghrean Asiria gu ruig an là'n diugh.

33 Ach *tha* thusa cothromach anns gach *ni* a thàinig oirnn; oir rinn thusa gu fìrinn-cach, ach rinn sinne gu h-aingidh.

34 Cha do ghléidh ar rìghrean, ar n-uachd-arain, ar sagartan, no ar n-aithrichean do lagh-sa, agus cha d'éisd iad ri d'aitheant-aibh, agus ri d' theistcas leis an d'thug thu teistcas 'n an aghaidh:

35 Oir cha do rinn iad seirbhis dhuit 'n an rìoghachd, agus anns a' mhòr mhaith a thug thu dhoibh, agus anns an fhearann fhars-aing agus reamhar a chuir thu fa'n comh-air; agus cha do phill iad o'n dròch oib-ribh.

36 Feuch, *is* seirbhisich sinn an diugh, agus am fearann a thug thu d'ar n-aithrichibh a dh'itheadh a thoraidh agus a mhaith, feuch, *is* seirbhisich sinn ann.

37 Agus *is* mòr a thoradh do na rìghribh a chuir thu os ar ceann air son ar peac-aidhean; agus *tha* uachdaranachd aca os ceann ar corp, agus os ceann ar spréidhe, a réir an toile, agus *tha* sinn ann an àmhghar mòr.

38 Agus air son so uile ni sinn coimh-cheangal cinnteach, agus sgrìobhaidh sinn *e*; agus cuiridh ar n-uachdaran, ar Lebhi-ithich, agus ar sagartan an seula air.

CAIB. X.

1 *Ainmean an t-sluaigh a chuir an seula ris a' choimhcheangal.* 28 *Chaidh a' chuid eile de'n t-sluagh fo mhionnaibh gluasad ann an lagh Dhé.*

AGUS so iadsan a chuir an seula air: Nehemiah an Tirsata, mac Hachaliah, agus Sedeciah,

2 Seraiah, Asariah, Jeremiah,
3 Pasur, Amariah, Malchiah,
4 Hatus, Sebaniah, Maluch,
5 Harim, Meremot, Obadiah,
6 Daniel, Gineton, Baruch,
7 Mesulam, Abiah, Miamin,
8 Maasiah, Bilgai, Semaiah: *U*iad sin na sagartan.

9 Agus na Lebhitich; Iesua mac Asaniah, Binui de mhacaibh Henadai, Cadmiel;

10 Agus am bràithrean, Sebaniah, Hodiah, Celita, Pelajiah, Hanan,

11 Micha, Rehob, Hasabiah,
12 Sacur, Serebiah, Sebaniah,
13 Hodiah, Bani, Beninu.

14 Cinn an t-sluaigh: Paros, Pahat-moab, Elam, Satu, Bani,

15 Buni, Asgad, Bebai,
16 Adoniah, Bigbai, Adin,

- 17 Ater, Hisciah, Adsar,
- 18 Hodiah, Hasum, Besai,
- 19 Hariph, Anatot, Nebai,
- 20 Magpias, Mesulam, Hecsir,
- 21 Mesesabeel, Sadoe, Iadua,
- 22 Pelatiah, Hanan, Anaiah,
- 23 Hosca, Hananiah, Hasub,
- 24 Halohes, Pileha, Sobec,
- 25 Rechum, Hasabnah, Maaseiah,
- 26 Agus Ahiah, Hanan, Anan,
- 27 Maluch, Harim, Baanah.

28 Agus a' chuid eile de'n t-sluagh, na sagartan, na Lebhithich, na dorsairean, an luchd-seinn, na Netinich, agus iadsan uile a dhealaich iad féin o shluagh nan tìr a chum lagha Dhé, am mnathan, am mic, agus an nigheanan, gach aon aig an robh eòlas agus tuigse;

29 Dhluth-lean iad r'am bràithribh, an àrd uaislean, agus chaidh iad fo mhallachadh, agus fo mhionnaibh, gluasad ann an lagh Dhé, a thugadh seachad le làimh Mhaois òglaich Dhé, agus a choimhead agus a dheanamh uile àitheantan Iehobhal ar Tighearn', agus a bhreitheanas, agus a reachdan:

30 Agus nach toir sinn ar nigheanan do shluagh na tìre, agus nach gabh sinn an nigheanan-san d'ar macaibh:

31 Agus na bheir sluagh na tìre leo bathar, no biadh air bith air là na sàbaid, g'a reiceadh, nach ceannaich sinn e uatha air an t-sàbaid, no air là naomh: agus gu'n leig sinn scachad an t-seachdamh bliadhna, agus togail nam fiach uile.

32 Mar an ceudna rinn sinn reachdan dhuinn féin, an treas cuid de sheel a chur a dh'fhachaibh oirnn féin gach bliadhna, air son seirbhis tìghe ar Dé;

33 Air son an arain thaisbeanaidh, agus air son an tabhartais-bhìdh ghnàthaichte, agus air son iobairt-loisgte ghnàthaichte nan sàbaid agus nan gealach ùr, air son nam fèill suidhichte, agus air son nan nithean naomha, agus air son nan iobairt-phacaidh, a dhcanamh réite air son Isracil, agus air son uile oibre tìghe ar Dé.

34 Agus thilg sinn croinn, na sagartan, na Lebhithich, agus an sluagh mu'n tabhartas-fhiodha, chum a thabhairt gu tigh ar Dé, a réir tìghe ar n-aithrichean, air amaibh suidhichte, o bhliadhna gu bliadhna, a losgadh air altair an Tighearn' ar Dé, mar *tha e* sgrìobhta anns an lagh:

35 Agus a thabhairt ceud-thoraidh ar fearainn, agus ceud-thoraidh uile mheas gach uile chraoibh, o bhliadhna gu bliadhna, gu tigh an Tighearna:

36 Agus a thabhairt ceud-ghin ar mac, agus ar n-aìnmhidhean, mar *tha e* sgrìobhta anns an lagh, agus ceud-ghin ar cruith agus ar caorach, gu tigh ar Dé, dh'ionnsuidh nan sagart a fhrithchealas ann an tigh ar Dé:

37 Agus gu'n tugamaid ceud-thoradh ar taoise, agus ar tabhartasan, agus meas gach gnè craoibhe, fìona agus olaidh; dh'ionnsuidh nan sagart, gu seòmraichibh tìghe ar Dé; agus deachamh ar fearainn do na Lebhithich, air chor as gu faigheadh na Lebhithich sin an deachamh ann an uile bhaitibh ar treabhachais.

38 Agus bithidh an sagart mac Aaroin maille ris na Lebhithich, an uair a thogas na Lebhithich an deachamh: agus bheir na Lebhithich suas leo deachamh an deachamh gu tigh ar Dé, a steach do na seòmraichibh, do thigh an ionmhais:

39 Oir bheir clann Isracil, agus clann Iebhi leo tabhartas an arbhair, an fhìona nuaidh, agus na h-olaidh, steach do na seòmraichibh, far *am bheil* soithichean an ionaid naomh, agus na sagartan, [agus] an luchd-frithealaidh, agus na dorsairean, agus an luchd-seinn. Agus cha tréig sinne tigh ar Dé.

CAIB. XI.

1 Chòmhnuich uachdarain an t-sluaigh, agus na daoine a thairg iad féin gu toileach, ann an Ierusalem: 20 Ghabh a' chuid eile de'n t-sluagh còmhnuidh gach duine 'n a sheilbh féin.

A G U S chòmhnuich uachdarain an t-sluaigh ann an Ierusalem; agus thilg a' chuid eile de'n t-sluagh croinn, a thoirt aoin as an deichnear a ghabhail còmhnuidh ann an Ierusalem am baile naomh, agus gu'm bitheadh naoi carrannan anns na baitibh eile.

2 Agus bhcannaich an sluagh na daoine uile, a thairg iad féin gu toileach gu còmhnuidh 'ghabhail ann an Ierusalem.

3 Agus is iad so cinn na mòr-roinne, a chòmhnuich ann an Ierusalem, agus ann am baitibh Iudah: ghabh gach aon còmhnuidh 'n a sheilbh féin, 'n am baitibh, na h-Israelich, na sagartan, agus na Lebhithich, agus na Netinich, agus mic sheirbhiseach Sholaimh.

4 Agus chòmhnuich ann an Ierusalem de chloinn Iudah agus de chloinn Bheniamin: de chloinn Iudah: Ataiah mac Udsiah, mhic Shechariah, mhic Amariah, mhic Shephatiah, mhic Mahalaleel, de chloinn Phereis:

5 Agus Maseiah mac Bharuich, mhic Cholhoseh, mhic Hasaiah, mhic Adaiah, mhic Ioarib, mhic Shechariah, mhic Shiloni.

6 Mic Phereis uile a chòmhnuich ann an Ierusalem, ceithir cheud, trì fichead, agus oched fir thrèuna.

7 Agus is iad so mic Bheniamin; Salu mac Mhesulaim, mhic Iocid, mhic Phedaiah, mhic Cholaiah, mhic Mhaaseiah, mhic Itiel, mhic Icsaiah.

8 Agus 'n a dhéigh-san Gabai, Salai, naoi ceud agus a h-ochd thar fhichead.

9 Agus Ioeil mac Shichri 'n a fhear-amhaire thairis orra; agus Iudah mac She-muah an dara *fear* os ceann a' bhaile.

10 De na sagartaibh: Iedaiah, Ioiarib, Iachin,

11 Seraiah mac Hilciah, mhic Mhesulaim, mhic Shadoic, mhic Mheraiot, mhic Ahi-tuib, riaghlair tighe Dhé.

12 Agus ann bràithrean a rinn obair an tighe, oichd ceud, agus a dhà thar fhichead: agus Adiah mac Ierohaim, mhic Phelaliah, mhic Amsi, mic Shechariah, mhic Phasuir, mhic Mhalchiah;

13 Agus a bhràithrean, cinn nan aithrichean, dà cheud, dà fhichead, agus a dhà: agus Amasai mac Asareil, mhic Ahasai, mhic Mhesilemoit, mhic Imeir.

14 Agus ann bràithrean, trì chomasach ghaisgeil, ceud agus a h-ochd thar fhichead: agus 'n a fhear-amhaire thairis orra Sab-diel, mac *aoin* de na daoimibh mora.

15 Agus de na Lebhithich: Semaiah mac Hasuib, mhic Asricaim, mhic Hasabiah, mhic Bhuni;

16 Agus Sabetai, agus Iosabad, de cheann-aibh nan Lebhithich, os ceann oibre tighe Dhé o'n leth muigh.

17 Agus Mataniah mac Mhicha, mhic Shabdi, mhic Asaph, an ceud fhear a thòis-icheadh air buidheachas a thoirt ann an urnuigh; agus Bacbuciah, an dara *fear* am measg a bhràithrean, agus Abda mac Sha-mua, mhic Ghalail, mhic Iedutuin.

18 Na Lebhithich uile anns a' bhaile naomh, dà cheud, ceithir fichead, agus a ceithir.

19 Agus na dorsairean, Acub, Talmon, agus ann bràithrean a bha ri faire aig na geataibh, ceud, trì fichead, agus a dhà-dheug.

20 Agus *bha* 'chuid eile de Israel, na sagartan, agus na Lebhithich, ann an uile bhailtibh Iudah, gach fear 'n a sheilbh féin.

21 Ach ghabh na Netinich còmhnuidh ann an Ophel; agus *bha* Siha agus Gispa os ceann nan Netineach.

22 Agus *b'e* fear-amhaire thairis nan Lebhithich ann an Ierusalem Udsi mac Bhani, mhic Hasabiah, mhic Mhataniah, mhic Mhicha. De mhacaibh Asaph, *bha* 'n luchd-seinn fa chomhair oibre tighe Dhé:

23 Oir *b'i* àithne an rìgh mu'n timchioll, gu'm bitheadh cuibhrionn àraidh air son an luchd-seinn, a dhlighe féin air gach là.

24 Agus *bha* Petaiah mac Mhesesabecel, de chloinn Sherah mhic Iudah, aig làimh an rìgh anns gach cùis a thaobh an t-sluaigh.

25 Agus a thaobh nam bailtean beaga 'n am fearann, chòmhnuich *cuid* de mhac-aibh Iudah ann an Ciri-at-arba agus 'n a bhailtibh beaga, agus ann an Dibon agus 'n a bhailtibh beaga, agus ann an Iecabseel agus 'n a bhailtibh beaga,

26 Agus ann an Iesua, agus ann am Mola-dah, agus ann am Bet-pelet,

27 Agus ann an Hasar-sual, agus ann am Beer-seba agus 'n a bhailtibh beaga,

28 Agus ann an Siclag, agus ann am Me-conah agus 'n a bhailtibh beaga,

29 Agus ann an En-rimon, agus ann an Sareah, agus ann an Iarmut,

30 Sanoah, Adulam, agus 'n am bailtibh beaga, ann an Iachis agus 'n a fhearann, ann an Asecah agus 'n a bhailtibh beaga. Agus chòmhnuich iad o Bheer-seba gu ruig gleann Hinoim;

31 Agus mic Bheniamin o Gheba, ann am Michmas, agus Aia, agus Bet-el agus 'n a bhailtibh beaga,

32 Ann an Anatot, Nob, Ananiah,

33 Hasor, Ramah, Gitaim,

34 Hadid, Seboim Nebalat,

35 Lod, agus Ono, gleann an luchd-ceirde.

36 Agus de na Lebhithich *bha* roinnean, ann an Iudah, agus ann am Benjamin.

CAIB. XII.

1 Na sagartan, agus na Lebhithich a chaidh suas maille ri Serubabel. 12 Cinn aithrichean nan sagart. 27 Coisreagadh balla Ierusalem. 44 Dreuchd nan sagart agus nan Lebhithich a shuidhicheadh anns an teampull.

A GUS is iad so na sagartan agus na Lebhithich a chaidh suas maille ri Serubabel mac Shealtieil, agus Iesua: Seraiah, Jeremiah, Esra,

2 Amariah, Maluch, Hatus,

3 Sechaniah, Rehum, Meremot,

4 Ido, Gineton, Abiah,

5 Miamin, Maadiah, Bilgah,

6 Semaiah, agus Ioiarib, Iedaiah,

7 Salu, Amoc, Hilciah, Iedaiah: *b'i* ad sin cinn nan sagart agus ann bràithrean ann an làithibh Iesua.

8 Agus na Lebhithich: Iesua, Binui, Cad-miel, Serebiah, Iudah, agus Mataniah a *bha* os ceann nan laoidh-mholaidh, e féin agus a bhràithrean:

9 Agus Bacbuciah, agus Uni, agus ann bràithrean, a *bha* thall fa'n comhair-san anns na fairibh.

10 Agus ghin Iesua Ioiacim, agus ghin Ioiacim Eliasib, agus ghin Ehasib Ioiada,

11 Agus ghin Ioiada Ionatan, agus ghin Ionatan Iadua.

12 Agus ann an làithibh Ioiacim *bha* 'n an sagartan, cinn nan aithrichean: o Sheraiach, Meraiah: o Jeremiah, Hananiah:

13 O Esra, Mesulam: o Amariah, Iehobanan:

14 O Mhelicu, Ionatan: o Shechaniah, Ioseph:

15 O Harim, Adnah: o Mheraiot, Helcai:

16 O Ido, Sechariah: o Ghineton, Mesulam:

17 O Abiah, Sichri: o Mhiamin, ***: o Mhoadiah, Piltai:

18 O Bhilgah, Samua: o Shemaiah, Iehonatan:

19 O Ioiarib, Matenai: o Iedaiah, Udsi:
20 O Shalai, Calai: o Amoc, Eber:
21 O Hilciah, Hasabiah: o Iedaiah, Neta-
neel.

22 Sgrìobhadh sìos na Lebhithich ann an làithibh Eliasib, Ioiada, agus Iohanain, agus Iadua, cinu nan aithrichean; agus na sagartan gu ruig rioghachadh Dhariuis a' Phersaich.

23 Sgrìobhadh sìos mic Lebhi, cinn nan aithrichean, anu an leabhar nan eachdraidh, gu ruig làithean Iohanain mhic Eliasib.

24 Agus cinn nan Lebhithicheadh: Hasabiah, Serebiah, agus Iesua mac Chadmeil, agus am bràithrean thall fa'n comhair, a mholadh *agus* a thabhairt buidheachais a réir àithne Dhaibhidh òglaich Dhé, faire fa chomhair faire.

25 Mataniah, agus Bacbuciah, Obadiah, Mesulam, Talmon, Acub, 'n an dorsairibh a' coimhead na faire aig stairsneachaibh nan geata.

26 Iad sin ann an làithibh Ioiacim mhic Iesua, mhic Iosadaic, agus ann an làithibh Nehemiah an uachdarain, agus Esra au t-sagairt, an sgrìobhaiche.

27 Agus aig coisreagadh balla Ierusalem dh'iarr iad na Lebhithich as an àitibh uile, chum an tabhairt gu h-Ierusalem, a chumail a' choisreagaidh le h-aobhneas, agus le breth-buidheachais, agus le seinn, le ciom-balaibh, saltairibh, agus le clàrsaichibh.

28 Agus chruinnich mic an luchd-seinn an coann a chéile, araon as an tìr chòimhnaird mu thimchioll Ierusalem, agus á bailtibh beaga Netophati;

29 Agus á tigh Ghilgail, agus á machairibh Gheba agus Asmabheit; oir thog an luchd-seinn bailtean beaga dhoibh féin mu thimchioll Ierusalem.

30 Agus ghlan na sagartan agus na Lebhithich iad féin, agus ghlan iad an sluagh, agus na geatachan, agus am balla.

31 An sin thug mi suas uachdarain Iudah air a' bhalla, agus dh'orduich mi dà chuid-eachd mhòr chum molaidh, agus gu'n imich-eadh *aon* a dh'ionnsuidh na làimhe deise air a' bhalla gu geata an aolaich:

32 Agus 'n an deigh-san chaidh Hosaiah, agus leth uachdarain Iudah,

33 Agus Asariah, Esra, agus Mesulam,

34 Iudah, agus Benjamin, agus Semaiah, agus Jeremiah:

35 Agus *cuid* de mhacaibh nan sagart le trompaidibh; Sechariah mac Ionatain, mhic Shemaiah, mhic Mhatanah, mhic Mhichai-ah, mhic Shacuir, mhic Asaiph;

36 Agus a bhràithrean Semaiah, agus Asareel, Milalai, Gilalai, Maai, Netaheel, agus Iudah, agus Hanani, le innealaibh-ciuil Dhaibhidh òglaich Dhé, agus Esra an sgrìobhaiche rompa.

37 Agus aig geata an tobair a bha fa'n comhair, chaidh iad suas air ceumaibh baile

Dhaibhidh, aig dol suas a' bhalla, os ceann tighe Dhaibhidh, gu ruig geata an uisge a làimh na h-àirde 'n ear.

38 Agus dh'imich a' chuideachd eile a bha chum molaidh thall fa'n comhair, agus mise 'n au deigh, agus leth an t-sluaigh air a' bhalla, o thaobh shuas tùir nan ànihuinn gu ruig am balla leathan;

39 Agus o thaobh shuas geata Ephraim, agus os ceann ant-seann gheata, agus os ceann geata an éisg, agus tùir Hananeil, agus tùir Mheah, gu ruig geata nan caorach; agus sheas iad ann an geata a' phrìosain.

40 An sin sheas an dà chuideachd a bha chum molaidh ann an tigh Dhé, agus mise agus leth nan riaghlair maille rium:

41 Agus na sagartan, Eliacim, Maaseiah, Miniamin, Michaiah, Elioenai, Sechariah, Hananiah le trompaidibh;

42 Agus Maaseiah, agus Semaiah, agus Eleasar, agus Udsi, agus Iehohanan, agus Malchiah, agus Elam, agus Eser: agus sheinn an luchd-seinn gu h-àrd, agus Iesraiah 'n a fhear-amhair thairis orra.

43 Agus dh'ìobair iad air an là sin ìobairt-eau mòra, agus rinn iad gairdeachas; oir thug Dia orra gairdeachas a dheanamh le h-aobhneas mòr: rinn na mnathan mar an ceudna agus a' chlànn gairdeachas, agus chualas gairdeachas Ierusalem 'an céin.

44 Agus shuidhicheadh air an là cheudna daoine os ceann nan seòmar air son nan ionmhas, air son nan tabhartas, air son nan ceud thoradh, agus air son nan deachamh, chum gu'n cruinnicheadh iad anna á achannaibh nam bailtean cuibhriannan an lagha do na sagartan agus do na Lebhithich: oir *bha* aobhneas air Iudah air son nan sagart agus air son nan Lebhithicheadh a bha a' feitheamh.

45 Agus choimhid iad faire an Dé, agus faire a' ghlanaidh, araon an luchd-seinn agus na dorsairean, a réir aithne Dhaibhidh agus Sholaimh a mhic:

46 Oir ann an làithibh Dhaibhidh agus Asaiph o shean *bha* cinn ann air an luchd-seinn, agus air na laoidhibh molaidh agus buidheachais do Dhia.

47 Agus thug Israel uile seachad ann an làithibh Sherubabeil, agus ann an làithibh Nehemiah, cuibhriannan an luchd-seinn agus nau dorsair, dlìge gach là air a là féin; agus naomhaich iad *nithean* do na Lebhithich; agus naomhaich na Lebhithich do chloinn Aaroin.

CAIB. XIII.

1 *Air leughadh an lagha dhoibh dhealaicheadh Israel o'n t-sluagh mheasga.* 4 'N uair a phill Nehemiah thug e fairear na seòmar-vaichean a ghlanadh. 10 Thagair e càis nan Lebhithicheadh. 15 Mu bhriseadh na sàbaid. 23 Mu na h-Iudhaich a phòs mnathan coimheach.

AIR an là sin leughadh ann an leabhar Mhaois ann an éisdachd an t-sluaigh,

agus fhuaradh sgrìobhta ann, nach tigeadh an t-Amonach agus am Moabach a steach do choimhthional Dhé gu bràth;

2 A chionn nach do choisinn iad clann Israeil le h-aran agus le h-uisge, agus gu'n do thuarasdalaich iad Balaam 'n an aghaidh chum am mallachadh: ach thionndaidh ar Dia am mallachadh gu beannachadh.

3 A nis an uair a chual' iad an lagh, dhcalaich iad an sluagh measgta uile o Israel.

4 Agus roimhe so bha aig Eliasib an sagart, a chuireadh os ceann seòmair tighe ar Dé, cleamhnas ri Tobiah.

5 Agus rinn e dha seòmar mòr, far an robh iad roimhe a' cur an tabhartais-bhìdh, na tùise, agus nan soitheach, agus deachaimh an arbhair, an fhiona nuaidh, agus na h-olaidh, (a dh'orduicheadh do na Lebhithich, agus do'n luchd-seinn, agus do na dorsairibh,) agus tabhartais nan sagart.

6 Ach an uair a thachair so uile cha robh mise ann an Ierusalem; oir anns an dara bliadhna deug thar fhichead de Artaserces rìgh Bhabiloim, thàinig mi dh'ionnsuidh an rìgh, agus an déigh làithean àraidh fhuair mi mo chad o'n rìgh:

7 Agus thàinig mi gu h-Ierusalem, agus thug mi an t-olc a rinn Eliasib air son Thobiah, seòmar a dheanamh dha ann an cùirtibh tighe Dhé.

8 Agus ghabh mi gu ro olc e; agus thilg mi uile airneis-tighe Thobiah mach as an t-seòmar.

9 Agus dh'àithn mi, agus ghlan iad na seòmraichean: agus thug mi air an ais an sin soitheichean tighe Dhé, an tabhartas-bìdh agus an tùis.

10 Agus dh'àithnich mi nach d'fhugadh seachad cuibhrionna nan Lebhithich; oir theich na Lebhithich agus an luchd-seinn a rinn an obair, gach duine a dh'ionnsuidh 'fhearainn féin.

11 Agus thug mi achmhasan do na riaghlairibh, agus thubhairt mi, C'ar son a thréigeadh tigh Dhé? Agus chruinnich mi iad ri 'chéile, agus shuidhich mi iad 'n an àit.

12 Agus thug Iudah uile deachamh an arbhair, agus an fhiona nuaidh, agus na h-olaidh a steach do na h-ionmhasaibh.

13 Agus chuir mi luchd-coimhid os ceann nan ionmhas, Seleniah an sagart, agus Sadoe an sgrìobhaiche; agus de na Lebhithich, Pedaiah; agus làmh riu-san Hanan mac Shacuir, mhic Mhatanah: oir mheasadh firinneach iad, agus bha orra-san roim air an bràithribh.

14 Cuimhnich orm, O mo Dhia, air son so, agus na cuir as do shealladh mo dheadh ghniomharan a rinn mi a thaobh tighe mo Dhé agus a thaobh 'fhaircan.

15 Anns na làithibh sin chunnaic mi ann an Iudah daoine a' saltair fhìon-amar air

an t-sàbaid, agus a' toirt a stigh sguab, agus a' cur luchd air asalaibh; agus mar an ceudna fion, fion-dhearcan, agus figean, agus gach gnè eallaich, a thug iad a stigh do h-Ierusalem air là na sàbaid: agus thug mi fianuis 'n an aghaidh air an là air an do reic iad biadh.

16 Ghabh mar an ceudna Tioraich còmh-nuidh ann, a thug a stigh iasg agus gach gnè bathair; agus reic iad air an t-sàbaid ri clann Iudah, agus ann an Ierusalem.

17 Agus thug mi achmhasan do àrd uaislibh Iudah, agus thubhairt mi riu, Cìod an uile so a tha sibh a' deanamh, agus sibh a' briseadh là na sàbaid?

18 Nach d'rinn bhur n-aithrichean mar so, agus nach d'thug ar Dia an t-olc so uile oirne, agus air a' bhàile so? agus tha sibh a' toirt tuilleadh feirge air Israel leis an t-sàbaid a bhriseadh.

19 Agus an uair a thòisich geatachan Ierusalem air a bhi doreha roimh 'n t-sàbaid, dh'àithn mi, agus dhruideadh na comhlachan; agus dh'àithn mi nach bithcadh iad air am fosgladh gus an déigh na sàbaid: agus cuid de m'òglachaibh shuidhich mi aig na geataibh, chum nach tigeadh eallach a stigh air là na sàbaid.

20 Agus ghabh na ceannachichean, agus luchd-reicidh gach gnè bathair, tàmh an taobh a muigh de Ierusalem uair no dhà.

21 Agus thug mi fianuis 'n an aghaidh, agus thubhairt mi riu, C'ar son a tha sibh a' gabhail tàmh fa chomhair a' bhalla? na ni sibh a ris e, leagaidh mi làmh oirbh. O'n àm sin cha d'fhainig iad tuilleadh air an t-sàbaid.

22 Agus dh'àithn mi do na Lebhithich, a bha 'g an glanadh féin, agus a thàinig a ghleidheadh nan geata, gu'n naomhaicheadh iad là na sàbaid. Cuimhnich orm, O mo Dhia, thaobh so mar an ceudna, agus caomhain mi a réir meud do thrèair.

23 Mar an ceudna anns na làithibh sin chunnaic mi Iudhaich a phòs mnathan de Asdod, de Amon, agus de Mhoab.

24 Agus labhair an clann leth ann an cainnt Asdoid, agus cha b'urraim iad labhair ann an cainnt nan Iudhach, ach a réir cainnte an dà shluaigh.

25 Agus thug mi achmhasan dhoibh, agus mhallaich mi iad, agus bhuail mi cuid diubh, agus spion mi dhiubh am falt, agus thug mi orra mionnachadh air Dia, nach tugadh iad an nigheanan d'am macaibh-san, agus nach gabhadh iad an nigheanan-san d'am macaibh, no dhoibh féin.

26 Leis na nithibh sin nach do pheacaich Solamh rìgh Israeil? ghidheadh am measg mhòrain chinnreach cha robh rìgh ann cosmhuil ris, a bha air a ghràdhachadh le 'Dhia, agus a rinn Dia 'n a rìgh air Israel uile, ach thug mnathan coimheach air-san féin peacachadh.

27 An éisd sinn ribh ma ta gus an t-olc mór so uile a dheanamh, gu peacachadh an aghaidh ar Dé, le mnathan coimheach a phósadh.

28 Agus bha aon de mhacaibh Ioiada, mhic Elíasib an árd-shagairt, 'n a chliamhuin aig Sanbalat an t-Horonach: uime sin dh'fhógair mi uam e.

29 Cuimhnich orra, O mo Dhia, chionn gu'n do thruaill iad an t-sagartachd, agus

coimhchcangal na sagartachd agus nan Lebhitheach.

30 Mar so ghlan mi iad o gach coigreach, agus dh'orduich mi fairean nan sagart agus nan Lebhitheach, gach aon 'n a ghnóthuch féin:

31 Agus air son nan tabhartas-fiodha, aig amaibh suidhichte, air son nan ceud thoradh. Cuimhnich orm, O mo Dhia, chum maith.

ESTER.

CAIB. I.

1 Rinn Ahasuerus cuirm d'a uachdaranaibh agus d'a sheirbhisich. 10 Dhiúlt Bhasti teachd an lathair an rìgh 'n uair a chuir e fios oirre. 16 Le comhairle Mhemucain chuir an rìgh air falbh Bhasti.

ANIS ann an làithibh Ahasueruis, (is e so an t-Ahasuerus a rìghich o India gu ruig Etiopia, os ceann ceud, agus seachd thar fhichead mòr-roinn);

2 Anns na làithibh sin, an uair a shuidh rìgh Ahasuerus air rìgh-chaitheir a rìoghachd, a bha ann an Susan an lùchairt;

3 Anns an treas bliadhna d'a rìoghachadh, rinn e fleadh d'a uachdarain uile, agus d'a sheirbhisich; agus cumhachd Phersia agus Mhedia, árd uaislean agus uachdarain nam mòr-roinnean 'n a làthair;

4 An uair a nochd e saoihbreas a rìoghachd ghlòrmhoir, agus urram a mhòrachd òirdheir, ré ceud agus ceithir fichead là.

5 Agus an uair a chrìochnaich eadhnadh na làithean sin, rinn an rìgh do'n t-sluagh uile a bha làthair ann an Susan an lùchairt, eadar mhòr agus bheag, fleadh sheachd làithean, ann an cùirt lios tighe an rìgh.

6 Bha na cùirteinean geal, uaine, agus gorm air an crochadh le cordaibh de anart grunn agus de choreur, air failbheagaibh airgid, agus puist marmoir: na leapaichean a dh'òr agus a dh'airgid, air leac-urlair de mhamor dearg, agus gorm, agus geal, agus dubh.

7 Agus thug iad deoch seachad ann an soithichibh òir, agus na soithichean eucosmhail r'a chéile, agus fion rìoghail ann am pailteas, mar a thigeadh do'n rìgh.

8 Agus bha 'n t-òl a réir an lagha, gun neach ann a dh'èignicheadh; oir mar sin dh'àithn an rìgh do uile dhaoineibh mòra a thighe, gu'n deanadh iad mar a b'àill leis gach duine.

9 Mar an ceudna rinn Bhasti a' bhan-rìghinn fleadh do na mnàibh anns an tìgh rìoghail a bhuineadh do rìgh Ahasuerus.

10 Air an t-sachdamh là, 'n uair a bha cridhe an rìgh subhach le fion, dh'àithn e

do Mhehuman, do Blista, do Harbona, do Bhigta, agus do Abagta, do Shetar, agus do Charcas, na seachd caillteanaich a fhrith-eil ann an làthair an rìgh Ahasueruis,

11 Bhasti a' bhan-rìghinn a thoirt an làthair an rìgh leis a' chrùn rìoghail, a nochdadh do'n t-sluagh agus do na h-uachdaranaibh a sgéimhe; oir bha i maiseach ri amharc oirre.

12 Ach dhiúlt a' bhan-rìghinn Bhasti teachd air àithne an rìgh a thug e seachad le làimh nan caillteanaich: agus bha corruich mhòr air an rìgh, agus las fhearg an taobh a stigh deth.

13 An sin thubhairt an rìgh ris na daoineibh glic, d'am b'aithne na h-aimsirean, (oir b'e sin gnàth an rìgh d'an taobh-san uile a bha còlach air lagh agus breitheanas;

14 Agus làimh ris bha Carsena, Setar, Admata, Tarsis, Meres, Marsena, agus Memucan, seachd uachdarain Phersia agus Mhedia, a bha faicinn gnùise an rìgh, agus a shuidh air thoiseach 's an rìoghachd.)

15 A réir an lagha ciod a ni sinn ris a' bhan-rìghinn Bhasti, a chionn nach d'rinn i iarrtus an rìgh Ahasueruis le làimh nan caillteanaich?

16 Agus thubhairt Memucan an làthair an rìgh agus nan uachdaran, Cha-n ann air an rìgh a mhàin a rinn Bhasti a' bhan-rìghinn eucoir, ach mar an ceudna air na h-uachdaranaibh uile, agus air an t-sluagh uile, a tha ann an uile mhòr-roinneibh rìgh Ahasueruis:

17 Oir nithear gnòmh na ban-rìghinn aithnichte do na mnàibh uile, air chor as gu'n dean iad tàir air am fir 'n an sùilibh, 'n uair a their iad, Dh'àithn an rìgh Ahasuerus a' bhan-rìghinn Bhasti a thoirt a steach 'n a làthair, ach cha d'fhàinig i.

18 Mar an ceudna air an là'n diugh labhairidh bain-tighearnan Phersia agus Mhedia, a chluinneas mu ghnìomh na ban-rìghinn, ri uile uachdaranaibh an rìgh: mar so éiridh suas pailteas tàire agus feirge.

19 Ma's maith leis an rìgh, thigeadh àithne rìoghail a mach uaith, agus sgrìobhar i am

measg laghannan nam Persach agus nam Médeach, chum nach atharraichear i, Nach tig Bhlasti nì's mò an làthair an rìgh Ahasueruis, agus gu'n toir an rìgh a h-inbhe rioghail do mhnaoi eile a's fearr na ise.

20 Agus an uair a chluinnear àithne an rìgh a bheir e seachad air feadh a rìoghachd uile, (oir *tha* i mòr,) bheir na mnathan uile urram d'am fearaibh, eadar mhòr agus bheag.

21 Agus thaitinn am focal ris an rìgh agus r'a uachdaranaibh; agus rinn an rìgh a réir focail Mhemucain:

22 Agus chuir e litrichean a dh'ionnsuidh uile mhòr-roinnean an rìgh, dh'ionnsuidh gach mòr-roinne a réir a sgrìobhaidh, agus a dh'ionnsuidh gach sluagh a réir an canain, gu'm bitheadh gach fear 'n a uachdaran 'n a thigh féin; agus gu'm bitheadh so air fhoillseachadh a réir canain gach sluagh.

CAIB. II.

1 *Chomhairlich 'òglaich do'n rìgh ban-rìghinn eile iarraidh 'an àite Bhasti. 5 Dh'àraich Mordecai Ester. 15 Thaitinn Ester ri Ahasuerus, agus rinneadh i 'n a ban-rìghinn.*

AN déigh nan nithean sin, an uair a tharoigh fearg an rìgh Ahasueruis, chuimhnich e air Bhasti, agus na rinn i, agus na dh'àithneadh 'n a h-aghaidh.

2 An sin thubhairt òglaich an rìgh a fhritheil da, larrar do'n rìgh òighean òga sgiamhach:

3 Agus orduicheadh an rìgh luchd-riaghlaidh ann an uile mhòr-ronnibh a rìoghachd, agus cruinnicheadh iad na h-òighean òga sgiamhach uile gu Susan an lùchairt, gu tigh nam ban, fo làimh Hegai, chaillteanaich an rìgh, fhir-ghleidhidh nam ban; agus thugar *dhoibh* na nithean air son an glanaidh.

4 Agus bitheadh an òigh a thaitneas ris an rìgh, 'n a ban-rìghinn 'an àite Bhasti. Agus thaitinn an nì ris an rìgh, agus rinn e mar sin.

5 Bha Iudhach àraidh ann an Susan an lùchairt, d'am 'bainn Mordecai, mac Iair, mhic Shimei, mhic Chis, duine de Bhe-niamin,

6 A thugadh air falbh o Ierusalem leis a' bhràighdeanas a thugadh air falbh maille ri Ieconiah rìgh Iudah, a thug Nebuchadne-sar rìgh Bhabiloin air falbh.

7 Agus dh'àraich e Hadasad, (b'i sin Ester,) nighean bràthar-athar, oir cha robh athair no màthair aice; agus bha'n òigh mais each 'n a cruth, agus sgiamhach 'n a gnùis: agus an uair a dh'eug a h-athair agus a màthair, ghabh Mordecai d'a ionnsuidh i mar a nighean féin.

8 Agus an uair a chualas àithne an rìgh agus 'òrdugh, agus an uair a chruinnicheadh iomadh òigh gu Susan an lùchairt, gu bhi fo làimh Hegai, thugadh Ester mar an

ceudna gu tigh an rìgh, gu bhi fo làimh Hegai, fhir-ghleidhidh nam ban.

9 Agus thaitinn an òigh ris, agus fhuair i caoimhneas 'n a làthair, agus rinn e deifir gus a nithean air son glanaidh, agus na bhuineadh dhi, a thabhairt d'a h-ionnsuidh, agus gu seachd maighdeanan ionchuidh a thabhairt di á tigh an rìgh; agus chuir e i féin agus a maighdeanan do'n *àit* a b'fhearr de thigh nam ban.

10 Cha d'innis Ester a sluagh, no a luchd-dàimh; oir d'fàithn Mordecai dhi gun innseadh.

11 Agus gach là *bha* Mordecai ag im-eachd fa chomhair cùirte tighe nam ban, a dh'fhiosrachadh cionnus a bha Ester, agus ciod a dh'éireadh dhi.

12 Agus an uair a thàinig àm gach òighe gu dol a steach a dh'ionnsuidh an rìgh Ahasueruis, an déigh dhi bhi dà mhios dheug a réir gnàtha nam ban, (oir mar sin choimhlionadh làithean an glanaidh, sè mìosan le h-òlaidh mirr, agus sè mìosan le luibhibh cùbhraidh, agus le nithibh *eile* chum glanaidh nam ban.)

13 An sin mar so thàinig gach òigh a dh'ionnsuidh an rìgh: gach *nì* a dh'iarr i thugadh dhi gu dol a steach leatha á tigh nam ban gu tigh an rìgh.

14 Air feasgar chaidh i steach, agus 's a' mhaduinn phill i gu dara tigh nam ban, fo làimh Shaaagais, chaillteanaich an rìgh, fhir-ghleidhidh nan coimhleabach: cha d'thàinig i steach tuilleadh a dh'ionnsuidh an rìgh, mar do ghabh an rìgh tlachd dhi, agus gu'n do ghairmeadh i air a h-ainm.

15 Agus an uair a thàinig àm Esteir, nìghinn Abihail, bràthar-athar Mhordecai, (a ghabh d'a ionnsuidh i mar a nighean féin,) gu dol a steach a dh'ionnsuidh an rìgh, cha d'iarr i nì air bith ach na dh'òrd-uich Hegai, caillteanach an rìgh, fear-ghleidhidh nam ban: agus fhuair Ester gean-maith 'n an sùilibh-san uile a dh'amh-aire oirre.

16 Agus thugadh Ester a dh'ionnsuidh an rìgh Ahasueruis, a dh'ionnsuidh a thighe rioghail, anns an deicheamh mìos, (*is* e sin mìos Thebeit,) anns an t-seachdamh bliadhna d'a rìoghachadh.

17 Agus ghràdhach an rìgh Ester os ceann nam ban uile, agus fhuair i gean-maith agus caoimhneas 'n a làthair os ceann nan òighean uile; agus chuir e an crùn rioghail air a ceann, agus rinn e 'n a ban-rìghinn i 'an àite Bhasti.

18 An sin rinn an rìgh fleadh mòr d'a uachdaranaibh uile agus d'a shcirbhisich, fleadh Esteir; agus thug e saorsa do na mòr-roinnibh, agus thug e seachad tiodh-lacan, mar bu chubhaidh do'n rìgh.

19 Agus an uair a chruinnicheadh na h-òighean an dara uair, an sin shuidh Mordecai ann an geata an rìgh.

20 Cha d'innis Ester *jathast* a luchd-dàimh, no a sluagh, mar dh'àithn Mordecai dhi; oir rinn Ester iarrtus Mhordecai, mar a rinn i'n uair a dh'àraicheadh i maille ris.

21 Anns na làithibh sin, an uair a bha Mordecai 'n a shuidhe ann an geata an rìgh, bha fearg air Bigtan agus Teres, dithis de chailteanaich an rìgh, dhiubhsan a bha 'coinhead an doruis, agus dh'iarr iad làmh a chur anns an rìgh Ahasuerus.

22 Agus fhuair Mordecai fios air an ni sin, agus dh'innis se e do Ester a' bhan-rìghinn; agus dh'innis Ester e do'n rìgh ann an ainm Mhordecai.

23 Agus rannsacich eadhn an ni, agus fhuair eadhn a mach e, agus chrochadh suas iad le 'chéile air crann: agus sgrìobhadh e ann an leabhar nan eachdraidh 'am fianuis an rìgh.

CAIB. III.

1 Dh'àrdaich Ahasuerus Haman, agus thug a sheirbhiseich uile urram da, ach Mordecai an t-Iudhach 'n a aonar: 5 Air an aobhar sin dh'iarr Haman na h-Iudhaich gu tèir a sgrìos.

AN déigh nan nithcan sin rinn an rìgh Ahasuerus Haman, mac Hamedata an Agagaich, 'n a dhuine mòr, agus dh'àrdaich se e, agus chuir e àite-suidhe os ceann nan uachdaran uile a bha maille ris.

2 Agus chrom na seirbhiseich uile a bha ann an geata an rìgh iad féin, agus thug iad urram do Haman, oir dh'àithn an rìgh mar sin d'a thaobh; ach cha do chrom Mordecai e féin, agus cha d'thug e urram dha.

3 Agus thubhairt seirbhiseich an rìgh, a bha ann an geata an rìgh, ri Mordecai, C'ar son a tha thu a' briseadh àitlne an rìgh?

4 Agus an uair a labhair iad ris là 'n déigh là, agus nach d'éisd e riu, an sin dh'innis iad e do Haman, a dh'fheuchainn an seasadh briathran Mhordecai; oir dh'innis e dhoibh gu'm b' Iudhach e.

5 Agus chuamaic Haman nach do chrom Mordecai e féin, agus nach d'thug e urram dha, agus bha Haman làn feirge.

6 Agus cha b'fhiù leis làmh a chur ann am Mordecai 'n a aonar, oir nochd iad da sluagh Mhordecai; uime sin dh'iarr Haman na h-Iudhaich uile 'sgrìos a bha ann an uile rìoghachd Ahasueruis, sluagh Mhordecai.

7 Anns a' chud mhìos, (is e sin mìos Nisain,) anns an dara bliadhna deug de rìgh Ahasuerus, thilgeadh Pur, is e sin an crannchur, an làthair Haman, o là gu là, agus o mhìos gu mìos, gus an dara mìos deug, is e sin mìos Adair.

8 Agus thubhairt Haman ri rìgh Ahasuerus, Tha sluagh àraidh ann air an sgaol-cadh agus air an roinn an measg an

t-sluaigh ann an uile mhòr-roinnibh do rìoghachd, agus tha laghannan air leth aca seach gach sluagh, agus chan-eil iad a' coinhead laghannan an rìgh; uime sin chan-eil e air son leas an rìgh am fulang.

9 Ma's toil leis an rìgh, sgrìobhar gu'm bi iad air an sgrìos, agus iocaidh mise deich mìle tàlam airgid d'an làimh-san a ni an gnothuch, chum a thabhairt do ionmhasaibh an rìgh.

10 Agus thug an rìgh 'fhàinne bhàrr a làimhe, agus thug se e do Haman, mac Hamedata an Agagaich, nàmhaid nan Iudhach.

11 Agus thubhairt an rìgh ri Haman, Tha'n t-airgid air a thabhairt duit, agus an sluagh, a dheanamh riu mar is àill leat.

12 Agus ghairmeadh sgrìobhaichean an rìgh air an treas là deug de'n cheud mhìos, agus sgrìobhadh, a réir gach ni a dh'àithn Haman, chum àrd riaghlairan an rìgh, agus a chum nan uachdaran a bha os ceann gach mòr-roinne, agus a chum cheannfeadhna gach sluagh, chum gach mòr-roinne a réir an sgrìobhaidh, agus a chum gach sluagh a réir an càinain: ann an ainm an rìgh Ahasueruis sgrìobhadh e, agus sheulaicheadh e le fàinne an rìgh.

13 Agus chuireadh na litrichean le làimh ghillean-ruithe gu uile mhòr-roinnibh an rìgh, a sgrìos, a mharbhadh, agus a chur as do na h-Iudhaich uile, eadar òg agus shean, chloinn bhig agus mhnaibh, ann an aon là, air an treas là deug de'n dara mìos deug, (is e sin mìos Adair,) agus am feudail a thogail mar chriche.

14 B'e suim an sgrìobhaidh, Gu'n tugadh àitlne seachad anns gach mòr-roinn, air a foillseachadh do gach sluagh, iad a bhì deas fa chomhair an là sin.

15 Chaidh na gillean-ruithe a mach, air an greasad le h-àitlne an rìgh; agus thugadh an t-ordugh seachad ann an Susan an luch-airt: agus shuidh an rìgh agus Haman sìos a dh'òl; ach bha'm baile Susan fo amhladh.

CAIB. IV.

1 Rinn Mordecai agus na h-Iudhaich bròn air son àitlne an rìgh d'an taobh. 4 Thugadh fios do Ester air an ni so, agus chomhairlich eadhn dhi eadar-ghuidhe a dheanamh air son nan Iudhaich. 15 Ghairm i trasgadh.

AN uair a dh'àithnich Mordecai gach ni a rinneadh, reub e 'eudach, agus chuir e saic-eudach air agus luathre, agus chaidh e mach gu meadhon a' bhaile, agus ghlaodh e le glaoth àrd agus searbh.

2 Agus thàinig e eadhn fa chomhair geata an rìgh: oir cha-n fheudadh neach air bith dol a stigh do gheata an rìgh le saic-eudach air.

3 Agus anns gach uile mhòr-roinn d'an d'thàinig focal an rìgh agus 'ordugh, bha bròn mòr an measg nan Iudhaich, agus

trasgadh, agus gul, agus caoidh; agus luidh mòran ann an saic-eudach agus ann an luathre.

4 Agus thàinig maighdeanan Esteir agus a' caillteanaich, agus dh'innis iad sin di. Agus bha a' bhan-rìghinn ro dhoilgheasach, agus chuir i eudach gu bhì air a chur air Mordecai, agus gu'n tugadh 'eudach-saice dheth: ach cha ghabhadh esan e.

5 An sin ghairm Ester air Hatach, aon de chaillteanaich an rìgh, d'an d'orduich e feitheamh oirre, agus thug i àithne dha gu Mordecai, gu'm faigheadh e fios ciod e so, agus c'ar son so.

6 Agus chaidh Hatach a mach a dh'ionnsuidh Mhordecai, gu sràid a' bhaile, a bha fa chomhair geata an rìgh.

7 Agus dh'innis Mordecai dha gach *ni* a thachair dha, agus an t-suin airgid a gheall Haman a thomhas a stigh do ionmhasaibh an rìgh air son nan Iudhach, chum an sgrios.

8 Agus thug e dha ath-sgrìobhadh an orduigh, a thugadh ann an Susan gus an sgrios, chum 'fheuchainn do Ester, agus a chur 'an cèill di, agus a dh'àithneadh dhi gu'n rachadh i stigh a dh'ionnsuidh an rìgh, a dh'aslachadh air, agus a ghuidhe air as leth a sluagh.

9 Agus thàinig Hatach, agus dh'innis e do Ester briathran Mhordecai.

10 Agus labhair Ester ri Hatach, agus thug i àithne dha gu Mordecai:

11 Tha fios aig seirbhisich an rìgh uile, agus aig sluagh mhòr-roinnean an rìgh, ge b'e air bith fear no bean a thèid a steach a dh'ionnsuidh an rìgh do'n chùirt a's faide a stigh, air nach gairmear, *gu bheil* aon lagh aige a chur gu bàs, ach a mhàin esan d'an sin an rìgh a mach a shlat-òir rìoghail, a chum gu'm bi e beò; ach cha do ghoireadh ormsa teachd a steach a dh'ionnsuidh an rìgh na deich làthan fichead so.

12 Agus dh'innis iad do Mhordecai briathran Esteir.

13 Agus dh'àithn Mordecai freagradh a thoirt do Ester, Na smuainich agad féin gu'n téid thu as ann an tigh an rìgh nì's mò na na h-Iudhaich uile:

14 Oir ma bhitheas tusa gu tur a'd' thosd 's an àm so, thig lasachadh agus saorsa do na h-Iudhaich o ait' eile; ach sgriosar thusa agus tigh d'athar: agus cò aig am bheil fios nach ann air son a leithid so dh' àm a thàinig thu do'n rìoghalachd?

15 An sin dh'ìarr Ester *am* freagradh *so* a thoirt do Mhordecai;

16 Falbh, cruinnich r'a chéile na h-Iudhaich uile a gheibhear ann an Susan, agus traigibh air mo shon-sa, agus na h-ithibh agus na h-òlaibh ré thri làithean, a là no dh'oidheche: traigibh mise agus mo mhaighdeanan air an doigh cheudna; agus an sin thèid mi a stigh a dh'ionnsuidh an rìgh, nì

nach 'eil a réir an lagha; agus mar sin ma bhàsaichas mi, bàsaicheam.

17 Agus dh'innich Mordecai, agus rinn e a réir gach *ni* a dh'àithn Ester dha.

CAIB. V.

1 *Fhuair Ester deadh-ghean 'an sealladh an rìgh.* 4 *Thug i cuirradh do'n rìgh agus do Haman a dh'ionnsuidh fleadha.* 5 *Bha Haman làn fèrge an aghaidh Mhordecai.* 14 *Le comhairle a rùna agus a chairdean rinn e croich air a shon.*

ANIS air an treas là chuir Ester oirre a' culaidh rìoghail, agus sheas i anns a' chùirt a b'fhaide steach de thigh an rìgh, fa chomhair tighe an rìgh: agus bha'n rìgh 'n a shuidhe air a rìgh-chaitir anns an tigh rìoghail, fa chomhair geata an tighe.

2 Agus an uair a chunnaic an rìgh Ester a' bhan-rìghinn 'n a seasamh anns a' chùirt, fhuair i deadh-ghean 'n a shealladh: agus shin an rìgh a mach gu Ester an t-slat-òir rìoghail a bha 'n a làimh; agus thàinig Ester am fagus, agus bhean i ri bàrr na slaithe.

3 An sin thubhairt an rìgh rithe, Ciod a's àill leat, a bhan-rìghinn Ester? agus ciod e d'ìartus? gu ruig leth na rìoghachd bheirear dhuit e.

4 Agus fhreagair Ester, Ma's maith leis an rìgh, thigeadh an rìgh agus Haman an diugh a dh'ionnsuidh na fleadha a dhcas-aich mi dha.

5 Agus thubhairt an rìgh, Greasaibh Haman a dheanamh mar a thubhairt Ester. Agus thàinig an rìgh agus Haman a dh'ionnsuidh na fleadha a dheasaich Ester.

6 Agus thubhairt an rìgh ri Ester aig fleadh an fhìona, Ciod i d'athchuinge? agus bheirear dhuit i: agus ciod e d'ìartus? agus gu ruig leth na rìoghachd nithear e.

7 Agus fhreagair Ester, agus thubhairt i, Is i m'athchuinge agus m'ìartus;

8 Ma fhuair mi deadh-ghean ann an sealladh an rìgh, agus ma's maith leis an rìgh m'athchuinge a dhèanachadh, agus m'ìartus a dheanamh, thigeadh an rìgh agus Haman a dh'ionnsuidh na fleadha a dheasaicheas mi dhoibh, agus am màireach nì mi a réir focail an rìgh.

9 Agus chaidh Haman a mach air an là sin aoibhneach agus subhach 'n a chridhe: ach an uair a chunnaic Haman Mordecai ann an geata an rìgh, agus nach d'éirich e, agus nach do charuich e air a shon, bha e làn fèirge an aghaidh Mhordecai.

10 Gidheadh chum Haman air féin, agus chaidh e dhachaidh; agus chuir e *fios* uath, agus thug e air a chairdibh teachd d'a ionnsuidh, agus air Seres a mhuaoi.

11 Agus chuir Haman 'an cèill doibh mòralachd a bheartais, agus homhoir-eachd a mhac, agus gach *ni* leis an d'rinn an rìgh mòr e, agus mar a dh'àrdaich se e

os ceann nan uachdaran, agus sheirbhiseach an rìgh.

12 Thubhairt Haman mar an ceudna, Os bàrr, cha d'thug Ester a' bhan-rìghinn duine air bith a stigh maille ris an rìgh a dh'ionnsuidh na fleadha a dheasaich i, ach mi féin; agus mar an ceudna am màir-each, tha mi air mo chuireadh leatha maille ris an rìgh.

13 Gidheadh cha dean so uile a bheag de mhaith dhomh, am feadh a chi mi Mordecai an t-Iudhach 'n a shuidhe ann an geata an rìgh.

14 Agus thubhairt Seres a bhean ris, agus a chairdean uile, Deanar croich leth-cheud làmh-choille air àirde, agus anns a' mhaduinn labhair ris an rìgh gu'n crochar Mordecai oirre; agus gabh a steach maille ris an rìgh dh'ionnsuidh na fleadha gu subhach. Agus thaitinn an ni ri Haman, agus thug e fainear a' chroich a bhi air a deanamh.

CAIB. VI.

1 *Smuainich Ahasuerus air urram a chur air Mordecai a chionn gu'n d'innis e air Bigtana agus air Teres: 10 Shònraicheadh Haman gu so a dheanamh. 13 Roimh-innis a chairdean do Haman gu'n tuiteadh e roimh Mhordecai.*

AIR an oidhe sin theich codal an rìgh uaith; agus dh'iarr e leabhar-cuimhne nan eachdraidh lathail a bhi air a thabhairt d'a ionnsuidh; agus leughadh iad 'am fianuis an rìgh.

2 Agus fhuaradh sgrìobhta, gu'n d'innis Mordecai air Bigtana agus air Teres, dithis de chailteanaich an rìgh, dhiubhsan a bha 'coimhead an doruis, a dh'iarr làmh a chur ann an rìgh Ahasuerus.

3 Agus thubhairt an rìgh, Ciod an t-urram agus an inbhe a thugadh do Mhordecai air son so? Agus thubhairt òglaich an rìgh a fhrithheil dha, Cha d'rinneadh ni air bith air a shon.

4 Agus thubhairt an rìgh, Cò a tha 's a' chùirt? (a nis bha Haman air teachd do'n chùirt a b'fhaide a mach de thigh an rìgh, a labhairt ris an rìgh, gu'm bitheadh Mordecai air a chrochadh air a' chroich a dheasaich e dha;)

5 Agus thubhairt òglaich an rìgh ris, Feuch, tha Haman 'n a sheasamh anns a' chùirt. Agus thubhairt an rìgh, Thigeadh e stigh.

6 Agus thàinig Haman a stigh; agus thubhairt an rìgh ris, Ciod a nithear do'n duine air an toil leis an rìgh urram a chur? (A nis thubhairt Haman 'n a chridhe, Cò air an toil leis an rìgh urram a chur ni's mò na orm féin?)

7 Agus fhreagair Haman an rìgh, Air son an duine air an toil leis an rìgh urram a chur,

8 Thugar a làthair a' chulaidh rìoghail a chuireas an rìgh air, agus an t-each air am

marcaich an rìgh, agus an crùn rìoghail a chuirear air a cheann:

9 Agus thugar a' chulaidh agus an t-each do làmh aoine de uachdaranaibh ro urramach an rìgh, agus sgeadaicheadh iad an duine air an toil leis an rìgh urram a chur, agus thugadh iad air marcachd air an each air sràid a' bhaile mhòir, agus gairmeadh iad roimhe, Mar so nithear do'n duine air an toil leis an rìgh urram a chur.

10 Agus thubhairt an rìgh ri Haman, Greas ort, gabh a' chulaidh agus an t-each mar a thubhairt thu, agus dean mar sin do Mhordecai an t-Iudhach, a tha 'n a shuidhe ann an geata an rìgh: na dearmaid ni air bith de na thubhairt thu.

11 An sin ghabh Haman a' chulaidh agus an t-each, agus sgeadaich e Mordecai, agus thug e air marcachd air an each air sràid a' bhaile mhòir, agus ghairm e roimhe, Mar so nithear do'n duine air an toil leis an rìgh urram a chur.

12 Agus phill Mordecai gu geata an rìgh: ach ghras Haman d'a thigh féin ri bròn, agus a cheann còmhdaichte.

13 Agus dh'innis Haman do Sheres a bhean, agus d'a chairdibh uile gach ni a thachair dha. Agus thubhairt a dhaoine glice agus Seres a bhean ris, Ma's ann de shliochd nan Iudhach Mordecai, roimh an do thòisich thu air tuiteam, cha bluaadh-aich thu 'n a aghaidh, ach gun teagamh tuitidh tu roimhe.

14 An uair a bha iad fathast a' labhairt ris, thàinig cailteanaich an rìgh, agus rinn iad deifir gu Haman a thabhairt a dh'ionnsuidh na fleadha a dheasaich Ester.

CAIB. VII.

1 *Aig an fhleadh dh'iarr Ester air an rìgh gu'n tèarnadh e i féin agus a sluagh o ais-tinneachd Hamain. 7 Bha fearg air an rìgh ri Haman, agus dh'orduich e a chur gu bàs.*

AGUS thàinig an rìgh agus Haman chum na fleadha maille ri Ester a' bhan-rìghinn.

2 Agus thubhairt an rìgh ri Ester mar an ceudna air an dara là aig fleadh an fhìona. Ciod i d'athcheuinge, a bhan-rìghinn Ester! agus bheirear dhuit i: agus ciod e d'iarrtus? agus gu ruig leth na rìoghachd nithcar e.

3 Agus fhreagair Ester a' bhan-rìghinn, agus thubhairt i, Ma fhuair mi deadh-ghean a'd shùilibh, a rìgh, agus ma's maith leis an rìgh, thugar dhomh m'auam air m'athcheuinge, agus mo shluagh air m'iarrtus:

4 Oir reiceadh sinn, mise agus mo shluagh, gu bli air ar dìtheachadh, air ar marbhadh, agus air ar léir-sgrìos: ach nam b'ann mar thràillibh agus mar bhan-tràillibh a reiceadh sinn, bhithinn a'm' thosd, ged nach b'urrainn an nàmbaid call an rìgh a dheanamh suas.

6 Agus fhreagair rìgh Ahasnerus, agus thubhairt e ri Ester a' bhan-rìghinn, Cò e so? agus c'ait am bheil esan, aig an robh a dhànadas 'n a chridhe deanamh mar sin?

6 Agus thubhairt Ester, Is e 'n t-eascaraid agus an nàmhaid Haman an droch dhuine so. Agus bha eagal air Haman an làthair an rìgh agus na ban-rìghinn.

7 Agus dh'èirich an rìgh 'n a fheirg o fhleadh an fhìona, agus chaidh e do lios na lùchairt; agns sheas Haman gu 'anam a ghuidhe o Ester a' bhan-rìghinn; oir chunn-aic e gn'n do shònraicheadh olc 'n a aghaidh leis an rìgh.

8 Agus phill an rìgh o lios na lùchairt gu tigh fleadh' an fhìona; agus bha Haman air tuiteam air an leabaidh air an robh Ester. Agus thubhairt an rìgh, An èignich e a' bhan-rìghinn mar an ceudna an'n làthair ann am thigh? An uair a chaidh am focal á beul an rìgh, chòmhdaich iad aghaidh Hamain.

9 Agus thubhairt Harbonah, aon de na caillteanaich, an làthair an rìgh, Feuch, tha mar an ceudna a' chroich a rinn Haman do Mhordecai, a labhair maith air son an rìgh, 'n a seasamh ann an tìgh Hamain, leth-cheud làmh-choille air àird. Agns thubhairt an rìgh, Crochaibh e oirre.

10 Agns chroch iad Haman air a' chroich a dheasaich e do Mhordecai. Agus thraogh fearg an rìgh.

CAIB. VIII.

1 Dh'àrdaich Ahasuerus Mordcai os ceann tìghe Hamain. 3 Thugadh comas do Ester na litrichean a sgrìobh Haman an aghaidh nan Iudhach a ghairm air an ais. 15 Inbhe Mhordecai.

AIR an là sin thug an rìgh Ahasuerus a tìgh Hamain, eascaraid nan Iudhach, do Ester a' bhan-rìghinn; agns thàinig Mordcai an làthair an rìgh: oir dh'innis Ester ciod a dhàimh dhi.

2 Agns thug an rìgh dhieth fhàinne a thug e o Haman, agus thug se e do Mhordecai. Agns chuir Ester Mordcai os ceann tìghe Hamain.

3 Agus labhair Ester a ris an làthair an rìgh, agus thuit i sìos aig a chosaibh, agus ghul i, agns ghuidh i air gn'n cuireadh e air falbh olc Hamain an Agagaich, agns 'ais-innleachd a dhealbh e an aghaidh nan Iudhach.

4 Agus shìn an rìgh a mach an t-slat-òir rioghail gu h-Ester. Agns dh'èirich Ester, agns sheas i an làthair an rìgh,

5 Agus thubhairt i, Ma's maith leis an rìgh, agns ma fhuair mise deadh-ghean 'n a làth-air, agns ma tha an nì ceart 'an fìanuis an rìgh, agus ma tha mi taitneach 'n a shùilibh, sgrìobhar a ghairm air an ais nan litrichean a dhealbhadh le Haman mac Hamdata an Agagaich, a sgrìobh e chum na h-Iudhaich

a tha ann an uile mhòr-roinnibh an rìgh a sgrìos.

6 Oir cionnus is urrainn mi amharc air an olc a thig air mo shluagh? agus cionnus is urrainn mi amharc air sgrìos molchd-dàimh?

7 An sin thubhairt an rìgh Ahasuerus ri Ester a' bhan-rìghinn, agus ri Mordcai an t-Iudhach, Feuch, tìgh Hamain thug mi do Ester, agus esan chroch iad air a' chroich, a chionn gu'n do chnir e a làmh anns na h-Iudhaich.

8 Sgrìobhaibhse mar an ceudna air son nan Iudhach, mar is maith leibh, ann an ainm an rìgh, agus sculaichibh le fàinne an rìgh: oir an sgrìobhadh a sgrìobhar ann an ainm an rìgh, agns a sheulaichar le fàinne an rìgh, cha-n fheadar a chur air ais.

9 Uime sin ghairmeadh sgrìobhaichean an rìgh air an àn sin anns an treas mìos, (is e sin mìos Shìbhain,) air an treas là fichead dheth; agus sgrìobhadh, a réir gach nì a dh'àithn Mordcai, chum nan Iudhach, agns a chum nan àrd-riaghlairean, agns nan ceannard agus uachdaran nam mòr-roinnean a tha o India gu h-Etiopia, ceud agus fichead agus seachd mòr-roinn, chum gach mòr-roinne a réir an sgrìobhaidh, agus a chum gach sluagh a réir an càinain, agus a chum nan Iudhach a réir an sgrìobhaidh, agus a réir an càinain.

10 Agus sgrìobh e ann an ainm an rìgh Ahasuerus, agns sheulaich e le fàinne an rìgh, agus chuir e litrichean le làimh theachdairean air cachaibh, a' marcachd air cachaibh luatha, agus air muileidibh, sliochd nan capull;

11 Anns an d'thng an rìgh cead do na h-Iudhaich, a bha anns gach baile, cruinn-eachadh 'an ceann a chèile, agus seasamh air son an anaman, a sgrìos, a mharbhadh, agus a chur as do uile neart slaigh agus mòr-roinne a thigeadh 'n an aghaidh, araon an clann bheag agns am mnathan, agus an creach a thogail,

12 Air aon là ann an uile mhòr-roinnibh an rìgh Ahasuernis, air an treas là deug de'n dara mìos deug, (is e sin mìos Adair.)

13 B'e snim an sgrìobhaidh, Gu'n tngtadh àithne seachad anns gach mòr-roinn, air a foillseachadh do gach slagh, gn'm bitheadh na h-Iudhaich deas air an là sin gu'n dioladh fèin air an naimhdebh.

14 Chaidh na teachdairean a mach; a' marcachd air cachaibh luatha, [agns] air muileidibh, le cabhaig, agns iad air an greasad le àithne an rìgh: agus thugadh an t-ordnng seachad ann an Susan an lùchairt.

15 Agus chaidh Mordcai mach á làthair an rìgh ann an eudach rioghail de ghorm agus de gheal, agns le crùn mòr òir, agus le trnsng de anart grinn agus de choreur: agus rinn baile Shusain gairdeachas, agus bha e aoibhinn.

16 Aig na h-Iudhaich bha solus, agus aoibhneas, agus gairdeachas, agus urram.

17 Agus anns gach mòr-roinn, agus anns gach baile, ge b'e àit d'an d'fhàinig àithne an rìgh agus 'ordugh, bha aoibhneas agus gairdeachas aig na h-Iudhaich, cuirm agus là maith. Agus dh'fhàs mòran de shluagh na tìre 'n an Iudhaich; oir thuit eagal nan Iudhach orra.

CAIB. IX.

1 *Le còmhnaidh nan uachdaran mharbh na h-Iudhaich an naimhdean, agus chroch iad mic Hamain. 20 Shuidhich Mordecai an ceathramh agus an cùigeamh là deug de mhìos Adair gu bhì 'n an làithibh-fèille do na h-Iudhaich.*

ANIS anns an dara mìos deug, (*is e sin* a mìos Adair) air an treas là deug de'n mhìos, air an robh àithne an rìgh agus 'ordugh gu bhì air an coimhlionadh, air an là anns an robh dùil aig na naimhdibh nan Iudhach cumhachd fhagail os an ceann, (ged thachair, air 'atharrach, gu'n robh aig na h-Iudhaich cumhachd os an ceann-san a dh'fhuathach iad.)

2 Chruinnich na h-Iudhaich iad féin 'an ceann a chéile 'n am bailtibh, ann an uile mhòr-roinnibh an rìgh Ahasueruis, gu làmh a chur anna-san a dh'iarr an cron; agus cha b'urrainn duine air bith seasamh 'n an aghaidh, oir thuit an eagal air gach uile shluagh.

3 Agus thug uile uachdarana nam mòr-roinnean agus na h-àrd-riaghlaircan, agus na ceannardan, agus iadsan a rinn gnoth-uichean an rìgh, urram do na h-Iudhaich; oir thuit eagal Mhordecai orra:

4 Oir bha Mordecai mòr ann an tìgh an rìgh, agus chaidh 'iomradh a mach air feadh nam mòr-roinnean uile; oir dh'fhàs an duine so Mordecai nì bu mhò agus nì bu mhò.

5 Agus bhuail na h-Iudhaich an naimhdean uile le buille a' chlaidheimh, agus àir, agus sgrios; agus rinn iad mar bu mhiann leo orrasan a dh'fhuathaich iad.

6 Agus ann an Susan an lùchairt mharbh na h-Iudhaich, agus sgrios iad cùig ceud fear.

7 Agus Parsandata, agus Dalphon, agus Aspata,

8 Agus Porata, agus Adalia, agus Aridata;

9 Agus Parmasta, agus Arisai, agus Aridai, agus Bhaiesata,

10 Deich mic Hamain mhic Hamedata, namhaid nan Iudhach, mharbh iad: ach air a' chreic cha do chuir iad an làmh.

11 Air an là sin thugadh àireamh na uruinntir a mharbhadh ann an Susan an lùchairt an làthair an rìgh.

12 Agus thubhairt an rìgh ri Ester a' bhan-rìghinn, Mharbh na h-Iudhaich agus sgrios iad cùig ceud fear ann an Susan an

lùchairt, agus deich mic Hamain: agus anns a' chuid eile de mhòr-roinnibh an rìgh ciod a rinn iad? ach ciod i' d'athchuinge? agus bheirear dhuit i: agus ciod e d'iarrrtus os bàrr? agus nithear e.

13 Agus thubhairt Ester, Ma's maith leis an rìgh, thugar comas do na h-Iudhaich a tha ann an Susan, deanamh mar an ceudna am màireach a réir orduigh an là'n diugh, agus crochar deich mic Hamain air a' chroich.

14 Agus dh'àithn an rìgh a dheanamh mar sin; agus thugadh an t-ordugh ann an Susan; agus chroch iad deich mic Hamain.

15 Agus chruinnich na h-Iudhaich a bha ann an Susan 'an ceann a chéile mar an ceudna air a' cheathramh là deug de mhìos Adair, agus mharbh iad ann an Susan tri cheud fear; ach air a' chreic cha do chuir iad an làmh.

16 Agus chruinnich a' chuid eile de na h-Iudhaich a bha ann am mòr-roinnibh an rìgh 'an ceann a chéile, agus sheas iad air son an anama, agus bha fois aca o'n naimhdebh, agus mharbh iad d'an cascairdibh cùig-deug agus trì fichead mìle; ach air a' chreic cha do chuir iad an làmh.

17 Air an treas là deug de mhìos Adair *rinn iad mar so*; agus bha fois aca air a' cheathramh là deug de'n mhìos cheudna, agus rinn iad e 'n a là cuirme agus aoibhneis.

18 Ach chruinnich na h-Iudhaich a bha ann an Susan iad féin 'an ceann a chéile air an treas là deug, agus air a' cheathramh là deug de'n mhìos; agus bha fois aca air a' chùigeamh là deug de'n mhìos cheudna, agus rinn iad e 'n a là cuirme agus aoibhneis.

19 Uime sin rinn Iudhaich nam bailtean beaga, a bha 'n an còmhnuidh ann am bailtibh nam mòr-roinnean, an ceathramh là deug de mhìos Adair 'n a là aoibhneis, agus cuirme, agus 'n a là maith, agus a chur chuibhrionn a chum a chéile.

20 Agus sgriobh Mordecai na nithean so, agus chuir e litrichean chum nan Iudhach uile a bha ann an uile mhòr-roinnibh an rìgh Ahasueruis, am fad 's am fagus;

21 Chum a shuidheachadh 'n am measg, gu'n cumadh iad an ceathramh là deug de mhìos Adair, agus an cùigeamh là deug d'beth gach bliadhna,

22 A réir nan làithean anns an d'fhuair na h-Iudhaich fois o'n naimhdebh, agus a' mhìos a dh'iompaicheadh dhoibh o thùirse gu h-aoibhneas, agus o bhronn gu h-am maith; gu'n deanadh siad iad 'n an làithibh cuirme, agus aoibhneis, agus a chur chuibhrionn chum a chéile, agus thìodhlacan chum nam bochd.

23 Agus ghabh na h-Iudhaich os làimh deanamh mar a thòisich iad, agus mar a sgriobh Mordecai d'an ionnsuidh;

24 A chionn gu'n do smuainich Haman, mac Hamedata an Agagai, nàmhaid nan Iudhach uile, an aghaidh nan Iudhach chum an sgrìos, agus gu'n do thilg e Pur, (*is e sin, crannchur*.) chum an dìtheachadh agus an sgrìos;

25 Ach an uair a thàinig [Ester] an làth-air an rìgh, dh'orduich e le litir, gu'm pill-eadh 'ais-innleachd dona a dhealbh e an aghaidh nan Iudhach air a cheann féin, agus gu'm bitheadh esan agus a mhic air an crochadh air a' chroich.

26 Uinc sin dh'ainmich iad na làithean sin Purim, a réir ainme Phuir: Air an aobhar sin air son uile bhriathar na litir-each sin, agus na chunnaic iad a thaobh an nì so, agus na thachair dhoibh,

27 Shuidhich na h-Iudhaich, agus ghabh iad orra féin, agus air an sliochd, agus orrasan uile a leanadh riu, air chor as nach rachdadh thairis air, gu'n cumadh iad an dà là sin a réir an sgrìobhaich, agus a réir an àin', anns gach bliadhna:

28 Agus gu'm biodh na làithean sin air an cuimhneachadh, agus air an cumail air feadh gach àil, gach teaghlach, gach mòr-roinne, agus gach baile; agus nach leigtheadh sìos na làithean sin Phurim an measg nan Iudhach, agus nach rachadh as d'an cuimhne o'n sliochd.

29 Agus sgrìobh a' bhan-rìghinn Ester nighean Abihail, agus Mordecai an t-Iudh-

ach, leis an uile ùghdarras, a dhaingneachadh na dara litireach so Phurim.

30 Agus chuir e litrichean chum nan Iudhach uile, chum a' cheud agus nan seachd mòr-roinn fhlichead de rìoghachd Ahasueruis, le briathraibh sìth agus fìrinn,

31 A dhaingneachadh làithean sin Phurim 'n an amannaibh, mar a shuidhich Mordecai an t-Iudhach agus Ester a' bhan-rìghinn d'an taobh, agus mar a dh'orduich iad air an son féin, agus air son an sliochd nithean nan trasgadh agus an éighich.

32 Agus dhaingnich ordugh Esteir nith-ean Phurim sin; agus sgrìobhadh e ann an leabhar.

CAIB. X.

1 *Mòrachd agus cumhachd Ahasueruis. 3 Dh'iarr Mordecai maith d'a shluagh.*

A GUS chuir an rìgh Ahasuerus eis air an tìr, agus air eileanaibh na mara.

2 Agus uile ghnìomharan a thréine agus a chumhachd, agus foillseachadh mòrachd Mhordecai chum an d'àrdaich an rìgh e, nach 'eil iad sgrìobhta ann an leabhar cachdraidh rìghrean Mhedia agus Phersia?

3 Oir *b'e* Mordecai an t-Iudhach a b'fhaigse do rìgh Ahasuerus; agus bha e mòr am measg nan Iudhach, agus taitneach do mhòr chuideachd a bhraithrean, ag iarraidh maith d'a shluagh, agus a' labhairt sìth r'a shliochd uile.

I O B.

CAIB. I.

1 *Ionracas, teaghlach, agus maoin Iob. 6 Rinn Satan casaid bhrèige 'n a ughaidh. 13 Dh'inn-seadh do Iob gu'n d'fhugadh a mhaoim air falbh, agus gu'n d'fhuair a chlànn bàs. 20 'N a theanntachd bheannaich e Dia.*

B HA duine ann an tìr Uis d'am b'ainm Iob; agus bha'n duine sin coimhlionta agus dìreach, agus 'n a neach air an robh eagal Dhé, agus a sheachainn olc.

2 Agus rugadh dha seachd mic, agus trì nigheanan.

3 Agus b'i a mhaoim seachd mìle caora, agus trì mìle càmhail, agus cùig ceud cùig dhàmh, agus cùig ceud asal bhoirionn, agus teaghlach ro mhòr: agus bha 'n duine sin mòr os ceann uile dhaoine na h-àirde 'n car.

4 Agus chaidh a mhic agus rinn iad cuirm aig an tigh, gach fear air a là féin; agus chuir iad *fios*, agus thug iad cuireadh d'an trì peathraichibh a dh'itheadh agus a dh'òl maille riu.

5 Agus an uair a chaidh làithean na cuirme mu'n cuairt, chuir Iob *fios orra*, agus naomh-

aich e iad; agus dh'éirich e moch 's a' mhaduinn, agus dh'ìobair e ìobair-loisgte a réir an àireimh uile: oir thubhairt Iob, Theagamh gu'n do pheacaich mo mhic, agus gu'n do mhallach iad Dia 'n an eridhe. Mar so rinn Iob gach là.

6 A nis bha là air an d'fhàinig mic Dhé gu seasamh an làthair an Tighearna; agus thàinig mar an ceudna Satan 'n am measg.

7 Agus thubhairt an Tighearn ri Satan, Cia as a thàinig thu? Agus fhreagair Satan an Tighearn, agus thubhairt e, O imeachd mu'n cuairt air an talamh, agus o shiubhal sìos agus suas air.

8 Agus thubhairt an Tighearn ri Satan, An d'fhug thu fainear m'oghlach Iob, nach 'eil neach ann cosmhuil ris air an talamh, duine coimhlionta agus dìreach, air am bheil eagal Dhé, agus a' seachnadh uile?

9 Agus fhreagair Satan an Tighearn, agus thubhairt e, An ann a nasgaidh a tha eagal Dhé air Iob?

10 Nach do chuir thu gàradh mu'n cuairt da féin, agus mu'n cuairt d'a thigh, agus mu'n cuairt do gach nì a tha aige air gach

taobh? Obair a làmh bheannaich thu, agus dh'fhàs a mhaoin mòr 's an tìr:

11 Ach cuir a nis a mach do làmh, agus bean ris gach *ni* a *th'* aige, agus as an cudan mallaichidh e thu.

12 Agus thubhairt an Tighearn ri Satan, Feuch, *tha* gach *ni* a *tha* aige a'd làmh-sa: a mhaoin air féin na cuir do làmh. Agus chaidh Satan a mach o làthair an Tighearna.

13 Agus bha là air an *robb* a mhic agus a nigheanan ag itheadh, agus ag òl fiona ann an tigh am bràthar a bu shine:

14 Agus thàinig teachdair gu Iob, agus thubhairt e, Bha na daimh a' treabhadh, agus na h-asail ag ionaltradh làmh riu;

15 Agus leum na Sabanaich *orra*, agus thug iad leo iad, agus mharbh iad na h-oglaich le faobhar a' chhlaidheimh; agus chaidh mise a'm' aonar as a dh'innseadh dhuit.

16 An uair a bha e fathast a' labhairt, thàinig mar an ceudna *fear* eile, agus thubhairt e, Thuit teine Dhé o na nèamhan, agus loisg e na caoraich, agus na h-oglaich, agus chuir e as doibh; agus chaidh mise a'm' aonar as a dh'innseadh dhuit.

17 An uair a bha e fathast a' labhairt, thàinig mar an ceudna *fear* eile, agus thubhairt e, Rinn na Caldéanaich suas tri buidhnean, agus thug iad ionnsuidh air na càmhalaibh, agus thug iad leo iad, agus mharbh iad na h-oglaich le faobhar a' chhlaidheimh; agus chaidh mise a'm' aonar as a dh'innseadh dhuit.

18 An uair a bha e fathast a' labhairt, thàinig mar an ceudna *fear* eile, agus thubhairt e, *Bha* do mhic agus do nigheanan ag itheadh, agus ag òl fiona ann an tigh am bràthar a bu shine:

19 Agus, feuch, thàinig gaoth mhòr o'n fhàsach, agus bhuail i air ceithir oisinnibh an tìghe, agus thuit e air na h-oganaich, agus *tha* iad marbh; agus chaidh mise a'm' aonar as a dh'innseadh dhuit.

20 An sin dh'éirich Iob, agus reub e 'fhalluin, agus bhearr e a cheann, agus thuit e sìos air an talamh, agus rinn e aoradh,

21 Agus thubhairt e, Lomnochd thàinig mi á broinn mo mhàthar, agus lomnochd pillidh mi an sin: thug an Tighearn uath, agus thug an Tighearn leis: beannaichte gu robh ainm an Tighearna.

22 An so uile cha do pheacaich Iob, agus cha do labhair e gu h-amaideach an aghaidh Dhé.

CAIB. II.

1 *Fhuair Satan comas Iob a bhuaireadh: 7 bhuail se e le neasgaidibh cràiteach. 9 Thug Iob achmhasan d'a mhaoin. 11 Thàinig a chairtean a dheanamh bròin maille ris.*

A RIS bha là air an d'thàinig mic Dhé gu seasamh an làthair an Tighearna,

agus thàinig mar an ceudna Satan 'n am measg gu seasamh an làthair an Tighearna.

2 Agus thubhairt an Tighearn ri Satan, Cia as a thàinig thu? Agus fhreagair Satan an Tighearn, agus thubhairt e, O imeachd mu'n cuairt air an talamh, agus o shiubhal sìos agus suas air.

3 Agus thubhairt an Tighearn ri Satan, An d'thug thu fainear m'òglach Iob, nach 'eil neach ann cosmhail ris air an talamh, duine coimhionta agus dìreach, air am bheil eagal Dhé, agus a' seachnadh uile? agus fathast *tha* e 'gleidheadh' ionracais, ge do ghluais thusa mi 'n a aghaidh chum a sgrìos gun aobhar.

4 Agus fhreagair Satan an Tighearn, agus thubhairt e, Croicium air son croicium, eadhon gach *ni* a *th'* aig duine bheir e air son a bheatha.

5 Ach cuir a nis a mach do làmh, agus bean r'a chnàimh agus r'a fheoil, agus as an cudan mallachaidh e thu.

6 Agus thubhairt an Tighearn ri Satan, Feuch, *thà* e a'd làmh-sa; ach caomhain a bheatha.

7 Agus chaidh Satan a mach o làthair an Tighearn, agus bhuail e Iob le neasgaidibh cràiteach, o bhonn a chois gu mullach a chinn.

8 Agus ghabh e slige-chrcadha g'a sgrìobadh féin leatha; agus shuidh e am measg na luathre.

9 An sin thubhairt a bhean ris, Am *bheil* thu fathast a' cumail d'ionracais? mallaich Dia, agus faigh bàs.

10 Ach thubhairt esan rithe, Mar a labhras aon de na mnàibh amaideach *tha* thu a' labhairt: seadh, an gabh sinn maith o làmh Dhé, agus nach gabh sinn olc? An so uile cha do pheacaich Iob le 'bhilibh.

11 A nis an uair a chuala tri chairdean Iob an t-olc so uile a thàinig air, thàinig iad gach fear o 'àite féin; Eliphas an Temanach, agus Bildad an Suhach, agus Sophar an Naamatach; oir shuidh iad eatorra féin teachd a dheanamh bròin maille ris, agus a thubhairt comhfhurtachd dha.

12 Agus an uair a thog iad an sùilean fad as, agus nach d'aithnich iad e, thog iad an guth agus ghuil iad; agus reub iad gach fear 'fhalluin, agus chrath iad duslach air an cinn a làmh nan nèamh.

13 Agus shuidh iad sìos maille ris air an talamh seachd làithean agus seachd oidhchean, agus cha do labhair neach focal ris; oir chunnaic iad gu'n robh a dhoilgheas ro mhòr.

CAIB. III.

1 *Mhallaich Iob an là air an d'rugadh e. 20 Ann an searbhàs 'anama tha e a' caoidh gu'n do dhruid Dia suas e air gach taobh.*

N A dhéigh so dh'fhosgail Iob a bheul, agus mhallaich e a là.

2 Agus labhair Iob, agus thubhairt e,
3 Rachadh as do'n là air an d'rugadh mi,
agus do'n oidhche anns an dubhradh,
Ghineadh leanabh mic.

4 Bitheadh an là sin 'n a dhorchadas; na
h-iarradh Dia e o'n àirde, agus na deal-
raicheadh solus air.

5 Dubhadh an dorchadas agus sgàile a'
bhàis e; gabhadh neul còmhuidh air;
deanadh iad uamhasach e mar na làithean
a's seirbhe.

6 An oidhche sin, glacadh dorchadas i; na
cuircar i ri làithibh na bliadhna; ann an
àireamh nam mìos na tigeadh i.

7 Feuch, bitheadh an oidhche sin aonar-
nach, na tigeadh fonn aoibhinn oirre.

8 Mallaicheadh iadsan i a mhallaicheas an
là, a tha deas a thogail am bròin.

9 Dorchaichear reultan a dùthrath; amh-
airceadh i air son soluis, ach na tigeadh e;
agus na faiceadh i rosgan na maidne:

10 A chionn nach do dhruid i dorsan mo
bhronn, agus nach d'fholaich i bròn o m'
shùilibh.

11 C'ar son nach d'eug mi o'n bhroinn? c'ar
son, an uair a thàinig mi as a' bholg, nach
d'thug mi suas an deò?

12 C'ar son a ghabh na glùinean romham?
agus c'ar son na cìochan, gu'n deothailinn?

13 Oir a nis luidhinn sìos, agus gheibhinn
fois; choillinn, an sin bitheadh tàmh agam;

14 Maille ri rìghribh agus luchd-comh-
airle na talmhainn, a thog àitean aonar-
anach dhoibh fèin;

15 No maille ri h-uachdaranaibh aig an
robh òr, a lion an tighean le h-airgiod:

16 No mar thorraicheas anabuich folaichte
cha bhithinn ann; mar naoidheanan nach
faca solus.

17 An sin sguiridh na h-aingidh de bhuair-
eas, agus an sin gheibh iadsan a tha sgìth
le saothair fois:

18 Cuideachd bithidh tàmh aig na prìosan-
aich; cha chluinn iad guth an fhir-shàr-
achaidh.

19 Tha am beag agus am mòr an sin; agus
an seirbhiseach saor o'mhaighstir.

20 C'ar son a thug e do'n truagh solus,
agus beatha dhoibhsan a tha ann an sear-
bhas anama?

21 A tha 'gabhail fadail air son a' bhàis,
ach cha-n'èil e a' teachd; agus a chladh-
aicheas air a shon nì's mò na air son ion-
mhasan folaichte:

22 A ni aoibhneas ro mhòr, a ni luath-
ghaire 'n uair a gheibh iad an uaigh:

23 Do'n duine aig am bheil a shlighe
folaichte, agus a dhruid Dia suas air gach
taobh.

24 Oir roimh mo bhiadh thig m'osnaich,
agus taomar a mach mar uisge mo bhùir-
cadh.

25 Oir an ni roimh an robh eagal mòr
orm, thachair e dhomh; agus an ni

roimh an robh mi fo uamhann, thàinig e
orm.

26 Cha robh mi 'an sìth, agus cha d'fhuair
mi fois, agus cha robh tàmh agam; oir
thàinig buaireas.

CAIB. IV.

1 *Thug Eliphas achmhasan do Iob a chionn
g'un robh e dh'easbhuidh dòchais dhiadhaidh.*

7 *Dh'innis e dha gu'n sgriosadh Dia an t-aing-
idh, ach gu'n gleidheadh e an t-ionracan beò.*
12 *Tha e ag ìsticheadh feodhais an duine an
làthair Dhè.*

A N sin fhreagair Eliphas an Temanach,
agus thubhairt e,

2 Ma dh'fheuchas sinn ri labhairt riut, an
gabh thu gu h-òle e? ach cò a's urrainn e
fèin a chumail o labhairt?

3 Feuch, theagaisg thusa mòran, agus
neartaich thu na làmhnan laga.

4 Esan a bha 'tuiteam chum do bhriathran
suas, agus na glùinean amhunn neartaich
thu.

5 Ach a nis thàinig e ort, agus ghabh thu
gu h-òle e; bhean e riut, agus tha thu fo
amhludh.

6 Nach e d'eagal diadhaidh d' earbsa, agus
ionracas do shlighean do dhòchas?

7 Cuimhnich, guidheam ort, cò e an neò-
chiontach a sgriosadh, no c'ait an do ghearr-
adh as na h-ionracain.

8 A réir mar a chuunaic mise, iadsan a
threabhas euceart, agus a chuireas aingidh-
eachd, buainidh iad e.

9 Le séideadh Dhé sgriosar iad, agus le
anail a shròine cuirear as doibh.

10 Tha beucaich an leòmhain, agus guth an
leòmhain ghairg, agus fiacian nan leòmhnan
òga air am briseadh.

11 Tha 'n seann leòmhnan a' bàsachadh a
dhìth cobhartaich, agus sgarar o 'chéile
cuileanan an leòmhain bhoirinn.

12 Ach a m' ionnsuidh-sa thugadh focal
gu h-uaignidheach, agus ghabh mo chluas
beagan deth.

13 Ann an smuaintibh o aislingibh na
h-oidhche, 'n uair a thuiteas codal trom air
daoinibh,

14 Thàinig eagal orm agus crìth, a thug
air mo chnàmhan gu léir criothnachadh:

15 Agus ghabh spiorad seachad roimh mo
ghnùis; sheas falt mo chuirp:

16 Sheas e, ach cha d'aithnich mi a chruth:
dealbh fa chomhair mo shùl — tosd, agus
chuala mi guth:

17 Am bi duine nì's ceirte na Dia? am bi
fear nì's gloine na 'Chruth-fhear?

18 Feuch, as a sheirblhisich cha-n carb
e; agus as leth 'ainglean cuiridh e amaid-
eachd:

19 Nach lugha na sin asda-san, a tha 'n an
còmhnuidh ann an tighibh creadha, aig am
bheil am bunait anns an duslach, a bhruthar
roimh an leòmann?

20 O mhadauin gu feasgar bruthar iad;

gun neach ann 'g a thoirt fainear, théid as doibh gu bràth.

21 Nach siubhail am feodhas air falbh maille riù? bàsaichidh iad, agus cha-n ann le glocas.

CAIB. V.

1 *Tha Eliphas a' nochdadh gu bheil crìoch an aingidh truagh; 6 gu bheil an duine air a bhreth chum trioblaid; 8 gur còir iarraidh a dh'ionnsuidh Dhé anns gach teanntachd; 17 agus gu bheil smachdachadh an Tighearna chum maith an duine.*

GAIRM a nis, ma tha e am a fhreag-aircas thu; agus cia de na naoimh ris an tionndaidh thu?

2 Oir marbhaidh fearg an t-amaideach, agus bheir tuù bàs an duine shuaraich.

3 Chumnaic mi an t-amaideach a' freumhachadh; ach mhallach mi 'àite-còmhnuidh air ball.

4 Is fhad a bhios a mhic o thèaruinteachd, agus brathar iad anns a' gheata, gun neach ann gu'n teasairginn.

5 Agus ithidh an t-ocrach suas 'fhoghara, agus eadhon as an dris gabhaidh se e: sluigidh an creachadar suas am maoin.

6 Ged nach tig àmhghar a nach as an dustlach, agus nach fàs carraid as an talamh,

7 Gidheadh, rugadh an duine chum carraid, mar a dh'èireas na sradan suas.

8 Ach dh'iarrainnse dh'ionnsuidh Dhé, agus a chum Dhé chuirinn mo ghuth:

9 A tha 'deanann *nithean* mòra agus do-rannsachaidh; *nithean* iongantach gun àireamh:

10 A tha 'toirt fhras uisge air aghaidh na talmhainn, agus a' cur uisgeachan air aghaidh nam machair;

11 A chum iadsan a tha ìosal a chur an àird, agus iadsan a tha dubhach a thogail suas an tèaruinteachd:

12 A tha 'toirt inleachdan nan cuilbheartach gu neo-ni, air chor as nach coimhilion an làmh an gnìomh:

13 A tha 'glacadh nan daoine glìce 'n an cuilbheartachd féin, air chor as gu'n tilgear sìos comhairle nan daoine fiara.

14 'S an là coimnichidh iad dorchadas; agus mar anns an oidhche smeuraichidh iad mu mheadhon-là.

15 Ach saoraidh e am bochd o'n chlaidh-camh, o'm beul, agus o làmh a' chumhachdaich.

16 Agus aig a' bhochd bithidh dòchas, agus druididh aingidheachd a beul.

17 Feuch, is nàrachd an duine a smachdaichear le Dia: air cronachadh an Uile-chumhachdaich ma ta na dean-sa tàir.

18 Oir cràdhaidh e, agus ceanglaidh e suas; lotaidh e, agus leighisidh a làmh.

19 Ann an sè teanntachdaibh saoraidh e thu, agus anns an t-seachdamh cha tig olc air gar dhuit.

20 Ann an gorta tèarnaidh e thu o'n bhàs; agus ann an cogadh, o chumhachd a' chlaidh-cimh.

21 O sgiùrsadh na teanga folaichear thu; agus cha bhi eagal ort roimh sgrios an uair a thig e.

22 Rì sgrios agus ri gorta gàiridh tu; agus roimh fhiadh-bheathaichibh na talmhainn cha bhi eagal ort.

23 Oir ri clachaibh na macharach bithidh tu ann an coimicheangal; agus bithidh fiadh-bheathaichean na macharach ann an sìth riut.

24 Agus aithnichidh tu gu'm bi do phàillium ann an sìth; agus amhaircidh tu air d'àite-còmhnuidh, agus cha dean thu gu h-olc.

25 Aithnichidh tu mar an ceudna gu'm bi do shliochd homhhor, agus do ghineal mar fheur na talmhainn.

26 Thig tlu ann an làn aois chum na h-uaigne, mar a chuirear suas cruach arbh-air 'n a h-àm.

27 Feuch, so an ni a rannsaich sinn; mar sin *tha* e: éisd ris, agus bitheadh fios agad air, air do shon féin.

CAIB. VI.

1 *Tha Iob a' leigeadh ris meudachd a dhoilgheis; 8 agus ag iarraidh gu'm bu toil le Dia a ghearradh as; 14 Thug e achmhasan d'a chardibh.*

ACH fhreagair Iob, agus thubhairt e, 2 O nach robh mo dhoilgheas air a làn-chothromachadh, agus mo dhòruim togta anns na meidhibh le 'chéile!

3 Oir a nis bhitheadh e ni bu truime na gaineamh na fairge: uime sin tha mo bhriathran air an slugadh suas.

4 Oir tha saighdean an Uile-chumhachdaich annam, agus *tha* an nimh ag òl suas mo spioraid: tha namhasan Dhé 'g an cur féin 'an ordugh catha a'n' aghaidh.

5 An dean am fiadh-asal sìtirich os ceann feoir? an dean an damh geum os ceann 'innliann?

6 An gabh an ni a tha neo-bhlasta itheadh gun salann? am bheil blas air gealagan an uibhe?

7 Tha 'anam a' diultadh beantuinn *riu*: tha iad sin mar mo bhiadh bròin.

8 O nach tugadh dhomh m'athcheuinge; agus gu'n deònaicheadh Dia dhomh mo mhiann!

9 Agus gu'm bu toil le Dia mo sgrios; gu'n cuireadh e mach a làmh, agus gu'n gearradh e as mi!

10 An sin bhitheadh furtachd agam fathast, ged bhitheim air mo chruadhachadh ann an do-bhròn, agus nach caomhnadh e; oir cha do cheil mi briathran an Aoin naoimh.

11 Ciod e mo neart, gu'm bitheadh dòchas agam? agus ciod i mo chrìoch, gu'n sìnninn mo bheatha?

12 An e neart nan clach mo neart? an *theil* m'fhoil de umha?

13 Nach 'eil mo chabhair anuam féin? agus an d'fhuadaichadh gliocas nam?

14 Dha-sau a thréigear a charaid is mór an maslaidh e; tréigidh e mar an ceudna eagál an Uile-chumhachdaich.

15 Mheall mo bhráithrean mi mar shruth: mar nair nan sruth ghabh iad seachad:

16 A bhitheas dnbh le h-eigh; anns am fol-aichear an sneachd:

17 An nair a leaghas iad, théid as doibh: an nair a dh'fháasas e teth, caithear as an áit iad.

18 Tha ceumau an slighe air claonadh: thig iad gu neo-ní, agus sgríosar iad.

19 Dh'amhairc buidhnean Thema, dh'fheith cuideachdau Sheba orra.

20 Bha iad fo amhladh, a chionn roimhe sin gu'n robh dóchas aca: tháinig iad an sin, agus bha náire orra.

21 Ach a nis tha sibhse 'n 'ur neo-ní; chi sibh mo bhriseadh-cridhe, agus tha eagál oirbh.

22 An dubhairt mi, Thugaibh a m' ionnsuidh? no d'ur maoin thugaibh tiodhlac air mo shou?

23 No téarnaibh mi o láimh an námhaid'? no o láimh nan cumhachdach saoraibh mi?

24 Teagaisgibh mi, agus bithidh mi a'm' thosd; agns ma chaidh mi 'bheag'am mearachd, thugaibh orm a thuigsinn.

25 Nach neartmhor briathran ceart? ach ciod a chropaicheas esau a chropaicheas 'u 'ur measg?

26 An sinnainich sibh air briathran a chronachadh, agns caint an eu-dóchasaich, a tha mar ghaoith?

27 Seadh, tha sibh a' leum air an dilleaehd-an, agus a' cladhach sluichd d'ur caraid.

28 A nis, uime sin, ma's toil leibh, amhaircibh orm; agus bithidh e soilleir dhuibh, ma ni mi breng.

29 Pillibh, guidheam oirbh, na bitheadh euceart ann; seadh, pillibh fathast, tha m'fhreantachd-sa ann.

30 Am bheil aun an theangaidh euceart? nach aithnich mo bhlas uithean fiara?

CAIB. VII.

1 Tha Iob a' caoidh gu bheil a thrioblaid ro throm air a shou; 11 agus ann an searbhlas a spioraid a' deanamh gearain ri Dia. 20 Dh'aidich e 'eusaontas am fianais Dhé.

NACH 'eil am suidhichte aig an duine air thalamh? agus mar láithean fhir-tuasadail a láithean?

2 Mar a mhiannaicheas an seirbhiseach an sgáile, agus mar a bhitheas súil aig an fhear-tuasadail ri duais 'oibre;

3 Mar sin fhuair mise mar sheilbh dhomh féin miosan diomhanais, agus áirmhear dhomh oidhchean cráidh.

4 Ma luidheas mi sìos, their mi, C'uin a dh'éireas mi, agus a théid au oidhche thairis? agus tha mi lán lhasgaidh a uall agus a nall gu briseadh na faire.

5 Tha m'fheoil air a còmhachadh le cnuimhibh agus spairtibh àire; bhris mo chroicinn, agus tha e breun.

6 Tha mo láithean nì's lnaithe na spàl fighcadair, agus tha iad air an caitheadh gun dòchas.

7 Cnuimhich gur gaath mo bheatha: cha phill mo shùil a dh'fhaicinn maith.

8 Shìl an tì a chunnaic mi, cha-n fhaic i mi: bithidh do shùilean orm, agus cha bhi mi ann.

9 Caithear an neul, is théid e as; mar sin esan a théid sìos do'n uaigh, cha tig e nìos.

10 Cha phill e nì's mò dh'ionnsuidh a thighe; agus cha-n aithnich àit e nì's mò.

11 Uime sin cha chum mi mo bheul; labhairaidh mi ann an teanntachd mo spioraid; gearainidh mi ann an searbhlas m'anama.

12 Am muir mi, no muc-mhara, gu'n cuir-eadh tu faire orm?

13 Ma their mi, Bheir mo leabadh furtachd dhomh, eutromaichidh m'uirigh mo ghearan;

14 An sin cuiridh tu fuathas orm le h-aislingibh, agus uamhas le seallannaibh:

15 Agus is fearr le m'anam tachdadh, bàs na bratha.

16 Tha mi 'gabhair gràin deth; cha bàill leam a bhi beò gn bràth: leig leam, oir is diomhanas mo láithean.

17 Ciod e au duine, gu'n àrdaicheadh tu do chridhe air?

18 Agns gu'm fiosraicheadh tu e gach maduinn? gach mionaidd gu'n dearbhadh tu e?

19 Cia fhad a bhitheas tu gun dealachadh rium? agus nach leig thu leam gus an sluig mi sìos mo shìle?

20 Pheacaich mi; ciod a ni mi rint, O fhir-còmhaid dhaoine? e'ar son a chuir thu mi a' d' aghaidh, agus a tha mi a'm' eire orm féin?

21 Agus e'ar son nach maith thu m'eusaontas, agus nach cuir thu air falbh m'enceart? iarraidh tu mi anns a' mhaduinn, ach cha bhi mi ann.

CAIB. VIII.

1 Tha Bildad a' nochdadh gu'n gléidh an t-u' e-chumhachdach breitheanas; 4 gu'n diol e do gach neach a réir a ghndomharan; 8 agus gu'm bàsaich dóchas a' chealgair mar a sheargas luibh na macharach.

A N sin fhreagair Bildad an Sbhach, agus a thubhairt e,

2 Cia fhad a lab' ras tu mar sin, agus a' bhitheas briathran do bhcoil mar ghaoith làidir?

3 Am fiar Dia breitheanas, agus am fiar an t-Uile-chumhachdach ceartas?

4 Ma pheacaich do chlam 'n a aghaidh agus gu'n d'thug e thairis iad do'n eusaontas;

5 Nan iarradh tu gu moch a dh'ionnsuidh Dhé, agus air an Uile-chumhachdach nan aslaicheadh tu;

6 Nam *bithheadh* tu glan agus ionraic, gu sìanteach a nis mhosgailcadh e air do shon, agus d'heanadh e àite-còmhnuidh d'fhir-eantachd sìochail.

7 Ged bhitheadh do thoiseach beag, dh'fhàsadh do chrìoch gu mòr.

8 Oir fiosraich, guidheam ort, de'n linn roimhe, agus deasaich thu féin chum rannsachaidh an aithrichean:

9 (Oir o'n dé tha sinne, agus cha-n aithne dhuinn, a chionn gur sgàile ar làithean air thalamh:)

10 Nach teagaisg iad thu, nach innis iad duit, agus o'n cridhe nach labhair iad briathran?

11 Am fàs an luachair gun làthach? am fàs am mìn-fheur gun uisge?

12 'N uair a bhitheas e fathast 'n a ghlaise, cha ghearrar sìos e; gidheadh, roimh gach luibh seargaidh e.

13 Mar sin cumam na h-uile neach a dhi-chuimhnichas Dia; agus bàsaichidh dòchas a' chealgair:

14 Aig an gearrar a dhòchas as, oir *is e* lion an damhain-allaidh 'earbsa.

15 Leigidh e a thaic ri 'thigh, ach cha seas e cumaidh se gu daingean e, ach cha mhair e.

16 Uaine *tha e* fa chomhair na gréine; agus 'n a lìos fàsaidh a mheanglan suas.

17 Air a' charn bithidh a fhreumhan airam figheadh air feadh a chéile, agus fiosraichidh e àit nan clach.

18 Ma ghearras e as o' àit e, an sin àich-eadhaidh se e, *ag ràdh*, Cha-n fhaca mi thu.

19 Feuch, *is e* so aoibhneas a shlighe-san; ach as an ùir fàsaidh aon eile.

20 Feuch, cha tilg Dia air falbh an *duine* foirfe, agus cha ghabh e greim de làimh nan daoine aingidh:

21 Gus an lìon e do bheul le gaire, agus do bhilean le gairdeachas.

22 Iadsan a dh'fhuathaicheas thu, comh-daichear iad le nàire; agus cha *bhi* pàillium nan aingidh ann.

CAIB. IX.

1 *Tha Iob ag aidaichadh ceartaibh Dhé; 14 a' nochadh nach eile e'g iarraidh e féin fhìreanachadh; 20 agus nach còir breth 'thoirt air neach air bith a rèir an dòigh air am bheil Dia a' buintinn ris.*

AGUS fhreagair Iob, agus thubhairt e, 2 Gu deimhin tha fhios agam gu *bheil e* mar sin: oir cionnus a shaoras duine e féin aig Dia?

3 Ma's àill leis a chùis a thagradh 'n a làthair, cha fhreagair se e aon *uair* as a' mhìle.

4 Glie ann an cridhe, agus treun ann an

neart, cò a chruaidhich e féin 'n a aghaidh, agus a shoirbhich?

5 A dh'atharraicheas na beanntan, agus cha bhi fios a' *air*; a thilgeas bun an eann iad 'n a fheirg:

6 A chrathas an talamh as 'àit, agus crioth-naichidh a phuist:

7 A dh'àithneas do'n ghréin, agus cha-n éirich i; agus air na reultaibh a chuireas seula:

8 A sgaoileas a mach na nèamhan 'n a aonar, agus a shaltaireas air tonnaibh na fairge:

9 A tha 'deanamh Areturuais, Orioin, agus Phleiaides, agus sheòmraichean na h-àirde deas:

10 A tha 'deanamh *nithean* mòra, nach bi e 'n comas fhaghail a mach, agus *nithean* iongantach nach gabh àireamh.

11 Feuch, thèid e seachad orm, agus cha-n fhaic mi e; agus gabhaidh e thairis, ach cha mhothaich mi e.

12 Feuch, ma bheir e air falbh, cò a bhacas e? cò a their ris, Ciod a tha thu a' deanamh?

13 Cha tionndaidh Dia air falbh 'fhearg: foidhe cromaidh fir-chuideachaidh an àrd-ain.

14 Nach ro lugha na sin a fhreagaireas mise e, a thaghas mi mo bhriathran ris?

15 Oir ged bhlithinn ionraic, cha fhreagairinn e; air mo bhreitheamh dh'aslaichinn.

16 Nan gairminn, agus gu'm freagaireadh e mi, cha chreidinn gu'n d'éisd e ri m' ghuth:

17 Oir le doinionn tha e 'g am bhruth-adh, agus a' deanamh mo lot lìonmhor gun aobhar.

18 Cha leig e leam m'anail a tharruing, ach lìonaidh e mi le searbhas.

19 Ma *labhrar* mu neart, feuch, *tha e* làidir; agus ma *labhrar* mu bhreitheanas, cò a shuidhicheas àm air mo shon?

20 Ma dh'fhìreanaicheas mi mi féin, dèidh mo bheul féin mi; agus foirfe *ma ni mi* mi féin, nochdaidh e fiar mi.

21 Foirfe ged bhlithinn, cha-n aithnichinn e; a'm'anam dheanainn tair air mo bheatha.

22 *Is* aon ni e: uinac sin thubhairt mi, Am foirfe agus an t-aingidh *tha e* a' sgrios.

23 Ma mharbhas an t-slat gu h-obann, ri deuchainn nan neò-chiontach gairidh e.

24 Thugadh an talamh 'an làimh an aingidh: aghaidhean a bhreitheamhna còmh-daichidh e: mur *dean e mar so*, c'àite, cò esan a *ni*?

25 Bha mo làithean ni bu luaithe na gille-ruth: theich iad air falbh, cha-n fhac iad maith.

26 Ghabh iad seachad mar na longaibh luatha; mar an iolaire a' dol air iteig a chum cobhartaich.

27 Ma their mi, Di-chuimhnichidh mi mo

ghearan, leigidh mi dhìom mo dhùbhas, agus bheir mi comhfhurtachd dhomh féin;

28 Tha eagal orm roimh mo dhoilgheas-aibh uile; tha fios agam nach meas thu neò-chiontach mi.

29 Ma bhitheas mi aingidh, c'ar son ma ta a shaothraichinn gu dìomhain?

30 Ma nigheas mi mi féin ann an uisgibh sneachda, agus ma ghlanas mi gu glan mo làmh;

31 An sin tumaiddh tu mi 's an t-slochd, agus gabhaidh m'eudach féin gràin dìom.

32 Oir cha duine e mar a tha mise, gu'm freagairinn e, gu'n tigeamaid cuideachd gu breitheanas.

33 Cha-n'eil fear-réite eadarunn, a chuir-eachd a làmh oirm le 'chéile.

34 Thugadh e air falbh a shlat dhìom, agus na cuireadh eagal roimhe uamhas orm.

35 An sin labhrainn, agus cha bhitheadh eagal orm roimhe: ach cha-n'eil mi mar sin agam féin.

CAIB. X.

1 Ann an searbas 'anama thagair Iob a chàis an làthair Dhé: 18 tha e a' caoidh nach d'thug e suas an deò gun suil 'g a fhaicinn. 20 Ghaidh e air Dia beagan comhfhurtachd a thabhairt da.

THA m'anam sgèth de m' bheatha; fàgaidh mi mo ghearan orm féin; labhraidh mi ann an searbas m'anama.

2 Their mi ri Dia, Na dìt mi; thoir fios dhomh c'ar son a tha thu a' cur a'm' aghaidh.

3 Am maith leat gu'n sàraicheadh tu? gu'n deanadh tu tàir air obair do làmh? agus gu'n dealraicheadh tu air comhairle nan aingidh?

4 Am bheil sùilean feòla agad? an ann mar a chi duine, a chi thusa?

5 An ann mar làithibh duine a tha do làithean-sa? am bheil do bhliadhnachan mar làithibh duine,

6 Gu'n sireadh tu air son m'euceirt, agus gu'n rannsachadh tu air son mo pheacaidh?

7 Tha fhios agad nach d'rinn mi gu h-aingidh: agus cha-n'eil neach ann a shaoras o d' làimh.

8 Dhealbh do làmhnan-sa mi, agus rinn iad mi comh-cheart mu'n cuairt; agus an sgrios thu mi?

9 Cuimhnich, gaidheam ort, gur ann mar chriadh a rinn thu mi; agus gu duslach an tionndaidh thu mi a ris?

10 Mar bhainne nach do thaom thu mi mach, agus mar chàise nach do dhaingnich thu mi?

11 Le croicionn agus le feoil chòmhdhaich thu mi, agus le cnàmhan agus fèithean-luthaidh dhion thu mi.

12 Beatha agus coaimheas dhednaich thu dhomh, agus choimhid do fhreasdal mo spiorad.

13 Agus na nithean so dh'fholaich thu a'd' chridhe: tha fios agam gu bheil so agad.

14 Ma pheacaicheas mi, bheir thu fainear mi, agus o m'euceart cha saor thu mi.

15 Ma bhitheas mi aingidh, mo thruaigh mi! agus ma bhitheas mi ionraic, cha tog mi mo cheann. Làn maslaidh tha mi, agus faic féin m'àmhghar;

16 Oir tha e a' meudachadh; mar leòmhnan garg tha thu a' sealg orm; agus a ris tha thu 'g ad nochdadh féin iongantach orm.

17 Tha thu ag ath-nuadhachadh d'fhianuisean a'm' aghaidh, agus a' meudachadh do chorruich riom; tha caochlaidh agus cogadh a'm' aghaidh.

18 C'ar son ma ta a thug thu mach as a' bhroinn mi? Och nach d'thug mi suas an deò, gun suil 'g am fhaicinn!

19 Bhithinn mar nach bithinn ann; o'g bhroinn a dh'ionnsuidh na h-uaghe bhithinn air mo ghiùlan.

20 Nach tearc mo làithean? sguir ma ta, agus leig leam, agus gu'm faigh mi beagan comhfhurtachd,

21 Mu'n siubhail mi, agus nach pill mi tuilleadh, gu tìr an dorchadais agus sgaile a' bhàis;

22 Tìr dorchadais mar dhuibhre sgàile a' bhàis, agus as eugnais gach riaghailt, agus far am bheil an solus mar dhorchadas.

CAIB. XI.

1 Thug Sophar geur-acmhasan do Iob a chionn gu'n d'fhàinich se e féin: 7 tha e a' nochdadh nach fheud duine mòrachd Dhé a rannsachadh; 13 agus nach bi dòchas aig neach fhad 's a bhios euceart 'n a làimh.

AN sin fhreagair Sophar an Naamatach, agus thubhairt e,

2 Do hionmhoireachd bhriathar nach toir-ear freagradh? agus an saorar fear na mòr bhruidhne?

3 An toir do bhreugan-sa air daoineibh a bhi 'n an tosd? agus an uair a ni thu fanoid, nach cuir duin' air bith nàir' ort?

4 Oir thubhairt thu, Glan tha mo theagasg, agus neò-chiontach tha mi ann ad shùilibh.

5 Ach, O nach labhradh Dia, agus nach fosgaileadh e a bhilean riut;

6 Agus nach nochdadh e dhuit, nithean dìomhair a' ghliocais, gu bheil iad dùbailte na tha ann! Bitheadh fios agad uime sin gu bheil Dia 'g ad agairt air son d'euceirt.

7 An urrainn thusa le rannsachadh Dia fhaghail a mach? an urrainn thu an t-Uile-chumhachdach fhaghail a mach gu h-iomlan?

8 Ard mar na nèamhan; ciod a ni thu? ni's doimhne na ifrinn; ciod a's aithne dhuit?

9 Nì's faide na'n talamh a thomhas, agus nì's léithne na'n fhaige.

10 Ma ghearras e as, no ma dhùineas e suas, no ma chruinnicheas e ri 'chéile, cò a bhacas e?

11 Oir is aithne dha daoine faoine; agus an uair a chi e euceart, nach toir e fainear i?

12 Agus b'ail leis an duine fhaoin a bhi glic, ged is ann mar loth asail fhiadhaich a bheirear duine.

13 Ma dheasaicheas tu do chridhe, agus gu'n sin thu d'a ionusuidh do làmhnan;

14 Ma bhios euceart a'd' làimh, cuir fada uait i, agus na leig le aingidheachd còmh-nachadh a'd' phàilliu-naibh.

15 Oir an sin togaidh tu suas do ghnùis gun smal, agus bithidh tu seasmhach, agus cha bhi eagal ort:

16 Oir di-chuimhnichidh tu do dhochair; mar na h-uisgeachaibh a chaidh seachad cuimhnichidh tu i.

17 Agus nì's soilleire na meadhon-là fàsaidh d'aois; ged robh thu ann an dorchadas, mar a' nìhaduinn bithidh tu.

18 Agus earbaidh tu, oir bithidh dòchas agad; agus cladhaichidh tu, [agus] gu tèaruinte gabhaidh tu tàmh.

19 Agus an uair a luidheas tu sìos, cha chuir neach air bith eagal ort; agus iarraidh mòran do ghnùis.

20 Ach fàilnichidh sùilean nan aingidh; agus dol as cha bhi aca; agus bithidh an dòchas mar thoirt suas an deò.

CAIB. XII.

¹ *Chronaich Iob a chairdean: 6 Dh'fheuch e dhoibh gu bheil an t-aingidh 'soirbheachadh 's a' bheatha so. Neart agus gliocas an Uile-chumhachdaich.*

AGUS fhreagair Iob, agus thubhairt e,
2 Cha-n'eil teagamh nach sibhse an sluagh, agus maille ribhse bàsaichidh gliocas.

3 Ach agamsa tha tuisge, mar tha agaibhse; cha-n isle mise na sibhse: agus cò aig nach 'eil fios air an leithidean siu?

4 Mar neach a tha 'n a bhall-magaidh aig a charaid tha mise, a ghairmeas air Dia, agus freagairidh se e: 'n a bhall-fochaid tha an duine ceart ionraic.

5 Mar lòchran fo thàir ann an smuaintibh an ti a tha aig fois, bithidh esan a bhitheas ullamh gu sleamhnachadh le 'chois.

6 Sìochail bithidh pàilliu-nan chreachad-airean; agus tèaruinte bithidh iadsan a bhrosnaicheas Dia; d'an d'thug Dia nì 'n an làimh.

7 Ach fèdraich a nis de na h-ainmhidhean, agus teagaisgidh iad thu; agus de eunlaith nan speur, agus innsidh iad duit:

8 No labhair ris an talamh, agus teagaisgidh e thu; agus cuiridh iasg na mara 'an cèill duit.

9 Cò aig nach 'eil fios a thaobh nan nithean so uile, gur i làmh an Tighearn' a rinn so?

10 Aig am bheil 'n a làimh anam gach nì beò, agus anail gach uile fheòla dhaoine.

11 Nach dearbh a' chluas briathran? agus nach blais am beul a bhìadh?

12 Anns na h-aosmhoir tha gliocas; agus ann am fad làithean tuisge.

13 Maille ris-san tha gliocas agus neart; aige-san tha comhairle agus tuisge.

14 Feuch, brisidh e sìos, agus cha togar suas: druididh e suas duine, agus cha-n fhosgailear.

15 Feuch, cumaidh e na h-uisgeachan air an ais, agus tiornaichidh iad suas; agus cuiridh e mach iad, agus tilgidh iad bun os ceann an talamh.

16 Aige-san tha neart agus gliocas: is leis-san esan a mheallar, agus esan a mheallas.

17 Cuiridh e air falbh comhairlich creachta, agus de bhreitheamhnaibh nì e amadain.

18 Cuibhreach rìghrean sgaoidh e, agus crìoslaichidh e crìos air an leasraibh.

19 Cuiridh e air falbh uachdarain creachta, agus tilgidh e sìos na cumhachdaich.

20 Atharraichidh e cainnt nam firinn-each, agus bheir e air falbh tuisge nan aosmhor.

21 Taomaidh e tàir air àrd-uaislibh, agus aumhunnachidh e neart nan daoine treuna.

22 Taisbeanaidh e nithean doimhne á dorchadas, agus bheir e sgàile a' bhàis gu solus.

23 Meudaichidh e na cinnich, agus sgriosaidh se iad: cuiridh e na cinuich ann am farsuinneachd, agus cuiridh se iad ann an cumhainneachd.

24 Bheir e air falbh cridhe cheannard sluagh na talmhainn, agus cuiridh e air seacharan iad ann am fasach as eugmhais slighe.

25 Smearaichidh iad 's an dorchadas, agus iad gun solus; agus bheir e orra tuisleachadh mar dhuine air mhìsg.

CAIB. XIII.

¹ *Chronaich Iob a chairdean do bhrìgh gu'n do labhair iad gu h-aingidh as leth. Dhé: 14 Ged nach do thuig e aobhar a thriobaid cha d'fhàilnich a dhòchas: 20 Dh'ìarr e fios fhaghail air a pheacaidhean.*

FEUCH, chunnaic mo shùil so uile; chuala mo chluas, agus mhothaich i e.

2 Mar is aithne dhuibhse, is aithne dhomhsa mar an ceudna: cha-n isle mise na sibhse.

3 Ach labhrainn-sa ris an Uile-chumhachdach, agus b'ail leam tagradh ri Dia.

4 Oir is luchd-cumadh bhreug sibhse, léighean nach fìu sibh uile.

5 O nach robh sibh gu tur 'n 'ur tosd! agus b'e sin bhuir gliocas.

6 Cluinnibh a nis mo thagradh, agus éisdibh ri deasboireachd mo bhlcan.

7 An labhair sibh gu h-aingidh air son Dhé? agus air a shon-san an labhair sibh gu cealgach?

8 An gabh sibh r'a ghnùis? air son Dhé an dean sibh comhstri?

9 Am bheil e maith gu'n rannsaicheadh e mach sibh? mar a nìthear fanoid air duine, an dean sibh fanoid air-san?

10 Gu cinnteach cronaichidh e sibh, ma ghabhas sibh ann an uaighnidheas ri gnùis.

11 Nach cuir òirdhearca-san eagal oirbh? agus nach tuit 'uamhann-san oirbh?

12 Tha bhuir cuimhne cosmhuil ri luaithre, mar chuirp creadha bhuir cuirp.

13 Bithibh 'n ur tosd a m' thaobh-sa, agus labhraidh mi, agus thigeadh orm na dh'fheudas.

14 C'ar son a tha mi 'gabhail m'fhcòla a'm' fhiacailbh, agus a' cur mo bheatha a'm' làimh?

15 Ged mharbh e mi, gidheadh earbaidh mi as: ach tagraidh ui mo shlighean 'n a fhianuis.

16 Mar an ceudna bithidh e dhomhsa chum slàinte; oir cha tig cealgair 'n a làth-air.

17 Eisdibh gu furachar ri m' chainnt, agus ri m' sgeul le'r cluasaibh.

18 Feuch a uis, chuir mi mo chùis anu an ordugh: tha fios agam gu'n saor mi.

19 Cò esan a thagras rinn? oir a nis, ma bhitheas ui a'm' thosd, bheir mi suas an deò.

20 A mhàin dà nì na dean rium; an sin o d' ghnùis cha-n fholaich mi m' féin.

21 Tarruing do làmh fada uam? agus na cuireadh d' uamhaun eagal orm.

22 An sin gairm thusa, agus freagairidh mise: no labhraidh mise, agus freagair thusa mi.

23 Cia lìonmhor m'euceartan agus mo pheacaidhean? air m'eusaontas agus mo pheacadh thoir fios domh.

24 C'ar son a tha thu a' folach do ghnùise, agus 'g am mheas mar nàmhaid duit?

25 Am bris thu an duilleag a thilgear a null agus a nall? agus an ruaig thu an asbhuain thioram?

26 Oir tha thu a' sgrìobhadh nithcan searbh a'm' aghaidh, agus a' toirt orm euceartan m'òige a shealbhadh.

27 Agus tha thu a' cur mo chos anns a' cheap, agus a' geur-amharc air mo shligheibh gu léir, agus a' cur chomhar air bonnaibh mo chos.

28 Agus mar ni breun cuirear as da, mar thrusgan a dh'itheas an leomanu.

CAIB. XIV.

1 *Dh'astuich Iob fad-fhulangas Dhè, do bhrìgh gu bheil an duine air bheag làithean agus làn àmhghoir.* 13 *Dh'iarr e àite tàimh gus an tigeadh crìoch 'a'imsire suidhichte.*

THA 'n duine a rugadh o mhnai, gearr-shaoghalach, agus làn àmhghair.

2 Mar bìlath thig e mach, agus gearrar sìos e: agus teichidh e mar sgàile, agus cha-n fhan e.

3 Gidheadh air a leithid sin dh'fhosgail thu do shùilean; agus mise tha thu a' tabhairt gu breitheanas maille riut.

4 Cò a bheir glan á neòghlan? cha tabhair a h-aon.

5 Gu deimhin tha a làithean suidhichte, tha àireamh a mhios agadsa; dh'orduich thu a chrìochan, agus cha téid e thairis orra.

6 Tionndaidh uaith chum gu'm bi fois aige, gus an coimhlean e mar fhear-tuarasdail a là.

7 Oir tha dòchas á craoibh, ma ghearrar sìos i, gu'm fàs i a ris, agus nach failinich a faillean òg.

8 Ged fhàs a freumh sean anns an talamh, agus anns an ùir ged bhàsaich a stoc;

9 Trid fhàile an uisge ùr-fhàsaidh i, agus bheir i mach geugan mar òg-chraoibh.

10 Ach bàsaichidh fear, agus theid gu tur as da; agus bheir duine suas an deò, agus c'ait am bheil e?

11 Fàinichidh na h-uisgeachan o'n mhuir, agus caithear an amhainn, agus tiormaichidh i suas:

12 Mar sin luidhidh an duine sìos, agus cha-n éirich e; gus nach bì na nèamhan ann, cha mhosgail iad, agus cha dùisgear as an codal iad.

13 Och nach folaicheadh tu mi anns an uaigh, nach gleidheadh tu mi 'an uaighnidheas, gus am biodh d'fhear thairis! nach suidhicheadh tu dhomh àm àraidh, agus gu'n cuimhnicheadh tu mi!

14 Ma bhàsaicheas duine, an tig e beò? uile làithean m'ajmsire suidhichte feithidh ui, gus an tig mo chaochladh.

15 Gairmidh tusa, agus freagairidh mise thu: air obair do làmh bithidh déigh agad.

16 Oir a nis tha thu ag àireamh mo cheum: agus nach 'eil thu ri faire air mo pheacadh?

17 Seulaichte ann an ceanglachan tha m'eusaoutas, agus fuaighidh tu suas m'eu-ceart.

18 Agus gu deimhin tuitidh a' bheinn, agus theid as di; agus atharraichear a' charraig as a h-àite.

19 Caithidh na h-uisgeachan na clachan; bheir thu tuil air na nithibh a dh'fhàsas á ùir na talmhainn, agus sgriosaidh tu dòchas an dhìne.

20 Buadhaichidh tu gu bràth 'n a aghaidh, agus siubhlaidh e: caochailidh tu a ghuùis, agus cuiridh tu air falbh e.

21 Urramach fàsaidh a mhic, agus cha bhì fios aig iad; agus isichear iad, ach cha toir e faineir iad.

22 Ach bithidh 'thcoil an taobh a stigh dheth cràiteach, agus nì 'anam an taobh a stigh dheth bròn.

CAIB. XV.

1 *Chronaich Eliphas Iob air son a dhànadais 'n a fhìreantachd féin.* 17 *Nochd e gu'n cràdhar an t-aingidh ré a làithean uile.*

AN sin fhreagair Eliphas an Temanach, agus thubhairt e,

2 An luaidh duine glie air còlas na gaoithe,

agus an lion e a chliabh leis a' ghaoith an ear?

3 An tagair e le briathraibh gun tairbhe, agus le cainnt leis nach dean e maith?

4 Seadh, tha thu a' tilgeadh dhìot eagail, agus a' leigeadh urnuigh dhìot an làthair Dhé.

5 Oir teagaisgidh d'aingidheachd do bheul, agus ròghnaichidh tu teanga nan cuilbheartach.

6 Dìtidh do bheul féin thu, agus cha mhise; agus bheir do bhilean féin fianuis a'd' aghaidh.

7 An tusa an ceud duine a rugadh? no roimh na cnocaibh an do rinneadh thu?

8 An cuala tu 'bheag ann an comhairle dhìomhair Dhé? agus a d'ionnsuidh féin a mhàin an do tharuing thu gliocas?

9 Ciod a's aithne dhuitse, nach aithne dhuinne? a thuigeas tusa, nach tuig sinne?

10 Tha araon an ceann-liath agus an t-aosmhor 'n ar measg-ne, nì's sine gu mòr na d'athair.

11 Am beag leat sòlasan Dhé? agus am bheil nì dhìomhair agad?

12 C'ar son a tha do chridhe 'g ad thoirt air falbh? agus c'ar son a tha do shùilean a' caogadh?

13 Gu bheil thu a' tionndadh do spioraid an aghaidh Dhé, agus a' leigeadh an leithid-eàn sin de bhriathraibh a mach as do bheul?

14 Cò e an duine, gu'n bitheadh e glan? agus gu'n saoradh esan e féin, a rugadh o mhnai?

15 Feuch, as a naomh cha-n earb e; agus cha-n'eil na nèamhan glan 'n a shùilibh.

16 Nach gràineile agus nach sailiche gu mòr an duine, a dh'òlas euceart mar uisge?

17 Innsidh mi dhuit, éisd rium; agus na chunnaic mi, cuiridh mi 'n céill;

18 A dh'aithris daoine glíce, agus nach do cheil an aithrichean orra:

19 D'an d'thugadh 'n an aonar an talamh, agus cha d'imich coigreach 'n am measg.

20 Ré a làithean uile cràdhar an t-aingidh; agus folaichear àireamh a bhliadhnachan air an fhear-shàrachaidh.

21 Tha fuaim eagalach 'n a chluasaibh: 'n a shoirbheachadh thig am fear-millidh air.

22 Cha chreid e gu'm pill e as an dorchadas; agus feithear air leis a' chlàidh-eamh.

23 Tha e ag imeachd mu'n cuairt air son arain, *ag ràdh*, C'ait am bheil e? tha fios aige gu bheil là an dorchadais deas aig a làimh.

24 Cuiridh teanntachd agus àmhghar uamhas air: buadhaichidh iad air, mar rìgh deas a chum catha.

25 Oir sinidh e mach a làmh an aghaidh Dhé, agus an aghaidh an Uile-chumhachdaich neartaichidh se e féin.

26 Ruithidh e air, air a mhuineal, air cop-aibh tìgha a sgiath;

27 A chionn gu'n do chòmhdaich e a ghmùis le a shult, agus gu'n d'rinn e fillean saille air a leasraibh.

28 Agus còmhnuichidh e ann am bailtibh fàsaichte, ann an tighibh nach 'eil air an àiteachadh, a tha ullamh gu bhì 'n an carn-aibh.

29 Cha bhì e beartach, agus cha mhair a mhaoin; agus cha sin e mach a fhreumh 's an talamh.

30 Cha triall e á dorchadas; tiormaichidh lasair a mheanglan; agus siubhlaidh e le anail a bheoil.

31 Na h-earbadh esan a mheallar á dhìomhanas; oir dhìomhanas bithidh aige mar lughdachd.

32 Roimh a là coimhlionar e; agus cha bhì a gheug uaine.

33 Crathaidh e dheth mar an fhìonain 'fhìon-dhearc anabaich, agus tilgidh e dheth mar an crann olaidh a bhlàth.

34 Oir bithidh coimhlthional nan cealgair aonarach, agus caithidh teine pàillìunan na duais-bhratha.

35 Ginidh iad donas, agus beiridh iad drochbheart, agus ulluichidh an com cealg.

CAIB. XVI.

1 *Chronaich Iob a chairdean do bhrìgh gu'n robh iad 'n an luchd-comhfhurtachd truagh.*

7 *Chuir e an céill an dòigheas a thàinig air;*

17 *agus thagair a neò chiontas.*

ACH fhreagair Iob, agus thubhairt e,
2 Chuala mi mòran d'an leithidibh sin: is luchd-comhfhurtachd truagh sibh uile.

3 Am bi crìoch air briathraibh gaoithe? no ciod a tha 'toirt an danadais duit gu bheil thu a' freagairt?

4 Dh'fheudainn-sa mar an ceudna labhairt cosmhuil ribhse: nam bitheadh blur n-anam 'an àite m'anama-sa, dh'fheudainn briathran a chur cuideachd 'n 'ur n-aghaidh, agus mo cheann a chrathadh ribh:

5 [Ach] neartaichinn sibh le m' bheul, agus lughdaicheadh gluasad mo bhilean *bhur dòigheas*.

6 Ged làbhair mise, cha lughdaichear mo dhòigheas; agus *ma* bhitheas mi a'm' thosd, ciod am fuasgladh a gheibh mi?

7 Ach a nis sgithich e mi: sgap thu mo chuideachd uile.

8 Agus rinn thu mi làn phreasag-eudain; mar fhianuis tha *sin*: agus dh'éirich mo chaoile a'm' aghaidh; ri m'eudan freagairidh i.

9 Reub a chorruih mi, agus tha fuath aige dhomh: chas e 'fhiacian rium; tha mo nàmhaid a' geurachadh a shùl orm.

10 Chas iad am beul rium; le masladh bhual iad mo ghiallan; cuideachd chruinnich iad a'm' aghaidh.

11 Thug Dia mi thairis do'n air-diadhaidh, agus 'an làimh nan aingidh thilg e mi.

12 'An sìth bhà mi, ach phronn e mi: agus rug e air mo inluineal, agus chrath e as a chèile mi, agus chuir e suas mi dha féin mar chuspair.

13 Tha a luchd-shaighead 'g am chuairt-eachadh air gach taobh: sgoltidh e m'airnean o' chéile, agus cha chaoimhain e; taomaidh e mach mo dhomblas air an talamh.

14 Brisidh e mi le briseadh air bhriseadh; ruithidh e orm mar churaidh.

15 Dh'fhuair mi saic-eudach air mo chroicinn, agus shalaich mi m'adharc 's an duslach.

16 Tha m'endan air atadh le gal, agus air mo rosgaibh tha sgàile a' bhàis;

17 Cha-n ann air son euceirt a'm' làmhan: mar an ceudna tha m'urruigh glan.

18 A thalamh, na còmhdaich thusa m'fhuil, agus na bitheadh àit aig mo ghlaodh.

19 Mar an ceudna nis, feuch, anns na nèamhan tha m'fhianuis, agus esan a bheir teistean orm anns na h-àirdibh.

20 A' fanoid orm tha mo chairdean; chum Dhé tha mo shùil a' taomadh dheur.

21 O nach feudadh duine tagradh ri Dia, mar a thagras mac an duine r'a choimhearsnach!

22 An uair a thig beagan de bhliadhnaibh, an sin 's an t-slighe air nach pill mi siubhlaidh mi.

CAIB. XVII.

1 Rinn Iob gearan an aghaidh a chairdean, agus thug e a chèis 'an làthair Dhé. 11 Chaidh a dhòchas 's a' bheatha so thairis.

THURUAILLEADH m'anail; ghearradh as mo làithean; tha na h-uaignean air mo shon-sa.

2 Nach 'eil luchd-fanoid maille rium? agus 'n am brosnachadh nach 'eil mo shùil a' buanachadh?

3 Cuir sìos a nis, thoir dhomh urras maille riut: cò esan a ghlacas mo làmh?

4 Oir dh'fholuich thu an cridhe o thuigse; uime sin cha-n àrdaich thu iad.

5 Esan a ni miodal r'a chairdibh, fàilnichidh sùilean a chloinne.

6 Agus rinn e mi a'm' ghnàth-fhocal an t-sluaigh; agus tha mi mar bhall-fochaid rompa.

7 Agus dhorchaich mo shùil le bròn, agus tha mo bhuill uile mar sgàile.

8 Bithidh uamhas air na h-ionracain air son so; agus dùisgidh an neò-chiontach an aghaidh a' chealgair.

9 Agus cumaidh an duine cothromach a shlighe; agus gheibh esan a tha glan 'n a làmhan tuilleadh neirt.

10 Ach air bhuir son-sa uile, pillibh agus thigibh a nis; agus cha-n fhaigh mi duine glie 'n ur measg.

11 Chaidh mo làithean thairis, bhriseadh mo smuaintean air falbh, seilbh mo chridhe.

12 An oidheche tionndaidh iad gu là: tha'n solus goirid a thaobh dorchadais.

13 Ma dh'fheitheas mi, is 'n uaigh mo thigh: 's an dorchadas rinn mi no leaba.

14 Ri truailleadheachd thubhairt mi, Is tu m'athair; ris a' chnuimh, Is tu mo mhiathair, agus mo phiuthar.

15 Agus c'ait a nis am bheil mo dhòchas? seadh, mo dhòchas-sa, cò 'chi e?

16 Gu crannaibh an t-sluichd théid iad sìos: an sin bithidh ar fois cuideachd anns an duslach.

CAIB. XVIII.

1 Thug Bildad achmhasan do Iob a chionn gu'n robh e dh'easbhuidh foighidin. 5 Dh'innis e gu'n cuirear solus an aingidh as, agus gu'n sgriosar a chuimhne bhàrr aghaidh na talmhainn.

AN SIN fireagair Bildad an Suhach, agus thubhairt e,

2 Cia fhada gus an cuir sibh crìoch air briathraibh? tuigibh, agus 'n a dhéigh sin labhramaid.

3 C'ar son a mheasar sinne mar ainmhidhean, agus a tha sinn tàireil a'd shùilibh-sa?

4 Tha e a' reubadh 'anama 'n a chorruich: air do shon-sa an tréigear an talamh? agus an atharraichear a' charraig as a h-àite?

5 Seadh, cuirear solus an aingidh as: agus cha dealraich lasair a theine.

6 Dorchaichear an solus 'n a phàillium, agus cuirear as a lòchran aige.

7 Cumhamaichear ceuman a neirt, agus tilgidh a chomhairle féin sìos e:

8 Oir cuirear ann an lion e le a chosaibh féin, agus air ribe imichidh e.

9 Glacaidh an cord air shàil e; buadhaichidh am fear-reubainn 'n a aghaidh.

10 Foluichte anns an talamh tha ribe air a shon, agus inneal-glacaidh air a shon air an t-slighe.

11 Air gach taobh cuiridh uamhasan eagail air, agus fuadaichidh iad air a chosaibh e.

12 Bithidh a neart air a chlaoidh le h-ocras, agus léir-sgrios deas aig a thaobh.

13 Ithidh e suas neart a chroicinn; ithidh ceud-ghin a' bhàis suas a neart.

14 Spionar as a phàillium a dhòchas; agus bheir se e gu rìgh nan uamhann.

15 Gabhaidh e còmhnuidh 'n a phàillium, a chionn nach leis-san e; crathar pronnag air àite-còmhnuidh.

16 Shìos tiormaichear a fhreumhan, agus shuas gearrar air falbh a bhàrr.

17 Sgriosar a chuimhne as an talamh, agus cha bhi ainm aige air an t-sràid.

18 Fògairar e o sholus gu dorchadas, agus as an t-saoghal tilgear e.

19 Cha bhi mac aige, no mac a mhic am measg a shluaigh, no neach a mhaircas 'n a àiteibh-còmhnuidh.

20 R'a là bithidh iongnadh orra-san a thig 'n a dhéigh, mar a ghlac uamhas iadsan a thàinig roimhe.

21 Gu deimhin is iad sin ionadan-còmh-

nuidh an aingidh; agus is e so àite-san, do nach aithne Dia.

CAIB. XIX.

1 *Tha Iob a' gearan gu'n d'ardaich a chairdean iad féin 'n a aghaidh 'n nair a bhean làmh an Tighearna ris.* 23 *A dhòchas ann an aiseirigh o na marbhaibh.*

ACH fhreagair Iob, agus thubhairt e, 2 Cia fhada chuireas sibh doilgheas air m'anam, agus a bhriseas sibh mo chridhe le briathraibh?

3 Na deich uairean so mhaslaich sibh mi: cha nàir leibh *gu* bheil sibh cho coimheach rium.

4 Agus gu deimhin ma chaidh mi air seacharan, fanaidh mo sheacharan agam féin.

5 An àrdaich sibhse d'a rìreadh sibh féin a'm' aghaidh, agus an tagair sibh mo mhas-ladh a'm' aghaidh?

6 Bitheadh fios agaibh a nis gu'n do thilg Dia thairis mi, agus gu'n do chuir e a lion mu'n cuairt orm.

7 Feuch, gladhaidh mi, Eucoir, ach cha-n éisdear rium; éighidh mi gu h-àrd, ach cha-n'eil breitheanas ann.

8 Dhùin e suas mo shlighe air chor as nach urrainn mi dol seachad, agus chuir e dòrchadas air mo cheumaibh.

9 Bhuin e mo ghlòir dhìom, agus thug e an crùn bhàrr mo chium.

10 Sgrìos e mi air gach taobh, agus chaidh as domh; agus chuir e air falbh, marchraoibh, mo dhòchas.

11 Agus las 'fhearg a'm' aghaidh, agus mheas e mi mar *aon* d'a naimhaidibh.

12 Cuideachd thàinig a bhuidhnean, agus chuir iad suas an slighe a'm' aghaidh, agus champaich iad mu'n cuairt air mo phàillhun.

13 Chuir e mo bhràithrean fada uam; agus tha mo luchd-còlais gu deimhin air fas coimheach rium.

14 Thréig mo dhìlsean, agus dhi-chuimhnich mo luchd-còlais mi.

15 Mheas muinntir mo thighe, agus mo bhanoglaich mi mar choigreach: a'm' eil-thireach bha mi 'n an sùilbh.

16 Air mo sheirbhisich ghairm mi, agus cha do fhreagair e: le m' bheul féin ghuidh mi air.

17 Bha m'anail coimheach do m' mhnaoi, ge do ghuidh mi as leth cloinne mo chuirp féin.

18 Rinn eadhon clann òg tàir orm: dh'éirich mi, agus labhair iad a'm' aghaidh.

19 Ghabh mo luchd-rùin uile gràin dìom; agus tha iadsan a ghràdhach mi air tionndadh a'm' aghaidh.

20 Ri m' chroicinn agus ri m'fheoil dh'lùthlean mo chnàmhan; agus chaidh mi as le croicinn m'fhiacal.

21 Gabhaibh truas dìom, gabhaibh truas dìom, O mo chairdean, oir bhean làmh Dhé rium.

22 C'ar son a gheur-leanas sibhse mi mar *ni* Dia, agus le m'fheoil nach sàsuichear sibh?

23 O nach robh mo bhriathran a nis air an sgriobhadh! O nach robh iad air an cur sìos ann an leabhar!

24 Le peann iarunn agus luaidh gu bràth ann an carraig nach robh iad air an gearradh!

25 Oir tha fios agam gu bheil m'fhearsaoraidh beò, agus ma dheireadh gu'n seas e air an talamh:

26 Agus an déigh dhoibh so mo chroicinn a chnàmh, gidheadh ann am fheoil gu'm faic mi Dia:

27 Neach a chi mise air mo shon féin, agus air an amhaire mo shùilean-sa, agus ni h-e neach cile: so uile chuir mi suas a'm' chom féin.

28 Ach their sibhse, C'ar son a gheur-leanamaid e, agus gu'n d'fhuaradh freumh a' ghnothuich ann?

29 Bitheadh eagal oirbh roimh 'n chlaidheamh; oir fàsaidh an claidheamh teth [an aghaidh] eucartan, chum gu'm bi fios agaibh gu'n bi breitheanas ann.

CAIB. XX.

1 *Tha Sophar a' nochladh gur gearr caithream nan aingidh, agus nach mair soirbheachadh a' chealgair ach car tiota.*

AN sin fhreagair Sophar an Naamatach, agus thubhairt e,

2 Uine sin tha mo smuaintean a' toirt orm freagairt, agus air a shon so ni mi deifir.

3 Achmhasan mo mhaslaidh cluinneam, agus tha spiorad mo thuigse a' toirt orm freagairt.

4 Nach aithne dhuit so o chian, o shuidhicheadh an duine air thalamh,

5 Gur gearr caithream nan aingidh, agus nach 'eil gairdeachas a' chealgair *ach* car tiota?

6 Ged éirich 'àirde suas gus na nèamhan, agus ged ruig a cheann na neoil;

7 Mar 'aolach féin gu bràth théid as da: their iadsan a chunnaic e, C'àit *am bheil e?*

8 Mar aising grad-shuibhlaidh e, agus cha-n fhaighear e; agus teichidh e mar shealladh na h-oidliche.

9 An t-sùil a chunnaic e, cha-n fhaic i e tuilleadh; agus ni's mò cha-n amhaire àite féin air.

10 Iarraidh a mhioc na bochdan a thoilcachadh, agus aisigidh a làmhlan am maoin.

11 Tha a chnàmhan làn de *pheacaidh* 'òige, agus maille ris anns an duslach luidhidh e.

12 Ged robh an t-ole milis 'n a bheul, *ged* fìolaich se e fo a theangaidh;

13 *Ged* chaomhain se e, agus nach tréig se e, ach gu'n gléidh se e an tacbh a stigh a bheoil;

14 Tionndaidhear a bhiadh 'n a mhionach,

gu domblas nan nathair an taobh a stigh dheth.

15 Shluig e sìos beartas, agus sgeithidh e nìos e: tilgidh Dia mach as a bhroinn e.

16 Sùgaidh e nìmh nan nathair: marbhaidh teanga na nathrach milltich e.

17 Cha-n fhaic e na h-aimhnichean 'n an roinnibh, na sruthan mheala agus ime.

18 Aisigidh e an nì air son an do shaothraich e, agus cha sluig e sìos e: a réir a shaoibhreis bithidh 'aiseag, agus cha dean e gairdeachas ann.

19 A chionn gu'n d'rinn e fòireigin, gu'n do thréig e na bochdan, le h-ainneart gu'n d'thug e air falbh tigh nach do thog e.

20 Oir cha mhothaich e suaimhneas 'n a chom, cha tèarunn e 'bheag de na mhiannach e.

21 Cha-n fhàgar a bheag d'a bhiadh; uime sin cha bhi sùil aig duine air bith r'a mhaoin.

22 Ann an iomlaine a' phailteis bithidh e ann an teanntachd: thig gach aobhar dragha air.

23 An uair a bhios e gus a bhrù a lìonadh, tilgidh Dia fraoch 'fheirge air, agus frasaigh e air e 'n uair a bhitheas e ag itheadh.

24 Teichidh e roimh na h-armaibh-iaruinn; buailidh am begha umha troimhe e.

25 Tairngear, agus thig a mach as a' chorp, thig an claidheamh loinneach a mach as a dhomblas: thig uamhasan air.

26 Bithidh gach uile dhorchadas folaichte 'n a ionadaibh diomhair: loisgidh teine gun séideadh e: éiridh gu h-olc dhàsan a dh'fhàgar 'n a phàillion.

27 Foillsichidh na nèamhan 'aingidheachd; agus éiridh an talamh 'n a aghaidh.

28 Triallaidh fàs a thighe: sruthaidh nithean as ann an là 'fheirge.

29 Is e so cuibhrionn an duine aingidh o Dhia, agus an oighreachd a dh'orduicheadh dha le Dia.

CAIB. XXI.

1 *Dh'iarr Iob gu'n eisdeadh a chairdean gu furachar r'a chainnt: 7 tha e a' nochdadh gu bheil na h-aingidh air uairibh a' sgrìobheachadh: 16 agus air uairibh eile gu bheil an sgrìos soilleir. 30 Tha an t-aingidh air a gleidheadh chum là an sgrìos.*

A CH fhreagair Iob, agus thubhairt e,
2 Eisidibh gu furachar ri m' chainnt, agus bitheadh so mar bhur comhlhurchad.

3 Fuilgibh dhomh, agus labhraidh mi; agus an déigh dhomh labhairt, cuiribh ri'r fanoid.

4 A'm' thaobh-sa, an ann ri duine tha mo ghearan? agus nam b'ann, c'ar son nach bitheadh mo spiorad fo bhuaireas?

5 Amhaircibh orm, agus bitheadh iongnadh oirbh, agus cuiribh bhur làmh air bhur beul.

6 Oir an uair a chuimhnichas mi, tha eagal orm; agus glacadh geilt-chrith nìfheoil.

7 C'ar son a tha na h-aingidh beò, a dh'fhàsas iad sean, agus a bhitheas iad àrd ann an cumhachd?

8 Tha'n sliochd air a dhaingneachadh 'n am fianuis maille riu, agus an gineal fa chomhair an sùl.

9 Tha'n tighean saor o eagal; agus cha-n'èil slat Dhé orra.

10 Ginidh an tarbh, agus cha-n fhàilnich e; beiridh am bò laogh, agus cha tilg i e.

11 Cuiridh iad a mach an clann bheag mar threud; agus dannsaidh an gineal.

12 Togaidh iad an tiompan agus a' chlàrsach; agus nì iad gairdeachas ri fuaim an orgain.

13 Caithidh iad an làithean ann an saoihbheas, agus ann an tiota théid iad sìos dè'n uaigh.

14 Agus their iad ri Dia, Imich uainn; oir cha-n aill leinn eòlas do shlighean.

15 Cò e an t-Uile-chumhachdach, gu'n deanamaid seirbhìs dha? agus ciod an tairbhe 'bhitheas ann duinn, ma nì sinn urnuigh ris?

16 Feuch, cha-n'èil am maith 'n an làimh: tha comhairle nan aingidh fada uam-sa.

17 Cia minic a chuirear coinneal nan aingidh as? agus a thig an sgrìos orra? roinnidh Dia dòilgheasan 'n a fheirge.

18 Bithidh iad mar asbhuain roimh 'n ghaoith, agus mar mholh a bheir an ionghaoth leatha.

19 Taisgidh Dia suas 'euceart-san d'a chloinn: diolaidh e dha, agus bithidh fios aig air.

20 Chi a shùilean a sgrìos, agus do fheirge an Uile-chumhachdaich diolaidh e.

21 Oir ciod an tlachd a bhitheas aige 'n a thigh 'n a dhéigh, 'n uair a ghearrar as àireamh a mhìos 'n am meadhan?

22 Do Dhia an teagaisg neach air bith eòlas, agus gur e féin a bheir breth orrasan a tha àrda?

23 Bàsaichidh e so 'n a làn-neart, agus o uile aig fois agus 'an sìth.

24 Tha 'innidh làn saill, agus a chnàmhan air an taiseachadh le smior.

25 Agus bàsaichidh e sin ann an searbhas 'anama, agus cha-n ith e idir le toil-intinn.

26 Cuideachd anns an duslach luiddidh iad, agus còmhdaichidh cnuimhean iad.

27 Feuch, is aithne dhomh bhur smuaintean, agus na h-inneachdan a tha sibh a' dealbhadh gu h-eucorach a'm' aghaidh:

28 Oir their sibh, Càit am bheil tigh an duine mhòir, agus c'àit am bheil ionadan-còmhnuidh nan aingidh?

29 Nach d'fheòraich sibh dhiubh-san a ghabbas seachad air an t-slighe? agus nach aithne dhuibh an comharan?

30 Gu'n gleidhear an t-aingidh chum là an

agrios; chum là na feirge gu'n toirear a mach iad.

31 Cò a chuireas 'an céill a shlighe as an eudan: agus cò a dh'ìocas dha na rinn e?

32 Ach a chum na h-uaghe bheirear e, agus anns an àit-adhlacaidh fanaidh e.

33 Bithidh fòidean a' ghlinne milis dha, agus tairnidh gach duine 'n a dhéigh, mar a tha iad do-àireamh roimhe.

34 Cionnus ma ta a tha sibh a' tabhairt comhfhurtachd dhomh gu dìomhain, an uair a tha cealg 'n ur freagradh?

CAIB. XXII.

1 *Thug Eliphaz faineas nach urrainn duine 'bhi tarbhach do Dhia.* 5 *Chuir e mòran aingidh-eachd as leth Iob.* 21 *Dh'earail e air gu'n diuth-leanaidh e ris an Tighearn, agus gu'n dioladh e a bhòidean da.*

AN sin fhreagair Eliphaz an Temanach, agus thubhairt e,

2 Do Dhia am feud duine a bhi tarbhach, mar a dh'fheudas esau a tha glic a bhi tarbhach dha féin?

3 An toil-inntinn do'n Uile-chumhachdach gu'n saor thusa thu féin? agus am buannachd e dha-san, gu'u dean thu do shlighean iomlan?

4 Air eagal romhad an cronaich e thu? an téid e chum breitheanais leat?

5 Nach 'eil d'aingidheachd mòr? agus d'eucearta gun chrìoch?

6 Oir ghabh thu geall o d' bhràithribh gun aobhar, agus eudach nan lomnochd bhuih thu dhiubh.

7 Cha d'thug thu uisge do'n sgìth r'a òl, agus o'n ocrach chum thu aran.

8 Ach aig fear a' ghairdean làidir bha an talamh; agus ghabh an duine urramach comhnuidh ann.

9 Chuir thu bantraichean uait falamh, agus bhriseadh gairdeanan nan dilleachdan.

10 Air an aobhar sin mu'n cuairt ort bha ribeachan, agus ghlac geilt obann thu;

11 No dorchadas air chor as nach faicadh tu; agus chòmhdaich pailteas uisgeachan thu.

12 Nach 'eil Dia ann an àirde nan nèamh? agus faic mullach nan rionnag, cia àrd a tha iad.

13 Agus their thusa, Cionnus tha fios aig Dia? troimh an dorchadas am breithnich e?

14 Tha neoil 'n an còmhdachadh dha, agus cha-n fhaic e; agus ann an cùirt nan nèamh siubhlaidh e.

15 An d'thug thu faineas an t-slighe o shean, air an d'imich daoine aingidh?

16 A ghearradh sìos roimh an àm, agus thaom tuil thar am bunait;

17 A thubhairt ri Dia, Imich uainn; agus ciod a's urrainn an t-Uile-chumhachdach a dheanamh air ar son?

18 Gidheadh lion e an tighean le nithibh maith: ach gu ma fada bhitheas comhairle nau aingidh uamsa?

19 Chi na h-ionraic, agus bithidh aoibheas orra; agus nì an neò-chiontach gàire-fanoid riu.

20 'An àit nach do ghearradh ar maoin-ne sìos; ach loisgidh teime am fuighcall-san.

21 Gabh-sa nis eòlas air-san, agus bi 'an sìth: mar sin thig maith a d' ionnsuidh.

22 Gabh, guidheam ort, an lagh o' bheul, agus cuir suas a bhriathran ann ad chridhe.

23 Ma philleas tu dh'ionnsuidh an Uile-chumhachdach, togar suas thu; cuiridh tu euceart 'am fad o d' phàillionaibh.

24 Agus cuiridh tu suas òr mar dhùslach, agus òr Ophir mar chlachaidh nan sruth.

25 Agus bithidh an t-Uile-chumhachdach 'n a dhìdean agad, agus bithidh pailteas aingid agad.

26 Oir an sin bithidh do thlachd anns an Uile-chumhachdach, agus togaidh tu suas do ghnùis a dh'ionnsuidh Dhé.

27 Nì thu urnuigh ris, agus éisdidh e riut, agus diolaidh tu do bhòidean.

28 Agus cuiridh tu nì romhad, agus daingnichear dhuit e; agus air do shligheibh dealraichidh solus.

29 An uair a dh'islichear daoine, an sin their thu, *Bithidh* àrdachadh ann; agus saoraidh e an t-iriosal.

30 Saoraidh se esan nach 'eil neò-chiontach, agus saorar e le gloine do làmh-sa.

CAIB. XXIII.

1 *Mhiannaich Iob teachd a dh'ionnsuidh àite-comhnuidh Dhé, agus a chùis a thagradh 'n a làthair.* 8 *Ged tha Dia neo-fhaicsinneach is aithne dha slighe an duine.* 11 *Ionracas Iob.* 13 *Tha comhairle Dhé neo-chaohluidheach.*

ACH fhreagair Iob, agus thubhairt e, 2 An diugh féin is searbh mo ghearan: is truiteam mo bhuille na m'osna.

3 Och gun fhios agam c'àit am faighinn esan, agus gu'n tìgim a dh'ionnsuidh àite!

4 Chuirinn mo chùis 'an ordugh 'n a làth-air, agus lìonainn mo bheul le h-argumaidibh.

5 Bhitheadh fios agam air na briathraibh leis am freagaireadh e mi, agus thuiginn ciod a theireadh e rium.

6 Le a mhòr chumhachd an tagaireadh e a'm' aghaidh? nì h-eadh; ach chuireadh e neart annam.

7 An sin thagaireadh am fircan ris, agus bhithinn air mo shaoradh gu bràth o m' bhrèitheamh.

8 Feuch, théid mi air m'aghaidh, ach cha-n'èil esan ann; agus air m'ais, ach cha mhothaich mi e:

9 Air an làimh chli, far am bheil e ag oibreachadh, ach cha-n fhaic mi e; folaidh se e féin air an làimh dheis, agus cha léir dhomh e.

10 Ach is aithne dha an t-slighe agam: an uair a dhearbhas e mi, mar òr thig mi a mach.

11 Air a cheumaibh chum mo chos; ghléidh mi a shlighe agus cha do chlaon mi.

12 O àithne a bhean cha deachaidh mi air m'ais; nì's mò na mo dhlighe *bìdh* mhcas mi briathran a bheoil.

13 Ach *tha* e 's an aon *bheachd*, agus cò a dh'iompaichas e? agus *an nì* a's miann le anam, *sin* nì e.

14 Oir coimhlionaidh e an nì a dh'orduich-eadh dhomhsa: agus *tha* mòran d'an leithidibh sin aige.

15 Uime sin *tha* fiamh orm 'n a fhianuis; an uair a bheir mi fainear, *tha* eagal orm roimhe:

16 Oir thaisich Dia mo chridhe, agus chuir an t-Uile-chumhachdach fiamh orm;

17 A chionn nach do ghearradh as mi roimh an dorchadas, agus o m'ghnùis nach d'fholaich e an dorchadas.

CAIB. XXIV

1 *Nochd Iob gu bheil na h-aingidh gu minic a' soirbheachadh 'n an aingidheachd, agus a' bàsachadh mar shluagh eile.*

C'AR SON, o nach d'fholaicheadh aimsirean o'n Uile-chumhachdach, nach faic iadsan d'an aithne e a làithean?

2 Atharraichidh iad na comharan-fearainn; bheir iad treudan leo le foirneart, agus biadhaidh siad iad.

3 Iomainidh iad air falbh asal nan dilleachdan; mar gheall glacadh iad damh na bantraich.

4 Tionndadhaidh iad na feumaich as an t-slighe: le 'chéile folaichidh bochdan na talmhainn iad féin.

5 Feuch, mar asalaibh fiadhaich anns an fhàsach théid iad a mach a chum an oibre, ag éirigh gu moch a chum creiche: *bheir* am fàsach biadh dhoibh d'an òigridh.

6 Anns an fhearann buainidh iad arbhar; agus cruinnichidh iad fion-fhogharadh an aingidh.

7 Bheir iad air 'an lomnochd luidhe gun eudach, agus gun chòmhdachadh anns an fhuachd.

8 Le frasaibh nam beann bithidh iad fiuch, agus a dhith fasgaidh gabhaidh iad 'n an glacaibh a' charraig.

9 Spionaidh iad an dilleachdan o'n chùich, agus o'n bhochd gabhaidh iad geall.

10 Bheir iad air imeachd lomnochd, gun eudach; agus o na h-òraich bheir iad leo an sguab.

11 An taobh a stigh d'am ballachaibh fàisgidh iad oladh; bruthaidh iad *am* fion-amair, agus fuilingidh iad tart.

12 As a' bhaile *tha* daoine ag osnaich, agus éighidh anam nan *daoine* leònta; gidheadh cha chuir Dia amaideachd as an leth.

13 *Tha* iad dhiubhsan a dh'éireas suas an aghaidh an t-soluis; cha-n aithne dhoibh a shlighean, agus cha ghluais iad 'n a cheum-aibh.

14 Leis an t-solus éiridh am mortair,

[agus] marbhaidh e an bochd agus an feumach; agus anns an oidhe bithidh e mar ghaduiche.

15 Mar an ceudna feithidh sùil an adhalt-ranaich ris an dubh-thra, ag ràdh, Cha-n fhaic sùil mi; agus cuiridh e folach air 'aghaidh.

16 Cladhaichidh iad anns an dorchadas troimh thighibh, a chomharaich iad dhoibh féin 's an là; cha-n aithne dhoibh an solus:

17 Oir *tha* 'mhaduinn dhoibh-san mar sgàile a' bhàis: ma dh'aithnicheas *neach iad, bithidh iad ann an* uamhasaibh sgàile a' bhàis.

18 Luath *tha* e mar na h-uisgeachan; mallaichear an cuibhrionn air an talamh: cha-n fhaic e slighe nam fion-lìos.

19 Bheir tiormachd agus teas leo uisgeachan an t-sneachda; an uagh *iadsan a* pheacaich.

20 Di-chuimhichidh a' bhrù e; biadhaidh a' chnuimh gu milis air; nì's mò cha chuimh-nichear e; agus brisear aingidheachd mar chrann.

21 Bithidh e olc ris a' *mhnai* neo-thorr-aich, nach beir *clann*; agus do'n bhantraich cha dean e maith.

22 Agus tairngidh e na daoine treuna le a neart: éiridh e suas, agus cha-n'eil *neach air bith* cinnteach d'a bheatha.

23 Bheir e dha 'bhi ann an tèaruinteachd, agus *as a sin* earbaidh e; ach *tha* a shùilean air an slighibh.

24 Ardaichear iad ré tamuill, ach cha *bhi* iad ann; islichear iad, agus mar na h-uile bheirear air falbh iad, agus mar cheann déise gearrar as iad.

25 Agus mur 'eil e mar sin a nis, cò a nì breugaire dhom, agus a bheir gu neo-nì mo chaint?

CAIB. XXV.

1 *Nochd Bildad tighearnas an Uile-chumhachdach, agus truallidheachd an duine.*

A N sin fhreagair Bildad an Suhach, agus thubhairt e,

2 *Tha* tighearnas agus eagal maille ris-an: nì e sìth 'n a ionadaibh àrda.

3 Am bheil àireamh air bith air a shìdigh? agus cò air nach éirich a sholus.

4 Cionnus ma ta a shaorair duine an làthair Dhé? agus cionnus a bhitheas esan glan a rugadh o mhnai?

5 Amhaire eadhon air a' ghealaich, agus cha dealraich i; agus cha-n'eil na rionnagan glan 'n a shealladh.

6 Cia is ro-lugha na sin an duine a *tha* 'n a chnuimh; agus mac an duine a *tha* 'n a chnuimh?

CAIB. XXVI.

1 *Chronaich Iob Bildad: 5 Dh'aidich e gu bheil cumhachd agus glòsach Dhé gun chrìoch, agus do-rannsaichidh.*

A CH fhreagair Iob, agus thubhairt e, 2 Cionnus a chuidich thu leis an tì o

tha gun chumhachd? cionnus a shaor thu an gairdean a tha gun neart?

3 Cionnus a chomhairlich thu esan aig nach *eil* gliocas, agus a dh'fhoillsich thu gu pailte an ni mar a tha e?

4 Cò ris a labhair thu briathran? agus cò leis an spiorad a thàinig uait?

5 Dealbhar *nithean* marbha fo na h-uisgeachaidh, agus an luchd-àiteachaidh.

6 Lomnochd tha ifrinn 'n a lùthair, agus cha *n'eil* còmhachadh aig léir-sgrìos.

7 *Tha e a'* sìneadh na h-àirde tuath os ceann an ionaid fhalaimeh, a' crochadh na talmhainn air neo-ni;

8 A' ceangal suas nan uisgeachan 'n a neulaibh, agus cha reubar an neul fàpa;

9 A' cumail a stigh aghaidh a rìgh-chaithreach, a' sgaoileadh a neoil oirre.

10 Chnairtich e na h-uisgeachan le crìochaibh, gus an teirig an là maille ris an oidheche.

11 Crìothnaichidh puist nan nèamh, agus bithidh uamhas orra r'a achmhasan.

12 Le 'chumhachd roinnidh e an fhairge, agus le 'thuigse buailidh e an t-uabhlach.

13 Le a spiorad sgeadaich e na nèamhan; dhealbha a làmh an nathair lùbach.

14 Feuch, *is* iad sin cuid d'a shlighibh; ach cia beag a' chuibhrionn a chuala sinn deth? agus cò a dh'fheadas tairneanach a chumhachd a thuigsinn?

CAIB. XXVII.

1 *Tha Iob a' cur roimhe buanachadh 'n a ion-racas, agus 'n a fhìreantachd, 8 a chionn gu bheil an cealgair gun dòchas.*

AGUS bhuaich Iob 'n a chosamhlachd a labhairt a mach, agus thubhairt e,

2 Mar is beò Dia a thug air falbh mo bhreitheanas, agus an t-Uile-chumhachdach a chraidh m'anam,

3 Co fhad as a bhitheadh m'anail annam, agus spiorad Dhé ann am chuinneinibh,

4 Cha labhair mo bhilean aingidheachd, agus cha chan mo theanga cealg.

5 Nar leigeadh Dia gu'n saorainn sibh: gus am bàsaich mi, cha dealaich mi ri m'ion-racas.

6 Ann am fhìreantachd fanaidh mi, agus cha leig mi nam i; cha mhaslaich me chridhe mi ré mo làithean.

7 Mar an t-aingidh bitheadh mo nàmhaid; agus esan a dh'èireas suas a'm' aghaidh mar an t-eucorach.

8 Oir ciod e dòchas a' chealgair, ge do bhuaich e, 'n uair a bheir Dia air falbh 'anam?

9 An éisd Dia r'a ghlaodh, 'n uair a thig àmhghar air?

10 Anns an Uile-chumhachdach an gabh e tlachd? an gairm e air Dia gach àm?

11 Teagaisgidh mi sibh le làinibh Dhé; *an ni a th'* aig an Uile-chumhachdach, cha cheil mi.

12 Feuch, chummaic sibh féin uile e; c'ar son ma ta a tha sibh eho ro fhaoin?

13 Is i so cuibhrionn an duine aingidh aig Dia, agus oighreachd luchd-foirneirt a gheibh iad o'n Uile-chumhachdach.

14 Ma dh'fhàsas a mhic lionmhor, *is ann* air son a' chlaidheimh; agus cha sàsaichear a shliochd le h-aran.

15 Adhlaicear iadsan a mhaireas 'n a dhéigh anns a' bhàs; agus cha ghuil a bhantraichean.

16 Ged chann e suas airgid mar an duslach, agus ged dheasaich e eudach mar an làthach;

17 Deasaichidh se e, ach cuiridh an t-ion-racan air e; agus roinnidh an neò-chiontach an t-airgid.

18 Togaidh e mar an leomann a thigh, agus mar bhothan a ni am fear-coimhid.

19 Luidhidh an saobhir sìos, ach cha chruinnichear e: fosgaidh e a shùilean, agus cha *n'eil* e ann.

20 Glacaidh uamhasan e mar uisgeachan: 's an oidheche goididh doinnionn air falbh e.

21 Bheir a' ghaeth an ear leatha e, agus siubhlaidh e; agus le h-ionghaoith grad-ghluaisidh i as 'ait e.

22 Oir caithidh Dia air, agus cha chaomhain e: bu mhiann leis teicheadh as a làmh.

23 Buailidh *daoine* am basan ris, agus le sgeig fuadaichidh iad as 'ait e.

CAIB. XXVIII.

1 *Tha Iob a' nochdadh, ged rannsaich duine nithean domhain an t-saoghail so, nach urrainn e luach gliocais a thuigsinn: 23 Aig Dia a mhàin tha eòlas air gliocas.*

GU cinnteach tha dol a mach aig an airgid, agus àit aig an òr anns an leagh iad e.

2 Bheirear iarunn as an talamh, agus leaghar a' chlach 'n a h-umha.

3 Chuir e crìoch air an dorchadas; agus rannsaichidh e mach gach tomilaine, clachan duibhre agus sgàile a' bhàis.

4 Brisidh an sruth a mach o'n luchd-àiteachaidh; dearmadar iad leis a' chois; tiormaichear suas iad; o dhaoinibh siubhlaidh iad.

5 *A thaobh* na talmhainn, aisde thig aran; agus foipe tionndaidhear suas anhuil teine:

6 *Is iad* a clachan àit na saphir; agus *tha* duslach òir aice:

7 Ceum nach aithne do'n eunlaith, agus nach faca sùil na scabhaigean.

8 Cha do shaltair cuileanan an leòmhain air, agus cha deachaidh an leòmhain garg seachad air.

9 Air a' charraig cuiridh e mach a làmh: tilgidh e bun os ceann na beanntan.

10 Anns na creagaibh bheir e air aimh-nichibh briseadh a mach; agus gach a shùil clach ni luachmhor.

11 Ceanglaidh e na h-aimhnichean o dhol

thairis; agus *an nì a tha* folaichte bheir e gu solus.

12 Ach cia as a gheibhear gliecas? agns c'ait am bheil ionad na tuigse?

13 Cha-n aithne do dhuine a luach; agus cha-n fhaighcar i ann an tìr nam bèd.

14 Their an doimhne, Cha-n'eil i annam-sa; agns their a' mhuir, Cha-n'eil i maille riumsa.

15 Cha toirear òr air a son, agus cha tomhaisear airgid mar a luach.

16 Cha mheasar i le h-òr na h-Ophir, leis an Onics luachmhoir, no leis an t-saphir.

17 Cha choimeasar òr no leug rithe; agus cha *bhi* a malairt le seudaibh de'n òr fhior-ghlan.

18 Air coireal, noneamhnuidibh cha luadh-ar; oir tha luach gliocais os ceann nan clach a's uaisle.

19 Cha choimeasar topas na h-Etiopia rithe; leis an òr fhior-ghlan cha mheasar i.

20 Cia as ma ta a thug gliocas? agns c'ait am bheil ionad na tuigse?

21 Oir tha i 'am folach o shùilibh nan uile bhèd; agus o cunlaith an athair tha i 'an cleith.

22 Thubhairt léir-sgrios agus am bàs, Le'r cluasaibh chnala sinn a cliù.

23 Tnigidh Dia a slighe, agus is aithne dha a h-ait:

24 Oir gu crìochan na talmhainn amh-aircidh esan; fo na nèamhan uile chi e:

25 Chum gn'n dean e cndthrom do'n ghaoith, agns *gu'n* tomhais e na h-uisgeachan le tomhas.

26 An uair a rinn e reachd do'n uisge, agns slighe do dhealanach na tairneanaich;

27 An sin chunnaic e i, agns dh'fhoillsich e i; dheasaich e i, seadh, agus rannsaich e mach i.

28 Agns thubhairt e ris an duine, Feuch, eagal an Tighearna, *is* e sin gliocas; agns an t-òle a thréigsinn, tnigse.

CAIB. XXIX.

1 *Chrimhnich Iob air na làithibh's an do dheal-raich lòchran Dhé air a cheann: 11 Bha e 'n a charaid do'n dilleachdan, agus do'n bhant-raich.*

AGUS bhunaich Iob 'n a chosamhlachd a labhairt a mach, agus thubhairt e,

2 Och nach robh mi mar anns na mìosaibh a chaidh tharinn, mar anns na làithibh air an do choinnidh Dia mi!

3 'N uair a thug e air a lòchran dealrach-adh air mo cheann, agus le a sholus a ghlnais mi 's an dorchadas;

4 Mar a bha mi ann an làithibh m'òige, 'n uair a *bha* rùn-diomhair Dhé air mo plàillinn;

5 An uair a *bha'n* t-Uile-chumbachdach fathast maille rimm, agus m'òganaich mu m' thimchioll;

6 An uair a nigh mi mò cheuman le h-ìm,

agus a thaom a' charraig a mach dhomh sruthain olaidh;

7 'N uair a chaidh mi mach gu geata a' bhaile, a dheasaich mi m'àite-suidhe anns an t-sràid.

8 Clunnaic na daoine òga mi, agus dh'fholaich siad iad féin; agus dh'éirich na daoine aosda, agus sheas iad.

9 Sgair na h-nachdarain de labhairt, agns chuir iad an làmh air am beul.

10 Dh'fhan na h-àrd-uaislean 'n an tosd, agns lean an teanga r'an gial.

11 An uair a chual' a' chluas, bheannaich i mi; agns an uair a chunnaic an t-sùil, thug i fianuis leam:

12 A chionn gu'n do shaor mi am bochd a bha 'g éighcach, agus an dilleachdan aig nach robh fear-cuideachaidh.

13 Thàinig beannachadh an ti a bha ullamh gu bàsachadh orm; agus thug mi air cridhe na bantraig seinn le h-aobhneas.

14 Chuir mi ionracas orm, agns dh'end-aich e mi: mar fhallinnium agus mar choron *bha* mo bhreitheanas.

15 Bu shùilean mi do'n dall, agns *bu* chos-an mi do'n bhacach.

16 *Bha* mi a'm' athair do na bochdan; agus a' chùis nach b' aithne dhomh rannsaich mi a mach.

17 Agus bhris mi gial an droch dhuine, agns a' fhiacailbh spion mi a' chreach.

18 Agns tlbhairt mi, Ann am nead gheibh mi bàs, agus mar a' ghaineamh ni mi *mo* làithean lionmhòr.

19 Bha mo fhreumh air a sgaoileadh a mach làmh ris na h-nisgeachan, agus luidh an drùchd ré na h-oidheche air mo niheangan.

20 *Bha* mo ghloir ùr agam, agns dh'ath-nuadhaicheadh mo bhogha ann am làmh.

21 Riumsa dh'éisd *daoine*, agus dh'fheith iad, agus bha iad 'n an tosd ri m' chomh-airle.

22 An déigh mo bhriathran cha do labhair iad a rìs; agus shil mo chainnt orra.

23 Agns bha shùil aca rium, mar ris an uisge; agns dh'fhosgail iad am beul gn farsuinn, mar air son an nise dheireannaich.

24 Ma ghàir mi riu, cha do chreid iad; agus solns mo glmùise cha do thilg iad sìos.

25 Thagh mi mach an slighe, agus shuidh mi mar cheannard, agus cliòmhnuich mi mar rìgh ann an armait, mar *aon* a bheir comhfhurtachd do luchd-bròin.

CAIB. XXX.

1 *Tha Iob a' caoidh gu'n robh a mheas agus a cliù air an tionndadh gu marbadh; 15 agus gu'n robh a shoirbheachadh air atharrachadh gu àmghar.*

ACH a nis tha iadsan a's òige na mise a' deanamh fanoid orm, minintir nach b'fhu leam an aithrichean a chur maille ri conaibh mo threnda.

2 Seadh, cìod an tairbhe a *bhitheadh*

dhomhsa ann an neart an làmh, aig an deachaidh as d'an sean aois?

3 Le dìth agus le gorta *bha iad* uaigneach, a' teicheadh do'n fhàsach, a *bha* 's an àm a chaidh seachad 'n a fhàsalachd agus 'n a léir-sgrìos:

4 A' gearradh sìos malòimh làimh ris na preasaibh, agus freumhan-aiteil mar bhìadh.

5 O mheasg *dhaoine* dh'fhògradh a mach iad: dh'éigh iad 'n an aghaidh, mar an aghaidh gaduiche.

6 *Bha iad* a' chòmhnuidh ann an sgaradh nan gleann, ann an uamhan na talmhainn agus nan creag.

7 Am measg nam preas rinn iad gearan: fo an eanntagaich chruinnicheadh iad ri 'chèile:

8 Clann nan amadan, seadh, clann *dhaoine* gun chliu: *bha iad* ni bu tàircile na'n talamh.

9 Agus a nis is mise a's òran doibh, agus tha mi a'm' leth-fhocal aca.

10 Tha iad a' gabhail gràin d'iom, tha iad a' teicheadh fad as uam, agus cha chaomh-ain iad smugaid a thilgeadh a'm' eudan.

11 A chionn gu'n d'fhuasgail e mo chòrd, agus gu'n do shàraich e mi, leig iadsan mar an ceudna an t-srian sgaoilte romham.

12 Air mo dheas làimh dh'éirich an òigridh; thug iad air mo chosaibh sleamh-nachadh uam, agus thog iad suas a'm' aghaidh slighean an sgrìos.

13 Mhill iad mo cheuman, chuir iad m'aimhleas air aghaidh, gun fhear-cuideachaidh aca.

14 Mar bhriseadh a steach leathan thàinig iad, mar ann an léir-sgrìos thaom iad a stigh.

15 Thionndaidh uamhasan a'm' aghaidh: ruaig iad m'anam mar a' ghaoth; agus mar neul chaidh mo thèaruinteachd seachad.

16 Agus a nis tha m'anam air a dhòrtadh a mach orm; ghlac làithean àmhghair mi.

17 'S an oidhche tha mo chnàmhan air an tolladh annam: agus cha bhi m'fhéithean aig fois.

18 Le meud a neirt mhùth e m'eudach: mar bhile mo chòta chuairtiche e mi.

19 Thilg e mi anns an làthaich, agus tha mi air fàs cosmhuil ri duslach agus ri luath.

20 Dh'éigh mi riut, agus cha d'éisd thu rium; sheas mi suas, agus [cha] d'thug thu fainear mi.

21 Tha thu air fàs an-ìochdmhor rium; le neart do làimhe tha thu 'g ad chur féin a'm' aghaidh.

22 Tha thu 'g am thogail ris a' ghaoith: tha thu 'teirt orm marcachd oirre, agus a' leaghadh as mo bhrìgh.

23 Oir tha fhios agam gu'n toir thu mi gu bàs, agus a chum an tighe a dh'orduich-eadh do gach uile bheò.

24 Gidheadh cha sin e mach a làmh a chum na l-uaigne, ged ghlaodh iad 'n a sgrìos.

25 Nach do ghluil mise air a shon-san a bha ann an àmhghar? nach robh m'anam doilich air son an *duine* bhochd?

26 An uair a bha shùil agam ri maith, an sin thàinig òle; agus an uair a bha dùil agam ri solus, thàinig dorchadas.

27 Bha m'innigh air ghoil, agus cha robh fois aca: chuir làithean àmhghair romham.

28 Rì bròn dh'imich mi as eugmhais na gréine: dh'éirich mi, anns a' chomhchruinn-eachadh dh'éigh mi.

29 Is bràthair mi do na dragonaibh, agus is companach mi do na comhachagaibh.

30 Dhubhadh mo chroicinn orm, agus loisgeadh mo ehnàmhan le teas.

31 Agus tha mo chlàrsach air tionndadh gu bròn, agus m'organ gu guth na muinntir a ghuileas.

CAIB. XXXI.

1 *Tha Iob* a' nochdadh gu'n do ghluais e ann an trèibhdhìreas a chridhe; 16 agus gu'n robh e caomhneil ris an dilleachdan agus ris na bochdaibh.

RINN mi coimhecheangal ri m'shùilibh: c'ar son ma ta a smuainichinn air maighdinn?

2 Oir ciod e cuibhrionn Dhé o'n *ionad* shuas, agus oighreachd an Uile-chumhachdaich o'n àirde?

3 Nach 'eil sgrìos ann do'n droch *dhuine*, agus coimhichead do luchd-deanamh na h-euccirt?

4 Nach 'eil e a' faicinn mo shlighean, agus ag àireamh mo cheuman gu léir?

5 Ma ghluais mi le dìomhanas, agus ma ghreas mo chos a chum ceilge;

6 Cothromaichear mi ann am mc'ghibh a' cheartais, chum gu'm bi fios aig Dia air m'ionracas.

7 Ma thionndaidh mo cheum as an t-slighe, agus an déigh mo shùl gu'n do ghluais mo chridhe, agus ri m'làmhnan gu'n do lean smal air bith;

8 Cuiream, agus itheadh neach eile; seadh, bitheadh mo shliochd air an spion-adh as am frèimh.

9 Ma mhealladh mo chridhe le mnaoi, agus aig dorus mo choimhearsnaich mar rinn mi feall-fholach;

10 Meileadh mo bhean do neach eile, agus cromadh daoine eile oirre:

11 Oir is cionta mòr so, agus is euceart e *air son* nam breitheamh.

12 Oir is teine c a loisgeas chum sgrìos, agus a spionadh as m'fhàs uile.

13 Ma rinn mi tàir air chùis m'òglaich, no mo bhanoglaich, an uair a thagair iad rium;

14 Ciod ma ta a ni mi 'n uair a dh'éireas Dia? agus an uair a dh'fhiosraicheas e, ciod a fhreagaireas mi dha?

15 Nach e'n ti a rinn mise anns a' bhroinn, a rinn esan? agus nach aon a d'ealbh sinn anns a' bhroinn?

16 Ma chum mi na bochdan o'm miann,

agus ma thug mi air sìlilhi na bantraich fàilneachadh;

17 No ma dh'ith mi mo ghreim a'm' aonar, agus nach d'ith an dilleachdan dheth:

18 (Oir o m'òige dh'fhàs e suas maille rium, mar *aig* 'athair: agus o bhroinn mo mhàthar threoraich mi ise:)

19 Ma chunnaic mi neach a' bàsachadh a dhith eudaich, agus nach *robh* còmhdaich-adh aig a' bhochd;

20 Mur do bheannaich a leasraidh mi, agus mur do bhlàthaicheadh e le lomradh mo chaorach;

21 Ma thog mi mo làmh an aghaidh an dilleachdain, an uair a chunnaic mi mo chòmhmadh auns a' gheata;

22 Tuiteadh mo ghairdean o'n t-slinnean, agus brisear mo ruighe o'n chnàimh.

23 Oir *bha* sgrios o Dhia 'n a uamhas dhomh-sa, agus a thaobh 'àirde-san cha robh e'n comas domh fulang.

24 Ma chuir mi 's an òr mo dhòchas, agus ma thubhairt mi ris an òr fhìor-ghlan, *Is tu* m'earbsa;

25 Ma rinu mi gairdeachas a chionn gu'n *robh* mo bheartas mòr, agus a chionn gu'n d'fhuair mo làmh mòran;

26 Ma dh'amhaire mi air a' ghréin an uair a dhealraich i, no air a' ghealaich a' gluasad ann an soillse,

27 Agus gu'n do mhealladh mo chridhe os iosal, agus gu'n do phòg mo bheul mo làmh:

28 *Is* cionta so mar an ceudna *air son* a' bhreithich; oir dh'àicheadhainn an Dia a *tha* shuas.

29 Ma rinn mi gairdeachas ri sgrios an ti a dh'fhuathaich mi, agus ma thog mi mi féin suas a chionn gu'n d'fhàinig olc air:

30 Oir cha do leig mi le m' bheul peacachadh le mallachadh iarraidh air 'anam.

31 Mur dubhairt fir mo phàilliuin, Och nach robh sinn air ar bàsachadh le 'fheoil!

32 An muigh cha do luidh an coigreach: mo dhorus dh'fhosgail mi do'n fhear-turuis.

33 Ma cheil mi, mar Adhamh, m'èusaontais, le m'eucairt fholachadh a'm' uched:

34 An uair a bha eagal orm roimh mhòr-shluagh, no 'chuir tareuis theaghlach uamhas orm, agus a bha mi a'm' thosd, agus nach deachaidh mi mach air dorus.

35 Och nach éisdeadh aon rium! feuch, *is e* mo mhiann *gu'm* freagaireadh an t-Uile-chumhachdach mi, agus *gu'n* sgrìobhadh m'fhear-casaid leahhar.

36 Gu deimhin air mo ghualainn ghabhainn e; cheanglainn e mar choron orm.

37 Aireamh no cheumam chuirinn 'an cèill da; mar cheannard rachainn am fagus da.

38 Ma dh'èigheas m'fhearann a'm' aghaidh, no ma ghearaimeas mar an ceudna a chlaiscan:

39 Ma dh'ith mi a thoradh gun airgiod, no ma thug mi air a luchd-scìlbh an anam a

40 Ann an àite cruithneachd fàsadh droighneach, agus 'an àit corna canntagach. Chriochnaicheadh briathran Iob.

CAIB. XXXII.

1 *Las fearg Elihu an aghaidh Iob agus a thriuir chairdean.* 6 *Chronaich e a chairdean a chionn nach do dhearbhadh an aghaidh Iob.* 16 *Nochd e 'eud gu labhairt.*

AN sin sgair an triuir dhaoine *so* do fhreagradh a thoirt do Iob, a chionn gu'n *robh* e ionraic 'n a shùililhi féin.

2 Agus las fearg Elihu mhic Bharacheil a' Bhusithich, de chinneadh Ram; an aghaidh Iob las 'fhearg, a chionn gu'n d'fhìreanaich se e féin nì's mò na Dia.

3 Mar an ceudna an aghaidh a thriuir chairdean las 'fhearg, a chionn nach d'fhuair iad freagradh, agus gu'n do dhìt iad Iob.

4 A nis dh'fheith Elihu gus an do labhair Iob, a chionn gu'm *bu* shine iad na esan.

5 An uair a chunnaic Elihu nach *robh* freagradh air bith ann am beul an triuir dhaoine *so*, an sin las 'fhearg.

6 Agus fhreagair Elihu mac Bharacheil a' Bhusithich, agus thubhairt e, *Tha* mise òg, agus sibhse aosmhor; uime sin bha eagal orm, agus bha mi sgàthach mu m' bharail a nochdadh dhuibh.

7 Thubhairt mi, Labhradh làithean, agus teagaisgeadh ionmhoireachd bhliadhnachan gliocas.

8 Ach *tha* spiorad 's an duine, agus bheir anail an Uile-chumhachdaich tuisge dha.

9 Cha bhì daoine mòra a *ghnòth* glie; agus *cha* tuisg na h-aosmhoir breitheanas.

10 Uime sin thubhairt mi, Eisdibh rium; nochdaidh mise mar an ceudna mo bharail.

11 Feuch, dh'fheith mi rìr briathraibh; dh'éisid mi rìr reusonaibh, gus an do ramasaich sibh ciod a theireadh sibh.

12 Seadh, thug mi fainear sibh; agus, feuch, cha *robh* aon agaibh a dhearbhadh an aghaidh Iob, *no* a thug freagradh d' a bhriathraibh;

13 Air eagal gu'n abradh sibh, Fhuair sinn a mach gliocas: *is e* Dia a thilgeas sìos e, cha-n e duine.

14 A nis cha do chuir e a bhriathran 'an ordugh a'm' aghaidh-sa; agus le bhur foclaibh-sa cha fhreagair mise e.

15 Bha uamhas orra; cha do fhreagair iad ni bu mhò; sgair iad de labhairt.

16 Agus dh'fheith mi, ach cha do labhair iad; ach sheas iad, agus cha do fhreagair iad ni bu mhò.

17 Freagairidh mise mar an ceudna mo chuid féin; nochdaidh mise mar an ceudna mo bharail.

18 Oir tha mi làn de bhriathraibh; tha spiorad mo chum 'g am éigneachadh.

19 Feuch, *tha* mo chom mar fhuion gun dol as aige; mar shearragan nuadha, *tha e* ullamh gu bhì air a reubadh.

20 Labhraidh mi, agus bithidh lasachadh agam; fosgailidh mi mo bhilean, agus freagairidh mi.

21 Na gabham-sa, guidheam ort, ri gnùis duine air bith; agus ri duine na labhran gu miodalach.

22 Oir cha-n a' thne dhomhsa cainnt mhiodalach: nam *baithne*, gu h-aithghearr bheireadh mo Chruith-fhear air falbh mi.

CAIB. XXXIII.

1 *Thairg Elihu e féin a thagradh ri Iob: 8 Chronaich se e a chionn gu'n robh dòchas aig 'n a nò-chiontas. 14 Le aistling na h-oidheche bheir Dia còlas do'n duine.*

UIME sin, a Iob, chuinn, guidheam ort mo bhriathran, agus éisd ri m'fhoe-laibh uile.

2 Feuch, a nis dh'fhosgail mi mo bheul; labhair mo theanga ann am bheul.

3 O ionracas mo chridhe *thig* mo bhriathran; agus labhraidh mo bhilean còlas gu soilleir.

4 Rinn spiorad Dhé mi, agus thug anail an Uile-chumhachdaich beatha dhomh.

5 Ma's urrainn thu, freagair mi, cuir do bhriathran 'an ordugh a'm' làthair, seas suas.

6 Feuch, *tha* mise, mar a tha thu féin o Dhia; as a' chréidh dhealbhadh mise mar an ceudna.

7 Feuch, cha chuir m'uamhas-sa cagal ort, agus cha bhi mo làmh trom ort.

8 Gu cinnteach labhair thu a'm' éisdeachd, agus chuala mi guth [do] bhriathar, *ag r'adh*.

9 Glan *tha* mi, gun eusaontas; nòd-chiontach *tha* mi, agus cha-n'eil euceart annam.

10 Feuch, *tha* e 'faghail chùisean a'm' aghaidh; *tha* e 'g am mheas mar a nàmhaid;

11 *Tha* e a' cur mo chos anns a' cheap; *tha* e a' geur-amhare air mo cheumaibh gu léir.

12 Feuch, *an* so cha-n'eil thu ceart; freagairidh mi thu gur mò Dia na duine.

13 Car son a chuireas tu 'n a aghaidh? oir ann an aon air bith d'a uithibh cha toir e cunntas.

14 Oir aon uair labhraidh Dia, agus an dara uair cha-n amhaire e thairis air.

15 Ann an aistling, ann an sealladh na h-oidheche, 'n uair a thuiteas codal trom air daoimibh, 'u uair a bhitheas iad 'n an suain air an leabaidh;

16 An sin fosgailidh e cluasau dhaoine, agus seulaichidh e an teagasg,

17 Chum gu'n tarruing e duine o a dheanadas, agus gu'm folaich e uabhar o dhuine;

18 Gu'n cum e 'anam o'n t-slochd, agus a bheatha o sgrios leis a' chlaidheamh.

19 Oir smachdaichear e le péin air a leabaidh, agus lìonmhoircachd a chuàmh le péin làidir:

20 Air chor as gu'n gabh a bheatha gràin

de aran, agus 'anam de bhiadh deadhbhlasad.

21 Caithear 'fheoil air chor as nach faicear i; agus a chuàmhach nach facas, seasaidh a mach.

22 Agus tairngidh 'anam am fagus do'n uaigh, agus a bhacatha do na milltearibh.

23 Ma bhitheas teachdair aige, eadar-theangair, aon am measg mhìle, a nochdadh 'ionracais do dhuine;

24 An sin gabhaidh e truas deth, agus thair e, Saor e o dhol sìos do'n t-slochd; fhuair mi éiric.

25 Bithidh 'fheoil m'is ùire na *feoil* leinibh; thig e air ais gu làithibh 'dige:

26 Ni e urnuigh ri Dia, agus gabhaidh e gu caomhneil ris; agus chi e a ghnùis le gairdeachas; oir iocaidh e do dhuine 'ionracas.

27 Amhaireidh e air daoimibh, agus *ma* thair *aon duine*, Pheacaich mi, agus chlaon mi an *ni* a *bha* ceart, agus cha robh e chum tairbhe dhomh;

28 Saoraidh e 'anam o dhol sìos do'u t-slochd, agus chi a bheatha solus.

29 Feuch, na *nithean* sin uile oibrichidh Dia gu minic a thaobh duine.

30 A thoirt 'anama air ais o'n t-slochd gu bhi air a shoillseachadh le solus nam beò.

31 Thoir fainear, a Iob, éisd rium; bi d'fhosd, agus labhraidh mi.

32 Ma tha 'bheag agad r'a ràdh, freagair mi: labhair, oir bu mhiann leam do shaoradh.

33 Mur 'eil, éisd thusa riumsa: bi d' fhosd, agus teagaisgidh mise dhuìt gliocas.

CAIB. XXXIV.

1 *Rinn Elihu casaid air Iob, a chionn gu'n dubhairt e gu'n robh e ionraic, agus gu'n d'thug Dia air falbh a bhreitheanas. 10 Cha chòmharrach aingidheachd maille ri Dia. 34 Chronaich Elihu Iob.*

A THUILLEADH air so fhreagair Elihu, agus thubhairt e,

2 Chuinnibh mo bhriathran, a dhaoine glíce, agus éisdibh rium, sibhse aig am bheil còlas:

3 Oir dearbhaidh a' chluas briathran, agus blaisidh an beul biadh.

4 Ròghnaicheamaid dhuinn féin breitheanas: bitheadh fios againn eadarunn féin ciod *an ni* a *tha* maith.

5 Oir thubhairt Iob, Tha mi ionraic; agus thug Dia air falbh mo bhreitheanas.

6 Ann am bhreitheanas tha mi air mo mhealladh: *tha* mo lot do-leighis, as eug-mhais eusaontais.

7 Co an duine 'tha cosmhuil ri Iob, a dh'òlas suas magadh mar uisge?

8 A dh'imicheas ann an cuideachd luchd-deanamh na h-euccirt, agus a shiubhlas le droch dhaoimibh.

9 Oir thubhairt e, Cha-n'eil tairbhe ann do dhuine tlachd a ghabhail ann an Dia.

10 Uime sin éisidibh rium, sibhs e a dhaoine tuigseach: Fada gu robh aingidheachd o Dhia, agus euceart o'n Uile-chumhachdach.

11 Oir gnòmh duine iocaidh e dha, agus bheir e air gach duine gu'm faigh e réir a shlighe.

12 Seadh, gu cinnteach cha dean Dia gu h-aingidh, agus cha chlaon an t-Uile-chumhachdach breitheanas.

13 Cò a chuir an talamh fo a chùram? agus cò a shuidhich an domhan uile?

14 Ma chuireas e a chridhe air, ma chruinnicheas e d'a ionnsuidh féin a spiorad agus 'anail:

15 Basaichidh gach uile fheoil le 'chéile, agus pillidh an duine a ris do'n duslach.

16 A nis ma tha tuigse agad, cluinn so; éisd ri guth mo bhriathar:

17 An riaghail esan féin aig am bheil fuath do cheartas? agus an dít thu esan a's ro-cheirte?

18 An abrar ri rìgh, *Tha thu aingidh?* ri daoineibh urramach, *Tha sibh ain-diadhaidh?*

19 *Ris-san* nach gabh ri gnùis uachdaran, agus nach meas an saoi bhir nì's mò na'm bochd? oir *is* iad uile oibre a làmh.

20 Gu h-obann gheibh iad bàs, agus mu mheadhon-oidheche cuirear an sluagh fo bhuaireas, agus siubhlaidh iad: agus bheir ear an cumhachdach air falbh gun làmh.

21 Oir *tha* a shùilean air slighibh duine, agus chì e a cheum gu léir.

22 Cha-n'èil dorchadas no sgàile bàis ann, far am folaich luchd-deanamh na h-aingidheachd iad féin.

23 Oir cha leig e tuilleadh 's a chòir air duine, chum gu'n rachadh e ann am breitheanas ri Dia.

24 Brisidh e sìos *daoine* cumhachdach gun àireamh, agus cuiridh e suas *daoine* eile 'n an àite.

25 Uime sin is aithne dha an gnòmharan, agus tilgidh e bun os ceann *iad* 's an oidheche, agus sgriosar iad.

26 Mar dhroch dhaoineibh buailidh e iad ann an sealladh soilleir dhaoine eile:

27 A chionn gu'n do thionndaidh iad air an ais naith, agus nach d'fhug iad fainear aon air bith d'a shligheibh;

28 Air chor as gu'n d'fhug iad air glaoth nam bochd teachd d'a ionnsuidh, agus gu'n cual' e glaoth nan truaghan.

29 An uair a bheir esan fòis, cò a ni buaireas? agus an uair a dh'fhòlaicheas e a ghnùis, cò a chì e? ma's ann a thaobh cinnich; no a thaobh duine a mhàin.

30 A chum nach righeich daime a bhios 'n a chealgair, air eagal g'm bitheadh an sluagh air an ribeadh.

31 Gu cinnteach ri Dia tha e iomchuidh r'a ràdh, Ghiùlain mi *smachdachadh*, cha chiontaich mi *nì's mò*.

32 An nì nach léir dhomh, teagaisg thusa

dhomh: ma rinn mi aingidheachd, cha dean mi *sin* nì's mò.

33 An ann a réir do thoile-sa *bu chòir an nì a bhi?* diolaidh se e, ma dhiùltas tusa, oir is tu féin a ròghnaicheas, agus cha mhise; uime sin an nì a's aithne dhut labhair.

34 Innsadh daòine tuigseach dhomh, agus éisdeadh duine glie rium.

35 Labhair Iob gun eòlas, agus *bha* a bhriathran as eugmhais gliocais.

36 *Is e* mo mhian Iob a bhi air a dhearbhadh chum na criche, air son a fhreagraidhean le daoineibh aingidh.

37 Oir tha e a' cur ceannaire r'a pheacadh, a' bualadh a bhas 'n ar measg, agus a' deanamh a bhriathran lionmhor an aghaidh Dhé.

CAIB. XXXV.

1 *Chronaich Elihu Iob a chionn gu'n dubhairt e gu'n robh 'fhàireantachd os ceann fàireantachd Dhé* 9 Glaothaidh mòran a tha air an sàruchadh ri Dia, a' cha-n fhaigh iad éisdeadh, do bhrìgh gu bheil iad as eugmhais creidimh.

F HREAGAIR Elihu a ris, agus thubhairt e,

2 An saoil thusa so a bhi ceart, *gu'n* dubhairt thu, *Tha m'fhàireantachd-sa os ceann fàireantachd Dhé*.

3 Oir thubhairt thu, Ciod au tairbhe 'bhitheas ann dhuitse? *Agus*, ciod a' bhuan-nachd a bhitheas ann dhomhsa, *ma shaorar mi* o m' pheacadh?

4 Freagairidh mise thu, agus do chompanaich maille riut.

5 Amhaire air na nèamhan, agus, feuch; agus faic na neoil *a's* àirde na thu.

6 Ma pheacaicheas tu, ciod a ni thu 'n a aghaidh-san? agus *ma* dh'fhàsas d'eusaontais lionmhor, ciod a ni thu air-san?

7 Ma bhitheas tu ionraic, ciod a bheir thu dha-san? no ciod a gheibh e o d' laimh?

8 Feudaidh d'aingidheachd *cron a dheanamh* do dhuine mar tha thusa, agus d'fhàireantachd a *bhi tarbhach* do mhac an duine.

9 Glaothaidh iadsan a tha air an sàruchadh le mòran, éighidh iad air son gairdein na mòir chuideachd.

10 Ach cha-n abair aon neach, C'ait am bheil Dia mo Chruith-fhear, a tha 'tabhairt dhàn seachad 's an oidheche?

11 A tha 'g ar teagasg nì's mò na ainmhidhean na talmhainn, agus 'g ar deanamh nì's glie na eunlaith nan spur.

12 An sin éighidh iad, (ach cha fhreagair *neach air bith iad*), air son uabhair dhroch dhaoine.

13 Gu cinnteach cha-n éisd Dia ri dìomh-anas, agus cha bhi meas aig an Uile-chumhachdach air.

14 Ged their thu nach faic thu e, tha breitheanas 'n a làthair; uime sin earb thusa as.

15 Ach a nis a chionn nach 'èil e mar *sin*, dh'fhiosraich e 'n a chorruich, gidheadh ni h-aithne dha *sin* ann an deuchainn mhòir.

16 Uime sin fosgailidh Iob a bheul gu dìomhain: ni e briathran lìomhor gun eòlas.

CAIB. XXXVI.

1 *Nochd Elihu gu bheil Dia ceart 'n a uile shligheibh.* 8 *Crioch smachdachaidh Dhé.* 24 *Tha oibre an Tighearn' iongantach agus do-thuigsinn.*

AGUS chaidh Elihu air aghaidh, agus thubhairt e,

2 Leig dhomh beagan, agus nochdaidh mi dhuit gu bheil fathast ni *agam* ri labhairt air son Dhé.

3 Tairngidh mi m'eòlas o chéin, agus do m' Chruith-fhear bheir mi ceartas.

4 Oir gu cinnteach cha *bhi* mo bhriathran breugach: *tha* esan a tha iomlan ann an eòlas maille rint.

5 Feuch, *tha* Dia cumhachdach, agus cha dean e fàir; cumhachdach ann an neart le gliocas.

6 Cha ghléidh e beò an t-aingidh; ach bheir e ceartas do na bochdaibh.

7 Cha tarruing e a shùilean o'n ionracan; ach *tha iad* le righribh air an rìgh-chaithir, agus daingnichidh e iad gu bràth, agus àrd-aichear iad.

8 Agus ma *bhios* iad ceangailte ann an geimhlibh, ma ghlacair iad ann an cordaibh àmhghair,

9 An sin nochdaidh e dhoibh an obair agus an eusaontais, gu'n robh iad anabarrach.

10 Agus fosgailidh e an cluas chum fòghluim, agus àithnidh e dhoibh pilltinn o euceart.

11 Ma dh'éisdeas iad *ris* agus ma ni iad seirbhis *da*, caithidh iad an làithean ann an saoihbhras, agus am bliadhnan ann an subhachas.

12 Ach mur éisd iad, cuirear as doibh leis a' chlaidheamh, agus gheibh iad bàs gun còlas.

13 Ach carnaidh na cealgairean' s a' chridhe suas fearg; cha-n éigh iad an uair a cheanglas e iad.

14 Gheibh iad bàs 'n an òige, agus *tha* am beatha an measg nan neòghlan.

15 Saoraidh e am bochd 'n a àmhghar; agus fosgailidh e an cluasan 'n an sàrachadh.

16 Eadhon mar sin dh'atharraicheadh e thusa à meadhon teanntachd gu àite farsuinn, far nach 'eil teanntachd air bith; agus *bhiodh* na chuirteadh air do bhord làn de shàill.

17 Ach choimhlion thu breitheanas an aingidh; gabhaidh breitheanas agus ceartas greim *dhiot*.

18 *Chionn gu bheil* fearg riut, tabhair an aire nach toir e air falbh thu le a bhuille: an sin cha saor éiric mhòr thu.

19 Am meas e do shaoibhreas? cha *mheas*, no òr, no uile neart cumhachd.

20 Na miannaich an oidhche 'n uair a ghearrar as sluagh 'n an àite.

21 Tabhair an aire nach claon thu gu euceart; oir so ròghnaich thu thar àmhghar.

22 Feuch, àrdaichidh Dia le a chumhachd; cò a theagaisgeas cosmhuil ris-san?

23 Cò a dh'fhiosraich a shlighe? agus cò a dh'fheudas a ràdh, Rinn thu euceart?

24 Cuimhnich gu'n àrdaich thu 'obair-san, a chi daoine.

25 Chi na h-uile dhaoine i: chi duine i o chéin.

26 Feuch, *tha* Dia mòr, agus cha-n aithne dhuinne e; agus cha rannsaichear a mach àireamh a bhliadhnachan.

27 Oir ni e meanbh na braoin uisge: taomaidh iad a nuas uisge a réir a chò; 28 A shìleas na neoil; frasaidd iad air an duine gu pailt.

29 A bhàrr air so an urrainn *neach air bith* sgaoileadh nan neul a thuigsinn, no fuaim a phàilliuin?

30 Feuch, sgaoilidh e a sholus air, agus còmhdaichidh e ìochdar na fairge.

31 Oir leo sin bheir e breth air an t-sluagh; bheir e biadh seachad ann am pailteas.

32 Le a làmhnan còmhdaichidh e an solus, agus àithnidh e dha teachd a ris.

33 Nochdaidh an fhuaim aige a thaobh sin, an spréidh mar an ceudna a thaobh na théid suas.

CAIB. XXXVII.

1 *Tha Dia uamhasach 'n a oibribh; 15 agus 'n a ghliocas do-rannsachaidh.* 23 *Is còir do dhaoineibh eagal a bhì orra roimhe.*

MAR an ceudna uime so chriothnaich mo chridhe, agus charaicheadh as 'ait e.

2 Eisdibh gu furachar ri fuaim a ghutha, agus an torman a théid a mach as a bheul.

3 Fo na nèamhan uile stùiraidh se e, agus a dhealanach gu crìochaibh na tal-mhainn.

4 'N a dhéigh sin beucaidh guth: ni e tairneanach le guth a mhòralachd; agus cha chum e air an ais iad an uair a chluinnear a ghuth.

5 Ni Dia tairneanach le a ghuth gu h-iongantach; ni e nithean mòra do-thuigsinn.

6 Oir ris an t-sneachda their e, Bi-sa air an talamb; mar an ceudna ris an uisge mheanbh, agus ri uisge mòr a neirt.

7 Air làimh gach duine cuiridh e seula, chum gu'n aithnich na h-uile dhaoine 'obair-san.

8 Agus théid na fiadh-bheathaichean a steach d'an garaidh, agus 'n an àitibh-tàimh luidhidh iad.

9 As an àirde deas thig an ioma-ghaoth, agus fuachd as an àirde tuath.

10 Le h-anail Dhé bheircar rcohdadh; cumhannaichear leud nan uisgeachan.

11 Mar an ceudna le uisgeachadh sgith-

iehidh e an neul tiugh: sgaoilidh e a neul soillseach.

12 Agus tionndaidhear mu'n cuairt e le a chomhairle; chum gu'n dean iad ge b'e ni a dh'aitheas e dhoibh air aghaidh a' chruinne-ché.

13 Bheir e air teachd, ma's ann a chum smachdachaidh, no air son 'fhearainn, no air son trèacar.

14 Eisd ri so, a Iob; seas, agns tabhair fainear oibre iongantach Dhé.

15 Am bheil fios agad c'uin a dh'orduich Dia iad, agus a thug e air solus a neoil dealrachadh?

16 Am bheil fios agad air cothromachadh nan neul, air oibrìbh iongantach an tì a tha iomlan ann an eòlas?

17 Cionnus a tha d'eudach blàth, 'n uair a chitùnichear an talamh leis a' ghaoith á deas?

18 An do sgaoil thu mach maille ris-san na speuran, a tha làidir, mar sgàthan leaghta?

19 Nochd dhainn cìod a their sinn ris: cha-n urrainn sinn *ar cainnt* a chur ann an ordugh a thaobh dorchadais.

20 An innsear dha 'n uair a labhras mi? Ma labhras duine, gu cinnteach sluigear suas e.

21 Agus a nis cha-n-fhaic *daoine* an solus dealrach a tha anns na neulaibh: ach siubhlaidh a' ghaoith agus glanaidh i iad.

22 As an àirde tuath thig deadh aimsir: aig Dia tha mòrachd uamhasach.

23 An t-Uile-chumhachdach, cha-n urrainn sinn 'fhaghail a mach: *tha e* òirdheirc ann an cumhachd, agns ann am breitheanas, agus ann an làn cheartas: cha sàruich e.

24 Uime sin bithidh eagal air daoinibh roimhe: cha bhi meas aige air *duine* sam bith a *bhitheas* glic ann an eridhe.

CAIB. XXXVIII.

1 *Ghairm Dia air Iob as a' chùairt-ghaoith, agus dh'ìarr e reusonachadh ris: 4 Le bhi 'g àireamh nìlean iongantach a chumhachd nochd Dia dha gu bheil an duine a dh'ìth eòlais agus neir.*

A N sin fhreagair an Tighearn Iob as a' chùairt-ghaoith, agus thubhairt e,
2 Cò e so a tha 'dorchachadh comhairle le briathraibh gun eòlas?

3 Crìoslaich a nis mar fhear do leasraidh, agus feòraichidh mi dhìot, agus freagair thusa mi.

4 C'ait an robh thu an uair a leag mise bunaitean na talmhainn? innis, ma tha tuiqe agad.

5 Cò a shuidhich a thoimhsean, ma's aithne dhuit? no cò a shìn an snàithne-tomhais air?

6 Cìod air am bheil a bhunaithean air an ìaingneachadh? no cò a leag a chlach-oisinn;

7 'N uair a sheinn reultan na maidne cuid-

eachd, agus a rinn uile mhic l'ohé gaird-eachas?

8 No cò a dhruid a stigh an fhainge le dorsaibh, 'n uair a bhris i mach *mar* gu'n tigeadh i as a' bhroinn?

9 An uair a rinn mi neul 'n a thrusgan dhi, agus tiugh dhorchadas 'n a chrìos-pasgaidh dhi?

10 Agus a bhris mi suas dhi m'àite suidhliche, agus a rinn mi *dli* crannan agus dorsan;

11 Agus a thubhairt mi, Gn ruig so thig thu, ach cha tig nì's faide, agus 'an so coisgear do thonnann uaibhreach?

12 O *thoiseach* do làithean an d'thug thu àithne do'n mhaduinn? an d'thug thu fios a h-àite do'n scarthanaich?

13 A chum greim a ghabhail de chrìoch-aibh na talmhainn, agus gu'n crathadh na h-aingidh as.

14 Tionndaidhear e mar chriadh *ris* an t-seula; agus seasaidh iadsan mar eudach.

15 Agus cumar an solns o na h-aingidh, agns brisear an gairdean àrd.

16 An deachaidh tu steach gu tobraichibh na fairege? no ann an rannsachadh an dubh-aigein an d'mìch thu?

17 An d'fhosgladh geatachan a' bhàis duit? no 'm faca tu dorsan sgàile a' bhàis?

18 An d'thug thu fainear leud na talmhainn? innis, ma's aithne dhuit e uile.

19 C'ait *am bheil* an t-slighe *anns* an còmhuich an solus? agus an dorchadas, c'ait *am bheil* 'ionad-san?

20 Gu'n gabhadh tu e g'a chrìch, agus gu'm b'aithe dhuit na ceuman a dh'ionn-suidh a thighe?

21 An aithne dhuit *e*, a chionn gu'n d'rngadh tu an sin, no *gu bheil* àireamh do bhliadhmachan mòr?

22 An deachaidh tu steach gu ionmhas-aibh an t-sneachda? no'm faca tu ionmhasan na cloiche-meallain?

23 A thaig mise fa chomhair aimsir na teanntachd, fa chomhair là a' chatha agus a' chogaidh.

24 Cia an rathad a dhealaichear an solus, a sgaoileas a' ghaoith an ear air an talamh?

25 Cò a roinn sruth-chlais air son na tuile, agus slighe air son dealanaich na tairneanaich;

26 A thoirt air frasadh air an talamh *far* nach 'eil duine; *air* an fhàsach gun duine ann;

27 A shàsachadh an fhàsaich agus an dìthreach, agus a thoirt air cinneas an luis mhaoith fàs snas?

28 Am bheil athair aig an uisge? no cò a ghin braoin an drùchda?

29 A broinn cò an d'fhàinig an eigh? agus liath-reodhadh nan speur, cò a ghin e?

30 Mar chloich tha na h-uisgeachan air an cruadhachadh, agus aghaidh na doimhne air reodhadh.

31 Am feud thusa cumlachdan milse Phleiaides a cheangal, no ceanglaichean Orioìn fhuasgladh?

32 An toir thu mach Madsarot 'n a àm? no an stiùir thu Arcturus maille r'a mhacaibh?

33 An aithne dhuit reachdan nan nèamh? an suidhich thu an uachdaranachd air an talamh?

34 An tog thu suas a dh'ionnsuidh nan neul do ghuth, air chor as gu'n còmhdaich pailteas uisgeachan thu?

35 An cuir thu uait dealanaich, agus an téid iad, agus an abair iad riut, *Tha sinn an so?*

36 Cò a chuir gliocas 's an taobh a stigh? no cò a thug tuigse do'n chridhe?

37 Cò a dh'èirmheas na neoil ann an gliocas? no cò a choisgeas searragan nan nèamh;

38 'N uair a dh'fhàsas an duslach 'n a mheall cruaidh, agus a dhlùth-leanas na fòidean ri 'chéile?

39 An sealg thusa cobhartach do'n leòmhann bhoirionn, agus an sàsaich thu ciocras nan leòmhann òga;

40 'N uair a chrùbas iad 'n an garaidh, a dh'fhanas iad ann an sgàile chum feall-fheitheamh?

41 Cò a sholaras do'n fhitheach a lòn? an uair a dh'éigheas an t-àl òg aige ri Dia, théid iad air iomroll a chion bìdh.

CAIB. XXXIX.

1 *Nochd Dia a chumhachd féin, agus amhruinn-eachd agus aineolas an duine, le e bhì 'còmh-eal agus a' riaghladh fhiadh-bheathaichean na macharach air dòigh neo-aithnichte do chreutair cruthaichte.*

AN aithne dhuitse an t-àm anns am beir gabhair fhiadhaich na carraig'? an toir thu faineart c'uin a bheireas na h-éildean laogha?

2 An urrainn thu na mìosan àireamh a choimhlionas iad, agus an aithne dhuit an t-àm anns am beir iad?

3 Cromaidh siad iad féin, beiridh iad an àl, tilgidh iad dhiubh an do-bhròn.

4 Tha an àl ann an culaidh mhaith, tha iad a' fàs suas ann na cluainibh; théid iad a mach, agus cha phill iad d'an ionnsuidh.

5 Cò a chuir a mach an t-asal fadhaich saor, agus cò a dh'fhuasgail ceanglaichean an asail fhiadhaich?

6 D'an d'rinn mi a thigh de'n fhàsach, agus àite-còmhnuidh de'n fhearann neo-thorach.

7 Ni e tarcuis air mòr shluagh a' bhaile; ri éigheach an fhir-ghreasaidh cha-n éisd e.

8 Rannsaichidh e na sléibhteann chum ion-aitraidh, agus siridh e 'n déigh gach nì uaine.

9 Am bi an t-aon-adharcach toileach air seirbhis a dheanamh dhuit? am fan e aig do phrasaich?

10 An ceangail thu an t-aon-adharcach le

'chuing anns a' chàlais? no'n cliath e na gleanntan a'd' dhéigh?

11 An earb thu as, a chionn gur mòr a neart? no 'm fàg thu d'obair dha?

12 An creid thu e gu'n aigis e do shìol, agus gu'n cruinnich se e do d' urlar-bualaidh?

13 An tusa 'thug sgiathan breagha do na peucagaibh? no sgiathan agus iteach do'n struth;

14 A dh'fhàgas a h-uibhean 's an talamh, agus a bhlàthaicheas iad 's an duslach,

15 Agus a dhì-chuimhniceas gu'm feud cos am bruthadh, no fiadh-bheathach na macharach am briseadh?

16 Cruadhaichear i an aghaidh a h-alaich, mar nach bu leatha iad: dìomhain *tha* a saothair gun eagal;

17 A chionn gu'n do dhiùlt Dia dhi gliocas, agus nach do roinn e tuigse rithe.

18 Ge b'e uair a thogas si i féin an àird, ni i tàir air an each, agus air a mharcach.

19 An d'thug thusa neart do'n each? an d'eudaich thu a mhuineal le tàirneanaich?

20 An dean thu gealtach e mar an leum-nach-uaine? is uamhasach glòir a chuinn-einean.

21 Bùraichidh e le 'chois anns a' ghleann, agus ni e gairdeachas 'n a neart: théid e air aghaidh 'an coinneamh an airm.

22 Ni e magadh air eagal, agus cha bhi uamhann air, agus cha phill e air ais o fhaobhar a' chlaidheimh.

23 Ni'm balg-saighid torman 'n a aghaidh, an t-sleagh loimneach agus an gath.

24 Le gairge agus feirg cladhaichidh e 'n talamh; agus cha chreid e gur i fuaim na trompaid' a *tha ann*.

25 Ann am meadhon *fuaim'* na trompaid' their e, Ha, ha! agus fad as gabhaidh e fàileadh a' chathla, tàirneanaich nan ceannard, agus na h-iolaich.

26 An ann le d' ghliocas-sa a dh'iteal-aicheas an t-scabliag, a shìneas i a sgiathan a làimh na h-àirde deas?

27 An ann air d'àithne-sa a dh'éireas an iolaire suas, agus a ni i a nead gu h-àrd?

28 Gabhaidh i còmhnuidh anns a' charraig, agus fanaidh i air scòr na carraig', agus *anns* an daingneach.

29 As sin iarraidh i cobhartach; chi a sùilean fad as.

30 Agus deothailidh a h-àlach suas fuil; agus far *am bi* na mairbh, an sin *bithidh* ise.

CAIB. XL.

1 *Dh'ìriostaich Iob e féin an lathair Dhé. 6 Labhair an Tighearn ris as a' chvairt-ghaoith. 15 Dh'fhoillsich Dia a chumhachd ann an cruthachadh Bhehemòit.*

ATHUILLEADH air so fhreagair an Tighearn Iob, agus thubhairt e,

2 An teagaisg esan a ni suri ris an Uile-

chumhachdach? esan a thagras ri Dia, freagrach e air a shon.

3 Agus fhreagair Iob an Tighearn, agus thubhairt e,

4 Feuch, tha mi gràineil; ciod a fhreagras mi dhuit? cuiridh mi mo làmh air mo bheul.

5 Aon uair labhair mi, ach cha fhreagair mi; seadh, dà uair, ach cha'n abair mi tuilleadh.

6 An sin fhreagair an Tighearn Iob as a' chuairt-ghaoith, agus thubhairt e,

7 Crioslaich a nis mardhuine do leasraidh; fèdraidh mi dhìot, agus freagair thusa mi.

8 An toir thusa mo bhrèitheanas-sa gu neoni? an d'it thu mise, chum gu saorar thu féin?

9 Am *bheil* gairdean agad cosmhuil ri Dia? no'n dean thu tàirneanach le guth cosmhuil ris-san?

10 Sgeadaich thu féin a nis le mòrachd agus le h-òrdheireas, agus eudaich thu féin le glòir agus maise.

11 Taom a mach fraoch d'fheirge, agus faic gach neach a tha uaibhreach, agus irioslaich e.

12 Faic gach neach a tha uaibhreach, islich e, agus saltair sìos na droch dhaoine 'n an àite.

13 Folaich iad 's an duslach le 'chéile, ceangail an aghaidhean ann an dìomhair-eachd.

14 An sin mar an ceudna aidichidh mise dhuit, gu'n saor do dheas làmh féin thu.

15 Feuch a nis, Behemot, a rinn mise maille riut; ithidh e fear mar dhamh.

16 Feuch a nis, *tha* a neart 'n a leasraidh, agus a spionnadh ann an iomlaig a bhronn.

17 Gluaisidh e 'earball mar sheudar: tha fèithean-luthaidh a shleisdean ceangailte r'a chéile.

18 *Tha* a chnàmhan làidir mar umha; *tha* a chnàmhan mar chrannaibh iarunn.

19 *Is* e tùs shlighean Dhé e: an tì a chruthaich e, fèdaidh esan a chlaidheamh a thoirt am fagus *da*.

20 Gu cinnteach bheir na sléibhteann dha fear, far am bi uile bheathaichean na macharach ri sigradh.

21 Fo na crannaibh dubharach luidhidh e, ann am folach na cuilce agus na làthaich.

22 Còmhdaichidh na croinn dhubharach e le'n sgàile: cuairtichidh seileach an t-sruthain e.

23 Feuch, thig amhainn gu cruaidh air, agus cha dean e deifir: bitidh dòchas aige 'n uair a thig Iordan a mach g'a bheul.

24 'N a shùilbhan an glac *duine* e? le dubh-anaibh an toll e a shròn?

CAIB. XLI.

Cumhachd Dhé mar tha e air a nochdadh anns an Lebhiatan.

AN tarruing thu mach Lebhiatan le dubhan, no a theanga le cord a leigeas tu sìos?

2 An cuir thu cromag 'n a shròin, agus le deilg an toll thu a ghial?

3 An dean e mòran asluachaidh ort? an labhair e *briathran* mine riut?

4 An dean e coimhcheangal riut? an gabh thu e mar sheirbhiseach gu bràth?

5 An dean thu cluicheadh ris mar *ri* h-eun? no'n ceangail thu e do d' ghruagaichibh?

6 An dean na companaich cuirm dheth? an roinn iad e am measg nan ceannaichean?

7 An lion thu le gathaibh a chroicinn, no le mòr-ghathaibh éisg a cheann?

8 Cuir do làmh air, cuimhnich an cath, na dean tuilleadh.

9 Feuch, is dìomhain a dhòchas-san: cadhon aig a shealladh nach tilgear *duine* sìos?

10 Nach borb e'n uair a dhùisgeas *neach* e? agus cò esan a sheasas 'n a làthair?

11 Cò a ghabh romham, agus gu'n diolaim? *gach* *ni* a *tha* fo na nèamhan uile *is* leamsa e.

12 Cha cheil mi a' bhuill, no a neart, no a dhealbh sgiamhach.

13 Cò a dh'fhoillsichas aghaidh 'eudaich? cò a thig d'a ionnsuidh le a shrian dhùbailte?

14 Cò a dh'fhosgailas dorsan 'aghaidh? *tha* 'thiadan uamhasach mu'n cuairt.

15 *Is iad* a lannan 'uaill, dùinte suas le 'chéile mar le seula daingean;

16 Aon air a cur ri h-aon eile, air chor as nach tig ded eatorra.

17 Tha iad air an tàthadh ri 'chéile, tha iad a' dlùth-leantuin ri 'chéile, agus cha ghabh iad dealachadh.

18 Le a shìtrich soillsichidh solus; agus *tha* a shùilean cosmhuil ri rosgaibh na maidne.

19 As a bheul théid leusan; leumaidh sradan teine a mach.

20 A cuimneibh a shròine thig deatach a mach, mar a' poit air ghoil, no coire.

21 Lasaidh 'anail gual, agus théid lasair a mach as a bheul.

22 'N a mhuineal còmhnuichidh neart, agus roimhe ruithidh bròn.

23 *Tha* fillimean 'fheòla a' leantuin ri 'chéile: *tha* iad daingean anna féin; cha ghabh iad gluasad.

24 *Tha* a chridhe cruaidh mar chloich, cruaidh cadhon mar chloich-mhuilinn iochd-raich.

25 An uair a thogas se c' féin suas, bithidh na cumhachdaich fo gheilt: air cagal brisidh glanaidh siad iad féin.

26 Cha seas claidheamh an tì a' bheanas ris; an t-sleagh, an gath, no'n lùircach.

27 Measaidh e mar chonnlaich an t-iarunn, mar fhiodh grod an t-umha.

28 Cha toir an t-saighead air teicheadh; 'n an connlaich tionndaidhear leis clachan a' chroinn-tabbhuil.

29 Mar chonnlaich measar gathan; agus ni e gàire ri crathadh sleagha.

30 Foidhe *tha* clachan geura: sgaoladh e *nithean* geura air an làthaich.

31 Bheir e air an doimhne 'bhi air ghoil mar choire: an fhainge ni e mar phoit olaidh-uugaidh.

32 'N a dhéigh bheir e air a shlighe soill-seachadh: saoilidh *neach* an t-aigean a bhi liath.

33 Air thalamh cha-*neil* a shamhuil, a rinneadh as cugmhais cagail.

34 Chi e gach *ni* àrd: *tha* e 'n a rìgh os ceanu uile chloinne an uabhair.

CAIB. XLII.

1 *Dh'àmhlaich Iob e féin fo làimh Dhé. 7 Chronaich Dia a thrìùir chairdean a chionn nach do labhair iad an nì a bha ceart d'a thaobh. 9 Ghabh an Tighearn ri Iob, agus thug e dha a dhà uirlead 's a bha aige roimhe. 13 Clann Iob: 16 'Aois agus a bhàs.*

A N sin fhreagair Iob an Tighearn, agus thubhairt e,

2 Tha fios agam gur urrainn thusa gach *nì* a dhcanamh, agus nach ceilear smuain air bith ort.

3 Cò esan a cheileas comhairle gun eòlas? uime sin chuir mi 'n céill *nithean* nach do thuig mi; *nithean* tuilleadh 's iongantach air mo shon-sa, nach b'aithne dhomh.

4 Eisd, guidheam ort, agus labhraidh mi: feòraichidh mi dhìot, agus foillsich thusa dhomh.

5 Le éisdeachd na cluaise chuala mi thu; ach a nis chuunaic mo shùil thu.

6 Uime sin gabhaidh mi gràin dìom féin, agus ni mi aithreachas ann an duslach agus ann an luathre.

7 Ach an déigh do'n Tighearn na briathran sin a labhairt ri Iob, thubhairt an Tighearn ri Eliphas an Temanach, Tha m'fhcarg air a lasadh a'd' aghaidh-sa, agus an aghaidh do dhithis chairdean, a chionn nach do labhair sibh a'm' thaobh-sa an *nì* a bha ceart, mar a labhair m'òglach Iob.

8 Agus uime siu gabhaidh dhuibh féin seachd tairbh òga agus seachd reitheachan, agus rachaibh a dh'ìouusuidh m'òglach Iob,

agus iobraibh iobairt-loisgte air bhuir son féin; agus ni m'òglach Iob urnuigh air bhuir son, oir ris-san gabhaidh mi: chum nach buin mi ribh a *réir bhuir* u-amaideachd, a chionn nach do labhair sibh a'm' thaobh-sa an *nì* a bha ceart, mar a labhair m'òglach Iob.

9 Agus chaidh Eliphas an Temanach, agus Bildad an Suhach, agus Sophar an Naanatach, agus rinn iad mar a dh'àithn an Tighearn dhoibh: agus ghabh an Tighearn ri Iob.

10 Agus thionndaidh an Tighearn braighdeanas Iob, an uair a rinn e urnuigh air son a chairdean: agus thug an Tighearn do Iob a dhà uirlead 's a bha aige roimhe.

11 Agus thàinig a bhràithrean uile d'a ionnsuidh, agus a pheathraichean uile, agus iadsan uile d'am b'aithne e roimhe, agus dh'ith iad aran maille ris 'n a thigh; agus bha truas aca dheth, agus thug iad comh-fhurtachd dha thaobh an uile uile a thug an Tighearn air: agus thug iad dha gach aon diubh bonn airgid, agus gach aon diubh cluas-fhàinne òir.

12 Agus bheannaich an Tighearn crìoch Iob uì's mò na a thoiseach; agus bha aige ceithir mìle deug caora, agus sè mìle càmhail, agus mìle cuing dhamh, agus mìle asal bhoirionn.

13 Agus bha aige seachd mic, agus trìùir nighean.

14 Agus thug e Iemima mar ainm air a' cheud *té*, agus Cesiah mar ainm air an dara, agus Ceren-hapuch uar ainm air an treas *té*.

15 Agus cha d'fhuaradh nmathan cho sgiamhach ri nigheanaibh Iob anns an tìr uile; agus thug an athair dhoibh oighreachd an measg an bràithrean.

16 Agus bha Iob beò 'n a dhéigh so ceud agus dà fhichead bliadhna; agus chuunaic e a mhic, agus mic a mhac, ceithir ginealach.

17 Agus fhuair Iob bàs 'n a sheann duine agus làn de làithibh.

LEABHAR NAN SALM.

SALM I.

1 *Sonas an fhàirein. 4 Sgriosar na h-aingidh ann am breitheanas.*

IS beannaichte an duine sin nach gluais ann an comhairle nan aingidh, agus nach seas ann an slighe nam peacach, agus uach suidh ann an caithir luchd-fanoid:

2 Ach aig *am bheil* tlachd ann an lagh an Tighearn', agus a smuainichas air a laghsan a là agus a dh'oidheche.

3 Bithidh e mar chraoibh suidhichte

làimh ri sruthaibh uisge, a bheir a mach a toradh 'n a h-ainsir, agus nach caill a duilleach: agus soirbhichidh leis gach nì a ni e.

4 Cha-n ann mar sin a bhitheas na h-aingidh; ach mar mhol a sgapas a' ghaoth.

5 Air an aobhar sin cha seas na h-aingidh ann am breitheanas, no peacaich ann an coimhlthional nam firean.

6 Oir is aithne do'n Tighearn slighe nam firean; ach sgriosar slighe nan aingidh.

SALM II.

1 *Cumhachd agus oighreachd Chrìosd: 10 Thugadh earail do bhreitheamhnaibh na talmhainn iad a dheanamh seirbhis dha.*

C'AR SON a ghabh na cinnich boile, agus a smuainich na slòigh ni dìomhain?

2 *Car son a dh'èirich rìghrean na talmhainn, agus a ghabh na h-uachdarain comhairle le 'chéile, an aghaidh an Tighearn', agus an aghaidh 'Aoin ungta-san, ag ràdh,*

3 Briseamaid o 'chéile an cuibhreach, agus tilgeamaid dhinn an cuing?

4 An tì a tha 'n a shuidhe air nèamh, nì e gàire; nì an Tighearn fanoid orra.

5 An sin labhraidh e riu 'n a fheirg; agus 'n a chorruih cuiridh e uamhann orra.

6 Gidheadh dh'ung mise mo Rìgh air Sion, mo shliabh naomh-sa.

7 Cuiridh mi 'an cèill ordugh an Tighearna: thubhairt e rium, *Is tu mo mhac-sa; an diugh ghin mi thu.*

8 Iarr orm, agus bheir mi dhuit na cinnich mar oighreachd, agus crìochan na talmhainn mar sheibh.

9 Brisidh tu iad le slait iarunn; mar shoitheach criadhadair, pronnaidh tu iad 'n am bloighdibh.

10 A nis ma ta, a rìghrean, bithibh glie; gabhaibh fòghlum, a bhreitheamhna na talmhainn.

11 Deanaibh seirbhis do'n Tighearn le h-eagal, agus deanaibh gairdeachas le ball-chrith.

12 Pògaibh am Mac, air eagal gu'm bi fearg air, agus gu'n sgriosar sibh 's an t-slighe, 'n uair a lasas ach gu beag a chorruih. *Is beannaichte iadsan uile a dh'earbas as.*

SALM III.

1 *Tha Dia 'n a sgéith agus 'n a dhìdean dhoibh-san a dh'earbas as.*

Salm le Daibhidh, 'n uair a theich e roimh Absalom a mhac.

A THIGHEARNA, nach lionmhor a dh'fhàs mo naimhdean? *is iomadh iad a tha 'g èirigh a'm' aghaidh.*

2 *Is iomadh iad a their ri m'anam, nach 'eil furtachd aige ann an Dia. Selah.*

3 Ach *tha* thusa, a Thighearn', a'd' sgéith dhomhsa; mo ghloir, agus fear-togalach mo chinn.

4 Le m' ghuth dh'èigh mi ris an Tighearn, agus dh'èisd e rium as a shliabh naomh. Selah.

5 Luidh mi sìos, agus choidil mi: dhùisg mi, oir chum an Tighearn suas ni.

6 Cha-n eagal leam deich mìle sluaigh, a chuir iad féin a'm' aghaidh air gach taobh.

7 Eirich, a Thighearna; saor mi, O mo Dhia: oir bhuail thu mo naimhdean uile air an gial; bhris thu faclan nan aingidh.

8 *Is leis an Tighearn an fhurtachd: air do shluagh tha do bheannachd. Selah.*

SALM IV.

1 *Thug Daibhidh achmhasan d'a naimhdibh, agus chomhairliche e iad. 6 Nochd e gu bheil sonas an duine, cha-n ann 'am mòr pheiltas nìhean talmhaidh, ach ann an deadh-ghean an Tighearna.*

Do'n àrd fhear-ciuil air Neginot. Salm le Daibhidh.

NUAIR a dh'èigheas mi, èisd rium, a Dhé m'ionracais; 'n uair a bha mi ann an teinn, dh'fhuasgail thu orm; dean tròcair orm, agus èisd ri m'urnuigh.

2 A chlann nan daoine, cia fhad a thionndaidheas sibh mo ghloir chum nàire? a ghràdhaicheas sibh dìomhanas, a shireas sibh an déigh bhreug? Selah.

3 Ach bitheadh fios agaibh gu'n do ròghnadh an Tighearn an duine naomh dha féin: èisidh an Tighearn an uair a dh'èigheas mi ris.

4 Bitheadh eagal oirbh, agus na peacaichibh: labhraibh r'ur cridhe air bhur leabaidh, agus bithibh tosdach. Selah.

5 Iobraibh iobairtean ionracais, agus earbaibh as an Tighearn.

6 *Tha* mòran ag ràdh, Cò a nochdas dhuinn *ni* maith? Tog oirnne solus do ghnùise, a Thighearna.

7 Chuir thu aoibhneas ann am chridhe, nì's mò na 'n uair is pailte an arbhar agus am fion-san.

8 Ann an sìth araois luidhidh mi, agus coidlidh mi; oir is tusa mhàin, a Thighearn', a bheir orm còmhnuidh 'ghabhail gu tèaruinte.

SALM V.

1 *Dh'iarr Daibhidh gu'n tugadh Dia èisd-eachd d'a urnuigh. 4 Is fuathach leis an Tighearn luchd-deanamh an uile. 8 Ghuidh Daibhidh gu'n trèoraicheadh Dia e 'n a fhìreantachd.*

Do'n àrd fhear-ciuil air Nechilot. Salm le Daibhidh.

RIM' bhriathraibh èisd, a Thighearna; beachdaich air mo smuaintibh.

2 Thoir an aire do ghuth mo ghlaoidh, mo Rìgh, agus mo Dhia; oir riutsa nì mi urnuigh.

3 A Thighearn', air maduinn cluinidh tu mo ghuth; air maduinn deasaichidh mi mi féin a'd' làthair, agus amhaireidh mi suas.

4 Oir cha Dia thusa aig am bheil tlachd ann an aingidheachd, agus cha chòmhnuich an t-aingidh maille riut.

5 Cha seas na h-amadain a'd' làthair: is fuath leat luchd-deanamh an uile.

6 Sgrìosaidd tu luchd-labhairt bhreug: is gràin leis an Tighearn an duine fuilcachdach agus cealgach.

7 Ach air mo shon-sa, ann an lionmhoir-eachd do thròcair, thig mi steach do d'

thigh; sleuchdaidh mi aig do theampull naomh, ann ad eagal.

8 A Thighearna, trèdraidh mi ann ad fhèicantachd: air sgàth mo naimhdean, dean do shlighe dìreach romham:

9 Oir cha-n'èil ceart 'n am beul; is tur aingidheachd e an taobh a stigh dhiubh; is uaigh fhosgailte an sgornan; ni iad miodal le 'n teangaidh.

10 Sgrìos iad, a Dhé; tuitcadh iad le'n comhairle féin: air son lìonmhoireachd an euccartan tilg a mach iad; oir rinn iad ceannaire a'd' aghaidh.

11 Ach deanadh iadsan uile aoibhneas a chuireas an dòigh annad: gu bràth deanadh iad iolach, a chionn gu'n dìon thu iad: agus deanadh iadsan luathghaire annad, leis an ionmhuinn d'ainm.

12 Oir beannaichidh tusa am firean, a Thighearna: le deadh-ghean cuairtichidh tu e, mar le sgéith.

SALM VI.

1 'N a theanntachd rinn Daibhidh gearan ri Dia. 8 Chuir e a dhòchas, agus rinn e geardeachas, ann an trècair an Tighearna.

Do'n àrd fhear-ciùil air Neginet air Seminit. Salm le Daibhidh.

A THIGHEARNA, ann ad chorruih na cronuich mi, agus ann ad fheing na smachdaich mi.

2 Gabh truas dìom, a Thighearn', oir tha mi lag: slànuich mi, a Thighearn', oir tha mo chnàmhan air an cràdh;

3 Agus tha m'anam air a chràdh gu mòr: ach thusa, a Thighearna, cia fhad?

4 Pill, a Thighearna, fuasgail m'anam: saor mi, air sgàth do thrècair.

5 Oir anns a' bhàs cha-n'èil cuimhne ort: anns an uaigh cò a bheir dhuit cliù?

6 Tha mi sgèth le m'osnach; ré na h-oidhche tha mi 'cur me leabaidh air snàmh; le m' dheuraibh uisgicheam m'uirigh.

7 Caithear le dubhachas mo shùil; fàsaidh i scan, air son m'eascairdean gu léir.

8 Imichibh uam, sibhse uile a luchd-dean-amh na h-euceirt, oir chual' an Tighearn guth mo chaidh.

9 Chual' an Tighearn m'atlichuinge; gabhaidh an Tighearn ri m'urnuigh.

10 Cuirear gu nàire agus gu mòr amhludh mo naimhdean gu léir: pilleadh iad, cuirear gu h-obann gu nàire iad.

SALM VII.

1 Ghuidh Daibhidh air Dia gu'n saoradh se e o làimh a naimhdean. 9 Tha e a' nochdadh gu'n dearbh Dia cridhe an duine, agus gu'n tìg an t-aingidh gu bochdainn.

Sìgan le Daibhidh, a sheinn e do'n Tighearn, thaobh bhriathar Chuis a' Bheniaminich.

A THIGHEARNA mo Phia, annad cuiream mo dhòigh: saor mi uathas an uile a tha'n tòir orm, agus teasaig mi:

2 Air eagal mar leòmhnan gu'n reub e m'anam, 'g a loidiart, gun neach a shaoras.

3 A Thighearna mo Dhia, ma rinn mi so; ma tha lochd a'm' làmhan;

4 Ma dh'ìoc mi òle do'n fhear a bha 'an sìth rium, no ma rinn mi foirneart air-san a bha 'n a eascaraid domh gun aobhar;

5 Geur-leanadh an nàmhaid m'anam, agus glacadh se e, agus saltradh e mo bheatha gu làr, agus leagadh e mo chliù 's an duslach. Selah.

6 Eirich, a Thighearn', a'd' fheing; tog suas thu féin air son corruih mo naimhdean; agus mosgail air mo shon chum na breth a dh'èithn thu.

7 An sin cuairtichidh coimhthional an t-sluaigh thu; air an son-san uimc sin pill gu h-ionad àrd.

8 Bheir an Tighearn breth air an t-sluaigh: thoir breth orm, a Thighearn', a réir m'fhir-cantachd, agus a réir m'ionracais a tha annam.

9 Thigeadh crìoch air aingidheachd nan aingidh; ach daingnich thusa am firean: oir dearbhaidh tu na cridheachan agus na h-àirnean, a Dhé chothromaich.

10 Is e Dia mo sgiath, a shaoras iadsan a tha ceart ann an cridhe.

11 Is breitheamh cothromach Dia, agus bithidh Dia ann am feing ris a' chiontach gach là.

12 Mur pill e, geuraichidh e a chlaidheamh: chuir e a bhogha air lagh, agus dheasaich se e.

13 Agus dh'ulluich e air a shon innil bàis: dhealb e a shaighdean an aghaidh luchd-geur-leanmhuinn.

14 Feuch, tha e ri saothair le h-cuccart; ghin e òle, agus rug e breug.

15 Dh'fhosgail e slochd, agus chladhaich se e, agus thuit e féin anns a' chlais a rinn e.

16 Pillidh 'òle air a cheann féin, agus thig 'fhoirneart a nuas air a chlaigionn féin.

17 Molaidh mise an Tighearn a réir a cheartaib; agus seinnidh mi cliù do ainm an Tighearn a's ro àirde.

SALM VIII.

1 Tha glòir Dhé air a h-àrdachadh le oibribh iongantach a làmh, 5 agus le 'mhaitheas do mhaic an duine.

Do'n àrd fhear-ciùil air Gith. Salm le Daibhidh.

O IEHOBAH ar Tighearna, cia dìrdh-eirc d'ainm air feadh na talmhainn uile? a shocraich do ghloir os ceann nan nàmh.

2 A beul naoidhean agus chloichran dh'ord- uich thu neart, air son do naimhdean, chum gu'n coisgeadh tu an nàmhaid agus an dioghaltach.

3 'N uair a dh'amhairceas mi air do nàmhnan, obair do mheur; air a' ghealaich agus na reultaibh, a shuidhidh thu;

4 Cò e an duine gu'm bitheadh tusa cuimh-neachail air, agus mac an duine gu'm fios-raicheadh tu e?

5 Rinn thu e beagan ni b'isle na na h-aingil, agus chrùn thu e le glòir agus le h-urran.

6 Thug thu uachdaranachd dha os cionn oibre do làmh: chuir thu gach ni fo 'chos-aibh;

7 Caoraich agus buar uile, agus mar an ceudna ainmhlidhean na macharach;

8 Eunlaith nan speur, agus iasg na mara, a shiubhlas air slighibh nan cuan.

9 O Iehobhah, ar Tighearna, cia òirdheire d'ainm air feadh na talmhainn uile?

SALM IX.

1 *Mhol Daibhidh an Tighearn do bhrìgh gu'n d'thug e breth air a naimhidh. 13 Ghuidh e gu'n deannadh Dia tròcair air 'n a àmhghar, agus gu'n saoradh e an t-ainnis á làimh an aingidh.*

Do'n àrd fhear-ciùil air Mut-laben. Salm le Daibhidh.

MOLAIDH mi thu, a Thighearna, le m'uile chridhe; cuiridh mi'n céill d'oibre iongantach gu léir.

2 Ni mi aoibhneas agus gairdeachas annad; seinnidh mi cliu do d'ainm, O 'Thi a's àirde.

3 'N uair a phillear mo naimhdean air an ais, tuitidh iad agus théid as doibh a'd fhianuis:

4 Oir sheas thu dhomh mo chòir agus mo chùis: shuidh thu air do rìgh-chaitheir, a' tòirt breth le ceartas.

5 Smachdaich thu na cinnich, sgrios thu na h-aingidh; chuir thu as d'an ainm gu saoghal nan saoghal.

6 Chaidh crìoch air sgrios an nàmhaid am feasd; leag thu sìos am bailtean mòra: théid as d'an cuimhne maille riu féin.

7 Ach maireidh an Tighearn gu sìorruidh: dheasaich e a rìgh-chaitheir chum breitheanais.

8 Agus bheir esan breth air an t-saoghal ann am fireantachd, ni e breitheanas do'n t-sluagh ann an ceartas.

9 Agus bithidh an Tighearn 'n a dhaingneach do'n tì a shàruichear, 'n a dhaingneach ann an aimsiribh teanntachd.

10 Agus cuiridh iadsan d'an aithne d'ainm an dòigh annad: oir cha tréig thusa, a Thighearn', iadsan a dh'iarras thu.

11 Seinnibh cliu do'n Tighearn a chòmhnuicheas ann an Sion; aithrisibh am measg nan cinneach a ghnìomharan.

12 'N uair a ni e rannsachadh air son fola, cuimhnichidh e orra: cha dì-chuimhnich e glaoth nam bochd.

13 Dean tròcair orm, a Thighearna: amhaire air m'àmhghar a tha mi 'fulang uatha-san le'm fuathach mi, O thusa a tha ga m' thogail suas o gheataibh a' bhàis;

14 Chum gu foillsich mi do chliu uile ann an geataibh nighinn Shioin: ni mi gairdeachas ann ad shlàinte.

15 Thuit na cinnich sìos anns an t-slochd

a rinn iad: anns an lìon a dh'fholaich iad, chaidh an cos féin 'an sàs.

16 Aithnìchear an Tighearn 's a' bhreitheanas a rinn e: ann an gnìomh a làmh féin ribear an t-aingidh. Higaion. Selah.

17 Cuirear na h-aingidh gu h-ifrinn, na cinnich uile nach cuimhnich Dia.

18 Oir cha dì-chuimhnìchear an t-ainnis gu bràth; cha téid as do dhòchas nam bochd gu sìorruidh.

19 Eirich, a Thighearna, na buadhaicheadh duine; thugar breth air na cinnich a'd fhianuis.

20 Cuir, a Thighearn', cagal orra; chum gu'n aithnich na cinnich nach 'eil aunta féin ach daoine. Selah.

SALM X.

1 *Tha Daibhidh a' nochdadh gu bheil slighean nan aingidh doilgheasach an còmhuidh. 12 Cuidichidh Dia leis an duine bochd, 14 agus cumaidh e ceartas ris an dilleachdan.*

C'AR son, a Thighearn', a sheasas tu fad o làimh? a dh'fhoilaicheas tu thu féin ann an aimsiribh teanntachd?

2 'N a uabhar geur-leanaidh an t-aingidh am bochd: glacer iad 's na h-innleachdaibh a dhealbh iad.

3 Oir ni an t-aingidh ràiteachas á nuann a chridhe; agus molaidd e an duine sanntach, a's beag air Dia.

4 Ann an uabhar a ghnùise cha-n iarr an t-aingidh Dia: cha-n'eil Dia 'n a uile smuaintibh.

5 Tha a shlighean doilgheasach anns gach àm; tha do bhreitheanas àrd as a shealladh: thaobh a naimhdean uile, ni e tarchuis orra.

6 Thubhairt e 'n a chridhe, Cha ghluais-eair mi; gu bràth cha bhi mi ann an àmhghar.

7 Tha a bheul làn de mhallachadh, agus de chéilg, agus de mhealltaireachd: fo 'theangaidh tha donas agus diomhanas.

8 Suidhidh e ann an ionadaibh-folaich nam bailtean beaga; ann an àitibh dìomhair mortaidh e an neò-chiontach: tha a shùilean ann an uaignidheas a' dearcadh air a' bhochd.

9 Ni e feall-fholach gu dìomhair, mar leòmhann 'n a glaraidh: ni e feall-fholach chum gu'n glac e an duine bochd: glacaidh e an duine bochd, 'g a tharruing 'n a lìon.

10 Crùbaidh e, cromaidh e sìos, agus tuitidh am bochd le 'dhaoinibh làidir.

11 Thubhairt e 'n a chridhe, Dhì-chuimhnich Dia: dh'fholaich e a ghnùis; cha léir dha sud am feasd.

12 Eirich, a Thighearna Dhé, tog suas do làmh: na dì-chuimhnich na daoine bochda.

13 C'ar son a rinn an t-aingidh tàir air Dia? a thubhairt e 'n a chridhe, Cha-n iarr thu e?

14 Chunnaic thu e; oir is léir dhuit donas agus mì-run, chum an diòladh le d' làimh:

ortsa fàgaidh an duine bochd e féin; is tu fear-cuidcachaidh an dilleachdain.

15 Bris thusa gairdean an aingidh, agus an droch dhuine; rannsaich a mach 'aingidh-eachd gu nach faigh thu i.

16 *Tha'n Tighearn 'n a Rìgh gu saoghal nan saoghal: sgriosadh na ciunnich a mach as a thìr.*

17 A Thighearna, chuala tu miann nan daoine bochda: deasaichidh tu an cridhe; bheir thu air do chluais éisdeachd:

18 A chumail ceirt ris an dilleachdan agus ris an truaghan, chum nach dean duine o'n àir foirneart ni's mò.

SALM XI.

1 *Chuir Daibhidh a' dhòchas ann an Dia. 4 Freasal agus ceartas an Uile-chumhachdaich.*
Do'n àrd fhear-ciùil. Salm le Daibhidh.

AS an Tighearn earbam: c'ar son a their sibh ri m'anam, Teich as mar eun, gu d' shliabh?

2 Oir feuch, chuir na h-aingidh bogha air lagh; ghleus iad an saighead air sreing, chum tilgeadh 's an dorch a orra-san a tha ceart 'n an cridhe.

3 Ma sgriosar na bunaitean, ciod a ni am firean?

4 *Tha'n Tighearn 'n a thecampull naomh; tha rìgh-chaithir an Tighearn' anns na nàmhàn: chì a shùilean, rannsaichidh a rosgan clann nan daoine.*

5 Rannsaichidh an Tighearn am firean; ach an t-aingidh, agus csan a thug spéis do fhoirneart, is fuath le 'anam.

6 Frasaidh e air na h-aingidh, ribeachan, teine agus pronnusc, agus doinnion uamhasach, mar chuibhrionn an cupain.

7 Oir is ionmhuinn leis an Tighearn cheart ceartas: amhaircidh a ghuais air an duine ionraic.

SALM XII.

1 *Dh'iarr Daibhidh còmhaidh o Dhia. 3 Tha e a' gabhail misnich dha féin do bhrìgh gu'n tòir Dia an t-aingidh gu breitheanas, agus gu'n teasairg e na h-ionracain.*

Do'n àrd fhear-ciùil air Seminit. Salm le Daibhidh.

CUIDICH leam, a 'Thighearn', oir cha-n'èil duine diadhaidh ann; oir theirig na h-ionraic o mheasg chloinn nan daoine.

2 Labhraidh iad diomhanas gach neach r'a choimhearsnach: le bilibh miodalach, le cridhe dùbailte labhraidh iad.

3 Sgathaidh an Tighearn na bilean miodalach uile, an teangadh a labhras nithean mòra;

4 ladsan a thubhairt, Le'r teangaidh buaidhichidh sinn; is leimn féin ar bilean: eò a tha 'n a thighearn os ar ceann?

5 Air son foirneirt nam bochd, air son osuaich nan ainis, a nis éiridh mi, ars' an Tighearn: cuiridh mi e ann an tèaruint-eachd uaithe-san a bhagras 'n a aghaidh.

6 *Is briathran fìor-ghlan briathran an Tighearna; mar airgid air a dhearbhadh ann an àmhuinn chreadha, air a ghlanadh seachd uairean.*

7 Gleidhidh tusa sinn, a Thighearna; dìonaidh tu sinn o'n ghinealach so gu bràth.

8 Gluaisidh na h-aingidh air gach taobh, 'n uair a dh'àrduichear iadsan a's suaraiche de chloinn nan daoine.

SALM XIII.

1 *Tha Daibhidh a' caoidh gu'n do dhì-chuimhnich Dia e: 3 a' guidhe gu'n soillsichadh e 'inntinn: 5 agus ag earbsadh ri slàinte o thròcair an Tighearna.*

Do'n àrd fhear-ciùil. Salm le Daibhidh.

CIA fhad, a Thighearn', a dhì-chuimhnichas tu mi? an ann gu bràth? Cia fhad a dh'fholaiseas tu do ghnùis uam?

2 Cia fhad a ghabhas mi comhairle ann am anam, bròn ann am chridhe gach là? Cia fhad a dh'àrduichear mo nàmhaid os mo cheann?

3 Amhaire orm, éisd rium, a Thighearna mo Dhia: soillsich mo shùilean, air eagal gu'n coidil mi chum bàis:

4 Air eagal gu'n abair mo nàmhaid, Bhudhaich mi 'n a aghaidh; gu'n dean m'casairdean gairdeachas an uair a dh'iomar mi.

5 Ach dh'earb mise á do thròcair; ni mo chridhe gairdeachas ann ad shlàinte.

6 Seinnidh mi do'n Tighearn, a chionn gu'n do bhuin e rium gu fial: [agus seinnidh mi cliu do ainm an Tighearn a's ro àirde.]

SALM XIV.

1 *Chuir Daibhidh 'an cèill truaillidheachd a' chinne-daoine; 4 agus dhearbha e 'chàis an aghaidh nan aingidh o sholas an coigheis féin.*

Do'n àrd fhear-ciùil. Salm le Daibhidh.

THUBHAIRT an t-amadan 'n a chridhe, Cha-n'èil Dia ann. Tha iad truaillidh; rinn iad oibre gràineil; cha-n'èil neach ann a ni maith.

2 Dh'amhairc an Tighearn a nuas o nàmh air cloinn nan daoine, a dh'fheuchainn an robh neach ann a bha glie, a bha 'g iarraidh Dhé.

3 Chlaon iad uile; tha iad gu léir air fàs salach: cha-n'èil neach ann a ni maith, cha-n'èil eadhon aon.

4 Nach 'èil eòlas aca-san uile a tha 'dean-amh na h-eucorach, a tha 'g ithcadh suas mo shluaigh, mar a dh'itheadh iad aran, agus nach gairm air an Tighearn?

5 An sin ghabh iad cagal mòr, a chionn gu bheil Dia ann an ginealach nam firean.

6 Nàirich iad comhairle an duine bhochd, a chionn gur e'n Tighearn a thearmunn.

7 O gu'n tigeadh slàinte Israèl a mach á Sion! An uair a bheir an Tighearn air ais braighdeanas a shluaigh, ni Iacob gairdeachas, ni Israel aoibhneas.

SALM XV.

1 Còmhnuicidh an t-ionracan, agus an neach a labhras an fhìrinn 'n a chridhe, ann am pàillun Dhé.

Salm le Daibhidh.

A THIGHEARNA, cò 'dh'fhanas ann ad phàillun? cò 'chòmhnuicheadh air do shliabh naomh?

2 Ean a ghluais-eas gu h-ionraic, agus a ni ceartas, agus a labhras an fhìrinn 'n a chridhe:

3 Nach dean cùl-chàineadh le 'theangaidh, nach dean olc d'a charaid, agus nach tog droch sgeul air a choimhearsnach:

4 Leis an suarach an droch dhuine, ach a bheir urram dhoibhsan air am bi eagal an Tighearn; a mhionnaiceas chum a chall-daich féin, agus nach atharraich:

5 Nach cuir 'airgiod a mach air ocar, agus nach gabh duais an aghaidh an neò-chiontaich. Ean a ni na nithean sin, cha ghluais-eas gu bràth e.

SALM XVI.

1 Tha Daibhidh a' cur a dhòigh ann an Dìan: 4 a' gabhail gràin de luchd iodhol-aoraidh; 8 agus a' deanamh gairdeachais do bhrìgh gu bheil dòchas aig ann an aiseiridh o na mairbh.

Michtam le Daibhidh.

GLEIDH mi, a Dhé, oir chuir mi mo dhòigh annad.

2 Thubhairt mi ri Iehobhah, Is tu mo Thighearn: cha ruig mi mhaithneas ortsa.

3 A thaobh nan naomh a tha air thalamh, agus nam flath; tha mo thlachd uile anna.

4 Meudaichear an doilgheasan dhoibhsan a ni deifir an deigh dhiathan eile: cha-n iobair mi an iobairtean-dibhe de fhuil, agus cha luaidh mi air an ainmibh le m' bhlìbh.

5 Is e an Tighearn cuibhrionn m'òigh-reachd agus mo chupain: is tusa a chumas suas mo chrannchur.

6 Thuit mo chrannchur dhomhsa ann an ionadaibh aoibhneach; seadh, tha oigh-reachd thaitneach agam.

7 Beannaichidh mise an Tighearn, a thug comhairleorm: tha m'airnean mar an ceudna 'g am theagasg 'an àm na h-oidhche.

8 Chuir mi an Tighearn romham a ghnàth: a chionn gu bheil e air mo dheas làimh, cha ghluais-eas mi.

9 Uime sin ni mo chridhe aoibhneas, agus ni mo ghlòir gairdeachas: gabhaidh m'fheoil mar an ceudna fois ann an dòchas.

10 Oir cha-n fhàg thu m'anam anns an uagh: cha leig thu le d'aon naomh truaidh-idheachd fhaicinn.

11 Feuchaidh tu dhomh slighe na beatha: tha lànachd aoibhneis a'd' làthair-sa: tha mòr shubhachas aig do dheas làimh gu sìorruidh.

SALM XVII.

1 Chuir Daibhidh 'an cèll ionracas a chridhe féin, 8 agus ghuaidh e gu'n teasairgeadh Dia e o ghnàis nan aingidh.

Urnuigh le Daibhidh.

EISD ri ceartas, a Thighearna, tabhair aire do m' ghlaodh; cluinn m'urnuigh, a thig a mach cha-n ann o bhlìbh cealgach.

2 O d'fhanuis thigeadh mo bhrèth: faicadh do shùilean nithean cothromach.

3 Dhearbh thu mo chridhe; dh'fhiosraich thu mi's an oidhche; rannsaich thu mi, cha d'fhuair thu a bheag: is e mo rùn nach ciontaich mo bheul.

4 A thaobh ghnìomharan dhaoine, le focal do bhilean sheachainn mi ceuman a' mhill-teir.

5 Cum suas mo cheuman ann ad shlighean, chum nach sleamnuich mo chosan.

6 Ghairm mi ort, oir éisdidh tu rium, a Dhé; aom do chluas a'n' ionnsuidh, cluinn mo chaint.

7 Taisbein do chaoimhneas iongantach, O thusa a shaoras, le d' dheas làimh, iad-san a dh'earbas asad uatha-san a dh'éireas suas 'n an aghaidh.

8 Gléidh mi mar chloich na sùla, fo sgàile do sgiathan foluich mi.

9 O ghnàis nan droch dhaoine a tha ri foirneart orm, naimhdean m'anama a tha ga m' chuairteachadh air gach taobh.

10 'N an saill tha iad air an druideadh suas; le'm beul labhraidh iad gu h-uabhrach.

11 'N ar ceum a nis chuairtich iad sinn: shuidhich iad an sùilean, a' cromadh sìos gu làr.

12 Cosmhuil ri leòmhann a tha gionnach chum cobhartaich, agus ri leòmhann òg a' feitheamh ann an ionadaibh dìomhair.

13 Eirich, a Thighearna, cuir roimhe, leag sìos e, saor m'anam o'n aingidh le d' chlaidheamh.

14 O dhaoimibh le d' làimh, a Thighearn', o dhaoimibh an t-saoghail, d'am bheil an cuibhrionn 's a' bheatha so, agus d'an do lion thu am brù le d'ionmhas foluichte: sàsuichear an clann, agus fàgaidh iad an fuigheall d'an naoidheanaibh.

15 Air mo shon-sa, ann am fircantachd chi mi do ghnàis: sàsuichear mi, 'n uair a dhùisgeas mi, le d' choslas.

SALM XVIII.

1 Laoidh bhuidheachais le Daibhidh air son na saorsa mòir, agus nam beannachdan lion-mhor a dheonaich Dia dha.

Do'n àrd fhear-ciùil, [Salm] le Daibhidh, òglach an Tighearn', a labhair ris an Tighearn briathran na laoidh so, 's an là air an do shaor an Tighearn e a' làimh a naimhdean uile, agus a làimh Shaul: agus an dubhairt e,

GRADHAICHIDH mi thu, a Thighearna mo neart.

2 *Is* e an Tighearn mo charraig, agus mo dhaingneach, agus m'fhear-saoraidh: mo Dhia, mo chreag anns an cuiream mo dhòchas; mo sgiath, agus adharc mo shlàinte, mo thùr àrd.

3 Gairmidh mi air an Tighearn a's airidh air cliù, agus o m' naimhdibh saoraidh mi.

4 Chuairtich piantan a' bhàis mi, agus chuir tuiltean dhroch dhaoine eagal orm.

5 Chuairtich piantan a' fhrinn mi; ghabh lìontan a' bhàis romham.

6 A'm' éigin ghairm mi air an Tighearn, agus ri m' Dhia ghlaodh mi: chual' e as a theampull mo ghuth, agus thàinig mo ghlaodh 'n a làthair d'a chluasaibh.

7 An sin chrathadh agus chrìochnuich an talamh, agus ghluaiseadh bunaitean nam beanntan agus chrathadh iad, a chionn gu'n robh corruich air.

8 Chaidh deatach suas as a shròin, agus dhian-loisg teine as a bheul: lasadh éibhlean leis.

9 Agus lùb e na nèanahan, agus thuirling e nuas: agus *bha* dorchadas fo a chosaibh.

10 Agus mharcaich e air cherub, agus chaidh e air iteig: agus dh'itealaich e air sgiathaibh na gaoithe.

11 Chuir e dorchadas mar ionad dìomhair mu'n cuairt air: *bu* phàillium da, dauibhre uisgeachan, neoil nan speur.

12 O'n dealradh a bha fa' chomhair chaidh a neoil thairis; clachan-meallain agus éibhlean teine.

13 Agus rinn an Tighearn tairneanach 's na speuraibh, agus chuir an Ti a's àirde a mach a ghuth.

14 Agus chuir e mach a shaighdean, agus sgap e iad; agus thilg e mòran tein'-athair, agus chlaoidh e iad.

15 Agus chunnacas aigein nan uisge, agus nochdadh bunaitean an domhain, le d' ach-mhasan-sa, a Thighearna, le séideadh anail d'fheirge.

16 Chuir e nuas o'n àirde, ghlac e mi, tharruing e mi á h-uisgeachaibh lìonmhor.

17 Shaor e mi o m' nàmhaid làidir, agus uatha-san a dh'fhuathaich mi; oir bu treise iad na mise.

18 Ghabh iad romham ann an là m'àmhair: ach bha'n Tighearn 'n a chùl-taice dhomh.

19 Agus thug e mach mi gu ionad farsuinn: shaor e mi, a chionn gu'n do ghabh e tlachd annam.

20 Thug an Tighearn luigheachd dhomh a réir m'ionracais: a réir gloine mo làmh dhìol e dhomh.

21 Oir ghléidh mi slighean an Tighearn', agus cha do chlaon mi gu h-aingidh o m' Dhia.

22 Oir *bha* a bhreitheanais uile a'm' fhianuis; agus a reachdan cha do chuir mi uam.

23 Agus bha mi ionraic 'n a fhianuis, agus ghléidh mi mi féin o m' aingidheachd.

24 Uime sin dhìol an Tighearn dhomh a réir m'ionracais, a réir gloine mo làmh ann an sealladh a shùil.

25 Do'n duine thròcaireach nochdaidh tu thu féin thròcaireach; do'n duine ionraic nochdaidh tu thu féin ionraic.

26 Do'n duine ghlan nochdaidh tu thu féin glan; agus do'n duine reasgach nochdaidh tu thu féin reasgach.

27 Oir saoraidh tu an sluagh a tha fo àmhghar; ach na sùilean àrda bheir thu nuas.

28 Oir lasaidh tusa mo lòchran, a Thighearna: soillsichidh mo Dhia mo dhorchadas.

29 Oir leatsa ruithi mi troimh bhuidhinn; agus le m' Dhia leum mi thar balla.

30 *A thaobh* Dhé, *tha* a shlighe iomlan: *tha* focal an Tighearn' air a dhearbhadh: *is* sgiath e dhoibhsan uile a chuireas an dòchas ann.

31 Oir cò *a's* Dia ann ach an Tighearn? agus cò *a's* carraig ann ach ar Dia-ne?

32 *Is* e Dia a tha 'g am chrìoslachadh le neart, agus a' deanamh mo shlighe iomlan.

33 *Tha* e 'deanamh mo chos mar *chosaibh* éilde, agus ga m' shocrachadh air m'aitibh àrda.

34 *Tha* e a' teagasg mo làmh gu cath, air chor as gu'm brisear bogha umha le m' ghairdeinibh.

35 Agus thug thu dhomh sgiath do shlàinte: agus chum do dheas làmh suas mi, agus rinn do chaoimhneas mòr mi.

36 Rinn thu mo cheuman farsuinn fodham, air chor as nach do shleanhuich mo chosan.

37 Lean mi mo naimhdean, agus rug mi orra; agus cha do phill mi air m'ais gus an do chuir mi as doibh.

38 Lot mi iad, agus cha bhi e 'n comas doibh éirigh: thuit iad fo m' chosaibh.

39 Oir chrìoslaich thu mi le neart chum catha: leag thu sìos fodham iadsan a dh'éirich suas a'm' aghaidh.

40 Agus thug thu dhomh mo naimhdean air mhuineal; iadsan a dh'fhuathaich mi, agus ghearr mi as iad.

41 Ghlaodh iad, ach cha *robh* fear-saoraidh ann; *eadhon* air an Tighearn, ach cha do fhreagair e iad.

42 An sin mhìn-phronn mi iad mar dhuslach fa chomhair na gaoithe: mar chlàbar nan sràid bhrùth mi iad.

43 Shaor thu mi o chomh-stri an t-sluaigh; rinn thu mi a'm' cheann air na cinnich: ui sluagh nach b'aithne dhomh, seirbhis domh.

44 Co luath 's a chluinneas iad, géillidh iad dhomh: strìochdaidh coigrich dhomh.

45 Seargaidh coigrich as, agus bithidh eagal orra mach as an àitibh-daingne.

46 *Is* bed an Tighearn, agus gu ma beann-

aichte mo charraig-sa! agus air 'ardachadh gu robh Dia mo shlàinte!

47 *Is* e Dia ni dìoghaltas air mo shon, agus a chuireas an sluagh fodham;

48 A shaoras mi o m' naimhdbh. Seadh, os an ceann-san a dh'èireas suas a'm' aghaidh togaidh tusa suas mi: o fhear an ainneirt saoraidh tu mi.

49 Uime sin clùthaichidh mi thu, a Thighearna, 'an measg nan cinneach, agus seinnidh mi do d'ainm.

50 Bheir esan saorsa mhòr d'a rìgh, agus nochdaidh e tràcair d'a aon ungta féin, do Dhaibhidh agus d'a shliochd gu bràth.

SALM XIX.

1 *Tha oibre Dhé's na nèamhan a' cur an céill glòir 'an Cruithfhir.* 7 *Oirdheireas lagha Dhé.* 12 *Ghuidh Daibhidh gu'n glanadh Dia e o pheacaidhean dìomhair agus dànadais.*

Do'n àrd fhear-ciùil. Salm le Daibhidh.

CUIRIDH na nèamhan an céill glòir Dhé, agus nochdaidh na speuran gnìomh a làmh.

2 Tha là a' deanamh sgeòil do là, agus oidhche a' foillseachadh eòlais a dh'oidhche.

3 Cha-n'èil cainnt, cha-n'èil briathran, anns nach cluinnear an guth.

4 Air feadh na talmhainn uile chaidh am fuaim a mach, agus am focail gu h-ìomall an domhain.

5 Do'n ghréin chuir e pàilliu annta; agus *tha* i mar nuadh fhear-pòsda a' teachd a mach á 'sheòmar; ni i gairdeachas mar ghaisgeach a' ruith 'n a shlighe.

6 *Tha* a dol a mach o chrìch nan speur, agus a cuairt gu ruig an crìochan; agus cha-n'èil ni air bith a dh'fholaichear o a teas.

7 *Is* iomlan lagh an Tighearna, ag iompachadh an anama; *tha* fianuis an Tighearna cinnteach, a' deanamh a' bhaoghalta glie.

8 *Tha* reachdan an Tighearna ceart, a' deanamh a' chridhe aoibhneach; *tha* àithne an Tighearna glan, a' soillseachadh nan sùl.

9 *Tha* eagal an Tighearna fìor-ghlan, a' marsuinn am feasd; *is* fìrinn breitheanaid an Tighearna; *tha* iad gu h-ìomlan cothromach.

10 Nì's mòr r'an iarraidh *tha* iad na'n t-òr, seadh, na mòran de'n òr fhìor-ghlan; agus nì's mìlse na a' mhìl, seadh, na a' mhìl a shìleas as na cìrìbh-meala.

11 Os bàrr, *tha* do sheirbhiseach a' faotainn rabhaidh uatha: 'n an coimhead *tha* mòr dhuais.

12 Cò a thuigas a sheachlainn? o *lochdaibh* dìomhair glan thusa mi.

13 Mar an ceudna o *pheacaibh* dànadais cum air ais d'òglach; na bitheadh àrd-cheannas aca òrm: an sin bithidh mi ionraic, agus bithidh mi neò-chiontach o eusaontas mòr.

14 Bitheadh briathran mo bheoil, agus smuaintean mo chridhe, taitneach a'd làthair, a Thighearna, mo charraig, agus m'fhear-saoraidh.

SALM XX.

1 *Urnuigh air son tèarvinteachd ann an là teanntachd.* 6 *Tha Daibhidh a' cur 'an céill gu'n saor Dia 'aon ungta le neart-saoraidh a dheas làimh.*

Do'n àrd fhear-ciùil. Salm le Daibhidh.

GU'N éisdeadh an Tighearna riut ann an là teanntachd! gu'n cumadh ainm Dhé Iacob suas thu!

2 Gu'n cuireadh e cabhair thugad as 'ionad naomh! agus á Sion gu neartaicheadh e thu!

3 Gu'n cuimhniceadh e do thabhartasan uile, agus gu'n gabhadh e gu taitneach uait d'ìobairt-loisgte! Selah.

4 Gu'n tugadh e dhuit a réir do chridhe féin, agus gu'n coimhlionadh e do chomhairle uile!

5 Ni sinne aoibhneas ann ad shlàinte, agus ann an ainm ar Dia-ne togaidh sinn suas ar bratach. Gu'n coimhlionadh Dia d'iarrtuais uile!

6 A nis *tha* fios agam gu'n saor an Tighearn 'aon ungta féin: éisdidh e ris o nèamh an a naomhachd, le neart-saoraidh a dheas làimh.

7 Earbaidh cuid á carbadaibh, agus cuid á h-eachaibh; ach cuimhnicidh sinne ainm an Tighearna' ar Dé.

8 Dh'isicheadh iadsan, agus thuit iad; ach dh'éirich sinne, agus sheas sinn.

9 Saor an rìgh, a Thighearna; agus éisd ruinn 's an uair a ghairmeas sinn.

SALM XXI.

1 *Laoidh bluidheachais le Daibhidh air son maitheis Dhé d'a thaobh.* 7 *Syrìosaidh an Tighearna iadsan le'm fuathach e.*

Do'n àrd fhear-ciùil. Salm le Daibhidh.

ANN ad neart, a Thighearna, ni an rìgh aoibhneas; agus ann ad shlainte cia mòr an gairdeachas a ni e?

2 Mìann a chridhe thug thu dha; agus ath-chuinge a bhilean cha do dhiùlt thu dha. Selah.

3 Oir ghabh thu roimhe le beannachadh do mhaithéis; chuir thu m'a cheann coron a dh' òr fìor-ghlan.

4 Dh'iarr e beatha ort: thug thu dha fad làithean gu saoghal nan saoghal.

5 *Is* mòr a ghàird trid do shlàinte-sa: urram agus mòralachd chuir thu air.

6 Oir rinn thu e ro bheannaichte gu bràth; rinn thu e ro aoibhneach le d' ghnùis.

7 Oir earbaidh an rìgh as an Tighearna; agus trid thròcair an Tì a's àirde, cha ghluaisear e.

8 Gheibh do làmh a mach do naimhdean uile; gheibh do dheas làmh a mach iadsan le'm fuathach thu.

9 Ni thu iad mar àmhuinn theintich ann an àm d'fheirge: sluigidh an Tighearn sìos iad 'n a chorruich, agus caithidh an teine iad.

10 An toradh sgriosaidh tu o'n talamh, agus an sliochd o chloinn nan daoine.

11 Oir dhealbh iad olea'd aghaidh; smuainich iad droch smuaintean, nach b'urraim iad a choimhionadh.

12 Uime sin bheir thu orra an cùl a thionndadh; air sreangaibh do bhogha gleusaidh tu do shaighdean 'n an aghaidh.

13 Bi air d'àrdachadh, a Thighearn', ann ad neart: scinnidh sinn agus molaidh sinn do chumhachd.

SALM XXII.

1 'N a theanntachd ghairm Daibhidh air Dia, 6 agus leig e ris da an trioblaid a thàinig air. 22 Gheall e buidheachas follaiseach agus cliù a thabhairt da.

Do'n àrd fhear-cinil air Ailet-sachar. Salm le Daibhidh.

MO Dhia, mo Dhia, c'ar son a thréig thu mi? fad' o m'ghlaodh, o bhriathraibh mo blùiridh.

2 O mo Dhia! gairmeam anns an là, ach cha fhreagair thu; agus anns an oidheche, ach cha-n'eil fois agam.

3 Ach tha thusa naomh, a'd' chòmhnuidh far am bheil cliù Israeil.

4 Asadsa dh'earb ar n-aithrichean; dh'earb iad, agus shaor thu iad.

5 Riutsa ghlaodh iad, agus theasairgeadh iad; asadsa dh'earb iad, agus cha robh nàire orra.

6 Ach is cnuimh mise, agus cha duine; masladh dhaoine, agus tàir an t-sluaigh.

7 Ni iadsan uile a chi mi, gàire-fanoid rium; casaidh iad am beul, crathaidh iad an ceann, ag ràdh,

8 Chuir e a dhòigh anns an Tighearn, fuasgladh e air; saoradh se e, a chionn gu bheil tlachd aige ann.

9 Ach is tusa an Ti a thug a mach as a' bhroinn mi; bu tu aobhar mo dhòchais, air cìch mo mhàthar.

10 Orta shilgeadh mi o'n bhroinn; o bhroinn mo mhàthar is tusa mo Dhia.

11 Na bi-sa fada uam, oir tha àmhghar dlùth dhomh, agus gun neach ann gu m' chuideachadh.

12 Chuaitich mòran tharbh mi; dh'iadh tairbh làidir Bhasain umam.

13 Dh'fhosgail iad orm am beul, mar leòman reubach agus beucach.

14 Mar uisge dhòirteadh mach mi, agus sgàin mo chnàmhan uile o'chéile: tha mo chridhe mar chéir, air leaghadh ann am meadhon mo chuim.

15 Air tiorrachadh mar shoitheach creadha tha mo neart; agus tha mo theangadh a' leantuinn ri m' ghial; agus gu h-ùir a' bhàis thug thu mi.

16 Oir chuaitich madraidh mi; dh'iadh

coimhthional dhroch dhaoine umam: lot iad mo làmhan agus mo chosan.

17 Feudaidd mi mo chnàmhan uile àireamh: tha iadsan a' sealltuinn, tha iad a' geur-amharc orm.

18 Roinn iad mo thrusgan eatorra, agus air mo bkrat thilg iad crannchur.

19 Ach na bi-sa, a Thighearn, fada uam: O thusa mo neart, greas gu m' chabhair.

20 Teasairg m'anam o'n chlaideamh; m'aon ghràidh o neart a' mhadaidh.

21 Saor mi o bheil an leòmhain, agus o adharcaibh nam buabhlull teasairg mi.

22 Cuiridh mi'n céill d'ainm do m' bhràithribh; ann am meadhon a' choimhthionail molaidh mi thu.

23 Sibhseair am bheil eagal Dhé, molaibh e: sibhse uile, a shìol Iacob, thugaibh glòir dha; agus bitheadh 'eagal-san oirbh, sibhse uile a shìol Israeil.

24 Oir cha do rian e tàir air, agus cha do ghabh e gràin de àmhghar an truaghain, agus cha d'fholuich e a ghùis air; ach an uair a ghlaodh e ris, dh'éis e.

25 Orta bithidh mo mholadh anns a' mhòr choimhthional: mo bhòidean iocaidh mi 'n an làthair-san d'an eagal e.

26 Ithidh na daoine macanta, agus sàsnichear iad: molaidh iadsan an Tighearn a dh'iarra e: bithidh an eridhe beò gu bràth.

27 Cuimhnichidh air, agus pillidh a dh'ionnsuidh an Tighearn', uile chrìochan na talmhainn; agus strìochdaidh uile theaghlach nan cinneach 'n a làthair.

28 Oir is leis an Tighearn an riochachd; agus tha esan 'n a uachdaran air na cinnich.

29 Ithidh daoine reamhra na talmhainn uile, agus ni iad aoradh: 'n a làthair-san sleuchdaidh iadsan uile a théid sìos do'n duslach; oir cha chum neach 'anam beò.

30 Ni sliochd seirbhis dha: measar e do'n Tighearn mar ghinealach.

31 Thig iad, agus cuiridh iad 'an céill 'fhìreantachd do'n àl ri teachd, gu'm b'esan a rinn sud.

SALM XXIII.

1 Dh'earb Daibhidh à freasdal agus à maith-eas Dhé.

Salm le Daibhidh.

IS e'n Tighearn mo bhuachaille: cha bhi mi ann an dith.

2 Ann an cluainibh glasa bheir e orm luidhe sìos: làimh ri h-uisgeachaibh ciùine treòraichidh e mi.

3 Aisigidh e m'anam; treòraichidh e mi air slighibh na fircantachd air sgàth 'ainme féin.

4 Seadh, ged shiubhail mi troimh ghleann sgàile a' bhàis cha bhi eagal uile orm; oir tha thusa maille rium: bheir do shlat agus do lorg comhfhurtachd dhomh.

5 Deasaichidh tu bord fa m' chomhair ann am fianuis mo naimhdean: dh'ung thu le

li-olaidh mo cheann; tha mo chupan a' cur thairis.

6 Gu cinnteach leanaidh maith agus trècair mi uile làithean mo bheatha; agus còmh-nuichidh mi ann an tigh an Tighearna fad mo làithean.

SALM XXIV.

1 *Ard-uachdaranachd Dhé os ceann na tal-mhainn. 3 Seasaidh am firean ann an ionad naomh an Tighearna. 7 Dol a steach Rìgh na glòire d'a àite-còmhnuidh.*

Salm le Daibhidh.

IS leis an Tighearn an talamh, agus a làn; an domhan, agus iadsan a tha 'n an còmhnuidh ann.

2 Oir shuidhich e air na cuantaibh e, agus shocrach e air na sruthaibh e.

3 Cò a théid suas gu sliabh an Tighearna? agus cò a sheasas 'n a ionad naomh-san?

4 Esan aig am bheil làmhnan neò-chiontach agus cridhe glan, nach do thog 'anam ri dìomhanas, agus nach do mhionnaich eum ceilge.

5 Gheibh esan beannachadh o'n Tighearn, agus fireantachd o Dhia a shlàinte.

6 *Is i so ginealach na dream' a dh'iarras e, a dh'iarras do ghnùis, a Dhia Iacob. Selah.*

7 Togaibh, a gheatachan, bhur cinn, agus bithibh air bhur togail suas a dhorsan sìorruidh; agus thig Rìgh na glòire steach. 8 Cò e so Rìgh na glòire? An Tighearn àidir agus treun, an Tighearn treun ann an cath.

9 Togaibh suas bhur cinn, a gheatachan, agus bithibh air bhur togail suas, a dhorsan sìorruidh, agus thig Rìgh na glòire steach.

10 Cò e so Rìgh na glòire? Tighearn nan slògh, *is esan Rìgh na glòire. Selah.*

SALM XXV.

1 *Ghuidh Daibhidh gu'n trèraicheadh Dia e ann an slighe na firinn; 7 gu'n maitheadh e peacaidhean 'òige; 16 agus gu'n deanadh e cabhair air ann an òm a thrioblaid.*

Le Daibhidh.

RIUTSA, 'Thighearna togam m'anam suas.

2 Annadsa, mo Dhia, cuiream mo dhòchas; na nàraichear mi, agus na deanadh mo naimhdean gairdeachas os mo cheann.

3 Seadh, na nàraichear neach sam bith a dh'fheitheas ortsa; bithcadh nàire orra-san a chiontaicheas gun aobhar.

4 Nochd dhomh do shlighean, a Thighearna; teagaisg dhomh do cheuman.

5 Trèraich mi ann ad fhèrinn, agus teagaisg mi; oir *is* tusa Dia mo shlàinte, agus ortsa tha mi 'feitheamh gach là.

6 Cuimhnich do chaoimhneachd thòrairean, a Thighearna, agus do chaoimhneas gràdhach; oir *tha* iad ann o chian nan cian.

7 Peacaidhean m'òige, agus m'eusantais, na cuimhnich thusa: a réir do thrècair bi-sa

cuimhneachail orm, air sgàth do mhaith-eis, a Thighearna.

8 *Is* maith agus *is* dìreach an Tighearn; uime sin teagaisgidh e peacaich 's an t-slighe.

9 Trèraichidh e na daoine ciùin' ann am breitheanas; agus teagaisgidh e do na daoineibh ciùin' a shlighe.

10 *Is* trècair agus firinn uile shlighean an Tighearna, dhoibhsan a ghlèidheas a choimhcheangal agus a theisteis.

11 Air sgàth d'ainme, a Thighearna, lugh mo chionta; oir *tha* e mòr.

12 Cò e am fear air am bheil eagal an Tighearna? seòlaidh e esan 's an t-slighe a ròghnuicheas e.

13 Nì 'anam làmh ann am maith; agus mealaidh a shliochd an tìr.

14 *Tha* rùn an Tighearn' aig an dream d'an eagal e; agus foillsichidh e dhoibh a choimhcheangal.

15 *Tha* mo shùilean a ghnàth ris an Tighearn; oir bheir esan mo chosan as an lìon.

16 Amhaire orm, agus gabh truas dìom; oir *tha* mi a'm' aonar, agus fo àmhghar.

17 Tha teinn mo chridhe a' dol 'am meud: o m' àmhgharaibh saor thusa mi.

18 Amhaire air m' àmhghar, agus air mo phéin, agus lugh mo pheacaidhean gu léir.

19 Amhaire air mo naimhdeibh, oir tha iad lìonmhor; agus le fuath anabarrach tha iad ga m' fhuathachadh.

20 Gléidh m'anam, agus saor mi; na leig fo nàire mi, oir chuir mi mo dhòigh annad.

21 Dìonadh ionracas agus ceartas mi; oir tha mi 'feitheamh ortsa.

22 Saor Israel, a Dhé, as 'àmhgharaibh uile.

SALM XXVI.

1 *Chuir Daibhidh 'an céill 'ionracas féin, agus ghuidh e gu'n rannsachadh Dia 'airnean agus a chridhe. 8 Dh'iarr e 'bhi air a shaoradh o dhaoineibh fuileachdach.*

Le Daibhidh.

THOIR breth orm, a Thighearn', oir ghluais mi ann am ionracas: o chuir mi mo dhòigh anns an Tighearn, cha ghluaisear mi.

2 Fidir mi, a Thighearn', agus dearbh mi; rannsaich m'airnean agus mo chridhe.

3 Oir *tha* do chaoimhneas gràdhach fa chomhair mo shùl; agus ghluais mi ann ad fhèrinn.

4 Cha do shuidh mi le daoineibh mealtach, agus maille ri luchd-ceilge cha téid mi steach.

5 Is beag orm coimhthional luchd-uile, agus le daoineibh aingidh cha suidh mi.

6 Nighidh mi mo làmhnan ann an neò-chionta, agus cuartichidh mi d'altair, a Thighearna;

7 Chum gu foillsich mi le guth molaidh, agus gu'n cuir mi 'an céill d'òibre iongantach gu léir.

8 A Thighearn', is ionmhuinn leam còmh-nuidh do theach-sa, agus ionad pàilliuin do ghloire.

9 Na cruinnich m'anam le peacaich, no mo bheatha le daoineibh fuileachdach:

10 Aig am bheil lochd 'n an làmhnan, agus an làmh dheas làn de dhuais-bhratha.

11 Ach gluaisidh mise ann am ionracas: saor mi, agus dean tràcair orm.

12 Tha mo chos 'n a seasamh ann an ionad còmhuard: anns na coimhthionail beannaichidh mi an Tighearn.

SALM XXVII.

1 *Cha robh eagal air Daibhidh roimh a naimhdeibh do bhrìgh gu'n robh Dia 'n a shlàinte dha. 7 Ghuidh e air an Tighearn tràcair a nochdadh dha, agus a thìarnadh o thoil luchd-foirneirt.*

Le Daibhidh.

IS e an Tighearn mo sholus, agus mo shlàinte; cò 'chuireas eagal orm? *Is e* an Tighearn neart mo bheatha; cò 'chuireas geilt orm?

2 'N uair thàinig luchd-uile orm a dh'ith-eadh suas m'fhèda, mo naimhdean agus m' eascairdean, thuislich iad fèin, agus thuit iad.

3 Ged champaicheadh feachd a'm'aghaidh, cha bhlitheadh eagal air mo chridhe: ged éireadh cogadh a'm'aghaidh, á so nì mi mo bhuin.

4 Aon *ni* ghuidh mi air an Tighearn, sin iarraidh mi, a bhi 'm' còmhnuidh ann an tigh an Tighearna ré uile làithean mo bheatha, chum gu faicinn maise an Tighearn', agus gu fiosraichinn 'n a theampull.

5 Oir folaichidh e mi 'n a sgàth-thigh ann an là an uile; folaichidh e mi ann an dìomh-aireachd a phàilliuin; air carraig togaidh e suas mi.

6 Agus a nis togar suas mo cheann os ceann mo naimhdean mu'n cuairt orm; agus iobraidh mi 'n a phàilliuin iobairtean aoibh-neis; seinnidh mi, agus canaidh mi cliu do'n Tighearn.

7 Eisd, a Thighearna, ri m' ghuth, 'n uair a dh'éigheas mi; dean tràcair orm, agus freagair mi.

8 'N uair a thubhairt thusa, Iarraibhse mo ghnùis; thubhairt mo chridhe riut, Do ghnùis, a Thighearn', iarraidh mi.

9 Na folaich do ghnùis uam; na cuir air falbh d'òglach ann am feirg: bu tusa mo chabhair; na fàg mi, agus na tréig mi, a Dhia mo shlàinte.

10 'N uair a thréigas m'athair agus mo mhàthair mi, an sin togaidh an Tighearn suas mi.

11 Teagaisg dhomh do shlighe, a Thighearn', agus treòraich mi air slighe dhèirich, air sgàth mo naimhdean.

12 Natabhair thairis mi do thoil mo naimh-dean; oir dh'èirich fianuisean bréige a'm'aghaidh, agus luchd bagairt foirneirt.

13 Gidheadh chreid mise gu'm faicinn maitheas an Tighearn' ann an tìr nam beò.

14 Feith air an Tighearn; glac misneach, agus neartaichidh esan do chridhe: feith, tha mi 'g ràdh, air an Tighearn.

SALM XXVIII.

1 *Ghuidh Daibhidh gu'n cuidicheadh Dia leis 'an aghaidh a naimhdean. 6 Bheannaich e Dia; 9 agus rinn e urnuigh air son an t-sluaigh.*

Le Daibhidh.

RIUTSA, a Thighearn', éigheam, mo charraig: na bi-sa a'd' thosd a m' thaobh, air eagal, ma bhlitheas tu a'd' thosd a m' thaobh, gu'm fas mi cosmhuil riu-san a théid sìos do'n uaigh.

2 Eisd ri guth m'athchuingean an uair a ghlaodhas mi riut, an uair a thogas mi mo làmhnan chum do ghuth-àite naoimh-sa.

3 Na tarrauing mi mach leis na h-aingidh, agus le luchd-deanamh na h-eucorach, a tha 'labhairt sìth r'an coimhearsnaich, agus ole aca 'n an cridhe.

4 Thoir dhoibh a réir an oibre, agus a réir aingidheachd an gnìomharan; a réir oibre an làmh thoir dhoibh; ioc an luighcachd dhoibh.

5 A chionn nach toir iad an aire do ghnìomharaibh an Tighearna, no do obair a làmh, sgriosaidh e iad, agus cha tog e suas iad.

6 Beannaichte gu robh an Tighearn, a chionn gu'n d'éisd e ri guth m'athchuinge.

7 *Is e* an Tighearn mo neart, agus mo sgiath; annsan chuir mo chridhe a dhòchas, agus chuidicheadh leam; uime sin rinn mo chridhe gairdeachas; agus le m' laoidh molaidd mi e.

8 *Is e* an Tighearn neart a shluaigh; agus *is* esan neart slàinte 'aoin ungta fèin.

9 Saor do shluaigh, agus beannaich d'oigh-reachd: beathaich iad, agus àrdaich iad gu bràth.

SALM XXIX.

1 *Thug Daibhidh eirail do uachdaranaihbh glòir a thubhairt do Dia, 3 a chionn gu bheil a cumhachd mòr, 11 agus gu bheil e 'n a dhàd-ean d'a shluaigh.*

Salm le Daibhidh.

THUGAIBH do'n Tighearn, a chlanu nan cumhachdach, thugaibh do'n Tighearn glòir agus neart.

2 Thugaibh do'n Tighearn a' ghloir a's cubhaidh d'a ainm; sleuchdaibh do'n Tighearn ann am maise na naomhachd.

3 Tha guth an Tighearna os ceann nan uisgeachan: rinn Dia na glòire tairneanach, an Tighearn, os ceann nan uisgeachan mòra.

4 Tha guth an Tighearna cumhachdach; tha guth an Tighearna làn mòralachd.

5 Brisidh guth an Tighearna na seudair; seadh, brisidh an Tighearna seudair le banoin.

6 Agus bheir e orra leum mar laogh; Lebanon agus Sirion, mar bluabhull òg.
7 Sgoitidh guth au Tighearna lasraichean an teine.

8 Crathaidh guth an Tighearn' am fàsach; crathaidh an Tighearn fàsach Chadeis.

9 Bheir guth an Tighearn' air na h-eildibh au laogh a thilgeadh, agus lomaidh e na coilltean: agus 'u a theampull cuiridh gach ueach 'au céill a ghloir.

10 Suidhidh au Tighearn air an tuil; agus suidhidh an Tighearn 'n a Rìgh gu siorruidh.

11 Bheir an Tighearn neart d'a shluagh; beaumaichidh an Tighearn a shluagh le sìth.

SALM XXX.

1 *Mhol Daibhidh Dia a chionn gu'n do theas-airg se e.* 4 *Chomhairlich e do gach neach buidheachas a thubhairt do'n Tighearn.*

Salm; laoidh coisreagaidh tighe Dhaibhidh.

MOLAIDH mi thu, a Thighearn'; oir thog thu suas mi, agus cha d'thug thu air m'escalaidh gairdeachas a dheanadh os mo cheann.

2 A Thighearna mo Dhia, ghlaodh mi riut, agus shlànuich thusa mi.

3 A Thighearna, thog thu m'anam a nìos as an' uaigh; ghléidh thu beò mi, chum nach rachainn sìos do'n t-slochd.

4 Seinnibh do'n Tighearn, sibhse a naoimhsan, agus thugaibh buidheachas ri cuimhneachadh air a naomhachd.

5 Oir *cha-n'eil* ach tiota 'n a fheirg; *tha* beatha 'u a dheadh-ghean: ré oidhche mairidh bròn, ach air maduinn *thig* gairdeachas.

6 Thubhairt mise ann am shocair, Cha ghluaisear mi am feasd.

7 A Thighearna, le d' dheadh-ghean thug thu air mo bheiu seasamh gu daingean: dh'fholuich thu do ghnùis; bha mi fo amhladh.

8 Ghlaodh mi riutsa, a Thighearn'; agus air an Tighearn dh'asluich mi.

9 Ciod an tairbhe a *tha* ann am fhuil, 'n uair a thèid mi sìos do'n t-slochd? Am mol an ùir thu? an cuir i 'an céill d'fhìrinn.

10 Eisd rium, a Thighearn', agus dean trècair orm: A Thighearna, bi-sa a'd' fhear-cuideachaidh leam.

11 Thionndaidh thu dhomhsa mo bhròn gu dannsadh: chuir thu dhìom m'eudachsaic, agus chrioslaich thu mi le h-aoibhneas;

12 Chum gu'n seinneadh mo ghloir cliu dhuit, agus nach bitheadh i 'n a tosd. A Thighearna mo Dhia, gu bràth molaidd mise thu.

SALM XXXI.

1 *Chuir Daibhidh a dhòchas ann an Dia, 7 agus rinn e gairdeachas 'n a thròcair.* 9 'N a thrioblaid dh'earb e as an Tighearn. 19 *Mhol e martheas Dhé.*

Do'n àrd fhear-ciùil. Salm le Daibhidh.

ANNADSA, a Thighearn', cuiream mo dhòigh; na nàraichear mi gu bràth: trid d'fhìreantachd saor mi.

2 Aom a m' ionnsuidh do chluas; gu grad furtaich orm: bi-sa a'd' charraig laidir dhomh, a'd' thigh-tearmuinn chum mo dhion.

3 Oir *is* tusa mo charraig, agus mo dhaingneach; agus air sgàth d'ainme trèoraichidh agus stiùraidh tu mi.

4 Bheir thu mi as an lion a dh'fholuich iad fa m' chomhair; oir *is* tusa mo neart.

5 Ann ad làimh-sa tionnann mo spiorad: saor mi, a Thighearna Dhé na fìrinn.

6 *Is* fuath leat iadsan a bheir fainear dìomhauiis bhreugach: ach anns an Tighearn chuir mise mo dhòchas.

7 Nì mi aoibhneas agus gairdeachas ann ad thròcair: oir chunnaic thu m' àmhghar; b'aithne dhuit m'anam ann an teanntachdaibh;

8 Agus cha do dhruid thu suas mi ann an làimh an nàmhaid; shocraich thu mo chosan ann an àite farsuinn.

9 Gabh truas dìom, a Thighearn', oir *tha* mi ann an teinn; *tha* mo shùil, m'anam, agus mo chom, air seargadh as le doilgheas.

10 Oir chlaoidheadh mo bheatha le bròn, agus mo bhliadhnan le h-òsnaich; air son m'euccirt thuit mo neart, agus chaithheadh mo chuimhne.

11 Am measg mo naimhdean gu léir bha mi a'm' mhasladh, agus gu h-àraidh do m' choinmhearsnaich, agus a'm' aobhar eagail do m' luchd èdais: iadsan a chunnaic mi a muigh, theich iad uam.

12 Dhì-chuimhnichheadh mi mar dhuine marbh air dol á cuimhne; *tha* mi mar shoitheach briste.

13 Oir chuala mi cùl-chàincaidh m'òrain dhaoine; *bha* eagal air gach taobh, 'n uair a ghabh iad comhairle le 'chéile a'm' aghaidh, a dhealbh iad mo bh-catha 'thoirt uam.

14 Ach dh'earb mise asadsa, a Thighearna: thubhairt mi, *Is* tu mo Dhia.

15 Ann ad làimh-sa *tha* m'aimsirean: saor mi á làimh mo naimhdean, agus uatba-san a tha 'n tòir orm.

16 Thoir air do ghnùis dealrachadh air d'òglach: saor mi air sgàth do thròcair.

17 Na nàraichear mi, a Thighearn', oir ghairm mi ort; nàire bitheadh air na h-aingidh, 'n an tosd bitheadh iad 's an uaigh!

18 Deanar balbh na bilean breugach, a labhras an aghaidh an fhìrein gu cruaidh, le h-uabhar agus tarcais.

19 Cia mòr do mhaithreas, a thaig thu dhoibhsan do'n eagal thu; a rinn thu dhoibhsan a dh' earbas asad, 'am fianuis chloinn nan daoine!

20 Folaichidh tu iad ann an dìomhair-eachd do làthaireachd o àilgheas dhaoine; folaichidh tu iad ann am pàilliu o strì nan teangadh.

21 Beannaichte *gu robh* an Tighearn; oir nochd e gu h-iongantach a chaoimh-

meas dhomh-sa ann am baile daing-nichte.

22 Thubhairt mise a'm' dheifir, Ghearr-adh as mi o fhianuis do shùl: gidheadh dh'éisd thusa ri guth m'asluchaidh, 'n uair a dh'éigh mi riut.

23 Gràdhachibh an Tighearn, sibhse uile a naomh-san: gleidhidh an Tighearn na daoine tréibhdhreach, agus dìolaidh e gu pailt dhàsan a ni gu h-uabhbheach.

24 Bithibhse misneachail, agus neartaichidh esan bhur cridhe, sibhse uile a chuir bhur dòchas anns an Tighearn.

SALM XXXII.

1 *Beannachadh an duine d'an do mhaitheadh 'eusaontas. 3 Bheir aidmheil peacaidh fòis do'n choguis. 8 Dh'earailich Daibhidh air an t-sluagh gluasad gu cothromach.*

Le Daibhidh, Maschil.

IS beannaichte esan d'an do mhaitheadh 'eusaontas, d'am bheil a pheacadh air 'fholach.

2 *Is* beannaichte an duine, nach cuir an Tighearn euceart as a leth, agus aig nach 'eil cealg 'n a spiorad.

3 An uair a bha mi a'm' thosd, luidh aois air mo chlàmhnan, le m' bhùireadh fad an là.

4 Oir a là agus a dh'oidhche bha do làmh trom orm: tha mo bhrìgh air a tionndadh gu tìormachd an t-samhraidh. Selah.

5 Dh'aidich mi mo pheacadh dhuit, agus cha do cheil mi m'eucairt: thubhairt mi, Aidichidh mi m'eucairt do'n Tighearn; agus mhaith thusa cionta mo pheacaidh. Selah.

6 Air an aobhar sin ni gach duine diadhaidh urnuigh riutsa, 's an àm anns am faigh-ear thu: gu cinnteach ann an tuil nan uisgeachan mòra, cha tig iad ann fagus da.

7 *Tha* thusa a'd' ionad-foluich dhomh; o theinn gleidhidh tu mi; le h-dranaibh saorsa cuartichidh tu mi. Selah.

8 Fìor-theagaisgidh mi thu, agus nochd-aidh mi dhuit an t-slighe air an tigeadh dhuit triall; seòlaidh mi dhuit le m' shùil.

9 Na bi mar each, no mar mhuileid, aig nach 'eil ciall; d'an cuirear sparrag agus srian 'n am beul, chum nach tig iad ann fagus dhuit.

10 *Is* lìonmhor doilgheasan do'n aingidh; ach cuartichidh tròcair esan a dh'earbas as an Tighearn.

11 Bithibh aoibhneach anns an Tighearn, agus deanaibh gairdeachas, sibhse fhìreana; agus deanaibh luathghaire, sibhse uile a *tha* ceart ann an cridhe.

SALM XXXIII.

1 *Is* còir do'n fhìrean *Dia* a mholadh, 4 air son a mhaithis, 6 a chumhachd, 12 agus a fhrèasdail. 18 *Tha* sùil an Tighearn orra-san a chuireas an dòigh 'n a thròcair.

DEANAIBH gairdeachas 's an Tighearn, sibhse fhìreana; do na h-ionraic *tha* cliu ciatacl.

2 Molaibh an Tighearn air clàrsaich: air

an t-saltair, inneal-ciùil nan deich teud, seinnibh dha.

3 Canaibh dha òran nuadh; seinnibh fonn gu h-ealanta, le fuaim àrd.

4 Oir *tha* focal an Tighearna ceart, agus *tha* 'oibre uile air an deanamh ann am fìrinn.

5 Is ionmhuinn leis ceartas agus breitheanas; de mhaithes an Tighearna *tha* 'n talamh làn.

6 Le focal an Tighearna rinneadh na nèamhan, agus le h-anail a bheoil an slòigh uile.

7 Carnaidh e suas mar thorrr uisgeachan na faire; cuiridh e an doimhne suas 'n a thighibh-tasgaidh.

8 Roimh an Tighearn bitheadh eagal air an talamh uile; roimhe-san bitheadh fiamh air uile luchd-àiteachaidh an domhain:

9 Oir labhair e, agus bha e ann; dh'àithn e, agus sheas e.

10 Rinn an Tighearn comhairle nan cinneach faoin; thug e innleachdan an t-sluaigh gu neo-ni.

11 Seasaidh comhairle an Tighearna gu sìorruidh, smuaintean a chridhe o linn gu linn.

12 *Is* beannaichte an cinneach sin, aig am bheil an Tighearn 'n a Dhia dhoibh: an sluagh a ròghnaich e mar oighreachd dha féin.

13 O na nèamhan amhaircidh an Tighearn a nuas; chi e uile chlànn nan daoine.

14 O ionad seasmhach a chòmhnuidh beachdaichidh e air uile luchd-àiteachaidh na talmhainn.

15 Dh'calbh esan an cridhe air aon dòigh; bheir e faineair an gnìomharan uile.

16 Cha tearnar rìgh le meud 'fheachd; cha saorar laoch le meud a neirt.

17 *Is* dìomhain an t-each chum tèaruinteachd; agus le meud a neirt cha saor e.

18 Feuch, *tha* sùil an Tighearn orra-san d'an eagal e; orra-san a chuireas an dòchas 'n a thròcair;

19 Chum an anam a theasairginn o'n bhàs, agus an cumail beò anns a' ghorta.

20 Feithidh ar n-anam air an Tighearn; is esan ar cabhair, agus ar sgiath.

21 Oir ann-san ni ar cridhe gairdeachas, a chionn 'n a ainm naomh-san gu'n do chuir sinn ar dòigh.

22 Gu'n robh do thròcair, a Thighearn', oirm, a réir mar a chuir sinn ar dòchas annad.

SALM XXXIV.

1 *Dh'earailich Daibhidh air an t-sluagh Dia a mholadh. 8 Is* beannaichte an duine a dh'earbas as an Tighearn. 15 Saoraidh Dia am fìrean as gach teanntachd.

Le Daibhidh, an uair a dh'atharraich e a ghiùlan 'an làthair Abimeleich, agus a chuir esan uaidh e, agus a dh'imich e.

BEANNAICHDH mi an Tighearn gach àm: 'an còmhnuidh bithidh a mholadh ann am bheul.

2 Anns an Tighearn nì m'anam uail; cluinnidh na daoine sèimhe, agus nì iad aoibhneas.

3 Molaibh an Tighearn leamsa, agus àrd-aicheamaid 'ainm le 'chéile.

4 Dh'iarr mi an Tighearn, agus dh'éisd e rium; agus shaor e mi o gach aobhar eagail a bha agam.

5 Dh'amhairc iad air, agus shoillsicheadh iad; agus cha robh nàire air an gnùis.

6 Ghlaodh an duine bochd so, agus dh'éisd an Tighearn ris; agus as a theanntachdaibh gu léir shaor se e.

7 Campaichidh aingeal an Tighearna mu'n tìnehioll-san d'an eagail e, agus teasairgidh e iad.

8 O blaisibh agus faicibh gur maith an Tighearn: is beannaichte an duine sin a dhearbhas as.

9 Bitheadh eagal an Tighearn' oirbh, a naoimh-san; oir cha bhi dìth air a luchd-eagail-san.

10 Bithidh casbhuidh air na leòmhanaibh dga, agus bithidh ocras orra; ach orra-san a dh'iarras an Tighearn cha bhi maith air bith a dhìth.

11 Thigibh, a chlann, éisdibh rium; teagaisgidh mi dhuibh eagal an Tighearna.

12 Cò e am fear a mhiannaicheas beatha, a ghràdhachas làithean a dh'fhaicinn maith?

13 Gléidh do theangadh o olc, agus do bhilean o labhairt ceilg.

14 Seachainn an t-olc, agus dean am maith; iarr stochaint agus lean i.

15 Tha sùilean an Tighearn' air na fìrcanaibh, agus a chluas r'an glaoth.

16 Tha gnùis an Tighearn' an aghaidh luchd-deanamh uile, chum an cuinlne a ghearradh as o'n talamh.

17 Ghlaodh na [fìrcanan,] agus dh'éisd an Tighearn; agus as an teanntachdaibh gu léir shaor e iad.

18 Is dlùth an Tighearn dhoibh-san a tha briste 'n an cridhe; agus saoraidh e iadsan a tha brùite 'n an spiorad.

19 Is lìomhor àmhgharan an fhèirein; ach asda air fad saoraidh an Tighearn e.

20 Gleidhidh an Tighearn a chnàmhan uile: cha bhi h-aon diubh briste.

21 Marbhaidh olc na h-aingidh; agus iadsan a tha 'toirt fuath do'n fhèirean lomsgriosar iad.

22 Saoraidh an Tighearn anam a sheirbhis-each; agus cha sgriosar aon air bith dhiubh-san a chuireas an dòigh ann.

SALM XXXV.

1 Chuir Daibhidh suas athclauige air son tèar-uinteachd da fèin, agus sgrios d'a naimhaidibh. 11 Ghearrain e gu'n do dhàil a naimhdean dha olc ann an éiric maith. 22 Gluidh e gu'n tagradh Dia a chàis.

Le Daibhidh.

TAGAIR, a Thighearna, riu-san a thagras a'm' aghaidh; cog 'n an aghaidh-san a chogas a'm' aghaidh.

2 Glac targaid agus sgiath, agus éirich chum mo chuideachaidh.

3 Agus tarruing a mach an t-sleagh, agus druid an t-slighe 'n an aghaidh-san a tha 'n tòir orm: abair ri m'anam, Is mi do shlàinte.

4 Nàire agus masladh gu'n robh orra-san a tha 'g iarraidh m'anama: gu'm pillcar iad-san air an ais, agus gu'n robh amhluacl' orra, a tha 'smuaineachadh uile dhomh.

5 Bitheadh iad mar mhòil fa chomhair na gaoithe, agus aingeal an Tighearna 'g an ruagadh.

6 Bitheadh an slighe dorcha agus sleamhuinn, agus aingeal an Tighearn' 'an tòir orra.

7 Oir gun aobhar dh'fholuich iad air mo shon an lion; gun aobhar chladhaich iad slochd air son m'anama.

8 Thigeadh sgrios air gun fhios da, agus a lion a dh'fholuich e, glacadh se e fèin: 's an sgrios sin tuiteadh e.

9 Ach nì m'anam-sa gairdeachas anns an Tighearn; nì e aoibhneas 'n a shlàinte.

10 Their m'o chnàmhan uile, A Thighearna, cò a's cosmhuil riutsa, a theasairgeas am bochd uaith-san a's treise na e, agus am bochd agus an t-ainnis uaith-san a chreachadh e?

11 Dh'éirich fianuisean eucorach; chuir iad as mo leth nithean air nach robh fios agam.

12 Dhiol iad dhomh olc ann an éiric maith, a' cur rompa mo bheatha a thoirt uam.

13 Ach a m' thaobhsa, 'n uair a bha iad-san gu tinn, b'e eudach-saic mo chulaidh; dh'irioslaich mi m'anam le trasgadh, agus phill m'urnaigh a'm' uchd fèin.

14 Margu'm bu charaid no bràthair dhomh a bhitheadh ann, ghluais mi; mar fhear-caoidh a mhàthar, gu dubhach chrom mi sìos.

15 Ach air bhi dhomhsa ann an àmhghar, bha iadsan ait, agus chruinnich iad le 'chéile; chruinnich daoine suarach nach b'aithne dhomh le 'chéile a'm' aghaidh; reub iad, agus cha do sguir iad.

16 Le luchd dian-mhagaidh cealgach, chas iad am fiacian rium.

17 Cia fhad, a Thighearn, a dh'amhairc-cas tu air so? saor m'anam o am milleadh, m'aon ghràidh o na leòmhanaibh.

18 Cliùthaichidh mi thu anns a' mhòr choimhthional; am measg sluagh lìomhoir molaidd mi thu.

19 Na deanadhiadsan a tha 'n an naimhaidibh dhomh gu h-eucorach, gairdeachas os mo cheann: iadsan aig am bheil fuath dhomh gun aobhar, na caogadh iad le'n suil:

20 Oir cha labhair iad sìth; ach an aghaidh dhaoine ciùine na tìre dealbhaidh iad nithean cealgach.

21 Dh'fhosgail iad am beul gu farsuinn a'm' aghaidh; thubhairt iad, Aha, aha! chunnaic ar suil.

22 Chunnaic thusa so, a Thighearna, na bi a'd' thosd: a Thighearna, na bi fada uam.

23 Tog ort, agus mosgail chum mo cheirt; chum mo chùise, mo Dhia agus mo Thighearna.

24 Thoir breth orm a réir do cheartais, a Thighearna mo Dhia, agus na deanadh iad gairdeachas os mo cheann.

25 Na h-abradh iad 'n an cridhe, Aha, is e sud ar miann: idir na h-abradh iad, Shluig sinn suas e.

26 Nàire agus amhladh gu'n robh orrasan le 'chéile, a tha 'deanamh gairdeachais ri m'òle: còmhdaichear le nàire agus mas-ladh iadsan a dh'ardaicheas iad féin a'm' aghaidh!

27 Deanadh iadsan iolach, agus bitheadh iad aoibhncach, a sheasas mo chòir dhomh; agus abradh iad a ghnàth, Mòr chliù gu'n robh do'n Tighearna, aig am bheil tlachd ann an sìth a sheirbhisich!

28 An sin cuiridh mo theagadh 'an céill do cheartas, air feadh an là do chliù.

SALM XXXVI.

1 Euceart agus cealg nan aingidh. 5 Oir-dheirceas bròcair Dhé. 10 Dh'asruich Daibhidh air Dia gu'm buanaicheadh e a chaoimhneas dhoibhsan a bha ionraic 'n an cridhe.

Do'n àrd fhear-ciùil, Le Daibhidh òglach an Tighearna.

'S E a their an t-aingidh an taobh a stigh d'a chridhe, gu'm peacaich e: cha-n'èil eagal Dhé fa chomhair a shùil.

2 Oir nì e bàigh ris féin 'n a shùilibh féin, gus am faighear a mach a chionta mar aobhar fuatha.

3 Is euceart agus cealg briathran a bheoil: leig e dheth a bhi glic, maith a dheanamh.

4 Dealbhaidh e euceart air a leabaidh; suidhichidh se e féin air slighe nach 'èil maith; cha-n oillteilcis an t-òle.

5 A Thighearna', anns na nèamhan tha do thròcair; tha d'fhìrinn gu ruig na neoil.

6 Tha d'fhìreantachd mar na beanntan àrda, do bhreitheanas 'n an doimhne mhòir: gleidhidh tusa, a Thighearna', duine agus ainmhidh.

7 Cia luachmhor do chaoimhneas gràdh-ach, a Dhé! uime sin carbaidh clann nan daoine á sgàile do sgiathan.

8 Sàsuichear iad gu mòr le saill do thighe; agus as amhainn do shòlasan bheir thu orra òl.

9 Oir agadsa tha tobar na beatha: ann ad sholus-sa chi sinne solus.

10 Buanaich do chaoimhneasgràidh dhoibhsan a chuir eòlas ort, agus d'fhìreantachd dhoibhsan a tha ionraic 'n an cridhe.

11 Na tigeadh cos an àrdainn orm, agus na gluaiseadh làmh nan aingidh mi.

12 An sin thuit luchd-deanamh na h-euccirt sìos; leagadh sìos iad, agus cha-n urrainn iad èirigh.

1 Chomhairlich Daibhidh do gach neach feith-eamh air an Tighearna, 10 do bhrìgh gu'n sgrìos e an t-aingidh, 28 agus gu'n glèidh e an t-ion-racan beò.

Le Daibhidh.

NA bitheadh campar ort mu dhaoineibh aingidh, agus na gabh farmad ri luchd-deanamh na h-euccirt:

2 Oir mar am fear gearrar gu grad sìos iad, agus mar an luibh ghlas seargaidh iad.

3 Earb thusa as an Tighearna, agus dean maith: mar sin gabhaidh tu còmhnuidh 's an tìr, agus beathaichear thu gu cinnteach.

4 Mar an ceudna gabh tlachd anns an Tighearna, agus bheir e dhuit iarrtuis do chridhe.

5 Tabhair suas do shlighe do'n Tighearna; agus earb as, agus nì se e:

6 Agus bheir e mach d'fhìreantachd mar an solus, agus do bhreitheanas mar am meadhon-là.

7 Bi 'd' thosd an làthair an Tighearna, agus feith le foighidinn air: na bitheadh campar ort mu'n ti a shoirbhicheas 'n a shlighe, mu'n fhear a bheir a dhroch inn-leachdan gu buil.

8 Leig fearg dhiot, agus tréig corruich; na bitheadh campar ort air aon chor chum uile.

9 Oir gearrar as droch dhaoine; ach iadsan a dh'fheitheas air an Tighearna, buan-mhealaidh iad an talamh.

10 Oir fathast tamull beag, agus cha bhi an t-aingidh ann; seadh, bheir thu faincar 'aite-san, agus cha bhi e ann.

11 Ach mealaidh daoine macanta an talamh, agus gabhaidh iad tlachd ann am meud na sìth.

12 Tha'n t-aingidh a' cumadh uile do'n ionraic, agus a' casadh 'fhiacal ris.

13 Nì Dia fanoid air, oir is léir dha gu bheil a là a' teachd.

14 Tharruing na h-aingidh an claidheamh, agus chuir iad am bogha air ghleus, a leagadh sìos a' bhoich agus an ainmis, a mharbhadh luchd deadh-bheus.

15 Thèid an claidheamh a steach 'n an cridhe féin, agus brisear am bogha.

16 Is fearr bcagan aig an duine ionraic na saobhbreas mhòrain dhroch dhaoine.

17 Oir brisear gairdeanan dhroch dhaoine; ach cumaidh Dia suas na fireanan.

18 Is fiosrach Dia air làithibh nan daoine ionraic, agus bithidh an oighreachd gu sìorruidh.

19 Cha chuirear gu nàire iad ann an àm an uile, agus ann an làithibh na gorta sàsuichear iad.

20 Ach sgrìosar droch dhaoine, agus bithidh naimhdean an Tighearna mar shàill uan: thèid as doibh, mar dheataich thèid as doibh.

21 Gabhaidh an t-aingidh air iasachd, agus cha-n ioc e iis; ach tha'm fireau trèaireach, agus bheir e uaidh.

22 Oir iadsan a bheanaichear leis, mealaidh iad an talamh; agus iadsan a mhall-aichear leis, gearrar as iad.

23 Leis an Tighearn tha ceuman duine air an orduchadh, agus gabhaidh e tlachd 'n a shlighe:

24 Ged thuit e, cha tilgear gu tur sìos e; oir cumaidh an Tighearn suas air làimh e.

25 Bha mi òg, agus a nis tha mi sean; gidheadh cha-u fhaca mi am firean air a thréiginn, agus a shliochd ag iarraidh arain.

26 Tha e ghnàth truacanta agus coingheallach; agus *bithidh* a shliochd beannaichte.

27 Seachainn an t-olc, agus dean am maith, agus gabh còmhnuidh gu bràth.

28 Oir is toigh leis au Tighearn breitheanas, agus cha tréig e a naomh: gu bràth coimhèdar iadsan; ach gearrar as sliochd nan aingidh.

29 Mealaidh na firean an tìr, agus gabhaidh iad còmhnuidh innte gu bràth.

30 Cuiridh beul an fhèir 'an céill gliocas, agus labhraidh a theangadh breitheanas.

31 Tha lagh a Dhé 'n a chridhe: cha sleamhuich a cheuman.

32 Bithidh au droch dhuine ri faire air an fhìrean, agus iarraidh e a mharbhadh.

33 Cha-n fhàg an Tighearn e 'n a làimh; agus cha dìt se e, 'n uair a bheir breth air.

34 Feith air an Tighearn, agus gléidh a shlighe; agus àrdaichidh e thu, chum an tìr a mhealtuinn: 'n uair a ghearrar as droch dhaoine, chi thu e.

35 Chunnaic mi an duine aingidh ann am mòr chumhachd, agus e 'g a sgaoileadh fèin a mach mar ùr chraoibh uaine.

36 Ach chaidh e seachad, agus, feuch, cha robh e ann; agus dh'iarr mi e, ach cha d'fhuaras e.

37 Thoir fairean an duine foirfe, agus amhaire air an duine ionraic; oir is i sith a's crìoch do'n duine sin.

38 Ach sgriosar luchd eusaontais faran; gearrar as crìoch dhroch dhaoine.

39 Tha slàinte nam fìrean o'n Tighearn; is esan an neart ann an am teanntachd:

40 Agus cuidichidh an Tighearn leo, agus teasairgidh e iad: teasairgidh e iad o dhroch dhaoibh, agus saoraidh e iad, a chionn gu'n d'earb iad as.

SALM XXXVIII.

1 *Ghaidh Daibhidh air Dia gu'n gabhadh e truas deth, 21 agus gu'n cuidicheadh e leis.*

Salm le Daibhidh a chur 'an cuimhne.

A THIGHEARNA, na cronuich mi ann ad chorruich, agus na smachdaich mi ann an teas d'fheirge:

2 Oir shàthadh do shaighdean annam, agus tha do làmh trom orm.

3 Cha-n'eil fallaineachd a'm' fheoil air son

d'fheirge: cha-n'eil sìth a'm' chnàmhan air son mo pheacaidh:

4 Oir chaidh m'euceartan thar mo cheann: mar eire thruim tha iad ro throm air mo shon.

5 Tha mo cheuchdan lobhta, breun, air son m'amaideachd.

6 Tha mi cràiteach; chromadh sìos mi gu mòr; air feadh an là uile tha mi 'g imeachd gu dubhach:

7 Oir tha mo leasraidh làn de *ghàr* grànnda; agus cha-n'eil fallaineachd a'm' fheoil.

8 Tha mi lag, agus ro bhrùite: tha mi a' buireadh trid mi-shuaimhneis mo chridhe.

9 A Thighearna, tha mo mhiann uile a'd' làthair; agus cha-n'eil m'osnaich foluichte ort.

10 Tha mo chridhe a' plocartaich; thréig mo neart mi: a thaobh fradhaire mo shùl, sin mar an ceudna cha-n'eil agam.

11 Tha luchd mo ghaoil agus mo ehairdean a' seasamh fa chomhair mo leoin; agus tha mo dhilsean a' seasamh fad' uam.

12 Agus tha luchd-iarraidh m'anama a' cur rìbeachan *romham*, agus luchd-iarraidh m'uile a' labhairt nithean aimhneasach, agus a' smuaineachadh ceilge air feadh an là uile.

13 Ach mar dhuine bodhar, cha chluinn mise; agus tha mi mar dhuine balbh, nach fosgail a bheul.

14 Tha mi eadhon mar fhear nach cluinn, agus aig nach 'eil aclimhasain 'u a bheul.

15 Oir annad-sa, a Thighearna, chuir mi mo dhòchas: éisdidh tusa, a Thighearna mo Dhia.

16 Oir thubhairt mi, Air eagal gu'n dean iad gairdeachas a'm' aghaidh; 'n uair a shleamhnuicheas mo chos, gu'u àrdaich siad iad fèin a'm' aghaidh.

17 Oir tha mi ealamh gu tuisleachadh, agus tha mo dhoilgeas a'm' fhianuis a ghnàth.

18 Oir aidichidh mi m'euceart; bithidh mi doilich air son mo pheacaidh.

19 Ach tha mo naimhdean beothail, tha iad làidir; agus tha iadsan aig am bheil fuath dhomh gu h-eucorach, air fàs lionmhor.

20 Agus tha iadsan a dh'ìocas olc air son maith a' cur a'm' aghaidh, a chionn gu bheil mi 'leantuinn a' mhaith.

21 Na tréig mi, a Thighearna, mo Dhia; ua bi-sa fad uam.

22 Greas chum mo chuideachaidh, a Thighearna, mo shlàinte.

SALM XXXIX.

1 *Thug Daibhidh aire nach peacaicheadh e le theangaidh. 4 Tha beatha an duine mar sgàile, agus mar leud boise a làithean. 8 Dh'iarr Daibhidh gu'n saoradh Dia e o eusaontas.*

Do'n àrd fhear-ciùil, do Iedutun. Salm le Daibhidh.

THUBHAIRT mi, Bheir mi 'n aire do m' shlighibh, nach peacaich mi le m'

theangaidh; gleidhidh mi srian air mo bheul, an uair a bhithcas an *duine* aingidh a'm' fhianuis.

2 Bha mi balbh, tosdach; dh'fhan mi o labhair maith *fèin*; ach dhùisgcadh mo dhoilgheas.

3 Dh'fhàs mo chridhe teth an taobh a stigh dhìom; 'n uair a bha mi a' beachd-smuaineachadh, las an teine; labhair mi le m' theangaidh:

4 Thoir fios dhomh, a Thighearna, air mo chrich, agus tomhas mo làithean cìod e, chum gu'm bi fios agam cia gearr mo rè.

5 Feuch, mar leud boise rinn thu mo làithean, agus *tha* m'aois mar neo-ni a'd' fhianuis: gu deimhin *is* dìomhanas gach duine aig 'fheabhas. Selah.

6 Gu deimhin *tha* gach duine a' siubhal ann an samhladh dìomhain: gu deimhin cuircar mi-shuaimhneas orra gu faoin: carnaidh *neach* suas *beartas*, gun fhios aige cò 'mhealas e.

7 Agus a nis cìod ris am feitheam, a Thighearna? *tha* mo dhòchas annad-sa.

8 Saor mi o m'cusaontasibh uile; na dean ball-maslaidh an amadaidh dhìom.

9 Bha mi a'm' tòsdh, cha d'fhosgail mi mo bheul, a chionn gur tusa a rinn e.

10 Tog dhìom do bhuille: le beum de làimh-sa chlaoidheadh mi.

11 Le achmhasanibh air son euceirt 'n uair a chonaicheas tu duine, bheir thu air a shnuadh caitheadh mar leomam: gu deimhin *is* dìomhanas gach duine. Selah.

12 Chluinn m'urnuigh, a Thighearna, agus éisd ri m' ghlaodh; ri m' dheoir na bi a'd' thosd: oir *is* coigreach mi maille riut, agus fear-cuairt, mar m'athrichean uile.

13 O! caoinhain mi, chum gu'm faigh mi neart, mu'n siubhail mi, agus nach bi mi ann m'is mòd.

SALM XL.

1 Nochd Daibhidh sonas an *duine* a chuireas a dhòchas anns an Tighearn. 6 'Se àmhlachd d'a thoil an iobairt a's taitneiche le Dia. 11 Dh'asluich Daibhidh air an Tighearn slàinte dha *fèin* agus amhluaadh d'a naimhidibh.

Do'n àrd fhear-ciuil. Salm le Daibhidh.

DH'FHEITH mi le foighidinn ris an Tighearn, agus chrom e thugam; agus ehuil' e mo ghlaodh.

2 Agus thug e nìos á slochd uamhuinn mi, á clàbar làthaich, agus chuir e mo chosan air carraig; shocrach e mo cheuman.

3 Agus chuir e òran nuadh ann am bheul, òran-molaidh d'ar Dia: chi mòran e, agus bithidh cagal orra, agus carbaidh iad as an Tighearn.

4 *Is* beannaichte an duine sin a chuireas a dhòchas anns an Tighearn, agus nach seall an déigh nan uaibbreach, no 'n an déigh-san a chlaonas chum bréige.

5 *Is* ionmhor, a Thighearna mo Dhia, na nithcan a rinn thu! d'òibre iongantach,

agus do smuaintean d'ar taobh-ne, cha-n'eil e 'n comas a chur sìos 'an ordugh dhuit: nochdaimn agus chuirinn 'an céill iad; ach *tha* iad n'is lionmhoire na gu'n gabh iad àireamh.

6 Ann an iobairt agus 'an tabhartas cha do ghabh thu tlachd: dh'fhosgail thu mo chluasan: iobairt-loisgte agus iobairt-phacaidh cha d'iarr thu.

7 An sin thubhairt mi, Feuch, *tha* mi teachd; ann an rola an leabhair *tha* e sgrìobhta ormsa;

8 Is e mo thlachd do thoil a dheanamh, a Dhé; seadh, *tha* do lagh 'an taobh a stigh de m' chridhe.

9 Rinn mi sgeul air d'fhìreantachd 's a' choimhthional mhòr: feuch, cha do choisg mi mo bhilean, a Thighearna, is aithne dhuit.

10 Cha d'fholuich mi d'fhìreantachd ann am meadhon mo chridhe: chuir mi'n céill d'fhìrinn agus do shlàinte: cha do cheil mi do chaoimhneas gràdhach, agus d'fhìrinn, o'n choimhthional mhòr.

11 A Thighearna, na cum-sa do chaomh thrècairan uam: gleidheadh do chaoimhneas gràdhach agus d'fhìrinn a ghnàth mi.

12 Oir dh'iadh uile gun àireamh ian'n cuairt orm; ghlac m'euccartan mi, agus cha-n'eil e 'n comas dhomh sealltuinn suas; n'is lionmhoire *tha* iad na folt mo chinn, agus thréig mo chridhe mi.

13 Gu ma toil leat, a Thighearna, mo theasairginn; geras, a Thighearna, chum mo chuideachaidh.

14 Nàire agus amhluaadh gu'n robh orrasan le 'chéile, a *tha* 'g iarraidh m'anama g'a sgrìos: ruagar air an ais agus nàirehear iadsan a *tha* 'guidhe uile dhìomh.

15 Aonaranach gu'n robh iadsan mar thuarasdal an nàire, a their riumsa, Aha, Aha!

16 Deanadh iadsan uile a dh'iarras thusa, gairdeachas agus aoibhneas annad: abradh iadsan 'an còmhuidh, a ghràdhaicheas do shlàinte, Mòr nìoladh gu'n robh do'n Tighearn.

17 *Tha* mise bochd agus uireasbhuidh-each, ach smuainiclidh an Tighearn orm: *is* tusa m'fhear-cabhair, agus m'fhear-saoraidh; a Dhé, na dean moille.

SALM XLI.

1 Thuarasdal an *duine* chaoimheil. 4 Ghuidh Daibhidh gu'n nochdadh Dia trècair dha. 11 Dh'aicidh e mailleas Dhé d'a taobh.

Do'n àrd fhear-ciuil. Salm le Daibhidh.

IS beannaichte esan a bheir an aire do'n duine bhoichd: ann an là an uile saoraidh an Tighearn e.

2 Gleidhidh an Tighearn e, agus cnuaidh e bed e, agus bithidh e beannaichte air thalamh: na tabhair thusa e do thoil a naimhdean.

3 Bheir an Tighearn neart dha air leabaidh a thinneis iarganaich: a leabadh uile ni thusa dha 'n a euslainte.

4 Thubhairt mi, A Thighearna, dean tràd-air orm: leighis m'anam, oir pheacaich mi a'd' aghaidh.

5 Tha mo naimhdean a' labhairt uile orm, *ag ràdh*, 'Cuin a gheibh e bàs agus a sgriosar ainm?

6 Agus ma thig neach g'am shealltuinn, labhraidh e diomhanas; carnaidh a chridhe eucart dha féin; théid e mach, agus labhraidh se e.

7 Tha iadsan uile aig am bheil fuath dhomh a' cogarsaich le 'chéile a'm' aghaidh: tha iad a' dealbh uile a'm' aghaidh.

8 Tha droch ni, *ars' iadsan*, air teachd air; agus esan a tha nis 'n a luidhe, cha-n éirich e ni's mò.

9 Eadhon fear mo shùth, as an d'earb mi, esan a dh'ith de m'aran, thog e a shàil a'm' aghaidh.

10 Ach dean-sa, a Thighearna, tràd-air orm, agus tog suas mi, agus bheir mi luigheachd dhoibh.

11 Le so tha fios agam gu bheil tlachd agad-sa annam, a chionn nach 'eil mo nàmhaid a' deanamh eathreim os mo cheann.

12 Ach air mo shonsa, cumaidh tu suas mi ann am ionracas, agus suidhichidh tu mi a'd' fhianuis gu bràth.

13 Beannaichte gu robh an Tighearn Dia Israeil, o shìorruidheachd gu sìorruidheachd! Amen agus Amen!

SALM XLIII.

1 *Tha cridhe Dhaibhidh a' togairt a dh'ionnsuidh Dhé. 5 Ghlac e misneach a bhrìgh trèicair an Tighearna.*

Do'n àrd fhear-ciùil, Mascil, air son mhac Choram.

MAR a thogras am fiadh chum nan sruth uisge, mar sin tha m'anam a' togairt a'd' ionnsuidh-sa, a Dhé.

2 Tha tart air m'anam chum Dhé, chum an Dé bhed: c'uin a thig mi, agus a nochdar mi 'am fianuis Dhé?

3 Is iad mo dheoir a's biadh dhomh a là agus a dh'oidhehe, 'n uair a theirear rium gach là, C'àit am bheil do Dhia?

4 Na nithean so is euimhne leam, agus tha mi 'dòrtadh a mach m'anama leam féin; oir ghabh mi thairis leis a' mhòr-ehuideachd, chaidh mi leo gu tigh Dhé, le fuaim gairdeachais agus molaidh, leis a' chuideachd a bha 'nemail là féille.

5 C'ar son a tha thu air do leagadh sìos, O m'anam? agus c'ar son a tha thu fo bhuair-eas 'an taobh a stigh dhìom? carb thusa á Dia; o'ir fathast molaidh mise e, slàinte mo ghnùise, agus mo Dhia.

6 Leagadh sìos m'anam 'an taobh a stigh dhìom: uinne sin cuimhnichidh mi orts, mo Dh'a, o thìr Iordain, agus o Illemon, o shliabh Mhìtsair.

7 Tha doimhne a gairm air doimhne le fuaim d'fheadan uisge; chaidh do stuidh-ean agus do thonnan uile tharum.

8 Amas an là àithnidh an Tighearn a thròd-air; agus 's an oidheche *bithidh* a laoidh maille rium, agus m'urnuigh ri Dia mo bheatha.

9 Their mi ri Dia mo charraig, C'ar son a dhì-chuimhnich thu mi? c'ar son a tha mi a' triall gu dubhach air son foirneirt an eascaraid?

10 Mar ehlaidheamh a'm' chnàmhan, tha mo naimhdean a' toirt maslaidh dhomh, 'n uair a their iad rium gach là, C'àit am bheil do Dhia?

11 C'ar son a tha thu air do leagadh sìos, O m'anam? agus c'ar son a tha thu fo bhuair-eas an taobh a stigh dhìom? carb thusa á Dia; oir fathast molaidh mise e, slàinte mo ghnùise, agus mo Dhia.

SALM XLIII.

1 *Dh'iarr Daibhidh air Dia a chàis a thagradh, agus e féin a thrèòrachadh chum o phàillion-on. 4 Chuir e a dhòchas ann an Dia.*

THOIR breth orm, a Dhé, agus tagair mi mo chùis: o chinneach an-ìochdamhor; o fhear na ceilge agus na h-euceirt, saor thusa mi.

2 Oir is tusa Dia mo neirt; c'ar son a chuir thu mi fada uait? c'ar son a tha mi a' triall gu dubhach air son foirneirt an eascaraid?

3 O cuir a mach do sholus agus d'fhàirinn! seòladh iadsan mi, thugadh iad mi eum do shléibh naoimh-sa, agus chum do phàillìunan.

4 An sin théid mi dh'ionnsuidh altair Dhé, a dh'ionnsuidh Dhé m'aoibhneis ro mhòir; agus molaidh mi thu air a' ehlàrsaich, a Dhia, mo Dhia.

5 C'ar son a tha thu air do leagadh sìos, O m'anam? agus c'ar son a tha thu fo bhuair-eas 'an taobh a stigh dhìom? carb thusa á Dia; oir fathast molaidh mise e, slàinte mo ghnùise, agus mo Dhia.

SALM XLIV.

1 *Chuimhnich an eaglais air na tiodhlacaibh a thug Dia dhi o sheon; 9 agus tha i a' caoidh gu'n do thrèig e i a nis; 17 chuir i 'an cèll a h-ionrocas, agus ghuidh i gu'n deanadh Dia cabhair oirre.*

Do'n àrd fhear-ciùil, air son mhac Choram, Mascil.

ADHE, le'relusaibh chuala sinn, dh'innis ar n-aithrichean dhuinn an obair a rinn thu 'n an làithibh-san, 's na làithibh o shean.

2 Le d'làimh thilg thu mach na cinnich, ach shuidhich thu iadsan: chlaoidh thu na slòigh, ach thug thu orra-san soirbheachadh.

3 Oir cha-n ann le'n claidheamh féin a fhuair iad sealbh 's an tìr, agus cha-n e an gardean féin a shaor iad; ach do dheas làmh, agus do ghairdean-sa, agus solus do

ghnùise, a chionn gu'n robh deadh-ghean agad doibh.

4 *Is tu féin mo Rìgh, a Dhé: àithn thusa saorsa do Iacob.*

5 Trid-sa buailidh sinn ar naimhdean; trid d'ainme-sa saltraidhsinn orra-san a dh'éireas 'n ar n-aghaidh.

6 Oir as mo bhogha cha-n earb mi, agus eha saor mo chlaidheamh mi.

7 Ach shaor 'thusa sinn o ar naimhdeibh, agus nàirich thu iadsan aig an robh fuath dhuinn.

8 A Dia ni sinne uail air feadh an là; agus d'ainm-sa molaidh sinn gu sìorruidh. Selah.

9 Ach a nis thilg thu uait sinn, agus nàirich thu sinn; agus cha-n'eil thu 'dol a mach le'r n-armailtibh.

10 Thug thu oirnn tionndadh air ar n-ais o'n nàmhaid, agus tha iadsan le'm fuathach sinn 'g ar creachadh.

11 Thug thu sinn mar chaoraich air son bìdh; agus am measg nan cinneach sgap thu sinn.

12 Reic thu do shluagh gun fhiach, agus cha do mheudaich thu do mhaoin le'n luach.

13 Rinn thu sinn 'n ar masladh d'ar coimhearsnaich, 'n ar ball fanoide agus magaidh dhoibhsan a tha mu'n cuairt oirnn.

14 Rinn thu gnàth-fhocal dhinn am measg nan cinneach, aobhar crathaidh-cinn am measg an t-sluaigh.

15 Fad an là *tha* m'amhladh a'm' fhiannuis, agus chòmhdaich nàire mo ghnùise mi.

16 Air son gutla an fhir a bheir masladh agus toibheum, air son fianuis an nàmhaid agus an dioghaltaich.

17 Thàinig so uile oirnn; gidheadh, cha do dhi-chuimhnich sinn thu, agus cha d'rinn sinn cealg ann ad choimhcheangal.

18 Cha do thionndaidh ar cridhe air ais, agus cha do chlaon ar cos o d' shlighe:

19 Ge do mhìn-phronn thu sinn ann an ionad dhràgon, agus ge do chòmhdaich thu sinn le sgàil a' bhàis.

20 Ma dhi-chuimhnich sinn ainm ar Dé, no ma shìnn sinn ar làmhnan gu Dia coimheach,

21 Nach rannsaich Dia so a'mach? oir tha fios aige-san air *nithibh* diomhair a' chridhe.

22 Ach air do shon-sa mharbhadh sinn ré an là gu léir; mheasadh sinn mar chaoraich chum casgraidh.

23 Mosgail; c'ar son a choidleas tu, a Thighearna? dùisg, na tilg uait *sinn* gu bràth.

24 C'ar son a dhi'fholaicheas tu do ghnùis? a dhi-chuimhnicheas tu ar n-àmghar, agus ar foirneart?

25 Oir chromadh sìos ar n-anam do'n ùir; dhlùth-leam ar com ris an talamh.

26 Eirich, cuidich leinn, agus saor sinn air sgàth do thrèair.

SALM XLV.

1 *Mòralachd oighreachd Chrìosd. 10 Dleasdanas na h-eaglaise, agus na sochairean a tha i a'mealtuinn.*

Do'n àrd dhear-ciuil air Sosanim, air son mhac Choram, Maschil. Oran gràidh.

THA mo chridhe a' deachdadh deadh ni; cuiridh mi 'n céill na nithean a rinn mi do'n Rìgh; *bithidh* mo theangadh mar pheann fir-sgrìobhaidh dheis.

2 Is maisiche thu na clann nan daoine; dhòirteadh gràs ann ad nàilb: uime sin bheannaich Dia thu gu bràth.

3 Crìslaich do ehlaidheamh air do leis, O a ghaigeich; le d' ghlòir, agus le d' mhòralachd.

4 Marcaib air d'aghaidh gu buadhach air sgàth na firinn, agus na macantachd, agus na fireantachd; agus teagaisgidh do dheas làmh dhuit nithean uamhasach.

5 *Is* geur do shaighdean, (tuitidh na slòigh fodhad,) *is geur iad* ann an cridhe naimhdean an Rìgh.

6 *Tha* do rìgh-chaitir, a Dhé, gu saoghal nan saoghal: *is* slat cheartais slat-shuaicheantais do rìoghachd-sa.

7 Ghràdhaich thusa fireantachd, agus thug thu fuath do aingidheachd; uime sin dh'ung Dia, do Dhia-sa, thu le h-olaidh aoibhneis os ceann do chompanach.

8 De mhirr, agus de alos, agus de chasia, *théid fàile o d' thrusgan uile*, a mach à lùchairtibh de fhiacalbh elephant, leis an do chuireadh aoibhneas ort.

9 *Tha* nigheanan riiglean am measg do bhan urramach; seasaidh do bhan-rìghinn air do dheas làmh, ann an òr na h-Ophir.

10 Eisd, a nighean, agus amhaire, agus aom do chlus; agus di-chuimhnich do shluagh féin, agus tigh d'athar.

11 An sin gabhaidh an Rìgh mòr thlachd ann ad àille: a chionn gur esan do Thighearn, thoir-sa urram dha.

12 *Thig* eadhon nighean Thiruis le tìodhlac; asluichidh daoine saobhir an t-sluaigh do dheadh-ghean.

13 Uile ghlòrmhor *tha* nighean an rìgh a stigh; air oibreachadh le h-òr *tha* a h-eudach.

14 Ann an trusgan de obair ghréis' bheircar i chum an Rìgh: bheirear na maighdeanan 'n a déigh, a bana-chompanaich, a steach thugad.

15 Bheirear iad le h-aoibhneas agus le gairdeachas; *théid iad a steach do lùchairt an Rìgh.*

16 An àite d'athrichean bithidh do mhic; ni thu iad 'n an uachdaranaibh air an talamh uile.

17 Bheir mi air d'ainm a bhi air chuimhne anns gach linn a thig; uime sin molaidh an sluaigh thu gu saoghal nan saoghal.

SALM XLVI.

1 *Tha Dia 'n a thearmunn agus 'n a neart d'a shluagh féin. S Earail gu beachdachadh air oibrìth iongantach Dhé.*

Do'n àrd fhear-ciùil air son mhac Chorah.
Oran air Alamot.

IS e Dia ar tearmunn agus ar neart; ar cabhair ro dheas ann an teanntachd-aibh:

2 Air an aobhar sin cha bhi eagal oirnn, ged ghluaisear an talamh, agus ged atharruichear na beanntan gu meadhon na fairge.

3 Ged bheuc a h-uisgeachan, agus ged chuirear thar a chèile iad; ged chrìochnuich na beanntan le a h-ataireachd. Selah.

4 *Tha amhainn ann, agus ni a sruthan caithir Dhé ait; naomh-ionad phàillion an Ti a's àirde.*

5 *Tha Dia 'n a meadhon; cha ghluaisear i: cuidichidh Dia leatha gu moch air mhad-uinn.*

6 Ghabh na cinnich boile; ghluaisceadh na rìoghachdan: chuir e mach a ghuth, leagh an talamh.

7 *Tha Dia nan slògh leinn; is e Dia Iacob a's didean duinn. Selah.*

8 Thigibh, faicibh oibre an Tighearna, gach léir-sgrìos a rinn e air thalamh.

9 Coisgidh e an cogadh gu h-iomall na talmhainn; brisidh e am bogha, agus gearraidh e an t-sleagh: na carbadan-cogaidh loisgidh e le teine.

10 Bithibh sàmhach, agus tuigibh gur mise Dia: àrdaichear mi am measg nan cinneach, àrdaichear mi air thalamh.

11 *Tha Dia nan slògh leinn; is e Dia Iacob a's didean duinn. Selah.*

SALM XLVII.

1 *Nochd an salmadar gu bheil Dia 'n a Rìgh mòr os ceann na talmhainn, agus 'n a aobhar eagail do gach neach.*

Do'n àrd fhear-ciùil. Salm air son mhac Chorah.

BUAILIBH bhuir basan, uile shlòigh; togaibh iolach do Dhia le guth gairdeachais.

2 Oir *tha'n* Tighearna, an Ti a's àirde, 'n a aobhar eagail: *is* Rìgh mòr e os ceann na talmhainn uile.

3 Cuiridh e na slòigh fo'r smachd, agus na cinnich fo'r cosaibh.

4 Taghaidh e ar n-oighreachd dhuinn, òir-dheirceas Iacob, a ghràdhaich e. Selah.

5 Chaidh Dia suas le caithream, an Tighearna le fuaim trompaid.

6 Seinnibh moladh do Dhia, seinnibh; seinnibh moladh d'ar Rìgh, seinnibh:

7 Oir *is* e Dia rìgh na talmhainn uile; seinnibh moladh gu h-còlach.

8 *Tha Dia 'n a Rìgh os ceann nan cinneach: tha Dia 'n a shuidhe air rìgh-chaitlir a naomhachd.*

9 Chruinnicheadh uachdarain nan sluag le 'chèile, sluagh Dhé Abraham: oir *is* le Dia sgiathan na talmhainn; tha e air 'àrdachadh gu mòr.

SALM XLVIII.

1 *Tha an eaglais sgiamhach 'n a suidheachadh, 3 agus tha Dia 'n a thearmunn di anns gach teanntachd.*

Oran agus Salm air son mhac Chorah.

IS mòr an Tighearna, agus is ro airidh air eliu e ann am baile ar Dé, ann an sliabh a naomhachd.

2 Sgiamhach 'n a shuidheachadh, tha sliabh Shìoin, aoibhneas na talmhainn uile: air an taobh mu thuath *tha* baile an Rìgh mhòir.

3 Aithnichear Dia 'n a lùchairtibh mar thearmunn.

4 Oir feuch, chruinnicheadh na rìghrean; ghabh iad thairis le 'chèile.

5 Chunnaic iad, agus b'ìoghnadh leo; bha uamhas orra, ghracas iad orra.

6 Ghlac geilt-chrith iad an sin, pian mar phéin mna' ri saothair.

7 Le gaioth an ear mìn-bhrisidh tu longan Tharsis.

8 Mar a chuala sinn, is amluil a chunnaic sinn ann am baile Tighearna nan slògh, ann am baile ar Dé: daingnichidh se e gu bràth. Selah.

9 Snuainich sinn air do chaoimhneas gràidh, a Dhé, ann am meadhon do theamp-uill.

10 Mar d'ainm, a Dhé, mar sin *tha* do ehliu gu crìochaibh na talmhainn: tha do dheas làmh làn de fhìreantachd.

11 Deanadh sliabh Shìoin aoibhneas, deanadh nigheanan Iudah gairdeachas, air son do bhreitheanas.

12 Cuairtichibh Sion, agus rachaibh m'a timchioll; àirmuibh a tùir.

13 Thugaibh an aire d'a balla làidir, comh-araichibh a lùchairtean, chum gu'n cuir sibh 'an céill e do'n àl ri teachd.

14 Oir *is* e an Dia so ar Dia-ne gu saoghal nan saoghal: stiùraidh e sinn gu ruig am bàs.

SALM XLIX.

1 *Chuir an salmadar 'an céill do'n t-sluagh gu'n labhradh a' bheul air nùibh tuisgeach. 6 Nochd e dhoibh dìomhanas nìthean talmhaidh.*

Do'n àrd fhear-ciùil, Salm air son mhac Chorah.

CLUINNIBH so, a shlòigh uile, éisdibh, *sibhse* uile luchd-àiteachaidh an domhain;

2 Araon a dhaoine ìosal agus àrd, beartach agus bocid le 'chèile.

3 Labhraidh mo bheul gliocas, agus snuainichidh mo chridhe air tuisge.

4 Aomaidh mi gu cosamhlachd mo chluas: nochdaidh mi air a' chlàrsaich mo ràdh dorchas.

5 C'ar son a bhitheadh eagal orm ann an làithibh an uile, 'n uair a chuairticheas aingidheachd m'cascairdean mi,

6 A dh'earbas as an saobhbreas, agus a ni uail a' pailteas am beartais?

7 Cha-n urrainn duine air chor sam bith a bhràthair a shaoradh, no éiric a thabhairt do Dhia air a shon:

8 (Oir tha saorsa an anama luachmhor, agus sguiridh e am feasd:)

9 Gu'm maireadh e beò gu sìorruidh, agus nach faiceadh e truailidheachd.

10 Oir chi e gu'm faigh na daoine glìce bàs, gu'n sgriosar le 'chéile an t-amadan agus an t-ùmaidh, agus gu'm fàg iad am beartas aig daoinibh eile.

11 Is iad smuaintean an cridhe gu mair an tighean gu bràth, an ionadan-còmh-nuidh o linn gu linn: bheir iad aium air am fearann, a réir an ainme féin.

12 Ach ged robh an duine ann an urram, cha mhair e: is cosmhuil e ris na h-ainmhidhean, a ghearrar as.

13 Is i so an slighe, eadhon an amaid-eachd: gidheadh gabhaidh an sliochd tlachd 'n an cainnt. Selah.

14 Mar chaoraich cuirear iad 's an uaigh; ithidh am bàs iad, agus bithidh uachdaran-achd aig na fireanaibh os an ceann anns a' mhadaunn: seargaidh an dreach as 's an uaigh, an ionad-còmhnuidh.

15 Ach saoraidh Dia m'anam-sa o chumh-achd na h-uaighe; oir gabhaidh e mi d'a ionnsuidh. Selah.

16 Na gabh thusa eagal an uair a dh'fhàsas duine beartach, 'n uair a mheudaichear glòir a thighe:

17 Oir 'n uair a gheibh e bàs, cha toir e ni air bith leis; cha téid a ghlòir sìos 'n a dheigh:

18 Ged bheannaich e 'anam féin, 'n uair a tha e beò; agus molar thusa, 'n uair a ni thu maith dhuit féin.

19 Théid e gu h-àl a shinnsear: gu bràth cha-n fhaic iadsan solus.

20 Tha 'n duine, a tha ann an urram, agus a tha gun tuigse, cosmhuil ris na h-ainmhidhean a ghearrar as.

SALM L.

1 Mòralachd agus cumhachd Dhé. 7 Cha-n'eil tlachd aig an Tighearn ann an ìobairt, 14 as eugmhas ìobairt buidheachais. 16 Cronaichidh Dia an cealgair.

Salm le Asaph.

LABHAIR Dia nan Dia, Iehòbhai, agus ghairm e an talamh o éirigh gu ruig luidhe gréine.

2 A mach a Sion, iomlanachd na maisc, dhealruich Dia.

3 Thig air Dia-ne, agus cha bhi e 'n a thosd: roimh a ghnais lasaidh teine millt-each, agus mu'n cuairt air bithidh doimionn mhòr.

4 Gairmidh e air na nèamhan o'n àirde,

agus air an talamh, chum breth a thoirt air a shluagh.

5 Cruinnichibh mo naoimh a m' ionnsuidh, iadsan a rium còmhcheangal rium le h-ìob-airt.

6 Agus cuiridh na nèamhan 'an céill a cheartas; oir is e Dia féin a's Breitheanhi ann. Selah.

7 Eisdibh, O mo shluagh, agus labhairidh mi; O Israeil, agus ni mi fianuis a'd' aghaidh: is mise Dia, do Dhia-sa.

8 Air son d'ìobairtean cha-n agair mi thu; oir tha d'ìobairtean-loisgte a ghnàth a'm' fhianuis.

9 Cha ghabh mi tarbh òg as do thigh, no gabhair fhìrionn as do mhainniribh:

10 Oir is leamsa uile bheathaichean na eoilte, an spréidh air mìle sliabh.

11 Is aithne dhomhsa uile eunlaith nam beann; agus is leamsa fiadh-bheathaichean na macharach.

12 Nam bithinn ocrach, cha-n innsinn duitse: oir is leamsa an domhan, agus a làn.

13 An e gu'n ithinn feoil tharbh? agus an òlainn fuil glabhar?

14 Iobair ìobairt bluidheachais do Dhia, agus ioc do bhòidean do'n Ti a's àirde.

15 Agus gairm orm ann an là teanntachd: saoraidh mise thu, agus bheir thusa glòir dhomhsa.

16 Ach ris an droch dhuine their Dia, Ciod e do ghnòthuch-sa mo reachdan a chur 'an céill, no gu'n gabhadh tu mo choimhcheangal ann ad bìcul;

17 'N uair tha fuath agad air fèghlum, agus a thig thu mo bhriathran air do chùl?

18 Ma chunnaic thu gaduiche, dh'aontaich thu leis; agus maille ri luchd adhaltrannais bha do chuibhrionn.

19 Chuir thu do bheul chum uile, agus dhealbhadh do theangadh cealg.

20 Shuidh thu, agus an aghaidh do bhràthar labhair thu; agus do mhac do mhàthar thug thu beum.

21 Na nithean so rinn thu, agus bha mise a'm' thosd; shaoil thu gu'n robh mi gu turmar thu féin: cronaidhidh mi thu, agus cuiridh mi gach ni 'an ordugh fa chomhair do shùil.

22 Smuainichibh a nis air so, sibhse nach cuimhnich Dia; air eagal gu'n reub mi as a chéile, gun neach aum a theasairgeas.

23 Esan a dh'ìobras moladh, bheir e glòir dhomhsa; agus dhàsan a dh'òrcheas a shlighe, nochdaidh mi slàinte Dhé.

SALM LI.

1 Dh'aichidh Daibhidh a pheacaidhean, agus ghuidh e gu'n dubhadh Dia as iad. 7 Dh'astuiche air Dia gu'n naomhaicheadh se e. 17 'S e spiorad briste ìobairt Dhé.

Do'n àrd dhear-ciuil, Salm le Daibhidh, 'n uair a thàinig Natan am faidh d'a ionnsuidh, an déigh dha bhi aig Bateba.

DEAN trècair orm, a Dhé, a réir do chaoimheis gràidh; a réir lionnhoir-

eachd do chaomh thròcairean, dubh as m' eusaontas.

2 Gu h-ìomlan ionnail mi o m' lochd, agus glan mi o m' pheacadh:

3 Oir tha mi ag aideachadh m' eusaontais, agus *tha* mo pheacadh a'm làthair a ghnàth.

4 A'd'aghaidh, a'd'aghaidh féin a mhàin pheacaich mi, agus rinn mi ole a'd' shealladh, air chor as gu'm fireanaichear thusa 'n uair a labhras tu, gu'm bi thu glan 'n uair a bheir thu breth.

5 Feuch, anu an cuceart dhealbhadh mi, agus ann am peacadh ghabh mo mhàthair mi 'n a broinn.

6 Feuch, is ionmhuinn leat an fhìrinn 's an taobh a stigh; agus anns an *ionad* fholuichte bheir thu orm gliocas a thuigsinn.

7 Glan mi le hìosop, agus bithidh mi glan; ionnail mi, agus bithidh mi nì's gile na sneachda.

8 Thoir orm guth subhachais agus aoibhneis a chluinntinn; agus ni na cànùhan a bhris thu gairdeachas.

9 Foluich do ghnùis o m' pheacaidhean, agus dubh as m' eucartan gu léir.

10 Cruthaich annam eridhe glan, a Dhé; agus agh-nuadhaich spiorad ceart 'an taobh a stigh dhomh.

11 Na tilg mi o d' shealladh, agus na toir do spiorad naomh uam.

12 Aisig dhomh gairdeachas do shlàinte, agus *le d'* spiorad saor cum suas mi.

13 Teagaisgidh mi do luchd-eusaontais do shlighean; agus iompaichear peacaich a d' iounsuidh.

14 Saor mi o chionta fola, a Dhé, a Dhé mo shlàinte: àrd-mholaidh mo theangadh d'fhàireantachd.

15 A Thighearna, fosgail mo bhilean, agus euiridh mo bheul 'an cèill do chliu.

16 Oir cha-n iarr thu ìobairt, no bheirinn dhuit *i*; ann an ìobairt-loisgte eha-n'eil tlachd agad.

17 *Is* iad ìobairtean Dhé spiorad briste: air cridhe briste agus brùite, a Dhé, eha dean thusa tàir.

18 Dean maith, a'd' dheadh-ghean, do Shìon; tog suas ballachan Ierusalem.

19 An sin taitnidh ìobairtean ionracais riut, ìobairtean-loisgte agus làn ìobairtean-loisgte: au sin ìobraidh iad taibh òga air d'altair.

SALM LII.

1 *Chronaich Daibhidh Doeg air son a mhà-ruin, agus roimh-innis e a sgrìos. 8 Thug e buidheachas do Dhia do bhrìgh gu'n robh dòchas aige 'n a thròcair.*

Do'n àrd fhear-ciuil Maschil le Daibhidh, 'n uair a thàinig Doeg an t-Eidomach, agus a dh'inns e do Shaul, agus a thubhairt e ris, Thàinig Daibhidh gu tigh Abimelech.

C'AR SON a ni thu uail as an ole, O 'ghaisgich? *Mairidh* maitheas Dhé a ghnàth.

2 Dealbhaidh do theangadh ainm leas, mar ealtuinn ghéir, ag oibreachadh ceilge.

3 Is annsa leat an t-ole na maith, a' bhreug na briathran a' eheartais. Selah.

4 Is ionmhuinn leat gach focal millteach, au teangadh chealgach.

5 Uime sin sgrìosaidh Dia thu gu bràth: bheir e air falbh thu, agus tairngidh e as [do] phàillion thu, agus spìonaidh e do fhrèumhan á tìr nam beò. Selah.

6 Agus chi na fireanan, agus bithidh eagal orra, agus ni iad gàire uime, *ag ràdh*,

7 Feuch, so am fear nach d'rinn a neart do Dhia, ach a dh'earb á pailteas a bheartais, agus a neartaich e féin 'n a aingidheachd.

8 Ach *bithidh* mise mar charran-olaidh uaine ann an tigh Dhé; earbaidh mi á tròcair Dhé gu saoghal nan saoghal.

9 Molaidh mise thu gu sìorruidh, a chionn gu'n d'rinn thu *e*; agus feithidh mi air d'ainmsa, *oir* tha e maith an làthair do uaomh.

SALM LIII.

1 *Chuir Daibhidh 'an cèill truaillichhead a' chrinne-daoine. 6 Mhuannaich e slàinte an Tighearna fhaicinn.*

Do'n àrd fhear-ciuil air Mahalat, Maschil le Daibhidh.

THUBHAIRT an t-amadau 'n a chridhe, Cha-*n'eil* Dia ann: tha iad truailidh, agus rinn iad aingidheachd ghràiveil; eha-*n'eil* neach ann a ni maith.

2 Dh'amhairc Dia a nuas o nèamh air eloinn nan daoine, a dh'fheuchaimn an robh neach ann a bha glie, a bha 'g iarraidh Dhé.

3 Chaidh gach aon duibh air ais; tha iad gu léir air fàs salach: eha-*n'eil* neach ann a ni maith, eha-*n'eil* eadhon aon.

4 Nach 'eil eòlas aca-san a tha 'deanamh na h-eucorach, a tha 'g itheadh suas mo shluaigh, mar a dh'itheadh iad aran, *agus* uach gairm air Dia?

5 An sin ghabh iad eagal mòr, an uair nach robh aobhar eagal ann; sgaoil Dia a ehnàimha-san o' chèile a champaich *a'd'* aghaidh: nàirich thu iad, a chionn gu'n d'rinn Dia tàir orra.

6 O gu'n tigeadh slàinte Israeil a mach á Sion! An uair a bheir Dia air ais braighdeanas a shluaigh, ni Iacob gairdeachas, ni Israel aoibhneas.

SALM LIV.

1 *Rinn Daibhidh gearan an aghaidh nan Siph-each. 4 Tha dòchas aige gu'n curidh Dia leis, agus gu'n dìol e ole d'a naimhidh.*

Do'n àrd fhear-ciuil air Neginot, Maschil le Daibhidh, 'n uair a thàinig na Siphich, agus a thubhairt iad ri Saul, Nach 'eil Daibhidh 'g a fholach féin maille ruime?

AIR sgàth d'ainme, a Dhé, saor thusa mi, agus le d' eumhachd cum cothrom rium.

2 Cluinn m'urnuigh, a Dhé; éisd ri briathrach mo bheoil.

3 Oir dh'èirich coigrich a'm' aghaidh, agus dh'iarr luchd foirneirt mo bheatha; cha do chuir iad Dia fa'n comhair. Selah.

4 Feuch, *is* e Dia m'fhear-cuideachaidh: *tha'n* Tighearn dhiubhsan a chumas suas mo bheatha.

5 Dìolaidh e olc do m' naimhdibh: a'd' fhàirinn gearr as iad.

6 Le saor thoil bheir mi ìobairt dhuit; molaidh mi d'ainm, a Thighearn, oir *tha* e maith.

7 Oir shaor thu mi as gach teinn: agus chunnaic mo shùil mo *mhian* air mo naimhdibh.

SALM LV.

1 'N a *theanntachd ghluidh Daibhidh gu'n tugadh Dia èisdeachd d'a urnuigh.* 16 *Ghlac e misneach a chionn gu'n robh dochas aige gu'n saoradh Dia e as gach trioblaid.*

Do'n àrd fhear-ciùil air Neginot, Maschil le Daibhidh.

EISD, a Dhé, ri m'urnuigh, agus na folaich thu féin o m'asluchadh.

2 Thoir aire dhomh, agus éisd rium: tha mi àrd ann am ghearan, agus ri bùireadh:

3 Air son gutha m'cascaird, air son foirneirt an duine aingidh; oir tha iad a' tilgeadh euceirt orm, agus ann am feirg tha iad a' toirt fuatha dhomh.

4 Tha mo chridhe air a chràdh an taobh a stigh dhìom, agus thuit uamhasan a' bhàis orm.

5 Thàinig eagal agus crith orm, agus chòmhdaich uamhunn mi.

6 Agus thubhairt mi, Och, nach robh agam sgiathan! mar choluman theichinn as air iteig, agus gheibhinn fois.

7 Feuch, shiùbhlaim fad as; chòmhnuichinn anns an fhàsach. Selah.

8 Dheanainn deifir gu dol as o ghaoith làidir, agus o'n doinnn.

9 Sgrios, a Thighearn, agus roinn an teangan; oir chunnaic mi foirneart agus comsachadh 's a' bhàile.

10 A là agus a dh'oidheche tha iad a' dol mu'n cuairt air, air a bhallachan; agus *tha* euceart agus aimhleas 'n a mheadhon.

11 *Tha* aingidheachd 'n a mheadhon; agus cha dealaich feall agus cealg r'a shràidibh.

12 Oir cha bu nàmhaid a thug masladh dhomh, no dh'fhuilginn e; cha b'e fear le 'm b'fhuathach mi a dh'àrdaich e féin a'm' aghaidh, no dh'fholaichinn mi féin uaith:

13 Ach thusa! fear a bu choimpire dhomh féin, fear m'uil, agus fear m'èolais.

14 Le 'chéile ghabh sinn comhairle bhlasta; gu tigh Dhé dh'imich sinn cuideachd.

15 Gabhadh am bàs scalbh orra, rachadh iad sìos beò do'n uaigh; oir *tha* uile 'n an àite-còmhuidh, 'n am meadhon.

16 Glaothaidh mise ri Dia; agus saoraidh Iehobhah mi.

17 Air fasgar, air maduinn, agus aig meadhon-là mi mi urnuigh, agus glaoth-

aith mi gu h-àrd; agus éisdidh esan ri m' ghuth.

18 Saoraidh e m'anam ann an sìth o'n chòmhrag a'm' aghaidh; oir is lionmhoriad a tha 's'ri rium.

19 Eisdidh Dia, agus bheir e nuas iad, eadhon esan a tha ann o chian. Selah: oir *cha-n'èil* atharrachadh orra, agus *cha-n'èil* eagal Dhé orra.

20 Shìn e mach a làmh 'n an aghaidh-san a bha ann au sìth ris; bhris e a choimh-cheangal.

21 Bu mhìne na ìm *focail* a bheòil, ach *bha* cogadh 'n a chridhe; bu bhuige a bhriathran na oladh, ach *bu* chlaidhean rùisgte iad.

22 Tilg air an Tighearn do chùram, agus cumaidh esan suas thu: cha leig e am fead do'n fhìrean a bhi air a ghluasad.

23 Ach tilgidh tusa, a Dhé, sìos iad gu slochd an sgrios: cha mhair daoine fuil-eachdach agus cealgach leth an làithean; ach cuiridh mise mo dhòigh annadsa.

SALM LVI.

1 *Rinn Daibhidh gearan a bhrìgh foirneirt a naimhdean.* 9 *Chuir e 'an cèill a dhòchas ann am focal Dhé, agus gheall e Dia a mholadh.*

Do'n àrd fhear-ciùil air Ionatelim-rehocim, Michtam le Daibhidh, an uair a glual na Philistich e ann an Gat.

DEAN iochd orm, a Dhé; oir b'àill le duine mo shlugadh suas: tha e 'g am shàruchadh gach là le cogadh.

2 B'àill le m'cascairdibh mo shlugadh suas gach là; oir *is* lionmhor iad a tha 'cogadh rium o *ionad* àrd.

3 'S an là air am bi eagal orm, earbaidh mi asadsa.

4 Ann an Dia molaidh mi 'fhocal; ann an Dia chuir mi mo dhòigh; cha-n eagal leam ciod a dh'fheudas feoil a dheanadh orm.

5 Gach là tha iad a' fiaradh mo bhriathar; *tha'n* smuaintean uile a'm' aghaidh clum uile.

6 Tha iad a' cruinneachadh le 'chéile, tha iad 'g am folach féin; tha iad a' toirt fainear mo cheumanna, 'n uair a tha iad a' feith-eamh air son m'anama.

7 Le h-eucoir an téid iad as? ann ad fheirg tilg sìos na slòigh, a Dhé.

8 Tha thu ag àireamh mo sheacharain: cuir mo dheoir ann ad shearraig: nach 'èil iad ann ad leabhar?

9 An sin pillcar mo naimhdean air an ais, 's an là a ghairmeas mi *ort*: air so tha fios agam, oir *tha* Dia leam.

10 Ann an Dia molaidh mi 'fhocal: anna an Tighearn molaidh mi 'fhocal.

11 Ann an Dia chuir mi mo dhòigh: cha-n eagal leam ciod a dh'fheudas duine a dheanadh orm.

12 Ormsa, a Dhé, *tha* do bhòidean: locaidh mi cliu dhuit:

13 Oir shaor thu m'anam o'n bhàs, agus mar an ceudna mo chosan o thuisleadh, chum gu 'n gluaisinn ann ad fhianuis, a Dhé, ann an solus nam beò.

SALM LVII.

1 'N a urnuigh tha Daibhidh a' guidhe gu'n deanadh Dia trò air air, agus gu'n saoradh se e o'n shear le 'n bàill a sgrios 7 Dì'ard-
aicheadh a chridhe gu Dia a mholadh.

Do'n àrd fhear-ciùil, Al-taschit, Michtam le Daibhidh, 'n uair a theich e o làthair Shaul do'n uaimh.

D EAN tròcair orm, a Dhé, dean tròcair orm; oir annadsa tha m'anam a' cur a dhòigh, agus fo sgàile do sgiathan gabhaidh mi mo thearunn, gus an téid na h-uile so uile thairis.

2 Eighidh mi ris an Dia a's àirde, ri Dia a choimhionas *nithean* air mo shon.

3 Cuiridh e neart o nèamh, agus saoraidh e mi; bheir e masladh do'n fhear le'm bàill mo shlugadh suas. Selah. Cuiridh Dia a mach a thròcair agus fhirinn.

4 Tha m'anam am measg leòmhann; tha mi a'm' luidhe *am measg* droinge air lasadh, daoine aig *am bheil* am fiacalan 'n an sleaghan agus 'n an saighdibh, agus an teagadh 'n a claidheamh gear.

5 Ardaich thu féin os ceann nan nèamh, a Dhé; do ghlòir os ceann na talmhainn uile.

6 Dheasaich iad lìon fa chomhair mo cheum; chrom iad m'anam sìos: chladhaich iad slochd romham; thuit iad féin 'n a mheadhon. Selah.

7 Tha mo chridhe deas, a Dhé, tha mo chridhe deas; seinnidh mi, agus molaiddh mi.

8 Mosgail, mo ghlòir; mosgail, a shaltair agus a chlàrsach: mosglaidh mi féin moch air mhaduinn.

9 Molaiddh mi thu am measg nan sluagh, a Thighearna; seinnidh mi dhuit am measg nan cinneach:

10 Oir is mòr do thròcair gu ruig na nèamhan, agus d'fhirinn gu ruig na neòil.

11 Ardaich thu féin os ceann nan nèamh, a Dhé; do ghlòir os ceann na talmhainn uile.

SALM LVIII.

1 Thug Daibhidh *achmhàsan* do bhreitheamh-naibh aingidh. 3 Nòchd e gu bheil na h-aingidh a' dol air seacharan o'n bhroinn; 6 agus thug e thairis iad do bhreitheanas.

Do'n àrd fhear-ciùil, Al-taschit, Michtam le Daibhidh.

A N labhair sibh, a choimhthionail, da rìreadh an ceartas? an toir sibh breth gu còrromach, a chlanan nan daoine?

2 Seadh, 'n ur cridhe tha sibh a' dealbh aingidheachd; air talamh tha sibh a' tomhas foirneir bhrù làmh.

3 Tha na h-aingidh a' claonadh o'n bhroinn; tha iad a' dol air seacharan o'm breith, a' labhairt bhrèug.

4 Tha an nimh mar nimh nathrach; *tha iad* mar nathair bhodhar, a dhruideas a cluas;

5 Nach éisd ri guth nan druidhean, a tha ro sheòlta 'n an druidheachd.

6 Bris am fiacalan, a Dhé, 'n am beul; pronn gu tur tuisg nan leòmhann òga, a Thighearna.

7 Leaghadh iad, mar uisgeachan a ruith-eas 'an còmluinidh; cuircadh Dia a shaighdean 'n an aghaidh, agus gearrar as iad.

8 Mar sheilcheig a bhitheasa' leaghadh as, rachadh iad as; *mar* thorraicheas anabuich mnà, na faiccadh iad a' ghrian.

9 Mu'm mothaich bhrù coireachan *teas* o'n droighnich, bheir e air falbh iad *mar* le h-iomaghaoith, araan beò, agus 'n a chorruih.

10 Bithidh aoibhneas air an fhìrean, an uair a chi e an dioghaltas: nighidh e a chosan ann am fuil an duine aingidh.

11 An sin their duine, Gu deimhin *tha* duais ann do'n fhìrean; gu cinnteach tha Dia ann a tha' toirt breth air a talamh.

SALM LIX.

1 Ghuidh Daibhidh gu'n teasairgeadh Dia e o a naimhdebh. 8 Chuir e a dhòchas anns an Tighearn. 11 Dì'arr e sgrios a naimhdean.

Do'n àrd fhear-ciùil, Al-taschit, Michtam le Daibhidh; 'n uair a chuir Saul daoine uath, agus a chuir iad faire air an tigh, chum a mharbhadh.

T EASAIRG mi o m' naimhdebh, O mo Dhia: dìon mi uatha-san a tha' g'éirigh a'm' aghaidh.

2 Teasairg mi o luchd-dcanamh na h-euceirt, agus o dhaoineibh fuileachdach saor mi:

3 Oir feuch, tha iad a' feitheamh nam fàth an aghaidh m'anama; tha daoine cumhachdach air cruinneachadh a'm' aghaidh; cha-n ann *air son* mo lochd-sa, no *air son* mo pheacaidh, a Thighearna.

4 Gun chuire *agamsa*, ruithidh iad, agus ulluichidh siad iad féin: mosgail thusa a chuideachadh leam, agus amhairc.

5 O thusa, a Thighearn, a Dhé nan sluagh, a Dhé Israèil, mosgail a dlì'fhiosrachadh nan cinneach uile: na dean iochd air luchd-cusaontaics ciontach sam bith. Selah.

6 Pillidh iad 's an fheasgar, ni iad donnal-
aich mar choin, agus théid iad mu'n cuairt air a' bhaile.

7 Feuch, brùchdaidh iad a mach le'm beul; *tha* claidhean 'n am bilibh: Oir cò, *ars' iadsan*, a chluinneas?

8 Ach ni thusa, a Thighearna, gàire umpa; ni thu fanoid air na cinnich uile.

9 O thusa mo neart, feithidh mi ort: oir is e Dia mo dhaingneach.

10 Mo Dhia, gabhaidh a thròcair romham: bheir Dia dhomh gu'm faic mi *mo mhiann* air m'eascairdibh.

11 Na marbh iad, air eagal gu'n dì-chuimh-nich mo shluagh; sgaoil iad le d' neart, agus leag gu h-ìosal iad, a 'Thighearn' ar sgiath.

12 *Air son* peacaidh am beoil, *air son* bhriathar am bilean, glaeas iad 'n an àrdan; eadhon air son nam mallachd agus nam breug a labhras iad.

13 Sgrìos [iad] ann am feirg, sgrìos, [iad], agus na *bitheadh* iad ann; agus *bitheadh* fios aig *daoine* gu bheil Dia 'n a uachdaran ann an Iacob, gu ruig crìochan na talmhainn. Selah.

14 Pillidh iad 's an fheasgar, ni iad donna-laich mar choin, agus thèid iad mu'n cuairt air a' bhaile.

15 Gabhaidh iad a null agus a nall air son bidh, agus mur sàsuichear iad, ni iad gcaran.

16 Ach seinnidh mise mu d' neart, agus àrd-mholaidh mi 's a' mhaduinn do thròcair; oir bu tusa mo dhaingneach, agus mo dhìdean, ann an là mo theanntachd.

17 O thusa mo neart, seinnidh mi dhuith; oir is e Dia mo dhaingneach, mo Dhia-sa, mo thròcair.

SALM LX.

1 *Tha Daibhidh ri canidh a chionn gu'n robh fearg air Dia r'a shluagh.* 4 *Teasairgidh an Tighearn iadsan a's ionnmhuinn leis.*

Do'n àrd fhear-ciuil air Susan-edut, Michtam le Daibhidh, chum teagaisg, an uair a chog e an aghaidh Aram-naharaim, agus an aghaidh Aram-sobah, agus a phill Ioaib, agus a bhuail e de Edom ann an gleann an t-salaime da mhìle dheug.

A DHE, thilg thu uait sinn, sgap thu sinn, bha fearg ort; O pill thusa ruinn.

2 Chuir thu an talamh air chrith; bhris thu e; slànuaich a bhriseadh, oir tha e air a luasgadh.

3 Nochd thu do d' shluagh *nithean* cruaidhe; thug thu oirnn fion a' bhuaireis òl.

4 Thug thu bratach dhoibhsan d'an eagal thu, gu bhi air a togail suas air sgàth na firinn'. Selah.

5 Chum gu'n teasairgear iadsan a's ionnmhuinn leat, saor thusa le d' dheas làmh, agus éisd rium.

6 Labhair Dia 'n a naomhachd: ni mi aoibhneas; roinnidh mi Sechem, agus tombaisidh mi gleann Shucoit.

7 *Is* leamsa Gilcad, agus *is* leam Manasch; agus *is* e Ephraim neart mo chinn, Iudah fear-tabhairt mo lagha:

8 *Is* e Moab mo shoitheach-ionnlaid; os eann Edoim tilgidh mi mo bhròg: thar Palestin ni mi caithream.

9 Cò a bheir mi do'n bhaile dhaingnichte? cò a threòraicheas mi gu h-Edom?

10 Nach tusa, a Dhé? *thusa* a thilg uait sinn, agus nach deachaidh a mach, a Dhé maille r'ar n-armaitibh?

11 Thoir còmhnaidh dhuinn ann an teinn; oir *is* diomhain furtachd duine.

12 Trid Dhé ni sinn treubhantas; oir saltraidh esan sìos ar naimhdean.

SALM LXI.

1 *Rinn Daibhidh urnuigh ri Dia, a agus chuir e a dhòclas 'n a thròcair.*

Do'n àrd fhear-ciuil air Neginot. *Salm* le Daibhidh.

E ISD, a Dhé, ri m' ghlaodh, thoir an aire do m' urnuigh.

2 O iomall na talmhainn éighidh mi riut, an uair a bhitheas mo chridhe lag: chum na carraig' a's àirde na mi féin, trebraich thusa mi:

3 Oir bha thusa a'd' thearmunn dhomh, a'd' thùr làidir an aghaidh an nàmhaid.

4 Gabhaidh mi còmhuidh ann ad phàillinn gu bràth: cuiridh mi mo dhòigh ann an sgàil do sgiathan. Selah.

5 Oir chuala tusa, a Dhé, mo bhòidean: thug thu oighreachd dhoibhsan air am bheil eagal d'ainme.

6 Cuir thusa làithean ri làithibh an rìgh: *bitheadh* a bhliadhan mar linn agus linn.

7 Maireadh e gu bràth 'am fianuis Dhé: gleidheadh tròcair agus firinn e.

8 Mar sin seinnidh mi cliù do d'ainm gu bràth, chum gu'n diol mi mo bhòidean o là gu là.

SALM LXII.

1 *Chronaich Daibhidh a naimhdean air son an aingidheachd, 5 agus thug e misneach do na h-ionracain.* 9 *Cia dòir dèchas a chur ann an suobhreas.*

Do'n àrd fhear-ciuil, do Iedutun. *Salm* le Daibhidh.

A IR Dia a mhàin *tha* m'anam a' feithcamh: uaith-san *thig* mo shlàinte.

2 *Is* esan a mhàin mo charraig agus mo shlàinte: *is e* mo dhìdean: cha ghluaisear gu mòr mi.

3 Cìa fhad a dhealbhas sibh aimhleas an aghaidh duine? marbhar sibh uile; mar bhalla ag aomadh, mar ghàradh air chrith bitheadh sibh.

4 A mhàin chum a thilgeadh sìos o 'àirde *tha* iad a' gabhail comhairle le 'chéile; is mian leò breugan; le'm beul beannaichidh iad, ach 'n an cridhe mallaichidh iad. Selah.

5 A mhàin air Dia feith, O m'anam; oir is ann uaith-san a *tha* mo dhòchas.

6 *Is* esan a mhàin mo charraig, agus mo shlàinte: *is e* mo dhìdean; cha ghluaisear mi.

7 Ann an Dia *tha* mo shlàinte agus mo ghloir; carraig mo neirt, mo thearmunn *is e* Dia.

8 Cuiribh air gach àm blur dòigh ann, O a shluagh; dòirtibh a mach blur cridhe 'n a fianuis: *tha* Dia 'n a thearmunn duinn. Selah.

9 Gu cinnteach *tha* clann Adhaimh 'n an dìomhanas clann an duine 'n an brèig; air meidh na chuircar iad, *is* cutruime iad gu léir ua dìomhanas.

10 Na h-carthaibh á foirncart, agus á reubainn ua deanaibh uaill: an uair a dh'fhàsas saoihbheas, na cuiribh bhuir cridhe *air*.

11 Aon uair labhair Dia; dà uair chuala mi so, gur le Dia cunhachd.

12 Mar an ceudna dhuitse, a Thighearna, *buinidh* tròcair; oir bheir thu luigheachd do dhuine a réir 'oibre.

SALM LXIII.

1 *Tha cridhe Dhaibhidh a' togradh a dh'ionnsaigh Dhé. 9 Syriosar a naomhdean le faobhar a' chlaidheimh. 11 agus bithidh e féin aoibhneach ann an Dia.*

Salm le Daibhidh, 'n uair a bha e ann am fàsach Iudah.

A DHIA, *is* tu mo Dhia-sa; gu moch iarraidh mi thu: *tha tart* air m'anam a'd' dhéigh, *tha m'fheoil a' togradh a d'ionnsuidh* ann an tìr thioraim agus thartainhoir, as eugmhais uisge:

2 Chum, mar a chunnaic mi thu ann ad ionad naomh, gu'm faicinn do chunhachd agus do ghloir.

3 A chionn gur fearr do chaoimhneas gràidh na beatha, bheir mo bhilean cliù dhuit.

4 Mar sin beannaichidh mi thu, an cian is beò mi; ann ad ainm togaidh mi mo làmhau.

5 Mar *le smior* agus *le saill* sàsuichear m'anam, agus le bithibh aoibhneach molaidh mo bheul *thu*;

6 'N uair a chumhnicheas mi ort air mo leabaibh, a bheachd-smuainicheas mi ort ann am fairibh na h-oidheche.

7 A chionn gu'n robh thu a'd' chabhair agam, uime sin fo sgàile do sgiathan ni mi gairdeachas

8 Tha m'anam a' dlùth-leantuinn riut: cumaidh do dheas làmh suas mi.

9 Ach iadsan a dh'iarraas m'anam a chum a sgrios, théid iad do ionadaibh iochdarach na talmhainn.

10 Tuitidh iad le faobhar a' chlaidheimh; mar chuibhrionn do na siounaich bithidh iad.

11 Ach bithidh an rìgh aoibhneach ann an Dia: ni gach neach a mhìonnaicheas a'rsan, uaill; an uair a dhruicdar beul na dream a labhras breug.

SALM LXIV.

1 *Ghuidh Daibhidh gu'n gleidheadh Dia e o chomhairle dhìomhair dhroch dhaoine: 7 ghabh e misneach dha féin do bhrìgh gu'n robh duil aige ri n syrios fhaicinn.*

Do'n àrd fhear-ciùil. Salm le Daibhidh.

EISD, a Dhé, ri m' ghuth ann am asluchadh; o eagal an uamhaid gléidh mo bheatha.

2 Folaich mi o chomhairle dhìomhair dhroch dhaoine, o chomhchruinnachadh luchd-deanamh na h-euceirt;

3 A gheuraich mar chlaidheamh an teangadh; a dheasaich an saighdean, *eadhon* briathran searbhla;

4 Chum an tilgeadh ann an *ionadaibh* dìomhair air an *duine* ionraic: gu h-obann tilgidh iad air, agus cha bhi eagal orra.

5 Gabhaidh iad misneach dhoibh féin ann an droch-bheirt; labhraidh iad le 'chéile mu leagadh ribeachan gu dìomhair; 's e their iad, Cò a chi sinn?

6 Rannsaichidh iad a mach euccartan; coimhlionaidh iad min-rannsachadh; agus sin an taobh a stigh do dhuine, eadhon 's a' chridhe dhomhain.

7 Ach tilgidh Dia saighead orra-san; gu h-obann bithidh iad air an lotadh.

8 Agus bheir iad air an teangaidh féin tuitam orra féin: teichidh gach neach a chi iad.

9 Agus bithidhagal air gach duine, agus cuiridh iad 'an céill obair Dhé; oir tuitidh iad a ghniomh-sau.

10 Ni am fircan aoibhneas anns an Tigh-carn, agus cuiridh e a dhòchas ann: agus ni iadsan uile a tha ceart 'n an cridhe gairdeachas.

SALM LXV.

1 *Mhol Daibhidh an Tighearna air son a thròcair. 4 Beannaichadh an t-sluaigh a thaghas Dia, agus a bheir e 'm fagus da.*

Do'n àrd fhear-ciùil. Salm na laoidh le Daibhidh.

ORTSA, O Dhé, *tha* moladh a' feithcamh ann an Sion; agus dhuitse dìolar a' bhòid.

2 O thusa a dh'éisdeas ri h-urnuigh, thugad-sa thig gach feoil.

3 Thug euccartan buaidh oirnn: ar n-cus-aontaig glanaidh tusa uainn.

4 *Is* beanuaichte *esan* a thaghas tusa, agus a bheir thu am fagus *duit*; gheibh e còmhuidh a'd' chùirtibh: sàsuichear sinne le maithas do thighe, do theampuill naomh.

5 *Le* nithibh uamhasach ann an ceartas bheir thu freagradh dhuinn, a Dhé ar slàinte, dòchas uile chrìochan na talmhainn, agus na fairge, fada uainn!

6 A tha 'socrachadh nam beann le do chumhachd, air do chrìoslachadh le neart:

7 A chaisgeas fuaim fhairgean, fuaim an tonn, agus buaireas nan cinneach.

8 Gabhaidh eadhon luchd-àiteachaidh nan crìoch fada machagal roimh do chomh-araibh: bheir thusa air dol a mach na maidne agus an fheasgair gairdeachas a dhèanamh.

9 Tha thu a' fiosrachadh na talmhainn, agus 'g a uisgeachadh; ni thu ro bheartach e, oir tha amhainn Dhé làn uisge: deasaichidh tu arbhar, 'n uair a dh'ulluich thu e mar so.

10 Tha thu gu pailt ag uisgeachadh 'iomain; tha thu a' leagadh sìos a sgrìoban; le frasaibh nì thu tais c; beannaichidh tu fhàs.

11 Crùnaidh tu a' bhliadhna le d' mhaith-eas; agus silidh do cheuman saill.

12 Silidh iad air cluainibh an fhàsaich; agus nì na cnuc gairdeachas air gach taobh.

13 Tha na cluainean air an sgeadachadh le treudaibh, agus tha na glinn air an còmh-dachadh le h-arbhar: nì iad iolach ait; seadh seinnidh iad.

SALM LXVI.

1 *Chuir Daibhidh impidh air gach uile thàr an Tighearn a mholadh.* 5 *Tha oibre Dhé uamhasach: 8 is coir do gach neach a bheannaichadh: 13 gheall Daibhidh gu'n coimhlionadh e a bhòidean da.*

Do'n àrd fhear-ciuil. Salm no laoidh.

TOGAIBH iolach ait do Dhia, a thirean uile:

2 Seinnibh glòir 'ainme, deap' bh a chliu glòrmhor.

3 Abraibh ri Dia, Cia h-uamhasach d'oibre? trid meud do neirt, strìochdaidh do naimh-dean dhuit.

4 Sluchdaidh gach tìr dhuit, agus seinnidh iad dhuit; seinnidh iad do d'ainm. Selah.

5 Thigibh, agus faicibh oibre Dhé: uamhasach *tha* e 'n a ghnìomharaibh air clann nan daoine.

6 Thionndaidh e a' mhuir gu talamh tioram: troimh 'n t-sruth ghabh iad thairis d'an cois: an sin rinn sinn gairdeachas ann.

7 Le 'thréun neart riaghlaidh e gu bràth; amhaircidh a shùilean air na cinnich; na h-àrdaicheadh luchd-ceannaire iad féin. Selah.

8 Beannaichibh, O a shlàigh, ar Dia-ne, agus thugaibh air fuaim a mholaidh 'bhi air a cluinntinn;

9 Neach a chumas ar n-anam bed, agus nach leig le'r cois carachadh.

10 Oir dhearbhu thu sinn, a Dhé; ghlan thu sinn 's an teine, mar a' ghlannar airgid.

11 Thug thu steach 's an lìon sinn; chuir thu teinn air ar leasraidh.

12 Thug thu air daoibh marcachd thar ar eian: chaidh sinn troimh theine, agus troimh uisge; ach thug thu mach sinn gu h-ionad saoi-bhir.

13 Théid mi do d' thigh le h-ìobairtibh-loisgte: coimhlionaidh mi dhuit mo bhòidean.

14 Leis an d'fhosgladh mo bhilean, agus a labhair mo bheul, an uair a bha mi ann an èiginn.

15 Iobairtean-loisgte de *fhèudail* reamhar ìobraidh mi dhuit, maille ri tùis reitheachan: bheir mi suas buar, maille ri gabh-raibh. Selah.

16 Thigibh, èisidibh, sibhse uile air am

bheil eagal Dhé, agus cuiridh mi 'n céill na rinn e air son m'anama.

17 Ghlaodh mi ris le m' bheul, agus dh'ardaicheadh e le m' theangaidh.

18 Ma bheir mi spéis do euceart a'm' chridhe, cha-n èisd an Tighearn *rìum*.

19 Gu dearbh dh'èisd Dia, thug e an aire do ghuth m'urnuigh.

20 Beannaichte gu'n robh Dia, nach do thionndaidh m'urnuigh uaith-san, agus a thròcair uamsa.

SALM LXVII.

1 *Urnugh air son soirbheachaidh rìoghachd Chrìosd, 3 chum gu'm bi na cinnich aoibhneach, 4 agus gu'mol na slòigh an Tighearn.*

Do'n àrd fhear-ciuil air Neginot. Salm no laoidh.

GU'N deanadh Dia thròcair oirn, agus gu'n beannaicheadh e sinn! agus gu'n tugadh e air a ghnùis dealrachadh oirn! Selah.

2 Chum gu'n aithnichear do shlighe air an talamh, do shlàinte am measg nan uile chinncach.

3 Moladh na slòigh thu, a Dhé! moladh na slòigh uile thu!

4 Bitheadh na cinnich aoibhneach, agus deanadh iad luathghaire; oir bheir thusa breth air na slòigh ann an ceartas, agus riaghlaidh tu na cinnich air an talamh. Selah.

5 Moladh na slòigh thu, a Dhe! moladh na slòigh uile thu!

6 Bheir an talamh a thoradh: gu'm beannaicheadh Dia, ar Dia-ne, sinn!

7 Gu'm beannaicheadh Dia sinn! agus gu'n robh 'eagal-san air uile chriochaibh na talmhainn!

SALM LXVIII.

1 *Ghuidh Daibhidh gu'n sgapadh Dia a naimhdean.* 4 *Earail gu Dia a mholadh air son a thròcairean,* 7 *agus air son a chàraim d'a shluagh.*

Do'n àrd fhear-ciuil. Salm no laoidh le Daibhidh.

EIREADH Dia! bitheadh a naimhdean air an sgapadh! agus teicheadh iadsan aig am bheil fuath dha, o' ghnùis!

2 Mar dh'fhuadaichear deatach, fuadaichear iad: mar a leaghar céir fa chomhair an teine, sgriosar droch dhaoine 'am fianuis Dhé.

3 Ach bitheadh na fireanan aoibhneach; deanadh iad gairdeachas 'am fianuis Dhé, agus bitheadh iad suilbhre le luathghaire.

4 Seinnibh do Dhia, molaibh 'ainm; àrd-aichibh esan a tha 'marcachd air na nèamhan le 'ainm Iah, agus deanaibh gairdeachas 'n a' fianuis.

5 Athair nan dilleachdan, agus breitheamh nam bantrach *is e* Dia ann an ionad-còmh-nuidh a naomhachd.

6 Suidhicidh Dia na daoine aonaranach ann an teaghlach; bheir e mach iadsan a

tha ecangailte le cuibhrich; ach gabhaidh na ceannairich còmhnuidh ann an *tìr* thartmhoir.

7 A Dhé, 'n uair a chaidh thu mach roimh do shluagh, 'n uair a dh'imich thu anns an fhàsach; Selah:

8 Chriothnaich an talamh, shìl mar an ceadna na nèamhan; [leaghl na beanntan] o làthair Dhé, Sinai sin féin o làthair an Tighearna Dé Israeil.

9 Shìl thu nuas uisge gu pailt, a Dhé; air d'òighreachd, agus i sgìth, dh'fhurtaich thu.

10 Chòmhnuich do choimthional innte; dh'cassach thu, a Dhé, de d' mhaithcas do'u *duine bhoichd*.

11 Chuir an Tighearn a ghuth a mach; bu lionmhor cuideachd na muinntir' a dh'fhoillsich e.

12 Theich, theich rìghrean nan armailtean; agus roinn ise a dh'fhan aig an tigh a' chreach.

13 Ge do luidh sibh am measg choir-eachan, *bithidh sibh mar sgiathaibh* columnain air an còmhdachadh le h-airgid, agus 'iteagan le h-òr buidhe.

14 'N uair a sgaoil au t-Uile-chumhachdach rìghrean iunte, *tha i geal mar shneachd* air Salmon.

15 *Tha beinn Dhé mar bheinn Bhàsain*, 'n a beinn àrd *mar bheinn Bhàsai*.

16 C'ar son a leumas sibh, a bhcanntan àrda? *is i so a' bheinn anns am miann le Dia còmhnuidh a ghabhail*, seadh, còmhnuichidh an Tighearn *innte* gu bràth.

17 *Tha carbaid Dhé 'n am fichead mìle, le mìltibh de mhìltibh aingeal: tha an Tighearn 'n am measg, mar ann an Sinai*, 's an ionad naomh.

18 Chaidh thu suas air *ionad* àrd, thug thu bruid ann am braighdeanas: thug thu tiodhlacan do dhaoineibh, seadh, eadhon do dhaoineibh ceannairceach, chum gu'n gabhadh an Tighearn Dia còmhnuidh 'n am measg.

19 Beannaichte *gu'n robh an Tighearn, a tha gach là 'g ar cumail suas*, Dia ar slàinte! Selah.

20 *Is e ar Dia-ne Dia na slàinte*; agus do'n Tighearn Dia *buinidh an t-slighe o'u bhàs*.

21 Ach brisidh Dia ceann a naimhdean, claignom greannach an fhìr a dh'imichcas 'n a pheacaidhean.

22 Thubhairt an Tighearn, *Mar o Bhàsan bheir mi mo shluagh air an ais*; bheir mi air an ais *iad mar o dhoimheachdaibh* ua faire:

23 Chum gu'n tumar do chos ann am full do naimhdean, teangadh do mhadrath anns an *nì cheudna*.

24 Chunnaic iad do thriall, a Dhé! triall mo Dhé, mo Rìgh, 's an ionad naomh!

25 Dh'imich an luchd-seinn air thoiseach,

an luchd-ciùil 'n an déigh, 'am meadhon mhaighdean a' bualadh thiompan.

26 Anns na coimhthionalaibh beannaichibh Dia, an Tighearn o thobar Israeil.

27 An sin *tha Benjamin beag* 'n a uachdaran orra, ceannardan Iudah an luchd-comhairle, ceannardan Shebuluin, ceannardan Naphtali.

28 Dh'aitth do Dhia dhuit do ueart: neartaich, a Dhé, an *nì so a rinu* thu air ar son.

29 Air son do theampull ann an Ierusalem, bheir rìghrean tiodhlac dhuit.

30 Smachdaich luchd nan sleagh, mòr chuideachd nan tarbh, le laòigh an t-sluaigh, *gus an strìochd iad le mìribh airgid*: sgap thusa na slòigh a ghabh tlachd de'n chogadh.

31 Thig àrd uaislean as an Eiphit; sìnidh Etiopia a làmhnan a mach gu luath ri Dia.

32 A rìoghachda na talmhain, seinnibh do Dhia; seinnibh moladh do'n Tighearn: Selah.

33 Dha-san a tha 'marcachd air nèamhan nan nèamh o chian! Feuch, tha e a' cur a mach a ghutha, gutha neirt.

34 Thugaibhse neart do Dhia: *thar Israel tha a ghloir*, agus *tha a neart anns na neul-aibh*.

35 *Is uamhasach thusa*, a Dhé, o d'iondaibh naomha! *Is e Dia Israeil a bheir neart agus treòir d'a shluagh*. Gu ma beannaichte Dia!

SALM LXIX.

1 'N a theanmtachd rinn Daibhidh gearan ri Dia: 13 ghluidh e air son saorsa o 'thrioblaidibh: 22 thug e thairis a naimhdean gu léir-sgrìos: 30 gheall e Dia 'ardachadh le breith-buidheachais.

Do'n àrd fhear-ciùil air Sosanim. Le Daibhidh.

TEASAIRG mi, a Dhé, oir thàinig na h-uisgeachan steach gu ruig m'anam.

2 Tha mi a' dol fodha ann an làthaich dhomhain, gun àite gu seasamh: tha mi air teachd gu doimheachdaibh 'u au uisge, agus tha'n sruth a' dol tharum.

3 Tha mi sgìth le m' ghlaodhaich; tha mo seornan air tiornachadh: tha mo shùilean air fàineachadh le feitheamh air mo Dhia.

4 Is lionmhoire na falt mo chinn iadsan aig am bheil fuath dhomh gun aobhar: tha iadsan air fàs làidir le'm bàill mo uhlleachd, a tha 'n an naimhdeibh dhomh gu h-eucorach; an nì sin nach d'thug mi leam, an sin is éigin domh 'aiscag.

5 Tha fios agadsa, a Dhé, air m'amaid-eachd; agus cha-uèil mo lochdan folaichte ortsa.

6 Na bitheadh nàire orra-sau air mo sgàth-sa, a dh'fheitheas ortsa, a Thighearna Dhé nan slògh: na bitheadh amlhuadh orra-san air mo sgàth-sa, a dh'iarras thusa a Dhé Israeil:

7 Oir air do sgàth-sa dh'fhuiling mi mas-ladh; chòmhdaich amhladh mo ghnùis.

8 Is coigreach mi do m' bhràithr. bh, agus coimheadh do chloinn mo mhàthar:

9 Oir dh'ith eud do thighe suas mi; agus ormsa thuit toibheum na muinntir sin a thug toibheum dhuitse.

10 Agus an uair a dh'irioslaich mi m'anam le trasgadh, bha e 'n a mhasladh dhomh.

11 Agus rinn mi mo chulaidh de shaic-eudach, agus bha mi a'm leth-fhocal aca.

12 Tha iadsan a tha 'n an suidhe anns a' gheata a' labhairt a'm' aghaidh; agus *tha mi a'm* òran aca-san a tha 'g òl dibhe làidir.

13 Ach air mo shon-sa, *tha* m'urnuigh riutsa, a Thighearna, ann an àm taitneach: a Dhé, ann an lionnhoireachd do thròcair éisd rium, ann am fàrru do shlàinte.

14 Saor mi o'n làthaich, agus na racham sìos: teasairgear mi uatha-san le'm fuathach mi, agus o na h-uisgeachaibh domhain.

15 Na rachadh tuil nan uisge tharum, agus na sluigeadh an doimhneachd mi, agus na druideadh an slochd a bheul orm!

16 Eisd rium, a Thighearna, oir *is* maith do chaoimheas gràdhach; a réir lionnhoireachd do chaomh thròcairean pill rium.

17 Agus na folaich do ghnùis o d' òglach, oir tha mi ann an àire; éisd rium gu grad.

18 Druid ri m'anam, saor e; a bhrìgh m' eascairdean, teasairg mi.

19 Is aithne dhuit mo mhasladh, agus mo nàire, agus mo mhi-chliu: a'd' fhianuis *tha* mo naimhdean uile.

20 Bhris masladh mo chridhe, agus *tha* mi iargauach: agus dh'amhaire mi air son neach a ghabhadh truas, ach cha robh e ann; agus air son luchd-comhfhurtachd, ach cha d'fhuair mi iad.

21 Agus thug iad dhomh, mar mo bhiadh domblas; agus ann am iotadh, thug iad dhomh fion-geur r'a òl.

22 Bitheadh am bord fa'n comhair mar ribe, agus an soirbheachadh mar cheap-tuislidh dhoibh.

23 Dorchaihear an sùilean, chum nach faic iad; agus thoir air an leasraidh a ghnàth bhì air chrith.

24 Dòirt d'fhearg orra, agus glacadh do chorruich gheur iad.

25 Bitheadh an àite-tàimh fàs; 'n am pàillunaibh na gabhadh neach còmhnuidh!

26 Oir gheur-lean iad an ti a bhuail thusa; agus labhair iad chum doilgheis dhoibhsan a rinn thu lot.

27 Cuir euceart r'an cuccart, agus na tigeadh air a steach a'd' fhìreantachd-sa.

28 Dubh a mach iad a leabhar nam beò, agus maille ris na fireanaibh na sgriobhar iad.

29 Ach mise, a *tha* bochd agus brònach, togadh do shlàinte, a Dhé, an àird mi.

30 Molaidh mise ainm Dhé le h-òran, agus àrdaichidh mi e le breith-buidheachais.

31 Agus is fearr leis an Tighearna so na damh, na tarbh òg a tha adharcach, crobh-amach.

32 Chi na daoine sèimh so, agus bithidh aoibhneas orra: sibhs a dh'iarras an Tighearna, bithidh blur eridhe beò.

33 Oir éisdidh an Tighearna ri bochdaibh, agus cha dean e tàir air a phrìosanaich.

34 Moladh na nèamhan agus an talamh e; na cuantan, agus gach ni a ghluaiseas anna!

35 Oir saoraidh Dia Sion, agus togaidh e bailtean Iudah; agus gabhaidh iad còmhnuidh an sin, agus mealaidh iad i.

36 Scalbhaidhidh sliochd a sheirbhisich i, agus gabhaidh iadsan a ghràdhaicheas ainm-san còmhnuidh iunte.

SALM LXX.

1 *Gluith Daibhidh gu'n deanadh Dia deifir chum a chuideachaidh,* 2 *agus gu'n cuireadh e a naimhdean fo amhlaidh.*

Do'n àrd fhear-ciùil. *S ùm* le Daibhidh, a chur an cuimhne.

A DHE, chum mo theasairginn, a Thighearna, chum mo chuideachaidh dean cabhag.

2 Bitheadh nàire agus amhladh orra-san a tha 'g iarraidh m'anama: pillcar air an ais iad, agus mòr amhladh gu'n robh orra-san a tha 'miannachadh uile dhomh.

3 Gu'm pillcar iadsan air an ais, mar thuarasdal d'an nàire, a their rium, Ahà, ahà!

4 Deanadh iadsan uile a tha ga d' iarraidh, aoibhneas agus gairdeachas annad; agus abradh iadsan a ghnàth, le'n toil do shlàinte, Mòr mholadh gun robh do Dhia!

5 Ach *tha* mise bochd agus uireasbhuidheach; a Dhé, greas a m' ionnsuidh: *is* tusa mo chabhair agus m'fhear-saoraidh; a Thighearna, na dean moille.

SALM LXXI.

1 *Chuir an salmudair an cèill martheas Dhé d'a thaobh 's an àimsir a chaidh seachad,* 12 *agus gluith e nach tilgeadh e uath e 'n a shean aois.* 19 *Chluithaich e an Tighearna.*

A NNADSA, a Thighearna, cuircam mo dhòigh: nàire na bitheadh orm am feasd.

2 A'd' chcartas teasairg mi, agus thoir orm dol as; aom do chluas rium, agus saor mi.

3 Bi-sa a'd' charraig làidir dhomh, chum an rachaim a ghnàth: dh'àithn thu mi bhì air mo shaoradh; oir *is* tu mo charraig, agus mo dhaingneach.

4 O mo Dhia, thoir fuasgladh dhomh a làimh an aingidh, a làimh an duine eucoraich agus an-ìochdanhoir.

5 Oir *is* tusa mo dhòchas, a Thighearna Dhé, mo dhòigh o m'dìge.

6 Leatsa chumadh mise suas o'n bhroinn :
 a h-innibh mo mhàthar bhuin thu mi: ortsa
bithidh mo mholadh an còmhnuidh.

7 Mar aobhar iongantais tha mi aig mòran;
 ach *is* tusa mo thearmunn làidir.

8 Lionar mo bheul *le d'* mholadh, *le d'* chliù-
 sa gach là.

9 Na tilg uait mi 'an àm sean aoise; 'n uair
 a dh'fhàilnicheas mo neart, na tréig mi.

10 Oir labhair mo naimhdean a'm aghaidh;
 agus ghabh iadsan a tha 'feitheamh nam
 fath air m'anam, comhairle le 'chéile,

11 Ag ràdh, Thréig Dia e: leanaibh e gu
 teamn, agus glacaibh e; oir cha-n'èil neach
 ann a shaoras e.

12 A Dhé na bi-sa fada uam; O mo Dhia,
 greas gu m' chabhair.

13 Bithedh nàire, bithedh claidh, air
 eascairdibh m'anama: còmhdaichear le mas-
 ladh agus le mi-chliu iadsan a tha 'g iarraidh
 m'aile.

14 Ach sìr-earbaidh mise, agus cuiridh mi
 ri d' chliu uile.

15 Aithrisidh mo bheul d'fhìreantachd,
 air feadh an là do shlàinte; ged nach aithne
 dhomh an àireamh.

16 Théid mi air m'aghaidh ann an neart
 an Tighearna Dé: ni mi sgeul air d'fhìr-
 eantachd, d'fhìreantachd féin a mhàin.

17 O Dhé, theagaisg thu mi o'mòige; agus gu
 ruige so chuir mi d'òibre iongantach 'an céill.

18 Agus a nis an uair a tha mi sean agus
 liath, a Dhé na tréig mi; gus an cuir mi 'an
 céill do neart do'n àl so, do gach àl ri
 teachd do chumhachd.

19 Agus tha d'fhìreantachd-sa, a Dhé,
 ro àrd, O thusa a rinn nithean mòra: a Dhé,
 cò a's cosmhail riut?

20 A nochd dhomh teanntachdan mòra
 agus cruaidh, a bheothaicheas mi a ris,
 agus o dhoimhneachdaibh na talmhainn a
 bheir a nìos mi a ris.

21 Meudaichidh tu mo mhòrachd, agus air
 gach taobh bheir thu sòlas dhomh.

22 Uime sin molaidh mise thu air an
 t-saltair, *seadh* d'fhìrinn-sa, mo Dhia; sein-
 nidh mi dhuit air a' chlàrsaich, O Aoin
 naoinh Israeil.

23 Ni mo bhilean mòr-ghairdeachas an
 uair a sheinneas mi dhuit, agus m'anam a
 shaor thu.

24 Labhairidh mar an ceudna mo theang-
 adh air d'fhìreantachd air feadh an là; oir
 chuireadh anhluidh, oir chuireadh nàire
 orra-sa a tha 'g iarraidh m'aimhileis.

SALM LXXII.

1 Rinn Daibhidh urnaigh air son Sholaimh, 4
 agus nochd e ceartas, sonas, agus glòir a
 rìoghachd. 18 Beannaichte e Dia.

Air son Sholaimh.

ADHE, thoir do bhreitheanas do'n rìgh,
 agus d'fhìreantachd do mhac an rìgh.

2 Bheir esan breth air do shluagh le fìr-
 eantachd, agus air do bhochdaibh le ceartas.

3 Bheir na beanntan sìth do'n t-sluagh,
 agus na tulaichean.

4 Le ceartas bheir e breth air bochdaibh
 an t-sluagh; saoraidh e clann nan ainmis,
 ach min-blirisidh e fear an fhoirneirt.

5 Bithidh d'eagal orra am feadh a mhair-
 eas a' ghrian agus a' ghealach, o linn gu
 linn.

6 Thig e nuas mar uisge air an *fluiche*
 bluainte, mar fhrazaibh a dh'uisgicheas an
 talamh.

7 'N a làithibh-san soirbhichidh leis an
 fhìrean, agus bithidh pailteas sìth ann, gus
 nach *bi a'* ghealach ann nì's mò.

8 Agus bithidh nachdaranachd aige o
 fhainge gu fairge, agus o'n amhainn gu ruig
 crìochaibh na talmhainn.

9 'N a fhiannus sleuchdaidh sìos luchd-
 còmhnuidh an fhàsaich; agus imlichidh a
 naimhdean an àir.

10 Bheir rìghrean Tharsis agus nan eilean
 tiodhlacan uatha; bheir rìghrean Sheba
 agus Shaba tabhartais dha.

11 Agus sleuchdaidh na h-uile rìghrean
 sìos dha; ni na cinich nìle seirbhìs dha.

12 Oir saoraidh e an t-ainnis an nair a
 dh'éigheas e; agus an truaghan, aig nach
 'eil fear-cuidcachaidh.

13 Caomhnaidh e am bochd agus am
 feumach; agus tearnaidh e ananias nam
 feumach.

14 O fhìoll agus o fhoirneart saoraidh e an
 anam; agus bithidh am fuil luachmhor 'n a
 shùilibh.

15 Agus bithidh e beò, agus bheirear dha
 a dh'òr Sheba: agus nithear urnaigh air a
 shon a ghnàth; gach là beannaichear e.

16 Bithidh dorlach sìl 's an talamh air
 mullach nam beann; crathaidh mar Leb-
 anon a thoradh; agus thig iadsan de'n
 bhaile fo bhlàth, mar luibh na talmhainn.

17 Bithidh 'ainm-san buan gu sìorruidh;
 comh-mhairionn ris a' ghreim bithidh 'ainm-
 san; agus annsan beannaichear na slòigh
 uile, agus beannaichidh iadsan e.

18 Beannaichte gu'n *robh* an Tighearn
 Dia, Dia Israeil, an ti a mhàin a ni nithean
 iongantach!

19 Agus beannaichte gu'n *robh* 'ainm
 glòrmhòrsan gu sìorruidh; agus lionar an
 talamh uile le 'ghlòir! Amen, agus Amen!

20 Chrìochnaich eadhn urnuighean Dhaibh-
 idh mhic Iese.

SALM LXXIII.

1 *Is beag nach d'fhàilnich crìdèimh an t-sal-
 daidh 'n uair a chunnaic e soirbheachadh nan
 aingidh; 15 ach thuig e ma dheireadh gu'n
 sgriosar iad gu tur. 23 Chuir e a dhòigh ann
 an Dia.*

Salm le Asaph.

GU deimhin tha Dia maith do Israel,
 dhoibhsan a tha glan 'n an cridhe.

2 Ach air mo shonsa, is beag nach d'aom
 mo chosan; cha mhòr nach do shleamh-
 nuich mo cheumnan uam.

3 Oir ghabh mi farniad ri h-amadanaibh, ri faicinn soirbheachaidh dhaoine aingidh:

4 Oir cha-n'eil cuibhrichean 'n am bàs; ach tha an neart làidir.

5 Ann an anshocair mar dhaoineibh eile cha-n'eil iad; agus mar dhaoineibh eile cha-n'eil iad air an sàruchadh:

6 Uime sin mar shlabhraidh chuairtich àrdau iad; mar thrusgan, chòmhdaich foirneart iad.

7 Sheas an sùil a mach le saill; fhuair iad tuilleadh is miann an cridhe.

8 Tha iad truailidh, agus labhraidh iad gu h-aingidh air foircart; gu h-àrd labhraidh iad.

9 Chuir iad am beul an aghaidh nan nèamh; agus ghluais an teagadh air feadh na talmhainn.

10 Air an aobhar sin pillidh a shluagh an so; agus faisgear uisgeachan *cupain* lain a mach dhoibh.

11 Agus their iad, Cionnus is aithne do Dhia? agus am bheil eòlas aig an Ti a's àirde?

12 Feuch, *is* iad sin na daoine aingidh, a tha 'soirbheachadh' is au t-saoghal; tha iad a' carnadh suas beartais.

13 Da rìreadh gu dìomhain ghlan mi mo ehridhe, agus nigh mi mo làmh an 'an neò-chiontas:

14 Oir bhuaileadh mi air feadh an là, agus smachdaicheadh mi gach maduinn.

15 Nan abrainn, Labhraidh mi mar so, feuch, *air* ginealach do chloinne dheanaian eucoir.

16 'N uair a smuainich mi air so a thuig-sinn, *bu* chruaidh an gnothuch e anu am shùilbh.

17 Gus an deachaidh mi steach do naomh-ionad Dhé: an sin thuig mi an crìoch-san.

18 Gu deimhin ann an àitibh sleamhain chuir thu iad: thilg thu sìos iad gu sgrios.

19 Cionnus a thugadh iad gu sgrios, mar aun an tiota? a chuireadh as doibh gu tur le h-uamhasaibh?

20 Mar aisling 'n uair a dhùisgeas neach; a Thighearn, anns a' bhaile ni thu tarcais air an dealbh.

21 Ach bha mo chridhe goirt, agus bha goimh a'm' airmibh.

22 Agus *bha* mi baoh, agus aineolach; mar airmhidh bha mi a' lathair.

23 Gidheadh, *tha* mi a ghnàth maille riut; chum thu suas *mi* air mo dheas làimh.

24 Le d' chomhairle stiùraidh tu mi, agus fadheòidh gabhaidh tu mi *chum* glòire.

25 Cò a *th'* agam anns na nèamhan *ach thusa?* agus 'an coimhneas riut cha-n'eil neach air thalamh air am bheil mo dhéigh.

26 Tha m'fheòil agus mo chridhe air fail-neachadh: *is* e Dia neart mo chridhe agus mo chuibhrionn gu sìorruidh.

27 Oir feuch, sgriosar iadsan a théid fada

uait: ghearr thu as gach neach a chaidh uait le strìopachas.

28 Ach is maith dhomhsa teachd dlùth do Dhia: anns an Tighearn Dia chuir mi mo dhòigh, chum gu'm foillsichinn d'oibre uile.

SALM LXXIV.

1 *Tha'n salmadair a' caoidh gu'n do thilg Dia uait a shluagh féin; 10 agus g'a bhrosnachadh gu cabhair a dheanann orra, 18 do bhrìgh g'un d'leag an naimhdean beum doibh.*

Maschil le Asaph.

C'AR SON, a Dhé, a thilg thu uait sinn gu bràth? a lasas d'fhearg ri caoraich d'ionaltraidh?

2 Cuimhniche do choimhthional, a cheann-aich thu o chian, a shaor thu; slat d'oighreachd, beinn Shìoin so auus an do ghabh thu còmhnuidh.

3 Tog do chosan chum nam fàsach sìorruidh, *chum* nan uile ole a rinn an nàmhaid ann ad ionad naomh.

4 Bhuc do naimhdean am measg do choimhthional; chuir iad suas am brataichean mar chomharaibh.

5 Bha *neach* ainmeil 'réir is mar a thogadh e a thuagh gu h-àrd air coille thluigh.

6 A nis mar an ceudna bhris iad sìos 'obair ghearrta le 'chéile le tuaghan agus le h-ord-aibh.

7 Chuir iad ri theine d'ionad naomh gu ruig an làr; thruaill iad pàillion d'ainme-sa.

8 Thubhairt iad 'n an cridhe, Sgriosamaid iad le 'chéile: loisg iad uile ionadan-cruinn-eachaidh Dhé 's an tìr.

9 Ar comharan cha-u fhaic sinn; cha-n'eil fàidh ann ni's mò, agus cha-n'eil neach 'n ar measg aig am bheil fhios cia fhad.

10 Cia iad, a Dhé, a bheir an t-eascaraid beum? an dean an nàmhaid tarcais air d'ainm gu bràth?

11 C'ar son a philleas tu do làmh, do dheas làmh féin air a h-ais? buin a mach o d' bhrollach i.

12 Oir *is* e Dia mo Rìgh o chian, ag oibreachadh slàinte 'am meadhon na talmhainn.

13 Sgaol thusa an fhairge le d' neart bhris thu cinn nan dràgon air na h-uisge-eachaibh.

14 Phronn thu cinn Lebhiatain; thug thu e mar bhliadh do'n t-sluagh anns an fhàsach.

15 Sgoilt thu an tobar agus an sruth; thiorraich thu ainhuichean mòra.

16 *Is* leatsa an là, mar an ceudna *is* leatsa an oidheche: is tu 'dheasaich solus agus grian.

17 Shuidhich thu uile chrìochan ua talmhainn; rinn thu an samhradh agus an gcamhradh.

18 Cuimhuich so: thug an t-eascaraid beum, a Thighearna, agus rinn sluagh amaid-each tarcais air d'ainm.

19 Na toir suas do'n fhiadh-bheathach

anam do cholomain : anaman do dhaoine truagha na dì-chuimhnich gu bràth.

20 Thoir an aire do'n choimhcheangal; oir tha àitean dorcha na tìre làn de ionadaibh-còmhnuidh an fhoirneirt.

21 Na pillear air ais le nàire an ti a shàruichear: moladh am bochd agus am feumach d'ainm.

22 Eirich, a Dhé, tagair do chàis féin: cuimhnich mar a tha 'n t-amadan a' toirt toibheim dhuit gach là.

23 Na dì-chuimhnich guth do naimhdean, toirm na muinntir a dh'éirich a'd' aghaidh, a tha 'dol suas an còmhnuidh.

SALM LXXV.

1 *Mhol an salmadar Dia. 2 agus gheall e gu'n tugadh e breth le ceartas. 4 Chronaich e na h-uuibhrich.*

Do'n àrd fhear-ciùil, Al-taschit. Salm no laoidh le Asaph.

BHEIR sinn moladh dhuit, a Dhé, bheir sinn moladh; oir gu bheil d'ainm am fagus cuiridh d'oire iongantach 'an céill.

2 'N uair a ghlacas mi an t-àm suidhichte, bheir mi breth le ceartas.

3 Sgaoileadh an tìr agus a luchd-àiteachaidh gu léir: cumaidh mise suas a puist. Selah.

4 Thubhairt mi ris na h-amadanaibh, Na bithibh amaideach; agus ris na h-aingidh, Na togaibh suas *bhur* n-adharc.

5 Na togaibh suas *bhur* n-adharc gu h-àrd; na labhraibh le muineal rag.

6 Oir cha-n ann o'n ear, no o'n iar, no o dheas a *thig* àrdachadh.

7 Ach *is* e Dia am Breitheamh: leagaidh e sìos am fear so, agus àrdaichidh e am fear sin.

8 Oir *tha* cupan ann an làimh an Tighearna, agus tha am fìon dearg: làn coimeisg *tha e*, agus dòrtidh e cuid as: ach a dheasgainean faisgidh agus òlaidh uile dhaoine aingidh na talmhainn.

9 Ach ni mise gairdeachas gu bràth; seinnidh mi moladh do Dhia Iacoib.

10 Agus sgathaidh mi sìos uile adharcannan aingidh: àrdaichear adharcannan fhìreinn.

SALM LXXVI.

1 *Tha Dia glòrmhor ann an Sion. 7 agus 'n a chàis eagail do gach neach. 11 Is còir bòidean iocadh dha.*

Do'n àrd fhear-ciùil air Neginot. Salm no laoidh le Asaph.

AITHNICHEAR Dia ann an Iudah; ann an Israel *tha* 'ainm mòr:

2 Agus ann an Salem tha a phàillion, agus 'ionad-còmhnuidh ann an Sion.

3 An sin bhris e saighdean a' bhogha, an sgiath, agus an claidheamh, agus an cath. Selah.

4 *Is* treun thusa, *is* glòrmhor *thu* os ceann bheann na creiche.

5 Chreachadh iadsan a bha misneachail ann an cridhe; chòidil iad an codal, agus

cha d'fhuair na daoine treuna gu léir an làmhann.

6 Le d'achmhasan, a Dhé Iacoib, chuireadh araon am marcach agus an t-each 'n an suain.

7 *Is* cùis eagail thusa, *eadhon* thusa: agus cò 'sheasas a'd' làthair an uair a bhitheas fearg ort?

8 Thug thusa air breitheanas gu'n cualadh o nàmh e: bha eagal air an talmh, agus bha e 'n a thàmh;

9 An uair a dh'éirich Dia chum breitheanasais, a shaoradh uile dhaoine ciùine na talmhainn. Selah.

10 Gu cinnteach bheir fearg duine moladh dhuit: fuigheall na feirge coisgidh tu.

11 Bòidichibh, agus iocaibh do'n Tighearna *bhur* Dia: thugadh iadsan uile a tha m'a thimchioll tiodhlacan dhà-san a's aobhar eagail ann.

12 Sgathaidh e sìos spiorad uachdaran: *is* cùis eagail e do righribh na talmhainn.

SALM LXXVII.

1 *Rinn an salmadair urnaigh ri Dia 'n a theinn, agus fhuair e èisdeachd. 10 Bheachd-smuainich e air oibribh tròcaireach an Tighearna, agus ghlac e misneach.*

Do'n àrd fhear-ciùil, do Iedutun. Salm le Asaph.

LE M' ghuth dh'éigh mi ri Dia, le m' ghuth dh'éigh mi ri Dia, agus dh'éisd e rium.

2 Ann an là mo theinn dh'iarr mi an Tighearna; shineadh mo làmh a mach 's an oidhche gun sgur; dhiùlt m'anam sòlas a ghabhail.

3 Chuimhnich mi air Dia, agus bha mi fo bhuaireas; rinn mi gearan, agus chlaoidheadh mo spiorad. Selah.

4 Chum thu mo shùilean 'n am faireachadh; tha mi iarganach, agus cha-n urrainn mi labhairt.

5 Smuainich mi air na làithibh o shean, air bliadhnachaibh na h-aimsir chéin.

6 Chuimhnich mi mo cheòl 's an oidhche; rinn mi cannt ri m' chridhe féin, agus rannsach mi spiorad gu geur.

7 An tilg an Tighearna uaith gu bràth? agus nach nochd e a dheadh-ghean ni's mò?

8 An do sguir a chaomhnneas am feasd? an d'fhàinich 'fhocal o linn gu linn?

9 An do dhearmaid Dia a bhi gràsmhor? an do dhruid e 'n a chorruich a chaomh-thròcairean? Selah.

10 An sin thubhairt mise, *Is* e so m'an-mhuinneachd: *is* e caochladh deas làimhe an Ti a's àrde a th'ann.

11 Cuimhnichidh mi oibre an Tighearna; gu deimhin cuimhnichidh mi d'iongantais o'n aimsir chéin.

12 Agus beachd-smuainichidh mi air d'oibribh gu léir, agus air do ghnìomhaibh labhaird mi.

13 *Tha* do shlighe, a Dhé, 's an ionad naomh: cò a *tha* 'n a Dhia mòr mar ar Dia-ne?

14 *Is* tusa an Dia a *tha* 'deanamh nithean iongantach: thaisbein thu am measg nan sluagh do neart.

15 *Shaoir* thu le d' ghairdean do shluagh, mic Iacòb agus Ioseph. Selah.

16 Chunnac na h-uisgeachan thu, a Dhé! chunnac na h-uisgeachan thu; bha eagal orra, seadh, ghluaiseadh na doimhneachdan.

17 Dhòirt na neoil a nuas uisge; rinn na speuran fuaim; mar an ceudna chaidh do shaighdean a mach.

18 *Bha* guth do thairneanaich 's an spur; shoillsich do dhealanaich an saoghal; ghluaiseadh agus chrìochnaich an talamh.

19 'S an fhairge *bha* do shlighe, agus do cheuman anns na h-uisgeachaibh mòra; agus cha d'aithnicheadh luirg do chos.

20 Thredraich thu mar threud do shluagh, le làimh Mhaois agus Aaroin.

SALM LXXVIII.

1 *Chomhairlich an salm adair do'n t-sluagh reachdan agus glòir an Tighearn' a nochdadh d'an cloinn. 9 Eadhraidh feirge Dhé an aghaidh chloinn Israeil.*

Maschil le Asaph.

EISDIBH, O mo shluagh, ri m' reachd; aomaihbh bhuir cluas chum bhriathar mo bheòil.

2 Fosgailidh mi mo bheul ann an cosamhlachd; cuiridh mi sean-fhocail dh'orcha 'an céill:

3 A chuala sinn, agus a b'aithne dhuinn, agus a dh'innis ar n-aithrichean dhuinn.

4 Cha cheil sinn air an cloinn *iad*, a' foillseachadh cliu an Tighearn do'n àl a *tha* ri teachd, agus a neart, agus 'oibre iongantach a rinn e:

5 Oir chuir e suas teistean ann an Iacob, agus shuidhich e lagh ann an Israel, a dh'èithn e d'ar n-aithrichibh gu'n deanadh iad aithmichte d'an cloinn;

6 Chum gu'm bitheadh fios aig an àl ri teachd *orra*, gu'n éireadh a' chlann a bheirt-eadh, agus gu'n cuireadh iad 'an céill *iad* d'an cloinn féin;

7 Agus gu'n cuireadh iad an dòchas ann an Dia, agus nach dì-chuimhnichheadh iad oibre Dhé, ach gu'n gleidheadh iad 'aith-eantan;

8 Agus nach bitheadh iad mar an aithrichean, 'n an ginealach easumhal agus ceannairceach, ginealach nach do shuidhich an cridhe gu ceart, agus aig nach robh an spiorad tairis do Dhia.

9 Ged bha clann Ephraim fo'n armaibh, agus ge do thilg iad le bogha, phill iad air an ais ann an là catha.

10 Cha do ghléidh iad coimhcheangal Dhé, agus dhiùlt iad imeachd 'n a reachd.

11 Agus dhì-chuimhnich iad 'oibre, agus 'iongantais a nochd e dhoibh.

12 An làthair an aithrichean rinn e nith-ean iongantach, ann an tìr na h-Eiphit, ann am machair Shoaìn.

13 Sgoilt e an fhairge, agus thug e iadsan thairis; agus thug e air na h-uisgeachaibh seasamh mar thòrr.

14 Agus stiur e iad le neul 's an là, agus air feadh na h-oidhche le solus teine.

15 Sgoilt e na creagan 's an fhàsach, agus thug e deoch dhoibh, mar á doimhneachd-aibh mòra.

16 Agus thug e sruthan a mach as a' charraig, agus thug e air uisgeachaibh ruith sìos mar aithnichibh.

17 Gidheadh pheacaidh iad fathast nì's mò 'n a aghaidh, a' brosnachadh an Tì a's àirde 's an fhàsach.

18 Agus bhuair iad Dia 'n an cridhe, ag iarraidh bìdh d'am miann.

19 Seadh, labhair iad an aghaidh Dhé; thubhairt iad, An urrainn Dia bord a dheasachadh 's an fhàsach?

20 Feuch, bhuail e a' chreag, agus bhrùchd uisgeachan a mach, agus dh'éirich na tuiltean: an urrainn e mar an ceudna aran a thabhairt? an deasaich e feoil d'a shluagh?

21 Uime sin chual' an Tighearn, agus bha corruich air; agus las teine an aghaidh Iacòb, agus mar an ceudna dh'éirich fearg an aghaidh Israeil:

22 A chionn nach do chreid iad ann an Dia, agus nach d'earb iad as a shlàinte;

23 Ge do dh'èithn e do ua neulaibh o'n àirde, agus ge do dh'fhosgail e dorsan nan nèamh;

24 Agus ge do fhras e nuas mana orra r'a itheadh, agus ge do thug e dhoibh coirce nan nèamh.

25 Dh'ith daoine biadh nan aingeal: thug e dhoibh an sàth de lòn.

26 Thug e air gaoith an ear imeachd 's na nèamhan, agus le a neart thug e stigh a' ghaoth á deas.

27 Agus fhras e nuas feoil orra mar dhuslach, agus eunlaith iteagach mar ghaineamh na fairge.

28 Agus thug e orra tuiteam 'am meadhon an camp, mu thimchioll an àitean-còmh-nuidh.

29 Agus dh'ith iad, agus làn-shàsuicheadh iad; oir thug e dhoibh an miann féin.

30 Cha robh iad air an sgarachduinn o am miann: fathast *bha* am biadh 'n am beul;

31 An sin thàinig fearg Dhé orra, agus mharb e iadsan a bu shultmhoire dhiubh, agus leag e sìos daoine taghta Israeil.

32 An déigh so gu léir pheacaich iad fathast, agus cha do chreid iad air son 'oibre iongantach-san.

33 Uime sin chaith e an làithean ann an dìomhanas, agus am bliadhnachan ann an uamhas.

34 'N uair a mharbh e iad, an sin dh'iarr iad e, agus phill iad, agus bha iad gu moch ag iarraidh Dhé;

35 Agus chuimhnich iad gu'm b'e Dia an carraig, agus an Dia a's àirde am fear-saoraidh.

36 Ach rinn iad mìodal ris le'm beul, agus rinn iad breug dha le'n teangaidh:

37 Oir cha robh an cridhe ceart maille ris, agus cha robh iad dìleas 'n a choimh-cheangal.

38 Gidheadh gu h-ìochdmhor mhaith esan an lochd, agus cha do sgrios e iad; seadh, iomadh uair thionndaidh e 'fhearg uaith, agus cha do dhàisg e a chorruich uile;

39 Oir chuimhnich e nach robh annta ach feoil; osag gaoithe a shiubhlas, agus nach pill a ris.

40 Cia tric a bhrosnuich iad e anns an fhàsach, a chuir iad campar air anns an ionad uaigneach?

41 Seadh, phill iad air an ais, agus bhuair iad Dia, agus chuir iad tomhas air Aon naomh Israeil.

42 Cha do chuimhnich iad a làmh, no'n là air an do shaor e iad o'n nàmhaid;

43 Mar a nochd e a chomharan anns an Eiphit, agus 'oibre iongantach ann am machair Shoaib;

44 Agus a thionndaidh e an uisgeachan gu fuil, agus an sruthan, air chor as nach feudadh òl diubh;

45 A chuir e 'n am measg iomadh gnè chuireag, a dh'ith suas iad, agus losgainn a sgrios iad;

46 A thug e an toradh do'n bhurras, agus an saothar do'n locust;

47 A mhìll e an croinn-fhìona le cloich-mheallain, agus an croinn-fhìge le reodh-adh;

48 Agus a thug e thairis am feudail do'n chloich-mheallain, agus an treudan do'n tein-athair;

49 A thilg e orra teas 'fheirge, boile, agus corruih, agus teinn, le aingil olc a chur 'n am measg;

50 A rinn e slighe d'a fheirg, nach do chlaomhain e an anam o'n bhàs, ach a thug e thairis am beatha do'n phlàigh;

51 Agus a bhuail e gach ceud-ghin 's an Eiphit, toiseach an neirt ann am pàilliumaibh Ham;

52 Ach a thug e mach mar chaoraich a shluagh féin, agus a theòraich e iad mar theud anns an fhàsach;

53 Agus a stiùir e iad gu tèaruinte, air chor as nach robh eagal orra, ach a chòmhdaich an fhairge an naimhdean;

54 Agus a thug e iad gu crìch 'ionaid naomh-san, do'n t-sliabh so a choisinn a dheas làmh;

55 Agus a thilg e mach na cinnich rompa, agus a roinn e oighreachd dhoibh le crann-chur, agus a thug e air treubhan Israeil

còmhnuidh a ghabhail 'n am pàilliumaibh-san.

56 Gidheadh bhuair agus bhrosnuich iad an Dia a's àirde, agus cha do ghléidh iad a theisteis.

57 Ach phill iad, agus ghluais iad gu fealltach, mar an aithrichean; chaidh iad a thaobh, mar bhogha fiar;

58 Agus bhrosnuich iad e le'n ionadaibh àrda, agus le'n dealbhan gearrta dhùisg iad e gu h-eud.

59 Chuala Dia, agus bha fearg air, agus ghabh e gràin mhòr de Israel:

60 Agus thréig e pàillium Shiloh, am bùth a shuidhich e am measg dhaoine.

61 Agus thug e suas a neart gu braidh-eanas, agus a ghlòir do làimh an nàmhaid.

62 Agus thug e thairis a shluagh do'n chlàidheamh, agus ghabh e fearg r'a oighreachd.

63 Loisg an teine an òigridh, agus cha d'fhuair an òighean pòsadh.

64 Thuit an sagartan leis a' chlàidheamh, agus cha d'rinn am bantraichean bròn.

65 An sin mhosgail an Tighearn mar neach a bha 'n a chodal, mar churaidh a ni iolach an déigh dha fion òl.

66 Agus bhuail e a naimhdean 'n an deir-eadh; thug e masladh bithbhuan dhoibh.

67 Agus dhiùlt e pàillium Ioseiph, agus cha do thagh e treubh Ephraim.

68 Ach thagh e treubh Iudah, sliabh Shioin a ghràdaich e.

69 Agus thog e 'ionad naomh féin mar lùchairt àrd, mar an talamh a shuidhich e gu bràth.

70 Agus thagh e Daibhidh 'òglach, agus thug se e o chrò nan caorach.

71 O bhì 'n déigh nan caorach a bha trom le h-àl, thug se e a bheathachadh Iacoib a shluaigh, agus Israeil 'oighreachd.

72 Agus bheathaich e iad a réir ionracais a chridhe; agus le seòltachd a làmh stiùir e iad.

SALM LXXIX.

1 *Tha an salmadair ri caoidh air son sgrios Ierusalem. 8 Gluaidh e gu'n cuidicheadh Dia le 'oighreachd air sgàth glòire 'aime féin.*

Salm le Asaph.

A DHE, thàinig na cinnich a steach do d' oighreachd; thruaill iad do theampull naomh; dh'fhàg iad Ierusalem 'n a càraibh.

2 Thug iad cuirp do sheirbhiseach mar bhaidh do eunlaith nan speur, feoil do naomh do fhiadh-bheathaichibh na tal-mhainn.

3 Dhòirt iad am fuil mar uisge timchioll Ierusalem, agus cha robh neach gu'n adhlacadh.

4 Tha sinn 'n ar masladh d'ar coinhears-naich, 'n ar n-aobhar fanoid agus magaidh dhoibhsan a tha mu'n enairt oinn.

5 Cia fhad, a Thighearn', a bhitheas fearg ort? gu bràth an las d'eud mar theine?

6 Dòirt do chorruich air na cinnich aig nach 'eil eolas ort, agus air na rìoghachdaibh nach gairm air d'ainm.

7 Oir chuir iad as do Iacob, agus rinn iad 'àite-còmhnuidh 'n a fhàsach.

8 Na cuimhnich thusa 'n ar n-aghaidh ar n-euceartan roimhe so: gu luath gabhadh do thròcairean romhainn; oir thugadh gu ro ìosal sinn.

9 Cuidich leinn, a Dhé ar slàinte, air sgàth glòire d'ainme; agus teasairg sinn, agus glan ar peacaich uainn air son d'ainme féin.

10 C'ar son a theireadh na cinnich, C'ait am bheil an Dia? aithnichear 'n measg nan cinneach fa chomhair ar sùl dìoghaltas fola do sheirbhiseach, a dhòirteadh!

11 Thigeadh osnaich a' phrìosanaich a'd' làthair, a réir meud do neirt: saor thusa iadsan a dh'orduicheadh chum bàis.

12 Agus ìoc d'ar coimhearsnaich a sheachd uiread 'n am brollach, am masladh leis an do mhaslaich iad thusa, a Thighearna.

13 Agus molaidh sinne, do shluagh agus caoraich d'ionaltraidh, thusa gu bràth: o linn gu linn cuiridh sinn 'an cèill do chliu.

SALM LXXX.

1 *Dh'asluich an salmair air Dia gu'n tugadh e air a ghnùis dealrachadh air a shluagh.* 8 *Thionndaidheadh tròcairean Dhé gu breithneas.*

Do'n àrd fhear-ciuil air Sosanim Edut. Salm le Asaph.

O AODHAIR Israeil, éisd, thusa a stiùireas Ioseph mar thrud; thusa a tha d' chòmhnuidh eadar na cheruban, dealraich a mach.

2 An làthair Ephraim, agus Bheniamin, agus Mhanaseh, dèisg do chumhachd, agus thig gu'r saoradh.

3 Pill sinn, a Dhé; agus thoir air do ghnùis dealrachadh, agus saorar sinn.

4 A Thighearna Dhé nan slògh, cia fhad a bhitheas fearg ort ri urnuigh do shluagh?

5 Thug thu dhoibh aran nan deur r'a ith-eadh, agus thug thu dhoibh deoir r'an òl ann am pailteas.

6 Rinn thu sinn 'n ar n-aobhar strì d'ar coimhearsnaich; agus ni ar n-eascairdean gaire-fanoid umainn.

7 A Dhé nan slògh, pill sinn; agus thoir air do ghnùis dealrachadh, agus saorar sinn.

8 Thug thu fìonain as an Eiphit; thig thu mach na cinnich, agus shuidhich thu i.

9 Réitich thu àite fa comhair, agus thug thu oirre freumhachadh gu daingean, agus lion i an tìr.

10 Chòmhdaicheadh beanntan le a sgàile, agus le a geugaibh seudair àrda.

11 Chuir i mach a mcoir gu ruig a' mhuir, agus a meanglain gu ruig an amhainn.

12 C'ar son a bhris thu sìos a ballachan-

dionaidh, air chor as gu'm bheil uile luchd-gabhail na slighe 'g a spìonadh?

13 Tha an torc as a' choille 'g a fàsachadh, agus tha fiadh-bheathach na macharach 'g a h-itheadh suas.

14 A Dhé nan slògh, pill, guidheamaid ort; amhairc a nuas o nèamh, agus faic, agus fiosraich an fhìonain so;

15 Agus am fìon-lios a shuidhich do dheas-làmh, agus am meanglan a neartaich thu dhuit féin.

16 Loisgeadh i le teine, ghearradh sìos i: le achmhasan do ghnùise sgriosar iad.

17 Bitheadh do làmh air fear do làimhe deise, air mac an duine a neartaich thu dhuit féin.

18 An sin cha phill sinn air ar n-ais uait: beothaich sinn, agus gairmidh sinn air d'ainm.

19 A Thighearna Dhé nan slògh, pill sinn, thoir air do ghnùis dealrachadh, agus saorar sinn.

SALM LXXXI.

1 *Earrail gu Dia a mholadh.* 8 *Chomhairlich Dia do Israel àmhhlachd a thoirt d'u thoil, agus gheall e an teasairginn o làimh an naime-dean.*

Do'n àrd fhear-ciuil air Gitit. Salm le Asaph.

S EINNIBH gu h-ait do Dhia, ar neart; togaibh iolach do Dhia Iacoib.

2 Glacaibh salm, agus thugaibh tiompan leibh: a' chlàrsach bhinn maille ris an t-salt-air.

3 Anns a' ghealaich nuaidh séidibh an trompaid, anns an àm shuidhichte, air là ar féile.

4 Oir bu reachd so do Israel, riaghailt le Dia Iacoib.

5 Mar fhianuis shuidhich se e ann an Ioseph, an uair a thàinig e mach á tìr na h-Eiphit, *jàr* an cual' e cainnt nach do thuig e.

6 O'n eallaich thug mi as a ghuala: o na poitibh shaoradh a làmh.

7 Ann an teinn ghairm thu, agus shaor mi thu; fhreagar mi thu ann an ionad dìomhair na tairneanaich: dhearbh mi thu làimh ri uisgeachaibh Mheribah. Selah.

8 Eisd, o mo shluagh, agus bheir mi fianuis dhuit; O Israeil, ma dh'éisdeas tu rium;

9 Cha bhi Dia coirgeach agad, agus cha chrom thu sìos do dhia coimheach.

10 Is mise an Tighearn do Dhia, a thug a nìos thu á tìr na h-Eiphit: fosgail do bhenl gu farsuin, agus lionaidh mise e.

11 Gidheadh cha d'éisd mo shluagh ri m' ghuth, agus cha do ghabh Israel rium.

12 Uime sin thug mi thairis iad do anamian an cridhe féin; dh'imich iad 'n an comhairle féin.

13 O nach éisdeadh mo shluagh rium! nach imichheadh Israel a'm shlighibh!

14 Gu luath leagainn sìos an eascairdean,

agus thionndaidhinn mo làmh an aghaidh an naimhdean.

15 Bheireadh luchd-fuath an Tighearn' ùmhlaichd dha: ach mhaireadh an aimsir-san gu bràth.

16 Agus bheathaicheadh e iad le smior a' chruthnèachd: agus le mìl o'n charraig àhsuichinn thu.

SALM LXXXII.

1 *Chronaich an salm adair na h-uachdarain a chionn gu'n d'thug iad breth gu h-eucorach; 3 agus thug e earail doibh ceartas a chumail ris na bochdaibh.*

Salm le Asaph.

THA Dia 'n a sheasamh ann an coimh-thional nan cumhachdach: am measg nan diathan bheir e breth.

2 Cia fhad a bheir sibh breth gu h-eucorach, agus a ghabhas sibh ri gnùis dhaoine aingidh? Selah.

3 Deanaibh ceartas do'n bhoichd agus do'n dilleachdan; cumaidh còir ris an truaghan agus ris an fheumach.

4 Teasairgibh am boichd agus an t-ainnis; á làmh nan aingidh saoraibh iad.

5 Cha-n'eil eòlas no tuigse aca; ann an dorchadas gluaisidh iad: tha uile bhunaitcan na talubhainn air chrith.

6 Thubhairt mi, *Is* diathan sibh, agus *is* mic sibh uile do'n Ti a's àirde.

7 Ach gheibh sibh bàs mar dhaoine, agus tuitidh sibh mar aon de na h-uachdaranaibh.

8 Eirich, a Dhé, thoir breth air an talamh; oir sealbhaichidh tu na h-uile chinnich mar oighreachd.

SALM LXXXIII.

1 *Tha an salm adair a' gearan gu'n d' rinn naimhdean Israeil ceannaire 'n an aghaidh. 9 Dh'asluich e air Dia an sgrios gu h-obann.*

Laoidh no Salm le Asaph.

ADHE, na bi a'd' thosd; na bi sàmhach, agus na bi a'd' thàmh, a Dhé:

2 Oir feuch, tha do naimhdean ri buaireas; agus thog iadsan le'm fuathach thu, suas an cinn.

3 An aghaidh do shluaigh gu cuilbheartach dhealbhadh iad olc, agus ghabh iad comhairle le 'chéile an aghaidh do mhuinntir dhìomhair.

4 Thubhairt iad, Thigibh, agus gearramaid as iad o *bhi* 'n an cinneach, chum nach cumhnichear ainm Israeil nì's mò:

5 Oir le h-aon intinn ghabh iad comhairle le 'chéile, a'd' aghaidh-sa rinn iad còmhleachgal.

6 Paillìunan Edoim agus na h-Ismaelich, Moab agus na Hagaraich,

7 Gebal, agus Amon, agus Amalec, na Philistich maille ri luchd-àiteachaidh Thùris:

8 Mar an ceudna dhlùth-lean Asur riubh chomhnaidh iad do chloinn Lot. Selah.

9 Dean orra mar *air* Midian, mar *air* Sisera, mar *air* Iabin, aig sruth Chisoim;

10 A sgriosadh aig Endor, a rinneadh mar aolach do'n talamh.

11 Dean an àrd uaislean mar Oreb, agus mar Sheeb, agus an uachdarain gu léir mar Sheba, agus mar Shalmuna;

12 A thubhairt, Glacamaid dhuinn féin mar oighreachd àiteachan-còmhnuidh Dhé.

13 O mo Dhia, dean iad mar roth; mar asbhuain roimh'n ghaoith.

14 Mar a loisgeas teine a' choille, agus mar a chuireas lasair na beanntan ri theime;

15 Mar sin dean thusa tòrachd orra le d' dhoinn, agus le d' ioma-ghaoith cuir uamhunn orra.

16 Lìon an eudan le masladh, ehum gu'n iarr iad d'ainm, a Thighearna.

17 Bithheadh amhladh agus buaireas orra gu bràth; seadh, glacadh naire iad, agus sgriosar iad:

18 Chum gu'm bi fhios aig *daoineibh* gur tusa mhàin d'an ainm Iehobhah, an Ti a's àirde os ceann na talmhainn nìle.

SALM LXXXIV.

1 *Bha an salm adair 'an geall air cùirtibh an Tighearn', 4 agus nochd e beannachadh an t-sluaigh a bha 'n an còmhnuidh anna.*

Do'n àrd fhear-ciùil air Gitit. Salm air son mhac Chorah.

CIA ion-ghràdhach do phàillìunan, a Thighearna nan slògh!

2 Tha m'anam a' miannachadh, seadh, cadhan a' fannachadh le déigh air cùirtibh an Tighearna: tha mo chridhe agus m'fheoil ag éigheach gu h-àrd air son an Dé bheò.

3 Fluair eadhon an geallbhonn tigh, agus an gobhlan-gaoithe nead dhi féin, anns an cuireadh i a h-àlach; d'altairean-sa, a Thighearna nan slògh, mo Dhia, agus mo Rìgh.

4 *Is* beannaichte iadsan a tha 'n an còmhnuidh a'd' thigh-sa: molaidd iad thm a ghnàth. Selah.

5 *Is* beannaichte an duine sin aig *am bheil* a neart annadsa, agus *iadsan aig am bheil* do shlighean 'n an cridhe.

6 A' dol troimh ghleann Baca, ni iad sin tobar ann: lionaidh mar an ceudna an t-uisge na linntean.

7 Imichidh iad o neart gu neart; nochdar *gach aon diubh* an làthair Dhé ann an Sion.

8 A Thighearna Dhé nan slògh, cluinn m'urnuigh; eisd, a Dhé Iacoib. Selah.

9 A Dhé, ar sgiath, faic, agus amhaire air gnùis d'Aoin mngta:

10 Oir is fearr là a'd' chùirtibh na mùle: b'fhearr leam a bhi ri dorsaireachd ann an tigh mo Dhé, na bli'm còmhnuidh ann am paillìunaibh aingidheachd:

11 Oir is grian agus is sgiath an Tighearna Dia; agus bheir an Tighearna gràs agus glòir: cha chum e maith air bith uatha-san a ghluaiscas gu h-ionraic.

12 A Thighearna nan slògh, *is* beannaichte an duine a chuireas a dhòigh annadsa.

SALM LXXXV.

1 *Dh'aidichan salmadair gu'n robh Dia bàigheil r'a shluagh; 4 ghuidh e gu'm meudaicheadh e a thròcair dhoibh; 8 agus nochd e gu'm bheil slàinte dlùth dhoibhsan air am bheil eagal an Tighearna.*

Do'n àrd fhear-ciùil. Salm air son mhac Chorah.

BHA thusa bàigheil, a Thighearna, ri d' thìr: thug thu air ais braigheanas Iacob.

2 Mhaith thu cionta do shluaigh; dh'fholuich thu am peacadh uile. Selah.

3 Choisg thu do chorruich uile; thionndaidh thu o fhraoch d'fheirge.

4 Pill sinn, a Dhé ar slàinte, agus tog d'fhearg dhinn.

5 Gu bràth am bi corruich ort ruin? an sin thu d'fhearg o linn gu linn?

6 Nach ath-bheothaich thu sinn? chum gu'n dean do shluagh gairdeachas annad?

7 Nochd dhuinn, a Thighearna, do thròcair, agus deònuicid dhuinn do shlàinte.

8 Cluinidh mi ciod a their Dia an Tighearna: oir labhraidh e sìth r'a shluagh, agus r'a naoimh; ach na pilleadh iad chum amaideachd.

9 Gu dearb *tha* a shlàinte dlùth dhoibhsan ann eagal e; chum gu'n còmhluich glòir 'n ar tìr.

10 Tha tròcair agus fìrinn air còmhlaich-adh a chèile: tha ceartas agus sìth air pògadh a chèile.

11 Fàsaidh fìrinn a nìs as an talamh, agus seallaidh ceartas a nuas o na nèamhan.

12 Seadh, bheir an Tighearna maith dhuinn; agus bheir ar fearann uaith a thoradh.

13 Imichidh ceartas roimhe, agus stiùraidh e a cheumanna 's an t-slighe.

SALM LXXXVI.

1 *Athcuinge Dhaibhidh. 5 Dh'aidich e gu'n robh Dia maith agus iochdmhor. 14 Rinn e gearan an aghaidh nan uaibhreach, agus ghuidh e air Dia tròcair a dheanann air.*

Urnuigh le Daibhidh.

AOM, a Thighearna, do chluas, éisd rium; oir tha mi bochd agus uir-casbhuidheach.

2 Gléidh m'anam, oir *tha* mi diadhaidh: O thusa mo Dhia, saor d'òglach, a dh'earbas asad.

3 Dean tròcair orm, a Thighearna; oir tha mi a' glaochaich riut gach là.

4 Dean anam d'òglach féin aoibhinn; oir riutsa, a Thighearna, togaidh mi m'anam:

5 Oir *tha* thusa, a Thighearna, maith agus iochdmhor, agus pàit ann an tròcair dhoibhsan uile a ghairmeas ort.

6 Eisd, a Thighearna, ri m'urnuigh, agus thoir fainear guth m'athcuinge.

7 Ann an là mo theinn gairmidh mi ort; oir freagairidh tu mi.

8 Cha-n'èil do shamhuil-sa am measg nan

diathan, a Thighearna; agus cha-n'èil oibre ann, cosmhuil ri d'oibribh-sa.

9 Thig na cinnich uile a rinn thu, agus sleuchdaidh iad a'd' lathair, a Thighearna, agus bheir iad glòir do d'ainm.

10 Oir is mòr thusa, agus *tha* thu a' dean-amh nìthan iougantach; is tusa Dia, thu féin a mhàin.

11 Teagaigis dhomh, a Thighearna, do shlighe; gluaisidh mi a'd' fhìrinn: coimhcheangail mo chridhe chum eagal d'ainme 'bhi orm.

12 Molaidh mi thu, a Thighearna mo Dhia, le m'uile chridhe, agus bheir mi glòir do d'ainm gu bràth:

13 Oir is mòr do thròcair ormsa, agus shaor thu m'anam o'n t-slochd a's iochdaraiche.

14 A Dhé, dh'éirich na h-uaibhrich a'm' aghaidh, agus dh'iarr coimhthional luchd-foirneir m'anam; agus cha do chuir iad thusa rompa.

15 Ach *tha* thusa, a Thighearna, a'd' Dhia iochdmhor, agus gràs mhor, mall chum feirge, agus pàit ann an tròcair agus ann am fìrinn.

16 Anlaire orm, agus dean tròcair orm; thoir neart do d'òglach, agus saor mac do bhanoglaich.

17 Thoir dhomh comharadh air maith, chum gu'n faic iadsan e aig am bheil fuath dhomh, agus gu'n gabh iad naire, a chionn, a Thighearna, gu'n do chuidich thusa leam, agus gu'n d'thug thu coimhfhurtachd dhomh.

SALM LXXXVII.

1 *Bunait agus glòir Shìoin. 4 Tha a shluagh eadar-dhealaichte o gach sluagh eile.*

Salm no laoidh air son mhac Chorah.

THA a bhunnait anns na beanntaibh naomha.

2 Is ionmhunn leis an Tighearna geatachan Shìoin, thar uile ionadan-còmhnuidh Iacob.

3 Innsear nithean glòrmhor ortsa, a chaithir Dhé. Selah.

4 Cuimhnichidh mi Rahab agus Babel dhoibhsan d'an aithne mi: feuch, Palestin, agus Tiorus, maille ri h-Etiopia; rugadh am fear so an sin.

5 Ach mu Shìon theircar, Rugadh am fear so agus am fear ud innte, agus daingnichidh an Tì a's àirde i.

6 Comharaichidh an Tighearna, 'n uair a sgrìobhas e sìos na fineachan, gu'n d'rugadh am fear so an sud. Selah.

7 *Bithidh* aron luchd-seinn agus luchd-ciùil an sin: *tha* mo thobraichean uile annadsa.

SALM LXXXVIII.

1 *Tha an salmadair a' guidhe gu'n tugadh Dia éisdeachd d'a urnuigh, 3 agus a' leigeadh ris da na trioblaidean a thàinig air.*

Laoidh no salm air son mhac Chorah, do'n àrd fhear-ciùil air Mahalat Leanot, Maschil le Heman an t-Esrahach.

A THIGHEARN', a Dhé mo shlàinte, a là agus a dh'oidhche ghlaodh mi a'd' fhianuis.

2 Thigeadh m'urnuigh a'd làthair; aom do chluas ri m' ghlaodh:

3 Oir tha m'anam làn truaighe, agus tha mo bheatha dlùth do'n uaigh.

4 Mheasadh mi mar iadsan a théid sìos do'n t-slochd; tha mi mar dhuine gun neart;

5 Saor am measg nam marbh, mar iadsan a mharbhadh, a tha 'n an luidhe 's an uaigh, air nach 'eil cuimhne agad ni's mò; oir o d' làimh ghearradh as iad.

6 Chuir thu mi 's an t-slochd a's isle ann an dorchadas, anns na doimhneachdaibh.

7 Luidh d'fhearg orm gu teann, agus le d' thonnaibh uile chlaoidh thu mi. Selah.

8 Chuir thu mo luchd-còlais fada uam; rinn thu mi a'm' ghràineilcachd dhoibh: druidte suas *tha mi*, agus cha-n urrainn mi teachd a mach.

9 Tha mo shùil a' fàilneachadh a bhrìgh m' àmhghair; ghairm mi ort, a Thighearna, gach là; shìn mi mo làmhann riut.

10 Do na marbhaibh an nochd thu iongantais? an éirich na mairbh, agus am mol iad thu? Selah.

11 An cuirear 'an céill do chaoimhneas caomh 's an uaigh? d'fhìrinn ann an sgrios?

12 An aithnìchear d'iongantais anns an dorchadas? agus d'fhìreantachd ann an talamh na dì-chuimhne?

13 Ach riutsa, a Thighearna, ghlaodh mise; agus annas a' mhaduinn thig m'urnuigh a'd làthair.

14 C'ar son, a Thighearna, a thilgeas tu m'anam uait? a dh'fholaicheas tu do ghnùis uam?

15 *Tha* mise air mo chràdh, agus dlùth do'n bhàs, o m'dìge; dh'fhuiling mi d'uamhasan, tha mi ann an imcheist.

16 Dh'imich d'fhearg gheur tharum; chlaoidh d'uamhasan mi.

17 Chaidh iad timchioll orm mar uisge gach là; chuairtich iad mi le 'chéile.

18 Chuir thu fear mo ghaoil agus mo charaid fada uam: *tha* luchd m'èolais ann an dorchadas.

SALM LXXXIX.

1 *Mhol an salmadair Dia air son a gheallannan tròcaireach do Dhaibhidh. 5 Cumhachd agus mòrachd an Tighearna. 15 Tre fhìreantachd Dhé bithidh an t-ionracan air àrdachadh; 19 agus dìonaiddh an Tighearna e o làimh a naimhdean. 38 Tha an salmadair a' caoidh gu'n do thilg Dia a shluagh uait. 46 Rinn e urnuigh ri Dia, agus bheannaich se e.*

Maschil le h-Etan an t-Esrahach.

AIR tròcairibh an Tighearna gu bràth seinnidh mi; o linn gu linn foillsichidh mi d'fhìrinn le m' bheul:

2 Oir thubhairt mi, Gu bràth togar suas tròcair; anns na nàmhann daingnichidh tu d'fhìrinn, *ag ràdh*,

3 Rinn mi coimhcheangal ri m' Aon taghta; m'ionnaich mi do Dhaibhidh, m'òglach.

4 Gu bràth daingnichidh mi do shliochd agus togaidh mi suas do rìgh-chaithir o linn gu linn. Selah.

5 Molaidh na nàmhann d'iongantais, a Thighearna; mar an ceudna d'fhìrinn ann an coimhthional nan naomh.

6 Oir cò ann am fàitheanas a choimhmeasar ris an Tighearna? cò am measg mhac nan cumhachdach a shamhlùichear ris an Tighearna?

7 Is aobhar eagail Dia gu mòr ann an coimhthional nan naomh; agus is còir urram a thabhairt da os an ceann-san uile *a tha* mu'n cuairt da.

8 A Thighearna Dhé nan slògh, cò *a tha* cosmhail riut? treun *tha* thusa, a Thighearna, agus *tha* d'fhìrinn mu'n cuairt duit.

9 Rìaghlaidh tusa onfha na faire: 'n uair a dh'éireas a tonnan, coisgidh tu iad.

10 Mhìn-phronn thu Rahab, mar dhuine leònta; le gairdean do neirt sgap thu do naimhdean.

11 *Is* leatsa na nàmhann, mar an ceudna *is* leat an talamh; shuidhich thusa an cruinne-cé, agus a làn.

12 Chruthaich thusa an àirde tuath, agus an àirde deas; ni Tabor agus Hermon gairdeachas ann ad ainm.

13 Agadsa *tha* gairdean neartmhor: is làidir do làmh, is àrd do dheas làmh.

14 *Is* iad ceartas agus breitheanas àite-tàimh do rìgh-chaithreach; théid tròcair agus fìrinn roimh do ghnùis.

15 *Is* beannaichte an sluagh d'an aithne an fhuaim aoibhneach: imichidh iad, a Thighearna, ann an solus do ghnùise.

16 Ann ad ainm-sa ni iad gairdeachas air feadh an là; agus ann ad fhìreantachd àrd-aichear iad.

17 Oir *is* tusa glòir an neirt; agus ann ad dheadh-ghean àrd-aichear ar n-adharc.

18 Oir *is* e'n Tighearna ar sgiath, agus Aon naomh Israeil ar Rìgh.

19 An sin labhair thu ann an taisbeanadh ri d' Aon naomh, agus thubhairt thu, Chuir mise cuideachadh air aon a tha cumhachdach; dh'ardaich mi aon taghta as an t-sluagh.

20 Fhuair mi Daibhidh m'òglach; le m'òlaidh naomh dh'ung mi e:

21 Le'm bi mi làmh gu daingean: mar an ceudna neartaichidh mo ghairdean e.

22 Cha tog an nàmhaid eis dheth; agus cha chlaoidh mac an uile e.

23 Agus pronnaidh mi a naimhdean roimhe, agus buailidh mi iadsan le'm faathach e.

24 Agus bithidh m'fhìrinn agus mo thròcair maille ris; agus ann am ainm-sa àrd-aichear 'adharc-san.

25 Agus cuiridh mi a làmh anns an fhairege, agus a dheas làmh anns na h-aimhneibh.

26 Glaodhaidh e rium, *Is* tu m'athair, mo Dhia, agus carraig mo shlàinte.

27 Mar an ceudna ni mi *mo* chud-ghin dheth, ard os ceann rìghrean na talmhainn.

28 Gu bràth gleidhidh mi *mo* thròcair dha, agus bithidh mi choimhcheangal seas-nach leis.

29 Agussuidhichidh migu bràth a shliochd, agus a rìgh-chaithir mar làithibh nan nèamh.

30 Ma thrèigas a chlànn *mo* lagh, agus nach ghuais iad ann am bhreitheanais;

31 Ma mhi-naomhaicheas iad *mo* reachdan, agus nach glèidh iad m'aitheantan;

32 An sin fiosaichidh mi le slait an cus-aontas, agus le buillibh an euccart.

33 Gidheadh, cha bhuin mi gu tur *mo* chaoimhneas-gràidh uaith, agus cha bhreug-naich mi *mo* ghealladh.

34 Cha bhris mi *mo* choimhcheangal; agus an ni a thàinig as *mo* bhlìbh cha chaochail mi.

35 Aon uair mhionnaich mi air *mo* naomh-achd, nach dean mi breug do Dhaibhidh.

36 Mairidh a shliochd gu bràth, agus a rìgh-chaithir mar a' ghrian a'm làthair.

37 Mar a' ghealach, daingnichear e gu bràth; agus mar fhianuis dhileas ann an nèamh. Selah.

38 Ach thilg thu nait, agus ghabh thu gràin; bha fearg ort ri d'Aon ungta.

39 Sgaoil thu coimhcheangal d'èglach; thruaill thu a choron, *g'a thilgeadh* gu làr.

40 Bhris thu a bhallachan-dionaidh uile; rinn thu a dhaingnich 'n an sgrios.

41 Creachaidh iadsan uile a ghabhas an t-slighe e: tha e 'n a mhasladh d'a choimh-earsaich.

42 Thog thu suas deas làmh a naimhdean; rinn thu 'casairdean uile ait.

43 Mar an ceudna phill thu faobhar a chlaidheimh, agus cha d'thug thu air seas-amh anns a' chath.

44 Chuir thu as d'a ghloir, agus thilg thu sìos a rìgh-chaithir gu làr.

45 Ghiorraich thu làithean 'dige; chòmhdaich thu e le nàire. Selah.

46 Cia fhad, a Thighearn', a dh'fholuicheas tu thu féin gu tur? a loisgeas, mar theine, do chorrùich?

47 Cuimhnich cia gearr m'aimsir: c'ar son a chruthaich thu gu dìomhain clann nan daoine uile?

48 Cò e an duine a tha beò, agus nach faic am bàs, *no* 'theasairgeas 'anam féin o làmh na h-uaghe? Selah.

49 C'ait ann bheil do chaoimhneas-an-gràidh roimhe so, a Thighearn', a mhionnaich thu do Dhaibhidh air d'fhirinn.

50 Cuimhnich, a Thighearna, masladh do sheirbhiseach; gu'n do ghiùlain mise ann am uèd uile *mhasladh* sluaigh mhòir,

51 Leis an do mhaslaich do naimhdean, a Thighearna; leis an do mhaslaich iad ceuman d'Aoin ungta.

52 Beannaichte gu'n *robh* an Tighearn gu sìorruidh! Amen agus Amen.

SALM XC.

1 *Dh'fhoillsich Maois freusdal Dhé do chloinn Israel.* 9 *Nochd e gu'm bheil làithean an duine gearr;* 13 *agus ghuidh e gu'n sàsuicheadh Dia a shlùagh le 'thròcair.*

Urnigh le Maois, èglach Dé.

A THIGHEARNA, bha thusa a'd' ionad- còmhnuidh dhuinn o linn gu linn.

2 Mu'n do ghineadh na beanntan, agus mu'n do dhealbh thu an talamh agus an cruinne-cé, cadhon o bhlith-bhuantachd gu bith-bhuantachd is tusa Dia.

3 Tionndaidhidh tu an duine gu sgrios; agus their thu, Pillibh, a chlànn nan daoine.

4 Oir *tha* mìle bliadhna ann ad sìcalladhsa, mar an là'n dé 'n uair a thèid e seachad, agus *mar* fhlaire anns an oidheche.

5 Dh'fhuadaich thu iad, mar le sruth; *mar* chodal *tha* iad: anns a' mhiaduinn *tha* iad mar fheur a dh'fhàsas suas.

6 Air maduinn thig e fo bhlàth, agus fasaidd e suas; air feasgar gearrar sìos e, agus scargaidh e.

7 Oir *tha* sinn air ar caitheadh le d' fheirg, agus le d' chorrùich *tha* sinn air a' claoidh.

8 Chuir thu ar n-eucartan a'd' fhianuis, ar *peacaidhean* dìomhair ann an solus do ghnùise.

9 Oir *tha* ar làithean air teireachduinn ann ad fheirg: chaith sinn ar bliadhnachan mar sgeul a dh'innscadh.

10 *Tha* làithean ar bliadlmachan 'n an trì fichead bliadhna agus a deich; agus le tuilleadh neirt ma *bhùtheas* ceithir fichead ann, is saothair agus doilgheas an spionn adh: oir gearrar as e gu grad, agus siubhlaidh sinn.

11 Cò d'an aithne neart d'fheirge, agus a réir d'eagail, do chorrùich?

12 Teagaisg dhuinn mar so ar làithean àircamh, chum gun socraich sinn ar cridhe air gliocas.

13 Pill, a Thighearna; cia fhad? agus gabh aithreachas a thaobh do sheirbhiseach.

14 Sàsuich sinn gu moch le d' thròcair, a chum gu'n dean sinn gairdeachas 'agus aoibhneas rè ar làithean uile.

15 Dean aoibhneach sinn a réir nan làithean *air* an do chràidh thu sinn, nam bliadhnachan *anns* am faca sinn ole.

16 Faicear d'obair le d' sheirbhiseich, agus do ghloir le 'n cloinn.

17 Agus bitheadh maise an Tighearn' ar Dé oirnn; agus daingnich thusa obair ar làmh dhuinn; seadh, daingnich obair ar làmh.

SALM XCI.

1 *Tèaruinteachd agus sonas nan ionracan fo sgàile an Uile-chumhachdaich.*

GABHAIDH esan a tha 'n a chòmhnuidh ann an ionad dìomhair an Ti a's àirde, tàmh fo sgàile an Uile-chumhachdaich.

2 Their mi mu thimechioll an Tighearna, *Is* e *mo* thearmunn, agus *mo* dhaingneach; *mo* Dhia, anns an cuir mi *mo* dhòigh.

3 Gu dearbh saoraidh e thu o riban eunad-air, o'n phlàigh mhilltieh.

4 Le 'iteagaibh còmhdaichidh e thu, agus, fo a sgiathan bithidh d'earbsa: *bithidh* 'fhuirinn 'n a sgéith agus 'n a targaid dhuit.

5 Cha bhi eagal ort a thaobh an uamhais anns an oidhehe, *no* na saighde *a* ruitheas 's an là;

6 *No* na plàigh' *a* ghluaiseas ann an dor-chladais, *no* an sgrios *a* mhilleas mu mheadhon-là.

7 Tuitidh mìle ri d' thaobh, agus deich mìle air do làmh dheis; aeh cha tig e am fagus duit.

8 A mhàin le d' shùilb seallaidh tu, agus chi thu dìol nan aingidh.

9 A chionn gu'n d'rinn thu an Tighearn 'n a thearmunn, an Ti a's àirde 'n a ionad-còmhnuidh dhuit;

10 Cha-n éirich ole air bith dhuit, agus cha tig plàigh am fagus do d'fhàrdaich;

11 Oir bheir e àithne d'a ainglibh mu d' thimehioll, eum do ghleidheadh ann ad shlighibh uile.

12 'N *an* lánhan togaidh iad suas thu, air eagal gu'm buail thu do chos air eloich.

13 Air an leòmhann agus air an nathair-nimhe saltraidh tu; pronnaidh tu fo d' chois an leòmhann òg agus an dràgon.

14 A chionn gu'm bheil gràdh aige dhomh, saoraidh mi e; àrdaichidh mi e, a chionn gur aithne dha m'ainm.

15 Gairmidh e orm, agus éisdidh mi ris; *bithidh* mi maille ris ann an teinn; teasairgidh mi e, agus bheir mi urram dha.

16 Le fad làithean sàsueidh mi e, agus nochdaidh mi dha mo shlàinte.

SALM XCII.

1 *Dh'earlaich am fàidh Dia a mholadh, 4 air son a bhrèitheanais air luchd-deanamh an uile, 10 agus air son a mhaitheis do'n ionracan.*

Salm no laoidh air son là na sàbaid.

IS maith an ni buidheachas a thabhairt do'n Tighearn, agus cliu a thabhairt do d'ainmsa, O 'Thi a's àirde;

2 Do chaoimhneas-gràidh a chur 'an eéill anns a' mhaduinn, agus d'fhàirinn gach oidhehe,

3 Air inneal-ciùil nan deich teud, agus air an t-saltair; air a' chlàrsaich le fuaim fhonn-mhoir àird.

4 Oir rinn thu mi aoibhinn, a Thighearna, trid d'òibre-sa; ann an gnìomharaibh do làmh ni mi gairdeachas.

5 Cia mòr do ghnìomharan-sa, a Thighearna! ro dhomhain tha do snuaintean.

6 Cha-n eòl do'n amhlair, agus eha tuig an t-amadan so.

7 An uair a chinneas na h-aingidh mar fleur, agus a thig uile luchd-deanamh na h-euceirt do bhlàth, *bithidh* iad air an sgrios ann feirst.

8 Aeh *tha* thusa ro àrd gu sìorruidh, a Thighearna.

9 Oir feuch, do naimhdean, a Thighearna: oir feuch, do naimhdean, sgriosar iad: sgapar uile luchd-deanamh na h-euceirt.

10 Aeh mar *adharc* buabhuill àrdaichidh tu m'adharc-sa: ungair mi le h-òlaidh ùir.

11 Agus amhaireidh mo shùil air m'èas-cairdibh; mu na droeh dhaoinibh a dh'éireas suas a'm' aghaidh eummidh mo ehluasan.

12 Mar ehrann-pailme, thig am firean fo bhlàth; mar sheudair air Lebanon, fasaidd e suas.

13 Iadsan a shuidhichear ann an tigh an Tighearn, ann an cùirtibh ar Dé-ne thig iad fo bhlàth:

14 Fathast 'n an sean aois bheir iad a mach toradh; sultmhor, agus ùr bithidh iad.

15 A chum gu nochd iad gu *bheil* an Tighearn mo charraig, eothromach, agus nach *'eil* euceart ann.

SALM XCIII.

Mòralachd agus naomhachd oighreachd Chrìosd.

THA'N Tighearn a' rioghachadh, tha e air a sgeadachadh le mòralachd; tha'n Tighearn air a sgeadachadh le neart, agus chrìoslaich se e féin: tha'n saoghal mar an ceudna air a dhaingneachadh, eum nach ghluaise e.

2 Dhaingneachadh do rìgh-eaithir o chian: o sìorruidheachd *tha* thusa.

3 Thog na tuitlean suas, a Thighearna, thog na tuitlean snas an guth: togaidh na tuitlean suas an tonnan.

4 Os ceann thoirme uisgeachan fonnmhor, os *ceann* thonn neartmhor na mara, is neartmhor anns na h-àrdaibh an Tighearn.

5 Tha do theisteis ro fhòr: do d' thigh-sa is iomeluidd naomhachd, a Thighearna, gu bràth.

SALM XCIV.

1 *Dh'astuich Daibhidh air Dia gu'n òcadh e luigheachd do na h-uabhrich. 8 Nochd e freasdal Dhé, agus beannachadh an duine a smachdaichear leis. 16 Tha Dia 'n a fhear-cuideachaidh do'n fhàirean.*

A DHE an dioghaltais, a Thighearn! Dhé an dioghaltais, dealraich a mach.

2 Àrdaich thu féin, a Bhrèitheimh na talmhainn; òc luigheachd do na h-uabhrich.

3 Cia fhad a ni na h-aingidh, a Thighearna, cia fhad a ni na h-aingidh eaitlrean?

4 *Cia fhad* a bhrùchdas iad briathran, a labhras iad nithean ernaidhe? a bhitheas uile luchd-deanamh an uile ri ràiteachas?

5 A bhruthas iad do shluagh, a Thighearna, agus a chlaoidheas iad d'oighreachd?

6 A mharbhas iad a' bhautrach agus an coigreach, agus a mhortas iad na dìlleachdain?

7 Agus a their iad, Cha-n fhaie an Tighearn, agus eha toir Dia laeoib fainear e.

8 Tuigibh, *sibhse* amhlaircan am measg an t-sluaigh; agus amadana, e'uin a bhitheas sibh glie?

9 An ti a shuidhich a' chluas, nach chuinn e? an ti a dhealbha an t-sùil, nach faic e?

10 An ti a smachdaicheas na fineachan, nach cronaich e? an ti a theagaisgeas eòlas do'n duine, nach 'eil eòlas aige?

11 Is fìosrach an Tighearn air smuaintibh dhaoine, gur dìomhanas iad.

12 Is beannaichte an duine a smachdaicheas tusa, a Thighearn', agus a theagaisgeas tu as do lagh:

13 Chum fois a thabhairt do e làithibh an uile, gus an cladhaichear slochd do'n aingidh.

14 Oir cha tilg Dia dheth a sluagh, agus cha tréig e 'oighreachd féin;

15 Ach pillidh breitheanas ri ceartas; agus leanaidh iadsan uile a tlia ionraic 'n an cridhe e.

16 Cò a dh'éireas leam an aghaidh luchd-deanamh an uile? cò a sheasas air mo shon an aghaidh luchd-deanamh na h-aingidheachd?

17 Mùr bitheadh an Tighearn 'g am chuid-eachadh, is beag nach robh m'anam 'n a thàmh gu tosdach?

18 'N uair a thubhairt mi, Tha mo chos air sleamhnachadh uam, chum do thròcair, a Thighearna, suas mi.

19 Ann an lìonmhòireachd mo smuaintean an taobh a stigh dhìom, thug do chomh-fhurtachd-sa solas do m'anam.

20 Am bi cumunn riutsa aig rìgh-chaithir na h-euceirt, a dhealbhas aimhleas le reachd?

21 Cruinnichidh iad le 'chéile an aghaidh anama an fhàirein, agus dithidh iad fuil neò-chiontach.

22 Ach is e'n Tighearn mo dhaingneach; agus is e mo Dhia carraig mo dhòchais.

23 Agus dìolaidh e orra féin an euceart, agus 'n an aingidheachd féin gearraidh e as iad; gearraidh an Tighearn ar Dia as iad.

SALM XCV.

1 *Earail gu Dia a mholadh air son a mhòrachd, 6 agus air son a mhaithéis.*

O THIGIBH, seinneamaid do'n Tighearn; togamaid iolach do charraig ar slàinte.

2 Thigearmaid 'n a fhianuis le buidheachas, agus le salmaibh togamaid ceòl dha gu suil-bhireach:

3 Oir is Dia mòr an Tighearn, agus is Rìgh mòr e os ceann nan uile dhia.

4 'N a làimh-san tha doimhneachdan na talmhainn; agus is leis àirde nam beann.

5 Is leis an fhaire, oir is e a rinn i; agus dhealbha a làmhnan an talamh tioram.

6 O thigibh, sleuchdamaid, agus cromamaid sìos; tuiteamaid air ar glùinibh 'am fianuis an Tighearn' a rinn sinn;

7 Oir is esan ar Dia, agus is sinne sluagh 'ionaltraidh-san, agus coaraich a làimhe.

8 An diugh na dh'éisdeas sibh r'a ghuth, na cruaidhichibh bhuir cridhe, mar anns a'

chonnasachadh, mar ann an là a' bhuairidh, anns an fhàsach;

9 'N uair a bhuair blur n-aithrichean mi, a dhearbha iad mi, agus a chunnaic iad m'oireb ré dhà fhlichead bliadhna.

10 Chuireadh campar orm leis a' ghinealach ud, agus thubhairt mi, Is sluagh seacharanach 'n an cridhe iad, agus cha-n aithne dhoibh mo shlighean:

11 D'an d'thug mi mo mhionnan a'm' fheirg, nach rachadh iad a steach do m' fhois.

SALM XCVI.

1 *Earail: gu glòir Dhé a chur 'an cèill, 10 agus gu gairdeachas a dheanamh u chionn gu bheil e a' rioghachadh os ceann an domhain.*

CANAIBH do'n Tighearn laoidh nuadh; canaibh do'n Tighearn, a thirean uile.

2 Canaibh do'n Tighearn, beannaichibh 'ainm; foillsichibh o là gu là a shlàinte.

3 Cuiribh 'an cèill am measg nan cinneach a ghlòir, am measg gach sluagh 'iongantais-san.

4 Oir is mòr an Tighearn, agus is ro airidh e air cliu; is aobhar eagail esan os ceann nan uile dhia:

5 Oir is ìodholan uile dhiathan nan cinneach: ach is e'n Tighearn a rinn na nèamhan.

6 Tha urram agus mòralachd 'n a fhianuis: neart agus maise 'n a ionad naomh.

7 Thugaibh do'n Tighearn, sibhse fhineacha nan sluagh; thugaibh do'n Tighearn glòir agus neart.

8 Thugaibh do'n Tighearn a' ghlòir a's cubhaidh d'a ainm: thugaibh tabhartas leibh, agus thigibh a steach d'a chùirtibh.

9 Sleuchdaibh do'n Tighearn ann am maise na naomhachd; bitheadh eagail oirbh 'n a fhianuis, gach uile thùr.

10 Abraibh am measg nan cinneach, Tha'n Tighearn a' rioghachadh: mar an ceudna daingnichear an domhan, clum nach gluais-eare e: bheir e breth air na slòigh le ceartas.

11 Bitheadh na nèamhan aoibhneach, agus deanadh an talamh gairdeachas; beucadh an fhaire, agus a làn.

12 Bitheadh a' mhachair ait, agus gach ni a th' innte; an sin deanadh uile chroinn na coille luathghaire

13 An làthair an Tighearna; oir tha e a' teachd, oir tha e a' teachd a thoirt breth air an talamh: bheir e breth air an t-saoghal le ceartas, agus air na slòigh le fhìrinn.

SALM XCVII.

1 *Mòralachd rioghachd Dhé. 8 Rinn Sion gairdeachas air son bhrèitheanas an Tighearna. 10 Gleidhidh Dia anaman a naomh.*

THA'N Tighearn a' rioghachadh; bith-eadh aiteas air an talamh: deanadh na h-eileanan lìonmhor gairdeachas.

2 Tha neoil agus dorchadas m'a thimchioll: is iad ceartas agus breitheanas àite-còmh-nuidh a rìgh-chaithreach.

3 Théid teine roimhe, agus loisgidh e suas a naimhdean air gach taobh.

4 Shoillsich a dhealanaich an cruinne-cé; chunnaic, agus chrìothnaich an talamh.

5 Leagh na beanntan as mar chéir o làthair an Tighearn, o làthair Thighearna na talmhainn uile.

6 Cuiridh na nèamhan 'an céill a cheartas, agus clii gach sluagh a ghloir.

7 Bithidh uamhunn orra-san uile a ni seirbhís do dhealbhan snaidhte, a ni uail á h-ìodholaibh: sleuchdaibh dha, a dhiathan uile.

8 Chuala Sion, agus bha aoibhneas oirre; agus rinn nigheanan Iudah gairdeachas, air son do bhreitheanas, a Thighearna.

9 Oir *tha* thusa, a Thighearn, àrd os ceann na talmhainn uile; *tha* thu air d'àrdachadh gu mòr os ceann nan uile dhia.

10 Sibhse a ghràdhaicheas an Tighearn, fuathaichibh òc: gleidhidh e anaman a naomh; á làmh nan aingidh saoraidh e iad.

11 Dh'éirich solus do'n fhìrean, agus aoibhneas dhoibhsan a tha ionraic 'n an cridhe.

12 Bitheadh aoibhneas oirbh, fhìreana, annas an Tighearn; agus thugaibh buidheachas ri cumhneachadh air a naomhachd.

SALM XCVIII.

1 *Chuir an salm-adair 'an céill slàinte Dhé d'a phobull Israèl.* 4 *Thug e earail do'n t-sluagh buidheachas a thabhairt do Dhia.*

Salm.

O SEINNIBH do'n Tighearn laoidh nuadh, oir rinn e nithean iongantach; dh'oibrich a dheas làmh agus a ghairdean naomh slàinte dha.

2 Thaisbein an Tighearn a shlàinte; ann an sealladh nan cinneach dhrìfhoillsich e fhìreantachd.

3 Chuimhnich e a thròcair agus fhìrinn do theaghlach Israèil; chunnaic uile chrìochan na talmhainn slàinte ar Dé.

4 Togaibh iolach ait do'n Tighearn, a thìrean uile: togaibh bhur guth, deanaibh gairdeachas, agus seinnibh cliu.

5 Seinnibh do'n Tighearn le clàrsaich; le clàrsaich agus guth sailme.

6 Le trompaidibh agus guth na h-adhairc, togaibh iolach ait 'an làthair an Rìgh Iehobhah.

7 Beucadh an fhairge agus a làn, an saoghal agus iadsan a tha 'n an còmhnuidh ann.

8 Buaileadh na tuitcan am bosan; cuid-cachd deanadh na beanntan luathghaire

9 An làthair an Tighearna; oir *tha* e a' teachd a thabhairt breth air an talamh: bheir e breth air an t-saoghal ann am fìreantachd, agus air na slòigh ann an ceartas.

SALM XCIX.

1 *Tha am fàidh a' nochdadh gu bheil Dia 'n a rìgh os ceann na talmhainn, 5 agus gur còir sleuchdadh aig stòl a chos.*

THA'N Tighearn a' rìoghachadh; crìoth-naicheadh na slòigh: the e 'n a shuidhe eadar cheruban; bitheadh crith air an talamh.

2 Tha'n Tighearn mòr ann an Sion, agus *tha* e àrd os ceann gach sluagh.

3 Moladh iad d'ainm mòr, agus uamhasach: *is* naomh e.

4 Agus is toigh leis an Rìgh chumhachdach breitheanas: is tu a shoerucieas a' chòir; ni thusa breitheanas agus ceartas ann an Iacob.

5 Ardaichibh an Tighearn ar Dia, agus sleuchdaibh aig stòl a chos: *is* naomh esan.

6 Bha Maois agus Aaron am measg a shagart, agus Samuel 'n am measg-san a ghairm air 'ainm: ghairm iadsan air an Tighearn, agus fhreagair esan iad.

7 Ann am baideal neoil labhair e riu: ghleidh iad a theisteis, agus an reachd a thug e dhoibh.

8 A Thighearn' ar Dia, fhreagair thusa iad: is tu an Dia a thug maitheanas dhoibh, ge do rinn thu dìoghaltas air son an gnìomharan.

9 Ardaichibh an Tighearn ar Dia, agus sleuchdaibh aig a shliabh naomh: oir *is* naomh an Tighearn ar Dia.

SALM C.

1 *Earail gu seirbhís a dheanamh do Dhia mar ar cruith-fhear agus ar fear-saoraidh, 4 agus gu cliù a thabhairt da air son a mhaithis, a thròcair agus fhìrinn.*

Salm molaidh.

TOGAIBH iolach ait do'n Tighearn, a thìrean uile.

2 Deanaibh seirbhís do'n Tighearn le h-aoibhneas, thigibh 'n a fhianuis le luathghaire.

3 Bitheadh fios agaibh gur e'n Tighearn a's Dia ann: *is* e a rinn sinn, agus cha sinn féin; *is* sinn a shlugh, agus caoraich 'ionaltraidh-san.

4 Thigibh a steach air a gheataibh le buidheachas, d' a chùirtibh le moladh; thugaibh buidheachas dha, beannaichibh 'ainm.

5 Oir *tha*'n Tighearn maith; mairidh a thròcair gu bràth, agus fhìrinn o linn gu linn.

SALM CI.

1 *Chuir Daibhidh roimhe gu'n gluaiseadh e ann an ionracas a chridhe, 5 agus gu'n gearradh e as luchd-deanamh an uile.*

Salm le Daibhidh.

MU thròcair agus mu bhreitheanas seinnidh mi: dhuitse, a Thighearna, canaidh mi.

SALM CII, CIII.

2 Iomchairidh mi mi féin gu glic air slighe ionraic; O c'uin a thig thu a m' ionnsuidh? gluaisidh mi ann an ionracas mo chridhe 'am meadhon mo thighe.

3 Cha chuir mi ni ole sam bith fa chomhair mo shùl: is fuathach leam obair luchd eusaontais; cha lean i rium.

4 Triallaidh cridhe iargalt uam; air an daoi cha chuir mi eolas.

5 An ti gu dìomhair a bheir beum d'a chomhearsnach, esan gearraidh mi as; an ti aig am bheil sealladh àrd, agus cridhe uaibhreach, esan cha-n fhuiling mi.

6 *Bithidh* mo shùilean air fireanaibh na tìre, chum gu'n gabh iad còmhnuidh leam: esan a ghluaiscas ann an slighe ionraic, ni e seirbhis dhomh.

7 Cha ghabh fear-deanamh ceilge còmhnuidh ann am thigh; cha-n fhuirich fear-labhairt bhreug fa chomhair mo shùl.

8 Gu moch gearraidh mi as uile dhroch dhaoine na tìre; chum gu'n sgath mi as o chaithir an Tighearn' uile luchd-deanamh an uile.

SALM CII.

1 *Thaom am fàidh a ghearan 'an làthair Dhé.*
12 *Chuimhnich e air trècar an Tighearna d'a shluagh, agus ghlac e misneach.* 23 *Tha Dia neo-chaohluidheach 'n a bith.*

Urnuigh air son duine thruaigh 'n uair a bhitheas e air a shàruchadh, agus a thaomas e a ghearan 'an làthair an Tighearna.

A THIGHEARNA, éisd ri m'urnuigh, agus thigeadh mo ghlaodh a d'ionnsuidh.

2 Na foluich do ghnùis uam ann an là mo theinn: aom do chluas rium 's an là *air an* gairm mi ort; éisd rium gu grad.

3 Oir tha mo làithean air teireachdainn mar dheataich, agus tha mo chnàmhan air an losgadh mar theinntin.

4 Tha mo chridhe air a bhualadh, agus air seargadh mar fheur; air chor as nach cuimhne leam m'aran itheadh.

5 Le guth m'osnaich, lean mo chnàmhan ri m'fheoil.

6 Tha mi cosmhuil ri pelican an fhàsaich; tha mi mar chomhachag an ionad aonaranch.

7 Tha mi ri faire, agus tha mi mar eun 'n a aonar air mullach tighe.

8 Air feadh an là tha mo naimhdean 'g am mhasluchadh; agus iadsan a tha air bhoile rium, mhionnaich iad a'm' aghaidh.

9 Oir dh'èith mi luath mar aran, agus mheasg mi mo dheoch le m' dheuraibh,

10 Trid do chorruih agus d'fheirge; oir thog thu mi suas, agus leag thu mi sìos.

11 Tha mo làithean, mar sgàile, ag aonadh sìos; agus tha mi féin, mar fheur, air seargadh.

12 Ach mairidh tusa, a Thighearna, gu bràth, agus do chuimhne o linn gu linn.

13 Éiridh tusa, ni thu trècar air Sion;

oir tha'n t-àm gu deadh-ghean a nochdadh dhi, seadh, an t-àm suidhichte air teachd.

14 Oir tha do sheirbhisich a' gabhail tlachd 'n a clachaibh, agus tha deadh rùn aca d'a luathre.

15 Mar sin bithidh eagal air na cinnich roimh ainm an Tighearna, agus air uile rìghribh na talmhainn roimh a ghildir.

16 An uair a thogas an Tighearn suas Sion, chithear e 'n a ghildir.

17 Bheir e 'n aire do urnuigh uan dìobarach, agus cha dean e tàir air an athchuinge.

18 Sgrìobhar cho do'n àl ri teachd; agus molaidh an sluagh a ghinear an Tighearn.

19 Oir dh'amhairc e suas o àirde naomhachd féin; o na nèamhan sheall an Tighearn air an talamh.

20 A chluinntium osnaich a' phrìosanaich, chum fuasgladh orra-san a dh'orduicheadh chum bàis;

21 Chum ainm an Tighearna 'chur 'an céill ann an Sion, agus a chliu ann an Ierusalem;

22 An uair a chruinnichear na slòigh le 'chéile, agus na rìoghachdan, gu seirbhis a dheanamh do'n Tighearn.

23 Chlaoidh e anns an t-slighe mo neart; ghiorraich e mo làithean.

24 Thubhairt mi, Mo Dhia, na tabhair air falbh mi ann am meadhon mo làithean: *tha* do bhliadhnachan-sa air feadh nan uile linn.

25 O chian leag thu bunaitean na talmhainn; agus *is* iad na nèamhan obair do lamh.

26 Théid as doibhsan, ach mairidh tusa: fasaidh iadsan uile sean mar eudach; mar thrusgan caochlaidh tu iad, agus bithidh iad air an caochlaidh.

27 Ach *is* tusa an Ti ceudna, agus cha chrìochnaichear do bhliadhnachan.

28 Mairidh clann do sheirbhiseach, agus daingnichear an slìochd a'd' fhianuis.

SALM CIII.

1 *Earrail gu cliu a thoirt do Dhia a chionn gu'm bheil a mhaitheas mòr,* 15 *agus a thrècar o shìorruidheachd orra-san d'an eagal e.*

Salm le Daibhidh.

BEANNAICH an Tighearn, O m'anam; agus molaigh gach ni a tha'n taobh a stigh dhomh, 'ainm naomh-san.

2 Beannaich an Tighearn, O m'anam; agus na dì-chuimhnich a thiodhlacan uile.

3 'S e 'mhaitheas dhuit do pheacaidhean gu léir, a shlànuicheas d'euslaintean uile;

4 A shaoras do bheatha o sgrios, a chrùnas thu le caomhneas-gràidh agus le caomh thrècairibh.

5 A shàsuicheas do bheul le nithibh maithe, air chor as gu'n athnuadhaichear d'òige, mar *dìge* na h-ìolaire.

6 Ni an Tighearn ceartas agus breithcanas dhoibhsan uile a tha air an sàruchadh,

7 Dh'fhoillsich e a shlighean do Mhaois, a ghnìomharan do chloinn Israeil.

8 Is trèaireach agus is gràinhor an Tighearn, mall chum feirge, agus pailt ann an eòimhneas-gràidh.

9 Cha bhi e 'cronachadh gu sìorruidh, agus cha ghlèidh e 'fhearg gu bràth.

10 A réir ar peacadhean cha d'rinn e oirnn, agus a réir ar n-cuecartan cha d'thug e luigheachd dhuinn.

11 Oir mar a tha na nèamhan àrd os ceann na talmhainn, mar sin tha a thrèair mòr d'an taobh-san d'an eagal e.

12 Co fhad as a tha 'n àird an ear o'n àird an iar, eo fhad as sin chuir e uainn ar n-cusaantais.

13 Mar a ghabhas athair truas d'a chloinn, gabhaidh an Tighearn truas dhiubhsan d'an eagal e.

14 Oir is aithne dha ar dealbh; is cuimhne leis gur duslach sinn.

15 An duine, mar fheur tha a làithean; mar bhlàth na macharach, mar sin fàsaidh e fo bhlàth.

16 Oir gabhaidh a' ghaoth thairis, agus cha bhi e ann; agus cha-n aithnich 'ionad féin e ni's mò.

17 Ach tha trèair an Tighearn a' sìorruidheachd orra-san d'an eagal e, agus 'fhir-eantachd do chloinn an cloinne;

18 Dhoibhsan a chumas a' choimhcheangal, agus a chuimhnieas 'àitheantan, eum an deanamh.

19 Shocruidh an Tighearn a rìgh-chaitheir anns na nèamhan; agus tha a riogachd a' riaghladh os ceann nan uile.

20 Beannaichibh an Tighearn, sibhse 'ainglean, treun ann an neart, a' deanamh 'iarrtuais, ag éisdeachd ri fuaim 'fhocail.

21 Beannaichibh an Tighearn, a shlàigh uile, sibhse a luchd-frithealaidh a ni a thoil.

22 Beannaichibh an Tighearn, 'oibre uile, anns gach àite d'a thighearnas: beannaich an Tighearn, O m'anam!

SALM CIV.

1 Mòralachd, cumhachd, agus freasdal Dhé.
31 Mairidh glòir an Tighearna gu bràth.
33 Gheall am fàidh gu'n canadh e moladh do Dhia an cian a bha e beò.

BEANNAICH an Tighearn, O m'anam! A Thighearna mo Dhia, tha thusa ro mhòr; le h-urram agus mòralachd tha thu air do sgeadaachadh.

2 Tha thu a' cur soluis umad mar thrusgan, a' sìneadh a mach nan nèamh mar chùirtein.

3 Tha e a' leagadh sailthean a sheòmar anns na h-uisgeachaibh, a' deanamh nan neul 'n an carbad dha féin, a' siubhal air sgiathaibh na gaoithe;

4 A' deanamh 'ainglean 'n an spioradaibh, a luchd-frithealaidh 'n an teine lasarach.

5 Shuidhich e an talamh air a bhunaitibh, chum nach gluaisteadh e gu bràth.

6 Leis an doimhneachd, mar le trusgan, chòmhdaich thu e: sheas na h-uisgeachan os ceann nam beann.

7 O d'achmhasan-sa theich iad, o ghuth do thairneanaich ghreas iad rompa.

8 Chaidh iad suas ri taobh nam beann; chaidh iad sìos air feadh nan gleann do'n àit a dh'orduich thusa dhoibh.

9 Shuidhich thu crìoch air nach téid iad thairis; eum nach pill iad a ris a chòmh-dachadh na talmhainn.

10 Tha e a' cur thobar anns na gleanntaibh, a tha a' ruith air feadh nam beann.

11 Bheir iad deoch do uile bheathaicheibh na macharach: coisgidh na h-asail fhiadhaich an tart.

12 Am fagus doibh còmhnuiehidh eunlaith nan speur, a bhitheas a' seinn am measg nan geug.

13 Uisgichidh e na beanntan o' sheòmrachibh: le toradh a ghnìomh sàsuichear an talamh.

14 Bheir e air feur fàs do'n sprèidh, agus air luibh chum seirbhis an duine, eum aran a thabhairt as an talamh,

15 Agus fìon a ni cridhe an duine subhach, oladh a ni a ghnùis dealrach, agus aran a neartaicheas cridhe an duine.

16 Tha craobhan an Tighearna làn brìgh, seudair Lebanoin a shuidhich e:

17 Far an dean na h-eòin annid; aigan store tha na craobhan giuthais mar ionad-tàimh.

18 Tha na beanntan àrda 'n an tearmunn do na gabhair fhiadhaich; na ereagan do na coineanaibh.

19 Rinn e a' ghealach air son aimsirean; is aithne do'n ghrèin mar a luidheas i.

20 Ni thu dorehadas, agus tha'n oidhche ann: an sin suàigidh uile bheathaichean na coille mach.

21 Beucaidh na leòmhain òga air son eòbhar-taich, agus ag iarraidh am bèid air Dia.

22 Eiridh a' gbrian, cruinnichidh iad le 'ehéile, agus 'n an àitibh-tàimh luidhidh iad.

23 Théid an duine mach gu 'obair, agus gu 'shaothair gu feasgar.

24 Cia lionmhor d'oibre, a Thighearna! ann an glieas rinn thu iad gu léir: tha'n talamh làn le d' shaoibhreas:

25 Mar an ceudna an euan so a tha mòr agus farsuinn, anns am bheil creutairean sàisgeach gun àireamh, aràon beathaichean beaga agus mòra.

26 An sin siubhlaidh na longan; agus an Lebhiatan sin, a dhealbh thu gu bhi 'sùgradh ann.

27 Feithidh iad sin uile ortsa, chum gu'n tabhair thu dhoibh am biadh 'n a thràth.

28 Bheir thusa dhoibh, cruinnichidh iad-san; fosgailidh tu do làmh, sàsuichear iad le maith.

29 Foluichidh tu do ghnùis, bithidh iad fo amhuadh; bheir thu uatha an dèd, eugaidh iad, agus pillidh iad ri'n àir.

30 Cuiridh tu mach do spiorad, cruthaichear iad; agus athnuadhaidh tu aghaidh na talmhainn.

31 Mairidh glòir au Tighearna gu bràth: ni an Tighearn gairdeachas 'n a oibribh.

32 Seallaidh e air an talamh, agus crìothnaichidh e; beanaidh e ris na beanntaibh, agus bithidh deatach dhiubh.

33 Seinnidh mise do'n Tighearn an cian is beò mi; canaidh mi moladh do m' Dhia fhad's a bhitheas bith agam.

34 Bithidh mo smuaintean air milis; ni mi gairdeachas anns an Tighearn.

35 Sgrìosar peacaich a mach as an talamh, agus cha *bhi* na h-aingidh ann ni's mò. Beannaich an Tighearn, O m'anam. Mol-aibhse an Tighearn.

SALM CV.

1 *Is còir buidheachas a thabhairt do Dhia, agus a ghnàis iarraidh a ghnàth. 8 Nochd an salm-adair freasdal Dhé do Abraham; 16 do Ioseph: 23 agus do Israel's an Eiphit, &c.*

THUGAIBH buidheachas do'n Tighearn; gairmibh air ainm; foillsichibh am measg nan sluagh a ghnìomharan.

2 Seinnibh dha; seinnibh sailm dha; labhairibh air 'oibribh iongantach-san gu léir.

3 Deanaibh uall à 'ainm naomh-san: bitheadh gairdeachas air cridhe na dream a dh'iarras an Tighearn.

4 Iarraibh an Tighearn agus a neart; iarraibh a ghnùis a ghnàth.

5 Cuimhnichibh 'oibre iongantach a rinn e; a chomharan agus breitheanais a bheòil.

6 Osibhlseas hìochd Abraham 'oglaich-san, sibhse a chlann Iacob a dhaoine taghta-san.

7 *Is esan an Tighearn ar Dia-ne; air feadh na talmhainn uile tha a bhreitheanais.*

8 Chuimhnich e gu sìorruidh a choimheangal, am focal a dh'orduich e do mhìle ginealach;

9 A rinn e ri h-Abraham, agus amhionnan do Isaac:

10 Agus dhaingnich e sin do Iacob mar reachd, do Israel mar choimheangal bith-bhuan;

11 Ag ràdh, Dhuitse bheir mi fearann Chanaan, crannchur bhuir n-oighreachd.

12 An uair nach robh iad ach ro thearc 'an àireamh, agus 'n an coigrich ann;

13 Agus a chaidh iad o chinneach gu cinn-each, o rìoghachd gu sluagh eile;

14 Cha do leig e le duine sam bith cucoir a dheanamh orra, agus smachdaich e rìgh-rean air an son;

15 *Ag ràdh, Na beanaibh ri m' dhaoineibh ungta, agus air m' fhàidhibh na deanaibh cron.*

16 Agus ghairm e gorta air an tìr; bhris e uile lorg an arain.

17 Chuir e duine rompa, Ioseph, a reiceadh mar thràill.

18 Le gheimhlibh dhochainn iad a chosau; chuireadh 'an iarunn e gu teann;

19 Gu ruig an t-àm anns an d'thàinig a bhriathar: dhearbhl fòcal an Tighearna e.

20 Chuir an rìgh *teachdair* uaith, agus dh'fhuasgail e air; uachdaran an t-sluaigh, agus leig e saor as e.

21 Rinn se e 'n a thighearn air a thigh, agus 'n a uachdaran os ceann a mhaoin uile:

22 Chum gu'n ceangladh e àrd-cheannardan a réir a thoile, agus gu'n deanadh e a shean-airean glic.

23 Agus thàinig Israel do'n Eiphit, agus bha Iacob air chuairt ann an tìr Cham.

24 Agus thug e air a shluagh fàs ro fhonmhor, agus rinn e ni bu treise iad na'n naimhdean.

25 Dh'ìompaich e an cridhe gu fuath a thoirt d'a shluagh, agus gu buntainn gu cealgach r'a sheirbhisich.

26 Chuir e d'an *ionnsuidh* Maois 'òglach féin, Aaron a thagh e.

27 Nochd iad a chomharan 'n am measg, agus a bheartan iongantach ann an tìr Cham.

28 Chuir e mach dorchadas, agus bha dorchadas ann: agus cha d'ruiniad ceannaire an aghaidh 'fhocail.

29 Thionndaidh e an uisgeachan gu fuil, agus mharbh e an iasg.

30 Thug an tìr a mach losgaunan gu pailt, ann an seòmraichibh an rìghrean.

31 Labhair e, agus thàinig iomadh gnè chuileag agus mialan 'n an crìochaibh uile.

32 Air son an uisge thug e dhoibh clach-mheallain, agus teine lasarach 'n an tìr.

33 Agus bhuail e an croinn-fhìona agus an croinn-fhige; agus bhris e craobhan an crìoch.

34 Labhair e, agus thàinig locuist, agus burruis, agus sin gun àireamh;

35 Agus dh'ith iad gach luibh 'n an tìr; agus dh'ith iad meas an fearainn.

36 Agus bhuail e gach ceud-glùn 'n an tìr, toiseach an neirt uile.

37 Agus thug e mach iad le h-airgiod agus le h-òr: agus 'n an treubhan uile cha robh aon neach lag.

38 Bha aoibhlneas air an Eiphit au uair a chaidh iad a mach; oir thuit an eagal-san orra.

39 Sgaoil e neul mar chòmhdach, agus teine gu solus a thoirt 's an oidheche.

40 Dh'iarr iad, agus thug e dhoibh gearragoirt; agus le h-ran nèimh shàsuiech e iad.

41 Dh'fhosgail e a' chreag, agus bhrùchd uisgeachan a mach; ruith iad air na h-ionadaibh tioram mar amhainn.

42 Oir chuimhnich e a ghealladh naomh do Abraham a sheirbhisich.

43 Agus thug e mach a shluagh le h-aoibhlneas, a dhaoine taghta le gairdeachas.

44 Agus thug e dhoibh fearann nan cinn-each; agus shealbhaich iad saothair nan sluagh;

45 Chum gu'n tugadh iad fainear a reachdan, agus gu'n gleidheadh iad a laghan. Molaibh an Tighearn.

SALM CVI.

1 *Chomhairlich an Salmadair do'n t-sluagh Dia a mholadh air son a mhaithais. 4 Ghuidh e gu'n cuimhnichheadh Dia orra le a dheadh-ghean. 6 Chuir e an cèill ceannaire Israeil; 47 agus chrìochnaich e le urnuigh.*

MOLAIBH an Tighearn. O thugaibh buidheachas do'n Tighearn, oir *tha* e maith, oir gu bràth *màiridh* a thrècair.

2 Cò a's urrainn gnìomharan treun' an Tighearn' a chur 'an cèill? cò a's urrainn a chliu uile fhoillseachadh?

3 *Is* beannaichte iadsan a choimhideas breitheanas, a ni ceartas anns gach àm.

4 Cuimhnich oirnn, a Thighearna, leis an deadh-gheau a *tha thu 'nochdadh* do d' shluagh féin: O fiosaich sinn le d' shlàinte:

5 Chum gu'm faic siun maith do dhaoine taghta, chum gu'n dean sinn aoibhneas ann au aoibhneas do chinnich; chum gu'n dean sinn uail le d' oighreachd-sa.

6 Pheacaich sinne le'r n-aithrichibh; rinn sinn gu h-olc, rinn sinn gu h-aingidh.

7 Cha do thug ar n-aithrichean d' iongantais anns an Eiphit; cha do thug iad bonn-mhoireachd do throcairean; ach bhrosnuich iad *thu* làimh ris a' mhuir, aig a' mhuir ruaidh.

8 Gidheadh theasaig e iad air sgàth 'ainme féin; chum gu'n nochdadh e a chumhachd.

9 Agus smachdaich e a' mhuir ruadh, agus thiormaicheadh i; agus threòraich e iad troimh na doimhneachdaibh, mar troimh fhàsach.

10 Agus theasaig e iad o làinn an tì a thug fuath *dhoibh*, agus shaor e iad o làimh an nàmhaid.

11 Agus dl'fholuich na h-uisgeachan an eascairdean: cha d'fhàgadh aon diubh.

12 An sin chreid iad a bhriathran, agus sheinu iad a chliu.

13 Gu luath dhì-chuimhnich iad a ghnìomharan; cha d'fheith iad r'a chomhairle.

14 Ach ghlac ana-miann iad 's an fhàsach, agus bluhair iad Dia anns au ionad uaigneach.

15 Agus thug e dhoibh an iarrtus, ach chuir e caoile air an anam.

16 Agus ghabh iad farnad ri Maois anns a' champ, agus ri h-Aarou *sagart* naomh an Tighearna.

17 Dh'fhosgail an talamh, agus shluig e sìos Danan, agus dh'fholuicheadh cuid-eachd Abiraim.

18 Agus las teine 'n an cuideachd; loisg au lasair suas na droch dhaoine.

19 Rinn iad laogh ann an Horeb, agus shleuchd iad do'n dealbh leaghta.

20 Agus dh'atharraich iad an glòir gu cosamhlachd daimh a dh'itheas fear.

21 Dhì-chuimhnich iad Dia am Fear-saoraidh, a rinn nithean mòra anns an Eiphit;

22 Nithean iongantach ann an tìr Cham, nithean uamhasach aig a' mhuir ruaidh:

23 Uime sin thubhairt e gu'm milleadh e iad, mur bhithcadh gu'n do sheas 'òglach taghta Maois fa chomhair anns a' bhearn, gus a chorruich a thionndadh uatha, chum nach sgriosadh e iad.

24 Agus rinn iad tarcais air an tìr thaitnich: cha do chreid iad 'fhocal.

25 Agus rinn iad gearan 'n am bùth-aibh; agus cha d'éisd iad ri guth au Tighearna.

26 An sin thog e a làmh 'n an aghaidh, a thoirt orra tuiteam anns an fhàsach;

27 Agus a thilgeadh sìos an sliochd am measg nan cinneach, agus gu'n sgaoileadh air feadh nan tìr.

28 Mar an ceudna naisg iad iad féin ri Baal-peor, agus dh'ith iad ìobairtean nam marbh.

29 Agus bhrosnuich iad e le'n gnìomhar-aibh; agus bhris a' phlàigh a steach orra.

30 An sin sheas Phinehas, agus chuir e breitheanas 'an gnìomh; agus choisgeadh a' phlàigh.

31 Agus mheasadh sin dha niar fhìreantachd, o linn gu linn gu bràth.

32 Chuir iad fearg air mar an ceudna aig uisgeachan Mheribah; agus dh'éirich olc do Mhaois air an son.

33 Oir bhrosnuich iad a spiorad, air chor as gu'n do labhair e gu h-aithghearr le 'bhilibh.

34 Cha do sgrios iad na slòigh, mu'n d'thug an Tighearn aithne dhoibh;

35 Ach choimh-mheasg iad iad féin am measg nan cinneach, agus dh'fhòghluim iad an oibre.

36 Agus rinn iad seirbhis d'an ìodholaibh, a bha mar ribe dhoibh.

37 Agus dh'ìobair iad an mic agus an nighean do dheamhnaibh,

38 Agus dhòirt iad fuil neò-chiontach, fuil am mac agus an nighean, a dh'ìobair iad do ìodholaibh Chanaain: agus thruaillleadh an tìr le fuil.

39 Agus rinneadh neòghlan iad le'n oibribh, agus chaidh iad air strìopachas le'n gnìomharaibh.

40 Agus las fearg an Tighearn' an aghaidh a shluaigh, agus ghabh e gràin d'a oighreachd.

41 Agus thug e suas iad do lìmh nan cinneach; agus bha iadsan a dh'fhuathaich iad, 'n au uachdarain os an ceann.

42 Agus shàruich an naimhdean iad; agus leagadh gu h-ìosal iad fo'n làimh.

43 Iomadh uair shaor e iad; ach bhrosnuich iad e le'n comhairlibh, agus thugadh sìos iad air son an cionta.

44 Gidheadh thug e an àmhghar fainear, an uair a chual' e an glaoth:

45 Agus chuimhnich e dhoibh a choimh-cheangal, agus ghabh e aithreachas a réir bonn-mhoireachd a thrècair.

46 Agus fhuair e truas dhoibh 'an scalladh

na muinntir sin a thug leo 'n am braidh dibh iad.

47 Saor sinn, a Thighearn' ar Dia, agus tionail sinn o mheasg nan cinneach, chum buidheachas a thabhairt do d'ainm naomhsa, chum caithream a dheanamh ann ad ehlhu.

48 Gu ma beannaichte an Tighearn Dia Israeil o shìorruidheachd gu sìorruidheachd! agus abradh an sluagh uile, Amen. Molaibhse an Tighearn.

SALM CVII.

1 *Chomhairlich Daibhidh do'n t-sluagh Dia a mholadh air son a mhaithéis, 6 agus air son a shreasdail d'an taobh anns gach teanntachail.*

O THUGAIBH buidheachas do'n Tighearn, oir *tha* e maith, oir gu bràth *mairidh* a thrècair.

2 *Mar so* abradh iadsan a shaoradh leis an Tighearn, a shaor e o làimh an nàmhaid;

3 Agus a chruinnich e as na tìribh, o'n àird an ear agus o'n àird an iar, o'n àirde tuath agus o'n àirde deas.

4 Chaidh iad air seacharan anns an fhàsach, ann an ionad uaigneach; slighe gu baile tàimh cha d'fhuair iad.

5 Ocrach agus tartmhor, dh'fhàilnich an anam anna.

6 An sin ghlaodh iad ris an Tighearn 'n an aire, agus as an teanntachdaibh shaor e iad.

7 Agus thrèdraich e iad air slighe cheirt, chum gu'n rachadh iad gu baile tàimh.

8 O gu moladh *daoine* Dia air son a mhaithéis, agus air son a bheartan iongantach do chloinn nan daoine!

9 Oir shàsuidh e an t-anam cìoerach, agus lion e an t-anam ocrach le maith.

10 Iadsan a shuidh ann an dorchadas agus ann an sgàile a' bhàis, ceangailte ann an truaighe agus ann an iarunn,

11 A chionn gu'n d'rinn iad ceannaire an aghaidh bhriathar Dhé, agus gu'n d'rinn iad tàir air comhairle an Ti a's àirde;

12 Aig an do leagadh sìos an cridhe le anshocair: thuit iad, agus cha *robh* fear-cuideachaidh ann:

13 An sin ghlaodh iad ris an Tighearn 'n an aire, agus as an teanntachdaibh shaor e iad.

14 Thug e iad á dorchadas agus á sgàile a' bhàis, agus bhris e o 'chéile an cuimreach.

15 O gu moladh *daoine* an Tighearn air son a mhaithéis, agus air son a bheartan iongantach do chloinn nan daoine!

16 Oir bhris e na geatachan umha, agus ghearr e sìos na croinn iarunn.

17 Bha amadain, air son an eusaontais agus air son an euceartan, fo àmhghar.

18 De gach biadh ghabh an anam gràin, agus thainig iad dlùth do gheatachaibh bàis.

19 An singhlaodh iad ris an Tighearn 'n an aire, agus as an teanntachdaibh shaor e iad.

20 Chuir e 'fhocal uaithe, agus shlànuich e iad; agus shaor e iad o sgrios.

21 O gu moladh *daoine* an Tighearn air son a mhaithéis, agus air son a bheartan iongantach do chloinn nan daoine!

22 Agus gu'n ìobradh iad ìobairtean buidheachais, agus gu'n cuireadh iad 'an eèill a ghnìomharan le luathghaire!

23 Iadsan a théid sìos do'n fhaighe air longaibh, a ni obair air uisgeachaibh mòra,

24 Chi iadsan gnìomharan an Tighearn', agus a bheartan iongantach 's an doimhne.

25 Oir labhraidh e, agus dùisgidh e a' ghaoth dhoinnionnach, agus togaidh i a tonnan.

26 Théid iad suas do na nèamhan, théid iad sìos do na doimhneachdaibh; le h-àmhghar leagaidh an anam.

27 Théid iad thuige agus uaithe, agus tuislichidh iad mar dhuine air mhisg; agus théid as d'an eèill uile.

28 An sin gladhaidh iad ris an Tighearn 'n an aire, agus as an teanntachdaibh bheir e iad.

29 Cuiridh e an doinnionn gu fèith; agus bithidh a tonnan 'n an tàmh.

30 An sin bithidh iad àit, a chionn gu'm bi iad foisneach; agus bheir e iad do'n ehaladh a's miannach leo.

31 O gu moladh *daoine* an Tighearn air son a mhaithéis, agus air son a bheartan iongantach do chloinn nan daoine!

32 Agus gu'n àrdaicheadh iad e ann an coimhthional an 't-sluaigh, agus ann an àite-suidhe nan seanar gu moladh iad e!

33 Ni e aìmhnichean 'n am fàsach, agus tobraichean uisge 'n an talamh tartmhor.

34 Fearann beartach *ni* e fas, air son ain-gidheachd a luchd-àiteachaidh.

35 Ni e fàsach 'n a linne uisge, agus fearann tioram 'n a thobraichibh uisge.

36 Agus an sin bheir e air na h-ocrach còmhnuidh a ghabhail; agus deasaichidh iad baile-tàimh;

37 Agus sìol-chuiridh iad achaidhean, agus suidhicidh iad fion-liosan; agus bheir iad toradh pailt uatha.

38 Agus beannaichidh e iad, agus fasaichd iad ro lionmhor; agus cha lughdaich e an spréidh.

39 Ach *ma pheacaicheas iad*, lughdaichear agus leigear sìos iad le foirneart, olc, agus doilgheas.

40 Dòirtidh e tarceis air àrd-uaislibh, agus cuiridh e air seacharan iad ann am fàsach as eugmhais slighe.

41 Agus togaidh e suas am bochd o thruaighe, agus ni e teaghlaichean *dha* mar thrèud.

42 Chi na fireanan so, agus bithidh iad aig; agus druididh gach euceart a beul.

43 Cò a tha glie, agus a bheir faineir na nithean sin? tuigidh esan caoinhneas gràdhach an Tighearna.

SALM CVIII.

1 *Ghlac Daibhidh misneach gu Dia a mholadh, 5 agus dh'iarr e còmhnaidh uaidh a réir a gheallaidhean.*

Laoidh no Salm le Daibhidh.

THA mo chridhe deas, a Dhé; seinnidh mi agus molaidh mi, cadhon le mo ghlòir.

2 Mosgail, a shaltair agus a chlàrsach: mosglaidh mi féin moch air mhaduinn.

3 Molaidh mi thu am measg nan sluagh, a Thighearn', agus seinnidh mi dhuit am measg nan cinneach.

4 Oir is mòr do thròcair os ceann nan nèamh; agus tha d'fhirinn gu ruig na nèil.

5 Bi air d'ardachadh os ceann nan nèamh, a Dhé; agus os ceann na talnhaime uile *bitheadh* do ghlòir.

6 Chum gu'n teasairgear iadsan a's ionmhuinn leat, saor thusa le d' dheas làimh, agus éisd rium.

7 Labhair Dia 'n a naomhachd: ni mi aoibhneas, roinnidh mi Sechem, agus tomhaoidh mi gleann Shucoit.

8 Is leamsa Gilead; is leam Manasèh; agus is e Ephraim neart mo chinn; Iudah fear-tabhairt mo lagha.

9 Is e Moab mo shoitheach-ionnlaid; os ceann Edoim tilgidh mi mo bhròg: thar Palestin ni mi caithream.

10 Cò a bheir mi do'n bhaile dhaingnichte? cò a thèidraicheas mi gu h-Edom?

11 Nach tusa, a Dhé? *thusa* a thilg uait sinn, agus nach deachaidh a mach, a Dhé, le ar n-armaitibh?

12 Thoir còmhnaidh dhuinn ann an aire; oir is dìomhain furtachd duine.

13 Trid Dhé ni sinn treubhantas; oir saltraidh esan sìos ar naimhdean.

SALM CIX.

1 *Tha Daibhidh a' gearan gu'n do bhuin a naimhdean gu cealgach ris. 6 Thug e thairis iad do lèir-sgrìos: 16 Nochd e gu'n do ghràdhaidh iad aingidheachd; 21 agus ghuidh e gu'n saoradh Dia e o luchd-ditidh 'anama.*

Do'n àrd fhear-ciùil. Salm le Daibhidh.

ADHE mo chliu, na bi a'd' thosd.

2 Oir tha beul an aingidh, agus beul na céilge fogsailte a'm' aghaidh; labhair iad a'm' aghaidh le teangaidh nam breug.

3 Agus le briathraibh fuatha chuairtich iad mi; agus chog iad a'm' aghaidh gun aobhar.

4 Ann an éiric mo ghràidh tha iad naimhdeil dhomh, agus mi ri h-urnuigh.

5 Agus dhiol iad dhomh olc 'an éiric maith, agus fuath 'an éiric mo ghràidh.

6 Cuir an t-aingidh os a cheann, agus seasadh Satan aig a dheas làimh.

7 'N uair a bheirear breth air, faighear ciontach e, agus bitheadh 'urnuigh dha 'na peacadh.

8 Bitheadh a làithean tearc, agus glacadh neach eile a dhreuchd.

9 Bitheadh a chlann 'n an dilleachdain, agus a bhean 'n a bantraich.

10 A ghnàth air seacharan bitheadh a chlann, agus iarradh iad déire; agus sireadh iad as an àitibh fàs.

11 Glacadh fear nam fiach gach ni a tha aige, agus creachadh coigrich a shaothair.

12 Na bitheadh neach ann a ni tròcair air, agus na bitheadh aon ann a ghabhas truas d'a chloinn gun athair.

13 Sgrìos gu'n robh air a shliochd: 's an àl a thig 'n a dhéigh, gu'n cuirear as d'a ainm.

14 Air chuimhne bitheadh aingidheachd 'aithrichean aig an Tighearn; agus na cuir-eas as peacadh a mhàthar.

15 Bitheadh iad 'am fianuis an Tighearn' a ghnàth; agus gearradh e as an euimhne o'n talamh.

16 A chionn nach do chuimhnich e tròcair a nochdadh, ach gu'n do gheur-lean e an duine bochd agus uireasbhuidheach, agus aig an robh cridhe goirt, chum a mharbhadh.

17 Mar a ghràdhaidh e mallachadh, thigeadh e air: mar nach robh tlachd aige ann am beannachadh, bitheadh e fada uaidh.

18 Mar a chuir e mallachadh uime mar 'eudach, thigeadh e steach mar uisge 'n a chom, agus mar olaidh 'n a chnàmhan.

19 Bitheadh e dha mar an trusgan leis an còmhdaichear e, agus mar an crios leis an crioslaichear e a ghnàth.

20 Is e so obair m'eascairdean an làthair an Tighearna, agus nan daoine a labhras olc an aghaidh m'anama.

21 Ach dean thusa air mo shon, a Thighearna Dhé, air sgàth d'ainme; a chionn gu bheil do thròcair maith, saor thusa mi.

22 Oir tha mi bochd agus uireasbhuidheach, agus tha mo chridhe air a lotadh an taobh a stigh dhìom.

23 Mar sgàile a' claochadh sìos tha mi a' siubhal; tha mi air m'fhuadachadh mar an locust.

24 Tha mo ghlùinean lag le trasgadh, agus tha m'fheoil a' teireachduinn le dith suita.

25 Agus tha mi a'm' aobhar maslaidh dhoibh: 'n uair a sheall iad orm, chrath iad an cinn.

26 Cuidich leam, a Thighearna mo Dhia; saor mi a réir do thròcair:

27 Chum gu'm bi fios aca gur i so do làmh, gur tusa, a Thighearn', a rinn e.

28 Mallaicheadh iadsan, ach beannaich thusa: 'n uair a dh'éireas iad, bitheadh nàire orra; ach bitheadh d'òglach-sa ait.

29 Bitheadh m'eascairdean air an còmhdaichadh le nàire, agus bitheadh iad air an folach le'n amhluidh féin, mar le falluinn.

30 Ard-mholaidh mi an Tighearn le m' bheul; agus am measg na mòr-chuideachd bheir mi cliù dha.

31 Oir seasaidh e aig deas làimh an duine bhochd, chum a shaoradh o luchd-dìtidh 'anama.

SALM CX.

1 *Oighreachd, 4 sagartachd, 5 buaidh, 7 agus fulangas Chriost.*

Salm le Daibhidh.

THUBHAIRT an Tighearn ri m' Thighearn, Suidh aig mo dheas làimh, gus an cuir mi do naimhdean 'n an stòl fo d' chosaibh.

2 Slat-shuaicheantais do chumhachd cuiridh an Tighearn a mach à Sion: bi thusa a'd' uachdaran ann am meadhon do naimhdean.

3 *Bithidh* do shluagh ro thoileach ann an là do chumhachd: ann am maise na naomhachd, mar an drùchd o bholg na maidne, *bithidh* d'òige agad.

4 Mhionnaich an Tighearn, agus cha ghabh e aithreachas, *Is* sagart thu gu bràth, a réir orduigh Mhelchisedeic.

5 Buailidh an Tighearn, a tha aig do dheas làimh, rìghrean ann an là 'fheirge.

6 Bheir e breth an measg nan cinneach; fionaidh e *gach àit* le corpaibh marbha; lotaidh e an t-uachdaran os ceann iomadh tìr.

7 De'n t-sruth air an t-slighe òlaidh e; uime sin togaidh e suas a cheann.

SALM CXI.

1 *Is cubhaidh dhu a thabhairt do Dhia air son 'oibre glòrmhor agus iongantach. 7 Is iad fìrinn agus ceartas gnìomharan a làmh.*

MOLAIBHSE an Tighearn. Bheir mise cliù do'n Tighearn le m' uile chridhe, ann an coinneamh nam firean, agus anns a' choimhthional.

2 *Tha* gnìomharan an Tighearna mòr; rannsaichear iad leo-san uile aig am bheil tlachd anna.

3 Urramach agus glòrmhor *tha* 'obair-san; mairidh 'fhìreantachd gu bràth.

4 Chuir e a ghnìomharan iongantach air chuimhne: gràsmhor agus truacanta *tha* an Tighearn.

5 Thuge lòn dhoibhsan d'an eagal e: cuimhnichidh e gu bràth a choimhcheangal.

6 Chuir e neart 'oibre 'an céill d'a shluagh, le oighreachd nan cinneach a thabhairt doibh.

7 *Is* iad fìrinn agus ceartas gnìomharan a làmh; *tha* àitheanta-san uile fìor.

8 Seasunach *tha* iad gu saoghal nan saoghal, deanta ann am fìrinn agus ann an ceartas.

9 Chuir e saorsa dh'ionnsuidh a shluagh, dh'èithn e a choimhcheangal gu bràth: 's naomh agus urramach 'ainm-san.

10 *Is* e eagal an Tighearna toiseach a' ghluicais; *tha* deadh thuigse aca-san uile a' ni àitheanta-san: mairidh a' chliù gu bràth.

SALM CXII.

1 *Beannachadh agus tèarainteachd nan ionracan: 10 Chi na h-aingidh an soirbheachadh, agus bithidh fearg orra.*

MOLAIBHSE an Tighearn. *Is* beannaichte an duine air am bi eagal an Tighearn', a ghabhas tlachd mòr d'a àitheantaibh.

2 Làidir anns an tìr bithidh a shliochd; beannaichear ginealach nam firean.

3 *Bithidh* maoin agus saobhbheas 'n a thigh; agus mairidh 'fhìreantachd gu bràth.

4 Ann an dorchadas éiridh solus do na fireanaibh: gràsmhor agus làn truacantais, agus cothromach *tha* [an Tighearn.]

5 *Is* maith do'n duine a bhitheas truacanta agus coingheallach, a riaghlas a ghnòthuichean gu ceart:

6 Oir gu bràth cha ghluaisear e; air chuimhne gu bràth bithidh am firean.

7 Roimh dhroch sgeul cha bhi eagal air; *tha* a chridhe suidhichte, ag earbsadh as an Tighearn.

8 *Tha* a chridhe air a shocrachadh, cha bhi eagal air, gus am faic e *erìoch* a naimhdean.

9 Sgaol e, thuge e do na bochdaibh; mairidh 'fhìreantachd gu bràth; mairidh 'adharc le h-urram.

10 Chi an droch dhuine, agus bithidh fearg air; casaidh e 'fhaclan, agus seargaidh e as; sgriosar miann nan aingidh.

SALM CXIII.

1 *Earail gu Dia a' mholadh, 6 do bhrìgh gu'n d'èilich se e fèin gu amharc air oibrìbh a làmh.*

MOLAIBHSE an Tighearn. Molaibh, O sibhse òglacha an Tighearna, molaibh ainm an Tighearna.

2 Gu na beannaichte ainm an Tighearn', o'n àm so agus gu bràth.

3 O éirigh na gréine gu ruig a luidhe, *is* ionmholtas ainm an Tighearna.

4 Ard os ceann nan cinneach uile *tha* an Tighearn, os ceann nan nàmh a' ghloir.

5 Cò a's cosmhuil ris an Tighearn ar Dia, a tha 'n a chòimhnuidh suas?

6 A dh'èilicheas e fèin gu amharc air na nithibh a *tha* 's na nàmhnan, agus air an talamh.

7 Togaidh e am bochd o'n duslach; o'n òtrach ardaichidh e an t-ainnis;

8 Chum a' chur 'n a shuidhe le àrd uaislibh, le àrd uaislibh a shluagh.

9 Bheir e air a' mhàoi a tha gun sliochd còmhnuidh a ghabhail ann an tigh, 'n a nàthair ait cloinne.

SALM CXIV—CXVII.

SALM CXIV.

1 *Tha cumhachd Dhé, a nochd e do Israel 'n uair a thug e mach iad as an Eiphit, 'n a aobhar eagail d'a shluagh.*

MOLAIBHSE an Tighearn. 'N uair a thàinig Israel a mach as an Eiphit, tigh Iacoib o shluagh coimheach,

2 Bha Iudah dha mar a chòmhnuidh naomh, Israel mar a thighearnas.

3 Chumnaic an cuan, agus theich e; thionndaidh Iordan air a h-ais.

4 Leum na beanntan mar reitheachan, na cnuic mar uain.

5 Ciod, a chuain, a thug ort teicheadh? a Iordain, a thug ort tionndadh air d'ais?

6 A bheanntan, a thug oirbh leum mar reitheachan; a chnocan, mar uain?

7 Criothnaich, a thalaimh, an làthair an Tighearn', an làthair Dhé Iacoib!

8 A thionndaidheas a' charraig gu linne uisge, an aillbhinn gu tobar uisge!

SALM CXV.

1 *Nochd an salmair gu'm buin glòir do Dhia a mhàin.* 4 *Diomhanas iodhol-aoraidh.* 9 *Eairil gu earbsadh as an Tighearn.*

TABHAIR glòir, a Thighearna, cha-n ann duinne, cha-n ann duinne, ach do d'ainm féin, air son do thròcair agus air son d'fhìrinn.

2 C'ar son a theireadh na cinnich, C'àit a uis am bheil an Dia?

3 Ach tha ar Dia-ne anns na nèamhan, agus rinn e gach nì a b'aill leis.

4 *Is* airgid agus òr an iodhoil-san, obair làmh dhaoine!

5 Tha beòil aca, ach cha labhair iad; sùilean aca, ach cha-n fhaic iad.

6 Tha cluasan aca, ach cha chluinn iad; srònan aca, ach cha ghabh iad faile.

7 Tha làmhnan aca, ach cha lainsich iad; cosan aca, ach cha-n imich iad; agus cha labhair iad troimh an scòrnan.

8 Cosmbuil riù féin tha iadsan a nì iad, agus gach neach a dh'earbas asda.

9 Earbadh tigh Israeil as an Tighearn: *is* esan an còmhnaidh, agus an sgiath.

10 Earbadh tigh Aaroin as an Tighearn: *is* esan an còmhnaidh, agus an sgiath.

11 Iadsan air am bi eagal an Tighearn', earbadh iad as an Tighearn: *is* esan an còmhnaidh agus an sgiath.

12 Bha an Tighearn cuimhneachail oirnn; beannaichidh e sinn; beannaichidh e tigh Israeil; beannaichidh e tigh Aaroin.

13 Beannaichidh e iadsan air am bi eagal an Tighearna, na big agus na mòir.

14 Cuiridh an Tighearn sibh ann an lìon-mhoireachd, sibh féin agus bhur clann.

15 *Is* beannaichte sibhse o'n Tighearn, a rinn na nèamhan agus an talamh.

16 *Is* leis an Tighearn na nèamhan, eadhon na nèamhan; ach an talamh thug e do chloinn nan daoine.

17 Cha mhol na mairbh an Tighearn, no iadsan uile a thèid sìos tosdach do'n uair.

18 Ach beannaichidh sinne an Tighearn, o'n àm so agus gu bràth. Molaibhse an Tighearn.

SALM CXVI.

1 *Chuir an salmair a'n céill a ghràdh agus a dhleasdanas do Dhia air son na tròcair' a nochd e dha.* 12 *Gheall e a bhòidean iocaidh do'n Tighearn ann an sealladh a shluagh.*

IS toigh leam an Tighearn, oir dh'éis e ri guth m'athchuingeann.

2 A chionn gu'n d'aom e a chluas riun, uime sin ri m' bheò éighidh mi ris.

3 Chuairtich doilgheasan a' bhàis mi, agus ghlac piantan ifrinn mi: fhuair mi teinn agus bròn.

4 An sin ghairm mi air ainm an Tighearn: A Thighearna, guidheam ort, saor m'anam.

5 *Is* gràsmhor an Tighearn, agus cothromach; agus *is* tròcaireach ar Dia-ne.

6 Gleidhidh an Tighearn na daoine aon-fhillte: dh'fìslicheadh mi, agus theasairg e mi.

7 Pill, O m'anam, gu d' shuaimhneas, oir bhuin an Tighearn riut gu fial.

8 Oir shaor thu m'anam o'n bhàs, mo shùil o dheuraibh, agus mo chos o shleamh-nachadh.

9 Gluaisidh mi 'am fianuis an Tighearn' ann an tìr nam beò.

10 Chreid mi, uime sin labhair mi; chlaoidh-eadh mi gu mòr.

11 Thubhairt mi a'm' dheifir, *Tha* gach duine breugach.

12 Ciod a dh'ìocas mi do'n Tighearn air son 'uile thiodhlacan dhomh?

13 Glacaidh mi cupan an slàinte, agus gairmidh mi air ainm an Tighearna.

14 Iocaidh mi mo bhòidean do'n Tighearn, a nis an làthair a shluagh uile.

15 *Is* luachmhor ann an sealladh an Tighearna bàs a naomh.

16 O a Thighearna, gu deimhin *is* mi d'òglach, *is* mi d'òglach, mac do bhanog-laich; sgaoil thu mo chuibhreach.

17 Dhuitse ìobraidh mi ìobairt mholaiddh, agus air ainm an Tighearna gairmidh mi.

18 Iocaidh mi mo bhòidean do'n Tighearn a nis an làthair a shluagh uile,

19 Ann an cùirtibh tìghe an Tighearn', ann ad mheadhon-sa, O Ierusalem. Molaibhse an Tighearn.

SALM CXVII.

1 *Eairil gu Dia a mholadh air son a thròcair' agus 'fhìrinn'.*

MOLAIBH an Tighearn, sibhse a chinn-each a uile; molaibh e, a shlòigh uile:

2 Oir is mòr a thròcair chaomh d'ar taobhne; agus mairidh fìrinn an Tighearna gu bràth. Molaibhse an Tighearn.

SALM CXVIII.

1 *Is airidh Dia air buidheachas a chionn gu mair a thròcair gu bràth. 5 Nòch an sal-madair gur maith an nì earbsadh as an Tighearn.*

O THUGAIBH buidheachas do'n Tighearn, oir *tha* e maith, oir gu bràth *mairidh* a thròcair.

2 Abradh Israel a nis, gu *mair* a thròcair gu bràth.

3 Abradh tigh Aaroin a nis, gu *mair* a thròcair gu bràth.

4 Abradh iadsan a nis d'an eagal an Tighearn, gu *mair* a thròcair gu bràth.

5 Ann an teinn ghairm mi air an Tighearn: fhreagair an Tighearn mi, *ga m' chur* ann an ionad farsuinn.

6 *Tha'n* Tighearn leam, cha-n eagal leam ciod a dh'fheudas duine a dheanamh orm.

7 *Tha'n* Tighearn am measg mo luchd-euideachaidh, agus cli mi *crioch* mo luchd-uatha.

8 *Is* fearr earbsadh as an Tighearn, na earbsadh á duine.

9 *Is* fearr earbsadh as an Tighearn, na earbsadh á h-uachdaranaibh.

10 Chuairtich na cinnich gu léir mi; ach ann an ainm an Tighearna gearraidh mi as iad.

11 Chuairtich iad mi, seadh, chuairtich iad mi; ach ann an ainm an Tighearna gearraidh mi as iad.

12 Chuairtich iad mi mar bheachan; cuirear as iad mar theine droighnich; oir ann an ainm an Tighearna gearraidh mi as iad.

13 Thug thu ionnsuidh dhian orm, chum mo leagadh; ach chuidich an Tighearn leam.

14 *Is* e an Tighearn mo neart, agus mo cheòl; agus is e mo shlàinte.

15 *Tha* guth gairdeachais agus slàinte ann am pàilliuinaibh nam firean: rinn deas làmh an Tighearna treubhantas!

16 Dh'ardaichheadh deas làmh an Tighearna; rinn deas làmh an Tighearna treubhantas!

17 Cha-n fhaigh mi bàs, ach mairidh mi beò, agus cuiridh mi'n céill oibre an Tighearna.

18 Throm-smachdaich an Tighearn mi; ach gu bàs cha d'thug e thairis mi.

19 Fosglaihbh dhomh geatachan an ionracais; théid mi steach orra, agus molaidd mi an Tighearn.

20 *Is* e so geata an Tighearn, air an téid na fireanan a steach.

21 Molaidd mi thu, oir dh'éisd thu rium, agus is tu mo shlàinte.

22 A' chlach a dhiùlt na clachairean, rinneadh i 'n a *cloich*-chinn na h-oisinn.

23 O'n Tighearn *tha* so; is iongantach e 'n ar sùilibh-ne!

24 *Is* e so an là a rinn an Tighearn:

deanamaid gairdeachas, agus bitheamaid ait air.

25 Guidheamaid ort, a Thighearna, saor a nis; guidheamaid ort, a Thighearna, soirbhligh *leinn* a nis.

26 Beannaichte gu'n *robh* an Ti a thig ann an ainm an Tighearna; thug sinne beannaichd oirbhse o thigh an Tighearna.

27 *Is* e Dia a's Tighearn ann, agus dhealraich e oirnn: ceanglaibh an iobairt le cordaibh, eadhon ri adharcaibh na h-altarach.

28 *Is* tusa mo Dhia, agus molaidd mi thu: mo Dhia, ardaichidh mi thu.

29 O thugaibh buidheachas do'n Tighearn, oir *tha* e maith, oir gu bràth *mairidh* a thròcair!

SALM CXIX.

1 *'S an t-salm so tha Daibhidh a' deanamh iomadh urnuigh ri Dia, a' seinn cliu d'a ainm. a' cur 'an céill a thlachd 'n a lagh, agus ag iarraidh gu'm bitheadh a cheuman air an stiùradh chum reachdan an Tighearn' a choimhead.*

N ALEPH.

IS beannaichte iadsan a tha neo-lochdach anns an t-slighe, a dh'imicheas ann an lagh an Tighearna.

2 *Is* beannaichte iadsan a ghleidheas a theisteis, a dh'iarras e le'n uile chridhe.

3 Mar an ceudna cha dean iad aingidheachd: 'n a shligheibh imichidh iad.

4 Dh'àithn thu d'orduighean a bhí air an coimhead gu dichiollach.

5 O nach robh mo cheuman air an stiùradh chum do reachdan a choimhead!

6 An sin cha ghabh mi nàire, an uair a bheir mi spéis do dh'aitheantaibh gu léir.

7 Molaidd mi thu le tréibhdhireas cridhe, 'n uair a dh'fhòghlumais mi breitheanais do cheartais.

8 Coimhididh mi do reachdan: O na tréig mi gu tur!

Ξ BETH.

9 Ciod leis an glan an t-òganach a shlighe? trid faicill, a réir d'fhocail.

10 Le m'uile chridhe dh'iarr mi thu: na leig dhomh dol air seacharan o dh'aitheantaibh.

11 A'm' chridhe dh'fholuich mi d'fhocal, chum nach peacaichinn a'd' aghaidh.

12 *Is* beannaichte thusa, a Thighearna: teagaisg dhomh do reachdan.

13 Le m' bhlilbh chuir mi 'n céill uile blreitheanais do bheòil.

14 Ann an slighe do theisteas rinn mi gairdeachas, mar os ceann gach uile shaoibhreis.

15 Air dh'aitheantaibh beachd-smuainichidh mi, agus dearcaidh mi air do cheumaibh.

16 Ann ad reachdaibh ghabhaidh mi tlachd; cha dì-chuimhnich mi do bhriathran.

Γ GIMEL.

17 Buin gu fial ri d'òglach, *chum gu'm* bi mi beò, agus *gu'n* coimhid mi do bhriathran.

18 Fosgail mo shùilean, chum gu'm faic mi nithean iongantach o d' lagh.

19 *Is* coigreach air thalamh mi; na ceil orm d'àitheantan.

20 Tha m'anam brùite, le déidh air do bhreitheanais gach tràth.

21 Smachdaich thu na h-uabhrich: *is* mallnichte iadsan a théid air seacharan o d'àitheantaibh.

22 Tionndaidh uam masladh agus tàir; oir ghléidh mi do theisteis.

23 Shuidh cadhonnachdarain, agus labhair iad a'm' aghaidh; ach bheachd-smuainich d'òglach air do reachdaibh.

24 Mar an ceudna *is* iad do theisteis mo thlachd, mo chomhairlichean.

7 DALETH.

25 Tha m'anam a' leantuinn ris an ùir: beothaich mi a réir d'fhocail.

26 Chuir mi 'an céill mo shlighean, agus dh'éisd thu rium: teagaisg dhomh do reachdan.

27 Thoir orm slighe d'àitheantan a thuigsinn, agus labhraidh mi air d'òibrigh iongantach.

28 Tha m'anam a' leaghadh as le tuirse: neartaich mi a réir d'fhocail.

29 Cuir uam slighe nam breug, agus gu gràsmhor deònaich dhomh do lagh.

30 Ròghnaich mi slighe na fìrinn; chuir mi do bhreitheanais *fa m' chomhair*.

31 Dhlùth-leam mi ri d' theisteis: a Thighearna, na cuir gu nàire mi.

32 Ann an slighe d'àitheantan ruithidh mi, 'n uair a chuireas tu mo chridhe ann an farsuinneachd.

7 HE.

33 Teagaisg dhomh, a Thighearna, slighe do reachdan, agus gleidhidh mi i gu ruig a' chrìoch.

34 Thoir tuisge dhomh, agus gleidhidh mi do lagh; seadh, coimhididh mi e le m'uile chridhe.

35 Thoir orm triall 'an ceum d'àitheantan; oir ann-san tha mo thlachd.

36 Lùb mo chridhe gu d' theisteis, agus ni h-ann gu sannt.

37 Tionndaidh mo shùilean o amhare air dìomhanas; ann ad shligibh beothaich mi.

38 Daingnich d'fhocal do d'òglach, air *am bheil* d'eagal-sa.

39 Cuir uam mo mhasladh a's eagal leam; oir *tha* do bhreitheanais maith.

40 Fench, is miannach leamsa do reachdan: a'd' cheartas beothaich mi.

7 VAU.

41 Agus thigeadh do thròcair a m'ionnsuidh, a Thighearn', do shlàinte a réir d'fhocail:

42 An sin bithidh freagradh agam dhàsan a bheirmasladh dhomh, gu bheil m'earbsadh a d'fhocal-sa.

43 Agus na buin focal na fìrinn gu h-iomlan

as mo bheul; oir ann ad bhreitheanais chuir mi mo dhòchas.

44 Agus coimhididh mi do lagh a ghnàth, gu suthainn is gu sìor.

45 Agus ghnaisidh mi annam farsuinneachd; a chionn gu'n iarr mi do reachdan.

46 Agns labhraidh mi air do theisteis an làthair rìghrean, agns cha bhi nàire orm.

47 Agns gabhaidh mi tlachd de d'àitheantaibh, d'an d'thug mi gràdh.

48 Agus togaidh mi mo làmhnan ri d'àitheantaibh, d'an d'thug mi gràdh: agns beachd-smuainichidh mi air do reachdaibh.

7 ZAIN.

49 Cuimhnich am focal do d'òglach, as an d'thug thu orm earbsadh.

50 *Is* e so mo chomhlhnrtachd ann am àmhghar; oir bheothaich d'fhocal mi.

51 Rium na h-uabhrich fanoid orm gu mòr; gidheadh o d' lagh cha do chlaon mi.

52 Chuimhnich mi do bhreitheanais o chian, a Thighearn', agns fhuair mi comhlhnrtachd.

53 Ghlac uamhunn mi a thaobh nan daoine aingidh, a thréigas do lagh.

54 B'iad do reachdan mo cheòl ann an tigh mo chuairt.

55 Chuimhnich mi d'ainm, a Thighearn', anns an oidheche, agus ghléidh mi do lagh.

56 Mar so thachair e dhomhsa, a chionn gu'n do ghléidh mi do reachdan.

7 CHETH.

57 *Is* tusa mo chuibhrionn, a Thighearna: thubhairt mi gu'n coimhidinn d'fhocail.

58 Dh'asuidh mi do dhcadh-ghean le m'nile chridhe: dean tròcair orm a réir d'fhocail.

59 Chnuasaich mi mo shlighean, agns phill mi mo chosan ri d' theisteis.

60 Rinn mi deifir, agns cha robh mi mairnealach chum d'àitheantan a choimhead.

61 Chreach buidhean dhroch dhaoine mi; ach cha do dhà-chuimhnich mi do lagh.

62 Mn mheadhon-oidheche éiridh mi, chum buidheachas a thoirt duit air son bhreitheanais do cheartais.

63 *Is* fear-conuinn mi dhoibhsan uile air am bi d'eagal, agus dhoibhsan a ghleidheas do reachdan.

64 De d' thròcair, a Thighearna, tha'n talamh làn: teagaisg dhomh do reachdan.

7 TETH.

65 Rinn thu gu maith ri d'òglach, a Thighearn', a réir d'fhocail.

66 Teagaisg dhomh deadh thuigse agns eòlas; oir chreid mi d'àitheantan.

67 Mu'n robh mi ann an àmhghar, chaidh mi air seacharan; ach a nis tha mi a' gleidheadh d'fhocail.

68 *Is* maith thusa, agus ni thu maith: teagaisg dhomh do reachdan.

69 Dhealbh na h-uabhrich breug a'm' aghaidh; ach gleidhidh mise d'àitheantan le m'uile chridhe.

70 Co reamhar ri saill tha an eridhe-san; ach ann ad lagh tha mo thlachd-sa.

71 *Is* maith dhomhsa gu'n robh mi ann an àmhghar, chum gu'm fòghlumainn do reachdan.

72 *Is* fearr dhomhsa lagh do bheòil, na mìltean a dh'òr agus a dh'airgiod.

• IOD.

73 Rinn agus dhealbhadh do làmhnan mi: thoir tuigse dhomh, chum gu'm fòghlum mi d'aitheantan.

74 Chi iadsan air am bi d'eagal mi, agus bithidh iad ait, a chionn gu'n d'earb mi á d'fhocal.

75 Tha fhios agam, a Thighearna, gu bheil do bhreitheanais ceart, agus gur ann am firinn a chlaoidh thu mi.

76 Bitheadh a nis do thròcair chaomh chum comhfhurtachd dhomh, a réir d'fhocail ri d'òglach.

77 Thigeadh do chaomh thròcairean a m'ionnsuidh, chum gu'm bi mi beò; oir *is* e do lagh mo thlachd.

78 Bitheadh nàire air luchd an àrdain, oir gun aobhar bhuin iad gu fiar rium; ach beachd-smuainichidh mise air d'aitheantan.

79 Pilleadh iadsan air am bheil d'eagal rium, agus iadsan a tha eòlach air do theisteis.

80 Bitheadh mo chridhe tréibhdhireach ann ad reachdaibh, chum nach nàraichear mi.

• CAPH.

81 Tha m'anam air a chlaoidh le déigh air do shlàinte: ann ad fhocal chuir mi mo dhòchas.

82 Tha mo shùilean air an caithheadh le *feallamh* ri d'fhocal, 'n uair a tha mi ag ràdh, 'C'uin a ni thu furtachd orm?

83 Oir tha mi mar shearraig ann an deataich; gidheadh cha do dhì-chuimhnich mi do reachdan.

84 Cia lìon iad làithean d'òglaich? 'c'uin a chuireas tu breitheanas 'an gnìomh orrasan a tha'n tòir orm?

85 Chladhaich na h-uabhrich sluichd dhomh, nach 'eil a réir do lagha.

86 *Is* firinn d'aitheantan-sa gu léir: gu fealltach tha iad 'an tòir orm; cuidich thusa leam.

87 *Is* beag nach do chuir iad as domh air talamh; ach cha do thréig mise do reachdan.

88 A réir do chaomh thròcair' bcothaich thusa mi, agus glcidhidh mi teisteas do bheòil.

• LAMED.

89 Gu bràth, a Thighearna, tha d'fhocal seasamhach anns na nàmhnan.

90 O linn gu linn tha d'fhirinn: dhaingnich thu an talamh, agus seasaidh e.

91 A réir d'orduighan tha iad buan *gus*

an diugh; oir *is* iad na h-uile do sheirbhisich.

92 Mur bhitheadh *gu'm b'e* do lagh mo thlachd, an sin gheibhinn bàs a'm' àmhghar.

93 Gu bràth cha dì-chuimhnich mi do reachdan; oir leo-san bheothaich thu mi.

94 *Is* leat mise, saor mi; oir dh'iarr mi do reachdan.

95 Dh'fheith na h-aingidh orm, chum mo sgrios; ach beachd-smuainichidh mise air do theisteis.

96 Chunnaic mi crìoch gach iomlaineachd; *ach tha* d'aitheanas ro fharsuinn.

• MEM.

97 O cia h-ionnmhuinn leam do lagh-sa? gach là *is* e mo chùis-smuaineachaidh.

98 Le d'aitheanas rinn thu mi nì's glìce na m'eascairdean; oir *tha* i a ghnàth maille rium.

99 Os ceann mo luchd-teagaisg uile tha mi a' tuigsinn; oir *is* iad do theisteis mo chùis-smuaineachaidh.

100 Os ceann nan seanair tha mi crìonna, a chionn gu'm bheil mi a' gleidheadh do reachdan.

101 O gach droch shlighe chum mi mo chosan, chum gu'n coimhidinn d'fhocal.

102 O d' bheitheanais cha do chlaon mi: oir theagaisg thusa mi.

103 Cia milis le m' bhlas do bhriathran! *nì's m'ise tha iad* na mìl do m' bheul.

104 Trid do reachdan fhuair mi tuigse: uime sin is fuathach leam gach shlighe bhreugach.

• NUN.

105 *Is* lèchran d'fhocal do m' chois, agus solus do m' cheum.

106 Mhionnaich mi, agus coimhlionaidh mi e, gu'n coimhid mi breitheanais do cheartais.

107 Tha mi ann an àmhghar ro mhòr: ath-bheothaich mi, a Thighearna, a réir d'fhocail.

108 Gabh nam gu taitneach, guidheam ort, a Thighearna, saor thabhartais mo bheòil; agus teagaisg dhomh do bhreitheanais.

109 *Tha* m'anam a ghnàth a'm' làimh; gidheadh cha do dhì-chuimhnich mi do lagh.

110 Chuir droch dhaoine rìbe romham; ach o d' reachdaibh cha deachaidh mise air seacharan.

111 Ghabh mi do theisteis mar oighreachd gu bràth; oir *is* iad aoibhneas mo chridhe.

112 Dh'aom mi mo chridhe chum do reachdan a chur 'an gnìomh a ghnàth, gu ruig a' chrìoch.

• SAMEEH.

113 *Is* fuath leam smuaintean faoine; ach is toigh leam do lagh.

114 *Is* tusa m'ionad-foluich, agus mo sgiath: á d'fhocal-sa tha m'earbsa.

115 Imichibh uam, a luchd-deanaimh an uile; oir gleidhidh mise aitheantan mo Dhé.

116 Cum suas mi a réir d'fhocail, agus mairidh mi beò; agus na leig fo nàire mi a thaobh mo dhòchais.

117 Daingnich mi, agus bithidh mi tèarainte; agus bithidh tlachd agam ann ad reachdaibh a ghnàth.

118 Shaltair thu orra-san uile a chaidh air seacharan o d' reachdaibh; oir *is* breug an cealg.

119 Mar shal tilgidh tu uait uile dhroch dhaoine na talmhainn; uime sin is toigh leam do theisteis.

120 Chrìochnaich m'fheoil le h-uamhunn romhad; agus bha eagal orm roimh do bhreitheanais.

♪ AIN.

121 Rinn mi breitheanas agus ceartas: na fàg mi do m' luchd-foirneirt.

122 Bi-sa 'an urras air d'òglach chum maith: na deanadh na h-naibhrich foirneart orm.

123 Tha mo shùilean air an caitheadh le *bhì'sealltuinn* air son do shlàinte, agus air son focail d'fhireantachd.

124 Buin ri d'òglach a réir do thròcair', agus teagaisg dhomh do reachdan.

125 *Is* mi d'òglach; thoir tuigse dhomh, chum gu'm bi eòlas agam air do theisteis.

126 *Is* mithich dhuit, a Thighearn', a bhì 'deanamh: bhris iad do lagh.

127 Uime sin is annsa leamsa d'aitheantan na'n t-òr, seadh, na'n t-òr fìor-ghlan.

128 Uime sin measam do reachdan uile [*a thaobh gach nì*] a bhì ceart: is fuathlach leam gach slighe bhreugach.

♪ P.E.

129 *Is* iongantach do theisteis: air an aobhar sin gleidhidh m'anam iad.

130 Bheir fosgladh do bhriathar solus, a' teagasg nan daoine aon-fhillte.

131 Dh'fhosgail mi mo bheul, a' ploscartaich; oir bha mi 'an geall air d'aitheantaibh.

132 Amhaire orm, agus dean tròcair orm, mar is gnàth leat a dheanamh dhoibhsan le'n ionnmhuinn d'ainm.

133 Stiur mo cheuman a réir d'fhocail; agus na bitheadh aig cuccart sam bith uachdaranachd orm.

134 Teasairg mi o fhoirneart dhaoine; agus coimhidh mi d'òrduighean.

135 Thoir air do ghluais dealrachadh air d'òglach, agus teagasg dhomh do reachdan.

136 Ruith sruthan dheur sìos o m' shùilb, a chionn nach do choimhid iad do lagh.

♪ TSADDI.

137 *Is* cothromach thusa, a Thighearn', agus *is* ceart do bhreitheanas.

138 Dh'aitlm thu do theisteis mar cheartas agus mar fhìrinn mhòir.

139 Chlaidh m'èud mi, a chionn gu'n do dhì-chuimhnich mo naimhdean do bhriatharan.

140 Ro ghlan *tha* d'fhocal-sa, agus is ionnmhuinn le d'òglach e.

141 *Tha* mi beag agus suarach; gidheadh cha dì-chuimhnich mi do reachdan.

142 *Is* ceartas sìorruidh do cheartas-sa, agus *is* fìrinn do lagh.

143 Ghlac teinn agus àmhghar mi; ach *is* iad d'aitheantan mo thlachd.

144 *Mairidh* ceartas do theisteachas gubràth: thoir-sa tuigse dhomh, agus bithidh mi beò.

♪ KOPH.

145 Ghlaodh mi le m' uile chridhe; éisd rium, a Thighearna: gleidhidh mi do reachdan.

146 Ghlaodh mi riut; saor mi, agus coimhidh mi do theisteis.

147 Thàinig mi roimh 'n chamhanaich, agus dh'èigh mi: á d'fhocal dh'earb mi.

148 Ghabh mo shùilean roimh fhlaireibh na h-oidhche, chum gu'm beachd-smuainichinn air d'fhocal.

149 Eisd ri m' ghuth a réir do chaoimhneis-ghràidh: a Thighearn', a réir do bhreitheanais beothaich mi.

150 Thàinig luchd-leanmhuinn droch-bheirt am fagus: ach fada bha iad o d' lagh.

151 Am fagus *tha* thusa, a Thighearn'; agus *is* fìrinn d'aitheantan uile.

152 O thoiseach bh'fhiosrach mi a thaobh do theisteachas, gu'n do shuidhich thu iad gu bràth.

♪ RESH.

153 Amhaire air m' àmhghar, agus teasairg mi; oir cha do dhì-chuimhnich mi do lagh.

154 Tagair mo chùis, agus saor mi; a réir d'fhocail beothaich mi.

155 *Is* fada slàinte o dhroch dhaoineibh; oir cha-n iarr iad do reachdan.

156 *Is* ònmhor do chaoimh thròcairean, a Thighearn'; a réir do bhreitheanas beothaich mi.

157 *Is* ònmhor mo luchd-tòrachd agus m'easearidean; gidheadh, o d' theisteis cha do chlaon mise.

158 Chunnaic mi luchd-eusaontais, agus bha doilgheas orm, a chionn nach do choimhid iad d'fhocal.

159 Feuch, is ionnmhuinn leam do reachdan: a Thighearn', a réir do chaoimhneis-ghràidh beothaich thusa mi.

160 O thoiseach *is* fìrinn d'fhocal-sa; agus gu bràth *mairidh* uile bhreitheanais do cheartais.

♪ SEHIN.

161 Bha uachdaran 'an tòir orm gun aobhar: ach roimh d'fhocal-sa tha eagal air mo chridhe.

162 *Tha* aiteas orm ri d'fhocal-sa, mar neach a fhuair creach mhòr.

163 *Is* fuath leam, agus is oilleil leam breug; ach is toigh leam do lagh-sa.

164 Seachd uairean 's an là bheiream moladh dhuit, air son bhreitheanas do cheartais.

165 *Is* mòr sìth na muinntir a tha toirt

gràidh do d' lagh, agus cha-n éirich aobhar tuislidh dhoibh.

166 Dh'fheith mi ri d' shlàinte, a Thighearna; agus choimhlinn mi d'aitheantan.

167 Choimhid m'anam do theisteis, agus is ro ionmhuinn leam iad.

168 Choimhid mi do reachdan agus do tucisteis; oir *tha* mo shlighean uile fa d' chomhair.

¶ TAU.

169 Thigeadh mo ghlaodh am fagus a'd' làthair, a Thighearna: a réir do bhriathar thoir tuisge dhomh.

170 Thigeadh m'asluchadh a'd' làthair: a réir d'fhocail teasaig mi.

171 Cuiridh mo bhilean 'an céill do chliu, 'n uair a theagaisgeas tudhomh doreachdan.

172 Aithrisidh mo theangadh d'fhocal; oir *is* ceartas d'aitheantan uile.

173 Cuidicheadh do làmh leam; oir rògh-naich mi do reachdan.

174 Bha mi 'n geall air do shlàinte, a Thighearna; agus *is* e do lagh mo thlachd.

175 Bitheadh m'anam beò, agus molaidh e thu; agus cuidicheadh do bhrèitheanais leam.

176 Chaidh mi air seacharan mar chaora chailte; iarr d'òglach, oir cha do dhì-chuimhnich mi d'aitheantan.

SALM CXX.

1 *Ghuidh Daibhidh gu'n saoradh Dia e o'n teangaidh chealgaich.*

Laoidh nan ceum.

A'M' éigin ghlaodh mi ris an Tighearna, agus dh'éisid e rium.

2 A Thighearna, saor m'anam o bhlilbh nam breug, o'n teangaidh chealgaich.

3 Ciod a bheirear dhuit? agus ciod a nithear ort, a theangaidh chealgaich?

4 Geur shaighdean laoiach, le éibhlilbh de'n aiteal.

5 Mo thruaighe mi, gu bheil mi air chuairt ann am Mesech, gu bheil mi a'm' chòmhuidh ann am bùthaibh Chedair!

6 Is fada 'ghabh m'anam còmhuidh leosan a thug fuath do shùth.

7 *Tha* misc air son sìth; ach 'n uair a labhras mi, *tha* iadsan air son cogaidh.

SALM CXXI.

1 *Tèaruinteachd an t-sluaigh do'm bheil Dia 'n a fhear-coimhead.*

Laoidh nan ceum.

TOGAIDH mi mo shùilean chum nam beamn, o'n tig mo chabhair.

2 *Thig* mo chabhair o'n Tighearna, a rinn nèamh agus talamh.

3 Cha leig e le d' chois sleamhnachadh: cha tuit clò codail air d'fhear-coimhead.

4 Feuch, cha tuit clò codail no suain air fear-coimhead Isracil.

5 *Is* e an Tighearna d'fhear-coimhead: *is* e an Tighearna do sgàil air do làmh dheis.

6 'S an là cha bhuail a' ghrian thu, no a' ghealach 's an oidhche.

7 Coimhididh an Tighearna thu o gach ole: coimhididh e d'anam.

8 Coimhididh an Tighearna do dhol a mach, agus do theachd a steach, o'n àm so cadhon gu bràth.

SALM CXXII.

1 *Bha aoibhneas air Daibhidh 'n uair a chaidh e do 'high an Tighearna. 6 Ghuidh e air son sìth agus suaimhneis do Ierusalem.*

Laoidh nan ceum, le Daibhidh.

BHA aoibhneas orm an uair a thubhairt iad rium, Do thigh an Tighearna théid sinn.

2 Seasaidh ar cosan an taobh a stigh de d' gheataibh, O Ierusalem.

3 Tha Ierusalem air a togail mar àrd bhaile a tha air a choimheangal ri 'chéile;

4 D'an téid na treubhan suas, treubhan an Tighearna, gu teistcas Israeil, a thoirt buidheachais do ainm an Tighearna.

5 Oir an sin tha caithrichean breitheanais air an suidheachadh, caithrichean tighe Daibhidh.

6 Guidhibhse air son sìth Ierusalem: soir-bhichidh iadsan leis an ionmhuinn thu.

7 Sìth gu robh an taobh a stigh de d' bhallachaibh, suaimhneas a'd' lùchairtibh!

8 Air sgàth mo bhràithrean agus mo chàirdean thoir mi nis, Sìth *gu robh* an taobh a stigh dhuit?

9 Air sgàth tighe an Tighearna' ar Dé, iarraidh mi maith dhuit.

SALM CXXIII.

1 *Athluinge air son tròcair, 4 agus air son saorsa o tharcuis nan uaibhreach.*

Laoidh nan ceum.

ADTONNSUIDH thog mi mo shùilean, O thusa a *tha* 'd' chòmhuidh anns na nèamhan.

2 Feuch, mar *tha* sùilean òglach air làimh an maighstirean, agus mar *tha* sùilean banoglaich air làimh a bana-mhaighstir, mar sin *tha* ar sùilean-ne air an Tighearna ar Dia, gus an dean e tròcair oirnn.

3 Dean tròcair oirnn, a Thighearna, dean tròcair oirnn; oir *tha* sinn air ar lìonadh làn tarcuis.

4 Lionadh ar n-anam làn le fanoid luchd na scasgaireachd, le tarcuis nan uaibhreach.

SALM CXXIV.

1 *Bheannaich Daibhidh an Tighearna do bhrìgh gu'n do shaoir e a shluagh uatha-san a dh'éirich 'n an aghaidh.*

Laoidh nan ceum, le Daibhidh.

MUR bitheadh an Tighearna leinn, abradh Israel a nis;

2 Mur bitheadh an Tighearna leinn, an uair a dh'éirich daoine 'n ar n-aghaidh;

3 An sin shluigeadh iad beò sinn, an uair a las am fearg 'n ar n-aghaidh:

4 An sin thigeadh tuitcan uisgeachan tharunn, rachadh an sruth thar ar n-anam:

5 An sin rachadh na h-uisgeachan uaibh-reach thar ar n-anam.

6 Beannaichte gu *robh* an Tighearn, nach d'thug sinn mar chreic d'am fìaclaibh.

7 Chaidh ar n-anam as mar euu á ribe nan eunadair; bhriseadh an ribe, agus chaidh sinn as.

8 *Tha* ar cabhair ann an ainm an Tigh-earna, a rinn nèamh agus talamh.

SALM CXXV.

1 *Bithidh iadsan a dh'earbas as an Tighearn ann an tèaruinteachd.* 4 *Urnuigh air son nan ionracan, agus an aghaidh nan aingidh.*

Laoidh nan ceum.

B*ITHIDH* iadsan a dh'earbas as an Tighearn mar shliabh Shìoin, nach caruichear, *ach* a mhaireas gu sìorruidh.

2 *Mar tha* na beanntan mu thimchioll Ierusalem, mar sin *tha'n* Tighearn mu thimchioll a shluaigh, o'n àm so agus gu bràth.

3 Oir cha ghabh slat nan daoì tàmh air crannchur nam firean, air eagal gu'n sin-eadh na fireanan an làmhan chum euceirt.

4 Dean maith, a Thighearna, dhoibhsan a tha maith, agus dhoibhsan a tha ionraic 'n an cridhe.

5 Ach iadsan a théid a thaobh d'an slighibh cliona, iomainidh an Tighearn a mach le luchd-deanamh an uilc. Sìth gu'u *robh* air Israel!

SALM CXXVI.

1 *Bha an eaglais aoibhneach 'n uair a thug Dia air ais braighdeanas Shìoin.*

Laoidh nan ceum.

'N *UAIR* a thug an Tighearn air ais braighdeanas Shìoin, bha sinn mar dhaoine a chunnaic aising.

2 An sin lìonadh ar beul le gàire, agus ar teagadh le luathghaire: an sin thubhairt iad am measg nan cinncach, Rinn an Tighearn nithean mòra air an son.

3 Rinn an Tighearn nithean mòra air ar son-ue: bha sinn aoibhneach.

4 Pill a ris, a Thighearn, ar braighdeanas, mar shruthaibh 's an àirde deas.

5 Iadsan a chuireas *sìol* le deuraibh, buainidh iad le gairdeachas.

6 Esan a théid a mach, agus a ghuileas, ag iomchar roghadh sìl, gu cinnteach thig e a ris le gairdeachas, ag iomchar a sguab.

SALM CXXVII.

1 *Tha gach saothair dìomhain as eugmhaìs beannachd an Tighearna.* 3 *'S e clann oighreachd Dhé.*

Laoidh nan ceum, le Solamh.

M*UR* tog an Tighearn an tigh, gu dìomhain saothraichidh a luchd-togail: mur gléidh an Tighearn ann baile, gu dìomhain nì am fear-coimhid faire.

2 *Is* dìomhain dhuibhse bhi 'g éirigh gu moch, a bhi 'suidhe gu h-anmoch, ag ith-

eadh arain a' bhròin; 'n uair a bheir esan codal do fhear a ghràidh.

3 Feuch, *is* iad clann oighreachd an Tigh-earna, toradh na bronn a dhuais.

4 Mar shaighdibh ann an làimh gaisgich, mar sin *tha* mi na h-òige.

5 *Is* sona am fear aig am bheil a bholg-saighead làn diubh; cha bhi nàire orra, 'n uair a labhras iad r'an naimhidh anns a' gheata.

SALM CXXVIII.

1 *Na beannachdan a leanas iadsan air am bi eagal an Tighearna.*

Laoidh nan ceum.

I*S* beannaichte gach uach air am bi eagal an Tighearn, a ghluaiseas 'n a shlighibh.

2 Oir ithidh tu toradh do làmh: sona *bithidh* tu, agus *éiridh* gu maith dhuìt.

3 *Bithidh* do bhean mar fhìonain tharbhaich laimh ri taobhan do thighe; do chlamn mar òg chroim-olaidh mu thimchioll do bhuird.

4 Feuch, mar so beannaichear an duine, air am bi eagal an Tighearna.

5 Beannaichidh an Tighearn thu á Sion, agus chi thu maith Ierusalem ré uile làithean do bheatha.

6 Seadh, chi thu clann do chloinne, *agus* sìth air Israel.

SALM CXXIX.

1 *Maitheas Dhé d'a shluagh Israel.* 5 *Urnuigh an aghaidh naimhdean na h-eaglais.*

Laoidh nan ceum.

I*S* minic a chràidh iad mi o m'òige, abradh Israel a nis:

2 *Is* minic a chràidh iad mi o m'òige; gidheadh cha d'thug iad buaidh orm.

3 Air mo dhrum threabh an luchd-treabhaidh; tharruing iad an sgrioban fada.

4 *Tha* an Tighearn cothromach: ghearr e o 'chèile cuid nan aingidh.

5 Cuircar gu h-amhladh, agus pillcar air an ais iadsan uile le'm fuathach Sion.

6 Bithidh iad mar fhear air mullach thigh-ean, a sheargas mu'm fàs e suas:

7 Leis nach lìon am buanaiche a ghlac, no fear-ceangail nan sguab a bhrollach.

8 Ni mò 'their iadsan a bhitheas a' dol seachad riu, Beannachd an Tighearna gu'n *robh* oirbh: tha sinne 'g ur beannachadh ann an ainm an Tighearna.

SALM CXXX.

1 *'N a theanntachd ghloadh an salmadairri Dia,* 5 *agus chuir e a dh'òigh 'n a fhocal.*

Laoidh nan ceum.

O*NA* doimhneachdaibh ghlaodh mi riut, a Thighearna.

2 A Thighearna, éisd ri m'ghuth; thugadh do chluasan an aire do ghuth m'ath-chuingean.

3 Ma chomharaicheas tusa aingidheachd, a Thighearna; a Thighearna, cò a sheacas.

4 Ach maille riutsa *tha* maitheanas; agus nime sin bithidh eagal *air daoibh* romhad.

5 Tha mi a' feitheamh air an Tighearn, tha m'anam a' feitheamh, agus 'n a fhocal tha mo dhòigh.

6 Tha m'anam a' feitheamh air an Tighearn nì's mò na luchd-faire na maidne, *seadh*, na luchd-faire na maidne.

7 Earbadh Israel as an Tighearn; oir aig an Tighearn *tha* tràdcair, agus aige-san *tha* mòr shaorsa;

8 Agus saoraidh e Israel o 'euccartaibh gu léir.

SALM CXXXI.

1 *Nochd Daibhidh irioslachd a chridhe féin, 3 agus dh'earail e air Israel carbsadh á Dia.*

Laoidh nan ceum, le Daibhidh.

A THIGHEARNA, cha-n'eil mo chridhe uabhbreach, no mo shlùilean àrd; agus cha do ghabh mi gnothuch ri nithibh mòra, no ri nithibh a bha àrd air mo shon.

2 Gu deimhin shocraich agus chiùinich mi m'anam, mar leanabh a chuireadh o chùich a mhàthar; mar leanabh a chuireadh o'n chùich *tha* m'anam-sa.

3 Earbadh Israel as an Tighearn, o'n àm so agus gu bràth.

SALM CXXXII.

1 *Eud Dhaibhidh chum àil ulluchadh do phàillinn an Tighearna. 11 Na geallaidhean a thug Dia do Dhaibhidh.*

Laoidh nan ceum.

CUIMINICH, a Thighearn' air Daibhidh, agus air 'uile àmhghar:

2 Mar a mhinnaich e do'n Tighearn, a bhòidich e do *Dhia* treun Iacoib, *ag ràdh*,

3 Gu deimhin cha téid mi do phàillinn mo thighe, cha téid mi suas air mo leabaibh;

4 Cha toir mi codal do m' shùilibh, no suain do m' rosgaibh,

5 Gus am faigh mi àit do'n Tighearn, ionad-còmhnuidh do *Dhia* treun Iacoib.

6 Feuch, chuala sinn uime aig Ephratah; fhuaire sinn e ann am machairibh na coille.

7 Théid sinn a steach d'a phàillinnaibh; sleuchdaidh sinn aig stòl a choisie.

8 Eirich, a Thighearna, gu d' thàmh, thu féin agus àire do neirt.

9 Sgeadaichear do shagartan le h-ionracas, agus deanadh do naoimh luathghaire.

10 Air sgàth Dhaibhidh d'òglaich, na cuir air a h-ais aghaidh d'Aoin ungta.

11 Mhionnaich an Tighearn do Dhaibhidh ann 'am firinn; cha phill e uath: De thoradh do chuirp suidhichidh mi air do righ-chathair.

12 Ma choimhideas do chlann mo choimh-cheangal agus mo theasteas, a theagaisgeas mi dhoibh, suidhidh mar an ceudna an clann-san air do righ-chathair gu bràth.

13 Oir ròghnaich an Tighearn Sion; mhianuich e i mar ionad-còmhnuidh dha féin, *ag ràdh*,

14 *Is i* so mo shuaimhnas gu sìorruidh:

an so gabhaidh mi còmhnuidh, oir mhianuich mi i.

15 Beannaichidh mi gu mòr a lòn; sàsuichidh mi a bochdan le h-aran.

16 Eudaichidh mi a sagartan le slàinte; agus nì a naoimh àrd luathghaire.

17 An sin bheir mi air adhare Dhaibhidh fàs: dh'òrduich mi lòchran do m' Aoin ungta.

18 Eudaichidh mi a naimhdean le nàire: ach air féin thig a choron fo bhlàth.

SALM CXXXIII.

1 *Tha Daibhidh a' nochdadh cia taitneach an nì do bhràithribh còmhnuidh a ghabhail cuid-eachd ann an aonachd.*

Laoidh nan ceum, le Daibhidh.

FEUCH, cia maith agus cia taitneach an nì do bhràithribh còmhnuidh a ghabhail cuid-eachd ann an aonachd!

2 Mar dheadh oladh-ungaidh air a' cheann, a ruith sìos air an fheusaig, feusaig Aaroin, a ruith sìos air iomall a thrusgain;

3 Mar dhealt air Hermon, a thuiteas air sléibhtibh Shioin: oir an sin dh'àithn an Tighearn am beannachadh, beatha gu sìorruidh.

SALM CXXXIV.

Earail gu Dia a bheannachadh.

Laoidh nan ceum.

FEUCH, beannaichibh an Tighearn, sibhse òglacha an Tighearna gu léir. a sheasas ann an tigh an Tighearna gach oidheche.

2 Togai bhur làmhan anns an ionad naomh, agus beannaichibh an Tighearn.

3 Beannaicheadh an Tighearn thu á Sion, a rinn nàmh agus talamh.

SALM CXXXV.

1 *Earail gu Dia a mholadh air son a mhaitheis, 6 a chumhachd, 8 agus a bhreitheanas an aghaidh naimhdean a shluagh. 15 Diomhanas iodhol nan cinneach.*

MOLAIBH an Tighearn; molaibh ainm an Tighearna, molaibhse, òglacha an Tighearna.

2 Sibhse a sheasas ann an tigh an Tighearna, ann an cùirtibh tighe ar Dé,

3 Molaibh an Tighearn, oir *tha'n* Tighearn maith: seinnibh cliu d'a ainm, oir *tha* e taitneach.

4 Oir ròghnaich an Tighearn Iacob dha féin, Israel mar 'iomhas sònruichte.

5 Oir tha fios agam gur mòr an Tighearn, agus *gu bheil* ar Tighearn os ceann nan uile dhàthanan.

6 Ge b'e nì 'bu toil leis an Tighearn rinn e air nàmh agus air talamh, anns na cuantail, agus anns na doimhneachdaibh uile.

7 *Is* esan a bheir air a' cheò dol suas o chrìch na talmhainn; a nì dealanach le h-uise; a bheir a mach a' ghaoth á 'ionad-aibh-tasgaidh;

8 A bhuail ceud-ghin na h-Eiphit, araon duine agus ainmhidh;

9 A chuir comharan agus iongantasan ann

ad mheadhon, O Eiplit, air Pharaoh agus air òglach gu léir;

10 A bhuail cinnich mhòra, agus a mharbh rìghrean mòra,

11 Sìhon rìgh nan Amorach, agus Og rìgh Bhàsain, agus uile rioghachdan Chanaain,

12 Agus a thug am fearann mar oighreachd, mar oighreachd do Israel a shluagfi.

13 *Mairidh* d'ainm-sa, a Thighearna, gu bràth; do chuimhne, a Thighearna, o linn gu linn.

14 Oir bheir an Tighearn breth air a shluagh, agus gabhaidh e aithreachas a thaobh a sheirbhliseach.

15 *Is* airgid agus òr iodholan nan cinn-each, obair lànhan dhaoine.

16 Tha beòil aca, ach cha labhair iad; suilean aca, ach cha-n fhaic iad.

17 Tha cluasan aca, ach cha chluinn iad: ni mò a tha anail 'n am beul.

18 Cosmhuil riu féin tha iadsan a ni iad, gach neach a dh'earbas asda.

19 A thigh Israeil, beannaichibh an Tighearn; a thigh Aaroin, beannaichibh an Tighearn.

20 A thigh Lebhi, beannaichibh an Tighearn; sibhse air am bheil eagal an Tighearna, beannaichibh an Tighearn.

21 Beannaichte gu'n robh an Tighearn á Sion, aig am bheil a chòmhnuidh ann an Ierusalem. Molaibhse an Tighearn.

SALM CXXXVI.

1 *Earail gu buidheachas a thoirt do Dhia air son a thròcairean, agus nan iongantasan mòra a rinn e air son sluagh Israeil.*

O THUGAIBH buidheachas do'n Tighearn, oir *tha* e maith; oir gu bràth *mairidh* a thròcair.

2 Thugaibh buidheachas do Dhia nan dia; oir gu bràth *mairidh* a thròcair.

3 Thugaibh buidheachas do Thighearn nan tighearn; oir gu bràth *mairidh* a thròcair.

4 Dhà-san 'n a aonar a ni iongantasan mòra; oir gu bràth *mairidh* a thròcair.

5 Dhà-san a rinn na nèamhan le gliocas; oir gu bràth *mairidh* a thròcair.

6 Dhà-san a shìn an talamh os ceann nan uisge; oir gu bràth *mairidh* a thròcair.

7 Dhà-san a rinn soluis mhòra; oir gu bràth *mairidh* a thròcair.

8 A' ghrian a riaghladh an là; oir gu bràth *mairidh* a thròcair.

9 A' ghealach agus na reultan a riaghladh na h-oidheche; oir gu bràth *mairidh* a thròcair.

10 Dhà-san a bhuail na h-Eiphitich 'n an ceudghinibh; oir gu bràth *mairidh* a thròcair:

11 Agus a thug a mach Israel as am meadhon; oir gu bràth *mairidh* a thròcair:

12 Le làmh thréin, agus le gairdean sìnte mach; oir gu bràth *mairidh* a thròcair.

13 Dhà-san a roinn a' mhuir ruadh 'n a roinnibh; oir gu bràth *mairidh* a thròcair.

14 Agus a thug air Israel dol troimh a meadhon; oir gu bràth *mairidh* a thròcair:

15 Ach a thilg Pharaoh agus 'armailt bun os ceann anns a' mhuir ruadh; oir gu bràth *mairidh* a thròcair.

16 Dhà-san a threòraich a shluagh troimh an fhàsach; oir gu bràth *mairidh* a thròcair.

17 Dhà-san a bhuail rìghrean mòra; oir gu bràth *mairidh* a thròcair.

18 Agus a mharbh rìghrean treuna; oir gu bràth *mairidh* a thròcair:

19 Sìhon rìgh nan Amorach; oir gu bràth *mairidh* a thròcair:

20 Agus Og rìgh Bhàsain; oir gu bràth *mairidh* a thròcair:

21 Agus a thug am fearann mar oighreachd; oir gu bràth *mairidh* a thròcair:

22 Mar oighreachd do Israel òglach féin; oir gu bràth *mairidh* a thròcair:

23 A chuimhnich oirnn 'n ar staid ìosal; oir gu bràth *mairidh* a thròcair:

24 Agus a shaor sinn o ar naimhdibh; oir gu bràth *mairidh* a thròcair.

25 A tha 'tabhairt bidh do gach feoil; oir gu bràth *mairidh* a thròcair.

26 O thugaibh buidheachas do Dhia nan nèamh; oir gu bràth *mairidh* a thròcair.

SALM CXXXVII.

1 *'N am braghdeanas chuimhnich clann Israeil le bròn air an tìr féin. 7 Chronaicheadh clann Edoim agus Bhabiloìn.*

LAIMH ri aimhnichibh Bhabiloìn, an sin shuidh, agus ghluil sinn, an uair a chuimhnich sinn air Sion.

2 Air na crannaibh seilich 'n a meadhon chroch sinn ar clàrsaichean.

3 Oir an sin dh'iarr iadsan a thug 'am braghdeanas sinn, òran oirnn; agus dh'iarr iadsan a rinn fògaraich dhinn aoibhneas oirnn, *ag ràdh*, Seinnibh dhuinn *an* de laoidhibh Shìoin.

4 Cionnus a sheinneas sinn de laoidh an Tighearn ann an tìr choimhich?

5 Ma dhù-chuimhnicheas mise thusa, a Ierusalem, dì-chuimhnichheadh mo làmh dheas a seòltachd.

6 Leanadh mo theangadh ri m' ghial, mur cuimhnich mi ort, mur fearr leam Ierusalem na m'aoibhneas a's àirde.

7 Cuimhnich, a Thighearna, clann Edoim, ann an là Ierusalem, a thubhairt, Leagaibh, leagaibh sìos i gu ruig a bunait.

8 A nighean Bhabiloìn, a lom-sgrìosar, *is* sona *esan* a dhìolas dhuitse, a réir mar a rinn thu oirne.

9 *Is* sona *esan* a ghlacas agus a phronnas do chlam bheag ris na clachaibh.

SALM CXXXVIII.

1 *Mhol Daibhidh an Tighearn air son 'fhèrrinn agus a chaoimhneis-gràidh. 4 Roimh-innis e gu'n tugadh rìghrean na talmhainn molaibh do Dhia.*

Salm le Daibhidh.

MOLAIDH mi thu, a Thighearna, le m'uile chridhe; an làthair nan dia seinnidh mi cliù dhuit.

2 Sleuchdaidh mi aig do theampull naomh, agus molaidh mi d'ainm air son do chaoimhnais-gràidh, agus air son d'fhìrinn; oir dh'ardaich thu d'fhocal os ceann d'ainme uile.

3 'S an là air an do ghlaodh mi *riut* fhreagair thu mi; neartaich thu mi le treòir a'm' anam.

4 Molaidh uile rìghrean na talmhainn thu, a Thighearna, 'n uair a chluinneas iad briathran do bheoil:

5 Agus seinnidh iad ann an slighibh an Tighearna; oir *is* mòr glòir an Tighearna.

6 Ge h-àrd an Tighearna, gidheadh seallaidh e air an iriosal; ach aithnichidh e an t-uabhbheach fad as.

7 Ged ghluais mi ann am meadhon àmhghair, ath-bheothaichidh tu mi; an aghaidh corruich mo naimhdean sinidh tu do làmh, agus saoraidh do dheas làmh mi.

8 Coinhleanaidh an Tighearna air mo shon; *mairidh* do thròcair, a Thighearna, gu bràth: na tréig oibre do làmh.

SALM CXXXIX.

1 *Dh'aidich Daibhidh gu'n robh làthaireachd Dhé mu'n cuairt da a ghnàth.* 17 *Mhol e an Tighearna air son a thròcairean;* 23 *agus ghluaidh e 'bhi air a thrèorachadh 's an t-slighe shìorruidh.*

Do'n àrd fhear-ciùil. Salm le Daibhidh.

A THIGHEARNA, rannsaich thu mi, agus is aithne dhuit mi.

2 Is aithne dhuit mo shuidhe agus m'éirigh; tuigidh tu mo smuaintean fùl as.

3 Chuairtich thu mo cheum agus mo luidhe sìos, agus air me shlighibh gu léir is fiosrach thu.

4 Oir feuch, *cha-n'eil* focal air mo theangaidh, a Thighearna, nach aithne dhuit gu léir.

5 Am dhéigh, agus romham, chuairtich thu mi, agus chuir thu do làmh orm.

6 *Is* ro iongantach an t-eòlas so air mo shon: tha c' àrd; cha ruig mi air.

7 C'àit an tèid mi o d' spiorad? agus c'àit an tèid mi o d' ghnèis?

8 Ma théid mi suas do nèamh, *tha* thu 'n sin; ma ni mi mo leabadh ann an ifrinn, feuch, *tha* thu 'n sin.

9 Ma ghabhas mi sgiathan na maidne, agus gu'n còmhnuich mi ann an ionadaibh iomallach na fairge;

10 Eadhon an sin stiùraidh do làmh mi, agus cumaidh do dheas làmh mi.

11 Ma their mi, Gu deimhin folaichidh an dorchadas mi, bithidh an oidheche féin mar sholas mu'n cuairt orm.

12 Cha-n fholaich eadhon an dorchadas waitse; ach dealraichidh an oidheche mar an là: *is* ionann an dorchadas agus an solus duitse.

13 Oir ghabh thu sealbh air m' àirneis: dh'fholuich thu mi ann am broinn mo mhàthar.

14 Molaidh mi thu, oir is uamhasach, iongantach a dhealbhaidh mi; is iongantach d'oibre-sa, agus *is* ro fhiosrach m'anam air sin.

15 Cha d'fholaicheadh mo chorp uait an uair a rinneadh mi ann an diomhaireachd, a dhealbhaidh mi gu h'iongantach ann an ionadaibh iochdarach na talmhainn.

16 Chunnaic do shùilean mo cheud-fhàs anabuidh, agus ann ad leabhar sgrìobhadh sìos mo *bhuill* uile, a dhealbhaidh ri h-ùine, gun aon diubh *fathast* ann.

17 O cia luachmhor leamsa do smuaintean-sa, a Dhé! cia mòr an àireamh!

18 Nan àirmhinn iad; is lionmhoire iad na 'g' ghaimeamh: 'n uair a dhùisgeas mi, tha mi a ghnàth maille riutsa.

19 Gu cinnteach, a Dhé, marbhaidh tusa an t-aingidh: uime sin, a dhaoine fuilcachdach, imichibh uam:

20 Oir labhair iad a'd' aghaidh gu h-aingidh; thug do naimhdean *d'ainm* an diomhanas.

21 Nach 'eil mi 'tabhairt fuath, a Thighearna, dhoibhsan a tha 'tabhairt fuath dhuitse? agus nach 'eil mi 'gabhail gràin dhiubhsan a tha 'g' éirigh suas a'd' aghaidh?

22 Le fuath iomlan tha mi 'tabhairt fuath dhoibh; mar naimhdean measam iad.

23 Rannsaich mi, a Dhé, agus aithnich mo chridhe: dearbh mi, agus tuig mo smuaintean.

24 Agus amhaire am *bheil* slighe olc air bith annam, agus treòraich mi ams an t-slighe shìorruidh.

SALM CXL.

1 *Ghluaidh Daibhidh gu'n teasairgeadh Dia e o ais-innleachd a naimhdean.* 12 *Tha dòchas aig gu'n cum an Tighearna ceartas ris na bochdaibh.*

Do'n àrd fhear-ciùil. Salm le Daibhidh.

T EASAIRG mi, a Thighearna, o'n droch dhuine; o fhear na foireigne gléidh mi;

2 A tha 'smuaineachadh ainmheis 'n an cridhe; cruinnichidh iad gach là *chum* cogaidh.

3 Gheuraich iad an teangadh, mar *theangaidh* nathrach; *tha* nimh na nathrach fo'm bìlilbh. Selah.

4 Gléidh mi, a Thighearna, o làmhnan nan aingidh; o fhear an fhoirneirt dìon mi, le'm b'àill mo cheuman a thilgeadh bun os ceann.

5 Dh'fholuich na h-uabhrich rìbe dhomh, agus cuird; sgaoil iad lion ri taobh na slighe; leag iad cip-thuisidh romham. Selah.

6 Thubhairt mi ris an Tighearna, *Is* tu mo Dhia: éisd, a Thighearna, ri guth m'ath-chuingean.

7 A Iehobhah, a Thighearna, neart mo shlàinte, dh'fholuich thu mo cheann ann an là catha.

8 Na deònuich, a Thighearna, miannan an aingidh; na soirbhich le 'ais-innleachd, air eagal gu'n àrdaich siad iad féin. Ailah.

SALM CXLI—CXLIH.

9 A thaobh nan daoine a chuairtich mi, còmhdaicheadh aimhleas am bilean féin iad. 10 Tuitheadh éibhlean teine orra: 's an teine tilgear iad; ann an slochdaibh domhain, chum nach éirich iad a ris.

11 Na daingnìchear fear-labhairt uile air an talamh: sealgaidh olc air fear an fhoirneirt chum a sgrios.

12 Tha fhios agam gu'n eum an Tighearn ceartas ris an duine thrugh, còir ris na bochdaibh.

13 Gu dearbh bheir na fireanan moladh do d'ainm: gabhaidh na h-ionracain còmhuidh a'd fhianuis.

SALM CXLI.

1 *Ghluidh Daibhidh gu'n éisdeadh Dia r'a ghuth; 3 gu'n cuireadh e faire air a bheul. 9 agus gu'n còmhdaicheadh se e o ribe luchd-deanamh na h-euceirt.*

Salm le Daibhidh.

A THIGHEARNA, tha mi ag éigheach riut; grcas a m' ionnsuidh; éisd ri m' ghuth, 'n uair a dh'éigheas mi riut.

2 Cuirear m'urnuigh a'd làthair, mar thùis; togail suas mo làmh, mar an iobairt fheasgair.

3 Cuir, a Thighearna, faire air mo bheul; gléidh dorus mo bhilean.

4 Na aom mo chridhe gu ni olc air bith, gu beartan aingidh a chur 'an gnòmh le luchd-deanamh na h-euceirt: agus na h-itheam féin d'an nithibh milse.

5 Buailleadh am firean mi, is caoimhneas e; agus cronaicheadh e mi, is oladh luachmhor e, nach bris mo cheann: oir fathast *bithidh* m'urnuigh mar an ceudna air an son 'n an àmhghairibh.

6 'N uair a thilgear sios am breitheamhnan ann an ionadaibh clachach, éisdidh iad ri m' bhriathraibh, oir tha iad milis.

7 Mar a ghearras agus a sgoilteas neach *fodh* air an làr, sgaoileadh ar cnàmhan aig beul na h-uaigne.

8 Ach riut-sa, a Ichobhah, a Thighearna, tha mo shùilean: annadsa chuir mi mo dhòigh; na tréig m'anam.

9 Coimhid mi o'n ribe a leag iad dhomh, agus o chip-thuisidh luchd-deanamh na h-euceirt.

10 Tuitheadh na h-aingidh 'n an lìontaibh féin, ann feadh a bhitheas mise a' gabhail thairis.

SALM CXLII.

1 'N a thrioblaid ghlaodh Daibhidh ris an Tighearn, 5 agus thaom e a ghearan 'n a làthair. Maschil le Daibhidh. Urnuigh 'n uair a bha e anns an uaimh.

LE M' ghuth ghlaodh mi ris an Tighearn; le m' ghuth dh'asluich mi air an Tighearn.

2 Thaom mi mo ghearan 'n a làthair; chuir mi 'n céill mo theinn 'n a fhianuis.

3 'N uair a chlaoidheadh mo spiorad annam,

b'aithne dhuitse mo cheum: 's an t-slighe air an d'imich mi, dh'fholuich iad ribe dhomh.

4 Dh'amhairc mi air mo làimh dheis, agus feuch, cha robh fear ann d'am b'aithne mi; thréig cabhair mi; cha robh neach ann a dh'fheòraicheadh air son m'anama.

5 Ghlaodh mi riut, a Thighearna; thubhairt mi, *Is* tu mo thearmunn, mo chuibhrionn ann an tìr nam beò.

6 Thoir an aire do m' ghlaodh, oir dh'islich-cadh mi gu mòr; saor mi uatha-san a tha'n tòir orm, oir is treisc iad na mi.

7 Thoir m'anam á prìosan, chum gu'm mol mi d'ainm: cuairtichidh na fireanan mi; oir buinidh tu gu fial rium.

SALM CXLIH.

1 *Ghluidh Daibhidh air an Tighearn gu'm bitheadh e bàigheil ris ann am breitheanas. 3 Tha e ri caoidh gu'n d' rinn a naimhdean gear-leannhuinn air 'anam. 5 Dh'asluich e air Dia gu'n nochdadh e dha a chaoimhneas-gràidh, 7 agus gu'n teasairgeadh se e o làimh a naimhdean.*

Salm le Daibhidh.

CLUINN m'urnuigh, a Thighearna; éisd ri m'athchuingibh ann ad fhìrinn, freagair mi ann ad cheartas.

2 Agus na tig ann am breitheanas gu d'òglach; oir ann ad fhianuis cha-n fhìreanaichear duine beò air bith.

3 Oir gheur-lean an nàmhaid m'anam; blhuail e mo bhicatha sìos gu làr; thug e orm còmhnuidh 'ghabhail ann an dorchadas, mar iadsan a bha fada marbh.

4 Uime sin chlaoidheadh mo spiorad annam; tha mo chridhe briste an taobh a stigh dhìom.

5 Is cuimhne leam na làithean o chian; tha do ghniomharan gu léir a' teachd ain' aire; tha mi a' beachd-snuaineachadh air obair do làmh.

6 Shìn mi mo làmhnan riutsa: *tha* m'anam, mar thalamh tartmhor, 'an geall ort. Selah.

7 Eisd rium gu grad, a Thighearna; chaidh as do m' spiorad: na folaich do ghnùis orm, air eagal gu'm bi mi cosmhuil riu-san a théid sìos do'n t-slochd.

8 Thoir orm do chaoimhneas-gràidh a chluinntinn anns a' mhaduinn, oir annadsa chuir mi mo dhòigh: thoir orm gu'n aithnich mi an t-slighe anns an còir dhomh imeachd, oir riut-sa tha mi 'togail suas m'anama.

9 Teasairg mi o m' naimhidh, a Thighearna: a d'ionnsuidh-sa teichidh mi.

10 Teagaisg dhomh do thoil a dheanamh, oir *is* tu mo Dhia: treòraicheadh do spiorad maith mi gu tìr an ionracais.

11 Air sgàth d'ainme, a Thighearna, beothaich thusa mi: trid d' fhìrcantachd saor m'anam o theinn.

12 Agus trid do thròcair gearr as mo naimhdean, agus sgrios iadsan nìle a tha 'claidh m'anama; oir *is* mi d'òglach.

SALM CXLIV.

1 *Bheannaich Daibhidh an Tighearn do bhrìgh gu'n robh e 'na fhear-saoraidh dha. 5 Gluiddh e gu'n teasairgeadh Dia e o làimh cloinne choigreach. 9 Gheall e Dia a mholadh.*

Salm le Daibhidh.

BEANNAICHTE gu'n robh an Tigh-earn mo charraig, a theagaisgeas mo làmh an gu cath, mo mheoir gu comhrag:

2 Mo mhaith, agus mo dhaingneach; mo thùr àrd, agus m'fhear-saoraidh-sa; mo sgiath, agus an ti as an earb mi; a cheannsaicheas mo shluagh fodham.

3 A Thighearna, ciod e an duine, gu'm bheil thu a' gabhail eòlais air? mac an duine, gu'm bheil meas agad air?

4 Is cosmhuil an duine ri dìomhanas: *tha* a làithean mar sgàile a ghabhas seachad.

5 A Thighearna, lùb do fhlaithheasan, agus thig a nuas: bean ris na beanntaibh, agus bithidh deatach dhiubh.

6 Cuir a mach dealanach, agus sgaoil iad; tilg do shaighdean, agus claoidh iad.

7 Sin uait do làmh o'n àirde, saor mi, agus teasairg mi o uisgeachaibh mòra, á làimh cloinne choigreach;

8 Aig am bheil am beul a' labhairt dìomhanais, agus *is* i'n deas làmh deas làmh na bréige.

9 A Dhé, seinnidh mi dhuit òran nuadh; air an t-saltair, *air* inneal-ciuil nan deich teud, seinnidh mi moladh dhuit.

10 *Is* esan a bheir buaidh do rìghribh, a shaoras Daibhidh, 'òglach féin, o'n chlàidheamh mhillteach.

11 Saor mi, agus teasairg mi o làimh cloinne choigreach, aig am bheil am beul a' labhairt dìomhanais, agus *is* i'n deas làmh deas làmh na bréige:

12 Chum gu'm *bi* ar mic mar ùr chroinn a' fàs suas 'n an òige, ar nigheanan mar chlachaibh oisinn, snàidhte a *raibh* coslais lùchairt:

13 Chum gu'm *bi* ar saibhlean làn, a' toirt uatha de gach gnè thoraidh, ar caoraich a' breth 'n am mìltean, seadh deich mìltean 'n ar macharaibh;

14 Gu'm *bi* ar daimh làidir gu h-obair; nach *bi* briseadh steach ann, no dol a mach; agus nach *bi* gearan 'n ar sràidibh.

15 *Is* sona an sluagh, a tha 's an staid so: *is* sona an sluagh, d'an Dia an Tighearn.

SALM CXLV.

1 *Chuir Daibhidh 'an céill cumhachd iongantach an Tighearna, 7 a mhaithas, 18 a cheartas agus a naomhachd.*

Laoidh-mholaidh le Daibhidh.

ARDAICHIDH mi thu, mo Dhia, mo Rìgh; agus beannaichidh mi d'ainm gu saoghal nan saoghal.

2 Gach là beannaichidh mi thu, agus molaidh mi d'ainm gu saoghal nan saoghal.

3 *Is* mòr an Tighearn, agus *is* ro airidh e air moladh; agus cha-n fheudar a mhòrachd a rainsachadh.

4 Molaidh àl do àl do ghnìomharan, agus cuiridh iad 'an céill d'oibre cumhachdach.

5 Air urram glòire do mhòrachd agus air d'oibribh iongantach labhraidh mi.

6 Agus labhraidh *daoine* air neart do bheartan uamhasach; agus aithrisidh mise do mhòrachd.

7 Cuiridh iad 'an céill gu pailt cuimhne do mhaithes mhòir, agus àrd-mholaidh iad d'fhuireantachd.

8 *Is* gràsmhor agus truacanta an Tighearn; mall chum feirge, agus pailt ann an tròcair.

9 *Is* maith an Tighearn do na h-uile, agus *tha* a chaomh thròcairean os ceann oibre uile.

10 Molaidh d'oibre gu léir thu, a Thighearna; agus beannaichidh do naoimh thu.

11 Air glòir do rìoghachd labhraidh iad, agus cuiridh iad 'an céill do chumhachd:

12 Chum a bheartan iongantach a dheanamh aithnichte do chloinn nan daoine, agus glòir mòralachd a rìoghachd.

13 *Is* rìoghachd shiorruidh do rìoghachd-sa; agus *mairidh* d'uachdaranachd air feadh nan uile ghinealach.

14 [Tha an Tighearn firinneach 'n a uile bhriathraibh, agus naomh 'n a uile ghnìomh-araibh.]

15 Cumaidh an Tighearn suas iadsan uile a tha 'tuiteam, agus togaidh e 'n àird iadsan uile a tha air cromadh sìos.

16 Tha sùilean nan uile a' feitheamh ort, agus bheir thu dhoibh am biadh 'n a thràth.

17 Tha thu a' fosgladh do làimh, agus a' sàsachadh nìanan gach ni beò.

18 *Tha'n* Tighearn ceart 'n a uile shlighibh, agus naomh 'n a uile ghnìomharaibh.

19 *Is* dlùth an Tighearn dhoibhsan uile a ghairmeas air, dhoibhsan uile a ghairmeas air ann am firinn.

20 Coimhlionaidh e miann na dream d'an eagal e; agus éisdidh e r'an glaoch, agus saoraidh e iad.

21 Gleidhidh an Tighearn iadsan uile a ghràdhaicheas e; ach sgriosaidh e na h-aingidh gu léir.

22 Air cliu an Tighearna labhraidh mo bheul: agus beannaichidh gach feoil 'ainm naomh-san gu saoghal nan saoghal.

SALM CXLVI.

1 *Gheall Daibhidh gu'm moladh e Dia ré a bheatha. 5 Is sona an ti a dh'earbas as an Tighearn.*

MOLAIBHSE an Tighearn: mol an Tighearn, O m'anam.

2 Molaidh mi an Tighearn' an cian is beò mi; seinnidh mi cliu do n' Dhia, am feadh a bhitheas bith agam.

3 Na h-carbaibh á h-uachdaranaiibh, á mac duine sam bith, anns nach 'eil furtachd.

4 Thèid 'anail as, pillidh e g'a ùir; 's an là sin féin thèid as d'a smuaintibh.

5 *Is* sona an ti aig am bheil Dia Iacoib

mar a chabhair, aig *am bheil* a dhòchas anns an Tighearn a Dhia,

6 A riun nèamh agus talamh, a' mhuir agus gach ni a *tha* anna; a ghlèidheas firinn gu bràth;

7 A chumas còir riu-san a *tha* fo fhoirneart; a bheir biadh do na h-òraich. Cuiridh an Tighearn na prìosanaich fo sgaoil.

8 Fosgailidh an Tighearn *sùilean* uan dall; togaidh an Tighearn suas iadsan a *tha* air an eromadh sìos: is iomhuinn leis an Tighearn na fireanan.

9 Gleidhidh an Tighearn na coigriche; togaidh e suas an dilleachdan agus a' bhantrach: ach tilgidh e slighe nan aingidh bun os ceann.

10 Rìoghachidh an Tighearn gu bràth, do Dhia-sa, a Shìon, o linn gu linn. Molaibhse an Tighearn.

SALM CXLVII.

1 *Dh'àithn am fàidh buidheachas a thabhairt do'n Tighearn air son a mhaithis d'a shluaigh; 4 air son a chumhachd, 6 agus a thròcair. 15 Tha nachdaranachd aig Dia os ceann gach ni a chruthaich e.*

MOLAIBHSE an Tighearn; oir *is* maith an ni a bhi 'tabhairt cliu d'ar Dia, oir *tha e* taitneach, agus *tha* moladh ciatach.

2 Togaidh an Tighearn suas Ierusalem; cruinnichidh e ri 'ehéile dìobaraich Israeil.

3 Leighisidh e iadsan aig am bheil eridhe briste, agus ceanglaidh e suas an leònta.

4 Innsidh e àireamh nan rionnag; bheir e ainmean orra uile.

5 *Is* mòr ar Tighearn, agus *is* mòr a chumhachd: *tha* a thuigse gun tomhas.

6 Togaidh an Tighearn suas na daoine ciùine; tilgidh e sìos na h-aingidh gu lár.

7 Seinnibh do'n Tighearn le buidheachas; seinnibh moladh d'ar Dia-ne air a' chlàrsaich:

8 A dh'fhòlaicheas nèamh le neulaibh, a dh'ulluicheas uisge do'n talamh, a bheir air fear fàs air na sleibhtibh.

9 Bheir esan a bhiadh do'n ainmhidh, do na fithich òga a ghòireas.

10 Ann an neart an cìch cha bhi a dhùil; ann an cosaibh fir cha ghabh e tlachd.

11 Gabhaidh an Tighearn tlachd anna-san d'an eagal e, a chuireas an dòigh 'n a thròcair.

12 Mol an Tighearn, a Ierusalem; mol do Dhia, a Shìon:

13 Oir neartaich e croinn do gheatachan; bheannaich e do chlànn an taobh a stigh dhìot.

14 Ni e sìth a'd' chrìochaibh; sàsuichidh e thu le snìor a' chruithneachd.

15 Cuiridh e mach 'àithne *air* thalamh; gu luath ruithidh 'fhocal.

16 Bheir e sneachd mar olainn; sgaoilidh e an liath-reodha mar luathre.

17 Tilgidh e mach 'eigh mar ghreamann-

an; eò a dh'fheudas seasamh fa chomhail 'fhuaichd?

18 Cuiridh e mach 'fhocal, agus leaghaidh e iad; séididh a ghaoth, sruthaidh na h-uisgeachan.

19 Foillsichidh e 'fhocal do Iacob, a reachdan agus a bhreitheanais do Israeil.

20 Cha do bhuin e mar so ri cinneach sam bith; cha mhò a b'aithne dhoibh a bhreitheanais. Molaibhse an Tighearn.

SALM CXLVIII.

1 *Dh'earail Daibhidh air na h-ainglibh, agus air gach creutair cruthaichte, Dia a mholadh.*

MOLAIBHSE an Tighearn. Molaibh an Tighearn o na nèamhan; molaibh e anns na h-àrdaibh.

2 Molaibh e, 'aingle uile; molaibh e, a shlòigh uile.

3 Molaibh e, a ghrian agus a ghealach; molaibh e, uile reulta soluis.

4 Molaibh e, a nèamha nan nèamh, agus uisgeacha *tha* os ceann nan nèamh.

5 Moladh iad ainm an Tighearna; oir dh'àithn e, agus chruthaich eadhl iad.

6 Agus dhaingnich e iad gu saoghal nan saoghal; rinn e àithne, nach téid thairis.

7 Molaibh an Tighearn o'n talamh, a dhràgona, agus a dhoimhneachdan uile.

8 Teine agus clach-shneachda; sneachd agus eò; gaoth dhoinionnach a' coimhlionadh 'fhocail;

9 Na beanntan agus na cnuic uile; craobhan-meas agus na h-uile sheudair;

10 *Fiadh*-bheathaichean, agus gach uile ainmhidh; nithean snàigeach, agus eunlaith iteagach;

11 Rìghrean na talmhainn agus na h-uile shlòigh; uachdaranan agus uile bhrèith-eamhnan na talmhainn;

12 Araon òig-fhir agus òighean; seann daoine agus clann;

13 Moladh iad sin ainm an Tighearna: oir *tha* 'ainm-san a mhàin urramach, *tha* a ghlòir os ceann na talmhainn agus nan nèamh.

14 Agus dh'àrdaich e adhare a shluaigh, moladh a naomh uile, *eadhon* chloinn Israeil, sluaigh a tha'm fagus da. Molaibhse an Tighearn.

SALM CXLIX.

1 *Is* airidh *Dia* air cliu air son a mhaithis d'a shluaigh, 5 agus air son a dhìoghaltais air na cinnich.

MOLAIBHSE an Tighearn. Seinnibh do'n Tighearn òran nuadh, *seinnibh* a mholadh ann an coimhlional nan naomh.

2 Bitheadh Israeil aobhneach 'n a Chruith-fhear: deanadh clann Shìoin gairdeachas 'n an Rìgh.

3 Moladh iad 'ainm anns an dannsadh: le tiompan agus le clàrsaich seinneadh iad dha.

4 Oir gabhaidh an Tighearn tlachd 'n a shluaigh: ni e na daoine seimhe sgianhach le slàinte.

5 Deanadh na naoimh gairdeachas ann an glòir: deanadh iad iolach air an leapaichibh.

6 *Bitheadh* àrd chliu Dhé 'n am beul, agus claidheamh dà fhaobhair 'n an laimh,

7 A chum dìoghaltas a dheanamh air na cinnich, smachdachadh goirt air na slòigh;

8 A chum an rìghrean a cheangal le slabhraidhibh, agus an àrd uaislean le geimhlibh iarunn;

9 A chum am breitheanas a chur 'an gnìomh orra, a tha sgrìobhta: *tha'n t-urram* so aig a naoimh uile. Molaibhse an Tighearn.

Earail gu Dia a mholadh le innealaibh ciùil.
MOLAIBHSE an Tighearn. Molaibh Dia 'n a ionad naomh; molaibh e ann an speuraibh a chumhachd.

2 Molaibh e air son a ghnìomharan treuna; molaibh e a réir àirde a mhòrachd.

3 Molaibh e le fuaim trompaid; molaibh e le saltair, agus le clàrsachd.

4 Molaibh e le tiompan agus dannsadh; molaibh e le innealaibh-ciùil nan teud, agus le organ.

5 Molaibh e le ciombalaibh fonnmhor; molaibh e le ciombalaibh àrd-fhuaimneach.

6 Moladh gach ni anns am bheil anail an Tighearn. Molaibhse an Tighearn.

GNATH-FHOCAIL.

CAIB. I.

1 *Feum agus luach a ghliocais.* 7 *Is e eagal an Tighearna tùs an eòlais.* 20 *Rinn gliocas gearan an aghaidh luchd-fochaid,* 24 *agus bhagair i iad le léir-sgrìos.*

GNATH-FHOCAIL Sholaimh, mhic Dhaibhidh, rìgh Israeil;

2 A dh'aithneachadh gliocais agus teagaisg, a thuigsinn bhriathar na-tuigse;

3 A ghabhail teagaisg a' ghliocais, a' cheartais, agus a' bhreitheanas, agus na còrach;

4 A thoirt géire dhoibhsan a tha baoghaltas, eòlais agus céill do'n òganach.

5 Eisdidh duine glic, agus meudaichidh e fòghlum; agus seallbhaidhidh duine tuigs-eachd comhairlean glice:

6 A' thuigsinn gnàth-fhocail, agus eadar-mhìneachaidh; fhocal nan daoine glice, agus am briathar dorchas.

7 *Is e eagal an Tighearna tùs an eòlais:* air gliocas agus teagasg ni amadain tàir.

8 A mhic, eisd thusa ri teagasg d'athar, agus na tréig lagh do mhàthar:

9 Oir 'n an coron maise *bithidh* iad do d' cheann, agus 'n an slabhruidhibh do d' mhùineal.

10 A mhic, ma thàlaidheas peacaich thu, na h-aontaich thusa leo.

11 Ma thear iad, Thig leinne, deanamaid feall-fheitheamh air fuil, luidheamaid am folach air son an neò-chiontaich gun aobhar:

12 Mar an uaigh sluigeamaid suas beò iad, agus iomlan mar iadsan a théid sìos do'n t-slochd.

13 Gheibh sinn gach uile mhaoin luachmhor, lìonaidh sinn ar tighean le creich:

14 Tilg a steach do chrannchur 'n ar measg; bithidh aon sporan againn uile.

15 A mhic, na h-imich thusa 's an t-slighe maille ri; cum air a h-ais do chos o'n ceum.

16 Oir tha'n cosan a' ruith a chum uile, agus a' deanamh deifir a dhòrtadh fola.

17 Gu deimhin is dìomhain an lìon a sgaoileadh ann an sealladh eoin air bith.

18 Agus tha iad ri feall-fholach an aghaidh am fola féin; tha iad a' luidhe ann an uaigheas an aghaidh an anama féin.

19 Mar sin *tha* slighean gach neach a tha saantach air buannachd: anam a sealbhadairan bheir i air falbh.

20 Tha gliocas ag éigheach a muigh, anns na sràidibh tha i a' cur a mach a gutha;

21 Ann an àitibh sònruichte a' chomh-chruinneachaidh tha i ag éigheach, ann am fosgladh nan geatachan: anns a' bhaile tha i a' cur a mach a briathran, *ag ràdh.*

22 Cia fhad, a dhaoine baoghailta, a ghràdh-eachas sibh baoghaltachd? agus a ghabhas luchd-fochaid tlachd 'n am fochaid, agus a bheir amadain fuath do eòlas?

23 Pillibh ri m' achmhasan: feuch, dòirtidh mi mach mo spiorad oirbh; ni mi aithnichte mo bhriathran duibh.

24 A clionn gu'n do ghairm mi, agus gu'n do dhiùlt sibhse, gu'n do shìn mi mach mo làmh, agus nach d'thug duine 's am bith an aire;

25 Ach gu'n do chuir sibh an neo-bhrìgh m'uile chomhairle, agus nach b'àill leibh a bheag de m' achmhasan;

26 Nì mise mar an ceudna gàire ri'r sgriosas; ni mi fanoid an uair a thig bhur n-eagal;

27 An uair a thig bhur n-eagal mar fhàsachadh, agus a thig bhur léir-sgrìos oirbh mar ioma-ghaoith; 'n uair a thig teinn agus cràdh-crìdlie oirbh.

28 An sin gairmidh iad ormsa, ach cha fhreagair mi; iarraidh iad mi gu mochl, ach cha-n fhaigh iad mi;

29 A clionn gu'n d'fhuathaich iad eòlas, agus nach do ròghnaich iad eagal an Tighearna.

30 Cha b'àill leo 'bheag de m' chomhairle, rinn iad tàir air m'achmhasan uile.

31 Uime sin ithidh iad de thoradh an slighe féin, agus lìonar iad le'n inneach-daibh féin.

32 Oir marbhaidh claonadh nan daoine baoghailta iad, agus sgrìosaidh soirbheachd an amadan iad féin.

33 Ach ge b'e dh'éisdeas riumsa, gabhaidh e còmhnuidh ann an tèaruinteachd, agus bithidh e saor o eagal uile.

CAIB. II.

1 *N' uair a théid gliocas a steach do'n chridhe teagaisgidh i eagal an Tighearna, 10 dìonaidh i o shlighe an droch dhuine, 20 agus trebraichidh i air slighe na beatha.*

A MHIC, ma ghabhas tu mo bhriathran-sa, agus ma dh'fholuicheas tu m'àith-eantan maille riut;

2 Air chor as gu'n aom thu do chluas ri gliocas, gu'n leag thu do chridhe air tuigse:

3 Seadh, ri eòlas ma dh'éigheas tu, ri tuigse ma thogas tu suas do ghuth;

4 Ma dh'iartras tu i mar airgid, agus ma rannsaicheas tu air a son, mar air son ionmhasan folaichte;

5 An sin tuigidh tu eagal an Tighearna, agus gheibh thu eòlas Dhé:

6 Oir bheir an Tighearna gliocas; as a bheil *thig* eòlas agus tuigse.

7 Tha e 'tasgadh suas gliocais fhallain air son nam firean: *is* sgiath e dhoibhsan a ghluaiseas gu h-ionraic.

8 Tha e a' coimhead ceuman a' bhreith-eanais, agus a' dìon slighe a naomh.

9 An sin tuigidh tu fireantachd, agus breitheanas, agus ceartas; *seadh*, gach uile dheadh shlighe.

10 An uair a théid gliocas a steach ann ad chridhe, agus a bhitheas eòlas taitneach do d' anam.

11 Ni ciall do dh'ion, coimhididh tuigse thu:

12 Gu d' shaoradh o shlighe an droch dhuine; o'n duine a labhras nithean fiara;

13 A dh'fhàgas ceuman an ionraicais, a dh'imeachd ann an slighibh an dorchadais;

14 Leis an aoibhlinn an t-olc a dheanamh, agus a tha 'gabhail tlachd ann an aingealtachd nan aingidh.

15 'G *am bheil* an slighean cam, agus iad a' claonadh 'n an ceumaidh:

16 Chum do shaoradh o'n mhnai choimhich, o'n bhana-choigrich a ni miodal le a briathraibh;

17 A thréigheas oide-fòghluim a h-òige, agus a dhì-chuimhniceas coimheangal a Dé:

18 Oir tha a tigh a' claonadh chum bàis, agus a ceuman chum nam marbh.

19 Cha phill duine 'sam bith a théid d'a h-ionnsuidh, agus a ris cha-n fhaigh e slighean na beatha.

20 Chum gu'n imich thu ann an slighe dhaoine maithe, agus gu'n gléidh thu ceuman nam firean.

21 Oir gabhaidh na h-ionracain còmhnuidh 's an tìr, agus fanaidh na daoine foirfe innte.

22 Ach gearrar na daoine aingidh bhàrr na talmhainn, agus spìonar luchd-eusaontais as.

CAIB. III.

1 *Chomhairlich Solamh do'n t-sluagh gu'n coimh-ideadh iad lagh an Tighearna, 5 gu'n earbadh iad d' mhaithreas, 7 gu'm bitheadh iad iriosal, 9 diadhaidh, 10 agus foighidneach. 20 Cumh-achd. 21 agus sochairan a' ghliocais. 33 Mallachadh nan aingidh.*

A MHIC, na dì-chuimhnich mo lagh; ach gleidheadh do chridhe m'àith-eantan:

2 Oir làithean buan, agus saoghal fada, agus sìth bheir iad dhuit.

3 Na tréigeadh trècair agus fìrinn thu: ceangail iad mu d' mhuineal; sgrìobh iad air clàr do chridhe.

4 Agus gheibh thu deadh-ghean, agus tuigse mhaith ann an sealladh Dhé agus dhaoine.

5 Earb as an Tighearna le d' uile chridhe; agus ri d' thuigse féin na bitheadh do thaic.

6 Ann ad uile shlighibh aidich e, agus seòlaidh esan do cheuman.

7 Na bi glie a'd' shùilibh féin; bitheadh eagal an Tighearna ort, agus tréig olc.

8 'N a shlàinte bithidh e do d' iomlaig, agus 'n a smior do d' chnàman.

9 Thoir urram do'n Tighearna le d' mhaoin, agus le ceud thoradh d'uile chinneis:

10 Agus lìonar do shaibhlean le pailteas, agus le fìon nuadh ruithidh d'fhìon-amair thairis.

11 Air cronachadh an Tighearna', a mhic, na dean-sa tàir, agus na sgèithich d'a smachd-achadh.

12 Oir esan a's toigh leis an Tighearna smachdaichidh e, mar a smachdaicheas athair am mac *anns* am bheil a thlachd.

13 *Is* sona an duine a dh'amaiseas air gliocas, agus am fear a gheibh tuigse:

14 Oir *is* fearr a ceannachd na ceannachd airgid, agus a buannachd na'n t-òr.

15 *Is* luachmhoire i na na seudan, agus cha-n'eil gach ni a's urrainn thu 'mhianachadh ri an coimhmeas rithe.

16 Tha saoghal fada 'n a làimh dlèis; 'n a làimh chù saoihbreas agus urram.

17 *Is* slighean subhachais a slighean, agus *is* sìth a ceuman uile.

18 *Is* craobh beatha i dhoibhsan a ni greim oirre, agus *is* sona iadsan a ghleidheas i.

19 Le gliocas shuidhich an Tighearna an talamh; le tuigse shocraich e na nàmhàn.

20 Le 'eòlas-san brisear suas na doimhneachdan, agus silidh na neoil a nuas an drùchd.

21 A mhic, na dealaicheadh iad ri d' shùil-ibh: coimhid gliocas fallain agus tuigse.

22 Agus bithidh iad 'n am beatha do d' anam, agus 'n am maise do d' mhuineal.

23 An sin imichidh tu a'd' shlighe gu tèaruinte, agus cha tuislich do eòs.

24 An uair a luidheas tu sìos, cha bhi eagal ort: seadh, luidhidh tu sìos, agus bithidh do chodal milis.

25 Na bitheadh sgàth ort roimh eagal obann, no roimh fhàsachadh nan aingidh 'n uair a thig e.

26 Oir bithidh an Tighearn 'n a thearmunn duit, agus gleidhidh e do chos o bhi air a glacadh.

27 Na cum maith o'n dream d'an dlighear e, 'n uair a tha e 'n comas do làimh a dheanamh.

28 Na h-abair ri d' choimhearsnach, Imich, agus thig a ris, agus am màireach bheir mi dhuit, 'n uair a tha e agad làimh riut.

29 Na dealbh ole an aghaidh do choimhearsnach, agus e 'gabhaill còmhnuidh gu muinghineach làimh riut.

30 Na dean strì ri duine gun aobhar, mur do rinn e cron ort.

31 Na bitheadh farmad agad ri fear an fhoirneirt, agus na ròghnaich a bheag d'a shligheibh.

32 Oir is gràineileachd do'n Tighearn an duine ceannairceach; ach *tha* a rùn aig an ionnrach.

33 *Tha* mallachd an Tighearn' ann an tigh an aingidh; ach beannaichidh e àite-còmhnuidh nam firean.

34 Gu cinnteach air luchd-fochaid ni e fochaid; ach do'n iriosal bheir e gràs.

35 Sealbhaichidh na daoine glìce urram; ach is e nàire àrdachadh nan amadan.

CAIB. IV.

' Nòchd Solamh do'n t-sluagh an teagasg a thug a' athair dha, 5 agus chomhairlich e dhoibh gliocas fhaotainn do bhrìgh gu'n toir i gu h-urram iad. 14 Dh'earalaich e orra slighe nan aingidh a sheachnadh; 20 aire a thoirt d'a bhriathraibh; 23 agus an cridhe a ghlèidheadh leis gach uile dlùchioll.

CLUINNIBH, a chlann, teagasg athar, agus thugaibh an aire, chum, gu'm faigh sibh eòlas air tuigse:

2 Oir tha mi 'toirt duibh deadh theagaisg; na tréigibhse mo reachd.

3 Oir bu mhise mac màirneach m'athar, agus mar aon-ghin mic *bha mi* ann an sealladh mo mhàthar.

4 Theagaisg e mi mar an ceudna, agus thubhairt e rium, Gleidheadh do chridhe mo bhriathran; coimhid m'àitheantan agus mair beò.

5 Faigh gliocas; faigh tuigse: na dì-chuimhich, agus na claoan o bhriathraibh mo bheoil.

6 Na tréig i, agus gleidhidh i thu: gràdh-aich i, agus coimhididh i thu.

7 *Is* e gliocas an nì sònruichte; faigh gliocas, agus maille ri d' uile fhaghail faigh tuigse.

8 Ardaich i, agus cuiridh i suas thu; bheir i gu h-urram thu, 'n uair a ghabhas tu a'd' ghlaicibh i.

9 Bheir i do d' cheann coron maise: crùn glòire bheir i seachad duit.

10 Eisd, a mhic, agus gabh m'fhocail: agus bithidh bliadhnachan do bheatha lionmhor.

11 Ann an slighe a ghliocais theagaisg mi thu: threòraich mi thu ann an ceumaibh dìreach.

12 'N uair a dh'imicheas tu, cha teann-aichear do cheuman; agus an uair a ruith-eas tu, cha tuislich thu.

13 Dean greim daingean air teagasg; na leig as e; coimhid e, oir *is* e do bheatha e.

14 Na gabh a steach do rathad nan aingidh, agus na h-imich ann an slighe dhroch dhaoine.

15 Seachain i, na gabh seachad làimh rithe, pill uaipe, agus imich romhad.

16 Oir cha choidil iadsan mur dean iad ole: agus tha'n codal air a thoirt uatha mur toir iad air *cuid-eigin* tuiteam.

17 Oir tha iad ag ithcadh arain na h-aingidheachd, agus ag òl fìona an ainneirt.

18 Ach *tha* slighe nam firean mar an solus dealrach, a dhealraicheas nì's mò agus nì's mò gu ruig an là iomlan.

19 *Tha* slighe nan aingidh mar dhorchadas: cha-n aithne dhoibh ciod air am bheil iad a' tuisleachadh.

20 A mhic, do m' fhoclaibh thoir aire; ri mo bhriathraibh aom do chluas:

21 Na h-imicheadh iad o d' shùilb: gléidh iad ann am meadhon do chridhe.

22 Oir *is* beatha iad dhoibhsan a gheillh iad, agus ioc-shlaint d'am feoil uile.

23 Leis gach uile dhùchioll gléidh do chridhe; oir as a sin *tha* sruthan na beatha.

24 Cuir uait am beul fiar, agus na bilean beumnach cuir fada uait.

25 Sealladh do shùilean gu ceart rompa, agus seòladh rosgan do shùl gu dìreach romhad.

26 Cothromaich ceuman do chos, agus bith-eadh do shlighean uile air an socrachadh.

27 Na tionndaidh a chum na làimhe deise, no clìthe: caraich do chos o'n ole.

CAIB. V.

1 Chomhairlich Solamh do'n t-sluagh aire a thoirt do ghliocas; 5 agus nòchd e dhoibh mealltaireachd mnà coimhich. 22 Glac ar t-aingidh 'n a euccartaibh féin.

A MHIC, do m' ghliocas thoir an aire; ri m' thuigse aom do chluas;

2 Chum gu'n coimhid thu ciall, agus gu'n gléidh do bhilean còlas.

3 [Na h-éisd ri mealltaireachd mnà:] oir *mar a'* chìr mheala silidh bilean mnà coimhich, agus *is* mine na oladh a beul.

4 Ach *tha* a crioch searbh mar a' bhurmaid, geur mar chlaidheamh dà fhaobhair.

5 *Tha* a cosan a' dol sìos chum a' bhàis: ni a ceuman greim air ifrinn.

6 Air cagal gu'n cothromaicheadh tu slighe na beatha, luaineach *tha* a ceuman

air chor as nach urrainn thu an aith-neacbadh.

7 A nis uime sin, a chlann, éisdibh rium, agus na dealaichibh ri briathraibh mo bheoil.

8 Atharraich do sblighe fada uaipe, agus na tig am fagus do dhorus a tìghe:

9 Air eagal gu'n toir thu do neart do mhuinntir eile, agus do bhliadhnachan do'n an-ìochdmhor:

10 Air eagal gu'n lìonar coigrich le d' shaoibhreas, agus gu'm *bì* do shaothair ann an tìgh coigrich;

11 Agus gu'n dean thu caoidh ma dheireadh, 'n uair a cbaithear d'fheoil agus do chorp,

12 Agus gu'n abair thu, Cionnus a thug mi fuatb do theagasg, agus a rinn mo chridhe tàir air achmhasan?

13 Agus nach robh mi ùmhal do ghluh mo luchd-teagaisg, agus nach d'aom mi mo chluas riu-san a theagaisg mi?

14 Is beag nach robh mi anns gach òle, 'am meadhon a' chombchruinneachaidh, agus a' choimhltbionail.

15 Oluisgeachan as do shoitheach féin; agus uisgeachan ruith as do thobraichean féin.

16 Bitheadh do thobraichean air an sgaoil-cadh a mach; do shruthan uisge anns na sràidibh.

17 Bitheadh iad agad féin a mhàin, agus na b'ann aig coigrich maille riut.

18 Bitheadh do thobraichean beannaichte; agus dean gairdeachas maille ri mnaoi-phòda d'òige.

19 *Bitheadh i mar* an eilid ghràdhach, agus mar an earba thaitneach; sàsuicheadh a cìochan thu 's gach àm: le a gràdh bi a ghnàth air do lìonadh.

20 Agus c'ar son, a mhic, a mheallar thu le mnaoi choimhich, agus a dhlùthaicbeas tu ri brollach bana-choigrich?

21 Oir fa chomhair shùl an Tigbearna *tha* slighean an duine, agus *tha* e a' cotbro-machadh a cheuman uile.

22 Glacaidh 'enceartan féin an t-aingidh, agus le cuird a pheacaidh ceanglar e.

23 Bàsaichidh e gun teagasg; agus ann am meud 'amaideachd thèid e air seacharan.

CAIB. VI.

1 An aghaidh luchd-urrais, 7 an leisgein, 12 agus nan dachine aingeal. 16 Na seachd nithean a tha 'n an gràineileachd do'n Tighearn. 25 Le mnaoi mhi-gheamnuidh sgriosar anam an duine.

A MHC, ma tha thu 'n urras air do charaid, *ma* bhuail thu do làmb le neach eile,

2 Ribeadh thu le briathraibh do bheoil; ghlacadh thu le foclaibh do bheoil.

3 Dean so a nis, a mhic, agus saor thu féin, an uair a thig thu 'n làimh do charaid; imich, irioslaich thu féin, agus dean cinn-teach do charaid.

4 Na toir codal do a snùilb, no clò codail do d' rosgaibh.

5 Thoir as thu féin mar earba á làimh an t-sealgair, agus mar eun á làimh an eunad-air.

6 Imich a chum an t-seangain, a leisgein; thoir fainear a shlighean, agus bi glie:

7 Aig nach 'eil fear-seòlaidh, fear-amhaire, no riaghlair,

8 A dh'ulluicbeas a bhiadh 's an t-samlradh, agus a chruinnicheas a theacbd-an-tìr 's an fhogharadh.

9 Cia fhad a choidleas tu, a leisgein? c'uin a dh'èireas tu as do chodal?

10 *Fathast* beagan codail, beagan clò codail, beagan pasgaidh nan làmb gu codal.

11 An sin thig do bhochdainn mar fhear-siubbail, agus d'uireasbhuidh mar dhuine fo armaibh.

12 Duine nach fìu, fear aingidh, siubhlaidh e le beul ana-cneasda.

13 Caogaidh e le 'shùil, bheir e sanas le 'chois, teagaisgidh e le 'mheuraibh.

14 *Tha* aingealtachd 'n a chridhe, *tha* e a' dealbhadh uile a ghnàth; togaidh e aimhreit:

15 Uime sin gu b-obann thig a sgrios; gu grad brisear e, gun leigheas.

16 Na sè nithean so is fuatbach leis an Tighearn; seadh, *tha* seachd nithean 'n an gràineileachd d'a anam:

17 Sealladh àrd, teangadh bhreugach, agus làmh an dhòirteas fuil neò-chiontach;

18 Cridhe a dhealbhas smuaintean aingidh, cosan a bhitheas luath a ruith chum uile;

19 Fianuis bhreugach a labbras breugan, agus esan a thogas aimhreit eadar bràithribh.

20 A mhic, coimhid àithne d'atbar, agus na tréig reachd do mhàthar:

21 Ceangail iad a ghnàth air do chridhe, daingnich iad mu d' mhuineal.

22 'N uair a dh'imicheas tu, treùraichidh iad thu; 'n uair a choidleas tu gleidhidh iad thu; agus an uair a dhùisgeas tu, labbraidh iad riut.

23 Oir is lòchran an àithne, agus is solus an reachd, agus is iad achmhasain teagaisg slighe na beatha;

24 Chum do ghleidheadh o'n droch mhnai, o mhiodal teagaidh na mnà coimhich.

25 Na miannaich a maise ann ad chridhe; agus na glacadh i thu le a rosgaibh:

26 Oir le mnaoi mhi-gheamnuidh *bheirear* duine gu greim arain; agus sealgaidh a' bhan-adhaltrannaicb air an anam luachmhor.

27 An urrainn duine teine a ghabhail 'n a bhrollach, agus gun 'eudach a bbi air a losgadh?

28 An urrainn duine imeachd air éibhlìbh teitlie, agus gun a chosan a bbi air an losgadh?

29 Mar sin esan a thèid a steach chum

mnà a choimhearsnaich: cha bhi neach air bith neo-chiontach a bheanas rithe.

30 Cha deanar tàir air gaduiche, ma ghoideas e a shàsachadh 'anam, 'n uair a bhitheas e ocrach:

31 Ach ma ghlacar e, aisgidh e a sheachd uiread; uile mhaoin a thighe bheire seachad.

32 Ach ge b'e 'ni adhaltrannas ri mnai, tha e gun tuigse: sgriosaidh esan a ni e 'anam féin.

33 Lot agus mi-chliu gheibh e; agus a mhasladh cha ghlannar as.

34 Oir is e 'n t-eud cuthach an fhir: uime sin cha chaomhain e ann an là an dioghaltais.

35 Cha bhi suim aige dh'éiric air bith; ni mò a thoilichear e, ged bheir thu *dha* mòran thiodhlacan.

CAIB. VII.

1 *Chomhairlich, Solamh do'n t-sluagh 'àitheantan a thasgadh 'n an cridhe. 6 Seòlachd agus cuilbheartan na mnà coimlich: 24 Sgriosar iadsan a claoanas 'n a déigh.*

A MHIC, gléidh mo bhriathran, agus taisg m'aitheantan maille riut.

2 Gléidh m'aitheantan, agus bi beò; agus mo lagh mar dhubhagan do shùil.

3 Ceangail iad air do mhearaibh; sgriobh iad air clàr do chridhe.

4 Abair ri gliocas, *Is* tu mo phiuthar; agus goir do bhan-charaid de thuigse:

5 Chum gu'n gléidh iad thu o'n mhnaoi choimhich, o'n bhana-choigrich a ni miodal le a briathraibh.

6 Oir aig uinneig mo thighe dh'amhairc mi troimh mo chléith,

7 Agus sheall mi am measg nan daoine baoghalta; thug mi fainear am measg nan òganach, òig-fhear gun chéill,

8 A' dol seachad air an t-sràid fagus d'a h-oisinn, agus ghabh e an t-slighe chum a tìghe,

9 'S an dù-thràth, 's an fheasgar, 's an oidheche dhuibh dhoirche:

10 Agus, feuch, thachair bean air ann an culaidh striopaiche, agus i cuilbheartach 'n a cridhe.

11 (*Tha* i àrd-ghuthach agus ceann-làidir; cha-n fhan a cosan 'n a tigh.

12 A nis *tha* i mach, a nis anns na sràidibh, agus a' feitheamh nam fàth aig gach oisinn.)

13 Agus rug i air, agus phòg i e, agus le aghaidh gun nàire dhubhairt i ris,

14 *Tha* tabhartais-shith agam; an diugh dh'ìoc mi mo bhòidean:

15 Uime sin thàinig mi mach a'd' chionn-eamh, a dh'ìarraidh d'aghaidh gu dìchiollach, agus fhuair mi thu.

16 Le còmhdaichibh grinne sgeadaich mi mo leabadh, le *oibribh* gearrta, le lion-eudaich mìn o'n Eiphit.

17 Rinn mi mo leabadh cùbhraidh le mirr, aloe, agus canal.

18 Thig, gabhlamaid ar sàth de ghaol gu

maduinn; deanamaid comh-ghairdeachas ann an gaol:

19 Oir cha-n'èil fear an tighe aig a bhaile; chaidh e air turus fada:

20 Sporan airgid thug e leis; air an là shuidhichte thig e dhachaidh.

21 Le mòran d'a cainnt mhillis thug i air aoutachadh; le miodal a bilean comh-éignich i e.

22 Tha e a' dol 'n a déigh gun dàil, mar a théid an damh chum a mharbhaidh, no'n t-amadan a chum peanais a' chip;

23 Gus an téid saighead troimh 'àinean, mar a ghreasas eun do'n ribe, gun fhios aige gur ann chum a bhàis a *tha* e.

24 A nis uime sin éisdibh rium, a chlann, agus thugaibh aire do bhriathraibh mo bheoil:

25 Na clonadh do chridhe chum a sligh-ean, na rach air seacharan 'n a ceumaibh.

26 Oir lot agus leag i sìos mòran; seadh chaidh mòran de dhaoineibh treuna a mharbhadh leatha.

27 *Is* e a tigh an t-slighe gu h-frinn, a' dol sìos gu seòmraichibh a' bhàis.

CAIB. VIII.

1 *Gairm, 6 teagasy luachmhor, 15 soclairean prìseil, 22 agus sìorruidheachd a' ghliocas. 32 Sòirbhichidh esan a gheibh gliocas, 36 agus esan a dhiùllas i ni e cron d'a anam féin.*

N ACH 'eil gliocas ag éigheach? agus nach 'eil tuigse a' cur a mach a gutha?

2 Air mullach nan àit àrda, làimh ris an t-slighe, ann am meadhon nan rathad *tha* i 'n a seasamh.

3 Làimh ris na geatachaibh, aig dol a stigh a' bhaile, far an tìgear a steach air na dorsaibh *tha* i ag éigheach:

4 Ribhse, O fheara, *tha* mi ag éigheach; agus *tha* mo ghuth ri cloinn nan daoine.

5 A dhaoine baoghalta, tuigibh gliocas; agus amadana, tuigibh 'n ur cridhe.

6 Eisidibh, oir labhraidh mi air nithibh òirdheirc; agus *bithidh* fosgladh mo bhilean air nithibh cearta.

7 Oir labhraidh mo bheul firinn; agus *is* gràineileachd aingidheachd do m' bhlìibh.

8 Ann an ceartas *tha* uile bhriathran mo bheoil; annta-san cha-n'èil ni air bith olc no fiar.

9 *Tha* iad uile soilleir dhà-san a thuigeas, agus ceart dhoibhsan a gheibh eòlas.

10 Gabhaibh mo theagasg, agus ni h-e airgid, agus eòlas thar an òr thaghta.

11 Oir *is* fearr gliocas na na clachan luachmhor; agus cha-n'èil na h-uile nithean a dh'fheudar a mhiannachadh r'an coimhmeas rithe.

12 *Tha* mise gliocas a'm' chòmhuidh maille ri céill, agus *tha* mi' faghail a mach eòlais air nithibh innleachdach.

13 *Is* e eagal an Tighearn' an t-olc fluathachadh; uabhar, agus àrdan, agus an droch shlighe, agus am beul fiar *is* fuathach leam.

14 *Is* leamsa comhairle, agus fìor ghliocas: *is* leamsa tuigse; *is* leamsa neart.

15 Leamsa rìoghaichidh rìghrean, agus orduichidh uachdarain ceartas.

16 Leamsa riaghlaidh uachdarain, agus daoine mòra, uile bhreitheamhanna talmhainn.

17 Iadsan aig am bheil gràdh dhomh gràdh-achidh mi; agus iadsan a dh'iarraas mi gu moch gheibh iad mi.

18 *Tha* beartas agus urram maille riumsa; saoihbheas maireannach agus fìreantachd.

19 *Is* fear mo thoradh ua òr, eadhon na òr fìor-ghlan; agus mo theachd-a-stigh na airgid taghta.

20 Air slighe a' cheartais treòraichidh mi; anu au meadhon cheuman a' bhreitheanais;

21 A chum gu'n toir mi orra-sau le'n iomluibh mi maoin a shealbhadh; agus lìonaidh mi an iomhasan.

22 Bha mise aig an Tighearn ann an toiseach a shlighe, roimh 'oibrigh o shean.

23 O shiorruidheadh chuireadh suas mi, o'u toiseach, mun robh an talamh ann.

24 Mun robh doimhneachdan ann, ghineadh nise; 'n uair nach robh tobraichean ann, làn uisgeachan.

25 Mun do shuidhicheadh na beanntan; roimh na cnocaidh ghineadh mise.

26 Mun d'rinn e fathast an talamh, no na machraichean, no a' chuid a's àirde de dhùslach an domhain.

27 'N uair a dheasaich e na nèamhan, *bha* mìn sin; 'n uair a tharruing e cuairt air aghaidh na doimhne;

28 'N uair a dhaingnich e 'n t-athar shuas; 'n uair a neartaich e tobraichean na doimhne;

29 'N uair a thug e a reachd do'n fhaigce, nach rachadh na h-uisgeachan thar 'aithne; 'n uair a shuidhich e bunaitean na talmhainn;

30 An sin bha mise aige mar neach a dh'al-trumadh maille ris; agus bu mhi a thlachd gach là, a' deanamh gairdeachais 'n a fhiauis an còmhuidh;

31 A' deanamh gairdeachais anns a' chuid a dh'aitichear d'a thalamh, agus mo thlachd maille ri cloinn nan daoine.

32 A nis uime sin, a chlann, èisidh rium; oir *is* sona iadsan a ghleidheas uo shlighean.

33 Eisdibh ri teagasg, agus bithibh glic, agus na diùlaibh e.

34 *Is* beannaichte an duine a dh'èisdeas rium, a' deanamh faire aig mo gheataibh gach là, a' feitheamh aig ursainnibh uo dhorsan.

35 Oir esan a gheibh mise, gheibh e beatha, agus gheibh e deadh-ghèan o'n Tighearn.

36 Ach esan a pheacaicheas a'un' aghaidh-sa, ni e cron d'a anam féin: iadsan uile a dh'fhuathaicheas mi, gràdhachidh iad am bàs.

CAIB. IX.

1 *Fòghlum agus luach a' ghliocais.* 13 *Tha bean amaideach àrd-ghruthach agus baoghalta, 18 agus tèid a h-aoidhean do dhòimhneachd ifrinn.*

THOG gliocas a tigh; shnaidh i a seachd puist:

2 Mharbh i a feoil; mheasg i a fion; dheas-ach i mar an ceudna a bord:

3 Chuir i mach a h-òighean; tha i a' gairm air na h-àitibh a's àirde de'n bhaile:

4 Ge b'e neach a *tha* baoghalta, thigeadh e a stigh an so: riu-san a *tha* dhith tuigse *tha* i ag ràdh,

5 Thigibh, ithibh de m'aran-sa, agus òlaibh de'n fhion a mheasg mi.

6 Tréigibh nithean amaideach, agus bithibh beò; agus imichibh air slighe na tuigse.

7 Esan a bheir achmhasan do fhear-fochaid, gheibh e dha féin masladh; agus esan a chrònaicheas an t-aingidh, *gheibh e* dha féin sual.

8 Na crònaich fear-fochaid, air eagal gu'm fuathaich e thu: crònaich an duine glic, agus gràdhachidh e thu.

9 Thoir teagasg do'n duine ghlic, agus bithidh e ni's glice: teagaisg an duine cothromach, agus meudaichidh e ann am fòghlum.

10 *Is* e eagal an Tighearna toiseach a' ghliocais; agus *is* e eòlas air nithean naomha, tuigse.

11 Oir leamsa nithear do làithean fionmhor, agus cuirear ri bliadhnachaidh do bheatha.

12 Ma bhitheas tu glic, bithidh tu glic dhuit féin: ach *ma* bhitheas tu ri fochaid, is tu féin a mhàin a dh'iomchaires e.

13 *Tha* bean amaideach àrd-ghruthach; baoghalta, agus cha-n aithne dhi mi air bith:

14 Oir suidhidh i aig doras a tìghe, air caithir, ann an àitibh àrda a' bhaile,

15 A ghairm orra-san a bhitheas a' dol seachad air an t-slighe, a' gabhail dìreach rompa.

16 Ge b'e neach a *tha* baoghalta, thigeadh e stigh an so; agus ris-san a *tha* dhith tuigse their i.

17 *Tha* ua h-uisgeachan a ghoidear milis, agus an t-aran a dh'ithear ann an uaigneas taitneach.

18 Ach cha-n'eil fhios aige gu *bheil* na maibh an sin; ann an doimhneachdaibh ifrinn *gu bheil* a h-aoidhean.

CAIB. X.

1 *Dìonaidh Dia an t-ionracan.* 6 Beannaichear am firean, ach sgriosar an t-amadan bith-bhrathrach. 12 Fòlaichidh gràdh gach cionta.

25 *Thig* sgrios air luchd-deanamh na h-ewceir, 31 ach cha ghluaisear am firean gu bràth.

GNATH-FHOCAIL Sholaimh. Ni mac glic athair subhach; ach *is* e mac amaideach dubhachas a mhiàthar.

2 Cha-n'eil tairbhe ann an ionmhaisibh aingidheachd; ach saoraidh ionracas o'n bhàs.

3 Cha leig an Tighearn le anam an ionraic gort fhulang; ach sgaoilidh e maoin nan aingidh.

4 Ni lànfh na leisge bochd; ach ni lànfh nan diùiloch beartach.

5 Esan a chruinnicheas anns an t-samh-radh, *is* mac glic e; ach esan a choidleas anns an fhogharadh, *is* mac maslach e.

6 *Bithidh* beannachdan air ceann an fhìre-in; ach còmhdaichidh foirneart beul nan aingidh.

7 *Bithidh* cuimhne an fhìre-in beannaichte; ach lobhaidh ainm nan aingidh.

8 Gabhaidh esan a tha glic 'n a chridhe aithicant; ach tuitidh an t-amadan bith-bhriathrach.

9 Esan a ghluaisceas ann an ionracas, gluaisidh e gu tèaruinte; ach esan a chlaonas a shlighean, aithnichear e.

10 Esan a chaogas le 'shùil, bheir e aobhar bròin; agus tuitidh an t-amadan bith-bhriathrach.

11 *Is* tobar beatha beul an fhìre-in; ach còmhdaichidh foirneart beul nan aingidh.

12 Dùisgidh fuath aimhreitean; ach fol-aichidh gràdh gach coire.

13 Ann am bilibh an duine thuigsich gheibhear gliocas; ach *tha* slat air son druim an tì a tha as eugmhais tuigse.

14 Ceilidh daoine glìce na's aithne dhoibh; ach *tha* beul an amadain dlùth do sgrios.

15 *Is* e beartas an duine shaoibhir a chaithir làidir; *is* e milleadh nam bochd an uireasbhuidh.

16 *Tha* saothair an fhìre-in chum beatha; teachd-a-stigh an aingidh chum peacaidh.

17 *Tha* esau a choimhideas fòghlum anns an t-slighe gu beatha; ach *tha* esan a dhiùltas achmhasan air seacharan.

18 Esan a cheileas fuath le bilibh cealgach, agus esan a labhras mi-chliu, *is* amadan e.

19 Ann an lìonmhoireachd bhriathar cha bhithear saor o pheacadh; ach *tha* esan a choisgeas a bhilean glic.

20 Mar airgid taghta *tha* teangadh an fhìre-in; ach *tha* cridhe nan aingidh mar nì nach fìd.

21 Beathaichidh bilean an fhìre-in mòran; ach eugaidh na h-amadain a dhìth tuigse.

22 Nì beannachadh an Tighearna saoi-bhir, agus cha chuir e doilgheas 'n a chuideachd.

23 *Tha* e mar shùgradh do'n amadan olc a dheanamh; ach *tha* gliocas aig fear na tuigse.

24 An nì a's cagal leis an aingidh, thig e air; ach deònaichear miann nam firean.

25 Mar a thèid an ioma-ghaath thairis, mar sin cha *bhì* an droch dhuine nì's mòd; ach *is* bunait sìorruidh am firean.

26 Mar fhìon-geur do na fìaclaibh, agus mar dheataich do na sùilibh, mar sin *tha* 'n leisgein dhoibhsan a chuireas uatha e.

27 Cuiridh cagal an Tighearna ri làithibh *duine*; ach giorraichear bliadhnachan nan aingidh.

28 *Bithidh* dùil nam firean 'n a aobhar aoibhneis; ach thèid as do dhòchas nan aingidh.

29 *Is* neart do na h-ionraic slighe an Tighearna; ach *thig* sgrios air luchd-dcanamh na h-euceirt.

30 Cha ghluaisear an firean gu bràth; ach cha ghabh na h-aingidh còmhnuidh air an talamh.

31 Bheir beul an fhìre-in a mach gliocas; ach gearrar as an teangadh fhiar.

32 Tha fios aig bilibh an fhìre-in air an nì a tha taitneach; ach *labhraidh* beul nan aingidh nithean fiara.

CAIB. XI.

1 *Is taitneach le Dia an duine ionraic*, 5 ach sgriosar an t-aingidh as a làthair. 15 Cùrrar esan a thèid an urras air coigreach. 20 *Is gràineileach do'n Tighearna iadsan a tha fìar 'n an cridhe*. 30 Gheibh am firean duais air thalamh.

THA meidhean mealltach 'n an gràineil-leis toimhsean cearta.

2 'N uair a thig uabhar, thig masladh; ach aig na h-iriosail *tha* gliocas.

3 Seòlaidh ionracas nam firean iad; ach millidh fiaradh luchd dò-bheirt iad fèin.

4 Cha bhi tairbhe ann an saoi-bhreas 'an là na feirge; ach saoraidh fireantachd o'n bhàs.

5 Seòlaidh fireantachd an duine ionraic a shlighe; ach trid 'aingidheachd fèin tuitidh an t-aingidh.

6 Saoraidh fireantachd nan ionraic iad; ach glacar luchd-easaontais 'n an olc fèin.

7 'N uair a bhàsaicheas an droch dhuine, thèid as d'a dhòchas; agus teirigidh dùil luchd-euceirt.

8 Saor ar firean o theinn; ach thig an droch dhuine 'n a àite.

9 Le 'bheul millidh cealgair a choimhears-nach; ach trid eòlais saorar na fireanan.

10 'N uair a dh'èireas gu maith do na fireanaibh, nì am baile gairdeachas; agus an uair a sgriosar na h-aingidh, *bithidh* luathghaire ann.

11 Le beannachadh nan ionraic àrdaichear baile; ach le beul nan aingidh leagar e.

12 Nì esan a tha as eugmhais gliocais tàir air a choimhearsnach; ach bithidh fear na tuigse 'n a thosd.

13 Imichidh fear tuailleis mu'n cuairt a' foillseachadh nithean dìomhair; ach esan a tha fìrinneach 'n a spiorad, ceilidh e nì.

14 Far nach 'eil comhairle, tuitidh sluagh; ach ann an lìonmhoireachd luchd-comhairle *tha* tèaruinteachd.

15 Cùrrar gu goirt esan a bhitheas 'an urras air coigreach; ach esan a dh'fhuathaicheas luchd-urrais, bithidh e tèaruinte.

16 Gheibh bean ghràsail urram; agus cos-
naidh daoine làidir saobhbreas.

17 Nì au duine iochdmhor maith d'a
anam féin; ach esan a tha an-iochdmhor,
claidhidh e 'fheoil féin.

18 Oibrichidh an droch dhuine obair
mhealltach; ach aige-san a chuireas fir-
eantachd *bithidh* duais chinnteach.

19 Mar so *tha* fireantachd chum beatha;
ach esan a leuas an t-olc, *leanaidh e* chum
a bhàis féin e.

20 *Is* gràineileachd do'n Tighearn iadsan
a tha fiar 'n an cridhe; ach *is* taitneach leis
iadsan a tha ionraic 'n an slighe.

21 *Ged dh'iadhadh* làmh mu làimh, cha
bhi an droch dhuine gun pheuas; ach
saorair slìochd nam firean.

22 *Mar fhàillbheag* òir ann au sròin muice,
tha bean sgiamhach agus i as eugmhais
tuigse.

23 *Tha* miann nam firean a mhàin maith;
ach *is* e dòchas nan aingidh fearg.

24 Tha neach anu a sgapas, agus fasaiddh
e nì's saobhbhre; agus *tha* e ann a chumas
aige fhéin tuilleadh 's a tha ceart, ach *thig*
e gu bochduinn.

25 Nithear au t-anam fial sultmhor; agus
an ti a dh'uisgicheas, uisgichear mar an
ceudna e féin.

26 Esan a thaisgeas sìol, mallaichidh an
sluagh e; ach *bithidh* beannachd air ceann
an ti a reiceas.

27 Esau a dh'iarraas maith gu dùrachd-
ach, gheibh e deadh-ghean; ach an ti a
dh'iarraas olc, *thig an t-olc* air féin.

28 Esau a dh'earbas as a shaoibhbreas, tuit-
idh e; ach mar ghéig, *thig* ua fireanan fo
bhlàth.

29 Esan a chuireas a theaghlach féin fo
bluireas, *bithidh e* 'n a oighre air a'
ghaoith; agus an t-amadan 'n a sheirbhiseach
dhà-san a tha glic 'n a chridhe.

30 *Is* craobh beatha toradh an fhèirinn;
agus *tha* esan a chosnas anaman glic.

31 Feuch, bheirair luigheachd do'n fhìr-
ean air an talamh: nach mò na sin do'n
aingidh agus do'u pheacach.

CAIB, XII.

1 *Dìonaidh Dia* an duine maith, *ach dìtidh e*
fear nan droch innleachd. 14 *Iocar luigheachd*
a làmh do gach neach. 22 *Tha bilean*
nam breug 'n an gràineileachd do Dhia.

E SAN a ghràdhaicheas fòghlum, gràdh-
aichidh e eòlas; ach esan a dh'fhuath-
aicheas achmhasan, *tha e* amaideach.

2 Gheibh duine maith deadh-ghean o'n
Tighearn; ach dìtidh e fear nan droch inn-
leachd.

3 Cha daingnichear duine le h-aingidh-
eachd; ach cha ghluaiscar freumh nam
firean.

4 *Tha* bean mhaith 'n a crùn d'a fear; ach
mar lobhadh 'n a chnàmhan *tha* ise a nàir-
icheas e.

5 *Is* ceartas sinuaintean nam firean; ach
is cealg comhairle nan aingidh.

6 *Is* iad briathran nan aingidh feall-fheith-
eamh air son fola; ach tearnaidh beul nan
ionraic iadsan.

7 Tilgear na h-aingidh bun os ceanu, agus
cha *bhi* iad ann; ach seasaidh tigh uam fir-
can.

8 A réir a ghliocais molar duine; ach nith-
ear dimeas air-san a tha fiar 'n a chridhe.

9 *Is* fearr esan air an deannar tàir, agus a
tha 'n a sheirbhiseach dha féin, na esan a
bheir urram dha féin, agus a bhitheas a dhith
arain.

10 Bithidh cùram aig an duine ionraic de
bheatha 'aìnmhidh; ach *is* an-iochdmhor
truacantais nan aingidh.

11 Esan a threabhas 'fhearann, sàsuichear
le h-aran e; ach esan a leanas daoine dìomh-
ain, *tha e* gun tuigse.

12 Mianuaichidh an t-aingidh lìon dhroch
dhaoinne; ach bheir freumh nam firean
toradh.

13 Le peacadh a bhilean ribear an droch
dhuine; ach theid am firean as o air.

14 De thoradh a bheoil sàsuichear duine
le maith; agus iocar luigheachd làmh duine
dha féin.

15 *Tha* slighe an amadain ceart 'n a shùil-
ibh féin; ach *tha* esan a dh'éisdeas ri comh-
airle, glic.

16 Aithnighear air ball fearg an amadain;
ach ceilidh duine ciallach masladh.

17 *Esan a* labhras an fhìrinn, foillsichidh
e ceartas; ach *foillsichidh* fianuis bhreug-
ach cealg.

18 Tha dream ann a labhras mar lotaibh
claidheimh; ach *is* slàinte teangadh nan
daoine glice.

19 Bithidh bilean na fìrinn seasmhach gu
bràth; ach cha *bhi* an teangadh bhreugach
ach car tiota.

20 *Is* cealg a bhitheas ann an cridhe luchd-
deilbh an uile; ach do luchd-comhairle na
sìthe *bithidh* gairdeachas.

21 Cha-n éirich aimhleas air bith do'n fhìr-
ean; ach lìonar na h-aingidh le h-olc.

22 *Is* gràineileachd do'n Tighearn bilean
nam breug; ach *is* iad an dream a ui gu
fìrinneach, a thlachd.

23 Ceilidh duine ciallach eòlas; ach foill-
sichidh cridhe nan amadan amaideachd.

24 Riaghlaidh làmh nan dìchiollach; ach
bithidh làmh na leisge fo chis.

25 Nì iomagain ann an cridhe duine a
chromadh sìos; ach nì focal maith sòlasach e.

26 *Is* fearr am firean na a choimhearsnach;
ach cuiridh slighe nan aingidh air seacharan
iad féin.

27 Cha ròist an leisgein a shithionn; ach
is luachmhor saobhbreas au duine dhìch-
iollaich.

28 Ann an slighe na fireantachd *tha*
beatha; agus 'n a ceann cha-n'èil bàs.

CAIB. XIII.

- 1 *Cuiridh duine glic faire air a bheul. 12*
Ni an dòchas 's am bi dàil, an cridhe tinn. 20
Sgriosar companach nan aingidh.

EISDIDH mac glic ri teagasg 'athar; ach cha-n éisd fear na fochaid ri ach-mhasan.

2 De thoradh a bheoil ithidh duine ni maith; ach *ithidh* anam nan eucorach ainncart.

3 Eсан a choimhideas a bheul, gleidhidh e 'anam; ach esan a dh'fhosglaas a bhilean, *thig* sgrios air.

4 Miannaichidh anam an leisgein, agus cha *bhi aige*; ach nithear anam nan dìchiollach sultnhor.

5 Is beag air an fhìrean na breugan; ach fàsaidh an droch dhuine gràineil, agus nàirichear e.

6 Gleidhidh fìreantachd esan a tha ionraic 'n a shlighe; ach claidhidh aingidheachd am peacach.

7 Tha neach ann a ghabhas air a bhi beartach, agus gun ni air bith *aige*; *tha* neach ann a ghabhas air a bhi bochd, agus mòr shaoibhreas aige.

8 *Is* e éiric anama duine a shaoibhreas; ach cha chluinn am bochd achmhasan.

9 Ni solus nam fìrean aoibhneach; ach cuircar as lòchran nan aingidh.

10 O uabhar a mhàin thig connsachadh; ach aig na daoineibh a ghabhas deadh chomhairle *tha* gliocas.

11 Lughdaichears aoibhreas an dìomhanais; ach esan a chruinnicheas le saothair, meudaichidh e.

12 Ni an dòchas a bhitheas fada gun choimhlionaidh, an cridhe tinn; ach *is* craobh beatha am miann 'n uair a thig c.

13 Eсан a ni tàir air focal, millear e; ach esan air am bi eagal roimh àithne, gheibh e luigheachd.

14 *Is* tobar beatha lagh an *duine* ghlic, chum dol as o lìontaibh a' bhàis.

15 Bheir tuigse mhaith deadh-ghean; ach *is* cruaidh slighe luchd-eusaontais.

16 Ni gach duine ciallach a ghnòthuch le h-eòlas; ach leigidh an t-amadan ris 'amaid-eachd.

17 Tuitidh an droch theachdair ann an ole; ach *is* slàinte an teachdair dileas.

18 Bochdainn agus nàire *bithidh* dhàsan a dhiùltas fòghlum; ach an ti aig am bi meas air achmhasan, gheibh e urram.

19 Is milis do'n anam am miann a choimhlionar; ach *is* beag air amadanaibh dealachadh ris an ole.

20 An ti a shiùbhlas le daoineibh glic, bithidh e glic; ach sgriosar companach nan amadan.

21 Leanaidh ole peacaich; ach do na fìrean-aibh tocar maith.

22 Fàgaidh duine maith oighreachd aig

cloinn a chloinne; ach taisgear do'n fhìrean maoin a' pheacaich.

23 *Bithidh* mòran bìdh ann an treabhadh nam bochd; ach bithidh neach ann a sgriosar a dlùth breitheanais.

24 An ti a chaomhnas a shlat, is beag air a mhac; ach an ti leis an ionmhuinn e, smachdaichidh se e 'n a thràth.

25 Ithidh am fìrean gu sàsachadh 'anama; ach bithidh dìth air broinn nan aingidh.

CAIB. XIV.

- 1 *Claoaidh an t-amadan a shlighe, 9 agus ni e*
magadh de'n pheacadh. 20 Le 'choimhears-
nach féin fuathaichear an duine bochd. 29 Is
duine glic esan a tha mall chum feirge.

CUIRIDH gach bean ghlic a tigh suas; ach leagaidh a' bhean amaid each sios e le a làmhnan féin.

2 Eсан a ghluaiseas 'n a ionracas, bithidh eagal an Tighearn' air; ach esan a tha fiar 'n a shlighibh, ni e tàir air.

3 Ann am beul an amadain *tha* slat uabhair; ach gleidhidh bilcan nan daoine glice iad.

4 Far nach bi daimh, *bithidh* a' phrasach glan; ach *bithidh* fàs mòr le neart an daimh.

5 Cha dean an fhianuis dhileas breug; ach labraidh an fhianuis chealgach breugan.

6 Iarraidh fear na fochaid gliocas, agus cha-n *shlaigh e*; ach do'n ti a thuigeas *tha* eòlas furasda.

7 Imich á làthair an duine amaidich, 'n uair nach mothaich thu *ann* bilean an eòlais.

8 *Is* e gliocas an duine chiallaich a shlighe a thuigsinn; ach *is* cealg amaid eachd nan amadan.

9 Ni amadain magadh air a pheacadh; ach am measg nam fìrean *tha* deadh-ghean.

10 Is aithne do chridhe *duine* searbhadas 'anama; agus 'n a aoibhneas cha bhi comhroinn aig coigreach.

11 Tilgear tigh nan aingidh bun os ceann; ach thig pàillion nan ionraic fo bhàth.

12 Tha slighe ann a chithear dìreach le duine; ach *is* iad a crìoch slighean a' bhàis.

13 Ann an gàire féin bithidh an cridhe brònach; agus *is* e deireadh an t-subhachais sin tùirse.

14 Le 'shlighibh féin lionar esan a thionndaidh air ais 'n a chridhe; agus uaith féin *sàis*uichear an duine maith.

15 Creididh an duine baoghalta gach focal; ach bheir an duine ciallach an aire d'a cheum.

16 Bithidh eagal air an duine ghlic, agus tréigidh e 'n t-ole; ach tha-n t-amadan borb agus dan.

17 An ti air am bi fearg gu h-obann, ni e gu h-amaid each; agus fuathaichear fear nan droch innleachd.

18 Scalbhaichidh daoine baoghalta amaid eachd mar oighreachd; ach crùnar na daoine ciallach le h-eòlas.

19 Cromaidh droch dhaoine an làthair dhaoine maithe, agus na h-aingidh aig geataibh an fhìrean.

20 Eadhon le 'choimhearsnach féin fuath-
aichear duine bochd; ach *is* lionmhor iad
leis an ionmhuinn an duine saoi bhir.

21 An ti a ni tair air a choimhearsnach,
peacaichidh e; ach *is* sona an ti a ghabhas
truas do na bochdaibh.

22 Nach téid iadsan air seacharan a
dhealbhas an t-olc? ach *bithidh* tréair
agus firinn acasan a dhealbhas am maith.

23 Anns gach saothair bithidh tairbhe;
ach *thig* cainnt nam bilean a mhàin gu
h-uireasbhuidh.

24 *Is* e crùn nan daoine glíce an saoi bhe-
reas; ach *is* amaideachd amaideachd nan
amadan.

25 Saoraidh fianuis fhìor anaman; ach
labhairidh *fianuis* chealgach breugan.

26 Ann an eagal an Tighearna tha aobhar
earbsaidh làidir; agus aig a chloinn bithidh
didean.

27 *Is* e eagal an Tighearna tobar na beatha,
chum dol as o lìontaibh a' bhàis.

28 Ann an lìonmhoireachd sluaigh *tha*
urram an rìgh; ach ann an dìth sluaigh *tha*
milleadh an uachdarain.

29 An ti a tha mall chum feirge, *tha* e
pailt ann an tuigse; ach esan a tha dian 'n a
spiorad, ardaichidh e amaideachd.

30 *Is* e beatha na feòla cridhe fallain; ach
is e lobhadh nan cnàmh an tuò.

31 An ti a shàruicheas am feumach, mas-
luichidh e a Chruith-fhear; ach bheir an
ti sin urram dha, a ghabhas truas do'n
bhochd.

32 'N a aingidheachd fuadaichear air falbh
an t-aingidh; ach bithidh dòchas aig an
fhìrean 'n a bhàs.

33 Ann an cridhe an duine thuigsich
gabhaidh gliocas tàmh; ach aithnichear an
ni a *tha* 'n taobh a tigh nan amadan.

34 Ardaichidh fireantachd cinneach; ach
is e am peacadh maslaidh sluaigh air bith.

35 *Bithidh* deadh-ghean an rìgh aig seir-
bhiseach glìc; ach bithidh 'fhearg' 'n a
aghaidhsan a bhithes 'n a aobhar nàire.

CAIB. XV.

1 *Is craobh beatha teangadh nan daoine glíce. S*
Tha iobairt nan aingidh 'n a gràineileachd do
Dhia. 27 Bheir esan a tha sanntach 'n a
chridhe buaireas air a thigh féin.

PILLIDH freagrachd mìn corruich; ach
dùisgidh briathran garga fearg.

2 Cuiridh teangadh nan daoine glíce 'an
cèill eòlas gu ceart; ach dòirtidh beul nan
amadan a mach amaideachd.

3 *Tha* sùilean an Tighearn' anns gach àit,
ag amharc air na droch dhaoinibh' agus air
na deadh dhaoinibh.

4 *Is* craobh beatha teangadh fhallain; ach
is briseadh spioraid fiaradh innte.

5 Ni amadan tair air teagasg 'athar; ach
is ciallach an ti a bheir an aire do ach-
mhasan.

6 Ann an tigh an fhìrean tha mòran ion-

mhais; ach ann an teachd-a-stìgn an aing-
idh *tha* buaireas.

7 Sgaoilidh bilean nan daoine glíce eòlas;
ach cha *dean* cridhe nan amadan mar sin.

8 *Is* gràineileachd do'n Tighearn iobairt
nan aingidh; ach *is* i urnuigh nan ionraic a
thlachd.

9 *Is* gràineileachd do'n Tighearn slighe an
aingidh; ach *is* ionmhuinn leis an ti a leanas
an dèigh fireantachd.

10 *Is* searbh smachdachadh dhà-san a
thréigean an t-slighe; ach gheibh esan le'm
fuathach achmhasan, bàs.

11 *Tha* ifrinn agus sgrìos fa chomhair an
Tighearna: cia mòr a's mò na sin cridh-
eachan chloinn nan daoine?

12 Cha toigh le fear-fochaid esan a chron-
aicheas e; agus a dh'ionnsuidh dhaoine glíce
cha téid e.

13 Ni cridhe subhach gnùis shuilbhir; ach
le bròn a chridhe brisear an spiorad.

14 Iarraidh cridhe an duine thuigsich
eòlas; ach beathaichear beul nan amadan
le amaideachd.

15 *Tha* uile làithean an duine thruaigh
olc; ach *is* cuirm a ghnàth an cridhe ait.

16 *Is* fearr beagan le h-eagal an Tigh-
earna, na ionmhas mòr, agus buaireas leis.

17 *Is* fearr tràth-bidh de luibhibh, far am
bi gràdh, na damh biadhtha agus fuath
leis.

18 Dùisgidh fear feargach connsachadh;
ach esan a tha mall chum feirge, ciùinichidh
e ainmreit.

19 *Tha* slighe an leisgein mar ghàradh
droighinn; ach *tha* rathad nan ionraic air a
dheanamh réidh.

20 Ni mac glìc athair aoibhneach; ach ni
mac amaideach tair air a mhàthair.

21 *Is* aobhar aoibhneis amaideachd dhà-
san a tha as eugmhais gliocais; ach imich-
idh fear na tuigse gu dìreach.

22 Gun chomhairle, thig rùintean gu neo-
ni; ach ann an lìonmhoireachd luchd-comh-
airle daingnichear iad.

23 Bithidh aoibhneas aig duine le freag-
radh a bheòil; agus focal 'n a thràth, cia
maith e!

24 *Tha* slighe na beatha shuas do'n duine
ghlic, chum dol as o ifrinn shìos.

25 Sgrìosaidh an Tighearn tigh nan uaibh-
reach; ach daingnichidh e crìoch na ban-
traich.

26 *Is* gràineileachd do'n Tighearn smuain-
tean dhroch dhaoine; ach *is* briathran
taitneach *briathran* nam fìor-ghlan.

27 Bheir esan a tha sanntach air buann-
achd, buaireas air a thigh féin, ach bithidh
esan le'm fuathach duais-bhratha, beò.

28 Smuainichidh cridhe an fhìrean cionnus
is còir dha freagrachd; ach dòirtidh beul nan
aingidh a mach droch nithean.

29 *Tha*-n Tighearn fada o na h-aingidh;
ach éisdidh e ri h-urnuigh nam firean.

30 Ni solus nan sùl an cridhe aoibhneach; agus bheir deadh chliu smior do na cnàmhan.

31 Gabhaidh a' chluas a dh'éisdeas ri ach-mhasan na beatha còmhnuidh an meas nan daoine glìce.

32 An ti a dhiùltas fòghlum, ni e tàir air 'anam féin; ach an ti a dh'éisdeas ri ach-mhasan, gleibh e tuigse.

33 *Is* e cagal an Tighearna fòghlum a' ghliocais; agus roimh urram *tha* irioslachd.

CAIB. XVI.

1 *Tha Dia'n a Bhreithreamh os ceann gach dàile. 16 Oirdheirceas a' ghliocais. 27 Gnàthaichidh an duine mì-dhiadhaidh aingidheachd an còmhnuidh.*

THA deasachadh cridhe duine, agus freagradh na teangaighd o'n Tighearn.

2 *Tha* uile shlighean duine glan 'n a shùil-ibh féin; ach cothromaichidh an Tighearn na spioraid.

3 Tabhair d'oire thairis do'n Tighearn, agus daingnichear do smuaintean.

4 Rinn an Tighearn gach ni air a shon féin, agus mar an ceudna an t-aingidh air son là an uile.

5 *Is* gràineileachd do'n Tighearn gach neach a tha uaibhreach 'n a chridhe: *ged dh'iadhadh làmh mu làmh*, cha bhi e gun pheanas.

6 Trid tròcair agus frinn glanar euceart; agus trid cagail an Tighearna tréigear an t-olc.

7 An uair a ghabhas an Tighearn tlachd ann an sligheibh duine, bheir e air a naimh-ibh féin a bhi ann an sìth ris.

8 *Is* fearr beagan le h-ionracas, na teachd-a-stigh mòr gun cheartas.

9 Smuainichidh cridhe duine air a shlighe; ach is e'n Tighearn a stiùireas a cheuman.

10 *Tha* faistneachd air bìlibh an rìgh: ann am breitheanas cha dean a bheul euceart.

11 *Is* leis an Tighearn toimhsean agus meidhean cearta: *is* iad uile chlachan-tomhais a' mhàla 'obair-san.

12 *Is* gràineileachd do rìghribh aingidheachd a dheanamh; oir le h-ionracas daingnichear an rìgh-chaitir.

13 *Is* taitneach do rìghribh bilean an ion-racais; agus is ionmhuinn leo esan a labhras *nithean* cearta.

14 *Tha* fearr rìgh mar theachdairean bàis; ach ciùinichidh duine glìc i.

15 Ann an solus gnùise rìgh *tha* beatha; agus *tha* a dheadh-ghean mar neulan uisge dheircannaich.

16 Cia mòr *is* fearr gliocas fhaotainn na òr? agus *is* ròghnaiche tuigse fhaotainn na airgid?

17 *Is* e rathad mòr nan ionraic an t-olc a thréigsinn: an ti a choimhideas a shlighe, gleidhidh e 'anam.

18 Roimh sgrios *théid* uabhar; agus roimh leagadh, spiorad àrdanach.

19 *Is* fearr a bhi de spiorad iriosal maille

riu-san a tha ciùin, na a' cùreach a roimh maille ris na h-uaibhrich.

20 An ti a ni gnothuch gu tuigseach, gleibh e maith; agus an ti a dh'earbas as an Tighearn, *is* sona e.

21 Goirear duine crìonna de'n ti a tha glìc 'n a chridhe; agus meudaichidh mìlseachd nam bilean fòghlum.

22 *Is* tobar beatha an tuigse do'n ti aig am bheil i; ach *is* amaideachd fòghlum nan amadan.

23 Ni cridhe an duine ghlic a bheul tuigseach, agus air a bhilich cuiridh e fòghlum.

24 Mar chìr-mheala *tha* briathran taitneach, mìlis do'n anam, agus 'n an slàinte do na cnàmhan.

25 *Tha* slighe ann a tha ceart ann an sealladh duine; ach *is* iad slighean a' bhàis a crìoch.

26 An ti a shaothraicheas, saothraichidh e air a shon féin; oir iarraidh a bheul air e.

27 Cladhaichidh an duine mì-dhiadhaidh olc; agus air a bhilich *bithidh* mar theine loisgeach.

28 Togaidh an duine fiar aimhreit; agus dealaichidh fear na cogarsaich càirdean dlùtha.

29 Meallaidh fear an fhoirneirt a choimhearsnach, agus bheir e air imeachd air slighe nach *'eil* maith.

30 Druididh e a shùilean chum smuain-eachadh air nithibh fiara; a' gluasad a bhilean, bheir e olc gu crìch.

31 *Is* coron glòire an ceann liath, a gheibh-car ann an slighe an ionracais.

32 *Is* fearr an ti a tha mall chum feirge na gaisgeach; agus an ti a riaghlas a spiorad féin na esan a ghlacas àrd-bhailc.

33 Anns an uchd tilgear an crannchur; ach is ann o'n Tighearn a *tha* a riaghladh gu léir.

CAIB. XVII.

1 *Dearbhaidh Dia smuaintean cridhe an duine.*

7 *Cha-n'eil mòralachd ciatach do luchd-deanamh na h-euceirt. 19 Syriosar an neach a ghràdhaicheas aimhreit.*

IS fearr greim tioram, agus suaimhneas leis, na tigh làn iobairtean maille ri h-aimhreit.

2 Riaghlaidh seirbhiseach tuigseach as ceann a' mhic a bhitheas 'n a aobhar nàire; agus am measg nam bràthar roinnidh e an oighreachd.

3 *Tha* a' phoit-ghlanaidh air son an airgid, agus an àrhuinn air son an òir; ach dearbhaidh an Tighearn na cridheachan.

4 Bheir an droch dhuine an aire do bhilich na h-euceirt; éisdidh am breugaire ri teanga-aidh an aimhleis.

5 An ti a ni fanoid air a' bhochd, bheir e masladh d'a Chruith-fhear: an ti a ni gairdeachas ri dòruinn, cha bhi e neo-chiontach.

6 *Is* iad clann an cìoinne coron sheann

daoine agus is iad an aithrichean urram cloinne.

7 Cha-n'eil cainnt na mòralachd ciatach do'n amadan: nach lugha na sin a tha bilcan na bréige ciatach do dhuine mòr.

8 Is clach uasal tiodhlac ann an sùilbhan an ti aig am bi e; ge b'e taobh gus an tionndaidh e, soirbhichidh leis.

9 An ti a cheileas lochd, cosnaidh e gràdh; ach esan a dh'aithriscas ui, dealaichidh e cairdean.

10 Drùthaidh achmhasan nìs mò air duine glic, na ceud buille air amadan.

11 Is ceannaire a mhàin a dh'iarras an droch dhuine; uime sin cuirear teachdair an-ìochdunhor 'n a aghaidh.

12 Tachaireadh math-ghamhuin air call a cuileinean air duine, nìs luaithe na amadan 'n a amaideachd.

13 Ge b'e 'dhrìocas olc air son maith, cha dealaich olc r'a thigh.

14 Mar gu'n leigeadh neach a mach uisgeachan, tha toiseach aimhreit; uime sin mu'n sgaoil a' chomhstri, leig dhìot i.

15 Tha'n ti a shaoras an t-aingidh, agus an ti a dhiteas am fìrcan, araon 'n an gràin-cileachd do'n Tighearn.

16 C'ar son a tha luach ann an làimh amadain a dh'fhaotainn gliocais, agus e gun chridhe aige?

17 Anns gach àm gràdhaichidh caraid; agus rugadh bràthair fa chomhair teinn.

18 Is duine gun tuigse a bhuaileas a làmh, a théid 'an urras 'am fianuis a charaid.

19 Gràdhaichidh esan peacadh, a ghràdh-aicheas aimhreit: an ti a dh'àrdaicheas a dhòras, iarraidh e sgrios.

20 An ti a tha fiar 'n a chridhe, cha-n fhaigh e maith; agus an ti a tha lùbach 'n a theangaidh, tuitidh e ann an olc.

21 An ti a gheineas amadan, ginidh se e chum a dhoilgheis féin; oir cha bhi sòlas aig athair amadain.

22 Ni cridhe subhach maith mar leigh-eas; ach tiormaichidh spiorad briste na cnàmhan.

23 Bheir droch dhuine tiodhlac á 'uchd, a chlaonadh shlighean a' bhreitheanas.

24 Fa chomha'ir an duine thuigsich tha gliocas, ach tha sùilean amadain ann an iomall na talmhainn.

25 Tha am mac amaideach 'n a dhoilgheas d'a athair, agus 'n a shearbhadas dh'ise a rug e.

26 Mar an ceudna cha-n'eil e maith peanas a dheanamh air an fhìrean, no àrd uaislean a bhualadh air son ceartais.

27 Caomhnaidh an ti aig am bheil eòlas a bhriathran; agus bithidh fear na tuigse ciùin 'n a spiorad.

28 Measar an t-amadan féin, 'n uair a bhithas e 'n a thosd, 'n a dhuine glic; agus an ti a dhruideas a bhilean, 'n a dhuine tuigseach.

1 Cha-n'eil tlachd aig an amadan ann a' gliocas. 10 Tha an Tighearn 'n a thùr làidir dhoibhsan a chuireas an dòigh ann. 21 Ann an cumhachd na teangaidh tha bàs agus beatha.

A REIR a thograidh iarraidh esan a sgaras e féin, agus buinidh e ris gach gliocas.

2 Cha-n'eil tlachd aig an amadan ann an tuigse, ach gu'm foillsicheadh a chridhe e féin.

3 An uair a thig an t-aingidh, thig mar an ceudna tarcuis, agus maille ri mì-chliu masladh.

4 Mar uisgeachan domhain tha briathran beòil duine; mar shruth sgaoilteach tha tobar a' ghliocais.

5 Cha-n'eil e maith gabhail ri gnùis an droch dhuine, chum am fìrcan a thilgeadh bun os ceann ann am breitheanas.

6 Théid bilean an amadain ann an aimhreit, agus gairmidh a bheul air buillibh.

7 Is e beul amadain a sgrios, agus is iad a bhilean ribe 'anama féin.

8 Tha bràthran fir na cogarsaich mar lotaibh, agus théid iad sìos gu ionadaibh ìochd-arach a' chluim.

9 Mar an ceudna an ti sin a tha leasg 'n a obair, is bràthair e do'n mhillteir mhòr.

10 Is tùr làidir ainm an Tighearna: ruithidh am fìrean d'a ionnsuidh, agus bithidh e tèaruinte.

11 Is e beartas an duine shaoibhir a chaithir làidir, agus mar bhalla àrd 'n a bheachd féin.

12 Roimh sgrios bithidh cridhe duine uaibhreach, agus roimh urram bithidh ìriolsachd.

13 An ti a bheir freagradh ann an cùis mu'n cluinn e i, is amaideachd agus nàire dha e.

14 Giùlainidh spiorad duine a laigse: ach cò a's urrainn spiorad briste a ghiùlan?

15 Gheibh cridhe an duine chrìonna eòlas; agus iarraidh cluas nan daoine glice eòlas.

16 Ni tiodhlac duine àite dha, agus bheir e an làthair dhaoine mòra e.

17 Saoilear gu'm bheil a' chòir aige-san, a tha air thoiseach ann an agairt a chùise; ach thig a choimhearsnach, agus ramsaichidh se e.

18 Bheir an crannchur air aimhreitibh sgar, agus roinnidh e cadar na cumhachd-aich.

19 Tha bràthair air a bhrosnachadh nìs cruaidhe r'a chosnadh na caithir làidir; agus tha aimhreitèan bhràithrean mar chrannaibh lùchairt.

20 Le toradh beòil duine lìonar a bhrù; agus le toradh a bhilean sàsuichear e.

21 Tha bàs agus beatha ann an cumhachd na teangaidh; agus ìthidh esan leis an ion-nhuinn i d'a toradh.

22 An ti a dh'amaiseas air mnaoi, amaisidh e air ni maith, agus gheibh e deadh-ghean o'n Tighearn.

23 Le h-impidh bh labhraidh an duine bochd; ach freagraidh an duine saoi bhir gu garbh.

24 Feumaidh fear aig am bi cairdean, cairdeas a nochdadh; agus tha caraid ann a leanas nìs dlùithe na bràthair.

CAIB. XIX.

1 Bèsaichidh an t-anam a bhitheas amaideach agus as eugmhais eòlais. 16 Eiridh gu maith dhà-san a ghleidheas lagh an Tighearna. 26 Bheir mac aingidh masladh agus nàire air athair.

IS fearr am bochd a ghluaiseas 'n a ion-racas, na esan a tha fiar 'n a bhlìbh, agus e 'n a amadan.

2 Mar an ceudna cha mhaith do'n anam a bhi as eugmhais eòlais; agus an ti a ni cabhag le 'chasaibh, tuisleachidh e.

3 Claonaidh amaideachd duine a shlighe, agus an aghaidh an Tighearna ni a chridhe gearan.

4 Ni saoi bheas mòran chairdean; aeh sgarar am bochd o a charaid.

5 Cha bhi fianuis bhreugach gun pheanas; agus an ti a labhras breugan, cha téid e as.

6 Iarraidh mòran deadh-ghean an duine mhòir; agus bithidh gach duine 'n a charaid do fhear nan tiodhlac.

7 Bheir uile bhràthrean an duine bho chd fuath dha: nach mò na sin a théid a chairdean 'am fad uaith? leanaidh e iad le briathraibh, ach tha iad gun éifeachd.

8 An ti a gheibh gliocas, gràdhachidh e 'anam féin; an ti a ghleidheas tuigse, gheibh e maith.

9 Cha bhi fianuis bhreugach gun pheanas; agus sgriosar an ti a labhras breugan.

10 Cha-n'eil aoibhneas iomchuidh do amadan; is lugha na sin do sheirbhiseach riaghladh os ceann uachdarana.

11 Ni tuigse duine mall chum feirge, agus is i a ghloir amhare thairis air eucoir.

12 Mar bheucaich leòmhain tha fearg rìgh; ach mar dhùrùchd air fear tha a dheadh-ghean.

13 Is aobhar doilgheis d'a athair mac amaideach; agus mar shìor-shileadh uisge tha aimhreitean mnà.

14 Is iad oighreachd aithrichean tigh agus saoi bheas; ach is ann o'n Tighearn a tha bean chiallach.

15 Bheir leisge air duine tuiteam ann an trom chodal; agus fuilingidh an t-anam dìomhanach ocras.

16 An ti a ghleidheas an àithne, gleidhidh e 'anam féin; ach an ti a ni tàir air a shligheibh, gheibh e bàs.

17 An ti a ghabhas truas do'n blochd, bheir e air iasachd do'n Tighearn; agus an ni a bheir e uaith, iocaidh e dha a ris.

18 Smachdaich do mhac am feadh a tha

dòchas d'a thaobh, agus na caomhnadh d'anam air son a gheairin.

19 Fuilingidh fear na feirge mòire peanas; oir ma shaoas tu e, feumaidh tu 'dheanamh a ris.

20 Eisd ri comhairle, agus gabh fòghlum, chum gu'm bi thu glie ann ad làithibh deireannach.

21 Is lìonmhor na smuaintean ann an cridhe duine; ach is i comhairle an Tigh-earn' a shicasas.

22 Is e tlachd duine a chaomhneas; agus is fearr duine boelhd na breugaire.

23 Treòraichidh eagal an Tighearna gu beatha, agus gheibh esan a bhitheas air a lìonadh leis fois; cha-n fhiosraichear le h-olc e.

24 Folaichidh an leisgein a làmh 'n a bhrollach; uiread as chum a bheòil cha tabhair e i a ris.

25 Buail fear-fochaid, agus bithidh an duine neo-gheur air 'fhaicill; agus cronaich duine tuigseach, agus tuigidh e eòlas.

26 An ti a chreachas 'athair, agus a dh'fhògras a mhàthair, is mac a bheir nàire agus masladh e.

27 Sguir, a mhic, a dh' éisdeachd ris an teagasg a chuireas air seacharan o bhriathraibh an eòlais.

28 Ni fianuis aingidh tarcuis air breitheanas; agus sluigidh beul dhroch dhaoine euceart.

29 Dh'ulluicheadh breitheanais do luchd-fochaid, agus builleann do dhruim nan amadan.

CAIB XX.

1 Tha e 'n a ni urramach fantuinn o aimhreit.

10 Is gràineleachd do Dhia tomhas mealltach.

22 Cha chòir do neach olc iocadh air son uile.

IS cealgach an ni fìon, is buaireasach an ni deoch làidir; agus ge b'e neach a mheallar leo, cha-n'eil e glie.

2 Mar bheucaich leòmhain tha eagal rìgh: an ti a bhrosnuicheas e gu feirg, peacaichidh e an aghaidh 'anama féin.

3 Is urramach an ni do fhear fantuinn o aimhreit; ach measgaidh gach amadan innte.

4 Air son an fhuachda cha treabh an leisgein; iarraidh e déire anns an fhogharadh, ach cha-n fhaigh e.

5 Mar uisge domhain tha comhairle ann an cridhe duine, ach tairngidh fear na tuigse mìos i.

6 Gairmidh mòran dhaoine gach aon diubh a mhaithes féin; ach cò a gheibh duine fìrinneach?

7 Gluaisidh am firean 'n a ionracas: sona bithidh a mhic 'n a dhéigh.

8 'N uair a shuidheas rìgh air caithir-bhreitheanais, sgaoilidh e gach olc le 'shùilibh.

9 Cò a dh'fheudas a ràdh, Ghlan mi mo chridhe, tha mi glan o m' pheacadh?

10 Aon chothrom agus cothrom eile, aon

soitheach-tomhais agus soitheach-tomhais
eile, is gràineileachd iad araon do'n Tighearn.

11 Aithnìchear eadhon leanabh le a bheusaibh, am *bi* a dheanadas glan, agus am *bi* e ceart.

12 *Is* a' chluas a chluinneas, agus an t-sùil a chi, riun an Tighearn iad araon.

13 Na gràdhach codal, air eagal gu'n tig thu gu bochdainn; fosgail do shùilean, agus seasuichear thu le h-aran.

14 Cha-n fhiù, cha-n fhiù, ars' an ceannuiche; ach an uair a dh'imicheas e roimhe, an sin ni e uail.

15 Tha òr ann, agus mòran de chlachaihbh luachmhor; ach *is* iad bilean an eòlais an seud a'hs luachmhoire.

16 Gabh eudach an ti a chaidh 'an urras air coigreach; agus air son bana-choigrich gabh an geall uaith.

17 *Is* milis le duine aran na ceilge; ach 'na dhéigh sin ònar a bheul de ghaineamh.

18 Daingnichear gach tionnsgnath le comhairle; agus le comhairle ghlic dean cogadh.

19 A' foillseachadh nithean dìomhair, imichidh fear-tuaiseis mu'n cuairt: uime sin ris-san a ni miodal le 'bhilibh na bith-eadh gnothuch agad.

20 Ge b'e mhalluicheas 'athair, no a mhàthair, cuirear as a lòchran ann an duibhre dorchadais.

21 Feudar oighreachd fhaotainn gu luath an toiseach; ach cha bhia crìoch beannaichte.

22 Na h-abair, locaidh mi olc air son uile: feith air an Tighearn, agus saoraidh e thu.

23 *Is* gràineileachd do'n Tighearn *aon* chlach-thomhais agus clach-thomhais *eile*, agus cha-n'eil meidhean mealltach maith.

24 *Is* ann o'n Tighearn *a tha* ceuman duine; oir cionnus a thuigeas duine a shlighe féin?

25 *Is* ribe e do dhuine itheadh de'n ni a tha naomh, agus an déigh bhòidean a bhi 'fiosrachadh.

26 Sgapaidh rìgh glic na h-aingidh, agus bheir e air an roth teachd thairis orra.

27 *Is* e spiorad duine lòchran an Tighearn', a' sgrùdadh gach ionaid an taobh a stigh de'n chom.

28 Gleidhidh tròcair agus fìrinn rìgh; seadh, le tròcair daingnichear a rìgh-chathair.

29 *Is* e urram dhaoine òga an neart; agus *is* e maise sheann daoine, an ceann liath.

30 Glanaidh guirme cneidhe olc; mar sin glanaidh buillean na bheil an taobh a stigh de'n chom.

CAIB. XXI.

1 Rannsaichidh Dia cridhe an duine. 15 Ròh-naichidh am firean breitheanas. 27 Tha robairt nan aingidh 'na gràineileachd an làthair Dhé.

MAR shruthaibh uisgeachan *tha* cridhe rìgh ann an làimh an Tighearna: ge b'e taobh is àill leis, tionndaidhidh se e.

2 *Tha* uile shlighcan duine ceart 'n a shùilibh féin; ach measaidh an Tighearn na cridheachan.

3 Ceartas a dheanamh agus breitheanas, *is* ròghnaiche leis an Tighearn na ìobairt.

4 *Is* peacach sealladh àrd, agus cridhe uaibhreach, lòchran nan aingidh.

5 *Bheir* gu deimhin smuaintean an duine dhìchiollaich gu pailteas; ach *thig* gach neach a tha gun fhoighidin da rìreadh gu dith.

6 Ionmhasan fhaotainn le teangaidh bhreug-aich, *is* dìomhanas e air a luasgadh a null agus a nall aig an dream a dh'iarras am bàs.

7 Sgrìosaidh reubainn nan aingidh iad, a chionn gu'n diùlt iad breitheanas a dheanamh.

8 Fiar agus coimheach tha slighe duine; ach *a thaobh* an fhìor-ghloin, *tha* a dheanadas dìreach.

9 *Is* fearr còmhnuidh a ghabhail ann an oisinn mullaich tìghe, na maille ri mnaoi aimhreitich ann an tìgh farsuinn.

10 Miannaichidh anam an aingidh olc: cha-n fhaigh a choimhearsnach deadh-ghean 'na shùilibh.

11 An uair a nithear peanas air fear-fochaid, fàsaidh am baoghalta glic; agus an uair a theagaisgear an duine glic, gheibh e eòlas.

12 Bheir am firean an aire gu glic do thigh an aingidh: tilgear na h-aingidh bun os ceann air son an aingidheachd.

13 An ti a dhruideas a chluas ri glaoth an duine bhochd, glaothaidh e féin mar an ceudna, ach cha-n éisdear ris.

14 Cùmichidh tiodhlac ann an dìomhair-eachd fearg; agus duais 's an uchd, corruich dhian.

15 *Is* aoibhneas do'n fhìrean breitheanas a dheanamh; ach *thig* sgrìos air luchd-deanamh na h-eucèirt.

16 An duine a thèid air seacharan o shlighe na tuisge, fanaidh e ann an coimhthional nam marbh.

17 *Bithidh* esan 'na dhuine bochd a ghràdh-aicheas sògh; an ti a ghràdh-aicheas fion agus oladh, cha-n fhàs e saoi bhir.

18 'N a éiric air son an fhìrein *bithidh* an t-aingidh, agus air son nan ionraic an duine fealltach.

19 *Is* fearr còmhnuidh a ghabhail ann am fàsach, na maille ri mnaoi aimhreitich agus fheargach.

20 *Tha* ionmhas taitneach agus oladh ann an àite-còmhnuidh an duine ghlic; ach caithidh an t-amadan e.

21 An ti a leanas fireantachd agus tròcair, gheibh e beatla, fircantachd, agus urram.

22 Do chaithir nan daoine, treuna streapaidh an duine glic, agus leagaidh e sìos neart a h-carbsa.

23 An ti a ghlaidheas a bheul agus a

theangadh, gleidhidh e 'anam o theannta-daibh.

24 Fear-magaidh uaibhreach àrdanach *is* ainm dhàsan, a ghiùlainneas e féin ann an corruich an uabhair.

25 Marbhaidh miann an leisgein e; oir diùltaidh a làmhnan obair a dheanamh.

26 Air feadh an là sanntaichidh e gu mòr; ach bheir am firean uaith, agus cha chaomh-
asb e.

27 *Is* gràineileachd òbairt nan aingidh: cia mòr is mò, 'n uair a bheirear suas i le droch lùn?

28 Sgriosar fianuis bhreugach; ach an ti a dh'éisdeas, labhraidh e chum *deadh* chrìche.

29 Cruaidhichidh an droch dhuine 'eudan; ach ni esan a tha ionraic a shlighe dìreach.

30 Cha-n'eil gliocas, no tuigse, no comhairle ann, an aghaidh an Tighearna.

31 Deasaichear an t-each fa eomhair là a' chatha; ach is ann o'n Tighearna a tha tèaruinteachd.

CAIB. XXII.

1 *Trid eagail an Tighearna tha urram agus beatha.* 9 Beannaichear esan aig am bheil sùil thruacanta, 16 ach esan a shàruicheas am bochd *thig* e gu h-uireasbhuidh. 24 *Is* còir fear na feirge a sheachnadh.

IS ròghnaiche ainm maith na mòr shaoibhreas, agus deadh ghean na airgid agus dr.

2 Coimichidh am beartach agus am bochd a chéile: *is* e'n Tighearna a rinn iad gu léir.

3 Chi an duine crìoma olc, agus folaichidh se e féin; ach gabhaidh na daoine baoghalta air an aghaidh, agus fuiligidh iad peanas.

4 Trid irioslachd [agus] eagail an Tigh-carna, *thig* saoihbreas, agus urram, agus beatha.

5 *Tha* droighionn agus ribeachan ann an slighe an duine fhiar: an ti a ghlaidheas 'anam féin, théid e 'am fad uatha.

6 Teagaisg leanabh a thaobh na slighe air an còir dha imeachd; agus an uair a bhitheas e scan, cha tréig e i.

7 Riaghlaidh am beartach os ceann nam bochd; agus *bithidh* an ti a ghabhas 'an eoingeall 'n a sheirbhiseach dhà-san a bheir 'an eoingeall.

8 An ti a shìol-chuireas euceart, buainidh e dìomhanas; agus caithear slat 'fheirge.

9 Beannaichear esan aig am bheil sùil fhial; oir bheir e d'a aran do'n bhochd.

10 Tilg a mach am fear-fochaid, agus théid eonnsachadh a mach; seadh, sguiridh comhstri agus masladh.

11 An ti leis an ionmhuinn gloine eridhe, *is* taitneach a bhilean, *bithidh* an rìgh 'n a charaid aige.

12 Coimhidh sùilean an Tighearna eòlas; ach tilgidh e bun os ceann briathran a' chiontaich.

13 Their an leisgein, *Tha* leòmhnan am muigh, anns na sràidibh marbhar mi.

14 *Is* slochd domhain beul bhan coimichidh; an ti a's gràineil leis an Tighearna, tuitidh e ann.

15 *Tha* amaidcachd ceangailte ann an cridhe leinibh; ach cuiridh slat an smachdachaidh fada uaith i.

16 An ti a shàruicheas am bochd a mhucdachadh a *mhaoin* féin, agus an ti a bheir do'n t-saoibhir, *thig* e gu deimhin gu h-uireasbhuidh.

17 Aom do chluas, agus éisd ri briathraibh dhaoine glice, agus socraich do chridhe air m'eòlas-sa:

18 Oir *is* taitneach an *ni* e, ma ghlaidheas tu iad ann ad chom, ma bhitheas iad araon deas air do bhlilibh.

19 Chum gu'm bithcadh d'earbsa as an Tighearna, nochd mi dhuit an diugh, eadhon dhuit-sa.

20 Nach do sgrìobh mi dhuit nithean òir-dheire', ann an comhairlibh, agus ann an eòlas?

21 Chum gu nochdaim duit cinnte bhriathar na firinn; chum gu'm freagradh tu briathran na firinn dhoibhsan a chuireas fios a d'ionnsuidh?

22 Na creach am bochd a chionn gu'm *bheir* e bochd, agus na sàruich an truaghan anns a' gheata:

23 Oir tagraidh an Tighearna an cùis, agus millidh e anam na muinntir' a mhilleas iad.

24 Na dean suas cairdeas ris an fhear-gach; agus maille ri fear na h-àrd-chorruich na h-imich;

25 Air eagail gu'n iunsaich thu a shlighean, agus gu'm faigh thu ribe do d'anam.

26 Na bi dhiubh-san a bhuailcas an làmh-an, no dhiubh-san a théid 'an urras air son fhiach.

27 Mur 'eil *ni* agad gu dìoladh, c'ar son a bheirteadh uait do leabadh a tha fodhad?

28 Na h-atharraich an seann comharadh-crìche, a shuidhlich d'aithrichean.

29 *Ma* chi thu fear a bhitheas ealamh 'n a ghnothuichibh, seasaidh e an lathair rìgh-rean, cha seas e an lathair dhaoine ìosal.

CAIB. XXIII.

1 *Tha* saoihbreas talmhaidh neo-tharbhach. 15 *Is* còir leanabh a smachdachadh. 21 *Thig* an misgeir agus an gedcaire gu bochdainn. 29 Buinidh bròn dhàsan a dh'ìarras fion measgta.

AN UAIR a shuidheas tu a dh'itheadh maille ri h-uachdaran, thoir an roaire do na *bheil* fa d' chomhair;

2 Agus cuir sgian ri d' sgornan, ma's duine thu air do thabhairt do gheacaireachd.

3 Na miannaich a nithean milse; oir *is* biadh mealltach iad.

4 Na saothraich gu fàs saoiubhir; leig dhìot do ghliocas féin.

5 An cuir thu do shùilean air an *ni* nach 'eil ann? oir gu cinnteach *ni* saoihbreas

sgriathan dha féin, mar iolaire a dh'itealaich-eas chum nan nèamh.

6 Na h-ith aran an *ti aig am bheil* droch shùil, agus ua miannaich a nithean milse.

7 Oir mar a smuauicheas e'n a anam, mar sin *bithidh* e: Ith agus òl, their e riut, ach cha *bhi* a chridhe leat.

8 An greim a dh'ith thu, sgeithidh tu nìos, agus caillidh tu do bhriathran milse.

9 Na labhair ann an cluasaibh amadain; oir ni e tàir air gliocas do bhriathar.

10 Na h-atharraich an seanu chomharadh-eriche; agus air achaidh nan dilleachdan na bris a steach:

11 Oir *tha* am fear-saoraidh eumhachdach; tagraidh e an cùis a'd' aghaidh.

12 Aom do chridhe ri fòghlum, agus do chluasan ri briathraibh eòlais.

13 Na cum smachdachadh o leanabh; oir *ma* bhuaileas tu e le slait, cha-u fhaigh e bàs.

14 Buailidh tu e le slait, agus saoraidh tu 'anam o ifrinn.

15 A mhic, ma bhitheas do chridhe glie, ni mo chridhe -sa gairdeachas, eadhon uo chridhe-sa:

16 Seadh, ni m'airnean gairdeachas, 'n uair a labhras do bhilean nithean cearta.

17 Na gabhadh do chridhe farmad ri peacach: ach *bi* ann an eagail an 'Tighearn' air feadh an là uile.

18 Oir gu deimhin tha crìoch ann; ach eha ghearrar as do dhòchas.

19 Eisd thusa, a mhic, agus bi glie, agus treòraich do chridhe anns an t-slighe.

20 Na bi am measg phòiteirean fiona; am measg luchd comh-ithidh geòcach feòla.

21 Oir thig am misgeir agus an geòcaire gu bochdainn; agus eudaichidh turra-chodal *duine* le luideagaibh.

22 Eisd ri d'athair a ghin thu, agus na dean tàir air do mhàthair 'n uair a bhitheas i aosda.

23 Ceannaich au fhìrinn, agus na reic i; *mar an ceudna* gliocas, agus fòghlum, agus tuigse.

24 Ni athair an fhìreinn mòr ghairdeachas; agus ni esan a ghineas *mac* glie, aoibhneas ann.

25 Ni d'athair agus do mhàthair aoibhneas, agus ni ise a rug thu gairdeachas.

26 A mhic, thoir dhomhsa do chridhe, agus coimhleadh do shùilean mo shlighean.

27 Oir *is* slochd domhain striopach; agus *is* slochd cumhann bana-choigreach.

28 Tha i mar an ceudna ri feall-fheitheamh mar chreachadair, agus cuiridh i luchd-dò-bheirt ann an lionmhoireachd am measg dhaoine.

29 Cò d'*am buin* truaighe? cò a *tha* ri bròn? cò aig *am bheil* connasachadh? cò a *tha* ri gearan? cò aig *am bheil* lotan gun aobhar? cò aig *am bheil* deirge shùil?

30 Iadsan a dh'fhannas fad' aig an fhìon iadsan a theid a dh'iarraidh fiona measgta.

31 Na h-amhaire thusa air an fhìon an uair a bhitheas e dearg, 'n uair a bheir e a dhath 's a' chupan, a theid e sìos dìreach.

32 Ma dheireadh teumaidh e mar nathair, agus mar an righ-nathair sàthaidh e a ghath.

33 Amhaireidh do shùilean air mnàibh coimheach, agus cuiridh do ehridhe 'an céill nithean claoana:

34 Agus bithidh tu mar an ti a luidheas sìos ann am meadhon na fairge, no mar esan a luidheas air bàrr croinn-siùil.

35 Bhuail iad mi, *their thu*, agus cha robh mi tinn; ghabh iad orm, agus cha do mhothaich mi: c'uin a dhùisgeas mi? an sin iarraidh mi fathast e.

CAIB. XXIV.

1 *Cha chòir do neach farmad a ghabhail ri droch dhaoineibh.* 11 *Rannsaichidh Dia an cridhe, agus tocaidh e do gach duine a réir a ghnìomharan.* 30 *Bochdainn an duine leisg.*

NA gabh farmad ri droch dhaoineibh, agus na miannaich a bhi maille riu:

2 Oir smuainichidh an cridhe air milleadh, agus labhraidh am bilean mu dhonas.

3 Le gliocas togar tigh, agus le tuigse daingnichear e;

4 Agus le h-còlas lìonar a sheòmraichean leis gach saoihbreas luachmhor agus taitneach.

5 *Tha'n* duine glie 'n a *dhuine* làidir; agus tha fear an eòlais treun ann an neart.

6 Oir le comhairle ghlic ni thu do chogadh; agus ann an lionmhoireachd chomhairleach *tha* tearuinteachd.

7 *Tha* gliocas àrd air son amadain; anns a' gheata na fosgladh e a bheul.

8 Esan a smuainicheas air olc a dheanamh, goirear fear nan droch innleachd dheth.

9 *Is* peacadh smuaintean na h-amaidheachd; agus *is* e fear na fochaid gràin dhaoine.

10 *Ma* dh'fhannaicheas tu ann an là an àmhghair, *is* beag do neart.

11 Ma dhicarmadas tu iadsan a thairngear chum bàis, agus iadsan a tha ullamh gu bhi air am marbhadh a thearnadh;

12 Ma their thu, Feuch, cha robh fios againn air so; nach toir esan a chothrom-aicheas an cridhe fainear? agus nach bi fios aige-san a choimhideas d'anam? agus nach ioc e do gach duine a réir a ghnìomharan?

13 A mhic, ith thusa mil, a chionn gu'm *bheil i* maith, agus a' chuir mhicala a *tha* milis do d' bhlas.

14 Mar sin *bithidh* eòlas a' ghliocais do d'anam, ma gheibh thu *e*; agus an uair a thig do chrioch, cha ghearrar as do dhòchas.

15 Na dean feall-fholach, a dhroch dhùine, an aghaidh àite-còmhnuidh an fhìreinn; na creach 'ionad-tàimh.

16 Oir seachd uairean tuitidh am firean, agus éiridh e *ris*; aeh tuitidh na h-aingidh ann an olc.

17 An uair a thuiteas do nàmhaid, na bi aoibhneach, agus an uair a thuislicheas e, na deanadh do chridhe gairdeachas:

18 Air eagal gu'm faic an Tighearn, agus gu'm bi e ole 'n a shùilibh, agus gu'n tionndaidh e 'fhearg uaith.

19 Na bitheadh campar ort mu dhroch dhaoibh, agus na gabh farmad ris na h-aingidh:

20 Oir cha bhi crìoch mhaith air an droch dhuine; cuirear lèchran nan aingidh as.

21 A mhic, bitheadh eagal an Tighearn' agus an rìgh ort: riu-san aig am bheil atharrachadh giùlain na bitheadh gnothuch agad:

22 Oir gu h-obann thig an dòruinn; agus cò d'am fios an sgrios araon?

23 *Buinidh* na nìthan so mar an ceudna do dhaoibh glìce. Cha mhaith an uig nùis aithneachadh ann am breitheanas.

24 Esan a their ris an aingidh, *Tha* thu cothromach, malluichidh an sluaghe; gabhaidh na fineachan gràin deth.

25 Ach bithidh toil-inntinn aca-san achronaicheas e, agus thig beannachadh maith orra.

26 Pògar bilean an ti a bheir freagradh ceart.

27 Ulluich d'obair am muigh, agus deasaich i dhuit féin anns an achadh, agus 'n a dhéigh sin tog do thigh.

28 Nab'i'ad' fhiannais gun aobhar an aghaidh do choimhearsnaich; agus na meall le d' bhillibh.

29 Na h-abair, Mar a rinn e orm, mar sin ni mi air: ìocaidh mi do'n duine a reir 'oibre.

30 Ghabh mi seachd air fearann an duine leisg, agus air fion-lios an duine gun tuigse;

31 Agus, feuch, bha e uile air fas suas le cluaranaibh, chòmhaidh an eanntagach 'aghaidh, agus bhriseadh sìos a bhalla cloiche.

32 An sin chunnaic mi, thug mi an aire gu maith; dh'amhairme, fhuair mi fòghlum.

33 Fathast beagan codail, beagan clò-chodail, beagan pasgaidh uan làmh gu codal:

34 An sin thig do bhoichdainn mar fhearsuibhail, agus d'uireasbhuidh mar dhuine fo armaibh.

CAIB. XXV.

1 *Gnàth-fhocail mu thimchioll rìghrean.* 8 *Cha-n'èil e iomchuidh dol a mach gu h-obann gu strì.* 18 *Tha fear na fianuis-bhréige mar chlaidheamh agus mar shaignead gheur.*

IS iad so mar an ceudna gnàth-fhocail *A* Sholaimh, a dh'ath-sgrìobh daoine Hesciah rìgh Iudah.

2 *Is i* glòir Dhé ni a cheiltinn; ach *is e* urram rìghrean ni a rannsachadh.

3 *Tha* neamh air àirde, agus an talamh air doimhne, agus cridhe rìghrean do-rannsachaidh.

4 Buin an salchar o'n airgid, agus thig soitheach a mach do'n òr-cheard.

5 Buin an droch dhuine á làthair an rìgh,

agus daingnichear ann am fireantachd a rìgh-chaithir.

6 Na gabh urram dhuit féin ann am fianuis rìgh, agus na seas ann an àite dhaoine mòra:

7 *Oir is* fear gu'n abrar riut, Thig a nìos an so, na gu'n cuirear sìos thu 'am fianuis an uachdarain a chunnaic do shùilean.

8 Na gabh a mach gu h-obann gu strì, air eagal *nach bi fios agad* ciod a ni thu 'n a dhéigh sin, an uair a bheir do choimhearsnach gu nàire thu.

9 Tagair do chùis ri d' choimhearsnach, agus na foillsich rùn-dìomhair do neach eile:

10 Air eagal gu'n cuir an ti a chluinneas gu nàire thu, agus nach atharraichear do mhiasladh.

11 *Mar* ùbhlán òir ann an dealbhan airgid, *tha* focal a labhrar gu h-iomchuidh.

12 *Mar* chluas fhàinne òir, agus mar usgair de'n òr fhìor-ghlan, *tha* fear-cronachaidh glìce aig cluais fhuarachair.

13 Mar fhuachd sneachda ann an àm an fhogharaidh, *tha* teachdair dileas dhoibh-san a chuireas uatha e; oir ath-bheothaichidh e anam a mhaighstir.

14 *Mar* neoil agus *mar* ghaoith gun uisge *tha* am fear a ni uail à tiodhlac gu breugach.

15 Le fad-fhulangas cuirear iupidh air uachdaran, agus brisidh teangadh mhin enàimh.

16 An d'fhuair thu mìl? ith nì's leòr dhuit dith; air eagal gu'n làn-shàsuichear thu, agus gu'n sgeith thu i.

17 Tarruing do chos á tigh do choimhearsnaich, air eagal gu'm bi e sgìth dhìot, agus gu'm fuathaich e thu.

18 *Is* ord, agus claidheamh, agus saighead gheur, am fear a bheir fianuis bhréige an aghaidh a choimhearsnaich.

19 *Mar* fhiacail bhrìste, agus *mar* chois as an alt, *tha* earbsa á duine neo-dhìleas ann an là airce.

20 *Mar* esan a bheir air falbh eudach ann an là fuachda, *mar* fhìon-geur air creag-shalainn, mar sin *tha* esan a sheinneas òrain do'n chridhe thùirseach.

21 Ma bhitheas do nàmhaid ocrach, thoir aran dha r'a itheadh; agus ma bhitheas e ìotmhor, thoir uisge dha r'a òil:

22 Oir carnaidh tu éibhlean teine air a cheann, agus bheir an Tighearn luigheadh dhuit.

23 Cuiridh a' ghaoth á tuath air falbh an t-uisge; mar sin *cuiridh* a' ghluais fheargach *air falbh* teangadh a' chùl-chàinidh.

24 *Is* fear còmhnuidh a ghabhail ann an oisinn mhullaich tighe, na maille ri mnaoi aimhreitich ann an tigh farsuinn.

25 *Mar* uisgeachan fuara do'n anam thart nìor, mar sin *tha* deadh sgeul á tìr chéin.

26 *Mar* thobar air a chur troimh a chéile, agus *mar* fhuaran air a thruaillcadh, *tha*

am firean a thuislicheas 'am fianuis an aingidh.

27 Cha-n'èil e maith mòran meala itheadh; agus cha ghloir e do dhaoineibh an glòir féin iarraidh.

28 Mar mhor-bhaile briste sìos, gun bhalla, tha am fear aig nach 'èil ceannsal air a spiorad féin.

CAIB. XXVI.

1 Tha urram neo-ionchuidh do'n amadan. 13 Mu thimchioll an leisgein; 17 agus an neach a ghabhas gnothuch ri conspoid nach buin da.

MAR shneachd 's an t-samhradh, agus mar uisge 's an fhogharadh, mar sin cha-n'èil urram ionchuidh do'n amadan.

2 Mar eun air faondradh, mar an gobhlana-gaoithe ag itealaich, mar sin cha tig am mallachadh gun aohhar.

3 Cuipe do'n each, srian do'n asal, agus slat do dhruim nan amadan.

4 Na freagair amadan a réir 'amaideachd, air eagal gu'm bi thu féin cosmhuil ris.

5 Freagair amadan a réir 'amaideachd, air eagal gu'm bi e glic 'n a shùilbhe féin.

6 Gearraidh esan dheth a chesan, òlaidh e dochann, a chuireas teachdaireachd le làimh amadain.

7 Cha-n ionann cosan a' bhacaich; mar sin tha gnàth-fhocal ann am heul amadan.

8 Mar neach a cheanglas clach ann an crann-tabhuill, mar sin tha esan a bheir urram do amadan.

9 Mar a théid bior suas ann an làimh misgeir, mar sin tha gnàth-fhocal ann am heul amadan.

10 Bheir an Dia mòr, a dhealbh gach nì, duais do'n amadan, agus bheir e duais do luchd-eusantais.

11 Mar a philleas madadh chum a sgeith féin, pillidh amadan chum 'amaideachd féin.

12 Am bheil thu 'faicinn duine a tha glic 'n a bharrail féin? tha aohhar dòchais nì's mò de'n amadan na dheth-san.

13 Their an leisgein, Tha leòmhann 's an t-slighe, leòmhann anns na sràidibh.

14 Mar a thionndaidheas an dorus air a lùdnain, mar sin an leisgein air a leahaidh.

15 Folaichidh an leisgein a làmh 'n a bhròlach; is doilich leis a toirt chum a bheòil.

16 Is glise an leisgein 'n a bharrail féin, na seachdnar a bheir freagradh gu ceart.

17 Mar neach a bheireas air madadh air a chluasaibh, tha esan a théid seachad, agus a ghabhas gnothuch ri conspoid nach buin da.

18 Mar fhear air bhoile, a thilgeas leusan-toine, saighdean, agus bàs,

19 Mar sin tha am fear a mheallas a choinmhearsnach, agus a their, Nach ann ri fala-dhà a tha mi?

20 Far am bi dìth connaidh, théid an teine as; agus far nach bi fear-cogarsaich, sguiridh a' chomh-stri.

21 Mar ghual do ìbhlibh, agus mar

chonnadh do theine, mar sin tha fear nan aihreith a dhùsgadh strì.

22 Tha briathran fir na cogarsaich mar lotaibh, agus théid iad sìos gu ionadaibh iochdarach a' chuim.

23 Mar shoitheach creadha air a chòmh-dachadh le sal airgid, tha bilean air lasadh agus cridhe ole.

24 Le 'bhilibh ceilidh an ti a dh'fhuathaicheas; ach 's an taobh a stigh dheth taisgidh e cealg.

25 An uair a labhras e gu breagha, na creid e; oir tha seachd graineileachdan 'n a chridhe.

26 An ti a chòmhdaicheas 'fhuath le ceilg, foillsichear 'aingidheachd 'am fianuis a' chomh-chruinneachaidh.

27 An ti a chladhaicheas slochd, tuitidh e féin ann; agus an ti a charuicheas clach, pillidh i air féin.

28 Fuathaichidh an teangadh bhreugach iadsan d'an dean i dochair; agus oibrichidh am heul mìodalach sgrios.

CAIB. XXVII.

1 Cha chòir uail a dheanamh a thaobh an là màireach. 12 Seachnaidh an duine crìonna an t-òc, 23 agus bithidh aithne mharbha aig air staid a thighe.

NA dean uail a thaobh an là màireach; oir cha-n'èil fhios agad ciod a bheir là mu'n cnairt.

2 Moladh neach eile thu, agus na h'e do bheul féin; coigreach, agus na h'iad do bhlèan féin.

3 Is trom clach, agus is cudthromach a' ghaineamh; ach is truine corruich amadain na iad le 'ehéile.

4 Is an-ìochdmhor corruich, agus mar thuil tha fearg; ach cò a's urrainn seasamh 'am fianuis tnu?

5 Is fearr achmhasan follaiseach na gràdh folaichte.

6 Is dileas lotan caraid; ach is cealgach pògan eascaraid.

7 Gabhaidh an t-anam làn gràin de'n chìr-mheala; ach do'n anam ocrach is milis gach nì searbh.

8 Mar eun air seacharan o a nead, mar sin tha am fear a théid air seacharan o 'aite féin.

9 Nì oladh-ungaidh agus deadh-fhaile an cridhe ait: mar sin nì mìlead caraid duine le comhairle a chridhe.

10 Na tréig do charaid féin, no caraid d'athar, agus na rach a steach do thigh do bhràthar ann an là d'àmhghair: is fearr coimhearsnach am fagus na bràthair fad as.

11 Bi glic, a mhic, agus dean mo chridhe ait, agus bithidh freagradh agam dhàsan a bheir masladh dhomh.

12 Chi an dnine crìonna ole, agus folaichidh se e féin; ach gabhaidh na daoine baoghalta air an aghaidh, agus fuilingidh iad peanas.

13 Gabh eudach an ti a chaidh 'an urras

air coigreach, agus air son bana-choigrich gabh an geall uath.

14 An ti a bheannaicheas a charaid le guth àrd, ag éirigh gu moch 's a' mhaduinn, measar e dha mar mhallachadh.

15 Tha sìor-shileadh uisge ann an là frasach, agus bean aimhreiteach cosmhuil ri 'chéile.

16 Ge b'e dh'fholaicheas i, folaichidh e a' ghaoth, agus oladh-ungaidh a làimhe deise a bhrathas i féin.

17 Geuraichear iarunn air iarunn, agus geuraichidh duine gnùis a charaid.

18 Ge b'e 'ghleidheas craobh-flhige, ithidh e d'a toradh; mar sin esan a dh'fheitheas air a mhaighstir, gheibh e urram.

19 Mar a' fheagraas aghaidh do aghaidh ann an uisge, mar sin freagraidh cridhe duine do dhuine.

20 Cha sàsuichear ifrinn agus léir-sgrìos, agus cha sàsuichear sùilean dhaoine.

21 Mara' phoit-ghlanaidh air son an airgid, agus an àmhuinn air son an òir, mar sin tha duine do bheul an ti a mholas e.

22 Ged phronnadh tu amadan ann an soitheach-pronnaidham measg cruithneachd le bruthadair, cha dealaich 'amaideachd ris.

23 Bitheadh aithne mhaith agad air staid do chaorach; thoir an aire do d' threudaibh.

24 Oir cha mhair beartas gu bràth: agus am mair an crùn o linn gu linn?

25 Nochdar am fear gearrta, agus taisbeanaidh am fear maoth e féin, agus cruinnichear luibhean nam beann.

26 Bithidh na h-uain chum d'eudaich; agus is iad na gabhar luach d'fhearainn.

27 Agus bithidh nìs leòr de bhainne ghabhar agad chum bìdh, chum bìdh do theaghlach, agus chum beathachaidh do mhaighdeanan.

CAIB. XXVIII.

1 Soirbhichidh leis an duine a ghluaiseas 'n a ionracas, 7 ach esan a ni gu h-aingidh tuitidh e 'n a shlochd féin.

TEICHIDH an t-aingidh, gun neach 'bhi 'an tòir air; ach bithidh na h-ionraic dàna mar leòman.

2 Air son eusaontais tìre bithidh mòran uachdaran oirre; ach le duine tuisgeach eòlach nithear a staid buan.

3 Tha duine bochd a ni foirneart air bochdaibh, mar uisge millteach nach fàg biadh 'n a dhéigh.

4 Molaidh iadsan a thréigeas an lagh na h-aingidh; ach ni iadsan a ghleidheas an lagh strì ri u.

5 Cha tuisg droch dhaoine breitheanas; ach tuisgidh iadsan a dh'iarras an Tighearn na h-uile ni.

6 Is fearr am bochd a dh'imicheas 'n a ionracas, na esan a tha fiar 'n a shlighibh, ged bhitheadh e saobhir.

7 An ti a ghleidheas an lagh, is mac glic e; ach esan a tha 'n a chompanach do luchd-aimhreith, nàirichidh e 'athair.

8 An ti a mheudaicheas a mhaoin le h-ocair agus le buannachd eucoraich, cruinnichidh e dhà-san a ghabhas truas de'n bhoichd.

9 An ti a thionndaidheas a chluas air falbh o chluinntinn an lagha, bithidh 'urnuigh féin 'n a graincileachd.

10 An ti a chuireas na fireanan air seacharan air droch shlighe, tuitidh e 'n a shlochd féin; ach mealaidh na h-ionraic nithean maithe.

11 Is glic duine saobhir 'n a bharail féin; ach rannsaichidh an duine bochd aig am bi tuisge mach e.

12 'N uair a ni na fireanan gairdeachas, bithidh glòir mhòr ann; ach an uair a dh'éireas na h-aingidh, folaichear duine.

13 An ti a dh'fholaicheas a pheacaidhean, cha soirbhich leis; ach esan a dh'aidicheas agus a thréigeas iad, gheibh e tròcair.

14 Is beannaichte an duine air am bi eagal a ghnàth; ach esan a chruaidhicheas a chridhe, tuitidh e ann an olc.

15 Mar leòman beucach, agus marmhath-ghamhuin a ruitheas a null agus a nall, tha uachdaran aingidh os ceann sluagh bhoichd.

16 Am fear-riaghlaidh aig nach 'eil tuisge, is mòr mar an ceudna am fear-foirneirt e; ach an ti a dh'fhuathaicheas sannt, sinidh e a laithean.

17 An duine a ni ainneart air fuil neach sam bith, teichidh e gu ruig an slochd; na cumadh aon duine e.

18 An ti a ghluaiseas gu h-ionraic, tèarnar e; ach esan a tha fiar 'n a shlighibh, tuitidh e dh'aon bheum.

19 An ti a threabhas 'fhearann, bithidh pailteas arain aige; ach esan a leanas an déigh dhaoine dìomhain, bithidh bochdainn gu leòr aige.

20 Bithidh duine firiuneach pailt ann am beannachdaibh; ach esan a ni deifir gu 'bhi saobhir, cha bhi e neo-chiontach.

21 Cha mhaith an ni gnùis aithneachadh; gidheadh air son greim arain ciontaichidh duine.

22 Ni fear na droch shùla deifir gu 'bhi saobhir; ach cha-n 'eil fhios aige gu'n tig bochdainn air.

23 An ti a chronaicheas duine, 'n a dhéigh sin gheibh e nìs mò de dheadh-ghcan na esan a ni modal le 'theangaidh.

24 An ti a ni reubainn air 'athair no air a mhàthair, agus a their, Cha-n'eil cionta ann, is companach e do fhear-millidh.

25 An ti aig am bheil cridhe àrdanach, dhùisgidh e strì; ach esan a dh'earbas as an Tighearn, nithear sultmhor e.

26 An ti a dh'earbas as a chridhe féin, is amadan e; ach esan a ghluaiseas gu glic, saorar e.

27 An ti a bheir do'n bhoichd, cha bhi dìth air; ach air an ti a dh'fholaicheas a shùilean bithidh iomadh mallachd.

28 'N uair a dh'éireas na h-aingidh, fol-

aichidh daoine iad féin; ach an uair a sgriosar iad, fàsaidh na fireanan lionmhor.

CAIB. XXIX.

1 'N uair a riaghlas na fireanan soirbhichidh leis an t-sluagh. 15 Bheir an t-slat agus achmhasan gliocas do leanabh. 22 Mu thimchioll feirge, 23 uabhair, 24 agus comh-roinn ri gaduiche.

AM fear a chronaichear gu minic, gidh-eadh a chruaidhcheas a mhuineal, sgriosar e gu h-obann, agus sin gun leigheas.

2 'N uair a bhitheas na fireanan cumhachdach, ni an sluagh gairdeachas; ach an uair a riaghlas na h-aingidh, ni an sluagh osnaich.

3 Am fear a ghràdhaicheas gliocas, ni e 'athair ait; ach esan a chumas cuideachd ri striopaichean, caithidh e a mhaoin.

4 Le breitheanas daingnichidh an rìgh an tìr; ach sgriosaidh am fear a ghabhas tìdh-lacan i.

5 Am fear a ni miodal r'a choimhearsnach, sgaoilidh e lion air son a chos.

6 Ann an eusaontas droch dhuine *tha* ribe; ach seinnidh am firean, agus bithidh e aoibhneach.

7 Bheir am firean an aire do chùis nam bochd; ach cha ghabh an t-aingidh suim do eòlas a bhi aig' oirre.

8 Bheir luchd-fochaid baile ann an ribe; ach pillidh daoine glìce fearg.

9 Ma ni duine glic strì ri duine amaid-each, co dhùibh a bhitheas fearg air, no' ni e gaire, cha *bhi* fois ann.

10 Fuaithaidh daoine fuileachdach an duine ionraic; ach iarraidh daoine cothromach 'anam.

11 Cuiridh amadan 'an céill 'inntinn uile; ach cumaidh duine glic a stigh i gus an dèigh sin.

12 Ma dh'éisdeas uachdaran ri breugaibh, *bithidh* a sheirbhisich uile aingidh.

13 Coinnichidh am bochd agus an cealg-air a chéile; bheir an Tighearn solus d'an sùilibh aranon.

14 Ma bheir rìgh breth air bochdaibh ann am firinn, daingnichear a rìgh-chaithir gu bràth.

15 Bheir an t-slat agus achmhasan gliocas uatha; ach cuiridh an leanabh a dh'fhàgar dha féin nàire air a mhàthair.

16 'N uair a bhitheas na h-aingidh lionmhor, bithidh eusaontas lionmhor; ach chi na fireanan an leagadh.

17 Cronaich do mhac, agus bheir e suaimhneas dhuit; seadh, bheir e sòlas do d'anam.

18 Far nach *'eil* taisbeanadh, theid an sluagh a dhìth; ach an ti a choimhideas an lagh, *is* sona esan.

19 Le briathraibh cha leasaichear seirbhis-each; oir ged thuig e, cha fhreagair e.

20 Am bheil thu 'faicinn duine a tha dian 'n a bhriathraibh? *tha* aobhar dòchais ni's mo de'n amadan na dheth-san.

21 Ma thogas neach a sheirbhis-each suas gu mùrneach o bha e 'n a leanabh, ma dheireadh bithidh e aige mar mhac.

22 Dùisgidh duine feargach aimhreit, agus bithidh fear na corruich pàilt ann an eusaontas.

23 Islichidh uabhar duine e; ach gheibh esan a tha iriosal 'n a spiorad urram.

24 An ti a ni comh-roinn ri gaduiche, fuaithaidh e 'anam féin: cluinidh e mallachadh, ach cha-n fhoillsich e.

25 Bheir eagal duine ribe leis; ach ge b'e 'dh'earbas as an Tighearn, bithidh e tèaruinte.

26 Iarraidh mòran deadh-ghean an uachd-arain; ach is ann o'n Tighearn a *tha* breitheanas gach duine.

27 *Is* e fear na h-euceirt gràineileachd nam firean; agus *is* e'n ti a tha ceart 'n a shlighe gràineileachd nan aingidh.

CAIB. XXX.

1 *Aideachadh Aguir mhic Iaceh*. 7 'N a urnuigh dh'iarr e dà ni o *Dhia*. 11 Na ceithir gineal-achean aingidh; 15 agus na ceithir nithean nach sòsuichear. 17 Ceithir nithean do-thuig-sinn; 24 agus ceithir nithean beaga a tha ro ghlic.

BRIATHRAN Aguir mhic Iaceh, *eadhon* an fhàidheadaireachd: labhair an duine ri h-Itiel, *eadhon* ri h-Itiel agus ri h-Ucal.

2 Gu deimhin *tha* mi ni's amaidiche na duine air bith, agus cha-n'èil tuigse duine agam.

3 Agus cha d'fhòghluim mi gliocas, ni mò a tha eòlas agam air nithibh naomha.

4 Cò a chaidh suas do nèamh, no 'thàinig a nuas? cò a chruinnich a' ghaoth 'n a dhornaibh? cò a cheangail na h-uisgeachan ann an trusgan? cò a shuidhich uile chriochan na talmhainn? ciod *a's* ainm dha? agus ciod e ainm a mhic, ma tha fhios agad?

5 *Tha* uile fhocal Dhé fìor-ghlan: *is* sgiath e dhoibhsan a chuireas an dòigh ann.

6 Na cuir-sa ni air bith r'a bhriathraibh, air eagal gu'n cronaich e thu, agus gu'm faighear breugach thu.

7 Dà ni dh'iarr mi ort; na diùlt *iad* dhomh mu'm faigh mi bàs.

8 Diomhanas agus breugan cuir fada uam; na toir dhomh bochdainn no beartas, beath-aich mi le biadh a bhitheas iomchuidh air mo shon.

9 Air eagal gu'm bi mi làn, agus gu'n àich-eadh mi *thu*, agus gu'n abair mi, Cò e an Tighearn? no gu'm bi mi bochd, agus gu'n goid mi, agus gu'n toir mi ainm mo Dhé ann an dìomhanas.

10 Na dean casaid air seirbhis-each r'a mhaighstir, air eagal gu'm mallaich e thu, agus gu'm faighear ciontach thu.

11 *Tha* ginealach ann a mhallachas an athair, agus nach beannaich am màthair.

12 *Tha* ginealach ann a tha glan 'n an

sùilbh fèin, gidheadh nach 'eil air an nigh-eadh o an salchar.

13 *Tha* ginealach ann aig am bheil an sùilean àrda, agus fàbhraidhean an sùl air an togail suas.

14 *Tha* ginealach ann aig am bheil am fiacalan mar chlàidhean, agus am fiacalan-cùil mar sgeanan, a dh'itheadh suas nan truaghan o'n talamh, agus nam feumach o nheasg dhaoine.

15 Aig an deal-each tha dithis nighean, *ag eigheach*, Tabhair, tabhair. Tha trì nithean ann nach sàsuichear, seadh, ceithir nithean nach abair, *Is* leòr e:

16 An uaign, agus a' bhrù neo-thorrach, an talamh nach sàsuichear le h-uisge, agus an teine nach abair, *Is* leòr e.

17 An t-sùil a ni magadh air 'athair, agus a ni tareuis air ùmhlachd do 'mhàthair, spònaidh fithich a' ghliane a mach i, agus ithidh na h-iolaircan òga suas i.

18 Tha trì nithean ann a's iongantach leam, seadh, ceithir nithean nach aithne dhomh:

19 Slighe iolaire anns na speuraibh, slighe nathrach air carraig, slighe luinge ann am meadhan na fairge, agus slighe fir le h-òigh.

20 Mar so *tha* slighe ban-adhaltrannaich: ithidh i, agus glanaidh i a beul, agus their i, Cha d'rinn mi olc air bith.

21 Air son trì nithean ghluaisceadh an talamh, agus air son ceithir nach urrainn e 'ghluan:

22 Air son seirbhisich an uair a riaghas e, agus air son amadain an uair a bbiùthas e làn de bhiadh.

23 Air son mnà fhuathaich an uair a phòsar i, agus air son banoglaich an uair a bbiùthas i 'n a h-òighre air a bana-mhaighstir.

24 Thaceithir nithean beaga air an talamh, ach *tha* iad ro ghlic:

25 *Tha* na seangain 'n an sluagh nach 'eil làidir, gidheadh ulluichidh iad am biadh 's an t-samhradh;

26 *Tha* na coineanan 'n am muinntir nach 'eil neartmhor, gidheadh togaidd iad an tighean anns na creagaibh;

27 Cha-n'eil rìgh aig na locustaibh, gidheadh imichidh iad a mach uile 'n am buidh-nibhl.

28 Gabhaidh an damhan-alluidh greim le a làmh, agus *bithidh* e ann an làchairtibh nan rìgh.

29 *Tha* trì nithean a dh'imicheas gu maith, seadh, ceithir, a tha tlachdmhor 'n an siubhal:

30 An leòmhann a's treise am measg bheathaichean, agus nach pill air ais o aon air bith;

31 Mìol-chù, boc-gaibhre mar an ceudna, agus rìgh an aghaidh nach feudar òirigh.

32 Ma rinn thu gu h-amaideach le thu fèin a thogail suas, no ma smuainich thu olc, *cuir* do làmh air do bheul.

33 Gu deimhin bheir luasgadh bainne im a mach, agus bheir fàsadh na sròine fuil a

mach: mar sin bheir dùsgadh corruich aimhreit a mach.

CAIB. XXXI.

1 *Comhairle Lemueil mu thimchioll dibhe làidir.*
8 *Is còir cùis an truaghair agus an fheumaich a thagradh.* 10 *Deadh luach mnà shubhailich.*

BRIATHRAN rìgh Lemueil, an fhàidh-eadaireachd a theagaisg a mhàthair dha.

2 Cìod, a mhic? agus cìod, a mhic mo bhronn? agus cìod, a mhic mo bhòidcan?

3 Na tabhair do neart do bhoirionnach, no do shlighean do'n ni a mhilleas rìghrean.

4 Cha-n'eil e air son rìghrean, a Lemueil, cha-n'eil e air son rìghrean fion òl, no air son uachdarain déidh a bhi aca air dibh làidir;

5 Air eagal gu'n òl iad, agus gu'n di-chuimhnich iad an lagh, agus gu'n claoi iad breitheanas do aon sam bith de chloinn an àmhghair.

6 Thugaibh doch làidir dhà-san a tha ull-amh gu bàsachadh, agus fion dhoibhsan a tha ann an searbhadas anama.

7 Oladh e, agus di-chuimhniceadh e a bhochdainn, agus na cuimhniceadh e a thruaighe ni's mò.

8 Fosgail do bheul air son an duine bhaibh, ann an cùis nan uile a tha air an orduchadh chum sgrìos.

9 Fosgail do bheul, thoir breth le ceartas, tagair cùis an truaghain agus an fheumaich.

10 Cò a gheibh bean shubhailceach? oir *tha* a luach gu mòr os ceann chlach uasal.

11 Earbaidh cridhe a fir aisde, agus cha bhi feum aige air creich.

12 Locaidh i maith dha, agus cha-n e olc, re uile làithean a beatha.

13 Iarraidh i ollan agus lìon, agus oibrichidh i gu toilcach le a làmh.

14 Tha i mar longaibh nan ceannaichean, bheir i a biadh o *thìr* chéin.

15 Eiridh i mar an ceudna 'n uair is i an oidhche a tha fathast ann, agus bheir i lòn d'a teaghlach, agus cuibhrionn d'a maigh-deannaibh.

16 Measaidh i achadh, agus ceannaichidh i e: le toradh a làmh suidhichidh i fion-lìos.

17 Crioslaichidh i a leasraidh le neart, agus neartaichidh i a gairdeanan.

18 Mothaichidh i gu *bheil* a ceannachd maith: cha téid a coinneal as 's an oidhche.

19 Cuiridh i a làmh air an dealgan, agus gabhaidh glacan a làmh greim d'n chuigeil.

20 Fosgaidh i a glac do'n truaghan, agus sinidh i a làmh do'n fheumach.

21 Cha-n'eil eagal oirre roimh 'n t-sneachd air son a teaghlach; oir *tha* a teaghlach uile air an éideadh le scarlaid.

22 Ni i dhi fèin trusgain de obair ghréis; de shìoda agus de chorcur *tha* a h-eudach.

23 Aithnìchear anns na geataibh a fear, an uair a shuidheas e maille ri seanairibh na tìre.

24 Ni i lìon-eudach grinn, agus reicidh i e, agus bheir i criosan do'n cheannaiche.
 25 Neart agus urram *is* eudach dhi; agus ni i gairdeachas 's an àm ri teachd.
 26 Fosgailidh i a beul le gliocas, agus *tha* lagh a' chaoimhleis air a teangaidh.
 27 Bheir i an aire do shlighibh a teaghlach, agus cha-n ith i aran an dìomhanais.

28 Èiridh a clann, agus beannaichidh iad i; a fear, agus molaidh e i.
 29 Rinn mòran nighean gu subhailceach, ach thug thusa barrachd orra uile.
 30 *Is* mealltach deadh-ghean, agus *is* dìomhain maise; *ach* bean *air am bi* eagal an Tighearn', *is* ise a mholar.
 31 Thugaibh dhi de thoradh a làmh, agus moladh a h-oibre féin anns na geataibh i.

ECCLESIASTES,

NO AN

SERMONAICHE.

CAIB. I.

1 *Tha an Searmonaiche a' nochdadh gur dìomhanas gach nì air thalamh.* 9 *Cha-n' eil nì air bith nuadh fo'n ghrèin nach robh ann cheana 's an aimsir a chaidh seachad.*

BRIATHRAN an t-Searmonaiche, mhic Dhaibhidh, rìgh ann an Ierusalem.

2 Dìomhanas nan dìomhanas! ars' an Searmonaiche; dìomhanas nan dìomhanas! *is* dìomhanas na h-uile nì.

3 Cìod an tairbhe a th'aig duine 'n a uile shaothair a nì e fo'n ghrèin?

4 *Tha aon* ghinealach a' siubhal, agus ginealach *eile* a' teachd; ach fanaidh an talamh gu bràth.

5 Èiridh mar an ceudna a' ghrian, agus thèid a' ghrian fodha, agus luathaichidh i d'a h-àite féin as an d'èirich i.

6 Thèid a' ghaoth a làimh na h-àirde deas, agus thèid i mu'n cuairt do'n àirde tuath; thèid i mu'n cuairt agus mu'n cuairt a ghnàth, agus ath-phillidh a' ghaoth air a cuairtibh féin.

7 Ruithidh na h-aimhnichean uile chum na mara, gidheadh cha-n' eil a' mhuir làn: chum an àite as an d'fhàinig na h-aimhnichean, dh'ionnsuidh sin pillidh iad a ris.

8 *Tha* na h-uile nì làn de shaothair; cha-n urrainn duine a chur 'an céill: cha sàsuichear an t-sùil le faicinn, agus cha lìonar a' chluas le cluinntinn.

9 An nì a bha ann, *is* e an nì sin féin a bhithcas ann; agus an nì sin a rinneadh, *is* e an nì sin féin a nithear; agus cha-n' eil nì sam bith nuadh fo'n ghrèin.

10 Am bheil nì ann mu'm feudar a ràdh, Feuch, *tha* e so nuadh? Bha e ann cheana 's an t-sean aimsir a bh'ann romhainn.

11 Cha-n' eil cuimhne air bith air na nithean a bha ann roimhe; cha mhò a bhithcas cuimhne air na nithean a tha ri teachd, aca-san a thig 'n an dèigh.

12 Bha mise an Searmonaiche a'm' rìgh air Israel ann an Ierusalem.

13 Agus thug mi mo chridhe a shireadh agus a rannsachadh le gliocas, mu thimchioff gach nì a nithear fo nèamh: an t-saothair ghoirt so thug Dia do chloinn nan daoine, chum an cleachdadh féin rithe.

14 Chunnaic mi na h-uile obair fo'n ghrèin; agus, feuch, *is* dìomhanas iad uile, agus cràdh spioraid.

15 An nì a tha cam, cha ghabh e deanamh dìreach; agus an nì a tha dh'easbluidh, cha ghabh e àireamh.

16 Labhair mi ri m' chridhe féin, ag ràdh, Fench, dh'fhàs mi mòr, agus fhuair mi tuilleadh gliocais na iadsan uile a bha romham ann an Ierusalem, agus chunnaic mi mo chridhe mòran gliocais agus eòlais.

17 Agus thug mi mo chridhe a dh'fhaotainn eòlais air gliocas; agus air cuthach agus air amaideachd: dh'aithnich mi gur cràdh spioraid e so mar an ceudna.

18 Oir ann am mòran gliocais *tha* mòran doilgeis; agus an tì a mheudaicheas eòlas, meudaichidh e bròn.

CAIB. II.

1 *Mhothaich an Searmonaiche nach robh ann an subhachas ach dìomhanas.* 13 *Tha gliocas fad os ceann amaideachd.* 18 *Tha gach saothair fo'n ghrèin dìomhain.* 24 *Cha-n' eil nì a's fearr na gu'n tugadh duine air 'anam maith a mhealtuinn.*

THUBHAIRT mi a'm' chridhe, Teann orm a nis, dearbhaidh mi thu le subhachas; uime sin meal maith: ach, feuch, *is* dìomhanas so mar an ceudna.

2 Mu ghàire thubhairt mi, *Is* cuthach e; agus mu shùgradh, Cìod a nì e?

3 Dh'iarr mi ann am chridhe mi féin a thabhairt do fhion, (gidheadh a' seòladh mo chridhe ann an gliocas,) agus greim a ghabhail air amaideachd, agus am faicinn cìod e ann maith sin do chloinn nan daoine 'bu chòir dhoibh a dhèanamh fo nèamh air feadh uile làithean am beatha.

4 Rinn mi oibre mòra dhomh féin: thog

mi dhomh féin tighean; shuidhich mi dhomh féin fion-liosan:

5 Rinn mi dhomh féin gàraidhean agus liosan chrann-meas, agus shuidhich mi annta craobhan de gach gnè thoraidh;

6 Rinn mi dhomh féin lochain uisge, a dh'uisgeachadh leo na coille anns an fàs craobhan:

7 Fhuair mi òglaich agus banoglaich, agus rugadh seirbhisich a'm' thigh: bha mar an ceudna sealbh mòr bhuar agus threud agam, os ceann nan uile a bha romham ann an Ierusalem;

8 Chàrn mi suas mar an ceudna dhomh féin airgid agus òr, agus ionnhas sònruichte nan rìgh agus nam mòr-roinn; fhuair mi dhomh féin fir-chiuil agus mnathan-ciuil, agus aoibhneas chloinn nan daoine, *mar a tha innil-chiuil*, agus sin de gach gnè.

9 Mar sin bha mi mòr, agus dh'fhàs mi nì's mò na gach duine a bha romham ann an Ierusalem: os bàrr, dh'fhan mo ghliocas agam.

10 Agus gach nì a nìhammaich mo shùilean cha do chum mi natia; cha do bhac mi mo chridhe o shubhachas sam bith: oir rinn mo chridhe aoibhneas ann am shaothair uile; agus b'c so mo chuibhrionu de m'uile shaothair.

11 An sin sheall mi air m'òibribh uile a rinn mo lamhan, agus air an t-saothair anns an do shaothraich mi 'g a deanamh; agus, feuch, *bu* dìomhanas an t-iomlan, agus buaireas spioraid, agus cha robh tairbhe ann fo'n ghréin.

12 Agus sheall mi air m'ais a dh'fhaicinn gliocas, agus cuthaich, agus amaideachd: oir ciod a dh'fheudas an duine a dheanamh a thig an déigh an rìgh? an nì sin féin a rinneadh cheana.

13 Agus chunnaic mi gu bheil gliocas co fhad os ceann amaideachd, 's a tha solus os ceann dorchadais.

14 *Tha* sùilean an duine ghlic 'n a cheann; ach imichidh an t-amadan ann an dorchadas: gidheadh dh'aithnich mi mar au ceudna gu'n tachradh an t-aon nì dhoibh uile.

15 An sin thubhairt mi a'm' chridhe, Mar a thachras do'n amadan, mar sin tachraidh dhomh-sa féin; agus c'ar son uime sin a bha mise nì bu ghlice *na esan?* an sin thubhairt mi a'm' chridhe, gur dìomhanas so mar an ceudna.

16 Oir cha *bhi* cuimhne air an duine ghlic nì's mò na air an amadan gu bràth; o dhì-chuimhnichear na nithean a *tha* nis ann uile anns na làithibh a tha ri teachd: agus cionnus a dh'eugas an duine glic? mar an t-amadan.

17 Uime sin dh'fhuathaich mi 'beatha, a chionn gur doilgheasach dhomh an obair a dh'òibrichear fo'n ghréin: oir *is* dìomhanas na h-uile nì agus cràdh spioraid.

18 Seadh, dh'fhuathaich mi mo shaothair

uile 's na shaothraich mi fo'n ghréin, a chionn gu'm fàg mi i do'n fhear a bhitheas a'm' dheigh.

19 Agus cò aig am bheil fios cia dhiubha a bhitheas e 'n a dhuine glic no 'n a amadan? gidheadh bithidh uachdaranachd aige os ceann mo shaoithreach uile anns an do shaothraich mi, agus anns an d'fhuaradh mi gu glic fo'n ghréin. *Is* dìomhanas so mar an ceudna.

20 Air an aobhar sin thionndaidh mi 'thoirt air mo chridhe dol 'an eu-dòchas mu'n uile shaothair 's na shaothraich mi fo'n ghréin.

21 Oir tha duine ann aig *am bheil* a shaothair ann an gliocas, agus ann an eòlas, agus ann an ceartas; gidheadh do dhuine nach do shaothraich ann bheir se e mar a chuibhrionn. *Is* dìomhanas so mar an ceudna, agus ole mòr.

22 Oir ciod a th'aig duine d'a uile shaothair, agus de bhuaireas a chridhe, anns an do shaothraich e fo'n ghréin?

23 Oir *is* doilgheasan a làithean uile, agus *is* dò-bhròn a shaothair: eadhon 's an oidhche cha ghabh a chridhe fois. *Is* dìomhanas so mar an ceudna.

24 Cha-n'èil nì ann a's fearr do dhuine na gu'n itheadh agus gu'n òladh e, agus gu'n tugadh e air 'anam maith a mhealtuinn 'n a shaothair.

25 Oir cò a's urrainn itheadh, no cò eile a nì cabhag *chuige* nì's mò na mise?

26 Oir do'u duine a *tha* maith 'u a shealladh, bheir *Dia* gliocas, agus eòlas, agus aoibhneas: ach do'n pheacach bheir e saothair, a chruinneachadh agus a chàrnadh suas, chum gu'n tabhair e do'n tì a tha maith ann am fianuis Dhé. *Is* dìomhanas so mar an ceudna, agus cràdh spioraid.

CAIB. III.

1 *Tha* àm aig gach rùn fo nèamh. 11 Rinn *Dia* gach nì maiseach ged nach urrainn duine 'obair fhaotainn a mach. 16 *Tha* breitheanas chloinn nan daoine claon, ach bheir *Dia* breith gu cothromach.

AIG gach nì *tha* tràth, agus àm aig gach rùn fo nèamh:

2 Am gu breith, agus àm gu bàs fhaotainn; àm gu suidheachadh, agus àm gus an nì a shuidhicheadh a spionadh suas;

3 Am gu marbhadh, agus àm gu leigheas; àm gu briseadh sìos, agus àm gu togail suas;

4 Am gu gul, agus àm gu gàire; àm gu caoidh, agus àm gu dannsadh;

5 Am gu clachan a thilgeadh air falbh, agus àm gu clachan a chruinneachadh; àm gu gabhail 'an glacaibh, agus àm gu fantuim o ghabhail 'an glacaibh;

6 Am gu cosnadh, agus àm gu call; àm gu gleidheadh, agus àm gu tilgeadh air falbh;

7 Am gu reubadh, agus àm gu fuaigheal; àm gu bhith tosdach, agus àm gu labhairt;

8 Am gu gràdhachadh, agus àm gu fuathachadh; àm gu cogadh, agus àm gu sìth;

9 Ciod an tairbhe a tha aige-san a dh'òib-rheacas, 's an ni sin anns an saothraich e ?
10 Chunnaic mi an t-saothair a thug Dia do chloinn nan daoine, chum an cleachdadh féin rithe.

11 Rinn e gach ni maiseach 'n a àm féin: chuir e mar an ceudna an saoghal 'n an cridhe, air chor as nach urrainn aon duine an obair fhàotainn a mach a tha Dia a' deanamh, o thoiseach gu deireadh.

12 Tha fhios agam nach 'eil maith air bith anna, ach gu'm bitheadh *duine* subhach, agus gu'n deanadh e maith ré a bheatha.

13 Agus mar an ceudna gu'n itheadh agus gu'n oladh gach duine, agus gu'm mealadh e maith a shaoithreach uile, *is* e sin tìodhlac Dhé.

14 Tha fhios agam gach ni a ni Dia, gu'm bi e ann gu bràth; cha ghabh aon ni cur ris, no aon ni toirt uath: agus ni Dia so, chum gu'm bitheadh eagal air *daoinibh* roimhe.

15 An ni a bha, tha e ann a nis; agus an ni a bhitheas, bha e ann cheana; agus iarraidh Dia an ni a chaidh seachad.

16 Agus os barr, chunnaic mi fò'n ghréin àit a' bhreitheanais, *gu'n robh* euceart an sin; agus àite na fireantachd, *gu'n robh* aingidheachd an sin.

17 Thubhairt mi a'm' chridhe, Bheir Dia breth air an fhìrean agus air an aingidh: oir *tha* am sin chum gach uile rùin, agus chum gach uile oibre.

18 Thubhairt mi ann am chridhe a thaobh staid chloinn nan daoine, gu'n glanadh Dia iad, agus gu'm faicadh iad gur ainmhidhean iad féin.

19 Oir an ni sin a thachras do chloinn nan daoine, tachraidh e do na h-ainmhidhean; tachraidh dìreach an t-aon ni dhoibh: mar a dh'eugas aon diubh, is ann mar sin a dh'eugas an t-aon eile; seadh, is i an aon anna a *tha* aca uile; agus cha-n'èil barrachd aig duine air ainmhidh, oir *is* dìomhanas iad uile.

20 Théid iad uile do aon àite; tha iad uile o'n duslach, agus pillidh iad uile do'n duslach.

21 Cò d'an aithne spiorad chloinn nan daoine a théid suas, agus spiorad an ainmhidh a théid sìos chum na talmhainn ?

22 Uime sin tha mi ag aithneachadh nach 'eil ni a's fearr na gu'n deanadh duine gairdeachas 'n a oibribh, a chionn gur e sin a chuibhrionn: oir cò 'bheir e a dh'fhaicinn an ni a bhitheas 'n a dhéigh ?

CAIB. IV.

1 *Tha dìomhanas air a mheudachadh le foirneart, 4 agus le jarmad. 7 Amaideachd agus dìomhanas sanna. 13 Is fearr duine bochd na rìgh amaideach.*

AN sin thionndaidh mi, agus dh'amhaire mi air na h-uile fhoirneartaibh a nithear fò'n ghréin, agus, feuch, deòir na dream a bha fo fhoirneart, agus gu'n aon fhear-comhfhurtachd aca ! agus air taobh

an luchd-foirneart *bha* neart, ach cha *robh* fear-comhfhurtachd aca-san.

2 Uime sin mhol mi na mairbh a dh'eug cheana, ni's mò na na beòthan a tha beò fathast.

3 Ach *is* fearr na iad le 'chéile an ti nach robh ann fathast, nach faca an droch obair a nithear fò'n ghréin.

4 A ris, dh'amhaire mi air gach uile shaothair agus gach uile obair cheirt, gur fath farmaid do dhuine o 'choimhearsnach i. *Is* dìomhanas so mar an ceudna, agus buaireas spioraid.

5 Paisgidh an t-amadan a làmhnan r'a chéile, agus ithidh e 'fheoil féin.

6 *Is* fearr làn duirn le suaimhneas, na'n dà làmh làn le saothair agus buaireas spioraid.

7 An sin thionndaidh mi, agus chunnaic mi dìomhanas fò'n ghréin.

8 Tha duine ann leis féin, agus cha-n'èil lethbhreac aige; seadh, cha-n'èil leanabh no bràthair aige: gidheadh cha-n'èil crìoch air a shaothair uile, agus cha sàsuichear a shùil le saoihbreas; cha mhò a *thaire*, Cò air son am bheil mi a' saothrachadh, agus a' fàgail m'anama dh'easbhuidh maith ? *Is* dìomhanas so mar an ceudna, agus *is* saothair ghoirt e.

9 *Is* fearr dithis na aon *duine*, a chionn gu'm bheil deadh dhuais aca air son an saothreach.

10 Oir ma thuiteas duine dhiubh togaidh an duine eile suas a chompanach: ach mo thruaighe esan a *tha* 'n a aonar an uair a thuiteas e; oir cha-n'èil neach eile aige g'a thogail suas.

11 Mar an ceudna ma luidheas dithis cuid-eachd, bithidh iad blàth: ach cionnus a bhitheas aon blàth leis féin.

12 Agus ma bhuaidhaicheas aon air seasaidh dithis 'n a aghaidh; agus cha bhriscar cord thri dual gu h-obann.

13 *Is* fearr leanabh bochd agus glie na rìgh sean agus amaideach, nach gabh comhairle ni's mò.

14 Oir a' prìosan thig e a rioghachadh; an ti mar an ceudna a rugadh 'n a rioghachd, *fàsaidh* e bochd.

15 Thug mi an aire do gach uile bheò a shiubhlas fò'n ghréin, maille ris an dara leanabh a sheasas suas 'n a àite.

16 Cha-n'èil crìoch air an t-sluagh uile, orra-san uile a bha rompa: cha dean iadsan mar an ceudna a thig 'n an déigh gairdeachas ann. Gu cinnteach is dìomhanas so mar an ceudna, agus buaireas spioraid.

CAIB. V.

1 *Eorail gu giùlan iomchuidh ann an teampull Dhé. 9 Cha sàsuich airgid agus pailteas an neach a ghràdhaicheas iad. 18 'S e tìodhlac Dhé do mhac an duine gairdeachas a dheanamh 'n a uile shaothair, agus a shaoibhreas a mhealltainn.*

COIMHID do chos an nair a théid thu do thigh Dhé, agus bi ni's deise gu

cluinninn na gu iobairt nan amadan a tha-
bhairt; oir cha-n'eil iad sin a' toirt an aire
gu bheil iad a' deanamh uile.

2 Na bi bras le d' bheul, agus na luathaich-
eadh do chridhe gu ni a labhairt an làthair
Dhé: oir *tha* Dia air nèamh, agus thusa
air thalamh: uime sin bitheadh do bhriath-
ran tearc.

3 Oir thig aisling le iomadalachd ghnòth-
uichean, agus aithnìchean guth amadain le
iomadalachd bhriathar.

4 An uair a bhòidicheas tu bòid do Dhia,
na cuir dàil 'n a dioladh; oir cha-n'eil
tlachd aige ann an amadanaibh: an ni a
bhòidicheas tu, diòl e.

5 *Is* fearr gun thu bhòideachadh, na gu'm
bhòidicheadh tu, agus nach dioladh tu.

6 Na leig le d' bheul a thoirt air d'fheoil
peacachadh; agus na h-abair an làthair an
aingil, gu'm bu mhearachd e; c'uim an
bitheadh fearg air Dia air son do ghutha-sa,
agus an sgriosadh e obair do làmh?

7 Oir mar ann an iomadalachd nan aisling
a bhitheas diomhanais, is amhuil a bhitheas
iad ann an iomadalachd nam briathar: ach
bitheadh eagal Dhé ortsa.

8 Ma chi thu foirmeart an duine bhoichd,
agus fiaradh breitheanais agus ceartais le
làimh làidir ann am mòr-roinn, na bitheadh
iongnadh ort ris an ni so: oir bheir an ti a's
àirde na'n neach a tha àrd aca-san an aire,
agus *tha* iad ann a's àirde na iadsan.

9 A nis tha toradh na talmhainn air son
nan uile: riaraichear an rìgh *fèin* as an
fhearann.

10 An ti a ghràdhaicheas airgiod, cha sàs-
uichear e le li-airgiod; no'n ti a ghràdhaich-
eas pailteas, le toradh: *is* diomhanas so mar
an ceudna.

11 An uair a mheudaichear nithean maithc,
meudaichear iad a dh'itheas iad; agus ciod
an tairbhe a tha ann d'an a seallbhadairibh,
ach am faicinn le'n sùilibh?

12 *Tha* codal oibriche milis, cia dhiubh a
dh'itheas e beagan no mòran: ach cha-n
fhuiling sàsachd an t-saobhair dha codal.

13 *Tha* olc cràiteach ann a chunnaic mi
fo'n ghréin, saobhreas air a ghleidheadh d'a
sheallbhadairibh chum an ainnleis.

14 Ach théid as do'n t-saobhreas sin le
droch shaothair: agus ginidh e mac, agus
cha *bhi* ni air bith 'n a làimh.

15 Mar a thàinig e mach lomnochd á
broinn a mhàthar, ath-phillidh e, a' dol
mar a thàinig e; agus cha ghiulan e ni
air bith d'a shaothair a bheir e leis 'n a
làimh.

16 *Is* olc cràiteach so mar an ceudna, air
gach uile chor air an d'thàinig e, mar sin
gu'n téid e; agus ciod an tairbhe a tha aige-
san a shaothraich do'n ghaoith?

17 Mar an ceudna ré a làithean uile ithidh
e ann an dorchadas, agus *bithidh* mòran
doilgheis agus feirge aige 'n a thinneas.

18 Feuch, an ni a chunnaic mise maith,
gur tlachdmhor do dhuine itheadh agus òl,
agus maith a mhealtuinn 'n a uile shaothair
a ghabh e fo'n ghréin, air fcadh uile làith-
ean a bheatha a bheir Dia dha; oir *is* e sin
a chuibrionn.

19 Gach duine mar an ceudna d'an d'thug
Dia beartas agus saobhreas, agus d'an d'thug
e comas itheadh dhiubh, agus a chuibrionn
a ghlacadh, agus gairdeachas a dheanamh
'n a shaothair; *is* e so tiodhlac Dhé.

20 Oir cha mhòr a chuimhnìcheas e làith-
ean a bheatha; a chionn gu'm freagair Dia
e ann an aoibhneas a chridhe.

CAIB. VI.

1 *Diomhanas beartais agus saobhreis do'n duine*
do nach 'eil Dia a' tabhairt comais ann mealt-
uinn. 7 *Cha sàsùichear miann an duine air*
thalamh. 10 *Cha-n aithne do neach ciod a*
bhitheas 'n a dhéigh fo'n ghréin.

THA olc ann a chunnaic mi fo'n ghréin,
agus *tha* e coitichionn am measg
dhaoinc;

2 Duine d'an d'thug Dia beartas, agus
saoibhreas, agus urram, agus gun e dh'eas-
bhuidh ni air bith d'a anam de na h-uile a
mhiannaicheas e, ach do nach 'eil Dia
a' tabhairt comais itheadh dheth, ach tha
coigreach 'g a itheadh: *is* diomhanas so,
agus *is* droch anshocair c.

3 Ma ghineas duine ceud *leanabh*, agus
gu'm bi e beò iomadh bliadhna, air chor as
gu'm bi làithean a bhliadhinan lionmhor,
agus nach sàsùichear 'anam le maith, agus
mar an ceudna nach bi adhlacadh aige, *is*
fearr, tha mi ag ràdh, torraicheas anabuich
na e.

4 Oir ann an diomhanas thig e, agus ann
an dorchadas théid e, agus le dorchadas
còmhdaichear 'ainn.

5 Mar an ceudna cha-n fhac e a' ghrian,
agus cha b'aithne dha *ni air bith*: *tha* tuil-
eadh foise aige so na aig an fhear eile.

6 Scadh, ged bhitheadh e beò mìle
bliadhna dà uair, gidheadh cha-n fhac e
maith: nach imich iad uile do aon àite?

7 *Tha* uile shaothair an duine air son a
bheòil, agus gidheadh cha-n'eil a mhiann
sàsùichte.

8 Oir ciod tuilleadh a th'aig an duine ghlic
na aig an amadan? ciod a th'aig a' bhoichd,
d'an aithne siubhal an làthair nam beò?

9 *Is* fearr sealladh nan sùl na seacharan a'
mhiann: *is* diomhanas so mar an ceudna
agus buaircas spioraid.

10 An ni a bha ann, dh'ainmicheadh e
cheana, agus tha fhios gu'm b'e'n duine e,
agus nach urrainn e gleachd ris-san a's
treise na e féin.

11 O tha mòran de nithibh ann a mheud-
aicheas diomhanas, ciod a's fearrr an
duine sin?

12 Oir cò aig am bheil fios ciod a *tha*
maith do dhuine 's a' bheatha so, ré uile

làithean a bheatha dhìomhain a chaitheas e mar sgàile? oir cò a's urrainn innseadh do dhuine cìod a bhitheas 'n a dhéigh fò'n ghréin?

CAIB. VII.

1 *Is fearr deadh ainm na na nìlean a's luach-mhoire; 2 dol do thigh a' bhròin, na dol do thigh na cuirme; 5 agus éisdeachd ri achmhasan duine ghlic, na éisdeachd ri òran amadan. 23 Tha eòlas a' ghliocais cruaidh ri fhao'ainn a mach.*

IS fearr deadh ainm na oladh-ungaidh luachmhor, agus là bàis na la breith neach.

2 *Is fearr dol do thigh a' bhròin, na dol do thigh na cuirme; oir is e sin crìoch nan uile dhaoine, agus gabhadh am beò g'a chridhe e.*

3 *Is fearr doilgheas na gàire; oir le dubh-achas na gnùise nithear an cridhe ni's fearr.*

4 *Tha cridhe nan daoine glice ann an tigh a' bhròin, ach cridhe nan amadan ann an tigh an t-subhachais.*

5 *Is fearr éisdeachd ri achmhasan duine ghlic, na gu'n éisdeachd duine ri h-òran amadan.*

6 Oir mar fhuaim droighmich fo phoit, mar sin *tha* gaire an amadain: *is* dìomhanas so mar an ceudna.

7 Gu cinnteach cuiridh foirneart duine ghlic air bhoile, agus millidh tìodhlac an cridhe.

8 *Is fearr deireadh ni na a thoiseach: is fearr esan a tha foighidneach 'n a spiorad na esan a tha àrdanach 'n a spiorad.*

9 Na bi cabhagach ann ad spiorad gu fearg a ghabhail; oir còmhnuichidh fearg ann an uchd amadan.

10 Na h-abair, Cìod a b'acbharr gu'n robh na ceud làithean ni b'fhearr na iad so? oir cha-n ann o ghliocas a dh'fheòraicheas tu mu'n ni so?

11 *Is* maith gliocas maille ri h-oighreachd: agus *leis sin tha* tairbhe aca-san a chi a' ghrian.

12 Oir *is* dèidean gliocas, agus *is* dèidean airgid: ach *is* e d'irdheirceas an eòlais. *gu'n* toir gliocas beatha dhoibhsan aig am bi e.

13 Smuainich air obair Dhé: oir cò a's urrainn an ni sin a dheanamh dìreach a rinn esan cam?

14 Ann an là an t-soirbheachaidh bi subhach, ach ann an là a chruaidh-chàis smuainich: rinn Dia mar an ceudna so fa chomhair sud, a chum nach faigeadh duine *mach* aon ni 'n a dhéigh.

15 Chunnaic mi na h-uile nithean ann an làithibh mo dhìomhghanais; tha firean ann d'an téid as 'n a fhìreantachd, agus tha duine aingidh ann a shineas a làithean 'n a aingidheachd.

16 Na bi anabarrach fireanta, agus na gabh ort a bhì ro ghlic: c'ar son a sgriosadh tu thu féin?

17 Na bi ro aingidh, agus na bi amaideach: c'ar son a dh'eugadh tu roimh d'àm?

18 *Is* maith dhuit greim a ghabhail deth so, agus o so mar an ceudna na tabhair air a h-ais do làmh; oir an ti air am bi eagal Dhé, thig e asda sin uile.

19 Neartaichidh gliocas duine glic ni's mò na deichneair dhaoine cumhachdach a tha 's a' chaithir.

20 Oir cha-n'eil duine ceart air an talamh, a ni maith, agus nach peacaich.

21 Mar an ceudna na tabhair aire do na h-uile bhriathraibh a labhrar, air eagal gu'n cluinn thu d'òglach 'g ad mhallachadh.

22 Oir tha fhios aig do chridhe, gur minic a mhallaich thu féin daoine eile mar an ceudna.

23 So uile dhearbha mi le gliocas: thubhairt mi, Bithidh mi glic; ach b'fhada sin uam.

24 An ni sin a tha fad' as, agus ro dhomhain, cò a dh'fheudas 'fhaotainn a mach?

25 Leag mi mo chridhe air faotainn eòlais air, agus air rannsachadh, agus air sìreadh gliocais, agus aobhair *nìlean*, agus air fios a bhì agam air aingidheachd amaideachd, agus air amaideachd na mi-chéille.

26 Agus fhuair mi ni's seirbhe na'm bàs a' bhean, aig a bheil a cridhe 'n an ribeachan agus 'n an hontan, agus a làmhnan 'n an ceanglaichean: ge b'e neach a thaitneas ri Dia, théid e as uaiphe; ach glacar am peacach leatha.

27 Feuch, an ni so fhuair mi, ars' an sear-monaiche, a' meas gach aoin an déigh a chéile, a dh'fhaotainn an àireimh a mach:

28 Ni a tha manam ag iarraidh fathast, ach nach d'fhuair mi: aon fhear am measg mhìle fhuair mi, ach bean 'n am measg sin uile cha d'fhuair mi.

29 Feuch, an ni so mhàin fhuair mi, gu'n d'rinn Dia an duine tréibh-dhìreach; ach dh'iarr iad féin iomadh innleachd a mach.

CAIB. VIII.

1 *Bheir gliocas duine air a ghnùis dealrachadh.*

8 *Cha n'eil cumhachd uig neach air bith os ceann an spioraid. 12 Eiridh gu maith d'òr fhìrean, ach sgriosar an t-aingidh. 16 Cha-n urrainn duine obair Dhé fhao'ainn a mach.*

CO a tha mar an duine ghlic? agus cò d'an aithne eadar-mhìneachadh ni? Bheir gliocas duine air a ghnùis dealrachadh, agus atharraichear dànachd a ghnùise.

2 Comhairlicheam dhuit aithne an rìgh a choinhead, agus *sin* air son mionnan Dhé.

3 Na bitheadh cabhag ort gu dol as a shealladh: na buanaich ann an droch ni, oir ni esan gach ni a's àill leis.

4 Far am bheil focal rìgh, *tha* cumhachd; agus cò dh'fheudas a ràdh ris, Cìod e sin a tha thu a' deanamh?

5 Ge b'e' ghleidheas an aithne, cha mhothaich e droch ni sam bith; agus is aithne do chridhe duine ghlic am agus breitheanas.

6 A chionn aig gach ni gu bheil am agus

breitheanas; uime sin *tha* truaighe an duine tron.

7 Oir cha-*n'eil* fhios aige air an nì a bhith-eas ann: oir cò 'dh'innseas dha cionnus a bhith-eas e.

8 Cha-*n'eil* duine sam bith aig am bheil cumhachd os ceann an spioraid, a chumail an spioraid, no cumhachd ann an là a' bhàis; agus cha-*n'eil* dol as anns a' chath *sin*; cha mhò a theasairgeas aingidheachd iadsan a ghnàthaicheas i.

9 So uile chunnaic mi, agus shuidhich mi no chridhe air gach obair a nithear fo'n ghréin: *tha* àm ann's an riaghlach duine os ceann duin' eile, g'a aimbleas féin.

10 Agus mar sin chunnaic mi na h-aingidh adhlacte, a thàinig agus a dh'imich o àit an naoimh, agus dhì-chuimhnich eadh iad anns a' chaithir 's an d'rinn iad mar sin: *is* dìomhanas so mar an ceudna.

11 A chionn nach 'eil binn an aghaidh droch oibre 'g a cur 'an gnìomh gu luath, uime sin *tha* cridhe chloinn nan daoine làn-shuidhichte air olc a dheanamh.

12 Ged nì peacach olc ceud uair, agus gu'n sìnear a làithean, gidheadh *tha* fios cinnteach agam gu'n éirich gu maith dhoibhsan air am bi eagal Dhé, air am bi eagal 'n a làthair.

13 Ach cha-n éirich gu maith do'n aingidh, cha mhò a shìneas e a làithean; mar sgàile *bithidh* esan air nach bi eagal an làthair Dhé.

14 Tha dìomhanas ann a nithear air an talamh, gu'm bheil fircan an ann d'an tachair a réir oibre nan aingidh; agus gu'm bheil daoine aingidh ann d'an tachair a réir oibre nan fircan: thubhairt mi gur dìomhanas so mar an ceudna.

15 An sin mhol mi subhachas, a chionn nach 'eil nì a's fearr aig duine fo'n ghréin na itheadh agus òl, agus a bhì subhach; oir fanaidh sin aige d'a shaothair, ré làithean a bheatha, a bheir Dia dha fo'n ghréin.

16 An uair a leag mi mo chridhe air eòlas a' ghliocais fhaotainn, agus air na gnoth-uichean a nithear air an talamh fhaicinn; (oir mar an ceudna *tha* neach ann nach faic eòdal a là no dh'oidheche le 'shùilibh.)

17 An sin chunnaic mi uile obair Dhé, nach urrainn duine an obair a nithear fo'n ghréin fhaotainn a mach; a chionn ged nì duine a dhìchioll air a faotainn a mach, gidheadh nach faigh e *i*; seadh fathast, ged shaoil duine glic gu'm faigh e eòlas *oirre*, nach urrainn e a faotainn a mach.

CAIB. IX.

1 Tachraidh an t-aon nì do na h-uile dhaoineibh.

4 Tha dòchas aig na beòthaibh a mhàin. 13 Is fearr gliocas na neart.

OIR chuir mi romham ann am chridhe so uile a chur 'an céill, Gu bheil na fircan agus na daoine glice, agus an oibre,

ann an làimh Dhé: cha-n aithne do dhuine sam bith aon chuid gràdh no fuath, leis na h-uile nithibh a *tha* fa'n comhair.

2 *Thig* na h-uile nithean air an aon seòl do na h-uile dhaoineibh: tachraidh an t-aon nì do'n fhìrean agus do'n aingidh; do'n mhaith, agus do'n ghlan, agus do'n neòghlan; dhà-san a dh'ìobras, agus dhà-san nach ìobair: mar a *tha* an duine maith, is ann mar sin a *tha* am peacach; agus esan a mlioinnaicheas, mar an tì air am bheil eagal inlìomn.

3 Is olc so am measg nan uile nithean a nithear fo'n ghréin, gu'n tachair an t-aon nì dhoibh uile; agus mar an ceudna gu'm bheil cridhe chloinn nan daoine làn uile, agus gu'm bheil euthach 'n an cridhe am fad 's is beò iad, agus 'n a dhéigh sin gu'n téid iad chum nam marbh.

4 Oir aig gach neach a tha ceangailte ris na h-uile bheòthaibh, *tha* dòchas: oir is fearr madadh beò na leòmhnan marbh.

5 Oir *tha* fios aig na beòthaibh gu'm faigh iad bàs: ach cha-*n'eil* fios nì air bith aig na marbh, cha mhò *tha* luigheachd aca nì's mò; oir théid an cuimhne air dhì-chuimhn'.

6 Chaidh as mar an ceudna a nis d'an gràdh, agus d'am fuath, agus d'am farmad; agus cha *bhì* cuibhrionn aca tuilleadh gu bràth ann an aon nì a nithear fo'n ghréin.

7 Imich romhad, ith d'aran le gairdeachas, agus òl d'fhion le cridhe subhach; oir *tha* Dia a nis toilichte le d'oiribh.

8 Bitheadh d'earradh 's gach àm geal; agus na bitheadh dìth oladh-ungaidh air do cheann.

9 Caith do bheatha gu subhach leis a' mhnaoi a's ionmhuinn leat ré uile làithean beatha do dhìomhanais, a thug e dhuit fo'n ghréin: oir *is* e so do chuibhrionn anns a' bheatha so, agus ann ad shaothair a ghabhas tu fo'n ghréin.

10 Ge b'e nì a gheibh do làmh r'a dheanamh, dean e le d' dhìchioll; oir cha-*n'eil* obair, no inncachd, no eòlas, no gliocas anns an uigh, d'am bheil thu a' dol.

11 Thiomdaidh mi, agus chunnaic mi fo'n ghréin, nach ann do na daoineibh luatha a *tha* an réis, no do na daoineibh treuna an cath, no do na daoineibh glice aran, no do dhaoineibh tui-seach saobhbreas, no do dhaoineibh eòlach deadh-ghean, ach gu'n tachair àm agus tuiteamas dhoibh uile:

12 Oir gu deimhin cha-n'eil fhios aig duine air àm féin: mar iasg a ghlacar ann an droch lìon, agus mar eoin a ghlacar ann an ribe, is ann mar sin a ribear clann nan daoine ann an droch àm, an uair a thuiteas e orra gu h-obann.

13 An gliocas so mar an ceudna chunnaic mi fo'n ghréin, agus *bu* mhòr agam e.

14 *Bha* caithir bheag ann, agus beagan dhaoine innte; agus thàinig rìgh mòr 'n a h-aghaidh, agus shuidh e mu'n cuairt oirre,

agus chuir e daingichean mòra suas 'n a h-aghaidh.

15 Agus fhuair innte duine bochd glie, agus theasair e a' chaithir le 'ghliocas; ach cha do chuimhnich neach air bith air an duine bochd sin.

16 An sin thubhairt mise, *Is* fearr gliocas na neart: gidheadh, nithear tàir air gliocas an duine bochd, agus cha-n éisdear r'a bhriathraibh.

17 Eisdear ri briathraibh dhaoine glie ann an ciùneas, nì's mò na ri glaoth an ti a riaghlas am measg amadan.

18 *Is* fearr gliocas na innealan cogaidh: ach millidh aon pheacach mòran maith.

CAIB. X.

1 *Mu thimchioll gliocais agus amaideachd. 12 Is cuthach millteach briathran an amadain.*

17 *Is* sona an tìr aig am bheil uachdaran glie.

BHEIR cuileagan marbha air oladh-ungaidh an lèigh boladh breun a chur dhith: *is amhuil* a ni beagan amaideachd airsan a tha cliuiteach air son gliocais agus urrainn.

2 *Tha* cridhe duine ghlic air a làimh dheis; ach cridhe amadain air a làimh chlì.

3 'S an t-slighe féin, an uair a shiubhlas an t-amadan, tréigidh a ghliocas e, agus their e ris gach duine, gur amadan e.

4 Ma dh'éireas spiorad an uachdarain a'd' aghaidh, na fàg d'àite; oir ciùinichidh géill-eadh lechdan mòra.

5 Tha olc a chunnaic mi fo'n ghréin, mar sheacharan a thig o làthair an uachdarain; 6 Cuirrear amaideachd 'an inbhe mhòir, agus suidhidh na saobhair ann an ionad iosal.

7 Chunnaic mi seirbhisich air eachaibh, agus uachdarain a' siubhal mar sheirbhisich air an talamh.

8 An ti a chladhaicheas slochd, tuitidh e féin ann; agus an ti a bhriseas callaid, teumaidh nathair e.

9 An ti a dh'atharraicheas clachan, goirtichear e leo; agus an ti a sgoilteas fiodh, bithidh e 'an cumart uath.

10 Ma bhitheas an t-iarunn maol, agus nach geuraich e am faobhar, feumaidh e an tuilleadh spionnaidh a chur ris; ach *tha* gliocas tarbhach a sheòladh.

11 Gu deimhin teumaidh an nathair gun srann, agus cha-n fhearr am bith-bhriathrach.

12 *Tha* briathran beòil duine ghlic gràs-mhor; ach sluigidh bilean amadain e féin suas.

13 *Is* amaideachd toiseach bhriathar a bheoil; agus *is* cuthach millteach deireadh a chainnte.

14 Agus tha amadan làn de bhriathraibh: cha-n'èil fhios aig duine ciod a bhitheas ann; agus ciod a bhitheas ann 'n a dhéigh cò a's urrainn imseadh dha?

15 Sgithichidh saothair nan amaidan gach aon diubh, a chionn nach aithne dha cionnus a théid e do'n chaithir.

16 Mo thruaighe thu, a thìr, an uair *is* leanabh a's rìgh dhuit, agus a dh'itheas d'uachdarain *biadh* anns a' mhaduinn!

17 *Is* sona thu, a thìr, an uair *is* e do rìgh mac nan uasal, agus a dh'itheas d'uachdarain ann an àm iomchuidh, chum neirt, agus cha-n ann chum misge!

18 Le mòran leisge théid an aitreabh sìos; agus le dìomhanas nan làmh snidhidh an tigh troimhe.

19 Nithear cuirm chum aiteis, agus nì fìon duine subhach: ach freagraidh an t-airgiod na h-uile nithean.

20 Eadhon ann ad smuaintibh na mallaich an rìgh, agus an taobh a stigh de d' sheòmar na mallaich an saobhair; oir giùlainidh eun an athair an guth, agus innsidh an nì air am bheil sgiathan a' chuis.

CAIB. XI.

1 *Earail gu bhì caomhneil ris na bochdan. 7 Is còir do gach neach cuimhneachadh air bàs agus breitheanas ann an làithibh 'òige.*

TILG d'aran air aghaidh nan uisgeachan; **T**oir an déigh mhòrain làithean gheibh thu e.

2 Thoir cuibhrionn do sheachdnar, agus mar an ceudna do ochdnar; oir cha-n'èil fhios agad ciod an t-olc a bhitheas air an talamh.

3 Ma bhitheas na neoil làn de uisge, fal-mhaichidh siad *iad féin* air an talamh; agus ma thuiteas craobh mu dheas no mu thuath, anns an àite 's an tuit a' chraobh, an sin bithidh i.

4 An ti a bheir an aire do'n ghaoith, cha chuir e sìol; agus an ti a dh'amhairceas air na neoil, cha bhuain e.

5 Mar nach 'èil fhios agad ciod i slighe an spioraid, no cionnusa *dh'fhòsas* na cnàmhan ann am broinn na mnà a bhitheas torrach, is amhuil sin nach 'èil fhios agad air oibribh Dhé, mar a ni e na h-uile nithean.

6 Anns a' mhaduinn cuir do shìol, agus 's an fheasgar na toir air do làmh sgrù; oir cha-n'èil fhios agad cia dhiubh a's fearr a shoirbhicheas so no sud, no am *bé* iad le 'chéile co mhaith.

7 Gu deimhin *is* milis an solus, agus *is* taitneach do na sùilb sealltuinn air a ghrèin.

8 Ach ma mhaireas duine iomadh bliadhna, agus gu'n dean e gairdeachas annta uile; gidheadh cuimhnichidh e làithean an dorchadais, gu'm bi iad lìonmhor. *Is* dìomhanas gach nì a thig.

9 Dean gairdeachas, a dhuin' òig, ann ad òige, agus deanadh do chridhe subhach thu ann an làithibh d'òige, agus siubhail ann an slighibh do chridhe, agus ann an sealladh do shùl: ach bitheadh fhios agad air an

son so uile gu'n toir Dia chum breitheanais thu.

10 Uime sin atharraich doilgheas o d' chridhe, agus cuir olc air falbh o d' fheoil; oir is dìomhanas leanabachd agus òige.

CAIB. XII.

1 *Is còir do gach duine a Chruith-fhear a chuimhneachadh ann an làithibh 'òige.* 8 *Theagaisg an searmonaiche eòlas do'n t-sluagh.* 13 *'S e eagal Dhé agus 'àitheantan a ghlèidheadh, comh-dhùrnadh na càise uile.*

CUIMHNICH a nis do Chruith-fhear ann an làithibh d'òige, mu'n tig na droch làithean, agus an druid na bliadh-nachan *riut*, anns an abair thu, Cha-n'eil tlachd agam annta:

2 Mu'n dorchaidhear a' ghrian, agus an solus, agus a' ghealach, agus na reultan, agus am pill na lean an dèigh an uisge:

3 Anns an là 's an crìothmaich luchd-gleidhidh an tighe, agus an crom na daoine laidir iad féin, agus an sguir an luchd-bleith, a chionn gu'm bheil iad tearc, agus an dorchaidhear an dream a sheallas a mach air na h-uinneagaibh;

4 Agus an dùinear na dorsan anns na sràidibh, an uair a bhitheas fuaim na bleith ìosal, agus a dh'éireas e suas aig guth an eoin, agus a dh'isichear uile nigheanan a' chiuil;

5 Mar an ceudna, 'n uair a bhitheas eagal orraroimh ni àrd, agus a bhitheas uamhasan anns an t-slighe, agus a bhitheas a' chraobh-lamoin fo bhàth, agus a bhitheas an leumnach-uaine 'n a callaich, agus a theirg-

eas miann; a chionn gu'm bheil an duine a' triall d'a chòmhuidh bhuan, agus gu'm bheil an luchd-cumhaidh a' dol mu'n cuairt 's na sràidibh.

6 Mu'n fuasgailear an cord airgid, agus am bruthar an copan òir, agus am briscar a' chuinneag aig an tobar, agus am briscar an roth aig an t-soitheach-chumail.

7 An sin pillidh an duslach chum na tal-nhainn mar a bha e; agus pillidh an spiorad chum Dhé, a thug uaith e.

8 Dìomhanas nan dìomhanas! ars' an searmonaiche: is dìomhanas na h-uile nithean.

9 Agus os bàrr, a chionn gu'n robh an searmonaiche glic, theagaisg e'n còmhuidh eòlas do'n t-sluagh; agus thug e deadh aire, agus shir e mach, agus dheasaich e mòran ghnàth-fhocal.

10 Dh'iarr an searmonaiche briathran taitneach fhaotainn: agus *bha* an ni a sgrìobhadh ceart, briathran na firinn.

11 *Tha* briathran nan daoine glìce mar bhioraibh, agus mar thàirngibh air an sparradh *le* uachdранаibh choimhthional, a thugadh le aon aodhaire.

12 Agus tuilleadh, leo so, a mhic, gabh rabhadh: air mòran leabhraichean a dhean-amh cha-n'eil crìoch; agus *tha* mòran leughaidh 'n a sgìos do'n fheoil.

13 Cluinneamaid brìgh na chaidh a ràdh uile; Bitheadh eagal Dhé ort, agus gléidh 'aitheantan; oir is e so *dleasanas* iomlan an duine.

14 Oir bheir Dia gach obair chum breitheanais, maille ris gach ni dìomhair, ma's maith, no ma's olc e.

DAN SHOLAIMH.

CAIB. I.

1 *Gràdh na h-eaglais do Chrìosd:* 7 'n a h-urruigh ghuidh i gu'n treòraicheadh e i a dh'ionnsuidh a threud. 8 *Sheòl Crìosd i gu bùthaibh nan aodhairean,* 9 agus nochd e meud a ghràidh dhi.

DAN nan dàn, dàn Sholaimh.

2 Pògadh e mi le pògaibh a bhedil; oir is maith do ghràdh seach fion.

3 Air son fàile cùbhraidh is maith d'oladh-ungaidh-sa: is oladh-ungaidh air a dòrtadh d'ainn; uime sin ghràdhaich na h-òighean thu.

4 Tarruing mi. A'd' dhéigh ruithidh sinn. D'a sheòmaichibh treòraich an Rìgh mi. Ni sinn luathghaire agus bithidh aoibhneas oirn annadsa: cuiridh sinn 'an cuimhne do ghràdh ni's mò na fion: ghràdhaich na fireanan thu.

5 Dubh *tha* mi, ach sgiamhach, O a nigh-eanan Ierusalem, mar bhùthaibh Chedair, mar chùirteinibh rionnach Sholaimh.

6 Na bitheadh umhail agaibh ged *tha* mi dorchas, a chionn gu'n d'amhaire a' ghrian orm: bha mic mo mhàthar ann am feirg rium; rinn iad coimheadaiche nam fion-lios d'iom: am fion-lios a bu leam féin cha do choimhid mi.

7 Innis dhomh, O thusa d'am bheil gràdh aig m'anam, c'àit an ionaltair thu do *threudan*, c'àit an toir thu orra luidhe sìos mu mheadhon-là; oir c'ar son a bhithinn mar aon air faondradh am measg threud do chompanach?

8 Mur 'eil fhios agad, O thusa a's àillidh aig m'anam, imich a mach air luig an treud, agus ionaltair do mheannain làimh ri bùthaibh nam buachaillean.

9 Ri h-eachaibh ann an carbadaibh Pharaoh samhlaicheam thu, a bhean mo ghaoil.

10 Is àillidh do ghruaidhean le sreathaibh *sheud*, do mhuineal le slabhraidhibh.

11 Sreathan òir ni sinn dhuit, le ballachaibh airgid.

12 Am feadh a tha'n Rìgh aig a chuirm, tha mo spìocnard a' sgaoileadh f'fhàile cùbh-raidh.

13 Is ceanglachan mirr mo ghràdh dhomh-sa; eadar mo chòchoaibh luidhidh e re na h-oidhche.

14 Tha mo ghràdh dhomh-sa, *mar* bhagaid de'n chrann-champhir ann an fion-lìosaibh Engedi.

15 Feuch, *tha* thu àillidh, a bhean mo ghaoil; feuch, *tha* thu àillidh; *tha* sùilean choluman agad.

16 Feuch, *tha* thu àillidh, f'hir mo ghràidh, agus taitneach, agus *tha* ar n-uirigh uaine.

17 Is cròinn sheudair sailthean ar tighe, cròinn-ghiuthais ar ceann-fiuioch.

CAIB. II.

1 *Tha gràdh Chrìosd 'n a bhrataich do'n eaglais.*

8 *Dòchas, 10 agus dreuchd na h-eaglais.*

14 *Càram Chrìosd mu thimchioll na h-eaglais.*

*I*s ròs o Sharon mise, lili nan gleann.

2 Mar lili am measg droighinn, *is* amhuil mo ghràdh-sa am measg nan nighean.

3 Mar chrann-ubhall am measg chrann na coille, *is* amhuil mo rùn-sa am measg nan òganach: fo a sgàile mhiannaich mi, agus shuidh mi sìos, agus *bha* a thoradh milis do m' bhlas.

4 Threòraich e mi do thigh an fhìona, agus *b' i* a bhratach tharum an gràdh.

5 Cumaidh blas mi le còrnaibh, sgapaibh ùbhlán mu m' thimchioll, oir *tha* mi tinn le gràdh.

6 *Tha* a làmh chli fo m' cheann, agus a làmh dheas timchioll orm.

7 Cuiream mar fhiachaibh oirbh, a nigh-eanan Ierusalem, air earbaibh agus air èildibh na macharach, nach cuir sibh dragh air, agus nach dùisg sibh mo ghràdh, gus an àill leis féin.

8 Guth mo ghràidh! Feuch, *tha* e a' teachd, a' leumnaich air na beanntaibh, a' toirt sìthidh air na tulaichibh.

9 *Is* cosmhuil mo ghràdh ri h-earbaidh no ri laogh féidh: feuch, *tha* e 'n a sheasamh air cùl ar balla, a' scalltuinn a mach air na h-uinneagaibh 'g a nochdadh féin troimh'n chléith.

10 Fhreagair mo ghràdh, agus thubhairt e rium, Eirich, a bhean mo ghaoil, m'aon sgiamhach, thig leam:

11 Oir feuch, tha'n geamhradh seachad, tha'n t-uisge thairis, dh'imich e roimhe.

12 Chithear na blàthan air an talamh, *tha* àm seinn *nan eun* air teachd, agus cluinnear guth an turtuir 'n ar tìr.

13 Tha an crann-fìge a' cur a mach f'fhigean glasa, agus *tha* dearcan maotha a' chròinn-fhìona a' toirt faile cùbhraidh uatha: éirich, a bhean mo ghaoil, m'aon sgiamhach, agus thig leam.

14 Mo choluman, *'tha* ann an sgoltaibh na creige, ann an ionad-diomhair a' bhruthaich, leig dhomh aniharc ort, leig dhomh

do ghuth a chluinntinn! oir *tha* do ghuth binn, agus d'eugas maiseach.

15 Glacaibh dhuinn na sionnaich, na sionnaich bheaga, a mhilleas na cròinn-fhìona, agus dearcan òga ar crann-fìona.

16 *Is* leamsa mo ghràdh, agus *is* leis-san mise: *tha* e ag ionaltradh am measg nan lili.

17 Gus am bris an là, agus an teich na sgàilean, pill; bi cosmhuil ri earbaidh, a ghràidh, no ri laogh féidh air beanntaibh Bheteir.

CAIB. III.

1 *'N a teanntachd dh'iarr an eaglais còmhnaidh o Chrìosd; 6 agus rinn i gairdeachas 'n a mhaithneas.*

AIR mo leabaidh anns an oidhche dh'iarr mi an ti d'am bheil gràdh aig m'anam: dh'iarr mi e, ach cha d'fhuair mi e.

2 Eiridh mi a nis, agus théid mi mu'n cuairt anns a' chaithir, anns na sràidibh, agus anns na shligibh farsuinn iarraidh mi esan d'am bheil gràdh aig m'anam: dh'iarr mi e, ach cha d'fhuair mi e.

3 Thachair orm an luchd-faire a' dol mu'n cuairt anns a' chaithir: Am faca sibh an ti d'am bheil gràdh aig m'anam?

4 Cha deachaidh mi ach beagan air m'aghaidh uatha, 'n uair a fhuair mi esan d'am bheil gràdh aig m'anam; rinn mi greim air, agus cha leiginn as e, gus an d'thug mi e do thigh mo mhlàthar, agus d'a seòmar-sa a rug mi.

5 Cuiream mar fhiachaibh oirbh, a nigh-eanan Ierusalem, air earbaibh agus air èildibh na macharach, nach cuir sibh dragh air, agus nach dùisg sibh fear mo ghràidh, gus an àill leis féin.

6 Cò ise a tha 'g éirigh suas as an fhàsach mar stuaधाibh deataich, cùbhraidh le mirr agus tuis, le uile mhin-dhus ceannaiche nan spìosraidh?

7 Feuch, uirigh Sholaimh! Tri fichead treun fhear m'a timchioll de threun fhear-aibh Israeil.

8 Fir chlaidheimh uile, cleachdta ann an cogadh; gach fear le 'chlaidheamh air a léis, an aghaidh gabhaidh na h-oidhche.

9 Rinn Solamh an Rìgh leabadh-phòsaidh dha féin de chrannaibh Lebanoin.

10 A puist dhealbh e de airgiod, a h-ìochd-ar de òr, a còmhlaich de chorcur; *bha* a meadhon air 'oibreachadh le samhlaibh gràidh le nigheanaibh Ierusalem.

11 Rachaibh a mach, a nigheanan Shioin, agus faicibh Rìgh Solamh leis a' chrùn leis an do chrùn a mhlàthair e air là a phòsaidh, agus air là subhachais a chridhe.

CAIB. IV.

1 *Nochd Crìosd dreach agus maise na h-eaglais. 16 Ghuidh an eaglais gu'm bitheadh i air a deanamh ionchuidh air son làthaireachd Chrìosd.*

FEUCH, *is* àillidh thu, a bhean mo ghaoil; feuch, *is* àillidh thu! *tha* sùilean

choluman agad an taobh a stigh de d'chiabhann: *tha* d'fholt mar threud ghabhar a nochdar o shliabh Ghilead.

2 *Is* cosmhuil do dheud ris an treud lomarta, a thàinig a nìos o'n àite-nighidh, a bheircas gach aon diubh càraid, agus gun aon chaora sheasg 'n am measg.

3 Mar shnàthainn dearg air a dhath dà uair *tha* do bhilean, agus *tha* do chlainnt binn: mar mhir de phomgranat *tha* do chamogan 'am meadhon do chiabh.

4 Tha do mhuincal mar thùr Dhaibhidh, air a chur suas gu bhi 'n a thigh-arm: *tha* mìle targaid crochta suas ris, uile sgiathan nan treun fhear.

5 *Tha* do dhà clìch mar dhà mheann earba, càraid na maoslich, a dh'ionaltras au measg nan lili.

6 Gus am bris an là, agus an teich na sgàilean, thèid mi gu beinn a' mhirr, agus gu tulach na tùise.

7 *Tha* thu uile àillidh, a bhean mo ghaoil, agus smu cha-n'èil annad.

8 Leamsa o Lebanon, a chéile, leamsa thig o Lebanon: seall o mhullach Amana, o mhullach Shenir agus Hernoin, o àitibh tàimh nan leòmhann, o bheanntaibh nan leopard.

9 Dh'èignich thu mo chridhe, a phiuthar, a chéile; dh'èignich thu mo chridhe le aon de do shùilibh, le aon slabhraidh mu d' mhuineal.

10 Cia taitneach a tha do ghràdh, a phiuthar, a chéile! Cia mòr is fearr na fion do ghràdh, agus fàile d'oladh-ungaidh na na h-uile spìosraidh!

11 *Mar* a' chìr-mheala silidh do bhìlean, a chéile: *tha* mìl agus bainne fo d' theangaidh; agus *tha* fàile do thrusgair mar fhàile cùbhraidh Lebanon.

12 *Is* lios glaiste thu, a phiuthar, a chéile; fuanan dùinte, tobair air a sheulachadh.

13 *Tha* do gheugan *mar* lios phomgranat, leis a' mheas a's taitnìche; le croinn champluir maille ri preasaibh spìocnaird:

14 Spìocnaird agus cròthach; cuile mhilis agus canal, leis na h-uile chraobhan tùise; mirr agus aloe, maille ris na spìosraidh a's taghta;

15 Fuanan lios, tobar uisgeachan beò, agus a' sruthadh o Lebanon.

16 Èirich, a ghaoth á tuath, agus thig, a ghaoth á deas, séid air feadh mo liosa, rachadh fàile cùbhraidh a spìosraidh a mach. Thigeadh m'annsachd d'a lios, agus itheadh e a thoradh taitneach.

CAIB. V.

1 *Mhosgail an eaglais 'n uair a ghairm Crìosd: 2 A gràdh do'n Tighearn. 9 Tha Crìosd maiseach agus sònruichte am measg dheich mìle.*

THA mi air teachd do m' lios, a phiuthar, a chéile; thionail mi mo mhirr maille

ri m' spìosraidh; dh'ith mi mo chìr-mheala maille ri m' mhill; dh'òl mi m'fhion maille ri m' bhainne. Ithibh, a chairdean, òlaibh, seadh, òlaibh gu pailt, a luchd mo ghràidh.

2 Tha mi a' m' chodal, ach tha mo chridhe ri faire. Guth fir mo ghràidh a' bualadh! Fosgail dhomh, mo phiuthar, mo bhana-charaid, mo choluman, mo bhean coimhlionta; oir tha mo cheann còmhdaichte le drùchd, mo chiabhann le braonaibh na h-oidhche.

3 Chuir mi dhìom mo thrusgan; cionnus a chuireas mi orm e? dh'ionnlaid mi mo chosan; cionnus a shalaicheas mi iad?

4 Chuir fear mo ghràidh a làmh troimh tholl an *doruis*, agus ghluaisheadh m'innigh air a shon.

5 Dh'èirich mi a dh'fhosgladh do fhear mo ghràidh; agus shìl mo làmhan mirr, agus mo mheòir mirr ruidhteach, air làmhan na glaise.

6 Dh'fhosgail mi do fhear mo ghràidh; ach thionndaidh fear mo ghràidh, agus dh'imich e roimhe. Thréig m'anam mi 'n uair a labhair e. Dh'iarr mi e, ach cha d'fhuair mi e; ghairm mi air, ach cha do fhreagair e mi.

7 Fhuair an luchd-faire a bha 'dol air an cuairtibh 's a' bhaile mi; bhuail iad mi, lot iad mi; thug luchd-coimhid nam balla u'fhalhuim dhìom.

8 Cuiream mar fhiachaibh oirbh, a nigh-eanan Ierusalem, ma gheibh sibh fear mo ghràidh, gu'n innis sibh dha, mar *tha* mi tinn le gràdh.

9 Cìod e fear do ghràidh-sa thar fear-gràidh *eile*, O thusa a's àillidh am measg bhan? cìod e fear do ghràidh-sa thar fear-gràidh *eile*, gu'n do chuir thu air an dòigh so mar fhiachaibh oirm?

10 *Tha* fear mo ghràidh-sa geal agus dearg, sònruichte am measg dheich mìle.

11 *Tha* a cheann *mar* an t-òr a's gloine; a chiabhann bachlagach, dubh mar am fith-each.

12 *Tha* a shùilean mar shùilibh choluman làimh ri sruthaibh uisgeachan, a nigheas iad fén ann am bainne, air an suidheachadh gu ceart.

13 *Tha* a ghruaidhean mar leabaidh spìosraidh, *mar* bhlàthaibh cùbhraidh; a bhìlean *mar* lillidhibh, a' sìleadh mirr ruidhtich.

14 *Tha* a làmhan *mar* fhàinnibh òir suidhichte le berilibh; a chom mar fhiacail *elephant* hobhta, air a cur thairis le saphiribh:

15 *Tha* a chosan *mar* phuist marmoir, suidhichte air bonnaibh de'n òr a's gloine; a choslas mar Lebanon, barraichte mar na sendair.

16 *Is* ro mhilis a bhcul; seadh, *tha* e gu léir ionmhuinn. *Is* e so fear mo ghràidh-sa, agus *is* e so mo charaid, a nigheanan Ierusalem.

CAIB. VI.

1 *Tha an eaglais a' cur 'an cèill a creidimh, agus a gràidh do Chrìosd. 4 Nochd Chrìosd, maise na h-eaglais', 10 agus a ghràdh dhi.*

C'AIT an deachaidh fear do ghràidh, O thusa a's àillidh am measg bhan? cia an taobh a thionndaidh fear do ghràidh? agus iarraidh sinn e maille riut.

2 Chaidh fear mo ghràidh-sa sìos d'a lios, gu leapaichibh nan spìosraidh, a dh'ionalt-radh anns na liosaibh, agus a thional lili.

3 *Is* le fear mo ghràidh misc, agus *is* leamsa fear mo ghràidh: tha e ag ionalt-radh am measg nan lili.

4 *Is* àillidh thu, a bhean mo ghaoil, mar Thirsah, maiseach mar Ierusalem, uamhasach mar shluagh le'm brataichibh.

5 Tionndaidh nam do shùilean, oir cblaoidh iad mi: tha d'fholt mar breud ghabhar a nochdar o Ghilead.

6 *Tha* do dheud mar threud chaorach, a thàinig a nìos o'n àite-nighidh, a bheircas gach aon diubh càraid, agus gun aon chaora sheasg 'n am measg.

7 Mar mhìr de phomgranat *tha* do chamog-an 'am meadhon do chiabh.

8 Tha trì fichead ban-righinn, agus ceithir fichead leannan ann, agus òighean gun àireamh.

9 *Is* ise 'n a h-aonar mo choluman, mo bhean choimhlionta; *is* i aon nighean a màthar i, a seircin-sa a rug i. Chunnaic na nigheanan i, agus bheannaich iad i; na ban-righinnean agus na leannain, agus mhol iad i.

10 Cò ise a chitbear mar a' mhaduinn, sgiamhach mar a' ghealach, glan mar a' ghrian, uamhasach mar shluagh le'm brataichibh?

11 Do lios nan cnò chaidh mi sìos, a ghabhail beacadh de thoradh a' ghlinne, a dh'fhaicinn an robh an fhìonain fo bhlàth, an robh na pomgranait a' briseadh a mach.

12 Mun d'thug mi an aire, air leam gu'n do thairngedh a mach dhomh carbadan Aminadaibh.

13 Pill, pill, a Bhan-Shulamach, pill, pill, agus amhairceamaid ort. C'ar son a dh'amhairceadh sibh air a' Bhan-Sbulamaich? mar bhuidheann dà fheachd.

CAIB. VII.

1 *A illeachd agus maise na h-eaglais: 10 Nochd i a creidimh, agus a dèigh air Chrìosd.*

CIA àillidh do chosan ann am brògaibh, a nighean rìoghail! *tha* uilt do shliasad mar usgraichibh, obair làmh firceirde:

2 *Tha* d'imleag mar chuaich chruinn, air nach bi easbhuidh dibhe; do bholg mar dhùn cruithneachd, cuartichte le liliidh.

3 *Tha* do dhà chich mar dhà mheann carba, càraid na maoislich.

4 *Tha* do mhuineal mar thùr ìbhorì; do

shùilean mar lochaibh èisg ann an Hesbon, làimh ri geata Bhat-rabin; do shròn mar thùr Lebanoìn, a sheallas a làimh Dhà-mascuis.

5 *Tha* do cheann ort cosmhuil ri Carmel, agus folt do chinn cosmhuil ri corcur: *tha* an rìgh ceangailte 'n a sheòmarachibh.

6 Cia àillidh, agus cia taitneach a tha thu, a ghaoil, ann ad mhaisealachd?

7 Tha'n àirde sin agad cosmhuil ri craoibh-phailme, agus *tha* do chìochan mar bhagaidibh fhìon-dhearc.

8 Thubhairt mi, Streapaidh mi suas do'n chraoibh-phailme, gabhaidh mi greim d'a geugaibh: agus a nis bithidh do chìochan mar bhagaidibh de'n fhìon-chraoibh, agus cùbhraidheachd d'eudainn march cùbhraidheachd nan ubhall:

9 Mar an ceudna do chàirean mar am fìon a's fearr, air son mo ghràidh, a thèid sìos gu milis, a' toirt cannte do bhlìbhan an dream a choidleas.

10 *Is* le fear mo ghràidh misc, agus *is* ann ormsa a tha a dhéidh.

11 Thig, fhir mo ghràidh, rachamaid a mach do'n mhachair; fanamaid ré na h-oidhche anns na bailtibh.

12 Anns a' mhoch-tràth rachamaid do na fìon-liosaibh, seallamaid am bheil an fhìon-chraobh air teachd fo bhlàth, am bheil an fhìon-dhearc bheag 'g a nochdadh féin, am bheil na pomgranait air briseadh a mach: an sin bheir mi mo gbràdh dhuit.

13 Tha na mandragan a' tabhairt fàile cùbhraidh uatba; agus aig ar geataibh, gach meas a's taghta, 'ur agus sean, fhir mo ghràidh, thaisg mi dhuitse.

CAIB. VIII.

1 *Thug an eaglais gràdh mòr do Chrìosd. Gairm nan cinneach. 14 Ghuidh an eaglais air son teachd Chrìosd.*

IS truagh nach robh thu mar mo bhràthair, a dheothail cìochan mo mhàthar! Nam faighinn a muigh thu, phògainn thu, agus cha deantadh tair orm.

2 Thredraichinn thu, bheirinn leam thu do thigh mo mhàthar, a theagaisgeadh mi; bheirinn ort òl de fhìon spìosradhach, de shùgh mo phomgranait.

3 *Bhithheadh* a làmh chli fo m' cheann, agus bhithheadh a làmh dheas timchioll orm.

4 Cuiream mar fhiachaibh oirbh, a nigheanan Ierusalem, [air earbaibh agus air èildibh na macharach], nach cuir sibh dragh air, agus nach dùisg sibh fear mo ghràidh gus an àill leis féin.

5 Cò ise a tha 'teachd a nìos o'n fhàsach, an taice ri fear a gràidh? Fo'n chraoibh-ubhall thog mi suas thu: an sin bha do mhàthair ri saothair ort; an sin bha i ri saothair, rug i thu.

6 Cuir mise mar sheula air do chridhe,

mar sheula air do ghairdean; oir làidir mar am bàs *tha* an gràdh, an-ìochdmhor mar an uaigh an t-eudach: *is* éibhle teine 'éibhle-san, lasair ro gharg.

7 Cha-n urrainn uisgeachan lionmhor an gràdh a mhùchadh, agus cha bhàth na tuiltean e. Nan tugadh duine uile mhaoin a thighe air son gràidh, dheanadh daoine tàir air gu tur.

8 *Tha* piuthar bheag againn, agus cha-n'èil cìochan aice: cìod a nì sinn air son ar peathar, 's an là anns an labhrar m'a timchioll?

9 Ma's balla i, togaidh sinn oirre lùchairt airgid; agus ma's dorus i, dùinidh sinn suas i le bordaibh seudair.

10 *Bu* bhalla mi, agus *bha* mo chiochan mar thùraibh; an sin *bha* mi 'n a shùilibh mar aon a fluair deadh-ghean.

11 *Bha* fion-lios aig Solamh ann am Baalhamon; dh'earb e am fion-lios ri luchd-coimhid; *bha* gach fear gu tabhairt *da*, air son a thoraidh, mìle *bonn* airgid.

12 *Tha* m' fion-lios a's leamsa fa m' chomhair: *tha* am mìle *bonn* dhuitse, a Sholaimh, agus dà cheud do luchd-coimhead a thoraidh.

13 O thusa a ghabhas còmhnuadh anns na lionsaibh, tha do chompanaich a' cluinntinn do ghutha; thoir ormsa a chluinntinn.

14 Dean cabhaig, fhir mo ghràidh, agus bi cosmhuil ri h-earba, no ri laogh féidh air beanntaibh nan spìosraidh.

I S A I A H.

CAIB. I.

1 *Tha* *Isaiah* a' gearan a chionn gu'n d'rinn *Iudah* ceannaire an aghaidh an Tighearna. 5 *Truaillidheachd* an t-sluaigh. 10 *Chronaich* am fàidh iad air son an tabhartas dìomhain; 16 agus chomhairlich e dhoibh aithreachas a ghabhail. 28 Sgrìos nan aingidh.

TAISBEANADH Isaiah mhic Amois, a chunnaic e mu thimchoill Iudah agus Ierusalem, ann an làithibh Usiah, Iotaim, Ahais, agus Hececiah, rìghrean Iudah.

2 Cluinnibh O nèamhan, agus tabhair éisdeachd O thalamh, oir tha an Tighearna a' labhairt: Dh'altruim mise, agus thog mi suas clann; agus rinn iadsan ceannaire a'm' aghaidh.

3 Is aithne do'n damh a shealbhadair, agus do'n asail prasach a mèighstir; ach cha-n aithne do Israel; cha-n'èil mo shluagh-sa a' toirt fainear.

4 Ah, cinneach peacach! slugh luchdaichte le h-aingidheachd! siol nan dao! clann a tha 'n am milltearaibh! thréig iad an Tighearna, bhrosnuich iad Ti naomh Israel gu feirg, dh'fhalbh iad air an ais.

5 C'ar son a bhuailear sibh nì's mò? théid sibh nì's faide agus nì's faide air seacharan. Tha an ceann uile tinn, agus an cridhe uile fann.

6 O bhonn na coise gu ruig an ceann, cha-n'èil fallaineachd ann; ach lot, agus bruthadh, agus creuchd lobhta; cha do theann-aidheachd ri 'chéile iad, cha do cheangladh suas iad, cha do thaisieachd le h-olaidh iad.

7 Tha bhuir tìr fàs, tha bhuir bailtean air an losgadh le teine; bhuir fearann, tha coigrich 'g a itheadh suas 'n 'ur làthair; agus dh'fhasaicheadh e, mar gu'm bitheadh e air a sgrìos le slugh coimheach.

8 Agus tha nighean Shìoin air a fàgail mar bhothan ann am fion-lios, mar thigh-

fasgaidh ann an gàradh chularan, mar bhaile air a theannachadh le *naimhdibh*.

9 Mur bhitheadh gu'n d'fhlàg Tighearna nan sluagh iarraid ro bheag againn, 's ann a bhitheamaid mar Shodom, bhitheamaid cosmhuil ri Gomorrah.

10 Cluinnibh focal an Tighearna, O uachdarana Shodoim; éisdibh ri lagh ar Dé-ne, a mluinntir Ghomorrah:

11 Cìod e lionmhoireachd 'ur n-ìobairtean dhomhsa? deir an Tighearna: tha mi làn de thabhartaibh-loisgte reitheachan, agus de shaill bheathaichean biadhta; ach ann am fuil tharbh, agus uan, agus bhoc ghaibhre, cha-n'èil mo thlachd.

12 An uair a thig sibh gu'r taisbeanadh féin ann am làthair-sa, cò a dh'iarr so air 'ur làimh, mo chùirtean-sa a shaltairt?

13 Na tugaibh tabhartas dìomhain uaibh nì's mò: tha tùis 'n a gràineileachd dhomh; a' ghealach ùr, agus an t-sàbaid, guirm a chomh-chruinneachaidh, cha-n fheudar leam 'fhulang; is euccart eadhon an comhghairm naomh.

14 Bhuir gealaichean ùra, agus 'ur féillean suidhichte, is fuath le m'anam; tha iad 'n an eallaich orm; tha mi sgìth d'an giùlan.

15 Agus an uair a shìneas sibh mach 'ur làmhan, folaichidh mise mo shùilean uaibh seadh an uair a nì sibh iomadh urnuigh, cha-n éisd mi: tha 'ur làmhan làn fola.

16 Nighibh, glanaibh; cuiribh air falbh ole 'ur deanadaisais mo shealladh; sguiribh de'n ole.

17 Fòghlumaibh maith a dheanamh; iarraibh breitheanas; deanaibh fuasgladh air an fhear a tha sàruichte; cumaidh còir ris an dilleachdan; tagraibh cùis na bantraich.

18 Thigibh a nis, agus tagramaid ri 'chéile, deir an Tighearna; ged robh 'ur peacaidhean mar an scarlaid, bithidh iad geal mar an

sneachd; ged robh iad dearg mar chorcur, bithidh iad mar olainn.

19 Ma bhitheas sibh toileach agus umhal, ithidh sibh *toradh* maith an fhearainn:

20 Ach ma bhitheas sibh eas-umhal agus ceannairceach, ithear suas sibh leis a' chlaidheamh; oir labhair beulan Tighearn' e.

21 Cionnus a dh'fhàs a' chaithir dhileas 'n a striopaich! bha i làn de bhreitheanas, bha ionracas a' gabhail còmhnuidh innte, ach a nis mortairean.

22 Tha d'airgid air fàs 'n a shalchar; tha d'fhion air a mheasgadh le h-uisge:

23 Tha d'uachdarain ceannairceach, agus 'n an companachaibh mhèirleach; tha gach aon diubh 'an geall air tiodhlac, agus a' leantainn dhuaisean; ris an dilleachdan cha-n'eil iad a' cumail còthrom, agus cùis na bantraich cha-n'eil a' teachd 'n an làth-air.

24 Uime sin deir an Tighearn, Tighearn nan sluagh, Ti cumhachdach Israeil, Aha! bheir mi fois dhomh féin a thaobh m'eas-cairdean; dòlaidh mi mi féin air mo naimh-dibh:

25 Agus pillidh mi mo làmh ort, agus glanaidh mi uait do shalchar gu ro ghlan, agus bheir mi air falbh d' uile stoin.

26 Agus aisgidh mi do bhreitheamhnan: mar, air tùs, agus do luchd-comhairle mar a bha iad 'an toiseach; 'n a dhéigh sin goirear dhiot baile na fireantachd, a' chaithir dhileas.

27 Saorar sion ann am breitheanas, agus a muinntir ionpaichte ann ara fireantachd.

28 Agus claidhear luchd-eusaontais agus peacaich maraon; agus bithidh iadsan a thréigean an Tighearn air an caitheamh as.

29 Oir gabhaidh iad nàire de na daragaibh a mhiannaich sibh; agus bithidh rugha gruaidh oirbh air son nan liosan a ròghnaich sibh:

30 Oir bithidh sibh mar dharaig aig am bheil a duilleach air seargadh, agus mar lios anns nach 'eil uisge.

31 Agus bithidh an duine làidir mar asgart, agus 'oibriche mar shrad; agus loisgidh iad le 'chéile cuideachd, agus cha bli neach ann a mhùchas iad.

CAIB. II.

1 Fàidheadaireachd mu thimchioll rìoghachd Chrìosd. 6 Air son an aingidheachd thréig Dia tigh Iacoib. 10 Dli'innseadh do'n t-sluagh gu'n leagar sìos àrdan nan uaibhrean ann an là mòr an Tighearna.

AM focal a chunnaic Isaiah mac Amois mu thimchioll Iudah agus Ierusalem.

2 Tarlaidh anns na làithibh deireannach gu'm bi sliabh tìghe an Tighearna air a dhaingneachadh air mullach nan sléibhteann; agus àrdachear e os ceann nam beann; agus sruthaidh na h-uile chinnich d'a ionnsuidh.

3 Agus théid mòran shlògh, agus their iad, Thigibh, agus rachamaid suas gu sliabh

an Tighearna, gu tigh Dhé Iacoib; agus teagaisgidh e sinn mu a shlighibh, agus imichidh sinn 'n a cheumaibh; oir o Shìon théid an lagh a mach, agus focal an Tighearn o Ierusalem.

4 Agus bheir e breth am measg nan cinn-each, agus bheir e achmhasan do mhòran shlògh; agus buailidh iad an claidhean gu coltair, agus an sleaghan gu corraibh-sgathaidh; cha tog cinneach claidheamh an aghaidh cinnich, agus cha-n fhòghlum iad cogadh ni's mò.

5 O thigh Iacoib, thigibh agus imicheamaid ann an solus an Tighearna.

6 Air an aobhar sin thréig thu do shluagh, tigh Iacoib, a chionn gu bheil iad air an lìonadh o'n àird an ear, agus 'n an luchd-fiosachd mar na Philistich; agus tha an tlachd ann an cloinn choigreach.

7 Agus tha an tìr air a lìonadh le airgid agus òr, agus cha-n'eil crìoch air an ionmhasaibh; tha an tìr air a lìonadh le h-eachaibh, agus cha-n'eil crìoch air an carbadaibh.

8 Tha an tìr fòs air a lìonadh le h-ìodhol-aibh; tha iad a' sleuchdadh do obair an làmh féin, do'n ni sin a rinn am meòir féin.

9 Agus tha an duine suarach a' cromadh sìos, agus tha an duine àrd 'g a ìsleachadh féin; agus cha tabhair thusa maithanas dhoibh.

10 Inich a steach do'n charraig, agus folaidh thu féin anns an ùir, roimh uamhas an Tighearn', agus o ghlòir a mhòrachd.

11 Islichear sealladh uaibhrean an duine mhòir, agus leagar sìos àrdan nan daoine suarach; agus bithidh an Tighearn 'n a aonar air àrdachadh anns an là sin.

12 Oir *thig* là Tighearna nan sluagh air gach neach a tha uaibhrean agus àrd, agus air gach neach a tha air a thogail suas, agus leagar sìos e;

13 Agus air uile sheudaraibh *Lebanoin*, a tha àrd agus togtà suas; agus air uile dharagaibh Bhàsain;

14 Agus air na h-uile bheanntaibh àrda, agus air na h-uile chnocaibh a tha togtà suas;

15 Agus air gach tùr àrd, agus air gach balla daingichte;

16 Agus air uile longaibh Tharsis, agus air na h-uile dhealbhan sgiamhach.

17 Agus islichear uabhar an duine mhòir, agus leagar sìos àrdan nan daoine suarach; agus bithidh an Tighearn 'n a aonar air àrdachadh anns an là sin.

18 Agus cuiridh e na h-ìodholangu buileach air cùl.

19 Agus théid iad a steach ann an còsaibh nan crag, agus ann an tuill na talmhainn, roimh uamhas an Tighearn', agus o ghlòir a mhòrachd, 'n uair a dh'éircas e a chrathadh na talmhainn gu h-uamhasach.

20 Anns an là sin tilgidh duine ìodholan airgid agus ìodholan òir, a rinn iad, *gach*

aon dha féin, gu sleuchdadh *dhoibh*, chum nam famh agus chum nan ialtag;

21 Gu dol a steach ann an còsaibh nan creag, agus ann am mullaichibh nan sgeir, roimh uamhas an Tighearn', agus o ghlibir a mhòrachd, 'n uair a dh'éireas a chrathadh na talmhainn gu h-uamhasach.

22 Leigibh dhiubh 'ur *dùil* ri duine, aig am bheil 'anail 'n a chuinnenaibh; oir ciod am fàth mu'n gabhar meas dheth?

CAIB. III.

1 *Na h-uile a bha gu teachd air Iudah a chionn gu'n do thréig iad Dia.* 10 *Eiridh gu maith do'n ionracan,* 11 *ach diolar do'n aingidh a rèir gnìomharan a làmh.* 16 *Peanas nigheanan Shìoin air son an uailh.*

OIR feuch, bheir an Tighearn, Tighearn nan sluagh, air falbh o Ierusalem agus o Iudah, an lorg agus am bata, uile lorg an arain, agus uile lorg an uisge,

2 An treun-fhear agus am fear-cogaidh, am breitheanbh agus am fàidh, an duine glie agus an seanair;

3 An ceannard air leth-cheud agus an duine urramach, agus an comhairliche, agus am fear-ceirde seolta, agus am fear-labhairt deas-bhrìathrach.

4 Agus ni mi leanabain 'n an uachdaran-aibh orra, agus riaghlaidh naoidheanan os an ceann.

5 Agus bithidh an sluagh air an sàruchadh, gach fear le 'chèile, agus gach fear le 'choimhearsnach; ni an t-òganach tàir air an aosda, agus an duine an-uasal air an duin' uasal.

6 An uair a ghlacas fear a bhràthair, de thigh 'athair, air a thrusgan, *ag ràdh*, Thig, agus bi a'd' fhear-riaghlaidh oirn, agus bitheadh an t-aomadh so fo do làmh-sa:

7 Labhraidh e air an là sin, ag ràdh, Cha bhi mis' a'm' fhear-slanuchaidh *dhuibh*; oir ann am thigh-sa cha-n'èil biadh no eudach; na cuiribh mise suas a'm' fhear-riaghlaidh air an t-sluagh.

8 Oir tha Ierusalem air aomadh sìos, agus Iudah air tuiteam; a chionn gu bheil an teagadh agus an deanadas an aghaidh an Tighearna, a bhrosnachadh sùl a ghlibire.

9 Tha sealladh an gnùise a' toirt fianuis 'n an aghaidh; agus tha iad a' deanamh an peacaidh follaiseach, mar Shodom; cha-n'èil iad 'g a fholaeh; is truagh do an anamaibh, oir thug iad ole orra féin.

10 Abraibh ris an ionracan *gur maith a dh'éireas* dha; oir toradh an gnìomharan ithidh iad.

11 Is an-aobhin do'n aingidh; *is ole a dh'éireas* dhà-san; oir diolar dha obair a làmh féin.

12 *Do thaobh* mo shluaigh-sa, tha clann a' deanamh sàruchaidh orra, agus tha mnathan a' riaghladh os an ceann. O mo shluagh, tha do chinn-iuil 'g ad chur air seacharan, agus a' fiaradh slighe do cheuman.

13 Tha an Tighearn a' seasamh suas chum tagraidh; agus tha e a' seasamh a thabhairt breith air an t-sluagh.

14 Tionnsgnaidh an Tighearn ann am breitheanas ri seanairibh a shluaigh, agus r'an uachdaran-aibh; oir dh'ith sibh suas am fion-lios; tha creach nam bochd 'n 'ur tighibh.

15 Ciod a's ciall duibh, gu bheil sibh a' pronnadh mo shluaigh, agus a' bleth eudan-nan nam bochd? dèir Iehobhah Tighearn nam sluagh.

16 Os bàrr, thubhairt an Tighearn, A chionn gu bheil nigheanan Shìoin uallach, agus ag imeachd le muinealaibh sinte mach, agus le sùilbhi meara, ag imeachd le ceumaibh iullagach, agus a' deanamh fuaime le'n còsaibh:

17 Uime sin ni an Tighearn maol mullach cinn nigheanan Shìoin, agus leigidh an Tighearn ris an nàire.

18 Anns an là sin bheir an Tighearn air falbh àille nan cos-fhàinneachan, agus na bréidcan, agus na samhrlachan-gealaich,

19 Na cluigeanan, agus na làmh-fhailean, agus na sgàilean,

20 Na cuailceanan, agus na glùineanan, agus na foilteanan, agus na soircean-boltraich, agus na cluas-fhàinneachan,

21 Na fàinneachan, agus na seudan-sròine, agus na trusganan lasach, agus na tonnagan, agus na falluinnean, agus na dealgan,

22 Na sgàthanan, agus na léintean anairt, agus na curaichdean, agus na bratan-sgàile.

23 Agus 'an àite deadh fhàile *bithidh* bréine, agus 'an àite criosa *bithidh* srachd-adh, agus 'an àite fuil air a dheadh-chleachdadh *bithidh* maoile, agus 'an àite crios-uchd *bithidh* ceanglachan saic-eudaich, agus losgadh 'an àite maisie.

24 Tuitidh do dhaoine leis a' chlàidheamh, agus do threun-fhir anns a' chogadh.

25 Agus ni a geatachan caoidh agus bròn; agus suidhidh i, gu h-aonaranach, sìos air an làr.

CAIB. IV.

1 *Teanntachd bhan Iudah.* 2 *Sonas agus maisie rioghachd Chriosda.*

AGUS ni seachd mnathan greim air aon fhear 's an là sin, ag ràdh, Ar n-aran féin ithidh sinn, agus ar n-eudach féin caithidh sinn; a mhàin bitheamaid air ar n-ainmeachadh ortsa, a thoirt air falbh ar mi-chliu.

2 Anns an là sin bithidh meangan an Tighearna sgiamhach agus glòrmhor, agus toradh an fhearainn oirdheire agus mais-each, dhoibhsan a théid as de Israel.

3 Agus tarlaidh, an neach a dh'fhàgar ann an Sion, agus a dh'fhanas ann an Ierusalem, goirear esan naomh, *eadhon* gach aon a tha sgrìobhta am measg nam beò ann an Ierusalem.

4 An uair a nigheas an Tighearn air falbh

salchar nigheanan Shioin, agus a ghlanas e fuil Ierusalem as a meadhon, le spiorad breitheanais, agus le spiorad losgaidh.

5 Agus cruthaichidh an Tighearn air gach àite-tàimh de shliabh Shioin, agus air a coimhlionalaibh, neul anns an là, agus deatach, agus dealradh teine lasaraich anns an oidhche; oir thar a' ghlòir uile bithidh còmhach.

6 Agus bithidh e 'na bhùth, air son sgàile o'n teas anns an là, agus air son dìdein, agus air son ionaid-fasgaidh o'n doininn agus o'n uisge.

CAIB. V.

1 *Le cosamhlachd lios-fìona nochd Dia ceartas a bheirtheanais. 8 Nì an Tighearn peanas air luchd-sannt, 11 air geòcairibh, 18 air luchd-deanamh an uile, 20 agus orra-san a ghnàthaicheas euceart. 26 Coimhlionadh bheirtheanas Dhè.*

SEINNIDH mi nis do fhear mo ghràidh, òran le fear mo ghràidh mu thimchioll a lios-fìona. Bha aig mo ghràidh-sa fionlios air cnoc àrd tarbhach.

2 Agus chuir e callaid m'a thimechioll, agus ghlan e na clachan as, agus shuidhich e rogha fionain ann, agus thog e tùr 'n a mheadhon, agus chladhaich e amar-fìona eudeachd; agus dh'amhaire e dh'fheuchainn an tugadh e mach dearcann fìona, agus thug e mach dearcann fiadhain.

3 Agus nise, O luchd-àiteachaidh Ierusalem, agus fheara Iudah, thugaibh breth, guidheam oirbh, cadar mise agus m'fhionlios.

4 Ciod tuilleadh a' ghabhadh deanamh ri m' fhionlios nach d'rinn mi ris? C'ar son, an uair a dh'amhaire mi an tugadh e mach dearcann fìona, a thug e mach dearcann fiadhain?

5 Agus a nis thigibh, nochdaidh mise dhuibh ciod a ni mi ri m' fhionlios; bheir mi air falbh a challaid, agus ithear suas e; brisidh mi a bhalla, agus bithidh e air a shaltairt sìos.

6 Agus cuiridh mi fàs e; eha sgathar e, agus eha ruamhaircar e; ach fàsaidh an dris agus an droighinn ann; agus bheir mi àithne do na neulaibh nach fras iad uisge air.

7 Oir is e fionlios Tighearna nan sluagh tigh Israeil, agus daoine Iudah luibh a mhòir thlachd; agus bha sùil aige ri breitheanas, agus feuch ain-tighearnas; ri ceartas, agus feuch gaor ghoirt.

8 Is an-aobhinn dhuibhse a tha 'cur tìghe ri tigh, agus a' cur achaidh ri achadh, gus nach bi àit ann, agus gu'n gabh sibh còmhuid leibh fèin ann am meadhon na tìre.

9 Ann am chluasaibh *thubhairt* Tighearn nan sluagh, Gu deimhin bithidh iomadh tigh fàs, *tighean* mòra agus maiseach, gun neach a' gabhail còmhuidh anna.

10 Bheir deich acairean de fhionlios aon

bhat *fìona*, agus *duine* Homer de shìol uaith Ephah.

11 Is an-aobhinn dhoibhsan a dh'èireas gu moch 's a' mhaduinn, a dh'ol an déigh dibhe làidir; a bhunaicheas gu feasgar, ionnus gu'n cuir am fion teas orra.

12 Agus tha a' chlàrsach, agus a' chruit-chiuil, agus an tàbor, agus a' phìob, agus fion 'n an cuirmibh; ach obair an Tighearna cha-n'eil iad a' cur 'an suim, agus gnìomh a làmh eha-n'eil iad a' toirt fainear.

13 Uime sin tha mo shluagh air dol ann am braigheanas, a chionn *gu theil iad* gun eòlas; agus tha an uaislean air bàsachadh le gort, agus an islean air tiormachadh le tart.

14 Air an aobhar sin mheudaich an uaigh a ciocras, agus dh'fhosgail i a beul thar tomhas; agus thèid an glòir, agus am mòr shluagh, agus an greadlinachas, agus esan a tha ri aighir, sìos d'a h-ionnsuidh.

15 Agus leagar sìos an duine suarach, agus islichear an duine cumhachdach, agus islichear sùilean nan uaibhreach.

16 Ach bithidh Tighearn nan sluagh air àrdachadh ann am breitheanas; agus bithidh an Dia naomh air a naomhachadh ann an ceartas.

17 An sin ionaltraidh na h-uain mar is àbhaist doibh; agus ithidh coigrich mach-raichean fàsail na muinntir reamhair.

18 Is an-aobhinn dhoibhsan a tha 'tarruing aingidheachd le cordaibh dìomhanais, agus peacaidh mar le taodaibh feuna:

19 A deir, Deanadh e deifir, greasadh e 'obair, a chum gu'm faic sinn; agus dlùthaicheadh comhairle Tì naoimh Israeil, agus thigeadh i *gu crìch*, a chum gu'm bi fios againn.

20 Is truagh dhoibhsan a deir maith ri òc, agus òc ri maith; a tha 'cur dorchadais 'an àite soluis, agus soluis 'an àite dorchadais; a tha 'cur an t-seirbh 'an àit a' mhilis, agus a' mhilis 'an àit an t-seirbh.

21 Is truagh dhoibhsan a tha glie 'n am barail fèin, agus 'n am beachd fèin tuigseach.

22 Is truagh dhoibhsan a tha làidir a dh'òl fìona, agus 'n an daoineibh neartmhor a mheasgadh dibhe làidir:

23 A tha 'saoradh a' chiontaich air son duaise, agus a' toirt ionracais an fhèin air falbh uaith.

24 Uime sin mar a dh'imlicheas teangadh an teine suas an asbhuain, agus a chnàmhas an lasair am moll, *mar sin* bithidh am freumh-san mar fhiodh gròd, agus thèid an blàth suas mar dhuslach; a chionn gu'n do dhiùlt iad le tàir lagh Tighearna nan sluagh, agus gu'n do chuir iad cùl ri focal Tì naoimh Israeil.

25 Air an aobhar sin tha corruich an Tighearn air lasadh an aghaidh a shluagh; agus shìu e mach a làmh 'n an aghaidh, agus

bhuail e iad; agus chrìochnaich na sléibhteann, agus bha an colainnean mar aolach air meadhon nan sràidean. Air son so uile, cha-n'eil a chorruich air pilleadh air falbh; ach tha a làmh fathast sìnte mach.

26 Agus togaidh e suas bratach do na cinnich an fad as, agus ni e fead air an son o iomall na talmhainn; agus, feuch, le deifir thigh iad gu luath.

27 Cha bhi aon neach fann, agus cha bhi aon neach tuisleach 'n am measg; cha tig clò, cha tig codal *air aon diubh*; cha-n fhuasgailear crios an leasraidh, agus cha bhrisear barr-iall am bròg.

28 Aig am bheil an saighdean air an geurachadh, agus am boghachan uile air ghealus; bithidh iongannan an each air am meas mar ailbhinn, agus an rothan mar cluairt-ghaoith.

29 *Bithidh* am beucaich mar leòmhnan boireann; beucaidh iad mar leòmhanaibh òga; agus ni iad nuallan, agus glacadh iad a' chreach, agus togaidh iad leo *i*, agus cha bhi neach ann a theasairgeas.

30 Agus anns an là sin beucaidh iad 'n an aghaidh, mar bheucaich na fairge; agus seallaidh iad air an talamh, agus, feuch, dorchadas *agus* teanntachd; agus bithidh an solus air a dhorchachadh anns na speur-aibh.

CAIB. VI.

1 *Taisbeanadh* Isaiah mu thimchioll an Tighearna 'n a ghloir. 5 Bha am fàidh *fo eagal*, 6 agus thug aingeal misneach dha. 8 Chuir e dh'ionnsuidh an t-sluaigh a nochdadh dhoibh gu'n robh iad reasgach agus do-luaidh.

A NNS a' bhliadhna 's an d'fhuair rìgh Usiah bàs, chunnaic mi an Tighearn 'n a shuidhe air caithir rìoghail, àrd agus togtas suas; agus lìon iomall a thrusgain an teampull.

2 Os a cheann sheas seraphim: aig gach aon bha sè sgiathan; le dithis chòmhdhaich e 'n aghaidh, agus le dithis chòmhdhaich e a chosan, agus le dithis rinn e itealaich.

3 Agus ghlaodh iad, gach aon r'a chéile, agus thubhairt iad, Is naomh, naomh, naomh Tighearn nan sluagh; tha an talamh uile làn d'a ghloir.

4 Agus ghluais ursainnean an doruis le guth an tì a ghlaodh, agus lìonadh an tigh le deataich.

5 Agus thubhairt mi, Mo thruaighe mise! oir chaidh as domh; oir is duine mi aig am bheil bilean neòghlan, agus am meas sluaigh aig am bheil bilean neòghlan tha mi a'm' chòmhnuidh; oir chunnaic mo shùilcan an Rìgh, Tighearn nan sluagh.

6 An sin thàinig aon de na seraphim ag itealaich a m' ionnsuidh, agus 'n a làimh éibhleag bhèd, a thug e leis a' chlobha bhàrr na h-altarach;

7 Agus bhean e ri mo bheul, agus thubhairt e, Feuch, bhean so ri d' bhlìb; agus tìna

d'aingidheachd air a toirt air falbh, agus do lochd air a ghlanadh.

8 Agus cluala mi guth an Tighearn' ag ràdh, Cò leis a chuireas mi fios? agus cò 'théid air ar son? Agus thubhairt mi, Feuch, tha mise an so; cuir fios leamsa.

9 Agus thubhairt e, Rach, agus abair ris an t-sluagh so, Cluinnibh da rìreadh, ach na tuigibh; agus seallaibh da rìreadh, ach na tugaibh fainear.

10 Dean cridhe an t-sluaigh so reamhar, agus dean an cluasan trom, agus druid an sùilean; mu'm faic iad le'n sùilibh, agus mu'n cluinn iad le'n clusaibh, agus mu'n tuig iad le'n cridheachaibh, agus gu'n iompaichear iad, agus gu'm bi iad air an slànuchadh.

11 An sin thubhairt mise, Cia fhad a Thighearn? Agus thubhairt esan, Gus an cuirear bailtean fàs, gun neach 'g an àiteachadh; agus tighèan, gun duine d' gabhail còmhnuidh anna; agus gu'm bi am fearann gu tur air 'fhàsachadh;

12 Agus gu'm fògair an Tighearn daoine am fad as; agus gu'm bi fàsalachd mhòr ann am meadhon na tìre.

13 Ach fathast *bithidh* deachamh innte; agus pillidh e, agus caithear e; mar an cuillionn agus an darach, aig am bheil brìgh anna, ged thilg iad an duilleach; mar sin *bithidh* sìol naomh 'n a bhrìgh innte-sa.

CAIB. VII.

1 Thug Isaiah misneach do Ahas 'n uair a bha e fo amharas air son Resin agus Phecal. 14 Fàisneachd a thaobh Chriost. 17 Bhagràdh Iudah le breitheanas uamhasach.

A NN an làithibh Ahais mhic Iotaim, mhic Usiah, rìgh Iudah, chaidh Resin rìgh Shiria, agus Pecah mac Remaliah rìgh Israeil, suas do Ierusalem, a chogadh 'n a h aghaidh, ach cha b'urrainn iad buadhachadh oirre.

2 Agus dh'innseadh do thigh Dhaibhidh, ag ràdh, Tha Siria ann an comh-bhoinn ri Ephraim; agus bha a chridhe air a ghluasad, agus eridhe a shluaigh; mar a ghluaisear craobhan na coille roimh'n ghaoith.

3 Agus thubhairt an Tighearn ri Isaiah, Rach a mach a nis 'an còdhail Ahais, thu féin, agus Sear-iasub do mhaic, aig ceann sruth-chlais 'n a linne uachdaraich, air slighe achaidh an luadhadair.

4 Agus abair ris, Thoir an aire, agus bi a'd' thod; na gabh eagal, agus na bi lag-chridheach, air son dà earr nan àithinnean smùidreach so, air son corruich Resin agus Shiria, agus mhic Remaliah.

5 Air son gu'n do dhealbha Siria, Ephraim, agus mac Remaliah, olc a'd' aghaidh, ag ràdh,

6 Rachamaid suas an aghaidh Iudah, agus teannaicheamaid e, agus briseamaid a steach, agus cuireamaid rìgh suas gu rìoghachadh 'n a mheadhon, eadhon mac Thabcail:

7 Mar so deir an Tighearn Iehobhah, Cha seas e, ni mò thig e gu crìch.

8 Ged is e ceann Shiria Damaseus, agus ceann Dhamascuis Resin; gidheadh an taobh a stigh de chùig agus trì fichead bliadhna, bithidh Ephraim air a bhriseadh, ionnus nach bi e 'n a chinneach:

9 Ged is e ceann Ephraim Samaria, agus ceann Shamaria mac Remaliah. Mur creid sibh, gu cinnteach cha bli sibh seasmhach.

10 Agus labhair an Tighearn fathast ri Ahas, ag ràdh,

11 Iarr dhuìt fèin comharadh o'n Tighearn do Dhia; iarr anns an doimhne, no anns an àirde shuas.

12 Ach thubhairt Ahas, Cha-n iarr mi, ni mò a bhuairesas mi an Tighearn.

13 Agus thubhairt esan, Eisidibh a nis, a thig Dhaibhidh; Am beag leibh daoine a sgitheachadh; ach an sgithich sibh fòs mo Dhia?

14 Air an aobhar sin, bheir an Tighearn fèin comharadh dhuibh; Feuch, bithidh òigh torrach, agus beiridh i mac; agus bheir i Imanuel mar ainm air.

15 Im agus mil ithidh e, gus an tuig e an t-òle a dhiùltadh, agus am maith a ròghnachadh.

16 Oir mu'n aithne do'n leanabh an t-òle a dhiùltadh, agus am maith a ròghnachadh, fàsaichear fearann an dà rìgh leis am bheil thu air do chlaoidh.

17 Bheir an Tighearn ortsa, agus air do shluagh, agus air tigh d'athar, làithean, nach robh an leithidean ann o'n là 's an do dhealaich Ephraim ri Iudah; eadhon rìgh Asiria.

18 Agus tarlaidh anns an là sin, gu'n gairm an Tighearn a' chuileag a tha ann an iomall ainmnichean na h-Eiplit, agus an seillean a th'ann an talamh Asiria:

19 Agus thig iad, agus luidhidh an t-iomlan diubb anns na gleanntaibh fàsail, agus ann an còsaibh nan creag, agus air gach uile droighnich agus air gach uile phreas.

20 Anns an là sin lomaidh an Tighearn le ealtainn thuarasdail, leis an t-sluagh air taobh thall na h-aimhne, le rìgh Asiria, an ceann agus fionna nan cosan; agus bearraidh i eadhon an fheusag.

21 Agus tarlaidh anns an là sin gu'n àraich duine bò òg agus dà chaora:

22 Agus o phailteas a' bhàinne bheir iad uatha, ithidh e im; oir im agus mil ithidh gach neach a dh'fhàgar anns an tìr.

23 Agus tarlaidh anns an là sin, gach àit anns an robh mìle fionain, air am meas air mhìle bonn airgid, gu'm bi e 'n a sgitheach agus 'n a droighnich.

24 Le saighdibh agus leis a' bhogha thig iad an sin; oir bithidh an talamh uile 'n a sgitheach agus 'n a droighnich.

25 Agus air na h-uile cluacaibh a bhiitheas air an ruamhradh leis a' chaibe, cha tig

eagal sgithich no droighnich; ach bithidh e 'n a àiridh dhamh, agus 'n a ionatràdh mheanbh-chruidh.

CAIB. VIII.

1 *Roimh-innis Isaiah sgrìos Dhamascuis agus Shamaria le rìgh Asiria. 9 Seasaidh rìgh Dhè gu sìorruidh. 11 Bithidh aoibhneas orra-san a chuireas an dòigh agus an carbsa 'an Dia.*

AGUS thubhairt an Tighearn rium. Gabh clàr mòr, agus sgrìobh air, le inneal-sgrìobhaidh duine mu Mhaheer-salal-has-bas.

2 Agus thug mi leam, chum dearbhaidh, fianuisean firinneach, Uria an sagart, agus Sechariah mac Ieberechiah.

3 Agus dhlùthaich mi ris a' bhan-fhàidhe; agus dh'fhàs i torrach, agus rug i mac: agus thubhairt an Tighearn rium, Thoir mar ainm air Maher-salal-has-bas:

4 Oir mu 'an aithne do'n leanabh "m'athair agus mo mhàthair" a ràdh, togar air falbh saoihbheas Dhamascuis agus creach Shamaria, roimh rìgh Asiria.

5 Agus labhair an Tighearn fathast rium, ag ràdh,

6 A chionn gu'n do chuir an sluagh so cùl ri uisgeachaibh Shiloah, a ruitheas gu sèimh; agus gu'm bheil iad a' gabhail tlaichd ann an Resin agus ann am mac Remaliah:

7 Uime sin, feuch, bheir an Tighearn a nìos orra uisgeachan na h-aimhne, làidir agus lionmhor, eadhon rìgh Asiria agus 'uile ghrèadhnaichas; agus éiridh e os ceann a chlàisean uile, agus théid e thar 'uile bhruaichibh.

8 Agus gabhaidh e roimhe air feadh Iudah, a' ruith thairis agus a' sgaoileadh; eadhon gus am muineal ruigidh e; agus lionaidh sgaoileadh a sgiathan leud do thìre-sa, O Imanuel.

9 Cruinnichibh r'a chéile, a chinneacha, agus brisear sibh 'n ur bloighdibh; éisidibh, sibhse uile' tha 's na dùchannaibh fad as; crioslaichibh sibh fèin, agus brisear sibh 'n 'ur bloighdibh; crioslaichibh sibh fèin, agus brisear sibh 'n 'ur bloighdibh.

10 Cuiribh blur comhairle ri 'chéile, agus thig i gu neò-bhrìgh; labhraibh am focal, agus cha seas e; oir tha Dia lenne.

11 Oir thubhairt an Tighearn rium, le làimh làidir, agus theagaisg e mi, a chum nach siubhlainn ann an slighe an t-sluaigh so, ag ràdh,

12 Na abraibh-sa comh-bhoinn ris gach ri ris an abair an sluagh so comh-bhoinn; agus na gabhaibh eagall roimh an uamhas-san, agus na bitheadh geilt oirbh.

13 Tighearn nan sluagh, naomhaichibh esan fèin; agus bitheadh esan duibh 'n a chùis-cagail, agus bitheadh esan duibh 'n a aobhar ball-chrith.

14 Agus bithidh e 'n a ionad naomh; ach 'n a chloich-thuislidh, agus 'n a charraig-

oilbheim do dhà thigh Israeil; 'n a lìon agus 'n a rìbe do luchd-àiteachaidh Ierusalem.

15 Agus gheibh mòran 'n am measg tuisleadh, agus tuitidh iad, agus brisear iad, agus ribear agus glacair iad.

16 Ceangail suas an fhianuis, seulaich an lagh am measg mo dheisciobul-sa.

17 Ach feithidh mise ris an Tighearn a tha 'folach a ghnuise o thigh Iacoib, agus bithidh sùil agam ris.

18 Feuch, *tha* mise, agus a' chlànn a thug an Tighearn dhomh, 'n ar comharaibh agus 'n ar n-iongantasaibh ann an Israel, o Thighearn nan sluagh a tha 'n a chòmhnuidh ann an sliabh Shioin.

19 Agus an uair a their iad ruibh, Iarraibh a chum nam ban-fhiosaichean, agus chum nan druidhean, muinntir a ni bideil agus borlhaichean; nach bu chòir do shluagh iarraidh chum an Dé? an ann a *dh'iarraidh iad* a chum nam marbh, 'an àite nam beò?

20 *Iarradh iad* chum an lagha agus chum na fianuis; mur labhair iad a réir an fhocail so, 's ann 'a chionn nach 'eil solus anna.

21 Agus siubhlaidh *gach aon* d'a thrìd, ann an teinn agus ann an gorta; agus tarlaidh, 'n uair a bhitheas e ann an gorta, gu'm bi corruich air ris féin, agus mallaichidh e a rìgh agus a Dhia, agus e 'sealltuinn suas.

22 Agus seallaidh e air an talamh, agus feuch teanntachd agus doilleireachd; dubhar an àmhghair, agus tiugh dhorchadas.

CAIB. IX.

1 *Aoibhneas na h-eaglais air son teachd rìoghachd Chrìosd.* 8 *Na breitheanais a bheir Dia air Israel air son an uabhair.* 13 *am mì-chreidimh,* 18 *agus an aingidheachd.*

GIDHEADH cha *bhi* an doilleireachd mar a *bha* ri linn a h-àmhghair, an uair a bhuail e gu h-eutrom an toiseach talamh Shebuloim agus talamh Naphtali, agus 'n a dhéigh sin bhuail e ni bu truime e, air slighe na fairge, taobh thall Iordain, Galile nan cinneach.

2 An sluagh a *bha* 'sinbhal ann an dorchadas, chunnaic iad solus mòr; iadsan a *bha* 'n an còmhnuidh ann an tìr sgàile a' bhàis, dh'éirich solus orra.

3 Rinn thu an cinneach Ìomhhor; nach do mheudaich thu an aoibhneas? rinn iad gairdeachas a'd' Ithair, mar ghairdeachas auns an fhogharadh; mar a ni *daoine* gairdeachas, an uair a roinneas iad a' chreach.

4 Oir bhris thu cuing 'callacha, agus bata a ghualine, slat an fhir a shàruich e, mar ann an Ì Mhidiain.

5 Oir *tha* gach uile chath an fhir-chogaidh le cruaidh iomairt, agus eudach air a thumadh ann am fuil; ach bithidh *so* le losgadh, agus connadh air son an teine.

6 Oir rugadh dhuinne duine-cloinne, thugadh dhuinne mac; agus bithidh an uachdaranachd air a ghuallainn; agus goirear mar ainm dheth, Iongantach, Comhairliche, an

Dia cumhachdach, an t-Athair sìorruidh, Prionnsa na sìthe.

7 Air fàs 'uachdaranachd, agus air a shìth, cha *tig* crìoch; air caithir rìoghail Dhaibhidh, agus air a rìoghachd; chum a daingneachadh agus a socruchadh le breitheanas agus le ceartas, o so a mach agus gu sìorruidh: bheir eud Tighearna nan sluagh so gu crìch.

8 Chuir an Tighearn focal a dh'ionnsuidh Iacoib, agus thuit e air Israel.

9 Agus bithidh fios aig an t-sluagh uile, aig Ephraim agus fear àiteachaidh Shamaria, a tha ag ràdh, ann an uail agus àrdan cridhe,

10 Tha na clachan creadha air tuiteam, ach togaidh sinn le clachaibh snaidhte; tha na craobhan sicamoir air an gearradh sìos, ach cuiridh sinn craobhan seudair 'n an àit.

11 Uime sin àrdaichidh an Tighearn luchd mì-ruin Resin 'n a aghaidh, agus togaidh e suas a naimhdean le 'chéile;

12 Na Sirianach o'n taobh bhedil, agus na Philistich o'n taobh chùil; agus ithidh iad suas Israel le beul farsuinn. Air sou so uile cha-n'eil a chorruich air a pilleadh air falbh; ach tha a làmh fathast sìnte mach.

13 Ach cha-n'eil an sluagh so air pilltinn ris an ti a bhuail iad; ni mò dh'iarr iad Tighearn nan sluagh:

14 Uime sin gearraidh an Tighearn as o Israel an ceann agus an t-earball, a' gheug agus an luachair, ann an aon là.

15 Au duine aosmhor agus urramach, is esan an ceann; agus am fàidh a tha 'teagasg bréige, is esan an t-carball.

16 Oir tha luchd-stiùraidh an t-sluaigh so 'g an cur air seacharan; agus bithidh iadsan a stiùrar leo air an slugadh suas.

17 Air an aobhar sin cha dean an Tighearn gairdeachas os ceann an òganach, ni mò ni e iochd r'n dilleachdain agus am bantraichean; oir tha gach aon diubh 'n a chealgair agus 'n a fhear dò-bheirt, agus tha gach beul a' labhairt amaideachd. Air son so uile cha-n'eil a chorruich air a pilleadh air falbh, ach tha a làmh fathast sìnte mach.

18 Oir loisgidh aingidheachd mar theine; ithidh i suas an dris agus an droighionn; agus cuiridh i ri theine badan na frìthe; agus éiridh iad 'an àird 'n an smùid a' dol suas.

19 Trid corruich Tighearna nan sluagh dhorchaidheadh an tìr; agus bithidh an sluagh mar chonnadh air son an teine: cha dean duine iochd air a bhràthair féin.

20 Agus bheir e teum air an làmh dheis, agus *gidheadh* bithidh e ocrach; agus ithidh e suas air an làmh chlì, agus cha bhi iad sàsuichte; ithidh gach duine feoil a ghàird-ein féin.

21 *Ithidh* Manaseh Ephraim, agus Ephraim Manaseh; agus bithidh iad le 'chéile an aghaidh Iudah. Air son so uile cha-n'eil a

chorruich air a pillleadh air falbh, ach tha a làmh fathast sìnte mach.

CAIB. X.

1 Eiridh gu h-olc dhoibhsan a tha 'g orduchadh reachdan eucorach. 5 Claoidh dh' Dia na h-Asirianaich air son an droch chnuimharan 20 Tearnar iarmad de Israel. 24 Fhuair Iudah gealladh air saorsa. 25 Sgrìos nan Asirianach.

IS truagh dhoibhsan a tha 'g orduchadh reachdan eucorach, na sgrìobhaichean a tha ag àithneadh foirneirt.

2 A thionndadh an fheumaich o bhreith-eanas, agus a thabhairt an còrach le h-ainneart o bhochdaibh mo shluaigh; air chor as gu'm bi bantraichean 'n an còbhart-ach dhoibh, agus gu'n creach iad na dilleachdain.

3 Agus ciod a ni sibh ann an là an smachd-achaidh? agus anns an léir-sgrìos a thig o chéin? Cò dh'ionnsuidh a theicheadh sibh chum cabhair? agus càit am fàg sibh 'ur glòir?

4 As n'eugmhais-sa aomaidh iad sìos fo na prìosanach, agus tuitidh iad fo na mairbh. Air son so uile cha-n'eil a chorruich air a pillleadh air falbh, ach tha a làmh fathast sìnte mach.

5 Ho Asirianaich, slat mo chorruich; agus am bata 'n an làmh is e sin m'fhearg.

6 An aghaidh cinnich chealgaich cuiridh mi e; agus an aghaidh sluagh ris am bheil mo chorruich bheir mi dha àithne, a thogail creiche, agus a thoirt leo còbhartach; agus g'an saltairt sìos mar chlàbar nan sraidean.

7 Gidheadh cha-n e sin a bhitheas 'n a aire-san, agus cha-n e rin a chridhe e; ach is e milleadh a tha 'n a chridhe, agus cinnich nach gann a ghearradh as.

8 Oir a deir e, Nach 'eil mo cheannardan uile 'n an rìghribh?

9 Nach 'eil Calno mar Charchemis? Nach 'eil Hamat mar Arphad? Nach 'eil Samaria mar Dhamascus?

10 Mar a ghlac mo làmh rioghachdan nan ìodholan, aig an robh dealbhan snaidhte ni b'fhearr na iad sin a tha ann an Ierusalem agus ann an Samaria;

11 Mar a rinn mi ri Samaria agus r'a h-ìodholaibh, nach dean mi mar an ceudna ri Ierusalem agus r'a dealbhan-sa?

12 Ach tarlaidh, 'n uair a choimhlionas an Tighearn 'obair gu h-ìomlan air shìabh Shìoin agus air Ierusalem, gu'n dean mi dìoghaltas air toradh cridhe uaibhrich rìgh Asiria, agus air sealladh àrd a shùil.

13 Oir deir e, Le neart mo làimhe rinn mi e, agus le mo ghliocas; oir tha deadh thuigse agam; agus dh'atharraich mi crìoch-an nam fìneachan, agus chreach mi an ionmhasan, agus leag mi sìos an sluagh mar dhuine treun:

14 Agus fhuair mo làmh, mar nead, maoin nan slògh; agus mar a chruinnicheas neach uibhean a thrèigeadh, mar sin chruinnich

mise an talamh uile; agus cha robh aon a ghluais an sgiath, a dh'fhuosgail an gob, no 'rinn biog.

15 An dean an tuadh uaill an aghaidh an fhir a tha 'g gearradh leatha? An àrdaich an tuireasg e fèin an aghaidh an fhir a tha 'g a iomairt? mar gu'n sìneadh an t-slat i fèin an aghaidh an neach a tha 'g a togail; no mar gu'n togadh an lorg suas e fèin mar nach b'fhioda a bh'ann.

16 Air an aobhar sin cuiridh an Tighearn, Tighearn nan sluagh, caoile air a' mhuinutir reamhair; agus fo 'dirdheirceas fadaidh e losgadh, mar losgadh teine.

17 Agus bithidh solus Israeil 'n a theine, agus a Thì naomh 'n a lasair; agus loisgidh agus caithidh e a dhroighionn agus a dhris ann an aon là:

18 Agus caithidh e glòir a fhrìdhe, agus 'achaidh tharbhach, cadar anam agus fheoil; agus bithidh iad mar fhear-ionmhair brataich a' call a thredoir.

19 Agus bithidh fuigheall chraobhan a choille tearc, ionnus gu'n sgrìobh leanabh an àireamh.

20 Agus tarlaidh anns an là sin, nach leig iarmad Israeil, agus iadsan a thèid as de thigh Iacobi, an taic ni's mò air an fhear a bhuail iad; ach leigidh iad an taic air an Tighearn, Tì naomh Israeil, ann am fìrinn.

21 Pillidh fuigheall, eadhon fuigheall de Iacob, dh'ionnsuidh Dhé uile-chumhachdach.

22 Oir ged robh do shluagh, O Israeil, mar ghaineamh na fairge, cha phill ach fuigheall diubh. An léir-sgrìos a dh'ord-uicheadh, ruithidh e thairis le ceartas.

23 Oir sgrìos, eadhon sgrìos sònruichte ni Iehobhah, Tighearn nan sluagh, ann an meadhan na tìre uile.

24 Air an aobhar sin mar so deir Iehobhah, Tighearn nan sluagh, Na bitheadh eagal ort, O mo shluagh, a tha 'chòmhnuidh ann an Sion, roimh an Asirianach; le slait buailidh e thu, agus a bhata togaidh e suas a'd' aghaidh, a réir gnàtha na h-Eiphit.

25 Ach fathast ùine ro ghearr, agus coimh-ionar m'fhearg, agus mo chorruich 'n an léir-sgrìos.

26 Agus togaidh Tighearn nan sluagh slat-sgrìosaidh 'n a aghaidh, cosmhuil ri àr Mhidiam aig carraig Oreib; agus mar a bha a slat air an fhainge, mar sin togaidh e suas i, a réir gnàtha na h-Eiphit.

27 Agus tarlaidh anns an là sin, gu'n atharraichear 'eallach bhàrr do ghuaille, agus a chuig bhàrr do mhuineil; agus caithear a' chuig a dh'easbhuidh na h-oladh-ungaidh.

28 Thàinig e gu Aiat, chaidh e thairis gu Migron; aig Michmas taisgidh e 'airneis.

29 Chaidh iad a null air an aiseag; ann an Gebah ghabh iad tàmh: tha Ramah air chrith; tha Gibeah Shaul a' teicheadh.

30 Tog suas do ghuth, O nighcan Ghallim; cluinnear e gu ruig Lais, O Anatot thruagh.

31 Theich Madmenah; tha luchd-àiteachaidh Ghebim air gabhail na ruaige.

32 Fanaidh e fathast an là sin ann an Nob; crathaidh e a làmh an aghaidh enuic nighinn Shioin, an aghaidh sléibh Ierusalem.

33 Feuch, sgathaidh Iehobhah, Tighearn nan sluagh, a' ghcug le luasgadh mòr; agus bithidh iadsan a's àirde fàs air an gearradh sìos, agus na h-uabhrich air an islachadh.

34 Agus gearraidh e dosan na frìdhe le iarunn; agus tuitidh Lebanon le làimh chumhachdaich.

CAIB. XI.

1 *Rìoghachd shìochail an fhaillain a dh'fhàsas suas à freumh Iese. 10 Bithidh Crìosd mar bhrataich do na cinnich, 12 agus tionailidh e r'a chèile dìobaraich Israeil.*

AGUS thig geug a mach o bhonn Iese, agus fàsaidh faillean suas as a fhireumhan.

2 Agus gabhaidh spiorad an Tighearna còmhnuidh air, spiorad gliocais agus tuigse, spiorad comhairle agus cumhachd, spiorad eòlais agus eagail an Tighearna:

3 Agus bithidh e geur-mhothachail ann an eagail an Tighearna; agus cha-n ann a réir scallaidh a shùl a bheir e breth, no a réir claisteachd a chluas a bheir e achmhasan.

4 Ach le ceartas bheire breth air a' bhoichd, agus bheir e achmhasan le cothrom, as leth dhaoine ciùine na talmhainn; agus buailidh e an talamh le slait a' bheoil, agus le anail a' bhile marbhaidh e an t-aingidh.

5 Agus bithidh ionracas 'n a chrìos m'a leasraidh, agus fìrinn 'n a crìos m'a airnibh.

6 An sin gabhaidh am madadh-alluidh còmhnuidh maille ris an uan, agus luidhidh an liopard sìos maille ris a' mheann; agus an laogh, agus an leòmhann òg, agus an spréidh reamhar còmhla; agus ni leanabh beag an stiùradh.

7 Agus ionaltraidh a' bhò agus am math-ghamhuin le 'chèile; luidhidh an àlach sìos cuideachd; agus ithidh an leòmhann connlach mar an damh.

8 Agus cluichidh an leanabh cìche air toll na nathrach nimhe; agus air nead na rìgh-nathrach cuiridh an leanabh a thàinig o'n chich a làmh.

9 Cha dochainn agus cha sgrìos iad, air feadh mo shléibh naomh-sa gu h-ionmhan; oir lìonar an talamh le eòlas an Tighearna, mara chòmhdaichcasna h-uisgeachan aigein na fairge.

10 Agus anns an là sin, bithidh freumh Iese 'n a sheasamh mar bhrataich do na slòigh; d'a ionnsuidh-san iarraidh na cinnich, agus bithidh a thàmh glòrnhor.

11 Agus tarlaidh anns an là sin, gu'n cuir

an Tighearn a mach a làmh a ris an dara uair, a thoirt air ais fuighill a shluaigh, a dh'fhàgar *dhiubh*, o Asiria, agus o'n Eiphit, agus o Phatros, agus o Chus, agus o Elam, agus o Shinar, agus o Hamat, agus o innsibh na fairge.

12 Agus togaidh e 'n àird bratach air son nan cinneach, agus tionailidh e dìobaraich Israeil, agus muinntir sgapta Iudah cruinnichidh e le 'chèile o cheithir chearnaibh na talmhainn.

13 Agus sguiridh farmad Ephraim, agus bithidh luchd-sàruchaidh Iudah air an gearradh as; cha bhli farmad aig Ephraim ri Iudah, agus cha sàruich Iudah Ephraim.

14 Ach leumaidh iad air guailibh nam Philisteach an taobh an iar; creachaidh iad le 'chèile muinntir na h-àird' an ear; air Edom agus Moab leagaidh iad an làmh, agus bheir clann Amoin géill doibh.

15 Agus millidh an Tighearn teangadh na fairge Eiphitich, agus crathaidh e a làmh os ceann na h-Aimhne le a ghaoith làidir; agus buailidh e i'n a seachd sruthaibh, agus bheir e *orra* imeachd troimpe le cosaibh tioram.

16 Agus bithidh rathad mòr aig fuigheall a shluaigh a dh'fhàgar o Asiria; mar a bha aig Israeil, anns an là 's an d'thàinig e nìos o thir na h-Eiphit.

CAIB. XII.

1 *Laoidh-bhuidheachais do'n Tighearn air son a mhaithais agus a chomhfhurtachd d'a shluaigh.*

AGUS their thu anns an là sin, Molaidd mi thu, O Thighearna, ged bha thu feargach rium, tha d'fhcarg air a pilleadh air falbh, agus thug thu comhfhurtachd dhomh.

2 Feuch, is e Dia mo shlàinte; earbaidh mi, agus cha bhi eagail orm; oir is e an Tighearn Iehobhah mo neart agus mo cheòl; is e fòs a's slàinte dhomh.

3 An sin tarngidh sibh uisge le h-aoibhneas à tobraichibh na slàinte.

4 Agus anns an là sin their sibh, Molaibh an Tighearn, gairmibh air 'ainm; cuiribh 'an cèill a ghnìomharan am measg nan c'neach; cumaibh air chuimhne gu'm bheil 'ainm air 'ardachadh.

5 Canaibh do'n Tighearn, oir rinn e gnìomh òrdheire; tha so aithnichte anns an talamh uile.

6 Eigh gu h-àrd, agus dean iolach, a bhean-àiteachaidh Shioin; oir is mòr ann ad mheadhon Ti naomh Israeil.

CAIB. XIII.

1 *Ghairm Dia a dhaoine trèana chum a chorr- uich a chur 'an gnìomh. 5 Bhagair e Babilon a sgrìos leis na Medich. 19 Fàsachadh agus léir-sgrìos Bhabiloin.*

TROM eallach Bhabiloin, a chunnaic
Isaiah mac Amois.

ISAIAH, XIV.

2 Air sliabh àrd togaibh suas bratach; éighibh riu gu h-àrd; sinibh 'ur làmh, a chum gu'n téid iad a steach air geatachaibh nan uaislean.

3 Thug mi àithne do mo dhaoineibh coisrigte; seadh, ghairm mi mo dhaoine treuna chum mo chorruich a chur 'an gnìomh; muinntir a tha 'deanamh luathghaire ann am mhòrachd.

4 Fuaim mòr-chuideachd anns na sléibh-tibh, amhuil sluaigh mhòir; fuaim luasgaidh rioghachdan chinneach air an cruinneachadh le 'chéile; tha Tighearn nan sluagh a' deasachadh feachd chum catha.

5 Tha iad a' teachd o thir chéim, o iomall nan nàmh, an Tighearn agus buill-airm a chorroich, a mhilleadh na tìre gu léir.

6 Guilbith gu h-àrd, oir tha là an Tighearna dlùth; mar léir-sgrìos o'n Uile-chumhachdach thig e.

7 Air an aobhar sin lagaichear na h-uile làmhan, agus leagaidh gach cridhe duine.

8 Agus bithidh iad fo uamhas; ni piantan agus guinean greim orra; mar mhnai ri saothair cruaidheach iad; seallaidh iad gach aon air a chéile le h-iongantais; mar las-raichibh teine bithidh an eudainn.

9 Feuch, tha là an Tighearna 'teachd, garg le feirg agus le dian chorruich, a chur na tìre fàs, agus a sgrìos nan ciontach a mach aisde.

10 Oir cha tabhair reultan nèimh, agus a comh-shoillse, uatha an solus; bithidh a' ghrian air a dorchachadh 'n a dol a mach, agus cha toir a' ghealach air a solus dealradh.

11 Agus dìolaidh mis' air an t-saoghal an droch-bheart, agus air na h-aingidh an euccart; agus cuiridh mi crìoch air àrdan nan uaibhreach, agus leagaidh mi sìos uail nan uamhasach.

12 Ni mi duine ni's luachmhoire na òr grinn: seadh duine, na fìor òr na h-Ophir.

13 Uime sin luaisgidh mi na nèamhan, agus gluaisear an talamh as àit; ann am feirg Tighearna nan sluagh, agus ann an là a dhian chorruich.

14 Agus bithidh iad mar earba air a ruagadh, agus mar threud chaorach nach 'eil neach a' cuairteachadh; tionndaidhidh iad gach aon chum a shluaigh féin; agus teichidh iad gach aon g'a dhùthaich féin.

15 Gach fear a ghlaear, sàthar troimh e; agus na h-uile a dhlùth-leanas r' a chéile, tuitidh iad leis a' chlaidheamh.

16 Agus promar an naoidheanan fa chomhair an sùl; bithidh an tìghean air an crachadh, agus am mnathan air an éigneachadh.

17 Feuch, dùisgidh mi suas 'n an aghaidh na Méidich, aig nach bi meas air airgidh; agus air son òir, cha bhi suim aca dheth.

18 Pronnaidh am boghachan na h-ògan-aich, agus cha dean iad iochd air toradh

na broun; cha ghabh an sùil truas do leanabaibh.

19 Agus bithidh Babilon, maise nan ròghachdan, glòir uaille nan Caldeach, mar an léirsgrìos a thug Dia air Sodom agus Gomorrah.

20 Cha'n àitichear gu bràth i, ni mò 'ghabhar còmhnuidh innte feadh linn nan linn; cha suidhich an t-Arabach bùth an sin; ni mò 'ni buachaillean buaile an sin.

21 Ach gabhaidh fiadh-bheathaichean an fhàsaich còmhnuidh an sin; agus bithidh an tìghean làn uathibheistean; agus gabhaidh na cailleachan-oidheche tamh an sin, agus ni na gabhair fhìadhaich mire an sin.

22 Agus freagraidh na h-eoin fhìadhaich a chéile 'n a lùchairtibh, agus na dragonan anns na seòmraichibh aoibhinn; agus tha a h-àm 'am fagus, agus cha bhi a làithean air an sineadh.

CAIB. XIV.

1 Gheall Dia gu'n deannadh e iochd air Israel, agus gu'n suidhicheadh e iad fathast 'n am fearann féin. 2 Syrios rìgh Bhabìlòin. 24 Rùn Dhè an aghaidh nan Asirianach. 29 Bhagradh Palestina.

OIR ni an Tighearn iochd air Iacob, agus ròghnaichidh e fathast Israel, agus suidhichidh e iad 'n am fearann féin; agus bithidh an coigreach air a cheangal riu, agus dlùth-leanaidh iad ri tigh Iacob.

2 Agus gabhaidh na cinnich iad, agus bheir iad gu'n àite féin iad, agus sealbh-aichidh tigh Israel iad ann am fearann an Tighearna, mar òglaich agus mar bhan-òglaich; agus ni iad braighdean dhiubhsan aig an robh iad 'n am braighdibh; agus riaghlaidh iad os ceann na muinntir a bha 'g an sàrachadh.

3 Agus tarlaidh anns an là anns an tabhair an Tighearn dhuit fois o d' àmhghar, agus o d' mhi-shuaimhneas, agus o'n daorsa chruaidh a leagadh ort.

4 Gu'n tog thu an fhàistneachd so an aghaidh rìgh Bhabìlòin, agus their thu, Cionnus a sguir am fear-sàrachaidh! cionnus a sguir ise a bha sgeadaichte le h-òr!

5 Bhreis an Tighearn lorg nan aingidh, slat rioghail an luchd-riaghlaidh.

6 Eisan a bhual na slòigh ann am feirg, le buille gun sgur; esan a thug fo ghéill na cinnich ann an corruich; tha e air a dhian-ruagadh, gun neach a' bacadh.

7 Tha an talamh uile aig fois, agus ann an suaimhneas; tha iad a' togail iolaich.

8 Tha na croinn-ghluithais féin ri gairdeachas tharad, agus croinn-sheudair Lebanoin, ag ràdh, O'n uair a thuit thusa, cha d' thàinig fear-gearraidh a nìos 'n ar n-aghaidh-ne.

9 Tha ionad nam marbh air gluasad shìos air do shon, gu do chionneachadh aig do theachd; tha e dùsgadh nam marbh air do

shon, uile dhaoine mòra na talmhainn; tha e 'toirt air uile rìghrean nan cinneach éiridh suas o'n caithrichibh.

10 Labhairidh gach aon diubh, agus their iad riut, An bheil thusa fòs air fàs lag mar tha sinne? An d'rinneadh thu cosmhuil ruinne?

11 Tha d'ubhar air a thoirt a nuas chum na h-uaigne, agus fuaim d'innealan-ciuil; tha a' chnuimh air a sgaoileadh fodhad, agus is iad na cnuimheagan do chòmhdachadh.

12 Cionnus a tha thu air tuiteam o nèamh, a Reul dhealrach, a mhic na maidne! Cionnus a tha thu air do ghearradh sìos gu làr, thusa a thug fo ghéill na cinnich!

13 'S ann a thubhairt thu ann ad chridhe, Théid mi suas a chum nan nèamhan, os ceann reultan Dhé àrdaichidh mi mo rìgh-chaitir; agus suidhidh mi air slabh a' chomhchruinneachaidh, air taobh na h-àirde tuath.

14 Théid mi suas os ceann àirde nan neul: bithidh mi cosmhuil ris an Tì a's àirde.

15 Ach bheirear a nuas thu chum na h-uaigne, gu taobhan an t-sluichd.

16 Iadsan a chi thu, amhaireidh iad gu gear oir, gabhaidh iad beachd dhìot: An e seo, *deir iad*, ann fear a thug air an talamh criothnachadh, a chuir rìoghachdan air chrith?

17 A rinn an saoghal mar fhàsach, agus a leag sìos a bhailtean; nach d'fhosgail am prìosan d'a bhraighdibh?

18 Tha nìle rìghrean nan cinneach, an t-ionlan diubh, a' luidhe sìos ann an greadh-nachas, gach aon 'n a fhàrdaich féin.

19 Ach tha thusa air do thilgeadh a mach as an uaigne, mar ghéig ghràineil, mar thrusgan nan daoine a mharbhadh, a throimh-lotadh leis a' chlàidheamh, a chaidh sìos gu claeach an t-sluichd; mar chlosaich air a saltairt fo chosaibh.

20 Cha-n adhlacair thu 'n an co-chuid-eachdsan, a chionn gu'n do sgrios thu do dhùthaich, gu'n do mharbh thu do dhaoine; cha bhi iomradh gu bràth air slìochd dhroch dhaoine.

21 Ulluichibh sgrios air son a chloinne, air son aingidheachd an aithrichean; a chum nach éirich iad, agus nach scalbhaich iad an talamh, agus nach lìon iad aghaidh an domhain le bailtibh.

22 Oir éiridh mise 'n an aghaidh, deir Tighearn nan sluagh, agus gearraidh mi as o Bhabylon an t-ainm agus an t-iarmad, agus am mac agus an t-ogha, deir an Tighearn.

23 Agus ni mi e 'n a sheilbh do'n ghràineig, agus 'n a linnichean uisge; agus sguabaidh mi e le sguabh an léir-sgrios, deir Tighearn nan sluagh.

24 Mhionnaich Tighearn nan sluagh, ag ràdh, Gu cinnteach mar a dhealbh mise, mar sin tarlaidh; agus mar a chuir mi romham, thig sin gu buil;

25 A chum an t-Asirianach a bhriseadh ann am dhùthaich, agus a shaltradh fo m' chosaibh air mo shlèibhtibh: an sin falbhaidh a chuing diubh, agus togar 'callach bhàrr an gvaillie.

26 So a' chomhairle a tha air a suidheachadh mu'n talamh uile; agus so an làmh a tha sìnte mach thar nan uile cinneach.

27 Oir shònruich Tighearn nan sluagh a' chomhairle, agus cò a bhacas? agus is i a làmh-san a tha sìnte mach, agus cò a philleas air a h-ais i?

28 Anns a' bhliadhna 's an d'fhuair rìgh Ahas bàs, bha an trom callach so.

29 Na dean-sa gàirdeachas, O uile Phalastina, a chionn gu'n do bhriseadh slat an fhir a bha 'g ad bhualadh; oir o fhreumh na nathrach thig a mach rìgh-nathair, agus is toradh dhi nathair theimnteach, itealach.

30 Agus beathaichear ceud-ghin nam bochd, agus luidhidh an t-ainnis sìos aon an tèarunteachd; agus marbhaidh mi do fhreumh-sa le gorta, agus d'iarmad cuiridh e gu bàs.

31 Dean nuallan, O gheata; éigh, O chaithir; O Phalastina, tha thu uile air do leaghadh as; oir o'n àirde tuath thig deatach, agus cha bhi neach aonaranach 'u a thràthaibh suidhichte.

32 Agus ciod am freagradh a bheirear do theachdairibh nan cinneach? Gu'n do leag an Tighearn bunaitean Shìoin, agus innte cuiridh bochdan a shìlmaigh an dòchas.

CAIB. XV.

1 *Fullach nam Moabach a chionn gu'm bheil an tìr air a fàsachadh, agus air a lomadh gu làr.*

TROM eallach Mhoab. A chionn gu'm bheil Ar Mhoab air a fàsachadh, ams an oidhche, agus air a lomadh gu làr; a chionn gu'm bheil Cir Mhoab air a fàsachadh, agus air a lomadh gu làr:

2 Chaidh e suas gu Bait agus gu Dibon, na h-ionadaibh àrda, a ghul. Ni Moab caoineadh air son Nebo agus air son Mhedeaba; air gach ceann diubh *bithidh* maoile; *bithidh* gach feusag air a gearradh dheth.

3 Ann a sràidibh crioslaichidh siad iad féin le eudach-saie; air mullach a tighean, agus ann a sràidibh, caoinidh gach aon diubh, a' sìleadh dheur gu frasach.

4 Agus bithidh Hesbon ag éigheach, agus Elealeh; chuinnear an guth gu ruig Iahas; uime sin glaothaidh daoine armaichte Mhoab gu h-àrd; bithidh a beatha searbh dhi.

5 Tha mo chridhe ag éigheach air son Mhoab; *teichidh* a luchd-fuadain do Shoor, mar agh tri bliadhna dh'aois; diridh iad uchdach Luhit le gul; oir ann an slighe Horonaim togaidh iad iolach mhillidh.

6 Oir bithidh uisgeachan Nimrim 'n an léir-sgrios; oir tha an luibh air seargadh;

tha am fear air teireachdainn; cha-n'eil ni glas ann.

7 Air an aobhar sin, am beartas a fhuair iad, agus an ni sin a thaig iad, bheir iad air falbh gu sruth nan seileach.

8 Oir chaidh an éigheach timchioll crìche Mhoab; ràinig a caoineadh gu Eglaim, agus a caoineadh gu Beer-Elim.

9 Oir tha uisgeachan Dhimoin làn fola; oir bheir mise tuilleadh air Dimon, an leòmhán orra-san a théid as o Mhoab, agus air fuigh-eall na tìre.

CAIB. XVI.

1 Chomhairlicheadh do Mhoab a bhi umhal dhà-san a shuidheas air rìgh-chaitheir Dhaibhidh. 6 Chaidh Moab a bhagradh le sgrios air son 'àrdain, 'uail, agus 'fheirge.

CUIRIBHSE uan a dh'ionnsuidh na tìre, o Shela an fhàsaich, gu sliabh nighinn Shioin.

2 Oir mar eunlaith seacharanach, air am fògradh o'n nead, mar sin bithidh nigh-eanan Mhoab aig àthaibh Arnoin.

3 Tabhair comhairle, cuir 'an guìomh breitheanas; dean do sgàile mar an oidheche ann an àirde 'mheadhon-là; folaich na dìoh-araich; na brath am fògarach.

4 Gabhadh mo dhìobaraich tàmh maille riut, O Mhoab; bi a'd' ionad-foluich dhoibh o'n mhilltear; oir thàinig crìoch air an fhear-shàruchaidh, sgair am fear-millidh; tha an luchd-saltairt air an caitheadh as an tìr.

5 Agus daingnichear an rìgh-chaitheir ann an trócair, agus suidhidh e oirre ann am firinn, ann am pàillium Dhaibhidh, a' tabh-airt breth, agus a' rannsachadh na còrach, agus a' luathachadh ceartais.

6 Chuala sinn uabhar Mhoab; tha e ro uaibhreach; 'àrdan, agus 'uail, agus 'fhearg; ach cha-n'eil a spionnadh d'a réir.

7 Air an aobhar sin caoinidh Moab; air son Mhoab caoinidh gach aon; air son bun-aitean Chir-hareiseit ni sibh tuireadh; gu cinnteach tha iad air am bualadh.

8 Oir tha machraichean Hesboin air fàil-neachadh, agus fionain Shimbah; bhris maithean nan cinneach sìos a fion-chroinn ghasta; ràinig iad gu Iaser; sgaol iad air feadh an fhàsaich; shìn a geugan iad féin a mach, chaidh iad thar an fhaighe.

9 Air an aobhar sin guilidh mi le gul Iaseir air son fionain Shimbah; uisgichidh mi thu le m' dheuraibh, O Hesboin agus Elealeh; oir dh'fhalbh a' chomh-ghair air son do mheas-samhraidh, agus air son d'fhogharaidh.

10 Agus tha aoibhneas agus gairdeachas air an toirt air falbh o'n mhachair thorr-aich; agus anns na fion-liosaibh cha dean iad ceòl, cha tog iad iolach; anns na h-amar-aibh cha bhruth am fear-bruthaidh fion; thug mise air an iolach sgur.

11 Uime sin ni mo chom fuaim mar chlàrs-

aich, air son Mhoab; agus mo thaobh a stigh, air son Chir-hareis.

12 Agus tarlaidh, 'n uair a chithear gu'n do sgithich Moab e féin air an ionad àrd, gu'n téid e steach d'a ionad naomh a dhean-amh urnuigh; ach cha soirbhich leis.

13 So am fecal a labhair an Tighearn mu thimchioll Mhoab o'n àn sin.

14 Ach a nis labhair an Tighearn ag ràdh, 'an ceann thrì bliadhna, mar bhliadhnaibh fir-thuarasdail, nithear glòir Mhoab tàireil, le a mhòr shluagh uile; agus bithidh am fuigheall ro bheag agus anmhunn.

CAIB. XVII.

1 Tha Siria agus Israel air am bagradh. 6 Tréigidh fuigheall de Israel an iodhol-aoradh. 9 Sgriosar a' chuid eile dhiubh a' chionn gu'n do dhà-chuimhnich iad Dia an slainte.

TROM eallach Dhamascuis. Feuch, tha Damascus air 'atharrachadh o bhi 'n a bhaile, agus bithidh e 'n a thòrr léir-sgrios. 2 Tha bailtean Aroear air an tréigsinn; bithidh iad air son threud a luidheas sìos, agus cha bhi neach 'g am fuadachadh.

3 Agus dealaichidh an daingneach o Ephraim, agus an rìoghachd o Dhamascus; agus fuigheall Shiria, bithidh iad mar ghloir chloinne Israeil, deir Tighearn nan sluagh.

4 Agus tarlaidh anns an là sin, gu'n bi glòir Iacoib air a caitheadh as, agus fàs-aidh saill 'fneòla tana.

5 Agus bithidh e amhuil an uair a chruinnicheas neach fogharadh an arbhair, agus a bhuaineas a ghairdean na diasan; agus bithidh e amhuil a thionailleas neach diasan ann an gleann Rephaim.

6 Gidheadh fàgar ann fuigheall dhearcan, mar ann an crathadh a' chroinn-olaidh; dhà no trì de dhearcaibh air mullach a' mheangain a's àirde; ceithir no cùig air a dheug-aibh torrach, iomallach, deir an Tighearn Dia Israeil.

7 Air an là sin amhaireidh duine air a Chruith-fhear, agus seallaidh a shùilean air Tì naomh Israeil.

8 Agus cha-n amhaire e air na h-altairibh a rinn a làmhnan féin, agus air an ni sin a dhealbh a mheoir cha seall e; araon na doireachan agus na dealbhan.

9 Anns an là sin bithidh a bhailtean daing-nichte cosmhuil ri meangan a dh'fhàgadh, no ri géig a dh'fhàg iad, roimh chloinn Israeil; agus bithidh léir-sgrios ann.

10 A chionn gu'n do dhà-chuimhnich thu Dia do shlàinte, agus nach robh thu cuimh-neachail air carraig do neirt: air an aobhar sin suidhichidh tu craobhan taitneach, agus suidhichidh tu failleanan coimheach.

11 Anns an là bheir thu air do chraobhan fàs, agus anns an oidheche bheir thu air do shìol cinntinn; ach lùidh am fogharadh

n a dhùn ann an là a' dhoilgheis agus a' bhròin gun dòchas.

12 Is an-aobhlin do mhòr chuideachd nam fineachan lionmhor, a tha 'deanamh fuaine mar fhuaim nan euntan; agus do bheucaich nan cinneach, a tha ri beucaich eòsmhuil ri toirm uisgeachan làidir.

13 Beucaidh na einnich eòsmhuil ri toirm mhòrain uisgeachan; ach bheir *Dia* dhoibh achmhasan, agus teichidh iad fad air falbh; agus fuadaichear iad mar chanach an t-sleibh roimh'n ghaoith, agus mar chuairteig roimh an ioma-ghaoith.

14 Agus, feuch, ri h-àm an fheasgair, uamhas; agus mu'n tig a' mhaduinn, chan eil e ann. So eubhrionn na muinntir a tha 'g ar creachadh, agus crannchur na dream a tha 'g ar spùinneadh.

CAIB. XVIII.

1 *Bhagair Dia gu'n sgriosadh e luchd-àiteachaidh Etiopia. 7 Bheir tìrean iomallach tabhartas gu Tighearn nan sluagh.*

IS truagh do'n tìr a tha folaichte le sgiathaibh, a tha air taobh thall aimhnichean Etiopia:

2 A tha 'cur theachdairean air an fhairge, agus ann an eathraichibh cuile e air aghaidh nan uisgeachan, *ag ràdh*, Imiehibh, a theachdairean luatha, gu cinneach air a sgaoileadh a mach agus air a lomadh; gu sluagh uamhasach o'n toiseach gu ruige so; gu cinneach air a thomhas a mach leis an t-sreing, agus air a shaltairt sìos; aig am bheil 'fhearann air a chreachadh leis na h-aimhnicheibh.

3 Sibhse uile a luchd-àiteachaidh an t-saoghail, agus a tha 'gabhail còmhnuidh air an talamh, an uair a thogar bratach suas air na sléibhtibh, faieibh; agus an uair a shéidear trompaid, éisdibh.

4 Oir mar so thubhairt an Tighearn rium, Gabhaidh mi fois, agus bithidh mo shùil air m'àite-còmhnuidh; mar theas dealrach air an fheur, mar neul dealta ann an teas an fhogharaidh.

5 Oir roimh an fhogharadh, 'n uair a bhith-eas an blàth iomlan, agus a bhith-eas an fiondheare an-abuich a' tilgeadh a bhlàtha; gearraidh e dheth na meoir le corranaibh-sgathaidh, agus na geugan bheir e air falbh, agus gearraidh e sìos.

6 Fagar iad le 'ehéile gu eunlaith nam beann, agus gu beathaichibh na talmhainn; agus cuiridh an eunlaith thairis an samh-radh orra, agus cuiridh gach uile bheathach na talmhainn thairis an geamhradh orra.

7 Anns an àm sin bheirear tabhartas gu Tighearn nan sluagh o chinneach air a sgaoileadh a mach agus air a lomadh; agus o sluagh uamhasach o'n toiseach gu ruige so; cinneach air a thomhas a mach leis an t-sreing, agus air a shaltairt sìos, aig am bheil an fearann air a chreachadh leis na

h-aimhnieibh, gu ionad ainme Tighearna nan sluagh, gu shlabh Shioin.

CAIB. XIX.

1 *Eallach na h-Eiphit. 11 Amaideachd cheannardan Shoin. 18 Faisteachd mu thimchioll na h-Eiphit; 23 agus mu thimchioll Israeìl agus Asiria.*

TROM eallach na h-Eiphit. Feuch tha an Tighearn a' mareachd air neul luath, agus a' teachd do'n Eiphit; agus bithidh iodholan na h-Eiphit air an gluasad 'n a fhianuis; agus leughaidh eridhe na h-Eiphit 'n a meadhon.

2 Agus cuiridh mis' Eiphitich an aghaidh Eiphitheach; agus eogaidh iad gach fear an aghaidh a bhràthar, agus gach fear an aghaidh a choimhearsnaich; baile an aghaidh baile, agus rìoghachd an aghaidh rìoghachd.

3 Agus fannaichidh spiorad na h-Eiphit 'n a meadhon; agus cuiridh mi ann an neo-bhrìgh a comhairle; agus iarraidh iad a chum nan iodholan, agus a chum nan druidhean, agus a chum na muinntir aig am bheil leannain-shith, agus a chum an luchd-fiosachd.

4 Agus bheir mi thairis na h-Eiphitich do làimh tighearna an-ìoehdmhoir; agus riaghlaidh rìgh borb os an ceann, deir an Tighearn, Tighearn nan sluagh.

5 Agus fàilnichidh na h-uisgeachan o'n fhairge, agus thèid an Amhainn 'an deòthadh, agus tiormaichear suas i.

6 Agus tionndaidhidh iad na h-aimhniehean fad a leth-taobh, agus bithidh na sruth-an-dìonaidh air an deanamh falamh agus tioram; seargaidh a' chuile agus an luachair.

7 Na luibhean ùrar ri taobh nan sruth, aig beul nan sruth, agus gach ni a chuireadh 'an cois nan sruth, seargaidh iad, sguabar air falbh iad, agus eha bli iad ann ni's mò.

8 Agus ni na h-iasgairean bròn, agus ni iadsan uile a tha 'tilgeadh dubhain anns an amhainn caoidh; agus fannaichidh iadsan a tha 'sgaoileadh lìontan air aghaidh nan uisgeachan.

9 Agus cuircar gu h-amhluidh iadsan a tha 'g oibreachadh an lìn ghrrinn, agus iadsan a tha 'figheadh lìon-oibre.

10 Agus sgaoilear as a chéilo innleachdan gach uile neach a ni claisean agus linnlichean air son éisg.

11 Gu cinnteach is amadain ceannardan Shoin; thug comhairlichean gliee Pharaoh comhairle mhi-chéillidh; cionnus a deir sibh ri Pharaoh, Is mise mac nan daoine gliee, mae nan rìgh a bh'ann o ehian.

12 C'ait am bheil iad? Cia iad do dhaoine gliee? innseadh iad dhuit a nis, agus cuir-eadh iad 'an eéill, ciod i comhairle Tigh-carna nan sluagh do thaobh na h-Eiphit.

13 Dh'fhàs ceannardan Shoin 'n an amadain, tha ceannardan Noph air am mealladh

agus thug iad air an Eiphit dol air seach-
arra, *eadhon* luchd-taice a treubhan.

14 Chuir an Tighearn 'n am meadhon
spiorad seacharain; agus thug iad air an
Eiphit dol air seacharan 'n a h-uile oibrìbh,
cosmhuil ri misgear a' tuisleachadh 'n a
sgèith.

15 Ni mò 'bhlitheas obair air bith anns an
Eiphit, aig a' cheann no aig an earball, aig
a' ghéig no aig an luachair, r'a dheanamh.

16 Anns an là sin bithidh an Eiphit
cosmhuil ri mnàibh; agus bithidh crith
agus geilt oirre, roimh chrathadh làimhe
Tighearna nan sluagh, a chrathas e os a
ceann.

17 Agus bithidh tìr Iudah 'n a cùis-eagail
do'n Eiphit; gach neach a ni luaidh oirre,
gabhadh e eagail ann fèin; air son comhairle
Tighearna nan sluagh, a ghabh e 'n a h-agh-
aidh.

18 Anns an là sin, bithidh cùig bailtean
ann an tìr na h-Eiphit, a' labhairt cainnt
Chanaain, agus a' mionnachadh do Thigh-
earn nan sluagh; goirear de aon diubh Baile
an sgrìos.

19 Anns an là sin bithidh altair do'n Tigh-
earn ann am meadhon tìre na h-Eiphit; agus
carradh aig a crìch do'n Tighearn.

20 Agus bithidh e mar chomharadh agus
mar fhianuis do Thighearn nan sluagh ann
an tìr na h-Eiphit; oir glaochaidh iad ris
an Tighearn air son an luchd-sàruchaidh,
agus cuiridh e d'an ionnsuidh fear-saoraidh,
eadhon fear treun, agus fuasglaidh e iad.

21 Agus bithidh an Tighearn aithnichte
do'n Eiphit, agus aithnichidh na h-Eiphitich
an Tighearn anns an là sin; agus bheir iad
ìobairtagus tabhartas uatha; agus geallaidh
iad gealladh do'n Tighearn, agus coimh-
lionaiddh iad e.

22 Agus buailidh an Tighearn an Eiphit,
a' bualadh agus a' leigheas; agus pillidh iad
dh'ionnsuidh an Tighearna, agus éisdidh
esan r'n guidhe, agus leighisidh e iad.

23 Anns an là sin bithidh rathad mòr o'n
Eiphit gu Asiria; agus thig an t-Asirianach
do'n Eiphit, agus an t-Eiphiteach gu Asiria;
agus ni an t-Eiphiteach aoradh maille ris
an Asirianach.

24 Anns an là sin measar Israel an treas
aon, maille ris an Eiphit agus ri Asiria, 'n a
bheannachadh ann am meadhon na tìre;

25 A bheannaicheas Tighearn nan sluagh,
ag ràdh, Beannaichte gu'n robh an Eiphit,
mo shluagh-sa; agus Asiria, obair mo làmh;
agus Israel, moighreachd.

CAIB. XX.

1 Fàidheadaireachd mu thimchioll bhraighdean
na h-Eiphit agus Etiopia.

A NNS a' bhliadhna's an d'thàinig Tartan
gu Asdod; an uair a chuir Sargon
rìgh Asiria mach e, agus chog e an aghaidh
Asdoid, agus ghilac se o;

2 Anns an àm sin labhair an Tighearn le
Isaiah mac Amois, ag ràdh, Imich, agus
fuasgail an t-eudach-saie o d' leasraidh,
agus cuir dhìot do blirògan bhàrr do chos;
agus rinn e mar sin, ag imeachd lomnochd
agus casruisgte.

3 Agus thubhairt an Tighearn, Amhuil a
dh'imich mòglach Isaiah, lomnochd agus
casruisgte trì bliadhna, 'n a chomharadh
agus 'n a iongantas air an Eiphit agus air
Etiopia;

4 Mar sin bheir rìgh Asiria air falbh braigh-
dean na h-Eiphit, agus fògaraich Etiopia,
òigridh agus seann daoine, le an taobh-cùil
air a leigeadh ris, a chum nàire na h-Eiphit.

5 Agus bithidh iad fo amhladh, agus
gabhadh iad nàire de Etiopia 'bu bhun-
dòchais doibh, agus de'n Eiphit, a b'aobhar
uaill doibh.

6 Agus their fear-àiteachaidh na tìre so
anns an là sin; Feuch is amhuil so ar bun-
dòchais, dh'ionnsuidh an do theich sinn air
son cabhair, a chum gu'm bitheamaid air ar
saoradh o rìgh Asiria; cionnus ma ta théid
sìu as?

CAIB. XXI.

1 Ann an sealladh c'unnac ann fàidh sgrìos
Bhabiloìn. 11 Thug e rabhadh do *Edom*. 13
Aimsir shuidhichte trioblaid Arabia.

TROM eallach fàsaich na fairge. Mar
dh'ionnannaibh anns an àirde deas, a'
dol seachad; o'n fhàsach tha e 'teachd, o
thìr uamhasaich.

2 Dh'fhoillsicheadh sealladh eagalach
dhomh; tha an cealgair a' caitheadh foill,
agus tha am fear-creachaidh a' creachadh.
Rach suas O Elain; teannaich O Mhedia;
chuir mise crìoch air a h-uile osnachd.

3 Uime sin lìonadh mo leasraidh le cràdh;
ghilac piantan mi, mar phiantaibh mnà ri
saothair-chloinne. Bha mi air mo chromadh
sios, an uair a chuala mi; dh'fhàs mi air
chrith, 'n uair a chunnaic mi.

4 Chlisg mo chridhe; chuir uamhas fiamh
orm; feasgar mo shòlais thionndaidh e gu
h-uamhunn domh.

5 Deasaich am bòrd; suidhich an fhaire;
ith; òl; éiribh, a cheanna-feadhna, ungaibh
an sgiath.

6 Òir mar so thubhairt an Tighearn rium,
Imich, suidhich fear-faire; an ni a chi e,
iunseadh e.

7 Agus chunnaic e carbad le dà mharcach,
carbad le asalaibh, agus carbad le càmh-
aibh; agus thug e fainear gu dìchiollach le
geur aire.

8 Agus ghlaodh e, Leòmhann: Mo thigh-
earna, tha mi a'm' sheasamh an còmhluidh
ann am ionad-faire, air feadh an là; agus
tha mi a' fantuinn air mo fhreiceadan ré
gach oidhech.

9 Agus, feuch, an so tha carbad de dhaoi-
nibh a' teachd, le dà mharcach. Agus fhreag-
air e agus thubhairt e, Tha Babilon air

tuiteam, air tuiteam; agus tha uile d'heal-
bhan snaidhte a diathan air am briseadh gu
làr.

10 Och mo bhualadh, agus arbhar m'ùrlair!
an nì a chuala mi o Thighearn nan sluagh,
Dia Israeil, chur mi 'an céill duibhse.

11 Trom eallach Dhumah. Dh'éigh e rium
o Sheir, Fhir na faire, ciod mu'n oidhche?
Fhir na faire, ciod mu'n oidhche?

12 Thubhairt am fear-faire, Tha a' mhad-
uinn a' teachd, agus fòs an oidhche: ma
dh'fhiosraicheas sibhse, fiosraichibh: pill-
ibh, thigibh.

13 An fhàistneachd mu thimchioll Arabia.
Anns an fhrith ann an Arabia gabhaidh
sibh tàmh, a chuideachdan-siubhail Dhed-
anim.

14 Thug luchd-àiteachaidh tìre Thema
uisge dh'ionnsuidh an tartinhoir; le an aran
thàinig iad 'an còdhail an fhògarach.

15 Oir o na claidhibh theich iad, o'n
chlaidheamh rùisgte, agus o'n bhogha lùbta,
agus o bhoile a' chogaidh.

16 Oir mar so thubhairt an Tighearn rium,
Fathast bliadhna, mar bhliadhnaeaihbh fir-
thuarasdaidh, agus bithidh uile ghlòir Ched-
air air caithedail as.

17 Agus lughdaichear fuigheall àireimh
nam fear-bogha, fir threuna de mhacaibh
Chedair; oir labhair an Tighearn Dia
Israeil e.

CAIB. XXII.

1 *Tha am fàidh a' caoidh léir-sgrìos nan Iudhach.*
8 *Chronaich e iad a' chionn gu'n do chuir iad*
an dòchas 'n an innleachdaibh féin. 15 *Roimh-*
innis am fàidh sgrìos Shebna. 20 *Ardachadh*
Eliacim.

TROM eallach glinn an taisbeanaidh.
Ciod a thàinig ort a nis, gu'n deachaidh
thu gu léir suas gu mullach nan tighean?

2 Thus' a bha làn faruim, a'd' chaithir
fhuaimnich, a'd' chaithir aoihbinn: do dhaoine
a th'air am marbhadh, cha do mharbhadh
leis a' chlaidheamh iad; ni mò is anns a'
clath a dh'eug iad.

3 Tha do chiun-fheadhna uile air siubhal
le 'chéile, cheangladh iad leis na fir-bhogha;
na h-uile a fhuaradh annad, cheangladh
iad le 'chéile, theich iad fad air falbh.

4 Air an aobhar sin thubhairt mi, Tionn-
daidh air falbh uam; guilidh mi gu goirt;
na feuchaibh ri comhfhurtachd a thoirt
domh, air son léir-chreach nighinn mo
shluagh.

5 Oir is là cruaidh-ionnairt e, agus saltairt
sìos, agus buairidh, o Iehobhah Tighearn
nan sluagh, ann an gleann an taisbeanaidh;
a' briseadh sìos bhallachan, agus a' glaoth-
aich ris na beanntaibh.

6 Agus tha Elam a' giùlan a' bhuilg-
shaighead, le carbad de dhaoineibh agus le
marc-shluagh; agus tha Cir a' rùsgadh na
sgéithe.

7 Agus tarlaidh gu'm bi rogha do ghleann

air an lìonadh le carbadaibh, agus cuiridh na
marcaich iad féin 'an ordugh fa chomhair a'
gheata.

8 Agus thugadh air falbh còmh-dachadh
Iudah; agus sheall thu 's an là sin ri airm
tighe na frithe.

9 Agus chummaic sibh bearnan baile Dhaibh-
idh, gu bheil iad lìonmhor; agus chruinn-
ich sibh uisgeachan na linne iochdaraich.

10 Agus rinn sibh tighean Ierusalem
àireamh, agus bhris sibh sìos na tighean a
neartachadh a' bhalla.

11 Agus rinn sibh clais eadar an dà bhalla,
air son uisge na seann linne; ach cha
d'amhairc sibh airsan a rinn e; agus esan
a dhealbh o shean e, cha d'thug sibh
fainear.

12 Agus anns an là sin ghairm Iehobhah
Tighearn nan sluagh gu gul, agus gu caoidh,
agus gu maile, agus gu crioslachadh le
eudach saic:

13 Ach feuch, aoibhneas agus aighear,
marbhadh dhannh agus casgairt chaorach,
ithcadh feòla agus òl fiona; Itheamaid
agus òlamaid, oir am màireach gheibh sin
bàs.

14 Agus dh'fhoillsicheadh le Tighearn nan
sluagh ann am chluasaibh, Gu deimhin cha
ghlanar an aingidheachd so air falbh uaibh,
gus am faigh sibh bàs, deir Iehobhah
Tighearn nan sluagh.

15 Mar so deir Iehobhah Tighearn nan
sluagh, Imich, rach a dh'ionnsuidh an
stiubhaird so, dh'ionnsuidh Shebna, a tha
os ceann an tighe, agus abair ris;

16 Ciod a th'agad an so? agus cò a th'agad
an so, gu'n do chladhaich thu mach uaigh
an so air do shon féin? mar neach a tha
'eladhachadh mach uaighe dha féin gu h-àrd,
a tha 'gearradh àite-còmhnuidh dha féin
ann an carraig.

17 Feuch tilgidh an Tighearn a mach thu,
'g ad thilgeadh a mach gu làidir; agus ni e
gu cinnteach do còmh-dachadh.

18 Gu cinnteach cuiridh e car dhìot mu'n
cuairt, agus bheir e urchair air falbh dhuit
mar spitheig gu tìr fharsuinn; ann an sin
gheibh thu bàs, agus ann an sin bithidh do
charbadan sgiamhach 'n an nàire do thigh
do thighearna.

19 Agus iomainidh mi á d'ait thu, agus o
d'inbhe tilgidh mi sìos thu.

20 Agus tarlaidh anns an là sin, gu'n gairm
mise mòglach Eliacim mac Hileah;

21 Agus sgeadaichidh mi e le d'fhalluin-
sa, agus le do chrìos neartaichidh mi e;
agus d'uachdaranachd bheir mi thairis d'
a làimh; agus bithidh e 'n a athair do
luchd-àiteachaidh Ierusalem, agus do thigh
Iudah.

22 Agus iuchair tighe Dhaibhidh cuiridh
mi air a ghualainn; agus fosgaidh e, agus
cha druid aon neach; agus druididh e, agus
cha-n fhosgail aon neach.

23 Agus daingnichidh mi e mar tharrain ann an àite cinn-teach; agus bithidh e mar chaithir ghlòrmhoir air son tìghe 'athar.

24 Agus crochaidh iad airsan uile ghlòir tìghe 'athar, an sìochd agus an gineal, gach soitheach beag, o na h-uile ghnè chuach, agus na h-uile ghnè aghann.

25 Anns an là sin, deir Tighearn nan sluagh, bithidh an tarran a bha air a suidheachadh ann an àite daingean air a h-atharrachadh; agus gearrar sìos i, agus tuitidh i; agus gearrar an eallach a bha oirre air falbh; oir labhair an Tighearn e.

CAIB. XXIII.

1 *Léir-sgrìos eagalach Thirus. 15 'An ceann deich agus trì fichead bliadhna pillidh Thirus chum a cosnaidh, agus nì i strìopachas le uile rioghachdaibh an domhain.*

TROM eallach Thirus. Dcanaidh caoin-eadh a longa Tharsis; oir sgriosadh i gu tur, ionnus nach 'eil tigh no fardoch ann; o thalamh Chitim dh'fhoillsicheadh dhoibh e.

2 Bithidh tosdach, a luchd-àiteachaidh an eilein: lìonadh thu le ceannaichibh Shidoin, a tha 'sìubhal thu cuan.

3 Agus sìol Shìhoir o uisgeachaidh mòra, fàs na h-Aimlne, *Ùe sin* a teachd-a-stigh; agus bha i 'n a margadh do na cinnich.

4 Biodh nàir ort O Shidoin, oir labhair an fhaire, eadhon neart na faire, ag ràdh, cha robh mi ri saothair, agus cha d'rug mi clann; cha d'raich mi òganaich, nì mò thog mi suas òighean.

5 Mar a bha 'n uair a chualas sgerù mu'n Eiphit, *mar sin* bithidh iad fo àmhghar ri cluinntinn sgeòil nu Thirus.

6 Rachaibh a null gu Tarsis; deanaibh caoineadh, a luchd-àiteachaidh nan eilean.

7 An i so bhur caithir aoibhlinn, aig am bheil a h-aois o aimsir chéin? Giùlainidh a cosan féin i fad as gu fantuinn air chuairt.

8 Cò a ghabh a' chomhairle so 'an aghaidh Thirus, a thug seachd coronan rioghail, aig am bheil a ceannaichean 'n am prionnsaibh; agus a luchd-malairt 'n an daoineibh urramach na tìre?

9 Is e Tighearn nan sluagh a dh'ordnich e, a chur smala air uabhar gach uile ghlòire, agus a thabhairt uile uaislean na tìre fo dhimeas.

10 Ruith thairis air d'fhearann, mar amhainn, O nighean Tharsis; cha-n'eil neart ann nì's mò.

11 Shìn e a làmh tharais air an fhaire; chrath e na rioghachdan; thug an Tighearn àithne an aghaidh na caithreach a tha 'n a ceannaiche, chum a daingnichean làidir a sgrios.

12 Agus thubhairt e, Cha dean thu caithream nì's mò, O òigh shàruichte, a nighean Shidoin; éirich, rach thairis gu Citim; an sin fòs cha-n fhaigh thu suaimhneas.

13 Feuch trì nan Caldéach cha robh an sluagh so ann, *agus an* do shuidhich an t-Asirianach i air son luchd-àiteachaidh an fhàsaich; thog iad a baidealan, chuir iad suas a luchairtean; agus rinn e a sgrìos.

14 Guilbith gu h-àrd, a longa Tharsis; oir sgriosadh bhur neart.

15 Agus tarlaidh anns an là sin, gu'n leigear air dearmad Tirus deich agus trì fichead bliadhna, a réir làithean aois rìgh; 'an ceann deich agus trì fichead bliadhna, seinnidh Tirus mar strìopaich.

16 Glac do chlàrsach, cuairtich am baile, a strìopach a bha air do dhearmad; dean ceòl gu binn; seinn iomadh òran; a chum gu'n cuimhnichear a ris thu.

17 Agus 'an ceann deich agus trì fichead bliadhna, thig an Tighearn a dh'amharc Thirus; agus pillidh i chum a cosnaidh; agus nì i strìopachas le uile rioghachdaibh an domhain, a tha air aghaidh na talmhainn.

18 Agus bithidh a malairt agus a buannachd naomh do'n Tighearn; cha taisgear suas e, agus cha ghleidhear gu tèaruint e; oir bithidh a malairt air son na muinntir a tha 'chòmhnuidh 'am fianuis an Tighearna, air son lòn a shàsuicheas, agus air son eudaich a mhaireas.

CAIB. XXIV.

1 *Breitheanas uamhasach an Tighearna air an tìr. 13 Cluithaidh iarmad e le h-aoibhneas.*

16 *Uamhas luchd-àiteachaidh na talmhainn.*

23 *Rioghachd Thighearn nan sluagh air beinn Shìoin.*

FEUCH tha an Tighearn a' deanamh an fhearainn falamh, agus 'g a chur fàs; tha e 'g a thionndadh bun os ceann, agus a sgapadh a luchd-àiteachaidh.

2 Agus tarlaidh, mar a bhitheas an sluagh, mar sin bithidh an sagart; mar a bhitheas an t-òglach, mar sin bithidh a mhaighstir; mar a bhitheas a' bhanoglach, mar sin bithidh a banmhaighstir; mar a bhitheas an ceannaiche, mar sin bithidh am fear-reic; mar a bhitheas esan a bheir iasachd; mar sin bithidh esan a ghabhas iasachd; mar a bhitheas am fear a ghabhas riadh, mar sin bithidh am fear a bheir riadh uath.

3 Nithear an tìr gu tur falamh, agus creachar i gu buileach; oir labhair an Tighearn am focal so.

4 Tha an tìr ri caoidh agus a' seargadh; tha an saoghal air lagachadh agus a' seargadh; tha uaislean na tìre air lagachadh.

5 Tha an tìr eadhon air a truailleadh fo a luchd-àiteachaidh; oir bhris iad an reachd, dh'atharraich iad an t-ordugh; sgaoil iad an coimheangal sìorruidh.

6 Air an aobhar sin dh'ith mallachd suas an tìr, agus tha a luchd-àiteachaidh air am fàsachadh; uime sin tha luchd-àiteachaidh na tìre air an losgadh suas, agus is tèarc an dream a dh'fhàgadh.

7 Tha am fion nuadh ri caoidh, tha an

fhìonan lag, tha luchd a' chridhe aoibhinn uile ag osnaich.

8 Sguir fuaim aighireach nan tiompan; theirg luathghaire na muinntir a bha ri gairdeachas; sguir aighear na clàrsaich.

9 Cha-n òl iad fion le ceòl; bithidh deoch làidir searbh dhoibhsan a dh'òlas i.

10 Tha caithir na mì-riaghailt air a briseadh sìos; tha gach tigh air a dhruidicadh suas, air chor as nach fèd aon neach dol a steach.

11 Tha gaor anns gach sràid air son fìona; dhorchaicheadh gach aighear; shiubhail gairdeachas an fhearainn air falbh.

12 Dh'fhàgadh léir-cheach anns a' bhaile, agus le buaireas bhriseadh sìos an geata.

13 An uair a bhitheas e mar so ann am meadhon na tìre, am measg an t-sluaigh, bithidh amhuil crathadh a' chroinn-olaidh, agus mar an dioghlum an uair a chrìochnaichear am fion-fhogharadh.

14 Togaidh iadsan an guth, cliùthaichidh iad gu h-àrd mòrachd an Tighearna; ni iad iolach o'n fhaire.

15 Uime sin anns an teine glòraichibh an Tighearna; eadhon ainm an Tighearna Dia Israel, ann an eileanaibh a' chuain.

16 O iomall na talmhainn chuala sinn òrain, eadhon glòir do'n fhìrean; ach thubhairt mise, mo chaoile, mo chaoile; mo thruaighe mi! tha na mealltairean a' mealladh, seadh le foill tha na mealltairean a' mealladh.

17 Tha an t-uamhas, agus an slochd, agus an ribe ort, O fhir-àiteachaidh na tìre.

18 Agus tarlaidh, esan a theicheas o ghuth an uamhas, gu'n tuit e 's an t-slochd; agus esan a thig a nìos o mheadhon an t-sluichd, gu'n glacar anns an ribe e; oir tha na tuil-dhorsan o'n àird air am fosgladh; agus tha bunaitean na talmhainn air an luasgadh.

19 Tha an tìr gu tur air a briseadh sìos; tha an tìr air a sgaoileadh gu buileach as a chèile; tha'n tìr air a luasgadh gu garbh.

20 Bithidh an tìr a' gluasad thuig agus uaithe mar mhisgear; agus atharraichear i mar bhothan-tàimh; oir luidhidh a h-àingidheachd gu trom oirre; agus tuitidh i, agus cha-n éirich i ni's mò.

21 Agus tarlaidh, anns an là sin, gu'n smachdaich an Tighearna na daoine àrda a tha shuas, agus rìghrean na talmhainn air an talamh.

22 Agus cruinnichear iad ri 'chèile, mar a chruinnichear prìosanaich ann an slochd; agus druidear suas iad mar ann am prìosan; agus an déigh mòran làithean fiosaichear iad.

23 An sin bithidh a' ghealach air a maslachadh, agus a' ghrian air a nàrachadh; oir ròghaichidh Tighearna nan sluagh air beinn Shìoin, agus ann an Ierusalem; agus ann am fianuis a sheanairean bithidh a' ghlòir.

CAIB. XXV.

1 Mhol am fàidh Dia air son a' bhrèitheanas; 6 agus rinn e gairdeachas 'n a shlàinte.

O THIGHEARNA, is tu mo Dhia; àrd-aichidh mi thu, molaidh mi d'ainm; oir rinn thu nìthan iongantach; is dil-seachd agus firinn do chomhairlean o shean.

2 Oir rinn thu a' chaithir 'n a tòrr, am baile daingnichte 'n a charn sgrios; chuir thu àros nan coigreach o 'bhi 'n a bhaile; gu bràth cha togar e.

3 Air an aobhar sin bheir an sluagh borb dhuit glòir; gabhaidh caithir nan cinneach uamhasach eagal romhad.

4 Oir bha thu a'd' neart do'n bhochd, a'd' neart do'n fheumach 'n a airc; a'd' dhèidh o'n doiminn, a'd' sgàile o'n teas; an uair a bha gaoh nan uamhasach mar dhoinn a' séideadh ris a' bhalla.

5 Mar an teas ann am fearann seargta, bheir thusa nuas farum nan uaibhreach; mar an teas le sgàil neoil, islichear geug nan uamhasach.

6 Agus anns a' bheinn so ni an Tighearna do na h-uile chinnich cuirm de nithibh blasda, cuirm de fhìon aosda, de nithean blasda làn de smior, de fhìon aosda air a dheadh tharruing.

7 Agus sgriosaidh e air a' bheinn so an còmhdaich a' chòmhaich aghaidh nan uile shluagh, agus an sgàile 'bha air a sgaoileadh thar nan uile cinneach.

8 Sluigidh e suas am bàs le buaidh, agus siabaidh an Tighearna Iehobhah an deur o gach aghaidh, agus masladh a shluagh bheir e air falbh o'n talamh uile; oir labhair an Tighearna e.

9 Agus anns an là sin theirear, Feuch, is e so ar Dia-ne; dh'fheith sinn ris, agus thèaruinn e sinn; is e so an Tighearna, dh'fheith sinn ris, ni sinn gairdeachas agus uail 'n a shlàinte.

10 Oir gabhaidh làmh an Tighearna fois air an t-sliabh so; agus bithidh Moab air a shaltairt foidhe, mar a shaltairear connlach air an òtrach.

11 Agus sinidh e mach a làmhnan 'n a mheadhon, mar a shìneas am fear a shùanhas a mach a làmhnan gu snàmh; agus bheir e nuas uabhar, maille ri creich a-làmh.

12 Agus daingneach àrd do bhallachan leagaidh e sìos, islichidh e, bheir e chum an làir eadhon chum an duslach.

CAIB. XXVI.

1 Earail gu carbsaidh a Dia do bhrìgh gu'n dean e brèitheanas air an nàmhaid, 12 agus gu'n nochd e tròcair d'a shluagh fèin. 20 Smachdaichidh Dia luchd-àiteachaidh na talmhainn air son an àingidheachd.

A NNS an là sin seinnear an dàn so ann an tìr Iudah; Tha againn caithir làidir; slàinte cuiridh e suas mar bhallachan agus mar dhaingneach.

2 Fosglaidh-sa na geatachan, a chum gu'n

téid an cinneach fìrinneach a steach, a choimhdeas an fhìrinn.

3 Gleidhidh tu esan ann an sìth iomlain, *aig am bheil* 'inntinn suidhichte ort, a chionn gu'n do chuir e a dhòchas annad.

4 Cuiribh-sa bhur dòchas anns an Tighearn do ghnàth, oir anns an Tighearn Iehobhab tha neart sìorruidh.

5 Oir dh'islich e iadsan a bha 'chòmhnuidh gu h-àrd; a' chaithir àrd, thug ennas; i thug e nuas i chum an làir; thug e *eadhon* chum an duslaich.

6 Saltraidh a' chos oirre, cosan an fheumaidh, ceuman nam bochd.

7 Tha slighe an fhèin ro dhìreach; ni thusa ceum an fhèin fìor-chòmhnuad.

8 Seadh, ann an slighe do bhrèitheanais dh'fheith sinn ort; tha miann *ar* n-anama air d'ainm, agus air do chuimhne.

9 Le m'anam mhiannaich mi thu 's an oidhe; seadh, le mo spiorad an taobh a stigh dh'iar mi thu 's a' mhaduinn; oir an uair a *bhitheas* do bhrèitheanais air an talamh, fòghlumaidh luchd-àiteachaidh an t-saoghail fireantachd.

10 Nochdar tròcair do'n aingidh, *gidheadh* cha-n fhòghlum e fireantachd; ann an tìr an ionracais buinidh e gu fealltach; agus cha toir e fainear mòralachd an Tighearna.

11 A Thighearna, tha do làmh togtas suas, *gidheadh* cha-n fhaic iad; *ach* chi iad, agus bithidh iad fo amhladh air son eud an t-sluaigh; seadh, loisgidh teine do naimhdean suas iad.

12 A Thighearna, orduichidh tu sìth dhuinne; oir eadhon ar n-uile bheartan cumhachdach dh'oibrich thusa annainn.

13 O Thighearna ar Dia, bha ceannas oirnn aig tighearnaibh eile bharrachd ortsa; *ach* annadsa a mhàin ni sinn luaidh air d'ainm.

14 *Tha iad* marbh, cha tig iad beò; dh'eug iad, cha-n éirich iad; uime sin dh'fhiosraich agus mhill thu iad, agus sgrios thu as an cuimhne gu tur.

15 Mheudaich thu an cinneach, O Thighearna; mheudaich thu an cinneach; tha thu air do ghlorachadh; sgaol thu e a mach *eadhon* gu uile iomallaibh na talmhainn.

16 A Thighearna, ann an àmhghar dh'iar iad thu; dhòirt iad a mach an athcuinge an uair a bha do smachdachadh orra.

17 Mar a bhitheas bean thorrach ann an teanntachd, an uair a bhitheas àm a li-aiseid am fagus, ag éigheach gu h-àrd 'n a saothair; mar so bha sinn ann ad fhanuis, O Thighearna.

18 Dh'fhàs sinn torrach, bha sinn ann an teanntachd, rug sinn mar gu'm b'e gaoth; cha d'oibrich sinn slàinte anns an talamh, ni mò tha luchd-àiteachaidh an t-saoghail air tuiteam.

19 Thig do mhairbh beò; *maille ri* mo chorp marbh-sa éiridh iad. Dùisgibh agus seinnibh, sibhse 'tha 'chòmhnuidh anns an

duslach; oir tha do dhrùchd mar dhrùchd luibhean; agus tilgidh an talamh a mach na mairbh.

20 Thig, O mo shluagh, imich a steach do d' sheòmaichibh, agus druid do dhorsan mu'n cuairt duit; fòluich thu fèin car tamuill bhligh, car tiota, gus an gabh a' chorruich thairis.

21 Oir, feuch, tha an Tighearn a' teachd a mach as 'ait, a smachdachadh luchd-àiteachaidh na talmhainn air son an aingidheachd; agus leigidh an talamh ris an fhuil a tha air, agus cha chòmhdaich e nìs mò a mhairbh.

CAIB. XXVII.

1 *Càram Dhè d'a fhion-lios.* 7 *Smachdachaidh Dia a shluagh ann an tròcair agus ann an tomhas ceart; 12 agus tionaidh e iad o gach tìr d'an d'fhugadh 'am bairighdeanas iad.*

A NNS an là sin smachdaichidh an Tighearn, le a chlaidheamh cruaidh, agus mòr, agus làidir, Lebhiatan an nathair dhìreach, agus Lebhiatan an nathair lùbach; agus marbhaidh e an dràgon a tha 's an fhairge.

2 Anns an là sin, canaibhse do fhion-lios an fhìona dheirg:

3 Tha mise, an Tighearn, 'g a choimhead, uisgicheam e gach tiota; chum 's nach docainn *don neach* e, coimhididh mi e a là agus a dh'oidheche.

4 Annamsa cha-n'eil dian chorruich. Cò a chuireadh an droighionn agus an dris a'm' aghaidh anns a' chath' rachainn trompa, loisginn iad le 'chèile.

5 Nò deanadh e greim air mo neart; deanadh e sìth rium; sìth ni e rium.

6 Bheir e orra-san a thig o Iacob freumhachadh; brisidh Israel a mach, agus thig e fo bhlàth; agus lìonaidh e aghaidh an t-saoghail le toradh.

7 An do bhuail se e a réir bualaidh an tì a bhuail esan? Am bheil e air a mharbhadh a réir àir na muinntir' a mharbhadh leis?

8 Ann an tomhas ceart, an uair a bhriseas e mach, ni thu tagradh ris. Choig e a ghaoth gharbh ann an là na gaoithe an ear.

9 Uime sin, le so glanar aingidheachd Iacoib air falbh; agus *is e* so an toradh uile a thabhairt air falbh a pheacaidh; 'n uair a ni e uile chlachan na h-altarach mar chlachan aoil a tha air am pronnadh as a chèile, cha seas na doireachan no na dealbhan suas nìs mò.

10 Ach bithidh a' chaithir dhaingnichte fàs, agus an t-àite-còmhnuidh air a thréig-sinn, agus air fhàgail mar fhàsach; an sin ionaltraidh an laogh, agus an sin luidhidh e sìos, agus ithidh e a geugan.

11 An uair a sheargas a meanglain, brisear iad; thig mnathan agus cuiridh iad ri theine iad; oir is sluagh gun tuigse iad; uime sin cha ghabh an tì a rinn iad trvas diubh;

agus cha nochd esan a dhealbh iad caoimhneas dhoibh.

12 Agus tarlaidh anns an là sin, gu'n dean an Tighearn bualadh o chlais na h-Aimhne gu sruth na h-Eiphit; agus tionaillear sibhse suas, ann agus aon, O chlan Israeil.

13 Agus tarlaidh anns an là sin, gu'n séid-eas a' ghall-tromp mhòr: agus thig iadsan a bha 'bàsachadh ann an tìr Asiria, agus iadsan a bha air an sgapadh ann an tìr na h-Eiphit; agus sleuchdaidh iad sìos do'n Tighearn, anns an t-sliabh naomh, ann an Ierusalem.

CAIB. XXVIII.

1 *Bharadh Ephraim air son a mhisge agus 'uailf. 5 Bithidh Dia 'n a choron maise do iarnad a shluagh. 16 Tha Crìosd air a ghealltainn. 23 Gliocas freasdaidh Dhé air a nochdadh ann an oibribh an treabhaiche.*

IS an-aobhinn do chrùn uaibhreach mhisgearan Ephraim, agus do bhlàth sheargach am maise glòrmhoir; *dhoibhsan* a tha air ceann a' ghlinn bheartaich, a tha air an leagadh sìos le fion.

2 Feuch, tha aig an Tighearn fear cumhachdach agus làidir, mar stoirm chlach-mheallain, *mar* dhoìninn mhilltich, mar thuil uisgeachan mòra a' taomadh thairis, a thilgeas sìos chum an làir le a làimh.

3 Bithidh coronan uaibhreach mhisgearan Ephraim air an saltairt fo 'chosaibh.

4 Agus bithidh blàth sheargach am maise glòrmhoir, a tha air ceann a' ghlinn bheartaich, mar am meas tràth roimh an t-samhradh, a chi an neach a dh'amaireas air, agus cha luaithe 'bhitheas e 'n a làimh na dh'itheas e suas e.

5 Anns an là sin bithidh Tighearn nan sluagh 'n a chrùn glòire, agus 'n a choron maiseach do iarnad a shluagh;

6 Agus 'n a spiorad breitheanas dhàsan a shuidheas ann am breitheanas; agus 'n a neart dhoibhsan a philleas air ais an cath chum a' gheata.

7 Ach chaidh iadsan fòs a thaobh le fion, agus le dibh làidir chaidh iad air seacharan; ehaidh an sagart agus am fàidh a thaobh le dibh làidir, shluigeadh suas iad le fion, chaidh iad air seacharan le dibh làidir; chaidh iad 'am mearachd ann an sealladh, thuislich iad ann am breitheanas.

8 Oir tha am buird uile làn de sgeith, *agus de shalchar, air chor as nach 'eil àite sam bith saor.*

9 Cò d'an teagaisg e eòlas, agus cò d'an teagaisg e foghlum? dhoibhsan a chuireadh o'n chich, *agus a sgaradh o'n bhrollach.*

10 Oir tha àithne air àithne, àithne air àithne; rann air roinn, rann air roinn; beagan an so, beagan an sud.

11 Oir le beul manntach, agus le teangaidh choimhich, labhraidh e ris an t-sluagh so.

12 Ris an dubhairt c, So an fhois leis an

tabhair sibh fois dhà-san a tha sgith, agus so an suaimhneas; gidheadh cha-n éisdeadh iadsan.

13 Ach bithidh focal an Tighearna dhoibhsan 'n a àithne air àithne, àithne air àithne; rann air roinn, rann air roinn; beagan an so, beagan an sud; a chum gu'n rachadh iad, agus gu'n tuiteadh iad air an ais, agus gu'n bitheadh iad air am briseadh, agus air an ribeadh, agus air an glacadh.

14 Uime sin chuinnibh focal an Tighearn, a luchd-fanoid, a luchd-riaghlaidh an t-sluaigh so a tha ann an Ierusalem.

15 A chionn gu'n dubhairt sibh, Dhaingnich sinn coimhcheangal ris a' bhàs, agus ris an uaigh rinn sinn còrdadh; an uair a shiùbhlas a' phlàigh thairis mar thuil, cha ruig i sinne; oir ghabh sinn a' bhreug mar ar dèidin, agus fo cheilg dh'fholaich sinn sinn féin.

16 Air an aobhar sin mar so deir an Tighearn Iehobhah, Feuch suidhichidh mise mar stéidh ann an Sion clach, clach dhearbhta, clach-chiun na h-oisinn; sàr bhunait; esan a chreideas, cha chuirear gu h-amhluidh e.

17 Agus tombaisidh mise mach breithcanas leis an riaghailt, agus ceartas leis an t-sreing-thomhais; agus sguabaidh a' chlach-mheallain air falbh an dèidin-bhréige, agus còmhdaichidh na h-uisgeachan an t-àite-folaich.

18 Agus brisear 'ur coimhcheangal ris a' bhàs, agus cha seas 'ur còrdadh ris an uaigh; 'n uair a shiùbhlas a' phlàigh thairis mar thuil, an sin bithidh sibhse air bhuir saltairt sìos leatha.

19 O'n àm anns an siubhail i troimhe, ni i greim oirbh; oir maduinn an déigh maidne siubhlaidh i troimhe, a là agus a dh'oidhche; agus dùisgidh eadhon an t-iomradh a mhàin uamhunn.

20 Oir tha an leabadh tuilleadh 's goirid gu *neach* g'ashineadh féin *oirre*; agus tha am brat tuilleadh 's ai-leathan gu *neach* e féin a phasgadh ann.

21 Oir éiridh an Tighearn suas, mar ann an sliabh Pherasim, bithidh corruih air mar ann an gleann Ghibeoin; a chum gu'n coimhlon e 'obair féin, 'obair neo-ghnàthach; agus gu'n dean e a ghnìomh féin, a ghnìomh coimheach.

22 Agus a nis, na bithibh ri fanoid, air eagal gu'n deantar bhuir cuibhrichean làidir; oir chuala mi o Iehobhah Tighearn nan sluagh sgrios, eadhon air a shònruachadh air an tìr uile.

23 Thugaibh -sa an aire, agus eluinnibh mo ghuth; éisidibh, agus cluinnibh mo bhriathran.

24 Am bheil an treabhaiche ri h-ar, ré an là, chum cur a dheanamh? Am bheil e a' fosgladh agus a' briseadh fòidean 'fhearainn?

25 An uair a ni e 'aghaidh còmhnaidh, nach

sgaol e an sin a' mheanbh-phcasair, agus nach sgap e an cumin; agus nach cuir e an cruithneachd anns an àit a's fearr, agus an t-eòrna anns an ionad shuidhichte, agus an seagal 'n a chrìch fèin?

26 Oir bithidh a Dhia a' teagasg eòlais dha, agus 'g a iunnasachadh.

27 Oir cha-n'èil a' mheanbh-phcasair air a bualadh le inneal-bualaidh; ni mo 'bheir-e ar roth feuna tionndadh air a' chumin; ach tha a' mheanbh-phcasair air a bualadh le bata, agus an cumin le luirg.

28 Ach tha *sìol air son arain* air a bhruthadh: do bhrìgh nach bi e 'g a shìor-bhualadh, no 'g a bhriseadh le roth 'fheuna, no 'g a phronnadh le 'eachaibh.

29 Tha so fòs a' teachd o Thighearn nan sluagh; tha esan iongantach ann an comhairle, òirdheire ann an gnìomh.

CAIB. XXIX.

1 *Teanntachd Ierusalem, agus léir-sgrìos a luchd-claoidh le làimh an Tighearna.* 9. *Chronaicheadh na h-Iudhaich air son an cealgairachd.* 17 *Fhuair iad gealladh air nìibh maithe.*

MO thruaighe Ariel, Ariel, am baile anns an do chòmhnuich Daibhidh; cuiribh bliadhna ri bliadhna; marbhadh iad ìobairtean.

2 Gidheadh teannaichidh mise Ariel, agus bithidh caoidh agus bròn ann; agus bithidh e dhomhsa mar Ariel.

3 Agus campaichidh mi a'd' aghaidh mu'n cuairt; agus teannaichidh mi thu le tòrr: agus togaidh mi daingnichean a'd' aghaidh.

4 Agus bheir ar sìos thu, agus labhraidh tu as an talamh, agus bithidh do chainnt ìosal as an duslach; agus thig do ghuth a mach as an talamh, mar fhiosaiche, agus ni do chainnt borbhannaich as an duslach.

5 Agus mar an dus mìn bithidh mòr bhuidheann do choigreach, agus bithidh mòr bhuidheann nan uamhasach mar am moll luaineach; agus tarlaidh e ann an tiota, gu h-obann.

6 Smachdaichear thu le Tighearn nan sluagh, le tairneanaich, agus le crith-thalmhainn, agus le treun ghuth, le stòirm agus doinn, agus lasair theine chaitich.

7 Agus amhuil brùadar, aisling na h-oidhche, bithidh mòr shluagh nan uile chinneach, eadhon na h-uile a tha 'cogadh rithe fèin, agus *ri* a daingneach, agus a tha 'g a teannachadh.

8 Agus amhuil *duine* ocrach a chi aisling, agus, feuch, tha e 'g ithcadh, ach air dùsgadh dha, tha 'anam ocrach; agus amhuil *duine* tartmhor a chi aisling, agus, feuch, tha e 'g òl, ach air dùsgadh dha, feuch *tha* e fann agus 'anam a' miannachadh; mar sin tarlaidh do mhòr chuideachd nan uile chinneach a tha a' cogadh an aghaidh sléibh Shìoin.

9 Stadaibh, agus gabhaibh iongantas; seallaibh mu'n cuairt le h-ìoghnadh, agus amhaircibh; tha iad air mhisg, ach cha-n ann le fion; tha iad a' call nan cos, ach cha-n ann le dibh làidir.

10 Oir dhòirt an Tighearn oirbh spiorad suaine; agus dhruid e suas 'ur sùilean; air na fàidhean agus 'ur luehd-riaghlaidh, agus air na luchd-seallaidh chuir e còmhach.

11 Agus tha an taisbeanadh uile dhuibhse, mar bhriathran leabhair air a ghlasadh suas, a bheir *iad* do neach aig an bheil fòghlum, ag ràdh, Leugh so, guidheamaid ort; agus their esan, Cha-n urrainn mi, oir tha e glaiste suas.

12 Agus bheir ar an leabhar do neach aig nach 'eil fòghlum, ag ràdh, Leugh so, guidheam ort; agus their esan, Cha-n'eil fòghlum agam.

13 Uime sin thubhairt an Tighearn, A chionn gu'm bheil an sluagh so a' teachd dlùth *dhomhsa* le'm beul, agus a' toirt onoir dhomh le'm bìlibh, ach 'n an cridhe gu'n do theich iad fada uam; agus gu'm bheil an eagal romham-sa air a theagasg le àitheantaibh daoine;

14 Air an aobhar sin, feuch, théid mis' air m'aghaidh a dheanamh iongantais am measg an t-sluaigh so, iongantas agus iongantas; ionnus gu'n téid gliocas an daoine glìce ann am mugha, agus tuigse an daoine tuigseach as an t-sealladh.

15 Is truagh dhoibhsan a tha 'g iarraidh an comhairle fhòlach gu domhain o'n Tighearn; aig am bheil an gnìomharan anns an dorch, agus a tha 'g ràdh, Cò a tha 'g ar faicinn? Cò aig am bheil fios umain?

16 Gu cinnteach measar bhur n-ais-inn-leachdan mar chriadh a' chriadhaidair: an abair an obair mu'n oibriche, Cha d'rinn e mi? agus an abair an ni a dhealbhadh mu'n neach a dhealb e, Cha robh tuigse aige?

17 Nach tamull ro bheag fòs, gus an deanar Lebanon 'n a fhicarann torrach, agus gus am measar am fearann torrach mar fhasach?

18 Agus anns an là sin cluinidh na bodh-air briathran an leabhair; agus as an dubhar agus as an dorchadas gheibh sùilean nan dall an léirsinn.

19 Meudaichidh fòs na daoine sèimhe an aoibhneas anns an Tighearn; agus ni na bochdan am measg dhaoine gairdeachas ann an Ti naomh Israeil.

20 Oir dl'fhàilnich an t-uamhasach, agus thàinig erioch air an fhear-fhochaid, agus ghearradh as iadsan uile a bha furachair chum aingidheachd;

21 A ni duine 'n a pheacach air son focail; a tha 'leagadh rìbe air a shonsan a tha 'tagradh anns a' gheata; agus a tha 'tionndadh an ionracain a leth-taobh air son ni nach fìù.

22 Air an aobhar sin mar so deir an Tighearn, esan a shaor Abraham, mu thimchioll tighe Iacoib, Cha nàraichear Iacob, agus cha bhi 'aghaidh nis fo amhluaidh.

23 Ach an uair a chi e a chlann, obair mo làmh-sa, 'n a mhcadhon, naomhaichidh iad m'ainm, agus naomhaichidh iad Ti naomh Iacoib, agus bithidh eagal orra roimh Dhia Israeil.

24 Tuigidh iadsan fòs, a chaidh 'am mearachd ann an spiorad, fìor eòlas; agus fòghlumaidh iadsan a bha ri borbhanaich teagasg.

CAIB. XXX.

1 *Chronaicheadh an sluagh do bhrìgh gu'n do chuir iad an dòigh 's an Eiphit, 8 agus gu'n d'èinn iad air focal Dhè. 18 Tròcair an Tighearna d'a eaglais. 27 Bithidh a shluagh aoibhneach 'n uair a bhuailteas Dia na h-Asirianaich.*

IS truagh do'n chloinn cheannairich, deir an Tighearn, a tha 'dealbh chomhairlean, ach cha-n ann uamha; a tha 'còmhdaichidh le brat-folaich, ach cha-n ann le mo spiorad-sa; a chum gu'n cuir iad peacadh ri peacadh:

2 A tha 'g imeachd gu dol sìos do'n Eiphit, ach nach d'fhiosraich dhìomsa; chum iad fèin a neartachadh le neart Pharaoh, agus a dheanamh buin á sgàile na h-Eiphit.

3 Ach bithidh neart Pharaoh dhuibh 'n a nàire; agus 'ur bun á sgàile na h-Eiphit 'n a mhasladh.

4 Oir bha a cheannardan aig Soan, agus thàinig a theachdairean gu Hanes.

5 Ghabh iad uile nàire de shluagh o nach d'fhuair iad tairbhe; o nach d'fhuair iad cuideachadh no tairbhe; ach a bha 'n an nàire agus 'n am masladh.

6 Eallach ainmhidhean na h-àirde deas; gu tìr airc' agus èiginn, as an tig an leòmhann òg agus an seann leòmhann, an nathair nìnhe, agus an nathair theinnteach itealach; giùl-ainidh iad an saobhreas air gualainn nan asal òga, agus an ionmhas air croit nan càmh, dh'ionnsuidh sluagh nach tabhair buannachd dhoibh.

7 Oir is dìomhain agus gun tairbhe còmh-nadh nan Eiphteach; uime sin thubhairt mi rithe so, 'S e an neart fantuinn 'n an tàm.

8 Imich a nis, sgrìobh e fa'n comhair air clàr, agus comharach e air leabhar; chum gu'm bi e air son nan aimsirean a thig, air son fianuis gu sìorruidh;

9 Gur sluagh ceannairceach so, clann bhreugach, clann leis nach àill èisdeachd a thabhairt do lagh an Tighearna:

10 A tha 'g ràdh ris na fìr-sheallaidh, Na faicibh; agus ris na fàidhean, Na labhraibh nithean cearta ruinn ann am fàistneachd; labhraibh ruinn nithean mìne; deanaibh fàistneachd chleige:

11 Claonaibh air falbh o'n t-slighe; rach-

aibh a leth-taobh o'n rathad dhìreach; cuiribh air falbh uainn Ti naomh Israeil.

12 Air an aobhar sin, mar so deir Ti naomh Israeil, A chionn gu bheil sibh a' deanamh tàire air an fhocal so, agus ag earbsadh á claonadh agus á ceannaire, agus a' leigeil bhuir taic ris;

13 Uime sin bithidh an t-òc so dhuibh mar bhriseadh ullamh gu tuiteam, mar aomadh ann am balla àrd, a thuiteas gu làr gu h-obann, ann an tiota.

14 Agus brisidh se e, mar bhriseadh soithich a' chriadh-dair, a bhrisear 'n a bhloighdibh; cha chaomhain e, air chor as nach faighear, ann a bhriseadh, sgealb a thogas teine o'n teinntean, no a bheir uisge o'n tobar.

15 Oir mar so deir an Tighearn Iehobhah, Ti naomh Israeil, ann am pilleadh, agus ann an sàmchair, tèarnar sibh; ann an suaimhneas agus ann an earbsa bithidh 'ur neart; ach cha b'ail leibhe.

16 Ach thubhairt sibh, Ni h-eadh, ach air eachaibh teichidh sinn; air an aobhar sin teichidh sibh; agus air ainmhidhean luatha marcaichidh sinn; uime sin bithidh iadsan luath a leanas air 'ur tòir.

17 Teichidh aon mhìle roimh bhagradh aoin; roimh achmhasan chùignear teichidh sibh; gus am fàgar sibh mar chrann lom air mullach sléibh, agus mar bhrataich air enoc.

18 Agus air an aobhar so feithidh an Tighearn, chum gu'n nochd e deadh-ghean duibh; agus air an aobhar so àrdachear e, chum gu'n nochd e tròcair dhuibh; oir is Dia ceart-bhreitheach an Tighearn; is beannaichte iadsan uile a tha 'feitheamh ris-san.

19 Oir gabhaidh sluagh còmhnuidh ann an Sion, ann an Ierusalem; cha ghul thu nìs mò; ni e mòr thròcair ort, ri guth do ghlaoidh; co luath 's a chluinneas e, bheir e freagradh dhuit.

20 Agus ged bheir an Tighearn dhuibh aran airce, agus uisge àmhghair, gidheadh cha bhi do luchd-teagaisg air am fògradh fad' as; ach bithidh do shùilean a' faicinn do luchd-teagaisg.

21 Agus cluinnidh do chluasan focal o' d' chlàobh, ag ràdh, So an t-slighe, gluaisibh innte, 'n uair a thionndaidheas sibh chum na làimhe deise, no chum na làimhe clìthe.

22 Agus truailidh sibh trusgan 'ur dealbhan airgid, agus sgeadachadh do dhealbhan òir; tilgidh tu uait iad mar eudach truailte; their thu ris, Teich uam.

23 An sin bheir e uisge air son do shìl, leis an cuir thu d'fhearann; agus aran de thoradh na talmhainn, agus bithidh e reamhar agus pailt; anns an là sin, ionalt-ruidh do sprèidh ann an àilcan farsuim;

24 Agus ithidh na daimh, agus na h-asail òga a threabhas ann fearann, innlann air a

deadh-ghlanadh, air a gréidheadh leis a' gaoit agus leis an t-sluasaid.

25 Agus air gach beinn mhòir, agus air gach cnoc àrd, bithidh caochain agus sruthan uisge; ann an là an àir mhòir, an nair a thuiteas na baidealan.

26 Agus bithidh solus na gealaich mar sholus na gréine, agus bithidh solus na gréine a sheachd niread, mar sholus sheachd fàithean; 's an là anns an ceangail an Tighearn suas briseadh a shluaigh, agus anns an leighis e lot a bhuille.

27 Fench, tha ainm an Tighearn a' teachd o chéin, a' losgadh le' fheirg, agus an eallach trom; tha a bhilean air an lionadh le corruich, agus a theangadh mar theine caithteach.

28 Agus bithidh 'anail mar shruth dian a' ruith thairis, a' ruigheachd gu meadhon a' mhuineil; a dh'fhasgnadh nan cinneach le fasgan an diomhanais; agus bithidh srian ann an giallaibh an t-sluaigh, 'g an tarruing air seacharan.

29 Bithidh ceòl agaibh, mar anns an oidhe 's an coimhdear féill naomh; agus gairdeachas cridhe, amhail an uair a dh'imicheas neach le ceòl pioba, chum dol gu sliabh an Tighearna, gu carraig Israeil.

30 Agus bheir an Tighearn fainean gu'n chinnear a ghuth glòrmhor, agus gu'm faicear leagadh a nuas a ghairdein, le corruich ghairg, agus le lasair teine chaith-tich; le sgapadh, agus doinninn, agus clach-aibh-meallain.

31 Oir le guth an Tighearna buailear sìos an t-Asirianach, a bha 'bualadh le slait.

32 Agus anns gach àit 'an sin bhail an t-slat shònruichte, a leagas an Tighearn air, bithidh tiompan agus clàrsaichean; agus le cruaidh chòmhrag cogaidh e leatha.

33 Oir dh'ulluicheadh Tophet o shean; eadhon air son an rìgh tha sin air 'nlluchadh; rinn e dombain e, rinn e farsuinn e; cruach theine agus mòran connaidh; tha anail an Tighearna, mar shruth pronaise 'g a fhadadh.

CAIB. XXXI.

1 *Is truagh dhoibhsan a tha 'g àirraidh còmhnaidh o'n Eipht 'an àite bh' 'g earbsadh as an Tighearn. 6 Earail gu pillinn a dh'ionnsuidh Dhé. 8 Sgrìos nan Asirianach.*

IS truagh dhoibhsan a tha 'dol sìos do'n Eipht air son còmhnaidh; a tha 'g earbsadh à h-eachaidh, agus a' cur an dòcha ann an carbadaibh, a chionn gu bheil iad lìonmhor; agus ann am marcaichibh a chionn gu bheil iad ro làidir; ach cha seall iad air Ti naomh Israeil, agus cha-n iarr iad an Tighearn.

2 Ach tha Eisan glie, agus bheir e olc orra, agus cha chuire 'fhocal air chùl; ach éiridh e an aghaidh tighe nan aingidh, agus an aghaidh cabhair na muinntir a tha 'dean-amh euceirt.

3 Oir is daoine na h-Eiphtic, agus cha Dia iad; agus is feoil an eich, agus cha spiorad; an uair a shineas an Tighearn a mach a làmh, tuitidh am fear-cuideachaidh, agus leagar sìos am fear a bha air a chòmhnadh leis; agus millear iad gu léir le' chéile.

4 Oir mar so thubhairt an Tighearn riun; mar a bheucas an leòmhnan, eadhon an leòmhnan òg, os ceann a chobhartaich, 'n uair a chruinnichear buidheann bhuachaillean 'n a aghaidh; cha ghabh e geilt roimh an guth, agus cha chaill e a mhisneach air son an comhghair; is amhluidh thig Tighearn nan sluagh a nuas gu cogadh air son sléibh Shioin, agus air son a chunnie.

5 Mar eunlaith ag itealaich os ceann an àlaich, mar sin dìonaidh Tighearn nan sluagh Ierusalem; le dìonadh saoraidh e i; agus le lenn thairis tèarnaidh e i.

6 Pillibh d'a ionnsuidh-san o'n do chlaon clann Israeil le seacharan fada.

7 Oir anns an là sin tilgidh gach aon aih falbh naith 'iodholan airgid, agus 'iodholan òir, a rinn 'ur làmhnan féin duibh chum peacaidh.

8 Agus tuitidh an t-Asirianach, cha-n ann le claidheamh gaisgich; seadh cha-n e claidheamh dhine a shluigear suas e; ach teichidh e o'n chlaidheamh, agus claidheamh a dhaoine òga.

9 Agus troimh eagal théid e null dh'ionnsuidh a dhaignich, agus gabhaidh a chinn-fheadhna geilt roimh'n bhrataich; deir an Tighearn, aig am bheil a theine ann an Sion, agus 'amhuinn ann an Ierusalem.

CAIB. XXXII.

1 *Sonas rìoghachd Chriosd. 9 Fàidheadaireachd mu thimcheall fàsachadh na tìre. 15 'N uair a dhòirear an spiorad a nuas air an t-sluagh nì breitheanas còmhnaidh air thalamh.*

FEUCH, rìoghaichidh rìgh ann am fìreantachd, agus riaghlaidh nachdarain ann am breitheanas.

2 Agus bithidh duine mar ionad-fasgaidh o'n ghaoith, agus mar dhìdein o'n doinninn; mar shruthaibh uisge ann an àite tioram, mar sgàile creige mòire ann an tìr air-snealaich.

3 Agus cha bhi ceò air sùilibh na muinntir a chi; agus bheir eluasan na muinntir a chluinneas éisdeachd.

4 Agus tuigidh cridhe an dhine bhràis eòlas; agus bithidh teangadh an dhine mhanntaich ealamh chum labhairt gu soilleir.

5 Cha ghoirear an t-ùmaidh fial nì's mò, agus cha-n abrar gu'm bheil am fear miodhoir daoineachdail.

6 Oir labhraidh an t-ùmaidh do ghnàth amaideachd, agus dealbhaidh a chridhe aingidheachd; a chnr 'an gnìomh ceilge, agus a labhairt foill an aghaidh an Tighearn.

earn', a dheanamh anama an ocrach falamh, agus a thabhairt na dibhe o'n duine iotmhor.

7 Tha innealan an duine mhìodhoir olc; tha e a' dealbh innleachdan airmheasach, a' ribeadh nam bochd le briathraibh breugach, 's a' cheart am anns an labhair an t-ainnisach gu firinneach.

8 Ach dealbhaidh an duine sial nithean fala; agus le nithibh fala daingnichear e.

9 Eiribh, a mhnathan a tha gu suaimheach, cluinnibh mo ghuth; a nighceanan gun umhail, éisdibh ri mo chaint.

10 Iomadh là agus bliadhna bithidh sibh gun fhois, O mhnathan gun umhail; oir dh'fhàilnich am fion-fhogharadh, cha tig tional an toraidh.

11 Criothnaichibh, sibhse a tha suaimheach; bithibh gun fhois, sibhse a tha gun umhail; cuiribh dhìbh, rùisgibh sibh féin, agus crioslaichibh 'ur leasraidh le eudach-saic.

12 Nì iad caoidh air son nan cìoch, air son nam machraichean taitneach, air son na fionain torraich.

13 Thig an droighionn agus an dris a nìs thar fearann mo shluaigh; seadh thar nan uile thighibh aobhach anns a' bhaile luagh-aireach.

14 Oir tha an t-àros air a thrèigsinn; tha buidheann lionmhor na caithreach air am fàgail: bithidh an daingneach agus an tùr 'n an uaimhean gu bràth, 'n an aoibhneas do na h-asalaibh fiadhaich, 'n an ionaltradh air son nan treudan;

15 Gus an dòrtear a nuas oirn an Spiorad o'n àird, agus gu'm bi am fàsach 'n a mhachair thorraich, agus gu'm measar a' mhachair thorrach 'n a frìdh.

16 An sin nì breitheanas tàmh anns an fhàsach, agus anns a' mhachair thorraich gabhaidh fireantachd còmhnuidh.

17 Agus is sìth obair na fireantachd; agus is toradh do'n fhìreantachd suaimheas agus tèaruinteachd gu sìorruidh.

18 Agus gabhaidh mo shluaigh còmhnuidh ann am fàdaich fhoistinich, agus ann an ionadaibh-còmhnuidh tèaruinte, agus ann an àiteachan-tàmh suaimheach.

19 An uair a thig a' chlach-mheallain a nuas air an doire, agus a nithear a' chaithir co ìosal ris a' chòmhnard.

20 Is beannaichte sibhse a tha 'cur sìl ri taobh gach uisge, a tha 'cur a mach coise an daimh agus na h-asail.

CAIB. XXXIII.

1 Breitheanas Dhè an aghaidh nàimhdean Shìoin. 13 Glacaidh uamhunn na cealgaircan, 15 ach iadsan a ghluaiseas gu h-ionraic bithidh Dia 'n a dhèidein doibh.

IS an-aoibhin duitse a chreachadair, nach robh air do chreachadh thu féin; agus fhir na foill, ris nach do bhuin iad gu fealltach: an uair a sguireas tu de chreachadh, creachar thu; agus an uair a bheir

thu thairis a bhi ri foill, buinidh iad gu fealltach riut.

2 O Thighearna, dean tràdeair oirn; ortsa tha sinn a' feitheamh; bi thus' a'd' ghairdean dhoibh gach maoinn; ar slàinte fòs ri h-am na h-airce.

3 O ghuth a' bhuaireis theich na slòigh; an uair a thog thu suas thu féin, sgapadh na cinnich.

4 Agus cruinnichear 'ur creach mar a chruinnicheadh am burrus: mar shiubhal na locust, thig e orra.

5 Tha an Tighearna air 'ardachadh; seadh, tha a chòmhnuidh gu h-àrd; lion e Sion le breitheanas agus ceartas.

6 Agus bithidh slàinte làidir, gliocas, agus eòlas, 'n an daingneachadh do d' linn; tha eagal an Tighearna 'n a ionmhas da.

7 Feuch, togaidh na daoine cumhachdach gaoir an taobh a muigh; guilidh teachd-airean na sìthe gu goirt.

8 Tha na rathaidean mòra fàsal, dh'fhalbh am fear-turais; bhris e an còmhcheangal, chuir e cùl ris na caithrichibh, cha-n'eil meas aig air duine.

9 Tha an talamh ri bròn, agus a' fannachadh; tha Lebanon fo nàire, agus air a ghearradh sìos; tha Saron air fàs mar fhàsach; agus Bàsan agus Carmel air crathadh dhiubh an toraidh.

10 A nis éiridh mi, deir an Tighearna; a nis àrdaichear mi; a nis togaidh mi suas mi féin.

11 Bithidh sibh torrach air moll; beiridh sibh asbhuain; nì bhur anail, mar theine, bhur caitheadh.

12 Agus bithidh na slòigh mar aol air a losgadh; mar dhroighionn air a ghearradh sìos, loisgear iad anns an teine.

13 Cluinnibh, O sibhse 'tha fad' as, an nì a rinn mi; agus sibhse 'tha dlùth, aidichibh mo chumhachd.

14 Tha na peacaich ann an Sion fo eagal; ghlac uamhunn na cealgaircan; cò 'n ar measg a ghabhas còmhnuidh maille ri teine millteach? cò 'n ar measg a ghabhas còmhnuidh maille ri lasraichibh sìorruidh?

15 Eisan a ghluaiseas gu h-ionraic, agus a labhras gu ceart; a ghabhas gràin de bhuannachd na h-ainneirt, a chrathas a lamh o' bhi 'glacadh duaise na h-eucorach; a dhruideas a chluas o éisdeachd ri sgeul fola, agus a dhùineas a shùilean o amharc air olc;

16 Bithidh a chòmhnuidh-san anns na h-ionadaibh àrda; bithidh daingnichean nan creag 'n an didean dha; bheirear aran dha; mairidh uisge gu cinnteach aige.

17 Seallaidh do shùilean air an Rìgh 'n a mhaise; chi iad an tìr a tha cian fad' as.

18 Smuainichidh do chridhe air uamhunn. C'àit am bheil an sgrìobhaiche? C'àit am bheil am fear-tomhais? C'àit am bheil esan a rinn na daingnichean àireamh?

19 Cha-n fhaic thu sluagh borb; luchd na cainte domhain, nach b'urrainn thu 'chluinntinn; luchd na teagaidh mannt- aich, nach b'urrainn thu 'thuigsinn.

20 Amhairc air Sion, caithir ar n-àrd fhéilean; chi do shùilean Ierusalem 'n a còmhnuidh fhoistinich, 'n a pàillun nach atharraichear; cha ghluaisear aon d'a phuist gu bràth, ni mò 'bhrisear aon d'a chordaibh.

21 Ach ann an sin *bithidh* an Tighearn glòrmhor dhuinne 'n a ionad ainmhean agus shruthan leathan; cha siubhail bàta- ramh ann; ni mò 'théid long ghreadhnach troimhe.

22 Oir *is e* an Tighearn ar breitheamh; *is e* an Tighearn ar fear-tabhairt lagha; *is e* an Tighearn ar Rìgh; tèarnaidh e sinn.

23 Tha do chuid fuasgailte; cha b'urrainn iad an crann a ro-dhaingneachadh; cha b'urrainn iad an seòl a sgaoilcadh; an sin tha creach phailt air a roinn; ghlac am bacach a' chobhartach.

24 Agus cha-n abair am fear-àiteachaidh, Tha mi tinn; gheibh an sluagh, a tha 'còmhnuidh an sin, maitheanas 'n an aingidheachd.

CAIB. XXXIV.

1 *Fearg an Tighearn' an aghaidh nan cinneach a tha 'n an naimhidh d'a eaglais.* 16 *Cinne na cinnneachd.*

DLUTHAICHIBH, a chinneacha, chum éisdeachd; agus thugaibh aire, O fhineachan; éisdeadh an talamh, agus a làn; an saoghal, agus na h-uile a tha 'teachd a mach uath.

2 Oir tha fearg air an Tighearn an aghaidh nan cinneach uile; agus corruich an aghaidh an slògh uile; chuir e as doibh, thug e thairis iad chum casgairt.

3 Agus tilgear am mairbh a mach; agus o'n cairbhean éiridh breun bholadh; agus leaghaibh na sléibhte an sios le'm fuil.

4 Agus crìonaidh feachd nèimh gu léir air falbh, agus fillear na nèamhan air a chéile mar dhuille leabhair; agus tuitidh am feachd uile sios, mar thuiteas an duilleag sheargta o'n fhìonain, agus mar an meas làn-abuich o'n chrann-fhige.

5 Oir tha mo chladheamh air a chur air mhig anns na nèamhan; feuch, tuitidh e air Idumea, agus air an t-sluagh a mhallaich mise, chum breitheanais.

6 Tha claidheamh an Tighearna sàsichte le fuil; tha e biadhta le saill, le fuil uan agus ghabhar, le saill airnean reitheachan; oir tha iobairt aig an Tighearn ann am Bosrah, agus ar mòr ann an tìr Idumea.

7 Agus thig na h-aon-adharcaich a nuas maille riu, agus na daimh maille ris na tairbh; agus cuirear an tìr air snàmh le fuil, agus nithear an duslach reamhar le saill.

8 Oir is e là dìoghaltais an Tighearn' a

th'ann, agus bliadhna an ath-dhiolaidh air son connasachaidh Shìoin.

9 Agus iompaichear a sruthan gu pìc, agus a duslach gu pronnasc; agus fasaich a fearam uile 'n a phic loisgich.

10 Cha téid a chur as a dh'oidhche no a là; gu sìorruidh théid a deatach suas; o àl gu h-àl bithidh i fàs; gu linn nan linn cha téid aon neach troimpe.

11 Ach sealbhaichidh am pelican agus a' ghràineag i; agus gabhaidh a' chailleach-oidhche agus am fitheach còmhnuidh innte; agus sinidh e thairis oirre sreang an léir-sgrios, agus clachan na fàsalachd.

12 Gairmidh iad a h-uaislean do'n rìogh- aehd, ach cha *bhi iad* ann; agus thig a ceannardan uile gu neo-ni.

13 Agus fasaich an droighionn suas 'n a lùchairtibh; an eanntagach agus an dris 'n a daingnichibh; agus bithidh i 'n a fàrdaich aig dràgonabih, 'n a h-àros aig nigheanaibh na comhachaig.

14 Agus coinnichidh fiadh-bheathaichean an fhàsaich agus fiadh-bheathaichean na macharach a chéile; agus glaothaidh am fiadh-dhuine r'a chompanach; an sin fòs gabhaidh an screuchag-oidhche fois, agus gheibh i dhi féin àite-tàimh.

15 An sin ni a' chailleach-oidhche mhòr a nead, agus beiridh i a h-uibhean; agus ni i gur, agus cruinnichidh i a h-àlach fo a sgàile; an sin fòs cruinnicarna h-iolaircan, gach aon le a chéile féin.

16 Fiosraichibh de leabhar an Tighearna, agus leughaidh; cha bhi aon dhiubh so air chall, cha bhi aon as eugmhais a céile; oir is e mo bheul-sa 'thug an àithne, agus is e a spiorad a thionail iad.

17 Agus thig e an crannchur air an son, agus roinn a làmh dhoibh e le sreing; sealbhaichidh iad e gu sìorruidh; o àl gu h-àl gabhaidh iad còmhnuidh ann.

CAIB. XXXV.

1 *Glòir agus soirbheachaidh rìoghachd Chrìosd.*

9 *Siubhlaidh a' mhuinntir shaorta ann an slighe an Tighearna, agus thig iad gu Sion le caithream agus aoiibheas.*

NI am fàsach agus an talamh tartmhor gairdeachas air an son; agus bithidh an dìthreach ait, agus thig e fo bhlàth mar an ròs.

2 Brisidh e mach gu h-àr, seadh ni e gairdeachas gu subhach agus gu ceòlmhor; bheirear glòir Lebanoin dha, maise Charmeil agus Sharoin; chi iad sin glòir an Tighearna, agus maise ar Dé-ne.

3 Neartaichibh-sa na làmhlan laga, agus daingnichibh na glùinean amhunn.

4 Abraibh riu-san a tha lag-chridheach, Bithibh làidir, na bitheadh eagail oirbh; feuch, thig bhuir Dia le dìoghaltas, 's e Dia le ath-dhioladh; thig e féin, agus saoraidh e sibh.

5 An sin fosgailear sùilean nan dall, agus

lùthidh cluasan nam bodhar air am fosgladh.

6 An sin leumaidh am bacach mar fhiadh, agus seinnidh teangadh a' bhalbhain; oir anns an fhàsach brisidh uisgeachan a mach, agus sruthan anns an dìthreach.

7 Agus fàsaidh am fearann tioram 'n a linne, agus an fearann tartmhor 'n a thobraichibh uisge: ann an àite-còmhnuidh nan dràgon, agus 'n an leabadh, bithidh fear, leis a' chuile agus an luachair.

8 Agus bithidh rathad mòr an sin, agus slighe; agus goirear slighe na naomhachd dheth; cha siubhail neach neòghlan troimhe; ach *bithidh* e air an son-san; cha téid am fear-turuis no na daoine baoghailta air seacharan ann.

9 Cha bhi lèomhan an sin, ni mò 'thig fiadh-bheathach milleach suas ann; cha-n fhaighear an sin e; ach siubhlaidh a' mhuinntir shaorta ann:

10 Agus pillidh saor-dhaoine an Tighearna, agus thig iad gu Sion le caithream, agus aoibhneas sìorruidh air an cin; gheibh iad gairdeachas agus aoibhneas, agus teichidh bròn agus osnaich air falbh.

CAIB. XXXVI.

1 *Ghlac Senacherib rìgh Asiria uile bhailtean daingnichte Iudah.* 2 *Chuir e Rabsaceh a dh'ionnsuidh Ierusalem a thubhairt maslaidh do Heseciah.* 13 *Briathran Rabsaceh a labhair e 'an èisdeachd an t-sluaigh.* 22 *Dh'innseadh iad do Heseciah.*

AGUS tharladh anns a' cheathramh bliadhna deug de rìgh Heseciah, gu'n d'fhàinig Senacherib rìgh Asiria nìos an aghaidh uile bhailtean daingnichte Iudah, agus ghlac e iad.

2 Agus chuir rìgh Asiria Rabsaceh o Lachis do Ierusalem, dh'ionnsuidh rìgh Heseciah, le armait mhòir; agus sheas e aig sruth-chlais na linne uachdaraich, air rathad mòr achaidh an luadhaidh.

3 An sin thàinig a mach d'a ionnsuidh Eliacim mac Hileiah, a bha os ceann an tighe, agus Sebnah an sgriobhaiche, agus Ioah mac Asaiph an seanachaidh.

4 Agus thubhairt Rabsaceh riu, Abrahah a nis ri Heseciah, Mar so deir an rìgh mòr, rìgh Asiria, Ciod e am bun-dòchais so as am bheil thu ag earbsadh?

5 Tha thu ag ràdh, (ach is briathran faoine iad.) Tha comhairle agus neart agam air son a' chogaidh; a nis cò as am bheil thu ag earbsadh, gu'n deanadh tu ceannaire a'm' aghaidh-sa?

6 Feuch, tha thu 'g earbsadh as an luirg blriste chuilce sin, an Eiphit; ni, ma leigas duine a chudthrom air, a thèid a steach 'n a làimh, agus a thollas troimhe i: mar so tha Pharaoh rìgh na h-Eiphit dhoibhsan uile a dh'earbas as.

7 Ach ma their thu rium, As an Tighearn

ar Dia tha ar n-earbsa; nach e siu esan a chuir Heseciah air falbh 'ionadan àrda agus 'altairean; agus thubhairt e ri Iudah agus ri Ierusalem, Fa chomhair na h-altarach so sleuchdaidh sibh?

8 A nis uime sin, guidheam ort, géill do m' thighearn rìgh Asiria; agus bheir mise dhuit dà mhìle each, ma's urrainn thu, air do thaobh-sa, marcaichean a chur orra.

9 Cionnus ma ta a philleas tu air ais aon cheann-feadhna de na seirbhisich a's lugha 'tha aig mo thighearn? agus a dh'earbas tu as an Eiphit air son charbadan agus marcshluaigh?

10 Agus a nis, an ann as eugmhais an Tighearn' a thàinig mise a nìos an aghaidh na tire so, g'a sgrìos? Is e an Tighearn a thubhairt rium, Rach suas an aghaidh na tire so, agus sgrìos i.

11 An sin thubhairt Eliacim, agus Sebnah agus Ioah ri Rabsaceh, Labhair, guidheamaid ort, ri do sheirbhisich, anns a' chainnt Shirianaich, oir tuigidh sinn i; agus na labhair ruinn anns a' chainnt Iudhaich, ann an cluasaibh an t-sluaigh a tha air a' bhalla.

12 Agus thubhairt Rabsaceh, An ann a dh'ionnsuidh do thighearna-sa agus a d'ionnsuidh-sa, a chuir mo thighearn mise, a labhairt nam briathar so? nach ann a dh'ionnsuidh nan daoine a tha 'n an suidhe air a' bhalla, a chum gu'n ith iad an salchar féin, agus gu'n òl iad an uisge féin, maille ribhse?

13 An sin sheas Rabsaceh, agus ghlaodh e le guth àrd anns a' chainnt Iudhaich, agus thubhairt e, Chuinnibh briathran an rìgh mhòir, rìgh Asiria:

14 Mar so deir an rìgh, Na mealladh Heseciah sibh, oir cha bhi e comasach air 'ur tèarnadh:

15 Agus na tugadh Heseciah oirbh bhuir dòchas a chur anns an Tighearn, ag ràdh, Gu cinnteach tèarnaidh an Tighearn sinn, cha toirear thairis am baile so ann an làimh rìgh Asiria:

16 Na h-èisdibh ri Heseciah; oir mar so deir rìgh Asiria, Deanaibh coimhcheangal riumsa le thiodhach, agus thigibh a m' ionnsuidh; agus itheadh gach fear d'a chrann-fìona, agus gach fear d'a chrann-fìge féin, agus òladh gach fear uisge a thobair féin;

17 Gus an tig mise agus gu'n toir mi sibh gu tìr cosmhuil ri'r tìr féin; tìr arbhair agus fhìona, tìr arain agus fhìon-liosan.

18 Thugaibh an aire nach cuir Heseciah impidh oirbh, ag ràdh, Tèarnaidh an Tighearn sinn. An do theasairg diathan nan cinneach, gach aon a thir féin, á làimh rìgh Asiria?

19 C'àit am bheil diathan Hamait agus Arphaid? c'àit am bheil diathan Sheph-

arbhaim? an do theasairg iad Samaria as mo làimh-sa?

20 Cò 'am measg uile dhiathan nan dùthchan so, a theasairg an tìr féin as mo làimh-sa, gu'n teasairgeadh an Tighearn Ierusalem as mo làimh?

21 Ach dh'fhan iad 'n an tosd, agus cha d'thug iad focal freagraidh dha; oir b'i àithne an rìgh, Na tugaibh freagradh dha.

22 An sin thàinig Eliacim mac Hileciah, a bha os ceann an tighe, agus Sebnah an sgrìobhaiche, agus Ioah mac Asaiph an seanachaidh, gu Heseciah, le'n eudach reubta, agus dh'innis iad dha briathran Rabsaceh.

CAIB. XXXVII.

1 'N a theanntachd chuir Heseciah fios a dh'ionnsuidh Isaiah gu urnuigh a dheanamh air a shon. 8 Lùir Shenacherib. 14 Urnuigh Heseciah. 21 Roimh-innis Isaiah sgrìos Shenacherib. 36 Bhuail aingeal an Tighearna camp nan Asirianach.

AGUS an uair a chuala Heseciah an rìgh e, reub e eudach, agus chòmhdaich se e féin le eudach saic, agus chaidh e a teachd do thigh an Tighearna.

2 Agus chuir e Eliacim a bha os ceann an tighe, agus Sebnah an sgrìobhaiche, agus seanaircan nan sagart, còmhdaichte le eudach saic, gu Isaiah mac Amois, am fàidh.

3 Agus thubhairt iad ris, Mar so deir Heseciah, Is là teinn agus achmhasain agus maslaidh an là so; oir tha clann air teachd gu inbhe breith, agus neart gu breith chan-eil ann.

4 Theagamh gu'n tabhair an Tighearn do Dhia fainear briathran Rabsaceh, a chuir a thighearn rìgh Asiria a mhaslachadh an Dé bhead; agus gu'n cronuich e na briathran a chual' an Tighearn do Dhia: cuir thusa ma ta suas urnuigh air son an iarmaid a dh'fhàgadh.

5 Mar sin thàinig òglaich rìgh Heseciah gu Isaiah.

6 Agus thubhairt Isaiah riu, Mar so their sibh ri 'ur tighearn, Mar so tha an Tighearn ag ràdh, Na bitheadh eagal ort air son nam briathran a chuala tu, leis an d'thug òglaich rìgh Asiria masladh dhomhsa.

7 Feuch cuiridh mi osag air, agus cluinidh e tuairisgeul, agus pillidh e d'a thìr féin; agus bheir mi air tuiteam leis a' chlaidheamh 'n a thìr féin.

8 Mar sin phill Rabsaceh, agus fhuaire e rìgh Asiria a' cogadh an aghaidh Libnah; oir chual e gu'n d'fhalbh c o Lachis.

9 Agus an uair a chual' e mu thimchioll Thirhacab rìgh Etiopia, ag ràdh, Thàinig e mach a chogadh riut; chuir e teachdairean gu Heseciah, ag ràdh,

10 Mar so their sibh ri Heseciah rìgh Ierusalem, Na mealladh do Dhia thu, as am bheil thu ag earbsadh, ag ràdh, Cha

toirear Ierusalem thairis do làimh rig' Asiria.

11 Feuch, chuala tu ciod a rinn rìghrean Asiria ris na dùthchannaibh uile, 'g sgrìos gu tur; agus am bi thusa air a thèarnadh?

12 An do theasairg diathan nan cinneach iadsan a sgrìos maithrichean-sa, eadhon Gosan, agus Haran, agus Reseph, agus mair Edein a bha ann an Telasar?

13 C'ait am bheil rìgh Hamait, agus rìgh Arphaid, agus rìgh mòr-bhaile Shepharbhaim, Hena, agus Ibhah?

14 Agus guabh Heseciah an litir o làimh nan teachdairean, agus leugh e i; agus chaidh Heseciah suas do thigh an Tighearn, agus sgaoil e i 'am fianuis an Tighearna.

15 Agus rinn Heseciah urnuigh ris an Tighearn, ag ràdh,

16 O Thighearna nan sluagh, Dhia Israeil, a tha a'd' chòmhnuidh eadar na cheruban; is tusa féin, a'd' aonar, Dia uile rìoghachdan na talmhainn; is tu a rinn na nèamhan agus an talamh.

17 Crom, o Thighearna, do chluas, agus cluin; fosgail, O Thighearna, do shùilean, agus faic; agus cluin uile bhriathran Shenacherib, a chuir e a mhaslachadh an Dé bhead.

18 Gu deimhin, O Thighearna, sgrìos rìghrean Asiria na cinnich uile, agus am fannan,

19 Agus thilg iad an diathan anns an teine; oir cha bu diathan iad, ach obair làmhnan duine, fiodh agus clach; uime sin sgrìos iadsan iad.

20 Ach a nis, O Thighearna ar Dia, teasairg sinn o a làimh; a chum gu'm bi fios aig uile rìoghachdaibh na talmhainn gur tusa, a Thighearna, an t-aon Dia.

21 An sin chuir Isaiah mac Amois fios gu Heseciah, ag ràdh, Mar so deir an Tighearn Dia Israeil, Do thaobh na h-urnuigh a rinn thu rium mu thimchioll Shenacherib rìgh Asiria;

22 So am focal a labhair an Tighearn m'a thimchioll-san; Rinn òigh-nighean Shìoin tàir ort, rinn i gàire fanoid riut; chrath nighean Ierusalem a ceann air do chùlaobh.

23 Cò d'an d'thug thu masladh agus toibheum? agus cò an aghaidh an do thog thu do ghuth, agus an do thog thu suas cò shùilean gu h-àrd? an ann an aghaidh Ti naoinmh Israeil?

24 Le do luchd-muinntir mhaslaich thu an Tighearn, agus thubhairt thu, Le lionmhoireachd mo charbad dhìrich mi àirde nam beann, slios an Lebanon; agus gearraidh mi sìos a' chuid a's àirde d'a chraobhan seudair, rogha a chraobhan giuthais; agus thèid mi stigh do ionad àrd a chrìche, frìdh a Charmeil.

25 Chladhaich mi, agus dh'òl mi uisgeachan; agus le bonn mo chos thiomhaich mi uile shruthan nan ionadan daing-nichte.

26 Nach cuala tu o shean *gu'n* d'rinn mi e, agus o aimsiribh céin *gu'n* do dhealbh mi e? A nis thug mi gu crìch e, *gu'm* bitheadh tusa chum bailte daingnichte 'chur fàs 'nan carnabh sgrios.

27 Uime sin bha an luchd-àiteachaidh air bheag neart; bha iad fo gheilt-chrith agus amhludh; bha iad mar fheur na macharach, agus mar an luibh uaine; *mar* fheur mullaich an tighe, agus *mar* an t-arbhar a sheargas mu'm fàs e suas.

28 Ach is aithne dhomh do shuidhe sìos, agus do dhol a mach, agus do theachd a steach, agus do bhoile a'm' aghaidh.

29 A chionn *gu'n* d'fhàinig do bhoile a'm' aghaidh, agus d'ardan a nìos gu m' chluas-aibh; air an aobhar sin cuiridh mi mo dhubhan ann ad shròn, agus mo shrian ann ad bheul; agus pillidh mi air d'ais thu air an t-slighe air an d'fhàinig thu.

30 Agus bithidh so 'n a chomharadh dhuit; Ithibh air a' bhliadhna so an ni sin a dh'fhàsas leis féin, agus air an dara bliadhna an ni a chinneas as a sin; agus air an treas bliadhna cuiribh agus buainibh; agus suidhichibh fion-liosan, agus ithibh an toradh.

31 Agus gabhaidh am fuigheall a théid as de thigh Iudah, fathast freumh sìos, agus giùlainidh e toradh suas.

32 Oir o Ierusalem théid fuigheall a mach, agus iadsan a théid as o shliabh Shìoin: ni cud Tighearna nan sluagh so a choimhlionadh.

33 Air an aobhar sin, mar so deir an Tighearn mu thimchioll rìgh Asiria, Cha tig e a steach do'n bhaile so, agus cha tilg e saigh-ead ann, agus cha tog e sgiath fa chomhair, agus cha chuir e suas tòrr 'n a aghaidh.

34 Air an t-slighe air an d'fhàinig e, mar sin pillidh e; agus do'n bhaile so cha tig e steach, deir an Tighearn.

35 Agus dìonaidd mise am baile so chum a thearnadh, air mo sgàth féin, agus air sgàth Dhaibhidh m'òglaich.

36 Agus chaidh aingeal an Tighearn' a mach, agus bluaill e, ann an camp nan Asirianach, ceud agus ceithir fichead agus chig mìle; agus an uair a dh'éirich *daoine* 's a' mhaduinn, bha iad sin uile 'n an corp-aibh marbha.

37 Agus thog Senacherib rìgh Asiria air, agus dh'fhalbh e, agus phill e, agus ghabh e còmhnuidh ann an Ninebbèh.

38 Agus tharladh, an uair a bha e ri aoradh ann an tigh Nisroich a-dhia, *gu'n* do bhuail Adramelec agus Sareser, a mhic, e leis a' chlaidheamh, agus theich iad do thìr Armenia; agus rìghich Esarhadon a mhac 'n a àite.

1 'N uair bha Hesechia tinn *gu bàs* rinn e urnuigh ri Dia, agus fhuair e gealladh *gu'n* cuirteadh cùig bliadhna deug ri a làithibh. 7 Mar chomharadh air so thug Dia air ais dubhar nan ceum. 9 Laoidh-bhuidheachais Hesechia.

A NNS na làithibh sin bha Hesechia tinn *gu bàs*; agus thàinig Isaiah am fàidh, mac Amois, d'a ionnsuidh, agus thubhairt e ris, Mar so tha an Tighearn ag ràdh, Cuir do thigh 'an ordugh; oir gheibh thu bàs, agus cha mhair thu beò.

2 An sin thionndaidh Hesechia 'aghaidh ris a' bhalla, agus rinn e urnuigh ris an Tighearn;

3 Agus thubhairt e, Guidheam ort, O Tighearna, cuimhnich a nis cionnus a ghluais mi a'd' làthair ann am firinn, agus le cridhe iomlan, agus a rinn mi an *ni a tha* maith a'd' shùilibh. Agus ghul Hesechia gu goirt.

4 An sin thàinig focal an Tighearna dh'ionnsuidh Isaiah, ag ràdh,

5 Falbh agus abair ri Hesechia, Mar so deir an Tighearn, Dia Dhaibhidh d'athar, Chuala mise d'urnuigh, chunnaic mi do dheòir; feuch, cuiridh mi ri d' làithibh cùig bliadhna deug;

6 Agus saoraidh mi thusa agus am baile so à làimh rìgh Asiria; agus dìonaidd mi am baile so.

7 [Agus thubhairt Isaiah,] 'Se so a's comharadh dhuit *gu'n* dean an Tighearn an ni a labhair e;

8 Feuch, bheir mi air ais dubhar nan ceum, a tha air dol sìos leis a' ghrèin air uairead-air-grèine Ahais, deich ceuman air ais. Agus phill a' ghrian air a h-ais deich ceuman air na ceumaibh air an deachaidh i sìos.

9 So sgrìobhadh Hesechia rìgh Iudah, an uair a bha e tinn, agus a shlànuicheadh e o 'thinneas.

10 Thubhairt mi, ann an giorrachadh mo làithean, Théid mi a steach air dorsaibh na h-uaghe; chaill mi fuigheall mo bhliadhnachan.

11 Thubhairt mi, Cha-n fhaic mi nì's mò an Tighearn, *eadhon* an Tighearn, ann an tìr nam beò; cha seall mi air duine nì's mò, maille ri luchd-àiteachaidh an t-saoghail.

12 Tha m'aois air dealachadh rium, agus dh'atharraicheadh i air falbh mar bhothan buachaille; ghearradh as mo bheatha mar *gu'm* b'ann leis an fhligheadair; tha e 'g am chlaoidheadh le tinneas caithreach; o là eadhon gu h-oidheche tha thu a' cur as domh.

13 Shaoil mi, gus a' mhaduinn, *gu'm* bris-eadh e, mar leòman, mo chnàmhan uile; o là eadhon gu h-oidheche tha thu a' cur as domh.

14 Mar ghobhlan-gaoithe *no mar* chòrr, rinn mi càran; rinn mi caoidh mar cholu-

man: tha mo shùilean air fàilneachadh *le sealltuinn* suas. O Thighearna, tha mi air mo shàrachadh; bi thusa a'd' urras dhomh.

15 Ciod a their mi? Labhair e rium, agus fòs choimhlean e. Gluaisidh mi gu fòil uile bhliadhnachan mo *bheatha*, air son àmhghair m'anama.

16 O Thighearna, troimh na *nithibh* sin bithidh iad beò, agus anns na *nithibh* sin tha beatha mo spioraid: mar sin shlànuich agus bheothaich thu mi.

17 Feuch, tha m'àmhlghar air a chaochladh gu fois: theasaing thu gu caomh m'anam o shlochd millteach; seadh, thilg thu air do chùlaobh m'uile lochdan.

18 Gu deimhin cha dean an uaigh luaidh ort; cha toir am bàs cliù dhuit; cha chuir iadsan a théid sìos do'n t-slochd an dòigh ann ad fhàirinn.

19 Am beò, am beò, molaidh esan thu, mar a ni mise air an là'n diugh; foillsichidh an t-athair do'n chloinn do thairisneachd.

20 Bha an Tighearn *lean* gu m' thearnadh; air an aobhar sin seinnidh sinn mo dhàin air na h-ìnncaibh-ciùil, uile làithean ar beatha, ann an tigh an Tighearna.

21 Agus thubhairt Isaiah, Gabhadh iad meall fhigean, agus sgaoileadh iad air an neasaidh iad, agus slànuichear e.

22 Agus thubhairt Heceshiah, Ciod e an comharadh gu'n téid mi suas do thigh an Tighearna?

CAIB. XXXIX.

1 Chuir Merodach-baladan teachdairean a dh'ionnsuidh Heceshiah: 2 dh'fheuch esan doibh uile ionmhas a thighe: 3'n uair a chual Isaiah so, dh'innis e do Heceshiah gu'n rachadh gach nà a bha 'n a thigh a ghiùlan air falbh gu Babilon.

ANNS an àm sin, chuir Merodach-baladan, mac Bhaladain rìgh Bhabailon, litir agus tiodhlac gu Heceshiah; oir chual e gu'n robh e tinn, agus gu'n do shlànuich-eadh e.

2 Agus rinn Heceshiah gairdeachas air an son; agus dh'fheuch e dhoibh tigh-tasgaidh a nìthean luachmhor, an t-airgid, agus an t-òr, agus na spiosraidhean, agus an oladh luachmhor, agus a thigh-armachd gu léir, agus na h-uile ni a fhuaradh 'n a ionmhasaibh; cha robh ni 'n a thigh, agus 'n a rioghachd uile, nach d'fheuch e dhoibh.

3 Agus thàinig am fàidh Isaiah gu rìgh Heceshiah, agus thubhairt e ris, Ciod a thubhairt na daoine so? agus cia as a thàinig iada d'ionnsuidh? Agus thubhairt Heceshiah, Thàinig iad a m' ionnsuidh o thìr chéin, o Bhabailon.

4 Agus thubhairt e, Ciod a chunnaic iad ann ad thigh? Agus thubhairt Heceshiah, Na h-uile *ni* a th'ann am thigh chunnaic iad; cha-n'èil ni ann am ionmhasaibh nach d'fheuch mi dhoibh.

5 An sin thubhairt Isaiah ri Heceshiah, Cluinn focal Tighearna nan sluagh;

6 Feuch, tha na làithean a' teachd, anns am bi gach ni a th'ann ad thigh, agus a thaisg d'athrichean suas gus an là an diugh, air a ghiùlan air falbh gn Babilon; cha-n fhàgar ni air bìth, deir an Tighearn.

7 Agus de d' mhacaibh a thig uait, a ghineas tu, bheir iad leò; agus bithidh iad 'n an caillteanaich ann an lùchairt rìgh Bhabailon.

8 An sin thubhairt Heceshiah ri Isaiah, Is maith focal an Tighearn' a labhair thu; oir thubhairt e gu'm bi sìth agus fàirinn ann ré mo làithibh-sa.

CAIB. XL.

1 *Thug Dia comhfhurtachd d'a shluagh.* 3 *Searmachadh Eoin Baistidh.* 9 *Deadh sgeul an t-soisgeil.* 12 *Mòrachd agus cumhachd an Tighearna.*

THUGAIBH comhfhurtachd, thugaibh comhfhurtachd do mo shluagh-sa, deir 'ur Dia.

2 Labhraibh gu sòlasach ri Ierusalem; agus glaothaibh rithe, gu'n do choimhleanadh a cogadh, gu'n do ghlanadh a h-aingidheachd; oir fhuair i o làimh an Tighearn' a dhà uiread r'a h-uile pheacaidhean.

3 Guth an t'a ghlaodhas anns an fhàsach, Ulluchibh slighe an Tighearna; réitichibh, anns an dì-threabh, slighe àrd d' ar Dia-ne.

4 Bithidh gach gleann air àrdachadh, agus gach slabh agus cnoc air àsleachadh; agus nìthear an càrn dìreach, agus na h-ionadan garbha 'n an còmhnaidh réidh.

5 Agus foillsichear glòir an Tighearn', agus chi gach nìle fheòil i le 'chéile; oir is e beul an Tighearn' a labhair.

6 Tha guth ag ràdh, Eigh; agus thubhairt mise, Ciod a dh'éigheas mi? Is feur gach uile fheoil, agus tha a h-òirdheirceas uile mar bhàth na macharach:

7 Tha am feur a' seargadh, am blàth a' crìonadh, 'n uair a shéideas gaoth an Tighearn' air; gu cinnteach is feur an sluagh.

8 Tha am feur a' seargadh, am blàth a' crìonadh; ach seasaidh focal ar Dé-ne gu sìorruidh.

9 O thusa a tha 'tabhairt deadh sgéoil do Shìon, gabh suas gu sliabh àrd, O thusa a tha 'tabhairt deadh sgéoil do Ierusalem, tog do ghuth le neart; tog e, na bithcadh eagal ort; abair ri bailtibh Iudah, Feuch blur Dia!

10 Feuch thig an Tighearn Ichoblah le làimh làidir, agus bheir a ghairdean buaidh a mach dha; feuch, tha a dhuais maille ris, agus 'obair 'n a fhianuis.

11 Mar bhuachaille beathaichidh e a threud; le a ghairdean, cuairtichidh e na h-uain, agus giùlainidh e iad 'n a uchd; iomainidh e gu sèimh an spréidh a tha trom le h-àl.

12 Cò a thomhais na h-uiscgeachan ann

an glaic a làimhe; agus a shìnn a mach na nèamhan le réis; agus a chruinnich duslach na talmhainn ann an soithreach-tomhais; agus a chothromaich na sléibhteann ann an sligibh, agus na cnuic ann am meigh-chothroim?

13 Cò a sheòl Spiorad an Tighearna; no mar aon d'a chomhairle, a theagaisg e?

14 Cò ris a chuir e a chomhairle, agus cò a theagaisg e, agus a sheòl dha ceum a' bhreitheanna, agus a dh'fhuair dha eòlas, agus a sheòl dha slighe na tuisge?

15 Feuch, *tha* na cinnich mar bhoinne an t-soithich-uisge; agus measar iad mar dhùs mìn na slighe-tomhais: feuch, togaidh e suas na h-eileanan mar smùirnean.

16 Agus cha leòr Lebanon, gu a losgadh, agus cha leòr a bheathaichean air son ìobairt-loisgte.

17 *Tha* na cinnich uile mar neo-ni 'n a làthair-san; *tha* iad air am meas leis mar fhìor neo-ni agus dìomhanas.

18 Cò ris, ma seadh, a shamblaicheas sibh Dia? agus ciod an coslas a ni sibh dha?

19 Tilgidh am fear-ceirde dealbh snaidhte, agus cuiridh an t-òr-cheard thairis e le h-òr; agus ni e slabhruidhean airgid *air a shon*.

20 Am fear aig nach 'eil fìù tabhartais, taghaidh e mìr fiodha nach grod; iarraidh e mach dha fèin fear-oibre seòlta, a chuireas 'an uigheam dealbh snaidhte nach téid a ghluasad.

21 Nach d'fhuair sibh fios? nach cuala sibh *sgèul*? nach do chuireadh 'an céill duibh o thùs? nach do thuig sibh o *leagadh* bunaitean na talmhainn?

22 *Is ean* a *tha* 'n a shuidhe air cuairt na talmhainn, agus *tha* a luchd-àiteachaidh mar fhionnain-fheoir; a *tha* 'sineadh a mach nan nèamhan mar sgàil thana, agus 'g an sgaoileadh mar bhùth anns an gabhar còmhluaidh.

23 A *tha* 'tabhairt phrionnsachan gu neo-ni, agus a' deanamh bhreitheamhnan 'n an dìomhanas.

24 Seadh, cha suidlichear iad, ni mò a chuirear iad, ni mò a fhreumhaicheas am bun 's an talamh; an uair a sléideas e orra, seargaidh iad; agus bheir a' chuairt-ghaoth air falbh iad mar asbhuan.

25 Cò ris ma ta a shamhluaicheas sibh mise, no a choimeasar mi? deir an Ti naomh.

26 Togaibh 'ur sùilean an àird, agus feuch-aibh, cò a chruthaich iad so; Ean a bheir a mach an arnaitean air àireamh; a ghairmeas orra uile air an ainm; troimh meud a neirt agus treise a chumhachd, cha bhi aon air chall.

27 Cuime a deir thusa, O Iacoib, agus a labhras tu, O Isracil; Tha mo shlighe foluichte o'n Tighearn, *tha* mo chòir air a ièigeadh air dearmad le mo Dhia?

28 Nach aithne dhuit, nach cuala tu? An

Dia bith-bluan, an Tighearn, Cruith-fhear chrìochan na talmhainn, cha-n fhannaich agus cha sgithich e; cha-n fheudar a thuigse a rannsachadh.

29 Bheir esan neart do'n anmhuinn, agus dhoibhsan a *tha* gun lùgh meudaichidh e treise.

30 Fàsaidh na h-òigfhir lag agus sgàth, agus tuitidh an òigridh thaghta gu làr;

31 Ach iadsan a dh'fheitheas air an Tighearn gheibh iad spionnadh nuadh; éiridh iad suas mar iolair air a sgiathaibh; ruithidh iad agus cha bhi iad sgàth, siùbhlaidh iad agus cha-n fhàs iad fann.

CAIB. XLI.

1 *Nochd Dia a fhreasdal agus a ghràdh do'n Eaglais.* 9 Chomhairlich e d'a shluagh an dòchas a shuidheachadh airsan do bhrìgh gu'n cum e suas iad le deas làimh 'fhìreantachd. 21 Dìomhanas nan dia coimheach.

BITHIBH 'n 'ur tosd a'm' làthair, O eileanan, agus ath-nuadbaicheadh na slòigh an neart; thigeadh iad am fagus, an sin labhradh iad; dlùthaicheamaid r'a chéile chum tagraidh.

2 Cò a dhùisg suas an t-ionracan o'n ear, a ghairm e chum a choise, a chuir na cinnich 'n a fhochair, agus a thug dha riaghladh thar rìghribh? a rinn iad mar an duslach roimh a chlaidheamh, agus mar an asbhuan fhuaichte roimh a bhogha?

3 Ruaig e iad, chaidh e thairis ann an tèaruinteachd; air slighe nach d'imich e roimhe le a chosaibh.

4 Cò a dh'òibrich agus a choimhlion so, a' gairm nan ginealach o thùs? Mise an Tighearn, an ceud neach, agus maille rìusan air dheireadh, *is* mise e.

5 Chunnainn na h-eileanan, agus ghabh iad eagal; iomallan na tìre, agus bha iad fo uamhas; dhlùthaich iad, thàinig iad am fagus.

6 Chuidich gach fear a choimhearsnach, agus thubhairt e r'a bhràthair, Bì misneachail.

7 Mar sin thug an saor misneach do'n òrcheard; esan a mhìnichas leis an òrd, do'n fhear a bhuaileas air an innein, ag ràdh, *Tha* e ullamh chum a thàthadh; agus dhaingnich e le tairngibh e, air chor as nach gluasteadh e.

8 Ach thusa Isracil, m'òglach, a Iacoib, a ròghnaich mi; sliochd Abraham mo charaid;

9 *Thusa*, a stiùr mi o iomallaibh na talmhainn, agus a ghairm mi o mheasg a maith-eann; agus thubhairt mi riut, Is tu m'òglach; ròghnaich mi thu, agus cha do chuir mi cùl riut:

10 Na bitheadhagal ort, oir *tha* mise maille riut; na bitheadh geilt ort, oir is mise do Dhia; neartaichidh mi thu; seadh, cuidichidh mi thu; seadh, cumaidh mi suas thu le deas làimh m'fhìreantachd.

11 Feuch nàraichear agus maslaichear iad-san uile a bha air bhoile riut; bithidh iad mar neo-ni; agus thèid iadsan a ni strì riut 'am mugh.

12 Iarraidh tu iad, agus cha-n fhaigh thu iad, *eadhon* na daoine a rinn strì riut; bithidh na daoine a rinn cogadh riut mar neo-ni, agus mar ni gun bhrìgh.

13 Oir tha mise, an Tighearn do Dhia, 'g ad chumail suas air do làmh dheis; tha mi ag ràdh riut, Na bitheadh eagal ort, ni mise cabhair ort.

14 Na bitheadh eagal ort, a chnuimh 'Iacobi, a dhaoine bàsmhor Israeil; ni mise cabhair ort, deir an Tighearn, agus is e d'fhear-saoraidh Ti naomh Israeil.

15 Feuch, ni mise thu a'd inneal-bualaidh geur, nomha, aig am bi fiacian; buailidh tu na sléibhteann, agus pronnaidh tu gu mìn iad; agus ni thu na cnuic mar mhol.

16 Fasgainidh tu iad, agus bheir a' ghaoth air falbh iad, agus sgapaidh a' chuairt-ghaoth iad; ach ni thusa gairdeachas anns an Tighearn, ni thu uail ann an Ti naomh Israeil.

17 An uair a bhitheas am bochd agus an t-ainnis ag iarraidh uisge, agus nach bi e ann; agus a bhitheas an teaghadh air tiorrachadh le tart; mise Iehobhah fiogram iad; Dia Israeil, is mi mach tréig iad.

18 Fosgailidh mi aimhlichean anns na h-iondaibh àrda, agus tobraichean ann am meadhan nan gleann; ni mi am fàsach 'n a linne uisge, agus am fearann tioram 'n a shruthaibh uisge.

19 Cuiridh mi anns an fhàsach an seudar, an sitta, am mioral, agus an crann-olaidh; suidhichidh mi anns an fhàsach an giuthas, an gall-giuthas, agus am bocsa le 'chéile:

20 A chum gu'm faic agus gu'n aithnich iad, agus gu'n toir iad fainear, agus gu'n tuig iad maraon, gur i làmh an Tighearn a rinn so, agus gur e Ti naomh Israeil a dhealbh e.

21 Thugaibh am fagus 'ur cùis, deir an Tighearn; thugaibh a làthair bhur mòr chumhachdan, deir rìgh Iacobi.

22 Thigeadh iad am fagus, agus innseadh iad dhuinn na nithean a thig gu crìch; innseadh iad dhuinn ciod iad na nithean a bha roimhe, chum gu'n toir sinn fainear iad; agus gu'm bi fios againn air a' crìch; no cuirradh iad 'an cèill nithean ri teachd.

23 Innsibh dhuinn na nithean a thig gu crìch an dèigh so, agus aithnichidh sinn gur diathan sibh; seadh deanaibh maith no deanaibh ole, a chum gu'n amhairc sinn, agus gu'm faic sinn e maraon.

24 Feuch, is neo-ni sibh, agus is ni gun bhrìgh bhur n-obair: is gràineileachd *esan* a ròghnaicheas sibh.

25 Thog mi suas *fear o* thuath, agus thig e; o éirigh na gréine gairmidh e air m'ainm; agus thig e nuas air prionsaibh mar air

clàbar agus mar a shaltras an criadhaidh a' chrìadh.

26 Cò a dh'innis o thùs, ionnus gu'm bitheadh fios againn? agus roimh làimh, gu'n abramaid, *Tha e ceart?* Seadh, cha-n'eil neach ag innseadh, seadh, cha-n'eil neach ag cur 'an cèill, seadh, cha-n'eil neach ag cluinntinn bhur briathran.

27 *Their mi* ri Sion an toiseach, Feuch, feuch iad sin; agus do Ierusalem bheir mi teachdair deadh sgeòil.

28 Oir dh'amhairc mi, agus cha robh neach ann, agus 'n am measg cha robh fear-comhairle; no neach a bheireadh freagradh an uair a dh'fhèdraich mi dhiubh.

29 Feuch, is diomhanas iad uile; is neo-ni an oibre; is gaoth agus faoincis an dealbhan leaghta.

CAIB. XLII.

1 *Dreuchd agus sagartachd Chriosd.* 10 *Earrail gu Dia a chliathachadh.* 17 *Nàraichear iadsan a tha 'cur an dòchais ann an dealbh snaidhte.* 18 *Chronaicheadh clann Israeil air son am mi-chreidimh.*

FEUCH n'òglach, a chumas mi suas; m'aon taghta, anns am bheil tlachd aig m'anam: chuir mi mo spiorad air; foillsichidh e breitheanas do na cinnich.

2 Cha ghlaodh e, agus cha tog e iolach; agus cha chluinnear a ghuth anns na sraidibh.

3 A' chuire bhrùite cha bhris e, agus an lìon d'am bheil caol smùid cha mhùch e; foillsichidh e breitheanas chum firinn.

4 Cha tig failing no briseadh air, gus an suidhidh e breitheanas air an talamh; agus feithidh na h-eileanan air a lagh.

5 Mar so deir an Tighearn Dia, *esan* a chruthaich na nèamhan, agus a shin a mach iad; a sgaol a mach an talamh agus na chinneas as; a tha 'tabhairt anail do'n t-sluagh a tha air, agus ded dhoibhsan a tha 'g inneachd air:

6 Ghairm mise Iehobhah thu ann am fir-eantachd, agus gabhaidh mi greim de d' làimh, agus gleidhidh mi thu; agus bheir mi thu mar choimheachgal do'n t-sluagh, mar sholus do na cinnich.

7 A dh'fhosgladh nan suilean dalla; a tha-bhairt nam prìosanach a mach as a' phrìosan, agus na muinntir a tha 'n an suidhe ann an dorchadas a tigh na daorsa.

8 Is mise Iehobhah, is e sin m'ainm; agus mo ghloir cha tabhair mi do neach cile, no mo chliu do dhealbhan snaidhte.

9 Feuch na seann nithean, thàinig iad gu crìch, agus nithean nuadha cuiream 'an cèill; mu'm bris iad a mach, foillsichidh mi dhuibh iad.

10 Seinnibh do'n Tighearn òran nuadh; *seinnibh* a chliu o iomall na talmhainn; sibhse a bhitheas a' dol air cuan, agus na h-uile a tha 'g a lionadh; eileanan, agus na h-uile a tha 'chòmhnuidh anna.

11 Togadh am fàsach *iolach*, agus na bailtean a tha ann; na bailtean beaga, luchd-àiteachaidh Chedair; deanadh luchd-àiteachaidh na creige comh-ghair; o mbhallach nan sléibhtean togadh iad iolach.

12 Thugadh iad glòir do'n Tighearn, agus cuireadh iad 'an céill a chliu am measg nan eilean.

13 Mar threun-fhear théid an Tighearn a mach; mar fhear-cogaidh dùisgidh e suas eud; gladhaidh e, seadh togaidh e iolach; ni e gaisge an aghaidh a naimhdean.

14 Dh'fhan mi fada sàmhach, bha mi a'm' thosd, chum mi orm féin; *nis* éighidh mi mar mhnai ri saothair; sgriosaidh mi, agus ithidh mi suas maraon.

15 Cuiridh mi fàs sléibhtean, agus tiormachidh mi am fear uile; ni mi na h-aimhnichean 'n an eileanaibh, agus tiormaichidh mi na linneachan uisge.

16 Agus stiùraidh mi na doill air slighe nach b'aithe dhoibh; troimh cheumaibh air nach robh iad eòlach treòrachidh mi iad; ni mi an dorchadas 'n a sholas rompa, agus *ni mi* slighean fiara dreach: na nithean so ni mi air an son, agus cha tréig mi iad.

17 Pillear air an ais, nàraichear gu tur, iadsan a tha 'cur an dòchais ann an dealbh snaidhte; a tha 'g ràdh ris na dealbhan leaghta, Is sibhse ar diathan-ne.

18 Chuinnibh, sibhse 'tha bodhar; agus a dhaoine dalla, amhaircibh a chum gu'm faic sibh.

19 Cò a tha dall ach m'òglach-sa, no bodhar mar an teachdair a chuir mi uam? Cò a tha dall mar esan a tha iomlan, no dall mar òglach an Tighearna?

20 Tha thu faicinn iomadh ni, ach cha-n'èil thu' tabhairt fainear; tha do chluasan fosgailte, ach gun a bhi 'cluimintinn.

21 Tha an Tighearn gràsmhor air sgàth 'fhìrinn féin; àrdaichidh e an lagh, agus cuiridh e urram air.

22 Ach is sluagh so a tha spùinntte agus creachta; tha iad uile air an glacadh ann an slochdaibh, agus air an druidealh a steach ann am prìosanaibh; rinneadh iad 'n an cobhartach, agus cha-n'èil neach 'g an tèarnadh; 'n an creich, agus cha-n'èil neach a deir, Thoir air ais.

23 Cò 'n 'ur measg a dh'éisdeas ri so; a bheir fainear, agus a ghabhas suim 's an àm ri teachd?

24 Cò a thug Jacob mar chobhartach, agus Israel do'n luchd-creachaidh? Nach b'e an Tighearn, esan an aghaidh an do pheacaich iad, agus nach b'ail leo gluasad 'n a shligheibh, ni mò 'thug iad géill d'a reachd?

25 Air an aobhar sin dhòirt e air teas a chorruih, agus neart a' chatha; agus dh'fhadaidh e teine mu'n cuairt da, ach cha do thug e; agus loisg se e, gidheadh cha d'thug e fainear.

CAIB. XLIII.

1 *Thug Dia comhfhurtachd do'n eaglais le 'gheallanaibh prìseil: 8 Ghairm e an sluagh 'n a làthair a dh'fhaicinn a chumhachd: 14 roimh-innis e sgrìos Bhabiloìn. 18 agus tèarninteachd a shluaigh féin. 22 Chronaich Dia a phobull a chionn gu'n do thréig iad a sheirbhis.*

A CH a nis mar so deir an Tighearn a chruthaich thu, O Iacoib, agus a dhealbh thu, O Israeil; Na bitheadh cagal ort, oir shaor nise thu; ghairm mi thu air d'ainm; is leamsa thu.

2 An uair a shìubhlas tu troimh na h-uisgeachaidh, *bithidh* mise maille riut; agus troimh na h-aimhnichibh, cha tig iad tharad; an uair a dh'inniceas tu troimh an teine, cha loisgear thu, agus cha dean an lasair greim ort.

3 Oir is mise an Tighearn do Dhia, Ti naomh Israeil, d'fhear-saoraidh: thug mi an Eiphit ann ad éiric; Etiopia agus Seba air do shon.

4 A chionn gu'n robh thu luachmhor ann am shealladh, fhuair thu urram, agus thug mise gràdh dhuit; uime sin bheir mi daoine air do shon, agus slòigh 'an éiric d'anama.

5 Na bitheadh eagal ort, oir tha mise maille riut; o'n ear bheir mi do shliochd, agus o'n iar cruinnichidh mi thu:

6 Their mi ris an àirde tuath, Thoir seachad, agus ris an àirde deas, Na cum air ais; thoir mo mhic o chéin, agus mo nigheanan o chriocheibh na talmhainn;

7 *Eadhon* gach neach a tha air a ghairm a'm'ainm-sa; oir chum mo ghloire chruthaich mi e, dhealbh mi e; seadh, rinn mi e.

8 Thugaibh a mach iadsan a tha dall, agus sùilean aca; agus a tha bodhar, agus cluasan aca.

9 Cruinnichear na cinnich uile ri 'chéile, agus tionaillear na slòigh; cò 'n am measg a dh'fhoillsicheas so, agus a dh'innseas duinn na nithean air thoiseach? Thugadh iad a làthair am fianuisean, a chum gu'm bi iad air am fireanachadh; no éisdeadh iad, agus aicheadh iad, *Tha sin* fìor.

10 Is sibhse m'fianuisean, deir an Tighearn, eadhon m'òglach a ròghnaich mi; a chum gu'n aithnich agus gu'n creid sibh mi; agus gu'n tuig sibh gur mi Esan; romham-sa cha robh dia sam bith air a dhealbhadh, ni mo 'bhitheas aon a'm' dhéidh.

11 *Is* mise, *eadhon* mise, an Tighearn; agus a mach uamsa cha-n'èil slànuidhear ann.

12 Dh'fhoillsich mise, agus theasairg mi, agus chuir mi'n céill, an uair nach robh *dia* eile 'n 'ur measg; uime sin is fianuisean sibh dhomhsa, deir Iehobhab, gur mi Dia.

13 Eadhon mu'n robh an là ann, *is* mi E; agus cha-n'èil neach ann a theasairgeas as mo làimh; oibrichidh mise, agus cò a bhacas e?

14 Mar so deir an Tighearn, 'ur fear-saor-

aith, Ti naomh Israeil, Air bhuir son-se chuir mi fios gu Babilon, agus thug mi nuas a croinn-dhruididh uile, agus na Caldéich a ni uaill 'n an longaibh.

15 Is mise an Tighearn, bhuir Ti naomh, Cruith-fhear Israeil, bhuir rìgh.

16 Mar so deir an Tighearn, esan a ni slighe anns an fhaire, agus rathad anns na h-uisgeachaibh làidir;

17 A bheir a mach an carbad agus an t-each, an armailt agus am feachd; le 'chéile luidhidh iad sìos, agus cha-n éirich iad; chuireadh as iad, mhùchadh iad mar asgart.

18 Na cuimhnichibh na nithean a bh'ann roimhe; agus na nithean a bha o shean na tugaibh fainear.

19 Feuch ni mi ni nuadh; a nis brisidh e mach: nach toir sibh aire dha? Seadh, ni mi anns an fhàsach slighe, agus aimhnichian anns an dithreach.

20 Bheir fiadh-bheathach na macharach glòir dhoni; na dràgonan agus na caill-eachan-oidhe; a chionn gu'n d'thug mi uisgeachan anns an fhàsach, aimhnichian anns an dithreach; a chum deoch a thabhairt do m' shluagh; do mo mhuinntir thaghta.

21 An sluagh so dhealbh mi air mo shon féin; cuiridh iad 'an céill mo chliu.

22 Gidheadh cha do ghairm thu orm O Iacoib; ach ghabh thu seirbhe dhìom O Israeil.

23 Cha d'thug thu a m' ionnsuidh meanbh-chrochd do thabhartais loisgte; ni mò d'thug thu urram dhomh le d'ìobairtibh; cha do shàruich mi thu le tabhartas, ni mò a sgithich mi thu le tùis.

24 Cha do cheannachid thu dhomh-sa le h-airgid a' chuire chùbhraidh, ni mò 'lìon thu mi le saill d'ìobairtean; ach shàruich thu mi le do lochdaibh; sgithich thu mi le d' eu-ceartaibh.

25 Is mise, mise féin, esan a dhubhas d' eu-ceartan as, air mo sgàth féin; agus do lochdan cha chum mi air chuimhne.

26 Cuir a'm' chuimhne, tagramaid ri 'chéile; cuir 'an céill do *chàis dh'fheuchainn* an glan thu thu féin.

27 Pheacaich do cheud athair, agus chiontaich do luchd-teagaisg a'm' aghaidh:

28 Uime sin sgar mi mach uachdarain an ionaid naomh; agus thug mi thairis Iacob chum mallachaidh, agus Israel chum maslaidh.

CAIB. XLIV.

1 *Thug Dia comhfhurtachd d'a eaglais. 9 Dìomhanas luchd deannamh dhealbhan snaidhte. 21 Chomhairlich Dia d'a shluagh an dòigh a chur 'n a thròcair, 28 agus gheall e gu'n suidhicheadh e iad a ris 'n an t-èir le làimh Chruis.*

A CH a nis éisd, O Iacoib m'òglach, agus Israeil a ròghnaich mi.

2 Mar so deir an Tighearn a chruthaich thu, agus a dhealbh thu o'n bhroinn, agus

a chuidicheas thu; Na bitheadh eagal ort, a Iacoib m'òglach, agus a Iesuruin a ròghnaich mi;

3 Oir dòirtidh mi mach uisge air an tartmhor, agus sruthan air an fhearann chruaidh; dòirtidh mi mach mo Spiorad air do shliochd, agus mo bheannachd air do ghineil.

4 Agus fàsaidh iad suas mar anns an fheur; mar gheugaibh seilich ri taobh nan sruth-chlaisean.

5 Their am fear so, Is leis an Tighearn mise; agus ainmichear fear eile air ainm Iacoib; agus sgrìobhaidh fear eile le a làimh do'n Tighearn, agus sloinnidh se e féin air ainm Israeil.

6 Mar so deir an Tighearn, rìgh Israeil, agus 'fhear-saoraidh, Tighearn nan sluagh, is mi an ceud neach, agus is mi an neach deireannaeh; agus a mach uamsa cha-n'eil dia ann.

7 Agus cò, mar mise, a ghairmeas, agus a chuireas 'an céill e, agus a chuireas 'an ordugh dhomh e, o'n àm anns an do shuidhich mi an sluagh o shean? no a chuireas 'an céill duinn na nithean a tha a' teachd, agus a tha ri teachd.

8 Na bitheadh eagal oirbh, agus na bitheadh geilt oirbh; nach d'fhoillsich mise dhuit o'n àm ud, agus nach d'innis mi? seadh is fianuisean sibh dhomh. Am bheil dia ann ach mise? seadh cha-n'eil dia eile ann; cha-n aithne dhomh *son*.

9 Iadsan a ni dealbh shnaidhte, is dìomhanas iad uile; agus 'n an nithibh taitneach cha bhi tairbhe; agus tha iad 'n an fianuisibh 'n an aghaidh féin, nach faic iad, agus nach tuig iad, a chum gu'm bitheadh iad air an nàrachadh.

10 Cò a dhealbh dia, no a thilg dealbh leaghta, anns nach 'eil tairbhe sam bith?

11 Feuch, bithidh a chompanaich uile air an nàrachadh; agus an luchd-oibre, is daoine iad: cruinnichear iad uile r'a chéile, seasadh iad suas; bithidh eagal orra, agus bithidh iad air an nàrachadh le 'chéile.

12 Gearraidh an gobha mìr iaruum, oibrichidh se e anns na h-éibhlìbh, agus ni e a chumadh le h-ordaibh, agus caithidh e spionnadh a ghairdein air; seadh bithidh e ocrach, agus fàilnichidh a neart; cha-n èl e uisge, agus bithidh e fann.

13 Sìnidh an saor a mach a riaghailt, comharaichidh se e le dath; bheir e cunadh air leis an lochdar, agus sgéithidh se e leis a' ghobhal-roinn; agus dealbaidh se e a réir coslais fir, a réir mise duine, chum fantuinn anns an fhàrdaich.

14 Gearraidh e sìos craobhan seudair dha féin, agus gabhaidh e an giuthas agus an darach, a thaghas e dha féin an measg chraobhan na fridhe; suidhichidh e crann-uinnsinn, agus altruidh an t-uisge e.

15 An sin bithidh e aig duine chum a

logadhl; agus gabhaidh e dheth, agus garaidh se e féin; seadh, cuiridh e teine ris, agus deasaichidh e aran; seadh, ni e dia, agus bheir e aoradh *dha*; ni e dealbh snaidhte dheth, agus cromaidh e sìos dha.

16 Cuid dheth loisgidh e 's an teine; le cuid eile dheth *deasaichidh agus* ithidh e feoil; ròstaidh e biadh, agus sasuichear e; an sin garaidh se e féin, agus their e Aha, rinn mi mo gharadh; dh'aithnich mi an teine.

17 Agus de'n chuid eile dheth ni e dia, *eadhon* dealbh snaidhte dha féin; cromaidh e sìos dha, agus bheir e aoradh *dha*; agus ni e urnuigh ris, agus their e, Teasairg mi, oir is tu mo dhia.

18 Cha-n'èil eòlas aca, ni mò tha tuigse aca; oir dhruid e an sùilean air chor as nach faic iad, agus an cridheachan air chor as nach tuig iad.

19 Agus cha-n'èil aon neach a' toirt fairear 'n a chridhe, ni mò 'tha eòlas no tuigse aige gu a ràdh, Loisg mi cuid dheth 's an teine, dheasaich mi fòs aran air èibhlidh dheth; ròist mi feoil agus dh'ith mi, agus an dean mi am fuigheall deth 'n a ghràin-eileachd? an crom mi mi féin sìos do bhun craoibhe?

20 Tha e a' teachd beò air luathre; thug cridhe meallta air seacharan e, air chor as nach toir e as 'anam féin; ni mò their e, Nach 'eil breug ann am làimh dheis?

21 Cuimhnich na nithean so, O Iacoib; agus Israel, oir is tu m'òglach; dhealbh mi thu, is òglach dhomhsa thu; O Israel, cha leig mise air dì-chuimhn' thu.

22 Dhubh mi as, mar neul, d'eu-ceartan; agus mar chéid, do lochdan; pill rium, oir shaor mise thu.

23 Seinnibh, O nèamhan, oir thug an Tighearn gu crìch; togaibh iolach, O dhoimhneachdan na talmhainn; brisibh a mach le ceileir, a shléibhteann; O dhoire, agus gach craobh a tha ann; oir shaor an Tighearn Iacob, agus ghlòraich se e féin ann an Israel.

24 Mar so deir an Tighearn d'fhear-szoraich, agus esan a dhealbh thu o'n bhroinn; Is mise an Tighearn, cruth-fhear nan uile nithean; a tha 'sineadh nan nèamhan a mach a'm' aonar; a tha 'sgaoileadh na talmhainn leam féin;

25 A bheir gu neo-ni comharan nam mealltairean, agus a chuireas na fiosaichean air chuthach; a philleas daoine glìce air an ais, agus a thionndaidheas an eòlas gu amaideachd.

26 A dhaingnicheas focal a sheirbhisich, agus a choimhlionas comhairle a theachdairean; a deir ri Ierusalem, Bithidh tu air d'aitheachadh; agus ri bailtibh Iudah, Bithidh sibh air blur togail; agus a h-ionadan fàsaill togaidh mi suas.

27 A deir ris an doimhne, Bi air do

thiormachadh; agus tiormaichidh mi d'aimh-nichean:

28 A deir mu Chirus, Is e mo bhuachaille; agus coimhlionaidh e m'uile thoil; ag ràdh ri Ierusalem, Togar thu; agus ris an teanpull, Leagar do bhunait.

CAIB. XLV.

1 *Ghairm Dia Cirus air sgàth Iacoib agus Israel.* 11 *Gheall e saorsu agus slàinte d'a shluagh.* 20 *Dìomhanas dhealbhan snaidhte.* 22 *Slàinte an Tighearna do uile ìomallaibh na talmhainn.*

MAR so deir an Tighearn r'a aon ungta, ri Cirus de 'm bheil greim agam air a làimh dheis, a cheannsachadh chinneach roimhe, agus fuasgailidh mi leasraidh righ-rean; a dh'fhoghladh nan còmhlaich roimhe, agus cha bhi na geatachan air an druid-cadh.

2 Thèid mise romhad, agus ni mi na *slighean* fiara dìreach; na còmhlaichean umha spalgaigh mi, agus na croinn iaruin brisidh mi 'n am bloighdibh.

3 Agus bheir mi dhuit ionmhasan an dorchadais, agus taisgeachan nan ionadan dìomhair; a chum gu'm bi fios agad gur mise an Tighearn, a ghairm thu air d'ainm, Dia Israel.

4 Air sgàth Iacoib m'òglaich, agus Israel a ròghnaich mi, ghairm mi eadhon air d'ainm thu; thug mi sloinneadh ort, agus thu aineolach orm.

5 Is mi an Tighearn, agus cha-n'èil ann ach mi; a mach uamha cha-n'èil Dia ann: crìoslaichidh mi thu, agus thu aineolach orm.

6 A chum gu'm bi fios aca o éirigh na gréine agus o'n Iar, nach 'èil ann ach mi. Is mise an Tighearn, agus cha-n'èil atharrach ann.

7 Tha mi a' dealbh an t-soluis, agus a' cruthachadh an dorchadais; a' deanamh sìthe, agus a' cruthachadh dòlais; tha mise an Tighearn a' deanamh nan nithean so uile.

8 Silibh, O nèamhan, o'n àird, agus frasadh na neoil a nuas fireantachd; fosgladh an talamh, agus gineadh iad slàinte, agus fàsadh fireantachd a mìos maraon; is mise an Tighearn a chruthaich e.

9 Is an-aoibhin dhàsan a ni strì ris an fhear a rinn e; an t-slige-chreadha ri fear-deilbh na creadha: an abair a' chriadh ris-an a chumas i, Ciod a tha thu 'deanamh? no an abair an ni a rinn thu, Cha-n'èil lànhan aige-san a rinn mi?

10 Is an-aoibhin dhà-san a their r'a athair, Ciod a tha thu 'gintinn? no r'a mhàthair, Ciod a tha thu 'breith?

11 Mar so deir an Tighearn, Ti naomh Israel, agus esan a dhealbh e, Feòraichibh dhìom nithean ri teachd, mu thimchioll mo chloinne; agus iarraibh orm a thaobh oibre mo làmh.

12 Is mise a rinn an talamh, agus chruthaich mi an duine air; is iad mo òmhan a shìu a mach na nàmhau; agus d'am feachd uile thug mi àithne.

13 Thog mi esan suas ann am fircantachd, agus ni mi dìreach uile shlighean; togaidd e mo chaithir, agus fuasgailidh e mo bhraigh-deau; cha-n ann air son luach, no air son duaise, deir Tighearn nan slugh.

14 Mar so deir an Tighearn, Saothair na h-Eiphit, agus ceannachd Etiopia, agus na Sabéich, daoine àrda ann an cruth; thig iad thairis a d'ionnsuidh, agus bithidh iad leat; leanaidh iad thu; auu an cuibhrichibh thig iad thairis; agus cromaidh iad sìos duit, agus cuiridh iad suas athechuinge riut; *ag ràdh*, Gu deimhin annadsa *tha* Dia; agus cha-n'eil Dia eile ann.

15 Gu deimhin is Dia thusa a tha 'g ad fhòlach féin, O Dhé Israeil, an Slànuidhear.

16 Tha iad air an nàrachadh, tha iad eadhon air am maslachadh, an t-ionlaid diubh; cuirrean iad maraon gu h-amhladh, *a tha 'n an luchd-deanaimh* ìodholan.

17 Ach saorair Israel anns an Tighearn le saorsa shiorruidh; cha nàraichear sibh, ni mò mhaslaichear sibh, feadhinntean na sìorruidheachd.

18 Oir mar so deir an Tighearn, a chruthaich na nàmhau; esan, eadhon Dia, a dhealbh an talamh agus a rinu e, esan a chaidh e; (cha do chruthaich e gu dìomhain e, dhealbh se e gu bhi air àiteachadh); Is mise an Tighearn, agus cha-n'eil atharrach ann.

19 Cha do labhair mi ann an uaigneas, ann an ionad dorcha de'n talamh; cha dubhairt mi ri sìochd Iacoib gu dìomhain, Iarraibh mi: is mise an Tighearn a labhras ann am fircantachd, a dh'fhoillsicheas nith-ean cearta.

20 Cruinnichibh sibh féin, agus thigibh; dlùthaichibh ri 'chéile, sibhse a tha air dol as o mheasg uau cinneach: cha-n'eil eòlas aca-san a tha 'cur suas fiodha an deilbh shuaidhte, agus a' deauamh urnuigh ri dia nach urrainn tèarnadh.

21 Cuiribh 'an céill, agus thugaibh am fagus; seadh, cuireadh iad an comhairle ri 'chéile; cò a dh'aithris so o chian? a dh'iuuis e o'n àm ud? nach mise, an Tighearn? agus cha-n'eil dia tuilleadh ann ach mi; Dia ceart agus Slànuidhear; cha-n'eil ann ach mi.

22 Seallaibh riumsa, agus bithidh air bhur tèarnadh, uile iomalla na talmhain; oir is mise Dia, agus cha-n'eil atharrach ann.

23 Orm féin mhiannaich mi; chaidh firinn a mach as mo bheil; briathair, agus cha phill e air ais; Gu cinnteach dhomhsa lùbaidh gach glùn, mionnaichidh gach teagadhn.

24 Gu cinnteach, deir *neach*, anns an Tighearn tha agam fìreantachd agus neart; d'a ionnsuidh-san thig iad; bithidh iadsan uile

air an nàrachadh air am bheil corruich 'n a aghaidh.

25 Anns an Tighearn fireanaichear uile shìochd Israeil, agus ni iad uail.

CAIB. XLVI.

1 *Cha b'urrainn ìodholan Bhabiloin iad féin a thèarnadh.* 3 *Tèarnaidh Dia a shluagh gu ruig a' chrìoch.* 5 *Cha samhluichear Dia ri ìodholaibh.* 12 *Tha slàinte an Tighearn 'n fagus.*

THA Bel a' cromadh sìos, Nebo a' crùbhadh; bha an ìodholan air na beathaichibh agus air na h-aimmhidhean; tha bhur n-eallachan trom, 'n au eudthrom do'n ainmhidh a'rsnealach.

2 Chrùb iad, chrom iad sìos le 'chéile; cha b'urrainn iad an eallach a thèarnadh; ach chaidh iad féin ann am braighdeanas.

3 Eisdibh rium a thigh Iacoib, agus uile iarmad tìghe Israeil; a ghiùlaineadh *team* o'n bhroinn, a dh'iomchaircadh o'n bholg:

4 Eadhon gu *bhur* sean aois, agus gu *bhur* falt liath, is mise féin an tì a ghiùlaineas sibh; is mi a rinn, agus giùlainidh mi; iomchairidh mi, agus tèarnaidh mi.

5 Cò e ris an samhluich sibh mi, agus ris an dean sibh cosmhuil mi? agus cò e ris an coimeas sibh mi, a chum gu'm bi sinn ionann?

6 Taomaidh iad òr as a' mhàla, agus tomhaidsidh iad airgid anns a' mheigh; tuarasdalaichidh iad òr-cheard, agus ni esan dia d'heath; cromaidh iad sìos, seadh ni iad aoradh.

7 Giùlainidh iad e air an guailibh, iomchairidh iad e, agus cuiridh iad e 'n a àit, agus seasaidh e; as 'ionad cha ghluais e: seadh, gladhaidh *neach* ris, ach cha fhreagair e, agus cha teasaig se e o 'thcinu.

8 Cuimhnichibh so, agus bithibh fearail; thugaibh faineair e a ris, a luchd-brisidh an lagha.

9 Cuimhnichibh na ceud nith-ean, *a bh'ann* o shean; oir is mise Dia, agus cha-n'eil atharrach ann; *is mise* Dia, agus cha-n'eil mo shamhuil ann;

10 A' foillseachadh ua crìche o'n tùs agus o'n aimsir chéin; nan nith-ean nach 'eil *fathast* deanta; ag ràdh, Seasaidh mo chomhairle, agus gach ni a's àill leam ni mi:

11 Ag gairm na h-iolair o'n ear, agus fir mo chomhairle o thìr chéin; seadh, labhair mi, agus bheir mi gu crìch e; rùnaich mi, agus coimhlionaidh mi e.

12 Eisdibh rium, sibhse aig am bheil an crìche rag, a tha fad' as o fhìreantachd:

13 Bheir mise am fagus m'fhìreantachd-sa, cha bhi i fad' as; agus cha dean mo shlàinte moille; agus bheir mi slàinte ann an Sìon, do Israel mo ghloir.

CAIB. XLVII.

1 *Bhagair Dia Babilon le breitheanasaibh namhasach.* 12 *Cha teasaig dìomhoireachd a druith-eachdan agus a geasadaoireachd.*

THIG a nuas agus dean suidhe anns an duslach, Oigh-uighean Bhabiloin; suidh

air an làr, cha-n'eil rìgh-chaithir ann, a nighean nan Caldéach; oir cha ghoir iad maoth agus mùirneach dhìot nì's mò.

2 Gabh na clachan-muilinn agus bleith min; leig ris do chiabhan, rùisg do throidh, leig ris do chos, imich troimh na h-aimh-nichibh.

3 Leigear ris do lomnochduigh, chithear cadhòn do nàire; ni mi dìoghaltas, cha choinnich mi *thu mar* dhuine.

4 Ar fear-saoraidh, is e Tighearn nan sluagh a's ainm dha, Tì naomh Israeil.

5 Suidh a'd' thosd, rach a steach ann an dorchadas, O nighean nan Caldéach; oir cha-n abrar riut nì's mò Baintighearn nan rìoghachdan.

6 Bha corruich orm ri mo shluagh; thruaill mi m'oighreachd, agus thug mi thairis iad do d' làimh; cha do nochd thusa trècair dhoibh; air an aosda leag thu do chuing gu trom.

7 Agus thubhairt thu, Bithidh mi a'm' bhaintighearn gu sìorruidh; air chor as nach do leag thu d'aire air na nithibh so! cha do chuimhnich thu a chrìoch dhèireannach.

8 Uime sin, cluinn so a nis, a bhean shoghlmhor, a tha a'd' shuidhe gun umhail; a tha 'g ràdh ann ad chridhe, *Tha mi*, agus cha-n'eil ann ach mi; cha suidh mi a'm' bhantraich, cha-n aithnich mi call cloinne.

9 Gidheadh thig an dà nì so ort gu h-obann, ann an aon là, call cloinne, agus bantrachas; thig iad ort 'n an làn tomhas, air son lionmhoireachd do dhruidheachdan, agus iomadalachd do ghisreagan.

10 Oir dh'earb thu á d' ainmdeachd; thubhairt thu, Cha-n'eil neach 'g am fhaicinn; chuir cadhòn do ghliocas agus d'èolas air seacharan thu; air chor as gu'n dubhairt thu ann ad chridhe, *Tha mi*, agus cha-n'eil ann ach mi.

11 Uime sin thig ole ort, nach bi fios agad cia as dh'èirigh e; agus tuitidh aimhleas ort, nach bi thu comasach air a thionndadh uait; agus thig léir-sgrìos ort gu h-obann, gun thu 'g a mhothachadh.

12 Seas suas a nis le do ghisreagaibh, agus le lionmhoireachd do dhruidheachdan, anns an do shaothraich thu o d'òige; ma's e as gur urrainn thu buannachd fhaghail, ma's e as gu'm feud thu buadhachadh.

13 Tha thu air do sgitheachadh ann an lionmhoireachd do chomhairlean. Scas-adh na speuradairean suas, luchd-amhare nan reultan, iadsan a tha ri fiosachd gach mìos, agus tèarnadh iad thu o na nithibh a tha gu teachd ort.

14 Feuch bithidh iad mar asbhuaibh, loisgidh an teine suas iad; cha tèarunn iad an ananin féin o chumhachd na lasarach; cha-n fhàgar fìù éibhleig gu neach a gharadh, no teine gu suidhe làimh ris.

15 Is amhuil a bhitheas dhuit a'mhuinutir leis an do shaothraich thu, iadsan ris an

robh gnothuch agad o d' òige; tionndaidhidh gach aon a leth-taobh gu a ghnothuch féin; cha b'hi d'fhear-tèarnaidh ann.

CAIB. XLVIII.

1 *Dh'fhoillsich Dia e féin ann am fàisteachd, chum gu'm faicadh an sluagh nach b'iad an iòdhlan a dh'òrduich aon nì a thàinig gu crìch. 9 Teasairgidh e a phobull Israel air sgàth 'ainme féin. 12 Chomhairleibh e dhoibh a bhì umhal d'a thoil. 20 Saoraidh e iad o gach teanntachd.*

CLUINNIBH so, O thigh Iacoib, sibhse a tha air blur n-ainmeachadh air Israel; agus a thàinig a mach o uisgeach-aibh Iudah; a tha 'mionnachadh air ainm an Tighearn; agus a' deanamh luaidh air Dia Israeil; ach cha-n ann 'am firinn no ann an ionracas.

2 Oir tha iad 'g an ainmeachadh féin air a' Chaithir naomh, agus a' leigeil an taice ri Dia Israeil; is e Tighearn nan sluagh a's ainm dha.

3 Dh'fhoillsich mi na ceud nithean o thùs; agus o m' bheul chaidh iad a mach, agus chuir mi 'an cèill iad; ann an ath-ghoirid rinn mi iad, agus thàinig iad gu crìch.

4 A chionn gu'n robh fios agam gu'n robh thu reasgach, agus gu'n robh do mhuineal mar fhèith iarunn, agus d'eudan 'n a umha.

5 Uime sin dh'fhoillsich mi dhuit iad o'n tùs; mu'n d'thàinig iad gu crìch, dh'innis mi dhuit iad; a chum nach abradh tu, Is e m'òdhol a thug mu'n cuairt iad; is iad mo dhealbh snaidhte, agus mo dhealbh leaghta, a dh'òrduich iad.

6 Chuala tu so, faic e air a choimhlionadh; agus nach cuir sibhse 'an cèill e? Innseam dhuit nithean nuadh o'n àm so, a ghleidheadh dìomhair, agus air nach robh fios agad.

7 Tha iad air an tabhairt gu crìch a nis, agus cha b'ann o shean; agus roimh an là so cha chuala tu iad; a chum nach abradh tu, Feuch, bha fios agam orra.

8 Seadh, cha chuala tu; seadh, cha b'aithne dhuit; seadh, o'n toiseach cha d'fhosgladh do chluas; oir bha fios agam gu'm buineadh tu gu ro chealgach, agus gu'm b'e Fear-eusaontais a b'ainm dhuit o'n bhroinn.

9 Air sgàth m'ainme cuiridh mi dàil ann am cherruich, agus air son mo chliu cumaidh mi air a h-ais i uaitse, air chor as nach gearr mi as thu.

10 Feuch, ghlan mi thu, ach cha b'ann le h-airgid; thagh mi thu ann an àmhuinn an àmhghair.

11 Air mo sgàth, air mo sgàth féin, ni mi e; oir cionnus a bhitheadh m'ainm air a mhaslachadh? Agus mo ghlòir cha tabhair mi do nach eile.

12 Eisd rium, O Iacoib, agus Israeil, a ghairm mi, Is mi Eisan, is mi an ceud neach; is mi fòs an neach deireannach.

13 Is i mo làmh a leag stéidh na talmhainn, agus réis mo dheas làimhe a thomhais na néamhan; bheir mi gairm dhoibh, seasaidh iad suas le 'chéile.

14 Cruinnichibh uile sibh féin ri 'chéile, agus éisdibh; cò 'n am measg a dh'fhoillsich na nítean so? cuiridh esan a's ionmhuinn leis an Tighearn 'an gníomh a thoil air Babilon, agus bithidh a ghairdean air na Caldéich.

15 Mise, mise féin labhair; seadh, ghairm mi e, thredruich mi e, agus soirbhichidh a shlighe.

16 Dlúthaichibh rium, agus cluinnibh so; o'n tóiseach cha do labhair mi ann an naigneas; o'n àm 'an do thachair e, *bha* mise an sin; agus a nis chuir an Tighearn Iehobhah, agus a Spiorad, a mach mise.

17 Mar so deir an Tighearn, d'fhear-saoraidh, Ti naomh Israeil; Is mise an Tighearn do Dhia, a tha 'teagasg dhuit ciod a thig gu d' bhuannachd; a tha 'g ad stiùradh anns an t-slighe air an imich thu.

18 O gu'n tugadh tu fairne m'aitheantan-sa! an sin bhitheadh do shith mar amhainn, agus d'fhìreantachd mar thonn an na fairge:

19 Agus bhitheadh do shìol mar a' ghain-eamh, agus slìochd do chum mar a' meanbh-chlochan; cha bhitheadh d'ainm air a ghearradh as, no air a sgrìos as mo làthair.

20 Rachaibh a mach o Bhabilon; teichibh o thìr nan Caldéach; le guth gairdeachais innsibh, cuiribh so 'an céill; sgaoilbhadh an sgeul gu iomall na talmhainn; abraibh, Shaor an Tighearn 'òglach féin Iacob.

21 Agus cha robh tart orra anns na fàsaichibh troimh an d' thug thu orra siubhal; thug e air uisge sruthadh dhoibh as a' charraig; seadh, sgoilt e a' chreag, agus bhrùchd an t-uisge mach.

22 Cha-n'eil sìth, deir an Tighearn, do'n aingidh.

CAIB. XLIX.

1 *The Cry of a' gearan gu'n doshaoltraich e gu dìomhaiream measg nan Iudhach. 5 Thug Dia e mar sholas do na cinnich gu iomall na talmhainn. 13 Mairidh gràdh an Tighearna gu bràth d'a caglais: 24 fèarnaigh Dia i o a luchd-sàruchaidh.*

EISDIBH, O eileanan, riumsa; agus thugaibh aire, a shlàigh, o chéin; o'n bhroinn ghairm an Tighearn mi; o chom m' nàthar thug e luaidh air m'ainm.

2 Agus rinn e mo bheul mar chlaideamh geur; anu an sgàil a làimhe dh'fholaich e mi; seadh, rinn e mi a'm' ghat liomhta; thaisg e mi ann a dhòrlach.

3 Agus thubhairt e rium, Is tu m'òglach, O Israeil, anns am bi mi air mo ghlorach-adh.

4 Agus thubhairt mise, Shaothraich mi gu dìomhain; air son neo-ni, agus air son dìomh-anais, chaith mi mo neart; ach gu cinnteach

tha mo bhreith maille ris an Tighearn, agus m'obair maille ri mo Dhia.

5 Agus a nis mar so deir an Tighearn, (a dhealbhadh mi o'n bhroinn *gu bhi* a'm' òglach dha, a thabhairt Iacob air ais d'a ionnsuidh, agus a chum gu'm bi Israeil air a chruinn-eachadh thuige; uime sin bithiam glòrhor ann an sùilbhadh an Tighearn, agus bithidh mo Dhia 'n a neart dhomh:

6 Mar so deire e,) Is ni suarach dhuit gu'm bithiadh tu a'd' òglach dhomhsa, a thogail suas gheugan Iacob, agus a dh'aiseag mheanglan Israeil; bheir mi thu fòs mar sholas do na cinnich, gu bhi a'd' shlàinte uamsa gu iomall na talmhainn.

7 Mar so deir an Tighearn, fear-saoraidh Israeil, a Thi naomh; ris-san a tha air a dhimeas le daoinibh, ris-san d'an do ghabh an cinneach gràin; ri seirbhiseach an luchd-rìnghlaidh; a chi rìghrean, agus éiridh iad suas; uachdarain, agus ni iad aoradh; air son an Tighearn a tha dileas, agus Ti naomh Israeil a ròghnaich thu.

8 Mar so deir an Tighearn, Ann an àm taitneach chuala mi thu, agus ann an là na slàinte chuidich mi thu; agus gleidhidh mi thu, agus bheir mi thu mar choimhcheangal do'n t-sluagh; a dhaingneachadh na tìre, agus a thabhairt air na h-oighreachdaibh fasail a bhi air an sealbhachadh;

9 A ràdh ris a' mhuinntir a tha ceangailte, Rachaibh a mach; agus riu-san a tha ann an dorchedas, Thigibh am follais: Beathaichear iad air na sligibh, agus anns na h-uile ionadaibh àrda ni iad ionaltradh.

10 Cha bhi ocras no tart orra, ni mò 'bhuaileas an teas no a' ghrian iad; oir ni esanaig am bheil iochd orra an stiùradh, agus treòraichidh e iad a chum nan sruthan uisge.

11 Agus ni mi mo shlàibhteann uile 'n an slighe chòmhnaird; agus togar suas mo rathaidean mòra.

12 Feuch, thig iad so o chian; agus, feuch, iad so o thuath agus o'n iar; agus iad so o thìr Shìnim.

13 Seinnibh gu h-àrd O nàmhann, agus dean gairdeachas O thalamh; agus togaibh iolach O shlàibhteann; oir thug an Tighearn comhfhurtachd d'a shluagh, agus gabhaidh e truas d'a mhuinntir a tha fo àmhghar.

14 Ach thubhairt Sion, Thréig an Tighearn mi, agus rinn mo Thighearn mo dhì-chuimhneachadh.

15 An dì-chuimhnich màthair a leanabh cìche, gun iochd a dhcanamh air mac a cuim? Feudaidh eadhon iadsan dì-chuimhneachadh, ach cha dì-chuimhnich mise thusa.

16 Feuch air dearnaibh mo làmh ghearr mi thu; tha do bhallachan a'm' fhianuis 'an còmhnuidh.

17 Ni do chlànn deifir; siùbbhlaidh iadsan a mach asad, a bha 'g ad sgrìos agus 'g ad chur fàs.

18 Tog suas do shùilean, agus faic; tha iad so uile air an cruinneachadh ri 'chéile, tha iad a' teachd a d'ionnsuidh. *Mar* is beò mise, deir an Tighearn, sgeadaichidh tu thu féin leo uile, mar le culaidh rionhaich; agus ceanglaidh tu iad *umad*, mar a ni bean-bainne a seudan.

19 Oir d'ionadan fàsail agus faondrach, agus fearann do léir-sgrìos, eadhon a nis bithidh e air a dhomhlachadh le luchd-àiteachaidh; agus siubhlaidh iadsan fad' air falbh, a bha 'g ad shlugadh suas.

20 Their a' chlann, a sgaradh uait, fathast ann ad chluasaibh, Tha an t-ionad so ro chumhann air mo shon; thoir àite dhomha chum gu'n gabh mi còmhnuidh.

21 An sin their thu ann ad chridhe, Cò a ghin dhomh iad so? oir dh'fhàgadh mi gun chloinn agus a'm' aonar, a'm' fhògarach agus air m'fhuadachadh; agus cò a dh'araich iad so? Feuch, dh'fhàgadh mi a'm' aonar; iad so, c'àit an robh iad?

22 Mar so deir an Tighearn Iehobhah, Feuch, togaidh mise mo làmh ris na cinnich agus ris na slòigh cuiridh mi suas mo bhratach; agus bheir iad do mhic 'n an uchd, agus giùlainear do nighcanan air an guaillibh.

23 Agus bithidh rìghrean 'n an oideachan-altruim dhuit, agus am ban-rìghinnean 'n am màthraichean-altruim dhuit; sleuchdaidh iad sìos duit, le'n aghaidh ris an làr, agus imlichidh iad duslach do chos; agus aithnichidh tu gur mise an Tighearn, agus cha nàraichear iadsan a chuireas an dòchas annamsa.

24 An toirear a' chreach o'n fhear làidir, no an leigear a' chobhartach dhligheach as?

25 Ach mar so deir an Tighearn, Bheir ear eadhon cobhartach an fhir làidir uait, agus thèid creach an fhir uamhasaich as; oir gleacaidh mi ris-san a ghleacas riut, agus do chlann tèarnaidh mi.

26 Agus bheir mi air do luchd-sàruchaidh am feoil féin itheadh; agus cuiridh mi air mhisg iad le'm fuil féin, mar le fion nuadh; agus bithidh fios aig gach uile fheoil gur mise an Tighearn do Shlànuidheadh, agus gur e d'fhear-saoraidh Ti cumhachdach Iacoib.

CAIB. L.

1 *S'ann air son an do-bheartan féin a thilgeadh na h-Iudhaich air falbh.* 5 *Fulangas Chrìosd.* 7 *Tha Dia 'n a fhear-cuideachaidh d' a sheirbhiseach.* 10 *Earrail gu earbsadh as an Tighearn.*

MAR so deir an Tighearn, C'àit am bheil litir-dhealachaidh 'ur màthar, a chuir mise uam? No cò e am measg mo luchd-fìachan ris an do reic mi sibh? Feuch, air son 'ur dò-bheartan tha sibh air bhuir reic; agus air son 'ur n-eu-ceartan chuireadh air falbh 'ur màthair.

2 Car son, an uair a thàinig mi, nach robh aon neach ann? an uair a ghairm mi,

nach d'thug aon neach freagradh? Am bheil mo làmh air fàs co ro ghòirid as nach urrainn mi saoradh? agus am bheil mi gun chumhachd agam gu tèarnadh? Feuch, le m'achmhasan tiornaichidh mi an fhairge, ni mi na h-aimhnichean 'n am fàsach; tha an iasg a' lobhadh dh'easbhuidh uisge, agus a' bàsachadh le tart.

3 Eideam na nèmhnan le dubh-dhorchadas, agus cuiridh mi eudach-saie orra mar chòmhhdach.

4 Thug an Tighearn Iehobhah dhomhsa teangadh nan daoine fòghluimte, a chum gu'm b'aithe dhomh focal a labhairt ann an deadh àm ris an *neach a tha* aairsnealach; tha e 'dùsgadh, maduinn an déigh maidne; tha e 'dùsgadh mo chluaise, gu éisdeachd mar a ni fòghlumach.

5 Dh'fhosgail an Tighearn Iehobhah mo chluas, agus cha robh mi ceannairceach; ni mò thionndaidh mi air m'ais.

6 Thug mi mo dhrum do'n luchd-bualaidh, agus mo ghialan dhoibhsan a spìon an fheusaig; cha d'fholuich mi mo ghnuis o nàire agus o shìle.

7 Oir is e an Tighearn Iehobhah m' fhear-cuideachaidh, air an aobhar sin cha chuirear mi gu h-amhladh; uime sin shuidhich mi mo ghnuis mar chloich-theine, agus tha fios agam nach nàraichear mi.

8 Tha esan am fagus a dh'fhìreanaicheas mi; cò esan a ni strì rium? Seasamaid a mach le 'chéile; cò e m'eascaraid? thigeadh e dlùth a'm' chòdhail.

9 Feuch, is e an Tighearn Iehobhah m'fhear-cuideachaidh, cò a dhiteas mi? Feuch, fàsaidh iad uile sean mar thrusgan; ithidh an leòman suas iad.

10 Cò e 'n 'ur measg air am bheil eagal an Tighearn', a tha 'g éisdeachd ri guth a sheirbhisich, a tha 'siubhal ann an dorchadas, agus aig nach 'eil solus? earbadh e á ainm an Tighearn', agus leigeadh e a thaic r'a Dhia.

11 Feuch, sibhse uile a tha 'fadadh teine, a tha 'g 'ur cuairteachadh féin le sradaibh; siubhlaibh ann an solus bhuir teine, agus nan sradan a las sibh; so gheibh sibh o m' làimh-sa, luidhidh sibh sìos ann an doilghios.

CAIB. LI.

1 *Chomhairlicheadh do na fìreanaibh an dòchas a chur 's an Tighearn, do bhrìgh gu'n toir e comhfhurtachd do Shìon.* 4 *Mu thimchioll fìreantachd agus slàinte Dhé.* 7 *Cha chòir eagal a ghabhail roimh mhasadh dhaoine.* 17 *Tha am fàidh a' deanamh caoidh air son Ierusalem.*

EISDIBH rium, sibhse 'tha 'leantuinn fìreantachd, sibhse 'tha 'g iarraidh an Tighearn'; seallaibh ris a' charraig o'n do ghearradh a mach sibh, agus ri sìochd na h-uamha o'n do chladhaicheadh sibh.

2 Seallaibh air Abraham 'ur n-athair, agus air Sarah a rug sibh; oir ghairm mise e 'n a

aonar, agus bheannaich mi e, agus rinn mi lionmhòr e.

3 Oir bheir an Tighearn comhfhurtachd do Shìon; bheir e comhfhurtachd d'a-ionad-aibh fàsaidh uile; agus nì e a fàsach mar Eden, agus a dithreach mar ghàradh an Tighearna; gheibhear aoibhneas agus subhachas innte, breith-buidheachais agus fonn ciuil.

4 Eisdibh rium, O mo shluagh; agus thug-aibh aire dhomh, O m' fhine; oir thig reachd a mach uam, agus foillsiehidh mi mo bhreitheanais chum soluis do na slòigh.

5 Tha m'fhìreantachd ann agus, tha mo shlàinte air dol a mach, agus nì mo ghàirdean breitheanas air na fineachaibh; feithidh na h-eileanan rium, agus ann am ghàirdean cuiridh iad an dòchas.

6 Togaibh 'ur suilean suas ris na nèamhan, agus amhaireibh air an talamh shìos; oir sgaoilear o 'chéile na nèamhan mar dheataich, agus fàsaidh an talamh sean mar thrusgan; agus bàsaichidh a luchd-àiteachaidh air an amhludh eileudna; ach mairidh mo shlàinte-sa gu sìorruidh, agus cha téid m'fhìreantachd air chùil.

7 Eisdibh rium, sibhse 'tha còlach air fireautachd, a shluagh aig am bheil mo lagh ann 'ur eridhe; na bitheadh eagal oirbh roimh mhasladh dhaoine, agus na gabblaibh geilt roimh an càineadh.

8 Oir ithidh an leòman iad mar thrusgan, agus ithidh a' chnuimh iad mar olainn; ach mairidh m'fhìreantachd sa gu sìorruidh, agus mo shlàinte gu linn nan linntean.

9 Dùisg, dùisg, cuir umad neart, O ghàirdein an Tighearna; dùisg, mar anns na làithibh o shean, anns na h-aimsiribh o ehian. Nach tusa a ghearr Rahab, a lot an dràgon?

10 Nach tusa a thiormaich an fhaighe, uisgeachan na doimhne mòire? a rinn doimhneachdan na fàirge 'n an slighe do'n mhuinntir shaorta gu dol thairis.

11 Mar so pillidh muinntir shaorta an Tighearn' agus thig iad gu Sion le iolach; agus *bithidh* aoibhneas bith-bhuan air an ceann; gheibh iad aoibhneas agus subhachas, agus teichidh mulad agus caoidh air falbh.

12 Is mise, *eadhon* mise, an ti a bheir dhuibh comhfhurtachd; eò thusa gu'm bitheadh eagal ort roimh dhuine a gheibh bàs, agus roimh mhac an duine a nithear mar am fear?

13 Agus gu'n dì-ehuimhnichheadh tu an Tighearn do Chruith-fhear, a shìn a mach na nèamhan, agus a leag stéidh na talmhainn; agus gu'n bitheadh sìor eagal ort gach là, air son corruich an fhir-shàruachaidh, mar gu'n bitheadh e ullamh gu sgrios? agus càit am bheil corruich an fhir-shàruachaidh.

14 Tha am prìosanach a' deanamh deifir gu bhli air 'fhuasgladh, a chum nach faigh

e bàs anns an t-slochd, agus nach fàilnich 'aran.

15 Oir is mise an Tighearn do Dhia, a ehiùiuicheas an fhaighe, an uair a bheucas a tonnan: is e Tighearn nan sluagh a's ainm dha.

16 Agus ehuir mise mo bhriathran ann ad bheil, agus le sgàile mo làimh dh'fholuich mi thu; a shuidheachadh nan nèamhan, agus a leagadh bunaitean na talmhainn; agus a ràdh ri Sion, Is tu mo shluagh.

17 Dùisg, dùisg, éirich suas o Ierusalem, a dh'òl, o làimh an Tighearna, cuach a chorruich; dh'òl thu, dh'fhàisg thu - as, deisgearan euaihe na ball-ehrith.

18 Cha-n'èil fear-stiùraidh aice, am measg nan uile mhac a rug i; cha-n'èil *aon* a ghlaeas air làimh i, am measg nan uile mhac a dh'altruim i.

19 Thachair an dà nì so dhuit; eò a nì caoidh air do shon? creachadh agus mill-eadh, a' ghort agus an claidheamh; eò a bheir dhuit comhfhurtachd?

20 Tha do mhie air fannachadh, tha iad air tuiteam sìos aig ceann gach sràide, mar tharbh fiadhaich ann an lìon; lìonadh iad làn de ehorruih an Tighearna, de achmhasan do Dhé.

21 Air an aobhar sin, cluinn so a nis, O thusa a tha fo àmhghar, agus air mhisg, ach cha-n ann le fion.

22 Mar so deir do Thighearn Iehobhab, agus do Dhia a thagras eùis a shluaigh; Feuch, thug mi as do làimh euach na ball-ehrith; deisgeanan euaihe mo chorruich; cha-n òl thu dhi nì's mò.

23 Ach cuiridh mi i ann an làimh luchd do shàruachaidh, a tha 'g ràdh ri d'anam, Crom sìos, a chum gu'n téid sinn thairis; agus leag thu do ehorp sìos mar an làr; agus mar an t-sràid, dhoibhsan a tha 'gabhail seachad.

CAIB. LII.

1 *Thug Dia comhfhurtachd do'n eaglais.* 7 *Maise rioghachd Chrìosd.* 9 *Chomhairlicheadh do'n eaglais gairdeachas a dheanamh ann an slàinte a Tighearna: Glòir Chrìosd 'n uair a dh'ardaichear e.*

DUISG, dùisg, cuir umad do neart, O Shìon; cuir umad do ehulaidh sgiamhach, O Ierusalem, a Chaithir naomh; oir cha téid an neo-thimehioll-ghearra agus an neòghlan a steach ainnt nì's mò.

2 Crath thu féin o'n duslach; rach suas, dean suidhe, O Ierusalem; fuasgail thu féin o cheanglaichibh do mhuineil, O nighean Shìoin a tha fo dhaorsa.

3 Oir mar so deir an Tighearn, Air neo-nì reiceadh sibh, agus cha-n ann le h-airgiod a dh'fhuasgailear sibh.

4 Oir mar so deir an Tighearn Iehobhab, Chaidh mo shluagh sìos do'n Eiphit an toiseach, gu bhli air chuairt an sin; agus rinn

an t-Asirianach, mu dheireadh, an sàruch-adh.

5 Agus a nis, ciod a th'agamsa an so, deir an Tighearn, o thugadh air falbh mo shluagh air neo-ni? tha an luchd-rìaghlaidh a' toirt orra caoincadh, deir an Tighearn; agus tha m'ainm-sa an còmhluaidh, gach aon là, a' faghail toibheim.

6 Air an aobhar sin, bithidh eòlas aig mo shluagh air m'ainm; air an aobhar sin *bithidh fios aca*, air an là sin, gur mise an ti a tha 'labhairt; feuch, *is mise a th'ann*.

7 Cia maiseach air na sléibhtibh cosan an teachdair' aoibhinn, a tha 'g éigheach sìthe; teachdair' an deadh sgeòil, a tha 'g éigheach slàinte; a tha 'g ràdh ri Sion, Is e do Dhia a's rìgh ann.

8 Togaidh do luchd-faire *an guth*; le'n guth uì iad iolach le 'chéile; oir chi iad aghaidh ri h-aghaidh, an uair a bheir an Tighearn Sion air a h-ais.

9 Brisibh a mach le gairdeachas, deanaibh ceòl le 'chéile, O fhàsaichean Ierusalem; oir thug an Tighearn comhfhurtachd d'a shluagh, shaor e Ierusalem.

10 Leig an Tighearn ris a ghairdean naomh ann an sùilbhu uau uile chiuneach; agus chi uile iomallan na talmhain slàinte ar Dé-ne.

11 Imichibh, imichibh; rachaibh a mach as a sin; na beanaibh ri *ni* n'còghlan; rachaibh a mach as a meadhon; bithibhse glau, a tha 'giùlan shoithichean an Tighearna.

12 Oir cha-n anu le cabhaig a théid sibh a mach, agus cha-n ann le teicheadh a shiùbhlas sibh; oir gluaisidh an Tighearn roimh sibh, agus cuairtichidh Dia Israeil sibh *o'n taobh chùil*.

13 Feuch, ni m'òglach gu glic; bithidh e air a thogail suas, agus air 'àrdachadh, agus bithidh e ro àrd.

14 Mar a ghabh mòran iongantais riut; (is co mhòr a' mhi-nhaise a rinneadh air 'aghaidh, seach *aon* duine; agus air a dhreach, seach clann nan daoine;)

15 Mar sin crathaidh e *uisge* air mòran chinneach; 'n a fhianuis druaididh rìghrean am beoil; oir an ni nach do chuireadh 'an céill doibh, chi iad; agus an ni nach cual iad, bheir iad fàinear.

CAIB. LIII.

1 *Tha am fàidh a' gearan gu'n robh an sluagh dh'èasbhuidh creidimh.* 4 *Fulangas Chrìosd: 11 Chi e de shaothair 'anama agus bithidh e toilichte.*

Co a chreid ar teachdaireachd? agus cò do'n robh gairdean an Tighearn' air 'fhoillseachadh.

2 Oir fàsaidh e suas mar fhailleàn 'n a làthair, agus mar fhreumh á talamh tioram; cha-n'èil sgeimh no grinneas aige, gu'n amhairceamaid air; ni mò tha maise aige, gu'n iarramaid e.

3 Tha e air a dhèneas, agus air a chur air

chùl le daoineibh; 'n a dhuine dhoilghiosan, agus eòlach air bròn; agus mar neach a dh'fholuicheas 'aghaidh uainn, tha e air a dhèneas, agus cha-n'èil suim againn dheth.

4 Gudeimhin ar n-anmhuinneachd ghiùlain e, agus ar doilghiosan dh'iomchair e; ach shaoil sinne gu'n robh e air a bhualadh, air a smachdachadh le Dia, agus air a chlaoidh-eadh.

5 Ach lotadh e air son ar peacaidh-ne, bhruthadh e air son ar n-aingidheachdan; leagadh airsan smachdachadh ar sìth, agus le a chreuchdaibh-san shlànuicheadh sinne.

6 Chaidh sinn uile, mar chaoraich, air seacharan; thionndaidh sinn, gach aon g'a shlighe féin; agus leag an Tighearn airsan aingidheachd gach aoin againn.

7 Shàruicheadh e, agus rinneadh ainneart air, gidheadh cha d'fhosgail e a bheul; thugadh e mar uan chum a' chasgraidh, agus mar chaora 'bhitheas balbh 'an làthair a luchd-lomairt, mar sin cha d'fhosgail e a bheul.

8 O fhòirneart agus o bhreitheanas thugadh air falbh e; agus a ghinealach cò a chuireas 'an céill? oir ghearradh as e o thìr nam beò; air son cusaontais mo shluagh-sa bba e air a thrombhualadh.

9 Agus dh'orduicheadh 'uaigh maille ris na h-aingidh, agus maille ri duine saobhir 'n a bhàs; air son nach d'rinn e eucoir, agus nach *robh* cealg 'n a bheul.

10 Ach b'i toil an Tighearn' a bhruthadh; chuir e fò àmhghar e; an uair a ni thu 'anam 'n a ìobairt-réitich, chi e sìochd, sinear a làithean; agus soirbhichidh rùn au Tighearna 'n a làimh.

11 De shaothair 'anama chi e, agus bithidh e toilichte. Le eòlas airsan ni m'òglach fìreanach mòran fhìreanachadh; oir giùlainidh e an eu-ceartan.

12 Air an aobhar sin, roinnidh mi dha cuibhrionn maille ris a' mhòran, agus roinnidh e a' chreach maille ris na cumhachdaich; a chionn gu'n do dhòirt e mach 'anam gu bàs; agus gu'n robh e air 'àireamh am measg nan ciontach; agus ghiùlain e peacadh mhòrain, agus rinn e eadar-ghuidhe air son nan ciontach.

CAIB. LIV.

1 *Fhuair na cinnich gealladh gu'm bithheadh iad air an gabhail a steach do rìoghachd Chrìosd.* 4 *Tòrnar iad anns gach teannachd.* 11 *Bheir Dia comhfhurtachd dheibh, agus teagaisgidh e iad 's an t-slighe cheart.*

SEINN, a bhean aimrid nach d'rug clann; seinn gu luadh-ghaireach, agus dean iolach àrd, thusa nach robh ri saothair-chloinne; oir is lìonmhoire clann na mnà aonaranaich, na clann na mnà pòsda, deir au Tighearn.

2 Leudaich ionad do phàilliuin, agus sgaoileadh iad a mach brata-còmhdaich do

bhùthan; na caomhain, leig 'am fad do chùird, agus daingnich do phuist:

3 Oir air an àlìmh dheis, agus ehlì, brisidh tu mach; agus scalbhaichidh do shliochd na cinnich, agus àitichidh iad na caithrich-ean fàsail:

4 Na gabh eagal, oir cha mhaslaichear thu; na gabh nàire, oir cha chuirear thu gu h-amhladh; oir dì-chuimhnichidh tu nàire d'òige, agus masladh do bhantrachais cha chuimhnich thu nì's mò.

5 Oir is e d'fhear-pòsda do Chruith-fhear; 's e Tighearn nan slagh a's ainm dha; agus is e d'fhear-saoraidh Ti naomh Israeil; goirear Dia an domhain uile mar ainm ris.

6 Oir mar mhnai aig a tréigsinn, agus fo àmhghar 'n a spiorad, ghairm an Tighearn thu, agus mar mhnai a phòsadh 'n a h-òige, a chionn gu'n do chuireadh air falbh thu, deir an Tighearn.

7 Ré tiota bhig, dhealaich mi riut; ach le mòr iochd cruinnichidh mi tha.

8 Ann an corruich bhig, dh'fhloich mi mo gùnùis car tiota uait; ach le caoimhneas sìorruidh nì mi trècair-ort, deir an Tighearn d'fhear-saoraidh.

9 Oir tha so mar uisgeachaibh Noah dhomb; mar a mhionnaich mi nach rachadh uisgeachan Noah tuilleadh thar an talamh, is amhuil a mhionnaich mi nach bithinn ann an corruich riut, agus nach toirinn ach-mhasan duit.

10 Oir dealaichidh na sléibhteann *rì'm bunaitibh*, agus atharraichear na beanntan *as an àit*; ach cha dealaich mo chaoimhneas riutsa, agus cha-n atharraichear coimh-cheangal mo shithe, deir an Tighearn aig am bheil truas dhìot.

11 O thusa a tha ainneach, air do luasgadh leis an doinn, agus gun chomhfhurtachd agad; feuch leagaidh mi do chlachan ann an dath sgiamhach, agus suidhichidh mi do bhunaithean le clachan saphir.

12 Agus nì mi d'uinneagan de chlachan rubi, agus do gheatachan de charbuncalaibh, agus d'uile iomail de chlachan rìombach.

13 Agus bithidh do chlann uile air an teagasg leis an Tighearn; agus is mòr a bhitheas sìth do chloinne.

14 Ann am fireantachd socraichear thu; bithidh tu fada o shàruchadh, ionnus nach gabh thu eagal; agus o uamhas, ionnus nach tig e dlùth dhuit.

15 Feuch, bithidh cruinneachadh gu deimhin ann, ach cha-n ann leam-sa; cò 's am bith a chruinnicheas a'd' aghaidh, tuitidh e air do sgàth.

16 Feuch, is mise a chruthaich an gobha a tha 'sèideadh suas nan éibhlean 's an teine, agus a' toirt a mach acfhuinn a chum 'òibre; agus is mi a chruthaich am mìltear a chum cur fàs.

17 Cha soirbhich inneal sam bith a dhealbhar a'd' aghaidh; agus dìtidh tu

gach teangadh a dh'éireas riut 'am breith-eanas. Is i so oighreachd sheirbhiseach an Tighearna; agus tha am fireantachd uamasa, deir an Tighearn.

CAIB. LV.

1 Ghairm am fàidh oir an t-sluagh teachd a dh'ionnsuidh Chrìosd, agus an shìge aingidh agus an smuaintean eucorach a thréigsinn. 8 Sonas an fhìreinn.

HO! gach neach air am bheil tart, thigibhse chum nan uisgeachan; agus *can* aig nach 'eil airgid, thigibh, ceannaichibh agus ithibh; seadh, thigibh, ceannaichibh, gun airgid agus gun luach, fìon agus bainne.

2 Car son a tha sibh a' caitheamh airgid air nì nach aran? agus bhur saothair air nì nach sàsuich? Eisdibh le deadh aire riumsa, agus ithibh an nì a tha maith; agus gabhadh 'ur n-anam toil-inntinn ann an cuilun shòghmhoir.

3 Aomaihb 'ur chuas, agus thigibh a m'ionnsuidh-sa; éisdibh, agus mairidh 'ur n-anam beò; agus nì mi ruibh coimh-cheangal sìorruidh, eadhon trècairean cinnteach Dhaibhidh.

4 Feuch, thug mi e mar fhianuis do na cinnich, 'n a cheann-iùil agus 'n a uachdaran do na slòigh.

5 Feuch, gairmidh tu cinneach nach b'aithne dhuit; agus cinnich do nach b'aithne thu, ruithidh iad a'd' ionnsuidh, air sgàth an Tighearna do Dhé, agus air son Ti naomh Israeil; oir ghlòraich e thu.

6 Iarraibh an Tighearn, am feadh a tha e r'a fhaotainn; gairmibh air, am feadh a tha e am fagas.

7 Tréigeadh an t-aingidh a shlighe, agus an duine eucorach a smuaintean; agus pill-eadh e ris an Tighearn, agus nochdaidh e trècair dha; agus ri ar Dia-ne, oir bheir e maitheanas gu pailt.

8 Oir cha-n iad mo smuaintean-sa bhur smuaintean-sa, nì mò *is iad* 'ur slighean-sa, mo shlighean-sa, deir an Tighearn.

9 Oir mar a tha na nèamhan àrd seach an talamh; mar sin tha mo shlighean-sa àrd seach bhur shlighean-sa, agus mo smuaintean-sa seach bhur smuaintean-sa.

10 Oir mar a thig an t-uisge a nuas, agus an sneachd o nèamh, agus nach pill e an sin, ach gu'n uisgich e an talamh, agus gu'n toir e air fàs torrach, agus toradh a thabhairt uaidh, a chum gu'n tabhair e sìol dhà-san a chuireas, agus aran dhà-san a dh'itheas;

11 Is amhuil a bhitheas n'fhocal-sa a théid a mach as mo bheul; cha phill e a m'ionnsuidh gun tairbhe; ach coimhlionaidh e an nì a's àill leam, agus bheir e gu buil an nì mu'n do chuir mi mach e.

12 Oir le h-aobhneas théid sibh a mach, agus le sìth stiùrar sibh air 'ur n-aghaidh:

togaidh na sléibhteagan agus na cnuic roimh-ibh àrd iolach, agus uile chraobhan na macharach buailidh am basan.

13 'An àite droighe fàsaidh an guthas, agus 'an àite drise fàsaidh am mìortal; agus bithidh e do'n Tighearn mar ainm, mar chomharadh bith-bhuan, nach cuirear as àite.

CAIB. LVI.

1 *Earail gu breitheanas a choimhead.* 3 *Tha Dia a' gealltainn gu'n gabh e ris gach neach a ghluaiseas gu taitneach 'n a làthair.* 9 *Tha trioblaidhean na h-eaglais a' èirigh o luchd-faire dall agus aineolach.*

MAR so deir an Tighearn, Coimhead-aibh breitheanas, agus deanaibh ceartas; oir tha mo shlàinte dlùth chum teachd, agus m'fhìreantachd chum a bhi air a foillseachadh.

2 Is beannaichte an duine a ni so, agus mac an duine a ni greim air; a choimhideas an t-sàbaid gun a mi-naomhachadh, agus a choimhideas a làmh o aou olc a dheanamh.

3 Agus na labhradh mac a' choigrich, a tha dlùth-leantuin ris an Tighearn, ag ràdh, Sgar an Tighearn mise gu tur o 'shluagh; agus na h-abradh an cailteanach, Feuch, *tha* mise a'm' chraun tioram.

4 Oir mar so deir an Tighearn, Do na cailteanaich a choimhideas mo shàbaidean, agus a ròghnaicheas an nì a thaitneas rium, agus a ni greim air mo choimh-cheangal;

5 Dhoibh sin bheir mi ann am thigh, agus an taobh a stigh de m' bhallachan, àit agus ainm nìs fearn na ainm mhac agus nigh-ean; ainm sìorruidh bheir mi dhoibh, nach gearrar as.

6 Agus mic a' choigrich a tha dlùth-leantuin ris an Tighearn, gu frithealadh dha, agus gràdh a thoirt do ainm an Tighearna, agus gu 'bhi 'n an òglaich dha; gach aon a ghleidheas an t-sàbaid gun a mi-naomhachadh, agus a ni greim air mo choimh-cheangal;

7 Iad sin bheir mi chum mo shléibh naomh; agus nì mi aoibhneach iad ann am thigh-urnuigh; *bithidh* an tabhartais-loisgte agus an iobairtean air an gabhail gu taitneach air m'altair; oir goirear ri m' thigh-sa, Tigh-urnuigh air son nan nìle shlògh.

8 Mar so deir an Tighearn Iehobhah, a tha 'cruinneachadh r'a chéile diobaraich Israeil; Fathast cruinnichidh mi *muinntir* eiseid d'a ionnsuidh, a thuilleadh orra-san a tha air an cruinneachadh.

9 O uile bheathaichean na macharach, thigibh chum itheadh; O uile bheathaichean na frìdhe.

10 Tha a luchd-faire dall, gach aon diubh; tha iad aineolach, gach aon diubh; is coin bhalbh iad nach urrainn tabhannaich; a' tuiteam 'n an codal, 'g an sìneadh féin sìos, leis an ionnuim codal.

11 Seadh, is coin chùrach iad nach urrainn a bhi toilichte; agus is buachailleann iad nach urrainn tuigsinn; tha iad a' sealltainn, gach aon diubh, air a shlighe féin; gach fear air a bhuanachd o a chrich féin.

12 Thigibh, *deir iad*, gabhamaid fion, agus òlumaid dibh làidir; agus mar an là'n diugh bithidh am màireach, agus nìs ro phailte gu mòr.

CAIB. LVII.

1 *Gheibh na h-ionracain agus na daoine tròcaireach bàs ann an sìth.* 3 *Chronaich Dia na h-Iudhaich air son an droch ghnìomharan.* 13 *Eiridh gu maith do'n neach a chuireas a dhìochas ann an Tighearn.*

THA an duine ionraic a' bàsachadh, agus gun aon neach a' toirt faineir; agus na daoine tròcaireach air an toirt air falbh, agus gun aon neach a' tuigsinn gu bheil an t-ionracan air a thoirt air falbh o'n olc a tha ri teachd.

2 Siùbhlaidh e ann an sìth; gabhaidh esan fois 'n a leabaidh, a tha 'g imeachd 'n a ionracas.

3 Ach thigibhse am fagus an so, a mhaca na ban-fhiosaich, a shliochd an adhairtanaich agus na striopaich.

4 Cò de'm bheil sibh a' deanamh àbhachd? ris am bheil sibh a' deanamh beoil fharsuinn, agus a' sìneadh a mach na teangaidh? Nach clann sibh a chlaon a leth-taobh, sìol na foill?

5 A' fadadh *bhur n-an-mhiann* le h-òdh-olaibh fo gach craun uaine; a' marbhadh na cloinne anns na gleantaibh, fo sgoltaibh nan creag.

6 Am measg mhìn *chlachan* a' ghlinne tha do chuibhrioun; is iad sin, is iad sin do chrannchur; eadhon dhoibh so dhòirt thu mach tabhartas-dibhe, dh'ìobair thu tiodhlac. An gabhainn-sa tlachd anna sin?

7 Air slabh cruachach àrd shuidhich thu do leabaidh; eadhon do'n àite sin chaidh thu suas a thoirt seachad iobairt.

8 Air cùl an doruis agus na h-ursainn chuir thu suas do chuimhneachan; dh'imich thu air falbh uamsa, agus chaidh thu suas; leudaich thu do leabaidh, agus rinn thu coimhcheangal riu; thug thu gràdh do an leabaidh-san, cia b'e àit anns am faca tu i.

9 Agus chaidh thu dh'amharc an rìgh le h-òladh-ungaidh, agus mheudaich thu do bholtraichean; agus chuir thu do theachd-aircan 'am fad, agus dh'islich thu thu féin eadhon gus an uaigh.

10 Ann am buanas do shlighe sgèithicheadh thu; *ach* cha dubhairt thu, Cha-n'eil dòchas ann; fluair thu beatha do ùimhe; air an aobhar sin cha d'fhannaich thu.

11 Agus cò as a ghabh thu eagal agus fiamh, gu'n d'rinn thu breug, agus nach do chuimhnich thu ormsa, nì mo 'thug thu faineir? Nach d'fhan mise a'm' thosd,

eadhon o chian, agus cha-n'eil eagal ort romham?

12 Leigidh mise ris d'fhìreantachd, agus do ghniomharan; oir cha dean iad feum dhuit.

13 An uair a ghlaodhas tu, deanadh do chuideachdan do thèarnadh; ach togaidh a' ghlaoth air falbh iad uile, bheir an ceò as iad; ach an neach a chuireas a dhòchas annam-sa, sealbhaichidh e am fearann, agus gheibh e mar oighreachd mo shliabh naomh.

14 An siu their mi, Tilgibh suas, tilgibh suas; ulluichibh an t-slighe; thugaibh air falbh *gach* ceap-tuislidh & rathad mo shluaigh.

15 Oir mar so deir an Ti àrd agus uasal, do'n àite-còmhnuidh sìorruidheachd, do'n aium an Ti naomh; Anns an ionad àrd agus naomh tha mise a' gabhail còmhnuidh; maille ris-sau fòs a tha leònta agus iriosal 'n a spiorad; a bheothachadh spioraid nan iriosal, agus a bheothachadh cridhe nan daoine leònta.

16 Oir cha bhi mi a' cronachadh gu sìor, agus cha bhi fearg orm an còmhnuidh; oir dh'fhàilnicheadh an spiorad romham, agus na h-auaman a rinu mi féin.

17 Air son cionta a shannta bha corruich orm, agus bhual mi e, a' folachadh mo ghnàise ann am feirg; agus dh'imich e roimhe gu fiar, air slighe a chridhe féin.

18 Dh'amhaire mise air a shlighibh, agus leighisidh mi e; seadh, tredraichidh mi e, agus aisigidh mi sòlasan dhàsan agus d'a luchd-bròin.

19 Is mi a chruthaicheas toradh nam bilean; sìth, sìth, dhàsan a tha fad as, agus dhàsan a tha dlùth, deir an Tighearn; agus slànuchidh mi e.

20 Ach tha na h-aingidh cosmhuil ris a' mhuir bhnairste, oir cha-n urrainn i 'bhi aig fois; ach tha a h-uisgeachan a' dùsgadh nìos salchair agus làthaich.

21 Cha-n'eil sìth, deir mo Dhia, do na h-aingidh.

CAIB. LVIII.

1 Chuir am fàidh 'an cèll an dealachadh a tha eadar trasg; mheallach agus trasg dhiaidhaidh.

8 Beannaichidh an Tighearn esan a thraisgeas gu ceart, 13 agus a choimhideas là nu 'dhaid.

GLAODH gu h-àrd, na caomhain; mar ghall-truimp tog suas do ghuth; agus nochd do m' shluagh-sa an eusaontas, agus do thigh Iacob an lochdan.

2 Gidheadh o là gu là tha iad 'g am iarraidh-sa, agus is toil leo eòlas a ghabhail air mo shlighibh; mar chinneach a tha 'cur 'an gnìomh fìreantachd, agus nach do thréig reachd an Dé; tha iad a' fiosrachadh dhìom-sa mu thimchioll reachdan na fireantachd, agus is miann leo 'bhi 'teachd dlùth do Dhia.

3 C'ar son a thraisg sinn, *deir iad*, agus nach 'eil thusa a' faiciun? C'ar son a chràidh sinn ar n-anam, agus nach 'eil thusa a' toirt fainear? Feuch, ann an là bhur traisg tha sibh a' mealtuinn 'ur sòlais, agus 'ur n-uile dhlighe saothreach tha sibh ag agairt.

4 Feuch, tha sibh a' trasgadh chum connasachaidh agus aìmhreit, agus chum bualadh le dèin na h-eucorach; cha bhi sibh ri trasg mar air an là u diugh, a thoirt air blur, guth gu'n cluinnear e gu h-àrd.

5 An e leithid so de thrasg a ròghnaich mise, gu'n cuireadh duine 'anam fo leòu car là? An e gu'n cromadh e a cheann mar luachair, agus gu'n sgaoileadh e sac-eudach agus luaithe foidhe? An abair thu trasg ri so, agus là taitneach do'n Tighearn?

6 Nach e so an trasg a tha mise a' ròghnachadh; cuibbriчан na h-aingidheachd a sgaoileadh, na h-uallaichean troma 'lasachadh, agus a' mhuinntir shàruichte 'fhuasgladh; agus gach uile chuing a bhrisadh?

7 Nach e d'aran a roinn ris an ocrach, agus aoidheachd a thoirt do na bochdaibh seachranach? au uair a chi thu an lònnochd gu'n còmhdaich thu e; agus nach foluich thu thu féin o d'fheoil féin?

8 An sin brisidh do sholus a mach mar a' mhaduinn, agus fàsaidh do shlàinte gu grad; agus théid d'fhìreantachd air thoiseach ort: bithidh glòir an Tighearna 'g ad chuairteachadh *o'n taobh chùil*.

9 An sin gairmidh tu, agus freagraidh an Tighearn; gladhaidh tu, agus their e, *Tha mise an so*. Ma chuireas tu air falbh as do mheadhon a' chuing, tomhadh a' mhedoir, agus labhairt toibheim;

10 Agus ma thiomachaicheas d'anam ris an ocrach, agus gu'n sàsuich thu an t-anam leònta; an sin éiridh do sholus anu an doilleireachd, agus *bithidh* do dhorchadas mar mheadhon-là.

11 Agus stiùraidh an Tighearn thu an còmhnuidh, agus sàsuichidh e d'anam ri àm tarta, agus ungaidh e do chnàmhan; agus bithidh tu mar lios air a dheadh-uisgeachadh, agus mar thobar fìor-uisge, air nach tig fàiling uisge.

12 Agus togaidh iadsan a *ghinear* uait na seann laraichean; togaidh tu suas bunaitcan nan iomadh ginealach; agus goirear dhìot Fear-càraimh a' bheuma, Fear-aisg nan ròidean chum a bhi air an àiteachadh.

13 Ma philleas tu air falbh do chos o'n t-Sàbaid, do thoil féin a dheanamh air mo là naomh-sa; agus gu'n abair thu ris an t-Sàbaid, Toil-iuntinn; ri là naomh an Tighearn, Urramach; agus gu'n tabhair thu onoir dhi, gun a bhi 'leantuinn do shlighear féin, no 'gabhail do shòlais féin, no 'labhairt do bhriathran féin;

14 An sin gabhaidh tu tlachd anns an Tighearn; agus bheir mise ort marcachd air ionadaibh àrda na talmhainn; agus beath-

aichidh mi thu le oighreachd Iacoib d'athar;
oir labhair beul an Tighearn' e.

CAIB. LIX.

1 *Chuir eu-ceartan chloinn Israeil dealachadh eadar iad féin agus an Dia. 16 Tha slàinte tre an Tighearn a mhàin. 20 Coimhcheangal an fhir-shaoraidh.*

FEUCH, cha-n'eil làmh an Tighearn' air dol 'an giorrad, air chor as nach feud i tèarnadh; ni mò tha a chluas air fàs mall, air chor as nach feud i cluimtin.

2 Ach chuir bhur n-eu-ceartan dealachadh eadar sibh féin agus bhur Dia; agus dh'fholluich 'ur lochdan uaibh a ghnùis, ionnus nach éisd e.

3 Oir tha bhur làmh an truailleadh le fuil, agus 'ur meòir le h-eu-ceart; labhair 'ur bilean cealg; bithidh bhur teangadh a' teachd air aimhleas.

4 Cha-n'eil neach a' gairm air ceartas, cha-n'eil neach a' tagradh air son na firinn; tha iad a' cur an dòigh ann an diomhanas, agus a' labhairt bhreug; torrach le h-aimhleas, agus a' breith eu-ceirt.

5 Tha iad a' gur air uibhean na ri-nathrach, agus a' figheadh lion an damhan-alluidh; esan a' dh'itheas de'n uibhean, gheibh e bàs; agus an uair a bhruthar e' brisidh nath a nimhe mach.

6 De'n liontaibh cha deanar trusgan; ni mò 'chòmhdaicheas iad iad féin le'n oibrigh; an oibre is oibre na h-eucorach iad; agus tha gnìomh an fhoirneirt 'u an làmh an.

7 Tha an cas a' ruith chum uile, agus tha iad a' greasad chum fuil neò-chiontach a dhòrtadh; is imleachdan aingidheachd an imleachdan; tha léir-sgrìos agus millcadh 'u an ceumaibh.

8 Slighe na sìthe cha-n aithne dhoibh, ni mò 'tha ceart-bhreith 'n an ròidibh; rinn iad dhoibh féin ceuman cama; cò air bith a shiùbhlas annta, cha-n aithne dha sìth.

9 Air an aobhar sin tha breitheanas fada uainn, agus cha-n'eil ceartas a' breith oirn; tha sinn ag ainhar air son soluis, ach feuch dorchadas; air son soilleireachd, ach tha sinn a' gluasad ann an duibhre.

10 Tha sinn a' smeurachadh, mar na doill, ag iarraidh a' bhalla; agus mar mhuinntir gun fhradharc tha sinn a' smeurachadh; tha sinn a' tuisleachadh mu mheadhon-là, mar anns an dù-thrà; *tha sinn* ann an ionadaibh uaigneach mar dhaoinibh marbha.

11 Tha sinn a' bùirich mar mhath-ghamh-nuibh; mar cholumain tha sinn ri sìor-chaoirean; tha ar sùil ri breitheanas, ach cha-n'eil e ann; ri fuasgladh, ach 's ann a tha e fada uainn.

12 Oir tha ar lochdan air fàs lìonmhor ann ad làthair, agus tha ar ciontan a' toirt fianuis 'n ar n-aghaidh; oir tha ar lochdan 'u ar cuideachd, agus ar n-aingidheachd is féir dhuinn;

13 Le peacachadh agus le breugaibh an aghaidh an Tighearn', agus le pilleadh air falbh o ar Dia; le ainneart a labhairt, agus le cèannaire a dhealbhadh; agus le briathran breugach aithris o'n chridhe.

14 Agus tha brcitheanas air pilleadh air ais, agus tha ceartas a' seasamh fad as; oir thuishich an fhìrinn air an t-sràid, agus cha b'urrain ionracas teachd a steach.

15 Agus tha firinn air teicheadh air falbh; agus tha esan, a sheachaineas an t-òle, 'g a dheanamh féin 'n a chreigh; agus chunnaic an Tighearn, agus mhi-thaithinn e ris, nach robh breitheanas ann.

16 Agus chunnaic e nach robh fear ann, agus b'ìoghnadh leis nach robh eadar-mheadhonair ann; an sin dh'oibrich a ghairdean féin slàinte air a shou; agus 'fhìreantachd féin chum i suas e.

17 Agus chuir e uime fireantachd mar uchd-éididh; agus elogaid na slàinte air a cheann; agus chuir e uime trusgan an dioghaltais mar eudach, agus chòmhdaich se e féin le h-cud mar le faluinn.

18 A réir an gnìomharan, mar sin bheir e ath-dhioladh; corruich d'a naimhdeibh, dioghaltas d'a eascairdibh; do na h-cileanaibh iocaidh e dioghaltas.

19 Mar sin bheir *iadsan* o'n iar urram do ainm an Tighearna; agus *iadsan* o éirigh na gréine d'a ghlòir; an uair a thig an nàmhaid mar thuil, togaidh Spiorad an Tighearna suas bratach 'n a aghaidh.

20 Agus thig am Fear-saoraidh gu Sion, agus tionndaidhidh e eusaontas o Iacob, deir an Tighearn.

21 Agus air mo shon-sa, is e so mo choimh-cheangal riu, deir an Tighearn; Mo Spiorad a tha ortsa, agus mo bhrìathran a chuir mi ann ad bheul, cha dealaich iad ri d' bheul, no ri beul do shliochd, no ri beul shliochd do shliochd, deir an Tighearn, o'n àm so eadhon gu sìerruidh.

CAIB. LX.

1 *Thig na cinnich o chéin, agus tionndaidhear mòr shluagh an domhain a dh'ionnsuidh Chrìosd. 15 Ni Dia an eaglais 'n a h-aobhar gairdeachais feadh linn nan linn.*

EIRICH, dealraich; oir thàinig do sholus, agus tha glòir an Tighearn' air éirigh ort.

2 Oir, feuch, còmhdaichidh dorchadas an talamh, agus dall-cheo na cinnich; ach ortsa éiridh an Tighearn, chithear a ghlòir a' dealradh ort.

3 Agus thig cinnich dh'ionnsuidh do sholuis, agus rìghrean dh'ionnsuidh do ghrian-éirigh.

4 Tog suas do shùilean mu'n cuairt, agus faic; tha iad uile air an cruinneachadh ri 'chéile; tha iad a' teachd a d' ionnsuidh; thig do mhic o chéin, agus bithidh do nigh-eanan air an altrum ri d' thaobh.

5 An sin chì thu, agus sruthaidh tu thairis,

agus nì do chridhe plogartaich, agus nith-eàr farsuinn e; a chionn gu'n tionndaidhear mòr shluagh na faireg thugad, agus gu'n tig feachd nan cinneach a d' ionnsuidh.

6 Còmhdaichear thu le h-òmhòireachd nan càmbhal, le dromedairibh Mhìdiaìn agus Ephàib; thig iad uile o Sheba; òr agus tùis giùlainidh iad, agus cliù an Tighearna cuiridh iad 'an cèill.

7 Cruinnichear a d'ionnsuidh uile threudan Chedair; nì reitheachan Nebaioit frithealadh dhuit; théid iad suas, agus gabhar iad gu taitneach air m'altair; agus tigh mo ghloire *fathast* glòraichidh mi.

8 Cò iad so a tha 'snaimh mar cheò, agus mar cholumain *ag itealaich* a dh'ionnsuidh an ionaid-tàimh?

9 Gu deimhin feithidh na h-eileanan rium, agus longan Tharsis air thoiseach; a thoirt do mhae o chéin, lén airgid agus an òr maille ri; a chum ainme an Tighearna do Dhé, agus a chum Ti naoimh Israeil, oir glòraich esan thu.

10 Agus togaidh mic a' choigrich suas do bhallachan, agus fritheilidh an rìghrean duit; oir ann am chorruich bhuaill mi thu, ach ann am dheadh-ghean nì mi iochd ort.

11 Agus bithidh do gheatachan fosgailt' an còmhuidh; a là agus a dh'oidhche cha druidear iad; a chum gu'n toirear a d'ionnsuidh mòr shluagh nan cinneach, agus an rìghrean le greadhnachas.

12 Oir an cinneach agus an rìoghachd nach dean seirbhìs dhuit, bithidh iad cailte; seadh, sgriosar na cinnich sin gu tur.

13 Thig glòir Lebanoin a d'ionnsuidh, an giùthas, an gall-giùthas, agus an crann-bocsa le 'chéile; a chum maise air mo naomh-ionad-sa, agus a chum gu'n glòraichinn àite mo chos.

14 Agus thig mic do luchd-sàruchaidh 'g an cromadh féin ann ad làthair; agus nì gach neach a rinn tàir ort umhlachd gu bonnaibh do chos; agus goiridh iad dhìot, Caithir an Tighearna, Sion Ti naoimh Israeil.

15 'An àit thu bhi air do thréigsinn, agus air d'fhuathachadh, air chor as nach do shiubhail aon neach tromhad; nì mi thu a'd' oirdhearcais sìorruidh, a'd' aobhar-gairdeachais feadh linn nan linn.

16 Agus deothailidh tu bainne chinneach, agus cìoch rìghrean deothailidh tu; agus bithidh fios agad gur mise an Tighearna do Shlànuidhear; agus gur e d'fhear-saoraidh Ti cumhachdach Iacoib.

17 Agus 'an àit umha, bheir mi òr; agus 'an àit iarunn, bheir mi airgid; agus 'an àite fiodha, umha; agus 'an àite chlach, iarunn; agus nì mi do mhaoir 'n an sìth, agus do chis-mhaoir 'n an ceartas.

18 Cha chluinnear nì's mò foirneart ann ad fhearann, sgrios agus milleadh ann ad chrìochaibh; ach thru thu Slàinte *mar*

ainm ri d' bhallachan, agus Moladh ri d' gheatachan.

19 Cha bhi a' ghrian agad nì's faide mar sholus anns an là; nì mò 'bhithneas dealradh na gealaich 'g ad shoillseachadh; ach bithidh an Tighearna 'n a sholus sìorruidh dhuit, agus do Dhia 'n a ghloir agad.

20 Cha téid do ghrian tuilleadh sìos, nì mò dhorchaichear do ghealach; oir bithidh an Tighearna 'n a sholus sìorruidh dhuit, agus crìochnaichear làithean do bhròin.

21 Agus *bithidh* do shluagh uile 'n am fireanaibh; sealbhaichidh iad am fearann gu sìorruidh; am meangan a shuidhich mi, obair mo làmhlan, chum gu'm bi mi air mo ghldrachadh.

22 Fàsaidh an aon bheag 'n a mìle, agus an aon shuarach 'n a cinneach làidir; luath-aichidh mise Iehobhah e 'n a thràth.

CAIB. LXI.

1 *Dreuchd Chrìosd. 4 Ath-nuadhaichidh Dia an eaglais, agus bheir e d'a luchd-frithealaidh éididh molaidh 'an àite spioraid airseil.*

THA Spiorad an Tighearna Iehobhah orm, do bhrìgh gu'n d'ung an Tighearna mi; a thoirt deadh sgeòil do'n mhaicanta chuir e mi; a cheangal suas luchd a' chridhe bbriste, a dh'èigheach fuasglaidh do na braigheadh, agus fosglaidh a' phrìosain dhoibhsan a tha ceangailte;

2 A dh'èigheach bliadhna thaitnich an Tighearna, agus là dìoghaltais ar Dé-ne; a thoirt comhfhurtachd dhoibhsan uile a tha ri bròn;

3 A dl'òrduchadh do luchd-caoinachd Shìoin, a thoirt doibh maise 'an àite luathre, oladh aoibhneis 'an àite bròn, éididh molaidh 'an àite spioraid airseil; a chum gu'n goirteadh dhiubh Craobhan fireantachd, a shuidhich an Tighearna air sgàth a ghloire.

4 Agus togaidh iad suas na seann làraichean, càirichidh iad r'a chéile na h-ionadan sgaoilte o chian; ath-nuadhaichidh iad na bailtean briste, ionadan fàsaichte nan iomadh linn.

5 Agus seasaidh coigrich suas, agus beathaichidh iad bhur treudan; agus *bithidh* mic a' choigrich 'n an treabhaichean dhuibh, agus 'n an luchd-saoithreachaidh na fìonain.

6 Ach goirèar dibhise Sagartan an Tighearna; Luchd-frithealaidh ar Dé-ne theirear ribh; saobhreas nan cinneach ithidh sibh, agus 'n an glòir nì sibh uail.

7 'An àite bhur nàire *gheibh sibh cuibh-rìonn* dhùbailte; agus 'an àite maslaidh, nì iad gairdcachas 'n an cuibh-rìonn; uime sin 'n an tìr scalbhaichidh iad roinn dhùbailte; bithidh aoibhneas aca gu sìorruidh.

8 Oir is mise an Tighearna, leis an ion-mhuinn breitheanas; is beag orm ainneart air son tabhartais-loisgte; agus cuiridh mi air a h-aghaidh an obair ann am fìrinn; agus comhlìcheangal sìorruidh nì mi ri.

9 Agus aithnichear an sliochd am measg nan cinncach, agus an gineal am measg nan sluagh; na h-uile a chi iad, aidichidh iad gur sliochd iad a bheannaich an Tighearn.

10 Ni mi gairdeachas gu mòr anns an Tighearn; bithidh m'anam aoibhneach ann am Dhia; oir chuir e orm éididh na slàinte, chòmhaidh e mi le trusgan na fireantachd; mar a sgèadaicheas fear-bainne e féin le crùn sgiamhach, agus mara dh'ùigheamaicheas bean-bainne i féin le a seudaibh.

11 Oir mar a chuireas an talamh a mach a chinneas, agus mar a bheir an lìos air an t-sìol fàs a nìos; mar sin bheir an Tighearn Iehobhah air fireantachd agus moladh fàs suas 'an làthair nan uile chinncach.

CAIB. LXII.

1 *Eud an fhàidh air son soirbheachaidh na h-eaglais.* 6 *Dreuchd an luchd-faire.* 8 *Dhaingnich Dia a gheallaidhean le bli'mionnachadh air féin.* 10 *An t-ulluchadh air son an t-soisgeil.*

AIR sgàth Shioin cha bhi mi a'm' thosd, agus air sgàth Ierusalem cha ghabh mi fois; gus am bris a fireantachd a mach mar sholus dealrach, agus a slàinte mar leus lasarach.

2 Agus chi na cinnich d'fhìreantachd, agus na h-uile rìghrean do ghlòir; agus bheircar ainm nuadh ort, a ghairmeas beul an Tighearna.

3 Agus bithidh tu a'd' chrùn glòire ann an làimh an Tighearn', agus a'd' choron rìoghail ann an glaic do Dhé.

4 Cha'n abrar riut tuilleadh, Té ris an do chuireadh cùl; ni mò theircar ri d'fhearann tuilleadh, am Fàsach; ach 's e theircar riut, Bean mo rùn; agus ri d'fhearann, Bean-phòsda; oir bithidh rùn an Tighearn' ort, agus bithidh d'fhearann air a cheangal ann am pòsadh.

5 Oir mar a phòsas duin-òg òigh, mar sin pòsaidh d'fhear-togail thusa; agus mar a ni am fear nuadh-pòsda gairdeachas 'n a mhaoi, mar sin ni do Dhia gairdeachas annadasa.

6 Chuir mi luchd-faire air do bhallachan, O Ierusalem; ré an là, agus ré na h-oidheche, cha bhi iad 'n an tosd; sibhs' tha 'deanamh luaidh air ainm an Tighearna, na bithibhs' 'n ur tosd;

7 Agus na tugaibh fois dhia, gus an daingnich e, agus gus an dean e Ierusalem 'n a ciù air an talamh.

8 Mhionnaich an Tighearn air a làimh dheis, agus air a ghairdean cumhachdach, Cha tabhair mi nìs mò d'arbhar mar lòn do d' naimhidh; ni mò dh'òlas clann a' choigrich d'fhìon nuadh, air son an do shaothraich thu:

9 Ach ithidh iadsan e, a thionailcas e, agus molaidh iad an Tighearn, agus iadsan

a chruinnicheas e, òlaidh iad e ann am chùirtibh naomha-sa.

10 Siubhlaibh, siubhlaibh troimh na geatachaidh; ulluichibh slighe 'n a t-sluaigh; tilgibh suas, tilgibh suas an rathad mòr; glanaibh as na clachan; togaibh suas bratach air son nan slògh.

11 Feuch, ghlaodh an Tighearn gu iomall an domhain; Abraibh ri nighinn Shioin, Feuch, tha do Shlànuidheach a' teacld; feuch, tha a luigheachd maille ris, agus *duais* 'oibre 'n a làthair.

12 Agus theircar riu, An sluagh naomh, muinntir shaorta an Tighearna; agus riutsa theircar, Miannaichte, Baile nach tréigear.

CAIB. LXIII.

1 *Nochd Crìosd a chumhachd gu tèarnadh, agus a dhìoghalas air a naimhidh.* 7 *Dh'òilhris am fàidh tròcairean Dhé, agus meud a mhaith-eis do thigh Israel.* 15 *Ghuidh e gu'n seutladh Dia air a shluagh a réir lionnhoireachd a thròcairean.*

CO so a tha 'teachd o Edom, le culaidh dhaithe o Bhosrah? e so a tha sgiamhach 'n a éididh, a' siubhal ann am mòrachd a neirt? Mise, a tha 'labhairt ann am fireantachd, cumhachdach gu tèarnadh.

2 Car son a tha d'èididh dearg, agus d' fhalluing mar neach a' saltairt an amair-fhiona?

3 Shaltair mi an t-amar a'm' aonar, agus de na slògh cha robh aon neach maille rium; oir shaltair mi orra ann am fheirg, agus phronn mi iad ann am chorruih; agus chrathadh am fuil air mo chulaidh, agus tharruing mi sal air m'èididh uile.

4 Oir bha là an dioghaltais ann am chridhe, agus bha bliadhna mo mhuinntir shaorta air teachd.

5 Agus dh'amhaire mi, agus cha robh fear-cuideachaidh ann; agus b'ìoghnadh leam nach robh fear-taice ann; uime sin dh'òilhrich mo ghairdean féin slàinte dhomh, agus chum mo chorruih féin taic rium.

6 Agus shaltair mi sìos na slòigh ann am fheirg, agus chuir mi air mhisg iad ann am chorruih, agus thug mi sìos an neart chum an làir.

7 Tròcairean an Tighearn' aithrisidh mi, agus cliù an Tighearn'; a réir gach ni a bhuilich an Tighearn oirnn, agus meud a mhaithis do thigh Israel, a dheonaich e dhoibh a réir a chaoimhneis, agus a réir lionnhoireachd a thròcairean.

8 Oir thubhairt e, Gu deimhin is iad mo shluagh, clann nach dean breug; agus bha e 'n a Shlànuidheach dhoibh.

9 'N an uile àmhghar bha esan fo àmhghar; agus rinn aingeal a làthaireachd an tèarnadh; ann a ghràdh agus ann a iochd rinn e féin an saoradh; agus dh'iomhair e iad, agus ghiùlain e iad, ré nan uile làithean o shean.

10 Ach rinn iadsan ceannaire, agus chuir

iad doilghios air a Spiorad naomh; air chor as gu'u d'fhàs e 'n a nàmhaid doibh, agus chog e féin 'u an aghaidh.

11 An sin chuinnich e na làithean o shean, Maos agus a shluagh; ag ràdh, Cia esau a thug a nìs iad o'n fhaire, le buachaille a threud? Cia esan a chuir a Spiorad naomh an taobh a stigh dheth?

12 A stiùir iad eig deas làimh Mhaois le a ghairdean glòrmhor; a' sgoltadh nan uisgeachan roimhe, a dheanamh ainme shìorruidh dha féin?

13 'G an stiùradh troimh an doimhne, mar each ams an fhàsach, ionnus nach tuislich-eadh iad?

14 Mar a théid an spréidh sìos do'n ghleann, thug Spiorad an Tighearn' orra fòis a ghabhail: mar sin threacich thu do shluagh, a dheanamh ainme ghlòrmhoir dhuit féin.

15 Seall a nuas o nèamh, agus faic o d' ionad-còmhnuidh naomh agus glòrmhor; c'àit am bheil d'eud, agus do neart; lion-mhoireachd do thrèacaireau agus do thruas dhìom? Am bheil iad air an cumail air an ais?

16 Gu deimhin is tusa ar n-Athair, ged uach aithne do Abraham sinn, agus nach 'eil Israel a' gabhail ruinn: is tusa, a Thighearn', ar n-Athair, ar Fear-saoraidh; tha d'ainm o shìorruidheachd.

17 C'ar son, a Thighearn', a thug thu oirnn dol air seacharan o d' shligheibh, agus a chruaidhich thu ar cridhe o d' eagal? Pill air sgàth do sheirbhiseach, treubhan d'òigh-reachd féin.

18 Is beag an ùine a shealbhaich do shluagh naomh; shaltair ar naimhdean sìos do naomh-ionad.

19 Bu leat sinne riamh; cha robh thu a' riaghladh os an ceann-san; cha robh iad air an gairm air d'ainm.

CAIB. LXIV.

1 Dhiarr an eaglais foillseachadh cinnhadh Dhé; 4 dhi'aidich i gu'n robh a thrèacairean lionmhor; 9 agus gluidh i nach cuimhnich-eadh e a h-aingidheachd 'n a h-aghaidh gu bràth.

O GU'N reubadh tu o' chéile na nèamhan, gu'u tigeadh tu nuas, gu'n sruthadh na sléibhteau sìos ann ad làthair;

2 Mar a loisgeas an teine-leaghaidh, mar a chuireas an teine goil air uisge; a chum d'aim a dheanamh aithnichte do d' naimhdeibh, gu'n crìothuaicheadh na einnich ann ad fhianuis!

3 An uair a rinn thu nithean iongantach ris nach robh shùl againn, thàinig thu nuas; ann ad làthair sruth na sléibhteau sìos.

4 Oir riamh cha chuala daoine, cha d' fhaicich iad le'n cluais, ni mò 'chunnaic sùil, dia eile ach thusa, a ni a leithid air son an ti a dh'fheitheas air.

5 Tha thu a' teachd 'an còdhail an ti a tha

'gabhail tlachd ann an ceartas a dheanamh; a' mhuinntir a tha cuimhneach ortsa ann ad shligheibh: feuch, tha corruich ort, oir pheacaich sinne; eadhon rìusan o shean, ach tha sinne air ar tèarnadh.

6 Agus tha sinne uile mar ni truailidh, agus ar n-uile fhìreantachd mar luidheig shlaich; agus tha sinn uile air seargadh mar dhuilleach; agus rinn ar lochdau, mar a' ghaoth, ar giùlan air falbh.

7 Agus cha-n'èil aon neach ann a tha 'gairm air d'ainm, a tha 'g a dhùsgadh féin suas a dheanamh greim ort; oir dh'fholuich thu do ghnuis uainn, agus chlaoidh thu siu air son ar n-euceartan.

8 Ach a nis, O Thighearn', is tusa ar n-Athair; is sinne a' chrìadh, agus is tusa ar fear-deilbh; agus is sinne uile obair do làimhe.

9 Na bitheadh corruich ro gheur ort, a Thighearn', agus na cuimhnich aingidh-eachd gu bràth; feuch, amhaire, guidheam-aid ort, is sinne uile do shluagh.

10 Dh'fhàs do bhailtean naomha 'n am fàsach; tha Siou 'n a fàsach; tha Ierusalem faondrach.

11 Tha ar tigh naomh agus àluinn, anns an d'thug ar n-aithrichean moladh dhuit, air a losgadh le teine; agus tha ar n-uile nithean tlachdmhor air an lèir-sgrìos.

12 Au cum thu ort féin air son nan nithean sin, a Thighearn'? Am bi thu a'd' thòsd, agus an cràidh thu sinn gu goirt?

CAIB. LXV.

1 Ghairm Dia na cinnich, agus thréig e na h-Iudhaich air son am mi-chreidimh agus an aingidheachd. 8 Tèarnar fuigheall drùibh. 11 Thig breitheanas air an aingidh, ach beann-aichear an t-ionracan. 17 An nuadh Ierusalem.

DH'FHOILLSICHEADH mi dhoibh-san nach robh 'g am fharraid; fhuaradh mi leosan nach robh 'g am iarraidh; thubhairt mi, Feuch mi, feuch mi, ri cinn-each nach robh air 'ainmeachadh orm.

2 Shìn mi mach mo làmhnan fad an là ri sluagh ceannaireach, a tha 'gluasad anu an droch shlighe, a réir an innleachdan féin;

3 Sluagh a tha an còmhnuidh 'g am bhros-nuchadh gu feirg ri m' aghaidh; ag iobradh anns na h-osaibh, agus a' losgadh tùise air na clachaibh-creadha;

4 A tha 'fantuinn an measg nan àiteach-an-adhlac, agus a' gabhail còmhnuidh anns na h-uainhean; a tha 'g itheadh feòla mhuc, agus aig am bheil sùgh nithean gràineil 'n au soithichibh.

5 A tha 'g ràdh, Fan agad féin, na tig am fagus domhsa; oir is mise a's naoimhe na thusa. Tha iad so 'u an deataich ann an shròin, 'n an teine 'tha 'losgadh ré an là uile.

6 Feuch, tha e sgrìobhta ann am làthair; cha-n fhaui mi a'm thòsd, ach ath-dhiolaidh mi; seadh, ath-dhiolaidh mi ri'n uchd,

7 Bhur n-*at*-ccartan, agus eu-ccartan 'ur n-aithrichean le 'chéile, deir an Tighearn, a loisg tuis air na sléibhtibh, agus a thug toibheum dhomh air na cnocaibh; seadh, tomhaisidh mi air ais dhoibh 'n an uchd an obair a *rinn iad* roimhe so.

8 Mar so deir an Tighearn, Amhuil a gheibhear am fion nuadh anns a' bhgaide, agus a their *neach*, Na mill e, oir tha beannachadh ann; mar sin ni mise air sgàth mo sheirbhisich; cha sgrios mi an t-iomlan.

9 Agus bheir mi mach sliochd o Iacob, agus o Iudah scalbhadair mo shléibhtean; agus scalbhaichidh mo mhuinntir thaghta am fearann, agus gabhaidh m'òglaich tàmh ann.

10 Agus bithidh Saron 'n a chrò chaorach, agus glèann Achoir 'n a bhuaile bhò, air son mo shluaigh-sa, a bha 'g am iarraidh.

11 Agus sibhse a thréig an Tighearn, a dhì-chuimhnich mo shliabh naomh; a tha 'deasachadh buird do Ghad, agus a' lìonadh iobairt-dhìbbe do Mheni;

12 Airmidh mi sibhse chum a' chlàid-eimh, agus cromaidh sibh uile sìos chum a' chasgraidh; a chionn, an uair a ghlaodh mi, nach do fhreagair sibhse; an uair a labhair mi, nach d'éisd sibh; ach rinn sibh olc ann am shealladh, agus an ni anns nach robh tlachd agam ròghnaich sibh.

13 Air an aobhar sin mar so deir an Tighearn Iehobhah, Feuch, ithidh m'òglaich-sa, ach bithidh ocras oirbhse; feuch, òlaidh m'òglaich-sa, ach bithidh tart oirbhse; feuch, ni m'òglaich-sa gairdeachas, ach bithidh nàire oirbhse:

14 Feuch, seinnidh m'òglaich-sa tre aoibhneas cridhe, ach glaothaidh sibhse tre dhoilghios cridhe; agus tre chràdh spioraid ni sibh caoineadh.

15 Agus fàgaidh sibh bhur n-ainm mar mhallachadh do m' mhuinntir thaghta-sa; oir marbhadh an Tighearn Iehobhah thu, agus bheir e ainm eile air 'òglaich.

16 An neach a bheannaicheas e féin air talamh, beannaichidh se e féin ann an Dia na firinn; agus an neach a bheir mionnan air talamh, mionnaichidh e air Dia na firinn; a chionn gu bheil na h-àmhgharan roimhe air an dì-chuimhneachadh, agus a chionn gu bheil iad foluichte o m' shùilibh.

17 Oir feuch, cruthaicheam nèamhan nuadha agus talamh nuadh; agus cha chuimhnear iad sin a bh'ann roimhe, agus cha tig iad ann an aire an duine.

18 Ach deanaibhse gairdeachas, agus bithidh aoibhneach gu cian nan cian, *air son an ni* a chruthaicheam; oir feuch, cruthaicheam Ierusalem 'n a chis-aoibhneis, agus a sluagh 'n an cùis-ghairdeachais.

19 Agus bithidh mi aoibhneach ann an Ierusalem, agus ni mi gairdeachas ann am shluagh; agus cha chluinnear guth caoidh no guth caoinidh innte nìs mò.

20 Oir cha bli as a sin suas naoidhean gearr-shaoghlaich, no seann duine nach do choimhlion a làithean; oir bàsaichidh an naoidhean an uair a ruigeas e ceud bliadhna dh'aois; ach bithidh am peacach a ruigeas ceud bliadhna dh'aois mallaichte.

21 Agus togaidh iad tighean, agus gabhaidh iad còmhnuidh *ann*; agus suidhichidh iad fion-fiosan, agus ithidh iad d'an toradh.

22 Cha dean iadsan togail, agus neach eile àiteachadh; cha dean iadsan suidheachadh, agus neach eile itheadh; oir mar làithean craoibhe bithidh làithean mo shluaigh-sa; agus mealaidh mo mhuinntir thaghta ré ùin' fhada obair an làmhnan féin.

23 Cha saothraich iad gu dìomhain, ni mò 'ghineas iad sliochd chum dragha; oir is iad siol dhaoine beannaichte an Tighearn', agus an sliochd maille riu.

24 Agus tarlaidh, mu an gairm iad, freagraidh mi; agus am feadh a blùthas iad fòs a' labhairt, éisdidh mi.

25 Ni am madadh-alluidh agus an t-uain ionaltradh le 'chéile; agus ithidh an leòmh-an connlach mar an damh; ach 's e an duslach a's biadh do'n nathair. Cha dochainn agus cha mhil iad ann mo shliabh naomhsa uile, deir an Tighearn.

CAIB. LXVI.

1 Tha Dia a' nochdadh d'a shluagh gu'm feum iad seirbhis a dheanamh dha gu h-iriosal, agus ann an treibhdhìreas an cridhe. 5 Bheir an Tighearn comhfhurtachd dhoibhsan a ghluaiseas 'n a eagla. 15 Dòirtidh e a chorr-ruich air an aingidh. 18 Cruinnichear na h-ìudhaich agus na cinnich do aon eaglais.

MAR so deir an Tighearn, Is iad na nèamhan mo rìgh-chaithir, agus an talamh stòl mo chos; cia e an tigh a thogas sibh dhomhsa? agus cia e ionad mo chòmhnuidh?

2 Oir na nithean so uile rinn mo làmh, agus na nithean so uile is leamsa, deir an Tighearn; ach air an fhear so amhaireidh mi, eadhon airsan a thia boclid agus òlonta 'n a spiorad, agus a chriothnaicheas roimh m'fhocal.

3 Tha esan a mharbhas damh, mar gu'm mortadh e duine; esan a dh'òbras uan, mar gu'n cuireadh e an ceann de mhadadh; esan a bheir seachad tabhartas, mar gu'n tugadh e seachad fuil mhuc; esan a loisgeas tuis, mar gu'm beannaicheadh e iodhol; seadh, ròghnaich iad an slighean féin, agus 'n an gràineilcachdaibh féin tha an anam a' gabhail tlachd.

4 Ròghnaichidh mise fòs am faoin-smuaintean, agus an chis-eagal bheir mi orra; a chionn gu'n do ghlaodh mi, agus nach d'thug aon neach freagradh; labhair mi, agus cha d'éisd iad; ach rinn iad olc ann am shealladh, agus an ni anns nach robh tlachd agam ròghnaich iad.

5 Cluinnibhse focal an Tighearna, sibhse 'tha criothnachadh' ròimh 'thocal; bhuir bràithrean a tha 'toirt fuatha dhuibh, a thilg a mach sibh air sgàth m'ainme-sa, deir iad, Bitheadh an Tighearn air a ghlòrachadh; ach foillsichear e chum aoibhneach dhuibhse, agus cuirear iadsan gu h-amhladh.

6 Guth àrd-ghlaoidh o'n chaithir: guth o'n teampull; guth an Tighearn, a' toirt ath-dhiolaidh d'a naimhidh.

7 Mu'n robh i ann an saothair-chloinne, dh'aiseadadh i; mu'n d'fhàinig a h-ìogh-annan, rug i leanabh-mic.

8 Cò 'chual' a leithid so? cò 'chunnaic an leithidean so de nithibh? an tabhair an talamh a mach a 'thradh ann an aon là? an bi cinneach air a bhreith 'dhaon bheum? oir cha bu luaithe 'bha Sion ann an saothair na rug i a clann.

9 An toir mi gus a' bhreith, agus nach toir mi fainear gu'm beircar? deir an Tighearn; an gin mi, agus am bac mi a' bhreith? deir do Dhia.

10 Deanaibh gairdeachas le Ierusalem, agus bithibh subhach air a son, sibhse uile le'n ionnmhuinn i; bithibh ro aoibhneach leatha, sibhse uile a tha ri bròn air a son;

11 A chum gu'n deòthail sibh, agus gu'm bi sibh sàsuichte le còcaibh a sòlas; a chum gu'n tarruing sibh, agus gu'm faigh sibh toilintinn ann am pailteas a glòire.

12 Oir mar so deir an Tighearn; Feuch, sgaoileam sith thairis oirre mar amhainn, agus glòir nan cinneach mar shruth a' taomadh a nuas; an sin deòthlaidh sibh, giùlainear sibh air an léis, agus luaisgear sibh air na glùinibh.

13 Mar neach do'n tabhair a mhàthair comhfhurtachd, mar sin bheir mise comhfhurtachd dhuibhse; agus ann an Ierusalem gheibh sibh sòlas.

14 An uair a chi sibh so ni bhuir cridhe gairdeachas; agus bithidh 'ur cnàmhan ùrar mar am feur; agus foillsichear làmh an Tighearna d'a òglaich; ach lasaidh 'fhearg an aghaidh a naimhdean.

15 Oir feuch, thig an Tighearn le teine, agus a charbad mar chuairt-ghaoith; a

dhòrtadh a mach a ehorruich mar ain-teas, agus 'achmhasain le lasraichibh teine.

16 Oir le teine agus le a chlaideamh tagraidh an Tighearn ris gach uile fheoil, agus bithidh mòran air am marbhadh leis an Tighearn.

17 Iadsan a tha 'g an naomhachadh féin agus 'g an glanadh féin anns na liosaibh, air cùl aoin *chraoibhe* 's a' mheadhon; ag itheadh feòla mhuc, agus na gràineileachd, agus nan luch; gearrar as iad le 'chéile, deir an Tighearn.

18 Oir is *aithne* dhomhsa an gnèimharan, agus an imleachdan; thigcam a chruinn-eachadh nan uile ehinneach agus theang-annan ri 'chéile; agus thig iad, agus chi iad mo ghloir.

19 Agus cuiridh mi comharadh 'n am measg; agus a' mhuinntir a théid as diubh cuiridh mi dh'ionnsuidh nan cinneach, gu Tarsis, Pul, agus Lud, a thairngas am bogha; gu Tubal agus Iabhan, na crìochan fad' as; nach cuala ionradh orn, agus nach faca rianh mo ghloir; agus cuiridh iad 'an céill mo ghloir ann measg nan cinneach.

20 Agus bheir iad 'ur bràithrean uile, as gach cinneach, *mar* thabhartas do'n Tighearn; air eachaibh, agus air carbadaibh, agus air uirighibh, air muilidibh, agus air ainmhidhean luath-chosach; gu mo shliabh naomh-sa Ierusalem deir an Tighearn; amhuil a bheir clann Israeil tabhartas ann an soitheach glan gu tigh an Tighearna.

21 Agus dhiubhsan mar an ceudna gabhaidh mi, air son shagart, agus air son Leblitheach, deir an Tighearn.

22 Oir amhuil a mbaireas na nèamhan nuadha, agus an talamh nuadh, a tha mi 'cruthachadh, ann am fhianuis, deir an Tighearn; mar sin mairidh bhuir slìochd-se, agus 'ur n-ainn.

23 Agus tarlaidh; o ghealaich ùir gu gealaich ùir, agus o shàbaid gu sàbaid, gu'n tig gach uile fheoil a dheanaibh aoraidh ann an làthair-sa, deir an Tighearn.

24 Agus théid iad a mach, agus seallaidh iad air ciosaichean nan daoine a chiontaich a'm' aghaidh; oir cha bhàsaich an enuimh, agus cha mhùchar an teine; agus bithidh iad 'n an gràineileachd do na h-uile fheoil.

I E R E M I A H.

CAIB. I.

1 An t-àm 's an d'rinn Jeremiah fàisteachd; 4 Naomhaich Dia e o'n bhroinn. 11 Nochdadh dha gu'n rachadh Ierusalem a sgrìos. 17 Neartaich Dia e fa chomhair a dhreuchd.

BRIATHRAN Jeremiah mhic Hilciah, aon de na sagartaibh a bha 'an Anatot ann am fearann Bheniamin:

2 A dh'ionnsuidh an d'fhàinig focal an Tighearn' ann an làithibh Iosiah mhic Amoin rìgh Iudah, anns an treas bliadhna deug d'a rioghachadh.

3 Thàinig e mar an ceudna ann an làithibh Ichoiacim mhic Iosiah rìgh Iudah, gu ceann aon bhliadhna deug Shedeciah mhic Iosiah, rìgh Iudah, gus an d'fhugadh air falbh

Ierusalem ann am braighdeanas anns a' chùigeamh mios.

4 Thàinig an sin focal an Tighearn' a m'ionnsuidh-sa, ag ràdh,

5 Mu'n do dhealbh mi thu 's a' bhroinn, b'aithe dhomh thu; agus mu'n d'fhàinig thu mach o'n bholg, chuir mi air leth thu: mar fhàidh do na cinnich thug mi thu.

6 An sin thubhairt mise, Och! a Thighearna Iehobhah, feuch, cha-n aithne dhomh-sa labhairt, oir is leanabh mi.

7 Agus thubhairt an Tighearn rium, Na h-abair, Is leanabh mi: ach a chum nan uile gu an cuir mise thu, thèid thu; agus ciod sam bith a dh'aitheanas mi dhuit, labhraidh tu.

8 Na bitheadh eagal ort roimh an gnùis; oir tha mise maille riut a chum do thèarnadh, deir an Tighearn.

9 Agus chuir an Tighearn a mach a làmh, agus bhean eri m' bheul; agus thubhairt an Tighearn rium, Feuch, chuir mise mo bhriathran ann ad bheul.

10 Feuch, chuir mi thu air an là'n diugh os ceann nan cinneach agus os ceann nan rioghachd, gu spionadh as, agus gu tarruing a nuas, agus gu sgrios, agus gu leagail; gu togail, agus gu suidheachadh.

11 Agus thàinig focal an Tighearn a'm'ionnsuidh, ag ràdh, Ciod a tha thu 'faicinn, a Ieremiah? Agus thubhairt mise, Tha mi 'faicinn slaite de chraoibh almoìn.

12 Agus thubhairt an Tighearn rium, Is ceart a chunnaic thu: oir grèasaidh mise m'fhocal a chum a choimhlionadh.

13 Agus thàinig focal an Tighearn' a' m'ionnsuidh an dara uair, ag ràdh, Ciod a tha thu 'faicinn? Agus thubhairt mise, Tha mi 'faicinn coire air ghoil, agus air a tionndadh o'n àirde tuath.

14 Agus thubhairt an Tighearn rium, O'n àirde tuath brisidh an t-ole a mach air uile luchd-àiteachaidh na tìre.

15 Oir feuch, gairmidh mise air uile theaghlachan rioghachdan na h-àirde tuath, deir an Tighearn; agus thig iad, agus suidhichidh iad, gach aon a righ-chaitheir aig dol a steach gheatachan Ierusalem, agus air a ballachan uile mu'n cuairt, agus os ceann uile bhaithean Iudah.

16 Agus cuiridh mise mo bhreitheanais 'an cèill 'n an aghaidh, air son an uil' aingidheachd; a chionn gu'n do thréig iad mise, agus gu'n do loisg iad tùis do dhiathaibh eile, agus gu'n do shleuchd iad do oibribh an làmhnan féin.

17 Crioslaich thusa suas uime sin do leasraidh, agus érich, agus labhair riu na h-uile nithean a dh'aitheanas mise dhuit; na bith-eadh fianail ort rompa, air eagal gu'n cuir mise gu h-amhladh thu 'n am fianuis.

18 Oir feuch, rinn mise thu an diugh a'd' coaitheir dhaingnichte, agus a'd' phost taruim, agus a'd' bhalla umha, an aghaidh na

tìre so uile; an aghaidh rìghrean Iudah, an aghaidh a mòr uaislean, an aghaidh a sagartan, agus an aghaidh sluaigh na tìre:

19 Agus cathaichidh iad ann ad aghaidh, ach cha toir iad buaidh ort: oir tha mise maille riut, deir an Tighearn chum do thèarnadh.

CAIB. II.

1 *Chuimhnich Dia as leth nan Iudhach an caoimhneas a nochd e dhoibh 'n an òige, agus thagair e riu mu thimchioll an aingidheachd.*
18 *Chronaich e iad air son an iodholan.* 35 *Tha dòchas an t-sluaigh 'n an neò-chiontas féin diomhain.*

THAINIG focal an Tighearna mar an ceudna a m'ionnsuidh, ag ràdh,

2 Imich agus glaoth ann an clusaibh Ierusalem, ag ràdh; Mar so deir an Tighearn, Chuimhnich mise as do leth an caoimhneas a nochd mi dhuit ann ad òige, gradh do cheangail-pòsaidh, 'n uair a dh'imich thu a'm' dhéigh anns an fhàsach, ann am fearann nach do threabhadh.

3 Is naomhachd do'n Tighearn Israel, ceud thoradh a chinneis: iadsan uile a tha 'g a shlugadh suas, measar iad ciontach; thig aimhleas orra, deir an Tighearn.

4 Cluinnibh focal an Tighearn', O thigh Iacoib, agus uile theaghlachan tighe Israeil:

5 Mar so deir an Tighearn; Ciod an euceart a fhuair 'ur n-aithrichean annam-sa, gu'n d'imich iad fada uam, agus gu'n do ghluais iad an dèigh diomhanais, agus gu'n d'fhàs iad diomhain?

6 Agus cha dubhairt iad, C'ait am bheil an Tighearn, esan a thug a mìos sinn o thir na h-Eiphit, a stiùir sinn troimh an f'hàsach, troimh fhearann fàsail agus làn shlochd, troimh fhearann tart' agus sgàile bàis, trid fearainn nach do shiubhail aon duine troimhe, agus far nach do ghabh duine riamh còmhnuidh?

7 Thug mi sibh mar an ceudna gu dùth-aich thorraich, a dh'itheadh a toraidh, agus a maitheis; ach an uair a thàinig sibh a steach, thruaill sibh m'fhearann agus m'òighreachd rinn sibh 'n a gràineileachd.

8 Cha dubhairt na sagartan, C'ait am bheil an Tighearn? agus iadsan a lainsich an reachd, cha b'aithe dhoibh mise: rinn na h-aodhairean fòs ceannaire ann am aghaidh; agus rinn na fàidhean fàistneachd le Baal, agus lean iad nithean nach toir buannachd.

9 Uime sin tagraidh mise ruibh fathast, deir an Tighearn, agus ri cloim bhur cloinne tagraidh mi.

10 Oir siubhlaibh thairis gu crìdchan Chitim, agus faicibh; agus cuiribh fios gu Cedar, agus thugaibh geur aire; feuchaibh an do thachair riamh a leithid so.

11 An do chaochail cinneach an diathan, cadhon iad sin nach robh 'n an diathan?

Ach chaochail mo shluagh-sa an glòir air son ni gun bhuaanachd.

12 Bitheadh ioghnaidh oirbh, O nèamhan, mu'n ni so, agus bitheadh uamhas oirbh: bithibh air bhuir trom-bhualadh le h-uamhunn, deir an Tighearn:

13 Oir chuir mo shluagh-sa dà ole 'an guimh: thréig iad mise, tobar nan uisgeachan beò; agus chladhaich iad a mach dhoibh féin sluichd, sluichd eu-dionach, nach cum uisge.

14 An tràill Israel? Ma's ann de chloinn an teaghlach e, c'uim' an d'rinneadh e 'n a chobhartaich?

15 Beucaidh na leòmhain òga 'n a aghaidh; thog iad an guth, rinu iad 'fhearann 'n a fhàsach; tha a bhailean air an losgadh, gun aon 'g an àiteachadh.

16 Ni clann Noiph agus Taphaneis mar an ceudna mullach do chinn a bhriseadh.

17 Nach do choisinn thu so dhuift féin, a chionn gu'n do thréig thu an Tighearn do Dhia, an uair a bha e 'g ad stiùradh anus an t-slighe?

18 Agus a nis ciod do ghnòthuch ri slighe na h-Eiphit, a dh'òl uisgeachan Shihoir? No ciod do ghnòthuch ri slighe Asiria, a dh'òl uisgeachan na h-Aimhne?

19 Smachdaichidh d'aingidheachd féin thu, agus ni do chùl-sleamhnachadh féin do chrouachadh: aithnich uime sin agus faic, gur oleagus searbh *an ni*, gu'n do thréig thu an Tighearn do Dhia, agus nach 'cil m'eagal-sa annad, deir an Tighearn Dia nan sluagh.

20 Gu deimhin o chian fada bhris mi do chuing, sgoil mi do chuibhrichean; agus thubhairt thu, Cha bhi mi eas-umhal. Oir air gach cnoc àrd, agus fo gach craoibh uaine, tha thu 'dol air seacharan ri strìopachas.

21 Gidheadh shuidhich mise thu a'd' fhionainn uasail, gu h-iomlan a'd' shìol ceart: ach cionnus a chaochail thu orm, a' gheug clirìonaich na fionainn coimhich?

22 Oir ged nigh thu thu féin le natar, agus ged ghabh thu mòran siapuinn, tha d'aingidheachd air a comharachadh ann am làthair-sa, deir an Tighearn Iehobhah.

23 Cionnus a dh'fheadas tu ràdh, Cha-n 'eil mi salach, cha deachaidh mi an déigh Bhaalim? Feuch do shlighe anns a' ghleann; aithnich ciod a rinn thu. Tha thu mar dhromedari luath ag imeachd 'n a slighe;

24 Mar asail fhiadhaich cleachda ri fàsach, a thairngeas a' ghaoth suas 'n a cuineanaibh, anu an ciocras a h-anama: an trà thig a miann cò a philleas i? Iadsan uile 'bhitheas' ga h-iarraidh cha sgithichear iad; 'an ceann a mìosa gheibh iad i.

25 Cum do chos o bhi rùisgte, agus do mhuineal o thart. Ach thubhairt thusa, Cha-n'eil leigheas air a' chùis a nis; cha chum; oir ghràdhaich mi coigrich, agus 'n an déigh théid mi.

26 Mar a bhitheas nàire air meirleach an uair a ghlac e; mar sin chuireadh gu nàire tigh Israeil; iad féin, an rìghrean, an uachdarain, agus an sagartan, agus am fàidhean:

27 A tha 'g ràdh ri mìr fiodha, *Is tu m'athair*; agus ri cloich, *Is tu 'ghin mi*; oir thionnadaidh iad riumsa *an cùl*, is cha-n i an aghaidh; ach ann an àm an airce their iad, Eirich, agus teasaing sinn.

28 Ach c'àit am bheil do dhiathan a rinn thu dhuift féin? Eireadh iadsan, ma's urrainn iad do thèarnadh ann an àm do chruaidh-chais: oir a *réir* àireimh do bhailean bha do dhiathan, O Iudah.

29 C'ar son a thagras sibh riumsa? chionntaich sibh uile a'm' aghaidh, deir an Tighearn.

30 Gu dìomhain bhual mi bhuir clann; cha do ghabh iad cronachadh. Shluig 'ur claidheamh féin 'ur fàidhean, amhuil leòmhann millteach.

31 O sibhse de'n ghinealach so, feuchaibh focal an Tighearn: an robh mise a'm' fhàsach do Israel? a'm' fhearann dorchadais? C'uim an dubhairt mo shluagh, *Is tigh-earnan sinn oirnn féin*; cha tig sinn nìs mò thugad-sa?

32 Am feud òg-bhean a h-usgraichean a dhearmad? *no* bean-bainne a h-éideadh? Gidheadh dhearmaid mo shluagh mise làithean gu àireamh.

33 C'uim an scòl thu do shlighe a dh'iarraidh gaoil? air an aobhar sin fòs scolaidh mise dòrainnean air do shlighean-sa.

34 Fhuaradh ann ad sgiobul mar an ceudna fuil anama nan neò-chiontach bochda: cha-n ann le sgrùdadh domhain a fhuaire mi mach i, ach air a craobh-sgaoileadh.

35 Gidheadh tha thu 'g ràdh, A chionn gu bheil mi neò-chiontach, gu cinnteach pillidh a chorruih uam. Feuch tionnsgnaidh mise ann am breitheanas riut, a chionn gu bheil thu ag ràdh, Cha do pheacaich mi.

36 C'uim am bi thu co ro luaineach a chaochladh do shlighe? bithidh fathast nàire ort de'n Eiphit, amhuil a bha nàire ort de Asiria.

37 Seadh, cuideachd théid thu mach as a so, le d' làmh an air do cheann: oir dhiùlt an Tighearn cuspairean do dhòchais, agus leo cha soirbhich thu.

CAIB. III.

1 *Mòr-thròcair an Tighearna do Iudah.* 6 *Tha Israel nìs neò-chiontaiche na Iudah.* 12 *Ghairm Dia iad gu aithreachas.* 20 *Dh'aicich an sluagh am peacadhean.*

THEIR iad, Ma chuireas duine air falbh a bhean, agus gu'n imich i uaith, agus gu'n gabh i le fear eile, am pill e d'a h-iomnuidh a ris? nach bi am fearann sin gu ro mhòr air a thruaillleadh? Ach rinn thusa strìopachas le mòran lcannan; gidheadh pill riumsa a ris, deir an Tighearn.

2 Tog do shùilean suas ris na h-ionadaibh àrda, agus, feuch, cia an t-àit anns nach do thruaileadh thu? Shuidh thu 'g am feith-eamh anns na slighibh, mar an t-Arabach 's an fhàsach; agus shalaich thu am fearan le d'striopachas, agus le d' dhroch-bheirt.

3 Agus chumadh na fras an air an ais, agus an t-uisge deireannach cha robh ann; gith-eadh agadsa bha aodan striopaich, chuir thu cùl ri nàire.

4 Nach gairm thu ormsa o'n uair so, *ag ràdh*, Mathair, bu tusa fear stiùraidh m'òige?

5 An gléidhear *fearg* gu bràth? an cumar *corruich* gu sìorruidh air chuimhne? Feuch, labhair, agus rinn thu aingidheachd; agus chaidh e leat.

6 Thubhairt an Tighearn rium fòs ann an làithibh Iosiah an rìgh, Am faca tu ciod a rinn Israel chùl-sleamhnach? Chaidh i suas air gach sliabh àrd, agus fo gach crann gorm, agus an sin rinn i striopachas.

7 Agus thubhairt mise, an déigh dhi so uile a dheanamh, Pill a m'ionnsuidh-sa: ach cha do phill i. Agus chunnaic a piuthar fhealltach Iudah so.

8 Agus chunnaic mise, 'n uair, air son na h-uile adhaltrannas anns an robh Israel chùl-sleamhnach ciontach, a chuir mi air falbh i, agus thug mi litir dhealachaidh dhi, gidheadh nach do ghabh a piuthar fhealltach Iudah eagal, ach gu'n d'imich i, agus gu'n d'rinn i féin striopachas mar an ceudna.

9 Agus tharladh, le ro-mheud a tograidh gu neòghloine, gu'n do thruaill i am fearann, agus gu'n d'rinn i adhaltraunas le clachaibh agus le crannaibh.

10 Agus fòs an déigh so uile cha do phill a piuthar fhealltach. Iudah riumsa le a h-uile chridhe, ach gu cealgach, deir an Tighearn.

11 Uine sin thubhairt Iehobhah rium; Is mò 'dhl'fhircannaich Israel chùl-sleamhnach i féin na Iudah chealgach.

12 Imich agus glaoth na briathran so fa chomhair na h-àirde tuath, agus abair, Pill, O Israel chùl-sleamhnach, deir an Tighearn, agus cha leig mi mo chorruich ort; oir tha mise tréaireach, deir an Tighearn, cha ghléidh mi u'fhearg gu bràth.

13 A mhàin aidich do chionta, gu'n d'rinn thu eusaontas an aghaidh an Tighearna do Dhé; agus gu'n d'rinn thu do shlighean coitcheionn do choigrich, fo gach aon chraoibh uaine; agus nach d'thug sibh géill do m' ghuth-sa, deir an Tighearn.

14 Pillibh, O chlann chùl-sleamhnach, deir an Tighearn, oir tha mi pòsda ruibh: agus gabhaidh mi sibh, aon á baile, agus dithis á teaghlach, agus bheir mi sibh gu Sion:

15 Agus bheir mi dhuibh acdhaircan a réir mo chridhe féin, agus beathaichidh iad sibh le h-còlas agus le tuisge.

16 Agus tarlaidh, an uair a théid sibh 'an

lionmhoireachd agus 'am meud anns an fhearann, anns na làithibh sin, deir an Tighearn, cha-u abair iad n's mò, Airce coimh-cheangail an Tighearna, nì mò 'thig i 'n ar aire, nì mò 'chuimhniceas iad i, nì mò 'bheir iad sùil 'n a déigh, ui mò 'nìthear sin tuilleadh.

17 Anns an àm sin theirear ri Ierusalem: 'rìgh-chaitheir an Tighearna; agus bithidh tathaich nan uile chinneach d'a h-ionnsuidh, air sgàth ainme an Tighearna, a bhitheas ann an Ierusalem; agus cha ghluais iad n's mò a réir cruais an droch chridhe féin.

18 Anns na làithibh sin théid tìgh Iudah gu tìgh Israeil; agus thig iad le 'chéile mach as an tìr mu thuath, a chum an fhearainn a thug mise mar sheilbh do 'r n-aithrichibh.

19 Agus 'n uair a thubhairt mi, Cionnus a bheir mi àite dhuit am measg mhac, agus a bheir mi dhuit am fearann taitneach, oighreachd aoibhneach shluagh nan cinneach? an sin thubhairt mi, Goiridh tu dhìomsa, Mathair; agus cha phill thu air d'ais o m' leantuinne.

20 Gu deimhin, *mar* a chlaonas bean neò-dhìleas o a fear-pòsda, mar sin bhuin sibhse gu neò-dhìleas riumsa, O thìgh Israeil, deir an Tighearn.

21 Chualas guth air na h-ionadaibh àrda; caoidh agus athchuinge cloinne Israeil; a chionn gu'n do chlaon iad an slighe; dhi-chuimhnich iad an Tighearn an Dia.

22 Pillibh, a chlann chùl-sleamhnach, leigh-isidh mise bhur cùl-sleamhnachaidh. Feuch, tha sinn a' teachd a d'ionnsuidh, oir is tu an Tighearn ar Dia.

23 Gu deimhin *cha-n'èil ach* dìomhanas anns na cnocaibh, ann an neart nan sléibhteag; gu deimhin anns an Tighearn ar Dia-ne tha slàinte Israeil.

24 Ach dh'f'bh an nì nàrach sin suas saoth-air ar n-aithrichean o' r n-òige; an caoraich, agus am buar, am mic, agus an nigheanan.

25 Luidhidh sinn sìos 'n ar nàire, agus thig ar masladh tharunn: a chionn gu'n do pheacaich sinn an aghaidh an Tighearn' ar Dia, sinn féin agus ar n-aithrichean, o' r n-òige, eadhon gus an là an diugh, agus nach robh sinn ùmhail do ghuth an Tighearn' ar Dia.

CAIB. IV.

1 *Bhrosnuich Dia clann Israeil gu aithreachas le 'gheallanaibh, 3 agus Iudah, le 'bhi' bagairt breitheanasan namhasach a thoirt orra. 19 Chaoidh am fàidh gu mòr léir-sgrìos an fhearainn.*

MA philleas tu a ris, O Israeil, deir an Tighearn, a m'ionnsuidh-sa pillidh tu; agus ma chuireas tu air falbh do ghràineil-eachdan o m' làthair-sa, an sin cha ghluais-ear thu:

2 Ach mionnaichidh tu, Mar is beò an Tighearn, ann am fìrinn, ann am breitheanas, agus ann am ionracas: agus beann-

aichidh na cinnich iad féin amusan, agus annsan ni iad uail.

3 Uime sin, mar so deir an Tighearn ri fearaibh Iudah, agus ri Ierusalem; Brisibh suas bhur fearann-treabhaidh, agus na cuiribh an measg dhroighionn.

4 Bithibh air 'ur timchioll-ghearradh do'n Tighearn, agus thugaibh air falbh roimh-chroicinn 'ur cridheachan, O fheara Iudah, agus a luchd-àiteachaidh Ierusalem; mu'n téid mo chorruih-sa mach mar theine, agus mu'n las i, air chor is nach feudar a mùchadh, air son aingidheachd 'ur guòmhàran.

5 Cuiribhse 'an céill ann an Iudah, agus ann an Ierusalem deanaibh follaiseach, agus abraibh; Séidibh an trompaid anns an tìr; éighibh gu h-àrd agus abraibh, Cruinnichibh ri 'chéile, agus rachamaid a steach do na caithrichibh daingichte.

6 Cuiribh suaicheantas suas ann an Sion, rachaibh air bhur n-ais, na seasaibh; oir tha mise a' tabhairt uile o'n àirde tuath, eadhon léir-sgrios mòr.

7 Thàinig an leòmhàn a nìos o a dhoire, agus tha milltear nan cinneach air a thurus; dh'imich e mach as 'àite chum d'fhearran a dheanamh 'n a fhàsach; bithidh do bhailtean air an sgrios, air chor is nach bi aon 'g an àiteachadh.

8 Air an aobhar sin crioslaichibh sibh féin le sac-éididh, deanaibh caoidh agus gul; oir cha-n'èil fraoch feirge an Tighearn' air a pilleadh air fálbh uamh.

9 Agus tarlaidh anns an là sin, deir an Tighearn, gu 'm bàsaich cridhe an rìgh, agus cridhe nan àrd-uaislean; agus bithidh amhluth air na sagartaibh, agus uamhas air na fàidhibh.

10 An sin thubhairt mise, Och! a Thigh-earna Ichobhah! gu cinnteach mheall thu gu tur an sluagh so agus Ierusalem, ag ràdh, Bithidh sìth agaibh; an uair a tha 'n claidheamh a' ruigheachd gu ruig an t-anam.

11 Anns an àm sin theirear ris an t-sluagh so agus ri Ierusalem; Gaoth loisgeach ann an ionadaibh sgaoilte an fhàsach, leth ri nighinn mo shluaigh-sa; cha-n ann gu fasgnadh no gu glanadh;

12 Thig treun-ghaoth o na h-àitidh sin a n' ionnsuidh-sa; a nis fòs labhraidh mi féin breitheanas 'n an aghaidh.

13 Feuch, mar neulaibh thig e nìos; mar chuairt-ghaoith bithidh a charbadan; is luaithe na iolairan a chuid each; mo thruaighe sinne! oir tha sinn creachta.

14 Glan do chridhe o aingidheachd, O Ierusalem, a chum gu'n tèarnar thu. Cia fhad a ghabhas do smuaintean aingidh còmhnuidh 'an taobh a stigh dhìot?

15 Oir tha guth ag éigheach o Dhan, agus a' cur àmhghair 'an céill o shliabh Ephraim.

16 Gladhailhse ris na cinnich, Feuch!

Cuiribh 'an céill an aghaidh Ierusalem, gu bheil luchd-freiceadain a' teachd o dhùth-aich fad as, agus gu'n tog iad suas an guth an aghaidh bhailtean Iudah.

17 Mar luchd-coimhid faiche tha iad 'n a h-aghaidh mu'n cuart di, a chionn gu'n d'rinn i ar-a-mach ann am aghaidh-sa, deir an Tighearn.

18 Choisinn do shlighe agus do dheanadas na nithean so dhuit; 's i so d'aingidheachd; a chionn gu bheil i searbh, oir tha i' ruigheachd do chridhe.

19 Mo chom, mo chom! tha mi air mo chràdh ann am ballachan mo chridhe; 'an taobh a stigh dhìom tha mo chridhe ri fuaim; cha-n urrainn mi fantuinn a'm' thosd; a chionn gu'n cuaila tu, O m'anam! guth na trompaid, gaoir a' chatha.

20 Tha léir-sgrios air lorg léir-sgrios air a ghairm; gu cinnteach tha 'n tìr gu h-ionnlan air a creachadh; gu h-obann chreachadh mo phàillìunan, mo sgàileachan ann an tiota.

21 Cia fhad a chi mi a' bhratach? a chluinn-cas mi fuaim na trompaid?

22 Gu cinnteach tha mo shluagh-sa amaid-each, ormsa cha do ghabh iad còlas; is clann aig nach 'eil tuigse iad, agus tha iad air dhìobhail céille: tha iad seòlta a dheanamh uile, ach maith a dheanamh cha-n aithne dhoibh.

23 Chunnaic mi an talamh, agus, feuch! bha e gun dealbh agus falamh; na nèamhan fòs, agus bha iad gun solus.

24 Chunnaic mi na sléibhteann, agus, feuch! chrìochnaich iad; agus bha na cnuic uile air an luasgadh gu mòr.

25 Dh'amhaire mi, agus, feuch! cha robh aon duine ann; agus uile coin na h-ealtuinn, theich iad.

26 Dh'amhaire mi, agus, feuch! bha a' mhachair thorrach 'n a fàsach, agus a h-uile bhailtean air an tilgeadh sìos, roimh làthair an Tighearna, roimh dhian-theas 'fheirge.

27 Oir mar so deir Iehobhah, Bithidh am fearann gu h-ionnlan air 'fhàsachadh, ach cha dean mi làn chrìoch.

28 Air son so ni an talamh bròn, agus dorchaichear na nèamhan shuas; a chionn gu 'n do labhair mise, agus cha ghabh mi aithreachas; chuir mi romham, agus cha téid mi air m' ais uath.

29 Roimh iolach nam marcach agus nam fear-bogha, tha gach caithir a' teicheadh; chaidh iad a steach do thiugh choilltibh, agus streap iad suas air na creagaidh: tha na h-uile bhailtean air an tréigsinn, agus cha-n'èil aon duine 'g an àiteachadh.

30 Agus thusa, 'n uair a chreachar thu, ciod a ni thu? Ged éideas thu thu féin le corcur, ged sgèadaicheas thu thu féin le scudaibh òir, ged ungas thu do rosgan lo dathaibh, gu dìomhain ni thu thu féin

sgiamhach: nithear tàir ort le do leannain, air d'anam tha iad 'an tòir.

31 Gu cinnteach chuala mi glaoth amhuil mnà ri saothair, teamtachd amhuil mnà ri breith a ceud leinibh, glaoth nighinn Shioin; a' caoidh, a' sgaoileadh a bas, agus ag ràdh, Mo thruaighe mise nis! oir tha m'anam air a chlaoidh le luchd-mortaigh!

CAIB. V.

1 Na breitheanas a thug Dia air na h-Iudhaich air son an aingidheachd, 7 an adhaltranais, 10 an ceilge, 20 agus an euceartan.

RUITHIBH air 'ur n-ais agus air 'ur n-aghaidh feadh shràidean Ierusalem, agus faicibh a nis, agus bitheadh fios agaibh, agus iarraibh 'n a h-ionadaibh farsuinn, am faigh sibh aon duine, am bheil neach sam bith ann a tha 'cur 'an gnìomh breitheanas, a tha 'g iarraidh na fìrinn; agus bheir mise dhi maithneas.

2 Ach ged a their iad, Mar is bed an Tighearn, gu deimhin tha iad a' mionnachadh gu breugach.

3 O Thighearna, nach 'eil do shùilean-sa air an' fhlùirinn? Bhuail thu iad, ach cha d'rinn iad bròn; chaith thu iad, ach dhùilt iad gabhail ri smachdachadh; rinn iad an aghaidh nì's cruaidhe na creag; dhùilt iad pilleadh.

4 An sin thubhairt mise, Gu cinnteach is iad so na daoine ìosal; tha iad gun chéill, a chionn nach aithne dhoibh slighe an Tighearna, breitheanas an Dé.

5 Ruigidh mi na daoine uasal, agus labhairidh mi ri-u-san; oir is aithne dhoibh-san slighe an Tighearna, breitheanas an Dé. Ach spealg iad so gu h-ìomlan a' chuing, sgaoil iad as a chèile na cuibhrichean.

6 Uime sin ni lèomhan as a' choille an sgrios, ni madadh-alluidh an fhàsaich am milleadh; ni liopard faire os ceann am bailtean: gach aon a thèid a mach asda reubar e 'n a bhloighdibh; a chionn gu bheil an lochdan lìonmhor, an cùl-sleamh-nachadh minic.

7 Cionnus a mhaithas mi so dhuit? thréig do chlànn mise, agus mhionnaich iad orra sin nach 'eil idir 'n an diathan: an uair a shàsuich mise iad le lòn, an sin rinn iad adhaltranais, agus am an tigh na striop-aich chruinnich iad 'n am buidhnibh.

8 Bha iad mar òig-eich bhiadhta 's a' mhaduinn; gach aon a' sitrich an deigh mnà a chomhearsnach.

9 Air son nan nithean so nach tig mise g'an amharc, deir an Tighearn; agus air a' leithid so de clùinneach nach dean m'anam dìoghaltas?

10 Rachaibh-sa suas air a ballachan, agus sgriosaiibh; ach na deanaibh crìochnachadh: thugaibh air falbh a daingnichean, oir cha bhuin iad do 'n Tighearn.

11 Oir bhuin tigh Israel agus tigh Iudah gu ro chealgach riunsa, deir an Tighearn.

12 Dh'àicheadh iad an Tighearn, agus thubhairt iad, Cha-n e a th'ann; ni mò 'thig ole oirn; agus an claidheamh no a' ghort cha-n fhaic sinn.

13 Ach bithidh na fàidhean mar ghaoith; agus cha-n'eil am focal anna: mar so nithear orra féin.

14 Air an aobhar sin mar so deir Iehobhal Dia nan sluagh; A chionn gu bheil sibh a' labhairt an fhocail so, feuch, ni mise m'fhocal ann ad bheil-sa 'n a theine, agus an sluagh so 'n an connadh, agus loisgidh e suas iad.

15 Feuch, bheir mi 'n 'ur n-aghaidh cinneach o chéin, O thigh Israel, deir an Tighearn: is cinneach cumbachdach e, is cinneach ro shean e; cinneach nach aithne dhuit an cainnt, ni mò 'thuigeas tu ciod a their iad.

16 Tha am balg-saighead mar uaigh fhosgailte; tha iad uile 'n an daoine treuna.

17 Agus caithidh iad d'fhogharadh, agus d'aran; caithidh iad do mhie agus do nigh-eaman; caithidh iad do chaoraich agus do chrodh; caithidh iad d'fhionaineann agus do chroinn-fhige; ni iad bochd leis a' chlaidheamh na bailtean daingnichte anns an robh thu a' cur do dhòchais.

18 Gidheadh anns na làithibh sin, deir an Tighearn, cha dean mise ruibh crìochnachadh.

19 Agus tarlaidh, an uair a their sibh, C'uim' an d'rinn an Tighearn ar Dia ruinn na nithean so uile? an sin freagraidh tusa iad, Amhuil a thréig sibhse mise, 's a rinn sibh seirbhis do dhiathaibh coimheach ann 'ur tìr, mar sin ni sibh seirbhis do choigrich ann an dùthaich nach leibh féin.

20 Innsibhse so ann an tigh Iacòib, agus euiribh 'an céill e ann an Iudah, ag ràdh,

21 Eisdibh so a nis, O shluagh amaideach agus mhi-chéillidh, aig am bheil sùilean, ach nach faic; aig am bheil cluasan, ach nach cluin.

22 Nach bi eagal oirbh romham-sa, deir an Tighearn? nach crìochnaich sibh ann am làthair-sa, a shuidhich a' ghaineamh mar chrich do 'n fhainge, le ordugh buan, nach feud i dol thairte: gu luaisgeas a tuinn iad féin, cha toir iad buaidh; ged bheucas iad cha téid iad ni 's faide?

23 Ach aig an t-sluagh so tha cridhe easumhal agus ceannairceach: chaidh iad air an ais, agus dh'imich iad air falbh.

24 Ni mò deir iad 'n an cridhe, Bitheadh a nis eagal an Tighearn' ar Dé oirn, a tha 'toirt aram a' cheud uisge agus an uisge dheireannaich, 'n a àm féin; seachduinean suidhichte an fhogharaidh tha e 'gleidh-cadh air ar son.

25 Phill bhur n-aingidheachd na nithean so air falbh; agus chum bhur lochdan an ni a tha maith air ais ualb.

26 Oir gheibhear am measg mo shluagh-

sa droch dhaoine: tha iad ri feall-fholach, mar neach a' suidheachadh fiontan; tha iad a' leagadh ribe, tha iad a' glacadh dhaoine.

27 Mar chliabh a tha làn eun, mar sin tha an tighean làn ceilge: uime sin tha iad air fàs mòr, agus air cinntinn saoihlir.

28 Tha iad air fàs reamhar, tha iad dealrach: seadh, thug iad bàrr air gnìomh-araibh nan aingidh: cha-n'eil iad a' toirt breth air a' chùis, cùis an dilleachdain, gidheadh tha iad a' soirbheachadh; agus còir an uireasbhuich cha-n'eil iad a' seasamh.

29 Air son nan nithean so nach tig mise g'an amhare? deir an Tighearn: air a' leithid so de chinneach nach dean m'anam dioghaltas?

30 Tha ni uamhasach agus ro eagalach 'g a chur 'an gnìomh anns an t-ìr:

31 Tha na fàidhean ri faistneachd bhréige; agus na sagartan a' riaghladh air an làimhsan; agus is ait le m' shluagh-sa e 'bhi mar sin: ach ciod a-ni sibh ann an deireadh na cùise.

CAIB. VI.

1 *Tha naimhdean Iudah dìan gu a lùchairtean a syrios. 9 Ghearrain an fàidh gu'n robh an sluagh a' tréigsinn an Tighearn:* 18 *Dh'fhoillsich e breitheanais Dhé; 26 agus blòsnuich e an sluagh gu aithreachas.*

TEICHIBH gu h-iomlan, O mhaca Bheniamin, a mach a meadhon Ierusalem, agus ann an Tecoa séidibh an trompaid; air Betacerem fòs cuiribh suas comharadh teine: oir dh'fhoillsicheadh ole o'n àirde tuath, agus dòrainn mhòr.

2 Cosmhul ri àit-ionaltraidh taitneach rinn mise nighean Shioin.

3 D'a h-ionnsuidh thig na buachaillean le'n treudaibh: suidhichidh iad am pàill-ionan 'n a h-aghaidh air gach taobh; ionaltraidh iad gach aon 'n a àite féin.

4 Deasaichibh cogadh 'n a h-aghaidh: Eiribh, agus rachamaid suas mu mhacadhòn là: Mo thruaighe sinne! oir tha 'n là air dol seachad; oir tha dubliaran an aunoich air an sìneadh a mach.

5 Eiribh, agus rachamaid suas anns an oidhe, agus millcamaid a lùchairtean.

6 Oir mar so labhair Tighearn nan sluagh, Gearraibh sìos cràobhan, agus tilgibh tòrr an aghaidh Ierusalem: is i so a' chaithir a tha gu bhi air a smachdachadh; is fòirneart i gu h-iomlan 'an taobh a stigh-dhi.

7 Ambuil a chuireas tobar a mach 'uisc-cachan, mar sin tha ise a' cur a mach a drochbheairt: tha ainneart agus creach ri chluinntinn innte: a'm làthair-sa do ghuàth tha bròn agus lotadh.

8 Gabh foghlum, O Ierusalem, air eagal gu'n dealaich m'anam riut; air eagal gu'n dean mi fasach dhìot, fearann neo-àitichte.

9 Mar so deir Tighearn nan sluagh; Diol-umaidh iad gu buileach mar fhionain iarmad Israeil: pill air a h-ais do làmh,

mar fhear-tionail nam fion-dhearcan gus na cliabh.

10 Cò ris an labhair mi, agus d'an toir mi rabhadh, air chor is gu'n cluinn iad? Feuch, tha an chuas gun tìnchioll-ghcarradh, agus cha-n urrainn iad éisdeachd: feuch, tha focal Iehobhadh dhoibh-san 'n a mhasladh; cha-n'eil tlachd aca ann.

11 Air an aobhar sin tha mise làn corr-uidh [an Tighearna:] tha mi sgèth g'a cumail a steach: dòrtidh mi mach i air a' chloinn anns na sràidibh, agus air an òigridh a tha cruinn le 'chéile: seadh, glacar am fear, agus fòs a bhean, an t-aosda, maille ris an tì a bhitheas làn de làithean.

12 Agus bheirear thairis an tighean do dhaoineibh-eile, an fearann agus na mnathan mar an ceudna; oir sìnidh mise mo làmh a mach an aghaidh luchd-àitcachaidh na tìre, deir an Tighearn.

13 Oir o'n aon a's lugha gus an aon a's mò dhiubh, tha gach neach 'g a thoirt fén suas d'a ana-miannaibh; agus o'n fhàidh fòs gus an sagart, tha gach aon a' gnàthachadh ceilge.

14 Leighis iad mar an ceudna lot nighinn-mo shluaigh-sa gu faoin, ag ràdh, Sìth, sìth; agus gun sìth ann.

15 An robh nàire orra chionn gu'n do chuir iad gràineileachd 'an gnìomh? ni h-cadh, cha do ghabh iad nàire air aon chor; ni mò 'bha rugha air an gruaidh: uime sin tuitidh iad am measg na muinntir a thuiteas; anns an àm 'an tig mise 'g an amhare, tilgear sìos iad, deir an Tighearn.

16 Mar so thubhairt an Tighearn; Seas-aibh anns na ròidibh agus faicibh, agus fèdraichibh air son nan seana cheuman, C'ait am bheil an t-slighe mhaith agus gluaisibh innte; mar sin gheibh sibh fois do 'r n-anamaibh. Ach thubhairt iadsan, Cha ghluais sinn [innte.]

17 Chuir mi mar an ceudna luchd-faire os 'urceann, ag ràdh; Eisdibh ri fuaim na trompaid. Ach thubhairt iadsan, Cha-n éisd sinn.

18 Uime sin cluinnibh, O fhineacha, 's bitheadh fios agaibh, O choimhlìonail; an ni sin a-tha 'n am measg cluinn, O 'thal-amh!

19 Feuch, bheir mise dòrainn air an t-sluagh so, toradh an smuaintean féin; a chionn nach d'thug iad éisdeachd do m' bhriathraibh: agus a thaobh mo reachd, chuir iad cadhòn cùl ris.

20 C'uim an tig tuis o Sheba thugam-sa? agus a' chuide chùbhraidh o dhùthaich fad as? Cha-n'eil bhuir tabhartais-loisgte taitneach; ni mò 'tha tlachdagam-sa 'n 'ur n-iob-airtibh.

21 Air an aobhar sin mar so deir an Tighearn, Feuch, leagaidh mi cip-thuisidh 'an ratlad an t-sluaigh so, agus tuitidh na h-aithrichean agus na mic orra; an coimh-

earsnach agus a charaid bàsaichidh le 'chéile.

22 Mar so deir an Tighearn, Feuch, tha sluagh a' teachd o fhearann na h-àirde tuath, agus dùisgear cinneach mòr o chriocheaibh na talmhainn.

23 Glacaidh iad am bogha agus an t-sleagh: tha iad an-ìochdmhor, agus cha ghabh iad truas; beuchdaidh an guth mar an fhairge, agus marcaichidh iad air eachaibh, air an tarruing 'an ordugh mar dhaoine gu cogadh, ann ad aghaidh-sa, O nighean Shioin.

24 Chuala sinn iomradh air so: dh'fhàs ar làmhnan lag: tha goimh air deanamh greim oirn; pian, amhuil mnà ri saothair chloinne.

25 Na rachaibh a mach do'n mhachair, na siùbhaibh anns an t-slighe; oir *an sin* tha claidheamh an nàmhaid, uamhas air gach taobh.

26 O nighean mo shluaigh, éid thu féin le eudach saic, agus dean thu féin aornagain ann an luathre: dean caoidh *mar air son* aoin mhic, cumha ro gheur: oir gu h-obann thig an creachadair oirn.

27 Shònruich mi thusa gu bhi a'd' bhaideal, a'd' dhaingneach am measg mo shluaigh; agus aithnichidh tu, agus dearbhaidh tu an slighe.

28 Tha iad uile 'n an daoineibh a thug barrachd ann an ceannairc, a' gluasad gu cealgach: is umha agus iarunn iad; an t-ionlan diubh 'n an innealaibh truaillidheachd.

29 Loisgeadh na builg leis an teine, chaitheadh an luathre; leagh am fear-leaghaidh gu dìomhain; oir cha-n'èil iadsan a tha ole air an sgaradh air falbh:

30 Airgid nach fhu theircar riu-san, a chionn gu'n do chuir an Tighearn cùl riu.

CAIB. VII.

1 *Chuir Dia Ieremia a ghairn nan Iudhach gu aithreachas chum 's nach bitheadh iad air an guidh 'am braighdeanas. 17 Bhagair an Tighearn iad le 'fheing do bhrìgh gu'n do chuir iad campar air lén òdhol aoradh. 21 Ghluais am sluagh ann an comhairtibh a'sinnleachdach an cridhe féin. 32 Breitheanas air am bagradh orra air son an droch ghnìomharan.*

A M focal a thàinig gu Ieremiah o'n Tighearn, ag ràdh;

2 Seas ann an geata tighe an Tighearna, agus glaoth anns an àite sin am focal so, agus abair, Chuinnibh focal an Tighearn', uile Iudah, sibhse tha 'g imcachd a steach air na dorsaibh so gu aoradh a theirt do Iehobhah.

3 Mar so deir Tighearn nan slaagh, Dia Israeil, Leasaichibh 'ur slighean agus 'ur gnìomharan, agus bheir mise dhuibh còmh-nuidh a ghabhail anns an àite so.

4 Na h-earbaibh à briathraibh breugach, ag ràdh, *Is teampull an Tighearna, teampull an Tighearna, teampull an Tighearn' iad so.*

5 Oir ma leasaichas sibh gu h-ionian 'ur slighean agus 'ur gnìomharan; ma bheir sibh breitheanas gu ceart cadar d'ne agus a choimhearsnach;

6 Mnr sàruich sibh an coigreach, an dill-eachdan agus a' bhantrach; agus mur dòirt sibh fuil neò-chiontach anns an àite so, agus mur téid sibh air lorg dhiathan eile, chum 'ur dòrainn féin:

7 An sin bheir mise dhuibh còmh-nuidh a ghabhail anns an àite so, anns an fhearann a thug mi do'r n-aithrichibh, o linn gu linn.

8 Feuch, tha sibhse a' deanamh buin à briathraibh breugach o nach faigh sibh buannachd.

9 Ciod? am feadh a tha sibh a' goid, a' mortadh, agus a' deanamh adhaltranais, agus a' miomachadh gu breugach, agus a' losgadh tùise do Bhaal, agus a' gluasad air lorg dhiathan coimheach, air nach robh còlas agàibh:

10 An tig sibh an sin, agus an seas sibh ann am làthair-sa, 's an tigh so a tha air a ghairm air m'ainm, agus an abair sibh, Tha sinn air ar toirt thairis a chum nan gràineil-eachdan so nìle a chur 'an gnìomh?

11 An e gu'n d'rinneadh an tigh so, a dh'ainmicheadh ormsa, 'n a shlochd mheir-leach 'n'ur suilibh-sa? Feuch, chunnaic mise féin e, deir an Tighearn.

12 Ach rachaibh a nis do m'àite-sa a tha 'an Siloh, far an do chuir mi m'ainm 'an toiseach, agus faicibh cionnus a bhuin mi ris, air son aingidheachd mo shluaigh Israeil.

13 Agus a nis, a chionn gu'n d'rinne sibhse na h-oibre so uile, deir an Tighearn, agus gu'n do labhair mise ruibh ag éirigh gu moch, agus a' labhairt, ach cha d'éisd sibhse; agus gu'n do ghlaodh mi ruibh, ach cha do fhreagair sibh:

14 Uime sin, ni mi ris an tigh so a dh'ainmicheadh orm, as am bheil sibhse a' deanamh buin, agus ris an ionad a thug mi dhuibhse, agus do'r n-aithrichibh, amhuil a rinn mi ri Siloh.

15 Agus tilgidh mi sibh a mach à m'fhianuis, mar a thig mi mach bhur bràithrean uile, an t-ionlan de shlochd Ephraim.

16 Air an aobhar sin, na guidh thusa air son an t-sluaigh so, ni mò 'chuireas tu suas glaoth ne atheluinge as an leth, ni mò 'ni thu cadar-ghuidhe riumsa; oir cha-n' éisd mise riut.

17 Nach faic thu ciod a tha iad so a' deanamh ann am bailtibh Iudah, agus ann an sràidibh Ierusalem?

18 Tha a' chlànn a' tional connaidh, agus na h-aithrichean a' fadadh an teine, agus na mnathan a' fuineadh taoise, a dheanamh bhreacag do bhan-righinn nèimh, agus a dhòrtadh a mach thabhartasan-dibhe do dhiathaibh eile, gu campar a chur ormsa.

19 Am bheil iad a' cur campair ormsa? deir an Tighearn; nach ann a tha iad a' cur

[dragh] orra féin, a chum maslaidh an gnúise féin?

20 Air an aobhar sin, mar so deir an Tighearn Iehobhabh, Feuch, dòirtear m'fhearg-sa, agus mo dhian-chorruich a mach air an àite so, air dhine agus air ainmhidh, agus air craobhan na macharach, agus air toradh au fhearaibh; agus loisgidh i, agus cha ghabh i mùchadh.

21 Mar so deir Tighearn nan sluagh, Dia Israeil, Cuiribh 'ur tabhartais-loisgte ri'r n-ìobairtibh, agus ithibh feoil.

22 Oir cha do labhair mise ri'r n-aithrichibh, ni mò 'dh'àithn mi dhoibh, anns an là 's an d'thug mi iad a mach á tir na h-Eiphit, nu thimchioll thabhartas-loisgte no ìobairtean:

23 Ach an ni so dh'àithn mi dhoibh, ag ràdh, Thugaibh géill do m'ghuth, agus bithidh mise a'm Dhia dhuibhse, agus bithidh sibhse 'n 'ur sluagh dhomh-sa; agus gluaisibh anns na h-uile shlighibh a dh'àithn mi dhuibh, a chum gu'n éirich gu maith dhuibh.

24 Ach cha d'éisd iad, ni mò dh'aom iad an chuas, ach ghluais iad ann an comhairlibh aisinnleachdach an droch chridhe féin, agus chaidd iad air an ais, agus cha-n ann air an aghaidh.

25 O'n là air an d'thàinig bhur n-aithrich-ean a mach á tir na h-Eiphit, gus an là 'n duigh, chuir mi d'ur n-ionnsuidh m'uile sheirbhiseich na fàidhean, ag éirigh gach là gu moch agus 'g an cur a mach:

26 Gidheadh cha d'éisd iad rium, ni mò dh'aom iad an chuas, ach chruaidhich iad am muineal; rinn iad ni bu mhiosa na'n aithrichean.

27 Uime sin, labhraidh tu na briathran so uile riu, ach cha-n éisd iad riut: glodhaidh tu riu mar an ceudna, ach cha fhreagair iad thu.

28 Uime sin their thu riu, So an cinneach nach 'eil a' toirt géill do ghuth an Tighearni' an Dia; ni mò 'ghabh iad ri cronuchadh: dh'eug an fhìrinn, agus ghearradh a mach o'm beul i.

29 Gearr dhìot do ghruag, *O Ierusalem*, agus tilg uait i, agus tog suas tuireadh air na h-ionadaibh àrda: oir chuir Iehobhabh uait, agus thréig e ginealach a chorruich.

30 Oir rinn clann Iudah ole ann am shealladh-sa, deir an Tighearn; chuir iad an gràin-eileachdan anns an tigh a dh'ainmicheadh ormsa, chum a thruailladh.

31 Agus thog iad ionadan àrda Thopheit, a th'ann an gleann mhic Hinoim, a losgadh an mac agus an nigheanan 's an teine; ni nach d'àithn mise, 's nach d'thàinig idir ann am chridhe.

32 Air an aobhar sin, feuch, tha na làithean a' teachd, deir an Tighearn, anns nach goirear ni 's mò ris Tophet, no gleann mhic Hinoim; ach gleann a' mharbhadh:

oir adhlacaidh iad ann an Tophet, gus nach bi àite *falamh* ann.

33 Agus bithidh cairbhean an t-sluaigh so 'n am biadh do eumlaith an athair, agus do bheathaichibh na talmhainn; agus cha-n fhuaidh aen neach air falbh iad.

34 An sin cuiridh mise cosgadh ann am bailtibh Iudah, agus ann an sràidibh Ierusalem, air guth an t-subhachais, agus guth an aoibhneis, guth an fhir nuadh-phòda, agus guth na mnà nuadh-phòda: oir bithidh an dùthaich 'n a fàsach.

CAIB. VIII.

1 *Teanntachd agus trioblaidean nan Iudhach.*

5 *Chronaich am fàidh iad air son an cùl-sleamhnachaidh.* 13 *Nochd e dhoibh na breitheanais a bha gu teachd orra, 18 agus rinn e caoidh air son an leòin.*

A NNS an àm sin, deir an Tighearn, bheir iad a mach cnàmhan rìghrean Iudah, agus cnàmhan a prionnsachan, agus cnàmhan nan sagart, agus cnàmhan nam fàidhean, agus cnàmhan luchd-àiteachaidh Ierusalem as an uaighean;

2 Agus sgaoidh iad iad mu choinneamh na gréine, agus ua gealaich, agus uile fheachd nèimh, d'an d'thug iad spéis, agus d'an d'rinn iad seirbhìs, agus air an robh iad a' leanmhuinn, agus a bha iad ag iarraidh, agus d'an d'thug iad aoradh: cha chruinnichear iad, cha-n adhlacair iad; 'n an aolach bithidh iad air aghaidh na talmhainn.

3 Agus bithidh bàs nì's roghnaiche na beatha leis an uile fhuigheall a mhaireas de'n teaghlach ole so, a bhitheas 'n am fuigheall anns gach uile àite gus am fògair mise iad, deir Tighearn nan sluagh.

4 Os bàrr, their thu riu, Mar so deir an Tighearn; An tuit iad agus nach éirich iad a ris? An téid e air falbh, agus nach pill e air ais?

5 C'ar son *ma ta* tha'n sluagh so a' sleamhnachadh air an ais? *c'ar son* a tha Ierusalem ri cùl-sleamhnachadh bith-bhuan? tha iad a' deanamh greim daingean air ceilg, tha iad a' diùltadh pillcadh.

6 Thug mise fainear, agus chuala mi; cha do labhair iad gu ceart: cha-n'eil aithreachas air aon neach d'a aingidheachd, ag ràdh, Ciod a rium mi? Tha gach aon a' pillcadh g'a shlighe, mar a dhian-ruitheas an t-each a chum a' chòmhraig.

7 Seadh, is aithne do'n chorra-bhàin anns an athar a h-àm féin, agus is aithne do'n choluman, agus do'n chorra-mhonaidd, agus do'n gholan-ghaoithe àm an teachd: ach cha-n aithne do m'shluaigh-sa breitheanas an Tighearna.

8 Cionnus a their sibh, Tha sinn glie, agus tha reachd an Tighearna 'n ar measg? Feuch, gu deimhin is dìomhanas obair na cleit-sgrìobhaidh, cha-n'eil anns na sgrìobhaicheibh ach d'omhanas.

9 Nàraicheadh na daoine glise, tha iad fo gheilt, tha iad 'an sàs; feuch, ri focal an Tighearna chuir iad cùl; agus ciod an gliocas a tha aca?

10 Uime sin, am mnathan bheir mise do dhaoineibh eile; am fearann dhoibhsan a thèid 'an seilbh ann: oir tha iad uile, o'n neach a's mò gus an neach a's lugha, air an toirt suas d'an ana-miannaibh; o'n fhàidh eadhon gus an sagart, tha gach aon a' gnàthachadh ceilge.

11 Agus leighis iad lot nighinn mo shluaigh-sa gu faoin, ag ràdh, Sìth, sìth; agus gun sìth ann.

12 An robh nàire orra chionn gu'n do chuir iad gràineileachd 'an gnìomh? Ni h-eadh, cha robh iad pàrach air aon chor, ni mò 'ghabh an gruaidh rugha: uime sin tuitidh iad am measg na muinntir a thuiteas; anns an àm 's an tig mise 'g an amhare tilgear sìos iad, deir an Tighearn.

13 Ni mise gu buileach an sgrios, deir an Tighearn; cha bhì fion-dhearc air an fhìon-ain, no figean air a' chrann-fhìge; scargaidh eadhon an duilleach; agus na nithean a thug mise dhoibh sìubhlaidh uatha.

14 C'ar son a tha sinn a' suidhe 'n ar fàmh? cruinnichibh sibh féin agus rachamaid a steach do na caithrichibh daingnichte; agus bitheamaid 'n ar tosd an sin; oir chuir an Tighearn ar Dia 'n ar tosd sinn, agus thug e dhuinn uisge dom-blasda r'a òl, a chionn gu'n do pheacaich sinn an aghaidh an Tighearna.

15 Bha sùil againn ri sìth, ach maith sam bith cha d'fhàinig; ri h-aimsir slàinte, agus feuch uamhas!

16 O Dhan chualas srannail a chuid each: roimh thorman sìtrich 'eacha meannach chrìothnaich am fearann uile: oir thàinig iad, agus shluig iad am fearann, agus gach ni a tha ann; a' chaitlir agus iadsan a tha 'g a h-àiteachadh.

17 Oir feuch, cuiridh mise 'n 'ur measg, nathraichean, rìgh-nathraichean, air nach luidh geasan, agus teumaidh iad sibh, deir an Tighearn.

18 Cha-n'cil leigheas air mo bhròn; tha mo chridhe fo leòn an taobh a stigh dhìom.

19 Feuch, guth glaidh nighinn mo shluaigh, o thìr chéin: Nach 'eil an Tighearn ann an Sion? nach 'eil a rìgh innte? c'ar son ma ta 'bhrosnuich iad mise gu feirg le'n dealbhan snaidhte, agus le'n dìomhanasaidh coinneach?

20 Chaidh am fogharadh seachad, tha'n samhradh thairis, ach cha-n'eil sinne air ar saoradh.

21 Air son leòin nighinn mo shluaigh, tha mise air mo leòn; tha mi dubh-bhrònach; rinn uamhunn mo ghlaicadh.

22 Nach 'eil ice-shlàint ann an Gilead? nach 'eil léigh an sin? C'ar son, ma ta, nach

'eil slàinte air a h-aiseag do nighinn mo shluaigh-sa?

CAIB. IX.

1 Tha am fàidh a' caoidh aingidheachd a shluaigh, 9 agus nam breitheanas a thàinig orra. 12 Noch e dhoibh gu'n do smachdaich Dia iad a chionn nach robh iad ànhal d'a ghruth. 21 Chomhairlich e dhoibh gun uaill a dheanamh 'n an gliocas féin.

OCH nach b'uisge mo cheann, agus nach bu tobar dheur mo shùilean, a chum gu'n guilinn a là agus a dh'oidhech air son muinntir mharbhta nighinn mo shluaigh!

2 Och nach robh agam anns an fhàsach pàillinn fir-thuruis, a chum gu'm fàgaimm mo shluaigh, agus gu'n imichinn uatha! oir is luchd adhaltranais iad uile, coimhthional de dhaoine cealgach.

3 Agus tha iad a' lùbadh an teangaidh mar am bogha chum ceilge; ach cha-n'eil iad treubhach air son na firinn anns an talamh: oir tha iad a' dol air an aghaidh o ole gu ole, agus cha-n'eil eòlas ac' orm-sa, deir an Tighearn.

4 Bithibh air 'ur faicill, gach aon roimh a choimhearsnach, agus na h-earbaibh a bràthair air bith: oir le foill meallaidh gach bràthair, agus gluaisidh gach comp-anach gu cealgach.

5 Agus meallaidh iad, gach aon a choimhearsnach, agus cha labhair iad an fhìrinn: chleachd iad an teangadh ri labhairt bhreug; sgèthich iad iad féin, a' cur 'an gnìomh dòbheairt.

6 Tha do chòmhnuidh ann am meadhon ceilge; ann an ceilg tha iad a' diùltadh eòlas a ghabhail ormsa, deir an Tighearn.

7 Air an aobhar sin, mar so deir Tighearn nan sluagh, Feuch, leaghadh mi iad, agus dearbhadh mi iad; oir ciod a dh'fheudas mi 'dheanamh a thaobh nighinn mo shluaigh?

8 Tha an teangadh mar shaighead fìr-mhillidh; is cealg a's cainnt di: le 'bheul labhraidh neach gu sìochail r'a choimhearsnach, ach 'n a chridhe tha e 'caitheadh foill air.

9 Air son nan nithean so nach tig mise g'an amhare? deir an Tighearn: air a' leithid so de chinncach nach dean m'anam dioghaltas?

10 Air son nan sléibhtean togaidh mi gul agus caoidh, agus air son ionadan-còmhnuidh an fhàsach, tuircadh, a chionn gu bheil iad air an losgadh suas, air chor as nach téid aon neach trompa; agus cha chluinnear anna guth na spréidhe: eunlaith an athair agus an t-àmmhidh maraon theich, shuibhail air falbh.

11 Agus ni mise Ierusalem 'n a càrnaibh, 'n a h-uaimh dhràgon; agus bailtean Iudah ni mi 'n am fàsach, gun neach 'g an àiteachadh.

12 Cò e 'n duine glie, a thuigeas so? agus ris an do labhair beul an Tighearn, a chum

gu'n cuircadh e 'n céill c. 'Car son a tha 'n tìr air a milleadh; air a losgadh suas mar fhàsach, nach 'eil aon neach ag imeachd trompe?

13 Agus thubhairt an Tighearn, Do bhrìgh gu'n do thréig iad mo reachd a chuir mise fa'n comhair, agus nach robh iad ùmhla do m' ghuth, ni mò 'ghluais iad d'a réir;

14 Ach gu'n do ghluais iad a réir breith-neachaidh an cridhe féin, agus an déigh nan dia a theagaisg an aithrichean dhoibh:

15 Uime sin, mar so deir Tighearn nan sluagh, Dia Isracil; Feuch, beathaichidh mise iad, *eadhon* an sluagh so, le luibhean searbha, agus bheir mi uisge dom-blasda dhoibh r'a òl.

16 Sgapaidh mi iad mar an ceudna 'measg nan cinneach, air nach robh aon chuid iad féin no an aithrichean eòlach: agus cuiridh mi an claidheamh air an tòir, gus an cuir mi as doibh.

17 Mar so deir Tighearn nan sluagh, Thugaibh fainear, agus gairmibh mnathan-tuiridh, agus thigeadh iad; agus cuiribh fios air mnathan seòlta, agus thigeadh iadsan:

18 Agus deifricheadh iad, agus togadh iad suas caoidh air ar son; a chum gu'n ruith ar sùilean sìos le deuraibh, agus gu'm brùchd ar rosgan a mach le h-uisge-eachaibh.

19 Gun amharus chualas guth caoidh o Shìon; Cionnus a tha sinn air ar creachadh! tha sinn air ar maslachadh gu ro mhòr! a chionn gu'n do thréig sinn am fearann, a chionn gu'n do thilg iad sìos ar n-ionadan-cèmhnuidh.

20 Air an zobhar sin éisdibh, O 'mhathan, focal an Tighearn', agus glacadh bhur cluas focal a bheoil: agus teagaisgibh do'r nigh-eanaibh caoidh, agus gach aon d'a banchoinhearsnaich tuireadh:

21 Oir tha am bàs air teachd an àird gus ar n-uinneagan, air teachd a steach do 'r lùchairtean; *thàinig e* a ghearradh sìos ar an naoidhein anns a' mhachair, agus nan òganach anns na sràidibh.

22 Abair, Mar so deir an Tighearn; Tuitidh eadhon colainnean dhaoine mar aolach air aghaidh na faiche, agus mar an dloagh an déigh a' bhuanaiche, 'n uair nach bi aon neach ann gu 'thional.

23 Mar so deir an Tighearn, Na deanadh an duine glic uail as a ghliocas, agus na deanadh an duine neartmhor uail as a neart, agus na deanadh an duine saoi bhir uail a 'shaoibhreas:

24 Ach deanadh esan a ni uail, uail á so, gu bheil tuigse, agus eòlas aige ormsa, gur mi an Tighearn a nochdas caoinhneas gràdhach, breitheanas, agus ceartas air an talamh; oir anns na nithibh so tha mo thlachd-sa, deir an Tighearn.

25 Feuch, tha na luibhean a' teachd, deir

an Tighearn, anns an smachdaich mise na h-uile neach timchioll-ghearrta, maille ris an neo-thimchioll-ghearrta.

26 An Eiphit, agus Iudah, agus Edom, agus clann Amoin, agus Moab, agus na h-uile a tha anns na cearnaibh iomallach, a tha 'chòmhnuidh anns an fhàsach: oir tha na cinnich so uile neo-thimchioll-ghearrta, agus tha tigh Israel uile neo-thimchioll-ghearrta 'n an cridhe.

CAIB. X.

1 *Cha-n'eil neach air bìth ann cosmhuil ri Dia cumhachdach Isracil.* 17 *Thug am fàidh fios don t slugh gu'n claidhear iad.* 23 *Rinne urnuigh ri Dia.*

CLUINNIBH am focal a tha an Tigh-earn a' labhairt ruibh, O thigh Isracil.

2 Mar so deir an Tighearn; Na fòghlum-aibh slighe nan cinneach, agus na bitheadh eagal oirbh roinn chomharan nan nèamh, ged a tha eagal air na cinnich rompa.

3 Oir tha gnàthachadh nan slògh 'n a fhìor-dhìomhanas: oir tha iad a' gearradh craoibhe as a' choille, obair làmh an fhìr a dl'oibricheas le inneal gear.

4 Le h-airgiod agus le h-òr tha iad 'g a deanamh maiseach, le tairngibh agus le h-orduibh tha iad 'g a deanamh daingean, air chor as nach gluais i.

5 Mar chrann-pailme tha iad so rag, agus cha labhair iad: is éigin an giùlan, a chionn nach urrainn iad imeachd: na bitheadh eagal oirbhse rompa, oir cha-n urrainn iad cron a dheanamh; agus fòs maith a dheanamh cha-n'eil 'n an comas.

6 Cha-n'eil aon neach ann cosmhuil riutsa, O Thighearn'; Is mòr thu, agus is mòr d'ainm ann an cumhachd.

7 Cò air nach bitheadh eagal romhad-sa, O Rìgh nan slògh? oir dhuitse buinidh *urram*; a chionn nach 'eil am measg uile dhaoine glìce nan cinneach, agus am measg an uile rìoghachdan, aon neach cosmhuil riut.

8 Ach tha iad gu h-iomlan brùideil agus mì-thuigseach: tha am fiodh e féin a' cur 'an céill an dìomhanais.

9 Bhèir airgiod air a bhualadh a mach o Tharsis, agus òr o Uphas; obair an fhìr-oibre, agus làimhe an òir-cheaird; is gorm agus dearga 'séididh dhoibh: is iad gu léir obair dhaoine seòlta.

10 Ach Iehobhah, is esan an Dia fìor, an Dia bèd, agus an rìgh bith-bhuan: roinn a chorruih-san crìothnaichidh an talamh, agus cha-n urrainn na cinnich 'fhcarg a giùlan.

11 Mar so their sibh riu, Na diathan nach d'rinn na nèamhan no an talamh, sgriosar iad a mach o'n talamh, agus o bhì fo na nèamhan so.

12 Rinne esan an talamh le 'chumhachd, shoeruih e an saoghal le 'ghliocas, agus le 'thuigse sgaoil e mach na nèamhan.

13 'N uair a chuireas e mach a ghuth, tha toirm uisgeachan anns na nèamhan, bheir e air a' cheò dol suas o chriocheibh na talmhainn: ni e dealanach le frasaibh, agus bheir e mach a' ghaoth as 'ionadaibh-tasgaidh.

14 Dh'fhàs gach duine mar bhrùid 'n a eòlas; nàraicheadh gach òr-cheard le iomh-aigh leaghta; oir is ni breugach an dealbhan leaghta, agus anail air bith cha-n'eil amta.

15 Is ni faoin iad, obair mhearachdach: ann an àm an smachdachaidh théid iad 'am mugha.

16 Cha chosmhuil riu so Cuibhrionn Iacob; oir is esau fear-cumaidh an domhain, agus is e Israel slat 'oighreachd; Tighearn nan sluagh is ainm dha.

17 Cruinnich suas do mhaoin as an fhear-ann, O thusa a tha 'g àiteachadh an daing-nich:

18 Oir mar so deir an Tighearn; Feuch, bheir mi urchair do luchd-àiteachaidh na tìre, air a' chuairt so, agus claidhidh mi iad, air chor as gu mothaich iad *mo dh'òghaltas*.

19 Mo thruaighe mise thaobh mo dhoch-ainn i is cràiteach mo chreuchd: ach thubh-airt mi, Gu deimhin is deacair so, ach is éigin 'Thulang.

20 Tha mo phàillion air a chur fàs, agus tha mo chuid gu léir air am briscadh; dh'imich mo chlann a mach uam, agus cha-n'eil iad ann: cha-n'eil neach ann a sgaoileas mo phàillion a mach ni 's mò, no 'chuireas suas mo sgàile.

21 Oir tha na h-aodhairean air fàs brùideil, agus cha-n'eil iad ag iarraidh an Tighearn. uime sin cha soirbheich leo féin, agus bithidh an treudan uile air an sgapadh.

22 Fuaim an iomraidh! feuch, tha i 'teachd dlùth, eadhon gluasad mòr o'n tìr mu thuath, a dheanamh bhailtean Iudah 'n am fàsach, 'n an àite-còmhnuidh do dh'ràgonabha.

23 Is aithne dhomh, a Thighearn, nach 'eil slighe duine 'n a chomas féin: cha-n'eil e 'n comas duine a tha 'g imeachd a cheum a stiùradh.

24 O Thighearna, cronuich mi, ach ann an tomhas; ni h-ann a'd' chorruih, air eagal gu'n cuir thu as domh.

25 Dòirt a mach do dhian-chorruih air na cinnich nach do ghabh còlas ort, agus air na teaghaichean nach 'eil a' gairm air 'ainm: oir dh'ith iad suas Iacob, 'g a itheadh agus 'g a chaitheamh, agus rinn iad 'àite-còmh-nuidh fàsal.

CAIB. XI.

1 *Ghairm am fàidh briathran a' choimhcheangail, agus thug e achnhasan do na h-Iudhaich a bha eas-umhal do fhocal an Tighearna. 11 Labhair e ole mu'n timchioll air son an iodhol-aoraidh, 18 agus mu thimchioll luchd-àiteachaidh Anatoit.*

A M focal a thàinig gu Ieremiah o'n Tigh-carn, ag ràdh,

2 Chuinn briathran a' choimhcheangail so, agus labhair iad ri fearaibh Iudah, agus ri luchd-àiteachaidh Ierusalem;

3 Agus abair riu, Mar so deir an Tighearn Dia Israel, Malluichte gu'n robh an duine nach bi àmhal do bhriathraibh a' choimhcheangail so,

4 A dh'àithn mise do 'ur n-aithrichibh anns an là 's an d'thug mi iad a mach á tìr na h-Eiphit, as an fhùirneis iarunn, ag ràdh, Thugaibh géill do m' ghuth, agus deanaibh *na nithean* sin uile, réir mar tha mise 'g àithneadh dhuibh: mar sin bithidh sibh 'n 'ur sluagh dhomhsa, agus bithidh mise ann am Dhia dhuibhse;

5 A chum gu'n coimhion mi na mionnan a mhionnaich mi do 'ur n-aithrichibh, gu'n tugaibh doibh fearann a' sruthadh le mil agus le baimme, mar air an là 'n diugh. An sin fhreagair mise, agus thubhairt mi, Gu ma h-amhluidh a bhitheas, O Thighearna.

6 Agus thubhairt an Tighearn rium, Glaoth na briathran so gu léir, ann am bailtibh Iudah, agus ann an sràidibh Ierusalem, ag ràdh, Chuinnibhse briathran a' choimhcheangail so, agus deanaibh iad.

7 Oir dh'earlaich mise gu dùrachdach do 'ur n-aithrichibh, air an là 's an d'thug mi iad a mach á tìr na h-Eiphit, gus an là 'n diugh, ag éirigh gu moch agus ag earalachadh, ag ràdh, Thugaibh géill do m' ghuth.

8 Gidheadh cha d'thug iadsan géill, ni mò dh'aom iad an cluas, ach ghluais iad gach aon a réir crosdachd a dhroch chridhe féin: uime sin bheir mise orra uile bhriathran a' choimhcheangail so, a dh'àithn mi dhoibh a dheanamh, ach nach d'rinn iad.

9 Mar an ceudna thubhairt an Tighearn rium, Fhuaradh co-fheall am measg fheara Iudah, agus am measg luchd-àiteachaidh Ierusalem.

10 Tha iad air pillcadh air an ais gu aingidheadh an aithrichean o shean, a dhiùlt mo bhriathran-sa a choimhead; agus a chaidh air lorg dhiathan coimheach, a chum gu'n deanadh iad seirbhis dhoibh: bhris tigh Israeil agus tigh Iudah mo choimhcheangal, a rinn mi r'an aithrichibh.

11 Uime sin mar so deir an Tighearn, Feuch, bheir mise orra dòrainn o nach bi e comasach dhoibh dol as; agus ged ghlaodhas iad rium, cha-n' éisd mi riu.

12 An sin théid bailtean Iudah, agus luchd-àiteachaidh Ierusalem, agus glaothaidh iad ris na diathan do'n do loisg iad tùis; ach cha dean iad sin air aon chor an tèarnadh ri àm an airce.

13 Oir a réir àireimh do bhailtean, bha do dhiathan, O Iudah; agus a réir àireimh shràidean Ierusalem chuir sibh suas alt-àirean do'n ni nàrach sin, altairean a loisgadh tùise do Bhaal.

14 Air an aobhar sin na dean thusa urnuigh air son an t-sluaigh so, ni mò thogas tu suas

glaoth no athchuiuge as an leth: oir cha-n èisd mise 's an àm 's au glaoth iad rium aon au aire.

15 Ciod a th'aig mi ghràdh ri 'dheanamh ann am thigh-sa? chuir i 'n gnìomh mòr ghràineileachdan; agus tha 'n fheoil naomh air teicheadh uait. An uair a tha thu aingidh, an sin tha thu aobhneach.

16 Gorm-chrann olaidh, maiseach agus deadh-thorrach, thug an Tighearn mar ainm ort: le fuaim toirme udòire dh'fhadaidh e teine 'n a mhullach, agus tha a gheugan air am briseadh.

17 Oir rinn Tighearn nan sluagh, a shuidh-ich thu, ole a labhairt a d' aghlaidh; air son aingidheachd tìghe Israeil, agus tìghe Iudah, a chuir iad 'an gnìomh 'n an aghaidh féin, le mise 'bhrosnachadh gu feirg, le tùis a iosgadh do Bhaal.

18 Thug an Tighearn, mar an ceudna, fios dhomhsa, agus thuig mi; an siu dh'fheuch thu dhomh an innleachdan.

19 Oir bha mi mar uan, *no mar* dhamh, air a stiùradh a chum a' chasgraidh; agus cha robh fios agam gu'n do dhealbhadh innleachdan aon aon aghaidh, *ag ràdh*, Sgrìosa-amaid an crann maille r'a thoradh, agus gearraim e sìos á fearann nam beò, a chum uach bi' ainm nì's mò air a chuimhneachadh.

20 Ach, O Thighearna nan sluagh, a bheir breth gu cothromach, a dhearbhas na h-àirnean agus an eridhe, faiceam do dhìoghaltas orra; oir dhuitse dh'fhoillsich mi mò chùis.

21 Air an aobhar sin, mar so deir an Tighearn, A thaobh muinntir' Anatoit, a tha ag iarraidh d'anama, ag ràdh, Na dean faist-neachd ann an ainm Iehobhah, mu'm faigh thu bàs le'r làimh-ne:

22 (Uime sin, mar so deir Tighearn nan sluagh,) Feuch, smachdaichidh mise iad; bàsaichidh na h-òganaich leis a' chlaidh-camh; bàsaichidh am mic agus an nigh-eanan le gorta.

23 Agus cha-n fhàgar fuigheall beò dhiubh; oir bheir nise ole air muinntir Anatoit, bliadhna an smachdachaidh.

CAIB. XII.

1 *Tha am fàidh a' gearan gu bheil na h-aingidh a' soirbheachadh 'n an slighe. 7 Thèig Dia a shluagh air son an aingidheachd: 14 bhayair e gu'n sgrìosadh e luchd-deanamh an uile, ach gheall e truas a ghabhail diubhsan a ghluais-eas gu h-iriosal 'n a làthair.*

IS ceart thusa, O Thighearna, 'n uair a thagam riut: gidheadh ceadaich dhomh labhairt riut mu thinnicholl do bhreith-eanaib: Car son a tha slighe nan droch dhaoine a' soirbheachadh? *e'ar son a tha iadsan uile suainneach a tha ro aingidh!*

2 Shuidhich thusa iad, seadh, ghabh iad freumh; tha iad a' fas, agus fòs a' toirt a mach toraidh: tha thusa dlùth 'n am beul, ach fada o'n àirneibh.

3 Ach is aithne dhuitse mi, O Thighearna; chunnaic thu mi, agus dhearbhadh thu mo chridhe, [gu bheil] e leat: tarruing iad a mach uar chaorach air son a' chasgraidh, agus cuir air leth iad fa chomhair là a' mharbhadh.

4 Cia fhad a ni 'm fearann bròn, agus a bhithes luibhean gach macharach a' seargadh, air son aingidheachd a luchd-àiteachaidh? Bhàsaich gach ainmhidh agus eum, a chionn gu'n dubhairt iad, Cha-n fhaic esan ar crìoch dheireannach.

5 Ma ruith thu leis na coisichean, agus gu'n do sgithich iad thu, cionnus idir a ni thu strì ri h-cachaibh? agus ann am fearann sìth ged robh agad dòchas, gidheadh ciod a ni thu ann an onfha Iordain?

6 Air son gu'n do bhuin eadhon do bhràithrean agus tigh d'athar, eadhon iadsan, gu fealltach riut; ruaig eadhon iadsan thu le h-èighe chruaidh; na creid iad ged labharas iad briathran caoine riut.

7 Thréig mise mo thigh, dh'fhàg mi m'oghreachd, thug mi thairis gràdh m'anama do làimh a naimhdean.

8 Bha m'oghreachd dhomhsa mar lèmhann anns a' choille; chuir i mach a guth ann am aghaidh: air au aobhar siu thug mi fuath dhi.

9 Bha m'oghreachd dhomhsa mar an t-eun fuileachdach Seboa; O euna fuileachdach, thigibhlise 'na h-aghaidh air gach taobh; cruinnichibh, uile bheathaiche na macharach, thigibh a chum itheadh a suas.

10 Mhill mòran aodhairean mo lios fìona, shaltair iad mo chuibhrionn fo chois, rinn iad mo chuibhrionn taitneach 'n a fhàsach uaigneach.

11 Rinn iad e 'n a fhàsach, tha e 'n a fhàsach ri caoidh riumsa; rinneadh an tìr gu h-iomlan fas, gidheadh cha-n'eil aon neach 'g a chur 'an suim.

12 Air gach uile thulaich 's an fhàrach thàinig an luchd-creachaidh; oir sluigidh claidheamh an Tighearna suas, o aon iomall de'n tìr gus an t-iomall eile: cha bhi sìth aig aon fheoil.

13 Chuir iad cruithneachd, ach buainidh iad droighinn: shaoraidh iad, ach cha bhuannaich iad: uar sin masluichear sibh a thaobh 'ur cinneis, trid lasair feirge an Tighearna.

14 Mar so deir an Tighearn; A thaobh m'uile dhroch choimhearsnach, a tha 'cur dragh' air an oighreachd a thug mise mar sheilbh do m'shluaigh Israeil; feuch, spionaidh mi iad a mach as am fearann, agus as am meadhon spionaidh mi mach tigh Iudah.

15 Agus tarlaidh, an déigh dhomh an tarruing a mach, gu'm pill mi, agus gu'n gabh mi truas diubh, agus bheir mi iad air an ais, gach aon g'a oighreachd féin, agus gach aon g'a fhearnan féin.

16 Agus tarlaidh, ma dh'fhòghluimeas iad

da rìreadh slighean mo shluaigh-sa, gu mionnachadh air m' ainm, Mar is beò Iehobhah, amhuil a theagaisg iadsan do m' shluaigh-sa mionnachadh air Baal, an sin daingnichear iad ann am meadhon mo shluaigh.

17 Ach mur toir iad géill, an sin spionaidh mi a nìos an cinneach sin, a' spionadh a nìos agus a' sgrìos, deir an Tighearn.

CAIB. XIII.

1 *Le samhladh crios' anairt, nochd Dia sgrìos a shluaigh.* 12 *Le cosamhlachd shearragan air an lìonadh le fion, roinnh-innis e meud an trioblaidean.* 13 *Chomhairlich e dhoibh aithreachas a ghabhail;* 22 *agus nochd e dhoibh gu'm b'e meud an cionta a b' aobhar air na h-uile a thàinig orra.*

MAR so thubhairt an Tighearn rium, Imich agus faigh dhuit féin crios anairt, agus cuir air do leasraibh e, ach na cuir ann an uisge e.

2 Is amhuil a fhuair mi crios, a réir focail an Tighearna, agus chuir mi air mo leasraibh e.

3 Agus thàinig focal an Tighearn a' m'ionnsuidh an dara uair, ag ràdh,

4 Gabh an crios a fhuair thu, a tha air do leasraibh, agus éirich, imich gu Euphrates, agus folaich an sin e, ann an sgoltadh de'n charraig.

5 Is amhuil a dh'imich mi agus 'dh'fholaidh mi e aig Euphrates, mar a dh'èithn an Tighearn dhomh.

6 Agus tharladh an déigh mhòrain Baithean, gu'n dubhairt an Tighearn rium, Eirich, imich gu Euphrates, agus thoir as a sin an crios a dh'èithn mise dhuit fholach anns an àite sin.

7 An sin dh'fhalbh mi gu Euphrates, agus chladhaich mi, agus thug mi an crios as an àite 's an d'fholaidh mi e; agus, feuch, bha'n crios millte, cha b'fhìù air son ni sam bith e.

8 An sin thàinig focal an Tighearn a' m'ionnsuidh, ag ràdh,

9 Mar so deir an Tighearn; Air a' mhodh so millidh mise uailh Iudah, agus paill mhòr Ierusalem.

10 An sluagh olc so, 'tha 'diùltadh mo bhriathran-sa éisdeachd, a tha 'siubhal a réir cruais an cridhe féin, agus a' dol an déigh dhiathan coimheach, gu seirbhis a dheanamh dhoibh, agus gu aoradh a thoirt dhoibh; bithidh iad cadhon mar an crios so, nach fìù air son ni sam bith.

11 Oir mar a dhlùth-leanas an crios ri leasraibh duine, mar sin thug mise air tigh Israel uile, agus air tigh Iudah uile, dlùth-leantuinn riumsa, deir an Tighearn; a chum gu'm bitheadh iad dhomh mar shluaigh, agus mar ainm, agus mar chliù, agus mar ghloir: ach cha-n éisdeadh iadsan.

12 Labhraidh tu riu fòs am focal so, Mar so deir Iehobhah Dia Israeil; Lìonar gach

soireadh le fion. Agus their iad riut, Nach 'eil fios cinnteach againn gu'n lìonar gach soireadh le fion?

13 An sin their thu riu, Mar so deir an Tighearn, Feuch lìonaidh mise luchd-àiteachaidh na tìre so air fad, eadhon na rìghrean a tha 'n an suidhe 'an àite Dhaibhidh air a rìgh-chaitheir, agus na sagartan, agus na fàidhean, agus nìle luchd-àiteachaidh Ierusalem, le misg.

14 Agus pronnaidh mi iad an aghaidh a chéile, eadhon na h-aithrichean agus na mic le 'chéile, deir an Tighearn; cha ghabh mi truas, ni mò 'chaomhaincas mi, ni mò a ni mi iochd, air chor as nach sgrìosainn iad.

15 Eisdibh, agus thugaibh aire, na bithibh uabhair; oir labhair an Tighearn.

16 Thugaibh-sa glòir do'n Tighearn bhur Dia, mu'n tig an dorchadas, agus mu'n tuislich 'ur cosan air sléibhtibh na doilleireachd; an sin, an uair a bhitheas 'ur sùil ri solus, caochlaidhear e gu sgàile a' bhàis, eadhon gu dorchadas tigh.

17 Ach mur éisd sibh ris, guilidh m'anam ann an ionadaibh uaigneach air son 'ur n-uabhair, agus guilidh mo shùil gu goirt, agus silidh mo dheòir gu pailt, a chionn gu'n toircar ann am bairghdeanas treud an Tighearna.

18 Abair ris an rìgh, agus ris a' bhan-rìghinn, Irisichibh sibh féin, suidhibh sìos; oir leagar sìos bhur culaidh-chinn, eadhon crùn bhur glòire.

19 Tha bailtean na h-àirde deas air an druideadh suas, agus cha-n'eil neach 'g am fosgladh; tha Iudah uile air a toirt 'am bruid, tha i gu h-ìomlan air a toirt ann am bairghdeanas.

20 Tog suas do shùilean agus faic iadsan a tha 'teachd o'n àirde tuath: c'ait am bheil an treud a thugadh dhuit, caoraich do mhaise?

21 Ciod a their thu an uair a thig smaehdachadh ort? an déigh dhuit a theagasg dhoibh riaghladh tharad mar cheannardan? nach dean ioghannan do ghlacadh, amhuil mnaoi ri saothair?

22 Agus an uair a their thu ann ad chridhe, C'ar son a thàinig na nithcan so orm? Air son mend do chionta tha do sgiobaill air an leigeadh ris, tha do shàiltean air an rùsgadh.

23 Am feud an t-Etiopach a chraicinn a mhùthadh, no an liopard a bhreice an sin feudaidh sibhse, 'bha clachda ri olc, maith a dheanamh.

24 Air an aobhar sin sgapaiddh mise iad mar an asbhuan, a shiubhlas air falbh le gaoith an fhàsaich.

25 Is e so do chrammchur, an cuibhrionn a thomhaiseadh leamsa air do shon, deir an Tighearn; a chionn gu'n do dhì-chuimhnich thu mise, agus gu'n do chuir thu do dhòchas anns a' bhreig.

26 Uime sin leigidh mise do sgiobail ris air do bheulaobh, a chum gu'm faicear do nàire.

27 Chumnaic mi d'adhaltranas, agus do shìtrich, agus do strìopachas mhi-nàrach, do ghràincileachdan air na enocaibh, anns a' mhachair. Mo thruaighe thu, O Ierusalem! nach bi thu air do ghlanadh? c'uinn idir a bhitheas sin?

CAIB. XIV.

1 *Goinne mlòr. 7 Urnuigh an fhàidh. 10 Dhiùid Dia èisdeachd r'a sluagh. 13 Bàs-aichidh am fàidh bréige, agus an sluagh a chreid e. 17 Dh'orduidh Dia do Ieremiah caoidh a dheanamh air son an trioblaidcan.*

FOCAL an Tighearn', a thàinig gu Ieremiah a thaobh na goinne.

2 Tha Iudah ri bròn, dh'fhàs a geatachan lag; tha iad duaichnidh air an làr; agus tha gaoir Ierusalem air do suas.

3 Chuir na h-uaislean fòs an clann bheag a dh'iarraidh uisge; thàinig iad gus na sluchid, agus cha d'fhuair iad uisge sam bith; phill iad le 'n soithichibh falamh; bha nàire agus masladh orra, chòmhdaich iad an cinn.

4 A chionn gu bheil am fearann 'n a smùr, oir cha robh uisge anns an tìr; ghabh na treabhaichean nàire, dh'fholuich iad an cinn.

5 Seadh fòs, rug an eilid a laogh anns a' mhachair, agus thréig i e, a chionn nach robh fear ann.

6 Agus sheas ra h-asalan fadhaich air na h-ionadaibh àrda, tharruing iad suas a' ghaoth mar dh'àgonaibh; dh'fhàilnich an sùilean a chionn nach robh fear ann.

7 Ged tha ar n-euccartan a' tabhairt fianuis 'n ar n-aghaidh, O Thighearna, dean thusa air sgàth d'ainme féin: oir tha ar cùl-sleamhnachaidh lionmhor, pheacaich sinn a' d'aghaidh.

8 O dhòchais Israeil, a Shlànuidhear ri àm airce, c'uinn am bitheadh tu mar choigreach anns an tìr? agus mar fhear-turuis a thionndaidheas a leth-taobh gu fuireach car oidhche?

9 C'uinn am bitheadh tu mar neach ann an suain chodail? mar ghaigeadh aig nach 'eil cumhachd gu tèarnadh? Gidheadh tha thusa, O Thighearna, 'n ar meadhon, agus ortsa tha sinn air ar n-ainmeachadh; na dean ar tréigsinn.

10 Mar so deir an Tighearn a thaobh an t-sluaigh so, Mar so bu toil leo dol air seachran, cha do chum iad air an ais an cosan; uime sin cha ghabh an Tighearn riu, cuimhnichidh e nis an aingidheachd, agus cronuichidh e an cionta.

11 Uime sin thubhairt an Tighearn rium, Na guidh as leth an t-sluaigh so air son an leas.

12 An uair a thraisgeas iad, cha-n èisd

mise r an glaoth; agus an uair a dh'ìobras iad iobairt-loisgte agus tabhartas, cha ghabh mise iad; ach leis a' chlaidheamh, agus leis a' ghort, agus leis a' phlàigh, cuiridh mi as doibh.

13 An sin thubhairt mise, Och! a Thighearna Dhia! feuch, tha na fàidhean agràdh riu, Cha-n fhaic sibh an claidheamh, ni mò thig gort oirbh, ach sìth chinnteach bheir mise dhuibh anns an àite so.

14 An sin thubhairt an Tighearn rium, Tha na fàidhean ri fàistneachd bhréige ann am ainm-sa; cha do chuir mise uam iad, ni mò 'thug mi àithne dhoibh, ni mò 'labhair mi riu: sealladh breugach, agus fìosachd, agus neo-nì, agus mealltaireachd an cridhe féin, tha iad a' fàistneachd dhuibh.

15 Uime sin mar so deir an Tighearn; A thaobh nam fàidhean a tha ri fàistneachd ann am ainm-sa, ged nach do chuir mise mach iad, agus ag ràdh, Cha bhi claidheamh agus gorta 's an fhearann so; Le claidheamh agus le gorta bithidh na fàidhean sin air an caithcamh.

16 Agus bithidh an sluagh do 'n d'rinn iad fàistneachd air an tilgeadh a mach ann an sràidibh Ierusalem, fa chùis na gorta, agus a' chlaidheamh, agus cha bhi neach ann a dh'adhlaiseas iad; iad féin, am mnathan, agus am mic, agus an nighcanan: oir taomaidh mise orra féin an aingidheachd.

17 Agus labhraidh tu riu am focal so; Sileadh mo shùilean le deuraibh a' dh'oidhche! is a là, agus na sgùireadh iad; oir tha dìghnighean mo shluaigh air a dochann le dochann mòr, le buille ro chràiteach.

18 Ma théid mi mach do'n mhachair, an sin feuch iadsan a mharbhadh leis a' chlaidheamh! agus ma théid mi steach do'n bhaile, an sin feuch iadsan a tha air an claoidh leis a' ghorta! seadh, tha am fàidh, agus fòs an sagart ag imeachd air chuairt, gu talamh anns nach 'eil iad eòlach.

19 An do chuir thu gu tur cùl ri Iudah? an d'fhuathaich d'anam Sion? c'uinn an do bhuail thu sinn, agus gus aon chabhair againn? bha ar sùil ri sìth, ach maith cha d'fhàinig; agus ri àm leighis, agus feuch amhghar!

20 Tha sinn ag aideachadh, O Thighearn', ar n-aingidheachd féin, agus euccart ar n-aithrichean; oir pheacaich sinn a' d'aghaidh-sa.

21 Na tilg uait sinn air sgàth d'ainme féin; na maslaich caithir do ghloire: cuimhnich, na bris do choimhcheangal ruinn.

22 Am bheil aon air bith am measg dhìomhanas nan cinneach a's urrainn uisge 'thoirt seachad? no'n urrainn na nèamhan frasas a thabhairt? nach tu féin an ti a ni sin, O Thighearn' ar Dia-ne? air an aobhar sin, feithidh sinne riut; oir is tu a rinn na nithean so uile.

CAIB. XV.

uamhasach nan Iudhach. 10 'N uair a am fàidh gearan a thaobh mì-rùin a ùmhdean, fhuair e gealladh gu'm bithheadh ad bàigheil ris ann an ùm na h-àirce. 15 Rùn e urnuigh, 19 agus thugadh miseach dha.

AN sin thubhairt an Tighearn rium; Ged sheasadh Maois agus Samuel a'm lathair, cha bhlithheadh manam leis an t-sluagh so; cuir a mach iad a' m'fhanuis, agus sìubhladh iad air falbh.

2 Agus tarlaidh, ma their iad riut, C'ait an sìubhal sinn air falbh? an sin their thu riu, Mar so deir an Tighearn, Iadsan a tha air son bàis, a chum bàis; agus iadsan a tha air son a' chlàidheimh, a chum a' chlàidheimh; agus iadsan a tha air son na gorta, chum na gorta; agus iadsan a tha air son na bruid, a chum braighdeanais.

3 Agus orduichidh mise os an ceann ceithir scòrsan, deir an Tighearn; an claidheimh gu marbhadh, agus na coingurebadh, agus eunlaith an athair, agus beathaichean na macharach, gu itheadh agus gu millcadh.

4 Agus fuadaichidh mi iad air feadh uile rìoghachdan an domhain, air son Mhanaseh, m'he Heseciah, rìgh Iudah, air son nan n'ithean sin a rinn e ann an Ierusalem.

5 Oir cò 'ghabhas truas dìot, O Ierusalem? no cò 'ni bròn leat? no cò 'théid a leth-taobh, a dh'fhèoraich cionnus a tha thu?

6 Thrig thu mise, deir an Tighearn, chaidh thu air d'ais; air an aobhar sin, sinidh mise mo làmh a mach a' d'aghaidh, agus sgriosaidh mi thu; tha mi sgìth de ghabhail aithreachais.

7 Uime sin dh'fhuadaich mi iad le inneal fasnaidh ann an geatachaibh na tìre: dh'fhàg mi gun chlànn, sgrios mi mo shluagh; o'n slighibh cha do phill iad.

8 Riuneadh am bantraichean nì bu lìon-mhoire leamsa na gaineamh na fairge; thug mi an aghaidh na màthar agus nam mac fear-millidh ann am meadhon an là: thug mi air nàmhaid agus air uamhasan bualadh oirre gu h-obann.

9 Dh'fhannaich ise a rug seachdnar, thug i suas an deò; chaidh a grian sìos am feadh a bha fathasd a là ann; nàraicheadh agus mhasaicheadh i; agus na mhaireas diubh bheir mise do'n chlàidheimh ann am fànais an naimhdean, deir an Tighearn.

10 Mo thraighe mise, O mo mhàthair! oir rug thu mi a'm' fhear-strì, agus a'm' fhear-connsachaidh anns an fhearann uile; cha d'thug mi seachad air ocar, nì mò 'thug aon neach air ocar dhomh; g'headh tha iad uile 'g am mhallachadh.

11 Thubhairt an Tighearn, Gu cinnteach éiridh gu maith do d'iarmaid; gu cinnteach bheir mi air an nàmhaid a bhi bàigheil riut ann an àm na h-àirce, agus ann an àm a' chruaidh-chais.

12 Am bris esan iarunn 'n a bhloighdibh, iarunn o thuath agus uniaha?

13 Do mhaoin agus d'ionmhasan bheir mise mar chreich, cha-n ann air son luach, ach air son d'uile lochdan; seadh ann ad uile chrìochaibh.

14 Agus bheir mi orra sìubhal air falbh le d' naimhdibh gu fearann air nach robh thu còlach; oir tha teine air 'fhadadh ann am fheir, agus lasaidh e 'n 'ur n-aghaidh.

15 Agadsa tha fios, O Thighearna; cuimhnich ormsa, agus thig g'am amhar, agus thoir dhomh aicmhheil air mo luchd-tòrachd; ann am buanas d'fheirge na toir air falbh mi; thoir fainear gu'n d'fhuiling mi masladh air do sgàth.

16 Fhuaradh do bhriathran, agus dh'ith mi suas iad; agus bha d'fhocail dhomh 'n a aoibhneas, agus 'n a ghàirdeachas do m' chridhe; oir tha mi air m'aimmeachadh irtsa, O Iehobhah Dhia nan sluagh.

17 Cha do shuidh mi ann an cuideachd luchd-fochaid, nì mò 'bha mi subhach; air son do làimh-sa shuidh mi ann am aonar; a chionn gu'n do lìon thusa mi le boile.

18 C'uim am bheil mo ghoinmh gun lasachadh? agus mo chreuchd bàsmhor, a' d'ùltadh a bhi air a leigheas? c'ar son a bhitheas tusa dhomh uile gu léir anhuil sruthan mealltach, as nach feudar earbsadh?

19 Uime sin mar so deir an Tighearn, Ma philleas tu, an sin bheir mise air d'ais thu, agus seasaidh tu ann am lathair: agus ma sgaras tu an nì luachmhor o'n nì nach fìù, mar mo bheul-sa bithidh tu; pillidh iad so riutsa, ach cha phill thusa rìusan.

20 Agus nì mise dhìot, an aghaidh an t-sluaigh so, balla làidir umha; an uair a chathaicheas iad a' d'aghaidh cha toir iad buaidh ort: oir tha mise maille riut, a chum do dhìon, agus a chum do thèarnadh, deir an Tighearn.

21 Agus saoraidh mi thu o làmh nan aingidh, agus fuasglaidh mi thu o ghreim nan uamhasach.

CAIB. XVI.

1 Roimh-innis am fàidh léir-sgrios nan Iudhach. 14 Bheir Dia orra pillinn o'm braighdeanas air dòigh n'a glòrmhoire na 'thug e nìos iad a' tìr na h-Eiphit. 16 Dìolaidh e dhoibh an aingidheachd le tomhas dùbailte, agus an sin pillidh iad d'a ionnsuidh.

THAINIG focal an Tighearna fòs a m'ionnsuidh, ag ràdh,

2 Cha ghabh thu dhuit féin bean, nì mò 'bhitheas agad mic no nigheanan anns an àite so.

3 Oir mar so deir an Tighearn; A thaobh nam mac, agus a thaobh nan nigheanan, a tha air am breith anns an àite so, agus a thaobh am màthrichean a rug iad, agus a thaobh an aithrichean a ghin iad, anns an tìr so;

4 Le bàs doilgheasach bàsaichidh iad;

cha deanar caoidh air an son, agus cha-n adhlaiocar iad; mar aolach air aghaidh na talmhainn bithidh iad; le claidheamh fòs, agus le gorta, caithear iad; agus bithidh an cairbhean mar lòn do eunlaith an athair, agus do bheathaichibh na talmhainn.

5 Oir mar so deir an Tighearn, Cha téid thu teachd do thigh a' bhròin, ni mò 'théid thu 'dheanamh caoidh, no 'thoirt dhoibh comhfhurtachd; oir thng mise air falbh mo shìth o'n t-sluagh so, deir an Tighearn, caomh-neas gràdhach agus caomh-thròcairean.

6 Agus gheibh iad bàs, eadar bheag agus mhòr, anns an tìr so; cha-n adhlaiocar iad, agus cha deanar caoidh air an son; cha ghearr aon neach e féin, ni mò 'ni aon neach e féin maol air an son.

7 Agus cha bhris *daoine aran* 'n am measg, ri àm bròin, a ehnm comhfhurtachd a thoirt doibh air son neach a fhuair bàs; ni mò bheirear dhoibh deoch á cnpnan na comhfhurtachd, air son athar neach, no air son a mhàthar.

8 Mar an cendna cha téid thu gu tigh na cuirme, gu suidhe sìos maille riu a dh'ith-cadh agus a dh'òl.

9 Oir mar so deir Tighearn nan sluagh, Dia Israeil, Fench, cuiridh mise 'n a thòd anns an àite so, fa chomhair 'ur sùl-se, agus ann 'ur làithibh, guth an t-subhachais, agus guth an aoibhneis, guth an fhir nuadh-phòsda, agus guth na mnà nuadh-pòsda.

10 Agus tarlaidh, an uair a dh'inneas tu do'n t-sluagh so na nithean so uile, agus a their iad rint, C'ar son a labhair an Tighearn 'n ar n-aghaidh an t-òle mòr so uile? agus ciod i ar n-aingidheachd, agus ciod e ar lochd, a chuir sinn 'an gnìomh an aghaidh an Tighearn' ar Dia?

11 An sin their thusa riu, A chionn gu'n do thréig bhuir n-aithrichean mise, deir an Tighearn, agus gu'n deachaidh iad air lorg dhiathan eile, agus gu'n d'thng iad seirbhìs dhoibh, agus gu'n d'thng iad dhoibh aoradh, agus gu'n do thréig iad mise, agus nach do choimhid iad mo reachd.

12 Agus gu'n d'rinn sibhse nì's mìosa na bhnr n-aithrichean; oir feuch, tha sibh ag imachd, gach aon a réir ais-innleachd a dhroch chridhe féin, gun ghéill a thoirt dhomhsa.

13 Uime sin tilgidh mi sibh a mach as an tìr so, gu tìr air nach d'fhuair sibh eòlas, sibh féin no 'ur n-aithrichean; agus an sin ni sibh seirbhìs do dhiathaibh coimheach, a là agus a dh'oidheche, a chionn nach dean mise ròcair oirbh.

14 Uime sin, feuch tha na làithean a' teachd, deir an Tighearn, anns nach abrar nì's mò, Mar is beò an Tighearn, a thug a nìos clann Israeil á tìr na h-Eiphit;

15 Ach, Mar is beò an Tighearn, a thug air an ais clann Israeil o thalamh na h-àirde tuath, agus o gach talamh gus an

d'fhògair e iad; oir bheir mise air an ais iad gu'm fearann féin, a thng mi do 'n aithrichibh.

16 Feuch, cuiridh mi fiosair mòran iasgair-ean, deir an Tighearn, agus ni iad an iasgach; agus 'n a dhéigh sin, cuiridh mi fios air mòran shealgairean, agus ni iad an scalg, o gach uile shliabh, agus o gach uile chnoc, agus o sgeiribh nan creag.

17 Oir tha mo shùilean-sa air an uile shligheibh; cha-n'eil iad foluichte o m'ghninn, ni mò 'tha an aingidheachd air a còmhachadh o fhradharc mo shùil.

18 Agus diòlaidh mi le tomhas dèibailte an aingidheachd agus an lochd, a chionn gu'n do thruaill iad m'fhearann le sail-chead an gnìomharan fuathach; agus le 'n gràineilcachdaibh lion iad m'oighreachd.

19 O Thighearna, mo neart, agus mo dhaingeach, agus mo dhùidein ann an là na h-àirce, a d'ionnsuidh-sa thig na cinnich o chrìochaibh na talmhainn, agus their iad, Gu deimhin shealblaich ar n-aithrichean ni gun bhrìgh; diomhanas, agus nithean gun tairbhe.

20 An dean duine dha féin diathan, agus nach 'eil iad 'n an diathan?

21 Air an aobhar sin, foillsichidh mi dhoibh, air an aon uair so, foillsichidh mi dhoibh mo làmh agus mo chumhachd; agus bithidh fios aca gur e m'ainm Iehobhabh.

CAIB. XVII.

1 *Braighdeanas Iudah air son am peacaidhean.* 5 *Is mallachd an neach a chuireas a dhòchas ann an duine, ach is beannaichte ean a chuireas a dhòchas ann an Dia.* 9 *Rannsaichidh Dia cridhe cealgach an duine.* 17 *Aitheuinge an fhàidh.* 19 *Aithne mu thim-chioll na sàbaid.*

THA peacadh Iudah air a sgrìobhadh le peann iaruin; le roinn daoimein tha e air a ghearradh, air clàr an cridhe, agus air adharcaibh an altairan:

2 Am feadh a tha an clann a' cuimhneachadh an altairan, agus an doircachan, aig na crannaibh uaine, air na enocaibh àrda.

3 O mo shliabh anns a' mhachair, do mhaoin, agus do thaisgeachan gn h-ìomlan, bheir mi thairis do 'n chreich; d'ionadan làidir, air son peacaidh, air feadh d'uile chrichean.

4 Agus fògrar thu, eadhon thusa féin, o d' oighreachd a thng mi dhuit; agus bheir mi ort seirbhìs a dheanamh do d' naimhdbh ann an tìr anns nach 'eil thu eòlach; a chionn gu'n d'fhadaidh sibh, ann am fheirg-sa, teine a loisgeas gu sìorruidh.

5 Mar so deir an Tighearn, Is mallachd an neach a chuireas a dhòchas ann an duine, agus a ni feoil 'n a gairdean da, agus aig an bheil cridhe 'tha 'clanadh air falbh o'n Tighearn.

6 Oir bithidh e mar phreas seargta's an ionad sgaoilte, nach mthaich am maith an uair a thig e; ach a tha 'g àiteachadh

ionadan loisgte an fhàsaich, fearainn gun toradh agus gun chòmhnuidh.

7 Is beannaichte an neach a dh'earbas as an Tighearn, agus a chuireas a dhòchas ann an Iehobhah.

8 Oir bithidh e mar chraoibh air a suidh-eachadh ri taobh nan uisgeachan, a sgaoileas a mach a frumbhan ri taobh an t-srutha, agus nach mothaich e uin a thig an tart: ach aig am bi a duilleach uaine, agus air nach bi iomagain ann am bliadhna na tiormachd, ni mò 'sguireas i 'thoirt seachd toraidh.

9 Tha an cridhe cealgach thar nan uile nìthan, agus *tha e* do-leigheas; cò a's urrainn a thuigsinn?

10 Tha mise Iehobhah a' rannsachadh a' chridhe, agus a' sgrudadh nan àirnean, a chum gu'n tabhair mi do gach neach a réir a shlighe, agus a réir toraidh a dheanadais.

11 *Mar a'* cheare a ni gur *air uibhean*, agus nach toir a mach eoin, [tha] esan a gheibh beartas, ach nach ann le còir; ann am meadhon a lùthean dealaichidh e ris; agus 'n a chrìch dheireannaich bithidh e 'n a amadan.

12 Is rìgh-claithir ghòrmhor, àrdaichte o chian, àit ar n-ionaid naomh-ne.

13 O Thighearna, cuspair-dòchais Israeil; bithidh amhladh air gach aon a thréigeadh thu; sgrìobhar iad 'n an luchd-ceannaire 's an talamh; a chionn gu'n do thréig iad an Tighearn, tobar nan uisgeachan beò.

14 Leighis mi, O Thighearn, agus bithidh mi air mo leigheas; slànuih mi, agus bithidh mi air mo shlànuchadh; oir is tu mo chliù.

15 Feuch, 'tha iad so ag ràdh rium, C'ait am bheil focal an Tighearna? thigeadh e nis.

16 Ach cha d'rinn mi deifir o bhi a'm' fhear-coimhid a'd' dhéigh-sa, agus là na h-iarguin cha d'iarr mi; agad féin tha fios air an ni a thàinig a mach as mo bheul, bha e ann ad lathair.

17 Na bi a'd' uamhas domh; is tu mo dhèidein ann an là na h-airec.

18 Bitheadh nàire air a' mhuinntir a tha 'g am ruagadh, ach na nàraichear mise: bitheadh iadsan fo gheilt, ach na bitheadh geilt ormsa: thoir thusa orra là na dòrainn, agus le sgrios dùbailte sgrios iad.

19 Mar so thubhairt an Tighearn rium; Faoh agus seas ann an geata cloinne an t-shuaigh, air an tig rìghrean Iudah a steach, agus air an téid iad a mach, agus ann an uile gheatachaibh Ierusalem;

20 Agus abair riu, Cluinnibhse focal an Tighearn, a rìghrean Iudah, agus a Iudah uile, agus uile luchd-àiteachaidh Ierusalem, a tha 'teachd a steach air na geatachan so.

21 Mar so deir an Tighearn, Thugaibh aire dhuibh féin, agus na giùlainibh uallach air bith air là na sàbaid, agus na tugaibh a steach i air geatachan Ierusalem;

22 Ni mò 'bheir sibh a mach uallach as bhur tighibh air là na sàbaid, ni mò 'ni sibh obair air bith; ach naomhaichibh là na sàbaid, mar a dh'àithn mise do 'ur n-aithrichibh.

23 Ach cha d'thug iadsan géill, ni mò dh'aom iad an cluas, ach rinn iad am muineal rag, air chor as nach éisdeadh iad, agus air chor as nach gabhadh iad teagasg.

24 Ach tarlaidh, ma dh'éisdeas sibh gu èuramach riumsa, deir an Tighearn, gun uallach sam bith a thoirt a steach troimh gheatachan a' bhaile so air là na sàbaid, ach là na sàbaid a naomhachadh, gun obair sam bith a dheanamh air:

25 An sin théid a steach air geatachan a' bhaile so, rìghrean agus prionnsachan, 'n an suidhe air rìgh-claithir Dhaibhidh, a' marcachd air carbadaibh agus air eacaibh, iad féin agus an ceannardan, fir Iudah, agus luchd-àiteachaidh Ierusalem; agus daingnichear gu bràth a' chaithir so.

26 Agus thig iad o bhailtibh Iudah, agus o na h-àiteachaibh timchioll Ierusalem, agus o fhearann Bheniamin, agus o 'n chòmhnard, agus o na beanntaibh, agus o'n àirde deas, a' toirt leo thabhartasan-loisgte, agus iobairtean, agus thabhartasan-bidh, agus tùise, a' toirt iobairtean-molaidh gu tigh an Tighearna.

27 Ach mur h-éisd sibh riumsa, chum là na sàbaid a naomhachadh, agus gun uallach a ghiùlan, a' dol a steach air geatachan Ierusalem air là na sàbaid; an sin fadaidh mise teime 'n a geatachaibh, agus loisgidh e lùchairtean Ierusalem, agus cha-n fheadar a mhùchadh.

CAIB. XVIII.

1 *Le samhladh soithich a' chriadhaidh nochd Dia gu'n feudadh e 'dheanamh r'a shluagh mar is àil leis.* 11 *Chaidh ole a' chumadh an aghaidh shluagh Iudah air son an ceannaire.* 13 *Athcuinge Jeremiah.*

AM focal a thàinig a dh'ionnsuidh Ieremial o'n Tighearn, ag ràdh,

2 Eirich, agus imich sìos gu tigh a' chriadhaidh, agus an sin bheir mise ort mo bhriathran a chluinntinn.

3 An sin chaidh mi sìos gu tigh a' chriadhaidh, agus, feuch, bha e 'deanamh oibre air na leacaibh.

4 Agus bha 'n soitheach a bha e 'deanamh de chriadh, air a mhilleadh ann an làimh a' chriadhaidh; an sin rinne e dheth a ris soitheach eile, mar a chunnacas ceart do'n chriadhaidh a dheanamh.

5 An sin thàinig focal an Tighearn a' m' ionnsuidh, ag ràdh,

6 O thigh Israeil, nach feud mise a dheanamh ruibhse mar an criadhaidh so? deir an Tighearn. Feuch, mar a' chriadh ann an làimh a' chriadhaidh, is amhuil sin sibhse ann am làimh-sa, O thigh Israeil.

7 C'uin air bith a labhras mise mu thim-

chioll cinnich, agus mu thimchioll rioghachid, gu spionadh a nìos, gu leagail sìos, agus gu sgrios;

8 Ma philleas an cinneach sin an aghaidh an do labhair mi, o'n ole; gabhaidh mise aithreachas de'n ole a bha ann am aire 'thoirt orra.

9 Agus e'uin air bith a labhras mi mu thimchioll cinnich, agus mu thimchioll rioghachid, gu 'thogail, agus gu 'shuidh-eachadh;

10 Agus gu'n dean e an nì sin a tha ole ann am shealladh, agus nach bi e umhal de m'ghuth; an singbhaidh maithreachas de'n mhaith a bha romham a dheanamh dhoibh.

11 A nis, uime sin, imich agus labhair ri fearaibh Iudah, agus ri luchd-àiteachaidh Ierusalem, ag ràdh, Mar so deir an Tighearn, Feuch, tha mise a' cumadh uile 'n ur n-aghaidh, agus a' dealbh innleachd 'n ur n-aghaidh: pillibh a nis gach aon o 'dhroch shlighe, agus leasaichibh 'ur slighean agus 'ur guomharan.

12 Ach thubhairt iadsan, Cha-n'eil dòchas ann; oir gluaisidh sinn a réir ar smuaintean féin, agus nì sinn, gach aon a réir tograidh a dhroch chridhe féin.

13 Uime siu mar so deir an Tighearn, Feoraichibh a nis an measg nan cinneach, cò a chuala an samhul so de uithibh? rinn òigh Israeil uì ri ghràineil.

14 Au tréig duine uo mhagh-sa air son carraig, *air son sneachda* Lebanoin? an tréigear am fuar uisge-ruith air son uisgeachau eile?

15 Ach dhì-chuimhnich mo shluagh mise, loisg iad tùis do dhòmhanas, agus thug iad orra tuisleachadh 'u an sliabh a bha 'n an seanu ròidibh, gu gluasad air ceum-aibh eile, *air slighe nach 'eil deuta*;

16 A chum an fearann a dheanamh fàs, 'n a bhall-àbhacais bith-bhuan: gabhaidh gach neach a théid seachad air mòr iongantas, agus crathaidh e a cheanu.

17 Sgapaidh mise iad mar gu'm b'ann le gaoith an ear roimh an uamhaid; tionndaidhidh mi riu uo chùl, agus cha-n i m' aghaidh ann an là au léir-sgrios.

18 An sin thubhairt iad, Thigibh, agus dealbhamaid innleachdan an aghaidh Ieremiah: oir cha blàsaich an reachd o'n t-sagart, no comhairle o'n eagnuidh, uo 'm focal o'n fhàidh. Thigibh, agus buaileamaid e leis an teangaidh, agus na tugamaid aire do aon d'a bhriathraibh.

19 Thoir thusa, O Iehobhah, aire dhomh, agus eiluinn guth ua muinntir a tha ri strì rium.

20 An dòlar ole air son maith? Gu cinnteach chladhaidh iad slochd air son m'anama. Cuimhnich cionnuis a sheas mi ann ad fhianuis, a dheanamh eadar-ghuidhe a chum an leas, a thionndadh do chorruch air falbh uaitha.

21 Uime sin thoir thusa thairis an clann do'n ghorta, agus thoir orra leaghadh as le neart a' chladheimh; bitheadh am muathan air am fagail gun chlann, agus iad 'n am bantraichean, agus faigheadh am fir bàs leis a' phlàigh, agus bitheadh an òganaich air am marbhadh anns au àraich leis a' chladheamh.

22 Cluinnear gaoir as an tighean, an trà 'bheir thusa feachd orra gu h-obann; oir chladhaidh iad slochd gu mise a ghilacadh, agus shuidhich iad hontan air son mo chos.

23 Ach agadsa, O Thighearna, tha fios air an innleachdaibh uile an aghaidh m'anama; na maith an cionta, agus na glan an lochd a mach á d'fianuis: ach tilgear iad thairis ann ad làthair; tionnsgain 'n an aghaidh ann an àm do chorruch.

CAIB. XIX.

1 *Le samhladh soithich criadhadair air a bhriseadh 'n a bhloighdibh, nochd Dia léir-sgrios nan Iudhach air son am peacaidhean.*

MAR so thubhairt Iehobhah rium-sa, Falbh agus faigh criadh-shoitheach criadhadair, agus *thoir leat* cuid de shean-airibh au t-sluaigh, agus de sheanairibh nau sagart;

2 Agus théid thu mach gu gleann mhic Hinoim, a tha fa chomhair a' gheata Harsit, agus gladhaidh tu anns an àite sin na briathran a labhras mise riut;

3 Agus their thu, Eisdiblse focal an Tighearn', O a rìghrean Iudah, agus a luchd-àiteachaidh Ierusalem; Mar so deir Tighearn nan sluagh, Dia Israeil, feuch, bheir mise ole air an àite so, a bheir air neach sam bith a chluinneas e gu'm bi gaoir 'n a chluasaibh:

4 A chionn gu'n do thréig iad mise, agus gu'n d'rinn iad an t-àite so coimheach, agus gu'n do loisg iad tùis ann do dhiathairbh eile, nach b'aithne dhoibh; iad féin, agus an aithrichean, agus rìghrean Iudah, agus gu'n do lion iad an t-àite so le fuil neò-chiontaich:

5 Agus gu'n do thog iad ionadau àrda Bhaail, a chum am mic a losgadh anus an teine, *mar thabhartais-loisgte* do Bhaal; *ni* nach d'aithn mise, ni mò 'labhair mi, ni mò 'thàinig e ann am aire:

6 Uime sin, feuch, tha na làithean a' teachd, deir an Tighearn, anns nach abrar ris an àite so uì's mò Tophet, no gleann mhic Hinoim, ach gleann a' mharbhaidh.

7 Agus cuiridh mise gu neò-bhrìgh comhairle Iudah agus Ierusalem anus an àite so; agus bheir mi orra tuiteam leis a' chladheamh an làthair an naimhdeau, agus le làimh na muinntir a tha 'g iarraidh an anama: agus bheir mi an colainnean mar bhiaidh do eunlaith au athair, agus do bheathaichibh na talmhainn.

8 Agus nì mi a' claitheir so 'n a fàsach, agus 'u a ball-sgeig: bithidh mòr-ioghnadh

air gach neach a théid seachad oirre, agus ni e sgeig air son a h-uile phlùighean.

9 Agus bheir mise orra gu'n ith iad feoil am mac, agus feoil an nigheanan; agus ithidh iad, gach aon feoil a charaid, anns a' chogadh, agus anns an teinn, leis an teann-aichear iad le 'n naimhdeibh, agus leo-san a tha 'g iarraidh an anama.

10 An sin brisidh tu an soitheach ann an sealladh nan daoine a théid maille riut.

11 Agus their thu rin, Mar so deir Tighearn nan sluagh, Amluil so brisidh mise an sluagh so, agus am baile so, mar a bhriseas neach soitheach a' chriadhaidh, nach feudar a shlànuchadh a ris; agus adhlaisear daoine ann an Tophet, gus nach bi àit ann gu adhlacadh.

12 Mar so ni mise ris an àite so, deir an Tighearn, agus r'a luchd-còmhnuidh, air chor as gu'n deanar am baile so eadhon mar Tophet.

13 Agus bithidh tighean Ierusalem, agus tighean rìghrean Iudah, mar ionad Tophet, neòghlan; maille ris na tighean sin air fad, far an d'rinn iad tùis a losgadh air am mullach do uile fheachd nèimh, agus iobairtean-dìbhe a dhòrtadh a mach do dhiathaidh coimheach.

14 Agus thàinig Ieremiah o Tophet, chum an do chuir an Tighearn e gu fàisteachd; agus sheas e ann an cùirt tìghe an Tighearna, agus thubhairt e ris an t-sluagh uile,

15 Mar so deir Tighearn nan sluagh, Dia Israeil, Feuch, bheir mise air a' bhaile so, agus air 'uile bhailtibh, an t-olc sin uile a labhair mi 'n a ghaidh; a chionn gu'n d'rinn iad am muineal rag, air chor as nach éisd-eadh iad ri mo bhriathraibh.

CAIB. XX.

1 *Fhuair Pasur ainm eile, agus bhagràdh e le breitheanasailh uamhasach, do bhrìgh gu'n do bhual e Ieremiah. 7 Ghearain am fàidh gu'n robh e 'n a chùis-mhasaidh do na h-Iudhaich, 14 agus mhalluich e an là air an d'rugadh e.*

AN uair a chuala Pasur mac Imcir an sagart, (a bha fòs 'n a àrd uachdaran ann an tìgh an Tighearna,) Ieremiah a' fàisteachd nan nithean so:

2 An sin bhual Pasur Ieremiah am fàidh, agus chuir e anns an tìgh-smachdachaidh e, a bha aig geata uachdarach Bheniamin, làimh ri tìgh an Tighearna.

3 Agus tharladh air an là màireach, gu'n do leig Pasur Ieremiah a mach as an tìgh-smachdachaidh. An sin thubhairt Ieremiah ris, Cha-n e Pasur a thug an Tighearn mar ainm ort, ach Magor-misabib.

4 Oir mar so deir an Tighearn, Fench, ni mise dhìot uamhas duit fèin, agus do d' uile chairidibh; agus tuitidh iadsan le claidheamh an naimhdean, agus do shùilean-sa 'g amhare; agus Iudah uile bheir mi do làimh rìgh Bhabiloìn, agus bheir e leis iad ann am

braighdeanas gu Babilon, agus cuiridh e gu bàs iad leis a' chlaidheamh.

5 Agus bheir mi seachad uile neart a' bhaile so, agus 'uile shaothair, agus 'uile nithean luachmhor; agus uile bheartas rìghrean Iudah bheir mi thairis do làimh an naimhdean, a chrachas iad, agus a ghilacas iad, agus a bheir iad air falbh gu Babilon.

6 Agus thusa, a Phasuir, agus na h-uile 'tha 'chòmhnuidh ann ad thìgh, sìubhlaidh sibh air falbh ann am braighdeanas; agus thèid thusa gu Babilon, agus an sin gheibh thu bàs, agus an sin adhlaisear thu, thu fèin agus d' uile chairdean, do'n d'rinn thu fàisteachd bhrèige.

7 Mheall thu mi, O Thighearna, agus bha mi air mo mhealladh; is tu a's treise na mise, agus thug thu buaidh; tha mi ann am chùis-mhagaidh gach là, gach aon ri fanoid orm.

8 Oir co tric as a labhras mi, a ghlaodhas mi mach an aghaidh ainneirt, no dh'èigheas mi léir-chreach, tha focal an Tighearn' air a dhcanamh dhomh 'n a chùis-mhasaidh agus fhanoid gach aon là.

9 An uair a their mi, Cha toir mi iomradh air, ni mò 'labhras mi tuilleadh 'n a ainm; an sin tha e ann am chridhe, mar gu'm b'e teine loisgeach, air a dhruideadh suas ann am chnàmhan; agus ged a sgithich mi mi fèin 'g a chumail a steach, cha-n urrainn mi.

10 Oir chuala mi tuairisgeul mhòrain, Uamhas air gach taobh aithrisibhse, agus aithrisidh sinne e: tha iadsan uileris an robh mi ann an sìth furachair air son mo thuislidh, *ag ràdh*, Theagamh gu'm meallar e, agus gu'm faigh sinn buaidh air, agus gu'n dean sinn dìoghaltas air.

11 Ach tha an Tighearn leam mar aon chumhachdach uamhasach; air an aobhar sin tuisilichidh mo luchd-tòir, agus cha bhuaadh aich iad: tha iad air an ìonadh le nàire ro mhòr, a chionn nach do shoirbhich leo, le masladh bith-bhuan, nach leigear gu bràth air dì-chuimhn.

12 Ach, O Thighearna nan sluagh, a dhcarbhas am fircan, agus a chi na h-àirnean agus an cridhe, faiceam orra do dhìoghaltas: oir dhuitse leig mise ris mo chùis.

13 Seinnibhse do'n Tighearn; molaibhse an Tighearn, oir shaoir e anam a' bhochd & làimh nan aingidh.

14 Malluichte *gu robh* esan an là air an d'rugadh mise; an là air an d'rug mo mhàthair mi, nar robh e beannaichte.

15 Malluichte *gu robh* esan a thug fios a dh'ionnsuidh m' athar, *ag ràdh*, Tha leanabh mic air a bhreth dhuìt, g'a dheanamh ro aoibhneach.

16 Agus bitheadh an duine sin mar na bailtean a sgrios an Tighearn, agus mu nach do ghabh e aithreachas; cluinneadh e gaor anns a' mhaduinn agus iolach anns a' mheadhon-là;

17 A chionn nach do mharbh e mi o'n bhroinn, no gn'm bitheadh mo mhàthair 'n a h-naigh dhomh, agns a brù an còmhuidh torrach leam.

18 C'uim an d'fhàinig mi mach as a' bhroinn a dh'fhaicinn mi-shuaimheis agus bròin, agns a chaitheamh mo làithean ann am masladh?

CAIB. XXI.

1 *Thug am fàidh fios do Shedeciah gu'm buadh- aicheadh Nebuchadresar 'n a aghaidh. 8 Chomhuirlich e do'n t-sluagh dol thairis a dh'ionnsuidh nan Caldéach. 11 Dh'àithn e do'n rìgh breitheanas a dheanamh.*

AM focal a thàinig a chnm Jeremiah o'n Tighearn, an uair a chnir an rìgh Sedeciah d'a ionnsuidh Pasur mac Mhel- ciah, agus Sephaniah mac Mhaaseiah an sagart, ag ràdh,

2 Fiosraich, guidheamaid ort, de'n Tigh- earn air ar son-ne, oir tha Nebuchadresar rìgh Bhabiloìn a' cogadh 'n ar n-aghaidh; a dh'fheuchainn an dean an Tighearn ruinn a réir 'uile bheartan iongantach, a chum gu'n téid e suas nainn.

3 Agns thubhairt Jeremiah riu, Mar so their sibh ri Sedeciah;

4 Mar so deir an Tighearn Dia Israeil, Fench, tionndaidhidh mise air an ais na h-airm-chogaidh a tha 'n 'nr làmhnan, leis am bheil sibh a' cogadh an aghaidh rìgh Bha- biloin, agus an aghaidh nan Caldéach a tha 'g 'ur teannachadh air taobh a muigh a' bhalla, agus cruinnichidh mi iad ann am meadhan a' bhaile so.

5 Agns ni mise féin cogadh 'n 'ur n-aghaidh le làimh sìnte mach, agus le gairdean treun, eadhon ann am feirg, agus ann am boile, agus ann am corruich mhòir.

6 Agus buailidh mi luchd-àiteachaidh a' bhaile so, eadar dhuine agus ainmhidh; gheibh iad bàs de phlàigh mhòir.

7 Agus 'n a dhéigh sin, deir an Tighearn, bheir mi thairis Sedeciah rìgh Iudah, agus 'òglaich, agus an sluagh, eadhon na dh'fhàgar anns a' bhaile so o'n phlàigh, o'n chlaidheamh, agus o'n ghorta, do làimh Nebuchadresar rìgh Bhabiloìn, agus do làimh an naimhdean, agus do làimh na muinntir a tha 'g iarraidh an anama, agus bnaidh e le faobhar a' chlaidheamh iad: cha ghabh e truas diubh, ni mò 'chaomhaineas e, ni mò 'ni e trècair.

8 Agus ris an t-sluagh so their thu, Mar so deir an Tighearn, Feuch, tha mise a' cnr mu 'r coinneamh slighe na beatha, agus slighe a' bhàis.

9 Esan a dh'fhanas anns a' bhaile so, bàs- aicheadh e leis a' chlaidheamh, agus leis a' ghort, agus leis a' phlàigh: ach esan a théid a mach, agus a théid thairis a dh'ionnsuidh nan Caldéach a tha 'g 'ur teannachadh mu'n cuairt, mairidh e beò, agus bithidh 'anam aige mar chobhartaich.

10 Oir chnir mise mo ghnùis an aghaidh a' bhaile so air son uile, agns cha'n ann air son maith, deir an Tighearn; do làimh rìgh Bhabiloìn bheirear thairis e, agus loisgidh esan e le teine.

11 Agus mu thimchioll tighe rìgh Iudah, cinnibhse focal an Tighearna;

12 O thigh Dhaibhidh, mar so deir Ieho- bhah, Deanaibh gn moch breitheanas, agus saoraibh an duine sàrnichte o làimh an fhir- shàruchaidh, mu'n téid mo chorruich-sa mach mar theine, agus mn'n las i air chor as nach feudar a mùchadh, air son aingidh- eachd bhuir gnòmhàran.

13 Feuch, tha mise a'd' aghaidh, O thusa a tha 'chòmhuidh ann an gleann Shoir, anns a' chòmhnard, deir an Tighearn; sibhse 'tha 'g ràdh, Cò 'thig a nuas 'n ar n-aghaidh? no cò 'thig a steach d'ar n-ion- adan còmhuidh?

14 Ach smachdaichidh mise sibh a réir toraidh bhuir deanadais, deir an Tighearn; agus lasaidh mi teine 'n a coilltibh, agus loisgidh e gach ni mu'n cuairt da.

CAIB. XXII.

1 *Earail do thigh an rìgh breitheanas agus ceart- as a chur 'an gnòmh. 10 Mu thimchioll Shaluum, 13 Iehoiacim, 20 agus Choniah.*

MAR so thubhairt an Tighearn; Falbh sìos gu tigh rìgh Iudah, agus an sin labhraidh tu am focal so,

2 Agus their thn, Chluinn focal an Tigh- earn', O a rìgh Iudah, a tha a'd' shnidhe air rìgh-chaithir Dhaibhidh, thn féin, agus d'òglaich, agus do shluagh a tha 'dol a steach air na dorsaibh so;

3 Mar so deir an Tighearn; Cuiribh 'an gnìomh breitheanas agus ceartas, agus saor- aibh an dñine sàruichte o làimh an fhir- shàruchaidh: agus na deanaibh foill: na deanaibh ainneart air a' choigreach, air an dilleachdan, no air a' bhantraich, ni mò 'dhòirteas sibh fuil neò-chiontach anns an àite so.

4 Oir ma ni sibh gun amharus a réir an fhocail so, an sin thig a steach air geatachan an tighe so rìghrean a shuidheas ann an àite Dhaibhidh, air a rìgh-chaithir, a' marcachd air carbadaibh agus air eachaibh, gach aon, 'òglaich, agus a shluagh.

5 Ach m'n toir sibh èisdeachd do na briathraibh so, orm féin thug mise miannan, deir an Tighearn, Gu cinnteach nithear ionad fàs de'n tigh so.

6 Oir mar so thubhairt an Tighearn a thaobh tighe rìgh Iudah; Tha thu mar Ghilead dhomhsa, O mhullaich Lebanoin; ach ni mi gu cinnteach fàsach dhiot, bailtean nach bi àiteichte.

7 Agus ordnichidh mi ann ad aghaidh luchd-millidh, gach aon le 'armaibh; agus gearraidh iad sìos rogha do sheudar, agus tilgidh iad anns an teine iad.

8 Agus gabhaidh mòran chinneach seachad

air a' bhaile so, agus their iad, gach aon r'a choimhearsnach, C'ar son a rinn an Tighearn mar so ris a' bhaile mhòr so?

9 An sin freagraidh iad, A chionn gu'n do thréig iad coimhcheangal an Tighearn' an Dia, agus gu'n d'thug iad aoradh do dhiath-aibh coimheach, agus gu'n d'rinn iad seirbhis dhoibh.

10 Na ghuibh air son a' mhairbh, ni mò 'ni sibh caoidh air a shon: guibh gu goirt air a shon-san a dh'imich air falbh: oir cha phill e ni's mò, agus cha-n fhaic e tuilleadh tir a dhùchais.

11 Oir mar so deir Iehobhah mu thim-chioll Shalumh mhic Iosiah, rìgh Iudah, a rìghich 'an àite Iosiah 'athar, a chaidh a mach as an àite so, Cha phill e thuige ni's mò.

12 Ach anns an àite gus an d'thug iad air falbh e ann an braighdeanas, gheibh e bàs; agus an tìr so cha-n fhaic e ni's mò.

13 Is an-aobhlin dhà-san a thogas a thigh le h-eucoir, agus 'ard-sheòmarichean le ana-cothrom; a ghabhas saothair a choimhearsnaich a nasgaidh, agus air son 'oibre nach toir dha dioladh.

14 A tha 'g ràdh, Togaidh mi dhomh féin tigh mòr, agus seòmraichean farsuim: a' gearradh a mach dha féin mar an ceudna uinneagan, 'g a chòmhdachadh fòs le seudar, agus 'g a dhath le corcur.

15 An rìgh thu a chionn gu bheil thu 'g ad dhùnadh féin ann an seudar? nach d'ith agus nach d'òl d'athair, agus nach d'rinn e cothrom agus ceartas? An sin shoirbhich leis.

16 Dhion e cùis a' bhoichd agus an fheumaidh: an sin dh'èirich gu maith dha. Nach b'e so eòlas a ghabhail ormsa? deir an Tighearn.

17 Ach cha-n'eil do shùilean-sa agus do chridhe ach air d' ana-miannan féin, agus air fuil nan neò-chiontach, a chum a dòrtadh, agus air sàruchadh agus fòirneart, a chum a dheanamh.

18 Air an aobhar sin, mar so deir an Tighearn mu thimchioll Iehoiacim mhic Iosiah rìgh Iudah, Cha dean iad capidh air a shon, *ag ràdh*, Och mo bhràthair! no, Och mo phiuthar! Cha dean iad caoidh air a shon, *ag ràdh*, Och a Thighearna! no, Och a ghloir-san!

19 Le h-adhlacadh asail adhlaiocar e, air a tharruing air falbh, agus air a thilgeadh 'an taobh a mach de gheatachan Ierusalem.

20 Imich suas gu Lebanon agus éigh; agus air Bàsan tog an àird do ghuth, agus glaoth o na crìochaibh mu'n cuairt, oir chlaoidheadh iadsan uile a thug gràdh dhuit.

21 Labhair mi riut ann an àm do shoirbheachaidh, thubhairt thu, Cha-n éisd mi: b'e so do chleachduim o d'òige.

22 A chionn nach d'éisd thu ri m' ghluith-

sa, ithidh osann suas an t-ionlan do 'aodhairibh, agus imichidh do luchd-gaoil air falbh ann an braighdeanas: gu cinnteach, an sin bithidh nàir' ort, agus còmhdaichear thu le h-amhludh air son d'uile dhroca dheanadais.

23 O thusa 'tha 'g àiteachadh Lebanoin, a tha 'deanamh do nid ann an seudairibh, cia gràmhor a bhitheas tu an uair a ni piantan greim ort, goimh, amhuil mnaoi ri saothair!

24 Mar is beò mise, deir an Tighearn, ged 'b'e Coniah mac Iehoiacim rìgh Iudah, am fàinne air mo làimh dheis, gidheadh as a sin dheanaim do spionadh;

25 Agus bheir mi thu do làimh na muinntir a tha 'g iarraidh d'anama, agus do làimh na muinntir roimh am bheil eagal ort, eadhon do làimh Nebuchadresair rìgh Bhabiloin, agus do làimh nan Caldéach.

26 Agus tilgidh mi mach thu féin, agus do mhàthair a rug thu, gu dùthaich choimhich, far nach robh sibh air 'ur breith, agus an sin gheibh sibh bàs.

27 Agus gus an talamh d'am bu mhiannach leo pileadh, gu sin cha phill iad.

28 An dealbh suarach briste an duine so Coniah? no an soitheach e anns nach 'eil aig aon neach tlachd? c'uim am bheil iad air an tilgeadh a mach, e féin agus a shliochd, agus air an iomain gu tìr anns nach 'eil iad còlach.

29 O 'thalamh! a thalamh! a thalamh! chuinn focal an Tighearna.

30 Mar so deir an Tighearn, Sgrìobhaibhse am fear so gun chlànn, duine nach soirbhich 'n a làithibh: oir cha soirbhich duine d' a shliochd, a shuidheas air caithir Dhaibhidh, agus a riaghlas 'n a dhéigh so ann an Iudah.

CAIB. XXIII.

1 *Chuir Ieremiah 'an cèill do na h-aodhairibh aingidh gu'n claidheadh Dia iad air son an deanadais, 3 agus gu'n tionaileadh e fuigheall a threud. 5 Tha Crìosd, am Meanglan fireanach, air a ghealltainn. 9 Breitheanas Dhé an aghaidh nam fàidhean brèige, 33 agus 'n an aghaidh san a rinn janoid air fàidhean an Tighearna.*

IS an-aobhlin do na h-aodhairibh a tha 'sgrìos agus a' sgapadh treud mo chluaine-sa, deir an Tighearn.

2 Air an aobhar sin mar so deir an Tighearn Dia Israeil, a thaobh nan aodhairean a tha 'g ionatrachd mo shluaigh-sa, Sgap sibh mo threud, agus dh'fhuadaich sibh air falbh iad, agus cha dcachaidh sibh g'an anhare; feuch, thig mise g'ur n-anhare-se air son aingidheachd 'ur deanadais, deir an Tighearn.

3 Ach tionaidh mi fuigheall mo threud as gach uile dhùthaich gus an d'fhògar mi iad, agus bheir mi iad air an ais d' am mainniribh féin, agus fasaidd iad torrach agus lionmhòr.

4 Agus togaidh mi suas os an ceann aodh-
airean a dhìonaltras iad, air chor as nach
bi eagal orra tuilleadh, ni mò 'bhitheas geilt
orra, ni mò 'bhitheas iad air an smachd-
achadh, deir an Tighearn.

5 Feuch, tha na làithean a' teachd, deir
an Tighearn, anns an tog mise suas do
Dhaibhidh Meanglan fireanach, agus rìogh-
aichidh rìgh, agus soirbhichidh leis, agus
cuiridh e 'au gnìomh breitheanas agus
ceartas air an talamh.

6 'N a làithibh-san tèarnar Iudah, agus
gabhaidh Israel còmhnuidh ann an tèar-
uinteachd: agus is e so 'ainm a ghoirear ris,
IEHOIAHAH AR FIREANTACHD-NE.

7 Air an aobhar so, feuch, tha na làithean
a' teachd, deir an Tighearn, anns nach abair
iad ni's mò, Mar is beò an Tighearn a thug
a mìos clann Israeil à tìr na h-Eiphit.

8 Ach, Mar is beò an Tighearn, a thug a
mìos agus a stiùr sliochd tìghe Israeil-as
an tìr mu thuath, agus as na dùthchaibh
sin uile gus an d'fhuadaich mise iad: a
chum gu'n gabhadh iad còmhnuidh 'n am
fearann féin.

9 A thaobh nam fàidhean. Tha mo chridhe
briste au taobh a stigh dhìom; tha mo
chuimhnean gu léir air ghluasad; is cosmhuil
mi ri fear air mhìsg; is ionann mi 's duine
air an d'fhuair fion làmh-an-uachdar, air
son an Tighearna, agus air son bhriathran
a naomhachd.

10 Oir tha am fearann làn de luchd-
adhaltranais: oir air son mhionnann tha 'n
tìr 'a' caoidh: tha ionadan aoibhinn an
fhàsaich air tiormachadh suas; tha an
siubhal mar an ceudna ole, agus an neart
eucorach.

11 Oir tha am fàidh agus an sagart araon
ain-diadhaidh; eadhon ann am theach féin
fhuair mi an aingidheachd, deir an Tigh-
earn.

12 Uime sin bithidh an slighe dhoibh mar
ionadan sìcambain ann an dorchadas;
iomaineas iad air an aghaidh, agus tuitidh
iad ann: gu cìumteach bheir mise dòrainn
orra, bliadhna an smachdachaidh, deir an
Tighearn.

13 Anhuil a chunnaic mi ann am fàidhean
Shamaria amaideachd; rinn iad fàistneachd
ann au ainm Bhaail, agus thug iad air mo
shluagh Israel dol air seacharan:

14 Mar sin ann am fàidhean Ierusalem
chunnaic mi uamharrachd: tha iad a'
deanamh adhaltranais, agus ag imeachd
ann am breugaibh: tha iad a' neartachadh
mar an ceudna làmh nan aingidh, air
chor as nach 'eil aon neach a' pilladh o
aingidheachd: tha iad, an t-ionann diubh,
dhonhsa mar Shodom, agus a luchd-àiteach-
aidh mar Ghomorah.

15 Air an aobhar sin mar so deir Tigh-
earn nan sluagh mu thimchioll nam fàidh-
ean; Feuch, bheir mise dhoibh scarbh-

luibhean r'an itheadh, agus uisge dom-
blasda r'a òl: oir o fhàidhean Ierusalem
tha ain-diadhachd air dol a mach air feadh
na tìre gu h-ionnan.

16 Mar so deir Tighearn nan sluagh, Na
h-éisdibh ri briathraibh nam fàidhean, a
tha ri fàistneachd dhuibh; tha iad 'g'ur
mealladh le nithibh faoine: tha iad a'
labhairt fiosach an cridhe féin, agus cha-n
ann o bheul an Tighearna;

17 Ag ràdh an còmhnuidh ris a' mhuinntir
a tha 'deanamh di-meas air focal an Tigh-
earna, Bithidh sìth agaibh; agus am feadh
a tha gach aon ag imeachd a réir ana-
mianan a chridhe féin, tha iad ag ràdh,
Cha tig ole air bith oirbh.

18 Oir cò a sheas ann an comhairle
dhìomhair an Tighearna, agus a chunnaic,
agus a chual' a chùis? no co a dh'éisid agus
a chual' fhocal?

19 Feuch, chaidh cuairt-ghaoth mach o'n
Tighearn le boile, eadhon cuairt-ghaoth ro
dhiàn; air ceann nan aingidh tuitidh i gu
h-uamhasach.

20 Cha phill corruich an Tighearn' air a
h-ais, gus an cuir e 'n gnìomh, agus gus an
coimhion e rùn a chridhe: anns na làith-
ibh deireannach bheir sibh so fàinear le làn
aire.

21 Cha do chuir mise na fàidhean so a
mach, gidheadh ruith iad: cha do labhair
mi riu, gidheadh rinn iad fàistneachd.

22 Ach nam bithicadh iad air seasamh ann
am chomhairle-sa, an sin bheireadh iad air
mo shluagh mo bhriathran éisdeachd, an
sin bheireadh iad orra pilleadh o'n slighe,
agus o aingidheachd an deanadais.

23 An Dia dlùth do làmh mise, deir an
Tighearn? agus nach Dia mi am fad
as?

24 Am feud neach air bith e féin fhòlach
ann an ionadaibh dhìomhair, air chor as nach
faic mise e? deir an Tighearn. Nach 'eil
mise a' lìonadh nan nèamhan agus na
talmhainn? deir an Tighearn.

25 Chuala mise cìod a thubhairt na fàidh-
ean, a tha 'fàistneachd bhreug ann am ainm-
sa, ag ràdh, Chunnaic mi aisling, chunnaic
mi aisling.

26 Cia fhada bhitheas so 'an cridhe nam
fàidhean a tha ri fàistneachd bhreug? seadh,
fàidhean ceile an cridhe féin:

27 Aig am bheil rùn a thoirt air mo
shluagh-sa m'ainm a leigeil air dì-chuimhu,
le 'n aislingibh a tha iad ag innseadh, gach
aon d'a choimhearsnach, anhuil a rinn au
aithrichean m'ainm a leigeil air dì-chuimhu,
air son Bhaail.

28 Am fàidh aig am bheil aisling, inns-
cadh e aisling; ach ean aig am bheil n'
fhocal-sa, labhradh e m'fhocal gu dìleas:
cìod e am moll do'n chruithneachd? deir
an Tighearn.

29 Nach ionann m'fhocal-sa agus teine?

deir an Tighearn: agus nach ionann e agus òrd a bhriseas a' chreag 'n a bloighdibh?

30 Uime sin, feuch, tha mise an aghaidh nam fàidhean, deir an Tighearn, a tha 'goid mo bhriathran-sa, gach aon o 'choimhearsnach.

31 Feuch, tha mise an aghaidh nam fàidhean, deir an Tighearn, a tha 'gnàthachadh an teangaidh fein, agus ag ràdh, Labhair esan e.

32 Feuch, tha mise an aghaidh na muinntir a tha 'fàisteachadh aisingean bréige, deir an Tighearn, agus a tha 'g an innseadh, agus a' toirt air mo shluagh-sa dol air seacharan le 'm breugaibh agus le 'm briathraibh faoine; gidheadh cha do chuir mise a mach iad, ni mò 'thug mi àithne dhoibh; air an aobhar sin cha dean iad air aon chor tairbhe do'n t-sluagh so, deir an Tighearn.

33 Agus an uair a dh'fheòraicheas an sluagh so, no fàidh, no sagart, diot, ag ràdh, Ciod e focal cudthromach an Tighearna? an sin their thusa riu, Is sibhse an cudthrom, agus tilgidh mise dhìom sibh, deir an Tighearn.

34 Agus am fàidh, agus an sagart, agus an sluagh, a their, Focal cudthromach an Tighearna, bheir eadhon mise peanas air an duine sin agus air a theaghlach.

35 Mar so their sibh, gach aon r'a choimhearsnach, agus gach aon r'a bhràthair, Ciod a fhreagair an Tighearn? agus, Ciod a labhair an Tighearn?

36 Agus air focal cudthromaeh an Tighearna cha toir sibh luaidh ni's mò; oir is cudthrom do gach aon a bhriathran fein: oir ehlaon sibh briathran an Dé bheò, Tighearna nan sluagh, ar Dé-ne.

37 Mar so their thu ris an fhàidh, Ciod am freagradh a thug an Tighearn dhuit? agus, Ciod a labhair an Tighearn?

38 Ach ma their sibh, Focal cudthromach an Tighearna: uime sin, mar so deir an Tighearn, A chionn gu bheil sibh ag ràdh an fhocail so, Focal cudthromach an Tighearna, ge do chuir mise fios thugaibh, ag ràdh, Cha-n abair sibh Focal cudthromach an Tighearna;

39 Uime sin, feuch, togaidh mise sibhse mar chudthrom, agus tilgidh mi air falbh, araon sibh fein agus am baile so, a thug mi dhuibhse, agus do 'ur n-aithrichibh, a mach as mo làthair;

40 Agus bheir mi oirbh masladh sìorruidh, agus nàire bhith-bhuan, nach leigear gu bràth air dì-chuimhn.

CAIB. XXIV.

1 *Le samhladh fhàgann maith agus olca chuir am fàidh 'an cèill gu'n gabhadh Dia ris na dh'fhalbh ann an daorsa de Iudah: 8 agus gu'n tugadh e thairis Sedeciah agus a shluagh gu 'bhi 'n an cùis-fhanoid do na cinnich.*

DH'FHOILSICH an Tighearn dhomh, agus, feuch, dà chliabh fhigean air an

cur fa chomhair teampuill an Tighearna, an dèigh do Nebuchadresar rìgh Bhabiloin, Ieconiah mac Iehoiacim rìgh Iudah, agus mathean Iudah, agus an luchd-ealain, agus na h-airm-cheaird, a thoirt air falbh ann am braidhdeanas o Ierusalem, agus an toirt leis gu Babilon:

2 *Ann an aon chliabh bha figean ro mhaith, mar na figean a bhitheas 'an tois-each abuibh: agus anns a' chliabh eile figean ro dhona, nach feudtadh itheadh aig an olcas.*

3 An sin thubhairt an Tighearn rium, Ciod a tha thu 'faicinn, a Ieremiah? agus thubhairt mise, Figean: na figean maith ro mhaith; agus na droch fhigean ro dhona, air chor as nach feudar an itheadh aig an olcas.

4 An sin thàinig focal an Tighearn' a m' ionnsuidh, ag ràdh,

5 Mar so deir an Tighearn, Dia Israeil, Amhuil na figean maith so, mar sin gabhaidh mise ris na dh'fhalbh ann an daorsa de Iudah, a chuir mi mach as an àite so gu tir nan Caldeach, a chum an leas.

6 Oir suidhichidh mi mo shùilean orra chum maith, agus bheir mi iad air an ais do'n tir so; agus togaidh mi iad, agus cha tilg mi sìos; agus socraichidh mi iad, agus cha spion mi à bun.

7 Agus bheir mi dhoibh cridhe gu m' aithneachadh, gur mi an Tighearn; agus bithidh iad dhomhsa 'n an sluagh, agus bithidh mise dhoibhsan a'm Dhia; oir pillidh iad a m' ionnsuidh le 'n uile chridhe.

8 Agus amhuil na droch fhigean, nach feudar itheadh aig an olcas, (mar so gu deimhin deir an Tighearn,) mar sin bheir mi thairis Sedeciah rìgh Iudah, agus 'uachdarain, agus am fuigheall de Ierusalem a dh'fhanas anns an tir so, agus iadsan a tha 'chòmhnuidh ann am fearann na h-Eiphit;

9 Bheir eadhon mise thairis iad gu 'bhi air an luasgadh air feadh uile rioghachdan an domhain, a chum an aimhleis; gu bhi 'n an cùis-fhanoid, agus 'n an gnàth-fhocal, 'n am bail-magaidh, agus 'n am mallachadh, anns a h-uile àite gus am fògair mi iad.

10 Agus cuiridh mi an claidheamh, a' ghort, agus a' phlàigh 'n am measg, gus an caithear iad bhàrr an fhearainn, a thug mise dhoibh fein agus do'n aithrichibh.

CAIB. XXV.

1 *Roimh-innis Ieremiah braidhdeanas nan deich agus trì fichead bliadhna; 12 agus léir sgrios Bhabiloin 'n uair a chomhlionar na làithean sin. 15 Le samhladh cuaiche fiona chuir am fàidh 'an cèill sgrios mhòran chinneach.*

AM focal a thàinig a dh'ionnsuidh Ieremiah mu thimechioll uile shluaigh Iudah, ann an ceathramh bliadhna Iehoiacim mhic Iosiah rìgh Iudah; b'i sin ceud bliadhna Nebuchadresar rìgh Bhabiloin:

2 A labhair Ieremiah am fàidh ri uile shluagh Iudah, agus ri uile luchd-àiteachaidh Ierusalem, ag ràdh,

3 O theas bliadhna deug Iosiah mhic Amoin rìgh Iudah, eadhon gus an là an diugh, (is i so an treas bliadhna fichead,) thàinig focal an Tighearn 'a m' ionnsuidh-sa, agus labhair mi ruibhse, ag éirigh gu moeh agus a' labhairt; ach cha d'éisd sibh.

4 Agus chuir an Tighearn do 'ur n-ionnsuidh uile sheirbhiseich na fàidhean, ag éirigh gu moeh agus 'g an cur a mach; ach cha d'éisd sibhse, agus ni mò dh'aom sibh 'ur cluas gu éisdeachd.

5 Thubhairt iadsan, Pillibh air 'ur n-ais a nis, gach aon o 'dhroch shlighe, agus o olcas a dheanadais, agus gabhaibh còmhnuidh anns an fhearann a thug an Tighearn dhuibh, agus do 'ur n-aithrichibh o linn gu linn.

6 Agus na rachaibh an déigh dhiathan còimheach, gu seirbhis a dheanamh dhoibh, agus gu aoradh a thoirt doibh, agus na brosnuichibh mise gu corruich le obair 'ur làmh; agus cha dean mi ole oirbh.

7 Gidheadh cha d'éisd sibh riumsa, deir an Tighearn; a chum gu'm brosnuicheadh sibh mi gu corruich le obair 'ur làmh, a chum 'ur n-aimhleis féin.

8 Uime sin mar so deir Tighearn nan sluagh, A chionn nach d'éisd sibh ri mo bhriathraibh-sa,

9 Fench, cuiridh mi fios, agus bheir mi team uile mhuinntir na h-àirde tuath, deir an Tighearn, agus Nebuchadresar rìgh Bhabiloin m' òglach, agus bheir mi iad an aghaidh na tìre so, agus an aghaidh a luchd-àiteachaidh, agus an aghaidh nan cinneach so uile mu'n cuairt, agus sgriosaidh mi gu tur iad, agus ni mi iad 'n an uamhas, agus 'n an sgeig, agus 'n am fàsach gu bràth.

10 Os bàr, bheir mi uatha guth a' ghairdeachais agus guth an aoibhneis, guth an fhirnuadh-phòsda, agus guth na mnà nuadh-pòsda, fuaim nan clachan-muilinn, agus solus na còinne.

11 Agus bithidh am fearann so uile 'n a fhàsach, agus 'n a uamhas; agus ni na cinneach so seirbhis do rìgh Bhabiloin deich agus trì fichead bliadhna.

12 Agus tarlaidh, 'n uair a choimhlonar deich agus trì fichead bliadhna, gu'n smachdaich mise rìgh Bhabiloin, agus an cinneach sin, deir an Tighearn, air son an aingidheachd, agus fearann nan Caldéach, agus ni mi e 'n a fhàsach gu bràth.

13 Agus bheir mi air an fhearann sin m' uile bhriathran a labhair mi 'n a aghaidh, gach ni 'tha sgrìobhta 's an leabhar so, a rinn Ieremiah fhàistneachd an aghaidh nan uile chinneach.

14 Oir ni mòran chinneach, agus rìghrean mòra, seirbhis a ghabhail dhiubhsan mar an ceudna: agus dìolaidh mise riu a réir an

gnìomharan, agus a réir oibre an làmhnan féin.

15 Oir mar so tha an Tighearn Dia Israeil ag ràdh rium, Gabh cuach-fhiona na fraoiche-fèirge so as mo làmh-sa, agus thoir r'a h-òl i do na h-uile chinneach a dh'ionnsuidh an cuir mise thu:

16 Agus òlaidh iad, agus bithidh iad air bhall-chrith, agus air chuthach, leis a' chlaidheamh a chuireas mise 'n am measg.

17 An sin ghlac mi a' chuach á làmh an Tighearn', agus thug mi r'a h-òl i do na h-uile chinneach a dh'ionnsuidh an do chuir an Tighearn mi;

18 Do Ierusalem, agus do bhailtibh Iudah, agus d'a rìghribh, agus d'a h-uachdaranaihbh, a chum an deanamh 'n an nochd-làraich, 'n an uamhas, 'n an sgeig, agus 'n am mallachadh, mar air an là 'n diugh:

19 Do Pharaoh rìgh na h-Eiphit, agus d'a òglachaibh, agus d'a uachdaranaihbh, agus d'a uile shluagh;

20 Agus do gach uile shluagh eile 'tha measg a chéile, agus do uile rìghribh fearainn Uis, agus do uile rìghribh fearainn nam Philisteach, agus do Ascelon, agus do Ghasah, agus do Ecron, agus do fhuigheall Asdoid;

21 Do Edom, agus do Mhoab, agus do chloinn Amoin;

22 Agus do uile rìghribh Thiruis, agus do uile rìghribh Shidoin, agus do rìghribh nan crìochan a tha 'n taobh thall de'n fhaire;

23 Do Dhedan, agus do Thema, agus do Blus, agus do na h-uile a tha anns na cearnaibh ionallach;

24 Agus do uile rìghribh Arabia, agus do uile rìghribh an t-sluaigh mheasgta á tha 'chòmhnuidh anns an fhàsach;

25 Agus do uile rìghribh Shimri, agus do uile rìghribh Elaim, agus do uile rìghribh Mhedia;

26 Agus do uile rìghribh na h-àirde tuath, am fad agus am fagus, gach aon le 'chéile, agus do uile rìoghachdaibh an domhain, a tha air aghaidh na talmhainn: agus òlaidh rìgh Shesaich 'n an déigh so.

27 Agus their thu riu, Mar so tha an Tighearn Dia nan sluagh, Dia Israeil, ag ràdh, Olaibh, agus bithibh air mhisg, agus sgeithibh, agus tuitibh, agus na h-éiribh ni's mò, roimh 'n chlaidheamh a chuireas mise 'n 'ur measg.

28 Agus tarlaidh, ma dhiùltas iad a' chuach a ghabhail as do làmh, gu òl, an sin gu'n abair thu riu, Mar so deir Tighearn nan sluagh, Òlaidh sibh gu deimhin.

29 Oir fench, air a' chaithir a tha air a h-ainmeachadh air m' ainm, oirre sin tha mise 'tìonnsgnadh air ole a thabhairt, agus am feud sibhse dol as gu glan-shaor o pheanas? cha téid sibh as: oir gairmidh mise claidheamh air uile luchd-àiteachaidh na talmhainn, deir Tighearn nan sluagh.

30 Air an aobhar sin labhair thusa 'n an aghaidh na briathran fàistneachd so air fad, agus abair riu, Beucaidh an Tighearn o'ionad àrd, agus o'ionad còmhnuidh a naomhachd cuiridh e mach a ghuth; beucaidh e gu cumhachdach an aghaidh ionaid a thàimh; togaidh e iolach, mar [iolach] luchd-bruthaidh nam fròn-dearc, an aghaidh uile lèhdh-àiteachaidh na talmhainn.

31 Thig toirm gu ionallaibh na talmhainn, a chionn gu bheil comh-strì aig Dia ris na cinich; tagraidh e ris na h-uile fheoil; bheir e 'n dream a tha ole do'n chlàidheamh, deir an Tighearn.

32 Mar so tha Tighearn nan sluagh ag ràdh, Feuch, thèid ole a mach o chinneach gu cinneach, agus dùisgear suas iomaghaoth mhòr o chrìochaibh na talmhainn.

33 Agus bithidh iadsan a mharbhar leis an Tighearn 's an là sin, o aon iomall na talmhainn eadhon gu iomall eile na talmhainn; cha deanar caoidh air an son, ni mò 'chruinnichear iad, ni mò dh'adhlacair iad; 'n an aolach air aghaidh na talmhainn bithidh iad.

34 Togaidh gaoir bhròin, a bhuachaillean, agus èighibh, agus deanaibh sibh féin aoirnagan, [ann an luathre,] sibhse a 's urramaiche de'n treud, a chionn gu bheil làithean bhur marbhaidh agus bhur sgapaidd air an coimhlionadh; agus tuitidh sibh mar shoitheach luachmhor.

35 Agus cha bhì seòl teichidh aig na buachaillibh, no dol as aig maithlean an treud.

36 Guth caoidh nam buachailllean, agus nuallan mhaithlean an treud: oir mhill an Tighearn an cluain-ionaltraidh.

37 Mhilleadh fòs ionadan-còmhnuidh na sìthe le dian-chorruich an Tighearna.

38 Thréig e, mar leòmhán, a gharaidh; oir rinneadh an cuid fearainn fàs, troimh chorruich a' mhillteir, agus troimh dhian-theas fheirge.

CAIB. XXVI.

1 Chomhairlich Jeremiah do'n t-sluagh an aingidheachd a thréigsinn: 8 Ghlac na sagartan agus an sluagh e chum a chur gu bàs air son nan nìthan a labhair e riu. 12 Thagair e a chuibh féin. 16 Leig an sluagh as e.

ANN an toiseach linn Iehoiacim, mhie Iosiah rìgh Iudah, thàinig am focal so o'n Tighearn, ag ràdh,

2 Mar so tha an Tighearn ag ràdh, Seas ann an cùirt tìghe an Tighearn', agus labhair ri uile bhailtibh Iudah, a tha 'teachd a dheanamh aoraidh ann an tìgh an Tighearna, na h-uile bhriathran a dh'àithneas mise dhuit a labhairt riu; na lughdaich focal;

3 A dh'fheuchainn an éisd iad, agus am pill iad, gach aon o 'dhroch shlighe, chum gu'n gabh mise aithreachas de'n ole a tha'ann

am rùn a thoirt orra air son aingidheachd an giùmharan.

4 Agus their thu riu, Mar so tha an Tighearn ag ràdh, Mur éisd sibh riumsa, gu sìubhal ann am reachd, a chuir mi fa 'r comhair,

5 Gu éisdeachd a thoirt do bhriathraibh mo sheirbhiseach na fàidhean, a chuir mi thugaibh, araon ag éirigh gu moch agus 'g an cur a mach, (ged nach d'éisd sibhse;)

6 An sin i' mise an tìgh so cosmhail ri Siloh, agus ni mi am baile so 'n a mhallachadh do uile chinich na talmhainn.

7 Agus chuala na sagartan, agus na fàidhean, agus an sluagh uile, Jeremiah a' labhairt nam briathran so ann an tìgh an Tighearna.

8 A nis tharladh, air do Jeremiah sgur de labhairt nan uile nìthan a dh'àithn an Tighearn *cha* a labhairt ris an t-sluagh uile, gu'n do ghlac na sagartan, agus na fàidhean, agus an sluagh uile e, ag ràdh, Cuirear gu deimhin gu bàs thu.

9 Car son a rinn thu fàistneachd ann an ainm an Tighearn', ag ràdh, Bithidh an tìgh so cosmhail ri Siloh, agus cuirear a' chaithir so fàs gun aon 'g a h-àiteachadh? Agus cruinnicheadh an sluagh air fad an aghaidh Jeremiah, ann an tìgh an Tighearna.

10 'N uair a chuala maithlean Iudah na nìthan so, an sin thàinig iad a nìs o thigh an rìgh, gu tìgh an Tighearn', agus shuidh iad ann an dol a steach a' gheata nuaidh aig *tìgh* an Tighearn'.

11 An sin labhair na sagartan, agus na fàidhean ris na maithibh, agus ris an t-sluagh gu léir, ag ràdh, Is airidh an duine so air bàs, oir rinn e fàistneachd an aghaidh na caithreach so, mar a chuala sibh le 'r clusaibh.

12 An sin labhair Jeremiah ris na maithibh uile, agus ris an t-sluagh gu h-ionnan, ag ràdh, Chuir an Tighearn mise gu labhairt ann am fàistneachd an aghaidh an tìghe so, agus an aghaidh na caithreach so, na h-uile bhriathran sin a chuala sibh.

13 Uime sin a nis leasaichibh 'ur slighe agus 'ur deanadas, agus thugaibh géill do ghuth an Tighearna bhur Dé; agus gabhaidh an Tighearn aithreachas de'n ole a labhair e 'n 'ur n-aghaidh.

14 Air mo shon-sa, feuch, tha mi 'n 'ur làimh; deanaibh rium mar a chithear maith agus ceart duibh.

15 Ach bitheadh gu cinnteach fios agaibh, ma chuireas sibh gu bàs mise, gu'n tarraing sibh fuil neò-chiontach oirbh féin, agus air a' chaithir so, agus air a luchd-àiteachaidh: oir gu frinneach chuir an Tighearn mise thugaibh, gu na briathran so uile a labhairt 'n 'ur clusaibh.

16 An sin thubhairt na maithlean, agus an sluagh uile ris na sagartan, agus ris na fàidhibh, Cha-n airidh an duine so air bàs,

oir ann an ainm an Tighearn' ar Dé labhair e ruieu.

17 Au sin shcas cuid de sheanairibh na tire suas, agus labhair iad ri uile choimh-thional an t-sluaigh, ag ràdh,

18 Rinn Micah an Morastach faistneachd ann an làithibh Heseciah rìgh Iudah, agus labhair e ri uile shluagh Iudah, ag ràdh, Mar so deir Tighearn uan sluagh, Bitlidi Sion mar mhachair air a treabhadh, agus bithidh Ierusalem 'u a caruailb, agus sliabh an tìghe mar ionadaibh àrda na frìdhe.

19 An d'thug Heseciah rìgh Iudah, agus Iudah uile thairis gu bàs e? nach robh eagal an Tighearn' air, agus nach d' iarr e an Tighearn, agus ghabh an Tighearn aithreachas de'u olc a labhair e 'n an aghaidh? Ach sinne, tha sinn a' deanamh aimhleis mhòir an aghaidh ar n-anama féin.

20 Agus bha fòs duine ann a rinn faistneachd ann an ainm an Tighearn', Uriah mac Shemariah, o Chireat-earim, a rinn faistneachd an aghaidh a' bhaile so, agus au aghaidh na tire so, a réir uile bhriathrair Jeremiah:

21 Agus an uair a chuala Iehoiacim an rìgh, agus a dhaoine cumhachdach uile, agus na maithlean uile, a bhriathran, dh'iarr an rìgh a chur gu bàs; agus chuala Uriah sin, agus bha eagal air, agus theich e, agus dh'imich e do'n Eiphit:

22 Agus chuir an rìgh Iehoiacim daoine Eiphiteach, Elnatan mac Achboir, agus iad-san a bha leis, do'u Eiphit;

23 Agus thug iad Uriah a mach as an Eiphit, agus thug iad e chum an rìgh Iehoiacim, a mharbh e leis a' chlàidheamh, agus a thilg a chorp ann an uaighean nan daoine coitcheinn.

24 Gidheadh bha làmh Ahicaim mhic Shaphan le Jeremiah, chum nach bitheadh e air a thoirt thairis do làimh an t-sluaigh, gu 'chur gu bàs.

CAIB. XXVII.

1 *Tha Jeremiah a' faistneachd gu'm buadhach-eadh Nebuchadresar air na rìghrean a bha mu'n cuairt da.* 9 *Chomhairlich e dhoibh géilleachdainn do rìgh Bhabiloin.* 12 *Thug e a' chomhairle cheudna do Shedeciah.*

ANN an toiseach linn Iehoiacim mhic Iosiah rìgh Iudah, thàinig am focal so gu Jeremiah o'n Tighearn, ag ràdh, 2 Mar so tha an Tighearn ag ràdh rium, Dean dhuit féin bannan agus cuingean, agus cuir iad air do mhuineal;

3 Agus cuir iad gu rìgh Edoim, agus gu rìgh Mhoab, agus gu rìgh nan Amonach, agus gu rìgh Thiruis, agus gu rìgh Shidoin, le làimh nan teachdairean a tha 'teachd gu Ierusalem, a chum Shedeciah rìgh Iudah:

4 Agus àithn doibh a ràdh ri 'n tìghearn-aibh, Mar so tha Tighearn nan sluagh, Dia Israel, ag ràdh, Mar so their sibh ri 'ur tìghearnaibh;

5 Rinn mise an talamh; an duine agus an t-ainmhidh a tha air aghaidh na talmhainn, le mo mhòr-chumhachd, agus le m' ghairdeau sìnte mach; agus cò air bith do 'm facas iomchuidh leam a thabhairt, dhà-sau thug mi e.

6 Agus a nis thug mi na dùthchan so uile do lunnh m' òglach Nebuchadresar rìgh Bhabiloin, agus beathaichean na macharach fòs thug mi dha, gu frithealadh dha.

7 Agus bheir na h-uile chinnich géill dhasan, agus d' a mhac, agus do mhac a uihic, gus an tig àm a dhùthcha féin: an sin bheir iomadh cinneach, agus rìghrean mòra aisans gu'n toir e géill doibh.

8 Agus tarlaidh, an cinneach no an rìgh-aichd nach toir géill do Nebuchadresar so rìgh Bhabiloin, agus nach cuir am muineal fo chuing rìgh Bhabiloin, le claidheamh, agus le gort, agus le plàigh, smachdaichidh mise an cinneach sin, deir an Tighearn, gus an sgrios iui iad gu tur le 'laimh-san.

9 Uime sin ua h-éisdibh-sa ri 'ur fàidhean, no ri 'ur fiosaichean, no ri 'ur luchd-bhruid-ar, no ri 'ur speuradairean, no ri 'ur druidhean, a tha 'labhairt ruibh, ag ràdh, Cha toir sibh géill do rìgh Bhabiloin:

10 Oir tha iad a' faistneachd bréige dhuibh, a chum 'ur n-atharrachadh fad' o 'ur fearann féin, agus a chum gu'm fògraim-sa mach sibh, agus gu'n rachadh sibh am mugha.

11 Ach an cinneach sin a chuireas an amlach fo chuing rìgh Bhabiloin, agus a bheir dha ùmhachd, leigidh mise dhoibh sin fuireach 'n am fearann féin, agus treabhaidh iad e, agus gabhaidh iad còmh-nuidh ann.

12 Agus labhair mise ri Sedeciah rìgh Iudah, a réir nam briathran so air fad, ag ràdh, Cuiribh 'ur n-ainh'chan fo chuing rìgh Bhabiloin, agus thugaibh dha ùmh-lachd, dha féin, agus d'a shluagh, agus mairibh beò.

13 Car son a bhàsaicheas sibh, thu féin agus do shluagh, leis a' chlàidheamh, leis a' ghort, agus leis a' phlàigh, mar a labhair Dia an aghaidh a' chinnich nach toir géill do rìgh Bhabiloin?

14 Uime sin na h-éisdibh ri briathraibh nam fàidhean a tha 'labhairt ruibh, ag ràdh, Cha toir sibh ùmhachd do rìgh Bhabiloin: oir tha iad a' faistneachd bréige dhuibh.

15 Oir cha do chuir mise a mach iad, deir an Tighearn, gidheadh tha iad a' faistneachd bréig' ann am ainm, a chum gu'm fògraim sibhse mach, agus gu'n rachadh sibh 'am mugha; sibh féin agus na fàidhean a tha ri faistneachd dhuibh.

16 Labhair mi cuideachd ris na sagartaibh, agus ris an t-sluagh so uile, ag ràdh, Mar so deir an Tighearn, Na h-éisdibh ri briath-

raibh 'ur fàidhean a tha ri fàistneachd dhuibh, ag ràdh, Feuch, bheircar soithichean tìghe an Tighearn' air an ais o Bhabilon a nis gu h-aithghearr; oir tha iad a' fàistneachd brèige dhuibh.

17 Na h-èisdibh riu; géillibh do rìgh Bhabiloìn agus mairibh beò; c'ar son a bhlitheadh am baile so air a dheauaibh 'n a fhàsach?

18 Ach ma's fàidhean iad, agus ma tha focal an Tighearna maille riu, deanadh iad a nis eadar-ghuidhe ri Tighearn nan sluagh, a chum nach rachadh na soithichean a tha air am fagail ann an tìgh an Tighearn', agus ann an tìgh rìgh Iudah, agus ann an Ierusalem, gu Babilon.

19 Oir mar so tha Tighearn nan sluagh ag ràdh, mu thimchioll nam post, agus mu thimchioll na fairge, agus mu thimchioll nam bonn, agus mu thimchioll na cuid eile de na soithicheibh a dh'fhan anns a' bhaile so;

20 Nach d'thug Nebuchadnesar rìgh Bhabiloìn leis, an uair a thug e air falbh ann am braighdeanas Ieoniah mac Iehoiacim rìgh Iudah, o Ierusalem gu Babilon, agus uile uaislean Iudah agus Ierusalem;

21 Seadh, mar so deir Tighearn nan sluagh, Dia Isracil, mu thimchioll nan soithichean a dh'fhan ann an tìgh an Tighearn', agus ann an tìgh rìgh Iudah, agus ann an Ierusalem;

22 Gu Babilon bheirear air falbh iad, agus an sin bithidh iad gus an là auns an teid mise g'an amhar, deir an Tighearn: an sin bheir mise a nìos iad, agus aisgidh mi iad a ris do'u àite so.

CAIB. XXVIII.

1 Fàistneachd bhrèige Hananiah. 5 Chuir Ieremiah 'an cèill ciod an doigh air an aithnichear na fàidhean a chuir Dia a mach. 10 Bhris Hananiah a' chuing bhàrr muineil Ieremiah. 12 Le samhlaidh chuibhricean iarunn dhainnigh Ieremiah an fàistneachd a labhair e. 15 Roimh-innis e bàs Hananiah.

AGUS tharladh anns a' bhliadhna sin féin, ann an toiseach linn Shedeciah rìgh Iudah, anns a' chathramh bliadhna, anns a' chùigeamh mìos, gu'n do labhair Hananiah mac Asuir, an fàidh a bha o Ghibeòn, riumsa anu an tìgh an Tighearn', an làthair nan sagart, agus an t-sluaigh uile, ag ràdh,

2 Mar so labhair Tighearn nan sluagh, Dia Isracil, ag ràdh, Bhris mise cuing rìgh Bhabiloìn.

3 'An ceann dà bhliadhna iomlain bheir mise air an ais a chum an àite so uile soithichean tìghe an Tighearn', a thug Nebuchadnesar rìgh Bhabiloìn air falbh o'n àite so, agus a ghiùlain e gu Babilon.

4 Agus bheir mi chum an àite so a ris Ieoniah mac Iehoiacim rìgh Iudah, maille ri uile bhraighdibh Iudah, a dh'fhan gu

Babilon, deir an Tighearn; oir brisidh mise cuing rìgh Bhabiloìn.

5 Agus thubhairt am fàidh Ieremiah ris an fàidh Hananiah, an làthair nan sagart, agus an làthair an uile shluaigh a bha 'n an seasamh ann an tìgh an Tighearna,

6 Thubhairt eadhon am fàidh Ieremiah, Amen: gu'n deanadh an Tighearn mar sin; gu'n coimhionadh an Tighearn do bhriathran a rinn thu fhàistneachd, le soithichean tìghe an Tighearn', agus gach nì eile a thugadh air falbh ann am braighdeanas, a thoirt air an ais o Bhabilon a chum an àite so.

7 Gidheadh cluinn thusa a nis am focal so 'tha mise a' labhairt ann ad èisdeachd, agus ann an èisdeachd an t-sluaigh uile;

8 Na fàidhean a bha romham-sa agus romhad-sa o shean, rinn iad fàistneachd arsan a thaobh mhòran dhùthchan, agus a thaobh rìoghachdan mòra, air cogadh, agus air gort, agus air plàigh.

9 Am fàidh a nì fàistneachd mu shìth, 'n uair a thig focal an fhàidh gu crìch, aithnichear gur e an Tighearn gu deimhiu a chuir am fàidh sin a mach.

10 An sin thug am fàidh Hananiah a' chuing bhàrr muineil an fàidh Ieremiah, agus bhris e i.

11 Agus labhair Hananiah an làthair an t-sluaigh uile, ag ràdh, Mar so deir an Tighearn, Amhuil so brisidh mise cuing Nebuchadnesar rìgh Bhabiloìn o mhuineal nan uile chinneach an taobh a stigh de dhà bhliadhna iomlan. Agus dh'fhalbh am fàidh Ieremiah roimhe.

12 Agus thàinig focal an Tighearna gu Ieremiah (an dèigh do'n fhàidh Hananiah a' chuing a bhriseadh bhàrr muineil an fàidh Ieremiah,) ag ràdh,

13 Imich agus labhair ri Hananiah, ag ràdh, Mar so deir an Tighearn, Na cuibhrichean fiodha bhris thu, ach nì thu 'n an àite cuibhrichean iarunn.

14 Oir mar so deir Tighearn nan sluagh, Dia Isracil, Cuing iarunn chuir mise air muineal nan cinneach so uile, a chum gu'n tugadh iad géill do Nebuchadnesar rìgh Bhabiloìn; agus bheir iad géill da; agus beathaichean na macharach thug mi dha mar an ceudna.

15 An sin thubhairt am fàidh Ieremiah ris an fhàidh Hananiah, Eisd a nis, a Hananiah; Cha do chuir an Tighearn fios leatsa, ach tha thu 'toirt air an t-sluaigh so earbsa a dheanaimh á brèig.

16 Uime sin mar so deir an Tighearn, Feuch, tilgidh mise thu bhàrr aghaidh na talmhainn; air a' bhliadhna so gheibh thu bàs, a chionn gu'n do labhair thu ceannaire an aghaidh an Tighearna.

17 Mar sin fhuair am fàidh Hananiah bàs air a' bhliadhna sin féin, auns an t-seachdamh mìos.

CAIB. XXIX.

1 *Briathran na litreach a chuir Ieremiah a dh'ionnsuidh an t-sluaigh a thugadh air falbh ann am braigheanas. 10 Dh'innis e dhoibh gu'm pilleadh iad a ris d' an tìr fèin 'n uair a choinhlonar deich agus tri fichead bliadhna. 20 Fàistneachd mu thimcheall nam fàidhean bréige: 24 agus mu thimcheall Shemaiah air son nan litreachan a sgrìobh e dh'ionnsuidh an t-sluaigh.*

A NIS is iad so briathran na litreach a chuir am fàidh Ieremiah o Ierusalem gus a' chuid eile de na seanairibh a thugadh air falbh ann am braigheanas, agus gus na sagartan, agus gus na fàidhean, agus gus na uile shluaigh a thug Nebuchadnesar air falbh ann am braigheanas o Ierusalem gu Babilon;

2 (An déigh do Ieconiah an rìgh, agus a' bhan-rìghinn, agus na cailteanaich, agus maithan Iudah agus Ierusalem, agus an luchd-ealain, agus na h-airm-cheaird, im-cachd air falbh o Ierusalem:)

3 Le làimh Elasa mhic Shaphain, agus Ghemariah mhic Hìlciah, (a chuir Sedeciah rìgh Iudah do Bhabìlon, gu Nebuchadnesar rìgh Bhabìlon,) ag ràdh,

4 Mar so deir Tighearn nan sluagh, Dia Israeil, ris na h-uile a tha air an toirt air falbh ann am braigheanas, a chuir mise air falbh ann am braigheanas o Ierusalem gu Babilon,

5 Togaibh tighean, agus gabhaibh còmh-nuidh; agus suidhichibh liosan, agus ithibh an toradh:

6 Gabhaibh mnathan, agus ginibh mic agus nigheanan; agus gabhaibh mnathan d' ur macaibh, agus thugaibh 'ur nigheanan do fhearaidh, a chum gu'm beir iad mic agus nigheanan; a chum gu meudaichear sibh anns an àite sin, agus nach lughaichear sibh.

7 Agus iarraidh sibh na dùthcha gus an do chuir mise air falbh sibh ann am braigheanas: agus guidhibh air a son ris an Tighearn: oir 'n a sìth-sa bithidh sìth agaibhse.

8 Oir mar so deir Tighearn nan sluagh, Dia Israeil, Na meallar sibh leis na fàidhean a tha 'n ur measg, agus le 'ur luchd-fiosachd; ni mò dh'èisdeas sibh ri 'ur brudair a tha sibh a' toirt fairear a bhrudair.

9 Oir tha iad a' fàistneachd bhreug dhuibh ann am ainm-sa; cha do chuir mise a mach iad, deir an Tighearn.

10 Oir mar so deir an Tighearn, An uair a choinhlonar ann am Babilon deich agus tri fichead bliadhna, thig mise gu 'r n-amhare, agus coimhlonaidh mi dhuibh m' fhocal maith, a chum 'ur toirt air 'ur n-ais do'n àite so.

11 Oir is aithne dhomh na smuaintean a smuainich mi do 'ur taobh, deir an Tighearn, smuaintean sìthe, agus cha-n e ainm-leis, a thoirt duibh sìth nach agus dòchais.

12 An sin gairmidh sibh orm, agus thèid sibh agus ni sibh urnuigh rium, agus èisdidh mise ruibh.

13 Agus iarraidh sibh mi, agus gheibh sibh mi, an uair a rannsaicheas sibh air mo shon le 'ur n-uile chridhe.

14 Agus bithidh mise air m' fhaotainn leibh, deir an Tighearn, agus pillidh mi air a h-ais 'ur braigheanas, agus cruinnichidh mi sibh o na h-uile chinnich, agus o na h-uile àite gus an d'fhogair mi sibh, deir an Tighearn; agus bheir mi sibh a ris a chum an àite o'n do chuir mi air falbh sibh ann am braigheanas.

15 A chionn gu'n dubhairt sibh, Thog an Tighearn suas duinn fàidhean ann am Babilon:

16 Mar so deir an Tighearn ris an rìgh a tha 'n a shuidhe air caithir Dhaibhidh, agus ris an uile shluaigh a tha 'chòmhnuidh anns a' bhaile so, agus ri 'ur bràithribh nach deachaidh a mach leibh ann am braigheanas;

17 Mar so deir Tighearn nan sluagh, Feuch, cuiridh mise orra an claidheamh, a' ghort', agus a' phlàigh, agus ni mi iad mar dhroch fhigean, nach fèndar itheadh aig an olcas.

18 Agus dian-ruaigidh mi iad leis a' chlaidheamh, leis a' ghort', agus leis a' phlàigh; agus bheir mi thairis iad gu 'bhi air an luasgadh air feadh uile rìoghachdan an domhain, gu 'bhi 'n am mallachadh, agus 'n an uamhas, agus 'n an sgeig, agus 'n am masladh, am measg nan uile chinneach gus am fògar mi iad.

19 A chionn nach d'èisid iad ri m' bhriathraibh-sa, deir an Tighearn 'n uair a chuir mi do'n ionnsuidh m' òglach na fàidhean, ag éirigh gu moch, agus 'g an cur a mach; ach cha n-èisdeadh sibhse, deir an Tighearn.

20 Chuinnibh uime sin, focal Ichobabai, sibhse uile a tha de'n bbraigheanas, a chuir mise o Ierusalem gu Babilon:

21 Mar so deir Tighearn nan sluagh, Dia Israeil, a thaobh Ahaib mhic Cholaiah, agus Shedeciah mhic Mhaaseiah, a tha 'faistneachd bréig' dhuibh ann am ainm-sa, Feuch, bheir mise thairis iad do làimh Nebuchadnesar rìgh Bhabìlon, agus marbaidh esan iad fa chomhair 'ur sùl;

22 Agus uatha-san togar suas mallachadh le uile bhraghdibh Iudah a th'ann am Babilon, ag ràdh, Gu'n deanadh an Tighearn thu cosmhuil ri Sedeciah, agus cosmhuil ri Ahab, a ròst rìgh Bhabìlon anns an teine.

23 A chionn gu'n do chuir iad 'an gnìomh aingidheachd ann an Israel, agus gu'n d'rinn iad adhaltranas le mnàibh an coimh-carsnach, agus gu'n do labhair iad briathran breugach ann am ainm-sa, nach d'aithn mise dhoibh, air am bheil eadhon mise

fiosrach agus a'm' fhianuis, deir an Tighearn.

24 Labhraidh tufòs ri Semaiah an Nehelamach, ag ràdh,

25 Mar so labhair Tighearn nan sluagh, Dia Israeil, ag ràdh, A chionn gu'n do chuir thu litrichean ann ad ainm a chum an uile shluaigh a th'ann an Ierusalem, agus a chum Shephaniah mhic Mhaaseiah an sagart, agus a chum nan sagart air fad, ag ràdh,

26 Rinn an Tighearn dhìot-sa sagart ann an àite Iehoiada an t-sagairt, a chum gu'm bitheadh luchd-riaghailt ann an tigh an Tighearn, air son gach duine 'tha air chuthach, agus a' deanamh dheth féin fàidh, a chur anns an tigh-smachdaichaidh, agus ann an sàs.

27 Uime sin a nis, c'uime nach do chronuich thu Ieremiah o Anatot, a tha 'g a dheanamh féin 'n a fhàidh dhuibh?

28 Oir chuir e gun amharus fios thugainne a tha ann am Babilon, ag ràdh, Tha an daorsa so buan, togaibh tighean, agus gabhaibh còmhnuidh, agus suidhichibh hosan, agus ithibh an toradh.

29 [Agus lugh Sephaniah an sagart an litir so ann an cluasaibh Ieremiah an fhàidh.]

30 Uime sin thàinig focal an Tighearna gu Ieremiah, ag ràdh,

31 Cuir fios gu muinntir a' bhraighdeanais air fad, ag ràdh, Mar so labhair an Tighearn a thaobh Semaiah an Nehelamaich; A chionn gu'n d'rinn Semaiah fàistneachd dhuibh an uair nach do chuir mise mach e, agus gu'n d'thug e oirbh earbsa a dheanamh a bréig:

32 Air an aobhar sin, mar so tha an Tighearn ag ràdh, Feuch, smachdaichidh mise Semaiah an Nehelamach agus a shliochd: cha bhì aige duine 'ghabhas còmhnuidh am measg an t-sluaigh so, ni mò 'chi e am maith a ni mise air son mo phobuill, deir an Tighearn, a chionn gu'n do labhair e ceannairc an aghaidh an Tighearna.

CAIB. XXX.

1 Nochd Dia do Ieremiah gu'n tuacadh e air ais braigheanas a shluaigh; 4 agus gu'n tèarnadh e iad o'n uile àmhgharaibh. 10 Thug am fàidh misneach do Jacob. 23 Tuitidh dòrainn air ceann nan ciontach.

AM focal a thàinig a chum Ieremiah o'n Tighearn, ag ràdh,

2 Mar so labhair an Tighearn Dia Israeil, ag ràdh, Sgrìobh dhuit féin ann an leabhar na h-uile bhriathran a labhair mise riut.

3 Oir feuch, tha na làithean a' teachd, deir an Tighearn, anns an toir mise air a h-ais braigheanas mo shluaigh, Israeil agus Iudah, deir an Tighearn, agus bheir mi orra pilltinn a chum an fhearainn a thug mi do'n aithrichibh, agus sealbhaichidh iad e.

4 Agus so na briathran a labhair an Tighearn,

earn, mu thimchioll Israeil, agus mu thimchioll Iudah.

5 Oir mar so deir an Tighearn, Guth crioth-nachaidh chuala sinn; eagal, agus cha-n e sìth.

6 Feòruichibh a nis, agus feuchaibh am beir frìonnach leanabh? c'uime am faic mi gach duine agus a lamlan air a leasraibh, mar mhnaoir ri saothair, agus tha na h-uile aghaidh air fas bàn?

7 Mo thruaighe! oir is mòr an là sin, agus cha-n'eil a choimeas ann: agus is aimsir teanntachd i do Jacob; ach téarnar aisd' e.

8 Oir tarlaidh anns an là sin, deir Tighearn nan sluagh, gu'm bris mise a chuing bhàrr a mhuineil, agus a chuibhrichean sgaoilidh mi as a chéile; agus cha ghabh coigrich ni's mò seirbhìs deth.

9 Ach bheir iad seirbhìs do'n Tighearn an Dia, agus do Dhaibhidh an rìgh, a thogas mise suas doibh.

10 Uime sin na bitheadh eagal ort, O Iacob, m'òglach-sa, deir an Tighearn, agus na bitheadh geilt ort, O Israeil: oir feuch, bheir mise tearunt' thu o chéin, agus do shliochd o thir an daorsa; agus pillidh Iacob, agus gheibh e fois agus sìth, agus cha bhì aon neach a' cur eagal air.

11 Oir tha mise maille riut, deir an Tighearn, chum do thearnadh: ged bheir mi crìoch iomlan air na h-uile chinnich gus an d' fhògair mi thu, gidheadh cha toir mi crìoch iomlan ortsa: ach smachdaichidh mi thu ann an tomhas, agus cha leig mi as thu gu h-iomlan o pheanas.

12 Oir mar so deir an Tighearn, Is do-leigheas do bhruthadh, is cràiteach do chreuchd.

13 Cha-n'eil neach ann a ni tagradh air do shon, a chum gu'm bitheadh tu air do cheangal suas: iocshlàint chum leigheis cha-n'eil agad.

14 Rinn do leannain gu léir do dhearnadh: cha-n'eil iad 'g a d' iarraidh, oir rinn mise do lot le lot nàmhadh, le smachdaichidh garg; a chionn gu'n robh do chionta mòr; do lochdan lìonmhor.

15 C'uime an glaoth thu air son d' àmhghair? cha ghabh do bhròn leigheas; a chionn gu'n robh do chionta mòr, do lochdan lìonmhor, rinn mise na nithean so ort.

16 Uime sin bithidh iadsan uile a tha ga d' shlugadh, air an slugadh, agus theid do naimhdean uile, gach aon diubh ann am braigheanas: bithidh iadsan a tha ga d' chreachadh 'n an creich, agus na h-uile a tha 'deanamh cobhartach dhìot, bheir mise gu bhì 'n an cobhartach.

17 Oir aisgidh mi slàinte dhuit, agus leighisidh mi do chreuchdan, deir an Tighearn; ge do thubhairt iad riut Diobarach, Sion, isc de nach 'eil aig aon neach suim.

18 Mar so deir an Tighearn, Feuch, bheir mise air a h-ais daorsa phàillium Iacob,

agus air 'ionadan-còmhnuidh ni mi iochd, agus togar am baile air a thòrr féin, agus bithidh an lùchairt a réir a nòis féin air a daingneachadh.

19 Agus a mach asda thig buidheachas, agus guth na muinntir' a ni gairdeachas; agus ni mise fionnhor iad, agus cha bhi iad teirre; ni mi fòs glòrhor iad, agus cha bhi iad suarrach.

20 Bithidh a chlann fòs mar roimhe so, agus bithidh a choimhthional air a dhaingneachadh ann am làthair-sa, agus ni mi peanas air gach neach a shàruicheas e.

21 Agus thig 'Uachdaran uaith féin, agus thig 'fhear-riaghlaidh a mach as a mheadh-on; agus fàirngidh mise e, agus thig e dlùth dhomh: oir cò e so a shoeruidh a chridhe air teachd am fagus dhomhsa? deir an Tighearn.

22 Agus bithidh sibhse 'n ur sluagh dhomhsa, agus bithidh mise ann am Dhia dhuibhse.

23 Feuch, tha cuairt-ghaoth an Tighearn' a' dol a mach le corruich; cuairt-ghaoth bhuan, a thuiteas le dòrainn air ceann nan ciontach.

24 Cha phill dian-chorruich an Tighearn' air a h-ais, gus an dean, agus gus an coimh-lion e rùn a chridhe: anns na làithibh deir-cannach bheir sibh so fàinear.

CAIB. XXXI.

1 *Gheall Dia gu'n nochdadh e caoimhneas do Israel, 9 agus gu'n treòraicheadh e iad air slighe réidh. 15 Thugadh comhfhurtachd do Rachel 'n uair a bha i a' gul air son a cloinne. 18 Ghabh Ephraim aithreachas agus phill e a dh'ionnsuidh Dhé. 27 Cùram an Tighearn a d'a eaglais.*

ANNS an àm sin, deir an Tighearn, bithidh mise ann am Dhia do uile theaghlachibh Israel, agus bithidh iadsan dhomhsa 'n an sluagh.

2 Mar so deir an Tighearn, Fhuair an sluagh a dh'fhàgadh leis a' chlaidheamh, caoimhneas anns an fhàsach; eadhon Israel, 'n uair a chaidh mise a thoirt fois da.

3 O chéin dh'fhoillsicheadh Iehobhah dhomhsa, *ag ràdh*, Seadh, le gràdh sìorruidh ghràdhach mi thu; uime sin tharruing mi thu le caoimhneas gràdhach.

4 A ris togaidh mi thu, agus bithidh tu air do thogail, O ògh Israel; a ris sgeadaichear thu le d' thiompanaibh, agus théid thu mach ann an dannsa na muinntir' a ni aidhear.

5 Suidhichidh tu fathast fion-lìosan air sléibhtibh Shamaria; suidhichidh an luchd-suidheachaidh, agus ithidh iad an toradh.

6 Oir thàinig an là, dh'éigh an luchd-faire air slabh Ephraim; Eiribh, agus rachamaid suas gu Sion, a chum an Tighearn' ar Dia.

7 Oir mar so deir an Tighearn, Deanaibh iolach ann an Iacob le h-aobhneas, agus

deanaibh luadh-ghair an measg rogha nan cinneach; cuiribh 'an céill, molaibh, agus abraibh, O Thighearna, saor do shluagh, iarmad Israel.

8 Feuch, bheir mi iad o'n tìr mu thuath, agus tionailidh mi iad o chrìochaibh na talmhainn: an dall agus am bacach maille ri u, a' bhean thorrach, maraon agus ise a tha ri saothair; 'n an cuideachd mhòir pillidh iad.

9 Thig iad le gul, agus le caomhalachd ni mise an treòrachadh; treòraichidh mi iad ri taobh nan sruthan uisge, air slighe réidh, far nach faigh iad tuisleadh; oir tha mise ann am athair do Israel; agus Ephraim, is esan mo cheud-ghin.

10 Chuinnibh focal an Tighearna, O chinn-eacha, agus cuiribh 'an céill e anns na h-eileanaibh fad as, agus abraibh, Esan a sgap Israel, ni e a chruinneachadh agus a choimhead, mar ni buachaille a thrend.

11 Oir shaor an Tighearn Iacob, agus dh'fhuasgail se e o làimhan fhìr a bu treise na e féin.

12 Uime sin thig iad agus seinnidh iad ann an àirde Shìoin, agus cruinnichidh iad ri 'chéile chum maitheis an Tighearn', air son cruithneachd, agus air son fìona, agus air son olaidh, agus air son àlaich an treud agus na spréidhe: agus bithidh an anam mar ghàradh air usgeachadh, agus cha dean iad air aon chor bròn ni's mò.

13 An sin ni an ògh gairdeachas anns an dannsa, na daoine òga, agus na seann daoine le 'chéile: oir tionndaidhidh mise am bròn gu h-aobhneas, agus bheir mi dhoibh comhfhurtachd, agus ni mi sòlasach iad an déigh an àmhghair.

14 Agus sàruichidh mi anam nan sagart le nithibh blasda, agus bithidh mo shluagh air an sàsachadh le mo mhaitheas, deir an Tighearn.

15 Mar so deir an Tighearn, Chualas guth ann an Ramah, caoidh, gul ro ghloirt; Rachel a' gul air son a cloinne; dhiùlt i comhfhurtachd air son a cloinne, a chionn nach 'eil iad ann.

16 Mar so deir an Tighearn, Cum do ghuth o chaidh, agus do shùilean o dheuraibh: oir gheibh do shaothair duais, deir an Tighearn, agus thig iad a ris o thìr an nàmhaid.

17 Agus tha dòchas a thaobh do chrich dheireannaich, deir an Tighearn, gu'n tig do chlann a ris gu'n crìochaibh féin.

18 Gu deimhin chuala mi Ephraim a' caoidh gu goirt, Smachdaich thu mi, agus bha mi air mo smachdachadh, mar dhamh nach do chleachd a' chuing: pill thusa mi, agus bithidh mi air mo philleadh; oir is tu an Tighearn mo Dia.

19 Gu deimhin an déigh dhomh 'bhi air mo philleadh, ghabh mi aithreachas; agus an déigh dhomh 'bhi air mo theagasg, bhuail mi air mo léis; bha màire orm, seadh fòs

geur-amhladh, a chionn gu'n do ghiùlain mi masladh m'òige.

20 Nach e Ephraim mo mhac caomh? nach leanabh ro thaitneach e? oir, o'n uair a labhair mi 'n a aghaidh, tha mi gu dùrachdach 'g a chuimhneachadh fathasd: uinne sin tha iomairt ann am chom air a shon: ni mi gu deimhin tròcair air, deir an Tighearn.

21 Cuir suas dhuit féin comharan slighe; dean duit féin croinn arda: cuir do chridhe ris an t-slighe, an t-slighe air an d'imich thu: píl a ris, O òigh Israeil, pìll a ris dh'ionnsuidh do chaithrichean so.

22 Cia fhad a bhitheas tu a' tionndadh nu'n cuairt, O a nìgean chùl-sleamhnach: oir ehruthaich an Tighearn ni nuadh air an talamh, 'Nì bean fear a chuirteachadh.

23 Mar so deir Tighearn nan sluagh, Dia Israeil, Gnàthaichidh iad fathast a' chainnt so ann am fearann Iudah, agus 'n a bhailtibh, an uair a bheir mise air a h-ais am bairghdeanas, Gu'm beannaicheadh an Tighearn thu, O àite-còmhnuidh a' chearta-ais, O shlèibh na naomhachd.

24 Agus ann an Iudah, agus 'n a uile bhailtibh, gabhaidh treabhaichean còmhnuidh, agus luchd-còimheadh nan treudan.

25 Oir shàsuich mise an t-anam tartmhor, agus gach anam ocrach lion mi.

26 An sin mhosgail, agus chunnaic mi, agus bha mo chodal taitneach dhomh.

27 Feuch, tha na làithean a' teachd, deir an Tighearn, anns an cur mise tigh Israeil, agus tigh Iudah le sìol duine agus le sìol ainmhidh.

28 Agus tarlaidh, amhuil a rinn mise faire os an ceann gu spionadh a nìos, gu briseadh, agus gu tilgeadh sìos, agus gu sgrìos, agus gu claoidh; mar sin ni mi faire os an ceann, gu fogail, agus gu suidheachadh, deir an Tighearn.

29 Anns na làithibh sin cha-n abair iad nì's mò, Dh'ith na h-aithrichean meas scarbh, agus tha dèisinn air fìaclaibh na cloinne.

30 Ach gheibh gach aon bàs 'n a aingidheachd féin; gach aon a dh'itheas an caorann searbh, air 'Thiacleibh-san bithidh dèisinn.

31 Feuch, tha na làithean a' teachd, deir an Tighearn, anns an dean mise coimhcheangal nuadh ri tigh Israeil, agus ri tigh Iudah:

32 Cha-n ann a réir a' choimhcheangail a rinn mi r'an aithrichibh, anns an là 's an do ghlac mi air làimh iad, a chum an toirt a mach à tìr na h-Eìphit; eadhon mo choimhcheangal a bhris iad, ged a bha mi a' m' fhear-pòsda dhoibh, deir an Tighearn:

33 Ach is e so an coimhcheangal a ni mi ri tigh Israeil; An déigh nan làithean sin, deir an Tighearn, cuiridh mi mo reachd 'n an taobh a stigh, agus sgrìobhaidh mi air an cridheachan e, agus bithidh mise dhoibh-

san a'm 'Dhia, agus bithidh iadsan dhomha 'n am pobull.

34 Agus cha tcagaisg iad nì's mò, gach aon a choimhearsnach, agus gach aon a bhràthair, ag ràdh, Gabhaibh còlas air an Tighearn; oir bithidh còlas aca ormsa uile, o'n neach a's lugha, gus an neach a's mò dhiubh, deir an Tighearn: oir maithidh mise an aingidheachd, agus cha chuimhnich mi nì's mò an cionta.

35 Mar so deir an Tighearn, a tha 'toirt na grèine air son soluis anns an là, orduighean na gealaich agus nan reultan air son soluis anns an oidheche, 'tha 'deanamh na fairge ciùin, trà bhitheas a tuinn a' beucaich; Tighearn nan sluagh is e ainm.

36 Ma dh'imicheas na h-orduighean so as mo shealladh-sa, deir an Tighearn, an sin cuideachd sgruidh shìochd Israeil o bhi 'n an cinncham am feasd ann am làthair.

37 Mar so deir an Tighearn, Ma dh'fheudar na nèamhan shuas a thomhas, agus bunaitèan na talunbainn shìos a rannsachadh a mach, an sin tilgidh mise uam mar an ceudna uile shìochd Israeil, air son gach ni a rium iad, deir an Tighearn.

38 Feuch, tha na làithean a' teachd, deir an Tighearn, anns an togar am baile air son an Tighearn', o thòrr Hananeil, gu geata na h-òisne.

39 Agus théid an t-sreang-thomhais fathasd a mach m' a choinneamh, thar sliabh Ghareib, agus cuairtichidh i steach Goat.

40 Agus glèann nan corp marbha gu h-iomlan, agus na luathre, agus na machraichean uile gu sruthan Chidroin, gu oisinn geata nan each an taobh an ear, bithidh iad naomha do'n Tighearn: cha spionar a nìos, agus cha tilgear sìos e nì's mò gu bràth.

CAIB. XXXII.

1 'N uair bha Jeremiah air a dhruideadh suas 's a' phrìosan le Sedeciah, thug Dia ordugh dha achadh Hanameil a cheannach. 13 Fhuair Baruch eirail theann air sgrìobhaidhean na ceannachd a ghleidheadh mar chomharadh gu'm pilleadh an sluagh d'an tìr féin. 16 Urnuigh Jeremiah. 26 Fàistneachd mu thimchioll Israeil agus Iudah.

AM focal a thàinig gu Jeremiah o'n Tighearn anns an deicheamh bliadhna de linn Shedeciah rìgh Iudah, (b'i sin an t-ochdamh bliadhna-deug de linn Nebuch-adnesair:)

2 Anns an àm 's an robh feachd rìgh Bhabiloin a' cuairteachadh Ierusalem, agus Jeremiah am fàidh air a dhruideadh suas ann an cùirt a' phrìosain a bha'n tigh rìgh Iudah.

3 Oir dhruid Sedeciah rìgh Iudah suas e, ag ràdh, C'uime am bheil thu ri fàistneachd, agus ag ràdh, Mar so deir an Tighearn, Feuch, bheir mise am baile so do làimh rìgh Bhabiloin, agus glacaidh esan e?

4 Agus cha téid Sedeciah rìgh Iudah as e

làimh nan Caldéach, ach bheir car suas e gu deimhin do làimh rìgh Bhabiloin, agus labhraidh e ris, beul ri beul, agus chì a shùilean a shùilean-san.

5 Agus bheir e leis Sedeciah gu Babilon, agus an sin bithidh e gus an tig mise 'g a amharc, deir an Tighearn: ged ghleachd sibh ris na Caldéich, cha bhuadhaich sibh.

6 Agus thubhairt Ieremiah, Thàinig focal an Tighearn a m' ionnsuidh, ag ràdh,

7 Feuch, thig Hanameel mac Shaluim, bràthar d'athar, do d' ionnsuidh, ag ràdh, Ceannaich dhuit féin m' achadh-sa a tha ann an Anatot, oir is leat còir 'fhuasglaidh, gus a cheannach.

8 Agus thàinig Hanameel, mac bhràthar m' athar a m' ionnsuidh ann an cùirt a' phrìosain, a réir focail an Tighearn, agus thubhairt e rium, Ceannaich, guidheam ort, m'achadh a tha ann an Anatot, ann an dùthaich Bheniamin: oir is leatsa a' chòir-sheibhe, agus is leatsa a fuasgladh, ceannaich e dhuit féin: an sin dh'aithnich mi gu'm b'e so focal an Tighearna.

9 Agus cheannaich mi achadh Hanameel, mhic bhràthar m' athar, a bha ann an Anatot, agus thomhais mi dha an t-airgid, seachd seceil deug airgid.

10 Agus chuir mi mo làmh ris an sgrìobhadh, agus sheulaich mi e, agus ghabh mi fianuisan, agus chothromaich mi an t-airgid air a' mheigh.

11 Agus ghabh mi dearbhadh a' cheannaich, e sin anns an robh an guothuch agus na cùmhantan seulaichte, agus e sin a bha fosgailte.

12 Agus thug mi dearbhadh a' cheannaich do Bharuch mac Neriah, mhic Mhaaseiah, ann an sealladh Hanameel mhic bhràthar m' athar, agus 'an làthair nam fianuisan, a chuir an làmh ri leabhar a' cheannaich, 'an làthair nan Iudhach uile a bha 'n an suidhe ann an cùirt a' phrìosain.

13 Agus thug mi earail theann do Bharuch 'n an làthair, ag ràdh,

14 Mar so tha Tighearn nan sluagh, Dia Israeil, ag ràdh, Gabh na sgrìobhaidhean so, sgrìobhadh so na ceannachd, araon e sin a tha seulaichte, agus an sgrìobhadh so a tha fosgailte, agus cuir iad ann an soitheach criadha, chum gu mair iad mòran làithean.

15 Oir mar so deir Tighearn nan sluagh, Dia Israeil, Sealbhaichear tighean, agus machraichean, agus fion-liosan anns an tìr so fathasd.

16 A nis an uair a thug mi seachad sgrìobhadh na ceannachd do Bharuch mac Neriah, rium mi urnuigh ris an Tighearn, ag ràdh,

17 Ah, a Thighearna Dhia, feuch, rinn thusa nèamh agus an talamh le d' mhòr chumhachd agus le d' ghairdean sìnte mach, agus cha-n'eil ni sam bith tuillcadh's cruaidh ort.

18 Taisbeanaidh tu caomhneas gràdhach do mhìtibh, agus diolaidh tu aingidheachd nan aithrichean ann an uched an cloinne 'n an déigh; an Dia mòr, cumhachdach, do'n ainm Tighearn nan sluagh.

19 Mòr ann an comhairle, agus cumhachdach ann an gnìomh, (oir tha do shùilean fosgailte air uile shligheibh chloinn nan daoine, a thoirt do gach aon a réir a shlighe, agus a réir toraidh a glèimharan;)

20 A dh'fhoillsich comharan agus mìorbhuilean ann an tìr na h-Eiphit, gus an là an diugh, agus ann an Israel, agus am measg dhaoine, agus a rinn duit féin ainm, mar air an là 'n diugh;

21 Agus a thug a mach do shluagh Israel á tìr na h-Eiphit le comharaibh, agus le mìorbhuilb, agus le làimh làidir, agus le gairdean sìnte a mach, agus le h-uamhas mòr;

22 Agus a thug dhoibh am fearann so, a mhionnaich thu do'n aithrichibh gu'n tugadh tu dhoibh, fearann a' sruthadh le bainne agus le mìl:

23 Agus thàinig iad a steach, agus shealbh-aich iad e; ach cha d' thug iad géill do d' ghuth-sa, ni mò 'ghluais iad ann ad reachd; cha d'rinn iad ni sam bith de na h-uile nithibh a dh'aithn thusa dhoibh, a dheanamb; uime sin thug thu an t-olc so uile orra.

24 Feuch na h-innill-bhrisidh, tha iad air teacadh a chum na caithreah gus a glacadh, agus tha am baile air a thoirt do làimh nan Caldéach a tha 'cogadh 'n aghaidh, air son a' chlàidheimh, agus na gorta, agus na plàighe; agus an ni a labhair thu, thàinig e gu crìch; agus, feuch, tha thusa 'g a fhaicinn.

25 Gidheadh thubhairt thu riumsa, (O Thighearna Dhia,) Ceannaich dhuit féin an t-achadh air son airgid, agus gabh fianuisan: an uair a tha am baile air a thoirt thairis do làimh nan Caldéach.

26 An sin thàinig focal an Tighearna gu Ieremiah, ag ràdh.

27 Feuch, is mise an Tighearn, Dia na h-uile fheòla: am bheil ni sam bith tuillcadh's cruaidh ormsa?

28 Uime sin, mar so deir an Tighearn, Feuch, bheir mi am baile so do làimh nan Caldéach, agus do làimh Nebuchadnesair rìgh Bhabiloin, agus glacadh e e:

29 Agus thig na Caldéich a tha 'cogadh an aghaidh na caithreach so, agus cuiridh iad teine rithe, agus loisgidh iad i, maille ris na tighibh far an do loisg iad tùis air am mullach do Bhaal, agus air an do dhòirt iad tabhartasan-dìbhe a mach do dhiathaibh eile, chum mise a bhrosnuchadh gu feirg.

30 Oir cha d'rinn clann Isracil, agus clann Iudah ach olc a mhàin ann am fianuis-sa o'n òige: oir cha d'rinn clann Israeil ach a mhàin mo bhrosnuchadh gu feirg le obair an làmh, deir an Tighearn.

31 Oir bha am baile so dhomhsa 'na aobhar feirge agus corruich, o'n là's an do thog iad e eadhon gus an là an diugh; a chum gu'n atharraichinn e as mo shealladh;

32 Air son uile aingidheachd cloinne Israeil, agus cloinne Iudah, a rinn iad a chum mise a bhrosnachadh gu corruich, iad féin, an rìghrean, an uachdarain, an sagartan, agus am fàidhean, agus muinntir Iudah, agus luchd-àiteachaidh Ierusalem.

33 Agus thionndaidh iad riumsa an cùl, agus cha-n i an aghaidh; ged a theagaisg mi iad, ag éirigh gu moch agus a' teagasg, gidheadh cha d' éisd iadsan, a ghabhail teagaisg.

34 Ach shuidhich iad an gràineileachdan anns an tigh a tha air 'ainmreachadh ormsa, chum a thruaillleadh.

35 Agus thog iad ionadan àrda Bhaail, a tha ann an gleann mhic Hinoim, a thoirt air am mic agus air an nigheanan dol troimh an teine do Mholoch; ni nach d'àithn mise dhoibh, agus nach d'fhàinig idir ann am aire; a' cur an gnìomh na gràineileachd so, gu cionta 'thoirt air Iudah.

36 Agus a nis uime sin, mar so deir an Tighearn Dia Israeil, a thaobh na caitheach so, mu 'm bheil sibhse ag ràdh, Bithidh i air a thoirt thairis do làimh rìgh Bhabiloin, leis a' chlàidheamh, agus leis a' ghort, agus leis a' phlàigh:

37 Feuch, tionaidh mise iad as na h-uile dhùthchaibh gus an d' fhàigair mi iad ann am dhiomb, agus ann am chorruich, agus ann am mhòr-fheirg; agus bheir mi chum an àite so iad a ris, agus bheir mi orra còmhnuidh a ghabhail gu tèaruainte.

38 Agus bithidh iad dhomhsa 'n an sluagh, agus bithidh mise dhoibhsan a'm' Dhia.

39 Agus bheir mi dhoibh aon chridhe, agus aon slighe, a chum gu 'm bi m' eagals gu bràth orra, chum an leas féin, agus leas an cloinne 'n an déigh.

40 Agus ni mi riu còmhcheangal sìorruidh, nach pill mi air falbh uatha, chum maith a dheanamh dhoibh; agus cuiridh mi m' eagal 'n an cridhe, chum nach dealaich iad rium.

41 Seadh, ni mi gairdeachas os an eann chum maith a dheanamh dhoibh, agus suidhichidh mi iad anns an fhearann so gu deimhin, le m' uile chridhe, agus le m' uile anam.

42 Oir mar so deir an Tighearn, Amhuil a thug mi an t-olc mòr so uile air an t-sluagh so, is amhluidh a bheir mi orra am maith sin uile a gheall mi dhoibh.

43 Agus ceannaichear achaidhean anns an fhearann so, mu 'm bheil sibhse ag ràdh, Tha e fàs gun duine no ainmhidh: tha e air a thoirt do làimh nan Caldéach.

44 Ceannaichidh daoine achaidhean air son airgid, agus cuiridh iad an làmh ri

sgriobhaidhean, agus seulaichidh iad, agus gabhaidh iad fianuiscean ann am fearann Bheniamin, agus anns na h-àiteachaidh dlùth do Ierusalem, agus ann am bailtibh Iudah, agus ann am bailtibh nam beann, agus ann am bailtibh a' chòmhnaird, agus ann am bailtibh na h-àirde deas: oir bheir mise air a h-ais an braighdeanas, deir an Tighearn.

CAIB. XXXIII.

1 *Dhaingnich Dia a ghealladh do na h-Iudhaich gu'm pillleadh iad o'm braighdeanas, 10 agus gu'n còinnteadh a ris 'n am fearann guth an aoibhneis agus an t-subhachais. 15 Tha Crìod air a ghealltainn. 19 Bithidh an còmhcheangal a rinn Dia ri Daibhidh seas-mhuch gu bràth.*

OS bàrr, thàinig focal an Tighearna gu Ieremiah an dara uair, (an trà 'bha e fathasd air a dhruideadh suas ann an chùirt a' phrìosain,) ag ràdh,

2 Mar so deir an Tighearn a rinn e, an Tighearn a dhealbh e, a tha fòs 'g a dhaingneachadh; is e 'ainm Iehobhah;

3 Glaoth riumsa, agus freagraidh mi thu, agus feuchaidh mi dhuit nithean mòra agus cumhlachdach, air nach 'eil thu eòlach.

4 Oir mar so tha an Tighearn, Dia Israeil, ag ràdh, a thaobh thighean a' bhaile so, agus a thaobh thighean rìghrean Iudah, a tha air an tilgeadh sìos leis na h-imilbhrisidh, agus leis a' chlàidheamh;

5 A tha air teachd gu cogadh air taobh nan Caldéach, agus gu'n lìonadh le corpaibh marbha nan daoine a bhuail mise ann am fheirg, agus ann am chorruich, agus a thug orm, air son an uile aingidheachd, mo ghnùis fholach o'n bhaile so:

6 Feuch, bheir mi dha slàinte agus leigh-eas, agus ni mi an slànuchadh; agus nochdaidh mi dhoibh pailteas sìthe agus fìrinn.

7 Agus bheir mi air a h-ais braighdeanas Iudah, agus braighdeanas Israeil; agus togaidh mi iad mar air tùs.

8 Agus glanaidh mi iad o'n uile aingidheachd, leis an do chiontaich iad a'm' aghaidh; agus maithidh mi an uile lochdan, leis an do pheacaich iad, agus leis an d'rinn iad ceannaire a'm' aghaidh.

9 Agus bithidh am baile so dhomhsa 'n a ainm sòlais, 'n a mholadh, agus 'n a mhaise, am measg uile chinneach na talmhainn, a chluinneas gach uile mhaith a ni mise dhoibh: agus bithidh eagal agus crith orra, air son an uile mhaithis, agus air son an uile shoirbheachaidh a dheònaicheas mise dhoibh.

10 Mar so deir an Tighearn, a ris cluinnear anns an àite so, (mu 'm bheil sibhse ag ràdh, Tha e fàs gun duine agus gun ainmhidh, eadhon ann am bailtibh Iudah, agus ann am sràidibh Ierusalem, a tha fàs, gun duine, eadhon gun fhear-àiteachaidh, agus gun ainmhidh.)

11 Guth aoibhneis, agus guth subhachais, guth an fhir nuadh-phòsda, agus guth na mnà nuadh-pòsda; guth na muinntir a their, Molaibhse Tighearn nan sluagh, oir tha an Tighearn maith, oir tha a thròcair buan gu sìorruidh; agus na muinntir a bheir an ìobairt-mholaidh gu tigh an Tighearna: oir bheir mise air a h-ais daorsa an fhearainn, mar air tùs, deir an Tighearn.

12 Mar so deir Tighearn nan sluagh, Fathasd anns an àite so a tha fàs, gun duine agus gun ainmhidh, agus 'n a uile bhailtibh, bithidh àite-còmhnuidh nam buachaillean a' toirt air an treudan luidhe sìos.

13 Ann am bailtibh nam beann, agus ann am bailtibh a' chòmhnaidh, agus ann am bailtibh na h-àirde deas, agus ann am fear-ann Bheniamin, agus anns na h-ionadaibh timchioll Ierusalem, agus ann am bailtibh Iudah, siùbhlaidh na treudan a rìs fo làimh an tì a nì an àireamh, deir an Tighearn.

14 Feuch, tha na làithean a' teachd, deir an Tighearn, anns an còimhlion mise an nì maith sin a gheall mi do thigh Israeil, agus do thigh Iudah.

15 Anns na làithibh sin, agus anns an àm sin, bheir mise air Meanglan fireantachd fàs suas do Dhaibhidh, agus cuiridh e 'an gnìomh breitheanas agus ceartas air an talamh.

16 Anns na làithibh sin tèarnar Iudah, agus gabhaidh Ierusalem còmhnuidh ann an tèaruinteachd: agus is e so esan ris an goirear IEHOBBAH AR FIREANTACHD.

17 Oir mar so tha Iehobhah ag ràdh, Cha bhi gu bràth a dh'uireasbhuidh air Daibhidh duine a shuidheas air rìgh-chathair tìghe Israeil;

18 Nì mò bhitheas na sagartan na Lebhitich gun duine ann am làthair-sa, a dh'ìobradh thabhartas-loisgte, agus a losgadh thabhartas-bidh, agus a dheanamh ìobairt an còmhnuidh.

19 Thàinig focal an Tighearna fòs gu Ieremiah, ag ràdh,

20 Mar so deir an Tighearn, Ma dh'fheadar leibh mò choimhcheangal-sa ris an là a bhriseadh, agus mò choimhcheangal ris an oidheche, agus nach bi là no oidheche ann 'n an àm féin;

21 An sin fòs fheadar mò choimhcheangal-sa ri Daibhidh m' òglach a bhriseadh, gun mhac a bhi aige gu riaghladh air a rìgh-chathair; agus ris na Lebhitich na sagartan, mò luchd-frithealaidh.

22 Mar nach feud feachd nèimh a bhi air àireamh, no gaineamh na fairge 'bhi air a tomhas: is amhluidh a nì mise Ìonmhòr sìochd Dhaibhidh m' òglach, agus na Lebhitich a tha 'frithealadh dhomh.

23 Os bàrr, thàinig focal an Tighearna gu Ieremiah, ag ràdh,

24 Am bheil thu 'toirt faineas cìod a tha'n sluagh so a' labhairt, ag ràdh, An dà theaghlach a ròghnaich an Tighearn, rinn e an tilgeadh uaith? agus rinn iad dì-meas air mò shluagh-sa, air chor as nach 'eil iad 'g am meas nìs mò mar chinneach.

25 Mar so tha an Tighearn ag ràdh, Mur 'eil mò choimhcheangal-sa ris an là agus ris an oidheche; reachdan nèimh agus talmhainn mur do shocruidh mi;

26 An sin tilgidh mi uam sìochd Iacoib, agus Dhaibhidh m' òglach, gun aon d'a shìochd a ghabhail, gu bhì 'n an luchd-riaghlaidh thar sìochd Abraham, Isaac, agus Iacoib: oir bheir mi air a h-ais am bruid, agus nì mi tròcair orra.

CAIB. XXXIV.

1 *Roimh-innis am fàidh sarios Ierusalem, agus dòn Shedeciah. 8 Leig na h-uachdarain d'an òglach agus d' an banoglaich falbh saor a réir a' choimhcheangail, 11 ach thug iad fo smachd iad a ris. 12 Ghairm am fàidh saorsa do'n chlaidheamh, do'n phlàigh, agus do'n ghort an aghaidh nan Iudhach.*

AM focal a thàinig gu Ieremiah o'n Tighearn, ('n uair a chog Nebuchadnesar rìgh Bhabiloin, agus 'uile fheachd, agus uile rìoghachdan an domhain a bha fo 'thighearnas, agus na slòigh uile, an aghaidh Ierusalem, agus an aghaidh a h-uile bhailtean,) ag ràdh,

2 Mar so tha an Tighearn, Dia Israeil, ag ràdh, Imich, agus labhair ri Sedeciah rìgh Iudah, agus abair ris, Mar so deir an Tighearn, Feuch, bheir mise am baile so do làimh rìgh Bhabiloin, agus loisgidh e le teine e:

3 Agus thusa, cha téid thu as o' làimh, ach bithidh tu gu cinnteach air do ghlacadh, agus air do thoirt thairis d'a làimh, agus chì do shùilean sùilean rìgh Bhabiloin, agus labhraidh e riut beul ri beul, agus falbhaidh tu gu Babilon.

4 Gidheadh cluinn focal an Tighearna, O Shedeciah, a rìgh Iudah; Mar so deir an Tighearn do d' thaobh-sa, Cha-n fhaigh thu bàs leis a' chlaidheamh;

5 Gheibh thu bàs ann an sìth; agus a réir losgaidh d' aithrichean, na rìghrean roimhe so, a bha air thoiseach ortsa, is amhluidh a loisgear tùis dhuitse; agus nì iad caoidh air do shon, *ag ràdh*, Och a thighearna! oir labhair mise am focal, deir an Tighearn.

6 Agus labhair Ieremiah am fàidh na briathran so uile ri Sedeciah rìgh Iudah, ann an Ierusalem,

7 An uair a chog feachd rìgh Bhabiloin an aghaidh Ierusalem, agus an aghaidh uile bhailtean Iudah a bha air am fagail, an aghaidh Lacheis, agus an aghaidh Asecal: oir mhair iad so de bhailtibh Iudah 'n an bailtibh daingnichte.

8 Am focal a thàinig gu Ieremiah o'n Tighearn,

earn, an dèigh do rìgh Sedeciah coimhcheangal a dheanamh ris an uile shluagh a bha ann an Ierusalem, a dh'èigheach saorsa dhoibh:

9 A chum gu'n leigeadh gach duine d'a òglach, agus gach duine d'a bhanoglaich, Eabhrach no ban-Eabhrach, falbh saor, gun neach a ghabhail seirbhis diubh, gach aon de Iudhach a bhràthair.

10 A nis, an uair a chuala na h-uachdarain uile, agus an sluagh uile a thionnsgain anns a' choimhcheangal, gu'n leigeadh gach duine d'a òglach, agus gach duine d'a bhanoglaich falbh saor, nach gabhadh aon seirbhis diubh ni bu mhò, an sin thug iad gèill, agus leig iad air falbh iad.

11 Ach thionndaidh iad a rìs, agus thug iad air na h-òglach, agus air na banoglaich, a leigeadh air falbh saor, pilleadh air an ais, agus thug iad fo smachd iad, a chum a bhi 'n an òglach, agus 'n am banoglaich.

12 Uime sin thàinig focal an Tighearna gu Ieremiah, ag ràdh,

13 Mar so tha an Tighearna, Dia Israeil, ag ràdh, Rinn mise coimhcheangal ri 'ur n-aithrichibh anns an là 's an d'thug mi iad a mach à tìr na h-Eiphit, à tìgh nan daor, ag ràdh,

14 'An ceann sheachd bliadhna, leigibh a chead, gach aon d'a bhràthair Eabhrach, a bha air a reic riut: an uair a bheir e seirbhis duit sè bliadhna, leigidh tu dha falbh uait saor. Ach cha d'èisd 'ur n-aithrichean riumsa, ni mò dh'aom iad an cluas.

15 Agus bha sibh a nis air pilleadh, agus air deanamh gu ceart ann am shealladh-sa, le saorsa a ghlaodhaich, gach neach d'a choimhearsnach; agus rinn sibh coimhcheangal ann am fhianuis, anns an tìgh a tha air a ghairm air m'ainm:

16 Ach phill sibh, agus thruaill sibh m'ainm, agus thug sibh, gach aon air 'òglach, agus gach aon air a bhanoglaich, a leig e saor uath gu 'thoil féin, pilleadh air an ais; agus chuir sibh fo smachd iad, gu 'bhi dhuibh 'n an òglach agus 'n am banoglaich.

17 Air an aobhar sin, mar so deir an Tighearna, Cha d'èisd sibh riumsa ann an saorsa a ghlaodhach, gach aon d'a bhràthair, agus gach aon d'a choimhearsnach: feuch do 'ur taobh-se tha mise a' ghlaodhach saorsa, deir an Tighearna, do'n chlaidheamh, do'n phlàigh, agus do'n ghort; agus bheir mi oirbh 'bhi air 'ur luasgadh air fcaidh uile rioghachdan an domhain.

18 Agus bheir mi a' mhuinntir a bhris mo choimhcheangail, nach do choimhlion briathran a' choimhcheangail a rinn iad ann am làthair-sa, 'n uair a ghearrid an laogh 'n a dhà leth, agus a dh'imich iad cadar a bhloighdean,

19 Ceannardan Iudah, agus ceannardan Ierusalem, agus na caillteanaich, agus na sagartan, agus uile shluagh an fhearainn a dh'imich cadar bloighdean an laogh;

20 Bheir mi eadhon iad sin do làimh an naimhdean, agus do làimh na muinntir a tha 'g iarraidh an anama; agus bithidh an cairbhean mar bhiadh do eunlaith an athair, agus do bheathaichibh na talmhainn.

21 Agus Sedeciah rìgh Iudah, agus a phrionnsachan, bheir mise do làimh an naimhdean, agus do làimh na muinntir a tha 'g iarraidh an anama, eadhon do làimh feachdan rìgh Bhabiloin, a tha air imeachd suas uaibh.

22 Feuch, bheir mise àithne, deir an Tighearna, agus bheir mi orra pilleadh air an ais do'n bhaile so; agus cogaidh iad 'n a aghaidh, agus glacadh iad e, agus loisgidh iad e le teine; agus bailtean Iudah ni mi 'n an làraich luim gun aon neach 'g an àiteachadh.

CAIB. XXXV.

1 *Le àimhlachd nan Rechabach do àithne an athar, 12 dhìteadh na h-Iudhaich air son an eas-àimhlachd do Dhia. 18 Bheannaich Dia na Rechabach.*

A M focal a thàinig gu Ieremiah o'n Tighearna, ann an làthibh Iehoiacim mhic Iosiah rìgh Iudah, ag ràdh,

2 Imich gu tìgh nan Rechabach, agus labhair riu, agus thoir iad a chum tighe an Tighearna, gu aon de na seòmraichibh, agus thoir dhoibh fion r'a òl.

3 An sin ghabh mi Iaananiah mac Ieremiah, mhic Habasiniah, agus a bhràithrean, agus 'uile mhic, agus uile theaghlach nan Rechabach;

4 Agus thug mi iad gu tìgh an Tighearna, gu seòmair mhac Hanan, mhic Igdaliah, òglach Dhé, a bha ri taobh seòmair nan uachdaran, a bha os ceann seòmair Mhaaseiah mhic Shalum, fir-gleidhidh an doruis:

5 Agus chuir mi air beulaobh mhac tighe nan Rechabach soireachan làn fiona, agus copain; agus thubhairt mi riu, Olaibh fion.

6 Ach thubhairt iadsan, Cha-n òl sinne fion: oir thug Ionadab mac Rechab ar n-athair, àithne dhuinn, ag ràdh, Na h-òl-aibhse fion, sibh féin no 'ur mie gu bràth.

7 Ni mò thogas sibh tìgh, no 'chuireas sibh sìol, no 'shuidhicheas sibh fion-lios, no bhitheas aom agaibh; ach fad 'ur n-uile làithean ni sibh còmhuidh ann am bùth-aibh, a chum gu mair sibh mòran làithean 's an fhearann anns am bheil sibh 'n 'ur coigrich.

8 Agus thug sinn géill do ghuth Ionadaib mhic Rechab ar n-athar, anns gach ni a chuir e mar fhiachaibh oirnn, gun fhìon air bith òl fad ar n-uile làithean, sinn féin, ar mnathan, ar mic, no ar nigheanan;

9 No tìgean a thogail duinn féin gu còmhuidh 'ghabhail anna: ni mò 'tha againn fion-lios, no achadh, no sìol.

10 Ach ghabh sinn còmhuidh ann am bùth-aibh, agus thug sinn géill, agus rinn sinn a réir gach ni a dh'àithn ar n-athair Ionadab dhuinn.

11 Ach tharladh, an uair a thàinig Nebuchadnesar rìgh Bhabiloin a nìos do'n fhearann, gu'n dubhairt sinn, Thigibh, agus rachamaid gu Ierusalem, air eagal feachd nan Caldeach, agus air eagal feachd nan Sirianach: air an aobhar sin tha sinn a' chòmhnuidh ann an Ierusalem.

12 An sin thàinig focal an Tighearna gu Ieremiah, ag ràdh,

13 Mar so tha Tighearna nan sluagh, Dia Israeil, ag ràdh, Imich agus abair ri fearaibh Iudah, agus ri luchd-àiteachaidh Ierusalem, Nach gabh sibh ri teagasg, a thoirt éisdeachd do m' bhriathraibh-sa? deir an Tighearna.

14 Tha briathran Ionadaib mhic Rechaib, a dh'àithn e d'a mhacaibh, gun fhòn òl, air an coimhlionadh; oir gus an là an diugh cha-n òl iad *fìon sam bith*, ach tha iad ùmhail do àithne an athar: gidheadh labhair mise ruibhse, ag éirigh gu moch agus a' labhairt, ach cha d'éisd sibh rium.

15 Chuir mi d'ur n-ionnsuidh mar an ceudna m' uile sheirbhìsich na fàidhean, ag éirigh gu moch agus 'g an cur a mach, ag ràdh, Pillibh a nis, gach aon o 'dhroch shlighe, agus leasaichibh 'ur deanadas, agus na rachaibh air lorg dhiathan eile gu seirbhis a thoirt doibh, agus gabhaibh còmhnuidh anns an fhearann a thug mise dhuibh, agus d'ur n-aithricibh: ach cha d'aom sibh 'ur cluas, ni mò 'thug sibh éisdeachd dhomh.

16 A chionn gu'n do choimhlion mic Ionadaib, mhic Rechaib, àithne an athar, a dh'àithn e dhoibh, ach nach d'éisd an sluagh so riumsa;

17 Air an aobhar sin, mar so deir Iehobhal Dia nan sluagh, Dia Israeil; Feuch, bheir mise air Iudah, agus air uile luchd-àiteachaidh Ierusalem, an t-òc sin uile a labhair mi 'n an aghaidh: a chionn gu'n do labhair mi ri u, ach nach d'éisd iad; agus gu'n do ghlaodh mi riu, ach nach do fhreagair iad.

18 Agus ri teaghlach nan Rechabach thubhairt Ieremiah; Mar so deir Tighearna nan sluagh, Dia Israeil, A chionn gu'n d'thug sibhse géill do àithne Ionadaib 'ur n-athar, agus gu'n do choimhid sibh 'uile iartruis, agus gu'n d'rinn sibh a réir gach ni a dh'àithn e dhuibh:

19 Uime sin mar so deir Tighearna nan sluagh, Dia Israeil, Cha bhi Ionadab mac Rechaib gun duine aige gu seasamh ann an làthair-sa gu bràth.

CAIB. XXXVI.

1 Sgrìobh Baruch fàidheadaireachd Ieremiah air clàr, agus leugh e i 'an éisdeachd an t-sluaigh. 11 Chuir na h-uachdarain fìos gu Baruch, agus leugh e an clàr 'n an éisdeachd. 20 Loisg an rìgh an clàr. 31 Sgrìobh Baruch air clàr eile uile bhriathran a' claidh clàir.

A GUS tharladh ann an ceathramh bliadhna an Iehoiacim mhic Iosiah rìgh Iudah,

gu'n d'thàinig am focal so gu Ieremiah o'n Tighearna, ag ràdh,

2 Gabh dhuit clàr-sgrìobhaidh, agus sgrìobh ann na h-uile bhriathran a labhair mise riut an aghaidh Israeil, agus an aghaidh Iudah, agus an aghaidh nan uile chinn-each, o'n là 's an do labhair mi riut ann an làithibh Iosiah, eadhon gus an là 'n diugh.

3 Theagamh gu'n tabhair tigh Iudah faineart an t-òc sin uile a th'ann am aire-sa 'dheanamh orra; air chor as gu'm pill iad, gach aon o 'dhroch shlighe, agus gu'm maith mise an aingidheachd agus am peacadh.

4 An sin ghairm Ieremiah Baruch mac Neriah; agus sgrìobh Baruch o bheul Ieremiah uile bhriathran an Tighearna, a labhair e ris, air clàr-sgrìobhaidh.

5 Agus dh'àithn Ieremiah do Bharuch, ag ràdh, Tha mise air mo dhruideadh suas, cha-n urrainn mi dol gu tigh an Tighearna:

6 Uime sin, imich thusa agus leugh anns a' chlàr a sgrìobh thu o m' bheul-sa, briathran an Tighearna ann an éisdeachd an t-sluaigh, ann an tigh an Tighearna, air là an traisg: agus fòs leughaidh tu iad ann an éisdeachd Iudah uile a thig a mach as am bailtigh.

7 Theagamh gu'n cuir iad suas an ath-chuinge an làthair an Tighearna, agus gu'm pill iad, gach aon o 'dhroch shlighe; oir is mòr an fhearg, agus a' chorruich a labhair an Tighearna an aghaidh an t-sluaigh so.

8 Agus rinn Baruch mac Neriah a réir gach ni a dh'àithn Ieremiah am fàidh dha, a' leughadh anns an leabhar briathran an Tighearna ann an tigh an Tighearna.

9 Agus tharladh ann an cùigeamh bliadhna Iehoiacim mhic Iosiah rìgh Iudah, anns an naothamh mìos, gu'n d'éigh iad trasg an làthair an Tighearna, an sluagh uile a bha ann an Ierusalem, agus an sluagh uile a thàinig o bhailtigh Iudah gu Ierusalem.

10 An sin leugh Baruch anns an leabhar briathran Ieremiah ann an tigh an Tighearna, ann an seòmar Ghemariah mhic Shaphain an sgrìobhaiche, anns a' chùirt uachdaraich, aig dol a steach geata nuaidh tìghe an Tighearna, ann an éisdeachd an t-sluaigh uile.

11 Agus chuala Michaiiah mac Ghemariah, mhic Shaphain, uile bhriathran an Tighearna as an leabhar,

12 Agus chaidh e sìos gu tigh an rìgh, gu seòmar an sgrìobhaiche; agus, feuch, bha na h-uachdarain uile 'n an suidhe an sin, Elisama an sgrìobhaiche, agus Delaiiah mac Shemaiiah, agus Elnatan mac Achboir, agus Ghemariah mac Shaphain, agus Sedeciah mac Hananiah, agus na h-uaislean uile.

13 An sin chuir Michaiiah 'an ecéill doibh na h-uile bhriathran a chual' e, 'n uair a leugh Baruch an leabhar ann an éisdeachd an t-sluaigh.

14 Agus chuir na h-uachdarain uile Ichudi

mac Netaniah, mhic Shelemiah, mhic Chusi, gu Baruch, ag ràdh, Glac am ad làimh an clàr 's an do leugh thu ann an éisdeachd an t-sluaigh, agus thig. Agus ghabh Baruch mac Neriah an clàr 'n a làimh, agus thàinig e do'n ionnsuidh.

15 Agus thubhairt iad ris, Suidh sìos a nis, agus leugh e 'n ar n-éisdeachd. Agus leugh Baruch 'n an éisdeachd.

16 A nis tharladh, an uair a chuala iad na h-uile bhriathran, gu'n d'amhaire iad le h-eagal, gach aon air a chéile; agus thubhairt iad ri Baruch, Innsidh sinn gu deimhin do'n rìgh na briathran so air fad.

17 Agus dh'fhèdraich iad de Bharuch, ag ràdh, Innis duinn a nis cionnus a sgrìobh thu na briathran so uile o 'bheul?

18 Agus fhreagair Baruch iad, Labhair e rium le 'bheul na briathran so uile, agus sgrìobh mi iad le dubh ann an leabhar.

19 An sin thubhairt na h-uachdaran ri Baruch, Falbh, agus tolaich thu féin, thusa agus Ieremiah; agus na bitheadh fios aig aon neach c'àit ann bi sibh.

20 Agus chaidh iad a steach a chum an rìgh do'n chùirt, ach thaisg iad suas an clàr ann an seòmar Elisamah an sgrìobhaiche; agus dh'innis iad na h-uile bhriathran ann an éisdeachd an rìgh.

21 An sin chuir an rìgh Iehudi a thoirt a' chlàr d'a ionnsuidh, agus thug e á seòmar Elisamah an sgrìobhaiche e, agus leugh Iehudi e ann an éisdeachd nan uile uachdaran a sheas ri taobh an rìgh.

22 Agus bha'n rìgh 'n a shuidhe anns an tigh gheamhraidh, anns an naothamh mìos, agus bha teinntein fa 'chomhair le éibhlilibh teine.

23 Agus tharladh an uair a leugh Iehudi trì no ceithir earrannan, gu'n do ghearr e leis an sgein-phinn e, agus thilg e anns an teine a bha air an teinntein e, agus an robh an clàr gu h-ìomlan air a chaitheamh anns an teine a bha air an teinntein.

24 Ach cha do ghabh iad eagal, ni mò reub iad an trusgair, aon chuid an rìgh, no aon d'a sheirbhisich a chuala na briathran so uile.

25 Agus ge do rinn Elnatan, agus Delaiah, agus Gemariah eadar-ghuidhe ris an rìgh, nach loisgeadh e an clàr, gidheadh cha-n éisdeadh e riu.

26 Agus dh'èithn an rìgh do Ierahmeel mac Hameleach, agus do Sheraiah mac Asriel, agus do Shelemiah mac Abdeeil, Baruch an sgrìobhaiche agus Ieremiah am fàidh a ghhlacadh: ach dh'fhòlaich an Tighearn iad.

27 An sin thàinig focal an Tighearna gu Ieremiah, (an déigh do'n rìgh an clàr agus na briathran a sgrìobh Baruch o bheul Ieremiah a losgadh,) ag ràdh,

28 Gabh thugad a ris clàr eile, agus

sgrìobh ann na h-uile bhriathran ceudna 'bha 's a' cheud chlàr, a loisg Iehoiacim rìgh Iudah.

29 Agus their thu ri Iehoiacim rìgh Iudah, Mar so deir an Tighearn, Loisg thu 'n clàr so, ag ràdh, C'uime an do sgrìobh thu ann, ag ràdh, Thig rìgh Bhabiloim gu deimhin, agus sgrìosaidh e am fearann so, agus gearraidh e gach duine agus gach beathach a mach as?

30 Air an aobhar sin, mar so deir an Tighearn a thaobh Iehoiacim rìgh Iudah, Cha bhi aige neach a shuidheas air rìgh-chaithir Dhaibhidh, agus tilgear a chlosach a mach a chum an teas anns an là, agus a chum an reothaidh anns an oidheche.

31 Agus ni mise peanas air féin agus air a shliochd, agus air a sheirbhisich, air son an eusaontais, agus bheir mi orra-san, agus air luchd-àiteachaidh Ierusalem, agus air fearaibh Iudah, an t-òc sin uile a labhair mi 'n an aghaidh, ach nach d'éisd iad.

32 An sin ghabh Ieremiah clàr eile, agus thug e do Bharuch mac Neriah, an sgrìobhaiche e, a sgrìobh ann o bheul Ieremiah, uile bhriathran an leabhair a loisg Iehoiacim rìgh Iudah anns an teine; agus chuir-cadh os bàrr riu mòran de bhriathraibh eile cosmhuil riu sin.

CAIB. XXXVII.

1 *Chuir Sedeciah fios a dh'ionnsuidh Ieremiah gu urnuigh a deanamh air a shon. Roimh-nnis am fàidh gu'm buadhaicheadh na Cald-eich. 11 Ghlac na h-uachdaran Ieremiah, agus chuir iad 'am prìosan e. 16 Dh'innis am fàidh do Shedeciah gu'n tugadh Dia thairis e do làimh rìgh Bhabiloim.*

AGUS rìghich Sedeciah mac Iosiah ann an àite Choniah mhic Iehoiacim, a rinn Nebuchadnesar rìgh Bhabiloim 'n a rìgh ann am fearann Iudah.

2 Ach cha d'éisd, aon chuid e féin no a sheirbhisich, no sluagh na tìre, ri briathraibh an Tighearn, a labhair e leis an fhàidh Ieremiah.

3 Agus chuir an rìgh Sedeciah Iehueal mac Shelemiah, agus Sephaniah mac Mhuaiseiah an sagart, a chum an fhàidh Ieremiah, ag ràdh, Dean urnuigh, a nis, guidheam ort, ris an Tighearn ar Dia air ar son-ne.

4 A nis bha Ieremiah a' teachd a steach agus a' dol a mach am measg an t-sluaigh, oir cha do chuir iad fathasd ann am prìosan e.

5 Anns an àm sin bha feachd Pharaoh air teachd a mach as an Eiphit; agus an uair a chuala na Caldéich, a bha a' teannachadh Ierusalem mu'n cuairt, iomradh orra, dh'innich iad o Ierusalem.

6 An sin thàinig focal an Tighearna chum an fhàidh Ieremiah, ag ràdh.

7 Mar so tha an Tighearn, Dia Israeil, ag ràdh, Mar so their sibh ri rìgh Iudah a chuir thugamsa sibh, gu n'fharraidh; Feuch,

pillidh feachd Pharaoh, a thàinig a mach g'ur còmhluadh, do'n Eiphit, d'an tìr fein.

8 Agus thig na Caldéich a ris, agus cogaidh iad an aghaidh na caithreach so, agus glacadh iad i, agus loisgidh iad i le teine.

9 Mar so deir an Tighearn, Na meall-sibh sibh fein, ag ràdh, Gu deimhin imichidh na Caldéich uainn: oir cha-n imich iad.

10 Oir ged bhuaileadh sibh uile fheachd nan Caldéach a tha 'cogadh 'n ur n-aghaidh, agus nach maireadh 'n am measg ach daoine leònta, gach aon 'n a bhuth, dh'èireadh iad sin fein suas, agus loisgeadh iad ann baile so le teine.

11 Agus tharladh an uair a dh'imich sluagh nan Caldéach air falbh o Ierusalem, airagal sluaigh Pharaoh,

12 Gu'n d'imich an sin Ieremiah a mach á Ierusalem, a chum dol gu fearann Bheniamin, a dh'fhaotain cuibhriann deth am measg an t-sluaigh.

13 Agus an uair a bha e ann an geata Bheniamin, bha ceannard an fhreiceadain an sin, d' am b'ainm Iriah, mac Shelemiah, mhic Hananiah; agus ghlac e Ieremiah am fàidh, ag ràdh, Tha thu 'dol thairis a chum nan Caldéach.

14 An sin thubhairt Ieremiah, Cha-n fhòir sin; Cha-n'eil mi 'dol thairis a chum nan Caldéach: ach cha d'èisd e ris: mar sin ghlac Iriah Ieremiah, agus thug e chum nan uachdaran e.

15 Agus bha corruich air na h-uachdarain sibh ri Ieremiah, agus bluail iad e, agus chuir iad ann an prìosan e, ann an tigh Ionatain an sgrìobhaiche; oir rinn iad prìosan deth sin.

16 An uair a chaidh Ieremiah steach do'n phrìosan iochdarach, agus do na slochdaibh, agus a bhuaich Ieremiah an sin mòran làithean;

17 An sin chuir Sedeciah an rìgh fios, agus thug e mach e; agus dh'fheòraich an rìgh dheth gu h-uaigneach 'n a thigh, agus thubhairt e, Am bheil focal sam bith o'n Tighearn? Agus thubhairt Ieremiah, Tha: oir thubhairt e, Do làmh rìgh Bhabiloìn sheirear thairis thu.

18 Os bàrr thubhairt Ieremiah ri rìgh Sedeciah, Ciod an cron a rinn mise ann ad aghaidh-sa, no'n aghaidh do sheirbhiseach, no'n aghaidh an t-sluaigh so, gu'n do chuir sibh mi ann am prìosan?

19 C'ait am bheil a nis 'ur fàidhean a rinn fàistneachd dhuibh, ag ràdh, Cha tig rìgh Bhabiloìn 'n ur n-aghaidh, no'n aghaidh an fhearainn so?

20 Ach èisd a nis, guidheam ort, a thighearna, mo rìgh; gabhar m' athcheuinge, guidheam ort, ann ad làthair; agus na toir orm pillcadh gu tigh Ionatain an

sgrìobhaiche, air eagal gu'm faigh mi bàs an sin.

21 Agus dh'àithn an rìgh Sedeciah gu'n cuireadh iad Ieremiah ann an cùirt a' phrìosain, agus gu'n tugadh iad dha gach là cuibhriann arain á sràid nam fuineadairean, gus am bitheadh uile aran a' bhaile air teir-eachduinn. Agus dh'fhan Ieremiah ann an cùirt a' phrìosain.

CAIB. XXXVIII.

1 *Thilgeadh Ieremiah 's an t-slochd a bha ann an cùirt a' phrìosain: 7 Thug Ebed-melech a nìos as an t-slochd e. 14 Dh'iarr an rìgh comhairle o Ieremiah; 17 Dh'àithn esan da e fein a thoirt thairis do làmh rìgh Bhabiloìn.*

AN sin chuala Sephatiah mac Mhatain, agus Gedaliah mac Phasuir, agus Iucal mac Shelemiah, agus Pasur mac Mhalchiah, na briathran a labhair Ieremiah ris an t-sluaigh uile, ag ràdh,

2 Mar so deir an Tighearn, Esan a dh'fhan-as anns a' bhaile so bàsaichidh e leis a' chlaidheamh, leis a' ghort, agus leis a' phlàigh; ach esan a thèid a mach a chum nan Caldéach, mairidh e beò; oir gheibh e 'anam mar chobhartach, agus mairidh e beò.

3 Mar so tha an Tighearn ag ràdh, Bheir-eag gu deimhin ann baile so suas do làmh feachda rìgh Bhabiloìn, a ghlacas e.

4 Air an aobhar sin, thubhairt na h-uachdarain ris an rìgh, Bitheadh an duine so, guidheamaid ort, air a chur gu bàs: oir mar so tha e 'lagachadh làmh an luchd-cogaidh a tha iathasd a làthair anns a' bhaile so, agus làmh an t-sluaigh uile, le bhli 'labhairt a' leithid so de bhriathraibh riu: oir cha-n'eil an duine so ag iarraidh leas an t-sluaigh so, ach an aimhleis.

5 An sin thubhairt an rìgh Sedeciah, Feuch, tha e 'n ur làmh: oir cha-n e 'n rìgh esan a dh'fheudas aon-ni a chur 'n ur n-aghaidh.

6 An sin ghlac iad Ieremiah, agus thilg iad e ann an slochd Mhalchiah mhic Hamel-eich, a bha ann an cùirt a' phrìosain; agus leig iad sìos Ieremiah le cordaibh. Agus anns an t-slochd cha robh uisge sam bith, ach clabar: agus chaidh Ieremiah fodha anns a' chlàbar.

7 A nis an uair a chuala Ebed-melech an t-Etiopach, aon de na caillteanaich a bha 'n tigh an rìgh, gu'n do chuir iad Ieremiah 's an t-slochd, (agus an rìgh 'n a shuidhe 's an àm sin ann an geata Bheniamin,)

8 Chaidh Ebed-melech a mach á tigh an rìgh, agus labhair e ris an rìgh, ag ràdh,

9 Mo thighearn' a rìgh, rinn na daoine so gu h-olc anns gach ni a rinn iad ri Ieremiah am fàidh, a thilg iad anns an t-slochd; oir gheibh e bàs le h-oeras anns an àite sin, a chionn nach 'eil nì's mò aran anns a' bhaile.

10 An sin dh'aithean an rìgh do Ebed-melech an t-Etiopach, ag ràdh, Thoir leat á so deich fir fhichead, agus thoir a nìos Ieremiah am fàidh as an t-slochd, mu 'm faigh e bàs.

11 Agus thug Ebed-melech leis na daoine, agus chaidh e steach do thigh an rìgh fo 'n tigh-thasgaidh, agus thug e as a sin seana bhroineagan, agus seann luideagan, agus leig e sìos iad gu Ieremiah do'n t-slochd le cordaibh.

12 Agus thubhairt Ebed-melech an t-Etiopach ri Ieremiah, Cuir a nis na seann luid-eagan, agus na broineagan so, fo d' achlais- can mu na cordaibh. Agus rinn Ieremiah mar sin.

13 Agus tharruing iad a nìos Ieremiah le cordaibh, agus thug iad a mach as an t-slochd e; agus dh'fhan Ieremiah ann an cùirt a' phrìosain.

14 An sin chuir an rìgh Sedeciah fios, agus thug e Ieremiah am fàidh d'a ionnsuidh gus an treas dol-a-steach a tha 'n tigh an Tighearn'. Agus thubhairt an rìgh ri Ieremiah, Fedraichidh mi ni àraidh dhìot; na ceil a' bheag orm.

15 Agus thubhairt Ieremiah ri Sedeciah, Ma dh'inneas mi dhuit, nach dean thu gu cinnteach mo chur gu bàs? agus ma bheir mi conhairle ort, an èisd thu rium?

16 An sin mhionnaich an rìgh Sedeciah do Ieremiah os ìosal, ag ràdh, Mar is beò an Tighearn a rinn dhuinn an t-anam so, cha chuir mi gu bàs thu, ni mò 'bheir mi thairis thu do làimh na muinntir' sin a tha 'g iarraidh d'anama.

17 Agus thubhairt Ieremiah ri Sedeciah, Mar so tha Iehobhah, Dia nan sluagh, Dia Israeil, ag ràdh, Ma theid thu gu deimhin thairis gu cinn-fheadhna rìgh Bhabiloin, an sin mairidh d'anam beò, agus cha loisgear am baile so le teine; ach mairidh tu beò, thu féin agus do theaghlach.

18 Ach mur téid thu mach gu cinn-fheadhna rìgh Bhabiloin, an sin bheirear am baile so do làimh nan Caldéach, agus loisgidh iad e le teine, agus cha téid thusa féin as o'n làmhan.

19 Agus thubhairt an rìgh Sedeciah ri Ieremiah, Tha eagal nan Iudhach orm, a theich a chum nan Caldéach, gu'n toir iad thairis mi do'n làmhan, agus gu'n dean iad fànoid orm.

20 Ach thubhairt Ieremiah, Cha toir iad thairis thu; thoir géill, guidheam ort, do ghuth an Tighearna, 's an ni a tha mise a' labhairt riut: mar sin éiridh gu maith dhuibh, agus mairidh d'anam beò.

21 Ach ma dhùiltas tu dol a mach, so an ni a thaisbein an Tighearn dhomhsa:

22 Eadhon, feuch, na h-uile mhnathan a tha air am fàgail ann an tigh rìgh Iudah, bheirear a mach gu cinn-fheadhna rìgh Bhabiloin, agus their iad, Bhrosnuich do

chairdean thu, agus thug iad buaidh ort: chuir iad do chosan 'an sàs agus an làthaich agus phill iad air an ais.

23 Agus bheir iad a mach d' uile mhnathan, agus do chlann a chum nan Caldéach; agus cha téid thu féin as o'n làmhan, ach glacar thu le làimh rìgh Bhabiloin, agus bithidh tu coireach anns a' bhaile so 'bhi air a losgadh le teine.

24 An sin thubhairt Sedeciah ri Ieremiah, Na bitheadh fios aig duine sam bith air na briathraibh so, agus cha-n fhaigh thu bàs.

25 Ach ma chluinneas na h-uachdarain gu'u do labhair mise riut, agus gu'n tig iad a d'ionnsuidh, agus gu'n abair iad riut, Innis duinn a nis ciod a thubhairt thu ris an rìgh, na ceil e oirne, agus cha chuir sinn gu bàs thu; mar an ceudna ciod a thubhairt an rìgh riutsa:

26 An sin their thu riu, Thaisbein mi m' athcheuinge an làthair an rìgh, nach tugadh e orm pileadh gu tigh Ionatain, dh'fhaotainn bàis an sin.

27 Agus thàinig na h-uachdarain uile gu Ieremiah, agus dh'fhiosraich iad dheth; agus dh'innis e dhoibh a réir nan uile bhriathran so a dh'aithean an rìgh dha: mar sin sguir iad de labhairt ris, oir cha do mhothaicheadh a' chùis.

28 Mar sin dh'fhan Ieremiah ann an cùirt a' phrìosain, gus an là 's an do ghlacadh Ierusalem; agus bha e 'n sin an uair a ghlacadh Ierusalem.

CAIB. XXXIX.

1 *Ghlac rìgh Bhabiloin Ierusalem. 6 Mharbh e mic Shedeciah. 7 agus chaidh se e féin chum a thoirt gu Babilon. 11 Aithne Nebuchadnesar mu timchioll Ieremiah. 15 Gealladh Dhé do Ebed-melech.*

A NN an naothamh bliadhna Shedeciah rìgh Iudah, anns an deicheamh mìos, thàinig Nebuchadnesar rìgh Bhabiloin, agus 'uile fheadh an aghaidh Ierusalem, agus champaich iad m' a timchioll.

2 Ann an aon bhliadhna deug Shedeciah, anns a' cheathramh mìos, air an naothamh là de'n mhìos, bha a' chaithir air a briseadh suas.

3 Agus thàinig uile chinn-fheadhna rìgh Bhabiloin a steach, agus shuidh iad anns a' gheata 's a' mheadhion; Nergal-sarser, Samgar-nebo, Sarsechim, Rabsaris, Nergal-sarser, Rabmag, leis a' chuid eile air fad de chinn-fheadhna rìgh Bhabiloin.

4 Agus tharladh, an trà 'chunnaic Sedeciah rìgh Iudah iad, agus na fir-chogaidh uile, gu'n do theich iad, agus gu'n deachaidh iad a mach as a' bhaile anns an oidheche, air slighe gàraidh an rìgh, troimh 'n gheata, eadar an dà bhalla; agus chaidh iad a mach air slighe a' chòmhnaird.

5 Ach lean feachd nan Caldéach air an tòir, agus rug iad air Sedeciah ann an

còmhnrdaibh Iericho; agus ghlac iad e, agus thug iad e gu Nebuchadnesar rìgh Bhabiloin, aig Riblah, ann am fearann Hamait, far an d'thug e breth air.

6 An siu uharbh rìgh Bhabiloin mic Shedeciah, ann an Riblah, fa chomhair a shùl; mharbh rìgh Bhabiloin uile mhaith-eann Iudah mar an ceudna.

7 Agus chuir e uach sùilean Shedeciah, agus cheangail e le slabhruidhean e, a chum a thoirt gu Babilou.

8 Agus loisg na Caldéich tigh an rìgh, agus tighean an t-sluaigh le teime, agus bhris iad sìos ballachan Ierusalem.

9 An sin thug Nebusar-adan, ceannard an fhreiceadain, leis 'n am braighdibh gu Babilon am fuighleach sluaigh a dh'fhan anns a' bhaile, agus iadsan a theich thairis d'a ionnsuidh, leis a' chuid eile de'n t-sluaigh a dh'fhan beò.

10 Ach cnid de bhochdaibh an t-sluaigh, aig nach robh ni sam bith, dh'fhàg Nebusar-adan ceannard an fhreiceadain ann am fearann Iudah, agus thug e dhoibh fion-lìosau agus machraichean anns an àm sin.

11 Agus thug Nebuchadnesar rìgh Bhabiloin àithne nu thimchioll Ieremiah do Nebusar-adan ceannard an fhreiceadain, ag ràdh,

12 Thoir leat e, agus thoir aire mhaith dha, agus na deau cron sam bith air, ach dean ris amhuil mar a their e riut.

13 Mar sin chuir Nebusar-adan ceannard an fhreiceadain fios, agus Nebusarban, Rabсарis, agus Nergal-sarceser, Rabmag, agus uile chinn-fheadhna rìgh Bhabiloin:

14 Chuir eadhon iadsan fios, agus thug iad Ieremiah mach a' chùirt a' phrìosain, agus thug iad e do Ghedaliah mac Ahicaim, mhic Shaphain, gu 'thoir dhachaidh: mar siu ghabh e còmhnuidh am measg an t-sluaigh.

15 Agus thàinig focal an Tighearna chum Ieremiah, 'n uair a bha e *jathasd* air a dhruideadh suas ann an cùirt a' phrìosain, ag ràdh,

16 Imich agus labhair ri Ebed-melech an t-Etiopach, ag ràdh, Mar so tha Tighearn nan sluagh, Dia Isracil, ag ràdh, Feuch, bheir mise mo bhriathran air a' bhaile so air son uile, agus cha-n ann air son maith; agus thig iad gu crìch ann ad fhianuis-sa anns an là sin.

17 Ach tèarnaidh mi thusa's an là sin, deir an Tighearn, agus cha toirear thairis thu do làmh na muinntir roimh am bheil eagal ort.

18 Oir tèarnaidh mi thu, agus cha tuit thu leis a' chlàidheamh, ach bithidh d'anam mar chobhartach agad, a chionn gu'n do chuir thu do dhòchas annam-sa, deir an Tighearn.

1 Chaidh Ieremiah air ais gu Gedaliah an dèigh do Nebusar-adan 'fhuasgladh o na slabhruidhean a bha air a làmh. 8 Phìll na h-Iudhaich a chaidh a sgapadh gu Gedaliah. 13 Cha do chreid Gedaliah Iohanan 'n uair dh'innis e dha gu'n robh Ismael ag iarraidh a mharbhadh.

A M focal a thàinig a chum Ieremiah o'n Tighearn, an dèigh do Nebusar-adan ceannard an fhreiceadain a leigeadh as o Ramah, an uair a thugadh e d'a ionnsuidh, agus e ceangailte le slabhruidhean ann measg na muinntir sin uile a thugadh air falbh 'u am braighdibh o Ierusalem agus o Iudah, a thugadh ann am braighdeanas gu Babilou.

2 Agus ghabh ceannard an fhreiceadain Ieremiah, agus thubhairt e ris, Labhair an Tighearn do Dhia-sa an t-òc so an aghaidh an àite so.

3 A nis thug an Tighearn gu crìch e, agus rinn e mar a labhair e: a chionn gu'n do pheacaich sibh an aghaidh an Tighearn, agus nach d'thug sibh géill d'a ghuth, air an aobhar sin tha'n t-òc so air teachd oirbh.

4 Agus a nis feuch, tha misc 'g ad fhuasgladh an diugh o na slabhruidhean a bha air do làmh: ua chi thu ceart teachd leamsa gu Babilon, thig; agus bheir miaire mhaith dhuit: ach mur faic thu ceart teachd leamsa gu Babilon, fan: feuch, tha am fearann gu h-ionnlan fa d' chomhair: far am faicear ceart agus ionchuidh dhuit dol, theirg ann; agus ciod air bith tuilleadh cha chumar air ais e.

5 Falbh uime sin air d'ais gu Gedaliah mac Ahicaim, mhic Shaphain, a rinn rìgh Bhabiloin 'n a uachdaran os ecann bhailtean Iudah, agus gabh còmhnuidh leis, am measg an t-sluaigh: no falbh c'ait air bith ann faic thu ionchuidh dol. Mar sin thug ceannard an fhreiceadain biadh agus duais da, agus leig e dha imeachd.

6 An sin chaidh Ieremiah gu Gedaliah mac Ahicaim, gu Mispah, agus ghabh e còmhnuidh leis, am measg an t-sluaigh a dh'fhàgadh, anns an fhearann.

7 A nis an uair a chuala uile cheannardan an fheadh a bha 's na machraichibh, iad féin agus an daoine, gu'n d'rinn rìgh Bhabiloin Gedaliah mac Ahicaim 'n a uachdaran anns an fhearann, agus gu'n d'carb e ris fir, agus mnathan, agus clann, eadhon cuid de bhochdaibh an fhearainn, dhiubhsan nach d'thugadh air falbh ann an daorsa gu Babilon;

8 An sin thàinig iad gu Gedaliah gu Mispah, eadhon Ismael mac Netaniah, agus Iohanan, agus Ionatan, mic Charca, agus Seraiah mac Thanhumcith, agus mic Ephai an Netophataich, agus Iesaniah mac Maa-chataich, iad féin agus an daoine.

9 Agus mhiounaich Gedaliah mac Ahicaim

mhic Shaphain dhoibhsan, agus do'n daoine, ag ràdh, Na bitheadh eagal oirbh géill a thoirt do na Caldéich; gabhaibh còmh-nuidh anns an tìr, agus thugaibh géill do rìgh Bhabiloìn, agus éiridh gu maith dhuibh.

10 Air mo shon-sa, feuch, ni mi còmh-nuidh ann am Mispah, a fhìrthealadh do na Caldéich a thig d'ar n-ionnsuidh; ach sibhse, tionailibh fion, agus meas samhraidh, agus oladh, agus cuiribh iad 'n ur soithichibh, agus deanaibh còmh-nuidh 'n ur bailtibh air an d'rinn sibh greim.

11 Air an dòigh cheudna 'n uair a chuala na h-Iudhaich uile a bha ann am Moab, agus am measg nan Amonach, agus ann an Edom, agus a bha anns na h-uile dhùthch-aibh, gu'n d'fhàg rìgh Bhabiloìn fuigheall de Iudah, agus gu'n do chuir e os an ceann Gedaliah mac Ahicaim, mhic Shaphain;

12 An sin phill na h-Iudhaich uile as na h-uile àite gus an robh iad air am fògradh, agus thàinig iad gu tìr Iudah, gu Gedaliah, do Mhispah, agus thionail iad fion, agus meas samhraidh, gu ro phailt.

13 Agus thàinig Iohanan mac Chareah, agus uile cheannardan an fheachd a bha 's na machraichibh, gu Gedaliah do Mhispah.

14 Agus thubhairt iad ris, Am bheil fios agad gu cinnteach gu'n do chuir Baalis rìgh nan Amonach Ismael mac Netaniah chum do mharbhadh? Ach cha do chreid Gedaliah mac Ahicaim iad.

15 An sin labhair Iohanan mac Chareah ri Gedaliah ann am Mispah gu h-uaigneach, ag ràdh, Leig dhomhsa dol, guidheam ort, agus marbhaidh mi Ismael mac Netaniah, agus cha bhì fios aig duine sam bith *air*: cuime am marbhadh e thusa, agus gu'm biodh na h-Iudhaich uile a tha air an cruinneachadh a d' ionnsuidh air an sgapadh, agus gu'm bàsaicheadh na tha mairionn de Iudah?

16 Ach thubhairt Gedaliah mac Ahicaim ri Iohanan mac Chareah, Cha dean thu an uìs so, oir is breug a tha thu 'labhairt a thaobh Ismael.

CAIB. XLI.

1 *Mharbh Ismael Gedaliah, 5 agus daoine àraidh a thàinig d'an ionnsuidh o Shechem agus o Shamaria. 10 Dh'fhàg Ismael gu dol thairis chum nan Amonach. 12 Chaidh Iohanan a chogadh 'n a ghaidh, agus thug e uaidh na braighean.*

A NIS tharladh air an t-seachdamh mìos, mhic Elisama, de'n t-sìol rioghail, agus maithean an rìgh, eadhon deich fir, maille ris, gu Gedaliah mac Ahicaim do Mhispah, agus an sin dh'ith iad aran le 'chéile ann am Mispah.

2 An sin dh'èirich Ismael mac Netaniah, agus na deich fir a bha maille ris, agus bhual iad Gedaliah mac Ahicaim, mhic

Shaphain, leis a' chlàid-beamh, agus mharbh iad e, esan a chuir rìgh Bhabiloìn 'n a uachdaran os ceann an fhearainn.

3 Mharbh Ismael mar an ceudna na h-Iudhaich uile 'bha maille ris, maille ri Gedaliah ann am Mispah, agus na Caldéich a fhuair-adh an sin, na fir-chogaidh.

4 Agus tharladh air an dara là, an déigh dha Gedaliah a mharbhadh, agus gun fhios aig duine sam bith *air*;

5 Gu'n d'fhàinig daoine àraidh o Shechem, o Shiloh, agus o Shamaria, ceithir fichead fear, aig an robh am feusagan air am bearradh, an eudaichean air an reubadh, agus iad féin air an gearradh, le tabhartasaibh agus tùis 'n an làimh, gu'n toirt gu tigh an Tighearna.

6 Agus chaidh Ismael mae Netaniah mach o Mhispah 'n an còdhail, a' gul fad na slighe: agus tharladh an uair a choimnich e iad, gu'n d' thubhairt e riu, Thigibh gu Gedaliah mac Ahicaim.

7 Agus tharladh an uair a thàinig iad gu meadhan a' bhaile, gu'n do mharbh Ismael mac Netaniah iad, *agus thilg e iad* ann am macdhan an t-sluichd, e féin agus na daoine 'bha leis.

8 Ach fhuair eadhon 'n am measg deichnear fhear a thubhairt ri Ismael, Na marbh sinne: oir tha ionnhasan againn 's a' mhach-air, de chruithneachd, agus de eorna, agus de olaidh, agus de mhill. Mar sin sguir e, agus cha do mharbh e iad am measg am bràithrean.

9 A nis b'e 'n slochd anns an do thilg Ismael uile chuirp mharbha nan daoine a mharbh e air son Ghedaliah, *an slochd* sin a rinn Asa an rìgh air eagal Bhaasa rìgh Isracil; lion Ismael mac Netaniah e leo-san a mharbhadh.

10 An sin thug Ismael leis ann an daorsa na h-uile 'bha làthair de'n t-sluagh a bh'ann am Mispah, *eadhon* nigheanan an rìgh, agus an sluagh uile a dh'fhan ann am Mispah, a thug Nebusar-adan ceannard an fhreiceadain do Ghedaliah mac Ahicaim; thug eadhon Ismael mac Netaniah leis ann an daorsa iad, agus dh'imich e gu dol thairis a chum nan Amonach.

11 Ach an uair a chuala Iohanan mac Chareah, agus uile cheannardan an fheachd, a bha maille ris, an t-olc *ud* a rinn Ismael mac Netaniah,

12 An sin thug iad leo na daoine air fad, agus chaidh iad a chogadh ri Ismael mac Netaniah, agus fhuair iad e aig na h-uisgeachaibh mòra a tha ann an Gibeon.

13 A nis tharladh an uair a chunnaic an sluagh sin uile 'bha le Ismael Iohanan mac Chareah, agus uile cheannardan an fheachd a bha maille ris, gu'n robh iad an sin aobhneach.

14 Agus thionndaidh an sluagh uile, a thug Ismael air falbh ann am braigheanas

o Mhispah, mu'n cuairt, agus phill iad, agus chaidh iad gu Iohanan mac Chareah.

15 Ach chaidh Ismael mac Netaniah as o Iohanan le ochduar fhear, agus chaidh e chum nan Amouach.

16 An sin ghabh Iohanan mac Chareah, agus uile cheannardan an fheachd a bha leis, uile iarnmad an t-sluaigh a bhuin e o Ismael mac Netaniah, o Mhispah, (an déigh dha Gedaliah mac Ahicaim á mharbhadh,) gaisgich, fir-chogaidh, agus mnathan, agus clann, agus caillteanaich, a thug e air an ais o Ghibeon :

17 Agus dh'imich iad, agus ghabh iad còmhuidh ann an aitreabh Chimhaim, a tha làmh ri Betlehem, a chum falbh gu dol a steach do'n Eiphit, á fianuis nan Caldeach :

18 Oir bha eagal orra rompa, a chionn gu'n do mharbh Ismael mac Netaniah Gedaliah mac Ahicaim, a rinn rìgh Bhabailoin 'n a uachdaran anns an fhearann.

CAIB. XLII.

1 *Dh'iarr ceannardan an fheachd air Ieremiah urnuigh a dheanamh ri Dia air an son. 5 Gheall iad a bhith annad do fhocal an Tighearna. 7 Dh'innis am fàidh dhuibh gu'm bitheadh iad air an tèarnadh ann an Iudea, ach air an sàrios nan rochadh iad sìos do'n Eiphit. 19 Thug e achmhasan dhoibh air son an ceilge.*

AN sin thàinig am fagus uile cheannardan au an fheachd, agus Iohanan mac Chareah, agus Iesaniah mac Hosaiah, agus an sluagh gu h-ionnla, o'n bheag gus a' nuhòr ; 2 Agus thubhairt iad ri Ieremiah am fàidh, Bitheadh ar n-athchuinge, guidheamaid ort, taitneach ann ad làthair, agus dean urnuigh air ar son ris an Tighearn do Dhia, eadhon air son an iarmaid so uile, (oir cha d'fhàgadh dhinn ach beagau á mòra, mar a tha do shùilean 'g ar faicinn.)

3 Gu'n seòladh an Tighearn do Dhia dhuinn an t-slighe anns an gluais sinn, agus an ni a tha sinn ri 'dheanamh.

4 Agus thubhairt Ieremiah am fàidh rin, Chuala mi; feuch, ni mise urnuigh ris an Tighearn blur Dia a réir 'ur briathran; agus tarlaidh, ge b'e freagradh a bheir an Tighearn dhuibh, gu'n innis mise dhuibh e: cha chum mi ni sam bith air ais uaibh.

5 Agus thubhairt iad ri Ieremiah, Bitheadh an Tighearn 'n a fhianuis fhìor agus dhileas eadarunn, mur dean sinne gach ni air son an cuir an Tighearn do Dhia d' ar n-ionnsuidh thu.

6 Ma's maith no ma's olc e, bheir sinn géill do ghuth an Tighearn' ar Dia, dh'ionnsuidh am bheil sinn 'g ad chur; a chum gu'n éirich gu maith dhuinn an uair a bhitheas sinn ùmhail do ghuth an Tighearn' ar Dia.

7 Agus tharladh 'an ceann dheich làithean, gu'n d'thàinig guth an Tighearna gu Ieremiah.

8 An sin ghairu e Iohanan mac Chareah, agus uile cheannardan an fheachd a bha maille ris, agus an sluagh uile, o'n bheag gus a' nuhòr,

9 Agus thubhairt e rin, Mar so deir an Tighearn Dia Israeil, dh'ionnsuidh an do chuir sibh mise chum 'ur n-athchuinge a chur suas 'n a làthair ;

10 Ma dh'fhanas sibh 'an còmhuidh anns an tìr so, an sin togaidh mise sibh, agus cha tilg mi sìos; agus suidhichidh mi sibh, agus cha spìou mi nìos: oir is aithreach lean au t-olc a rinn mi oirbh.

11 Na bitheadh eagal rìgh Bhabailoin oirbh, as am bheil sibh a' gabhail eagail: na bitheadh eagal oirbh roimhe, deir an Tighearn; oir tha mise leibh g'ur tèarnadh, agus g'ur saoradh as a làmh.

12 Agus nochdaidh mi tràcairean duibh, agus gabhaidh esan truas d'ibh, agus suidhichidh e sibh 'n 'ur dùthaich féin.

13 Ach ma their sibh, Cha ghabh sinn còmhuidh anns an fhearann so; air chor as nach toir sibh géill do ghuth au Tighearna blur Dé.

14 Ag ràdh, Ni h-eadh; ach théid sinn do thìr na h-Eiphit, far nach faic sinn cogadh sam bith, ni mò chluineas sinn fuaim na trompaid, no bhitheas easbhuidh arain oirn; agus an sin gabhaidh sinn còmhuidh:

15 (Seadh a nis uime sin éisdibh focal an Tighearna, O iarmaid Iudah, Mar so tha Tighearn nan sluagh, Dia Israeil, ag ràdh, Ma chuireas sibh da rìreadh blur n-aghaidh ri dol do'n Eiphit, agus gu'n téid sibh an sin air chuairt ;)

16 An sin tarlaidh gu'n dean an claidhean, roimh am bheil eagal oirbh, 'ur glacadh an sin ann an tìr na h-Eiphit; agus a' ghort, roimh am bheil eagal oirbh, dùthleanaidh air 'ur tòir an sin anns an Eiphit; agus an sin gheibh sibh bàs.

17 Is amhluidh a thachairas do na h-uile dhaoimibh a chuireas an aghaidh ri dol do'n Eiphit gu fantuinn air chuairt an siu; bàsaichidh iad leis a' chladhean, leis a' ghort, agus leis a' phlàigh: agus cha bhì ann a mhaireas, uo 'théid as o'n olc a bheir mise orra.

18 Oir mar so deir Tighearn nan sluagh, Dia Israeil, Mar a bha m'fhearg agus mo chorruidh air a dòrtadh a mach air luchd-àiteachaidh Ierusalem, is amhluidh bhitheas mo chorruidh air a dòrtadh a mach oirbhe 'n trà théid sibh a steach do'n Eiphit: agus bithidh sibh 'n 'ur mallachadh, agus 'n 'ur n-amhas, agus 'n 'ur mallachd, agus 'n 'ur masladh; agus cha-n fhaic sibh an t-àite so ni's mò.

19 Is e focal an Tighearna do 'ur taobhas, O fhuigheil Iudah, Na rachaibh do'n Eiphit; bitheadh fios cìmtach aguibh gu'n d'thug mise rabhadh dhuibh an diugh.

20 Gu deimhin chuir sibh 'an gnìomh cealg an aghaidh 'ur n-anaman féin: oir chuir sibh mise chum an Tighearn bhur Dia, ag ràdh, Guidh air ar son-ne ris an Tighearn ar Dia, agus a réir gach ni a their an Tighearn ar Dia, mar sin innis duinn, agus ni sinne.

21 Agus dh'innis mise dhuibh air an là an diugh, ach cha d'thug sibhse géill do ghuth an Tighearna bhur Dé, no do aon ni air son an do chuir e mise do 'ur n-ionnsuidh.

22 Air an aobhar sin bitheadh dearbh fhios agaibh gu'm bàsaich sibh leis a' chhlaidheamh, agus leis a' ghort, agus leis a' phlaigh, anns an àite gus an àill leibh siubhal gu fantuinn air chuairt.

CAIB. XLIII.

1 *Cha do chreid na ceannardan fàisteachd Ieremiah; 5 agus air an aobhar sin ghlùlain iad e féin agus a' chuid eile de'n t-sluagh do'n Eiphit. 8 Roimh-innis Ieremiah gu'm buail-eadh rìgh Bhabiloìn tìr na h-Eiphit.*

AGUS tharladh, trà sguir Ieremiah a labhairt ris an iomlan de'n t-sluagh uile bhriathran an Tighearn', an Dé, air son an do chuir an Tighearn an Dia esan d'an ionnsuidh, eadhon nan uile bhriathran so;

2 Gu'n do labhair Asariah mac Hosaiah, agus Iohanan mac Chareah, agus na daoine uaibhreach uile, ag ràdh ri Ieremiah, Is breug a tha thu labhairt: cha do chuir an Tighearn ar Dia thu gu ràdh, Na rachaibh do'n Eiphit a dh'fhantuinn air chuairt an sin:

3 Ach tha Baruch mac Neriah 'g ad bhros-nuchadh 'n ar n-aghaidh, a chum ar toirt suas do làimh nan Caldéach, a chum ar marbhadh, no ar toirt air falbh 'n ar braighdibh gu Babilon.

4 Mar so cha d'thug Iohanan mac Chareah, agus uile cheannardan an fheachd, agus an sluagh uile, géill do ghuth an Tighearna, gu còmhnuidh 'ghabhail ann an tìr Iudah:

5 Ach ghabh Iohanan mac Chareah, agus uile cheannardan an fheachd, a' mheud as a bha làthair de Iudah, a phill o na h-uile chinnich gus an robh iad air am fògradh, gu còmhnuidh 'ghabhail ann an tìr Iudah;

6 Na fir, agus na mnathan, agus a' chlann, agus nigheanan an rìgh, agus gach neach a dh'fhàg Nebusar-adan ceannard an fhreiceadain le Gedaliah mac Ahicaim, mhic Shaphain, agus Ieremiah am fàidh, agus Baruch mac Neriah;

7 Agus dh'innich iad gu tìr na h-Eiphit; oir cha d'thug iad géill do ghuth an Tighearna; agus thàinig iad eadhon gu Taphanes.

8 An sin thàinig focal an Tighearna gu Ieremiah ann an Taphanes, ag ràdh,

9 Gabh ann ad làimh clachan mòra, agus folaich iad anns a' chriadh, ann an àth nan clachan-crèadha, a tha aig dol a steach tighe

Pharaoh, ann an Taphanes, ann an sealladh fhear Iudah.

10 Agus abair riu, Mar so tha Tighearn nan sluagh, Dia Israeil ag ràdh: Feuch, cuiridh mise fios, agus gabhaidh mi Nebuchadnesar rìgh Bhabiloìn, mo sheirbhiseach, agus suidhichidh mi a rìgh-chaithir air na clachaibh so a dh'fholaich mi, agus sgaoilidh e a phàillinn rìoghail os an ceann.

11 Agus thig e, agus buailidh e tìr na h-Eiphit, iadsan a tha chum bàis, le bàs; agus iadsan a tha chum daorsa, le daorsa; agus iadsan a tha chum a' chhlaidheimh, leis a' chhlaidheamh.

12 Agus fadaidh mise teine ann an tighibh dhiathan na h-Eiphit; agus loisgidh esan iad, agus bheir e air falbh 'n am braighdibh iad, agus éididh se e féin le tìr na h-Eiphit, mar a dh'éideas bnachail e féin le 'thrusgan; agus theid e mach as a sin ann an sìth.

13 Brisidh e fòs dealbhan tighe na gréine a tha ann an tìr na h-Eiphit, agus tighean dhiathan na h-Eiphit loisgidh e le teine.

CAIB. XLIV.

1 *Chronaich Ieremiah na h-Iudhaich 's an Eiphit air son an iodhol-aoraidh: 11 Dh'innis e roimh-làimh an léir sgrìos 15 Aingidheachd agus reasgachd nan Iudhach.*

AM focal a thàinig gu Ieremiah mu thimcheall nan uile Indhach a tha 'chòmhnuidh ann am fearann na h-Eiphit, a tha 'chòmhnuidh aig Migdol, agus aig Taphanes, agus aig Noph, agus ann an dùthaich Phatrois, ag ràdh,

2 Mar so tha Tighearn nan sluagh, Dia Israeil, ag ràdh, chunnaic sibh an t-uile ole a thug mise air Ierusalem agus air uile bhailtibh Iudah; oir feuch an diugh tha iad 'n am fàsach, agus cha-n'eil neach 'g an àiteachadh,

3 Air son an aingidheachd a chuir iad 'an gnìomh, a chum mise a bhrosnuchadh gu feirg, le iad a dhol a losgadh tùise gu seirbhis a thoirt do dhiathan eile nach b'aithne dhoibh: dhoibhsan, dhuibhse, no do 'ur n-aithrichibh.

4 Chuir mi mar an ceudna do 'ur n-ionnsuidh m'uile sheirbhisich na fàidhean, ag éirigh gu moch agus 'g an cur a mach, ag ràdh, Guidheam oirbh, na deanaibh an ni graineil so a's fuathach leam-sa.

5 Ach cha d'éisd iad, ni mò 'thionndaidh iad an cluas, gu pilleadh o'n aingidheachd, agus gun tùis a losgadh do dhiathan eile.

6 Uime sin bha m'fhicarg agus mo chorruich air a taomadh a mach, agus air a lasadh ann am bailtibh Iudah, agus ann an sràidibh Ierusalem, agus tha iad 'n am fàsach, agus 'n an làraich sgaoilte, mar air an là an diugh.

7 Agus a nis mar so deir Iehobhab Dia nan sluagh, Dia Israeil: C'uime am bheil sibh a' cur 'an gnìomh an uile mhòir so an

aghaidh 'ur n-anaman féin, a ghearradh as uaibh an fhlair agus na mná, an leinibh agus an naoidhein, a mach á Iudah; ionnus nach fàgar fuigheall beò dhibh;

8 Agus gu bheil sibh 'g am bhrosnachadh-sa gu corrueil le oibribh 'ur lannh, a' losgadh tùise do dhiathan coimheach ann an tìr na h-Eiphit, gus am bheil sibh air dol a ghabhail còmhnuidh; a chum gu'm bitheadh sibh air 'ur gearradh as, agus gu'm bitheadh sibh 'n 'ur mallachadh, agus 'n 'ur masladh an measg uile chinneach na talmhainn?

9 An do dhì-chuimhnich sibh aingidheachd bhur n-aithrichean, agus aingidheachd rìghrean Iudah, agus aingidheachd ann an mnathan, agus 'ur n-aingidheachd féin, agus aingidheachd 'ur ban, a chuir iad 'an gnìomh ann am fearann Iudah, agus ann an sràidibh Ierusalem?

10 Cha-n'eil iad air an irioslachadh gus an là an diugh, ni mò 'ghabh iad eagal, no 'ghluais iad ann am lagh-sa, no ann am reachdaibh, a chuir mi roimhibhse, agus roimh bhur n-aithrichibh.

11 Uime sin mar so tha Tighearn nan sluagh, Dia Israeil, ag ràdh, Feuch, cuiridh mise mo ghnuis 'n 'ur n-aghaidh a chum uile, eadhon a chum Iudah uile a ghearradh air falbh.

12 Agus gabhaidh mi fuigheall Iudah, a chuir an aghaidh ri dol do thìr na h-Eiphit gu fantuinn air chuairt an sin, agus caithear iad uile ann an tìr na h-Eiphit; tuitidh iad leis a' chlaidheamh, caithear iad leis a' ghort; o'n bheag gus a' mhòr, bàsaichidh iad leis a' chlaidheamh, agus leis a' ghort; agus bithidh iad 'n am mallachadh, agus 'n an uamhas, agus 'n am mallachd, agus 'n am masladh.

13 Agus smachdaichidh mi iadsan a tha 'chòmhnuidh ann an tìr na h-Eiphit, mar a smachdaich mi Ierusalem, leis a' chlaidheamh, leis a' ghort, agus leis a' phlàigh.

14 Agus de fhuigheall Iudah a tha air teachd air chuairt do'n Eiphit, cha bhi neach a théid as no 'mhaires beò, gu pilleadh do thìr Iudah, dh'ionnsuidh am bheil iad 'an geall air pilleadh a ghabhail còmhnuidh; seadh, cha phill ach iadsan a théid as.

15 An sin na h-uile dhaoine aig an robh fios gu'n do loisg am mnathan tùis do dhiathan eile, agus na h-uile mhnathan a sheas dlùth, sluagh mòr, eadhon an sluagh uile a bha 'chòmhnuidh ann an tìr na h-Eiphit, ann am Patros, fhreagair iad Ieremiah, ag ràdh,

16 A thaobh an fhocail a labhair thu ruinn ann an ainm an Tighearna, cha-n' éisd sinn riut.

17 Ach ni sinn gu deimhin gach uile ni a thig a mach as ar beul féin, a losgadh tùise do bhan-rìghinn nèimh, agus a thaomadh a mach thabhartas-dìbhe dhi; anhuil a rinn sinn, sinn féin agus ar n-aithrichean, ar

rìghrean, agus ar n-uaislean, ann am bailtibh Iudah, agus ann an sràidibh Ierusalem: oir an sin bha pailteas bidh againn, agus shoirbhich leinn, agus cha-n fhaca sinn olc air bith.

18 Ach o'n àm 's an do sguir sinn de losgadh tùise do bhan-rìghinn nèimh, agus de thaomadh a mach thabhartas-dìbhe dhi, bha easbhuidh nan uile nìthean oirm, agus bha sinn air ar caitheamh leis a' chlaidheamh agus leis a' ghort.

19 Agus an uair a loisg sinn tùis do bhan-rìghinn nèimh, agus a dhòirt sinn do mach thabhartas-dìbhe dhi, an d'rinn sinn breacagan dhi g'a h-aoradh, agus a dhòrtadh thabhartas-dìbhe dhi, as eugmhais ar feara?

20 An sin labhair Ieremiah ris an uile shluagh, ris na fearaibh, agus ris na mnàibh, agus ris an uile shluagh a thug dha freagradh, ag ràdh,

21 An tùis a loisg sibh ann am bailtibh Iudah, agus ann an sràidibh Ierusalem, sibh féin, agus 'ur n-aithrichean, 'ur rìghrean, agus 'ur n-uachdarain, agus sluagh an fhearainn, nach do chuimhnich an Tighearn iad, agus nach d'thàinig iad 'n a aire?

22 Air chor as nach feudadh an Tighearn giùlan leibh ni b'fhaide, air son aingidheachd 'ur deanadais, air son nan gràineil-eachd a chuir sibh 'an gnìomh: air an aobhar sin tha 'ur fearann 'n a fhàsach, agus 'n a uamhas, agus 'n a mhallachd, gun aon fhear-àiteachaidh, mar air an là an diugh.

23 A chionn gu'n do loisg sibh tùis, agus a chionn gu'n do pheacaich sibh an aghaidh an Tighearn', agus nach d'thug sibh géill do ghuth an Tighearna, ni mò 'ghluais sibh 'n a lagh, no 'n a reachdaibh, no 'n a àith-cantaibh: air an aobhar sin tha'n t-olc so air teachd oirbh, mar air an là an diugh.

24 Os bàrr, thubhairt Ieremiah ris an t-sluagh uile, agus ris na mnàibh uile, Éisdibh focal an Tighearn', uile Iudah a tha 'an tìr na h-Eiphit;

25 Mar so labhair Tighearn nan sluagh, Dia Israeil, ag ràdh, Labhair sibh féin agus 'ur mnathan le 'ur beoil, agus chuir sibh 'an gnìomh le 'ur lannhan, ag ràdh, Coimhlionaidh sinn gu deimhin ar bòidean a thug sinn, gu tùis a losgadh do bhan-rìghinn nèimh, agus tabhartas-dìbhe 'dhòrtadh a mach dhi: ni sibh gu deimhin 'ur bòidean a dhaingneachadh, agus ni sibh gu deimhin 'ur bòidean a choimhlionadh.

26 Uime sin éisdibh focal an Tighearn', uile Iudah, a tha 'chòmhnuidh ann an tìr na h-Eiphit; Feuch, mhiònnaich mise air m'ainm mòr, deir an Tighearn, nach bi m' ainm ni's mò air 'ainmeachadh ann am beul duine air bith de Iudah, ann an uile thìr na h-Eiphit, ag ràdh, Mar is beò an Tighearn Dia.

27 Feuch, ni mise faire os an ceann air son uile, agus cha-n ann air son maith, agus sgrìosar gach duine de Iudah a tha 'n tìr na

h-Eiphit, leis a' chlàidheamh, agus leis a' ghort, gus am bi làn chrioch orra.

28 Agus a' mhuinntir a thèid as o'n chlàidheamh, pillidh iad o thir na h-Eiphit gu tìr Iudah, tearc ann an àireamh: agus aithnichidh uile fhuigheall Iudah a chaidh air chuairt do thir na h-Eiphit, cò dhiubh a sheasas, m'fhocal-sa, no am focal-san.

29 Agus *bithidh* so mar chomharadh dhuibh, deiran Tighearn, gurmise a smachd-ach sibh anns an àite sin, a chum gu'n aithnich sibh gu cinnteach gu'n seas mo bhrìathran-sa 'n 'ur n-aghaidh a chum 'ur dochainn:

30 Mar so deir an Tighearn, Feuch, bheir mise Pharaoh-hophra rìgh na h-Eiphit do làmh a naimhdean, agus do làmh na muinntir 'a tha 'g iarraidh 'anama; mar a thug mi Sedeciah rìgh Iudah do làmh Nebuchadnesair rìgh Bhabiloin, agus fear-tòrachd 'anama.

CAIB. XLV.

1 'N uair bha Baruch fo eagall thug Ieremiah misneach dha.

AM focal a labhair Ieremiah am fàidh ri Baruch mac Neriah, 'n uair a sgrìobh e na briathran so ann an leabhar o bheul Ieremiah, ann an ceathramh bliadhna Iehoiacim mhic Iosiah rìgh Iudah, ag ràdh,

2 Mar so labhair an Tighearn Dia Israeil do d' thaobh-sa, O Bharuich;

3 Thubhairt thu, Mo thruaighe mise nis! oir chuir an Tighearn bròn ri m' dhoilghios; tha mi sgìth le m' osnaibh, agus fois air bith cha d' fhuair mi!

4 Mar so their thu ris, Mar so thubhairt an Tighearn, Feuch, an nì sin a thog mi, tilgidh mi sìos; agus an nì sin a shuidhich mi spìonaidh mi nìos; eadhon am fearann so gu h-ìomlan.

5 Agus am bheil thusa ag iarraidh air do shon féin nithean mòra? Na h-iarr: oir, feuch, bheir mise ole air na h-uile fheoil, tha an Tighearn ag ràdh: ach bheir mi dhuitse d'anam mar chobhartach, anns na h-uile àite gus an téid thu.

CAIB. XLVI.

1 Roimh-innis Ieremiah gu'm buaileadh Nebuchadnesair feachd rìgh na h-Eiphit. 27 Thug e comhfhurtachd do Jacob 'n a bhraighdeanas.

FOCAL an Tighearn 'a thàinig gu Ieremiah am fàidh, mu thimchioll nan cinneach.

2 Mu thimchioll na h-Eiphit. A thaobh feachd Pharaoh-necho rìgh na h-Eiphit, a bha ri taobh na h-aimhne Euphrateis ann an Carchemis, a bhuail Nebuchadnesair rìgh Bhabiloin, ann an ceathramh bliadhna Iehoiacim, mhic Iosiah, rìgh Iudah.

3 Gleusaibh an targaid agus an sgiath, agus dlùthaichibh a chum a' chatha.

4 Uidhimichibh na h-eich, agus rachaibh air am muin, a mharc-sluaigh; agus seas-

aibh a mach le ceann-bheartaibh; Ìomhaibh na sleaghan, cuiribh oirbh na bùirichean.

5 C'uime am faca mi iad so fo gheilt, agus a' gabhail na ruaig? tha cadhon an daoine cumbachdach air an claidh; seadh a' teich-eadh gu luath, agus gun iad a' sealltainn 'n an deigh. Tha eagal air gach làmh, deir an Tighearn.

6 Na teich-eadh am fear luath, agus na rachadh am fear làidir as; a làmh na h-àirde tuath, ri taobh na h-aimhne Euphrateis, thuislich, agus fhuair iad leagadh.

7 Cò so a' teachd a nìos mar amhainn, agus a h-uisgeachan ag atadh mar thuiltean?

8 Dh'èirich an Eiphit mar amhainn, tha a h-uisgeachan ag atadh mar thuiltean, agus tha i ag ràdh, 'Théid mi suas, còmhdaichidh mi am fearann, sgriosaidh mi a' chaithir agus iadsan a tha 'g a h-àiteachadh.

9 Rachaibh air 'ur n-cachaibh, agus bithibh air mhìre-chatha; air na carbadaibh, agus rachadh na fir-chogaidh a mach: na h-Etiopaich, agus na Libianaich a ghlacas an sgiath, agus na Lidianaich a ghlacas agus a chuireas air lagh am bogha.

10 Oir is e so là Tighearna nan sluagh, là dìoghaltais, a chum e féin a dhìoladh air a naimhdeibh: agus slùigidh an claidheamh, agus bithidh e sàthach, agus cuirear air mhìsg e le 'm fuil: oir tha iobairt aig Tighearn nan sluagh anns an tìr mu thuath, làmh ri amhainn Euphrateis.

11 Theirig suas gu Gilead, agus gabh ìoc-shlaint, O òg-bhean, a nìghan na h-Eiphit; is dìomhain duit mòran chungaidhean-leigheis a ghnàthachadh: air do leigheas cha bhi thu.

12 Chuala na cinnich do mhasladh, agus lion do ghaoir an talamh: oir thuislich iad, an laoch an aghaidh an laoch; thuit iad araon le 'chéile.

13 Am focal a labhair an Tighearn ri Ieremiah am fàidh, mu theachd Nebuchadnesair rìgh Bhabiloin, a bhualadh tìre na h-Eiphit.

14 Foillsichibh anns an Eiphit, agus cuiribh 'an céill ann am Migdol; innsibh fòs ann an Noph, agus ann an Taphanes abraibh; Seas daingean, agus deasaich thu féin; oir shluig an claidheamh a' mhuinntir a tha mu'n cuairt duit.

15 C'uime am bheil do chumhachdaich air an leagail? cha do sheas iad, a chionn gu'n do thig an Tighearn sìos iad.

16 Thug e air mòran tuisleachadh, seadh, tuiteam air muin a chéile: thubhairt iad uime sin, Thigibh, agus pilleamaid gu ar sluagh féin, agus gu tìr ar dùchais, o chlàidheamh a' mhillteir.

17 Dh'èigh iad an sin, O Pharaoh, a rìgh na h-Eiphit, chuir ioma-luasgadh bacadh air a' choinneimh a shuidhicheadh.

18 Mar is beò mise, deir an Rìgh, d'an ainm Iehobhab Dia nan sluagh, gu deimhin

mar Thabor am measg nam beann, agus mar Charmel ri taobh na fairge, thig e.

19 Cuir d' airneis 'an uidheam air son dol air ghluasad, O a nighean a tha 'chòmh-nuidh' s an Eiphit; oir bithidh Noph 'n a fhàsach, bithidh e fòs 'n a làraich luim, gun aon 'g a àiteachadh.

20 Is agh air am bheil aogus àluinn an Eiphit; tha milleadh o'n àirde tuath a' teachd 'n a h-aghaidh.

21 Tha a 'fir-thuarasdail fòs 'n a meadhon mar dhaimh bhiadhta; gidheadh thiomd-aidh eadhon iadsan an cùlaobh, theich iad le 'chèile, cha do sheas iad; a chionn gu'n d'fhàinig orra là an aimhleis, aimsir an smachdachaidh.

22 Théid a ghuth a mach mar *ghruth* nath-rach; oir gluaisidh iad mar armait, agus thig iad 'n a h-aghaidh le tuaghan, mar luchd-gearradh chraobh.

23 Gearraibh sìos a coilltean, tha an Tighearn ag ràdh, air chor as nach faighear iad le iarraidh; ge lionmhoire iad na locuist, agus ged nach feudar an àireamh.

24 Tha amhludh air nighinn na h-Eiphit; thugadh thairis i do làmh sluaigh na h-àirde tuath.

25 Thubhairt Tighearn nan sluagh, Dia Israeil, Feuch, smachdaichidh mise Amon No, agus Pharaoh, agus an Eiphit, agus a diathan, agus a rìghrean; eadhon Pharaoh agus iadsan a tha 'cur an dòchais ann.

26 Agus bheir mi thairis iad do làmh na muinntir a tha 'g iarraidh an 'anama, eadhon do làmh Nebuchadnesair rìgh Bhabiloin, agus do làmh a sheirbhiseach: agus 'n a dhéigh sin àitichear i, mar anns na làithibh o shean, deir an Tighearn.

27 Ach na bitheadh eagal ortsa, O Iacob, m' òglaich, agus na bitheadh geilt ort, O Israeil; oir, feuch, bheir mise tèaruinte thu o chéin, agus do shliochd o thìr an daorsa; agus pillidh Iacob, agus gheibh e fois agus sìth; agus cha bhì aon neach ann a chur eagal air.

28 Na bitheadh eagal ort, O Iacob m' òglaich, deir an Tighearn, oir tha mise maille riut; ged bheir mi crìoch iomlan air na h-uile chinnich gus an d'fhogair mi thu, gidheadh cha toir mi crìoch iomlan ortsa: ach smachdaichidh mi thu ann an tombas, agus cha-n fhuiling mi dhuìt dol as gu h-iomlan saor.

CAIB. XLVII.

1 *Fàisteachd mu thimchioll léir-sgrìos nam Philisteach.*

FOCAL an Tighearn', a thàinig gu Ieremiah am fàidh a thaobh nam Philisteach, mu'n do bhuail Pharaoh Gasa.

2 Mar so deir an Tighearn, Feuch, tha uisgeachan a' teachd a mìos o'n àirde tuath, agus fasaidh iad 'n an tuil a thig thairis, agus a chòmhdaicheas am fearann, agus

gach nì a th' ann; am baile, agus iadsan a tha 'g a àiteachadh: agus éighidh na daoine gu h-àrd, agus nì uile luchd-àiteachaidh na tìre tuirleadh.

3 Ri fuaim tartair ionganann eacha meam-nach, ri farum a' charbad, ri stairirich a rothan, cha seall na h-aithrichean air an ais ri 'n cloinn, le laigse làmh;

4 Air son an là a tha 'teachd a chreachadh nam Philisteach uile, agus a ghearradh air falbh o Thirus agus o Shidon gach fear-cuideachaidh a mhaireas: oir creachaidh an Tighearn na Philistich, fuigheall tìre Chaphtoir.

5 Thàinig maole air Gasa; mhilleadh Ascelon. O fhuigheill an glinne; cia fhada 'nì thusa thu féin a gicarradh?

6 Ho! a chlaidheimh Iehobhah! cia fhada gus an gabh thu fois? taig thu féin ann ad thruaill, gabh fois, agus b' sàmhach.

7 Cionnus a dh'fheudas e 'bhi sàmhach, o thug an Tighearn àithne dha? An aghaidh Asceloin, agus an aghaidh oir-thìr na fairge, an sin dh'orduich se e.

CAIB. XLVIII.

1 *Breitheanas nam Moabach, 7 a chionn gu'n do chuir iad an dòchas 'n an scoibhreas, 11 'n an soirbheachadh, 14 agus 'n an neart chum cogaidh. 26 Nuhear Moab 'n a bhall-fanuidh air son uaille agus àrdain a chridhe. 47 Bheirear bruid Mhoab air a h-ais anns na làithibh deireannach.*

MU thimchioll Mhoab. Mar so tha Tighearn nan sluagh, Dia Israeil, ag ràdh; Is an-aobhin do Nebo! oir tha e air a chreachadh: tha Ciriataim air a chur gu h-amhludh, air a ghlacadh; tha e air a mhaslachadh, an daingneach àrd, agus air a bhrisadh sìos.

2 Nì's mò cha bhì uail aig Moab ann an Hesbon; dhealbhadh olc 'n a aghaidh, *ag ràdh*, Thigibh, agus gearramaid as e o 'bhi 'n a chinneach: millear thusa mar an ceudna, O Mhadmein, bithidh an claidheamh air do thòir.

3 Tha fuaim éighich o Horonaim, mill-eadh agus àr mòr.

4 Tha Moab air a mhilleadh, thug a' chlanan bheag air an gaoir a bhì air a chuinn-tinn.

5 Gu dearbh aig uchdaich Luhit, théid gu l a snas gun fhois: gu dearbh aig leathad Horonaim chuala mo naimhdean éigh a' mhillidh.

6 Teichibh, tèarnaibh 'ur n-anam, agus bithibh mar phreas seargta 's an ionad sgaoilte.

7 Oir a chionn gu'n d'earb thu á do mhaoin, agus á d'ionmlasaibh, air an aobhar sin bithidh tu féin fòs air do ghlacadh: agus théid Chemos air falbh 'am braigheanas, a shagartan agus 'uachdarain maille ris.

8 Thig creachadair fòs air gach uile bhaile; agus cha téid baile air bith as: agus millear

an gleann, agus théid an còmhnd a sgrìos, anhuil a labhair an Tighearn.

9 Thugaibh sgiathan do Mhoab, a chum gu'n teich e gu luath air falbh; agus bithcadh a bhailtean 'n am fàsach, gun aon 'gan àiteachadh.

10 Is malluichte esan a ni obair an Tighearna gu cealgach; agus is malluichte esan a chumas a chlaidheamh air ais o fhuil.

11 Bha suaimhneas aig Moab o 'dige, agus shoocrùich e air a dheasgainibh, agus cha do thluingeadh a mach o shoithreach gu sòitheach e, ni mò dh'imich e ann an braighdeanas: air an aobhar sin mhair a bhlas ann, agus cha d' atharraicheadh fhàile.

12 Uime sin, feuch, tha na làithean a' teachd, deir an Tighearn, anns an cuir mise d'a ionnsuidh luchd-glusaid, a bheir air dol air ghluasad, agus a dh' fhlamlhaicheas a shoithichean, agus a bhriseas a shoireachan.

13 Agus bithidh nàire air Moab á Chemos, mar a bha nàire air tigh Israeil á Bet-el an muinghinn.

14 Cionnus a their sibh, Tha sinn 'n ar daoine cunlachdach, agus treuna air son a' chathla?

15 Tha Moab air a chreachadh, agus air dol suas as a bhailtibh, agus thàinig an òigridh thaghta-san a nuas a chum an àir, deir an Rìgh, d'an ainm Iehobhah Dia nan sluagh.

16 Tha léir-sgrìos Mhoab dlùth do làimh, agus 'amhghar gu luath a' greasad.

17 Guilbha air a shou, sibhse uile mu'n cuairt da; agus sibhse uile d'an aithne 'ainm, abraibh, Cionnus a bhriseadh slat-rioghail na treise! lorg na maise!

18 Thig a nuas o d' àillcachd, agus suidh ann an iota, O a uighean a tha 'g àiteachadh Dhiboin; a chionn gu bheil creachadair Mhoab air teachd a uos ann ad aghaidh, fear-millidh do dhaingnichean.

19 Seas aig an t-slighe, agus gabh sealladh, Obhean-àiteachaidh Arceir; feòraich dhethsan a theicheas, agus dh'ise 'chaidh as, abair, Ciod a rinneadh?

20 Mhasluicheadh Moab, oir bhriseadh sìos e: deanaibh ulartaich agus àrd-èigh-each; innsibh an sgeul ann an Arnon, gu bheil Moab air a mhilleadh.

21 Agus thàinig breitheanas air an tìr chòmhuaird; air Holon, agus air Iahasah, agus air Mephaat,

22 Agus air Dibon, agus air Nebo, agus air Bet-diblataim,

23 Agus air Ciriataim, agus air Bet-gamul, agus air Bet-meon,

24 Agus air Ceriot, agus air Bosrah, agus air uile bhailtibh fearainn Mhoab, am fad agus am fagus.

25 Ghearradh adharc Mhoab uaith, agus tha a ghairdean air a bhriseadh, deir an Tighearn.

26 Cuir air mhisg e; a chionn gu'n do thog e suas e fèin an aghaidh an Tighearna: seadh, ni Moab e fèin aornagain 'n a sgeith fèin, agus bithidh e mar an ceudna 'n a bhall-fanoid.

27 Oir, nach robh Israeil 'n a bhall-fanoid dhuitse? an d'fhuaradh am measg mheirleach e, gu'n tugadh tu aua-cainnt da leis na h-uile bhriathraibh a b'urrainn thu?

28 Fàgaibh na bailtean, agus gabhaibh còmhuidh anns a' charraig, O sibhse a tha 'g àiteachadh Mhoab; agus bithibh cosmhuil ris a' choluman a ni a nead ann am bruaich bile na h-uainhe.

29 Chuala sinn uabhar Mhoab; tha e ro uaibhreach; a mhòr-chuis, agus 'uabhar, agus 'uail, agus àrdan a chridhe.

30 Is aithne dhomhsa, deir an Tighearn, a chorruich, ach cha-n'eil a neart d'a réir; a ràiteachas, ach cha-n'eil a dheanadas d'a réir.

31 Air an aobhar sin guilidh mise air son Mhoab, eadhon air son Mhoab uile togaidh mi 'n àird mo ghuth; ri fearaibh Chir-hereis ni Iasr èigheach le gul.

32 Guilidh mi air do shon, O fhìonain Shimbah; sgaoid do mheanglain thar an fhainge, ràinig iad gu ruig fàinge Iaseir; air do mheas-samhraidh, agus air d' fhion-fhogharadh bhual am fear-millidh.

33 Agus tha aobhneas agus gairdeachas air an toirt air falbh o'n mhachair thorraich, eadhon o thìr Mhoab; agus air fion o'n amar-blruthaidh chuir mise casgadh; am fear-bruthaidh cha bhruth, an iolach cha-n iolach i.

34 O ghaoir Hesboin gu Elealeh, gu Iahas chuir iad a mach an guth, o Shoar gu ruig Horonaim, mar thrì-bliadhnach aighe; oir bithidh eadhon uisgeachan Nimrim 'u an léir-sgrìos.

35 Agus cuiridh mise casgadh ann an Moab, tha an Tighearn ag ràdh, aisans a dh'obras air ionad àrd, agus aisans a loisgeas tùis d'a dhiathaibh.

36 Air an aobhar sin ni mo chridhe fuaim mar phìobaibh air son Mhoab; ni eadhon mo chridhe fuaim mar phìobaibh air son fhear Chir-hereis: a chionn gu'n deachaidh am beartas a fhuaire iad am mugha.

37 Seadh, bithidh gach ceann maol, agus gach feusag bearrta: air na làman uile bithidh gearradhlean, agus air na leasraibh uile sac-èididh.

38 Air mullach uile thighcan Mhoab, agus 'n a shràidibh, bithidh tuireadh coitcheinn: oir bhris mise Moab, mar shoithreach anns nach 'eil tlachd aig aon ueach, deir an Tighearn.

39 Cionnus a bhriseadh sìos e! (bhùir iad) cionnus a thionndaidh Moab a chùlaobh! nàraicheadh Moab, agus bithidh e 'n a bhall-fanoid, agus 'n a uamhunn dhoibhsan uile mu'n cuairt da.

40 Oir mar so tha an Tighearn ag ràdh, Feuch, itealachidh *aon* mar iolair, agus sgaoilidh e a sgiathan thar Mhoab.

41 Ghlacadh na bailtean, agus tha na daingnichean 'an làimh, agus bithidh cridheachan laoch Mhoab anns an là sin mar chridhe mna ri saothair.

42 Agus sgriosar Moab o bhi nì's mò 'n a chinneach, a chionn gu'n d' àrdaich se e fèin an aghaidh an Tighearna.

43 *Bithidh* an t-uamhas, an slochd, agus an rib ort, O fhir-àiteachaidh Mhoab, deir an Tighearn.

44 Esan a theicheas o'n uamhas, tuitidh e 's an t-slochd, agus esan a dh'éireas as an t-slochd, glacar e 's an rib; oir bheir mise air, *eadhon* air Moab, bliadhna a smachdachaidh, deir an Tighearn.

45 Fo sgàile Hesboin sheas iadsan a theich o'n ainneart: ach thig teine mach o Hesbon, agus lasair a' meadhon Shihoin, agus loisgidh e cearna Mhoab, agus mullach cinn nan daoine ceannairceach.

46 Is an-aoibhin dhuitse, O Mhoab! tha thusa caillte, O shluaigh Chemois! oir thugadh do mhic air falbh 'am braighdeanas, do nigheanan ann am bruid mar an ceudna.

47 Gidheadh bheir mise air a h-ais bruid Mhoab anns na làithibh deireannach, deir an Tighearn. An fhad so breitheanas Mhoab.

CAIB. XLIX.

1 *Breitheanas nan Amonach, 7 nan Edomach, 23 Dhanascuts, 28 Chedair, 30 Hasoir, 34 agus Elaim. 39 Bheirar bruid Elaim air a h-ais anns na làithibh deireannach.*

MU thimchioll nan Amonach, Mar so tha an Tighearn ag ràdh, Nach 'eil mic idir aig Israel? nach 'eil oighre sam bith aige? c'uime am bheil sealbh aig Milcom air Gad, agus a shluagh a chòmhnuidh 'n a bhailtibh?

2 Uime sin, feuch, tha na làithean a' teachd, deir an Tighearn, 's an toir mise fainear gu'n cluinnear ann an Rabah nan Amonach caismeachd cogaidh; agus bithidh e 'n a thòrr léir-sgrios, agus loisgear a nigheanan le teine: an sin bithidh Israel 'n a oighre air an dream a bha 'n an oighreachan ailsan, deir an Tighearn.

3 Dean ulartaich, O Hesboin, oir chreachadh Ai: éighibh, a nigheana Rabah, cuiribh umaibh eudaeh-saic: deanaibh tuireadh, agus ruithibh air 'ur n-ais agus air 'ur n-aghaidh ri taobh nan callaidean; oir falbhaidh Milcom ann am braighdeanas, a shagartan agus 'uachdarain maille ris.

4 C'uime am bheil ri uail ann an gleanntaibh? *ged* a tha do ghleann torrach, O a nighean cheannairceach: ag earbsa as a h-ionmhasaibh, *ag ràdh*, cò 'thig a m'ionnsuidh-sa?

5 Feuch, bheir mise uamhas ort, tha an Tighearn Dia nan sluagh ag ràdh, o na

h-uile taobh mu'n cuairt duit, agus iomainear a mach sibh, gach aon roimhe, agus cha bhi neach ann a chruinnicheas air an ais a' mhuinntir a ghabhas an ruaig.

6 Ach 'n a dhéigh sin bheir mise air a h-ais braighdeanas cloinne Amon, deir an Tighearn.

7 Mu thimchioll Edoim. Mar so tha Tighearn nan sluagh ag ràdh, Nach 'eil gliocas nì's mò ann an Teman? an do bhàsaich comhairle nan daoine glice? an deachaidh an gliocas am mugha?

8 Teichibh, pillibh air 'ur n-ais, rachaibh domhain a ghabhail còmhnuidh, O a luchd-àiteachaidh Dhedain; oir bheir mise dòrainn Esau air, an uair a smachdaicheas mi e.

9 Ma thig luchd-tionail fhion-dhearc a d' ionnsuidh, cha-n fhàg iad uiread as dìoghlum: ma thig gaduichean anns an oidliche, creachaidh iad gus am bi aca nì's leòr.

10 Oir rùisg mise Esau, leig mi ris 'ionadan dìomhair, air chor as nach feud se e fèin fhòlach; chreachadh a shliochd, agus a bhràithrean, agus a choimhearsnaich, agus cha-n'eil e fèin ann.

11 Fàg do dhilleachdain, gleidhidh mise beò iad; agus cuireadh do blantaichean an dòchas annam-sa.

12 Seadh, mar so deir an Tighearn, Feuch, iadsan nach robh cho toillteanach air òl de'n chuaich, dh'òl iad dhi gu deimhin, agus am feud thusa d'ol saor as? cha téid thu as, ach gu deimhin òlaidh tu.

13 Oir orm fèin mhionnaich mise, deir an Tighearn, gu'm bi Bosrah 'n a léir-sgrios, 'n a mhasladh, 'n a fhàsach, agus 'n a mhallachadh; agus gu'm bi 'uile bhailtean 'n am fàsaichean sìorruidh.

14 Chuala mi aithris o'n Tighearn, agus chuireadh teachdair chum nan cinncach, *ag ràdh*, Cruinnichibh ri 'chéile, agus thigibh 'n a h-aghaidh, agus éiribh suas ehum a' chatha.

15 Oir feuch, ni mise beag thu 'am measg nan cinneach, *agus* suarach am measg dhaoine.

16 Rinn do mhòr-chumhaehd do mhealladh, uabhar do chridhe, O thusa 'tha 'g àiteachadh uamha na carraig, a tha 'gleidheadh airde a' chnuic: ged a ni thu do nead, gu h-àrd, mar an iolair, as a sin bheir mise nuas thu, deir an Tighearn.

17 Agus bithidh Edom 'n a fhàsach; bithidh uamhunn air gach neach a théid seachad air, agus ni iad sgeig m' a uile léir-sgrios.

18 Ceart mar ann an sgrios Shodoim agus Ghomorah, agus nan ionadan a bha dlùth dhoibh, deir an Tighearn, cha ghabh duine còmhnuidh an sin, ni mò 'théid mac duine gu fuireach air chuairt ann.

19 Feuch, mar leòmhann thig e nìos o ataireachd Iordain gu ionad-còmhnuidh nan cumhachdach. Gu deimhin bheir mise fainear gu luath gu'n ruith e mòs as a sin:

agus cò e an gaisgeach taghta a chuireas mi os a cheann? Oir cò a's cosmhuil riumsa, no cò a chumas coinneamh rium, no c'ait am bheil am buachail sin a's urrainn seasamh ann am làthair?

20 Air an aobhar sin éisdibh rùn an Tighearna, a rùnaich e an aghaidh Edoim, agus a smuaintich a smuaintich e an aghaidh luchd-àiteachaidh Themain: gu deimhin spionar air falbh àlach an treud, gu deimhin nithear àir-sgrìos, os an ceann, d'an àite-còmhnuidh.

21 Le fuaim an leagaidh, tha crith air an talamh; tha 'ghaoir a' dol a mach; aig a' Mhuir-ruaidh chualas an éigheach.

22 Feuch, thig e nìos mar iolair ag iteal-ach, agus sgaolaidh e a sgiathan thar Bhosrah; agus bithidh cridheachan laoch-ruidh Edoim anns an là sin mar chridhe mnà ri saothair.

23 Mu thimchioll Dhamascuis. Chuireadh gu h-amhladh Hamat agus Arphad, oir chual' iad droch sgeul; tha iad fo iomagain mar mhuir bhuairte nach feud a bhi samh-ach.

24 Tha Damascus air fàs lag, tha e 'g a thionndadh féin gu teichheadh, agus fhuair eagal greim air; ghlac teanntachd e, agus ioghannan, mar mhnaoi ri saothair.

25 Cionnus nach mairionn caithir a' mholaidh, baile mo shòlais!

26 Uime sin tuitidh a h-òganaich 'n a sràidibh, agus gearrar as na fir-chogaidh uile 's an là sin, deir Tighearn nan sluagh.

27 Agus fadaidh mise teine ann am balla Dhamascuis, agus loisgidh e luchairtean Bhen-hadaid.

28 A thaobh Chedair, agus a thaobh rìoghachdan Hasoir, a bhuail Nebuchadnesar rìgh Bhabailoin. Mar so thubhairt an Tighearn, Eiribh, rachaibh suas gu Cedar, agus creachaibh daoine na h-àirde an ear.

29 Am bùthan agus an treudan glacadh iad, an sgàilcachan agus an airneis uile; agus an càmhalan gabhadh iad dhoibh féin; agus abradh iad riu, Uamhas air gach taobh.

30 Teichibh, imichibh gu luath, rachaibh domhain a ghabhail còmhnuidh, Ó a luchd-àiteachaidh Hasoir, deir an Tighearn; oir ghabh Nebuchadnesar rìgh Bhabailoin comhairle 'n 'ur n-aghaidh, agus' dhealbh e innleachd 'n 'ur n-aghaidh.

31 Eiribh, rachaibh suas an aghaidh cinnich shuaimhneich, a tha 'gabhail còmhnuidh gun chùram, deir an Tighearn; aig nach 'eil aon chuid dorsan no croinn; a tha 'chòmhnuidh air leth leo féin.

32 Agus bithidh an càmhalan 'n an còbhar-ataich, agus pailteas an spréidhe 'n a chreic; agus sgapaidh mise gus na h-uile ghaoth iadsan a th'anns na cearnaibh iomallach, agus o na h-uile taobh dheth bheir mise an dòruinn, deir an Tighearn.

33 Agus bithidh Hasor 'n a ionad-còmhnuidh dhràgon, 'n a fhàsach bith-bhuan; cha ghabh duine còmhnuidh an sin, ni inò theid mac duine gu fuireach air chuairt ann.

34 Focal an Tighearn a thàinig gu Ieremiah am fàidh mu thimchioll Elaim, 'an toiseach linn Shedeciah rìgh Iudah, ag ràdh,

35 Mar so tha Tighearn nan sluagh ag ràdh, Feuch, brisidh mise bogha Elaim, a' chuid a's tréine d'an cumhachd.

36 Agus bheir mise air Elam ceithir ghaothan o cheithir chearnaibh nèimh, agus sgapaidh mi iad roimh na gaothan so uile; agus cha bhi cinneach sam bith gus nach tig iadsan a dh'fhògradh o Elam.

37 Oir bheir mise air Elam a bhi fo gheilt roimh an naimhdean, agus roimh 'n mhuinntir a tha 'g iarraidh an anama; agus bheir mi aimbleas orra, teas mo chorruich, deir an Tighearn; agus cuiridh mi 'n an deigh an claidheamh gus an cuir mi as doibh.

38 Agus cuiridh mi mo rìgh-caithir ann an Elam, agus sgriosaidh mi as a sin an rìgh agus na ceannardan, deir an Tighearn.

39 Ach tarlaidh anns na làithibh deir-eannach, gu'n toir mise air ais braighdeanas Elaim, deir an Tighearn.

CAIB. L.

1, 9, 21, 35 *Na breitheanais uamhasach a bha gu teachd air Babilon.* 4, 17, 33 *Saorsa chloinn Israel.*

AM focal a labhair an Tighearn mu thimchioll Bhabailoin, agus mu thimchioll fearainn nan Caldéach, le Ieremiah am fàidh.

2 Cuiribh an céill am measg nan cinneach, agus foillsichibh, agus cuiribh suas a' bhratach; foillsichibh, na ceilibh: abraibh, Ghlacadh Babilon, mhasluicheadh Bel, bhriseadh Merodach 'n a bhloighdibh, chlaoidheadh a h-iodholan, bhriseadh 'n am bloighdibh a dealbhan.

3 Oir tha cinneach a' teachd a nìos 'n a h-aghaidh o'n àirde tuath, a ni a fearann 'n a fhàsach, air chor as nach gabh aon neach còmhnuidh ann; eadar dhuine agus ainmhidh gluaisidh iad, siubhlaidh iad air falbh.

4 Ach anns na làithibh sin, agus air an àm sin, deir an Tighearn, thig clann Israeil, iad féin agus clann Iudah le 'chéile, ag imeachd, agus a' gul 'n an imeachd, agus iarraidh iad an Tighearn an Dia.

5 Iarraidh iad an t-slighe gu Sion le 'n aghaidh d'a h-ionnsuidh, *ag ràdh*, Thigibh agus naisgeamaid sinn féin ris an Tighearn ann an coimhcheangal sìorruidh nach leigear air dì-chuimhne.

6 Bu claothaich chailleit mo shluagh-sa: thug an aodhairean orra dol air seacharan, tharruing iad a thaobh iad *air* na sléibhtibh; shiubhail iad e shliabh gu enoc, leig iad an àite-fois air dì-chuimhne.

7 Iadsan uile a fhuair iad, shluig iad suas iad; oir thubhairt an naimhdean, Cha-n'èil sinn ri cron air bith, a chionn gu'n do pheac-aich iad an aghaidh an Tighearn, àite-tàmh a' cheartais; cadhlon an Tighearna, dòchais an aithrichean.

8 Gluaisibh a mach á meadhon Bhabiloin, agus imichibh á tìr nan Caldéach, agus bithibh mar na gabhraibh fìrionn air toiseach nan treudan.

9 Oir feuch, dhìsgidh mise, agus bheir mi nìos an aghaidh Bhabiloin, coimhthional chinneach mòra o'n tìr mu thuath; agus cuiridh iad iad féin 'an ordugh 'n a h-aghaidh, air sheòl as gu'n glacer i: bithidh an saighdean mar gu'm b' ann o ghaisgeach seòlta; clia phill aon diubh gu dìomhain.

10 Agus bithidh Caldéa 'n a creich, iadsan uile a chreachas i gheibh iad an sàth, deir an Tighearn.

11 A chionn gu bheil sibh ri gairdeachas, a chionn gu bheil sibh ri aidhear, O sibhse a chreach m' oighreachd; a chionn gu bheil sibh air fàs reamhar mar agh biadhtha, agus ri sitrich mar eachaibh meamrach.

12 Masluichear 'ur màthair gu mòr, nàraichear ise a rug sibh; feuch ise, deireadh nan cinncach, 'n a fàsach, 'n a fearann tioram agus falamh.

13 Air son corruich an Tighearna cha bhi i n's mò air a h-àiteachadh, ach bithidh i 'n a fàsach gu h-iomlan: bithidh uamhunn air gach aon a théid seachad air Babilon, agus nì e sgreig m' a h-uile phlàighibh.

14 Cuiribh sibh féin 'an ordugh an aghaidh Bhabiloin air gach taobh: sibhse uile a lùbas am bogha, caithibh oirre, na caomhaibh saighdean; oir chiontaich i an aghaidh an Tighearna.

15 Eighibh os a ceann air gach taobh: strìochd si i féin; thuit a daingnichean, thilgeadh sìos a ballachan: oir is e so dìogh-altas an Tighearna, deanaibhse dìoghaltas oirre: mar a rinn i féin, deanaibhse rithe.

16 Gearraibh o Bhabilon am fear-cuir, agus esan a ghlacas an corran ann an àm an fhogharaidh: air eagal claidheimh a' mhìlhteir, pillidh iad, gach aon g'a shluagh, teichidh iad gach aon g'a dhùthaich.

17 Is treud sgapta Israel; rinn leòmhain a ruagadh; an toiseach, chaith rìgh Asiria suas e; agus mu dheireadh, dh'ith Nebuchadnesar so rìgh Bhabiloin gu ruig an cnàimh e.

18 Air an aobhar sin mar so tha Tighearn nan sluagh, Dia Israeil, ag ràdh, Feuch, smachdaichidh mise rìgh Bhabiloin agus 'fhearann, mar a smachdaich mi rìgh Asiria.

19 Ach bheir mi Israel air ais gu 'àite-còmhnuidh féin, agus ionaltraidh e air Carmel agus Basan, agus air slabh Ephraim agus air Gilead sàsuichear 'anam anns na làithibh sin.

20 Agus anns an àm sin, deir an Tighearn,

iarrar aingidheachd Israeil, agus cha bhi i ann; agus lochdan Iudah, ach cha bhi iad r' am faotainn: oir bheir mise maitheanas dhoibh sin a chaomhaincas mi.

21 An aghaidh fearainn nan ceannairceach imich suas, air féin, agus air a luchd-àit-eachaidh dean peanas, O a chladheimh, agus cuir as gu buileach d'an gineil, deir an Tighearn, agus coimhlon gach nì mar a dh'àithn mise dhuit.

22 Tha fuaim a' chatha 's an fhearann, eadhon milleadh ro mhòr.

23 Cionnus a bhriseadh agus a spealgadh fairche an domhain uile! Cionnus a dh'fhàs Babilon 'n a fàsach lom am measg nan cinneach!

24 Leag mise rib air do shon, agus bha thu fòs air do ghlacadh, O Bhabilon, an uair nach do shaoil thu: fhuaradh, agus fòs ghlacadh thu, a chionn gu'n d'rinn thu strì an aghaidh an Tighearna.

25 Dh' fhosgail an Tighearn a thigh-arm, agus thug e mach airm a chorruich: oir is i so obair Iehobhah, Tighearna nan sluagh, ann an tìr nan Caldéach.

26 Thigibh 'n a h-aghaidh o 'n chearna a's iomallaiche, fosglaidh a tighean-tasgaidh, cuiribh fo 'ur cosaibh i mar thòrr, agus sgriosaibh i gu buileach; na bitheadh fuigh-eall di air 'fhàgail.

27 Marbhaibh a daimh air fad: rachadh iad sìos a chum an àir: is truagh dhoibh-san! oir tha an là air teachd, àm an smachdachaidh.

28 Guth na muinntir a theich, agus a chaidh as o thìr Bhabiloin, a dh' fhoill-seachadh ann an Sion dìoghaltais an Tighearn ar Dia-ne, dìoghaltais a theampuil.

29 Gairmibh sluagh Ìomhhor an aghaidh Bhabiloin; sibhse uile a tha 'lùbadh a' bhogha, cuairtichibh le feachd i air gach làimh; na rachadh cuid air bith dh' as; dìolaibh rithe a réir a h-oibre, a réir gach nì a rinn i, deanaibh rithe; a chionn gu 'n d' rinn i gu h-uabhbreach an aghaidh an Tighearna, an aghaidh Ti naoimh Israeil.

30 Air an aobhar sin tuitidh a h-òganaich 'n a sràidibh, agus bithidh a fir-chogaidh uile air an gearradh as anns an là sin, deir an Tighearn.

31 Feuch tha mise a'd' aghaidh, O uaibh-reich, deir Iehobhah Tighearn nan sluagh: gu cinnteach tha do là air teachd, an t-àm 's an dean mise do smachdachadh.

32 Agus gheibh an t-uaibhbreach tuisleadh agus leagadh, agus cha bhi neach ann a thogas suas e: agus fadaidh mise teine 'n a bhaitibh, agus loisgidh e gach nì mu'n cuairt da.

33 Mar so tha Tighearn nan sluagh ag ràdh, Shàruicheadh clann Israeil, agus clann Iudah le 'chéile; agus rinn iadsan uile a thug 'am braighdeanas iad greim daingean orra; dhùilt iad an leigeadh air falbh.

34 Is cumhachdach am fear-saoraidh; Iehobhah Dia nan sluagh is e 'ainm: tagraidh e gu daingean an cùis, a chum gu 'n toir e suaimhneas do 'n talamh, agus misuaimhneas do luchd-àiteachaidh Bhabailoin.

35 Bithidh claidheamh air na Caldéich, tha an Tighearnu ag ràdh, agus air luchd-àiteachaidh Bhabailoin, agus air a h-uachdaranaihbh, agus air a daoinibh glisce;

36 Claidheamh air na breugairibh, agus bithidh iad air mhì-cheill; claidheamh air a daoinibh cumhachdach, agus bithidh iad fo uamhunn.

37 Claidheamh air a h-eachaibh, agus air a carbadaibh, agus air a h-uile shluagh coinimeasgta a tha 'n a meadhon, agus bithidh iad mar mhnàibh; claidheamh air a h-ionmhasaibh, agus bithidh iad air an spùinneadh;

38 Tiormachd air a h-nisgachaibh, agus tiormaichear suas iad: a chionn gur h-i tìr nan dealbhan snaidhte, agus as a h-ìodhol-aibh gu bheil i a' deanamh uaille.

39 Air an aobhar sin gabhaidh fiadhbheathaichean nam fàsach, agus madaidh-alluidh nan coilltean tàmh an sin; an sin fòs n' nigheanan na caillich-oidheche còmhnuidh; agus cha-n àitichear i tuilleadh gu sìorruidh; nì mòd ghabhar còmhnuidh innte o linn gu linn.

40 Amhuil 'n uair a sgrios Dia Sodom agus Gomorah, agus na bailtean a bha dlùth dhoibh, deir an Tighearn, cha ghabh duine còmhnuidh an sin, nì mòd théid mac duine gu fuireach air chuairt ann.

41 Feuch, sluagh a' teachd o 'n àirde tuath, eadhon cinneach mòr, agus dìsgear mòran rìghrean o chrìochaibh an domhain.

42 Am bogha agus an t-sleagh glacadh iad: tha iad fuileachdach, agus cha nochd iad tròcair: beucaidh an guth mar an fhaire, agus marcaichidh iad air cachaibh, ann an ordugh mar dhaoine chum a' chatha, ann ad aghaidh-sa, O nighean Bhabailoin.

43 Chuala rìgh Bhabailoin iomradh orra, agus dh' fhàs a làmhnan lag; ghlac àmhghar e, goimh, anhuil mnà ri saothair.

44 Feuch, mar leòmhnan thig e nìos o atair-eachd Iordain gu còmhnuidh nan cumhachdach. Gu deimhin bheir mise fàinear gu luath gu'n ruith e nìos as a sin; agus cò e an gaisgeach taghta a chuireas misc os a cheann? Oir cò a's cosmhuil riumsa, no cò a chumas coinneamh rium, no e' àit am bheil am buachaill sin a's urrainn seasamh ann am làthair?

45 Air an aobhar sin éisdibh rùn an Tighearn a rùnaich e an aghaidh Bhabailoin, agus a smuaintean a smuainich e an aghaidh tìre Chaldéa. Gu deimhin spionar air falbh àlach an trend, gu deimhin nithear léir-sgrios, os an ceann, d' an àite-còmhnuidh.

46 Leis an fhuaim, Ghlacadh Babilon! tha an talamh air a luasgadh, agus clualas a' ghaoir an measg nan cinneach.

CAIB. LI.

1 *Breitheana's uamhasach an Tighearn' an aghaidh Bhabailoin. 19 Is e Dia cuibhrionn Iacob agus Israel. 59 Sgrìobh Jeremiah an fhàistneachd mu dhìmhchioll léir-sgrios Bhabailoin ann an leabhar, agus dh' àithn e do Sheriah a thilgeadh 'am meadhon Euphrateis.*

MAR so tha an Tighearn agràdh, Feuch, dhùisgidh mise suas an aghaidh Bhabailoin, agus an aghaidh na muinntir a tha 'chòmhluaidh ann am meadhon na dream sin a tha 'g éirigh 'a m' aghaidh, gaoth sgriosach:

2 Agus cuiridh mi gu Babilon luchd-fasg-uaidh, agus fasgnaidh iad i, agus falamh-aichidh iad a fearann; oir cuairtichidh iad air gach taobh i ann an là na h-àirce.

3 Lùbadhan saighdear gun tàmh a bhogha, agus na cuireadh e dheth a lùircach; agus na caomhnaibh a h-òganaich, sgriosaihbh gu buileach an t-iomlan d' a feachd.

4 Agus tuitidh iadsan a mharbhar ann an tìr nan Caldéach, agus iadsan a bhuailcar troimh 'n a sràidibh.

5 Oir cha do dhìobradh Israel no Iudah le 'Dhia, le Tighearn nan sluagh, ged a bha am fearanu air a lìonadh le peacadh an aghaidh Ti naoimh Israel.

6 Teichibh a mach á meadhon Bhabailoin, agus sàbhhaladh gach neach 'anam, mu'n gearrar as sibh 'n a h-aingidheachd; oir is i so aimsir dioghaltas an Tighearn; dìolaidh e rithe luigheachd.

7 Bu chupan òir Babilon ann an làimh an Tighearn', a chuir an talamh uile air mhisg: d'a fion dh'òl na cinnich, uime sin tha na cinnich air bhoile.

8 Thuit Babilon gu h-obann, agus mhill-eadh i; guilibh os a ceann; gabhaibh ìocshlaint air son a' leòin, ma dh'fheudar mar sin a leigheas.

9 B' àill leinne Babilon a leigheas, ach cha-n'eil i air a leigheas; tréigibh i, agus rachamaid gach aon d'a dhùthaich fèin; oir ràinig a breitheanas na nèamhan, agus thogadh suas e gus na speuraibh.

10 Thug an Tighearn saorsa dhuinne; thigibh agus cuireamaid an céill ann an Sion obair an Tighearn' ar Dia.

11 Geuraichibh na saighdean; cruinnichibh na sgiathan; dhùisg an Tighearn suas spiorad rìghrean Mhedia; oir tha a rùn an aghaidh Bhabailoin, a chum a sgrios: gu deimhin is e dioghaltas an Tighearna, dioghaltas a theampuil.

12 Fa chomhair bhallachan Bhabailoin cuiribh suas a' blratach, deanaibh am freiceadan làidir; suidhichibh fir-fhaire, deasachibh luchd feall-fholach; oir mar a dhealbhaibh an Tighearn, mar an ceudna rinn

o, na nithean sin a labhair e an aghaidh luchd-àiteachaidh Bhabiloìn.

13 O thusa! tha 'chòmhnuidh air mòran uisgeachaibh, saoi bhir ann an ionmhasaibh, thàinig do chrìoch, tomhas do shannta.

14 Thug Tighearn nan sluagh mionnan air fèin, *ag ràdh*, Gu deimhin lìonaidh mi thu le daoineibh, mar gu'm b' ann le locuist, agus togaidd iad suas iolach ann ad aghaidh.

15 Rinn esan an talamh le 'chumhachd, shoeruih e 'n saoghal le 'ghliocas, agus le 'thuigse sgaoil e mach na nèamhan.

16 'N uair a chuireas e mach a ghuth, tha toirm uisgeachan anns na nèamhan, agus bheir e air a' cheò dol suas o iomallaibh na talmhainn; ni e dealanach le frasaibh, agus bheir e mach a' ghaoth as 'ionadaibh-tasgaidh.

17 Dh'fhàs gach duine mar bhrùid 'n a eòlas; nàraicheadh gach òr-cheard le ìomhaigh leaghta; oir is ni breugach an dealbhan leaghta, agus cha-n'èil anail anna.

18 Is ni faoin iad, obair mhearachd: ann an àm an smachdachaidh thèid iad 'am mugha.

19 Cha chosmhuil riu so Cuibhrionn Iacoib, oir is esan Fear-cumaidh an domhain uile; agus is e *Israel* slat 'oighreachd; Tighearn nan sluagh is e 'ainm.

20 Is tu mo thuagh-chatha, agus m' acfhuimh-chogaidh; agus leatsa brisidh mi cinnich 'n am bloighdibh; agus leatsa millidh mi rìoghachdan;

21 Agus leatsa brisidh mi 'n am bloighdibh an t-each agus a mhareach; agus leatsa brisidh mi 'n a bhloighdibh an carbad, agus esan a shuidheas air;

22 Agus leatsa brisidh mi 'n am bloighdibh am fear agus a' bhean; agus leatsa brisidh mi 'n am bloighdibh an seann duine agus an leanabh; agus leatsa brisidh mi 'n am bloighdibh an t-òganach agus a' ghruagach;

23 Agus leatsa brisidh mi 'n am bloighdibh am buachaill agus a threud; agus leatsa brisidh mi 'n am bloighdibh an treabhaiche agus a' chming; agus leatsa brisidh mi 'n am bloighdibh cinn-fheadhna agus luchd-riaghlaidh.

24 Agus dìolaidh mi ri Babilon, agus ri uile luchd-àiteachaidh Chaldéa, an uile ole a rinn iad ann an Sion, 'n 'ur sealladh-se, deir an Tighearn.

25 Feuch, tha mise ann ad aghaidh, O a shléibh sgriosaich, deir an Tighearn, a tha 'sgrios na talmhainn uile; agus sìnidh mi mo làmh a mach ort, agus iomainidh mi thu sìos o na creagaibh, agus ni mi beinn loisgte dhìot.

26 Agus cha ghabh iad dhìot clach air son oisne, no clach air son bhunaitean; ach ann ad charnaibh léir-sgrìos bithidh tu gu sìorruidh, deir an Tighearn.

27 Cuiribh suas bratach anns an fhearann,

séidibh an trompaid ann an measg nan cinn-each, deasaichibh 'n a h-aghaidh cinnich gairmibh 'an ceann a chéile 'n a h-aghaidh rìoghachdan, Ararat, Mini, agus Aschenas; sonraichibh ceannfheadhna 'n a h-aghaidh; thugaibh air na h-eachaibh teachd a nìs mar na locuist fhriodhanach.

28 Deasaichibh 'n a h-aghaidh cinnich, rìghrean Mhedia, a cinn-fheadhna, agus a h-uile luchd-riaghlaidh, agus uile fhearann a tighearnais.

29 Agus bithidh crith air an fhearann, agus doilghios; oir seasaidh comhairle an Tighearn 'an aghaidh Bhabiloìn gu daingean, a dheanamh tìre Bhabiloìn 'n a fàsach, gun neach 'g a h-àiteachadh.

30 Leig laoih Bhabiloìn dhiubh cogadh, dh'fhann iad ann an daingnichibh; dh'fhàilnich an treise; dh'fhàs iad mar mhnathan; loisgeadh a h-ionadan-còmhuidh; bhriseadh a croinn-dhruididh.

31 Greasaidh fear-ruith gu luath 'an còdhail fir-ruith, agus teachdair 'an còdhail teachdaire, a dh'imseadh do rìgh Bhabiloìn gu'n do ghlacadh a bhaile aig *gach* ceann;

32 Agus tha na slighean air an glacadh, agus a' chuile loisg iad le teine, agus tha na fir-chogaidh air am bualadh le h-uamhunn.

33 Oir mar so tha Tighearn nan sluagh, Dia Israeil, *ag ràdh*, Tha nighean Bhabiloìn mar nrlar-bualaidh; fathasd tiota beag, agus thig àm a bualaidh, *agus* àm a buain.

34 Dh'fith Nebuchadnesar rìgh Bhabiloìn suas sinn, chaith e sinn, rinn e sinn 'n ar soitheach falamh; shluig e suas sinn mar dhràgon; lion e a bhrù le ar nithibh blasda, thilg e mach sinn.

35 Gu'n robh an t-ainncart a rimeadh ormsa, agus air m' fheoil air Babilon, their fear-àiteachaidh Shìoin; agus, Gu'n robh m' fhuil-sa air luchd-àiteachaidh Chaldéa, their Ierusalem.

36 Air an aobhar sin, mar so tha an Tighearn *ag ràdh*, Feuch, tagraidh mise do chùis, agus ni mi dìoghaltas air do shon; agus tiormaichidh mi suas a fàirge, agus ni mi a màthair-uisge tioram.

37 Agus bithidh Babilon 'n a carnaibh, 'n a h-ionad-còmhnuidh dhràgon, 'n a h-uamhas, agus 'n a ball-sgeig, gun aon 'g a h-àiteachadh.

38 Beucaidh iad le 'chéile mar leòmhanaibh; sgalaidd iad mar chuileanaibh leòmhnan.

39 'N an teas cuiridh mise cuirm rompa, agus cuiridh mi air mhisg iad, a chum gu'n dean iad aighir, agus gu'n coidil iad còdail sìorruidh, agus nach dhuig iad, ars' an Tighearn.

40 Bheir mi nuas iad mar uain a chum am marbhadh, mar reitheachan maille ris na gabhraibh firionn.

41 Cionnus a ghlacadh Sesac! agus cionnus

a rinneadh greim air cliù an domhain uile!
cionnus a dh'fhàs Babilon 'n a h-uamhas
am measg nan cinneach!

42 Thàinig an fhairge nìos air Babilon:
tha i air a còmhdaichadh le lionmhoireachd
a tonnann.

43 Tha a bailtean 'n am fàsach, 'n am
fearann tioram, agus 'n an làraich sgaoilte;
talamh anns nach 'eil duine a chòmhnuidh,
ni mò thèid mac duine troimpe.

44 Agus bheir mise breithcanas air Bel ann
am Babilon, agus bheir mi mach as a bheul
an nì sin a shluig e; agus cha chruinnich
na cinnich 'n a ceann a chèile thuige nì's
mò; thuit fòs balla Bhabiloin.

45 Rachaibh-se mach as a meadhon, O mo
shluagh-sa, agus tèarnaibh gach aon 'anam
o chorruich ghaire an Tighearna.

46 Agus a chum nach bi 'ur cridhe meata,
ni mò bhlitheas eagail oirbh roimh an iom-
radh a chluinnear anns an fhearann: oir thig
an t-iomradh air bliadhna, agus air an ath-
bhliadhna 'n a dhéigh sin thig iomradh,
agus ainneart anns an fhearann, uachdaran
an aghaidh uachdaran;

47 Air an aobhar sin, feuch, tha na làith-
ean a' teachd anns an dean mise breith-
canas air dealbhan snaidhte Bhabiloin;
agus cuirear gu h-amhludh a fearann uile,
agus tuitidh a mairbh gu léir 'n a meadhon.

48 Agus togaidh na nèamhan agus an
talamh iolach os ceann Bhabiloin, agus na
h-uile 'tha anna: an uair a thig a luchd-
creachaidh 'n a h-aghaidh o'n àirde tuath,
deir an Tighearna.

49 Oir mar thug Babilon air muinntir
chlaoidhte Israeil tuiteam; mar sin aig
Babilon thuit muinntir chlaoidhte an domh-
ain uile.

50 Sibhse a chaidh as o'n chlaoidheamh,
imichibh roimhibh, na fanaibh 'n 'ur seas-
amh: cuimhnichibh an Tighearna o chéin,
agus thigeadh Ierusalem 'n 'ur n-aire.

51 Bha sinn fo amluadh, a chionn gu'n
cuala sinn mi-chliu, chòmhdach nàire ar
n-aghaidh; oir thàinig coimlich a steach
do ionadaibh naomha tighe an Tighearna.

52 Uime sin feuch, tha na làithean a'
teachd, deir an Tighearna, anns an dean
mise breitheanas air a dealbhan snaidhte;
agus feadh a fearainn uile bithidh acain nan
daoine leònta.

53 Ged éirceadh Babilon suas gu ruig na
nèamhan, agus ged dhaingnicheadh i gu
h-àrd a neart, uamsa thig luchd-creachaidh
d'a h-ionnsuidh, deir an Tighearna.

54 Fuaim éighich o Bhabiloin, agus léir-
sgrios mòr o thìr nan Caldeach.

55 Oir mhill an Tighearna Babilon, agus
bhàsaich a mòr-fharum 'n a meadhon; ged
bha a fuaim mar thoirn uisgeachan mòra,
ge b' àrd a dh'éirich a farum.

56 A chionn gu'n d'fhàinig fear-millidh
'n a h-aghaidh, an aghaidh Bhabiloin; agus

ghlacadh a laoich, agus bhriseadh gach aon
d' am boghachan; oir bheir an Tighearna,
Dia na luigheachd, gu cinnteach luigh-
eachd dh'ise.

57 Agus cuiridh mise air mhìsg a prionn-
sachan, agus a daoine glìce, a cinn-fheadhna,
agus a h-uachdaran, agus a daoine cumh-
achdach; agus coillidh iad codal bith-
bhuann, agus cha dèisg iad tuilleadh, deir
an Rìgh d'anainm Iehobhah *Dian* nan sluagh.

58 Mar so tha Tighearna nan sluagh ag
ràdh, Brisear gu tur ballachan leathan
Bhabiloin, agus loisgear a geatachan àrda
le teine; agus saothairichidh na slòigh gu
diomhain, agus na cinnich anns an teine,
gus an toir iad thairis le sgìos.

59 Am focal a dh'èithn Ieremiah am fàidh
do Seraiah mac Neriah, mhic Mhaaseiah,
'n uair a chaidh e le Sedeciah rìgh Iudah
gu Babilon, anns a' cheathramh bliadhna
d'a linn: agus b'e Seraiah an t-àrd chaillt-
eanach.

60 Agus sgrìobh Ieremiah na h-uile ole a
bha ri teachd air Babilon ann an aon
leabhar, na briathran so uile 'tha air an
sgrìobhadh mu thinnich Bhabiloin.

61 Agus thubhairt Ieremiah ri Seraiah,
'N uair a thig thu gu Babilon, agus a chi,
agus a leughas tu na briathran so uile,

62 An sin thoir thu; O Thighearna, labh-
air thu an aghaidh an àite so gu 'ghearradh
as, air eileas as nach bi neach a chòmhnuidh
ann, aon chuid duine no ainmhidh, ach gu'm
bi e fàs gu sìorruidh.

63 Agus tarlaidh, 'n uair a sguireas tu de
leughadh an leabhair so, gu'n ecangail thu
clach ris, agus tilgidh tu e ann am meadhon
Euphrateis.

64 Agus their thu, Mar so thèid Babilon
fodha, agus cha-n éirich i nì's mò, a thaobh
an uile a bheir mise oirre; agus cìosnaich-
ear iad.

An fhad so briathran Ieremiah.

CAIB. LII.

1 *Rìoghachadh aingidh Shedeciah agus a cheann-
airc an aghaidh Nebuchadnezar. 4 Ghlac
Nebuchadnezar Ierusalem. 8 Mharbh e mic
Shedeciah, agus chuir e mach a shùilean. 12
Cuirrach Nebusar-adan am baile, agus loisg se
e. 24 Chuir rìgh Bhabiloin àrd uaislean nan
Iudhach gu bàs ann an Riblah.*

BHA Sedeciah bliadhna thar fhichead a
dh'aois an uair a thòisich e air rìogh-
achadh, agus rìghich e aon bhliadhna deug
ann an Ierusalem; agus b'e ainm a mhàthar
Hamutal, nighean Ieremiah o Libnah.

2 Agus rinn e an *nì sin* a bha ole ann an
sùilbhan an Tighearna', a rèir gach nì a rinn
Iehoiacin.

3 Oir troimh fheing an Tighearna tharladh
ann an Ierusalem agus ann an Iudah, gus
an do thig e iad a mach as 'fhiannais, gu'n
d' rinn Sedeciah ar-a-mach an aghaidh rìgh
Bhabiloin.

4 Agus tharladh anns an naothamh bliadhna d'a linn, anns an deicheamh mìos, air an deicheamh là de'n mhìos, gu'n d'fhàinig Nebuchadnesar rìgh Bhabiloin, e fèin agus 'uile fheachd, an aghaidh Ierusalem, agus shuidh iad *camp* 'n a h-aghaidh, agus thog iad daingnichean 'n a h-aghaidh air gach taobh.

5 Mar sin bha am baile air a theannachadh agus an aon bhliadhna deug de linn rìgh Shedeciah.

6 Agus anns a' cheathramh mìos, air an naothamh là de'n mhìos, bha a' ghorta trom anns a' bhaile, agus cha robh aran air bith aig muinntir na tìre.

7 An sin bha a' chaithir air a briscadh sìos, agus theich na fir-chogaidh nìle, agus chaidh iad a mach as a' chaithir feadh na h-oidheche, air slighe a' gheata, cadar an dà bhalla a bha aig lìos an rìgh, (an uair a bha na Caldéich aig a' chaithir timchioll mu'n cuairt,) agus dh'imich iad air slighe a' chòmhnaird.

8 Ach lean feachd nan Caldéach air tòir an rìgh, agus rug iad air Sedeciah ann an còmhnardaibh Iericho; agus bha 'fheachd uile air an sgapadh uaith.

9 Agus ghlac iad an rìgh, agus thug iad suas e gu rìgh Bhabiloin, aig Riblah, ann am fearann Hamait, far an d'fhug e breitheanas air.

10 Agus mharbh rìgh Bhabiloin mic Shedeciah fa chomhair a shùl: mharbh e mar an ceudna uile cheannardan Iudah ann an Riblah.

11 Agus chuir e mach sùilean Shedeciah, agus cheangail e le slabhruidhean e; agus thug rìgh Bhabiloin leis e gu Babilon, agus chuir e ann am prìosan e gu là a bhàis.

12 Agus anns a' chùigeamh mìos, air an deicheamh là de'n mhìos, (b'i sin an naothamh bliadhna deug de linn Nebuchadnesair rìgh Bhabiloin,) thàinig Nebusar-adan ceannard an fhreiceadain, a fliritheil do rìgh Bhabiloin, gu Ierusalem,

13 Agus loisg e tigh an Tighearn', agus tigh an rìgh; agus uile thighean Ierusalem, eadhon a h-uile tigh mòr loisg e le teine.

14 Agus bhris uile fheachd nan Caldéach, a bha le ceannard an fhreiceadain, ballachan Ierusalem sìos air gach taobh.

15 Agus *cuid* de bhochdaibh ant-sluaigh, agus fuigheall an t-sluaigh a dh'fhan anns a' bhaile, agus iadsan a chaidh thairis gu rìgh Bhabiloin, agus a' chuid eile de'n t-sluaigh, thug Nebusar-adan ceannard an fhreiceadain air falbh 'n am braidhaidh.

16 Ach *cuid* de bhochdaibh an fhearainn dh'fhàg Nebusar-adan ceannard an fhreiceadain gu *bhi* 'n an luchd-deasachaidh fhìonainean, agus 'n an treabhaichibh.

17 Agus na puist umha a bha ann an tigh an Tighearn', agus na buinn, agus an fhairge umha a bha 'n tigh an Tighearna, bhris na

Caldéich, agus thug iad an umha uile gu Babilon.

18 Na coireachan fòs, agus na sluasaidean, agus na smàladairean, agus na euachan, agus na liadhan, agus na h-uile shoithichean umha, leis an do fhrithheil iad, thug iad air falbh.

19 Agus na soithichean ionnlaid, agus na h-aighnean-teine, agus na euachan, agus na coireachan, agus na còinneirean, agus na liadhan, agus na copain, a' *chuid* a' *bha dh'* òr 'n a òr; agus a' *chuid* a' *bha dh'* airgid 'n a airgid, thug ceannard an fhreiceadain air falbh.

20 An dà phost', an aon fhairge, agus an dà tharbh dheug umha, a bha fo na bonnaibh a rinn rìgh Solamh air son tighe an Tighearna; cha robh tomhas air umha nan soithichean so uile.

21 A thaobh nam post, b'e àirde gach aoin phuist ochd làmh-choille deug; agus dheanadh sreang dà làmh-choille dheug a thomhas mu'n cuairt; agus b'e 'thiughead ceithir òirlich, fàs an taobh a stigh.

22 Agus bha coron umha air; agus b'e cùig làmh-choille àirde gach aoin choroin, le lion-obair agus pomgranataibh air na coronaibh mu'n cuairt, an t-ionlan a dh' umha; air a' phost eile mar an ceudna bha pomgranatan cosmhail riu so.

23 Agus bha sè-deug agus ceithir fichead pomgranat air aon taobh, ceud pomgranat air an lion-obair uile mu'n cuairt.

24 Agus thug ceannard an fhreiceadain leis Seraiah an t-àrd-shagart, agus Saphaniah an dara sagart, agus na trì dorsairean.

25 Thug e fòs as a' bhaile cailteanach air an robh eirann nam fear-cogaidh, agus seachd fir dhiubhsan a bha dlùth do phearsa an rìgh, a fhuaradh anns a' bhaile, agus àrd-sgrìobhaiche an t-sluaigh, a ghabh àireamh muinntir an fhearainn, agus trì fichead fear de mhuinntir an fhearainn, a fhuaradh ann am meadhon a' bhaile;

26 Ghabh eadhon Nebusar-adan ceannard an fhreiceadain iad, agus thug e iad a chum rìgh Bhabiloin gu Riblah.

27 Agus bhuail rìgh Bhabiloin iad, agus chuir e gu bàis iad ann an Riblah, ann am fearann Hamait: mar sin thugadh Iudah air falbh ann am braidhdeanas as 'fhearann fèin.

28 So an sluagh a thug Nebuchadnesar air falbh ann am braidhdeanas; anns an t-seachdamh bliadhna, trì mìle Iudhach agus trì thar fhichead.

29 Ann an ochdamh bliadhna deug Nebuchadnesair, thug e air falbh ann am braidhdeanas o Ierusalem, ochd ceud anam, agus a dhà dheug thar fhichead.

30 Ann an treas bliadhna fichead Nebuchadnesair, thug Nebusar-adan ceannard an fhreiceadain air falbh ann am braidh-

deanas de na h-Iudhaich seachd ceud, dà fhichead agus cùig anam: b' iad na h-anaman uile ecithir mìle agus sè ceud.

31 Agus tharladh anns an t-seachdamh bliadhna deug thar fhichead de bhraighdeanas Iehoiachim rìgh Iudah, anns an dara mìos deug, air a' chuigcamh là fichead de'n mìos, gu'n do thog Ebbil-merodach rìgh Bhabiloìn, anns a' cheud bhliadhna d'a linn, suas ceann Iehoiacim rìgh Iudah, agus thug e mach á prìosan e,

32 Agus labhair e gu caomhail ris, agus chuir e a chaithir os ceann chaithrich-ean nan rìghrean a bha leis ann an Babilon.

33 Agus dh'atharraich e 'eideadh-prìosain: agus dh'ith e aran 'n a fhianuis do ghnàth, fad uile làithean a bheatha.

34 Agus air son a lòn lathail, thugadh dha o rìgh Bhabiloìn, gach aon là cuibh-rionn, gu là a bhàis, fad uile làithean a bheatha.

TUIREADH

I E R E M I A H.

CAIB. I.

1 *Staid mhuladach Ierusalem. 12 Tha i ri caoidh a chroin gu'n robh a trioblaidhean mòr thar tomhas, 18 agus ag aideachadh gu'n robh breitheanais Dhè ceart, &c.*

CIA uaigneach a tha i 'n a suidhe, a' chaithir a bha làn de dhaoine! cionnus a dh'fhàs i mar bhantraich! Ise 'bha mòr am measg nan cinneach, agus 'n a ban-uachdaran am measg nan dùthchan, cionnus a tha i air teachd fo chis!

2 Tha i ri gul gu geur anns an oidhche, agus a deoir air a gruaidhean; fear comh-fhurtachd air bith cha-n'eil aice am measg a h-uile luchd-gaoil; bhuin a cairdean uile gu fealltach rithe, dh'fhàs iad 'n an naimhdean di.

3 Dh'imich Iudah air falbh ann am braighdeanas; ann an an-shocair, agus ann an daorsa mhòr tha i 'chòmhnuidh am measg nan cinneach; cha-n'cil i 'faotainn suaimhneis air bith; rug a luchd-ruagaidh uile oirre eadar na cun glaichean.

4 Tha ròidean Shìoin ri bròn, a chionn nach 'eil aon neach a' teachd a chum na h-àrd-fhéile; tha a geatachan uile fàs; tha a sagartan ri acain; tha a h-òighean fo leòn, agus tha i fèin ann an searbhadas.

5 Is iad a h-eascairdean a tha 'n uachdar, tha a naimhdean a' soirbheachadh; oir leòn an Tighearn i air son lìonmhoireachd a lochdan; dh'fhalbh a clann 'am braighdeanas fa chomhair an nàmhaid.

6 Agus dhealaich a sgèimh uile ri nighinn Shìoin; tha a prionnsachan air fàs mar fhéidh nach 'eil a' faotainn ionaltraidh; agus dh'imich iad gun neart roimh an fhear-ruagaidh.

7 Chuimhnich Ierusalem ann an là a h-àmhghair, agus a t-saighe, air a h-uile nithibh sòlasach a bha aice anns na làithibh o shean; an trà thuit a daoine ann an làimh an nàmhaid, agus nach d'rinn neach a cuid-

eachadh; chunnaic na naimhdean, agus rinn iad fànoid air a sàbaidibh.

8 Pheacaich Ierusalem gu tròm; air an aobhar sin tha i air a h-atharrachadh; iad-san uile 'thug urram dhi, tha iad ri tàir oirre, a chionn gu'm fac' iad a lomnochd-uidh; seadh, tha ise ri caoidh, agus a' tionndadh air a h-ais.

9 Bha a salchar 'n a h-iomail; cha robh i cuimhneach air a crìch dheireannaich; uime sin thugadh i nuas gu h-iongantach; cha-n'eil fear-comhfhurtachd aice: amhaire, O Thighearn', air m' àmhghar, oir mhèudaich an nàmhaid e fèin.

10 Shìn an nàmhaid a mach a làmh air a h-uile nithibh taitneach; gu deimhin chunnaic i cinnich a' dol a steach d'a h-ionad naomh, do'n d'àithn thusa nach rachadh iad a steach do d' choimhthional.

11 Tha a sluagh uile ag osnaich; tha iad ag iarraidh arain; thug iad an nithean luachmhor air son lòn, a chumail beò an anama: feuch, O Thighearn', agus thoir faineart, mar a tha mi air fas suarach.

12 O sibhe uile' tha 'gabhail an rathaid, amhaireibh agus faicibh am bheil bròn sam bith cosmhuil ri mo bhròn-sa a thugadh orm, o'n uair an d'rinn an Tighearn mo smachdachadh ann an là a dhian fheirge.

13 Chuir e teine a nuas, agus thug e air dol a steach do m' chnàmh; sgaoil e lìon air son mo chos; phill e mi air m' ais: rinn e fàs mi, fad an là ri caoidh.

14 Tha a' chuing air a ceangal; tha mo lochdan air an snìomh le a làimh, tha iad air an càradh mu m' mhuineal; thug e air mo threise tuiteam, thug an Tighearn thairis mi d' an làmh, cha-n urrainn mi éirigh suas.

15 Shaltair an Tighearn fo chois m' uile dhaoine cumhachdach ann am mheadhon: ghairm e coimhthional a' m' aghaidh a bhruthadh mo dhaoine òga; mar ann an

amar-bruthaidh fìona, bhruth an Tighearn digh-nighean-Iudah.

16 Air son nan nithean so guileam, tha mo shùil, mo shùil a' sìleadh sìos le h-uisge; chionn gu bheil am fear-còmhfhurtachd, a bheireadh fuasgladh do m'anam, fada uam: tha mo chlànn uaigneach, a chionn gu'n dh'fhug an nàmhaid buaidh.

17 Tha Sion a' sgaoileadh a mach a làmh, cha-n'eil neach ann a thoirt di còmhfhurtachd; dh'aitl'n an Tighearn a thaobh Iacoib, a naimhdean a bli air gach taobh nu'n cuairt da; tha Ierusalem 'n am measg mar aon a chuireadh air leth air son neoghloine.

18 Is ceart an Tighearn, oir chathach mise an aghaidh 'aitheantan; éisdibh, guidheam oirbh, a shlàgh gu léir, agus faicibh mo bhròn: m'òighean agus m'òganaich dh'fhalbh ann am braighdeanas.

19 Ghairm mi air mo leannain, ach mheall iad mi; thug mo shagartan agus mo shean-airean suas an deò anns a' bhaile, am feadh a dh'iarr iad am biadh gu cabhair air an anam.

20 Feuch, O Thighearna, mar a tha mi ann an teimn; tha mo chom fo thrioblaid; tha mo chridhe air tionndadh an taobh a stigh dhomh; oir chiontach mi gu trom: a mugh tha 'n claidheamh a' sgrios, a stigh tha mar am bàs.

21 Chual' iad mar a rinn mi acain, ach cha-n 'eil neach ann a thoirt dhomh còmhfhurtachd; chuala mo naimhdean uile m' àmhghar; rinn iad gairdeachas a chionn gu'n d'rinn thusa sin: bheir thusa gu crìch an là a ghairm thu, agus bithidh iadsan cosmhuil riumsa.

22 Thigeadh an aingidheachd uile fa d' chomhair; agus dean riu, mar a rinn thu riumsa air son m' uile lochdan: oir tha m' òsnaidhean fionnhor, agus mo chridhe lag.

CAIB. II.

1 *Tha Jeremiah a' deanamh gearain do bhrìgh gu'n do thilg Dia sìos àiteachan-còmhnuidh nighinn Iudah, 5 agus gu'n do mheudaich e a bròn agus a doilghios. 15 Tha a naimhdean ri sgeif fhìacal agus a' crathadh an cinn ri nighinn Ierusalem.*

CIONNUS a tharruing an Tighearn 'n a chorruih neul air nighinn Shìoin! agus a thilg e sìos o nèamh gu talamh maise Isracil! agus cha do chuimhnich e stòl a choise ann an là 'fheirge!

2 Shluig an Tighearn suas uile àiteachan-còmhnuidh Iacoib, agus cha do ghabh e truas: thilg e sìos 'n a chorruih daing-nichean làidir nighinn Iudah: thug e suas gu làr iad; thruaill e an rìoghachd agus a daoine urramach.

3 Ghearr e as 'n a dhian-fheirg adharc Israeil uile: tharruing e air a h-ais a làmh dheas o aghaidh an nàmhaid; agus loisg e an aghaidh Iacoib mar theine lasarach a loisgeas air gach taobh.

4 Lùb e a bhogha mar nàmhaid; thog e 'n àird a làmh dheas mar eas-caraid, agus mharbh e na h-uile òganach a bha taitneach do'n t-sùil; ann am pàillium nighinn Shìoin thàom e mach a chorruih mar theine.

5 Bha an Tighearn mar nàmhaid: shluig e suas Israel, shluig e suas 'àrois uile; sgrios e a dhaingnichean làidir, agus mheudaich e ann an nighinn Iudah bròn agus caoidh.

6 Agus sgaoil e as a chéile a phàillium mar chalaoid; sgrios e a choimhthional féin: leig an Tighearn as 'aire ann an Sion an àrd-fhéill agus an t-sàbaid; agus rinn e tàir, ann an teas a chorruih, air an rìgh agus air an t-sagart.

7 Chuir an Tighearn air cùl 'altair, ghabh e gràin d' a naomh-ionad; thug e suas ballachan a h-àrois do làimh an eas-caraid; rinn iad gàir ann an tigh an Tighearna, mar ann an là àrd-fhéille.

8 Tha an Tighearn fa rùn ballachan nighinn Shìoin a mhilleadh; shùn e mach sreang, cha do chum e a làmh o mhilleadh: ach thug e air an daingneach agus air a' bhalla caoidh; shearg iad as le 'chéile.

9 Tha a geatachan air dol sìos anns an talamh; mhill agus bhris e a croimh-dhruididh; tha a rìghrean agus a h-uachdarain ann measg nan cinneach; an lagh cha-n'eil ann; aig a fàidhean fòs cha-n'eil sealladh air bith o'n Tighearn.

10 Tha sean-airean nighinn Shìoin 'n an suidhe air an làr, tha iad 'n an tosd; chuir iad duslach air an ceann: chrìoslaich iad iad féin le sac-éididh: tha òighean Ierusalem a' cromadh sìos an cinn gu làr.

11 Tha mo shùilean air fàilheachadh le deuraibh; tha mo chom fo thrioblaid; dhòirteadh mo sgamhan air an talamh air son léir-sgrios nighinn mo shluaigh; a chionn gu bheil a' chlànn bheag agus na naoidheanan a' fannachadh ann an sràidibh a' bhaile.

12 Rì 'm màithrichibh tha iad ag ràdh, Ch'àit am bheil arbarh agus fìon? an trà tha iad a' fàilheachadh mar dhaoine leònta ann an sràidibh a' bhaile, trà tha an anam air a dhòrtadh a mach ann an uchd am màthar.

13 Ciod a thairngeas mi mar f'hanuis a'd' aghaidh? ciod an ni a shàmhluicheas mi riut, O nighean Ierusalem? ciod a choimheasas mi riut, a chum gu'n tugainn còmhfhurtachd dhuit, O digh-nighean Shìoin? oir tha do bhriseadh mòr mar an fhairge; cò 'dh'fheudas do leigheas.

14 Chunnaic d' fhàidhean nithean dìomhain agus amaidheach air do shon, agus cha do leig iad ris d' euceart, a chum do bhraighdeanas a philladh air ais; ach chunnaic iad air do shon fàisteachd neo-fhirinneach, agus aobhar fògraidh.

15 Tha 'mheud as a tha 'gabhail seachad a' bualadh am bas riut: tha iad ri sgeig-

TUIREADH IEREMIAH, III.

fhialac, agus a' crathadh an cinn ri nighinn Ierusalem, *ag ràdh*, An e so am baile ri 'n goirear Foirfeachd maise, Aoibhneas an domhain uile?

16 Dh'fhosgail do naimhdean uile am beul a'd' aghaidh: rinn iad sgeig is giosgan fhialac; thubhairt iad, Sluag sinn suas e; gu cinnteach is e so an là ri 'n robh ar sùil: fhuair sinn e, chunnaic sinn e.

17 Rinn an Tighearn an nì sin a dhealbh e; choimhlion e 'fhocal, a dh'aitheann anns na làithibh e shean: thilg e sìos, agus cha do ghabh e truas; ach thug e air nàmhaid gairdeachas a dheanamh os do cheann, dh'àrdaich e adharc do naimhdean.

18 Dh'èigh an cridhe, Ann an làthair an Tighearn, O a nìgean Shìoin, sìleadh deoir sìos mar shruth a là agus a dh'oidhche: na toir dhuìt féin suaimhneas air bith; na gabhadh cloch do shùil fois.

19 Eirich, glaoth gu h-àrd anns an oidhche: ann an tùs na faire doirt a mach do chridhe mar uisge fa chomhair gnùise Iehobhah: tog suas do làmhnan d'a ionnsuidh air son anama do chloinne òige, a tha 'fàilneachadh le h-ocras aigh ceann gach aois sràide.

20 Feuch, O Thighearn, agus thoir faineas cò ris a bhuin thu mar so: an ith na mnathan toradh na bronn, naoidheanan maotha? am marbhar an sagart agus am fàidh ann an ionad naomh an Tighearna?

21 Luidh an t-òg agus an sean airan làr anns na sràidibh; tha m' òighean agus m' òganaich air tuiteam leis a' chlaidheamh; mharbh thu iad ann an là do chorruih; mharbh thu, agus cha do ghabh thu truas.

22 Ghairm thu, mar air là suidhichte, m' uamhasan air gach taobh, air chor as, air là feirge an Tighearna, nach robh neach ann a chaidh as, no 'mhair beò: a' mhuinntir a dh'oil agus a dh'àraich mi, chuir mo nàmhaid as doibh.

CAIB. III.

1 Tha am fàidh ri caoidh air son a thrioblaid-eann féin. 22 Mòr-thròcair an Tighearna dhoibhsan uile a dh'fheitheas air. 37 Cha chòir do neach gearan a dheanamh 'n uair a smachdaichear e air son a pheacaidhean. 55 Ghuidh am fàidh gu'n tugadh Dia luigh-eachd d'a naimhidibh.

IS mise an duine a chunnaic àmhghar le slait a chorruih.

2 Stiùir emi, agus thug e orm gluasad ann an dorchedas, agus nì h-ann 'an solus.

3 Gu cinnteach a'm' aghaidh-sa phill e; tha e 'pilleadh a làimhe air a h-ais ann am aghaidh feadh an là gu h-ìomlan.

4 M' fheoil agus mo chraicinn rinn e sean; bhris e mo chnàmhan.

5 Thog e ann am aghaidh, agus chuairtich e mì le domblas agus le saothair.

6 Chuir e mi 'chòmhnuidh ann an ionad-aibh dorchas, mar iadsan a tha cian marbh.

7 Chuairtich e mi le gàradh air gach taobh,

air chor as nach feud mi teachd a mach; rinn e mo shlabhruidh trom.

8 Mar an ceudna, trà ghlaodhas agus a dh'èigheas mi, tha e 'druideadh a mach m' urnuigh.

9 Dhruid e suas mo shlighe le clachaibh snaidhte; rinn e cam mo cheuman.

10 Mar mbath-ghamhuinn a' luidhe 'am folach bha e dhomh, mar leòmhann ann an ionadaibh uaigneach.

11 Rinn e mo shlighe fiar, agus reub e mi 'am bloighdibh: rinn e mi a'm' aonar.

12 Lùb e a bhlogha, agus chuir e mise mar chomhara air son na saighde.

13 Thug e air saighdibh a dhòrlaich dol a steach ann am àirneibh.

14 Bha mi ann am chùis-mhagaidh do mo shluagh uile, ann am òran doibh fad an là.

15 Lìon e mì le searbhadas, chuir e air mhisg mì le searbh-luibhean.

16 Bhris e m' fhiacal fòs le clachan gainmiche, chòmhdach e mì le luathre.

17 Agus dh'atharraich thu m' anam am fad o shith; dhì-chuimhnich mi soirbheachadh.

18 Agus thubhairt mi, Tha mo spionnadh agus mo dhòchas air bàsachadh o 'n Tighearn.

19 Tha cuimhneachadh air m' àmhghair agus mo thruaighe, 'n a shearbhadas agus 'n a dhomblas.

20 Tha m' anam fathasd 'g an cuimhneachadh, agus air 'frioslachadh an taobh a stigh dh'iom.

21 Tha mi 'gairm so a ris gu m' aire; uime sin tha dòchas agam.

22 Is ann de thròcairibh an Tighearna nach 'eil sinn air ar caitheadh, a chionn nach 'eil fàilinn air a thròcairibh.

23 Tha iad naudi gach aon mha'duinn, is mòr do dhilseachd!

24 Is e an Tighearn mo chuibhrionn, tha m' anam ag ràdh; uime sin cuiridh mì mo dhòchas ann.

25 Is maith an Tighearn dhoibhsan a dh'fheitheas air, do'n anam a dh'iarras e.

26 Is maith 'bhi ann an dòchas, agus feitheamh gu fòil ri slàinte an Tighearna.

27 Is maith do dhuine a' chuing a ghiùlan 'n a òige;

28 Suidhidh e 'n a aonar, agus bithidh e 'n a thosd, a chionn gu'n d'rinn e a ghiùlan.

29 Cuiridh e 'bheul ann an duslach, ma's teaganibh gu'm bi dòchas ann.

30 Bheir e a ghial do'n tì a bhuaileas e; bithidh e air a lionadh làn de mhasladh.

31 Oir cha tilg an Tighearn uaith gu bràth;

32 Ach ged bheir e aobhar bròn, gidheadh nì e iochd a réir lionmhoireachd a thròcairean.

33 Oir cha chlaoidh e d' a dheòin, nì mò 'chràidheas e clann nan daoine.

34 Pìosanaich na talmhainn uile a bhruthadh f'a chosaibh,

TUIREADH IEREMIAH, IV.

35 Còir duine 'thionndadh a leth-taobh, fa chomhair gnùise an Ti a's àirde,

36 Eucoir a dheanamh air duine 'n a chùis, cha taitneach leis an Tighearn.

37 Cò esan a their, agus gu'n tige gu crìch, an uair nach àithn an Tighearn?

38 Nach ann o ordugh an Ti a's ro àirde a thigh olc agus maith?

39 C'uime an dean duine beò gearan, duine air son *smachdachaidh* a pheacaidh.

40 Rannsaicheamaid agus dearbhamaid ar slighean, agus pilleamaid a ris a dh'ionnsuidh an Tighearna.

41 Togamaid snas ar cridhe maille ri ar làmh an ri Dia anns na nàmhnan.

42 Pheacaich sinne agus rinn sinn ar-a-mach, agus cha do mhaith thusa.

43 Chuairtich thu le feirg, agus gheur-lean thu sinn; mharbh thu, cha do ghabh thu truas.

44 Chòmhdaich thu thu féin le neul, ionnus nach rachadh urnaigh troimhe.

45 Rinn thu sinn 'n ar salchar agus 'n ar diù an measg an t-sluaigh.

46 Dh'fhosgail ar naimhdean uile am beul 'n ar n-aghaidh.

47 Thàinig eagal agus rib oirnn, fàsalachd agus milleadh.

48 Tha mo shùil a' sìleadh sìos le sruthaibh uisge air son léir-sgrìos nighinn mo shluaigh.

49 Tha mo shùil a' sìleadh sìos gun chasg agus gun sgar,

50 Gus an seall an Tighearn a nuas, agus gun anmhairc e o nàmh.

51 Tha mo shùil a' cur doilgheis air mo chridhe, air son uile nigheanan mo bhaile.

52 Ruaig mo naimhdean mi gu geur mar eun, gun aobhar.

53 Ghearr iad as m'anam anns a' phrìosan, agus chuir iad clach orm.

54 Chaidh uisgeachan thar mo cheann mar thuil; thubhairt mi, Tha mi air mo ghearradh as.

55 Ghairm mi air d' ainm-sa, O Thighearn', as an t-slochd iochdarach.

56 Chuala tu mo ghuth; na cum do chluas o m' athchuinge agus o mo ghlaodh.

57 Tharruing thu 'm fagus anns an là 's an do ghairm mi ort: thubhairt thu, Na bith-eadh eagal ort.

58 Thagair thusa, O Thighearna, cùisean m'anama; shaor thu mo bheatha.

59 Chunnaic thusa, O Thighearna, m' àmhghar; cum thusa còir rium.

60 Chunnaic thu an uile dhiùghaltas, an uile inleachdan ann am aghaidh;

61 Chuala tu am masladh, O Thighearna, an uile inleachdan ann am aghaidh;

62 Bile na muinntir' a dh'érich suas a'm' aghaidh, agus am borbhanaich ann am aghaidh fad an là.

63 Feuch an suidhe sìos, agus an éirigh suas; is mise an cèol.

64 Bheir thusa luigheachd dhoibh, O Thighearn', a réir oibre an làmh.

65 Bheir thu doilghios cridhe dhoibh, ni thu am mallachadh.

66 Ruaigidh tu ann am feirg, agus sgrìosaidh tu iad o bhi fo nàmhnan an Tighearna.

CAIB. IV.

1 *Tha am fàidh ri caoidh air son thrioblaidhean Shìoin. 21 Bhagraidh Edom. 22 Fhuair Sion comhfhuartaid.*

CIONNUS a thàinig smal air an òr! a chaochail an t-òr ro fhìnealta! tha clachan an naomh-ionaid air an tilgeadh a mach air mullach gach aoin sràide!

2 Mic luachnìhor Shìoin, a dh'fheudtadh a choimeas ri òr fhìnealta, cionnus a mheasar iad mar shoithichean creadha, obair a' chreadhadair!

3 Tairngidh eadhon na dràgoìn a mach am brollach, bheir iad a' chòch d' an àlach: tha nighean mo shluaigh-sa an-ìochdmhor, mar na struthan 's an fhàsach.

4 Tha teagadh naoidhean na cìche a' leantuinn r'a ghial le tart: tha 'chlann òg ag iarraidh arain; cha-n'èil aon 'g a bhriseadh dhoibh.

5 Tha iadsan aig an robh biadh sòghail 'n an aonarain anns na sràidibh; iadsan a thogadh suas ann an searlad, tha iad a' sgaoileadh an làmh mu'n òrach.

6 Seadh, tha peanas aingidheachd nighinn mo shluaigh-sa n'is mò na peanas peacaidh Shòdoim, a thilgeadh bun os ceann ri tiota, agus air nach d thàinig laigse rann.

7 Bha a Nasaraich nì bu ghloine na sneachd; bu ghile iad na bainne; bu deirge iad 's a' chorp na ruiteachain; bha an dreach mar shaphir.

8 Is duibhe an gnùis na gual; cha-n aith-niehear iad anns na sràidibh; tha an craicinn a' leantuinn ri 'n cnàmhnan; tha e air tiormachadh; tha e air fas mar mhaide.

9 Is fearr dhoibhsan a mharbhar leis a' chlaideamh na dhoibhsan a mharbhar le gort; oir tha iad sin a' seargadh as, air an lotadh dh'uireasbhuidh toraidh na macharach.

10 Bhruidh làmhnan nam ban iochdmhor an clann féin; b' iad am biadh, ann an léir-sgrìos nighinn mo shluaigh.

11 Choinhilion an Tighearn a chorruich; thaom e mach a dhian-fhearg, agus las e teine ann an Sion, agus loisg e sin a bnaitean.

12 Cha chreideadh rìghrean na talmhainn, no uile luchd-àiteachaidh an domhain, gu'n rachadh an t-eas-caraid agus an nàmhaid a steach air geatachan Ierusalem.

13 Air son pheacaidhean a fàidhean, agus aingidheachdan a sagart, a dhòirt fuil nam firean 'n a meadhan;

14 Chaidh iad air seacharan mar dhaoine dall anns na sràidibh, shalaich iad iad féin

le fàil, air còr as nach feudadh daoine luntainn ri 'n eudach.

15 Imichibh, tha sibh neòghlan, thubhairt daoine riu; imichibh, imichibh, na bean-aibh: seadh, theich iad, dh'fhalbh iad; thubhairt iad am measg nan cinneach, Cha ghabh iad còmhuidh an so nì's mò.

16 Rinn fearg an Tighearn 'an sgaoileadh; cha chuir e nì's mò 'an suim iad: cha robh meas aca air pearsaibh nan sagart; ris na seanairibh cha do chum iad bàigh.

17 Am feadh a bha sinn ann, dh'fhàilnich ar sùilean ag amharc ri cobhair dh'òmhain: am feadh a rinn sinn faire, bha ar sùil ri cinneach nach b' urrainn tèarnadh.

18 Lorgaich iad ar ceuman, air chor as nach feudamaid imeachd 'n ar sràidibh: tha ar crìoch dlùth, tha ar làithean air an coimhlionadh; seadh, thàinig ar crìoch.

19 Bu luaithe ar luchd-leannhuinn na folairean nèimh; ruaig iad sinn air na sléibh-tibh, luidh iad am folach air ar son anns an fhàsach.

20 Ghlacadh 'n an slochdaibh anail ar cuinnean, ti ungta an Tighearna, mu'n d' thubhairt sinn, Fo a sgaile mairidh sinn beò am measg nan cinneach.

21 Dean gairdeachas, agus bi ait, O nigh-ean Edoim, aig am bheil do chòmhnuidh ann am fearann Uis; théid ann cupan thairis fòs thugadsa; bithidh tu air mhisg, agus leigidh tu ris do lomnochduidh.

22 Tha peanas d' euceirt air a choimhlionadh, O nigh-ean Shìoin; cha toir e nì's mò air faibh ann am bruid thu: smachdaichidh e d' euceirt-sa, O nigh-ean Edoim, leigidh e ris do lochdan.

CAIB. V.

1 *Tha Sion a' gearan a maslaidh agus a' cur an cèill na h-uile a thàinig oirre.*

CUIMHNICH, O Thighearna, ciod a thàinig oirnn: thoir fainear, agus faic air maslaidh.

2 Thugadh thairis ar n-oighreachd do choimhich, ar tighean do choigrich.

3 Tha sinn 'n ar dilleachdan, agus gun athair, ar màthraichean mar bhantraichibh.

4 Dh'òl sinn ar n-uisge air son airgid; tha ar connadh air a reic ruinn.

5 Le cuing ar muineal tha sinn air ar sìor-leòn; tha sinn a' saothreachadh, agus gun fhois againn.

6 Thug sinn an làmh do na h-Eiphitich, agus do na h-Asirianaich, a chum 'bhi air ar sàsachadh le h-aran.

7 Pheacaich ar n-aithrichean, agus cha-n'eil iad ann, agus ghiùlain sinn an euceartan.

8 Bha seirbhisich 'n an uachdarain oirnn: cha-n'eil duine sam bith ann a shaoras o'n làmhan.

9 Fhuair sinn ar n-aran le *cunnart* ar n-anama, do bhrìgh claidheimh an fhàsaich.

10 Bha ar croicìonn dubh mar àmhuinn, do bhrìgh na gorta uamhasaich.

11 Dh'éignich iad na mnathan ann an Sion, na maighdeanan ann an caithrichibh Iudah.

12 Bha prionnsachan air an crochadh suas le 'n làimh: cha d' thug iad urram do aghaidh nan aosda.

13 Ghabh iad na h-òganaich gu meileadh, agus thuit a' chlann fo 'n chonnadh.

14 Thréig na seanairean an geata, na h-òganaich an ceòl.

15 Sguir aoibhncas ar cridhe; chaochail ar damnsadh gu bròn.

16 Thuit an coron bhàrr ar cinn: mo thruaighe sinne, a chionn gu'n do pheacaich sinn.

17 Air son so tha ar cridhe lag; air son nan nìthan so tha ar sùilean air an dorchachadh.

18 Air son sléibh Shìoin a tha fàs; tha na sìonnaich a' coiseachd air.

19 Ach tha thusa, O Thighearna, mairean-nach gu sìorruidh; do chaithir rioghail o linn gu linn.

20 C'ume an dean thu dearmad oirnn gu bràth, agus am bheil thu 'g ar tréigsinn ùine co fhada?

21 Pill sinne thugad, O Thighearn', agus bithidh sinn air ar pilleadh: ath-nuadhaich ar làithean mar o shean.

22 Oir thilg thu sinn cian fada uait; bha thu ro fheargach 'n ar n-aghaidh.

ESECIEL.

CAIB. I.

1 *An t-àm 's an d'rinn Eseciel fàidheadaireachd aig amhainn Chebair.* 4 *Coslas nan ceithir cheruban a' chunnaic am fàidh 'n uair a bha làmh an Tighearn' air.* 26 *Sàmhladh glòire Dhé.*

AGUS tharladh, anns an deiseamh bliadhna fichad, anns a' cheathramh mìos, air a' chùigeamh là de'n mhìos, (air

dhomhsa 'bhi measg nam braighdean aig amhainn Chebair,) gu'n d' fhosgladh na nèamhan, agus chunnaic mi taisbeanan Dhé.

2 Air a' chùigeamh là de'n mhìos, (b'i sin an cùigeamh bliadhna de bhruid rìgh Iehoiacin.)

3 Thàinig focal an Tighearna gu Eseciel an sagart, mac Blusi, ann an tìr nan Cald-

each, aig uisge Chobair; agus bha làmh an Tighearn' air anns an àite sin.

4 Agus dh'amhaire mi, agus, feuch, ghiùl-ain ioma-ghaoth o'n àirde-tuath, neul mòr a bha air a chuairteachadh le filltean teine, agus dealradh air gach taobh dheth; agus 'n a mheadhlon bha amhuil dreach òmbair, eadhon ann am meadhon an teine.

5 Agus mach as a mheadhlon mar an cuedna *thàinig* coslas cheithir bheò-chreutairean, agus b' e so an aogus; Bha iad ann am neudachd duine,

6 Agus bha ceithir aghaidhean aig gach aon diubh, agus ceithir sgiathan aig gach aon diubh.

7 Agus bha an cosan dìreach; agus bha bonn an cos mar bhonn coise laoiigh, agus dhealraich iad mar dhath praise Ìomhita.

8 Agus bha làmhnan duine fo an sgiathaibh, air an ceithir taobhan; agus bha aig a' cheithir an aghaidhean agus an sgiathan.

9 Bha an sgiathan dlùthaichte, gach aon r' a chéile; cha do thionndaidh iad 'n uair a ghluais iad; chaidh iad air an aghaidh, gach aon dìreach roimhe.

10 Air son coslais an aghaidhean, bha aca 'n an ceathrar aghaidh duine, agus aghaidh leòmhain air an taobh deas; agus bha aca 'n an ceathrar aghaidh daimh air an làmh chlì: bha fòs aca 'n an ceathrar aghaidh iolair.

11 B' amhuil so an aghaidhean: agus an sgiathan sgaoilte gu h-àrd; dithis aig gach aon, dlùthaichte r' a chéile, agus dithis a' folach an cuirp.

12 Agus dh'imich iad, gach aon dìreach air aghaidh: far an robh an spiorad air tì dol, dh'imich iad: cha do thionndaidh iad 'n uair a dh'imich iad.

13 A thaobh coslais nam beò-chreutairean, bha an aogus mar éibhlean dearga teine, cosmhuil ri lòchran, a chaidh air ais agus air aghaidh am measg nam beò-chreutairean: agus bha 'n teine dealrach; agus as an teine thàinig a mach dealanach.

14 Agus ruith na beò-chreutairean, agus phill iad, mar phlath dealanach.

15 A nis am feadh a bha mi 'sealltuinn air na beò-chreutairibh, feuch, aon roth air an talamh, làmh ris na beò-chreutairibh, aig an ceithir aghaidhean.

16 Bha dreach nan rothan agus an obair mar dhreach criostail; agus bha an aon choslas aig a' cheithir, agus bha an aogus agus an obair mar gu'm bitheadh ann roth ann am meadhon rotha.

17 'N an imeachd dh'imich iad air an ceithir taobhan: cha do thionndaidh iad 'n uair a dh'imich iad.

18 A thaobh an cearcal, bha iad co àrd as gu'm b' uamhasach iad; agus bha an cearcail làn de shùilibh mu'n cuairt doibh 'n an ceathrar.

19 Agus an uair a ghluais na beò-chreut-

airean, ghluais na rothan làmh riu: agus an uair a thogadh na beò-chreutairean suas o 'n talamh, thogadh na rothan.

20 C'àit air bith a bha'n spiorad air tì dol, dh'imich iadsan an taobh a bha'n spiorad air tì dol, agus thogadh suas na rothan fa'n còmhair; oir bha spiorad a' bheò-chreutair anns na rothaibh.

21 'N uair a ghluais iad sin, ghluais [iad so;] agus 'n uair a sheas iad sin, sheas [iad so;] agus 'n uair a thogadh iad sin suas o'n talamh, thogadh na rothan suas fa'n còmhair: oir bha spiorad a' bheò-chreutair anns na rothaibh.

22 Agus bha aogus an speur a bha thar cinn a' bheò-chreutair mar dhreach criostail uamhasaich, air a sgaoilceadh thar an cinn gu h-àrd.

23 Agus fo an speur bha an sgiathan gu dìreach, gach aon fa chomhair a chéile; aig gach aon bha dithis, a dh'fholuich air an taobh so, agus aig gach aon bha dithis a dh'fholuich air an taobh sin, an cuirp.

24 Agus chuala mi fuaim an sgiathan, mar thoirm mhòran uisgeachan, mar ghuth an Uile-chumhachdaich; an uair a ghluais iad, chluinnteadh fuaim mar thorman sluaigh; tràth 'sheas iad, leig iad sìos an sgiathan.

25 Agus bha guth o'n speur, a bha thar an cinn, tràth 'sheas iad, agus a leig iad sìos an sgiathan.

26 Agus os ceann an speur, a bha thar an cinn, bha sàmhladh rìgh-chaitheach, mar choslas cloiche sapheir; agus air sàmhladh na rìgh-chaitheach, bha taisbeanadh mar gu'm bitheadh coslas duine 'n a shuidhe air.

27 Agus chunnaic mi mar dhreach òmbair, mar choslas teine air gach taobh a stigh ann: o thaisbeanadh a leasraidh, agus os a cheann, agus o thaisbeanadh a leasraidh agus foidhe, chunnaic mi mar gu'm bitheadh ann coslas teine, agus e dealrach mu'n cuairt.

28 Mar choslas a' bhogha a tha 's an neul ann an là na froise, b' amhuil dreach an dealraidh mu'n cuairt. B' e so foillseachadh sàmhlaidh glòire an Tighearna; agus 'n uair a chunnaic mise, thuit mi air m' aghaidh, agus chuala mi guth aoim a' labhairt.

CAIB. II.

1 *Dreuchd Eseciel. 6 An àithne a thug Dia dha. 9 Chaidh rola teabhair a sgaoileadh fa 'choimeanhn anns an robh sgrìobhta tuireadh agus bròn.*

A GUS thubhairt e rium, A mhic an A duine, seas air do chosaibh, agus labhairidh mise riut.

2 Agus chaidh an spiorad a steach annam an uair a labhair e rium, agus chuir e air mo chosaibh mi, ionnus gu'n cuala mi an ti a labhair rium.

3 Agus thubhairt e rium, A mhic an duine, tha mise ga d' chur gu cloinn Israoil,

gu cinneach ceannairceach a rinn ar-a-mach a'm' aghaidh; chiontaich iad féin agus an aithrichean a'm' aghaidh, agus an là an diugh.

4 Oir is clann mhi-nàrach agus chruaidh-chridheach iad: tha mise ga d' chur d'an ionnsuidh, agus their thu riu, Mar so deir an Tighearn Dia.

5 Agus iadsan, na dh'éisdeas iad, no ma dhearmaidcas iad, (oir is tigh ceannairceach iad,) gidheadh bithidh fios aca gu'n robh fàidh 'n am measg.

6 Agus thusa, a mhic an duine, na bith-eadh eagal ort rompa, agus na bith-eadh fiamh ort roimh am briathraibh, ged a tha drisean agus droighinn mu'n cuairt duit, agus do chomhnuidham measg nathraichean nimhe: na bith-eadh eagal ort roimh am briathraibh, ni mò 'bhitheas geilt ort roimh an gnùis, ged is tigh ceannairceach iad.

7 Agus labhraidh tu mo bhriathran-sa riu, co ac' a dh'éisdeas iad, no 'dhearmaidcas iad; oir tha iad ro cheannairceach.

8 Ach thusa a mhic an duine, cluinn ciod a tha mise ag ràdh riut; Na bi thusa cas-umhal, cosmhuil ris an tigh eas-umhal sin: fosgail do bheul, agus ith an nì a bheir mise dhuit.

9 Agus 'n uair a dh'anabhairc mi, feuch, bha làmh air a' cur a m' ionnsuidh, agus, feuch, bha ròla leabhair innte;

10 Agus sgaoil e fa m' choineamh e; agus bha e sgrìobhta stigh agus a mach: agus bha sgrìobhta aun tuireadh, agus bròn, agus truaighe.

CAIB. III.

1 *Dh'ìh Eseciel ròla an leabhair: 4 thug Dia mìneach dha: 15 fhuair e fios air a dhleasdanas mar fhear-faire, 25 aig air an dòigh air am buineadh na h-Iudhaich ris.*

OS bàrr thubhairt e rium, A mhic an duine, ith an nì a gheibh thu; ith au ròla so, agus falbh, labhair ri tigh Israeil.

2 Mar sin dh'fhosgail mi mo bheul, agus thug e orm an ròla sin itheadh.

3 Agus thubhairt e rium, A mhic an duine, thoir air do bhroin itheadh, agus lìon do chom leis an ròla so a bheiream-sa dhuit. An siu dh'ith mi, agus bha e ann am bheul mar mhill air mhill-sead.

4 Agus thubhairt e rium, A mhic an duine, falbh, imich gu tigh Israeil, agus labhair le m' bhriathraibh-sa riu.

5 Oir cha-n'èil thu air do chur gu sluagh aig am bheil teangadh choimheach, agus caint chruaidh, ach gu tigh Israeil.

6 Cha-n ann gu mòran sluagh, aig am bheil teangadh choimheach, agus caint chruaidh, nach urrainn thu 'm briathran a thuigsinn: gu cinnteach na 'n cuirinn do'n ionnsuidh-sa thu, dh'éisdeadh iad riut.

7 Ach cha-n éisd tigh Israeil riut, oir cha-n éisd iad riumsa; oir tha tigh Israeil uile mi-nàrach agus cruaidh-chridheach.

8 Feuch, rinn mi do ghnùis làidir an

aghaidh an gnùise-san, agus d' eudan làidir an aghaidh an eudain-san.

9 Mar adamant, nì's cruaidhe na clach theine, rinn mise d' eudan: na bith-eadh cagal ort rompa, agus na bith-eadh sgàth ort roimh an gnùis, ged tha iad 'n an tigh ceannairceach.

10 Os bàrr, thubhairt e rium, A mhic an duine, gabh ann ad chridhe m' uile bhriathran-sa a labhras mi riut, agus éisd le d' chluasaibh.

11 Agus falbh, imich dh'ionnsuidh na muinntir a tha ann am bruid, gu cloinn do shluaigh, agus labhair riu, agus innis doibh, Mar so tha an Tighearn Dia ag ràdh, co ac' a dh'éisdeas iad no nach éisd.

12 An sin thog an spiorad suas mi, agus chuala mi air mo dhéigh guth tormain mhòir, *ag ràdh*, Beannaichte gu robh glòir an Tighearn' o 'àite féin.

13 *Chuala mi* fòs fuaim sgiath nan beò-chreutairean a bhean ri 'chéile, agus fuaim nan roth thall mu'n coineamh, agus fuaim luasgaidh mhòir.

14 An sin thog au spiorad suas mi, agus thug e leis mi, agus dh'imich mi ann an seirbhe, ann an teas mo spioraid, ach bha làmh an Tighearna treun orm.

15 An sin thàinig mi chum na muinntir a bha 'n am braighdibh aig Tel-abib, a bha 'chomhnuidh làmh ri amhainn Chebair, agus shuidh mi far an do shuidh iadsan, agus dh'fhau mi 'n sin seachd làithean làn uamhais 'n am meadhan.

16 Agus tharladh 'n ceann sheachd làithean, gu'n d' thàinig focal an Tighearn' a m' ionnsuidh, ag ràdh,

17 A mhic an duine, rinn mise fear-faire dhìot do thigh Israeil: uime sin, éisd am focal o m' bheul agus thoir rabhadh dhoibh namas.

18 'N uair a their mise ris an aingidh, Gheibh thu gu cinnteach bàs; agus nach toir thusa rabhadh dha, agus nach labhair thu a thoirt rabhaidh do'n chiontach o 'dhroch shlighe, chum 'anam a thèarnadh; bàsaichidh an droch dhuine sin 'n a aingidheachd, ach iarraidh mise 'fhuil air do làmh-sa.

19 Gidheadh na bheir thu rabhadh do'n aingidh, agus nach pill e o 'aingidheachd, no o 'dhroch shlighe, bàsaichidh esan 'n a aingidheachd; ach shaor thusa d' anam féin.

20 A ris, an uair a philleas firean o 'fhìreantachd, agus a chuireas e 'n gnìomh peacadh, agus a chuireas mise ceap-tuislidh fa' chomhair, gheibh e bàs; a chionn nach d'thug thusa dha rabhadh, 'n a pheacadh gheibh e bàs, agus cha chuimhnichear 'fhìreantachd a rinn e; ach iarraidh mise 'fhuil air do làmh-sa.

21 Gidheadh na bheir thu rabhadh do'n fhìrean, air chor as nach ciontaich am firean, agus nach dean e peacadh; mairidh e gu cinnteach beò, do bhrìgh gu'n d'

fhuaireadh e rabhadh; mar an ceudna shaor thusa d'anam féin.

22 Agus bha lánam an Tighearn' orm an sin, agus thubhairt e rium; Éirich, siubhail a mach do'n chómhnard, agus an sin labhaird mise riut.

23 An sin dh'éirich mi, agus chaidh mi mach a chum a' chómhnaird, agus, feuch, sheas glóir an Tighearna's an áite sin, mar a' ghlóir a chunnaic mi aig amhainn Chebar; agus thuit mi air m' aghaidh.

24 An sin chaidh an spiorad annam, agus chuir e air mo chosaibh mi, agus labhair e rium, agus thubhairt e rium, Falbh, druid thu féin a stigh ann ad thigh.

25 Ach thusa, O mhic an duine, feuch, cuiridh iad boinn ort, agus ceanglaidh iad thu leo, agus cha téid thu mach 'n am measg.

26 Agus bheir mise air do theangaidh leantuinn ri d' ghial, air chor as gu'm bi thu balbh, agus nach bi thu dhoibh a'd' fhear-cronachaidh; oir tha iad 'n an tigh ceannairceach.

27 Ach an uair a labhras mise riut, fosglaidh mi do bheul, agus their thu riu, Mar so tha an Tighearn Dia ag ràdh, Esan a dh'éisdeas, éisdeadh e; agus esan a dhcarmaideas, dearmaideadh e: oir tha iad 'n an tigh ceannairceach.

CAIB. IV.

1 *Dh'orduicheadh do'n fhàidh baile Ierusalem a tharruing air lio-sluaine agus a chuirteadh le feachd, mar chomharadh do thigh Israeil. 9 Leis an lòn a chaidh a shonrachadh dha chuireadh 'an cèill an teamtadh a bha gu teachd air na h-Iudhaich.*

THUSA mar an ceudna, a mhic an duine, gabh thugad leac-shuaine, agus cuir fa d' chomhair i, agus tarruing oirre am baile, Ierusalem:

2 Agus cuairtich e le feachd, agus tog 'n a aghaidh daingneach, agus tilg suas tòrr 'n a aghaidh; suidhich fòs camp 'n a aghaidh, agus cuir reitheachan-cogaidh 'n a aghaidh air gach taobh mu'n cuairt.

3 A thuilleadh air so, gabh thugad aghann iaruin, agus suidhich e mar bhalla iaruin, eadar thu agus am baile, agus cuir do ghnùis 'n a aghaidh, agus bithidh e air a theannachadh, agus cuiridh tu camp 'n a aghaidh: bithidh so 'n a chomharadh do thigh Israeil.

4 Luidh thusa fòs air do thaobh clì, agus leig eucart tighe Israeil air: a réir àireimh nan làithean a luidheas tu air, giùlainidh tu an eucart.

5 Oir leig mise ortsa bliadhnachan an eucartan, a réir àireimh nan làithean, tri cheud deich agus ceithir fichead là: mar sin giùlainidh tu eucart tighe Israeil.

6 Agus 'n uair a choimhlionas tu iad, luidh a ris air do thaobh deas, agus giùlainidh tu eucart tighe Iudah dà

fhichead là: dh'orduich mise dhuit là air son bliadhna.

7 Uime sin cuiridh tu d' aghaidh ri séisd-eadh Ierusalem, agus bithidh do ghairdean air a rùsgadh, agus ni thu fàistneachd 'n a aghaidh.

8 Agus, feuch, cuiridh mise eubhrichean ort, agus cha tionndaidh thu thu féin o'n aon taobh gus an taobh eile, gus an crìoch-naich thu làithean do shéisdidh.

9 Gabh thugad fòs cruithneachd, agus corna, agus pònaire, agus peasair, agus meabh-phcasair, agus peasair fhiadhain, agus cuir iad ann an aon soitheach, agus dean duit féin aran diubh, a réir àireimh nan làithean a luidheas tu air do thaobh; tri cheud ceithir fichead agus deich làithean ithidh tu dheth.

10 Agus bithidh am biadh a dh'itheas tu air a chothromachadh, fichead secel anns an là: o am gu h-am ithidh tu e.

11 Olaidh tu mar an ceudna uisge le tomhas; an seathamh cuid de hin: o am gu h-am òlaidh tu.

12 Agus ithidh tu e mar bhreacagan corna, agus le aolach a thig a mach á duine deas-aichidh tu e 'n an sealladh.

13 Agus thubhairt an Tighearn, Eachon mar so ithidh clann Israeil an aran truailte measg nan cinneach, dh'ionnsuidh an iomain mise iad.

14 An sin thubhairt mise, Ah 'a Thighearna Dhia! feuch, cha do thruaillleadh m' anam-sa: oir o m' òige nìos gus a nis cha d' ith mi dheth sin a bhàsaicheas leis féin, no 'bha 'n a chonablach; ni mò 'thàinig feoil ghràineil ann am bheul.

15 An sin thubhairt e rium, Feuch, thug mi dhuit buachar bhò'an àite aolaich duine, agus deasaichidh tu d' aran leis.

16 Os bàrr thubhairt e rium, A mhic an duine, feuch, brisidh mise lorg an arain ann an Ierusalem; agus ithidh iad aran air chothrom agus le cùram; agus òlaidh iad uisge le tomhas agus le h-uamhas.

17 A chum gu'm bi uireasbhuidh arain agus uisge orra, agus gu'm bi uamhas orra gach aon ri 'chéile, agus gu'n leagh iad air falbh air son an eucirt.

CAIB. V.

1 *Le sàmhladh caltuinn bearradair nochladh breitheanais Dhè an aghaidh Ierusalem. 12 le plàigh, le gorta, le claidheamh, agus le sgapadh.*

AGUS thusa, a mhic an duine, gabh thugad sgian gheur, gabh thugad caltuinn bearradair, agus thoir oirre siubhal air do cheann, agus air d' fheusaig; an sin gabh meigh thomhas, agus roinn am folt.

2 Trian loisgidh tu le teine ann am meadhon a' bhaile, tràth bhitheas làithean an t-séisdidh air an coimhlionadh; agus gabhaidh tu trian, agus buailidh tu m'a thimchioll le sgein; agus sgapaidh tu trian leis

a' ghaoith, agus tairngidh mise mach claidh-
eamh 'n an dèigh.

3 Gabhaidh tu mar an ceudna dhiubh
beagan ann an àireamh, agus ceanglaidh
tu iad ann ad sgiorraibh.

4 An sin gabh dhiubh a rìs, agus tilg iad
ann am meadhon an teine, agus loisg iad
anns an teine; as a sin thig teine mach gu
tigh Israeil uile.

5 Mar so tha an Tighearn Dia ag ràdh, Is i
so Ierusalem; chuir mise i 'am meadhon nan
cinneach, agus nan dùthchan mu'n cuairt di.

6 Agus dh'atharraich i mo bhreitheanais
gu aingidheachd nì's mò na na cinnich;
agus mo reachdan nì's mò na na dùthchan
mu'n cuairt di: oir dhiùlt iad mo bhreith-
eanais; agus mo reachdan, cha do ghluais
iad anna.

7 Uime sin, mar so tha an Tighearn Dia
ag ràdh, A chionn gu'n d' fhàs sibh lion-
mhor seach na cinnich mu'n cuairt duibh,
agus nach do ghluais sibh ann am reachd-
aibh-sa, ni mò choimhid sibh mo bhreith-
eanais, ni mò 'rinn sibh eadhon a réir breith-
eanais nan cinneach mu'n cuairt duibh;

8 Uime sin, mar so tha an Tighearn Dia
ag ràdh, Feuch, tha mise, eadhon mise a'd'
aghaidh, agus ni mi breitheanais ann ad
mheadhon, ann an sealladh nan cinneach.

9 Agus ni mi annad an ni sin nach d' rinn
mi, agus nach dean mi nì's mò ni cosmhail
ris, air son d' uile ghràineileachdan.

10 Uime sin ithidh na h-aithrichean am
mic ann ad mheadhon, agus ithidh na mic
an aithrichean; agus ni mise breitheanais
annad, agus sgapaidd mi an t-ionlan de
d' fhuigheall anns gach uile ghaoith.

11 Air an aobhar sin, mar is beò mise,
deir an Tighearn Dia, Gu deimhin, a chionn
gu'n do thruaill thu m' ionad naomh le
d' uile nithibh fuathach, agus le d' uile
ghràineileachdaibh, uime sin lughdaichidh
mise thu mar an ceudna; agus cha chaomh-
ain mo shùil, ni mò bhitheas truas air bith
agam.

12 Bàsaichidh trian diot leis a' phlàigh, agus
le gorta caithear iad ann ad mheadhon:
agus tuitidh trian leis a' chlaidhcamh mu'n
cuairt duit; agus sgapaidd mise trian anns
na h-uile ghaothaibh, agus tairngidh mi
mach claidheamh 'n an dèigh.

13 Mar so coimhlionar mo chorruih, agus
bheir mi air mo dhian fheirg luidhe orra,
agus bheir mi dhomh féin fois: agus bithidh
fios aca gur mise an Tighearn a labhair ann
am eud, an tràth 'choimhlionas mi orra mo
dhian chorruih.

14 A thuilleadh air so, ni mi dhìot fasach
agus masladh am measg nan cinneach mu'n
cuairt duit, ann an sealladh nan uile a thèid
seachad.

15 Agus bithidh tu ann ad mhasladh, agus
ann ad mhagadh, ann ad theagasg, agus ann
ad uamhas, do na cinnich mu'n cuairt duit,

an tràth ni mise breitheanais annad, ann am
feirg, agus ann an corruich, agus ann an
gargachmhasanaibh: mise Iehobhah labhair.

16 An tràth 'chuireas mi orra droch
shaighdean na gorta, a bhitheas air son
sgrios, a chuireas mise g'ur sgrios: meud-
aichidh mi fòs a' ghloirt oirbh, agus brisidh
mi lorg 'ur n-arain.

17 Mar sin cuiridh mi oirbh gort, agus
droch bheathaichean, agus ni iad uireas-
bhuidheach thu: agus siùbhlaidh plàigh
agus fuil tromhad, agus bheir mi ort an
claidheamh; mise Iehobhah labhair.

CAIB. VI.

1 Breitheanas Israeil air son an ìodholan. 8
Tèarnar fuigheall dhiubh. 11 D'òrdugh-
eadh do'n fhàidh caoidh a dheanamh air son
ghràineileachdan tìghe Israeil.

AGUS thàinig focal an Tighearn' a m'
ionnsuidh, ag ràdh,

2 A mhic an duine, cuir d' aghaidh ri
sléibhtibh Israeil, agus dean faistneachd
'n an aghaidh,

3 Agus abair, A shléibhtean Israeil, chuinn-
ibh focal an Tighearna Dia, mar so tha an
Tighearn Dia ag ràdh ris na sléibhtibh, agus
ris na cnocaidh, ris na sruthaibh, agus ris
na gleanntaibh, Feuch, bheir mise, mise
féin, claidheamh oirbh, agus sgriosaidh mi
'ur n-ionadan àrda.

4 Agus bithidh 'ur n-altairean fas, agus
'ur dealbhan air am briseadh: agus tilgidh
mise sìos 'ur daoine marbhta fa chomhair
'ur n-ìodholan.

5 Agus leagaidh mi cuirp mharbha chloinn
Israeil fa chomhair an ìodholan; agus sgap-
aidh mi 'ur cnàmhan mu thimchioll 'ur
n-altairean.

6 Ann 'ur n-uile àiteachaibh còmhnuidh,
nithear na bailtean fas, agus bithidh 'ur
n-ionadan àrda faondrach, air chor as gu'm
bi 'ur n-altairean fas agus uaigneach, agus
gu'n tig briseadh agus cosgadh air 'ur n-ìodh-
olaibh, agus gu'n dubhar as 'ur n-oibre.

7 Agus tuitidh iadsan a bhitheas lèonta
'n 'ur meadhon; agus bithidh fios agaibh
gur mise an Tighearn.

8 Gidheadh fagaidd mi fuigheall, air chor
as gu'm bi agaibh cuid a thèid as o'n
chlaidheamh am measg nan cinneach, an
tràth 'bhitheas sibh air 'ur sgapadh am
measg nan dùthchan.

9 Agus cuimhnichidh a mheadh dhibh is a
thèid as mise, 'am measg nan cinneach gus
an toirreair iad 'n am braidhribh, an tràth
'chiosnaicheas mise an criùche strìopachail a
dhealaich rium, agus an sùilean a tha 'dol
air strìopachas an dèigh an ìodholan; agus
bithidh gràin aca dhiubh féin air son nan
ole a chuir iad 'an gnìomh 'n an uile ghràin-
eileachdaibh.

10 Agus aithnichidh iad gur mise an Tigh-
carn, agus nach ann gu dìomhain a thubh-
airt mi gu'n deanainn an t-ole so orra.

11 Mar so tha an Tighearn Dia ag ràdh, Buail le d' làimh, agus breab le d' chois, agus abair, Mo thruaighe! air son uile dhroch ghràineilachdan tighe Israeil; oir tuitidh iad leis a' chlaidheamh, leis a' ghort, agus leis a' phlàigh.

12 Esan a tha fad as bàsaichidh leis a' phlàigh; agus esan a tha dlùth tuitidh leis a' chlaidheamh; agus esan a mhaireas, agus a tha air a sheisdeadh, bàsaichidh leis a' ghort: mar so coimhlionaidh mise mo chorroich orra.

13 An sin bithidh fios agaibh gur mise an Tighearn, an tràth 'bhitheas an daoine marbhtha, measg an ìodholan, nu'n cuairt air an altairibh, air gach aon chnoc àrd, air uile mhallaichaibh nan sliabh, agus fo gach uile chrann uaine, agus fo gach daraig gheugaich; an t-àite 's an d' thug iad boltrach cùbhraidh do'n uile ìodholaibh.

14 Mar sin sinidh mise mach mo làmh orra, agus ni mi an fearann fàs, seadh, ni's uaigheach 'n a fasach Dhihlait, 'n an uile ionadaibh-còmhnuidh; agus bithidh fios aca gur mi an Tighearn.

CAIB. VII.

1 *Lèir-sgrìos Israeil.* 16 *Ni am fuigheall a théid as caoidh air son an aingidheachd.* 20 *Cheadaich Dia do nainhdean Israeil an t-ionad namh a thruaillleadh a chionn gu'n do pheacach iad 'n a aghaidh.* 23 *Le sàmladh slabhruidh chuir am fàidh an céll braigheanas a shluagh.*

OS bàrr, thàinig focal an Tighearn' a m' ionnsuidh, ag ràdh,

2 Fòs a mhic an duine, *abair*, Mar so tha an Tighearn Dia ag ràdh ri fearann Israeil: Thàinig crìoch, *thàinig* crìoch air ceithir chearnaibh na tìre.

3 A nis *thàinig* crìoch ort, agus cuiridh mise mo chorroich ort, agus bheir mi breth ort a réir do shlighe, agus diolaidh mi riut d'uile ghràineilachdan.

4 Agus cha chaomhain mo shùil thu, ni mò bhitheas truas agam, ach diolaidh mi riut do shlighe, agus bithidh do ghràineilachdan ann ad mheadhon; agus bithidh fios agaibh gur mise an Tighearn.

5 Mar so tha an Tighearn Dia ag ràdh; Feuch, tha olc, aon olc eile a' teachd.

6 Tha crìoch air teachd, thàinig a' chrìoch; tha i ri faire air do shon, feuch thàinig i.

7 Dh'èirich a' mhaduinn ort, O tha a tha ag àiteachadh na tìre: thàinig an t-àm, tha là an àmhghair dlùth, agus cha-n e ath-fhreagradh nan sliabh.

8 A nis gu h-aithghearr dèirtidh mi mach m' fhearg, agus coimhlionaidh mi mo chorroich ort: agus bheir mi breth ort a réir do shlighe, agus diolaidh mi riut d' uile ghràineilachdan.

9 Agus cha chaomhain mo shùil, ni mò bhitheas truas agam: diolaidh mi riut a réir do shlighe, agus do ghràineilachdan

ann ad mheadhon; agus bithidh fios agaibh gur mise an Tighearn a tha 'bualadh.

10 Feuch an là, feuch, thàinig e; chaidh a' mhaduinn a mach, thàinig blàth air an t-slaith, ùr-fhàs air an uabhar.

11 Dh'fhàs ainneart suas gu slait aingidh-eachd: cha *mhair* aon diubh, no de'n sluagh, no aon a bhuineas doibh, ni mò bhitheas cumha sam bith air an son.

12 Thàinig an t-àm, tha an là a' teachd am fagus; na deanadh am fear-reice gairdeachas, no am fear-ceannaich bròn: oir *thuit* fearg air a mòr-chuideachd uile.

13 Oir cha phill am fear-reice ris an ni sin a reiceadh, ged robh iad am measg nam bèd; oir tha an taisbeanadh mu thimchioll a mòr-chuideachd uile; cha phill iad, ni mò 'neartaicheas aon duine e fèin ann an aingidheachd a bheatha.

14 Shéid iad an trompaid, eadhon a chum na h-uile a dheanamh deas; ach cha-n'eil neach air bith a' dol a chum a' chatha: oir tha m' fhearg-sa air a mòr-chuideachd uile.

15 Tha an claidheamh a muigh, agus a' phlàigh, agus a' ghort a stigh: esan a tha 's a' mhaichair bàsaichidh e leis a' chlaidheamh; agus esan a tha 's a' bhaile ni gort agus plàigh 'itheadh suas.

16 Ach iadsan a théid as diubh, théid as, agus bithidh iad air na sléibhtibh mar cholomain nan gleann, iad uile a' caoidh, gach aon diubh air son 'aingidheachd fèin.

17 Bithidh na làmhnan uile lag, agus bithidh na gluincan uile òmhunn mar uisge.

18 Crìoslaichidh iad fòs *iad fèin* le eudachsaic, agus ni uamhas an còmhdachadh, agus bithidh nàire air na h-uile aghaidh, agus air an cinn uile bithidh maoile.

19 Tiglidh iad an airgid anns na sràidibh, agus atharraichear an òr: cha bhi an airgid agus an òr comasach air na saoradh ann an là feirge an Tighearna: cha sàsuich iad an anaman, ni mò lìonas iad an com: a chionn gu'n toir an aingidheachd tuisleadh orra.

20 A chionn gu'n d' rinn iad dheth éididh àillidh agus sgiamhach, leis an do sgeudaich iad dealbhan gràineil an nithean fuathach, uime sin bheir mise fàinear gu'm buinear e uatha.

21 Agus bheir mi e do làmhnan nan coimheach mar chobhartach, agus do dhroch dhaoinibh na talmhainn mar chreich, agus ni iadsan a thruaillleadh.

22 Pillidh mi fòs m' aghaidh uatha, agus bithidh m' ionad dìomhair air a thruaillleadh; oir théid an luchd-spùinnidh a steach ann, agus truailidh iad e.

23 Dean slabhruidh; oir tha am fearann làn de chiontaibh fuilteach, agus tha a' chaithir làn de ainneart.

24 Uime sin, bheir mise a' chuid a's miosa de na cinnich, agus scalbhaichidh iad an tìghean: cuiridh mi fòs cosgadh air uabhar

nan ncartmhor, agus truaillear an ionadan naomha.

25 Tha léir-sgrìos a' teachd, agus iarraidh iad sìth, ach cha bhi i ann.

26 Thig urchuid air urchuid, agus tuairisgeul air tuairisgeul; an sin iarraidh iad sealladh o'n fhàidh: ach eugaidh an lagh o'n t-sagart, agus comhairle o na seanaibh.

27 Ni an rìgh caoidh, agus bithidh am prionnsa air 'èideadh le léir-sgrìos, agus bithidh làmhnan sluaigh na tìre fo gheilt: ni mise riu a réir an shlighe, agus a réir an toillteanais bheir mi breth orra, agus bithidh fios aca gur mi an Tighearn.

CAIB. VIII.

1 *Thugadh am fàidh ann am foillseachaidh Dhé gu Ierusalem, 5 agus nochaidh dha ìomhaigh an eud, 7 cùirt nan cosamlachd, 13 luchd-caoidh Thamuis, 16 agus luchd-aoraidh na grèine. 17 Corruich Dhé an aghaidh luchd an ìodhol-aoraidh.*

AGUS tharladh anns an t-sèathamh bliadhna, anns an t-sèathamh mìos, anns a' chùigeamh là de'n mhìos, 'n uair a shuidh mi ann am thigh, agus seanairean Iudah 'n an suidhe mu'm chomhair, gu'n do thuit orm an sin làmh an Tighearn Dia.

2 An sin dh'amhairc mi, agus, feuch, cosamlachd mar shàmhladh duine: o thaisbeanadh a leasraidh agus foidhe mar theine: agus o 'leasraibh agus os a cheann, mar thaisbeanadh dealanaich, mar dhath òmbair.

3 Agus chuir e mach cumachd làimhe, agus ghlac e mi air dual de m' cheann, agus thog an spiorad suas mi eadar talamh agus nèamh, agus thug e mi ann am foillseachaidh Dhé gu Ierusalem, gu dorus a' gheata a's faide steach, a tha 'g amharc ris an àirde tuath, far an robh àite ìomhaigh an eudaich, a bhrosnuicheas gu eudach.

4 Agus, feuch, bha glòir Dhé Israeil an sin, a réir an t-seallaidh a chunnaic mi anns a' chòmhnard.

5 An sin thubhairt e rium, A mhic an duine, tog suas do shùilean a nis ri slighe na h-àirde tuath: agus thog mi suas mo shùilean ri slighe na h-àirde tuath, agus, feuch, nu thuath, aig geata na h-altarach, ìomhaigh so an eudaich anns an dol a steach.

6 Agus thubhairt e rium, A mhic an duine, am faic thu ciod a tha iad a' deanamh? na gràineileachdan mòra 'tha tigh Israeil a' cur 'an gnìomh an so, a chum gu'n rachainn-sa am fad o m' naomh-ionad? ach pill fathasd, chi thu gràineileachdan a's mò.

7 Agus thug e mi gu dorus na cùirte; agus an uair a dh'amhairc mi, feuch toll anns a' bhalla.

8 An sin thubhairt e rium, A mhic an duine, cladhaich a nis anns a' bhalla: agus 'n uair a chladhaich mi anns a' bhalla, feuch dorus.

9 Agus thubhairt e rium, Imich a steach, agus feuch gràineileachdan aingidh a tha iad a' deanamh an so.

10 Mar sin chaidh mi steach agus chunnaic mi, agus, feuch, uile chosamlachdan gach nì a shnàigcas, agus gach beathaich ghràineil, agus uile ìodholan tighe Israeil air an tarruing air a' bhalla, gach taobh mu'n cuairt.

11 Agus sheas 'n an làthair deich agus trì fichead fear de sheanaibh tighe Israeil, agus 'n am meadhon sheas Iasaniah mac Shaphain, gach fear le 'tùiseir 'n a làimh, agus neul tugh tùise a' dol suas.

12 An sin thubhairt e rium, A mhic an duine, am faca tu ciod a tha seanairean tighe Israeil a' deanamh anns an dorch, gach fear ann an seòmraichibh 'ìomhaigh-eachd féin? oir tha iad ag ràdh, Cha-n'eil an Tighearn 'g ar faicinn; thréig an Tighearn an talamh.

13 Thubhairt e rium mar an ceudna, Pill fòs a ris, chi thu gràineileachdan a's mò a tha iad a' deanamh.

14 An sin thug e mi gu dorus geata tighe an Tighearn, a bha ris an àirde tuath, agus, feuch, an sin shuidh muathan a' gul air son Thamuis.

15 An sin thubhairt e rium, Am faca tu so, a mhic an duine? pill fòs a ris, chi thu gràineileachdan nì's mò na iad so.

16 Agus thug e mi do'n chùirt a's faide steach de thigh an Tighearn, agus, feuch, aig dorus teampull an Tighearn, eadar an sgàth-thigh agus an altair, tuaircam cùig fìr fhichead, le 'n cùlaobh ri teampull an Tighearn, agus an aghaidh ris an àird an ear, agus iad ag aoradh do'n ghréin ris an àird an ear.

17 An sin thubhairt e rium, Am faca tu, O mhic an duine? An nì faoin do thigh Iudah a bhi 'deanamh nan gràineileachdan a tha iad a' deanamh an so? oir lion iad an tìr le ainneart, agus phill iad gu m' bhrosnuchadh-sa chum feirge; agus, feuch, chuir iad am meanglan ri an sròin.

18 Uime sin buinidh mise *riu-san* fòs ann am feirg: cha chaomhain mo shùil, ni mò bhitheas tras agam: agus ged éigh iad ann am chluasaibh le guth àrd, gidheadh cha-n éisd mi riu.

CAIB. IX.

1 *Ann an taisbeanadh chunnaic am fàidh seisear fhear, agus air gach aon diùbh inneal-sgrìos. 4 Dh'òrdnuicheadh dhoibh iadsan a bha 'g òsnaich air son an gràineileachdan a chomhlachadh, 5 agus càch a sgrìos.*

GHLAODH e fòs ann am chluasaibh le guth àrd, ag ràdh, Thoir air uachdarain a' bhaile teachd an fagus, eadhon gach duine le 'arm-sgrìos 'n a làimh.

2 Agus, feuch, thàinig seisear fhear o shlighe a' gheata a's àirde, 'tha 'g amharc ris an àirde tuath, agus aig gach fear 'inn-

eal-sgrìos féin 'n a làimh: agus bha aon fhear 'n am measg air 'éideadh le lion-eudach, agus acfhuinn-sgrìobhaidh cléirich air a léis: agus chaidh iad a steach, agus sheas iad ri taobh na h-altarach umha.

3 Agus dh'éirich glòir Dhé Israeil suas bhàrr a' cheruib air an robh e, gu stairs-neach an tighe; agus ghlaodh e ris an duine 'bha air 'éideadh leis an lion-eudach, aig an robh an acfhuinn-sgrìobhaidh cléirich r'a thaobh;

4 Agus thubhairt an Tighearn ris, Inich troimh mheadhona a' bhaile, troimh mheadh-on Ierusalem, agus cuir comharadh air eudanaibh na muinntir a tha 'g osnaich agus a' glaothaich air son nan uile ghràin-eileachdan a tha air an deanamh 'n a meadhon.

5 Agus ri càch thubhairt e ann am éisdeachd, Rachaibhse 'n a dhéigh-san troimh 'n bhaile, agus buaillibh: na caomhaineadh 'ur shùil, ni mò bhitheas truas agaibh.

6 Marbhaibh gu tur an sean, agus an t-òg, an òigh, agus an leanabh, agus na mnathan; ach na beanaibh ri aon duine air am bheil an comharadh; agus tòisichibh aig mo naomb-ionad-sa. An sin thòisich iad aig na seann daoine 'bha fa' chomhair an tighe.

7 Agus thubhairt e riu, Truaillibh an tigh, agus lionaibh na cùrtean leis na mairbh; rachaibh a mach; agus chaidh iad a mach, agus mharbh iad annas a' bhaile.

8 Agus tharladh trà bha iad 'g am marbhadh, agus a bha mise air m' fhàgail, gu'n do thuit mi air m' aghaidh, agus ghlaodh mi, ag ràdh, Ah! a Thighearna Dhia, an sgrìos thu iarmad Israeil uile, ann an dòrtadh a mach do dhian chorruich air Ierusalem?

9 An sin thubhairt e rium, Tha aingidheachd tighe Israeil agus Iudah ann, agus tha am fearann làn de fhuil, agus am baile làn de cheannaire: oir tha iad ag ràdh, Thérig an Tighearn an talamh, agus cha-n'eil an Tighearn a' faicinn.

10 Agus air mo shon-sa mar an ceudna, cha chaomhain mo shùil, ni mò bhitheas truas agam; diolaidh mi an slighe air an ceann.

11 Agus, feuch, dh'innis am fear a bha sgeudaichte leis an lion-eudach, agus aig an robh an acfhuinn-sgrìobhaidh r'a thaobh, a' chùis, ag ràdh, Rinn mi amhuil mar a dh'àithn thu dhomh.

CAIB. X.

1 Taisbeanadh nan éibhlean teine a bha air an sgapadh thar a' bhaile. 5 Taisbeanadh nan cheruban. 10 Dreach agus coslas nan cheruban.

AN sin dh'amhaire mi, agus, feuch, anns an speur a bha thar cinn nan cheruban, taisbeanadh os an ceann mar gu'n bitheadh ann ciach shaphir, mar taisbeanadh coslais righ-chaitheach.

2 Agus labhair e ris an duine 'bha sgeud-

aichte leis an lion-eudach, agus thubhairt e, Imich a steach eadar na rothan, fo an cherub, agus lion do làmh le éibhlibh teine eadar na cheruban, agus sgap iad thar a' bhaile. Agus chaidh e steach ann am shealladh.

3 A nis sheas na cheruban air taobh deas an tighe, 'n uair a chaidh an duine steach; agus lion an neul a' chùirt a' b'fhaide stigh.

4 An sin chaidh glòir an Tighearna suas bhàrr a' cheruib, agus sheas i os ceann stairs-nich an tighe; agus lionadh an tigh leis an neul, agus bha a' chùirt làn de dhealradh glòire an Tighearna.

5 Agus chualas fuaim sgiath nan cheruban gu'a chùirt a' b'fhaide mach, mar ghuth an Dé uile-chumhachdaich an uair a labhras e.

6 Agus tharladh, an trà 'thug e àithne do'n duine 'bha sgeudaichte leis an lion-eudach, ag ràdh, Glac teine o eadar na rothan, o eadar na cheruban, gu'n deachaidh e 'n sin a steach, agus sheas e làimh ris na rothaibh.

7 Agus shìn cherub a mach a làmh o eadar na cheruban, chum an teine a bha eadar na cheruban, agus ghabh e dheth; agus chuir e ann an làmhan an ti 'bha sgeudaichte leis an lion-eudach e; neach a ghlac e agus a chaidh a mach.

8 Agus chunnacas anns na cheruban cumachd làimhe duine fo an sgiathaibh.

9 Agus 'n uair a dh'amhaire mise, feuch na ceithir rothan aig taobh nan cheruban, aon roth aig aon cherub, agus roth eile aig cherub eile: agus bha dreach nan rothan air dhath cloiche criostal.

10 Agus air son an aoguis, bha 'n aon choslas aca 'n an ceathrar, mar gu'm bith-eadh roth ann am meadhon rotha.

11 'N uair a ghluais iad, dh'imich iad air an ceithir taobhan; cha do thionndaidh iad 'n an imeachd, ach ris an àite gas an robh an ceann ag amharc, lean iadsan e; cha do thionndaidh iad 'n uair a dh'imich iad.

12 Agus bha an corp gu h-ìomlan, agus an dromannan, agus an sgiathan, agus na rothan, làn de shùilibh mu'n cuairt air gach taobh, eadhon na rothan a bha aca 'n an ceathrar.

13 Agus ris na rothaibh ghlaodhadh ann am éisdeachd-sa, Ruithibh.

14 Agus bha ceithir eudanan aig gach aon: aghaidh cheruib a' cheud eudan, agus aghaidh duine an dara eudan, agus aghaidh leomhain an treas, agus aghaidh iolaire an ceathramh.

15 Agus thogadh suas na cheruban. So am beò-chréutair a chunnaic mise aig sruth Chebair.

16 Agus an uair a ghluais na cheruban, dh'imich na rothan làimh riu: agus 'n uair a thog na cheruban suas an sgiathan, a

chum éiridh suas o'n talamh, cha do thionndaidh na rothan ceudna sin o bhi 'nam foch-air.

17 'N uair a sheas iad sin, sheas *iad so*; agus 'n uair a dh'éirich iad sin suas, dh'éirich *iad so*; oir bha spiorad a' bheò-chreutair annta.

18 An sin dh'imich glòir an Tighearn' o stairsnich an tighe, agus sheas i thar na cheruban.

19 Agus thog na cheruban suas an sgiathan, agus chaidh iad suas o'n talamh ann am shealladh: an uair a chaidh iad a mach, bha na rothan mar an ceudna làimh ri u; agus sheas iad aig dorus geata shòir tighe an Tighearn', agus bha glòir Dhé Israeil tharta os an ceann.

20 So am beò-chreutair a chunnaic mi fo Dhia Israeil, làimh ri sruth Chebair; agus dh'aithnich mi gu'm b' iad na cheruban.

21 Bha ceithir eudanan aig gach aon fa leth, agus aig gach aon bha ceithir sgiathan; agus bha coslas làmhan duine fo an sgiathaibh.

22 Agus b'e coslas an aghaidhean na h-aghaidhean ceudna a chunnaic mi aig sruth Chebair, an aogus agus iad féin: dh'imich iad gach aon dìreach air aghaidh.

CAIB. XI.

1 *Thaisbeanadh do Esekial dànachd mhaithéan Iudah: 4 diolaidh Dia am peacaidhean air an ceann. 13 Bàs Phelathiah. 17 Cruinnichidh Dia a shluagh féin as na dùthchannaibh anns an robh iad air an sgapadh. 22 Chaidh glòir an Tighearn' suas á meadhon a' bhaile.*

AGUS thog an spiorad suas mi, agus thug e mi gu geata 'n ear tighe an Tighearna, 'tha 'g amharc ris an àird an ear: agus, feuch, aig dorus a' gheata, cùig fir fhichead: agus chunnaic mi 'n am measg Iasaniah mac Asuir, agus Pelathiah mac Bhenaiiah, uachdarain an t-sluaigh.

2 An sin thubhairt e rium, A mhic an duine, so na daoine 'tha 'dealbh uile, agus a' toirt droch chomhairle 's a' bhaile so;

3 A tha 'g ràdh, Cha-n'eil e dlùth; togamaid tighean: is e *am baile* so an coire, agus sinne an fheoil.

4 Air an aobhar sin, dean fáistneachd 'n an aghaidh, dean fáistneachd a mhic an duine.

5 Agus thuit orm spiorad an Tighearn', agus thubhairt e rium, Abair, Mar so tha an Tighearn ag ràdh, Mar so thubhairt sibh, O thigh Israeil: oir is aithne dhomhsa na nithean 'tha 'teachd 'n 'ur n-inntinn, *gach uile ni dhiubh*.

6 Mheudaich sibh 'ur mairbh anns a' bhaile so, agus lion sibh a shràidean leosan a mharbhadh.

7 Air an aobhar sin mar so tha an Tighearn Dia ag ràdh, 'Ur mairbh a chuir sibh 'n a mheadhon, is iadsan an fheoil, agus is e 'm

baile so an coire; ach bheir mise sibh a mach as a mheadhon.

8 Bha eagal oirbh roimh an chlaidheamh; agus bheir mise claidheamh oirbh, deir an Tighearn Dia.

9 Agus bheir mi sibh a mach as a mheadhon, agus bheir mi thairis sibh do làmhan choimheach, agus ni mi breithcanais 'n 'ur measg.

10 Tuitidh sibh leis a' chlaidheamh: bheir mise breitheanas oirbh ann an iomall Israeil, agus bithidh fios agaibh gur mi an Tighearn.

11 Cha-n i a' *chaitheir* so a bhitheas 'n a coire dhuibh, ni mò bhitheas sibhse 'n a meadhon mar fheoil: ann an iomall Israeil bheir mise breth oirbh.

12 Agus bithidh fios agaibh gur mise an Tighearn; oir cha do ghluais sibh ann am reachdaibh, ni mò 'rinn sibh mo bhreitheanas, ach rinn sibh a réir nòis nan cinneach a tha air gach taobh mu'n cuairt duibh.

13 Agus tharladh an trà 'rinn mise fáistneachd, gu'n d' eug Pelathiah mac Bhenaiiah: an sin thuit mi sìos air m' aghaidh, agus ghlaodh mi le guth àrd, agus thubhairt mi, Ah! a Thighearna Dhia, an dean thu làn chrìoch air iarmad Israeil?

14 A ris thàinig focal an Tighearn' a m' ionnsuidh, ag ràdh,

15 A mhic an duine, is iad do bhràithrean, do bhràithrean, fir do dhùlseachd, agus uile thigh Israeil gu h-ìomlan, ris an dubhairt luchd-àiteachaidh Ierusalem, Imichibh am fad o'n Tighearn: dhuinne thugadh am fearann so mar sheilbh.

16 Air an aobhar sin abair, Mar so tha an Tighearn Dia ag ràdh, Ged 'thig mi fada uam iad an measg nan cinneach, agus ged 'sgap mi iad am measg nan dùthchan, gidheadh bithidh mi dhoibh ann am naomhionad beag anns na dùthchannaibh gus an tig iad.

17 Uime sin abair, Mar so tha an Tighearn Dia ag ràdh, Ni mi cadhon 'ur tional o na cinneach, agus 'ur cruinneachadh as na dùthchaibh anns an robh sibh air 'ur sgapadh, agus bheir mi dhuibh fearann Israeil.

18 Agus thig iad d'a ionnsuidh, agus bheir iad 'uile nithean fuathach, agus 'uile ghràineileachdan air falbh as.

19 Agus bheir mi dhoibh aon chridhe, agus cuiridh mi spiorad nuadh an taobh a stigh dhiubh; agus bheir mi an cridhe cloiche as am fcoil, agus bheir mi dhoibh cridhe feòla;

20 A chum gu'n gluais iad ann am reachdaibh, agus gu'n coimlid iad m' orduighean, agus gu'n dean siad iad: agus bithidh iad 'n am pobull dhomh-sa, agus bithidh mise a'm Dhia dhoibhsan.

21 Ach *dò'n taobh-san* a thionndas an cridhe a réir cridhe an nithean fuathach agus au gràineileachdan, diolaidh mise au

alighe air an ceann féin, deir an Tighearn Dia.

22 An sin thog na cheruban suas an sgiathan, agus na rothan làimh riu; agus bhà glòir Dhé Israeil tharta os an ceann.

23 Agus chaidh glòir an Tighearna suas o mheadhon a' bhaile, agus sheas i air an t-slabh a tha air an taobh an ear de'n bhaile.

24 'N a dhéigh sin ghlac an spiorad suas mi, agus thug e mi ann an taisbeanadh le spiorad Dhé gu Caldéa, chum nam braighean. Mar sin chaidh an sealladh a chuinn-aic mi suas uam.

25 An sin labhair mi riu-san a bh'anns an daorsa, na h-uile nithean a thaisbean an Tighearn dhomh.

CAIB. XII.

1 *Le atharrachadh Eseciel nochdadh braigheanas Shedeciah. 17 Ball-chrith agus uamhunn nan Iudhach. 21 Chronuich am fàidh iad air son an gnàth-fhocaìl.*

THAINIG focal an Tighearna fòs a m' ionnsuidh, ag ràdh,

2 A mhic an duine, tha thu 'chòmhnuidh ann am meadhon tìghe cheannairich, aig am bheil sùilean gu faicinn, ach cha-n'eil iad a' faicinn; tha cluasan aca gu cluinntinn, ach cha-n'eil iad a' cluinntinn: oir is tigh ceannairceach iad.

3 Uime sin, a mhic an duine, deasaich dhuit féin airneis air son dol air imrich, agus atharraich anns an là 'n an sealladh; agus atharraichidh tu o d' àite, gu àit eile 'n an sealladh; theagamh gu'n toir iad fainear, ged is tigh ceannairceach iad.

4 An sin bheir thu mach d' airneis anns an là 'n an sealladh, mar airneis air son imrich: agus théid thu mach 's an annoch 'n an sealladh, mar iadsan a théid a mach ann am braigheanas.

5 Cladhaich troimh 'n bhalla 'n an sealladh, agus thoir a mach troimhe sin.

6 'N an sealladh giùlainidh tu air do ghuaillibh, bheir thu mach anns an dubh-annoch: còmhdaichidh tu d' aghaidh air chor as nach faic thu an làr: oir chuir mi thu mar chomharadh do thigh Israeil.

7 Agus rinn mi ceart mar a dh'àithneadh dhomh: thug mi mach m' airneis anns an là, mar airneis air son braigheanas, agus anns an annoch chladhaich mi troimh 'n bhalla le m' làimh; thug mi mach i 's an dubh-annoch, agus giùlain mi air mo ghuaillibh i 'n an sealladh.

8 Agus air maduinn thàinig focal an Tighearna a m' ionnsuidh, ag ràdh,

9 A mhic an duine, nach dubhairt tigh Israeil, an tigh ceannairceach, riut, Ciod a tha thu 'deanamh?

10 Abair tha na riu, Mar so tha an Tighearn Dia ag ràdh, Do'n phrionnsa ann an Ierusalem buinidh an t-uallach so, agus do thigh Israeil a tha 'n am measg.

11 Abair, Tha mise ann am chomharadh dhuibh; amhuil a rinn mise, mar sin nith-ear riu-san: atharraichidh iad, agus théid iad air falbh ann am braigheanas.

12 Agus am prionnsa a tha 'n am measg giùlainidh e air a ghuaillibh anns an dubh-annoch, agus théid e mach: cladhaichidh iad troimh 'n bhalla, chum giùlain a mach d'a thrìd: còmhdaichidh e 'aghaidh, air chor as nach faic e 'n làr le 'shùilibh.

13 Sgaoilidh mise fòs mo lion air, agus glacar ann am rib e; agus bheir mi e gu Babilon, gu tìr nan Caldéach; gidheadh cha-n' fhaic e i, ged fhaigh e bàs an sin.

14 Agus sgapaidh mi ris gach aon ghaoith na h-uile 'tha m' a thimchioll g' a chòmh-nadh, agus 'uile bhuidhnean; agus tairngidh mi mach an claidheamh 'n an déigh.

15 Agus aithnichidh iad gur mise an Tighearn, 'n uair a sgapas mi iad am measg nan cinneach, agus a sgaoileas mi iad feadh nan dùthchan.

16 Agus fàgaidh mi beagan fhear dhiubh o 'n chladheamh, o 'n ghort, agus o 'n phlàigh, a chum gu'n cuir iad 'an céill an uile ghràineileachdan am measg nan cinneach gus an tig iad; agus aithnichidh iad gur mise an Tighearn.

17 Os bàrr, thàinig focal an Tighearna a m' ionnsuidh, ag ràdh,

18 A mhic an duine, ith d' aran le crith, agus òl d' uisge le ball-chrith agus le cùram;

19 Agus abair ri sluagh na tìre, Mar so tha an Tighearn Dia ag ràdh mu thimchioll luchd-àiteachaidh Ierusalem, agus dùthcha Israeil, Ithidh iad an aran le cùram, agus òlaidh iad an uisge le uamhas, air chor as gu'm bi am fearann fàs o 'n ionlan a tha ann, air son fòirneirt na muinntir sin uile 'tha 'chòmhnuidh ann.

20 Agus nithear na bailtean a tha air an àiteachadh fàs, agus bithidh am fearann falamh; agus aithnichidh sibh gur mise an Tighearn.

21 Agus thàinig focal an Tighearna a m' ionnsuidh, ag ràdh,

22 A mhic an duine, Ciod e an gnàth-fhocal sin a th' agaibh ann am fearann Israeil, ag ràdh, Tha na làithean air an sìncadh, agus dh'fhàilnich gach uile fhoills-eachadh.

23 Innis doibh uime sin, Mar so tha an Tighearn Dia ag ràdh, Bheir mise air a' ghnàth-fhocal so sgur, agus cha labhair iad e n' s faide mar ghnàth-fhocal ann an Israel: ach abair riu, Tha na làithean aig làimh, agus buil gach aoin taisbeinidh.

24 Oir cha bhi n' s mò aon taisbeanadh faoin, no fàisteachd mhìodalach an taobh a stigh de thigh Israeil.

25 Oir mise Ichobhab, labhraidh mi, agus am focal a labhras mi thig gu crìch: cha dean e mi 's faide moille; oir ann 'ur àith-

fhìonan lag, tha luchd a' chridhe aoibhinn uile ag osnaich.

8 Sguir fuaim aighireach nan tiompan; theirig luathghaire na muinntir a bha ri gairdeachas; sguir aighear na clàrsaich.

9 Cha-n òl iad fion le ceòl; bithidh deoch làidir searbh dhoibhsan a dh'òlas i.

10 Tha caithir na mi-riaghailt air a bris-eadh sìos; tha gach tigh air a dhruideadh suas, air chor as nach feud aon neach dol a steach.

11 Tha gaor anns gach sràid air son fiona; dhorchaicheadh gach aighear; shiubhail gairdeachas an fhearainn air falbh.

12 Dh'fhàgadh léir-chreach anns a' bhaile, agus le buaireas bhriseadh sìos an geata.

13 An uair a bhitheas e mar so ann am meadhon na tire, am meas an t-sluaigh, bithidh amhuil crathadh a' chroinn-olaidh, agus mar an dòghlum an uair a chrìochnaichear am fion-fhogharadh.

14 Togaidh iadsan an guth, cliùthaichidh iad gu h-àrd mòrachd an Tighearna; ni iad iolach o'n fhaireg.

15 Uime sin anns an teine glòraichibh an Tighearn; eadhon ainm an Tighearna Dia Israeil, ann an eileanaibh a' chuain.

16 O iomall na talmhainn chuala sinn òrain, eadhon glòir do'n fhìrean; ach thubhairt mise, mo chaoile, mo chaoile; mo thruaighe mi! tha na mealltairean a' mealladh, seadh le foill tha na mealltairean a' mealladh.

17 Tha an t-uamhas, agus an slochd, agus an ribe ort, O fhir-àiteachaidh na tire.

18 Agus tarlaidh, èsan a theicheas o ghuth an uamhas, gu'n tuit e 's an t-slochd; agus esan a thig a mìos o mheadhon an t-sluichd, gu'n glacer anns an ribe e; oir tha na tuil - dhorsan o'n àird air am fosgladh; agus tha bunaitean na talmhainn air an luasgadh.

19 Tha an tìr gu tur air a briseadh sìos; tha an tìr air a sgaoileadh gu buileach as a chèile; tha'n tìr air a luasgadh gu garbh.

20 Bithidh an tìr a' gluasad thuig agus uaithe mar mhisgear; agus atharraichear i mar bhothan-tàimh; oir luidhidh a h-aingidheachd gu trom oirre; agus tuitidh i, agus cha-n éirich i ni's mò.

21 Agus tarlaidh, anns an là sin, gu'n smachdaich an Tighearn na daoine àrda a tha shuas, agus rìghrean na talmhainn air an talamh.

22 Agus cruinnichear iad ri 'chéile, mar a chruinnichear prìosanaich ann an slochd; agus druidear suas iad mar ann am prìosan; agus an déigh mòrain làithean fiosraichear iad.

23 An sin bithidh a' ghealach air a maslachadh, agus a' ghrian air a nàrachadh; oir rìoghaichidh Tighearn nan sluagh air beinn Shìoin, agus ann an Ierusalem; agus ann am fianuis a sheanairean bithidh a' glòir.

CAIB. XXV.

1 Mhol am fàidh Dia air son a' Uhreitheanas; 6 agus rinn e gairdeachas 'n a shlàinte.

O THIGHEARNA, is tu mo Dhia; àrd-aichidh mi thu, molaidh mi d'ainm; oir rinn thu *mithean* iongantach; is dìlseachd agus fìrinn do chomhairlean o shean.

2 Oir rinn thu a' chaithir 'n a tòrr, am baile daingneach 'n a charn sgrios; *chuir* thu àros nan coigreach o 'bhi 'n a bhaile; gu bràth cha togar e.

3 Air an aobhar sin bheir an sluagh borb dhuit glòir; gabhaidh caithir nan cinneach uamhasach eagal romhad.

4 Oir bha thu a'd neart do'n bhochd, a'd neart do'n fheumach 'n a airc; a'd dhèidan o'n doinn, a'd sgàile o'n teas; an uair a bha gaath nan uamhasach mar dhoinn a' séideadh ris a' bhalla.

5 Mar an teas ann am fearann scargta, bheir thusa nuas farum nan uaibhreach; mar an teas le sgàil neoil, islichear geug nan uamhasach.

6 Agus anns a' bheinn so ni an Tighearn do na h-uile chinnich cuirm de nithibh blasda, cuirm de fhìon aosda, de nithean blasda làn de smior, de fhìon aosda air a dheadh tharruing.

7 Agus sgriosaidh e air a' bheinn so an còmhdaich a' chòmhdach aghaidh nan uile shluagh, agus an sgàile 'bha air a sgaoileadh thar nan uile chinneach.

8 Sluigidh e suas am bàs le buaidh, agus siabaidh an Tighearn Iehobhah an deur o gach aghaidh, agus masladh a shluagh bheir e air falbh o'n talamh uile; oir labhair an Tighearn e.

9 Agus anns an là sin theirear, Feuch, is e so ar Dia-ne; dh'fheith sinn ris, agus thèaruinn e sinn; is e so an Tighearn, dh'fheith sinn ris, ni sinn gairdeachas agus uaill 'n a shlàinte.

10 Oir gabhaidh làmh an Tighearna fois air an t-sliabh so; agus bithidh Moab air a shaltairt foidhe, mar a shaltaircar connlach air an òtrach.

11 Agus sìnidh e mach a làmhnan 'n a mheadhon, mar a shìneas am fear a shìnmhas a mach a làmhnan gu snàmh; agus bheir e nuas uabhar, maille ri creich a-làmh.

12 Agus daingneach àrd do bhallachan leagaidh e sìos, islicheidh e, bheir e chum an làir eadhon chum an duslach.

CAIB. XXVI.

1 Earail gu carbaidh a Dia do bhrìgh gu'n dean e breitheanas air an nàmhaid, 12 agus gu'n nochd e tròcair d'a shluagh fèin. 20 Smachdaichidh Dia luchd-àiteachaidh na talmhainn air son an aingidheachd.

A NNS an là sin seinnear an dàn so ann an tìr Iudah; Tha againn caithir làidir; slàinte cuiridh e suas mar bhallachan agus mar dhaingneach.

2 Fosglaidh-sa na geatachan, a chum gu'n

téid an cinneach firinneach a steach, a choimhideas an fhìrinn.

3 Gleidhidh tu esan ann an sìth iomlain, *aig am bheil* 'inntinn suidhichte ort, a chionn gu'n do chuir e a dhòchas annad.

4 Cuiribh-sa bhur dòchas anns an Tighearn do ghnàth, oir anns an Tighearn Iehobhab tha neart sìorruidh.

5 Oir dh'ìsliche e iadsan a bha 'chòmhnuidh gu h-àrd; a' chaithear, thug e nuas i; thug e nuas i chum an làir; thug e *eadhon* chum an duslach.

6 Saltraidh a' chos oirre, cosan an fheumach, ceuman nam bochd.

7 Tha slighe an fhìrean ro dhìreach; ni thusa ceum an fhìrean fìor-chòmhnaidh.

8 Seadh, ann an slighe do bhreitheanais dh'fheith sinn ort; tha miann ar n-anama air d'ainm, agus air do chuimhne.

9 Le m'anam mhiannaich mi thu's an oidhche; seadh, le mo spiorad an taobh a stigh dh'iarr mi thu's a' mhaduinn; oir an uair a bhitheas do bhreitheanais air an talamh, fòghlumaidh luchd-àiteachaidh an t-saoghail fireantachd.

10 Nochdar tròcair do'n aingidh, *gidheadh* cha-n fhòghlum e fireantachd; ann an tìr an ionracais buinidh e gu fealltach; agus cha toir e faineas mòralachd an Tighearna.

11 A Thighearna, tha do làmh togtas suas, *gidheadh* cha-n fhaic iad; *ach* chi iad, agus bithidh iad fo amhladh air son eud an t-sluaigh; seadh, loisgidh teine do naimhdean suas iad.

12 A Thighearna, orduichidh tu sìth dhuinne; oir eadhon ar n-uile bhcartan cumhachdach dh'oibrich thusa annainn.

13 O Thighearna ar Dia, bha ceannas oirnn aig tighearnaibh eile bharrachd ortsa; *ach* annadas a mhàin ni sinn luaidh air d'ainm.

14 *Tha iad* marbh, cha tig iad beò; dh'cug iad, cha-n éirich iad; uime sin dh'fhiosraich agus mhill thu iad, agus sgrios thu as an cuimhne gu tur.

15 Mheudaich thu an cinneach, O Thighearna; mheudaich thu an cinneach; tha thu air do ghlorachadh; sgaol thu e a mach *eadhon gu* uile iomallaibh na talmhainn.

16 A Thighearna, ann an àmhghar dh'iarr iad thu; dhòirt iad a mach an athcuinge *an uair a bha* do smachdachadh orra.

17 Mar a bhitheas bean thorrach ann an teamtadh, an uair a bhitheas àm a h-aiseid am fagus, ag éigheach gu h-àrd 'n a saothair; mar so bha sinn ann ad fhianuis, O Thighearna.

18 Dh'fhàs sinn torrach, dha sinn ann an teamtadh, rug sinn mar gu'm b'e gaoth; cha d'oibrich sinn slàinte aims an talamh, ni mò tha luchd-àiteachaidh an t-saoghail air tuiteam.

19 Thig do mhairbh beò; *maille ri* mo chorp marbh-sa éiridh iad. Dùisgibh agus seinnibh, sibhse 'tha 'chòmhnuidh anns an

duslach; oir tha do dhrùchd mar dhrùchd luibhean; agus tilgidh an talamh a mach na mairbh.

20 Thig, O mo shluagh, imich a steach do d' sheòmarachibh, agus druid do dhorsan mu'n cuairt duit; foluich thu fèin car tamuill bhig, car tiota, gus an gabh a' chorruich thairis.

21 Oir, feuch, tha an Tighearna a' teachd a mach as 'ait, a smachdachadh luchd-àiteachaidh na talmhainn air son an aingidheachd; agus leigidh an talamh ris an fhuil a tha air, agus cha chòmhdaich e ni's mò a mhairbh.

CAIB. XXVII.

1 *Càram Dhè d'a fhìon-lios.* 7 *Smachdachaidh Dia a shluagh ann an tròcair agus ann an tomhas ceart; 12 agus tionaidh e iad o gach tìr d'an d'fhugadh 'am braighdeanas iad.*

ANNS an là sin smachdaichidh an Tighearn, le a chlaidheamh cruaidh, agus mòr, agus làidir, Lebhiatan an nathair dhìreach, agus Lebhiatan an nathair lùbach; agus marbhaidh e an dràgon a tha 's an fhaighe.

2 Anns an là sin, canaibhse do fhìon-lios an fhìona dheirg:

3 Tha mise, an Tighearna, 'g a choimhead, uisgicheam e gach tiota; gum 's nach docuinn *aon neach* e, coimhididh mi e a là agus a dh'oidhche.

4 Annamsa cha-n'eil dian chorruich. Cò a chuireadh an droighionn agus an dris a'm' aghaidh anns a' chath? rachainn trompa, loisginn iad le 'chéile.

5 No deanadh e greim air mo neart; deanadh e sìth rium; sìth ni e rium.

6 Bheir e orra-san a thig o Iacob freumhachadh; brisidh Israel a mach, agus thig e fo bhlàth; agus lionaidh eaghaidh an t-saoghail le toradh.

7 An do bhuail se e a réir bualaidh an ti a bhuail esan? Am bheil e air a mharbhadh a réir àir na muinntir' a mharbhadh leis?

8 Ann an tomhas ceart, an uair a bhriseas e mach, ni thu tagradh ris. Choisg e a ghaoth gharbh ann an là na gaoithe an ear.

9 Uime sin, le so glanar aingidheachd Iacob air falbh; agus *is e* so an toradh uile a thabhairt air falbh a pheacaidh; 'n uair a ni e uile chlachan na h-altarach mar chlachan aoil a tha air am pronnadh as a chéile, cha seas na doireachan no na dealbhan suas *ni's mò*.

10 Ach bithidh a' chaithir dhaingnichte fàs, agus an t-àite-còmhnuidh air a thréig-sinn, agus air fhàgail mar fhàsach; an sin ionaltraidh an laogh, agus an sin luidhidh e sìos, agus ithidh e a geugan.

11 An uair a sheargas a meanglain, briseair iad; thig mnathan agus cuiridh iad ri thèine iad; oir is sluagh gum tuigse iad; uime sin cha ghabh an ti a rinn iad trvas diubh;

aobhar a rinn mise gach ni a rinn mi ann,
deir an Tighearn Dia.

CAIB. XV.

1 *Le cosamhlachd an fhìon-chroinn, 6 nochd Dia do Eseciel gu'n tilgeadh e clann Israeil uaithe gu tur.*

AGUS thàinig focal an Tighearn 'a m' ionnsuidh, ag ràdh,

2 A mhic an duine, Ciod e am fìon-chrann thar crann air bith eile, *ma bhitheas e mar gheig a tha measg chraobhan na coille?*

3 An gabhar fiodh dheth gu obair air bith a dheanamh? no an gabhar cnag dheth a chrochadh soithich air bith air?

4 Feuch, tilgear e's an teine mar chonnadh; loisgidh an teine a dhà cheann, agus loisgear a mheadhon: am bheil e iomchuidh air son cunaidh?

5 Feuch, 'n uair a bha e slàn cha robh e iomchuidh air son cunaidh sam bith: cia mò gu mòr is lugha 'bhitheas e iomchuidh air son oibre, 'n uair a chaitheas an teine e, agus a bhitheas e loisgte?

6 Air an aobhar sin, mar so tha an Tighearn Dia, ag ràdh, Mar am fìon-chrann am measg chrann na coille, a thug mise do'n teine mar chonnadh, is amhluidh a bheir mi luchd-àiteachaidh Ierusalem.

7 Agus cuiridh mi mo ghnùis 'n an aghaidh, theid iad a mach o theine, agus ni tein' eile an caitheamh: agus aithnichidh sibh gur mise an Tighearn, trà chuireas mi mo ghnùis 'n an aghaidh.

8 Agus ni mi am fearann fàs, a chionn gu'n do chuir iad 'an guimh euceart, deir an Tighearn Dia.

CAIB. XVI.

1 *Le cosamhlachd leinibh mhaoth nochdadh ceud staid Ierusalem. 9 Gràdh Dhé d'a toobh. 15 A strìopachas gràineil. 35 Bhagair Dia Ierusalem le breitheanas namhasach. 44 Thruaill sluagh Israeil iad fèin n's mò na na cinnich a bha mu'n cuirt doibh.*

ARIS thàinig focal an Tighearn 'a m' ionnsuidh, ag ràdh,

2 A mhic an duine, thoir air Ierusalem a gràineileachdan aithneachadh,

3 Agus abair, Mar so tha an Tighearn Dia ag ràdh ri Ierusalem, Tha do bhreth agus do dhùchas o thìr Chanaain; b' Amorach d' athair, agus bu bhan-Hiteach do mhàthair.

4 Agus air son do dhùchais, anns an là 's an d' rugadh thu, cha do ghearradh d' imleag, ni mò bha thu air do nigheadh ann an uisge, gu do mhaothachadh: cha do chrathadh salann ort, ni mò bha thu air do phasgadh.

5 Cha do ghabh sùil air bith truas diot, a chum aon ni dhiubh so a dheanamh dhuit, a dheanamh iochd ort; ach bha thu air do thilgeadh a mach anns a' mhachair sgaoilte, le gràin do d' anam, air an là 's an d' rugadh thu.

6 Agus an trà ghabh mise scachad dlùth dhuit, agus a chunnaic mi thu salach ann ad fhuil fèin, thubhairt mi riut, *agus thu ann ad fhuil, Mair beò; seadh, thubhairt mi riut, agus thu ann ad fhuil, Mair beò.*

7 Thug mi ort fàs lionmhor mar chinneas na faiche, agus dh'fhàs thu lionmhor agus mòr; agus thàinig thu gu sgeudachadh maiseach: tha do chiochan air an cumadh, agus do ghruag air fàs, 'an àite dhuit a bhi ruisgte agus lom.

8 Agus 'n uair a ghabh mise seachad dlùth dhuit, agus a dh'amhairc mi ort, feuch, bha d'aimsir 'n a h-aimsir gràidh, agus sgaoil mise mo sgiobull os do cheann, agus dh'fholuich mi do lònnochduidh: seadh mhiònnaich mi dhuit, agus thionnsgain mi ann an coimhcheangal riut, deir an Tighearn Dia, agus bu leamsa thu.

9 An sin nigh mi thu le h-uisge, seadh, nigh mi d' fhuil gu glan air falbh uait, agus dh'ung mi thu le h-olaidh.

10 Sgeudaich mi thu fòs le h-obair-ghrèise, agus chuir mi brògan de chraicinn bruic ort, agus chrioslaich mi mu'n cuairt thu le h-anart grinn, agus chòmhdach mi thu le sìoda.

11 Rinn mi sgiamhach thu mar an ceudna le sendan, agus chuir mi làmh-fhailean air do làmhan, agus slabhruidh mu d' mhuineal.

12 Agus chuir mi seud rìomhach air d' eudan, agus chuas-fhàinneachan ann ad chluasaibh, agus crùn maiseach air do cheann.

13 Mar so bha thu air do sgeudachadh le h-òr agus le h-airgiod; agus bha do thrusgan a dh'anart grinn, agus de shìoda, agus de obair ghreise; dh'ith thu mìn-chruithneachd, agus mil, agus oladh, agus bha thu ro mhaiseach, agus dh'fhàs thu suas gu bhi a'd' rìoghachd.

14 Agus chaidh d' iomradh a mach am measg nan cinneach air son do mhaise: oir bha sin iomlan tre mo sgèimh-sa a chuir mi ort, deir an Tighearn Dia.

15 Ach chuir thu do dhòigh ann ad mhaise fèin, agus rinn thu strìopachas an aghaidh do chliu, agus dhòirt thu mach do strìopachas air gach neach a ghabh scachad; bu leis-san thu.

16 Agus ghabh thu de d' chulaidhean, agus rinn thu maiseach d' ionadan àrda le dathan eag-samhuil, agus rinn thu strìopachas orra, mar nach robh, agus mar nach bi.

17 Ghabh thu fòs do sheudan rìomhach de m' òr-sa, agus de m' airgiod, a thug mi dhuit; agus rinn thu dhuit fèin dealbhan dhaoine, agus chuir thu strìopachas 'an gnìomh leo.

18 Agus ghabh thu do chulaidhean grèise, agus chòmhdach thu iad: agus chuir thu m' oladh-sa, agus mo thùis mu'n comhair.

19 Mo bhiadh fòs a thug mi dhuit, mìn-chruithneachd, agus oladh, agus mil, a thug mi dhuit r' an itheadh, chuir thu eadhon 'n an làthair iad mar fhàile cùbhraidh.

20 Seadh cuideachd, tha an Tighearn Dia ag ràdh, ghabh thu do mhic agus do nigh-eanan a rug thu dhomhsa, agus iad so dh'obair thu dhoibhsan, gu bhì air an slugadh suas.

21 An ni suarach dhuit, le d' striopachas, gu'n do mharbh thu mo chlann, agus gu'n d' thug thu iad seachad gu dol troimh an teine air an son-san?

22 Agus ann ad uile ghràineileachdaibh agus striopachais, cha do chuimhnich thu làithean d' òige, trà bha thu lomnochd agus rùisgte, air do thruaileadh ann ad fhuil féin.

23 Agus tharladh, an dèigh d' àingidh-eachd uile, (Mo thruaighe, mo thruaighe thu! deir an Tighearn Dia.)

24 Gu'n do thog thu dhuit féin fòs ionad àrd, agus gu'n d' rinn thu dhuit féin àite àrd anns gach aon sràid.

25 Thog thu ionad àrd air gach aon cheann de'n t-slighe, agus thug thu air do mhaise 'bhi air a fuathachadh, agus rinn thu coitchionn thu féin do gach aon a ghabh seachad, agus rinn thu do striopachais lionmhor.

26 Rinn thu fòs striopachas leis na h-Eiphitch, do choimhearsnaich, a tha mòr ann am feoil; agus mheudaich thu do striopachais, a chum mise a bhrosnachadh gu feirg.

27 Feuch uime sin, shìn mise mo làmh a mach os do cheann, agus lughdaich mi do lòn, agus thug mi thairis thu do thoil na muinntir leis am fuathach thu, nigheanan nam Philiteach, air am bheil nàire do d' shlighe mhì-chiataich.

28 Rinn thu mar an ceudna striopachas leis na h-Asirianaich, a chionn gu'n robh thu do-shàsachaidh; seadh, rinn thu striopachas leo, agus gidheadh cha-n fheudadh tu 'bhi air do shàsachadh.

29 Mheudaich thu os bàrr do striopachas ann an fearann Chanaain gu ruig Caldéa, agus gidheadh cha robh thu sàsaichte le sin.

30 Cionnus a ghlanas mise do chrìche, tha an Tighearn Dia ag ràdh, 'n uair a tha thu 'deanamh nan nithean so uile, obair mnà neo-gheamnuidh ladarna?

31 'N uair a tha thu 'togail d' ionaid àird 'an ceann gach slighe, agus a' deanamh d' àite àird anns gach aon sràid; agus nach robh thu cosmhuil ri striopaich, (a chionn nach b' fhuil leat tuarsadal.)

32 Ach ri mnaoi a ni adhaltranas, a ghabhas coigrich 'an àit a fir féin.

33 Do na h-uile striopaich bheir iad duais; ach tha thusa a' toirt duaise do d' leannanaibh uile, agus 'g an tuarsadalachadh, a chum gu'n tigeadh iad thugad gach aon taobh air son do striopachais.

34 Agus tha thusa dìreach an aghaidh

nòis mhnathan eile ann ad striopachas, am feadh nach 'eil aon neach a' dol air do dhèigh a dheanamh striopachais: is ann a tha thu a' toirt duaise seachad, agus gun duais air bith 'g a toirt duit: uime sin tha thu 'n an aghaidh ann ad nòs.

35 Air an aobhar sin, O a striopach, chuinn focal an Tighearna:

36 Mar so tha an Tighearn Dia ag ràdh, A chionn gu'n robh do shalchar air a dhòrtadh a mach, agus do lomnochduidh air a leigeadh ris troimh do striopachais le d' leannanaibh, agus le uile ìodholaibh do ghràineileachdan, agus le fuil do chloinne, a thug thu dhoibh;

37 Feuch uime sin cruinnichidh mise d' uile leannain, leis an do ghabh thu sòlas, agus na h-uile do'n d' thug thu gràdh, leis na h-uile do'n d' thug thu fuath: ni mi eadhon an cruinneachadh mu'n cuairt ann ad aghaidh, agus leigidh mi ris doibh do lomnochduidh, a chum gu'm faic iad do lomnochduidh uile.

38 Agus bheir mi breth ort mar a bheirear breth air mnàibh a bhriseas an ceangal-pòsaidh, agus a dhòirteas fuil, agus bheir mi peanas ort ann an corruich agus ann an eud.

39 Agus bheir mi thu fòs d' an làimh, agus tilgidh iad sìos d' àite cnocach, agus brisidh iad sìos d' ionadan àrda; buinidh iad dhìot mar an ceudna d' eudach, agus glacadh iad do sheudan rìomhach, agus fàgaidh iad thu lomnochd agus rùisgte.

40 Bheir iad mar an ceudna buidheann a nìos a'd' aghaidh, agus clachaidh iad thu le clachaibh, agus sàthaidh iad tromhad an claidhean.

41 Agus loisgidh iad do thighean le teine, agus ni iad breitheanas ort ann an sealladh mhòran bhan: agus bheir mise ort sgur de striopachas, agus cha toir thu tuarsadal seachad nìs mò.

42 Mar sin bheir mi air mo chorrnich riut fois a ghabhail, agus imichidh m' eud uait, agus gabhaidh mi fois, agus cha bhi fearg orm nìs mò.

43 A chionn nach do chuimhnich thu làithean d' òige, agus gu'n do chuir thu corruich ormsa ann na nithibh so uile; feuch uime sin, dlòaidh mise fòs do shlighe air do cheann, tha an Tighearn Dia ag ràdh; agus cha chuir thu 'an gnìomh an neòghloine so thar d' uile ghràineileachdaibh.

44 Feuch gach aon a ghnàthaicheas sean-fhocail, gnàthaichidh an sean-fhocail so a'd' aghaidh, ag ràdh, Mar a' mhàthair is amh-luidh an nighean.

45 Is tusa nighean do mhàthar, leis am fuathach a fear agus a clann: agus is tu piuthar do pheathraichean, leis am b' fhuathach am fir agus an clann: bu bhan-Hiteach 'ur màthair, agus b' Amorach 'ur n-athair.

46 Agus is i do phiuthar a's sine Samaria, i féin agus a nigheanan a tha 'chòmhnuidh aig do làmh chli: agus do phiuthar a's òige, a tha 'chòmhnuidh aig do làmh dheis, Sodom agus a nigheanan.

47 Gidheadh 'n an slighe-san cha do ghluais thu, ni mò 'rinn thu a réir an gràineileachdan: ach mar gu'm bu ni ro bheag sin, bha thu air do thruaillleadh nìs mò na iadsan a d' uile shlighibh.

48 Mar is beò mise, tha an Tighearn Dia ag ràdh, cha d' rinn do phiuthar Sodom, i féin no a nigheanan, mar a rinn thusa, thu féin agus do nigheanan.

49 Feuch b' i so aingidheachd do pheathar Sodom; uabhar, sàth arais, agus pailteas dìomhanais, bha innte féin agus 'n a nigh-canaibh; ni mò a nertaich i làmh a' bhochd agus an fheumaich.

50 Agus bha iad àrdanach, agus chuir iad gràineileachd 'an gnìomh ann am fhianuisa: uime sin thug mi air falbh iad mar a chummacas ceart domh.

51 Ni mò 'chuir Samaria 'an gnìomh leth do lochdan-sa; ach mheudaich thu do ghràineileachdan nìs mò na iadsan, agus dh'fhìreanaich thu do pheathraichean ann ad uile ghràineileachdaibh a rinn thu.

52 Thusa fòs a thug breth air do pheathraichibh, giùlain do nàire féin, air son do lochdan a chuir thu 'n gnìomh nìs gràineile na iadsan: tha iadsan nìs ionraice na thusa: seadh, bi thusa air do mhaslachadh fòs, agus giùlain do nàire, a chionn gu'n d' fhìreanaich thu do pheathraichean.

53 An uair a philleas mi air a h-ais am braidheanas, bruid Shodom agus a cuid nighean, agus bruid Shamaria agus a cuid nighean, an sin *bheir mi air a h-ais* bruid do bhraighdean-sa 'n am meadhon;

54 A chum gu'n giùlain thu do nàire féin, agus gu'm bi thu air do mhaslachadh anns gach ni a rinn thu, a chionn gu'n robh thu 'toirt doibh comhfhurtachd.

55 'N uair a philleas do pheathraichean, Sodom agus a cuid nighean, gus an ceud staid, agus a philleas Samaria agus a cuid nighean gus an ceud staid, an sin pillidh tusa agus do nigheanan gu'r ceud staid.

56 Oir cha robh luaidh air do phiuthair Sodom ann ad bheul ann an là d' uabhair.

57 Mu'n robh d' aingidheachd air a leigeadh ris, agus àm do mhaslaidh, mar nigheanan Shiria, agus na h-uile 'bha dlùth dhi, agus mar nigheanan nam Philisteach a bha mu'n cuairt duit.

58 Giùlainidh tu do neòghloine agus do ghràineileachdan, deir an Tighearn.

59 Oir mar so tha an Tighearn Dia ag ràdh, Buinidh mise riutsa anhuil mar a rinn thu féin, a rinn tàir air na mionnan, ann am brisadh a' choimhcheangail.

60 Gidheadh cuimhnichidh mi mo choimhcheangal riut ann an làithibh d' òige, agus

daingnichidh mi riut coimhcheangal sìorruidh.

61 An sin cuimhnichidh tu do shlighe, agus bithidh nàire ort, 'n uair a ghabhas tu do pheathraichean, do phiuthar a's sine agus do phiuthar a's òige: agus bheir mise dhuit iad mar nigheanan, ach cha-n ann air son do choimhcheangail-sa.

62 Agus daingnichidh mi mo choimhcheangal riutsa, agus bithidh fios agad gur mi an Tighearn:

63 A chum gu'n cuimhnich thu, agus gu'm bi nàire ort, agus nach fhosgail thu do bheul gu bràth nìs mò, do blùigh do nàire, 'n uair a bhitheas mise réidh riut air son gach uile ni a rinn tha, deir an Tighearn Iehobhah.

CAIB. XVII.

1 *Chuir am fàidh 'an cèill am breitheanas a bha gu teachd air Sedeciah a chionn gu'n d' rinn e ceannaire an aghaidh rìgh Bhabiloìn, 22 Fàisteachd mu thimchioll rioghachd Chrìosd.*

AGUS thàinig focal an Tighearn 'a' m' ionnsuidh, ag ràdh,

2 A mhic an duine, cuir a mach toimhseachan, agus labhair cosamhlachd ri tigh Israeil;

3 Agus abair, Mar so tha an Tighearn Dia ag ràdh, Thàinig fìr-eun mòr, le sgiathaibh mòra, agus le altaibh làidir, làn de chlàmhach, air an robh dathan eug-samhluidh, gu Lebanon, agus ghabh e am meangan a b' àirde de'n t-seudar.

4 Ghearr e dheith bàrr a mheanganan òga, agus thug e leis e gu tìr malairt; shuidhich e ann am baile cheannachan e.

5 Ghabh e fòs de shìol an fhearainn, agus chuir e ann am machair thorraich e; shuidhich e ri taobh uisgeachan mòra e, 'g a chur mar chrann seilich:

6 Agus dh'fhàs e, agus thàinig e gu bhì 'n a fhìonain leathain, air bheag àirde, aig an robh a gheugan air an tionndadh ris [an fhìr-eun], agus aig an robh a fhreumhan foidhe: mar sin dh'fhàs e 'n a fhìonain, agus thug e mach geugan, agus chuir e uaithe meangain.

7 Bha fòs ann fìr-eun mòr cile, le sgiathaibh mòra, agus mòran clùmhaich; agus, feuch, chlaon an fhìonain so a freumhan d'a ionnsuidh, agus thilg i mach a geugan thuige, chum a bhì air a h-uisgeachadh le claisibh a ghàraidh.

8 Bha i air a suidheachadh ann am fear-ann maith, ri taobh uisgeachan mòra, chum gu'n tugadh i mach geugan, agus gu'n giùlaimheadh i toradh, agus gu'm bitheadh i 'n a deadh fhìonain.

9 Abair thusa, Mar so tha an Tighearn Dia ag ràdh, Am bi piseach oirre? nach spìon e nìos a freumhan, agus nach gearr e dhi a toradh, air chor as gu'n searg e? crìonaidh i ann an uile dhuilleach a ceud-fhàis, cadhon gun chumhachd mòr, no

mòran sluagh, g'a spionadh a nìs as a freumhan.

10 Seadh, feuch, 'an déigh a suidhceadh, an bi piseach oirre? nach searg i gu tur an uair a bheuas a' ghaoith an ear rithé? crìonaidd i anns na claisibh anns an d'fhàs i.

11 Os bàrr, thàinig focal an Tighearn 'a nu' ionusuidh, ag ràdh,

12 Abair a nìs ris an tigh cheannairceach, Nach 'eil fios agaibh cìod a's ciall do na nithibh so? Innis deibh, Feuch, tha rìgh Bhabìloin air teachd gu Ierusalem, agus ghlac e a rìgh, agus a prionnsachan, agus thug e leis iad gu Babilon:

13 Agus ghabh e de shliochd an rìgh, agus rinn e coimhcheangal ris, agus ghabh e mionnan deth: ghlac e fòs daoine cumhachdach na tìre:

14 A chum gu'm bitheadh an dùthaich suarach, ionnus nach togadh i suas i fèin; ach le 'choimhcheangal a choimhead gu'm feudadh i seasamh.

15 Ach riun e ar-a-mach 'n a aghaidh-san le 'theachdairean a chur do'n Eiphit, a chum gu'n tugadh iad dha eich agus mòran sluagh: an èrich gu maith dha? an téid esan a nì na uithean so as? no am bris e au coimhcheangal agus an saorar e?

16 Mar is beò mise, deir an Tighearn Dia, gu deimhin anns an àit *am bheil còmhnuiddh* an rìgh a rinn rìgh dheth-san, neach a riun e tàir air a mhionnan, agus a bhris e a chumhant, *eadhon* leis-san, ann am meadhan Bhabìloin, gheibh e bàs.

17 Nì mò 'nì Pharaoh feum dha, le 'fheachd cumhachdach, agus le 'bhuidheinn mhòir, anns a' chogadh, le tòrr a thilgeadh suas, agus le daiugnìchean a thogail, a ghearradh as mhòran anamau.

18 A chionn gu'n d' rinn e tàir air na mionnan, leis a' choimhcheangal a bhris-cadh, (an uair a thug e, feuch, a làmh.) agus a riuu e na uithean so uile, cha téid e as.

19 Uime sin, mar so tha an Tighearn Dia ag ràdh, Mar is beò mise, mo mhionnan air an d' riun e tàir, agus mo choimhcheangal a bhris e, eadhon sin dìolaidh mise air a cheann fèin.

20 Agus sgaoilidh mi mo lìon air, agus glacar ann am rib e; agus bheir mi e gu Babilon, agus tagraidh mi ris an sin air son a chionta, leis an do chiontaich e a'm aghaidh.

21 Agus tuitidh na theich thuige, le 'uile fheachd, leis a' chlàidheamh; agus bitidh iadsan a dh'fhàgar air an sgapadh ris na h-uile ghaoith: agus aithnichidh sibh gur mise Iehobhah a labhair e.

22 Mar so tha an Tighearn Dia ag ràdh, Gabhaidh mise mi fèin de'n ghéig a's àirde de'n t-seudar àrd, agus suidhichidh mi e; gearraidh mi o bhàrr a mhèanganan òga,

geug mhaoth, agus suidhichidh mi air sliabh uachdarach agus àrd i.

23 Air sliabh àrd Israeil suidhichidh mi i: agus togaidh i suas a geug, agus bheir i mach toradh, agus fàsaidh i 'n a seudar rìoghail: agus foipe gabhaidh na h-uile eunlaith de gach aon iteig còmhnuiddh: fo dhubhar a geug ni iad còmhnuiddh.

24 Agus aithnichidh uile chraobhan na macharach gu'n d' thug mise Iehobhah nuas an crann àrd, gu'n d' àrdaich mi an crann iosal, gu'n d' rinn mi an crann uaine tioram, agus gu'n d' thug mi air a' chranm thioram a bhli fo bhlàth: mise Iehobhah labhair, agus ni mi e.

CAIB. XVIII.

1 *An dòigh air am buin Dia ri duine ionraic, 10 ri mac aingidh an duine ionraic, 14 agus ri mac ionraic an duine aingidh. 19 Ghlacaidh gach neach a' aingidheachd fèin. 21 Gheibh an t-aingidh maithneas 'n a aingidheachd ma ghabhas e aithreachas.*

THAINIG focal an Tighearn 'a m' ionnsuidh a ris, ag ràdh,

2 Cìod a's ciall duibh, gu bheil sibh a' gnàthachadh an t-sean-fhocail so a thaobh dùthcha Israeil, ag ràdh, Dh'ith na h-aithrichean dearcas searbha, agus tha dèisinn air faclaidh na cloinne?

3 Mar is beò mise, tha an Tighearn Dia ag ràdh, cha bhì aobhar agaibh an sean-fhocail so a ghnàthachadh nì's mò ann an Israeil.

4 Feuch is leamsa na h-uile anam; mar is leam anam an athar, is amhluidh is leam anam a' mhic: an t-anam a chiontaicheas gheibh e sin bàs.

5 Ach ma bhitheas dnine ionraic, agus gu'n dean e an nì a bhitheas dligeach agus ceart,

6 Mur d'ith e air na sléibhtibh, nì mò 'thog e suas a shùilean ri ìodholaibh tìghe Israeil, uo 'thruaill e bean a choimhearsuaich, no 'thàinig e dlùth do mlamao i a chuireadh air leth,

7 Agus mur do shàraich e aon neach, *ach* gu'n d' thug e 'gheall air ais do'n fheumach; mur do chreach e neach air bith le fòirneart, *ach* gu'n d' thug e aran do'n oerach, agus gu'n do chòmhdaich e 'n lònnochd le eudach;

8 Esan nach d' thug seachad air ocar, nì mò 'ghabh aon riadh, a chum air a h-ais a làmh o' eucart, a rinn breitheanas fìor eadar duine agus duine,

9 A ghluais ann am reachdaibh, agns a choimhid mo bhreitheanas, gu fìrinn a chur 'an gnìomh; so an duine ionraic, mairidh esan gu deimhin beò, deir an Tighearn Dia.

10 Ma ghincas e mac a bhitheas 'n a shlaidear, agus 'n a fhear-dòrtaidh fola, a nì samhail aoin nì dhiubh so,

11 Agus nach dean aon de na *dleasdanais*

sin, ach a dh'ith eadnon air na sléibhtibh, agus a thruaill bean a choimhearsnaich,

12 A shàruich am bochd agus am feumach, a chreach le fòirneart, nach d' thug air ais an geall, agus a thog suas a shùilean ri ìodholaibh, a chuir 'an gnìomh gràineil-eachd,

13 A thug seachad air ocar, agus a ghabh riadh: am mair e 'n sin beò? cha nhair e beò: rinn e na gràineileachdan so uile; gheibh e gu cinnteach bàs, bithidh 'fhuil air fèin.

14 Agus, feuch, ma ghineas esan mac a chi na h-uile lochdan a rinn 'athair, agus gu'n toir e faineart, agus nach dean e an leithid;

15 Nach d'ith air na sléibhtibh, ni mò 'thog e suas a shùilean ri ìodholaibh tìghe Israeil, nach do thruaill bean a choimhearsnaich,

16 Nach do shàruich aon neach, nach do ghléidh an gcall, ni mò 'chreach le h-ainn-cart, ach a thug 'aran do'n ocrach, agus a chòmhdaich an lònnochd le eudach;

17 A thog a làmh o na bochdaibh, nach do ghabh ocar no riadh, a rinn mo bhreith-canais, a ghluais ann am reachdaibh; cha-n fhaigh esan bàs air son aingidheachd 'athair, mairidh e gu cinnteach beò.

18 'Athair, a chionn gu'n do shàruich e gu h-an-ìochdmhor, gu'n do chreach e a bhràthair le fòirneart, agus gu'n d' rinn e an ni sin nach robh ceart am measg a shluaigh, feuch, bàsaichidh eadhon esan 'na aingidheachd.

19 Gidheadh tha sibhse ag ràdh, 'Car son? nach 'eil am mac a' giùlan aingidheachd an athair? An uair a rinn am mac an ni sin a tha dligheach agus ceart, a ghléidh e mo reachdan-sa uile, agus a rinn e iad, mairidh e gu cinnteach beò.

20 An t-anam a chiontaicheas, gheibh esan bàs: cha ghiùlain am mac aingidheachd an athair, ni mò ghiùlaineas an t-athair aingidheachd a' mhic: bithidh fireantachd an fhàir-ein air fèin, agus aingidheachd an aingidh air fèin.

21 Ach ma philleas an t-aingidh o 'uile aingidheachd a rinn e, agus gu'n coimhid e mo reachdan-sa, agus gu'n dean e an ni sin a tha dligheach agus ceart, mairidh e beò, cha-n fhaigh e bàs.

22 'Uile lochdan a chuir e 'n gnìomh cha bhì iad air an cuimhneachadh dha: 'n a fhìreantachd a chuir e 'n gnìomh mairidh e beò.

23 An bheil tlachd air bith agam-sa ann am bàs an aingidh? tha an Tighearn Dia ag ràdh: nach ann a tha mo tlachd 'n a philleadh o 'shlighe, agus gu'm bitheadh e beò?

24 Ach an uair a philleas am firean air falbh o 'fhìreantachd, agus a chuireas e 'n gnìomh aingidheachd, a' deanamh a réir nan uile ghràineileachdan a ni an t-aingidh, am mair e beò? air 'uile fhìreantachd a

rinn e cha bhì iomradh: 'n a chionta a chiontaich e, agus 'n a pheacadh a pheacaich e, annta-san gheibh e bàs.

25 Gidheadh tha sibhse ag ràdh, Cha-n'eil slighe an Tighearna cothromach. Eisdibh a nis, O thigh Israeil, nach 'eil mo shlighean-sa cothromach? nach 'eil 'ur shlighean-se neo-cothromach?

26 'N uair a chlaonas am firean o 'fhìreantachd, agus a chuireas e 'n gnìomh aingidheachd, agus a bhàsaicheas e iunte; air son 'aingidheachd a rinn e gheibh e bàs.

27 A rìs, an uair a philleas an t-aingidh air falbh o 'aingidheachd a chuir e 'n gnìomh, agus a ni e an ni a tha dligheach agus ceart, gléidhidh e 'anam beò.

28 A chionn gu bheil e 'toirt faineart, agus a' pilleadh o 'uile lochdaibh a chuir e 'n gnìomh, mairidh e gu cinnteach beò, cha-n fhaigh e bàs.

29 Gidheadh tha tìgh Israeil ag ràdh, Cha-n'eil slighe an Tighearna cothromach. O thigh Israeil, Nach 'eil mo shlighean-sa cothromach? nach 'eil 'ur shlighean-se neo-cothromach?

30 Uime sin bheir mise breth oirbh, O thigh Israeil, gach aon a réir a shlighe, tha an Tighearn Dia ag ràdh: Gabhaibh aithreachas, agus pillibh o 'ur n-uile chiontaibh; mar sin cha dean aingidheachd 'ur milleadh.

31 Tilgibh uaibh 'ur n-uile chionta leis an do chiontaich sibh, agus deanaibh dhuibh fèin cridhe nuadh, agus spiorad nuadh; oir 'car son a bhàsaicheas sibh, O thigh Israeil?

32 Oir cha-n'eil tlachd agam-sa ann am bàs an ti a bhàsaicheas, tha an Tighearn Dia ag ràdh: uime sin, pillibhse, agus mairibh beò.

CAIB. XIX.

1 *Tuireadh air son uachdaran Israeil. 10*
Le cosamhlachd fionain air a suidheachadh ann an fhàsach nochdadh staid aonaranach Ierusalem.

OS bàrr, tog thusa suas tuireadh air son uachdaran Israeil,

2 Agus abair, Ciod i do mhàthair? leòmh-an boirionn: luidh i sìos am measg leòmh-an, dh'altruim i a cuileanan am measg leòmh-an òga.

3 Agus thog i suas aon d'a cuileanaibh: dh'fhàs e 'n a leòmh-an òg, agus dh'fhoghlaim e breth air a' chreich; shluig e daoine.

4 Chuala na cinnich fòs iomradh air, ghlacadh e 'n an slochd, agus thug iad e le slabhruidibh gu tìr na h-Eiphit.

5 A nis, 'n uair a chunnaic i gu'n d' fhàs i lag, agus gu'n do chaill i a dòchas, an sin ghabh i aon eile d'a cuileanaibh, agus rinn i leòmh-an òg d'heath.

6 Agus dh'imich e sìos agus suas am measg nan leòmh-an, dh'fhàs e 'n a leòmh-an òg, agus dh'fhoghlaim e breth air a' chreich; shluig e daoine.

7 Agus thug e fainear an àrois, agus chuir e fàs am bailtean; agus bha 'n dùthaich fo uamhas, agus an làn a bha innte, le fuaim a bheucaich.

8 An sin chruinnich na cinnich 'n a aghaidh air gach taobh, o na mòr-roinnibh, agus sgaoil iad an lion thairis air: ghlacadh e 'n an slochd.

9 Agus chuir iad e 'n sàs ann an slabh-ruidhean, agus thug iad e gu rìgh Bhabailoin; thug iad e gu daingnichean, a chum nach cluinnteadh tuilleadh a ghuth air sléibh-tibh Israeil.

10 Tha do mhàthair cosmhail ri fionain, suidhichte ri taobh nan uisgeachan: bha i torrach, agus làn de gheugaibh, a thaobh nìdhnan uisgeachan.

11 Agus bha slatan làidir aice, air son slatan-riaghlaidh nan uachdaran; agus bha a h-àirde togtas suas am measg nan tugh-gheugan, agus chunnacas i 'n a h-àirde féin am measg fionnhoireachd a meanglan.

12 Ach spionadh a nìos i ann an-corruih, thilgeadh i sìos gu làr, agus thiormaich a' ghaoth an ear suas a meas: bhriseadh agus sheargadh a slatan làidir, loisg an teine iad.

13 Agus a nis, tha i air a suidheachadh anns an fhàsach, ann am fearann tioram tartmhor.

14 Agus tha teine air dol a mach o shlaith d'a geugaibh, a loisg a meas, air chor as nach 'eil slat làidir air bith aice gu bhì 'n a slait gu riaghladh. Is tuireadh so, agus bithidh e 'n a thuireadh.

CAIB. XX.

1 *Dhiùlt Dia 'bhi air fhiosrachadh le seanairibh Israeil: 4 Dh'airis e an ceannairc 'n a aghaidh 's an Eiphit, 13 's an fhàsach, 27 agus ann an tìr a' gheallaidh. 33 Bhagair e iad le 'chorruich, 34 ach gheall e an tional as na dùthaich anns an robh iad air an sgapadh.*

AGUS tharladh anns an t-scachdamh bliadhna, 's a' chùigeamh mìos, air an deicheamh là de'n mhìos, gu'n d'fhàinig cuid àraid de sheanairibh Israeil a dh'fhiosrachadh o'n Tighearn, agus shuidh iad ann am làthair-sa.

2 An sin thàinig focal an Tighearn 'a m' ionnsuidh, ag ràdh,

3 A mhic an duine, labhair ri seanairibh Israeil, agus abair riu, Mar so tha an Tighearn Dia ag ràdh, An d'fhàinig sibh a dh'fhiosrachadh dhìom-sa? mar is beò mise, deir an Tighearn Dia, cha bhì mi air m' fhiosrachadh leibh.

4 An tagair thu as an leth, a mhic an duine, an tagair thu? thoir orra gu'n aithnich iad gràineileachdan an aithrichean;

5 Agus abair riu, Mar so tha an Tighearn Dia ag ràdh, Anns an là 's an do règhnadh mise Israeil, agus anns an do thog mi suas mo làmh air son sliochd tìghe Iacoib, agus anns an d'rinn mi mi féin aithnichte dhoibh

ann an tìr na h-Eiphit, 'n uair a thog mi suas mo làmh air an son, ag ràdh, Is mi Iehobhah 'ur Dia:

6 Anns an là 's an do thog mi suas mo làmh air an son, gu'n toirt a mach á tìr na h-Eiphit, a chum fearainn a rannsaich mi mach dhoibh, a' sruthadh le bainne agus le mil, a's e glòir nan uile fhearann.

7 An sin thubhairt mi riu, Tigibh uaibh, gach aon neach gràineileachdan a shùil, agus na truaillibh sibh féin le ìodholaibh na h-Eiphit: is mise Iehobhah 'ur Dia.

8 Ach chathaich iad a'm' aghaidh, agus cha-n òisdeadh iad rium: cha do thilg iad uatha, gach aon gràineileachdan an sùil, ni mò 'thréig iad ìodholan na h-Eiphit: an sin thubhairt mi, Dòirtidh mi mo chorruich orra, a chum gu'n coimhlion mi m' fhearg 'n an aghaidh ann am meadhon tìre na h-Eiphit.

9 Ach dh'oibrich mi air sgàth m' ainme féin, a chum nach truaillteadh e an làthair nan cinneach am measg an robh iad, agus an d' rinn mi mi féin aithnichte dhoibh 'n an sealladh, le 'n toirt a mach á tìr na h-Eiphit.

10 Air an aobhar sin thug mi orra dol a mach á tìr na h-Eiphit, agus thug mi iad a chum an fhàsaich;

11 Agus thug mi dhoibh mo reachdan, agus dh'fhoillsich mi dhoibh mo bhreithcanais, iad sin ma choimhlionas duine sam bith, mairidh e beò anna.

12 A thuilleadh air so fòs, thug mi dhoibh mo shàbaidean, gu bhì 'n an comharadh eadar mise agus iadsan, a chum gu'n aithnichteadh iad gur mi an Tighearn a tha 'g an naomhachadh.

13 Ach rinn tìgh Israeil ceannairc a'm' aghaidh anns an fhàsach: cha do ghluais iad ann am reachdaibh, agus rinn iad tàir air mo bhreithcanais, nìthan ma ni duine, mairidh e beò anna; agus mo shàbaidean thruaill iad gu mòr: an sin thubhairt mi gu'n dòirtinn mo chorruich a mach orra 's an fhàsach, a chum an caitheaml.

14 Ach dh'oibrich mi air sgàth m' ainme féin, a chum nach bitheadh e air a thruaill-eachd am measg nan cinneach, a thug mi iad a mach 'n an sealladh.

15 Ach fòs thog mi suas mo làmh dhoibh anns an fhàsach, nach tugainn iad do'n fhearann a thug mi dhoibh, a' sruthadh le bainne agus le mil, a's e glòir nan uile fhearann:

16 A chionn gu'n d'rinn iad tàir air mo bhreithcanais, agus nach do ghluais iad ann am reachdaibh, ach gu'n do thruaill iad mo shàbaidean: oir chaidh an cridhe an déigh an ìodholan.

17 Gidheadh chaomhain mo shùil iad o'n sgrìos, ni mò 'rinn mi crìoch a thoirt orra 's an fhàsach.

18 Ach thubhairt mi r'an cloinn anns an

fhàsach, Na gluaisibhse ann an reachdaibh 'ur n-aithrichean, ni mò ghléidheas sibh am breitheanais, no thruailleas sibh sibh féin le 'n iodholaibh.

19 Is mise an Tighearn 'ur Dia; gluaisibh ann am reachdaibh, agus coimhidibh mo bhreitheanais, agus deanaibh iad:

20 Agus naomhaicibh mo shàbaidean; agus bithidh iad 'n an comharadh eadar mise agus sibhse, a chum gu'm bi fios agaibh gur mise an Tighearn bhur Dia.

21 Gidheadh, rinn an clann ar-a-mach ann am aghaidh: cha do ghluais iad ann am reachdaibh, ni mò 'choimhid iad mo bhreitheanais gu'n deanamh, nithean ma ni duine, mairidh e beò annta; thruaill iad mo shàbaidean: an sin thubhairt mi gu'n dòirtinn a mach mo chorruich orra, chum gu'n coimhlionainn m' fhearg 'n an aghaidh anns an fhàsach.

22 Gidheadh, phill mi air a h-ais mo làmh, agus rinn mi air sgàth m' ainme féin, a chum nach bitheadh e air a thruaillcadh ann am fianuis nan cinneach, a thug mi iad a mach 'n an sealladh.

23 Thog mi suas mo làmh dhoibh fòs anns an fhàsach, gu'n sgapainn iad am measg nan cinneach, agus gu'n sgaoilinn iad feadh nan dùthchan;

24 A chionn nach do chuir iad 'an gnìomh mo bhreitheanais, ach gu'n d'rinn iad tàir air mo reachdaibh, agus gu'n do thruaill iad mo shàbaidean, agus gu'n robh an sùilean an dèigh iodholan an aithrichean.

25 Uime sin thug mi dhoibh fòs reachdan nach robh maith, agus breitheanais leis nach bitheadh iad beò.

26 Agus thruaill mi iad 'n an tìodhlacaibh féin, le iad a bhi 'toirt air gach ni a dh'fhosglaas a' bhrù dol troimh an teine, ionnus gu'n deanainn-sa fàs iad, a chum gu'n aithnicheadh iad gur mi an Tighearn.

27 Uime sin, a mhic an duine, labhair ri tigh Israeil, agus abair riu, Mar so tha an Tighearn Dia ag ràdh, Ann an so fòs mhasluich 'ur n-aithrichean mise, le ciontachadh gu trom a'm' aghaidh.

28 'N uair a thug mi iad do'n fhearann, mu'n do thog mi suas mo làmh gu'n tugainn doibh e, an sin chunnaic iad gach enoc ard, agus na croinn thiugha vile, agus dh'ìobair iad an sin an iobairtean, agus an sin thug iad seachad an tabhartasan fuathach: an sin fòs rinn iad am fàile cùbhairadh, agus dhòirt iad a mach an iobairtean-dibhe.

29 An sin thubhairt mi riu, Cìod an t-ionad àrd gus am bheil sibh a' dol? agus gearr Banaib mar ainm air gus an là an diugh.

30 Uime sin, abair ri tigh Israeil, Mar so tha an Tighearn Dia ag ràdh, Ann bheil sibh air 'ur truailleadh a réir nòis bhur n-aithrichean? agus am bheil sibh a' cur striopachais 'an gnìomh a réir an gràineil-eachdair-san?

31 Oir an uair a tha sibh a' toirt seachad 'ur tìodhlacan, 'n uair a tha sibh a' toirt air 'ur mic dol troimh an teine, tha sibh 'g'ur truailleadh féin le 'ur n-uile iodholaibh, eadhon gus an là an diugh: agus an toir mise freagradh dhuibh, O thigh Israeil? Mar is beò mi, tha an Tighearn Dia ag ràdh, cha toir mi dhuibh freagradh.

32 Agus an ni sin a tha 'teachd 'n 'ur n-aire cha tachair air chor air bith, ann am bheil sibh ag ràdh, Bithidh sinn mar na cinnich, mar mhuinntir nan dùthchan, ann an seirbhis a thoirt do chranng agus do chloich.

33 Mar is beò mise, tha an Tighearn Dia ag ràdh, gu cinnteach le làimh chumhachdach, agus le gairdean sìnte mach, agus le corruich air a dòrtadh a mach, riaghlaidh mise os 'ur ceann:

34 Agus bheir mi mach sibh as na slòigh, agus tionaidh mi sibh as na dùthchan anns am bheil sibh air 'ur sgapadh, le làimh thréin, agus le gairdean sìnte mach, agus le corruich air a dòrtadh a mach.

35 Agus bheir mi sibh gu fàsach nam fin-eachan, agus an sin tagraidh mi ruibh aghaidh ri h-aghaidh.

36 Amhuil a thagair mi ri 'ur n-aithrichean ann am fàsach tire na h-Eiphit, is amhuil a thagras mi ruibhse, deir an Tighearn Dia.

37 Agus bheir mi oirb imeachd fo 'n t-slaith, agus bheir mi sibh fo cheangal a' chumhnaint.

38 Agus glanaidh mi mach as 'ur measg na ceannaireich, agus an dream a tha 'cìontachadh a'm' aghaidh: bheir mi iad a mach as an dùthaich anns am bheil iad air chuairt, agus cha téid iad a steach do fhearann Israeil; agus aithnichidh sibh gur mise an Tighearn.

39 Air 'ur son-se, O thigh Israeil, mar so tha an Tighearn Dia ag ràdh, Imichibh, deanaibh seirbhis, gach aon duine d'a iodholaibh a nis 'n a dhéigh so, mur éisd sibh riumsa: ach na truaillobh m' ainm naomh-sa ni's mò le 'ur tabhartasaibh agus le 'ur n-iodholaibh.

40 Oir ann am shliabh naomh-sa, ann an sliabh àirde Israeil, tha an Tighearn Dia ag ràdh, ann an sin ni uile thigh Israeil, na bhitheas air thalamh uile dhiubh, seirbhis dhomh-sa: an sin gabhaidh mi riu, agus an sin iarraidh mi 'ur tabhartais, agus ceud thoraidh 'ur n-iobairtean le 'ur n-uile nithibh naomha.

41 Gabhaidh mi ruibh le 'ur boltrach cùbhairidh an uair a bheir mi mach sibh o na fineachan, agus a thionailcas mi sibh o na dùthchan anns an robh sibh air 'ur sgapadh; agus bithidh mi air mo naomhachadh annaibh ann am fianuis nan cinneach.

42 Agus aithnichidh sibh gur mise an Tighearn, 'n uair a bheir mi sibh gu fearann Israeil, gus an dùthaich mu'n do thog

mi suas mo làmh gu'n tugainn i do 'ur n-aithrichibh.

43 Agus ann an sin cuimhnichidh sibh 'ur shlighe, agus 'ur n-uile dheanadais, anns an robh sibh air 'ur truailleadh; agus bithidh sibh gràineil ann 'ur sealladh fèin air son 'ur n-uile lochdan a rinn sibh.

44 Agus aithnichidh sibh gur mise an Tighearn, 'n uair a dh'òibrichas mi leibh air son m' ainme fèin, cha-n ann a réir 'ur droch shlighe, no a réir 'ur deanadais aingidh, O thigh Israeil, deir an Tighearn Dia.

45 Os bàrr thàinig focal an Tighearn' a m' ionnsuidh, ag ràdh,

46 A mhic an duine, cuir d' aghaidh ris an àirde deas, agus leig sìleadh *de d' fhocal* ri deas, agus dean faistneachd an aghaidh fride na macharach mu dheas;

47 Agus abair ri frìdh na h-àirde deas, Eisd focal an Tighearna; Mar so tha an Tighearn Dia ag ràdh, Feuch, fadaidh mise teine annad, agus loisgidh e gach uile chrann uaine annad, agus gach uile chrann seargta; cha mhùchar an teine lasarach, agus loisgear ann na h-uile aghaidh o dheas gu ruige tuath.

48 Agus chi na h-uile fheoil gur mise an Tighearn a las e: cha bhi e air a mhùchadh.

49 An sin thubhairt mise, Ah! a Thighearna Dhia, tha iad ag ràdh do m' thaobhsa, Nach 'eil e 'labhairt chosamhlachd dorchas?

CAIB. XXI.

1 *Faistneachd an aghaidh fearainn Israeil.*
18 *Stàireadh claidheamh rìgh Bhabiloin an aghaidh Ierusalem.* 28 *Léir-sgrìos nan Amonach.*

A US thàinig focal an Tighearn' a m' ionnsuidh, ag ràdh,

2 A mhic an duine, cuir d' aghaidh ri Ierusalem, agus leig sìleadh *de d' fhocal* ris na h-ionadair naomha, agus dean faistneachd an aghaidh fearainn Israeil,

3 Agus abair ri fearann Israeil, Mar so tha an Tighearn ag ràdh, Feuch, tha mise ann ad aghaidh, agus tairgidh mi mach mo chlaidheamh as a thruaill, agus buinidh mi mach asad am firean agus an t-aingidh.

4 A chionn gu'n gearr mi as uait am firean agus an t-aingidh, uime sin thèid mo chlaidheamh a mach as a thruaill an aghaidh gach uile fheada, o dheas gu tuath:

5 A chum gu'n aithnich gach uile fheada gu'n do tharruing mise Iehobhah mo chlaidheamh a mach as a thruaill; cha phill e air ais ni's mò.

6 Dean acain uime sin, a mhic an duine, a dhochainneas do leasraidh; agus le searbhias dean osnaich fa chomhair an sùl.

7 Agus tarlaidh, 'n uair a their iad riut, C'ar son a tha thu 'g osnaich? gu'm frag-air thusa, Air son an sgeoil, a chionn gu bheil e 'teachd: agus leaghaidh gach aon chridhe, agus bithidh na làmhnan uile lag,

agus gach aon spiorad fann, agus na glùinean uile annhunn mar uisge: feuch tha e 'teachd, agus bheir car e gu crìch, deir an Tighearn Dia.

8 A ris thàinig focal an Tighearn' a m' ionnsuidh, ag ràdh,

9 A mhic an duine, dean faistneachd, agus abair, Mar so tha an Tighearn ag ràdh, Abair, Tha claidheamh, tha claidheamh air a gheurachadh, agus fòs air a lìomhadh.

10 Tha e air a gheurachadh a dheanamh àir ghoirt; tha e air a lìomhadh a chum gu'n dealradh e; a chum gu'n tilgeadh e sìos slat rìoghail mo mhic, gun chrann air bith a chaomhnadh.

11 Agus thug e gu bhli air a lìomhadh e, chum gu'm bitheadh e air a ghlacadh: tha an claidheamh air a gheurachadh, agus tha e air a lìomhadh, gu 'thoirt do làmh a' mharbhaiche.

12 Eighe agus dean nuallan, a mhic an duine, oir bithidh e air mo shluagh-sa, air uile mhòr-uaislibh Israeil: bithidh uamhasan, do thaobh a' chlaidheimh, air mo shluagh: buail, uime sin, air do léis.

13 Oir tha e dearbhata; agus an t-slat rìoghail an uair nach caomhain e i, cha bhi ann ni's mò, deir an Tighearn Dia.

14 Dean thusa, uime sin, a mhic an duine, faistneachd, agus buail do làmhnan air a chèile, agus bithcadh an claidheamh an treas uair air a dhùblachadh, claidheamh nandaoine marbhata, claidheamh a'ghaisgich a mharbhadh, a thèid a steach d' an seòmraichibh uaigneach.

15 Chuir mi roinn a' chlaidheimh an aghaidh an geatachan uile, a chum gu meathadh an cridhe, agus gu meudaichear an mill-eadh: ah! rinneadh lònneach e, gheur-aicheadh air son an àir e.

16 Imich thusa taobh na taobh éigin, air do làmh dheis, no air do làmh chli, ciod air bith taobh a tha d' aghaidh.

17 Buailidh mise fòs mo làmhnan air a chèile, agus bheir mi air mo chorruidh gu'n gabh i fois: mise Iehobhah thubhairt e.

18 Thàinig focal an Tighearn' a m' ionnsuidh a ris, ag ràdh,

19 Mar an ceudna, a mhic an duine, sònraich dà shlighe dhuit fèin, a chum gu'n tigeadh claidheamh rìgh Bhabiloin: thig araon an dithis a mach as an aon tìr; agus tagh thusa àite, tagh e aig ceann na slighe chum a' bhaile.

20 Sònraich slighe, chum gu'n tigeadh an claidheamh gu Rabat nan Amonach, agus gu Iudah ann an Ierusalem, a' chaithir dhaingnichte.

21 Oir sheas rìgh Bhabiloin aig dealachadh na slighe, aig ceann an dà shlighe, a dheanamh fiosachd: lìomh e a shaighdean; chuir e a chomhairle ri dealbhan, sheall e anns an sgamhan.

22 Aig a làmh dheis bha'n fhàistneachd

air son Ierusalem, a dh'orduchadh cheanna-feadhna, a dh'fhosgladh a' bheoil anns an àr, a thogail suas a' ghutha le h-iolaich, a dh'orduchadh reitheadhan-cogaich an aghaidh nan geatachan, a thilgeadh suas tòrr, a thogail daingnich.

23 Agus bithidh e dhoibhsan mar neach ri faistneachd bhréige 'n an scalladh, dhoibhsan a thug mionnan: ach gairmidh e gu cuimhne an aingidheachd, a chum gu'm bi iad air an glacadh.

24 Air an aobhar sin mar so tha an Tighearn Dia ag ràdh, a chionn gu'n d'thug sibh air 'ur n-aingidheachd a bhi air a cuimhneachadh, le 'ur n-eusaontas a bhi air a leigeadh ris, air chor agus gu bheil 'ur lochdan follaiseach 'n 'ur n-uile dheanadas: a chionn gu' bheil sibh air 'ur toirt gu cuimhne glacar 'an làimh sibh.

25 Agus thusa, a phrionnsa mhi-dhiadhaidh, aingidh Israeil, aig am bheil do là air teachd, anns am bi crìoch air aingidheachd.

26 Mar so tha an Tighearn Dia ag ràdh, Atharraich an coron rìoghail, agus thoir dhìot an crùn: cha-n e an aon ceudna 'bhitheas ann: àrdaich an t-ìosal, agus ìslich an t-àrd.

27 Tilgidh mi e bun os ceann, bun os ceann, bun os ceann, agus cha bhi e ann, agus an tig esan aig am bheil còir air, agus *dhàsan* bheir mi e.

28 Agus thusa, a mhic an duine, dean faistneachd, agus abair, Mar so tha an Tighearn Dia ag ràdh a thaobh nan Amonach, agus a thaobh an maslaidh: cadhon abair thusa, Tha an claidheamh tàirngte: air son an àir tha e lìomhta; air son sgrios tha e mar dhealanach.

29 (Am feadh a tha thu 'faicinn dhuit féin dìomhanais, am feadh a tha thu 'faistneachd dhuit féin bréige,) a chum do thoirt air mhuinealaibh na muinntir a leònadh, nan aingidh aig am bheil an là air teachd, anns am bi crìoch aig an euceart.

30 An toir mi air pillleadh air ais g' a thruaill? Anns an àite 's an do chruthaich-eadh thu, ann am fearann do dhùthchais, bheir mise breth ort.

31 Agus dòirtidh mi mach ort mo dhian chorruich; séididh mi ort ann an teine m' fheirge, agus bheir mi thairis thu do làimh dhaoine brùideil, cleachdta ri milleadh.

32 Bithidh tu mar chomadh do'n teine: bithidh d'fhuil ann am meadhon an fhearainn; cha bhi thu nìs mò air chuimhne: oir mise Iehobhah labhair e.

CAIB. XXII.

1 Gràineileachdan Ierusalem. 17 Loisgidh Dia clann Israeil mar shal 'am meadhon na fuirneis. 23 Truaillidheachd gach uile shluaigh, air son an do dhòirteadh dian chorruich Dhé orra.

OS bàrr thàinig focal an Tighearn' a m' ionnsuidh, ag ràdh,

2 A nis, a mhic an duine, an tagair thu, an tagair thu á leth na caithreach fluileach-daich? seadh, feuchaidh tu dhi a h-uile ghràineileachdan.

3 An sin abair thusa, mar so tha an Tighearn Dia ag ràdh, Tha a' chaithir a' dòrtadh fola 'n a meadhon, a chum gu'n tigeadh a h-am, agus a' deanamh iodholan 'n a h-aghaidh féin, gu i féin a thruaillleadh.

4 Tha thu air fas ciontach ann ad fhuil a dhòirt thu, agus thruaill thu thu féin ann ad iodholaibh a rinn thu; agus thug thu air do làithean teachd dlùth, agus thàinig thu chum do bhliadhnachan; uime sin rinn mise dhìot masladh do na cinnich, agus ball-magaidh do na h-uile dhùthchalaibh.

5 Iadsan a tha dlùth, agus iadsan a tha fada uait, ni iad fanoid ortsa 'tha mi-chliùit-each, a tha ri mòran sàruchaidh.

6 Feuch tha uachdarain Israeil annad, gach aon a réir a chumhachd a dhòrtadh fola.

7 Annadsa rinn iad dìmeas air athair agus màthair: ann ad mheadhon bhuin iad le h-ainneart ris a' choigreach: annadsa shàruich iad an dilleachdan agus a' bhant-rach.

8 Rinn thu tàir air mo nithibh naomha-sa, agus thruaill thu mo shàbaidean.

9 Annadsa tha luchd aithris sgeoil a dhòrtadh fola: agus annad tha iad ag itheadh air na sléibhtibh: ann ad mheadhon tha iad a' cur 'an gnìomh neòghloine.

10 Annadsa leig iad ris lomnochduidh an athar; dh'islich iad annad ise a chuireadh a thaobh air son neòghloine.

11 Agus rinn aon gràineileachd le mnaoi a choinmhearsaich; agus thruaill aon eile gu gràineil nighean a mhnà; agus dh'islich neach eile annad a phiuthar, nighean 'athar.

12 Annadsa ghabh iad duais gu fuil a dhòrtadh: ghabh thu ocar agus riadh, agus bhuannaich thu gnasantach o' choinmhearsaich le h-ana-cothrom, agus dhì-chuimhnich thu mise, deir an Tighearn Dia.

13 Feuch uime sin bhuail mise mo làmh air do bhuannachd neo-ionraic a rinn thu, agus ag d'fhuil, a bha ann ad mheadhon.

14 An urrainn do chridhe fulang, no'n urrainn do làmhan a bhi làidir anns na làithibh anns am buin mise riut? Mise Iehobhah labhair, agus ni mi.

15 Agus sgapaiddh mi thu measg nan cinn-cach, agus sgànruidh mi thu measg nan dùthchan, agus caithidh mi do neòghloine asad.

16 Agus bithidh tu air do thruaillleadh ann an scalladh nan cinneach, agus aithnichidh tu gur mise an Tighearn.

17 Agus thàinig focal an Tighearn' a m' ionnsuidh, ag ràdh,

18 A mhic an duine, tha tigh Israeil air fas dhomhsa mar shal; tha iad uile 'n an umha, agus 'n an stàn, agus 'n an iarunn,

agus 'n an luaith, ann am meadhon na fùirneis; cha-n'èil annta ach sal airgid.

19 Air an aobhar sin, mar so tha an Tighearn Dia ag ràdh, A chionn gu'n d'fhàs sibh uile 'n 'ur sal, feuch, uime sin, cruinnichidh mise sibh gu meadhon Ierusalem.

20 Mar a chruinnicheas iad airgid, agus umha, agus iarunn, agus luaith, agus stàn gu meadhon na fùirneis, a chum an teine a shéideadh air, gus a leaghadh; is amhuil a chruinnicheas mise sibhse ann am chorruih, agus ann am fheirg, agus fàgaidh mi sibh an sin, agus leaghaidh mi sibh.

21 Seadh, cruinnichidh mi sibh, agus séididh mi oirbh ann an teine mo chorruih, agus bithidh sibh air 'ur leaghadh 'n a mheadhon.

22 Mar a leaghar airgid ann am meadhon na fùirneis, is amhluaidh a leaghar sibhse 'n a mheadhon-sin; agus aithnichidh sibh gu'n do dhòirt mise Iehobhah mach mo chorruih oirbh.

23 Agus thàinig focal an Tighearn 'a m' ionnsuidh, ag ràdh,

24 A mhic an duine, abair ris an fhear-ann, Is tusa am fearann nach 'eil air d' uisgeachadh, air nach do thuit frasaehd ann an là na dian fheirge.

25 Tha co-bhoimn fhàidhean 'n a mheadhon; mar leòmhann beucah, 'an tòir air a' chreich: shlu'g iad anaman: ghlaic iad an t-ionmhas agus na nithean luachmhor: rinn iad a bhantraichean lionmhor 'n a mheadhon.

26 Bhri a shagartan mo reachd, agus mhi-naomhaich iad mo nithean naomha: cha do chuir iad dealachadh sam bith eadar an naomh agus am mi-naomh, ni mò dh'fheuch iad ciod a tha nèghlan, agus ciod glan: agus dh'fholuich iad an sùilean o m' shàbaidean, agus tha mi air mo mhi-naomhachadh 'n am measg.

27 Tha 'uachdaram 'n a mheadhon mar mhadraibh-alluidh, ciocrach a chum creiche, a dhòrtadh fola, a sgrios anaman, a dh'fhaot-ainn buannachd neo-iouraic.

28 Agus chòmhdaich 'fhàidhean iad le criadh gun oibreachadh, a' faicinn dìomh-anaid, agus a' fàisteachd bhreug dhoibh, ag ràdh, Mar so tha an Tighearn Dia ag ràdh, 'n uair nach do labhair an Tighearn.

29 Glnàthaich sluagh an fhearainn ainneart, agus chuir iad an gnìomh reubainn, agus shàruich iad am bochd agus am feumach: seadh, rinn iad fòirneart air a' choigreach gu h-eucorach.

30 Agus dh'iarr mise air son duine 'n am measg a dheanadh suas a' challaid, agus a sheasadh anns a' bhriseadh fa m' chomhair air son an fhearainn, a chum nach sgrios-ainn e; ach cha d'fhuair mi aon neach.

31 Uime sin dhòirt mi mach orra mo dhian chorruih; chaith mi iad le teine m' fheirge: an slighe féin dhiol mi air an cinn, deir an Tighearn Dia.

1 Strìopachas Aholah agus Aholibah. 22 Smachdaichidh an luchd-gaoil iad. 36 Thugadh achmhasan dhoibh air son an strìopachais, 45 agus dh'fhoillsicheadh na breitheanais a bha gu teachd orra.

TMAINIG focal an Tighearn 'a m' ionnsuidh a ris, ag ràdh,

2 A mhic an duine, bha dithis bhan ann, nigheanan na h-aoin mhàthar;

3 Agus rinn iad strìopachas anns an Eiphit, rinn iad strìopachas 'n an òige; an sin bha an uchd air a bhruthadh, agus an sin bhruthadh cìochan am maighdeanais.

4 Agus b' iad an ainmean, Aholah ise 'bu shine, agus Aholibah a piuthar: agus bu leamsa iad, agus rug iad mic agus nigheanan: mar so an ainmean; is i Aholah Samaria, agus is i Aholibah Ierusalem.

5 Agus rinn Aholah strìopachas an uair bu leamsa i; agus bha i 'n dèigh air a leannain, air na h-Asirianaich, a coimhearsnaich.

6 Sgeudaichte le gorm, 'n cinn-fheadhna, agus 'n an luchd-riaghlaidh, iad uile 'n an òganaich àillidh, marc-shluagh, a' marcachd air eachaibh.

7 Mar so rinn i strìopachas leo, leis a mhead as a bha dh'fhearaibh taghta 'n Asiria, agus leis na h-uile air an robh a cion; le 'n iodhloibh uile shalach si i féin.

8 Ni mò a sguir i d' a strìopachas leis an Eiphit: oir 'n a h-òige luidh iad leatha, agus bhruth iad cìochan a maighdeanais, agus dhòirt iad oirre an strìopachas.

9 Air an aobhar sin thug mise thairis i do làmh a leannan, do làmh nan Asirianaich air an robh a cion.

10 Leig iad so ris a lommochduidh; ghabh iad a mic agus a nigheanan, agus mharbh iad i leis a' chlaidheamh: agus dh'fhàs i ionraiteach ann measg bhan, oir thug iad breitheanais oirre.

11 Agus an uair a chunnaic a piuthar Aholibah so, bha i ni bu truaillidh 'n a gràdh neo-mheasarra na ise; agus 'n a strìopachas ni bu mhò na a piuthar 'n a strìopachas.

12 Bha a cion air na h-Asirianaich a coimhearsnaich, cinn-fheadhna, agus luchd-riaghlaidh, sgeudaichte gu ro sgiamhach, marc-shluagh, a' marcachd air eachaibh, iad uile 'n an òganaich àillidh.

13 An sin chunnaic mi gu'n robh i air a truaillidh, gu'm b' ionann slighe dhoibh araon;

14 Ach gu'n deachaidh ise ni b' fhaide 'n a strìopachas: oir an uair a chunnaic i daoine air an dealbh air a' bhalla, iomhaighean nan Caldeach, air an tarruing le corcur,

15 Crislaichte le crìosaibh air an leasraibh, sgeudaichte le ceann-èididh daithte air an cinn, iad uile mar chinn-fheadhna ri 'm faicinn, cosmhuil ri mic Bhabiloin, a dh'araich tìr Chaldéa.

16 Agus co luath as a chunnaic i iad le a

sùilbha, ghabh i cion orra, agus ehuir i teachdairean d'an ionnsuidh, gu Caldéa.

17 Agus thàinig na Babilonaich d'a h-ionnsuidh gus an leabadh-ghaoil, agus thruaill iad i le'n striopachas; ach an déigh 'bhi air a truailleadh leo, bha a h-inntinn air a clonadh air falbh uatha.

18 Mar sin leig i ris a striopachas, agus leig i ris a lomnochduidh; an sin phill m' inntinn-sa uaipe, amhuil a phill m' inntinn o a piuthair.

19 Gidheadh mheudaich i a striopachais, le làithean a h-òige 'ghairm gu cuimhne, anns an d' rinu i striopachais ann an tìr na h-Eiphit.

20 Oir mhiannaich i a cò-chéilidhean, aig am bheil am feoil mar fheoil asal agus an siol mar shìol each.

21 Mar so ghairm thu gu cuimhne neòghloine d' òige, ann am bruthadh do bhrollaich leis na h-Eiphitich, ann am bruthadh cìochan d' òige.

22 Air an aobhar sin, O Aholibah, mar so tha an Tighearn Dia ag ràdh, Feuch, dùisgidh mise suas do leannain ann ad aghaidh, o'm bheil d' inntinn air clonadh, agus bheir mi iad ann ad aghaidh air gach taobh;

23 Na Babilonaich, agus na Caldéich uile, Pecod agus Soa, agus Coa, na h-Asirianaich uile maille ri: iad uile 'n an daoine àillidh, cinn-fheadhna, agus luchd-riaghlaidh, tigh-eàruan mòra agus iomraiteach, iad uile a' marcachd air eachaibh.

24 Agus thig iad ann ad aghaidh le carbadaibh, le cairtean, agus le rothan, agus le coimhthional sluagh, a chuireas ann ad aghaidh targaid, agus sgiath, agus clogaid, air gach aon taobh: agus cuiridh mise breitheanas fa'n comhair, agus bheir iad breth ort a réir am breitleanais.

25 Agus cuiridh mise m' eud a'd' aghaidh, agus buinidh iad gu ro gharg riut: bheir iad air falbh do shròu, agus do chluasan, agus tuitidh d' fhuigheall leis a' chlaidheamh: bheir iad leo do mhic, agus do nigheanan, agus loisgear na dh'fhàgar dhìot anns an teine.

26 Bheir iad dhìot mar an ceudna d' eudach, agus bheir iad air falbh do sheudan maiseach.

27 Mar so bheir mise air do neòghloine sgur annad, agus air do striopachas le tìr na h-Eiphit: air chor as nach tog thu suas do shùilean riu, agus nach cuimhnich thu an Eiphit ni's mò.

28 Oir mar so tha an Tighearn Dia ag ràdh, Feuch, bheir mise thairis thu do làmh na muinntir leis am fuathach thu, do làmh na muinntir o'm bheil do chridhe air clonadh.

29 Agus buinidh iad riut gu fuathach, agus bheir iad air falbh d' uile shaothair, agus fàgaidh iad thu lom agus rùisgte; agus bithidh lomnochduidh do striopachais air a

leigeadh ris, araon do ghràineileachd agus do striopachas.

30 Ni mise na nithean so riut, a chionn gu'n deachaidh tu le striopachas an déigh nan cinneach, a chionn gu bheil thu air do thruailleadh le'n ìodholaibh.

31 Ghluais thu ann an slighe do pheathar, uime sin bheir mise a cupan-sa ann ad làmh.

32 Mar so tha an Tighearn Dia ag ràdh, Olaidh tu de chupan do pheathar, domhain agus farsuinn; nithear gàire fanoid riut, agus bithidh tu a'd' bhall-magaidh; is mòr na bheil ann.

33 Lìonar thu le misg agus le doilghios, le cupan uamhais agus léir-sgrìos, le cupan do phicathar Shamaria.

34 Ni thu fòs 'òl agus a shùghadh as, agus brisidh tu a bhloighdean, agus spionaidh tu do chìochan féin asad: oir mise labhair e, deir an Tighearn Dia.

35 Uime sin mar so tha an Tighearn Dia ag ràdh, A chionn gu'n do dhì-chuimhnich thu mise, agus gu'n do thilg thu mi air do chùlaobh, air an aobharsin, giùlain thusa fòs do ghràineileachd agus do striopachais.

36 Thubhairt an Tighearn rium os bàrr, A mhic an duine, an toir thu breth air Aholah, agus air Aholibah? seadh, foillsich dhoibh an gràineileachd;

37 Gu'n do chuir iad 'an gnìomh adhaltranas, agus gu bheil fuil 'n an làmhnan, agus le 'n ìodholaibh gu'n d' rinn iad adhaltranas, agus gu'n d' thug iad fòs air am mic, a rug iad dhomhsa, siubhal air an son-san troimh an teine g' an losgadh.

38 Os bàrr rinn iad so riumsa; thruaill iad m' ionad naomh air an là sin féin, agus mhi-naomhaich iad mo shàbaidean.

39 Oir an uair a mharbh iad an clann d' an ìodholaibh, an sin thàinig iad air an là sin féin do m' ionad uaomh-sa, 'g a thruailleadh; agus, feuch, mar so rinn iad ann am meadhan mo thighe.

40 Agus a thuilleadh air so, gu'n do chuir iad fios air daoine gu teachd o chéin, chum an do chuireadh teachdair; agus, feuch, thàinig iad, air son an d' rinn thu thu féin a nigheadh, do shùilean a dhath, agus thu féin a sgeudachadh le seudaibh.

41 Agus shuidh thu air leabaidh urramach, agus bord ulluichte f'a comhair, air an do chuir thu mo bholtrach-sa, agus m'òladh.

42 Agus bha guth na muinntir a bha aig suaimhneas maille riu, agus mòr chuid-eachd nam fear o Shaba, o'n fhàsach, a chuir làmh-fhailean air an làmhnan, agus coroin mhaiseach air an cinn.

43 An sin thubhairt mise rithe-sa 'bha scan ann an adhaltranas, An dean iad a nis striopachas leatha, agus ise *leo-san*?

44 Gidheadh chaidh iad a steach d'a h-ionnsuidh, mar a thèid iad a steach gu

striopaich: mar sin chaidh iad a steach gu Aholah agus gu Aholibah, na mnathan neòghlan.

45 Agus bheir na daoine cothromach breth orra, a réir breith bhan adhaltranach, agus a réir breith bhan a dhòirteas fuil; a chionn gur ban-adhaltranaich iad, agus gu bheil fuil 'n an làmhnan.

46 Oir mar so tha an Tighearn Dia ag ràdh, Bheir mise nìos cuideachd orra, agus bheir mi iad gu bhi air an atharrachadh, agus air an creachadh.

47 Agus clachaidh a' chuideachd iad le clachaidh, agus gearraidh iad sìos iad le 'n claidhibh; marbhaidh iad am mic agus an nigheanan, agus loisgidh iad an tighean le teine.

48 Mar so cuiridh mise cosg air gràineil-eachd anns an fhearann, a chum gu'm foghlum na h-uile mhnathan gun deanamh a réir 'ur gràineileachd-sa.

49 Agus diolaidh iad ruibh 'ur gràineil-eachd, agus giùlainidh sibh lochdan 'ur n-iodholan, agus aithnichidh sibh gur mise an Tighearn Dia.

CAIB. XXIV.

1 *Le cosamhlachd coire air ghoil nochdadh léir-sgrìos Ierusalem. 15 Thoirmsgeadh do Eseciel bròn a dheanamh air son bàis a mhàin, 19 chum gu'n cuireadh e 'an cèill do na h-Iudhaich gu n tig trioblaidean orra a thèid os ceann bròin.*

ARIS, anns an naothamh bliadhna, anns à an deicheamh mìos, air an deicheamh là de'n mhìos, thàinig focal an Tighearn 'a m' ionnsuidh, ag ràdh,

2 A mhic an duine, sgrìobh dhuit ainm an là, a' cheart là so: chuir rìgh Bhabiloin e féin an aghaidh Ierusalem air a' cheart là so.

3 Agus labhair cosamhlachd ris an tigh cheannairceach, agus abair ris, Mar so tha an Tighearn Dia ag ràdh, Cuir air coire; cuir air e, agus fòs dòirt ann uisge:

4 Cruinnich a mhìrean ann, gach aon mhìr maith, an t-sliasaid agus an slinnean; lion e le roghadh nan cnàmh.

5 Gabh roghadh an treud, agus loisg fòs na cnàmhan foidhe, thoir goil bhras air, agus bitheadh a chnàmhan air am bruich ann.

6 Uime sin, mar so tha an Tighearn Dia ag ràdh, Is an-aobhlin do'n chaithir fhuil-tich, do'n choire aig am bheil a shal ann, agus o nach deachaidh a shal a mach uaithe; thoir a mach e, mìr air mhìr, na tuiteadh crannchur air bith air.

7 Oir tha a fuil 'n a mcadhon, chuir i air mullach creige i, cha do dhòirt i air an talamh i, chum a folach le duslach:

8 A chum gu'n tugadh i air feirg teachd a nìos a dheanamh dioghaltais: chuir mise a fuil air mullach creige, chum nach bith-eachd i air a folach.

9 Air an aobhar sin, Mar so tha an Tigh-

earn Dia ag ràdh, Is an-aobhlin do'n chaithir fhuil-tich; nì mise fòs a' chruach-theine mòr.

10 Carnaibh connadh, fadaibh an teine, caithibh an fheoil, cuiribh oirre spìosraidh gu leòr, agus loisgear na cnàmhan.

11 An sin cuir falamh e air 'éibhlibh, a chum gu'n teasaich a' phràis, agus gu'n loisg i, agus gu'm bi a salchar air a leaghadh innte, air chor as gu'm bi a salair a chaith-eamh.

12 Lean a sal rithe gu teann, agus cha de dhealaich e rithe; tha a salchar mòr, tha a salchar breun.

13 Ann ad shalchar tha neòghloine, do bhrìgh gu'n do ghlan mi thu, agus nach robh thu glan; cha bhi thu air do ghlanadh o d' thruaillidheachd nì's mò, gus an toit mise air mo chorruich gu'n gabh i tamh ort.

14 Mise Iehobhah labhair, thig e gu crìch, agus coimlionaiddh mise e, cha téid mi air m' ais, nì mò chaomhaincas mi, no ghabhas mi aithreachas; a réir do shlighe, agus a réir do dheanadais bheir iad breth ort, deir an Tighearn Dia.

15 Mar an ceudna thàinig focal an Tigh-earn 'a m' ionnsuidh, ag ràdh,

16 A mhic an duine, feuch, bheiream-sa air falbh uait miann do shùl le buille: gèidh-eachd cha dean thu bròn no gul, nì mò shìleas do dheòir.

17 Leig dhìot glaothaich, na dean caoidh air son nam marbh, ceangail culaidh do chinn ort, agus cuir do bhrògan air de chosaibh, agus na foluich do ghnàis, agus na h-ith aran luchd-bròin.

18 Mar sin labhair mi ris na daoineibh anns a' mhaduinn, agus dh'eug mo bhean mu an-moch: agus rinn mi 's a' mhaduinn mar dh'àithneadh dhomh.

19 Agus thubhairt an sluagh rium, Nach innis thu dhuinn cìod ar gnothuch-ne ris na nithibh so a tha thu 'deanamh?

20 An sin fhreagair mi iad, Thàinig focal an Tighearn 'a m' ionnsuidh, ag ràdh,

21 Labhair ri tigh Israeil, Mar so tha an Tighearn Dia ag ràdh, Feuch, truaillidh mise m' ionad naomh, òirdheirceas 'ur treisc, miann 'ur sùl, agus an nì a 's caomh le 'ur n-anam: agus 'ur mic agus 'ur nigheanan a dh'fhàgadh, tuitidh iad leis a' chlaideamh.

22 Agus nì sibh mar a rinn mise: cha-n fholuich sibh 'ur n-aghaidh, agus cha-n ith sibh aran luchd-bròin.

23 Agus bithidh 'ur n-éididh air 'ur cinn, agus 'ur brògan air 'ur cosaibh: cha dean sibh bròn no gul, ach seargaidh sibh as air son 'ur n-euccartan, agus nì sibh bròn, gach aon r'a chèile.

24 Mar so tha Eseciel dhuibh 'n a chomh-aradh: a réir gach nì a rinn esan, nì sibhse: agus an uair a thig so, aithnichidh sibh gur mise an Tighearn Dia.

25 Mar an ceudna, a mhie an duine, nach *teachair e* anns an là 's am buin mise uatha an ncart, aoibhneas an glòire, miann an sùl, agus an nì sin air an suidhich iad an inntinn, an mic, agus an nigheanan;

26 Gu'n tig esan a thèid as air an là sin do d' ionnsuidh, a thoirt ort a chluinntinn le d' ehlussaidh?

27 Anns an là sin fosgailear do bheul do'n tì 'théid as, agus labhraidh tu, agus cha bhi thu nì's mò balbh, agus bithidh tu dhoibh mar chomharadh, agus aithnichidh iad gur mise an Tighearn.

CAIB. XXV.

1 *Nithear dioghaltas air na h-Amonaich, 8 air Moab agus air Seir, &c. air son an naimhdeas a nochd iad do na h-Iudhaich.*

THAINIG focal an Tighearn' a rìs a m' ionnsuidh, ag ràdh,

2 A mhie an duine, cuir do ghnùis an aghaidh nan Amonach, agus dean fàistneachd 'n an aghaidh;

3 Agus abair ris na h-Amonaich, Cluinneibh focal an Tighearna Dia, Mar so tha an Tighearn ag ràdh, a chionn gu'n d' thubhairt thu, Aha, an aghaidh m' ionaid naomh, 'n uair a thruaillleadh e, agus an aghaidh fearainn Israeil, an uair a bha e fàs, agus an aghaidh tìge Iudah, an uair a dh'fhalbh iad ann am braidheanas;

4 Feuch, uime sin, bheir mise thairis thu do mhuinntir na h-àirde 'n ear mar sheilbh, agus suidhichidh iad annad an àrois, agus nì iad an àite-còmhnuidh annad: ithidh iad do mhcas, agus òlaidh iad do bhainne.

5 Agus nì mi Rabah 'n a crò air son chàmhail, agus clann Amoin 'n a àite-luidhe do theudaibh: agus aithnichidh sibh gur mise an Tighearn.

6 Oir mar so tha an Tighearn Dia ag ràdh, A chionn gu'n do bhuail thu do làmhnan, agus gu'n do bhreab thu le do chosaibh, agus gu'n d'rinn thu gàirdeachas ann ad chridhe, le d' uile tharcuis an aghaidh fearainn Israeil;

7 Feuch, uime sin, sinidh mise mach mo làmh ort, agus bheir mi seachad thu mar chreich do na cinnich, agus gearraidh mi as thu o na slòigh, agus caithidh mi thu a mach as na dùthchaibh: sgriosaidh mi thu, agus aithnichidh tu gur mi an Tighearn.

8 Mar so tha an Tighearn Dia ag ràdh, A chionn gu bheil Moab agus Seir ag ràdh, Feuch, tha tìgh Iudah cosmhuil ris na h-uile cinnich;

9 Air an aobhar sin, feuch, fosglaidh mise taobh Mhoib, a leigeadh ris nam bailtean a tha air 'iomall, maise na dùthcha, Betiesimot, Baal-meon, agus Ciriataim.

10 Do fhearaibh na h-àirde 'n ear, maille ri cloinn Amoin, agus bheir mi iad mar sheilbh, a chum nach bi cuimhne air cloinn Amoin am measg nan cinnich.

11 Agus bheir mi breitheanas air Moab, agus aithnichidh iad gur mi an Tighearn.

12 Mar so tha an Tighearn Dia ag ràdh, A chionn gu'n do ghnàthaich Edom dioghaltas trom an aghaidh Iudah, agus gu'n d'thug e oibheum mòr anns an dioghaltas a rinn e orra:

13 Uime sin, mar so tha an Tighearn Dia ag ràdh, Sinidh mise fòs a mach mo làmh air Edom, agus gearraidh mi as duine agus ainmhidh uaithe, agus nì mi fàs e o Them-an, agus tuitidh muinntir Dhedain leis a' chlaidheamh.

14 Agus leagaidh mi mo dhioghaltas air Edom le làmh mo shluaigh Israeil, agus nì iad ann an Edom a réir mo chorruih, agus a réir mo dhian-fheirge; agus bithidh fios mo dhioghaltais aca, deir an Tighearn Dia.

15 Mar so tha an Tighearn Dia ag ràdh, A chionn gu'n do bhuin na Philistich gu dioghaltach, agus gu'n d'rinn iad dioghaltas le cridhe aingidh gu milleadh, air son an t-sean naimhdeis;

16 Uime sin, mar so tha an Tighearn Dia ag ràdh, Feuch, sinidh mise mach mo làmh air na Philistich, agus gearraidh mi as na Ceretich, agus millidh mi fuigheall slìos na fàirge.

17 Agus nì mi dioghaltas mòr orra le ach-mhasam gharga, agus aithnichidh iad gur mise an Tighearn, 'n uair a leagas mi orra mo dhioghaltas.

CAIB. XXVI.

1 *Sgrìosar Tirus a chionn gu'n d'rinn i tair air Ierusalem. 7 Mòr-chumhachd Nebuchadne-sair an aghaidh Thirus. 15 Criothnaichidh prionnsachan na fàirge, agus bithidh uamhas orra ri fuaime a leagaidh.*

AGUS tharladh anns an aon bhliadhna, deug, air a' cheud là de'n mhìos, gu'n d' thàinig focal an Tighearn' a m' ionnsuidh, ag ràdh,

2 A mhie an duine, a chionn gu'n d' thubhairt Tirus an aghaidh Ierusalem, Aha, tha ise 'bha 'n a dorsaibh do'n t-sluagh briste: phill i thugam-sa; leasaichear mise nis, o chuireadh ise fàs;

3 Air an aobhar sin, mar so tha an Tighearn Dia ag ràdh, Feuch, tha mise a' d' aghaidh, O Thirus, agus bheir mi air mòran chinncach teachd a nìs a' d' aghaidh, mar a bheir an fàirge air a tonnaibh teachd a nìs.

4 Agus sgriosaidh iad ballachan Thirus, agus brisidh iad sìos a daingnich: tairngidh mise fòs a duslach uaipe, agus nì mi i mar mhlùsach creige.

5 Bithidh i 'n a h-ionad sgaoilidh lìon ann am meadhon na fàirge: oir labhair mise, tha an Tighearn Dia ag ràdh, agus bithidh i 'n a creich do na cinnich.

6 Agus marbhar a nigheanan a tha 's a' mhachair leis a' chlaidheamh, agus aithnichidh iad gur mise an Tighearn.

7 Oir mar so tha an Tighearn Dia ag ràdh,

Feuch, bheir mise air Tirus Nebuchadnesar rìgh Bhabloin, rìgh rìghrean, o'n àirde tuath, le eachaibh, agus le carbadaibh, agus le marcaibh, agus le cuideachdaibh, agus le mòran sluagh.

8 Marbhaidh e leis a' chlàidheamh do nigheanan anns a' mhachair; agus nìe daingneach ann ad aghaidh, agus tilgidh e suas tòrr a'd aghaidh, agus togaidh e suas a'd aghaidh an sgiath.

9 Agus cuiridh e innill-cogaidh an aghaidh do bhallachan, agus le 'thuaghan brisidh e sìos do dhaingnich.

10 Le lìonmhoireachd a chuid each, fol-aichidh an duslach thu; criothnaichidh do bhalla le toirm a' mharc-shluagh, agus nan rothan, agus nan carbadan, an uair thèid e steach air do gheatachaibh, mar a thèid daoine steach air baile 's an d' rinneadh briseadh.

11 Le iongannaibh a chuid each saltraidh e sìos do shràidcan uile: marbhaidh e do shluagh leis a' chlàidheamh, agus thèid do dhaingnich làidir sìos gu làr.

12 Agus nì iad creach de d' shaoibhreas, agus nì iad cobhartach de d' cheannachd; agus brisidh iad sìos do bhallachan, agus millidh iad do thighean taitneach; agus leagaidh iad do chlachan, agus d' fhiodh, agus do dhuslach ann am meadhon an uisge.

13 Agus bheir mise air fuaim d' òran sgur, agus cha chluinnear fonn do chlarsach nì's mò.

14 Agus nì mi thu mar mhullach creige: bithidh tu ann ad ionad sgaoilidh lìon: cha bhi thu air do thogail nì's mò: oir mise Iehobhah labhair, deir an Tighearn Dia.

15 Mar so tha an Tighearn Dia ag ràdh ri Tirus, Nach criothnaich na h-eileanan ri fuaim do leagaidh, 'n uair a dh'éigheas a' mhuinntir leònta, 'n uair a nìthean an sgrios ann ad mheadhien?

16 An sin thig uile phrionnsachan na fairge nuas o'n rìgh-chaithrichibh, agus cuiridh iad am falluinnear a thaoibh, agus cuiridh iad dhiubh an culaidhean-grèise: éididh iad iad féin le ball-clrith, suidhidh iad air an làr, agus criothnaichidh iad gach tiota, agus bithidh uamhas orra de d' thaobh-sa.

17 Agus togaidh iad tuireadh air do shon, agus their iad riut, Cionnus a sgriosadh thusa 'bha air d' àiteachadh le luchd-fairge, a' chaithir iomraiteach a bha làidir anns an fhaire, i féin agus a luchd-àiteachaidh, a tha 'eur an eagal air na h-uile 'tha 'g a tathaich?

18 A nis criothnaichidh na h-eileanan ann an là do leagaidh; seadh, bithidh na h-eileanan a tha 's an fhaire fo bhuaireadh air son do shiubhail.

19 Oir mar so tha an Tighearn Dia ag ràdh, An uair a nì mise dhìot caithir fhàs, mar na caithrichean nach 'eil air an àiteachadh, an uair a bheir mi nìos ort an

doimhne, agus a thig na tuitlean mòra os do cheann;

20 An uair a bheir mi ort dol sìos leo-san a thèid sìos do'n t-slochd, le muinntir na h-aimsir' o shean, agus a chuireas mi thu 'an ionadaibh iochdarach na talmhainn, ann an ionadaibh fàs o shean, leo-san a thèid sìos do'n t-slochd, air chor as nach bi thu air d' àiteachadh, agus nach seas thu nì's mò ann an tìr nam bèd:

21 Nì mi uamhas dhìot, agus cha bhi thu ann: ged iarrar thu, gidheadh cha-n fhaigh-ear thu nì's mò gu bràth, deir an Tighearn Dia.

CAIB. XXVII.

1 *Margaidhean Thùruis: 26 Ann an là a sgrios tuitidh a beartas ann am buil-gean na fuirge.*
29 *Nì maraichean agus luchd-àiteachaidh nan eileannan cooidh air a son.*

THAINIG focal an Tighearn' a m'ionn-suidh a ris, ag ràdh,

2 A nis a mhic an duine, tog suas tuireadh air son Thùruis;

3 Agus abair ri Tirus, O thusa 'tha air do shuidheachadh aig dol a steach na fairge, *a tha 'd' cheannaiche* do'n t-sluagh air son mhòran eileanan, Mar so tha an Tighearn Dia ag ràdh, O Thùruis, thubhairt thu, Tha mi ro sgiamhach.

4 Tha d'iomall ann am meadhon na fairge, rinn do luchd-togail do mhaise foirfe.

5 Rinn iad d' uile chlàir de chrannaibh giubhais Shenir: thug iad seudaire Lebanon a dheanamh chrann-siùil duit.

6 De dharagaibh Bhàsain rinn iad do ràmhnan: rinn cuideachd nan Asurach do thotachan de chnàmhan-deuda o eileanaibh Chitin.

7 B'e anart grinn, le obair-ghréise o'n Eiphit a sgaoil thu mach gu bhì 'n a sheòl duit: b'e gorm agus purpur o eileanaibh Elisah an nì sin a sgeudaich thu.

8 B' iad luchd-àiteachaidh Shìdoìn agus Arbhaid do mharaichean: b' iad do dhaoine glìce 'bha annad, O Thùruis, luchd-stiuridh do loingeis.

9 B' iad seanairean Ghebail, agus a dhaoine glìce, 'bha agad 'n an luchd-calcaidh: bha loingeis na fairge gu léir, le 'm maraichean annad, a chum do mhalairt a mheudachadh.

10 B' iad muinntir Phersia, agus Luid, agus Phuit, d'fhir-chogaidh ann ad fheachd: chroch iad suas an sgiath agus a' cheannbheart annad; chuir iad 'an cèill do mhaise.

11 Bha fir Arbhaid le d' fheachd air do bhallaichaibh mu'n cuairt, agus bha na Gamadaich ann ad thùraibh: chroch iad an sgiathan air do bhallaichaibh mu'n cuairt: rinn iad do mhaise foirfe.

12 B' i Tarsis do cheannaiche, do bhrìgh pailteis an uile stòrais; le airgiod, iarum, stàn, agus luaith, rinn iad malairt ann ad mhargaidhean.

13 Iabhan, Tubal, agus Mesech, b' iadsan

do cheannaichean: reic iad pearsannan dhaoine, agus soithichean umha ann ad mhargadh.

14 Rinn muinntir Thogarmah malairt ann ad mhargaidhean, le eachaibh, agus le marc-shluagh, agus le muileidibh.

15 B' iad fir Dhédain do cheannaichean, mòran eileanan malairt do lèimhe: thug iad a d' ionnsuidh mar thiodhlac, adharcan deud-chnàmh, agus eboni.

16 B' i Siria do cheannaiche air son lìon-mhoireachd nan oibre a rinn thu: rinn iad malairt ann ad mhargaidhean le emerald, purpur, agus obair-ghréise, agus anart grinn, agus coral, agus agat.

17 B' iad Iudah agus tìr Israeil do cheannaichean: reic iad ann ad mhargadh cruithneachd Mhinnit, agus Pannag, agus mil, agus oladh, agus ioc-shlainte.

18 B' e Damascus do cheannaiche ann an lìonmhoireachd nan oibre a rinn thu, air son pailteis an uile shaoibhreis: ann am fìon Helboin, agus ann an olainn ghil.

19 Rinn Dan fòs, agus Iabhan, a' dol air an ais agus air an aghaidh, malairt ann ad mhargaidhean: bha iarunn oibrichte, casia agus calamus ann ad mhargadh.

20 B' e Dedan do cheannaiche ann an eud-aichibh luachmhor air son charbad.

21 Rinn Arabia, agus uile phrionnsachan Chedair malairt riut ann an uain, agus ann an reitheachan, agus ann an gabhraibh: anns na nithibh so b' iad do luchd-malairt.

22 Ceannaichean Sheba agus Raamah, b' iadsan do cheannaichean: rinn iad malairt ann ad mhargadh le taghadh nan uile spiosradh, agus leis na h-uile chlachaibh luchdmhor, agus le h-òr.

23 B' iad Haran agus Canneh, agus Eden, ceannaichean Sheba, Asuir, agus Chilmaid, do cheannaichean-sa.

24 B' iad so do luchd-malairt anns na h-uile nithibh, ann an eudaichibh gorma, agus ann an obair-ghréise, agus ann an cisteachan de chulaidhean rìomhach, air an ceangal le còrdaibh, agus air an deanaimh de sheudar, am measg do mhalairt.

25 Sheinn longan Tharsis mu d' thimchioll ann ad mhargadh; agus bha thu air do lìonadh, agus air do dheanaimh ro ghlòrmhor ann am meadhon nan cuaintean.

26 Thug do luchd-iomraimh thu gu uisgeachan mòra: bliris a' ghaoth an ear thu ann am meadhon na fairge.

27 Do shaoibhreas, agus do mhargadh, do mhalairt, do mharachean, agus d' fhir-stiuridh, do luchd-calcaidh, agus do luchd-malairt, agus d' uile luchd-cogaidh a tha annad, agus ann ad uile chuideachd a tha ann ad mheadhon, tuitidh ann am builsgéan na fairge, ann an là do sgrìos.

28 Rituaime gaoire luchd-stiuridh do loing-eis, criothnaichidh na bailtean mu'n cuairt duit.

29 Agus thig na h-uile a ghilacas an ràmh, na maraichean, uile stiùreadairean na fairge, nuas o'n longaibh, seasaidh iad air an tìr.

30 Agus bheir iad air an guth gu'n cluinnear e os do cheann, agus glaothaidh iad gu goirt, agus tilgidh iad suas duslach air an cinn, ni iad iad féin aornagain anns an luathre.

31 Agus ni iad iad féin uile maol air do shon, agus crioslaichidh iad iad féin ann an eudach-saic, agus guilidh iad air do shon le goirteas cridhe, le tuireadh geur.

32 Agus 'n an caoidh togaidh iad cumha air do shon, agus ni iad bròn os do cheann; ag ràdh, Cò 'bu chosmhui ri Tìrus, a bu chosmhui rithe-sa 'tha millte ann am meadhon na fairge?

33 'N uair chaidh d' oibre a mach anns na fairgibh, shàsuich thu iomadh sluagh; rinn thu beartach rìghrean na talmhainn le mòr-phailteas do shaoibhreis agus do mhalairt.

34 'S an àm anns am brisear thu leis an fhairste ann an doimhneachd nan uisgeachan, tuitidh do cheannachd agus do chuideachd gu h-iomlan ann ad mheadhon.

35 Bithidh uamhas, do d' thaobh, air uile luchd-àiteachaidh nan eileanan, bithidh eagal annhòir air an rìghrean, bithidh an gnùis fo ghruaimean.

36 Ni na ceannaichean am measg nan cinn-each sgeig ort; bithidh tu ann ad uamhas, agus cha bhi thu ann ni's mò gu bràth.

CAIB. XXVIII.

1 Breitheanas an aghaidh prionnsa Thiruis a chionn gu'n robh e uairbheach 'n a chridhe.

11 Caoith os ceann rìgh Thiruis. 20 Breitheanas Shidoin. 24 Tìonailear sluagh Israeil o na cinnich am measg am bheil iad air an sgapadh.

THAINIG focal an Tighearn' a m' ionn suidh a rìs, ag ràdh,

2 A mhic an duine, abair ri prionnsa Thiruis, Mar so tha an Tighearn Dia ag ràdh, a chionn gu bheil do chridhe air a thogail suas, agus gu'n d' thubhairt thu, Is dia mi, tha mi 'm shuidhe ann an caithir Dhé, ann am meadhon nan cuanta; gidheadh is duine thu, agus cha Dia, ged a chuir thu do chridhe mar chridhe Dhé.

3 Feuch, is glice thu na Daniel; cha-n' eil dìomhaireachd sam bith foluichte uait:

4 Le d' ghliocas, agus le d' thuigse, fhuair thu dhuit féin maoin, agus fhuair thu òr agus airgid ann ad thaisgeachaibh.

5 Le d' ghliocas mòr, agus le d' mhalairt, mheudaich thu do shaoibhreas, agus tha do chridhe air a thogail suas le d' bheartas.

6 Air an aobhar sin, mar so tha an Tighearn Dia ag ràdh, A chionn gu'n do chuir thu do chridhe mar chridhe Dhé;

7 Feuch, uime sin, bheir mise coigrich ort, fir uamhasach nan ciùneach; agus tairngidh

iad an claidhean an aghaidh maisc do ghliocas-
ais, agus truailleadh iad do dhealradh.

8 Cuiridh iad sìos do'n t-slochd thu,
agus bàsaichidh tu le bàs na muinntir' a
mharbhar ann am meadhon na fairge.

9 An abair thu fathas an làthair an ti a
mharbhas thu, Is dia mi? ach bithidh tu
a'd' dhuine, agus ni h-ann a'd' dhia ann an
làimh an ti a mharbhas thu.

10 Bàsaichidh tu le bàs nan neo-thim-
chioll-ghearrta, le làimh nan coimheach:
oir mise labhair e, deir an Tighearn Dia.

11 Os bàrr, thàinig focal an Tighearn' a
m' ionnsuidh, ag ràdh,

12 A mhic an duine, tog suas caoidh os
ceann rìgh Thiruis, agus abair ris, Mar so
tha an Tighearn Dia ag ràdh, Tha thu 'cur
seuladh air do chuid stòrais, làn de ghliocas,
agus foirfe ann am maisc.

13 Bha thu ann an Eden, gàradh Dhé;
b'e do chòmhdach na h-uile clach luach-
mhor, an sardius, an topas, agus an daimean,
am beril, an t-onics, agus an iasper, an
saphir, an t-emerald, agus an carbuncal,
agus an t-òr: gheusadh obair do thiompan,
agus do phìoban annad anns an là 's an do
chruthaichidh thu.

14 Is tu an cherub ungta a chòmhaich-
eas: agus shuidhich mise thu; bha thu air
sliabh naomh Dhé; shìubhail thu ann am
meadhon nan clachan dealrach.

15 Bha thu foirfe ann ad shligheibh, o'n là
's an do chruthaichidh thu, gus an d'
fhuaradh annad aingidheachd.

16 Le lìonmhoireachd do mhalairt lion iad
do mheadhon le h-ainneart, agus pheacaich
thu: uime sin, tilgidh mise thu, mar ni mi-
naomh, a mach o shliabh Dhé: agus sgrìos-
aidh mi thu, O a cheruib a chòmhaicheas!
à meadhon nan clachan dealrach.

17 Bha do chridhe air a thogail suas le d'
mhaise; thruaill thu do ghliocas le d' dheal-
radh: tilgidh mise gu làr thu, cuiridh mi
thu an làthair rìghrean, gu bhli a' d' bhall-
amhaire dhoibh.

18 Le lìonmhoireachd d'euceartan thruaill
thu d' ionadan naomha, le euceart do mhal-
airt: uime sin bheir mise mach teine as do
mheadhon, caithidh e thu, agus ni mise
luath dhìot air an talamh, ann an sealladh
nan uile a chi thu.

19 Iadsan uile d' an aithne thu measg an
t-shluaigh, bithidh uamhas orra do d' thaobh:
bithidh tu ann ad uamhunn, agus cha bhi
thu ann ni's mò gu bràth.

20 A ris thàinig focal an Tighearn' a
m' ionnsuidh, ag ràdh,

21 A mhic an duine, cuir do ghnùis an
aghaidh Shidoin, agus dean fàistneachd 'n
a h-aghaidh.

22 Agus abair, Mar so tha an Tighearn
Dia ag ràdh, Feuch, tha mise ann ad
aghaidh, O Shidoin, agus bithidh mi air
mo ghlorachadh ann ad mheadhon: agus

aithnichidh iad gur mi an Tighearn n uair
a ni mi innte breitheanais, agus a bhitheas
mi air mo naomhachadh innte.

23 Oir cuiridh mi innte plàigh, agus fuil 'n
a sràidibh, agus bheirear breitheanas air an
leònta 'n a meadhon, leis a' chlàidheamh a
bhitheas oirre air gach taobh; agus aith-
nichidh iad gur mi an Tighearn.

24 Agus cha bhi dris dhealgach ann ni's
mò do thigh Israeil, no drisa bheir doilghios,
dhiubhsan uile mu'n cuairt a tha ri tàir
orra; agus aithnichidh iad gur mise an
Tighearn Dia.

25 Mar so tha an Tighearn Dia ag ràdh,
'n uair a thionailas mise tigh Israeil o na
cinnich ann measg am bheil iad air an
sgapadh, agus a bhitheas mi air mo naomh-
achadh anna, 'an sealladh nan cinneach, an
sin gabhaidh iad còmhnuidh 'n am fearann
a thug mise do m' òglach Jacob.

26 Agus gabhaidh iad còmhnuidh ann gu
tèaruinte, agus togaidh iad tighcan, agus
suidhichidh iad fion-liosan: seadh, gabh-
aidh iad còmhnuidh le dànachd, an uair a
ni mise breitheanas orra-san nile 'tha dean-
amh tàir orra gach taobh mu'n cuairt doibh;
agus aithnichidh iad gur mise Iehobhah an
Dia.

CAIB. XXIX.

1 Breitheanas an aghaidh Pharaoh do bhrìgh
gu'n do bhuin e gu cealgach ri Israel. 8 Cuir-
ear tìr na h-Eiphit fàs, ach cruinnichear a
sluaigh a ris d'an dùthaich féin an ceann dà
fhichead bliadhna. 17 Gheibh Nebuchadne-
sar an Eiphit mar thuarasdál air son a sheirbhís
an aghaidh Thiruis.

ANNS an deicheamh bliadhna, anns an
deicheamh mìos, air an dara là deug
de'n mhìos, thàinig focal an Tighearn' a m'
ionnsuidh, ag ràdh,

2 A mhic an duine, cuir do ghnùis an
aghaidh Pharaoh rìgh na h-Eiphit, agus
dean fàistneachd 'n a aghaidh-san, agus an
aghaidh na h-Eiphit uile.

3 Labhair agus abair, Mar so tha an Tigh-
earna Dia ag ràdh, Feuch, tha mise a d'
aghaidh, O Pharaoh, a rìgh na h-Eiphit, an
uabheist mhòr a tha 'n a luidhe ann am
meadhon 'aimhnichean féin, a thubhairt, Is
lean féin m' amhainn, rinn mi air mò shon
féin i.

4 Ach cuiridh mise dubhain ann ad ghial-
aibh, agus bheir mi air iasg d' aimhnichean
leantunn ri d' lannaibh, agus bheir mi
nìos thu à meadhon d' aimhnichean, agus
leanaidh uile iasg d' aimhnichean ri d'
lannaibh.

5 Agus tréigidh mise thu 's an fhàsach,
thu féin agus uile iasg d' aimhnichean:
tuitidh tu air na machraichibh loma; cha
bhi thu air do thional, no air do chruinn-
eachadh ri 'chéile: thug mise thu mar
bhiadh do bheathaichibh na macharach,
agus do eunlaith an athair.

6 Agus aithnichidh uile luchd-àitcachaidh na h-Eiphit gur mise an Tighearn, a chionn gu'n robh iad 'n an luirg chuilee do thigh Israeil.

7 'N uair a ghlae iad thu, bhris thu 'n an làimh, agus reub thu an gualainn uile: agus an uair a leig iad an taiee rint, bhris thu, agus dh'fhàg thu an leasraidh uile gun taiee.

8 Air an aobhar sin, mar so tha an Tighearn Dia ag ràdh, Feuch, bheir mise claidheamh ort, agus gearraidh mi mach asad duine agus ainmhidh.

9 Agus bithidh tìr na h-Eiphit falamh agus fàs; agus aithnichidh iad gur mise an Tighearn: a chionn gu'n d' thubhairt e, Is leamsa an amhainn, agus is mi a rinn i.

10 Feuch, uime sin, tha mise ann ad aghaidh, agus an aghaidh d' ainmheachan; agus ni mi tìr na h-Eiphit gu tur fàs agus falamh, o thùr Shiene, eadhon gu iomall Etopia.

11 Cha-n imich eos duine sam bith troimpe, agus cha-n imich eos ainmhidh troimpe, ni mò bhitheas i air a h-àitcachadh ré dà fhichead bliadhna.

12 Agus ni mi tìr na h-Eiphit fàs ann am meadhan nan dùthchan a tha fàs, agus bithidh a caithriehean, ann am meadhan nan caithriehean a tha falamh, air an deanamh 'n am fàsaich ré dà fhichead bliadhna: agus sgapaidh mi na h-Eiphitich ann measg nan cinneach, agus sgaolilidh mi iad feadh nan dùthchan.

13 Gidheadh mar so tha an Tighearn Dia ag ràdh, An ceann dà fhichead bliadhna cruinnichidh mise na h-Eiphitich o na cinnech anns an robh iad air an sgaolleadh.

14 Agus bheir mi air a h-ais bruid nan Eiphiteach, agus bheir mi orra pilleadh gu fearann Phatros, gu dùthaich an còmh-nuidh, agus bithidh iad an sin 'n an rìogh-achd shuaraich.

15 Bithidh i suarach seach gach rìoghachd, agus eha-n àrdaich si i fèin nì's mò am measg nan cinneach: oir lughdaichidh mise iad, air chor as nach riaghlaich iad nì's mò os ceann nan cinneach.

16 Agus cha bhi i nì's faide 'n a dòchas aig thigh Israeil, a bheir an eusaontas gu cuimhne, 'n uair a sheallas iad 'n an deigh: ach aithnichidh iad gur mise an Tighearn Dia.

17 Agus tharladh anns an t-seachdamh bliadhna fichead, anns a' cheud mhìos, air a' cheud là de'n mhìos, gu'n d' thàinig focal an Tighearn' a m' ionn-

18 A mhic an duine, thug Nebuchadnesar rìgh Bhabiloin air a shluagh seirbhis mhòr a dheanamh an aghaidh Thùris: rinneadh gach ceann maol, agus gach gualann lom; gidheadh cha robh tuarasdal air bith aige fèin, na aig a shluagh, air son Thùris, air son na seirbhis a rinn e 'n a h-aghaidh.

19 Air an aobhar sin, mar so tha an Tighearn Dia ag ràdh, Feuch, bheir mise tìr na h-Eiphit do Nebuchadnesar rìgh Bhabiloin, agus glaeaidh e a shluagh, agus glacaidh e a creach, agus glacaidh e a còbhartach, agus bithidh sin 'n a thuarasdal aig a shluagh.

20 Thug mise dha tìr na h-Eiphit air son a shaoithreach leis an do shaoithrich e 'n a h-aghaidh; a chionn gu'n d' oibrich iad air mò shonsa, deir an Tighearn Dia.

21 Anns an là sin bheir mi air adharc tighe Israeil briseadh a mach, agus bheir mi dhuit-sa fosgladh a' bhcoil 'n am meadhan; agus aithnichidh iad gur mise an Tighearn.

CAIB. XXX.

1 *Tuaidh an Eiphit leis a' chlaidheamh, agus thig uabhar a cumhachd a nuas.* 20 *Nearc aichear gairdean rìgh Bhabiloin chum gu'm bris e gairdean rìgh na h-Eiphit.*

THAINIG focal an Tighearn' a m' ionn-
suidh a ris, ag ràdh,

2 A mhic an duine, dean fàistneachd agus abair, Mar so tha an Tighearn Dia ag ràdh, Deanaibh ulartaich; Oeh, an là!

3 Oir tha an là dlùth, eadhon là an Tighearnna dlàth, là neulach, àm nan cinneach a bhitheas ann.

4 Agus thig an claidheamh air an Eiphit, agus bithidh cràdh mòr ann an Etopia, 'n uair a thuiteas iadsan a mharbhar anns an Eiphit, agus bheir iad a shluagh air falbh, agus brisear sìos a bunaitean.

5 Etopia, agus Libia, agus Lidia, agus an shluagh coimeasgta gu léir, agus Chub, agus muinntir na tìre 'tha 'n co-bhoinn, tuitidh leosan leis a' chlaidheamh.

6 Mar so tha an Tighearn ag ràdh, Tuitidh iadsan fos a tha 'cumail suas na h-Eiphit, agus thig uabhar a cumhachd a nuas: o thùr Shiene tuitidh iad innte leis a' chlaidheamh, deir an Tighearn Dia.

7 Agus bithidh iad fàs ann am meadhan nan dùthchan fàsail, agus bithidh a bailtean ann am meadhan nam bailtean a tha air an fàsachadh.

8 Agus aithnichidh iad gur mise an Tighearn, 'n uair a chuireas mi teine 'n an Eiphit, agus a sgriosar a h-uile luchd-cuideachaidh.

9 Anns an là sin thèid teachdairean a mach uamsa ann an longaibh, a ehur eagail air na h-Etiopaich air nach 'eil eùram, agus thig cràdh mòr orra, mar ann an là na h-Eiphit: oir feuch, tha e 'tèachd.

10 Mar so tha an Tighearn Dia ag ràdh, Cuiridh mise fòs cosgadh air mòr-shluagh na h-Eiphit, le làimh Nebuchadnesair rìgh Bhabiloin.

11 Bheircar e fèin agus a shluagh maille ris, a' chuid a 's uamhasaiche de na cinnech, a sgrios na tìre: agus tairngidh iad an claidheamh an aghaidh na h-Eiphit, agus lionaidh iad an talamh le mairbh.

12 Agus ni mise na h-ainmheachan tioram,

agus reicidh mi am fearann ri làimh nan aingidh; agus ui mi an tìr fàs, agus na h-uile 'tha innte, le làimh nau coimheach: mise Iehobhah labhair.

13 Mar so tha an Tighearn Dia ag ràdh, Sgriosaidh mi fòs na h-ìodholan, agus dìth-ichidh mi ìomhaighean a mach à Noph: agus cha bhi nì's mò prionnsa air tìr na h-Eiphit; agus cuiridh mi eagal ann am fear-ann na h-Eiphit.

14 Agus nì mi Patros 'n a fhàsach, agus cuiridh mi teine ann an Soan, agus nì mi breitheanais ann an No.

15 Agus dòirtidh mi mo chorruich air Sin, neart na h-Eiphit, agus gearraidh mi as muinntir No.

16 Agus cuiridh mi teine anns an Eiphit, bithidh cràdh mòr air Sin, agus reubar No as a chéile, agus bithidh Noph gach là ann an airc.

17 Tuitidh òganaich Abhein agus Phibeseit leis a' chlàidheamh, agus inichidh na baill-ean so gu daorsa.

18 Ann an Tahapanes fòs bithidh an là dorch, 'n uair a bhriseas mise an sin cuing na h-Eiphit: agus sguiridh mòr-chuis a neirt innte: seadh, folaichidh neul i, agus théid a nigheanan air falbh 'am braighdeanas.

19 Mar so nì mise breitheanais auns an Eiphit; agus aithnichidh iad gur mi an Tighearn.

20 Agus tharladh, anns an aon bhliadhna deug, anns a' cheud mhìos, air an t-seachd-*amh là* de'n mhìos, gu'n d'thàinig focal au Tighearn a' m' ionnsuidh, ag ràdh,

21 A mhic an duine, bhris mise gairdean Pharaoh rìgh na h-Eiphit; agus, feuch, cha cheanglar e suas gu bhli air a leighcas, a chur crios air g' a cheangal, g' a dheanamh làidir, a chumail a' chlàidheimh.

22 Uime sin, mar so tha an Tighearn Dia ag ràdh, Fench, tha mise an aghaidh Pharaoh rìgh na h-Eiphit, agus brisidh mi a ghairdeanan, *e sin a tha làidir*, agus *e sin* a bhriseadh; agus bheir mi air a' chlàidheamh tuiteam as a làimh.

23 Agus sgapaidh mi na h-Eiphitich am measg nan cinneach, agus sgaoilidh mi iad feadh nan dùthchan.

24 Agus neartaichidh mi gairdeanan rìgh Bhabiloin, agus cuiridh mi mo chlàidheamh 'n a làimh: ach brisidh mi gairdeanan Pharaoh, agus nì e caoirean 'n a fhianuis, mar dhuine a tha leònta gu bàs.

25 Ach neartaichidh mi gairdeanan rìgh Bhabiloin, agus tuitidh gairdean Pharaoh sìos; agus aithnichidh iad gur mise an Tighearn, 'n uair a chuireas mi mo chlàidheamh ann an làimh rìgh Bhabiloin, agus a shìneas e mach e air tìr na h-Eiphit.

26 Agus sgapaidh mi na h-Eiphitich am measg nan cinneach, agus sgaoilidh mi iad feadh nan dùthchan; agus aithnichidh iad gur mi an Tighearn.

1 Chuir am fàidh an cèill mòrachd an Asirian-*aich*, agus a léir-sgrìos a chionn gu'n robh a chridhe air a thogail suas; 18 nochd e gu'm buineadh Dia air an dòigh cheudna ri Pharaoh rìgh na h-Eiphit.

A GUS tharladh, anns an aon bhliadhna deug, anns an treas mìos, air a' cheud là de'n mhìos, gu'n d'thàinig focal an Tighearn a' m' ionnsuidh, ag ràdh,

2 A mhic an duine, labhair ri Pharaoh rìgh na h-Eiphit, agus r'a mhòr-chuideachd, Co ris a's cosmhuil thu ann ad mhòrachd?

3 Feuch, bu ehran seudair ann an Leb-anon an t-Asirianach, le geugaibh mais each, agus le sgàile dhòrcha, agus le àirde mhòir; agus bha a bhàrr am measg nam meanganan tugh.

4 Thug na h-uisgeachan air fàs, dh'àraich an doimhne suas e, ruith a sruthan mu thimichill a mheangan, agus chuir i mach a sruthan beaga chum uile chraobhan na macharach.

5 Uime sin dh'éirich àirde suas os ceann uile chraobhan na macharach, agus bha a mheanganau lìonmhor, agus dh'fhàs a gheugan fada, le lìonmhoireachd nan uisgeachan, an uair a sgaoil e mach.

6 Rinn uile eunlaith nan speur an nid 'n a gheugaibh, agus fo a gheugaibh rug uile bheathaichean na macharach an àlach, agus fo a sgàile ghabh cruinneachadh mhòran ehinneach còmhnuidh.

7 Mar so bha e mais each 'n a mhòrachd, ann am fad a gheugan: oir bha a fhreumh ri taobh nan uisgeachan mòra.

8 Cha b' urrainn na seudair ann an gàradh Dhé 'fholach: cha robh na craobhan giuthais cosmhuil r'a mheanganaisibh, no na craobhan geann-chmò cosmhuil r'a gheugaibh: cha robh crann air bith ann an gàradh Dhé cosmhuil ris 'n a mhaise.

9 Rinn mi mais each e le lìonmhoireachd a gheugan; ionnus gu'n do ghabh uile chraobhan Edein, a bha ann an gàradh Dhé, farmad ris.

10 Air an aobhar sin, mar so tha an Tighearn Dia ag ràdh, A chionn gu'n d'rinn e uail as àirde, agus gu'n do chuir e suas a bhàrr ann an meadhon nan neul, agus gu bheil a chridhe air a thogail suas 'n a àirde;

11 Uime sin thug mi thairis e do làimh aoin chumhachdaich nan cinneach: buinidh esan gu làidir ris, dh'fhuadaich mise a nach e air son a chionta.

12 Agus ghearr coimhich, a' chuid a's namhasaiche de na cinnich, a mach e, agus dh'fhàg iad e: air na sléibhtibh, agus anns na gleanntaibh uile thuit a gheugan, agus tha a mheangan air am bris each anns gach uile chearnaidh de'n talamh; agus dh'imich uile shluagh an domhain sìos o a sgàile, agus thréig iad e.

13 Air a bhallaich bhris eachaidh uile

eunlaith an athair còmhnuidh, agus bithidh uile bheathaichean na macharach air a gheuguibh:

14 A chum nach àrdaicheadh crann air bith de chrannaibh nan uisgeachan, iad féin air son an àirde, agus nach cuiricadh iad suas am bàrr am measg nan tiugh gheugan, ní mòr sheasadh an croinn suas 'n an àirde, gach aon ag òl suas nan uisgeachan: oir tha iad uile air an toirt thairis gu bàs, do ionadaibh ìochdarach na talmhainn, ann am meadhon chloinn nan daoine, maille riu-san a théid sìos do'n t-slochd.

15 Mar so tha an Tighearn Dia ag ràdh, Anns an là air an deachaidh e sìos do'n uagh, thug mise faicear caoidh a dheanamh; chòmhdaich mi air a shon an doimhne, agus choisg mi a tuitlean, agus bhacadh na h-uisgeachan mòra; thug mi fòs air Lebanon caoidh air a shon, agus dh'fhannaich air a shon uile chraobhan na macharach.

16 Thug mi air na cinuich criothnachadh ri fuaim a leagaidh, 'n uair a thilg mi sìos do'n ionad ìochdarach, leosan: a théid sìos do'n t-slochd; agus bithidh an comhfhurtachd ann an ionadaibh ìochdarach na talmhainn aig uile chraobhan Edein, rogha agus tagha Lebanon, na h-uile 'tha 'g òl suas an uisge.

17 Chaidh iadsan mar an ceudna sìos do'n ionad ìochdarach maille ris, a chum na dream a mharbhadh leis a' chlaidheamh; agus iadsan 'bu ghairdean da, a ghabh còmhnuidh fo a sgàile ann am meadhon nan cinneach.

18 Cò ma ta ris an cosmhuil thusa mar so ann an glòir, agus ann am mòrachd am measg chraobhan Edein? gidheadh, bheicar sìos thu maille ri craobhan Edein gu àiteachan ìochdarach na talmhainn: luidhidh tu ann am meadhon na muinntir neo-thimchioll-ghearrta, maille riu-san a mharbhadh leis a' chlaidheamh: so Pharaoh agus a mhòr-chuideachd uile, deir an Tighearn Dia.

CAIB. XXXII.

1 *Tuireadh air son thrioblaidhean uamhasach na h-Eiphit: 11 Sgrìobhadh claidheamh rìgh Bhablòin i. 17 Bheicair luchd àiteachaidh na h-Eiphit sìos gu ionadan ìochdarach na talmhainn.*

AGUS tharladh, anns an dara bliadhna deug, anns an dara mìos deug, air a' cheud là de'n mhìos, gu'n d'fhàinig focal an Tighearn a' m' ionnsuidh, ag ràdh,

2 A mhic an duine, tog suas tuireadh air son Pharaoh rìgh na h-Eiphit, agus abair ris, Is cosmhuil thu ri leòmhann òg de na cinnich, agus tha thu mar uabheist anns na cuantaibh; agus thàinig thu mach le d' shruthaibh, agus chuir thu troimh 'chéile na h-uisgeachan le d' chosaibh, agus shaluich thu an aimhnichean.

3 Mar so tha an Tighearn Dia ag ràdh, Sgaoididh mise uime sin mo lion os do cheann, le cuideachd mhòran chinneach, agus bheir iad a nìos thu ann am lion.

4 An sin fàgaidh mi air an talamh thu, tilgidh mi mach air an fhaiche luim thu, agus bheir mi air uile eunlaith an athair luidhe ort, agus bheir mi do uile bheathaichibh na talmhainn an sàth dhìot.

5 Agus cuiridh mi d' fheoil air na sléibhtibh, agus lìonaidh mi na glinn le do thul-aichibh.

6 Uisgichidh mi fòs le d' fhuil am fearann anns am bheil thu a' snàmh, gu ruig na sléibhtean; agus bithidh na h-aimhnichean làn dìot.

7 Agus an uair a chuireas mi as thu, fol-aichidh mi na nèamhan, agus ní mi an reultan dorchas: còmhdaichidh mi a' ghrian le neul, agus cha toir a' ghealach seachad a solus.

8 Uile sholuis dealrach nèimh ní mi dorchas os do cheann, agus cuiridh mi dorchadas air d' fhearann, deir an Tighearn Dia.

9 Cuiridh mi fòs doilghios air cridheach-aibh mhòran dhaoine, 'n uair a bheir mi do léir-sgrìos am measg nan cinneach, gus na dùthchan nach b' aithne dhuit.

10 Seadh, cuiridh mi air mòran dhaoine uamhas do d' thaobh, agus bithidh eagal ro mhòr air an rìghribh air do shon, 'n uair thogas mise mo chlaidheamh 'n an làthair; agus criothnaichidh iad ann an tiota; gach aon air son a bheatha féin, ann an là do leagaidh-sa.

11 Oir mar so tha an Tighearn Dia ag ràdh Thug claidheamh rìgh Bhablòin ort.

12 Le claidhibh nan cumhachdach bheir mise air do mhòr-chuideachd tuiteam, leosan uile a's uamhasaiche de na cinnich; agus millidh iad mòr-chuis na h-Eiphit, agus bithidh a mòr-shluagh gu léir air an sgrìos.

13 Sgrìosaidh mi fòs a h-aimhlichean uile o thaobh nan uisgeachan mòra, agus cha chuir cos duine dragh orra tuilleadh, ní mòr ghluaisear iad le ionga aimhidh.

14 An sin ní mise an uisgeachan domhain, agus bheir mi air an aimhnichean ruith mar oiadh, deir an Tighearn Dia.

15 'N uair a ní mi tìr na h-Eiphit 'n a fàsach, agus a bhitheas an dùthaich falamh de'n uì sin de'n robh i làn, 'n uair a bhuail-eas mi na h-uile 'tha 'chòmhnuidh innte, an sin aithnichidh iad gur mise an Tighearn.

16 So an tuireadh leis an tuir iad os a ceann: ní nigheanan nan cinneach caoidh air a son: ní iad caoidh air a son, air son na h-Eiphit, agus air son a mòr-shluagh uile, deir an Tighearn Dia.

17 Tharladh mar an ceudna, 's an dara bliadhna deug, air a' chùigeamh là deug de'n mhìos, gu'n d'fhàinig focal an Tighearn a' m' ionnsuidh, ag ràdh,

18 A mhic an duine, dean cumha air son

mòr-shluaigh na h-Eiphit, agus tilg sìos i, i fèin agus nìghcanan nan cinneach iomraitheach, gu ionadan iochdarach na talmhainn, maille riù-san a thèid sìos do'n t-slochd.

19 Cò air am bheil thu 'toirt barrachd ann am maise? imich sìos, agus luidh leis na neo-thimchioll-ghearrta.

20 Tuitidh iad 'n am meadhon-san a mharbhadh leis a' chlaidheamh: thugadh thairis do'n chlaidheamh i: tairngibh a mach i fèin agus a sluagh gu h-ionlan.

21 Labhraidh cinn-fheadhna nan cumhachdach ris o mheadhon an ionaid iochdarach, maille riù-san a chuidich leis: chaidh iad sìos, tha iad 'n an luidhe leis na neo-thimchioll-ghearrta a mharbhadh leis a' chlaidheamh.

22 Tha Asur an sin agus a chuideachd uile: tha 'uaighean-san m' a thimchioll: tha iad uile marbh, air tuiteam leis a' chlaidheamh.

23 Tha an uaighean air an suidheachadh air gach taobh de'n t-slochd, agus tha a chuideachd mu thimchioll 'uaighe: iad uile air am marbhadh, air tuiteam leis a' chlaidheamh, a dhùisg uamhas ann an tìr nam beò.

24 An sin tha Èlam agus a shluagh uile mu thimchioll 'uaighe, iad uile air am marbhadh, air tuiteam leis a' chlaidheamh; chaidh iadsan sìos neo-thimchioll-ghearrta gu ionadan iochdarach na talmhainn, a dhùisg uamhas ann an tìr nam beò; gidheadh ghiùlain iad an nàire leo-san a chaidh sìos do'n t-slochd.

25 Ann am meadhon nam marbh shuidhich iad leabadh dha maille r'a uile shluagh: tha an uaighean m' a thimchioll, iad uile neo-thimchioll-ghearrta, air am marbhadh leis a' chlaidheamh: ge do dhùisgeadh an uamhas ann an tìr nam beò, gidheadh ghiùlain iad an nàire leo-san a chaidh sìos do'n t-slochd: chuireadh e ann am meadhon na muinntir a mharbhadh.

26 An sin tha Mesech, Tubal, agus a shluagh uile; tha an uaighean m' a thimchioll: iad uile neo-thimchioll-ghearrta, air am marbhadh leis a' chlaidheamh, ge do sgaoil iad an uamhas ann an tìr nam beò.

27 Agus cha luidh iad leis na cumhachdaich, a thuit de na neo-thimchioll-ghearrta, a chaidh sìos do ifrinn le 'n armaibh cogaidh: agus chuir iad an claidhean fo 'n cinn, ach bithidh an aingidheachd air an cnàmhan, ge b' iad uamhas nan cumhachdach ann an tìr nam beò.

28 Seadh, briscar thu ann am meadhon nan neo-thimchioll-ghearrta, agus luidhidh tu leo-san a mharbhadh leis a' chlaidheamh.

29 An sin tha Edom, a rìghrean, agus a phrionnsachan uile, a tha le 'n neart 'n an luidhe ann am fochair na muinntir a mharbhadh leis a' chlaidheamh: luidhidh iad leis na neo-thimchioll-ghearrta, agus leo-san a thèid sìos do'n t-slochd

30 An sin tha prionnsachan na h-àirde tuath, an t-ionlan diubh, agus na Sidonaich uile, a chaidh sìos leis na mairbh, le 'n uamhas tha nàir'orra d'an cumhachd; agus tha iad 'n an luidhe neo-thimchioll-ghearrta leo-san a mharbhadh leis a' chlaidheamh, agus a' giùlan an nàire leo-san a thèid sìos do'n t-slochd.

31 Chi Pharaoh iad, agus bithidh comhfhurtachd aige os ceann a mhòr-chuideachd uile, eadhon Pharaoh agus 'fheachd gu léir air am marbhadh leis a' chlaidheamh, deir an Tighearn Dia.

32 Oir dhùisg mise m' uamhas ann an tìr nam beò: agus suidhichear esan ann am meadhon nan neo-thimchioll-ghearrta, leo-san a mharbhadh leis a' chlaidheamh, Pharaoh agus a shluagh gu léir, deir an Tighearn Dia.

CAIB. XXXIII.

1 Nochdadh do Eseciel a dhleasdanas mar fhear-faire do thigh Israel. 10 Cha-n'eil tlachd air bith aig Dia ann am bàs an aingidh. 21 'N uair a ghlacadh Ierusalem rinn Eseciel fàidheadaireachd gu'm bithleadh am fearann air a chur fàs. 30 Cealyaireachd an t-sluaigh.

A RIS thàinig focal an Tighearn' a m' ionnsuidh, ag ràdh,

2 A mhic an duine, labhair ri cloinn do shluaigh, agus abair riù, 'N uair a bheir mise an claidheamh air dùthaich, ma ghabhas muinntir na dùthcha duine de'n crìochaibh fèin, agus gu'n cuir iad e gu bli 'n a fhear-faire dhoibh;

3 Ma shéideas e 'n trompaid 'n uair a cli e an claidheamh a' teachd air an fhearann, agus ma bheir e rabhadh do'n t-sluagh;

4 An sin, cò air bith a chluinneas fuaim na trompaid, agus nach gabh rabhadh; ma thig an claidheamh, agus gu'n toir e air falbh e, bithidh 'fhuil air a cheann fèin.

5 Chual e fuaim na trompaid, agus cha do ghabh e rabhadh, bithidh 'fhuil air fèin: ach esan a ghabhas rabhadh tèarnaidh e 'anam.

6 Ach ma chi am fear-faire an claidheamh a' teachd, agus nach séid e 'n trompaid, agus nach faigh an sluagh rabhadh; ma thig an claidheamh, agus gu'n toir e aon neach air falbh uatha, tha e air a thoirt air falbh 'n a aingidheachd: ach iarraidh mise 'fhuil air làmh an fhir-fhaire.

7 Mar sin thusa, a mhic an duine, chuir mi thu mar fhear-faire chum tìghe Israel: uime sin éisdidh tu am focal o m' bheul-sa, agus bheir thu dhoibh rabhadh uam-sa.

8 'N uair a their mise ris an aingidh, O dhuine aingidh, gheibh thu gu deimhin bàs; mur labhair thusa chum an t-aingidh a thoirmcasg o 'shlighe, gheibh an duine aingidh sin bàs 'n a aingidheachd: ach air do làmh-sa iarraidh mise 'fhuil.

9 Gidheadh, ma bheir thusa rabhadh do

aingidh mu thimchioll a shlighe, gu pill-eadh uaipe: mur pill e o 'shlighe, gheibh e bàs 'n a aingidheachd, ach thèaruinn thusa d' anam.

10 Uime sin, a mhie an duine, labhair thusa ri tigh Israeil, Mar so deir sibh, ag ràdh, Ma bhitheas ar cionta agus ar lochd-an oirnn, agus gu'n searg sinu aunta, cionnus a dh'fheudas sinn mar sin a bhi beò?

11 Abair riu, Mar is beò mise, deir an Tighearn Dia, cha-n'eil tlachd air bith agam-sa ann am bàs an aingidh; ach gu'm pilleadh an t-aingidh o 'shlighe, agus gu'm bitheadh e beò: pillibh, pillibh, o 'ur droch shlighibh, c'ar son a bhàsaicheas sibh, O thigh Israeil?

12 Uime sin, a mhie an duine, abair thusa ri eloim do shluaigh, Cha dean fireantachd an fhìrcin a shaoradh ann an là a chionta: agus 'n a aingidheachd cha tuit an t-aingidh anns an là 's am pill e o 'chionta; nì mò dh'fheudas am firean a bhi beò air son *'fhìreantachd* anns an là 's am peacae-aihl e.

13 'N uair a their mise ris an fhìrean gu mair e gu deimhin beò: mu nì e bun á 'fhìreantachd féin, agus gu'n dean e aingidheachd, cha chuimhnichear 'uile fhìreantachd; ach air sou 'aingidheachd a rion e, air son sin gheibh e bàs.

14 A ris, au uair a their mise ris an aingidh, Gheibh thu gu deimhin bàs: ma philleas e o 'pheacadh, agus gu'n dean e an nì sin a tha dlìgheach agus ceart;

15 Ma bheir an t-aingidh air ais an geall, agus gu'n aisig e a ris an nì a ghoid e, gu'n gfuais e ann an reachdaibh na beatha, gun aingidheachd a chur 'an gnìomh; mairidh e gu deimhin beò, cha-u fhaigh e bàs.

16 Cha chuimhnichear dha lochd air bith a rinn e: rinn e an nì a tha dleasdànach agus ceart: mairidh e gu cinnteach beò.

17 Gidheadh tha clann do shluaigh-sa ag ràdh, Cha-n'eil slighe an Tighearna cothromach. Ach air an son-san, cha-n'eil an slighe cothromach.

18 'N uair a philleas am firean air ais o 'fhìreantachd, agus a chuireas e 'n gnìomh aingidheachd, gheibh e bàs d' a chionn.

19 Ach ma philleas an t-aingidh air falbh o 'aingidheachd, agus gu'n dean e an nì sin a tha dleasdànach agus ceart, mairidh e beò d' a chionn.

20 Gidheadh tha sibh ag ràdh, Cha-n'eil slighe an Tighearna cothromach: O thigh Israeil, bheir mise breth oirbh, air gach aon a réir a shlighe.

21 Agus tharlach anns an aon bhliadhna deug d' ar bruid, anns an deicheamh mìos, air a' chùigeamh là de'n mhìos, gu'n d'fhàinig aon a theich o Ierusalem a m' ionnsuidh-sa, ag ràdh, Bhuaileadh am baile.

22 Agus bha làn an Tighearn 'orm anns

an anmoch, mu'n d'fhàinig esan a theich, agus dh'fhosgail i mo bheul, gus an d'fhàinig e thugam anns a' mhaduinn; agus dh'fhosglaidh mo bheul, agus cha robh mi ni bu mhò balbh.

23 An sin thàinig focal an Tighearn a m' ionnsuidh, ag ràdh,

24 A mhie an duine, tha iadsan a tha 'g àiteachadh nan ionadan fàsa sin de fhearann Israeil a' labhairt, ag ràdh, Bha Abraham 'n a aonar, agus shealbhaich e am fearann: ach tha sinne lionmhor, thugadh am fearann dhuinn mar sheilbh.

25 Air an aobhar sin, abair riu, Mar so tha an Tighearn Dia ag ràdh, Tha sibh ag ith-eadh maille ris an fhuil, agus a' togail 'ur sùl suas ri 'ur n-ìodholaibh, agus a' dòrtadh fola; agus an sealbhaich sibh am fearann?

26 Tha sibh a' seasamh air 'ur claidheamh, tha sibh a' deanamh gràineileachd, agus a' truailleadh, gach aon *agaibh*, mnà a choimhearsnaich; agus an sealbhaich sibh am fearann?

27 Abair thusa riu mar so, Mar so tha an Tighearn Dia ag ràdh, Mar is beò mise, gu deimhin tuitidh iadsan a tha anns na h-ionadaibh fàsa leis a' chlaideamh; agus esan a tha 's a' mhachair luim, bheir mise do na beathaichibh r'a itheadh; agus bàsaichidh iadsan a bhitheas anns na daingnichibh agus anns na h-uamhaibh leis a' phlàigh.

28 Oir fàgaidh mise am fearann ro fhàsail, agus sguridh mòrachd a threise: agus b'ithidh sléibhlean Israeil fàs, air chor as nach tèid aon neach trompa.

29 An sin aithnichidh iad gur mise an Tighearn, 'n uair a nì mi am fearann ro fhàsail, air son an uile ghràineileachdan a chuir iad 'an gnìomh.

30 Agus thusa, a mhie an duine, tha clann do shluaigh an còmhnuidh a' labhairt umad ri taobh nam ballachan, agus ann an dorsaibh nan tighean, agus a' labhairt aon r'a chéile, gael aon r'a bhràthair, ag ràdh, Thigibh, guidheam oirbh, agus éisdibh ciod am focal a tha 'teachd a mach o'n Tighearn.

31 Agus tha iad a' teachd a d' ionnsuidh mar chruinneachadh sluaigh, agus tha iad a' suidhe ann ad làthair mar mo phobull-sa, agus tha iad ag éisdeachd do bhriathran, ach cha-n'eil iad 'g an deanamh: oir tha iad a' taisbeanadh mòran gràidh le'm beul, ach tha an cridhe a' dol an déigh an sannt.

32 Agus, feuch, tha thusa dhoibh mar òran ro thaitneach duine aig am bheil guth binn, agus a chluicheas gu maith air inneal-ciùil: oir tha iad ag éisdeachd do bhriathran, ach cha-n'eil iad 'g an deanamh.

33 Agus 'n uair a thig so gu crìch, (feuch tha e 'teachd,) an sin aithnichidh iad gu'n robh fàidh 'n am measg.

CAIB. XXXIV.

1 *A chluaisan do aodhairibh Israeil. 7 Breith-eanas Dhè 'n an aghaidh: 11 A fhreasdal mu thimchioll a shluagh. 20 Beannachdan ròigh-achd Chriosd.*

A GUS thàinig focal an Tighearn 'a m' ionnsuidh, ag ràdh,

2 A mhic an duine, dean faistneachd an aghaidh aodhairean Israeil, dean faistneachd, agus abair riu. O aodhairean, mar so tha an Tighearn Dia ag ràdh, Mo thruaighe aodhairean Israeil, a tha 'g am beathachadh féin; nach bu choir do na h-aodhairibh an trend a bheathachadh.

3 Tha sibh ag itheadh na saill, agus 'g 'ur n-éideadh féin leis an olainn, tha sibh a' mbarbadh nan ainmhidhean biadhtha: cha-n'eil sibh a' beathachadh an treud.

4 Cha do neartaich sibh an lag, ni mò leighis sibh an tinn, ni mò 'cheangail sibh suas e sin a bha briste, ni mò thng sibh air ais a' chuid a sgapadh, ni mò 'dh'iarr sibh a' chuid a chailleadh; ach le h-ainneart riaghlaidh sibh iad, agus le h-an-ìochd.

5 Agus sgapadh iad le dìth aodhairean: agus bha iad 'n am biadh do uile bheathaichibh na macharach, an uair a bha iad air an sgapadh.

6 Chaidh mo chaoraich-sa air seacharan air feadh nan uile bheann, agus air gach slabh àrd: seadh, bha mo threud air a sgapadh air aghaidh na talmhainn nìle, agus cha robh aon neach 'g an sìreadh no 'g an iarraidh.

7 Uime sin, O aodhairean, éisdibhse focal an Tighearna.

8 Mar is beò mise, tha an Tighearn Dia ag ràdh, gu deimhin a chionn gu'n robh mo threud 'n an creich, agus gu'n d'rinn-eadh mo threud 'n am biadh do nìle bheathaichibh na macharach, a chionn nach robh aodhair sam bith ann, ni mò 'dh'iarr m' aodhairean mo threud, ach bheathaich na h-aodhairean iad féin, agus cha do bhiath iad mo threud-sa:

9 Uime sin, O aodhairean, éisdibh focal an Tighearna.

10 Mar so tha an Tighearn Dia ag ràdh, Feuch, tha mise an aghaidh nan aodhairean, agus iarraidh mi mo threud air an làimh, agus bheir mi orra sgar de bhiathadh an trend; ni mò bheathaicheas na h-aodhairean iad féin tnilleadh; oir saoraidh mise mo threud as am benl, a chum nach bi iad dhoibh 'n am biadh.

11 Oir mar so tha an Tighearn Dia ag ràdh, Feuch, lorgaichidh mise, mise féin, mo chaoraich, agus iarraidh mi mach iad.

12 Amhnil a lorgaicheas aodhair a mach a threud, anns an là 'bhitheas e 'measg a chaorach a chaidh a sgapadh; mar sin iarraidh mise mo chaoraich féin, agus saoraidh mi iad as na h-uile àite gus an robh iad air an sgapadh, anns an là nìlach agus dhorchaidh.

13 Agus bheir mi mach iad o mheasg nan einneach, agus cruinnichidh mi iad o na dhithchaibh, agus bheir mi iad gu'm fearann féin, agus ionaltraidh mi iad air sléibhtibh Israeil, 'an cois nan ainmhnicean, agus ann an uile ionadaibh àitichte na tìre.

14 Ionaltraidh mi iad ann an innis mhaith, agus bithidh am buaile air sléibhtibh àrda Israeil: an sin luidhidh iad ann an ciùain mhaith, agus ionaltraidh iad ann an innis reamhair air sléibhtibh Israeil.

15 Beathaichidh mise mo threud, agus bheir mi orra luidhe sìos, deir an Tighearn Dia.

16 Iarraidh mi a' chuid a chailleadh, agus bheir mi air ais a' chuid a d'fhàdaicheadh air falbh, agus ceanglaidh mi suas a' chuid a bhrisadh, agus neartaichidh mi a' chuid a bha tinn: ach sgriosaidh mi an reamhar agus an làidir; beathaichidh mi iad sin le breitheanas.

17 Agus air 'ur son-sa, O mo threud; mar so tha an Tighearn Dia ag ràdh, Feuch, bheir mise breth eadar spréidh agus spréidh, eadar na reitheachan agus na gabhair fhìrionn.

18 An ni suarach leibhse an innis mhaith itheadh suas, ach gu'n saltair sibh fòs a' chuid eile de'n ionaltradh sìos fo 'nr cosaibh? agus òl de na h-uisgeachan domhain, ach an éigin duibh a' chuid eile a shalachadh le 'ur cosaibh.

19 Agus air son mo threud-sa, tha iad ag itheadh an ni sin a saltair sibh fo 'nr cosaibh, agus ag òl an ni sin a rinn 'nr cosan a thruailleadh.

20 Air an aobhar sin, mar so tha an Tighearn Dia ag ràdh riu, Feuch, bheir mise, mise féin, breth eadar an spréidh reamhar agus an spréidh chaol.

21 A chionn gu'n do thulg sibh le taobh agus le slinnein, agus gu'n d'rinn sibh an t-enslan nìle a phurradh le 'ur n-adharcaibh, gus an do sgap sibh iad o chéile:

22 Uime sin tèarnaidh mise mo threud, agus cha bhi iad nìs mò 'n an creich; agus bheir mi breth eadar spréidh agus spréidh.

23 Agus cuiridh mi suas aon aodhair os an ceann, agus beathaichidh esan iad, eadhon mo sheirbhiseach Daibhidh; beathaichidh esan iad, agus bithidh e dhoibh 'n a aodhair.

24 Agus bithidh mise Iehobhah 'n am Dhia dhoibh, agus mo sheirbhiseach Daibhidh 'n a phrionnsa 'n am measg; labhair mise Iehobhah e.

25 Agus ni mise coimhcheangal sìthe riu, agus cuiridh mi cosgadh air na droch bheathaichibh anns an fhearann; agus gabhaidh iad còmhnuidh gu tèarninte 's an fhàsach, agus coidlidh iad anns na coilltibh.

26 Agus ni mi iadsan, agus na h-ionadan timchioll mo shléibh 'n am beannachadh; agus bheir mi air an fhras teachd a nuas 'n a h-àm: bithidh frasan de bheannachdaibh ann.

27 Agus bheir craobh na macharach seachad a toradh, agus bheir an talamh seachad a chiuncas, agus bithidh iad tearuinte 'n an dùthaich, agus aithnichidh iad gur mise an Tighearn, 'n uair a bhriseas mi cuibhrichean an cuinge, agus a shaoras mi iad à làimh na muinntir a ghabh seirbhis diubh.

28 Agus cha bhi iad ni's mò 'n an cobhart-aich do na cinnich, ni mò ni beathaichean an fhearainn an slugadh suas: ach gabhaidh iad còmhnuidh gu tearuinte, agus cha chuir aon neach eagal orra.

29 Agus togaidh mi suas doibh meangan cliùiteach, agus cha bhi iad air an claoidh ni's mò le gort anns an fhearann, ni mò ghùlaineas iad masladh nan cinneach ni's faide.

30 Mar so aithnichidh iad gu bheil mise an Tighearn Dia maille ri u, agus gur iadsan, tigh Israeil, mo shluagh, deir an Tighearn Dia.

31 Agus sibhse, mo thread, treud m' ionaltraidh, is daoine sibh, agus is mise bhuir Dia, deir an Tighearn Dia.

CAIB. XXXV.

1 Nithear breitleanas air sliabh Sheir, 4 agus cuirre a bhailean fàs do bhrìgh gu'n do dhòirt e fuil cloinne Israeil.

OS bàrr, thàinig focal an Tighearn 'a m' ionnsuidh, ag ràdh,

2 A mhic an duine, cuir d'aghaidh ri sliabh Sheir, agus dean fàistneachd 'n a aghaidh,

3 Agus abair ris, Mar so tha an Tighearn Dia ag ràdh, Feuch, O shléibh Sheir, tha mise a d' aghaidh, agus sìnidh mi mo làmh a mach a d' aghaidh, agus ni mi sgrios agus léir-sgrios ort.

4 Ni mi do bhailean 'n am fàsach, agus bithidh tu a d' nochd-làraich, agus bithidh fios agad gur mise an Tighearn.

5 A chionn gu'n robh fuath bith-bhuan agad, agus gu'n do dhòirt thu fuil cloinne Israeil le neart a' chlaidheimh, ann an àm an airce, anns an àm 's an robh deireadh aig an aingidheachd.

6 Air an aobhar sin, mar is beò mise, tha an Tighearn Dia ag ràdh, ulluidh mi thusa air son fola, agus ni fuil do dhian-ruagadh: a chionn nach d' fhuathaich thu fuil, ni fuil do dhian-ruagadh.

7 Mar so ni mi léir-sgrios air sliabh Sheir, agus gearraidh mi uaithe an ti 'théid a mach, agus an ti a philleas air ais.

8 Agus lionaidh mi a shléibhteann le 'dhaoine marbhta: air do chnocaibh, agus ann ad ghleanntaibh, agus ann ad uile aimhnicean tuitidh iadsan a mharbhar leis a' chlaidheamh.

9 Ni mise fàsaichean sìorruidh dhìot, agus cha togar a ris do bhailean; agus aithnichidh sibh gur mise an Tighearn;

10 A chionn gu'n d' thubhairt thu, Bithidh an dà chinncach so, agus an dà dhùth-aich so agam-sa, agus scalbhaichidh siun iad: ged bha an Tighearn an sin:

11 Uime sin, mar is beò mise, tha an Tighearn Dia ag ràdh, ni mi cadhon a réir d'fheirge, agus a réir d'fharmaid a nochd thu, le d'fhuath 'n an aghaidh; agus ni mi mi féin aithnichte 'n am measg, an uair a bheir mi breth ortsa.

12 Agus aithnichidh tusa gur mi an Tighearn, agus gu'n cuala mi d' uile thoibheann an aghaidh shléibhteann Israeil, ag ràdh, Dh'fhàgadh fàs iad, agus thugadh iad dhuinne g' an slugadh.

13 Mar so le 'ur beul rinn sibh uail ann am aghaidh-sa, agus mheudaich sibh 'ur briathran ann am aghaidh; chuala mise.

14 Mar so tha an Tighearn Dia ag ràdh, An uair a ni an talamh uile gairdeachas, ni mise fàs thusa.

15 Mar a rinn thusa gairdeachas os ceann oighreachd tìghe Israeil, a chionn gu'n robh i fàs, mar sin ni mise riutsa: bithidh tu fàs, O shléibh Sheir, agus Idumea uile, an t-ionlan deth; agus aithnichidh iad gur mise an Tighearn.

CAIB. XXXVI.

1 Sgriosar fuigheall nan cinneach a chionn gu'n d'rinn iad gairdeachas thar léir-sgrios Iudea, 7 agus àrdaichear sléibhteann Israeil. 20 Thig Dia slugh Israeil uaithe air son am peacaidhean, ach cruinnichidh e iad a ris le mòr-thròcàir.

MAR an ceudna, a mhic an duine, dean fàistneachd do shléibhtibh Israeil, agus abair, A shléibhteann Israeil, cluinnibh focal an Tighearna.

2 Mar so tha an Tighearn Dia ag ràdh, A chionn gu'n d' thubhairt an nàmhaid 'n 'ur n-aghaidh, Aha, is leinne fòs na seann ionadan àrda mar sheilbh:

3 Uime sin, dean fàistneachd agus abair, Mar so tha an Tighearn Dia ag ràdh, A chionn gu'n d'rinn iad fàs sibh, agus gu'n do shluig iad suas sibh air gach taobh, gu bhi 'n 'ur seilbh do fhuigheall nan cinneach, agus gu bheil sibh air 'ur gabhail ann am beul luchd seanachais, agus 'n 'ur mi-chliu am measg dhaoine:

4 Air an aobhar sin, a shléibhteann Israeil, éisdibh focal an Tighearna, Mar so tha an Tighearn Dia ag ràdh ris na sléibhtibh agus ris na cnocaibh, ris na sruthaibh, agus ris na gleanntaibh, ris na fàsaichibh uaigneach, agus ris na bailtibh a thréigeadh, a dh'fhàs 'n an cobhartaich agus 'n am ball-fanoid do fhuigheall nan cinneach mu'n cuairt:

5 Air an aobhar sin mar so tha an Tighearn Dia ag ràdh, Gu deimhin ann an tèine m'èud labhair mi 'n aghaidh fuighill nan

cinneach, agus an aghaidh Idumea uile, a ghabh na dhùthaich-sa gu bhi 'n a seilbh dhoibh, le gairdeachas an uile chridhe, le iuntinn aingidh, g'a toirt thairis mar chrìoch.

6 Dean faistneachd uime sin mu thim-chioll fearainn Israeil, agus abair ris na sléibhtibh agus ris na cnocaidh, ris ua sruthaibh agus ris na gleantaibh, Mar so tha an Tighearn Dia ag ràdh, Feuch, labhair mise ann am eud agus ann am chorruich, a chionn gu'n do ghiùlain sibh tàmailt nan cinneach.

7 Air au aobhar sin, mar so tha an Tighearn Dia ag ràdh, Thog mise suas mo làmh; Gu deimhin na cinnich mu'n cuairt duibh giùlainidh iad féin am masladh.

8 Ach sibhse, O shléibhteann Israeil, cuiridh sibh a mach 'ur geugan, agus bheir sibh 'ur toradh do m' shluagh-sa Israel, oir tha iad am fagus a ehum teachd.

9 Oir fench, tha mise leibh, agus pillidh mi ruibh, agus bithidh sibh air 'ur treabhadh agus air 'ur cur.

10 Agus ni mi daoine lìonmhor oirbh, uile thigh Israeil gu h-ionlan; agus bithidh na bailtean air an àiteachadh, agus bithidh na h-ionadan fàs' air an togail.

11 Agus ni mi lìonmhor oirbh duine agus ainmhidh, agus fàsaidh iad lìonmhor, agus bheir iad toradh; agus suidhichidh mi sibh uar a bha sibh o shean, agus ni mi *ruibh* ni's fearr na aun 'ur ceud chor; agus aithnichidh sibh gur mise an Tighearn.

12 Seadh, bheir mi air daoine coiseachd oirbh, *eadhon* mo phobull Israel, agus sealbhaichidh iadsau thu, agus bithidh tu dhoibh a'd' oighreachd, agus cha dean thu iad ni's mò uireasbhuidheach.

13 Mar so tha an Tighearn Dia ag ràdh, A chionn gu'n abair iad riut, Thusa a shluig suas daoine, agus a dh'fhàg gun sliochd do chinnich:

14 Uime sin cha sluig thu daoine ni's mò, agus cha-n fhàg thu do chinnich ni's mò gun sliochd, deir an Tighearn Dia.

15 Ni mò dh'fhuilingeas mise gu'n cluinnear tàmailt nan cinneach annad tuilleadh, ni mò ghiùlaineas tu masladh an t-shluaigh uì's faide, ni mò bheir thu air do chinnich tuiteam tuilleadh, deir an Tighearn Dia.

16 Os barr, thàinig focal an Tighearu' a m' ionnsuidh, ag ràdh,

17 A mhic an duine, 'n uair bha tigh Israeil a' chòmhnuidh 'n an dùthaich féin, thruaill iad i le an slighe féin, agus le an deanadas: bha an slighe ann am làthair-sa mar neòghloine mnà a chuireadh air leth.

18 Air an aobhar sin dhòirt mi orra mo chorruich, air son na fola a dhòirt iad air an fhearann, agus air son au òdholan leis an d'rinn iad a thruaillleadh:

19 Agus sgap mi iad am measg nan cinneach, agus bha iad air an sgaoileadh air

feadh nan dùthchannan. A réir an slighe, agus a réir an deanadais thug mise breth orra.

20 Agus 'n uair a chaidh iad a steach a chum nan cinneach gus an deachaidh iad, thruaill iad sin m' ainm naomh-sa, 'n uair a thubhairt iad riu, Is iad so sluagh an Tigh-earna, gidheadh chaidh iad a mach as 'fhearann.

21 Ach ghabh mise truas diubh air son m' ainme naoimh féin, a thruaill tigh Israeil am measg nan cinneach gus an deachaidh iad.

22 Air an aobhar sin, abair ri tigh Israeil, Mar so tha an Tighearn Dia ag ràdh, Cha-n'eil mi 'deanamh so air 'ur sou-se, O thigh Israeil, ach air son m' ainme naoimh féin, a thruaill sibhse am measg nan cinneach gus an deachaidh sibh.

23 Ach naomhaichidh mi m' ainm mòr féin, a bha air a thruaillleadh an measg nan cinneach, a thruaill sibhse 'n am meadhon; agus aithnichidh na cinnich gur mise an Tighearn, tha an Tighearn Dia ag ràdh, 'n uair a bhitheas mi air mo naomhachadh ann-aibhse fa chomhair an sùl.

24 Oir bheir mi sibh o mheasg nan cinneach, agus tionailidh mi sibh as na h-uile dhùthchaibh, agus bheir mi sibh gu 'ur fearann féin:

25 An sin crathaidh mi uisge glan oirbh, agus bithidh sibh glan: o 'ur n-uile shalchar, agus o 'ur n-uile òdholaidh glanaidh mi sibh.

26 Bheir mi fòs dhuibh cridhe nuadh, agus cuiridh mi spiorad nuadh an taobh a stigh dhibh; agus buinidh mi air falbh an cridhe cloiche as 'ur fèil, agus bheir mi dhuibh cridhe feòla.

27 Agus cuiridh mi mo spiorad an taobh a stigh dhibh, agus bheir mi oirbh gluasad ann am reachdaibh, agus coimhididh sibh mo bhreitheanais, agus ni sibh iad.

28 Agus gabhaidh sibh còmhnuidh anns an fhearann a thug mise do 'ur n-aithrichibh, agus bithidh sibh 'n 'ur sluagh dhomh-sa, agus bithidh mise ann am Dhia dhuibhse.

29 Saoraidh mi sibh fòs o 'ur n-uile neòghloine; agus gairmidh mi air an arbhar, agus meudaichidh mi e, agus cha chuir mi gort air bith oirbh.

30 Agus meudaichidh mi meas na craoibhe, agus cinneas na macharach, air ehor as nach faigh sibh ni's mò masladh gorta measg nan cinneach.

31 An sin cuimhnichidh sibh 'ur droch shlighe féin, agus 'ur deanadais nach robh maith, agus fuathaichidh sibh sibh féin ann 'ur sealladh féin, air son 'ur n-euceartan, agus air son 'ur gràineileachdan.

32 Cha-n annu air 'ur son-se 'tha mise a' deanamh so, tha an Tighearn Dia ag ràdh, bitheadh fios agaibh: bitheadh nàire agus amhludh oirbh air son 'ur slighean féin, O thigh Israeil.

33 Mar so tha an Tighearn Dia ag ràdh, Anns an là 's an gian mi sibh o 'ur n-uile aingidheachd, bheir mi fòs faincar gu'n gabh sibh còmhnuidh anns au bailtibh, agus bithidh na h-iouadan fàs' air an togail.

34 Agus bithidh am fearann fàs air a threabhadh, 'an àit e bli' n a luidhe fàs' au sealladh gach aoin a ghabh seachad.

35 Agus their iad, Tha an tìr so a bha uaigneach, air fàs mar ghàradh Edein; agus na bailtean falamh, fàs', agus millte, tha iad air an daingneachadh, agus air an àit-eachadh.

36 An sin aithnichidh na cinnich a dh'fhàgadh air gach taobh dhìbh gur mise an Tighearn a thogas na h-àitean sgrìosta, a shuidhicheas an t-ionad fàsaidh: mise Iehobhah labhair, agus ni mi.

37 Mar so tha an Tighearn Dia ag ràdh, Bithidh mise fathasadh air m' iarraidh 's an ni so le tigh Israeil, a chum a dheanamh air an son; ni mi lìonmhòr iad le daoineibh mar threud.

38 Mar an treud naomh, mar threud Ierusalem 'n a fèillibh àrda; mar sin bithidh na bailtean fàs' air an lìonadh le treudaibh dhaoine; agus aithnichidh iad gur mise an Tighearn.

CAIB. XXXVII.

1 *Le ais-eirigh nan cnàmhan tiorma nochd Dia do'n fhàidh gu'n ath-bhèicheadh e a shluagh le a spiorad.* 15 *Nìhear Israel agus Iudah 'n an aon shluagh.* 21 *Na beannachdan a shruithas d'an ionnsuidh o Chrìost an rìgh.*

BHA làmh an Tighearn' orm, agus thug e mach mi ann an spiorad an Tighearn', agus chuir e sìos mi ann an meadhon a' ghlinne a bha làn de cnàmhan.

2 Agus thug e orm gabhail seachad orra mu'n cuairt, air gach taobh: agus, feuch, bha iad ro lìonmhòr anns a' mhachair sgaoilte; agus, feuch, bha iad ro thioram.

3 Agus thubhairt e rium, A mhic an duine, an fèid na cnàmhan so teachd beò? agus fhreagair mise, O Thighearna Dhia, agad sa tha fios.

4 An sin thubhairt e rium, A mhic an duine, dean faistneachd do na cnàmhan so, agus abair riu, O cnàmha tiorma, éisdibh-se focal an Tighearna.

5 Mar so tha an Tighearn Iehobhah ag ràdh ris na cnàmhan so, Feuch, cuiridh mise anail annaibh, agus bithidh sibh beò.

6 Agus cuiridh mi fèithean oirbh, agus bheir mi air feoil fàs oirbh, agus còmhdaichidh mi sibh le craicinn, agus cuiridh mi anail annaibh; agus bithidh sibh beò, agus aithnichidh sibh gur mi an Tighearn.

7 Mar sin rinne mise faistneachd mar a dh'àithneadh dhomh: agus an fèidha bha mi ri faistneachd, bha toirm ann, agus, feuch, crith-ghluasad, agus thàinig na cnàmhan ehum a ehéile, cnàimh a chum a chnàmha.

8 Agus an uair a dh'amhaire mi, feuch, dh'fhàs fèithean agus feoil orra, agus còmhdaich au craicinn iad; ach cha robh anail anna.

9 An sin thubhairt e rium, Dean faistneachd do'n anail, dean faistneachd, a mhic an duine, agus abair ris an anail, Mar so tha an Tighearn Iehobhah ag ràdh, Thig o na ceithir ghaothaibh, O anail, agus séid air na mairbh so, chum gu'm bi iad beò.

10 Is amhuil a rinn mise faistneachd mar a dh'àithneadh dhomh, agus thàinig an anail do'n ionnsuidh, agus dh'fhàs iad beò, agus sheas iad air an eosaibh, armait anbharr mòr.

11 An sin thubhairt e rium, A mhic an duine, is iad na cnàmhan so an t-ionlan de thigh Israeil; feuch tha iad ag ràdh, tha ar cnàmhan air tiormachadh, agus ar dòchas air a chall, is ann a tha sinn air ar gearradh as.

12 Air an aobhar sin dean faistneachd, agus abair riu, Mar so tha an Tighearn Iehobhah ag ràdh, Feuch, O mo shluagh, fosglaidh mise blur n-uaignean, agus bheir mi oirbh teachd a uòs as 'ur n-uaignibh, agus bheir mi sibh gu fearann Israeil.

13 Agus aithnichidh sibh gur mise an Tighearn an uair a dh'fhosgla mi 'ur n-uaignean, O mo shluagh, agus a bheir mi sibh a uòs as 'ur n-uaignibh,

14 Agus a chuireas mi mo spiorad annaibh, agus a bhitheas sibh beò, agus a shuidhicheas mi sibh 'n 'ur fearann féin: an sin aithnichidh sibh gur mise Iehobhah a labhair, agus gu'n d'rinn mi, deir au Tighearn.

15 Thàinig focal an Tighearn' a m' ionnsuidh a ris, ag ràdh,

16 A bhàrr air so, a mhic an duine, gabh thusa dhuit féin aon mhaide, agus sgrìobh air, Air son Iudah, agus air son cloinne Israeil a chompanaich: an sin gabh maide eile, agus sgrìobh air, Air son Ioseph, maide Ephraim, agus uile thighe Israeil a chompanaich.

17 Agus ceangail iad aon r'a chéile 'n an aon mhaide; agus fàsaidh iad 'n an aon ann ad làimh.

18 Agus an uair a labhras clann do shluaigh riut, ag ràdh, Nach feuch thu dhuinn cìod a's ciall duit leis na nithibh so?

19 Abair riu, Mar so tha an Tighearn Iehobhah ag ràdh, Feuch, gabhaidh mise maide Ioseph a tha 'n làimh Ephraim, agus fin-eachan Israeil, a chompanaich, agus cuiridh mi iad maille ris, maille ri maide Iudah, agus ni mi aon mhaide dhiubh, agus bithidh iad 'n an aon ann ad làimh.

20 Agus bithidh na maidean air an sgrìobh thu ann ad làimh fa chomhair an sùil.

21 Agus abair riu, Mar so tha an Tighearn Iehobhah ag ràdh, Feuch, bheir mise clann Israeil o mheasg nan cinneach gus am bhòil

ad air imeachd, agus eruinnichidh mi iad air gach taobh, agus bheir mi iad gu'n dùthaich fein.

22 Agus ni mi aon chinneach dhiubh anns an fhearann, air sléibhtibh Israeil, agus bithidh aon rìgh 'n a rìgh dhoibh uile: agus eha bli iad nì's mò 'u an dà chinneach, nì mò bhitheas iad air an roinn 'n an dà rìoghachd tuilleadh air aon chor.

23 Nì mò thruaillias siad iad féin tuilleadh le 'n òdholaidh, no le 'n nithibh fuathach, no le aon air bith de'n euceartaibh: ach saoraidh mise iad o'n uile cheanuaircibh anns an robh iad ciontach, agus glanaidh mi iad: mar sin bithidh iadsan 'n an sluagh dhomh-sa, agus bithidh mise ann am Dhia dhoibh-san.

24 Agus bithidh m' òglach Daibhidh 'n a rìgh os an ceann: agus bithidh aon bhuach-aill ac' uile: gluaisidh iad fòs ann am reachdaibh, agus bheir iad fainear m' ord-nighean, agus nì siad iad.

25 Agus gabhaidh iad còmhnuidh 's an fhearann a thug mise do m' òglach Iacob, anns an do ghabh 'ur n-aithrichean còmhnuidh: agus gabhaidh iadsan còmhnuidh ann, iad féin, agus an clann, agus clann an cloinne gu bràth; agus bithidh m' òglach Daibhidh 'n a rìgh dhoibh gu sìorruidh.

26 A thuilleadh air so, nì mise còmh-cheangal sìthe riu; bithidh e 'n a chòmh-cheangal sìorruidh riu, agus suidhichidh mi iad, agus nì mi òmhor iad, agus cuiridh mi mò naomh-ionad 'n am meadhon gu bràth.

27 Bithidh mo phàillium mar an ceudna maille riu: seadh, bithidh mise dhoibhsan ann am Dhia, agus bithidh iadsan dhomhsa 'n an sluagh.

28 Agus aithnichidh na cinnich gur mise Iehobhah a naomhaicheas Israel, an uair a bhitheas mo naomh-ionad 'n am meadhon gu sìorruidh.

CAIB. XXXVIII.

1 *Fàistneachd an aghaidh Ghog: 10 a dhroch smuaintean 's na bliadhnaibh deireannach.*

14 *Sgrìosar e féin agus a mhòr shluagh le breitheanas uanhasach.*

AGUS thàinig focal an Tighearn' a m' ionnsuidh-sa, ag ràdh,

2 A mhic an duine, cuir do ghluais an aghaidh Ghog, tìr Mhagog, àrd phrionnsa Mhesich agus Thubail, agus dean fàistneachd 'n a aghaidh,

3 Agus abair ris, Mar so tha an Tighearn Dia ag ràdh, Feuch, tha mise a'd' aghaidh, O Ghog, àrd phrionnsa Mhesich agus Thubail;

4 Agus pillidh mi air d' ais thu, agus cuiridh mi dubhain ann ad ghialaibh, agus bheir mi mach thu féin, agus d' fheachd uile, eich agus marcaich, iad uile air an éideadh leis gach uile ghnè *armachd*; euideachd mhòr le targaidibh agus le sgiath-

aibh, an t-ìomlan diubh ag iomairt chlaidh ean.

5 Persia, Etiopia, agus Libia maille riu; an t-ìomlan diubh le sgéith agus ceann-bheart:

6 Gomer agus a chuideachdan uile, tìgh Thogarmah o na cèarnaibh tuatha, agus uile bhuidhnean; mòran sluaigh maille riut.

7 Bi thusa deas, agus ulluich air do shon féin, thu fein agus d' uile chuideachd a tha air an cruinneachadh thugad, agus bi dhoibh a'd' dhèidin.

8 An déigh mhòran làithean thigear g'ad amhare: anns na bliadhnaibh deireannach thig thu do'n fhearann a thugadh air ais o'n chlaidheamh, a chruinnicheadh á mòran chinneach, an aghaidh shléibhteann Israeil, a bha fada fàs: ach thugadh a mach as na cinnich e, agus gabhaidh iadsan uile còmhnuidh ann an tèaruinteachd.

9 Eiridh tu suas, agus thig thu mar dhoiminn, bithidh tu cosmhui ri neul a dh'fhòlach an fhearainn, thu féin agus d' uile bhuidhnean, agus mòran sluaigh maille riut.

10 Mar so tha an Tighearn Dia ag ràdh, Tarlaidh anns an là sin gu'n tig nithic an ad aire, agus gu'n smuainich thu droch smuaintean.

11 Agus their thu, Théid mi suas gu tìr nam bailitean gun bhallachan, thig mi air a' mhuinntir a tha aig fois, a tha 'gabhail còmhnuidh ann an tèaruinteachd, iad uile 'gabhail còmhnuidh gun bhallachan, agus gun chroinn no dorsan aca,

12 A ghlacadh creiche, agus a ghlacadh cobhartaich; a thionndadh do làimhe air na h-ionadan fasa a tha nìs air an àiteachadh, agus air an t-sluagh a chruinnicheadh a mach as na cinnich, a fhair scilbh agus maoin, a tha 'chòmhnuidh ann am meadhon na tìre.

13 Their Seba, agus Dedan, agus ceann-aichean Tharsis, agus a chuid bailtean, riut, Am bheil thu air teachd a ghlacadh cobhartaich? an do chruinnich thu do chuideachd a ghlacadh creiche? a thoirt leat òir agus airgid; a thoirt air falbh spréidhe agus maoin; a ghlacadh creiche mòire?

14 Uime sin, a mhic an duine, dean fàistneachd, agus abair ri Gog, Mar so tha an Tighearn Iehobhah ag ràdh, Anns an là 's an gabh mo shluagh-sa Israeil còmhnuidh gu tèaruinte, nach bi fios agad?

15 Agus thig thu á d' àite, mach as na cèarnaibh tuatha, thu féin agus mòran sluaigh maille riut, iad uile a' marcadh air eachaibh, buidheann mhòr, agus feachd cumhachdach:

16 Agus thig thu nìos an aghaidh mo shluaigh-sa Israeil, mar neul a dh'fhòlach an fhearainn, tarlaidh e 's na làithibh deireannach, agus bheir mise thu an agh-

aith m' fhearainn, a chum gu'n aithnich
na cinnich mi, 'n uair a bhitheas mi air mo
naomhachadh annad-sa, O Ghog, fa chomh-
air an sùl.

17 Mar so tha an Tighearn Dia ag ràdh,
An tusa an ti mu'n do labhair mi o shean
le m' sheirbhisich, fàidhean Israeil, a riun
fàistneachd anns na làitheibh sin, ré bhliadh-
nachan, gu'n tugainn-sa thu 'n an aghaidh!

18 Agus tarlaiddh anns an àm cheudna, 'n uair a thig Gog an aghaidh fearainn Israeil, tha an Tighearn Dia ag ràdh, gu'n tig mo chorruidh-sa nìos ann am eudan.

19 Oir ann am eud, ann an teine nìo
chorruich, labhair mi: Gu cinnteach anns
an là sin bithidh crìth mhòr air fearann
Israeil:

20 Air chor as gu'n criothnuich ann am làthair-sa iasgan na fairge, agus eunlaith an athair, agus beathaichean na macharach, agus na h-uile nithean snàgach a shnàgas air uachdar na talmhainn, agus na h-uile dhaoine a tha air aghaidh na talmhainn ; agus tilgear na sléibhteann sìos, agus tuitidh na h-ionadan àrda, agus tuitidh na h-uile balla gu talamh.

21 Agus gairmidh mise air son claidheimh
'n a aghaidh air feadh m' uile shléibhteann,
tha an Tighearn Iehobhah ag ràdh; bithidh
claidheamh gach aoin duine an aghaidh a
bhràthar.

22 Agus tagraidh mi 'n a aghaidh le plàigh agus le fuil, agus frasaidd mi air féin, agus air a bhuidhnean, agus air a' mhòr-shluagh a tha maille ris, frasan tuilteach, agus clachan-meallain mòra, teine agus pronnusc.

23 Mar so ni mi mòr, mi féin, agus naomh-
aieidh mi mi féin; agus aithnichear mi ann
an sùilibh mhòran chiuneach, agus bithidh
fios aca gur mi an Tighearn.

CAIB. XXXIX.

1 Breitheanas Dhé an aghaidh Ghog. 8 Bheir
Gog buaidh air a shluagh. 11 Adhlacair
Gog ann an gleann Hamon-Gog. 17 Ithidh
eoin an athair feoil nan cumkachdach, agus
dlaidh iad fuil phrionnsachan na talmhainn
air sléibhtibh Ishrail. 25 Bheirear air ais
braigheanas Iacob.

UIME sin, dean thusa, a mhic an duine,
faistneachd an aghaidh Ghog, agus
abair, Mar so tha an Tighearn Dia ag
ràdh, Feuch, tha mise ann ad aghaidh,
O Ghog, àrd-phrionnsa Mheseich agus
Thubail:

2 Agus pillidh mi air d' ais thu, agus cha-n fhàg mi ach an seathamh cuid dhìot, agus bheir mi ort teachd a nìos o na cèarnaibh tuatha, agus bheir mi thu gu sléibh tean Israèil :

3 Agus buailidh mi do bhogha á do làimh
ehilì, agus bheir mi air do shaighdean tuit-
eam á do làimh dheis.

4 Tuitidh tu air sléibhtibh Israeil, thu féin agus do bhuidhnean uile, agus an sluagh a

tha maille riut: bheir mi thu do'n eunlaith
fhuileachdach de gach seòrsa, agus do
bhcathaichibh na talmhainn, a chum a bhi
air do shlugadh suas.

5 Tuitidh tu air a' mhaclair sgaoilte; oir
labhair mise, deir an Tighearn Iehobhah.

-6 Agus cuiridh mi teine air Magog, agus am measg na muinntir a tha 'chòmhnuidh gu neo-umhaileach anns na h-eileanaibh; agus aithnichidh iad gur mi an Tighearn.

7 Mar so ni mi m' ainm naomh aithnichte
ann ann meadhon mo phobuill Israeil, agus
cha leig mi m' ainm naomh a thruaillleadh
ni's mò; agus bithidh fios aig na cinnich
gur mi an Tighearn, aon naomh Isracil.

‘S Feuch thàinig e gu crìch, agus rinneadh e, tha an Tighearn Iehobhah ag ràdh: is e so an là mu’n do labhair mise.

9 Agus théid iadsan a tha 'chòmhnuidh ann am bailtibh Israeil a mach, agus cuiridh iad ri theine, agus loisgidh iad na h-airm, an targaid, agus fòs an sgiath, am bogha, agus na saighdean, agus an gath, agus an t-sleagh, agus loisgidh iad le teine iad seachd bliadhna:

10 Air chòr as nach toir iad connadh air
bith as a' mhachair, ni mò ghearras iad a'
bheag de na coilltibh: oir loisgidh iad na
h-airn anns an teine, agus creachaidh iad
an dream le 'n do chreachadh iad, agus
spùinnadh iad an dream le 'n do spùinnadh
iad, deir an Tighearn Iehobhai.

11 Agus tarlaidh air an là sin gu'n toir mise do Ghog an sin àite air son uaignean aunn an Israel, gleann an luchd-siubhal air taobh an ear na fairge ; agus bacadh e 'n luchd-siubhal : agus an sin adhlacaidh iad Gog, agus a shluagh uile ; agus goiridh iad ris, Gleann sluagh Ghog.

12 Agus bithidh tigh Ìsracil 'g an adhlacadh, a chum am fearann a ghlanadh, scachd mìosan.

13 Seadh, bithlidh uile shluagh an fhear-
ainn 'g an adhlacadh, agus bithidh là mo
ghlòire-sa iomraiteach 'n am measg, deir an
Tighearn Iehobhalh.

14 Agus cuiridh iad air leth daoine dean-
adach, a shiùbhlas feadh an fhearainn, a
dh'adhlacadh, leis an luchd-siubhail, na
muinntir a tha fathas air aghaidh na
talmhainn, a chum a ghlanadh; 'n ceann
sheachd mìosan bithidh iad 'g an iarraidh.

15 Agus an luchd-siubhail a tha 'g imeachd troimh an fhearann, 'n uair a chi *aon neach* cnàmh duine, an sin cuiridh e comharadh suas làimh ris, agus an adhlaidh an luchd-adhlacaidh e ann an Gleann Hamon-Gog.

16 Agus fòs bithidh Hamonah mar ainm air a' bhaile: mar so glanaidh iad am fear-ann.

17 Agus thusa, a mhic an duine, mar so
tha an Tighearn Iehobhah ag ràdh, Labhair
ris gach eun iteagach, agus ri uile bheath-
aichibh na macharach, Cruinnichibh sibh

éin, agus thigibh; cruinnichibh sibh féin o gach taobh, gu m' iobairt-sa 'tha mi 'dean-amh air 'ur son, *cadhon* àr mòr air sléibht-ibh Israel, a chum gu'n ith sibh feoil, agus gu'n òl sibh fuil.

18 Ithidh sibh feoil nan cumhachdach, agus òlaidh sibh fuil phrionnsachan na talmhainn, *fuil* reitheachan, uan, agus ghabhar, agus fharbh; iad uile air am biathadh ann am Bàsan.

19 Agus ithidh sibh saill gus am bi sibh sàthach, agus òlaidh sibh fuil gus am bi sibh air mhisg, de m' iobairt-sa a mharbh mi air 'ur son.

20 Mar so lìonar sibh air mo bhord-sa le h-eachaibh, agus le carbadaibh, le daoine cumhachdach, agus leis na h-uile fhear-cogaidh, deir an Tighearn Iehobhah.

21 Agus cuiridh mi mo ghloir am measg nan cinneach, agus chinnich miobhreitheanas a rinn mi, agus mo làmh a leag mi orra.

22 Mar sin aithnichidh tigh Israel gur mise an Tighearn an Dia o'n là sin, agus uaithe sin a mach.

23 Agus aithnichidh na cinnich gu'n deachaidh tigh Israel gu daorsa air son an ainm-dheachd; a chionn gu'n do pheacaich iad a' m' aghaidh-sa, uime sin dh'fholuich mi mo ghnùis uatha, agus thug mi iad do làimh an naimhdean; mar sin thuit iad uile leis a' chladheamh.

24 A réir an neòghloine, agus a réir an cionta rinn mise riu, agus dh'fholuich mi mo ghnùis uatha.

25 Air an aobhar sin, mar so tha an Tighearn Iehobhah ag ràdh, A nis bheir mi air ais braighdeanas Iacoib, agus ni mi trècàir air uile thigh Israel, agus bitidh mi eudmhor air son m' ainme naoimh:

26 An déigh dhoibh an nàire a ghiùlan, agus an uile chionta leis an do chiontaich iad a'm' aghaidh-sa, 'n uair a ghabhas iad còmhnuidh gu tèaruinte 'n an dùthaich féin, agus nach cuir aon neach eagal orra.

27 An uair a bheir mise air an ais iad o na cinnich, agus a chruinnicheas mi iad o dhùthchaibh an naimhdean, agus a naomhaichear mi anna ann an sealladh mhòran chinneach.

28 An sin aithnichidh iad gur mise Iehobhah an Dia, a thug fainear iad a bhi air an toirt ann an daorsa am measg nan cinneach; ach chruinnich mi iad chum an dùthcha féin, agus cha d'fhàg mi aon duibh nì's mò an sin.

29 Ni mò dh'fholaicheas mi tuilleadh mo ghnùis uatha: oir dhòirt mi mach mo spiorad air tigh Isracil, deir an Tighearn Iehobhah.

CAIB. XL.

1 Taisbeanadh mu thimchioll cumadh na caithreach. 9 Tomhas geatachan an sgàth-slighe. 27 Geatachan na càirte stigh. 39 Na h-òchd clàir air an do mharbhadh na h-iobairtean.

ANNS a' chùigeamh bliadhna fichead d' ar braighdeanas, ann an toiseach na

bliadhna, air an deicheamh là de'n mhìos. (b' i sin an ceathramh bliadhna deug an déigh do'n bhaile 'bhi air a bhualadh,) air a' cheart là sin bha làmh an Tighearn' orm, agus thug e chum an àite sin mi.

2 Ann an taisbeanadh Dhé thug e mi gu tìr Israel, agus chuir e mi air sliabh ro àrd, làimh ris an robh samhladh cumadh baile thall fa chomhair.

3 Agus thug e 'n sin mi, agus feuch, duine, agus a dhreach mar dhreach umha, le sreing lin 'n a làimh, agus le slait-thomhais; agus sheas e anns a' gheata.

4 Agus thubhairt an duine rium, A mhic an duine, faic le d' shùilbhi, agus chuinn le d' chluasaibh, agus socruidh do chridhe air na h-uile ni a dh'fheuchas mise dhuit; oir is ann a chum gu'n feuchainn duit iad a thugadh an so thù; foillsich gach ni a chi thu do thigh Israel.

5 Agus, feuch, bha balla air taobh a mach an tigh mu'n cuairt, agus ann an làimh an duine bha slat-thomhais sè làmhan-coille air fad, le leud boise ris gach aon làmh-choille: mar sin thomhais e leud a' bhalla, aon slat; agus 'àirde, aon slat.

6 An sin thàinig e gus an geata 'tha 'g amharc ris an àird an ear, agus chaidh e suas air a cheumaibh, agus thomhais e stairsneach a' gheata, aon slat air leud, agus an t-àrd-dhorus cuideachd, aon slat air leud.

7 Agus bha gach seòmar beag aon slat air fad, agus aon slat air leud, agus eadar na seòmraichean beaga bha cùig làmhan-coille, agus bha stairsneach a' gheata, aig sgàth-thigh a' gheata an taobh a stigh, aon slat.

8 Thomhais e mar an ceudna sgàth-thigh a' gheata an taobh a stigh, aon slat.

9 An sin thomhais e sgàth-thigh a' gheata, ochd làmhan-coille, agus a phuist, dà làmh-choille; agus bha sgàth-thigh a' gheata an taobh a stigh.

10 Agus bha trì de sheòmraichibh beaga geata na h-àird' an ear, air an taobh so, agus trì air an taobh ud; bha iad 'n an trì 'dh' aon tomhas, agus bha na puist a dh' aon tomhas, air an taobh so agus air an taobh ud.

11 Agus thomhais e leud dol a steach a' gheata, deich làmhan-coille, agus fad a' gheata trì deug làmh-choille.

12 B'e an dealachadh fòs fa chomhair nan seòmraichean beaga aon làmh-choille air an taobh so, agus aon làmh-choille an dealachadh air an taobh ud; agus bha na seòmraichean beaga sè làmhan-coille air an taobh so, agus sè làmhan-coille air an taobh ud.

13 Thomhais e 'n sin an geata o mhullach aoin seòmair bhig gu mullach aoin eile: b' e an leud cùig làmhan-coille thar fhichead, dorus fa chomhair doruis.

14 Thomhais e mar an ceudna puist trì fichead làmh-choille, eadhon gu bhi 'n an

puist do'n ghcata, air gach taobh de'n chùirt.

15 Agus o aghaidh geata an dol a steach, gu aghaidh sgàth-thighe a' ghcata-stigh, bha deich agus dà fhlichead làmh-choille.

16 Agus bha uinneagan cumham ris na seòmraichibh beaga, agus ri 'n aghaidh an taobh a stigh de'n gheata mu'n cuairt, agus mar an ceudna ris na sgàth-thighean; agus bha uinneagan mu'n cuairt air an taobh a stigh: agus air gach post bha croinn-phailme.

17 An sin thug e mi do'n chùirt a stigh, agus, feuch, seòmraichean agus urlar deanta air son na cùirte timchioll air gach taobh: bha deich seòmraichean fichead anns an urlar.

18 Agus an t-urlar ri taobh nan geatachan, thall fa chomhair leud nan geatachan, b' e sin an t-urlar a b' isle.

19 An sin thomhais e 'n leud o aghaidh a' gheata a b' isle, gu aghaidh a mach na cùirte a b' fhaide steach, ceud làmh-choille ris an àirde an ear.

20 An sin thug e mi gus an taobh mu thuath, agus thomhais e fad geata na cùirte mach a tha 'g amharc ris an àirde tuath, agus a leud.

21 Agus b' iad a sheòmraichean beaga, tri air an taobh so, agus tri air an taobh ud, agus bha a phuist agus a sgàth-thighean a réir tomhais a' cheud gheata; b' e deich agus dà fhlichead làmh-choille 'fhad; agus cuig làmhan-choille thar fhlichead 'àirde.

22 Agus bha an uinneagan, agus an sgàth-thighean, agus an croinn-phailme a réir tomhais a' gheata 'tha 'g amharc ris an àirde 'n ear; agus chaidh iad suas d'a ionnsuidh le seachd ceumaibh; agus bha a sgàth-thighean fa 'n comhair.

23 Agus bha geata na cùirte stigh fa chomhair a' gheata 'tha 'g amharc ris an àirde tuath, mar e sin ris an àirde 'n ear; agus thomhais e o gheata gu geata ceud làmh-choille.

24 An déigh sin thug e mi air slighe na h-àirde deas, agus, feuch, geata ris an àirde deas; agus thomhais e a phuist, agus a sgàth-thighean, a réir nan tomhas ceudna.

25 Agus bha uinneagan ann, agus 'n a sgàth-thighean mu'n cuairt air gach taobh, cosmhuil ris na h-uinneagaibh sin; b' e 'fhad deich agus dà fhlichead làmh-choille, agus a leud cuig làmhan-choille thar fhlichead.

26 Agus bha seachd ceuma gu dol suas thuige, agus bha a sgàth-thighean fa chomhair; agus bha croinn-phailme air, aon air an taobh so, agus aon eile air an taobh ud, air a phuist.

27 Agus bha geata's a' chùirt a stigh ri deas, agus thomhais e o gheata gu geata ri deas, ceud làmh-choille.

28 Agus thug e mi do'n chùirt a stigh troimh 'n ghcata mu dheas, agus thomhais

e an geata mu dheas a réir nan tomhas ceudna.

29 Agus a sheòmraichean beaga, agus a phuist, agus a sgàth-thighean, a réir nan tomhas ceudna; agus bha uinneagan ann, agus 'n a sgàth-thighean air gach taobh mu'n cuairt: b' e deich agus dà fhlichead làmh-choille 'fhad, agus cuig làmhan-choille thar fhlichead a leud.

30 Agus bha na sgàth-thighean air gach taobh mu'n cuairt, cuig làmhan-choille thar fhlichead air fad, agus cuig làmhan-choille air leud.

31 Agus bha a sgàth-thighean ris a' chùirt a mach, agus croinn-phailme air a phuist: agus bha ochd ceuman 'n a dhol suas.

32 Agus thug e mi gus a' chùirt a stigh leth ris an àirde 'n ear, agus thomhais e an geata a réir an tomhais so.

33 Agus bha a sheòmraichean beaga, agus a phuist, agus a sgàth-thighean a réir nan tomhas so; agus bha uinneagan ann, agus 'n a sgàth-thighean air gach taobh mu'n cuairt; deich agus dà fhlichead làmh-choille 'fhad, agus cuig làmhan-choille thar fhlichead a leud.

34 Agus bha a sgàth-thighean ris a' chùirt a mach, agus croinn-phailme air a phuist air an taobh so, agus air an taobh sin; agus bha ochd ceuman 'n a dhol suas.

35 Agus thug e mi gus an geata tuath, agus thomhais e a réir nan tomhas so:

36 A sheòmraichean beaga, a phuist, agus a sgàth-thighean, agus uinneagan air gach taobh mu'n cuairt: deich agus dà fhlichead làmh-choille 'fhad, agus cuig làmhan-choille thar fhlichead a leud.

37 Agus bha a phuist ris a' chùirt a mach, agus croinn-phailme air a phuist air an taobh so, agus air an taobh ud, agus 'n a dhol suas bha ochd ceuman.

38 Agus bha na seòmraichean agus an dol a steach làimh ri puist nan geatachan, far an do nigh iad na tabhartais-loisgte.

39 Agus ann an sgàth-thigh a' gheata bha dà chlàr air an taobh so, agus dà chlàr air an taobh ud, a chum an ìobairt-loisgte, agus an ìobairt-pheacaidh, agus an ìobairt-eus-aontais a mharbhadh orra.

40 Agus air an taobh a mach, mar théid aon suas gu fosgladh a' gheata thuath, bha dà chlàr; agus air an taobh eile, aig sgàth-thigh a' gheata bha dà chlàr.

41 Bha ceithir clàir air an taobh so, agus ceithir clàir air an taobh ud, ri taobh a' gheata; ochd clàir, air an do mharbh iad an ìobairtean.

42 Agus bha na ceithir clàir de chloich shnaighte air son na h-ìobairt-loisgte, làmh-choille gu leth air fad, agus làmh-choille gu leth air leud, agus aon làmh-choille air àirde; air an do leag iad mar an ceudna an acfhuinn leis an do mharbh iad an tabhartais-loisgte agus an ìobairt.

43 Agus bha dubhain iaruinn de leud boise an taobh a stigh, air an daingneachadh mu'n cuairt air gach taobh; agus air na clàraibh bha feoil na h-ìobairt'.

44 Agus thug e mi chum a' gheata stigh; agus, feuch, an sin bha dà sheòmar anns a' chùirt a stigh; aon air taobh tuath a' gheata, ag amharc ris an àirde deas, agus an t-aon eile air taobh deas a' gheata, ag amharc ris an àirde tuath.

45 Agus thubhairt e rium, Tha an seòmar so 'tha 'g amharc ri deas, air son nan sagart a tha 'frithealadh air coimhead an tighe.

46 Agus tha an seòmar a tha 'g amharc ri tuath air son nan sagart a tha 'frithealadh air coimhead na h-altarach: is iad so mic Shadois am measg mhac Lebhi, a tha 'teachd dlùth do'n Tighearn chum frithealadh dha.

47 Mar sin thomhais e a' chùirt, ceud làmh-choille air fad, agus ceud làmh-choille air leud, ceithir-chearnach; agus an altair ri aghaidh an teampuill.

48 Agus thug e mi gu sgàth-thigh an teampuill, agus thomhais e gach post de'n sgàth-thigh, cùig làmhan-coille air an taobh so, agus cùig làmhan-coille air an taobh sin; agus b' e leud a' gheata tri làmhan-coille air an taobh so, agus tri làmhan-coille air an taobh sin.

49 B' e fad an sgàth-thighe fichead làmh-choille, agus a leud aon làmh-choille deug, agus anus an dol suas d'a ionnsuidh *bha deich ceuman*: agus bha prùip aig na puist, aon air an taobh so, agus aon air an taobh sin.

CAIB. XLI.

1 *Tomhas, 6 seòmraichean, 18 ceruban, 23 agus dorsan an teampuill.*

NA dhéigh sin thug e mi do'n teampull, agus thomhais e na puist, sè làmhan-coille air leud air an aon taobh, agus sè làmhan-coille air leud air an taobh eile, b' e so leud gach puist.

2 Agus b' e leud an doruis deich làmhan-coille; agus bha ursannan an doruis cùig làmhan-coille air an aon taobh, agus cùig làmhan-coille air an taobh eile: agus thomhais e 'fhad, dà fhichead làmh-choille, agus a leud fichead làmh-choille.

3 An sin chaidh e gus an taobh a stigh, agus thomhais e post an doruis dà làmh-choille, agus an doruis féin sè làmhan-coille air leud, agus air gach taobh de'n doruis seachd làmhau-coille.

4 Mar sin thomhais e 'fhad fichead làmh-choille, agus an leud fichead làmh-choille, fa chomhair aghaidh an teampuill; agus thubhairt e rium, Is e so an t-ionad ro naomh.

5 'N a dhéigh sin thomhais e balla an teampuill sè làmhan-coille; agus leud gach seòmair-thaoibh ceithir làmhan-coille, timchioll an teampuill air gach taobh.

6 Agus bha na seòmraichean-taoibh aon an déigh aoin, tri deug thar fhichead 'an àireamh, agus bhuineadh iad do'n bhalla sin a bha mu'n cuairt air an teampull air cùl nan seòmraichean-taoibh, bha greim aca dlieth, ach cha robh greim aca anu am balla an teampuill.

7 Agus bha farsuinneachd agus sìor dhol mu'n cuairt an àird chum nan seòmraichean-taoibh, oir chaidh cuairteachadh an tighe do ghnàth suas mu thimchioll an tighe: agus mar sin bha leud an tighe shuas, agus air an dòigh sin bha e 'dol 'am uèud o'n t-seòmar iochdarach gus an aon a b' àirde aig a' mheadhon.

8 Chunnac mi fòs mu'n cuairt air an tigh, o iochdar stéidh nan seòmraichean-taoibh, gu'm b' e àirde gach aoin diubh slat iomlan shè làmhan-coille mòra.

9 B' e leud a' bhalla, a bha cadar na seòmair-thaoibh a mach cùig làmhan-coille; b' e sin fhad as a bha cadar na seòmraichean-taoibh a bha ri taobh an tighe.

10 Agus cadar na seòmraichean *eile* bha fichead làmh-choille air gach taobh, mu'n cuairt do'n tigh.

11 Agus bha dorsan nan seòmraichean-taoibh ris an ionad a dh'fhàgadh, aon doruis ris an àirde tuath, agus doruis eile ris an àirde deas; agus b' e leud an ionaid a dh'fhàgadh cùig làmhan-coille air gach taobh mu'n cuairt.

12 A nis bha an aitreabh a bha fa chomhair an àite air leth, ris an àird an iar, deich agus tri fichead làmh-choille air leud; agus bha balla na h-aitreibh cùig làmhan-coille air thuighead gach taobh mu'n cuairt: agus b'e 'fhad deich agus ceithir fichead làmh-choille.

13 Mar sin thomhais e an tigh ceud làmh-choille air fad, agus an t-àit air leth, agus an aitreabh le a ballachaibh, ceud làmh-choille air fad.

14 Mar an ceudna leud aghaidh an tighe, agus an ionaid air leth ris an àird an ear, ceud làmh-choille.

15 Agus thomhais e fad na h-aitreibh fa chomhair an àit air leth, agus a bha air a chùlaobh, agus a sheòmraichean air an taobh so agus air an taobh eile, ceud làmh-choille, maille ris an teampull a stigh, agus ri sgàth-thighibh na cùirte.

16 Bha puist an doruis agus na h-uinneagan cumhann, agus na seòmraichean mu'n cuairt air an trì nrlair, thall fa chomhair an doruis, foluichte le fiodh timchioll mu'n cuairt, agus o'n làr suas gu ruig na h-uinneagan; agus bha na h-uinneagan air an còmhachadh.

17 Ach os ceann an doruis, agus anns an teampull a mach, gu e sin a b' fhaide steach, agus air a' bhalla uile mu'n cuairt do'n teampull a stigh agus a muigh,

18 Bha ceruban air an deanamh, agus

croinn-phailme, air chor as gu'n robh crann-phailme eadar cerub agus cerub; agus aig gach cerub bha dà aghaidh:

19 Air chor as gu'n robh aghaidh duine ris a' chrann-phailme air an aon taobh, agus aghaidh leòmhain òig ris a' chrann-phailme air an taobh eile: bha so deanta feadh an tighe uile mu'n cuairt.

20 O'n làr gu os ceann an doruis bha ceruban air an deanamh, agus croinn-phailme, agus air balla an teampuill.

21 Bha puist an teampuill ceithir-chearnach, agus aghaidh an ionaid naoimh air a' chumachd chudna.

22 Bha an altair de fhiodh trì làmhancoille air àirde, agus dà làmh-choille air fad; air a deanamh cearnach le oisibh agus clàraibh fiodha: agus thubhairt e rium, So am bord a tha fa chomhair an Tighearna.

23 Agus bha dà dhorus aig an teampull, agus aig an ionad naomh.

24 Agus bha dà dhuilleig aig gach dorus, dà dhuilleig a' tionndadh; dà dhuilleig air son an aoin doruis, agus dà dhuilleig air son an doruis eile.

25 Agus bha ceruban agus croinn-phailme deanta orra, air dorsaibh an teampuill, mar a bha deanta air na ballachan, agus bha déileachan tiugha air aghaidh an sgàth-thighe a mach.

26 Agus bha uinneagan cumhann agus croinn-phailme air an aon taobh agus air an taobh eile, air taobhan an sgàth-thighe, agus air seòmraichean-taoibh an tighe, agus air na déileachan tiugha.

CAIB. XLII.

1 Seòmraichean nan sagart. 13 Naomhaichean iad do'n Tighearna. 15 Tomhas na cùirte mach.

AN sin thug e mach mi gus a' chùirt a mach, air slighe na h-àirde tuath, agus thug e mi do'n t-seòmar a bha os ceann an ionaid air leth, agus a bha fa chomhair na h-aitreibh ris an àirde tuath.

2 Fa chomhair fad cheud làmh-choille bha an dorus tuath; agus b' e an leud leth-cheud làmh-choille.

3 Fa chomhair dhorsan na cùirte steach, agus fa chomhair an urlair a bha air son na cùirte mach, bha seòmar air aghaidh seòmair air trì urlair.

4 Agus fa chomhair nan seòmraichean bha àite spaisdearachd deich làmhancoille air leud a stigh, agus ceud làmh-choille air fad; agus bha na dorsan ri tuath.

5 Agus bha na seòmraichean uachdarach cumhann: oir aca so chrìochnaich na seòmraichean beaga, a dh'èirich gus a' cheud agus an dara urlar de'n àiteireibh.

6 Oir bha iad 'n an trì urlair, ach cha robh prùip aca mar phrùip nan cùirtean: uime sin bha an tigh ni bu chumhainne na 'chuid

a b'ìochdaraiche agus a bu mheadhonaiche o'n làr.

7 Agus bha am balla 'bha mach fa chomhair nan seòmraichean, leth ris a' chùirt a b' fhaide mach air beulaobh nan seòmraichean, leth-cheud làmh-choille air fad.

8 Oir b' e fad nan seòmraichean a bha 's a' chùirt a mach leth-cheud làmh-choille: agus, feuch, fa chomhair an teampuill bha ceud làmh-choille.

9 Agus fo na seòmraichean so bha 'n dol a steach air an taobh an ear, mar théid aon a steach annta o'n chùirt a muigh.

10 Bha na seòmraichean ann an tuioghead balla na cùirte ris an àird an ear, thall fa chomhair an ionaid air leth, agus thall fa chomhair an tighe.

11 Agus bha an t-àite spaisdearachd aig an aghaidh cosmhui ri sin a bha aig seòmraichean na h-àirde tuath; ionnan ann am fad, agus ionnan ann am leud; agus bha an uile dhol a mach araon air an aon dreach, agus fòs an dorsan.

12 Agus a réir dorsan nan seòmraichean a bha ris an àirde deas, bha dorus ann an ceann na slighe, na slighe dìreach fa chomhair a' bhalla, ris an àird an ear, mar a théid aon a steach orra.

13 An sin thubhairt e rium, Na seòmraichean mu thuath, agus na seòmraichean mu dheas, a tha fa chomhair an ionaid air leth, is seòmraichean naomha iad, far an itl na sagartan a thig dlùth do'n Tighearna na nithean a's ro naoimhe: an sin cuiridh iad na nithean a's ro naomha, agus an tabhartas-bidh, agus an tabhartas-peacaidh, agus an tabhartas-eusaontais; oir tha an t-ionad naomh.

14 'N uair a théid na sagartan a steach ann, an sin cha téid iad a mach as an ionad naomh gus a' chùirt a mach, ach an sin cuiridh iad an eudaichean, far am bheil iad a' frithealadh; oir tha iad naomha: an sin cuiridh iad orra eudaichean eile, agus thig iad dlùth do na nithibh sin a tha air son a' phobuill.

15 A nis 'n uair a chuir e crìoch air tomhas an tighe stigh, thug e mach mi chum a' gheata a tha 'g amharc ris an àird an ear, agus thomhais e mu'n cuairt e.

16 Thomhais e an taobh an ear leis an t-slaith-thomhais, cùig agus ceud slat, leis an t-slaith-thomhais timchioll mu'n cuairt.

17 Thomhais e an taobh mu thuath, cùig agus ceud slat, leis an t-slaith-thomhais timchioll mu'n cuairt.

18 Thomhais e an taobh deas, cùig agus ceud slat, leis an t-slaith-thomhais.

19 Thionndaidh e mu'n cuairt gus an taobh an iar, agus thomhais e cùig agus ceud slat, leis an t-slaith-thomhais.

20 Thomhais e air na ceithir taobhan e: bha balla aige mu'n cuairt, cùig agus ceud slat air fad, agus cùig agus ceud air leud,

a dheanamh dealachaidh eadar an t-ionad naomh agus an t-àite mi-naomh.

CAIB. XLIII.

1 *Thàinig glòir an Tighearna chum an teampull. 7 Gheall Dia còmhnuidh a ghabhail ann, nan tréigeadh an sluagh am peacaidh ean. 10 Chum gu'n gabhadh iad nàire de'n euceartaibh dh'fheuch am fàidh dhoibh samh-ladh agus dreach an teampull. 13 Tomhas na h-altarach.*

'N A dhéigh sin thug e mi chum a' gheata, an geata 'tha 'g amharc ris an àird an ear:

2 Agus, feuch, thàinig glòir Dhé Israeil o shlighe na h-àirde 'n ear: agus bha a ghuth mar thoirm mhòran uisgeachan, agus dhealraich an talamh le 'ghlòir.

3 Agus bha an sealladh so a chunnaic mi cosmhuil ris an t-sealladh sin a chunnaic mi, 'n uair thàinig e chum am baile a sgrìos: agus bha a' choslas mar an coslas a chunnaic mi aig sruth Chebair: agus thuit mi air m' aghaidh.

4 Agus thàinig glòir an Tighearna chum an teampull, air slighe a' gheata 'tha 'g amharc ris an àird an ear.

5 An sin thog an spiorad suas mi, agus thug e mi gus a' chùirt a stigh, agus, feuch, lion glòir an Tighearna an teampull.

6 Agus chuala mi e 'labhairt rium a mach as an teampull; agus sheas an duine làmh rium.

7 Agus thubhairt e rium, A mhic an duine, tha thu 'faicinn àite mo rìgh-chaitheach, agus ionad bhonn mo chos, far an gabh mi còmhnuidh ann am meadhon cloinne Israeil gu sìorruidh, agus m' ainm naomh-sa cha truail tigh Israeil nì's mò, iad fèin no'n rìghrean, le 'n strìopachas, no le cloisachibh an rìghrean 'n an ionadaibh àrda.

8 Le suidheachadh an stairsneich aig mo stairsneich-sa, agus am puist aig mo phuist-sa, agus am balla eadar mise agus iadsan, rinn iad eadhon m' ainm naomh a thruaill-cadh le 'n gràineileachdaibh a chuir iad 'an gnìomh: uime sin chaith mise iad ann am chorruih.

9 A nis cuireadh iad air falbh an strìopachas, agus cloisachan an rìghrean fada uam, agus gabhaidh mi còmhnuidh 'n am meadhon gu sìorruidh.

10 A mhic an duine, feuch an teampull so do thigh Israeil, a chum gu'n gabh iad nàire de'n euceartaibh; agus tomhaiseadh iad an samhladh.

11 Agus ma bhitheas nàire orra de gach nì a rinn iad, feuch dhoibh dreach an tighe, agus a chumachd, agus a dhol a mach, agus a theachd a stigh, agus 'uile choslas, agus 'uile orduighean, agus 'uile dheilbh, agus 'uile reachdan; agus sgrìobh e 'n an sealladh, a chum gu'n coimhid iad 'uile dhreach, agus 'uile orduighean, agus gu'n dean siad iad.

12 Is e so reachd an tighe; Air mullach an t-slàibh bithidh a chrìoch uile mu'n cuairt ro naomh: feuch is e so reachd an tighe.

13 Agus is iad so toimhsean na h-altarach ann an làmh-an-coille, le leud boise ris gach aon làmh-choille; bithidh eadhon làmh-choille 'n a bonn, agus làmh-choille 'n a leud, agus réis 'n a h-ìomall air an oir mu'n cuairt; agus bithidh so 'n a chuairteachadh do'n altair.

14 Agus o'n bhonn air an làr gu ruig an suidheachadh iochdarach bithidh dà làmh-choille, agus ann làmh-choille an leud; agus o'n t-suidheachadh a's lugha gus an suidheachadh a's mò, bithidh ceithir làmh-an-coille, agus an leud aon làmh-choille.

15 Mar sin bithidh an altair ceithir làmh-an-coille; agus o'n altair an àird bithidh ceithir adhaircean.

16 Agus bithidh an altair dà làmh-choille dheug air fad, a dhà-dheug air leud, ceithir-chearnach 'n a ceithir chearnaibh.

17 Agus bithidh am bonn ceithir làmh-an-coille deug air fad, agus ceithir-deug air leud, 'n a cheithir chearnaibh; agus bithidh an oir mu'n cuairt oirre leth làmh-choille; agus bithidh a bonn làmh-choille mu'n cuairt, agus amhaircidh a ceuman ris an àird an ear.

18 Agus thubhairt e rium, A mhic an duine, mar so tha an Tighearna Dia ag ràdh, Is iad so orduighean na h-altarach anns an là 's an dean iad i, chum tabhartasan-loisgte ìobradh oirre, agus a chum fuil a chrithadh oirre.

19 Agus bheir thu do na sagartaibh na Lebhitich a tha de shliochd Shadoic, a thig dlùth dhomh-sa, chum frithealadh dhomh, tha an Tighearna Dia ag ràdh, tarbh òg mar thabhartas-peacaidh.

20 Agus gabhaidh tu d' a fhuil, agus cuiridh tu i air a ceithir adhaircibh, agus air ceithir chearnaibh a buinn, agus air an oir mu'n cuairt: mar so glanaidh agus nighidh tu i.

21 Gabhaidh tu fòs tarbh na h-ìobairt-pheacaidh, agus loisgidh esan e ann an ionad orduichte an tighe, an taobh a mach de'n naomh-ionad.

22 Agus air an dara là ìobraidh tu meann de na gabhraibh gun ghaid, air son tabhartais-peacaidh; agus glanaidh iad an altair, mar a ghlan iad i leis an tarbh.

23 'N uair a sguircas tu d' a glanadh, ìobraidh tu tarbh òg gun ghaid, agus reithe as an treud gun ghaid.

24 Agus ìobraidh tu iad an làthair an Tighearna; agus tilgidh na sagartan salann orra, agus ìobraidh iad suas iad mar ìobairt-loisgte do'n Tighearna.

25 Seachd làithean deasaichidh tu, gach aon là, gabhar air son ìobairt-pheacaidh: deasaichidh iad fòs tarbh òg agus reithe as an treud gun ghaid.

26 Seachd làithean glanaidh iad an altair, agus nighidh iad i, agus naomhaichidh siad iad féin.

27 Agus an uair a bhitheas na làithean so air an crìochnachadh, tarlaidh air an ochd-amh là, agus mar sin sìos, gu'n dean na sagartan 'ur n-ìobairtean-loisgte air an altair, agus 'ur n-ìobairtean-sìth, agus gabhaidh mise ruibh, deiran Tighearn Iehobhah.

CAIB. XLIV.

1 *Chaidh an geata 'tha 'g amharc ris an àird an ear a shonrachadh do'n phrionnsa. 4 Thugadh geur-achmhasan do'n t-sluaigh do bhrìgh gu'n do leig iad le coirich an t-ionad naomh a thruaillleadh. 9 Giùlainidh na Lebhithich, a dh'fhalbh air seacharan an dèigh an ìodhol-an, an aingidheachd. 17 Orduighean mu thimchioll nan sagart.*

AN sin thug e mi air m' ais air slighe geata an ionad naomh a mnuigh, a tha 'g amharc ris an àird an ear, agus bha e dùinte.

2 An sin thubhairt an Tighearn rium, Bithidh au geata so dùinte, cha-n fhosgail-e ar e, agus cha téid neach air bith a steach air, a chionn gu'n deachaidh an Tighearn Dia Israel a steach air.

3 Una e sin bithidh e dùinte air a' phrionnsa; an prionnsa féin suidhidh ann a dh'ith-eachd arain an làthair an Tighearna; théid e steach air slighe cùirt' a' gheata, agus thig e mach air an t-slighe cheudna.

4 An sin thug e mi air slighe a' gheata thuath, fa chomhair an teampull, agus dh'ahmaire mi, agus, feuch, lion glòir an Tighearna teampull an Tighearna; agus thuit mise air m' aghaidh.

5 Agus thubhairt an Tighearn rium, A mhic an duine, thoir geur-aire, agus feuch le d' shùilibh, agus chuinn le d' chluasaibh, gach ni a their mise riut mu thimchioll uile orduighean tighe an Tighearn', agus 'uile reachdan, agus thoir aire mhaith do dhol a steach an tighe, le uile dhol a mach au ionaid naomh.

6 Agus their thu ris an tigh cheannair-each, ri tigh Israeil, Mar so tha an Tighearn Dia ag ràdh, O thigh Israeil, gu ma leòr leibh d' ur n-uile ghràineileachdaibh,

7 Gu'n d'thug sibh coirich neo-thimchioll-ghearrta 'n an cridhe, agus neo-thimchioll-ghearrta 'n am feoil, gu bhi aun am naomh-ionad-sa, a thruaillleadh mo thighe, an feadh a tha sibh a' tiodhlacadh dhomhsa an arain, na saill, agus na fola; agus bhris sibh mo choincheangal le 'ur n-uile ghràineileachdaibh.

8 Agus cha do ghléidh sibh cùram mo nithean uaomha; ach chuir sibh luchd-coimhid mo chùraim ann am ionad naomh air 'ur son féin.

9 Mar so tha an Tighearn Dia ag ràdh, Cha téid aon choigreach neo-thimchioll-ghearrta 'n a chridhe, no neo-thimchioll-

ghearrta 'n a fheoil a steach do m' ionad naomh-sa, de choigreach air bith a tha 'measg cloinne Israeil.

10 Agus na Lebhithich a dh'imich am fad uamsa, 'n uair a chaidh Israel air seacharan, a dh'fhalbh air seacharan uamsa an dèigh an ìodhol, giùlainidh eadhon iadsan an aingidheachd.

11 Gidheadh bithidh iad 'n an luchd-frith-ealaidh ann am ionad naomh, air an bi cùram gheatachan an teampull, agus a bhitheas a' frithealadh do'n teampull: marbhadh iad an tabhartas-loisgte agus an ìobairt air son an t-sluaigh, agus seasaidh iad 'n an làthair gu frithealadh dhoibh:

12 A chionn gu'n d' rinn iad frithealadh dhoibh ann an làthair an ìodhol, agus gu'n d'thug iad air tigh Israeil tuiteam gu aingidheachd; uime sin thog mise suas mo làmh 'n an aghaidh, tha au Tighearn Iehobhah ag ràdh, agus giùlainidh iad an aingidheachd.

13 Agus cha tig iad am fagus domh-sa, a dheanadh dleasdanas sagairt domh, no 'theachd dlùth do bheag air bith de m' nithibh naomha 's an ionad a's ro naomh-e: ach giùlainidh iad an nàire, agus an gràin-eileachdan a chuir iad 'au gnìomh.

14 Ach ni mi iad 'n an luchd-coimhid cùraim an tighe, air son 'uile sheirbhis, agus air son gach uile ni 'bhitheas ri dhean-amh aun.

15 Ach na sagartan na Lebhithich, mic Shadoic, a choimhid cùram m' ionaid naomh, 'n uair a chaidh clann Israel air seacharan uam, thig iadsan dlùth dhomh, chum frithealadh dhomh, agus seasaidh iad ann am fhianuis a dh'ìobradh dhomh na saill agus ua fola, deir an Tighearn Iehobhah:

16 Théid iad a steach do m' ionad naomh, agus thig iad dlùth do m' bhòrd, a chum frithealadh dhomh, agus coimhididh iad mo chùram.

17 Agus tarlaidh, 'n uair a théid iad a steach air geatachaibh na cùrte stigh, gu'm bi iad air an éideadh le eudach lìn; agus cha tig olainn air bith orra, an feadh a tha iad a' frithealadh ann an geatachaibh na cùrte steach, agus an taobh a stigh.

18 Bithidh euraichdean lìn air an cinn, agus bithidh triughais lìn air an leasaibh: cha chrioslaich siad iad féin le aou ni a thogas fallus.

19 Agus 'n uair a théid iad a mach do'n chùirt a mnuigh, a chum an t-sluaigh, cuiridh iad dhiubh an eudaichean anns an d' rinn iad frithealadh, agus cniridh iad anns na seòmraichibh naomha iad, agus cuiridh iad orra eudaichean eile, agus cha naomhaich iad am pobull 'n an eudaichibh.

20 Ni mò a lomas iad an cinn, no dh'fhuil-ingeas iad do'n ciabhan fàs fada; cha dean iad ach a mhaìn an cinn a bharradh.

21 Ni mò dh'òlas sagart air bith fion, 'n uair théid iad a steach do'n ehuirt a stigh.

22 Ni mò ghabhas iad dhoibh féin mar mhnaoi bantrach, no bean a chuireadh air falbh: ach gabhaidh iad maighdeanan de shliochd tighe Israeil, no banutrach aig an robh sagart roimhe.

23 Agus teagaisgidh iad do m' shluagh-sa an dealachadh cadar naomh agus mi-naomh, agus bheir iad orra dealachadh a chur cadar an glan agus an neòghlan.

24 Agus ann an comhstri seasaidh iad ann am breitheanas; bheir iad breth air a réir mo reachdan-sa; agus coimhididh iad mo lagh agus mo reachdan, ann am uile ehoimhthionalaibh, agus naomhaichidh iad mo shàbaidean.

25 Agus eha tig iad dlùth do dhuine marbh gu iad féin a thruaillleadh: ach air son athar, no air son màthar, no air son mic, no air son nighinn, air son bràthar, no air son peathar aig nach robh fear, feudaidd siad iad féin a thruaillleadh.

26 Agus an déigh dha bli air a ghlanadh, àirmhidh iad dha seachd làithean.

27 Agus air an là's an deigh e steach do'n ionad naomh, do'n chùirt a stigh gu frith-ealadh anns an ionad naomh, bheir e seachd tabhartas-peacaidh, deir an Tighearn Dia.

28 Agus eha bli oighreachd air bith aca; is mise an' oighreachd-san: agus eha toir sibh dhoibh seallbh air bith ann an Israel; is mise an seallbh.

29 Ithidh iad an tabhartas-bidh, agus an tabhartas-peacaidh, agus an tabhartas-eusaontais; agus aca-san bithidh gach uile ni coisrigte ann an Israel.

30 Agus bithidh toiscach ceud thoraidh nan uile nithean, agus gach uile tabhartas de gach seòrsa de 'ur tabhartais aig na sagartaibh, bheir sibh mar an ceudna do'n t-sagart toiseach 'ur taoise, eum gu'n toir e air a bheannachadh còmhnuidh a ghabhail ann ad thigh.

31 Cha-n ith an sagart de ni air bith a dh'eugas leis féin, no bhithas reubta, ma's eun no ainmhidh e.

CAIB. XLV.

1 An earrann de'n fhearrann air son an ionaid naomh, 6 air son a' bhaile, 7 agus air son a' phrionnsa. 9 Orduighean mu thimchioll a' phrionnsa.

MAR an ceudna 'n uair a roinneas sibh le crannchur ann fearann naar oighreachd, bheir sibh tabhartas do'n Tighearn, earrann naomh de'n fhearann: is e 'fhad eùig mìle fichead làmh-choille, agus a leud deich mìle: *bithidh* so naomh 'n a uile eiriochaibh mu'n euairt.

2 Dheth so bithidh air son an ionaid naomh eùig ceud *air fad*, le eùig ceud *air leud*, ceithir-ehearnach mu'n euairt; agus

leth-cheud làmh-choille mu'n euairt, air son a dhlùth-bhailean.

3 An déigh an tomhais so toimhsidh tu ann am fad eùig mìle fichead, agus ann an leud deich mìle; agus an sin bithidh an t-ionad naomh, an t-àite ro naomh.

4 Bithidh a' ehuid so de'n fhearrann naomh do na sagartaibh, luchd-frithealaidh an ionaid naomh, a thig dlùth chum frith-ealadh do'n Tighearn; agus bithidh e 'n a ionad air son an tighean, agus 'n a àite naomh air son an naomh-ionaid.

5 Agus fòs eùig mìle fichead air fad, agus deich mìle air leud bithidh aig na Lebh-ithich, luchd-frithealaidh an tighe, air an son féin, mar sheibh air son fichead seòmar.

6 Agus orduichidh sibh mar sheibh na caithreach eùig mìle làmh-choille air leud, agus eùig mìle fichead air fad, thall fa eomhair àite an ionaid naomh: bithidh e aig uile thigh Israeil.

7 Agus bithidh aig an uachdaran air an aon taobh, agus air an taobh eile de chuibh-rionn an ionaid naomh, agus de sheibh na caithreach, fa chomhair eu-bhrinn an ionaid naomh, agus fa eomhair seibh na caithreach, o'n taobh an iar, ris an iar; agus o'n taobh an ear, ris an ear; agus bithidh am fad thall fa chomhair aoin de na h-carr-annaibh, o'n iomall an iar gus an iomall an ear.

8 Anns an fhearann bithidh a sheallbh ann an Israel; agus eha sàruich m' uachd-arain-sa ni's mò mo shluagh: agus am fearann bheir iad do thigh Israeil a réir am fineachlan.

9 Mar so tha an Tighearn Dia ag ràdh, Gu ma leòr leibh, O uachdarana Israeil: cuiribh uaibh ainneart agus ereach, agus deanaibh breitheanas agus ceartas, togaibh leibh 'ur n-aintighearnas o m' shluagh-sa, deir an Tighearn Iehobhah.

10 Bithidh agaibh meighean cothromach, agus ephah chothromach, agus bat cothromach.

11 Bithidh an ephah agus am bat de aon tomhas, air chor as gu'n eum am bat an deicheamh cuid de homer, agus an ephah an deicheamh cuid de homer: bithidh a thomhas a réir an homeir:

12 Agus bithidh ann an sceal fichead gerah: fichead sceal, eùig sceal thar thichead, eùig sceal deug, bithidh sin 'n a mhanch agaibh.

13 So an tabhartas a bheir sibh uaibh; an sèathamh cuid de ephah á homer cruithneachd, agus bheir sibh an sèathamh cuid de ephah á homer eorna.

14 A thaobh reachd na h-olaidh am bat olaidh, bheir sibh uaibh an deicheamh cuid de blat as a' ehòr, is e sin homer dheich blat; oir is deich bait a tha ann an homer:

15 Agus aon uan as an treud, á dà cheud, á h-ionaltradh reamhar Israeil, air son

tabhartais-bhìdh, agus air son iobairt-loisgte, agus air son thabhartas-sìth, chum rèite 'dheanamh air an son, deir an Tighearn Dia.

16 Bheir uile shluagh an fhearainn an tabhartas so air son an uachdarain aum an Israel.

17 Agus buinidh e do'n phrionnsa tabhartais-loisgte, agus tabhartais-bìdh, agus tabhartasan-dìbhe thoirt uaithe air na làithibh féill, agus air na gealaichibh nuadh, agus air na sàbaidibh, agus air uile àrd-fhéilibh tighe Israeil: deasaichidh e 'n tabhartas-peacaidh, agus an tabhartas-bìdh, agus an tabhartas-loisgte, agus na tabhartasan-sìth, a dheanamh rèite air son tighe Israeil.

18 Mar so tha an Tighearn Dia ag ràdh, Anns a' cheud mhìos, air a' cheud là de'n mhìos, gabhaidh tu tarbh òg gun ghaoid, agus glanaidh tu an naomh-ionad.

19 Agus gabhaidh an sagart de fhuil na h-iobairt-pheacaidh, agus cuiridh e i air puist an tighe, agus air ccithir chearnaibh buinn na h-altarach, agus air puist geata na cùrte stigh.

20 Agus mar sin ni thu air an t-seachdamh là de'n mhìos, agus son gach aoin a théid air seacharan, agus a ni gu h-amaideach: mar sin ni sibh rèite air son an teampuill.

21 Anns a' cheud mhìos, air a' cheathramh là deug de'n mhìos, bithidh a' chàisg agaibh, féill sheachd làithean; ithear aran gun ghoirteachadh.

22 Agus air an là sin deasaichidh am prionnsa air a shon féin, agus air son uile shluagh an fhearainn, tarbh air son iobairt-pheacaidh.

23 Agus air seachd làithean na féille deasaichidh e iobairt-loisgte do'n Tighearn, seachd tairbh, agus seachd reitheachan gun ghaoid, gach là, fad nan seachd làithean, agus meann de na gabhraibh gach là air son iobairt-pheacaidh.

24 Agus deasaichidh e tabhartas-bìdh, eadhon ephah air son tairbh, agus ephah air son reithe, agus hin olaidh air son ephah.

25 Anns an t-seachdamh mhìos, air a' chùig-eamh là deug de'n mhìos, ni e a réir sin air féill nan seachd làithean, a réir an tabhartais-pheacaidh, a réir na h-ofrail-loisgte, agus a réir an tabhartais-bhìdh, agus a réir na h-olaidh.

CAIB. XLVI.

1 Riaghailtean mu thimchioll a' phrionnsa, 9 agus mu thimchioll an t-sluaigh: 16 mu thimchioll thiodhlacan a' phrionnsa d' a mhacaibh, agus d' a sheirbhisich. 21 An t-àit's am bruch an sagart an iobairt-eusaontais agus an iobairt-pheacaidh.

MAR so tha an Tighearn Dia ag ràdh, Bithidh geata na cùrte stigh, a tha 'g amharc ris an àird an ear, druidte air na

sè làithean oibre: ach air an t-sàbaid bithidh e fosgailte, agus air là na ré nuaidh bithidh e fosgailte.

2 Agus théid an t-uachdaran a steach air slighe sgàth-thighe a' gheata an taobh a mach, agus seasaidh e aig ursann a' gheata, agus deasaichidh an sagart a thabhartas-loisgte, agus a thabhartais-shìth, agus ni e aoradh aig stairsnich a' gheata: an sin théid e mach, ach cha druidear an geata gu annmoch.

3 Mar an ceudna ni sluagh an fhearainn aoradh aig doras a' gheata so an làthair an Tighearna, air na sàbaidibh, agus air na gealaichibh nuadha.

4 Agus is i an iobairt-loisgte a bheir an t-uachdaran do'n Tighearn air là na sàbaid, sè uain gun ghaoid, agus reithe gun ghaoid.

5 Agus is e an tabhartas-bìdh ephah air son reithe, agus an tabhartas-bìdh air son nan uan mar a bhitheas 'n a chomas a thoirt uaithe, agus hin olaidh air son ephah.

6 Agus air là na gealaiche nuaidh bheir e tarbh òg gun ghaoid, agus sè uain, agus reithe: bithidh iad gun ghaoid.

7 Agus deasaichidh e tabhartas-bìdh, ephah air son tairbh, agus ephah air son reithe: agus air son nan uan a réir mar a bhitheas 'n a chomas, agus hin olaidh air son ephah.

8 Agus 'n uair a théid an t-uachdaran a steach, théid e stigh air slighe sgàth-thighe a' gheata, agus théid e mach air a shlighe sin.

9 Ach 'n uair a thig muinntir an fhearainn an làthair an Tighearna, anns na h-àrd-fhéilibh, esan a théid a steach air slighe a' gheata thuath gu aoradh, théid a mach air slighe a' gheata dheas; agus esan a théid a steach air slighe a' gheata dheas, théid e mach air slighe a' gheata thuath: cha phill e air slighe a' gheata air an deachaidh e steach, ach théid e mach thall fa chomhair.

10 Agus théid an t-uachdaran a steach 'n am meadhon 'n uair théid iad a steach; agus 'n uair théid iadsan a mach, théid esan a mach.

11 Agus air na féilibh, agus air na h-àrd-fhéilibh, is e an tabhartas-bìdh ephah air son tairbh, agus ephah air son reithe, agus air son nan uan a réir a chomais, agus hin olaidh air son ephah.

12 A nis 'n uair a dheasaicheas an t-uachdaran o' thoil féin iobairt-loisgte, no tabhartais-shìth, gu toileach do'n Tighearn, fosgailear dha an sin an geata 'tha 'g amharc ris an àird an ear, agus ulluichidh e iobairt-loisgte, agus a thabhartasan-sìth mar a rinnead air là na sàbaid: an sin théid e mach, agus an déigh dha dol a mach, druidear an doras.

13 Ulluichidh tu gach là tabhartas-loisgte do'n Tighearn, uan de'n cheud bliadhna gun ghaoid; ulluichidh tu e gach aon mhaduinn.

14 Agus ulluichidh tu tabhartas-bidh air a shou gach aon mhadaunn, an seathamh cuid de ephah, agus an treas cuid de linn olaidh, chum a mheasgadh leis a' mhìn-chruithneachd; tabhartas-bidh do ghnàth, le ordugh siorruidh do'n Tighearn.

15 Mar so ulluichidh iad an t-uann, agus an tabhartas-bidh, agus an oladh gach aon mhadaunn, mar iobairt-loisgte ghnàth-aichte.

16 Mar so tha an Tighearn Dia ag ràdh, Ma bheir an t-uachdaran tìodhlac do aon air bith d'a uihic, bithidh a shealbh sin aig a uihic; bithidh a shealbh aca mar oigh-reachd.

17 Ach ma bheir e tìodhlac do aon d'a sheirbhisich, an sin bithidh e aige-san gu bliadhna na saorsa: 'n a dhéigh sin pillidh e chum an uachdaran; ach bithidh 'oigh-reachd aig a mhic dhoibh féin.

18 A thuilleadh air so cha ghabh an t-uachdaran de oighreachd an t-sluaigh le h-ainneart, a chum an tilgeadh a mach as an seilbh: ach bheir e d' a mhic oighreachd as a sheilbh féin: a chum nach bi mo shluagh-sa air an sgapadh gach aon o' sheilbh.

19 'N a dhéigh sin thug e mi troimh an fhosgladh, a bha aig taobh a' gheata, gu seòmraichean uaomha nan sagart, a bha 'g amharc ri tuath; agus, feuch, bha àite an sin aig oisinn na h-àird' an iar.

20 An sin thubhairt e rium, So an t-àite 's am bruich na sagartan an iobairt-eus-aontais, agus an iobairt-pheacaidh, far am fuin iad an tabhartas-bidh: a chum nach toir iad a mach iad gus a' chùirt a mach, gus an sluagh a naomhachadh.

21 An sin thug e mach mi gus a' chùirt a mach, agus thug e orm gabhail seachad air ceithir oisinnibh na cùirte; agus, feuch, bha cùirt anns gach aon oisinn de'n chùirt.

22 Anu an ceithir oisinnibh na cùirte bha cùirtean ceangailte rithe, dà fhichead làmh-choille air fad, agus deich thar fhichead air leud: bha na ceithir oisinn nan so de aon toinhas.

23 Agus bha aca balla mu'n cuairt doibh 'n an ceithir, agus ionadan-bruichidh deanta fo 'n bhalla, mu'n cuairt.

24 Au sin thubhairt e rium, Is iad so àiteachan na muinntir a bhrùicheas, far am bruich luchd-frithcalaidh an teampuill iob-airtean an t-sluaigh.

CAIB. XLVII.

1 *Taisbean nan uisgeachan naomha; 6 Leighisidh iad gach beathach a tha 'gluasad. 13 Crichean an fhearainn. 22 Thèid am fearann a roinn le crannchur.*

'N A dhéigh sin thug e mi ris gu doras an teampuill, agus, feuch, bhrùich uisgeachan a mach o ìochdar stairsnich an tighe ris an àird an ear: oir bha aghaidh an tighe ris an àird an ear, agus thàinig na

h-uisgeachan a nuas foidhe, o thaobh deas an tighe, air taobh mu dhicas na h-altarach.

2 An sin thug e mach mi air slighe a' gheata mu thuath, agus thug e orm siubhal mu'n cuairt air an t-slighe muigh gus an geata mach, air an t-slighe 'tha 'g amharc ris an àird an ear, agus, feuch, ruith uisgeachan a mach air an taobh deas.

3 Agus 'n uair a chaidh an duine aig an robh an t-sreang 'n a làimh, a mach air slighe na h-àird' an ear, thomhais e mìle làmh-choille, agus thug e mi troimh na h-uisgeachan: bha na h-uisgeachan gu ruig na h-aobrauan.

4 A rìs thomhais e mìle, agus thug e mi troimh na h-uisgeachan; bha na h-uisgeachan gu ruig na glùinean: a rìs thomhais e mìle, agus thug e mi troimh na h-uisgeachan; bha na h-uisgeachan gu ruig na leasraidh.

5 'N a dhéigh sin thomhais e mìle; agus bha e 'n a shruth nach b'urraiu mi dol thairis air: oir bha na h-uisgeachan air éirigh, uisgeachan air son snàmh anna, amhainn nach feudtadh dol troimpe.

6 Agus thubhairt e rium, Nach faca tu, a mhie an duine? an sin thug e leis mi, agus thug e orm pilleadh gu bruaich na h-aimhne.

7 A nis an uair a phill mi, feuch, air bruaich na h-aimhne bha ro-mhòran chraobh, air an taobh so, agus air an taobh eile.

8 An sin thubhairt e rium, Tha na h-uisgeachan so ag imeachd a mach rathad tire na h-àirde 'n ear, agus a' dol sìos do'n fhàsach, agus a' dol a steach do'n fhainge; 'n uair bheirear iad a mach a chum na fairge, leighisear na h-uisgeachan.

9 Agus tarlaidh, gach aon bheathach beò, a tha 'gluasad, taobh air bith gus an tig na h-aimhnichean, mairidh e beò: agus bithidh ro-mhòran éis ann, a chionn gu'n tig na h-uisgeachan so thuige: oir leighisear iad, agus mairidh gach ui beò far an tig an amhainn.

10 Agus tarlaidh, gu'n seas na h-iasgairean oirre, o Engedi gu ruig Eneglaim; bithidh iad 'n an ionad a sgaoileadh a mach lìon, bithidh an iasg a rèir an seòrsa, mar iasg na fairge mòire, ro lìonmhor.

11 Ach a làthach, agus a h-àiteachan flucha cha bhì air an leigheas, bheirear iad thairis gu salann.

12 Agus air taobh na h-aimhne, air a bruaich, air an taobh so, agus air an taobh sin, fàsaidh na h-uile chraobhan air son bidh, aig nach bi an duilleach air seargadh, no an toradh air a chaitheamh: bheir e mach toradh nuadh a rèir a mhìosan, do bhrìgh gu'n do shruth 'uisgeachan a mach o 'n ionad naomh; agus bithidh a thoradh air son bidh, agus a dhuilleach air son leighis.

13 Mar so tha an Tighearn Dia ag ràdh, So a' chrìoch leis an sealbhaich sibh am

fearann, a réir dà threubh dheug Israeil: bithidh dà roinn aig Ioseph.

14 Agus sealbhaichidh sibh e, aon co maith r'a chéile: oir am fearann so mu'n do thog mise suas mo làmh, gu'n tugaim e do 'ur n-athrighibh, tuitidh oirbhe mar oigh-reachd.

15 Agus so crìoch an fhearainn air an taobh mu thuath, o'n fhairge mhòir, slighe Hetloin, mar a théid daoine gu Sedad:

16 Hamat, Berotah, Sibrain, a tha eadar crìoch Dhamascuis agus crìoch Hamait; Hasar-laticon, a tha làmh ri iomall Haurain.

17 Agus o'n fhairge bithidh a' chrìoch aig Hasar-euan, crìoch Dhamascuis, agus an àirde tuath air an taobh mu thuath, agus crìoch Hamait: agus so an taobh mu thuath.

18 Agus an taobh an ear toimhsidh sibh e Hauran, agus o Dhamascus, agus o Ghilecad, agus o fhearann Israeil làmh ri Iordan, o'n chrìch gu ruig an fhairge 'n ear: agus so an taobh an ear.

19 Agus an taobh deas mu dheas o Thamar, gu uisgeachan na strì ann an Cades, an sruth gus an fhairge mhòr: agus so an taobh deas mu dheas.

20 An taobh an iar mar an ceudna bithidh aig an fhairge mhòir o'n iomall, gus an tig duine nall fa chomhair Hamait: so an taobh an iar.

21 Mar so roinnidh sibh am fearann so dhuibh, a réir threuhàn Israeil.

22 Agus tarlaidh gu'n roinn sibh e le crannchur air son oighreachd dhuibh féin, agus do na coigrich a bhios air chuairt 'n 'ur measg, a ghluacas clann 'n 'ur measg: agus bithidh iad dhuibh mar gu'm bithicadh iad air am breth 's an dùthaich am measg cloinne Israeil; bithidh oighreachd aca maille ruibh, am measg threubhan Israeil.

23 Agus tarlaidh, anns an treubh anns am bi an coigreach air chuairt, an sin gu'n toir sibh dha oighreachd, deir an Tighearn Dia.

CAIB. XLVIII.

1 Crìochan an dà threubh dheug, 8 an ionaid naomh, 15 a' bhaile agus nan dlùth-bhailtean. 21 agus an nachdarain. 30 Tomhas agus geata a' bhaile.

ANIS is iad so ainmean nan treubh, o'n cheann mu thuath gu iomall slighe Hetloin, mar a théid neach gu Hamat, Hasarenan, crìoch Dhamascuis mu thuath, gu iomall Hamait, (oir is iad so a thaobhan an ear agus an iar,) bithidh aon roinn aig Dan.

2 Agus làmh ri crìch Dhain, o'n taobh an ear gus an taobh an iar, aon aig Aser.

3 Agus làmh ri crìch Aseir, o'n taobh an ear gus an taobh an iar, aon aig Naphtali.

4 Agus làmh ri crìch Naphtali, o'n taobh an ear gus an taobh an iar, aon aig Manasch.

5 Agus làmh ri crìch Mbanasch, o'n taobh an ear gus an taobh an iar, aon aig Ephraim.

6 Agus làmh ri crìch Ephraim, o'n taobh an ear gus an taobh an iar, aon aig Reuben.

7 Agus làmh ri crìch Reubein, o'n taobh an ear gus an taobh an iar, aon aig Iudah.

8 Agus làmh ri crìch Iudah, o'n taobh an ear gus an taobh an iar, bithidh tabhartas a bheir sibh seachad, cùig mìle fichead làmh-choille air leud, agus air fad mar aon de na h-earrannaibh eile, o'n taobh an ear gus an taobh an iar, agus bithidh an t-ionad naomh 'n a mheadhon.

9 An tabhartas a bheir sibh seachad do'n Tighearn, bithidh e cùig mìle fichead làmh-choille air fad, agus deich mìle làmh-choille air leud.

10 Agus air an son-san, air son nan sagart, bithidh an tabhartas naomh so, ris an àirde tuath, cùig mìle fichead làmh-choille air fad, agus ris an àird an iar, deich mìle làmh-choille air leud, agus ris an àird an ear, deich mìle làmh-choille air leud, agus ris an àirde deas, cùig mìle fichead làmh-choille air fad; agus bithidh ionad naomh an Tighearna 'n a mheadhon.

11 Bithidh e air son nan sagart a tha naomhaichte, de mhacaibh Shadoic, a choimhid an ni a dh'earb mise riu, nach deachaidh air seacharan an uair a chaidh clann Israeil air seacharan, mar a chaidh na Lebhitheach air seacharan.

12 Agus is ro naomh dhoibh-san tabhartas so an fhearainn, làmh ri crìch nan Lebhitheach.

13 Agus thall fa chomhair crìche nan sagart, bithidh aig na Lebhitheach cùig mìle fichead làmh-choille air fad, agus deich mìle làmh-choille air leud; is e an fad uile cùig mìle fichead làmh-choille, agus an leud deich mìle.

14 Agus cha reic iad deth, ni mò ni iad a mhalairt, no bheir iad uatha ceud thoradh an fhearainn: oir tha e naomh do'n Tighearn.

15 Agus bithidh na cùig mìle làmh-choille a tha air am fagail anns an leud, thall fa chomhair nan cùig mìle fichead, 'n a ionad nach bi naomh, air son a' bhaile, air son còmhnuidh, agus air son dlùth-bhailtean; agus bithidh am baile 'n a mheadhon.

16 Agus so a thoinhsean; an taobh mu thuath ceithir mìle agus cùig ceud, agus an taobh mu dheas ceithir mìle agus cùig ceud, agus air an taobh an ear ceithir mìle agus cùig ceud, agus an taobh an iar ceithir mìle agus cùig ceud.

17 Agus bithidh dlùth-bhailtean na caithreach ris an àirde tuath dà cheud agus leth-cheud, agus ris an àirde deas dà cheud agus leth-cheud, agus ris an àird an ear dà cheud agus leth-cheud, agus ris an àird an iar dà cheud agus leth-cheud.

18 Agus bithidh a' chuid eile air leud, thall

faehomhair tabhartais a' chuibhrinn naomh, deich mìle ris an taobh an ear, agus deich mìle ris an taobh an iar: agus bithidh e thall fa chomhair tabhartais a' chuibhrinn naomh; agus bithidh a chinneas mar lòn do mhead-frithealaidh na caithreach.

19 Agus nì a' mhinntira fàirithealas do'n bhaile frithealadh dha & uile threubhan Israeil.

20 Is e an tabhartas uile cùig mìle fichead, le cùig mìle fichead: bheir sibh seachd an tabhartas naomh ceithir-chearnach, maille ri seilbh na caithreach.

21 Agus bithidh a' chuid eile air son an uachdarain, air an taobh so, agus air an taobh eile de'n tabhartas naomh, agus de sheilbh na caithreach, thall fa chomhair nan cùig mìle fichead de'n tabhartas leth ris a' chrìch an ear, agus an taobh an iar thall fa chomhair nan cùig mìle fichead leth ris a' chrìch an iar, thall fa chomhair nan enibhrioun air son an uachdarain; agus bithidh e so 'n a thabhartas naomh, agus bithidh naomh-ionad an teampuill 'n a mheadhon.

22 An dèigh seilbh nan Lebhitheach, agus seilbh na caithreach, bithidh sin anns a' mheadhon aig an uachdaran, eadar erioch Indah agus crìoch Bheniamin, bithidh so aig an uachdaran.

23 A thaobh na cuid eile de na treubhan, o'n taobh an ear gus an taobh an iar, bithidh aon roinn aig Beniamin.

24 Agus làimh ri erìch Bheniamin, o'n taobh an ear gus an taobh an iar, aon aig Simeon.

25 Agus làimh ri crìch Shimeoin o'n taobh an ear gus an taobh an iar, aon aig Isachar.

26 Agus làimh ri crìch Isachair, o'n taobh an ear gus an taobh an iar, aon aig Sebulun.

27 Agus làimh ri crìch Shebuluin, o'n taobh an ear gus an taobh an iar, aon aig Gad.

28 Agus làimh ri erìch Ghaid, aig an taobh deas mu dheas, bithidh a' chrìoch o Thamar, eadhon gu nisgeachan na strì ann an Cades, gus an amhainn leth ris an fhaighe mhòir.

29 So am fearann a roinneas sibh le crann-chur do threubhan Israeil air son oighreachd, agus so na cuibhriounnan aea, deir an Tighearn Dia.

30 Agus so dol a mach na caithreach air an taobh mu thnath, ceithir mìle agus cùig ceud tomhas.

31 Agus bithidh geatachan na caithreach a réir ainmean threubhan Israeil, tri geatachan ris an àirde tuath; aon gheata do Reuben, aon gheata do Indah, aon gheata do Lebhi.

32 Agus air an taobh an ear ceithir mìle agus cùig ceud: agus tri geatachan; aon gheata do Ioseph, aon gheata do Bheniamin, aon gheata do Dhan.

33 Agus air an taobh mu dheas ceithir mìle agus cùig ceud tomhas: agus tri geatachan; aon gheata do Shimeon, aon gheata do Isachar, aon gheata do Shebulun.

34 Air an taobh an iar ceithir mìle agus cùig ceud, le 'n tri gheatachaibh; aon gheata do Ghad, aon gheata do Aser, aon gheata do Naphtali.

35 Bha e mu'n cuairt oehd mìle deug tomhas; agus bithidh mar ainm air a chaithir o'n là sin, Tha an Tighearn an sin.

DANIEL.

CAIB. I.

1 *Braighdeanas Iehoiacim.* 3 *Fhuair Aspenas ordugh foghlum agus teangadh nan Caldéach a theagas do Dhanìel, Hananiah, Mìsael, agus Asariah.* 8 *Dhùilt siad iad fèin a thruaillleadh le biadh an rìgh; 16 uime sin fhuair iad pensair r'a h-ithiadh, agus uisge r'a òl.* 17 *Dh'fhàs iad ann an gliocas agus ann an tuigse.*

ANNS an treas bliadhna de linn Iehoiacim rìgh Iudah, thàinig Nebuchadnesar rìgh Bhabilon gu Ierusalem, agus chuairtich e le feachd e.

2 Agus thug an Tighearn Iehoiacim rìgh Iudah d'a làimh, le cuid de shioithichean tighe Dhé, a thug e gu tìr Shìnair, gu tigh a dhé; seadh, thug e na soithichean gu tigh-tasgaidh a dhé.

3 Agus labhair an rìgh ri Aspenas nachdaran a chailteanach, gu'n tugadh e leis

cuid de chloinn Israeil, agus de shliochd an rìgh, agus de na prionnsachaibh.

4 Clann air nach robh einrram air bith, ach a bha maiseach, agus foghlumte anns na h-uile ghliocas, agus fiosrach ann an eòlas, agus seòlta air ealaidhean, agus a bha comasach air seasamh ann an lùchairt an rìgh, agus d' am fèadadh iad foghlum agus teangadh nan Caldéach a theagasg.

5 Agus dh'orduich an rìgh dhoibh lòn lathail de bhiadh an rìgh, agus de'n fhìon a bha e ag òl: mar sin 'g an àrach tri bliadhna, a chum gu'n seasadh iad 'an ceann na h-ainnsir' sin an lathair an rìgh.

6 A nis am measg na mminntir' so bha, de chloinn Iudah, Daniel, Hananiah, Mìsael, agus Asariah:

7 D'an d'thug uachdaran nan caillteanach ainmean: oir thug e air Daniel *mar ainm*

Beltesasar; agus air Hananiah Sadrach; agus air Misael Mesach; agus air Asariah Abednego.

8 Ach ghabh Daniel rùn 'n a chridhe nach truailleadh se e féin leis a' chuibhrionn de bhiadh an rìgh, no leis an fhìon d' an d' òl e: uime sin ghuidh e air uachdaran nan caillteanach, nach bitheadh e air a shalachadh.

9 A nis thug Dia do Dhanìel deadh-ghean agus caoinhneas gràdhach o uachdaran nan caillteanach.

10 Agus thubhairt uachdaran nan caillteanach ri Daniel, Tha eagal orm roimh mo thighearn an rìgh, a dh'orduich 'ur biadh agus 'ur deoch: oir cìod uime am faicadh e 'ur n-aghaidhean nì's miosa coslas na chlànn eile d'ur seòrsa? an sin cuiridh sibh mise ann an cunnart mo chinn o'n rìgh.

11 An sin thubhairt Daniel ri Melsar, a chuir uachdaran nan caillteanach os ceann Dhanìel, Hananiah, Mhisael agus Asariah,

12 Dearbh do sheirbhisich, guidheam ort, deich làithean, agus thugar dhuinn peasair ri h-ithheadh, agus uisge r' a òl.

13 An sin amhaircear air ar n-aghaidhean ann ad làthair-sa, agus air aghaidh na cloinne 'tha 'g itheadh de chuibhrionn bìdh an rìgh: agus mar a chithear ceart duit, buin ri d'sheirbhisich.

14 Is amhuil a dh'aontaich e leo anns a' chùis so, agus dhearbhaich e iad deich làithean.

15 Agus 'an ceann dheich làithean bha dreach an aghaidhean nì bu mhaisiche agus nì bu shultmhoire na an uile chlànn a dh'ith an cuibhrionn de bhiadh an rìgh.

16 Mar so thug Melsar air falbh cuibhrionn am bìdh, agus am fìon a bu chòir dhoibh òl; agus thug e dhoibh peasair.

17 A thaobh na ceathrar chloinne so, thug Dia dhoibh eòlas agus tuigse anns na h-uile fìoghlum agus ghliocas: agus bha tuigse aig Daniel anns na h-uile sheallanaibh agus bhrudaraibh.

18 A nis aig ceann nan làithean, anns an d' thubhairt an rìgh gu'n tugadh e steach iad, an sin thug uachdaran nan caillteanach a steach iad an làthair Nebuchadnesair.

19 Agus rinn an rìgh còmhradh riu; agus 'n am measg uile cha d' fhuaradh aon cosmhuil ri Daniel, Hananiah, Misael, agus Asariah: air an aobhar sin sheas iad fa chomhair an rìgh.

20 Agus anns na h-uile ghnothachibh gliocais agus tuigse a dh'fhiosraich an rìgh dhiubh, fhuair e iad deich uairean nì b'fhèarr na na h-uile dhruidhean agus speuradairean a bha 'n a rìoghachd uile.

21 Agus mhair Daniel gu ceud bliadhna rìgh Chiruis.

1 *Ghairm Nebuchadnesair druidhean agus luchd-fiosachd nan Caldèich 'n a làthair, 5 agus dh'iarr e gu'n tugadh iad fios da air a bhrudar a bha air dol as aire. 10 'N uair a dh'aidich iad nach b'urrainn doibh an gnothach fhoillseachadh do'n rìgh, dh'orduich e an cur gu bàs. 18 Chaidh am brudar fhoillseachadh do Dhanìel ann an sealladh na h-oidhche. 31 Am brudar agus a bhrìgh.*

A GUS anns an dara bliadhna de linn Nebuchadnesair, bhrudair Nebuchadnesair brudar, leis an robh 'inntinn air a buaireadh, agus dhealaich a chodal ris.

2 An sin dh'àithn an rìgh na druidhean, agus na speuradairean, agus an luchd-fiosachd, agus na Caldèich a ghairm, a dh'fheuchainn do'n rìgh a bhrudair: mar sin thàinig iad, agus sheas iad an làthair an rìgh.

3 Agus thubhairt an rìgh riu, Bhrudair mi brudar, agus bha m' inntinn air a buaireadh a dh'fhaotainn fios a' bhrudair.

4 An sin labhair na Caldèich ris an rìgh anns a' chànan Shìrianaich, O a rìgh, mair beò gu bràth: innis do d' sheirbhisich am brudar, agus feuchaidh sinne a bhrìgh.

5 Fhreagair an rìgh agus thubhairt e ris na Caldèich, Tha an nì air dol as m' aire; mur toir sibhse fios dhomh air a' bhrudar le 'bhrìgh, gearrar sibh 'n 'ur bloighdibh, agus nìthear 'ur tighean 'n an dùn aolaich.

6 Ach ma dh'fheuchas sibh am brudar agus a bhrìgh, gheibh sibh uam-sa tìodhlacan agus duais, agus onoir mhòr: uime sin feuchaidh dhomh am brudar agus a bhrìgh.

7 Fhreagair iadsan a ris, agus thubhairt iad, Inneadh an rìgh d'a sheirbhisich am brudar, agus feuchaidh sinne a bhrìgh.

8 Fhreagair an rìgh agus thubhairt e, Tha fios agam gu deimhin gu'm b' àill leibh uime fhaotainn, a chionn gu bheil sibh a' faicinn gu bheil an nì air dol as m' aire.

9 Ach mur toir sibh fios domh air a' bhrudar, cha-n'èil ach an aon bhreth dhuibh: oir dh'ullaich sibh briathran breugach agus truallidh gu labhairt an làthair-sa, gu atharrachadh na h-aimsir: uime sin innisibh dhomh am brudar, agus aithnichidh mi gur urrainn sibh a bhrìgh fheuchainn dhomh.

10 Fhreagair na Caldèich ann am fianuis an rìgh, agus thubhairt iad, Cha-n'èil duine air an talamh a's urrainn gnothuch an rìgh fhoillseachadh: air an aobhar sin cha-n'èil rìgh, no tighearn, no fear-riaghlaidh dh'iarr an leithid so de nithibh air aon druidh, no speuradair, no Caldèach.

11 Agus is nì deacair a tha an rìgh ag iarraidh, agus cha-n'èil aon air bith eile a's urrainn 'fheuchainn fa chomhair an rìgh, ach na diathan aig nach 'èil an còmhnuidh nàille ri feoil.

12 Air an aobhar so bha 'n rìgh ann am feirg, agus ann an teas-chorruich, agus dh'athn e uile dhaoine glìce Bhabiloìn a mhilleadh.

13 Agus chaidh an t-ordugh a mach gu'm bitheadh na daoine glìce air am marbhadh; agus dh'iarr iad Daniel agus a chompanaich gu bhi air am marbhadh.

14 An sin fhreagair Daniel, le comhairle agus le gliocas, Arioch, ceann-feadhna freiceadain an rìgh, a chaidh a mach a mharbhadh dhaoine glìce Bhabiloìn.

15 Fhreagair e agus thubhairt e ri Arioch, ceann-feadhna an rìgh, 'Car son a tha 'n t-ordugh cho dian o'n rìgh? An sin dh'innis Arioch a' chùis do Dhanìel.

16 An sin chaidh Daniel a steach, agus ghuidh e air an rìgh gu'n tugadh e dha ùine, agus gu'm feuchadh e do'n rìgh a' bhrìgh.

17 An sin chaidh Daniel g'a thigh, agus dh'innis e a' chùis do Hananiah, Mhisael, agus Asariah, a chompanaich;

18 A chum gu'n iarradh iad tròcair air Dia nèimh mu thimchioll na dìomhaireachd so; a chum nach bàsaicheadh Daniel agus a chompanaich leis a' chuid eile de dhaoine glìce Bhabiloìn.

19 An sin bha an dìomhaireachd air a foillseachadh do Dhanìel ann an sealladh 's an oidhche: an sin bheannaich Daniel Dia nèimh.

20 Fhreagair Daniel agus thubhairt e, Beannaichte gu'n robh ainm Dhé gu saoghal nan saoghal; oir is leis-san gliocas agus cumhachd.

21 Agus atharraichidh e na h-amannan, agus na h-aimsirean: atharraichidh e rìghrean, agus cuiridh e suas rìghrean: bheir e gliocas do'n ghlic, agus eòlas dhoibhsan d'an aithne tuigse.

22 Foillsichidh e na nithean domhain agus dìomhair: is aithne dha ciod a tha 's an dorchadas, agus tha an solus a chòmhnuidh maille ris.

23 Tha mi 'toirt buidheachais agus cliù dhuìt, O thusa, a Dhia m' aithrichean, a thug domh gliocas agus cumhachd, agus a thug fios duinn a nis air an ni a dh'iarr sinn ort: oir thug thu fios duinn a nis air gnothuch an rìgh.

24 Uime sin chaidh Daniel a steach gu Arioch, a shonraich an rìgh gu daoine glìce Bhabiloìn a mhilleadh: chaidh e agus labhair e mar so ris, Na sgrios daoine glìce Bhabiloìn: thoir mise steach ann am fianuis an rìgh, agus feuchaidh mi do'n rìgh an seadh.

25 An sin thug Arioch a stigh Daniel ann am fianuis an rìgh gu luath, agus thubhairt e mar so ris, Fhuair mi duine de bhraighdibh Iudah, a bheir fios do'n rìgh air an t-seadh.

26 Fhreagair an rìgh, agus thubhairt e ri Daniel, d' am b' ainm Beltesasar, An urrainn thusa fios a thoirt domh air a' bhruadar a chuanaic mi, agus air a bhrìgh?

27 Fhreagair Daniel ann am fianuis an rìgh, agus thubhairt e, An dìomhaireachd a dh'iarr an rìgh cha-n urrainn na daoine glìce, na speuradairean, na druidhean, no an luchd-fiosachd fheuchainn do'n rìgh;

28 Ach tha Dia ann an nèamh a dh'fhoillsicheas nithean dìomhair, agus a tha 'toirt fios do Nebuchadnesar ciod a thachras anns na làithibh deireannach. Do bhruadar, agus aisingean do chinn air do leabaidh, is iad so iad:

29 (Do d' thaobh-sa, O a rìgh, thàinig do smuaintean ann ad aire air do leabaidh, na nithean a bha ri tachairt 'n a dhéigh so; agus tha esan a dh'fhoillsicheas nithean dìomhair a' toirt fios duit ciod a thig gu crìch.

30 Ach do m' thaobh-sa, cha-n'eil an dìomhaireachd so air a leigeadh ris domh air son gliocais air bith a tha agam thar aon *duine* beò, ach air an son-san a ni a' bhrìgh aithnichte do'n rìgh; agus a chum gu'm bithicheadh fios agad-sa air smuaintean do chridhe.)

31 Chunnaic thusa, O a rìgh, agus feuch ìomhaigh mhòr: sheas an ìomhaigh mhòr so, aig an robh dealradh oirdheire, fa d' chomhair, agus bha a dreach uamhasach.

32 Bha ceann na h-ìomhaigh so dh' òr finealta, a h-uchd agus a làmh an a dh' airgiod, a brù agus a sléisdean a dh' umha,

33 A luirghean de iarunn, a cosan, cuid de iarunn, agus cuid de chriadh.

34 Chunnaic thu gus an robh clach air a gearradh a mach gun làmh an, a bhuail an ìomhaigh air a cosan a bha de iarunn agus de chriadh, agus a bhris 'n am bloighdibh iad.

35 An sin bha an t-iarunn, a' chriadh, an umha, an t-airgiod agus an t-òr, air am brisicheadh 'n am bloighdibh le 'chéile, agus dh'fhàs iad cosmhuil ri moll nan urlar-bualaidh anns an t-samhradh, agus thug a' ghaoth air falbh iad, air chor as nach d'fhuaradh àite sam bith dhoibh: agus dh'fhàs a' chlach a bhuail an ìomhaigh 'n a sliabh mòr, agus lion i an talamh uile.

36 So am bruarad; agus innsidh sinn a bhrìgh an làthair an rìgh.

37 O a rìgh, is rìgh 'os ceann rìghrean thusa: oir thug Dia nèimh dhuìt rìoghachd, cumhachd, agus neart, agus glòir.

38 Agus c'ait air bith am bheil clann nan daoine a' gabhail còmhnuidh, beathaichean na macharach, agus eunlaith an athair, thug e do d' làimh-sa, agus rinn e uachdaran diot os an ceann uile: is tusa an ceann so a dh' òr.

39 Agus ann ad dhéigh-sa éiridh rìoghachd eile, ni's lugha na thusa, agus treas rìoghachd eile a dh' umha, aig am bi uachdaranachd os ceann an domhain uile.

40 Agus bithidh an ceathramh rìoghachd làidir mar iarunn: amhuil a bhriseas iarunn ann am bloighdibh, agus a chlaoidheas e na h-uile nithean: agus amhuil iarunn a bhris-

eas iad so uile, brisidh i ann am bloighdibh, agus bruthaidh.

41 Agus mar a chunnaic thu na cosan agus na meoir, cuid de chriadh a' chriadh-adair, agus cuid de iarunn, bithidh an rioghachd air a roinn; ach bithidh innte de neart an iarunn, ann a' mheud as a chunnaic thu an t-iarunn air a mheasgadh le criadh-làthaich.

42 Agus mar a bha meoir nan cos, cuid a dh' iarunn, agus cuid de chriadh; bithidh cuid d' an rioghachd làidir, agus cuid briste.

43 Agus mar a chunnaic thu iarunn air a mheasgadh le criadh-làthaich, measgaidh iadsan iad féin le siol dhaoine: ach cha ghreinich iad r'a chéile, amhuil mar nach gabh iarunn tàthadh ri criadh.

44 Agus ann an làithibh nan rìghrean so, cuiridh Dia nèimh suas rioghachd nach téid gu sìorruidh a sgrios: agus cha bhi an rioghachd air a fagail aig sluagh cile, *ach* brisidh i 'n am bloighdibh, agus caithidh i na rioghachdan so uile, agus seasaidh i gu sìorruidh.

45 Ann a' mheud as gu'm facadh tu gu'n robh a' chlach air a gearradh a mach as an t-slabh as eugmhais làmhnan, agus gu'n do bhris i 'n am bloighdibh an t-iarunn, an umha, a' chriadh, an t-airgid agus an t-òr; thug an Dia mòr fios do'n rìgh ciod a thig gu crìch 'n a dhéigh so: agus tha am brúadar cinnteach, agus a blrigh dearbhta.

46 An sin thuit an rìgh Nebuchadnesar air 'aghaidh, agus thug e urram do Dhanìel, agus dh'athin e gu'n tugadh iad dha tabhartas agus boltrach cùbhlaidh.

47 Fhreachair an rìgh Daniel, agus thubhairt e, Gu fìrinneach is e bhuir Dia-sa Dia nan diathan, agus Tighearn nan rìghrean, agus fear-foilseachaidh nìthan dìomhair, air dhuitse bhi comasach an dìomhaireachd so fhoillseachadh.

48 An sin rinn an rìgh duine mòr de Dhanìel, agus thug e dha mòran thìodhlacan luachmhor, agus rinn e fear-riaghlaidh dheth os ceann mhòr-roinn Bhabìloin uile, agus ceannard air na h-uachdarain os ceann uile dhaoine glìce Bhabìloin.

49 An sin dh'iarr Daniel air an rìgh, agus chuir e Sadrach, Mesach, agus Abednego os ceann ghnòthuichean mhòr-roinn Bhabìloin: ach shuidh Daniel ann an geata an rìgh.

CAIB. III.

1 Chuir Nebuchadnesar suas ìomhaigh òir, agus dh'ordnich e do gach sluagh aoradh a thoirt di.

8 Dhiùlt Sadrach, Mesach, agus Abednego so a dheanamh. 13 Bhagair an rìgh orra: 16 Am freagradh: 19 Thilgeadh iad 'am meadhan na h-àinuin theinntich: 24 Chuir Dia aingeal maille riù, agus cha robh cumhachd air bith aig an teine air an cuirp. 25 Thug Nebuchadnesar a mach as an àinuin iad.

RINN Nebuchadnesar an rìgh ìomhaigh òir, a bha trì fichead làmh-choille air

àirde, agus sè làmhnan-coille air leud: chuir e suas i ann am machair Dhura, ann am mòr-roinn Bhabìloin.

2 An sin chuir Nebuchadnesar an rìgh fios a chum gu'n cruinnichtheadh ri 'chéile na prionnsachan, na fir-riaghlaidh, agus na cinn-fheadhna, na breitheamhnan, luchd-coimhid an ionmhais, na combhairlich, na fir-lagha, agus uile luchd-riaghlaidh nam mòr-roinn, gu teachd a chum coisrcagaidh na h-ìomhaigh a chuir Nebuchadnesar an rìgh suas.

3 An sin bha na prionnsachan, na fir-riaghlaidh, na cinn-fheadhna, na breitheamhnan, luchd-coimhid an ionmhais, na combhairlich, na fir-lagha, agus uile luchd-riaghlaidh nam mòr-roinn air an cruinneachadh ri 'chéile, chum coisrcagaidh na h-ìomhaigh a chuir Nebuchadnesar an rìgh suas; agus shcas iad fa chomhair na h-ìomhaigh a chuir Nebuchadnesar suas.

4 An sin ghlaodh fear-éighich gu h-àrd, Dhuibhse tha e air 'àithneadh, O shluagh, fhìneachan, agus a theangan,

5 Ciod air bith am 's an cluinn sibh fuaim na trompaid, an fheadain, na clàrsaich, sacbuit, saltair, dulsimeir, agus na h-uile seòrsa ciùil, gu'n tuit sibh sìos, agus gu'n toir sibh aoradh do'n ìomhaigh òir a chuir an rìgh Nebuchadnesar suas.

6 Agus cò air bith nach strìochd sìos, agus nach dean aoradh, tilgear e 's an uair sin féin ann am builgean àmhuinn theinntich dhian-loisgich.

7 Uime sin anns an àm sin, an uair a chuala an sluagh uile fuaim na trompaid, an fheadain, na clàrsaich, sacbuit, saltair, agus na h-uile seòrsa ciùil, thuit an sluagh uile, na fìneachan, agus na teangan, sìos, agus thug iad aoradh do'n ìomhaigh òir a chuir an rìgh Nebuchadnesar suas.

8 Air an aobhar sin, anns an àm sin thàinig Caldéich àraidh am fagus, agus rinn iad casaid air na h-Iudhaich.

9 Labhair iad, agus thubhairt iad ris an rìgh Nebuchadnesar, O a rìgh, mair beò gu brath.

10 Thug thusa, O a rìgh, ordugh gu'n deanadh gach aon a chluinneadh fuaim na trompaid, an fheadain, na clàrsaich, sacbuit, saltair, agus dulsimeir, agus na h-uile seòrsa ciùil, strìochdadh agus aoradh, do'n ìomhaigh òir:

11 Agus cò air bith nach strìochd sìos, agus nach dean aoradh, gu'm bitheadh e air a thilgeadh ann am builgean àmhuinn theinntich dhian-loisgich.

12 Tha Iudhaich àraidh, a chuir thu os ceann ghnòthuichean mhòr-roinn Bhabìloin, Sadrach, Mesach, agus Abednego; cha d'thug na daoine so, O a rìgh, meas ortsa, cha-nèil iad a' deanamh seirbhis do d' dhiathan, no 'toirt aoraidh do'n ìomhaigh òir a chuir thu suas.

13 Au sin dh'àithn Nebuchadnesar, 'n a fheirg, agus 'n a chorruih, Sadrach, Mesach, agus Abednego, a thoirt d'a ionnsuidh: an sin thug iad na daoine so an làthair an rìgh.

14 Labhair Nebuchadnesar, agus thubhairt e riù, Am bheil so fìor, O Shadraich, a Mhesaich, agus Abednego? nach 'eil sibhise 'toirt seirbhis do m' dhiathan-sa, no 'toirt aoraidh do'n ionmhaigh òir a chuir mi suas?

15 A nis ma bhitheas sibh deas, ge b'e air bith àm anns an cluinn sibh fuaim na trompaid, an fheadain, na clàrsaich, sacbuit, saltair, agus dulsideir, agus na h-uile seòrsa ciùil, gu strìochdadh sìos, agus aoradh a dheanamh do'n ionmhaigh a rinn mise, *is maith*: ach mur dean sibh aoradh, tilgear sibh anns a' cheart uair sin ann am builsgéan àmhuinn theinntich dhian-loisgich; agus cò an Dia sin a's urrainn 'ur tèarnadh as mo lamhan-sa?

16 Fhreagair Sadrach, Mesach, agus Abednego, agus thubhairt iad ris an rìgh, O Nebuchadnesar, cha-n'eil suim againne freagradh a thoirt duit anns a' chùis so.

17 Ma's ann mar sin a bhitheas, tha ar Dia-ne, d'am bheil sinn a' toirt seirbhis, comasach air ar saoradh o'n àmhuinn theinntich dhian-loisgich, agus ni e ar saoradh as do làimh-sa, O a rìgh.

18 Ach mur dean, bitheadh fios agad, O a rìgh, nach toir sinn seirbhis do d' dhiathan, no aoradh do'n ionmhaigh òir a chuir thu suas.

19 Au sin bha Nebuchadnesar làn corruich, agus bha dreach a ghnùise air caochladh an aghaidh Shadraich, Mhesaich, agus Abednego: labhair agus dh'àithn e gu'n teasaicheadh iad an àmhuinn seachd uairean ni bu mhò na bu ghnàth leo a teasachadh.

20 Agus dh'àithn e do na daoibh a bu treise 'n a fheadh, Sadrach, Mesach, agus Abednego a cheangal, agus a thilgeadh do'n àmhuinn theinntich dhian-loisgich.

21 An sin cheangladh na daoine so 'n an còtaichibh, 'n an triughasaibh, agus 'n an ceann-eudaichibh, agus 'n an eudaichibh eile, agus thilgeadh iad ann am meadhon na h-àmhuinn theinntich dhian-loisgich.

22 Air an aobhar sin, a chionn gu'n robh àithne au rìgh ro theann, agus an àmhuinn ro theith, nuairbh lasair au teine na daoine sin a thog suas Sadrach, Mesach, agus Abednego.

23 Agus thuit an triuir dhaoine so, Sadrach, Mesach, agus Abednego sìos ceangailte ann am builsgéan na h-àmhuinn theinntich dhian-loisgich.

24 An sin bha an rìgh Nebuchadnesar làn uamhuinn, agus dh'éirich e suas ann an deifir, agus labhair e, agus thubhairt e r'a luchd-comhairle, Nach do thilg sinn triuir dhaoine ceangailte do mheadhon an teine?

Fhreagair iadsan agus thubhairt iad ris an rìgh, Is fìor, O a rìgh.

25 Fhreagair esan agus thubhairt e, Feuch, chi mi ceathrar dhaoine fuasgailte, a' cois-eachd ann am meadhon au teine, agus cha-n'eil dòchann sam bith orra, agus tha coslas a' cheathramh mar mhac Dhé.

26 An sin thàinig Nebuchadnesar dlùth do bheul na h-àmhuinn theinntich dhian-loisgich, agus labhair e, ag ràdh, A Shadraich, Mhesaich, agus Abednego, òglacha an Dé a's àirde, thigibh a mach, agus thigibh an so. An sin thàinig Sadrach, Mesach, agus Abednego a mach à meadhon an teine.

27 Agus chunnaic na prionnsachan, na h-uachdarain, agus na cinn-fheadhna, agus luchd-comhairle an rìgh, a bha cruinn 'an ceann a chéile, na daoine so, nach robh cumhachd air bith aig an teine air an cuirp, ni mò bha fuiltean d' an ceann dàithe, no an còtaichean air an caochladh, no faile an teine dhìubh.

28 An sin labhair Nebuchadnesar, agus thubhairt e, Gu ma beannaichte gu'n robh Dia Shadraich, Mhesaich, agus Abednego, a chuir a nuas aingeal, agus a shaor 'òglach a chuir an dòchas ann, agus a chuir an aghaidh focail au rìgh, agus a thug seachd an cuirp a chum nach tugadh iad seirbhis no aoradh do dhia air bith, ach an Dia féin.

29 Uime sin tha mise a' toirt teamn-ord-uigh, gu'm bi gach sluagh, ciùneach, agus teangadh, a labhras ni sam bith air dhoch-air an aghaidh Dhé Shadraich, Mhesaich, agus Abednego, air an gearradh 'n am bloighdibh, agus an tighean air an deanamh: 'n an dùn aolaich, a chionn nach 'eil Dia air bith eile ann a's urrainn tèarnadh air an dòigh so.

30 An sin dh'àrdaich an rìgh Sadrach, Mesach, agus Abednego ann am mòr-roinn Babiloin.

CAIB. IV.

1 Chuir Nebuchadnesar 'an cèill gu'n robh uachdaranachd an Tighearna o linn gu linn. 4 Dh'àithris e an aising a chunnaic e. 8 Dh'innis Daniel dha ciod a bu bhrìgh dhi. 28 Choinnitionadh an aising.

NEBUCHADNESAR an rìgh eum nan uile shluagh, fhineachan agus theangan a tha dhòmhnuidh air an talamh uile: Gu meudaichear sìth dhuibh.

2 Chunnacas ceart dhomh-sa gu'n cuirinn 'an cèill na comharan agus na mìorbhuilean a dh'òibrich an t-àrd Dhia do m' thaobh:

3 Cia mòr a chomharan! agus cia cumhachdach a mìorbhuilean! a rìoghachd-san is rìoghachd shìorruidh i, agus tha 'uachdaranachd o linn gu linn.

4 Bha mise Nebuchadnesar gu suaimheach ann am thigh, agus gu h-àluinn ann am lùchairt:

5 Chunnaic mi brúadar a chuir eagail orm, agus rinn mo smuaintean air mo leabaidh, agus aislingean mo chinn mo bhuaireadh.

6 Uime sin thug mi teann-ordugh uile dhaoine glíce Bhabiloín a thoirt a steach a' m' fhianuis, a chum gu'n tugadh iad fios domh air bhrìgh a' bhrúadair.

7 An sin thàinig a steach na druidhean, na speuradairean, na Caldéich, agus na fiosaichean: agus dh'innis mi am brúadar 'n an làthair; ach cha d'fhug iad fios domh air a bhrìgh.

8 Ach mu dheireadh thàinig Daniel a steach a' m' làthair, (d' am b' ainm Beltesasar, a réir ainme mo dhé-sa, agus anns am bheil spiorad nan diathan naomha), agus 'n a làthair-san dh'innis mi am brúadar, *ag ràdh*,

9 O Bheltesasar, thusa a's àirde de na druidhibh, a chionn gu bheil fios agam gu bheil spiorad nan diathan naomha annad-sa, agus nach cuir dìomhaireachd air bith dragh ort, innis domh sealladh mo bhrúadair a chunnaic mi, eadhon a bhrìgh.

10 Mar so bha aisling mo chinn air mo leabaidh; Chunnaic mi, agus, feuch, craobh ann am meadhon na talmhainn, agus bha a h-àirde mòr.

11 Dh'fhàs a' chraobh, agus bha i làidir, agus ràinig a h-àirde gu nèamh, agus a sealladh gu crìch na talmhainn uile:

12 Bha a duilleach maiseach, agus a toradh pailt, agus innte bha biadh air son na h-uile: bha aig beathaichean na macharach sgèile foipe, agus ghabh eunlaith an athair còmhluaidh 'n a geugaibh, agus bheathaicheadh na h-uile fheoil uaipe.

13 Chunnaic mi ann an aislingibh mo chinn air mo leabaidh, agus, feuch, thàinig fear-faire, eadhon aon naomh a nuas o nèamh:

14 Ghlaodh e gu h-àrd, agus thubhairt e mar so, Gearr sìos an crann, agus sgath dheth a gheugan, crath dheth a dhuilleach, agus sgap a thoradh; imicheadh na beathaichean o bhi foidhe, agus na h-eunlaith o 'gheugaibh.

15 Gidheadh, fag bun a fhreumh anns an talamh, eadhon le bannaibh iaruin agus umha, ann am fear maoth na faiche; agus bitheadh e fliuch le dealt nèimh, agus a chuibhrionn leis na beathaichibh ann am fear na talmhainn.

16 Bitheadh a chridhe air atharrachadh o bhi 'n a chridhe duine, agus thugar dha cridhe ainmhidh; agus gabhadh seachd aimsirean thairis air.

17 Tha a' chùis so le teann-ordugh nam fear-faire, agus an t-iarrrus air focal nan naomh: a chum gu'm bitheadh fios aig na bheil beò gu bheil an Ti a's àirde a' riaghladh ann an rìoghachd dhaoine, agus 'g a tabhairt do neach air bith a's àill leis, agus a' cur suas os a ceann an ti a's suarraiche de dhaoine.

18 Am brúadar so chunnaic mise Nebu-

chadnesar an rìgh: a nis, O Bheltesasar, foillsich thusa a bhrìgh, a chionn nach 'eil uile dhaoine glíce mo rìoghachd comasach air fios a thoirt domh air a bhrìgh: ach tha thusa comasach, oir tha spiorad nan diathan naomha annad.

19 An sin bha Daniel, (d' am b' ainm Beltesasar,) air a lìonadh le h-uamhunn car aon uaire, agus rinn a smuaintean a bhuaireadh: labhair an rìgh, agus thubhairt e, A Bheltesasar, na deanadh am brúadar no a bhrìgh do bhuaireadh. Fhreagair Beltesasar, agus thubhairt e, Mo thighearna, bitheadh am brúadar dhoibhsan le am fuathach thu, agus a bhrìgh do d' naimhidh.

20 An crann a chunnaic thu, a dh'fhàs, agus a bha làidir, a ràinig 'àirde gu nèamh, agus a shealladh gus an talamh uile;

21 Aig an robh a dhuilleach maiseach, agus a thoradh pailt, agus anns an robh biadh do na h-uile; foidh an do ghabh beathaichean na macharach còmhluaidh, agus aig an robh air a gheugaibh àite-fàimh do eunlaith an athair:

22 Is tusa sin, O a rìgh, a tha air fas agus air cinntinn làidir: oir tha do mheud air fas agus a' ruighcachd gu nèamh, agus d' uachdaranachd gu crìch na talmhainn.

23 Agus mar a chunnaic an rìgh fear-faire, agus aon naomh a' teachd a nuas o nèamh, agus ag ràdh, Gearr an crann sìos, agus sgrios e; gidheadh fag bonn a fhreumh anns an talamh, eadhon le bannaibh iaruin agus umha ann am fear maoth na faiche; agus bitheadh e fliuch le dealt nèimh, agus a chuibhrionn le beathaichibh na macharach, gus an gabh seachd aimsirean thairis air:

24 So a' bhrìgh, O a rìgh, agus so ordugh an Ti a's àirde, a tha air teachd air mo thighearna an rìgh:

25 Gu'm fògar iad thu o dhaoineibh, agus gu'm bi do chòmhluaidh le beathaichibh na macharach, agus bheir iad ort fear itheadh mar dhaimh, agus fliuchaidh iad thu le dealt nèimh, agus thèid seachd aimsirean thairis ort, gus am bi fios agad gu bheil an Ti a's àirde a' riaghladh ann an rìoghachd dhaoine, agus 'g a tabhairt do neach air bith a's àill leis.

26 Agus mar a dh'àithn iad bun freumh a' chroinn fhagail, bithidh do rìoghachd cinnteach dhuist, an dèigh dhuit fios a bhi agad gu bheil na nèamhan a' riaghladh.

27 Uime sin, O a rìgh, bitheadh mo chomhairle-sa taitneach leat, agus bris air falbh do pheacaidhean le fireantachd, agus d' eucartan le trècar a nochdadh do na bochdaibh, a dh'fheuchainn am buanaichear do shìochant.

28 Thàinig so uile air rìgh Nebuchadnesar. 29 An ceann dà mhìos deug bha e spaid-searachd ann an lùchairt rìoghachd Bhabiloín.

30 Labhair an rìgh agus thubhairt e, Nach i so Babilon mhòr, a thog mise mar thigh na rìoghachd, le neart mo chumhachd, agus air son onoir mo mhòrachd?

31 Am feadh a bha am focal ann am beul an rìgh, thuit guth o nèamh, ag ràdh, O a rìgh Nebuchadnesair, riutsa tha e air a labhairt, Tha an rìoghachd air dealachadh riut.

32 Agus fògraidh iad thu o dhaoineibh, agus bithidh do chòmhnuidh le beathaichibh na macharach: bheir iad ort feur itheadh mar dhaimh, agus theid seachd aimsirean thairis ort, gus am bi fios agad gu'm bheil an Tì a's àirde a' riaghladh ann an rìoghachd dhaoine, agus 'g a tabhairt do neach air bith a' s àill leis.

33 Air an uair sin féin choimhlionadh an nì sin air Nebuchadnesar; agus bha e air fhògradh o dhaoineibh, agus dh'ith e feur mar dhaimh, agus bha a cholann fliuch le dealt nèimh, gus an d'fhàs fhionna mar chloimh na h-iolaire, agus 'iongannan mar spuirean eun.

34 Agus an ceann nan làithean thog mise Nebuchadnesar suas mo shùilean ri nèamh, agus phill mo thuigse a m' ionnsuidh, agus bheannaich mi an Tì a's àirde, agus chliùthaich mi, agus thug mi onoir dhà-san a tha beò gu sìorruidh, aig am bheil 'uachdaranachd' n a h-uachdaranachd shìorruidh, agus a rìoghachd o linn gu linn.

35 Agus tha uile luchd-àiteachaidh na talmhainn air am meas mar neo-nì: agus nì esan mar is àill leis ann am feachd nèimh, agus am measg luchd-àiteachaidh na talmhainn: agus cha-n urrainn aon neach a làmh a bhacadh, no ràdh ris, Cìod a tha thu 'deanamh?

36 Anns an àm sin féin phill mo thuigse thugam; agus a thaobh glòir mo rìoghachd, phill m' onoir agus mo mhòrachd thugam; agus dh'iarra mo luchd-comhairle agus mo thighearnan a m' ionnsuidh; agus bha mi air mo dhaingneachadh ann am rìoghachd, agus thugadh tuilleadh dhomh de mhòrachd òirdheire.

37 A nis tha mise Nebuchadnesar a' cliùthachadh agus ag àrdachadh, agus a' toirt onoir do Rìgh nèimh, aig am bheil 'uile oibre 'n am fìrinn, agus a'shlighean 'n am breitheanas; agus a mhuinntir a shiùbhlas ann an uabhar, tha esan comasach air an ìsleachadh.

CAIB. V.

1 *Cuirm aingil Bhelsasar; 5 Rinn a smuaintean a bhuaireadh 'n uair a chunnaic e an làmh-sgrìobhaidh air a' bhalla. 25 Dh'innis Daniel do'n rìgh brìgh an sgrìobhaidh.*

RINN Belsasar an rìgh cuirm mhòr do mhìle d'a thighearnaibh, agus dh'òl e fìon ann an làthair a' mhìle.

2 Dh'athn Belsasar, 'n uair a bhlais e am fìon, na soithichean òir agus airgid a thug

'athair Nebuchadnesar as an teampull a bha ann an Ierusalem a thoirt d'a ionnsuidh. a chum gu'n òladh an rìgh agus a mhòr-uaislean, a mhnathan agus a choimhleabaich asda.

3 An sin thug iad thuige na soithichean òir a thugadh a teampull tighe Dhé, a bha ann an Ierusalem; agus dh'òl an rìgh agus a mhòr-uaislean, a mhnathan agus a choimhleabaich asda.

4 Dh'òl iad fìon, agus chliùthaich iad na diathan òir agus airgid, umha, iarunn, fiodha, agus cloiche.

5 Anns an uair sin féin thàinig a mach meoir làimhe duine, agus sgrìobh iad thall fa chomhair a' choinnleir, air aghaidh balla lùchair an rìgh; agus chunnaic an rìgh a' chuid de'n làimh a sgrìobh.

6 An sin chaochail gnùis an rìgh, agus rinn a smuaintean a bhuaireadh, air chor as gu'n robh uilt a leasraidh air am fuasgladh, agus bhuail a ghlùinean an aghaidh a chèile.

7 Ghlaodh an rìgh gu h-àrd na speuradair-ean, na Caldéich, agus na fiosaichean a thoirt a stigh: agus labhair an rìgh, agus thubhairt e ri daoine glìce Bhabiloìn, Cò air bith a leughas an sgrìobhadh so, agus a dl'fhoillsicheas domh-sa a bhrìgh, sgeudaichear e le sgarlaid, agus cuirear slabhruidh òir m'a mhuineal, agus is e an treas fear-riaghlaidh a bhitheas anns an rìoghachd.

8 An sin thàinig uile dhaoine glìce an rìgh a steach; aeh cha b'urrainn iad an sgrìobhadh a leughadh, no fios a thoirt do'n rìgh air a bhrìgh.

9 An sin bha an rìgh Belsasar gu mòr air a bhuaireadh, agus bha a ghnùis air a h-atharrachadh, agus bha uamhas air a thigh-earnaibh.

10 *A nis* thàinig a' bhan-rìghinn air son bhriathran an rìgh agus a thighearnan, a stigh gu tigh na cuirme; agus labhair a' bhan-rìghinn, ag ràdh, O a rìgh mair beò gu bràth: na deanadh do smuaintean do bhuaireadh, agus na bitheadh do ghnùis air a caochladh.

11 Tha duine ann ad rìoghachd anns am bheil spiorad nan dia naoinha, agus ann an làithibh d'athar, bha solus, agus tuigse, agus gliocas, mar ghliocas nan dia, air am faotainn ann; neach a rinn an rìgh Nebuchadnesar d'athair, d'athair-sa, O a rìgh, 'n a uachdaranair na druidhibh, speuradairibh, Caldéich, agus fiosaichibh;

12 Do bhrìgh gu'n d'fhuair eadh spiorad òirdheire, agus eòlas, agus tuigse, mìneachadh bhruadar, agus taisbeanadh cheistein cruaidhe, agus fuasgladh imcheistein, anns an Daniel so féin, air an d'thug an rìgh mar ainm Belsasar: a nis gairmear Daniel, agus foillsichidh esan a bhrìgh.

13 An sin thugadh Daniel a steach an làthair an rìgh; agus labhair an rìgh, agus

neachadh, agus ordugh làidir a dheanamh, ge b'e 'dhiarras athchuinge air bith air aon dia no duine ré deich làitheau fichead, ach orts, O a rìgh, gù'n tilgear e ann an garaidh nan leòmhann.

8 A nis, O a rìgh, daingnich an t-ordugh, agus seulaich an sgrìobhadh, a chum nach caochlaidhear e, a rìgh reachd nam Médach agus nam Persach, nach fheudar atharrachadh.

9 Uime sin sheulaich rìgh Darius an sgrìobhadh agus an t-ordugh.

10 A nis 'n uair a thuig Daniel gu'n deachaidh an sgrìobhadh a sheulachadh, chaidh e chum a thighe, agus air da 'uinneagan a bhi fosgailte 'n a sheòmar ri Iersusalem, thuit e sìos air a ghlùinibh trì uairean anns an là, agus rinn e urnuigh, agus thug e buidheachas an làthair a Dhé, mar a rinn e 's an àimsir roimhe.

11 An sin chruinnich na daoine so, agus fhuair iad Daniel ri urnuigh, agus a' deanamh athchuinge ann an làthair a Dhé.

12 An sin thàinig iad am fagus, agus labhair iad ann am fianuis an rìgh mu thimchioll orduigh an rìgh, Nach do sheulaich thusa reachd, gach duine sam bith a ui athchuinge ri aon dia no duine, an taobh a stigh de dheich làithean fichead, ach riutsa, O a rìgh, gu'n tilgear ann an garaidh nan leòmhann e? Fhreagair an rìgh, agus thubhairt e, Tha an nì fìor a réir reachd nam Médach agus nam Persach, nach atharraich-car.

13 An sin fhreagair iadsan, agus thubhairt iad ann an làthair an rìgh, Daniel sin a tha de chloimn bhruid Iudah, cha-n'eil suim aige dhiot-sa, O a rìgh, no do'n reachd a sheulaich thu, ach tha e ri athchuinge trì uairean anns an là.

14 An sin bha 'n rìgh, 'n uair a chual e na briathran, ro dhiombach dheth féin, agus shuidhich e a chridhe air Daniel g'a shaoradh: agus shaothraich e gu dol fodha na gréine chum a thèarnadh.

15 An sin chruinnich na daoine so chum an rìgh, agus thubhairt iad ris an rìgh, Bitheadh fios agad, O a rìgh, gur e lagh nam Médach agus nam Persach, nach feudar ordugh no reachd air bith a dhaingnich an rìgh a chaochladh.

16 An sin dh'àithn an rìgh, agus thug iad leo Daniel, agus thilg iad e do gharaidh nan leòmhann: agus labhair an rìgh ri Daniel, ag ràdh, Do Dhia, d'am bheil thu a' deanamh seirbhis a ghnàth, nì esan do thèarnadh.

17 Agus thugadh clach, agus leagadh air beul na garaidh i, agus seulaich an rìgh le 'sheula féin i, agus le seula a thighearnan; a chum nach bitheadh a' chomhairle air a h-atharrachadh mu thimchioll Dhanieil.

18 An sin chaidh an rìgh d'a lùchairt, agus chaith e an oidhche ri trasg: nì mò 'thugadh

innil ciùil 'n a làthair; agus dh'imich a chodal uaith.

19 Au sin dh'éirich an rìgh gu ro mhoch anns a' mhaduinn, agus chaidh e gu luath gu garaidh nan leòmhann.

20 Agus an uair a thàinig e chum na garaidh, ghlaodh e le guth muldach ri Daniel; *seadh* labhair an rìgh, ag ràdh ri Daniel, O Dhanieil, òglaich an Dé bheò, am bheil do Dhia, d'am bheil thu a' deanamh seirbhis an còmhnuidh, comasach air do thèarnadh o na leòmhanaibh?

21 An sin thubhairt Daniel, O a rìgh mair beò gu bràth.

22 Chuir mo Dhia-sa nuas 'aingeal, agus dhruid e beoil nan leòmhann, air chor as nach d'rinn iad mo dhochann: do bhrìgh 'n a fhianuis gu'n d'fhuair iad neo-chiontach mi; agus fòs a'd' fhianuis-sa, O a rìgh, cha d'rinn mi cron sam bith.

23 An sin bha an rìgh ro aoibhneach air a shon, agus dh'àithn e gu'n tugadh iad Daniel a nìos as a' gharaidh: mar sin thugadh Daniel a nìos as a' gharaidh, agus cha d'fhuair iad gnè air bith dochainn air, a chionn gu'n do chreid e 'n a Dhia.

24 Agus dh'àithn an rìgh, agus thug iad leo na daoine sin a rinn casaid air Daniel, agus thilg siad iad do gharaidh nan leòmhann, iad féin, an clann, agus am mnathan; agus thug na leòmhain buaidh orra, agus bhris iad an cuàmhan uile 'n am bloighdibh, mu'n d' ràinig iad iochdar na garaidh.

25 An sin sgrìobh Darius a chum nan uile shluagh, chinneach agus chànan a tha chòmhnuidh air an talamh uile, Gu robh sìth air a meudachadh dhuibh.

26 Tha mise a' toirt orduigh, anns gach uile thighearnas de m' rìoghachd, gu'm bi crith agus eagal air daoine roimh Dhia Dhanieil: oir is esan an Dia beò, agus bun-aiteach gu bràth, agus a rìoghachd-san cha sgriosar a chaidh, agus 'uachdaranachd tha gus a' chrìoch.

27 Saoraidh esan, agus tèarnaidh e, agus oibrichidh e comharan agus mòrbhuilean air nèamh agus air talamh, neach a shaor Daniel o chumhachd nan leòmhann.

28 Mar so shoirbhich Daniel so ann an linn Dhariuis, agus ann an linn Chiruisa Phearsaich.

CAIB. VII.

1 *Aisling mu thimchioll nan ceithir beathaichean mòra a thàinig a nìos as an fhaire, 8 agus mu thimchioll ceithir-rìoghail an Tìgh-earna. 15 Brìgh nan aisling.*

A NN an ceud bhliadhna Bhe'sasair rìgh Bhabiloin, chumaidh Daniel brúadar, agus aisling a chum air a leabaidh: an sin sgrìobh e am brúadar, agus dh'innis e suim nan nithean.

2 Labhair Daniel agus thubhairt e, Chumaidh mi ann am aisling anns an oidhche, agus,

feuch, ghlacadh ceithir ghaothian nèimh air an fhaire mhòir.

3 Agus thàinig ceithir beathaichean mòra nìos as an fhaire, eag-samhuil aon o 'chèile.

4 Bha a' cheud aon cosmhuil ri leòmhann, agus bha sgiathan iolaire aige: agus dh'amhaire mi gus an do spionadh a sgiathan, agus thogadh suas o'n talamh e, agus thugadh air seasamh air a chosaibh mar dhuine, agus thugadh dha cridhe duine.

5 Agus feuch beathach eile, an dara aon, cosmhuil ri math-ghamhuinn, agus thog e suas e féin air aon taobh, agus bha aige tri gialan 'n a bheul, an taobh a stigh d'a fhiacailb: agus thubhairt iad ris mar so, Eirich, sluig mòran febla.

6 'N a dhéigh so dh'amhaire mi, agus, feuch, aon eile amhuil liopard, aig an robh air a dhruim ceithir sgiathan coin; bha aig a' bheathach mar an ceudna ceithir chinn; agus thugadh dha uachdaranachd.

7 'N a dhéigh so chunnaic mi ann an aisingibh na h-oidhe, agus feuch ceathramh beathach; eagalach agus uamhasach, agus ro làidir; agus bha fiacalan mòra iarunn aige: shluig e suas agus bhris e ann an bloighdibh, agus shaltair e 'm fuigheall le 'chosaibh; agus bha e eu-cosmhuil ris na h-uile beathaichean a bha roimhe; agus bha deich adhaircean air.

8 Thug mi fainear na h-adhaircean, agus, feuch, thàinig a nìos 'n am measg adharc bheag eile, roimh an robh tri de na ceud adhaircibh air an spionadh a nìos as am freumhan: agus, feuch, anns an adhairc so bha shùilean mar shùilean duine, agus beul a' labhairt nithean mòra.

9 Dh'amhaire mi gus an robh na rìgh-chaitheichean air an suidheachadh, agus shuidh Aosda nan làithean, aig an robh a thrusgan geal mar shneachdadh, agus folt a chinn mar olainn ghloin; a chaitheir-rioghail mar lasair theine, a rothan mar theine-loisgeach.

10 Bhrùchd sruth teinnteach, agus thàinig e mach o a làthair: bha mìle de mhiltibh a' frithealadh dha, agus sheas deich mìle uair deich mìle 'n a fhianuis: shuidhicheadh an breitheanas, agus dh'fhosgladh na leabhraichean.

11 Dh'amhaire mi an sin, do bhrìgh guth nam briathran mòra a labhair an adhairc: dh'amhaire mi gus an do mharbhadh am beathach, agus gus an robh a chorp air a sgrios, agus air a thoirt do'n lasair loisgich.

12 A thaobh na cuid eile de na beathaicheibh, thugadh an uachdaranachd air falbh: ghlacadh shùineadh am beatha, ré tamuill agus aimsir.

13 Chunnaic mi ann an aisingibh na h-oidhe, agus, feuch, thàinig neach cosmhuil ri mac an duine le neulaibh nèimh, agus thàinig e chum Aosda nan làithean, agus thug iad e dlùth 'n a làthair.

14 Agus thugadh dha uachdaranachd, agus glòir, agus rìoghachd, a chum gu'n tugadh na h-uile shluagh, chinneach, agus theangaidh, seirbhis dha: 'uachdaranachd is uachdaranachd shiorruidh i, nach siubhail thairis, agus a rìoghachd cha sgriosar i.

15 Bha mise Daniel muldach ann am spiorad, ann am meadhan mo chuirp, agus rinn aisingean mo chinn mo bhuaireadh.

16 Thàinig mi am fagus do aon dhiubhlisan a sheas dlùth, agus dh'fheoraich mi dheth brìgh an iomlain deth so: an sin dh'innis e dhomh, agus thug e fios domh air brìgh nan nithean.

17 Na ceithir beathaichean mòra so, is ceithir rìghrean iad, a dh'éireas a mach as an talamh.

18 Ach glacadh naoimh an Ti a's àirde an rìoghachd, agus sealbhaichidh iad an rìoghachd gu sìorruidh, cadhion gu saoghal nan saoghal.

19 An sin b'àill leam fios fhaotainn air seadh a' cheathramh beathaich, a bha eug-samhuil ri càch uile, anbharr uamhasach, aig an robh 'fhiacalan de iarunn, agus 'iongannan de phrais; a shluig suas, a bhris ann am bloighdibh, agus a shaltair am fuigheall le 'chosaibh;

20 Fòs air seadh nan deich adhare a bha 'n a cheann, agus na h-aoin eile a thàinig a nìos, agus roimh an do thuit tri, cadhion na h-adhairc sin aig an robh shùilean, agus beul a labhair nithean ro mhòr, aig an robh sealladh ni bu chruadaileiche na càch.

21 Dh'amhaire mi, agus rinn an adhairc cheudna cogadh ris na naoimh, agus bhuaidh aich i 'n an aghaidh;

22 Gus an d'thàinig Aosda nan làithean, agus an d'thugadh breitheanas do naoimh an Ti a's àirde; oir thàinig an t-am anns an do shealbhaich na naoimh an rìoghachd.

23 Mar so thubhairt e, Is e an ceathramh beathach an ceathramh rìoghachd a bhitheas air an talamh, a bhitheas eug-samhuil o na h-uile rìoghachd, agus a shluigeas suas an talamh uile, agus a shaltras sìos e, agus a bhriseas e 'n a bhloighdibh.

24 Agus na deich adhaircean as an rìoghachd so, is deich rìghrean iad a dh'éireas suas: agus éiridh aon eile 'n an déigh; agus bithidh e eug-samhuil o 'n cheud aon, agus ceannsaichidh e tri rìghrean.

25 Agus labhraidh e briathran an aghaidh an Ti a's àirde, agus claoidhidh e naoimh an Ti a's àirde, agus bithidh dùil aige aimsirean agus reachdan a chaochladh: agus bheirear iad d'a làimh gu aimsir, agus annsirean, agus roimh aimsir.

26 Agus suidhidh am breitheanas, agus bheir iad air falbh a thighearnas, gu 'chaitheamh, agus gu a sgrios gu ruig a' chrìoch.

27 Agus bheirear an rìoghachd agus an uachdaranachd agus mòrachd na rìoghachd

fo nèamh uile, do mhuinntir naomh an Ti a's ro àirde, aig am bheil a rìoghachd 'n a rìoghachd shìorruidh, agus bheir na h-uile thighearna is urahlachd agus gèill da.

25 An so bha crìoch na cùise. Air mo shonsa Daniel, rinn mo smuaintean gu ro mhòr mo bhuairleadh, agus dh'atharraich mo ghnùis annam; ach ghlèidh mi a' chùis aun am chrìdhe.

CAIB. VIII.

1 *Taisbeanadh Dhanieil mu thimchioll an reithe agus a' bhuic-ghaibhre. 15 Thug Gabriel comhfhurtachd do Dhanieil, 19 agus dh'innis e dha brìgh an taisbeinidh.*

ANNS an treas bliadhna de linn rìgh A' Bhealsair, chunnacas aising leamsa, leamsa Daniel, an déigh na h-aisling sin a chunnacas leam an faiseach.

2 Agus chunnaic mi ann an aising, (agus tharladh 'n uair a chunnaic mi, gu'n robh mi ann an Susan, anns an àros, a tha ann an mòr-roinn Elaim,) agus chunnaic mi ann an aising, agus bha mi aig amhainn Ulai.

3 An sin thog mi suas mo shùilean, agus chunnaic mi, agus feuch, sheas fa chomhair na h-aimhe reithe, aig an robh dà adhaire; agus bha an dà adhaire; ach aon ni b' àirde na 'n aon eile; agus thàinig an aon a b' àirde nìs mu dheireadh.

4 Chunnaic mi an reithe a' purradh le 'adhaireibh an iar, agus mu thuath, agus mu dheas; air chor as nach feudadh beathach air bith seasamh fa' chomhair, ni mò bha neach ann a b' urrainn saoradh as a làimh, ach rinn e a réir a thoile, agus dh'fhàs e mòr.

5 Agus am feadh a bha mi a' beachdachadh, feuch, thàinig boc-gaibhre o'n àird an iar, air aghaidh na talmhainn uile, agus cha do bhean e do'n làr: agus bha adharc shònraichte aig a' bhoc eadar a shùilean.

6 Agus thàinig e chum an reithe aig an robh dà adhaire, a chunnaic mi 'n a sheasamh fa chomhair na h-aimhe, agus ruith e d'a ionnsuidh ann an cuthach a threise.

7 Agus chunnaic mi e teachd teann air an reithe, agus dhàisg 'fhearg 'n a aghaidh, agus bhual e 'n reithe, agus bhris e a dhà adhaire; agus cha robh cumhachd air bith aig an reithe gu seasamh roimhe, ach thilg e sìos chum an làir e, agus shaltair e air: agus cha robh neach air bith a b' urrainn an reithe a thèarnadh as a làimh.

8 Air an aobhar sin dh'fhàs am boc-gaibhre ro mhòr: agus 'n uair a bha e làidir, chaidh an adharc mhòr a bhriseadh; agus 'n a h-àite thàinig a nìs ceithir adhaircean sònraichte, ri ceithir ghaothaibh nèimh.

9 Agus a mach as aon diubh thàinig adharc bheag, a dh'fhàs anbharr mòr, ris an àirde deas, agus ris an àird an ear, agus ris an tìr thaitnich.

10 Agus dh'fhàs i mòr gu ruig feachd

nèimh, agus thilg i sìos cuid de'n fheachd, agus de na reultaibh a chum an làir, agus shaltair i orra.

11 Seadh, rian i uail aisde féin an aghaidh prionnsa an fheachd, agus leatha thugadh air falbh an iobairt lathail, agus bha àite a naomh-ionaid air a thilgeadh sìos.

12 Agus thugadh feachd dhi an aghaidh na h-iobairt lathail, do bhrìgh eacairt, agus thilg i sìos an fhìrinn a chum an làir; agus dhealbha i innleachdan, agus shoirbhich i.

13 An sin chuala mi aon naomh a' labhairt, agus thubhairt naomh eile ris an naomh àraidh sin a labhair, Cia fhad a bhitheas an aising mu thimchioll na h-iobairt lathail, agus a bheirear thairis euceart gu milleadh, agus a bhitheas an naomh-ionaid agus am feachd air an saltair fo chois?

14 Agus thubhairt e rium, Gu dà mhìle agus trì cheud là: an sin glanar an naomh-ionaid.

15 Agus tharladh an uair a chunnaic mise, mise Daniel, an sealladh, agus a dh'iarr mi air son na brìgh, an sin feuch, sheas fa m' chomhair amhuil coslas duine.

16 Agus chuala mi guth duine eadar bhrùachan Ulai, a ghlaodh, agus a thubhairt, A Ghabriel, thoir air an fhear so an sealladh a thuigsinn.

17 Agus thàinig e dlùth do'n àite 's an do sheas mi: agus 'n uair a thàinig e, bha eagal orm, agus thuit mi air m' aghaidh: ach thubhairt e rium, Tuig, O mhic an duine, oir anns an aimsir dheireannaich bithidh an sealladh.

18 A nis, am feadh a bha e 'labhairt rium, bha mi ann an codal trom, air m' aghaidh ris an talamh: ach bhean e dhomh, agus chuir e suas gu dìreach mi.

19 Agus thubhairt e, Feuch, bheir mise fios duit cìod a thachras ann an crìch dheireannaich na dian-fheirge: oir anns an àm a shùraicheadh thig a' chrìoch.

20 An reithe a chunnaic thu, aig an robh dà adharc, is iad sin rìghrean Mhedia agus Phersia.

21 Agus a' ghabhar rìbeach is e sin rìgh na Grèige; agus an adharc mhòr a tha eadar a shùilean, is e sin an ceud rìgh.

22 A nis, air dha sin briseadh, mar a sheas ceithir suas 'n a àite, seasaidh ceithir rìoghachdan suas as a' chinneach, ach cha-n ann 'n a neart-san.

23 Agus ann an aimsir dheireannaich na rìoghachd, 'n uair a bhitheas luchd an eusaontais air coimhionadh, seasaidh suas rìgh aig am bi aghaidh bhorb, agus a thuigeas briathran dorcha.

24 Agus bithidh a neart cumhachdach, ach cha-n ann le 'threise féin: agus sgriosaidh e gu h-iongantach, agus soirbhichidh leis, agus bheir e gu crìch, agus millidh e na cumhachdaich agus an sluagh naomh.

25 Agus le a sheòltachd fòs bheir e air ceilg soirbheachadh 'n a làimh; agus nì e nail as féin 'n a chridhe, agus le foill sgriosaidh e mòran: seasaidd e fòs suas an aghaidh prionnsa nam prionnsachan, ach brisear e as eugmhais làimhe.

26 Agus tha aising nan làithean, a chaidh innseadh, fìor: air an aobhar sin druid thusa suas an scalladh, oir *bithidh* e an ceann mhòran làithean.

27 Agus ormsa Daniel thàinig fàilinn, agus bha mi tinn car làithean *àraidh*; 'n a dhéigh sin, dh'éirich mi suas, agus rinn mi gnothuichean an rìgh; agus bha uamhas orm mu'n aising, ged nach d'thug aon neach sin fainear.

CAIB. IX.

1 *Dh'aicidh Daniel peacadhean an t-sluaigh an làthair an Tighearna.* 16 *Ghuidh e air son Ierusalem.* 24 *Tha deich agus trì fichead seachdain air an orduchadh a chriochnachadh lochdan agus euceirt.*

A NN an ceud bhliadhna Dhariuis mhic Ahasueruis, de shìol nam Médach, a rinneadh 'n a rìgh os ceann rìoghachd nan Caldéach.

2 Anns a' cheud bhliadhna d'a linn-san, thuig mise Daniel, le labhairichean, àireamh nam bliadhnan, mu'n d'thàinig focal an Tighearna gu Jeremiah am fàidh, gu'n coimhlionadh e deich agus trì fichead bliadhna 's am bitheadh Ierusalem 'n a làraichibh.

3 Agus chuir mi m' aghaidh ris an Tighearn Dia, g'a iarraidh le urnuigh agus le atcheuinge, le trasg, agus le eudach-saic, agus le luathre:

4 Agus rinn mi urnuigh ris an Tighearn mo Dhia, agus rinn mi m' aidmheil, agus thubhairt mi, O Thighearn', an Dia mòr, agus uamhasach, a tha 'cumail coimhcheangail agus tròcair rìusan a ghràdhaicheas e, agus do'n dream a choimhdeas 'aitheantan:

5 Pheacaich sinne, agus chuir sinn 'an gnìomh euceart, agus rinn sinn gu h-aingidh, agus bha sinn ceannairceach, eadhon le dealachadh ri d' àitheantaibh agus ri d' breitheanais.

6 Nì mò dh'éisd sinn ri d' sheirbhisich na fàidhean, a labhair ann ad ainm-sa ri ar rìghribh, ri ar n-uachdaranab, agus ri ar n-aithrichibh, agus ri uile shluagh an fhearainn.

7 O Thighearna, *buinidh* fireantachd dhuit-sa, ach dhuinne nàire gnùise, mar air an là an diugh: do mhuinntir Iudah, agus do luchd-àiteachaidh Ierusalem, agus do uile Israel, an fagus agus am fad as, feadh nan uile dhùthchan gu an d'fhògair thusa iad, air son am peacadhean a pheacaich iad ann ad aghaidh-sa.

8 O Thighearna, dhuinne *buinidh* nàire gnùise, do ar rìghribh, do ar prionnsach-

aibh, agus do ar n-aithrichibh, a chionn gu'n do pheacaich sinn a'd' aghaidh.

9 Do'n Tighearn ar Dia *buinidh* tròcairean agus maithheanas, ge do rinn sinne ùr-amach 'n a aghaidh.

10 Nì mò thug sinn géill do ghuth an Tighearn' ar Dia, a chum gluasad 'n a reachdaibh a chuir e romhainn le 'sheirbhisich na fàidhean.

11 Seadh, bliris Israel uile do reachd, eadhon le dol a thaoibh, a chum nach tugadh iad géill do d' ghuth; air an aobhar sin tha am mallachd air a dhòrtadh oirnn, agus an truaighe a tha sgrìobhta ann an lagh Mhaois òglaich Dhé, a chionn gu'n do pheacaich sinn 'n a aghaidh.

12 Agus dh'aingnich e a bhriathran a labhair e 'n ar n-aghaidh, agus an aghaidh ar breitheamhan a thug breth oirnn, le dòrainn mhòr a thoirt oirnn; oir fo nèamh uile cha d'rinneadh mar a rinneadh air Ierusalem.

13 Mar tha e sgrìobhta ann an lagh Mhaois, tha an t-olc so uile air teachd oirnn; gidheadh cha d'rinn sinn ar n-urnuigh an làthair an Tighearn' ar Dia, a chum gu'm bitheamaid air ar pilleadh o'r n-euceartaibh, agus gu'n tuigeamaid d'fhàirinn.

14 Uime sin rinn Dia faire air an olc, agus thug e oirnn e: oir tha an Tighearn ar Dia ceart 'n a uile oibribh a tha e'deanamh: oir cha d'thug sinne géill d'a ghuth.

15 Agus a nis, O Thighearn' ar Dia, a thug do shluagh a mach à tìr na h-Eiphit le làimh chumhachdaich, agus a fhuair dhuit féin clùb, mar air an là an diugh, pheacaich sinne, rinn sinn gu h-aingidh.

16 O Thighearn', a réir d' uile fhìreantachd, guidheam ort, leig le d' chorruich agus le d'fheirg pilleadh air falbh o d' chaithir Ierusalem, do shliabh naomh: a chionn, air son ar lochdan, agus air son aingidheachdan ar n-aithrichean, gu bheil Ierusalem agus do shluagh 'n am masladh do na h-uile mu'n cuairt duinn.

17 A nis, uime sin, O ar Dia, éisd urnuigh d'òglaich, agus 'atcheuinge, agus thoir air do ghnùis dealradh air d' ionad naomh a tha 'n a làraich air sgàth an Tighearna.

18 O mo Thighearna, crom do chluas agus chuinn; fosgail do shùilean, agus faic ar sgaoileadh, agus a' chaithir a tha air a gairm air d'ainm: oir cha-n'èil sinn a' taisbeanadh ar n-athechuingean a'd' làthair air son ar n-ionracais, ach air son do mhòr-thròcair féin.

19 O Thighearn', éisd; O Thighearna, maith; O Thighearna, chuinn agus dean; na dean moille, air do shon féin, O mo Dhia: oir tha do chaithir agus do shluagh air an gairm air d' ainm.

20 Agus am feadh a bha mi a' labhairt, agus ri urnuigh, agus ag aideachadh mo lochd, agus lochd mo shluaigh Israeil, agus

a' taisbeanadh m' athcheuinge an làthair an Tighearna mo Dhia, air son sléibh uaomh mo Dhé :

21 Seadh, am feadh a bha mi a' labhairt ann an urnuigh, an neach ceudna, a chuanaic mi anns an aisling air tùs, Gabriel air an d'thugadh itealaich gu luath, bhean rium uu àm na h-ìobairt fheasgair.

22 Agus thug e fios dhomh, agus labhair e rium, agus thubhairt e, O Dhaniel, tha mise nis air teachd a mach a thoirt duit gliocais agus tuigse.

23 Aig toiseach d'athcheuinge thàinig an àithne a mach, agus thàinig mise a dh'fheuchainn duit: oir tha thu air do ghràdhachadh gu ro mhòr: uime sin, tuig a' chùis, agus thoir fainear an aisliug.

24 Tha deich agus trì fichead seachduin air an orduchadh air do shluagh, agus air a' chaithir naoimh, a chrìochnachadh euceirt, agus a chur crìch air lochdan, agus a dheanamh rèite air son aingidheachd, agus a thoirt a steach fireantachd shiorruidh, agus a sheulachadh suas na h-aisling agus na faistneachd, agus a dh'ungadh an Tì a's ro naoimhe.

25 Aithnich uime sin agus tuig, o dhol a mach ua h-àithne, gu Ierusalem aiseag agus a thogail suas, gu Mesiah am Prionnsa, gu'm bi seachd seachduinean, agus trì fichead agus dà sheachduin: togar an t-sràid a ris agus am balla, eadhon ann an aimsiribh carraideach.

26 Agus an ceann nan trì fichead agus dà sheachduin, gearrar Mesiah as, ach cha-n ann air a shon fèin: agus sgriosaidh sluagh a' phrionnsa a thig am baile, agus an naomh-iouad; agus bithidh a chrìoch sin le tuil, agus gu deireadh a' chogaidh tha léir-sgrìos air 'orduchadh.

27 Agus daingnichidh esan an coimhcheangal ri mòrau car aon seachduin: agus ann am meadhon na seachduin bheir e air an ìobairt agus air an tabhartas sgar; agus anns an teampull bithidh gràineileachd an léir-sgrìos, gus an coimhlionar an sgrìos a dh'orduchadh, air a laraich fhàisail.

CAIB. X.

1 'N uair a dh'ìroslaich Daniel e fèin chunnaic e taisbeanadh glòrmhor, agus bha e fo eagal.

10 Thug aingeal misneach dha, 19 agus neart-aich se e.

ANN an treas bliadhna Chiruis rìgh Phersia, dh'fhoillsicheadh ni do Dhaniel, (do 'm b' ainm Beltesasar,) agus bha an nì fìor, agus mu thinnicholl feachd mhòir: agus thuig e a' chùis, oir bha e eòlach ann an sealladh.

2 Anus na làithibh sin bha mise Daniel ri bròn trì seachduineau iomlan.

3 Cha d'ith mi aran taitneach air bith, ni mò thàinig feoil no fion ann am bhucul, ni mò dh'ung mi mi fèin idir, gus an robh trì seachduinean iomlan air an coimhlionadh.

4 Agus air a' cheathramh là fichead de'n cheud mhìos, an uair a bha mi ri taobh na h-aimhne mòire, Hidecel;

5 An sin thog mi suas mo shlùilean, agus dh'amhaire mi, agus, feuch, duine àraidh ann au eudach lìn, aig an robh a leasraidh crìoslaichte le òr grinn Uphais:

6 Bha a chorp fòs cosmhuil ri beril, agus a ghnùis mar dhreach dealanaich, agus a shùilean mar lòchran teine, agus a ghairdeanan agus a chosan cosmhuil ann an dath ri umha homhta, agus fuaim a bhriathran cosmhuil ri guth sluaigh mhòir.

7 Agus chunnaic mise Daniel a mhàin an sealladh: oir cha-n fhaca na daoine 'bha uaille rium an sealladh: ach thuit crith mhòr orra, ionnus gu'n do theich iad gu iad fèin fholach.

8 Air an aobhar sin dh'fhàgadh mise ann am aonar, agus chunnaic mi an sealladh mòr so, agus cha d'fhan cumhachd air bith annam: oir dh'atharraicheadh annam mo mhaise gu duaihneachd, agus cha do mhair neart annam.

9 Gidheadh chuala mi fuaim a bhriathran: agus an uair a chuala mi fuaim a bhriathran, an sin bha mi ann an codal trom air m' aghaidh, agus m' aghaidh ris an làr.

10 Agus, feuch, bhean làmh rium, a chuir mi air mo ghluinibh, agus air basaibh mo làmh.

11 Agus thubhairt e rium, O Dhaniel, a dhuine ro ionnmhuinn, tuig na briathran a tha mise a' labhairt riut, agus éirich anu ad sheasamh: oir a d' ionnsuidh-sa tha mi nis air mo chur. Agus an uair a labhair e am focal so rium, sheas mi air chrith.

12 An sin thubhairt e rium, Na bitheadh eagal ort, a Dhaniel; oir o'n cheud là 's au do shuidhich thu do chridhe chum tuigsinn, agus chum thu fèin irioslachadh ann an làthair do Dhé, bha do bhriathran air au chuinntinn, agus tha mise air teachd air son do bhriathran.

13 Ach sheas prionnsa rìoghachd Phersia ann am aghaidh là thar fhichead: ach feuch, thàinig Michael, aon de na h-àrd phrionnsa-achan gu m' chòmhnaidh; agus dh'fhan mi an sin le rìghrìbh Phersia.

14 A nis tha mi air teachd a thoirt ort a thuigsinn ciod a thachras do d' shluagh anns na làithibh deireannach: oir tha an sealladh fathas ré mhòran làithean.

15 Agus an uair a labhair e au leithid so de bhriathraibh rium, chuir mi m' aghaidh ris an làr, agus bha mi ann am thosd.

16 Agus, feuch, b'ean neach cosmhuil ri samhladh mhac dhaoine ri m' bhilìbh; an sin dh'fhosgail mi mo bheul, agus labhair mi, agus thubhairt mi ris-san a sheas fa m' chomhair, O mo thighearna, leis an t-sealladh, tha m' àmhghar air pilltinn orm, agus thréig mo neart mi.

17 Oir cìomus a dh'fheudas òglach an tì

so mo thighearna labhairt ris an ti so mo thighearn? oir air mo shon-sa, air ball cha d'fhan neart air bith annam, ni mò a dh'fhàgadh anail annam.

18 An sin thàinig a ris agus bhean rium, neach cosmhail ri samhlaidh duine, agus neartaich e mi.

19 Agus thubhairt e, O dhuine ro ion-mhuinn, na bitheadh eagal ort; sìth dhuit, bi làidir, seadh bi làidir. Agus an uair a labhair e rium, neartaicheadh mi, agus thubhairt mi, Labhradh mo thighearn; oir rinn thu mo neartachadh.

20 An sin thubhairt e, Am bheil fios agad c'ar son a thàinig mi a d' ionnsuidh? agus a nis pillidh mi gu cogadh ri prionnsa Phersia: agus an uair a thèid mise a mach, feuch, thig prionnsa na Gréige.

21 Ach nochdaidh mi dhuit an ni sin a tha comharaichte ann an sgrìobhair na fìrinn; agus cha-n'èil aon a chuireas leamsa anns na nithibh so ach Michael 'ur prionnsa-sa.

CAIB. XI.

1 *Sgrìosar Persia le rìgh na Gréige.* 5 *Coimh-cheangal eadar rìgh na h-àirde deas agus rìgh na h-àirde tuath.* 14 *Co-bhoinn an aghaidh rìgh na h-àirde deas.*

AGUS ann an ceud bhliadhna Dhariuis a' Mhédich, sheas mise gu 'dhaingneachadh agus gu 'neartachadh.

2 Agus a nis foillsichidh mi dhuit an f'hìrinn; Feuch, seasaidh suas fathasd trì fhìrean ann am Persia; agus bithidh an ceathramh nì's beartaiche gu mòr na iad uile: agus le 'chumhachd, trid a bheartais, dùisgidh e suas na h-uile an aghaidh rìoghachd na Gréige.

3 Agus seasaidh rìgh cumhachdach suas a riaghlas le tighearnas mòr, agus a ni a réir a thoile féin.

4 Agus an uair a sheasas e suas, brisear a rìoghachd, agus roinnear i ri ceithir ghaoth-an nèimh; agus cha-n ann d' a shliochd, no a réir a thighearnais, leis an do riaghail e: oir bithidh a rìoghachd air a spionadh a nìos, eadhon air son muinntir eile a bharrachd orra so.

5 Agus bithidh rìgh na h-àirde deas làidir, ach bithidh aon de na prionnsachaibh eadhon nì's làidire na esan; agus bithidh aige tighearnas nì's mò na 'thighearnas-san.

6 Agus 'an ceann bhliadhnanachan ceanglaidh siad iad féin r'a chèile; oir thig nighean rìgh na h-àirde deasa chum rìgh na h-àirde tuath a dheanamh réite eatorra: ach cha ghléidh i cumhachd a' ghairdein, ni mò 'sheasas i féin no a shliochd: ach bheirear ise seachad, agus iadsan a thug leo i, agus esan a ghin i, agus esan a neartaich i anns na h-aimsiribh so.

7 Ach a mach á mcangan d'a freumh seasaidh aon suas 'n a iubhe, a thig le feachd,

agus a thèid a steach gu daingneach rìgh na h-àirde tuath, agus cuiridhe 'nan aghaidh, agus bheir e buaidh.

8 Agus bheir e fòs 'n am braigheadh do'n Eiphit, an diathan, maille ri 'm prionnsachan, agus ri an soithichibh luachmhor airgid agus òir; agus mairidh e tuilleadh bhliadhnanach na rìgh na h-àirde tuath.

9 Mar sin thig rìgh na h-àirde deas d'a rìoghachd-san, agus pillidh e g'a dhùthaich féin.

10 Ach bithidh a mhic air an dùsgadh suas, agus cruinnichidh iad sluagh a dh' fheachdan mòra: agus thig aon gu deimhin, agus sgaoilidh e thairis, agus imichidh e troimh: an sin pillidh e, agus dùisgear suas e, gu ruig a dhaingnich.

11 Agus lìonar rìgh na h-àirde deas le feirg, agus thig e mach, agus cogaidh e ris, eadhon ri rìgh na h-àirde tuath: agus cuiridh e mach sluagh mòr; ach bheirear an mòr-shluagh thairis d'a làimh-san.

12 Agus 'n uair a bheir e air falbh am mòr-shluagh, bithidh a chridhe air a thogail suas, agus tilgidh e sìos deich mìltean; gidheadh cha neartaichear e.

13 Oir pillidh rìgh na h-àirde tuath, agus cuiridh e sluagh mòr a mach, a's mò na 'cheud sluagh, agus thig e gu cinnteach, (an àigh bhliadhnanachan àraidh,) le feachd mòr, agus le pailteas saoihbheis.

14 Agus anns na h-aimsiribh sin seasaidh mòran suas an aghaidh rìgh na h-àirde deas: mar an ceudna ni lachd-creachaidh mo shluaigh-sa, iad féin àrdachadh a chum an sealladh a dhaingneachadh, ach tuitidh iad.

15 Mar sin thig rìgh na h-àirde tuath, agus tilgidh e suas tòrr, agus glacaidh e na bailtean a's làidire; agus cha seas gairdeanan na h-àirde deas 'n a aghaidh, no a shluagh taghta, ni mò bhitheas neart air bith a chuireas 'n a aghaidh.

16 Ach ni esan a thig 'n a aghaidh a réir a thoile féin, agus cha seas neach air bith roimhe: agus seasaidh e 's an tìr ghlòrmhoir, a bhitheas air a sgrìos le a làimh.

17 Suidhichidh e fòs 'aghaidh gu dol a steach le neart a rìoghachd uile, agus daoine ionraic maille ris: mar so ni e; agus bheir e dha nighean nam ban g'a truailleadh: ach cha seas i air a thaobh-san, ni mò bhitheas i air a shon.

18 'N a dhéigh so tionndaidhidh e 'aghaidh ris na h-eileamaibh, agus glacaidh e mòran: ach bheir prionnsa air a shon féin fainear gu'n sguir am masladh a thug e uath: gun mhasladh dha féin bheir e air pilleadh air-san.

19 An sin tionndaidhidh e 'aghaidh ri daingneach a thìre féin: ach gheibh e tuisleadh agus leagadh, agus cha bhi e ri 'fhaotainn.

20 An sin seasaidh suas 'n a àite aon a

chuireas fear-togail chisean thar an riogh-achd ghloirmhoir; ach 'an ceann bheagan làithean sgriosar e, cha-n ann 'an corruich no 'an cath.

21 Agus 'n a àite-san seasaidh suas neach suarrach, do nach toir iad onoir na riogh-achd: ach thig e steach gu sìochail, agus gheibh e'n rioghachd le mìodail.

22 Agus le gairdeanan na tuile bàthar iad as a làthair, agus brisear iad; seadh, fòs priounsachan a' choimhcheangail.

23 Agus an dèigh na rèite ris, buinidh e gu cealgach; agus thig e nìos, agus fasaidh e làidir le sluagh beag.

24 Théid e steach gu sìochail eadhon air na h-ionadan a's fearr de'n mhòr-roinn, agus ni e an ni nach d'rinn 'aithrichean, no aithrichean 'aithrichean; sgapaidh e 'n am measg a' chreach, agus a' chobhartach, agus an saoihbheas: agus dealbhaidh e innleachdan an aghaidh nan daingnichean làidir, eadhon ré seal.

25 Agus dùisgidh e suas a chumhachd agus a chruadal, an aghaidh rìgh na h-àirde deas le feachd mòr; agus bithidh rìgh na h-àirde deas air a dhùsgadh suas gu cath, le feachd ro mhòr agus cumhachdach; ach cha seas e: oir dealbhaidh iad innleachdan 'n a aghaidh.

26 Seadh, marbhaidh iadsan a dh'itheas cuibhrionn d'a bhiadh e, agus sgaoilidh 'fheachd a mach mar thuil: agus tuitidh mòran sìos marbh.

27 Agus bithidh cridheachan nan rìghrean so araon air ainnheasa dheanamh, agus labhairaidh iad breugan air aon bhòrd; ach cha soirbhich sin: oir fathasd bithidh a' chrìoch anns an àm a shonraicheadh.

28 An sin pillidh esan gu 'dhùthaich le saoihbheas mòr; agus bithidh a chridhe an aghaidh a' choimhcheangail naoimh: agus an dèigh so a dheanamh, pillidh e gu 'thìr féin.

29 Anns an àm a shonraicheadh pillidh e, agus thig e ris an àirde deas; ach cha bhí na nithean ma dheireadh mar na ceud nithean.

30 Oir thig longan Chitim 'n a aghaidh: air an aobhar sin bithidh doilghios air, agus pillidh e, agus bithidh fearg air an aghaidh a' choimhcheangail naoimh: mar sin ni e; eadhon pillidh e, agus cumaidh e bàigh riu-san a' thiréas an coimhcheangail naoimh.

31 Agus seasaidh làmhlan air a thaobh, agus truaillidh iad naomh-ionad an neirt, agus bheir iad air falbh an iobairt lathail, agus suidhichidh iad a' ghràineilcachd a chuireas fas.

32 Agus a' mhuinntir a ni gu h-òle an aghaidh a' choimhcheangail truaillidh e le mìodal: ach an sluagh aig am bheil eòlas air an Dia, bithidh iadsan làidir, agus ni iad gu treun.

33 Agus iadsan aig am bheil tuigse am measg an t-sluaigh, teagaisgidh iad mòran: gidheadh tuitidh iad leis a' chlaidheamh, agus leis an lasair, le daorsa, agus le creich, ré mòran làithean.

34 A nis 'n uair a thuiteas iad, cuidichear iad le beagan cuideachaidh: ach leanaidh mòran riu le mìodal.

35 Agus tuitidh cuid dhiubhsan aig am bheil tuigse, chum an dearbhadh, agus an glanadh, agus an deanamh geal, eadhon gu àm na crìche; a chionn gu bheil e fathasd air son àm a shonraicheadh.

36 Agus ni an rìgh a réir a thoile féin: agus àrdaichidh se e féin, agus togar e 'n a mhòr-chuis os ceann gach dé, agus labhairaidh e nithean iongantach an aghaidh Dhé nan dia, agus soirbhichidh leis gus an coimh-lionar a' chorruich: oir nithear an ni sin a dh'orduicheadh.

37 Ni mò bhitheas suim aige de dhia 'aithrichean, no de thoil bhan, no suim de dhia air bith: oir meudaichidh se e féin os ceann nan uile.

38 Ach 'n a àite bheir e onoir do'n dia Mahusim: agus do dhia nach b'aithne d'a aithrichean bheir e onoir le h-òr agus airgid, agus le clachaibh rìomhach, agus nithibh taitneach.

39 Mar so ni e; do luchd-coimhid Mhahusim, dhé choimhich, a thia esan ag aideachadh, bheir e onoir mhòr, agus bheir e orra riaghladh thar mòran; agus roinnidh e am fearann air son duaise.

40 Agus 'an àm na crìche ni rìgh na h-àirde deas a phurradh, agus thig rìgh na h-àirde tuath 'n a aghaidh mar chuairt-ghaoith, le carbadaibh, agus le marcaich-aibh, agus le mòran longan; agus théid e steach do na dùthchaibh, agus sgaoilidh e mar thuil, agus siùbhlaidh e thairis.

41 Théid e fòs a steach do'n tìr ghloirmhor, agus bithidh mòran dhùthchan air an tilgeadh bun os ceann; ach théid iad so as o 'làimh, Edom, agus Moab, agus rogha cloinne Aoin.

42 Sinidh e fòs a mach a làmh air na dùthchaibh; agus cha téid tìr na h-Eiphit as.

43 Ach bithidh cumhachd aige os ceann nan ionnhasan òir agus airgid, agus os ceann uile nithean rìomhach na h-Eiphit: agus bithidh na Libianaich agus na h-Etiopaich air a lorg.

44 Ach ni sgeul o'n àird an ear, agus o'n àirde tuath a bhuairiadh: air an aobhar sin théid e mach le corruich mhòir gu sgrios, agus gu mòran a mhilleadh gu tur.

45 Agus suidhichidh e pàillunan a luch-airtean eadar na cuaintean, anns an t-slabh ghloirmhor naomh; gidheadh thig e gu chrìch, agus cha chuidich neach air bith leis.

CAIB. XII.

1 *Saoraidh Michael Israel ann an aimsir an carraid.* 2 *An aiseirigh choitichionn.* 5 *Fhuair Daniel eòlas mu thimchioll nan aimsirean.*

AGUS anns an àm sin seasaidh Michael suas, am prionnsa mòr a tha 'seasamh air son cloinne do shluaigh-sa; agus bithidh aimsir carraid ann, mar nach robh riamh o bha cinneach ann, gus an uair sin féin: agus anns an àm sin saorar do shluagh-sa, gach aon a gheibhear sgriobhta 's an leabhar.

2 Agus dùisgidh mòran dhiubhsan a tha 'n an codal ann an duslach na talunhainn, cuid gu beatha shìorruidh, agus cuid gu nàire agus masladh bith-bhuan.

3 Agus dealraidh iadsan a tha glic mar shoilleireachd nan speur; agus iadsan a thionndaidheas mòran gu fireantachd mar na reultan fad saoghail nan saoghal.

4 Ach thusa, O Dhaniël, druid suas na briathran, agus seulaich an leabhar, gu àm na crìche: ruithidh mòran sìos agus suas, agus bithidh eòlas air a mheudachadh.

5 An sin dh'amhairc mise Daniel, agus, feuch, sheas dithis eile, aon air an taobh so de bhruaich na h-aimhne, agus aon air an taobh eile de bhruaich na h-aimhne.

6 Agus thubhairt neach ris an duine 'bha sgeudaichte le lion-eudach, a bha air uisgcachan na h-aimhne, Cia fhad a bhitheas gu crìch nan iongantais so?

7 Agus chuala mi an duine 'bha sgeudaichte le lion-eudach, a bha air uisgcachan na h-aimhne, 'n uair a thog e suas a làmh dheas agus a làmh chlì gu nèamh, agus a mhionnaich e airsan a tha beò gu sìorruidh, gu 'm bi e gu aimsir, agus aimsirean, agus leth aimsir: agus 'n uair a sguireas e de sgapadh feachd an t-sluaigh naomh, crìochnaichear na nithean so uile.

8 Agus chuala mi, ach cha do thuig mi: an sin thubhairt mi, O mo Thighearn, cìod a' chrìoch a bhitheas aig na nithean so?

9 Agus thubhairt e, Imich romhad, a Dhaniël: oir tha na briathran air an druideadh suas, agus air an seallachadh gu àm na crìche.

10 Bithidh mòran air an glanadh, agus òir an deanamh geal, agus air an dearbhadh: ach nì na h-aingidh gu h-olc; agus cha tuig aon neach de na h-aingidh; ach tuigidh na daoine glice.

11 Agus o'n àm 's an toirear air falbh an dòbairt lathail, agus 's an cuirear suas a' ghràineileachd a nì léir-sgrìos, bithidh mìle, dà cheud, ceithir fichead agus deich làithean.

12 Is beannaichte esan a dh'fheitheas, agus a thig gus am mìle, an tri cheud agus an cùigeamh la deug thar fhichead.

13 Ach imich thusa romhad gus an tig a' chrìoch: oir gabhaidh tu fois, agus seasaidh tu ann ad chrannchur aig crìch nan làithean.

H O S E A.

CAIB. I.

1 *An t-am 's an d'rim Hosea fàidheadaireachd.* 2 *Chum gu'n nochdadh e strìopachas na tìre ghabh Hosea d'a ionnsuidh bean strìopachais,* 4 *agus rug i Iesreel, Loruhamah,* agus Lo-ammi dha.

FOCAL an Tighearn 'a thàinig gu Hosea, mac Bheeri, ann an làithibh Usiah, Iotaim, Ahais, agus Heceshai, rìghrean Iudah; agus ann an làithibh Ieroboaim, mhic Iohais, rìgh Israel.

2 Toiscach focail an Tighearn le Hosea. Agus thubhairt an Tighearn ri Hosea, Imich, gabh a d'ionnsuidh bean strìopachais: agus clann strìopachais: oir rinn an fearann strìopachas mòr ann an dealachadh ris an Tighearn.

3 Agus dh'imich e, agus ghabh e Gomer nighean Dhiblaim; agus dh'fhàs i torrach, agus rug i mac dha.

4 Agus thubhairt an Tighearn ris, Goir Iesreel mar ainm air; oir fòs tamull beag, agus dìolaidh mise fuil Iesreel air tigh

Ielun, agus cuiridh mi cosgadh air rìoghachd tighe Israel.

5 Agus tarlaidh air an là sin, gu'm bris mise bogha Israel ann an gleann Iesreel.

6 Agus dh'fhàs i torrach a ris, agus rug i nighean; agus thubhairt Dia ris, Goir Loruhamah, *Cha d'fhuair eas tròcair*, mar ainm oirre; oir cha dean mise tròcair nìs mò air tigh Israel, ach bheir mi gu tur air falbh iad.

7 Ach air tigh Iudah nì mi tròcair, agus tèarnaidh mi iad leis an Tighearn an Dia, agus cha-n ann le bogha no le claidheamh a thèarnas mi iad, no le cath, no le h-each-aibh, no le marcaich.

8 Agus chuir i o'n chich Loruhamah, agus dh'fhàs i torrach, agus rug i mac.

9 An sin thubhairt Dia, Goir Lo-ammi, *Sluagh nach leamsa*, mar ainm air: oir cha sibhse mò shluagh-sa, agus cha bhi mise ann am Dhia dhuibhsce.

10 Gidheadh bithidh àireamh cloinne Isracil mar ghaineamh na fairge, nach gabh

tomhas na àireamh; agus tarlaidh, anns an àite 's an dubhradh riu, Cha sibh mo shluagh-sa, gu'n abrar riu, Is sibh mic an Dé bheò.

11 Agus bithidh clann Iudah agus clann Israèl air an cruinneachadh ri 'chéile, agus gabhaidh iad dhoibh féin aon cheann, agus thig iad a níos as an tìr: oir is mòr a bhith-eas là Iesreel.

CAIB. II.

1 *Chomhairlicheadh do'n t-sluagh an droch ghluimharan a thréigsinn.* 14 *Bhrosnach Dia iad gu pillinn d'a ionnsuidh féin le geallannaibh trócraicheach.*

A BRAIBHSE ri 'ur bràithribh, Ammi, *Mo shluagh-sa*, agus ri 'ur peathraichibh, Ruhamah, *Fhuaircas trócraich.*

2 Tagraibh ri 'ur màthair, tagraibh: oir cha-n i mo bhean-sa, ni mò is mise a fear-sa: cuireadh i air falbh nime sin a strìopachais as a sealladh, agus a h-adhaltranais o 'h-uchd:

3 Air eagal gu'n rùisg mise i lomnochd, agus gu'n cuir mi i mar anns an là 's an d'rugadh i, agus gu'n dean mi i mar fhàsach, agus gu'm fag mi i mar fhearann tioram, agus gu marbh mi i le tart:

4 Agus nach gabh mi truas d'a cloinn, oir is clann strìopachais iad.

5 Oir rium am màthair strìopachas: rinn ise a ghabh 'n a broinn iad gu beag-narach: oir thubhairt i, thòid mi an déigh mo luchd-gaoil, a tha 'tòirt dhomh m' arain agus m' uisge, m' olaime agus mo lìn, m' olaide agus mo dhibhe.

6 Uime sin feuch, druididh mise suas a slighe le droighlìonn, agus dùinidh mi a callaid, air chor as nach amais i air a ceum-aibh.

7 Agus leanaidh i an déigh a luchd-gaoil, ach cha bheir i orra; agus iarraidh i iad, ach cha-n amais i *orra*: an sin their i, Siùbhlaidh mi agus pillidh mi gu m' cheud fhear, oir bha mi ni b'fhearr dheth an sin na an nis.

8 Agus cha robh fios aice gu'n d'thug mise dhi arbhar, agus fion, agus oladh, agus an t-airgid a rinn mi pailt dhi, agus an t-dòr a thug iad mar thabhartas do Bharl.

9 Uime sin pillidh mise, agus bheir mi m' arbhar leam 'n a àm, agus m' fhion 'n a àm, agus bheir mi leam m' olann agus mo fion, *a thugadh a chòmhachadh a lomnochduidh.*

10 Agus a nis leigidh mi ris a neòghloine ann an sealladh a luchd-gaoil, agus cha saor duine sam bith as mo làimh i.

11 Bheir mi fòs air a h-aighear uile sgar; a ré nuadh, agus a sàbad, agus a h-àrd-fhéillean uile.

12 Agus millidh mi a fionain agus a crann-fige, mu'n d'thubhairt i, Is iad so mo dhuais a fhuair mi o m' luchd-gaoil: agus ni mi fasach dhiubh, agus ithidh beath-aichean na macharach iad.

13 Agus agraidh mi oirre làithean Bhaalim, anns an do loisg i tùis doibh, agus anns an do sgeudaich si i féin le a cluas-fhàinnibh agus le a seudaibh, agus anns an deachaidh i an déigh a leannan, agus anns an do dhi-chuimhnich i mise, deir an Tighearn.

14 Gidheadh feuch, bheir mise oirre mo leantuinn, agus bheir mi i do 'n fhàsach, agus labhairidh mi rithe gu cairdeil.

15 Agus as a sin bheir mi dhi a fion-liosan, agus gleann Achoir mar dhorus dòchais; agus seinnidh i an sin, mar ann an làithibh a h-òige, agus mar anns an là 's an d'fhàinig i níos à tìr na h-Eiphit.

16 Agus tarlaidh air an là sin, tha an Tighearn ag ràdh, gu'n goir thu dhìom-sa, M'fhear, agus nach goir thu rium nì's mò, Mo Bhaal.

17 Oir bheir mi ainmean Bhaalim a mach as a beul, agus cha-n ainmichear nì's mò, iad air an ainm.

18 Agus anns an là sin ni mise coimhcheangal air an son, ri beathaichibh na macharach, agus ri eunlaith nèimh, agus ri nithibh snàgach na talmhainn: agus am bogha, agus an claidheamh, agus an cath, brisidh mi a mach as an fhearann, agus bheir mi orra gu'n luidh iad sìos ann an tèaruinteachd.

19 Agus pòsaidh mi thu rium féin gu bràth; seadh, pòsaidh mi rium féin thu am am fireantachd, agus ann an ceartas, agus ann an caoinhneas, agus ann an caomh-ghràdh;

20 Seadh, ni mi ceangal-pòsaidh riut ann am fìrinn, agus gabhaidh tu eòlas air an Tighearn.

21 Agus tarlaidh air an là sin, cluinidh mise, tha an Tighearn ag ràdh, cluinidh mise na nèamhan; agus cluinidh iadsan an talamh;

22 Agus cluinidh an talamh an t-arbhar, agus am fion, agus an oladh; agus cluinidh iadsan Iesreel.

23 Agus suidhicidh mi dhomh féin i anns an fhearann, agus ni mi trócraich oirre-sa nach d'fhuair trócraich; agus their mi riu-san nach robh 'n an sluagh dhomh, Is tu mo shluagh; agus their iadsan, *Is tu mo Dhi.*

CAIB. III.

1 *Le ban-adhaltranach a ghabhail, 4 chuir an fàidh 'an cèill trioblataidean Israèil, 5 agus an aithreachas anns na làithibh deireannach.*

OS bàrr thubhairt an Tighearn rium, Imich a ris, gràdhaich bean, (ion-mhuimle a caraid, ged tha i 'n a ban-adhalt-ranaich,) a réir gràidh an Tighearna do chloinn Israèil, ged 'tha iadsan ag amharc ri diathan eile, agus a' gràdhachadh chopan fiona.

2 Mar sin cheannaich mi dhomh féin i air chùig *buinn* deug airgid, agus homer eorua, agus leth homeir corna.

3 Agus thubhairt mi rithe, Fanaidh tu leam-sa mòran làithean; cha dean thu striopachas, ni mò bhitheas tu aig fear eile; mar sin bithidh mise mar an ceudna agadsa.

4 Oir fanaidh clann Israeil mòran làithean gun rìgh, agus gun phrionnsa, agus gun iobairt, agus gun ìomhaigh, agus gun ephod, agus gun teraphim:

5 'N a dhéigil sin pillidh elann Israeil, agus iarraidh iad an Tighearn an Dia, agus Daibhidh an rìgh; agus bithidh eagal an Tighearn' agus a mhaitheis orra, anns na làithibh deireannach.

CAIB. IV.

1 Bha comhstri aig Dia ri clann Israeil, 6 agus 'an sagartaibh air son am peacaidhean. 15 Thugadh rabhadh do Iudah le léir-sgrìos Israeil.

EISIDHISE focal an Tighearn', O chlam Israeil: oir tha comhstri aig an Tighearn ri luchd-àiteachaidh na tìre; a chionn nach 'eil fìrinn, no trècair, no eòlas Dhé anns an fhcarann.

2 Le mionnaibh, agus breugaibh, agus marbhadh, agus goid, agus deanamh adhartanais, bhris iad a mach; agus tha fuil a' ruigheachd gu fuil.

3 Uime sin ni am fearann caoidh, agus seargaidh gach aon a tha 'chòmhnuidh ann, maille ri beathaichibh na macharach, agus ri eunlaith an athair; seadh, bheirear éisg na fairge fòs air falbh.

4 Gidheadh cha-n'èil duine sam bith a' tagradh, agus cha-n'èil duine sam bith a' cronuchadh: oir tha mo shluagh mar dhream a ni stri ris an t-sagart.

5 Uime sin tuitidh tu 's an là, agus tuitidh am fàidh fòs leat anns an oidheche; agus sgriosaidh mise do mhàthair.

6 Tha mo shluagh-sa air an sgrios le dìth eòlais. A chionn gun do chuir thu cùl ri eòlas, cuiridh mise fòs cùl riutsa, air chor as nach bi thu agam a'd' shagart: a chionn gun do dhearmaid thu lagh do Dhé, dearmaididh mise fòs do chlamn-sa.

7 Amhluidh mar chaidh iad ann am meud, mar sin chiontaich iad a'm' aghaidh-sa: còchlaidh mise an glòir gu nàire.

8 Tha iad ag itheadh suas peacaidh mo shluagh-sa, agus a' socruchadh an cridhe air an euceart.

9 Agus amhuil a bhitheas an sluagh, mar sin bithidh an sagart; agus smachdaichidh mise iad air son an slighean, agus dìolaidh mi orra an deanadas.

10 Agus ithidh iad, ach cha bhi iad sàs- uichte; ni iad striopachas, agus cha-n fhàs iad lionmhor: oir leig iad dhiubh a bhi 'toirt aire do'n Tighearn.

11 Bheir striopachas, agus fìon, agus fìon nuadh air falbh an cridhe.

12 Tha mo shluagh-sa ag iarraidh comhairle air an crannaibh, agus tha an lorg a' deanamh foillseachaidh dhoibh: oir thug

spiorad an striopachais orra dol air seacharan, agus chaidh iad le striopachas air falbh o'n Dia.

13 Air mullaichibh nan sliaibh tha iad ag ìobradh, agus air na sléibhtibh tha iad a' losgadh tùise; fo chrannaibh daraich, agus crithinn, agus cuilinn, a chionn gu bheil an sgàile taitneach: air an aobhar sin tha 'ur nigheanan ri striopachas, agus 'ur mnathan ri adhaltranas.

14 Nach smachdaich mise bhuir nigheanan, a chionn gu bheil iad ri striopachas? agus 'ur mnathan a chionn gu bheil iad ri adhaltranas? a chionn gu bheil iad 'g an cur féin air leth le striopaichean, agus ag ìobradh le luchd neòghloine; uime sin, an sluagh aig nach 'eil tuigse, tuitidh iad.

15 Ged dheanadh tusa striopachas, O Israeil, gidheadh na ciontaicheadh Iudah; agus na tigibhse gu Gilgal, ni mò théid sibh suas gu Bet-abhen; ni mò a mhionnaicheas sibh, Mar is beò an Tighearn.

16 Oir tha Israel a' clàonadh air ais, mar agh cùl-sleamhnach: a nis biadhaidh an Tighearn iad mar uan ann an àite farsuinn.

17 Tha Ephraim air a dhùth-cheangal ri ìodholaibh, leig leis:

18 Tha an deoch searbh: rinn a h-uachdar- ain striopachas gun chlos; ghràdhaich iad ni nàrach:

19 Cheangail a' ghaoth suas i'n a sgiath- aibh; agus bithidh nàire orra a thaobh an iobairtean.

CAIB V.

1 Breitheanas an aghaidh nan sagart, an t-sluagh, agus phrionnsachan Israeil air son am peacaidhean agus an ceannaire.

CLUINNIBHISE so, a shagartan; agus thugaibhse aire, O thigh Israeil; agus thugaibhse fainear, O thigh an rìgh; oir tha breitheanas dlùth dhiubh; a chionn gun robh sibh mar rib air Mispah, agus mar lion sgaoilte air Tabor.

2 Agus rinn na ceannaireich marbhadh domhain; uime sin bheir mise smachdach- adh air an ionlan diubh.

3 Is aithne dhomhsa Ephraim, agus Israel cha-n'èil 'am folach orm: oir a nis rinn Ephraim striopachas; tha Israel air a thruaill- eadh.

4 Cha dealbh iad an deanadas gu pilleadh chum an Dé: oir tha spiorad striopachais 'n am meadhon, agus air an Tighearn cha do ghabh iad eòlas.

5 Air an aobhar sin islichear uabhar Israeil fa chomhair a shùl; agus Israel, agus Ephraim tuislichidh 'n an aingidheachd: tuis- lichidh fòs Iudah maille riu.

6 Le 'n treudaibh agus le 'm buar, théid iad a dh'iarraidh an Tighearna: ach cha-n fhaigh iad e; tharruing se e féin uatha.

7 Bhuin iad gu fcalltach an aghaidh an Tighearn'; oir glùn iad clann choimheach:

a nis sluigidh mios iad maille r' au cuibhrionnaibh.

8 Séidibhse an trompaid ann an Gibeah, am buabhall ann an Ramah: éighibh caismeachd chatha ann am Bet-abhen: *an nàmhaid* air do thòir, O Bheniamin.

9 Bithidh Ephraim 'n a fhàsach ann an là an achmhasain: am measg threubhan Israeil rinn mise aithnichte an nì sin a thig gu erich gu deimhin.

10 Bha prionnsachan Iudah cosmhuil riusan a dh'atharraicheas an comharadh-fearainn: dòirtidh mise mo chorruich a mach orra mar uisge.

11 Tha Ephraim sàruichte, briste ann am breitheanas; a chionn gu'n do ghluais e gu toileach au déigh na h-àithne.

12 Uime sin bithidh mise mar leòman do Ephraim: agus mar lobhadh do thigh Iudah.

13 'N uair a chunnaic Ephraim a thinneas, agus Iudah a chreuchd, an siu chaidh Ephraim a chum an Asirianaich, agus chuir e fios gu rìgh Iareb: gidheadh cha b'urrainn e 'ur leigheas, nì mò 'shlànuich e 'ur creuchd.

14 Gu deimhin bithidh mise mar leòman do Ephraim, agus mar leòman òg do thigh Iudah: reubaidh mise, eadhon mise féin, agus imichidh mi romham; bheir mi leam, agus cha bhi aon neach aon a thèarnas:

15 Imichidh mi, agus pillidh mi gu m' àite, gus an aicidh iad an cionta, agus au iarr iad m' aghaidh: 'n an àmhghar iarraidh iad mi gu moch.

CAIB. VI.

1 *Earail gu aithreachas.* 4 Rinn am fàidh gearan an aghaidh Israeil agus Iudah a chionn gu'n do bhuanaich iad 'n an strìopachas.

THIGIBH, agus pilleamaid ris an Tighearn: oir is esan a reub, agus is e a nì ar leigheas; is e a bhuail, agus ceanglaidh e suas sinn.

2 An ceann dà là nì e ar n-ath-bheothachadh, air an treas là dùisgidh e suas sinn, agus bithidh sinn beò 'n a shealladh.

3 Agus bithidh eòlas againn; théid sinn air ar n-aghaidh a ghabhail eòlais air an Tighearn: tha a dhol a mach air 'ulluchadh mar a' mhaduinn; agus thig e d' ar n-ionnsuidh mar an t-uisge; mar an t-uisge deireannach, agus an ceud uisge air an talamh.

4 Ciod a nì mi riut, O Ephraim? Ciod a nì mi riutsa, O Iudah? oir tha 'ur maitheas mar neul maidne, agus mar an drùchd moch, a shìubhlas air falbh.

5 Uime sin sgath mì sìos iad leis na fàidhibh: mharbh mi iad le briathraibh mo bheoil; agus bha do bhreitheanais mar an solus 'n a dhol a mach.

6 Oir dh'iarr mise tròcair agus nì h-e

iobairt; agus eòlas Dhé nì's mò na iobairtean-loisgte.

7 Ach bhris iadsan an coimhcheangal mar Adhamh: an sin bhuia iad gu fealltach a'm' aghaidh-sa.

8 Is caithir luchd-deanamh eucorach Gil-ead; air a truailleadh le fuil.

9 Agus amhuil a dh'fheitheas buidheann air son duine, tha cuideachd nan sagart a' marbhadh anns an t-slighe gu Sechem a dh'aon-bheachd; oir rinn iad gu dàna aingidheadh.

10 Ann an tigh Israeil chunnaic mi nì ro ghràineil: an sin tha Ephraim ri strìopachas; tha Israel air a thruailleadh.

11 Air do shon-sa, mar an eudna, O Iudah, tha fogharadh air a shònrachadh, au uair a philleas mise air ais braigheanas mo shluaigh.

CAIB. VII.

1 *Chronaicheadh sluagh Israeil air son am peacardhean.* 11 Bha fearg air Dia 'n an aghaidh air son an cealgairachd.

AN uair a b'àill leamsa Israel a leigheas, an sin leigeadh ris aingidheadh Ephraim, agus euceart Shamaria: oir tha iad a' eur 'an gnìomh ceilge: seadh, tha an gaduiche a' dol a steach; tha a' eheathairne ri creach a muigh.

2 Agus cha-n'eil iad a' toirt faineas 'n an cridhe gur cuimhne leamsa an uile aingidheadh: a nis chuairtich an gnìomharan féin iad air gach taobh; tha iad fa chomhair m' aghaidh-sa.

3 Le'n aingidheadh tha iad a' deanamh an rìgh ait; agus nan uachdaran le 'm breugaibh.

4 Is adhaltranaich iad uile; mar àmhluinn air a teasachadh leis an fhuineadair, an uair a sguireas fear-oibreachaidh na taoise d'a fuineadh gus am bi i air a gortachadh.

5 Air là féille ar rìgh, 'n uair a bha na prionnsachan air an teasachadh le fiou, shìn esan a mach a làmh le luchd-fanoid.

6 Oir dh'ulluich iad an cridhe mar àmhluinn, am feadh a tha iad ri feall-fholach: fad na h-oidheche tha am fuineadair a' codal; anns a' mhaduinn tha i 'losgadh mar theine lasarach.

7 Theasaich iad uile iad féin mar àmhluinn, agus shluig iad am breitheamhnan; tha an rìghrean uile air tuiteam; cha-n'eil aon 'n am measg a tha 'gairm orm-sa.

8 Ephraim, mheasg esan e féin leis na cinnich; is aran nach deachaidh a thionndadh Ephraim.

9 Shluig coigrich suas a neart, agus cha-n'eil fios aig air: seadh, tha fuilteanan liatha air au sud agus an so, gidheadh cha-n'eil fios aig air.

10 Agus tha uabhar Israeil a' tabhairt fianuis fa chomhair a shùl: gidheadh cha-n'eil iad a' pilleadh ris an Tighearn au Dia, no 'g a iarraidh air son so uile.

11 Tha Ephraim fòs mar choluman amaid-each, gun eòlas: tha iad a' glaothaich ris an Eiphit, tha iad a' triall gu Asiria.

12 An uair a thriallas iad, sgaoilidh mise mo lion thairis orra; mar eunlaith an athair bheir mi nuas iad: smachdaichidh mi iad an uair a dh'éisdeas iad ri 'n coimhthional.

13 Mo thruaighe iad: oir theich iad uamsa: léir-sgrìos dhoibh, oir chiontaich iad a'm' aghaidh-sa: ged shaor mi iad, gidheadh labhair iad breugan a'm' aghaidh.

14 Agus cha do ghlaodh iad riumsa le 'n eridhe; ged rinn iad donnalaich air an leapaichibh air son arbhair agus fìona: tha iad a' cruinneachadh 'an ceann a chèile, tha iad ag éirigh suas a'm' aghaidh-sa.

15 Seadh, smachdaich mi iad; neartaich mi fòs an gairdeanan; gidheadh tha iad a' dealbh ainnheis a'm' aghaidh.

16 Tha iad a' tionndadh an déigh ni gun bhuannachd: tha iad mar bhogha cealgach: tuitidh an uachdarain leis a' chladheamh, air son nimhe an teagaidh: so cùis am maslaidh ann an tìr na h-Eiphit.

CAIB. VIII.

i *Bhagràdh Israel agus Iudah le léir-sgrìos air son an nù-dhiadhachd agus an ìodhol-aoraidh.*

A N trompaid ri d' bheul! mar iolair an aghaidh tighe an Tighearna *thig e*: a chionn gu'n do bhris iad mò choimh-cheangal-sa, agus gu'n do chiontaich iad an aghaidh mò reachd.

2 Rium-sa glaothaich iad, O Dhia Israeil, is aithne dhuinne thu.

3 Chuir Israel uaith 'am fad an ni 'tha maith: ni nàmhaid a ruagadh.

4 Chuir iad suas righrean, ach cha-n ann uamsa: rinn iad uachdarain, agus cha robh agamsa fios air: d' an airgid agus d' an òr rinu iad dhoibh féin ìodholan, a chum gu'n gearrar as iad.

5 Cuir 'am fad uait do laogh, O Shamaria; tha mo chorruich-sa air lasadh 'n an aghaidh: cia fhad a bhitheas iad gun ruigheachd air neo-chionta?

6 Oir bha so fòs o Israel: dhealbha am fear-oibre e; agus cha Dia 'tha ann: oir brisear 'n a bhloighidibh laogh Shamaria.

7 Oir chuir iad a' ghaoth, agus buaimidh iad a' chuairt-ghaoth: cha-n'èil toradh air an déis; cha toir i uaipe min; no ma bheir, sluigidh coigrich suas i.

8 Tha Israel air a shlugadh suas: a nis tha iad an measg nan cinneach, mar shoith-each anns nach 'èil tlachd air bith.

9 Oir chaidh iad suas gu Asiria: is asal fhiadhaich 's an aonach Ephraim; thuarsadalaich iad leannan.

10 Seadh, ged thuarsadalaich iad am measg nan cinneach, a nis tionailidh mise iad ri 'chéile; agus bithidh iad gu goirid air an cràdh le uallach an rìgh agus 'uachd-aran.

11 A chionn gu'n d'rinn Ephraim mòran altairean gu peacachadh, altairean gu peacachadh tha aige.

12 Sgrìobh mise d'a ionnsuidh nithean mòra mo reachd; *ach* mheasadh iad mar ni nach buineadh dhoibh.

13 Tha iad ag ìobradh feòla mar thabhartas dhomhsa, agus 'g a h-ithheadh; *ach* cha ghabh an Tighearna riu: a nis cuimhnichidh e an aingidheachd, agus smachdaichidh e an lochdan: pillidh iad air au ais do'n Eiphit.

14 Oir dhì-chuimhnich Israel a Chruith-fhear, agus thog e teampull: agus chuir Iudah 'an liumhoireachd bailtean daingean: ach cuiridh mise teine air a bhailtibh, agus loisgidh e a làchairean.

CAIB. IX.

i *Teanntachd agus braighdeanas Israeil air son am peacaithean, gu h-àraidh air son an ìodhol-aoraidh.*

N A dean aoibhneas, O Israeil, na dean gairdeachas mar na cinnich: oir chaidh thu air striopachas o d' Dhia; ghràdhaich thu duais air gach uile urlar arbhair.

2 An t-urlar arbhair agus an dabhach-fhìona cha dean am beathachadh, agus meallaidh am fion nuadh an dòchas.

3 Cha ghabh iad còmhuidh ann am fear-ann an Tighearna: ach pillidh Ephraim do'n Eiphit; agus ann au Asiria ithidh iad nith-ean neoèhlan.

4 Cha-n iobair iad *tabhartais*-fhìona do'n Tighearna, ni mò bhitheas iad taitneach dha: bithidh an ìobairtean doibh mar aran luchd-bròin; bithidh iadsan uile a dh'itheas deth air an salachadh; gu dearbh cha tig an aran air son an anama gu tigh an Tighearna.

5 Ciod a ni sibh ann an là na h-àrd-fhéille, agus ann au là féille an Tighearna?

6 Oir feuch, dh'imich iad air falbh o làth-air an fhir-mhillidh: tionailidh an Eiphit iad, adhlaididh Memphis iad: na *h-ionadan* taitneach a cheannaich iad le 'n airgid, sealbhaichidh an eanntagach iad: 'n am pàillunaibh *fàsaidh* an droighionn.

7 Thàinig làithean an smachdachaidh, thàinig làithean na luigheachd: aithnichidh Israel gu'm 'a madan an fàidh, gu'n robh fear an spioraid air bhoile; air son romhend d' aingidheachd, agus air son d' fhuath mhòir.

8 Tha fear-faire Ephraim le m' Dhia-sa: tha am fàidh *mar* lion an eunadair 'n a uile shlighibh-san: *neartaich iad* am fnath an aghaidh tighe mo Dhé.

9 Thruaill siad iad féin, mar ann an làithibh Ghibeah: cuimhnichidh esan an aingidheachd, smachdaichidh e an lochdan.

10 Mar dhearcan-fìona 's an fhàsach, fhuair mise Israel; mar am meas luath air a' chrann-fhùge 'n a chend àn, chunnaic mi

'or n-aithrichcan. Ach chaidh iad gu Baal-peor, agus dhealaich siad iad féin a chum an nì naraich sin; agus dh'fhàs iad gràineil, mar *chuspair* an gràidh.

11 Air son Ephraim, itealachidh an glòir air falbh mar eun; o'n bhreth, agus o'n bhroinn, agus o'n ghineamhinn.

12 Seadh, ged dh'ariseas iad an clann, sgriosaidh mise iad o mheasg dhaoine; seadh, is an-aobhinn doibh, an uair a dh'imicheas mise uatha.

13 Tha Ephraim, mar a chunnaic mi Tirus, air a shuidheachadh ann an ionad taitneach: ach bheir Ephraim a mach a chlànn do'n fhear-mhillidh.

14 Thoir, O Thighearna. Ciod a bheir thu? thoir dhoibh brù chailteach, agus cìochan seasga.

15 Tha an cionta gu léir ann an Gilgal *fu m' chomhair*: oir an sin thug mise fuath dhoibh: air son aingidheachd an deanadais iomainidh mi as mo thigh iad; cha toir mi nì's faide gràdh dhoibh; tha am maithcan uile cùl-sleamhnach.

16 Tha Ephraim bnaile; thiormaicheadh suas an freumh; cha ghiùlain iad a' bheag de thoradh: seadh, ged bheireadh iad, gidheadh marbhaidh mise *toradh* gràdhach am bronn.

17 Tilgidh mo Dhia air falbh iad, a chionn nach d'èisd iad ris: agus bithidh iad 'n am fògarach am measg nan cinneach.

CAIB. X.

1 *Bhagràdh clann Israeil air son am mì-dhiadhachd agus an iòdol-coraidh, 12 agus ùagadh earail dhoibh aithreachas a ghabhail.*

B' FHIONAIN thorrach Israel: thug e mach toradh dha féin: a réir pailteis a thoiridh chuir e altairean 'an òn-mhoireachd; a réir maithéis 'fhearainn rinn e dealbhan àluinn.

2 Tha an cridhe air a roinn; a nis gheibhear ciontach iad: brisidh esan sìos an altair-ean: sgriosaidh e an dealbhan.

3 Oir a nis tha iad ag ràdh, Cha-n'eil rìgh air bith againn, a chionn nach robh cagal an Tighearna' oirnn: ciod uime sin a dheanadh rìgh dhuinn?

4 Labhair iad briathran *fuine*, 'n nair a mhionnaich iad; breugan an uair a rinn iad coimheangal: mar so tha breitheanas a' fàs a nìos, mar an iteotha ann an claisibh na macharach.

5 Air son laogh Bhet-abhein bithidh eagal air luchd-àiteachaidh Shamaria; oir nì a shlugh caoidh os a cheann, agus a shagartan acain air a shon; air son a ghloire, oir dhealaich i ris.

6 Os bàrr bheirear e féin gu Asiria, mar thabhartas do rìgh Iareb: nì masladh greim air Ephraim, agus gabhaidh Israel naire d'a chomhairle féin.

7 Air son Shamaria, ghearradh a rìgh as mar an cobhar air uachdar an uisge.

8 Sgriosar fòs ionadan àrda Abhein, cionta Israeil: thig an droighinn agus am fogh-annan a nìos air an altairean; agus their iad ris na sléibhtibh, Folaichibh sinn, agus ris na beanntaibh, Tuitibh oirnn.

9 O Israeil, chiontaich thu nì's mò na ann an làithibh Ghìbeah: an sin sheas iad: nach d'rug an cath orra ann an Gibeah?

10 An aghaidh cloinne na h-aingidheachd thàinig mise, agus smachdaich mi iad. Agus cruinnichear na slòigh 'n an aghaidh-san 'n uair a smachdaichear iad air son an da chionta.

11 Agus bithidh Ephraim 'n a agh-foghlumite, le 'm miann a bhi 'sالتair a mach an arbhair; ach chaidh mise thairis air a muineal sgiamhach. Bheir mi air Ephraim marcachd; treabhaidh Iudah, brisidh Iacob 'fhoidean.

12 Cuiribh dhuibh féin ann am fireantachd, buainibh ann an toradh na tròcair: brisibh suas 'ur fearann neo-threabhata: oir is mith-ich Iehobhah iarraidh, gus an tig e; agus am fras e oirbh fireantachd.

13 Threabh sibh aingidheachd, bhuaibh sibh encairt; dh'ith sibh toradh bhreugan: a chionn gu'n d'earb thu as do shlighe, a mòr-chuideachd do dhaoine treuna;

14 Uime sin éiridh buaireas ann measg do shlugh, agus bithidh d' uile dhaingnichean air am milleadh, amhuil a mhìl Salmon Bètarbel ann an là a' chatha; ghearradh 'n am bloighdibh a' mhàthair agus a' chlànn le 'chéile.

15 Is amhuil a nìthear ruibhse, O Bhetel, air son ròn-mheud bhur n-aingidheachd: ann am maduinn gearrar as gu cinnteach rìgh Israeil.

CAIB. XI.

1 *Bha sluagh Israeil mì-thaingeil do'n Tighearna air son a thròcairean. 5 Breitheanas Dhé 'n an aghaidh. SA thròcair d'an taobh. 12 Cealgaireachd Ephraim.*

N UAIR a bha Israel 'n a leanabh, an sin thug mise gràdh dha: agus a mach as an Eiphit ghairm mi mo mhac.

2 'N uair a ghairm iad orra, an sin dh'imich iadsan uatha: dh'ìobair iad do Bhaalim, agus loisg iad tùis do dhealbhan snaighte.

3 Theagaisg mise fòs do Ephraim cois-eachd, 'g an togail ann am ghairdeanaibh; ach cha robh fios aca gu'n do leighis mi iad.

4 Tharruing mi iad le cordaibh duine, le ceanglaichibh gràidh; agus bha mi dhoibh mar neach a thogas dhiubh a' chuing air an giallaibh a gus chuir mi sìos biadh dhoibh.

5 Cha phill e gu tìr na h-Eiphit, ach bithidh an t-Asirianach 'n a rìgh air, a chionn gu'n do dhiùlt iad pilleadh *riumsa*.

6 Agus nitidh an claidheamh gu trom air a bhaittibh, agus claidhidh e a gheugan: agus slnigidh e, air son an comhairlean.

7 Agus tha mo shlugh-sa 'an tì air cùl-sleamhnachadh uam; ged ghlaodh iad ris

an Ti a's àirde, cha-n àrdaicheadh aon neach e.

8 Gionnus a bheir mi thairis thu, O Ephraim! eionnus a bheir mi seachad thu, O Israeil! eionnus a ni mi thu mar Admah! a chuireas mi thu mar Sheboim! tha mo ehiridhe an taobh a stigh dhiom air tionndadh; tha m' aithreachais air lasadh le 'ehéile.

9 Cha ehuir mi 'n gnìomh mo dhian-chorruich, eha phill mi a mhilleadh Ephraim; oir is Dia mise, agus eha duine; an Ti naomh ann ad mheadhonn; gidheadh nach 'eil a' tathaiebh bhailean.

10 Siùbhlaidh iad an dèigh an Tighearna: beucaidh e mar leòmhann: an uair a bheucas e, an sin eriothnaichidh na mie o'n àird an iar.

11 Itealaichidh iad mar eun as an Eiphit, agus mar eholuman á tìr Asiria; agus suidhiehidh mise 'u an tighibh iad, deir an Tighearn.

12 Tha Ephraim 'g am chuariteachadh le breugaibh, agus tigh Israeil, le ceilg: aeh fathast tha Iudah a' riaghladh maille ri Dia; agus tha e dileas maille ris na naoimh.

CAIB. XII.

1 *A ingidheadh Ephraim agus Iudah. 8 Chomh-àrticheadh dhoibh aithreachas a ghabhail. 7 Chuir peacatlhean Ephraim cumpar air an Tighearn.*

THA Ephraim ag ionaltradh air gaoith, agus ag imeachd an dèigh na gaoithe an ear: gach aon là tha e 'eur bhreug agus reubainn 'an lìonmhòireachd; rinn iad fòs coimheangal ri Asiria, agus tha oladh 'g a giùlan do'n Eiphit.

2 Tha connsachadh fòs aig an Tighearn ri Iudah, agus ni e peanas air Iacob a réir a shlighean; a réir a dheanadais bheir e dha luigheachd.

3 Anns a' bhroinn ghlae e a bhràthair air shàil; agus le a neart bha eumhachd aige maille ri Dia.

4 Seadh, bha eumhachd aige maille ris an aingeal; agus thug e buaidh: ghuil e, agus rinn e guidhe ris: fhuair e ann am Betele, agus an sin labhair e ris.

5 Eadhon Iehobhah Dia nan sluagh, is e Iehobhah a chuimhneachan.

6 Uime sin pill thusa ri d' Dhia: coimhid trèdair agus breitheanas; agus feith air do Dhia a ghnàth.

7 Is fear-malairt e: 'n a làimh tha meigh na malltaireachd; is toigh leis a bhi ri ainneart.

8 Agus thubhairt Ephraim, Gu deimhin tha mi air fàs saoiibh, fhuair mi dhomh féin stòras: ann am shaothairibh uile eha-n fhaigh iad euecart air bith annam; bhith-eadh sin 'n a ehionta.

9 Agus mise Iehobhah do Dhia, a thug a nòs thu o thìr na h-Eiphit, bheir mi ort

fòs còmhnuidh 'ghabhail ann am pàillium-aibh, mar ann an làithibh na h-àrd-fhéille.

10 Labhair mi fòs leis na fàidhean, agus rinn mi lìonmhòr seallannan; agus le frith-ealadh nam fàidhean ghnàthaich mi eòs-amhlachdan.

11 Gu dearbh ann an Gilead tha euecart; gu cinnteach is dìomhanas iad; tha iad ag iobradh tharbh ann an Gilgal; seadh, tha an altairean mar ehùirn ann an elaisibh na macharach.

12 Aeh theich Iacob gu dùthaich Shiria; agus rinn Israel seirbhis air son mnà; agus air son mnà ghléidh e caoraich.

13 Agus le fàidh thug an Tighearn Israel a mach as an Eiphit; agus le fàidh thèarnadh e.

14 Bhrosnuich Ephraim e eum feirge gu ro shearbh: uime sin fàgaidh a Thighearn 'thuil air féin; agus pillidh e thuige féin a mhasladh.

CAIB. XIII.

1 *Dh'fhalbh glòir Ephraim mar mholl air fhuadachadh le cuairt-ghaoith. 4 Sgrìosaidd Dia iad do bhrìgh gu'n do mhi-ghnàthaich iad a thòcairean. 15 Breitheanas Shamaria air son a ceannaire.*

AN uair a labhair Ephraim le crith, dh'àrdaich se e féin ann an Israel; aeh an uair a ehiontaich e ann am Baal, bhàsaich e.

2 Agus a nis tha iad a' eiontachadh ni's mò agus ni's mò, agus rinn iad dhoibh féin dealbh leaghta d'an airgid: iòdholan a réir an seòltachd féin; an t-ionlan deth obair nam fear-eirde: tha iad ag ràdh do'n taobh, Deanadh a' mhuinntir a tha 'g iobradh na laogh a phògadh.

3 Air an aobhar sin bithidh iad mar neul na maidne; agus mar an drùchd moeh a shiùbhlas air falbh: mar am moll air fhuadachadh le cuairt-ghaoith o'n urlar-bhuailaidh; agus mar dheathach a mach as an luidheir.

4 Gidheadh is mise an Tighearn do Dhia, a thug a nòs thu e thìr na h-Eiphit, agus eha bhi aithne agad air dia air bith ach mise; oir eha-n'eil slànuidhear ann aeh mi.

5 Bàithne dhomh-sa thu's an fhàsach, ann am fearann an tarta mhòir:

6 'N an ionaltradh bha iad air an lìonadh: bha iad air an lìonadh, agus dh'àrdaicheadh an eridhe: air an aobhar sinn dhì-chuimh-nich iad mise.

7 Uime sin bithidh mise dhoibh mar leòmhann: mar liopard ann an t-slighe bheir mi fairear iad.

8 Coinnichidh mi iad mar mhiath-ghamhuin o'n do bhuineadh a cuileanan, agus reubaidh mi sgairt an eridhe; agus an sin sluididh mi iad mar leòmhann boirionn: ni fiadh-bheathaich na macharach an reubadh.

9 O Israeil, sgrìos thu thu féin, aeh annam-sa tha do ehabhair.

10 Bithidh mise ann am rìgh dhuit: càit am bheil aon neach eile a thèarnas thu ann ad chaitlrichibh uile! agus do bhreith-eamhan uile ris an d' thubhairt thu, Thoir dhomh rìgh agus prionnsachan.

11 Thug mise rìgh dhuit ann am fheirg, agus thug mi air falbh e ann am chorruih.

12 Tha aingidheachd Ephraim air a carnadh suas: tha a chionta air a thasgadh.

13 Thig ioghannan mnà ri saothair air: is mac nach 'eil glic e so; no cha-n fhanadh e fada ann an àite briseadh a mach na cloinne.

14 Fuasglaidh mise iad o chumhachd na h-uaigne: saoraidh mi iad o'n bhàs: O bhàis, bithidh mise a'm phlàigh dhuit; O uaign, bithidh mise a'm sgrios duit; bithidh aithreachas air 'fhòlach o m' shùilibh.

15 Ged bha e torrach am measg a bhràithrean, thig gaoth an ear, thig gaoth an Tighearna nìos o'n fhàsach, agus fasaidd 'fhuar-an tioram, agus tiormaichear suas a thobar: bithidh ionmhas uile shoithichean taitneach air a chreachadh.

16 Bithidh Samaria 'n a fàsach, oir rinn i ceannairc an aghaidh a Dé: tuitidh iad leis a' chlàidheamh, brisear an naoidheanan 'n am bloighdibh; agus reubar suas am mnath-an torrach.

CAIB. XIV.

1 *Earail chum aithreachais. 4 Leighisidh Dia cùl-sleamhnachadh a shlùuigh.*

PILL, O Israeil, ris an Tighearna do Dhia, oir thuit thu le d' aingidheachd.

2 Thugaibh leibh briathran, agus pillibh ris an Tighearna; abraibh ris, Thoir air falbh ar n-uile chionta, agus gabh ruinn gu gràs-mhor: mar sin bheir sinn seachad laogh ar bilean.

3 Cha dean Asur ar tèarnadh; air each-aibh cha dean sinn marcachd; nì mò their sinn tuilleadh ri obair ar làmhnan féin, Is sibhse ar diathan: oir annad-sa gheibh an dilleachdan trècair.

4 Leighisidh mise an cùl-sleamhnachadh, gràdhachidh mi iad gu saor: oir phill mo chorruih air falbh uaith.

5 Bithidh mi mar an drùchd do Israel: fasaidd e mar an lileigh, agus cuiridh e mach a fìreumhan mar Lebanon.

6 Sgaoidh a gheugan, agus bithidh a mhaise mar an crann-oladh, agus 'fhàile mar Lebanon.

7 Pillidh iadsan a tha 'chòmhnuidh fo a sgàile: mar an t-arbhar bithidh iad air an ath-bheothachadh; agus fasaidd iad mar an fhìonain: bithidh 'fhàile mar fhìon Leban-oin.

8 *Their* Ephraim, Ciod mo ghnòthuch-sa tuilleadh ri iodholaibh? Chuala mise e; agus thug mi faineair e; is cosmhuil mi ri crann uaine giuthais; uamsa tha do thoradh r'a fhaotainn.

9 Cò a tha glic, agus tuigidh esan na nith-ean so? cìonna, agus aithneidh e iad? oir tha slighean an Tighearna ceart, agus gluaisidh na fireanan annta: ach gheibh na ciontaich tuisleadh annta.

IOEL.

CAIB. I.

1 *Chuir Ioel 'an cèill léir sgrios na talmhainn leis an locust, a' chnàmh-bheist, agus a' bhurruis. 8 Chomhairliche e do'n t-sluagh trasg a ghairm, agus iad féin irioslachadh an lathair an Tighearna chum gu'm pilleadh e air falbh a bhreith-eanais.*

FOCAL an Tighearna' a thàinig a chum Ioel, mhic Phetueil.

2 Cluinnibh-sa so, a sheann daoine; agus thugaibh-sa faineair, uile luchd-àiteachaidh na tìre: an robh so 'n 'ur làithibh-sa; no 'n làithibh bhur n-aithrichean?

3 Innsibh-sa do 'ur cloinn e, agus inn-seadh 'ur clann do'n cloinn-san, agus an clann-san do ghinealach eile.

4 An nì sin a dh'fhàg a' phàilm-chnuimh, dh'ith an locust; agus an nì a dh'fhàg an locust, dh'ith a' chnàmh-bheist; agus an nì sin a dh'fhàg a' chnàmh-bheist, dh'ith am burruis.

5 Dùisgibh, a mhisgearan, agus guilb; agus deanaibh-sa caoidh, uile phòitearan

fìona, air son an fhìon-muadha, oir tha e air a ghearradh air falbh o 'ur beul.

6 Oir tha cinneach air teachd a nìos air m' fhearann-sa, treun, agus thar àireamh; is fìaclan leòmhain am fìaclan; agus tha fìaclan cùil leòmhain bhoirinn aca.

7 Dh'fhàg iad m' fhìonain-sa 'n a fàsach, agus rùisg iad mo chrann-fige: rùisg iad e gu buileach, agus thilg iad air falbh e; tha a gheugan air an deanamh geal.

8 Dean caoidh mar òighe criosluichte le cudach-saic air son céile a h-òighe.

9 Tha an tabhartas-bidh air a ghearradh air falbh, agus an tabhartas-dìbhe o thigh an Tighearna: deanaibh-sa bròn, O shag-artar, òglacha an Tighearna.

10 Tha a' mhachair 'n a fàsach, tha an talamh ri caoidh; oir tha an t-arbhar air a mhilleadh; tha an fìon nuadh air seargadh, dh'fhàilnich an oladh.

11 Gabhaibh nàire, O threabhaichean deanaibh-sa caoidh, O luchd-deasaichidh na fìonain, air son a' chruithneachd, agus

air son an corna: a chionn gu'n do mheath fogharadh na macharach.

12 Tha an fhionain air tiormachadh suas, agus an crann-fige air seargadh; tha am pomgranat, an crann-pailme fòs, agus an crann-ubhall, *eadhon* uile chraobhan na macharach, air seargadh: gu deimhin shearg aoibhneas air falbh o chloinn nan daoine.

13 Criosluichibh sibh féin *le eudach-saic*, agus tuiribh, O shagarta: deanaibh ulartaich, a luchd-frithealaidh na h-altarach: thigibh, luidhibh fad na h-oidhche ann an eudach-saic, òglacha mo Dhé: oir tha an tabhartas-bidh agus an tabhartas-dibhe air a chumail air ais o thigh ar Dé.

14 Naomhaichibh-sa trasg, gairmibh là toirmisg, cruinnichibh na seanairean, uile luchd-aitcachaidh na tìre, gu tigh an Tighearna 'ur Dé, agus glaothaibh ris an Tighearna,

15 Och air son an là! oir tha là an Tighearna dlùth, agus mar léir-sgrìos o'n Uile-chumhachdach thig e.

16 Nach 'eil ar lòn air a ghearradh as fa chomhair ar sùl? aoibhneas agus luaghair o thigh ar Dé?

17 Lobh an sìol f'a fhòidibh; dh'fhàgadh fàs na h-ionadan-tasgaidh; bhriseadh sìos na saibhlean: a chionn gu'n do shearg an t-arbhar.

18 Cionnus a tha na beathaichean ag osnaich? tha na buailean spréidhe ann an aire, a chionn nach 'eil ionaltradh aca: tha na treudan chaoarach fòs air am milleadh.

19 Riutsa, O Thighearna, glaothaidh mise; oir chaith an teine cluaintean an fhàsaich, agus loisg an lasair uile chraobhan na macharach.

20 Tha beathaichean na macharach fòs a' glaothaich riutsa: oir thormaicheadh suas na h-aimhnichan uisge, agus chaith an teine cluaintean an fhàsaich.

CAIB. II.

1 *Chuir um fàidh 'an céill meudachd armaill Dhé: 12 chomhairliche e don t-sluagh aithreachas a ghabhail, 13 dh'ordugh e trasg, 18 agus gheall e tròcair dhoibh o Dhia. 21 Thug e comhfhurtachd do Shìon.*

S EIDIBHSE an trompaid ann an Sion, agus éighibh caismeachd catha ann am shliabh naomh-sa: criothnaicheadh uile luchd-aitcachaidh na tìre: oir tha là an Tighearna a' teachd, oir tha e am fagus.

2 Là dorchadais agus oghuidheachd: là neul agus tiugh-dhorchadais; mar an doilleireachd air a sgaoileadh air na sléibhtibh, *thig* sluagh lìonmhor agus làidir; an leithid cha robh ann o shean, agus cha bhi nì's mò 'n an déigh, eadhon gu bhladhnachan mhòran ghinealach.

3 Rompa tha teine ri sgrìos, agus 'n an déigh tha lasair a' losgadh: tha an fearann mar ghàradh Edein rompa, agus 'n an déigh

'n a fhàsach uaigneach; scadh, cha bhi dol as aig aon nì uatha.

4 Bithidh an coslas mar choslas cach; agus mar mharcaichean is amhluidh a ruith-eas iad.

5 Mar fharum charbad air mhullach nam beann leumaidh iad; mar thoirm lasair theine a loisgeas an asbhuain: mar shluagh làidir air an cur 'an ordugh catha.

6 Roimh an gnùis bithidh geur-ghoimh air an t-sluagh: tionailidh na h-uile aghaidh dubhachas.

7 Ruithidh iad air an aghaidh mar dhaoine cumhachdach; streapaidh iad am balla mar luchd-cogaidh; agus siùbhlaidh iad gach aon air a shlighe, agus cha bhris iad an ordugh.

8 Nì mò theannaicheas aon air aon eile; coisichidh iad gach aon 'n a cheum féin: agus na thuiteas iad air a' chlaidheamh, cha bhi iad air an leònach.

9 Ruithidh iad air an ais agus air an aghaidh anns a' bhaile: ruithidh iad air a' bhalla: streapaidh iad suas do na tighean: théid iad a steach air na h-uinneagaibh mar mheirleach.

10 Bithidh ball-chrith air antalamh rompa, criothnaichidh na nèamhan: bithidh a' ghrian agus a' ghealach dorchach, agus cumaidh na reultan air ais an dealradh.

11 Agus cuiridh an Tighearna a mach a ghuth fa chomhair 'fheachd: oir tha a champ ro mhòr; oir is treun esan a thoirt gu buil 'fhocail; oir tha là an Tighearna mòr agus ro uamhasach, agus cò 'dh'fhéudas 'fhuilang?

12 Uime sin a nis mar an ceudna, tha an Tighearna ag ràdh, pillibh a m' ionnsuidh-sa le 'ur n-uile chridhe, agus le trasg, agus le gul, agus le caoidh.

13 Agus reubaibh bhur cridhe, agus nì h-c 'ur n-eudach; agus pillibh ris an Tighearna bhur Dia: oir tha e tròcaireach agus iochdmhor, mall a chum feirge, agus làn de chaomhalachd, agus gabhaidh e aithreachas mu'n ole.

14 Cò aig am bheil fios nach pill, agus nach gabh e aithreachas, agus nach fàg e beannachd 'n a dhéigh, tabhartas-bidh agus tabhartas-dibhe, do'n Tighearna bhur Dia.

15 Séidibh an trompaid ann an Sion, naomhaichibh trasg, gairmibh là toirmisg, 16 Cruinnichibh an sluagh, naomhaichibh an coimhthional; gairmibh na seanairean; tionailibh a' chlann, agus iadsan a tha 'deòthal na cìche: rachadh am fear nuadh-phòda mach as a sheòmar, agus a' bhean nuadh-phòda mach as a seòmar uaigneach.

17 Deanadh na sagartan, seirbhisich an Tighearna, gul cadar an sgàth-thigh agus an altair, agus abradh iad, Caomhain, O Thighearna, do shluagh, agus na toir d'òighreachd thairis gu masladh: a chum gu'n riaghladh na cinnich os an ceann: c' uim' an

abradh iad am measg nan cinneach, C'ait am bheil an Dia?

18 Ausin bithidh an Tighearn eudmhor m'a fhearam, agus gabhaidh e truas d'ashluagh.

19 Seadh, freagraidh an Tighearn, agus their e r'a shluagh; Feuch, cuiridh mi d'ur n-iounsuidh arbhar, agus fion, agus oladh, agus bithidh sibh air 'ur sàsachadh leo; agus cha dean mi sibh nì's mò'n 'ur masladh am measg nan cinneach.

20 Ach atharraichidh mi 'am fad uaibh teachd ua h-àirde tuath, agus fògraidh mi e gu fearann falamh fasail, a thoiseach gus an fhairge 'n ear, agus a dheireadh gus an fhairge 'n iar; agus thig a bhréine mios, agus éiridh a dhroch fhàile, a chionn gu'n do mhaoidh e nithean mòra.

21 Na bitheadh eagal ort, O fhearainn; gu luaghaireach agus ait: oir, ni an Tighearn nithean mòra.

22 Na bitheadh eagal oirbh a bheathaiche na macharach: oir tha cluaintean an fhàs-aich a' briseadh a nìs; oir tha a' chraobh a' giùlan a toraidh; tha an crann-fige agus an fhìouain a' toirt seachad an neirt.

23 Bithibh airt ma tha, O chlann Shioin, agus deanaibh gairdeachas anns an Tighearn bhur Dia; oir thug e dhuibh an t-uisge a's tràithe ann an ceart-thomhas; agus bheir e air frasaibh teachd a nuas d'ur n-ionn-suidh, au ceud uisge, agus au t-uisge deir-eannach amhuil roimhe so.

24 Agus bithidh ua h-ur-lair-bhualaidh làn de chruithneachd, agus cuiridh na dabhach-an thairis le fion agus le h-oladh.

25 Agus aisgidh mise dhuibh na bliadh-nachan a dh'ith an locust, a' chnàmh-bheist, am burrus, a' phailm-chuimh, m' fheachd mòr, a chuir mi 'n 'ur measg.

26 Agus ithidh sibh ann am pailteas, agus bithidh sibh sàthach, agus cliùthaichidh sibh ainm an Tighearna bhur Dia, a bhuin ruibh gu h-iongantach: agus cha nàraichear am feasd mo shluagh-sa.

27 Agus aithnichidh sibh gu bheil mise ann am meadhon Isracil, agus gur mi an Tighearn 'ur Dia, agus nach aon air bith eile: agus cha nàraichear am feasd mo shluagh.

28 Agus tarlaidh 'n a dhéigh sin, gu'n dòirt mise mach mo spiorad air gach uile fheoil, agus ni bhur mic agus bhur nigh-canan faistneachd, brudairidh 'ur seann daoine brudair, agus chi 'ur n-òganaich seallannan:

29 Agus fòs air na h-òglachaibh agus air na banoglaichibh, anns na làithibh sin, dòirtidh mi mach mo spiorad.

30 Agus nochdaidh mi iongantais anns na nìamhan, agus air an talamh; fuil, agus teine, agus smùidrich dheathaich.

31 Iompaichear a' ghrian gu dorchadas, agus a' ghealach gu fuil, mu'n tig là mòr agus uamhasach an Tighearna.

32 Agus tarlaidh, ge b'e air bith a ghairmeas air ainm an Tighearna, tèarnar e: oir ann an sliabh Shioin agus ann an Ierusalem bithidh tèarnadh, mar a thubhairt an Tighearn; eadhon am measg an iarnaid a ghairmeas an Tighearn.

CAIB. III.

1 *Tograidh Dia ris na cinnich air son a shluagh Israeil, 4 agus diolaidh e dhoibh a rèir an gnìomharan. 18 Beannachdan na h-eaglais.*

OIR feuch, anns na làithibh sin, agus anns an àm sin, 'n uair a bheir mise air a h-ais bruid Iudah, agus Ierusalem, tarlaidh,

2 Gu'n crìnuich mi na h-uile chinnich, agus bheir mi sìos iad gu gleann Iehosaphait, agus tagraidh mi ri u an sin air son mo shluagh, agus air son m' oighreachd Israeil, a sgap iad am measg nan cinneach; agus roinn iad mo dhùthaich.

3 Agus thilg iad croinn air son mo shluagh; agus thug iad macan air son strìopaich, agus reic iad nigheanag air son fìona, chum gu'n dladh iad.

4 Scadh, agus ciod 'ur gnothuch-sa riumsa, O Thuiris, agus a Shìdoin, agus uile chrìochan Phalestine? an diòl sibh dhomh luigheachd? a nis ma bheir sibh dhomh luigheachd, gu luath, gu grad diolaidh mi 'ur luigheachd air 'ur ceann féin;

5 A chionn gu'n do ghabh sibh m' airgid agus m' òr, agus gu'n do ghiùlain sibh gu bhur teampuill mo nithean luachmhor taitneach.

6 Clann Iudah fòs, agus clann Ierusalem reic sibh ris na Greugaich, a chum gu'n atharraicheadh sibh iad am fad o'n crìch féin.

7 Feuch, togaidh mise iad as an àite gus an do reic sibh iad; agus pillidh mi bhur luigheachd air bhur ceann féin.

8 Agus reicidh mi 'ur mic agus 'ur nigh-eanan gu làmh cloinne Iudah; agus reicidh iadsan iad ris na Sabéich, ri sluagh fad as; oir labhair an Tighearn e.

9 Eighibh-sa so am measg nan cinneach; ulluichibh cogadh, dhùisgibh suas na cumhachdaich; thigeadh na fir-chogaidh uile am fagus, thigeadh iad a nìs.

10 Deanaibh claidhean de 'ur coltraibh, agus sleaghan de 'ur corraibh-sgathaidh; abradh an lag, Tha mi làidir.

11 Cruinnichibh sibh féin, agus thigibh, a chinneacha gu léir, agus tionailibh o gach taobh mu'n cuairt: an sin bheir thusa air na cumhachdaich teachd a nuas, O Thighearna.

12 Dùisgeadh na cinnich, agus thigeadh iad a nìs gu gleann Iehosaphait: oir an sin suidhidh mise gu breth a thoirt air na cinnich uile mu'n cuairt.

13 Sàthaibh an corran, oir tha am fogharadh abuich; thigibh, gabhaibh sìos, oir

tha an t-amar-fiona làn, tha na dabhachan a' cur thairis : oir tha an aingidheachd mòr.

14 Mòr-chuideachdan, mòr-chuideachdan, ann an gleann a' ghearraidh ; oir tha là an Tighearna dlùth ann an gleann a' ghearraidh.

15 Dorchaichear a' ghrian agus a' ghealach, agus cumaidh na reultan air ais an dealradh.

16 Agus beucaidh an Tighearn a mach à Sion, agus o Ierusalem cuiridh e mach a ghuth, agus bithidh crith air na nèamhan, agus air an talamh : ach bithidh an Tighearn 'n a ionad-didein d'a shluagh ; agus 'n a dhaingneach làidir do chloinn Israeil.

17 Mar sin aithnichidh sibh gur mise an Tighearn 'ur Dia, a tha 'chòmhnuidh ann an Sion, mo shliabh naomh : an sin bithidh

Ierusalem naomh, agus cha téid coigrich troimhe nìs mò.

18 Agus tarlaidh anns an là sin, gu'n sil na sléibhteana a nuas fion nuadh, agus sruthaidh na beanntan le bainne ; agus sruthaidh uile aimhnichean Iudah le h-uisgeachaibh ; agus thig tobar a mach o thigh an Tighearna, agus uisgichidh e gleann Shitim.

19 Bithidh an Eiphit 'n a nochd-làraich, agus bithidh Edom 'n a fhàsach uaigneach ; air son an ainneirt an aghaidh cloinne Iudah ; a chionn gu'n do dhòirt iad fuil nan neò-chiontach 'n am fearann.

20 Ach gabhaidh Iudah còmhnuidh gu sìorruidh, agus Ierusalem o linn gu linn.

21 Agus glanaidh mise am fuil-san, nach do ghlan mi ; agus gabhaidh an Tighearn còmhnuidh ann an Sion.

A M O S.

CAIB. I.

1 *Ant-àm 's an òrinn Amos fàidheadaireachd.*
3 *Nochd e na breitheanas a bha gu teachd air Siria, 6 air na Philistich, 9 air Tirus, 11 air Edom, 13 agus air Moab.*

BRIATHRAN Amois, a bha am measg bhuachaillean Thecoa, a fhuair e mu thimchioll Israeil, ann an làithibh Usiah rìgh Iudah, agus ann an làithibh Ieroboaim mhic Iohais, rìgh Israeil, dà bhliadhna roimh an chrith-thalmhainn.

2 Agus thubhairt e ; Beucaidh Iehobhah o Shion, agus o Ierusalem cuiridh e mach a ghuth ; agus ni ionadan-còmhnuidh nam buachaillean bròn, agus seargaidh mullach Charmeil.

3 Mar so tha an Tighearn ag ràdh ; Air son thri lochdan Dhamascuis, agus air son cheithir, cha phill mi air falbh a *pheanas* ; a chionn gu'n do bhuail iad Gilcad le inn-ealaibh-bualaidh iarunn.

4 Ach cuiridh mise teine air tigh Hasaail, a loisgeas lùchairtean Bhenhadaid.

5 Brisidh mi fòs crann-druididh Dhamascuis, agus gearraidh mi as am fear-àiteachaidh o chòmhnaidh Abhein, agus esan a ghlacas an t-slat-rìoghail o thigh Edein ; agus siùblaidh sluagh Shiria ann am bruid gu Cir, deir an Tighearn.

6 Mar so tha an Tighearn ag ràdh ; Air son thri lochdan Ghasa, agus air son cheithir, cha phill mi air falbh a *pheanas* ; a chionn gu'n d'fhug iad a' bhruid uile air falbh 'am braighdeanas, a chum an toirt seachad do Edom :

7 Ach cuiridh mi teine air balla Ghasa, a sgriosas a lùchairtean.

8 Agus gearraidh mi am fear-àiteachaidh air falbh o Asdod, agus esan a ghlacas an t-slat-rìoghail o Ascelon ; agus tionndaidhidh mi mo làmh an aghaidh Ecroin : agus bàsaichidh fuigheall nam Philisteach, deir an Tighearn Iehobhah.

9 Mar so tha an Tighearn ag ràdh ; Air son thri lochdan Thirus, agus air son cheithir, cha phill mi air falbh a *pheanas* ; a chionn gu'n d'fhug iad suas a' bhruid uile do Edom, agus nach do chuimhnich iad an coimheangal bràthaireil.

10 Ach cuiridh mi teine air balla Thirus, a loisgeas 'àrois rìoghail.

11 Mar so tha an Tighearn ag ràdh ; Air son thri lochdan Edoim, agus air son cheithir, cha phill mi air falbh a *pheanas* ; a chionn gu'n do ruaig e a bhràthair leis a' chlaidheamh, agus gu'n do thilg e uaith na h-uile iochd, agus gu'n do reub fhearg a ghnàth, agus gu'n do ghléidh e a chorruidh an còmhnuidh.

12 Ach cuiridh mi teine air Teman, a loisgeas lùchairtean Bhosrah.

13 Mar so tha an Tighearn ag ràdh ; Air son thri lochdan chloinne Amoin, agus air son cheithir, cha phill mi air falbh a *pheanas* ; a chionn gu'n do reub iad suas mnathan torrach Ghileaid, a chum an crìochan féin a chur 'an farsuinneachd.

14 Ach fadaidh mise teine air balla Rabah, agus loisgidh e sìos a lùchairtean, le iolaidh ann an là a' chatha, le cuairt-ghaoith ann an là na doininn.

15 Agus imichidh an rìgh ann am braighdeanas, c' féin agus a mhòr-naislean le 'chéile, deir an Tighearn.

CAIB. II.

1 Na breitheanais a bha gu teachd air Moab,
4 air Iudah, 6 agus air Israel. 9 Bhagair
an Tighearn sluagh Israeil air son am peac-
aidhean.

MAR so tha an Tighearn ag ràdh; Air
son thri lochdan Mhoab, agus air sou
cheithir, cha phill mi air falbh a *pheanas*;
a chionn gu'n doloisg e cnàghan rìgh Edoim
gu h-aol.

2 Ach cuiridh mi teine air Moab, agus
loisgidh e lùchairtean Chirioit, agus bàs-
aichidh Moab le co-ghaoir, le iolaich, le
fuaim na trompaid.

3 Agus gearraidh mi as am breitheamh
à mheadhon, agus marbaidh mi 'uile
phriounsachan maille ris, deir an Tigh-
earn.

4 Mar so tha an Tighearn ag ràdh; Air
son thri lochdan Iudah, agus air son cheithir,
cha phill mi air falbh a *pheanas*; a chionn
gu'n d'rinn iad dimeas air reachd an Tigh-
earna, agus nach do choimhid iad 'aith-
eantan; agus thug an *diathan* bréige orra
dol air seacharan, iad sin a chaidh an aith-
richean air an déigh.

5 Aeh cuiridh mi teine air Iudah, agus
loisgidh e lùchairtean Ierusalem.

6 Mar so tha an Tighearn ag ràdh; Air
son thri lochdan Israeil, agus air son cheithir,
cha phill mi air falbh a *pheanas*; a chionn
gu'n do reic iad am firean air son airgid,
agus am bochd air son bhròg.

7 Tha iad a' saltairt sìos cheann nam bochd
ann an duslach na talmhainn, agus a'
fiaradh slighe nan daoine ciùine: agus
tha duine agus 'athair a' dol a steach a
chum na h-aoin ghruagaich, a thruailleadh
m'ainne naoimh-sa.

8 Agus tha iad 'g an sìneadh féin air cud-
aichibh a ghabhadh 'an geall, aig taobh
gach altarach; agus tha iad ag òl fìona na
muinntir a dh'iteadh ann an tigh an dé.

9 Gidheadh sgrios mise an t-Amorach
rompa, a bha àrd mar àirde nan seudair;
agus làidir mar na daragaibh: gidheadh
sgrios mise a thoradh os a cheann, agus a
fheumhan foidhe.

10 Fòs thug mi sibhe a nìos o thir na
h-Eiphit, agus stiùir mi sibh troimh an
fhàsach dà fhichead bliadhna; a chum gu'n
sealbhaicheadh sibh fearann nan Amorach.

11 Agus thog mi suas *cuid* de 'ur macaibh
air son fhàidhean, agus de 'ur n-òganaich
air son Nàsarach. Nach ann mar so a tha
e, O chlann Israeil? deir an Tighearn.

12 Ach thug sibh do na Nàsarach fion
r'a òl; agus dh'athn sibh do na fhàidhean,
ag ràdh, na deanaibh fàistneachd.

13 Feuch, bruthaidh mise bbur n-àite,
mara bhruthas carbad luchdaichte le arbhar
a sguaban.

14 Agus tréigidh a luathas an duine luath,
agus cha bhi 'n duine làidir treun 'n a neart,

ni mò uì 'n duine cumhachdach e féin &
shaoradh.

15 Cha seas esan fòs a laimhsicheas am
bogha, agus cha saor an luath-chosach e féin;
ni mò thèarnas an tì a mbarcaicheas an
t-each e féin.

16 Agus esan a tha 'daingneachadh a
chridhe am measg nan cumhachdach, teich-
idh e air falbh rùisgte 's an là sin, deir an
Tighearn.

CAIB. III.

1 Aobhar nam breitheanas a thug Dia air doinn
Israeil. 13 'S an là anns an agair Dia loch-
dan Israeil air, sgriosaidh e altairean Bhaail.

CLUINNIBH am focal so a labhair an
Tighearn 'n 'ur n-aghaidh, O chlann
Israeil, an aghaidh an uile theaghlach a
thug mi nìos o thir na h-Eiphit, ag ràdh,

2 Is sibhe mhàin air an dò ghabh mi còlas
de uile theaghlachibh na talmhainn: uime
sin smachdaichidh mi sibh air son 'ur n-uile
lochdan.

3 Am feud dithis imeachd le 'chéile, mur
bi iad réidh?

4 Am beuc an leòmhann anns a' choille, an
uair nach 'eil creach air bith aige? an éigh
an leòmhann òg as a' gharaidh, mur do ghlac
e aon nì?

5 Am feud eun tuiteam ann an lìon air an
talamh, far nach 'eil aon rib air a shon? an
tog *neach* eangach suas o'n talamh, agus
gun nì air bith a ghlacadh?

6 An séidear an trompaid ann am baile,
agus gun eagal a bhi air an t-sluagh? am bi
dòrainn ann am baile, agus nach e an Tigh-
earn a chuir ann e?

7 Gu deimhin cha déan an Tighearn Ieho-
bbah aon nì gun a rùn-diomhair fhòillseach-
adh d'a sheirbhisich na fàidhean.

8 Bheuc an leòmhann; cò air nach bi eagal?
labhair an Tighearn Iehobhah, cò nach
deanadh fàistneachd?

9 Cuiribh 'an céill anns na lùchairtibh 'an
Asdod, agus anns na tallachaibh 'an tìr na
h-Eiphit, agus abraibh, Cruinnichibh sibh
féin air sléibhtibh Shamaria; agus feuch-
aibh an t-ioma-luasgadh mòr a tha 'n a
meadhon, agus iadsan a tha air an sàruch-
adh innte.

10 Oir cha-n aithne dhoibh a' chòir a
dheanamh, tha an Tighearn ag ràdh; tha
iad a' tasgadh suas fòirneirt agus creich
'n an lùchairtibh.

11 Air an aobhar sin, mar so tha an Tigh-
earn Iehobhah ag ràdh, *Bithidh* eascaraid
fòs mu'n cuairt air an fhearann; agus bheir
e nuas do neart uait, agus creachar do lùch-
airtean.

12 Mar so tha an Tighearn ag ràdh, Amhuil
a spionas ann buachail a mach a' beul
an leòmhain dà chois, no nìr de chluais;
mar sin bheir e a mach clann Israeil, a tha
'chòmhnuidh ann an Samaria, ann an cùil
leapach; agus ann an Damascus, air uirigh.

13 Eisidibh-sa agus togaibh fianuis do thigh Iacoib, tha an Tighearn Iehobhah, Dia nan sluagh, ag ràdh,

14 Anns an là 's an agair mise lochdan Israeil air, gu'n agair mi fòs air altairean Bheteil; agus gearrar adhaircean na h-altarach dhi, agus tuitidh iad chum an làir.

15 Agus buailidh mi an tigh-geamhraidh maille ris an tigh-shamhraidh; agus sgriosair na tighean deud-chnàmh, agus thig crìoch air na tighean mòra, deir an Tighearn.

CAIB. IV.

1 *Chronaicheadh Israeil air son am fòirneir, 4 an iòhol-aoraidh, 6 agus an ceannairc an aghaidh an Tighearna.*

CLUINNIBHSE am focal so, O a spréidh Bhasain, a tha air sliabh Shamaria; a tha 'sàruchadh nam bochd, a tha 'bruthadh nam feumach; a tha 'g ràdh ri am maighstiribh, Thugaibh d'ar n-ionnsuidh agus òlamaid.

2 Mhionnaich an Tighearn Iehobhah air a naomhachd, Feuch, gu'n tig oirbh na làithean anns an toir e sibh air falbh le dubhanaibh, agus bhuir sliochd le dubhanaibh-iagsaich.

3 Agus théid sibh a mach air na bealaich, gach bà air a' bhealach m'a coinneamh; agus tilgear sibh anns an tigh-chasgairt, deir an Tighearn.

4 Rachaibh gu Betel agus ciontaichibh; aig Gilgal deanaibh 'ur lochdan lionmhor; agus thugaibh leibh bhuir n-iobairtean gach maduinn, 'ur deachamh gach trì bliadhna;

5 Agus ìobairibh ìobairt-bhuidheachais le taois ghoirt, agus éighibh, cuiribh 'an cèill na saor-thabhartaich; oir tha so taitneach dhuibh, O chlànn Israeil, deir an Tighearn Iehobhah.

6 Agus thug mi fòs dhuibh gloine fhiaclal 'n'ur n-uile bhailtibh, agus gainne arain ann 'n'ur n-uile lùchairtibh: gidheadh cha do phill sibh riumsa, deir an Tighearn.

7 Agus chum mi uaibh mar an ceudna an t-uisge, 'n uair a bha fathasd trì mìosan gu fogharadh; agus thug mi air frasadh air aon bhaile, agus gun fhrasadh air baile eile; air aon chuid thàinig an t-uisge; agus a' chuid eile air nach d'thàinig an t-uisge, shearg e.

8 Agus shruibhail dà no trì de bhailtean gu aon bhaile, a dh'òl uisge; ach cha robh iad air an sàsachadh; gidheadh cha do phill sibh riumsa, deir an Tighearn.

9 Bhuail mi sibh le seargadh agus le crith-reothadh; 'n uair a dh'fhàs 'ur gàraidhean agus 'ur fion-liosan, 'ur croinn-fhìge, agus 'ur croinn-oladh, dh'ith a' phailm-chnuimh iad: gidheadh cha do phill sibh riumsa, deir an Tighearn.

10 Chuir mi 'n'ur measg a' phlàigh, a réir nòis na h-Eiphit mharbh mi 'ur n-òganaich leis a' chlaidheamh, agus thug mi air falbh 'ur n-eich, agus thug mi air droch fhàile bhuir caimp teachd a nìos gu'r cuineinibh:

gidheadh cha do phill sibh riumsa, deir an Tighearn.

11 Sgrios mi cuid dibh, mar a sgrios Dia Sodom agus Gomorah, agus bha sibh mar àithinne air a spionadh as an losgadh: gidheadh cha do phill sibh riumsa, deir an Tighearn.

12 Air an aobhar sin mar so nì mi riut, O Israeil; agus a chionn gu'n dean mi so riut, ulluich thu féin gu còdhail a chumail ri d' Dhia, O Israeil.

13 Oir feuch, esan a dhealbhas na sléibhtean, agus a chruthaicheas a' ghaoth, agus a dh'fhoillsicheas do dhuine ciod a's smuaintean dha; esan a nì a' mhaduinn 'n a dorchadas, agus a shaltras air ionadaibh àrda na talmhainn, Iehobhah, Dia nan sluagh, is e 'ainm.

CAIB. V.

1 *Tuireadh air son Israeil, 4 Earail chum aithreachais. 21 Chuir Dia cùl ri seirbhis chealgach an t-sluagh.*

EISIDIBHSE am focal so a tha mise 'cur 'an cèill 'n'ur n-aghaidh, eadhon tuir-eadh, O thigh Israeil.

2 Thuit, agus cha-n éirich nì's mò, dìgh Israeil: tha i sìnte mach air a fearann féin; cha-rèil neach ann g'a togail suas.

3 Oir mar so tha an Tighearn Iehobhah ag ràdh; A' chaithir a chaidh a mach 'n a mìle, fàgaidh i ceud; agus i sin a chaidh a mach 'n a ceud, fàgaidh i deichnear aig thigh Israeil.

4 Uime sin, mar so tha an Tighearn ag ràdh ri thigh Israeil; Iarraibh-sa mise, agus mairidh sibh beò:

5 Ach na h-iarraibh Betel, agus na rach-aibh a steach gu Gilgal, agus na siùbhlaibh thairis gu Beer-seba: oir théid Gilgal gu deimhin 'am braighdeanas, agus thig Betel gu neo-nì.

6 Iarraibh an Tighearn agus mairidh sibh beò; air eagal gu'm bris e mar theine air tigh Ioseiph, agus gu'n loisg e tigh Israeil, agus nach bi aon neach ann gu 'mhùchadh.

7 Sibhse a tha 'tionndadh breitheanas gu searbhadas, agus a' leigeadh dhìbh fireantachd air an talamh,

8 Iarraibh esan a tha 'deanamh nan seachd reultan agus Orion; agus a' tionndadh sgàile a' bhàis gu maduinn, agus a nì an là dorchas mar an oidheche: a tha 'gairm air uisgeachan na fairge, agus 'g an dòrtadh a mach air aghaidh na talmhainn; is e Iehobhah 'ainm:

9 A neartaicheas an duine creachta an aghaidh an tréin-fhir; air chor as gu'n tig an duine creachta an aghaidh an daingnich.

10 Is fuath leo esan a bheir achmhasan anns a' gheata; agus is gràin leo esan a labhras gu h-ionraic.

11 Air an aobhar sin, a chionn gu bheil sibh a' saltairt air a' bhochd, agus a' gabhail uaith duaise de chruithneachd; ge do

thog sibh tighean de chlachan snaighte, gídhedh cha-n àitich sibh iad; *ge do* shuidhich sibh fion-liosan taitneach, gídhedh cha-n òl sibh fion diubh.

12 Oir is aithne dhomh-sa bhur lochdan lòn-mhor, agus bhur peacadhean mòra; sibhshe a tha 'claoidh an fhìreìn, a tha 'gabhaill duaise, agus a' cur a' bhoichd a leth-taobh anns a' gheata.

13 Air an aobhar sin fanaidh an duine glie 'n a thosd anns an àm sin; oir is aimsir òle i.

14 Iarraibh-sa maith, agus ni h-e òle, a chum gu mair sibh beò: agus mar sin bithidh an Tighearn Dia nan sluagh leibh, mar a labhair sibh féin.

15 Fuathaichibh an t-òle, agus gràdhachibh am maith, agus daingnichibh breitheanas anns a' gheata; theagamh gu'm bi an Tighearn Dia nan sluagh gràs-mhor do iarmad Ioseiph.

16 Oir mar so tha Iehobhah Dia nan sluagh, an Tighearn, ag ràdh; *Bithidh* caoidh anns na h-uile shràidibh; agus their iad anns na h-uile rathaidibh mòra, Mo thruaighe, mo thruaighe! agus gairmidh iad an treabhaiche gu bròn, agus iadsan a tha eòlach air caoidh gu tuirleadh.

17 Agus anns na h-uile fion-lios bithidh caoineadh: oir gabhaidh mise troimh do mhheadhòn, deir an Tighearn.

18 Is truagh dhuibh-sa 'tha 'g iarraidh là an Tighearna. Ciod e sin duibh-sa là an Tighearna? dorchadas agus cha-n e solus.

19 Ceart mar gu'n teicheadh duine o leòmhán, agus gu'n coinnicheadh math-ghamhuinn e; no gu'n rachadh e steach d'a thigh, agus a làmh a leigeadh air a' bhalla, agus gu'n deanadh nathair a theumadh.

20 Nach bi là an Tighearna 'n a dhorchadas, agus ni h-ann 'n a sholus? eadhon ro dhorchada, agus gun-soilleireachd air bith ann?

21 Is fuath leam, is beag orm 'ur làithean-féille, agus cha gabh mi tlachd ann am faile 'ur n-àrd-fhéillean.

22 Ged iobair sibh dhomh iobairtean-loisgte, agus tabhartais-bhìdh, cha ghabh mi iad: ni mò bheir mi fàinear tabhartais-shìth 'ur beathaichean reamhra.

23 Buin uam fuaim d' òran; agus ceòl do chlàrsach cha-n éisd mi.

24 Ach ruitheadh breitheanas sìos mar uisgeachan, agus fireantachd mar shruth làidir,

25 An do thairg sibh dhomh-sa iobairtean agus tabhartais anns an fhàsach ré da fhichead bhliadhna, O thigh Israeil?

26 *Ni h-eadh*, ach ghiùlain sibh pàilluinn 'ur dé Moloich, reul bhur dé Chiunn, bhur dealbhan, a rinn sibh dhuibh féin.

27 Uime sin bheir mise oirbh imeachd 'am bruid taobh thall Dhamaseuis, tha an Tighearn, do'n ainm Dia nan sluagh, ag ràdh.

1 *Smachdaichear* Israel air son an neo-gheam-nuidheachd, 12 *agus air son am peacadhean.*

IS truagh dhoibhsan a tha gu suaimhneach ann an Sion, agus ag earbsadh a sliabh Shamaria; a tha 'g an ainmeachadh féin air tús nan cinneach, agus am bheil imeachd tighe Israeil.

2 Siùbhlaibh thairis gu Calneh, agus faicibh; agus rachaibh as a sin gu Hamat mòr: an sin rachaibh sìos gu Gat nam Philisteach: am fearr iadsan na na riogbachdan so? no am bheil an crìochan nì's mò na 'ur crìoch-sa?

3 *Is truagh* dhoibh-san a tha 'cur an droch là fada uatha, agus a' toirt am fagus àite-suidhe an fhòirneirt:

4 A tha 'luidhe air leapaichibh deud-chnàmh, agus 'g an sìneadh féin air an uirigh-eàn; a tha ag itheadh uan an treud, agus nan laogh á meadhon an tigh-bhiadhaidh:

5 A tha 'seinn do fhuaim na clàrsaich; a tha cosmhuil ri Daibhidh, a' dealbh dhoibh féin innealan-ciùil:

6 A tha 'g òl fiona ann an cuachaibh, agus 'g an ungadh féin le rogha gach olaigh: ach nach 'eil doilich air son àmhghair Ioseiph.

7 Air an aobhar sin a nis theid iad 'am bruid leis a' cheud chuid a dh'fhalbhas ann am brighdeanas; agus bheircear air falbh cuirm na muinntir a bha 'g an sìneadh féin.

8 Mhionnaich an Tighearn Iehobhah air féin, tha Iehobhah Dia nan sluagh ag ràdh; Is gràin leam òirdheerceas Iacoib, agus is fuath leam a luchairtean: uime sin bheir mi seachad am baile, agus gach ni a tha ann.

9 Agus tarlaidh na dh'fhana's deichnear fhear ann an aon tigh, gu'm faigh iad bàs.

10 Agus togaidh earaid duine suas e, agus esan a loisgeas e, chum na cnàmhan a thoirt a mach as an tigh; agus their e ris-san a tha steach 's an tigh, *am bheil aon neach* fathasd leat? Agus their esan, Chan-eil: An sin their e, Bi a'd' thosd. A chionn nach 'eil iad a' toirt luaidh air ainm Iehobhah.

11 Oir feuch, àithnidh an Tighearn, agus buailidh e an tigh mòr le bearnaibh, agus an tigh beag le sgoltaidhean.

12 An ruith eich air carraig? an treabhar i le daimh? oir thionndaidh sibh breitheanas gu domblas, agus toradh an ionracais gu iteodha.

13 Sibhshe a tha ri gairdeachas ann an nì a's neo-nì; a tha ag ràdh, Nach do ghabh sinn do ar n-ionnsuidh uachdaranachd le ar ncart féin?

14 Agus, feuch, dùisgidh mise suas cinn-cach 'n 'ur n-aghaidh. O thigh Israeil, tha Iehobhah Dia nan sluagh ag ràdh; agus sàruichidh iad sibh o dhòl a steach Hamait, gu ruig amhainn an fhàsaich.

CAIB. VII.

1 *Rinn Amos urraigh agus ghabh Dia aithreachas a thaobh an uile a bha e gu thoirt air Israel.* 7 *Le balla agus sreing-riaghailt nochdadh léir-sgrìos Israel.* 10 *Rinn Amasiah gearan an aghaidh Amois.* 14 *Chuir Amos 'an céill a dhreuchd.*

MAR so thaisbein an Tighearn Iehobhah dhomh-sa, agus, feuch, dheaibh e locuist ann an toiseach teachd a mios an fhàis mu dheireadh; agus, feuch, b'e sin am fas deireannach, an deigh buain an rìgh.

2 Agus tharladh 'n uair a chuir iad crìoch air itheadh luibhean na tìre, gu'n d' thubhairt mise, O Thighearna Iehobhah, maith, guidheam ort; cò a thogas suas Iacob? oir tha e ro bheag.

3 Ghabh an Tighearn aithreachas dheth so: Cha tachair so, deir an Tighearn.

4 Mar so thaisbein an Tighearn Iehobhah dhomh-sa; agus, feuch, ghairm an Tighearn Iehobhah gu breitheanas le teine, agus loisg e an doimhne mhòr: agus shluig e suas earrann.

5 An sin thubhairt mise, O Thighearna Iehobhah, sguir, guidheam ort: cò a thogas suas Iacob? oir tha e ro bheag.

6 Ghabh an Tighearn aithreachas dheth so: Cha tachair so fòs, deir an Tighearn Iehobhah.

7 Mar so thaisbein e dhomh; agus, feuch, sheas an Tighearn air balla *totha* le sreing-riaghailt, agus sreang-riaghailt 'n a làmh.

8 Agus thubhairt an Tighearn rium; Cìod a tha thu 'faicinn, Amois? Agus thubhairt mise, Sreang-riaghailt. An sin thubhairt an Tighearn, feuch, cuiridh mise sreang-riaghailt ann am meadhon mo shluaigh Israel; cha ghabh mi nì's mò seachad orra tuilleadh.

9 Agus cuirear ionadan àrda Israel fas; agus nìthear naomh-ionaid Israel 'n an làrach sgaolte, agus éiridh mise an aghaidh tighe Ieroboam leis a' chlàidheamh.

10 An sin chuir Amasiah sagart Bheteil fios gu Ieroboam rìgh Israel, ag ràdh, Dheaibh Amos foill a'd' aghaidh ann am meadhon tighe Israel: cha'n urrainn am fearann a bhriathran uile a ghiùlan.

11 Oir mar so tha Amos ag ràdh, Gheibh Ieroboam bàs leis a' chlàidheamh; agus bheirear Israel gu deimhin air falbh ann am bairghdeanas as an tìr féin.

12 Thubhairt Amasiah mar an eudna ri Amos; O fhiosaiche, falbh, teich thusa gu tìr Iudah, agus ith aran an sin, agus an sin dean faistneachd:

13 Ach na dean faistneachd nì's mò ann am Betel: oir is e sin naomh-ionad an rìgh, agus is e sin tigh na rìghachd.

14 An sin fhireagair Amos, agus thubhairt e ri Amasiah, Cha b'fhàidh mise, nì mò bu mhac fàidh mi; ach bu bhuachaill spréidhe mi agus fear-tìonail meas sicanoir:

15 Agus thug an Tighearn mi o bhi 'leant-uinn an treud; agus thubhairt an Tighearn rium, Falbh, dean faistneachd do m' phobull Israel.

16 A nis uime sin, cluinn thusa focal an Tighearna: tha thu ag ràdh, Na dean faistneachd an aghaidh Israel, agus na sil-càdh d'fhocal an aghaidh tighe Isaiaic.

17 Air an aobhar sin, mar so tha an Tighearn ag ràdh, Bithidh do bhean 'n a striop-aich anns a' bhaile, agus tuitidh do mhic agus do nigheanan leis a' chlàidheamh; agus bithidh d'fhearann air a roinn leis an t-sreing: agus gheibh thu bàs ann am fear-ann truaille, agus theid Israel gu deimhin air falbh ann am bairghdeanas, a mach à dhùthaich féin.

CAIB. VIII.

1 *Le cliabh de mheas samhraidh nochdadh gu'n robh crìoch Israel ann fagus.* 4 *Thugadh achmhasan dhoibh do bhrìgh gu'n robh iad a' toirt air bochdan an fhearainn fàilneachadh.* 11 *Bha gràdh an sluagh le dìth fhocal an Tighearna.*

MAR so thaisbein an Tighearn Iehobhah dhomh-sa; agus, feuch, cliabh de mheas samhraidh.

2 Agus thubhairt e, Cìod a tha thu 'faicinn, Amois? Agus thubhairt mise, Cliabh de mheas samhraidh. An sin thubhairt an Tighearn rium, Tha a' chrìoch air teachd air uo shluaigh-sa Israel; cha ghabh mise seachad orra nì's mò.

3 Agus bithidh drain an teampull 'n an ulartaich anns an là sin, tha an Tighearn Iehobhah ag ràdh: *bithidh* mòran de chuirp mharbha anns gach ionad: tilgidh iad gu tosdach a mach iad.

4 Cluinnibh so, O sibhse a tha 'slugadh suas an ainnis, eadhon a thoirt air bochdan an fhearainn fàilneachadh,

5 Ag ràdh, Cui'n a théid a' ghealach 'ur seachad, a chum gu'n reiceamaid sìol? agus an t-sàbaid, a chum gu'n tugamaid a mach cruithneachd? a' deanamh an ephah beag, agus an t-seceil mòr; agus a' deanamh na meighe mearachdach le ceilg:

6 A' ceannach nam bochd air son airgid, agus an fheumaich air son bhròg; a' reic fòs deireadh a' chruithneachd.

7 Mhionnaich an Tighearn air òirdheirceas Iacob, Gu deimhin cha dì-chuimhnich mi gu bràth an uile oibre

8 Nach crìohtnuich am fearann air son so? agus nach dean gach duine a tha 'chòmh-nuidh ann caoidh? agus nach éirich amhuil tuil thar an iomlan deth? nach tilgear a mach, agus nach bàthar e, mar gu'm b'ann le amhainn na h-Eiphit.

9 Agus tarlaidh air an là sin, tha an Tighearn Iehobhah ag ràdh, gu'n toir mise air a' ghréin dol fodha air inheadhion-la, agus mi mi an talamh dorcha 's an là sìoilteir.

10 Agus tionndaidhidh mi 'ur féillean gu bròn, agus 'ur n-drain uile gu tuireadh; agus bheir mi eudach-saie air na h-uile leasraibh, agus maoile air gach aon cheann, agus ni mi e mar chumba air son aoin mhic, agus a chrìoch mar là searbh.

11 Fench tha na làithean a' teachd, tha an Tighearn Iehobhah ag ràdh, 's an cuir mise gort anns an fhearann; cha-n i gort a dh'ith arain, no tart a dh'ith uisge, ach a dh'ith éisdeachd fhocal an Tighearna.

12 Agus sìubhlaidh iad o fhairge gu fairge, agus o'n àirde tuath, eadhon gus an àird an ear; rithidh iad air an ais agus air an aghaidh, a dh'iarraidh focail an Tighearna, agus cha-n fhaigh iad e.

13 Anns an là sin fannaichidh na h-òighean maiseach, agus na h-òganaich le tart.

14 Iadsan a tha 'mionnachadh air peacadh Shamaria, agus ag ràdh, Tha do dhia-sa beò, O Dhain, agus tha cuis-aoraidh Bheer-seba beò; tuitidh eadhon iadsan, agus cha-n éirich iad suas gu bràth tuilleadh.

CAIB. IX.

1 Làin-dearbhadh léir-sgrìos Israeil. 11 Togaidh Dia suas pàillinn Dhaibhidh, 14 agus bheir e air a h-ais bruid a shluaigh.

CHUNNAIC mi an Tighearn 'n a sheas-amlh air an altair; agus thubhairt e, Buail an t-àrd-dhorus, air chor as gu'n crìothnuich na h-ursannan: oir gearraidh mise 's a' cheann iad, an t-ionlan diubh; agus an sliochd marbhaidh mi leis a' chlaidheamh: an ti a theicheadh dhiubh cha téid e as; agus an ti a ghabhas an ruaig dhiubh cha tèarnar e.

2 Ged chladhaich iad gu ruig an t-ionad ìochdarach, as a sin bheir mo làmh-sa nìos iad; ged thèid iad snas gu nèamh, as a sin bheir mise nuas iad:

3 Agus ged fholuicheadh siad iad féin ann am mullach Charmeil, rannsaichidh mise, agus bheir mi mach as a sin iad; agus ged bhitheadh iad air am folach o m' shealladh ann an ìochdar na fairge, an sin bheir mi àithne do'n nathair, agus ni i an teumadh.

4 Agus ged rachadh iad gu daorsa roimh an naimhdean, an sin bheir mise àithne do'n chlaidheamh, agus marbhaidh e iad: agus leagaidh mi mo shùilean orra chum uile, agus ni h-ann a chum maith.

5 Oir is e an Tighearn Iehobhah Dia nan sluagh a bheanas ris an fhearann, agus

leaghaidh e: agus ni na h-uile a tha chòmhnuidh ann caoidh: agus éiridh e suas gu h-ionlan mar thuil, agus bàthar e, mar gu'm b' ann le amhainn na h-Eiphit.

6 Is esan a thogas 'àrd-sheòmraichean anns na nèamhan, agus a shuidhicheadh a thigh-tasgaidh air an talamh; an ti a ghairmeas air uisgeachan na fairge, agus a dhòirtas iad a mach air aghaidh na taluhamn: is e Iehobhah 'aunn.

7 Nach 'eil sibh mar chloinn nan Etiopach dhomh-sa, O chlam Israeil? tha an Tighearn ag ràdh. Nach d'thug mise Israeil á tìr na h-Eiphit: agus na Philistich á Caphtor, agus na Sirianaich á Cir?

8 Feuch, tha sùilean an Tighearn' Iehobhah air an rìoghachd chiontaich, agus sgriosaidh mise bhàrraghaidh na taluhamn i: a mha'n cha mhill mi gu tur tigh Iacoib, deir an Tighearn.

9 Oir feuch, bheir mise àithne, agus criathraidh mi tigh Israeil am measg nan uile chinneach, mar a chriathrar sìol ann an criathar, gidheadh cha tuit an sìlean a's lugha dheth air an talamh.

10 Bàsaichidh uile pheacaich mo shluaigh-sa leis a' chlaidheamh, a tha 'g ràdh, Cha bheir an t-òle oirnn, agus cha ghlac e sinn gu h-obann.

11 Anns an là sin togaidh mise suas pàillinn Dhaibhidh a tha air tuiteam, agus dhuindh mi suas a bhearnan; agus togaidh mi suas a làraichean, agus cuiridh mi suas e mar anns na làitheibh o shean:

12 A chum gu'n scalbhaich iad na mhaireas de Edom, agus na h-uile chinnich a dh'ainmichear air m' ainm-sa, deir an Tighearn a nì so.

13 Feuch tha na làithean a' teachd, tha an Tighearn ag ràdh, anns am beir an treabhaiche air a' bhunaiche, agus fear-bruthaidh nam fìon-dhearc air fear cur an t-sìl; agus silidh na sléibhteann fìon milis, agus leaghaidh na h-uile chnuic.

14 Agus bheir mise air a h-ais a ris bruid mo shluaigh Israeil, agus togaidh iad na bailtean fasa, agus ni iad an àiteachadh; agus suidhicidh iad fìon-liosan, agus òlaidh iad am fìon; ni iad fòs liosan, agus ithidh iad an toradh.

15 Agus suidhicidh mise iad 'n an fear-ann, agus cha bhi iad nìs mò air an spionadh a mos as an fhearann a thug mise dhoibh, deir an Tighearn do Dhia-sa.

O B A D I A H.

1 *Léir-sgríos Edoim, 3 air son uabhair a chridhe, 10 agus a ghuidlain a thaobh sluaigh Israeil 'n an teanntachd. 17 Saorsa agus buaidh Iacoib.*

SEALLADH Obadiah. Mar so tha an Tighearn Iehobhah ag ràdh a thaobh Edoim: Chuala sinn aithris o'n Tighearn, agus chuireadh teachdair am measg nan cinneach, *ag ràdh*, Eiribh-sa, agus éircam-aid-ne suas 'n a h-aghaidh ann an cath.

2 Feuch, rinn mise beag thu measg nan cinneach: tha thu gu mòr air do chur fo dhimeas.

3 Mheall uabhar do chridhe thu, O thusa a tha chòmhnuidh ann an sgorraibh nan creag, ann ad chòmhnuidh àrd; a tha 'g ràdh ann ad chridhe, Cò a bheir a nuas mi chum an làir?

4 Ged àrdaich thu thu féin mar an iolair, agus ged shuidhich thu do nead am measg nan reultan, as a sin bheir mise nuas thu, deir an Tighearn.

5 Ma thig meirlich a d'ionnsuidh, ma thig gaduichean anns an oidhche, (cionnus a ghearradh as thu!) nach goideadh iad gus am bitheadh gu leòr aca? nan tigeadh luchd-tional nam fion-dhearc a d'ionnsuidh, nach fagadh iad dìoghlum de na dearcan?

6 Cionnus a tha Esau air iarraidh a mach! a nithean foluichte air an rannsachadh!

7 Thug uile dhaoine do chomuinn a chum na crìche thu; na daoine a bha 'n sith riut, a dh'ith aran leat, mheall iad thu, agus bhuaidhaich iad ann ad aghaidh: leag iad rib fodhad: cha-n'eil tuigse sam bith annad.

8 Nach sgríos mise 's an là sin, tha an Tighearn ag ràdh, araon na daoine glìce mach á Edom, agus tuigse á sliabh Esau?

9 Agus claoidhear do dhaoine treuna-sa, O Themain; a chum gu'n gearrar as gach duine de shliabh Esau le h-àr.

10 Air son d' ainneirt an aghaidh do bhràthar Iacoib, ni nàire do chòmhadaich, agus bithidh tu air do ghearradh as gu bràth.

11 Anns an là 's an do sheas thu air an taobh eile, anns an là 's an d'thug na coimhich a shluagh 'am braigheanas, anns an deachaidh coigrich a steach air a gheatachan, agus anns an do thilg iad crannchur

air Ierusalem, *bha* cadhon thusa mar aon diubh.

12 Ach cha bu chòir dhuit amharc *le sòlas* air là do bhràthar, anns an là 's an d'rinn-eadh coigreach dheth: ni mò bu chòir dhuit gairdeachas a dheanamh os ceann cloinne Iudah ann an là an léir-sgríos: ni mò bu chòir dhuit labhairt gu h-uabhairreach ann an là an àmhghair.

13 Cha bu chòir dhuit dol a steach air geata mo shluaigh-sa ann an là an àmhghair; seadh, cha bu chòir dhuit amharc *le sòlas* air an teimn ann an là an airce; no làmh a chur air am maoin ann an là an àmhghair.

14 Ni mò bu chòir dhuit seasamh anns an t-slighe tharsuinn, a ghearradh as na dream a chaidh as d'a mhuinntir; ni mò bu chòir dhuit iadsan a mhair d'a chuideachd a thoirt suas ann an là na dòrainn.

15 Oir tha là an Tighearna dlùth air na h-uile chinnich: mar a rinn thusa, nithear riut: pillidh do luigheachd air do cheann féin.

16 Oir amhuil a dh'òl sibhse air mo shliabh naomh-sa, òlaidh na h-uile chinnich mu'n cuairt; seadh òlaidh, agus sluigidh iad sìos; agus bithidh iad mar nach bitheadh iad idir ann.

17 Ach air sliabh Shioin bithidh saorsa, agus bithidh naomhachd; agus sealbhaichidh tigh Iacoib an sealbh féin.

18 Agus bithidh tigh Iacoib 'n a theine, agus tigh Ioseiph 'n a lasair; agus tigh Esau 'n a asbhuaire; agus lasaidh, agus loisgidh iadsan iad; agus cha-n fhàg a h-aon beò de thigh Esau; oir labhair an Tighearn.

19 Agus gabhaidh iadsan o dheas scalbh air sliabh Esau; agus iadsan o'n chòmharnad air na Philistich; agus sealbhaichidh iad machair Ephraim, agus machair Shamaria; agus sealbhaichidh Benjamin Gilead.

20 Agus sealbhaichidh braighdean an t-sluaigh so chloinne Israeil, fearann nan Canaanach, eadhon gu Sarephat; agus sealbhaichidh braighdean Ierusalem, a tha ann an Sepharad, bailtean na h-àirde deas.

21 Agus thig fir-shaoraidh nìos air sliabh Shioin, a thoirt breith air sliabh Esau; agus bithidh an rioghachd leis an Tighearn.

I O N A H.

CAIB. I.

1 *Dh'ordurch Dia do Ionah dol gu Nìnebheh, 3 ach theich e gu Tarsis. 4 Bhac Dia e air an t-slighe le doinnn ro mhòr. 11 Thilgeadh do'n fhairege e leis na maraichean, 17 agus shluig iasg mòr suas e.*

A NIS thàinig focail an Tighearna gu Ionah mac Amitai, ag ràdh,
2 Eirich, imich gu Nìnebheh, am baile mòr sin, agus tog do ghuth 'n a aghaidh; oir tha an aingidheachd air teachd a nìos a'm lathair-sa.

3 Ach dh'èirich Ionah suas gu teicheadh do Tharsis o fhianuis an Tighearn'; agus chaidh e sìos gu Iopa; agus fhuair e long a' dol gu Tarsis, agus phàigh e 'n t-airgid-aisig, agus chaidh e sìos imte, gu dol leo gu Tarsis, o lathair an Tighearna.

4 Ach chuir an Tighearn a mach gaoth mhòr air an fhairege, agus bha onfha ro mhòr air an fhairege; ionnus gu'n do shaoil iad gu'm biodh au long air a briseadh.

5 An sin bha eagal air ua uaraichean, agus ghlaodh iad gach duine r'a dhia; agus thilg iad a mach am bathar a bha 's an luing do'n fhairege, chum a h-eutromachadh: ach chaidh Ionah sìos gu taobhan na luinge; agus luidh e, agus bha e 'u a shuain chodail.

6 An sin thàinig maighstir na luinge d'a ionnsuidh, agus thubhairt e ris, Ciod a's ciall duit, O thusa a tha a'd chodal? éirich, gairm air do Dhia; theagamh gu'n smuainich Dia oirn, a chum nach bàsaich sinn.

7 Agus thubhairt iad, gach aon r'a chom-pauach, Thigibh, agus tilgeamaid croinn, a chum gu'n aithnicheamaid cò air son a tha an t-olc so air teachd oirn. Mar sin thilg iad croinn, agus thuit au crannchur air Iouah.

8 Au sin thubhairt iad ris, Innis duinn, guidheamaid ort, ciod a b' aobhar do'n olc so teachd oirn; ciod a's dreuchd dhuit? agus cia as a thàinig thu? ciod a's dùthaich dhuit? agus cò na daoine de 'm bheil thu?

9 Agus thubhairt e riu, Is Eabhruidheach mi, agus tha eagal an Tighearna Dia nèimh orm, an Ti a riun an cuan agus an talamh tioram.

10 An sin bha na daoine fo anbharr eagal, agus thubhairt iad ris, C'ar son a rinn thu so? (oir thuing na daoine gu'n do theich e o lathair au Tighearn'; oir dh'innis e dhoibh.)

11 An sin thubhairt iad ris, Ciod a ni sinn riut, a chum gu'm bi au fhairege ciùin dhuinn? (oir bha onfha na fairege a' fàs ni bu mhò agus ni bu mhò.)

12 Agus thubhairt e riu, Togaibh suas mi, agus tilgibh a mach mi anns an fhairege;

mar sin bithidh an fhairege ciùin dhuibh-sa: oir tha fios agam gur ann air uo shon-sa tha'n doinnn mhòr so oirbh.

13 Gidheadh dh'iomair na daoine gu cruaidh, a chum pilleadh gu tìr, ach cha b'urrainn iad; oir dh'fhàs onfha na fairege ni bu mhò agus ni bu mhò 'n an aghaidh.

14 Air an aobhar sin, ghlaodh iad ris an Tighearn, agus thubhairt iad, Guidheamaid ort, O Thighearna, na leig dhuinne bàsachadh air son anama an duine so, agus ua leig oirn fuil neò-chiontach: oir rinn thusa, O Thighearna, mar a b'àill leat féin.

15 An sin ghlac iad Ionah, agus thilg iad a mach e anns an fhairege; agus sguir an fhairege d'a boile.

16 An sin bha eagal an Tighearna gu ro mhòr air na daoibh, agus dh'ìobair iad ìobairt do'u Tighearn, agus thug iad bòid-ean.

17 A nis dh'ulluich an Tighearn iasg mòr chum Ionah a shlugadh suas; agus bha Ionah ann am broinn an éisg tri làithean agus tri oidhchean.

CAIB II.

1 *Urnuigh agus breth-buidheachais Ionah.*

10 *Thilg an t-iasg Ionah a mach air talamh tioram.*

A N sin rinn Ionah urnuigh ris an Tighearn a Dhia, á broinn an éisg,

2 Agus thubhairt e; Ghlaodh mi a thaobh m' àmhghair ris an Tighearn, agus dh'èisd e rium; á broinn na h-uaghe ghlaodh mi; dhuala tusa mo ghuth.

3 Oir thilg thu mi 's an doinnhne, ann am meadhon na fairege; agus dh'iadh na tuittean mu 'm thimchioll; chaidh do shumainnean agus do thonnan-sa uile thairis orm.

4 An sin thubhairt mi, Tha mi air mo thilgeadh a mach á fradharc do shùl; gidheadh seallaidh mi a ris ri do theampull naomh.

5 Dh'iadh na h-uisgeachan mu 'm thimchioll, eadhon gu ruig an t-anam: chòmhdaich an doimhne mi mu'n cuairt; bha mo cheann air a ribeadh anns an fheamainn.

6 Chaidh mi sìos gu h-ìochdar nan stèibhteann; dhruid an talamh a croinn gu bràth orm: gidheadh thug thusa a nìos as an t-slochd mo bheatha, O Thighearna mo Dhia.

7 'N uair a dh'fhannaich m'anam an taobh a stigh dhiom, chuimhnich mi air an Tighearn; agus thàinig m' urnuigh a d'ionnsuidh, gu d' theampull naomh.

8 Iadsan a tha 'leantunn air dìomhanasan breugach, tha iad a' tréigsinn an tròcair féin.

9 Ach ìobraidh mise dhuitse le guth

buidheachais; iocaidh mí an ní sin a bhé-
ich mi; is ann do'n Tighearn a blúineas
sláinte.

10 Agus labhair an Tighearn ris an iasg,
agus thilg e mach Ionah air an talamh
thioram.

CAIB. III.

1 *Chuireadh Ionah a ris a dh'ionnsuidh Níne-
bheh, agus labhair e riu anns na briathraibh a
dh'aithn Dia dha. 5 Ghabh muinntir Níne-
bheh aithreachas, 10 agus phill Dia o 'dhian-
chorruich 'n an aghaidh.*

A GUS thàinig focal an Tighearna gu
Ionah an dara uair, ag ràdh,

2 Eirich, imich gu Nínebheh, am baile mòr
sin, agus labhair ris anns na briathraibh a
dh'aithneas mise dhuit.

3 Agus dh'éirich Ionah, agus chaidh e gu
Nínebheh, a réir focail an Tighearna. (A
nis bu bhaile ro mhòr Nínebheh, astar thri
làithean.)

4 Agus thòisich Ionah air dol troimh an
bhaile, astar aoin là; agus ghlaodh e, agus
thubhairt e, Fathas dà fhichead là, agus
sgriosar Nínebheh.

5 Agus chreid muinntir Nínebheh Dia,
agus dh'éigh iad trasg, agus chuir iad umpa
eudach-saie, o'n aon a bu mhò dhiubh gus an
aon a bu lugha.

6 Oir thàinig an sgeul gu rìgh Nínebheh;
agus dh'éirich e o a rìgh-chaithir, agus
chuir e 'fhaluinn uaith, agus chòmhdaich
se e féin le eudach-saie, agus shuidh e ann
an luathre.

7 Agus thug e fainear a ghlaodhach agus
a chur 'an céill feadh Nínebheh, (le ordugh
an rìgh agus 'uaislean,) ag ràdh; Na blais-
eadh duine no beathach, buar no treud,
aon ni; na h-ionaltradh iad, agus na h-òladh
iad uisge.

8 Ach bitheadh duine agus ainmhidh air
an còmhdachadh le eudach-saie, agus
glaodhadh iad gu treun ri Dia: seadh, pill-
eadh iad gach aon o 'dhroch shlighe, agus
o'n fhòirneart a tha 'n an làmhhan.

9 Cò aig am bheil fios nach pill Dia, agus
nach gabh e aithreachas, agus nach pill e o
'dhian-chorruich; air chor as nach bàsaich
sinu?

10 Agus chunnaic Dia an oibre, gu'n do
phill iad o'n droch shlighe; agus ghabh Dia
aithreachas mu'n òle a thubhairt e gu'n
deanadh e orra, agus cha d'rinn se e.

CAIB. IV.

1 *Pha fearg mhòr air Ionah do bhrìgh gu'n do
nochd Dia tròcair do Nínebheh. 4 Chron-
aicheadh e le samhladh luibh-sgàile.*

A GUS mhi-thaitinn sin ri Ionah gu ro
mhòr, agus bha fearg mhòr air.

2 Agus ghuidh e ris an Tighearn, agus
thubhairt e, Guidheam ort, O Thighearna,
nach dubhairt mise so, 'n uair a bha mi
fathas ann am dhùthaich féin? Uime sin
theich mi roimhe so gu Tarsis: oir bha fios
agam gur Dia gràsmhor thusa, agus tròcair-
each, mall a chum feirge, agus pailt ann an
iochd, agus gu'n gabh thu aithreachas mu òle.

3 Uime sin a nis, O Thighearna, buin,
guidheam ort, m'anam uam; oir is fearr
dhomh bhì marbh na beò.

4 'An sin thubhairt an Tighearn, Am maith
a thig dhuit fearg a bhì ort?

5 A nis bha Ionah air dol a mach as a'
bhaile, agus shuidh e air an taobh an ear
de'n bhaile, agus an sin rinn e dha féin
bothan, agus shuidh e foidhe 's an dubhar,
gus am faiceadh e ciod a thachradh do'n
bhaile.

6 Agus dh'ulluich an Tighearn Dia luibh-
sgàile, agus dh'fhàs i suas os ceann Ionah,
a chum gu'm bitheadh i mar sgàile thar a
cheann, g'a shaoradh o 'dhoilghios. Agus
bha Ionah ro ait air son na luibh-sgàile.

7 Ach dh'ulluich Dia cnuimh an uair a
dh'éirich a' mhaduinn air an ath là, agus
bhual i an luibh-sgàile, agus shearg i.

8 Agus tharladh 'n uair a dh'éirich a
ghriau, gu'n do dheasaich Dia gaoth theath
o'n ear; agus bhual i 'g ghrian air ceann
Ionah, ionnus gu'n d'fhannuich e, agus
ghuidh e ann féin bàs fhaotainn, agus thubh-
airt e, Is fearr dhomh bhì marbh na beò.

9 Agus thubhairt Dia ri Ionah, An ceart
dhuit do chorruich a bhì air lasadh air son
na luibh-sgàile? Agus thubhairt esan, Is
ceart domh a bhì ann an corruich gu bàs.

10 An sin thubhairt an Tighearn, chaomh-
aineadh tusa an luibh-sgàile, air son nach
do shaothraich thu, ni mò 'thug thu oirre
fàs, a dh'fhàs suas ann an oidhche, agus a
chaidh seachad ann an oidhche.

11 Agus nach caomhanainn-sa Nínebheh,
am baile mòr sin, anns am bheil tuilleadh
agus sè fichead mìle pearsa, do nach aithne
an làmh dheas seach an làmh chli; agus
mòran spréidhe;

M I C A H.

CAIB. I.

1 *An t-àm's an t-rìmh Micah fàidheadaireachd.*
2 *Nochd e fear Dhe an aghaidh Israeil agus Iudah air son an iòdol-uoraidh.* 10 *Caoidh an fhàidh.*

FOCAL an Tighearn, a thàinig gu Micalh an Morastach, ann an làithibh Iotaim, Ahais, agus Hecseiah, rìghrean Iudah; a chummaic e a thaobh Shamaria agus Ierusalem.

2 Eisdibh, O shlàigh, an t-ìomlan dibh: thoir fainear, O thalaimh, agus na h-uile a tha ann; agus biodh an Tighearn Iehobhah 'n a fhianuis 'n ur n-aghaidh, an Tighearn á theampull naomh.

3 Oir feuch, thig an Tighearn a mach as àite; agus thig e nuas, agus saltraidh e air ionadaibh àrda na talmhainn.

4 Agus leaghar na sléibhteann foidhe, agus sgoiltear na glinn: mar chéir fa chomhair an teine, mar uisgeachan a dhòirtear thar bruaich chorraich.

5 Air son eusaontais Iacoib tha so uile, agus air son lochdan tìghe Israeil. Ciod e eusaontas Iacoib? Nach e Samaria? agus ciod iad ionadan àrda Iudah? nach iad sin a tha 'an Ierusalem?

6 Uime sin ni mise Samaria 'n a carn 's a' mhachair, 'n a h-àit air son suidheachaidh fhoirneart; agus taomaidh mi sìos a clachan do'n ghleann, agus leigidh mi ris a bunait-eann.

7 Agus brisear a dealbhan snaighte gu léir 'n am bloighdibh, agus loisgear a tuar-sadal gu léir le teine, agus an t-ìomlan d'a h-ìodholaibh leigidh mise sìos 'n an làraich: oir de thuarasdal striopaich chruinnich i a h-ionmhais; agus do thuarasdal striopaich pillidh iad.

8 Air an aobhar sin ni mise caoidh agus àrd-ghul; sìubhlaidh mi ruisgte agus lom-nochd: ni mi caoidh mar na dragoin, agus cumha mar nigheanan na caillich-oidhehe.

9 Oir tha a creuchd do-leigheas, oir thàinig i gu Iudah; thàinig i gu geata mo shluaigh-sa, gu Ierusalem.

10 Na cuiribh 'an céill e ann an Gat; na guilb air aon chor; ann an tigh Aphrah dean thu féin aonagair 's an luathre.

11 Imich air falbh, a bhean-àiteachaidh Shaphir, le d' nàire air a leigeadh ris: cha deachaidh luchd-àiteachaidh Shanain a mach gu tuireadh: O Bhetescil, gheibh e uaibhse àite-seasaimh.

12 Gu dearbh tha bean-àiteachaidh Mharoit a' feitheamh air son maith; gu dearbh thàinig olc a nuas o'n Tighearn gu geata Ierusalem.

13 Ceangail an carbad ris an each luath,

O thusa 'tha 'g àiteachadh Iachcis. B' ise 'bu toiseach pccaidh do nighean Shioin: oir annad-sa fhuair eadh eusaontais Israeil. 14 Uime sin bheir thu tìodhlacan do Mhor-eset-Gat: bithidh tìghean Achsib 'n am mealladh do rìghrìbh Israeil.

15 Agus bheir mise oighre a d' ionnsuidh-sa, O bhean-àiteachaidh Mharezah; thig e gu Adulam, glòir Israeil.

16 Dean thu féin maol, agus dean do bhearradh air son do chloinne àillidh; sgaoil, mar an iolair, do mhaoile; oir dh'fhalbh iad uait 'am braidhdeanas.

CAIB. II.

1 *Breitheanas an Tighearn' an aghaidh luchd-fòirneirt.* 4 *Tuireadh air son atharrachaidh an t-sluaigh.* 7 *Thugadh achmhasan doibh air son an aingidheachd.*

IS truagh dhoibhsan a tha 'dealbha aingidheachd, agus a' cur 'an gnìomh uile air an leapaichibh; an uair a shoillsicheas a' mhaduinn tha iad 'g a dheanann, a chiomn gu bheil e 'n comas an làimhe.

2 Agus tha iad a' sanntachadh mhachraichean, agus 'g an glacadh le fòirneart, agus thighean, agus tha iad 'g an toirt air falbh: mar sin tha iad a' sàruchadh duine agus a thighe; duine mhòir agus 'oighreachd.

3 Air an aobhar sin, mar so tha an Tighearn ag ràdh; Feuch, an aghaidh an Teaghlach so tha mise a' dealbh uile, o nach buin sibh air falbh bhuir muineil, ni mò dh'imicheas sibh gu h-uabhbheach: oir is aimsir olc so.

4 Anns an là sin tègar cosamhlachd 'n ur n-aghaidh, agus nithear tuireadh le cunha brònach, ag ràdh; Tha sinn gu tur air ar creachadh; dh'atharraich e cuibhriom mo shluaigh: cionnus a dh'atharraich e uam e? roinn e ar machraichean, a shaoil sinn a bhitheadh air an aiseag dhuinn féin.

5 Gu dearbh cha bhi aon neach agad a shìneas a mac sreang le crannchur ann an còimhthional an Tighearn.

6 Na deanaihb-sa fàistneachd, O sibhse 'tha ri fàistneachd: cha dean iad fàistneachd dhoibh; cha toir esan air falbh am masladh.

7 Am bheil tigh Iacoib ag ràdh, Am bheil Spiorad an Tighearn air a chumhannachadh? an iad so a ghlìomharan? nach 'eil mi bhriathran-sa a' deanann maith do'n neach a ghluaisas gu h-ionraic?

8 Ach a' chian fada dh'éirich mo shluagh suas mar nàmhaid: tha sibh a' spionadh na falluinn, maille ris an trusan, o'n mhuinntir a tha 'g imeachd seachad gu tèaruainte, mar dhaoine gun spéis de chogadh.

9 Muathan mo phobuill thilg sibh a mach o'n tighibh taitneach; o'n cloinn thug sibh air falbh mo ghlòir gu bràth.

10 Eiribh, agus imichibh, oir cha-n i so b'ur còmhnuidh: a chionn gu bheil e air a shalachadh, sgriosar e; agus bithidh an sgrios mòr.

11 Ma ni duine sam bith, ag imeachd ann an spiorad bréige agus ceilg, faistneachd dhuit air son fiona agus air son dibhe làidir, bithidh eadhon esan 'n a fhàidh do'n t-sluagh so.

12 Cruinnichidh mi gu cinnteach, O Iacoib, an t-ìomlan diotsa: cruinnichidh mi gu cinnteach iarmad Israeil; cuiridh mi iad ri'chéile mar chaoraich Bhosrah, mar threud ann am meadhon an crò: ni iad farum mòr le lìonmhoireachd dhaoine.

13 Thàinig am fear-brisidh a nìos rompa: bhris iad an geata, agus chaidh iad troimhe; agus chaidh iad a mach d'a thrìd; agus siùbh-laidh an rìgh air an toiseach, eadhon an Tighearn air an ceann.

CAIB. III.

1 Chronaicheadh na prìonnsachan air son am fòirneir, 5 agus na fàidhean air son an cealg-aireachd. 11 Aingidheachd nan ceannardan, nan sagart, agus nam fàidhean.

AGUS thubhairt mi, Eisdibh, guidheam oirbh, O cheannarda Iacoib, agus a phrionnsacha tighe Israeil; nach buin duibhse fios a bhi agaibh ciod a tha ceart?

2 Sibhse 'tha 'fuathachadh a' mhaithi, agus a' gràdhachadh an uile; a tha 'spionadh dhiubh an croicinn, agus am feòla bhàrr an cnàmh:

3 A tha fòs ag itheadh feòla mo shluaighsa, agus a' fionnadh dhiubh an croicinn, agus a' briseadh an cnàmh, agus 'g an gearradh 'n am bloighdibh, mar fheoil air son na poite, agus mar bhìadh ann am meadhon a' choire.

4 An sin glaothaidh iad ris an Tighearn, ach cha chluinn e iad: folaichidh e fòs a ghnèis uatha 's an àm sin, mar a ghiùlain siad iad féin gu h-olc 'n an gnìomharaibh.

5 Mar so tha an Tighearn ag ràdh mu thimchioll nam fàidhean a tha 'toirt air mo shluagh-sa dol air seacharan, a tha 'teumadh le 'm faclaibh, agus a' glaothach, Sìth: ach air son an ti nach cuir 'n am beul, tha iad ag ullachadh cogaidh 'n a aghaidh.

6 Air an aobhar sin thig oidheche oirbh, air chor as nach faic sibh sealladh; agus thig dorchadas oirbh, air chor as nach dean sibh faistneachd; agus théid a' ghrian sìos air na fàidhean, agus b'èidh an là os an ceann dorchas.

7 An sin bithidh nàire air na fiosaichean, agus amhladh air na fàidhean; seadh, còmhdaichidh iad uile am beul, oir cha-n'eil freagradh air bith o Dhia.

8 Àch gu deimhin tha mise làn de chumhachd, de spiorad an Tighearn, agus de

blireitheanas, agus de neart; a leigcadh ris 'eusaontais do Iacob, agus a pheacaidh do Israel.

9 Cluinibh so, guidheam oirbh, a cheannarda tighe Iacoib, agus a luchd-stiùraidh tighe Israeil; sibhse aig am bheil fuath do bhreitheanas, agus a tha 'fiaradh gach uile cheartaiss:

10 A tha a' togail Shìoin suas le fuil, agus Ierusalem le dò-bheart.

11 Tha an ceannardan a' toirt breth air son duaise, agus an sagartan a' teagasg air son tuarasdail, agus am fàidhean a' faistneachd air son airgid; gidheadh leigidh iad an taic air an Tighearn, ag ràdh, Nach 'eil an Tighearn 'n ar meadhon? cha tig aon ole oirn.

12 Uime sin, air b'ur son-sa bithidh Sion air a treabhadh mar mhachair, agus bithidh Ierusalem 'n a carnaibh; agus sliabh an tighe mar ionadaibh àrda na frìthe.

CAIB. IV.

1 Daingneachadh rìoghachd Chriosd; 3 bithidh a rìoghachd sìochail. 6 Buaidh na h-Eaglais.

ACH tarlaidh anns na làithibh deireannach gu'm bi sliabh tighe an Tighearn' air a dhaingneachadh airmullach nan sliabh, agus àrdaichear e os ceann nam bean; agus sruthaidh na slòigh d'a ionnsuidh.

2 Agus théid mòran cinneach, agus their iad, Thigibh, agus rachamaid suas gu sliabh an Tighearna, agus gu tigh Dhé Iacoib; agus teagaisgidh e dhuinn m'a shlighibh, agus gluaisidh sinne 'n a cheumaibh: oir á Sion théid an lagh a mach, agus focal an Tighearn' á Ierusalem.

3 Agus bheir e breth am measg mhòran shluagh, agus bheir e achmhasan do chinnich làidir fad as; agus buailidh iad an claidhean gu coltair, agus an sleaghan gu corranaih-sgathaidh: cha tog cinneach claidheamh an aghaidh cinnich, agus cha-u fhòghluim iad cogadh ni's mò.

4 Àch suidhidh iad, gach duine fo 'fhìon-ain, agus fo 'chlann-fìge féin, agus cha chuir aon neach eagal orra: oir beul Iehobhah Dhia nan sluagh labhair e.

5 Oir gluaisidh na h-uile shluagh, gach aon ann an ainm a dhé féin; ach gluaisidh sinne ann an ainm Iehobhah ar Dé-ne, gu saoghal nan saoghal.

6 Anns an là sin, tha an Tighearn ag ràdh, cruinnichidh mi ise 'tha bacach, agus tionaidh mi ise 'tha air a fògradh a mach, agus ise a chuir mi fo àmhghar.

7 Agus ni mi ise 'bha bacach 'n a h-iarmad, agus ise 'bha air a tilgeadh air falbh, 'n a cinneach làidir; agus riaghlaidh an Tighearn os an ceann ann an sliabh Shìoin, o so a mach, eadhon gu sìorruidh.

8 Agus thusa, O thùir an treud, a dhaingnich làidir nighinn Shìoin, thig d' àm-sa; agus pillidh an t-sean uachdaranachd, an rìoghachd, gu nighinn Ierusalem.

9 A nis c'ar son a tha thu 'gladhaich gu h-àrd? an bheil rìgh air bith annad? an do bhàsaich d'fhear-comhairle? oir ghlac ioghannau thu, mar mhnai ri saothair.

10 Bi ann an saothair, agus beir, O nigh-eau Shioiu, mar mhnai ri saothair: oir a nis thèid thu nach as a' chaithir, agus gabhaidh tu còmhnuidh anns a' mhachair, agus thèid thu *eadhon* gu Babilon: an sin saorar thu; an sin fuasglaidh an Tighearn thu à làimh do naimhdean.

11 A uis fòs tha mòran chinneach air cruinncachadh a'd' aghaidh, a tha 'g ràdh, Bitheadh i air a truailleadh, agus faicheadh ar sùil ar miann air Sion.

12 Ach cha-u aithne dhoibh so smuaintean an Tighearna, ni mò thuigeas iad a chomhairle: oir ni e an cruinncachadh mar na sgaban a chum au urlair.

13 Eirich agus buail au t-arbhar, O nigh-eau Shioiu; oir ni mise d' adharc 'n a h-iarum, agus d'ionnannan 'n an umha; agus buailidh tu 'n an bloighdibh mòran chiuneach; agus coisrigidh tu an ionnhas do'n Tighearn; agus am maoin do Thriath na taluhainn uile.

CAIB. V.

1 *Fàidheadhaireachd nu ùimchioll Chriosd: 4 a rìoghachd ghloirmhor: 8 Bheir e buaidh air a naimhduibh.*

A NIS cruinnich thu fèin ann am buidh-nibh, O uigheau bhuidhnean: chuairtich iad le feachd sinn; bhuail iad le slait air a' ghial breitheamh Israel.

2 Agus thusa, a Bhetlehem-Ephratah, *ged* tha thu beag am measg mhiltean Iudah; *gidheadh* asad thig a mach a m' ionnsuidhsa neach a bhitheas 'n a uachdaran air Israel; aig an robh a dhol a mach o shean, o làithibh ua siorruidheachd.

3 Air an aobhar sin bheir e thairis iad, gus an t-am anns an toir ise, a tha gu leanabh a bhreth, dhachaidh clann; agus gus an iompaichear fuigheall am bràithrean, maille ri macaibh Israel.

4 Agus seasaidh e, agus ionaltraidh e a *thrud* ann an neart an Tighearna; anu am mòrachd ainme an Tighearn' a Dhia; agus bithidh iadsan air an iompachadh: oir a uis bithidh esau mòr gu ruig crìochan na talmhainn.

5 Agus bithidh esan 'n a shìth. 'N uair a thig an t-Asirianach d'ar tìr, agus a shaltras e 'n ar lùchairtibh, an sin togaidh sinn 'n a aghaidh seachd buachaillean, agus ochd cinn-fheadhna sluagh.

6 Agus cuiridh iad fearann Asiria fàs leis a' chlàidheamh, eadhon fearann Niuroid 'n a dhol a steach: mar so saoraidh iad sinn o'n Asirianach 'n uair a thig e chum ar fearainn, agus 'n uair a shaltras e an taobh a stigh d'ar crìochan.

7 Agus bithidh fuigheall Iacoib am measg mhòran shluagh, mar an drùchd o'n Tigh-

earn, mar na frasan air an fheur nach feith ri duine, agus nach fan ri macaibh dhaoine.

8 Agus bithidh fuigheall Iacoib am measg nan cinneach, 'am meadhon mhòran shluagh, mar leòmhain am measg bheathaichean na frìthe, mar chuirean leòmhain 'am measg nan treud chaorach: e sin, ma thèid e roimhe, araon saltraidh sìos, agus reubaidh, agus cha tèarainn aon neach.

9 Togar do làmh suas os ceann do naimhdean, agus bithidh d' eascairdean gu léir air an gearradh as.

10 Agus tarlaidh anns an là sin, tha an Tighearn ag ràdh, gu'n gearr mise do chuid each a mach as do mheadhon, agus sgriosaidh mi do charbaid.

11 Agus gearraidh mi as bailtean d'fhearainn, agus tilgidh mi sìos d' uile dhaingnichean.

12 Agus gearraidh mi na druidhean a mach as do mheadhon; agus cha bhi fiosaichean air bith agad.

13 Do dhealbhan snaighte mar an ceudna gearraidh mi as, agus do dhealbhan seasmhach a mach as do mheadhon; agus cha toir thu nìs mò aoradh do obair do làmh.

14 Agus spìonaidh mi nìs do dhoireachan as do mheadhon: sgriosaidh mi fòs do naimhdean:

15 Agus ni mi dìoghaltas, ann am feirg agus ann an corruich, air na cinnich, ionnus nach cual iad a *leithid*.

CAIB. VI.

1 *Bha comhstri aig an Tighearn 'n a shluagh air son am mi-thaingeachd, 13 Thuge achunnas an dhoibh air son an aingidheachd, 16 agus air son an iodhol-aoraidh.*

E ISIDIBHSE nis ciod a tha an Tighearn ag ràdh; Eirich, tagair fa chomhair nam beann, agus chluinneadh ua enuic do ghuth.

2 Eisidibh-sa, O shlèibhte, còmhstri an Tighearna; agus sibhse, a bhunaite fuidir na taluhainn: oir tha còmhstri aig an Tighearn 'n a shluagh, agus tagraidh e ri Israel.

3 O mo shluagh, ciod a rinn mise ort? agus ciod auns an do sgithich mi thu? tog fianuis a'm' aghaidh.

4 Oir thug mi nìs thu à tìr na h-Eiphit, agus à tigh nan tràillean shaor mi thu; agus chuir mi romhad Maois, Aarou, agus Miriam.

5 O mo shluagh, cuimhnich a nis ciod a' chomhairle a ghabh Balac rìgh Mhoab; agus ciod am freagradh a thug Balaam mac Bhcoir dha, o Shitim gu Gilgal; a chum gu'n ùithnich sibh fircantachd an Tighearna.

6 Ciod leis an tig mi ann am fianuis an Tighearna; leis an strìochd mi mi fèin an lathair an Dia a's àirde? an tig mi 'n a fhianuis le ìobairtibh-loisgte; le laoiigh a bhitheas bliadhna dh'aois?

7 Am bi an Tighearn toilichte le mìltibh de reitheachaibh, le deich mìltibh de shruthaibh olaidh? an toir mi mo cheud-ghin *air son* mo chionta; toradh mo chuirp *air son* cionta m'anama?

8 Dh'fheuch e dhuit, O dhuine, ciod a tha maith; agus ciod a tha an Tighearn ag iarraidh ort; ach ceartas a dheanamh, tròcair a ghràdhachadh, agus gluasad gu h-iriosal maille ri d' Dhia.

9 Tha guth an Tighearna 'gladhach ris a' bhaile, agus bheir an duine glic faineir d'ainm: éisdibh-sa an t-slat, agus an Ti a dh'orduich i.

10 Am bheil fathasd ionmhasan na h-aingidheachd ann an tigh an droch dhuine; agus an tomhas gann a tha gràineil?

11 Am meas mise glan i leis na meighibh eucorach, agus le màla nan cothrom cealgach?

12 Aig am bheil a daoine beartach làn ainneirt; agus labhair a luchd-àiteachaidh breugan; agus tha an teangadh cealgach 'n am beul.

13 Uime sin tionsgnaidh mise air do bhualadh, air do dheanamh fàs air son do lochdan.

14 Ithidh tu, ach cha sàsuichear thu; agus bithidh do leagadh ann ad mheadhon; agus gabhaidh tu greim, ach cha ghléidh thu: agus an nì sin a ghléidheas tu, bheir mise do'n chlàidheamh.

15 Cuiridh tu, ach cha bhuain thu: bruthaidh tu *meas* a' chroinn-olaidh, ach cha-n ung thu thu féin le h-olaidh; agus dearcann an fhìon-nuaidh, ach cha-n òl thu fìon.

16 Oir choimhid thu reachdan Omri, agus uile oibre tighe Ahaib; agus tha sibh ag imeachd 'n an comhairlibh; a chum gu'n deanainn-sa 'n a h-ionad fàs i, agus a luchd-àiteachaidh 'n an sgeig; agus gu'n giùlain sibhse masladh mo shluaigh-sa.

CAIB. VII.

1 *Chuir an Eaglais a nuighean ann an Dia.*

8 *Rinn i gairdeachas 'n a dòchas ri saorsa.*

11 *Thug Dia misneach dhi le bli 'gealltuinn gu'n smachdaicheadh e a naimhdean.* 18 *Tròcairean Dhé do thaobh a shluaigh.*

MO thruaighe mise! oir dh'fhàs mi mar luchd-tionail a' mheas shamhraidh; mar luchd-dioghlum an fhìon-fhogharaidh: cha-n'eil aon bhagaide r'a h-ìtheadh: tha m'anam ag iarraidh a' cheud thoraidh.

2 Bhàsaich an t-ionracan as an fhicarran, agus cha-n'eil neach treibhdhìreach ann measg dhaoine: tha iad uile a' gabhail fath air son fola: tha iad, gach aon, a' scalg a bhràthar le fion.

3 A chum gu'n dean iad òle le uile dhì-chìoll an làmh; tha am prionnsa agus am breitheamh ag iarraidh duaise: agus tha an duine mòr a' foillsachadh a dhroch chograidh: mar sin tha iad 'g a phasgadh suas.

4 Tha an tì a's fearr dhiubh mar dl'ris; tha an tì a's ionraice 'n am measg mar phris dhroighinn: *is e so* là do luchd-faire; tha do smachdaichadh air teachd; a nis bithidh iad ann an imcheist.

5 Na h-earbaibh á caraid; na cuiribh muinighin ann am fear-ùil: o'n té a luidheas ann ad uchd gléidh dorsan do bheoil.

6 Oir tha am mac a' toirt eas-oinoir do'n athair; tha an nighean ag éirigh suas an aghaidh a màthar, bean a' mhic an aghaidh a màthar-chéile: is iad naimhdean duine muinntir a thighe féin.

7 Ach scallaidh mise ris an Tighearn: bithidh modhòchas ann an Dia mo shlàinte: éisdidh mi Dhia rium.

8 Na dean gairdeachas a'm' aghaidh, O mo nàmhaid; ged thuit mi, éiridh mi; ged shuidh mi ann an dorchadas, bithidh an Tighearn 'n a sholus dhomh.

9 Giùlainidh mi corruich an Tighearn', a chionn gu'n do pheacaich mi 'n a aghaidh; gus an tagair e mo chùis, agus an toir e breth air mo shon: bheir e mach mi chum an t-soluis; chi mi 'fhàireantachd.

10 Agus chi mi nàmhaid sin, agus còmh-daichidh nàire ise 'thubhairt rium, C' àit am bheil an Tighearn do Dhia? chi do shùilean *am miann* oirre; a nis saltrar sìos i mar chlàbar nan sràid.

11 Anns an là 's am bi do bhallachan air an togail, anns an là sin cuirear 'am fad uait an t-ordugh.

12 Anns an là sin fòs thig iad a d'ionnsuidh o Asiria, agus o na bailtibh daingnichte; agus o'n daingneach eadhon gusan amhainn; agus o fhainge gu fairege, agus o shliabh gu shliabh.

13 Gidheadh bithidh an talamh 'n a fhàsach, air son a luchd-àiteachaidh, air son toraidh an deanadais.

14 Beathaich do shluagh le d' luig, treud d' oighreachd, a tha 'gabhail còmhnuidh gu h-uaigneach 's an fhrith; ann am meadhon Charmeil ionaltradh iad, ann am Basan agus 'an Gilead, mar anns na làithibh o shean.

15 Mar anns na làithibh 's an d' thàinig iad a mach à tìr na h-Eiphit, nochdaidh mise dhoibh nithean mìorbhuileach.

16 Chi na cinnich, agus bithidh iad fo amhluidh air son an uile chumhachd: cuiridh iad *an làmh* air am beul, bithidh an cluasan bodhar.

17 Imlichidh iad an duslach mar nathair; gluaisidh iad a mach as an tuill mar chnuimhean na talmhainn: bithidh eagall orra roimh an Tighearn ar Dia-ne, agus bithidh iad fo gheilt air do shon-sa.

18 Cò a's Dia ann cosmhuil riutsa, a nàitheas aingidheachd, agus a ghabhas seachad air eusaontas iarmaid 'oighreachd? cha ghléidh e a chorruich gu sìorruidh a chionn gur toigh leis tròcair.

19 Pillidh e a rìs, gabhaidh e truas dinn: cùmhaichidh e ar n-eusaontais: seadh, tìlgidh tu an uile lochdan ann an doimhneachdaibh na fairge.

20 Coimhlionaidh tu an fhàirinn do Jacob, agus an trècair do Abraham, a mhìonnaich thu do ar n-aithrichibh o na làithibh o shean.

N A H U M.

CAIB. I.

Mòrachd an Tighearna. 7 Bithidh e 'n a daingneach làidir dhoibh-san a chuireas an dòchas ann; 8 ach bheir e crìoch ionlan air a naimhdeibh.

AN fhàistneachd mu thimchioll Ninebheh. Leabhar seallaidh Nahuim an Elcosich.

2 Tha Dia eudmhor, agus ni an Tighearn dìoghaltas; ni an Tighearn dìoghaltas, agus tha e ann am feirg; ni an Tighearn dìoghaltas air 'eascairidibh; agus taisgidh e corruich air son a naimhdean.

3 Tha 'n Tighearn mall a chum feirge, agus mòr ann an cumhachd, agus cha saor an Tighearn air chor air bith an t-aingidh. Anns a' chùirt-ghaoith agus anns an doininn tha a shlighe, agus is iad na neoil luaithe a chos.

4 Bheir e achmhasan do'n fhaire, agus ni e tioram i; agus tiormaichidh e suas na h-aimhnichean uile: shearg Bàsan agus Carmel; agus tha blàth Lebanoin air crìonadh.

5 Crìothnaichidh na sléibhtean roimhe-san, agus leaghaidh na cuic; agus tha an talamh air a losgadh suas 'n a làthair; an saoghal, agus 'uile luchd-àiteachaidh.

6 Cò a's urrainn seasamh roimh 'fhearg-san? agus cò 'dh'fheudas fuireach ann an dian-theas a chorroich? tha a chorroich air a dòrtadh a mach mar theinc, agus tha na creagan air an tilgeadh sìos leis.

7 Is maith an Tighearn, is daingneach làidir e ann an là na h-àirce, agus is aithne dha iadsan a tha 'cur an dòchais ann.

8 Ach le tuil a' ruith thairis bheir e crìoch ionlan air an dream a dh'èireas 'n a aghaidh; agus ruaigidh dorchadas a naimhdean.

9 Cìod a tha sibh a' smuaineachadh an aghaidh an Tighearna? ni e crìoch ionlan; cha-n èirich àmhghar suas an dara uair.

10 Oir am feadh a tha iad air am filleadh 's a' chéile mar sgèitheach; agus mar gu'm b' ann air mhig le 'm fion, caithear iad mar asbhuan làn thioram.

11 Asad-sa chaidh aon a mach a dhealbhadh an aghaidh an Tighearna; droch fhear-comhairle.

12 Mar so tha an Tighearn ag ràdh, Ged tha iad sàmhach, agus fòs lìonmhor, gith-eadh gearrar as iad, agus sìubhlaidh iad air

falbh. Ge do rinn mi thusa chlaoidh, cha chlaoidh mi thu ni's mò.

13 Oir a uis brisidh mi a chuing-san dhìot, agus sgaoilidh mi as a chéile do chuibhrichean.

14 Agus thug an Tighearn àithne mu d' thimchioll, nach froiscar a mach d' ainm ni's mò. A mach á tigh do dhiathan gearraidh mise an iomhaigh shnaighte, agus an iomhaigh leaghta; orduichidh mi d' uaigh, oir dh'fhàs thu gràineil.

15 Feuch air na sléibhtibh cosan an tì a tha 'toirt deadh sgeoil leis, a tha 'craobh-sgaoileadh sìthe: O Iudah, gléidh d' àrd-fhéilean; coimhlion do bhòidean: oir cha sìubhail an t-aingidh ni's mò tromhad; tha e gu tur air a ghearradh as.

CAIB. II.

1 Aisigidh Dia òirdheirceas Iacoib a rìs; 8 agus bheir e armaichean mòra an aghaidh Ninebheh chum a fàsachadh gu tur.

THA esan a phronnas ann am bloighdibh air teachd a nìs fa d' chomhair; gléidh an daingneach, cuir faire air an t-slighe, dean do leasraidh làidir, neartaich gu treun do chumhachd.

2 Oir aisigidh an Tighearn a rìs òirdheirceas Iacoib, mar òirdheirceas Israeil: oir mhill an luchd-millidh iad, agus sgrios iad an geugan.

3 Rinneadh sgiath a dhaoine cumhachdach dearg, tha na gaisgich ann an sgarlaid: bithidh na carbadan mar leusaibh lasarach ann an là 'ulluchaidh; agus crathar gu h-uamhasach na sleaghan giubhais.

4 Bithidh na carbadan air bhoile anns na sràidibh, buailidh iad an aghaidh a chéile anns na h-ionadaibh farsuinn: bithidh an dreach mar leusaibh, ruithidh iad mar dhealanaich.

5 Ni e àireamh air a dhaoine treuna a rìs: leagaidh iad a sìos 'n an imeachd: ni iad deifir a chum a bhalla, agus ulluichear an dèidin.

6 Fosgailear geatachan na h-aimhne, agus bithidh an lùchairt air a sgaoileadh.

7 Agus bheirear Husab air falbh 'am bruid, bheirear suas i; agus a gruagaichean 'n a co-imeachd mar le guth choluman, a' bualadh air an uchd.

8 Ach tha sruthan Ninebheh mar linne uisge; agus tha iadsan a' teicheadh. Seas-

aibh, seasaibh; aeh cha seall aon neach 'n a dhéigh.

9 Glacaibh-sa a' chreach airgid, glacaibh a' chreach òir; oir cha-n'eil crìoch air an ionnhas ghlòrmhor, leis gach uile sheòrsa de shoitichibh rionnach.

10 Tha i falamh, agus faoin, agus fàs, agus tha an cridhe a' leaghadh, agus na glùinean a' bualadh air a' ehéile; agus tha mòran cràidh anns na h-uile leasraibh; agus tha an aghaidhean gu léir a' tionail dorehadais.

11 C'aitam bheil còmhnuidh nan leòmhann, agus àite-beathachaidh nan leòmhann òga? far an do ghluais an leòmhann, an seann leòmhann, agus cuilean an leòmhain, gun aon air bith a chur geilt orra.

12 Reub an leòmhann gu leòr air son a chuileanan, agus mharbh e air son a leòmh-an-boirionn, agus lìon e a thuill le cobh-artach, agus 'uaimh le creich.

13 Feuch tha mise ann ad aghaidh, tha Tighearn nan sluagh ag ràdh, agus loisgidh mi do charbadaan 's an teine; agus ithidh an claidheamh do leòmhain òga; agus gearraidh mise do chreach o'n talamh, agus cha chluinnear nì's mò guth do theachd-airean.

CAIB. III.

1 *Fàisteachd mu thimchioll léir-sgrìos Ninebhel.*
9 *Cha-n urrainn a luchd-cuideachaidh a' èarn-adh.*

IS truagh do'n chaithir fhuiltich! tha i uile 'n a ceilg, làn de reubainn; cha-n'eil sgur air a' chreich.

2 Fuaim slait-sgiùrsaidh, agus torman farum nan rothan, agus nan each meam-nach, agus nan carbad leumnach!

3 Togaidh am marcach suas araon an claidheamh loimreach, agus an t-sleagh lìomhaidh; agus tha mòran de mhairbh ann, agus àireamh mhòr de chorpaibh; cha-n'eil crìoch air an cloaichibh; tha iad a' tuis-leachadh air an corpaibh:

4 Air son lìonmhoireachd strìopachais na strìopaich maisich, ban-mhaighstir nan druidheachdan; a tha 'reic chinneach le a strìopachas, agus theaghlachian le a druidheachdan.

5 Feuch, tha mise a'd' aghaidh, tha Tighearn nan sluagh ag ràdh, agus leigidh mi ris do sgìortan air d' aghaidh, agus foillsichidh mi do na cinnich do lònnoehduidh, agus do na ròghachdaibh do mhasladh.

6 Agus tilgidh mi salchar gràineil ort, agus ni mi suarach thu, agus cuiridh mi thu mar bhall-amhaire.

7 Agus tarlaidh, iadsan uile a dh'amh-

airceas ort, gu'n teich iad uait, agus their iad, Rinneadh Ninebhel 'n a fàsach, cò 'chaoidheas i? cia as a dh'iarras mi luchd-còmhfhurtachd air do shon?

8 Am fearr thusa na No sluaghmhor a bha air a suidheachadh am measg nan aimh-nichean; aig an robh na h-uisgeachan mu'n cuairt di, aig an robh an fhainge mar dhid-ein, agus a' mhuir mar bhalla.

9 B'e Etiopia agus an Eiphit a neart, agus bha sin anbharrach: b' iad Put agus Lubim a luchd-cuideachaidh.

10 Gidheadh thugadh air falbh i, dh'imich i ann am braigheanas: bha a clann òg fòs air am pronnadh 'n am bloighdibh aig ceann nan uile shràidean: agus thilg iad croinn air son a daoine urramach, agus bha a daoine mòra gu léir air an ceangal ann an slabhruidhean.

11 Bithidh tusa fòs air mhìsg; folaichidh tu thu féin; iarraidh tu didein o'n nàmhaid.

12 Bithidh d'uile dhaingnichean làidir mar chroinn-fhìge leis na ceud fhigibh abuich: ma chrathar iad, tuitidh iad ann ann beul an tì a dh'itheas iad.

13 Feuch, tha do dhaoine mar mhnathan ann ad mheadhon: sgaoilear gu farsuinn do d' naimhidh geatachan do thùre; caithidh an teine do chroinn-dhruididh.

14 Tarruing uisge dhuit féin air son an fheachd, ncartaich do dhaingnichean làidir: rach a steach do'n chriadh, agus post an làthach; daingnich an àth-chriadha.

15 An sin ni an teine do chaitheamh; gearraidh an claidheamh as thu, ithidh e suas thu mar a' chnàmh-chnuimh: dean thu féin lìonmhor mar a' chnàmh-chnuimh, dean thu féin lìonmhor mar an locust:

16 Rinn thu do luchd-malairt lìonmhor thar reultan nèimh: millidh a' ehnàmh-chnuimh, agus siùbhlaidh i air falbh.

17 Tha iadsan a chrùnadh annad mar na locuist, agus do chinn-fheadhna mar na fionnain-fheoir, a chòmhnucneas anns na barranaibh 's an là fhuar; aeh 'n uair a dh'éireas a' ghrian teichidh iad air falbh, agus cha-n'eil fios cia an t-àit 'am bheil iad.

18 Tha do bhuachailean ri clò-chodal, O rìgh Asiria: tha d' uaislean 'n an tàmh: tha do shluagh air an sgapadh air na sléibhtean, agus cha-n'eil aon neach ann g' an cruinn-eachadh.

19 Cha-n'eil leigheas air do bhruthadh: tha do lot nimheach: na h-uile a chluinn-eas iomradh ort, buailidh iad am basan os do cheann; oir cò air nach do shiubhail t' olc an còmhnuidh?

HABACUC.

CAIB. I.

1 *Rinn Habacuc gearan a bhrìgh fòirneirt agus aingidheachd a shluaigh.* 5 *Nochdadh dha dìoghallas eagalach an Tighearna le làimh nan Caldéach.*

AN fhàistneachd a chunnaic Habacuc am fàidh.

2 Cia fhad, O Thighearn', a ghlaodhas mi, agus nach éisd thu? a ghlaodhas mi riut air son fòirneirt, agus nach saor thu?

3 C'ar son a tha thu 'nochdadh dhomh aingidheachd, agus a' toirt orm sealltuinn air doilghios? oir tha creach agus fòirneart fa m' chomhair; agus luchd-dùsgaidh strì agus aimhreite.

4 Air an aobhar sin tha an reachd air fàilneachadh, agus cha-n'èil breitheanas uair air bith a' dol a mach: oir tha an ciontach ag iadhadh mu thimchioll an fhìreoin: uime sin tha breitheanas eucorach a' dol air aghaidh.

5 Faicibh an measg nan cinneach, agus amhaireibh, agus gabhailbh iongantas gu mòr: oir ni mise obair 'n 'ur làithibh, nach creid sibh ged innsear i duibh.

6 Oir feuch, dùisgidh mi suas na Caldéich, an cinneach searbh agus èasgaidh sin, a dh'innicheas troimh leud an fhearrainn, a ghabhail seilbh air na h-àitcachaibh-còmhluaidh nach leo fèin.

7 Tha iad uamhasach agus eagalach: thig am breitheanas agus an òirdheirceas a mach uatha fèin.

8 Tha 'n eich fòs nì's luaithe na liopaird, agus tha iad nì's buirbe na madaidh-alluidh an anmoich: agus sgaoilidh am marcaichean iad fèin, agus thig am marc-shluagh o ioma-chéin: itealaichidh iad mar an iolair a dheifricheas gu ithecadh.

9 Thig iad uile air son ainneirt: sgriosaidh iad rompa mar a' ghaoth an ear; agus cruinnichidh iad braighdean mar a' ghan-eamh.

10 Agus nì iad sgeig air rìghribh, agus bithidh prionnsachan 'n an cùis-inhagaidh dhoibh: nì iad fanoid air gach daingneach làidir; agus cruachaidh iad suas talamh, agus glacaidh iad e.

11 An sin caochlaidh an inntinn, agus siùblaidh iad air falbh, agus measar iad ciontach. Tha an neart so aca o an dia.

12 Nach 'èil thusa o shiorruidheachd, O Thighearna, mo Dhia-sa, m' Aon naomh? cha bhàsaich sinn. O Thighearna, dh'orduich thu iadsan air son breitheanaibh; agus O Dhé chumhachdaich, dhaingnich thu iad air son smachdachaidh.

13 Tha do shùilean nì's gloine na gu'n seall thu air ole, agus cha-n' fheud thu amhare air aingidheachd: e' uim' an bheil thu 'g

amhare air luchd-ceannaire, agus a' fantuinn a'd' thosd an uair tha 'n t-aingidh a' slugadh suas an duine a's ionraice na e fèin?

14 Agus e' uim' am bheil thu 'deanamh dhaoine mar iasg na faireg, mar na nithibh snàgach aig nach 'èil aon fhear-riaghlaidh os an ceann?

15 Tha iad 'g an togail suas uile leis an dubhan; tha iad 'g an glacadh 'n an lìon, agus 'g an cruinneachadh 'n an eangaich; uime sin tha iad aoibhneach agus ait.

16 Air an aobhar sin tha iad ag ìobradh d'an lìon, agus a' losgadh tùise d' an eangaich: a chionn leo sin gu bheil an cuibh-rionn reamhar, agus an lìon pait.

17 An dean iad air an aobhar sin an lìon falamh, agus nach caomhain iad a bhi sìor-mharbhadh nan cinneach?

CAIB. II.

1 *Dh'orduicheadh do Habacuc an fhàistneachd a sgriobhadh.* 6 *Nìthear breitheanas air an t-sluagh a mheudaicheas an nì nach leo fèin.* 9 *orra-san a shamtaicheas droch shannt,* 12 *agus orra-san a dhaingnicheas an caithir le aingidheachd.*

SEASAIDH mi air m'fhaire, agus cuiridh mi mi fèin air an tùr, agus feuchaidh mi ciod a their e rium, agus ciod a fhreagras mi 'n uair a chruinichear mi.

2 Agus fhreagair an Tighearn mi, ag ràdh; Sgrìobh an fhàistneachd, agus dean soilleir i air clàraibh, air chor as gu'm feud esan ruith a leughas i.

3 Oir tha 'n fhàistneachd fathasd air son aimsir shònraichte, ach air a' cheann mu dheireadh labhraidh i, agus cha dean i breug; ged a nì i moille, feithithe; oir gu deimhin thig i, cha bhi i air dheircadh.

4 Feuch, cha-n'èil 'anam-san, a tha air a thogail suas, ecart an taobh a stigh dheth: ach mairidh am firean beò le a chreidimh.

5 Seadh fòs, mar dhuine 'théid as an rathad le fion, tha e uaibhreach, agus cha-n'èil e 'gabhail fois; a' meudachadh a chlocreais mar an uagh; agus mar am bàs cha-n' fheudar a shàsachadh; agus tha e 'cruinneachadh d'a ionnsuidh nan uile cinneach, agus a' tional dha fèin nan uile shluagh.

6 Nach tog iad so uile suas cosamhlachd 'n a aghaidh, agus gnàth-fhocal tàmailteach m'a thimchioll, ag ràdh, Is truagh dha-san a mheudaicheas an nì nach leis fèin! cia fhad? agus dha-san a luchdaicheas e fèin le criadh thugh.

7 Nach éirich iadsan suas gu grad a theumas thu; agus nach dùisg iadsan a chuireas dragh ort? agus nach bi thusa dhoibh mar chobhartach?

S A chionn gu'n do chreach thu mòran

chinneach, creachaidh uile iarmad nan cinn-
cach thusa: air son fola dhaoine, agus
sàruchaidh an fhearainn, na caithreach,
agus a h-uile luchd-àiteachaidh.

9 Mo thruaighe esan a tha 'sanntachadh
le droch shannt d'a thigh; a chum a nead
a shuidheachadh gu h-àrd; gu e fèin a
shaoradh o chumhachd àmhghair.

10 Dhealbh thu nàire do d' thigh, le
mòran shluagh a ghearradh as; agus phcaci-
aich thu an aghaidh d' anama fèin.

11 Oir glaothaidh a' chlach a mach as a'
bhalla; agus freagraidh an t-sail as an
fhiodh i.

12 Is an-aoibhin dha-san a thogas baile le
fuil, agus a dhaingnichas caithir le aing-
idheachd.

13 Feuch, nach ann o Thighearn nan
sluagh a tha so, gu'n saothraicheadh daoine
anns an teine, agus gu'n sgithicheadh slòigh
iad fèin air son ni faoin?

14 Gu cinnteach lìonar an talamh le còlas
glòire an Tighearna, mar tha na h-uiscgach-
an a' còmhachadh na fairge.

15 Is an-aoibhin dha-san a tha 'toirt air a
choiuhearsnach òl, a tha 'cur ris a' chopain,
agus 'g a chur air mhig mar an ceudna, chum
gu'n amhairceadh e air a lònnochduidh.

16 Tha thu air do lìonadh le nàire 'an àite
glòire: òl thusa fòs, agus bitheadh do roimh-
chraicinn air a leigeadh ris: riutsa pillcar
cupan àimhe deise an Tighearn'; agus
bithidh sgeith nàrach air do ghlòir.

17 Oir ni ainmeart Lebanoin do chòm-
dachadh, agus cuiridh sgrios ainmhidhean
eagal ort; air son fola dhaoine, agus air son
sàruchaidh an fhearainn, na caithreach,
agus a h-uile luchd-àiteachaidh.

18 Ciod an tairbhe 'tha 's an òmhaigh
shnaighte, gu'n d'rim am fear a dhealbh i
a snaightheadh: anns an òmhaigh leaghta,
agus ann am fear-teagasg nam breug, gu'n
carbhadh fear-deanamh na h-oibre so aisde,
a dheanamh òdholan balbha?

19 Is truagh dha-san a tha ag ràdh ris an
fhiodh, Dùisg: ris a' chloich bhailbh, Eirich.
An teagaisg i? Feuch, tha i air a cur thairis
le h-òr agus aingrid; agus cha-n'eil anail
air bith an taobh a stigh dhi.

20 Ach tha an Tighearn 'n a theampull
naomh: bi a' d' thosd 'n a fhianuis, O tha-
laimh uile.

CAIB. III.

1 *Urnuigh Habacuc. 3 Mòrchud an Tighearna.*

17 *Nochd ann fàidh gu'n robh a' claididh
làidir ann an Dia a shlàinte.*

URNUIGH Habacuc an fhàidh air
Sigionot.

2 O Thighearna, chuala mi do chainnt; bha
eagal orm: O Thighearn, ath-bheothaich d'
obair ann am meadhon nam bliadhnachan,
ann am meadhon nam bliadhnachan dean
aithnichte; ann an corruich cuimhnich
ur-dair.

3 Thàinig Dia o Thèmau, agus an Ti naomh
o shliabh Pharain. Selah. Chòmhdaich a
ghlòir na nèamhan, agus bha an talamh làn
d'a chlàid.

4 Agus bha a shoilleircachd mar a' ghrian;
o a làimh *shruith* dèarsannan soluis; agus
an sin bha àite foluich a mhòrachd.

5 Roimh a ghnùis chaidh a' phlàigh; agus
chaidh éibhlean teine mach o 'chosaibh.

6 Sheas e, agus thombais e an talamh;
dh'amhairc e, agus sgap e na cinnich as a
chéile; agus bha na sléibhteann sìorruidh
air am brisadh; chrom na enuic blith-
bhuan; tha a shlighe uaireannach.

7 Chunnaic mi pàillianan Chusain ann an
àmhghar: chrìochnuich brat-sgàile fearainn
Mhidiaim.

8 An robh corruich air an Tighearn ris na
tuilteibh? an robh d'fhearg an aghaidh nan
aimhnichean? an robh do chorruich an
aghaidh na fairge, gu'n do mharcaich thu
air d' eachaibh, agus air do charbadaibh-
slàinte?

9 Rinncadh do bhogha glan-rùisgte, a réir
nam mìonn do na treubhan, *eadhon* d'fho-
cail. Selah. Sgoilt thu an talamh le sruth-
aibh.

10 Chunnaic na sléibhteann thu agus
chrìochnuich iad: ghabh tuil nan uiscgachan
seachad: chuir an t-aingein a mach a ghuth,
thog an doimhne suas a làmh.

11 Sheas a' ghrian agus a' ghealach 'n an
àite: 'n an solus shiubhail do shaighdean;
'n an dealradh do shleaghan Ròmhaidh.

12 Dh'imich thu troimh an fhearann ann
am feirg, bhual thu na cinnich ann an
corruich.

13 Chaidh thu mach air son tèarnaidh do
shluaigh, air son tèarnaidh do mhuinntir
ungta: bhual thu 'n ceann o thigh an
aingidh; leig thu ris na bunaitean gu ruig
a' mhuineil. Selah.

14 Bhual thu le d' shlait ceann a bhail-
tean. Ruith iad a mach uar cluairt-
ghaoith gu ar sgapadh; bha an gairdeachas
mar gu'n sluigeadh iad am bochd gu
h-uaigneach.

15 Chosich thusa troimh an fhairge le
d'eachaibh: troimh chruinneachadh nan uisg-
cachan mòra.

16 'N uair a chuala mi, chrìochnuich mo
chom: bha mo bhile air chrith roimh do
ghuth: chaidh lobhadh a steach ann am
chnàmhan, agus chrìochnuich mi ann am
àite; a chum gu'm biodh fois agam ann an
là an àmhghair: 'n uair a théid e suas an
aghaidh an t-sluaigh, agus a chlaoidheas e
iad le 'bhuidhnibh.

17 Ged nach toir an craun-fige uaith blàth,
agus ged nach fàs air an fhionain cinneas;
ged fhàilnich meas a' chroinn-òlaidh, agus
ged nach toir na machraichean uatha lòn;
ged ghearrar an treud as o'n mhaoinn, agus
ged nach bi buair air bith anns na bailltibh;

18 Gidheadh ni mise gairdeachas anns an Tighearn, ni mi aoibhneas ann an Dia mo shlaointe.

19 Is e an Tighearn Iehobhah mo neart,

agus ni e mo chosan mar *chosaihb* èilde, agus bheir e orm coiscachd air m' ionadaibh àrda. Do'n àrd-fhear-chiùil air m' inneal-aibh teudach.

SEPHANIAH.

CAIB. I.

1 *An t-àm 's an d'rian Sephaniah fàidhe uair-eachd.* 2 *Smachdaichidh Duu sluogh Iudah air son am peacaidhean.*

FOCAL an Tighearn' a thàinig gu Sephaniah mae Chusi, mhic Ghedaliah, mhic Amariah, mhic Hisciah, ann an Iath-ean Iosiah, mhic Amoin, rìgh Iudah.

2 Sgrìosaidd mise gu tur na h-uile nithean bhàrr aghaidh an fhearainn, deir an Tighearn.

3 Sgrìosaidd mi duine agus ainmhidh, sgrìosaidd mi eunlaith an athair, agus iasgan na fairge, agus na cip-thuislidh maille ris na h-aingidh : agus gearraidh mi as an duine bhàrr aghaidh an fhearainn, deir an Tighearn.

4 Sìnidh mi fòs a mach mo làmh air Iudah, agus air uile luchd-àiteachaidh Ierusalem; agus gearraidh mi as fuigheall Bhàail o'n àite so; ainm an luchd-ìobraidh maille ris na sagartan;

5 Agus iadsan a tha 'g aoradh do fheachd nèimh air mhullach nau tighean; agus iadsan a tha 'g aoradh, agus a' mionnachadh air an Tighearn, agus fòs a' mionnachadh air Malcham;

6 Agus iadsan a phill air an ais o'n Tighearn; agus iadsan nach d'iarr an Tighearn, agus nach d'fhiosraich dheth.

7 Bithibh tosdach an Iathair an Tighearn' Iehobhah, oir tha là an Tighearna dlùth; oir dh'fhuich an Tighearn iobairt, ghairm e 'aoidhean.

8 Agus tarlaidh ann an là iobairt an Tighearna gu'n smachdaich mise na prionnsachan, agus clann nan rìghrean, agus na h-uile a tha air an éideadh le culaidh choimhich.

9 Agus air an là chendna smachdaichidh mi iadsan uile a tha 'leum air a' stairsnich, a tha 'lìonadh tighean ann maighstirean le ainneart agus le ceilg.

10 Agus tarlaidh air an là sin, tha an Tighearn ag ràdh, gu'm bi fuaim éighich o gheata an éisg, agus ulartaich o'n dara baile, agus bruanadh mòr o na enocaibh.

11 Àrd-ghnìlhbh, a luchd-àiteachaidh Mhacteis, oir tha 'n luchd-malairt gu h-ìomlan air an gearradh as; tha uile luchd-giùlain an airgid air am milleadh.

12 Agus tarlaidh anns an àm sin, gu'n rannsaich mise Ierusalem le coimhlibh, agus

smachdaichidh mi na daoine a tha socair air an deasgainibh; a tha 'g ràdh 'n an cridhe, Cha dean an Tighearn maith, ni mò ni e ole.

13 Air an aobhar sin bithidh am masin 'n a chobhartach, agus an tighean 'n am fasach : agus togaidh iad tighean, ael cha-n àitich iad; agus suidhichidh iad fion-liosan ach cha-n òl iad am fion.

14 Tha là mòr an Tighearna dlùth, *tha e* dlùth, agus a' greasadh gu mòr: tha guth là an Tighearna searbh: guilidh an siu an cumhachdach.

15 Is là feirge an là sin, là trioblaid agus teanntachd; là fàsalachd agus léir-sgrìos; là dorchadais agus oguidheachd; là neul agus tiugh-dhorchadais;

16 Là trompaid agus iolaich an aghaidh nam bailtean daingichte, agus an aghaidh nan tùr àrda.

17 Agus bheir mise airc air daoine, ionnus gu'n siubhail iad mar dhoill, a chionn gu'n do pheacaidh iad an aghaidh an Tighearn': agus dòirtcar a ruach am fuil mar dhùslach, agus am feoil mar aolach.

18 Ni mò dh'fheudas an airgid no 'n òr an saoradh ann an là feirge an Tighearna; ach le teine 'eud-san loisgear am fearann uile: oir bheir e gu deimhin léir-sgrìos obann air uile luchd-àiteachaidh na tìre.

CAIB. II.

1 *Earrail clann aithreachais* 4 *Breitheanas an aghaidh nam Philisteach,* 8 *Mhoibh agus Amoin,* 12 *Etiopia,* 13 *agus Ninebheh.*

CRUINNICHIBH sibh fèin ri 'chéile: eadh gun iarraidh:

2 Mu'n tig an t-òrdugh gu buil, mu'n siubhail 'ur là seachad mar mholl; mu'n tig corruich gharg an Tighearn' oirbh, mu'n tig là feirge an Tighearn' oirbh.

3 Iarraibh-sa an Tighearn, nì dhaoine ciùine na talmhainn, a dh'òibrich a bhreitheanas; iarraibh fireantachd, iarraibh mac-antachd: fcaidh e bhith gu'n tèarnar sibhe ann an là feirge an Tighearna.

4 Gu dearbh tréigcar Gasa, agus cuirear fàs Asclon: fògraidh iad a mach Asdod air mheadhon-là; agus bithidh Ecron air a spionadh á freumh.

5 Mo thruaighe luchd-àiteachaidh sliosa na fairge, cinncach nan Cereteach: tha focal an Tighearna 'n 'ur n-aghaidh. O

Chanaain, a thìr nam Philisteach, sgriosaidh mise thu, ionnus nach bi aon 'g ad àiteachadh.

6 Agus bithidh taobh na fairge 'n a bhothain aig buachaillibh, agus 'n a mhainneirean aig treudaibh.

7 Agus bithidh an slios aig iarmad tighe Iudah; ionaltraidh iad air: ann an tighibh Asceloin luidhidh iad sìos anns an annoch: oir thig an Tighearn an Dia 'g an amhare, agus bheir e air an ais am braighdean.

8 Chuala mise masladh Mhoaih, agus anacainnt eoinne Amoin, leis an d'rimn iad mo shluagh-sa mhaslachadh, agus iad féin a mheadhadh an aghaidh an crìochan.

9 Air an aobhar sin mar is bed mise, tha Tighearn nan sluagh, Dia Israeil, ag ràdh; gu deimhin bithidh Moab mar Shodom, agus elann Amoin mar Ghomorah, 'n a fhàsach eanntagaich, agus 'n a phuill shalainn, agus 'n a léir-sgrìos sìorruidh; ni fuigheall mo shlugaigh-sa an creachadh, agus iarmad mo chinnich an sealbhachadh.

10 So gheibh iad air son an uabhair, a chionn gu'n d'thug iad masladh, agus gu'n do mheadaich siad iad féin an aghaidh cinnich Tighearna nan sluagh.

11 Bithidh an Tighearn uamhasach 'n an aghaidh: oir bheir e gort air uile dhiathan an talmhainn; agus bheir iad aoradh dha-san, gach aon o àite féin, eadhon uile eileanau nan cinneach.

12 Sibhse, mhuinntir Etiopia, mar an ceudna, marbhar sibh féin leis a' chlaidheamh,

13 Agus sìnidh e mach a làmh an aghaidh na h-àrde tuath, agus sgriosaidh e Asiria; agus ni e Nìnebheh 'n a làraich luim, tiorann mar an fhàsach.

14 Agus luidhidh treudan sìos 'n a meadhon, uile bheathaichean na talmhainn: gabhaidh am pelican agus a' ghràineag tàmh 'n a h-àrd-dhoruis: bithidh am fuaim 'n a h-uinneagaibh; bithidh fàsalachd anns an sgàth-thigh: oir leigidh e ris a h-obair sheudair.

15 So a' chaithir luathghaireach a ghabh còmhnuidh gu tèaruinte; a thubhairt 'n a cridhe, Tha mi, agus eha-n'eil ann ach mi. Cionnus a dh'fhàs 'n a fàsach, 'n a h-àite air son bheathaichean gu luidhe sìos ann! ni gach aon a théid seachad oirre sgeig, agus erathaidh e a làmh.

CAIB. III.

1 Thugadh geur-achmhàsan do na h-Iudhaich air son am peacaidhean. 8 Earaidh gu feith-eamh air an Tighearn, 14 agus gu gairdeachas a dheanamh 'n a shlàinte.

IS an-aobhinn dh'ise a tha ceannairceach agus truaille, do'n chaithir a tha ri sàruchadh.

2 Cha d'thug i géill do'n ghuth; eha do ghabh i eronachadh: eha d'earb i as an

Tighearn: eha do tharruinn i dlùth d'a Dia.

3 Tha a prionnsachan an taobh a stigh dhi 'n an leòmhain bheucach; is madaidh-alluidh an annoich an breitheamhnan chan-n fheith iad gus a' mhaduim gun na cànannan itheadh.

4 Is daoine eutrom fealltach a fàidhean: thruaill a sagartan an t-ionad naomh: bhris iad an reachd.

5 Tha an Tighearn cothromach 'n a meadhon: eha dean esan euceart: gach maduim bheir e breitheanas gu solus, chan-n fhàilnich e: ach cha-n'eil eòlas aig an eucorach air nàire.

6 Ghearr mi as na einnich: tha an tùir uaigneach; rinn mi fàs an sràidean, air chor as nach 'eil aon 'g an imeachd: tha am bailtean air an sgrios, gun duine sam bith anna, gun aon neach 'gan àiteachadh.

7 Thubhairt mi, Gu deimhin bithidh m' eagal ort, gabhaidh tu teagasg; mar sin cha bhitheadh an àite-còmhnuidh air a ghearradh as, cionnus air bith a smachdachadh: ach dh'éirich iad gu moch, agus thruaill iad an uile dheanadas.

8 Uime sin feithibh-sa riumsa, tha an Tighearn ag ràdh, gus an là 's an éirich mi suas a chum na creiche: oir is e mo rùn na cinnich a chruinneachadh, na rìoghachdan a tharruing ri 'chéile; a dhòrtadh orra mo chorruih, uile theas m' fheirge: oir loisgear an talamh gu h-ionnlan le teine m' eud-sa.

9 Gu deimhin pillidh mi 'n sin air na slòigh teangadh ghlan, gu gairm gu léir air ainm an Tighearna, gu seirbhìs a dheanamh dha le aon rùn.

10 O thaobh thall aimhnichean Etiopia, bheir mo luchd-atheuinge, am measg mo mhuinntir sgapta, tabhartas a m' ionnsuidh.

11 Anns an là sin eha nàraichear thu air son d' uile dheanadais, leis an de chiontaich thu ann am aghaidh-sa: oir an sin bheir mi air falbh as do mheadhon iadsan a tha ri gairdeachas ann ad uabhar; agus eha-n àrdaich thu nì's mò thu féin ann am shliabh naomh-sa.

12 Fagaiddh mi fòsann ad mheadhon sluagh anshocrach agus diblidh; agus cuiridh iad an dòchas ann an ainm an Tighearna.

13 Cha dean iarmad Israeil aingidheachd, ni mò labhras iad breugan: ni mò gheibhear teangadh chealgach 'n am beul. Oir ionaltraidh agus luidhidh iad sìos, agus cha chuir aon neach eagal orra.

14 Seinn, O nighean Shìoin; tog iolach, O Israeil; bi ait, agus dean gairdeachas le d' uile chridhe, O nighean Ierusalem.

15 Thug an Tighearn air falbh do bhreitheanais; phill Rìgh Israeil air falbh do naimhdean: tha 'n Tighearn ann ad mheadhon; cha-n fhaic thu ole nì's mò.

16 Anns an là sin theirear ri Ierusalem, Na bitheadh eagal ort; agus ri Sion, Na bitheadh do làmhlan lag.

17 Tha 'n Tighearn Dia ann ad mheadhon cumhachdach; ni e do thèarnadh; ni e gairdeachas os do cheann le luathghair; gabhaidh e fois 'n a ghràdh; ni e gairdeachas os do cheann le seinn.

18 Cruinnichidh mi iadsan a'd mheasg a tha ri caoidh air son an àrd-choimh-thionail, do'n robh a mhasladh 'n a callaich.

19 Feuch, millidh mise d' uile luchd-

sàruchaidh anns an àm sin; agus leighisidh mi isc a tha bacach, agus cruinnichidh mi ise a bha sgaoilte; agus gheibh mi dhoibh cliù agus deadh ionradh anns gach aon tir anns an d' fhuair iad nàire.

20 Anns an àm sin bheir mi air bhur n-ais sibh; agus anns an àm 's an cruinnich mi sibh, bheir mi gun amharus dhuibh ainm agus cliù am measg uile chinneach na talmhainn, an uair a philleas mi air ais 'ur braighdeanas fa chomhair an sùl-san, deir an Tighearn.

H A G A I.

CAIB. I.

1 *Chronuich am fàidh an sluagh do bhrìgh gu'n do ghabh iad còmhnuidh ann an tighean mais-each, 'n uair bha tigh Dhè 'n a fhàsach; 8 agus bhrosnuich e iad gus an teampull a thogail.*

A NN an dara bliadhna Dhariuis an rìgh, anns an t-seathamh mìos, air a' cheud là de'n mhios, thàinig focal an Tighearna le Hagai am fàidh gu Serubabel mac Shealtieil, uachdaran Iudah, agus gu Iosuah mac Iosedieich, an t-àrd shagart, ag ràdh;

2 Mar so labhair Tighearn nan sluagh, ag ràdh, Thubhairt an sluagh so, Cha d' thàinig an t-àm gu tigh an Tighearn' a thogail.

3 An sin thàinig focal an Tighearna le Hagai am fàidh, ag ràdh,

4 An àm dhuibh-se, O sibhse, còmhnuidh a ghabhail 'n ur tighean maiseach, agus an tigh so 'n a fhàsach?

5 A nis ma ta mar so tha Tighearn nan sluagh ag ràdh, Thugaibh fainear bhur slighean.

6 Chuir sibh mòran, agus is beag a thug sibh a steach; tha sibh ag itheadh, ach cha-n'eil gu leòr agaibh: tha sibh ag òl, ach cha-n'eil sibh sàtlach: tha sibh 'g ur n-èid-eadh, ach cha-n'eil aon neach blàth: agus esan a tha 'cosnadh tuarasdail, tha e 'g a chosnadh gu 'chur ann an spòran tolltach.

7 Mar so tha Tighearn nan sluagh ag ràdh, Thugaibh fainear bhur slighean.

8 Rachaibh suas a chum an t-sleibh, agus thugaibh leibh fiodh, agus togaibh an tigh; agus gabhaidh mise tlachd ann, agus bithidh mi air mo ghlòrachadh, deir an Tighearn.

9 Bha sùil agaibh ri mòran, agus, feuch, thàinig e gu beagan; agus an uair a thug sibh dhachaidh e, shéid mise air. C'ar son? tha Tighearn nan sluagh ag ràdh. Air son mo thighe a tha fas, agus sibhse a' ruith gach duine g'a thigh féin.

10 Air an aobhar sin chum na nèamhan os

'ur ceann air ais an drùchd, agus ghléidh an talamh a thoradh.

11 Agus ghairm mise tart air an fhearam, agus air na sléibhtean, agus air an arbhar, agus air an fhìon nuadh, agus air an olaidh; agus air gach ni a bheir an talamh a mach; agus air duine, agus air ainmhidh; agus air uile shaothair nan làmh.

12 An sin thug Serubabel mac Shealtieil, agus Iosuah mac Iosedieich, an t-àrd-shagart, leis a' chuid eile de'n t-sluagh uile, géill do ghuth an Tighearn' an Dia, agus do bhriathraibh Hagai an fhàidh, (mar a chuir an Tighearn an Dia fios leis,) agus bha eagal air an t-sluagh roimh an Tighearn.

13 An sin labhair Hagai teachdair an Tighearna, ann an teachdaireachd an Tighearna, ris an t-sluagh, ag ràdh, Tha mise leibh, deir an Tighearn.

14 Agus dhùisg an Tighearn spiorad Sherubabeil mhic Shealtieil, uachdaran Iudah, agus spiorad Iosuah mhic Iosedieich, an àrd-shagart, agus spiorad na cuid eile de'n t-sluagh uile; agus thàinig iad, agus rinn iad obair ann an tigh Tighearna nan sluagh, an Dia,

15 Air a' cheathramh là fichead de'n t-seathamh mìos, ann an dara bliadhna Dhariuis an rìgh.

CAIB. II.

1 *Dh'innis Hagai gu'm bitheadh glòir an dara teampull nà's mò na glòir a' cheud theampull.*

10 *Chuir peacaidhean an t-sluaigh moille air an obair.*

A NNS an t-seachdamh mìos, air an aon là fichead de'n mhios, thàinig focal an Tighearna leis an fhàidh Hagai, ag ràdh;

2 Labhair a nis ri Serubabel mac Shealtieil, uachdaran Iudah, agus ri Iosuah mac Iosedieich an t-àrd-shagart; agus ris a' chuid eile de'n t-sluagh, ag ràdh,

3 Cò a tha air fhàgail 'n ur measg a chunnaic an tigh so 'n a cheud glòir? agus cionnus a tha sibh 'g a fhaicinn a nis?

nach 'eil e 'n 'ur àlilbhl, làimh ri sin, mar neo-ni?

4 Gidheadh a nis bi làidir, O Sherubabeil, tha an Tighearn ag ràdh; agus bi làidir, O Iosuah, mhic Iosedeich, àrd-shagairt; agus bithibh-sa làidir, uile shluagh an fhearainn, tha an Tighearn ag ràdh; agus deanaibh obair: oir tha mise leibh, deir Tighearn nan sluagh.

5 *A réir* an fhocail a dhaingnich mi ruibh 'n uair a thàinig sibh a mach as an Eiphit, mar sin tha mo spiorad a' fantuinn 'n 'ur measg; na bithheadh eagal oirbh.

6 Oir mar so tha Tighearn nan sluagh ag ràdh; Fathasd aon uair, ann an tùine bhiig, crathaidh mise na nèamhan, agus an talamh, agus an fhairge, agus an *fearamn* tioram:

7 Agus crathaidh mi na h-uile chinnich, agus thig miann nan uile chinneach; agus ònaidh mi an tigh so le glòir, deir Tighearn nan sluagh.

8 Is leamsa an t-airgiod, agus is leamsa an t-òr, deir Tighearn nan sluagh.

9 Bithidh glòir an tìghe dheireannaich so m'is mòd na glòir a' cheud thighe, tha Tighearn nan sluagh ag ràdh; agus anns an àite so bheir mise sìth, deir Tighearn nan sluagh.

10 Air a' cheathramh là fìchead de'n naothamh *mìos*, ann an dara bliadhna Dhariuis, thàinig focal an Tighearna, le Hagai am fàidh, ag ràdh;

11 Mar so tha Tighearn nan sluagh ag ràdh, Fedraich a nis de na sagartaibh mu'n reachd, ag ràdh,

12 Ma ghiùlainneas aon feoil naomh ann an sgiobul a thrusgair, agus gu'm bean a thrusgan ri aran, no brochan, no fion, no olaidh, no biadh sam bith, am bi sin naomh? Agus fhreagair na sagartan, agus thubhairt iad, Cha bhi.

13 An sin thubhairt Hagai, Ma bheanas aon a tha neòghlan le corp marbh ri aon air bith de na nithean so, am bi sin neòghlan? Agus fhreagair na sagartan, agus thubhairt iad, Bithidh e neòghlan.

14 An sin fhreagair Hagai agus thubhairt

e, Is amhuil a bha an sluagh so, agus is amhuil a bha an cinncach so ann am làthair-sa, tha an Tighearn ag ràdh; agus is amhuil a bha uile obair an làmh; agus an tabhartas a thug iad seachad an sin bha e neòghlan.

15 Agus a nis guidheam oirbh, thugaibh fainear; o'n là 'n diugh, agus o sin suas, mu'n do leagadh clach air cloich ann an teampull an Tighearna:

16 'N uair a thàinig aon gu eruach fhìchead *tomhas*, eha robh annach deich: 'n uair a thàinig aon gu amar-bruthaidh an fhìona, gu leth-cheud *soitheach* a tharruing a mach as an amar, eha robh ann ach fìchead.

17 Bhual mi sibh le scargadh, agus le fuar-dhealt, agus le cloich-mhcallainn, ann an uile shaothair bhur làmh; gidheadh eha do phill sibh riumsa, deir an Tighearn.

18 Thugaibh fainear a nis o'n là 'n diugh, agus o sin suas, o'n cheathramh là fìchead de'n naothamh *mìos*, agus o'n là 's an do leagadh bunaitean teampull an Tighearna: thugaibh fainear.

19 Am bheil sìol fathasd anns an t-sabhal? seadh gu ruige so, eha d'thug an fhìonain, no a' chraobh-fhige, no a' phomgranat, no an crann-olaidh, seachad toradh. *Ach* o'n là so mach beannaichidh mise.

20 Agus thàinig focal an Tighearn a rìs gu Hagai, air a' cheathramh là fìchead de'n mhìos, ag ràdh;

21 Labhair ri Serubabel uachdaran Iudah, ag ràdh, Crathaidh mise na nèamhan, agus an talamh;

22 Agus tilgidh mi caithir ròghachdan bun os ceann, agus sgriosaidh mi neart ròghachdan nan cinneach; agus tilgidh mi bun os ceann na earbaid, agus iadsan a tha marcachd orra, agus tuitidh na h-eich agus am marcaichean sìos, gach aon le claidheamh a blùthar.

23 Anns an là sin, tha Tighearn nan sluagh ag ràdh, gabhaidh mi thusa, O Sherubabeil, a mhic Shealtieil, m' òglach, tha an Tighearn ag ràdh, agus ni mi thu mar sheula: oir ròghnaich mise thu, deir Tighearn nan sluagh.

SECHARIAH.

CAIB. I.

1 *Dh'earalaich Sechariah an sluagh gu aithreachas a ghabhail.* 7 *Taisbeanadh nan each ruadha, bhreaca, agus bhàna.* 12 *Geallanna trèatairreach a thaobh Ierusalem.* 18 *Taisbeanadh nan cèithir adhaircean.* 20 *Na cèithir fir-cheirde.*

A NNS an ochdamh mìos, ann an dara bliadhna Dhariuis, thàinig focal an

Tighearna gu Sechariah mac Bharachiah, mhic Ido, am fàidh, ag ràdh,

2 Bha corruich ro mhòr air an Tighearn ri bhur n-aithrichibh:

3 Agus abair thusa riu, Mar so tha Tighearn nan sluagh ag ràdh, Pillibh-sa riumsa, tha Tighearn nan sluagh ag ràdh; agus pillidh mise ruibhse, deir Tighearn nan sluagh.

4 Na bithibh mar bhur n-aithrichean, ris an do ghlaodh na fàidhean a bh'ann roimhe so, ag ràdh; Mar so tha Tighearn nan sluagh ag ràdh; Pillibh-sa nis o bhur droch shlighibh, agus o bhur droch dheanadais. Ach cha d' éisd iad, ni mò 'thug iad aire dhomh-sa, deir an Tighearn.

5 'Ur n-aithrichean, c'àit am bheil iad? agus na fàidhean, am mair iad beò am feasg?

6 Ach mo bhriathran-sa, agus mo reachdan, a dh'àithn mi do m' òglaich na fàidhean, nach d'rinn iad greim air bhur n-aithrichean? agus nach d' thubhairt iad, Amhuil mar a shaoil Tighearn nan sluagh a dheanamh ruinne, a réir ar slighean, agus a réir ar deanadais, mar sin rinn e ruinn.

7 Air a' cheathramh à fichead de'n aon mhìos deug, (sin am mìos Sebat,) ann an dara bliadhna Dhariuis, thàinig focal an Tighearna gu Sechariah, mac Bharachiah, mhic Ido, am fàidh, ag ràdh;

8 Chunnaic mi 's an oidhe, agus fench duine a' marcachd air each ruadh, agus sheas e measg nan craobhan-miortail a bha 's a' ghleann, agus air a chùlaobh bha eich ruadha, bhreaca, agus bhàna.

9 An sin thubhairt mi, Ciod iad so, O mo Thighearn? Agus thubhairt an t-aingeal a labhair rium, Feuchaidh mise dhuit ciod iad so.

10 Agus fhreagair am fear a bha 'n a sheasamh am measg nan craobhan-miortail, agus thubhairt e, So iadsan a chuir an Tighearn gu sìubhal sìos agus suas air feadh na talmhainn.

11 Agus fhreagair iad aingeal an Tighearn', a sheas am measg nan craobhan-miortail, agus thubhairt iad, Shiubhail sinne nìos agus sìos air feadh na talmhainn; agus, feuch, tha an talamh uile 'n a thàmh, agus a' gabhail fois.

12 An sin fhreagair aingeal an Tighearn', agus thubhairt e; O Thighearna nan sluagh, cia fhad a bhios tu gun tròcair a dheanamh air Ierusalem, agus air bailtibh Iudah, ris am bheil thu ann an corruich a nis deich agus trì fichead bliadhna?

13 Agus fhreagair an Tighearn an t-aingeal a labhair riumsa, le briathraibh maithe, le briathraibh sòlasach.

14 Mar sin thubhairt an t-aingeal a bha 'labhairt rium, Glaodh thusa, ag ràdh, Mar so tha Tighearn nan sluagh ag ràdh, Tha mise eudmhor air son Ierusalem, agus air son Shìoin le eud mòr:

15 Agus tha mi ann an corruich ro mhòir ris na cinnich a tha snaimhneach; oir cha robh ormsa ach cruaidh bheag, agus chuidich iadsan air a h-aghaidh an dòrainn.

16 Air an aobhar sin mar so tha an Tighearn ag ràdh; Phill mi ri Ierusalem le tròcairibh: bithidh mo thigh air a thogail

ann, tha Tighearn nan sluagh ag ràdh, agus bithidh sreang-thombais air a sgaoileadh a mach air Ierusalem.

17 Glaodh fathasd, ag ràdh, Mar so tha Tighearn nan sluagh ag ràdh, Bithidh mo bhailtean-sa fathasd air an sgaoileadh a mach le soirbheachadh, agus bheir an Tighearn fathasd comhfhurtachd do Shìon, agus ròghnaichidh e fathasd Ierusalem.

18 An sin thog mi suas mo shùilean, agus chunnaic mi; agus feuch ceithir adhaircean.

19 Agus thubhairt mi ris an aingeal a bha 'labhairt rium, Ciod iad so? Agus fhreagair esan mi, Is iad so na h-adhaircean a sgap Iudah, Israel, agus Ierusalem.

20 Agus dh'fheuch an Tighearn dhomh ceithir fir-cheirde.

21 An sin thubhairt mi, Ciod a thàinig iad so gu dheanamh? Agus labhair esan, ag ràdh; Is iad so na h-adhaircean a sgap Iudah, ionnus nach do thog aon duine snas a cheann: ach thàinig iad so chum eagal a chur orra, a thilgeadh a mach adhaircean nan cinneach a thog suas an adharc an aghaidh fearainn Iudah, chum a sgapadh.

CAIB. II.

1 *Chuireadh aingeal a thomhas Ierusalem. 6 Thugadh rabhadh don t-sluagh Babilon a thrèigsinn. 10 Gheall Dia còmhuidh a ghabhail am meadhan a sluagh.*

THOG mi suas mo shùilean a ris, agus dh'iamhair mi; agus, fench, fear le sreing-thombais 'n a làimh.

2 An sin thubhairt mise, C'àit am bheil thu 'dol? Agus thubhairt e rium, A thomhas Ierusalem, a dh'fheuchainn ciod e a leud, agus ciod e a fad.

3 Agus, feuch, chaidh an t-aingeal a labhair rium a mach, agus chaidh aingeal eile mach 'n a chòdhail.

4 Agus thubhairt e ris, Ruith, labhair ris an òganach sin, ag ràdh; Bithidh Ierusalem air a h-àiteachadh mar bhailtean gun bhallachan, le bonnhoireachd nan daoine agus na spréidhe 'bhitheas innte.

5 Oir bithidh mise, tha an Tighearn ag ràdh, ann am balla teine dhi mu'n cuairt, agus bithidh mi ann am ghloir 'n a meadhan.

6 Ho! ho! *thigibh* agus teichibh o'n tìr mu thnath, tha an Tighearn ag ràdh; oir ri ceithir ghaothan an athair sgaoil mise sibh a mach, deir an Tighearn.

7 Ho! a Shìoin, tàr as, O thusa a tha chòmhuidh maille ri nighinn Bhabailoin.

8 Oir mar so tha Tighearn nan sluagh ag ràdh; An dèigh na glòire so chuir e mise chum nan cinneach a chreach sibhse; oiran ti' bheanas ruibhse, beanaidh e ri cloich a shùla-san.

9 Oir feuch, crathaidh mise mo làmh orra, agus bithidh iad 'n an cobhartaich d' an tràillibh: agus aithnichibh sibhse gu'n do chuir Tighearn nan sluagh fios leamsa.

10 Seinn, agus dean gairdeachas, O nigh-ean Shìoin; oir feuch, tha mise a' teachd, agus gabhaidh mi còmhnuidh ann ad mheadhon, deir an Tighearn.

11 Agus bithidh mòran chinneach air an cur ris an Tighearn 's an là sin, agus bithidh iad 'n an sluagh dhomh-sa; agus gabhaidh mise còmhnuidh ann ad mheadhon; agus bithidh fios agad gu'n do chuir Tighearn nan sluagh mise a' d' ionnsuidh.

12 Agus scalbhaichidh an Tighearn Iudah, a chuibhrionn, anns an fhearann naomh; agus ròghnaichidh e Ierusalem a ris.

13 Bì tosdach, O uile fheoil, an làthair an Tighearna: oir tha e air a thogail suas o ionad-còmhnmh naomh.

CAIB. III.

1 *Le samhladh culaidh mhaisich leis an d' éidicheadh Iosuah an t-àrd-shagairt, 8 chuir eadh 'an cèill teachd Chrìosd a thoirt air falbh aingidheachd.*

AGUS thaisbein e dhomh Iosuah an t-àrd-shagart, 'n a sheasamh an làthair aingeil an Tighearna; agus Sàtan 'n a sheasamh aig a làimh dheis, gu cur 'n a aghaidh.

2 Agus thubhairt an Tighearn ri Sàtan, Gu'n deanadh an Tighearn do chronachadh, O Shàtain; gu'n deanadh eadhon an Tighearn a ròghnaich Ierusalem, do chronachadh: nach àithinne e so, air a spionadh as an teime?

3 A nis bha Iosuah air 'éideadh le endach salach, agus sheas e an làthair an aingeil.

4 Agus fhreagair esan, agus labhair e rium-sa a sheas 'n a làthair, ag ràdh, Thugaibh dheth an t-eudach salach. Agus ris-san thubhairt e, Feuch, thug mi air d' aingidheachd imeachd uait, agus éididh mi thu le culaidh mhaisich.

5 Agus thubhairt e, Cuireadh iad ceann-cudach maiseach air a cheann; agus chuir iad ceann-endach maiseach air a cheann, agus dh'èid iad e le falluinnibh; agus sheas aingeal an Tighearna leo.

6 Agus dhearbhaingeal an Tighearna do Iosuah, ag ràdh,

7 Mar so tha Tighearn nan sluagh ag ràdh, Ma ghluaisese tu ann am shligheibh-sa, agus ma choimhideas tu mo reachd; an sin bheir thu mar an ceudna breth air mo thigh, agus gléidhidh tu fòs mo chuirtean; agus bheir mi dhuit àiteachan coiseachd am measg na muinntir so 'n an seasamh leat.

8 Eisd a nis, O Iosuah, àrd-shagairt, thu fèin agus do chompanaich a tha 'n an suidhe a'd làthair: oir is daoine a tha 'n an iongantais iad: oir feuch, bheir mise mach m' òglach, AM MEANGAN.

9 Oir feuch, a' chlach a leag mise fa chomh-Iosuah: air aon chloich tha seachd sùilean. Feuch gearraidh mise a gearradh, tha Tighearn nan sluagh ag ràdh, agus atharraichidh mi aingidheachd an fhearainn so ann an aon là.

10 Anns an là sin, tha Tighearn nan sluagh ag ràdh, gairmidh sibh gach fear a choimh-earnach fo 'n fhìonain, agus fo 'n chrann-fhige.

CAIB. IV.

1 *Leis a' choinnleir a bha uile de òr, nochdadh soirbheachadh stéidh an teampuil; 14 agus le dà chrann-olaidh shamhluaicheadh an dithis ungta a sheas làimh ris an Tighearna.*

AGUS thàinig an t-aingeal a labhair rium a ris, agus dhùisg e mi, mar dhuine air a dhùsgadh as a chodal.

2 Agus thubhairt e rium, Ciod a tha thu 'faicinn? Agus thubhairt mise, Dh'amhaire mi, agus, feuch, coinnleir uile dh' òr, le 'chopan air a mhullach, agus a sheachd lòchraim air, agus seachd feadain gus na seachd lòchraim a tha air a mhullach.

3 Agus dà chrann-oladh làimh ris, 'aon air taobh deas a' chopain, agus aon air a thaobh clìth.

4 An sin fhreagair mi, agus labhair mi ris an aingeal a bha ri còmhradh rium, ag ràdh, Ciod iad so, mo thighearna?

5 Agus fhreagair an t-aingeal a bha 'labhairt rium, agus thubhairt e rium, Nach 'eil fios agad ciod iad so? Agus thubhairt mise, Cha-n'èil, mo thighearna.

6 An sin fhreagair e agus labhair e rium, ag ràdh, Is e so focal an Tighearna ri Serubabel, ag ràdh, Cha-n ann le neart, no le cumhachd, ach le m' spiorad-sa, deir Tighearn nan sluagh.

7 Cò thusa, O shlèibh mhòir? Roimh Sherubabel *fàsaidh tu a'd' chòmhnard*; agus bheir e mach a' chlach-chinn le h-ìolach, *a' glaochaich*, Gràs, gràs fòcail an Tighearna.

8 Os bàrr, thàinig focal an Tighearna 'a m' ionnsuidh-sa, ag ràdh;

9 Leag làmhnan Sherubabel stéidh an tighe so; ni làmhnan fòs a chrìochnachadh: agus bithidh fios agaibh gu'n do chuir Tighearn nan sluagh mise do bhuir n-ionnsuidh.

10 Oir cò 'rinn dìmeas air là nan nithean beaga? ni eadhon iadsan gairdeachas, agus chi iad an t-sreang-thombais 'an làimh Sherubabel. Is iad an t-seachdnar so sùilean an Tighearna; tha iad a' ruith sìos agus suas air feadh na talmhainn uile.

11 An sin fhreagair mise, agus thubhairt mi ris, Ciod iad an dà chrann-olaidh so air taobh deas a' choinnleir, agus air a thaobh clì?

12 Agus fhreagair mi a ris, agus thubhairt mi ris, Ciod iad dà ghéig nan crann-oladh, a tha làimh ris an dà fheadan òir a' taomadh na h-olaidh asda fèin?

13 Agus fhreagair e mi, agus thubhairt e, Nach 'eil fios agad ciod iad so? Agus thubhairt mise, Cha-n'èil, mo thighearna.

14 An sin thubhairt esan, Is iad so an dithis ungta 'tha 'n an seasamh làimh ri Tighearn na talmhainn uile.

CAIB. V.

1 *Le samhladh ròla ag itealaich nochdadh mallachd an t-sluaigh a ghoideas, agus a mhionnaicheas gu breugach air ainm an Tighearna.*
 5 *Le samhladh mna 'n a suidhe ann an ephah chuireadh 'an cèll aingidheachd na tire.*

AGUS thog mi suas mo shùilean a rìs agus dh'amhaire mi, agus, feuch, ròla ag itealaich.

2 Agus thubhairt esan rium, Ciod a tha thu 'faicinn? Agus fhreagair mise, tha mi 'faicinn ròla ag itealaich, fichead làmh-choille air fad, agus deich làmhnaidhe air leud.

3 An sin thubhairt e rium, Is e so am mallachd a tha 'dol a mach air aghaidh an fhearainn uile: agus gearrar as gach aon a ghoideas, mar air an taobh so dheth: agus gearrar as gach aon a mhionnaicheas, mar air an taobh sin deth.

4 Thug mise mach e, tha Tighearn nan sluagh ag ràdh, agus théid e steach do thigh a' mhèirlich, agus do thigh an tì a tha 'mionnachadh gu breugach air m' ainm-sa; agus fanaidh e ann am meadhan a thighe, agus sgriosaidh e, eadar fhiodh agus chloich e.

5 An sin chaidh an t-aingéal a labhair rium a mach, agus thubhairt e rium, Tog suas a nis do shùilean, agus faic ciod so a tha 'dol a mach.

6 Agus thubhairt mise, Ciod e? Agus thubhairt esan, So Ephah a tha 'dol a mach. Agus thubhairt e, Is i so an samhladh anns an fhearann uile.

7 Agus, feuch, bha tàlann luaidhe air a thogail suas: agus, feuch, bean 'n a suidhe ann am meadhan na h-ephah.

8 Agus thubhairt e, Is i so Aingidheachd: agus thig e i ann am meadhan na h-ephah; agus chuir e'n cothrom luaidhe air a beul.

9 An sin thog mi suas mo shùilean, agus dh'amhaire mi; agus, feuch, thàinig a mach dh' mhaoi, agus a' ghaoth 'n an sgiathaibh; (oir bha sgiathan aca mar sgiathan corra-laighe:) agus thog iad an ephah suas eadar an talamh agus na nèamhan.

10 Au sin thubhairt mise ris an aingéal a labhair rium, C'ait am bheil iad so a' giùlan na h-ephah?

11 Agus thubhairt e rium, A thogail tighe dhi ann an tìr Shìnaire; agus bithidh i air a daingneachadh, agus air a suidheachadh an sin air a bonn.

CAIB. VI.

1 *Taisbean nan ceithir charbad a thàinig a mach o eadar dhà shliabh.* 9 *Le samhladh crùn òir a chuireadh air ceann Iosuah nochdadh òirdheirceas rioghachd Chrìosd.*

AGUS a rìs thog mi suas mo shùilean, agus dh'amhaire mi; agus, feuch, thàinig ceithir carbadan a mach o eadar dhà shliabh; agus bu shléibhteann umha na sléibhteann.

2 Ris a' cheud charbad bha eich ruadha, agus ris an dara carbad eich dhubha,

3 Agus ris an treas carbad eich ghcala, agus ris a' cheathramh carbad eich bhalla-dhearg.

4 An sin fhreagair mi, agus thubhairt mi ris an aingéal a bha 'labhairt rium, Ciod iad so, mo thighearna?

5 Agus fhreagair an t-aingéal, agus thubhairt e rium, Is iad so ceithir spioradan nan nèamh, a tha 'dol a mach o bhi 'n an seasamh an làthair Tighearna na talmhainn uile.

6 Théid na h-eich dhubha a tha ann a mach do'n tìr mu thuath, agus théid na h-eich ghcala mach 'u an déigh; agus théid na h-eich bhalla-dhearg a mach ris an tìr mu dheas.

7 Agus chaidh na h-eich bhalla-dhearg a mach, agus thairg iad imeachd a chum gu'n siùbhladh iad sìos agus suas air feadh na talmhainn: Agus thubhairt e, Falbhaibh, imichibh sìos agus suas air feadh na talmhainn. Is amhuil a dh'imich iad sìos agus suas air feadh na talmhainn.

8 An sin ghairm e orm, agus labhair e rium, ag ràdh; Feuch, iad so a tha 'g imeachd gus an tìr mu thuath, chitinnich iad mo spiorad anns an tìr mu thuath.

9 Agus thàinig focal an Tighearn' a m' ionnsuidh, ag ràdh;

10 Gabh dhiubhsan a tha de'n bhruid, de theaghlach Heldai, agus Thobiah, agus Iedaiah; agus falbhaidh tu air an là cheud na, agus théid thu steach do thigh Iosiah mhic Shephaniah, a phill o Bhabylon.

11 Agus gabhaidh tu airgid agus òr, agus ni thu crùn, agus cuiridh tu e air ceann Iosuah, mhic Iosedech, an àrd-shagairt:

12 Agus labhraidh tu ris, ag ràdh; Mar so labhair Tighearnanansluagh, ag ràdh; Feuch an duine do'n ainm AM MEANGAN; agus fasaidh e nìos as àite, agus togaidh e teampull an Tighearna.

13 Togaidh cadhòn esan teampull an Tighearn, agus gheibh e glòir, agus suidhidh e, agus riaghlaidh e air a rìgh-chaitheir; agus bithidh e 'n a shagart air a rìgh-chaitheir; agus bithidh comhairle na sìthe eatorra araon.

14 Agus bithidh crùn aig Helem, agus aig Tobiah, agus aig Iedaiah, agus aig Hen mac Shephaniah, mar chuimhneachan ann an teampull an Tighearna.

15 Agus thig iadsan a tha fad as, agus togaidh iad ann an teampull an Tighearna; agus bithidh fios agaibh gu'n do chuir Tighearn nan sluagh mise do blur n-ionnsuidh. Agus thig so gu crìch, na bheir sibh géill gu cùramach do ghuth an Tighearn 'ur Dia.

CAIB. VII.

1 *Nochd Dia do'n t-sluagh gu'n do thraisg iad gu diomhain do bhrìgh nach do thraisg iad air a shon-san.* 4 *Chronuich Sechariah iad air son an cealgairachd, 6 agus ehomhairlich e dhoibh aithreachas a ghabhail.*

AGUS tharladh ann an ceathramh bliadhna Dharius, gu'n d'thàinig focal

an Tighearnagu Sechariah, air a' cheathramh le de'n naothamh mìos, *eadhon* Chisleu.

2 ('N uair a chuir iad gu tigh Dhé, Seresar agus Regemelech, agus an daoine, a dh'fhiosrachadh an làthair an Tighearna;

3 A labhairt ris na sagartaibh a bha 'an tigh Tighearna nan sluagh, agus ris na fàidhean, ag ràdh; An dean mi gul anns a' chùigeamh mìos, 'g am dhealachadh féiu, mar a rinn mi an iomadh bliadhna so?)

4 An sin thàinig focal Tighearna nan sluagh a m' ionnsuidh-sa, ag ràdh;

5 Labhair ri uile shluagh an fhearainn, agus ris na sagartaibh, ag ràdh; 'N uair a thraisg agus a ghul sibh anns a' chùigeamh agus anns an t-seachdamh mìos, cadhnan na deich agus trì fichead bliadhna so, an do thraisg sibh idir air mo shon-sa, *eadhon* air mo shon-sa?

6 Agus an uair a dh'ith sibh, agus 'n uair a dh'òl sibh, nach d'ith sibh *air bhur son fèin*, agus nach d'òl sibh *air bhur son fèin*?

7 Nach iad so na briathran a dh'éigh an Tighearn leis na ceud fhàidhean, 'n uair bha Ierusalem air a h-àiteachadh, agus a' soirbheachadh, agus a bailtean mu'n cuairt di; agus an taobh deas agus an còmhnaid air an àiteachadh?

8 An sin thàinig focal an Tighearna gu Sechariah, ag ràdh;

9 Mar so labhair Tighearn nan sluagh, ag ràdh; Cuiribh 'an gnìomh ceart-bhreitheanas, agus nochdaibh trècair agus iochd gach duine d'a bhràthair:

10 Agus na sàruichibh a' bhantrach, no an dilleachdan, an coigreach, no am bochd; agus na smuainicheadh neach air bith agaibh 'n 'ur cridhe, olc an aghaidh a bhràthar.

11 Ach dhiùlt iadsan éisdeachd, agus tharruing iad a' ghuaidh *o'n chuing*, agus dhruid iad an cluasan, a chum nach cluinneadh iad.

12 Seadh, rinn iad an cridheachan mar chloich adamaint, mu'n cluinneadh iad an lagh, agus na briathran a chuir Tighearn nan sluagh le a Spiorad, leis na fàidhean roimhe so: air an aobhar sin, thàinig corruich mhòr o Thighearn nan sluagh.

13 Agus thachair, amhuil a ghlaodh mise, agus nach d'éisd iadsan; mar sin ghlaodh iadsan, agus cha d'éisd mise, deir Tighearn nan sluagh.

14 Ach sgap mi iad le cuairt-ghaoith, am measg nan uile chinneach nach b'aithne dhoibh: agus bha am fearann fàs 'n an deigh, air chor as nach do shiubhail neach air bith troimhe, air ais no air aghaidh: agus rinn iad an tìr thaitneach 'n a fàsach.

CAIB. VIII.

1 *Soirbheachadh Ierusalem.* 9 *Thugadh misneach do'n t-sluagh an teampull a thogail.* 16 *Dh'air Dia ceartas agus fireantachd napa.*

13 *Ghealladh aobhneas agus soirbheachadh do'n Eaglais.*

A GUS thàinig focal Tighearna nan sluagh a m' ionnsuidh, ag ràdh;

2 Mar so tha Tighearn nan sluagh ag ràdh; Bha mise cudmhòr air son Shìoin le eud mòr, agus bha mi cudmhòr air a son le mòr-chorruich.

3 Mar so tha Tighearn nan sluagh ag ràdh; Phill mise gu Sion, agus gabhaidh mi còmhnuidh ann an Ierusalem; agus goirear ri Ierusalem, Baile fìrinn, agus ri slàibh Tighearna nan sluagh, Slàibh naomh.

4 Mar so tha Tighearn nan sluagh ag ràdh, Gabhaidh seann daoine, agus seana mhnathan còmhnuidh fathasd ann an sràidibh Ierusalem, agus gach duine le a luirg 'n a làimh le ro-aois.

5 Agus bithidh sràidean a' bhaile làn de mhacanaibh agus de nigheanagaibh, a' cluicheadh 'n a sràidibh.

6 Mar so tha Tighearn nan sluagh ag ràdh, Ma bhitheas e iongantach ann an sùilibh iarmaid an t-sluaigh so anns na làithibh sin, am bi e iongantach ann am shùilibh-sa fòs, deir Tighearn nan sluagh?

7 Mar so tha Tighearn nan sluagh ag ràdh, Feuch, saoraidh mise mo shluaigh o'n tìr an ear, agus o'n tìr an iar:

8 Agus bheir mi air an ais iad, agus gabhaidh iad còmhnuidh ann an Ierusalem, agus bithidh iad 'n an sluagh dhomh-sa, agus bithidh mise 'am Dhia dhoibh-san, ann am fìrinn, agus ann an ceartas.

9 Mar so tha Tighearn nan sluagh ag ràdh; Bitheadh bhur làmhnan làidir, sibhs e' tha 'cluinninn anns na làithibh so nam briathran so a' beul nam fàidhean, a tha 's an là 's am bheil stéidh tìghe Tighearna nan sluagh 'g a shuidheachadh, *eadhon* an teampull, a chum gu'm bitheadh e air a thogail.

10 Oir roimh na làithean so, cha robh luach saothaireach air bith aig duine, no luach saothaireach air bith aig ainmhidh; ni mò bha sìth aig an tìr a rachadh a mach, no 'thigeadh a steach, leis an teinn; oir chuir mise na h-uile dhaoine, gach aon an aghaidh a choinhearsnaich.

11 Ach a nis cha bhi mi do iarmaid an t-sluaigh so mar anns na làithibh roimhe so, deir Tighearn nan sluagh.

12 Oir soirbhichidh an sìol; bheir an fhìon-ain seachad a meas, agus bheir an talamh seachad a thoradh, agus bheir na nàmhàn seachad an drùchd; agus bheir mise air iarmaid an t-sluaigh so na nithean so gu léir a shealbhadh.

13 Agus tarlaidh, mar a bha sibh 'n 'ur mallachadh ann measg nan cinneach, O thigh Iudah, agus a thigh Israel, is amhuil a shaoras mise sibh, agus bithidh sibh 'n 'ur beannachadh. Na bitheadh eagal oirbh, bitheadh 'ur làmhnan làidir.

14 Oir mar so tha Tighearn nan sluagh ag ràdh, Mar a chuir mi roimham olc a dhcanamh oirbh, an uair a bhrosnuich bhur n-aithrichean mi gu feirg, tha Tighearn nan

sluagh ag ràdh, agus nach do ghabhl mi aithreachas;

15 Mar sin smuainich mi a rìs, anns na làithibh so, maith a dheanamh do Ierusalem, agus do thigh Iudah. Na bitheadhagal oirbhe.

16 So na nithean a ni sibh, Labhraibh, gach neach an fhìrinn r'a choimhearsnach: deannaibh breitheanas na fìrinn agus na sìthe 'n ur geatachaibh:

17 Agus na dealbhaibh 'n ur cridhe, gach aon neach ole an aghaidh a choimhearsnaigh, agus na gràdhaichibh mionnan bréige sam bith: oir na nithean so uile is fuathach leamsa, deir an Tighearn.

18 Agus thàinig focal Tighearna nan sluagh a m' ionnsuidh, ag ràdh;

19 Mar so tha Tighearn nan sluagh ag ràdh, Trasg a' cheathramh *mìosa*, agus trasg a' chùigeamh, agus trasg an t-seachdamh, agus trasg an deiceamh, bithidh do thigh Iudah 'n an aoibhneas agus 'n an gairdeachas, agus 'u am fèilean subhach; a mhàin gràdhaichibh-sa fìrinn agus sìochainnt.

20 Mar so tha Tighearn nan sluagh ag ràdh, Fathasd *tarlaidh* gu'n tig mòran dhaoine, agus luchd-àiteachaidh mhòran bhailean:

21 Agus théid luchd-àiteachaidh aoin *bhaile* gu aon eile, ag ràdh, Rachamaid da rìreadh a dheanamh urnuigh 'an làthair an Tighearn', agus a dh'arraidh Tighearn' nan sluagh: théid mise mar an ceudna.

22 Seadh, thig mòran sluagh, agus cinnich chumbachdach a dh'arraidh Tighearna nan sluagh ann an Ierusalem, agus a ghuidhe an làthair an Tighearna.

23 Mar so tha Tighearn nan sluagh ag ràdh, Anns na làithibh sin *tarlaidh* gu'n dean deichnear greim, á uile chànanibh nan cinneach, eadhon gu'n dean iad greim air sgìort an tì a bhitheas 'n a Iudbach, ag ràdh, Théid sinne leat, oir chuala sinn gu bheil Dia leibh.

CAIB. IX.

1 Ann am meadhan a bhrèitheanas air na cinnich teasairgidh Dia an Eaglais. 9 Chomhairlicheadh do Shìon gairdeachas a dheanamh air son teachd Chrìost. 12 Gheall Dia saorsa agus buaidh d'a phobhl.

FAISTNEACHD focail an Tighearna. Air fearann Hadraich, agus air Damascus gabhaidh i tàmh: (oir tha sùil gach duine, agus uile thruathan Israeil, air an Tighearn.)

2 Agus fòs air Hamat a tha làmh ris; air Tirus agus air Sidon, ged tha i ro ghlie.

3 Ge do thog Tirus dhi féin dàingneach làidir, agus ge do charn i suas airgid mar an duslach, agus òr fìor-ghlan mar pholl nan sràidean;

4 Feuch, tilgidh an Tighearn mach i, agus buailidh e 's an fhairge a neart; agus sgriosar i le teine.

5 Chi Ascelon, agus bithidh egal oirre; Gasa fòs, agus bithidh i ro bhrònach; is

amhuil a bhitheas Ecron, oir nàraicheadh a dòchas; agus bàsaichidh au rìgh o Ghasa, agus cha-n àitichear Ascelon.

6 Agus gabhaidh clann diolain còmhnuidh ann an Asdod; agus gearraidh mise as uabhar nam Philisteach.

7 Agus bheir mi air falbh 'fhuil as a bheil, agus a ghràineileachdan o eadar 'fhiacian: ach an tì a mhaireas, bithidh esan air son ar Dé-ne, agus bithidh e mar uachdaran ann an Iudah, agus Ecron mar an Iebusach.

8 Agus campaichidh mise timchioll mo thighe, 'g a dh'ionadh o'n fheachd a bhitheas 'dol seachad, no a bhitheas a' pilltinn; ni mòr théid am fear-sàruchaidh trompa ni's uò: oir a nis chunnac mi le m' shùilibh.

9 Dean gairdeachas gu mòr, O nighean Shìoin; tog iolach, O nighean Ierusalem: feuch, tha do rìgh a' teachd a d' ionnsuidh: is firean, agus is Slànuidhear e; iriosal, agus a' nuarcachd air asail, agus air searriach, mac na h-asail.

10 Agus gearraidh mi as an carbad o Ephraim, agus au t-cach o Ierusalem; agus gearrar as am bogha-cogaidh; agus labhairaidh esan sìth ris na cinnich: agus bithidh 'uachdaranachd o mhuir gu muir, agus o'n amhainn gu iomallaibh na tìre.

11 Air do shon-sa fòs, le fuil do choimheangail chuir mi mach do phrìosanaich as an t-slochd anns nach robh uisge sam bith.

12 Pillibh a chum an daingnich, O phrìosanacha an dòchais; eadhon air an là an diugh tha mi 'g innseadh gu'n diol mi dhuith *beannachdan* dùbailte.

13 Oir lùb mi dhomh féin Iudah, lìon mi am bogha le Ephraim; agus togaidh mi suas do mhic-sa, O Shìoin, an aghaidh do mhac-sa, O Ghréig, agus ni mi thu mar chlàidheamh duine chumbachdaich.

14 Agus chithear an Tighearn os an ceann, agus théid a shaighead a mach mar an dealanach: agus séididh an Tighearn Ichobhah an trompaid, agus théid e mach le ioma-ghaothaibh na h-àirde deas.

15 Ni Tighearn nan sluagh an dìon: agus ithidh iad, agus ceannsaichidh iad le clach-aibh-tabhuill; agus òlaidh iad, agus ni iad iolach mar le fìon; agus lìonar iad mar chopain, mar oisinnibh na h-altarach.

16 Agus tèarnaidh an Tighearn an Dia iad anns an là sin, mar thread a shluaigh; oir togar suas clachan-buaidh an crùin air feadh am fearainn.

17 Oir cia mòr an soirbheachadh, agus cia mòr am maise! ni an t-arbhar na h-òganach, agus am fìon-uadh na h-òighean, subhach.

CAIB. X.

1 Is còir iarraidh a dh'ionnsuidh Dhé. 2 agus cha-n ann a dh'ionnsuidh iòdhola. 3 Cruinnichidh Dia a shluagh, agus saoraidh e iad.

IARRAIBHSE air an Tighearn uisge ann an àm an uisge dheireannaich; ni

an Tighearn dealanach, agus bheir e dhuibh pailteas uisge; do gach aon fear anns an fhaiche.

2 Oir labhair na h-iodholan dìomhanas, agus chunnaic na fiosaichean breug, agus dh'innis iad aislingean faoine; is dìomhain an comhfhurtachd: uime sin dh'imich iad air falbh mar threud; bha iad air an claidh, a chionn nach robh buachaill air bith ann.

3 An agbaidh nam buachaillan las mo chorruich-sa, agus na gabhair smachdaichidh mi. Ach dh'amhairc Tighearn nan sluagh air a threud, tigh Iudah; agus ni e iad mar each maiseach anns a' chath.

4 Uaith-san thig a mach a' chlach-oisne, uaith-san an tarann, uaith-san am bogha-catha, uaith-san gach uile uachdaran le 'chèile.

5 Agus bithidh iad ann an cath cosmhuil ri gaisgich a shaltras air clàbar nan sràid: agus cogaidh iad, a chionn gu bheil an Tighearn maille riu; agus cuirear marc-aichean nan each gu nàire.

6 Agus ncartaichidh mise tigh Iudah, agus tèarnaidh mi tigh Ioseiph; agus suidhichidh mi iad a ris; oir tha truas agam dhiubh: agus bithidh iad mar nach tilginn fada uam iad: oir is mise Iehobhah an Dia, agus éisdidh mi riu.

7 Agus bithidh Ephraim mar ghaisgeach; agus ni an cridhe gairdeachas, mar le fion: seadh, chi an clann, agus bithidh iad ait; ni an cridhe gairdeachas anns an Tighearn.

8 Gairmidh mise iad, agus cruinnichidh mi iad, oir shaor mi iad: agus meudaichidh iad, *eadhon* mar a mhudaich iad.

9 Agus cuiridh mi iad mar shìol an measg nan cinneach; agus cuimhnichidh iad ormsa ann an dùthchannaibh fad as; agus mairidh iad beò le 'n cloinn, agus pillidh iad a ris.

10 Agus bheir mi air an ais iad o thìr na h-Eiphit, agus cruinnichidh mi iad a mach á Asiria; agus bheir mi iad air an ais gu tìr Ghileaid agus Lebanoin; agus cha bhi *àite* nì's leòr r'a fhaotainn doibh.

11 Agus thèid e troimh an fhairge, le dòrainn: agus buailidh e na tonnan anns an fhairge; agus tiormaichidh uile dhoimhneachdan na h-aimhne suas: agus bhicear a nuas uabhar Asiria, agus imichidh slat-rioghail na h-Eiphit seachad.

12 Agus neartaichidh mi iad anns an Tighearn; agus 'n a ainm-san ghuaisidh iad, deir an Tighearn.

CAIB. XI.

1 *Léir-sgrìos Ierusalem.* 4 *Càram Chrìosd d'a threud.* 15 *Samhladh agus mallachd buachaill amaidich.*

FOSGAIL do dhorsan, O Lebanoin, a chum gu'n loisg an teine do sheudair.

2 Guil gu h-àrd, O chraobh ghiuthais, oir thuit an seudar; oir tha iadsan a b' àirde

air am milleadh: deanaibh gul, O dharaga Bhàsain, oir ghearradh frith na callaid.

3 Guth ulartaich nam buachaillan! a chionn gu bheil an g'òir air a milleadh: guth beucaich nan leòmhann òga! oir tha uabhar Iordain air a chreachadh.

4 Mar so thubhairt an Tighearn mo Dhia, Beathaich thusa treud a' chasgraidh.

5 A tha an sealbhadairean a' marbhadh, agus 'g am meas féin neò-chiontach: agus tha iadsan a tha 'g an reic ag ràdh, Beannaichte gu'n robh an Tighearn, oir tha mi saoihiir: agus cha-n'eil truas aig an aodhairibh féin diubh.

6 Oir cha ghabh mise nì's mò truas de luchd-àiteachaidh na tìre, tha an Tighearn ag ràdh: ach feuch, bheir mi thairis daoine, gach aon do làimh a choimhearsnaich, agus do làimh a rìgh; agus buailidh iad am fearann, agus cha saor mi as an làimh.

7 Agus beathaichidh mi treud a' chasgraidh, *eadhon* sibhse, 'bhoehdan an treud. Agus ghabh mi a m' ionnsuidh dà luig: air aon diubh thug mi mar ainm Maise, agus air an aon eile thug mi mar ainm Cuibhricean; agus bheathaich mi an treud.

8 Tri aodhairean fòs ghearr mi as ann an aon mhìos; agus bha gràin aig m' anam-sa dhiubh-san, agus bha fuath aig an anam-san dhomh-sa.

9 An sin thubhairt mi, Cha bheathaich mi sibh: an nì sin a bhàsaicheas, bàsaicheadh e; agus an nì sin a tha gu bhli air a ghearradh as, gearrar as e: agus itheadh a' chuid eile, gach aon feoil a chèile.

10 Agus ghabh mi mo lorg, *eadhon* Maise, agus ghearr mi 'n a bloighdibh i, chum gu'm brisinn mo choimheangal a rinn mi ris na slòigh uile.

11 Agus bhriseadh e 's an là sin: agus mar sin dh'aithnich bochdan an treud a thug an aire dhomh, gu'm b'e sin focal an Tighearna.

12 Agus thubhairt mi riu, Ma chithear ceart duibh, thugaibh *dhomh* mo luach: agus mur faicear, leigibh leis: mar sin thomhais iad air son mo luach, deich *buinn* fhichead airgid.

13 Agus thubhairt an Tighearn rium, Tilg a chum a' chriadhair e: luach ciatach leis an robh mise air mo mheas leo-san. Agus ghabh mi na deich *buinn* fhichead airgid, agus thilg mi iad ann an tigh an Tighearn, a chum a' chriadhair.

14 Agus ghearr mi as a chèile mo lorg eile, *eadhon* Cuibhricean; a chum gu'm brisinn am bràithreachas eadar Iudah agus Israel.

15 Agus thubhairt an Tighearn rium a ris, Gabh a d' ionnsuidh fathasd imcalan buachaill amaidich:

16 Oir feuch, togaidh mise suas buachaill 's an fhearann, nach seall an déigh an nì sin

⁂ ghearrar as ; nach iarr a' chuid a tha òg ; agus nach leighis a' chuid a fhuair dohamn ; ni mò bheathaicheas e a' chuid a sheas : ach ithidh e feoil na codach a tha reamhar, agus reubaidh e an crodhain 'n am bloighd-ibh.

17 Is truagh do'n droch bhuachail a dh'fhàgas an treud: *thig* sgrios air a ghairdean, agus air a shùil dheis: seargaidh a ghairdean gu tur, agus dorchaidhear a shùil dheas gu h-iomlaid.

CAIB. XII.

1 *Nithear Ierusalem 'n a copan ball-chrìth, agus 'n a cloich chudthromach do na slòigh uile.* 6 *Buaidh uachdaran Iudah.* 10 *Aithreachas Ierusalem.*

FAISTNEACHD focail an Tighearna, A thaobh Israeil, tha an Tighearna ag ràdh, a tha 's gaoileadh a mach nan nèamh, agus a' suidheachadh stéidh na talmhainn, agus a' cruthachadh spioraid duine 'au taobh a stigh dheth.

2 Feuch, ni mise Ierusalem 'n a copan ball-chrìth do na slòigh uile mu'n cuairt: air sou Iudah mar an ceudna bithidh e 's an fheachd an aghaidh Ierusalem.

3 Agus anus au là sin ni mi Ierusalem 'n a cloich thruinn do ua slòigh uile ; na h-uile a ghabhas i mar uallach orra féin, gearrar iad 'u am bloighdibh: agus 'n a h-aghaidh bithidh uile chinich an domhain air an cruinneachadh ri 'chéile.

4 Anns au là sin, tha an Tighearna ag ràdh, buailidh mise gach each le uamhas, agus a mharcach le cuthach; agus fosglaidh mi uo shùilean air tigh Iudah, agus gach aon each aig ua slòigh buailidh mi le doille.

5 Agus their uachdaran Iudah 'n an cridhe, Is iad luchd-àiteachaidh Ierusalem mo neart ann an Tighearna nan sluagh au Dia.

6 Anns au là sin ni mise uachdaran Iudah mar theallach teine am measg connaidh, agus mar leus teine ann an sguaib; agus loisgidh iad air an làimh dheis, agus air an làimh chlì, na slòigh uile mu'n cuairt: agus àitichear Ierusalem a rìs, 'u a h-iouad féin, ann au Ierusalem.

7 Saoraidh an Tighearna fòs pàilliuann Iudah, mar o shean; mu'n deau glòir tìghe Dhaibhidh, uo glòir luchd-àiteachaidh Ierusalem, iad féin àrdachadh an aghaidh Iudha.

8 Anns au là sin dìonaidh au Tighearna luchd-àiteachaidh Ierusalem; agus bithidh esan a tha lag 'u am measg anns au là sin mar Dhaibhidh; agus tigh Dhaibhidh mar Dhia, mar aingeal an Tighearna 'n an làth-air.

9 Agus tarlaidh anns au là sin, gu'n iarr mise na h-uile chinich a thig an aghaidh Ierusalem a mhilleadh.

10 Agus dòirtidh mi air tigh Dhaibhidh, agus air luchd-àiteachaidh Ierusalem,

spiorad nan gras agus nan athchuingean ; agus amhaireidh iad ailsan a lot iad, agus ni iad caoidh air a shon, mar a chaoidheas duine air son aoin mhic: agus bithidh an doilghios air a shon mar dhòilghios air son ceud-ghin.

11 Anns au là sin bithidh cumha mhòr ann an Ierusalem, cosuail ri cumha Hadadrìmoìn, ann an gleau Mhegidoin.

12 Agus ni am fèaraun caoidh, gach aon teaghlach air leth: teaghlach tìghe Dhaibhidh air leth, agus am mnathan air leth: teaghlach tìghe Naitain air leth, agus am mnathan air leth:

13 Teaghlach tìghe Lebhi air leth, agus am mnathan air leth: teaghlach Shimeir air leth, agus am mnathan air leth:

14 Na h-uile theaghlach eile, gach teaghlach air leth, agus am mnathan air leth.

CAIB. XIII.

1 *An tobar a dh'fhosgail do luchd-àiteachaidh Ierusalem air son peacaidh, agus air son neòghloine.* 7 *Bàs Chrìosd, agus tèaruint-eachd trian de'n t-sluagh.*

ANNS au là sin bithidh tobar air 'fhosgladh do thigh Dhaibhidh, agus do luchd-àiteachaidh Ierusalem, air son peacaidh agus air son neòghloine.

2 Agus tarlaidh air au là sin, tha Tighearna nan sluagh ag ràdh, gu'n gearr mise mach ainmean nan iodhol as an fhearann, agus cha chuimhnichear iad ni's mò: agus fòs bheir mi air na fiosaichean, agus air na spioradaibh neòghlan sibhal a uach as an fhearann.

3 Agus tarlaidh, 'n uair a ni duine sam bith faistneachd, au sin gu'n abair 'athair agus a mhàthair a ghin e ris, Cha mhair thu beò; oir labhair thu breugan ann an aium an Tighearna: agus ni 'athair agus a mhàthair a ghin e, a bhualadh troimhe an uair a ni e faistneachd.

4 Agus tarlaidh anns au là sin, gu'm bi nàire air na fàidhibh, gach aon d'a shealladh, 'n uair a ni e faistneachd: ni mò chuiras iad uupa falluinnean molach gu mealladh.

5 Ach their *gach aon*, Cha-n fhàidh mise, is treabhaiche mi; oir tha còir aig duine *eile* orm o m' òige.

6 Agus their *aon ris*, Ciod iad na lotan sin anu ad làmhan? Au sin freagraidh esan, Iad sin leis an do lotadh mi aun au tigh mo chairdean.

7 Dùisg, O chlaidheimh, an aghaidh mo bhuachail, agus an aghaidh an duine 'tha 'n a dhùth-chompanach dhòuh-sa, tha Tighearna nan sluagh ag ràdh. Buailidh mise am buachail, agus bithidh an treud air a sgapadh; agus tionndaidhidh mi uo làmh air a' mhuinntir bhig.

8 Agus tarlaidh anns au fhearann uile, tha au Tighearna ag ràdh, gu'n gearrar as dà thrìan anu, agus gu'm bàsaich iad; ach bithidh an treas trian air 'fhàgail anu.

9 Agus bheir mise an treas trian troimh an teine, agus glanaidh mi iad mar a ghlanar an t-airgiod, agus dearbhaidh mi iad mar a dhearbhar an t-òr: gairmidh iad air m' ainm-sa, agus éisdidh mise riu; their mi, Is iad mo shluagh; agus their iadsan, Is e an Tighearn mo Dhia.

CAIB. XIV.

1 Léir-sgríos Ierusalem. 3 Teachd Chríost.

12 Buailidh Dia naímheadan Ierusalem le pláigh. 16 Pillidh am fuigheall ris an Tighearn.

TEUCH, tha là an Tighearn' a' teachd, agus roinnear do chreach ann ad mheadhon.

2 Oir eruinnichidh mise na h-uile chinneach an aghaidh Ierusalem gu eogadh; agus glaeas am baile, agus creachar na tighean, agus éigniehear na mnathan; agus théid leth a' bhaile air falbh 'am bruid; agus eha ghearrar a' chuid eile de'n t-sluagh as o'n bhaile.

3 Agus théid an Tighearn a maeh, agus cogaidh e an aghaidh nan einneach sin, mar a chog e ann an là a' chatha.

4 Agus seasaidd a chosan air an là sin air sliabh nan Oladh, a tha fa eomhair Ierusalem air an taobh an ear: agus sgoltidh sliabh nan Oladh 'n a mheadhon, ris an àird an ear, agus ris an àird an iar, *air chor as gu'm bi* gleann ro mhòr ann: agus gluaisidh leth an t-sléibh ri tuath, agus an leth eile ri deas.

5 Agus teichidh sibhse *rathad* glinn nan sliabh: oir ruigidh gleann nan sliabh gu h-Asal: seadh, teichidh sibh mar a theich sibh roimh an ehirith-thalmhainn, ann an làithibh Usiah rìgh Iudah: agus thig an Tighearn mo Dhia-sa, agus a naomh uile maille ris.

6 Agus tarlaidh anns an là sin, nach bi solus soilleir agus dorchadas ann;

7 Aeh bithidh e 'n a aon là, a bhitheas aithnichte do'n Tighearn: eha là, agus cha-n oidhehe' bhitheas ann: aeh tarlaidh air trà fcasgair gu'm bi solus ann.

8 Agus tarlaidh air an là sin, gu'n téid uisgeachan beò a mach à Ierusalem; leth dhiubh ris an fhaigce 'n ear, agus leth dhiubh ris an fhaigce 'n iar: anns an t-samhradh agus anns a' gheamhradh bithidh e.

9 Agus bithidh an Tighearn 'n a rìgh os ceann na talmhainn uile: anns an là sin bithidh aon Tighearn ann, agus 'ainn' 'n a aon.

10 Agus cuairtiehidh e am fearann uile mar chòmhnard, o Gheba gu Rimon, mu dheas de Ierusalem: agus togar suas i, agus

àitichear i 'n a h-ionad, o gheata Bheniamin gu àit a' eheud gheata, agus gu geata na h oisne, agus o thùr Hananeil gu fion-amair an rìgh.

11 Agus nì daoine còmhnuidh innte, agus cha bhi léir-sgríos ann nì's mò; aeh bithidh Ierusalem air a h-àiteachadh ann an tèaruinteachd.

12 Agus so a' phlàigh leis am buail an Tighearn na slòigh uile a chog an aghaidh Ierusalem: leaghaidh am feoil air falbh am feadh a tha iad 'n an seasamh air an cos-aibh, agus leaghaidh an sùilean air falbh 'n an sluiehd, agus leaghaidh an teangadh air falbh 'n am beul.

13 (Agus tarlaidh anns an là sin gu'm bi buaireas mòr o'n Tighearn 'n am measg: agus glacaidh iad greim, gach aon de làimh a choimhearsnaich; agus éiridh a làmh suas an aghaidh làimhe a choimhearsnaich.)

14 Agus cogaidh Iudah fòs aig Ierusalem; agus eruinniehear ri 'chéile maoin nan uile chinneach mu'n cuairt, òr, agus airgiod, agus earradh, ann am pailteas mòr.)

15 Agus bithidh plàigh an eieh, na muileid, a' chàmhail, agus na h-asail, agus nan uile bheathaichean a bhitheas anns na camp-aibh so, mar a' phlàigh so.

16 Agus tarlaidh gu'n téid gach aon a dh'fhàgar, de na h-uile chinneach a thàinig an aghaidh Ierusalem, suas o bhliadhna gu bliadhna gu aoradh a dheanamh do'n Rìgh, Tighearn nan sluagh, agus a choimhead féille nam pàillunan.

17 Agus tarlaidh, eò sam bith de uile theaghaicheibh na talmhainn nach téid suas gu Ierusalem, a dheanamh aoraidh do'n Rìgh, Tighearn nan sluagh, eadhon orra sin eha tig uisge sam bith.

18 Agus mur téid teaghlach na h-Eiphit snas, agus mur tig iad' orra-san bithidh a' phlàigh sin leis am buail an Tighearn na einneach nach téid suas a choimhead féille nam pàillunan.

19 So peanas na h-Eiphit, agus peanas nan uile chinneach nach téid suas a choimhead féille nam pàillunan.

20 Anns an là sin, bithidh air cluig nan each, *Наомнасьн* Do'n Tighearn: agus bithidh na coireachan ann an tigh an Tighearna mar na cuachan fa chomhair na h-altarach.

21 Seadh, bithidh gach poit ann an Ierusalem, agus ann an Iudah, 'n an naomhaehd do Thighearn nan sluagh: agus thig iadsan uile a dh'òbras, agus gabhaidh iad dhiubh, agus bruicidh iad anna: agus eha bhi nì's mò an Canaanach ann an tigh Iehobhah Dhia nan sluagh, 's an là sin.

M A L A C H I

CAIB. I.

1 *Rinn Malachi gearan an aghaidh an t-sluaigh air son an aingidheachd. 6 Chuir e 'an cèill doibh an neo-chàram mu thimchioll seirbhis an Tighearna.*

FAISTNEACHD focail an Tighearna chum Israeil, le Malachi.

2 Ghràdhaich mise sibh, tha an Tighearn ag ràdh: Gidheadh tha sibhse ag ràdh, Ciod 's an do ghràdhaich thu sinn? Nach b'e Esau bràthair Iacoib, tha an Tighearn ag ràdh? gidheadh ghràdhaich mise Iacob,

3 Agus dh'fhuathaich mi Esau; agus chuir mi a shlèibhtean fas, agus tha 'oighreachd aig nathraichibh an fhàsaich.

4 Mar tha Edom ag ràdh, Rinneadh bochd sinn, ach pillidh sinn agus togaidh sinn na h-ionadan sgaoilte; mar so tha Tighearn nan sluagh ag ràdh, Togaidh iadsan, ach tilgidh mise sìos; agus goirear riu, Crìoch na h-aingidheachd, agus an ghabh ris an bheil corruich aig an Tighearn gu sìorruidh.

5 Agus chi bhur sùilean-sa, agus their sibh, Bithidh an Tighearn air 'ardachadh thar crìochan Israeil.

6 Bheir mac onoir d'a athair, agus seirbhisich d'a mhaighstir; ma 's athair mise ma ta, c'ait am bheil m' onoir? agus ma 's mhaighstir mi, c'ait am bheil m' eagail? tha Tighearn nan sluagh ag ràdh ruibhse, O shagartan a tha 'deanamh tàire air m' ainm-sa; agus tha sibh ag ràdh, Ciod anns an d'rinn sinne tàir air d' ainm?

7 Tha sibh a' toirt seachad arain thruaillte air m' altair; agus tha sibh ag ràdh, Ciod anns an d'rinn sinne do thruaillleadh? Le sibh a bhi 'g ràdh, Tha bord an Tighearna suarrach.

8 A nis ma thairgeas sibh an ni 'tha dall mar iobairt, nach ole sin? agus ma thairgeas sibh an ni 'tha bacach agus tinn, nach ole sin? tairg e nis do d' uachdaran, am bi e toilichte leat, no 'n gabh e riut, deir Tighearn nan sluagh?

9 Agus a nis, guidheam oirbh, iarraibh aghaidh an Tighearna gu'm bi e tròcaireach dhuinn. Is ann o bhur làimh-sa thàinig so; an gabh mise ri aon agaibh gu taitneach? deir Tighearn nan sluagh.

10 Gu ciinnteach druidear na dorsan 'n 'ur n-aghaidh; agus cha-n fhadaidh sibh teine air m' altair-sa gu dìomhain. Cha-n'eil tlachd air bith agam annaibh, tha Tighearn nan sluagh ag ràdh, ni mò ghabhas mi tabhartas air bith o bhur làimh.

11 Oir, o éirigh na gréine gu ruig a dol fodha bithidh m' ainm-sa mòr an measg nan cinneach; agus anns gach àite tairg e tùis do m' ainm-sa, agus tabhartas fìor-ghlan:

oir bithidh m' ainm mòr an measg nan cinneach, deir Tighearn nan sluagh.

12 Ach thruaill sibhse e, le sibh a bhi 'g ràdh, Tha bord an Tighearna truailhte; agus an tabhartas air, eadhon a bhiadh, tha e suarrach.

13 Thubhairt sibh fòs, Cia mòr an sgìos e? agus shéid sibh uaibh e, tha Tighearn nan sluagh ag ràdh! agus thug sibh a m' ionnsuidh an ni a bha reubta, agus bacach, agus tinn; mar so thug sibh tabhartas: an gabh mise sin o bhur làimh, deir Tighearn nan sluagh?

14 Ach malluichte gu robh am mealltair, aig am bheil fìrionn 'n a threud, agus a bhòidicheas agus a dh'ìobras ni truaillidh do'n Tighearn: oir is Rìgh mòr mise, tha Tighearn nan sluagh ag ràdh, agus tha m' ainm uamhasach an measg nan cinneach.

CAIB. II.

1 *Chronuicheadh na sagartan do bhrìgh nach do chuir iad 'an suim an àithne; 10 agus an sluagh a chionn gu'n do phòs iad mnathan coimheach, 13 gu'n d'rinn iad ceannaire, 17 agus gu'n do chuir iad 'an gnìomh aingidh-eachd.*

AGUS a nis dhuibh-sa tha 'n àithne so, O shagartan.

2 Mur éisd sibh, agus mur cuir sibh 'an suim i, chum glòir a thoirt do m' ainm-sa, tha Tighearn nan sluagh ag ràdh, cuiridh mise eadhon mallachd oirbh; agus mall-aichidh mi bhur beannachdan: seadh mhall-aich mi iad cheana, a chionn nach 'eil sibh 'g a chur 'an suim.

3 Feuch, bheir mi air an t-sìol nach fàs e, agus tilgidh mi aolach 'n 'ur n-aghaidh, aolach bhur n-àrd-fhéilleach; agus giùlainear sibh féin maille ris.

4 Agus aithnichidh sibh gu'n do chuir mise do 'ur n-ionnsuidh an àithne so, chum gu maireadh mo choimheachd le Lebhi, deir Tighearn nan sluagh.

5 Bha mo choimheachd ris-san, mu thimchioll beatha agus sìthe, agus thug mi dha iad, air son an eagail leis an robh eagail air romham, agus leis an robh geilt air roimh m' ainm.

6 Bha lagh na fìrinn 'n a bheul, agus cha d'fhuairidh aingidheachd 'n a bhlìb; ghluais e leamsa ann an sìth agus ann an ionracas, agus phill e mòran air falbh e eu-ceart.

7 Oir bu chòir do bhlìb an t-sagairt còlas a choimhead, agus bu chòir an reachd iarraidh as a bheul: oir is esan teachdair Tighearna nan sluagh.

8 Ach chaidh sibh air seacharan o'u t-slighe; thug sibh air mòran tuisleachadh

air an reachd: thruaill sibh coimhcheangal Lebhí, deir Tighearn nan sluagh.

9 Uime sin rinn mise fòs sibhse suarrach agus tàireil ann an sealladh an uile shluaigh, a réir mar nach do choimhid sibh mo shlighean, ach gu'n robh sibh leth-bhreith-each anns an lagh.

10 Nach 'eil aon athair againn uile? nach aon Dia a chruthaich sinn? c'uime ann bheil sinn a' buntainn gu fealltach, gach duine an aghaidh a bhràthar, le bhí 'briseadh coimhcheangail ar n-aithrichean?

11 Bhuin Iudah gu fealltach, agus chuir-eadh gràineileachd 'an gnìomh ann an Israel agus ann an Ierusalem: oir thruaill Iudah naomhachd Dhé a's ionmhuinn leis, agus phòs e nighean dé choimhich.

12 Gearraidh an Tighearn as an duine a ni so; am fear-faire, agus am fear-freagrachd, a mach á pàillunaibh Iacoib; agus esan a bheir tabhartas do Thighearn nan sluagh.

13 Agus so fòs rinn sibh; chòmhdaich sibh le deuraibh altair an Tighearna, le gul, agus le h-éigheach; ionnus nach 'eil suim aige do thabhartas n's mò, agus cha ghabh e le deadh-ghean o bhuir lùimh e.

14 Gidheadh tha sibh ag ràdh, C'ar son? A chionn gu'n robh an Tighearn 'n a fhianuis eadar thu agus bean d' òige, ris an do bhuin thu gu fealltach: gidheadh b' i do bhana-chompanach i, agus bean do choimhcheangail.

15 Agus nach d'rinn e aon *sheol diubh*? agus tha fuigheall an spioraid aige. Agus ciod a tha esan ag iarraidh? sliochd diadhaidh. Uime sin biodh faicill agaibh air bhuir spiorad, agus na buineadh neach air bith gu fealltach an aghaidh mnà 'òige.

16 Oir is fuath lean-sa esan a chuireas air falbh, tha an Tighearn Dia Israeil ag ràdh: agus esan a dh'fholaicheas ainneart le 'thrusgan, tha Tighearn nan sluagh ag ràdh. Uime sin biodh faicill agaibh air bhuir spiorad, nach buin sibh gu fealltach.

17 Sgithich sibh an Tighearn le bhuir briathraibh: gidheadh tha sibh ag ràdh, Ciod anns an do sgithich sinne e? Le sibh a bhi 'g ràdh, Tha gach aon a tha 'deanamh uile taitneach ann an sealladh an Tighearna; agus tha tlachd aig anna: no, C'ait am bheil Dia a' bhreitheanas?

CAIB. III.

1 *Thig Mesiah a ghlanadh na h-Eaglais, agus a thoirt breth air na h-aingidh. 7 Thugadh rabhadh do'n t-sluagh aithreachas a ghabhail. 8 An cionta uamhasach.*

FEUCH, cuiridh mise mach mo theachd-air, agus ulluichidh e'n t-slighe romham; agus thig an Tighearn a tha sibh ag iarraidh, g'a theampull gu grad; cadhon teachdair a' choimhcheangail, anns am bheil bhurtlachd; feuch thig esan, deir Tighearn nan sluagh.

2 Ach cò 'dh'fheudas là a theachd a ghiulan? agus cò a sheasas an uair a

dh'fhoillsichear e? oir is cosmhuil e ri teine an fhir-leaghaidh, agus ri acfhuinn-ghlanaidh an fhir a nigheas eudach:

3 Agus suidhidh e mar fhear-leaghaidh agus glanaidh airgid: agus glanaidh e mic Lebhí, agus saoraidh e o shal iad, mar òr agus mar airgiod, chum gu'm bi iad 'n an òglaich do'n Tighearn, a' tairgseadh dha tabhartais ann am fireantachd.

4 An sin bithidh tabhartas Iudah agus Ierusalem taitneach do'n Tighearn, mar anns na làithibh o shean, agus anns na làithnhaibh roimhe so.

5 Agus thig mise dlùth dhuibh gu breitheanas, agus bithidh mi a'm' fhianuis luath an aghaidh fhiosaichean, agus an aghaidh adhaltrannach, agus an aghaidh na muinntir a bheir mionnan-eithich, agus an aghaidh na muinntir a tha 'cumail air ais a thuarasdail o'n t-seirbhiseach, a' sàrachadh na bantraich agus an dilleachdain, agus a' cur a' choigreach a thaoibh, agus air nach 'eil eagal romham-sa, deir Tighearn nan sluagh.

6 Oir is mise Iehobhah, cha chaochail mi: air an aobhar sin cha-n'eil sibhse, O chlann Iacoib, air 'ur sgrios.

7 Eadhon o làithibh 'ur n-aithrichean chlaon sibh o m' reachdaibh-sa, agus cha do choimhid sibh iad: pillibh riumsa, agus pillidh mise ruibh-sa, tha Tighearn nan sluagh ag ràdh: Ach thubhairt sibhse, Ciod anns am pill sinn?

8 An creach duine Dia? gidheadh chreach sibhse mise: ach tha sibh ag ràdh, Ciod anns an do chreach sinn thu? Ann an deachamh agus ann an tabhartasaibh.

9 Tha sibh malluichte le mallachd: oir spùim sibh mise; cadhon an cinneach souile.

10 Thugaibh an deachamh uile chum an tigh-thasgaidh, air chor as gu'm bi biadh ann am tigh-sa; agus dearbaibh mi nis leis an ni so, tha Tighearn nan sluagh ag ràdh, mur fosgail mi dhuibh uinneagan nan nèamh, a dhiòrtadh a mach beannachd oirbh, agus nach bi àit ann g'a chumail.

11 Agus cronuichidh mi am milltear air 'ur sgàth-sa, agus cha mhill e toradh bhuir fearainn, ni mò thilgeas bhuir fionain a meas an-abuich 's an fhaiche, deir Tighearn nan sluagh.

12 Agus goiridh na h-uile chinneach beannaichte sibh: oir bithidh sibh 'n ur dùthaich thaitneach, deir Tighearn nan sluagh.

13 Bha bhuir briathran dalma ann am aghaidh-sa, tha an Tighearn ag ràdh; gidheadh tha sibh ag ràdh, Ciod a labhair sinn a'd' aghaidh.

14 Thubhairt sibh, Is dìomhain seirbhis a thoirt do'n Tighearn; agus ciod a' bhuannachd dhuinn gu'n do choimhid sinn 'ordugh, agus gu'n do ghluais sinn gu brònach an làthair Tighearna nan sluagh?

15 Agus a nis tha sinn a' mcas nan uaibhreach sona: seadh tha iadsan a tha 'cur

MALACHI, IV.

'an guimhl aingidheachd air an àrdachadh : seadh, tha iadsan a tha 'buaireadh Dhé, eadhon air an saoradh.

16 An sin labhair iadsan air an robh eagal an Tighearna, gach aon gu tric ri 'chéile; agus dh'éisd an Tighearn, agus chual' e, agus bha leabhair-cuimhne air a sgrìobhadh 'n a làthair air son na muinntir air an robh eagal an Tighearn', agus a smuainich air 'ainm.

17 Bithidh iad agam-sa, tha Tighearn nan sluagh ag ràdh, anns an là sin anns an dean mi suas mo sheudan; agus caomhainidh mi iad, mar a chaomhainicas duine a mhac féin a tha 'deanamh seirbhis da.

18 An sin pillidh sibhse, agus chi sibh an dealachadh eadar am firean agus an t-aingidh; eadar an ti a tha 'deanamh seirbhis do Dnìa, agus an ti nach 'eil ri seirbhis da idir.

CAIB. IV.

1 *Ereitheanas Dhé air na h-aingidh, agus a mhaithreas dhoibhsan aig am bheil eagal roimhe.* 4 *Chomhairlicheadh do'n t-sluagh lagh an Tighearn' a chuimhneachadh.* 5 *Dreuchd an fhàidh Eliah.*

OIR feuch, tha 'n là a' teachd, a loisgeas mar àmhuinn; agus bithidh na h-uaihb-

reich uile, seadh, gach neach a tha ri aingidheachd, mar asbhuain; agus loisgidh an là 'tha 'teachd suas iad, tha Tighearn nan sluagh ag ràdh; oir cha-n fhàg e bun no bàrr dhiubh.


2 Ach dhuibh-sa air am bheil eagal m' ainme-sa éiridh Grian na fireantachd le slàinte 'n a sgiathan; agus théid sibh a mach, agus fasaidh sibh suas mar laoigh bhiadhtha.

3 Agus saltraidh sibh sìos na h-aingidh: oir bithidh iad mar luaithre fo bhonnaibh 'ur cos, anns an là 's an dean mise so, deir Tighearn nan sluagh.

4 Cuimhnichibh-sa lagh Mhaois m' òglaich, a dh'àithn mise dha ann an Horeb, air son Israeil uile, *eadhon* na reachdan agus na breitheanais.

5 Feuch, cuiridh mise do bhur n-ionn-suidh Eliah am fàidh, roimh theachd là mhòir agus uambasaich an Tighearna.

6 Agus tionndaidhidh esan cridhe nan aithrichean a chum na cloinne, agus cridhe na cloinne chum an aithrichean, air eagal gu'n tig mise, agus gu'm buail mi am fear-ann le léir-sgrìos.



TIOMNADH NUADH

AR

TIGHEARN' AGUS AR SLANUIDHIR

IOSA CRIOSD,

AIR A THARRUING

O'N GHREIGIS

CHUM GAELIG ALBANNAICH;

AGUS


AIR A CHUR A MACH LE H-UGHDARRAS ARD-SHEANAIDH EAGLAIS
NA H-ALBA.

DUNEIDIN:

CLO-BHÙAILTE AIRSON A CHOMUINN DHUTHCHASAICH CHUM
CRAOBHSGAOILIDH A' BHIUBUILL,

LEIS A' CHUIDEACHD CLO-BHUALAIDH MHAR-SANTAICH.

MDCCCLXXVI.



AN SOISGEUL

A REIR

M H A T A.

CAIB. I.

1 *Sinnsearachd, 18 gineamhuinn, 21 breith, 23 agus mineachadh ainm Chrìosd.*

LEABHAR ginealaich Iosa Crìosd, mhic Dhaibhidh, mhic Abraham.

2 Ghin Abraham Isaac, agus ghin Isaac Iacob, agus ghin Iacob Iudas agus a bhràithrean.

3 Agus ghin Iudas Phares agus Sara o Thamar, agus ghin Phares Esrom, agus ghin Esrom Aram.

4 Agus ghin Aram Aminadab, agus ghin Aminadab Naason, agus ghin Naason Salmou.

5 Agus ghin Salmou Boos o Rachab, agus ghin Boos Obed o Rut, agus ghin Obed Iese.

6 Agus ghin Iese Daibhidh au rìgh, agus ghin Daibhidh an rìgh Solamh o'n mhnaoi a bha aig Urias.

7 Agus ghin Solamh Roboam, agus ghin Roboam Abia, agus ghin Abia Asa.

8 Agus ghin Asa Iosaphat, agus ghin Iosaphat Ioram, agus ghin Ioram Osias.

9 Agus ghin Osias Ioatam, agus ghin Ioatam Ahas, agus ghin Ahas Esecias.

10 Agus ghin Esecias Manases, agus ghin Manases Amon, agus ghin Amon Iosias.

11 Agus ghin Iosias Iechonias agus a bhràithrean, mu àm an giùlain do Bhabilon.

12 Agus an dèigh an toirt do Bhabilon, ghin Iechonias Salatiel, agus ghin Salatiel Serobabel.

13 Agus ghin Serobabel Abiud, agus ghin Abiud Eliacin, agus ghin Eliacin Asor.

14 Agus ghin Asor Sadoc, agus ghin Sadoc Achim, agus ghin Achim Eliud.

15 Agus ghin Eliud Eleasar, agus ghin Eleasar Matan, agus ghin Matan Iacob.

16 Agus ghin Iacob Ioseph fear-pòda Mhuire, o'n d'rugadh Iosa, d'an goirear Crìosd.

17 Uime sin na h-uile ghinealaich o Abraham gu Daibhidh, is ceithir ginealaich deug iad; agus o Dhaibhidh gu bruid Bhabilon, ceithir ginealaich deug; agus o bhruid Bhabilon gu Crìosd, ceithir ginealaich deug.

18 Agus mar so bha breith Iosa Crìosd: oir an dèigh do cheangal-pòsaidh bhi air a dheanamh eadar a mhàthair Mhuire agus

Ioseph, roimh dhoibh teachd cuideachd, fhuaradh torrach i o'n Spiorad Naomh.

19 Ach air bhi do Ioseph a fear 'n a dhuine cothronnach, agus gun toil aige ball-samp-uill a dheanamh dhi, bu mhiann leis a cur uath os iosal.

20 Ach ag smuaineachadh nan nithean sin dha, feuch, dh'fhoillsich aingeal an Tigh-earn' e fèin da ann am bruadar, ag ràdh, A Ioseph, a mhic Dhaibhidh, na bitheadh eagal ort do bhean Mhuire a ghabhail a d'ionnsuidh: oir an nia tha air a ghineamhuin imte, is ann o'n Spiorad Naomh e.

21 Agus beiridh i mac, agus bheir thu Iosa mar ainm air; oir saoraidh e a shlugh fèin c'm peacaidhean.

22 (Agus rinneadh so uile ehum gu'n coimhliontadh an nia a thubhairt an Tigh-earn leis an fhàidh, ag ràdh,

23 Feuch, bithidh maighdean torrach, agus beiridh i mac, agus bheir iad Emanuel mar ainm air, is ionnan sin r'a ràdh, air eadar-theangachadh, Dia maille ruinn.)

24 Agus airmosgladh do Ioseph as a chodal, rinn e mar a dh'iarr aingeal an Tighearn' air, agus ghabh e d'a ionnsuidh a bhean:

25 Agus cha d'aithnich e i gus an d'rug i a ceud-ghin mic; agus thug e Iosa mar ainm air.

CAIB. II.

1 *Thug na druidhean urram do Chrìosd: 14 Theich Ioseph leis do'n Eiphit, 16 agus mharbh Herod na leanabain.*

AGUS an uair a rugadh Iosa ann am Betlehem Iudea, ann an làitheibh Heroid an rìgh, feuch, thàinig druidhean o'n àird an ear gu Ierusalem,

2 Ag ràdh, C'àit am bheil rìgh sin nan Iudhach a tha air a bhreith? oir chunnaic sinn a reult's an àird an ear, agus tha sinn air teachd a thubhairt aoraidh dha.

3 An uair a chuala Herod an rìgh sin, bha e fo thrioblaid, agus Ierusalem uile maille ris.

4 Agus air cruinneachadh nan àrd-shagart uile dha, agus sgrìobhaichean an t-sluaigh, dh'fheòraich e dhiubh c'àit an robh Crìosd gu bhi air a bhreith.

5 Agus thubhairt iad ris, Ann am Betlehem Iudea: oir mar so sgrìobhadh leis an fhàidh,

6 Agus thusa Bhetlehem ann an tìr Iudah, cha tu idir a's lugha am measg cheannard Iuda: oir asadsa thig Uachdaran a stiùras mo shluagh Israel.

7 An sin air do Herod na druidhean a ghairm os ìosal d'a ionnsuidh, gheur-fhiosraich e dhiubh cia an t-àm anns an d'fhoillsich eadhn an reult.

8 Agus chuir e iad gu Betlehem, agus thubhairt e, Imichibh, agus iarraibh, gu dìchiollach an naoidhean; agus an dèigh dhuibh'fhaotainn, innsibh dhomhsa e, chum gu'n rachainn-sa féin, agus gu'n deanainn aoradh dha.

9 Agus an uair a chual' iad an rìgh, dh'imich iad; agus, feuch, chaidh an reult a chunnaic iad 's an àird an ear rompa, gus an d'fhàinig i agus gu'n do stad i os ceann an ionaid' an robh an naoidhean.

10 Agus an uair a chunnaic iad an reult, rinn iad gairdeachas le h-aoidhneas ro mhòr.

11 Agus air dol a steach dhoibh do'n tigh, fhuair iad an naoidhean maille r'a mhàthair Muire, agus thuit iad sìos, agus rinn iad aoradh dha: agus air fosgladh an ionmhas dhoibh, thug iad dha tìodhlacan; òr, agus tùis, agus mirr.

12 Agus air faotainn rabhaidh o *Dhia* ann am brúadar, gun iad a philltinn a dh'ionnsuidh Heroid, chaidh iad d'an dùthaich féin air slighe eile.

13 Agus an uair a dh'imich iad air an ais, feuch, nochdadh aingeal an Tighearna do Ioseph ann am brúadar, ag ràdh, Eirich, agus gabh an naoidhean agus a mhàthair, agus teich do'n Eiphit, agus bi an sin gus an labhair mise riut: oir iarraidh Herod an naoidhean g'a mhillleadh.

14 Agus dh'èirich e, agus ghabh e d'a ionnsuidh an naoidhean agus a mhàthair's an oidhche, agus dh'imich e do'n Eiphit:

15 Agus bha e an sin gu bàs Heroid: a chum gu'n coimhlionadh an nì a labhair an Tighearna leis an fhàidh, ag ràdh, A mach as an Eiphit ghoir mi mò Mhac.

16 An sin an uair a chunnaic Herod gu'n d'rinn na druidhean fàinid air, las e le feirg ro mhòr, agus chuir e *luchd-marbhadh* uaithe, agus mharbh e na bha de leanabaibh mac ann am Betlehem, agus 'n a crìochaibh uile, o aois dhà bhliadhna agus foidhe, a réir na h-aimsir a dh'fhògluim e gu dìchiollach o na druidhean.

17 An sin choimhlionadh an nì a labhradh le Ieremias am fàidh, ag ràdh,

18 Chualas guth ann an Rama, caoidh, agus gul, agus bròn ro mhòr, Rachel a' caoincadh a cloinne, agus cha b' àill leatha sòlas a ghabhail, a chionn nach 'eil iad beò.

19 Ach an uair a dh'èug Herod, feuch, nochdadh aingeal an Tighearna ann am brúadar do Ioseph 's an Eiphit,

20 Ag ràdh, Eirich, agus gabh an naoidhean agus a mhàthair, agus imich gu talamh

Israeil: oir fhuair an dream a bha 'g iarraidh anama an leinibh bàs.

21 Agus dh'èirich esan, agus ghabh e an leanabh agus a mhàthair d'a ionnsuidh, agus thàinig e gu talamh Israeil.

22 Ach an uair a chual e gu'n robh Archelaus 'n a rìgh 'an tìr Iudea' an àite Heroid 'athar, bha eagail air dol an sin: ach, air faotainn rabhaidh dha o *Dhia* ann am brúadar, thionndaidh e gu crìochaibh Ghailile:

23 Agus thàinig e agus ghabh e còmhnuidh ann am baile d'an goircear Nasaret, a chum gu'n coimhlionadh an nì a labhradh leis na fàidhean, Gu'n goirear Nasarach dheth.

CAIB. III.

1 *Teagasg, dreuchd, agus cailheamh-beatha Eoin Baistidh.* 7 *Thug e achmhasan do na Phairisich.* 13 *Bhaist e Crìod ann an uisge Iordain.*

A GUS anns na làithibh sin thàinig Eoin Baistidh, a' searmonachadh ann am fasach Iudca,

2 Agus ag ràdh, Gabhaibh aithreachas: oir tha rìoghachd nèimh am fagus.

3 Oir is e so an ti ud mu'n do labhair Esaias am fàidh, ag ràdh, Guth an ti a ghlaodhas anns an fhàsach, Ulluichibh slighe an Tighearna, deanaibh a cheuman dìreach.

4 Agus bha a chulaidh aig Eoin de fhionna chàmhail, agus crìos leathair aige timchioll a leasraidh; agus is e 'bu bhiaidh dha locuist agus mìl fhiadhaich.

5 Chaidh Ierusalem a mach d'a ionnsuidh an sin agus Iudea uile, agus luchd-àiteachaidh na dùthcha timchioll Iordain uile.

6 Agus bhaisteadh iad leis-san ann an Iordan, ga aideachadh am peacaidhean.

7 Ach an uair a chunnaic e mòran de na Phairisich, agus de na Sadusaich a' teachd a chum a bhaistidh-san, thubhairt e ri u, A shìol nan nathraichean nimhe, cò a thug rabhadh dhuibh-sa teicheadh o'n fheirg a tha ri teachd?

8 Air an aobhar sin thugaibh a mach toradh iomchuidh do'n aithreachas.

9 Agus na smuainichibh a ràdh annaibh féin, Tha Abraham 'n a athair againn: oir tha mi ag ràdh ribh, gur comasach Dia air clann a thogail suas do Abraham de na clachaibh sin.

10 Agus a nis tha an tuadh air a cur ri freumh nan crann: air an aobhar sin, ge b'e crann nach toir a mach toradh maith, gearrar sìos e, agus tilgear 's an teine e.

11 Gu deimhin tha mise 'g ur baisteadh le h-uisge chum aithreachais; ach an ti a thig a'm' dhéigh, is cumhachdaiche e na mi, agus cha-n a'airidh mise air a bhrògan a ghiulan: baistidh esan sibh leis an Spiorad Naomh, agus le teine:

12 Aig am bheil a ghuit 'n a làimh, agus glanaidh e gu ro bhaileach 'ùrlar-bualaidh, agus crunnicidh e a chruithneachd d'a

thigh-tasgaidh; ach loisgidh e am moll le teine nach feudar a mhùchadh.

13 An sin thàinig Iosa o Ghalile gu Iordan a dh'ionnsuidh Eoin, chum gu'm bitheadh e air a bhaisteadh leis.

14 Ach bhac Eoin e, ag ràdh, Tha feum agamsa bhì air mo bhaisteadh leatsa, agus am bheil thusa a' teachd do m' ionnsuidh-sa?

15 Agus fhreagair Iosa agus thubhairt e ris, Leig do'n chàis a bhì mar so a nis: oir mar so is iomchuidh dhuinn gach uile fhìreantachd a choimhlionadh. An sin dh'fhulaing e dha.

16 Agus an uair a bhaisteadh Iosa, chaidh e air ball suas an uisge; agus, feuch, dh'fhosgadh nèamh dha, agus chunnaic e Spiorad Dhé a' tuirling mar choluman, agus a' teachd air-san:

17 Agus, feuch, guth o nèamh, ag ràdh, Is e so mo Mhac gràdhach, anns am bheil mo mhòr-thlachd.

CAIB. IV.

1 *Bhuair an diabhl Crìosd.* 17 *An dèigh do Iosa buadhachadh air thòisich e air searmonachadh.* 24 *Shlànuich e sluagh a bha eusan.*

AN sin thèoraicheadh Iosa leis an Spiorad do'n fhàsach, chum gu'n bith-eadh e air a bhuairtheadh leis an diabhl.

2 Agus an uair a thaisg e dà fhichead là agus dà fhichead oidhehe, an dèigh sin bha ocras air.

3 Agus air teachd do'n bhuaircadair d'a ionnsuidh, thubhairt e, Ma's tu Mac Dhé, thoir àithne do na clachaibh so a bhì 'n an aran.

4 Ach fhreagair esan agus thubhairt e, Tha e sgrìobhta, Cha-n ann leh-aran amhàin a bheathaichear duine, ach leis gach uile fhocal a thig o bheil Dhé.

5 An sin thug an diabhl e do'n bhaile naomh, agus chuir e air binnein an teampuill e,

6 Agus thubhairt e ris, Ma's tu Mae Dhé, tilg thu fèin sìos: oir tha e sgrìobhta, gu'n toir e àithne d'a ainglibh mu d' thimchioll, agus togaidh iad suas thu 'n an làmhnan, chum nach buail thu uair air bith do chos air cloich.

7 Thubhairt Iosa ris a ris, Tha e sgrìobhta, Cha bhuair thu an Tighearn do Dhia.

8 Thug an diabhl e a ris chum beinne ro àird, agus nochd e dha uile rioghachdan an domhain, agus an glòir;

9 Agus thubhairt e ris, Iad so uile bheir mise dhuit, ma thuiteas tu sìos agus ma ni thu aoradh dhomhsa.

10 An sin thubhairt Iosa ris, Imich uam, a Shàtain: oir tha e sgrìobhta, Bheir thu aoradh do'n Tighearn do Dhia, agus dhasan 'n a aonar ni thu seirbhis.

11 An sin dh'fhàg an diabhl e; agus, feuch, thàinig ainglean agus fluritheil iad da.

12 Ach an uair a chual Iosa gu'n do chuir-eadh Eoin 'an làmh, dh'imich e do Ghalile.

13 Agus air fagail Nasaret da, thàinig e agus ghabh e coimhuidh ann an Capernaum, a tha ri taobh na fairge, ann an leth-iomall Shabuloin agus Nephtalim:

14 A chum gu'n coimhliontadh an ni a labhradh le Esaias am fàidh, ag ràdh,

15 Talamh Shabuloin, agus talamh Nephtalim, slighe na fairge air an taobh thall de Iordan, Galile nan Cinneach:

16 Am pobull a bha 'n an suidhe 'an dorchadas, chunnaic iad solus mòr; agus tha solus air èirigh do na daoineibh a bha 'n an suidhe 'an tìr agus 'an sgàil a' bhàis.

17 O sin a mach thòisich Iosa air searmoin a dheanamh, agus a ràdh, Gabhaibh aithreachas, oir tha rioghachd nèimh am fagus.

18 Agus ag imeachd do Iosa ri taobh fairge Ghalile, chunnaic e dithis bhràithrean, Simon d'an goirear Peadar, agus Aindreas a bhràthair, a' tilgeadh lìn 's an fhainge: (oir b'iasgairean iad.)

19 Agus thubhairt e riu, Leanaibh miso, agus ni mi iasgairean air daoineibh dhihbh.

20 Agus air ball dh'fhàg iad na Bontan, agus lean iad esan.

21 Agus air triall da as a sin, chunnaic e dithis eile bhràithrean, Seumas mac Shebede, agus Eoin a bhràthair, ann an luing maille r'an athair Sebede, a' càradh an lion: agus ghairm e iad.

22 Agus air ball dh'fhàg iad an long agus an athair, agus lean iad e.

23 Agus dh'imich Iosa timchioll Ghalile uile, a' teagasg 'n an sionagogaibh, agus a' searmonachadh soisgeil na rioghachd, agus a' slànuchadh gach gnè thinnis, agus gach gnè cucail an measg an t-sluaigh.

24 Agus chaidh a chliu feadh Shìria uile: agus thug iad d'a ionnsuidh iadsan uile a bha eusan, agus a bha air an cuibhreacadh le galaraidh, agus iomadh gnè phian, agus iadsan aig an robh deamhain anna, agus air an robh an tuitcamach, agus luchd pairilis; agus shlànuich e iad.

25 Agus lean cuideachd mhòr e o Ghalile, agus o Dheccapolis, agus o Ierusalem, agus o Iudea, agus o na crìochaibh a tha an taobh thall de Iordan.

CAIB. V.

1 *Searmoin Chrìosd air a' bheimn, anns an bheil na h-ochd beannachdan, 17 agus mìn eachadh an lagha.*

AGUS an uair a chunnaic Iosa an sluagh, a chaidh e suas air beinn; agus air suidhe dha, thàinig a dheisciobuil d'a ionnsuidh.

2 Agus dh'fhosgail e a bheil, agus theagaisg e iad, ag ràdh,

3 *Is beannaichte iadsan a tha bochd 'n an spiorad: oir is leo rioghachd nèimh.*

4 *Is beannaichte iadsan a tha ri bròn: oir gheibh iad sòlas.*

5 *Is* beannaichte na daoine macanta: oir seallbhaichidh iad an talamh mar oigh-reachd.

6 *Is* beannaichte an dream air am bheil ocras agus tart na còrach: oir sàsuichear iad.

7 *Is* beannaichte na daoine tràdcaireach: oir gheibh iad tràdcair.

8 *Is* beannaichte na daoine a tha glan 'n an cridhe: oir chi iad Dia.

9 *Is* beannaichte luchd-deanamh na sìthe: oir goirear clann Dhé dhiubh.

10 *Is* beannaichte an dream a tha 'fulang geur-leamhuinn air son na còrach: oir is leo-san rìoghachd nèimh.

11 *Is* beannaichte blitheas sibh an uair a bheir daoine anacaintn dhuibh, agus a ni iad geur-leamhuinn *oirbh*, agus a labhras iad gach uile dhroch fhocal ribh gu breugach, air mo sgàth-sa.

12 Deanaibh gairdeachas, agus bithibh ro shubhach; oir is mòr bhur duais air nèamh: oir mar sin rinn iad geur-leamhuinn air na fàidhibh a bha roimhibh.

13 Is sibhse salann na talmhainn: gidhceadh ma chailleas an salann a bhlas, ciod leis an sailleair e? cha-n'cil feum ann o sin suas, ach a thilgeadh mach, agus a shaltairt fo chosaibh dhaoine.

14 Is sibhse solus an t-saoghail. Cha-n fheudar baile a tha air a shuidheachadh air sliabh fhòlach.

15 Agus cha las daoine coinneal, chum gu'n cuir iad i fo shoitheach, ach ann an coinnleir, agus ni i solus do na bheil a stigh.

16 Gu ma h-ann mar sin a dhealraicheas bhur solus an làthair dhaoine, chum gu faic iad bhur deadh oibre, agus gu'n toir iad glòir do bhur n-Athair a tha air nèamh.

17 Na measaibh gu'n d'fhàinig mise a bhriseadh an lagha no nam fàidhean; cha-n ann a bhriseadh a fhàinig mi, ach a choimhlionadh.

18 Oir tha mi ag ràdh ribh gu fìrinneach, Gus an téid nèamh agus talamh thairis, cha téid aon lide no aon phunc de'n lagh thairis, agus an coimhlionar gach aon ni.

19 Air an aobhar sin ge b'e neach a bhriscas aon de na h-àitheantaibh so a's lugha, agus a theagaisgeas daoine mar sin, goirear an duine a's lugha dheth ann an rìoghachd nèimh: ach ge b'e neach a ni, agus a theagaisgeas *iad* goirear duine mèr dheth ann an rìoghachd nèimh.

20 Oir tha mi ag ràdh ribh, Mar tèir bhur fìreantachd-sa barrachd air fìreantachd nan sgrìobhaichean agus nam Phairiseach, nach téid sibh air chor air bith a steach do rìoghachd nèimh.

21 Chuala sibh, gu'n dubhradh ris na sinn-siribh, Na dean mortadh; agus ge b'e neach a ni mortadh, bithidh e 'an cumnart a' bhreitheanais.

22 Ach tha mise ag ràdh ribh, Ge b'e neach aig am bi fearg r'a bhràthair gun aobhar, gu'm bi e 'an cumnart a' bhreitheanais: agus ge b'e neach a their r'a bhràthair, Ràca, gu'm bi e 'an cumnart na comhairle: ach ge b'e neach a their, Amadain, gu'm bi e 'an cumnart teine ifrinn.

23 Uime sin ma bheir thu do thabhartas chum na h-altarach, agus gu'n cuimhnich thu an sin gu bheil ni air bith aig do bhràthair a'd' aghaidh;

24 Fàg do thabhartas an sin an làthair na h-altarach, agus imich, agus dean réite air tùs ri d' bhràthair, agus an déigh sin thig agus tabhair uait do thiodhlac.

25 Bi réidh ri d' eascaraid gu luath, an feadh a bhitheas tu maille ris's an t-slighe; air eagal gu'n toir an t-eascaraid thairis thu do'n bhreitheamh, agus gu'n toir am breitheamh thu do'n mhaor, agus gu'n tilgear 'am prìosan thu.

26 Tha mi ag ràdh riut gu fìrinneach nach téid thu mach as a sin, gus an ìoc thu an fheòrling dheireannach.

27 Chuala sibh gu'n dubhradh ris na sinn-siribh, Na dean adhaltrannas.

28 Ach tha mise ag ràdh ribh, Ge b'e neach a dl' amhaireas air mnaoi chum a miannachadh, gu'n d'rinn e adhaltrannas leatha cheana 'n a chridhe.

29 Agus ma bheir do shùil dheas aobhar tuislidh dhuit, spion a mach i, agus tilg uait i: oir is fearr dhuit gu'n sgriosar aon de d' bhallaibh, na do chorp uile bhi air a thilgeadh do ifrinn.

30 Agus ma bheir do làmh dheas oibheum dhuit, gearr dhìot i, agus tilg uait i: oir is fearr dhuit gu'n sgriosar aon de d' bhallaibh, na do chorp uile bhi air a thilgeadh do ifrinn.

31 Agus a dubhradh, Ge b'e 'chuireas a bhean-phòsda air falbh, thugadh e litir-dhealachaidh dhi.

32 Ach tha mise ag ràdh ribh, Ge b'e neach a chuireas air falbh a bhean-phòsda féin, ach a mhàin air son strìopachais, gu bheil e 'toirt oirre adhaltrannas a dheanamh: agus an ti a phòsas a' bhean sin a chuireadh air falbh, tha e a' deanamh adhaltrannais.

33 Mar an ceudna, chuala sibh gu'n dubhradh ris na sinn-siribh, Na tabhair mionnan eitheich, ach coimhlion do mhionnan do'n Tighearn.

34 Ach tha mise ag ràdh ribh, Na tugaibh mionnan idir: na *tugaibh* air nèamh, oir is e rìgh-chaithir Dhé e.

35 Na *tugaibh* air an talamh, oir is e stòl a chos e: na *tugaibh* air Ierusalem, oir is e *hàile* a' rìgh mhòir e.

36 Na tabhair mionnan air do cheann, oir cha-n urrainn thu aon fhuiltein a dheanamh geal no dubh.

37 Ach gu ma h-e is comhradh dhuibh,

Seadh, seadh: Ni h-eadh, ni h-eadh; oir ge b'e ni a bhitheas os eann so, is ann o'n ole a tha e.

38 Chuala sibh gu'n dubhradh, Sùil air son sùla, agus fiaicail air son fiacila.

39 Ach tha mise ag ràdh ribh, Na cuiribh an aghaidh an uile: ach ge b'e neach a bhuaileas tu air do ghial deas, tionndaidh thuige an gial eile mar an ceudna.

40 Agus an ti le'm b'àill thusa a thagradh 's an lagh, agus do ehòta a bhuntainu diot, leig leis d'fhalluin mar an ceudna.

41 Agus ge b'e 'bheir leis mìle a dh'aindeoin thu, imich leis dà mhìle.

42 Tabhair do'n ti a dh'iarraas ort; agus uaithsau le'm bu mhiann iasachd fhaotainn uait, na pill air falbh.

43 Chuala sibh gu'n dubhradh, Gràdhaidh tu do choimhearsnaeh, agus bithidh fuath agad do d' nàmhaid.

44 Ach tha mise ag ràdh ribh, Bitheadh gràdh agaibh do bhur naimhaidibh, beannaichibh an dream a mhallaicheas sibh, deanaibh uaith do na daoineibh air an beag sibh, agus deanaibh urnuigh air son na muinntir a tha 'buntuin ribh gu naimhdeil, agus a tha 'g ur geur-leannmuinn.

45 A elum gu'm bi sibh 'n ur cloinn aig bhur n-Athair a tha air nàmh: oir tha esan a' tabhairt air a ghréin féin éirigh air na droeh dhaoineibh, agus air na daoineibh maithe, agus a' enr uisge air ua fìreanaibh agus air na neo-fhìreanaibh.

46 Oir ma bhitheas gràdh agaibh do'n muinntir aig an bheil gràdh dhuibh, eiod au duais a gheibh sibh? naeh 'eil eadhou na eis-mhaoir a' deanamh an ni ceudna?

47 Agus ma ehureas sibh fàilte air bhur bràithribh féin a mlaìn, eiod a tha sibh a' deanamh thar chàich? uach 'eil na eis-mhaoir féin a' deanamh an ni ceudna?

48 Air an aobhar sin bithibh-sa coimhlionta mar tha bhur n-Athair a tha air nàmh coimhlionta.

CAIB. VI.

1 *Tha Crìosd a' labhairt mu dhéire, 5 mu urnuigh, 14 mu mhaithneas d'ar bràithribh, 16 mu trasgadh, 25 agus mu ro-chùram 'thaobh an t-saoghail so.*

THUGAIBH an aire naeh toir sibh bhur déire 'am fianuis dhaoine, chum gu'm faicear leo sibh; no cha-n fhaigh sibh tuarsadal o bhur n-Athair a tha air nàmh.

2 Uime sin, an uair a bheir thu do dhéire, na toir fainear galltromp a shéideadh romhad, mar a ni na cealgairean, anns ua sionagogaibh, agus anns na sràidibh, chum gu faigh iad glòir o dhaoineibh. Gu fìrinneach tha mise ag ràdh ribh, gu bheil an tuarsadal aca.

3 Ach an uair a bheir thusa déire, na bith-eadh fios aig do làmh chlì eiod a tha do làmh dheas a' deanamh;

4 Chum gu'm bi do dhéire 'an uaignidheas:

agus bheir d'Athair a chi 'an uaignidheas duais dhuitse gu follaiseach.

5 Agus an uair a ni thu urnuigh, na bi mar luchd an fhuar-ehràbhaidh: oir is ion-mhuinn leo urnuigh a dheanamh anns na sionagogaibh, agus ann an coinneachadh nan sràid 'n an seasamh, chum gu'm faicear le daoineibh iad. Gu deimhin tha mise ag ràdh ribh, gu bheil an tuarsadal aca.

6 Ach thusa, an uair a ni thu urnuigh, imich a steach do d' sheòmar, agus air dùnadh do dhoruis duit, dean urnuigh ri d'Athair a tha 'an uaignidheas, agus bheir d'Athair a chi 'an uaignidheas, duais dhuit gu follaiseach.

7 Ach an uair a ni sibh urnuigh na gnàth-aichibh ath-iarrtais dhìomham, mar na Cinniel: oir saoilidh iadsan gu'n éisdear riu air son lìonmhoireachd an briathar.

8 Uime sin na bithibh-sa eomhuil rin: oir tha fios aig bhur n-Athair cia iad na nithean a tha dh'uireasbhuidh oirbh, mu'n iarr sibh air iad.

9 Air an aobhar sin deanaibh-sa urnuigh air a' mhodh so: Ar n-Athair a tha air nàmh, Gu naomhaichear d'ainm.

10 Thigeadh do rìoghachd. Deanar do thoil air an talamh, mar a nithear air nàmh.

11 Tabhair dhuinn au diugh ar n-aran laitheil.

12 Agus maith dhuinn ar faehan, amhuil mar a mhaithes sinne d'ar lehd-fiach.

13 Agus na leig 'am buaireadh sinn; aeh saor sinn o ole: oir is leatsa an rìoghachd, agus an cumhachd, agus a' ghlòir, gu sìorruidh. Amen.

14 Oir ma mhaithes sibh an eionta do dhaoineibh, maithidh bhur n-Athair nàmhaidh dhuibh-sa mar an ceudna:

15 Ach mur maith sibh an eionta do dhaoineibh, cha mhò a mhaithes bhur n-Athair dhuibh-sa bhur eionta.

16 Agus an uair a ni sibh trasgadh, na bitheadh gruaig air bhur gnùis, mar luchd an fhuar-ehràbhaidh: oir cuiridh iadsan mi-dhreach air an aghaidh chum gu faicear le daoineibh iad a bhi 'trasgadh. Tha mi ag ràdh ribh gu fìrinneach, gu bheil an tuarsadal aca.

17 Ach thusa, an uair a ni thu trasgadh, cuir oladh air do cheann, agus ionnail d'aghaidh:

18 Chum nach faicear le daoineibh gu bheil thu a' deanamh trasgaidh, ach le d'Athair a tha 'an uaignidheas: agus bheir d'Athair a chi 'an uaignidheas, duais dhuit gu follaiseach.

19 Na taisgibh dhuibh féin ionmhais air an talamh, far an truail an leòmann agus a' mheirg e, agus far an eladhaieh na meirlich a stigh agus an goid iad.

20 Ach taisgibh ionmhais dhuibh féin air nàmh, far nach truail an leòmann no a'

mheirg, agus nach cladhach, agus nach goid na meirlich.

21 Oir ge b'è àit 's am bheil bhuir n-ion-mhas, is ann an sin a bhitheas bhuir cridhe mar an ceudna.

22 Is i an t-sùil solus a' chuirp: uime sin na bhitheas do shùil glan, bithidh do chorp uile làn soluis.

23 Ach ma bhitheas do shùil gu h-ole, bithidh do chorp uile dorcha. Air an aobhar sin ma tha an solus a tha annad 'n a dhorchadas, cia mòr an dorchadas sin?

24 Cha-n urrainn neach air bith seirbhis a dheanamh do dhà Thighearn: oir an dara cuid bithidh fuath aige do neach aca, agus gràdh do 'n neach eile; no gabhaidh e le neach aca, agus ni e tàir air an neach eile. Cha-n urrainn sibh seirbhis a dheanamh do Dhia agus do Mhamon.

25 Uime sin tha mise ag ràdh ribh, Na bithidh ro-chùram oirbh mu thimchioll bhuir beatha, ciod a dh'itheas no dh'òlas sibh; no mu thimchioll bhuir cuirp, ciod a chuireas sibh umaibh. Nach mòr a' bheatha na 'm biadh, agus an corp na'n t-eudach?

26 Amhaircibh air eunlaith an athair: oir cha chuir iad sìol, agus cha bhuain iad, agus cha chruinnich iad ann an saibhlh: githheadh tha bhuir n-Athair nèamhaidh-sa 'g am beathachadh. Nach fearr sibhse gu mòr na iadsan?

27 Agus cò agaibh le mòr-chùram a dh'fheudas aon lann-choille a chur r'a àirde féin.

28 Agus c'ar son tha sibh ro chùramach mu thimchioll bhuir culaidh? fòghlumaibh cionnus tha na hlighean a' fas 's a' mhaich-air; cha saothraich iad, agus cha sniomh iad.

29 Githheadh tha mise ag ràdh ribh, Nach robh Solamh féin 'n a uile ghloir, air eudachadh mar aon duibh so.

30 Air an aobhar sin, ma tha Dia mar sin a' sgeadachadh feoir na macharach, a tha an diugh ann, agus am màireach air a thilgeadh 's an àmhuinn, nach mòr na sin a sgeadaicheas e sibhse, a dhaoine air bheag creidimh?

31 Uime sin na bithibh làn de chùram, ag ràdh, Ciod a dh'itheas sinn? no ciod a dh'òlas sinn? no ciod a chuireas sinn umainn?

32 (Oir iad so uile iarraidh na Cinnich:) oir tha fios aig bhuir n-Athair nèamhaidh gu bheil feum agaibh-sa air na nithibh so uile.

33 Ach iarraidh air tùs rìoghachd Dhé, agus 'fhìreantachd-san, agus cuirear na nithean so uile ribh.

34 Uime sin na bithidh ro-chùram oirbh mu thimchioll an là màireach: oir bithidh a làn de chùram air an là màireach mu thimchioll a nithean féin: 's leòr do'n là 'ole féin.

1 Tha ar Slànuidheir a' cronachadh breth glhad, 6 a' toirmeasg nithean naomha 'chur 'an neo-shuim, 7 agus ag orduchadh urnuigh a dheanamh. 13 Chomhairlich e do gach neach dol a steach air an doras chumhann.

NA tugaibh breth, chum nach toirear breth oirbh:

2 Oir a réir na breth a bheir sibh, bheir breth oirbh: agus leis an tomhas le'n tomhais sibh, tomhaisear dhuibh a ris.

3 Agus c'ar son tha thu a' faicinn an smùirnein a tha 'an sùil do bhràthar, ach nach 'eil thu 'toirt fainear an t-sail a tha ann do shùil féin?

4 No cionnus a their thu ri d'bràthair, Fulaing dhomh an smùirnein a spionadh as do shùil; agus, feuch, an t-sail ann do shùil féin?

5 A chealgair, buin air tùs an t-sail as do shùil féin; agus an sin is léir dhuit gu maith an smùirnein a bhuntuinn a sùil do bhràthar.

6 Na toiribh an ni naomh do na madraibh, agus na tilgibh bhuir nèamhnuidean 'am fianuis nam muc, air eagal gu'n saltair iad orra le'n cosaibh, agus air piltinn doibh gu'n reub iad sibh féin as a chéile.

7 Iarraibh, agus bheir dhuibh: siribh, agus gheibh sibh: buailibh an doras, agus fosgailear dhuibh:

8 Oir gach uile neach a dh'iarras, glacadh e: agus ge b'e a shireas, gheibh e: agus do'n ti a bhuailcas an doras, fosgailear.

9 Oir cò an duine agaibh-sa, ma's e's gu'n iarr a mhac aran, a bheir clach dha?

10 Agus ma's iasg a dh'iarras e, an tabhair e nathair dha?

11 Air an aobhar sin ma's aithne dhuibh-sa tha ole, thodhlacan maithe a thabhairt do bhuir cloinn, nach mòr na sin a bheir bhuir n-Athair a tha air nèamh nithean maithe dhoibhsan a dh'iarras air iad?

12 Uime sin gach uile ni 'bu mhainn leibh daoine a dheanamh dhuibh-sa, deanaibh-sa a leithid dhoibhsan mar an ceudna: oir is e so an lagh agus na fàidhean.

13 Imichibh a steach air an doras chumhann; oir is farsuinn an doras, agus is leathan an t-slighe a tha 'treòrachadh chum sgrios, agus is lionmhor iad a tha 'dol a steach oirre:

14 Ach is cumhann an doras, agus is aimhleathan an t-slighe a tha 'treòrachadh chum na beatha, agus is tearc iad a tha 'g amas oirre.

15 Coimhidibh sibh féin o na fàidhibh bréige, a thig d'ur n-ionnsuidh ann an culaidhibh chaorach, ach a tha o'n leth a stigh 'n an madaibh-alluidh.

16 Air an toraibh aithnichidh sibh iad: an tionail daoine dearcana-fiona de dhrisibh, no figisean de na foghannanaibh?

17 Agus mar sin bheir gach uile chrann

naith toradh maith: ach bheir an droch chrann droch thoradh.

18 Cha-n fheud a' chraobh mhaith droch thoradh a ghiulan, no an droch chraobh toradh maith a thabhairt.

19 Gach uile chrann nach giulain toradh maith, gearrar sìos e, agus tilgear 's an teine e.

20 Air an aobhar sin is ann air an toraibh a dh'aithnicheas sibh iad.

21 Cha-n e gach uile neach a their riumsa, A Thighearn', a Thighearn', a théid a steach do rìoghachd nèimh; ach an ti a ni toil m' Atharsa a tha air nèamh.

22 Is iomadh iad a their riumsa 's an là ud, A Thighearn', a Thighearn', nach d'rinn sinn fàidheadaireachd a' d'ainm-sa? agus a' d'ainm-sa nach do thilg sinn a mach deamhain? agus a' d'ainm-sa nach d'rinn sinn iomadh mìorbhuil?

23 Agus an sin aidichidh mise gu follaiseach dhoibh, Cha b'aithne dhomh riamh sibh: imichibh nam, a luchd-deanamh na h-encorach.

24 Air an aobhar sin, gach uile neach a chluinneas na briathran so agamsa, agus a ni iad, samhluichidh mi e ri duine glie, a thog a thigh air carraig:

25 Agus thuirling an t-uisge, agus thàinig na tuiltean, agus shéid na gaothan, agus blmail iad air an tigh sin: agus cha do thuit e, oir bha a bhunadh snidhichte air carraig.

26 Agus gach uile neach a chluinneas na briathran so agamsa, agus nach coimhlon iad, samhluichear e ri duine amaideach a thog a thigh air a' ghaineamh:

27 Agus thuirling an t-nisge, agus thàinig na tuiltean, agus shéid na gaothan, agus blmail iad air an tigh sin: agus thuit e; agus bu mhòr a thuiteam.

28 Agus tharladh an uair a chrìochnaich Iosa na briathran so, gu'n do ghabh am pobull iongantais r'a theagasg-san:

29 Oir theagaisg e iad mar neach aig an robh cumhachd, agus cha-n ann mar na sgrìobhaichean.

CAIB. VIII.

1 *Glhan Crìosd an lobar; 5 shlànuich e seirbhisach a' Chaiptein-ceud; 14 agus màthair-chéile Pheadair: 23 Chlàimh e an fhaighe. 28 agus thilg e mach deamhain a dh'èis dhaoine.*

AGUS air teachd a mnas o'n bheimh dha, lean euideachd mhòr e.

2 Agus, fench, thàinig lobhar, agus rinn e aoradh dha, ag ràdh, A Thighearna, ma's àill leat, is comasach thu air mise a ghlanadh.

3 Agus shòn Iosa mach a làmh, agus bhean e ris, ag ràdh. Is àill leam; bi thusa glan. Agus air ball bha a luibhre air a glanadh.

4 Agus thubhairt Iosa ris, Fench nach innis thu do dhuine sam bith, ach imich,

taisbein thu féin do'n t-sagart, agus thoir d'a ionnsuidh an tìodhlac a dh'àithn Maois, mar fhianuis dhoibh.

5 Agus air dol do Iosa a steach do Chaper-nann, thàinig d'a ionnsuidh Caipitin-ceud, a' guidhe air,

6 Agus ag ràdh, A Thighearna, tha m'òg-lach 'n a luidhe a stigh le pairilis, agus air a phianadh gu h-anabarrach.

7 Agus thubhairt Iosa ris, Théid mise, agus leighisidh mi e.

8 Agus air freagairt do'n Chaipitin-ceud, thubhairt e, A Thighearna, cha-n araidh mise air thusa a theachd a steach fo m' chléith: ach a mhàin abair am focal, agus slànuichear m'òglach.

9 Oir is duine mise féin a tha fo ùghdarras, aig am bheil saighdearan fodham: agus their mi ris an fhear so, Imich, agus imichidh e; agus ris an fhear so eile, Thig, agus thig e: agus ri m' sheirbhiseach, Dean so, agus ni se e.

10 'N uair a chual' Iosa so, ghabh e iongantais, agus thubhairt e ris a' mhuintir a lean e, Gu fìrinneach tha mi ag ràdh ribh, ann an Israel féin nach d'fhuair mi creidimh co mòr as so.

11 Agus tha mi ag ràdh ribh, gu'n tig mòran o'n àird an ear, agus o'n àird an iar, agus gu'n suidh iad maille ri Abraham, agus Isaac, agus Iacob, ann an rìoghachd nèimh:

12 Ach gu'n tilgear clann na rìoghachd ann an dorchadas a tha 'n leth a muigh; bithidh an sin gu lè agus giosgan fhiacal.

13 Agus thubhairt Iosa ris a' Chaipitin-ceud, Imich romhad, agus bitheadh dhuit a réir mar a chreid thu. Agus shlànuich-eadh 'òglach air an uair sin féin.

14 Agus an uair a thàinig Iosa gu tigh Pheadair, chunnaic e màthair a mhàin 'n a luidhe, agus i ann am fàilhrus.

15 Agus bhean e r'a làmh, agus dh'fhàg am fàilhrus i: agus dh'éirich i, agus rinn i frithealadh dha.

16 Agus an uair a bha am feasgar air teachd, thug iad d'a ionnsuidh mòran anns an robh deamhain; agus thilg e na spioraid a mach le 'focal, agus shlànuich e iad nile a bha cuslan:

17 A chum gu'n coimhlionadh an ni a labhradh le Esaias am fàidh, ag ràdh, Ghabh esan ar n-annluinnneachdan air féin, agus ghiùlain e ar n-euslaintean.

18 Agus an uair a chunnaic Iosa sluagh mòr m'a thimchioll, dh'àithn e dol a sin do'n taobh eile.

19 Agus thàinig sgrìobhaiche àraidh, agus thubhairt e ris, A mhaighstir, leanaidh mise thu, ge b'e taobh a théid thu.

20 Agus thubhairt Iosa ris, Tha tuill aig na siomaich, agus nid aig eunlaith an ath-air; ach cha-n'eil aig mac an duine ionad anns an cuir e a cheam foidh.

21 Agus thubhairt fear eile d'a dheisciobluibh ris, A Thighearna, leig dhomh-sa imeachd air tùs agus m' athair adhlacadh.

22 Ach thubhairt Iosa ris, Lean mise, agus leig leis na mairbh am mairbh féin adhlacadh.

23 Agus air dol dhàsan a steach do luing, lean a dheisciobuil e.

24 Agus, feuch, dh'éirich doinionn mhór air an fhaige, ionnus gu'n d'fholaich na tuinn an long; ach bha esan 'n a chodal.

25 Agus thàinig a dheisciobuil d'a ionnsuidh, agus dhùisg iad e, ag ràdh, A Thighearna, teasairg sinn: tha sinn caillte.

26 Agus thubhairt e riu, C'ar son a tha sibh fo eagal, sibhse air bheag creidimh? An sin dh'éirich e, agus chronnich e na gaothan agus an fhaige; agus bha ciùine mhór ann.

27 Ach ghabh na daoine iongantais, ag ràdh, Ciod e 'ghnè dhuine so, gu bheil na gaothan féin agus an fhaige ùmhail dha?

28 Agus air teachd dha do'n taobh eile, gu tìr nan Gergeseneach, thachair dithis dhaoine air, annsan robh deamhain, a' teachd a mach as na h-àitibh-adhlac, agus iad ro gharg, ionnus nach fheadh duine sam bith an t-slighe sin a ghabhail.

29 Agus, feuch, ghlaodh iad, ag ràdh, Ciod e ar gnothuch-ne riut, Iosa a Mhic Dhé? An d'thàinig thu an so g'ar pianadh roimh an àm?

30 Agus bha treud mhór mhuc 'am fad uatha, ag ionaltradh.

31 Agus dh'iarr na deamhain a dh'ath-chuinge airsan, ag ràdh, Ma thilgeas tu mach sinn, leig dhuinn dol 's an treud mhuc ud.

32 Agus thubhairt e riu, Imichibh. Agus air dol a mach dhoibh, chaidh iad anns an treud mhuc: agus, feuch, ruith an treud mhuc uile gu dian sìos air ionad cerrach, do'n chuan; agus chailleadh 's na h-uisgeachaidh iad.

33 Agus theich na buachailleann, agus chaidh iad do'n bhaile, agus dh'innis iad na nithean so uile, agus na thachair dhoibh-san anns an robh na deamhain.

34 Agus, feuch, chaidh am baile uile a mach a choinneachadh Iosa; agus an uair a chunnaic iad e, ghuidh iad air imeachd as an crìochaibh-san.

CAIB. IX.

1 An dèigh do Chrìosd neach air an robh am pairilis a leigheas, 9 ghairm e Mata o bhòrd na cise; 10 dh'ith e maille ri cis-mhaor agus ri peacach; 20 shlànuich e bean air an robh dòrtadh fola; 32 agus duine balbh anns an robh deamhan.

AGUS air dol 'an luing dha, chaidh e thar an uisge, agus thàinig e d'abhaile féin.

2 Agus, feuch, thug iad d'a ionnsuidh duine air an robh am pairilis, 'n a luidhe air leabaidh: agus an uair a chunnaic Iosa

an creidimh, thubhairt e ri fear na pairilis, Bitheadh deadh mhiseach agad, a mhic, tha do pheacaidhean air am maitheadh dhuit.

3 Agus, feuch, thubhairt dream àraidh de na sgrìobhaichibh anna féin, Tha am fear so a' labhairt toibheim.

4 Agus air do Iosa an smuaintean fhaicinn, thubhairt e, C'ar son tha sibh a' smuaineachadh uile ann bhur cridheachaidh?

5 Oir cia a's usadh a ràdh, Tha do pheacaidhean air am maitheadh dhuit? no a ràdh, Eirich agus imich?

6 Ach a chum gu'm bi fios agaibh gu bheil cumhachd aig Mac an duine peacaidheana maitheadh air an talamh, (thubhairt e an sin ri fear na pairilis,) Eirich, tog do leabaidh, agus imich do d' thigh.

7 Agus dh'éirich e, agus chaidh e d'a thigh féin.

8 Ach an uair a chunnaic am pobull so, ghabh iad iongantais, agus thug iad glòir do Dhia, a thug a leithid so a chumhachd do dhaoineibh.

9 Agus ag dol do Iosa as an àite sin, chunnaic e duine 'n a shuidhe aig bòrd na cise, d'am b'ainm Mata; agus thubhairt e ris, Lean mise. Agus dh'éirich e, agus lean se e.

10 Agus tharladh, air suidhe do Iosa aig biadh 's an tigh, feuch, thàinig mòran chis-mhaor agus pheacach, agus shuidh iad sìos maille ris-san agus r'a dheisciobluibh.

11 Agus an uair a chunnaic na Phairisich so, thubhairt iad r'a dheisciobluibh, C'ar son a dh'itheas bhur maighstir-sa maille ri cis-mhaor agus ri peacach?

12 Ach an uair a chual Iosa so, thubhairt e riu, Cha-n ann aig a' mhuinntir a tha slàn tha feum air an léigh, ach aig a' mhuinntir a tha euslan.

13 Ach innichibh agus fòghlumaibh ciod a's ciall da so, Tròcair is àill leam, agus cha-n iobairt: oir cha d'thàinig mise a ghairm nam fireanach, ach nam peacach chum aithreachais.

14 An sin thàinig deisciobuil Eoin d'a ionnsuidh, ag ràdh, C'ar son a tha sinne agus na Phairisich a' trasgadh gu minic, ach ni 'm bheil do dheisciobuil-sa a' trasgadh?

15 Agus thubhairt Iosa riu, Am feud clann seòmair an fhir-nuadh-phòsda 'bhi brònach, am feadh a bhitheas am fear-nuadh-phòsda maille riu? Ach thig na lùithean anns an toirear am fear nuadh-phòsda uatha, agus an sin ni iad trasgadh.

16 Cha chuir duine sam bith mìr de eudach nuadh air seann eudach: oir buinidh an ni a chuireadh g'a lìonadh suas as an eudach, agus nithear an reubadh ni's miosa.

17 Cha mhò a chuireas daoine fion nuadh ann an seann searragaibh: no brisear na searragan, agus dòirtear am fion, agus caill-ear na searragan: ach cuiridh iad fion nuadh

ann an searragaibh uuadha, agus bithidh iad araon tèaruinte.

18 'N uair a bha e a' labhairt nan nithean so riu, feuch, thàinig uachdaran àraidh, agus thug e aoradh dha, ag ràdh, Fhuair mo nighean bàs air ball: ach thig-sa agus cuir do làmh oirre, agus bithidh i beò.

19 Agus dh'èirich Iosa, agus lean e fèin agus a dheisciobuil e.

20 (Agus, feuch, thàinig bean, air an robh dòrtadh fola ré dhà bhliadhna dheug, air a chlàobh, agus bhean i ri iomall 'eudaich:

21 Oir thubhairt i innte fèin, Ma bheanas mi ach ri 'eudach, bithidh mi slàn.

22 Ach air tionndadh do Iosa mu'n cuairt, chunnaic e i, agus-thubhairt e, A nighean, bitheadh deadh mhiseach agad: shlànuich do chreidimh thu. Agus bha a' bhean slàn o'n uair sin.)

23 Agus an uair a thàinig Iosa gu tigh an uachdarain, agus a chunnaic e an luchd-ciùil, agus a' chuideachd a' deanamh toirm *bhròin*,

24 Thubhairt e riu, Imichibh roimhibh, oir cha-n'èil an nigheanag marbh ach 'n a codal. Agus rinn iad gàire fochaid ris.

25 Ach an uair a chuireadh a' chuideachd a mach, chaidh e a steach, agus rug e air làmh oirre, agus dh'èirich an nigheanag.

26 Agus chaidh ionradh sin a mach air feadh na tìre siu uile.

27 Agus an uair a dh'imich Iosa as a sin, lean dithis dhall e, ag éigheach, agus ag ràdh, A Mhic Dhaibhidh, dean tròcair oirne.

28 Agus an uair a thàinig e steach do'n tigh, thàinig na doill d'a ionnsuidh: agus thubhairt Iosa riu, Am bheil sibh a' creidsinn gur comasach mise so a dheanamh? Thubhairt iad ris, Tha, a Thighearna.

29 An sin bhean e r'an sùilbha, ag ràdh, Bitheadh e dhuibh a réir bhur creidimh.

30 Agus dh'fhosgladh an sùilean, agus bhagair Iosa gu geur orra, ag ràdh, Faicibh nach faigh neach air bith fios air so:

31 Ach an uair a dh'imich iad a mach, sgaoil iad a chliù air feadh na dùthcha sin uile.

32 Agus ag dol dhoibhsau a mach feuch, thug iad d'a ionnsuidh duine balbh anns an robh deamhan.

33 Agus an déigh do'n deamhan a bhi air a thilgeadh a mach, labhair am balbhan: agus ghabh an sluagh iongantas, ag ràdh, Cha-n' fhacas a leithid so ann an Israel riamh.

34 Ach thubhairt na Phairisich, Troimh phrionnsa nan deamhan tha e a' tilgeadh a mach dheamhan.

35 Agus ghabh Iosa mu chuairt nan uile chaithrichean agus bhailtean, a' teagasg 'n an sionagogaibh, agus a' searmonachadh *soisgeil* na rìoghachd, agus a' slànuchadh

gach uile cuslaire agus eucail am measg a' phobuill.

36 Ach an uair a chunnaic e an sluagh, ghabh e truas diubh, air son gu'n robh iad air fannachadh, agus air an sgapadh o 'chéile, mar chaoraich aig nach 'eil buachail.

37 An sin thubhairt e r'a dheisciobuill, Gu deimhin is mòr am fogharadh, ach is tearc an luchd-oibre.

38 Uime sin guidhibh-sa air Tighearna an fhogharaidh, luchd-oibre 'chur a mach chum 'fhogharaidh fèin.

CAIB. X.

1 *Chuir Criosd a mach a dhà Abstol deug, agus thug e cumhachd dhoibh mìorbhuilean a dheanamh: 5 theagaisg e iad: 16 thug e misneach dhoibh an aghaidh geur-leanmhuinn, 40 agus gheall e beannachadh do'n dream a ghabhadh riu.*

AGUS air gairm a dhà dheisciobul deug d'a ionnsuidh, thug e cumhachd dhoibh an aghaidh nan spiorad nèoghlan, gu'n tilgeadh a mach, agus a shlànachadh gach gnè euslaire, agus gach gnè eucail.

2 Agus is iad so ainmean an dà Abstol deug; an ceud *fhear*, Simon d'an goirear Peadar, agus Aindreas a bhràthair, Seumas mac Shebede, agus Eoin a bhràthair;

3 Philip agus Bartolomeu, Tomas, agus Mata an cis-mhaor, Seumas mac Alphcuis, agus Lebeus d'an co-ainm Tadeus;

4 Simon an Canaanach, agus Iudas Iscariot, an neach fòs a bhrath esau.

5 Chuir Iosa an dà fhear dheug so a mach, a' tabhairt àithne dhoibh, ag ràdh, Na gabhaibh gu slighe nan Cinneach, agus na rachaibh a steach do *an* bhaile a bhuineas do na Samaritanaich:

6 Ach gu ma fearr leibh dol a dh'ionnsuidh chaorach chaillte tighe Israeil.

7 Agus air imeachd dhuibh, searmonaichibh, ag ràdh, Tha rìoghachd uèimh am fagus.

8 Leighisibh an dream a tha tinn, glanaibh na lobhair, dùisgibh na mairbh, tilgibh a mach ua deamhan: a uasgaidh fhuair sibh, a nasgaidh thugaibh seachad.

9 Na solairibh òr, no airgiod, no umha ann bhur sporanach;

10 No màla chum bhur turuis, no dà chòta, no brògan, no bataichean: (oir is airidh am fear-oibre air a lòn.)

11 Agus ge b'e air bith caithir no baile d'an teid sibh a steach, feòraichibh cò a tha 'n a dheadh airidh innte; agus fanaibh an sin gus am fàg sibh an t-àite sin.

12 Agus an uair a thig sibh steach do thigh, beannaichibh dha.

13 Agus ma's airidh an tigh sin, thigeadh bhur sìth air; ach mur airidh, pillcadh bhur sìth do bhur n-ionnsuidh fèin a rìs.

14 Agus ge b'e neach uach gabh rìbh, agus nach èisd ri *ur* briathraibh; air dol a mach

as an tigh, no as a' bhaile sin dhuibh, crath-
aibh dhibh duslach bhur cos.

15 Gu deimhin tha mi ag ràdh ribh, gur
so-iomchaire a bhitheas staid fearainn
Shodoim agus Ghomora ann an là a'
bhreithcanais, na staid a' bhaile sin.

16 Feuch, cuiream-sa sibhse mach mar
chaoraich am measg mhadadh-alluidh: air
an aobhar sin bithibh-sa glic mar na
nathraichean, agus ned-chronail mar na
columnain.

17 Ach bithibh air bhur faicill o dhaoin-
ibh; oir bheir iad 'an làimh sibh do chomh-
airibh, agus sgiùrsaidh iad sibh 'n an sion-
agogaibh:

18 Agus bheirear sibh an làthair uach-
daran agus righrean air mo sgàth-sa, mar
fhianuis dhoibh-san agus do na Cinnich.

19 Ach an uair a bheir iad 'an làimh sibh,
na biodh e 'n a ro-chàs oirbh cionnus no
ciod a labhras sibh; oir bheirear dhuibh
's an uair sin féin an ni a labhras sibh.

20 Oir cha sibhse a labhras, ach Spiorad
bhur n-Athar féin a labhras annaibh.

21 Agus bheir am bràthair a bhràthair
féin suas chum bàis, agus an t-athair am
mac; agus éiridh a' chlan ann aghaidh am
pàrantan, agus bheir iad fainear gu'n cuir-
ear gu bàs iad.

22 Agus bithidh fuath aig na h-uile dhaoin-
ibh dhuibh air son m'ainm-sa: ach ge
b'e 'bhuanicheas gus a' chrìoch, is e so a
thèarnar.

23 Agus an uair a ni iad geur-leanmhuinn
oirbh 's a' bhaile so, teichibh gu baile eile;
oir gu deimhin tha mi ag ràdh ribh, Nach
imich sibh air feadh: bhailean Israeil mu'n
tig Mac an duine.

24 Cha-n'eil an deisciobul os ceann a
mhaighstir, no an scirbhiseach os ceann a
thighearna.

25 Is leòr do'n deisciobul a bhi mar a
mhaighstir, agus do'n t-seirbhiseach a bhi
mar a thighearn: ma ghoir iad Beelsebul
de fhear an tighe, nach mò na sin a ghoir-
eas iad e d'a mhuinntir?

26 Uime sin na bitheadh eagal oirbh
rompa: oir cha-n'eil ni sam bith folaichte,
nach foillsichear; agus 'an cleith, nach
deanar aithnichte.

27 An ni a dh'innseas mise dhuibh 's an
dorchadas, labhraibh e 's an t-solus; agus
an ni a chluinneas sibh 's a' chluais, sear-
monaichibh e air mullach nan tighean.

28 Agus na bitheadh eagal na muinntir
sin oirbh a mharbhas an corp, ach aig nach
'eil comas an t-anam a mharbhadh: ach gu
ma mò bhitheas eagal an Ti sin oirbh, a's
urraim an corp agus an t-anam a mhilleadh
araon ann an ifrinn.

29 Nach 'eil dà ghealbhonean air an reic air
fheoiring? agus cha tuit a h-aon diubh
air an talamh as eugmhais *freasdail* bhur
n-Athar-sa.

30 Ach tha eadhon fuilteinean bhur cinn
uile air an àireamh.

31 Air an aobhar sin na bitheadh eagal
oirbh, is fearr sibhse na mòran ghealbhonean.

32 Uime sin ge b'e 'dh'aidicheas mise 'am
fianuis dhaoine, aidichidh mise esan mar
an ceudna 'am fianuis m'Athar a tha air
nèamh.

33 Ach ge b'e 'dh'aidheadhas mise 'am
fianuis dhaoine, aidheadhaidh mise esan 'am
fianuis m'Athar a tha air nèamh.

34 Na measaibh gu'n d'thàinig mise a chur
sithe air an talamh: cha-n ann a chur sithe
a thàinig mi, ach a *chur* claidheimh;

35 Oir thàinig mi a chur duine an aghaidh
'athar, agus na nighinn an aghaidh a màthar,
agus bean a' mhic an aghaidh a màthar-
chéile.

36 Agus is iad muinntir a theaghlach féin
a *bhitheas* 'n an naimhdean do dhuine.

37 An ti a ghràdhaicheas athair no màth-
air nì's mò na mise, cha-n airidh orm e:
agus an ti a ghràdhaicheas mac no nighean
os mo cheann-sa, cha-n airidh orm e:

38 Agus an ti nach glac a chrann-ceusaidh,
agus nach lean mise, cha-n airidh orm e.

39 An ti a gheibh 'anam, caillidh se e: ach
an ti a chailleas 'anam air mo shonsa,
gheibh se e.

40 An ti a ghabhas ri bhaile, gabhaidh e
riumsa; agus an ti a ghabhas riumsa, gabh-
aidh e ris an ti a chuir uaith mi.

41 An ti a ghabhas ri fàidh ann an ainm
fàidh, gheibh e duais fàidh; agus an ti a
ghabhas ri firean ann an ainm firein, gheibh
e duais firein.

42 Agus ge b'e 'bheir cupan a dh'uisge
fuar a mhàin r'a òl do aon neach de 'n
fheadhain bhèaga so, ann an ainm deis-
ciobul, gu deimhin tha mi ag ràdh ribh,
nach cail e air chor sam bith a dhuais.

CAIB. XI.

1 *Chuir Eoin a dheisciobul a dh'ionnsuidh
Chriosd. 7 Fianuis Chriosd mu thimchioll
Eoin. 18 Barail an t-sluaigh mu thimchioll
Eoin agus mu thimchioll Chriosd. 20 Chron-
uich Chriosd muinntir Bhetsaida. &c. 28 A
ghairm thròcaireach do'n t-sluaigh a tha jo
throm uallach.*

A GUS tharladh, an uair a chrìochnaich
Iosa àiteantan a thabhairt d'a dhà
dheisciobul deng, gu'n d'imich e as a sin a
theagas agus a shearmonachadh 'n am
bailtibh.

2 A nis an uair a chual' Eoin 's a' phrìosan
gnìomharan Chriosd, chuir e dithis d'a
dheisciobluibh d'a ionnsuidh,

3 Agus thubhairt e ris, An tusa an ti ud
a bha ri teachd, no am bi sùil againn ri
neach eile.

4 Fhreagair Iosa agus thubhairt e riu,
Imichibh agus innsibh do Eoin na nithean
a tha sibh a' cluinntinn agus a' faicinn:

5 Tha na doill a' faotainn an radhairc,

agus na bacaich ag imeachd, tha na lobhair air an glanadh, agus na bothair a' cluinntinn, tha na mairbh air an dùsgadh, agus an soisgeul air a shearmonachadh do na bochdan.

6 Agus is beannaichte an ti nach faigh oibhlcum annam-sa.

7 Agus air imeachd dhoibhsan air falbh, thòisich Iosa air labhairt ris an t-sluagh mu thimchioll Eoin, *ag ràdh*, Ciod e an ni a chaidh sibh a mach do'n fhàsach a dh'fhaicinn? an i cuile air a crathadh le gaoith?

8 Ach ciod e an ni a chaidh sibh a mach a dh'fhaicinn? *an* e duine air a sgacadachadh ann an eudach min? feuch, a' mhuinntir a chaitheas eudach min, is ann an tighibh nan rìghrean a tha iad.

9 Ach ciod e an ni a chaidh sibh a mach a dh'fhaicinn? *An* e fàidh? seadh, tha mi ag ràdh ribh, agus nì's mò na fàidh.

10 Oir is e so an ti mu'm bheil e sgrìobhta, Feuch, cuiream-sa mo theachdair roimh do ghnùis, a dh'ulluicheas do shlighe romhad.

11 Gu deimhin tha mi ag ràdh ribh, 'n am measg-san a rugadh le mnàibh, nach d'éirich neach a's mò na Eoin Baistidh: gidheadh, an ti sin a's lugha ann an rìoghachd nèimh, is mò e na esan.

12 Agus o làithibh Eoin Baistidh gus a nis, tha rìoghachd nèimh a' fulang ainneirt, agus luchd na h-ainneirt 'g a glacadh le làmhachas-làidir.

13 Oir rinn na fàidhean uile, agus an lagh fàidheadaireachd gu òm Eoin.

14 Agus na's toil leibh a ghabhail, is e so Elias a bha ri teachd.

15 Ge b'e aig am bheil cluasan chum éisd-eachd, éisdeadh e.

16 Ach co ris a shamhluicheas mise an ginealach so? Is cosmhail e ri cloinn a shuidheas anns a' mhargadh, agus ag éigh-rach r'an companaich,

17 Agus ag ràdh, Rinn sinne pìobair-eachd dhuibhse, ach cha d'rinn sibhse dannsa: rinn sinne tuireadh dhuibhse, ach cha d'rinn sibhse gul.

18 Oir thàinig Eoin cha-n ann ag itheadh no ag òl, agus tha iad ag ràdh, Tha deamhan aige.

19 Thàinig Mac an duine ag itheadh agus ag òl, agus tha iad ag ràdh, Feuch, duine geòcach agus pòiteir fiona, caraid chis-mhaor agus pheacach: ach tha gliocas air a fireanachadh le a cloinn.

20 An sin thòisich e air achmhasan a thabhairt do na bailtibh anns am mò a rinn-eachd d'a oibribh cumbachdach, air son nach d'rinn iad aithreachas.

21 Is an-aoibhinn duit, a Chorasin; is an-aoibhinn duit, a Bhetsaida: oir nam bitheadh na h-oibre cumbachdach a rinncadh ann-aibh-sa, air an deanamh ann an Tirus agus ann an Sidon, is fada o'n a dheanadh iad

aithreachas ann an sac-eudach agus 'an luaithre.

22 Ach tha mi ag ràdh ribh, Gu'm bi staid Thirus agus Shidon nì's so-iomchaire ann an là a' bhreitheanais, na bhitheas bhur staid-sa.

23 Agus thusa, a Chapernaum, a tha air do thogail suas gu nèamh, tilgear sìos gu h-ìfrinn thu: oir nam bitheadh na h-oibre cumbachdach a rinneadh annad-sa, air an deanamh ann an Sodom, dh'fhanadh e *gun a sgrìos* gus an diugh.

24 Ach tha mi ag ràdh ribh, gur so-iomchaire a bhitheas e do fhearam Shodoin ann an là a' bhreitheanais, na dhuitse.

25 Anns an àm sin fhreagair Iosa agus thubhairt e, Tha mi a' toirt buidheachais dhuit, O Athair, Thighearna nèimh agus na talmhainn, air son gu'n d'fholuich thu na nithean so o dhaoimibh eagnuidh agus tuigseach, agus gu'n d'fhoillsich thu iad do leanabaibh.

26 Seadh, Athair, do bhrìgh gu'm b'ann mar sin a bha do dheadh thoil-sa.

27 Tha na h-uile nithean air an tabhairt thairis dhomhsa o m' Athair: agus cha-n aithne do neach air bith am Mac, ach do'n Athair: nì mò is aithne do neach air bith an t-Athair, ach do'n Mhac, agus do gach aon d'an àil leis a' Mhac 'fhoillseachadh.

28 Thigibh a m'ionnsuidh-sa, sibhse uile a tha ri saothair, agus fo throm uallach, agus bheir mise suaimhneas dhuibh.

29 Gabhaibh mo chuing oirbh, agus fògh-lumaibh uam, oir tha mise macanta agus iriosal ann an cridhe: agus gheibh sibh fois do bhur n-anamaibh.

30 Oir tha mo chuing-sa so-iomchar, agus tha m'uallach eutrom.

CAIB. XII.

1 *Chronuich Crìosl doille nam Phairiseach mu thimchioll brisidh na sàbaid, 3 le sgrìobtuiribh, 11 le reuson, 13 agus le m'òrluail. 22 Shlànuich e an duine dall agus balbh anns an robh deamhan. 31 Cha mhaithhear toibheum an aghaidh an Spìoraid naòimh.*

CHÀIDH Iosa's an àm sin air là na sàbaid troimh na h-achaibh arbhair, agus bha ocras air a dheisciobuil, agus thòisich iad air diasan arbhair a bhuain, agus itheadh.

2 Ach an uair a chunnaic na Phairisich so, thubhairt iad ris, Feuch, tha do dheisciobuil a' deanamh an ni nach còir a dheanamh air là na sàbaid.

3 Agus thubhairt esan riu, Nach do leugh sibh ciod a rinn Daibhidh an uair a bha ocras air féin, agus air a' mhuinntir a bha maille ris;

4 Cionnus a chaidh e steach do thigh Dhé, agus a dh'ith e aran na fianuis, nach robh ceaduichte dha féin itheadh, no dhoibhsan a bha maille ris, ach do na sagartaibh a mhàin?

5 No nach do leugh sibh 's an lagh, gu bheil na sagartan anns an teampull air làithibh na sàbaid a' briseadh na sàbaid, agus iad neo-chiontach?

6 Ach tha mise ag ràdh ribh, gu'm bheil 's an ionad so neach a's mò na'n teampull.

7 Agus nam bitheadh fhios agaibh ciod a's ciall da so, Tròcair is àill leam agus cha'n iobairt, cha dteadh sibh an dream a tha neo-chiontach.

8 Oir is e Mac an duine Tighearn na sàbaid.

9 Agus air dha imeachd as a sin, chaidh e teachd d'an sionagag;

10 Agus, feuch, bha duine ann, aig an robh làmh sheargta; agus dl'fhebraich iad dheth, ag ràdh, Am bheil e ceaduichte leigheas a dheanamh air làithibh na sàbaid? chum gu'n bitheadh cùis dhùtidh aca 'n a aghaidh.

11 Agus thubhairt esan riu, Cò an duine dhibh-se, aig am bi aon chaora, agus ma thuiteas i ann an slochd air là na sàbaid, nach beir e oirre, agus nach tog e nìos i?

12 Nach mòr ma ta is fearr duine na caora? Uime sin tha e ceaduichte maith a dheanamh air làithibh na sàbaid.

13 An sin thubhairt e ris an duine, Sin a mach do làmh: agus shìn e mach i; agus bha i air a h-aiseag slàn, mar an làmh cile.

14 Ach chaidh na Phairisich a mach, agus chum iad comhairle 'n a aghaidh, cionnus a dh'fheadhadh iad a mhilleadh.

15 Ach an uair a thuig Iosa so, dl'imich e as a sin: agus lean slòigh mhòr 'e, agus leighis e iad uile.

16 Agus thug e sparradh dhoibh chum nach deanadh iad aithnichte e:

17 A chum gu'n coimhlionadh an nì a labhradh le Esaias am fàidh, ag ràdh,

18 Feuch, mo sheirbhiseach féin a thagh mi; m'aon gràdhach anns am bheil tlachd aig m'anam: cuiridh mi mo Spiorad féin air, agus nochdaidh e breitheanas do na Cinnich.

19 Cha dean e strì, agus cha ghlaodh e; nì mò a chluinneas neach air bith a ghuth air na sràidibh.

20 Cha bhris e a' chuile bhrùite, agus cha mhùch e an lion as am bi deatach, gus an tabhair e mach breitheanas chum buaidh.

21 Agus is ann á ainm-san a bhitheas muinighinn aig na Cinnich.

22 An sin thugadh d'a ionnsuidh duine anns an robh deamhan, dall agus balbh: agus shlànuih se e, ionnus gu'n do labhair am balbhan agus gu'n robh an dall a' faicinn.

23 Agus ghabh am pobull uile iongantas, agus thubhairt iad, An e so Mac Dhaibhidh?

24 Ach an uair a chuala na Phairisich so, thubhairt iad, Cha-n'èil am fear so a' tilgeadh a mach dheamhan, ach troimh Bheolseub prionnsa nan deamhan.

25 Agus thuig Iosa an smuaintean, agus thubhairt e riu, Gach rìoghachd a tha roinnt 'n a h-aghaidh féin, nithear 'n a fàsach i; agus gach uile bhaile no tigh a tha roinnt 'n a aghaidh féin, cha seas e.

26 Agus ma thilgeas Sàtan a mach Sàtan, tha e roinnt 'n a aghaidh féin; air an aobhar sin cionnus a sheasas a rìoghachd?

27 Agus ma tha mise troimh Bheolseub a' tilgeadh a mach dheamhan cò troimh am bheil bhur clann-sa 'g an tilgeadh a mach? Uime sin bithidh iad 'n am breitheanhnau oirbh:

28 Ach ma's ann le Spiorad Dhé a tha mise a' tilgeadh a mach dheamhan, thàinig rìoghachd Dhé do bhur n-ionnsuidh-sa.

29 No cionnus is urrainn neach dol do thigh duine làidir, agus airneis a thighe a chreachadh, mur ceangail e air tùs an duine làidir? agus an sin creachaidh e a thigh.

30 An ti nach 'eil leam, tha e a' m' aghaidh; agus an ti nach cruinnich leam, sgapaidh e.

31 Air an aobhar sin tha mi ag ràdh ribh, Gu'm maithear gach peacadh agus gach toibheum do dhaoineibh: gidheadh cha mhaithhear toibheum an aghaidh an Spioraid Naomh do dhaoineibh.

32 Agus ge b'e neach a labhras focal an aghaidh Mhic an duine, maithear dha e: ach ge b'e neach a labhras an aghaidh an Spioraid Naomh, cha mhaithhear dha e, anns an t-saoghal so, no anns an t-saoghal a tha ri teachd.

33 An dara cuid deanaibh a' chraobh maith, agus a toradh maith; no deanaibh a' chraobh truailidh, agus a toradh truailidh: oir is ann air a toradh a dh'aithneuchar a' chraobh.

34 A shliochd nan nathraichean nimhe, cionnus a dh'fheadas sibh nithean maithe a labhairt, o tha sibh féin olc? oir is ann a' pailteas a' chridhe a labhras am beul.

35 Bheir duine maith a mach nithean maithe á deadh ionmhas a chridhe: agus bheir an droch dhuine mach droch nithean as a dhroch ionmhas.

36 Ach tha mi ag ràdh ribh, Gu'n toir daoine cunntas ann an là a' bhreitheanas air son gach focail dhìomhain a labhras iad.

37 Oir is ann le d'fhoclaibh a shaorar thu, agus is ann le d'fhoclaibh a dh'èatar thu.

38 An sin fhreagair dream àraidh de na sgrìobhaichean agus de na Phairisich, ag ràdh, A mhaighstir, bu mhiann leinn comhara fhaicinn uait.

39 Ach fhreagair esan agus thubhairt o riu, Tha ginealach olc agus adhaltrannach ag iarraidh comhara, agus cha toir car comhara dhoibh, ach comhar' an fhàidh Ionais.

40 Oir mar a bha Iouas 'am broinn na muice-mara tri làithean agus tri oidhchean; is ann mar sin a bhitheas Mac an duine ann

an cridhe na talmhainn trì làithean agus trì oidhchean.

41 Eiridh muinntir Ninebheh 's a' bhreith-eanas maille ris a' ghinealach so, agus dìtidh iad e; oir rinn iad aithreachas aig searmoin Ionais; agus, feuch, *tha* nì's mò na Ionas an so.

42 Eiridh ban-rìghinn na h-àirde deas 's a' bhreitheanas maille ris a' ghinealach so, agus dìtidh i e: oir thàinig i o na h-àitibh a's iomallaiche de'n talamh a dh'éisdeachd gliocais Sholaimh; agus, feuch, *tha* nì's mò na Solamh an so.

43 An déigh do'n spiorad neòghlan dol a mach á duine, imichidh e troimh ionadaibh tiorma, ag iarraidh fois, agus cha-n fhaigh e.

44 An sin thoir e, Pillidh mi do m' thigh as an d'thàinig mi; agus air teachd dha, gheibh e falamh, aguabta, agus deadh-mhaiseach e.

45 Imichidh e an sin, agus bheir e leis seachd spioraid eile a's miosa na e féin, agus theid iad a steach agus gabhaidh iad còmh-nuidh an sin: agus bithidh cor deireannach an duine sin nì's miosa na a cheud chor. Is ann cadhon mar sin a thachaireas do'n ghinealach aingidh so.

46 Agus air dha bhi fathast a' labhairt ris a' phobull, feuch, sheas a mhàthair agus a bhràithrean a muigh, ag iarraidh labhairt ris.

47 An sin thubhairt neach éigin ris, Feuch, tha do mhàthair, agus do bhràithrean 'n an seasamh a muigh, ag iarraidh labhairt riut.

48 Ach fhreagair esan agus thubhairt e ris an ti a dh'innis so dha, Cò i mo mhàthair? agus cò iad mo bhràithrean?

49 Agus air sineadh a làimhe chum a dheisciobul, thubhairt e, Feuch mo mhàth-air, agus mo bhràithrean!

50 Oir ge b'e neach a ui toil m' Athar-sa a tha air nèamh, is e sin féin mo bhràthair, agus mo phiuthar, agus mo mhàthair.

CAIB. XIII.

1 *Cosamhlachd an t-sìoladair agus an t-sìl. 18 air eadar-mhìneachadh. 24 Cosamhlachd a' chogail; 31 an t-sìl mhùs'air; 33 na laibhin; 44 an ionnmais sholichte; 45 agus na nèamh-nuid. 54 Rinn muinntir a dhùthcha tàir air Crìosd.*

AIR an là sin féin chaidh Iosa mach as an tigh, agus shuidh e ri taobh na fairge.

2 Agus chruinnich sluagh mòr d'a ionn-snidh, air chor as air dol a steach do luing dha, gu'n do shuidh e; agus sheas an sluagh uile air an tràigh.

3 Agus labhair e mòran de nithean riu ann an cosamhlachdaibh, ag ràdh, Feuch, chaidh sìoladair a mach a chur sìl.

4 Agus ag cur an t-sìl da, thuit cuid dheth ri taobh an rathaid; agus thàinig na h-eun-laith agus dh'ith iad e.

5 Thuit cuid air ionadaibh creagach, far nach robh mòran talmhainn aige; agus air ball dh'fhàs e suas, a chionn nach robh doimhneachd talmhainn aige.

6 Ach air éirigh do'n ghrèin dhothadh e; agus a chionn nach robh freumh aige, shearg e as.

7 Agus thuit cuid am measg droighinn: agus dh'fhàs an droighinn suas, agus mhùch se e,

8 Ach thuit cuid eile ann am fearann maith, agus thug e toradh a mach, cuid a cheud uiread, cuid a thri fichead, cuid a dheich thar fhichead uiread 's a *chuir-eadh*.

9 Ge b'e neach aig am bheil cluasan chum éisdeachd, éisdeadh e.

10 Agus thàinig ua deisciobuil, agus thubhairt iad ris, C'ar son a tha thu a' labhairt riu ann an cosamhlachdaibh?

11 Fhreagair esan agus thubhairt e riu, Do bhrìgh gu'n d'thugadh dhuibh-sa eòlas a bli agaibh air rùn dìomhair rìoghachd nèimh, ach dhoibhsan cha-n'èil so air a thoirt.

12 Oir ge b'e neach aig am bheil, dhàsan bheir, agus bithidh aige an tuilleadh pailteis: ach ge b'e neach aig nach 'èil, uaithean bheir e eadhon an nì a tha aige.

13 Uime sin tha mise a' labhairt riu ann an cosamhlachdaibh, do bhrìgh air dhoibh sealltuinn nach faic iad, agus éisdeachd nach cluin iad, agus nach tuig iad.

14 Agus annta-san tha faidheadaireachd Esais air a còimhlionadh, a tha 'g ràdh, Le h-éisdeachd cluinidh sibh, agus cha tuig sibh; agus le h-amharc chi sibh, agus cha n aithnich sibh.

15 Oir tha cridhe a' phobull so air fas reamhar, agus an cluasan mall chum éisd-eachd, agus dhruid iad an sùilean; air eagal uair air bith gu'm faicheadh iad le'n sùilibh, agus gu'n cluinneadh iad le'n clusaibh, agus gu'n tuigeadh iad le'n cridhe, agus gu'm biodh iad air an iompachadh, agus gu'n slànuchinn-sa iad.

16 Ach is beannaichte bhur sùilean-sa, oir tha iad a' faicinn, agus bhur cluasan, oir tha iad a' cluinntinn.

17 Oir tha mi ag ràdh ribh gu fìrinneach, Gu'm b'ionadh faidh, agus firean leis am bu mhiann na nithean so fhaicinn a tha sibhse a' faicinn, agus nach fac' iad: agus na nithean so chluinntinn a tha sibhse a' cluinntinn, agus nach cual iad.

18 Eisdibh air au aobhar sin ri cosamhlachd an t-sìoladair.

19 An uair a chluinneas neach air bith focal na rìoghachd, agus nach toir e fainear e, thig au droch *spiorad*, agus bheir e air falbh an nì a chuireadh 'n a chridhe: is e so esan anns an do chuireadh an sìol ri taobh an rathaid.

20 Ach esan a fhuair sìol ann an àitibh

creagach, is e so an ti a chluinneas am focal, agus a ghabhas e air ball le gairdeachas;

21 Gidheadh cha-n'eil freumb aigeann féin, ach fanaidh e ré tamuill: agus an uair a thig trioblaid no gear-leannhuinn air sou an fhocail, air ball gheibh e oibheum.

22 Esan mar an ceudna a ghabh sìol am measg an droighinn, is e so an ti a tha 'cluinntinn an fhocail; agus tha ro-chùran an t-saoghail so, agus mealltaireachd beartais a' mùchadh an fhocail, agus bithidh e gun toradh.

23 Ach an ti ud a ghabh sìol ann an deadh fhearann, is e sin an neach a tha 'cluinntinn an fhocail, agus 'g a thoirt faineach; neach mar an ceudna 'tha' giùlaht toraidh, agus a tha 'toirt a mach cuid a chend nìread, cuid a thri fichead, agus cuid eile a dheich thar fhichead uiread 's a *chuireadh*.

24 Chuir e cosamhlachd eile mach dhoibh, ag ràdh, Is cosmhail rìoghachd nèimh ri duine a chuir sìol maith 'n a fhearann:

25 Agus an uair a bha daoine 'n an codal, thàinig a nàmhaid agus chuir e cogal am measg a' chruithneachd, agus dh'imich e roimhe.

26 Ach an uair a thàinig an t-arbhar fo dhéis, agus a thug e mach a thoradh, dh'fhoillsich an cogal e féin mar an ceudna.

27 Agus air teachd do sheirbhisich fhir-an-tìge thubhairt iad ris, A Thighearna, nach do chuir thusa sìol maith ann ad fhearann? c'àite ma seadh as an d'fhuair e an cogal?

28 Thubhairt esan riu, Rinn nàmhaid éigin so. Agus thubhairt na seirbhisich ris, An àill leat uime sin gu'n téid sinne agus gu'n cruinnich sinn ri 'chéile iad?

29 Ach thubhairt esan Cha-n àill; air eagal 'n nair a chruinnicheas sibh an cogal, gu'm spion sibh an cruithneachd maille ris.

30 Leigibh leo fàs araon gus an tig am fogharadh: agus ann an àm an fhogharaidh their mise ris an luchd-buain, Cruinnichibh air tùs an cogal, agus ceanglaibh e 'na cheanglachain chum a losgaidh: ach cruinnichibh an cruithneachd do m' shabhal.

31 Chuir e mach cosamhlachd eile dhoibh, ag ràdh, Tha rìoghachd nèimh cosmhail ri gràinne de shìol mustard, a ghabh neach agus a chuir e 'n a fhearann.

32 Ni gun amharus a's lugha de gach uile phòr: gidheadh air fàs da, is e a's mò de na luibhean, agus fàsaidh e 'n a chrann: ionnus gu'n tig eunlaith an athair, agus gu'n dean iad nid 'n a gheugaibh.

33 Cosamhlachd eile labhair e riu; Is cosmhail rìoghachd nèimh ri taois ghoirt, a ghabh bean agus a dh'fholaidh i ann an tri tomhasaibh mine, gus an do ghoirticheadh an t-ionlan.

34 Na nithean sin uile labhair Iosa ris a' phobull ann an cosamhlachdaibh; agus gun chosamhlachd cha do labhair e riu:

35 A chum gu'n coimhliontadh an ri a labhradh leis an fhàidh, ag ràdh, Fosglaidh mi mo bheul ann an cosamhlachdaibh, cuiridh mi'n céill nithean a bha folaichte o thoiseach an t-saoghail.

36 An sin chuir Iosa am pobull air falbh, agus chaidh e steach do'n tigh: agus thàinig a dheisciobuil d'a ionnsuidh, ag ràdh, Mìnich dhuine cosamhlachd cogail an fhearainn.

37 Agus fhreagair esan agus thubhairt e riu, An ti a chuireas an sìol maith is e Mac an duine e:

38 'S e 'm fearann an domhan: agus is e an sìol maith clann na rìoghachd: ach is e an cogal clann an droch *spioraid*:

39 'S e an nàmhaid a chuir iad an diabhuil: 's e am fogharadh deireadh an t-saoghail: agus is iad na buanaichean na h-aingil.

40 Agus amhuil mar a chruinnichear an cogal, agus a loisgear le teine e, is ann mar sin a bhitheas ann an deireadh an t-saoghail so.

41 Cuiridh Mac an duine 'aingil naith, agus tionailidh iad as a rìoghachd na h-uile nìthean a bheir oibheum, agus iadsan a tha 'deanamh aingidheachd;

42 Agus tilgidh siad iad anns an àmhuinn air dcarg-lasadh: an sin bithidh gul agus giosgan fhialail.

43 An sin dealraichidh na fireanan mar a' ghrian ann an rìoghachd an Athar féin. Ge b'e aig am bheil cluasan chum éisdeachd, éisdeadh e.

44 A ris, tha rìoghachd nèimh cosmhail ri ionmhas air 'fhòlach ann am fearann; ni an déigh fhaotainn, a dh'fholaidh duine, agus air sgàth a ghairdeachais air a shon, dh'imich e agus reic e na bha aige uile, agus cheannaich e am fearann sin.

45 A ris, is cosmhail rìoghachd nèimh ri cannaiche àraidh ag iarraidh nèamhnid-eann maiseach:

46 Agus air amas da air aon nèamhnuid ro luachmhoir, dh'imich e agus reic e na bha aige, agus cheannaich e i.

47 A ris, tha rìoghachd nèimh cosmhail ri lion air a thilgeadh 's an fhaireg, agus a chruinnich de gach uile sheòrsa *éisg*:

48 Agus air dha bhì làn, tharruing na h-iasgairean e chum na tràighe, agus air snidhe dhoibh, chruinnich iad na h-*éisg* mhaithle ann an soithichean, ach thilg iad na droch *éisg* a mach.

49 Is ann mar sin a bhitheas ann an deireadh an t-saoghail: théid na h-aingil a mach, agus dealaichidh iad na droch dhaoine a measg nam fireanach;

50 Agus tilgidh siad iad 's an àmhuinn theinntich: an sin bithidh gul agus giosgan fhialail.

51 Thubhairt Iosa riu, An do thuig sibh na nithean so uile? thubhairt iad ris, Thuig, a Thighearna.

52 Agus thubhairt esan riu, Air an aobhar sin gach uile sgrìobhaiche a tha fòghluimte chum rìoghachd nèmh, is cosmhail e ri fear-tighe, a bheir a mach as 'ionmhas nith-ean nuadha agus sean.

53 Agus thachair an uair a chrìochnaich Iosa na cosamhlachdan so, gu'n d'imich e as a sin.

54 Agus an uair a thàinig e d'a dhùthaich féin, theagaisg e iad 'n an sionagog, ionnus gu'n do ghabh iad iongantais, agus gu'n dubhairt iad, C'ait an d'fhuair am fear so an gliocas so, agus na feartan ud?

55 Nach e so mac an t-saoir? nach e ainm a mhàthar Muire? nach iad a bhràithrean, Seumas, agus Ioses, agus Simon, agus Iudas?

56 Agus a pheathraichean, nach 'eil iad uile maille ruinn? c'ait uime sin an d'fhuair an duine so na nith-ean ud uile?

57 Agus fhuair iad oilbheum ann. Ach thubhairt Iosa riu, Cha-n'eil fàidh gun urram, ach 'n a dhùthaich féin, agus 'n a thlgh féin.

58 Agus cha d'rinn e mòran oibre cumhachdach an sin, air son an mi-chreidimh.

CAIB. XIV.

1 *Barail Heroid mu thimchioll Chrìosd.* 3 Chaidh an ceann a bhuntainn a dh'Eoin Baistidh. 13 Chaidh Iosa gu ionad fàisail, 15 far an do bheathaich e cùig mìle fear le cùig builleanaibh, agus dà iasg. 22 Dh'imich e air an fhàirge a dh'ionnsuidh a dheisciobul. 34 Shlànnaich e sluagh a bha euslan.

'S AN àm sin chuala Herod an Tetrach cliu Iosa,

2 Agus thubhairt e r'a sheirbhisich, Is e so Eoin Baistidh; dh'èirich e o na mairbh, agus uime sin tha feartan air an oibreachadh leis.

3 Oir an uair a ghlac Herod Eoin, cheangail se e, agus thlgh e ann an prìosan e air son Herodiais, mnà Philip a bhràthar féin.

4 Oir thubhairt Eoin ris, Cha-n'eil e dlìgh-each dhuit i bhi agad.

5 Agus an uair bu mhiann leis a chur gu bàs, bha eagal a' phobuill air, oir bha meas fàidh aca air.

6 Ach an uair a bha co-ainm là-breithe Heroid air a chumail, rinn nighean Herodiais dannsa 'n an làthair, agus thaitinn i ri Herod:

7 Ionnsu gu'n do gheall e le mionnaibh, gu'n tugadh e dhì ge b'e air bith ni a dh'iarradh i.

8 Agus air dhise bhi air a teagasg le a màthar roimh làimh, thubhairt i, Thoir dhomh an so ceann Eoin Baistidh air mèis.

9 Agus bha 'n rìgh dollich: ach air son a mhionnan, agus na muinntir a bha 'n an suidhe aig biadh maille ris, dh'àitlu e a thubhairt d'i.

10 Agus air cur *fir-marbhaidh* uaith,

bhuin e a cheann de Eoin anns a' phrìosan.

11 Agus thogadh a cheann air mèis, agus thugadh do'n chailin e: agus thug ise d'a màthair e.

12 Agus thàinig a dheisciobuil, agus thug iad an corp leo, agus dh'adhlac iad e, agus thàinig iad agus dh'innis iad *sin* do Iosa.

13 An uair a chual' Iosa so, chaidh e as a sin air luing gu ionad fàisail air leth: agus an uair a chual' am pobull *sin*, lean iad d'an cois e as na bailtibh.

14 Agus air dol a mach do Iosa, chunnaic e coimhthional mòr, agus ghabh e truas mòr dhiubh, agus shlànnaich e an dream aca 'bha euslan.

15 Agus an uair a b'fheasgar e, thàinig a dheisciobuil d'a ionnsuidh, ag ràdh, Is àite fàisail so, agus tha an t-àm a nis air dol seachad; cuir an sluagh air falbh, chum gu'n tèid iad do na bailtibh, agus gu'n ecannaich iad biadh dhoibh féin.

16 Ach thubhairt Iosa riu, Cha ruig iad a leas falbh; thugaibh-sa dhoibh r'a itheadh.

17 Agus thubhairt iad ris, Cha-n'eil againn an so ach cùig buillean, agus dà iasg.

18 Thubhairt esan *riu*, Thugaibh an so iad a m' ionnsuidh-sa.

19 Agus dh'àitlu e do'n t-sluagh suidhe sìos air an fheur, agus ghlac e na cùig buillean, agus an dà iasg, agus air amharc dha suas gu nèmh, bheannaich agus bhris e, agus thug e na buillean d'a dheisciobuibh, agus *thug* na deisciobuil do'n t-sluagh iad.

20 Agus dh'ith iad uile, agus shàsuicheadh iad: agus thog iad làn dà chliabh dheug de'n bhiadh bhrìste, *a bha* dh'fhuigheall *aca*.

21 Agus bha iadsan a dh'ith mu thimchioll cùig mìle fear, thuilleadh air mnathan agus air cloinn.

22 Agus air ball cho-éignich Iosa a dheisciobuil gu dol ann an luing, agus dol roimhe chum an taoibh eile, gus an cuireadh esan an sluagh air falbh.

23 Agus an uair a leig e an sluagh uaith, chaidh e suas air beinn 'n a aonar a dheanamh urmigh: agus an uair a bha am feasgar air teachd, bha e an sin 'n a aonar.

24 Ach bha an long 's an àm sin ann an meadhon na fairge, air a tilgeadh a null agus a nall leis na tonnaibh: oir bha a' ghaoth 'n an aghaidh.

25 Agus anns a' cheathramh faire de'n oidhche, chaidh Iosa d'an ionnsuidh, ag im-cachd air an fhairge.

26 Agus an uair a chunnaic na deisciobuil e ag imeachd air an fhairge, bha iad fo bhuairesas, ag ràdh, Is spiorad a tha ann; agus ghlaodh iad a mach le h-eagal.

27 Ach labhair Iosa riu air ball, ag ràdh, Biodh misneach mhaith agaibh; is mise a tha ann, na bitheadh eagal oirbh.

28 Agus fhrèagair Pèadar e agus thubhairt e, A Thighearna, ma's tu a tha ann, iarr

ormsa teachd a d'ionnsuidh air na h-uisgeachaidh.

29 Agus thubhairt esan, Thig. Agus an uair a bha Peadar air teachd a nuas as an luing, dh'imich e air na h-uisgeachaidh, chum teachd gu h-Iosa.

30 Ach an uair a chunnaic e a' ghaoth laidir, ghabh e eagal: agus an uair a thòisich e air dol fodha, ghlaodh e, ag ràdh, A Thighearna, fòir orm.

31 Agus air ball shìn Iosa mach a làmh, agus rug e air, agus thubhairt e ris, O thusa air bhacag creidimh, c'ar son a bha thu feamharus?

32 Agus an uair a chaidh iad a steach do'n luing, luidh a' ghaoth.

33 An sin thàinig iadsan a bha's an luing, agus rinn iad aoradh dha, ag ràdh, Gu firinneach is tu Mac Dhé.

34 Agus an uair a chaidh iad chum an taoibh eile, thàinig iad gu talamh Ghenesart.

35 Agus an uair a fhuair luchd an àite sin fiosrachadh uime, chuir iad fios air feadh na tìre sin uile air gach taobh dhiubh, agus thug iad d'a ionnsuidh an dream sin uile a bha euslan.

36 Agus ghuidh iad air, gu'm feudadh iad beantuinn ri iomall 'eudaich a mhàin: agus a mheud dhiubh as a bhean, shlànuichadh gu h-ìomlan iad.

CAIB. XV.

1 *Chronuich Crìosd na sgrìobhaichean agus na Phairisich air àitheantan Dhé a bhriseadh 'è'n gnàthachadh-san; 11 tha e a' teagasg nach e an nì a thèid a steach do'n bheul a thraill-eas an duine. 21 Shlànuich e nighean na mnà de mhuinntir Chanaain. 32 Shàsuich e ceithir mìle fear, &c. le teachd buillean, agus le beagan iasga meanbha.*

AN sin thàinig sgrìobhaichean agus Phairisich o Ierusalem gu Iosa, ag ràdh,

2 C'ar son tha do dheisciobuil a' dol an aghaidh gnàthachaidh nan siunsear? oir chan ionnlaid iad an làmhan an uair a dh'itheas iad aran.

3 Ach fhreagair esan agus thubhairt e riu, C'ar son tha sibhse a' briseadh àithne Dhé le bhur gnàthachadh fèin?

4 Oir thug Dia àithne, ag ràdh, Thoir urram do d'athair agus do d' mhàthair: agus ge b'e 'mhallaicheas athair no 'mhàthair, cuir car gu bàs e.

5 Ach their sibhse, Ge b'e neach a their r'a athair no r'a mhàthair, Bitheadh e 'n a thiodhlac do'n teampull gach nì leis an feudadh tu buannachadh aotainn uamsa;

6 Nach feum e urram a thabhairt d'a athair no d'a mhàthair. Mar sin chuir sibhse 'an nì-bhrìgh àithne Dhé le bhur gnàthachadh fèin.

7 A chealgair, is maith a rinn Esaias fàidheadaireachd m'ur timchioll, ag ràdh,

8 Tha an sluagh so a' dlùthachadh riumsa le'm beul, agus a' toirt urrainn dhomh le'm bìlibh: ach tha an cridhe fada uam.

9 Ach is ann an diomhanas tha iad a' deanamh aoraidh dhomhsa, a' teagasg àitheantan dhaoine mar theagasg.

10 Agus air gairm an t-sluaigh dha, thubhairt e riu, Eisdibh agus tuigibh:

11 Cha-n e an nì a thèid a steach 's a' bheul a shalaicheas an duine; ach an nì a thig a mach as a' bheul, is e so a shalaicheas an duine.

12 An sin thàinig a dheisciobuil, agus thubhairt iad ris, An bheil fhios agad gu'n do ghabh na Phairisich oilbheum, an dèigh dhoibh na briathran ud a chluinntinn?

13 Ach fhreagair esan agus thubhairt e, Gach uile luibh nach do shuidhich m' Athair nàmhaidh-sa, spìonar á 'bhun e.

14 Leigibh leo: is cinn-iùil dhall nan dall iad. Agus ma threòraicheas dall dall eile, tuitidh iad araon anns a' chlais.

15 Agus fhreagair Peadar agus thubhairt e ris, Mìnich dhuinn a' chosamhlachd sin.

16 Agus thubhairt Iosa, An bheil sibhse fathast mar an ceudna gun tuigse?

17 Nach 'eil sibh a' tuigsinn fathast ge b'e nì a thèid a steach 's a' bheul, gu'n tèid e 's a' bhroinn, agus gu'n tilgear a mach do'n t-slochd shalchair e?

18 Ach na nithean sin a thig a mach as a' bheul, tha iad a' teachd o'n chridhe, agus is iad sin a shalaicheas an duine.

19 Oir is ann as a' chridhe thig droch smuaintean, mortadh, adhaltrannas, strìopachas, gadachd, fianuis bhrèige, toibheum:

20 Is iad so na nithean a shalaicheas an duine: ach ithcadh le làmhan gun ionnlaid, cha salaich sin an duine.

21 Agus air dol do Iosa as a sin, chaidh e gu crìochaibh Thirus agus Shìdoìn.

22 Agus, feuch, thàinig bean de mhuinntir Chanaain o na crìochaibh sin, agus ghlaodh i ris, ag ràdh, Dean tràcar orm, a Thighearna, a Mhic Dhaibhidh; tha mo nighean air a, buaireadh gu truagh le deamhan.

23 Ach cha d'thug esan freagradh sam bith dhi. Agus thàinig a dheisciobuil d'a ionnsuidh, agus dh'iarr iad air, ag ràdh, Cuir air falbh i, oir tha i a' gladhach 'n ar dèigh.

24 Ach fhreagair esan agus thubhairt e, Cha do chuireadh mise ach a chum chaorach chaillte thighe Israèil.

25 An sin thàinig ise agus rinn i aoradh dha, ag ràdh, A Thighearna, cuidich leam.

26 Ach fhreagair esan agus thubhairt e, Cha chòir aran na cloinne a ghlacadh, agus a thilgeadh chum nan con.

27 Agus thubhairt ise, Is fìor, a Thighearna: ach ithidh na coin de'n sbruilcach a thuiteas o bhord an maighstirean.

28 An sin fhreagair Iosa agus thubhairt

e rithe, O bhean, is mòr do chreidimh: bitheadh e dhuit mar is toil leat. Agus rinneadh a nighean slàn o'n uair sin a mach.

29 Agus air imeachd do Iosa as a sin thàinig e làimh ri fairge Ghalile; agus an uair a chaidh e suas air beinn, shuidh e sìos an siu.

30 Agus thàinig mòr-shluagh d'a ionnsuidh, agus aca maille riu bacaich, doill, balbhain, *daoine* ciurrmach, agus mòran eile, agus thig iad sìos aig cosaibh Iosa iad, agus shlànuch e iad:

31 Ionnsu gu'n do ghabh an sluagh iongant-as 'n uair a chunnaic iad ua balbhain a' labhairt, na *daoine* ciurrmach slàn, na bacaich ag imeachd, agus na doill a' faicinn: agus thug iad glòir do Dhia Isracil.

32 An sin ghairm Iosa a dheisciobuil d'a ionnsuidh, agus thubhairt e, Tha mi a' gabhail truais de'n t-sluagh, oir dh'fhan iad maille rium a nis ré thrì lathèan, agus cha-n'eil ni air bith aca r'a itheadh: agus cha chuir ui uam 'n an trasg iad, air eagal gu'm fannaich iad air an t-slighe.

33 Agus thubhairt a dheisciobuil ris, Cia as a gheibhcamaid na h-uiread a dh'aran 's au fhàsach, 's a bu leòir a shàsachadh sluaigh co mhòr?

34 Agus thubhairt Iosa riu, Cia lòn buil-ionn a tha agaibh? agus thubhairt iadsau, Seachd, agus beagan a dh'iasgaibh beaga.

35 Agus dh'àithn e do'n t-sluagh suidhe sìos air an làr.

36 Agus air glacadh nan seachd builionn agus nan iasg dha, agus air tabhairt buidh-cachais, bhris e *iad*, agus thug e d'a dheisciobluibh, agus *thug* na deisciobuil do'u t-sluagh *iad*.

37 Agus dh'ith iad uile, agus shàsuicheadh iad: agus thog iad de'n bhiadh bhrishte a dh'fhàgadh làn sheachd bascaid.

38 Agus b'iad a' mhuinntir a dh'ith, ceithir mìle fear, thuilleadh air mnàibh agus air cloinn.

39 Agus air dha an sluagh a leigeadh uaith, chaidh e air luing, agus thàinig e gu crìochaibh Mhagdala.

CAIB. XVI.

1 *Dh'iarra na Phairisich comharadh.* 6 *Thug Iosa rabhadh d'a dheisciobluibh mu thimchioll droch theagaisg nam Phairiseach agus nan Sadusach.* 13 *Borail an t-sluaigh mu thimchioll Criosd.* 21 *Roimh-innis e a bhàs;* 23 *chrònich e Peadar;* 24 *agus chuir e mar fhuachaibh orra-san lèim b' àil a leantuin, an crann-cusaich a ghàidhean.*

A GUS air teachd do na Phairisich agus do na Sadusaich 'g a dhearbhadh, dh'iarriad air comharadha nochdadh dhoibh o nèamh.

2 Ach fhreagair esan agus thubhairt e riu, An uair is feasgar e, their sibh, *Bithidh* deadh aimsir *ann*; oir tha an t-athar dearg:

3 Agus air maduinn, *Bithidh* droch aimsir ann an diugh; oir tha an t-athar dearg agus dorch. A chealgairean, is aithne dhuibh breth a thoirt air gnùis an athair, agus nach 'eil e'n comas duibh comharan nan aimsir a *thuigsinn*?

4 Tha ginealach aingidh agus adhaltrannach ag iarraidh comharaidh, agus cha toirear comharadh dhoibh, ach comharadh an fhàidh Ionais. Agus air dha am fàgail, dh'imich e *as a sin*.

5 Agus an uair a thàinig a dheisciobuil a dh'ionnsuidh an taoibh eile dhì-chuimhnich iad aran a thabhairt *leo*.

6 Agus thubhairt Iosa riu, Thugaibh an aire, agus gleidhibh sibh féin o thaois ghoirt nam Phairisach, agus nan Sadusach.

7 Agus bhia iad a' reusonachadh eatorra féin, ag ràdh, *Is ann* air son nach d'thug sinn aran *leinn*.

8 Agus 'n uair a thuig Iosa *sin*, thubhairt e riu, O sibhse air bheag creidimh, c'ar son a tha sibh a' reusonachadh eadaraibh féin, *gur ann* a chionn nach d'thug sibh aran *leibh*?

9 Nach 'eil sibh fathast a' tuigsinn, no a' cuimhneachadh cùig builionnan nan cùig mìle, agus cia lòn cliabh a thog sibh?

10 No seachd builionnan nan ceithir mìle, agus cia lòn bascaid a thog sibh?

11 Cionnus nach 'eil sibh a' tuigsinn, nach ann mu aran a thubhairt mi ribh, sibh a bhi air bhur faicill o thaois ghoirt nam Phairiseach, agus nan Sadusach?

12 An sin thuig iad cionnus nach d'iarra e *orra* 'bhi air am faicill o thaois ghoirt an arain, ach o theagasg nam Phairiseach, agus nan Sadusach.

13 Agus air teachd do Iosa gu crìochaibh Chesarea Philipi, dh'fheòraich e d'a dheisciobluibh, ag ràdh, Cò 'tha daoine ag ràdh is e Mac an duine?

14 Agus thubhairt iadsan, *Tha cuid ag ràdh* Eoin Baistidh, cuid Elias, agus cuid eile Ieremias, no aon de na fàidhibh.

15 Thubhairt esan riu, Ach cò 'tha sibhse ag ràdh is mi?

16 Agus fhreagair Simon Peadar agus thubhairt e, Is tusa Criosd, Mac an Dé bheò.

17 Agus fhreagair Iosa agus thubhairt e ris, Is beannaichte thusa, a Shlaimoin Bhar-Iona; oir cha d'fhoillsich fuil agus feoil sin duitse, ach m'Athair-sa a *tha* air nèamh.

18 Agus tha mise ag ràdh riut, Gur tusa Peadar, agus air a' clarraig so togaidh mise m' eaglais: agus cha toir geatachan ifrinn buaidh oirre.

19 Agus bheir mi dluit iuchraichean rìoghachd nèimh: agus ge b'e ni a cheanglas tusa air talamh, bithidh e ceangailte air nèamh; agus ge b'e ni a dh'fhuasglas tusa air talamh, bithidh e fuasgailte air uèamh.

20 An sin dh'àithn e d'a dheisciobluibh

gun iad a dh'innseadh do neach air bith, gu'm b'esan Iosa an Crìosd.

21 O'n àm sin a mach thòisich Iosa air a nochdadh d'a dheisciobluibh, gur éigin dhàsan dol suas gu Ierusalem, agus mòran de nithibh fhulang o na seanairibh, agus na h-àrd-shagartaibh, agus na sgrìobhaicheibh, agus a bhi air a chur gu bàs, agus a bhi air a thogail suas air an treas là.

22 Agus ghabh Peadar e, agus thòisich e air achlumhanan a thabhairt dha, ag ràdh, Gu ma fada sin uaitse, a Thighearna; cha tachair sin duitse.

23 Ach air tionndadh dhàsan, thubhairt e ri Peadar, Imich air mo chùl, a Shàtain; is oilbheum dhomh thu: oir cha-n'eil spéis agad de nithibh Dhé, ach denithibh dhaoine.

24 An sin thubhairt Iosa r'a dheisciobluibh, Ma's àill le neach air bith teachd a'm' dhéigh-sa, àicheadhadh se e féin, agus togadh e air a chranncusaidh, agus leanadh e mise.

25 Oir ge b'e neach l'e'm b'aill 'anam a ghleidheadh, caillidh se e; agus ge b'e neach a chailleas 'anam air mo sgàth-sa, gheibh se e.

26 Oir ciod an tairbhe a th' ann do dhuine, ged chosnadh e an saoghal uile, agus 'anam féin a chall? no ciod i a' mhalairt a bheir duine air son 'anama?

27 Oir thu Mac an duine ann an glòir 'Athar, maille r'a ainglibh; agus an sin bheir e do gach neach a réir a ghnìomh-aran.

28 Gu deimhin tha mi ag ràdh ribh, Gu bheil cuid de'n dream a tha 'n an seasamh an so, nach blais bàs, gus am faic iad Mac an duine a teachd 'n a rìoghachd féin.

CAIB. XVII.

1 *Atharrachadh agus dealrachadh crutha Iosa.*

14 *Shlànuich e an leanach air an robh an tuicemach.* 22 *Dh'innis e 'fhuilangas roimh-laimh,* 24 *agus dh'ìoc e a' chis.*

A GUS an déigh shè lùthan, ghabh Iosa Peadar, agus Scumas, agus Eoin a bhràthair, agus threòraich e iad air leth gu beinn àrd,

2 Agus dh'atharraicheadh a chruth 'n an làthair; agus dhealraich 'aghaidh mar a' ghrian, agus rinneadh 'eudach geal mar an solus.

3 Agus, feuch, chunnacas leo Maois agus Elias a' comhradh ris.

4 An sin fhreagair Peadar, agus thubhairt e ri Iosa, A Thighearn', is maith dhuinne bhi an so: ma's àill leatsa, deanamaid tri pàillìunan an so: aon duitse, aon do Mhaois, agus aon do Elias.

5 Air dha bhi fathast a' labhairt, feuch, thilg neul soillseach sgàile orra: agus, feuch, guth as an neul, ag ràdh, Is e so mo Mhae gràdhach-sa, anns am bheil mo nìhòr-thlachd, éisdibh ris.

6 Agus an uair a chuala na deisciobuil so,

thuit iad air an aghaidh, agus ghabh iad eagal ro mhòr.

7 Agus thàinig Iosa agus bhean e riu, agus thubhairt e, Eiribh, agus na bitheadh eagal oirbh.

8 Agus an uair a thog iad suas an sùilean, cha-n'fhac iad neach air bith, ach Iosa 'n a aonar.

9 Agus 'an àm dhoibh teachd a nuas o'n bheinn, thug Iosa àithne dhoibh, ag ràdh, Na innisibh do neach air bith an nì a chuun-aic sibh, gus an éirich Mac an duine o na marbhaibh.

10 Agus dh'fhèdraich a dheisciobuil dheth, ag ràdh, C'ar son ma seadh a their na sgrìobhaichean, gur éigin Elias a theachd air tús?

11 Agus fhreagair Iosa agus thubhairt e riu, Thig Elias gu fìrinneach air tús, agus aisgidh e na h-uile nithean:

12 Ach tha mise ag ràdh ribh, Gu'n d'fhàinig Elias cheana, agus cha d'aithnìeh iad e, ach rinn iad gach nì a bu toil leo ris: is ann mar sin mar an ceudna a dh'fhuilaingear Mac an duine uatha.

13 An sin thuig na deisciobuil gu'm b'ann mu Eoin Baistidh a labhair e riu.

14 Agus an uair a thàinig iad chum an t-sluaigh, thàinig duine *àraidh* d'a ionnsuidh, a' tuiteam air a ghluinibh dha, agus ag ràdh,

15 A Thighearna, dean tròcair air mo mhac, oir tha e gu tinn leis an tuicemach, agus is mòr an cràdh a tha e a' fulang: oir tha e gu minic a' tuiteam 's an teine, agus gu tric 's an uisge.

16 Agus thuig mi e dh'ionnsuidh do dheisciobul, agus cha b'urrainn iad a leigheas.

17 Agus fhreagair Iosa agus thubhairt e, A ghinealach neo-chreidich, agus choirbte, cia fhad a bhitheas mi maille rùibh? cia fhad a dh'fhuilaingear mi sibh? thugaibh a m' ionnsuidh-sa an so e.

18 Agus chronuich Iosa an deamhan, agus dh'imich e as: agus shlànuicheadh an lean-abh o'n uair sin a mach.

19 An sin an uair a thàinig na deisciobuil chum Iosa fa leth, thubhairt iad, C'ar son nach b'urrainn sinne a thilgeadh a mach?

20 Agus thubhairt Iosa riu, Air son bhuir mi-chreidimh: oir gu fìrinneach tha mi ag ràdh ribh, Nam bitheadh agaibh creidimh mar ghràinne mustaird, theireadh sibh ris a' bheinn so, Atharraich á so an sud, agus dh'atharraicheadh i; agus cha bhitheadh nì air bith eu-comasach dhuibh.

21 Gidheadh, cha téid a' ghlè so mach, ach le h-urnuigh agus le trasgadh.

22 Agus am feadh a bha iad a' fantuinn ann an Galile, thubhairt Iosa riu, Bithidh Mac an duine air a bhrath thairis do làmh-an dhaoine:

23 Agus marbhaidh iad e, ach an treas là éiridh e. Agus bha iadsan ro bhrònach.

24 Agus air teachd dhoibh do Chaper-naum, thàinig luchd-togail na cise gu Peadar, agus thubhairt iad *ris*, Nach 'eil bhur maighstir-sa ag iocadh na cise?

25 Thubhairt esan, Tha. Agus an uair a chaidh e steach do'n tigh, labhair Iosa ris air tùs, ag ràdh, Ciod i do bharail-sa, a Shimoin? co uaith tha rìghrean na talmhainn a' togail chine no cise? An ann o'n cloinn féin, no o choigrich?

26 Thubhairt Peadar ris, O choigrich. Thubhairt Iosa ris-san, Air an aobhar sin tha a' chlann saor.

27 Gidheadh, chum nach tugamaid oilbheum dhoibh, imich thusa chum na fairge, agus tilg dubhan *innse*, agus tog an ceud iasg a thig a nìos: agus air fosgladh a bheoil duit, gheibh thu bonn airgid; sin gabh, agus tabhair dhoibh air mo shon-sa, agus air do shon féin.

CAIB. XVIII.

1 *Thug Crìosd àithne d'a dheisciobluibh 'bhi àmhail agus neo-chronail, 7 oilbheum a sheachnadh, agus gun iad a dheanamh tàir air cloinn bhig. 15 Labhair Crìosd mu thimchioll maith-eanais. 23 Cosamlachd an rìgh a ghabh cumantas d'a sheirbhisich.*

ANNS an àm sin féin thàinig na deisciobuil chum Iosa, ag ràdh, Cò a's mò ann an rìoghachd nèimh?

2 Agus air do Iosa leanabh beag a ghairm d'a ionnsuidh, chuir e 'n am meadhon e,

3 Agus thubhairt e, Gu frinneach tha mi ag ràdh ribh, Mur iompaichear sibh, agus mur bi sibh mar leanabanaibh nach téid sibh a steach do rìoghachd nèimh.

4 Air an aobhar sin ge b'e dh'èisicheas e féin mar an leanaban so, 's e sin féin a's mò ann an rìoghachd nèimh.

5 Agus ge b'e 'ghabhas aon leanaban d'a lethidh so ann am ainm-sa, gabhaidh e mise.

6 Ach ge b'e neach a bheir oilbheum do aon neach de'n mhuinntir bhig so a tha 'creidsinn annam-sa, b'fhearr dha gu'm bitheadh clach-mhuilinn air a crochadh r'a mhuineal, agus gu'm bitheadh e air a bhàthadh ann an doimhne na fairge.

7 Is an-aobhinn do'n t-saoghal air son oilbheuman: oir is éigin do oilbheumaibh teachd; ach is an aobhinn do'n duine sin troimh an tig an t-oilbheum.

8 Uime sin ma bheir do làmh no do chos aobhar oilbheim dhuit, gearr dhìot iad, agus tilg uait *iad*: is fearr dhuit dol a steach do'n bheatha air leth-chois no air leth-làimh, na dà làimh no dà chois a bhi agad, agus thu 'bhàir air do thilgeadh anns an teine shìorrnadh.

9 Agus ma bheir do shùil aobhar oilbheim dhuit, spion asad i, agus tilg uait *i*: is fearr dhuit dol a steach chum na beatha air leth-shùil, na dà shùil a bhi agad agus thu 'bhi air do thilgeadh ann an teine ifrinn.

10 Thugaibh an aire nach dean sibh tarcuis

air aon neach de'n mhuinntir bhig so; oir tha mise ag ràdh ribh, gu bheil an aingil-san air nèamh a' faicinn a ghnàth gnùis m' Athar-sa, a tha air nèamh.

11 Oir thàinig Mac an dnine a shaoradh an ni sin a bha caillte.

12 Ciod a's barail dhuibhse? ma bhitheas aig duine ceud caora, agus gu'n téid aon diubh air seacharan, nach fag e na naoi caoraich dheug agus ceithir fichead air na beanntaibh, agus nach téid e dh'iarraidh na caorach a chaidh air seacharan.

13 Agus ma tharlas da gu'm faigh e i, gu deimhin tha mi ag ràdh ribh, Gu'n dean e tuilleadh gairdeachais air son na caorach sin, na air son nan naoi caorach dheug agus ceithir fichead, nach deachaidh air seacharan.

14 Mar so cha-n e toil bhur n-Athar-sa a tha air nèamh, gu'n rachadh aon neach de'n mhuinntir bhig so a chall.

15 Uime sin ma pheacaicheas do bhràthair a'd' aghaidh, imich agus innis a lochd dha eadar thu féin agus esan a mhàin: ma dh'èisdeas e riut, chloisinn thu do bhràthair.

16 Ach mur éisd e *riut*, thoir leat aon no dithis eile, chum gu'm bi gach ni air a dheanamh seasmhach 'am beul dithis no triuir de fhianuisibh.

17 Agus ma dhiultas e iadsan éisdeachd, innis do'n eaglais e: ach ma dhiultas e 'n eaglais éisdeachd, bitheadh e dhuit mar Gheintileach agus mar chis-mhaor.

18 Gu deimhin tha mi ag ràdh ribh, Ge b'e air bith nithean a cheanglas sibhse air thalamh, bithidh iad ceangailte air nèamh: agus ge b'e air bith nithean a dh'fhuasglas sibhse air thalamh, bithidh iad fnasgailte air nèamh.

19 A ris tha mi ag ràdh ribh, Ma choirdeas dithis agaibh air thalamh mu thimchioll aoin ni a dh'iarrais iad, nìthear so dhoibh le m' Athair-sa a tha air nèamh.

20 Oir ge b'e àit am bheil dithis no triuir air an cruinneachadh an ceann a chéile a'm ainm-sa, tha mise an sin 'n am meadhon.

21 Air dol do Pheadar d'a ionnsuidh 's an àm sin, thubhairt e, A Thighearna, cia minic a pheacaicheas mo bhràthair a'm' aghaidh, agus a mhaithes mi dha? An ann gn ruig an seachdamh uair?

22 Thubhairt Iosa ris, Cha-n abair mi riut, gus an seachdamh uair, ach gu deich agus trì fichead seachd uairean.

23 Air an aobhar sin is cosmhuil rìoghachd nèimh ri rìgh àraidh le'm bàill cumantas a dheanamh r'a sheirbhisich.

24 Agus an uair a thòisich e air cumantas a dheanamh, thugadh aon d'a ionnsuidh air an robh aige deich mìle tàlann:

25 Ach do bhrìgh nach robh aige ni leis an dioladh e, dh'àithn a thighearn e féin, agus a bhean, agus a chlann, agus na h-uile nithean a bha aige a reic, agus dioladh a dheanamh.

26 Air an aobhar sin thuit an seirbhiseach sin sìos agus rinn e umhlachd dha, ag ràdh, A Thighearna, dean foighidinn rium, agus iocaidh mi dhuit an t-iomlan.

27 An sin air do thighearn an òglaich sin truas mòr a ghabhail dhieth, leig e a chead da, agus mhaith e na fiachan dha.

28 Ach an uair a chaidh an seirbhiseach sin féin a mach, fhuair e aon d'a chomh-sheirbhisich air an robh aige ceud peghinn: agus chuir e lànfh ann, agus rug e air sgornan air, ag ràdh, Ioc dhomh na bheil agam ort.

29 Agus thuit a chomh-sheirbhiseach sìos aig a chosaibh, agus ghuidh e air, ag ràdh, Dean foighidinn rium, agus iocaidh mi dhuit an t-iomlan.

30 Agus cha b'àill leis-san sin: ach dh'imich e agus thilg e 'am prìosan e, gus an iocadh e na fiachan.

31 Agus an uair a chunnaic a chomh-sheirbhisich na nithean a rinneadh, bha iad ro dhoilich, agus thàinig iad, agus dh'fhoillsich iad d'an tighearn gach ni a rinneadh.

32 An sin ghairm a thighearn air, agus thubhairt e ris, A dhroch sheirbhisich, mhaith mi dhuìt na fiachan ud uile, do bhrìgh gu'n do chuir thu impidh orm:

33 Nach bu chòir dhuitse mar an ceudna tròcair a dheanamh air do chomh-sheirbhiseach féin, amhuil mar a rinn mise tròcair ortsa?

34 Agus ghabh a thighearn fearg, agus thug e do na ceusadairibh e, gus an iocadh e 'fhiachan uile dha.

35 Agus mar sin ni m'Àthair nèamhaidh ribhse, mur maith gach aon agaibh o bhur cridheachaibh d'a bhràthair an cionta.

CAIB. XIX.

1 *Shlànuich Crìosd a' mhuinntir a bha tinn: 3 fhreagair e na Phairisich mu thimchioll dealachaidh: 10 nochd e gu'n a tha am pòsadh feumail; 13 agus ghabh e ri cloinn bhig. 23 Dh'innis e d'a dheisciobluibh cho cruaidh is a tha e air duine saoihr dol a steach do rìoghachd nèimh.*

AGUS tharladh, an uair a chrìochnaich Iosa na briathran sin, gu'n d'imich e o Ghalilè, agus thàinig e gu crìochaibh Iudea, air an taobh thall de Iordan:

2 Agus lean sluagh mòr e, agus shlànuich e iad an sin.

3 Thàinig na Phairisich mar an ceudna d'a ionnsuidh 'g a dhearbhadh, agus ag ràdh ris, Am bheil e ceaduichte do dhuine a bhean a chur uaith air gach uile aobhar?

4 Agus fhreagair esan agus thubhairt e riu, Nach do leugh sibh, An ti a rinn air tùs iad, gu'n d'rinn e iad fear agus bean?

5 Agus thubhairt e, Air an aobhar so fagaidh duine 'athair agus a mhàthair, agus dlùth-leanaidh e r'a mhnaoi: agus bithidh iad araon 'n an aon fheoil.

6 Air an aobhar sin cha dithis iad ni's mò,

ach aon fheoil. Uime sin an ni a cheangail Dia, na sgaoileadh duine.

7 Thubhairt iad ris, C'ar son ma seadh a dh'àithn Maois litir-dhealachaidh a thabhairt dhi, agus a cur air falbh?

8 Thubhairt esan riu, Dh'fhuilaing Maois dhuibh-sa air son cruais bhur cridhe, bhur mnathan a chur uaibh: ach cha robh e mar sin o thùs.

9 Agus tha mise agràdh ribh, Ge b'e 'chuir-cas uaith a bhean, ach air son strìopachais, agus a phòsas bean cile, tha e a' deanamh adhaltrannais: agus ge b'e neach a phòsas ise a chuireadh air falbh, tha e a' deanamh adhaltrannais.

10 Thubhairt a dheisciobuil ris, Ma's e sin cor an fhir r'a mhnaoi, cha-n'eil am pòsadh maith r'a dheanamh.

11 Ach thubhairt esan riu, Cha-n'eil na h-uile dhaoine comasach air a' chainnt so a ghabhail, ach iadsan d'an d'thugadh e.

12 Oir tha cuid 'n an caillteanaich, a rugadh mar sin o bhroinn am màthar; agus tha cuid de chaillteanaich ann, a rinneadh 'n an caillteanaich le daoineibh; agus tha caillteanaich ann, a rinn iad féin 'n an caillteanaich air son rìoghachd nèimh. Ge b'e neach a tha comasach air a ghabhail d'a ionnsuidh, gabhadh se e.

13 An sin thugadh clann bheag d'a ionnsuidh, chum gu'n cuireadh e a làmhnan orra, agus gu'n deanadh e urnuigh: agus chronuich na deisciobuil iad.

14 Ach thubhairt Iosa, Fulaingibh do na leanabaibh, agus na bacadh dhoibh teachd a m' ionnsuidh: oir is ann d'an leithidibh sin tha rìoghachd nèimh.

15 Agus an dèigh dha a làmhnan a chur orra, dh'imich e as a sin.

16 Agus, feuch, thàinig neach agus thubhairt e ris, A mhaighstir mhaith, ciod am maith a ni mi chum gu'm faigh mi a' bheatha mhaireannach?

17 Agus thubhairt esan ris, C'ar son a ghoireadh tu maith dhiom-sa? cha-n'eil neach maith ach a h-aon, eadhon Dia: ach ma's àill leat dol a steach chum na beatha, coimhid na h-àitheant.

18 Thubhairt esan ris, Cia iad? agus thubhairt Iosa, Na dean mortadh. Na dean adhaltrannas. Na goid. Na toir fianuis bhréige.

19 Thoir urram do d'athair, agus do d' mhàthair: agus, Gràdhaich do choimhearsnach mar thu féin.

20 Thubhairt an t-òganach ris, Choimhid mi iad sin uile o m'èige: ciod a tha dh'uir-easbhuidh orm fathast?

21 Thubhairt Iosa ris, Ma's àill leat a bhi coimhlionta, imich, reic na bheil agad, agus tabhair do na bochdaibh, agus gheibh thu ionmhas air nèamh; agus thig, agus leau mise.

22 Ach an uair a chual an t-òganach na

briathran sin, dh'fhalbh e brònach: oir bha mòr-shaoibhreas aige.

23 An sin thubhairt Iosa r'a dheisciobluibh, Gu fìrinneach tha mi ag ràdh ribh, gu bheil e cruaidh air duine saoiibhir dol a steach do rìoghachd nèimh.

24 Agus a ris tha mi ag ràdh ribh, Gur usadh do chàmhail dol troimh chrò snàthaid, na do dhùine saoiibhir dol a steach do rìoghachd Dhé.

25 Agus 'n uair a chual a dheisciobuil so, ghabh iad iongantas mòr, ag ràdh, Cò ma seadh an neach a dh'fheudas a bhi air a shaoradh?

26 Ach air amharc do Iosa orra, thubhairt e riu, Do dhaoimibh tha so eu-comasach, ach do Dhia tha na h-uile nìthean comasach.

27 An sin fhreagair Peadar, agus thubhairt e ris, Feuch, thréig sinne na h-uile nìthean, agus lean sinn thusa; air an aobhar sin ciod a gheibh sinn?

28 Agus thubhairt Iosa riu, Gu deimhin tha mi ag ràdh ribh, Sibhse a lean mise, anns an ath-ghineamhuin, an uair a shuidheas Mac an duine air caithir a ghloire féin, gu'n suidh sibhse mar an ceudna air dà chaithir dheug, a' toirt breth air dà thrèibh dheug Israeil.

29 Agus ge b'e neach a thréig tighean, no bràithrean, no peathraichean, no athair, no màthair, no bean-phòsda, no clann, no fear-ann air sgàth m'ainme-sa, gheibh e a' cheud uiread, agus a' bheatha mhaireannach mar oighreachd.

30 Ach tha mòran air thoiseach a bhitheas air dheireadh; agus air dheireadh a bhith-eas air thoiseach.

CAIB. XX.

1 *Dhearbh Crìosd, le cosmhlachd air a ghabhail o luchd saoihreac ann an gàradh fìona, nach 'eil Dia fo fhiachaidh do dhùine air bith: 17 roinn-innis e a bhàs; 20 theagaris e d'a dheisciobluibh a bhith umhal; 30 agus thug e an radharc do dhithis dhaoine dalla.*

OIR is cosmhuil rìoghachd nèimh ri fear-tighe, a chaidh a mach moch air mhaduinn a thuarasdalachadh luchd-oibre d'a ghàradh fìona.

2 Agus an deigh dha cordadh ris an luchd-oibre air pheghinn *Romhanaich* 's an là, chuir e d'a ghàradh fìona iad.

3 Agus an uair a chaidh e mach timchioll na treas uaire, chunnaic e dream eile 'n an seasamh dìomhanach 's a' mhargadh.

4 Agus thubhairt e riu, Imichibh-sa mar an ceudna do'n ghàradh fhìona, agus ge b'e ni a bhithes ceart, bheir mi dhuibh e. Agus dh'imich iad.

5 An uair a chaidh e mach a ris timchioll na seathamh uaire, na naothamh uaire, rinn e mar an ceudna.

6 Agus an uair a chaidh e mach mu thimchioll na h-aoin uaire deug, fhuair e dream eile 'n an seasamh dìomhanach, agus thubhairt e riu,

air e riu, 'Car son tha sibh 'n ur seasamh an so feadh an là dìomhanach?

7 Thubhairt iad ris, A chionn nach do thuarasdalaich duine air bith sinn. Thubhairt esan riu, Imichibh-sa mar an ceudna do'n ghàradh fhìona, agus ge b'e ni a tha ceart, gheibh sibh e.

8 Agus 'n uair thàinig am feasgar, thubhairt tighearn a' ghàraidh fhìona sin r'a stiùbhard, Gairm an luchd-oibre, agus thoir dhoibh an tuarasdail, a' tòiseachadh o'n dream a thàinig mu dheireadh gu ruig na ceud daoine.

9 Agus an uair a thàinig iadsan a thuarasdalaicheadh mu thimchioll na h-aoin uaire deug, fhuair gach duine dhiubh peghinn.

10 Ach an uair a thàinig an ceud dream, shaoil iadsan gu'm faigheadh iad ni bu mhò; ach fhuair gach aon diubh mar an ceudna peghinn.

11 Agus air dhoibh 'fhaotainn, rinn iad gearan an aghaidh fhir-an-tighe,

12 Ag ràdh, An dream sin a thàinig mu dheireadh, cha d'rinn iad obair ach aon uair, agus rinn thu iad ionann ruinne, a ghiùlain uallach agus teas an là.

13 Ach fhreagair esan agus thubhairt e ri fear dhiubh, A charaid, cha-n'eil mi a' deanamh eucoir ort: nach do choird thu rium air pheghinn?

14 Tog leat do chuid féin, agus imich romhad: is i mo thoil-sa a thabhairt do'n ti so a thàinig mu dheireadh, mar a thug mi dhuit-sa.

15 Nach 'eil e ceudaichte dhomh-sa an ni a's toil leam a dheanamh ri mo chuid féin? am bheil do shùil-sa olc, air son gu bheil mise maith?

16 Mar sin bithidh an dream dheireannach air thoiseach, agus an dream a tha air thoiseach air dheireadh: oir tha mòran air an gairm, ach beagan air an taghadh.

17 Agus aig dol do Iosa suas gu Ierusalem, thug e an dà dheisciobul deug leis a leth taobh anns an t-slighe, agus thubhairt e riu,

18 Feuch, tha sinn a' dol suas gu Ierusalem; agus bithidh Mac an duine air a bhrath thairis do na h-àrd-shagartaibh, agus do na sgrìobhaichibh, agus dididh iad chum bàis e.

19 Agus bheir iad thairis e do na Cinnich chum fanoid a dheanamh air, agus chum a sgiùrsadh, agus a cheusadh: ach air an treas là éiridh e a ris.

20 An sin thàinig d'a ionnsuidh màthair cloinne Shebede, màille r'a mic, a' toirt aoraidh dha, agus ag iarraidh ni àraidh air.

21 Agus thubhairt esan rithe, Ciod a b'àill leat? Thubhairt i ris, Abair gu'n suidh iad so mo dhithis mhac, fear aca air do làimh dheis, agus fear eile air do làimh chlì, a'd' rìoghachd.

22 Ach fhreagair Iosa agus thubhairt e,

Cha-n'eil fhios agaibh ciod a tha sibh ag iarraidh. Am bheil sibh comasach air a' chupan sin òl a dh'òlas mise, agus a bhi air bhur baisteadh leis a' bhaisteadh leis am baistear mise? Thubhairt iad ris, Tha sinn comasach.

23 Agus thubhairt esan riu, Olaidh sibh gu deimhin de m' chupan-sa, agus baistear sibh leis a' bhaisteadh leis am baistear mise: ach suidhe air mo làimh dheis agus chli, cha leamsa sin a thabhairt, ach *dhoibhsan* d' am bheil e air ulluchadh le m'Àth-air-sa.

24 Agus 'n uair a chual an deichnear so, bha iad diombach air an dithis bhràithrean.

25 Ach ghairm Iosa iad d'a ionnsuidh, agus thubhairt e, Tha fhios agaibh gu bheil aig uachdaranibh nan Cinneach tighearnas orra, agus gu bheil aig an daoinibh mòra smachd orra.

26 Ach mar sin cha bhi e 'n 'ur measg-sa: ach ge b'e neach le'm b'àill a bhi mòr 'n 'ur measg, bitheadh e dhuibh 'n a fhear-frith-ealaidh.

27 Agus ge air bith le'm b'àill toiseach a bhi aige 'n 'ur measg, bitheadh esan 'n a sheirbhiseach dhuibh:

28 Amhuil mar nach d'thàinig Mac an duine chum gu'n deantadh frithealadh dha, ach a dheanadh frithealaidh, agus a thabhairt 'anama féin mar éiric air son mhòran.

29 Agus ag dol a mach dhoibh á Iericho, lean sluagh mòr e:

30 Agus, feuch, dithis dhaoine dall, a bha 'n an suidhe ri taobh na slighe, 'n uair a chual iad gu'n robh Iosa a' dol seachad, ghlaodh iad, ag ràdh, Dean tròcair oirne, a Thighearn, a Mhic Dhaibhidh.

31 Agus chronuich an sluagh iad, chum gu'm bitheadh iad 'n an tosd: ach is mòid a ghlaodh iadsan, ag ràdh, Dean tròcair oirn, a Thighearn, a Mhic Dhaibhidh.

32 Agus sheas Iosa, agus ghairm e iad, agus thubhairt e, Ciod a's àill leibh mise a dheanamh dhuibh?

33 Thubhairt iadsan ris, a Thighearn, ar sùilean a bhi air am fosgladh.

34 Agus ghabh Iosa truas dhuibh, agus bhean e 'ran sùilibh: agus air ball thàinig radhare d'an sùilibh, agus lean iad e.

CAIB. XXI.

1 *Mharcaich Iosa gu Ierusalem air asail; 12 thilg e mach an luchd-reicidh agus ceannachd as an teampull; 17 mhalluich e an crann-fige. 23 chuir e na sagartan 'n an tosd; 28 agus chronuich e iad le cosamhlachd.*

A GUS an uair a dhruid iad ri Ierusalem, gu agus a thàinig iad gu Betphage, gu sliabh nan crann-olaidh, an sin chuir Iosa dithis d'a dheisciobuibh uaith,

2 Ag ràdh riu, Rachaibh do'n bhaile a tha thall fa 'ur comhair, agus air ball gheibh sibh asal ceangailte ann, agus loth maille

rithe: fuasglaibh, agus thugaibh a m' ionnsuidh-sa iad.

3 Agus ma labhras aon duine ni air bith ribh, abraibh, Gu bheil feum aig an Tighearn orra; agus cuiridh e uaith air ball iad.

4 Rinneadh na nithean so uile, chum gu'n coimhliontadh an ni a labhradh leis an fhàidh ag ràdh,

5 Innsibh do nighean Shioin, Feuch, tha do Rìgh a' teachd a d' ionnsuidh gu ciùin, agus e 'n a shuidhe air asail, agus air loth mac na h-asail.

6 Agus dh'innich na deisciobuil, agus rinn iad mar a dh'àithn Iosa dhoibh;

7 Agus thug iad an asal agus an loth leo, agus chuir iad am falluinncean orra, agus chuir iad esan 'n a shuidhe air am muin.

8 Agus sgaol mòr-shluagh am falluinncean air an t-slighe; agus ghearr dream eile geugan de na crannaibh, agus leag iad air an t-slighe iad.

9 Agus thog an sluagh a bhia roimhe agus 'n a dhèigh iolach, ag ràdh, Hosanna do Mhac Dhaibhidh: beannaichte gu robh an Ti a thig ann an ainm an Tighearna; Hosanna anns na h-àrdaibh.

10 Agus 'n uair thàinig e steach do Ierusalem, ghluaiseadh am baile uile, ag ràdh, Cò e so?

11 Agus thubhairt an sluagh, Is e so Iosa am fàidh o Nasaret Ghalile.

12 Agus chaidh Iosa a steach do theampull Dhé, agus thilg e mach iadsan uile a bha 'reic agus a' ceannach anns an teampull, agus thilg e buird luchd-malairt an airgid thairis, agus caithrichean luchd-reicidh nan còlman.

13 Agus thubhairt e riu, Tha e sgrìobhta, Goirear tigh urnuigh de m' thigh-sa; ach rinn sibhse 'n a gharaidh luchd-reubainn e.

14 Agus thàinig na doill agus na bacaich d'a ionnsuidh anns an teampull, agus shlànuich e iad.

15 Agus an uair a chunnaic na h-àrd-shagartan agus na sgrìobhaichean na gnìomharan iongantach a rinn e, agus a' chlànn a' glaothaich 's an teampull, agus ag ràdh, Hosanna do Mhac Dhaibhidh, bha corrach nan dòran orra.

16 Agus thubhairt iad ris, An cluinn thu ciod a tha a' mhuinntir sin ag ràdh? Agus thubhairt Iosa riu, Tha mi 'cluinnthin; nach do leugh sibhse riamh, A beul naoidhean agus chiochran choimhlion thu moladh?

17 Agus an uair a dh'fhàg e iad, chaidh e mach as a' bhaile gu Betani, agus dh'fhan e an sin.

18 Agus an uair a phill e chum a' bhaile air mhaduinn, bha ocras air.

19 Agus air dha crann-fige fhaicinn air an t-slighe, thàinig e d'a ionnsuidh, agus cha d'fhuair e ni air bith air, ach duilleach a mhàin; agus thubhairt e ris, Na fasadh

toradh o so suas gu bàth ort. Agus chrìon an crann-fìge air ball.

20 Agus an uair a chunnaic na deiseiobuil e, ghabh iad iongantas, ag ràdh, Cia luath a sheicarg an crann-fìge as!

21 Agus fhreagair Iosa agus thubhairt e riu, Gu deimhin tha mi ag ràdh ribh, ma bhitheas creidimh agaibh, agus nach bi sibh fo amharus, cha-n e mhaìn gu'n dean sibh an uir a rinneadh do'n chrann-fhìge, ach mar an ceudna ma their sibh ris a' bheinn so, Togar thu, agus tilgear 's an fhairge thu, bithidh e deanta:

22 Agus ge b'e air bith nithean a dh'iarras sibh ann bhur n-urmuigh, ma chreideas sibh, gheibh sibh iad.

23 Agus an uair a thàinig e do'n teampull, thàinig na h-àrd-shagartan agus seauairean a' phobuill d'a ionnsuidh, agus e a' teagasg, ag ràdh ris, Ciod e an t-ùghdarras leis am bheil thusa a' deanamh nan nithean so? agus co' thug an cumhachd so dhuit?

24 Agus fhreagair Iosa agus thubhairt e rin, Feòraichidh mise mar an ceudna aon ni dhiubhse, agus ma dh'innseas sibh dhomh e, iunsidh mise dhuibhse air mhodh ceudna cia an t-ùghdarras leis am bheil mi 'deanamh nan nithean so.

25 Baisteadh Eoin, eia as a thàinig e? O nèamh, no o dhaoibh? Ach reasonaich iadsan 'n am measg fèin, ag ràdh, Ma their siun, O nèamh, their esan ruinn, C'ar son ma seadh nach do chreid sibh e?

26 Ach ma their sinn, O dhaoibh, tha eagal a' phobuill oirun; oir tha meas fàidh aig gach uile dhuine air Eoin.

27 Agus fhreagair iad Iosa, agus thubhairt iad, Cha-n'eil fhios againn. Agus thubhairt esan riu, Ni mò dh'innseas mise dhuibhse cia an t-ùghdarras leis am bheil mi 'deanamh nan nithean so.

28 Ach ciod i bhur barail-sa? Bha aig duine àraidh dithis mhac, agus thàinig e d'ionnsuidh a' cheud mhic, agus thubhairt e, A mhic, imich, dean obair an diugh a'm' ghàradh fìona.

29 Agus fhreagair esan agus thubhairt e, Cha dean: ach 'n a dhéigh sin, ghabh e aithreachas agus dh'imich e.

30 Agus thàinig e gus an dara mac, agus thubhairt e mar an ceudna. Agus fhreagair esan agus thubhairt e, *Théid*, a Tlighearna; gidheadh cha deachaidh e.

31 Cò de'n dithis a rinn toil 'athar? Thubhairt iadsan ris, An ceud fear. Thubhairt Iosa riu, Gu fìrinneach tha mise ag ràdh ribh, gu'n féid na eis-mhaoir agus na striopaichean do rìoghachd Dhé roimh-bh-sa.

32 Oir thàinig Eoin do 'ur ionnsuidh 'an slighe na fircantachd, agus cha do ehreid sibh e: ach chreid na eis-mhaoir agus na striopaichean e. Agus ged chunnaic sibhse so, cha do ghabh sibh aithreachas 'n a dhéigh sin, a chum gu'n creideadh sibh e.

33 Eisidibh ri cosamhlachd cile: Bha fear-tighe àraidh aon, a phlannduich fìon-lios, agus chuir e gàradh m'a thimchioll, agus ehladhaich e iouad-bruthaidh fìona ann, agus thog e tùr, agus shuidhich e air tuath e; agus chaidh e fèin air choigrich.

34 Agus an uair a dhruid riu àn an toraidh, chuir e a sheirbhisich a dh'ionnsuidh na tuatha, a dh'fhaotainn a thoraidh.

35 Agus rug an tuath air a sheirbhisich, agus ghabh iad air fear dhiubh, agus mharbh iad fear eile, agus ehlach iad fear eile.

36 A ris, chuir e seirbhisich eile naith, tuilleadh na 's a' cheud *chuideachd*; agus rinn iad orra-san mar an ceudna.

37 Ach mu dheireadh, chuir e a mhac fèin d'an ionnsuidh, ag ràdh, Bheir iad urram do mo mhac.

38 Ach an uair a chunnaic an tuath am mac, thubhairt iad eatorra fèin, 'S e so an t-Oighre, thigibh, marbhamaid e, agus glacamaid 'oighreachd-san *dhuinn fèin*.

39 Agus rug iad air, agus thilg iad a mach as an fìon-lios e, agus mharbh iad e.

40 Air au aobhar sin an uair a thig Tighearn an fìon-lios sin, ciod a ni e ris an tuath sin?

41 Thubhairt iad ris, Sgrìosaidd e gu truagh na droch dhaoine sin, agus suidhichidh e am fìon-lios air tuath eile, a bheir a thoraidhean dha 'n an aimsiribh fèin.

42 Thubhairt Iosa riu, Nach do leugh sibh riamh anns na sgrìobtuiribh, A' chlach a dhiult na clachairean, rinneadh 'n a cloieh-chinn na h-oisne: 's e au Tighearn a rinn so, agus tha e iongantach 'u ar sùilibhne?

43 Uime sin tha mi ag ràdh ribh, Gu'n toirear rìoghachd Dhé uaibhse, agus gu'n toirear do chinneach eile i, a bheir a toraidhean uatha.

44 Agus ge b'e neach a thuiteas air a' chloieh so, brisear e; ach ge b'e air an tuit i, ni i mìn-luathre dheth.

45 Agus an nair a chuala na h-àrd-shagartan agus na Phairisich a chosamhlachd-san, thuig iad gu'n b'ann mu'n timchioll fèin a labhair e.

46 Ach an uair bu mhiann leo breith air, bha eagal a' phobuill orra, oir bha meas fàidh ac' a'rsan.

CAIB. XXII.

1 Cosamhlachd bainnse mhic an Rìgh. 9 Gairm nan Cinnach: 12 peanas an flùr a bha dh'uir-easbhuidh trusgain na bainnse. 15 Is còir eis-rocadh do Cheasar. 23 Barail mhearachdach nan Sadusach mu thimchioll aiseirigh nam marbh.

A GUS fhreagair Iosa, agus labhair e riu a ris ann an cosamhlachdaibh, ag ràdh,

2 Is cosmhuil rìoghachd nèimh ri rìgh àraidh, a rinn cuirm-pòsaidh d'a mhac fèin;

3 Agus chuir e a sheirbhisich a ghairm na

muinntirafhuair cuireadh chum na bainnse: ach cha b'ail leo-san teachd.

4 A ris, chuir e *d'an ionnsuidh* seirbhisich eile, ag ràdh, Abraibh-sa ris a' mhuinntir d'an d'thugadh cuireadh, Feuch, dheasaich mi mo dhinneir: *tha* mo dhaimh agus *mo* spréidh bhiadhta air am marbhadh, agus *tha* na h-uile nithean ullamh; thigibh chum na bainnse.

5 Ach chuir iadsan 'an suarachas e, agus dh'imich iad rompa, fear dhiubh chum 'fhearainn, agus fear eile chum a cheann-achd:

6 Agus rug a' chuid eile *dhiubh* air a sheirbhisich, agus thug iad masladh *dhoibh*, agus mharbh siad *iad*.

7 Ach an uair a chual' an rìgh so ghabh e fearg; agus chuir e 'armailtean uaithe, agus sgrios e an luchd-mortaidd sin, agus loisg e am baile-san.

8 An sin thubhairt e r'a sheirbhisich, Gu firinneach *tha* a' bhanais ullamh, gidheadh an dream a fhuair cuireadh eha b'araidh iad *air*.

9 Air an aobhar sin imichibh-sa gus na rathaidibh mòra, agus a lion *daoine* 's a gheibh sibh, cuiribh *iad* chum na bainnse.

10 Agus chaidh na seirbhisich sin a mach air na rathaidibh, agus chruinnich iad gach uile neach a fhuair iad, eadar o'le agus nìhaith: agus lionadh *tigh* na bainnse le muinntir a shuidh chum bidh.

11 Agus air dol a steach do'n rìgh a dh'fhaicinn nan aoidhean, chunnaic e an sin duine aig nach robh trusgan na bainnse uime:

12 Agus thubhairt e ris, A charaid, cionnus a thàinig thusa steach an so, gun trusgan na bainnse umad? Ach dh'fhan esan 'n a thòsd.

13 An sin thubhairt an rìgh ris na seirbhisich, Air a cheangal duibh eadar chosan agus làimhan, togaibh leibh e, agus tilgibh e anns an dorchadas iomallach: an sin bithidh gul agus giosgan fhiacal.

14 Oir tha mòran air an gairm, ach beagan air an taghadh.

15 An sin dh'imich na Phairisich, agus ghabh iad comhairle cionnus a dh'fheadadh iad csan a ribeadh 'n a chainnt.

16 Agus chuir iad d'a ionnsuidh an deisciobuil féin, maille ri luchd-leanmhuinn Heroid, ag ràdh, A mhaighstir tha fhios againn gu bheil thusa fìor, agus gu bheil thu 'teagasg slighe Dhé ann am fìrinn, agus nach 'eil suim agad do dhuine sam bith: oir cha-n'eil thu ag amharc air pearsaibh dhaoine.

17 Uime sin innis dhuinne do bharail, Am bheil e ceaduichte cìs a thubhairt do Cheasar, no nach 'eil?

18 Ach air tuigsinn am mì-ruin a dh'Iosa, thubhairt e, 'Car son a tha sibh ga mì-bhuairleadh, a chealgairean?

19 Nochdaibh dhomhsa airgid na cìse. Agus thug iad d'a ionnsuidh peghinn.

20 Agus thubhairt e riu, Co dha a bhuincas an dealbh so, agus an sgrìobhadh a *tha* na *thimchioll*?

21 Thubhairt iadsan ris, Do Cheasar. An sin thubhairt esan riu, Thugaibh uime sin do Cheasar na nithean a's le Ceasar; agus do Dhia, na nithean a's le Dia.

22 Agus an uair a chual' iad so, ghabh iad iongantas, agus dh'fhàg iad e, agus dh'imich iad rompa.

23 Air an là sin féin thàinig d'a ionnsuidh na Sadusaich, a their nach 'eil aiseirigh ann, agus chuir iad ceisd air,

24 Ag ràdh, A mhaighstir, thubhairt Maois, Ma gheibh duine bàs gun chlann aige, gur còir d'a bhràthair a bhean-san a phòsadh a dhlighe daimhe, agus sliochd a thogail d'a bhràthair.

25 A nis bha seachdnar bhràithrean 'n ar measg-ne; agus air do'n cheud fhear dhiubh bean a phòsadh, fhuair e bàs, agus a chionn nach robh sliochd aige, dh'fhàg e a bhean d'a bhràthair.

26 Agus *thachair* mar an ceudna do'n dara, agus do'n treas *bràthair*; gu ruig an seachdamh.

27 Agus 'n an déigh uile fhuair a' bhean bàs mar an ceudna.

28 Air an aobhar sin anns an aiseirigh, cò de'n t-seachdnar d'am bean i? Oir bha i aca uile.

29 Agus fhreagair Iosa agus thubhairt e riu, Tha sibh air seacharan, gun còlas agaibh air na sgrìobtuiribh, no air cumlachd Dhé:

30 Oir anns an aiseirigh cha dean iad pòsadh, ni mò a bheirear 'am pòsadh iad; ach tha iad mar aingil Dhé air nèamh.

31 Ach mu thimchioll aiseirigh nam marbh, nach do leugh sibh an nì sin a labhradh ribh le Dia, ag ràdh,

32 Is mise Dia Abraham, agus Dia Isaac, agus Dia Iacob; cha-n e Dia Dia nam marbh, ach nam beò.

33 Agus an uair a chual' am pobull so, ghabh iad iongantas r'a theagasg-san.

34 Ach an uair a chual' na Phairisich gu'n do chuir e na Sadusaich 'n an tosd, chruinnicheadh iad 'an ceann a chéile.

35 An sin chuir neach àraidh dhiubh, a b'fhear teagaisg an lagha, ceisd *air*, 'g a dhearbhadh, agus ag ràdh,

36 A mhaighstir, cia i an àithne a's mò 's an lagh?

37 Thubhairt Iosa ris, Gràdhaidhidh tu an Tighearn do Dhia le d'uile chridhe, agus le d'uile anam, agus le d'uile inntinn.

38 Is i so a' cheud *àithne* agus an àithne mhòr.

39 Agus *is* cosmhuil an dara rithe so Gràdhaidhidh tu do choimhearsnach mar thu féin

40 Air an dà àithne so tha'n lagh uile, agus na fàidhean 'an crochadh.

41 Ach air do na Phairisich a bhi cruinn 'an ceann a chéile, dh'fhèdraich Iosa dhiubh,

42 Ag ràdh, Ciod i bhuir barail-sa mu thimchioll Chrìosd? cò d'am mac e? thubhairt iadsan ris, Do Daibhidh.

43 Thubhairtèsan riu, Cionnas ma seadh a ghòireas Daibhidh 's an spiorad a Thighearn dheth, ag ràdh,

44 Thubhairt an Tighearn rim' Thighearn, Suidh air mo làimh dheis, agus an cuir mi do naimhdean 'n an stòl fo d' chosaibh?

45 Air an aobhar sin ma ghòireas Daibhidh a Thighearn dheth, cionnas is mac dha e?

46 Agus cha b'urraim aon neach freagradh sam bith a thabhairt air; ni mò a bha chridhe aig aon neach o'n là sin suas ni air bith fhèdraich dheth.

CAIB. XXIII.

1 Chomhairlich Crìosd do'n t-slugh òisdeachd ri deadh theagasg nan sgrìobhaichean, agus nam Phairiseach; ach gun an droch eisemplair a leanuinn; 5 is còir d'a dheiscioblaibh a bhi air am faicill an aghaidh an uabhair; 13 tha e a' cronachadh nam Phairiseach air son an cealgairachd. 34 agus ag innseadh roimh-làimh sgrìos Ierusalem.

A N sin labhair Iosa ris an t-slugh, agus r'a dheiscioblaibh féin,

2 Ag ràdh, Tha na sgrìobhaichean agus na Phairisich 'n an suidhe ann an caithir Mhaois:

3 Air an aobhar sin na h-uile nithean a dh'iarraas iad oirbh-sa a choimhead, coimhidibh agus deanaibh iad; ach na deanaibh a réir an oibre: oir their iad, agus cha dean iad.

4 Oir ceanglaidh iad uallaichean troma, agus do-ionchar, agus cuiridh siad iad air gnaillobh dhaoine; gidheadh cha charuich iad féin iad le h-aon d'am meuraibh.

5 Ach an oibre uile tha iad a' deanamh chum a bhi air am faicinn le daoineibh: ni iad am phìlacteridh leathan, agus iomall an endaidh mòr;

6 Agus is ionmhuim leo na ceud ionadan-suidhe anns na féillibh, agus na ceud chaithreichean anns na coimhthionalaibh,

7 Agus fàilte fhaghail air na margaidh-ibh, agus daoine a ghairm Rabbi, Rabbi dhiubh.

8 Ach na goirear Rabbi dhiubhse: oir is aon àrd-mhaighstir a tha agaibh, Crìosd; agus is bràithrean sibh féin uile.

9 Agus na goiribh bhuir n-athair de dhuine sam bith air thalamh: oir is aon Àthair a tha agaibh, a tha air nèamh.

10 Cha mhò a ghòirear àrd-mhaighstirean dhiubh: oir is aon àrd-mhaighstir a tha agaibh, Crìosd.

11 Ach an ti a's mò 'n'ur measg, bithidh e 'n a òglach agaibh.

12 Agus ge b'e neach a dh'àrdaicheas e

féin, islichear e; agus ge b'e neach a dh'islicheas e féin, àrdaichear e.

13 Ach is an-aobhinn dhuibhse, a sgrìobhaichean agus Phairiseacha, a chealgaircan; a chionn gu bheil sibh a' druideadh rioghachd nèimh an aghaidh dhaoine: oir cha téid sibh féin a steach, agus cha-n' fhulaing sibh do'n dream a tha 'dol a stigh dol ann.

14 Is an-aobhinn dhuibh, a sgrìobhaichean agus Phairiseacha, a chealgaircan; oir tha sibh ag itheadh suas tighean bhantrach, agus air sgàth deadh choslais a' deanamh urnuighean fada; uime sin gheibh sibh an damnadh a's mò.

15 Is an-aobhinn dhuibh, a sgrìobhaichean agus Phairiseacha, a chealgaircan; oir cuairtichidh sibh muir agus tìr chum aon duine a dhcanamh de bhuir creidimh féin; agus an uair a nìthear e, ni sibh mac ifrinn dheth dà uair ni's mò na sibh féin.

16 Is an-aobhinn dhuibh, a chinn-iùil dhalla, a their, Ge b'e duine a bheir miannan air an teampull, cha ni air bith sin: ach ge b'e 'bheir miannan air òr an teampull, tha e ceangailte.

17 Amadana, agus a dhaoine dalla! oir cò aca a's mò an t-òr, no an teampull a tha 'naomhachadh an òir?

18 Agus, Ge b'e 'bheir miannan air an altair, cha-n'èil suim ann: ach ge b'e 'bheir miannan air an tiodhlac a tha oirre, tha e ceangailte.

19 Amadana, agus a dhaoine dalla! oir cò aca a's mò an tiodhlac, no'n altair a tha 'naomhachadh an tiodhlac?

20 Air an aobhar sin ge b'e 'mhionnaicheas air an altair, tha e a' mionnachadh oirre féin, agus air gach ni a tha oirre.

21 Agus ge b'e 'mhionnaicheas air an teampull, tha e a' mionnachadh airsan, agus air an 'Ti a tha 'n a chomhnuidh ann.

22 Agus ge b'e neach a mhionnaicheas air nèamh, tha e a' mionnachadh air rìgh-chaitir Dhé, agus airsan a tha 'n a shuidhe oirre.

23 Is an-aobhinn dhuibh, a sgrìobhaichean agus Phairiseacha, a chealgaircan: oir tha sibh a' toirt an deachaimh as a' mhionnt, agus an anise, agus a' chuimin, agus dhòb-air sibh nithean cudthromach an lagha, ceartas, tràcair, agus fìrinn: bu chòir dhuibh iad so a dheanamh, agus gun iad sud fhàgail gun deanamh.

24 A chinn-iùil dhalla, a shìolaidheas a' mheanbh-chuileag, agus a shluigeas an càmhail.

25 Is an-aobhinn dhuibh, a sgrìobhaichean agus Phairiseacha, a chealgaircan; oir glanaidh sibh an taobh a muigh de'n chupan, agus de'n mhèis, ach tha iad an taobh a stigh làn reubainn, agus cucoir.

26 Phairisich dhoill, glan air tùs an taobh a stigh de'n chupan agus de'n mhèis, chum gu'm bi an taobh a muigh dhiubh glan mar an ceudna.

27 Is an-aoibhinn dhuibh, a sgrìobhaichean agus Phairiseacha, a chealgairéan: oir is cosmhail sibh ri uaighibh gealaichte, a tha deadh-mhaiseach air an taobh a muigh, ach air an taobh a stigh a tha làn de chùmhann dhaoine marbha, agus de'n uile shalachar.

28 Mar an ceudna tha sibhse an leth a muigh 'am fianuis dhaoine ann an coslas fhèireanan, ach 's an taobh a stigh làn ceilg, agus eusaontais.

29 Is an-aoibhinn dhuibh, a sgrìobhaichean agus Phairiseacha, a chealgairéan; oir tha sibh a' togail àitean-adhlacaidh nam fàidhean, agus a' deanamh leac-lithidh nam firean deadh-mhaiseach,

30 Agus ag ràdh, Nam bitheamaid ann an làithibh ar n-aithrichean, cha bhithheadh comhpairt againn riu ann am fuil nam fàidhean.

31 Mar sin tha sibh 'n'ur fianuisibh 'n'ur n-aghaidh féin, gur sibh clann na muinntir a mharbh na fàidhean.

32 Mar sin fàinibhse suas tomhas bhur n-aithrichean.

33 A nathraichean, a shìol nan nathraichean nimhe, cionnus a dh'fheudar leibh dol as o dhannadh ifrinn?

34 Air an aobhar sin feuch, cuircam-sa d'ur ionnsuidh fàidhean, agus daoine glìce, agus sgrìobhaichean; agus *cuid* dhuibh marbhaidh agus cèusaidh sibh, agus *cuid* dhuibh sgiùrsaidh sibh ann bhur sionagogaibh, agus ni sibh geur-leanmhuinn *orra* o bhaile gu baile :

35 Chum gu'n tig oirbh gach uile fhuil fhìreanta a dhòirteadh air an talamh, o fhuil Àbeil fhìreanta, gu fuil Shachariais, mhic Bharachiais, a mharbh sibh eadar an teampull agus an altair.

36 Gu fìrinneach tha mi ag ràdh ribh, Gu'n tig na nithean so uile air a' ghinealach so.

37 A Ierusalem, a Ierusalem, a mharbhas na fàidhean, agus a chlachas an dream a chuirear a d'ionnsuidh, cia minic a b'àill leam do chlann a chruinneachadh r'a chéile, mar a chruinnicheas cearc a h-coin fo a sgiathaibh, agus cha b'àill leibh!

38 Feuch, fàgar bhur tigh agaibh 'n a fhàsach.

39 Oir tha mise ag ràdh ribh, nach faic sibh mise o so suas, gus an abair sibh, *Is beannaichte an Tì a thig ann an ainm an Tighearna*.

CAIB. XXIV.

1 *Dh'innis Crìosd roimh-làimh sgrìos Ierusalem: 3 ciod iad agus cia mòr na trioblaidean a bhithas roimhe sin: 29 comharan a theachd gu breitheanas. 36 Do bhrìgh gu bheil là o' bhrèitheanasais fòlaidhte, is còir do gach neach faire a dheanamh.*

A GUS chaidh Iosa mach, agus dh'imich e o'n teampull; agus thàinig a dh'eisce-

buil d'a ionnsuidh, a nochdadh dha aitreabh an teampull.

2 Agus thubhairt Iosa riu, Nach faic sibh iad so uile? gu fìrinneach tha mi ag ràdh ribh, Nach fàgar clach air muin cloiche an so, nach tilgear sìos.

3 Agus air suidhe dha air sliabh nan crann-olaidh, thàinig a dheisciobuil d'a ionnsuidh 'an uaignidheas, ag ràdh, Inuis dhuinne, c'uin a thig na nithean sin *gu crìch*? agus ciod e comhara do theachd-sa, agus deiridh an t-saoghail?

4 Agus fhreagair Iosa agus thubhairt e riu, Thugaibh an aire nach meall aon neach sibh:

5 Oir thig mòran a'm' ainm-sa, ag ràdh, Is mise Crìosd; agus meallaidh iad mòran.

6 Agus cluinidh sibh cogannan, agus tuairisgeul chogannan: thugaibh an aire nach bi sibh fo amhhuadh: oir is éigin do na *nithibh sin* uile teachd gu crìch, ach cha-n'eil a' chrìoch ann fathast.

7 Oir éiridh cinneach an aghaidh cinneil, agus rìoghachd an aghaidh rìoghachd: agus bithidh gorta, agus plàighean, agus crìothannan-taithnaim ann am mòran aitean.

8 Agus cha-n'eil aunta so uile ach toiseach thruaighcan.

9 An sin bheir iad thairis sibh chum àmhghair, agus marbhaidh iad sibh: agus bithidh fuath aig gach uile chinneach dhuibh air sgàth m'ainm-sa.

10 Agus an sin gabhaidh mòran oilbheum, agus brathaidh iad a chéile, agus bithidh fuath aca d'a chéile.

11 Agus éiridh mòran fhàidhean bréige, agus meallaidh iad mòran.

12 Agus do bhrìgh gu'm bi an eucoir air a meudachadh, fuaraidhidh gràdh mhòrain.

13 Ach ge b'e 'bhitheas seasamhach chum na crìche, 's e so a thèarnar.

14 Agus bithidh soisgeul so na rìoghachd air a shearmonachadh air feadh an domhain uile, mar fhianuis do na h-uile chinnich: agus an sin thig a' chrìoch.

15 Air an aobhar sin an uair a chi sibhse gràineileachd an léir-sgrìos, air an do labhair Daniel an faidh, 'n a seasamh auns an ionad naomh, (tuigadh an ti a leughas.)

16 An sin teicheadh iadsan a tha ann an Iudea, chum nam beann:

17 An ti a tha air mullach an tighe, na tigeadh e nuas a thabhairt ni sam bith leis as a thig:

18 Agus an ti a tha 's a' mhachair, na pill-eadh e air ais a thogail fhalluinn leis.

19 Agus is an-aoibhinn do na mnàibh torrach, agus dhoibh-san a bheir cìoch uatha 's na làithibh sin.

20 Ach guidhibh-sa gun bhur teicheadh a bhi 's a' gheamhradh, no air an t-sàbaid:

21 Oir auns an am sin bithidh àmhghar mòr ann, amhuil nach robh ann o thùs an domhain gus a nis, agus nach mò a bhithcas a chaoidh.

22 Agus mur bitheadh na làithean sin air an giorrachadh, cha bhitheadh feoil sam bith air a tèarnadh : ach air son nan daoine taghta bithidh na làithean sin air an giorrachadh.

23 Au sin ma their aon duine ribh, Feuch, *tha* Crìosd an so, no an sud ; na creidibh e :

24 Oir éiridh Crìosdan bréige, agus fàidhean bréige, agus ni iad comharan agus mìorbhuilean mòra, ionnus gu mealladh iad, nam feudadh e 'bhi, na daoine taghta féin.

25 Feuch, dh'innis mi dhuibh e roimh-làimh.

26 Uime sin ma their iad ribh, Feuch, *tha* e 's an fhàsach, na rachaibh a mach : feuch, *tha* e 's na sèdmraichibh uaigneach, na creidibh sin.

27 Oir a réir mar a thig au dealanach o'n àird an ear, agus a dhealraicheas i gus an àird an iar ; mar sin mar an ceudna bithidh teachd Mhic an duine.

28 Oir ge b'e àit 's am bi a' chairbh, is aun an sin a chruinnichear na h-iolairéan.

29 Air ball an dèigh trioblaid nan làithean ud, dorchaidhear a' ghrian, agus cha tabhair a' ghealach a solus, agus tuitidh na reultau o nèamh, agus bithidh cumhachdan nan nèamh air an crathadh.

30 Agus an sin foillsichear comhara Mhic an duine ann an nèamh : agus an sin ni uile threubhan na talmhainn bròn, agus chi iad Mac an duine a' teachd air neulaibh nèimh, le cumhachd agus glòir ro mhòr.

31 Agus cuiridh e mach 'aingil le fuaim mhòir na galltruimp, agus cruinnichidh iad a shluagh taghta o na ceithir gaothaibh, o leth-iouall nèimh gus an leth-iomall eile.

32 Ach fòghlumaibh cosamhlachd o'n chrann-fhige : an uair a bhitheas a gheug a nis maoth, agus a dh'fhàsas an duilleach, aithnichidh sibh gur fagus an samhradh :

33 Agus mar au ceudna, an uair a chi sibhse na nithean sin uile, bitheadh fios agaibh gu bheil e am fagus, *eadhon* aig na dorsaibh.

34 Gu deimhin tha mi ag ràdh ribh, Nach téid an ginealach so féin thairis, gus an tachair na nithean so uile.

35 Théid nèamh agus talamh thairis, ach cha téid no bhriathran-sa thairis a chaoidh.

36 Ach cha-n'eil fios an là no na h-uaire sin aig duine air bith, no fòs aig ainglibh nèimh, ach aig m'Àthair-sa a nhlàin.

37 Ach amhuil a bha lùthcan Noc, mar sin mar au ceudna bithidh teachd Mhic an duine.

38 Oir mar a bha iad anns na làithibh roimh an tuil ag itheadh agus ag òl, a' pòsadh agus a' toirt an pòsadh, gus an là 's an deachaidh Noc a steach 's an àire,

39 Agus nach robh fhios aca gus an d'thàinig an tuil, agus an do thog i leatha iad uile ; mar sin mar an ceudna bithidh teachd Mhic an duine.

40 An sin bithidh dithis air a' mbachair : gabhar fear dhiubh, agus fàgar am fear eile.

41 Bithidh dithis bhan a' meileadh auns a' mhuilean ; gabhar a h-aon diubh, agus fàgar an aon eile.

42 Uime sin deanaibhse faire, oir cha-n'eil fhios agaibh cia an uair 's au tig blur Tighearn.

43 Ach tha fhios so agaibh, nam b'fhiosrach fear an tighe cia an uair 's an tigeachd an gaduiche, gu'n deanadh e faire, agus nach fùlaingeadh e gu'm bitheadh a thigh air a bhristeadh tromhe.

44 Uime sin bithibh-sa ullamh mar an ceudna : oir is ann an uair nach saoil sibh, a thig Mac an duine.

45 Cò e ma seadh a tha 'n a òglach firinneach agus glic, a chuir a Thighearn os ceann a mhuinntir, a thabhairt bidh dhoibh 'n a àm féin ?

46 *Is* beannaichte an t-òglach sin, a gheibh a Thighearn, ri àm dha teachd, a' deanamh mar sin.

47 Gu deimhin tha mi ag ràdh ribh, gu'n cuir se e os ceann a mhaoin gu h-iomlan.

48 Ach ma their an droch sheirbhiseach ud 'n a chridhe, Tha mo Thighearn a' cur dàil 'n a theachd :

49 Agus ma thòisicheas e air a chomh-sheirbhisich a bhualadh, agus air itheadh agus òl maille ri luchd-misge :

50 Thig Tighearn an òglaich sin ann an là nach 'eil suil aige ris, agus ann an uair nach fios da,

51 Agus gearraidh e 'n a bhloighdibh e, agus bheir e a chuibhrionn da maille ris na cealgairibh : an sin bithidh gul agus giosgan fhialac.

CAIB. XXV.

1 *Cosamhlachd nan deich òighean, 14 agus nan talann : 31 mar an ceudna mion-inseadh mu'n bhreitheanas dheireanach.*

AN sin samblaichear rioghachd nèimh ri deich òighibh, a thug leo an lòchrain, agus a chaidh a mach 'an còdhail an fhir nuadh-phòsda.

2 Agus bha cùignear dhiubh glic, agus cùignear amaideach.

3 Thug iadsan a bha amaideach an lòchrain leo, ach cha d'thug iad oladh leo.

4 Ach iadsan a bha glic, thug iad oladh leo 'n an soithichibh maille ran lòchranaibh.

5 Agus air deanamh moille do'n fhear nuadh-phòsda, thuit clò codail orra uile, agus suain.

6 Ach anns a' mheadhou-oidheche rinneadh glaoth, Feuch, tha am fear nuadh-phòsda a' teachd ; rachaibh a mach g'a choinneachadh.

7 An sin dh'éirich na h-òighean ud uile, agus dheasaich iad an lòchrain.

8 Agus thubhairt na h-òighean amaideach

riusan a bha glic, Thoiribh dhuinne *cuid* de bhuir n-oladh; oir tha ar lòchrain a' dol as.

9 Ach fhreagair iadsan a bha glic, agràdh, Air eagal nach bi na 's leoir ann dhuinn féin agus dhuibhse gu ma fearr leibh dol a chum an luchd-reicidh, agus ceannaichibh dhuibh féin.

10 Agus an feadh a bha iad a' dol a cheannach, thàinig am fear nnadh-pòsda; agus chaidh iadsan a bha ullamh a steach leis eum a' phòsaidh, agus dhruideadh an dorus.

11 'N a dhéigh sin thàinig mar an ceudna na h-èigean eile, ag ràdh, A Thighearna, a Thighearna, fosgail dhuinne.

12 Ach fhreagair esan agus thubhairt e, Gu deimhin tha mi ag ràdh ribh, nach aithne dhomh sibh.

13 Deanaibh faire air an aobhar sin, do bhrìgh nach aithne dhuibh an là no an uair, air an tig Mac an duine.

14 Oir is cosmhail e ri duine a' dol air choigrich, a ghairm a sheirbhisich, agus a thug dhoibh a mhaoin:

15 Agus do h-aon dinbh thug e cùig tàlannan, agus do neach eile a dhà, agus do neach eile a h-aon; do gach aon fa leth a réir a chomais; agus air ball ghabh e a thhrus.

16 Agus dh'imich esan a fhuair na cùig tàlannan, agus rinn e ceannachd leo, agus bhuannaich e cùig tàlannan eile.

17 Agus mar an ceudna esan a fhuair a dhà, bhuannaich e dithis eile.

18 Ach an ti a fhuair a h-aon, dh'imich e agus chladhaich e 's an talamh, agus dh'fholaich e airgid a mhaighstir.

19 An dèigh aimsir fhada thàinig Tigh-earn nan seirbhiseach sin, agus rinn e cunn-tas riu.

20 Agus thàinig esan a fhuair na cùig tàlannan, agus thug e leis cùig tàlannan eile, ag ràdh, A Thighearna, thug thu dhomh-sa cùig tàlannan: feuch, bhuannaich mi cùig tàlannan eile thuilleadh orra.

21 Agus thubhairt a Thighearna ris, Is maith, a dheadh sheirbhisich fhìrinnich; bha thusa firinneach ann am beagan, cuiridh mise os ceann mhòran thu: imich a steach do aoibhneas do Thighearna'.

22 Agus thàinig esan a fhuair an dà thàlann, agus thubhairt e, A Thighearna, thug thu dhomh-sa dà thàlann: feuch, bhuannaich mi dà thàlann eile thuilleadh orra.

23 Thubhairt a Thighearna ris, Is maith, a dheadh sheirbhisich fhìrinnich; bha thusa firinneach ann am beagan *nithibh*, cuiridh mise os ceann mhòran *nithean* thu: inach a steach do aoibhneas do Thighearna'.

24 Ach an uair a thàinig esan a fhuair an t-aon tàlann, thubhairt e, A Thighearna, bha fhios agam gur duine cruaidh thu, a bhuaineas 's an àite 's nach do chuir thu,

agus a thionailas 's an ionad anns nach do sgaoil thu;

25 Agus air dhomh 'bhi fo eagal, chaidh mi agus dh'fholaich mi do thàlann 's an talamh: feuch, sin agad do chuid féin.

26 Fhreagair a Thighearna agus thubhairt e ris, A sheirbhisich uile agus leis, bha fhios agad gu'm buainim-sa 's an àit anns nach do chuir mi, agus gu'n tionalam as an ionad anns nach do sgaoil mi;

27 Bu chòir dhuit uime sin m'airgiod a thabhairt do'n Inchd-malairt, agus air dhomh teachd gheibhinn mo chuid féin maille r'a riadh.

28 Buinibh uaith uime sin an tàlann, agus thugaibh dhàsan e, aig am bheil na deich tàlannan.

29 (Oir do gach neach aig am bheil bheir-eas, agus bithidh aige gu pailt: ach uaith-san aig nach 'eil, bheirear cadhon an ni sin a tha aige.)

30 Agus tilgibh an seirbhiseach mi-tharbhach so do dhorchadas iomallach: an sin bithidh gul agus giosgan fhìcal.

31 An uair a thig Mac an duine 'n a ghlòir, agus na h-aingil naomha uile maille ris, an sin suidhilibh e air caithir rìoghail a ghlòire:

32 Agus cruinnichear 'n a làthair na h-uile chinnich; agus sgaraidh e iad o 'chéile, amhuil a sgaras buachaill na caoraich o na gabhraibh:

33 Agus cuiridh e na caoraich air a làimh dheis, ach na gabhair air a làimh chlì.

34 An sin thear an Rìgh riu-san air a dheis, Thigibh, a dhaoine beannaichte m'Àthar-sa, sealbhaichibh mar oighreachd an rìoghachd a tha air a deasachadh dhuibh o leagadh bunaitean an domhain:

35 Oir bha mi ocrach, agus thug sibh dhomh biadh: bha mi tartmhor, agus thug sibh dhomh deoch: bha mi a'm' choigreach, agus thug sibh aoidheachd dhomh:

36 Lomnochd, agus dh'éid sibh mi: bha mi euslan, agus thàinig sibh g'am amharc: bha mi 'am prìosan, agus thàinig sibh a m' ionnsuidh.

37 An sin freagraidh na fireanan e, ag ràdh, A Thighearna, c'uin a chunnaic sinn ocrach thu, agus a bheathaich sinn thu? no tartmhor, agus a thug sinn deoch dhuit?

38 No c'uin a chunnaic sinn a'd' choigreach thu, agus a thug sinn aoidheachd dhuit? no lomnochd, agus a dh'éid sinn thu?

39 No c'uin a chunnaic sinn euslan thu, no 'am prìosan, agus a thàinig sinn a d'ionnsuidh?

40 Agus freagraidh an Rìgh, agus their e riu, Gu deimhin tha mi ag ràdh ribh, a mhead 's gu'n do rinn sibh e do aon de na bràithribh a's lugha agam-sa, rinn sibh dhomh-sa e.

41 An sin their e mar an ceudna riu-san air an làimh chlì, Imichibh nam, a shluagh

malluichte, dh'iomruidh an teine shìorruidh, a dh'ulluicheadh do'n diabhul agus d'a ainglibh:

42 Oir bha mi ocrach, agus cha d'thug sibh dhomh biadh: bha mi tartmhor, agus cha d'thug sibh dhomh deoch:

43 Bha mi a'm' choigreach, agus cha d'thug sibh aoidheachd dhomh: lomnochd, agus cha d'èid sibh mi: euslan, agus 'an prìosan, agus cha d'thàinig sibh gam amharc.

44 An sin freagraidh iadsan mar an ceudna e, ag ràdh, A Thighearna, c'uin a chunnaic sinn thu ocrach, no tartmhor, no d' choigreach, no lomnochd, no euslan, no 'an prìosan, agus nach do fhlithheil sinn dhuit?

45 An sin freagraidh esan iad, ag ràdh, Gu deimhin tha mi ag ràdh ribh, a mheud 's nach d'riun sibh e do'n neach a's lugha dhuibh so, cha d'riun sibh dhomh-sa e.

46 Agus imichidh iadsan chum peanaid shìorruidh; ach na fireanan chum na beatha maireannaich.

CAIB. XXVI.

1 *Ghabh na h-uachdarain comhairle chum Iosa a ghlacadh, agus a chur gu bàs. 6 Dh'ung bean àraidh a cheannleòaidh luachmhoir. 14 Reic Iudas e ris na h-àrd-shagartaibh. 17 Dh'ìh Crìosd a' chàisg maille r'a dheisciobuibh, 26 agus dh'orduiche e an t-suipèir naomh. 47 Bhrath Iudas Iosa, agus thugadh e an làthair Chaiophas an àrd-shagairt. 69 Dh'èich-eadh Peadar e.*

AGUS tharladh, 'n uair a chrìochnaich Iosa na briathran so uile, gu'n dubhairt e r'a dheisciobuibh,

2 Tha fhios agaibh gu bheil a' chàisg an déigh dà là, agus tha Mac an duine air a bhrath gu bhì air a chèusadh.

3 An sin chruinnich uachdarain nan sagart, agus na sgrìobhaichean, agus seanairean a' phobuill, gu talla an àrd-shagairt, d'an goircar Caiaphas,

4 Agus ghabh iad comhairle le 'chéile chum Iosa a ghlacadh le feall, agus a chur gu bàs.

5 Ach thubhairt iad, Na *deanamaid* e 's an fhéill, air eagal gu'm bì buaireas an measg a' phobuill.

6 Agus air do Iosa a bhì ann am Betani, ann an tigh Shimoìn an Iobhair,

7 Thàinig bean d'a ionnsuidh aig an robh bocsa alabastair làn olaidh ro luachmhoir, agus dhòirt i air a cheann e, agus e 'n a shuidhe aig *biadh*.

8 Ach an uair a chunnaic dheisciobuil sin, bha fearg orra, ag ràdh, Ciod a's ciall do'n ana-caitheadh so?

9 Oir dh'fheudadh an oladh so 'bhi air a reic air mhòran, agus a bhì air a toirt do na bochdaibh.

10 Ach air athneachadh so do Iosa, thubhairt e riu, C'ar son a tha sibh a' cur dragha air a' mhnaidh? oir rinn i deadh obair dhomh-sa

11 Oir tna na bochdan agaibh a ghnàth

maille ribh, ach cha-n'èil mise agaibh a ghnàth.

12 Oir air dòrtadh na h-olaidh so dhi air mo chorp-sa, is ann fa chomhair m'adhlac a rinn i e.

13 Gu deimhin tha mi ag ràdh ribh, Ge b'e àit 'am bì an soisgeul so air a shearmonachadh air feadh an t-saoghail gu h-ìomlan, aithrisear an nì a rinn a' bhean so, mar chumhline oirre.

14 An sin dh'imich aon de'n dà fhear dheug, d'am b'ainm Iudas Iscariot, chum nan àrd-shagart.

15 Agus thubhairt e, Ciod a bheir sibh dhomh-sa, agus brathaidh mi dhuibh e? Agus choird iad ris air dheich buinn fhichead airgid.

16 Agus o'n àm sin a mach dh'iarr e fàth air esan a bhràth.

17 Agus air a' cheud là *de fhéill* an arain neo-ghoirtichte, thàinig na deisciobuil chum Iosa, ag ràdh ris, C'ait an àill leat sinne a dh'ulluchadh dhuit, chum gu'n ith thu a' chàisg?

18 Agus thubhairt esan, Rachaibh do'n bhaile gu leithid so de dhuine, agus abraibh ris, Tha am maighistir ag ràdh, Tha m'am am fagus, cumaidh mi a' chàisg aig do thigh-sa maille ri m' dheisciobuibh.

19 Agus rinn na deisciobuil mar a dh'orduich Iosa dhoibh, agus dheasaich iad a' chàisg.

20 Agus an uair a thàinig am feasgar, shuidh e maille ris an dà fhear dheug.

21 Agus ag itheadh dhoibh, thubhairt e, Gu deimhin tha mi ag ràdh ribh, gu'm brath fear dhibh mise.

22 Agus bha iad ro bhrònach, agus thòisich gach aon aca fa leth air a ràdh ris, Am mise e, a Thighearna?

23 Agus fhreagair esan agus thubhairt e, An ti a thumas a lamh 's a' mhèis maille rium-sa, brathaidh esan mi.

24 Gu deimhin tha Mac an duine ag imicheadh, a réir mar tha e sgrìobhta m'a thimchioll: ach is an-aibhinn do'n duine sin le'm brathar Mac an duine: bu mhaith do'n duine sin mur beirteadh riamh e.

25 An sin fhreagair Iudas a bhrath e, agus thubhairt e, A mhaighistir, am mise e? Thubhairt esan ris, Thubhairt thu.

26 Agus ag itheadh dhoibh, ghlac Iosa aran, agus air tabhairt buidheachais, bhris se e, agus thug e do na deisciobuibh e, agus thubhairt e, Gabhaibh, ithibh; is e so mo chorp-sa.

27 Agus air glacadh a' chupain, agus air tabhairt buidheachais, thug e dhoibh e, ag ràdh, Olaibh uile dheth:

28 Oir is i so m'fhuil-sa an tiomnaidh nuaidh, a dhòirtear air son mhòran chum maithanas pheacaidhean.

29 Ach tha mi ag ràdh ribh, Nach òl mi á so suas de thoradh so na fionain, gus an là

sin anns an òl mi e nuadh maille ribh ann an riochachd m' Athair.

30 Agus air dhoibh laoidh a sheinn, chaidh iad a mach gu slabh nan crann-olaidh.

31 An sin thubhairt Iosa riu, Gheibh sibh uile oibheum annam-sa an nochd; oir tha e sgriobhta, Buailidh mi am buachaill, agus sgapar caoraich an treuda.

32 Ach an dèigh dhomh-sa éirigh a ris, théid mi roimhibh do Ghalile.

33 Agus fhreagair Peadar agus thubhairt e ris, Ged gheibh na h-uile dhaoine oibheum annad, cha-n fhaigh mise oibheum gu bràth.

34 Thubhairt Iosa ris, Gu deimhin tha mi ag ràdh riut, air an oidhech so féin mun' goir an coileach, gu'n àicheadh thu mi tri uairean.

35 Thubhairt Peadar ris, Ged a b'éigin dhomh bàsachadh maille riut, cha-n àicheadh mi thu. Agus thubhairt na deisciobuil uile mar an ceudna.

36 An sin thàinig Iosa maille riu gu ionad d'an goirear Getsemane, agus thubhairt e ris na deisciobuibh, Suidhibh-sa an so, gus an téid mise a dheanamh urnuigh an sud.

37 Agus thug e Peadar leis, agus dithis mhae Shebede, agus thòisich e air a bhì brònach, agus ro dhoilgheasach.

38 An sin thubhairt e riu, Tha m'anam ro bhrònach, cadhion gu bàs: fanaibh-sa an so, agus deanaibh faire maille riumsa.

39 Agus dh'imich e beagan air adhart, agus thuit e air 'aghaidh, a' deanamh urnuigh, agus ag ràdh, O m' Athair, ma dh'fheudas e bhì, rachadh an cupan so seachad orm: gidheadh, na bithheadh e mar is àill leamsa, ach mar *is toil* leatsa.

40 Agus thàinig e chum nam deisciobul, agus fhuair e 'n an codal iad, agus thubhairt e ri Peadar, An ann mar sin, nach b' urrainn sibh faire a dheanamh aon uair a *mhàin* maille rium-sa?

41 Deanaibh faire agus urnuigh, chum nach tuit sibh 'am buaireadh: *tha* gun amharus an spiorad togarach; ach *tha* 'n fheoil amhunn.

42 A ris an dara uair, dh'imich e agus rinn e urnuigh, ag ràdh, O m' Athair, mur feudar gu'n téid an cupan so seachad orm, gun mi 'g a òl, do thoil-sa gu robh deanta.

43 Agus thàinig e agus fhuair e iad a ris 'n an codal: oir bha an sùilean trom.

44 Agus dh'fhàg e iad, agus dh'imich e a ris, agus rinn e urnuigh an treas uair, ag ràdh nam briathran ceudna.

45 An sin thàinig e chum a dheisciobul, agus thubhairt e riu, Coidhibh roimhibh a nis, agus gabhaibh fois; feuch, tha an uair air druidealh, agus tha Mac an duine air a bhrath thairis do làmhnan pheacach.

46 Eiribh, imicheadh: feuch, tha an ti a bhrathas mise am fagus.

47 Agus air dha bhì fathast a' labhairt,

feuch, thàinig Iudas, aon de'n dà fhear dheug, agus maille ris cuideachd mhòr le claidhibh agus bataibh o na h-àrd-shagartaibh agus o sheanairibh a' phobuill.

48 A nis bha an ti a bhrathasan air tabhairt comharaidh dhoibh, ag ràdh, Ge b'e neach a phògas mise, is e sin e; deanaibh greim air.

49 Agus air ball thàinig e chum Iosa, agus thubhairt e, Fàilte dhuit, a mhaighstir; agus phòg se e.

50 Ach thubhairt Iosa ris, A charaid, c'ar son a thàinig thu? An sin thàinig iad, agus chuir iad làmh ann an Iosa, agus ghlac iad e.

51 Agus, feuch, shìn a h-aon diubhsan a bha maille ri Iosa a làmh, agus tharraing e a chlaidheamh, agus air dha seirbhiseach an àrd-shagairt a bhualadh, ghearr e a chluas dheth.

52 An sin thubhairt Iosa ris, Cuir a ris do chlaidheamh air ais 'n a ionad féin: oir iadsan uile a ghlacas an claidheamh, tuitidh iad leis a' chlaidheamh.

53 An saoil thusa nach feud mise a nis m' Athair a ghuidhe, agus bheir e dhomh tuilleadh is dà legion deug de ainglibh?

54 Ach cionnus an sin bithheadh na sgriobtuirean air an coimhlionadh, a *tha 'g ràdh* gur ann mar so is éigin tachairt?

55 Anns an uair sin féin thubhairt Iosa ris an t-sluagh, An d'thàinig sibh a mach mar gu'm b'ann an aghaidh gaduiche, le claidhibh agus bataibh chum mise a ghlacadh? Bha mi gach là a'm' shuidhe maille ribh 's an teampull a' teagasg, agus cha do chuir sibh làmh annam.

56 Ach thachair so uile, chum gu'm bith-cadh sgriobtuirean nam fàidhean air an coimhlionadh. An sin thréig na deisciobuil uile e, agus theich iad.

57 Agus air dhoibh-sa Iosa a ghlacadh, thug iad leo e gu Caiaphas an t-àrd-shagart, far an robh na sgriobhaichean agus na sean-àirean air cruinneachadh.

58 Ach lean Peadar e fada uatha, cadhion gu talla an àrd-shagairt, agus chaidh e steach, agus shuidh e maille ris na seirbhiseach, a dh'fhaicinn na crìche.

59 Agus dh'iarr na h-àrd-shagartan agus na seanairean, agus a' chomhairle uile, fianuis bhréige an aghaidh Iosa, chum a chur gu bàs.

60 Ach cha d'fhuair iad: seadh, ged a thàinig mòran de fhianuisibh, bréige, cha d'fhuair iad. Fa dheòidh thàinig dà fhianuis bhréige.

61 Agus thubhairt iad, Thubhairt am fear so, Is urrainn mise teampull Dhé a leagadh, agus a thogail a ris 'an tri làithibh.

62 Agus air do'n àrd-shagart éirigh, thubhairt e ris, Nach freagair thu 'bheag? Ciod e a tha iad sin a' toirt fianuis a'd' aghaidh?

63 Ach dh'fhan Iosa 'n a thosd. Agus fhreagair an t-àrd-shagart agus thubhairt

e' ris, Tha mi 'g a d' mhionnachadh air an Dia bhead, gu'n innseadh tu dhuinn, an tu Criosd Mac Dhé.

64 Thubhairt Iosa ris, Thubhairt thu: gidgeadh tha mi ag ràdh ribh, 'N a dhéigh so chi sibh Mac an duine 'n a shuidhe air deas làimh cumhachd *Dhé*, agus a' teachd air neulaibh nèimh.

65 An sin reub an t-àrd-shagart 'eudach, ag ràdh, gu'n do labhair e toibheum; Ciod am feum tuilleadh a tha againn air fiannisibh? feuch, a nis chuala sibh a thoibheum.

66 Ciod i bhuir barail-sa? Fhreagair iadsan agus thubhairt iad, Tha e toilteanach air a' bhàs.

67 An sin thilg iad smugaid 'n a eudan, agus bluail iad le 'm basaibh e; agus ghabh cuid eile air le slataibh,

68 Ag ràdh, Dean fàidheadaireachd dhuinn, a Chriosd, Cò e a bluail thu?

69 Agus shuidh Peadar a mach anns an talla: agus thàinig cailin àraidh d'a ionnsuidh, ag ràdh, Bha thusa mar an ceudna maille ri Iosa o Ghalile.

70 Ach dh'àicheadh esan 'n an làthair uile, ag ràdh, Cha-n'eil fhios again ciod a tha thu ag ràdh.

71 Agus air dol a mach dha do'n fhòrdhorus, chunnaic *cailin* eile e, agus thubhairt i riansan a bha 'n sin, Bha 'm fear so mar an ceudna maille ri Iosa o Nasaret.

72 Agus dh'àicheadh e a ris le mionnaibh, *ag ràdh*, Cha-n aithne dhomh an duine.

73 Agus tannall beag 'n a dhéigh sin thàinig an dream a bha 'n an seasamh a làthair, agus thubhairt iad ri Peadar, Gu firinneach is ann diubh sud fèin a tha thusa; oir tha do chaimnt ga d' bhrath.

74 An sin thòisich e ri mallachadh agus mionnachadh, *ag ràdh*, Cha-n aithne dhomh an duine. Agus air ball ghoir an coileach.

75 Agus chuimhnich Peadar briathran Iosa, a thubhairt ris, Mu'n goir an coileach, àicheadhaidh tu mi trì nairean. Agus air dol a mach dha, ghuil e gu goirt.

CAIB. XXVII.

1 Cheangail na h-uachdaran agus na seanarcan Criosd, agus thug iad thairis e do Pilat, 3 Chroch Iudas e fèin. 19 Fhuair Pilat rabhadh o 'mhnaoi mu thimcheall Criosd; 20 dh'ionnlaid e a làmhnan: 26 agus leig e Barabas fa sgaoil. 29 Chruinnadh Criosd le droighinn; 34 agus cheusadh e. 50 A bhàs agus 'adhlac. 60 Chuir na h-uachdaran faire air 'uigh.

AIR teachd do'n mhaduinn, ghabh nachdaran nan sagart nile, agus seanarcan a' phobnill, comhairle le 'cheile an aghaidh Iosa, chum a chur gu bàs.

2 Agus air dhoibh esan a cheangal, thug iad leo e, agus thug iad thairis e do Phòntius Pilat an t-nachdaran.

3 An sin an nair a chunnaic Indas a bhrath e, gu'n do dh'iteadh e, ghabh e aithre-chas,

agus thug e air an ais na deich buinn fhichead airgid do na h-àrd-shagartaibh, agus do na seanairibh,

4 Ag ràdh, Pheacaich mi, ann am brath na fola neò-chiontaich. Ach thubhairt iadsan, Ciod e sin duinne? amhairc thusa *air sin*.

5 Agus airtilegadh naith nam bonn airgid anns an teampull, dh'imich e roimhe, agus chaidh e agus chroch se e fèin.

6 Agus ghilac na h-àrd-shagartan na buinn airgid, agus thubhairt iad, Cha chòir an cur 's an ionmhas, oir is luach fola iad.

7 Agns air gabhail comhairle dhoibh, channaich iad leo fearann a' chriadhadair, chum a bhi 'n a àit-adhlac do choirich.

8 Air an aobhar sin goirear de'n fhearann sin, Fearann na fola, gus an là'n diugh.

9 (An sin choimhlionadh an nì a labhradh le Ieremias am fàidh, ag ràdh, Agus ghabh iad na deich binn fhichead airgid, inach an ti a mheasadh, neach a mheas iadsan a' bha de chloinn Israeil,

10 Agus thug siad iad air son fearainn a' chriadhadair, mar a dh'orduich an Tighearn dhomh-sa.)

11 Agus sheas Iosa an làthair an uachdaran: agus dh'fhiosraich an t-uachdaran dheth, ag ràdh, An tusa Rìgh nan Indhach? Agus thubhairt Iosa ris, Thubhairt thu.

12 Agus an uair a chuir na h-àrd-shagartan agns na seanairean cionta as a leth, cha do fhreagair e nì sam bith.

13 An sin thubhairt Pilat ris, Nach cluinn thu cia lion nìthean air am bheil iad a' toirt fiannis a'd' aghaidh?

14 Agns cha d'fhing e freagradh dha air aon fhocal; ionnus gu'n do ghabh an t-nachdaran iongantais ro mhòr.

15 A nis ri àm na fèille chleachd an t-uachdaran aon phrìosanach a b'ail leon 'chur fa sgaoil do'n phobull.

16 Agus bha aca 's an àm sin prìosanach ro chomharraichte, d'am b'ainm Barabas.

17 Air an aobhar sin an uair a bha iad cruinn an ceam a chéile, thubhairt Pilat rin, Cò a's àill leibh mise a chur fa sgaoil duibh? Barabas, no Iosa, d'ann goirear Criosd?

18 Oir bha fhios aige gu'm b'ann o fharmaid a thug iad thairis e.

19 Agus an uair a bha e 'n a shuidhe air caithir a' bhreitheanaid, cluir a bhean teachdaireachd d'a ionnsuidh, ag ràdh, Na bitheadh agad-sa gnothuch sam bith ris an fhàirean sin: oir is mòr a dh'fhulaing mise an diugh ann am brudar, air a shon-sa.

20 Ach chuir na h-àrd-shagartan agns na seanairean impidh air a' phoball gu'n iarradh iad Barabas, agns gu'm milleadh iad Iosa.

21 Agus fhreagair an t-uachdaran agus thubhairt e ri, Cò de'n dithis a's àill leibh mise a chur fa sgaoil duibh? Thubhairt iadsan, Barabas.

22 Thubhairt Pilat riu, Ciod ma scadh a ni mi ri Iosa, d'an goirear Criosd? Thubhairt iad ris uile, Ceusar e.

23 Agus thubhairt an t-uachdaran, C'ar son ? ciod an t-olc a rinn e? ach is mò gu mòr a ghlaodh iadsan, ag ràdh, Ceusar e.

24 Agus an uair a chunnaic Pilat nach do bhuadhaich e 'bhac sam bith, ach gu'n d'éirich au tuilleadh buaireis, ghabh e uisge, agus dh'ionnlaid e a làmh an 'am fianuis an t-sluaigh, ag ràdh, Tha mise neò-chiontach de fhuil an fhìrean so; faicibh-sa sin.

25 Agus fhreagair am pobull uile, agus thubhairt iad, Bitheadh 'fhuil oirme, agus air ar cloinn.

26 An sin leig e fa sgaoil Barabas dhoibh: ach air dha Iosa a sgiùrsadh, thug e thairis e chum a cheusadh.

27 An sin thug saighdearan an uachdarain leo Iosa do thalla a' bhreitheanaiss, agus chruinnich iad a' bhuidheann uile m'a thimchioll.

28 Agus air dhoibh a rùsgadh, chuir iad uime falluinn scarlaid.

29 Agus air dhoibh crùn droighinu fhigheadh, chuir iad m'a cheann e, agus slat chuilce 'n a làimh dheis: agus lùb iad an glùn 'n a làthair, agus rinn iad fanoid air, ag ràdh, Gu'm beanuaichear thu, a Rìgh nan Iudhaich.

30 Agus thilg iad smugaid air, agus ghlac iad au t-slat chuilce, agus bhuail iad 's a' cheann e.

31 Agus an dèigh dhoibh fanoid a dheanamh air, thug iad an fhalluinn dheth, agus chuir iad 'eudach féin uime, agus thug iad leo e chum a cheusadh.

32 Agus an uair a chaidh iad a mach, fhuair iad duine o Chirene, d'am b'ainm Simon: esau dh'éignich iad gu a chrann-cheusaidh-san a ghiulan.

33 Agus an uair a thàinig iad gu ionad d'an ainm Golgota, sin r'a ràdh, àite-cloiginn,

34 Thug iad dha r'a òl fion geur, measgta le domblas: agus air dha a bhlasad, cha-n òladh se e.

35 Agus an uair a cheus iad e, roinn iad a thrusgan eatorra, a' tilgeadh crannchuir: chum gu'n coimhliontadh au ni a labhradh leis an fhàidh, Roinn iad m'eudach eatorra, agus chuir iad crannchur air mo bhrat.

36 Agus shuidh iad, agus rinu iad faire air an sin:

37 Agus chuir iad a chùis-dhìtidh sgrìobhta os a cheann, IS E SO IOSA RÌGH NAN IUDHACH.

38 An sin cheusadh maille ris dà ghaduiche; fear air a làimh dheis, agus fear eile air a làimh chlì.

39 Agus thug iadsan a bha 'dol seachad toibheum dha, a' crathadh an ceann,

40 Agus ag ràdh, Thusa a leagas an teampull agus a chuireas suas 'an trì làithibh e,

fòir ort féin: ma's tu Mac Dhé, thig a nuas o'n chrann-cheusaidh.

41 Mar an ceudna thubhairt na h-àrd-shagartan maille ris na sgrìobhaichibh, agus na seanairibh, a' fanoid air,

42 Shaor e daoine eile, e féin a shàoradh cha-r'èil e comasach: ma's e Rìgh Isracil, thigeadh e nis a nuas o'n chrann-cheusaidh, agus creididh sinn e.

43 Chuir e a dhòigh ann an Dia; saoradh e a nis e, ma tha toil aige dha: oir thubhairt e, Is mise Mac Dhé.

44 Agus thug na gaduichean, a cheusadh uaille ris, am beum ceudna dha.

45 A uis o'n t-scathamh uair bha dorchadas air an tìr uile gus an naothamh uair.

46 Agus mu thimchioll na naothamh uaire dh'éigh Iosa le guth àrd, ag ràdh, Eli, eli, lama sabachtani? is e sin r'a ràdh, Mo Dhia, mo Dhia, c'ar son a thréig thu mi?

47 Agus air chuinntinn sin do chuid diubhsan a bhla 'n an seasamh an sin, thubhairt iad, Tha am fear so a' glaochaich air Elias.

48 Agus air ball ruith a h-aon diubh, agus ghabh e spong, agus lion e de fhion gear i, agus air dha a cur air slait chuilce, thug e dha r'a òl.

49 Ach thubhairt càch, Leig dha, faiccamaid an tig Elias g'a thearnadh.

50 Agus an uair a dh'éigh Iosa a ris le glaoch mòr, thug e suas a spiorad.

51 Agus, feuch, reubadh brat-roinn an teampull 'n a dhà chuid, o mhullach gu ìochdar; agus chrìochnuich an talamh, agus sgoilteadh na creagan:

52 Agus dh'fhosgadh na h-uaignean, agus dh'éirich mòran de chorpaibh nan naomh, a bha 'n an codal,

53 Agus chaidh iad a mach as na h-uaignibh an dèigh 'aiseirigh-san, agus chaidh iad a steach do'n bhaile naomh, agus nochdadh iad do mhòran.

54 A nis an uair a chunnaic an ceannard-ceud, agus iadsan a bha maille ris a' coimhead Iosa, a' chrith-thalmhainn, agus na nithean eile a rinneadh, ghabh iad eagall mòr, ag ràdh, Gu fìrinneach b'e so Mac Dhé.

55 Agus bha an sin mòran bhan (ag amharc am fad,) a lean Iosa o Ghalile, a' frithealadh dha:

56 Am measg an robh Muire Magdalen, agus Muire màthair Sheumais agus Ioseis, agus màthair cloinne Shebede.

57 Agus air teachd do'n fheasgar, thàinig duine saobhir o Arimatea, d'am b'ainm Ioseph, a bha e féin 'n a dheisciobul aig Iosa mar an ceudna.

58 Chaidh esan gu Pilat, agus dh'iarr e corp Iosa: an sin dh'àithn Pilat an corp a thabhairt da.

59 Agus ghlac Ioseph an corp, agus phaisg e ann an lìon-eudach fìor-ghlan e,

60 Agus chuir se e 'n a uaigh nuaidh féin,

a chladhaich e ann an carraig: Agus char-nich e clach mhòr gu dorus na h-uaghe, agus dh'imich e roimhe.

61 Agus bha Muire Magdalen, agus a' Mhuire eile 'u an suidhe fa chomhair na h-uaghe.

62 A nis air au là màireach, an là'n déigh an ulluchaidh, chruinnicheadh na h-àrd-shagartan agus na Phairisich gu Pilat,

63 Ag ràdh, A thighearna, is cuimhne leiu an uair a bha am mealltair ud fathast beò, gu'n dubhairt e, Eiridh mi au déigh thri laithean.

64 Orduich uime sin an uagha a bhi air a coimhead gu cinnteach gus au treas là, air eagal gu'n tig a dheisciobuil 's au oidhche, agus gu'n goid iad leo e, agus gu'n abair iad ris an t-sluagh, Dh'éirich e o na marbhaibh: agus mar sin bithidh au mearachd deircannach nì's miosa na'n ceud mhearachd.

65 Thubhairt Pilat riu, Tha faire agaibh; imichibh, deanaibh an uagha cho tèaruinte 's is aithne dhuibh.

66 Agus dh'imich iad agus rinn iad au uagha cinnteach a' cur seula air a' chloich, maille ri faire.

CAIB. XXVIII.

1 *Tha aiseirigh Chrìosd air a' cur an cèill do na mnàibh: 9 nochd Crìosd e fèin doibh. 11 Thug na h-àrd-shagartan airgid do na saighdearaibh chum gu'n abradh iad gu'n do ghoideadh as 'uagha e.*

AN déigh na sàbaid, aig briseadh na faire air a' cheud là de'n t-seachdain, thàinig Muire Magdalen, agus a' Mhuire eile, a dh'fhaicinn ua h-uaghe.

2 Agus, feuch, bha crith-thalubhainn mhòr aun; oir thàinig aingeal au Tighearna nuas o nèamh, agus air teachd dha charuich e a' chlach o'n dorus, agus shuidh e oirre.

3 Agus bha a ghnùis mar dhealauach, agus 'eudach geal mar shueachd.

4 Agus air eagal roimhe chrìochnuich an luchd-coimhid, agus chaidh iad 'an riochd mairbh.

5 Ach fhreagair an t-aingeal agus thubhairt e ris na mnàibh, Na bitheadh eagal oirbhse: oir tha fhios agam gu bheil sibh ag iarraidh Iosa, a chaidh a cheusadh.

6 Cha-n'eil e 'n so; oir dh'éirich e, mar a thubhairt e: thigibh, faicibh an t-àit 's an robh an Tighearn 'n a luidho.

7 Agus imichibh gu luath, agus innsibh d'a dheisciobluibh gu'n d'éirich e o na marbhaibh: agus, feuch, tha e 'dol roimh-ibh do Ghalile; an sin chi sibh e; feuch, thubhairt mise ribh e.

8 Agus dh'imich iad gu luath o'n uagha, le h-eagal agus mòr-ghairdeachas, agus ruith iad a dh'innseadh d'a dheisciobluibh.

9 Agus ag inneachd dhoibhsan a dh'innseadh d'a dheisciobluibh, feuch, thachair Iosa fèin orra, ag ràdh, Fàilte dhuibh. Agus thàinig iad am fagus da, agus rug iad air a chosaibh, agus rinn iad aoradh dha.

10 An sin thubhairt Iosa riu, Na bitheadh eagal oirbh: imichibh, abraibh ri m' bhràithribh iadsan a dhol do Ghalile, agus an sin chi iad mi.

11 Agus an uair a bha iadsan ag inneachd, feuch, thàinig cuid de'n luchd-faire do'n bhaile, agus nochd iad do na h-àrd-shagartaibh gach nì a thachair.

12 Agus air cruinnicheadh dhoibh-sau'an ceann a chèile maille ris na seanairibh, agus air gabhail comhairle dhoibh, thug iad mòran airgid do na saighdearaibh.

13 Ag ràdh, Abraibh-sa gu'n d'thàinig a dheisciobuil ams an oidhche, agus gu'n do ghoid iad e, an uair a bha sinne 'u ar codal.

14 Agus ma chluinneas an t-uachdaran so, cuiridh sinne iupidh air, agus nì sinn sibhse tèaruinte.

15 Agus ghabh iad an t-airgid, agus rinn iad mar a theagaisgcadh dhoibh: agus tha a' chaimnt so air a h-aithris am measg nan Iudhach gus an là'n diugh.

16 Au sin chaidh an t-aon deisciobul deug do Ghalile, do'n bheinn far an d'orduich Iosa dhoibh.

17 Agus an uair a chunnaic iad e, rinn iad aoradh dha: ach bha cuid aca fo amharas.

18 Agus thàinig Iosa, agus labhair e riu, ag ràdh, Thugadh dhomh-sa gach uile chumhachd air nèamh agus air talann.

19 Uime sin imichibh-sa, agus deanaibh deisciobuil de gach uile chinncach, 'g am baisteadh ann au ainm an Athar, agus a' Mhic, agus an Spioraid naoinh;

20 A' teagasg dhoibh gach uile nì a dh'athn mise dhuibh a choimhead: Agus, fench, tha mise maille ribh a ghmàth, gu deireadh au t-saoghail. Amen.

AN SOISGEUL

A REIR

M H A R C U I S.

CAIB. I.

1 *Dreuchd Eoin Bhaistidh. 9 Bhaisteadh Iosa.*
 14 *Shearmonaich e soisgeul rioghachd Dhé.*
 16 *Ghairm e Peadar, Aindreas, Seumas agus Eoin.* 23 *Leighis e aon anns an robh deamhan, 32 agus mòran de mhuintir a bha euslan.*

TOISEACH Soisgeil Iosa Crìosd, Mhic Dhé:

2 A réir mar tha e sgrìobhta anns na faidhribh, Feuch, cuiream mo theachdair roimh do ghnùis, a dh'ulluicheas do shlighe romhad.

3 Guth an tì a' dh'éigheas anns an fhàsach, Ulluichibh slighe an Tighearna, deanaibh a cheuman dìreach.

4 Bha Eoin a' baisteadh anns an fhàsach, agus a' searmonachadh baistidh an aithreachais, chum maitheanais pheacaidhean.

5 Agus chaidh a mach d'a ionusuidh tìr Iudea uile, agus luchd-àiteachaidh Ierusalem, agus bhaisteadh leis iad uile ann an amhaigh Iordain, ag aideachadh am peacaidhean.

6 Agus bha Eoin air'eudachadh le fionna chàimhal, agus crìos leathair m'a leasraidh; agus bu bhladh dha locuist agus mìl fhiadh-ach.

7 Agus shearmonaich e, ag ràdh, Tha neach a' teachd a'm' dhéigh a's cumhachdaiche na mise, neach nach airidh mise air cromadh sìos agus barr-iall a bhròg fhuasgladh.

8 Bhaist mise gu dearbh sibh le h-uisge: ach baistidh esan sibh leis an Spiorad Naomh.

9 Agus tharladh anns na làithibh sin, gu'n d'fhàinig Iosa o Nasaret Ghalile, agus bhaisteadh e le h-Eoin ann an Iordan.

10 Agus air ball an uair a chaidh e suas as an uisge, chunnaic e na nàmhán air am fosgladh, agus an Spiorad mar choluman a' teachd a nuas air.

11 Agus thàinig guth o nèamh, *ag ràdh*, Is tusa mo Mhac gràdhach, anns am bheil mo mhòr-thlachd.

12 Agus air ball tharruing an Spiorad e do'n fhàsach.

13 Agus bha e'n sin 's an fhàsach dà fhichead là air a bhuairleadh le Satan, agus bha e maille ris na fiadh-bheathaichibh, agus flirtheil na h-aingean da.

14 Agus an déigh Eoin a chur 'am prìosan, thàinig Iosa do Ghalile, a' searmonachadh soisgeil rioghachd Dhé,

15 Agus ag ràdh, Choinhionadh an aim-sir, agus tha rioghachd Dhé am fagus;

deanaibh-sa aithreachas, agus creidibh an soisgeul.

16 Agus air dha bhi 'g imeachd ri taobh fairge Ghalile, chunnaic e Simon, agus Aindreas a bhràthair, a' tilgeadh lìn 's au fhainge: (oir b'iasgaircan iad.)

17 Agus thubhairt Iosa riu, Thigibh a'm' dhéigh-sa, agus nì mi 'n' ur iasgairibh air daoinibh sibh.

18 Agus air ball dh'fhàg iad an lìontan, agus lean iad esan.

19 Agus an uair a chaidh e beagan air aghaidh as a sin, chunnaic e Seumas *mac* Shebede, agus Eoin a bhràthair, agus iad 's an luing a' càradh an lìontan.

20 Agus air ball ghairm e iad; agus dh'fhàg iad Sebede an athair 's an luing maille ris an luchd-tuairasdail, agus lean iad esan.

21 Agus chaidh iad a steach do Chaper-naum; agus air ball air dha dol a stigh do'n t-sionagag air an t-sàbaid, theagaisg e.

22 Agus ghabh iad iongantas r'a theagasg: oir bha e 'g an teagasg mar neach aig an robh ùghdarras, agus cha b'ann mar na sgrìobhaichean.

23 Agus bha 'n an sionagag-san neach anns an robh spiorad neo-ghlan, agus ghlaodh e, 24 Ag ràdh, Leig leinn; ciod ar gnothueh-ne riut, Iosa o Nasaret? an d'fhàinig thu g'ar sgrìos-ne? Is aithne dhomh cò thu, aon naomh Dhé.

25 Agus chronuich Iosa e, ag ràdh, Bì a' d'fhosd, agus thig a mach as.

26 Agus an uair a reub an spiorad neo-ghlan e, agus a ghlaodh e le guth ard, thàinig e mach as.

27 Agus ghabh iad mòr-iongantas uile, ionnus gu'n robh iad a' cur na ceisde so r'a chéile, ag ràdh, Ciod e so? Ciod e an teagasg nuadh so? oir le h-ùghdarras tha e 'toirt orduigh eadhon do na spioradaibh neo-ghlan, agus tha iad ùmhal dha.

28 Agus chaidh a chliù air ball a mach air iad na tìre uile timchioll Ghalile.

29 Agus gun dàil, air dhoibh dol a mach as an t-sionagag, chaidh iad a steach do thigh Shimoìn agus Aindreas, maille ri Seumas agus Eoin.

30 Ach bha màthair-chéile Shimoìn 'n a luidhe ann am fiabhrus; agus ghràd labhair iad ris uimpe.

31 Agus thàinig esan agus thog e i, a breith air làimh oirre; agus air ball dh'fhàg am fiabhrus i, agus flirtheil i dhoibh.

32 Agus an uair a bha 'm feasgar ann, air

do'n ghréin dol fodha, thug iad d'a ionnsuidh iadsan uile a bha enslan, agus iadsan anns an robh deamhain.

33 Agus bha 'm baile uile air a chruinn-cachadh chum an doruis.

34 Agus leighis e mòran air an robh iomadh gnè eucail, agus thilg e mach mòran dheamhan, agus cha d'fhulaing e do na deamhnaibh labhairt, air son gu'm b'aithne dhoibh e.

35 Agus air dha éirigh 's a' mhaduinn, fada roimh là, chaidh e mach, agus dh'imich e gu àite fàsail, agus rinn e urmigh an sin.

36 Agus lean Simon, agus an dream a bha maille ris e.

37 Agus air 'fhaotainn dhoibh thubhairt iad ris, Tha gach uile neach ga d'iarraidh.

38 Agus thubhairt esan riu, Rachamaid a dh'ionnsuidh nam bailtean eile làimh ruinn, chum gu'n searmonaich mi an sin mar an cendna: oir is ann a chum na crìche so thàinig mise mach.

39 Agus shearmonaich e 'n an sionagogaibh air feadh Ghalile uile, agus thilg e mach na deamhain.

40 Agus thàinig lobhar d'a ionnsuidh, a' gnidhe air, agus a' lùbadh a ghluin da, agus ag ràdh ris, Ma's àill leat, tha thu comasach air mise a dheanamh glan.

41 Agus ghabh Iosa truas mòr dheth, agus air sìneadh a mach a làimhe, bhean e ris, agus thubhairt e ris, Is àill leam; bi-sa glan.

42 Agus co luath as a labhair e, air ball dh'fhalbh an luibhre uaith, agus rinneadh glan e.

43 Agus thug e geur-ordugh dha, agus air ball chuir e air falbh e;

44 Agus thubhairt e ris, Feuch nach innis thu 'bheag do neach air bith: ach imich, nochd thu féin do'n t-sagart, agus tabhair mar òbairt air son do ghlanaidh na nithean a dh'aithean Maois, mar fhianuis dhoibh.

45 Agus air dhàsan dol a mach, thòisich e air innseadh gu ro fhollaiseach, agus air a' chhìs a sgaoileadh mu'n eairt, air chor as nach feudadh Iosa dol tuilleadh gu follaiseach a steach do'n bhaile; ach bha e mach ann an àitibh uaigneach: agus thàinig iad d'a ionnsuidh as gach àird.

CAIB. II.

Leighis Crìosd neach air an robh am pairilis: 16 ghairm e Mata o àite togail na cìse: 16 dh'ùh e maille ri cìs-mhaoir agus ri peacaich: 18 ghabh e leith-sgeul a dheisciobul air son nach robh iad a' trasgadh; 23 agus a chionn gu'n do spion iad diasan arbhair air là na sàbaid.

A GUS an déigh làithean àraidh, chaidh e a ris a steach do Chapernaum; agus chualas esan a bhi 's an tigh.

2 Agus air ball chruinnicheadh mòran an ceann a chéile, air chor as nach robh àit a

chumadh iad, cadlìon timchioll an doruis agus labhair e am focal riu.

3 Agus thàinig iad, a' toirt d'a ionnsuidh neach air an robh am pairilis, air a ghluin le ceathrar.

4 Agus a chionn nach b'urrainn iad teachd am fagus da leis an t-sluagh, rùisg iad mullach an tighe anns an robh e: agus air dhoibh a tholladh, leig iad sìos an leabadh air an robh an neach a bha tinn leis a' phairilis 'n a luidhe.

5 'N uair a chunnaic Iosa an creidimh-san, thubhairt e ris an neach air an robh am pairilis, A mhic, tha do pheacaidhean air am maitheadh dhuit.

6 Ach bha dream àraidh de na sgrìobhaicheibh 'n an suidhe an sin, agus iad a' reusonachadh 'n an cridheachaibh féin,

7 'Car son tha am fear so a' labhairt toibheim mar so? Cò 'dh'fheudas peacaidhean a mhaithheadh ach Dia a mhàin?

8 Agus air ball air aithneachadh do Iosa 'n a spiorad féin gu'n robh iadsan a' reusonachadh mar sin anna féin, thubhairt e riu, 'Car son a tha sibh a' reusonachadh nan nithean sin ann bhuir cridheachaibh?

9 Cò aca a's usadh a ràdh ris an neach air am bheil am pairilis, Tha do pheacaidhean air am maitheadh dhuit, no a ràdh, Eirich, agus tog do leabadh, agus imich?

10 Ach chum gu'm bi fios agaibh gu bheil ùghdarras aig Mac an dhìne peacaidhean a mhaithheadh air thalamh, (thubhairt e ris an fhear air an robh am pairilis.)

11 Tha mi ag ràdh riu, Eirich, agus tog do leabadh, agus imich do d' thigh.

12 Agus dh'èirich esan air ball, agus thog e an leabadh, agus chaidh e mach 'n am fianuis nìle, ionnus gu'n robh mòr-iougantas orra uile, agus gu'n do ghloirach iad Dia, ag ràdh, Cha-n fhaca sinne riamh a leithid so.

13 Agus chaidh e mach a ris ri taobh na mara; agus thàinig an sluagh uile d'a ionnsuidh, agus theagaisg e iad.

14 Agus ag dol seachad da, chunnaic e Lebhi mac Alpheus 'n a shuidhe aig àite togail na cìse, agus thubhairt e ris, Lean mise. Agus dh'èirich e, agus lean se e.

15 Agus tharladh, 'n uair a shuidh Iosa chum bith 'n a thigh-san, gu'n do shuidh mòran chis-mhaoir agus pheacach maille ri Iosa, agus r'a dheisciobluibh: oir bha mòran ann, agus lean iad e.

16 Agus an uair a chunnaic na sgrìobhaichean agus na Phairisich esan ag itheadh maille ri cìs-mhaoir agus ri peacaich, thubhairt iad r'a dheisciobluibh, 'Car son tha e ag itheadh agus ag òl maille ri cìs-mhaoir agus ri peacaich?

17 Agus an uair a chual' Iosa so, thubhairt e riu, Cha-n'eil feum acasan a tha slàn air an léigh, ach acasan a tha tinn: cha d'thàinig mise a ghairm nam firean, ach nam peacach chum aithreachais.

18 Agus bu ghnàth le deiseiobluihb Eoin, agus nam Phairiseach a bhi 'trasgadh: agus thàinig iad. agus thubhairt iad ris, C'ar son tha deiseiobuil Eoin, agus nam Phairiseach ri trasgadh, agus nach 'eil do dheiseiobuil-sa a' trasgadh.

19 Agus thubhairt Iosa riu, Am bheil clann seòmair an fhuir nuadh-phòsda comasach air trasgadh a dheanamh, am feadh a bhitheas am fear nuadh-phòsda maille riu? am feadh a tha am fear nuadh-phòsda aca maille riu, cha-n fheud iad trasgadh a dheanamh.

20 Ach thig na làithean anns an toirear am fear nuadh-phòsda uatha; agus an sin ni iad trasgadh 's na làithibh sin.

21 Agus eha-n'eil duine sam bith a dh'fhuairgheas mìr de eudach nuadh air sean eudach; no, *ma dh'fhuairgheas*, buinidh am mìr nuadh, a chuireadh g'a lìonadh suas, as an t-sean eudach, agus nìthear an reubadh nì's miosa.

22 Agus cha chuir duine air bith fion ùr ann an seann searragaibh; no brisidh am fion nuadh na searragan, agus dòirtear am fion, agus caillear na searragan: aeh is còir fion nuadh a chur ann an searragaibh nuadha.

23 Agus tharladh gu'n deachaidh e troimh na h-achaibh arbhair air là na sàbaid agus thòisich a dheiseiobuil, ag imeachd dhoibh, ris na diasan arbhair a spionadh.

24 Agus thubhairt na Phairisich ris, Feuch, e'ar son a tha iad a' deanamh an nì nach 'eil eaduidhte air là na sàbaid?

25 Agus thubhairt esan riu, Nach do leugh sibhse riamh ciod a rinn Daibhidh 'n uair a bha uireasbluidh air, agus ocras air féin agus orrasan a bha maille ris?

26 Cionnus a chaidh e steach do thigh Dhé ann an làithibh Abitair an àrd-shagairt, agus a dh'ith e aran na fianuis, nach 'eil eaduidhte do neach air bith itheadh, aeh do na sagartaibh, agus a thug e mar an ceudna do'n dream a bha maille ris?

27 Agus thubhairt e riu, Dh'orduicheadh an t-sàbaid air son an duine, cha-n e an duine air son na sàbaid?

28 Air an aobhar sin is Tighearn Mac an duine air an t-sàbaid féin.

CAIB. III.

1 *Leighis Crìosd an duine aig an robh an làmh sheargta. 11 Chronich an na spioradan neòghlan; 13 agus thagh e dà abstol deug. 22 Dhearbha e aingidheachd an t-sluaigh a bha 'g ràdh gu'n robh e a' tilgeadh dheamhan a mach le Beelsebub; 31 agus nochd e cò iad a chairdean.*

AGUS chaidh e ris a steach do'n t-sion-agog; agus bha an sin duine aig an robh làmh sheargta.

2 Agus rinn iad faire air, a dh'fheuchainn an leighisadh se e air là na sàbaid, chum gu'm bitheadh cùis-dhithidh aca 'n a aghaidh.

3 Agus thubhairt e ris an duine aig an robh an làmh sheargta, Eirich 'sa' mheadhon.

4 Agus thubhairt e riu, Am bheil e ceaduidhte maith a dheanamh air làithibh na sàbaid, no olc? anam a thèarnadh, no a sgrios? aeh dh'fhan iadsan 'n an tosd.

5 Agus an uair a dh'amhairc e mu'n euairt orra le feirg, air dha bhi doilleh air son cruais an cridhe, thubhairt e ris an duine, Sin a mach do làmh. Agus slin e mach i: agus rinneadh slàn i mar an làmh eile.

6 Agus chaidh na Phairisich a mach, agus ghabh iad comhairle air ball maille ri hiehd-leumhuinn Heroid 'n a aghaidh-san, cionnus a dh'fheudadh iad a sgrios.

7 Ach ehaidh Iosa maille r'a dheiseiobluihb a leth chum na mara: agus lean sluagh mòr e o Ghalile, agus o Iudca,

8 Agus o Ierusalem, agus o Idunea, agus o thaobh thall Iordain; agus iadsan a bha timcheall Thirus agus Shidoìn, thàinig cuideachd mhòr dhiubh d'a ionnsuidh, 'n uair a ehual' iad cia mòr na nìthear a rinn e.

9 Agus thubhairt e r'a dheiseiobluihb, long bheag a bhi 'feitheamh air, air son an t-sluaigh, chum nach dòmhluicheadh iad e:

10 Oir leighis e mòran; ionnus gu'n do dhlùth-theann iad ris, a mheud 's air an robh plàighean, ehum gu'm beanadh iad ris.

11 Agus na spioradan neòghlan, an uair a ehunnaic iad e, shleueadh iad da, agus ghlaodh iad, ag ràdh, Is tusa Mac Dhé.

12 Agus thug e sparradh teann dhoibh nach deanadh iad aithneichte e.

13 Agus chaidh e suas gu beinn, agus ghairn e iadsan a b'ail leis: agus thàinig iad d'a ionnsuidh.

14 Agus dh'orduich e dà fhear dheug, ehum gu'm biodh iad maille ris, agus gu'n cuireadh e mach iad a shearmonachadh;

15 Agus gu'm biodh aca cumhachd a leigh-cas euslaintean, agus a thilgeadh a mach dheamhan.

16 Agus air Simon thug e Peadar mar cho-aimn:

17 Agus Seumas *mac* Shebede, agus Eoin bràthair Sheumais, (agus orra-san thug e Boanerges mar cho-aimn, is e sin ri ràdh, Clann an taircaneach.)

18 Agus Andreas, agus Philip, agus Bartolomeus, agus Mata, agus Tomas, agus Seumas *mac* Alpheus, agus Tadeus, agus Simon an Canaanach,

19 Agus Iudas Iscariot, an neach sin a bhrath e: agus chaidh iad do thigh.

20 Agus chruinnicheadh an sluagh a ris, ionnus nach robh e 'n eomas doibh uiread as aran itheadh.

21 Agus an uair a chual' a chairdean so, thàinig iad a mach a bhreith air: oir thubhairt iad, Tha e air mhi-ehéill.

22 Agus thubhairt na sgrìobhaichean a

dhàinig a nuas o Ierusalem, Tha Beals-bub aige, agus is ann troimh phrionnsa nan deamhan a tha e 'tilgeadh a mach dheamhan.

23 Agus ghairn e iad d'a ionnsuidh, agus thubhairt e riu ann an cosamhlachdaibh, Cionnus a dh'fheudas Sàtan Sàtan a thilgeadh a mach?

24 Agus ma bhitheas rìoghachd roinnte 'n a h-aghaidh féin, cha-n urrainn an rìoghachd sin seasamh.

25 Agus ma bhitheas tigh air a roinn 'n a aghaidh féin, cha-n urrainn an tigh sin seasamh.

26 Agus ma dh'éireas Sàtan 'n a aghaidh féin, agus gu'm bi e roinnte, cha-n urrainn e seasamh, ach tha crìoch air.

27 Cha-n urrainn neach air bith dol a steach do thigh duine làidir, agus 'airneis a thogail leis, mur ceangail e 'n duine làidir an toiscach; agus an sin creachaidh e a thigh.

28 Gu deimhin tha mi ag ràdh ribh, Gu maithear na h-uile pheacaidhean do chloinn nan daoine, agus gach toibheum a labhras iad.

29 Aeh ge b'e labhras toibheum an aghaidh an Spioraid Naomh, cha-n fhaigh e maithneas a chaidh, ach tha e 'an cunnart peanais shìorruidh;

30 Air son gu'n dubhairt iad, Tha spiorad neòghlan aige.

31 An sin thàinig a bhràithrean agus a mhàthair, agus air dhoibh seasamh a muigh, chuir iad fios d'a ionnsuidh, a' gairm air.

32 Agus bha 'n sluagh 'n an suidhe m'a thimchioll; agus thubhairt iad ris, Feuch, tha do mhàthair agus do bhràithrean a muigh ga d' iarraidh.

33 Agus fhreagair e iad, ag ràdh, Cò i mo mhàthair, no mo bhràithrean?

34 Agus sheall e mu'n cuairt orra-san a bha 'n an suidhe m'a thimchioll, agus thubhairt e, Feuch mo mhàthair agus mo bhràithrean.

35 Oir ge b'e neach a ni toil Dhé, is esan mo bhràthair, agus mo phiuthar, agus mo mhàthair.

CAIB. IV.

1 Cosamhlachd an t-sìoladair, agus a bhrìgh. 21 Is còir dhuinn solas ar neòlais a phàirt-eachadh ri muinntir eile. 26 Cosamhlachd an t-sìl a tha 'fàs 'an uaignidheas, 30 agus a ghràinne mhùstaird. 39 Chitinnich Crìosd an fha na fairge.

AGUS thòisich e air teagasg a ris làimh ris a' mhuir; agus chruinnicheadh sluagh mòr d'a ionnsuidh, ionnus gu'n deachaidh e steach do luing, agus gu'n do shuidh e air a' mhuir; agus bha'n sluagh uile ri taobh na mara air tìr.

2 Agus theagaisg e dhoibh mòran nithean ann an cosamhlachdaibh, agus thubhairt e riu 'n a theagasg,

3 Eisdibh; Feuch, chaidh fear-cuir a mach a chur sìl;

4 Agus tharladh 'n uair a chuir e an sìol, gu'n do thuit cuid deth ri taobh an rathaid, agus thàinig cunaithe an athair, agus dh'ith iad suas e.

5 Agus thuit cuid eile dheth air fearann creagach, far nach robh mòr thalamh aige; agus air ball dh'fhàs e suas, a chionn nach robh doimhne talmhainn aige;

6 Ach air do'n ghréin éirigh, loisgeadh e; agus a chionn nach robh freumh aige, shearg e as.

7 Agus thuit cuid eile am measg droighinn, agus dh'fhàs an droighinn suas, agus thachd se e, agus cha d'fhug e toradh uath.

8 Agus thuit cuid eile air talamh maith, agus thug e toradh uath a' fas suas agus a' meudachadh; agus thug e mach, cuid a dheich thar fhichead uiread, agus cuid a thri fichead uiread, agus cuid a cheud uiread 's a chuireadh.

9 Agus thubhairt e riu, An ti aig am bheil cluasan clum éisdeachd, éisdeadh e.

10 Agus an uair a bha e 'n a sonar, dh'fhic-raich iadsan, a bha mu'n cuairt da, maille ris an dà fhear dheug, an cosamhlachd deth.

11 Agus thubhairt e riu, Dhuibhse thugadh còlas a ghabhail air nithibh dìomhair rìoghachd Dhé: ach dhoibh-san a tha 'an leth muigh nìthear gach ni ann an cosamhlachdaibh:

12 Chun as ag faicinn doibh gu'm faic iad, agus nach aithnich iad, agus ag cluinntinn dhoibh gu'n cluinn iad, agus nach tuig iad; air eagal aig àm air bith gu'm pilleadh iad, agus gu'm biodh am peacaidhean air am maithheadh dhoibh.

13 Agus thubhairt e riu, Nach aithne dhuibh an cosamhlachd so? agus cionnus ma ta a thuigeas sibh gach uile chosamhlachd?

14 Tha 'm fear-cuir a' cur an fhocail.

15 Agus is iad so iadsan ri taobh an rathaid, anns an cuirear am focal, an déigh dhoibh a chluinntinn, air ball tha Sàtan a' teachd, agus a' togail leis an fhocail, a shìol-chuireadh 'n an cridheachaibh.

16 Agus is iad so iadsan mar an ceudna a chuireadh air fearann creagach; muinntir, an uair a chluinnas iad am focal, a ghabhas e air ball le gairdeachas:

17 Agus cha-n'eil freumh aca anna féin, ach maridh iad ré scalain; 'n a dhéigh sin 'n uair a dh'éireas àmhghar, no gear-leann-mhuinn air son an fhocail, air ball tha iad a' gabhail oibheim.

18 Agus is iad so iadsan a chuireadh am measg an droighinn, an dream a dh'éisdeas ris an fhocal;

19 Agus tha ro-chùram an t-saoghail so, agus mealltaireachd saobhbheis, agus anamianna nithean eile 'teachd a steach, agus

a' tachdadh an fhocail, agus nithear neo-thorach e.

20 Agus is iad so iadsan a chuireadh ann an talamh maith; an dream a chluinneas an focal, agus a ghabhas e, agus a bheir a mach toradh, cuid a dheich thar fhichead uiread, cuid a thri fichead uiread, agus cuid a cheud uiread *as a chuireadh*.

21 Agus thubhairt e riu, An toir ear coinnleach chum gu'n cuirear i fo bhlent soithich, no fo leabaidh? nach ann a chum a cur ann an coinnleir?

22 Oir cha-n'eil ni air bith foluichte, nach foillsichear; agus cha robh ni air bith 'an cleith, nach tig 'am follais.

23 Ma tha cluasan chum éisdeachd aig neach air bith, éisdeadh e.

24 Agus thubhairt e riu, Thugaibh fainear ciod a chluinneas sibh: leis an tomhas a thomhaiseas sibh, tomhaisear dhuibh féin; agus bheir ear tuilleadh dhuibh-sa 'tha 'g éisdeachd.

25 Oir ge b'e neach aig am bheil, bheir ear dha: agus ge b'e neach aig nach 'eil, bheir ear uath an ni sin féin a tha aige.

26 Agus thubhairt e, Is amhuil rioghachd Dhé, mar gu'n cuireadh duine siol anns an talamh,

27 Agus gu'n coidleadh e, agus gu'n éir-eadh e a dh'oidheche agus a là, agus gu'n gineadh an siol, agus gu'm fasadh e suas, air dhòigh nach fuios da.

28 Oir bheir an talamh a mach toradh uath féin, air tùs am fochann, a ris an dias, an déigh sin an làn-arbhar anns an dèis.

29 Ach an uair a tha 'n toradh abaich, air ball cuiridh e an corran ann, a chiomn gu bheil am fogharadh air teachd.

30 Agus thubhairt e, Ciod *an ni* ri 'n samhluich sinn rioghachd Dhé? no ciod e an cosamhlachd leis an coimhneas sinn i?

31 Is cosmhul i ri gràinne mustaird, ni, 'n uair a chuirear 's an talamh e, a's lugha de na h-uile phòraibh a tha air thalamh.

32 Ach an déigh a chur, fasaidd e suas, agus cinnidh e ni's mò na luibh sam bith eile, agus fasaidd geugan mòra air; ionnus gu'm feud conlaith an athair nid a dhean-amh fo a sgàile.

33 Agus le iomadh d'a leithidibh sin de chosamhlachdaibh labhair e an focal riu, a réir mar a b'urraim iad a chluinntinn.

34 Ach gun chosamhlachd cha do labhair e riu: Agus mlànich e na h-uile nithean d'a dheisciobluibh féin air leth.

35 Agus thubhairt e riu air an là sin féin, air teachd do'n fheasgar, Rachamaid thairis do'n taobh eile.

36 Agus an uair a sgaoil iad an coimh-thional, thug iad leo esan anns an luing mar a bha e; agus bha longan beaga eile maille ris mar an ceudna.

37 Agus dh'éirich doinioun mhòr ghaoithe,

agus leum na tonnan a steach do'n luing air chor as gu'n robh i nis làn.

38 Agus bha esan ann an deireadh na luinge, 'n a chodal air cluasaig: agus dhùisg iad e, agus thubhairt iad ris, A mhaighstir, nach 'eil suim agad gu'n caillear sinn?

39 Agus dh'éirich e, agus chronuich e a' ghaoth, agus thubhairt e ris an fhairge, Tosd, bi samhach. An sin luidh a' ghaoth, agus bha feath mòr ann.

40 Agus thubhairt e riu, C'ar son a tha sibh co eagalach? cionnus nach 'eil creidimh agaibh.

41 Agus ghabh iad eagal ro mhòr, agus thubhairt iad r'a chéile, Ciod e an duine so, gu bheil a' ghaoth, agus an fhairge féin umhal da?

CAIB. V.

1 *Air do Chrìosd na deamhain a chur a mach as an duine anns 'an robh légion diubh, 13 chaidh iad a stigh anns na mucuibh. 25 Leighis a' bhean air an robh dòrtadh fola, 35 agus thog e o na marbhn nighean Iairis.*

A GUS thàinig iad gu taobh eile na mara. gu dùthaich nan Gadarach.

2 Agus an uair a chaidh e mach as an luing, air ball thachair air as na h-àitibh-adhlaic, duine anns an robh spiorad neo-ghlan,

3 Aig an robh a chòmhnuidh 's na h-àitibh-adhlaic; agus cha b'urraim neach air bith a cheangal, eadhon le slabhraidhibh:

4 Oir chaidh a cheangal gu tric le geimh-libh agus le slabhraidhibh, agus thairuing e na slabhraidhean as a chéile, agus mhuibhris e na geimblean: Agus cha b'urraim duine sam bith a cheannsachadh.

5 Agus bha e ghnàth, a là agus a dh'oidheche, 's na beanntaibh, agus 's na h-ionadaibh-adhlaic, a' glaothaich, agus 'g a ghearradh féin le clachaibh.

6 Ach an uair a chunnaic e Iosa fada uath, ruith e agus shleuchd e dha,

7 Agus ghlaodh e le guth mòr, agus thubhairt e, Ciod mo ghnothuch-sa riut, Iosa, a Mhic an Dé a's ro àirde? tha mi a' cur ort á h-uchd Dhé, gun mo phianadh.

8 (Oir thubhairt e ris, Thig a mach as an duine, a spiorad neòghloin.)

9 Agus dh'fhiosraich e dheth, Ciod a's ainm dhuit? Agus fhireagair esan, ag ràdh, Légion is ainm dhomh: oir tha sinn mòran ann.

10 Agus ghuidh e gu ro gheur air, gun e g'an cur a mach as an dùthaich sin.

11 Agus bha treud mòr mhuc an sin, ag ionaltradh an fagus do'n bheinn.

12 Agus ghuidh na deamhain uile air, ag ràdh, Cuir sinne dh'ionnsuidh nam muc, chum gu'n rachamaid a steach anna.

13 Agus air ball thug Iosa cead doibh; agus air dol a mach do na spioradaibh neòghlan, chaidh iad a stigh anns na muc-aibh, agus ruith an treud sìos gu dian air

àite cas do'n fhairge, (bha iad mu thimchioll dà mhìle,) agus thachdadh iad 's an fhairge.

14 Agus theich iadsan a bha 'g ionaltradh nam muc, agus dh'innis iad sin, aràon anns a' bhaile, agus anns an tìr. Agus chaidh iad a mach a dh'fhaicinn cìod e an nì ud a thachair.

15 Agus thàinig iad chum Iosa, agus chunnaic iad an tì anns an robh an deamhan, agus aig an robh an léig, 'n a shuidhe, agus eudach uime, agus a chiall aige; agus ghabh iad eagal.

16 Agus dh'innis iadsan a chunnaic e dhoibh, cionnus a thachair do'n tì anns an robh an deamhan, agus mu thimchioll nam muc.

17 Agus thòisich iad ri guidhe air imeachd a mach as an crìochaibh.

18 Agus air dha dol a stigh 's an luing, ghuidh an tì anns an robh an deamhan air, gu'm feudadh e bhi maille ris.

19 Gidheadh cha do leig Iosa leis, ach thubhairt e ris, Imich dhachaidh dh'ionnsuidh do mhuinntir, agus innis dhoibh meud nan nithean a rinn an Tighearn dhuit, agus gu'n d'rinn e tròcair ort.

20 Agus dh'imich esan, agus thòisich e ri clur 'an céill ann an Decapolis meud nan nithean a rinn Iosa dha: agus ghabh iad iongantais uile.

21 Agus 'n uair a chaidh Iosa a ris thairis anns an luing gus an taobh cile, chruinnicheadh sluagh mòr d'a ionnsuidh; agus bha e làmh ris a' mhuir.

22 Agus, feuch, thàinig aon de uachdaran-aibh nan sionag, d'am b'ainm Iairus; agus an uair a chunnaic e esan, leig se e féin sìos aig a chosaibh.

23 Agus ghuidh e gu dùrachdach air, ag ràdh, Tha mò nìgean bheag ann an cunnart grad-bhàis; thig, *tha mi e guidhe ort*, agus leag do làmh an oirre chum gu'n slàn-uichear i, agus mairidh i beò.

24 Agus dh'imich Iosa maille ris; agus lean sluagh mòr e, agus dhòmhluidh iad e.

25 Agus bha bean àraidh an sin, air an robh dòrtadh fola ré dhà bhliadhna dheug.

26 Agus dh'fhlaing i mòran o iomadh léigh, agus chaith i na bha aice, agus cha b'fheaird i 'bheag e, ach gu'm bu mhisde;

27 'N uair a chual i ionradh air Iosa, thàinig i am measg an t-sluaigh o 'chùlaobh, agus bhean i r'a eudach:

28 Oir thubhairt i, Ma dh'fheadas mi beantuinn ach r'a eudach, slàn-uichear mi.

29 Agus air ball thiormaicheadh tobar a fola; agus dh'aithnich i air a corp féin, gu'n do leighiseadh i o'n phlàigh sin.

30 Agus dh'aithnich Iosa air ball ann féin gu'n deachaidh cumbhachd a mach as, agus air dha tionndadh 's an t-sluagh, thubhairt e, Cò a bhean ri m' eudach?

31 Agus thubhairt a dheisciobuil ris, Tha

thu 'faicinn gu bheil an sluagh ga d' dhòmhlachadh, agus an abair thu, Cò a bhean rium?

32 Agus dh'amhaire e mu'n cuairt g'a faicinn-sa a rinn so.

33 Ach air do'n mhnai a bhi fo eagal agus air chrith, air aithneachadh an tì a rinneadh innte, thàinig i, agus leig si i féin sìos 'n a làthair, agus dh'innis i an fhèrrinn uile dha.

34 Agus thubhairt e rithe, A nighean, slàn-uich do chreidimh thu; imich ann an sìth, agus bi slàn o d' phlàigh.

35 Am feadh a bha e fathast a' labhairt, thàinig dream o thigh uachdaran na sionagoig, ag ràdh, Fhuair do nighean bàs; c'ar son a chuireadh tu tuilleadh dragha air a' mhaighstir?

36 Cò luath is a chual Iosa an còmhradh so a labhradh, thubhairt e ri uachdaran na sionagoig, Na bitheadh eagal ort, a mhlàin creid.

37 Agus cha d'fhlaing e do neach air bith a leantuinn, ach Peadar, agus Seumas, agus Eoin bràthair Sheumais.

38 Agus thàinig e gu tigh uachdaran na sionagoig, agus chunnaic e an iomairt agus iadsan a bha 'gul, agus a' caoineadh gu mòr.

39 Agus 'n uair thàinig e a steach, thubhairt e riu, C'ar son a tha sibh ris an iomairt so, agus ri bròn? cha-n'eil an nigheanag marbh, ach 'n a codal.

40 Agus rinn iadsan gàire fanoid ris: ach air dhasan an cur uile mach, thug e leis athair agus màthair na nighinn, agus iadsan a bha maille ris, agus chaidh e steach far an robh an mòrag 'n a luidhe.

41 Agus rug e air an mòrag air làmh, agus thubhairt e rithe, Talitha-cumi; 's e sin, air cadar-mhìneachadh, A chailinn, (tha mise ag ràdh riut,) éirich.

42 Agus air ball dh'éirich an mòrag, agus dh'imich i; oir bha i dà bhliadhna dheug a dh'aois: agus ghabh iad iongantais anabarrach.

43 Agus thug e ordugh teann doibh, nach faigheadh duine air bith fios air so; agus dh'aithn e càileigin a thoirt di r'a itheadh.

CAIB. VI.

1 Rinneadh tàir air Crìosd le muinntir a dhùthcha. 7 Thug e cumbhachd do'n dà fhear dheug os ceann spioradan neòghlan. 14 Iomadh barail mu Crìosd. 16 Chuireadh an ceann de Eoin Baistidh. 34 Miorbhuil nan cùig buillionn agus an dà éisg. 48 Dh'imich Crìosd air a' mhuir, &c.

AGUS chaidh e mach as a sin, agus thàinig e d'a dhùthaich féin; agus lean a dheisciobuil e.

2 Agus an uair a thàinig an t-sàbaid, thòisich e air teagasg anns an t-sionagrog: agus air do mhòran a chluinntinn, ghabh iad iongantais, ag ràdh, Cia uaith tha na nithean

sin aig an fhear so? Agus ciod e an gliocas so 'thugadh dha, gu bhicil a leithid so a dh' fheartaibh air an deanamh le a lāmhan-sa?

3 Nach e so an saor, mac Mhuire, bràthair Sheumais, agus Ioseis, agus Iudais, agus Shimoin? Agus nach 'eil a pheathraichean an so uaille ruinn? Agus fhuaire iad oilbheum ann.

4 Ach thubhairt Iosa riu, Cha-n'eil fàidh gun urram, ach 'n a dhùthaich féin, agus am measg a chairdean, agus 'n a thigh féin.

5 Agus cha robh e 'n comas da miorbhuil air bith a dheanamh an sin, saor o gu'u do chuir e a lāmhan air beagan de mluinntir a bha tinn, agus gu'n do leighis e iad.

6 Agus bha iongantais air air son an micheidimh. Agus chaidh e timchioll nam bailtean, a' teagasg.

7 Agus ghairm e d'a ionnsuidh an dà fhear dheug, agus thòisich e air an cur a mach dithis agus dithis; agus thug e dhoibh cumhachd air spioradaibh neòghlan;

8 Agus dh'aitin e dhoibh gun ni air bith a thoirt leo air sou na slighe, ach lorg a mhaigh; gun mhàla, gun aran, gun airiod 'n an sporan:

9 Ach bonn-bhrògan a bhi air an cosaibh, agus gun dà chòta bhi umpa.

10 Agus thubhairt e riu, Ge b'e ionad air bith anns an téid sibh a steach do thigh, an sin fanaibh gus am falbh sibh as an àite sin.

11 Agus cò air bith iad nach gabh ribh, agus nach éisd ribh, air dhuibh iucachd as an àite sin, crathaibh an duslach a bhith-eas fo 'ur cosaibh, mar fhianuis 'n an aghaidh. Gu deimhin tha mi ag ràdh ribh, Gur so-ionmhair e bhith-eas e do Shodom agus do Ghomorah ann an là a' bhreith-eanais, na do'n bhaile sin.

12 Agus chaidh iad a mach, agus shearmonaich iad daoine a dheanaibh aithreachais.

13 Agus thilg iad a mach mòran dheamhan, agus dh'ung iad le h-olaidh mòran a bha tinn, agus leighis siad iad.

14 Agus chuala Herod an rìgh uime, (oir chaidh 'ainm 'am follais:) agus thubhairt e, Tha Eoin Baistidh air éirigh o na mairbh, agus uime sin tha feartan air an oibreachadh leis.

15 Thubhairt cuid eile, Gur e Elias a th'ann. Agus thubhairt cuid eile, Gur fàidh a th'ann, no mar aon de na fàidhean.

16 Ach an nair a chuala Herod so, thubhairt e, Is e Eoin d'an do chuir mise an ceann, a th'ann; dh'éirich e o na mairbh.

17 Oir chuir Herod féin a mach agus ghlac e Eoin, agus cheangail e ann am prìosan e, air sou Herodiais bean phòsda Philip, a bhràthar féin, do bhrìgh gu'n do phòs e i.

18 Oir thubhairt Eoin ri Herod, Cha-n'eil e ceaduichte dhuit bean do bhràthar a bhi agad.

19 Uime sin bha diomb mòr aig Herodias ris, agus bu mhiann leatha a chur gu bàs; ach cha b'urrainn i.

20 Oir bha eagal Eoin air Herod, air dha fios a bhi aige gu'm bu duine ceart agus naomh e, agus thug e fainear e; agus 'n uair a chuala se e, rinn e mòran de nithibh air a chomhairle, agus dh'éisd e ris gu toileach.

21 Agus air teachd do là iomchuidh, rinn Herod, air co-ainm an là 's an d'rugadh e, suipeir d'a uaislibh, agus d'a àrd-cheannardaibh, agus do mhaithibh Ghalile:

22 Agus an uair a chaidh nighean Herodiais so steach, agus a rinn i dannsa, thaitinn i ri Herod agus riu-san a shuidh maille ris, agus thubhairt an rìgh ris a' chailinn, Iarr ormsa ge b'e ni a's àill leat, agus bheir mi dhuit e.

23 Agus thug e mionnan di, Ge b'e ni a dh'iarras tu orm, bheir mi dhuit e, gu leth mo rìoghachd.

24 Agus an uair a chaidh i mach thubhairt i r'a màthair, Ciod a dh'iarras mi? Agus thubhairt ise, Ceann Eoin Baistidh.

25 Agus chaidh i air ball le cabhaig a steach a dh'ionnsuidh an rìgh, agus dh'iarr i, ag ràdh, Is àill leam gu'n tugadh tu dhomh gun dàil ceann Eoin Baistidh air mèis.

26 Agus bha 'n rìgh ro dhoilich; gidheadh air son a mhionnan, agus an dreau a bha 'n an suidhe maille ris, cha robh toil aige a diultadh.

27 Agus air ball chuir an rìgh a mach fear-millidh, agus dh'aitn e a cheann a thoirt a steach: agus dh'imich e san agus thug e an ceann deth anns a' phrìosan;

28 Agus thug e a cheann leis air mèis, agus thug e do'n chailinn e; agus thug a' chailinn d'a màthair e.

29 Agus an uair a chual a dheisciobuil sin, thàinig iad agus thug iad a chorp, agus chuir iad ann an uaigh e.

30 Agus chrùinnicheadh na h-Abstoil chum Iosa, agus dh'innis iad da na h-uile nithean, araon gach ui a rinn iad, agus gach ni a theagaisg iad.

31 Agus thubhairt e riu, Thigibh-sa air leth do àit uaigneach, agus gabhaibh fois car tamnill bhig: Oir bha mòran a' teachd agus a' dol, agus cha robh ùine aca uiread as biadh itheadh.

32 Agus chaidh iad gu àite fàsail ann an huing air leth.

33 Agus chunnaic an sluagh iadsan a' falbh, agus dh'aithuich mòran e, agus ruith iad d'an cois as na bailtibh uile an sin, agus bha iad rompa, agus chrùinnicheadh iad d'a ionnsuidh.

34 Agus an uair a chaidh Iosa mach, chuanaic e sluagh mòr, agus ghabh e truas mòr dhiubh, a chionn gu'n robh iad mar chaoraich guu bhuachaill aca: agus thòisich e air mòran nithean a theagasg dhoibh.

35 Agus an uair a bha nis mòran de'n là air dol seachad, thàinig a dheisciobuil d'a ionnsuidh, ag ràdh, Tha 'n t-àite so fàs, agus tha nis mòran de'n là *air dol thairis*:

36 Leig air falbh iad, chum gu'n téid iad do'n tìr mu'n cuairt, agus do na bailtibh, agus gu'n ceannaich iad biadh dhoibh féin: oir cha-n'eil ni air bith aca r'a itheadh.

37 Ach fhreagair esan, agus thubhairt e riu, Thugaibh-sa dhoibh r'a itheadh. Agus thubhairt iadsan ris, An téid sinn agus an ceannaich sinn luach dhà cheud peghinn a dh'aran, chum gu'n tugamaid dhoibh ni r'a itheadh?

38 Ach thubhairt esan riu, Cia lìon buil-ionn a tha agaibh? rachaibh agus faicibh. Agus air faotainn fios doibh, thubhairt iad, Cùig, agus dà iasg.

39 Agus dh'àithn e dhoibh a thoirt orra uile suidhe sìos 'n an cuideachdaibh air an fheur uaine.

40 Agus shuidh iad sìos 'n am buidhnibh fa leth, 'n an ceudaibh, agus 'n an leth-cheudaibh.

41 Agus air dha na cùig builionnan agus an dà iasg a ghabhail, agus amhare suas gu nèamh, bheannaich, agus bhris e na builionnan, agus thug e d'a dheisciobluibh iad, chum gu'n cuireadh iad fa'n comhair iad; agus roinn e an dà iasg orra uile.

42 Agus dh'ith iad uile, agus shàsuicheadh iad.

43 Agus thog iad dà chliabh dheug làn de'n bhiadh bhriste, agus de na h-iasgaibh.

44 Agus b'iad an dream a dh'ith de na builionnaibh cùig mìle fear.

45 Agus air ball cho-éignich e a dheisciobuil gu dol anns an luing, agus dol roimhe dh'ionnsuidh an taoibh thall gu Betsaida, agus an cuireadh e an slugh air falbh.

46 Agus an uair a chuir e air falbh iad, chaidh e gu beinn a dheanamh urnuigh.

47 Agus an uair a bha 'n t-anmoch ann, bha an long 'am meadhon na mara, agus esan 'n a aonar air tìr.

48 Agus chunnaic e iadsan air am pianadh ag iomramh; oir bha a' ghaoth 'n an aghaidh: agus thàinig e d'an ionnsuidh mu thimchioll na ceathramh faire de'n oidheche, ag imeachd air a' mhuir, agus b'àill leis dol seachad orra.

49 Ach an uair a chunnaic iadsan e ag imeachd air a' mhuir, shaoil iad gu'm bu tannasg a bh'ann; agus ghlaodh iad.

50 (Oir chunnaic iad uile e, agus bha iad fo bhuaircas:) Agus air ball labhair e riu, agus thubhairt e riu, Biodh misneach mhaith agaibh; is mise 'tha ann, na bitheadh cagal oirbh.

51 Agus chaidh e suas d'an ionnsuidh do'n luing; agus luidh a' ghaoth: agus bha uamhas mòr thar tomhas orra, agus ghabh iad iongantas.

52 Oir cha d'thug iad fainear m'òrbhuil

nam builionnan; oir bha'n cridhe air a chruadhachadh.

53 Agus an uair a chaidh iad thairis, thàinig iad gu talamh Ghenesaret, agus tharruing iad gu tìr.

54 Agus an uair a thàinig iad a mach as an luing, air ball dh'aithnich iad e,

55 Agus ruith iad air feadh na tìre sin uile mu'n cuairt, agus thòisich iad air an dream a bha tinn a ghlùlan mu'n cuairt air leapaichibh, ge b'e àit an cual' iad esan a bhi.

56 Agus ge b'e air bith bailtean, no caithrichean, no dùthach 'an deachaidh e steach, chuir iad na daoine tinn air na sràidibh, agus ghuidh iad air gu'm feudadh iad beantuinn a mhàin ri iomall 'eudaich: agus a mbeud is a bhean ris, leighiseadh iad.

CAIB. VII.

1 *Fhuair na Phairisich coire do na deisciobluibh do bhrìgh gu'n d'ith iad le làmhnan salach: 6 air an làmh eile fhuair Crìosd coire dhoibh-san do bhrìgh gu'n do bhris iad àitheantan. Dhé le teagasg agus gnàthachadh dhaoine. 14 Cha salaich biadh an duine. 24 Leighis Crìosd nighean aig an robh spiorad neòghlan, 31 agus duine a bha bodhar.*

A GUS chruinnicheadh na Phairisich d'a ionnsuidh, agus dream àraidh de na sgrìobhaichibh a thàinig o Ierusalem.

2 Agus an uair a chunnaic iad cuid d'a dheisciobluibh ag itheadh arain le làmhnan salach, (sin r'a ràdh gun ionnlad,) fhuair iad coire dhoibh.

3 Oir cha-n ith na Phairisich, agus na h-Iudhaich uile, biadh, mur ionnlaid iad an làmhnan gu minic, a' coimhead beul-aithris nan seanairean.

4 Agus *air dhoibh teachd* o'n mhargadh, mur tum siad iad, cha-n ith iad. Agus tha mòran de nithibh eile a ghabh iad orra a choimhead, *mar tha* nigheadh chupan, agus phoitean, agus shoithichean umha, agus leapaichean.

5 An sin dh'fhèdraich na Phairisich agus na sgrìobhaichean dheth, C'ar son nach 'eil do dheisciobuil ag imeachd a réir beul-aithris nan seanairean, ach a tha iad ag itheadh arain le làmhnan gun ionnlad?

6 Ach fhreagair esan agus thubhairt e riu, Is maith a rinn Esaias fàidheadaireachd mu bhuir timchioll-sa, a chealgaircan, a réir mar tha e sgrìobhta, Tha am pobull so 'toirt urrainn dhomh-sa le 'm bìlibh, ach tha an cridhe fada uam.

7 Ach is ann gu diomhain a tha iad a' toirt aoraidh dhomh-sa, a' teagasg àitheantan dhaoine mar theagasg.

8 Oir air dhoibh àithne Dhé a thréigsinn, tha sibh a' cumail orduchaidh dhaoine, *mar tha* nigheadh phoitean agus chupan: agus mòran eile d'an leithidibh sin tha sibh a' deanamh.

9 Agus thubhairt e riu, Is maith a tha

sibh a' cur air cùl àithne Dhé, chum gu'n coimhid sibh bhur n-orduchadh féin.

10 Oir thubhairt Maois, Thoir urram do d'athair, agus do d' mhàthair: agus, Ge b'e neach a mhallaicheas athair no màthair, cuirear gu cinnteach gu bàs e.

11 Ach their sibhse, Ma their neach r'a athair, no r'a mhàthair, Biodh e'n a Chorban, sin r'a ràdh, 'n a thìodhlac *d'ò'n teampull*, ge b'e ni leis am faigheadh tu tairbhe uamsa;

12 Nach leig sibh dha á sin suas ni sam bith a dheanamh air son 'athar, no a mhàthar;

13 A' cur focail Dhé 'an neò-bhrìgh le bhur beul-aithris féin, a dh'aithris sibh: agus mòran d'an leithidibh sin de nithibh tha sibh a' deanamh.

14 Agus 'n uair a ghairm e an sluagh uile d'a ionnsuidh, thubhairt e riu, Eisidibh riumsa uile, agus tuigibh:

15 Cha-n'eil ni sam bith o'n taobh a muigh de'n duine, a théid a steach ann, d'am bheil e'n comas a shalachadh; ach na nithean a tha teachd a mach as, is iad sin a tha 'salachadh an duine.

16 Ge b'e aig am bheil cluasan chum éisd-eachd, éisd-cadh e.

17 Agus an uair a chaidh e steach do'n tigh o'n t-sluagh, chuir a dheisciobuil ceisd air mu thimchioll a' chosamhlachd.

18 Agus thubhairt e riu, Am bheil sibhse mar so fathast gun tuigse? Nach 'eil fhios agaibh, ge b'e ni air bith a théid a steach 's an duine o'n leth a muigh, nach 'eil e 'n comas da esan a shalachadh?

19 Do bhrìgh nach téid e steach d'a chridhe, ach do'n bhroinn, agus théid e mach do'n t-slochd shalachair, a' glanadh gach uile bhìdh.

20 Agus thubhairt e, Is e an ni a thig a mach as an duine, a shalaicheas an duine.

21 Oir is ann o'n taobh a stigh, á cridhe dhaoine, a thig a mach droch smuaintean, adhaltrannas, striopachas, mortadh,

22 Goid, samt, aingidheachd, mealltair-eachd, macnus, droch shùil, toibheum, aabhar, amaideachd:

23 Tha na h-uile so uile a' teachd a mach o'n taobh a stigh, agus a' salachadh an duine.

24 Agus air dha éirigh as a sin, chaidh e gu crìochaibh Thiruis agus Shidoin: agus an uair a chaidh e steach do thigh, cha b'ail leis fios a bhi aig neach sam bith air; githcadh cha-n fheadhadh e bli'n folach.

25 Oir chuala bean uime, aig an robh nighean bìleg, anns an robh spiorad neò-ghlan, agus thàinig i agus thuit i aig a chos-aibh:

26 (Agus bu Bhan-Ghreugach a' bhean, Ban-shiropheiseach a thaobh cinnich) agus ghuidh i air gu'n tilgeadh e an deamhan a mach as a nighinn.

27 Ach thubhairt Iosa rìthe, Fulaing do'n chloian air tùs a bhi air an sàsachadh: oir cha-n'eil e iomchuidh aran na cloinne a ghabhail, agus a thilgeadh chum nan con.

28 Agus fhreagair ise agus thubhairt i ris, Is fìor sin, a Thighearna: githcadh itlìdh na coin fo 'n bhord de sbrùleach na cloinne.

29 Agus thubhairt esan rìthe, Air son na cainte so féin, imich romhad; tha an deamhan air dol a mach á d' nighinn.

30 Agus an uair a bha ise air teachd a dh'ionnsuidh a tìge, fhuair i an deamhan air dol a mach, agus a nighean air a cur 'n a luidhe air an leabaidh.

31 Agus a ris 'n uair a dh'innich e o chrìoch-aibh Thiruis agus Shidoin, thàinig e gu muir Ghailìle, troimh mheadhon chrìoch Dhecapolis.

32 Agus thug iad d'a ionnsuidh duine bodhar, aig an robh staduibh 'n a claimit: agus ghuidh iad air gu'n cuireadh e a làmh air.

33 Agus thug e a leth o'n t-sluagh e, agus chuir e a mheòir 'n a chluasaibh, agus shìl e, agus bhean e r'a theangaidh.

34 Agus air dha amharc suas gu nèamh, rium e osna, agus thubhairt e ris, Ephphata, is e sin r'a ràdh, Bi fosgailte.

35 Agus air ball dh'fhosgailh a chluasan, agus dh'fhuasgladh ecangal a theangaidh, agus labhair e gu ccart.

36 Agus dh'aithn e dhoibh gun iad a dh'innseadh sin do neach air bith: ach mar is mò a thoirmisg esan doibh, bu mhòid gu ro mhòr a chuir iadsan an gnìomh 'am follais;

37 Agus bha iad gu ro mhòr air an lìonadh le h-iongantas, ag ràdh, Rium e na h-uile nithean gu maith: tha e araon a' tabhairt air na bodhair gu'n cluin iad, agus air na bailbh gu'n labhair iad.

CAIB. VIII.

1 Bheathaich Crìod an sluagh gu mìorbhuileach.

11 Dhiùlt e comharadh a thoirt do na Phairisich: 14 Dh'arr e air a dheisciobuil a bhi air am faicil an aghaidh tois ghòirt nam Phairisicich agus Heroid: 22 Thug e a radhar do dhuine dall: 27 Dh'innis e d'a dheisciobuibh gu'n robh e gu bàs fhaotainn, agus gu éirigh a ris o na màirbh.

A NNS na làithibh sin air do shluagh ro mhòr a bhi ann, agus gun ni air bith aca r'a itheadh, ghairm Iosa a dheisciobuil d'a ionnsuidh, agus thubhairt e riu,

2 Tha trasn mòr agam de'n t-sluagh, do bhrìgh gu'n d'fhan iad a nis trì làithean maille rium, agus nach 'eil ni air bith aca r'a itheadh;

3 Agus ma leigcas mi d'an tighibh féin 'n an trasg iad, fannuichidh iad air an t-slighe: oir thàinig cuid aca 'am fad.

4 Agus fhreagair a dheisciobuil e, Cia as a

dh'fheudas neach iad so a shàsachadh le h-aran an so 's an fhàsach?

5 Agus dh'fhiosraich e dhiubh, Cia lìon buillom a tha agaibh? Agus thubhairt iadsan, Seachd.

6 Agus thug e ordugh do'n t-sluagh suidhe sìos air au làr: agus ghlac e na seachd buillioman, agus air toirt buidheachais, bhris e, agus thug e iad d'a dheiscioblaibh, chum gu'u cuireadh iad 'n an làthair iad: agus chuir iad sìos an làthair an t-sluaigh iad.

7 Agus bha aca beagan a dh'iasgaibh beaga: agus bheannaich e iad, agus dh'aitm e an cur sìos 'n an làthair uar an ceudna.

8 Agus dh'ith iad, agus shàsachadh iad: agus thog iad làn sheachd bascaidean de'u bhiadh bhriste, a bha dh'fhuigheall aca.

9 Agus bha iadsan a dh'ith mu thimcheall cheithir mìle: agus leig e air falbh iad.

10 Agus air ball chaidh e steach 'au luing maille r'a dheiscioblaibh, agus thàinig e gu crìochaibh Dhalmanuta.

11 Agus thàinig na Phairisich a mach: agus thòisich iad ri ceisdean a chur air, ag iarraidh comharaidh uath o n'eamh, 'g a dhearbhadh.

12 Agus air deanamh osna dhàsan 'n a spiorad, thubhairt e, C'ar son a tha an gin-calach so ag iarraidh comharaidh? gu deimhin tha mise ag ràdh ribh nach toir car comharadh do'n ghinealach so.

13 Agus dh'fhàg e iad, agus air dha dol a steach do'u luing a ris, chaidh e chum an taoibh eile.

14 Agus dhì-chuimhnich na deisciobuil arau a thoirt leo: agus cha robh aca ach aon bhuillom uaille riu 's an luing.

15 Agus dh'aitm e dhoibh, ag ràdh, Thug-aibh an aire, bithibh air bhuir faicill an aghaidh taois ghoirt uam Phairiseach, agus taois ghoirt Heroid.

16 Agus bha iadsan a' reusonachadh 'n am measg féin, ag ràdh, Is ann air son nach 'eil aran againn a tha e.

17 Agus air aithneachadh sin do Iosa, thubhairt e riu, C'ar son a tha sibh a' reusonachadh a chionn nach 'eil aran agaibh? Nach 'eil fhios agaibh fathast, agus nach 'eil sibh a' tuigsinn? am bheil bhuir cridhe fathast air a chruadhachadh?

18 Air dhiubh sùilean a bhi agaibh, nach faic sibh? agus air dhuibh cluasan a bhi agaibh, nach cluinn sibh? agus uach 'eil sibh a' cuimhneachadh?

19 Au uair a bhris mi na cùig buillionnan am measg nan cùig mìle, cia lìon cliabh làn de bhiadh briste a thog sibh? Thubhairt iadsan ris, A dhà dheug.

20 Agus an uair a bhris mi na seachd am measg nan ceithir mìle, cia lìon bascaid làn de bhiadh briste a thog sibh? Agus thubhairt iadsan, Seachd.

21 Agus thubhairt e riu, Cionnus nach 'eil sibh a' tuigsinn?

22 Agus thàinig e gu Betsaida; agus thug iad d'a ionnsuidh duine dall, agus ghuidh iad air gu'm beanadh e ris.

23 Agus rug e air lànub au doill agus threòraich e mach as a' bhaile e; agus air dha a sheicadh a chur air a shùilb, agus a làmhau a chur air, dh'fheòraich e dheth an robh e 'faicinn ni air bith.

24 Agus dh'amhaire esan suas, agus thubhairt e, Tha mi 'faicinn dhaoine mar chraobhan ag imeachd.

25 'N a dhéigh sin, chuir e a làmhau a ris air a shùilb, agus thug e air amharc suas: agus dh'aisgeadh a radharc dha, agus chunnaic e gach uile dhuine gu soilleir.

26 Agus chuir e dh'ionnsuidh a thighe féin e, ag ràdh, Na rach a steach do'n bhaile, agus na innis do neach air bith auns a' bhaile e.

27 Agus chaidh Iosa agus a dheisciobuil a mach gu bailtibh Chesarea Philipi: agus air an t-slighe chuir e ceisid air a dheiscioblaibh, ag ràdh riu, Cò a tha daoine ag ràdh is mise?

28 Agus fhreagair iadsan, Eoiu Baistidh; agus cuid eile, Elias; agus cuid eile, Aon de na faidhibh.

29 Agus thubhairt esau riu, Ach cò a tha sibhse ag ràdh is mi? Fhreagair Peadar agus thubhairt e ris, Is tu Crìosd.

30 Agus thug e sparradh dhoibh gun iad a dh'innseadh so uime do neach sam bith.

31 Agus thòisich e r'an teagasg, gur éigin do Mhae an duine mòran de nithibh fhulang, agus a bhi air a dhiultadh leis na seanairibh, agus na h-àrd-shagartaibh, agus na sgrìobhaichibh, agus a bhi air a chur gu bàs, agus éirigh a ris an déigh thri làithean.

32 Agus labhair e a' chainnt so gu follais-each. Agus rug Peadar air, agus thòisich e r'a chronuchadh.

33 Ach air dhàsan tionndadh mu'u cuairt, agus amharc air a dheiscioblaibh, chronuich e Peadar, ag ràdh, Imich air mo chùlaobh, a Shataim: oir cha-n'eil spéis agad do nithibh Dhé, ach do nithibh dhaoine.

34 Agus air gairm an t-sluaigh, agus a dheisciobul d'a ionnsuidh, thubhairt e riu, Ge b'e neach leis an àill teachd a'n' dhéigh-sa, àicheadhadh se e féin, agus togadh e a chrannc-eusaidh, agus leanadh e mise.

35 Oir ge b'e neach leis an àill 'anam féin a choinhead, caillidh se e; ach ge b'e neach a chailleas 'anam air mo shon-sa, agus air son an t-soisgeil, coinhididh esau e.

36 Oir ciod e an tairbhe do dhuine, ged chosuadh e au saoghal gu h-ionman, agus 'anam a chall?

37 No ciod a bheir duine ann an éiric 'anama?

38 Oir ge b'e neach a ghabhas àire dhion-

sa, agus de m' fhoclaidh, anns a' gheinealach adhaltrannach agus olc so, dheth-sau gabhaidh Mac an duine nàire, 'n uair a thig e 'an glòir 'Athar, maille ris na h-ainglibh naomha.

CAIB. IX.

1 *Dh'atharraicheadh cruth Iosa. 11 Theagaisg e a dheisciobuil mu thimchioll teachd Eliais: 14 Thig e mach Spiorad balbh agus bodhar: 30 Roimh-innis e m' a bhàs agus 'aiseirigh. 33 Chomhairlich e d'a dheisciobluibh a bhi iriosal.*

A GUS thubhairt e riu, Gu deimhin tha mi ag ràdh ribh, gu bheil cuid dhiubhsan a tha 'n an seasamh an so, nach blais bàs, gus am faic iad rioghachd Dhé a' teachd le cumhachd.

2 Agus an ceann shè làithean, thug Iosa Peadar, agus Seumas, agus Eoin leis, agus thèdruich e iad leo féin air leth gu beinn àird: agus dh'atharraicheadh a chruth 'n am fianuis.

3 Agus rinncadh 'eudach dealrach, ro gheal mar an *sneachd*; air mhodh nach robh e 'n comas do ghlanadair-eudaich sam bith air talamh a ghealachadh.

4 Agus dh'fhoillsicheadh dhoibh Elias maille ri Maois agus bha iad a' còmhradh ri Iosa.

5 Agus fhreagair Peadar, agus thubhairt e ri Iosa, A mhaighstir, is maith dhuinne bli an so: air an aobhar sin deanamaid tri pàillian; aon duitse, agus aon do Mhaois, agus aon do Elias.

6 Oir cha robh fhios aige ciod a theireadh e: oir bha iad fo eagal ro mhòr.

7 Agus thàinig neul a chuir sgàile orra, agus thàinig guth as an neul, ag ràdh, Is e so mo Mhac gràdhach-sa, éisdibh ris.

8 Agus air ball, an uair a dh'amhairc iad mu'n timchioll, cha-n fhac iad neach air bith á sin suas, ach Iosa 'n a aonar maille riu.

9 Agus ag teachd dhoibh a nuas o'n bheinn, dh'àithn e dhoibh gun na nithean a chunnaic iad innseadh do neach sam bith, gus an éireadh Mac an duine a ris o na mairbh.

10 Agus ghléidh iad a' chainnt so aca féin, a' fiosrachadh d'a chéile ciod a bu chiall do'n aiseirigh o na mairbh.

11 Agus dh'fhèdraich iad deth, ag ràdh, C'ar son a tha na sgrìobhaichean ag ràdh, gur éigin do Elias teachd air tús?

12 Agus fhreagair esan agus thubhairt e riu, Thig Elias gu deimhin air tús, agus aisgidh e na h-uile nithean, agus mar a tha e sgrìobhta mu Mhac an duine, gu bheil e gu mòran de nithibh fìnlàng, agus a bhi air a chur 'an dìmcas.

13 Ach tha mi ag ràdh ribh, gu bheil Elias da rìreadh air teachd, agus rinn iad ris gach ni a thogair iad, a réir mar tha e sgrìobhta uime.

14 Agus 'n uair a thàinig e chum a dheisciobul, chunnaic e sluagh mòr mu'n timchioll, agus na sgrìobhaichean a' deasboireachd riu.

15 Agus air ball bha 'n sluagh uile, 'n uair a chunnaic iad e, fo uamhas mòr, agus air dhoibh ruith d'a ionnsuidh, chuir iad failte air.

16 Agus dh'fhiosraich e de na sgrìobhaichibh, Ciod e mu 'm bheil sibh a' deasboireachd riu?

17 Agus air freagairt do neach de'n t-sluagh, thubhairt e, A mhaighstir, thug mi a d' ionnsuidh mo mhae anns am bheil spiorad balbh:

18 Agus ge b'e ionad sam bith 's an glac se e, tha e 'g a tharruing as a chéile; agus tha e 'cur cobhair *as a bheul*, agus a' giosgaruaich le 'fhiacailbh, agus tha e a' seargadh as: agus thubhairt mi ri d' dheisciobluibh, iad g'a chur a mach, agus cha b' urrainn iad.

19 Ach fhreagair esan, agus thubhairt e ris, O chinnich gun chreidimh, cia fhad a bhitheas mi maille ribh? cia fhad a dh'fhuilgeas mi sibh? thugaibh e a m' ionnsuidh.

20 Agus thug iad d'a ionnsuidh e: agus an uair a chunnaic se e, reub an spiorad air ball e; agus thuit e air an talamh, agus *bha e 'g a aoirneagan féin, agus a' cur cobhair as a bheul.*

21 Agus dh'fhiosraich e d'a athair, Cia fhad an aimsir o thàinig so air? agus thubhairt e, O bha e 'n a leanabh.

22 Agus gu minic thig e 's an teine e, agus anns an uisge, chum gu milleadh se e: ach ma tha thusa comasach air ni sam bith a dheanamh, gabh truas dinn, agus cuidich leinn.

23 Ach thubhairt Iosa ris, Ma 's urrainn thusa creidsinn, tha gach aon ni comasach do'n neach a chreideas.

24 Agus ghlaodh athair an leinibh a mach air ball, agus thubhairt e le deuraibh, Tha mi a' creidsinn, a Thighearna; cuidich thusa le mo mhi-chreidimh.

25 Agus an uair a chunnaic Iosa an sluagh a' ruith cuideachd, chronuich e an spiorad neòghlan, ag ràdh ris, A spioraid bhailbh agus bhodhair, tha mi 'g orduchadh dhuit, Thig a mach as, agus na rach a steach ann ni's mò.

26 Agus ghlaodh an spiorad, agus reub e gu ro chràiteach e, agus chaidh e mach as: agus bha e 'n riochd mairbh, ionnus gu'n dubhairt mòran, Tha e marbh.

27 Ach air do Iosa a ghlacadh air làimh thog e suas e, agus dh'éirich e.

28 Agus an uair a chaidh e steach do'n tigh, dh'fhiosraich a dheisciobuil deth 'an uaignidheas, C'ar son nach b' urrainn sinne a thilgeadh mach?

29 Agus thubhairt esan riu, Cha-n'eil e

comasach gu'n téid a' ghnè so mach le ni air bith, ach le h-urnuigh agus trasgadh.

30 Agus dh'imich iad as a sin, agus chaidh iad troimh Ghailile; agus cha b'áill leis fhios so bhi aig aon neach.

31 Oir theagaisg e a dheisciobuil féin, agus thubhairt e riu, Tha Mac an duine air a thabhairt thairis do làmhán dhaoine, agus cuiridh iad gu bàs e; agus an déigh a chur gu bàs, éiridh e a ris an treas là.

32 Ach cha do thuig iad a' chainnt so, agus bha eagal orra fheòraich dheth.

33 Agus thàinig e gu Capernaum; agus air dhia 'bhi 's an tigh, dh'fhiosraich e dhiubh, Ciod e mu'n robh sibh a' deasboir-eachd eadaraibh féin, air an t-slighe?

34 Ach dh'fhan iadsan 'n an tosd: oir air an t-slighe bha iad a' reusonachadh catorra féin, co aca bu mhò a bhitheadh.

35 Agus air suidhe dha, ghairm e'n dà fhear dheug d'a ionnsuidh, agus thubhairt e riu, Ge b'e neach leis am miann a bhi air thoiseach, bithidh esan air dheireadh air chàch uile, agus 'n a sheirbhiseach do na h-uile.

36 Agus ghabh e leanabh, agus chuir e 'n am meadhon e: agus an uair a thog e suas 'n a uchd e, thubhairt e riu,

37 Ge b'e neach a ghabhas ri h-aon d'an iethidibh so de leanabaibh a'm' ainm-sa, tha e a' gabhail riumsa; agus ge b'e neach a ghabhas riumsa, cha mhise ris am bheil e a' gabhail, ach an Ti a chuir uath mi.

38 Agus fhreagair Eoin e, ag ràdh, A mhaighstir, chunnaic sinne neach nach 'eil 'g ar leantuinn a' tilgeadh a mach dheamh-an a'd' ainm-sa; agus bhac sinn e, a chionn nach 'eil e 'g ar leantuinn féin.

39 Ach thubhairt Iosa, Na bacadh e: oir cha-n'eil neach sam bith a ni miorbhuil a'm' ainm-sa, d'am bheil e'n comas ole a labhairt gu h-ealamh umam.

40 Oir ge b'e neach nach 'eil 'n ar n-aghaidh, tha e leinn.

41 Oir ge b'e neach a bheir cupan nisege dhuibh-sa r'a òl a'm' ainm-sa, a chionn gur le Criosd sibh, gu deimhin tha mi ag ràdh ribh, nach caill e a dhuais.

42 Agus ge b'e 'bheir aobhar oilbheim do aon neach de 'n fheadhain bheaga so, a tha 'creidsinn annam-sa, b' fhearr dhia gu'm bithheadh clach-mhuilinn air a crochadh m'a mhuineal, agus gu'm bithheadh e air a thilg-cadh 's an fhairege.

43 Agus ma bheir do làmh aobhar oilbheim dhuit, gearr dhìot i: is fearr dhuit dol a steach do'n bheatha air leth-làimh, na dà làimh a bhi agad, agus dol gu n-ifrinn, do'n teine nach mùchar a chaoidh;

44 Far nach bàsaich an cnuimh, agus nach téid an teine as.

45 Agus ma bheir do chos aobhar oilbheim dhuit, gearr dhìot i: is fearr dhuit dol a steach do'n bheatha air leth-chois, na dà

chois a bhi agad, agus a bhi air do thilg-cadh ann an ifrinn, do'n teine nach mùchar a chaoidh;

46 Far nach bàsaich an cnuimh, agus nach téid an teine as.

47 Agus ma bheir do shùil aobhar oilbheim dhuit, spion asad i: is fearr dhuit dol a steach do rìoghachd Dhé air aon sùil, na dà shùil a bhi agad, agus a bhi air do thilg-cadh ann an teine ifrinn;

48 Far nach bàsaich an cnuimh, agus nach téid an teine as.

49 Oir saillear gach aon neach le teine, agus saillear gach aon ìobairt le salann.

50 Is maith an toiseach: ach ma chailleas an salann a shailhteachd, ciod e leis an dean sibh deadh-bhlasda e? Bitheadh agaibh salann annaibh féin, agus bithibh sìochail r'a chèile.

CAIB. X.

1 Tha Criosd a' reusonachadh ris na Phairisich mu thimchioll dealachaidh fir agus mà pòda: 13 bheannaich e clann a thugadh d'a ionnsuidh: 17 dh'inns e do dhuine saobhir ionnus a dh'fheadas e a' bheatha shuthain a shealbhadh. 32 Roimh-innis e a bhàs agus 'aiseirigh. 46 Dh'aisig e a radhare do Bhar-timeus.

A GUS air éirigh dha as a sin, thàinig e gu crìochaibh Iudea troimh an dùth-aich a tha air an taobh thall de Iordan: agus thàinig slòigh d'a ionnsuidh a ris; agus mar bu ghnàth leis, theagaisg e iad a ris.

2 Agus thàinig na Phairisich na ionnsuidh, agus dh'fhiosraich iad deth, An bheil e ceaduichte do dhuine a bhean a chur air falbh? 'g a dhearbhadh.

3 Ach fhreagair esan agus thubhairt e riu, Ciod a dh'aithn Maois dhuibh?

4 Agus thubhairt iadsan, Thug Maois cead duinn litir-dhealachaidh a sgrìobhadh, agus a cur air falbh.

5 Agus fhreagair Iosa agus thubhairt e riu, Air son cruais bhur cridhe, sgrìobh e an àithne so dhuibh.

6 Gidheadh o thoiseach na cruitheachd, rinn Dia iad fear agus bean.

7 Air an aobhar so fagaidh duine 'athair agus a mhàthair, agus dlùth-leanaidh e r'a mhnai-phòda:

8 Agus bithidh iad araon 'n an aon fheoil: ionnus nach dithis iad o sin suas, ach aon fheoil.

9 Air an aobhar sin an ni a chuir Dia cuid-cachd, na cuireadh duine o 'chéile.

10 Agus anns an tigh dh'fheòraich a dheisciobuil deth a ris mu thimchioll an ni cheudna.

11 Agus thubhairt e riu, Ge b'e neach a chuireas air falbh a bhean féin, agus a phòsas bean cile, tha e a' deanamh adhart-rannais 'n a h-aghaidh.

12 Agus ma chuireas bean air falbh a fear féin, agus ma bhitheas i air a pòsadh ri fear eile, tha i a' deanamh adhart-rannais.

13 Agus thug iad leanabain d'a ionnsuidh, chum gu'n beanadh e riu; agus chronuich a dheisciobuil a' mhuinntir a thug leo iad.

14 Ach an uair a chunnaic Iosa *sin*, bha e ro dhiombach, agus thubhairt e riu, Leigibh do na leanabanaibh teachd a m' ionnsuidh, agus na bacadh iad: oir is ann d'an leithidibh a tha rioghachd Dhé.

15 Gu deimhin tha mi ag ràdh ribh, Ge b'e neach nach gabh rioghachd Dhé mar leanabh beag, nach téid e gu bràth a steach innte.

16 Agus ghlac e 'n a uchd iad, agus chuir e a lannan orra, agus bheannaich e iad.

17 Agus an uair a chaidh e mach air an t-slighe, thàinig neach 'n a ruith, agus leig se e féin air a ghluinibh dha, agus dh'fheòraich e dheth, A mhaighstir mhaith, ciod a ni mi chum gu'n scalbhaich mi a' bheatha mhaireannach?

18 Agus thubhairt Iosa ris, C'ar son a ghoireas tu maith dhìomsa? cha-n'eil neach sam bith maith, ach a h-aon, *is e sin Dia*.

19 Is aithne dhuit na h-àitheantan, Na dean adhaltrannas, Na dean mortadh, Na goid, Na toir fianuis bhréige, Na dean eucoir, Thoir urram do d'athair, agus do d' mhàthair.

20 Ach fhreagair esan agus thubhairt e ris, A mhaighstir, choimhid mi iad so uile o m'òige.

21 Agus air amharc do Iosa air, ghràdh-aich se e, agus thubhairt e ris, Tha aon ni dh'uireasbluidh ort: imich, reic na bheil agad, agus tabhair do na bochdaibh, agus bithidh agad ionnhas air nèamh; agus thig, tog an crann-ceusaidh, agus lean mise.

22 Agus bha doilghios air-san air son nam briathran sin, agus dh'fhalbh e gu tùirs-each; oir bha mòran saoihbheis aige.

23 Agus air amharc do Iosa mu'n cuairt, thubhairt e r'a dheisciobluibh, Cia deacair do'n mhuinntir sin aig am bheil mòr-shaoibhreas dol a steach do rioghachd Dhé!

24 Agus bha mòr-uamhas air na deisciobluibh air son a bhriathran. Ach fhreagair Iosa a ris, agus thubhairt e riu, A chlann, cia deacair dhoibh-san a chuireas an dòigh ann an saoihbheas, dol a steach do rioghachd Dhé!

25 Is usadh do chàmhail dol troimh chrò na snàthaid, na do dhuine saoihbhir dol a steach do rioghachd Dhé.

26 Ach bha uamhas orra-san thar tomhas, ag ràdh eatorra féin, Cò na seadh a dh'fheudas a bhi air a shaoradh?

27 Agus air do Iosa amharc orra, thubhairt e, Do dhaoineibh tha so eu-comasach, ach cha-n'eil e do Dhia: oir do Dhia tha na h-uile nithean comasach.

28 Agus thòisich Peadar air a ràdh ris, Feuch, thréig sinne na h-uile nithean, agus lean sinn thusa.

29 Ach fhreagair Iosa, agus thubhairt e,

Gu deimhin tha mi ag ràdh ribh, nach 'eil neach sam bith a dh'fhàg tigh, no bràithrean, no peathraichean, no athair, no màthair, no bean-phòsda, no clann, no fearann, air mo shonsa agus air son an t-soisgeil,

30 Nach faigh a cheud uiread 's an aimsir so féin, tighean, agus bràithrean, agus peathraichean, agus màthraichean, agus clann, agus fearann, maille ri geur-lean-mhuinn; agus anns an t-saoghal a tha ri teachd, a' bheatha mhaireannach.

31 Ach tha mòran air thoiseach, a bhitheas air dheireadh; agus air dheireadh, a *bhitheas* air thoiseach.

32 Agus bha iad air an t-slighe a' dol suas gu Ierusalem: agus bha Iosa ag imeachd rompa; agus ghlac uamhas iad, agus ag dhoibh *esan* a leantuinn, bha eagal orra. Agus thug e an dà fhear dheug air leth a ris, agus thòisich e air na nithean a bha gu tachairt da innsadh dhoibh,

33 *Ag ràdh*, Feuch, tha sinn a' dol suas gu Ierusalem; agus bithidh Mac an duine air a thoirt thairis do na h-àrd-shagartaibh, agus do na sgriobhaicheibh: agus ditiidh iad chum bàis e, agus bheir iad thairis e do na Cinnich;

34 Agus ni iad fanoid air, agus sgiùrsaidh iad e, agus tilgidh iad smugaid air, agus cuiridh iad gu bàs e: agus air an treas là éiridh e a ris.

35 Agus thàinig d'a ionnsuidh Seumas agus Eoin, mic Shebede, ag ràdh, A mhaighstir, is àill leinn gu'n dean thu dhuinne ge b'e ni a dh'iarras sinn.

36 Agus thubhairt esan riu, Ciod a's àill leibh mise a dheanamh dhuibh?

37 Agus thubhairt iadsan ris, Deònuich dhuinne gu'n suidhcamaid, fear air do làimh dheis, agus am fear eile air do làimh chlì, ann ag ghloir.

38 Ach thubhairt Iosa riu, Cha-n aithne dhuibh ciod a tha sibh ag iarraidh: am bheil sibh comasach air a' chupan òl a dh'òlas mise? agus a bhi air bhur baisteadh leis a' bhaisteadh leis am baistear mise?

39 Thubhairt iadsan ris, Tha sinn comasach. Ach thubhairt Iosa riu, Olaidh sibhse gu deimhin an cupan a dh'òlas mise; agus baistear sibh leis a' bhaisteadh leis am baistear mise:

40 Ach suidhe air mo làimh dheis, agus air mo làimh chlì, cha leamsa sin r'a thabhairt, ach dhoibh-san d'an d'ulluicheadh e.

41 Agus air chuinntinn so do'n deichnear, thòisich iad air mòr-chorruich a ghabhail ri Seumas agus Eoin.

42 Ach ghairm Iosa iad d'a ionnsuidh, agus thubhairt e riu, Tha fhios agaibh gu bheil acasan a tha air am meas mar uachdarain air na Cinnich, àrd-thighearnas orra; agus gu bheil aig an daoimibh mòra làn ùghdarras orra.

43 Ach cha bhi e mar sin 'n 'ur measg-sa:

ach ge b'e neach le'n àill a bhi mòr 'n 'ur measg, bithidh e 'n a òglach agaibh :

44 Agus ge b'e neach agaibh le'n àill tois-each a bhi aige, bithidh e 'n a sheirbhiseach do na h-uile.

45 Oir cha d'fhàinig eadhon Mac an duine chum gu'n deantadh frithealadh dha, ach a dheanamh frithealaidh, agus a thoirt 'anama féin mar éiric air sou mhóran.

46 Agus thàinig iad gu Iericho : agus air imeachd dlàsan agus d'a dheisciobluibh, agus do shluagh mòr, a mach a Iericho, bha Bartimeus an dall, mac Thimeuis, 'n a shuidhe ri taobh na slighe, ag iarraidh déirce.

47 Agus an uair a chual e gu'm b'e Iosa o Nasaret a bh'ann, thòisich e ri gladhach, agus ri ràdh, Iosa, Mhic Dhaibhidh, dean tròcair orm.

48 Agus chruaich mòran e, chum gu'm bithheadh e 'n a thòsd : ach bu ro mhòid a ghlaodh esan, A Mhic Dhaibhidh, dean tròcair orm.

49 Agus sheas Iosa, agus dh'àithn e esan a ghairm d'a ionnsuidh : agus ghairm iad an dall, ag ràdh ris, Bithheadh misneach agad, éirich ; tha e ga d'ghairm.

50 Agus air dhàsan 'fballuinn a thilgeadh uaith, dh'éirich e, agus thàinig e gu Iosa.

51 Agus fhreagair Iosa, agus thubhairt e ris, Ciod a's àill leat mise a dheanamh dhuit ? Thubhairt an dall ris, A Thighearna, mi dh'fhaotainn mo radhaire.

52 Agus thubhairt Iosa ris, Imich ; shlàn- uich dc chreidimh thu. Agus air ball fhuair e a radharc, agus lean e Iosa 's au t-slighe.

CAIB. XI.

1 *Mharcaich Iosa gu buadhach do Ierusalem ; 12 mhalluich e a' chraobh air an robh duilleach gun mheas ; 15 ghlan e an teampull ; 20 dh'earalaich e a dheisciobuil iad a bhi seas- mhach 's a' chreidimh, &c.*

AGUS an uair a thàinig iad am fagus do Ierusalem, gu Betphage agus Betani, aig sliabh nan crann-olaidh, chuir e uaith dìthis d'a dheisciobluibh,

2 Agus thubhairt e riu, Rachaibh do'n bhaile ud thall fa blur comhair ; agus air ball an uair a théid sibh a steach ann, gheibh sibh searrach ceangailte, air nach do shuidh aon duine riamh ; fuasglaibh c, agus thugaibh leibh e.

3 Agus ma their neach air bith ruibh, C'ar son a tha sibh a' deanamh so ? abraibh, Gu bheil feum aig an Tighearn air ; agus air ball cuiridh e 'n so e.

4 Agus dh'imich iad, agus fhuair iad an searrach ceangailte a mugh aig an dorus, aig coinneachadh dà shlighe ; agus dh'fhuas- gail iad e.

5 Agus thubhairt cuid dhiubh-san, a bha 'n an seasamh an sin, riu, C'ar son a tha sibh a' fuasgladh an t-searraich ?

6 Agus thubhairt iadsan riu mar a dh'àithn Iosa dhoibh : agus leig iad uatha iad.

7 Agus thug iad an searrach chum Iosa, agus chuir iad am falluinnean air ; agus shuidh esan air.

8 Agus sgaoil mòran am falluinnean féin air an t-slighe : agus ghearr cuid eile geugan de na craobhan, agus sgaoil iad air an t-slighe iad.

9 Agus ghlaodh iadsan a bha 'g imeachd roimhe, agus iadsan a bha 'g a lcantuinn, ag ràdh, Hosanna, is beannaichte an ti a tha 'teachd ann an ainm an Tighearna.

10 Is beannaichte rioghachd ar n-Athar Daibhidh, a tha 'teachd [ann an ainm an Tighearna :] Hosanna anns na h-àrdaibh.

11 Agus chaidh Iosa a steach do Ieru- salem, agus do'n teampull ; agus an uair a dh'amhairc e air gach ni mu'n cuairt, agus a bha 'n feasgar a nis air teachd, chaidh e mach gu Betani maille ris an dà fhear dheug.

12 Agus air an là màireach, 'n uair a chaidh iad a mach a Betani, dh'fhàs e ocrach.

13 Agus air faicinn craoibh-flùge fada uaith, air an robh duilleach, thàinig e, dh'fheuchainn am faighcadh e ni sam bith oirre : agus air dha teachd d'a h-ionnsuidh, cha d'fhuair e ni sam bith ach duilleach ; oir cha robh àn *tionail* nam fige fathast ann.

14 Agus fhreagair Iosa agus thubhairt e rithe, Nar itheadh neach sam bith toradh dhiot-sa o so suas a chaidh. Agus chual a dheisciobuil e.

15 Agus thàinig iad gu Ierusalem : agus chaidh Iosa a steach do'n teampull, agus thòisich e air an dream a bha a' reic agus a' ceannach 's an teampull a chur a mach, agus thilg c thairis bùird luchd-malairt an airgid, agus caithrichean na muinntir a bha 'reic choluman :

16 Agus cha-n fhuilgeadh e gu'n giulain- eadh neach sam bith soitheach troimh an teampull.

17 Agus theagaisg e, ag ràdh riu, Nach 'eil e sgriobhta, Goirear tigh urnuigh de n' thigh-sa leis na h-uile chinnich ? Ach rinn sibhise 'n a gharaidh luchd-reubainu e.

18 Agus chuala na sgriobhaichean agus na h-àrd-shagartan so, agus dh'iarr iad cionnus a dh'fheudadh iad esan a mhilleadh : oir bha 'eagal-san orra, do bhrìgh gu'n robh an sluagh uile fo iongantas mòr r'a theagasg.

19 Agus an uair a bha am feasgar air teachd, chaidh e mach as a' bhaile.

20 Agus air mhaduinn, ag gabhail seachad dhoibh, chunnaic iad an crann-fige air crìonadh o' fhreumhan.

21 Agus air cuimhneachadh do Pheadar, thubhairt e ris, A mhaighstir, feuch, tha a' chraobh-flùge, a mhalluich thu, air crìon- adh.

22 Agus fhreagair Iosa, agus thubhairt e riu, Bitheadh creidimh agaibh 'an Dia.

23 Oir gu deimhin tha mi ag ràdh ribh, ge b'e neach a their ris a' bheinn so, Bi air do thogail, agus air do thilgeadh 's an fhairge, agus nach bi fo amharus 'n a chridhe, ach a chreideas gu'n tachair na nithean a their e, thig gach ni a their e gu crìch dha.

24 Air an aobhar sin tha mi ag ràdh ribh, Ge b'e nithean air bith a dh'iarras sibh ann an urnuigh, creidibh gu'm faigh sibh, agus gheibh sibh.

25 Agus an uair a sheasas sibh a' deanamh urnuigh, maithibh, ma tha ni air bith agaibh an aghaidh aoin duine; chum gu maith bhur n-Athair a tha air nèamh bhur peacaidhean féin duibhse.

26 Ach mur maith sibhse, cha mhò a mhaithes bhur n-Athair a tha air nèamh bhur peacaidhean féin duibhse.

27 Agus thàinig iad a ris gu Ierusalem: agus air dhàsan bhi a' spaisdeireachd anns an teampull, thàinig d'a ionnsuidh na h-àrd-shagartan, agus na sgrìobhaichean, agus na seanairean.

28 Agus thubhairt iad ris, Ciod e an t-ùghdarras leis am bheil thu a' deanamh nan nithean so? Agus cò 'thug dhuìt au t-ùghdarras so chum na nithean so a dheanamh?

29 Agus fhreagair Iosa agus thubhairt e riu, Feòraichidh mise mar an ceudna aon ni dhiubhse, agus freagraibh mi, agus innsidh mise dhuibh-sa ciod e an t-ùghdarras leis am bheil mi a' deanamh nan nithean so.

30 An ann o nèamh, no o dhaoineibh a thàinig baisteadh Eoin? freagraibh mi.

31 Agus bha iad a' reusonachadh eatorra féin, ag ràdh, Ma their sinn, O nèamh; their esan ruinn, C'ar son ma seadh nach do chreid sibh e?

32 Ach ma their sinn, O dhaoineibh; bha cagal an t-sluaigh orra: oir b'e meas gach uile air Eoin gu'm b'fhàidh e gu fìrinneach.

33 Agus air freagairt dhoibh, thubhairt iad ri Iosa, Cha-n'eil fhios againn. Agus fhreagair Iosa agus thubhairt e riu, Cha mhò a dh'inneas mise dhuibhse ciod e an t-ùghdarras leis am bheil mi a' deanamh nan nithean so.

CAIB. XII.

1 *Ann an cosamhlachd an fhìon-lios a shuidhicheadh air tuath mhi-thaingeil, dh'innis Crìosd roimh-laimh diùltadh nan Iudhach, agus gairm nan Cinneach.* 13 Sheachainn e an rìbe a chuir na Phairisich, agus na Herodianaich roimhe, mu thimchioll ìocadh cise do Cheasar; 18 nochd e mearachd nan Sadusach mu thimchioll aiseirigh nam marbh. 41 Mhol e a' bhantrach bhocheil.

AGUS thòisich e air labhairt riu am an cosamhlachdaibh. Shuidhich duine àraidh fìon-lios, agus chuir e gàradh mu'n cuairt air, agus chladhaich e ionad-bruthaidh nam fìon-dhearc, agus thog e tùr,

agus shuidhich e air tuath e, agus ghabh e a thurus as a dhùthaich.

2 Agus 's an àm dhligheach chuir e seirbhiseach a dh'ionnsuidh na tuatha, chum gu'm faigheadh e de thoradh an fhìon-lios o'n tuath.

3 Ach air dhoibh-san esan a ghlacadh, bhuail iad e, agus chuir iad uatha falamh e.

4 Agus a ris chuir e seirbhiseach eile d'an ionnsuidh; agus chlach iad e, agus reub iad a cheann, agus chuir iad uatha e le h-eas-urram.

5 Agus a ris chuir e neach eile d'an ionnsuidh; agus esan mharbh iad: agus mòran eile, a' bualadh cuid diubh, agus a' marbhadh cuid eile.

6 Fathast uime sin, air dha aon Mhac a bhi aige, a b' ionmhuinn leis, chuir e esan mar an ceudna fa dheoidh d'an ionnsuidh, ag ràdh, Bheir iad urram do m' Mhac.

7 Ach thubhairt an tuath sin 'n am measg féin, Is e so an t-oighre; thigibh, marbhamaid e, agus bithidh an oighreachd againn féin.

8 Agus rug iad air, agus mharbh iad e, agus thilg iad a mach as an fhìon-lios e.

9 Ciod e uime sin a ni Tighearn an fhìon-lios? Thig e agus sgriosaidh e'n tuath sin, agus bheir e am fìon-lios do dhaoineibh eile.

10 Nach do leugh sibh an sgriobtur so? A' chlach a dhiùlt na clachairean, rinneadh ceann na h-oisinne dith.

11 Rinneadh so leis an Tighearn, agus is iongantach e 'n ar sùilbh-ne.

12 Agus dh'iarr iad breith air, ach bha eagal an t-sluaigh orra; oir thug iad gu'm b'ann 'n an aghaidh féin a labhair e an cosamhlachd: agus air fhàgail doibh, dh'imich iad rompa.

13 Agus chuir iad d'a ionnsuidh dream àraidh de na Phairisich, agus de luchd-leaumhuinn Heroid, chum gu'n glacadh iad e 'n a chaint.

14 Agus air dhoibh-san teachd, thubhairt iad ris, A mhaighstir, tha fhios againn gu bheil thu a fìrinneach, agus nach 'eil suim agad do neach air bith: oir cha-n'eil thu ag amharc air gnùis dhaoine, ach a' teagasg sliغه Dhé ann am fìrinn. Am bheil e ceadichte cis a thoirt do Cheasar, no nach 'eil? an tabhair, no nach tabhair sinn i?

15 Ach air dhàsan an cealg a thuigsinn, thubhairt e riu, C'ar son a tha sibh ga m' bhuairleadh? thugaibh peghinn a m' ionnsuidh, chum gu'm faic mi i?

16 Agus thug iad d'a ionnsuidh i, agus thubhairt e riu, Cò d'an ìomhaigh so, agus cò d' am buin an sgriobhadh so? Agus thubhairt iadsan ris, Do Cheasar.

17 Agus fhreagair Iosa, agus thubhairt e riu, Thugaibh do Cheasar na nithean a's le Ceasar, agus do Dhia na nithean a's le Dia. Agus ghabh iad iongantas ris.

18 An sin thàinig na Sadusaich d'a ionnsuidh, a tha 'g ràdh nach 'eil aiseirigh ann; agus dh'fheoraich iad deth, ag ràdh,

19 A mhaighstir, sgrìobh Maois dhuinne, Nam faightheadh bràthair duine air bith bàs, agus gu'm fàgadh e bean, agus nach fàgadh e clann, gu'n gabhadh a bhràthair a bhean d'a ionnsuidh, agus gu'n togadh e sìochd d'a bhràthair.

20 A nis bha seachdnar bhràithrean ann: agus ghabh an ceud fhear dhiubh bean, agus an uair a dh'eug e, cha d'fhag e sìochd.

21 Agus ghabh an dara fear i, agus fhuair esan bàs, agus cha nìòd a dh'fhàg esan sìochd: agus an treas fear mar an ceudna.

22 Agus ghabh an t-seachdnar i, agus cha d'fhàg iad sìochd: 'n an dèigh uile, chaochail a' bhean mar an ceudna.

23 Anns an aiseirigh uime sin, an uair a dh'èireas iad, cò dhiubh d'am bean i? oir bha i aig an t-seachdnar 'n a mnaoi.

24 Agus fhreagair Iosa agus thubhairt e riu, Nach 'eil sibh uime sin ann am mearachd, do bhrìgh nach 'eil còlas agaibh air na sgrìobtairibh, no air cumhachadh Dhé?

25 Oir an uair a dh'èireas iad o na maibh, cha phòs iad, ni mò a bheircar am pòsadh iad; ach tha iad mar na h-ainglibh a tha air nèamh.

26 Ach nu thimchioll nam marbh, gu'n éirich iad, nach do'leugh sibh ann an leabhar Mhaois, cionnus a labhair Dia ris anns a' phreas, ag ràdh, Is mise Dia Abraham, agus Dia Isaac, agus Dia Iacob?

27 Cha-n e Dia nam marbh e, ach Dia nam beò: tha sibhse uime sin ann am mearachd mòr.

28 Agus thàinig neach de na sgrìobhaichibh, agus an uair a chual e iadsan a' deasboir-eachd r'a chéile, agus a thug e gu'n do fhreagair e gu maith iad, chuir e ceis air, Cia i a' cheud àithne de na h-àitheantaibh uile?

29 Agus fhreagair Iosa e, 'S i so a' cheud àithne de na h-àitheantaibh uile, Eisd, O Israel, an Tighearn ar Dia-ne, is aon Tighearn e;

30 Agus gràdhaidhidh tu an Tighearn do Dhia le d'uile chridhe, agus le d'uile anam, agus le d'uile inntinn, agus le d'uile neart: is i so a' cheud àithne:

31 Agus is cosmhlach an dara àithne rithe so, Gràdhaidhidh tu do choimhearsnach mar thu féin: cha-n'èil àithne eile ann a's mò na iad so.

32 Agus thubhairt an sgrìobhaiche ris, Is maith, gu frinneach, a Mhaighstir, a thubhairt thu: oir tha aon Dia ann, agus cha-n'èil atharrach ann ach e féin.

33 Agus esan a ghràdhachadh leis an uile chridhe, agus leis an uile thuigse, agus leis an uile anam, agus leis an uile neart, agus neach a ghràdhachadh a choimhearsnaich

mar e féin, is mò sin na na h-uile làn iobairt-can-loisgte, agus thabhartasan.

34 Agus an uair a chunnaic Iosa gu'n do fhreagair e gu tuigseach, thubhairt e ris, Cha-n'èil thu fada o rioghachd Dhé. Agus cha robh de mhìnich aig neach air bith o sin suas ceisid a chur air.

35 Agus fhreagair Iosa agus thubhairt e, a' teagasg anns an teampull, Cionnus a tha na sgrìobhaichean ag ràdh gur e Criosd Mac Dhaibhidh?

36 Oir thubhairt Daibhidh féin troimh an Spiorad naomh, Thubhairt an Tighearn ri m' Thighearn-sa, Suidh air mo làimh dheis, gus an cuir mi do naimhdean 'n an stòl fo d' chosaibh;

37 Air an aobhar sin tha Daibhidh féin a' gairm a Thighearn dheth; cionnusma seadh is e a mhac e? Agus dh'èisd am mòr-shluagh ris gu toilichte.

38 Agus thubhairt e riu 'n a theagasg, Bithibh air bhur faicill o na sgrìobhaichibh, leis an ionmhuinn imeachd ann an eulaidhibh fada, agus fàilte fhaotainn air na margaibh,

39 Agus na ceud eathrichean anns na sionagogaibh, agus na ceud àiteachan-suidhe aig na féillibh:

40 A dh'itheas suas tighean bhantrach, agus air sgàth deadh choslais a ni urnuigh-ean fada: gheibh iad sin an dìteadh a's mò.

41 Agus air do Iosa suidhe fa chomhair àite-coimhid an ionmhais, thug e fainear cionnus a bha 'm pobull a' cur an airgid anns an ionmhas: agus chuir mòran de dhaoineibh saoi-bhir mòran ann.

42 Agus air teachd do bhantraich bho chd, thilg i dà bhonn bheag ann, a dhcanadh feoirling.

43 Agus air dha a dheisciobuil a ghairm d'a ionnsuidh, thubhairt e riu, Gu deimhin tha mi ag ràdh ribh, gu'n do chuir a' bhantrach bho chd so tuilleadh's an ionmhas, na iadsan uile a thilg ann.

44 Oir thilg iadsan uile ann d'am mòr-phailteas; ach thilg ise as a gainne na bha aice uile, cadhon a beathachadh gu h-ionm-lan.

CAIB. XIII.

1 *Dh'innis Criosd roimh laimh sgrìos an teampull, 9 geur-leanmhuinn air son an t-soisgeil, 10 gur éigin an soisgeul a bhà air a shear-monachadh do gach uile chinneach; 14 agus gu'n tig àmhgharan mòra air na h-fhàilich: 24 Dòigh a theachd-san chom breitheanais, &c.*

AGUS an uair a bha e 'dol a mach as an teampull, thubhairt neach d'a dheisciobuibh ris, A Mhaighstir, feuch, ciod e a' ghnè chlach so, agus ciod e a' ghnè aitheibh so!

2 Agus fhreagair Iosa agus thubhairt e ris, An faic thu an aitreabh mhòr so? cha-n

fhàgar clach air muin cloiche, nach sgarar o' chéile.

3 Agus 'n uair a shuidh e air sliabh nan crann-olaidh, fa chomhair an teampuill, dh'fheòraich Peadar, agus Seumas, agus Eoin, agus Aindreas 'an uaignidheas deth,

4 Innis duinne c'uin a bhitheas na nithean sin, agus ciod e 'n comharadh 'n uair a bhitheas na nithean sin gu léir air an coimhlionadh.

5 Agus fhreagair Iosa iad, agus thòisich e air a ràdh, Thugaibh an aire nach meall aon neach sibh:

6 Oir thig mòran ann am ainm-sa, ag ràdh, Is mise e: agus meallaidh iad mòran.

7 Agus an uair a chluinneas sibh cogannan, agus tuairisgeul chogannan, na bitheadh buaireas oirbh: oir is éigin iad so teachd; ach cha-n'èil a chrìoch ann fathast.

8 Oir éiridh cinneach an aghaidh cinnich, agus rìoghachd an aghaidh rìoghachd: agus bithidh crithcamann talmhainn ann an iomadh àit, agus bithidh gorta agus trioblaidhean ann: is iad sin toiseach dhòruinnean.

9 Ach thugaibh an aire dhuibh féin: oir bheir iad thairis sibh do chomhairlibh: agus anns na sionagogaibh sgiùrsar sibh, agus cuirear sibh an làthair uachdaran agus rìghrean air mo shonsa, mar fhianuis dhoibh-san.

10 Agus is éigin air tùs an soisgeul a bhi air a shearmonachadh do na h-uile chinnich.

11 Ach an uair a bheir iad leo sibh, 'g 'ur tabhairt thairis, na bitheadh e 'n a ro-chlùran oirbh ciod e a labhras sibh, agus na smuainichibh roimh-laimh air: ach ge b'e ni a bheirear dhuibh 's an uair sin féin, abraibh e: oir cha sibhse a tha 'labhairt, ach an Spiorad naomh.

12 Agus bheir an bràthair a bhràthair thairis chum bàis, agus an t-athair a mhac: agus éiridh a' chlann suas an aghaidh an parantan, agus bheir iad fainear an cur gu bàs.

13 Agus bithidh sibh air bhuir fuathachadh leis na h-uile dhaoineibh air sgàth m'ainm-sa: ach an ti a bhuanacheas chum na crìche, is e so a shaorar.

14 Ach an uair a chi sibh gràineileachd an léir-sgrìos, air an do labhair Daniel am faidh, 'n a seasamh anns an ionad 's nach bu chòir dhi, (tuigeadh an ti a leughas,) an sin teicheadh iadsan, a tha ann an tìr Iudea, chum nam beann:

15 Agus na tigeadh esan a tha air mullach an tìghe, a nuas do'n tìgh, agus na rachadh e steach, a thoirt ni air bith as a thigh.

16 Agus an ti a tha 's a' mhachair, na pill-cadh e air as a thogail 'fhalbh leis.

17 Ach mo thruaigh iad na muathan sin a tha torrach, agus iadsan a tha 'toirt cìche 's na làithibh sin!

18 Agus guidhibh-sa gun bhuir teicheadh a bhi 's a' gheamhradh.

19 Oir bithidh àmhghar anns na làithibh sin, amhuil nach robh a leithid ann o thoiseach na cruitheachd a chruthaich Dia, gus a nis, agus nach mò a bhitheas.

20 Agus mur giorraicheadh an Tighearn na làithean ud, cha rachadh feoil air bith as: ach air son an t-sluaigh thaghta, a thagh e féin, ghiorraich e na làithean ud.

21 Agus an sin na their neach air bith ribh, Feuch, tha Crìosd an so, no, Feuch, tha e 'n sin, na creidibh e:

22 Oir éiridh Crìosdan bréige, agus faidhean bréige, agus ni iad comharan, agus mìorb huilean, chum, nam bu chomasach e, na daoine taghta féin a mhealladh.

23 Agus thugaibh-sa an aire: feuch, roinnhinis mi dhuibh na h-uile nithean.

24 Ach anns na làithibh sin, an déigh an àmhghair ud, bithidh a' ghrian air a dorchachadh, agus cha toir a' ghealach a solus uaipe;

25 Agus tuitidh reultan nèimh, agus bithidh na cumhachdan a tha 's na nèamhan air an crathadh.

26 Agus an sin chi iad Mac an duine a' teachd anns na neulaibh, maille ri mòr-chumhachd, agus glòir.

27 Agus an sin cuiridh e 'aingil a mach, agus cruinnichidh e 'ra chéile a dhaoine taghta féin o na ceithir gaothaibh, o leth-iomall na talmhainn gu leth-iomall nèimh.

28 A nis fòghlamaibh cosamhlachd o 'n chraoibh-fhìge: An uair a bhitheas a goug a nis maoth, agus a chuireas i mach a duilleach, tha fhios agaibh gu bheil an samhradh an fagus:

29 Agus mar an ceudna sibhse, an uair a chi sibh na nithean sin a' tachairt, biodh fhios agaibh gu bheil e 'm fagus, eadhon aig na dorsaibh.

30 Gu deimhin tha mi ag ràdh ribh, nach téid an gincalach so thairis, gus an coimhlionar na nithean sin uile.

31 Théid nèamh agus talamh seachad; ach cha téid m' fhocail-sa seachad a chaoidh.

32 Ach cha-n'èil fios an là no na h-uaire sin aig neach air bith, cha-n'èil aig na h-ainglibh a tha air nèamh, no aig a' Mhac, ach aig an Athair.

33 Thugaibh fainear, deanaibh faire agus urnuigh: oir cha-n'èil fhios agaibh c'uin a thig an t-àm.

34 Oir tha Mac an duine mar dhuine a chaidh air thurus, agus a dh'fhàg a thigh féin, agus a thug d'a sheirbhìsch cumhachd, agus 'obair féin do gach neach, agus a thug àithne do'n dorsair faire a dheanamh.

35 Uime sin deanaibh-sa faire, (oir cha-n'èil fhios agaibh c'uin a thig maighstir an tìghe; an ann air fcasgar, no air mheadhonnoidheche, no aig gairm-choileach, no anns a' mhaduinn;)

36 Air eagal air teachd dha gu h-obann, gu'm faigh e sibh 'n 'ur codal.

37 Agus na nithcan a tha mi ag ràdh ribhse, tha mi ag ràdh ris na h-uile dhaoineibh, Deanaibh faire.

CAIB. XIV.

1 *Comhairle an aghaidh Chrìosd.* 3 *Dhòirteadh olaidh phrìseil air a cheann.* 10 *Reic Iudas a Mhaighstir air son airgid.* 12 *Tha Chrìosd fèin an innsadh roimh-làimh cionnus a bha e gu bhith air a bhrath le h-aon d'a dheisciobuibh.* 22 *Dh'òrdurch e an t-sùipeir naomh, &c.*

AGUS bha a' chàisg, agus fèill an arain neò-ghoirtichte an deigh dà là: agus dh'farr na h-àrd-shagartan agus na sgrìobhaichean, cionnus a ghlacadh iad esan ie foill, agus a chuireadh iad gu bàs e.

2 Ach thubhairt iad, Cha-n ann air an fhéill, air eagal gu'n éirich buaireas am measg an t-sluaigh.

3 Agus air dha bhi ann am Betani, ann an tigh Shimoin an lobhair, an uair a bha e 'n a shuidhe air bòrd, thàinig bean, aig an robh bocsa alabastair de olaidh spiciuair, ro luachmhoir; agus bhris i am bocsa, agus dhòirt i air a cheann e.

4 Agus bha euid diubh diombach anna fèin, agus ag ràdh, 'Car son a rinneadh an t-ana-caitheada os air an olaidh?

5 Oir dh'fheadadh i bhith air a reic air son tuilleadh na trì cheud peghinn, agus air a toirt do na bochdaibh. Agus rinn iad gearan 'n a h-aghaidh.

6 Ach thubhairt Iosa, Leigibh leatha: e'ar son a tha sibh a' cur dragha oirre? rinn i obair mhaith ormsa.

7 Oir tha na bochdan a ghnàth màille ribh, agus ge b'e uair is àill leibh, feudaidh sibh maith a dheanadh dhoibh: ach cha-n'èil mise a ghnàth agaibh.

8 Rinn i na dh'fheadadh i: thàinig i roimh-làimh a dh'ungadh mo chuirp chum adhaic.

9 Gu deimhin tha mi ag ràdh ribh, Ge b'e earrann air bith air feadh an domhain uile ann bi an soisgeul so air a shearmonachadh, bithidh mar an ceudna an ni so a rinn i air innsadh. mar chuimhne oirre.

10 Agus dh'imich Iudas Iscariot, aon de'n dà fhear dheug, chum nan àrd-shagart, gu esan a bhrath dhoibh.

11 Agus 'n uair a chual iadsan so, bha iad aoibhneach, agus gheall iad airgid a thoirt da. Agus dh'farr e cionnus a dh'fheadadh e gu h-iomchuidh esan a bhrath.

12 Agus air a' cheud là de fhéill an arain neo-ghoirtichte, an uair bu ghaath leo an t-uam chàisge a mharbhadh, thubhairt a dheisciobuil ris, C'ait an toil leat sinne dhol a dh'ullachadh, chum gu'n ithcadh tu a' chàisg?

13 Agus chuir e dithis d'a dheisciobluibh, agus thubhairt e riu, Rachaidh a steach do'n bhaile, agus coinnichidh duine sibh a' giùlaidh soithich uisge: leanaidh e.

14 Agus ge b'e àit an téid e stigh, abraidh-

sa ri fear-an-tighe, Tha am Mhaighstir ag ràdh, C'ait am bheil an seòmar aoidheachd, anns an ith mi a' chàisg maille ri m' dheisciobluibh?

15 Agus nochdaidh esan dhuibh seòmar àrd, farsuinn, 'n a làn uidheam agus deas-aichte: an sin ulluichibh dhuinn.

16 Agus chaidh a dheisciobuil a mach, agus thàinig iad do'n bhaile, agus fluair iad mar thubhairt e riu: agus dh'ulluich iad a' chàisg.

17 Agus air teachd do'n fheasgar, thàinig esan maille ris an dà fhear dheug.

18 Agus an uair a bha iad 'n an suidhe, agus ag ithcadh, thubhairt Iosa, Gu deimhin tha mi ag ràdh ribh, gu'm brath aon agaibhsa, a tha 'g ithcadh maille rium, mise.

19 Agus thòisich iad air a bhli dubhach, agus air a ràdh ris an déigh a chéile, Am mise e? agus fear eile, Am mise e?

20 Agus air freagairt dhàsan thubhairt e riu, Is fear de'n dà fhear dheug e, a tha 'tumadh maille riumsa 's a' mhèis.

21 Tha mac an duine gu deimhin ag im-eachd, mar tha e sgrìobhta uime, ach is an-aobhinn do'n fhear sin le'm brathar Mac an duine: bu mhaith do'n duine sin mur beirtcadh riamh e.

22 Agus ag ithcadh dhoibh, ghlac Iosa aran, agus an déigh a bheannachadh, bhris e, agus thug e dhoibhsan e, agus thubhairt e, Gabhaibh, ithibh: is e so mo chorp-sa.

23 Agus air glacadh a' chupain, agus air tabhairt buidheachais, thug e dhoibhsan e: agus dh'òl iad uile as.

24 Agus thubhairt e riu, Is i so m'fhuil-sa an Tionnaidh-nauidh, a dhòirtear air son mhòran.

25 Gu deimhin tha mi ag ràdh ribh, Nach òl mi nì's mò de thoradh na fionain, gus an là sin 's an òl mi nuadhe ann an riochachd Dhé.

26 Agus air dhoibh laoidh a sheinn, chaidh iad a mach gu sliabh nan crann-olaidh.

27 Agus thubhairt Iosa riu, Gheibh sibh uile oibheum annam-sa an nochd: oir tha e sgrìobhta, Buailidh mi am buachaill, agus sgapar na caoraich.

28 Ach an déigh dhomh éirigh, théid mi roimhibh do Ghalile.

29 Ach thubhairt Peadar ris, Ged fhaigh iadsan uile oibheum annad, gidheadh cha-n fhaigh mise e.

30 Agus thubhairt Iosa ris, Gu deimhin tha mi ag ràdh riut, An diugh, air an oidheche so féin, mu'n goir an coileach dà uair, gu'n àicheadh thusa mi trì uairean.

31 Ach is ro mhòid a thubhairt esan, Ged is éigin domh am bàs fhulang maille riut, cha-n àicheadh mi claidh thu. Agus mar sin thubhairt eadh uile mar an ceudna.

32 Agus thàinig iad gu ionad d'am b'ainm Getsemane; agus thubhairt e r'a dheisciobluibh, Suidhibh-sa an so, gus an dean mise urnuigh.

33 Agus thug e leis Peadar, agus Seumas, agus Eoin, agus thlòisich e air a bhi fo uamhunn, agus fo anabarra bròin.

34 Agus thubhairt e riu, Tha m'anam ro bhrònach, eadhon gu bàs : fanaibh-sa an so, agus deanaibh faire.

35 Agus chaidh e beagan air aghaidh, agus thuit e air an talamh, agus rinn e urnuigh, nam bu chomasach e, gu'n rachadh an uair thairis air.

36 Agus thubhairt e, Abba, Athair, tha gach ni so-dheanta dhuitse ; cuir an cupan so seachad orm : gidheadh, na b'e an ni a b'aill leamsa, ach an ni a's toil leatsa.

37 Agus thàinig e, agus fhuair e iadsan 'n an codal, agus thubhairt e ri Peadar, A Shimoin, am bheil thu a'd chodal? nach b'urrainn thu faire a dheanamh aon uair?

38 Deanaibh faire agus urnuigh, chum nach tuit sibh ann am buaireadh : *tha* an spiorad gu deimhin togarrach, ach *tha* an fìneol anmhuinn.

39 Agus air dha imcacadh a ris, rinn e urnuigh, ag ràdh nam briathran ceudna.

40 Agus an uair a phill e, fhuair e iad a ris 'n an codal, (oir bha'n sùilean trom), agus cha robh fhios aca cionnus a bheircadh iad freagradh air.

41 Agus thàinig e an t-seann uair, agus thubhairt e riu, Coidilbh roimhibh a nis, agus gabhaibh fois : is leoir e, thàinig an uair; feuch, tha Mac an duine air a bhrath thairis do làmhnan nam peacach.

42 Eiribh, imicheamaid; feuch, tha an ti a bhrathas mise am fagus.

43 Agus air ball, air dha bhi fathast a' labhairt, thàinig Iudas, aon de'n dà fhear dheug, agus sluagh mòr maille ris le claidhibh agus bataichibh, o na h-àrd-shagartaibh, agus na sgrìobhaichibh, agus na seanairibh.

44 Agus bha an ti a bhrath esan air toirt comharaidh dhoibh, ag ràdh, Ge b'e neach d'an toir mise pòg, is e sin e; glacaibh e, agus thugaibh leibh e gu tèaruinte.

45 Agus air teachd dha, chaidh e air ball d'a ionnsuidh-san, agus thubhairt e, Fàilte dhuit, a mhaighstir; agus phòg se e.

46 Agus chuir iadsan làmh ann, agus ghlac iad e.

47 Agus air tarruing claidheimh do fhear de na bha làthair, bhual e òglach an àrd-shagairt, agus ghearr e a chluas deth.

48 Agus fhreagair Iosa agus thubhairt e riu, An d'fhàinig sibh a mach gu mo ghlac-adh-sa, mar gu'm b'ann an aghaidh fr-reubainn le claidhibh agus le bataichibh?

49 Bha mi gach là maille ribh 's an team-pull, a' teagasg, agus cha do ghlac sibh mi: ach *tha* so chum gu'm bitheadh na sgrìobtuirean air an coimhlionadh.

50 Agus air do na h-uile a thréigsinn, theich iad.

51 Agus lean òganach àraidh e, aig an

robh lìon-eudach air a chur m'a chorp lomnochd; agus rug na h-òganaich air.

52 Ach air dhàsan an lìon-eudach fhàgail, theich e lomnochd uatha.

53 Agus thug iad leo Iosa chum an àrd-shagairt: agus chruinnicheadh maille ris na h-àrd-shagartan uile, agus na seanairean, agus na sgrìobhaichean.

54 Agus lean Peadar e fada uatha, gus an deachaidh e steach do thalla an àrd-shagairt: agus bha e 'n a shuidhe maille ris na seirbhisich, agus 'g a gharadh ris an teine.

55 Agus dh'farr na h-àrd-shagartan, agus a' chomhairle uile fianuis an aghaidh Iosa, chum a chur gu bàs; agus cha d'fhuair iad.

56 Oir rinn mòran dhaoine fianuis bhréige 'n a aghaidh, ach cha do chòird am fianuis r'a chèile.

57 Agus dh'éirich dream àraidh, agus thug iad fianuis bhréige 'n a aghaidh, ag ràdh,

58 Chuala sinne e ag ràdh, Leagaidh mi sìos an teampull so, a rinneadh le làmhnan, agus ann an trì làithibh, togaidh mi teampull eile neo-dheanta le làmhnan.

59 Agus mar sin fèin cha robh am fianuis a' teachd air a chèile.

60 Agus air éirigh suas do'n àrd-shagart 's a' mheadhon, chuir e ceisd air Iosa, ag ràdh, Nach toir thu freagradh air bith uait? ciod sin ma bheil iad so a' toirt fianuis a'd' aghaidh?

61 Ach dh'fhan esan 'n a thosd, agus cha do fhreagair e ni sam bith. A ris dh'fhèorraich an t-àrd-shagart deth, agus thubhairt e ris, An tu Crìosd, Mac an tì bheannaichte?

62 Agus thubhairt Iosa, Is mi: agus chi sibh Mac an duine 'n a shuidhe air deas làimh cumhachd *Dhè*, agus a' teachd le neulaibh nèimh.

63 An sin reub an t-àrd-shagart 'eudach, agus thubhairt e, Ciod am feum a tha againn tuilleadh air fianuisibh?

64 Chuala sibh an toibheum: ciod i bhur barail-sa? Agus thug iad uile breth 'n a aghaidh gu'n do thoill e am bàs.

65 Agus thòisich cuid diubh air smugaid a thilgeadh air, agus a'ghaidh fholach, agus a bhualadh le'n dornaibh, agus a radh ris, Dean fàidheadaireachd: agus ghabh na seirbhisich le 'm basaibh air.

66 Agus air do Pheadar a bhi shìos anns an talla, thàinig aon de bhanoglaich an àrd-shagairt:

67 Agus an uair a chunnaic i Peadar 'g a gharadh, agus air dhi beachdachadh air, thubhairt i ris, Bha thusa cuideachd maille ri Iosa o Nasaret.

68 Ach dh'àicheadh esan, ag ràdh, Cha-n aithne dhomh, agus cha-n cil mi 'tuigsinn ciod a tha thu 'g ràdh. Agus chaidh esan a mach do'n fhor-dhorus; agus ghoir an coileach.

69 Agus air do bhanoglaich fhaicinn a ris, thòisich i air a ràdh riu-san a bha 'n an seasamh a làthair, Is ann diubh a tha 'm fear so.

70 Agus dh'àicheadh e ris. Agus an ceann beagan ùine 'n a dhéigh sin, thubhairt iadsan a bha 'n an seasamh a làthair a ris ri Peadar, Gu firinneach is ann diubh sud thu: oir is Galiléach thu, agus is cosmhuil do chainut riu.

71 Ach thòisich esan air mallachadh agus air miounachadh, *ag ràdh*, Cha-n aithne dhomh an duine so mu 'm bheil sibh a' labhairt.

72 Agus ghoir an coilcach an dara uair. Agus chuimhnich Peadar am focal a thubhairt Iosa ris. Mu'n goir an coilcach dà uair, àicheadhaidh tu mi tri naireau. Agus an uair a smuainich e air, ghlu e.

CAIB. XV.

1 *Thugadh Iosa ceangailte an làthair Philait.*

15 *Air son glaothaich an t-sluaigh chaidh mortair, eadhon Barabas, a leigeil as, agus Iosa a thoirt thairis gu bhì air a cheusadh:*

17 *Chuireadh coron sgithich air, 19 chaidh smugaid a thilgeadh air, 20 agus fanoid a dheanamh air. 21 Chuir iad Simon aghiulan a' chroim-cheusaidh; 27 chrochadh e eadar dà ghaduiche, &c.*

AGUS air ball 's a' mhaduinn chum na h-àrd-shagartan maille ris na scan-airibh, agus na sgrìobhaichibh, agus a' chomhairle gu h-iomlan, comhairle, agus air dhoibh Iosa a cheangal, thug iad leo e, agus thug iad thairis e do Philat.

2 Agus dh'fhiosraich Pilat deth, An tusa rìgh nan Iudhach? Agus air freagairt dha, thubhairt e ris, Thubhairt thu e.

3 Agus chuir na h-àrd-shagartan mòran de nithean as a leth: ach cha do fhreagair esan aon ni.

4 Agus chuir Pilat a ris ceisd air, ag ràdh, Nach freagair thu ni sam bith? feuch cia lìon ui air am bheil iad sin a' toirt fianuis a'd' aghaidh.

5 Ach cha do fhreagair Iosa ni sam bith tuilleadh; air chor as gu'n do ghabh Pilat iongantas.

6 A nis air an fhéill bu ghnàth leis aon phriosanach, ge b'e air bith a dh'iarraidh iad, a leigeadh as doibh.

7 Agus bha neach òraidh d'am b'ainm Barabas, ceangailte maille r'a chompanaich-ceannaire, muinntir a bha air deanamh mortaidh anus a' cheannaire.

8 Agus air glaothaich gu h-àrd do'n t-sluagh, thòisich iad air iarraidh air, a dheanamh dhoibh mar a rinn e 'an còmh-nuidh.

9 Ach fhreagair Pilat iad, ag ràdh, An àill leibh bu cuir mi Rìgh nan Iudhach fa sgaoil duibh?

10 (Oir bha fhios aige gu'm b'ann troimh fharmaid a thug na h-àrd-shagartan thairis e.)

11 Ach bhrosnuich na h-àrd-shagartan, an sluagh, chum gu'm b'fhearr leis Barabas a chur fa sgaoil doibh.

12 Agus fhreagair Pilat, agus thubhairt e riu a ris, Ciod na seadh a's àill leibh mi a dheanamh ris an duine sin, d' an goir sibh Rìgh nan Iudhach?

13 Agus ghlaodh iad a ris, Ceus e.

14 An sin thubhairt Pilat riu, C'ar son, ciod e 'n t-òle a rinn e? Ach bu ro mhòid a ghlaodh iadsan, Ceus e.

15 Agus air do Philat a bhi toileach gunòmh taitneach a dheanamh do'n t-sluagh, dh'fhuasgail e Barabas dhoibh, agus thug e thairis Iosa, an déigh dha a sgiùrsadh, chum a cheusadh.

16 Agus thug na saighdearan leo e steach do'n talla, eadhon churt an uachdarain: agus ghairm iad a' chuideachd uile an ceann a chéile.

17 Agus chuir iad uime eudach purpur, agus air dhoibh coron droighinn fhigheadh, chuir iad air e.

18 Agus thòisich iad air beannachadh dha, *ag ràdh*, Fàilte dhuit, a Rìgh nan Iudhach!

19 Agus bhuail iad 's a' cheann e le slait chuilce, agus thilg iad smugaid air, agus a' lùbadh an glùn, rinn iad aoradh dha.

20 Agus an déigh dhoibh fanoid a dheanamh air, thug iad deth an t-eudach purpur, agus chuir iad 'eudach féiu uime, agus thug iad a mach e chum gu'n ceusadh iad e.

21 Agus dh'éignich iad duine àraidh a bha 'dol seachad, Simon o Chireue, (athair Alecandeir agus Rufuis, a bha 'teachd as a' mhachair), chum a chrannc-eusaidh a ghiulan.

22 Agus thug iad e gu ionad d'am b'ainm Golgota, is e sin air cadar-theangachadh, àite cloiginn.

23 Agus thug iad da r'a òl, fìon air a mheasgadh le mirr: ach cha do ghabh esan e.

24 Agus an uair a cheus iad e, roinn iad a thrusgan, a' tilgeadh croinn air, ciod a' chuid a bhiodh aig gach duine dheth.

25 Agus bha 'n treas uair anu; agus cheus iad e.

26 Agus bha sgrìobhadh a chùise-ditidh air a sgrìobhadh os a cheann, RÌGH NAN IUDHACH.

27 Agus cheus iad maille ris dà ghaduiche; fear air a làimh dheis, agus fear air a làimh chli.

28 An sin choimhlionadh an sgrìobtuir, a thubhairt, Agus bha e air àireamh am measg nan ciontach.

29 Agus thug iadsan a bha 'dol seachad anacaint da, a' crathadh an ceann, agus ag ràdh, O thusa a leagas an teampull, agus a thogas e ann an trì làithibh,

30 Fòir ort féin, agus thig a mnas o'n chrannc-cheusaidh.

31 Agus mar an ceudna thubhairt na h-àrd-shagartan agus na sgrìobhaichean r'achèile, a' fanoid air, Shaor e daoine eile; cha-n'eil e comasach air e fèin a shaoradh.

32 Thigeadh a nis Crìosd Rìgh Israeil a nuas o'n chrann-cheusaidh, chum gu'm faic agus gu'n creid sinn. Agus thug iadsan a chaidh a cheusadh maille ris, anacaint da.

33 Agus an uair a thàinig an seathamh uair, bha dorchadas air an talamh uile, gu ruig an naothamh uair.

34 Agus air an naothamh uair dh'éigh Iosa le guth àrd, ag ràdh, Eloi, Eloi, lama sabachtani? is e sin, air eadar-theangachadh, Mo Dhia, mo Dhia, c'ar son a thréig thu mi?

35 Agus air cluinntinn sin do chuid diubh-san a bha 'n an seasamh a làthair, thubhairt iad, Feuch, tha e a' gairm Eliais.

36 Agus ruith fear dhiubh, agus air dha spòg a lìonadh de fhìon geur agus a cur air slait chuilce, thug e deoch dha, ag ràdh, Leigibh leis; faiccamaid an tig Eliais g'a thoirt a nuas.

37 Agus air do Iosa éigheach le guth àrd, thug e suas an deò.

38 Agus bha brat-roinn an teampull air a reubadh 'n a dhà chuid o mhullach gu ìochdar.

39 Agus an uair a chunnaic an ceannard-ceud, a bha 'n a sheasamh fa chomhair, gu'n d'thug e suas an deò, a' glaochaich mar sin, thubhairt e, Gu fìrinneach b'e 'n duine so Mac Dhé.

40 Agus bha mar an ceudna mnathan 'am fad uatha ag amharc: 'n am meas sin bha Muire Magdalen, agus Muire màthair Sheumais a bu lugha, agus Ioseis, agus Salome;

41 Muinntir a lean e mar an ceudna, an uair a bha e ann an Galile, agus a bha 'frithealadh dha; agus mòran eile de mhnaibh a chaidh suas maille ris gu Ierusalem.

42 Agus a nis air teachd do'n fheasgar, (a chionn gu'm b'e là an ullachaidh e, cadhon an là roimh an t-sàbaid,)

43 Thàinig Ioseph o Arimatea, comhairleach mramach, aig an robh mar an ceudna suil ri rìoghachd Dhé, agus chaidh e steach gu dàna dh'ionnsuidh Philat, agus dh'iarr e corp Iosa.

44 Agus b'ìoghnadh le Pilat ma bha e cheana marbh: Agus air dha an ceannard-ceud a ghairm, dh'fhiosraich e dheth, An robh fad' o fhuair e bàs.

45 Agus air dha fios fhaotainn o'n cheannard-ceud, thug e 'n corp do Ioseph.

46 Agus cheannaich esan lìon-eudach grinn, agus thug e nuas e, agus phaisg e 's an lìon-eudach e, agus chuir se e ann an uaigh a chladhaicheadh & carraig, agus charuich e clach gu doras na h-uaighe.

47 Agus dh'annhair Muire Magdalen, agus

Muire màthair Ioseis, air an àite 's an do chuireadh e.

CAIB. XVI.

1 Chuir aingeal 'an cèll aiseirigh Chrìosd do tìrì mnaibh. 9 Dh'hoillsicheadh Crìosd do Mhuire Magdalen: 12 Chunnacas e le dithis a bhà 'dol do'n dùthaich; 14 an déigh sin leis na h-Abstoil: 15 chuir e mach iad a shear-monachadh an t-soisgeil; 19 agus chaidh e fèin suas gu nàmh.

A GUS air dol do'n t-sàbaid seachad, cheannaich Muire Magdalen, agus Muire màthair Sheumais, agus Salome, spìosraidh deadh fhàile, chum air dhoibh teachd gu'n ungadh iad e.

2 Agus thàinig iad gu ro mhoch air mad-uinn a' cheud là de'n t-seachdain chum na h-uaighe, aig éirigh na gréine.

3 Agus thubhairt iad eatorra fèin, Cò a charuicheas dhuinn a' chlach o dhorus na h-uaighe?

4 (Agus air dhoibh amharc, chunnaic iad gu'n robh a' chlach air a h-atharrachadh air falbh,) oir bha i ro mhòr.

5 Agus air dhoibh dol a stigh do'n àit-adhlacaidh, chunnaic iad òganach 'n a shuidhe air an làimh dheis, mu 'n robh trusgan fada geal; agus bha eagal orra.

6 Agus thubhairt esan riu, Na bitheadh eagal oirbh: tha sibh ag iarraidh Iosa o Nasaret, a cheusadh: dh'éirich e, cha-n'eil e 'n so: faicibh an t-àit anns an do chuir iad e:

7 Ach imichibh, innsibh d'a dheisciobluibh agus do Pheadar, gu bheil e dol roimhibh do Ghalile: chi sibh an sin e, mar thubhairt e ribh.

8 Agus air dol a mach dhoibh, theich iad o'n uaigh; oir bha ball-chrith agus uamhuinn orra: agus cha dubhairt iad ni sam bith ri neach air bith; oir bha cagal orra.

9 Agus air éirigh do Iosa 's a' mhaduinn air a' cheud là de'n t-seachdain, nochdadh e air tùs do Mhuire Magdalen, as an do thig e seachd deamhain.

10 Agus air imeachd dhise, dh'innis i sin dhoibh-san a bha maille ris, agus iad ri bròn agus gul.

11 Agus iadsan, an uair a chual' iad gu'n robh e beò, agus gu'm facadh leatha-sa e, cha do chreid iad.

12 'N a dhéigh sin, nochdadh e do dhithis diubh ann an cruth eile, ag imeachd dhoibh, agus iad a' dol do'n dùthaich.

13 Agus dh'imich iadsan agus dh'innis iad e do chàch: agus cha mhò a chreid iad iadsan.

14 An déigh sin nochdadh e do'n aon fhear deug, agus iad 'n an suidhe aig biadh, agus thig e orra ann mi-chreidinn, agus an cruas-cridhe, a chionn nach do chreid iad iadsan a chunnaic e an déigh dha éirigh.

15 Agus thubhairt e riu, Imichibh air

feadh an t-saoghail uile, agus searmonaichibh an soisgeul do gach dùil.

16 Ge b'e 'chreideas agus a bhaistear, saorar e, ach ge b'e nach creid, dìtear e.

17 Agus leanaidh na comharan so an dream a chreideas: Am am ainm-sa tilgidh iad a mach deamhaiu; labhraidh iad le teangaibh nuadha;

18 Togaidh iad nathraichean nimhe; agus ma dh'òlas iad ni air bith marbhtach, cha

chiùrr e iad; cuiridh iad an làmh air daoinibh tinne, agus bithidh iad slàn.

19 Mar sin an dèigh do'n Tighearn labhairt riu, ghabhadh suas gu nèamh e, agus shuidh e air deas làimh Dhé.

20 Agus air dhoibh-san dol a mach, shearmonaich iad anns gach àit, air bhì do'n Tighearn a' co-oibreachadh leo, agus a' daingneachadh an fhocail leis na comhar-aibh a lean e. Amen.

AN SOISGEUL

A REIR

LUCAS.

CAIB. I.

1 *Ròimh-radh Lucais d'a shoisgeul gu h-ìomlan.*
5 *Ghabhadh Eoin Baistidh 'am broinn Elisabet.* 26 *agus Chrìost 'am broinn Mhuire.* 39 *Fàidheadaireachd Elisabet, agus Mhuire mu thimchioll Chrìost.* 57 *Breith Eoin Baistidh.*

DO bhrìgh gu'n do ghabh mòran os làimh eachdraidh a sgrìobhadh ann an ordugh air na nithibh sin a tha air an coimhlionadh 'n ar measg-ne,

2 A réir mar a dh'aithris na daoine sin dhuinne iad, a chunnaic iad o thùs le 'n sùilibh, agus a bha 'n an luchd-frithealaidh an fhocail:

3 Chunnacas iomchuaidh dhomh-sa mar an ceudna, a Theophilus ro oirdheirc, air faotainn dearbh fhios nan uile nithean dhomh o'n fhìor thoiseach, sgrìobhadh a d' ionnsuidh-sa 'an ordugh,

4 Chum gu'm bitheadh fios agad air cinnteachd nan nithean anns an deachaidh do theagasg.

5 **B**HA ann an làithibh Heroid rìgh Iudea, sagart àraidh d'am b'ainm Sacharias, de sheal Abia: agus bha a bhean de nigheanaibh Aaroin, agus b'ainm dhi Elisabet.

6 Agus bha iad le 'chéile ionraic 'am fianuis Dhé, ag imeachd ann an uile àitheantaibh agus ordughibh an Tighearna, gu neo-lechdach.

7 Agus cha robh duine cloinne aca, do bhrìgh gu'n robh Elisabet neo-thorrach, agus bha iad le 'chéile aosmhor.

8 Agus tharladh, am feadh a bha esan a' frithealadh mar shagart an làthair Dhé ann an ordugh a sheala,

9 A réir gnàtha na sagartachd, b'e a chramchur tùis a losgadh, air dha dol a steach do theampull an Tighearna.

10 Agus bha coimhthional an t-sluaigh uile a' deanamh urnuigh a muigh, ri àm na tùise.

11 Agus chunnacas leis-san aingeal an Tighearna 'n a sheasamh air taobh deas altarach na tùise.

12 Agus an uair a chunnaic Sacharias e, bha e fo thrioblaid, agus thuit eagal air.

13 Ach thubhairt an t-aingeal ris, Na gabh eagal, a Shacharias; oir fluair d'urnuigh éisdeachd, agus beiridh do bhean Elisabet mac dhuit, agus bheir thu Eoin mar ainm air.

14 Agus bithidh aoibhneas agus subhachas ort; agus ni mòran gairdeachas r'a bhreith.

15 Oir bithidh e mòr an làthair an Tighearn, agus cha-n òl e fion no deoch làidir: agus bithidh e air a lìonadh leis an Spiorad naomh, eadhon o bhroinn a mhàthar.

16 Agus pillidh e mòran de chloinn Israeil chum an Tighearna an Dé.

17 Agus thèid e roimhe-san ann an spiorad agus ann an cumhachd Eliais, a thionndadh cridhe nan aithrichean chum ua cloinne, agus nan eas-umhal gu gliocas nam firean, a dh'ulluchadh pobuill deas do'n Tighearn.

18 Agus thubhairt Sacharias ris an aingeal, Cionnus a bhitheas fhios so agam? oir is seann duine mise, agus tha mo bhean aosmhor.

19 Agus fhreagair an t-aingeal agus thubhairt e ris, Is mise Gabriel a sheasas an làthair Dhé; agus chuireadh mi a labhairt riut-sa, agus a dh'innseadh an naidheachd mhaith so dhuit.

20 Agus, feuch, bithidh tu balbh agus gun chomas labhairt, gus an là anns an tig na nithean so gu crìch, a chionn nach do chreid thu mo bhriathran-sa, a bhitheas air an coimhlionadh 'n an àm féin.

21 Agus bha am pobull a' feitheamh ri Sacharias, agus b'iongantach leo a' mhoille a rinn e 's an teampull.

22 Agus an uair a thàinig e mach, cha b'urraian e labhairt riu: agus thuig iad

gu'm fac e sealladh *nèamhaidh* 's an team-pull: oir bha e smèideadh orra, agus dh'fhan e 'n a thosd.

23 Agus tharladh, an uair a choimhlionadh làithean a fhrithéalaidh, gu'n deachaidh e d'a thigh féin.

24 Agus an déigh nan làithean sin dh'fhàs a bhean Elisabet torrach, agus dh'fholaich si i féin rè chùig mìosan, ag ràdh,

25 Is ann mar so a rinn an Tighearn dhomh anns na làithibh air an d'amhaire e orm, a thogail diom mo mhaslaidh am measg dhaoine.

26 Agus anns an t-seathamh mìos, chuir-eadh an t-aingeal Gabriel o Dhia, gu caithir de Ghailile, d'am b'ainm Nasaret,

27 Dh'ionnsuidh òigh a bha fo cheangal pòsaidh aig fear d'am b'ainm Ioseph, de thigh Dhaibhidh; agus *b'e* ainm na h-òigh Muire.

28 Agus air dol a steach do'n aingeal d'a h-ionnsuidh, thubhairt e, Fàilte dhuit, o thusa d'an do nochdadh mòr dheadh-ghean, *tha* an Tighearn maille riut: *is* beannaichte thu am measg bhan.

29 Agus an uair a chunnaic i e, bha i fo thrioblaid inntinn air son a chainnte, agus a' reusonachadh ciod a' ghnè altachadh-beatha 'dh'fheudadh a bhì 'n so.

30 Agus thubhairt an t-aingeal rithe, Na bitheadh cagal ort, a Mhuire: oir fhuair thu deadh-ghean o Dhia.

31 Agus, feuch, gabhaidh tu a'd' bhroinn, agus beiridh tu mac, agus bheir thu Iosa mar ainm air.

32 Bithidh e mòr, agus goirear Mac an Ti a's ro àirde dheth; agus bheir an Tighearn Dia dha rìgh-chaithir 'athar féin Dhaibhidh.

33 Agus bithidh e 'n a Rìgh air tigh Iacoib gu bràth, agus cha bhì crìoch air a rìoghachd.

34 Agus thubhairt Muire ris an aingeal, Cionnus a bliitheas so, do bhrìgh nach 'eil aithne agam-sa air duine?

35 Agus fhreagair an t-aingeal agus thubhairt e rithe, Thig an Spiorad naomh ort, agus cuiridh cumhachd an Ti a's àirde sgàil ort: uime sin an nì naomh sin a bheirear leat, goirear Mac Dhé dleith.

36 Agus, feuch, do bhan-charaid Elisabet, tha ise féin torrach air mac 'n a sean aois; agus is e so an seathamh mìos dhise d'an goirteadh bean neo-thorrach;

37 Oir cha-n'eil ni sam bith do-dhcanta do Dhia.

38 Agus thubhairt Muire, Feuch banog-lach an Tighearna; bitheadh e dhomh-sa réir d'fhocail. Agus dh'fhalbhan t-aingeal uaip.

39 Agus air éirigh do Mhuire 's na làithibh sin, chaidh i le cabhaig do dhùthaich nan beann, gu baile de Iuda,

40 Agus chaidh i steach do thigh Shachariais, agus chuir i fàilte air Elisabet.

41 Agus tharladh, an uair a chual' Elisabet beannaichadh Mhuire, gu'n do leum an naoidhean 'n a broinn: agus lionadh Elisabet leis an Spiorad naomh.

42 Agus ghlaodh i mach le guth àrd, agus thubhairt i, *Is* beannaichte thu am measg bhan, agus *is* beannaichte toradh do bhronn.

43 Agus cionnus a *dh'éirich* so dhomh-sa, gu'n tigeadh màthair mo Thighearn 'a m' ionnsuidh?

44 Oir feuch, co luath as a thàinig fuaim do bheannachaidh a'm' chluasaibh, bhriosgan naoidhean le h-aobhncas ann am bhronn.

45 Agus is beannaichte ise a chreid: oir coimhlionar na nithean a labhradh rithe leis an Tighearn.

46 Agus thubhairt Muire, Tha m'anam ag àrd-mholadh an Tighearna,

47 Agus tha mo spiorad a' deanamh gairdeachais ann an Dia mo Shlànnidhear:

48 A chionn gu'n d'amhaire e air staid ìosal a bhanoglaich: oir feuch, o so suas goiridh gach linn beannaichte dhìom.

49 Do bhrìgh gu'n d'rinn an Ti a tha cumhachdach nithean mòra dhomh; agus *is* naomh 'ainm.

50 Agus *tha* a thròcair-san o linn gu linn, do'n dream d'an eagail e.

51 Nochd e neart le 'ghairdean, sgap e na h-uaibhrich ann an smuaintibh an cridhe féin.

52 Thug e nuas na daoine cumhachdach o'n caithrichibh rìoghail, agus dh'àrdaich e iadsan a bha ìosal.

53 Lìon e 'n dream a bha ocrach le nithibh maith; agus chuir e uaith na daoine saobhir falamh.

54 Rinn e còmhnaidh ri Israel 'òglach féin, ann an cuimhneachadh a thròcair,

55 Mar a labhair e r'ar n-aithrichibh, do Abraham agus d'a shliochd gu bràth.

56 Agus dh'fhan Muire maille rithe mu thimchioll thri mìosan, agus phill i d'a tigh féin.

57 A nis thàinig làn inbhe Elisabet, gu'm bitheadh i air a h-aiscad; agus rug i mac.

58 Agus chual' a coimhearsnaich agus a càirdean mar a nochd an Tighearn mòr-thròcair dhi: agus rinn iad gairdeachas maille rithe.

59 Agus tharladh air an ochdamh là gu'n d'thàinig iad a thimchioll-ghèarradh an naoidheim; agus ghairm iad Sacharias deth, a réir ainme 'athar.

60 Agus fhreagair a mhàthair, agus thubhairt i, Nì h-eadh; ach goirear Eoin deth.

61 Agus thubhairt iad rithe, Cha-n'eil aon neach de d' chàirdibh d' an gairmear an t-ainm so.

62 Agus smèid iad air 'athair, ciod an t-ainm a b'ail leis a thoirt air.

63 Agus air iarraidh chàir-sgrìobhaidh dhàsan, sgrìobh e, ag ràdh, Is e Eoin a's

aimn dha. Agus ghabh iad iongantais uile.

64 Agus air ball dh'fhosgladh a bheul, agus dh'fhuasgladh a theangadh, agus labhair e, a' moladh Dhé.

65 Agus thàinig eagall air an coimhears-naich uile: agus dh'aithriseadh na nithean sin gu léir feadh dhùthaich àrd Iudea uile.

66 Agus iadsan uile a ehuala na nithean sin, thaisg iad 'n an eridhe iad, ag ràdh, Ciod a' ghnè leinibh a bhitheas an so? Agus bha làmh an Tighearna maille ris.

67 Agus bha Saeharias 'athair air a lionadh leis an Spiorad naomh, agus rinn e fàidheadaireachd, ag ràdh,

68 Gu na beannaichte an Tighearn Dia Israel, air son gu'n d'fhiosraich e, agus gu'n d'thug e saorsa d'a phobull,

69 Agus gu'n do thog e suas dhuine adharc slàinte, ann an tigh Dhaibhidh 'glaich féin;

70 A réir mar a labhair e le beul fhàidhean naomha féin, a bha ann o thoiseach an t-saoghail;

71 A thoirt saorsa dhuinn o ar naimhdeibh, agus o làimh na muinntir sin uile le'm fuathach sinn;

72 A choimhlionadh na trècair a gheall e d'ar n-aithrichibh, agus a ehuimheachadh a choimheangail naomh féin:

73 Na mionnan a mhionnaich e d'ar n-athair Abraham,

74 Gu'n tugadh e dhuinn, air dhuinn a bhi air ar saoradh o làimh ar naimhdean, gu'n deanaibh seirbhìs dha as eugmhais eagail.

75 Ann an naomhachd agus ann am fircantachd 'n a làthair féin, uile làithean ar beatha.

76 Agus thusa, a leinibh, goirear dhiot Fàidh an Ti a's àirde: oir thèid thu roimh aghaidh an Tighearn', a dh'ulluchadh a shlighe;

77 A thoirt eòlais na slàinte d'a phobull, ann am maithneas an peacaidhean

78 Troimh thrècair ro mhòir ar Dé-ne, leis an dh'fhiosraich an ùr-mhaduinn o'n ionad a's àirde sinn,

79 A thoirt soluis dhoibhsan a tha 'n an suidhe ann an dorchadas agus ann an sgàil a' bhàis, a thredrachadh ar eos air slighe na sìthe.

80 Agus dh'fhàs an leanabh, agus neartaicheadh 'an spiorad e, agus bha e 's an fhàsach gu là 'fhoillseachaidh do Israel.

CAIB. II.

1 Mheas Augustus Impireachd nan Romanach uile. 6 Breith Chrìosd: Schuir aingeal so 'an cèill do na buachaillibh: 13 thug mòran diubh crù do Dhia air a shon. 21 Tha Crìosd air a thimchioll-ghearradh. 25 Rinn Simeon agus Anna fàidheadaireachd mu thimchioll Chrìosd, &c.

AUGUS tharladh 's na làithibh sin, gu'n deachaidh ordugh a mach o Chasar Augustus, an domhan uile a mheas.

2 (Agus rinneadh an ceud mheas so 'n uair a bha Cirenus 'n a uachdaran air Siria.)

3 Agus chaidh iad uile chum a bhi air am meas, gach aon fa leth d'a bhaile féin.

4 Agus chaidh Ioseph mar an ceudna suas o Ghalile, à baile Nasaret, do Iudea, gu baile Dhaibhidh, d'an gairmear Betlehem, (do bhrìgh gu'n robh e de thigh agus de shliochd Dhaibhidh.)

5 Chum gu'm bitheadh e air a mheas maille ri Muire a bha fo cheangal posaidh dha, agus i mòr-thorrach.

6 Agus tharladh, am feadh a bha iad an sin, gu'n do choimhlionadh làithean a h-inbhe, eum i bhi air a h-aisead.

7 Agus rug i a ceud-ghin mic, agus phaisg i e ann am brat-speilidh, agus chuir i 'n a huidhe 'am prasaich e; do bhrìgh nach robh àit aca 's an tigh-òsda.

8 Agus bha anns an dùthaich sin buachailleau a' fantuinn a muigh, agus a' deanaibh faire-oidliche air an treud.

9 Agus, feuch, thàinig aingeal an Tighearna orra, agus dhealraich glòir an Tighearna mu'n timchioll; agus ghabh iad eagall mòr.

10 Agus thubhairt an t-aingeal riu, Na bitheadh eagall oirbh: oir feuch, tha mi ag innseadh dhuibh deadh sgeòil mhòr-aobhneis, a bhitheas do'n uile shluagh:

11 Oir rugadh dhuibh an diugh Slànuidheach, ann am baile Dhaibhidh, neach a's o Crìosd an Tighearn.

12 Agus bithidh so 'n a chomharadh dhuibh: Gheibh sibh an naoidhean paisgte ann am brat-speilidh 'n a huidhe 'am prasaich.

13 Agus air ball bha maille ris an aingeal cuideachd mhòr de armaitibh nèimh, a' moladh Dhé, agus ag ràdh,

14 Glòir do Dhia anns na h-àrdaibh, agus air talamh sìth, deadh-ghean do dhaoimibh.

15 Agus tharladh, 'n uair a dh'fhalbh na h-ainglean uatha do nèimh, gu'n dubhairt na buachaillan r'a chèile, Rachamaid a nis eadhon do Bhethlehem, agus faiceamaid an ni so a rinneadh, a dh'fhoillsich an Tighearn dhuinne.

16 Agus thàinig iad gu grad, agus fhuair iad Muire agus Ioseph, agus an leanabh 'n a huidhe 's a' phrasaich.

17 Agus an uair a chunnaic iad sin, dh'aithris iad an ni a dh'innseadh dhoibh mu thimchioll an leinibh so.

18 Agus ghabh gach neach a ehuala so, iongantais ris na nithibh sin a dh'innseadh dhoibh leis na buachaillibh.

19 Ach ghléidh Muire na nithean sin uile, a' beachd-smuaineachadh orra 'n a cridhe.

20 Agus phill na buachaillan, a' tabhairt glòire agus molaigh do Dhia air son nan nithean sin uile a ehuala agus a chunnaic iad, a réir mar a labhradh riu.

21 Agus an uair a choimhlionadh ochd làithean chum an leanabh a thimchioll-

ghearradh, thugadh IOSA mar ainm air, eadhon an t-ainm a ghairm an t-aingeal deth mu'n do ghabhadh 's a' bhroinn e.

22 Agus an uair a choimhlonadh làithean a glanaidh, a réir lagha Mhaois, thug iad esan gu Ierusalem, chum a thaisbeanadh do'n Tighearn;

23 (Mar tha e sgrìobhta ann an lagh an Tighearna, Gach ceud-ghlin mic a dh'fhosglaas a' bhlàr, gairmear naouh do'n Tighearn e;)

24 Agus a thoirt iobairt a réir mar a theirear ann an lagh an Tighearna, dà thurtur, no dà choluman òg.

25 Agus, feuch, bha duine ann an Ierusalem d'am b'ainm Simeon; agus bha 'n duine so ionraic agus diadhaidh, agus bha dhùil aige ri sòlas Israeil: agus bha'n Spiorad naomh air.

26 Agus dh'fhoillsicheadh dha leis an Spiorad naomh, nach faiceadh e bàs, gus an faicadh e Crìosd an Tighearna.

27 Agus thàinig e le treòrachadh an Spioraid do'n teampull: Agus an uair a thug na pàrantan an leanabh Iosa a stigh, chum gu'n deanadh iad air a shon a réir gnàthachaidh an lagha,

28 An sin ghlac esan 'n a ùchd e, agus bheannaich e Dia, agus thubhairt e,

29 A nis, a Thighearna, tha thu 'leigeadh do d' sheirbhiseach siubhal 'an sìth, a réir d'fhocail;

30 Oir chuunaic mo shùilcan do shlàinte,

31 A dh'ulluich thu roimh ghnùis nan uile shluagh;

32 Solus a shoillseachadh nan Cinneach, agus glòir do phobuill Israeil.

33 Agus ghabh Ioseph agus a mhàthair iongantas mu na nìthibh a labhradh uime.

34 Agus bheannaich Simeon iad, agus thubhairt e ri Muire a mhàthair, Feuch, chuireadh an *leanabh* so chum tuitam agus aiseirigh mhòran ann an Israel, agus 'n a chomharadh an aghaidh an labhrar:

35 (Agus théid claidheamh troimh d' anam-sa féin,) chum gu'm foillsichear smuaintean cridheachan mhòrain.

36 Agus bha Anna, ban-fhàidh, nighean Phannuic, de thrèibh Aseir; bha i ro aosmhor, agus chaith i seachd bliadhna maille r'a fear o àm dhi bhi 'n a h-òigh:

37 Agus bu bhantrach i mu thimchioll ceithir bliadhna agus ceithir fichead a dh'aois, nach deachaidh o'n teampull, a' deanamh seirbhìs do *Dhia* a là agus a dh'oidheche le trasgadh agus le h-urnuigh.

38 Agus air teachd dhise a stigh 's an uair sin féin, thug i moladh do'n Tighearna, agus labhair i m'a thimchioll rìusan uile aig an robh sùil ri saorsa ann an Ierusalem.

39 Agus an uair a choimhlonadh iad na h-uile nithean a réir lagha an Tighearna, phill iad de Ghalile, d'am baile féin Nasaret.

40 Agus dh'fhàs an leanabh, agus neart-

aichcadh 'an spiorad e, air a lionadh le gliocas; agus bha gràs Dhé air.

41 Agus chaidh a phàrantan gach bliadhna gu Ierusalem, aig féill na càisege.

42 Agus 'n uair a bha e dà bhliadhna dheug a dh'aois, chaidh iad suas gu Ierusalem, a réir gnàtha na féille.

43 Agus air coimhlonadh nan làithean sin doibh, 'n uair a phill iadsan, dh'fhan an leanabh Iosa 'n au déigh ann an Ierusalem; agus cha robh fios aig Ioseph no aig a mhàthair air sin.

44 Ach air dhoibh a shaoilsinn gu'n robh e 's a' chuideachd, dh'imich iad astar là; agus dh'iarr iad e 'measg an càirdean, agus an luchd-còlais.

45 Agus an uair nach d'fhuair iad e, phill iad gu Ierusalem, 'g a iarraidh.

46 Agus tharladh an déigh trì làithean, gu'n d'fhuair iad e 's an teampull, 'n a shuidhe 'am meadhon au luchd-teagaisg, araon 'g an éisdachd, agus a' cur cheisd orra.

47 Agus ghabh a' mhuinntir uile a chual e iongantas r'a thuigse agus r'a fhreagraibh.

48 Agus an uair a chuunaic iad e, ghlac uamhas iad: agus thubhairt a mhàthair ris, A mhic, c'ar son a rinn thu mar so oirnn? feuch, bha d'athair agus mise gu brònach ga d'iarraidh.

49 Agus thubhairt esau riu, C'ar son a bha sibh ga m' iarraidh? nach robh fhios agaibh gu'm bu chòir dhomh-sa bhi ann an tigh m' Athar?

50 Agus cha do thuig iadsan an ni a labhair e riu.

51 Agus chaidh e sìos maille riu, agus thàinig e gu Nasaret, agus bha e ùmhal doibh: ach glhèidh a mhàthair na nithean sin uile 'n a cridhe.

52 Agus thàinig Iosa air aghaidh ann an gliocas agus 'am mcudachd, agus ann an deadh-ghean aig Dia, agus aig daoinibh.

CAIB. III.

1 *Searmonachadh Eoin Baistidh.* 15 *Fhianuis mu thimchioll Chrìosd.* 20 *Chuir Herod Eoin ann am prìosan.* 21 *Bhaisteadh Crìosd, agus fhuair e fianuis o nèamh.* 23 *Aois agus sinn-sireachd Chrìosd.*

ANIS anns a' chùigcamh bliadhna deug de impireachd Thiberius Cheasair, air bhi do Phoutius Pilat 'n a uachdaran air Iudea, agus Herod 'n a Thetrar air Galile, agus Philip a bhràthair 'n a Thetrar air Iturea agus dùthaich Thrachonitis, agus Lisanias 'n a Thetrar air Abilene.

2 An uair a bha Annas agus Caiaphas 'n an àrd-shagartaibh, thàinig focal Dhé chum Eoin, mhic Shachariais, anns an fhàsach.

3 Agus thàinig e do'n dùthaich uile timchioll Iordain, a' searmonachadh baistidh an aithreachais, chum maitheanais pheacaidhean;

4 Mar tha e sgrìobhta ann an leabhar

obhriathran an fhàidh Eisaiais, ag ràdh, Guth au ti a dh'èigheas anns an fhàsach, Ull-uicibh slighe an Tighearna, deanaibh a cheuman dìreach.

5 Bithidh gach gleann air a lìonadh, agus gach beun agus cnoc air an ìsleachadh; agus bithidh na nithean cama air an deanamh dìreach, agus na slighean garbha air an deanamh rèidh;

6 Agus chi gach uile fheoil slàinte Dhé.

7 Uime sin thubhairt e ris an t-sluagh a thàinig a mach chum bhi air am baisteadh leis, A shìl nan nàtrairichean nimhe, cò a thug rabhadh dhuibh-sa teicheadh o'n fheirg a tha ri teachd?

8 Air an aobhar sin thugaibh a mach toradh iomchuidh an aithreachais, agus na tòisichibh air a ràdh annaibh féin, Tha Abraham 'n a Ìthair againn: oir tha mi ag ràdh ribh, gur comasach Dia, de na clachaibh so, air clann a thogail suas do Abraham.

9 Agus a nis féin tha 'n tuagh air a' cur ri bun nan craobh: air an aobhar sin gach craobh nach toir a mach toradh maith, gearrar sìos i, agus tilgear 's an teine i.

10 Agus dh'fhiosraich an sluagh dheth ag ràdh, Ciod uime sin a ni siune?

11 Agus fhreagair esan agus thubhairt e riu, An ti aig am bheil dà chòta, roineadh e ris an ti aig nach 'eil; agus an ti aig am bheil biadh, deanadh e mar an ceudna.

12 Agus thàinig mar an ceudna cìs-mhaoir gu bli air am baisteadh, agus thubhairt iad ris, A mhaighstir, ciod a ni sinne?

13 Agus thubhairt esan riu, Na deanaibh ni air bith os ceanu na dh'orduicheadh dhuibh.

14 Agus dh'fhiosraich na saighdearan mar an ceudna dheth, ag ràdh, Agus ciod a ni sinne? Agus thubhairt e riu, Na deanaibh foirneart air neach sam bith, no casaid-bhréige, agus bithibh toilichte le 'ur tuar-sadal.

15 Agus air bhi do'n phobull a' feitheamh, agus na h-uile dhaoinc a' reusonachadh 'n an cridheachaibh féin mu thimchioll Eoin, am b'e Crìosd a bh'ann;

16 Fhreagair Eoin, ag ràdh riu uile, Tha mise gu dearbh 'g'ur baisteadh le h-uisge; ach tha neach a' teachd a's cumhachdaiche na mise, agus cha-n airidh mise air barr-iall a bhròg fhuasgladh: baistidh esan sibh leis an Spiorad naomh, agus le teine.

17 Aig am bheil a ghuit 'n a làimh, agus ro-ghlanaidh e 'ùrlar, agus cruinnichidh e an cruthnachd d'a thigh-tasgaidh; ach loisgidh e am moll le teine nach fheudar a mhùchadh.

18 Agus ag earlachadh mòran nithean eile, shearmonaich e do'n t-sluagh.

19 Ach air do Herod an Tetrarc a bhi air a chionachadh leis air son Herodiais bean a bhràthar (Philip), agus air son gach oile a rium Herod,

20 Chuir e so ris gach oile eile, gu'n do dhruid e Eoin 'am prìosan.

21 Agus tharladh, 'n uair a bha 'n sluagh uile air am baisteadh, air do Iosa mar an ceudna 'bhi air a bhaisteadh, agus e ri urnuigh, gu'n d'fhosgadh nèamh,

22 Agus gu'n d'thàinig an Spiorad naomh a nuas air 'an coslas corporra, mar choluman, agus gu'n d'thàinig guth o nèamh, ag ràdh, Is tusa mo Mhac gràdhach, anns am bheil mo mhòr-thlachd.

23 Agus thòisich Iosa féin air a bhi mu thimchioll deich bliadhna fichead a dh'aois, air dha bhi, (a réir barail *dhaoinc*.) 'n a mhac do Ioseph, mac Heli,

24 *Mhic* Mhatait, *mhic* Lebhi, *mhic* Mhel-chi, *mhic* Ianna, *mhic* Ioseph,

25 *Mhic* Mhatataias, *mhic* Amois, *mhic* Naum, *mhic* Esli, *mhic* Nage,

26 *Mhic* Mhaait, *mhic* Mhatataias, *mhic* Shemei, *mhic* Ioseph, *mhic* Iudah,

27 *Mhic* Ioanna, *mhic* Rhesa, *mhic* Shor-obabel, *mhic* Shalatieil, *mhic* Neri,

28 *Mhic* Mhelchi, *mhic* Adi, *mhic* Chos-aum, *mhic* Elmodaim, *mhic* Eir,

29 *Mhic* Iose, *mhic* Elieseir, *mhic* Ioreim, *mhic* Mhatait, *mhic* Lebhi,

30 *Mhic* Shimeoin, *mhic* Iudah, *mhic* Ioseph, *mhic* Ionan, *mhic* Eliacim,

31 *Mhic* Mhelea, *mhic* Mhainain, *mhic* Mhatata, *mhic* Natin, *mhic* Dhaibhidh,

32 *Mhic* Iese, *mhic* Obeid, *mhic* Bhoois, *mhic* Shalmoin, *mhic* Naasoin,

33 *Mhic* Aminadaib, *mhic* Araim, *mhic* Esroim, *mhic* Phareis, *mhic* Iudah,

34 *Mhic* Iacob, *mhic* Isaac, *mhic* Abraham, *mhic* Thara, *mhic* Nachoir,

35 *Mhic* Sharuich, *mhic* Ragau, *mhic* Phaleic, *mhic* Ebeir, *mhic* Shala,

36 *Mhic* Chainain, *mhic* Arphacaid, *mhic* Shem, *mhic* Noc, *mhic* Lameich,

37 *Mhic* Mhatusala, *mhic* Enoich, *mhic* Iareid, *mhic* Mhaleleil, *mhic* Chainain,

38 *Mhic* Enois, *mhic* Shet, *mhic* Adhaimh, *mhic* Dhé.

CAIB. IV.

1 Buairleadh agus trasgadh Crìosd: 13 Thug e buaidh air an diabhul; 14 thòisich e ri searmonachadh: 16 Ghabh pobull Nasaret iongantais r'a fhoclaibh gràs-mhor. 33 Leighis e an duine 's an robh deamhan, 38 agus mth-air-chéile Pheadair, &c.

A GUS air do Iosa bhi làn de'n Spiorad naomh, phill e air ais o Iordan, agus thèdraidheadh e leis an Spiorad do'n fhàsach,

2 Agus bha e air a bluaireadh ré dhà fhichead là leis an diabhul; agus cha d'fhl e ni sam bith anns na làithibh sin: agus air dhoibh bhi air an crìochnachadh, an sin dh'fhàs e ocrach.

3 Agus thubhairt an diabhul ris, Ma's tu Mac Dhé, abair ris a' chloich so 'bhi 'n a h-aran.

4 Agus fhreagair Iosa e, ag ràdh, Tha e sgrìobhta, nach ann le h-aran a mhàin a thig duine beò, ach le gach uile fhocal Dhé.

5 Agus air do'n diabhul a thoirt gu beinn àrd, nochd e dhia uile rioghachdan an domhain ann am mìonaid aimsir.

6 Agus thubhairt an diabhul ris, Bheir mise an cumhachd so uile dhuit, agus an glòir; oir thugadh dhomh-sa sin; agus bheir mi e do neach air bith a's toil leam.

7 Uime sin ma ni thu aoradh dhomh-sa, is leat iad uile.

8 Agus fhreagair Iosa agus thubhairt e ris, Tar air mo chùlaobh, a Shatain: oir tha e sgrìobhta, Ni thu aoradh do'n Tigh-earn do Dhia, agus dhàsan 'n a aonar ni thu seirbhis.

9 Agus thug se e gu Ierusalem, agus chuir e air binnein an teampuill e, agus thubhairt e ris, Ma's tu Mac Dhé, tilg thu féin sìos á so.

10 Oir tha e sgrìobhta, Bheir e àithne d'a ainglibh mu d' thimchioll, thusa a choimhead.

11 Agus togaidh iad suas thu 'n an làmh-an, air cagal gu'm buail thu uair air bith do chos air cloich.

12 Agus air fceagart do Iosa thubhairt e ris, A dubhradh, Na buair thusa an Tigh-carn do Dhia.

13 Agus an uair a chrìochnaich an diabhul am buaireadh uile, dh'imich e uaith ré tamuill.

14 Agus phill Iosa ann an cumhachd an Spioraid chum Ghalile; agus chaidh 'iomradh-sa air feadh na dùthcha mu'n cuairt gu h-ionnan.

15 Agus theagaisg e 'n an sionagogaibh, a' faotainn glòire o na h-uile dhaoineibh.

16 Agus thàinig e gu Nasaret, far an d'àr-aicheadh e: agus chaidh e steach, mar bu ghnàth leis, air là na sàbaid do'n t-sionagag, agus dh'éirich e 'n a sheasamh chum leughaidh.

17 Agus thugadh dha leabhar an fhàidh Esaisais; agus air fosgladh an leabhair dha, fhuair e 'n t-àit anns an robh e sgrìobhta,

18 Tha Spiorad an Tighearn orm, do bhrìgh gu'n d'ung e mi a shearmonachadh an t-soisgeil do na bochdaibh; chuir e mi a shlànuachadh na muinntir aig am bheil an cridhe briste, a ghairm fuasglaidh do na braighdibh, agus aiseag an radhaire do na doill, a thoirt saorsa do'n mhuinntir a tha brùite,

19 A shearmonachadh bliadhna thaitnich an Tighearna.

20 Agus air dùnadh an leabhair dha, thug e do'n fhear-frithealaidh e, agus shuidh e: agus bha sùilean na bha 's an t-sionagag uile a' geur-amharc airsa.

21 Agus thòisich e air a ràdh riu, An diugh tha'n sgrìobhtair so air a choimhlionadh ann blur cluasaibh-sa.

22 Agus thug iad uile fianuis da, agus ghabh iad iongantas ris na briathraibh gràsmhora thàinig a mach as a bheul. Agus thubhairt iad, Nach e so mac Ioseiph?

23 Agus thubhairt e riu, Gun amharus thubhairt sibh rium an gnàth-fhocal so, A léigh, leighis thu féin: ge b'e air bith iad na nithean a chuala sinn a rinneadh leat 'an Capernaum, dean mar an ceudna iad an so a'd' dlùthaich féin.

24 Agus thubhairt e, Gu deimhin tha mi ag ràdh ribh, nach 'eil fàidh air bith tait-neach 'n a dlùthaich féin.

25 Ach gu fìrinneach tha mise ag ràdh ribh, gu'n robh mòran bhantrach ann an Israel an làithibh Eliais, an uair a dhruid-eadh nèamh ré thrì bliadhna agus shè mìosan, agus a bha gorta mhòr air feadh na tire uile:

26 Ach cha do chuirceadh Elias dh'ionnsuidh aoin diubh, ach gu Sarepta Shidoìn, chum mnà a bha 'n a bantraich.

27 Agus bha mòran lobhar ann an Israel ri linn Eliseus an fhàidh; agus cha do ghlanadh a h-aon aca, ach Naaman an Siri-anach.

28 Agus lìonadh iadsan uile a bha 's an t-sionagag le feirg, an uair a chual iad na nithean sin;

29 Agus dh'éirich iad suas, agus thilg iad a mach as a' bhaile e, agus thug iad leo e gu malaich a' chnoic, air an robh am baile togt, chum a thilgeadh sìos 'an coinneamh a chinn.

30 Ach air gabhail dhàsan troimh am mheadhon, dh'fhalbh e,

31 Agus chaidh e sìos gu Capernaum, baile de Ghalile, agus bha e 'g an teagasg air làithibh na sàbaid:

32 Agus ghabh iad iongantas r'a theagasg; do bhrìgh gu'n robh 'fhocal le cumhachd.

33 Agus bha anns an t-sionagag duine anns an robh spiorad deamhain neòghloin, agus ghlaodh e le guth mòr.

34 Ag ràdh, Leig leinn; ciod e ar gnoth-uch-ne riut, Iosa o Nasaret? an d'thàinig thu g'ar sgrìos? tha fhios agam cò thu, Aon naomh Dhé.

35 Agus chronuich Iosa e, ag ràdh, Bi a' d' thosd, agus thig a mach as. Agus air do'n deamhan esan a thilgeadh sìos 'n an meadhon, thàinig e mach as, gun chiurradh sam b' th a dheanamh air.

36 Agus thàinig uamhas orra uile, agus labhair iad r'a chèile, ag ràdh, Ciod a' ghnè cainte so? oir le h-ùghdarras agus cumhachd tha e 'toirt orduigh do na spioradaibh neòghlan, agus tha iad a' teachd a mach.

37 Agus chaidh iomradh airsa a mach feadh gach àite de'n dùthaich mu'n cuairt.

38 Agus dh'éirich e as an t-sionagag, agus chaidh e steach do thigh Shimoun: agus bha fiabhras mòr air màthair-chéile Shimon; agus ghuidh iad air as a leth.

39 Agus air dha seasamh os a ceann, chron- uich e an fiabhrus, agus dh'fhàg e i. Agus dh'èirich ise air ball, agus rinu i frithcaladh dhoibh.

40 Agus ag dol fodha na gréine, thug iad- san uile aig an robh daoine euslan le iomadh gnè tinnis d'a ionnsuidh iad: agus chuir esan a làmhnan air gach aon diubh, agus leighis e iad.

41 Agus chaidh mar an ceudna deamhain a mach á mòran, a' gladdhaich agus ag ràdh, Is tu Criosd Mac Dhé. Agus chronuich e iad, agus cha d'fhulaing e dhoibh labhairt: oir bha fhios aca gu'm b'esan Criosd.

42 Agus air teachd do'n là, chaidh e mach, agus dh'imich e gu àite fàsail: agus bha 'n sluagh 'g a iarraidh, agus thàinig iad d'a ionnsuidh, agus b'àill leo a chumail, chum nach rachadh e uatha.

43 Ach thubhairt esan riu, Is éigin dhomh- sa rioghachd Dhé a shearmonachadh do bhailtibh eile mar an ceudna; oir is ann chum so a chuireadh mi.

44 Agus shearmonaich e ann an sionagog- aibh Ghalile.

CAIB. V.

1 *Theagaisg Criosd an sluagh á luíng Pheadair;*
4 *le tarruing mhìorbhùileach éisg, nochd e cionnus a bha e gu Peadar agus a chompanaich a dheanamh 'n an iasgairibh air daoineibh: 12 ghlac e neach a bha 'n a lobhar, 16 rinn e urnuigh anns an fhàsach, 18 shlànuich e neach a bha tinn leis a' phairilis, &c.*

AGUS tharladh, 'n uair a bha am pobull a' dlùth-theannadh air, chum focal Dhé éisdeachd, gu'n do sheas e làimh ri loch Gheneasart,

2 Agus chunnaic e dà luíng 'n an seasamh ri taobh an locha: ach bha na h-iasgairean air dol a mach asda, agus a' nigheadh an lìontan.

3 Agus chaidh e steach do aon de na long- aibh a bu le Simon, agus dh'iarr e air dol a mach beagan o thìr: agus air suidhe dha, theagaisg e an sluagh as an luíng.

4 A nis an uair a sguir e de labhairt, thubhairt e ri Simon, Cuir a mach chum na doimhne, agus leigibh sìos bhur lìontan chum tarruing.

5 Agus fhreagair Simon, agus thubhairt e ris, A mhaighstir, shaothraich sinn fad na h-oidheche uile, agus cha do ghlac sinn ni sam bith: ach air d'fhocal-sa leigidh mi sìos an lìon.

6 Agus an uair a rinn iad so, chuairtich iad tachdar mòr éisg; ionnus gu'n do bhriseadh an lìon.

7 Agus sméid iad air an companaich, a bha 's an luíng cile, teachd agus còmhluadh a dheanamh leo. Agus thàinig iad, agus lìon iad an dà luíng, ionnus gu'n robh iad 'an inbhe dol fodha.

8 'N uair a chunnaic Simon Peadar so, thuit e sìos aig glùinibh Iosa, ag ràdh,

Imich uamsa, a Thighearna, oir is duine peacach mi.

9 Oir ghlac uamhas e féin agus iadsan uile 'bha maille ris, air son an tarruing éisg a ghlac iad:

10 Agus mar an ceudna Seumas agus Eoin, mic Shebede, a bha 'n an companaich aig Simon. Agus thubhairt Iosa ri Simon, Na bitheadh eagal ort; á so suas glacadh tu daoine.

11 Agus an uair a thug iad an longan gu tìr, dh'fhàg iad na h-uile ni, agus lean iad esan.

12 Agus an nair a bha esan ann am baile àraidh, feuch duine làn de luibhre: agus air dha Iosa fhaicinn, thuit e sìos air 'aghaidh, agus ghuidh e air, ag ràdh, A Thighearna, ma's toil leat, tha thu comasach air mise a ghlacadh.

13 Agus shìn e a làmh, agus bhean e ris, ag ràdh, Is toil leam; bi glan. Agus air ball dh'fhàg an luibhre e.

14 Agus dh'àithn e dha, gun innseadh do neach air bith: Ach imich, agus nochd thu féin do'n t-sagart, agus thoir seachad air son do ghlanaidh, mar a dh'àithn Maois, mar fhianuis doibh.

15 Ach bu mhòid a sgaoileadh 'iomradh- san: agus thàinig sluagh mòr an ceann a chèile chum éisdeachd, agus chum a bhi air an slànuchadh leis o'n eucailibh.

16 Agus chaidh e air leth chum an fhàsaich, agus rinn e urnuigh.

17 Agus tharladh air là àraidh, 'n uair a bha e a' teagasg, gu'n robh 'n an suidhe an sin Phairisich agus luchd-teagaisg an lagha, a thàinig as gach uile bhaile de Ghalile, agus de Iudea, agus o Ierusalem: agus bha cumhachd an Tighearna a làthair chum an slànuchadh.

18 Agus, feuch, ghiulain daoine air leabaidh duine air an robh an pairilis: agus dh'iarr iad a thoirt a steach, agus a chur 'n a làthair-san.

19 Agus an uair nach d'fhuair iad seòl air am feudadh iad a thoirt a steach, le meud na cuideachd, chaidh iad suas air an tigh, agus leig iad sìos troimh mhullach an tighe e féin agus a leabaidh, anns a' mhicadhon 'an làthair Iosa.

20 Agus an uair a chunnaic e an creidimh, thubhairt e ris, A dhuine, tha do pheacaidhean air am maithleadh dhuit.

21 Agus thòisich na sgrìobhaichean agus na Phairisich air reusonachadh, ag ràdh, Cò e so a tha 'labhairt toibheim? cò 'dh'- fheudas peacaidhean a mhaithleadh ach Dia a mhàin?

22 Ach air aithneachadh an smuaintean do Iosa, fhreagair e agus thubhairt e riu, Cìod e a tha sibh a' reusonachadh 'n 'ur cridheachaibh?

23 Co aca a's usadh a ràdh, Tha do pheacaidhean air am maithleadh dhuit, no 'ràdh, Eirich agus imich?

24 Ach a chum gu'm bi fios agaibh gu bheil cumhachd aig Mac an duine peacaidhean a mhaitheadh air thalamh, (thubhairt e ri fear a phairilis,) Tha mi ag ràdh riut, éirich, agus tog do leabhadh, agus imich do d' thigh.

25 Agus dh'éirich e air ball 'n an làthair, agus thog e an leabhadh air an robh e 'n a luidhe, agus chaidh e d'a thigh féin, a' toirt glòire do Dhia.

26 Agus ghlac namhas iad uile, agus thug iad glòir do Dhia, agus lìonadh le h-eagal iad, ag ràdh, Chunnaic sinne nithean do-shreidsinn an diugh.

27 Agus an déigh nan nithean sin, chaidh e mach, agus chunnaic e cis-mhaor d'am b'ainm Lebhi, 'n a shuidhe aig àite togail na cise; agus thubhairt e ris, Lean mise.

28 Agus air fagail nan uile nithean dha, dh'éirich e, agus lean se e.

29 Agus rinn Lebhi cuir mhor dha 'n a thigh féin: agus bha cuideachd mhor de chis-mhaoir, agus de mhuinntir eile a shuidh maille riu.

30 Agus rinn an sgrìobhaichean agus am Phairisich gearan an aghaidh a dheisciobul-san, ag ràdh, C'ar son tha sibh ag itheadh, agus ag òl maille ri cis-mhaoir agus ri peacaich?

31 Agus fhreagair Iosa agus thubhairt e riu, Cha-n'eil feum aca-san a tha slàn air an leigh, ach aca-san a tha tinn.

32 Cha d'fhàinig mise a ghairm nam firean, ach nam peacach chum aithreachais.

33 Agus thubhairt iadsan ris, C'ar son a tha deisciobuil Eoin gu tric ri trasgadh, agus a' deanamh urnuigh, agus mar an ceudna deisciobuil nam Phairiseach; ach tha do dheisciobuil-sa ag itheadh agus ag òl?

34 Agus thubhairt esan riu, Am feud sibh a thoirt air cloinn seòmair an fhir nuadh-phòda trasgadh a dheanamh, am feadh 's a tha am fear nuadh-phòda maille riu?

35 Ach thig na làithean an uair a bheirear am fear nuadh-phòda uatha; an sin ni iad trasgadh anns na làithibh sin.

36 Agus labhair e mar an ceudna cosamhlachd riu; Cha chuir neach air bith mir a dh'eudach nuadh air seann eudach: no, reubaidh an t-eudach nuadh e, agus cha tig am mir de'n eudach nuadh ris an t-seann eudach.

37 Agus cha chuir duine sam bith fion nuadh ann an seann searragaibh; no, brisidh am fion nuadh na searragan, agus dòirtear e féin, agus caillear na searragan.

38 Ach is còir fion nuadh a chur ann an searragaibh nuadha; agus bithidh iad le 'chéile fèarruite.

39 Agus cha-n'eil duine sam bith, air dha seann fhion òl, a dh'iarraas air ball fion nuadh: oir their e, Is e an seann fhion a's fear.

1 Chronuich Crìosd doille nam Phairiseach mu thimchioll coimhead na sàbaid, le sgrìobtuir, le reuson, agus le mìorbhuil: 13 thagh e dà abstol deug; 17 shlànuidh e muinntir a bha tinn; 20 shearmonaich e d'a dheisciobuil mu bheannachdaibh agus mu mhallachdaibh, &c.

A GUS tharladh air a' cheud là sàbaid an déigh an dara là de fhéill na càisge, gu'n deachaidh e troimh na h-ach-aibh arbhair; agus spion a dheisciobuil na diasan arbhair, agus dh'ith iad, an déigh am brothadh le'n làmhan.

2 Agus thubhairt cuid de na Phairisich riu, C'ar son a tha sibh a' deanamh an ni nach 'eil ceaduichte r'a dheanamh air làithibh na sàbaid?

3 Agus fhreagair Iosa iad, agus thubhairt e, Nach do leugh sibhse an ni so 'rinn Daibhidh, 'n uair a bha ocras air féin, agus orra-san a bha maille ris;

4 Cionnus a chaidh e steach do thigh Dhé, agus a ghabh e aran na fiannis, agus a dh'ith e féin, agus a thug e mar an ceudna doibh-san a bha maille ris; ni nach 'eil ceaduichte itheadh ach do na sagartaibh a mhàin?

5 Agus thubhairt e riu, Is Tighearn Mac an duine air an t-sàbaid féin.

6 Tharladh mar an ceudna air sàbaid eile, gu'n deachaidh e steach do'n t-sionagag, agus gu'n do theagaisg e; agus bha an sin duine, aig an robh a làmh dheas air seargadh.

7 Agus rinn na sgrìobhaichean agus na Phairisich faire, a dh'fheuchainn an leighiseadh e air an t-sàbaid; chum gu'm faigh-eadh iad cùis dhitidh 'n a aghaidh.

8 Ach thuig esan an smuaintean, agus thubhairt e ris an duine aig an robh an làmh sheargta, Éirich, agus seas a mach 's a' mheadhon. Agus dh'éirich esan, agus sheas e.

9 An sin thubhairt Iosa riu, Feòraichidh mise aon ni dhiubh; Am bheil e ceaduichte air làithibh na sàbaid maith a dheanamh, no olc? anam a shaoradh, no a sgrìos?

10 Agus air dha amharc mu'n cuairt orra uile, thubhairt e ris an duine, Sin a mach do làmh. Agus rinn e sin: agus dh'aisig-cadh a làmh slàn da mar an làmh eile.

11 Agus lìonadh iadsan le cuthach; agus labhair iad r'a chéile, ciod a dheanadh iad ri Iosa.

12 Agus anns na làithibh sin chaidh esan gu beinn a dheanamh urnuigh, agus bhuan-aich e ré na h-oidliche ann an urnuigh ri Dia.

13 Agus air teachd do'n là, ghairm e d'a ionnsuidh a dheisciobuil; agus thagh e dà fhear dheug asda, d'an do ghoir e Abstoil:

14 Simon, (air an tug e mar an ceudna Peadar mar ainm,) agus Aindreas a bhràthair, Seumas agus Eoin, Philip agus Bartolomeus,

15 Mata agus Tomas, Seumas *mac Alphe-*
uis, agus Simon d'an goirear Selotes,

16 Iudas *bràthair* Sheumais, agus Iudas
Iscariot, esan a bha 'n a fhear-brathaidh.

17 Agus thàinig e nuas leo, agus sheas e
air ionad còmhnaidh, agus coimhthional a
dheisciobul, agus buidheann mhòr-shluaigh
o Iudea uile agus o Ierusalem, agus o chois
fairge Thiruis agus Shidoin, muinntir a
thàinig g'a éisdeachd, agus gu bhi air an
leigheas o'u euslaintibh;

18 Agus iadsan a bha air am pianadh le
spioradaibh neòghlan: agus leighiseadh iad.

19 Agus dh'iarr an sluagh uile beantuinn
ris: oir chaidh cumhachd a mach as, agus
shlànugh e iad uile.

20 Agus thog e suas a shùilean air a dheis-
cioblubh, agus thubhairt e, *Is beannaichte*
sibhse 'tha bochd: oir is leibh rioghachd
Dhé.

21 *Is beannaichte sibhse* 'tha ocrach a nis:
oir sàstichear sibh. *Is beannaichte sibhse*
'tha 'caoidh a nis: oir ni sibh gaire.

22 *Is beannaichte sibh*, 'n uair a bheir
daoine fuath dhuibh, agus a chuireas iad as
an cuideachd sibh, agus a bheir iad cainnt
mhaslach dhuibh, agus a thilgeas iad a
mach bhur n-ainm mar ni ole, air son Mhic
an duine.

23 Deanaibh-sa gairdeachas 's an là sin,
agus leumaibh le h-aibhneas: oir feuch, is
mòr bhur duais air nàmh: oir is ann mar
sin a rinn an aithrichean air na fàidhibh.

24 Ach is an-aobhinn duibhse a tha
saoibhir: oir fhuair sibh bhur sòlas.

25 Is an-aobhinn duibhse a tha sàthach:
oir bithidh ocras oirbh. Is an-aobhinn
duibhse a tha 'gàireachdaich a nis: oir ni
sibh bròn agus gul.

26 Is an-aobhinn duibhse 'n uair a labhras
daoine maith umaibh: oir is ann mar sin a
rinn an aithrichean ris na fàidhibh bréige.

27 Ach tha mi ag ràdh ribhse 'tha 'g
éisdeachd, Gràdhaichibh bhur naimhdean,
deanaibh maith dhoibh-san le'm fuathach
sibh;

28 Beannaichibh iadsan a tha 'g 'ur mall-
achadh, agus deanaibh urnuigh air son na
muinntir a tha 'buntainn gu naimhdeil ribh.

29 Ris an ti a bhuailas thu air aon ghial,
cum an gial eile; agus do'n ti a bheir
d'fhalluin dhìot, na bac do chòta mar an
ceudna.

30 Thoir do gach neach a dh'iarras ort;
agus o'n neach a bheir uait do mhaoin, na
h-iarr air ais i.

31 Agus mar a b'àill leibh daoine 'dhean-
amh ribh, deanaibh-sa mar an ceudna ri-
san.

32 Oir ma gràdhaicheas sibh iadsan aig
am bheil gràdh dhuibh, ciod am buidh-
cachas a th' agaibh? oir gràdhaichidh
peacaich féin an dream aig am bheil gràdh
dhoibh.

33 Agus ma ni sibh maith do'n mhuinntir
a ni maith dhuibh, ciod am buidheachas a
th' agaibh? oir ni peacaich an ni so féin mar
an ceudna.

34 Agus ma bheir sibh iasachd dhoibhsan
o'm bheil dùil agaibh r'a fhaotainn a ris,
ciod am buidheachas a th' agaibh? oir bheir
peacaich féin iasachd do pheacaich, chum
gu'm faigh iad uiread a ris.

35 Ach gràdhaichibh-sa bhur naimhdean,
agus deanaibh maith, agus thugaibh ias-
achd, gun dùil a bhi agaibh ri ni sam bith
'n a éiric: agus bithidh bhur duais mòr
agus bithidh sibh 'n 'ur cloinn do'n Tì a's
àirde: oir tha esan tabhartach dhoibhsan a
tha mi-thaingeil agus ole.

36 Bithibh-sa uime sin tròcaireach, mar a
tha bhur n-Athair tròcaireach.

37 Agus na tugaibh breth, agus cha toirear
breth oirbh: na dìtibh, agus cha dìtear sibh:
thugaibh maitheanas, agus bheirear maith-
canas dhuibh.

38 Thugaibh uaibh, agus bheirear dhuibh;
deadh thomhas, air a dhinneadh, agus air
a chrathadh ri 'chéile, agus a' cur thairis,
bheir daoine ann bhur n-uchd; oir leis an
tomhas le'n tomhais sibh, tomhaisear dhuibh
a ris.

39 Agus labhair e cosamhlachd ri u, An
feud an dall dall a threòrachadh? nach tuit
iad le 'chéile ann an slochd?

40 Cha-n'eil an deisciobul os ceann a
mhaighstir: ach ge b'e neach a tha còimh-
liona, bithidh e mar a mhaighstir.

41 Agus e'ar son a tha thu 'faicinn an
smùirnein a tha 'an sùil do bhràthar, agus
uach 'eil thu 'toirt fainear an t-sail a tha ann
ad shùil féin?

42 No cionnus a dh'fheudas tu ràdh ri
do bhràthair, A bhràthair, leig dhomh an
smùirnein a thoirt á d' shùil, agus nach 'eil
thu 'toirt fainear an t-sail a tha ann ad
shùil féin? A chealgair, tilg a mach air
tùs an t-sail as do shùil féin, agus an sin is
lèir dhuit gu soilleir an smùirnein a tha ann
an sùil do bhràthar a thoirt aisde.

43 Oir cha deadh chraobh a bheir a mach
droch thoradh: agus cha droch chraobh a
bheir a mach deadh thoradh.

44 Oir aithnìchear gach craobh air a toradh:
oir cha tionail daoine figean de dhroighinn,
no caoran fìona do'n fhearr-dhris.

45 Bheir duine maith ni maith a mach á
deadh ionmhas a chridhe; agus bheir droch
dhuine ni ole a mach á droch ionmhas a
chridhe: oir is ann á pailteas a' chridhe a
labhras a bheul.

46 Agus e'ar son a ghoircas sibh, a Thigh-
earn', a 'Thighearn', dhiom-sa, agus nach
dean sibh na nithean a tha mi ag ràdh?

47 Gach neach a thig a m' ionnsuidh-sa,
agus a chluinneas mo bhriathran, agus a
ni iad, feuchaidh mi dhuibh co ris tha
e cosmhuil:

48 Is cosmhuil e ri duine a thog tigh, agus a ehladhaich domhain, agus a chuir a' bhunait air carraig: agus an uair a thàinig an tuil, bhuail an sruth gu dian air an tigh sin, agus clia b'urrainn e charachadh; oir bha e air a shuidheachadh air carraig.

49 Ach an ti a ehluinneas, agus nach dean, is cosmhuil e ri duine a thog tigh air an talamh gun bhunait, air an do bhuail an sruth gu dian, agus air ball thuit e; agus bu mhòr tuiteam an tigh sin.

CAIB. VII.

1 *Leighis Criosd seirbhiseach ceannaird-ceud.*
11 *Thog e mac na bantairich ann an Nain o'n bhàis; 19 dhearbhadh e do theachdairibh Eoin, le oibribh mìorbhuileach a rinn e 'n an làthair, u'm b'e fèin an Criosd a bha ri teachd; 24 nochd e do'n t-sluagh ciod i a bharail mu Eoin, &c.*

ANIS an uair a chrìochnaich e a' bhriathran uile ann an èisdeachd an t-sluaigh, chaidh e steach do Chapernaum.

2 Agus bha seirbhiseach ceannaird-ceud àraidh, a b'ionmhuinn leis, gu tinn, agus ri h-nehd bàis.

3 Agus an uair a chual' e mu Iosa, chuir e seanaircan nan Iudhach d'a ionnsuidh, a' cur impidh air gu'n tigeadh e, agus gu'n leighiscadh e a sheirbhiseach.

4 Agus an uair a thàinig iad gu Iosa, ghuidh iad air gu dùrachdach, ag ràdh, Gu'm b'airidh e gu'n deanadh esan so dha:

5 Oir is toigh leis ar cinneach-ne, agus thog e dhuinn sionagag.

6 Agus chaidh Iosa maille riu. Ach air dha bhì nis fagus do'n tigh, chuir an ceannard-ceud càirdcan d'a ionnsuidh, ag ràdh ris, A Thighearna, na cuir dragh ort fèin; oir cha'n airidh mise gu'n rachadh tu steach fo m' chléith:

7 Uime sin cha mhò a mheas mi gu'm b'airidh mi fèin air teachd a d' ionnsuidh: ach a mhàin abair am focal, agus slànùichear m' òglach.

8 Oir is duine mise fèin air mo ehur fo ùghdarras, aig am bheil saighdearan fodham; agus their mi ris an fhear so, Imich, agus imichidh e; agus ri fear eile, Thig, agus thig e; agus ri m' sheirbhiseach, Dean so, agus ni se e.

9 Agus an uair a chual' Iosa na nithean so, ghabh e iongantas ris, agus air tionndadh dha, thubhairt e ris an t-sluagh a lean e, Tha mi ag ràdh ribh, nach d'fhmair mi ereidimh co mòr as so, ann an Israel fèin.

10 Agus air pilltinn air an ais do'n tigh do na teachdairibh a chuireadh d'a ionnsuidh, fhuair iad an seirbhiseach a bha tinn, slàn.

11 Agus tharladh an là 'n a dhèigh sin, gu'n deachaidh e chum baile d'an goirear Nain; agus chaidh a dheiseiobuil maille ris, agus sluagh mòr.

12 A nis an uair a thàinig e am fagus do ghcata a' bhaile, feuch, ghiùlaineadh a mach

duine marbh, aon mhac a mhàthar, agus bu bhantrach i: agus bha sluagh mòr de *mhuinntir* a' bhaile maille rithe.

13 Agus an uair a chunnaic an Tighearna i, ghabh e truas dith, agus thubhairt e rithe. Na guil.

14 Agus thàinig e agus bhean e ris a' ghiùlan; (agus sheas iadsan a bha 'g a' ionchar;) agus thubhairt e, Oganaich, tha mi ag ràdh riut, éirich.

15 Agus dh'éirich an duine 'bha marbh 'n a shuidhe, agus thòisich e air labhairt: agus thug e d'a mhàthair e.

16 Agus ghabh cagal iad uile: agus thug iad glòir do Dhia, ag ràdh, Dh'éirich faidh mòr 'n ar measg-ne; agus, Dh'amhaire Dia air a shluagh fèin.

17 Agus chaidh an t-ionradh so mach airsan air feadh Iudea uile, agus na dùthcha mu'n cuairt uile.

18 Agus dh'innis a dheiseiobuil do Eoin mu thimcheall nan nithean sin uile.

19 Agus ghairm Eoin d'a ionnsuidh dithis àraidh d'a dheiseiobuil, agus chuir e iad gu Iosa, ag ràdh, An tusa esan a bhà ri teachd, no 'm bi sùil againn ri neach eile?

20 Agus àir teachd do na daoineibh d'a ionnsuidh, thubhairt iad, Chuir Eoin Baistidh sinne a d' ionnsuidh, ag ràdh, An tusa an ti a bha ri teachd, no 'm bi sùil againn ri neach eile?

21 Agus anns an uair sin fèin leighis e mòran o' n euslaintibh agus o' m plaighibh, agus o' dhroch spioradaibh; agus thug e 'n radhare do mhòran a bha dall.

22 Agus fhreagair Iosa, agus thubhairt e riu, Imichibh-sa agus innisibh do Eoin na nithean a chunnaic agus a chuala sibh, gu bheil na doill a' faicinn, na bacadh ag imeachd, na lobhair air an glanadh, na bodhair a' cluinntinn, na mairbh air an dùsgadh, an soisgeul air a shearmonachadh do na bochdaibh.

23 Agus is beannaichte esan nach faigh oilbheum annam-sa.

24 Agus an uair a dh'fhalbh teachdairean Eoin, thòisich e air labhairt ris an t-sluagh mu thimcheall Eoin, Ciod an ni a chaidh sibh a mach do'n fhàsach a dh'fhaicinn? an i cuile air a crathadh le gaoith?

25 Ach ciod e an ni a chaidh sibh a mach a dh'fhaicinn? an e duine air a sgeadachadh ann an eudach min? feuch, iadsan a tha sgeadaichte le eudach rìomhach, agus a' caithreachd ann beatha gu sòghail, is ann 'an eùirtibh nan rìghrean a tha iad.

26 Ach ciod e an ni a chaidh sibh a mach a dh'fhaicinn? an e faidh? seadh, tha mi ag ràdh ribh, agus nì's mò na faidh.

27 Is e so an ti mu'm bheil o' sgrìobhta, Feuch, cuiridh mi mo theachdair roimh do ghùais, a dh'ulluicheas do shlighe romhad.

28 Oir tha mi ag ràdh ribh, 'N am measg-san a rugadh le mnàibh, cha-n'eil faidh a's

mò na Eoin Baistidh: gidheadh an ti a's lugha ann an riochachd Dhé, is mò e na esan.

29 Agus dh'fhireanaich am pobull uile a chual' e, agus na eis-mhaoir Dia, air dhoibh bli air am baisteadh le baisteadh Eoin.

30 Ach chuir na Phairisich agus an luchd-lagha cùl ri comhairle Dhé d'an taobh féin, ann feadh nach do bhaisteadh iad leis.

31 Agus thubhairt an Tighearn, Cò ris uime sin a shamhlaicheas mi daoine a' ghinealach so? agus cò ris a tha iad cosmhuil?

32 Tha iad cosmhuil ri cloinn a tha 'n an suidhe 's a' mhargadh, agus a dh'éigheas r'a chéile, ag ràdh, Rinn sinn piobaireachd dhuibh-sa, agus cha d'rinn sibhse danna: rinn sinn tuircadh dhuibh-sa, agus cha d'rinn sibhse gul.

33 Oir thàinig Eoin Baistidh, cha-n ann ag itheadh arain, no ag òl fiona; agus their sibh, Tha deamhan aige.

34 Thàinig Mac an duine ag itheadh agus ag òl; agus their sibh, Feuch duine geòcach, agus pòitear-fiona, caraid chis-mhaor agus pheacach.

35 Ach tha gliocas air a fireanachadh le a cloinn uile.

36 Agus dh'iarr duine àraidh de na Phairisich air, gu'n itheadh e biadh maille ris. Agus chaidh e steach do thigh an Phairisich, agus shuidh e sìos chum bith.

37 Agus, feuch, an uair a fhuair bean anns a' bhaile, a bha 'n a peacach, fios gu'n robh e 'u a shuidhe aig biadh ann an tigh an Phairisich, thug i leatha bocsa alabastair làn de olaidh chùbhraidh,

38 Agus sheas i aig a chosaibh air a chùl-aobh a' gul, agus thòisich i air a chosan a fhliuchadh le a deuraibh, agus thiormaich i iad le folt a cinn, agus phòg i a chosan, agus dh'ung i leis an olaidh iad.

39 Agus an uair a chunnaic am Phairis-each, a thug cuireadh dha, so, labhair e ann féin, ag ràdh, Nam b'fhàidh an duine so, bhiodh fhios aige cò i a' bhean so a tha 'beantuinn ris, agus ciod is gnè dhi; oir is peacach i.

40 Agus fhreagair Iosa, agus thubhairt e ris, A Shimoìn, tha ni agam ri ràdh riut. Agus thubhairt esan, A uhaighstir, abair e.

41 Bha aig fear-faicha àraidh dithis luchd-fhiach: bha aige air aou fhear cùig ceud peghinn, agus air an fhear eile leth-cheud.

42 Agus do bhrìgh nach robh aca ni leis an dioladh iad, mhaith e gu saor dhoibh araon. Innis dhomh-sa uime sin, cò dhiubh is mò a ghràdhaicheas e?

43 Agus fhreagair Simou agus thubhairt e, Is i mò bharail gur e an neach is mò d'an do mhaith e. Agus thubhairt e ris, Is ceart a thug thu breth.

44 Agus thionndaidh e ris a' mhnaoi, agus thubhairt e ri Simon, Am faic thu a' bhean so? thàinig mi steach do d' thigh, cha d'thug thu dhomh uisge chum mo chos; ach

dh'ionnlaid ise mo chosan le deuraibh, agus thiormaich i iad le folt a cinn.

45 Cha d'thug thusa dhomh pòg: ach o thàinig ise stigh, cha do sguir i a phògadh mo chos.

46 Cha d'ung thusa mo cheann le h-olaidh: ach dh'ung ise mo chosan le h-olaidh chùbhraidh.

47 Uime sin tha mi ag ràdh riut, Gu bheil a peacaidhean a tha lionmhor, air am maith-eadh; air an aobhar sin ghràdhaich i gu mòr: ach ge b'e neach d'am maithear beagan, bithidh a ghràdh beag.

48 Agus thubhairt e rithe, Tha do pheacaidhean air am maith-eadh.

49 Agus thòisich iadsan a bha 'n an suidhe aig biadh maille ris, air a ràdh annata féin, Cò e so a tha cadhion a' maith-eadh pheacaidhean?

50 Agus thubhairt e ris a' mhnaoi, Shlànuich do chreidimh thu; imich ann an sìth.

CAIB. VIII.

1 *Phritheil mnathan do Chriosd le am maoin.*

4 *An dèigh do Chriosd searmoin a dheanamh o àit gu h-àit, agus e air a leantuinn le abstol-aibh, labhair e cosamhlachd an t-sioladair, 16 agus na coinnle; 21 chuir e 'an cèill cò iad a mhaithair, agus a bhràithrean, 22 chronuich e a' ghaath, 26 agus thug e mach a duine léigean de dheamhnaibh, &c.*

A GUS tharladh an dèigh sin, gu'n d'imich esan troimh gach caithir agus baile, a' searmonachadh, agus a' cur 'an cèill soisgeil riochachd Dhé, agus an dà fhear dheug maille ris;

2 Agus mnathan àraidh a leighiseadh o dhroch spioradaibh agus o cuslaistibh, Muire d'an goirear Magdalen, as an deachaidh sàchd deamhain,

3 Agus Ioanna bean Chusa stiùbhaird Heroìd, agus Susanna, agus mòran eile, a bha frithealadh dha le am maoin.

4 Agus an uair a chruinnich sluagh mòr, agus a thàinig iad as gach baile, d'a ionnsuidh, labhair e ann an cosamhlachd:

5 Chaidh fear-cuir a mach a chur a shìl: agus ag cur da, thuit cuid ri taobh an rathaid; agus shaltradh sìos e, agus dh'ith eunlaith an athair suas e.

6 Agus thuit cuid eile air carraig, agus air fas da, shearg e, do bhrìgh nach robh sìgh aige.

7 Agus thuit cuid eile am measg droighinn, agus dh'fhàs an droighionn maille ris, agus thachd se e.

8 Agus thuit cuid eile air talamh maith, agus dh'fhàs e suas, agus thug e toradh uath a cheud uiread *as a chuireadh*. Agus air dha na nithcan sin a ràdh, ghlaodh e, Ge b'e aig am bheil cluasan chum éisd-eachd, éisd-eadh e.

9 Agus dh'fhiosraich a dheisciobail deth, ag ràdh, Ciod e an cosamhlachd so?

10 Agus thubhairt esan, Thugad an dhuibh-

sa eòlas fhaotainn air rùn dìomhair rìoghachd Dhé; ach do chàch ann an cosamhlachdaibh, ionnus ag faicinn doibh nach faiceadh iad, agus ag cluinntinn doibh nach tuigeadh iad.

11 Ach is e so an cosamhlachd: Is e an siol focal Dhé.

12 Iadsan ri taobh an rathaid, is iad sin a dh'éisdeas: 'n a dhéigh sin tha an diabhul a' teachd, agus a' togail air falbh an fhocail as an cridheachaibh, air eagal gu'n creideadh iad agus gu'm bitheadh iad air an saoradh.

13 An dream air a' charraig, *is iad sin iadsan*, an uair a dh'éisdeas iad, a ghabhas am focal d'an ionnsuidh le gairdeachas; ach cha-n'eil aca so freumh, *muinntir* a chreideas ré tamuill, agus 'an àm buairidh a tha 'tuiteam air falbh.

14 Agus an ni a thuit am measg droighinn, is iad sin an dream a dh'éisdeas, agus air dhoibh dol a mach, tha iad air an tachdadh le curam, agus le saobhlreas, agus le sàmh na beatha so, agus cha-n'eil iad a' toirt toraidh uatha chum foirfeachd.

15 Ach an ni a *thuit*'s an talamh mhaith, is iad sin iadsan, air dhoibh am focal éisd-eachd, a tha 'g a choimhead ann an cridhe treibh-dhireach agus maith, agus a' toirt toraidh uatha le foighidinn.

16 Cha-n'eil neach air bith, air dha coinneal a lasadh, a dh'fholaicheas fo shoitheach i, no 'chuireas fo leabaidh i: ach cuiridh e ann an coinnleir i, chum gu'm faic iadsan a thig a stigh an solus.

17 Oir cha-n'eil ni sam bith folaichte, nach deanar follaiseach; no uaigneach, nach aithneach, agus nach tig 'am follais.

18 Air an aobhar sin thugaibh fainear cionnus a dh'éisdeas sibh: oir ge b'e neach aig am bheil, bheirear dha; agus ge b'e neach aig nach 'eil, bheirear uaith eadhon an ni sin a shaoilear a bhi aige.

19 An sin thàinig d'a ionnsuidh a mhàthair agus a bhràithrean, agus cha b'urrainn iad teachd 'am fagus da leis an dòmbhas.

20 Agus dh'innscadh dhale *dream àraidh*, a thubhairt, Tha do mhàthair agus do bhràithrean 'n an seasamh a muigh, ag iarraidh d'fhaicinn.

21 Agus fhreagair esan agus thubhairt e riu, Is iad mo mhàthair agus mo bhràithrean iadsan a dh'éisdeas ri focal Dhé, agus a ni e.

22 Agus tharladh air Bàraidh, gu'n deachaidh e féin agus a dheisciobuil a stigh do luing: agus thubhairt e riu, Rachamaid thairis gu taobh thall an locha. Agus chuir iad a mach o *thìr*.

23 Ach ag seòladh dhoibh, thuit codal air-san: agus thàinig ànradh gaoithe a nuas air an loch, agus lìonadh iad *le h-uisge*, agus bha iad ann an gabhadh.

24 Agus thàinig iad d'a ionnsuidh, agus

dhùisg iad e, ag ràdh, A mhaighstir, a mhaighstir, tha sinn caillte! An sin dh'èirich esan, agus chronuich e a' ghaoth, agus onfha an uisge: agus sguir iad, agus thàinig feàth ann:

25 Agus thubhairt e riu, C'ait am bheil bhur creidimh? agus air dhoibh a bhi fo eagal, ghabh iad iongantais, ag ràdh 'na chèile, Cìod a' ghnè dhuine so? oir tha e 'toirt àithne do na gaothaibh, agus do'n uisge féin, agus tha iad ùmhal dha.

26 Agus thàinig iad air tìr aig dùthaich nan Gadareneach, a tha thall fa chomhair Ghailé.

27 Agus an uair a chaidh e mach air tìr, choinnich duine àraidh as a' bhaile e, anns an robh deamhain ré aimsir fhada, agus aig nach biodh eudach uime, agus nach fanadh ann an tigh, ach anns na h-àitibh-adhlaic.

28 An uair a chunnaic e Iosa, ghlaodh e mach, agus thuit e sìos 'n a làthair, agus thubhairt e le guth àrd, Cìod e mo ghnòthuch-sa riut, Iosa, a Mhic au Dé a's ro àirde? guidheam ort, na pian mi.

29 (Oir bha e air toirt àithne do'n spiorad neòghlan dol a mach as an duine. Oir bu tric a rug e gu naimhdeil air: agus cheangladh e le slabhruidhibh, agus choimhleadh 'angeimhlibh e; agus air briscadh a chuibhreathan dha, dh'iomaineadh e leis an deamhan do'n fhàsach.)

30 Agus dh'fhiosraich Iosa dheth, ag ràdh, Cìod a's ainm dhuit? agus thubhairt esan, Legion: a chionn gu'n deachaidh mòran dheamhan a steach ann.

31 Agus ghuidh iad air, gun àithne thoirt doibh dol sìos do'n doimhneachd.

32 Agus bha treud ònmhor mhuc an sin, ag ionatrachd air an t-slabh: agus ghuidh iad air cead a thoirt doibh dol a steach anna. Agus thug e cead doibh.

33 An sin air dol do na deamhaibh a mach as an duine, chaidh iad anns na mucaibh: agus ruith an treud mhuc gu dian sìos le bruthach do'n loch, agus thachdadh iad.

34 Agus an uair a chunnaic an dream a bha 'g am biadhadh an ni a rinneadh, theich iad, agus dh'innis iad e anns a' bhaile, agus anns an dùthaich.

35 Agus chaidh iadsan a mach a dh'fhaicinn an ni a rinneadh; agus thàinig iad gu Iosa, agus fhuair iad an duine as an deachaidh na deamhain, 'n a shuidhe aig cosaibh Iosa, air 'eudachadh, agus e 'n a chéill: agus ghabh iad eagal.

36 Agus dh'innis an dream a chunnaic e dhoibh, cionnus a shlànuicheadh an duine 's an robh na deamhain.

37 An sin dh'iarr muinntir dùthcha nan Gadareneach uile airsan imeachd uatha; oir ghlaodh le h-eagal mòr iad: agus chaidh e s an luing, agus phill e air ais a ris.

38 A nis ghuidh an duine as an deachaidh

na deamhain air, e fèin a bhi maille ris: ach chuir Iosa uaith e, ag ràdh,

39 Pill do d' thigh fèin, agus cuir 'an cèill meud nan nithean a rinn Dia dhuit. Agus dh'imich e roimhe, ag innseadh gu follais-each air feadh a' bhaile uile, meud nan nithean a rinn Iosa dha.

40 Agus tharladh, an uair a phill Iosa air ais, gu'n do ghabh an sluagh gu toileach ris: oir bha iad uile 'g a fheitheamh.

41 Agus, feuch, thàinig duine d'am b'ainm Iairus, a bha 'n a uachdaran air an t-sionag-gog; agus thuit e aig cosaibh Iosa, agus ghluidh e air gu'n tigeadh e d'a thigh:

42 Do bhrìgh gu'n robh aon-ghin nighinn aige, mu thimchioll dà bhliadhna dheug, agus i 'faotainn a bhàis. (Ach air dha bhi 'g imcadh, bha'n sluagh 'g a theannadh.

43 Agus thàinig bean air an robh dòrtadh fola dà bhliadhna dheug, agus a chaith a beathachadh uile ri lighichibh, agus nach b'urrainn 'bhi air a leigheas le neach air bith,

44 Thàinig ise air a chùlaobh, agus bhean i ri iomall eudaich: agus sguir a dòrtadh fola air ball.

45 Agus thubhairt Iosa, Cò 'bhean rium? Air àicheadh do na h-uile, thubhairt Peadar ris, agus iadsan a bha maille ris, A mhaighstir, tha 'n sluagh ga d' dhòmhlachadh, agus ga d' theannadh, agus an abair thu, Cò 'bhean rium?

46 Agus thubhairt Iosa, Bhean neach éigin rium: oir mhothaich mi cumhachd a' dol asam.

47 Agus an uair a chunnaic a' bhean nach robh i 'an ain-fhios, thàinig i air chrith, agus a' sleuchdadh dha, chuir i'n cèill da, an làthair an t-sluagh uile, e'ar son a bhean i ris, agus mar a shlànucheadh i gu grad.

48 Agus thubhairt esan rithe, A nighean, biodh misneach agad: shlànuch do chreidimh thu; imich ann an sìth.

49 Am feadh a bha e fathast a' labhairt, thàinig neach o thigh Uachdarain na sion-agoig, ag ràdh ris, Tha do nighean marbh; na cuir dragh air a' mhaighstir.

50 Ach an uair a chual Iosa so, fhreagair se c, ag ràdh, Na bitheadh eagal ort: a mha'n ereid, agus bithidh i air a slànuchadh.

51 Agus an uair a chaidh e do'n tigh, cha do leig e le neach air bith dol a stigh, ach Peadar, agus Eoin, agus Seumas, agus ath-air agus màthair na nighinn.

52 Agus bha iad uile a' gul, agus a' dean-amh caoidh air a son: ach thubhairt esan, Na guilibh; cha-n'èil i marbh, ach 'n a codal.

53 Agus riun iad gàire fanoid ris, a chionn gu'n robh fhios aca gu'n robh i marbh.

54 Agus air dha an cur a mach uile, ghlac e air làimh i, agus ghlacdh e, ag ràdh, A nighean, éirich.

55 Agus thàinig a spiorad air ais, agus

dh'éirich i air ball: agus dh'àithn e biadh a thoirt di.

56 Agus ghlac uamhas mòr a pàrantan: ach thug esan àithne dhoibh gum an nì a rinneadh innseadh do neach air bith.

CAIB. IX.

1 Chuir Crìosd a mach 'abstoil a dh'oibreachadh mhiorbhuilean, agus a shearmonachadh. 7 Tha togradh aig Herod Crìosd fhaicinn. 17 Thug Crìosd lòn do chàig mìle gu miorbhuileach, 22 dh'innis e 'fhuilangas roimh-laimh, 23 is éigin do na h-uile, lè'm b'àill a bhi 'n an deisciobuil da, eisiomplair-san a leanuinn. 28 Atharrachadh a chrutha. 37 Shlànuich e leanab air an robh an tuileamach.

AGUS ghairm e an dà fhear dheug an ceann a chèile, agus thug e cumhachd agus ùghdarras doibh air na h-uile dheamhnaibh, agus a chum: euslaintean a leigheas.

2 Agus chuir e mach iad a shearmonachadh rioghachd Dhé, agus a shlànuchadh nan euslan.

3 Agus thubhairt e riu, Na tugaibh ni air bith leibh chum na sliغه, bataichean, no màla, no aran, no airgiod; ni mò bhios da chòta aig gach fear agaibh.

4 Agus ge b'e air bith tigh d'an téid sibh a steach, fanaibh an sin, agus á sin rachaibh a mach.

5 Agus cò air bith iad nach gabh ribh, air dhuibh dol a mach as a' bhaile sin, erathaibh dhibh eadhon an duslach o bhur cosaibh mar fhianuis 'n an aghaidh.

6 Agus chaidh iadsan a mach, agus ghabh iad troimh na bailtibh, a' searmonachadh an t-soisgeil, agus a' leigheas anns gach àit.

7 Agus chuala Herod an Tetrarc na h-uile nithean a rinneadh leis: agus bha e ann an imeheist, do bhrìgh gu'n dubhradh le cuid, gu'n robh Eoin air éirigh o na marbhaibh;

8 Agus le cuid, gu'n d'fhoillsicheadh Elias; agus le cuid eile, gu'n robh aon de na seann fhàidhibh air éirigh a ris.

9 Agus thubhairt Herod, Thug mise an ceann de Eoin: ach cò e am fear so mu 'm bheil mi 'cluinntinn a leithid so de nithibh? Agus dh'iarr e fhaicinn.

10 Agus air pilltinn do na h-abstolaibh, dh'innis iad dha gach ni a riun iad. Agus thug e leis iad, agus chaidh e fa leth gu àite fasail, a bhuineadh do'n bhaile d'an goirear Betsaida.

11 Agus an uair a fhuair an sluagh fios air lean iad e: agus ghabh e d'a ionnsuidh iad, agus labhair e riu mu thimchioll rioghachd Dhé, agus leighis e iadsan aig an robh feum air leigheas.

12 Agus an uair a thòisich an là air teir-eachdainn, thàinig an dà fhear dheug, agus thubhairt iad ris, Cuir air falbh an sluagh, chum gu'n téid iad do na bailtibh agus do'n tìr mu'n cuairt, agus gu'n gabh iad tàmh agus gu'm faigh iad biadh; oir tha sinn an so ann an àite fasail.

13 Ach thubhairt esan riu, Thugaibh-sa dhoibh nì r'a itheadh. Agus thubhairt iad-san, Cha-n'eil againn tuilleadh na cùig buillionnan agus dà iasg: mur téid sinn agus biadh a cheannach do'n t-sluagh so uile.

14 Oir bha iad mu thimchioll cùig mìle fear. Agus thubhairt e r'a dheisciobluibh, Cuiribh 'n an suidhe iad, leth-cheud anns gach cuideachd.

15 Agus rinn iad mar sin, agus chuir iad 'n an suidhe iad uile.

16 Agus ghabh e na cùig buillionnan agus an dà iasg, agus air amharc suas gu nèamh, bheannaich e iad, agus bhris e, agus thug e d'a dheisciobluibh iad gu'n cur an lathair an t-sluaigh.

17 Agus dh'ith iad, agus shàsuicheadh iad uile: agus thogadh dà chliabh dheug de bhiadh briste; a bha dh'fhuigheall aca.

18 Agus tharladh, air dha bhi ri urnuigh fa leth, gu'n robh a dheisciobuil maille ris: agus dh'fheòraich e dhiubh, ag ràdh, Cò a tha an sluagh ag ràdh is mise?

19 Fhreagair iadsan agus thubhairt iad, Eoin Baistidh: ach *tha* cuid ag ràdh Elias: agus euid cile, gu bheil aon de na sean fhàidhibh air éirigh ris.

20 Thubhairt e riu, Aeh cò a tha sibhse ag ràdh is mi? Agus fhreagair Peadar, agus thubhairt e, Criosd Dhé.

21 Agus air dha sparradh teann a thoirt doibh, dh'èithn e gun iad a dh'innseadh so do neach sam bith;

22 Ag ràdh, Gur éigin do Mhac an duine mòran fheulang, agus a bhi air a dhiultadh leis na seanairibh, agus na h-àrd-shagartaibh, agus na sgrìobhaichibh, agus a bhi air a chur gu bàs, agus air a thogail suas air an treas là.

23 Agus thubhairt e riu uile, Ma's àill le neach air bith teachd a'm' dhéigh-sa, àich-eadhadh se e féin, agus togadh e a chrann-ceusaidh gach là, agus leanadh e mise.

24 Oir ge b'e neach le'm b'àill 'anam a thèarnadh, caillidh se e: ach ge b'e neach a chailleas 'anam air mo sgàth-sa, saoraidh esan e.

25 Oir ciod e an tairbhe do dhuine, ged chosnadh e an saoghal gu h-iomlan, agus e féin a chall, no a bhi air a sgrìos?

26 Oir ge b'e neach a ghabhas nàire dhiom-sa agus do m' bhriathraibh, gabhaidh Mae an duine nàire dheth-san, an uair a thig e 'n a ghloir féin, agus '*an glòir* 'Athar, agus nan ainmeal naomha.

27 Aeh tha mise ag ràdh ribh gu fìrinn-each, gu bheil euid 'n an seasamh an so, nach blais bàs, gus am faic iad rioghachd Dhé.

28 Agus tharladh, mu thimchioll ochd làithean an déigh nam briathran so, gu'n d'thug e leis Peadar, agus Eoin, agus Seumas, agus gu'n deachaidh e suas gu beinn a dheanamh urnuigh.

29 Agus an uair a bha e ri urnuigh, bha dreach a ghnuise air atharrachadh, agus rinneadh 'eudach geal agus dealraeh.

30 Agus, feuch, bha dithis fhear a' còmh-radh ris, eadhon Maois agus Elias,

31 A nochdadh ann an glòir, agus a bha 'labhairt m'a bhàs, a bha esan gu choimhlion-adh ann an Ierusalem.

32 Aeh bha Peadar, agus iadsan a bha maille ris, trom 'n an codal: agus an uair a dhùisg iad, chunnaic iad a ghlòir, agus an dithis fhear a bha 'n an seasamh maille ris.

33 Agus an uair a bha iadsan a' dealachadh ris, thubhairt Peadar ri Iosa, A mhaighstir, is maith dhuinne bhi an so; agus deanamaid trì pàillianan, aon duitse, agus aon do Mhaois, agus aon do Elias; gun fhios aige ciod a bha e ag ràdh.

34 Am feadh a bha e ag ràdh so, thàinig neul, agus chuir e sgàile orra: agus ghabh iad eagal an uair a bha iad a' dol a stigh 's an neul.

35 Agus thàinig guth as an neul, ag ràdh, Is e so mo Mhac gràdhach-sa; éisdibh ris.

36 Agus an uair a rinneadh an guth so, fhuaradh Iosa 'n a aonar: agus dh'fhan iadsan 'n an tosd, agus cha d'innis iad do neach air bith anns na làithibh sin aon nì de na chunnaic iad.

37 Agus tharladh, an là 'n a dhéigh sin, an uair a thàinig iad a nuas o'n bheinn, gu'n do thachair sluagh mòr an.

38 Agus, feuch, ghlaodh duine àraidh de'n t-sluagh, ag ràdh, A mhaighstir, tha mi a' guidhe ort, amhair air mo mhac, oir is e m' aon duine cloinne e.

39 Agus, feuch, tha spiorad a' breith air, agus tha e gu h-obann ag éigheach; agus tha e 'g a tharruing as a chéile, air chor as gu bheil e 'cur cobhair a mach, agus an déigha chomh-bhruthadh is gann a dh'fhàgas se e.

40 Agus ghluidh mi air do dheisciobluibh gu'n cuireadh iad a mach e, agus cha b'urr-ainn iad.

41 Agus fhreagair Iosa agus thubhairt e, O ghinealaich mhi-chreidich agus fhiar, cia fhad a bhitheas mi maille ribh, agus a dh'fhuilgeas mi sibh? Thoir an so do mhae.

42 Agus am feadh a bha e fatlast a' teachd, thilg an deamhan sìos e, agus rcub se e: agus ehronnich Iosa an spiorad neòghlan, agus shlànuich e an leanabh, agus thug e d'a athair e.

43 Agus ghabh iad namhas uile ri mòr-ehumhachd Dhé. Aeh air dhoibh uile 'bhi gabhadh iongantais ris na h-uile nithibh a rinn Iosa, thubhairt e r'a dheisciobluibh.

44 Taisgibh na briathran so ann bhur cluas-aibh: oir tha Mac an duine gu bhi air a thoirt thairis do lànhan dhaoine.

45 Aeh cha do thuig iadsan an còmh-radh so, agus bha e folaiseichte nathia, air chor as

nach b'aithe dhoibh e: agus bha eagall orra ceisd a chur air mu thimchioll a' chòmhraidh so.

45 An sin dh'èirich deasboireachd eatorra, cò aca 'bu mhò a bhitheadh.

47 Agus air do Iosa smuaintean an cridhe fhaicinn, ghabh e leanabh, agus chuir e lèimh ris féin e,

48 Agus thubhairt e riu, Ge b'e 'ghabhais ris an leanabh so ann am ainm-sa, tha e a' gabhail riumsa: agus ge b'e neach a' ghabhas riumsa, tha e 'gabhail ris an ti a chuir uaithe mi: oir an neach a's lugha 'n ur measg-sa uile, bithidh esan mòr.

49 Agus fhreagair Eoin, agus thubhairt e, A mhaighstir, chunnaic sinne duine àraidh a' tilgeadh mach dheamhan a' d'ainm-sa; agus bhac sinn e, a chionn nach 'eil e 'g ar leantuinn-ne.

50 Agus thubhairt Iosa ris, Na bacadh e: oir ge b'e nach 'eil 'n ar n-aghaidh, tha e leinn.

51 A nis an uair a choisinn lèighidh lèithean a' ghabhail suas, shuidhich e a ghnùis chum dol gu Ierusalem;

52 Agus chuir e teachdairean roimh a ghnùis: agus dh'imich iad, agus chaidh iad a steach do bhaile leis na Samaritanaich, a dh'ulluchadh air a shon-san.

53 Agus cha do ghabh iadsan ris, a chionn gu'n robh 'aghaidh mar gu'm bithheadh e 'dol gu Ierusalem.

54 Agus an uair a chunnaic a dheisciobuil Seumas agus Eoin so, thubhairt iad, A Thighearn, an àill leat gu'n abramaid teine a theachd a nuas o nèamh, agus an losgadh, eadhon mar a rinn Elias?

55 Ach thionndaidh esan agus chronuich e iad, agus thubhairt e, Cha-n'eil fhios agaibh ciod a' ghnè spioraid d'am bheil sibh:

56 Oir cha d'fhàinig Mac an duine a sgrìos anaman dhaoine, ach g'an saoradh. Agus chaidh iad gu baile eile.

57 Agus tharladh, an uair a bha iad ag imeachd air an t-slighe, gu'n dubhairt duine àraidh ris, A Thighearna, leanaidh mise thu ge b'e àit an téid thu.

58 Agus thubhairt Iosa ris, Tha tuill aig na sìonach, agus nì aig cumlaith an athair; ach cha-n'eil àit aig Mac an duine anns an cuir e a cheann foidhe.

59 Agus thubhairt e ri duine eile, Lean mise: ach thubhairt esan, A Thighearna, leig dhomh dol air tús agus m'athair adhlac.

60 Ach thubhairt Iosa ris, Leig leis na mairbh an mairbh féin adhlac; ach imich thusa agus searmonaich rìoghachd Dhé.

61 Agus thubhairt neach eile mar an ceudna, A Thighearna, leanaidh mise thu: ach leig dhomh air tús mo chead a ghabhail diubhsan a tha aig mo thigh.

62 Ach thubhairt Iosa ris, Cha-n'eil neach

air bith, a chuircas a làmh ris a' chrann-araidh, agus a sheallas 'n a dhéigh, iomchuidh air son rìoghachd Dhé.

CAIB. X.

1 *Chuir Crìosd a mach a dh'aon uair deich agus trì fichead deisciobul a shearmonachadh; 17 dh'iarr e orra bhà iriosal, agus dh'innis e dhoibh ciod e an nì anns am buineadh dhoibh gairdeachas a dheanadh; 21 thug e buidheachas d'a Athair air son a ghnàis; 23 agus chuir e 'an cèll staid shona a dheisciobul. 41 Chronuich e Martha.*

AN déigh nan nithean sin, dh'orduich an Tighearn mar an ceudna deichnear agus trì fichead eile, agus chuir e lion dithis agus dithis roimh a ghnàis iad, do gach baile, agus àit, anns an robh e féin gu teachd.

2 Air an aobhar sin thubhairt e riu, *Tha* am fogharadh gu fìrinnach mòr, ach *tha* an luchd-oibre teare: guidhibh uime sin air Tighearn an fhogharaidh, luchd-oibre chur a mach chum 'fhogharaidh féin.

3 Imichibh: feuch, tha mise 'g ur cur a mach mar uain am measg mhadaidh-alluidh.

4 Na giùlainibh sporan, no màla, no brègan; agus na beannaichibh do neach air bith 's an t-slighe.

5 Agus ge b'e tigh d'an téid sibh a steach, abraibh air tús, Sith do'n tigh so.

6 Agus ma bhithas mac na sìthe an sin gabhaidh bhuir sìth còmhuidh air: ach mair bi, pillidh *bhuir sìth* do bhuir n-ionnsuidh féin a ris.

7 Agus fanaibh anns an tigh sin, ag ith-eadh agus ag òl nan nithean a bheireur dhuibh: oir is airidh an t-oibriche air a thuarasad. Na rachaibh o thigh gu tigh.

8 Agus ge b'e baile d'an téid sibh a steach, agus 's an gabh iad ribh, ithibh na nithean sin a chuircas iad 'n 'ur làthair.

9 Agus leighisibh a' mhuinntir a tha eusan ann, agus abraibh riu, Tha rìoghachd Dhé air teachd am fagus duibh.

10 Ach ge b'e baile d'an téid sibh a steach, agus nach gabh iad ribh, air dhuibh dol a mach air a shràidibh, abraibh,

11 Eadhon duslach bhuir baile a lean ruinn, tha sinne a' glanadh dhinn 'n ur n-aghaidhsa: gheadh, bithheadh fhios so agaibh gu'n do dbruid rìoghachd Dhé ribh.

12 Ach tha mise ag ràdh ribh, gur so-ionmhaire a bhitheas e do Shodom 's an làud, na do'n bhaile sin.

13 Is an-aoibhinn duit, a Chorasin! is an-aoibhinn duit, a Bhetsaida! oir nam bith-eadh na h-oibre cumhachdach a rinneadh annaibh-sa air an deanamh ann an Tirus agus ann an Sidon, is fad o'n a dheanadh iad aithreachas, 'n an suidhe ann an saic-eudach agus ann an luathire.

14 Ach bithidh e nìs so-ionmhaire do Thirus agus do Shidon anns a' bhreitheanas, na dhuibh-sa.

15 Agus thusa, a Chapernaum, a tha air òrdachadh gu nèamh, tilgear sios gu h-ìfrinn thu.

16 Esana a dh'èisdas ribhse, èisdidh e rium-a: agus esau a dhiultas sibhse, tha e ga mo dhiultadh-sa: agus an neach a dhiultas mise, tha e a' dhiultadh an ti a chuir uaith mi.

17 Agus phill an deichnear agus an tri fheadh le gairdeachas, ag ràdh, a Thigh-carna, tha na deamhain fèin fo smachd againne troimh d'ainm-sa.

18 Agus thubhairt e riu, Chunnaic mi Sàtan, mar dhèalanach, a' tuiteam o nèamh.

19 Feuch, tha mi 'toirt dhuibh cumhachd saltairt air nathraichibh, agus air scorpion-aibh, agus air uile neart an nàmhaid; agus cha ghoirtich ni air bith air aon dòigh sibh.

20 Gidheadh na deanaibh gairdeachas air son gu bheil na spioraid fo bhuir smachd; ach deanaibh gairdeachas air son gu bheil bhuir n-ainmean sgriobhta anns na nèamhan.

21 Anns an uair sin fèin rinn Iosa gairdeachas 'n a spiorad, agus thubhairt e, Tha mi 'toirt buidheachais duit, O Athair, a Thighearna nèimh agus talmhainn, air son gu'n d'fhòlaich thu na nithean sin o *dhaoimibh* gliee agus tuisgeach, agus gu'n d'fhoillsich thu iad do naoidheanaibh: seadh, Athair, oir is ann mar sin bu toil leatsa.

22 Tha na h-uile nithean air an tabhairt domh-sa le m' Athair: agus cha-n aithne do neach air bith cò e am Mac, ach do'n Athair; no cò e an t-Athair ach do'n Mhac, agus an neach d'an àill leis a' Mhac 'fhoillsachadh.

23 Agus air tionndadh r'a dhèiscioblubh, thubhairt e riu ann an uaignidheas. Is beannaichte na sùilean a chi na nithean 'tha sibhse a' faicinn:

24 Oir tha mi ag ràdh ribh, Gu'm b'iomadh fàidh agus rìgh, le'm bu mhiann na nithean fhaicinn a tha sibhse a' faicinn, agus nach fac iad; agus na nithean a chluinntinn, a tha sibhse a' cluinntinn, agus nach cual iad.

25 Agas, feuch, sheas fear-lagha àraidh suas, 'g a dhearbhadh, agus ag ràdh, A mhaighstir, ciod a ui mi chum gu'n sealbhaich mi a' bheatha mhaireannach?

26 Agus thubhairt e ris, Ciod a tha sgriobhta 's an lagh? cionnus a leughas tu?

27 Agus ag freagairt dèasan, thubhairt e, Gràdhaidhidh tu an Tighearna do Dhia le d'uile chridhe, agus d'uile anam, agus le d'uile neart, agus le d'uile inntinn; agus do choimhearsnach mar thu fèin.

28 Agus thubhairt esan ris, Is ocart a 'fhreagair thu: dean-sa so, agus bithidh tu beò.

29 Ach air dhàsan toil a bhi aige e fèin fhìreanachadh, thubhairt e ri Iosa, Agus cò e mo choimhearsnach?

30 Agus fhreagair Iosa, agus thubhairt e, Chaidh duiue àraidh sios o Ierusalem gu Iericho, agus thuit e am measg luchd-reubainn, agus air dhoibh a rùsgadh, agus a lotadh, dh'imich iad rompa, air 'fhàgail-san doibh leth-mharbhbh.

31 Agus tharladh, gu'n d'imich sagart àraidh sios air au t-slighe siu: agus an uair a chunnaic se e, ghabh e seachad air an taobh eile.

32 Agus mar an ceudna air do Leblith-each bhi dlùth do'n ionad sin, thàinig e agus dh'amhairc e air, agus ghabh e seachad air an taobh eile.

33 Ach air do Shamaritanach àraidh bhi 'gabhail an rathaid, thàinig e far an robh esan: agus an uair a chunnaic se e, ghabh e truas mòr *d'eth*,

34 Agus thàinig e d'a ionnsuidh, agus cheangail e suas a chreuchdan, a' dortadh olaidh agus fìona anna, agus chuir e air 'ainmhidh fèin e, agus thug e gu tigh-òsda e, agus ghabh e cùram d'eth.

35 Agus air an là màireach, 'n uair a dh'fhalbh e, thug e mach dà pheghinn *Romanach*, agus thug e do fhear an tigh-òsda iad, agus thubhairt e ris, Gabh cùram d'eth; agus ge b'e ni tuilleadh a chaitheas tu, an uair a philleas mise air m'ais, diolaidh mi dhuist e.

36 Cò a nis de'u triuir so, a shaoileas tu, a bu choimhearsnach dhàsan a thuit 'am measg an luchd-reubainn?

37 Agus thubhairt esan, An ti a rinn tròc-air air. An sin thubhairt Iosa ris, Imich thusa, agus dean mar an ceudna.

38 Agus ag imeachd dhoibh, chaidh e steach do bhaile àraidh; agus ghabh beau àraidh, d'am b'ainm Marta, d'a tigh fèin e.

39 Agus bha piuthar aice d'an goirteadh Muire, a shuidh aig cosaibh Iosa, agus a bha 'g èisdachd 'fhocail.

40 Ach bha Marta fo chùram le mòran frithealaidh, agus air seasamh dhi 'n a làth-air, thubhairt i, A Thighearna, nach 'eil suim agad gu'n d'fhàg mo phiuthar mise a'm' aonar ri frithealaidh? uime sin abair rithe cuideachadh leam.

41 Agus fhreagair Iosa, agus thubhairt e rithe, a Mharta, a Mharta, tha thusa làn cùram, agus trioblaid nu thimchioll mòrain de nithibh:

42 Ach tha aon ni feumail. Agus rinn Muire roghainn de'n chuid mhaith sin, nach toirear uaipe.

CAIB. XI.

1 *Theagaisg Crìosd d'a dheiscioblubh urnuigh a dheanamh gu bithidheanta.* 14 *Thilg e mach deamhan a bha ballh, agus chronuich e na Phairisich air son an toibheim.* 28 *Nochd e cò iad a tha beannaichte, 37 agus chronuich e na Phairisich agus na sgriobhaichean.*

AGUS tharladh air dha bhi ann an ionad àraidh ri h-urnuigh, 'n uair a sguir

e, gu'n dubhairt neach àraidh d'a dheiscioblubh ris, A Thighearna, teagaisg dhuinne urnuigh a dheanamh, mar a theagaisg Eoin d'a dheiscioblubh féin.

2 Agus thubhairt e riù, 'N uair a ni sibh urnuigh, abraibh, Ar n-Athair a tha air nèamh, Gu naomhaichear d'aìum. Thigeadh do rìoghachd. Deanar do thoil, mar air nèamh, gu ma b-hamluidh sin air thalamh.

3 Thoir dhuinn o là gu là ar-an làthair.

4 Agus maith dhuinn ar peacaidhean: oir tha sinn féin a' maitheadh do gach aon air am bheil fiachan againn. Agus na leig ann am buaireadh sinn, ach saor sinn o'n olc.

5 Agus thubhairt e riù. Cò agaibh-sa aig am bi caraid, agus a théid d'a ionnsuidh air mhacadh-onidhe, agus a their ris, A charaid, thoir dhomh trì buillean air iasachd;

6 Oir thàinig caraid dhomh a m' ionnsuidh as a shlighe, agus cha-n'eil ni agam a chuir-cas mi na làthair:

7 Agus gu'm freagair esan o'n taobh a stigh agus gu'n abair e, Na cuir dragh orm: tha 'n dorus a nis air a dhùnadh, agus tha mo chlan maille riùm 's an leabaidh; cha-n fhaigh mi éirigh agus an toirt duit.

8 Tha mi ag ràdh ribh, Ged nach éirich e agus nach toir e dha, air son gur e a charaid e; gidheadh air son a liosdachd, éirich e agus bheir e dha 'mheud as a tha dh'uir-easbhuidh air.

9 Agus tha mise ag ràdh ribh, Iarraibh, agus bheir-car dhuibh: siribh, agus gheibh sibh; buailibh an dorus, agus fosgailcar dhuibh.

10 Oir gach neach a dh'iarraas, glacaidh e: agus an ti a shireas, gheibh e: agus do'n ti a bhuailcas, fosgailcar.

11 Ma dh'iarraas mac aran air aon neach agaibh-sa 'tha 'n a athair, an toir e dha clach? no ma dh'iarraas e iasg, an toir e nathair dha 'an àit éisg?

12 No ma dh'iarraas e ubh, an toir e scor-pion da?

13 Air an aobhar sin ma's aithne dhuibh-sa a tha olc, tìodhlacan maithe a thoirt do 'ur cloimn, nach mòr is mò na sin a bheir bhur n-Athair nèamhaidhan Spiorad naomh dhoibh-san a dh'iarraas air e?

14 Agus bha e 'tilgeadh a mach deamh-ain, agus bha e balbh. Agus air dol do'n deamhan a mach, labhair ain balbhan; agus ghabh an sluagh iongantais.

15 Ach thubhairt cuid dhuibh, Is ann troimh Bheelsebub ceannard nan deamhan a tha e 'tilgeadh mach dheamhan.

16 Agus dh'iarr dream eile dhuibh, 'g a dhearbhadh, comharadh air o nèamh.

17 Ach air dhàsan an smuaintean a thuig-sinn, thubhairt e riù, Gach rìoghachd a tha roinnte 'n a aghaidh féin, fasaichear i; agus gach tigh a tha roinnte 'n a aghaidh féin, tuitidh e.

18 Agus ma tha Sathan mar an ceudna air

a roinn 'n a aghaidh féin, cionnus a sheasas a rìoghachd? oir tha sibhse ag ràdh, gu bheil mise troimh Bheelsebub a' tilgeadh a mach dheamhan.

19 Agus ma 's ann troimh Bheelsebub a tha mise a' tilgeadh mach dheamhan, cò e troimh am bheil bhur clann-sa 'g an tilgeadh mach? uime sin bithidh iadsan 'n ann breitheamhaibh oirbh.

20 Ach ma 's ann le mèur Dhé a tha mise a' tilgeadh mach dheamhan, tha rìoghachd Dhé, gun teagamh, air teachd oirbhse.

21 'N uair a ghleidheas duine fèidir fo armaibh a thalla féin, tha na bhuineas da ann an sìth.

22 Ach an uair a thig duine a's treise na e, agus a bheir e buaidh air, bheir e uaith 'armachd uile anns an robh a dhòigh, agus roinnidh e a chreach.

23 An neach nach 'eil leam-sa, tha e a'm' aghaidh; agus an neach nach 'eil a' cruinn-eachadh leam-sa, sgapaidh e.

24 'N uair a théid an spiorad neòghlan a mach á duine, imichidh e troimh ionadaibh tiorma, ag iarraidh foise: agus an uair nach faigh e sin, their e, Pillidh mi dh'ionnsuidh mo thighe as an d'thàinig mi.

25 Agus air dha teachd, gheibh se e air a sguabadh agus air a dheanamh maiseach.

26 An sin imichidh e, agus bheir e leas scachd spioradan eile a's miosa na e féin; agus air dhoibh dol a steach, gabhaidh iad còmhuidh an sin: agus bithidh cor deir-eannach an duine sin n's miosa na a cheud chor.

27 Agus an uair a bha e 'labhairt nan nithean so, thog bean àraidh de'n t-sluagh a guth, agus thubhairt i ris, Is beannaichte a' bhrù a ghiùlain thu, agus na cìochan a dheoghail thu.

28 Ach thubhairt esan, Is mò gur beannaichte iadsan a dh'éisdeas ri focal Dhé, agus a choinhideas e.

29 Agus an uair a chruinnich an sluagh gu tiugh d'a ionnsuidh, thòisich e air a ràdh, Is droch ghinealach so: tha iad ag iarraidh comharaidh; agus cha toirear comharadh dhoibh, ach comharadh Ionais an fhàidh.

30 Oir mar a bha Ionas 'n a chomharadh do mhuinntir Ninebhech, is ann mar sin mar an ceudna bhitheas Mac an duine do'n ghinealach so.

31 Eiridh ban-rìghinn na h-àirde deas suas anns a' bhreitheanas maille ri daoinibh a' ghinealach so, agus titidh i ad: oir thàinig ise o iomallaibh na talmhainn, a dh'éisdeachd ri gliocas Sholaimh; agus, feuch, tha n's mò na Solamh an so.

32 Eiridh muinntir Ninebhech suas anns a' bhreitheanas maille ris a' ghinealach so, agus titidh iad e: oir rinn iadsan aithreachas le searmoin Ionais; agus, feuch, tha n's mò na Ionas an so.

33 Cha-n'eil neach sam bith air dha coim-

eal a lasadh, a chuireas 'am folach i, no fo shoitheach; ach ann an coinnleir, chum gu'm faic an dream a thig a stigh an solus.

34 Is i an t-sùil solus a' chuirp: uime sin an uair a bhitheas do shùil glan, bithidh do chorp nile lan soluis: ach an uair a bhitheas do shùil òc, bithidh do chorp mar an ceudna dorch.

35 Uime sin thoir an aire, nach bi an solus a tha annad 'n a dhorchadas.

36 Air an aobhar sin ma bhitheas do chorp nile soilleach, gun chuid sam bith dheth dorch, bithidh e soilleach gu h-ionnan, mar an uair a shoillsicheas coinneal thu le dealradh.

37 Agus a' labhairt dhàsan, dh'iarr Phairisich àraidh air a dhuineir a ghabhail maille ris: agus chaidh e stigh, agus shuidh e chum bith.

38 Agus an uair a chunnaic am Phairisich sin, b'oghnadh leis nach d'ionnaid se e féin roimh a dhuineir.

39 Agus thubhairt an Tighearn ris, A nis, Phairisicacha, glanaidh sibhse an taobh a muigh de'n chupan agus de'n mhèis: ach tha 'n taobh a stigh dhiubh làn de reubainn agus de aingidheachd.

40 Anadana, an ti a rinn an ni a tha 'n taobh a muigh, nach do rinn e an ni a tha 'n taobh a stigh mar an ceudna?

41 Ach thugaibh uaibh dèire de na nithibh a th' agaiobh: agus, feuch, tha na h-uile ni glan duihbh.

42 Ach is an-aoibhinn duihbh, Phairisicacha: oir tha sibh a' toirt deachainmh á mionnt, agus á rù, agus as gach uile ghnè luibhean, agus a' deanamh dearmaid air breitheanas agus air gràdh Dhé: bu chòir dhuibh iad so a dheanamh, agus gun iad sud fliagail gun deanamh.

43 Is an-aoibhinn duihbh, Phairisicacha: oir is ionnluinn leibh na ceud àiteachan-suidhe anns na sionagogaibh, agus fàilte fhaolainn air na margaidh.

44 Is an-aoibhinn duihbh, a sgrìobhaichean agus Phairisicacha, a chealgaircan: oir tha sibh mar uaighean nach faicear, agus do nach toir na daoine a tha 'g inneachd thairis orra, an aire.

45 Agus fhreagair duine àraidh de'n luchd-lagha, agus thubhairt e ris, A mhaighstir, le so a labhairt, tha thu 'toirt maskaidh dhuinne mar an ceudna.

46 Agus thubhairt esan, Is an-aoibhinn dhuibh-sa mar an ceudna, a luchd-lagha: oir tha sibh a' cur uallachan troma do-ghlùlan air daoineibh, agus cha bhean sibh féin ris na h-uallaichibh le h-aou de blur mèur-aibh.

47 Is an-aoibhinn duihbh: oir tha sibh a' togail àitean-adhlaic nam fàidhean, agus is iad blur n-aithrichean a mharbh iad.

48 Gu deimhin tha sibh a' toirt fianais gu bheil sibh ag aontachadh le gnìomharaibh

blur n-aithrichean: oir mharbh iadsan gu deimhin iad, agus tha sibhse a' togail an àitean-adhlaic.

49 Air an aobhair sin thubhairt gliocas Dhé, Cuiridh mise fàidhean, agus abstoil an ionnsuidh, agus cuid diubh marbhaidh iad, agus cuid eile geur-leanaidh iad.

50 Chun gu'n agrar air a' ghinealach so fuil nam fàidhean uile a dhòirteadh o thoiseach an domhain;

51 O fhuil Abeil gu fuil Shachariais, a chaidh mharbhadh cadar an altair agus an teampull: gu deimhin tha mi ag ràdh ribh, gu'n agrar i air a' ghinealach so.

52 Is an-aoibhinn duihbh, a luchd-lagha: oir thug sibh air falbh iuchair an eòlais: cha deachaidh sibh féin a steach, agus an dream a bha 'dol a steach, bhac sibh iad.

53 Agus an uair a bha e 'labhairt nam nithean so riu, thòisich na sgrìobhaichean agus na Phairisich air a chur thuige gu dian, agus a tharruing gu labhairt air mòran de nithibh:

54 A' deannamh feall-aire air, agus ag iarraidh ni éigin a ghluacadh as a bheul, chum gu'm bitheadh cùis-dhitidh aca 'n a aghaidh.

CAIB. XII.

1 Shearmonaich Crìosd d'a dheisciobluibh iad a sheachnadh céily, agus geill ann an cur a theagaisg ancéil. 13 Robhadh do'n t-sluagh a bhi air an faicill an aghaidh sannta. 22 Chan fheud sinn a bhi ro chùramach mu nithibh talmhaidh; 31 ach is còir dhuinn rioghachd Dhé iarraidh, 33 dèire a thoirt uainn 36 agus a bhi ullamh gu an doirte fhosgladh do'r Tighearn, ge b'e am 's an tig e, &c.

ANNS an àm sin, an uair a bha sluagh gun àireamh air cruinneachadh, ionnus gu'n roth iad a' saltairt air a chèile, thòisich e air a ràdh r'a dheisciobluibh féin, Roimh gach ni bithibh air blur faicill o thaois ghoirt nam Phairisich, cadhlon cealgaircachd.

2 Oir cha-n'eil ni air bith foluichte, nach foillsichear; no uaigneach, air nach faighear fios.

3 Air an aobhar siu ge b'e ni a labhair sibh 's an dorchadas, chluinnear e 's an t-solus: agus an ni a labhair sibh 's a' chluais ann an seòmraichibh uaigneach éighear e air mullach nan tighean.

4 Agus tha mi ag ràdh ribhse, mo chàird-ean, Na bitheadh cagal oirbh roimh 'n mhuinntir sin a mharbhas an corp, agus 'n a dhéigh sin aig nach 'eil ni tuilleadh 'dh'fheadas iad a dheanamh:

5 Ach nochdaidh mi dhuibh cò e roimh an còir dhuibh cagal a bli oirbh: Bitheadh cagal an Ti ud oirbh, aig an bheil cumhachd, an déigh neach a mharbhadh, a thilg-eachd do ifrinn; seadh, tha mi ag ràdh ribh, Bitheadh cagal an Ti so oirbh.

6 Nach 'eil cùig gealbhoimn air an reic air

dà fhcoiriling, agus cha-n'èil aon diubh air dhearmad 'am fianuis Dhé?

7 Ach tha eadhon fuilteincan bhuir cinn uile air an àireamh. Uime sin na bitheadh eagal oirbh: is fearr sibhse na mòraughéalbhonn.

8 Agus tha mise ag ràdh ribh, Ge b'è neach a dh'aicheadhas mise 'am fianuis dhaoine, aicheadh Mac an duine esan mar an ceudna 'an làthair aingleau Dhé:

9 Ach ge b'è neach a dh'aicheadhas mise 'am fianuis dhaoine, aicheadhar esan 'am fianuis aingleau Dhé.

10 Agus ge b'è neach a labhras focal an aghaidh Mhic an duine, maithear dha e: ach do'u ti a labhras toibheum an aghaidh an Spioraid uaoimh, cha toirear maith-eanas.

11 Agus an uair a bheir iad sibh chum nan sionagog, agus nan uachdaran, agus nan daoine cumhachdach, na bitheadh e 'n a ro-chùram oirbh cionnus no ciod a fhreagras sibh, no ciod a their sibh:

12 Oir teagaisgidh an Spiorad naomh dhuibh anns an uair sin féin na nithean a's còir dhuibh a ràdh.

13 Agus thubhairt neach àraidh de'n t-sluagh ris, A mhaighstir, abair ri m' bhràthair an oighreachd a roinn rium.

14 Agus thubhairt e ris, A dhuine, cò a chuir mise a'm' bhreitheamh, no a'm' fhear-roinn os bhar ceann?

15 Agus thubhairt e rin, Thugaibh an aire, agus gleidhibh sibh féin o shannt: oir cha-n ann 'am mòr phailteas nan nithean a tha e 'sealbhachadh tha beatha an duine.

16 Agus labhair e cosamhlachd riu, ag ràdh, Thug fearann duine shaoibhir àraidh bàrr pailt naith:

17 Agus smuainich e ann féin, ag ràdh, Ciod a ni mi, a chionn nach 'eil agam àit anns an cruinnich mi mo thoraidh?

18 Agus thubhairt e, Ni mi so: leagaidh mi mo shaibhlean, agus togaidh mi *saibhlean* a's mò; agus cruinnichidh mi anna sin mo thoraidh uile, agus mo mhaoin.

19 Agus their mi ri m'anam, Anam, tha agad mòran de nithibh maithe air an tasgadh fa chonbair mòrain bhliadhnachan; gabh fois, ìch, òl, agus bi subhach.

20 Ach thubhairt Dia ris, Amadain, air an oidliche so féin iarrar d'anam uait: an sin cò dha a bhuineas na nithean sin a dh'ulluich thu?

21 Is ann mar sin a tha an ti a thaisgeas ionmhas dha féin, agus nach 'eil saoi bhir a thaobh Dhé.

22 Agus thubhairt e r'a dhoisciobluibh, Uime sin tha mise ag ràdh ribh, na bitheadh ro-chùram oirbh mu thimchioll bhuir beatha, ciod a dh'itheas sibh; no mu thimchioll bhuir cnirp, ciod a chuireas sibh umaibh.

23 Is mò a' bheatha na 'm biadh, agus an corp na 'n t-cudach.

24 Thugaibh fainear na fithich: oir cha-n'èil iadsan a' cur no a buain; cha-n'èil aca tigh-tasgaidh no sabhal; agus tha Dia 'g am beathachadh: Cia mòr is fearr sibhse na 'n eunlaith?

25 Agus cò agaibh-sa, le ro-chùram, is urrainn aon lamh-choille a chur r'a àirdo féin?

26 Mur 'eil sibh uime sin comasach air an ni a's lugha a dheanamh, c'ar son a tha sibh ro-chùramach mu nithibh eile?

27 Thugaibh fainear na lilighean, cionnus a tha iad a' fàs: cha-n'èil iad a' saothrachadh, no a' sniomh: gidheadh tha mi ag ràdh ribh, nach robh Solamh féin 'n a ghloir uile, air a sgeadachadh mar aon diubh so.

28 Agus ma tha Dia mar sin a' sgeadachadh an fheoir, a tha 'n diugh's a' mhachair, agus an màireach air a thilgeadh 's an àmhuinn; nach mòr is mò a sgeadaicheas e sibhse, O dhaoine air bheag creidimh?

29 Uime sin na iarraibh-sa ciod a dh'itheas sibh, no ciod a dh'òlas sibh, agus na bithibh amharusach.

30 Oir na uithean so uile tha Cinnich an t-saoghail ag iarraidh: ach tha fhios aig bhuir n-Athair-sa gu bheil feum agaibh air na nithibh sin.

31 Ach iarraibh-sa rioghachd Dhé, agus cnirear na nithean so nile ribh.

32 Na bitheadh eagal ort, a threud bhir; oir is e deadh thoil bhuir n-Athar an rioghachd a theirt dhuibh.

33 Reicibh na bheil agaibh, agus thugaibh déire uuibh: deanaibh dhuibh féin sporain nach fàs sean, ionmhas nach teirig anns na nèauhan, far nach tig gaduiche an fagus, agus nach trèill an leòmann.

34 Oir ge b'è àit am bheil bhuir n-ionmhas, an sin bithidh bhuir cridhe mar an ceudna.

35 Bitheadh bhuir leasraidh crioslaichte mu'n cuairt, agus *bhuir* lòchrain air an lasadh;

36 Agus sibh féin cosmhuil ri daoineibh a tha 'feitheamh an Tighearn, 'an uair a phill-eas e o'n phòsadh; chum air dha teachd agus bualadh, gu'n grad-fhosgail iad dha.

37 Is beannaichte na seirbhiseich sin, a gheibh an Tighearn, 'an uair a thig e, ri faire: gu deimhin tha mi ag ràdh ribh, gu'n crioslaich se e féin mu'n cuairt, agus gu'n cuire 'n an suidhe iad chum bidh, agus gu'n tig e mach agus gu'n dean e frithealadh dhoibh.

38 Agus ma thig e 's au dara faire, no ma thig e 's an treas faire, agus gu'm faigh e *iad* mar sin, is beannaichte na seirbhiseich sin.

39 Agus bitheadh cinnt agaibh air so, nam bitheadh fhios aig fear an tìghe cia an uair anns an tigeadh an gaduiche, gu'n deanaid e faire, agus nach fuilgeadh e a thig a bhi air a bhriscadh troimh.

40 Bithibh-sa uime sin àcas mar au

ceudna: oir thig Mac an duine 'n uair nach saoil sibh.

41 Agus thubhairt Peadar ris, A Thighearn, an ann ruinne tha thu 'lhabhairt a' chosamhlachd so, no ris gach uile?

42 Agus thubhairt an Tighearn, Cù e uime sin an stiùbhard firinneach agus glic sin, a chuireas a Thighearn os ceann a theaghlach, a thoirt *doibh an cuibhrrinn bith* 'n a àm féin?

43 *Is* beannaichte an seirbhiseach sin, a gheibh a Thighearn, an uair a thig e, a' deanamh mar sin.

44 Gu firinneach tha mi ag ràdh ribh, gu'n cuir se e os ceann na bheil aige.

45 Ach ma their an seirbhiseach sin 'n a chridhe, Tha mo Thighearn a' cur dàile 'n a theachd; agus ma thòisicheas e air na h-òglaich agus na banoglaich a bhualadh, agus itheadh, agus òl, agus a bhi air mhisg:

46 Thig Tighearn an t-seirbhisich sin ann an là nach 'eil shìl aige ris, agus ann an uair nach fios da, agus gearraidh e 'n a bhloighdibh e, agus bheir e a chuibhrrionn da maille ris na mi-chreidich.

47 Agus an seirbhiseach sin d'am b'aithne toil a mhaighstir, agus nach d'ulluich e *féin*, agus nach d'rinn a réir a thoile, buailcar e le mòran bhuillean.

48 Ach an ti do nach b'aithne, agus a rinn nithean a b'airidh air buillibh, buailcar esan le beagan *de bhuillean*. Oir gach neach d'an d'fhugadh mòran, iarrar mòran uath: agus ge b'e ri 'n d'earbadh mòran, iarrar an tuilleadh air.

49 Thàinig mise a chur teine air an talamh, agus ciod a's àill leam, ma tha e cheana air fliadadh.

50 Ach tha baisteadh agam ri bhi air mo bhaisteadh leis, agus cionnus a tha mi air mo theannadh gus an coimhlionar e!

51 Am bheil sibh a' saòilsinn gu'n d'fhàinig mise a thoirt sìthe air an talamh? ni h-eadh, tha mi ag ràdh ribh, ach ainnhreith.

52 Oir bithidh á so suas cùignear ann an aon tigh air an roinn, triuir an aghaidh dithis, agus dithis an aghaidh triuir.

53 Bithidh an a-thair air a roinn an aghaidh a' mhic, agus am mac an aghaidh an athar; a' mhàthair an aghaidh na nighinn, agus an nighean an aghaidh na màthar; a' mhàthair-chéile an aghaidh mnà a mic, agus bean a' mhic an aghaidh a màthar-chéile.

54 Agus thubhairt e mar an ceudna ris an t-sluagh, 'N uair a chi sibh neul ag éirigh 's an àird an iar, air ball their sibh, Tha fras a' teachd; agus tha e mar sin.

55 Agus an uair a *chi sibh* a' ghaoth á deas a' séideadh, their sibh, Bithidh teas ann; agus tha e 'tachairt.

56 A chalgairéan, is aithne dhuibh breth a thoirt air aghaidh nan speur, agus na tal-

mhainn; a-hì cionnus nach 'eil sibh a' toirt breth air an aimsir so?

57 Agus c'ar son nach 'eil sibh cadhon uaibh féin a' breithneachadh an ni sin a tha ceart?

58 'N uair a théid thu maille ri d' eascaraid chum an uachdarain, dean dìchioll 's an t-slighe air a bhi air do shaoradh uaith; air eagal gu'n tarruing e chum a' bhreitheimh thu, agus gu'n toir am breitheamh thairis do'n mhaor thu, agus gu'n tilg am maor 'am prìosan thu.

59 Tha mi ag ràdh riut, nach téid thu nach as a sin, gus an òc thu eadhon a' pheghinn dheireannach.

CAIB. XIII.

1 *Shearmonaich Criosd aithreachas o'n sgrìos a thàinig air na Galiléach, agus air muinntir eile.* 6 Cosamhlachd na croaibhe-flàge gun toradh. 11 Shlànuich Criosd bean a bha air a cromadh le h-eucail phiantaich rè ochd bliadhna deug; 18 agus nochd e oibreachadh cumhachdach an fhocail le cosamhlachd a' ghràinne mhustaird agus na taoise.

A GUS bha làthair 's an àm sin daoine àraidh a dh'innis dha mu thimchioll nan Galiléach, muinntir aig an do mheasg Pilat am fuil maille r'an Iobairtibh.

2 Agus fhreagair Iosa agus thubhairt e riut, Am bheil sibh a' saòilsinn gu'n robh na Galiléach sin 'n am peacaich ni's mò na na Galiléach uile, air son gu'n d'fhulaing iad a leithid so?

3 Ni h-eadh, tha mi ag ràdh ribh: ach mur dean sibhse aithreachas, sgrìosar sibh uile mar an ceudna.

4 No na h-ochd fir dheug sin air an do thuit an tùr ann an Siloam, agus a mharbhadh leis, an saoil sibh gu'n robh iadsan 'n am peacaich os ceann nan uile dhaoine a bha 'n an còmhnuidh ann an Ierusalem?

5 Ni h-cadh, tha mi ag ràdh ribh: ach mur dean sibhse aithreachas, sgrìosar sibh uile mar an ceudna.

6 Labhair e mar an ceudna an cosamhlachd so: Bha aig duine àraidh crann-fìge suidhichte 'n a ghàradh-fìona: agus thàinig e ag iarraidh toraidh air, agus cha d'fhuair e.

7 An sin thubhairt e ris a' ghàradair, Feuch, tha mi rè thri bliadhna a' teachd a dh'iarraidh toraidh air a' chramn-flhège so, agus cha-n'eil mi 'faotainn a' bheag: gearr sìos e, c'ar son a tha e 'fàsachadh na tal-mhainn?

8 Agus fhreagair esan agus thubhairt e ris, A Thighearna, leig leis air a' bhliadhna so mar an ceudna, gus an cladhaich mi a' thimchioll, agus gu'n cuir mi aolach *m'a bhun*:

9 Agus ma ghiùlaineas e toradh, *is maith sin*: ach mur giùlain, 'n a dhéigh sin gearraidh tu sìos e.

10 Agus bha e a' teagasg ann an aon de na sionagogaibh air an t-sàbaid.

11 Agus, feuch, bha bean àraidh a làthair aig an robh spiorad annluinneachd ré oclid bliadhna deug, agus bha i air a cromadh ri 'chéile, agus gu chomas aice air chor sam bith i féin a dhìreachadh.

12 Agus an uair a chunnaic Iosa i, ghairm e d'a ionnsuidh i, agus thubhairt e rithe, A bhean, tha thu air d' fhuasgladh o d' annluinneachd.

13 Agus chuir e a làmhan oirre; agus air ball rinneadh dìreach i, agus thug i glòir do Dhia.

14 Agus fhreagair an Tighearn na sionagoig, agus e làn feirg' air son gu'n d'rinn Iosa leigheas air là na sàbaid, agus thubhairt e ris an t-sluagh, Tha sè làithean anns an còir obair a dheanamh: orra so air an aobhar sin thigibh, agus bithibh air bhur leigheas, agus na b'ann air là na sàbaid.

15 An sin fhreagair an Tighearn e, agus thubhairt e, A chealgair, nach fuasgail gach aon agaibh a dhamh no 'asal o'n phrasaich, agus nach toir e gu uisge e air là na sàbaid?

16 Agus nach bu chòir a' bhean so, a tha 'u a nighinn do Abraham, a bha air a ceangal le Satan a nis ré oclid bliadhna deug, a bhi air a fuasgladh o'n chuibhreath so air là na sàbaid?

17 Agus an uair a thubhairt e na nithean sin, chuireadh a naimhdean uile gu nàire: ach rinn an sluagh uile gairdeachas, air son nan uile nithean glòrmhor a rinneadh leis.

18 An sin thubhairt e, Co ris a tha rìoghachd Dhé cosuail? agus co ris a shamhlaicheas mi i?

19 Tha i cosmhail ri gràinne de shìol mustaird, a ghabh duine, agus a chuir e 'n a ghàradh: agus dh'fhàs e, agus riuncadh craobh mhòr d'heith; agus rinn eunlaith an athair uid 'n a geugaibh.

20 Agus thubhairt e a ris, Co ris a shamhlaicheas mi rìoghachd Dhé?

21 Tha i cosmhail ri taois ghoirt, a ghabh beau agus a dh'fholaich i ann an tri tomh-asaibh mine, gus an do ghoirticheadh an t-ionlan.

22 Agus chaidh e troimh gach caithir agus baile beag, a' teagasg, agus a' gabhail na slighe gu Ierusalem.

23 An sin thubhairt neach àraidh ris, A Thighearna, an tearc iad a shaorair? Agus thubhairt esan riu,

24 Deanaibh spairn chruaidh gu dol a stigh air a' gheata chumhann: oir tha mi ag ràdh ribh, gu'n iarr mòran dol a stigh, agus nach urrainn iad.

25 O'n uair a dh'èireas fear an tighe, agus a dhùineas e 'n dorus, agus a thòisicheas sibhs air seasamh a muigh, agus an dorus a bhualadh, ag ràdh, A Thighearna, a Thighearna, fosgail duinn; agus air dhàsan freagair their e ribh, Cha-n aithne dhomh sibh, cia as a tha sibh:

26 An sin tòisichidh sibh air a ràdh, Dh'ith sinn agus dh'òl sinn a'd làthair, agus theagaisg thu 'n ar sràidibh.

27 Ach their esan, Tha mi ag ràdh ribh, cha-n aithne dhomh sibh, cia as a tha sibh; imichibh uam nìle, a luchd-deanamh ua h-cucorach.

28 An sin bithidh gul agus giosgan fhiacal, an uair a chi sibh Abraham, agus Isaac, agus Jacob, agus na fàidhean uile ann an rìoghachd Dhé, agus sibh féin air bhur tilgeadh a mach.

29 Agus thig iad o'n àird an ear, agus o'n àird an iar, agus o'n àirde tuath agus deas, agus suidhidh iad ann an rìoghachd Dhé.

30 Agus, feuch, tha daoine air dheireadh a bhitheas air thoiseach, agus air thoiseach a bhitheas air dheireadh.

31 Air an là sin féin thàinig Phairisich àraidh d'a ionnsuidh, ag ràdh ris, Gabh a mach agus imich á so: oir tha toil aig Herod do mharbhadh.

32 Agus thubhairt e riu, Imichibh agus innsibh do'n t-sionnach sin, Feuch, tha mi a' tilgeadh mach dheamhan, agus tha mi a deanamh leigheas an diugh, agus an màireach, agus air an treas là bithidh mi air mo dheanamh foirfe.

33 Gidheadh, is éigin domh imeachd an diugh agus am màireach, agus an là 'n a dheigh sin: oir cha-n fheud e bhi gu'n cuir ear fàidh gu bàs a mach á Ierusalem.

34 A Ierusalem, a Ierusalem, a mharbhas na fàidhean, agus a chlachas an dream a chuirear a d' ionnsuidh: cia minic a b'àill leam do chlànn a chruinneachadh, mar a chruinnicheas ceare a li-àlach fo a sgiath-aibh, agus cha b'àill leibh!

35 Feuch, dh'fhàgadh bhur tigh fàs agaibh; agus gu deimhin tha mi ag ràdh ribh, nach faic sibh mise, gus an tig an t-àm, anns an abair sibh, Is beannaichte an tì a thig ann an ainm an Tighearna.

CAIB. XIV.

1 Shlànuich Crìosd neach air an robh a' mheud-bhronn, 7 theagaisg e irioslachd. 16 Le cosamhlachd na suipeir mòire, nochd e cionnus a bhitheas daoine suoghaltta, a nì tàir air focal Dhé, air an druideadh a mach á rìoghachd nèimh. 25 Is còir do'n dream le'm b'àill a bhi 'n an deisciobuil da an crann-ceusaidh a ghluan.

AGUS tharladh, an tràth chaidh e gu tigh uachdarain àraidh de na Phairisich a dh'itheadh bìdh air là na sàbaid, gu'n robh iad a' deanamh geur-fhaire air.

2 Agus, feuch, bha duine àraidh 'n a làthair air an robh a' nìheud-bhronn.

3 Agus fhreagair Iosa, agus labhair e ris an luchd-lagha, agus ris na Phairisich, ag ràdh, Am bheil e ceaduichte leigheas a dheanamh air là na sàbaid?

4 Ach dh'fhan iadsan 'n an tosd. Agus

air dha breith *air*, leighis se e, agus leig e uaith e:

5 Agus fhreagair e iadsan, ag ràdh, Cò ag-aibh-sa, ma thuiteas 'asal no a dhamh ann an slochd, nach tarring a mach gu grad e air là na sàbaid?

6 Agus cha b'urrainn iad a fhreagairt a ris anns na nithibh sin.

7 Agus labhair e cosamhlachd riu-san a fhuair cuireadh, 'n uair a thug e fainear mar a thagh iad na ceud àiteachan-suidhe, ag ràdh riu,

8 'N uair a gheibh thu cuircadh o neach air bith chum bainnse, na suidh anns a' cheud àit; air eagal gu'n d'fhuair duine a's urramaiche na thusa cuireadh uaith;

9 Agus gu'n tig an ti a thug cuireadh dhuitse agus dhàsan, agus gu'n abair e riut, Thoir àit do'n duine so; agus gu'n tòisich thusa an sin le nàire air suidhe anns an àit a's ìsle.

10 Ach an uair a gheibh thu cuircadh, imich agus suidh anns an àit a's ìsle; chum, 'n uair a thig esan a thug cuireadh dhuit, gu'n abair e riut, A charaid, suidh suas ni's airde: an sin gheibh thu urram an làthair na muinntir a tha 'n an suidhe air bord maille riut.

11 Oir ge b'e neach a dh'àrdaicheas e féin, islichear e; agus ge b'e neach a dh'islicheas e féin, àrdaichear e.

12 An sin thubhairt e ris an ti mar an ceudna a thug cuireadh dha, 'N uair a ni thu dinneir no suipeir, na gairm do chàird-eau, no do bhràithrean, no do luchd-dàimh, no do choimhearsnaich shaoibhir; air eagal gu'n toir iadsan mar an ceudna cuireadh dhuitse a ris, agus gu'm faigh thu a' chomain cheudna.

13 Ach an uair a ni thu cuirm, gairm na bochdan, na daoine ciurramach, na bacaich, na doill:

14 Agus bithidh tu beannaichte, a chionn nach urrainn iad a' chomain cheudna 'thoirt duit: oir gheibh thu comain ann an aiseirigh nam firean.

15 Agus an uair a chual aon de na shuidh maille ris air bord na nithean sin, thubhairt e ris, Is beannaichte an ti sin a dh'itheas aran ann an rìoghachd Dhé.

16 Ach thubhairt esan ris, Rinn duine àr-aich suipeir mhòr, agus tling e cuireadh do mhòran:

17 Agus chuir e a sheirbhiseach uaith 'an àm na suipeir a ràdh ris a' mhuinntir a fhuair cuireadh, Thigibh, oir tha na h-uile ni a nis ullamh.

18 Agus thòisich iad nife a dh'aon *ghuth* air an leithsgeul a ghabhail. Thubhairt an ceud fhear ris, Cheannaich mi fearann, agus is éigin domh dol a mach agus 'fhaicinn: tha mi ag guidhe ort, gabh mo leithsgeul.

19 Agus thubhairt fear eile, Cheannaich mi cùig cuing dhamh, agus tha mi 'dol g'an

dearbhadh: tha mi ag guidhe ort, gabh mo leithsgeul.

20 Agus thubhairt fear eile, Phòs mi bean, agus air an aobhar sin cha-n'eil e 'n comas domh teachd.

21 Agus thàinig an seirbhiseach sin, agus dh'innis e na nithean sin d'a thighearn. An sin air gabhail feirge do fhear an tighe, thubhairt e 'ra sheirbhiseach, Gabh a mach gu grad gu sràidibh agus gu caol-shràidibh a' bhaile, agus thoir a stigh an so na bochdan agus na daoine ciurramach, agus na bacaich, agus na doill.

22 Agus thubhairt an seirbhiseach, A Thighearna, rinneadh mar a dh'òrduich thu, gidheadh tha àite *fulamh* ann fathast.

23 Agus thubhairt an Tighearn ris an t-seirbhiseach, Gabh a mach gus na rathaidibh mòra agus na garaidibh, agus co-éignich iad gu teachd a steach, chum gu'n bi mo thigh air a lionadh.

24 Oir tha mi ag ràdh ribh, nach blais aon de na daoineibh ud a fhuair cuireadh, de m' shuipeir-sa.

25 Agus bha sluagh mòr ag imeachd maille ris; agus air dha tionndadh, thubhairt e riu,

26 Ma thig neach air bith a m' ionusuidh-sa, agus nach fuathaich e 'athair, agus a mhàthair, agus a bhean-phòsda, agus a chlann, agus a bhràithrean, agus a pheathraichean, seadh, agus a bheatha mar an ceudna, cha-n'eil e 'n comas da bhi 'n a dheisciobul dhomh-sa.

27 Agus ge b'e neach nach giùlain a chramn-ceusaidh, agus nach lean mise, cha-n'eil e 'n comas da bhi 'n a dheisciobul dhomh-sa.

28 Oir cò am fear agaibh-sa leis am miann tìr a thogail, nach suidh sìos air tùs, agus nach meas an costus, a dh'fheuchainn am bheil aige na chuireas crìoch air?

29 Air eagal an deigh dha a bhunadh a leagadh, agus gun bhì comasach air crìoch a chur *air*, gu'n tòisich na h-uile a chi e ri fanoid air,

30 Ag ràdh, Thòisich an duine so air *tigh* a thogail, agus cha b'urrainn e a chrìoch-nachadh.

31 No cò an rìgh, ag dol a mach dha gu cogadh an aghaidh rìgh eile, nach suidh sìos air tùs, agus nach gabh comhairle, a dh'fheuchainn an urrainn e le deich mìle coinneamh a thoirt dāsan a tha 'teachd le fichead mìle 'n a aghaidh?

32 No air bhì dhāsan fathast fada uaith, cuiridh e teachdaireachd a dh'iarraidh cumhachan sìthe.

33 Mar sin mar an ceudna, gach neach agaibh-sa, nach tréig na h-uile ni a th' aige, cha-n'eil e 'n comas da bhi 'n a dheisciobul dhomh-sa.

34 Tha 'n salann maith: ach ma chailleas an salann a bhlas, cìod e leis an deanar deadh-bhlasda e?

35 Cha-n'cil e iomchuidh chum na tal-
mhainn, no chum an dùuain; *ach* tilgidh
daoine mach e. An ti aig am bheil cluasan
chum éisdeachd, éisdeadh e.

CAIB. XV.

1 *Cosamhlachd na caorach cailte, 8 a' mhir
airgid, 11 agus a' mhic struidheil.*

AN sin thàinig na cìs-mhaoir uile agus
na peacaich am fagus da, chum éisd-
eachd ris.

2 Agus rinn na Phairisich agus na sgrìobh-
aichean gearan, ag ràdh, Tha am fear so
'gabhail pheacach d'a ionnsuidh, agus ag
itheadh maille riu.

3 Agus labhair esan an eosamhlachd so
riu, ag ràdh,

4 Cò an duine dhibhse aig am bheil ceud
caora, ma chailleas e aon diubh, nach fag an
naoi deug agus an ceithir fichead anns an
fhàsach, agus nach téid an déigh na caorach
a chailleadh, gus am faigh e i?

5 Agus air dha a faotainn, cuiridh e air a
ghuailibh i le gairdeachas.

6 Agus an uair a thig e dhachaidh, gairm-
idh e a chàirdean agus a choimhearsnaich
'an ceann a chéile, ag ràdh riu, Deanaibh
gairdeachas maille rium-sa, a chionn gu'n
d'fhuair mi mo chaoira 'bha cailte.

7 Mar sin, tha mi ag ràdh ribh, gu'm bi
aoibhneas air nèamh air sou aoin pheacaich
a' ni aithreachas, nìs mò na air son naoi
deug agus ceithir fichead firean, aig nach
'eil feun air aithreachas.

8 No cò a' bhean aig am bheil deich bun-
nairgid, ma chailleas i aon bhoim diubh,
nach las coiuueal, agus nach sguab an tigh,
agus nach iarr gu dìchiollach gus am faigh
i e?

9 Agus air dhi 'fhaotainn, gairmidh i a
ban-chairdean agus a bau-choimhearsnaich
an ceann a chéile, ag ràdh, Deanaibh gairt-
eachas maille riumsa, oir fhuair mi am
bonn a chaill mi.

10 Mar an ceudua tha mi ag ràdh ribh,
Tha gairdeachas au làthair ainglean Dhé,
air son aoiu pheacaich a ni aithreachas.

11 Agus thubhairt e, Bha aig duine àraidh
dithis mhac:

12 Agus thubhairt am mac a b'òige dhiubh
r'a athair, Athair, thoir dhomh-sa a' chuid-
roinn a thig *orm* de d' mhaoin. Agus roinn
e eatorra a bheathachadh.

13 Agus an déigh beagain làithean chruinn-
ich au mac a b'òige a chuid uile, agus
ghabh e a thurus do dhùthaich fad' air
astar, agus an sin chaith e a mhaoin le
beathia struidheasach.

14 Agus an uair a chaith e a chuid uile,
dh'éirich gorta ro mhòr 's an tìr sin; agus
thòisich e ri bhi ann an uircasbhuidh.

15 Agus chaidh e agus cheangail se e féin
ri aon de shaor-dhaoinibh ua dùthcha sin;
agus chuir e d'a fhearam e, a bhiadhach
mhuc.

16 Agus bu mhiann leis a bhrù a lìonadh
de na plaosgaibh a bha na mucan ag ith-
eachd; ach cha d'thug neach air bith dha.

17 Agus an uair a thàinig e d'a ionnsuidh
féin, thubhairt e, Cia lion de luchd-tuar-
asdail m'athar-sa aig am bheil aran gu leoir
agus r'a sheachnadh, 'n uair a tha mise a'
basachadh le gorta?

18 Eiridh mi, agus théid mi dh'ionnsuidh
m'athar, agus their mi ris, Athair, pheac-
aich mi an aghaidh fhlaithceanais, agus a'd'
làthair-sa.

19 Agus cha-n airidh mi tuilleadh gu'n
goirteadh do mhac-sa dhìom: dean mi mar
aou de d' luchd-tuarasdail.

20 Agus dh'éirich e, agus chaidh e dh'ionn-
suidh 'athar. Ach air dha bhi fathast fada
uaith, chuumaic 'athair e, agus ghabh e
truas mòr *d'heath*, agus ruith e, agus thuit
e air a mhùineal, agus phòg se e.

21 Agus thubhairt am mac ris, Athair,
pheacaich mi an aghaidh fhlaithceanais, agus
a'd' làthair-sa, agus cha-n airidh mi tuill-
eachd gu'n goirteadh do mhac dhìom.

22 Ach thubhairt an t-athair r'a sheirbh-
ich, Thugaibh a mach a' chulaidh a's fearr,
agus cuiribh uime i; agus cuiribh fainne
air a làimh, agus brògan air a chosaibh.

23 Agus thugaibh an so an laogh biadh-
ta, agus marbhaibh e; agus itheamaid agus
bitheamaid subhach:

24 Oir bha mo nìlac so marbh, agus tha e
beò a ris; bha e cailte, agus fhuaradh e.
Agus thòisich iad air a bhi subhach.

25 A nis bha a mhac a bu shine mach 's an
fhearam: agus an uair a thàinig e, agus a
tharruing e am fagus do'n tigh, chual e an
ceòl agus an damnsa.

26 Agus ghairm e d'a ionnsuidh aon de na
h-òglaich, agus dh'fheoraich e eiod a bu
chiall do na nithibh sin?

27 Agus thubhairt esan ris, Thàinig do
bhràthair; agus mharbh d'athair an laogh
biadh-ta, a chionn gu'n d'fhuair e ris slàn
fallain e.

28 Agus ghabh esan fearg, agus cha b'àill
leis dol a stigh: air au aobhar sin thàinig
'athair a mach, agus chuir e impidh air.

29 Ach fhreagair esan agus thubhairt e r'a
athair, Feuch, tha mise a' deanamh seirbhis
duit an uiread so de bhliadhnaibh, agus
uair air bith cha do bhris mi d'aithne,
gidheadh cha d'thug thu meann rianh
dhomh, chum gu'm bithinn subhach maille
ri m' chàirdibh.

30 Ach an uair a thàinig do mhac so, a
dh'ith suas do bheathachadh maille ri
striopaichibh, mharbh thu an laogh biadh-
ta dha.

31 Agus thubhairt e ris, A mhic, tha thusa
a ghnàth maille rium, agus ua h uile nithean
a's leamsa, is leatsa iad.

32 Bu chòir dhuinn a bhi subhach, agus
aoibhneach, oir bha do bhràthair so marbh,

agus tha e beò a ris; agus bha e caillte, agus fhuaradh e.

CAIB. XVI.

1 *Cosamhlachd an stiùbhaird eucoraich.* 14 *Chronich Criosd cealy nam Phairiseach samtach.* 19 *Cosamhlachd an duine shaoibhir, agus an duine bhoichd Lasarus.*

A GUS thubhairt e mar an ceudna r'a dheisciobluibh, Bha duine saoiibhir àraidh ann aig an robh stiùbhard; agus chasaideadh ris e, mar neach a bha 'deanamh ana-caithidh air a mhaoin.

2 Agus ghairm se e, agus thubhairt e ris, Ciod e so a tha mi 'chluinntinn mu d' thimchioll? thoir cunntas air do stiùbhardachd; oir cha-n fheud thu bhi nì's faide a'd stiùbhard.

3 An sin thubhairt an stiùbhard ann féin, Ciod a ni mi? oir tha mo mhaighstir a' toirt na stiùbhardachd uam: cha-n urrainn mi ruamhar a dheanamh, is nàr leam déire iarraidh.

4 Tha fios agam ciod a ni mi, chum an uair a chuirear as an stiùbhardachd mi, gu'n gabh iad a steach d'an tighibh mi.

5 Agus air dha gach aon diubhsan air an robh fiachan aig a Thighearn a ghairm d'a ionnsuidh, thubhairt e ris a' cheud fhear, Cia meud a tha aig mo Thighearn ortsa?

6 Agus thubhairt esau, Ceud tomhas olaidh. Agus thubhairt e ris, Gabh do sgrìobhadh, agus suidh sìos gu h-ealamh, agus sgrìobh leth-cheud.

7 An sin thubhairt e ri fear eile, Agus cia meud a tha aig ortsa? Agus thubhairt esan, Ceud tomhas cruthneachd. Agus thubhairt e ris, Gabh do sgrìobhadh, agus sgrìobh ceithir fichead.

8 Agus mhol an Tighearn an stiùbhard eucorach, a chionn gu'n d' rinn e gu glie: oir tha clann an t-saoghail so 'n an gineal-achd féin nì's glie na clann an t-soluis.

9 Agus tha mise ag ràdh ribh, Deanaibh dhuibh féin càirdean le Mamon na h-eucorach; chum an uair a shiubhlas sibh, gu'n gabhar sibh do àitibh-còmhuidh sìorruidh.

10 An ti a tha fìrinneach anns an ni a's lugha, tha e fìrinneach mar an ceudna ann am mòrau; agus an ti a tha eucorach anns an ni a's lugha, tha e eucorach ann am mòran mar an ceudna.

11 Air an aobhar siu mur robh sibh fìrinneach anns an t-saoibhreas eucorach, cò a dh'earbas ribh an *saoibhreas* fìor?

12 Agus mur robh sibh fìrinneach ann an cuid duine eile, cò a bheir dhuibh an ni a's leibh féin?

13 Cha-n'eil seirbhiseach sam bith comasach air seirbhis a dheanamh do dhà thighearn; oir an dara cuid fuathaichidh e aon diubh, agus bheir e gràdh do'n fhear eile; no gabhaidh e le aon diubh agus ni e tàir air au fhear eile. Cha-n'eil sibh comasach

air seirbhis a dheanamh do Dhia agus do Mhamon.

14 Agus chuala na Phairisich, a bha sanntach, na nithean sin uile: agus rinn iad fanoid air.

15 Agus thubhairt e riu, Is sibhse an dream a tha 'g ur fìreanachadh féin 'am fianuis dhaoine; ach is aithne do Dhia bhur cridheachan: oir an ni sin a tha ro mheasail aig daoibh, is gràineileachd e 'am fianuis Dhé

16 Bha an lagh agus na fàidhean ann gu teachd Eoin: o sin tha rìoghachd Dhé air a searmonachadh, agus tha gach duine a' dol le dian strì a steach innte.

17 Agus is usadh do nèamh agus do'n talamh dol thairis, na do aon lide de'n lagh tuiteam.

18 Gach neach a chuircas uaith a bhean, agus a phòsas bean eile, tha e 'deanamh adhaltrannais: agus ge b'e neach a phòsas a' bhean a chuireadh air falbh o a fear, tha e 'deanamh adhaltrannais.

19 Bha duine saoiibhir àraidh ann, a bha air a sgeadachadh le purpur agus lion-cudach grinn, agus bha e 'caitheadh a bheatha gach là gu sòghail le mòr-ghreadhnachas:

20 Agus bha duine boichd àraidh ann, d'am b'ainm Lasarus, a chuireadh 'n a luidhe aig a dhorus, làn chreuchd,

21 Agus bu mhiann leis a bhi air a shàs-uchadh leis an sbruileach a bha 'tuiteam o bhord an duine shaoibhir: seadh, agus thàinig na madraidh agus dh'imlich iad a chreuchdan.

22 Agus tharladh gu'n d'fhuair an duine boichd bàs, agus gu'u do ghiùlaineadh leis na h-ainglibh e gu uchd Abraham: fhuair an duine saoiibhir bàs mar an ceudna, agus dh'adhlacaidh e.

23 Agus ann an ifrinn thog e suas a shùilean, air dha bhi ann am piantaibh, agus chunnaic e Abraham fada uaith, agus Lasarus 'n a uchd.

24 Agus ghlaodh e, agus thubhairt e, Athair Abraham, dean tròcair orm, agus cuir Lasarus, chum gu'n tum e bàrr a mheoir ann an uisge, agus gu'm fuaraich e mo theangadh; oir tha mi air mo ro-phianadh 's an lasair so.

25 Ach thubhairt Abraham, A mhic, cuimhnich gu'n d'fhuair thusa do nithean maithle ri am dhuit a bhi beò, agus Lasarus mar an ceudna droch nithean: ach a nis tha esan a' faotainn solais, agus tha thusa air do phianadh.

26 Agus a bhàrr air so uile, tha doimhne mhòr air a cur cadar sinne agus sibhse, air chor agus iadsan le am b'ail dol á so do 'ur n-ionnsuidh-sa, nach 'eil e 'n comas doibh; agus nach mòr tha e 'n comas do aon neach teachd as sin d' ar n-ionnsuidh-ne.

27 An sin thubhairt e, Uime sin tha mi a'

guidhe ort, athair, gu'n cuireadh tu e gu tigh m'athar:

28 Oir tha cùighear bhràithrean agam; chum gu'n toir e fiannis doibh, air eagal gu'n tig iadsan mar an ceudna do'n ionad ro phiantach so.

29 Thubhairt Abraham ris, Tha Maois agus na fàidhean aca, éisdeadh iad riu-san.

30 Agus thubhairt esan, Ni h-eadh, Athair Abraham: ach ma théid neach d'an ionnsuidh o na mairbh, ni iad aithreachas.

31 Agus thubhairt e ris, Mur éisd iad ri Maois agus ris na fàidhibh, cha mhò a chreideas iad, ged éircadh neach o na mairbh.

CAIB. XVII.

1 *Theagaisg Crìosd gur còir dhuinn aobhar oilbheim a sheachadh, 3 agus maithneas a thoirt d'a chèile; 6 nochd e mòr-chumhachd seò-chreidimh, 7 gu'm bheil sinne fo cheangal d' Dhia, agus nach 'eil esan mar sin dhuinne. 13 Shlànuich e deichnear lobhar. 22 Labhair e mu rioghachd Dhé, agus mu theachd Mhic an duine.*

AN sin thubhairt e r'a dheisciobluibh, Cha-n fheudar nach tig oilbheuman: ach is an-aoibhinn d'asan troimh an tig iad.

2 B'fhearr dha gu'm bitheadh clach-mhuilinn air a crochadh m'a mhuineal, agus gu'm bitheadh e air a thilgeadh 's an fhairste, na gu'n tugadh e oilbheum do aon neach de'n mhuinntir bhig so.

3 Thugaibh an aire dhuibh féin: ma pheacaicheas do bhràthair a'd' aghaidh, cronuich e; agus ma ghabhas e aithreachas, thoir maithneas da.

4 Agus ma pheacaicheas e a'd' aghaidh seachd uairean 's an là, agus gu'm pill e riut seachd uairean 's an là, ag ràdh, Tha aithreachas orm; thoir maithneas da.

5 Agus thubhairt na h-abstoil ris an Tighearn, Meudaich ar creidimh.

6 Agus thubhairt an Tighearn, Nam bith-eadh agaibh creidimh mar ghràinne de shìol mustaird, theireadh sibh ris a' chraoibh Shicamin so, Bi air do spionadh as do fhreumhan, agus bi air do shuidheachadh 's a' chuan; agus bhitheadh i ùmhal dhuibh.

7 Ach cò agaibh-sa aig am bheil seirbhis-each a' treabadh, no ri buachailleachd, a their ris, an déigh dha teachd a steach o'n fhearann, Thig air ball, agus suidh sìos chum bidh?

8 Agus nach dòchadh e ràdh ris, Ulluich ni a ghabhas mise gu m' shuipèir, agus crìoslaich thu féin, agus fritheil domh, gus an ith agus an òl mi; agus 'n a dhéigh sin ithidh agus dlaidh tusa?

9 Au toir e buidheachas do'n t-seirbhis-each sin do bhrìgh gu'n d'rim e na nithean a dh'òrduicheadh dha? cha saoil mi gu'n toir.

10 Mar sin sibhshe, 'n uair a ni sibh na h-uile ni a dh'athueadh dhuibh, abraibh, Is seirbhisich neo-tharbhach sinn: oir rinn

sinn a mhàin an ni 'bu diigheach dhuinn a dheanamh.

11 A nis, ag dol suas da gu Ierusalem, chaidh e troimh mheadhon Shamaria agus Ghalile.

12 Agus an uair a bha e 'dol a stigh do bhaile àraidh, thachair deichnear dhaoine air a bha 'n an lobhair, a sheas fada uaith:

13 Agus thog iad suas an guth, ag ràdh, Iosa, a mhaighstir, dean tràcair oirnn.

14 Agus an uair a chunnaic e iad, thubhairt e riu, Imichibh, nochdaibh sibh féin do na sagartaibh. Agus ag imeachd dhoibh, ghlanadh iad.

15 Agus an uair a chunnaic aon diubh gu'n do leighisadh e, phill e air ais, a' toirt glòire do Dhia le guth àrd,

16 Agus thuit e air 'aghaidh aig a chos-aibh-san, a' toirt buidheachais da: agus bu Shamarianach e.

17 Agus fhreagair Iosa agus thubhairt e, Nach do ghlanadh deichnear? ach an naoinear, cait am bheil iad?

18 Cha d'fhuaradh a phill a thoirt glòire do Dhia, ach an coigreach so.

19 Agus thubhairt e ris, Eirich, imich; shlànuich do chreidimh thu.

20 Agus an uair a dh'fheobraich na Phairisich dheth, c'uin a thigeadh rioghachd Dhé, fhreagair e iad agus thubhairt e, Cha tig rioghachd Dhé air chor 's gu mothaichear i.

21 Cha mhò a their iad, Feuch an so, no, Feuch an sin: oir feuch, tha rioghachd Dhé an taobh a stigh dhuibh.

22 Agus thubhairt e ris na deisciobluibh, Thig na làithean anns am miannach leibh aon de làithibh Mhic an duine fhaicim, agus cha-n fhaic sibh e.

23 Agus their iad ribh, Feuch an so, no, Feuch an sud: na rachaibh, agus na leanaibh iad.

24 Oir mar tha an dealanach a dhealraicheas o aon ionad fo nèamh, a' soillseachadh gus an ionad eile fo nèamh, is ann mar sin bhitheas Mac an duine mar an ceudna 'n a là féin.

25 Ach is éigin da air tùs mòran nithean fhulang, agus a bhi air a dhiultadh leis a' ghinealach so.

26 Agus mar a bha e ann an làithibh Noe, mar sin mar an ceudna bithidh e ann an làithibh Mhic an duine:

27 Bha iad ag itheadh agus ag òl, a' pòsadh agus air toirt ann am pòsadh, gus an là 's an deachaidh Noe a steach do'n àire: agus thàinig an dile, agus sgrios i iad uile.

28 Anhuil fòs mar a thachair ann an làithibh Lot; bha iad ag itheadh agus ag òl, a' ceannach agus a' reic, a' planndachadh agus a' togail aitreabh:

29 Ach air a là sin féin anns an deachaidh Lot a mach á Sodom, fhrasadh teine agus pròmhuc o nèamh agus sgrios e iad uile.

30 Is ann mar sin a bhitheas anns an là 's am foillsichear Mac an duine.

31 Anns an là sin, an ti a bhitheas air mullach an tighe, agus 'airneis anns an tigh, na tigeadh e suas gu a toirt leis: agus an ti a tha 's a' mhachair, na pilleadh csan air ais nì's mo.

32 Cuimhnichibh bean Lot.

33 Gc b'e neach a dh'iarras a bheatha féin a thearnadh, caillidh e i; agus gc b'e neach a chailleas a bheatha, gleidhidh e i.

34 Tha mi ag ràdh ribh, anns an oidliche sin bithidh dithis dhaoine 's an aon leabaidh; gabhar aon diubh, agus fàgar am fear eile.

35 Bithidh dithis bhan a' bleith cuideachd; gabhar té dhiubh agus fàgar an té eile.

36 Bithidh dithis dhaoine anns a' mhachair; gabhar fear dhiubh agus fàgar am fear eile.

37 Agus fhreagair iadsan agus thubhairt iad ris, C'ait, a Thighearna? agus thubhairt esan riu, Ge b'èite's *ambi* an corp, an sin cruinnichear na h-iolairean.

CAIB. XVIII.

1 *Mu thimchioll na bantrach liosda. 9 Mu'n Phairiseach agus mu'n chis-mhaor. 15 Tha clann air an tabhairt gu Criosd. 18 B'aill le uachdaran àraidh Criosd a leantuin, ach tha e air a bhacadh le a shaoibhreas. 31 Roimh-innis Criosd a bhàs: 35 Dh'aisig e a radharc do dhuine dall.*

A GUS labhair e cosamhlachd riu, 'a' nochdadh gur còir urnuigh a dheanamh a ghnàth, agus gun fhannachadh;

2 Ag ràdh, Bha breitheamh ann am baile àraidh, air nach robh eagal Dhé, agus aig nach robh urram do dhuine:

3 Agus bha bantrach àraidh 's a' bhaile sin, agus thàinig i d'a ionnsuidh, ag ràdh, Cum còir rium an aghaidh mo nàmhaid.

4 Agus cha b'aill leis ré tamuill: ach 'n a dhéigh sin thubhairt e ann féin, Ged nach 'eil eagal Dhé orm, no urram agam do dhuine;

5 Gidheadh air son gu bheil a' bhantrach so 'cur dragha orm, cumaidh mi còir rithe, air cagal le a sìor-thicachd gu'n sgithich i mi.

6 Agus thubhairt an Tighearna, Eisidibh ciod a tha am breitheamh eucorach ag ràdh.

7 Agus nach dean Dia dìoghaltas air son a dhaoine taghta féin, a tha 'g éigheach ris a là agus a dh'oidheche, ged tha e fad-fhulangach mu'n timchioll?

8 Tha mi ag ràdh ribh gu'n dean e dìoghaltas air an son gu luath. Gidheadh, an uair a thig Mac an duine, am faigh e creidimh air an talamh?

9 Agus labhair e an cosamhlachd so ri dream àraidh a bha 'g earbsadh asda féin gu'n robh iad 'n am fireanaibh, agus a bha deanamh tàir air dream cile:

10 Chaidh dithis dhaoine suas do'n team-

pull a dheanamh urnuigh; fear dhiubh 'n a Phairiscach, agus am fear eile 'n a chis-mhaor.

11 Sheas am Phairiseach leis féin, agus rinn e urnuigh mar so, A Dhé, tha mi 'toirt buidheachais duit nach 'eil mi mar *tha* daoine cile, 'n an luchd-foircigin, eucorach, adhaltrannach, no eadhon mar an cis-mhaor so.

12 Tha mi a' trasgadh dà uair's an t-seachdain, tha mi 'toirt deachaimh as na h-uile nithibh a tha mi 'sealbhadh.

13 Agus air seasamh do'n chis-mhaor fad' air ais, cha b'aill leis fù a shùl a thogail suas gu nèamh, ach bhual e 'uchd, ag ràdh, A Dhia, dean tròcair ormsa a tha 'am pheacach.

14 Tha mi ag ràdh ribh, gu'n deachaidh am fear so sìos d'a thighair 'fhìreanachadh *nì's mò* na'm fear ud eile: oir ge b'e neach a dh'àrdaicheas e féin, islichear e; agus ge b'e a dh'islicheas e féin, àrdaichear e.

15 Agus thug iad d'a ionnsuidh mar an ceudna naoidheanan, chum gu'm beanadh e riu: agus an uair a chunnaic na deisciobuil so, chronuich siad iad.

16 Ach air do Iosa an gairm d'a ionnsuidh, thubhairt e, Fuilgibh do na leanabaibh teachd a m' ionnsuidh-sa, agus na bacaibh iad; oir is ann d'an leithidibh so a tha rioghachd Dhé.

17 Gu deimhin tha mi ag ràdh ribh, ge b'e nach gabh rìoghachd Dhé mar leanabh beag, nach téid e air chor sam bith a steach innte.

18 Agus dh'fheadraich uachdaran àraidh dheth, ag ràdh, A mhaighstir mhaith, ciod a ni mi chum gu'n sealbhaich mi a' bheatha mhaireannach?

19 Agus thubhairt Iosa ris, C'ar son a ghoireas tu maith dhìomsa? ch'è-n'eil neach sam bith maith ach a h-aon, *eadhon* Dia.

20 Is aithne dhuit na h-àitheantan, Na dean adhaltrannas, Na dean mortadh, Na goid, Na toir fianuis bhréige, Thoir urran do d'athair agus do d' mhàthair.

21 Agus thubhairt esan, Choimhid mi iad sin uile o m' òige.

22 Agus an uair a chual Iosa so, thubhairt e ris, Tha aon ni fathast a dh'uireas-bhuidh ort: reic na h-uile nithean a tha agad, agus roim air na bochdaibh, agus bithidh agad ionnhas air nèamh; agus thig, *agus* lean mise.

23 Agus an uair a chual e so, bha e ro dhoilich: oir bha mòr-bheartas aige.

24 Agus an uair a chunnaic Iosa gu'n robh e làn tuirse, thubhairt e, Cia deacair dhoibhsan aig am bheil saoihbreas, dol a steach do rìoghachd Dhé!

25 Oir is usadh do chàmhail dol troimh chrò snàthaid, na do dhuine saoiibhir dol a steach do rìoghachd Dhé.

26 Agus thubhairt iadsan a chuala so, Cò

ma seadh a dh'fheudas a bli air a shaoradh?

27 Ach thubhairt esan, Na nithean a tha cucomasach do dhaoineibh, tha iad comasach do Dhia.

28 An sin thubhairt Peadar, Feuch, thréig sinne na h-uile nithean, agus lean sinn thusa.

29 Agus thubhairt esan riu, Gu deimhin tha mi ag ràdh ribh, nach 'eil aon neach a thréig tigh, no pàrantan, no bràithrean, no bean-phòsda, no clann air son rìoghachd Dhé.

30 Nach faigh mòran nìs mò anns an aimsir so a tha làthair, agus anns an t-saoghal a tha ri teachd a' bheatha mhaireannach.

31 Agus ghabh e an dà fhear dheug d'a ionnsuidh, agus thubhairt e riu, Feuch, tha sinn a' dol suas gu Ierusalem, agus bithidh na h-uile nithean a tha sgrìobhta leis na fàidhibh mu Mhac an duine, air an coimhlionadh.

32 Oir bheirear thairis e do na Cinnich, agus thèid fanoid a dheanamlh air, agus masluichear e, agus tilgear smugaid air;

33 Agus sgiùrsaidh agus marbhaidh iad e: agus air an treas là éiridh e a ris.

34 Agus cha do thuig iadsan aon ni dhiubh so: agus bha na briathran so foluichte orra, agus cha b'aithne dhoibh na nithean a chaidh a labhairt.

35 Agus tharladh, an uair a dhruid e ri Iericho, gu'n robh dall àraidh 'n a shuidhe ri taobh na slighe, ag iarraidh déirce;

36 Agus air cluinntinn an t-sluaigh a' dol seachad, dh'fhiosraich e ciod e so.

37 Agus dh'innis iad da, gu'm b'e Iosa o Nasaret a bha 'gabhail seachad.

38 Agus ghlaodh e, ag ràdh, Iosa, Mhic Dhaibhidh, dean tràcair orm.

39 Agus chronuich iadsan a bha air thois-each e, chum gu'm biodh e 'n a thosd: ach bu mhòid gu mòr a ghlaodh esan, A Mhic Dhaibhidh, dean tràcair orm.

40 Agus air seasamh do Iosa, dh'àithn e a thoirt d'a ionnsuidh: agus an uair a thàinig e am fagus da, dh'fhiosraich e d'hech,

41 Ag ràdh, Ciod a's àill leat mise a dheanamlh dhuit? agus thubhairt esan, a Thigh-carna, mi dh'fhaotainn mo radhaire.

42 Agus thubhairt Iosa ris, Gabh do radhaire: shìlanuich do chreidimh thu.

43 Agus air ball fhuaire e a radharc, agus lean se e, a' toirt glòire do Dhia: agus thug an sluagh uile cliù do Dhia, 'n uair a chunn-aic iad so.

CAIB. XIX.

1 *Mu thinncioll Shacheus a' chis-mhaoir.* 11 *Na deich puind airgid.* 28 *Mharcaich Crìosd do Ierusalem le greadhnachas;* 41 *rinn e caoidh air a son;* 45 *thilg e mach an luchd ceannaich agus reic as an teampall;* 47 *B'àill leis na h-uachdarain a mharbhadh.*

AGUS air do Iosa dol a steach, chaidh e troimh Iericho.

2 Agus, feuch, *bha* duine ann d'am b'ainm Sacheus, agus bàrd chis-mhaor esan, agus bha e saobhir:

3 Agus bha déidh aige air Iosa fhaicinn, cò e; agus cha b'urrainn e air son an t-sluaigh, a chionn gu'n robh e ìosal 'n a phearsa.

4 Agus ruith e roimhe, agus streap e suas ann an craobh Shicamoir, chum gu'm faic-cadh se e; oir bha e gus an t-slighe sin a ghabhail.

5 Agus an nair a thàinig Iosa chum an àite sin, air dha amharc suas, chunnaic se e, agus thubhairt e ris, A Shacheus, thig a nuas gu grad; oir is éigin domh-sa stad an diugh aig do thigh.

6 Agus thàinig e nuas le cabhaig, agus ghabh e ris gu fubhach.

7 Agus an uair a chunnaic iad so, rinn iad uile gearan, ag ràdh, Gu'n deachaidh e steach air aoidheachd gu duine a tha 'n a pheacach.

8 Agus sheas Sacheus agus thubhairt e ris an Tighearn, Fench, a Thighearna, tha mi 'toirt leth mo mhaoin do na bochdaibh: agus ma thug mi aon ni o neach air bith le casaid bhréige, tha mi 'toirt *dha* a cheithir uiread.

9 Agus thubhairt Iosa ris, Thàinig slàinte an diugh a dh'ionnsuidh an tighe so, do bhrìgh gur mac do Abraham esan mar an ceudua.

10 Oir thàinig Mac an duine a shireadhl agus a thèarnadh an nì sin a bha caillte.

11 Agus ag cluinntinn nan nithean sin dhoibh, chuir e ris, agus labhair e cosamhlachd, do bhrìgh gu'n robh e am fagus do Ierusalem, agus gu'n do shaoil iadsan gu'm bithcadh rìoghachd Dhé air a grad-fhoill-seachadh.

12 Air an aobhar sin thubhairt e, Chaidh duine uasal àraidh do dhùthaich fad as a dh'fhaotainn rìoghachd dha féin, agus a philltinn air ais.

13 Ach ghairm e a dheich seirbhisich, agus thug e dhoibh deich puinn, agus thubhairt e riu, Cuiribh gu buil iad, gus an tig mise.

14 Ach bha fuath aig muinntir a dhùthaicha dha, agus chuir iad teachdaireachd 'n a dhéigh, ag ràdh, Cha-n àill leinn an duine so bhith 'n a rìgh oirnn.

15 A nis an uair a phill e air ais, an déigh dha an rìoghachd fhaotainn, an sin dh'ord-uich e na seirbhisich ud a bhi air an gairm d'a ionnsuidh d'an d'thug e 'n t-airgid, chum gu'm bithadh fios aige ciod a bhuan-aich gach aon diubh leis a' bhuileachadh.

16 An sin thàinig an ceud *fhear*, ag ràdh, A Thigh-carna, bhuidhim do phund deich puind.

17 Agus thubhairt e ris, Is maith, a dheadh sheirbhisich: a chionn gu'n robh thusa frinn-cach ann an ro-bheagan, bithheadh agad-sa uachdaranachd air deich bailtibh.

18 Agus thàinig an dara fear, ag ràdh, A Thighearna, rinn do phund cùig puind.

19 Agus thubhairt e ris-san, Bi-sa mar an ceudna os ceann chùig bailtean.

20 Agus thàinig fear eile, ag ràdh, a Thighearna, feuch do phund, a bha agam-sa taisgte ann an nàpaicin :

21 Oir bha eagail orm romhad, do bhrìgh gur duine geur-theann thu: tha thu a' togail an ni nach do leag thu, agus a' buain an ni nach do chuir thu.

22 Agus thubhairt e ris, As do bheul féin bheir mi breth ort, a dh-roch sheirbhiseich. Bha fhios agad gu'm bu duine geur-theann mi, a' togail an ni nach do leag mi, agus a' buain an ni nach do chuir mi :

23 Air an aobhar sin c'ar son nach d'fhug thu m' airgid do'n luchd-malairt, agus air teachd dhomh-sa thogaim e le riadh ?

24 Agus thubhairt e rium a bha 'n an seasamh a làthair, Thugaibh uaith am pund, agus thugaibh dhàsan e aig am bheil na deich puind.

25 (Agus thubhairt iad ris, A Thighearna, tha deich puind aige ;)

26 Oir tha mi ag ràdh ribh, Gu n toirear do gach neach aig am bheil : ach uaithsan aig nach 'eil, bheirear caithon an ni sin a tha aige.

27 Ach thugaibh an so na naimhdean ud agam-sa, leis nach b'àill mise 'bhi 'am rìgh os an ceann, agus marbhaibh a'm fhianuis iad.

28 Agus air dha so a ràdh, dh'imich e rompa, a' dol suas gu Ierusalem.

29 A nis an uair a dhruid e ri Betphage agus Betani, làimh ris an t-slabh d'an goirear *slabh* nan crann-olaidh, chuir e dithis d'a dheisciobluibh uaith.

30 Ag ràdh, Imichibh do'n bhaile 'tha fa 'ur combhair; anns am faigh sibh, air dhuibh dol a steach, searrach ceangailte, air nach do shuidh aon duine riamh: fuasglaidh, agus thugaibh an so e.

31 Agus ma dh'fhiosraicheas neach air bith dhibh, C'ar son a tha sibh 'g a fuasgladh ? mar so their sibh ris, Tha feum aig an Tighearn air.

32 Agus air imeachd dhoibhsan a chuir-cadhl air falbh, fhuair iad mar thubhairt e riu.

33 Agus an uair a bha iad a' fuasgladh an t-searrach, thubhairt a shealbhadairean riu, C'ar son a tha sibh a' fuasgladh an t-searrach ?

34 Agus thubhairt iadsan, Tha feum aig an Tighearn air.

35 Agus thug iad gu Iosa e: agus thilg iad am falluinnean air an t-searrach, agus chuir iad Iosa air.

36 Agus ag imeachd dhàsan, sgaoil iad am falluinnean foidhe air an t-slighe.

37 Agus an uair a thàinig e am fagus, eadhon gu dol sìos sléibh nan crann-olaidh,

thòisich mòr-chuideachd nan deisciobul uile ri gairdeachas a dheanamh, agus moladh a thoirt do Dhia le guth àrd, air son nan uile oibre cumhachdach a chunnaic iad.

38 Ag ràdh, Gu ma bheannaichte an rìgh a tha teachd ann an ainm an Tighearna: sìth air nàmh, agus glòir anns na h-àrd-aibh.

39 Agus thubhairt cuid de na Phairisich o mheasg an t-sluaigh ris, A mhaighstir, cronuich do dheisciobul.

40 Agus fhreagair esan, agus thubhairt e riu, Tha mi ag ràdh ribh, nam fanadh iad sin 'n an tosd, gu'n glaothadh na clachan féin.

41 Agus an uair a thàinig e am fagus, chunnaic e am baile, agus ghuil e air a shon.

42 Ag ràdh, Nam b'aithe dhuìt, eadhon dhuìtse, air bheag sam bith ann ad là so féin, na nithean a bhuineas do d' shìth ! ach a nis tha iad folaichte o d' shùilibh.

43 Oir thig na làithean ort, anns an tilg do naimhdean dig mu d' thimchioll, agus an iadh iad umad mu'n cuairt, agus an druid iad a stigh air gach taobh thu,

44 Agus an leag iad co ìosal ris an làr thu, agus do chlànn annad, agus nach fag iad annad clach air muin cloiche; do bhrìgh nach b'aithe dhuìt aimsir d'fhiosrachaidh.

45 Agus chaidh e teachd do'n teampull, agus thòisich e air an dream a bha 'reic, agus a' ecannach ann a thilgeadh a mach.

46 Ag ràdh riu, Tha e sgrìobhta, Is tigh urnuigh mo thigh-sa; ach rinn sibhse 'n a gharaidh luchd-reubainn e.

47 Agus bha e gach là a' teagasg 's an teampull. Ach dh'iarr na h-àrd shagartan agus na sgrìobhaichean, agus ceannardan a' phobuill esan a mharbhadh,

48 Gidheadh cha robh fhios aca ciod a dheanadh iad: oir bha am pobull uile ag èisdeachd ris le ro-aire.

CAIB. XX.

1 *Dhearbh Criosd gu'n robh umarras aige, le ceist mu bhaisteadh Eoin.* 9 *Cos-mhlachd an fhion-bios.* 19 *Mu thimchioll cìs a thoirt do Cheasar.* 27 *Dhearbh e mearachd nan Sadusaich, a bha 'g àicheadh aiseirigh nam marbh.* 45 *Thug e rabhadh d'a dheisciobluibh, &c.*

A GUS tharladh air aon de na làitheibh sin, an uair a bha e 'teagasg a' phobuill 's an teampull, agus a' searmonachadh an t-soisgeil, gu'n d'fhàinig na h-àrd-shagartan agus na sgrìobhaichean air, maille ris na seanairibh.

2 Agus labhair iad ris, ag ràdh, Innis duinn ciod e an t-ùghdarras leis am bheil thu a' deanamh nan nithean so? no cò esan a thug an t-ùghdarras so dhuìt?

3 Agus fhreagair esan agus thubhairt e riu, Feòraichidh mise mar an ceudna aon ni dhibhse; agus freagraibh mi:

4 Baisteadh Eoin, an ann o nèamh a bha e, no o' dhaoibh?

5 Agus reusonaich iad eatorra féin, ag ràdh, Ma their sinn, O nèamh; their esan, C'ar son ma ta nach do chreid sibh e?

6 Ach ma their sinn, O dhaoibh, clachaidh an sluagh uile sinn; oir is deimhin leo gu'm b'fhàidh Eoin.

7 Agus fhreagair iadsan, Nach robh fhios aca cia uaith a bha e.

8 Agus thubhairt Iosa riu, Ni mòd dh'inn-seas mise dhuibh-sa ciod e an t-àgdarras leis an bheil mi a' deanamh nan nithean so.

9 An siu thòisich e air a' chosamhlachd so a labhairt ris an t-sluagh; Phlannduich duine àraidh fion-lios, agus shuidhich e air tuaisir e; agus chaidh e air choigrich ré aimsir fhada.

10 Agus anns an àm dh'ighceach chuir e seirbhiseach dh'ionnsuidh na tuatha, chum gu'n tugadh iad da de thoradh an fhion-lios: ach ghabh an tuath air, agus chuir iad uatha falamh e.

11 Agus a rìs chuir e seirbhiseach eile uaith; agus ghabh iad a'rsan mar an ceudna, agus mhaslach iad e, agus ehuir iad uatha falamh e.

12 Agus a thuilleadh air sin chuir e an treas seirbhiseach uaith; agus lot iad esan mar an ceudna, agus thilg iad a mach e.

13 An sin thubhairt Tighearn an fhion-lios, Ciod a ni mi? cuiridh mi mo Mhac gràdhach d'an ionnsuidh: feudaidd e bhith, u uair a chi iad e, gu'n toir iad urram dha.

14 Ach an uair a chunnaic an tuath e, reusonaich iad eatorra féin, ag ràdh, Is e so an t-oighre: thigibh, marbhamaid e, chum gu'm bi an oighreachd againn féin.

15 Agus thilg iad a mach as an fhion-lios e, agus mharbh iad e. Ciod uime sin a ni Tighearn an fhion-lios riu?

16 Thig e agus sgriosaidh e an tuath ud, agus bhicir e am fion-lios do dhaoimibh eile. Agus an uair a chual iad so, thubhairt iad, Nar leigeadh Dia.

17 Agus air dhàsan amharc orra, thubhairt e, Ciod e so ma seadh a tha sgrìobhta, A' chlach a dhiult na clachairean, rinneadh ceann na h-oisne dhith?

18 Ge b'e neach a thuiteas air a' chloich sin, brisear e: ach ge b'e neach air an tuit i, pronnaidh i gu luaithe e.

19 Agus anns an uair sin féin dh'iarr na h-àrd-shagartan agus na sgrìobhaichean làn a chur ann; ach bha eagal an t-sluaigh orra; oir thug iad gu'm b'ann 'n an aghaidh féin a labhair e'n cosamhlachd so.

20 Agus rinn iad geur-fhaire air, agus ehuir iad a mach luchd-foill, a leigeadh orra féin a bhi 'n am fireanaibh, chum gu'n deanadh iad greim air 'fhoclaibh, air chor's gu'n tugadh iad thairis e do chumhachd agus do àgdarras an uachdarain.

21 Agus dh'fhiosraich iad deth, ag ràdh, A mhaighstir, tha fhios againn gu bheil thu a' labhairt agus a' teagasg gu ceart, agus nach 'eil suim agad do phearsa duine sam bith, ach gu bheil thu 'teagasg slighe Dhé a réir na firinn.

22 Am bheil e ceaduichte dhuinn eis a thoirt do Cheasar, no nach 'eil?

23 Ach thug esan au cuilbheartachd, agus thubhairt e riu, C'ar son a tha sibh ga m' bhuaireadh?

24 Nochdaibh dhomh peghinn: co leis an dealbh agus an sgrìobhadh a tha oirre? Fhreagair iadsan agus thubhairt iad, Le Ceasar.

25 Agus thubhairt esan riu, Thugaibh-sa air an aobhar sin do Cheasar na nithean a's le Ceasar, agus do Dhia na nithean a's le Dia.

26 Agus cha b'urrainn iad greim a dheanamh air 'fhoclaibh 'am fianuis an t-sluaigh: agus ghabh iad iongantas r'a fhreagairt, agus dh'fhan iad 'n an tosd.

27 An sin thàinig d'a ionnsuidh dream àraidh de na Sadusaich, a tha 'g àicheadh gu bheil aiseirigh anu, agus dh'fheoraich iad deth,

28 Ag ràdh, A mhaighstir, sgrìobh Maois dhuinn, Nam faigeadh bràthair duine air bith bàs, agus bean-phòsda aige, agus gu'm faigeadh e bàs gun chlann, gu'n gabhadh a bhràthair a bhean, agus gu'n togadh e suas shìochd d'a bhràthair.

29 Air an aobhar sin, bha seachd nar bhràithrean ann: agus ghabh an ceud fhear bean, agus fhuair e bàs gun chlann.

30 Agus ghabh an dara fear i mar mhnaoi, agus fhuair esan bàs gun chlann.

31 Agus ghabh an treas fear i; agus mar an ceudna an t-seachd nar. Agus cha d'fhàg iad clann, agus fhuair iad bàs.

32 Ma dheireadh uile fhuair a' bhean bàs mar an ceudna.

33 Anns an aiseirigh uime sin, cò dhiubh d' am bean i? oir bha i aig an t-seachd nar 'n a mnaoi.

34 Agus fhreagair Iosa, agus thubhairt e riu, Tha clann an t-saoghail so a' pòsadh, agus air au toirt ann am pòsadh:

35 Ach an dream sin a mheas gur àiridh iad air an t-saoghail ud fhagail, agus an aiseirigh o na mairbh, cha-n'eil iad a' pòsadh, no air an toirt ann am pòsadh.

36 Agus cha-n'urrainn iad bàs fhagail ni's mò; oir tha iad 'am co-iubhe ris na h-ainglibh; agus is iad clann Dhé iad, air bhi dhoibh 'n an cloinn do'n aiseirigh.

37 Ach gu'n éirich na mairbh, nochd Maois féin aig a' phreas, an uair a tha e a' gairm de'n Tighearn, Dia Abraham, agus Dia Isaac, agus Dia Iacoib.

38 A nis cha-n e Dia nam marbh e, ach nam beò: oir tha iad uile beò dhàsan.

39 An sin freagair dream àraidh de

aa sgrìobhaichibh, agus thubhairt iad, A mhaighstir, is maith a labhair thu.

40 Agus cha robh chridhe aca tuilleadh ni sam bith fheòraich dheth.

41 Agus thubhairt e riu, Cionnus a their iad gur e Crìosd mae Dhaibhidh?

42 Agus tha Daibhidh féin ag ràdh ann an leabhar nan Salm, Thubhairt an Tighearn ri mo Thighearn, Suidh air mo làimh dheis,

43 Gus an cuir mi do naimhdean 'n an stòl fo do chosaibh.

44 Tha Daibhidh air an aobhar sin a' gairma Thighearna dheth, cionnus ma seadh is e a mhaic e?

45 An sin thubhairt e r'a dheisciobluibh, ann an éisdeachd an t-sluaigh uile,

46 Thugaibh an aire dhuibh féin o na sgrìobhaichibh, leis an miann imeachd ann an culaidhibh fada, agus leis an ionmhuim fàilte *phoatainn* air na margaidhibh, agus na caithrichean a's àirde anns na sionagogaibh, agus na ceud àiteachan-suidhe aig féillibh;

47 A shluigear suas tighean bhantrach, agus air sgàth deadh choslais a ni urnuigh-ean fada: gheibh iad sin an dìteadh a's mò.

CAIB. XXI.

1 *Mhol Crìosd a' bhantrach bhòchd: 4 roimh-innis e sgrìos an teampull, agus bhaile Ierusalem; 25 mar an ceudna na comharan a bhitheas ann roimh an là dheireannach. 34 Earail chum faire a dheanamh.*

AGUS air dha amharc suas, chunnaic e na daoine saobhir a' tilgeadh an tìodhlacan ann an àite-coimhead an ionmhais.

2 Agus chunnaic e mar an ceudna bantrach bhòchd àraidh a' tilgeadh dà leth-fheoirling an sin.

3 Agus thubhairt e, Gu fìrinneach tha mi ag ràdh ribh, gu'n do chuir a' bhantrach bhòchd so ni's mò ann na iad uile.

4 Oir thig iad so uile d'am pailteas a steach do thìodhlacaibh Dhé: ach thig ise d'a h-uireasbhuidh féin am beathachadh uile a bha aice.

5 Agus air do chuid diubh 'bhi 'labhairt mu'n teampull, mar a bha e air a dheanamh maiseach le clachaibh sgiamhach, agus le thìodhlach, thubhairt e,

6 *A thaobh* nan nithean so a chi sibh, thig na làithean, anns nach fàgar clach air muin cloiche *dhiubh*, nach tilgear sios.

7 Agus dh'fhiosraich iadsan deth, ag ràdh, A mhaighstir, c'uin ma ta 'bhitheas na nithean so? agus ciod e an comharadh 'n uair a bhitheas na nithean so gu teachd gu crìch?

8 Agus thubhairt esan, Feuchaibh nach mcallar sibh; oir thig mòran ann am ainm-sa, ag ràdh, Is mise *Crìosd*; agus tha an t-am am fagus; uime sin na leanaibh iad.

9 Ach an uair a chluinneas sibh mu chog-

annaibh, agus mu cheannarcibh, na bith-cadh mòr-gheilt oirbh: oir is éigin do na nithibh so tachairt air tùs; ach cha-n'èil a' chrìoch air ball.

10 An sin thubhairt e riu, Eiridh cinneach an aghaidh cinnich, agus rioghachd an aghaidh rioghachd:

11 Agus bithidh critheanna mòra tal-mhainn ann 'an iomadh àit, agus gortan, agus plaighean; agus nithean uamhasach, agus comharan mòra o nèamh.

12 Ach rompa so uile cuiridh iad làmh annaibhse, agus geur-leanaidh iad sibh, 'g'ur tabhairt thairis do choimhthionalaibh, agus do phrìosanaibh, 'g'ur tabhairt chum rìgh-eann agus uachdaran air sgàth u'ainme-sa.

13 Agus tacharaidh so dhuibhse mar fhianuis.

14 Air an aobhar sin daingnichibh ann bhur cridheachaibh, gun smuaineachadh roimh làimh, ciod a fheagrais sibh air bhur son féin:

15 Oir bheir mise dhuibh beul agus gliecas, nach bi bhur naimhdean uile comasach air labhairt no cur 'n a aghaidh.

16 Agus brathar sibh le 'ur pàrantaibh, agus le 'ur bràithribh, agus le 'ur luchd-dàimhe, agus le 'ur cairdibh; agus bheir iad fainear *cuid* dhuibh a chur gu bàs.

17 Agus bithidh fuath aig na h-uile dhaoinibh dhuibh air son m'ainme-sa.

18 Ach cha chaillear fuiltein de ghruaig bhur cinn.

19 Ann bhur foighidinn sealbhaichibh bhur n-anaman féin.

20 Agus an uair a chi sibh Ierusalem air a cuairteachadh le armaitibh, au sin bithcadh fhios agaibh gu bheil a fàsachadh am fagus.

21 (An sin teicheadh iadsan a tha ann an Iudca chum nam beann,) agus imicheadh iadsan a tha 'n a meadhon-sa mach aisde; agus na rachadh iadsan a tha 's a' mhachair, a steach innte.

22 Oir is iad sin làithean an dioghaltais, chum gu'n coimhlionar na h-uile ni a tha sgrìobhta.

23 Ach mo thruaigh na mnathan a bhitheas torrach, agus iadsan a bhitheas a' toirt eiche anns na làithibh sin! oir bithidh teanntachd mhòr 's an dùthaich, agus fearg ris a' phobull so.

24 Agus tuitidh iad le faobhar a' chlaidheimh, agus bheirear iad 'an braighdeanas chum nan uile chinneach: agus bithidh Ierusalem air a saltairt sìos fo na Cinnich, agus an coimhlionar aimsirean an Cinnich.

25 Agus bithidh comharan anns a' ghréin, agus anns a' ghealaich, agus anns na reult-aibh; agus air an talamh aire nan cinneach, ann an ioma chomhairle; an cuan agus na toman a' beuchdaich;

26 Cridhe dhaoine 'g an tréigsinn troimh eagal, agus fheithcamh nan nithean sin a

tha 'teachd air an domhan: oir bithidh cumbachdan nan nèamh air an crathadh.

27 Agus an sin chli iad Mac an duine a' teachd ann an neul, le cumbachd agus mòr-ghlòir.

28 Agus an uair a thòisicheas na nithean so air tachairt, an sin amhaireibh suas, agus togaibh bhur ciunn; oir tha bhuir saorsa am fagus.

29 Agus labhair e cosamhlachd riu, Amhaireibh air a' chraoibh-flùge, agus na craobh-an uile;

30 'N nair a bhitheas iad cheana a' cur a mach an duillich, tha sibh a' faicinn, agus ag aithneachadh uaibh féin, gu bheil an samhradh a nis am fagus.

31 Agus mar an cendna sibhse, 'n nair a chi sibh na nithean so a' tachairt, bitheadh fhios agaibh gu bheil rìoghachd Dhé fagus do làimh.

32 Gu deimhin tha mi ag ràdh ribh, nach téid an ginealach so thairis, gus an coimhlionar na nithean so uile.

33 Théid nèamh agus talamh thairis: ach cha téid mo bhriathran-sa thairis a chaoidh.

34 Agus thugaibh an aire dhuibh féin, air eagal uair air bith gu'm bi bhuir eridhe fo uallaich le geàcearachd, agus le misg, agus le ro-chùram mu nithibh na beatha so, agus gu'n tig an là sin oirbh gu h-obann.

35 Oir mar ribe thig e air na h-uile dhaoineibh, a tha 'g àiteachadh aghaidh na talmhainn uile.

36 Denaibhse air an aobhar sin faire, a' deanamh urnuigh gach àm, chum gu measar gur àiridh sibh air dol as o na nithibh sin uile a tha gu teachd, agus seasamh an làthair Mhic an duine.

37 Agus bha e's an là a' teagasg's an teampull, agus's an oidheche chaidh e mach, agus dh'fhan e air an t-sliabh, d'an goirear sliabh nan crann-olaidh.

38 Agus thàinig an sluagh uile gu moch d'a ionnsuidh's an teampull, a dh'éisdeachd ris.

CAIB. XXII.

1 *Ghabh na h-Iudhaich comhairle an aghaidh Iosa. 3 Dh'aom Satan Iudas gu esan a bhrath.*

7 *Dh'ulluich na h-abstòil a' chàisg. 19 Dh'ord- uich Crìosd an t-suipeir naomh. 32 Dh'innis e do Pheadar nach diòbradh a chreidinnh e; 34 ach gu'n àicheudhadh e esan trì uairean; 39 rinn e urnuigh, 47 bhrathadh e le pòig. 54 Dh'àicheadh Peadar e.*

ANIS dhruid riu féill an arain neo-ghoirtichte, d'an goirear a' chàisg.

2 Agus bha na h-àrd-shagartan agus na sgrìobhaichean ag iarraidh cionnus a dh'fhèudadh iad esan a chur gu bàs; oir bha eagal an t-sluaigh orra.

3 An sin chaidh Satan ann an Iudas d'an co-aonm Iscariot, a bha de àireamh an dà fhuir dheng.

4 Agus dh'imich e, agus labhair e ris na

h-àrd-shagartaibh agus ri ceannardaibh an teampull, cionnus a bhrathadh se esan doibh.

5 Agus bha iad toilichte, agus rinn iad coimheangal airgid a thoirt da.

6 Agus gheall esan, agus dh'iarr e àn iomchuidh air a bhrath dhoibh gun an sluagh a bhi làthair.

7 An sin thàinig là an arain neo-ghoirtichte, auns am b'éigin an t-uain-àisge a mharbhadh.

8 Agus chuir e uaith Peadar agus Eoin, ag ràdh, Imichibh, agus ulluichibh dhuinn a' chàisg, chum gu'n ith sinn i.

9 Agus thubhairt iadsan ris, C'ait an àill leat sinn a dh'ulluchadh?

10 Agus thubhairt e rin, Feuch, air dhnibh dol a steach do'n bhaile, tacharaidh oirbh duine, a' giùlan soitlich uisge; leanaibh e do'n tigh anns an téid e steach.

11 Agus abraibh ri fear an tighe, Tha am maighstir ag ràdh rint, C'ait am bheil an seòmar aoidheachd auns an ith mi a' chàisg maille ri mo dheisciobluibh?

12 Agus feuchaidh e dhuibh àrd-sheòmar farsuinn uidhimichte: ulluichibh an sin.

13 Agus dh'imich iad agus fhuair iad mar thubhairt e riu: agus dh'ulluich iad a' chàisg.

14 Agus an tràth thàinig an uair, shuidh e sìos, agus an dà abstol deug maille ris.

15 Agus thubhairt e riu, Le mòr-thogradh mhiannaich mi a' chàisg so itheadh maille ribh ròimh dhomh fulang:

16 Oir tha mi ag ràdh ribh, nach ith mi dh'ith tuilleadh, gus an coimhlionar i ann an rìoghachd Dhé.

17 Agus ghlac e cupan, agus air dha buidh-eachas a thabhairt, thubhairt e, Gabhaibh so, agus roinnibh cadaraibh féin e.

18 Oir tha mi ag ràdh ribh, nach òl mi de thoradh na fionain, gus an tig rìoghachd Dhé.

19 Agus ghlac e aran, agus an déigh buidh-eachas a thabhairt, bliris e, agus thug e dhoibh-san e, ag ràdh, Is e so mo chorp-sa 'tha air a thoirt air bhuir son-se: deanaibh so mar chuimhneachan ormsa.

20 Agus mar an cendna an cupan, an déigh na snipeir, ag ràdh, Is e an cupan so an tiomnadh unadh ann am fhuil-sa, a dhòirtedh air bhuir son-se.

21 Ach feuch, làmh an tì a bhrathas mise maille rium air a' bhòrd.

22 Agus gu fìrinnach tha Mac an duine ag imeachd, a réir mar a dh'ordnichadh: ach is an-aobhinn do'n duine sin leis an brathar e.

23 Agus thòisich iadsan air fiosrachadh eatorra féin, cò aca 'bha gus an bi so a dheanamh.

24 Agus bha mar an cendna comhstri cat-orra, cò aca bu mhò a bhitheadh.

25 Ach thubhairt esan riu, Tha aig rìgh-

ribh nau Cinneach tighearnas orra; agus gceir car daoine fiala dhiubh-san, aig am bheil ughdarras orra.

26 Ach na bitibhse mar sin: ach an neach a's mò 'n' ur measg, bitheadh e mar an neach a's òige; agus an ti a's àirde, mar esan a tha ri frithealadh.

27 Oir co aca a's mò, an ti a shuidheas air bòrd, no esan a fhritheileas? nach e 'n' ti a shuidheas; ach tha mise 'u' ur measg-se mar fhear-frithealaidh.

28 Is sibhse iadsan a dh'fhan maille rium-sa anu am dheuchainnibh;

29 Agus tha mise ag orduchadh dhuibh rìoghachd, mar a dh'orduich m'Àthair dhomh-sa;

30 Chum gu'n ith agus gu'n òl sibh air mo bhòrd-sa ann an rìoghachd, agus gu'n suidh sibh air caithrichibh rìoghail, a' toirt breth air dà thrèibh dheug Israeil.

31 Agus thubhairt an Tighearn, A Shimoin, a Shimoiu, feuch, dh'iarr Sàtan sibhse, chum *bhur* criaradh mar chruithneachd.

32 Ach ghuidh mise air do shonsa, uach diòbradh do chreidimh thu: agus an uair a dh'iompaichear thu, neartaich do bhràithrean.

33 Agus thubhairt esan ris, A Thighearn', tha mise ullamh gu dol maille riut araon chum prìosain, agus a chum bàis.

34 Agus thubhairt esan, Tha mi ag ràdh riut, a Pheadair, nach goir an coileach an diugh, gus an àicheadhaidh thu trì uairean gur aithne dhuit mi.

35 Agus thubhairt e riu, 'N uair a chuir mi uam sibh gun sporau, agus gun mhàla, agus gun bhrògau, an robh uireasbhuidh mi sam bith oirbh? Agus thubhairt iad, Cha robh.

36 An sin thubhairt e riu, Ach a nis ge b'e aig am bheil sporan, togadh se e, agus mar an ceudna a mhàla: agus an ti aig nach 'eil claidheamh, reiceadh e fhalluinu, agus ceanachadh e aou.

37 Oir tha mi ag ràdh ribh, gur éigin fathast an ni so a tha sgrìobhta a choimhliuadh annamsa, Agus bha e air àireamh am measg nan ciotach: oir tha crìoch aig na nithibh ud, a tha mu m' thimchioll-sa.

38 Agus thubhairt iadsan, A Thighearn, reuch, tha dà chladheamh an so. Agus thubhairt esan riu, Is leoir e.

39 Agus air dha dol a mach, chaidh e, mar bu ghnàth leis, gu sliabh nan cranu-olaidh; agus lean a dheisciobuil e.

40 Agus au uair a thàinig e do'n àit, thubhairt e riu, Deauaibh urnuigh, chum nach tuit sibh ann am buaireadh.

41 Agus thairngeadh esan uatha mu thimchioll urchuir cloiche, agus leig se e féin air a ghluinibh, agus rinu e uruigh,

42 Ag ràdh, Àthair, ma's toil leat, cuir an cupan so seachad orm: gidheadh, na b'i mo thoil-sa, ach do thoil-sa gu robh deanta.

43 Agus dh'fhoillsicheadh dha aingeal o uèamh, 'g a neartachadh.

44 Agus air dha 'bhi ann an cruaidh-ghleachd auama, rinn e urnuigh ni bu dùrachdaiche: agus bha 'fhallus mar bhraon-aibh nadra fola a' tuiteam sìos air an talamh.

45 Agus air dha éirigh o uruigh, thàinig e chum a dheisciobul, agus fhuair e 'u an codal iad troimh thuirse.

46 Agus thubhairt e riu, C'ar son a tha sibh 'n' ur codal? éiribh, agus deanaibh urnuigh, chum nach tuit sibh anu am buaireadh.

47 Agus an uair a bha e fathast a' labhairt, feuch sluagh, agus dh'imich esan d'am b'ainm Iudas, aon de'n dà fhear dheug, rompa, agus dhruid e ri Iosa, chum a phògadh.

48 Ach thubhairt Iosa ris, A Iudais, am bheil thu le pòig a' brath Mhic au duine?

49 Agus an uair a chur e iadsan a bha mu thimchioll-san an ni a bha gu tachairt, thubhairt iad ris, A Thighearn, am buail sinn leis a' chladheamh?

50 Agus bhuail aon diubh seirbhiseach au àrd-shagairt, agus ghearr e dheth a chluas dheas.

51 Agus fhrèagair Iosa agus thubhairt e, Fulaingibh gu so. Agus bhean e r'a chluais, agus shluinich e i.

52 Au sin thubhairt Iosa ris na h-àrd-shagartaibh agus ri ceannardaibh an teampull, agus ris na seanairibh, a thàinig d'a iounsuidh, An d'thàinig sibh a mach le claidhibh agus le bataichibh, mar gu'm b'anu an aghaidh fir-reubainn?

53 'N uair a bha mi gach là maille ribh 's an teampull, cha do shìn sibh a mach *bhur* lamhan a'm' aghaidh: ach is i so bhur n-uairse, agus cuimheadh an dorch-adais.

54 An siu rug iad air, agus thug iad leo e do thigh an àrd-shagairt. Agus lean Peadar am fad uaith e.

55 Agus air dhoibh teine fhadadh anu am meadhon an talla, agus suidhe sìos maille ri 'chéile, shuidh Peadar 'n am meadhon.

56 Ach chuuaiceailin àraidh e'n a shuidhe aig an teine, agus air dhi amharc gu geur air, thubhairt i, Bha'm fear so mar an ceudna maille ris.

57 Agus dh'àicheadh esan e, ag ràdh, A bhean, cha-u aithne dhomh e.

58 Agus beagan 'n a dhéigh sin chunnaic neach eile e, agus thubhairt e, Is an diubh thusa mar au ceudna. Agus thubhairt Peadar, A dhuine, cha-n anu.

59 Agus mu thimchioll ùine aoin uaire 'n a dhéigh sin, chomhdaich neach eile air, ag ràdh, Gu fìrinneach bha am fear so mar an ceudna maille ris; oir is Galiléach e.

60 Agus thubhairt Peadar, A dhuine, cha-n aithne dhomh ciod a tha thu 'g ràdh. Agus

air ball, am feadh a bha e fathast a' labh-
airt, ghoir an coileach.

61 Agus air tionndadh do'n Tighearn,
dh'amhaire e air Peadar; agus chumhnic
Peadar focal an Tighearna, mar thubhairt e
ris, Mun goir an coileach, àicheadhaidh tu
mi tri uairean.

62 Agus chaidh Peadar a mach, agus ghuid
e gu goirt.

63 Agus rinn na daoine, a chum Iosa, fan-
oid air, 'g a bhuailadh.

64 Agus an uair a dh'fholuich iad a shùil-
ean, bhuail iad e 's an aghaidh, agus
dh'fheoraich iad deth, ag ràdh, Dean faidh-
eadaireachd cò e a bhuail thu?

65 Agus labhair iad mòran de nithibh eile
gu toibheunnach 'n a aghaidh.

66 Agus an uair a bha an là air teachd,
chruinnich seanadh an t-sluaigh, agus na
h-àrd-shagartan, agus na sgrìobhaichean
an ceann a chéile, agus thug iad esan chum
an comhairle,

67 Ag ràdh, An tusa Criosd? innis dhuinn.
Agus thubhairt e riu, Ma dh'innseas mi
dhuibh, cha chreid sibh:

68 Agus ma dh'fhiosraicheas mi *ni air*
bith, cha toir sibh freagradh dhomh, agus
cha leig sibh as *mi*.

69 O'n àm so bithidh Mac an duine 'n a
shuidhe air deas làimh cumbhachd Dhé.

70 An sin thubhairt iad uile, An tusa ma
seadh Mac Dhé? Agus thubhairt e riu, Tha
sibhse ag ràdh gur mi.

71 Agus thubhairt iad, Ciod tuilleadh am
feum a tha againn air fianuis? oir chuala
sinn fèin 's a bheul fèin.

CAIB. XXIII.

1 Chasaid na h-Iudhaich air Criosd an làthair
Pìlail. 8 Rinn Herod ianoid air. 12 Rinn-
eadh Herod agus Pìlail 'n an cairdibh. 18
Dh'iarraidh Barabas leis an t-sluaigh, agus air
'fhuasgladh le Pìlail, thug e Iosa thairis gu
bhi air a cheusadh: 34 Ghuidh Criosd air son
a naimhdean. 46 A bhàs, 59 agus 'adhlac.

A GUS air éirigh d'an euideachd uile,
thug iad e gu Pìlail.

2 Agus thòisich iad air a chasaid, ag ràdh,
Phuair sinn am fear so a' clonadh a' chinn-
ich, agus a' bacadh cìs a thoirt do Cheasar,
ag ràdh, Gur e fèin Criosd an rìgh.

3 Agus dh'fheoraich Pìlail deth, ag ràdh,
An tusa rìgh nan Iudhaich? agus fhreagair
esan agus thubhairt e, Tha thu 'g a ràdh.

4 An sin thubhairt Pìlail ris na h-àrd-
shagartaibh agus ris an t-sluaigh, Cha-n'eil
mi faotainn coire air bith 's an duine so.

5 Agus bha iadsan ni bu ro dhéine, ag
ràdh, Tha e' buaireadh an t-sluaigh, a'
teagasg troimh Iudea uile, a' tòiseachadh
o Ghalile gus an àit so.

6 'N uair a chuala Pìlail mu Ghalile,
dh'fhiosraich e am bu Ghaliléach an duine.

7 Agus an uair a chual e gu'm b'ann fo
uachdaranachd Heroid a bha e, chuir se e

gu Herod, a bha e fèin ann an Ierusalem
's na làithibh sin.

8 Agus an uair a chunnaic Herod Iosa,
bha aobhneas mòr air: oir bha dèidh aige
ré ùine fhada air ean fhaicinn, do bhrìgh
gu'n eual e mòran uime; agus bha dùil aige
gu'm faicheadh e mòrbhuil éigin air a dhean-
amh leis.

9 An sin dh'fheòraich e mòran de cheisd-
ean dheth; ach cha d'thug e freagradh sam
bith dha.

10 Agus sheas na h-àrd-shagartan, agus
na sgrìobhaichean 'g a chasaid gu dian.

11 Ach chuir Herod agus a luchd-cogaidh
'an neo-mheas e, agus rinn iad fanoid air,
agus an déigh a sgèadachadh 'an eudach
dearach chuir e air ais gu Pìlail e.

12 Agus rinnadh Pìlail agus Herod 'n an
cairdibh d'a chéile 's an là sin: oir bha iad
roimhe sin 'an naimhdeas r'a chéile.

13 Agus an uair a ghairm Pìlail an ceann
a chéile na h-àrd-shagartan, agus na h-uach-
darain, agus an sluagh,

14 Thubhairt e riu, Thug sibh a m' ionn-
suidh-sa an duine so, mar neach a tha
'tionndadh an t-sluaigh a thaobh: agus,
feuch, air dhomh a cheasnachadh am bhuir
làthair, cha d'fhuair mi coire air bith 's an
duine so 'thaobh nan nithean sin mu 'm
bheil sibh a' deanamh casaid air;

15 No mar an ceudna Herod: oir chuir
mi d'a ionnsuidh sibh, agus, feuch, cha
d'rinneadh ni air bith leis toiltiuneach air
bàs.

16 Uime sin, air dhomh-sa a smachdach-
adh, leigidh mi as e.

17 (Oir b'éigin da aon a leigeadh as doibh
air an fhéill.)

18 Agus ghlaodh iad a mach dh'aon ghuth,
ag ràdh, Beir uainn *am fear* so, agus leig
air a chomas duinn Barabas:

19 (Neach air son ceannaire àraidh a rinn-
eadh anns a' bhaile, agus air son mortaidh,
a thilgeadh 'am prìosan.)

20 Air an aobhar sin labhair Pìlail riu a
ris, air dha 'bhi toileach Iosa a chur fa
sgaoil.

21 Ach ghlaodh iadsan, ag ràdh, Ceus e,
ceus e.

22 Agus thubhairt e riu an treas uair,
Car son? ciod an cron a rinn e? cha d'fhuair
mise cùis blàis air bith ann: uime sin, an
déigh dhomh a smachdachadh, leigidh mi
as e.

23 Agus luidh iadsan air le guthaibh mòra,
ag iarraidh esan a cheusadh: agus bhuadh-
aich an guthan-san, agus guthan nan àrd-
shagart.

24 Agus thug Pìlail breth gu'n deantadh
na dh'iarr iad.

25 Agus leig e mach dhoibh esan a thilg-
eadh 'am prìosan air son ceannaire agus
mortaidh, an neach a dh'iarr iad; ach thug
e thairis Iosa d'an toil.

26 Agus an tràth 'thug iad leo e, rug iad air Simon, duine àraidh o Chirene, a bha 'teachd o'n dùthaich, agus chuir iad an crann-ceusaidh air, g'a ghiùlan an déigh Iosa.

27 Agus lean cuideachd mhòr e de'n t-sluagh, agus de mhnàibh, a bha mar an ceudna ri bròn, agus 'g a chaoineadh-san.

28 Ach air tionndadh do Iosa riu, thubhairt e, A nigheana Ierusalem, na guilibh air mo shonsa, ach guilibh air bhuir son féin, agus air son bhuir cloinne:

29 Oir feuch, tha na làithean a' teachd, ams an abair iad, Is beannaichte na mnathan neo-thorrach, agus na bronnan nach do ghiùlain clann, agus na cìochan nach d'thug bainne.

30 An sin tòisichidh iad air a ràdh ris na beanntaibh, Tuitibh oirne; agus ris na cnocaibh, Fòlaichibh sinn.

31 Oir ma ni iad na nithean so ris a' chrann ùr, ciod a ni iad ris a' chrìonaich?

32 Agus thugadh mar an ceudna dithis eile, a bha 'n a luchd droch-bheirt, chum bli air an ceusadh maille ris.

33 Agus an nair a thàinig iad do'n àit d'an goirear Calbhari, an sin cheus iad e féin, agus na droch dhaoine; fear dhiubh air a làimh dheis, agus am fear eile air a làimh chlì.

34 An sin thubhairt Iosa, Athair, maith dhoibh; oir cha-n'eil fhios aca ciod a tha iad a' deanamh. Agus roinu iad 'eudach, agus thilg iad crannchur air.

35 Agus sheas an sluagh ag amharc: agus rinn na h-uachdarain fanoid air maille rìusan, ag ràdh, Shaor e daoine eile; saoradh se e féin, ma's e so Crìosd, aon taghta Dhé.

36 Agus rinn na saighdearan mar an ceudna fanoid air, a' teachd d'a ionnsuidh, agus a' tairgsadh fion geur dha,

37 Agus ag ràdh, Ma's tu Rìgh nan Iudhach, teasairg thu féin.

38 Agus bha sgrìobhadh mar an ceudna air a sgrìobhadh os a cheann, ann an litricheibh Grèigis, agus Laidin, agus Eabhra, IS E SO RÌGH NAN IUDHACH.

39 Agus thug aon de na droch dhaoineibh, a chrochadh, toibheum dha, ag ràdh, Ma's tu Crìosd, saor thu féin agus sinne.

40 Ach fhreagair am fear eile, agus chruinich se e, ag ràdh, Nach 'eil cagal Dhé ort, agus gu bheil thu fo'n aon dìteadh ris?

41 Agus sinne da rìeadh 'an ceartas; oir tha sinn a' faotainn nan nithean sin a thoill ar gnìomharan: ach cha d'rinn an duine so cron air bith.

42 Agus thubhairt e ri Iosa, A Thighearna, cuimhnich ormsa 'n uair a thig thu do' rìoghachd.

43 Agus thubhairt Iosa ris, Gu deimhin tha mi ag ràdh rint, gu'm bi thu maille rìusana an diugh ann am pàrras.

44 Agus bha e mu thimcheòl na seathamh uaire, agus bha dorchadas air an ta'arnh uile agus an naothamh uair.

45 Agus dhorchaidheadh a' ghrian, agus reubadh brat-roinn an teampuil 'n a mheadhlon.

46 Agus an uair a ghlaodh Iosa le guth mòr, thubhairt e, Athair, tha mi 'tionndadh mo spioraid a'd làmhnan-sa: agus an uair a thubhairt e so, thug e suas an deò.

47 A nis an uair a chunnaic an ceannard-ceud an ni a rinneadh, thug e glòir do Dhia, ag ràdh, Gu fìrinneach b'ionracan an duine so.

48 Agus an sluagh uile a chruinnich dh'ionnsuidh an t-seallaidh sin, an uair a chunnaic iad na nithean a rinneadh, phill iad air an ais, a' bualadh an uchd.

49 Agus sheas a luchd-eòlais uile, agus na mnathan a lean e o Ghàile, am fad uaith, ag amharc air na nithibh sin.

50 Agus, feuch, duine àraidh d'am b'ainm Ioseph, comhairleach, a bha 'n a dhuine maith, agus 'n a fhìrean;

51 (Cha d'aontaich an duine so r'an comhairle no r'an gnìomh): O Arimatea, baile leis na h-Iudhaich; neach mar an ceudna aig an robh sùil ri rìoghachd Dhé.

52 Chaidh esan gu Pilat, agus dh'iarr e corp Iosa.

53 Agus air dha a thoirt a nuas, phaisg e ann an lìon-eudach e, agus chuir e ann an uaigh e a chladhaicheadh á carraig, anns nach do chuireadh aon duine riamh roimhe.

54 Agus b'e sin là an ulluchaidh, agus bha an t-sàbaid am fagus.

55 Agus lean na mnathan a thàinig maille ris o Ghàile, agus chunnaic iad an uaigh, agus cionnus a chuireadh a chorp.

56 Agus phill iad, agus dh'ulluich iad spìosraidh, agus oladh deadh fhàile; agus ghabh iad tàmh air là na sàbaid, a rèir na h-àithne.

CAIB. XXIV.

1 Chuireadh aiseirigh Crìosd 'an cèill le dà aingeal do na mnàibh a thàinig a dh'amharc na h-uaighe: 13 Dh'fhoillsicheadh Crìosd féin do'n dithis dheisciobul a chaidh gu h-Emaus: 36 'n a dhéigh sin dh'fhoillsicheadh e do na h-abstolaibh, agus chruinich e iad air son am mì-chreidimh: 47 thug e àithne dhoibh; 48 gheall e an Spìorad naomh, 51 agus chaidh e suas do nèamh.

A NIS air a' cheud là de'n t-seachdain, gu ro mhoch air mhaduinn, thàinig iad chum na h-uaighe, a' toirt leo nan spìosraidh a dh'ulluich iad, agus mnathan àraidh eile maille riu.

2 Agus fhuair iad a' chlach air a caruchadh o'n uaigh.

3 Agus air dhoibh dol a steach, cha d'fhuair iad corp an Tighearna Iosa.

4 Agus am feadh a bha iad 'an iona-cheisid

mu'n ni so, feuch, sheas dithis dhaoine làimh riu ann an eudaieibh dealrach.

5 Agus air dhoibh a bhi fo eagal, agus a' eromadh an aghaidh eum na talmhainn, thubhairt iad riu, C'ar son a tha sibh ag iarraidh an ti a tha beò am measg uam marbh?

6 Cha-n'eil e 'n so, ach dh'èirich e: cuimhichibh mar a labhair e ribh air dha 'bhi fathast anu an Galile,

7 Ag ràdh, Is éigin do Mhac au duine 'bhi air a thoirt thairis do làmhnan dhaoine peacach, agus a bhi air a cheusadh, agus éirigh a ris an treas là.

8 Agus chuimhnich iad a bhriathran.

9 Agus air dhoibh pilltinn o'n uaigh, dh'inns iad na nithean so uile do'n aon fhear deug, agus do chàch uile.

10 Agus b'i Muire Magdalen, agus Ioanna, agus Muire màthair Sheumais, agus muathan eile maille riu, a dh'inns ua uith-ean so do ua h-abstolaibh.

11 Agus mheasadh am briathran leo-san mar sgèula faoine, agus eha do ehreid siad iad.

12 Au sin air éirigh do Pheadar, ruith e chum ua h-uaighe; agus air dha cromadh sìos, chunnaic e'u lìon-eudach 'n a luidhe leis féin, agus dh'fhalbh e, a' gabhail iongantais leis féin mu'n ni so a rinneadh.

13 Agus, feuch, bha dithis diubh a' dol air au là sin féin gu baile d'am b'aium Emaus, a bha trì fichead staid o Ierusalem.

14 Agus bha iad a' labhairt eatorra féin mu thimchioll uan nithean ud uile a thachair.

15 Agus an uair a bha iad a' èomhradh, agus a' co-reusonachadh, thàinig Iosa e féin am fagus, agus dh'imich e maille riu.

16 Ach bha'n sùilean air an cumail, air chor as naeh d'aithnich iad e.

17 Agus thubhairt e riu, Ciod e an èomhradh so air am bheil sibh a' teachd cadar-aibh féin, ag imeachd dhuibh, agus sibh dubhach?

18 Agus fhreagair fear diubh d'am b'ainm Cleopas, agus thubhairt e ris, Am bheil thusa a mhàin a'd choigreach ann an Ierusalem, agus guu fhios agad air an nithibh a rinneadh innte anns na làithibh so?

19 Agus thubhairt e riu, Ciod na nithean? Agus thubhairt iadsan ris, Na nithean a thaoibh Iosa o Nasaret, a bha 'n a fhàidh eumhachdach anu an gnìomh agus ann am focal 'am fianuis Dhé, agus au t-sluaigh uile:

20 Agus eionnus a thug na h-àrd-shagartan agus ar n-uachdarain thairis eum dithidh baib e, agus a cheus iad e.

21 Ach bha dùil againne gu'm b'esan an ti a bha gu Israel a shaoradh: agus a thuilleadh air so uile, is e 'n diugh an treas là o riuneadh na nithean so.

22 Agus mar an ceudna, ehuir mnathan

àraidh dhinn féin, a chaidh gu moch a dh'ionusuidh na h-uaighe, mòr-ioghnadh oirn:

23 Agus an uair naeh d'fhuair iad a chorp, thàinig iad, ag ràdh, gu'm fac iad sealladh de ainglibh, a thubhairt gu bheil e beò.

24 Agus chaidh dream àraidh dhiubhsan a bha maille ruinn féin, eum na h-uaighe, agus fhuair iad eadhon uar a thubhairt na mnathan; ach cha-n fhae iad esan.

25 An sin thubhairt e riu, O dhaoine amaideach, agus mall-ehridheach a ehreidsinn nan nithean sin uile a labhair na fàidhean!

26 Nach b'éigin do Chrìosd na nithean so fhulang, agus dol a steach d'a ghloir?

27 Agus air dha tòiseachadh o Mhaois, agus o ua fàidhibh uile, dh'eadar-mhìnich e dhoibh anns na sgrìobtuiribh uile na nith-ean m'a thimchioll féin.

28 Agus dhruid iad ris a' bhaile, d'an robh iad a' dol: agus leig esan air gu'n rachadh e ni b'fhaide.

29 Ach cho-éignich iadsan e, ag ràdh, Fan maille ruine, oir tha e dlùth do'u fheasgar agus tha deireadh au là ann. Agus chaidh e steach a dh'fhuireach maille riu.

30 Agus an uair a shuidh e gu biadh uaille riu, air dha aran a ghlaadh, bheannaich se e, agus bhris se e, agus t'rog e dhoibh e.

31 Agus dh'fhosglaadh an sùilean, agus dh'aithnich iad e; agus chaidh e as an t-sealladh.

32 Agus thubhairt iad r'a chéile, nach robh ar eridhe a' lasadh anuainn, am feadh a bha e a' labhairt ruinn air an t-slighe, agus an uair a dh'fhosgail e dhuinn na sgrìobtuircan?

33 Agus dh'èirich iad air an uair sin féin, agus phill iad gu Ierusalem, agus fhuair iad an t-aon fhear deug ernu'n an ceann a chéile, agus an dream a bha maille riu,

34 Ag ràdh, Dh'èirich an Tighearn da rìreadh, agus chuunnaic le Simou e.

35 Agus dh'inns iad ua nithean a rinn-eadh air an t-slighe, agus mar a dh'aithluich-eadh leo e aun am briseadh au araiu.

36 Agus ag labhairt uan nithean so dhoibh, sheas Iosa féin 'n am meadhon, agus thubhairt e riu, Sìth maille ribh.

37 Ach bha iadsan fogheilt-chrith agus fo eagal, agus shaoil iad gur spiorad a chunn-aic iad.

38 Agus thubhairt e riu, C'ar son a tha sibh fo bhuaircas, agus c'ar son a tha smaintean ag éirigh suas ann bhur eridh-eachaibh?

39 Feuchaibh mo làmhnan agus mo chosan, gur mi féin a th'ann: laimhsichibh mi, agus faicibh; oir eha-u'eil aig spiorad feoil agus enàmhnan, mar a ehi sibh agam-sa.

40 Agus an uair a thubhairt e so, nochd e dhoibh a làmhnan agus a chosan.

41 Agus air dhoibh 'bhi fathast nui-chreid-

each troimh aoibhneas, agus iad fo iongant-
as, thubhairt e riu, Am bheil biadh sam-
bith agaibh an so?

42 Agus thug iad da mìr de iasg ròiste,
agus de chùr-mheala.

43 Agus ghlac se e, agus dh'ith e 'n am
fianuis.

44 Agus thubhairt e riu, 'S iad so na
briathran a labhair mi ribh, 'n uair a bha
mi fathast maille ribh, gur éigin do na h-uile
nithibh a tha sgrìobhta ann an lagh Mhaois,
agus anns na fàidhibh, agus anns na salm-
aibh mu m' thimcheall-sa, 'bhi air an coimh-
lionadh.

45 An sin dh'fhosgail e an tuigse, chum
gu'n tuigeadh iad na sgrìobtuirean.

46 Agus thubhairt e riu, Mar so tha e
sgrìobhta, agus mar so b'èigin do Chrìosd
fulang, agus éirigh o na maibh an treas là:

47 Agus aithreachas agus maitheanas peac-

aidh 'bhi air an scarmonachadh 'n a ainm-
san, do na h-uile chinnich, a' tòiseachadh aig
Ierusalem.

48 Agus is fianuisean sibhse air na nith-
ibh so.

49 Agus, feuch, cuiridh mise gealladh m'
Athar oirbh: ach fanaibhse ann am baile
Ierusalem, gus an sgeadaichear le cumh-
achd o na h-àrdaibh sibh.

50 Agus thug e mach iad co fhad ri Betani;
agus thog e suas a làmh, agus bheannaich
e iad.

51 Agus am feadh a bha e 'g am beann-
achadh, dhealaichadh riu e, agus thogadh
suas gu nèamh e.

52 Agus rinn iad aoradh dha, agus phill
iad gu Ierusalem le gairdeachas mòr:

53 Agus bha iad a ghnàth anns an team-
pull, a' moladh agus a' beannachadh Dhé.
Amen.

AN SOISGEUL

A REIR

EOIN.

CAIB. I.

1 *Diadhachd, daoineachd, agus drenchd Iosa*
Crìosd. 15 Fianuis Eoin. 39 Gairm Aind-
reas, Pheadair, 43 Philip, 45 agus Nata-
naeil.

AN toiseach bha am Focal, agus bha
am Focal maille ri Dia, agus b'e am
Focal Dia.

2 Bha e so air tùs maille ri Dia.

3 Rinneadh na h-uile nithean leis; agus as
'eugmhais cha d'rinneadh aon ni a rinneadh.

4 Ann-san bha beatha, agus b'i a' bheatha
solus dhaoine.

5 Agus tha 'n solus a' soillseachadh anns
an dorchadas, agus cha do ghabh an dorch-
adas e.

6 Chuireadh duine o Dhia, d'am b'ainm
Eoin.

7 Thàinig esan mar fhianuis, chum fianuis
a thoirt mu'n t-solus, chum gu'n creideadh
na h-uile dhaoine trid-san.

8 Cha b'esan an solus sin, ach *chuireadh e*
chum gu'n tugadh e fianuis mu'n t-solus.

9 B'e so an solus fìor a tha 'soillseachadh
gach uile dhuine 'tha 'teachd chum an
t-saoghail.

10 Bha e anns an t-saoghal, agus rinneadh
an saoghal 'leis, agus cha d'aithnich an
saoghal e.

11 Thàinig e dh'ionnsuidh a dhàthcha féin,
agus cha do ghabh a *mhuintir* féin ris.

12 Ach a mhèud as a ghabh ris, thug e
dhoibh cumhachd a bhi 'n an cloinn do

Dhia, *eadhon* dhoibh-san a tha 'creidsinn
'n a ainm:

13 A bha air an gincamhuin, cha-n ann o
fhuil, no o thoil na feòla, no o thoil duine,
ach o Dhia.

14 Agus rinneadh am Focal 'n a fheoil,
agus ghabh e còmhluaidh 'n ar measg-ne,
(agus chunnaic sinn a ghlòir, mar ghlòir
aoin-ghin Mhic an Athar,) làn gràis agus
fìrinn.

15 (Thug Eoin fianuis uime, agus ghlaodh
e, ag ràdh, Is e so an ti mu'n do labhair
mi, An ti a tha 'teachd a'm' dhéigh, tha
toiseach aig orm; oir bha e romhan.)

16 Agus as a làrachd-san fhuair sinne uile,
agus gràs air son gràis.

17 Oir thugadh an lagh le Maois, ach
thàinig an gràs agus an fhìrinn le Iosa
Crìosd.

18 Cha-n fhaca neach air bith Dia riamh;
an t-aon-ghin Mic, a tha ann an uchd an
Athar, is esan a dh'fhoillsich e.

19 Agus is i so fianuis Eoin: An uair a
chuir na h-Iudhaich sagartan agus Lebi-
ithich o Ierusalem, chum gu'm fiosraich-
eadh iad deth, Cò thusa?

20 Dh'aidich esan, agus cha d'àicheadh e;
ach dh'aidich e, Cha mhi Crìosd.

21 Agus dh'fhiosraich iad deth, Ciod na
seadh? An tu Elias? Agus thubhairt e,
Cha mhi. An tu am fàidh? Agus fhreag-
air e, Cha mhi.

22 An sin thubhairt iad ris, Cò thu? chum

gu'n toir sinn freagraidh dhoibh-san a chuir uatha sinn: ciod a tha thu 'g ràdh mu do thimchioll féin?

23 Thubhairt e, *Is* mise guth an ti a ghlaodhas anns an fhàsach, Deanaibh dir-each slighe an Tighearna, mar 'thubhairt am fàidh Esaias.

24 Agus au dream a chuireadh leis an teachdaireachd, b'ann de na Phairisich iad.

25 Agus dh'fhiosraich iad deth, agus thubhairt iad ris, C'ar son ma seadh a tha thu a' baisteadh, mur tu Criosd, no Elias, no am fàidh?

26 Fhreagair Eoin iad, ag ràdh, Tha mise a' baisteadh le h-uisge; ach tha neach 'n a sheasamh 'n 'ur meag, nach aithne dhuibh;

27 Is e so an ti, a tha 'teachd a'm' dhéigh-sa, aig am bheil toiseach orm, neach nach airdh mise air barr-iall a bhròige fhuasgladh.

28 Rinneadh na nithean so ann am Betani air an taobh thall de Iordan, far an robh Eoin a' baisteadh.

29 Air an là maireach chunnaic Eoin Iosa a' teachd d'a ionnsuidh, agus thubhairt e, Feuch Uan Dhé, a tha 'toirt air falbh peacaidh an t-saoghail!

30 Is e so an ti mu'n dubhairt mi, Tha fear a' teachd a'm' dhéigh, aig am bheil barrachd orm; oir bha e romham.

31 Agus cha robh aithne agam-sa air: ach a chum gu'm bitheadh e air fhoillseachadh do Israel, uime sin thàinig mi a' baisteadh le h-uisge.

32 Agus thug Eoin fianuis, ag ràdh, Chunn-aic mi an Spiorad a' teachd a nuas mar choluman o nèamh, agus ghabh e còmh-nuidh air.

33 Agus cha b'aithne dhomh-sa e: ach an ti a chuir mi a bhaisteadh le h-uisge, thubhairt esan rium, Ge b'e air am faic thu an Spiorad a' teachd a nuas agus a' gabhail còmhnuidh air, is e sin an ti a bhaisteadh leis an Spiorad naomh.

34 Agus chunnaic mi, agus rinn mi fianuis, gur e so Mac Dhé.

35 Air an là maireach a ris sheas Eoin, agus dithis d'a dheisciobuibh;

36 Agus air dha amharc air Iosa agus e ag imeachd, thubhairt e, Feuch Uan Dhé!

37 Agus chual an dithis dheisciobul e a' labhairt, agus lean iad Iosa.

38 Agus air tionndadh do Iosa, chunnaic e iad 'g a leantuinn, agus thubhairt e riu, Ciod a tha sibh ag iarraidh? Thubhairt iad-san ris, Rabbi, (is e sin r'a ràdh, air eadar-theangachadh, A mhaighstir,) c'àit am bheil thu 'gabhail còmhnuidh?

39 Thubhairt e riu, Thigibh agus faicibh. Thàinig iad agus chunnaic iad c'àit an robh e 'gabhail còmhnuidh, agus dh'fhan iad maille ris an là sin: oir bha e mu thimchioll na deicheamh uaire.

40 B'e Aindreas, bràthair Shimoin Phead-air, aon de'n dithis a chual Eoin a' labhairt, agus a lean esan.

41 Fhuair esan air tùs a bhràthair féin Simon, agus thubhairt e ris, Fhuair sinne am Mesias, is e sin, air eadar-theangachadh, Criosd.

42 Agus thug e chum Iosa e; Agus an uair a dh'amhairc Iosa air, thubhairt e, Is tusa Simon mac Iona: gairmear Cephas dhiot, is e sin air eadar-theangachadh, Peadar.

43 Air an là 'n a dhéigh sin, bu toil le Iosa dol a mach do Ghalile, agus fhuair e Philip, agus thubhairt e ris, Lean mise.

44 A nis bha Philip o Bhetsaida, baile Aindreas agus Pheadair.

45 Fhuair Philip Natanael, agus thubhairt e ris, Fhuair sinne an ti mu'n do sgriobh Maois anns an lagh, agus na fàidhean, Iosa o Nasaret, mac Ioseph.

46 Agus thubhairt Natanael ris, Am feud ni maith air bith teachd á Nasaret? Thubhairt Philip ris, Thig agus faic.

47 Chunnaic Iosa Natanael a' teachd d'a ionnsuidh, agus thubhairt e uime, Feuch Israeleach da rìreadh, anns nach 'eil cealg!

48 Thubhairt Natanael ris, Cionnus is aithne dhuit mi? Fhreagair Iosa agus thubhairt e ris, Mun do ghairm Philip thu, 'n uair a bha thu fo'n chrann-fhìge, chunnaic mise thu.

49 Fhreagair Natanael agus thubhairt e ris, Rabbi, is tusa Mac Dhé; is tu Rìgh Israeil.

50 Fhreagair Iosa agus thubhairt e ris, A chionn gu'n dubhairt mi riut, Chunnaic mi thu fo'n chrann-fhìge, am bheil thu 'creidsinn? chi thu nithean a's mò na iad so.

51 Agus thubhairt e ris, Gu deimhin deimhin tha mi ag ràdh ribh, 'N a dhéigh so chi sibh nèamh fosgailte, agus ainglean Dhé a' dol suas agus a' teachd a nuas air Mac an duine.

CAIB. II.

1 Rinn Criosd fion de'n uisge: 12 chaidh e do Chaphernaum, agus do Ierusalem, 14 far an do ghlan e an teampull o luchd reic agus ceannaich: 19 roimh-innis e a bhàs agus 'ais-eirigh. 23 Chreid mòran ann air son a mhiòr-bhuilean, ach cha d'earb se e féin riu.

A GUS air an treas là bha pòsadh ann an Càna Ghalile; agus bha màthair Iosa an siu.

2 Agus fhuair Iosa mar an ceudna agus a dheisciobul cuireadh chum a' phòsaidh.

3 Agus air teireachdainn do'n fhìon, thubhairt màthair Iosa ris, Cha-n'eil fion aca.

4 Thubhairt Iosa rithe, Ciod e mo ghnòthuch-sa riut, a bhean? cha d'fhàinig w' uair-sa fathast.

5 Thubhairt a màthair ris an luchd-

frithealaidh, Ge b'e ni a their eribh, dean-aibh e.

6 Agus bha sè soithichean uisge de chloich air an cur an sin, a réir gnàtha glanaidh nan Iudhach, a ghabhadh dà fheircin no trì gach aon diubh.

7 Thubhairt Iosa riu, Lionaibh na soithichean le uisge. Agus lion siad iad gus am beul.

8 Agus thubhairt e riu, Tairngibh a nis, agus thugaibh chum nachdarain na cuirme. Agus thug iad ann e.

9 'N uair a bhlaiz nachdaran na cuirme an t-uisge a rinneadh 'n a fhìon, (agus cha robh fhios aige cia as a thàinig e; ach bha fhios aig an luchd-frithealaidh a tharruing an t-uisge,) ghairm nachdaran na cuirme am fear nuadh-pòsda.

10 Agus thubhairt e ris, Cuiridh gach duine fion maith a làthair air tùs; agus an uair a dh'òlas daoine gu leoir, an sin am fion a's miosa: ach ghléidh thusa am fion maith gus a nis.

11 An toiseach so de mhìorbhuilbh rinn Iosa ann an Càna Ghalile, agus dh'fhoillsich e a ghloir; agus chreid a dheisciobuil ann.

12 An dèigh so chaidh e sìos do Chaper-naum, e fèin, agus a mhlàthair, agus a bhraithrean, agus a dheisciobuil; agus cha d'fhan iad ann mòran làithean.

13 Agus bha càisg nan Iudhach am fagus; agus chaidh Iosa suas gu Ierusalem.

14 Agus fhuair e 'n an suidhe anns an teampull luchd reicidh cruidh, agus chaorach, agus choluman, agus luchd-malairt an airgid:

15 Agus air deanamh sgùrsair dha de chòrdaibh caola, dh'fhuadaich e mach as an teampull iad uile, agus na caoraich agus an crodh; agus dhòirt e mach airgid an luchd-malairt, agus thilg e na buird thairis;

16 Agus thubhairt e rianan a bha 'reiceadh choluman, Togaibh iad sin á so; na deanaibh tigh m'Àthar-sa 'n a thigh marsandachd.

17 Agus chuimhnich a dheisciobuil gu'n robh e sgriobhta, Dh'ith cud do thighe suas mi.

18 An sin fhreagair na h-Iudhaich, agus thubhairt iad ris, Ciod an comharadh a nochdas tu dhuinne, a thaobh gu bheil thu 'deanamh nan nithean sin?

19 Fhreagair Iosa agus thubhairt e riu, Leagaibh sìos an teampull so, agus ann an trì làitheibh cuiridh mise suas e.

20 An sin thubhairt na h-Iudhaich, Sè bliadhna agus dà fhichead bha an teampull so 'g a thogail, agus an cuir thusa suas ann an trì làitheibh e?

21 Ach labhair esan mu theampull a chuirp.

22 Uime sin an uair a bha e air éirigh o na mairbh, chuimhnich a dheisciobuil gu'n dubhairt e so: agus chreid iad an sgriobtair, agus am focal a thubhairt Iosa.

23 A nis an uair a bha e ann an Ierusalem aig a' chàisg, air an fhèill, chreid mòran 'n a ainm, an uair a chunnaic iad na mìorbhuilean a rinn e.

24 Ach cha d'earb Iosa e fèin riu, do bhrìgh gu'm b'aithe dha na h-uile dhaoine,

25 Agus nach robh feum aige neach air bith a dheanamh fianuis air duine: oir bha fhios aige ciod a bha anns an duine.

CAIB. III.

1 *Theagaisg Crìosd do Nicodemus feum na h-ath-ghineamhuin.* 14 *Mu chreidimh 'n a bhàs.* 16 *Mòr-ghràdh Dhé do'n chinne-daoine.* 23 *Baisteadh, fianuis, agus teagasg Eoin.*

A GUS bha duine de na Phairisich, d'ann b'ainm Nicodemus, a bha 'n a nachdaran air na h-Iudhaich:

2 Thàinig esan chum Iosa 's an oidhech, agus thubhairt e ris, A mhaighstir, tha fhios againn gur fear-teagasg thu a thàinig o Dhia: oir cha-n urrainn duine air bith na mìorbhuilean so 'dheanamh a tha thusa a' deanamh, mur bi Dia maille ris.

3 Fhreagair Iosa agus thubhairt e ris, Gu deimhin deimhin tha mi ag ràdh riut, mur beirear duine a ris, nach h-urrainn e rioghachd Dhé fhaicinn.

4 Thubhairt Nicodemus ris, Cionnus is urrainn duine bli air a bhreith 'n uair tha e aosda? am bheil e comasach air dol a stigh an dara uair do bhroinn a mhlàthar, agus a bhi air a bhreith?

5 Fhreagair Iosa, Gu deimhin deimhin tha mi ag ràdh riut, mur bi duine air a bhreith o uisge, agus o'n Spiorad, cha-n urrainn e dol a steach do rìoghachd Dhé.

6 An ni sin a tha air a bhreith o'n fheoil, is feoil e; agus an ni sin a tha air a bhreith o'n Spiorad, is spiorad e.

7 Na gabh iongantas gu'n dubhairt mi riut, Is éigin duibh bhi air bhrù breith a ris.

8 Tha a' ghaoth a' séideadh far an àill leatha, agus tha thu a' chuinntinn a fuaim, ach cha-nèil fhios agad cia as a tha i 'teachd, no c'àit a tha i 'dol: is ann mar sin a tha gach neach a tha air a bhreith o'n Spiorad.

9 Fhreagair Nicodemus agus thubhairt e ris, Cionnus is urrainn na nithean so bhi?

10 Fhreagair Iosa agus thubhairt e ris, Am bheil thusa a'd' fhear-teagasg Israeil, agus nach aithne dhuit na nithean so?

11 Gu deimhin deimhin tha mi ag ràdh riut, gu bheil sinne a' labhairt an ni a's fios duinn, agus a' toirt fianuis air an ni sin a chunnaic sinn; agus cha ghabh sibhse ar fianuis.

12 Ma dh'innis mi dhuibh nithean tal-mhaidh, agus nach creid sibh, cionnus a chreideas sibh ma dh'innseas mi dhuibh nithean nèamhaidh?

13 Agus cha deachaidh aon neach suas do nèamh, ach an ti a thàinig a nuas o nèamh, Mac an duine a tha air nèamh.

14 Agus mar a thog Maois snas an nath-air 's an fhàsach, is ann mar sin is éigin do Mhac an duine bhí air a thogail suas:

15 Chum as ge b'e neach a chreideas ann, nach sgriosar e, ach gu'm bi a' bheatha mhaireannach aige.

16 Oir is ann mar sin a ghràdhaich Dia an saoghal, gu'n d'thug e 'aon-ghin Mhic féin, chum as ge b'e neach a chreideas ann, nach sgriosar e, ach gu'm bi a' bheatha shiorruidh aige.

17 Oir cha do chuir Dia a Mhac do'n t-saoghal, chum gu'n d'iteadh e an saoghal, ach a chum gu'm bitheadh an saoghal air a shaoradh tríd-san.

18 An ti a chreideas ann, cha d'itear e: ach an ti nach creid, tha e air a dhìteadh cheana, a chionn nach do chreid e ann an ainm aoine-ghin Mhic Dhé.

19 Agus is e so an d'iteadh, gu'n d'thàinig an solus do'n t-saoghal, agus gu'n do ghràdhaich daoine an dorchadas nì's mò na'n solus, a chionn gu'n robh an gnìomharan olc.

20 Oir gach neach a tha 'deanamh uile, tha e 'toirt fìathas do'n t-solus, agus cha-n'eil e 'teachd chum an t-soluis, air eagal gu'm bitheadh 'oibre air an cronachadh.

21 Ach an ti a ni an fhìrinn, thig e chum an t-soluis, chum gu'm bi 'oibre follaiseach, gur ann 'an Dia a rinneadh iad.

22 An déigh sin thàinig Iosa agus a dheisciobuil do thír Iudea; agus dh'fhan e an sin maille rin, agus bhaist e.

23 Agus bha Eoin mar an ceudna a' baisteadh ann an Enon, làimh ri Salim, a chionn gu'n robh mòran uisgeachan an sin; agus thàinig iad, agus bhaisteadh iad.

24 Oir cha robh Eoin fathast air a thilgeadh 'am prìosan.

25 An sin dh'éirich ceisd eadar deisciobuil Eoin agus na h-Indhaich, mu thimchioll glanaidh.

26 Agus thàinig iad chum Eoin, agus thubhairt iad ris, A mhaighstir, an ti a bha maille rint an taobh thall de Iordan, d'an d'thug thu fiannis, fench, tha esan a' baisteadh, agus tha na h-nìle dhaoine a' teachd d'a ionnsuidh.

27 Fhreagair Eoin agus thubhairt e, Cha-n'eil duine comasach air nì sam bith a ghabhail, mur bi e air a thoirt da o nèamh.

28 Tha sibhse féin a' toirt fianuis dhomh-sa, gu'n dubhairt mi, Cha mhi Crìosd, ach gu'n do chuireadh roimhe mi.

29 An ti aig am bheil a' bhean nuadh-phòsda, is e am fear nuadh-phòsda e: ach caraid an fhìr nuadh-phòsda, a tha 'n a sheasamh agus ag éisdeachd ris, tha e a' deanamh gairdeachais mhòir air son gntha an fhìr nuadh-phòsda: uime sin tha mo ghairdeachas so air a choimhlionadh.

30 Is éigin dèan fas, ach dhomh-sa bhí air mo lughdachadh.

31 An ti a thig a nuas, tha e os ceann nan

uile: an ti a tha o'n talamh, tha e talmhaidh, agus labhraidh e air mhodh talmhaidh: an ti a thig o nèamh, tha e os ceann nan nìle.

32 Agus an ni a chunnaic agus a chnal e, air sin tha e 'toirt fianuis; agus cha-n'eil aon duine a' gabhail r'a fhianuis.

33 An ti a ghabh r'a fhianuis-san, chuir e a sheula ris, gu bheil Dia fìor.

34 An ti a chuir Dia uaith, tha e a' labhairt bhriathran Dhé: oir cha-n ann a réir tomhais a tha Dia a' toirt an Spioraid da.

35 Is toigh leis an Athair am Mac, agus thug e na h-uile nithean 'n a làimh.

36 An ti a chreideas anns a' Mhac, tha a' bheatha mhaireannach aige; ach an ti nach 'eil a' creidsinn anns a' Mhac, cha-n fhaic e beatha; ach tha fearg Dhé a' gabhail còmh-nidh air.

CAIB. IV.

1 *Rinn Crìosd còmhraidh ris a' Bhan-samaritanach, agus dh'fhoillsich se e féin di.* 21 *Tha 'dheisciobuil fo iongantais.* 31 *Chuir e 'an cèill doibh 'eud féin air son glòire Dhé.* 39 *Chreid mòran de na Samaritanach ann.* 43 *Chaidh e do Ghalile, agus shlànnaich e mac an uachdarain a bha 'n a luidhe gu tinn ann an Capernaum.*

AIR an aobhar sin an nair a thug Iosa gu'n cuala na Phairisich gu'n robh e a' deanamh agus a' baisteadh tuitleadh dheisciobul na Eoin,

2 (Ged nach do bhaist Iosa féin iad; ach a dheisciobuil.)

3 Dh'fhàg e Iudea, agus chaidh e a ris do Ghalile.

4 Agus b'éigin da dol troimh Shamaria.

5 An sin thàinig e gu baile a' bhuineadh do Shamaria, ris an abrar Sichar, fagus do'n fhearann a thug Iacob d'a mhac Ioseph.

6 A nis bha tobar Iacoib an sin. Uime sin air do Iosa bhì sgèth le a thnurs, shuidh e mar sin làimh ris an tobar; agus bha e mu thimchioll na seathamh uaire.

7 Thàinig bean o Shamaria a tharruing uisge: thubhairt Iosa rithe, Thoir dhomh-sa deoch.

8 Oir bha a dheisciobuil air dol do'n bhaile a cheannach bìdh.

9 An sin thubhairt a' bhean o Shamaria ris, Cionnus tha thusa agus gur Iudhach thu, ag iarraidh deoch uam-sa, a tha 'am Bhan-samaritanaich? oir cha-n'eil common aig na h-Iudhaich ris na Samaritanaich.

10 Fhreagair Iosa agus thubhairt e rithe, Nam b'aithe dhuit tiodhlac Dhé, agus cò e a tha 'g ràdh riut, Thoir dhomh deoch, dh'iarraid tu airsan, agus bhicireadh e nìsge beò dhuit.

11 Thubhairt a' bhean ris, A Thighearna, cha-n'eil inneal tarruing agad, agus tha'n tobar domhain: uime sin c'a as a tha an t-uisge beò sin agad?

12 Am mò thusa na ar n-athair Iacob, a

thug dhuinne an tobar so, agus a dh'òl as e féin, agus a chlànn, agus a spréidh?

13 Fhreagair Iosa agus thubhairt e rithe, Ge b'e neach a dh'òlas de'n uisge so, bithidh tart air a ris:

14 Ach ge b'e neach a dh'òlas de'n uisge a bheir mise dha, cha bhi tart gu bràth air: ach an t-uisge a bheir mise dha, bithidh e 'n a thobar uisge ann, a' sruthadh suas chum na beatha maireannaich.

15 Thubhairt a' bhean ris, A Thighearna, thoir dhomh-sa an t-uisge so, chum nach bi tart orm, agus nach tig mi an so a tharruing.

16 Thubhairt Iosa rithe, Imich, gairm d'fhear-pòsda, agus thig au so.

17 Fhreagair a' bhean agus thubhairt i, Cha-n'eil fear agam. Thubhairt Iosa rithe, Is maith a thubhairt thu, Cha-n'eil fear agam:

18 Oir bha cùigear fhear agad, agus esan a tha agad a nis, cha-n e d'fhear féin e: thubhairt thu so gu fìor.

19 Thubhairt a' bhean ris, A Thighearna, tha mi 'faicinn gur fàidh thu.

20 Rinn ar n-aithrichean aoradh 's an t-sliabh so; agus tha sibhse ag ràdh, gur ann 'an Ierusalem a tha an t-ionad anns an còir aoradh a dheanamh.

21 Thubhairt Iosa rithe, A bhean, creid mise, gu bheil an uair a' teachd, anns nach dean sibh aoradh do'n Athair aon chuid 's an t-sliabh so, no ann an Ierusalem.

22 Tha sibhse a' deanamh aoraidh do'n ni nach aithne dhuibh: tha sinne a' deanamh aoraidh do'n ni a's aithne dhuinn: oir is ann o na h-Iudhaich a tha slàinte.

23 Ach tha an uair a' teachd, agus tha i nis ann, anns an dean am fìor luchd-aoraidh aoradh do'n Athair ann an spiorad agus ann am fìrinn: oir tha an t-Athair ag iarraidh an leithidean so de luchd-aoraidh.

24 Is Spiorad Dia, agus is éigin d'a luchd-aoraidh, aoradh a dheanamh dha ann an spiorad agus ann am fìrinn.

25 Thubhairt a' bhean ris, Tha fhios agam gu bheil am Mesias a' teachd, ris an abrar Crìosd: 'n uair a thig esan, innsidh e na h-uile nithean dhuinn.

26 Thubhairt Iosa rithe, Is mise e, a tha 'labhairt riut.

27 Agus air a so thàinig a dheisciobuil, agus b'iongantach leo gu'n robh e 'labhairt ris a' mhnaoi: ach cha dubhairt aon neach, Ciod a tha thu 'g iarraidh? no, C'ar son a tha thu 'labhairt rithe?

28 An sin dh'fhàg a' bhean a soitheach uisge, agus dh'fhalbh i do'n bhaile, agus thubhairt i ris na daoineibh,

29 Thigibh, faicibh duine a dh'innis dhomh-sa na h-uile nithean a rinn mi riamh: Nach e so Crìosd?

30 An sin chaidh iad a mach as a' bhaile, agus thàinig iad d'a ionnsuidh-san.

31 'S an àm sin féin ghuidh a dheisciobuil air, ag ràdh, A uhaighstir, ith.

32 Ach thubhairt esan riu, Tha agam-sa biadh r'a itheadh air nach 'eil fhios agaibh-sa.

33 Uime sin thubhairt na deisciobuil r'a chèile, An d'thug ueach air bith ni d'a ionnsuidh r'a itheadh?

34 Thubhairt Iosa riu, Is e mo bhiadh-sa toil an ti a chuir uaith mi a dheanamh, agus 'obair a chrìochnachadh.

35 Nach abair sibhse, Tha uine cheithir miosan ann fathast, agus an sin thig am fogharadh? feuch, tha mi ag ràdh ribh, Togaibh suas bhur suilean, agus seallaibh air na h-achaibh; oir tha iad cheana geal chum an fhogharaidh.

36 Agus an ti a bhuaineas tha e 'faotainn tuarasdail, agus a' cruinneachadh toraidh chum na beatha maireannaich; chum gu'n dean an ti a chuireas, agus an ti a bhuaineas, gairdeachas le 'chèile.

37 Agus an so tha an ràdh ud fìor, Gu bheil neach a' cur, agus neach eile a' buain.

38 Chuir mise sibhse a' bhuain an ni sin nach do shaothraich sibh: shaothraich daoine eile, agus chaidh sibhse steach 'n an saothair.

39 Agus chreid mòran de Shamaritanaich a' bhaile sin ann, air son cainnte na mnà, a thug fianuis, ag ràdh, Dh'innis e dhomh na h-uile nithean a rinn mi riamh.

40 Uime sin an uair a thàinig ua Samaritanaich d'a ionnsuidh, ghuidh iad air fantuinn maille riu: agus dh'fhuirich e an sin dà là.

41 Agus chreid mòran tuilleadh air son 'fhocail féin:

42 Agus thubhairt iad ris a' mhnaoi, Tha sinn a' creidsinn, cha-n ann á so suas air son do chòmharaidh-sa: oir chuala sinn féin e, agus tha fhios againn gur e so da rìreadh Crìosd, Slànuidhear an t-saoghail.

43 Agus an déigh dà là dh'fhalbh e as a sin, agus chaidh e do Ghalile:

44 Oir thug Iosa féin fianuis, nach 'eil urram aig fàidh 'n a thìr féin.

45 Uime sin, an uair a thàinig e do Ghalile, ghabh na Galiléaich ris, air dhoibh na nith-ean sin uile fhaicinn a rinn e ann an Ierusalem air an fhéill: oir chaidh iadsan mar an ceudna chum na féille.

46 An sin thàinig Iosa a ris do Chana Ghalile, far an d'rinn e fìon de'n uisge. Agus bha duine cumhachdach àraidh, aig an robh a mhac gu tinn ann an Capernaum.

47 'N uair a chual esan gu'n robh Iosa air teachd á Iudea do Ghalile, chaidh e d'a ionnsuidh, agus ghuidh e air gu'n rachadh e sìos, agus gu'n slànucheadh e a mhac: oir bha e ri h-uchd bàis.

48 An sin thubhairt Iosa ris, Mur faic sibh comharan agus uiorbhuilean, cha chreid sibh.

49 Thubhairt an duine cumhachdach ris, A Thighearna, rach sìos mu'm faigh mo leanaban bàs.

50 Thubhairt Iosa ris, Imich; tha do mhac beò. Agus chreid an duine am focal a labhair Iosa ris, agus dh'imich e.

51 Agus am feadh a bha e fathast a' dol sìos, choinnich asheirbhisich e, agus dh'innis iad *da*, ag ràdh, Tha do mhac beò.

52 An sin dh'fhiosraich e dhiubh an uair anns an deachaidh e 'am feabhas: agus thubhairt iad ris, An dé air an t-seachdamh uair dh'fhàg am fiabhras e.

53 An sin dh'aithnich an t-athair gu'm *b'i* an uair sin féin, anns an dubhairt Iosa ris, Tha do mhac beò; agus chreid e féin, agus a theaghlach uile.

54 *'Se* so a ris an dara mìorbhuil a rinn Iosa, 'n uair a thàinig e á Iudea do Ghailile.

CAIB. V.

1 *Leighis Iosa air là na sàbaid an duine a bha fo leòn rè ochd bliadhna deug thar fhichead: 10 Rinn na h-Iudhaich uime sin conn-sachadh ris, agus geur-leanmhuinn air. 17 Fhreagair e air a shon féin, agus nochd e dhoibh cò e, le teisteanas athar, agus as na sgrìobtuiribh.*

NA dhéigh so bha féill nan Iudhach ann; agus chaidh Iosa suas gu Ierusalem.

2 A nis tha ann an Ierusalem làimh ri *geata* nan caorach lochan, ris an abrar 's a' chainnt Eabhruidhich, Betesda, aig am bheil cùig tighean-fasgaidh.

3 Annta sin bha 'n an luidhe mòr-bhuidheann de dhaoineibh euslan, dalla, bacach, seargta, a' feitheamh ri caruchadh an uisge.

4 Oir chaidh aingeal sìos an àm àraidh do'n lochan, agus chuir e an t-uisge troimh 'chéile: uime sin an ceud neach a rachadh sìos ann, an déigh cur troimh 'chéile an uisge, rinneadh slàn e a dh'aon tinneas a bha air.

5 Agus bha duine àraidh an sin, a bha ochd bliadhna deug thar fhichead ann an euslaint.

6 'N uair a chumaic Iosa esan 'n a luidhe, agus fìos aige gu'n robh e nis ùine fhada *mar sin*, thubhairt e ris, Am miann leat a bhi air do dheanamh slàn?

7 Fhreagair an duine euslan e, A Thighearna, cha-n'eil duine agam, an uair a chuirear an t-uisge troimh a 'chéile, a chuireas anns an lochan mi: ach am feadh a tha mise 'teachd, tha neach eile a' dol sìos rouham.

8 Thubhairt Iosa ris, Eirich, tog do leab-adh, agus imich.

9 Agus air ball rinneadh an duine slàn, agus thog e a leabadh, agus dh'imich e: agus bha'n t-sàbaid ann air an là sin.

10 Uime sin thubhairt na h-Iudhaich ris an ti a shlànuicheadh, Is i an t-sàbaid a tha

ann; cha-n'eil e dlìgheach dhuit do leabadh a ghiùlan.

11 Fhreagair e iad, An ti a rinn slàn mi, thubhairt esan rium, Tog do leabadh agus imich?

12 An sin dh'fhiosraich iad deth, Cò an duine a thubhairt riut, Tog do leabadh agus imich?

13 Agus cha robh fhios aig an ti a shlànuicheadh, cò e: oir chaidh Iosa as a shealladh, air do mhòr-shluagh bhi anns an àite.

14 'N a dhéigh so fhuair Iosa e anns an teampull, agus thubhairt e ris, Feuch, rinneadh slàn thu: na peacaich ni's mò, air eagal gu'n tachair ni's miosa dhuit.

15 Dh'imich an duine, agus dh'innis e do na h-Iudhaich gu'm b'e Iosa a rinn slàn e.

16 Agus air a shon so rinn na h-Iudhaich geur-leanmhuinn air Iosa, agus dh'iarr iad a mharbhadh, do bhrìgh gu'n d'rinne e na nithean so air an t-sàbaid.

17 Ach fhreagair Iosa iad, Tha m'Athair ag oibreachadh gus a nis, agus tha mise ag oibreachadh.

18 Uime sin bu mhòid a dh'iarr na h-Iudhaich a mharbhadh, a chionn nach e mha'n gu'n do bhris e 'n t-sàbaid, ach gu'n dubhairt e mar an ceudna gu'm b'e Dia 'Athair-san, 'g a dheanamh féin co-ionann ri Dia.

19 Air an aobhar sin fhreagair Iosa, agus thubhairt e riu, Gu deimhin deimhin tha mi ag ràdh ribh, nach 'eil am Mac comasach air ni sam bith a dheanamh uaith féin, ach an ni a chi e an t-Athair a' deanamh: oir ge b'e nithean a ni esan, na nithean sin féin ni am Mac mar an ceudna.

20 Oir is ionnmhuinn leis an Athair am Mac, agus tha e a' foillseachadh dha nan uile nithean a tha e féin a' deanamh: agus foillsichidh e dha oibre a's mò na iad so, air chor as gu'm bi iongantais eirbhe.

21 Oir mar tha an t-Athair a' dèsgadh, agus a' beothachadh nam marbh, is amhuil sin a tha am Mac a' beothachadh an dream a's àill leis.

22 Oir cha-n'eil an t-Athair a' toirt breth air duine sam bith; ach thug e gach uile bhreitheanas do'n Mhac:

23 Chum gu'n tugadh na h-uile dhaoine urram do'n Mhac, amhuil mar a tha iad a' toirt urraim do'n Athair. An ti nach 'eil a' toirt urraim do'n Mhac, cha-n'eil e 'toirt urraim do'n Athair a chuir uaith e.

24 Gu deimhin deimhin tha mi ag ràdh ribh, An ti a dh'èisdeas ri m' fhocal-sa, agus a tha 'creidsinn anns an ti a chuir uaith mi, tha a' bheatha mhaireannach aige, agus cha tig e chum dèidh; ach chaidh e thairis o bhàs gu beatha.

25 Gu deimhin deimhin tha mi ag ràdh ribh, Gu bheil an uair a' teachd, agus gu bheil i nis ann, anns an cluinn na mairbh guth Mhic Dhé: agus an dream a chluinn-cas, bithidh iad beò.

26 Oir mar tha aig an Athair beat'ha ann féin, is amhuil sin a thug e do'n Mhac beatha a bhí aig ann féin;

27 Agus thug e mar an ceudna dha ùghdarras chum breth a thabhairt, do bhrìgh gur e Mac an duine.

28 Na gabhaibh iongantas deth so; oir tha an nair a' teachd, anns an cluinn iadsan uile a tha 's na h-uaignibh a ghuth-san:

29 Agus théid iad a mach; iadsan a rinn maith, chum aiseirigh na beatha; agus iadsan a rinn olc, chum aiseirigh an damnaidh.

30 Cha-n'eil mise comasach air ní sam bith a dheanamh nam féin: mar a chluinneas mi bheir mi breth: agus tha mo bhreitheanas ceart; do bhrìgh nach 'eil mi ag iarraidh mo thoile féin, ach toil an Athar a chuir uaith mi.

31 Ma bheir mise fianuis mu m' thimchioll féin, cha-n'eil m' fhianuis fìor.

32 Tha neach eile a' toirt fianuis mu m' thimchioll, agus tha fhios agam gur fìor an fhianuis a tha e 'deanamh mu m' thimchioll.

33 Chuir sibhse chum Eoin, agus thug e fianuis do'n fhìrinn.

34 Ach cha-n'eil mise a' gabhail fianuis o dhuine: ach tha mi ag ràdh nan nithean so, chum gu'm bì sibhse air bhur tèarnadh.

35 B'esan an lòchran lasarach agus dealrach: agus bha sibhse toileach car tamuill gairdeachas a dheanamh 'n a sholus.

36 Ach tha agam-sa fianuis a's mò na fianuis Eoin: oir na h-oibre a thug an t-Athair dhomh-sa chum gu'n crìochnaichinn iad, tha na h-oibre sin féin a tha mise a' deanamh, a' toirt fianuis mu m' thimchioll, gu'n do chuir an t-Athair uaith mi.

37 Agus an t-Athair féin a chuir uaith mi, thug e fianuis mu m' thimchioll. Cha chuala sibh riamh a ghuth, ni mò a chunnaic sibh a chlosas.

38 Agus cha-n'eil 'fhocal-san agaibh a' gabhail còmhnuidh annaibh: oir an tì sin a chuir esan naith, cha-n'eil sibh 'g a chreidsinn.

39 Rannsaichibh na sgrìobtuirean, oir tha sibh a' saòilsinn gu bheil a' bheatha mhaircannach agaibh anna-sa; agus is iad sin a tha 'toirt fianuis mu m' thimchioll-sa.

40 Gidheadh cha-n àill leibh teachd a' ionnsuidh-sa, chum gu'm faigheadh sibh beatha.

41 Cha-n'eil mise a' gabhail urrainn o dhaoibh.

42 Ach is aithne dhomh sibhse, nach 'eil gràdh Dhé agaibh annaibh.

43 Thàinig mise 'an ainm m' Athar, agus cha-n'eil sibh a' gabhail rium: ma thig neach eile 'n a ainm féin, gabhaidh sibh ris-san.

44 Cionnus a dh'fheudas sibh creidsinn, a tha 'gabhail urrainn o 'chéile, agus nach 'eil ag iarraidh an urrainn a thig o Dhia a mhàin?

45 Na saoilibh gu'n dean mise bhur casaid ris an Athair: tha aon a tha 'deanann casaid oirbh, Maois, anns am bheil sibh a' cur bhur dòchais.

46 Oir nan creideadh sibh Maois, chreid-cadh sibh mise: oir sgrìobh esan mu m' thimchioll.

47 Ach mur creid sibh a sgrìobhadh-san, cionnus a chreideas sibh mo bhriathran-sa.

CAIB. VI.

1 *Bheathaidh Crìosd cùig mìle fear le cùig buil-ionnaibh arain agus dà iasg: 15 Air an aobhar sin b'àill leis an t-sluagh esan a dheanamh 'n a rìgh: 16 Ach air dhàsan e féin a sgaradh natha, chaidh e suas gu beinn, agus dh'imich e air a' mhuir a dh'ionnsuidh a dheisciobail. 66 Dh'fhàg mòran d'a dheisciobluibh e, &c.*

'N A dhéigh sin chaidh Iosa thar muir Ghalile, no Thiberiais.

2 Agus lean sluagh mòr e, a chionn gu'm fac iad a mhiorbhuilean a rinn e air an dream a bha euslan.

3 Agus chaidh Iosa suas air beinn, agus shuidh e an sin maille r'a dheisciobluibh.

4 Agus bha a' chàisg, féill nan Iudhach, am fagus.

5 An sin an uair a thog Iosa suas a shùilean, agus a chunnaic e gu'n d'fhàinig buidheann mhòr shluaigh d'a ionnsuidh, thubhairt e ri Philip, Cìan an t-àit as an ceannaich sinn aran chum gu'n ith iad so?

6 (Ach thubhairt e so 'g a dhearbhadh-san; oir bha fhios aige féin cìod a dheanadh e.)

7 Fhrcagair Philip e, Cha leoir dhoibh luach dhà cheud peghinn a dh'aran, chum gu'n gabhadh gach aon diubh beagan.

8 Thubhairt aon d'a dheisciobluibh, Aindreas, bràthar Shìmoin Phcadair, ris,

9 Tha òganach an so, aig am bheil cùig builionnan eòrna, agus dà iasg bheag: ach cìod iad so am measg na h-uiread?

10 Agus thubhairt Iosa, Thugaibh air na daoibh suidhe sìos. A nis bha mòran feoir anns an àit. Air an aobhar sin shuidh na daoine sìos, 'an àireamh timchioll chùig mìle.

11 Agus ghlac Iosa na builionnan, agus air tabhairt buidheachais da, roinn e air na deisciobluibh iad, agus na deisciobuil orrasan a shuidh: agus mar an ceudna de na h-iasgaibh beaga, 'mhead as a b'àill leo.

12 'N uair a shàsuicheadh iad, thubhairt e r'a dheisciobluibh, Cruinnichibh am biadh briste a tha thuilleadh ann, chum nach cailllear a bheag.

13 Air an aobhar sin chruinnich iad e r'a chéile, agus lìon iad dà chliabh dheug de sbruileach nan cùig builionnan eòrna, a bha dh'fhuigheall aig a' mhuinntir a dh'ith.

14 An sin an uair a chunnaic na daoine sin am mìorbhuil a rinn Iosa, thubhairt iad, Gu

frinneach is e so am fàidh a bha gu teachd chum au t-saoghail.

15 Uime sin an uair a thuig Iosa gu'n robh iad air tì teachd agus breith air le làimh làidir, chum gu'n deanadh iad rìgh dheth, dh'imich e ris do'n bheinn 'n a aonar.

16 Agus an uair a thàinig am feasgar, chaidh a dheisciobuil sìos chum na mara.

17 Agus air dol 'au luing dhoibh, chaidh iad thar a' mhuir gu Capernaum: agus bha an dorchadas a nis ann, agus cha robh Iosa air teachd d'an ionnsuidh.

18 Agus ag séideadh do ghaoith mhòir, dh'éirich a' mhuir.

19 Uime sin an uair a rinn iad iomrach timchioll cùig no deich thar fhichead stàid, chunnaic iad Iosa ag imeachd air a' mhuir, agus a' druideadh ris an luing; agus ghabh iad cagal.

20 Ach thubhairt esan riu, Is mise 'tha ann; na bitheadh eagal oirbh.

21 Uime sin ghabh iad gu toileach a steach do'n luing e: agus air ball ràinig an long an tìr gus an robh iad a' dol.

22 Air an là 'n a dhéigh sin, an uair a chunnaic an sluagh a sheas air taobh eile na mara, nach robh long eile an sin, ach an long sin anns an deachaidh a dheisciobuil a steach, agus nach deachaidh Iosa 's an luing maille r'a dheisciobuilbh, ach gu'n d'fhalbh a dheisciobuil 'n an aonar;

23 (Gidheadh thàinig longan beaga eile o Thiberias, làimh ris an àite 's an d'ith iad an t-aran, an déigh do'n Tighearn buidheachas a thoirt;)

24 Uime sin an uair a chunnaic an sluagh nach robh Iosa an sin, no a dheisciobuil, chaidh iad féin mar an ceudna ann an long-aibh, agus thàinig iad gu Capernaum, ag iarraidh Iosa.

25 Agus air dhoibh 'fhaotainn air an taobh thall de'n mhuir, thubhairt iad ris, A mhaighstir, c'uin a thàinig thu an so?

26 Fhreagair Iosa iad agus thubhairt e, Gu deimhin deimhin tha mi ag ràdh ribh, Tha sibh ga m' iarraidh, cha-n ann a chionn gu'm faca sibh na mìorbhuilean, ach a chionn gu'n d'ith sibh de na buillionnaibh, agus gu'n do shàsuicheadh sibh.

27 Deanaibh saothair cha-n ann air son a' bhìdh a theirgeas, ach air son a' bhìdh a mhaireas chum na beatha shiorruidh, a bheir Mac an duine dhuibh: oir esan sheulaich Dia an t-Athair.

28 An sin thubhairt iad ris, Ciod a ni sinn, chum as gu'n oibrich sinn oibre Dhé?

29 Fhreagair Iosa agus thubhairt e riu, Is i so obair Dhé, gu'n creid sibh anns an tì a chuir e uaith.

30 Uime sin thubhairt iad ris, Ciod an comharadh a ni thusa ma ta, chum gu'm faic sinn, agus gu'n creid sinn thu? ciod an obair a ni thu?

31 Dh'ith ar n-aithrichean mana 's an fhàs-

ach; a réir mar tha e sgrìobhta, Thug e dhoibh aran o nèamh r'a itheadh.

32 An sin thubhairt Iosa riu, Gu deimhin deimhin tha mi ag ràdh ribh, nach d'thug Maois dhuibh an t-aran o nèamh; ach tha m'Athair-sa a' toirt dhuibh an arain fhìor o nèamh.

33 Oir is e sin aran Dhé a tha 'teachd a nuas o nèamh, agus a tha 'tabhairt beatha do'n t-saoghal.

34 An sin thubhairt iad ris, A Thighearna, thoir dhuinne an t-aran so an còmhnuidh.

35 Agus thubhairt Iosa riu, Is mise aran na beatha: an tì a thig do 'm ionnsuidh-sa, cha bli ocras gu bràth air; agus an tì a chreideas annam-sa, chi bli tart gu bràth air.

36 Ach mar a thubhairt mi ribh, ged chunnaic sibh mi, cha-n'eil sibh a' creidsinn.

37 Gach nì a bheir an t-Athair dhomh-sa, thig e a m' ionnsuidh; agus an tì a thig a m' ionnsuidh, cha tilg mi air chor sam bith a mach e.

38 Oir thàinig mi nuas o nèamh, cha-n ann chum gu'n deanainn mo thoil féin, ach toil an tì a chuir uaith mi.

39 Agus is i so toil an Athar a chuir uaith mi, nach cailinn a bheag sam bith de'n uile a thuge d'homh, ach gu'n togainn suas e ris air an là dheireanuach.

40 Agus is i so toil an tì a chuir uaith mi, gu'm bitheadh a' bheatha mhaireannach aig gach neach a chi am Mac, agus a chreideas ann: agus togaidh mise suas e air an là dheireannach.

41 An sin rinn na h-Iudhaich gearan uime, a chionn gu'n dubhairt e, Is mise an t-aran a thàinig a nuas o nèamh.

42 Agus thubhairt iad, Nach e so Iosa mac Ioseph, neach aig an aithne dhuinn 'athair agus a mhàthair? cionnus ma seadh a tha e ag ràdh, Thàinig mi nuas o nèamh.

43 Air an aobhar sin fhreagair Iosa agus thubhairt e riu, Na deanaibh gearan 'u ur measg féin.

44 Cha-n urrainn neach air bith teachd a m' ionnsuidh-sa, mur tarruing an t-Athair a chuir uaith mise e: agus togaidh mise suas e air an là dheireannach.

45 Tha e sgrìobhta 's na fàidhibh, Agns bithidh iad uile air an teagasg o Dhia. Uime sin gach neach a chuala, agus a dh'fhòghluim o'n Athair, thig e a m' ionnsuidh-sa.

46 Cha-n e gu'm faca neach sam bith an t-Athair, ach an tì a tha o Dhia; chunnaic esan an t-Athair.

47 Gu deimhin deimhin tha mi ag ràdh ribh, An tì a tha 'creidsinn annam-sa, thaa' bheatha mhaireannach aige.

48 Is mise aran na beatha.

49 Dh'ith bhuir n-aithrichean mana 's an fhàsach, agus fhuair iad bàs.

50 Is e so an t-aran a tha 'teachd a nuas o nèamh, chum as gun ith neach dheth, agus nach faigh e bàs.

51 Is mise an t-aran beò, a thàinig a nuas o nèamh: ma dh'itheas neach air bith de'n aran so, bithidh e beò gu sìorruidh: agus an t-aran a bheir mise uam, is e m'fheoil e, a bheir mi air son beatha an t-saoghail.

52 Air an aobhar sin bha counsachadh aig na h-Iudhaich r'a chéile, ag ràdh, Cionnus a dh'fheudas au duine so 'fheoil a thoirt duinn r'a itheadh.

53 An sin thubhairt Iosa riu, Gu deimhin deimhin tha mi ag ràdh ribh, mur ith sibh feoil Mhic an duine, agus mur òl sibh 'fhuil, cha-n'èil beatha agaibh aunaibh.

54 Esan a dh'itheas m'fheoil-sa, agus a dh'òlas m'fhuil-sa, tha a' bheatha sìorruidh aige; agus togaidh mise suas e air an là dheireannach.

55 Oir is biadh gu fìrinneach m'fheoil, agus is deoch gu fìrinneach m'fhuil.

56 Esan a dh'itheas m'fheoil-sa, agus a dh'òlas m'fhuil-sa, tha e 'gabhail còmhluaidh annam-sa, agus mise annsan.

57 Mar a tha 'n t-Athair beò a chuir uaith mise, agus a tha mise beò troimh an Athair; is amhuil sin esan a dh'itheas mise, bithidh e mar an ceudna beò tromham-sa.

58 Is e so an t-aran sin a thàinig a nuas o nèamh; cha-n ann mar a dh'ith bhur n-aithrichean mana, agus a fhuair iad bàs: esau a dh'itheas au t-aran so, bithidh e beò am feasd.

59 Thubhairt e na nithean so anns an t-sionagag, an uair a bha e a' teagasg ann an Capernaum:

60 Uime sin 'n uair a chuala mòran d'a dheisciobuibh so, thubhairt iad, Is cruaidh a' chainnt so; cò a dh'fheudas éisdeachd rithe.

61 'N uair a thuig Iosa ann féin gu'n robh a dheisciobuil ri gearan uime so, thubhairt e riu, Am bheil so a' toirt oibheim dhuibhse?

62 Agus *civd* nam faiceadh sibh Mac an duine a' dol suas do'u àit anns an robh e roimhe?

63 Is ean Spiorad a bheothaicheas; cha-n'èil tairbhe air bith 's an fheoil: na briathran a tha mise a' labhairt ribh, is spiorad agus is beatha *iad*.

64 Ach tha cuid dibhse nach 'èil a' creidsinn. (Oir b'aithne do Iosa o thùs, cò iad nach robh a' creidsinn, agus cò an ti a bhrathadh e.)

65 Agus thubhairt e, Air an aobhar sin thubhairt mi ribh, nach urrainn neach air bith teachd a m'ionnsuidh, mur bi e air a thoirt da o m' Athair.

66 O'n àm sin chaidh mòran d'a dheisciobuibh air an ais, agus cha d'imich iad ni's nuò maille ris.

67 An sin thubhairt Iosa ris an dà fhear dheug, An àill leibhse falbh euideachd?

68 An siu fhreagair Simon Peadar e, A Thighearna, co dh'ionnsuidh an téid sinn?

agadsa tha briathran na beatha maireann-aich.

69 Agus tha sinne a' creidsinn, agus tha fhios againn gur tusa Criosd Mac an Dé bheò.

70 Fhreagair Iosa iad, Nach do thagh mise sibhse dà fhear dheug, agus tha fear agaibh 'n a dhiabhul?

71 Ach labhair e mu Iudas Iscariot, *mac Shimoin*: oir is e so an ti a bha gu esan a bhrath, air dha 'bhi 'n a aon de'n dà fhear dheug.

CAIB. VII.

1 *Chionnuidh Iosa àrd-inntinn agus dànadas a chairdean*; 10 chaidh e suas o *Ghalile gu féill nam pàillium*; 14 agus theagaisg e anns an *teampull*. 40 Iomadh gnè bharail mu thim-chioll Iosa am measg an t-sluaigh. 45 Tha na *Phairisich* an corruich ris na maòir do bhrìgh nach do ghlac iad Iosa: 50 Thug iad ach-mhasan do *Nicodemus*.

A GUS an dèigh nan nithean sin, bha Iosa ag imeachd mu'n cuairt ann an Galile: oir cha b'ail leis a bhi ag imeachd ann an Iudea, a chionn gu'u robh na h-Iudhaich ag iarraidh a mharbhadh.

2 Agus bha féill nan Iudhach, *eadhon* féill nam pàillium, am fagus.

3 Uime sin thubhairt a bhràithrean ris, Imich á so agus rach do Iudea, chum gu'm faic do dheisciobuil mar an ceudna d'òibre a tha thu a' deanamh.

4 Oir cha dean ueach air bith aon ni 'am folach, a dh'iarras e féin a bhi 'am follais: na tha thu a' deanamh nan nithean so, uochd thu féin do'n t-saoghal.

5 Oir cha do chreid a bhràithrean féin ann.

6 An sin thubhairt Iosa riu, Cha d'thàinig m' àm-sa fathast; ach tha bhur n-àmsa a ghnàth deas.

7 Cha-n'èil e'n comas do'n t-saoghal sibhse fhuathachadh; ach fuathaichidh e mise, do bhrìgh gu bheil mi 'toirt fianuis m'a thim-chioll gu bheil 'òibre ole.

8 Rachaibhse suas chum na féille so: cha téid mise suas fathast chum na féille so, do bhrìgh nach 'èil m' àm fathast air a chloimh-lionadh.

9 'N uair 'thubhairt e na nithean so riu, dh'fhan e ann an Galile.

10 Ach an uair a chaidh a bhràithrean suas, an sin chaidh esan suas mar an ceudna chum na féille, cha-n ann 'am follais, ach mar gu'm b'ann 'an uaignidheas.

11 An sin dh'iarr na h-Iudhaich e air an fhéill, agus thubhairt iad, C'ait am bheil e?

12 Agus bha borbhan mòr am measg an t-sluaigh m'a thimchioll: oir thubhairt cuid, Is duine maith e: ach thubhairt cuid eile, Cha-n eadh; ach tha e 'mealladh an t-sluaigh.

13 Gidheadh cha do labhair neach sam bith gu follaiseach uime, air eagal nan Iudhach.

14 A nis mu mheadhon na féille, chaidh Iosa suas do'n teampull, agus theagaisg e.

15 Agus ghabh na h-Iudhaich iougantas, ag ràdh, Cionnus is aithne do'n duine so litrichean, agus nach d'fhòghluim e?

16 Fhreagair Iosa iad, agus thubhairt e, Cha leam féiu mo theagasg, ach leis-san a chuir uaith mi.

17 Ma's àill le neach sam bith a thoil-san a dheanamh, bithidh fios aige mu'u teagasg, an ann o Dhia a tha e, no 'm bheil mise a' labhairt uam féin.

18 An ti a labhras uaith féin, tha e 'g iarraidh a ghloire féin: ach ge b'e d'hiarras glòir an ti a chuir uaith e, tha esan firinn-each, agus cha-n'eil cucoir air bith ann.

19 Nach d'thug Maois an lagh dhuibh, agus *gidheadh* cha-n'eil aon neach agaibh a coimhlionadh an lagha? 'Car son a tha sibh ag iarraidh mise a mharbhadh?

20 Fhreagair an sluagh agus thubhairt iad, Tha deamhan agad: cò 'tha ag iarraidh do mharbhadh?

21 Fhreagair Iosa agus thubhairt e riu, Rinn mise aon obair, agus tha iongantas oirbh uile air an aobhar sin.

22 Thug Maois dhuibh an timchioll-ghearradh, (cha-n e gur ann o Mhaois a tha e, ach o na h-aithrichibh,) agus timchioll-ghearradh sibhse duine air an t-sàbaid.

23 Ma tha duine air an t-sàbaid a' gabhail timchioll-ghearradh, chum nach bi lagh Mhaois air a bhriseadh; am bheil fearg agaibh riumsa, a chionn gu'n d'rinn mi duine uile slàù air an t-sàbaid?

24 Na tugaibh breth a réir coslais, ach thugaibh breth cheart.

25 An sin thubhairt cuid de mhuinntir Ierusalem, Nach e so esan a tha iad ag iarraidh a mharbhadh?

26 Agus, feuch, tha e 'labhairt gu follaiseach, agus cha-n'eil iad ag ràdh ni sam bith ris: am bheil dearbh-fhios aig na h-uachdarain gur e so da rìreadh Crìosd?

27 Gidheadh is aithne dhuinn an duine so cia as da: ach an uair a thig Crìosd, cha-n aithne do neach air bith cia as da.

28 An sin ghlaodh Iosa 's an teampull, agus e a' teagasg, ag ràdh, Is aithne dhuibh araoon mise, agus cia as domh: agus cha d'thàinig mi uam féin, ach tha esan fìor a chuir uaith mi, air nach 'eil eòlas agaibhse.

29 Ach tha eòlas agam-sa air; oir is ann uaith a tha mi, agus chuir esan uaith mi.

30 An sin dh'iarr iad a ghlacadh: ach cha do chuir neach air bith lamh ann, a chionn nach robh 'uair-san fathast air teachd.

31 Agus chrìd mòran de'n t-sluagh air, agus thubhairt iad, 'N uair a thig Crìosd, an dean e ni's mò de mhìorbhuilbh na iad sin a rinn an duine so?

32 Chuala na Phairisich gu'n robh an sluagh a' borbhanaich mu na nithibh so

m'a thimchioll: agus chuir na Phairisich agus na h-àrd-shagartan maoir g'a ghlacadh.

33 An sin thubhairt Iosa, Fathast tamull beag tha mise maille ribh, agus *an sin* tha mi 'dol chum an ti a chuir uaith mi.

34 Iarraidh sibh mi, agus cha-n fhaigh sibh *mi*: agus do'u àite 's am bi mi, cha-n urrainn sibhse teachd.

35 An sin thubhairt na-Iudhaich eatorra féin, C'ait au téid am fear so, nach faigh sinn e? an téid e chum na muinntir a tha air an sgapadh 'am measg nan Greugach, agus an teagaisg e na Greugaich?

36 Ciod i a' chainnt so a thubhairt e, Iarraidh sibh mi, agus cha-n fhaigh sibh *mi*: agus do'n àit 's am bheil mise, cha-n urrainn sibhse teachd?

37 Air an là dheireannach, là mòr sin na féille, sheas Iosa agus ghlaodh e, ag ràdh, Ma tha tart air neach sam bith, thigeadh e 'm'ionnsuidh-sa, agus òladh e.

38 An ti a chrèideas annam-sa, mar tha an sgrìobtur air ràdh, sruthaidh as a bhroinn aimhnichean de uisge beò.

39 (Ach labhair e so mu'n Spiorad, a bha iadsan a chrèideas annsan gu fhaighinn: oir cha robh an Spiorad fathast *air a thubhairt*, do bhrìgh nach robh Iosa fathast air a ghlòrachadh.)

40 Uime sin, an uair a chuala mòran de'n t-sluagh a' chainnt so, thubhairt iad, Gu fìrinneach is e so am faidh.

41 Thubhairt cuid eile, Is e so Crìosd. Ach thubhairt dream eile, An ann o Ghalile a thig Crìosd?

42 Nach duhàirt an sgrìobtur, Gu'n tig Crìosd de shìol Dhaibhidh, agus á Betlehem, am baile 's an robh Daibhidh?

43 Air an aobhar sin dh'éirich eas-aonachd am measg an t-sluaigh air a shon-san.

44 Agus b'àill le cuid diubh a ghlacadh; ach cha do chuir duine air bith lamh ann.

45 An sin thàinig na maoir chum uan àrd-shagart agus nam Phairiseach; agus thubhairt iadsan riu, C'ar son nach d'thug sibh leibh e?

46 Fhreagair na maoir, Cha do labhair duine riamh mar an duine so.

47 An sin fhreagair na Phairisich iad, Am bheil sibhse mar an ceudna air bhrù mealladh?

48 An do chreid aon air bith de na h-uachdarain ann, no de na Phairisich?

49 Ach an sluagh so aig nach 'eil eòlas an lagha, tha iad malluichte.

50 Thubhairt Nicodemus riu, (esan a thàinig d'a ionnsuidh 's an oidheche, air dha bh' n a aon diubh.)

51 Am bheil ar lagh-ne 'toirt breth air duine sam bith gus an cluinn e uaith féin an toiseach, agus *gus* am bi fhios aige ciod a tha e a' deanamh?

52 Fhreagair iadsan agus thubhairt iad

ris, Am bheil thusa mar an ceudna o Ghalile? Rannsaich, agus faic : oir á Galile cha d'éirich fàidh.

53 Agus dh'ìomhaigh gach aon d'a thigh féin.

CAIB. VIII.

1 *Dhòn Crìosd a' bhean a ghlacadh 'an adhaltranas o pheanas : 12 shearmonaich e gur e féin solus an t-saoghail, agus dhearbhadh e gu bheil a theagasg ceart. 33 Fhreagair e na h-Iudhaich a bha 'deanamh bòsd á Abraham : 39 agus thug se e féin as o'n an-ìochd.*

A CH chaidh Iosa chum sléibh nan crann-olaidh :

2 Agus gu moch air mhaduinn thàinig e ris do'n teampull, agus thàinig an sluagh uile d'a ionnsuidh; agus air suidhe dha, theagaisg e iad.

3 Agus thug na sgrìobhaichean agus na Phairisich bean d'a ionnsuidh a ghlacadh 'an adhaltranas; agus air dhoibh a cur anns a' mheadhon,

4 Thubhairt iad ris, A mhaighstir, ghlacadh a' bhean so anns a' ghnìomh féin, a' deanamh adhaltranais.

5 A nis dh'àithn Maois dhuinn 's an lagh, an leithid so a chlachadh: ciod ma seadh tha thusa ag ràdh?

6 Thubhairt iad so 'g a dhearbhadh, chum gu'm bitheadh aca cùis-chasaid 'n a aghaidh. Ach chrom Iosa sìos, agus sgrìobh e le 'mheur air an làr, (mar nach bitheadh e 'g an cluinninn.)

7 Mar sin air dhoibh buanachadh a' feòraich dheth, thog se e féin suas agus thubhairt e riu, An neach agaibhse, a tha gun pheacadh tilgeadh e a' cheud chlach oirre.

8 Agus chrom e sìos a ris, agus sgrìobh e air an làr.

9 Agus an uair a chual iadsan so, (air dhoibh 'bhi air an agairt le'n coguis féin,) chaidh iad a mach an dèigh a chèile, a' tòiseachadh o'n dream 'bu shine, gu's an dream mu dheireadh : agus dh'fhàgadh 'n a aonar Iosa, agus a' bhean 'n a seasamh 's a' mheadhon.

10 Agus 'n uair a dh'éirich Iosa suas, agus nach fac e aon air bith ach a' bhean, thubhairt e rith, A bhean, c'àit am bheil iad sud do luchd-casaid? an do dhìt duine air bith thu?

11 Thubhairt ise, Cha do dhìt aon duine, a Thighearna. Agus thubhairt Iosa rith, Cha mhò a tha mise ga d' dhìteadh: imich romhad, agus na peacaich nì's mò.

12 An sin labhair Iosa riu a ris, ag ràdh, Is mise solus an t-saoghail: an ti a leanas mise, cha siubhail e 'an dorchadas, ach bithidh solus na beatha aige.

13 Uime sin thubhairt na Phairisich ris, Tha thu 'toirt fianuis mu d' thimchioll féin; cha-n'eil d'fianuis fìor.

14 Fhreagair Iosa, agus thubhairt e riu, Ged tha mi 'toirt fianuis mu m' thimchioll féin, gidheadh tha m' fianuis fìor: oir tha

fhios agam cia as a thàinig mi, agus c'àit am bheil mi 'dol; ach cha-n'eil fhios agaibhse cia as a thàinig mi, no c'àit am bheil mi 'dol.

15 Tha sibhse a' toirt breth a réir na feòla; cha-n'eil mise a' toirt breth air aon duine.

16 Agus gidheadh ma bheir mise breth, tha mo bhreth fìrinneach: oir cha-n'eil mi 'm 'aonar, ach mise agus an t-Athair a chuir uath mi.

17 Agus tha e sgrìobhta ann bhur lagh féin, gu bheil fianuis dithis dhaoine fìor.

18 Is aon mise a tha 'deanamh fianuis mu m' thimchioll féin, agus tha an t-Athair a chuir uath mi, a' deanamh fianuis mu m' thimchioll.

19 An sin thubhairt iad ris, C'àit am bheil d'Athair? Fhreagair Iosa, Cha-n aithne dluibhse aon chuid mise no m' Athair: nam bitheadh eòlas agaibh ormsa, bhitheadh eòlas agaibh air m' Athair mar an ceudna.

20 Labhair Iosa na briathran so 'an tigh-coimhead an ionmhais, ag teagasg dha 's an teampull: agus cha do chuir duine air bith làmh ann; oir cha robh 'uair fathast air teachd.

21 An sin thubhairt Iosa riu a ris, Tha mise a' falbh, agus iarraidh sibh mi, agus bàsaichidh sibh ann bhur peacadh: cha-n urrainn sibhse teachd do'n àit gus am bheil mise a' dol.

22 An sin thubhairt na h-Iudhaich, Am marbh se e féin? do bhrìgh gu bheil e 'g ràdh, Far am bheil mise a' dol, cha-n urrainn sibhse teachd.

23 Agus thubhairt e riu, Tha sibhse o shìos, tha mise o shuas: tha sibhse de'n t-saoghal so, cha-n'eil mise de'n t-saoghal so.

24 Uime sin thubhairt mi ribh, Gu'm bàsaich sibh ann bhur peacaibh: oir mur creid sibh gur mise e, gheibh sibh bàs ann bhur peacaibh.

25 An sin thubhairt iad ris, Cò thusa? Agus thubhairt Iosa riu, An neach sin féin a thubhairt mi ribh o thùs.

26 Tha mòran agam ri ràdh, agus r'a bhreithneachadh m'ur timchioll-se: ach tha an ti a chuir uath mi fìrinneach; agus tha mise a' labhairt ris an t-saoghal nan nith-ean a chuala mi uath-san.

27 Cha do thuig iad gu'm b'ann mu thimchioll an Athar a labhair e riu.

28 An sin thubhairt Iosa riu, 'N uair a thogas sibh suas Mac an duine, an sin bithidh fios agaibh gur mise e, agus nach 'eil mi 'deanamh nì sam bith uam féin; ach mar a theagaisg m' Athair mi, gu bheil mi 'labhairt nan nithean so.

29 Agus tha 'n ti a chuir uath mi maille rium: cha d'fhàg an t-Athair a'm 'aonar mi, do bhrìgh gu bheil mi 'deanamh a ghnàth nan nithean sin a's taitneach leis.

30 An uair a bha e 'labhairt nan nithean so, chreid mòran ann.

31 An sin thubhairt Iosa ris na h-Iudhaich a chreid ann, Ma bhuanaicheas sibh ann am fhocal-sa, bithidh sibh da rìreadh 'n' ur deisciobuil agam;

32 Agus bithidh eòlas agaibhair an fhìrinn, agus ni an fhìrinn saor sibh.

33 Fhreagair iad e, Is sinne sliochd Abraham, agus cha robh sinn riamh fo dhaorsa aig duine sam bith: cionnus tha thusa ag ràdh, Bithidh sibh saor?

34 Fhreagair Iosa iad, Gu deimhin deimhin tha mi ag ràdh ribh, ge 'b'e ni peacadh, is seirbhiseach do'n pheacadh e.

35 Agus cha-n fhan an seirbhiseach 'san tigh gu bràth: *ach* fanaidh am mac gu bràth.

36 Uime sin ma ni am Mac saor sibh, bithidh sibh saor da rìreadh.

37 Tha fhios agam gur sibh sliochd Abraham; ach tha sibh ag iarraidh mise a mharbhadh, do bhrìgh nach 'eil àit aig m' fhocal annaibh.

38 Tha mise a' labhairt an ni sin a chunnaic mi aig m' Athair; agus tha sibhse a' deanamh an ni a chunnaic sibh aig bhur n-athair féin.

39 Fhreagair iadsan agus thubhairt iad ris, Is e Abraham ar n-athair-ne. Thubhairt Iosa riu, Nam bu chlann do Abraham sibh, dheadh sibh oibre Abraham.

40 Ach a nis tha sibh ag iarraidh mise a mharbhadh, duine a dh'innis duibh an fhìrinn, a chuala mi o Dhia: cha d'rinn Abraham so.

41 Tha sibhse a' deanamh oibre bhur n-athair féin. An sin thubhairt iad ris, Cha d'rugadh 'an striopachas sinne; tha aon Athair againn, *eadhon* Dia.

42 An sin thubhairt Iosa riu, Nam b'e Dia bhur n-Athair, ghràdhachd sibh mise: oir chaidh mise mach, agus thàinig mi o Dhia; agus cha d'thàinig mi uam féin, ach chuir esan uaith mi.

43 C'ar son nach 'eil sibh a' tuigsinn mo chòmhradh? do bhrìgh nach urrainn sibh éisdeachd ri m' fhocal.

44 Tha sibhse o *bhur* n-athair an diabhul, agus is iad ana-miannan bhur n-athar a's toil leibh a dheadh: bha esan 'n a mhortair o thùs, agus cha d'fhan e 's an fhìrinn, a chionn nach 'eil firinn ann. 'N uair a labhras e breug, is ann uaith féin tha e labhairt: oir is breugaire e, agus *is e* athair na bréige.

45 Agus do bhrìgh gu bheil mise ag innseadh na firinn, cha-n'eil sibh ga m' chreidsinn.

46 Cò agaibhse 'chuireas peacadh as mo leth-sa? agus ma tha mi ag innseadh na firinn, c'ar son nach 'eil sibh ga m' chreidsinn?

47 An ti tha o Dhia, éisdidh e ri briathraibh Dhé: uime sin cha-n'eil sibhse ag éisdeachd, a chionn nach ann o Dhia a tha sibh.

48 An sin fhreagair na h-Iudhaich, agus thubhairt iad ris, Nach maith a thubhairt sinn gur Samaritanach thu, agus gu bheil deamhan agad?

49 Fhreagair Iosa, Cha-n'eil deamhan agam; ach tha mi 'toirt urrainn do m' Athair, agus tha sibhse 'toirt eas-urraim dhomh-sa.

50 Agus cha-n'eil mi 'g iarraidh mo ghloire féin: tha neach a tha 'g iarraidh agus a' toirt breth.

51 Gu deimhin deimhin tha mi ag ràdh ribh, Ma choimhideas neach m' fhocal-sa, cha-n fhaic e bàs am feasd.

52 An sin thubhairt na h-Iudhaich ris, A nis tha fhios againn gu bheil deamhan agad. Fhuair Abraham bàs, agus na faidhean; gidheadh tha thusa ag ràdh, Ma choimhideas duine m'fhocal-sa, cha bhlais e bàs am feasd.

53 Am mò thusa na ar n-athair Abraham, a fhuair bàs? agus fhuair na faidhean bàs: cò a tha tùr 'deanamh dhìot féin?

54 Fhreagair Iosa, Ma tha mi 'toirt gloire dhomh féin, cha-n'eil ach neo-ni a'm' ghlòir: is e m' Athair a tha 'toirt glòire dhomh, neach a tha sibhse ag ràdh gur e bhur Dia e:

55 Gidheadh cha do ghabh sibh eòlas air; ach tha eòlas agam-sa air: agus nan abrainn, Nach aithne dhomh e, bhithinn cosmhuil ribhse a'm' bhreugaire: ach is aithne dhomh e, agus tha mi 'coimhead' fhocail.

56 Bha déidh mhòr aig Abraham bhur n-athairse air mo là-sa fhaicinn: agus chunnaic se e, agus rinn e gairdeachas.

57 An sin thubhairt na h-Iudhaich ris, Cha-n'eil thu fathast leth-cheud bliadhna dl'aois, agus am faca tu Abraham?

58 Thubhairt Iosa riu, Gu deimhin deimhin tha mi ag ràdh ribh, Mun robh Abraham ann, **THA MISE**.

59 An sin thog iadsan clachan chum an tilgeadh air: ach dh'fholaich Iosa e féin, agus chaidh e mach as an teampull, a' dol troimh an meadhan, [agus mar sin chaidh e seachad.]

CAIB. IX.

1 *Dh'aisigeadh a radharc do dhuine a rugadh dall: 13 Thugadh e chum nam Phairiseach: 15 ghabh iad corruich ris, agus thàinig iad a mach as an t-sionagag e; 35 ach tha Crìosd a' gabhail ris. 39 Cò iadsan a tha Crìosd a' soillseachadh.*

AGUS an uair a ghabh Iosa seachad, chunnaic e duine a bha dall o rugadh e.

2 Agus dh'fheòraich a dh'isciobuil deth, ag ràdh, A mhaighstir, cò a pheacaich, an duine so, no a phàrantan, gu'n d'rugadh dall e?

3 Fhreagair Iosa, Cha do pheacaich aon chuid an duine so, no a phàrantan: ach a chum gu'm foillsichtadh oibre Dhé ann.

4 Is éigin domh-sa oibre an ti a chuir uaith mi a dheanamh, am feadh is là e: tha'n oidhche a' teachd, anns nach urrainn aon duine obair a dheanamh.

5 Am feadh a tha mise 's an t-saoghal, is mi solus an t-saoghail.

6 'N uair a thubhairt e na nithean so, chuir e sìle air an talamh, agus rinn e criadh de'n t-sìle, agus sgaoil e a' chriadh air sùilibh an doill.

7 Agus thubhairt e ris, Imich, ionnlaid ann an lochan Shilaoim, (is e sin air eadar-theangachadh, Air a chur.) Uime sin dh'imich e, agus dh'ionnlaid e, agus thàinig e a' faicinn.

8 Uime sin thubhairt na coimhearsnaich, agus iadsan a chunnaic dall e roimhe sin, Nach e so esan a bha 'n a shuidhe ag iarraidh na déirce?

9 Thubhairt cuid, Is e so e; cuid eile, Tha e cosmhuil ris: thubhairt e féin, Is mise e.

10 Air an aobhar sin thubhairt iad ris, Cionnus a dh'fhosgladh do shùilean?

11 Fhreagair esan agus thubhairt e, Rinn duine d'an ainm Iosa criadh, agus sgaoil e air mo shùilibh i, agus thubhairt e rium, Imich gu lochan Shilaoim, agus ionnlaid: agus dh'imich mi agus dh'ionnlaid mi, agus fhuair mi mo radhare.

12 An sin thubhairt iad ris, C'ait am bheil e? Thubhairt esan, Cha-n aithne dhomh.

13 Thug iad chum nam Phairiseach esan a bha roimhe dall.

14 Agus b'i an t-sàbaid a bha ann an uair a rinn Iosa a' chriadh, agus a dh'fhosgail e 'shùilean.

15 An sin a rìs dh'fheòraich na Phairisich dheth mar an ceudna cionnus a fhuair e a radhare. Agus thubhairt esan riu, Chuir e criadh air mo shùilibh, agus dh'ionnlaid mi, agus tha mi a' faicinn.

16 Uime sin thubhairt cuid de na Phairisich, Cha-n'eil an duine so o Dhia, do bhrìgh nach 'eil e 'gleidheadh na sàbaid. Thubhairt cuid eile, Cionnus a dh'fheudas duine a tha 'n a pheacach, an leithid so de mhòr-bhuilb a dheanamh? Agus bha eas-aonachd 'n am measg.

17 Thubhairt iad a rìs ris an duine dhall, Ciod e a tha thusa ag ràdh uime, a thaobh gu'n d'fhosgail e do shùilean? Agus thubhairt esan, Is fàidh e.

18 Ach cha do chreid na h-Iudhaich m'a thimcheall, gu'n robh e dall, agus gu'n d'fhuair e a radhare, gus an do ghairm iad pàrantan an ti a fhuair a radhare.

19 Agus dh'fhiosraich iad dhiubh, ag ràdh, An e so bhuir mac-se, a tha sibh ag ràdh a rugadh dall? cionnus ma seadh tha e nis a' faicinn?

20 Fhreagair a phàrantan iad agus thubhairt iad, Tha fhios againn gur e so ar mac, agus gu'n do rugadh dall e:

21 Ach cionnus tha e nis a' faicinn, cha-n'eil fhios againn; no cò a dh'fhosgail a shùilean, cha-n aithne dhuinn: tha e féin air teachd gu aois, feòraichibh dheth, labhairidh e air a shon féin.

22 Thubhairt a phàrantan na briathran so, a chionn gu robh eagal nan Iudhach orra: oir shuidhich na h-Iudhaich cheana cat-orra féin, Nan aoidheadh duine sam bith gu'm b'esan Criosd, gu'n rachadh a chur as an t-sionagag.

23 Air an aobhar sin thubhairt a phàrantan, Tha e air teachd gu aois, feòraichibh dheth féin.

24 Air an aobhar sin ghairm iad an dara uair an duine a bha dall, agus thubhairt iad ris, Thoir glòir do Dhia: tha fhios againn gur peacach an duine so.

25 An sin fhreagair esan agus thubhairt e, Am peacach e cha-n aithne dhomh: air aon ni tha fhios againn, air dhomh 'bhi dall, gu bheil mi nis a' faicinn.

26 Ach thubhairt iad ris a rìs, Ciod a rinn e dhuit? cionnus a dh'fhosgail e do shùilean?

27 Fhreagair e iad, Dh'innis mi dhuibh cheana, agus cha d'éisd sibh; c'ar son a b'ail leibh a chluinntinn a rìs? am bheil a' mhianm oirbhse 'bhi 'n 'ur deiseiobuil aige mar an ceudna?

28 An sin chàin iad e, agus thubhairt iad, Is tusa a dheiseiobul; ach is sinne deiseiobuil Mhaois.

29 Tha fhios againn gu'n do labhair Dia ri Maois: ach mu thimcheall an fhir so, cha-n'eil fhios againn cia as da.

30 Fhreagair an duine agus thubhairt e riu, An so tha ni iongantach, nach 'eil fhios agaibh cia as da, agus gu'n d'fhosgail e mo shùilean;

31 Ach tha fhios againn nach éisd Dia ri peacaich: ach ma tha neach air bith 'n a fhear-aoraidh do Dhia, agus a' deanamh a thoile, ris-san éisdidh e.

32 O thoiseach an t-saoghail cha chualas gu'n d'fhosgail aon neach sùilean duine a rugadh dall.

33 Mur bitheadh an duine so o Dhia, cha b'urrainn e ni sam bith a dheanamh.

34 Fhreagair iadsan agus thubhairt iad ris, Rugadh thusa gu h-uile ann am peacaibh, agus am bheil thu 'g ar teagasg-ne? agus thilg iad a mach e.

35 Chual Iosa gu'n do thilg iad a mach e; agus air dha 'fhaotainn, thubhairt e ris, Am bheil thu 'creidsinn ann am Mac Dhé?

36 Fhreagair esan agus thubhairt e, Cò e, a Thighearna, chum gu'n creid mi ann?

37 Agus thubhairt Iosa ris, Chunnaic thu araon e, agus an ti a tha 'labhairt riut, is esan e.

38 Agus thubhairt esan, Tha mi 'creidsinn, a Thighearna. Agus rinn e aoradh dha.

39 Agus thubhairt Iosa, Is ann chum breitheanais a thàinig mise chum an t-saoghail so, chum iadsan nach 'eil a' faicinn, gu'm faicheadh iad; agus gu'm bitheadh iadsan a tha 'faicinn, air an deanamh dall.

40 Agus chuala cuid de na Phairisich, a bha maille ris na nithean so, agus thubhairt iad ris, Am bheil sinne dall mar an ceudna?

41 Thubhairt Iosa riu, Nam bitheadh sibh dall, cha bhitheadh peacadh agaibh: ach a nis tha sibh ag ràdh, Is léir dhuinn; uime sin tha bhuir peacadh a' fantuinn.

CAIB. X.

1 *Is e Crìosd an dorus agus an deadh bhuachail.* 19 *Iomadh gnè bharail m'a thimchioll.* 24 *Dhearbhaig e le 'oibribh gur e fèin Crìosd Mac Dhè; 39 chaidh e as o na h-Iudhaich; 40 agus ràinig e taobh thall Iordain, far an do chreid mòran ann.*

GU deimhin deimhin tha mi ag ràdh ribh, An ti nach téid a stigh troimh an dorus do chrò nan caorach, ach a théid suas air sheòl eile, is gaduiche agus fear-reubainn esan.

2 Ach an ti a théid a steach air an dorus, is esan buachaill nan caorach.

3 Dhàsan fosglaidh an dorsair; agus éisidh na caoraich r'a ghuth: agus gairmidh e a chaoraich féin air an ainm, agus treòrachaidh e mach iad.

4 Agus an uair a chuireas e mach a chaoraich féin, imichidh e rompa, agus leanaidh na caoraich e: oir is aithne dhoibh a ghuth.

5 Agus cha lean iad coigreach, ach teichidh iad uaith, do bhrìgh nach aithne dhoibh guth choigreach.

6 An cosamlachd so labhair Iosa riu: ach cha do thuig iadsan eoid iad na nithean a labhair e riu.

7 An sin thubhairt Iosa riu a ris, Gu deimhin deimhin tha mi ag ràdh ribh, gur mise dorus nan caorach.

8 Iadsan uile a thàinig romham-sa, is gaduichean agus luchd-reubainn iad: ach cha d'éisd na caoraich riu.

9 Is mise an dorus: ma théid neach air bith steach tromham-sa, tèarnar e, agus théid e steach agus a mach, agus gheibh e ionatrath.

10 Cha tig an gaduiche ach a ghoid, agus a mharbhadh, agus a mbilleadh: thàinig mise chum gu'm bitheadh beatha aca, agus gu'm bitheadh i aca nìs pailte.

11 Is mise am buachaill maith: leigidh am buachaill maith 'anam sìos air son nan caorach.

12 Ach am fear-tuasdail, agus an ti nach e am buachaill, agus nach leis féin na caoraich, ehi e am madadh-alluidh a' teachd, agus figaidh e na caoraich, agus teichidh e: agus glacadh am madadh-alluidh iad, agus sgapaidh e na caoraich.

13 Ach teichidh am fear-tuasdail, a chionn

gur fear-tuasdail e, agus nach 'eil suim aige do na caoraich.

14 Is mise am buachaill maith, agus is aithne dhomh mo chaoraich féin, agus aithnhear le m' chaoraich féin mi.

15 Mar is aithne do'n Athair mise, mar sin is aithne dhomh-sa an t-Athair: agus tha mi 'leigeadh m'anama sìos air son nan caorach.

16 Agus tha caoraich eile agam, nach 'eil de'n chrò so: is éigin domh iad sin mar an ceudna 'thoir a stigh, agus éisidh iad ri m' ghuth; agus bithidh aon treud ann, agus aon bhuachaill.

17 Air an aobhar so is ionmhuinn leis an Athair mise, air son gu'n leigmi sìos m'anam, chum gu'n glac mi e a ris.

18 Cha-n'eil neach air bith 'g a thoirt uam. ach tha mi 'g a leigeadh sìos nam féin: tha cumhachd agam a leigeadh sìos, agus tha cumhachd agam a ghlacadh a ris. An aithne so fhuair mi o m' Athair.

19 Air an aobhar sin dli'éirich eas-aonachd a ris am measg nan Iudhach air son nam briathran so.

20 Agus thubhairt mòran dinbh, Tha deamhan aige, agus tha e air bhoile; e'ar son a tha sibh ag éisdeachd ris?

21 Thubhairt cuid eile, Cha-n iad so briathran duine anns am bheil deamhan; am bheil deamhan comasach air sùilean nan dall fhosgladh?

22 Agus bha féill-chuimhne an ath-choisreagaidh ann an Ierusalem, agus b'e an geamhradh a bha ann.

23 Agus bha Iosa a' sràid-meachd's an teampull ann an sgàth-thigh Sholainn.

24 An sin chrùinnich na h-Iudhaich m'a thimchioll, agus thubhairt iad ris, Cia fhad a chumas tu ar n-anaman 'an amharus? ma's tu Crìosd, innis dhuinn gu follaiseach.

25 Fhreagair Iosa iad, Dh'innis mi dhuibh, agus cha do chreid sibh: na h-oibre a tha mi 'deanamh ann an ainm m'Athar, tha iad sin a' toirt fianuis mu m' thimchioll.

26 Ach cha-n'eil sibhse a' creidsinn; oir cha-n ann do'm chaoraich sibh, mar thubhairt mi ribh.

27 Tha mo chaoraich-sa ag éisdeachd ri m' ghuth, agus is aithne dhomh iad, agus leanaidh iad mi:

28 Agus bheir mi a' bheatha mhaireannach dhoibh; agus cha sgriosar iad an fcasd, ni mò a spìonas neach air bith as mo làimh iad.

29 M'Athair a thug dhomh-sa iad, is mò e na na h-uile; agus cha-n urrainn neach air bith an spionadh a làimh m'Athar.

30 Mise agus an t-Athair, is aon sinn.

31 Uime sin thog na h-Iudhaich clachan a ris chum a chlachadh.

32 Fhreagair Iosa iad, Nochd mi dhuibh mòran de oibribh maithe o m'Athair; cia de na h-oibribh sin air son am bheil sibh gu'm chlachadh?

33 Fhreagair na h-Iudhaich e, ag ràdh, Air son oibre maith e cha-n'eil sinn ga d'chlachadh; ach air son toibheim, agus air son, air bhi dhuit-sa a'd' dhuine, gu bheil thu 'dean-amh Dé dhìot féin.

34 Fhreagair Iosa iad, Nach 'eil e sgriobhta ann bhur lagh-se, Thubhairt mi, Is diathan sibh?

35 Ma thubhairt e diathan rìusan, dh'ionnsuidh an robh focal Dhé, agus nach feudar au sgriobtu a bhriseadh;

36 An abair sibh ris-san, a naomhaich an t-Athair, agus a chuir e chum an t-saoghail, Tha thu a' labhairt toibheim; air son gu'n dubhairt mi, Is mi Mac Dhé?

37 Mur dean mi oibre m' Athar, na creidibh mi.

38 Ach ma ni, ged nach creid sibh mise, creidibh na h-oibre, chum gu'm bi fios agaibh, agus gu'n creid sibh gu bheil an t-Athair annam-sa, agus mise annsan.

39 Uime sin dh'iarr iad a ris a ghlacadh: ach chaidh e as an làimh.

40 Agus chaidh e ris gus an taobh thall de Iordan, do'n ionad anns an robh Eoin air tùs ri baisteadh; agus rinn e còmhuidh an sin.

41 Agus thàinig mòran d'a ionnsuidh, agus thubhairt iad, Cha d' riun Eoin aon mhòrbhuil: ach bha na h-uile nithean a thubhairt Eoin mu'n duine so fìor.

42 Agus chreid mòran 's an àite sin air.

CAIB. XI.

1 *Thog Criosd suas Lasarus an dèigh dha bhi ceithir làithean 's an uigh* 45 *Chreid mòran de na h-Iudhaich.* 47 *Chum na h-àrd-shagartan agus na Phairisich comhairle an aghaidh Criosd.* 49 *Rinn Caiaphas fàidhead-aireachd.* 55 *Aig a' chàisg dh'iarr an sluagh Criosd;* 57 *dhealt na h-uachdarain innleachdan gu esan a ghlacadh.*

A NIS bha duine àraidh gu tinn, d'am *Vainm* Lasarus o Bhetani, baile Mhuire agus Mharta a peathar.

2 (B'i Mhuire sin a dh'ung an Tighearn le olaidh luachmhoir, agus a thiorraich a chosan le a folt, aig an robh a bràthair Lasarus gu tinn.)

3 Uime sin chuir a pheathraichean fios d'a ionnsuidh, ag ràdh, A Thighearna, feuch, tha'n ti a's ionmhuinn leat tinn.

4 'N uair a chual Iosa so, thubhairt e, Cha-n'eil an tinneas so chum bàis, ach a chum glòire Dhé, chum gu'm bi Mac Dhé air a ghlòrachadh d'a thaobh.

5 A nis b'ionmhuinn le Iosa Marta, agus a piuthar, agus Lasarus.

6 Uime sin an uair a chual e gu'n robh esan tinn, dh'fhan e fathast dà là anns an ionad 's an robh e.

7 'N a dhéigh sin thubhairt e r'a dheisciobluibh, Rachamaid a ris do Iudea.

8 Thubhairt a dheisciobuil ris, A Mhaighstir, anis dh'iarr na h-Iudhaich do chlachadh; agus am bheil thu 'dol a ris an sin?

9 Fhreagair Iosa, Nach 'eil dà uair dheug 's an là? Ma dh'imicheas duine anns an là, cha tuislich e, oir tha e 'faiciun soluis an t-saoghail so:

10 Ach ma dh'imicheas duine anns an oidheche, tuislichidh e, do bhrìgh nach 'eil an solus ann.

11 Na nithean so labhair e: agus 'n a dhéigh sin thubhairt e riu, Tha ar caraid Lasarus 'n a chodal; ach tha mise a' dol chum gu'n dùisg mi as a chodal e.

12 An siu thubhairt a dheisciobuil, A Thighearna, ma tha e 'u a chodal, bithidh e slàn.

13 Gidheadh labhair Iosa m'a bhàs: ach shaoil iadsan gu'n do labhair e mu thim-chioll fois codail.

14 An sin thubhairt Iosa riu gu soilleir, Fhuair Lasarus bàs:

15 Agus tha mi toilichte air bhur son-sa nach robh mi an sin, chum gu'n creid sibh; ach rachamaid d'a ionnsuidh.

16 An sin thubhairt Tomas, ris an abrar Didimus, r'a cho-dheisciobluibh, Rachamaid-ne mar an ceudna, chum gu'm faigh sinn bàs maille ris.

17 An sin an uair a thàinig Iosa, fhuair se e an dèigh dha bhi cheana ceithir làithean 's an uigh.

18 (A nis bha Betani fagus do Ierusalem, mu thimchioll cùig stàidean deug uaidh.)

19 Agus thàinig mòran de na h-Iudhaich chum Mharta agus Mhuire, gu comhfhurtachd a thoirt doibh a thaobh an bràthar.

20 An sin an uair a chual Marta gu'n robh Iosa a' teachd, chaidh i 'n a chòdhail: ach sluaidh Muire 's an tigh.

21 An sin thubhairt Marta ri Iosa, A Thighearna, nam biodh tusa an so, cha-n fhaigheadh mo bhràthair bàs.

22 Ach tha fhios agam a nis féin, ge b'e air bith nithean a dh'iarras tu air Dia gu'n toir Dia dhuit iad.

23 Thubhairt Iosa rithe, Eiridh do bhràthair a ris.

24 Thubhairt Marta ris, Tha fhios agam gu'n éirich e a ris 's an aiseirigh air an là dheireannach.

25 Thubhairt Iosa rithe, Is mise an aiseirigh, agus a' bheatha: an ti a chreideas annam-sa, geò gheibheadh e bàs, bithidh e beò:

26 Agus ge b'e neach a tha beò, agus a' creidsinn annam-sa, cha-n fhaigh e bàs am fead. Am bheil thu 'creidsinn so?

27 Thubhairt i ris, Tha, a Thighearna: tha mi 'creidsinn gur tusa Criosd, Mac Dhé, a bha gu teachd chum an t-saoghail.

28 Agus air dhi na nithean so a ràdh, dh'fhalbh i, agus ghairm i a piuthar Muire an uaignidheas, ag ràdh, Thàinig am Maignistir, agus tha e ga d' ghairm.

29 'N uair a chual ise sin, dh'éirich i gu grad, agus thàinig i d'a ionnsaidh.

30 A nis cha robh Iosa fathast air teachd do'n bhaile, ach bha e anns an àite 's an do choinnich Marta e.

31 An sin na h-Iudhaich a bha maille rithe 's an tigh, agus a' toirt comhfhurtachd dhi, 'n uair a chunnaic iad Muire gu'n d'éirich i gu grad, agus gu'n deachaidh i mach, lean iad i, ag ràdh, Tha i 'dol chum na h-uaigne, a chaoineadh an sin.

32 An sin an uair a thàinig Muire do'n àite 's an robh Iosa, agus a chunnaic i e, thuit i aig a chosaibh, ag ràdh ris, A Thighearna, nam bitheadh tusa an so, cha-n fhaigheadh mo bhràthair bàs.

33 Uime sin an uair a chunnaic Iosa i a' gul, agus na h-Iudhaich a thàinig maille rithe a' gul mar an ceudna, rinn e osna 'n a spiorad, agus chuir se e féin fo àmhghar.

34 Agus thubhairt e, C'àit an do chuir sibh e? Thubhairt iad ris, A Thighearna, thig agus faic.

35 Ghul Iosa.

36 An sin thubhairt na h-Iudhaich, Feuch cionnus a ghràdhaich se e!

37 Agus thubhairt cuid diubh, Nach feudadh an duine so a dh'fhosgail suilean an doill, a thoirt fainear nach faigheadh eadhon an fear so bàs?

38 Uime sin thàinig Iosa, ag osnaich a ris ann féin, chum na h-uaigne. Agus b'uaimh i, agus bha clach air a cur oirre.

39 Thubhairt Iosa, Togaibh a' chlach. Thubhairt Marta, piuthar an duine mhairbh, ris, A Thighearna, tha nis droch bholadh dheth: oir is e so an ceathramh là.

40 Thubhairt Iosa rithe, Nach dubhairt mi riut, Ma chreideas tu, gu'm faic thu glòir Dhé?

41 An sin thog iad a' chlach (*o'n àit anns an robh an duine marbh air a chur*). Agus thog Iosa suas a shùilean, agus thubhairt e, Athair, tha mi 'toirt buidheachais duit gu'n d'éisd thu rium.

42 Agus bha fhios agam gu bheil thu ag éisdeachd rium a ghnàth: ach thubhairt mi e air son an t-sluaigh a tha 'n an seasamh mu m' thimchioll, chum gu'n creid iad gu'n do chuir thusa uait mi.

43 Agus an uair a labhair e na nithean so, ghlaodh e le guth mòr, A Lasarus, thig a mach.

44 Agus thàinig esan a bha marbh a mach, agus a chosan agus a làmhnan ceangailte leis an eudach-mhairbh: agus bha 'aghaidh ceangailte mu'n cuairt le neapaicin. Thubhairt Iosa riu, Fuasglaibh e, agus leigibh leis imeachd.

45 An sin chreid mòran de na h-Iudhaich ann, a thàinig chum Mhuire, agus a chunnaic na nithean a rinn Iosa.

46 Ach dh'fhalbh cuid diubh chum nam Phairiseach, agus dh'innis iad dhoibh na nithean a rinn Iosa.

47 An sin chruinnich na h-àrd-shagartan

agus na Phairisich comhairle, agus thubhairt iad, Ciod a tha sinn a' deanamh? oir tha an duine so 'deanamh mòrain mhiòrbhuilean.

48 Ma leigear sinn leis air an dòigh so, creididh na h-uile dhaoine ann; agus thig na Ròmanaich, agus sgriosaidh iad ar n-àit, agus ar cinneach.

49 An sin thubhairt fear àraidh dhiubh *d' am b'ainm* Caiaphas, air dha bhi 'n a àrd-shagart air a' bhliadhna sin, riu, Cha-n aithne dhuibh ni sam bith.

50 Ni mò 'tha sibh a' toirt fainear gur iomchuidh dhuinne gu'm faigheadh aon duine bàs air son an t-sluaigh, agus nach bitheadh an cinneach uile air a sgrios.

51 Ach cha b'ann uaith féin a labhair e so: ach air dha bhi 'n a àrd-shagart air a' bhliadhna sin, rinn e fàidheadaireachd gu'm faigheadh Iosa bàs air son a' chinnich sin;

52 Agus cha-n ann air son a' chinnich sin a mha'n, ach a chum mar an ceudna gu'n cruinnicheadh e an ceann a chéile 'n an aon clann Dhé a bha air an sgapadh.

53 Uime sin o'n là sin a mach, chuir iad an comhairle r'a chéile chum esan a chur gu bàs.

54 Air an aobhar sin cha d'imich Iosa ni's mò gu follaiscach am measg nan Iudhach; ach chaidh e as a sin do dhùthaich làimh ris an fhàsach, gu baile ris an abrar Ephraim, agus an sin ghabh e còmhnuidh maille r'a dheisciobuibh.

55 Agus bha càisg nan Iudhach am fagus: agus chaidh mòran suas as an dùthaich do Ierusalem roimh an chàisg, chum iad féin a ghlanadh.

56 An sin dh'iarr iad Iosa, agus labhair iad r'a chéile 'n an seasamh 's an teampull, Ciod bhur barail-sa? an e nach tig e chum na féille?

57 A nis bha araan na h-àrd-shagartan, agus na Phairisich air toirt àithne, nam bitheadh fhios aig neach air bith c'àit an robh e, gu'n innseadh se e, chum gu'n glacadh iad e.

CAIB. XII.

1 *Ghabh Iosa leithseugul Mhuire air son gu'n d'ang i a chosan.* 9 *Thàinig an sluaigh 'n am buidhnib a dh'fhaicim Lasarus.* 10 *Ghabh na h-àrd-shagartan comhairle chum Lasarus a mharbhadh.* 12 *Mharcaich Criosd gu Ierusalem.* 23 *Roimh-innis e a bhàs.* 37 *Tha na h-Iudhaich air an dalladh.*

AN sin thàinig Iosa, sè làithean roimh an chàisg, gu Betani, far an robh Lasarus a bha marbh, neach a thog esan o na mairbh.

2 Uime sin rinn iad suipeir dha an sin; agus bha Marta a' frithealadh: ach bha Lasarus 'n a aon diubh-san a shuidh air bord maille ris.

3 An sin ghabh Muire pund de olaidh spic-naird ro luachmhoir, agus dh'ung i cosan

Iosa, agus thormaich i a chosan le a folt: agus lionadh an tigh le fàile cùbhraidh na h-olaidh.

4 An sin thubhairt aon d'a dheisciobluibh, Iudas Iscariot, *mac* Shimoìn, a bha gu esan a bhrath,

5 C'ar son nach do reiceadh an oladh so air son trì cheud peghinn, agus nach d'thugadh do na bochdaibh e?

6 Thubhairt e so, cha b'ann a chionn gu'n robh suim aige do na bochdaibh; ach a chionn gu'm bu ghaduiche e, agus gu'n robh an sporan aige, agus gu'n do ghiùlain e na nithean a chuireadh ann.

7 An sin thubhairt Iosa, *Leig* Icatha: fa chomhair là m' adhlaic ghléidh i so.

8 Oir tha na bochdan a ghnàth agaibh maille ribh, ach cha-n'eil mise agaibh a ghnàth.

9 Agus bha fhios aig sluagh mòr de na h-Iudhaich gu'n robh e an sin: agus thàinig iad, cha-n ann a mhàin air son Iosa, ach a chum gu'm faiceadh iad mar an ceudna *Lasarus*, a thog esan o na mairbh.

10 Ach ghabh na h-àrd-shagartan comhairle, chum *Lasarus* mar an ceudna a mharbhadh;

11 Do bhrìgh air a shonsan gu'n d'imich mòran de na h-Iudhaich, agus gu'n do chreid iad ann an Iosa.

12 Air an là màireach, air cluinntinn do mhòr-shluagh a thàinig chum na féille, gu'n robh Iosa a' teachd gu *Ierusalem*,

13 Ghlac iad geugan pailme, agus chaidh iad a mach 'n a chòdhail, agus ghlaodh iad, *Ihosanna*, beannaichte gu robh Rìgh *Israeil* a tha 'teachd ann an ainm an Tighearna!

14 Agus air do Iosa asal òg fhaotainn, shuidh e air; a réir mar tha e sgrìobhta,

15 Na bitheadh eagal ort, a nighean Shìoin: feuch, tha do Rìgh a' teachd, 'n a shuidhe air loth asail.

16 Cha do thuig a dheisciobuil na nithean so air tùs: ach an uair a ghlòraicheadh Iosa, an sin chuimhnich iad gu'n robh na nithean so sgrìobhta uime, agus gu'n d'rinn iad na nithean so ris.

17 Uime sin rinn an sluagh a bha maille ris fianuis, gu'n do ghairm e *Lasarus* as an uagh, agus gu'n do thog e o na mairbh e.

18 Air an aobhar sin mar an ceudna choimnich an sluagh e, a chionn gu'n cual iad gu'n d'rinn e am mìorbhuil so.

19 Thubhairt na Phairisich uime sin eat-orra féin, Am fàibh nach 'eil sibh a' buadhachadh 'bheag sam bith? feuch, tha'n saoghal air dol 'n a dhéigh.

20 Agus bha Greugaich àraidh an measg na muinntir a chaidh suas chum aoradh a dheanamh aig an fhéill:

21 Air an aobhar sin thàinig iadsan gu Philip, a bha o Bhetsaida Ghalile, agus dh'iarr iad air, ag ràdh, A thighearna, bu mhiann leinn Iosa fhàicinn

22 Thàinig Philip agus dh'innis e do Aindreas; agus a ris dh'innis Aindreas agus Philip do Iosa.

23 Agus fhreagair Iosa iad, ag ràdh, Thàinig an uair, chum gu'm bitheadh Mac an duine air a ghlòrachadh.

24 Gu deimhin deimhin tha mi ag ràdh ribh, Mur faigh an gràinne cruithneachd a thuiteas anns an talamh bàs, fanaidh e 'n a aonar: ach ma gheibh e bàs, bheir e toradh mòr uath.

25 Esan a ghràdhaicheas 'anam, cailidh se e; agus esan a dh'fhuathaichas 'anam anns an t-saoghal so, gleidhidh se e chum na beatha maireannaich.

26 Ma ni neach air bith seirbhis dhomh-sa, leanadh e mi; agus ge b'e àite 's am bi mise, an sin bithidh mo sheirbhiseach mar an ceudna: ma ni neach seirbhis dhomh-sa bheir m' Athair urram dha.

27 A nis tha m'anam fo àmhghar; agus ciod a their mi? Athair, saor mi o'n uair so: ach is ann air a shon so a thàinig mi chum na h-uaire so.

28 Athair, glòraich d'ainm. An sin thàinig guth o nèamh, *ag ràdh*, Glòraich mi araon e, agus glòraichidh mi ris e.

29 Uime sin thubhairt an sluagh a sheas a làthair, agus a chuala so, Gu'n robh tairneanach ann: thubhairt cuid eile, Labhair aingeal ris.

30 Fhreagair Iosa agus thubhairt e, Cha-n ann air mo shon-sa thàinig an guth so, ach air bhuir son-sa.

31 A nis tha breitheanas an t-saoghail se ann: a nis tilgear uachdaran an t-saoghail so mach.

32 Agus mise, ma thogar suas o'n talamh mi, tairngidh mi na h-uile dhaoine a m' ionnsuidh.

33 (Ach thubhairt e so, a' ciallachadh ciod a' ghnè bàis a gheibheadh e.)

34 Fhreagair an sluagh e, Chuala sinne as an lagh, gu'm fan Crìosd gu sìorruidh: agus cionnus a tha thusa ag ràdh, Gur éigin do Mhac an duine bhì air a thogail suas? cò e Mac so an duine?

35 An sin thubhairt Iosa riu, Fathast ré tamuill bhig tha'n solus maille ribh: gluaisibh am feadh 's a tha an solus agaibh, chum nach beir an dorchadas oirbh: oir an tì a tha ag imeachd 's an dorchadas, cha-n aithne dha c'ait am bheil e 'dol.

36 Am feadh 's a tha 'n solus agaibh creidibh 's an t-solus, chum gu'm bi sibh 'n 'ur cloinn do'n t-solus. Labhair Iosa na nithean so, agus dh'fhalbh e, agus dh'fhol-aich se e féin uatha.

37 Ach ged 'rinn e a choimhlon so de mhìorbhuilb 'n an làthair, cha do chreid iad ann:

38 Chun gu'm bitheadh briathran an fhàidh *Isaia* air an coimhionadh, a thubhairt e, A Thighearna, cò a chreid an n-aithris-ne?

agus cò dha a dh'fhoillsicheadh gairdean an Tighearna?

39 Air au aobhar so cha robh e'n comas doibh creidsinn, do bhrìgh gu'n dubhairt Esaias a ris,

40 Dhall e an sùilean, agus chruaidhich e an cridhe, chum nach faicheadh iad le'n sùil ibh, agus nach tuigeadh iad le'n cridhe, agus nach pilleadh iad, agus gu'n slànuch-inn iad.

41 Thubhairt Esaias na nithean so, 'n uair a chunnaic e a ghloir-san, agus a labhair e uime.

42 Gidheadh chreid mòran de na h-Uachd-aranaibh féin ann: ach air son nam Phairiseach cha d'aidich iad e, air eagal gu'n cuirtheadh mach as an t-sionagag iad.

43 Oir b'annsa leo glòir dhaoine na glòir Dhé.

44 Agus ghlaodh Iosa, agus thubhairt e, An ti a tha 'creidsinn annam-sa, cha-n annam-sa tha e 'creidsinn, ach anns an ti a chuir uaith mi.

45 Agus an ti a tha ga m' fhaicinn-sa, tha e 'faicinn an ti a chuir uaith mi.

46 Thàinig mi a'm' sholas chum an t-saoghail, chum ge b'e 'chreideas annam, uach fanadh e ann an dorchadas.

47 Agus ma chluinnas neach air bith mo bhriathra-sa, agus nach creid e, cha-n'eil mise 'g a dhìtheadh: oir cha d'thàinig mi a dhìtheadh au t-saoghail, ach a shaoradh an t-saoghail.

48 An ti a tha 'cur cùil rium-sa, agus nach 'eil a' gabhail ri m' bhriathraibh, tha aige neach a bheir breth air: am focal a labhair mi, bheir e sin breth air 's an là dheireannach.

49 Oir cha do labhair mi nam féin; ach an t-Athair a chuir uaith mi, thug e àithne dhomh, ciod a theirinn, agus ciod a labhairinn.

50 Agus tha fhios agam gur beatha mhair-eannach 'àithne-san: air an aobhar sin na nithean a tha mi a' labhairt, mar thubhairt an t-Athair rium, mar sin tha mi a' labhairt.

CAIB. XIII.

1 Nìgh Criosd rosan nan deisciobul, 13 dh'earlaich e orra 'bhi iriosal agus seirveil; 18 dh'innis e roimh-làmh, agus dh'fhoillsich e do Eoin le comharadh, gu'm b'e Iudas a bhrathadh e; 31 thug e àithne dhoibh iad a ghràdhachadh a chèile; 36 agus roimh-innis e do Pheadar gu'n robh e gu esan àicheadh.

A NIS roimh fhéill na càisge, air do Iosa fios a bhi aige gu'n robh 'uair air teachd, anns an rachadh e as an t-saoghail so chum an Athar, air dha a mhuinntir féin a bha anns an t-saoghail a ghràdhachadh, ghràdhaich e gus a' chrìch iad.

2 Agus an uair a bha 'n t-suipeir thairis, (air do'n diabhul a nis a chur 'an cridhe

Iudais Iscarioit, *mhic* Shimon, esan a bhrath.)

3 Air aithneachadh do Iosa gu'n d'thug an t-Athair na h-uile nithean 'n a làmh-an, agus gur ann o Dhia a thàinig e, agus gur ann a dh'ionnsuidh Dhé a bha e 'dol;

4 Dh'éirich e o 'shuipeir, agus chuir e dheth 'fhalluin, agus ghlac e làmh-anart, agus ceangail e uime e.

5 'N a dhéigh sin, thaom e uisge ann an soitheach-ionnlaid, agus thòisich e air cosan nan deisciobul ionnlad, agus an tiormachadh leis an làmh-anart a bha ceangailte uime.

6 An sin thàinig e gu Simon Peadar: agus thubhairt esan ris, A 'Thighearn', am bheil thusa ag ionnlad mo chosan-sa?

7 Fhreagair Iosa agus thubhairt e ris, An ni so a tha mi 'deanamh cha-n aithne dhuitse a nis; ach bithidh fios agad air an déigh so.

8 Thubhairt Peadar ris, Cha nìgh thu mo chosan-sa gu bràth. Fhreagair Iosa e, Mur nìgh mi thu, cha-u'eil cuid agad maìlle rium.

9 Thubhairt Simon Peadar ris, A Thighearna, cha-n iad mo chosan a mhàin, ach mar an ceudna mo làmh-an agus mo cheann.

10 Thubhairt Iosa ris, An ti a tha air ionnlad, cha-n'eil feum aige ach a chosan ionnlad, ach tha e gu h-ionmhan glan: agus tha sibhse glan, ach cha-n'eil sibh uile glan.

11 Oir bha fhios aige cò a bhrathadh e; uime sin thubhairt e, Cha-n'eil sibh uile glan.

12 An sin, an déigh dha an cosan ionnlad, agus 'fhalluin a ghabhail d'a ionnsuidh, shuidh e a ris, agus thubhairt e riu, Am bheil fhios agaibh ciod a rinn mi dhuibh?

13 Tha sibh a' gairm Maighistir, agus Tighearn dhiom-sa: agus tha sibh ag ràdh gu maith; oir is mi sin.

14 Uime sin ma dh'ionnlaid mise, bhur Tighearn agus bhur Maighistir, bhur cosan-sa, is còir dhuibh-sa mar an ceudna cosan a chèile ionnlad.

15 Oir thug mi eisempleir dhuibh, chum mar a rinn mise dhuibh, gu'n deanadh sibhse mar an ceudna.

16 Gu deimhin deimhin tha mi ag ràdh ribh, Cha mhò an t-òglach na 'mhaighistir, agus cha mhò an teachdair na 'n ti a chuir uaith e.

17 Ma's aithne dhuibh na nithean so, is beannaichte sibh ma ni sibh iad.

18 Cha-n'eil mi 'labhairt oirbh uile: is aithne dhomh cò a thagh mi: ach is éigin an sgrìobtuir a choimhlionadh, An ti a tha 'g itheadh arain maille rium, thog e a shàil a'm' aghaidh.

19 A uis tha mi ag ràdh so ribh mu'n tig e gu crìch, chum, 'n uair a tharlas e, gu'n creid sibh gur mise e.

20 Gu deimhin deimhin tha mi ag ràdh

ribh, an ti a ghabhas ri neach sam bith a chuireas mise uam, gabhaidh e rium-sa; agus an ti a ghabhas rium-sa, gabhaidh e ris an ti a chuir uaith mi.

21 Air do Iosa na nithean so 'ràdh, bha e fo thrioblaid 'n a spiorad, agus rinn e fianuis, agus thubhairt e, Gu deimhin deimhin tha mi ag ràdh ribh, gu'm brath aon agaibh mise.

22 An sin dh'amhaire na deisciobuil air a chéile, fo amharus co uime a labhair e.

23 A nis bha aon d'a dheisciobluibh, 'n a luidhe 'an uchd Iosa, neach a b'ionmhuinn le Iosa.

24 Air an aobhar sin smèid Simon Peadar airsan, gu'm feòraicheadh e co uime a labhair e.

25 An sin air dhàsan aomadh ri uchd Iosa, thubhairt e ris, A Thighearna cò e?

26 Fhreagair Iosa, Is e an ti sin e, d'an toir mise an greim, an déigh dhomh a thumadh. Agus an uair a thum e an greim, thug se e do Iudas Iscariot, *mac Shimoin*.

27 Agus an sin an déigh a' ghreama, chaidh Sàtan a steach ann-san. An sin thubhairt Iosa ris, An ni a tha thu a' deanamh, dean gu grad e.

28 A nis cha do thuig aon diubh-san a bha 'n an suidhe air a' bhòrd c'ar son a thubhairt e so ris.

29 Oir shaoil cuid diubh, a chionn gu'n robh an sporan aig Iudas, gu'n dubhairt Iosa ris, Ceannaich *na nithean* a tha dh'uir-easbhuidh oirm chum na féile; no gu'n tugadh e ni-éigin do na bochdaibh.

30 An sin an déigh dhàsan an greim a ghabhail, chaidh e mach air ball; agus bha'n oidheche ann.

31 Uime sin, 'n uair a chaidh esan a mach, thubhairt Iosa, A nis tha Mac an duine air a ghlòrachadh, agus tha Dia air a ghlòrachadh ann.

32 Ma tha Dia air a ghlòrachadh ann, glòraichidh Dia esan mar an ceudna ann féin, agus air ball glòraichidh se e.

33 A chlann bheag, fathast ùine bheag tha mise maille ribh. Iarraidh sibh mi: agus mar a thubhairt mi ris na h-Iudhaich, Do'n àite d'an téid mise, cha-n'eil e 'n comas duibhse teachd; mar sin tha mi ag ràdh ribhse nis.

34 Aithne nuadh tha mi 'toirt dhuibh, Gu'n gràdhaich sibh a chéile; mar a ghràdhaich mise sibhse, gu'n gràdhaich sibh féin a chéile mar an ceudna.

35 Le so aithnichidh na h-uile dhaoine gur sibh mo dheisciobuil-sa, ma bhios gràdh agaibh féin d'a chéile.

36 Thubhairt Simon Peadar ris, A Thighearna, c'ait an téid thu? Fhreagair Iosa e, Do'n àite d'an téid mise, cha-n urrainn thusa nis mo leantuinn; gidheadh leanaidh tu mi 'n a dhéigh so.

37 Thubhairt Peadar ris, a Thighearna,

c'ar son nach urrainn mi do leantuinn a nis? Leigidh mi sìos m'anam air do shon.

38 Fhreagair Iosa e, An leig thu d'anam sìos air mo shonsa? Gu deimhin deimhin tha mi ag ràdh riut, Nach goir an coileach, gus an àicheadh thu mi tri uairean.

CAIB. XIV.

1 *Thug Crìosd comhfhurtachd d'a dheisciobluibh le dòchas fhlaitheanas: 6 dh'innis e gur e féin an t-slighe, an fhìrinn, agus a' bheatha, agus gur aon e féin agus an t-Athair: 13 thug e fios doibh gu'm bi an urnuighean 'n a ainm-san éifeachdach. 16 Gheall e an spiorad naomh dhoibh.*

NA bitheadh bhuir cridhe fo thrioblaid: tha sibh a' creidsinn ann an Dia, creidibh annam-sa mar an ceudna.

2 Ann an tigh m'Athar-sa tha iomadh àite-còmhnuidh: mur bitheadh e *mar sin*, dh'innisinn-sa dhuibh. Tha mi 'dol a dh'ulluchadh àite dhuibh.

3 Agus ma théid mi agus gu'n ulluich mi àite dhuibh, thig mi ris, agus gabhaidh mi sibh a m' ionnsuidh féin; chum far am bheil mise, gu'm bi sibhse mar an ceudna.

4 Agus is aithne dhuibh c'ait am bheil mi 'dol, agus is aithne dhuibh an t-slighe.

5 Thubhairt Tomas ris, A Thighearna, cha-n'eil fhios againn c'ait am bheil thu 'dol; agus cionnus a dh'fheudas eòlas na slighe 'bhi againn?

6 Thubhairt Iosa ris, Is mise an t-slighe, agus an fhìrinn, agus a' bheatha: cha tig aon neach chum an Athar ach tromhas.

7 Nam b'aithne dhuibh mise, b'aithne dhuibh m'Athair mar an ceudna: agus á so suas is aithne dhuibh e, agus chunnaic sibh e.

8 Thubhairt Philip ris, A Thighearna foillsich an t-Athair dhuinne, agus is leoir leinn e.

9 Thubhairt Iosa ris, Am bheil mise ùine co fhada maille ribh, agus nach aithne dhuit fathast mi, Philip? an ti a chunnaic mise, chunnaic e 'n t-Athair; agus cionnus a tha thu ag ràdh, Foillsich an t-Athair dhuinn?

10 Nach 'eil thu 'creidsinn gu bheil mise anns an Athair, agus an t-Athair annam-sa? na briathran a tha mi 'labhairt ribh, cha-n ann uam féin a tha mi 'g an labhairt: ach an t-Athair, a tha 'gabhail còmhnuidh annam-sa, tha esan a' deanamh nan oibre.

11 Creidibh mise gu bheil mi anns an Athair, agus an t-Athair annam-sa; no, creidibh mi air son nan oibre féin.

12 Gu deimhin deimhin tha mi ag ràdh ribh, An ti a chreideas annam-sa, na h-oibre a tha mise a' deanamh, ni esan mar an ceudna; agus ni e *oibre* a's mò na iad so, do bhrìgh gu bheil mise 'dol chum m'Athar.

13 Agus ge b'e ni a dh'iarras sibh a'm ainm-sa, ni mise sin: chum gu'm bi an t-Athair air a ghlòrachadh anns a' Mhac.

14 Ma dh'iarraas sibh ni air bith a'm' ainm-sa, ni mise e.

15 Ma's toigh leibh mise, coimhidibh m'aitheantan:

16 Agus guidhidh mise an t-Athair, agus bheir e dhuibh Comhfhurtair eile, chum gu'm fan e maille ribh gu bràth;

17 Spiorad na firinn; ueach uach urrainn an saoghal a ghabhail, do bhrìgh nach 'eil e 'g a fhaicinn, agus uach aithne dha e: ach is aithne dhuibhse e, oir tha e 'fantuinn maille ribh, agus bithidh e annaibh.

18 Cha-n fhàg mi sibh 'n 'ur dilleachdain; thig mi do 'ur n-ionnsuidh.

19 Samull beag fathast, agus cha-n fhaic an saoghal mi tuilleadh; ach chi sibhse mi: do bhrìgh gu bheil mise beò, bithidh sibhse beò mar an ceudna.

20 Anns an là sin bithidh fios agaibh gu bheil mise ann am Athair, agus sibhse annam-sa, agus mise annaibh-sa.

21 An ti aig am bheil m'aitheantan-sa, agus a tha 'g an coimhead, is esan aig am bheil gràdh dhomh-sa; agus an ti aig am bheil gràdh dhomh-sa, gràdhaichear le m' Athair e, agus gràdhaichidh mise e, agus foillsichidh mi mi féu da.

22 Thubhairt Iudas, (cha-u e Iscariot,) ris, A Thighearn, c'ar son a dh'foillsicheas tu thu féin dhuinne, agus nach dean thu sin do'u t-saoghal?

23 Fhreagair Iosa agus thubhairt e ris, Ma ghràdhaicheas neach mise, coimhididh e m' fhocal: agus gràdhaichidh m' Athair esan, agus thig sinu d'a ionnsuidh, agus ui sinu còmhnuidh maille ris.

24 Au ti uach gràdhaich mise, cha choimhid e mo bhriathra: agus am focal a tha sibh a' cluinntinn, cha leam-sa e, ach leis an Athair a chuir uaith mi.

25 Na nithean so labhair mi ribh, air dhomh bhi m' còmhnuidh maille ribh:

26 Ach au Comhfhurtair, au Spiorad naomh, a chuireas an t-Athair uaith a'm' ainm-sa, teagaisgidh esan dhuibh na h-uile uithean, agus cuiridh e'u cuimhne dhuibh na h-uile uithean a labhair mise ribh.

27 Tha ui 'fagail sìthe agaibh, mo shith-sa a tha mi 'toirt duibh: cha-n ann mar a bheir an saoghal, a tha mise 'toirt duibh. Na bitheadh bhuir cridhe fo thrioblaid, agus na bitheadh eagal air.

28 Chuala sibh mar thubhairt mi ribh, Tha mi 'falbh, agus thig mi ris do 'ur n-ionnsuidh. Nam bitheadh gràdh agaibh dhomh-sa, bhitheadh aoibhneas oirbh, a chionn gu'n dubhairt mi, Tha mi 'dol chum an Athair: oir is mò m' Athair na mise.

29 Agus a nis dh'innis mi dhuibh so roimh dha teachd gu crìch, 'chum, 'u uair a thig e gu crìch, gu'n creideadh sibh.

30 A so suas cha labhair mi mòraibh: oir tha uachdaran an t-saoghail so a' teachd, agus cha-u'eil ui air bith aige annam-sa.

31 Ach a chum gu'm bi fios aig an t-saoghal gur ionmhuinn leam an t-Athair; agus mar a thug an t-Athair a' thne dhomh, mar sin tha mi a' deauamh. Eiribh, rachamaid á so.

CAIB. XV.

1 An sòlas a tha aig deiseibluibh Chriosd: 9 an gràdh agus an coimheangal a tha eadar iad agus ean. 18 Comhfhurtachd fo fhuath agus gheur-leamhuinn an t-saoghail so. 26 Dreuchd an Spioraid naomh, agus nan abstol.

IS mise an fhionain fhìor, agus is e m' Athair an treabhaiche.

2 Gach uile gheug annam-sa uach 'eil a' giùlaidh toraidh, bheir e air falbh; agus gach uile gheug a tha 'labhairt toraidh, glanaidh e i, chum gu'n giùlain i tuilleadh toraidh.

3 A nis tha sibhse glan tre an fhocal: labhair mi ribh.

4 Fanaibh annam-sa, agus mise annaibh-sa. Mar nach urrainn a' gheug toradh a thoirt uaiphe féin, mur fan i's an fhionain, cha mhò is urrainn sibhse, mur fan sibh annam-sa.

5 Is mise an fhìouain, sibhse ua geugan: an ti a dh'fhanas annam-sa, agus mise annsan, bheir esan mòr-thoradh uaith; oir as m' eug-mhais-sa cha-u urrainn sibh aon ni a dheanamh.

6 Mur fan neach annam-sa, tha e air a thilgeadh a mach mar ghéig, agus air crìonadh: agus tionailidh daoine iad, agus tilgidh iad 's an teine iad, agus loisgear iad.

7 Ma dh'fhanas sibh annam-sa, agus ma dh'fhanas m'fhocal-sa annaibh-sa, iarraidh sibh gach ni a's àill leibh, agus nithear dhuibh e.

8 An so tha m' Athair-sa air a ghlòrachadh, gu'n toir sibhse mòr-thoradh uaibh; agus bithidh sibh 'n 'ur deisciobuil dhomh-sa.

9 Mar a ghràdhaich an t-Athair mise, mar sin ghràdhaich mise sibhse: fanaibh ann am ghràdh-sa.

10 Ma choimhideas sibh m'aitheantan, fanaidh sibh ann am ghràdh; mar a choimhidh mise aitheantan m' Athair, agus a tha mi a' fantuinn 'n a ghràdh.

11 Na nithean so labhair mi ribh, chum gu'm fanadh mo ghaireachas annaibh, agus gu'm bitheadh bhuir gaireachas-sa làn.

12 Is i so m' aithne-sa, gu'n gràdhaich sibhse a chéile, mar a ghràdhaich mise sibhse.

13 Gràdh a's mò na so cha-n'eil aig ueach air bith, gu'n leigeadh duine 'anam sìos air son a chairdeau.

14 Is sibhse mo chairdeau-sa, ma ui sibh gach ni a tha mi ag aithneadh dhuibh.

15 A so suas cha ghairm mi seirbhisich dhibh; oir cha-n aithne do'n t-seirbhisach ciod a tha a Thighearn a' deanamh: ach ghairm mi càirdeau dhibh; oir ua h-uile uithean a chuala mi o m' Athair, thug mi fios dhuibhse orra.

16 Cha sibhse a thagh mise, ach is mise a thagh sibhse, agus dh'orduich mi sibh, chum gu'n rachadh sibh, agus gu'n tugadh sibh a mach toradh, agus gu maireadh bhur toradh: chum ge b'e ni a dh'iarras sibh air an Athair ann am ainm-sa, gu'n toir e dhuibh e.

17 Tha mi 'g àithneadh nan nithean so dhuibh, chum gu'n gràdhaidh sibh a chéile.

18 Ma tha an saoghal 'g'ur fuathachadh, tha fhios agaibh gu'n d'fhuathaich e mise roimhbh.

19 Nam b'ann de'n t-saoghal sibh, ghràdhaidh an saoghal a chuid féin: ach do bhrìgh nach ann de'n t-saoghal sibh, ach gu'n do thagh mise sibh as an t-saoghal, uime sin tha fuath aig an t-saoghal duibh.

20 Cuimhnichibh am focal a thubhairt mi ribh, Cha-n'eil an seirbhiseach nìs mò na a Thighearn. Ma riun iad geur-leannhuinn ormsa, ni iad geur-leannhuinn oirbhse mar an ceudna: ma choimhid iad m'fhocal-sa, coimhididh iad bhur focal-sa mar an ceudna.

21 Ach na nithean so uile ni iad oirbh air son m'ainme-sa, do bhrìgh nach aithne dhoibh esan a chuir uaith mi.

22 Mur bithinn-sa air teachd, agus air labhairt riu, cha bhitheadh peacadh aca: ach a nis cha-n'eil leithsgeul am peacadh aca.

23 An ti aig am bheil fuath dhomh-sa, tha fuath aige do m'Athair mar an ceudna.

24 Mur bithinn-sa air deanamh nan oibre 'n am measg nach d'rinn aon neach eile, cha bhitheadh peacadh aca: ach a nis chunnaic siad iad, agus dh'fhuathaich iad araon mise agus m'Athair.

25 Ach rinneadh so chum gu'n coimhlionadh am focal a tha sgrìobhta 'n an lagh féin, Dh'fhuathaich iad mi gun aobhar.

26 Ach an uair a thig an Comhfhurtair, a chuireas mise do 'urn-ionnsuidh o'n Athair, Spiorad na firinn, a tha 'teachd a mach o'n Athair, ni esan fianuis mu m' thimchioll-sa.

27 Agus ni sibhse fianuis mar an ceudna, do bhrìgh gu bheil sibh maille rium o thùs.

CAIB. XVI.

1 *Thug Crìosd comhfhurtachd d'a dheiscioblaibh an aghaidh trioblaid le gealladh an Spioraid naomh, agus 'aiseirigh féin agus a dhòs suas air nèamh; 23 thug e cinnte dhoibh gu'm bi na h-urruighean a nìhear 'n a ainm-san taitneach d'a Athair; 33 tha sìth ann an Crìosd, ach anns an t-saoghal, trioblaid.*

NA nithean so labhair mi ribh, chum nach faigheadh sibh oillbheum.

2 Cuiridh iad as an t-sionagóg sibh: seadh, thig an uair, ge b'e neach a mharbhas sibh, gu'n saoil e gu bheil e 'deanamh seirbhis do Dhia.

3 Agus ni iad na nithean so, do bhrìgh nach aithne dhoibh an t-Athair, no mise.

4 Ach dh'innis mi na nithean so dhuibh, chum 'n uair a thig an t-àm, gu'n cuimhnich sibh gu'n d'innis mi dhuibh iad. Ach cha

dubhairt mi na nithean so ribh o thùs, do bhrìgh gu'n robh mi maille ribh.

5 Ach a nis tha mi 'dol chum an ti a chuir uaith mi; agus cha-n'eil a h-aon agaibh-sa a' feòraich dhìom, C'àit a bheil thu 'dol?

6 Ach a chionn gu'n dubhairt mi nan nithean so ribh, lion dubh-bhròn bhur eridhe.

7 Gidheadh tha mi ag innseadh dhuibh na firinn, Is buannachd dhuibh mise a dh'fhalbh: oir mur fhalbh mi, cha tig an Comhfhurtair do 'urn-ionnsuidh-sa; ach ma dh'fhalbh mi, cuiridh mi esan do 'ur n-ionnsuidh.

8 Agus an uair a thig esan, bheir e dearbh-shoilleireachd do'n t-saoghal mu pheacadh, agus mu fhìreantachd, agus mu bhreith-eanas:

9 Mu pheacadh, do bhrìgh nach 'eil iad a' creidsinn annam-sa;

10 Mu fhìreantachd, do bhrìgh gu bheil mi 'dol a dh'ionnsuidh m'Athar, agus nach faic sibh nìs mò mi;

11 Mu bhreitheanas, a chionn gu bheil uachdaran an t-saoghail so air a dhìtheadh.

12 Tha mòran nithean agam fathast ri ràdh ribh, ach cha-n urrainn sibh an giùlan an tràth so.

13 Ach an uair a thig esan, Spiorad na firinn, treòraichidh e sibh chum gach uile fhìrinn: oir cha labhair e uaith féin: ach labhraidh e na h-uile nithean a chluinneas e; agus foillsichidh e dhuibhse nithean a tha ri teachd.

14 Bheir esan glòir dhomh-sa: oir gheibh e de m' chuid-sa, agus nochdaidh e dhuibhse e.

15 Na h-uile nithean a tha aig an Athair, is leam-sa iad: air an aobhar so thubhairt mi, gu'm faigh e de m' chuid-sa, agus nochdaidh e dhuibhse e.

16 Tamull beag agus cha-n fhaic sibh mi; agus a ris, tamull beag agus chi sibh mi, do bhrìgh gu bheil mi 'dol chum an Athar.

17 An sin thubhairt cuid d'a dheiscioblaibh eatorra féin, Ciod e so a tha e ag ràdh ruinn, Tamull beag agus cha-n fhaic sibh mi: agus a ris, tamull beag agus chi sibh mi: agus, Do bhrìgh gu bheil mi 'dol chum an Athar?

18 Air an aobhar sin thubhairt iad, Ciod e so a tha e ag ràdh, Tamull beag? Cha-n'eil sinne a' tuigsinn ciod a tha e ag ràdh.

19 A nis dh'aithnich Iosa gu'n robh toil aca fheòraich dheth, agus thubhairt e riu, Am bheil sibh a' feòraich 'n 'ur measg féin mar a thubhairt mi, Tamull beag agus cha-n fhaic sibh mi: agus a ris, tamull beag agus chi sibh mi?

20 Gu deimhin deimhin tha mi ag ràdh ribh, gu'n dean sibhse gul agus caoidh, ach ni an saoghal gairdeachas: agus bithidh sibhse do-bhrònach, ach pillcar bhur bròn gu gairdeachas.

21 'N uair a bhitheas bean ri saothair-chloinne, bithidh i fo dhoilgheas, chionn gu

bheil a h-uair air teachd: ach an uair a bheircas i an leanabh, cha chuimhnich i a b-àmhghar ni's mò, tre aoibhneas gu'n d'rugadh duine chum an t-saoghail.

22 Agus tha nis uime sin doilgheas oirbhe: ach chi mise a rìs sibh, agus ni bhuiridhe gairdeachas, agus bhuir gairdeachas cha bhuin neach air bith uaihbh.

23 Agus air au là sìu cha-n' fheadraich sibh ni air bith dhiom-sa: Gu deimhin deimhin tha mi ag ràdh ribh, Ge b'e nithean a dh'iarras sibh air an Athair ann am ainm-sa, gu'n toir e dhuibh iad.

24 Gus a so cha d'iarr sibh ni air bith ann am ainm-sa: iarraibh, agus gheibh sibh, chum gu'm bi bhuir na-aoibhneas làu.

25 Na nithean so labhair mi ribh ann am briathraibh dorchas: ach thig an uair anns nach labhair mi ni's mò ribh ann am briathraibh dorchas, ach innsidh mi gu soilleir mu'n Athair dhuibh.

26 Anns an là sin iarraidh sibh a'm' ainm-sa: agus cha-n'eil mi ag ràdh ribh, gu'n guidh mi an t-Athair air bhuir son:

27 Oir is toigh leis an Athair féin sibh, air son gu'n d'thug sibh gràdh dhomh-sa, agus gu'n do chreid sibh gur ann o Dhia a thàinig mi.

28 Thàinig mi mach o'n Athair, agus tha mi air teachd chum an t-saoghail: a rìs, tha mi 'fagail an t-saoghail, agus a' dol chum an Athair.

29 Thubhairt a dheisciobuil ris, Feuch, a nis tha thu 'labhairt gu soilleir, agus cha-n'eil thu labhairt cosamlachd air bith.

30 A nis tha fhios againn gur aithne dhuit na h-uile nithean, agus nach feum thu duine air bith a dh'fheadraich dhìot: air a shon so tha sinn a' creidsinn gur ann o Dhia a thàinig thu.

31 Fhregair Iosa iad, Am bheil sibh a nis a' creidsinn?

32 Feuch, thig an t-àm, seadh, tha e cheana air teachd, anns an sgapar o 'chéile sibh, ga h-aon g'a ionad féin, agus anns am fàg sibh mise a'm' aonar: gidheadh cha-n'eil mise a'm' aonar, oir tha an t-Athair maille riu n.

33 Na nithean so labhair mi ribh, chum gu'n bitheadh sìth agaibh annam-sa. Anns an t-saoghail bithidh àmhghar agaibh: ach bitl eadh deadh mhisneach agaibh, thug mise buaidh air an t-saoghail.

CAIB. XVII.

1 *Tha Crìosd a' deanamh urnuigh r'a Athair gu'n glòraicheadh se e, 6 gu'n coimhreachadh e 'a istoil, 11 ann an aonachd, 17 agus anns an fhìrinn; 20 gu'n glòraicheadh e iad, agus na h-uile chreidmheil maille ris féin air nèamh.*

I ABHAIR Iosa na briathran so; agus thog e suas a shùilean gu nèamh, agus thubhairt e, Athair, thàinig an uair; gioraich do Mhac, chum gu'n glòraich do Mhac thusa mar an ceudna:

2 Chum mar a thug thu cumhachd dha air gach feoil, na h-uile a thug thu dha, gu'n tugadh esan dhoibh a' bheatha mhaireannach.

3 Agus is i so a' bheatha mhaireannach, eòlas a bhi aca ortsa an t-aon Dia fìor, agus air Iosa Crìosd a chuir thu uait.

4 Ghlòraich mise thusa air thalamh: chrìochnaich mi 'n obair a thug thu dhomh r'a dheanamh.

5 Agus a nis, Athair, glòraich thusa mise maille riut féin, leis a' ghlòir a bha agam maille riut mu'n robh an saoghal ann.

6 Dh'fhoillsich mise d'ainm do na daoinibh a thug thu dhomh as an t-saoghail: bu leatsa iad, agus thug thu dhomh-sa iad; agus choimhid iad d'fhocal.

7 A nis thuig iad gur ann uait a tha na h-uile nithean, a thug thu dhomh-sa.

8 Oir thug mi dhoibh na briathran a thug thusa dhomh; agus ghabh siad iad, agus thuig iad gu fìrinneach gur ann uait-sa 'thàinig mi, agus chreid iad gu'n do chuir thu uait mi.

9 Air an sonsan tha mi 'guidhe: cha-n'eil mi 'guidhe air son an t-saoghail, ach air son na muinntir sin a thug thu dhomh, oir is leat-sa iad.

10 Agus is leatsa na h-uile nithean a's leamsa, agus is leamsa na nithean a's leatsa; agus tha mi air mo ghlòrachadh anna.

11 Agus a nis cha-n'eil mise ni's mò anns an t-saoghail, ach tha iadsan 's an t-saoghail, agus tha mise a' teachd a d' ionnsuidh-sa. Athair naomh, coimhid iadsan tre d'ainm, a thug thu dhomh-sa, chum gu'm bi iad 'n an aon, mar a tha sinne.

12 Am feadh 's a bha mise maille riu anns an t-saoghail, choimhid mi iad tre d'ainm-sa: ghlèidh mi a' muinntir a thug thu dhomh, agus cha do chailleadh a h-aon diubh, ach mac an sgrìos; chum gu'm bith-eadh an sgrìobtuir air a choimhlionadh.

13 Agus a nis tha mi 'teachd a d'ionnsuidh-sa; agus tha mi 'labhairt nan nithean so anns an t-saoghail, chum gu'm bitheadh nio ghairdeachas aca air a choimhlionadh anna.

14 Thug mi d'fhocal dhoibh; agus thug an saoghal fuath dhoibh, air son nach ann de'n t-saoghail iad, mar nach 'eil mise de'n t-saoghail.

15 Cha-n'eil mi 'guidhe gu'n tugadh tu as an t-saoghail iad, ach gu'n coimhidcadh tu o'n ole iad.

16 Cha-n'eil iadsan de'n t-saoghail, mar nach 'eil mise de'n t-saoghail.

17 Naomhaich iad troimh an fhìrinn: is e d'fhocal-sa an fhìrinn.

18 Mar a chuir thusa mise chum an t-saoghail, mar sin chuir mise iadsan chum an t-saoghail.

19 Agus air an sonsan tha mise ga m' naomhachadh féin, chum gu'm bi iadsan

mar an ceudna air an naomhachadh troimh an fhìrinn.

20 Agus cha-n'cil mi 'guidhe air an sonsan a mhaìn, ach mar an ceudna air son na muinntir sin a chrideas annam-sa troimh am focal-san:

21 Chum gu'm bi iad uile 'n an aon; chum mar a tha thusa, Athair, annam-sa, agus mise annad-sa, gu'm bi iadsan mar an ceudna 'n an aon annainne; chum gu'n creid an saoghal gu'n do chuir thusa uait mi.

22 Agus thug mise dhoibh-san a' ghlòir a thug thusa dhomh-sa chum gu'm bi iad 'n an aon, mar tha sinne 'n ar n-aon;

23 Mise anna-san, agus thusa annam-sa, chum gu'n deanar coimhlionta iad ann an aon; agus a chum gu'm bi fios aig an t-saoghal gu'n do chuir thusa uait mi, agus gu'n do ghràdhaich thu iadsan, mar a ghràdhaich thu mise.

24 Athair, is àill leam an dream a thug thu dhomh, gu'm bi iad maille rium, far am bheil mi; chum gu'm faic iad mo ghlòir a thug thu dhomh: oir ghràdhaich thusa mi mu'n do leagadh bunaitan an domhain.

25 Athair chothromaich, cha b'aithne do'n t-saoghal thusa; ach b'aithne dhomh-sa thu, agus thuig iad so gu'n do chuir thusa uait mi.

26 Agus dh'fhoillsich mise d'ainm dhoibh, agus foillsichidh mi e, chum gu'm bi an gràdh leis an do ghràdhaich thu mise, anuta-san, agus mise anna.

CAIB. XVIII.

1 *Bhrath Iudas Iosa.* 6 *Thuit na maoir sìos air an talamh.* 10 *Gheurr Peadar cluas Mhacchais dheth.* 12 *Ghlac na maoir Iosa, agus thug iad gu Annas agus Caiaphas e.* 15 *Aicheadh Pheadair.* 19 *Chaidh Crìosd a cheisnachadh an làthair Chaiaphais.* 40 *Dh'èarr na h-Iudhaich Barabas.*

NUAIR a labhair Iosa na briathran so, chaidh e maille r'a dheisciobluibh thairis air sruth Chedroin, far an robh lios, anns an deachaidh e féin agus a dheisciobuil.

2 Agus b'aithne do Iudas, a bhrath esan, an t-àit: oir thàinig Iosa gu tric an sin maille r'a dheisciobluibh.

3 An sin air do Iudas buidheann agus maoir fhaotainn o na h-àrd-shagartaibh agus na Phairisich, thàinig e do'n àit sin le leusaibh, agus lòchranaibh, agus armaibh.

4 Uime sin air do Iosa fios a bhi aige air na h-uile nithibh a bha gu teachd air, chaidh e mach, agus thubhairt e riu, Cò a tha sibh ag iarraidh?

5 Fhreagair iadsan e, Iosa o Nasaret. Thubhairt Iosa riu, Is mise e. Agus sheas mar an ceudna Iudas, a bhrath esan, maille riu.

6 An sin co luath 's a thubhairt e riu, Is mise e, chaidh iad air an ais, agus thuit iad air an làr.

7 An sin dh'fheòraich e dhiubh a ris, Cò a tha sibh ag iarraidh? Thubhairt iadsan, Iosa o Nasaret.

8 Fhreagair Iosa, Thubhairt mi ribh gur mise e. Uime sin ma's mise 'tha sibh ag iarraidh, leigibh leo sin falbh:

9 Chum gu'n coimhliontadh am focal a labhair e, An dream a thug thu dhomh, cha do chaill mi aon diubh.

10 An sin air do Shimon Peadar claidheamh a bhi aige, tharruing se e, agus bluail e òglach an àrd-shagairt, agus ghearr e a' chluas dheas deth. Agus b'e ainm an òglach Malchus.

11 An sin thubhairt Iosa ri Peadar, Cuir do chlaidheamh 's an truail: an cupan a thug m' Athair dhomh-sa, nach òl mi e?

12 Au sin rug a' bhuidheann, agus an ceannard, agus maoir nan Iudhach air Iosa, agus cheangail iad e,

13 Agus thug iad leo e air tùs gu Annas; (oir b'esan athair-céile Chaiaphais, a bha 'n a àrd-shagart air a' bhliadhna sin.)

14 A nis b'e Caiaphas a thug comhairle do na h-Iudhaich, gu'm b'iomchuidh gu'm faigheadh aon duine bàs air son an t-sluaigh.

15 Agus lean Simon Peadar agus deiseibul eile Iosa. B'aithne do'n àrd-shagart an deiseibul sin, agus chaidh e steach maille ri Iosa do chùirt an àrd-shagairt.

16 Ach sheas Peadar aig an doras an leth muigh. Uime sin chaidh an deiseibul sin eile a b'aithne do'n àrd-shagart a mach, agus labhair e ris a' bhan-dorsair, agus thug e Peadar a steach.

17 An sin thubhairt a' bhanoglach a bha 'gleidheadh an doruis ri Peadar, Nach ann de dheisciobluibh an duine so thusa mar an ceudna? thubhairt esan, Cha-n ann.

18 Agus bha na seirbhisich agus na maoir 'n an seasamh, air dhoibh teine guail a chur suas, oir bha'm fuachd ann, agus bha iad 'g an garadh féin: agus bha Peadar 'n a sheasamh maille riu, agus 'g a gharadh féin.

19 An sin dh'fhiosraich an t-àrd-shagart de Iosa mu thimchioll a dheiseibul, agus mu thimchioll a theagaisg.

20 Fhreagair Iosa e, Labhair mise gu follaiseach ris an t-saoghal; theagaisg mi a ghnàth anns an t-sionagag, agus anns an teampull, far am bheil na h-Iudhaich a' cruiuneachadh as gach àit; agus 'am folach cha do labhair mi ni air bith.

21 C'ar son a tha thu a' fiosrachadh dhiom-sa? Fiosraich dhiubh-san a chuala, ciod a thubhairt mi riu: feuch, tha fhios aca-san ciod a thubhairt mi.

22 Agus an uair a thubhairt e na nithean so, bhuail aon de ua maoiraibh, a bha 'n a sheasamh a làthair, a bhas air Iosa, ag ràdh, An ann mar so a fhreagras tu an t-àrd-shagart?

23 Fhreagair Iosa e, Ma labhair mi gu

h-olc, dean fianuis air an olc: ach ma's ann gu maith, c'ar son a' thathu ga m' bhualadh?

24 (A nis chuir Annas e c'cangailte gu Caiaphas an t-ard-shagart.)

25 Agus bha Simou Peadar 'n a sheasamh agus 'g a gharadh: Uime sin thubhairt iad ris, Nach aon d'a dheisciobluibh thusa mar an ceudna? Dh'àicheadh esan, agus thubhairt e, cha mhi.

26 Thubhairt aon de sheirbhisich an àrd-shagairt, (caraid do'n fhear de'n do ghearr Peadar a chluas,) Nach faca mise thu 's an lios maille ris?

27 An sin dh'àicheadh Peadar a ris, agus air ball ghoir an coileach.

28 Au sin thug iad Iosa o Chaiaphas gu àit a' bhreitheanais: agus b'i a'mhaduinn a bh'ann, agus cha deachaidh iad féin do àit a' bhreitheanais, chum nach bitheadh iad air an salachadh; ach gu'n itheadh iad a' chàisg.

29 An sin chaidh Pilat a mach d'an ionn-suidh-san, agus thubhairt e, Ciod a' chasaid a tha sibh a' toirt an aghaidh an duine so?

30 Fhreagair iadsan agus thubhairt iad ris, Mur b'fhear droch-bheirt e, cha tugamaid thairis dhuitse e.

31 An s'm thubhairt Pilat riu, Gabhaibhse e, agus thugaibh breth air a réir bhuir lagha féin. An sin thubhairt na h-Iudhaich ris, Cha-n'eil e ceaduichte dhuinne neach air bith a chur gu bàs:

32 Chum gu'm bitheadh focal Iosa air a choinnhiouadh, a labhair e, a' ciallachadh ciod a' ghnè bàis a bha e gu faotainn.

33 An sin chaidh Pilat a steach a ris do àit a' bhreitheanais, agus ghairm e Iosa, agus thubhairt e ris, An tusa Rìgh nan Iudhach?

34 Fhreagair Iosa e, Am bheil thu ag ràdh so uait féin, no an d'innis daoine eile dhuit e mu m' thimchioll-sa?

35 Fhreagair Pilat, An Iudhach mise? Thug do chinneach féin, agus na h-àrd-shagartan thairis dhomh-sa thu: ciod a rinn thu?

36 Fhreagair Iosa, Cha-n ann de'n t-saoghal so tha mo rioghachd-sa: nam b'ann de'n t-saoghal so bhitheadh mo rioghachd, dheanadh mo sheirbhisich cogadh, chum nach tugtadh thairis do na h-Iudhaich mi: ach a nis cha-n ann o so tha mo rioghachd.

37 Air an aobhar sin thubhairt Pilat ris, An rìgh thu na seadh? Fhreagair Iosa, Thubhairt thusa gur rìgh mi. 'S ann chum na crìche so a rugadh mi, agus chum na crìche so thàinig mi do'n t-saoghal, chum gu'n deanainn fianuis do'n fhìrinn. Gach neach a tha air taobh na fìrinn, éisdidh e ri m' ghuth-sa.

38 Thubhairt Pilat ris, Ciod i an fhìrinn? Agus air dha so a ràdh, chaidh e mach a

ris chum nan Iudhach, agus thubhairt e riu, Cha-n'eil mise a' faotainn coire air bith ann.

39 Ach tha gnàth agaibhse, gu'n leiginn as duine dhuibh air a' chàisg: uime sin an àill leibh mi a leigeadh rìgh nan Iudhach fa sgaoil duibh?

40 An sin ghlaodh iadsan uile, ag ràdh, Cha-n e an duine so, ach Barabas. A nis b'fhear-reubainn a bha ann am Barabas.

CAIB. XIX.

1 Chaidh Criosd a sgiùrsadh, a chràdh le droighinn, agus a bhualadh. 4 Bha Pilat togarrach a leigeadh fa sgaoil, ach air dha 'bhi air aomadh le gàraich nan Iudhach, thug e thairis e gu 'bhi air a cheusadh. 23 Thug iad croinn air 'eudach: 26 Dh'earb esan a mhàthair ri Eoin: 28 Fhuair e bàs: 38 Dh'adhlac Ioseph agus Nicodemus e.

AN sin air an aobhar sin ghlac Pilat Iosa, agus sgiùrs se e.

2 Agus dh'fhuigh na saighdearan crùn droighinn, agus chuir iad air a cheann e, agus chuir iad falluinn phurpur uime,

3 Agus thubhairt iad, Fàilte ort, a rìgh nan Iudhach! agus bhuail iad le'm bas-aibh e.

4 An sin chaidh Pilat a mach a ris, agus thubhairt e riu, Feuch, tha mise 'g a thoirt a mach do 'ur n-ionnsuidh, chum gu'm bi fios agaibh nach 'eil mise 'faotainn coire sam bith ann.

5 An sin thàinig Iosa mach, agus an crùn droighinn air, agus an fhalluinn phurpur uime. Agus thubhairt Pilat riu, Feuch an duine!

6 Uime sin, an uair a chunnaic na h-àrd-shagartan agus na maoir e, ghlaodh iad, ag ràdh, Ceus e, ceus e. Thubhairt Pilat riu, Gabhaibhse e, agus ceusaibh e: oir cha-n'eil mise a' faotainn coire sam bith ann.

7 Fhreagair na h-Iudhaich e, Tha lagh againne, agus a réir ar lagha-no is coir a chur gu bàs, air son gu'n d'rinn e Mac Dhé dlieht féin.

8 Uime sin an uair a chuala Pilat a' chainnt sin, bu mhòid a bha dh'cagal air;

9 Agus chaidh e steach a ris do àit a' bhreitheanais, agus thubhairt e ri Iosa, Cia as duit? ach cha d'thug Iosa freagradh air.

10 An sin thubhairt Pilat ris, Nach labhair thu riumsa? nach 'eil fhios agad gu bheil cumhachd agam-sa do cheusadh, agus gu bheil cumhachd agam do chur fa sgaoil?

11 Fhreagair Iosa, Cha bhitheadh cumhachd air bith agad a'm' aghaidh-sa, mur tugtadh dhuit o'n àird e: air an aobhar sin an ti a thug mise thairis dhuit, tha aig-san am peacadh a's mò.

12 Agus o sin suas dh'iarr Pilat a chur fa sgaoil: ach ghlaodh na h-Iudhaich, ag ràdh, Ma leigeas tu am fear so fa sgaoil, cha charaid do Chesar thu: ge b'e neach a

tha 'g a dheanamh fèin 'n a rìgh, tha e 'labhairt an aghaidh Cheasair.

13 Uime sin an uair a chuala Pilata' chainnt sin, thug e mach Iosa, agus shuidh e air a' chaithir-bhreitheana, ams an ionad ris an abrar an Leac-ùrlar, ach anns an Eabhra, Gabata.

14 Agus b'e là-ulluchaidh na càisge e, agus mu thimcheòll na seathamh uaire: agus thubhairt e ris na h-Iudhaich, Feuch bhuir rìgh!

15 Ach ghlaodh iadsan a mach, Beir uainn, beir uainn, ceus e. Thubhairt Pilat riut, An ceus mi bhuir rìgh? Fhrcagair na h-àrd-shagartan, Cha-n'èil rìgh againne ach Ceasar.

16 An sin air an aobhar sin thug e thairis dhoibh e, gu 'bli air a cheusadh. Agus ghilac iad Iosa, agus thug iad leo e.

17 Agus chaidh e mach, a' giùlan a chroinn-ceusaidh, do'n ionad d'an goirear àit a' chloiginn, d'an ainm 's an Eabhra, Golgota.

18 An sin cheus iad e, agus dithis eile maille ris, fear air gach taobh, agus Iosa 's a' mheadhon.

19 Agus rinn Pilat mar an ceudna sgrìobhadh, agus chuir e air a' chrann-cheusaidh e. Agus b'e an sgrìobhadh, IOSA O NÀSÀRET RÌGH NÀN IU DHACH.

20 Uime sin leugh mòran de na h-Iudhaich an sgrìobhadh so: oir bha-n t-àit anns an do cheusadh Iosa fagus do'n bhaile: agus bha an sgrìobhadh 'an Eabhra, 'an Greugais, agus 'an Laidin.

21 An sin thubhairt àrd-shagartan nan Iudhach ri Pilat, Na sgrìobh, Rìgh nan Iudhach; ach gu'n dubhairt e fèin, Is mi rìgh nan Iudhach.

22 Fhrcagair Pilat, An ni a sgrìobh mi, sgrìobh mi e.

23 An sin an uair a cheus na saighdearan Iosa, ghlac iad a thrusgan, (agus rinn iad ceithir carrannan, carrann do gach saighdear,) agus a chòta mar an ceudna: agus bha'n còta gun fhuaigheal, air fhligheadh o 'bhràigh sìos gu h-ionnlan.

24 Thubhairt iad uime sin eatorra fèin, Na reubamaid e, ach tilgeamaid croinn air, cò aig a bhitheas e: chum gu'n coimhliontadh an sgrìobtuir, a tha 'g ràdh, Roim iad mo thrusgan eatorra, agus thilg iad croinn air mo bhrat. Air an aobhar sin rinn na saighdearan na nithean so.

25 A nis sheas làmh ri crann-ceusaidh Iosa, a mhàthair, agus piuthar a mhàthar, Muire bean Chleopais, agus Muire Magdalen.

26 Uime sin an uair a chunnaic Iosa a mhàthair, agus an deisciobul a b'ionmhuinn leis 'n a sheasamh a làthair, thubhairt e r'a mhàthair, A bhean, feuch do mhac!

27 An sin thubhairt e ris an deisciobul, Feuch do mhàthair! Agus o'n àm sin a

mach thug an deisciobul sin leis i d'a thigh fèin.

28 An déigh so air do Iosa fios a' bhi aige gu'n robh na h-uile nithean a nis air an crìochnachadh, chum gu'n coimhliontadh an sgrìobtuir, thubhairt e, Tha tart orm.

29 A nis bha an sin soitheach làn de fhìona géur: agus air dhiobh-san spong a lionadh leis an fhìon gheur, agus a chur air l'isop, shìn iad eum a bheoil e.

30 An sin an uair a ghabh Iosa am fion geur, thubhairt e, Tha e crìochnaichte: agus air cromadh a chinn da, thug e suas a spiorad.

31 An sin chum nach fanadh na cuirp air a' chrann-cheusaidh air an t-sàbaid, a chionn gu'm b'e là an ulluchaidh a bha ann, (oir bu là mòr an là sàbaid sin,) dh'iarr na h-Iudhaich air Pilat gu'n rachadh an luirg-nean a bhriseadh, agus gu'n tugtadh air falbh iad.

32 An sin thàinig na saighdearan, agus bhris iad luirg-nean a' cheud fhir, agus luirg-ne an dara fir, a cheusadh maille ris.

33 Ach air dhoibh teachd chum Iosa, an uair a chunnaic iad gu'n robh e cheana marbh, cha do bhris iad a luirg-ne-sau.

34 Ach lo fear de na saighdearailh a thaobh le sleagh, agus air ball thàinig a mach fuil agus uisge.

35 Agus thug an ti a chunnaic sin fianuis, agus tha 'fhianuis fìrinneach: agus tha fhios aige gu bheil e 'labhairt na fìrinne, chum gu'n creideadh sibhse.

36 Oir rinneadh na nithean so chum gu'n coimhliontadh an sgrìobtuir, Cha bhrisear cnàimh dheth.

37 Agus a ris tha sgrìobtuir eile ag ràdh, Amhaircidh iad airsan a lot iad.

38 'N a dhéigh so, dh'iarr Ioseph o Arimatea, (a bha 'n a dheisciobul aig Iosa, ach 'am folach air eagal nan Iudhaich,) air Pilat comas corp Iosa a thoirt leis: agus leig Pilat sin leis. Thàinig e air an aobhar sin, agus thug e leis corp Iosa.

39 Thàinig mar an ceudna Nicodemus, (a thàinig air tùs gu Iosa 's an oidheche,) agus thug e leis mu thimcheòll ceud pund de mhirr agus de aloes air am measgadh feadh a chéile.

40 An sin ghabh iad corp Iosa, agus cheangail iad e ann an lion-cudaichibh, maille ris an spìosraidh, mar is gnàth leis na h-Iudhaich adhlac a dheanamh.

41 A nis bha lios anns an àite 's an do cheusadh e; agus anns an lios uaigh nuadh, anns nach do chuireadh aon duine riamh.

42 Air an aobhar sin air son ulluchaidh càisge nan Iudhach, do bhrìgh gu'n robh an uaigh am fagus, chuir iad Iosa an sin.

CAIB. XX.

1 *Thàinig Muire chum na h-uaghe; 3 agus Peadar agus Eoin, agus iad gun fhios aca air aiseirigh Chriosd. 14 Dh'fhoillsicheadh Criosd do Mhuire Magdalen, 19 agus d'a dheisciobluibh. 24 Mì-chreidimh agus aidmheil Thomais. 30 Tha an sgrìobtuir foghlainteach chum slòinte.*

AIR a' cheud là de'n t-seachdùiu thàinig Muire Magdalen gu moch, agus an dorchadas fathast ann, chum na h-uaghe, agus chunnaic i a' chlach air a togail o'n uaigh.

2 Ruith i an sin, agus thàinig i gu Simon Peadar, agus gus an deisciobul eile a b'ion-mhuinn le Iosa, agus thubhairt i riu, Thug iad leo an Tighearn as an uaigh, agus chan-eil fhios againn c'àit an do chuir iad e.

3 Uime sin chaidh Peadar a mach, agus an deisciobul sin eile, agus thàinig iad chum na h-uaghe.

4 Agus ruith iad 'n an dithis cuideachd: agus ruith an deisciobul eile ni bu làithe na Peadar, agus thàinig e air tùs chum ua h-uaghe.

5 Agus air cromadh sìos da, chunnaic e'n lìon-eudach 'n a luidhe; gidheadh cha deachaidh e steach.

6 An sin thàinig Simon Peadar 'g a leant-riun, agus chaidh e steach do'n uaigh, agus thunnaic e'n lìon-eudach 'n a luidhe;

7 Agus an neapaicin a bha m'a cheann, cha-u ann 'n a luidhe maille ris an lìon-eudach, ach air leth air 'fhilleadh ann an aon àit.

8 An sin chaidh a steach mar an ceudna an deisciobul siu eile a thàinig air tùs chum na h-uaghe, agus chunnaic, agus chreid e.

9 Oir cha do thuig iad fathast an sgrìobtuir, gu'm b'éigin gu'n éireadh esan a ris o na maibh.

10 An sin dh'imich na deisciobuil a ris hum au cuideachd féin.

11 Ach sheas Muire aig an uaigh a muigh, a' gul: agus ag gul di chròir i sìos, *ag amharc* a steach do'n uaigh,

12 Agus chunnaic i dà aingeal ann an *culaidhibh* geala, 'n an suidhe, fear aig a' cheann, agus fear aig na cosaibh, 's an àite 's an robh corp Iosa 'n a luidhe;

13 Agus thubhairt iadsan rithe, A bhean, c'ar son a tha thu 'gul? Thubhairt i riu, Air son gu'n d'thug iad mo Thighearn leo, agus nach 'eil fhios agam c'àit an do chuir iad e.

14 Agus an uair a thubhairt i so, phill i air a h-ais, agus chunnaic i Iosa 'n a sheas-amh, agus cha d'aithnich i gu'm b'e Iosa 'bha ann.

15 Thubhairt Iosa rithe, A bhean, c'ar son a tha thu 'gul? co 'tha thu 'g iarraidh? air saoilsinu d'ise gu'm b'e an gàradair a bh'ann, thubhairt i ris, A thighearna, ma thug

thusa leat e, innis dhomh-sa c'àit an do chuir thu e, agus bheir mise leam e.

16 Thubhairt Iosa rithe, A Mhuire. Air tionndadh dh'ise, thubhairt i ris, Rabboni, 's e sin r'a ràdh, A Mhaighistir.

17 Thubhairt Iosa rithe, Na bean rium; oir cha deachaidh mi fathast suas chum m'Athar: ach imich chum mo bhràithrean, agus abair riu, Tha mise 'dol suas chum m'Athar féin agus bhur n-Athar-se, agus chum mo Dhé féin agus bhur Dé-se.

18 Thàinig Muire Magdalen agus dh'innis i do na deisciobluibh, gu'm fac i an Tighearn, agus gu'n dubhairt e na nithean so rithe.

19 Agus air teachd do'n fheasgar an là sin féin, air a' cheud là de'n t-seachdùiu, agus na dorsan dùinte far an robh na deisciobuil cruinn air eagal nan Iudhach, thàinig Iosa agus sheas e 's a' mheadhon, agus thubhairt e riu, Sìth dhuibh.

20 Agus air dha so a ràdh, nochd e dhoibh a làmhnan agus a thaobh. An sin bha aoibhneas air na deisciobluibh an uair a chunnaic iad an Tighearn.

21 An sin thubhairt Iosa riu a ris, Sìth dhuibh: mar a chuir an t-Athair uaith mise, mar sin tha mise 'g 'ur cur-se uam.

22 Agus air dha so a ràdh, sheid e orra, agus thubhairt e riu, Gabhaibh-se an Spiorad naomh.

23 Cò air bith iad d'am maith sibh am peacaidhean, tha iad maithte dhoibh; agus cò air bith iad d'an cuin sibh am *peacaidhean gun am maitheadh*, tha iad air an cumail.

24 Ach cha robh Tomas, aon de'n dà fhear dheug, d'au gearair Didimus, maille riu, 'u uair a thàinig Iosa.

25 Uime sin thubhairt an deisciobuil eile ris, Chunnaic sinne an Tighearn. Ach thubhairt esan riu, Mur faic mise aileadh nan tairngean 'n a làmhnan, agus mur cuir mi mo mheur ann an aileadh nan tairngean, agus mur cuir mi mo làmh 'n a thaobh, cha chreid mi.

26 Agus 'an ceann ochd làithean 'n a dhéigh sin, bha a dheisciobuil a ris a stigh, agus Tomas maille riu: thàinig Iosa, agus na dorsan dùinte, agus sheas e 's a' mheadhon, agus thubhairt e, Sìth dhuibh.

27 'N a dhéigh sin thubhairt e ri Tomas, Cuir an so do mheur, agus feuch mo làmhnan; agus siu an so do làmh, agus cuir a'm' thaobh i: agus na bi mì-chreidmheach, ach creidmheach.

28 Agus fheagair Tomas, agus thubhairt e ris, Mo Thighearn' agus mo Dhia.

29 Thubhairt Iosa ris, Air son gu faca tu mi, a Thomais, chreid thu: is beannaichte iadsan nach faca, agus a chreid.

30 Agus rinu Iosa gu firinneach mòran de mhòrbhuilibh eile 'am fianuis a dheisciobuil uach 'eil sgrìobhta 's an leabhar so.

31 Ach tha iad so sgrìobhta, chum gu'n creidcadh sibh gur e Iosa an Crìosd Mac Dhé, agus ag creidsinn duibh, gu'm bith-eadh agaihb beatha troimh 'ainm-san.

CAIB. XXI.

1 *Dh'fhoillsich Crìosd e féin a ris d'a dheisciobluibh, agus dh'aithnìcheadh leo e leis an tarruing mhòr éisg; 12 Ghabh e a dhinneir maille riu; 15 thug e sparradh do Pheadar 'uain agus a chaoraich a bhàdhadh; 18 roimh-innis e a bhàs dha, 22 chronuich se e air son a thograidh air fìos fhaotainn mu bhàs Eoin. 25 Comhdhùnachd an leabhair.*

AN déigh nan nithean sin dh'fhoillsich Iosa e féin a ris d'a dheisciobluibh aig muir Thiberiais; agus air an dòigh so nochd se e féin.

2 Bha maille r'a chéile Simon Peadar, agus Tomas d'an goirear Didimus, agus Natanael o Chàna Ghalile, agus mic Shebede, agus dithis eile d'a dheisciobluibh.

3 Thubhairt Simon Peadar riu, Tha mi 'dol a dh'iasgach. Thubhairt iadsan ris, Tha sinne a' dol maille riut. Dh'imich iad a mach, agus chaidh iad a steach do luìng air ball; agus cha do ghlac iad ni air bith an oidhele sin.

4 Ach an uair a bha a' mhaduinn a nis air teachd, sheas Iosa air an tràigh: gidheadh cha robh fhios aig na deisciobluibh gu'm b'e Iosa 'bha ann.

5 An sin thubhairt Iosa riu, A chlann, am bheil biadh air bith agaibh? Fhreagair iadsan e, Cha-n'eil.

6 Agus thubhairt esan riu, Tilgibh an lìon air an taobh deas de'n luìng, agus gheibh sibh. Thilg iad uime sin, agus a nis cha b'urrainn iad a tharruing air son lìonmhoir-eachd an éisg.

7 Uime sin thubhairt an deisciobul sin, a b'ionmhuinn le Iosa, ri Peadar, Is e'n Tighearn a th' ann. A nis an uair a chuala Simon Peadar gur e 'n Tighearn a bh'ann, cheangail e a chòt-uachdair uime, (oir bha e lomnochd,) agus thilg se e féin's a' mhuir.

8 Thàinig na deisciobul eile ann an luìng bhig; (oir cha robh iad fada o thìr, ach mu thimcheall dà cheud lāmh-choille,) a' tarruing an lìn éisg.

9 Uime sin an uair a thàinig iad air tìr, chunnaic iad grìosach an sin, agus iasg air a chur oirre, agus aran.

10 Thubhairt Iosa riu, Thugaibh an so de'n iasg a ghlac sibh a nis.

11 Chaidh Simon Peadar suas, agus tharruing e an lìon gu tìr, làn a dh'iasgaibh mòra, ceud agus leth-cheud agus trì: agus ged bha'n uiread sin ann, cha do bhriseadh an lìon.

12 Thubhairt Iosa riu, Thigibh, gabhaibh bhuir dinneir. Agus cha robh a chridhe aig a h-aon de na deisciobluibh fheòraich dheth, Cò tusa? oir dh'aithnich iad gur e an Tighearn a bha ann.

13 An sin thàinig Iosa, agus ghlac e aran, agus thug e dhoibh e, agus iasg mar an ceudna.

14 Is i so a nis an treas uair a nochd Iosa e féin d'a dheisciobluibh, an déigh dha éirigh o na mairbh.

15 An sin an déigh dhoibh an dinneir a ghabhail, thubhairt Iosa ri Simon Peadar, A Shìmoin *mhic* Ionais, am bheil barrachd gràidh agad dhomh-sa orra sin? Thubhairt e ris, Tha, a Thighearna; tha fios agad gur toigh leam thu. Thubhairt e ris, Beathaich m'uain.

16 Thubhairt e ris a ris an dara uair, A Shìmoin *mhic* Ionais, an toigh leat mise? Thubhairt e ris, Seadh, a Thighearna; tha fios agad gur toigh leam thu. Thubhairt e ris, Beathaich mo chaoraich.

17 Thubhairt e ris an treas uair, A Shìmoin *mhic* Ionais, an toigh leat mise? Bha Peadar doilich a chionn gu'n dubhairt e ris an treas uair, An toigh leat mise? Agus thubhairt e ris, A Thighearna, is aithne dhuit na h-uile nithean; tha fhios agad gur toigh leam thu. Thubhairt Iosa ris, Beathaich mo chaoraich.

18 Gu deimhin deimhin tha mi ag ràdh riut, an uair a bha thu òg, chrìoslaich thu thu féin, agus dh'imich thu an taobh 'bu mhiann leat: ach an uair a bhitheas tu aosmhor, sinidh tu mach do lāmhan, agus crìoslaichidh neach eile thu, agus bheir e *thu* an taobh nach àill leat.

19 So thubhairt e, a' ciallachadh ciod a' ghnè bàis leis an tugadh e glòir do Dhia. Agus air dha so a ràdh, thubhairt e ris, Lean mise.

20 An sin air do Pheadar tionndadh, chunnaic e an deisciobul a b'ionmhuinn le Iosa, a' leantuinn; an ti mar an ceudna a luidh air uchd Iosa aig a shuipeir, agus a thubhairt ris, A Thighearna, cò e a bhrathas thu?

21 Air do Pheadar esan fhaicinn, thubhairt e ri Iosa, A Thighearna, ciod a ni am fear so?

22 Thubhairt Iosa ris, Ma's àill leam-sa e 'dh'fhantuinn gus an tig mi, ciod e *sin* duitse? Lean thusa mise.

23 Uime sin chaidh an ràdh so mach am measg nam bràithrean nach faigheadh an deisciobul sin bàs: gidheadh cha dubhairt Iosa ris, nach faigheadh e bàs: ach, Ma's i mo thoil-sa e 'dh'fhantuinn gus an tig mi, ciod e *sin* duitse?

24 Is e so an deisciobul a tha 'deanamh fianuis air na nithibh so, agus a sgrìobh na nithean so: agus tha fhios againne gu bheil 'fhianuis fìor.

25 Agus tha mar an ceudna mòran de nithibh eile a rinn Iosa, agus nam bitheadh iad uile sgrìobhta, is i mo bharail nach cumadh an saoghal féin na rachadh a sgrìobhadh de leabhraichibh. Amen.

A B S T O L.

CAIB. I.

1 *Dol suas Iosa gu nèamh, 10 an dèigh a dhol suas thug dà aingeal rabhadh do na h-abstol-aibh iad a dh'imeachd rompa, agus a shocrachadh an inntinn air 'ath-theachd-san: 12 a réir sin phill iad, agus rinn iad urnuigh, agus thagh iad Matias gu bhí 'n a Abstol 'an àit Iudais.*

RINN mi an ceud leabhar, a Theophil-uis, mu thimchioll nan uile nithean a thòisich Iosa air a dheanamh agus a theag-
asg,

2 Gus an là 's an do thogadh suas e, an dèigh dha, troimh an Spiorad Naomh, àith-eantan a thoirt do na h-abstol-aibh a thagh e: 3 D'an d'rinn e mar an ceudna e féin a nochdadh beò an dèigh 'fhuilangais, le mòran de chomharaibh fìrinneach, air dha 'bhi air 'fhaicinn leo feadh dhà fhichead là, agus e 'labhairt mu na nithibh sin a bhuin-eadh do rìoghachd Dhé:

4 Agus air dha 'bhi maille riu, dh'àithn e dhoibh gun iad a dhol o Ierusalem, ach feitheamh ri gealladh an Athar, *ars' esan*, a chuala sibh uam-sa.

5 Oir bhaist Eoin gu deimhin le uisge: ach basteas sibhse leis an Spiorad naomh, air bhac de làithibh an dèigh so.

6 Uime sin an uair a chruinnich iad 'an ceann a chèile, dh'fheòraich iad deth, ag ràdh, A Thighearn', an aigis thu 's an àm so an rìoghachd do Israel?

7 Ach thubhairt esan riu, Cha bhuin e dhuibhse fios nan aimsir no nan àm fhaot-ainn, a chuir an t-Athair 'n a chumhachd féin.

8 Ach gheibh sibhse cumhachd an uair a thig an Spiorad naomh oirbh: agus bithidh sibh 'n ur fianuisibh dhomh-sa, araon ann an Ierusalem, agus ann an Iudea uile, agus ann an Samaria, agus gu iomall na tal-mhainn.

9 Agus an uair a thubhairt e na nithean so, thogadh suas e, agus iadsan 'g a fhaicinn; agus thug neul as an sealladh e.

10 Agus am feadh a bha iadsan a' geur-amharc gu nèamh, agus esan a' dol suas, feuch, sheas dithis fhear làimh riu ann an eudach geal:

11 Agus thubhairt iad, Fheara Ghalile, c'ar son a tha sibh 'n ur seasamh ag amharc gu nèamh? An t-Iosa so a thogadh suas uaibh gu nèamh, is amhuil sin a thug e, mar a chunnaic sibh e a' dol gu nèamh.

12 An sin phill iad gu Ierusalem, o' t-sliabh ris an abrar *sliabh* nan crann-oladh, a tha'm fagus do Ierusalem, astar là sàb-aid as.

13 Agus an uair a thàinig iad a stigh, chaidh iad suas do sheòmar uachdarach, far an robh a' fautuinn Peadar, agus Seumas, agus Eoin, agus Aindreas, Philip agus Tomas, Bartolomeus, agus Mata, Seumas mac Alpheuis, agus Simon Selotes, agus Iudas bràthair Sheumais.

14 Bhuanach iad so uile a dh'aon inntinn ann an urnuigh, [agus 'an gaidhe,] maille ris na muàibh, agus Muire màthair Iosa, agus maille r'a bhràithribh.

15 Agus anus na làithibh sin dh'éirich Peadar ann am meadhon nan deisciobul, agus thubhairt e, (b'e àireamh nan ainm a bha làthair, mu thimchioll ceud agus fichead.)

16 Fheara agus a bhràithre, b'éigin an sgrìobtuir so bhí air a choimhlionadh, a roimh-labhair an Spiorad naomh le beul Dhaibhidh timchioll Iudais, a bha 'n a cheann-iuil aca-san a ghlac Iosa.

17 Oir bha e air àireamh maille ruinne, agus fluair e cuibhrionn de'n fhrithealachd so.

18 A nis cheannaich am fear so fearann le duais na h-eucorach; agus air dha tuiteam sios air 'aghaidh, sgàin e 's a' mhcadhion, agus bhrùchd a mhionach uile mach.

19 Agus rinneadh so aithnichte do luchd-àiteachaidh Ierusalem uile; air chor as gu'n abrar ris an fhearann sin 'n an cainnt féin, Aceldama, sin ri ràdh, Fearann fola.

20 Oir tha e sgrìobhta ann an leabhar nan Salm, Bitheadh 'àite-còmhnuidh 'n a fhàs-ach, agus na gabhadh neach sam bith tàmh ann: agus, Glacadh neach cile a dh'ruuchd.

21 Air an aobhar sin is còir aon de na daoineibh sin a bha maille ruinne, ré na h-aimsir sin uile anus an deachaidh an Tighearn Iosa steach agus a mach 'n ar measg-ne,

22 A' tòiseachadh o bhaisteadh Eoin, gus an là 's an do thogadh suas uainn e, 'bhi air a dheanamh 'n a fhianuis air 'aiseirigh-san maille ruinne.

23 Agus shonraich iad dithis, Ioseph ris an abrar Barsabas, d'am bu cho-ainm Iustus agus Matias.

24 Agus rinn iad urnuigh, agus thubhairt iad, Thusa a Thighearna d'an aithne cridh-

eachan nan uile dhaoine, foillsich cò de'n dithis so a thagh thu,

25 A ghabhail cuibhrrinn de'n fhrithealadh agus de'n abstolachd so, o'n do thuit Iudas le seacharan, gu dol d'a àite féin.

26 Agus thilg iad an crannchur; agus thuit an crannchur air Matias; agus bhia e air àireamh maille ris an aon abstol deug.

CAIB. II.

1 *Lionadh na h-abstol leis an Spiorad naomh, agus labhair iad iomadh gnè cainte; 7 ghabh cuid iongantais ri, agus rinn cuid eile fanoid orra: 14 Nochd Peadar gu'n do labhair na h-abstol le cumhachd an Spioraid naomh, gu'n d'éirich Crìosd o na marbhaibh, agus gu'n deachaidh e suas air nèamh, &c.*

AGUS an uair a thàinig là na cuingis, bhia iad gu léir a dh'aon inntinn ann an aon àit.

2 Agus thàinig gu h-obann toirm o nèamh, mar shéideadh gaoithe ro thréin, agus lìon i an tigh uile far an robh iad 'n an suidhe.

3 Agus dh'fhoillsicheadh dhoibh teangan sgoitè, mar de thcine, agus shuidh e air gach aon duibh fa leth:

4 Agus lìonadh iad uile leis an Spiorad naomh, agus dhòisich iad air labhairt le teangaibh eile, a réir mar a thug an Spiorad comas labhairt dhoibh.

5 Agus bhia a' gabhail còmhnuidh ann an Ierusalem, Iudhaich, daoine cràbhach, de gach uile chinneach fo nèamh.

6 A nis an uair a sgaoileadh an t-ionradh so, thàinig an sluagh an ceann a chéile, agus bhia iad fo amhlaidh, do bhrìgh gu'n cuala gach aon iad a' labhairt 'n a chànan féin.

7 Agus bhia iad uile fo uamhas agus ghabh iad iongantais, ag ràdh r'a chéile, F'each, nach Galiléich iad sin uile a tha 'labhairt?

8 Agus cionnus a tha sinne 'g an cluinntinn gach aon 'n ar cànan féin, anns an d'rugadh sinn?

9 Partaich, agus Medich, agus Elamaich, agus luchd-àiteachaidh Mhesopotamia, Iudea, agus Chapadocia, Phontuis, agus Asia,

10 Phrigia, agus Phamphilia, na h-Eiphit, agus chrìoch na Libia timchìoll Chirene, agus coigriche o'n Ròimh, Iudhaich agus Proselitich,

11 Muinntir Chroete, agus Arabia, tha sinn 'g an cluinntinn a' labhairt 'n ar teangaibh féin gnìomharan mòralach Dhé.

12 Agus bhia iad uile fo uamhas, agus ann an ioma-chomhairle, ag ràdh gach aon r'a chéile, Ciod a's ciall da so?

13 Ach thubhairt dream eile a' fanoid, Tha na daoine so làn de fàilìn ùr.

14 Ach air seasamh do Pheadar maille ris an aon fhear deug, thog e a ghuth, agus thubhairt e ri, Fheara Iudea, agus sibhse uile a luchd-àiteachaidh Ierusalem, bith-

eadh fios so agaibh, agus éisdibh ri m' bhriathraibh-sa:

15 Oir cha-n'eil iad so air m'hisg, mar tha sibhse a' meas, oir is i an treas uair de'n là a tha ann.

16 Ach is e so an ni a chaidh a labhairt leis an fhàidh Iodl:

17 Agus tarlaidh anns na làithibh deireannach, (arsa Dia,) dòirtidh mise de m' Spiorad air gach uile fheoil; agus ni bhur mic agus bhur nigheanan fàidheadaireachd, agus chi bhur n-òganaich seallannan, agus brudaraidh bhur seann daoine brudaran:

18 Agus dòirtidh mise air m'òglaich, agus air mo bhanoglaich de m' Spiorad anns na làithibh sin; agus ni iad fàidheadaireachd:

19 Agus nochdaidh mise iongantais anns na nèamhan shuas, agus comharan air an talamh a bhos; fuil, agus teine, agus duibhneul deataich.

20 Iompaichear a' ghrian gu dorchadas, agus a' ghealach gu fuil, mu'n tig là mòr agus comharaichte sin an Tighearna:

21 Agus tarlaidh, ge b'e neach a ghairmcas air ainm an Tighearna, gu'n tèarnar e.

22 Fheara Israeil, éisdibh ris na briathraibh so: Iosa o Nasaret, duine a dhearbhadh le Dia 'n 'ur measg-sa, le cumhachdaibh agus le mìorbhuilbhin agus le comharaibh, a rinn Dia leis-san 'n 'ur meadhon-sa, mar tha fios agaibh féin;

23 An duine so, a thugadh thairis le comhairle chinntich agus roimh-eòlas Dhé, ghlac sibhse, agus le làmhnan dhroch dhaoine cheus agus mharbh sibh e:

24 Neach a thog Dia suas, air dha piantan a' bhàis fhuasgladh; do bhrìgh nach robh e'n comas gu'n cumtadh esan leis:

25 Oir thubhairt Daibhidh m'a thàmhchìoli, Chunnac mi an Tighearn romham a ghnàth; oir tha e aig mo dheas làimh, chum nach gluasteadh mi.

26 Air an aobhar so rinn mo chridhe gairdeachas, agus rinn mo theangadh aobhneas: tuilleadh fòs, gabhaidh m'fheoil còmhnuidh fhoisneach ann an dòchas:

27 Do bhrìgh nach fàg thu m'anam shìos 's an uaigh, ni mò a dh'fhuilingeas tu do d' naomh Aon féin gu'm faic e truaillidheachd.

28 Dh'fhoillsich thu dhomh-sa slighean na beatha; lìonaidh tu mi de shubhachas le d' ghnùis.

29 Fheara agus a bhràithre, leigibh leam-sa labhairt gu dàna ri'bh mu'n phrìomh-athair Daibhidh, araon gu'n d'fhuair e bàs, agus gu'n d'adhlaicheadh e, agus gu bheil 'uaigh maille ruinne gas an là 'n diugh:

30 Air an aobhar sin air dha bhì 'n a fhàidh, agus fiosrach gu'n do mhìonnaich Dia le mìonnaibh dha, de thoradh a leasraidh, [a réir na feòla, gu'n togadh e suas Crìosd,] gu suidhe air a rìgh-chaithearsan.

31 Air dhàsan so a roimh-fhaicinn, labhair

e nu aiseirigh Chrìosd, nach d'fhàgadh 'anam ann an ifrinn, agus nach fac 'Theoil truaidhdeachd.

32 An t-Iosa so thog Dia suas, air am bheil sinne uile 'n ar fianuisibh.

33 Uime sin air dha bhi air àrdachadh le deas làimh Dhé, agus gealladh an Spioraid naoimh fhaotainn o'n Athair, dhòirt e mach an ni so, a tha sibhse nis a' faicinn agus a' cluinntinn.

34 Oir eia deachaidh Daibhidh suas eum nan nàmh: aeh tha e féin ag ràdh, Thubhairt an Tighearn ri m' Thighearn, Suidh air mo làimh dheis,

35 Gus an cuir mi do naimhdean 'n an stòl fo d' chosaibh.

36 Uime sin bitheadh fios gu einnteach aig tigh Israeil uile, gu'n d'rin Dia 'n a Thighearn agus 'n a Chrìosd an t-Iosa so féin, a cheus sibhse.

37 A nis an uair a chual iad so, bha iad air am bioradh 'n au eridhe, agus thubhairt iad ri Peadar, agus ris a' chuid eile de na h-abstolaibh, Fheara agus a bhràithre, ciod a ni sin?

38 An sin thubhairt Peadar riu, Deanaibh aithreachas, agus bithibh air bhur baisteadh gach aon agaibh ann an ainm Iosa Crìosd, eum maithheanais pheacaidhean, agus gheibh sibh tìodhlac au Spioraid naoimh.

39 Oir tha an gealladh dhuibh-sa, agus do'ur cloinn, agus do na h-uile a tha fad' o làimh, cadhòn a mheud as a ghairmeas an Tighearn ar Dia.

40 Agus le mòran de bhriathraibh eile rinu e fianuis agus dh'earlaich e iad, ag ràdh, Saoraibh sibh féin o'n ghiuealach fhiar so.

41 An sin bhaisteadh iadsan a ghabh r'a fhoceal gu toileach: agus air an là sin féin chuireadh riu timchioll trì mìle anam.

42 Agus bhunaich iad gu seasmach ann an teagasg nan abstol, agus ann an co-chomunn, agus ann am briseadh arain, agus ann an urnuighibh.

43 Agus thàinig eagal air gach anam: agus rinneadh mòran de mhìorbhuilibh agus de chomharaibh leis na h-abstolaibh.

44 Agus bha iadsan uile a chreid ann an aon àit, agus bha na h-uile nithean aca coitcheonn;

45 Agus reic iad an seilbh agus am maoin, agus roinn iad air na h-uile iad, a réir mar a bha feum gach neach.

46 Agus ag buanachadh dhoibh gach là a dh'aon inntinn anns an teampull, agus a' briseadh arain o thigh gu tigh, chaith iad am biadh le gairdeachas agus le aon-fhillteachd cridhe,

47 A' moladh Dhé, agus deadh-ghean aca o'n t-sluagh uile. Agus ehuir an Tighearn gach là ris an eaglais an dream a thèaruin-ear.

CAIB. III.

1 Leighis Peadar agus Eoin duine bacach; 12 dh'innis iad do'n t-sluagh a bha air cruinneachadh nach d'rinneadh am mìorbhuil so le naomhach'd nan Abstol, aeh le cumhachd diadhaidh Chrìosd; 13 chronuich siud iad air son eoin a chur gr bàs; 19 thug iad earail doibh aithreachas a ghabhail, &c.

AGUS chaidh Peadar agus Eoin le 'chéile suas do'n teampull, aig uair na h-urnuigh, eadhon an naothamh uair.

2 Agus bha duine àraidh a bha 'u a bhacach o bhroinn a mhàthar air a ghiùlan, neach a chuireadh gach là aig dorus sin an teampull ris an abrar Sgiamhaeh, a dh'iarraidh déirce orra-san a bha 'dol a steach do'n teampull:

3 Neach, an uair a ehunnaic e Peadar agus Eoin air tì dol a steach do'n teampull, a dh'iarr déire.

4 Agus air do Pheadar sealltuinn gu genr air, maille ri Eoin, thubhairt e, Amhaire oirne.

5 Agus thug esan aire dhoibh 'an dòchas gu'm faigheadh e ni-éigin uatha.

6 An sin thubhairt Peadar, Airgiod no òr cha-n'eil agam; aeh an ni a tha agam, so bheir mi dhuit: 'An ainm Iosa Crìosd o Nasaret, éirich agus imieh.

7 Agus air dha breith air a làimh dheis, thog e suas e; agus air ball neartaicheadh 'aobrunnan agus a throidhean.

8 Agus leum e suas, agus sheas, agus dh'imich e, agus chaidh e steach maille riu do'n teampull, ag imeachd, agus a' leumnaich, agus a' toirt eliu do Dhia.

9 Agus ehunnaic an sluagh uile e ag imeachd, agus a' toirt eliu do Dhia.

10 Agus dh'aithnich iad esan gu'm b'e a bha 'n a shuidhe aig geata Sgiamhach an teampull ag iarraidh déirce: agus bonadh iad le h-iongantais agus le h-uamhas air son an ni sin a thachair dha.

11 Agus ag cumail Pheadair agus Eoin, [do'n bhacach a chaidh a leigheas,] ruith an sluagh uile d'an ionnsuidh anns an sgàth-thigh ris an abrar sgàth-thigh Sholaimh, làn iongantais.

12 Agus an uair a ehunnaic Peadar so, fhreagair e an sluagh, Fheara Israeil, c'ar son a tha iongantas oirbh mu'n ni so? no c'ar son a tha sibh a' geur-amhare oirne, mar gu'm b'ann le ar cumhachd no ar naomhachd féin a thug sinn air an duine so imeachd?

13 Ghlòraich Dia Abraham, agus Isaic, agus Iacoib, Dia ar n-aithriehean a Mhac Iosa; a thug sibhse thairis, agus a dh'aich-eadh sibh an làthair Philait, an uair a b'i a bhreth a chur fa sgaoil.

14 Aeh dh'aich-eadh sibhse an t-Aon naomh, agus am Firean, agus dh'iarr sibh mortair a thiodhlacadh dhuibh;

15 Agus mharbh sibh Pionnsa na beatha,

a thog Dia o na marbhaibh; air am bheil sinne 'n ar fianuisibh.

16 Agus tre chreidimh 'n a ainm neartaich e an tì so, a tha sibhse a' faicinn, agus a's aithne dhuibh: seadh, thug 'ainm-sa agus an creidimh a tha trid-san, dhàsan an t-slaointe iomlan so 'n 'ur làthair-sa uile.

17 Agus a nis, a bhràithre, tha fhios agam gur ann troimh àineolas a rinn sibh e, mar a rinn mar an ceudna bhuir n-uachdarain.

18 Ach choimhlion Dia air an dòigh so na nithean sin a roimh-fhoillsich e le beul 'fhàidhean uile, gu'm fuilingeadh Crìosd.

19 Air an aobhar sin deanaibh-sa aithreachas agus bithibh air bhuir n-iompachadh, chum gu'm bi bhuir peacaidhean air an glanadh as, an uair a thig amannan fionnuaireachd o làthair an Tighearna,

20 Agus a chuireas e Iosa Crìosd d'ur n-ionnsuidh, a chaidh a roimh-orduchadh:

21 Neach is éigin do nèamh a ghabhail gu aimsiribh aisig nan uile nithean, air an do labhair Dia le beul 'fhàidhean naomha uile, o thoiseach an t-saoghail.

22 Oir gu fìrinnach thubhairt Maois ris na h-aithrichibh, Togaidh an Tighearn bhuir Dia suas fàidh dhuibh, de 'ur bràithribh, cosmhuil riumsa; ris-san éisdidh sibh anns na h-uile nithibh a labhras e ribh.

23 Agus tarlaidh, gach anam nach éisd ris an fhàidh sin, gu'n sgrìosar a mach as an t-sluagh e.

24 Seadh, dh'fhoillsich na fàidhean uile o Shamuel, agus iadsan a lean o sin, a mhèid diubh as a labhair, roimh-làimh nru na làithibh so.

25 Is sibhse clann nam fàidhean, agus a' choimheangail a rinn Dia r'ar n-aithrichibh, ag ràdh ri Abraham, Agus ann ad shìochd-sa bithidh uile theaglaichean na talmhainn air am beannachadh.

26 Air do Dhia a Mhac Iosa 'thogail suas, chuir e do 'ur n-ionnsuidh-sa e air tùs, chum gu'm beannaicheadh e sibh, leis gach aon agaibh iompachadh o bhuir lochdaibh.

CAIB. IV.

1 Chuir uachdarain nan Iudhach Peadar agus Eoin 'am prìosan iad an bhi 'searmonachadh Iosa do'n t-sluagh: 5 an dèigh an ceasnachadh chuir Peadar 'an cèill gu'n do leighiseadh am bacach le cumhachd diadhaidh Iosa a mhaìn, agus gur ann trid-san 'n a aonar a tha slàinte shìorruidh r'a jaghail. 13 Thugadh sparradh teann doibh gun iad a shearmonachadh nìs mò ann an ainm Iosa.

AGUS am feadh 's a bha iad a' labhairt ris an t-sluagh, thàinig orra na sagartan, agus ceannard an teampuill, agus na Sadusaich;

2 Agus bha iad fo dhoilgheas gu'n robh iadsan a' teagasg an t-sluagh, agus a' searmonachadh tre Iosa aiscirigh nam marbh.

3 Agus chuir iad làmh annta, agus chuir

iad 'am prìosan iad gus an là maireach: oir b'e nis am feasgar a bh'ann.

4 Gidheadh, chreid mòran diubh-san a chual am focal; agus b'e àireamh nan daoine tìnchioll chùig mìle.

5 Agus tharladh air an là maireach, gu'n do chruinnicheadh an ceann a chèile an uachdarain, agus an seanaircan, agus an sgrìobhaichean, ann an Ierusalem,

6 Agus Annas an t-àrd-shagart, agus Caiaphas, agus Eoin, agus Alecsander, agus a inheud as a bha de chinneach an àrd-shagairt.

7 Agus air dhoibh iadsan a chur anns a' mheadhon, dh'fhiosraich iad, Ciod e an cumhachd, no ciod e an t-ainm anns an d'rinn sibh so?

8 An sin air do Pheadar a bhli air a lìonadh leis an Spìorad naomh, thubhairt e riu, Uachdarana a' phobuill, agus a sheanairean Israeil,

9 Ma tha sinne an diugh air ar ceasnachadh mu'n deadh ghnìomh a rinneadh do'n duine euslan, cionnus a shlànnicheadh e;

10 Biodh e aithnichte dhuibh-sa uile, agus do phobull Israeil uile, gur ann tre ainm Iosa Crìosd o Nasaret, a cheus sibhse, a thog Dia o na marbh, eadhon trid-san a tha 'n duine so 'n a sheasamh an so 'n 'ur làthair-sa slàn.

11 Is i so a' chlach sin a dhiultadh leibhse, a luchd togail, a rinneadh 'n a ceann na h-òisne.

12 Agus cha-n'eil slàinte ann an neach air bith eile: oir cha-n'eil ainm air bith eile fo nèamh air a thoirt am measg dhaoine, tre am feud sinn a bhi air ar tèarnadh.

13 A nis an uair a chunnaic iad d'anachd Pheadair agus Eoin, agus a thuig iad gu'm bu daoine gun fhòghlum agus cumanta iad, ghabh iad iongantais; agus dh'aithnich siad iad gu'n robh iad maille ri Iosa.

14 Agus air faicinn an duine a leighiseadh 'n a sheasamh maille riu, cha robh ni air bith aca ri ràdh 'n a aghaidh.

15 Agus an dèigh dhoibh orduchadh dhoibh-san dol a mach as a' chomhairle, chuir iad an comhairle ri 'cheile,

16 Ag ràdh, Ciod a ni sinn ris na daoineibh so? Oir gu'n deachaidh miorbhuil aithnichte 'dheanamh leo, tha e follaiseach do luchd-àiteachaidh Ierusalem uile, agus cha-n' urrainn sinne àicheadh.

17 Ach a chum nach sgaoilear e nìs mò air feadh an t-sluagh, bagramaid orra gu geur, gun iad a labhairt nìs mò ri neach air bith anns an ainm so.

18 Agus air dhoibh an gairm, dh'àithn iad dhoibh gun iad a labhairt air chor sam bith, no a theagasg ann an ainm Iosa.

19 Ach fhreagair Peadar agus Eoin agus thubhairt iad riu, Am bheil e ceart 'an fianuis Dhé, éisdeachd ribhse roimh Dhia, thugaibh féin breth.

20 Oir cha-n'eil e'n comas duinne gun na nithean a chunnaic agus a chuala sinn a labhairt.

21 Ach air dhoibh-san tuilleadh bagraidh a dheanamh orra, leig iad as iad, gun dòigh air bith fhaotainn air am feudadh iad peanas a dheanamh orra, air son an t-sluaigh: oir bha na h-uile a' toirt glòire do Dhia air son an nì a rinneadh.

22 Oir bha an duine air an d'rinneadh am mìorbhuil-leighis so tuilleadh as dà fhlichead bliadhna dh'aois.

23 Agus an uair a leigeadh as iad, thàinig iad dh'ionnsuidh am muinntir féin, agus dh'innis iad na h-uile nithean a thubhairt na h-àrd-shagartan, agus na seanairean riu.

24 Agus an uair a chual iadsan so, thog iad suas a dh'aon intinn an guth ri Dia, agus thubhairt iad, A Thighearn', is tusa an Dia a rinn nàmh agus talamh, agus an fhaire, agus na h-uile nithean a tha ann: 25 A thubhairt le beul Dhaibhidh do sheirbhishich, C'ar son a ghabh na Cinnich boil, agus a smuainich an sluagh nithean dhomhain?

26 Sheas rìghrean na talmhainn suas, agus chruinnicheadh na h-uachdarain an ceann a chèile, an aghaidh an Tighearn', agus an aghaidh a Chrìosd.

27 Oir gu frinnicheadh chruinnicheadh an ceann a chèile, an aghaidh do Leinibh naoimh Iosa, a dh'ung thu, araon Herod agus Pontius Pilat, maille ris na Cinnich, agus sluagh Israeil,

28 A dheanamh gach nì a roimh-orduich do làmh agus do chomhairle a bhi deanta.

29 Agus a nis, a Thighearn', amhairc air am bagraidhibh: agus deònachd do d' sheirbhishich féin, d'fhocal a labhairt leis gach uile dhànachd.

30 Le d' làimh a shìneadh a mach chum leighis: agus gu'm bi comharan agus mìorbhuilean air an deanamh tre ainm do Leinibh naoimh Iosa.

31 Agus air dhoibh urnuigh a dheanamh, chrathadh an t-àit anns an robh iad cruinn; agus lìonadh iad uile leis an Spiorad naomh, agus labhair iad focal Dhé le dànachd.

32 Agus bha aig a' chuideachd a chreid aon chridhe, agus aon anam: agus nì mòd a thubhairt neach air bith *dhaibh*, gu'm bu leis féin aon nì a shealbhaich e; ach bha na h-uile nì coitichionn aca.

33 Agus le mòr-chumhachd thug na h-abstol fianuis air aiseirigh an Tighearna Iosa: agus bha mòr-ghràs orra uile.

34 Agus nì mòd a bha aon neach uireas-bluidheach n' am measg: oir a mheud as a bha n' an seallbhadairibh fearainn, no thighean, air dhoibh an reic, thug iad luach nan nithean a chaidh a reic leo;

35 Agus chuir iad aig cosaibh nan abstol

e: agus roinneadh e air gach neach a réir Theuma.

36 Agus air do fhearann a bhi aig Ioses d'an do ghoireadh leis na h-abstolaibh Barnabas, (is e sin, air eadar-theangachadh, Mac na comhfhurtachd,) Lebhitheach, d'am bu dùthaich Ciprus,

37 Reic se e, agus thug e'n t-airgiod, agus chuir e aig cosaibh nan abstol e.

CAIB. V.

1 Air son an cèile thuit Ananias agus Saphira sìos marbh le cronachadh Pheadair. 12 Mòran mhìor-bhuilean air an oibreachadh: 17 chuireadh na h-abstol a ris ann am prìosan, 19 ach tha iad air an leigeadh as le aingeal, a thug orduigh doibh searmonachadh gu follaiseach, &c.

A CH reic fear àraidh d'am b'ainm Ananias, maille r'a mhnai Saphira, sealbh fearainn,

2 Agus cheil e cuid de'n luach, le fios a mhnà, agus air dha cuid-éigin a thoirt leis, chuir e aig cosaibh nan abstol e.

3 Ach thubhairt Peadar, Ananias, c'ar son a lìon Satan do chridhe a dheanamh bréige do'n Spiorad naomh, agus a cheiltinn cuid de luach an fhearainn?

4 Am feadh 's a dh'fhuirich e gun reic, nach bu leat féin e? agus an deigh a reic nach robh e a'd' chomas féin? c'ar son a smuainich thu ann ad chridhe an gnìomh so? cha d'rinn thu breug do dhaoibh, ach do Dhia.

5 Agus an uair a chual Ananias na briatharan so, thuit e sìos, agus chaidh an deò as: agus thàinig eagal mòr air na h-uile a chuala na nithean so.

6 Agus air éirigh do na h-òganaich, phaisg iad ann an eudach-mairbh e, agus air dhoibh a ghiùlan a mach, dh'adhlac iad e.

7 Agus tharladh mu thimcheall trì uaircan n' a dhéigh sin, gu'n d'thàinig a bhean a steach, gun fhios aice air an nì a rinneadh.

8 Agus fhreagair Peadar i, Innis dhomhsa an ann air an uiread so a reic sibh an fearann? Agus thubhairt ise, Is ann, air son an uiread sin.

9 An sin thubhairt Peadar rithe, C'ar son a cho-aontaich sibh gu Spiorad an Tighearna a dhearbhadh? feuch, tha cosan na muinntir a dh'adhlac d'fhear aig an dorus, agus giùlainidh iad thusa mach.

10 An sin thuit i air ball aig a chosaibh, agus chaidh an deò aisde: agus air do na h-òganaich teachd a steach, fhuair iad i marbh, agus air dhoibh a giùlan a mach, dh'adhlac iad laimh r'a fear i.

11 Agus thàinig eagal mòr air an eaglais uile, agus air na h-uile a chuala na nithean so.

12 Agus rinneadh mòran chomharan agus mhìorbhuilean am measg a' phobuill le làmhnan nan abstol; (agus bha iad uile

dh'aon inntinn ann an sgàth-thigh Sholaimh:

13 Agus cha robh chridhe aig aon de chach e féin a cheangal riu:) ach bha mòr-mheas aig a' phobull orra.

14 Agus is mòid a chuireadh creidich ris an Tighearn, buidheann mhòr aracu de fhearaibh agus de mhuibh:

15 Air chor as gu'n d'thug iad a mach a' mhuinntir euslan air na sràidibh, agus gu'n do chuir iad air leapaichibh agus air uirgibh iad, chum ag teachd do Pheadar gu'n cuireadh fhaileas, mar bu lugha, sgàile air neach éigin aca.

16 Agus thàinig mar an ceudna mòr-shluagh as na bailtibh mu'n cuairt air Ierusalem, a' toirt leo muinntir euslain, agus dream a bha air an buaireadh le spiorad-aibh neòghlan: agus leighiseadh iad uile.

17 An sin dh'éirich an t-àrd-shagart, agus iadsan uile a bha maille ris, (cadhon luchd-bharail nan Sadusach,) agus lionadh iad le tuth,

18 Agus chuir iad làmh anns na h-abstol-aibh, agus chuir iad 's a' phrìosan chum-anta iad.

19 Ach dh'fhosgail aingeal an Tighearna dorsan a' phrìosain 's an oidhe, agus thug e iadsan a mach, agus thubhairt e,

20 Imichibh, agus ag seasamh dhuibh labhraibh 's an teampull ris an t-sluagh, uile bhriathran na beatha so.

21 Agus an uair a chual iad so, chaidh iad gu moch a steach do'n teampull, agus theagaisg iad. Ach thàinig an t-àrd-shagart agus iadsan a bha maille ris, agus ghairm iad a' chomhairle, agus seanadh chloinn Israeil uile an ceann a chéile, agus chuir iad do'n phrìosan chum gu'n tugtadh iadsan d' an ionnsuidh.

22 Ach an uair a thàinig na maor, cha d'fhuair iad 's a' phrìosan iad, agus air pilltinn dhoibh, dh'innis iad,

23 Ag ràdh, Fhuair sinne gu fìrinneach an prìosan dùinte gu ro thèaruinte, agus an luchd-coinhead 'n an seasamh a mach fa chomhair nan dorsan; ach an uair a dh'fhosgail sinn, cha d'fhuair sinn aon duine a stigh.

24 A nis an uair a chual an t-àrd-shagart, agus ceannard an teampull, agus uachdarain nan sagart na briathran so, bha iad fo amharas mu'n timchioll ciod gus an tig-eadh so.

25 An sin thàinig neach àraidh agus dh'innis e dhoibh, ag ràdh, Feuch, tha na daoine a chuir sibh 's a' phrìosan, 'n an seasamh 's an teampull, agus a' teagasg a' phobuill.

26 An sin dh'imich an ceannard maille ris na maoraibh, agus thug e leis iad gun ainneart: (oir bha cagal orra roimh an t-sluagh, gu'm bitheadh iad air an clachadh leo.)

27 Agus an uair a thug iad leo iad, chuir iad ann am fianuis na comhairle iad: agus dh'fheobraich an t-àrd-shagart diubh,

28 Ag ràdh, Nach d'thug sinne geur-ordugh dhuibh gun teagasg a dhcanamh 's an ainm so? agus, feuch, lion sibh Ierusalem le 'ur teagasg, agus is àill leibh fuil an duine so a tharruing oirne.

29 An sin fhreagair Peadar agus na h-abstol eile, agus thubhairt iad, Is còir géill a thoirt do Dhia nì's mò na do dhaoineibh.

30 Thog Dia ar n-aithrichean Iosa, a mharbh sibhse agus a chroch sibh air craun.

31 Esan dh'àrdaich Dia le a dheas làimh 'n a Cheannard agus 'n a Shlanuidhear, a thoirt aithreachais agus maitheanais pheacaidhean do Israel.

32 Agus tha sinne 'n ar fianuisibh dha air na nithibh so; agus mar an ceudna an Spiorad naomh, a thug Dia dhoibh-san a tha ùmhal dha.

33 Agus an uair a chual iadsan so, bha iad air an gonadh, agus ghabh iad comhairle an cur gu bàs.

34 An sin dh'éirich Phairiseach àraidh anns a' chomhairle, d'am b'ainm Gamaliel, fear-teagaisg an lagha, air an robh meas aig an t-sluagh uile, agus dh'orduich e na h-abstol a chur a mach rè tamuill;

35 Agus thubhairt e riu, Fheara Israeil, thugaibh aire dhuibh féin, ciod a tha roimh-ibh a dheanamh mu thimchioll nan daoine sin.

36 Oir roimh na làithibh so dh'éirich Teudas suas, ag ràdh, gu'm bu neach éigin mòr e féin, agus cheangail àireamh dhaoine, timchioll ceithircheud, iad féin ris: mharbhadh esan, agus a mheud 's a dh'aontaich leis, sgaoileadh iad uile as a chéile, agus chaidh iad gu neo-ni.

37 An dèigh an fhuir so dh'éirich Iudas an Galiléach suas, ann an làithibh na cismheasaidh, agus tharruing e mòrau sluaigh 'n a dhéigh: sgrìosadh esan mar an ceudna, agus a mheud 's a ghéill da, sgapadh iad uile.

38 Agus a nis tha mi ag ràdh ribh, Fan-aibh o na daoineibh so, agus leigibh leo: oir ma's ann o dhaoineibh a tha a' chomhairle so, no an obair so, thig i gu neo-bhrigh:

39 Ach ma's ann o Dhia a tha i, cha-n urrainn sibhse a cur gu neo-bhrigh: air eagal gu'n tarladh gu'm faighear sibh eadhon a' cogadh an aghaidh Dhé.

40 Agus dh'aontaich iad leis-san: agus an uair a ghairm iad na h-abstol, agus a ghabh iad orra, dh'orduich iad dhoibh gun labhairt ann an ainm Iosa, agus leig iad as iad.

41 Agus dh'imich iadsan o làthair na comhairle, le gairdeachas a chionn gu'n do mheasadh gu'm b'airidh iad air eas-urram fhulang air son 'ainme-san.

42 Agus gach là anns an teampull, agus o thigh gu tigh, cha do sguir iad a bhi teagasg, agus a' searmonachadh Iosa Crìosd.

CAIB VI.

1 *Thagh na h-abstoil seachdnar gu frùthealadh do uireasbhuidh nam bochl: 5 b'aon diubh so Stephen, neach a bha làn de chreidimh, agus de'n Spiorad naomh: 12 Ghlacadh esan agus chaidh a'airt gu h-eucorach an làthair na comhairle, leis an dream a chuir e 'n an tosd le reusonachadh.*

A GUS anns na làithibh sin, an uair a bha àireamh nan deisciobul a' meudachadh, dh'éirich gearan am measg nan Grengach an aghaidh nan Eabhrach, a chionn gu'n do dhearmaideadh am bant-raichean 's an fhrithealadh laitheil.

2 An sin ghairm an dà fhear dheug mòrchuideachd nan deisciobul d'an ionusuidh, agus thubhairt iad, Cha-nèil e iomchuidh sinne dh'fhàgail focail Dhé, agus a fhrith-ealadh do bhordaibh.

3 Uime sin, a bhràithrean, iarraibh a mach 'n 'ur measg seachdnar dhaoine fo dhcadh iomradh, làn de'n Spiorad naomh agus de ghliocas, a chuireas sinne os ceann an dreuchd so.

4 Ach buanaichidh sinne a ghnàth ann an urnuigh, agus aun am ministreileachd an fhocail.

5 Agus bha 'chaintn so taitneach an làthair na mòrchuideachd uile: agus thagh iad Stephen, duine làn de chreidimh, agus de'n Spiorad naomh, agus Philip, agus Prochorus, agus Nicanor, agus Timon, agus Parmenas, agus Nicolas proseliteach de mhuinntir Antioch:

6 Chuir iad iadsan an làthair nan abstol: agus air deanamh urnuigh dhoibh, chuir iad an làmh an orra.

7 Agus dh'fhàs focal Dhé, agus mheudaicheadh àireamh nan deisciobul gu ro mhòr ann an Ierusalem: agus bha cuid-eachd mhòr de na sagartaibh ùmhal do'n chreidimh.

8 Agus rinn Stephen, làn de chreidimh agus de chumbachd, mìorbhuilean agus comharan mòra am measg an t-sluaigh.

9 An sin dh'éirich dream àraidh de'n t-sionagag, ris an abrar *sionagag* nan Libertineach, agus nan Cirenianach, agus mhuinntir Alecsandria, agus na dream o Chìlicia, agus o'n Asia, a' deasboireachd ri Stephen.

10 Agus cha b'urrainn iad cur an aghaidh a' ghliocais agus an spioraid leis an do labhair e.

11 An sin thug iad a steach 'an uaignidheas daoine a thubhairt, Chuala sinne e 'labhairt bhriathran toibheumach an aghaidh Mhaois, agus Dhé.

12 Agus dhùisg iad suas an sluagh, agus na seanairean, agus na sgrìobhaichean, agus thàinig iad air, agus ghlac iad e, agus thug iad an làthair na comhairle e,

13 Agus chuir iad suas fianaisean bréige, a thubhairt, Cha-nèil an duine so a' sgar de labhairt bhriathran toibheumach an

aghaidh an ionaid naomh so, agus an lagha.

14 Oir chuala sinn e ag ràdh, gu'n sgrios an t-Iosa so o Nasaret an t-àite so, agus gu'n caochail e na gnàthannan a thug Maois dhuinne.

15 Agus air dhoibh-san uile a bha 'n an suidhe 's a' chomhairle amharc gu geur air, chunnaic iad 'aghaidh mar aghaidh aingil.

CAIB. VII.

1 *Air do Stephen comas fhaighail freagairt air a shon féin, 2 nochd e gu'n d'rinn Abraham aoradh do Dhia gu taitneach: 37 gu'n d'thug Maois féin fianuis mu Chriosd; 51 chronuich e iad air son an ceannaire, agus mortla Chriosd: 54 air a so chlach iad gu bàs e. 59 Tha e 'tiomnadh anama do Iosa, agus a' guidhe Dhé air an sonsan.*

A N sin thubhairt an t-àrd-shagart, Am bheil ma ta na nithean so mar so?

2 Agus thubhairt esan, Fheara, a bhràithrean, agus aithrichean, éisdibh; Dh'fhoillsicheadh Dia na glòire d'ar n-athair Abraham, 'n uair a bha e aun am Mesopotamia, mu'n do ghabh e còmhnuidh ann an Charan.

3 Agus thubhairt e ris, Rach a mach á d' thìr féin, agus o d' chinneach, agus thig chum na tìre a nochdas mise dhuit.

4 An sin chaidh esan a mach á tìr nan Caldéach, agus ghabh e còmhnuidh ann an Charan: agus as a sin, an déigh bàis 'athar. dh'atharraich se c do'n fhearaun so anns am bheil sibhe nis 'n 'ur còmhnuidh.

5 Agus cha d'thug e dha oighreachd *sam bith* ann, cha d'thug leud troidhe: gidh-eadh gheall e gu'n tugadh e mar sheilbh e dha féin agus d'a shliochd 'n a dhéigh, ged nach robh fathast duine cloinne aige.

6 Agus labhair Dia air an dòigh so, Gu'm bitheadh a shliochd air chuairt ann an dùtliaich choigrich, agus gu'n deanadh iad tràill-eann diubh, agus gu'm buineadh iad gu h-òle *riu* ré cheithir cheud bliadhna.

7 Agus air a' chinneach 'sin d'am bi iadsan fo dhaorsa, bheir mise breth, arsa Dia: agus an déigh nan nithean sin thig iad a mach, agus ni iad seirbhis dhomh-sa anns an àite so.

8 Agus thug e dha coimhcheangal an timchioll-ghearraidh: agus mar sin ghin *Abraham* Isaac, agus thimchioll-ghearr se e air an ochedamh là: agus *ghin* Isaac Iacob, agus Iacob an dà phrionh-athair dheug.

9 Agus a' gabhail farmaid reic na prionh-aithrichean Ioseph do'n Eiphit: ach bha Dia maille ris,

10 Agus shaoir se e as a thrioblaidibh nile, agus thug e dcadh-ghean agus gliocas da an làthair Pharaoh rìgh na h-Eiphit: agus chuir se e 'n a uachdaran air an Eiphit, agus air a theaghlach féin uile.

11 Nis thàinig gorta agus àmhghar mòr air an Eiphit uile, agus air talamh Chana-

ain; agus cha d'fhuair ar n-aithrichean teachd-an-tír.

12 Ach an uair a chuala Iacob gu'n robh arbhar 's an Eiphit, chuir e mach ar n-aithrichean air tús.

13 Agus air an dara uair rinneadh Ioseph aithnichte d'a bhràithribh; agus rinneadh cinneach Ioseph follaiseach do Pharaoh.

14 An sin chuir Ioseph *fios* uaith, agus ghairm e d'a ionnsuidh Iacob 'athair, agus a luchd-dàimhe uile, cùig anaman deug agus trì fichead.

15 Agus chaidh Iacob sìos do'n Eiphit, agus fhuair e bàs, e féin agus ar n-aithrichean.

16 Agus ghiùlaineadh thairis iad gu Sichem, agus chuircadh iad anns an àit-adhlaic a cheannaich Abraham air suim airgid o mhic Eموir, *athar* Shicheim.

17 Ach an uair a dhruid àm a' gheallaidh, a mhionnaich Dia do Abraham, dh'fhàs an slugh agus rinneadh iad lionmhor 's an Eiphit,

18 Gus an d'éirich rìgh eile, do nach b'athne Ioseph.

19 Bhuin esan gu cuilbheirteach r'ar cinneach, agus rinn e olc air ar n-aithricibh, air chor as gu'n d'thug e orra an naoidh-canan a thilgeadh a mach, chum nach sìol-aicheadh iad.

20 Anns an àm sin rugadh Maois, agus bha e ro sgiamhach, agus dh'altrumadh e trì mìosan ann an tigh 'athar:

21 Agus an uair a thilgeadh a mach e, thog nighean Pharaoh leatha e, agus dh'altrum i e mar mhac dhi féin.

22 Agus theagaisgeadh Maois ann an uile ghliocas nan Eiphiteach, agus bha e cumhachdach ann am briathraibh agus 'an gnìomharaibh.

23 Agus an uair a bha e dà fhichead bliadhna iomlan a dh'aois, thàinig e 'n a chridhe a bhràithrean clann Israeil fhiosrachadh.

24 Agus air dha duine àraidh *dhiubh* 'fhaicinn a' fulang eucoir, theasaig se e, agus air bualadh an Eiphitich dha, rinn e dìoghalas air son an fhir air an d'rinneadh an eucoir:

25 Oir shaoil e gu'n tuigeadh a bhràithrean, gu'n tugadh Dia le a làimh-san saorsa dhoibh; ach cha do thuig iadsan.

26 Agus air an là 'n a dhéigh sin nochd se e féin doibh agus iad a' comhstri, agus b'àill leis sìth a dheanamh eatorra, ag ràdh, A dhaoine, is bràithrean sibh féin; c'ar son a tha sibh a' deanamh eucoir air a chéile?

27 Ach chuir am fear a rinn an eucoir air a choimhearsnach uaith e, ag ràdh, Cò a rinn thusa a'd uachdaran agus a'd bheith-eamh oirne?

28 Am miann leat mise a mharbhadh, mar a mharbh thu an t-Eiphiteach an dé?

29 An sin theich Maois air son an fhocail

so, agus bha e 'n a choigreach ann an dùt' aich Mhidiain, faran do ghin e dithis mhac.

30 Agus an uair a choimhlionadh dà fhichead bliadhna, dh'fhoillsicheadh dha ann am fàsach beinne Shina, aingeal an Tighearna ann an lasair theine ann am preas.

31 Agus an uair a chunnaic Maois so, ghabh e iongantasmu'n t-scalladh; agus air dha teachd am fagus gu beachdachadh *air*, thàinig guth an Tighearna d'a ionnsuidh,

32 *Ag ràdh, Is mise* Dia d'aithrichean, Dia Abraham, agus Dia Isaac, agus Dia Iacob. An sin chrìothnuich Maois, agus cha robh a chridhe aige amharc.

33 An sin thubhairt an Tighearn ris, Fuasgail do bhrògan o d' chosaibh: oir is talamh naomh an t-àit air am bheil thu a'd sheasamh.

34 Chunnaic mi gu cinnteach àmhghar mo phobuill a tha 's an Eiphit, agus chuala mi an osnaidh, agus thàinig mi nuas g'an saoradh. Agus a nis thig, cuiridh mi do'n Eiphit thu.

35 Am Maois so féin a dhiùlt iadsan, ag ràdh, Cò 'rinn uachdaran agus breitheamh dhiot-sa? esan chuir Dia *gu bhi* 'n a uachdaran agus 'n a fhear-saoraidh le làimh an aingil a dh'fhoillsicheadh dha 's a' phreas.

36 Thug esan a mach iad an déigh dha mìorbhuilean, agus comharan a dheanamh ann an tìr na h-Eiphit, agus anns a' mhuir ruaidh, agus anns an fhàsach ré dhà fhichead bliadhna.

37 Is e so am Maois ud a thubhairt ri cloinn Israeil, Togaidh an Tighearn blur Dia suas fàidh dhuibh de 'ur bràithribh, cosmhuil riumsa; ris-san éisdidh sibh.

38 So esan a bha 's an eaglais anns an fhàsach, maille ris an aingeal a labhair ris ann am beinne Shina, agus maille r'ar n-aithricibh-ne: neach a fhuair briathran na beatha chum an toirt dhuinne:

39 Do nach b'àill le ar n-aithricibh a bhi ùmhal, ach chuir iad uatha e, agus 'n an cridhe phill iad air an ais do'n Eiphit,

40 Ag ràdh ri Aaron, Dean dhuinne diathan a théid romhainn: oir mu thimechioll a' Mhaois so, a thug a mach sinn á tìr na h-Eiphit, cha-n'eil fhios againn ciod a dh'éirich dha.

41 Agus rinn iad laogh 's na làithibh sin, agus thug iad ìobairt do'n dealbh, agus rinn iad gairdeachas ann an oibribh an àmhan féin.

42 An sin phill Dia, agus thug e thairis iad chum aoradh a dheanamh do armait nèimh, a réir mar a tha e sgrìobhta ann an leabhar nam fàidhean, An d'thug sibh dhomh-sa beathaichean marbhtha, agus ìobairtean ré dhà fhichead bliadhna anns an fhàsach, O a thigh Israeil?

43 Seadh, thog sibh suas pàillium Mholoich, agus reult bhur de Remphain, dealbhan a rinn sibh chum aoraidh dhoibh: uime sin

atharraichidh mi sibh dh'ionnsuidh an taobh-thall de Bhabilon.

44 Bha paillion na fianuis aig ar n-aithrichibh 's an fhàsach, a réir mar a dh'aithn an tì a labhair ri Maois, gu'n deanadh se e a réir an t-samhlaidh a chunn-aic e.

45 An nì a thug mar an ceudna ar n-aithrichean a bha 'n an dèigh, a steach maille ri Iosa do sheilbh nan Cinneach, a thilg Dia a mach roimh ghnùis ar n-aithrichean, gu làithibh Dhaibhidh ;

46 Neach a fhuair deadh-ghean 'am fianuis Dhé, agus a dh'iarr pàillion fhaotainn do Dhia Iacobh.

47 Ach thog Solamh tigh dha.

48 Gidheadh chan-nèil an tì a's àirde a' gabhail còmhnuidh ann an teampuibh làmh-dheanta ; mar a tha am fàidh ag ràdh,

49 *Is e nèamh mo rìgh-chaithir*, agus an talamh stòl mo chos: cìod an tigh a thogas sibh dhomh? tha an Tighearn ag ràdh: no cìod e ionad mo thàimh?

50 Nach do rinn mo làmh na nithean so uile?

51 A dhaoine cruaidh-mhuinealach, agus neo-thimchioll-gheartta ann an cridhe agus ann an cluasaibh, tha sibh a ghnàth a' cur an aghaidh an Spioraid naoimh: mar a rinn bhur n-aithrichean, mar sin tha sibhse a' deanamh.

52 Cò de na fàidhibh air nach d'rinn bhur n-aithrichean geur-leanmhuinn? agus mharbh siad iadsan a roimh-fhoillsich teachd an Fhèin ud; air an robh sibhse a nis 'n 'ur luchd-brathaidh, agus 'n 'ur mort-airibh:

53 *Sibhse* a fhuair an lagh le frithealadh nan zingeal, agus nach do choimhid e.

54 'N uair a chual' iad na nithean sin, bha iad air an gonadh 'n an cridhe, agus chas iad am fiacian ris.

55 Ach air dhàsan a bhì làn de'n Spiorad naoimh, dh'amhaire e gu geur suas gu nèamh, agus chunnaic e glòir Dhé, agus Iosa 'n a sheasamh air deas làimh Dhé;

56 Agus thubhairt e, Feuch, tha mi 'faicinn nan nèamhan fosgailte, agus Mac an duine 'n a sheasamh air deas làimh Dhé.

57 An sin ghlaodh iadsan le guth mòr, agus dhruid iad an cluasan, agus leum iad air a dh'aon inntinn,

58 Agus air dhoibh a thilgeadh a mach as a' bhaile, chlach iad e: agus thilg na fianuisean an eudach sìos aig cosaibh òganaich, d'am b'ainm Saul.

59 Agus chlach iad Stephen, agus e a' gairm air *Criosd*, agus ag ràdh, A Thigh-earn' Iosa, gabh ri mo spiorad.

60 Agus air dha e féin a leigeadh: air a ghluinibh, ghlaodh e le guth mòr, A Thigh-earna, na cuir am peacadh so as an leth. Agus air dha so a ràdh, choidil e.

CAIB. VIII.

1 *Shearmonaich* an soisgeul ann an Samaria le Philip, a bhaist mòran, agus am measg chàich Simon an Druidh. 14 Thàinig Peadar agus Eoin a dhaingneachadh na h-eaglais: 17 le cur an làmh air an dream a chreid, bha an Spiorad naomh air a thìodhlacadh: 18 'n uair a b' àill le Simon an thìodhlac ceudna 'cheumnach uatha le h-airgid, 20 chronuicheadh gu geur e le Peadar, &c.

A GUS bha Saul ag aontachadh le a bhàs-san. Agus dh'éirich auns an àm sin geur-leanmhuinn mhòr an aghaidh na h-eaglais a bha ann an Ierusalem; agus bha iad uile air an sgapadh air feadh tìre Iudea agus Shamaria, ach na h-abstoil a mhàin.

2 Agus ghiùlain daoine diadhaidh Stephen *chum 'adhlaid*, agus rinn iad caoidh mhòr air a shon.

3 Ach bha Saul a' fàsachadh na h-eaglais, a' dol a steach do gach tigh; agus ag tarruing a mach fhear agus bhan, chuir e 'am prìosan iad.

4 Uime sin dh'imich an dream a sgapadh, feadh gach àite, a' searmonachadh an fhocail.

5 An sin chaidh Philip sìos do bhaile Shamaria, agus shearmonaich e Criosd doibh.

6 Agus thug an sluagh a dh'aon toil aire do na nithibh a labhradh le Philip, ag èisd-eachd ris, agus a' faicinn nam mìorbhuilean a rinn e.

7 Oir chaidh spioradan neòghlan a mach à mòran anns an robh iad, a' glaochaich le guth mòr: agus chaidh mòran air an robh am pairilis, agus a bha 'n am bacaich, a shlànuchadh.

8 Agus bha gairdeachas mòr 's a' bhaile sin.

9 Ach bha roimhe sin duine àraidh 's a' bhaile sin d'am b'ainm Simon, a ghnàthaich druidheachd, agus a mheall muinntir Shamaria, ag ràdh gu'm bu neach mòr éigin e féin.

10 Dhàsan thug iad uile aire o'n bheagus a' mhòr, ag ràdh, Is e an duine so cumhachd mòr Dhé.

11 Agus thug iad an aire dha, a chionn gu'n do mheall e iad ré ùine fhada le a dhruidheachd.

12 Ach an uair a chreid iad Philip, a' searmonachadh nan nithean a bhuineas do rìoghachd Dhé, agus do ainm Iosa Criosd, bhaisteadh iad eadar fheara agus mhuathan.

13 An sin chreid Simon féin mar an ceudna: agus an uair a bhaisteadh e, dh'fhan e maille ri Philip, agus a' faicinn nan comharadh agus nam fear a rinn-eadh, ghabh e iongantas ro mhòr.

14 Agus an uair a chuala na h-abstoil a bha ann an Ierusalem, gu'n do ghabh Samaria focal Dhé, chuir iad d'an ionnsuidh Peadar agus Eoin:

15 Agus an uair a chaidh iad sìos, ghuidh

iad air an son gu'm faigheadh iad an Spiorad naomh.

16 (Oir cha d'fhàinig e fathast a nuas air aon aca: ach a mhàin bhaisteadh iad ann an ainm an Tighearna Iosa.)

17 An sin chuir iad an làmhnan orra, agus fhuair iad an Spiorad naomh.

18 Agus an uair a chunnaic Simon gu'n robh an Spiorad naomh air a thoirt tre làmhnan nan abstol a chur orra, thairg e airgid dhoibh,

19 Ag ràdh, Thugaibh dhomh-sa mar an ceudna an cumhachd so, cia b'è neach air an cuir mi mo làmhnan, gu'm faigh e an Spiorad naomh.

20 Ach thubhairt Peadar ris, Gu rachadh d'airgid 'am mugha maille riut féin, a chionn gu'n do mheas thu gu'm feudadh tìodhlac Dhé a cheannach le h-airgid.

21 Cha-n'eil agad cuid no crannchur 's a' chùis so: oir cha-n'eil do chridhe dìreach 'am fianuis Dhé.

22 Gabh aithreachas uime sin de d'òle so, agus guidh air Dia, ma dh'fheudar gu maith-ear dhuit smuaine do chridhe.

23 Oir tha mi 'g ad fhaicinn ann an domblas na seirbhe, agus fo chuibhreach na h-eucorach.

24 An sin fhreagair Simon, agus thubhairt e, Guidhibh-se an Tighearn air mo shon, nach tig aon de na nithibh sin a thubhairt sibh orm.

25 An sin air dhoibh-san fianuis a dheanamh agus focal an Tighearn a labhairt, phill iad gu Ierusalem, agus shearmonaich iad an soisgeul ann am mòran de bhailtibh nan Samaritanach.

26 Agus labhair aingeal an Tighearna ri Philip, ag ràdh, Eirich agus imich chum na h-àirde deas, chum na slighe a tha 'd'òl sìos o Ierusalem gu Gasa, a tha 'n a fhàsach.

27 Agus dh'èirich e, agus dh'imich e: agus, feuch, duine àraidh, caillteanach o Etiopia, aig an robh mòr-ùghdarras fo Chandace ban-righinn na h-Etiopia, agus a bha os ceann a h-ionmhais uile, agus a bha air teachd gu Ierusalem chum aoradh a dheanamh,

28 Bha e a' pilltinn air ais, agus 'n a shuidhe 'n a charbad, agus bha e a' leughadh an fhàidh Eisaiais,

29 An sin thubhairt an Spiorad ri Philip, Imich am fagus, agus druid ris a' charbad so.

30 Agus ruith Philip d'a ionnsuidh, agus chuala se e a' leughadh an fhàidh Eisaiais, agus thubhairt e, Am bheil thu a' tuigsinn nan nithean a tha thu a' leughadh?

31 Agus thubhairt esan, Cìomus is urrainn mi, mur seòl neach éigin mi? Agus dh'iarr e air Philip teachd a nìos, agus guidhe maille ris.

32 A' chuibhrioinn de'n sgrìobtuir a bha e leughadh, b'i so i, Thugadh e mar chaora

chum marbhaidh; agus mar uan a tha 'n a thòsd 'am fianuis an fhir-lomairt, mar sin cha d'fhosgail e a bheul:

33 'N a isleachadh thugadh a bhreitheanas air falbh: agus cò a nochdas a ghinealach? oir thogadh a bheatha o'n talamh.

34 Agus fhreagair an caillteanach, agus thubhairt e ri Philip, Guidheam ort, co uime tha am fàidh ag ràdh so? uime féin, no mu neach éigin eile?

35 An sin dh'fhosgail Philip a bheul, agus a' tòiseachadh o'n sgrìobtuir sin, shearmonaich e Iosa dha.

36 Agus an uair a dh'imich iad air an t-slighe, thàinig iad gu h-uisge àraidh: agus thubhairt an caillteanach, Feuch, uisge; ciod a tha 'bacadh mise 'bhi air mo bhaisteadh?

37 Agus thubhairt Philip, Ma tha thu a' creidsinn le d' uile chridhe, feudaidd tu. Agus fhreagair e agus thubhairt e, Tha mi a' creidsinn gur e Iosa Crìosd Mac Dhé.

38 Agus dh'àithn e 'n carbad a sheasamh: agus chaidh iad sìos le 'chéile do'n uisge, araon Philip agus an caillteanach; agus bhaist se e.

39 Agus an uair a thàinig iad a nìos as an uisge, thug Spiorad an Tighearna Philip leis, agus cha'n fhaic an caillteanach tuilleadh e: agus dh'imich e air 'aghaidh le gairdeachas.

40 Ach fhuaradh Philip ann an Asotos: agus shearmonaich e anns na bailtibh uile, a' dol troimh ar dùthaich, gus an d'fhàinig e gu Cesarea.

CAIB. IX.

1 Tha Saul, air dha 'bhi 'g imeachd gu Damascus, air a leagadh sìos gu talamh le dealradh, agus guth o nìamh: 10 ghairmeadh e chum na h-abstolachd, 18 agus bhaisteadh e le Ananias: 20 shearmonaich e Crìosd gu dàna. 23 Chuir na h-Iudhaich, agus mar an ceudna na Greugaich, an comhairle ri 'chéile chum a mharbhadh. 31 Leigheas Peadar Eneas de'n phairilis: 38 thug e Tabita beò.

A GUS air do Shaul bhi fathast a' séid-eadh bagraidh, agus sgrios an aghaidh dheisciobul an Tighearna, chaidh e chum an àrd-shagairt,

2 Agus dh'iarr e litrichean uaith gu Damascus chum nan sionagag, chum nan faigheadh e aon neach de'n t-slighe so, co aca b'fhir no mnathan iad, gu'n tugadh e leis ceangailte gu Ierusalem iad.

3 Agus ag imcacadh dha, tharladh gu'n do dhruid e ri Damascus: agus d'chalaich gu h-obann mu'n cuairt air solus o nìamh.

4 Agus air tuiteam dha air an talamh, chual e guth ag ràdh ris, A Shaul, A Shaul, c'ar son a tha thu 'g am gheur-leamhuinn-sa?

5 Agus thubhairt esan, Cò thu, a Thighearna? Agus thubhairt an Tighearn, Is mise Iosa a tha thusa a' gcur-leamhuinn.

is cruaidh dhuit-sa breabadh an aghaidh nan dealg.

6 Agus air dhàsan a bhi air chrith agus làn uamhainn, thubhairt e, A Thighearna, ciod a's àill leat misc a dheanamh? Agus thubhairt an Tighearn ris, Eirich, agus rach a steach do'n bhaile, agus innsear dhuit ciod a's còir dhuit a dheanamh.

7 Agus sheas na daoine, 'bha 'g imeachd maille ris, 'n an tosd, a' chuimhinn a' ghutha, ach gun neach air bith fhaicinn.

8 Agus dh'éirich Saul o'n talamh, agus air fosgladh a shùil dha, cha-n fhaic e neach air bith: ach air dhoibh breith air a làimh, thredraich iad e gu Damascus.

9 Agus bha e tri làithean gun radharc, agus cha d'ith agus cha d'òl e ni air bith.

10 Agus bha deisciobul àraidh ann an Damascus, d'am b'ainm Ananias; agus thubhairt an Tighearn ris ann am foills-eachadh, Ananias. Agus thubhairt esan, Feuch tha mi an so, a Thighearna.

11 Agus thubhairt an Tighearn ris, Eirich, agus imich do'n t-sràid, ris an abrar Dir-each, agus iarr ann an tigh Iudais, duine o Tharsus d'an goirear Saul: oir feuch, tha e ri nuigh,

12 Agus chunnaic e ann am foills-eachadh duine d'an ainm Ananias, a' teachd a steach, agus a' cur a làimh air, chum gu'm faigh-eadh e a radharc.

13 An sin fhreagair Ananias, A Thighearna, chuala mi o mhòran mu'n duine so, cia lion òle a rinn e do d' naomh ann an Ierusalem:

14 Agus tha an so ùghdarras aige o uachd-aranabh nan sagart, iadsan uile a cheangal a tha 'gairm air d'ainm-sa.

15 Ach thubhairt an Tighearn ris, Imich; oir is soitheach taghta dhomh-sa e, chum m'ainm a ghiùlan 'am fianuis nan Cinncach, agus rìghrean, agus chloinn Israeil.

16 Oir nochdaidh mise dha cia mòr na nithean a's éigin da fhulang air sgàth m'ainme-sa.

17 Agus dh'imich Ananias, agus chaidh e steach do'n tigh; agus chuir e a làmhan air, agus thubhairt e, A Shaul, a bhràthair, chuir an Tighearn, (eadhon Iosa a dh'fhoills-icheadh dhuit-sa anns an t-slighe air an d'fhàinig thu,) mise chum gu'm faigheadh tu do radharc, agus gu'm bitheadh tu air do lionadh leis an Spioraid naomh.

18 Agus air ball thuit o'shùilibh mar gu'm bitheadh lannan; agus dh'aisicadh a radharc dha gun dàil, agus air dha éiridh, bhaisteadh e.

19 Agus an uair a ghabh e biadh, neartaich-eadh e. An sin bha Saul làithean àraidh maille ris na deisciobuibh a bha ann an Damascus.

20 Agus air ball shearmonaich e Iosa anns na sionagogaibh, gur esan Mac Dhé.

21 Ach bha na h-uile a chual e fo uamhas,

agus thubhairt iad, Nach e so esan a bha 'sgrios ann an Ierusalem na muinntir a bha 'gairm air au aium so, agus a thàinig an so chum na crìche so, gu'n tugadh e ceangailte iad dh'ionnsuidh uachdaran nan sagart?

22 Ach bu mhòid a neartaicheadh Saul, agus chuir e gu h-amhladh na h-Iudhaich a bha chòmhnuidh ann an Damascus, a' dearbhadh gur e so an Crìosd.

23 Agus air dol do mhòran làithean seachad, rinn na h-Iudhaich comhairle r'a chéile esan a mharbhadh:

24 Ach thugadh fios do Shaul air am foill: agus bha faire aca air na geatachaibh a là agus a dh'oidhche chum a mharbhadh.

25 An sin ghabh na deisciobul e 's an oidhche, agus chuir iad a mach thar a' bhalla e, agus leig iad sìos ann an cliabh e.

26 Agus an uair a thàinig Saul gu Ierusalem, dh'fheuch e ri e féin a cheangal ris na deisciobuibh: ach bha eagal orra uile roimhe, agus cha do chreid iad gu'm bu deisciobul e.

27 Ach ghabh Barnabas d'a ionnsuidh e, agus thug e chum nan abstol e, agus chuir e'n céill doibh cionnus a chunnaic e'n Tighearn auns an t-slighe, agus gu'n do labhair e ris, agus cionnus a shearmonaich e gu dàna ann an Damascus ann an ainm Iosa.

28 Agus bha e maille ri u' teachd a steach, agus a' dol a mach ann an Ierusalem.

29 Agus labhair e gu dàna ann an ainm an Tighearna Iosa, agus rinn e reusonachadh an aghaidh uan Greugach: ach chuir iadsan rompa esan a mharbhadh.

30 Ach an uair a thuig na bràithrean so, thug iad sìos e gu Cesarea, agus chuir iad air falbh gu Tarsus e.

31 An sin bha fois aig na h-eaglaisibh troimh Iudea uile, agus Ghalile, agus Samaria, agus air dhoibh a bhi air an togail suas, agus a' siubhal ann an eagal an Tighearna, agus ann an comhfhurtachd an Spioraid naomh, mheudaicheadh gu mòr iad.

32 Agus tharladh, air do Pheadar imeachd troimh gach àite, gu'n deachaidh e sìos mar an ceudna chum nan naomh a bha 'ga hail còmhnuidh ann an Lida.

33 Agus fhuair e an sin duine àraidh d'am b'ainm Eneas, a bha ré ochd bliadhna r a leabaidh, agus e gu tinn leis a' phàirilis.

34 Agus thubhairt Peadar ris, Eneas, tha Iosa Crìosd ga d' leigheas: éirich agus dean do leabadh. Agus air ball dh'éirich e.

35 Agus chunnaic iadsan uile e, a bha' chòmhnuidh ann an Lida, agus ann an Saron, agus phill iad chum an Tighearna.

36 A nis bha ban-deisciobul àraidh ann an Iopa d'am b'ainm Tabita, 's e sin, air eadar-theangachadh, Dorcas: bha a' bhean so làn de dheadh oibribh, agus de dhéircibh a rinn i.

37 Agus tharladh anns na làithibh sin, air

dhi 'bhi gu tinn gu'n d'fhuair i bàs: Agus air dhoibh a h-ionnlad, chuir iad ann an seòmar uachdarach i.

38 Agus air do Lida 'bhi fagus do Iopa, agus air cluinntinn do na deiscioblaibh gu'n robh Peadar an sin, chuir iad dithis dhaoine d'a ionnsuidh, a' guidhe *air* e' theachd d'an ionnsuidh gun dàil.

39 An sin dh'éirich Peadar, agus chaidh e maille ri. Agus an uair a bha e air teachd, thredraich iad suas e do'n t-seòmar uachdarach: agus sheas na bantraichean uile làimh ris a' caoineadh, agus a' nochdadh nan còta agus nan trusgan a rinn Dorcas am feadh a bha i maille ri.

40 Ach air do Pheadar an cur a mach uile, leig se e féin air a ghlùinibh agus rinn e urnuigh; agus air dha tionndadh ris a' chorp, thubhairt e, A Thabita, éirich. Agus dh'fhosgail isc a sùilean: Agus air dhi Peadar fhaicinn, dh'éirich i 'n a suidhe.

41 Agus thug e a làmh dhi, agus thog c 'n a seasamh i; agus an uair a ghairm c na naoimh agus na bantraichean, chuir e 'n an lùthair beò i.

42 Agus fhuaradh fios air so tre Iopa uile; agus chreid mòran anns an Tighearn.

43 Agus tharladh gu'n d'fhan e mòran de làithean ann an Iopa maille ri Simon àraidh fear-deasachaidh leathair.

CAIB. X.

1 *Air do Chornelius, duine cràbhach, àithne fhaotainn o aingeal, chuir e fios air Peadar.*
 11 *a bha air a theagasg ann an taisbeanadh gun e dheanamh tàir air na Cinnich: 34 Am feadh a bha e 's earmonachadh Chriosd do Chornelius agus d'a chuideachd, thàinig an Spiorad naomh a nuas orra, agus bhaisteadh iad.*

A GUS bha duine àraidh ann an Cesarea, d'am b'ainm Cornelius, ceannard-ceud de'n chuideachd ris an abrar a' chuideachd Eadailteach,

2 *Duine cràbhach, agus air an robh eagal Dhé maille r'a thigh uile, a bha 'toirt mòran deirce do'n t-sluagh, agus a' deanamh urnuigh ri Dia a ghnàth.*

3 Chunnaic e ann an sealladh gu soilleir, mu thimchioll na naothamh uaire de'n là, aingeal Dhé a' teachd a stigh d'a ionnsuidh, agus ag ràdh, A Chornelius.

4 Agus air dhàsan amharc gu geur air, ghabh e eagal, agus thubhairt e, Ciod e, a Thighearna? Agus thubhairt e ris, Chaidh d'urnuighean agus do dhéircean suas mar chuimhneachan ann am fànuis Dhé.

5 Agus a nis cuir daoine gu Iopa, agus cuir fios air Simon, d'an co-ainm Peadar:

6 Tha e air aoidheachd maille ri Simon àraidh fear-deasachaidh leathair, aig am bheil a thigh làimh ris an fhaighe: innsidh esan duit ciod is còir dhuit a dheanamh.

7 Agus an uair a dh'fhalbh an t-aingeal a labhair ri Cornelius, ghairm e d'a ionnsuidh dithis de mhuinntir a thigh, agus saighdear

cràbhach de'n dream a bha ghnàth a' feith eamh air;

8 Agus an uair a chuir e an t-ionmhan an céill doibh, chuir e iad gu Iopa.

9 Agus air an là màireach, 'n uair a bha iadsan air an turus, agus a' teachd 'am fagus do'n bhaile, chaidh Peadar suas air mullach an tighe a dheanamh urnuigh, mu thimchioll na seathamh uaire.

10 Agus dh'fhàs e ro ocrach, agus bu mhiann leis *biadh* itheadh: ach am feadh a bha iadsan ag ulluchadh, thuit e ann an neul,

11 Agus chunnaic e nèamh fosgailte, agus soitheach àraidh a' teachd a nuas d'a ionnsuidh, mar bhraith-lìn mhòir, ceangailte air a ceithir oisnibh, agus air a leigeadh sìos air an talamh;

12 Anns an robh gach uile ghnè bheathaichean ceithir-chosach na talmhainn, agus bheathaichean fadhaich, agus bhiasda snaigeach, agus eunlaith an athair.

13 Agus thàinig guth d'a ionnsuidh, Eirich, a Pheadair; marbh agus ith.

14 Ach thubhairt Peadar, Ni h-eadh, a Thighearna; oir cha d'ith mi riamh aon ni coitcheinn no neòghlan.

15 Agus *thubhairt* an guth ris a ris an dara uair, Na nithean sin a ghlan Dia, na gairm thusa coitcheinn.

16 Agus rinneadh so tri uairean: agus thogadh an soitheach a ris suas gu nèamh.

17 A nis an uair a bha Peadar fo amharus ann féin ciod a bu chiall do'n t-sealladh a chunnaic e, feuch, bha na daoine a chuireadh o Chornelius, an déigh dhoibh tigh Shimoin iarraidh, 'n an seasamh aig an doras.

18 Agus air gairm dhoibh, dh'fheadraich iad an robh Simon d'an co-ainm Peadar, air aoidheachd an sin.

19 An feadh a bha Peadar a' smuaineachadh air an t-sealladh, thubhairt an Spiorad ris, Feuch, tha triuir dhaoine ga d' iarraidh.

20 Uime sin éirich, agus gabh sìos, agus imich maille ri, gun amharus air bith a bhi ort: oir is mise a chuir uam iad.

21 Agus chaidh Peadar sìos chum nan daoine, [a chuireadh d'a ionnsuidh o Chornelius,] agus thubhairt e, Feuch, is mise an ti a tha sibh ag iarraidh: ciod e an t-aobhar mu'n d'thàinig sibh?

22 Agus thubhairt iadsan, Fhuair Cornelius an ceannard-ceud, duine cothromach, air am bheil eagal Dhé, agus fo dheadh ainm aig cinncach nan Iudhach uile, rabhadh o Dhia le aingeal naomh, fios a chur ortsa d'a thigh, agus briathran a chluinntinn uait.

23 An sin ghairm e steach iad, agus thug e aoidheachd *dhoibh*. Agus air an là màireach dh'imich Peadar maille ri, agus chaidh dream àraidh de na bràithribh o Iopa maille ris.

24 Agus air an là maireach chaidh iad a steach do Chesarea: agus bha Cornelius a' feitheamh riu, agus air gairm a luchd-dàimh agus a chàirdean dileas an ceann a chèile.

25 Agus an uair a bha Peadar a' dol a steach, choinnich Cornelius e, agus thuit e sìos aig a chosaibh, agus rinn e aoradh dha.

26 Ach thog Peadar suas e, ag ràdh, Seas suas; is duine mise mar an ceudna.

27 Agus ag còmhradh ris, chaidh e steach, agus fhuair e mòr-mhuinntir cruinn.

28 Agus thubhairt e riu, Tha fios agaibh gu bheil e mì-dhligeach do dhuine a tha 'n a Iudhach, comhludair a chumail ri neach a tha de chinneach eile, no teachd am fagus da; ach nochd Dia dhomh-sa, gu duine air bith a ghairm coitichionn no neòghlan.

29 Uime sin thàinig mise 'n uair a chuir-eadh fios orm, gun aon ni a ràdh 'n a aghaidh: air an aobhar sin tha mi 'fèdraich c'ar son a chuir sibh fios orm?

30 Agus thubhairt Cornelius, O'n cheathramh là gus an uair so bha mi a' deanamh trasgaidh; agus air an naothamh uair bha mi 'deanamh urnuigh ann am thigh, agus, feuch, sheas duine a'm làthair ann an eudach dealrach,

31 Agus thubhairt e, A Chorneliuis, fhuair d'urnuigh éisdeachd, agus tha do dhéirean air an cuimhneachadh 'm fianuis Dhé.

32 Uime sin cuir gu Iopa, agus cuir fios air Simon, d'an co-aime Peadar; tha e air aoidheachd ann an tigh Shimoin fear-deasachaidh leathair, làimh ris a' mhuir; neach, 'n uair a thig e, a labhras riut.

33 Uime sin chuir mi air ball fios ort; agus is maith a rinn thu teachd. Air an aobhar sin tha sinne uile an so a làthair 'am fianuis Dhé, a dh'éisdeachd nan uile nithean a tha air an àithneadh dhuit-sa le Dia.

34 An sin dh'fhosgail Peadar a bheul, agus thubhairt e, Gu fìrinneach tha mi 'g aithneachadh nach 'eil Dia ag amharc air pearsaibh seach a chèile:

35 Ach anns gach uile chinneach tha an neach air am bheil 'eagal-san, agus a tha 'g oibreachadh fireantachd, taitneach aige.

36 Am focal a chuir Dia gu cloinn Israeil a' searmonachadh sìth tre Iosa Crìosd, (neach a's e Tighearn nan uile.)

37 Am focal sin a's aithne dhuibh, a sgaoileadh air feadh tìre Iudea uile, agus a thòisich o Ghalile, an dèigh a' bhaistidh a shearmonaich Eoin:

38 Cionnusa a dh'ung Dia Iosa o Nasaret leis an Spiorad naomh, agus le cumhachd; neach a chaidh mu'n cuairt a' deanamh maith, agus a' slànachadh nan uile a bha air am foireigneachadh leis an diabhul: oir bha Dia maille ris.

39 Agus tha sinne 'n ar fianuisibh air na h-uile nithibh a rinn e, raon ann an tìr

nan Iudhach, agus ann an Ierusalem; neach a mharbhadh iad, 'g a chrochadh air crann:

40 Esan thog Dia suas air an treas là, agus nochd se e gu follaiseach;

41 Cha-n ann do'n t-sluagh uile, ach do fhianuisibh, a thaghadh le Dia roimh-làimh, eadhon dhuinne, a dh'ith agus a dh'òl maille ris an dèigh dha éiridh o na marbhaibh.

42 Agus dh'àithn e dhuinne scarmonachadh do'n t-sluagh, agus fianuis a dheanamh gur esan a dh'orduicheadh le Dia 'n a bhreitheamh air bheòthaibh agus air mhaibh.

43 Dhàsan tha na fàidhean uile a' toirt fianuis, gu'm faigh gach neach a chreideas ann martheanas 'n am peacaibh tre 'ainm-san.

44 Am feadh a bha Peadar fathast a' labhairt nam briathar sin, thuirling an Spiorad naomh orra-san uile a chual am focal.

45 Agus ghabh na creidich de'n timchioll-ghearradh, a mheud diubh 's a thàinig maille ri Peadar, iongantas mòr, do bhrìgh gu'n do dhòirteadh air na Cinnich mar an ceudna tìodhlac an Spioraid naoimh.

46 Oir chuala siad iad a' labhairt le teangaibh, agus ag àrd-mholadh Dhé. Au sin fhreagair Peadar,

47 Am feud neach sam bith uisge a thoirmeasg, chum nach rachadh iad so a bhaisteadh, a fhuair an Spiorad naomh, co maith ruinne?

48 Agus dh'orduich e iad a bhi air an baisteadh ann an ainm an Tighearna. An sin ghuidh iad air fantuinn maille riu làithean àraidh.

CAIB. XI.

1 *Fhuaradh cron do Pheadar air son comhludair a ghleideadh ris na Cinnich: 4 dh'innis e a reuson, agus thàinig sin r'a luchd-dùidh. 19 Sgaoileadh an soisgeul feadh Phenice, agus Chipruis, agus Antioch. 26 Thugadh nar ainm oir na deisciobluibh Crìosduidhean air tìs ann an Antioch, &c.*

A GUS chuala na h-abstoil agus na bràithrean a bha ann an Iudea, gu'n do ghabh na Cinnich mar an ceudna ri focal Dhé.

2 Agus an uair a chaidh Peadar suas gu Ierusalem, rinn iadsan a bha de'n timchioll-ghearradh, connspoid ris,

3 Ag ràdh, Chaidh thu steach a dh'ionnsuidh dhaoine nach robh air an timchioll-ghearradh, agus dh'ith thu maille riu.

4 Agus thòisich Peadar, agus chuir e'n t-ìomlan 'an cèill doibh ann an ordugh, ag ràdh,

5 Bha mi ann am baile Iopa ri urnuigh; agus ann an neul chunnaic mi sealladh, Soitheach àraidh a' teachd a muas, mar bhràith-lìn mhòir, air a leigeadh a nuas o nèamh air a ceithir oisnibh; agus thàinig i a m' ionnsuidh-sa.

6 Agus air dhomh beachdachadh gu geur

oirre, thug mi faincar, agus chunnaic mi beathaichean, ceithir-chosach na talmhainn, agus na fiadh-bheathaichean, agus na biadsan snáigeach, agus eunlaith an athair.

7 Agus chuala mi guth ag rãdh rium, Eirich, a Pheadair; marbh agus ith.

8 Ach thubhairt mise, Nì h-eadh, a Thigh-carna: oir cha deachaidh riamh aon nì coitichionn no neòghlan a steach do m' bheul.

9 Ach fhreagair an guth mi an dara uair o nèamh, Na nithean a ghlan Dia na meas thusa neòghlan.

10 Agus rinneadh so trì uairean: agus thogadh an t-ionlan a ris suas gu nèamh.

11 Agus, feuch, air ball bha triuir dhaoine air teachd chum an tighe anns an robh mi, a chuireadh o Chesarea a m' ionnsuidh.

12 Agus thubhairt an Spiorad rium dol maille ri, gun amharus air bith a bhi orm. Agus chaidh mar an ceudna an t-seathnar bhràithrean so maille rium, agus chaidh sinn a steach do thigh an duine:

13 Agus nochd e dhuinn cionnus a chunnaic e aingeal 'n a sheasamh 'n a thigh, a thubhairt ris, Cuir daoine gu Iopa, agus cuir fios air Simon, d'an co-aonn Peadar;

14 Neach a labhras briathran riut, leis an tèarnar thu féin agus do thigh uile.

15 Agus an uair a thòisich mi air labhairt, thuirling an Spiorad naomh orra-san, mar oirne air tùs.

16 An sin chuimhnich mise focal an Tigh-carna, mar a thubhairt e, Bhaist Eoin gun amharus le h-uigse; ach baistear sibhse leis an Spiorad naomh.

17 Uime sin na thug Dia dhoibh-san tìodhlac co-ionann ruinne, a chreid anns an Tighearn Iosa Crìosd, cò mise gu'm bithinn comasach bacadh a chur air Dia?

18 Agus an uair a chual iad na nithean so, thosd iad, agus thug iad glòir do Dhia, ag ràdh, Thug Dia na seadh mar an ceudna do na Cinnich aithreachas chum beatha.

19 A nis chaidh iadsan a sgapadh a mach leis an àmhghar a dh'èirich air son Stephein, gu ruig Phenice, agus Ciprus, agus Antioch, gun am focal a labhairt ri aon neach ach ris na h-Iudhaich a mhàin.

20 Agus bha cuid diubh o Chiprus, agus o Chirene, dream air dhoibh dol a steach do Antioch, a labhair ris na Greugaich, a' searmonachadh an Tighearna Iosa.

21 Agus bha làmh an Tighearna maille ri: agus chreid àireamh mhòr, agus phill iad chum an Tighearna.

22 Agus thàinig sgeul air na nithibh sin gu cluasaibh na h-eaglais a bha ann an Ierusalem: agus chuir iad Barnabas uatha, chum gu'n rachadh e gu Antioch:

23 Neach an uair a thàinig e, agus a chunnaic e gràs Dhé, a rinn gairdeachas, agus a dh'earraich orra uile, gu'n dlùth-leanadh iad ris an Tighearn le rùn eridhe.

24 Oir bha e 'n a dhuine maith, agus làn de'n Spiorad naomh, agus de chreidimh. Agus chuireadh sluagh mòr ris an Tigh-earn.

25 An sin chaidh Barnabas gu Tarsus, a dh'iarraidh Shaul.

26 Agus air dha fhaotainn, thug e leis e gu Antioch. Agus tharladh, gu'n robh iad ré bliadhna iomlain air an cruinneachadh maille ris an eaglais, agus gu'n do theagaisg iad sluagh mòr; agus gu'n do ghoireadh Crìosduidhean de na deisciobluibh air tùs ann an Antioch.

27 Agus anns na làithibh sin thàinig fàidhean o Ierusalem gu Antioch.

28 Agus air seasamh suas do aon diubh d'am b'ainm Agabus, dh'fhoillsich e troimh an Spiorad, gu'm bitheadh gorta mhòr air feadh an domhain uile: nì mar an ceudna a thachair ri linn Chlaudiuis Cheasair.

29 An sin chuir gach aon de na deisciobluibh roimhe, a rèir a chomais, còmhnaidh a chur chum nam bràithrean, a bha' chòmh-nuidh ann an Iudea.

30 Nì mar an ceudna a rinn iad, agus chuir iad e chum nan seanairean le làmh Bharnabais agus Shaul.

CAIB. XII.

1 *Rinn Herod geur-leanmhuinn air na Crìosduidhibh, 2 mharbh e Seumas, 3 agus chuir e Peadar ann am prìosan, neach a thugadh a mach le aingeal tre urnuighibh na h-eaglais: 23 Bhuail Pheadar le aingeal, agus bhàsaich e gu truagh: 24 Shoirbhich le focal Dhé an dèigh bàis Heroid.*

A NIS mu'n àm sin, shìn Herod an rìgh a làmh, a dheanamh uile air dream àraidh de'n eaglais.

2 Agus mharbh e Seumas bràthair Eoin leis a' chlaidheamh.

3 Agus an uair a chunnaic e gu'n do thaitinn sin ris na h-Iudhaich, chaidh e air aghaidh a ghlacadh Pheadair mar an ceudna. (Agus b'iad làithean an arain neo-ghoirtichte a bh'ann.)

4 Agus ghlac e agus chuir e'm prìosan e, agus thug se e r'a ghleidheadh do cheithir cheathrar shaighdearan, fa rùn a thoirt a mach do'n t-sluagh an dèigh na càisge.

5 Air an aobhar sin ghleidheadh Peadar anns a' phrìosan: ach bha gnàth-urnuigh air a deanamh leis an eaglais ri Dia air a shon.

6 Agus an uair a b'ail le Herod a thoirt a mach, 's an oidhech sin féin bha Peadar 'n a chodal eadar dithis shaighdearan, ceangailte le dà shlabhruidh: agus bha'n luchd-fàire fa chomhair an doruis a' coimhead a' phrìosan.

7 Agus, feuch, thàinig aingeal an Tigh-carn' air, agus dhealraich solus anns a' phrìosan: agus dhuìsg se e, ag ràdh, Eirich gu grad. Agus thuit a cheanglaichean d'a làmh.

8 Agus thubhairt an t-ingeal ris, Crìos-laich thu féin, agus ceangail ort do bhonn-

bhrògan : agus rinn e mar sin. Agus thubhairt e ris, Tilg d'fhalluinn umad, agus lean mise.

9 Agus chaidh e mach, agus lean se e; agus cha robh fhios aige gu'n robh e fìor an uir a rinneadh leis an aingeal: ach shaoil e gu'm bu taisbeanadh a chunnaic e.

10 Agus air dhoibh dol troimh 'n cheud agus an dara faire, thàinig iad chum a' gheata iaruirn a tha 'reòrachadh do'n bhaile, a dh'fhosgail doibh leis féin: agus air dol a mach dhoibh, chaidh iad air an aghaidh troimh aon sràid, agus air ball dh'fhalbh an t-aingeal uath.

11 Agus an uair a thàinig Peadar d'a ionnsuidh féin, thubhairt e, A nis tha fhios agam gu fìrinneach gu'n do chuir an Tighearn' aingeal uath, agus gu'n do shaoir e mi o làimh Heroid, agus o uile dhùil pobuill nan Iudhach.

12 Agus an uair a smuainich e air a' chùis, thàinig e gu tigh Mhuire màthar Eoin, d'an co-ainm Marcus, far an robh mòran muinntir cruinn, agus iad ri urn-uigh.

13 Agus an uair a bha Peadar a' bualadh doruis a' gheata, thàinig gruagach d'an b'ainm Roda a dh'éisdeachd.

14 Agus an uair a dh'aithnich i guth Pheadair, tre aoibhneas cha d'fhosgail i an geata, ach ruith i stigh, agus dh'innis i gu'n robh Peadar 'n a sheasamh aig a' gheata.

15 Ach thubhairt iad rithe, Tha thu air mhi-chéill. Ach bha ise 'toirt dearbh-chinnt-e gu'n robh e mar sin. An sin thubhairt iad, Is e 'aingeal a tha ann.

16 Ach bhunaich Peadar a' bualadh an doruis: agus an uair a dh'fhosgail iad, agus a chunnaic iad e, bha iad làn uamhais.

17 Ach air dhàsan smèideadh orra le a làimh iad a bhi 'n an tosd, chuir e'n céill doibh cionnus a thug an Tighearn as a' phrìosan e. Agus thubhairt e, Innsibh na nithean so do Sheumas agus do na bràithribh. Agus air dol a mach dha, chaidh e gu àit eile.

18 Agus air teachd do'n là bha iomairt nach bu bheag am measg nan saighdearan, ciod a thachair do Pheadar.

19 Agus an uair a dh'iarr Herod e, agus nach d'fhuair se e, rannsaich e an luchd-coimhead, agus dh'orduich e an toirt air falbh chum peanais. Agus chaidh e sìos o Iudea gu Cesarea, agus rinn e còmhnuidh an sin.

20 Agus bha fearg mhòr aig Herod ri muinntir Thiruis agus Shidoin: ach thàinig iadsan a dh'aon intinn d'a ionnsuidh, agus air dhoibh Blastus seomradair an rìgh a thoirt air an crann, dh'iarr iad sìth; do bhrìgh gu'n robh an tìr air a beathachadh le tìr an rìgh.

21 Agus air là orduichte, air do Herod a bhi air a sgèadachadh le eudach rìoghail,

agus 'n a shuidhe air a rìgh-chaitheir, labhair e gu deasbhriathrach riu.

22 Agus rinn an sluagh iolach, ag ràdh, Is guth Dé so, agus cha ghuth duine.

23 Agus air ball bhuaill aingeal an Tighearn' e, do bhrìgh nach d'fhug e a' ghloir do Dhia: agus dh'itheadh le enuimh bh e, agus chaidh an deò as.

24 Ach dh'fhàs focal an Tighearn' agus mheudaicheadh e.

25 Agus phill Barnabas agus Saul o Ierusalem, air dhoibh an ministrealachd a choimhlìonadh, a' toirt leo mar an ceudna Eoin, d'an co-ainm Marcus.

CAIB. XIII.

1 Thaghadh Pòl agus Barnabas gu dol chum nan Cìnneach. 7 Mu thimcheòll Shergius Pauluis, agus Elimas an druigh. 14 Shearmonaich Pòl aig Antioch, gur e Iosa an Criosd. 42 Chreid na Cìnneach, ach labhair na h-Iudhaich an aghaidh na fìrinne.

A NIS bha anns an eaglais a bha aig Antioch, fàidhean, agus luchd-teagaisg àraidh; mar tha Barnabas, agus Simeon ris an abrar Niger, agus Lucius o Chirene, agus Manacn comh-alta Heroid an Tetràire, agus Saul.

2 Agus air dhoibh bhi ri ministrealachd do'n Tighearn, agus a' trasgadh, thubhairt an Spiorad naomh, Cuiribh air leth dhomhsa Barnabas agus Saul, chum na h-oibre gu'n do ghairm mi iad.

3 An sin air dhoibh trasgadh agus urn-uigh a dheanamh, agus an làmh an a chur orra, leig iad uatha iad.

4 Mar sin air dhoibh-san a bhi air an cur a mach leis an Spiorad naomh, chaidh iad sìos gu Seleucia; agus o sin sheòl iad gu Ciprus.

5 Agus air dhoibh a bhi ann an Salamis, shearmonaich iad focal Dhé ann an sìona-gogaibh nan Iudhach: agus bha mar an ceudna Eoin aca mar fhear-frithealaidh.

6 Agus an uair a chaidh iad troimh an eilean gu Paphos, fhuair iad druigh àraidh, fàidh bréige, Iudhach, d'am b'ainm Bariesus:

7 Neach a bha maille ri Sergius Paulus an t-uachdaran, duine tuigseach; air dhàsan Barnabas agus Saul a ghairm d'a ionnsuidh, dh'iarr e focal Dhé a chluinntinn.

8 Ach chuir Elimas an druigh, (oir is ann mar so a dh'eadar-theangaichear 'ainm,) 'n an aghaidh, ag iarraidh an t-uachdaran a thionndadh o'n chreidimh.

9 An sin air bhi do Shaul, (d'an goirear Pòl,) làn de'n Spiorad naomh, agus ag amharc gu geur air,

10 Thubhairt e, O thusa a tha làn de'n uile cheilg, agus de'n uile dhroch-bheirt, a mhic an diabhuil, a nàmhaid na h-uile fhìreantachd, nach sgair thu a dh' fhiaradh shlighean dìreach an Tighearna?

11 Agus feuch a nis, tha làmh an Tighearn' ort, agus bithidh tu dall gun a'

ghrian fhaicinn ré tamuill. Agus air ball thuit cèd agus dorchadas air ; agus a' tionndadh mu'n cuairt, dh'iarr e dream a thredraicheadh air làimh e.

12 An sin an uair a chuunaic an t-uachdaran an nì a rinneadh, chreid e, air dha bhli làn iongantais mu theagasg an Tigh-carna.

13 Agus air gabhail luinge do Phòl agus d'a chuideachd o Phaphos, thàinig iad gu Pèrga na Pamphilia : agus air do Eoin am fàgail, phill e gu Ierusalem.

14 Ach air dhoibh-san imeachd o Pherga, thàinig iad gu Antioch na Pisidia, agus chaidh iad a steach do'n t-sionagag air là na sàbaid, agus shuidh iad.

15 Agus an déigh leughadh an lagha agus nam Fàidhean, chuir uachdaran na sionagag d'an ionnsuidh, ag ràdh, Fhèara *agus* a bhràithre, ma tha focal earail agaibh do'n t-sluagh, abraibh e.

16 An sin an uair a sheas Pòl suas agus a smèid e orra le 'làimh, thubhairt e, Fhèara Israeil, agus sibhse air am bheil eagal Dhé, éisdibh.

17 Thagh Dia a' phobuill so Israeil ar n-aithrichean, agus dh'àrdaich e'm pobull 'n uair a bha iad air choigrich ann an tìr na h-Eiphit, agus le làimh àird thug e iad a mach aisde.

18 Agus mu thimchioll ùine dhà fhichead bliadhna ghiùlain e le 'nì beusaibh anns an fhàsach.

19 Agus an uair a sgrìos e seachd cinnich ann an tìr Chanaan, roinn e am fearann orrasan le crannchur.

20 Agus 'n a dhéigh sin mu thimchioll ceithir cheud agus leth-cheud bliadhna, thug e *dhoibh* breitheamhan, gu Samuel am fàidh.

21 Agus 'n a dhéigh sin dh'iarr iad rìgh : agus thug Dia dhoibh Saul mac Chis, duine de thrèibh Bheniamin, ré dhà fhichead bliadhna.

22 Agus air dha esan atharrachadh, thog e suas Daibhidh gu bhli 'n a rìgh dhoibh ; d'an d'thug e mar an ceudna fianuis, ag ràdh, Fhuair mi Daibhidh *mac* Iese, duine a réir mo chridhe féin, a nì m' uile thoil.

23 De shìochd an duine so thog Dia suas do Israel a réir a gheallaidh, Slànuidhear, *eadhon* Iosa :

24 Air do Eoin roimh a theachd-san, baisteadh an aithreachais air tùs a shearmonachadh do phobull Israeil uile.

25 Agus mar a choimhlion Eoin a thrial, thubhairt e, An ti a tha sibh a' saòilsinn is mise, cha mhi e. Ach feuch, tha neach a' teachd a'm' dhéigh, nach airidh mi air brògan a chos fhuasgladh.

26 Fhèara *agus* a bhràithre, a chlann fine Abraham, agus a mheud agaibh 's air am bheil eagal Dhé, is ann do 'ur n-ionnsuidh-sa a chuireadh focal na slàinte so.

27 Oir iadsan a tha 'chòmhnuidh ann an

Ierusalem, agus an uachdaran, air dhoibh 'bhi aineolach a'rsan, agus air foclaibh nam Fàidhean a tha air an leughadh gach sàbaid, le *esan* a dhiteadh choimhlion siad iad.

28 Agus ged nach d'fhuair iad coire bàis air b'fh ann, dh'iarr iad air Pilat gu'n cuirteadh esan gu bàs.

29 Agus an uair a choimhlion iad na h-uile nìthean 'bhasgriobhta mu 'thimchioll, thug iad a nuas o'n chrann e, agus chuir iad ann an uaigh e.

30 Ach thog Dia suas o na nairbh e :

31 Agus chuinnacas e ré mòrain làithean leosan a chaidh suas maille ris o Ghalile gu Ierusalem, dream a tha 'n am fianuisibh a'rsan do'n t-sluagh.

32 Agus tha sinne a' soisgeulachadh dhuibh-se a' gheallaidh, a rinneadh do na h-aithricibh,

33 Gu'n do choimhlion Dia so dhuinne an clann, air dha Iosa 'thogail suas ; mar tha e sgrìobhta mar an ceudna 's an dara Salm, Is tu mo Mhac-sa, an diugh ghin mi thu.

34 Agus *mar dhearbhadh* gu'n do thog e suas e o na marbhaibh, gun e a philltinn air ais tuilleadh chum truaillidheachd, thubhairt e mar so, Bheir mise dhuibh trèairean cinnteach Dhaibhidh.

35 Uime sin thubhairt e mar an ceudna ann an *Salm* eile, Cha-n fhuiling thu do d' Aon naomh gu'm faic e truaillidheachd :

36 Oir an déigh do Dhaibhidh a ghinealach féin a riarachadh a réirtoile Dhé, cho-dil e, agus chuireadh e chum 'aithrichean, agus chunnaic e truaillidheachd :

37 Ach an ti a thog Dia suas, cha-n fhac e truaillidheachd.

38 Uime sin bitheadh fhios agaibh-sa, fhèara *agus* a bhràithre, gur ann tre'n duine so tha maithèanas pheacaidhean air a shearmonachadh dhuibh :

39 Agus trid-san tha gach neach a chreideas air a shaoradh o na h-uile nithibh, o nach robh e'n comas duibh a bhi air bhrur saoradh le lagh Mhaois.

40 Thugaibh aire uime sin, nach tig oirbh an nì a tha air a ràdh anns na Fàidhibh :

41 Feuchaibh, a luchd-tarcuis, agus gabhaibh iongantais, agus rachadh as duibh : oir oibrichidh mise obair ann bhrur làithibh-sa, obair nach creid sibh idir, ged 'chuireadh duine 'an céill duibh e.

42 Agus an uair a chaidh na h-Iudhaich a mach as an t-sionagag, ghuidh na Cinnich gu'n rachadh na briathran so a labhairt ri féin air an t-sàbaid 'n a dhéigh sin.

43 A nis an uair a sgaoil an coimhthional, lean mòran de na h-Iudhaich agus de na proselitich chràbhach Pòl agus Barnabas : agus labhair iadsan riu, agus chuir iad impidh orra buanachadh ann an gràs Dhé.

44 Agus air an là sàbaid a b'fhagse, is

beag nach do chruinnich ann baile gu h-ìomlan a dh'èisdeachd ri focal Dhé.

45 Ach an uair a chunnaic na h-Iudhaich na slòigh, lìonadh iad le h-eud, agus labhair iad an aghaidh nan nithean sin a labhradh le Pòl, a' labhairt 'n an aghaidh agus a' tabhairt toibheim.

46 An sin dh'fhàs Pòl agus Barnabas dàna, agus thubhairt iad, B'èigin focal Dhé 'bhi air a labhairt ribhse air tùs: ach do bhrìgh gu'n do chuir sibh cùl ris, agus gur i bhur breth oirbh féin nach airdid sibh air a' bheatha mhaireannach, feuch, tha sinn e a' pilltim chum nan Cinneach.

47 Oir is ann mar sin a dh'àithn an Tighearn dhuinn, *ag ràdh*, Chuir mi thu mar sholus do na Cinnich, chum gu'm bitheadh tu mar shlàinte gu ìomall na talmhainn.

48 Agus an uair a chuala na Cinnich so, rinn iad gairdeachas, agus ghlòraich iad focal an Tighearna: agus chreid a mheud 's a bha air an orduchadh chum na beatha maireannaich.

49 Agus sgaoileadh focal an Tighearna feadh na tìre uile.

50 Ach bhrosnuich na h-Iudhaich na mnathan cràbhach agus urramach, agus daoine uaisle na caithreach, agus thog iad geur-ìomhuinn air Pòl agus Barnabas, agus thilg iad a mach as an crìochaibh iad.

51 Ach chrath iadsan duslach an cos dhiubh 'n an aghaidh, agus thàinig iad gu Iconium.

52 Agus bha na deisciobuil air an lìonadh le h-aobhneas, agus leis an Spiorad naomh.

CAIB. XIV.

1 *Dhian-ruagadh Pòl agus Barnabas o Iconium.*

8 *Aig Lìstra leigheis Pòl crioplach: uime sin mheasadh iad 'n an diathan.* 19 *Chlachadh Pòl: 21 chaidh iad troimh ìomadh eaglais, a' daingneachadh nan deisciobul ann an creidimh agus ann am foighidinn: 26 agus an uair a phill iad gu Antioch, dh'athris iad na nithean a rinn Dia leo.*

AGUS tharladh ann an Iconium, gu'n deachaidh iad araon a steach do shìonagag nan Iudhach, agus gu'n do labhair iad air chor as gu'n do chreid cuideachd mhòr de na h-Iudhaich, agus mar an ceudna de na Greugaich.

2 Ach bhrosnuich na h-Iudhaich mhi-chreideach, agus lìon iad de dhìroch rùn inntinn nan Cinneach an aghaidh nam bràithrean.

3 Uime sin dh'fhan iad aimsir fhada a' labhairt gu dàna mu thimchioll an Tighearn, a rinn fianuis do fhocal a ghràis, agus a thug fainear comharan agus mìorbhuilean a bhi air an deanamh le'n àmhl-an-san.

4 Ach bha sluagh a' bhaile air an roinn: agus bha cuid diubh leis na h-Iudhaich, agus cuid cile leis na h-abstolaibh.

5 Agus an uair a thugadh ionnsuidh araon

leis na Cinnich, agus mar an ceudna leis na h-Iudhaich, maille r'an uachdaranaiibh, chum iadsan a mhaslachadh agus a chlachadh.

6 'N uair a thuig iadsan so, theich iad gu Lìstra agus Derbe, bailtean de Licaonia, agus chum na dùthcha mu'n cuairt:

7 Agus bha iad a' searmonachadh an t-soisgeil an sin.

8 Agus bha ann an Lìstra duine àraidh gun lùth 'n a chosaibh ann a shuidhe, a bha bacach o bhroinn a mhàthar, neach nach d'imich riamh:

9 Chual' esan Pòl a' labhairt: neach air dha amharc gu geur air, agus a thuigsinn gu robh creidimh aige chum a leigheas,

10 Thubhairt e le guth àrd, Seas suas gu dìreach air do chosaibh. Agus leum esan agus dh'imich e.

11 Agus an uair a chunnaic an sluagh an nia a rinn Pòl, thog iad an guth, ag ràdh ann an cànan Licaonia, Tha na diathan air teachd a nuas 'an coslas dhaoine d'ar n-ionn-suidh-ne.

12 Agus ghoir iad de Bharnabas, Iupiter; agus de Phòl, Mercurius, do bhrìgh gu'm b'e am prìomh fhear-labhairt e.

13 An sin thug sagart Iupiteir, a bha fa chomhair an caithreach-san, tairbh agus lus-chrùnan chum nan geata, agus b'aill leis òbairt a dheanamh maille ris an t-sluagh.

14 Ach an uair a chuala na h-abstol Barnabas agus Pòl so, reub iad an eudach, agus ruith iad a steach am measg an t-sluaigh, ag éigheach,

15 Agus ag ràdh, A dhaoine, c'ar son a tha sibh a' deanamh nan nithean so? oir is daoine sinne cosnuil ribh féin thaobh fulangais, a' searmonachadh dhuibhse, pilltim o na nitheibh dìomhain sin chum an Dé bheò, a rinn nàmh, agus an talamh, agus an cuan, agus na h-uile nithean a tha anna:

16 Neach anns na linnibh a chaidh seachad, a dh'fhuiling do na h-uile Chinnich imeachd 'n an slighibh féin.

17 Gidheadh, cha d'fhàg se e féin gun fhianuis, a' deanamh maith, agus a' toirt dhuinn uisge o nàmh, agus aimsirean tarbhach, a' lìonadh ar cridheachan le biadh agus le subhachas.

18 Agus ag ràdh nan nithean so dhoibh, is gann a chum iad an sluagh gun òbairt a dheanamh dhoibh.

19 Agus thàinig Iudhaich o Antioch agus o Iconium, agus chomhairlich iad an sluagh, agus air dhoibh Pòl a chlachadh, tharruing iad a mach as a' bhaile e, a' saòilim gu robh e marbh.

20 Ach air seasamh do na deisciobluibh m'a thimchioll, dh'èirich e, agus chaidh e steach do'n bhaile; agus air an là maireach dh'imich e maille ri Barnabas gu Derbe.

21 Agus an uair a shearmonaich iad an soisgeul do'n bhaile sin, agus a rinn iad

mòran dheisciobul, phill iad gu Listra, agus Iconium, agus Antioch,

22 A' neartachadh anaman nan deisciobul, agus ag earalachadh orra buanachadh 's a' chreidimh, agus a' teagasg gur ann tre iomadh àmhghar is éigin duinn dol a steach do rìoghachd Dhé.

23 Agus an uair a dh'orduich iad scanaircan dhoibh anns gach eaglais, agus a rinn iad urnuigh maille ri trasgadh, dh'earb siad iad ris an Tighearn, anns an do chreid iad.

24 Agus an déigh dhoibh dol troimh Phisidia, thàinig iad gu Pamphilia.

25 Agus air dhoibh am focal a labhairt ann am Perga, chaidh iad sìos gu Atalia:

26 Agus sheòl iad as a sin gu Antioch, an t-àit o'n d'earbadh iad ri gràs Dhé, chum na h-oibre a choimhlìon iad.

27 Agus an uair a thàinig iad, agus a ehruinnich iad an eaglais an ceann a chèile, dh'aithris iad meud nan nithean a rinn Dia leo, agus gu'n d'fhosgail e doras creidimh do na Cinnich.

28 Agus dh'fhan iad an sin aimsir nach bu bheag maille ris na deisciobulibh.

CAIB. XV.

1 *Dh'èirich connsachadh mòr mu thimchioll an tìochd-ghearraidh: 6 chum na h-abstòil comhairle mu'n chùis sin, 22 agus chuir iad ordugh na comhairle ann an litricheibh chum nan eaglaisean. 36 Air do Phòl agus do Bharnabas a bhì 'smuaineachadh air dol araon a dh'omharc am bràithrean, chuir iad a mach air a chèile, agus dhealaich iad.*

AGUS theagaisg dream àraidh, a thàinig a nuas o Iudea, na bràithrean, ag ràdh, Mur timchioll-ghearradh sibh a réir gnàtha Mhaois, cha-n'eil e'n comas duibh a bhàir bhur tèarnadh.

2 Uime sin air do Phòl, agus do Bharnabas connsachadh agus deasboireachd nach bu bheag a bhì aca riu, dh'orduich iad Pòl agus Barnabas, agus dream àraidh eile dhiubh féin, a dhol suas chum nan abstol agus nan seanairean gu Ierusalem mu thimchioll na ceisde so.

3 Agus air dhoibh a bhì air an toirt air an aghaidh leis an eaglais, chaidh iad troimh Phenice, agus Shamaria, a' cur an cèill iompachadh nan Cinneach: agus thug iad aoibhneas mòr do na bràithribh uile.

4 Agus an uair a thàinig iad gu Ierusalem, ghabhadh riu leis an eaglais, agus na h-abstolaibh, agus na scanairibh, agus dh'innis iad meud nan nithean a rinn Dia leo-san.

5 Ach dh'èirich dream àraidh de bharail nam Phairiseach a bha 'n an creidmheil, ag ràdh, Gur còir an timchioll-ghearradh, agus aithneadh dhoibh lagh Mhaois a choimhead.

6 Agus thàinig na h-abstòil agus na scanairean an ceann a chèile a dh'fheuchainn mu'n chùis so.

7 Agus an déigh mòrain deasboireachd, dh'èirich Peadar agus thubhairt e riu, Fheara agus a bhraithre, tha flios agaibh o cheann fhada gu'n do ròghnuich Dia 'n ar measg-ne, o' m' bheul-sa gu'n cluinneadh na Cinnich focal an t-soisgeil, agus gu'n creideadh iad:

8 Agus rinn an Dia d'an aithne an cridhe, fianuis dhoibh, a' tabhairt an Spioraid naoinh dhoibh, mar a thug e dhuinne;

9 Agus cha d'rinu e eadar-dhealachadh eadar sinne agus iadsan, a' glanadh an cridhe le creidimh.

10 Car son uime sin a nis a tha sibh a' brosnuchadh Dhé, le cuing a chur air muineal nan deisciobul, nach robh aon chuid ar n-aithrichean no sinne comasach air a ghiùlan?

11 Gidheadh tha sinn a' creidsinn, tre ghràs an Tighearna Iosa Criosd, gu'n saorair sinn amhuil mar iadsan.

12 An sin dh'fhan a' chuideachd uile 'n an tosd, agus thug iad éisdeachd do Bharnabas agus do Phòl, ag innseadh meud nan comharan agus nam mìorbhuilean a rinn Dia leo-san am measg nan Cinneach.

13 Agus an déigh dhoibh a bhì 'n an tosd, fhreagair Seumas, ag ràdh, Fheara agus a bhraithre, éisdibh riumsa:

14 Chuir Simeon an cèill cionnus a dh'fhiosraich Dia na Cinnich air tùs, le pobull a ghabhail as am measg d'a ainm féin.

15 Agus do so tha briathran nam fàidhcan a' co-fhreagairt; a réir mar tha e sgrìobhta,

16 An déigh so pillidh mi, agus togaidh mi suas a ris pàillinn Dhaibhidh, a tha air tuiteam; agus togaidh mi a ris an ni a thuit deth, agus cuiridh mi suas e:

17 Chum gu'n iarr fuigheall nan daoine an Tighearn, agus na h-uile Chinnich, air an goirear m'ainm-sa, tha au Tighearn ag ràdh, a tha'deanamh nan nithean sin uile.

18 Aithnichte do Dhia tha 'oibre fein uile o thoiseach an t-saoghail.

19 Uime sin is i mo bhreth-sa, nach cuir sinn mi-shuaimhneas orra-san de na Cinnich, a tha air pilltinn chum Dhé:

20 Ach gu'n sgrìobh sinn d'an ionnsuidh, iad a sheachnadh truallidheachd iodholan, agus striopachais, agus ni tachdta, agus fola.

21 Oir tha aig Maois o na linnibh cian anns gach baile daoine a tha 'g a shearmonachadh, air dha bhì air a leughadh gach là sàbaid anns na sionagogaibh.

22 An sin chunnacas iomchuidh do na h-abstolaibh, agus do na scanairibh, maille ris an eaglais uile, daoine taghta dhiubh féin a chur gu Antioch, maille ri Pòl agus Barnabas; eadhon, Iudas d'an co-ainm Barsabas, agus Silas, daoine inbheach am measg nam bràithrean:

23 Agus sgríobh iad litrichean leo air an dóigh so, Tha na h-abstoil, agus na sean-airéan, agus na bráithrean a' cur beannachd chum uam bráithrean de na Cinnich a tha ann an Antioch, agus ann an Siria, agus ann an Cilicia :

24 Do bhrìgh gu'n cuala sinne, gu'n do chuir dream àraidh a chaidh uainne misuainhneas oirbh le bráithraibh, ag atharrachadh blur n-intinn, ag ràdh, *Gur eòir dhuibh* a bhi air blur timchioll-ghearradh, agus an lagh a choimhead; do nach d'thug sinne *a leithid sin* a dh'athne :

25 Chunnacas iomchuidh dhuinne, air dhuinn a bhi cruinn a dh'aon toil, daoine taghta a chur do 'ur n-ionnsuidh-sa, maille ri ar bráithribh gràdhach Barnabas agus Pòl;

26 Daoine a thug an anaman féin air son ainne ar Tighearna Iosa Crìosd.

27 Chuir sinn uime sin Indas agus Silas uainn, a dh'innseas *dhuibh* na nithean cendna le cainnt bheoil.

28 Oir chunnacas iomchuidh do'n Spiorad naomh, agus dhuinne, gun ni air bith tuilleadh a chur oirbh a dh'uallaich ach na nithean feumail so ;

29 Sibh a sheachnadh nithean a chaidh ìobradh do ìdholaiibh, agus fola, agus ni tachdta, agus strìopachais : uatha so ma choimhidas sibh sibh féin, ni sibh gu maith. Slàn leibh.

30 Uime sin an uair a leigeadh uatha iad, thàinig iad gu Antioch : agus air cruinn-eachadh an t-sluaigh dhoibh, thug iad seachad an litir.

31 Agus an uair a lugh iad *sin*, rinn iad gairdeachas air son na comhfhurtachd.

32 Agus air bhi do Indas agus do Shilas 'n ann fàidhibh iad féin, le mòra bhriathraibh dh'earailich, agus neartaich iad na bráithrean.

33 Agus air fuireach ré ùine dhoibh, leigeadh air falbh 'an sìth iad o na bráithribh chum na n-abstol.

34 Gidheadh chunnacas iomchuidh do Shilas comhnuidh a dheanamh air sin.

35 Dh'fhan Pòl mar an cendna agus Barnabas ann an Antioch, a' teagasg agus a' searmonachadh maille ri mòran eile mar an cendna, fòcal an Tighearna.

36 Agus an déigh làithean àraidh, thubhairt Pòl ri Barnabas, Pilleamaid agus faiceamaid ar bráithrean, anns gach baile anns an do shearmonaich sinu fòcal an Tighearna, cionnus a tha iad.

37 Agus b'ail le Barnabas iad a thoirt Eoin d'au co-ainm Marcus leo.

38 Ach cha do mhacas Pòl gu'm bu chòir dhoibh esan, a dh'fhalbh uatha o Phamphilia, agus nach deachaidh maille ri chum na h-oibre, a thoirt leo.

39 Dh'éirich uime sin connspoid eatorra cho dian, as gu'n do sgaradh o'chéile iad :

agus mar sin thug Barnabas leis Marcus, agus chaidh e air luing gu Ciprus ;

40 Ach thagh Pòl Silas, agus dh'imich e, air dha bhi air earbsadh ri gràs Dhé leis na bráithribh.

41 Agus shiubhail e troimh Shiria agus Chìlicia, a' daiugueachadh nan caglaisean.

CAIB. XVI.

1 *Thimchioll-ghearr Pòl Timoteus : 7 ghairmeadh e leis an Spiorad o dh'athach gu dùthaich ; 14 dh'iompaicheadh Lidia : 16 thug e a mach spiorad fiosachd : 19 uime sin bha e féin agus Silas air an sgòrsadh, agus air an cur 'am prìosan. 26 Dh'fhosglaidh dorsan a' phrìosain, agus dh'iompaicheadh an dorsair. 35 Chuireadh iadsan ja sgaol.*

AN sin thàinig e gu Derbe agus Lìstra : agus, fench, bha deisciobul àraidh an sin, d'am b'ainm Timoteus, mac mnà àraidh de'n chinneach Iudhach, a bha 'n a banchreidmhih; ach bu Ghreugach a b'athair dha :

2 A bha fo dheadh ainm aig na bráithribh a bha ann an Lìstra agus ann an Iconium.

3 Bha toil aig Pòl am fear so a dhol a mach maille ris; agus ghabh e agus thimchioll-ghearr se e, air son nan Iudhach a bha anns na h-àitibh sin: oir bha fios aca uile gu'm bu Ghreugach 'athair.

4 Agus mar a shiubhail iad troimh na bailtibh, thug iad doibh na h-orduighean r'an coimhead, a dh'orduicheadh leis na h-abstolaibh agus na seanairibh a bha ann an Ierusalem.

5 Agus mar sin bha na h-caglaisean air an daingneachadh anns a' chreidimh, agus mheudaicheadh iad gach là ann an àireamh.

6 A nis an uair a chaidh iad troimh Phrìgia, agus th' Ghalatia, agus a bhacadh dhoibh leis an Spiorad naomh an fòcal a labhairt 's an Asia,

7 An déigh dhoibh teachd gu Misia, dh'fhench iad ri dol gu Bitinia: ach cha do leig an Spiorad leo.

8 Agus air dhoibh gabhail seachad air Misia, chaidh iad sìos gu Troas.

9 Agus chunnacas sealladh le Pòl 's an oidhche: Sheas duine àraidh o Mhacedonia, agus ghuidh e air, ag ràdh, Thig thairis gu Macedonia, agus cuidich leinne.

10 Agus an uair a chunnaic e an sealladh, air ball dh'iarr sinn dol thairis gu Macedonia, a' dearbhaighsinn gu'n do ghairm an Tighearna sinn chum an soisgeal a shearmonachadh dhoibh.

11 Uime sin air dhuinn long a ghabhail o Throas, thàinig sinn gu dìreach gu Samotracia, agus air an là 'n a dhéigh sin gu Neapolis ;

12 Agus o sin gu Philipi, ceud bhaile na cuid sin de Mhacedonia, agus b'ar-threabhachas e: agus bha sinn a chomhnuidh anns a' bhaile sin làithean àraidh.

13 Agus air là na sàbaid chaidh sinn a mach as a' bhaile ri taobh ainmhe, far am b'abhaist urnuigh a dheanamh; agus air dhuinn suidhe, labhair sinn ris na mnàibh a chruinnicheadh *an sin*.

14 Agus dh'éisd bean àraidh ruinn d'am b'ainm Lidia, bean-reicidh purpur, o bhaile Thiatira, a bha 'deanamh aoraidh do Dhia; aig an d'fhosgail an Tighearn a cridhe, ionnus gu'n d'thug i aire do na nithibh a labhradh le Pòl.

15 Agus an uair a bhaisteadh i, agus a teaghlach, ghuidh i *oirnn*, ag ràdh, Ma mheas sibh mise 'bhi dileas do'n Tighearn, thigibh a steach do m' thigh, agus dean-aibh còmhnuidh *ann*. Agus cho-èignich i sinn.

16 Agus tharladh, ag dol dhuinne chum urnuigh, gu'n do thachair oirnn banoglach àraidh aig an robh spiorad fiosachd, a thug mòr-bhuannachd d'a maighstiribh le fiosachd a dheanamh:

17 Lean ise Pòl agus sinne, agus ghlaodh i, ag ràdh, Is iad na daoine so seirbhiseich an Dé a's ro-àirde, a tha 'nochdadh dhuinne slighe na slàinte.

18 Agus rinn i so ré mòrain làithean. Ach air do Phòl a bhi doilich, thionndaidh e agus thubhairt e ris an Spiorad, Tha mi 'toirt orduigh dhuit ann an ainm Iosa Crìosd dol a mach aisde. Agus chaidh e mach air an uair sin féin.

19 Agus an uair a chunnaie a maighstir-eann gu'n d'fhalbh dòchas am buannachd, rug iad air Pòl agus air Silas, agus tharruing iad do'n mhargadh *iad*, chum nan uachdaran;

20 Agus air dhoibh an toirt chum luchd-riaghlaidh a' bhaile, thubhairt iad, Tha na daoine so a' buaireadh ar baile gu ro mhòr, air dhoibh a bhi 'n an Iudhaich,

21 Agus tha iad a' teagasg ghnàthannan nach 'eil ceadaichte dhuinne a ghabhail no 'teantuinn, do bhrìgh gur Ròmanaich sinn.

22 Agus dh'éirich an sluagh dh'aon-fheachd 'n an aghaidh: agus reub na h-uachdaran an eudach diubh, agus dh'aithn iad an sgiùrsadh le slataibh.

23 Agus an déigh dhoibh iomadh buille a leagadh orra, thig iad 'am prìosan *iad*, a' toirt sparraidh do fhear-coimhead a' phrìosan an gleidheadh gu tèaruinte.

24 Neach air dha an àithne sin fhaotainn, a thig iad do'n phrìosan a b'fhaide a stigh, agus a dhainnich an cosan 's a' cheap.

25 Agus mu mheadhon-oidheche air do Phòl agus do Shilas urnuigh a dheanamh, sheinn iad laoidh-mholaidh do Dhia; agus chuala na prìosanaich iad.

26 Agus gu h-obann bha crith-thalmhainn mhòr ann, air chor as gu'n do chrathadh bunaithean a' phrìosain: agus air ball dh'fhosgladh na dorsan uile, agus dh'fhuasg-dh cuibhreathan gach neach *aca*.

27 Agus air do fhear-coimhead a' phrìosain dùsgadh á codal, agus air faicinn dorsan a' phrìosain fosgailte, tharruing e a chlaidheamh, air ti e féin a mharbhadh, a' saòilsinn gu robh na prìosanaich air teicheadh.

28 Ach ghlaodh Pòl le guth àrd, ag ràdh, Na dean cron sam bith ort féin; oir tha sinn uile an so.

29 Agus air gairm soluis dàsan, leum e steach, agus thàinig e air chrith, agus thuit e sìos an làthair Phòil agus Shilais;

30 Agus air dha an toirt a mach, thubhairt e, A mhaighstirean, ciod a dh'fheumas mi a dheanamh chum 's gu'n tèarnar mi?

31 Agus thubhairt iadsan, Creid anns an Tighearn Iosa Crìosd, agus tèarnar thu féin, agus do thigh.

32 Agus labhair iad focal an Tighearna ris, agus riusan uile a bha 'n a thigh.

33 Agus air dha an toirt leis air an uair sin féin de'n oidheche, nigh e *an creuchdan*; agus bhaisteadh e féin, agus a mhuinntir uile, gun dàil.

34 Agus an uair a thug e d'a thigh iad, chuir e bord rompa, agus rinn e gairdeachas maille r'a theaghlach uile, a' creidsinn ann an Dia.

35 Agus air teachd do'n là, chuir an luchd-riaghlaidh na maoir uatha, ag ràdh, Leig air an comas na daoine sin.

36 Agus dh'innis fear-coimhead a' phrìosain na briathran so do Phòl, Gu'n do chuir an luchd-riaghlaidh fios uatha sibhse a leigeadh as: uime sin rachaibh a mach, agus imichibh ann an sìth.

37 Ach thubhairt Pòl ri u, an déigh dhoibh ar sgiùrsadh gu follaiseach gun ar dteadh, agus gur Ròmanaich sinn, thig iad 'am prìosan sinn; agus a nis am b'aill leo ar cur a mach 'an uaignidheas? cha-n eadh gu deimhin; ach thigeadh iad féin agus thugadh iad a mach sinn.

38 Agus dh'innis na maoir na briathran sin do na h-uachdaranaibh: agus ghabh iad eagal an uair a chual' iad gu'm bu Ròmanaich iad.

39 Agus thàinig iad agus chuir iad impidh orra, agus air dhoibh an toirt a mach, ghuidh iad orra imeachd a mach as a' bhaile.

40 Agus air dol a mach as a' phrìosan doibh, chaidh iad a steach do thigh Lidia: agus an uair a chunnaic iad na bràithrean, thug iad comhfhurtachd dhoibh, agus dh'imich iad rompa.

CAIB. XVII.

1 Shearmonaich Pòl aig Tesalonica, 4 far an do chreid cuid agus an d'rinn cuid eile gear-leannhainn air. 10 Chuireadh e gu Berea, agus shearmonaich e an sin. 13 Rinneadh gear-leannhainn air; 15 thàinig e gu baile na h-Aithne, agus shearmonaich e dhoibh an Dia beò: 34 tha cuid air an ionrachadh gu Crìosd.

A NIS air dhoibh imeachd troimh Amphipolis, agus Apolonia, thàinig iad gu

Thsalonica, far an robh sionag ag na h-Iudhaich:

2 Agus mar bu ghnàth le Pòl, chaidh e steach d'an ionnsuidh, agus air trì làitheibh sàbaid reusnachaid e riu as na sgrìobtuiribh,

3 *G am* fosgladh agus a' dearbhadh gu'm b'èiginn do Chriosd fulang, agus éiridh a ris o na maibh: agus gur e an t-Iosa so a tha mise a' searmonachadh dhuibh, Criosd.

4 Agus chreid cuid diubh, agus lean iad ri Pòl agus ri Silas: agus de na Greugaich chràbhach, buidheann mhòr, agus de na mnàibh inbheach àireamh nach bu bheag.

5 Ach air do na h-Iudhaich mi-chreid-mheach a bhi a' am brosnuchadh le faramad, ghabh iad d'an ionnsuidh droch dhaoine àraidh de na corraibh margaidh, agus air tional cuideachd mòire dhiubh, chuir iad am baile uile thar a chèile, agus chuairtich iad tigh Iasoin, agus dh'iarr iad an toirt a mach chum an t-sluaigh.

6 Agus an uair nach d'fhuair siad iad, tharruing iad Iason, agus bràithrean àraidh chum uachdaran a' bhaile, ag éigheach, Tha na daoine so a chuir an saoghal bun os ceann, air teachd an so mar an ceudna;

7 D'an d'thug Iason aoidheachd: agus tha iad so uile a' cur an aghaidh orduigh Cheasair, ag ràdh, Gu bheil rìgh eile ann, *eadhon* Iosa.

8 Agus chuir iad buaireas fo'n t-sluagh, agus fo uachdaran a' bhaile, 'n uair a chual' iad na nithean so.

9 Agus an uair a ghabh iad urras o Iason, agus o chàch, leig iad uatha iad.

10 Agus air ball chuir na bràithrean Pòl agus Silas 's an oidheche gu Berea: agus air teachd dhoibh-san *an sin*, chaidh iad a steach do shionag na h-Iudhach.

11 Bha iad sin ni b'uaisle na muinntir Thsalonica, oir ghabh iad am focal d'an ionnsuidh leis an uile thogradh, a' rannsachadh nan sgrìobtuirean gach aon là, *a dh'fheuchainn* an robh na nithean sin mar so.

12 Uime sin chreid mòran diubh: agus mar an ceudna de mnàibh uaisle de na Greugaich, agus de fhearaibh àireamh nach bu bheag.

13 Ach an uair a thuig na h-Iudhaich o Thsalonica gu'n do shearmonaicheadh focal Dhé le Pòl 'am Berea, thàinig iad an sin mar an ceudna, a' brosnuchadh an t-sluaigh.

14 An sin air ball chuir na bràithrean uatha Pòl, chum gu'n rachadh e mar gu'm b'ann chum na mara: ach dh'fhan Silas agus Timoteus an sin fathast.

15 Agus threòraich luchd-coimheadachd Phòil e gu baile na h-Aithne; agus air faghail àithne dhoibh gu Silas agus Timoteus, iad a theachd d'a ionnsuidh-san mar bu luaithe, dh'imich iad rompa.

16 A nis am feadh a bha Pòl a' feitheamh

riu 's an Aithne, bha a spiorad air a blòsnuchadh ann, do bhrìgh gu'm fac e am baile làn ìodhol-aoraidh.

17 Air an aobhar sin rinn e deasboireachd ris na h-Iudhaich, agus ris na daoineibh cràbhach anns an t-sionag, agus air a' mhargadh gach là riu-san a thachair air.

18 An sin thug feallsanaich àraidh de na h-Epìcurach, agus de na Stoicheibh, aghaidh air; agus thubhairt cuid, Ciod a b'ail leis an fhear bhith-bhriathrach so a ràdh? thubhairt cuid eile, Is cosmhuil gu bheil e a' searmonachadh dhiathan coimheach; do bhrìgh gu'n do shearmonaich e dhoibh Iosa, agus an aiseirigh.

19 Agus rug iad air, agus thug iad leo e gu Areopagus, ag ràdh, Am feud sinn fios fhaotainn ciod e an teagasg nuadh so, a labhrar leat?

20 Oir tha thu 'toirt nithean àraidh neo-ghnàthach chum ar cluasan: b'ail leinn uime sin fios fhaotainn ciod a's ciall doibh sin.

21 (Oir cha do chaith muinntir na h-Aithne uile agus a' choigrich a bha air chuairt 'n am measg, an ùine ri ni air bith eile, ach ri innseadh, no ri cluinntinn ni éiginn nuadh.)

22 An sin air seasamh do Phòl 'am madhdon Areopagus, thubhairt e, A muinntir na h-Aithne, tha mi 'faicinn gu bheil sibh anns na h-uile nitheibh cràbhach thar tomhas:

23 Oir air dhomh 'bhi 'dol seachad, agus ag amharc air bhuir nithibh naomha, fhuair mi altair air an robh an sgrìobhadh so, *DON DIA NEO-AITHNICHTE*. Uime sin esan d'am bheil sibh a' deanamh aoraidh gun eòlas agaibh air, is e a tha mise a' searmonachadh dhuibh.

24 An Dia a rinn an saoghal, agus na h-uile nithean a tha ann, do bhrìgh gur e féin Tighearn nèimh agus na talmhainn, cha-u'eil e 'gabhaill còmhnuidh ann an teampuibh làmh-dheanta:

25 Ni mò a bheirear aoradh dha le làmhnan dhaoine, mar gu'm bitheadh uireasbhuidh ni sam bith air; oir is e féin a tha 'toirt do na h-uile beatha, agus anail, agus uan uile nithean:

26 Agus rinn e dh'aon fhuil uile chionich dhaoine, chum iad a ghabhail còmhnuidh air aghaidh na talmhainn uile, agus shonraich e ua h-amannau roimh-ordughichte, agus crìochan an àite-còmhnuidh;

27 Chum gu'n iarradh iad an Tighearn, a dh'fheuchainn an tarladh dhoibh, le mion-rannsachadh, gu'm faigheadh iad e, ged nach 'eil e fada o gach aon againn:

28 Oir annsan tha sinn beò, agus a' gluasad, agus tha ar bith againn; mar a thubhairt mar an ceudna dream àraidh de ur bàrdaibh féin, Oir is sinne fòs a ghineal-san.

29 Uime sin do bhrìgh gur sinn gineal Dhé, cha chòir dhuinn a shaoilsinn gu bheil an Diadhachd cosmhuil ri h-òr, no ri h-air-

giod, no ri cloich, nithean a ghearradh le h-ealadhain agus innleachd dhaoine.

30 A nis air do Dhia amharc thairis air aimsiribh an aineolais so, tha e nis ag àithneadh do na h-uile anns gach àit aithreachas a dheanamh:

31 Do bhrìgh gu'n do shuidhich e là anns an toir e breth air an t-saoghal ann am fireantachd, tre'n duine *sin* a dh'orduich e; agus air so thug e dearbhadh do na h-uile dhaoibh, le csan a thogail suas o na narbhaibh.

32 Agus an uair a chual iad mu aiseirigh nam marbh, rinn cuid diubh fanoid: ach thubhairt cuid eile, Eisdidh sinn riut a ris mu'n ni so.

33 Agus mar sin chaidh Pòl a mach as am meadhon.

34 Gidheadh, lean cuid de dhaoibh ris, agus chreid iad. 'N am measg so bha Dionisius an t-Areopagach, agus bean d'am b'ainm Damaris, agus dream eile maille riu.

CAIB. XVIII.

1 *Rinn Pòl obair le a làmhnan fèin, agus shearmonaich e do na Cinnich ann an Corintus: 9 Thug an Tighearn misneach dha ann an taisbeanadh: 12 chaidh a chasaid an tàlthair an uachdarain Galio, ach teigeadh as e: 18 'n a dhèigh sin, chaidh e o bhaile gubaile, agus neartaich e na deisciobul, &c.*

AN dèigh nan nithean so, dh'fhàg Pòl a baile na h-Aithne, agus thàinig e gu Corintus;

2 Agus fhuair e Iudhach àraidh d'am b'ainm Acuila, a rugadh ann am Pontus, air ùr-theachd as an Eadailt, maille r'a mhnaoi Priscila, (a chionn gu'n d'orduich Claudius do na h-Iudhaich uile an Ròimh fhàgail,) agus thàinig e d'an ionnsuidh.

3 Agus a chionn gu'n robh e dh'aon cheird riu, dh'fhan e maille riu, agus bha e ag obair, (oir bu cheird doibh a bhli 'deanamh phàillion.)

4 Agus thagair e anns an t-sionagog gach aon là sàbaid, agus chuir e impidh air Iudhaich agus Greugaich.

5 Agus an uair a thàinig Silas agus Timoteus o Mhacedonia, bha Pòl air a theannadh 'n a spiorad, agus rinn e fianuis do na h-Iudhaich, gu'm b'e Iosa an Crìosd.

6 Agus an uair a chuir iad 'n a aghaidh, aig a labhair iad toibheum, chrath e 'eudach, agus thubhairt e riu, *Bitheadh* bhur fuil air bhur ceann fèin; *tha* mise glan: à so suas théid mi chum nan Cinnach.

7 Agus chaidh e as a sin, agus thàinig e gu tigh duine àraidh, d'am b'ainm Iustus, a bha 'deanamh aoraidh do Dhia, agus aig an robh a thigh làmh ris an t-sionagog.

8 Agus chreid Crispus, prìomh uachdaran na sionagoig anns an Tighearn, maille r'a theaghlach uile: agus chreid mòran de na

Corintianaich, air dhoibh éisdeachd ris, agus bhaisteadh iad.

9 An sin thubhairt an Tighearn ri Pòl ann an sealladh 's an oidhche, Na bitheadh eagal ort, ach labhair, agus na bi a'd' thosd:

10 Oir tha mise maille riut, agus cha toir duinesam bith ionnsuidh ort, chum do chron a dheanamh: oir tha mòr-shluagh agam-sa anns a' bhaile so.

11 Agus dh'fhan e bliadhna agus sè mìosan *an sin*, a' teagasg focail Dhé 'n am measg.

12 Agus an uair a bha Galio 'n a uachdaran air Achaia, dh'éirich na h-Iudhaich a dh'aon imtinn an aghaidh Phòil, agus thug iad e gu caithir a' bhreitheanais,

13 Ag ràdh, Tha'n duine so a' comhairleachadh dhaoine aoradh a dheanamh do Dhia an aghaidh an lagha.

14 Agus an uair a bha Pòl a' dol a dh'fhosgladh a bheoil, thubhairt Galio ris na h-Iudhaich, Nam b'eucoir no droch ghnìomh a bhitheadh ann, O Iudhacha, bu reusonta gu'n giùlaininn leibh:

15 Ach ma's ceisd a th' ann timchioll fhocal, agus ainneam, agus bhur lagha fèin, amhaireibh fèin air sin; oir cha-n àit leam-sa 'bhi'm' bhreithcamh air an leithidibh sin de nithibh.

16 Agus dh'fhuadaich e iad o chaithir a' bhreitheanais.

17 An sin rug na Greugaich uile air Sostenes, uachdaran na sionagoig, agus ghabh iad air an àthair caithir a' bhreitheanais: agus cha do ghabh Galio suim do ni sam bith dhiubh sin.

18 Agus dh'fhan Pòl fathast ùine mhaith 's a' bhaile *sin*, agus an sin an dèigh a chead a ghabhail de na bràithribh, chaidh e air luing o sin gu Siria, agus maille ris-san Priscila agus Acuila; an dèigh a cheann a bhearradh ann an Cenchrea: oir bha bòid air.

19 Agus thàinig e gu h-Ephesus, agus dh'fhàg e iadsan an sin: ach chaidh e fèin a steach do'n t-sionagog, agus reusonaich e ris na h-Iudhaich.

20 Agus an uair a dh'iarr iad *air* fuireach maille riu ni b'fhaide, cha d'aontaich e:

21 Ach ghabh e a chead diubh, ag ràdh, Is éigin domh air gach aon chor an fhéill so a tha 'teachd a choimhead ann an Ierusalem: ach pillidh mi a ris do 'ur n-ionnsuidh-se, ma's toil le Dia. Agus sheòl e o Ephesus.

22 Agus thàinig e gu tìr aig Cesarea, agus air dha dol suas agus fàilt a chur air an eaglais, chaidh e sìos gu Antioch.

23 Agus an uair a dh'fhan e ré tamuill *an sin*, dh'imich e, agus chaidh e 'an ordugh troimh thìr Galatia uile agus Phrìgia, a' neartachadh nan deisciobul uile.

24 Agus thàinig gu h-Ephesus Iudhach àraidh d'am b'ainm Apollos, a rugadh ann

an A. eesandria, duine deas-bhriathrach, agus cumhachdach anns na sgríobtuiribh.

25 Bha'n duine so air a theagasg ann an slighe an Tighearna; agus air dha 'bhi dian 'n a spiorad, labhair agus theagaisg e gu dìchiollach na nithean a bhuineadh do'n Tighearna, agus gun còlas aige ach air baisteadh Eoin.

26 Agus thòisich e air labhairt gu dàna 's an t-sionagag. Agus air do Acula agus do Phrisca a chluinntinn, ghabh iad d'an ionnsuidh e, agus mhinich iad dha slighe Dhé nì bu choimhionta.

27 Agus an uair bu mhiann leis dol gu Achaia, an déigh a chomhairleachadh, sgrìobh na bràithrean chum nan deisciobul iad a ghabhail ris: neach, air dha teachd, a rinn còmhadh mòr riu-san a chreid tre ghràs:

28 Oir le mòr-dhìchioll reusonaich e ris na h-Iudhaich gu follaiseach, a' dearbhadh leis na sgríobtuiribh, gur e Iosa an Crìosd.

CAIB. XIX.

1 Tha an Spiorad naomh air a thabhairt le làmhnan Phòil. 9 Thug na h-Iudhaich toibh-einn d'a theagasg, a bha air a dhàineachadh le mòr-bhuilb. 13 Bhuairleadh na h-Iudhaich a bha 'cur spiorad fo gheasaibh leis an Diabhal. 19 Loisgeadh leabhraichean Druidheachd. 24 Air ghaol buannachd d'a féin bhuair Demetrius am pobull an aghaidh Phòil.

AGUS tharladh, 'n uair a bha Apollo ann an Corintus, air do Phòil dol troimh na crìochaibh uachdarach, gu'n d'fhàinig e gu Ephesus. Agus air faotainn dheisciobul araidh,

2 Thubhairt e riu, An d'fhuair sibh an Spiorad naomh o chreid sibh? Agus thubhairt iadsan ris, Cha chuala sinn uiread as gu bheil Spiorad naomh ann.

3 Agus thubhairt e riu, Ciod ma seadh anns an do bhaisteadh sibh? Agus thubhairt iadsan, Ann am baisteadh Eoin.

4 An sin thubhairt Pòil, Bhaist Eoin gu deimhin le baisteadh an aithreachais, ag ràdh ris an t-sluagh, iadsan a chreidsinn anns an neach a bha gu teachd 'n a dhéigh-san, sin r'a ràdh, ann an Iosa Crìosd.

5 Agus an uair a chual iad so, bhaisteadh iad ann an ainm an Tighearna Iosa.

6 Agus air do Phòil a làmhnan a chur orra, thàinig an Spiorad naomh orra; agus labhair iad le teangaibh, agus rinn iad faidheadaireachd.

7 Agus bha ann uile mu dhà fhear dheug.

8 Agus chaidh esan a steach do'n t-sionagag, agus labhair e gu dàna rè thri miosan, a' reusonachadh agus a' comhairleachadh nan nithean a bhuineas do rìoghachd Dhé.

9 Ach an uair a chruadhaicheadh cuid, agus nach do chreid iad, ach a labhair iad oic mu'n t-slighe sin an làthair an t-sluaigh,

dh'fhàg e iad, agus sgar e na deisciobuit uatha, agus bha e gach là a' reusonachadh ann an sgoil neach àraidh d'am b'ainm Tirimmus.

10 Agus rinneadh so ré dhà bhliadhna; air chor as gu'n cuala luchd-àiteachaidh na h-Asia uile, cadar Iudhaich agus Ghreugach, focal an Tighearna Iosa.

11 Agus rinn Dia mìorbhuilean nach bu bheag le làmhnan Phòil:

12 Air chor as gu'n d'fhugadh o 'chorp-san chum nan daoine tìme, neapaicean no aprain, agus gu'n d'fhalbh an euslaintean uatha, agus gu'n deachaidh na droch spioraid a mach asda.

13 Agus ghabh dream àraidh de na h-Iudhaich, a bha 'g imeachd o àit gu h-ait, a' cur spioradan fo gheasaibh, os làmh ainm an Tighearna Iosa ainmeachadh os ceann na muinntir sin anns an robh droch spioraid, ag ràdh, Cuircamaid fo gheasaibh sibh tre Iosa a tha Pòl a' searmonachadh.

14 Agus bha aig Scebha Iudhach àraidh, aon de na h-àrd-shagartaibh, scachdnar mhac a bha 'deanamh so.

15 Agus fheargair an droch spiorad, agus thubhairt e, Tha còlas agam air Iosa, agus is aithne dhomh Pòl: ach cò sibhs e?

16 Agus leum an duine anns an robh an droch spiorad orra, agus air dha làmh an uachdar fhaotainn orra, thug e buaidh orra, air chor as gu'n do theich iad a mach as an tigh sin lònnochd agus reubta.

17 Agus fhuair na h-Iudhaich uile agus mar an ceudna na Greugaich a bha 'tamb ann an Ephesus fios air so; agus thuit cagal orra uile, agus bha ainm an Tighearna Iosa air àrdachadh.

18 Agus thàinig mòran diubh-san a chreid, ag aideachadh, agus ag innseadh an gnòmh-aran.

19 Agus thug mòran diubh-san a bha 'gnàthachadh dhroch innleachdan, an leabhraichean lco, agus loisg siad iad 'am fianuis nan uile: agus rinn iad an luach àireamh, agus fhuair iad e 'n a leth-cheud mìle bonn airgid.

20 Mar sin le cumhachd dh'fhàs agus bhuaidhaich focal an Tighearna.

21 Agus an uair a choimhionadh na nith-eann so, chuir Pòil roimhe 'n a spiorad, an déigh dha imeachd troimh Mhacedonia, agus Achaia, dol gu Ierusalem, ag ràdh, An déigh dhomh 'bhi an sin, is éigin domh an Ròimh fhaicinn mar an ceudna.

22 Agus air dha dithis dhiubh-san a bha 'frithcaladh dha, Timoteus, agus Erastus, a chur do Mhacedonia, dh'fàn e féin ré tam-uill 's an Asia.

23 Agus dh'èirich mu'n àm sin iomairt nach bu bheag mu thimchioll na slighe sin.

24 Oir bha ceard-airgid àraidh d'am b'ainm Demetrius ann, a bha 'deanamh theampull airgid do Dhiana, agus a thug buannachd nach bu bheag do'n luchd-ceirde;

25 Agus air dha iadsan a chruinneachadh an ceann a chéile, agus a' mhuinntir eile a bha dh'aon cheird riu, thubhairt e, Fheara, tha fhios agaibh gur ann o'n cheird so tha ar beartas againe:

26 Os bàrr, tha sibh a' faicinn agus a' cluinntinn gu bheil am Pòl so le 'chomhairle air tionndadh air falbh sluaigh mhòir, cha-n ann a mhàin ann an Ephesus, ach cha mhòr 's an Asia uile, ag ràdh, Nach diathan iad a nithear le làmhnan:

27 Air chor as nach e mhàin gu bheil e'n cunnart gu'n deanar tàir air ar ceird; ach mar an ceudna gu'n cuirear teampull na ban-dé mòire Diana 'an neo-phris, agus gu'n claidhear a mòrachd-sa, d'am bheil an Asia uile, agus an domhan a' deanamh aoraidh.

28 Agus an uair a chual iadsan so, lionadh le feirg iad, agus ghlaodh iad, ag ràdh, Is mòr Diana nan Ephesianach.

29 Agus bha am baile uile air a lìonadh le mi-riaghailt: Agus ruith iad a dh'aon toil chum àite-cruinneachaidh an t-sluaigh, a' tarruing leo Ghaiuis agus Aristarchuis Macedonaich, luchd comh-thuruis Phòil.

30 Agus an uair a b'àill le Pòl dol a steach chum an t-sluaigh, cha do leig na deisciobail leis.

31 Agus mar an ceudna chuir cuid de uachdaranaibh na h-Asia, a bha 'n an càirdibh dha, fios d'a ionnsuidh, a' guidhe air nach rachadh e gu àite-cruinneachaidh an t-sluaigh.

32 Ghlaodh uime sin cuid diubh aon ni, agus cuid ni eile: oir bha an coimhthional troimh a chéile, agus cha robh fios aig a' chuid a bu mhò e'ar son a thàinig iad cuid-eachd.

33 Agus tharruing iad a mach Alecsander as an t-sluaigh, air bli do na h-Iudhaich 'ga iomain rompa. Agus smèid Alecsander le làimh, agus b'àill leis a leithisgeul a ghabhail ris an t-sluaigh.

34 Ach an uair a thuig iad gu'm b' Iudhaich e, rinneadh àrd-iolach leo uile mu thimchioll ùine dhà uair, a' gladhach, Is mòr Diana nan Ephesianach.

35 Agus an uair a chiùnaich an cléireach an sluaigh, thubhairt e, Fheara Ephesus, cò an duine aig nach 'eil fios gu bheil baile nan Ephesianach a' deanamh aoraidh do'n bhandia mhòir Diana, agus do'n dealbh a thuit a nuas o Iupiter?

36 Air an aobhar sin do bhrìgh nach fheudar cur an aghaidh nan nithean so, is còir dhuibhse 'bhi ciùin, agus gun ni sam bith a dheanamh gu h-obann.

37 Oir thug sibh an so na daoine so, ged nach 'eil iad a' creachadh theampull, no a' toirt tobheim d'ar ban-dia.

38 Uime sin ma tha aig Demetrius agus aig an luchd-ceird a tha maille ris, cùis an aghaidh neach air bith, tha'n lagh réidh

dhòibh, agus tha uachdarain ann; agradh iad a chéile.

39 Ach ma tha ceisd sam bith agaibh mu nithibh eile, réitichear sin ann an coimhthional dlìgheach.

40 Oir tha sinn 'an cunnart a bhi air ar n-agairst air son ceannaire air an là'n diugh, do bhrìgh nach 'eil cùis sam bith againn a dh'fheudas sinn a thoirt seachad mar aobhar a' chruinneachaidh so.

41 Agus air dha so a ràdh, sgaoil e an coimhthional.

CAIB. XX.

1 Chaidh Pòl do Mhacedonia: 7 fhrithheil e suipèir an Tighearna, agus shearmonaich e: 9 air do Eutichus tuiteam sìos 'an riochd marbhb, thogadh suas beò e. 17 Aig Miletus ghairm Pòl seanairean na h-eaglais an ceann a chéile, agus dh'innis e dhoibh ciod a bha gu tachairt dha fèin, &c.

AGUS an dèigh do'n chomh-ghàir sgur, ghairm Pòl na deisciobail d'a ionnsuidh, agus air dha a chead a ghabhail diubh, thiall e gu dol do Mhacedonia.

2 Agus air dha dol troimh na crìochaibh sin, agus mòr-eairail a thoirt dhoibh, thàinig e do'n Ghréig;

3 Agus dh'fhan e an sin trì mìosan: agus an uair a bha na h-Iudhaich ri feall-fholach air a shon, agus a rùn air dol air luing do Shiria, chuir e roimhe pilltinn troimh Mhacedonia.

4 Agus chaidh 'n a chuideachd gu h-Asia, Sopater o Bherea; agus de mhuinntir Thesalonica, Aristarchus agus Secundus; agus Gaius o Dherbe, agus Timoteus; agus de mhuinntir na h-Asia, Tichicus agus Trophimus.

5 Air dhoibh so imeachd remhainne, dh'fheith iad ruinn ann an Troas.

6 Agus sheòl sinn o Philipi, an dèigh làithean an arain neo-ghoirtichte, agus thàinig sinn d'an ionnsuidh-san gu Troas ann an cùig làitheibh, far an d'fhan sinn seachduin.

7 Agus air a' cheud là de'n t-seachduin, air do na deisciobluibh cruinneachadh an ceann a chéile a bhriseadh arain, shearmonaich Pòl doibh, agus a rùn air imeachd uatha air an là maireach, agus lean e air labhairt gu meadhon-oidheche.

8 Agus bha mòran lèchran anns an t-seòmar uachdarach, far an robh iad cruinn.

9 Agus bha òganach àraidh d'am b'ainm Eutichus 'n a shuidhe ann an uinneig, air tuiteam ann an trom chodal: agus air do Phòl a bhi ré fad a' searmonachadh, shàr-uicheadh leis a' chodal e, agus thuit e sìos o'n treas lobhta, agus thogadh marbh e.

10 Agus chaidh Pòl sìos, agus thuit e air, agus air dha a ghlacadh 'n a uchd, thubhairt e, Na bitheadh trioblaid oirbh; oir tha 'anam ann.

11 Agus air dol suas da a ris, bhris e aran

agus dh'ith e, agus labhair e riu ré ùine fhada, eadhon gu teachd ua maidne, agus mar sin dh'fhalbh e.

12 Agus thug iad leo an t-òganach agus e beò, agus rinn iad gairdeachas nach bu bheag.

13 Agus air dhuinne imeachd air thoiseach chum na luinge, sheòl sinn gu Asos, fa rùn Pòl a ghabhail a steach an sin : oir is anu mar sin a dh'orduich e, a' cur roimhe gu'n imicheadh e féin d'a chois.

14 Agus an uair a choisnich e sinn aig Asos, ghabh sinn a steach e, agus thàinig sinn gu Mitilene.

15 Agus air seòladh dhuinn as a sin, thàinig sinn air an là maireach fa chomhair Chiois; agus air an là 'n a dhéigh sin thàinig sinn gu Samos, agus dh'fhan sinn aig Trogillum; agus air an là b'fhaighe thàinig sinn gu Miletus.

16 Oir chuir Pòl roimhe seòladh seach Ephesus, chum uach tarladh dha moille a dheanamh anns an Asia: oir rinn e cabhag chum, nam feudadh e, 'bhi ann an Ierusalem air là na Cuingeis.

17 Agus chuir e fios o Miletus gu h-Ephesus, agus ghairm e d'a ionnsuidh seanairean na h-eaglais.

18 Agus an uair a thàinig iad d'a ionnsuidh, thubhairt e riu, Tha fhios agaibh, cionnus a bha mi 'n ur measg anns an uile aimsir, o'n cheud là a thàinig mi do'n Asia,

19 A' deanamh seirbhis do'n Tighearn leis gach uile irioslachd inntinn, agus maille ri mòran dheur, agus dheuchainnean, a thachair dhomh le ceilg nan Iudhach.

20 Agus cionnus nach do ghléidh mi ni sam bith 'am folach a bha feumail dhuibhse, gun a nochdadh dhuibh, agus gun sibhse a theagasg 'am follais, agus o thigh gu tigh,

21 A' deanamh fianuis aron do na h-Iudhaich, agus do na Greugaich, nu aithreachas a thaobh Dhé, agus mu chreididh a thaobh ar Tighearna Iosa Crìosd.

22 Agus a nis feuch, tha mi 'dol gu Ierusalem ceangailte 's an Spiorad, gun fhios agam ciod iad ua nithean a tharlas dhomh an sin;

23 Ach a mhàin gu bheil an Spiorad naomh a' deanamh fianuis anns gach baile, ag ràdh, Gu bheil geimhlichean agus trioblaidean a' feitheamh orm.

24 Ach cha-u'eil suim agam do ni air bith, ni mò 'tha mi a' meas m'anama féiu luachmhor dhomh, chum gu'n eriochnaich mi mo thurus le h-aobhneas, agus gu'n coimhlean mi a' mhinistireil eachd a fhuair mi o'n Tighearn Iosa, a dheanamh fianuis do shoisgeul gràis Dhé.

25 Agus a nis feuch, tha fhios agam nach faic sibhse uile, measg an d'imich mise a' searmonachadh rìoghachd Dhé, mo ghnùis nì's mo.

26 Uime sin tha mi a' deanamh fianuis

duibh air an là'n diugh, gu bheil mise glan o fhuil nan uile.

27 Oir cha do sheachainn mi uile chomhairle Dhé fhoillseachadh dhuibh.

28 Air an aobhar siu thugaibh aird dhuibh féin, agus do'n treud uile, air an d'rinn an Spiorad naomh luchd-coimhead dhibh, a bheathachadh eaglais Dhé, a cheannaich o le fhuil féin.

29 Oir tha fhios agam-sa air so, an déigh m' imeachd-sa gu'n tig madaidh-allaidh gharga 'n ur measg, nach caomhain an treud.

30 Agus éiridh daoine dhibh féin, a labhras nithean fiara, chum deisciobuil a tharruing 'n an déigh féin.

31 Uime sin deanaibh faire, a' cuimhneachadh nach do sguir mise ré thri bliadhna, a chomhairleachadh gach aon agaibh a là agus a dh'oidhche le deuraibh.

32 Agus a nis, a bhràithre, carbam sibh ri Dia, agus ri focal a ghràis, a tha comasach air bhur togail suas, agus oighreachd a thoirt duibh ann measg na muinntir sin uile a tha air au naomhachadh.

33 Cha do shanntaich mi airtiod, no, òr, no eudach duine sam bith.

34 Seadh, is aithne dhuibh féin, gu'n do fhrithheil na làmhnan so do m' uireasbhuidh féin, agus do'n mhuinntir sin a bha maille rium.

35 Nochd mi na h-uile nithean dhuibh, gur ann le saothreachadh mar so is còir dhuibh còmhnaidh a dheanamh riu-san a tha an-mhunn; agus focail an Tighearna Iosa a chuimhneachadh, mar a thubhairt e, *Tha e nì's beannaichte nì a thoirt na 'ghabhail.*

36 Agus air dha na briathran so a ràdh, leig se e féin air a ghlùinibh, agus rinn e urnuigh maille riu uile.

37 Agus ghuil iad uile gu goirt, agus thuit iad air muineal Phòil, agus phòg iad e,

38 Air dhoibh a bhi gu h-àraidh brònach air son nam briathar so a thubhairt e, Nach faiceadh iad a ghnùis-san nì's mò. Agus thug iad coimheadachd dha chum na luinge.

CAIB. XXI.

1 *Cha ghabhadh Pòl comhairleachadh o dhol gu Ierusalem.* 8 *Mu Philip an soisgeulaiche agus a cheathrar nighean a bha 'n am ban-fhàidh.* 17 *Thàinig Pòl gu Ierusalem,* 27 *far an robh e air a ghlacadh agus ann an cumart mòr.* 31 *Theasairgeadh e leis an àrd-chaptin.*

AGUS air dhuinn dealachadh riu-san, sheòl sinn romhainu, agus thàinig sinn gu dìreach gu Coos, agus air au là maireach gu Rodos, agus as a sin gu Patara:

2 Agus air dhuinn long fhaotainn a bha a' gabhail thairis gu Phenicia, chaidh sinn air bord, agus sheòl sinn romhainu.

3 Agus air dhuinn teachd 'an sealladh

Chipruis, agus fhàgail air an làmh chli, sheòl sinn gu Siria, agus thàinig sinn gu tìr aig Tirus: oir is ann an sin a bha an long guas a luchd a chur a mach.

4 Agus air dhuinn deisciobuil fhaotainn, dh'fhan sinn an sin seachd làithean: muinntir a thubhairt ri Pòl tre'n Spiorad, gun e dhol suas gu Ierusalem.

5 Agus an uair a chrìochnaich eadhnachd na làithean sin, chaidh sinn a mach, agus thriall sinn romhainn; agus thàinig iadsan uile maille ri mnàibh agus ri cloinn 'u ur cuidcachd, a mach as a' bhaile: agus chaidh sinn air ar glùinibh air an tràigh, agus rinn sinn urnuigh.

6 Agus an déigh dhuinn ar cead a ghabhail d'a chéile, chaidh sinn do'u luing; agus phill iadsan d'an tighibh féin.

7 Agus an uair a chrìochnaich sinn ar turas o Thirus, thàinig sinn gu Ptolemais, agus chuir sinn failte air na bràithribh, agus dh'fhan sinn aon là maille ri u.

8 Agus air an là màireach, air dhuinne, a bha de chuideachd Phòil, imeachd, thàinig sinn gu Cesarea; agus chaidh sinn a steach do thigh Philip an t-soisgeulaiche, (a bha de'n t-seachdnar,) agus dh'fhan sinn aige.

9 Agus bha ceathrar nighean aige-san, òighean, a bha ri fàidheadaireachd.

10 Agus ag fantuim duinn mòran làithean an sin, thàinig a nuas o Iudea fàidh àraidh, d'am b'ainm Agabus.

11 Agus an uair a thàinig e d'ar n-ionnsuidh-ne, ghabh e crios Phòil, agus cheangail e a lamhan agus a ehosan féin, agus thubhairt e, Mar so tha an Spiorad naomh ag ràdh, Is ann mar so a cheanglas na h-Iudhaich ann an Ierusalem an duine d'am buin an crios so, agus bheir iad thairis e do lamhan nan Cinneach.

12 Agus an uair a chuala sinne na nithean so, ghuidh sinn féin agus muinntir an àite air, gun e dhol suas gu Ierusalem.

13 An sin fhreagair Pòl, Ciod a's ciall duibh a' gul, agus a' briseadh mo chridhe? oir tha mise ullamh cha-n e a mhàin gu bhith air mo cheangal, ach eadhon gu bàsachadh ann an Ierusalem air son ainne an Tighearna Iosa.

14 Agus an uair nach gabhadh e comhairle, sguir sinne, ag ràdh, Deanar toil an Tighearna.

15 Agus an déigh nan làithean so, air dhuinn a bhi ullamh, chaidh sinn suas gu Ierusalem.

16 Agus chaidh mar an ceudna maille ruinn cuid de na deisciobluibh o Chesarea, a' toirt leo Mhnasoiu o Chiprus, seann deisciobul àraidh, aig an robh sinn gu 'bhi air aoidheachd.

17 Agus an uair a thàinig sinn gu Ierusalem, ghabh na bràithrean ruinn gu subhach.

18 Agus air an ath là, chaidh Pòl maille

ruinne dh'ionnsuidh Sheumais; agus bha na seanairean uile a làthair.

19 Agus air dhàsan failte 'chur orra, chuir e'n céill doibh fa leth na nithean a rinn Dia le 'mhìnistreileachd-san am measg nan Cinneach.

20 Agus an uair a chual iadsan so, thug iad glòir do'n Tighearn, agus thubhairt iad ris-san, Tha thu 'faicinn, a bhràthair, cia lion mìle de na h-Iudhaich a tha 'creidsinn; agus tha iad uile ro eudmhor mu'n lagh.

21 Agus chual iad umad-sa, gu bheil thu 'teagasg do na h-Iudhaich uile a tha 'measg nan Cinneach, Maois a thréigsinn, ag ràdh ri u, Nach còir dhoibh an clann a thimchioll-ghearradh, no gluasad a réir nan gnàth.

22 Ciod uime sin a nìhear? Gun teagamh, is éigin do'n t-sluagh cruinneachadh: oir cluinidh iad gu'n d'thàinig thu.

23 Uime sin dean an nì so a tha sinne ag ràdh riut: Tha ceathrar fhear maille ruinne, air am bheil bòid;

24 Thoir iadsan leat, agus bi air do ghlanadh maille ri u, agus dean costas leo, chum gu'm bheir iad an einn: agus gu'm bi fhios aig na h-uile nach 'eil ach neo-ni anns na chual iad mu d' thimchioll-sa, ach gu bheil thu féin mar an ceudna ag imeachd gu riaghailteach, agus a' coimhead an lagha.

25 Ach mu thimchioll nan Cinneach a chreid, sgrìobh sinne agus b'i ar breth, gun iad a ghleidheadh a h-aon de na nìthibh sin, ach a mhàin iad féin a choimhead o nìthibh a chaidh iobradh do ìodholaibh, agus o fhuil, agus o nì tachdta, agus o striopachas.

26 An sin ghabh Pòl na daoine; agus air an là màireach air dha 'bhi air a ghlanadh maille ri u, chaidh e steach do'n teampull, a' foillseachadh coimhlionaidh làithean a' ghlanadh, agus an tugadh tabhartas air son gach aon aca.

27 Agus an uair a bha na seachd làithean ach beag air an coimhlionadh, air do na h-Iudhaich o'n Asia csan fhaicinn's an teampull, bhrosnuich iad am pobull uile, agus chuir iad làmh ann.

28 Ag éigheach, Fheara Israeil, cuidichibh: is e so an duine a tha 'teagasg nan uile dhaoine annsgach àit an aghaidh a' phobuill, agus an lagha, agus an àite so: agus os barr, thug e steach Grengaich do'n teampull, agus shalaich e'n t-ionad naomh so.

29 (Oir chunnaic iad Trophimus an t-Ephesianach roimhe sin anns a' bhaile maille ris, agus shaoil iad gu'u d'thug Pòl a steach do'n teampull e.)

30 Agus ghluaiseadh am baile gu h-iomlan, agus ruith an sluagh cuideachd: agus air dhoibh breith air Pòl, tharraing iad a mach as an teampull e: agus air ball dhùineachd na dorsan.

31 Agus an uair a bàill leo a mharbhadh, chaidh sgeula dh'ionnsuidh àrd-cheannaird

na cuideachd, gu'n robh Ierusalem uile thar a chéile:

32 Neach air ball a thug leis saighdearan, agus ceannardan-chend, agus a ruith sìos d'an ionnsuidh: Agus an nair a chunnaic iadsan an t-àrd-cheannard agus na saighdearan, sguir iad de bhuailadh Phòil.

33 An sin thàinig an t-àrd-cheannard am fàgus agus rug e air, agus dh'àithn e a cheangal le dà shlabhairadh; agus dh'fhiosraich e, Cò e, agus ciod a rinn e.

34 Agus ghlaodh aon chuid am measg an t-snaigh aon ni, agus enid eile ni eile: agus an uair nach robh e 'an comas da cinnteachd na cùise a thuigsinn air son na h-àrd-bhruidhne, dh'ordnich e esan a thoirt do'n chaisteal.

35 Agus an uair a thàinig e chum na staidhrean, tharladh gu'n do ghihlaineadh e leis na saighdearaibh, air son foireigin an t-snaigh.

36 Oir lean am mòr-shluagh e, a' glaothachadh, Beir nainn e.

37 Agus an uair a bha Pòl gu bhi air a thoirt a steach do'n chaisteal, thubhairt e ris an àrd-cheannard, An cead domh-sa ni a labhairt rint? agus thubhairt esan, An labhair thu Gréigis?

38 Nach tusa an t-Eiphiteach sin a thog ceannaire roimh na làithibh so, agus a thug leat do'n fhàsach ceithir mìle fear a bha 'n an luchd-mortaich?

39 Ach thubhairt Pòl, Is dnine mise a tha a'm' Indhach gun amharas o Tharsus, saor-dhuine de bhaile ro inbheach ann an Cilicia: agus guidheam ort, thoir cead domh labhairt ris an t-snaigh.

40 Agus an nair a thug e cead da, Air do Phòl seasamh air an staidhir, smèid e le 'laimh air an t-sluagh, ag iarraidh éisdeachd: agus air fantuinn ro thosdach dhoibh-san, labhair e ri 's a' chàinain Eabhruidhich, ag ràdh,

CAIB. XXII.

1 Chuir Pòl gu pailt an cèill cionnus a dh'iompaicheadh e chum a' chreidimh. 17 agus a ghairmeadh e chum na h-abstolachd. 22 N uair a dh'ainmich e na Cinnich, thog am pobull aon ghàir ris: 24 Bha e gu 'bhi air a sgiarsadh; 25 ach air dha a chòir-shaorsa mar Romanach agairt, leigeadh as e.

FHEARA, a bhràithre, agus aithriche, éisdibh-se ri m' dhion-chainnt ribh a nis:

2 (Agus an uair a chual iadsan gu'n do labhair e ri 's a' chàinain Eabhruidhich, bu mhòid a thosd iad: agus thubhairt esan,)

3 Is Indhach mise da rìreadh, a rugadh ann an Tarsus na Cilicia, ach a thogadh suas 's a' bhaile so, aig cosaibh Ghamaleil, agus a theagaisgeadh gu coimhlionta a réir gnàtha lagha nan aithrichean, agus bha mi eudmhor a thaobh Dhé, mar a tha sibhse uile an diugh.

4 Agus rinn mi geur-leanmhuinn gu bàs air an t-slighe so, a' ceangal fhear agus bhan, agus 'g an tarruing gu prìosan:

5 Mar a ni an t-àrd-shagart mar an ceadna fianuis domh, agus comhairle nan sean-airean uile; o'n d'fhair mise mar an ceudna litrichean chum nam bràithrean, agus chaidh mi gu Damascus, chum an dream a bha'n sin a thoirt ceangailte gu Ierusalem, chum gu'n deantadh peanas orra.

6 Agus tharladh, air dhomh 'bhi 'g imeachd, agus a' druideadh ri Damascus mu mheadhonn-là, gu'n do dhealraich gu h-obann o nèamh solus mòr mu'n cuairt orm.

7 Agus thuit mi air an talamh, agus chuala mi guth ag ràdh, A Shaul, a Shaul, c'ar son a tha thu 'g am gheur-leanmhuinn-sa?

8 Agus fhreagair mise, Cò thu, a Thighearna? Agus thubhairt e rium, is mise Iosa o Nasaret, air am bheil thusa a' deanamh geur-leanmhuinn.

9 Agus chunnaic na daoine a bha maille rium an solus gu deimhin, agus ghabh iad eagal; ach cha chual iad guth an ti a labhair rium-sa.

10 Agus thubhairt mise, Ciod a ni mi, a Thighearna? Agus thubhairt an Tighearn rium, Eirich, agus imich gu Damascus, agus an sin labhrar rint mu thimcheall nan nith-ean sin nile a dh'orduicheadh dhuit-sa a dheanamh.

11 Agus an uair nach bu léir dhomh tre ghloir an t-solais sin, air dhomh 'bhi air mo threòrachadh air làimh leo-san a bha maille rium, thàinig mi gu Damascus.

12 Agus air do dhùine àraidh *d am b'ainm* Ananias, a bha cràbhach a réir an lagha, agus air an robh deadh theistean aig na h-Iudhaich nile a bha 'chòmhnmh an sin,

13 Teachd a m' ionnsuidh, agus seasamh làimh rium, thubhairt e rium, A Shaul a bhràithir, faigh do radhare. Agus air an uair sin féin dh'amhairc mi suas air.

14 Agus thubhairt esan, Thagh Dia ar n-aithrichean roimh-làimh thusa, chum gu'n gabhadh tu eòlas air a thoil, agus gu'm faicheadh tu an t-Aon cothromach sin, agus gu'n chluinnadh tu guth as a bhenl.

15 Oir bithidh tu a'd' fianuis aige chum nan uile dhaoine, air na nithibh a chunnaic agus a chuala tu.

16 Agus a nis c'ar son a tha thu a' deanamh moille? Eirich, agus bi air do bhaisteadh, agus ionnlaid uait do pheacaidhean, a' gairm air ainm an Tighearna.

17 Agus tharladh, 'n nair a phill mise gu Ierusalem, agus a bha mi a' deanamh nruigh 's an teampull, gu'n deachaidh mi ann an neul,

18 Agus gu'm faca mi esan ag ràdh rium, Dean deifir, agus imich gu grad à Ierusalem; oir cha ghabh iad ri d' theist-eas mu m' thimcheall-sa.

19 Agus thubhairt mise, A Thighearna,

tha fhios aca gu'n robh mise a' tilgeadh ann am prìosan, agus a' sgiùrsadh anns gach sionagag iadsan a chreid annad-sa:

20 Agus an uair a dhòirteadh fuil do mhairtich Stephein, bha mise mar an ceudna a'm sheasamh a làthair, agus ag aontachadh leis a mharbhadh, agus a' coimhead eudaich na muinntir a mharbh e.

21 Agus thubhairt e rium, Imich: oir cuiridh mise thu 'am fad chum nan Cinn-each.

22 Agus dh'éisd iad ris gus an fhocal so, agus thog iad *an sin* an guth gu h-àrd, ag ràdh, Beir o'n talamh a leithid so de dhuine; oir cha chòir e 'bhi beò.

23 Agus an uair a bha iadsan ag éigheach, agus a' tilgeadh dhiubh an eudaich, agus a' tilgeadh luathre 's an athar,

24 Dh'àithn an t-àrd-cheannard esan a thoirt do'n chaisteal, ag orduchadh a cheasnachadh le a sgiùrsadh; chum gu'm faigheadh e fios ciod i a' choire mu'n robh iad a' glaochadh mar sin 'n a aghaidh.

25 Agus an uair a bha iad 'g a cheangal le iallaibh, thubhairt Pòl ris a' cheannard-ceud a sheas a làthair, Am bheil e ceadaichte dhuibhe duine a tha 'n a Romanach a sgiùrsadh, agus gun e air a dhìt-eachd?

26 Agus an uair a chual an ceannard-ceud so, dh'imich e agus dh'innis e do'n àrd-cheannard, ag ràdh, Thoir fàinear ciod a ni thu; oir is Romanach an duine so.

27 An sin thàinig an t-àrd-cheannard d'a ionnsuidh, agus thubhairt e ris, Innis domh-sa, an Romanach thu? Agus thubhairt esan, Is seadh.

28 Agus fhreagair an t-àrd-cheannard, Is mòr an t-suim air an do cheannaich mise an t-saorsa so. Agus thubhairt Pòl, Ach rugadh mise *saor*.

29 An sin dh'imich iadsan uaith air ball a bha gus a cheasnachadh: agus ghabh an t-àrd-cheannard mar an ceudna eagal 'n uair a thuig e gu'm bu Romanach e, agus a chionn gu'n do cheangail se e.

30 Agus air an là màireach, air dha 'bhi togarrach air fios cinnteach fhaotainn ciod i a' chuire a bha na h-Iudhaich a' cur as a leth, dh'fhuasgail se e o a chuibhreachaibh, agus dh'àithn e do na h-àrd-shagartaibh agus d'an comhairle uile teachd a làthair, agus air dha Pòl a thoirt sìos, chuir e 'n am fianuis e.

CAIB. XXIII.

1 *Thagair Pòl a chùis.* 2 *Dh'ordugh Ananias a bhualadh.* 3 *Connasachadh am measg a luchd-casaid.* 4 *Thug Dia misneach dha.* 5 *Nochladh feall nam Iudhaich an aghaidh Phòil do'n àrd-cheannard.* 6 *Chuir se e gu Felics an t-uachdaran.*

A GUS air deardadh do Phòl air a' chomhairle, thubhairt e, Fheara agus

a bhràithre, anns an uile dheadh choguis chaith mise mo bheatha a thaobh Dhé gus an là'n diugh.

2 Agus dh'àithn an t-àrd-shagart Ananias dhoibh-san a bha 'n an seasamh làimh ris, a bhualadh air a bheil.

3 An sin thubhairt Pòl ris, Buailidh Dia thusa, a bhalla ghealaichte: oir am bheil thusa a'd' shuidhe a thoirt breth ormsa a réir an lagha, agus an aghaidh an lagha ag orduchadh mo bhualadh?

4 Agus thubhairt iadsan a sheas làimh ris, Am bheil thusa a' toirt ana-cainnt do àrd-shagart Dhé?

5 An sin thubhairt Pòl, Cha robh fhios agam, a bhràithre, gu'm b'e an t-àrd-shagart e: oir tha e sgrìobhta, Na labhair ole mu uachdaran do phobuill.

6 Ach an uair a thuig Pòl, gu robh cuid diubh 'n an Sadusaich, agus a' chuid eile 'n am Phairisich, ghlaodh e anns a' chomhairle, Fheara agus a bhràithre, is Phairis-each mise, mac Phairisich: is ann á leth dòchais agus aiseirigh nam marbh, a tha mi air mo thoirt 'am breitheanas.

7 Agus air dhàsan so a labhairt, dh'éirich comhstri eadar na Phairisich agus na Sadusaich: agus roinneadh an coimhthional *an aghaidh a chèile*.

8 Oir tha na Sadusaich ag ràdh nach 'eil aiseirigh, no aingeal, no spiorad ann; ach tha na Phairisich ag aideachadh gach aon diubh.

9 Agus dh'éirich gàir mhòr: agus air seasamh suas do na sgrìobhaichibh a bha air taobh nam Phairiseach, chathaich iad 'n *an aghaidh*, ag ràdh, Cha-n'eil sinne faotainn cron air bith 's an duine so: ach ma labhair spiorad no aingeal ris, na cogamaid an aghaidh Dhé.

10 Agus an uair a dh'éirich connasachadh mòr *atorra*, air do'n àrd-cheannard a bhi fo eagal gu'n rachadh Pòl a tharruing as a chèile leo, dh'àithn e do na saighdearaibh dol sìos, agus esan a thogail leis an làimh làidir as am meadhon, agus a thoirt do'n chaisteal.

11 Agus air an oidhche 'n a dhèigh sin, sheas an Tighearn làimh ris, agus thubhairt e, Bitheadh misneach mhaith agad, a Phòil; oir mar a rinn thu fianuis mu m' thimchioll-sa ann an Ierusalem, is amhuil sin is éigin duit fianuis a dheanamh anns an Ròimh.

12 Agus air teachd do'n là, chruinnich dream àraidh de na h-Iudhaich 'an ceann a chèile, agus chuir siad iad fèin fo mhallachadh, ag ràdh, nach itheadh agus nach òladh iad gus am marbhadh iad Pòl.

13 Agus bha iad os ceann dà fhichead fear a rinn an co-mhiunnachadh so.

14 Agus thàinig iad chum nan àrd-shagart, agus nan seanairean, agus thubhairt iad, Chuir sinne sinn fèin fo àrd-mhallachadh,

nach blais sinn ní sam bith gus am marbh sinn Pòl.

15 A nis uime sin iarraibh-sa maille ris a' chomhairle air an àrd-cheannard, gu'n tugadh e do 'ur n-ionusuidh-sa e am uairnach, mar gu'm bitheadh a rùn oirbh fios fhaotainn ní bu choihlhlionta air ní éigin m'a thimchioll; agus tha sinne deas chum esan a uharbhadh, mu'n tig e'm fagus duibh.

16 Agus an uair a chuala mac peathar Phòil am feall-fholach so, thàinig e, agus air dha dol a steach do'n chaisteal, dh'innis e sin do Phòl.

17 An sin ghairm Pòl d'a ionnsuidh aon de na ceannardaibh-cheud, agus thubhairt e, Thoir an t-òganach so chum an àrd-cheannard; oir tha ní àraidh aige r'a iunseadh dha.

18 An sin thug e leis e, agus thredraich se e chum an àrd-cheannard, agus thubhairt e, Ghairm Pòl am prìosanach uise d'a ionusuidh, agus ghuidh e orm an t-òganach so thoir a d' ionnsuidh-sa, aig am bheil ní-éigin r'a innseadh dhuit.

19 An siu rug an t-àrd-cheannard air a làimh, agus chaidh e a leth-taobh 'an naig-nidheas maille ris, agus dh'fhiosraich e d'heath, Ciod a tha agad r'a innseadh dhomh-sa?

20 Agus thubhairt esau, Rinn na h-Iudhaich comhairle iarraidh orts, gu'n tugadh tu Pòl am màireach do'n chomhairle, mar gu'm bitheadh iad gu rannsachadh n'is géire a dheauamh air ní-éigin m'a thimchioll.

21 Ach na aontaich thusa leo: oir tha os ceann dà fhichead fear dhiubh ri feall-fholach 'n a aghaidh, a chuir iad féin fo mhallachadh, nach ith agus nach òl iad gus am marbh iad e: agus a nis tha iad ullamh, a' feitheamh ri gealladh uaitse.

22 An sin leig au t-àrd-cheannard uaith an t-òganach, agus dh'àithn e dha, ag ràdh, *Feuch* an uair innis thu do neach sam bith, gu'n d'fhoillsich thu na nithean so dhomh-sa.

23 Agus ghairme d'a ionnsuidh dà cheannard-ceud, agus thubhairt e, Ulluichibh dà cheud saighdear a théid gu Cesarea, agus deich agus trì fichead marcach, agus dà cheud fear-sleagha, air an treas uair de'n oidheche.

24 Agus ulluichibh eich, chum air dhoibh Pòl a chur orra, gu'n toir iad e gu tearuinte chum an uachdarain Felies.

25 Agus sgrìobh e litir air a' mhodh so:

26 Beatha agus slàinte o Chlaudius Lisias, chum an uachdarain ro òirdheire Felies.

27 Ghlacadh an duine so leis na h-Iudhaich, agus an uair a bha iad air tì a mharbhadh, thàinig mise orra le saighdearaibh, agus thug mi dhiubh e, a' tuigsinn gu'm bu Romanach e.

28 Agus air dhomh 'bhi toileach air fios an

aobhair fhaotainn air son an d'agair iad e, thug mi sìos e chum au comhairle-san:

29 Agus thug mi gu'n robh e air agairt mu cheisdibh d'an lagh féin, gun ní sam bith air a chur as a leth a b'airidh air bàs no air ceanglaichibh.

30 Ach an uair a dh'innseadh dhomh gu'n robh na h-Iudhaich gu feall a chaitheadh air an duine, air ball chuir mi a d' ionnsuidh-sa e, agus thug mi àithne mar an ceudna d'a luchd-casaid, gach cuis a bha aca 'n a aghaidh a chur 'an céill a'd làthair-sa. Slàù leat.

31 An siu air do na saighdearaibh Pòl a ghabhail, a réir mar dh'àithneadh dhoibh, thug iad 's an oidheche e gu Antipatris.

32 Agus air an là màireach leig iad do'n mharc-shluagh dol leis, agus phill iad féin do'n chaisteal.

33 Agus an uair a chaidh iad a stigh do Chesarea, agus a thug iad an litir do'n uachdaran, chuir iad mar an ceudna Pòl 'n a fhianuis.

34 Agus an uair a leugh an t-uachdaran an litir, dh'fhiosraich e cò an dùthaich o'n robh e. Agus an uair a thug e gur ann o Chìlicia bha e.

35 Thubhairt e, Eisdidh mi riut, 'n uair a thig do luchd-casaid mar an ceudna. Agus dh'àithn e esan a choinheadh anu an talla-breitheanas Heroid.

CAIB. XXIV.

1 Air do Phòl a bhi air a chasaid le Tertullus an teang-fhear, 10 fhreagair e air a shon féin thaobh a chaithe-beatha agus a theagasg: shearmonaich e Criosd do'n uachdaran agus da mhnaoi. 26 Bha sàil aige-san ri airgid fhaotainn uaith, ach 'an diomhain: 27 fa dheireadh, 'n uair a chuireadh as a dhreuchd e, dh'fhàg e Pòl 'am prìosan.

AGUS an ceann chùig làithean 'n a dhèigh sin, chaidh Ananias an t-àrd-shagart sìos maille ris na seanairibh, agus ri Tertullus fear-tagraidh àraidh, muinntir a nochd iad féin an làthair au uachdarain an aghaidh Phòil.

2 Agus au uair a ghairmeadh a mach e thòisich Tertullus air a chasaid, ag ràdh, Do bhrìgh gu bheil sinn tromhad-sa a mealtuinn mòr-shith, agus gu'n d'rinneadh iomadh deadh ghnìomh do'u chinneach so tre do ghliocas-sa,

3 Tha sinne 'gabhair ri so, anns gach àm agus anns gach àit, Fhelics ro òirdheire, maille ris gach uile bhuidheachas.

4 Ach, chum uach cuirinn mòr-mhoille ort, guidheam ort, de d' shuairecas gu'n éisd thu ruinn gu h-ath-ghoirid.

5 Oir fhuair sinn am fear so 'n a phlàigh, agus a' dùsgadh uan Iudhach uile gu ceannaire air feadh an domhain, agus 'n a cheann-feadhna do luchd saobh-chreidimh uan Nasarenach.

6 Neach uar an ceudna a thegair an team-

pult a shalachadh; agus a ghlaic sinne, agus b'ail leinn breth a thoirt air a réir ar lagha féin:

7 Ach air teachd do Lisias an t-àrd-cheannard oirnn, thug e le mòr-ainneart as ar lamhan e.

8 Ag àithneadh d'a luchd-casaid teachd a d' ionnsuidh-sa; neach o'm feud thu le a cheasnachadh, fios fhaotainn air na h-uile nithibh a tha sinne a' cur as a leth.

9 Agus dh'aontaich na h-Iudhaich mar an ceudna, ag ràdh, Gu'n robh na nithean sin mar sin.

10 An sin air do'n uachdaran smèideadh air Pòl e a labhairt, fhreagair esan, Is mòid mo mhisneach gu freagairt air mo shon féin, gu bheil fhios agam gu'n robh thusa ré mòrain bhliadhna a'd' bhreith-eannh air a' chinncach so:

11 Oir feudaidh tu fios fhaotainn, nach mò na dà là dheug o chaidh mi suas gu Ierusalem a dheanamh aoraidh.

12 Agus cha d'fhuair iad mi a' deasboir-eachd ri aon neach 's an teampull, no a' brosnuchadh an t-sluaigh *gu ceannaire*, aon chuid 's na sionagogaibh, no anns a' bhaile.

13 Nì mò is urrainn iad na nithean sin a dhearbhadh a tha iad a' cur as mo leth.

14 Ach tha mi ag aideachadh so dhuitse, gur ann a réir na slighe sin ris an abair iadsan saobh-chreidimh, a tha mise a' deanamh aoraidh do Dhia m'aithrichean, a' creidsinn nan uile nithean a tha sgrìobhta 's an lagh agus anns na fàidhibh:

15 Agus tha dòchas agam 'an Dia, ris am bheil suil mar an ceudna aca féin, gu'n tig aiseirigh nam marbh, nam firean araon agus nan neo-fhirean.

16 Agus an so tha mi a' saothreachadh a ghnàth coguis neo-lochdach a bhi agam a thaobh Dhé, agus a thaobh dhaoine.

17 A nis an déigh mòrain bhliadhnachan, thàinig mi a thoirt dèirce chum mo chinne-ich, agus thabhartas.

18 Air a so fhuair Iudhaich àraidh o'n Asia mi air mo ghlanadh 's an teampull, gun sluagh, agus gun bhuaireas.

19 Muinntir d'am bu chòir a bh'i'n so a'd' làthair-sa, agus m'agairt, nam bitheadh ni sam bith aca a'm' aghaidh.

20 No abradh iad so féin, ma fhuair iad eucoir sam bith annam-sa, 'n uair a sheas mi an làthair na comhairle;

21 Mur ann a mhàin air son an aoin fhocail so, a ghlaodh mi a'm' sheasamh 'n am measg, Gur ann air son aiseirigh nam marbh, a tha mi air mo thoirt gu breith-eanas leibhse an diugh.

22 Agus an uair a chuala Felics na nithean so, air dha eòlas ni bu dìomhantha bhi aige air an t-slighe sin, chuir e air dàil iad, ag ràdh, 'N uair a thig Lisias an t-àrd-cheannard a nuas, làn-rannsaichidh mi bhur cùis.

23 Agus dh'àithn e do cheannard-ceud Pòl

a ghleidheadh, agus e bhi fuasgailte aige agus gun neach d'a mhuinntir féin a bhacadh o fhrith-ealadh dha, no teachd d'a ionnsuidh.

24 Agus an déigh làithean àraidh, 'n uair a thàinig Felics maille r'a mhnaoi Drusilla, a bha 'n a Ban-Iudhach, chuir e fios air Pòl, agus dh'éisd e ris mu thimchioll a' chreidimh ann an Criosd.

25 Agus air dhàsan a bhi a' reusonachadh mu fhìreantachd, stuaim, agus breitheanas ri teachd, ghabh Felics eagal mòr, agus fhreagair e, Imich romhad an tràth so; 'n uair a bhitheas ùine agam, cuiridh mi fios ort.

26 Bha dùil aige mar an ceudna gu'n rachadh airgid a thoirt da le Pòl, chum gu'n fuasgladh se e: uime sin chuir e fios air ni bu trice, agus labhair e ris.

27 Ach air do dhà bhliadhna 'bhi air an coimhlionadh, thàinig Porcius Festus 'an àit Felics: agus air do Felics a bhi toil-each comain a chur air na h-Iudhaich, dh'fhàg e Pòl ceangailte.

CAIB. XXV.

1 *Chasaid na h-Iudhaich Pòl an làthair Fhestus: 8 fhreagair Pòl air a shon féin, 11 agus thog e a chèis gu Cesar. 14 Dh'fhosgail Festus cùis Phòil do Agrippa, agus dh'innis e nach d'fhuaradh còire air bith ann a b'airidh air bàs.*

ANIS 'n uair a thàinig Festus do'n mhòr-roinn, 'an ceann trì làithean chaidh e suas o Chesarea gu Ierusalem.

2 Agus nochd an t-àrd-shagartagus maith-ean nan Iudhach iad féin 'n a làthair an aghaidh Phòil, agus chuir iad impidh air,

3 Ag iarraidh fàbhair 'n a aghaidh, gu'n cuireadh e fios air gu Ierusalem, agus iad a dheanamh feall-fholach chum esan a mharbhadh air an t-slighe.

4 Ach fhreagair Festus, Gu'm bu chòir Pòl a ghleidheadh ann an Cesarea, agus gu'n rachadh e féin *an sin* gu h-aithghearr.

5 Uime sin, ars' esan, rachadh iadsan 'n 'ur measg a dh'fheadas, sìos maille riun-sa, agus ma tha coire air bith 's an duine so, cuireadh iad sin as a leth.

6 Agus air dha fantuinn 'n am measg os ceann deich làithean, chaidh e sìos do Chesarea; agus air an là màireach shuidh e air a' chaithir-bhreitheanas, agus dh'àithn e Pòl a thoirt a làthair.

7 Agus an uair a thàinig esan, sheas na h-Iudhaich a thàinig a nuas o Ierusalem m'a thimchioll, a' cur choireannan lionnibhor agus mòra á leth Phòil, nach b'urraim iad a dhearbhadh:

8 'N uair a fhreagair esan 'g a shaoradh féin, Cha d'rinn mi cionta sam bith an aghaidh lagha nan Iudhach, no 'n aghaidh an teampull, no 'n aghaidh Cheasair.

9 Ach air bhi do Fhestus togarrach air toileachas-inntinn a thoirt do na h-Iudh-

aich, fhreagair e Pòl, agus thubhairt e, An àill leatsa dol suas gu Ierusalem, agus an sin dol fo bhreitheanas thaobh uan nithean sin ann am làthair-sa?

10 An sin thubhairt Pòl, Tha mi 'm' sheasamhaig caithir-bhreitheanaïs Cheasair, far an còir breth a thoirt orm: air na h-Iudhaich cha d'rinn mi eucoir sam bith, mar is maith tha fìos agadsa.

11 Oir ma tha mi 'deanamh eucoir, agus ma rinn mi ni sam bith a thoill bàs, cha-n' eil mi 'diultadh bàs fhulang: ach mur' eil ni sam bith dhiubh sin *fìor* a tha iad so a' cur as mo leth, cha-n' fìeud duine sam bith mo thoirt thairis doibh. Tha mi 'togail mo chùis gu Ceasar.

12 An sin an déigh do Fhestus labhairt ris a' chomhairle, fhreagair e, An do thog thu do chùis gu Ceasar? gu Ceasar théid thu.

13 Air dol do làithibh àraidh seachad, thàinig Agripa an rìgh agus Bernice gu Cesarea a chur fàilte air Festus.

14 Agus air dhoibh mòran làithean a chaitheadh an sin, chuir Festus cùis Phòil 'an cèill do'n rìgh, ag ràdh, Dh'fhagadh duine àraidh le Felics 'n a phrìosanach.

15 Air-san, an uair a bha mise ann an Ierusalem, rinn na h-àrd-shagartan agus seanairean nan Iudhach casaid *rium*, ag iarraidh binne 'n a aghaidh.

16 D'an d'thug mise am freagradh so, Cha-n' e gnàth nan Romanach duine sam bith a thoirt thairis clum bàis, gus am bi aig an neach a tha air agairt, a luchd-casaid aghaidh ri h-aghaidh, agus gu'm bi cothrom aige air e fèin a shaoradh o'u choire a chuircadh as a leth.

17 Uime sin an uair a thàinig iad araon an so, gun mhoille sam bith shuidh mi air an là màireach 's a' chaithir-bhreitheanaïs, agus dh'àithn mi'n duine a thoirt a làthair.

18 Agus an uair a sheas a luchd-casaid m'a thimchioll, cha do chuir iad coire air bith as a leth de na nithibh a shaoil mise:

19 Ach thug iad ceisdean àraidh 'n a aghaidh mu thimchioll an creidimh fèin, agus mu thimchioll Iosa àraidh, a fhuair bàs, neach a thubhairt Pòl a bha beò.

20 Agus a chionn gu robh mise amharusach mu thimchioll an leithidean sin de cheisidibh, dh'fheadraich mi dheth am b'àill leis dol suas gu Ierusalem, agus an sin dol fo bhreitheanas mu na nithibh so.

21 Ach an uair a dh'ìarr Pòl a choinheadh gus am fìosraicheadh a chùis-san le Augustus, dh'àithn mi e 'bhi air a ghleidheadh gus an cuirinn gu Ceasar e.

22 An sin thubhairt Agripa ri Festus, B'àill leamsa fèin an duine so 'chluinntinn. Am màireach, thubhairt esan, cluinnidh tu e.

23 Uime sin air an là màireach, 'u uair a thàinig Agripa, agus Bernice, le mòrghreadhnachas, agus a chuidh iad a steach

maille ris na h-àrd-cheannardaibh agus prìomh-dhaoineibh na caithreach do'n ionad-éisdeachd, air do Fhestus àithne a thoirt, thugadh Pòl a làthair.

24 Agus thubhairt Festus, A rìgh Agripa, agus sibhe a dhaoine uile a tha làthair an so maille ruinn, tha sibh a' faicinn an duine so, mu'n do chuir sluaigh uan Iudhach uile iompaiddh ormsa, araon ann an Ierusalem, agus an so, a' glaothaich nach bu chòir o bhì ni b'fhaide beò.

25 Ach an uair a thuig mise nach d'rinn e ni sam bith a thoill bàs, agus a chionn gu'n do thog e fèin a chùis gu Augustus, shou-raich mi a chur *d'a ionnsuidh*.

26 Mu nach 'eil ni sam bith cinnteach agam r'a sgrìobhadh chum mo Thighearna. Uime sin thug mi mach e do 'ur n-ionnsuidh-sa, agus gu h-àraidh a d' ionnsuidh-sa, a rìgh Agripa, chum an déigh rannsachadh a dheanamh, gu'm bitheadh agam ni éigin r'a sgrìobhadh.

27 Oir is mi-reusonta a'm' bheachd-sa prìosanach a chur *uam*, agus gun na cùis-ean a tha 'n a aghaidh ainmeachadh.

CAIB. XXVI.

1 An làthair Agripa, chuir 'an cèill a chaith-beatha o 'dèig, 12 agus cionnus a dh'iompaicheadh e gu mìorbhuileach, agus a ghairmeadh e gu bhì 'n a abstol. 24 Chuir Festus as a leth gun robh e air a chluithach. ach fhreagair esan gu sèimh. 31 Mheas a' chuid-eachd gu h-ionmhan neo-chiontach e.

AN sin thubhairt Agripa ri Pòl, Tha cead agad labhairt air do shon fèin. An sin shìn Pòl a macha làmh, agus fhreagair e air a shon fèin,

2 Tha mi 'g an mheas fèin sona, a rìgh Agripa, do bhrìgh gu bheil mi gu freagairt air mo shon fèin an diugh a'd làthair-sa, thaobh nan nithean sin uile a tha air an cur as mo leth leis na h-Iudhaich.

3 Gu h-àraidh, a chionn gu bheil thusa eòlach air gach gnàth agus ceisd a tha am measg nan Iudhach: uime sin guidheam ort, éisd rium gu foighidneach.

4 Tha mo bheatha-sa o m'òige, a chaith-eadh air tùs am measg mo chinnich fèin ann an Ierusalem, aithnichte do na h-Iudhaich uile;

5 D'am b'àithne mi o thùs, (nam b'àill leo fianais a dheanamh,) gu'u do chaith mi mo bheatha a'm' Phairiseach, a réir an luchd-còmh-bharail a's teinuc d'ar creidimh-ne.

6 Agus a nis tha mi 'm' sheasamh fo bhreitheanas air sou dòchais a' gheallaidh a rinneadh le Dia d'ar u-aithrichibh:

7 Chum am bheil dùil aig ar dà thréibh dheug-ne teachd, a' deanamh seirbhis do *Dhia* a là agus a dh'òidhe do ghuàth; agus air son an dòchais so tha mise, a rìgh Agripa, air m'agairt leis na h-Iudhaich.

8 Car son a mheasair leibhse mar uì do-chreidsinn, gu'n dùisgeadh Dia na mairbh?

9 Gu deimhin mhacas mise annam féin, gu'm bu chòir dhomh mòran nithean a dheanamh an aghaidh ainme Iosa o Nasaret.

10 Nì mar an ceudna a rinn mi ann an Ierusalem: agus air faotainn ùghdarras o na h-àrd-shagartaibh, dhruid mi mòran de na naomh ann am prìosanaibh; agus an nair a chuireadh gu bàs iad, thug mi mo ghuth 'n an aghaidh.

11 Agus a' deanamh peanaidh orra gu minic anns gach sionagag, cho-éignich mi iad gu toibheum a labhairt; agus air dhomh 'bhi gu ro mhòr air bhoile 'n an aghaidh, rinn mi geur-leanmhuinn orra, eadhon gu bailtibh coigreach.

12 Air a so 'n uair a bha mi 'dol gu Damascus, le cumhachd agus 'barantas o na h-àrd-shagartaibh;

13 Mu mhcadhion-là, O a rìgh, chunnaic mi air an t-slighe solus o nèamh, a bu shoilleire na solus na gréine, a' deachrachadh mu'n cuairt orm, agus orra-san a bha 'g imeachd maille rium.

14 Agus an uair a thuit sinn uile air an talamh, chuala mi guth a' labhairt rium, agus ag ràdh anns a' chainnt Eabhruidhich, A Shaul, a Shaul, c'ar son a tha thu ga m'gheur-leanmhuinn? Is cruaidh dhuitse 'bhi 'breabadh an aghaidh nan dealg.

15 Agus thubhairt mise, Cò thu, a Thigh-eàrn? Agus thubhairt esan, Is mise Iosa a tha thusa a' geur-leanmhuinn.

16 Ach éirich, agus seas air do chosaibh; oir dh'fhoillsich mi mi féin duit chum na crìche so, gu'n orduichinn thu a'd mhinistear agus a'd fhanuis araon air na nithibh sin a chunnaic thu, agus air na nithibh anns am foillsich mi mi féin duit;

17 Ga d' shaoradh o'n t-sluagh, agus o na Cinnich, chum am bheil mi nis ga d' chur.

18 A dh'fhosgladh an sùl, chum gu'n tionndaidh iad o dhorchadas gu solus, agus o chumhachd Shàtain gu Dia, chum gu faigh iad maitheanas pheacaidhean, agus oighreachd maille ris a' mhuinntir sin a tha air an naomhacladh tre'n chreidimh a tha annam-sa.

19 Uime sin, a rìgh Agripa, cha robh mi cas-ùmhla do'n taisbeanadh nèmhaidh:

20 Ach shearmonaich mi air tùs dhoibh-san ann an Damascus, agus ann an Ierusalem, agus air feadh tìre Iudea uile, agus an sin do na Cinnich, iad a dheanamh aithreachais agus pilltinn ri Dia, a' deanamh oibre iomchuidh an aithreachais.

21 Air son nan nithean so ghlac na h-Iudhaich mi 's an teampull, agus b'ail leo mo mharbhadh.

22 Uime sin air dhomh còmhnaidh fhaotainn o Dhia, bhunaich mi gus an lè'n diugh, a' deanamh fhanuis do'n bheag agus do'n mhòr, gun ni air bith a' labhairt ach na nithean sin a thubhairt na fàidhean agus Maois a bha gu teachd;

23 Gu'n robh Crìosd gu fulang, agus gu'n robh e gu éirigh an ceud neach o na marbhaibh, agus gu'm foillsicheadh e solus do'n phobull, agus do na Cinnich.

24 Agus air dha 'bhi 'labhairt nan nithean so air a shon féin, thubhairt Festus le guth àrd, Tha thu air mhi-chéil a Phòil: tha mòr-fhòghlum ga d' chur air bhoile.

25 Ach thubhairt esan, Cha-n'eil mi air bhoile, Fhestuis ro òrdheire; ach tha mi a' labhairt bhriathran na firinn agus na céille.

26 Oir tha fhios aig an rìgh roimh am bheil mise a' labhairt gu saor, air na nithibh so: oir tha cinnt agam nach 'eil a h-on de na nithibh so 'an ain-fhios da; oir cha-n ann 'an cùil a rinneadh so.

27 Am bheil thu 'creidsinn nam fàidhean, a rìgh Agripa? tha fhios agam gu'm bheil thu 'g an creidsinn.

28 An sin thubhairt Agripa ri Pòl, Is beag nach 'eil thu 'g am aomadh gu bhi 'am Chrìosduidh.

29 Agus thubhairt Pòl, B'e mo ghuidhe air Dia, gu'm bitheadh cha-n e m'hàin thusa, ach mar an ceudna iadsan uile a tha 'g éisdeachd rium an diugh, ann am beag agus 'am mòr, mar tha mise, saor o na geimhlilbh so.

30 Agus air dha na briathran so a labhairt, dh'éirich an rìgh, agus an t-uachdaran, agus Bernice, agus an dream a shuidh maille riu:

31 Agus an uair a chaidh iada leth-taobh, labhair iad r'a chéile, ag ràdh, Cha-n'eil an duine so a' deanamh ni air bith toille-teanach air bàs, no air geimhlilbh.

32 An sin thubhairt Agripa ri Festus, Dh'fheudtadh an duine so a leigeadh as, mur bhitheadh gu'n do thog e a chùis gu Ceasar.

CAIB. XXVII.

1 *Ghabh Pòl long do'n Ròimh; 9 dh'innis e roimh-làimh cumart an turuis, ach cha d'fhugadh creideas da. 14 Luaisgeadh iad a null agus a nall le stòirm, agus dh'fhuiling iad long-bhriseadh; 44 gidheadh thàinig iad air tìr gu tèaruainte.*

A GUS an uair a thugadh breth sinne a sheòladh do'n Eadailt, thug iad Pòl thairis maille ri prìosanaich àraidh eile, do cheannard-ceud d'am b'ainm Iulius, de chuideachd Augustus.

2 Agus air dhuinn dol air bord luinge le Adramitum, thog sinn ar siùil, a' cur romhain seòladh seachad air crìochaibh na h-Asia, air do Aristarchus Macedonach o Thesalonica 'bhi maille rium.

3 Agus air an là màireach, thàinig sinn gu Sidon. Agus air do Iulius buntuinn gu snairce ri Pòl, leig e dha dol a dh'ionnsuidh a chàirdean chum comhfhurtachd fhaotainn.

4 Agus air dhuinn stiùradh as a sin, sheòl

sinn fo Chiprus, a chionn gu robh na gaothan 'n ar n-aghaidh.

5 Agus an uair a sheòl sinn troimh'n fhainge 'tha làimh ri Cilicia agus Pamphilia, thàinig sinn gu Mira *baile de Ilicia*.

6 Agus fhuair an ceannard-ceud long an sin o Alecsandria, a bha 'seòladh do'n Eadailt, agus chuir e sinn a steach innte.

7 Agus an uair a sheòl sinn gu mall ré mòrain làithean, agus a thàinig sinn air éigin fa chomhair Chniduis, a chionn nach do leig a' ghaoth leinn, sheòl sinn fo Chrete, fa chomhair Shalmone ;

8 Agus air dhuinn seòladh air éigin seachad air, thàinig sinn gu ionad àraidh ris an abrar, Na calaidhean sgianhach, am fagus d'an robh baile Lasea.

9 Agus air do mhòran ùine dol seachad, 'n uair a bha seòladaireachd a nis cunnartach, a chionn gu'n deachaidh an trasgadh cheana seachad, chomhairlich Pòl iad,

10 Ag ràdh riu, Fheara, tha mi 'faicinn gu'm bi an t-seòladaireachd so le dochann agus call mòr, cha-n e mhàin do'n luchd agus do'n luing, ach d'ar n-anamaibh féin.

11 Gidheadh, is mò 'chreid an ceannard-ceud an seòladair agus maighstir na luinge, na na nithean a labhradh le Pòl.

12 Agus a chionn gu'n robh an caladh neomchuidh gus an geamhradh a chaitheadh ann, b'i comhairle na cuid a bu mhò seòladh as a sin mar an ceudna, agus nam feudadh iad air chor sam bith teachd gu Phenice, caladh de Chrete a tha 'g anhare chum an iar-dheas, agus an iar-thuath, agus fantuinn ré a' gheamhradh *an sin*.

13 Agus an uair a sheòl a' ghaoth a' deas gu ciùin, shaoil iad gu'n d'fhuair iad an rùn, agus ag togail an seòl dhoibh, stiuir iad ri taobh Chrete.

14 Ach an ceann beagain ùine 'n a dhéigh sin, sheòl gaoth ànrathach 'n a h-aghaidh, ris an abrar Euroclidon.

15 Agus air bhi do'n luing air a fuadachadh, agns gun chomas di dol an aghaidh na gaoithe, leig sinn ruith dhi.

16 Agus air dhuinn ruith a stigh fo eilean beag àraidh d'am b'ainm Clauda, is ann le éigin a ràinig sinn air a' bhàta :

17 Agus air dhoibh a togail suas, ghnàth-aich iad gach gleus còmhnaidh, a' criosadh na luinge foipe ; agus air dhoibh a bhi fo eagal gu'n tuiteadh iad 's a' bheò-ghaineimh, leig iad an seòl a sìos, agus mar sin dh'iomaineadh iad.

18 Agus air dhuinne 'bhi gu ro mhòr air ar luasgadh leis an doininn, air an là 'n a dhéigh sin thilg iad a mach *an luchd*;

19 Agus air an treas là thilg sinn le ar làmh an féin a mach acfhuinn na luinge.

20 Agus an uair nach robh a' ghrian no na reultan r'am faicinn ré mòrain làithean, agus a luidh doininn nach bu bheag oirnn,

thugadh an sin uainn gach uile dhòchas gu'n teasairgteadh sinn.

21 Ach air dhuinn a bhi fada 'n ar trasg, an sin air seasamh do Phòl 'n am meadhon, thubhairt e, Fheara, bu chòir dhuibh mo chomhairle-sa 'ghabhail, agus gun fhuasgladh o Chrete, agus an dochann agus an eall so a sheachnadh.

22 Agus a nis guidheam oirbh, bitheadh misneach mhaith agaibh : oir cha bhi call anama sam bith 'n 'ur measg, ach a mhàin na luinge.

23 Oir air an oidheche nochd sheas làimh rium-sa aingeal an Dé sin, d'am buin mi, agus d'am bheil mi 'deanamh seirbhis,

24 Ag ràdh, A Phòil, na bitheadh eagal ort ; is éigin duit a bhi air do thoirt an làthair Cheasair : agus, feuch, thiodhlaic Dia dhuit iadsan uile a tha 'seòladh maille riut.

25 Uime sin, fheara, bitheadh agaibh deadh mhisneach : oir tha mi 'creidsinn Dhé, gu'n tachair ceart mar a labhradh rium.

26 Ach is éigin duinn a bhi air ar tilgeadh air eilean àraidh.

27 Agus an uair a bha an ceathramh oidheche deug air teachd, air dhuinne 'bhi air ar séideadh a null agus a nall ann an *cuan* Adria, mu mheadhon-oidheche b'i barail nam maraichean gu'n robh iad ann agus do thir éigin :

28 Agus air leigeadh na luaidhe sìos doibh, fhuair iad an *doimhne* fichead aitheamh ; agus an uair a chaidh iad beagan air an aghaidh, leig iad sìos an luaidh a ris, agus fhuair iad i 'n a cùig aitheamh deug.

29 An sin air dhoibh a bhi fo eagal gu'm buaileadh iad air ionadaibh garbha, thilg iad ceithir acraichean á deireadh na luinge, agus ghuidh iad an là a theachd.

30 Agus an uair a bha na maraichean air ti teicheadh a mach as an luing, agus a leig iad sìos am bàta do'n fhainge, a' gabhail orra 'bhi tilgeadh a mach acraichean á toiscach na luinge,

31 Thubhairt Pòl ris a' cheannard-ceud, agus ris na saighdearaibh, Mur fan iad sin 's an luing, cha-n'eil e'n comas duibh a bhi air blur teasairginn.

32 An sin ghearr na saighdearan cuird a' bhàta, agus leig iad leatha tuiteam sìos.

33 Agus am feadh a bha an là a' teachd, thug Pòl a chomhairle orra uile biadh a ghabhail, ag ràdh, Is e so an ceathramh là deug dhuibh a' feitheamh, agus a' fantuinn 'n 'ur trasg, gun bhìadh sam bith a ghabhail.

34 Uime sin guidheam oirbh biadh a ghabhail ; oir tha so chum blur slàinte : oir cha chaillear fuiltean á ceann a h-aoim agaibh.

35 Agus air dha na nithean so a labhairt,

agus aran a ghlacadh, thug e buidheachas do Dhia 'n an làthair uile; agus air dha a bhriseadh, thòisich e ri itheadh.

36 An sin ghlac iad uile deadh mhisneach, agus ghabh iad biadh mar an ceudna.

37 Agus bha sinn a dh'anamaibh uile anns an luing, dà cheud agus sè deug agus trì fichead.

38 Agus an uair a shàsuicheadh iad le biadh, dh'èutronaich iad an long, agus thilg iad a mach an cruithneachd 's an fhairege.

39 Agus an uair a bha 'n là air teachd, cha d'aithnich iad ann fearann: ach thug iad an aire do lùib àraidh aig an robh tràigh, anns an robh 'mhian orra, nam b'urrainn iad, an long a chur gu tìr.

40 Agus air togail nan acraichean doibh, leig iad ris an fhairege, agus an uair a dh'fhuasgail iad ceanglaichean na stiùire, agus a thog iad am prìomh sheòl ris a' ghaioith, sheòl iad chum na tràighe.

41 Agus air tuiteam dhoibh ann an ionad àraidh far an do choinnich dà fhairege a chèile, bhuail iad an long air grunn; agus air sàthadh d'a toiseach 's a' ghruinn, dh'fhan e gun charachadh, ach bhriseadh a deireadh le ainneart nan tonn.

42 Agus b'i comhairle nan saighdearan gu marbhadh iad na prìosanach, air eagal gu'n snàmhadh neach sam bith dhiubh a mach, agus gu'n rachadh iad as.

43 Ach air do'n cheannard-ceud a bhi toileach Pòl a theasairginn, chum e air ais o'n comhairle iad, agus dh'aithn e dhoibh-san d'am b'aithne snamh iad fèin a thilgeadh 's a' chuan air tùs, agus dol a mach air tìr:

44 Agus do chàch dh'aithn e, cuid diubh 'dhol air clàraibh, agus cuid eile air mìrribh briste do'n luing: agus mar sin tharladh gu'n deachaidh iad uile tèaruinte gu tìr.

CAIB. XXVIII.

1 An dèigh an long-bhrisidh thug an sluagh borb aoidheachd gu suaire do Phòl. 5 Cha do chiùrradh a làmh le nathair nimhe a lean rithe. 8 Shlànuich e mòran eucaille 's an eilean. 11 Ghabh iad an turas chum na Ròimhe. 17 Chuir Pòl 'an cèill do na h-Iudhaich aobhar a theachd do'n Ròimh.

A GUS an uair a theanadh iad, thug iad an sin gu'm b'e Melita ainm an eilein.

2 Agus nochd an sluagh borb caoinhneas nach bu bheag dhuinn: oir air fadadh teine dhoibh, ghabh iad ruinn uile, air son an uisge a bha ann, agus air son an fhuachd.

3 Agus air do Phòl dorchach bhioran a thional, agus an cur air an teine, thàinig nathair nimhe mach as an teas, agus shàs i 'n a làimh.

4 Agus an uair a chunnaic an sluagh borb a' bhéisd 'an crochadh r'a làimh, thubhairt iad r'a chéile, Gu einnteach is mort-fhear an

duine so, do nach fuiling dìoghaltas a bhi beò, ged 'thecasairgeadh o'n fhairege e.

5 Agus air dhàsan a' bhéisd a chrathadh dheth anns an teine, cha d'fhulaing e dochann sam bith.

6 Ach bha iadsan a' feitheamh c'uin a dh'atadh e, no a thuiteadh e sìos marbh gu h-obann: ach an uair a dh'fheith iad uine fhada, agus nach fac iad dochann sam bith a' teachd air, dh'atharraich iad an inntinn, agus thubhairt iad gur dia e.

7 Agus bha mu thimchioll an àite sin fearann aig prìomh dhuine an eilein, d'am b'ainm Publius, a ghabh ruinne agus a thug ré thri làithean aoidheachd dhuinn gu cairdeil.

8 Agus tharladh gu robh athair Phublius 'n a luidhe gu tinn le fiabhras, agus gearrthach fola: air do Phòl do a steach d'a ionnsuidh, riun e urnuigh, agus air dha a làmh an a chur air, leigheas se e.

9 Agus an uair a rinneadh so, thàinig mar an ceudna muinntir eile a bha euslan 's an eilean d'a ionnsuidh, agus leighiseadh iad:

10 Muinntir mar an ceudna a thug mòr-urram dhuinn; agus an uair a dh'fhalbh sinn, chuir iad na nithean sin leinn a bha feumail dhuinn.

11 Agus an dèigh thri mìosan sheòl sinn ann an luing o Alecsandria, a chaith an gearhradh 's an eilean, d'am bu shuaicheantas Castor agus Pollux.

12 Agus an uair a chaidh sinn air tìr aig Siracuse, dh'fhan sinn an sin trì làithean.

13 Agus air seòladh dhuinn timchioll as a sin, thàinig sinn gu Regium: agus an ceann là 'n a d'èigh sin shéid a' ghaioith á deas, agus thàinig sinn an t-ath là gu Puteoli:

14 Air dhuinn bràithrean fhaotainn an sin, chuireadh iompaidh oirn leò fautuinn seachd làithean maille ri: agus mar sin thriall sinn chum na Ròimhe.

15 Agus as a sin, air faotainn ar sgeòil do na bràithribh, thàinig iad 'n ar coinneamh gu Apii-forum, agus na Tri tighibh-òsda; agus an uair a chunnaic Pòl iad, thug e buidheachas do Dhia, agus ghabh e misneach.

16 Agus an uair a thàinig sinn do'n Ròimh, thug an ceannard-ceud thairis na prìosanach do cheannard an fhreicadain: ach thugadh comas do Phòl a bhi leis fèin, maille ri aon saighdear a bha 'g a ghleidheadh.

17 Agus tharladh, an dèigh thri làithean, gu'n do ghairm Pòl maithean nan Iudhach an ceann a chèile. Agus an uair a chruinnicheadh iad, thubhairt e ri, Fheara agus a bhràithre, ged nach d'rimn mise nì sam bith an aghaidh a' phobuill no ghnàthan nan aithrichean, thugadh thairis mi a'n phrìosanach o Ierusalem do làmhnan nan Romanach.

18 Muinntir an dèigh dhoibh mo cheasnachadh, leis am bu mhian mo leigeadh as,

a chionn nacù robh coire bàis sam bith annam.

19 Ach au nair a bha na h-Iudhaich a' labhairt an aghaidh so, b'éigin domh mo chùis a thogail gu Ceasar; cha-n e gn bheil coire sam bith agam r'a chur á leth mo chinnich.

20 Air an aobhar so uime sin chuir mi fios oirbhse, chum gu'm faicinu sibh, agus gu'u labhrainu ribh: oir is auu air son dòchais Israeil a tha mi ceangailte leis au t-slabh-raidh so.

21 Agus thubhairt iadsan ris, Cha d'fhuair sinne litrichean sam bith á Iudea mu d' thimchioll, cha mhò dh'fhoillsich no dh'inuis aon de na bràithribh a thàinig, ole sam bith umad.

22 Ach bu mhaith leinu a chluinntinn uaitse eiod i do bharail: oir mu thimchioll na gnè-chreidimh so, tha fhios againn gu'n labhrar sgach àit 'u a h-aghaidh.

23 Agus air suidheachadh là ris, thàinig mòran d'a ionnsuidh chum 'ioud-comh-nuidh; d'an do mhinich e rìoghachd Dhé, a' deanamh fianuis uimpe, agus a' cur iompaidh orra thaobh nan nithean a bhineas do Iosa, araon á lagh Mhaois, agus as na faidhibh, o mhoch-thrath gu feasgar.

24 Agus chreid cuid na uithean a labhradh, agus cha do chreid cuid eile dhiubh.

25 Agus air dhoibh a bhi an aghaidh a chéile, sgaoil iad, air do Phòl aon fhocal a ràdh, Is maith a labhair an Spiorad naomh tre'n fhàidh Esaias, r'ar n-aithrichibh,

26 Ag ràdh, Imich chum a' phobuill so, agus abair, Le éisdeachd cluinnidh sibh, agus cha tuig sibh; agus le sealltuinn chi sibh, agus eha-n aithnich sibh.

27 Oir tha cridhe a' phobuill so air fas reamhar, agus tha iad a' ehnutinn gu mall le'n clusaibh, agus chaog iad an sùilean; air eagal gu'm faicheadh iad le'n sùilbh, agus gu'n cluinneadh iad le'n clusaibh, agus gu'n tuigeadh iad le'n cridhe, agus gu'm pilleadh iad, agus gu'n slànuchinn-sa iad.

28 Uime sin bitheadh fhios agaibh-sa, gu'n do chuireadh slàinte Dhé chum nan Cinneach, agus éisdidh iadsan.

29 Agus an uair a thubhairt e na briathran so, dh'imich na h-Iudhaich rompa, agus bha mòr-reusonachadh aca catorra féin.

30 Agus dh'fhan Pòl dà bhliadhna iomlan 'n a thigh-màil féin, agus ghabh e ris na h-uile dhaoinibh a thàinig d'a ionnsuidh,

31 A' searmonachadh rìoghachd Dhé, agus a' teagasg nan nithean a bhineas do'n Tighearn Iosa Crìosd, leis an uile dhànachd, gun toirmeasg.

LITIR AN ABSTOIL PHOIL

CHUM NAN

ROMANACH.

CAIB. I.

1 Mhol Pòl a dhreuchd do na Romanach, agus dh'innis e a thogradh gu teachd d'an ionnsuidh. 16 Ciod e soisgeul Chrìosd, agus an fhìreantachd a tha e a' foillsachadh. 18 Tha fearg aig Dia ris gach uile ghnè peacaidh. 21 Ciod iad peacaidhean nan Cinneach.

POL, seirbhiseach Iosa Crìosd, a ghairm-eadh gu bhi 'u a abstol, a chuireadh air leth chum Soisgeil Dhé,

2 (A roimh-gheall e le fhàidhibh féin anns na sgrìobtuiribh naomha.)

3 Mu thimchioll a Mhic Iosa Crìosd ar Tighearn, a rinneadh de shìol Dhaibhidh, a réir na feòla;

4 A dhearbhadh a bhi 'n a Mhac do Dhia le eumhachd, a réir Spioraid ua naomhachd, tre 'aiseirigh o na marbhbh;

5 Tre au d'fhuair sinne gràs agus abstolachd chum umhlachd a' chreidimh 'am measg nan uile ehinneach air sgàth 'ainmuesan:

6 Am measg am bheil sibhse mar an e cudna air bhur gairm le Iosa Crìosd:

7 Chum nan uile a tha 's an Ròimh, air an gràdhachadh le Dia, air an gairm gu bhi 'n an naoimh: Gràs gu robh dhuibhse, agus sìth o Dhia ar n-Athair, agus o'n Tighearn Iosa Crìosd.

8 Air tùs, tha mi 'toirt buidheachais do m' Dhia tre Iosa Crìosd, air bhur son-se uile, do bhrìgh gu bheil bhur creidimh ionmraid-each air feadh an domhain gu léir.

9 Oir is e Dia m'fianuis, d'am bheil mi a' deanamh seirbhis le m' spiorad ann an soisgeul a Mhic, gu bheil mi guu sgur a' deanamh luaidh oirbh,

10 A ghuàth a' guidhe ann am urnuighibh, (nam feudainn a nis fa-dheoidh air aon chor le toil Dhéturus soirbheasach fhaotainn,) ri teachd do 'ur n-ionnsuidh-sa.

11 Oir tha deidh agam air sibhse fhaicinn, chum is gu'm pàirtich mi tiodhlac àraidh spioradail ribh, chum bhur neartachadh:

12 Sin ri ràdh, chum gu'm faigh mi comh-

fhurtachd annaibh-se, tre chreidimh a chéile, bhuir creidimh-se, agus mo chreidimh-sa.

13 Agus cha-n àill leam, a bhràithre, e bhì'n ain-fhios duibhse gu'n do chuir mi romham gu minic teachd do'ur n-ionnsuidh, (ach blàcaidh mi gus a so,) chum gu'm faighinn toradh éigin 'n'ur measg-se fòs, mar 'am measg nan Cinnchead eile.

14 Oir tha mi fo fhiachaibh araon do na Greugaich, agus do na daoimibh borba, araon dhoibh-san a tha glie, agus dhoibh-san a tha neo-ghlic.

15 Uime sin, mheud 's a tha 'an comas domh, tha mi ullamh chum an soisgeul a shearmonachadh dhuibhse mar an ceudna a tha 's an Ròimh.

16 Oir cha nàr leam-sa soisgeul Chriosd: oir is e cumhachd Dhé e chum slàinte do gach neach a chreideas, do'n Iudhach air tùs, agus mar an ceudna do'n Ghrèugach.

17 Oir tha fireantachd Dhé air a' foillseachadh ann tre chreidimh gu creidimh: mar a tha e sgriobhta, Bithidh am firean beò tre chreidimh.

18 Oir tha fearg Dhé air a' foillseachadh o nèamh an aghaidh gach uile mhi-dhiadhaidheachd, agus eucòir dhaoine, a tha 'bacadh na firinn ann an neo-fhìreantachd:

19 Do bhrìgh gu bheil an nì air am feudar fios fhaotainn a thaobh Dhé follaiseach anna-san; oir rinn Dia follaiseach dhoibh e.

20 Oir *riamh* o chruthachadh an t-saoghail tha a nithean-sa nach feudar fhaicinn, *eadhon* a chumhachd sìorruidh agus a Dhiadhachd, air am faicinn gu soilleir, air dhoibh a bhì so-thuigsinn o na nithibh a rinneadh; chum gu'm bitheadh iad gun leithsgeul aca:

21 Do bhrìgh 'n uair a b'aithne dhoibh Dia, nach d'thug iad glòir dha mar Dhia, agus nach robh iad taingeil, ach gu'n d'fhàs iad dìomhain 'n an reusonachadh féin, agus gu'n do dhorchaicheadh an cridhe amaid-each.

22 Ag ràdh gur daoine glie iad féin, rinn-eadh amaidin diubh:

23 Agus chaochail iad glòir an Dé neo-thruaillidh gu dealbh a rinneadh cosmhuil ri duine truailidh, agus ri eunlaith, agus ainmhidhibh ceithir-chosach, agus béisidibh snàigeach.

24 Uime sin thug Dia thairis iad mar an ceudna, tre ana-miannaibh an cridhe féin, chum neo-ghloine, a thoirt eas-urraim d'an corpaibh féin eatorra féin:

25 Muinntir a chaochail firinn Dhé gu bréig, agus a thug aoradh agus a rinn seirbhìs do'n chreutair nì's mò na do'n Chruithear, a tha beannaichte gu sìorruidh. Amen.

26 Air a shon so thug Dia thairis iad do ana-miannaibh gràineil: oir chaochail eadhon

an miathan an gnàthachadh nàdurra chum a' ghnàtha a tha an aghaidh nàdur:

27 Agus mar an ceudna na fir, air tréig-sinn doibh gnàthachadh nàdurra na mna, loisgeadh iad le'n togradh d'a chéile, firionnaich ri firionnaich ag oibreachadh gràineil-eachd agus iad a' faotainn dìol-thuarasdail an seacharain anna féin, mar bu chòir.

28 Agus amhuil mar nach bu toil leo còlas Dhé a chumail, thug Dia thairis iad do inn-tinn mhi-chéillidh, a dheanamh nithean nach robh iomchuidh:

29 Air dhoibh a bhì air an lìonadh leis an uile eucòir, strìopachas, olc, shamnt, mhi-run: làn farmaid, mortaidh, connsachaidh, ceig, droch-bheusan; 'n an luchd-cogarsaich,

30 'N an luchd-anacainnt, 'n an luchd-fuath air Dia, 'n an luchd-tarcuis, uaibhreach, 'n an luchd-ràiteachais, 'n an luchd-cumadh uile, easùmhail do phàrantaibh.

31 Eu-céillidh, 'n an luchd-brisidh coimh-cheangail, gun ghràdh nàdurra, do-réit-eachaidh, neo-thruacanta:

32 Muinntir d'an aithne ceartas Dhé, (gu bheil iadsan a nì an leithid sin de nithibh toilleannach air bàs,) *gidheadh* cha-n e mha'n gu'm bheil iad féin 'g an deanamh, ach tha mar an ceudna tlachd aca de'n mhuinntir a nì iad.

CAIB. II.

1 *Iadsan a tha 'peacachadh, ged tha iad a' cronachadh so 'an daoinibh eile, cha-n urrainn iad an leithsgeul féin a ghabhail, 6 agus is lugha gu mòr na sin a dh'fheudas iad dol as o cheart-bhreitheanas Dhé, ma's Iudhaich no Cinnich iad. 14 Cha-n'eil na Cinnich comasach air dol as, 17 no idir na h-Iudhaich, 25 do nach 'eil feum's an timchioll-ghearradh, mur coimhid iad an lagh.*

UIME sin tha thu gun leithsgeul, O a dhuine, co air bith tha a tha 'toirt breth: oir an uair a tha thu 'toirt breth air neach eile, tha thu ga d' dhìteadh féin; oir thusa a tha 'toirt breth, tha thu 'deanamh nan nithean sin féin.

2 Ach tha fios againne gu bheil breitheanas Dhé a réir firinn, an aghaidh na muinntir a tha 'deanamh an leithid sin.

3 Agus an saoil thusa so, O a dhuine, a tha toirt breth orra-san a nì an leithid sin, agus a tha 'g an deanamh thu féin, gu'n téid thu as o bhreitheanas Dhé?

4 No 'n dean thu tarcuis air saoihbheas a mhaithis, agus 'fhoighidin, agus 'fhad-flulangais, gun fhios a bhì agad gu bheil maitheas Dhé ga d' threòrachadh chum aithreachais?

5 Ach a réir do chruais agus do chridhe neo-aithreachail, tha thu 'carnadh suas feirge dhuit féin fa chomhair là na feirge, agus foillseachaidh ceart-bhreitheanas Dhé;

6 A bheir do gach aon a réir a ghmìonh-aran;

7 Dhoibh-san a tha le buanachadh gu foighidneach ann an deadh obair, ag iarraidh glòire, agus urram, agus neo-bhàsmhorachd, a' bheatha mhaireannach :

8 Ach dhoibh-san a tha connsoidheach, agus nach 'eil ùmhail do'n fhìrinn, ach a tha ùmhail do'n eucoir, diom agus fearg ;

9 Amhgar agus teamntachd air gach anam duine a tha 'deanamh uile, do'n Iudhach air tùs, agus mar an ceudna do'n Ghreugach :

10 Ach glòir, agus urram, agus sìth, do gach duine a nì maith, do'n Iudhach air tùs, agus do'n Ghreugach mar an ceudna :

11 Oir cha-n'eil spéis aig Dia do phearsa seach a chèile.

12 Oir a mheud as a pheacaich gun an lagh, sgriosar iad gun an lagh ; agus a mheud as a pheacaich fo an lagh, dìtear iad leis an lagh :

13 (Oir cha-n iad luchd-éisdeachd an lagha a tha 'n am fireanaibh 'am fianuis Dhé, ach bithidh luchd-deanamh an lagha air am fireanachadh.)

14 Oir an uair a tha na Cinnich aig nach 'eil lagh, a thaobh nàduir a' deanamh nan nithean a tha 's an lagh, air dhoibh-san a bhì gun lagh tha iad 'n an lagh dhoibh féin :

15 Muinntir a tha 'nochdadh obair an lagha sgrìobhta 'n an cridheachaibh, air bhì d'an coguis a' deanamh fianuis leo, agus an smuaintean eatorra féin 'g an agairt, no a' gabhail an leithsgeil :

16 'S an là anns an toir Dia breth air nithibh uaigneach dhaoine, a réir mo shoisgeil-sa, tre Iosa Crìosd.

17 Feuch, goirear Iudhach dhiot-sa, agus tha thu 'cur dòigh 's an lagh, agus a' deanamh uail á Dia ;

18 Agus is aithne dhuit a thoil, agus tha thu a' dearbhadh nan nithean a's fearr, air dhuit a bhì air do theagasg as an lagh,

19 Agus tha thu dòchasach gur ceann-juil thu féin do na doill, solus dhoibhsan a tha ann an dorchadas,

20 Fear-fòghluim do dhaoineibh neo-eagnidh, fear-teagaisg do leanabaibh, aig am bheil samhladh an eòlais agus na fìrinn a tha 's an lagh.

21 Thusa uime sin a tha 'teagasg neach eile, nach 'eil thu ga d' theagasg féin ? thusa a tha 'searmonachadh gun ghoid a dheanamh, am bheil thu ri goid ?

22 Thusa tha 'g ràdh gun adhaltranas a dheanamh, am bheil thu 'deanamh adhalt-ranais ? thusa le'n gràin iodholan, am bheil thu ri naomh-ghoid ?

23 Thusa a tha 'deanamh uail as an lagh, an tabhair thu, le briseadh an lagha, eas-urram do Dhia ?

24 Oir tha ainm Dhé a' faotainn toibheim do 'ur taobh-se an measg nan Cinneach, mar a tha e sgrìobhta.

25 Oir tha tairbhe gu fìrinneach anns an

timchioll-ghearradh, ma ghleidheas tu an lagh : ach uais fear-brisidh an lagha thu, tha do thimchioll-ghearradh 'n a neo-thimchioll-ghearradh dhuit.

26 Uime sin, ma ghleidheas an neo-thimchioll-ghearradh fireantachd an lagha, nach measar a neo-thimchioll-ghearradh-san mar thimchioll-ghearradh ?

27 Agus nach dìt an neo-thimchioll ghearradh thaobh nàduir, a tha a' coimhionadh an lagha, thusa a tha tre'n litir agus tre'n timchioll-ghearradh a'd' fhear-brisidh an lagha ?

28 Oir cha-n Iudhach esan, a tha mar sin o'n leth muigh ; agus cha-n e sin an timchioll-ghearradh, a tha gu follaiseach 's an fheoil :

29 Ach is Iudhach esan, a tha mar sin 's an taobh a stigh ; agus is e sin an timchioll-ghearradh a tha 's a' chridhe, agus 's an spiorad, cha-n ann 's an litir, aig am bheil a chliu cha-n ann o dhaoineibh, ach o Dhia.

CAIB. III.

1 Sochair nan Iudhach ; 3 nach do chaill iad : 9 gidheadh dh'fhàg an lagh shìos iad mar an ceudna thaobh peacaidh. 20 Uime sin cha-n'eil feòil air bith air a saoradh tre'n lagh, 28 ach tha na h-uile air an saoradh tre chreidimh a nàin, 31 gidheadh cha-n'eil an lagh air a chur gu neo-bhrìgh.

CIOD e uime sin barrachd an Iudhaich ? no ciod e tairbhe an timchioll-ghearraidh ?

2 Is mòr sin air gach dòigh : air tùs, do bhrìgh gur ann riu-san a dh'earbadh briathran Dhé.

3 Oir ciod e sin ged nach do chreid cuid ? an dean am mi-chreidimh-san fìrinn Dhé gun éifeachd ?

4 Nar leigeadh Dia : ach bitheadh Dia fìor, agus gach duine 'n a bhreugaire ; a réir mar tha e sgrìobhta, Chum gu'm bi thu ceart ann ad briathraibh, agus gu'n toir thu buaidh 'n uair a bheirear breth ort.

5 Ach ma mholas ar n-eucoir-ne fireantachd Dhé, ciod a their sinn ? am bheil Dia eucorach a tha 'deanamh dioghaltais ? (tha mi a' labhairt mar dhuine.)

6 Nar leigeadh Dia : no cionnus a bheir Dia breth air an t-saoghal ?

7 Oir ma tha fìrinn Dhé tre mo bhréig-sa air a meudachadh chum a ghloire-san ; e'ar son a tha mise air mo dhìteadh mar pheacach ?

8 Agus e'ar son nach dean sinn olc, chum gu'n tig maith as ? (mar a labhrar gu toibheumach umainne, agus mar a thubhairt cuid gu bheil sinn ag ràdh,) muinntir d' am bheil an dìteadh a réir certais.

9 Ciod uime sin ? am bheil barrachd againne ? cha-n'eil air aon chor : oir dhearbha sinn roimhe gu bheil aron na h-Iudhaich agus na Cinnich uile fo pheacadh ;

10 Mar tha e sgrìobhta, Cha-n'èil ionracan ann, cha-n'èil fiu a h-aon :

11 Cha-n'èil neach ann a thuigeas, cha-n'èil neach ann a tha 'g iarraidh Dhé.

12 Chlaon iad uile as an t-slighe, tha iad uile mi-tharbhach ; cha-n'èil neach a tha 'deanamh maith, cha-n'èil fiu a h-aon.

13 Is uaghl fhosgailte an scòran ; labhair iad cealg le'n teangaibh ; tha nìmh nan nathraichean nimhe fo 'm bìlìbh :

14 Aig am bheil am beul làn mallachaidh agus seirbhe :

15 Tha an cosan luath a dhìortadh fola :

16 Tha léir-sgrìos agus truaighe 'n an slighibh :

17 Agus slighe na sìthe cha b'aithe dhoibh :

18 Cha-n'èil eagal Dhé fa comhair an sùl.

19 A nis tha fhios againn ge b'e nìthean a tha'n lagha 'labhairt, gur ann riu-san a tha fo'n lagh a tha e 'g an labhairt : clum gu'n druidear gach uile bheul, agus gu'm bi an saoghal uile air fhaotainn ciontach 'am fianuis Dhé.

20 Uime sin cha bhi fèil air bith air a fireanachadh, 'n a fhianuis-san, tre oibribh an lagha : oir is ann tre an lagh a tha còlas peacadh.

21 Ach a nis tha fireantachd Dhé air a foillseachadh as eugmhais an lagha, a' faotainn fianuis o'n lagh agus o na fàidhibh ;

22 Eadhon fireantachd Dhé tre chreidimh Iosa Crìosd, do na h-uile, agus air na h-uile a chreideas ; oir cha-n'èil eadar-dhealachadh ann :

23 Oir pheacaich na h-uile, agus tha iad air teachd gearr air glòir Dhé ;

24 Air dhoibh a bhi air am fireanachadh gu saor le a ghràs, tre an t-saorsa a tha ann an Iosa Crìosd :

25 Neach a shòmarieil Dia 'n a iobairt-réitich, tre chreidimh 'n a fhuil, ehum 'fhìreantachd fhoillseachadh le maithneas nam peacadhean a chaidh seachad, tre fhad-fhulangas Dhé :

26 A dh'fhoillseachadh, tha mi ag ràdh, 'fhìreantachd-san 's an àm a tha làthair ; ehum gu'm bitheadh e cothromach, agus gu'm fireanaicheadh e an ti a chreideas ann an Iosa.

27 C'ait nìme sin am bheil uail ? Dhruideadh a mach i. Ciod e an lagh leis an do dhruideadh a mach i ? an e lagh nan oibre ? Cha-n e ; ach tre lagh a' chreidimh.

28 Tha sinn uime sin a' meas gu bheil duine air fhìreanachadh tre chreidimh as eugmhais oibre an lagha.

29 An e Dia nan Iudhach a mhàin e ? Nach e mar an ceudna Dia nan Cìneach ? Gu deimhin nan Cìneach mar an ceudna :

30 Do bhrìgh gur aon Dia, a dh'fhìreanaicheadh an timchioll-ghearradh o chreidimh, agus an neo-thimchioll-ghearradh tre chreidimh.

31 Am bheil sinn uime sin a cur an lagha 'an neo-bhrìgh tre'n chreidimh ? Nar leigeadh Dia : ach tha sinne a' daingneachadh an lagha.

CAIB. IV.

1 Mheasadh creidimh Abraham dha mar fhìreantachd, 10 mu'n do thimchioll-ghearradh e. 13 Tre chreidimh a mhàin shealbhuich e fèin agus a shìochad an geolladh. 16 Is e Abraham athair nan uile dhaoine a tha 'creidsinn. 24 Bithidh ar creidimh-ne mar an ceudna air a mhas dhuinn mar fhìreantachd.

CIOD ma ta a their sinn a fhuair ar n-athair Abraham a réir na feola ?

2 Oir ma dh'fhìreanaicheadh Abraham le oibribh, tha aobhar uail aige, ach cha-n ann a thaobh Dhé.

3 Oir ciod a tha an sgrìobtur ag ràdh ? Chreid Abraham Dia, agus mheasadh sin da mar fhìreantachd.

4 A nis do'n ti a ni obair cha-n ann mar ghean-maith a mhasar an tuarasdail, ach mar fhiachaibh.

5 Ach do'n ti nach dean obair, ach a tha 'creidsinn anns an ti a dh'fhìreanaicheadh an duine mi-dhiadhaidh, measar a chreidimh mar fhìreantachd.

6 Anbuil mar a tha Daibhidh a' cur 'an cèill beannachadh an duine sin d'am meas Dia fireantachd as eugmhais oibre, ag ràdh,

7 Is beannaichte iadsan a fhuair maithneas 'n an eucirtibh, agus aig am bheil am peacadhean air am folach.

8 Is beannaichte an ti nach cuir an Tigh-earn peacadh as a leth.

9 Am bheil ma ta am beannachadh so 'teachd air an timchioll-ghearradh a mhàin, no mar an ceudna air an neo-thimchioll-ghearradh ? Oir tha sinn ag ràdh gu'n do mheasadh creidimh do Abraham mar fhìreantachd.

10 Cionnus ma ta a mhasadh dha e ? An ann an uair a bha e's an timchioll-ghearradh, no 's an neo-thimchioll-ghearradh ? Cha'n ann 's an timchioll-ghearradh, ach 's an neo-thimchioll-ghearradh.

11 Agus fhuair e comharadh an timchioll-ghearraidh, seula fireantachd a' chreidimh a bha aige 's an neo-thimchioll-ghearradh, ehum gu'm bitheadh e 'n a athair aca-san uile a tha 'creidsinn 's an neo-thimchioll-ghearradh, ehum gu'm meastadh fireantachd dhoibh-san mar an ceudna :

12 Agus 'n a athair an timchioll-ghearraidh dhoibh-san nach 'eil a mhàin de'n timchioll-ghearradh, ach mar an ceudna a tha 'g imeachd ann an ceumaibh creidimh sin ar n-Athar Abraham, a bha aige 's an neo-thimchioll-ghearradh.

13 Oir cha b'ann tre'n lagh a thugadh an gealladh do Abraham no d'a shìol, Gu'm bitheadh e 'n a oighe air an t-saoghal, ach tre fhìreantachd a' chreidimh.

14 Oir ma tha iadsan a bluinneas do'n lagh

'n an oighreachaibh, tha creidimh air a dheanamh dìomhain, agus an gealladh guu bhrìgh :

15 A chionn gu bheil an lagh ag oibreachadh feirge : oir far nach 'eil lagh, cha-n'èil an sin briseadh lagha.

16 Uime sin is ann o chreidimh tha an oighreachd, ionuus gu'm bitheadh i tre ghràs: chum gu'm bitheadh an gealladh daingean do'n t-sìol uile, cha-n aon a mhàin dhoibh-san a bhuincas do'n lagh, ach mar an ceudna dhoibh-san a bhuincas do chreidimh Abrahaim, neach is e ar n-athair-ne uile,

17 (A réir mar tha e sgrìobhta, Dh'ord-uich mi thu a'd' athair mhòran chinneach,) 'n a làthair-san anns an do chreid e, eadhon Dia, a tha 'beothachadh nam marbh, agus a tha' gairm nan nithean siu nach 'eil idir ann mar gu'm bitheadh iad ann :

18 Neach an aghaidh dòchais a chreid 'an dòchas, chum gu'm bitheadh e 'n a athair mhòran chinneach ; a réir mar a dùbhradh, Mar so bithidh do shìochd.

19 Agus air dha gun bhì anmhunn aon an creidimh, cha do chuir e 'an suim gu'n robh a chorp féin a nis marbh, air dha 'bhì timchioll ceud bliadhna dh'aois, no mairbhe bronn Shara :

20 Agus cha do chuir e 'an auharus gealladh Dhé le mi-chreidimh ; ach bha e làidir ann an creidimh, a' toirt glòire do Dhia :

21 Agus bha làn-chinnt aige, an ti a thug an gealladh, gu'm bu chomasach esan air a choimhlionadh.

22 Agus uime siu mheasadh so dhàsan mar fhreautachd.

23 A nis cha b'ann air a shonsan a mhàin a sgrìobhadh, gu'n do mheasadh so dha ;

24 Ach air ar son-ne mar an ceudna, d'am measar e, ma chreideas sinn anu-san a thog suas Iosa ar Tighearn o na mairbh,

25 A thugadh thairis air son ar cionta, agus a thogadh suas a ris air son ar fireanachadh.

CAIB. V.

- 1 Air dhuinn a bhì air ar sòradh o chionta peacadh tre chreidimh, tha sìth againn ri Dia, agus gairdeachas ann an dòchas : 8 do bhrìgh gu'n d' fhuair sinn réite tre fhuil Criosd, 'n uair bu naimhdean sinn, is mò gu mòr na sin a shaorar sinn a nis air dhuinn an réite fhaotainn. 12 Mar a thàinig peacadh agus bàs te Adhamh, is mò gu mòr na sin a tha fireantachd agus beatha tre Iosa Criosd. 20 Far an robh peacadh mòr thug gràs barrachd.

UIME sin air dhuinne 'bhi air ar fireanachadh tre chreidimh, tha sìth againn ri Dia, tre ar Tighearn Iosa Criosd :

2 Tre'm bheil againn mar an ceudna slighe gu dol a steach tre chreidimh chum

a' ghràs so anns am bheil sinn 'n ar seasamh, agus tha sinn a' deanamh gairdeachais ann an dòchas glòire Dhé.

3 Agus cha-n e so a mhàin, ach tha sinn mar an ceudna a deanamh uail' ann an trioblaidibh, do bhrìgh gu bheil fios againn gu'n oibrich trioblaid foighidin ;

4 Agus foighidin, dearbhadh ; agus dearbhadh, dòchas :

5 Agus cha nàraich an dòchas, do bhrìgh gu bheil gràdh Dhé air a dhòrtadh a mach ann ar cridheachaibh, tre'n Spiorad naomh a thugadh dhuinne.

6 Oir air dhuinne 'bhi fathast gun neart, ann an am iomchuidh bhàsaich Criosd air son nan daoine neo-dhiadhaidh.

7 Oir is gann a dh'fhuilingeas duine bàs air son duine chothromaich ; ach theagamh gu'm bitheadh aig neach éigin de mhìnich eadhon bàs fhulang air son duine mhaith.

8 Ach tha Dia a' moladh a ghràidh féin duinne, do bhrìgh an uair a bha sinn fathast 'n ar peacaich gu'n d'fhuiling Criosd bàs air ar son.

9 Is mò gu mòr uime sin, air dhuinn a nis a bhì air ar fireanachadh tre 'fhuil, a shaorar tridsan o fheirg sinn.

10 Oir ma 's e is air dhuinn 'bhi 'n ar naimhdeibh, gu'n d'rinneadh réidh ri Dia sinn tre bhàs a Mhic ; is mò gu mòr, air dhuinn a bhì air ar deanamh réidh, a shaorar tre a beatha sinn.

11 Agus cha-n e mhàin sin, ach tha sinn a' deanamh gairdeachais ann an Dia, tre ar Tighearn Iosa Criosd, tre an d'fhuair sinn a nis an réite.

12 Uime sin mar a thàinig peacadh a steach do'n t-saoghal tre aon duine, agus bàs tre'n pheacadh ; mar sin mar an ceudna thàinig bàs air na h-uile dhaoimibh, do bhrìgh gu'n do pheacaich iad uile.

13 Oir gus an lagh, bha peacadh anns an t-saoghal : ach cha chuirear peacadh á leth dhaoine far nach 'eil lagh.

14 Gidheadh, rioghaich am bàs o Adhamh gu Maois, eadhon air an dream nach do pheacaich a réir coslais cas-umhlachd Adhamh, neacha'se samhladh an ti ud a bha ri teachd :

15 Ach cha-n ann mar an cionta, a tha'n saor-thiodhlac. Oir ma fhuair mòran bàs tre chionta aoin, is mò gu mòr na sin a tha gràs Dhé, agus an tiodhlac troimh ghràs a tha tre aon duine, Iosa Criosd, pailte do mhòran.

16 Agus cha-n ann mar tre aon duine a pheacaich, mar sin a tha'n tabhartas : oir bha am breitheanas tre aon chionta, chum dìtidh : ach tha'n saor-thabhartas o mhòran chiontaibh chum fireanachaidh.

17 Oir ma's e as tre chionta aoin duine, gu'n do rioghaich am bàs tre aon, is mò gu mòr na sin a rioghaicheas iadsan, a gheibh pailteas gràs, agus tabhartais na fireant-

achd, ann am beatha tre aon, *eadhon* Iosa Criosd.

18 Uime sin mar tre chionta aoin *duine a thàinig breitheanas* air na h-uile dhaoineibh chum dìtidh, is amhuil sin mar an ceudna tre fhìreantachd aoin, *thàinig an saor-thìodhlac* air na h-uile dhaoineibh chum fireanachaidh na beatha.

19 Oir mar tre eas-ùmhachd aoin *duine a rinneadh mòran* 'n am peacaich, is amhuil sin tre ùmhachd aoin *duine a nithcar mòran* 'n am fireanaibh.

20 Ach thàinig an lagh a steach, chum gu meudaichteadh an cionta: ach far au do mheudaicheadh am peacadh, bu ro-mhò-a mheudaicheadh gràs:

21 Chum as mar a rioghaich am peacadh chum bàis, mar sin gu'n rioghaichadh gràs tre fhìreantachd chum na beatha maireannaich, tre Iosa Criosd ar Tighearn.

CAIB. VI.

1 *Cha-n fheud sinn ar beatha a chaitheadh 'am peacadh; oir tha sinn marbh dha mar tha'm baisteadh a' dearbhadh.* 12 *Na bitheadh tighearnas aig a' pheacadh nì's mò, 18 do bhrìgh gu'n d'thug sinn fèin thairis do sheirbhìs na fireantachd.* 23 *agus a chionn gur e am bàs tuarasdál a' pheacaidh.*

CIOD ma ta a their sinn? Am buanaich sinn ann am peacadh, chum gu meudaichear gràs?

2 Nar leigeadh Dia: cionnus a dh'fheudas sinne a tha marbh do'n pheacadh, ar beatha a chaitheadh nì's faide ann?

3 Nach 'eil fhios agaibh, a mheud againn as a bhaisteadh ann am Iosa Criosd, gu'n do bhaisteadh chum a bhàis sinn?

4 Air an aobhar sin dh'adhlaicheadh sinn maille ris tre'n bhaisteadh chum bàis: ionnus mar a thogadh Criosd suas o na mairbh le glòir an Athar, marsin gu'n gluaiseamaid-ne mar an ceudna ann an nuadhachd beatha.

5 Oir ma chaidh ar suidheachadh maraon ann an coslas a bhàis, bithidh sinn mar an ceudna *air ar suidheachadh ann an coslas* 'aiseirigh.

6 Air fhios so a bhi againn, gu bheil ar seann duine air a chcusadh maille ris, ionnus gu'm bitheadh corp a' pheacaidh air a sgrìos, chum á so suas nach deanamaid seirbhìs do'n pheacadh.

7 Oir an ti a fhuair bàs, rinneadh saor e o'n pheacadh.

8 A nis ma fhuair sinn bàs maille ri Criosd, tha sinn a' creidsinn gu'm bi sinn beò maille ris mar an ceudna:

9 Air dhuinn fios a bhi againn air do Chrìosd éirigh o na mairbh, nach bàsaich e uì's mò; cha-n'eil tighearnas aig a' bhàs nì's mò air.

10 Oir a mheud 's gu'n d'fhuair e bàs, is ann do'n pheacadh a fhuair e bàs aon uair *a mhàin*: ach a mheud 's gu bheil e beò, is ann do Dhia tha e beò.

11 Mar sin mar an ceudna measaibh-es gu bheil sibh fèin gu deimhin marbh do'n pheacadh, ach beò do Dhia tre Iosa Criosd ar Tighearn.

12 Air an aobhar sin na rioghaicheadh am peacadh ann bhur corp bàsmhor, air chor as gu'n tugadh sibh ùmhachd dha 'u a ana-miannaibh.

13 Agus na tugaibh bhur buill 'n an armaibh euceirt do'n pheacadh; ach thugaibh sibh fèin do Dhia, mar dhream a tha beò o na mairbh, agus bhur buill 'n an armaibh fireantachd do Dhia.

14 Oir cha bhi aig a' pheacadh tighearnas oirbh: oir cha-n'eil sibh fo 'n lagh, ach fo ghràs.

15 Cìod uime sin? am peacaich sinn, do bhrìgh nach 'eil sinn fo 'n lagh, ach fo ghràs? Nar leigeadh Dia.

16 Nach 'eil fhios agaibh, an ti d'an toir sibh sibh fèin mar sheirbhìsich chum ùmhachd, gur seirbhìsich sibh do'n ti d'an deau sibh ùmhachd; ma's ann do'n pheacadh chum bàis, no do ùmhachd chum fireantachd.

17 Ach buidheachas do Dhia, an dèigh dhuibh a bhi 'n ur seirbhìsich do'n pheacadh, gu'n d'thug sibh o bhur cridhe ùmhachd do'n chumaidh teagaisg sin d'an d'thugadh sibh thairis.

18 Air dhuibh ma ta 'bhi air bhur deanamh saor o'n pheacadh, rinn sibh seirbhìs do'n fhìreantachd.

19 Tha mi a' labhairt mar dhuine, air son annhuimcachd bhur fèla-se: oir mar a thug sibh bhur buill mar sheirbhìsich do neòghloine, agus do enceart chum euceirt, amhuil sin a uis thugaibh bhur buill mar sheirbhìsich do'n fhìreantachd, chum naomhachd.

20 Oir an uair a bha sibh 'n ur seirbhìsich do'n pheacadh, bha sibh saor o'n fhìreantachd.

21 Air an aobhar sin cìod an toradh a bha agaibh an sin anns na nithibh sin, a tha uis a' cur nàire oirbh? oir is e crìoch nan nithcan sin am bàs.

22 Ach a nis air dhuibh a bhi saor o'n pheacadh, agus 'n ur seirbhìsich do Dhia, tha bhur toradh agaibh chum naomhachd, agus a' chrìoch a' bheatha mhaireannach.

23 Oir is e tuarasdál a' pheacaidh am bàs: ach is e saor-thìodhlac Dhé a' bheatha mhaireannach, tre Iosa Criosd ar Tighearn.

CAIB. VII.

1 *Cha-n'eil aig an lagh cumhachd os ceann duine nì's faide na's beò e.* 4 *Ach tha sinne marbh do'n lagh; 7 gidheadh cha-n'eil an lagh 'n a pheacadh, 12 ach naomh, ceart, agus maith, &c.*

NAACH eil fhios agaibh, a bhràithre, (oir is ann rìusan d'an aithne an lagh a tha

mi a' labhairt, gu bheil tighearnas aig an lagh air duine, am fad 's is beò e?

2 Oir a' bhean a tha pòda ri fear, tha i ceangailte leis an lagh r'a fear am fad 's is beò e: ach ma gheibh a fear bàs, tha i fuasgailte o lagh a fir.

3 Uime sin am feadh 's is beò a fear, ma phòsar i ri fear eile, goirear ban-adhalt-ranach dhi: ach ma gheibh a fear bàs, tha i saor o'n lagh sin, air chor as nach ban-adhalt-ranach i, ged robh i aig fear eile.

4 Air an aobhar sin, mo bhràithre, tha sibhs mar an ceudna marbh do'n lagh tre chorp Chrìosd: ionnus gu'm bitheadh sibh pòda ri fear eile, *eadhon* ris-san a thogadh o na marbhb, chum gu'n tugamaid toradh a mach do Dhia.

5 Oir an uair a bha sinn 's an fheadhail, bha miannan nam peacaidhean, tre'n lagh, ag oibreachadh ann ar buill, chum toradh a thoirt a mach gu bàs.

6 Ach a nis tha sinn air ar deanamh saor o'n lagh, air dha sin a bhi marbh leis an do chumadh sinn; chum gu'n deanamaid seirbhis ann an nuadhachd spioraid, agus cha-n ann 'an seanachd na litreach.

7 Ciod uime sin a their sinn? am bheil an lagh 'n a pheacadh? Nar leigeadh Dia. Ni h-eadh, cha b'aithne dhomh peacadh, ach tre'n lagh: oir cha bhitheadh eòlas agam air sannt, mur abradh an lagh, Na sanntaich.

8 Ach air do'n pheacadh fàth a ghlacadh tre'n àithne, dh'oibrich e annam gach uile ghnè an-tograidh: oir as eugmhais an lagha bha 'm peacadh marbh.

9 Oir bha mise beò as eugmhais an lagha uair-éigin: ach air teachd do'n àithne, dh'ath-bheothaich am peacadh, agus fhuair mise bàs.

10 Agus an àithne a dh'orduicheadh chum beatha, fhuaradh dhomh-sa chum bàis i.

11 Oir air do'n pheacadh fàth a ghlacadh tre'n àithne, mheall emi, agus lesin mharbh e mi.

12 Air an aobhar sin tha 'n lagh naomh; agus tha 'n àithne naomh, agus cothromach, agus maith.

13 Uime sin an d'rinneadh an ni sin a bha maith, 'n a bhàs domhsa? Nar leigeadh Dia. Ach am peacadh, chum gu'm faicheadh gur peacadh e, ag oibreachadh bàis annam-sa, leis an ni sin a tha maith; chum tre'n àithne gu'm fàsadh am peacadh ro pheacach.

14 Oir tha fhios againne gu bheil an lagh spioradail: ach tha mise feòlmhor, air mo reiceadh fo 'n pheacadh.

15 Oir an ni a tha mi 'deanamh, cha taitneach leam e: oir an ni a b'àill leam, cha-n e a tha mi a' deanamh; ach an ni a's fuathach leam, is e sin a tha mise a' deanamh.

16 Uime sin ma tha mi 'deanamh an ni

nach b'àill leam, tha mi 'g aontachadh leis an lagh, gu bheil e maith.

17 A nis ma ta cha mhise ni's mò a tha 'deanamh so, ach am peacadh a tha 'gabhail còmhnuidh annam.

18 Oir tha fhios agam, annam-sa, (sin ri ràdh, ann am fheadhail) nach 'eil maith sam bith a' gabhail còmhnuidh: oir tha'n toil a làthair maille rinn, ach *dòigh sam bith* chum maith a dheanamh cha-n'eil mi a' faotainn?

19 Oir cha-n'eil mi 'deanamh am maith 'bu mhiann leam: ach an t-olc nach b'àill leam, is e sin a tha mi a' deanamh.

20 A nis ma tha mi a' deanamh an ni nach b'àill leam, cha mhise ni's mò a tha 'deanamh so, ach am peacadh a tha 'gabhail còmhnuidh annam.

21 Uime sin tha mi 'faotainn lagha, 'n uair a b'àill leam am maith a dheanamh, gu bheil an t-olc a làthair agam.

22 Oir tha tlachd agam ann an lagh Dhé, a réir an duine 's an taobh a stigh;

23 Ach tha mi 'faicinn lagha eile a'm' bhuill a' cogadh an aghaidh lagha m'inntinn, agus ga m' thoirt ann am bruid do lagh a' pheacaidh, a tha ann am bhuill.

24 Och is duine truagh mi! cò a shaoras mi o chorp a' bhàis so?

25 Tha mi 'toirt buidheachais do Dhia, tre Iosa Chrìosd ar Tighearn. Uime sin, tha mise féin leis an inntinn a' deanamh seirbhis do lagh Dhé; ach leis an fheadhail do lagh a' pheacaidh.

CAIB. VIII.

1 Tha iadsan a tha ann an Crìosd, agus a' caitheadh am beatha a réir an Spioraid, saor o dh'eadhail. 5 Ciod an cron a thig o'n fheadhail. 14 agus ciod am maith a thig o'n Spioraid: 17 agus ciod e a bhi 'n ar doinn do Dhia: 19 dream aig am bheil, roimh na h-uile ni, déull: air an saorsa, &c.

AIR an aobhar sin cha-n'eil a nis dìteadh sam bith do'n dream sin a tha ann an Iosa Chrìosd, a tha 'gluasad cha-n ann a réir na feòla, ach a réir an Spioraid.

2 Oir shaor lagh Spioraid na beatha, ann an Iosa Chrìosd, mise o lagh a' pheacaidh agus a' bhàis.

3 Oir an ni nach robh 'an comas do'n lagh a dheanamh, do bhrìgh gu'n robh e annhunn tre'n fheadhail, ag cur a Mhic féin do Dhia ann an coslas feòla peacach, agus 'n a robairt air son peacaidh, dh'it e am peacadh 's an fheadhail:

4 Chum gu'm bitheadh fireantachd an lagha air a coimhionadh annainne, a tha 'gluasad cha-n ann a réir na feòla, ach a réir an Spioraid.

5 Oir an dream a tha a réir na feòla, tha an aire air na nithibh sin a bhuineas do'n fheadhail; ach an dream a tha a réir an Spioraid, air na nithibh sin a bhuineas do'n Spiorad.

6 Oir an iantium fheadhmhor is bàs i; ach an iuntinn spioradail is beatha agus sith i:

7 Do bhrìgh gur naimhdeas an iuntinn fheadhmhor an aghaidh Dhé; oir cha-n'èil i ùmhla do lagh Dhé, agus cha m'hò a tha'n comas di 'bhi.

8 Uime sin cha-n urrainn iadsan a tha 's an fheadh Dia a thoileachadh.

9 Ach cha-n'èil sibhise 's an fheadh, ach 's an Spiorad, ma tha Spiorad Dhé a' gabhail còmhnuidh annaibh. A nis mur 'èil Spiorad Chrìosd aig neach, cha bhuin e dha.

10 Agus ma tha Crìosd annaibh, tha'n corp marbh gu deimhin a thaobh peacaidh; ach is beatha an spiorad a thaobh fireantachd.

11 Ach ma tha Spiorad an ti a thog Iosa o na mairbh a' gabhail còmhnuidh annaibh, an ti a thog Crìosd o na mairbh, beathaichidh e mar an ceudna blur cuirp bhàsmhor-se, tre a Spiorad-san a tha 'chòmhnuidh annaibh.

12 Uime sin, a bhràithre, tha sinn fo fhiachaibh, cha-n ann do'n fheadh, chum ar beatha a chaitheadh a réir na feòla.

13 Oir ma chaitheas sibh blur beatha a réir na feòla, gheibh sibh bàs: ach ma mharbhas sibh tre'n Spiorad gnìomharan na colla, bithidh sibh beò.

14 Oir a mheadh 's a tha air an treòrachadh le Spiorad Dhé, is iad mic Dhé.

15 Oir cha d'fhuair sibh Spiorad na daorsa a ris chum eagal; ach fhuair sibh Spiorad na h-uchd-mhacachd, tre an glaothi sinn, Abba, Athair.

16 Tha an Spiorad féin a' deanamh fianuis maille r'ar spiorad-ne, gur sinn clann Dhe:

17 Agus ma's clann, is oighreachan; oighreachan air Dia, agus comh-oighreachan maille ri Crìosd: ma 's e is gu'm fuiling sinn maille ris, chum gu'n glòraichear sinn maille ris mar an ceudna.

18 Oir tha mi a' meas nach airidh fulangais na h-aimsir a tha làthair a bhi air an còmhneas ris a' ghlòir a dh'fhoillsichear annainn.

19 Oir tha dùil dhùrachdach a' chruthachaidh a' feitheamh ri foillseachadh cloinne Dhé.

20 Oir chuireadh an cruthachadh fo dhìomhanas, cha-n ann le 'thoil, ach trid-san a chuir fo dhìomhanas e;

21 'An dòchas gu'n saorar an cruthachadh féin fòs o dhaorsa na truaidheachd, gu saorsa ghlòrmhor cloinne Dhé.

22 Oir tha fhios againne gu bheil an cruthachadh uile ag osnaich, agus ann am péin gu léir, mar mhaon ri saothair, gus an am so:

23 Agus cha-n e so a mhàin, ach sinn féin mar an ceudna, aig am bheil ceud thoradh an Spioraid, tha cadhonn sinne ag osnaich

annainn féin, a' feitheamh ris an uchd-mhacachd, eadhon saorsa ar cuirp.

24 Oir is ann le dòchas a saorar sinn: ach dòchas a chithear, cha dòchas e: oir an ni a tha an duine 'faicinn, c'ar son a bhitheas dòchas aige ris?

25 Ach ma tha dòchas againn ris an ni nach 'èil sinn a' faicinn, feithidh sinn gu foighidheach ris.

26 Tha an Spiorad féin mar an ceudna a' deanamh còmhnaidh le ar n-annhuinn-eachd: oir cha-n aithne dhuinn ciod a ghuidheamaid mar bu chòir dhuinn; ach tha an Spiorad féin a' deanamh eadar-ghuidhe air ar son le osnaibh do-labhairt.

27 Agus is aithne dhàsan a tha 'rannsaichadh nan cridheachan ciod i iuntinn an Spioraid, do bhrìgh gu bheil e a' deanamh cadar-ghuidhe air son nan naomh a réir toile Dhé.

28 Agus tha fhios againn gu'n comh-oibrich na h-uile nithean chum maith, do'n dream aig am bheil gràdh do Dhia, eadhon dhoibh-san a ghairmeadh a réir a rùin.

29 Oir an dream a roimh-aithnich e, roimh-orduich e iad-mar an ceudna chum a bhi comh-chosmhuil ri ìomhaigh a Mhic, chum gu'm bitheadh esan 'n a cheud-ghin am measg mòrain bhràithrean.

30 Agus an dream a roimh-orduich e, ghairm e iad mar an ceudna: agus an dream a ghairm e, dh'fhireanaich e mar an ceudna: agus an dream a dh'fhireanaich e, ghlòraich e mar an ceudna.

31 Ciod uime sin a their sinn ris na nithibh sin? Ma tha Dia leinn, co 'dh'fheadas a bhi 'n ar n-aghaidh?

32 An ti nach do chaomhain a Mhac féin, ach a thug thairis e air ar son-ne uile, cionnus maille ris-san nach toir e mar an ceudna dhuinn gu saor na h-uile nithean?

33 Cò a chuireas coire sam bith á leth daine taghta Dhé? Is e Dia a dh'fhireanaicheas.

34 Cò a dhiteas? Is e Crìosd a fhuair bàs, seadh tuilleadh fòs, a dh'èirich a ris, agus a tha air deas làimh Dhé, neach a tha mar an ceudna a' deanamh eadar-ghuidhe air ar son-ne.

35 Cò a sgaras sinn o ghràdh Chrìosd? an dean trioblaid, no àmhghar, no geur-leannhuinn, no gorta, no lomnochduidh, no cumnart, no claidheamh?

36 (A réir mar tha e sgrìobhta, Air do shon-sa mharbhadh sinn ré an là; mheasadh sinn mar chaoiraich chum marbhaidh.)

37 Ni h-cadh, ach anns na nithibh sin uile tha sinn a' toirt tuilleadh agus buaidh, trid-san a ghràdhach sinn.

38 Oir tha dearbh-bheachd agam, nach bi bàs, no beatha, no aingil, no uachdaranachd-an, no cumhachdan, no nithean a tha làthair, no nithean a tha ri teachd,

39 No àirde, no doimhne, no creutair sam

bith eile, comasach air sinne a sgaradh o ghràdh Dhé a tha ann an Iosa Crìosd ar Tighearn.

CAIB. IX.

1 *Tha Pòl doilich air son nan Iudhach.* 7 *Cha b'iad sliochd Abraham uile clann a' gheallaidh.* 18 *Tha Dia a' deanamh tròcair air an dream a's toil leis.* 21 *Feudaidh an cumadair an nì a's àill leis a dheanamh ris a' chriadh.* 25 *Tha gairm nan Cinneach, agus cur-air-cul nan Iudhach air an roimh-taiseach, &c.*

THA mi a' labhairt na firinn ann an Crìosd, cha dean mi breug, (air bhì do m' choguis a' deanamh fianuis domh 's an Spiorad naomh :)

2 Gu bheil doilgheas mòr orm, agus cràdh air mo chridhe an còmhuidh.

3 Oir ghuidhinn mi féin a bhì dealaichte o Chrìosd, air son mo bhràithrean, mo luchd-dàimh a thaobh na feòla :

4 A tha 'n an Israelich ; d'am buin an uchd-mhacachd, agus a' ghloir, agus na coimheangail, agus tabhairt an lagha, agus seirbhis *Dhé*, agus na geallanann ;

5 D'am buin na h-aithrichean, agus o'm bheil Crìosd a thaobh na feòla, neach is e Dia os ceann uan uile, beannaichte gu sìorruidh. Amen.

6 Cha-n e gu bheil focal *Dhé* gun éifeachd. Oir cha-n Israelich iadsan uile a tha o Israel :

7 Agus nì mòd do bhrìgh gur sliochd do Abraham iad, a tha iad uile 'n an cloinn : ach, Ann an Isaac ainmichear do shìol.

8 Is e sin ri ràdh, Cha-n iad clann na feòla clann *Dhé* : ach is iad clann a' gheallaidh a mheasar mar shìol.

9 Oir is e so focal a' gheallaidh, A réir an àm so thig mi, agus bithidh mac aig Sara.

10 Agus cha-u e mhàin so, ach Rebeca mar an ceudna 'n uair a rinneadh torrach i o aon, *eadhon* Isaac ar n-athair-ne ;

11 (Oir mu'n dò rugadh na *naoidheanan*, agus mu'n drinn iad maith no ole, chum gu'm bitheadh rùn *Dhé* a réir an taghaidh seasmhach, cha-n ann o oibribh, ach o'n ti a ghairmeas ;)

12 A dubhradh rithe, Nì an ueach a's seine seirbhis do'n neach a's òige.

13 A réir mar tha e sgrìobhta, Ghràdh-aich mi Iacob, ach dh'fhuathaich mi Esau.

14 Cìod a their sinn ma ta ? *am bheil* encoir maille ri Dia ? Nar leigeadh Dia.

15 Oir tha e ag ràdh ri Maois, Nì mi tròcair air an neach air an dean mi tròcair, agus gabhaidh mi truas de'n neach d'an gabh mi truas.

16 Uime sin cha-n ann o'n ti leis an àill, no o'n ti a ruitheas, ach o Dhia a nì tròcair.

17 Oir tha an sgrìobtuir ag ràdh ri Pharaoh, Is ann chum na crìche so féin a thog mi suas thu, chum gu'm foillsichinn mo chumhachd annad, agus chum gu'm

bitheadh m'ainm iomraideach air feadh na talmhainn nìle.

18 Uime sin nì e tròcair air an ti a's àill leis, agus an ti a's àill leis cruaidh-ichidh e.

19 Their thu ma ta rium, C'ar son a tha e ma seadh a' faghail croin ? oir cò a chuir an aghaidh a thoile ?

20 Nì h-eadh, ach O a dhuine, cò thusa a tha 'tagradh an aghaidh *Dhé* ? An abair an nì a chumadh ris an ti a chum e, C'ar son a rinn thu mì mar so ?

21 Nach 'eil cumhachd aig a' chriadhadair air a' chriadh, ionnus gu'n deanadh e de'n aon ruheall aon soithach chum urrainn, agus soithach eile chum eas-urraim.

22 *Cìod* ua's e, air bhì do Dhia toilcach 'thearg a nochdadh, agus a chumhachd a dheauamh aithnichte, gu'n d'fhuiling e le mòr shad-flulangas soithichean na feirge air an ulluchadh chum sgrios :

23 Agus chum gu'n deanadh e aithnichte saobhreas a ghloire air soithichibh na tròcair, a dh'ulluich e roimh-làimh chum gloire,

24 Eadhon sinne a ghairm e, cha-n e mhàin de na h-Iudhaich, ach mar an ceudna de na Cinnich.

25 Mar tha e ag ràdh mar an ceudna ann an Hosea, Goiridh mì mo phobull diubhsan nach robh 'n am pobull dòmh ; agus *bean* ghràdhach dh'ise, nach robh gràdhach.

26 Agus tarlaidh, anns an ionad 's an dubhradh riu, Cha sibh mo phobull-sa ; an sin gu'n goircar Clann an Dé bheò dhiubh.

27 Tha Esaias mar an ceudna ag éigheach mu thimchioll Israeil, Ged tha àireamh chloinn Isracil mar ghaineamh na fairge, is fuigheall a thearnar.

28 Oir crìochnaichidh e an obair, agus gearraidh e goirid i 'an ceartas : do bhrìgh gu'n dean an Tighearn obair ghoirid air an talamh.

29 Agus mar a thubhairt Esaias roimhe, Mur fagadh Tighearn nan sluagh sìol againne, dheantadh sinn mar Shodom, agus bhitheamaid cosmhuil ri Gomorrah.

30 Cìod a their sinn ma seadh ? Gu'n d'ràinig na Cinnich, nach robh a' leantuinn fireantachd, air fireantachd, eadhon an fhìreantachd a tha o chreidimh :

31 Ach cha do ràinig Israel, a bha 'leantuinn lagha ua fireantachd, air lagh na fireantachd.

32 C'ar son ? A chiomh nach ann o chreidimh, ach mar gu'm b'ann o oibribh an lagha a dh'iarr iad : oir thuislich iad air a' chloich-thuislidh nì ;

33 Mar tha e sgrìobhta, Feuch, cuiream ann an Sion clach-thuislidh, agus carraig oibheim : agus gach neach a chreideas annsan, cha chuirear gu nàire e.

CAIB. X.

1 *Tha an sgrìobhtair a' nochdadh an eadar-dhealachaidh a tha eadar fireantachd an lagha, agus a' chreidimh; 11 agus nach cuirear a h-aon de na h-Iudhaich, no de na Cinneach sin uile a chreideas, fo amhàidh; 18 agus gu'n gabh na Cinneach ris an fhocal, agus gu'n creid iad. 19 Cha robh Israel aineolach air na nithibh sin.*

A BHRAITHREAN, is e dùrachd mo chridhe, agus m' urnuigh ri Dia air son Isracil, gu'm bitheadh iad air an tearnadh.

2 Oir tha mi 'deanamh fianuis doibh, gu bheil eud aca thaobh Dhé, ach cha-n ann a réir eòlais.

3 Oir air dhoibh 'bhi aineolach air fireantachd Dhé, agus ag iarraidh am fireantachd féin a chur air chois, cha do stròchd iad do fhìreantachd Dhé.

4 Oir is e Crìosd crìoch an lagha, chum fireantachd do gach neach a chreideas.

5 Oir tha Maois a' cur 'an cèill na fireantachd a tha o'n lagh, *eadhon*, An duine a ni na nithean sin, gu'm bi e beò leo.

6 Ach mar so tha an fhìreantachd a tha o chreidimh ag ràdh, Na h-abair ann ad chridhe, Cò 'théid suas air nèamh? (sin r'a ràdh, a thoirt Chrìosd a nuas;)

7 No, Cò a 'théid sìos do'n doimhne? (sin r'a ràdh, a thoirt Chrìosd a ris air ais o na mairbh;)

8 Ach ciod a tha i ag ràdh? Tha 'm focal an fagus duit, ann-ad bheul, agus ann ad chridhe; 's e sin focal a' chreidimh a tha sinne a' searmonachadh,

9 Ma dh'aidicheas tu le d' bheul an Tighearna Iosa, agus ma chreideas tu ann ad chridhe, gu'n do thog Dia o na mairbh e, gu'n saorar thu.

10 Oir is ann leis a' chridhe a chreidear chum fireantachd, agus leis a' bheul a dh'aidichear chum slàinte.

11 Oir tha an sgrìobhtair ag ràdh, Ge b'e neach a chreideas ann-san, cha nàraichear e.

12 Oir cha-n'eil eadar-dhealachadh eadar an t-Iudhach agus an Greugach: oir an t-aon Tighearna a tha os ceann nan uile, tha e saobhair do na h-uile a ghairmeas air.

13 Oir ge b'e neach a ghairmeas air ainm an Tighearna, tearnar e.

14 Ach cionnus a ghairmeas iad airsan anns nach do chreid iad? agus cionnus a chreideas iad anns an ti air nach cual' iad *iomradh*? agus cionnus a chluinneas iad gun searmonaiche?

15 Agus cionnus a ni iad searmoin, mur cuirear iad? mar tha e sgrìobhta, Cia sgiamhach cosan na muinntir sin a tha 'searmonachadh soisgeil na sìthe, a tha 'toirt sgeòil aoibhneich air nithibh maithe!

16 Ach cha robh iad uile ùmhal do'n t-soisgeul. Oir tha Esaias ag ràdh, A 'Thighearna, cò a chreid ar n-aithris-ne?

17 Uime sin, is ann o éisdeachd a thig creidimh, agus éisdeachd t'c fhocal Dhé.

18 Ach tha mi ag ràdh, Nach cual' iad? Chuala gu deimhin, chaidh am fuaim air feadh gach tìre a mach, agus am briathran gu iomallaibh an domhain.

19 Ach tha mi ag ràdh, Nach robh fios aig Israel? Air tùs, tha Maois ag ràdh, Cuiridh mi eud oirbh le *Cinneach* nach 'eil 'n an Cinneach, agus le Cinneach co-thuigseach cuiridh mi fearg oirbh.

20 Ach tha Esaias ro dhàn, agus tha e ag ràdh, Fhuaradh mi leo-san nach d'iarr mi; dh'fhoillsicheadh mi dhoibh-san nach d'fhiosraich air mo shon.

21 Ach ri Israel tha e ag ràdh, Shìnn mi mach mo làmhnan ré an là gu h-ìomlan ri pobull eas-ùmhal agus a labhras a'm' aghaidh.

CAIB. XI.

1 *Cha do thilg Dia Israel uile uaith. 7 Thagh-adh cuid, ged 'chruaidhicheadh a' chuid eile. 16 Tha dòchas mu'n ath-philleadh. 18 Cha-n fheud na Cinneach uall-thàir a dheanamh orra; 26 oir tha gealladh gu'n tearnar iad. 33 Tha breitheanais Dhé do-rannsaichadh.*

THA mi ag ràdh ma seadh, An do thilg Dia a phobull uaith? Nar leigeadh Dia. Oir is Israeleach mise féin mar an ceudna, de shliochd Abrahaim, de thrèibh Bheniamin.

2 Cha do thilg Dia uaith a phobull a roimh-aithnich e. Nach 'eil fhios agaibh ciod e a tha an sgrìobhtair ag ràdh mu Elias? cionnus a tha e a' deanamh eadar-ghuidhe ri Dia an aghaidh Israeil, ag ràdh,

3 A Thighearna, mharbh iad d'fhàidhean, agus leag iad sìos d'altairean; agus dh'fhàg-adh mise a'm' aonar, agus tha iad ag iarraidh m'anama.

4 Ach ciod a tha freagradh Dhé ag ràdh ris? Dh'fhàg mi dhomh féin seachd mìle fear, nach do lùb an glùn do *dhealbh* Bhaail.

5 Agus mar sin mar an ceudna tha 's an àm so a làthair fuigheall a réir taghaidh a' ghràis.

6 Agus ma's ann tre ghràs, cha-n ann o oibribh ni's mò: no cha ghràs gràs ni's mò. Ach ma's ann o oibribh, cha-n ann o ghràs á sin suas: no cha-n obair á sin suas obair.

7 Ciod ma seadh? An ni sin a tha Israel ag iarraidh, cha do ràinig e air; ach ràinig an taghadh air, agus chaidh a' chuid eile a dhalladh:

8 Mar tha e sgrìobhta, Thug Dia dhoibh spiorad na suaine, sùilean chum nach faic-eadh iad, agus cluasan chum nach cluinn-eadh iad, gus an là an diugh.

9 Agus tha Daibhidh ag ràdh, Bitheadh am bord mar ribe, agus mar inneal-glacaidh, agus mar cheap-tuislidh, agus mar dhiol-thuarasdail dhoibh:

10 Bitheadh an sùilean air an dorchachadh,

chum nach faic iad ; agus crom-sa an druim an còmhnuidh.

11 Tha mi ag ràdh uime sin, An do thuislich iad ionnus gu'u tuitcadh iad? Nar leigeadh Dia: ach tre an tuitcam-san tha slàinte *air teachd* chum nan Cinn-each, chum iadsan a bhrosnuchadh gu h-eud.

12 Ma's e an tuiteam-san saoihbheas an domhain, agus an lughdachadh saoihbheas nau Cinneach; cia's mò na sin a *bhitheas* an lànachd?

13 Oir is ann ribhse tha mi a' labhairt, a Chinneacha; do bhrìgh gur mi abstol nan Cinn-each, tha mi 'toirt urrainn do m' dhreuchd:

14 Mā dh'fheudas mi air chor sam bith mo chomh-fhèidil a bhrosnuchadh gu h-end, agus gu'n tearuinn mi dreau àraidh dhiubh.

15 Oir ma's e an tilgeadh-san air falbh réiteachadh an domhain; ciod e an ath-ghabhail, ach beatha o na marbhaibh?

16 Oir ma tha an ceud-thoradh uaomh, tha am uicall *naomh* mar an ceudna: agus ma tha an fhreumh naomh, *tha* na geugan *mar sin* mar an ceudna.

17 Agus ma tha cuid de na geugaibh air am briseadh dheth, agus gu bheil thusa, a bha a'd' chrann-olaidh fiadhaich, air do shuidheachadh 'u am measg, agus maille ri u a' faotainn comhpairt de fhreimh agus de reanhrachd a' chroinn-olaidh;

18 Na dean uail an aghaidh nan geug: ach ma ni thu uail 'u au aghaidh, cha tusa a dh'iomchairs an fhreumh, ach au fhreumh thusa.

19 Their thu uime sin, Bhriseadh dheth na geugan, chum gu'n suidhichtheadh uise 'n an àite.

20 Ro mhaith; air son am mi-chreidimh bhriseadh iadsan dheth, agus tha thusa a' seasamh tre chreidimh. Na bi àrd-imt-inneach, ach fo eagal.

21 Oir mur do chaomhain Dia na geugan nàdurra, *bitheadh eagal ort* nach caomhain e thusa mar an ceudna.

22 Feuch uime sin maitheas agus geur-cheartas Dhé: geur-cheartas d'an taobh-san a thuit; ach do d' thaobh-sa, maitheas, ma bhuanaisas tu 'n a mhaithes; agus mur buanaich, gearrar dheth thusa mar an ceudna.

23 Agus suidhichear iadsan mar an ceudna, mur buanaich iad 'n an mi-chreidimh: oir tha Dia comasach air an suidheachadh a ris.

24 Oir ma ghearradh thusa as a' chrann-olaidh a bha fiadhaich a thaobh nàduir, agus gu'n do shuidhichtheadh ann an deadh chrann olaidh thu an aghaidh nàduir; cia mòr a's mò na sin a shuidhichear na *geugan* nàdurra 'n an crann-olaidh féin?

25 Oir cha b'ail leam, a bhràithrean,

sibhse 'bhi aineolach air an rù-dìomhair so, (chum nach bitheadh sibh glie 'n 'ur barail féin,) gu'u do tharladh doille ann an cuid do Israel, gus an tig iomlanachd nan Cinneach a steach.

26 Agus mar sin bithidh Israel uile air an tearnadh: mar tha e sgrìobhta, Thig an Fear-saoraidh o Shìon, agus tionndaidhidh e mi-dhiadhachd o Iacob:

27 Oir is e so mo choimhcheangal riu, 'n uair a bheir mi air falbh am peacaidheau.

28 Thaobh an t-soisgeil, *is* naimhdean iad air bhuir sonsa: ach a thaobh an taghaidh, *tha iad* gràdhachtaiche air son nan aithrichcan.

29 Oir tha tiodhlacan agus gairm Dhé gun aithreachas.

30 Oir mar a bha sibhse roimhe so eas-ùmhail do Dhia, ach a nis a fhuair sibh trècair tre am mi-chreidimh-san:

31 Amhuil sin tha iadsan 's an àm so eas-ùmhail, chum tre bhuir trècair-sa gu'u faigh iad trècair mar au ceudna.

32 Oir dhruid Dia iad uile ann am mi-chreidimh, chum trècair a dheanamh air na h-uile.

33 O doimhne saoihbheis araon gliocais agus eòlais Dhé! Cia do-rannsachaidh a bhreitheanais, agus do-lorgachaidh a shlighean!

34 Oir cò aig an robh fios inntinn an Tigh-earna, no cò a b'fhear-comhairle dha?

35 No cò 'thug dha air tùs, agus a làn-diolar a ris dha e?

36 Oir is ann uaithe-san, agus trid-san, agus air a shonsan *a tha* na h-uile nith-eau: dhàsau *gu robh* glòir gu sìorruidh. Amen.

CAIB. XII.

1 *Is còir do thrècair Dhé sinne aomadh gu Dia a thoileachadh: 3 cha chòir do dhuine sam bith meas tuilleadh is maithe 'bhi aige air féin: 6 ach is còir do gach aon fèitheamh air an dreuchd sin, a dh'earbadh ris. 9 Tha gràdh, agus mòran dhleasdanas eile air an iarraidh uainn. 19 Tha dìoghaltas gu sonruichte air a thoirmeasg dhuinn.*

AIR an aobhar sin guidheam oirbh, a bhràithre tre thrècairibh Dhé, bhuir cuirp a thoirt 'n am beo-iobairt, naomh, thainich do Dhia, *ni a's e* bhuir seirbhis reusanta.

2 Agus na bithibh air bhuir cumadh ris an t-saoghal so: ach bithibh air bhuir cruth-atharrachadh tre ath-nuadhachadh bhuir n-inntinn, chum gu'n dearbh sibh ciod i toil mhaith, thaitneach, agus dhìoug-mhalta siu Dhé.

3 Oir tha mi ag ràdh, troimh a' ghràs a thugadh dhomh-sa, ris gach neach 'n 'ur measg, gun smuaineachadh *uime féin* nì's àirde ua's còir dha smuaineachadh; ach smuaineachadh 'am measarrachd, a réir

mar a roinn Dia ris gach neach tomhas a' chreidimh.

4 Oir mar tha mòran bhall againn ann an aon chorp, agus nach e'n t-aon ghniomh a th'aig gach ball;

5 Anhuil sin ged tha sinne'n ar mòran, is aon chorp ann an Crìosd sinn, agus is buill sinn gach aon fa leth d'a chéile.

6 Uime sin air bhi do thìodhlacaibh againn, eadar-dhealaichte a réir a' ghràis a thugadh dhuinn, ma's fàidheadaireachd, *deanamaid fàidheadaireachd* a réir tomhais a' chreidimh;

7 No ma's frithealadh, *thugamaid aire* d'ar frithealadh; no an ti a theagaisgeas, *thugadh e aire* d'a theagasg;

8 No an ti a bheir earail, *thugadh e aire* d'a earail: an ti a roinneas an *déire*, roinneadh e i 'an treibhdhìreas; an ti a riaghas, *deanadh se* e le dùrachd; an ti a ni tròcair, *deanadh se* e gu suilbhir.

9 *Bitheadh bhur* gràdh gun cheilg. Bith-eadh gràin agaibh de'n olc, dluth-leanaibh ris an ni a tha maith.

10 *Bithibh* teo-chridheach r'a chéile le gràdh bràthaireil, ann an urram a' toirt toisich gach aon d'a chéile:

11 Gun bhi leasg ann an gnothuichibh: dùrachdach 'n 'ur spiorad; a' deanamh seirbhis do'n Tighearn:

12 A' deanamh gairdeachais ann an dòchas: foighidneach ann an trioblaid; maireamach ann an urnuigh:

13 A' comh-roinn ri uircasbhuidh nan naomh; a' gnàthachadh aoidheachd.

14 Beannaichibh an dream a tha 'deanamh geur-leumhuinn oirbh: beannaichibh, agus na mallachibh.

15 Deanaibh gairdeachas maille rìusan a tha ri gairdeachas, agus caoidh maille rìusan a tha ri caoidh.

16 Bithibh a dh'aon rùn d'a chéile. Na bitheadh bhur cion air nithibh àrda, ach cuiribh sibh féin 'an comh-inbhe riu-san a tha ìosal. Na bithibh glie 'n 'ur barail féin.

17 Na h-ìocaibh olc air son uile do dhuine sam bith. Ulltichibh nithean ciatach 'am fianuis nan uile dhaoimé.

18 Ma dh'fheudas e bhi, mheud 's a tha e'n comas duibh, bithibh 'an sìth ris na h-uile dhaoimibh.

19 A *chàirdéan* gràdhach, na deanaibh dìoghaltas air bhur son féin, ach thugaibh àite do'n fheirg: oir tha e sgrìobhta, Is leam-sa dìoghaltas; ìocaidh mi, tha an Tighearn ag ràdh.

20 Uime sin ma bhitheas do nàmhaid ocrach, thoir biadh dha; ma bhitheas e tartmhor, thoir deoch dha: oir le so a dheanamh càraidh tu éibhlean teine air a cheann.

21 Na toir car buaidh ort leis an olc, ach thoir-sa buaidh air an olc leis a' mhaith.

1 *Umhlachd*, agus *dleasdùnais eile* a's *còir* dhuinn a chur 'an gnìomh do uachdaranaibh. 8 'S e gràdh coimhlionadh an lagha. 11 *Tha gedcaireachd*, agus *misg*, agus oibre an dorchadais ro neo-chubhaidh do àm an t-soisgeil.

BITHEADH gach anam ùmhal do na h-àrd-chumhachdaibh. Oir cha-n'eil cumhachd ann ach o Dhia: agus na cumhachdan a tha ann, is ann le Dia a dh'ord-uicheadh iad.

2 Air an aobhar sin ge b'e air bith a chuir-eas an aghaidh a' chumhachd, tha e 'cur an aghaidh orduigh Dhé: agus iadsan a chuir-eas 'n a aghaidh, gheibh iad breitheanas dhoibh féin.

3 Oir cha-n'eil uachdarain 'n an aobhar eagail do dheadh oibrìbh, ach do dhroch oibrìbh. Uime sin am miann leat a bhi gun eagal an uachdarain ort? dean am maith, agus gheibh thu cliu uait.

4 Oir is esan seirbhiseach Dhé chum maith dhuit. Ach ma ni thu an t-olc, bith-eadh eagal ort; oir cha-n ann gu dìomhain a tha e 'giùlan a' chlaidheimh: oir is e seirbhiseach Dhé e, 'n a dhìoghaltair feirge air an ti a ni olc.

5 Uime sin is éigin a bhi ùmhal, cha-n ann a mhàin air son feirge, ach mar an ceudna air son coguis.

6 Oir air an aobhar so tha sibh mar an ceudna a' toirt cise dhoibh: oir is iad seirbhisich Dhé iad, a' sìor-fheitheamh air an ni so féin.

7 Air an aobhar sin thugaibh do na h-uile an dlighe féin: càin dhàsan d'an *dlighear* càin, eis dhàsan d'an *dlighear* eis, eagal dhàsan d'an *dlighear* eagal, agus urram dhàsan d'an *dlighear* urram.

8 Na bitheadh fiachan sam bith aig aon neach oirbh, ach a mhàin a chéile a ghràdhachadh: oir an ti aig am bheil gràdh do neach eile, choimhlion e an lagh.

9 Oir an ni so, Na dean adhaltrannas, Na dean mortadh, Na goid, Na dean fianuis bhréige, Na sanntaich; agus ma tha àithne sam bith eile ann, tha i air a cur sìos gu h-aithghearr fo 'n fhocal so, Gràdhaich do choimhearsnach mar thu féin.

10 Cha dean gràdh lochd do choimhearsnach: air an aobhar sin is e an gràdh coimhlionadh an lagha.

11 Agus so, air dhuibh fios na h-aimsir a bhi agaibh, gur nithich dhuinn a nis mosgladh o chodhal: oir tha ar slàinte uis ni's faigse na 'n uair a chreid sinn.

12 Tha cuid mhòr de'n oidheche air dol seachad, tha an là am fagus: uime sin cuir-camaid dhinn oibre an dorchadais, agus cuireamaid umainn armachd an t-soluis.

13 Gluaiseamaid gu cubhaidh mar anns an là; cha-n ann 'an ruidhteireachd agus 'am misg, no 'an seomradaireachd agus 'am macnus, no 'an aisith agus 'am farinad.

14 Ach cuiribh umailh an Tighearn Iosa Crìosd, agus na deanaibh ulluchadh air son na feòla, chum a h-ana-miannan a choimhlionadh.

CAIB. XIV.

1 *Cha-n fheud daoine tàir a dheanamh, no 'chéile a dhìtheadh air son nithean coimh-dheas; 13 ach a bhi faicilleach gun oibheum a thoirt seachad; 15 oir dhearbhadh an t-abstol, le tomadh reusun, gu bheil sin mì-cheaduichte.*

GABHAIBH ris an neach a tha annhunn 's a' chreidimh, *ach* cha-n ann chum deasbhoireachd amharusach.

2 Oir tha aon a' creidsinn gu'm feud e na h-uile nithean itheadh: ach tha esan a tha annhunn ag itheadh luibhean.

3 Na deanadh esan a tha 'g itheadh, tàir airsan nach 'eil ag itheadh; agus na tugadh esan nach 'eil ag itheadh, breth air an ti a dh'itheas: oir ghabh Dia ris.

4 Cò thusa a tha 'toirt breth air seirbhis-each duine eile? d'a mhaighstir féin seasaidh, no tuitidh e: seadh, cumar suas e; oir is comasach Dia air a chumail 'n a sheasamh.

5 Tha meas aig neach air là thar là: agus tha meas aig neach eile air gach là *mar a chéile*. Bitheadh làn-dearbhadh aig gach duine 'n a inntinn féin.

6 An ti aig am bheil suim do'n là, is ann do'n Tighearn a tha suim aige *dha*; agus an ti aig nach 'eil suim do'n là, is ann do'n Tighearn nach 'eil suim aige *dha*. An ti a tha 'g itheadh, is ann do'n Tighearn a tha e 'g itheadh, oir tha e 'toirt buidheachais do Dhia; agus an ti nach 'eil ag itheadh, is ann do'n Tighearn nach ith e, agus bheir e buidheachas do Dhia.

7 Oir cha-n'eil a h-aon againn beò dha féin, agus cha-n'eil a h-aon againn a' bàsachadh dha féin.

8 Oir ma's beò dhuinn, is ann do'n Tighearn a tha sinn beò: agus ma's bàs duinn, is ann do'n Tighearn a tha sinn a' bàsachadh: uime sin ma's beatha no bàs dhuinn, is leis an Tighearn sinn.

9 Oir is ann chum so a fhuair Crìosd bàs, agus a dh'éirich e, agus a tha e beò a ris, chum gu'm bitheadh e 'n a Thighearn air na beothaibh agus air na marbhaibh.

10 Ach c'ar son a tha thusa a' toirt breth air do bhràthair? no c'ar son a tha thusa a' deanamh tarcuis air do bhràthair? oir seasaidh sinn gu léir 'am fianuis caithir-breitheanais Chrìosd.

11 Oir tha e sgrìobhta, *Mar* is beò mise, tha an Tighearn ag ràdh, lùbaidh gach glùn dhomh-sa, agus aidichidh gach teangadh do Dhia.

12 Air an aobhar sin bheir gach aon againn cunntas uime féin do Dhia.

13 Uime sin na tugamaid breth air a chéile nì's mò: ach gu ma fearr leibh a' bhreth so

'thoirt, gun aobhar-tuiteam no oibhheim a thoirt do bhràthair.

14 Oir tha fhios agam, agus is dearbh leam anns an Tighearn Iosa, nach 'eil nì sam bith neòghlan dheth féin: ach do'n ti a mheasas nì sam bith neòghlan, dhàsan *tha e* neòghlan.

15 Ach ma bhitheas doilgheas air do bhràthair air son bìdh, a nis cha-n'eil thu a' gluasad a réir a' ghràidh. Na sgrios le d' bhiadh esan air son an d'fhuiling Crìosd bàs

16 Air an aobhar sin na labhrar olc mu bhr maith.

17 Oir cha bhiadh agus deoch rìoghachd Dhé, ach fireantachd, agus sìth, agus aoibhneas anns an Spiorad naomh.

18 Oir ge b'e 'nì seirbhis do Chrìosd anns na nithibh so, tha e taitneach do Dhia, agus tha e dearbhtha do dhaoibh.

19 Uime sin leanamaid na nithean a bhith-eas chum sìthe, agus na nithean a bhith-eas chum togail suas a chéile.

20 Na sgrios obair Dhé air son bìdh. Gu deimhin tha na h-uile nithean glan; ach is olc do'n duine sin a dh'itheas le h-oibheum.

21 *Is* maith an nì gun fheadil itheadh, no fion òl, no *nì air bith a dheanamh* leis am faigh do bhràthair tuisleadh no oibheum, no leis an deanar lag e.

22 Am bheil creidimh agad? Bitheadh e agad dhuit féin 'am fianuis Dhé: Is beannaichte an duine sin nach dìt e féin anns an nì sin a mheasas e ceaduichte.

23 Ach esan a nì eadar-dhealachadh tha e air a dhìtheadh ma dh'itheas e, a chionn nach ann o chreidimh *a tha e 'g itheadh*: oir gach nì nach 'eil o chreidimh, is peacadh e.

CAIB. XV.

1 *Is còir dhoibh-san a tha làidir giùlan leo-san a tha annhunn. 2 Cha-n fheud sinn sinn féin a thoileachadh, 3 oir cha d'rinn Crìosd sin, 7 ach gabhail 'ra chéile, mar a rinn Crìosd ruinn vile, 9 araon ris na h-Iudhaich agus ris na Cinnich. 15 Ghabh Pòl a leith-sgeul féin.*

UIME sin is còir dhuinne a tha làidir, giùlan le annhuinneachd na muinntir sin a tha lag, agus gun sinn féin a thoileachadh.

2 Toilicheadh gach aon againn a choimhearsnach g'a mhaith chum a thogail suas.

3 Oir cha do thoilich eadhon Crìosd e féin; ach a réir mar tha e sgrìobhta, Thuit toibheum na muinntir sin a thug toibheum dhuit ormsa.

4 Oir ge b' iad nithean air bith a sgrìobhadh roimh so, is ann chum ar teagaisg-ne a sgrìobhadh iad; chum tre fhoighididh agus comhfhurtachd nan sgrìobtuir gu'm bith-eadh dòchas againne.

5 A nis gu'n tugadh Dia na foighididh agus na comhfhurtachd dhuibh-se 'bhi dh'aon inntinn a thaobh a chéile, a réir Iosa Crìosd:

6 Chum gu'm feud sibh a dh'aon inntinn, agus le aon bheul glòir a thoirt do Dhia, eadhon Athair ar Tighearna Iosa Crìosd.

7 Uime sin gabhaibh-sa r'a chéile, eadhon mar a ghabh Crìosd ruinne, chum glòire Dhé.

8 A nis tha mi ag ràdh, Gu robh Iosa Crìosd 'n a mhinisteir an tìmhchioll-ghcarraidh air son firinn Dhé, chum geallannan nan aithrichean a dhaingneachadh:

9 Agus chum gu'n tugadh na Cinnich glòir do Dhia air son a thròcair; a réir mar tha e sgrìobhta, Air an aobhar so aidichidh mi thu am measg nan Cinneach, agus seinnidh mi *còd* do d' ainm.

10 Agus a ris tha e ag ràdh, Deanaibh gairdeachas, a Chinneacha, maille r'a phobull-san.

11 Agus a ris, Molaibh an Tighearn, a Chinneacha uile, agus thugaibh cliu dha, a shlàigh uile.

12 Agus a ris tha Esaias ag ràdh, Bithidh freumh Iese *ann*, agus an ti a dh'éireas suas chum uachdaranachd a bhì aige air na Cinnich, annsan cuiridh na Cinnich an dòchas.

13 A nis 'gu'n lìonadh Dia an dòchais sibhse de'n uile aoibhneas agus shith ann an creidsinn, chum gu'm bì sibh pait ann an dòchas, tre chumhachd an Spioraid naoimh.

14 Agus tha cinnt agam-sa féin do 'ur taobh-sa, mo bhràithrean, gu'm bheil sibhse làn de mhaithreas, air bhur lìonadh leis an uile còlas, agus comasach mar an ceudna air a chéile a chomhairleachadh.

15 Gidheadh, a bhràithre, sgrìobh mi do 'ur n-ionnsuidh leis an tuilleadh dànadais, 'an càileigin, mar gu'n cuirinn 'an cuimhne sibh, air son a' ghràis a thugadh dhomh-sa o Dhia,

16 Ionns gu'm bithinn a'm' mhinisteir aig Iosa Crìosd do na Cinnich, a' frithéaladh soisgeil Dhé, chum gu'm bithcadh tabhartas nan Cinneach taitneach, air a naomhachadh leis an Spiorad naoimh.

17 Uime sin tha aobhar uail agam tre Iosa Crìosd, anns na nithibh sin a bhuineas do Dhia.

18 Oir cha bhì dànachd agam labhairt air a' bheag de na nithibh sin, nach d' oibrich Crìosd leam, chum na Cinnich a dheanamh ùmhal ann am focal agus 'an gnìomh.

19 Le cumhachd chomharan agus mhìorbhuilean, le cumhachd Spioraid Dhé; ionns o Ierusalem agus mu'n cuairt gu Iliricum, gu'n do làn-shearmonaich mi soisgeul Chriosd.

20 Scadh, mar sin bha ro-dhéidh agam air an t-soisgeul a shearmonachadh, cha-n ann 's an ionad 's an robh Crìosd air 'ainmeachadh, chum nach togaim air bunait neach eile:

21 Ach a réir mar tha e sgrìobhta, Chi iadsan ris nach do labhradh uime; agus tuigidh iadsan nach euala.

22 Uime sin mar an ceudna chuireadh gu minic bacadh orm o theachd do 'ur n-ionnsuidh-sa.

23 Ach a nis do bhrìgh nach 'eil agam ionad nì's mò anns na crìochaibh so, agus gu bheil mòr-thogradh agam o cheann mòran bliadhnaich teachd do 'ur n-ionnsuidh-sa;

24 Ge b'e uair a thrialas mi do'n Spàinn, thig mi do 'ur n-ionnsuidh-sa: oir tha dùil agam sibhse fhaicinn 's an dol seachad, agus a bhì air mo thoirt air m' aghaidh leibhse chum an ionaid sin, ma bhitheas mi air tús 'an càil-eigin air mo lìonadh le 'ur *comhlùadar-sa*.

25 Ach a nis tha mi 'dol gu Ierusalem, a' fhrithealadh do na naoimh.

26 Oir bu toil leo-san ann am Macedonia, agus ann an Achaia, comh-roinn àraidh a dheanamh ris na naoimh bhochda 'tha ann an Ierusalem.

27 Bu toil leo *gu deimhin*, agus tha iad fo fhiachaibh dhoibh. Oir ma rinneadh na Cinnich 'n an luchd comhairt d'an nithibh spioradail-san, is còir dhoibh ministrealachd a dheanamh dhoibh-san 's na nithibh a bhuineas do'n choluinn.

28 Uime sin air dhomh so a chrìochnachadh, agus an uair a shenlaicheas mi an toradh so dhoibh, gabhaidh mi 'ur rathad-sa do'n Spàinn.

29 Agus tha fhios agam, air dhomh teachd do 'ur n-ionnsuidh-sa, gu'n tig mi ann an lànachd beannachaidh soisgeil Chriosd.

30 A nis guidheam oirbh, a bhràithrean, air sgàth an Tighearna Iosa Crìosd, agus air son gràidh an Spioraid, gu'n dean sibh gleachda maille rium-sa ann an urnuighibh air mo shon ri Dia;

31 Chum gu'n saorar mi uatha-san nach 'eil a' creidsinn ann an Iudea; agus chum gu'm bì mo sheirbhìs air son Ierusalem, taitneach do na naoimh;

32 Chum gu'n tig mi do 'ur n-ionnsuidh-sa le h-aoibhneas tre thoil Dhé, agus gu'm taigh mi suaimhneas maille ribh.

33 A nis *gu robh* Dia na sìthe maille ribh uile. Amen.

CAIB. XVI.

1 *Thug Pòl ordugh do na bràithribh fìntè'chur air mòran; 17 agus chomhairliche e dhoibh aire a thoirt do'n mhuinntir a tha 'togail comsachaidh agus a' toirt oibheim: 21 agus an dèigh ionadhl beannachd chrìochnaich e le breith-buidheachas do Dhia.*

THA mi ag earbadh ribh Phebe ar piuthar, a tha 'n a searbhanta do'n eaglais a tha ann an Cenchrea:

2 Chum gu'n gabh sibh rithe anns an Tighearn, mar is cubhaidh do naoimh, agus gu'n dean sibh còmhnaidh rithe anns gach gnòthuch anns am bì feum aice oirbh: oir rinn i féin còmhnaidh ri mòran, agus rium-sa mar an ceudna.

3 Cuiribh fàilte air Priscila agus Acuala mo chomh-oibrichean ann an Iosa Crìosd :
4 (Muinntir a leag sìos an muineal fèin air son n'anama-sa : d'am bheil cha-n e mhàin mise, ach mar an ceudna eaglaisean uan Cinneach uile, a' toirt buidheachais.

5 Mar an ceudna cuiribh fàilte air an eaglais a tha'n an tigh-san. Cuiribh fàilte air Epenetus a's ionmhuinn leam-sa, neacha'se cend thoradh Achaia do Chrìosd.

6 Cuiribh fàilte air Muire, a rinn saothair mhòr air ar son-ne.

7 Cuiribh fàilte air Andronicus agus Iunia mo luchd-dàimh agus mo chomh-phrìosanaich, a tha cluichte am measg nan abstol, agus a bha ann an Crìosd romham-sa.

8 Cuiribh fàilte air Auplias a's ionmhuinn leam-sa's an Tighearn.

9 Cuiribh fàilte air Urbanus ar comh-oibriche ann an Crìosd, agus air Stachis fear mo ghràidh-sa.

10 Cuiribh fàilte air Apelles a tha dearbhta ann an Crìosd. Cuiribh fàilte orra-san a tha de *theaghlach* Aristobulus.

11 Cuiribh fàilte air Herodion mo charaid. Cuiribh fàilte orra-san de *theaghlach* Narcisus, a tha's an Tighearn.

12 Cuiribh fàilte air Triphéna agus Triphòsa, *mnathan* a tha 'saoithreachadh's an Tighearn. Cuiribh fàilte air Persis a's ionmhuinn leam, bean a shaothrach gu mòr anns an Tighearn.

13 Cuiribh fàilte air Rufus a tha taghta's an Tighearn, agus air a mhàthair agus mo mhàthair-sa.

14 Cuiribh fàilte air Asinertus, Phlegon, Hermas, Patrobas, Hermes, agus air na bràithribh a tha maille ri.

15 Cuiribh fàilte air Philologus, agus Iulia, air Nereus, agus a phiuthar, agus Olimpas, agus na naoimh uile a tha maille ri.

16 Cuiribh fàilte air a chéile le pòig naoimh. Tha eaglaisean Chrìosd a' cur fàilte oirbh.

17 A nis guidheam oirbh, a bhràithre. comharaichibh iadsan a tha 'togail roinnean agus a' toirt oibbheim, an aghaidh an teagaisg a dh'fhòghluim sibh ; agus seach-naibh iad.

18 Oir cha-n'eil an leithid so a' deananh seirbhis do 'ur Tighearn Iosa Crìosd, ach d'am bioim fèin ; agus tha iad le briathraibh mìlse agus le mìodal a' mealladh cridheachan na muinntir sin a tha neo-lochdach.

19 Oir tha bhuir n-ùmh-lachd-se air teachd chum nan uile *dhaoine*. Uime sin tha mise a' deanamh gairdeachais do 'ur taobh-se : gidheadh b'àill leam sibhse 'bhi glic chum a' mhaith, ach aon-fhillte thaobh an nìle.

20 Agus bruthaidh Dia na sìthe Sàtan fo 'ur cosaibh gu h-aithghearr. Gràs ar Tighearna Iosa Crìosd *gu robh* maille ribh. Amen.

21 Tha Timoteus mo chomh-oibriche a' cur fàilte oirbh, agus Lucius agus Iason agus Sosipater, mo luchd-dàimhe.

22 Tha mise Tertius, a sgrìobh an litir so, a' cur fàilte oirbh's an Tighearn.

23 Tha Gains, a tha 'toirt aoidheachd dhomh-sa agus do'n eaglais uile, a' cur fàilte oirbh. Tha Erastus stiùbhard a' bhaile a' cur fàilte oirbh, agus Quartus bràthair.

24 Gràs ar Tighearna Iosa Crìosd *gu robh* maille ribh uile. Amen.

25 A uis dhàsan a tha comasach air sibhse a dhaingneachadh a réir mo shoisgeil-sa, agus searmonachaidh Iosa Crìosd, (a réir foillseachaidh an rùn-diomhair, a bha 'am folach o thoiseach an domhain,

26 Ach a dh'fhoillsicheadh a nis, agus tre sgrìobtuiribh nam fàidhean, a réir àithne an Dé bhith-bhin, a tha air a dheanamh aithuichte do na h-uile chinnich chum ùmh-lachd a' chreidimh.)

27 Do Dhia a tha mhàin glic, *gu robh* glòir tre Iosa Crìosd gu sìorruidh. Amen.

CEUD LITIR AN ABSTOIL PHOIL

CHUM NAN

CORINTIANACH.

CAIB. I.

1 An dèigh fàilte agus breith-buidheachais, 12 dh'earlaich an t-abstol na Corintianaich, agus chronnich e iad air son an aithrèite.
18 Sgrìosaiddh Dia glic na daoine eagnuidh le amaidheachd searmonachaidh, &c.

POL a ghairneadh gu 'bhi' na abstol do Iosa Crìosd, tre thoil Dhé, agus Sostenes ar bràthair,

2 Chum eaglais Dhé, a tha ann an Corinthus, chum an dream a tha air an naomhachadh ann an Iosa Crìosd, air an gairm *gu bhi'* n an naoimh, maille rianan uile a tha 'gairm air ainm ar Tighearna Iosa Crìosd anns gach àit, an Tighearna-san, agus ar Tighearna-ne:

3 Gràs dhuibh-se, agus sìth o Dhia ar n-Athair, agus o 'n Tighearn Iosa Crìosd.

4 Tha mi 'toirt buidheachais do m' Dhia a ghnàth do 'ur taobh-se, air son gràs Dhé a thugadh dhuibhse ann an Iosa Criosd;

5 Air son gu'n d'rinneadh saoihbhir leis-san sibh anns gach uile ni, anns. gach ùr-labhradh, agus *anns* gach eòlas:

6 A réir mar a dhaingnicheadh fianuis Chriosd annaibh:

7 Ionns nach 'eil sibh 'an déidh-làimh ann an tiodhlac sam bith; a' feitheamh ri foillseachadh ar Tighearna Iosa Criosd,

8 Neach mar an ceudna a dhaingnicheas sibh gus a' chrìoch, *chum gu'm bi sibh* neo-lochdach ann an là ar Tighearna Iosa Criosd.

9 Tha Dia firinneach, leis an do ghairm-eadh sibh chum comh-chomuinn a mhic Iosa Criosd ar Tighearna.

10 A nis guidheam oirbh, a bhràithre, tre ainm ar Tighearna Iosa Criosd, gu'n labhair sibh uile an t-aon ni, agus nach bi roinnean 'n 'ur measg; ach gu'm bi sibh ceangailte r'a chèile gu dìonmhalta ann an aon inntinn, agus ann an aon bharail.

11 Oir nochdadh dhomh-sa, a bhràithre, m'ur tìmhcholl-se, leo-san a *tha de theaghlach* Chloie, gu bheil comhstri 'n 'ur measg.

12 A nis tha mi ag ràdh so, gu'n abair gach aon agaibh, Is le Pòl mise; agus is le Apollos mise; agus is le Cephas mise; agus is le Criosd mise.

13 Am bheil Criosd air a roinn? an e Pòl a cheusadh air bhuir son? no an ann 'an ainm Phòil a bhaisteadh sibh?

14 Tha mi 'toirt buidheachais do Dhia, nach do bhaist mi aon agaibh, ach Crispus agus Gaius:

15 Air eagal gu'n abradh neach, gu'n do bhaist mi a'm ainm féin.

16 Agus bhaist mi mar an ceudna teaghlach Stephanais: a thuilleadh air so, cha-n fhios domh an do bhaist mi aon neach eile.

17 Oir cha do chuir Criosd mi a bhaisteadh, ach a shearmonachadh au t-soisgeil; cha-n ann 'an gliocas focail, chum nach cuirteadh crann-ceusaidh Chriosd 'an ueo-bhrigh.

18 Oir tha searmonachadh a' chroinn-cheusaidh 'n a amaideachd dhoibh-san a chaillear; ach dhuinne a shaorar, is e cumhachd Dhé e.

19 Oir tha e sgrìobhta. Sgrìosaidd mi gliocas nan *daoine glìce*, agus cuiridh mi air cùl tuigse nan *daoine* tuigseach.

20 C'àit am bheil *an duine* glìc? c'àit am bheil an sgrìobhaiche? c'àit am bheil deas-boir an t-saoghail so? Nach do rinn Dia gliocas an t-saoghail so amaideach?

21 Oir an uair, ann an gliocas Dhé, nach b'aithe do'n t-saoghal, tre gliocas, Dia, bu toil le Dia le amaideachd an t-searmonachaidh iadsan a thearnadh a tha 'creid-sinn.

22 Oir tha na h-Iudhaich ag iarraidh

comharaidh, agus tha na Greugaich a' sir-eadh gliocais:

23 Ach tha sinne a' searmonachadh Chriosd air a cheusadh, 'n a cheap-tuislidh do na h-Iudhaich, agus do na Greugaich, 'n a amaideachd.

24 Ach dhoibh-san a tha air an gairm, araon Iudhaich agus Greugaich, Criosd cumhachd Dhé, agus gliocas Dhé:

25 Do bhrìgh gur glìce amaideachd Dhé na daoine, agus gur treise amhuinneachd Dhé na daoine.

26 Oir chì sibh féin blur gairm, a bhràithre, nach iomadh iad a tha glìc a thaobh na feòla, nach iomadh cumhachdach, nach iomadh uasal *a tha air an gairm*:

27 Ach ròghnuich Dia nithean amaideach an t-saoghail so, chum gu'n cuireadh e nàire air na daoineibh glìce; agus ròghnuich Dia nithean amhunn an t-saoghail, chum gu'n cuireadh e gu nàire na nithean cumhachdach;

28 Agus nithean an-nasal an t-saoghail, agus nithean tarcuiseach ròghnuich Dia, agus na nithean nach 'eil ann, chum gu'n cuireadh e na nithean a tha ann, 'an neo-bhrigh:

29 Ionns nach deanadh fèil sam bith uail 'n a fhianuis.

30 Ach uaithe-san tha sibhse ann an Iosa Criosd, neach a rinneadh dhuinne le Dia 'n a ghliocas, 'n a fhìreantachd, 'n a naomhachd, agus 'n a shaorsa:

31 Ionns, a réir mar a tha e sgrìobhta, An ti a ni uail, deanadh e uail anns an Tighearn.

CAIB. II.

1 *Chuir Pòl an cèill ged nach 'eil a shearmonachadh ann an oirdheireas cainnte, 4 no ann an gliocas dhaoine; 5 gidheadh gu bheil e a' co-sheasamh ann an cumhachd Dhé, agus a' toirt barrachd air gliocas an t-saoghail agus air cumhachd dhaoine.*

AGUS an uair a thàinig mise do 'ur n-ionnsuidh-sa, a bhràithre, cha b'ann le oirdheireas cainnte, no gliocais a thàinig mi, a' cur 'an cèill duibh teisteis Dhé.

2 Oir chuir mi romham gun eòlas a ghabhail air ni sam bith 'n 'ur measg, ach air Iosa Criosd, agus esan air a cheusadh.

3 Agus bha mi 'u 'ur measg ann an amhuinneachd, agus ann an eagal, agus 'am mòr-clrith.

4 Agus cha robh m'fhocal agus mo shearmonachadh ann am briathraibh mìlse gliocais dhaoine, ach ann an làn-dearbhadh an Spioraid, agus a' chumhachd:

5 Chum gu'm bitheadh bhuir creidimh-sa cha-n ann 'an gliocas dhaoine, ach 'an cumhachd Dhé.

6 Ach gidheadh tha sinn a' labhairt gliocais am measg nan daoine iomlan: ach cha-n e gliocas an t-saoghail so, no uachdaranan an t-saoghail so, a théid 'an neo-bhrigh:

7 Ach tha sinn a' labhairt gliocas Dhé ann an rùu-dìomhair, a' *ghliocais* sin a bha folaichte, a dh'orduich Dia roimh an t-saoghal chum ar glòir-ne:

8 An gliocas nach b'aithne do aon neach de nachdaranailh an t-saoghail so: oir nam b'aithne dhoibh e, cha cheusadh iad Tigh-eann na glòire.

9 Ach a rèir mar a tha e sgrìobhta, Cha-n fhaca sùil, agus cha chuala cluas, agus cha d'fhàinig ann an cridhe duine, na nithean a dh'ùlluich Dia dhoibh-sau aig am bheil gràdh dha.

10 Ach dh'fhoillsich Dia dhuinne *iad* le a Spiorad féin: oir tha an Spiorad a' rannsachadh nan uile nithean, eadhon, nithean doimhne Dhé.

11 Oir cò an duine d'an aithne nithean duine, ach do spiorad an duine a tha ann? mar sin cha-n'èil fios aig neach sam bith air nithibh Dhé, ach aig Spiorad Dhé.

12 A nis fhuair sinne, cha-n e spiorad an t-saoghail, ach an Spiorad a tha o Dhia; chum gu'm bitheadh aithne againn air na nithibh siu a thugadh dhuinn gu saor o Dhia.

13 Nithean mar an ceudna a tha sinn a' labhairt, cha-n ann 'am briathraibh a theagaisgeas gliocas dhaoine, ach 'am *briathraibh* a theagaisgeas an Spiorad naomh; a' coimheas nithean spioradail ri nithibh spioradail.

14 Ach cha ghabh an duine nàdurra ri nithibh Spioraid Dhe: oir is amaideachd leis iad; agus cha-n'èil e'n comas da eòlas a ghabhail *orra*, do bhrìgh gur ann air mhodh spioradail a thuigear iad.

15 Ach bheir an duine spioradail breth air na h-uile nithibh, gidheadh cha-n'èil e féin fo bhrèth duine sam bith.

16 Oir cò d'am b'aithne inntinn an Tigh-earna, agus a theagaisgeas e? ach tha inntinn Chrìosd againe.

CAIB. III.

1 Tha bainne iomchuidh air son cloinne. 3 Tha strì agus aimhréite 'n an comharadh cinnteach air inntinn fèidhmhor. 7 Cha-n'èil ann an ti a shuidhicheas, agus ann an ti a dh'uisgicheas, ach neo-ni. 9 Is comh-oùbrichean ministèirean an t-sòisgheil le Dia. 11 'S e Crìosd an t-aon bhunait. 16 Is iad daoine teampull Dhé, 17 a's còir a choimhead naomh. 19 Is amaideachd aig Dia gliocas an t-saoghail so.

AGUS, a bhràithre, cha-n fheudainn-sa labhairt ri bhe mar ri *daoinibh* spioradail, ach mar ri *daoinibh* fèidhmhor, amhuil ri naoicheanaibh ann an Crìosd.

2 Bheathaich mi le bainne sibh, agus cha-n ann le biadh: oir fathast cha b'urraim sibh a ghabhail, agus a nis féin cha-n urraim sibh.

3 Oir tha sibh fathast fèidhmhor: oir a thaobh gu bheil farmad 'n 'ur measg, agus

strì, agus aimhréite, nach 'èil sibh fèidhmhor, agus ag imeachd mar dhaoine?

4 Oir an uair a tha neach ag ràdh, Is le Pòl mise; agus neach eile, Is le Apollos mise: nach 'èil sibh fèidhmhor?

5 Cò e ma seadh Pòl, agus cò e Apollos, ach ministèirean tre'n do chreid sibh, eadhon mar a thug an Tighearn do gach aon?

6 Shuidhich mise, dh'uisgich Apollos: ach 's e Dia a thug am fas.

7 Uime sin ma seadh, cha-n'èil ann an ti a shuidhicheas no ann an ti a dh'uisgicheas, brìgh sam bith; ach ann an Dia a tha 'toirt an fhàis.

8 An ti a shuidhicheas, agus an ti a dh'uisgicheas, is aon iad: agus gheibh gach aon a dhuais féin, a réir a shaothair féin.

9 Oir is comh-luchd-oibre do Dhia sinne: is sibhse treabhachas Dhé, *is sibh* aitreabhl Dhé.

10 A réir gràis Dhé a thugadh dhomh-sa, mar fhear-togail aitreabh glic leag mi am bunait, agus tha neach eile a' togail air, ach thugadh gach neach an aire cionnus a thogas e air.

11 Oir bunait eile cha-n urrainn duine sam bith a leagadh, ach *am bunait* a leagadh *cheana*, eadhon Iosa Crìosd.

12 A nis ma thogas neach air a' bhunait so, òr, airgiod, clachan luachmhor, fiodh, fear, connlach;

13 Nithean obair gach aoin duine follais-each: oir nochdaidh an là i, do bhrìgh gu'm foillsichar i le teine; agus dearbhaidh an teine obair gach aoin, cioda'sgnè dhith.

14 Ma dh'fhanas obair neach sam bith a thog e air, gheibh e duais.

15 Ma loisgear obair neach sam bith, fuilgidh e call: ach saorar e féin; gidheadh mar tre theine.

16 Nach 'èil fhios agaibh gur sibh teampull Dhé, agus gu bheil Spiorad Dhé, 'n a chòmhmuidh annaibh?

17 Ma thruaillias neach air bith teampull Dhé, sgrìosaidh Dia an ti sin: oir tha teampull Dhé naomh, agus is sibhse e.

18 Na mealladh neach air bith e féin: ma shaoileas neach air bith 'n 'ur measg *e féin* a bhi glic 's an t-saoghal so, bitheadh e 'n a amadan, chum gu'm bi e glic.

19 Oir is amaideachd le Dia gliocas an t-saoghail so: oir tha e sgrìobhta, Glacaidh e na daoine glìce 'n an innleachdaibh féin.

20 Agus a ris, Is aithne do'n Tighearn smuaintean nan daoine glìce, gur dìomhaìn iad.

21 Uime sin nadeanadh neach air bith uàill á daoinibh. oir is leibhse na h-uile nithean:

22 Ma 's e Pòl, no Apollos, no Cephas, no an saoghal, no beatha, no bàs, no nithean a tha làthair, no nithean a tha ri teachd; is leibhse iad uile;

23 Agus is le Crìosd sibhse; agus is le Dia Crìosd.

CAIB. IV.

1 *Ciod e am meas a bhuineadh do dhaoineibh 'bhi aca air ministearibh.* 7 *Cha-n'eil againn ni air bith ach na fhuair sinn.* 9 *Na h-ab-stoil 'n am ball-amhaire do'n t-saoghal, do ainglibh, agus do dhaoineibh,* 13 *mar shal agus anabas an t-saoghail;* 15 *gidheadh is iad ar n-aithrichean ann an Crìosd,* 16 *agus bu chòir dhuinn an leantuin.*

BITHEADH a shamhuil so de mheas a' aig duine oirme, mar mhinistearibh Chrìosd, agus mar stiùbhardaibh rùna-diomhair Dhé.

2 Os bàrr iarrar ann an stiùbhardaibh, gu faighear neach dileas.

3 Ach agam-sa is ro bheag an ni gu'n tug-tadh breth orm leibhse, no le breitheanas duine: seadh, cha-n'eil mi 'toirt breth orm féin.

4 Oir cha-n fhios domh ni sam bith do m' thaobh féin; gidheadh cha-n'eil mi le so air m'fhiricnachadh: ach is e an Tighearn an ti a bheir breth orm.

5 Uime sin na tugaibh breth air ni sam bith roimh an àm, gus an tig an Tighearn, neach faraoan a bheir gu soilleireachd nith-ean folaichte an dorchadais, agus a dh'fhoill-sicheas comhairlean nan cridheachan: agus an sin gheibh gach neach cliu o Dhia.

6 Agus, a bhràithre, ghabh mi na nithean so a m' ionnsuidh féin, agus a dh'ionnsuidh Apollois ann an samhladh, air bhuir son-se; chum gu'm fòghlumadh sibh uainne, gun bharail a bhi agaibh air daoineibh os ceann na bheil sgrìobhta, chum nach bitheadh a h-aon agaibh air a shéideadh suas air son aoin duine an aghaidh duine eile.

7 Oir cò a tha 'deanamh eadar-dhealachaidh ortsa o neach eile? Agus ciod e 'tha agad nach d'fhuair thu? a nis ma fhuair thu e, c'ar son a tha thu 'deanamh uail mar nach faigheadh tu e?

8 A nis tha sibh sàthach, a nis rinneadh saobhir sibh, rioghaich sibh as ar n-eug-nhais-ne: Agus bu mhiann leam gu'm bu rìghrean sibh, chum gu'm bitheadh maid-ne 'n ar rìghribh maille ribh.

9 Oir is i mo bharail gu'n do chuir Dia sinne na h-abstoil a mach mu dheireadh, mar dhream a tha air an orduchadh chum bàis. Oir rinneadh sinn 'n ar ball-amhaire do'n t-saoghal, agus do ainglibh, agus do dhaoineibh.

10 Is amadain sinne air son Chrìosd, ach tha sibhse glie ann an Crìosd: tha sinne lag, ach tha sibhse làidir: tha sibhse ann an urram, ach sinne ann an cas-urram.

11 Gus an uair so féin, tha sinn araon ocrach, agus iotmhor, agus lomnochd, agus air ar bualadh le dornaibh, agus gun aon àite-còmhnuidh seasmhach againn;

12 Agus ri saothair, ag oibreachadh le ar lamhan féin: Air fulang anacaint dhuinn, tha sinn a' beannachadh: 'n uair a gheur-leannar sinn tha sinn 'g a ghiulan:

13 Air faghail toibheim dhuinn, tha sinn a' guidhe: rinneadh sinn mar shalachar an t-saoghail, mar anabas nan uile nithean gus an là'n diugh:

14 Cha-n'eil mi a' sgrìobhadh nan nithean so a chum nàire a chur oirbh, ach mar mo chloinn ghràdhaich tha mi 'g'ur comhairl-eachadh.

15 Oir ged bhitheadh deich mìle luchd teagasg agaibh ann an Crìosd, gidheadh cha-n'eil agaibh mòran aithrichean: oir ann an Iosa Crìosd, ghin mise sibh troimh an t-soisgeul.

16 Uime sin guidheam oirbh, bithibh 'n'ur luchd-leanmhuinn ormsa.

17 Chum na crìche so chuir mi Timoteus do 'ur n-ionnsuidh, neach a tha 'n a mhae gràdhach dhomh, agus dileas 's an Tighearn, neach a chuireas 'an cuimhne dhuibh mo shlighean-sa a tha ann an Crìosd, a réir mar a tha mi 'teagasg anns gach àit's gach eaglais.

18 A nis tha cuid air an séideadh suas mar nach tiginn do 'ur n-ionnsuidh.

19 Gidheadh thig mi do 'ur n-ionnsuidh gu h-aithghearr, ma's toil leis an Tighearn, agus bithidh fios agam, cha-n ann air caint na muinntir a tha air an séideadh suas, ach air an cumhachd.

20 Oir cha-n ann 'am focal a tha riogh-aich Dhé, ach ann an cumhachd.

21 Ciod a's àill leibh? An tig mi do 'ur n-ionnsuidh le slait, no ann an gràdh, agus ann an spiorad na macantachd?

CAIB. V.

1 *Tha an duine neòghlan n'is mò 'n a chùis-nàire dhoibh, na 'n a aobhar-gairdeachais.* 7 *Is còir an t-seann gheur-thois a ghlanadh a mach.* 10 *Is còir peacaich ghràineil a sheachnadh.*

THA e air aithris gu coitcheinn gu bheil neò-ghloine 'n'ur measg, agus a leithid sin de neòghloine, nach 'eil uiread as air ainmeachadh am measg nan Cinneach, gu'm bitheadh aig neach bean 'athar.

2 Agus tha sibh air bhuir séideadh suas, agus cha d'rinn sibh bròn mar bu chòir, chum gu'n tugtadh air falbh uaibh am fear a rinn an gnìomh so.

3 Oir gu deimhin air dhomh-sa 'bhi uaibh ann an corp, ach a làthair agaibh ann an spiorad, thug mi breth cheana, mar gu'm bithinn a làthair, air an uach a rinn so mar so;

4 Ann an ainm ar Tighearna Iosa Crìosd, air dhuibhse, agus do m' spiorad-sa 'bhi cruinn 'an ceann a chéile, maille ri cumh-aich ar Tighearna Iosa Crìosd,

5 A shamhuil so de dhuine a thoirt thairis do Shàtan chum sgrios na feòla, chum gu'm bi an spiorad air a shaoradh ann an là an Tighearna Iosa.

6 Cha-n'eil bhuir n-uail maille: nach 'eil

fhios agaibh gu'n goirtich beagan taois ghoirt an meall uile!

7 Glanaibh a mach uime sin ant-seann taois ghoirt, chum gu'm bi sibh 'n 'ur meall nuadh, mar a tha sibh neo-ghoirtichte. Oir tha eadhon Criosd ar n-uan cànise air iobradh air ar son.

8 Uime sin cumamaid a' chuirm, na b'ann le seann thaobh ghoirt, no le taois ghoirt a' mhàruin agus an uile; ach le *aran* neo-ghoirtichte an treibhdhireis agus na firinn.

9 Sgrìobh mi do 'ur n-ionnsuidh ann an litir, gun chomhludair a bhi agaibh ri luchd neòghloine.

10 Gidheadh cha-n ann gn h-uile ri luchd-neòghloine an t-saoghail so, no ri luchd-sannt, no luchd-foireigne, no luchd iòdhol-aoraidh; oir an sin b'èigin duibh dol a mach as an t-saoghal.

11 Ach a nis sgrìobh mi do 'ur n-ionnsuidh, gun chomhludair a ghléidheadh, ma tha neach air bitb ris an abrar bràthair 'n a fhear-neòghloine, no samntach, no 'n a fhear iòdhol-aoraidh, no 'n a fhear-anacainnt, no 'n a mhisgeir, no 'n a fhear-foireigne, maille r'a leithid so de dhuine gun uiread as biadh itheadh.

12 Oir ciod e mo ghnòthuch-sa breth a thoirt orra-san a tha muigh? nach 'eil sibhse a' toirt breth air an dream a tha stigh?

13 Ach tha Dia a' toirt breth orra-san a tha an leth muigh. Uime sin cuiribh air falbh an droch dhuine sin as bhur meadhon féin.

CAIB. VI.

1 *Cha-n fheud na Corintianach dragh a chur air am bràithribh le'n agairt chum lagha, 6 gu h-àraidh an làthair nan ana-creideach. 9 Cha sealbhaich na neo-fhìreanaich rioghachd Dhé. 15 'S iad ar cuirp buill Chriosd, 19 agus teampull an Spioraid naomh: 16 Uime sin cha-n fheudar an truaillleadh.*

AM bheila chridhe aig aon neach agaibh, aig am bheil chis an aghaidh duine eile, dol fo bhrèitheanas nan daoine eucorach, agus cha-n ann fo *bhrèitheanas* nan naomh?

2 Nach 'eil fhios agaibh gu'n toir na naomh breth air an t-saoghal? agus ma bheir breth air an t-saoghal leibhse, an e nach fu sibh a bhi 'n 'ur brèitheanmaibh air na eùsibh a's lugha?

3 Nach 'eil fhios agaibh gu'n toir sinne breth air ainglibh? cia mò na sin air nithibh a bhuineas do'n bheatha so?

4 Uime sin ma tha brèitheanas agaibh mu thinnchioll nan nithen sin a bhuineas do'n bheatha so, cuiribh 'n a suidhe *chum brèitheanas* an dream a's ugha meas anns an eaglais.

5 Chum bhur nàire tha mi a' labhairt. An ann mar sin nach 'eil aon duine glic 'n 'ur measg? nach 'eil fiu a h-aon a's urrainn breth a thoirt eadar a bhràithrean?

6 Ach tha bràthair a' dol gu lagh le bràthair, agus so an làthair nan ana-creideach.

7 A nis uime sin tha gu cinnteach luchd

'n 'ur measg, do bhrìgh gu bheil sibh a' dol gu lagh r'a chèile: c'ar son nach fearr leibh eucor fhulang? c'ar son nach fearr leibh calltach a ghabhail?

8 Gidheadh tha sibh a' deanamh eucor agus diubhail, agus sin air *bhur* bràithribh?

9 Nach 'eil fhios agaibh nach sealbhaich luchd deanamh na h-eucorach rioghachd Dhé? Na meallar sibh: cha sealbhaich luchd-strìopachais, no luchd iòdhol-aoraidh, no luchd-adhaltrannais, no luchd-macnuis, no na daoine a tha ciontach de neòghloine nì-nàdnarra,

10 No gadnichean, no daoine samntach, no misgeirean, no luchd-anacainnt, no luchd-foireigne, rioghachd Dhé.

11 Agus mar so bha enid dibhse: ach tha sibh air bhur n-ionnlad, ach tha sibh air bhur naomhachadh; ach tha sibh air bhur fireanachadh ann an ainm an Tighearna Iosa, agus tre Spiorad ar Dé-ne.

12 Tha na h-uile nì ceaduichte dhomh-sa, ach cha-n'eil na h-uile nì iomchuidh; tha na h-uile nì ceaduichte dhomh, ach cha chuirear mi fo chumhachd nì sam bith.

13 *Tha* am biadh air son na bronn, agus a' bhrù air son a' bhìdh: ach sgrìosaich Dia maraon so agus sùd. A nis cha-n ann air son neòghloine a tha an corp, ach air son an Tighearna: agus an Tighearna air son a' chuirp.

14 Agus thog Dia maraon an Tighearna suas, agus togaidh e sinne suas tre a chumhachd féin mar an ceudna.

15 Nach 'eil fhios agaibh, gur iad bhur cuirp buill Chriosd? uime sin an gabh mise buill Chriosd, agns an dean mi buill strìopach dhiubh? Nar leigeadh Dia.

16 An e nach 'eil fios agaibh, an ti sin a tha ceangailte ri strìopaich, gur aon chorp *rithe* e? Oir (tha e ag ràdh,) bithidh dithis 'n an aon fheòil.

17 Ach an ti a tha ceangailte ris an Tighearna, is aon Spiorad *ris* e.

18 Teicibh o strìopachas. Tha gach aon pheacadh a nì duine an leth muigh de'n chorp: ach an ti a nì strìopachas, tha e 'peacadh an aghaidh a chuirp féin.

19 An e nach 'eil fhios agaibh gur e bhur corp teampull an Spioraid naomh a tha annaibh, a tha agaibh o Dhia, agus cha leibh féin sibh?

20 Oir cheannaicheadh le inach sibh: uime sin thugaibh glòir do Dhia le bhur corp, agus le bhur spiorad, a's le Dia.

CAIB. VII.

1 *Mu phòsadh. 10 Cha chòir do bhannaibh-pòsadh a bhi air am fuasgladh air bheag aobhair. 18 Is còir do gach duine 'bhi toichte le a ghairm. 25 'C'ar son is còir dèighleadh a rìghnachadh: 35 na reusoin air son am bu chòir pòsadh, no gun phòsadh.*

ANIS a thaobh nan nithen mu'n do sgrìobh sibh a m' ionnsuidh: *Is* maith do fhear gun bhcantuinn ri mnaoi.

1 CORINTIANACH, VII.

2 Gidheadh, chum strìopachas a sheachnadh, bitheadh a bhean féin aig gach fear, agus aig gach mnaoi a fear féin.

3 Thugadh am fear an deadh-ghean dlìgheach do'n mhnaoi; agus a' bhean mar au ceudna do'n fhear.

4 Cha-n'eil comas a cuirp féin aig a' mhnaoi, ach aig an fhear: agus mar an ceudna cha-n'eil comas a chuirp féin aig an fhear, ach aig a' mhnaoi.

5 Na cumaibh bhur dlìghe o 'chéile, ach le toil a chéile ré tamuill, chum sibh féin a thoirt do thrasgadh agus do urnuigh; agus thigibh cuideachd a ris, chum nach buair Sàtan sibh air son bhur neo-gheannuidh-eachd.

6 Ach tha mi a' labhairt so mar ni cead-uite, agus cha-n ann mar àitlme.

7 Oir bu mhiann leam gu'm bitheadh a h-uile dhaoine mar mi féin: gidheadh tha a thiodhlac féin aig gach duine o Dhia, aig aon neach mar so, agus aig neach eile mar sud.

8 Uime sin tha mi ag ràdh ris an dream nach 'eil pòsda, agus ris na bantrachaibh, Is maith dhoibh ma dh'fhanas iad eadhon mar a tha mise.

9 Gidheadh mur urrainn iad iad féin a ghleidheadh *geamnuidh*, pòsadh iad: oir is fear pòsadh na losgadh.

10 Agus dhoibh-san a tha pòsda tha mi ag àitlmeadh, *gidheadh* cha mhise, ach an Tighearn, gun a' bhean a dhealachadh r'a fear:

11 Ach ma dh'calaicheas i, fanadh i gun phòsadh, no bitheadh i réidh r'a fear: agus na cuiradh am fear uatha a bhean.

12 Ach ris a' chuid eile tha mise ag ràdh, cha-n e an Tighearn, Ma bhitheas aig bràthair sam bith bean ana-creidmheach, agus gu bheil i toileach còmhuidh a ghabhail maille ris, na cuiradh e uatha i.

13 Agus a' bhean aig am bheil fear ana-creidmheach, agus gu bheil esan toileach còmhuidh a ghabhail maille rithe, na cuiradh i uaipe e.

14 Oir tha am fear ana-creidmheach air a naomhachadh leis a' mhnaoi, agus tha a' bhean ana-creidmheach air a naomhachadh leis an fhear: no bhitheadh bhur clann neoghlan; ach a nis tha iad naomha.

15 Ach ma dh'fhalbhas am fear ana-creidmheach, falbhadh e. Cha-n'eil bràthair air no piuthar fo dhaorsa 'n an leithidibh sin a *chàsaibh*: ach ghairm Dia sinne chum sìthe.

16 Oir ciod am fios a tha agad-sa, O bhean, nach saor thu d'fhear? no ciod am fios a tha agad-sa, O fhir, nach saor thu do bhean?

17 Ach a réir mar a roinn Dia ris gach duine, mar a ghairm an Tighearn gach aon, mar sin gluaiscadh e: agus mar sin tha mise 'g orduchadh anns na h-eaglaisibh uile.

18 An do ghairmeadh neach sam bith agus e timchioll-ghearrta? na deanar e neo-timchioll-ghearrta: an do ghairmeadh neach sam bith gun e 'bhi timchioll-ghearrta? na timchioll-ghearrar e.

19 Cha-n'eil éifeachd 's an timchioll-ghearradh, agus cha-n'eil éifeachd 's an neo-timchioll-ghearradh, ach ann an coimhead àitheantan Dhé.

20 Fanadh gach aon anns a' ghairm anns an do ghairmeadh e.

21 An do ghairmeadh thu a'd' sheirbhis-cach? na bitheadh suim agad dheth; ach ma dh'fheadas tu 'bhi saor, gu ma h-e sin do roghainn.

22 Oir an ti a ghairmeadh 's an Tighearn 'n a sheirbhisach, is duine saor an Tighearn' e: mar an ceudna an ti a ghairmeadh agus e saor, is e seirbhisach Chrìosd e.

23 Cheannaicheadh air luach sibh; na bithibh 'n 'ur seirbhisich do dhaoineibh.

24 A bhràithre, 's an staid anns an do ghairmeadh gach neach, an sin fanadh e maille ri Dia.

25 A nis thaobh òighean, cha-n'eil àitlme agam o'n Tighearn: gidheadh tha mi 'toirt breth, mar neach a fhuair trècar o'n Tighearn gu bhi dìleas.

26 Tha mi a' meas uime sin gu bheil so maith air son na teanntachd a tha làthair, *tha mi ag ràdh*, gu bheil e maith do dhuine 'bhi mar sin.

27 Am bheil thu ceangailte ri mnaoi? na iarr fuasgladh. Am bheil thu fuasgailte o mhnaoi? na iarr bean.

28 Ach ma phòsas tu, cha do pheacaich thu; agus ma phòsas òigh, cha do pheacaich i: gidheadh, bithidh aig an leithidibh so trioblaid 's an fhcòil; ach tha mi 'g 'ur caomhnadh.

29 Ach tha mi ag ràdh so, a bhràithre, gu bheil an aimsir goirid 's na bheil ri teachd: ionnus araon gu'm bi iadsan aig am bheil mnathan, mar nach bitheadh mnathan aca;

30 Agus iadsan a tha ri caoidh, mar nach bitheadh iad ri caoidh; agus iadsan a tha ri gairdeachas, mar mhuinntir nach 'eil ri gairdeachas; agus iadsan a tha ri ceannachd, mar *dhaoine* nach 'eil a' seallbhadh:

31 Agus iadsan a tha 'gnàthachadh an t-saoghail so, mar dlrcam nach 'eil 'g a mhi-ghnàthachadh; oir théid cumadh an t-saoghail so seachad.

32 Ach b'aill leam sibhse 'bhi gun ro-chùram. An ti nach 'eil pòsda, bithidh cùram nan nithean sin a bhuincas do'n Tighearn air, cionnus a thoilicheas e an Tighearn:

33 Ach an ti a tha pòsda, bithidh cùram nithean an t-saoghail air, cionnus a dh'fheadas e a bhean a thoileachadh.

34 Tha mar an ceudna cadar-dhealach-

adh eadar bean agus òigh: tha cùram oirre-sa nach 'eil pòsda mn nithibh an Tighearna, chum gn'm bi i naomh, maraon 'n a corp agns 'n a spiorad; ach bithidh cùram air a' mhnaoi a tha pòsda mn nithibh an t-saoghail, cionnns a dh'fhendas i toil a fir a dheanamh.

35 Agus so tha mi a' labhairt chum bhnr tairbhe fèin; cha-n ann chum gn'u cuirinn ribe oirbh, ach a chum an ni sin a tha ciatach, agus gn'm feitheadh sibh air an Tighearn gun bhnaireadh.

36 Ach ma shaoileas duine sam bith gu bheil e 'g a ghlùlan fèin gn mi-chiatach thaobh a mhaighdinn, ma chaidh blàth a h-aimsir thairis, agns gnr còir a dheanamh mar sin, deanadh e na's àill leis, cha-n'eil e a' peacachadh: pòsadh iad.

37 Gidheadh, an ti sin a tha snidhichte gu daingean 'n a chridhe, agus gun éigin sam bith air, ach aig am bheil cumhachd air a thoil fèin, agus a chuir roimhe 'n a chridhe a mhaighdean a choinhead, tha e a' deanamh gn maith.

38 Uime sin ma seadh, tha an ti a bheir seachad ann mòsadh i, a' deanamh gu maith; ach tha an ti nach toir ann am pòsadh i, a' deanamh ni's fearr.

39 Tha a' bhean ceangailte leis an lagh ré na h-ùine 's am beò d'a fear: ach ma gheibh a' fear bàs, tha i saor gn pòsadh ri aon neach a's toil leatha; a mhàin anns an Tighearn.

40 Ach tha i ni's sona, ma dh'fhanas i mar sin, a réir mo bhrèth-sa: agus is i mo bharail-sa gu bheil Spiorad Dhé agam.

CAIB. VIII.

1 *Is còir fantuim o bhiaidhaibh a dh'ìobradh do ìodholaibh.* 8 *Cha-n fheud sinn ar saorsa Chriosduidh a m'h-ghnàthachadh, chum oibheim d'ar bràithribh;* 11 *ach is còir dhuinn ar n-eòlas a chiosnachadh le gràdh.*

ANIS a thaobh nithean a dh'ìobradh do ìodholaibh, tha fhios againn gn bheil eòlas againn uile. Ataidh an t-eòlas suas, ach bheir gràdh fòghlum.

2 Agus ma tha aon duine a' saòilsinn gu bheil eòlas ni sam bith aige, cha-n aithne dha aon ni fathast mar bn chòir dha aithneachadh.

3 Ach ma tha gràdh aig duine sam bith do Dhia, tha esan air a' aithneachadh leis.

4 Uime sin, mu thimchioll itheadh nan nithean sin a dh'ìobradh do ìodholaibh, tha fhios againne nach ni air domhan ìodhol, agus nach 'eil Dia sam bith eile ann ach a h-aon.

5 Oir ged tha iad ann ris an abrar diathan, ma's ann air nèamh no air talamh, (amhnil mar a tha iomadh dia, agus iomadh tighearn ann.)

6 Gidheadh cha-n'eil dhninne ach aon Dia, an t-Athair, o'm bheil na h-uile nithean, agns siune air a shonsan; agus aon Tighearn

Iosa Criosd, tre am bheil na h-uile nithean, agus sinne trid-san.

7 Gidheadh cha-n'eil an t-eòlas so anns na h-uile dhaoineibh: oir tha cuid le coguis thaobh an ìodhoil gus an am so, ag itheadh a' bhìdh mar ni a dh'ìobradh do ìodhol; agus air d'an coguis a bhi annhunn, tha i air a salachadh.

8 Ach cha mhol biadh sinn do Dhia: oir ma dh'itheas sinn, cha'n fheaird sinn e; ni mò mur ith sinn, is misd sinn e.

9 Ach thugaibh an aire nach bi an comas so a tha agaibh air aon dòigh 'n a aobhar oibheim do'n dream a tha lag.

10 Oir ma chi neach thusa aig am bheil eòlas a' suidhe chum bìdh ann an teampull ìodhoil, nach neartaichear cognis an ti sin a tha lag chum na nithean sin a dh'ìobradh do ìodholaibh itheadh:

11 Agus tre d'eòlas-sa an téid do bhràthair lag 'am munga, air son an d'fhair Criosd bàs?

12 Ach le peacachadh dhnibh mar sin an aghaidh nam bràithrean, agus le an coguis annhunn a lotadh, tha sibh a' peacachadh an aghaidh Chriosd.

13 Uime sin ma bheir biadh aobhar oibheim do m' bhràthair, cha-n ith mi fèil a chaidh, chum nach toir mi aobhar oibheim do m' bhràthair.

CAIB. IX.

1 *Nochd an t-abstol a shaorsa, 7 agus gu'm buineadh do'n mkinisteir a bhi air a bheathachadh leis an t-soisgeul: 15 gidheadh d'a dheadh-ghean maith fèin gu'n d'fhan esan o bhi coisail dhoibh, 22 agus o oibheum a thoirt do neach sam bith 'an càisibh coimh-dhuas.* 24 *Tha ar beatha cosmhuil ri réis.*

NAch abstol mise? nach 'eil mi saor? Nach fhaca mi Iosa Criosd ar Tighearn? nach sibhse m'obair 's an Tighearn?

2 Mur 'eil mi a'm' abstol do dhaoineibh eile, gidheadh gu cinnteach tha mi dhuibhse; oir is sibhse senla m' abstolachd anns an Tighearn.

3 Is e so mo fhreagradh do'n dream a chuireas ceisd orm.

4 Nach 'eil againne comas itheadh agus òl?

5 Nach 'eil againne comas piuthar, bean-phòsda a thoirt leinn mn'n enairt, amhnil mar na h-abstoil eile, agns bràithrean an Tighearna, agns Cephas?

6 No am bheil mise agns Barnabas a mhàin, gnn chomas againn a bhli saor o obair?

7 Cò a théid chum cogaidh uair air bith air a chostus fèin? cò a shuidhicheas fion-lios, agus nach ith d'a thoradh? no cò a bheath-aicheas trend, agus nach blais de bhainne an trend?

8 An ann mar dhuine a tha mi a' labhairt nan nithean so? no nach abair an lagh na nithean so mar an cendna?

9 Oir tha e sgrìobhta ann an lagh Mhaois,

1 CORINTIANACH, X.

Na cuir ecangal air beul an daimh a tha 'saltairt an arbhair. Am bheil Dia a' gabhail cùram de na daimh?

10 No nach ann gu h-àraidh air ar son-ne a tha e ag ràdh so? gu deimhin *is ann* air ar son-ne 'tha e sgriobhta: chum gur ann 'an dòchas is còir do'n treabhaiche treabh-adh; agus a chum an neach a bhuileas ann an dòchas, gu'm bi e 'na fhear comhairt d'a dhòchas.

11 Ma chuir sinne nithean spioradail dhuibhse, an ni mòr e ma bhuaineas sinn bhur nithean feòlmhor-se?

12 Ma tha muinntir eile 'n an luchd-comhairt de'n chumhachd so thairis oirbh, nach mò is còir dhuinne *bhi*? Gidheadh, cha do chuir sinn an cumhachd so 'an cleachda; ach tha sinn a' fulang nan uile nithean, chum nach cuireamaid bacadh air soisgeul Chrìosd.

13 Nach 'eil fhios agaibh gu'm bheil iadsan a tha 'saothreachadh mu thimchioll nithean naomha, air am beathachadh o'n teampull? agus iadsan a tha 'frithealadh do'n altair, gu'm bheil comh-roinn aca ris an altair?

14 Agus mar sin dh'òrduich an Tighearn mar an ceudna dhoibh-san a tha 'searmonachadh an t-soisgeil, an teachd-an-tìr fhaotainn o'n t-soisgeul.

15 Ach cha do ghnàthaich mise a h-aon diubh so, agus cha do sgriobh mi na nith-ean so, chum gu'n deantadh mar sin dhomh: oir b'fhearr dhomh am bàs fhaghail, na gu'n cuireadh neach air bith m'uaill 'an neo-bhrìgh.

16 Oir ged shearmonaich mi an soisgeul, cha-n'eil aobhar uaill agam: oir tha éigin air a cur orm; seadh, is an-aobhinn domh, mur searmonaich mi an soisgeul.

17 Oir ma's ann gu toileach a tha mi 'deanamh so, tha duais agam: ach ma's ann an aghaidh mo theile a tha ministrealachd air a h-carbsadh rium,

18 Ciod i mo dhuais ma seadh? *eadhon so*, chum 'n uair a tha mi 'searmonachadh an t-soisgeil, gu'n suidhichinn soisgeul Chrìosd gun chostus, chum nach mi-ghnàthaichinn mo chumhachd 's an t-soisgeul.

19 Oir ged tha mi saor o na h-uile dhaoineibh, gidheadh rinn mi mi féin a'm' sheirbhis-each do na h-uile, chum gu'n cosnainn an tuilleadh.

20 Agus rinneadh mi do na h-Iudhaich mar Iudhach, chum gu'n cosnainn na h-Iudhaich; dhoibh-san a tha fo 'n lagh, mar *dhuine* fo 'n lagh, chum gu'n cosnainn iadsan a tha fo an lagh;

21 Dhoibh-san a tha gun lagh, mar *dhuine* gun lagh, (ged nach 'eil mi gun lagh do Dhia, ach fo lagh do Chrìosd,) chum gu'n cosnainn iadsan a tha gun lagh.

22 Rinneadh mi dhoibh-san a tha an-mhunn mar *dhuine* an-mhunn, chum gu'n cosnainn an dream a tha an-mhunn: Bha

mi 's an uile chruth do na h-uile, chum air gach uile dhòigh gu'n saorainn cuid éigin.

23 Agus so tha mi a' deanamh air son an t-soisgeil, chum gu'm bi mi a'm' fhear comh-roinne dheth.

24 Nach 'eil fhios agaibh iadsan a tha 'ruith anns a' bhàr-réise, gu'n ruith iad uile, ach is aon duine a gheibh an duais? gu ma h-amhuil a ruitheas sibhse, ionnus gu'n glac sibh an duais.

25 Agus tha gach uile ghleachdair measarra anns na h-uile nithibh: a nis tha iadsan a' *deanamh sin* chum gu'm faigh iad crùn truailidh; ach sinne *air son crùn* neo-truailidh.

26 Uime sin is amhuil a tha mise a' ruith, cha-n ann mar gu neo-chinnteach: is amhuil a tha mi a' cur catha, cha-n ann mar neach a bhuileas an t-athar:

27 Ach tha mi a' trom-bhualadh mo chuirp, agus 'g a chnr fo smachd: air eagal air chor sam bith an déigh dhomh searmonachadh do dhream eile, gu'n cuirear mi féin air cùl.

CAIB. X.

1 *Tha sacramaintean nan Iudhach 'n an samh-ladh air ar sacramaintibh-ne, 14 agus am peanas-san mar rabhadh dhuinn iodhol-aoraidh a sheachnadh. 21. Cha-n fheud sinn a bhi 'n an luchd-comhairt de bhord an Tighearna, agus dhiabhul araon, &c.*

OS bàrr, a bhràithrean, cha b'àill leam sibhse a bhi aineolach, gu'n robh ar n-aithrichean uile fo 'n neul, agus gu'n deachaidh iad uile troimh 'n mhuir;

2 Agus gu'n do bhaisteadh iad uile do Mhaois 's an neul, agus anns a' mhuir;

3 Agus gu'n d'ith iad uile an t-aon bhiadh spioradail;

4 Agus gu'n d'òl iad uile an t-aon deoch spioradail: (oir dh'òl iad de'n charraig spioradail sin a lean iad: agus b'i a' charraig sin Chrìosd.)

5 Ach le mòran diubh cha robh Dia toilichte: oir sgriosadh 's an fhàsach iad.

6 A nis bha na nithean sin 'n an saimpeleiribh dhuinne, chum nach miannaicheamaid droch nithean, eadhon mar a mhiannaich iadsan.

7 Agus na bithibh-sa 'n ur luchd-iodhol-aoraidh, mar a bha cuid diubh-san, a réir mar tha e sgriobhta, Shuidh am pobull sìos a dh'itheadh agus a dh'òl, agus dh'éirich iad a chluicheadh.

8 Agus na deanamaid strìopachas, mar a rinn cuid diubh-san, agus a thuit *diubh* ann an aon là trì mìle fichead.

9 Agus na dearbhamaid Chrìosd, mar a dhearbhaich cuid diubh-san, agus a sgriosadh iad le nathraichibh nimhe.

10 Agus na deanaihbh-sa gearan, mar a rinn cuid diubh-san gearan, agus a sgriosadh iad leis an sgriosadair.

11 A nis thachair na nithean so uile

dhoibh-san mareisempleiribh: agus sgrìobhadh iad chum teagaisg duinne, air am bheil deireadh an domhain air teachd.

12 Uime sin an ti a shaoileas a bhi 'n a sheasamh, thugadh e aire nach tuit e.

13 Cha do thachair deuchainn air bith ribh, ach ni a tha coitchionn do dhaoibh: ach tha Dia dileas, nach leig dhuibh a bhi air bhuir feuchainn thar bhuir comas; ach a ni maille ris an deuchainn slighe dol as mar an ceudna, chum gu'm bi sibh comasach air a giùlan.

14 Air an aobhar sin, a mhuinntir mo ghràidh, teichibh o ìodhol-aoradh.

15 Tha mi a' labhairt mar ri daoibh tuigseach: thugaibh-sa breth air an ni a tha mi ag ràdh.

16 Cupan a' bheannachaidh a tha sinne a' beannachadh, nach e commonn fola Chriosd e? An t-aran a tha sinn a' briseadh, nach e commonn cuirp Chriosd e?

17 Oir ged tha sinne 'n ar mòran, is aon aran, agus aon chorp sinn: oir tha againn uile comhairt de'n aon aran.

18 Thugaibh fainear Israel a réir na feòla: nach 'eil aca-san a tha 'g itheadh nan ìobairt comh-roinn ris an altair?

19 Ciod a their mi uime sin? gu bheil brìgh air bith anns an ìodhol, no gu bheil brìgh air bith 's an ni a dh'ìobradh do ìodholaibh?

20 Ach *tha mi ag ràdh*, na nithean a tha na Cinnich ag ìobradh, gur ann do dheamhnaibh a tha iad 'g an ìobradh, agus nach ann do Dhia: agus cha b'ail leam commonn a bhi agaibh-se ri deamhnaibh.

21 Cha-n'eil e 'an comas duibh cupan an Tighearn 'òl, agus cupan dheamhan. Cha-n'eil e 'an comas duibh comh-roinn a bhi agaibh de bhord an Tighearn', agus de bhord dheamhan.

22 Am brosuich sinn an Tighearn gu feirg? an treise sinn na esan?

23 Tha na h-uile nithean ceaduichte dhomh-sa, ach cha-n'eil na h-uile nithean iomchuidh: tha na h-uile nithean ceaduichte dhomh-sa, ach cha toir na h-uile nithean fòghlum.

24 Na h-iarradh neach air bith an ni sin a bhuineas dha féin; ach *iarradh* gach aon an ni sin a thig ri maith neach eile.

25 Ithibh gach ni a reicear ann an marg-adh na feòla, gun cheisd air bith fheòraich air son coguis.

26 Oir is leis an Tighearn an talamh, agus a làn.

27 Ma bheir aon neach dhuibh-san nach 'eil 'n an ercidich cuireadh dhuibh, agus gur toil leibh dol maille ris; ithibh gach ni a chuirear roimhribh, gun ni sam bith fheòraich air son coguis.

28 Ach ma their duine sam bith ribh, Dh'ìobradh an ni so do ìodholaibh, na h-ithibh, air a shon-san a nochd dhuibh e, agus

air son coguis. Oir is leis an Tighearn an talamh, agus a làn.

29 *Air son coguis*, tha mi ag ràdh, cha-n i do *choguis* féin, ach *coguis* an neach ud eile: oir 'car son a bheirar breth air mo shaorsa-sa le coguis duine eile?

30 Oir, ma tha comhairt *bìdh* agam-sa tre ghràs, 'car son a labhrar olc umam a thaobh an ni sin air son am bheil mi a' toirt buidheachais?

31 Uime sin cò aca dh'itheas no dh'òlas sibh, no ge b'eni a ni sibh, deanaibh na h-uile nithean chum glòire Dhé.

32 Na tugaibh aobhar oibheim do na h-Iudhaich, no do na Greugaich, no do eaglais Dhé:

33 A réir mar tha mise a' deanamh toile nan uile *dhaoiné* anns na h-uile *nithibh*, gun a bhi 'g iarraidh me bhuannachd féin, ach *buannachd* mhòrain chum gu'n tèarnar iad.

CAIB. XI.

1 *Fluair Pòl coire do na Corintianach, gu robh 'n an coimhionail am fir a' deanamh urnuigh, agus an cinn air an còmhachadh, agus an mnathan gun chòmhachadh air an cinn: 17 agus do bhrìgh gu robh gu coitchionn an cruinneachadh cha-n ann chum maith, ach chum uile; 20 gu sonruichte, air son gu robh iad le'n cuirmibh féin a' mi-naomhachadh suipeir an Tighearna, &c.*

BITHIBH-SA 'n ur luchd-leanmhuinn ormsa, amhuil mar tha mise air Crìosd.

2 A nis thami 'g ur moladh, a bhràithrean, do bhrìgh gu bheil cuimhne agaibh ormsa anns na h-uile nithibh, agus gu bheil sibh a' coimhead nan orduighean, mar a thug mise dhuibh *iad*.

3 Ach bu mhiann leam fios a bhi agaibh, gur e Crìosd ceann gach fir, agus gur e am fear ceann na mnà, agus gur e Dia ceann Chriosd.

4 Gach fear a tha 'deanamh urnuigh no fàidheadaireachd, agus folach air a cheann, tha e 'toirt eas-urram d'a cheann.

5 Ach gach bean a tha 'deanamh urnuigh no fàidheadaireachd gun fhòlach air a ceann, tha i 'toirt eas-urram d'a ceann: oir is ionnan sin agus ged bhitheadh i air a bearradh.

6 Oir mur bi folach air ceann na mnà, bearrar i mar an ceudna: ach ma's grannda do mhnaoi i 'bhi air a bearradh no air a lomadh, cuireadh i folach oirre.

7 Oir gun amharus cha chòir do fhear a cheann a chòmhachadh, do bhrìgh gur e ìomhaigh agus glòir Dhé: ach is i a' bhean glòir an fhir.

8 Oir cha-n'eil am fear o'n mhnaoi, ach a' bhean o'n fhear.

9 Agus cha do chruthaich eadh am fear air son na mnà, ach a' bhean air son an fhir.

10 Uime sin is còir do'n mhnaoi cumhachd a bhi aice air a ceann, air son nan aingeal.

11 Gidheadh, cha-n'eil am fear as eug-

mhais na mnà, no a' bhean as eugmhais an fhir anns an Tighearn.

12 Oir mar tha a' bhean o'n fhear, is amhuil sin tha 'm fear tre'u mhnaoi mar au ceudna: ach is anu o Dhia a tha na h-uile nithean.

13 Measaibh annaibh féin: an bheil e ciatach do mhnaoi urnuigh a dheanamh ri Dia gu fholach air a ceann.

14 Nach 'eil nàdur féin a' teagasg dhuibh, ma bhitheas gruag fhada air fear, gur nàr dha e?

15 Ach ma bhitheas gruag fhada air mnaoi, is glòir dhi e: oir thugadh a gruag dhi air son còmhdaich.

16 Ach ma bhitheas neach air bith conn-spoideach, cha-n'eil a leithid sin de ghnàthachadh againne, no aig eaglaisibh Dhé.

17 A nis anns an ni so a tha mi 'cur 'an cèill *duibh*, cha mhol mi *sibh*, do bhrìgh gu bheil sibh a' teachd 'an ceann a chéile, cha-n ann chum an ni a's fearr, ach an ni a's miosa.

18 Oir air tùs, 'u uair a tha sibh a' cruinneachadh 'an ceann a chéile's an eaglais, tha mi 'cluaintinn gu bhèil roinnean 'n 'ur measg; agus tha mi an cuid 'g a chreidsinn.

19 Oir is éigin saobh-chreidimh a bhi eadaraibh, chum gu'n deanar follaiseach au dream a tha dearbhta 'n 'ur measg.

20 Uime siu an uair a thig sibh 'an ceann a chéile do aon àite, cha-n e sin suipeir au Tighearn itheadh.

21 Oir ithidh gach aon air tùs a shuipeir féin, agus tha neach ocrach, agus neach eile air mhisg.

22 An e nach 'eil tighean agaibh chum itheadh agus òl annta? no am bheil sibh a' deanamh tàire air eaglais Dhé, agus a' nàrachadh na muinntir aig uach 'eil? Ciod a their mi ribh? Am mol mi sibh anns a' *chùis* so? cha mhol.

23 Oir fhuair mise o'n Tighearn an ni mar an ceudna a thug mi dhuibhse, Gu'n do ghlac an Tighearn Iosa aran, anns an oidhche's an do bhrathradh e:

24 Agus air tabhairt buidheachais, bhris se e, agus thubhairt e, Gabhaibh, ithibh; is e so mo chorp-sa, a tha air a bhriseadh air bhur son-se: deanaibh so mar chuimhneachan ormsa.

25 Agus air a' mhodh cheudna an cupan, an déigh na suipeir, aig ràdh, Is e an cupan so an còimhcheangal nuadh ann am fhuil-sa: deanaibhse so, cia minic as a dh'òlas sibh e, mar chuimhneachan ormsa.

26 Oir cia minic as a dh'itheas sibh an t-aran so, agus a dh'òlas sibh au cupan so, tha sibh a' foillseachadh bàis an Tighearna gus an tig e.

27 Uime sin, ge b'e neach a dh'itheas an t-aran so, agus a dh'òlas cupan so an Tighearna gu neo-ìomchuidh, bithidh e ciontach de chorp agus de fhuil an Tighearna.

28 Ach easnuicheadh duine e féiu, agus

mar sin itheadh e de'n aran so, agus òladh e de'n chupan so:

29 Oir ge b'e dh'itheas agus a dh'òlas gu neo-ìomchuidh, tha e 'g itheadh agus ag òl breitheanas dha féin, do bhrìgh nach 'eil e a' deanamh aithne air corp au Tighearna.

30 Air a shon so tha mòran 'n 'ur measg lag agus tinn, agus tha mòran 'n an codal.

31 Oir nan tugamaid breth oirnn féin, cha tugtadh breth oirnn.

32 Ach an uair a bheirear breth oirnn tha sinn air ar smachdachadh leis an Tighearn, chum nach bitheamaid air ar dìteadh maille ris an t-saoghal.

33 Uime sin, mo bhràithrean, 'u uair a thig sibh 'an ceann a chéile chum itheadh, fanaibh r'a chéile.

34 Agus ma bhitheas ocras air aon neach, itheadh e aig an tigh; chum nach tig sibh 'an ceann a chéile gu breitheanas. Agus cuiridh mise gach ni eile 'an ordugh 'n uair a thig mi.

CAIB. XII.

1 *Tha ìodhlacan spioradail iomadach a thaobh gnè, 7 gidheadh tha iad uile gu tàirbhe, 8 agus chum na crìche so air an toirt air cuochladh dòigh: 12 chum a réir mar a tha buill a' chuirp nàdurra uile chum maise, 22 agus seirbhis an aoin chuirp; 27 mar sin gu'n bitheamaid-ne d'a chéile, a dheanamh suas cuirp dlìomhair Chrìosd.*

A NIS a thaobh *thìodhlacan* spioradail, a bhràithrean, cha-n àill leam sibh a bhi aincolach.

2 Tha fios agaibh gu'n robh sibh 'n 'ur Cinnich, air bhuir tarruing gu ìodholaibh balbha, a réir uar a threòraicheadh sibh.

3 Uime sin tha mi 'toirt fios duibh, nach abair duine sam bith a tha 'labhairt o Spiorad Dhé, gu bheil Iosa malluichte; agus nach urrainn duine sam bith a ràdh gur e Iosa an Tighearn, ach tre an Spiorad naomh.

4 A nis tha eadar-dhealachadh *thìodhlacan* ann, ach *cha-n'eil ach* aon Spiorad ann.

5 Agus tha eadar-dhealachadh frithealaidh ann, gidheadh *cha-n'eil ach* aon Tighearn ann.

6 Agus tha eadar-dhealachadh oibreachaidh ann, ach is e an t-aon Dia, a tha ag oibreachadh uau uile *nithean* anns na h-uile.

7 Ach tha foillseachadh an Spioraid air a thoirt do gach neach, chum tàirbhe.

8 Oir do aon duine tha focal a' ghliocais air a thoirt leis an Spiorad; agus do dhuine eile focal au eòlais leis au Spiorad cheudna;

9 Do neach eile creidimh leis au Spiorad sin féin; do dhuine eile tabhartas leighis tre an Spiorad cheudna;

10 Do neach eile oibreachadh mhìorbhuilean; do neach eile fàidheadaireachd; do neach eile aithneachadh spiorad; do neach eile *iomadh* gnè theangadh; agus do neach eile eadar-mhìneachadh theangadh.

1 CORINTHIANACH, XIII.

11 Ach na uithean sin uile tha an t-aon Spiorad cudna ag oibreachadh, a' roinn ris gach aon fa leth a rèir mar is àill leis.

12 Oir mar is aon an corp, agus mòran de bhuill aige, agus a tha uile bhuill an aoin chuirp sin, ge h-iomadh iad, 'n an aon chorp; mar sin *tha* Crìosd.

13 Oir tre aon Spiorad bhaisteadh sinn uile do aon chorp, ma's Iudhaich sinn no Greug-aich, ma's daor no saor sinn; agus thugadh deoch r'a h-òl duinn uile chum aoin Spioraid.

14 Oir cha-n aon bhall an corp, ach mòran.

15 Ma their a' chas, Do bhrìgh nach mi an làmh, cha-n ann de'n chorp mi; nach 'cìl i de'n chorp air a shon sin?

16 Agus ma their a' chluas, Do bhrìgh nach mi an t-sùil, cha-n ann de'n chorp mi; nach ann de'n chorp i air a shon sin?

17 Nam *bitheadh* an corp uile 'n a shùil, c'ait am *bitheadh* a' chlaisteachd? Nam *bitheadh* e uile 'n a chlaisteachd, C'ait am *bitheadh* an fhàile?

18 Ach a nis shuidhich Dia na buill gach aon diubh 's a' chorp, mar bu toil leis.

19 Agus nam *bitheadh* iad uile 'n an aon bhall, c'ait am *bitheadh* an corp?

20 Ach a nis *tha iad* 'n am mòran bhall, ged nach 'eil ann ach aon chorp.

21 Agus eha-n urrainn an t-sùil a ràdh ris an làmh, Cha-n'eil feum agam ort: no a ris, an ceann ris na cosaibh, Cha-n'eil feum agam oirbhse.

22 Ach gu ro mhòr nì's mò tha na buill sin de'n chorp, a's annhuinne a thaobh coslais, feumail.

23 Agus air na buill sin de'n chorp a's lugha urram 'n ar measg-ne, tha sinn a' cur an tuilleadh urrain; agus na *buill* sin dhinn a's lugha maise, tha aca sin gu ro mhòr an tuilleadh maise.

24 Oir air na *buill* mhaiseach againn cha-n'eil uireasbhuidh: ach rinn Dia an corp a chomh-chumadh r'a chèile, air dha an tuilleadh urrain gu mòr a thoirt do'n *chuid* air an robh uireasbhuidh:

25 Chum nach *bitheadh* eas-aonachd air bith 's a' chorp; ach gu'm *bitheadh* an t-aon chùram aig na buill d'a chèile.

26 Agus ma dl'fhuilgeas aon bhall, comh-fhuilgidh na buill uile: no ma gheibh aon bhall urram, nì na buill uile gairdeachas maille ris.

27 A nis is sibhse corp Chrìosd, agus *is* buill *sibh* fa leth.

28 Agus chuir Dia dream àraidh 's an eag-lais, air tùs abstolan, 's an dara àite fàidhean, 's an treas àite luchd-teagaisg, a ris miorbhuilean, 'n a dheigh sin tabhartais-leighis, luchd-cuideachaidh, nachdaran-achdan, iomadh gnè theangadh.

29 Am *bheil* na h-uile 'n an abstolaibh? Am *bheil* na h-uile 'n an fàidhibh? Am *bheil* na h-uile 'n an luchd-teagaisg? Am

bheil na h-uile 'n an luchd-deanamh mhiorbhuilean?

30 Am *bheil* aig na h-uile tabhartais-leighis? An labhair na h-uile le teangaibh? An dean na h-uile cadar-theangachadh?

31 Ach *bitheadh* miann dùrachdach nan tiodhlacan a's fearr oirbh: agus gidheadh tha mise a' nochdadh dhuibh slighe a's ro-fhearr.

CAIB. XIII.

1 *Cha-n'eil brìgh sam bith anns na tiodhlacaidh uile. d'am feabhas as eugmhais a' ghràidh; 4 cliù a' ghràidh, 13 agus a bharrachd air dòchas agus creidimh.*

GED labhrainn le teangaibh dhaoine, tha mi a'm' umha a ni fuaim, no a'm' chiombal a ni gleangarsaich.

2 Agus ged *bitheadh* agam fàidheadair-eachd, agus ged thuiginn na h-uile rùnaidionhair, agus gach uile còlas; agus ged *bitheadh* agam gach uile *ghnè* creidimh, ionnas gu'n atharraichinn sléibhteann, agus mi gun ghràdh agam, cha-n'eil annam ach neo-ni.

3 Agus ged chaithinn mo mhaoin uile chum na bochdan a bheathachadh, agus ged bheirinn mo chorp chum a losgadh, agus gun ghràdh agam, cha-n'eil tairbhe sam bith dhomh ann.

4 Tha an gràdh fad-fhulangach, *agus* caomhneil; cha ghabh an gràdh farmad; cha dean an gràdh ràiteachas, cha-n'eil e air a shéideadh suas,

5 Cha giùlain se e féin gu nì-chiatach, cha-n iarr e na nithean sin a bhuineas da féin, cha-n'eil e so-bhrosnachaidh *chum feirge*, cha smuainich e olc sam bith,

6 Cha dean e gairdeachas 's an eucoir, ach nì e gairdeachas 's an fhirinn:

7 Fuilgidh e na h-uile nithean, creididh e na h-uile nithean, bithidh sùil aige ris na h-uile nithibh, giùlainidh e na h-uile nith-eann.

8 Cha téid an gràdh air cùl a chaoidh: ach ma's fàidheadaireachdan a *th' ann*, théid iad air cùl; ma's teagaidhean, sguridh iad; ma's eòlas, cuirear air cùl e.

9 Oir tha eòlas againn ann an tomhas, agus tha sinn ri fàidheadaireachd ann an tomhas.

10 Ach an uair a thig an nì a tha iomlan, cuirear air cùl an nì sin nach 'eil ach ann an cuid.

11 'N uair a bha mi a'm' leanaban, labhair mi mar leanaban, thuig mi mar leanaban, reusaich mi mar leanaban: ach air fàs domh a'm' dhuine, chuir mi na nithean lean-abaidh air cùl.

12 Oir tha sinn a' faicinn 's an àm so gu dorch a rèir ghloine; ach an sin *chi sinn* aghaidh ri h-aghaidh: 's an àm so is aithne dhomh ann an tomhas; ach an sin aithnichidh mi cadhon mar a tha aithne orm.

13 Agus a nis mairidh creidimh, dòchas, gràdh, na trì *nithean* so; ach *is* *en* gràdh a's mò dhiubh so.

CAIB. XIV.

1 *Mhol Pòl fàidheadaireachd, 2 agus thug e urram dli' roimh labhairt le teangaibh, 6 le cosamhlachd air a thoirt o' innealaibh-ciùil: 12 is còir an gnàthachadh faraoon, chum togail suas na h-eaglais, 22 mar a' chrìoch sin gus an d'ordùicheadh iad. 26 Tha fìor-ìheum gach aoin diubh air a theagasg, agus am mì-ghnàthachadh air a chionnadh.*

LEANAIBH gràdh, agus bitheadh mòr-mhiann *thiodhlacan* spioradail oirbh, ach gu ma mò bbur togradh gu'n deanadh sibh fàidheadaireachd.

2 Oir an ti a labhras ann an teangaidh *choimhich*, cha-n ann ri daoineibh a labhras e, ach ri Dia: oir cha-n'eil neach sam bith 'g a thuigsinn; ged tha e anns an Spiorad a' labhairt rùintean-diomhair.

3 Ach an ti a tha 'deanamh fàidheadaireachd, tha e a' labhairt ri daoineibh chum teagaisg, agus *chum* earail, agus *chum* comhfhurtachd.

4 An ti a tha 'labhairt ann an teangaidh *choimhich*, tha e 'g a theagasg féin: ach an ti a ni fàidheadaireachd, tha e 'teagasg na h-eaglais.

5 Bu mhaith leam gu'n labhradh sibh uile le teangaibh, ach b'fhearr leam sibh a dheanamh fàidheadaireachd, oir *is* mò an ti a ni fàidheadaireachd, na an ti a labhras le teangaibh, mur eadar-theangaich e, chum gu'm fàigheadh an eaglais fòghlum.

6 A nis, a bhràithrean, na thig mi do 'ur n-ionnsuidh a' labhairt le teangaibh, ciod an tairbhe a ni mi dhuibh, mur labhair mi ribh ann am foillseachadh, no 'an còlas, no 'am fàidheadaireachd, no 'an teagasg?

7 Air an dòigh cheudna na nithean gun bheatha a ni fuaim, ma's pìob no clàrsach, mur dean iad eadar-dhealachadh 'n am fuaimibh, cionnus a thuigear an ni a sheinnear air a' phìob no air a' chlàrsaich?

8 Oir ma bheir a' ghall-tromp fuaim neo-chinnteach uaipe, cò a dh'ulluicheas e féin chum a' chatha?

9 Is anhuil sin sibhse, mur labhair sibh leis an teangaidh briathran so-thuigsinn, cionnus a dh'aithnìchear an ni a labhrar? oir is ann ris an athar a labhras sibh.

10 Tha, feudaidh e bhi, an uircad de ghuthan 's an t-saoghal, agus cha-n'eil a h-aon diubh gun bhlagh.

11 Uime sin, mur tuig mi brìgh a' ghutha, bithidh mi do'n ti a labhras, borb; agus *bithidh* an ti a labhras, borb dhomh-sa.

12 Mar sin mar an ceudna sibhse, do bhrìgh gu bheil dèigh gaibh air *thiodhlac-aibh* spioradail, iarraibh sibh féin a thoirt barrachd chum fòghluim na h-eaglais.

13 Uime sin, an ti a labhras ann an teangaidh *choimhich*, guidheadh e gu'n deanadh e eadar-theangachadh.

14 Oir ma ni mise urnuigh ann an teangaidh *choimhich*, tha mo spiorad a' deanamh urnuigh, ach tha mo thuigse neo-tharbhach.

15 Ciod ma seadh? ni mi urnuigh leis an spiorad, agus ni mi urnuigh leis an tuigse mar an ceudna: seinnidh mi leis an Spiorad, agus scinnidh mi leis an tuigse mar an ceudna.

16 No 'n uair a bheannaicheas tu leis an spiorad, cionnus a their an ti a tha ann an àit an duine gun fhòghlum Amen ri d' bhrèith-buidheachais, o nach aithne dha an ni a tha thu ag ràdh?

17 Oir gu deimhin tha thusa 'toirt buidheachais gu maith, gidheadh cha-n'eil an neach eile air a theagasg.

18 Tha mi 'toirt buidheachais do m' Dhia, gu bheil mi a' labhairt le teangaibh tuill-cadh na sibh uile:

19 Ach b'fhearr leam cùig focail a labhairt 's an eaglais le m' thuigse, chum gu'n teagaisginn daoine eile mar an ceudna, na deich mìle focal ann an teangaidh *choimhich*.

20 A bhràithrean, na bithibhse 'n 'ur leanabaibh 'an tuigse: gidheadh, ann am mì-run bithibh 'n 'ur leanabaibh, ach ann an tuigse bithibh 'n 'ur daoine foirfe.

21 Tha c sgrìobhta 's an lagh, Labhraidh mi ris a' phobul so ann an teangaibh eile, agus ann am bìlìbh eile: gidheadh an dèigh sin uile cha-n èisd iad rium, tha an Tigh-carn ag ràdh.

22 Uime sin tha teangan *coimheach* 'n an comharadh, cha-n ann do'n dream a tha 'creidsinn, ach dhoibh-san a tha mi-chreideach: ach tha fàidheadaireachd cha-n ann air an son-san nach 'eil a' creidsinn, ach air an sonsan a tha 'creidsinn.

23 Uime sin ma chruinnicheas an eaglais nìle 's an aon àit, agus ma labhras iad nìle le teangaibh *coimheach*, agus gu'n tig dream a tha gun fhòghlum a steach, no daoine mi-chreideach, nach abair iad gu'm bheil sibh air a' chuthach?

24 Ach ma ni iad uile fàidheadaireachd, agus gu'n tig duine gun chreidimh a steach, no *neach* a tha gun fhòghlum, cronuichear e leis na h-uile, agus bheirear breth air leis na h-uile:

25 Agus mar sin tha *nithean* folaichte a chridhe air am foillseachadh; agus mar sin, air dha tuiteam air 'aghaidh, ni e aoradh do Dhia, ag aithris gu bheil Dia gu fìrinneach annaibhse.

26 Ciod e sin ma ta, a bhràithrean? 'n uair tha sibh a' teachd 'an ceann a chéile, tha salm, tha teagasg, tha teangadh, tha foillseachadh, tha eadar-theangachadh, aig gach aon agaibh. Bitheadh na h-uile nith-ean air an deanamh chum fòghluim.

27 Ma labhras aon neach ann an teangaidh *choimhich*, labhradh dithis, no air a' chuid a's mò triuir, agus sin an dèigh a

chéile; agus deanadh a h-aon eadar-theangachadh.

28 Ach mur bi eadar-theangair ann, fanadh e 'n a thosd 's an eaglais; no labhradh e ris féin, agus ri Dia.

29 Labhradh dithis no triuir de na faidhibh, agus thugadh a' chuid eile breth.

30 Ach ma dh'fhoillsichear *nì* do neach eile a tha 'n a shuidhe, bitheadh an ceud *dhuine* 'n a thosd.

31 Oir feudaiddh sibh uile faidheadaireachd a dheanamh gach aon an déigh a chéile, chum gu'm faigh na h-uile fòghlum, agus na h-uile comhfhurtachd.

32 Agus tha spioraid nam faidhean ùmhal do na faidhibh.

33 Oir cha-n e Dia *ùghdar* na mi-riaghailt, ach na sithe, mar ann an eaglaisibh nan naomb uile.

34 Biodh bhur mnathan 'n an tosd 's na h-eaglaisibh; oir cha-n'eil e ceaduichte dhoibh labhairt; ach *is còir dhoibh* 'bhi ùmhal, mar tha an lagh mar an ceudna ag ràdh.

35 Agus ma's miann leo ni sam bith fhòghlum, feòraicheadh iad d'am fearaibh féin aig an tigh e; oir is mi-chiatach do mhnaibh labhairt 's an eaglais.

36 An ann uaibhse 'thàinig focal Dhé a mach? no an ann do 'ur n-ionnsuidhse a mhàin a 'thàinig e.

37 Ma shaoileas duine sam bith gur faidh, no gur duine spioradail e féin, aidicheadh o na nithean a tha mise a' sgrìobhadh do 'ur n-ionnsuidh, gur iad àitheantan an Tighearna.

38 Ach ma tha neach sam bith aineolach, bitheadh e aineolach.

39 Uime sin, a bhràithrean, bitheadh ro-thogradh agaibh air faidheadaireachd a dheanamh, agus na bacadh labhairt le teangaibh.

40 Deanar na h-uile nithean gu deadh-mhaiseach, agus a réir orduigh.

CAIB. XV.

1 O aiseirigh *Criosd*, 12 dhearbhadh an t-abstol gu'n éirich sinne, an aghaidh na muinntir sin a tha 'g àicheadh aiseirigh na colla; 21 Toradh, 35 agus dòigh na h-aiseirigh, 51 agus caochladh na muinntir sin a gheibhear beò, air an là dheireanach.

OS bàrr, a bhràithrean, tha mi 'cur 'an céill duibh an soisgeul a shearmonaich mi dhuibh, ris an do ghabh sibhse mar an ceudna, agus anns am bheil sibh 'n 'ur seasamh;

2 Troimh mar an ceudna am bheil sibh air bhur tearnachd, ma chumas sibh gu daingean an ni a shearmonaich mi dhuibh, mur do chreid sibhse gu diomhain.

3 Oir thug mi dhuibh air tùs an ni a fhuair mi mar an ceudna, Gu'n d'fhuair Criosd bàs air son ar peacaidhean a réir nan sgrìobhtuir:

4 Agus gu'n d'adhlaiseadh e, agus gu'n d'éirich e a ris air an treas là a réir nan sgrìobhtuir:

5 Agus gu'm facas e le Cephas, 'n a dhéigh sin leis an dà fhear dheug.

6 'N a dhéigh sin, chummacas e le tuilleadh as cùig ceud bràthair air aon àm; d'am bheil a' chuid a's mò beò gus a nis, ach tha cuid *dhiubh* 'n an codal.

7 'N a dhéigh sin, chummacas e le Seumas; agus a ris leis na h-abstolaibh uile.

8 'N an déigh uile chummacas leam-sa e mar an ceudna, mar neach a rugadh ann an an-àm.

9 Oir is mi a's lugha de na h-abstolaibh, neach nach fhu abstol a ghairm dhiom, do bhrìgh gu'n robh mi a' geur-leannhuinn eaglais Dhé.

10 Ach tre ghràs Dhé is mi an ni a's mi: agus cha robh a ghràs, a *bhuilicheadh* orm, gun bhrìgh; ach shaothraich mi nì's pailte na iad uile; gidheadh cha mhise, ach gràs Dhé a bha maille rium.

11 Uime sin cò air bith iad *dhinn*, mise no iadsan, is ann mar so a tha sinne a' searmonachadh, agus is ann mar so a chreid sibhse.

12 A nis ma shearmonaichear Criosd gu'n d'éirich e o na marbhaibh, cionnus a tha feadhain 'n 'ur measg-sa ag ràdh, Nach 'eil aiseirigh nam marbh ann?

13 Ach mur 'eil aiseirigh nam marbh ann, ni mò a dh'éirich Criosd.

14 Agus mur d'éirich Criosd, gu deimhin is diomhain ar searmoin-ne, agus is diomhain bhur creidimhse mar an ceudna.

15 Seadh fhuaradh sinne 'n ar fianuisibh bréige air Dia; do bhrìgh gu'n d'rinnt sinn fianuis a thaobh Dhé, gu'n do thog c suas Criosd: neach nach do thog e suas, mur éirich na mairbh.

16 Oir mur éirich na mairbh, ni mò a dh'éirich Criosd:

17 Agus mur d'éirich Criosd, *tha* bhur creidimhse diomhain; tha sibh fatlast ann bhur peacaibh.

18 Mar sin mar an ceudna tha an dream a choidil ann an Criosd, caillte.

19 Ma's anns a' bheatha so a mhàin a tha dòchas againn ann an Criosd, is sinn a's truaighe de na h-uile dhaoinibh.

20 Ach a nis tha Criosd air éirigh o na marbhaibh, agus rinneadh dheth an ceud thoradh dhiubh-san a choidil.

21 Oir mar is ann tre dhuine 'thàinig am bàs, is ann tre dhuine *thig* aiseirigh nam marbh mar an ceudna.

22 Oir mar, ann an Adhamh, a tha na h-uile a' faghail a' bhàis, is anhuil sin mar an ceudna a nithear na h-uile beò ann an Criosd.

23 Ach gach uile dhuine 'n a ordugh féin: Criosd an ceud thoradh, 'n a dhéigh sin iad-san a's le Criosd aig a theachd

24 An sin *bithidh* a' chrìoch dheircannach, 'n uair a bheir e suas an rìoghachd do Dhia, eadhon an t-Athair; 'n uair a chuireas e as do gach uile uachdaranachd, agus gach uile ùghdarras, agus chumhachd.

25 Oir is éigin gu'n rìoghaich e, gus an cuir e a naimhdean uile fo a chosaibh.

26 Sgrìosar an nàimhaid deireannach, am bàs.

27 Oir chuir e na h-uile nithean fo a chosaibh. Ach an uair a tha e ag ràdh gun do chuir e na h-uile nithean fodha, *is* ni follaiseach gu bheil esan a chuir na h-uile nithean fodha, 'an leth muigh *dheò* so.

28 Agus an uair a chuirear na h-uile nithean fodha, an sin bithidh am Mac féin fo 'n ti a chuir na h-uile nithean fodha-san, chum gu'm bi Dia 'n a uile anns na h-uile.

29 No ciod a nì iadsan a bhaistear air son nam marbh, mur éirich na mairbh air aon dòigh? c'ar son na seadh a bhaistear iad air son nam marbh?

30 Agus c'ar son a tha sinne 'an gàbhadh gach uair?

31 Air bhuir gairdeachas-se a tha agam ann an Iosa Crìosd ar Tighearn, tha mi 'faghail a' bhàis gach là.

32 Ma chòmhraig mi mar dhuine ri fiadh-bheathaichibh ann an Ephesus, ciod i mò thairbh, mur éirich na mairbh? itheamaid agus òlaimaid, oir an màireach gheibh sinn bàs.

33 Na meallar sibh: truaillidh droch chomhludadar deadh bheusan.

34 Dùisgibh chum fireantachd, agus na deanaibh peacadh, oir cha-n'èil eòlas air Dia aig cuid: chum bhuir nàire tha mi a' labhairt so.

35 Ach their neach éigin, Cionnus a dh'èireas na mairbh? agus ciod a' ghnè cuirp leis an tig iad?

36 Amadain, an nì sin a chuireas tu, cha bheothaichear e, mur bàsaich e *air tùs*:

37 Agus an nì a chuireas tu, cha-n e an corp a bhitheas a tha thu 'cur, ach gràinne lom, feudaidh e bhi de chruithneachd, no de *sheòrsa* éigin eile:

38 Ach tha Dia a' toirt cuirp dha mar bu toil leis, agus do gach uile shìol a chorp féin.

39 Cha-n aon fheòil gach uile fheòil: ach *tha* feòil air leth aig daoineibh, agus feòil eile aig ainmhidhibh, *feòil* eile aig iasgaibh, *agus feòil* eile aig eunlaith.

40 Agus *tha* cuirp nèmhaidh ann, agus cuirp thalmhaidh: gidheadh *tha* glòir air leth aig na *corpaibh* nèmhaidh, agus *glòir* eile aig na *corpaibh* talmhaidh.

41 Tha aon ghloir aig a' ghréin, agus glòir eile aig a' ghealaich, agus glòir eile aig na reultaibh; oir tha dealachadh eadar reult agus reult thaobh glòire.

42 Agus is ann mar sin a *bhitheas* aiseirigh nam marbh. Cuirar ann an truaillicheachd e; togar ann an neo-thruaillicheachd e.

43 Cuirar e ann an eas-urram, togar ann an glòir e: cuirar ann an ainmhuinneachd e, éiridh e ann an cumhachd:

44 Cuirar e 'n a chorp nàdurra, éirigh e 'n a chorp spioradail. Tha corp nàdurra ann, agus corp spioradail.

45 Agus mar sò tha e sgrìobhta, Rinneadh an ceud dhuine Adhamh 'n a anam beò, an t-Adhamh deireannach 'n a Spiorad a bheothaicheas.

46 Gidheadh cha-n e an nì spioradail a *bha* ann air tùs, ach an nì nàdurra; agus 'n a dhéigh sin an nì spioradail.

47 An ceud duine o'n talamh, talmhaidh: an dara duine, an Tighearn o nèamh.

48 Mar an *duine* talmhaidh, is amhuil sin iadsan a *tha* talmhaidh: agus mar a *tha an duine* nèmhaidh, is ann mar sin iadsan a *tha* nèmhaidh.

49 Agus mar a ghiùlain sinn ìomhaigh an *duine* talmhaidh, giùlainidh sinn mar an ceudna ìomhaigh an *duine* nèmhaidh.

50 A nis sò tha mi ag ràdh, a bhràithre, nach urrainn feòil agus fuil rìoghachd Dhé a shealbhadh; nì mò a shealbhaicheas truaillicheachd neo-thruaillicheachd.

51 Feuch, tha mi a' labhairt ni dìomhair ribh; Cha chòidil sinn uile, ach caochlaidh-car sinn uile,

52 Ann an tiota, 'am priobadh na sùl, ri *guth* na trompaid deireannaich, (oir séididh an trompaid,) agus éiridh na mairbh neo-thruailidh, agus caochlaidhear sinne.

53 Oir is éigin do'n *chorp* thruailidh sò neo-thruaillicheachd a chur uime, agus do'n *chorp* bhàismhor sò neo-bhàismhorachd a chur uime.

54 Agus an uair a chuireas an *corp* truailidh sò neo-thruaillicheachd uime, agus a chuireas an *corp* bàismhor sò neo-bhàismhorachd uime, an sin còimhlionar am focal a tha sgrìobhta, Shluigeadh suas am bàs le buaidh.

55 O 'bhàis, c'ait am bheil do ghath? O uaigh, c'ait am *bheil* do bhuaidh?

56 *Is* e am peacadh gath a' bhàis; agus *is* e neart a' pheacaidh an lagh:

57 Ach buidheachas do Dhia, a tha 'toirt dhuinne na buadha, tre ar Tighearn Iosa Crìosd.

58 Uime sin, mò bhràithre gràdhach, bithibh-se daingean, neo-ghluasadach, a' sìor-mheudachadh ann an obair an Tighearna, air dhuibh fios a bhi agaibh nach 'eil bhuir saothair dìomhain anns an Tighearn.

CAIB. XVI.

1 *Ghuidh Pòl air na Corintianach fuasgladh air vireasbhuidh nam bràithrean bochda ann an Ierusalem; 10 mhol e Timoteus; 13 agus an dèigh chomhairlean càirdeil, 19 chrìochnaich e an lùir le ìomadh fàile.*

A NIS a thaobh an tionail air son nan naomh, mar a dh'orduich mi do eaglais-

ibh Ghalatia, mar sin deanaibh-se mar an ceudna.

2 Air ceud là gach seachdain, cuireadh gach aon agaibh ni seachad anns an ionmhas, a réir mar a shoirbhich leis, chum nach bit ionail r'an deanamh 'n uair a thig mise.

3 Agus an uair a thig mi, cò air bith iad a mholas sibh le 'ur litricibh, cuiridh mi iadsan a gliùlan bhur tabhartais gu Ierusalem.

4 Agus ma's ionchuidh mise a dhol mar an ceudna, théid iadsan a'm' chuideachd.

5 Agus thig mi do 'ur n-ionnsuidh-sc, 'n uair a théid mi troimh Mhacedonia: (oir tha mi 'dol troimh Mhacedonia:)

6 Agus feudaidd e bhì gu'm fan mi, no eadhon gu'n caith mi an geamhradh maille ribh, chum gu'n toir sibh air m'aghaidh mi, ge b'e àit d'an téid mi.

7 Oir cha-n àill leam bhur faicinn a nis 's an dol seachad; ach tha dùil agam fan-tuinn ré tamuill maille ribh, ma leigeas an Tighearn dhomh.

8 Ach fanaidh mi ann an Ephesus gu Cuingeis.

9 Oir dh'fhosgladh dorus mòr agus éifeachdach dhomh-sa, agus tha mòran eascairdean ann.

10 A nis ma thig Timoteus, feuchaibh gu'm bi e gun eagal maille ribh: oir tha e a' saothreachadh ann an obair an Tighearna, mar tha mise.

11 Uime sin na deanadh neach sam bith tàir air: ach thugaibh air aghaidh e 'an sìth, chum gu'n tig e a m' ionnsuidh-sa: oir tha sùil agam ris maille ris na bràithribh.

12 Mu thimchioll ar bràthar Apollois, ghuidh mi gu dùrachdach air teachd do 'ur

n-ionnsuidh-sc maille ris na bràithribh: ach cha b'i a thoil air chor sam bith teachd 's an àm so: ach thig e 'n uair a gheibh e àm ionchuidh.

13 Deanaibh faire, seasaibh gu daingean 's a' chreidimh, bithibh fearail, bithibh làidir.

14 Bitheadh bhur n-uile nithean air an deanamh le gràdh.

15 Agus guidheam oirbh, a bhràithre, (o's aithne dhuibh teaghlach Stephanais, gur iad ceud thoradh Achaia, agus gu'n d'thug siad iad féin chum frithealaidh do na naoimh.)

16 Gu'm bi sibh àmhail d'an leithidibh sin, agus do gach aon a ni obair agus saothair maille ruinne.

17 Tha mi subhach air son teachd Stephanais, agus Fhortunatus, agus Achaicus: oir rinn iad suas an ni sin a bha dh'uir-casbhuidh do 'ur taobh-se.

18 Oir thug iad suaimhneas do m' spiorad-sa, agus do 'ur spiorad-se: uime sin bitheadh meas agaibh air an leithidibh sin.

19 Tha eaglaisean na h-Asia a' cur fàilte oirbh. Tha Acila agus Priscila, maille ris an eaglais a tha 'n an tigh, a' cur mòr-fhàilte oirbh anns an Tighearn.

20 Tha na bràithrean uile a' cur fàilte oirbh. Cuiribh-se fàilte air a chéile le pòig naoimh.

21 Fàilte uamsa Pòl le m' làimh féin.

22 Ma tha neach sam bith nach gràdhaich an Tighearn Iosa Crìosd, bitheadh e 'n a Anatema Maranata.

23 Gu robh gràs an Tighearna Iosa Crìosd maille ribh.

24 Mo ghràdh-sa maille ribh uile aun an Crìosd. Amen.

DARA LITIR AN ABSTOIL PHOIL

CHUM NAN

CORINTHIANACH.

CAIB. I.

1 *Thug an t-abstol Pòl nismeach do na Corintianaich an aghaidh thrioblaid thaobh na comhfhurtachd agus an fhuasglaidh a thug Dia dhàsan 'n a uile thrioblaidibh féin, 8 gu soiruichte 'n a chunnart 's an Asia: 12 agus ghairm e an coquis-san, agus a choquis féin chum fianuis gu'n do shearmonaich e an soir-seul gu tréibhdhíreach, &c.*

POL, abstol Iosa Crìosd tre thoil Dhé, agus Timoteus ar bràthair, maille ris na eaglais Dhé a tha ann an Corintus, maille ris na h-uile naoimh a tha ann an Achaia uile:

2 Gràs dhuibhse, agus sìth o Dhia ar n-Athair, agus o'n Tighearn Iosa Crìosd.

3 Beannaichte gu robh Dia, cadhon Athair

ar Tighearna Iosa Crìosd, Athair nan tràcàir, agus Dia na h-uile comhfhurtachd;

4 A tha 'toirt comhfhurtachd dhuinne 'n ar n-uile àmhghar, chum sinne 'bhi comasach air comhfhurtachd a thoirt dhoibhsan a tha ann an àmhghar sam bith, tre a' chomhfhurtachd leis an bheil sinn féin a' faotainn comhfhurtachd o Dhia.

5 Oir mar tha fulangais Chrìosd pailt annainne, is anhuil sin tha ar comhfhurtachd-ne mar an ceudna pailt tre Chrìosd.

6 Agus ma tha sinn fo àmhghar, is ann air son bhur comhfhurtachd agus bhur slàinte-sc, a tha air a h-oibreachadh le sibh. a dh'fhulang nam fulangas ceudna, a tha

sinne a' fulang: no ma's comhfhurtachd dhuinn, *is ann* chum bhur comhfhurtachd agus bhur slàinte-se.

7 Agus *tha* ar dòchas daingean do 'ur taobh-se, do bhrìgh gu bheil fios againn, mar *tha* sibh 'n 'ur luchd-comhpairt de na fulangasaibh, gu'm *bì sibh* mar an ceudna de'n chomhfhurtachd.

8 Oir *cha* b'ail leinn, a bhràithre, sibhse 'bhi ain-fhiosrach mu thimchioll ar n-àmh-ghair a thachair dhuinne 's an Asia, gu'n do bhruthadh sinn gu ro mhòr thar ar neart, ionnus gu'n robh sinn fo anharas eadhon mu'r beatha:

9 Ach bha againn binn ar bàis annainn féin, chum nach bitheadh againn dòigh annainn féin, ach ann an Dia a dhùisgeas na maibh:

10 Neach a shaor sinne o bhàs co mòr, agus a *tha* 'g ar saoradh; anns am bheil ar dòchas gu'n saor e *sinn* fathast:

11 Air dhuibhse 'bhi a' co-oibreachadh le 'chéile ann an urnuigh air ar son-ne, chum gu'n tugar buidheachas le mòran air ar son-ne, a leth an tiodhaic a thugadh dhuinn, tre mhòran.

12 Oir is e so ar gairdeachas-ne, fianuis ar coguis, gur ann 'an aon-fhillteachd agus 'an tréibhdhìreas diadhaidh, agus cha-n ann 'an glicias fèòlmhor, ach ann an gràs Dhé, a chaith sinn ar beatha 's an t-saoghal, agus gu h-àraidh do 'ur taobh-se.

13 Oir cha-n'eil sinn a' sgrìobhadh nithean sam bith eile do 'ur n-ionnsuidh-se, ach nan nithean a *tha* sibh a' leughadh, no a *tha* sibh ag aideachadh, agus a *tha* dùil agam a dh'aideicheadh sibh gus a' chrìoch;

14 Anluail mar a dh'aicheadh sibh 'an cuid, gur sinne bhur gairdeachas, mar *is* sibhse mar an ceudna ar *gairdeachas-ne* ann an là an Tighearna Iosa.

15 Agus anns a' muinghin so b'ail leam-sa teachd do 'ur n-ionnsuidh air tùs, ionnus gu'm faigheadh sibhse ath-gràs.

16 Agus gabhail uaibhse gu Macedonia, agus teachd o Mhacedonia a rìs do 'ur n-ionnsuidh-se, agus a bhi air mo thoirt air m'aghaidh leibhse 's an t-slighe gu Iudea.

17 Uime sin an uair a chuir mi so romham, an do ghnàthaich mi eutruimeachd? no an ann a réir na feòla *tha* mi 'cur romham, na nithean a *tha* mi a' cur romham, ionnus gu'm bitheadh agam seadh, seadh, agus cha-n eadh, cha-n eadh?

18 Ach *mar tha* Dia firinneach, *cha* b'e ar comhradh ribhse seadh, agus cha-n eadh?

19 Oir Mac Dhé Iesa Crìosd, a shearmon-aicheadh 'n 'ur measg-se leinne, *eadhon* leam-sa, agus *le* Silvanus, agus *le* Timoteus, *cha* robh e 'n a sheadh agus 'n a cha-n eadh, ach ann-san bha seadh.

20 Oir geallaidhean Dhé uile, ann-san *is*

seadh iad, agus ann-san *is* Amen iad, chum glòire Dhé do ar taobh-ne.

21 A nìs an ti a dhaingnicheadh sinne maille ribhse ann an Crìosd, agus a dh'ung sinn, *is e* Dia:

22 Neach mar an ceudna a chuir seula oirne, agus a thug dhuinn geall-daingnich an Spioraid ann ar cridheachaibh.

23 Ach *tha* mi a' gairm Dhé mar fhianuis air m'anam, gur ann chum sibhse a chaomhnadh nach d'thàinig mi fathast gu Corintus.

24 Cha-n e gu bheil againne tighearnas air bhur creidimh-se, ach is luchd-cuideachaidh sinn do 'ur n-aobhncas: oir is ann tre chreidimh a sheasas sibh.

CAIB. II.

1 *Air do Phòl an reuson a chur 'an cèill air son nach d'thàinig e dh' ionnsuidh nan Corintianach, 6 dh'iarr e orra maitheanas agus comhfhurtachd a thoirt do'n duine a dhruideadh a mach leo as an eaglais, 10 eadhon mar a thug e féin mar an ceudna maitheanas da, air son 'fhuor aithreachais. 12 Chuir e 'an cèill c'ar son a chaidh e o Throas gu Macedonia, 14 agus mar a shoirbhich Dia gu pailt leis.*

ACH chuir mi so romham annam féin, gun teachd a rìs fo dhòilgheas do 'ur n-ionnsuidh.

2 Oir ma nì mise doilich sibhse, cò e ma ta 'nì subhach mise, ach an ti air an do chuireadh dòilgheas leam?

3 Agus sgrìobh mi an nì so féin do 'ur n-ionnsuidh, chum air dhomh teachd, nach cuirteadh dòilgheas orm leis a' mhuinntir sin o'm bu chòir dhomh aobhneasfhaotainn, air dhomh 'bhi muinghinneach asaibh uile, gur e m'aobhneas bhur *n-aobhneas* uile.

4 Oir 'a trioblaid mhòir agus cràdh cridhe, sgrìobh mi do 'ur n-ionnsuidh le iomadh deur; cha-n ann chum gu'm bitheadh dòilgheas oirbh, ach chum gu'm bitheadh fios agaibh air a' ghràdh a *tha* agam gu ro phailt dhuibh.

5 Ach ma thug neach sam bith aobhai doilgheis, cha do chuir e doilgheas orm, ach 'an cuid: chum nach cuirinn ro-uallach oirbh uile.

6 *Is* leoir d'a leithid sin a dhuine ann peanas so, a *leagadh* air le mòran.

7 Ionnus air an làimh eile, gur mò *is* còir dhuibh maitheanas agus comhfhurtachd a thoirt *da*, airagal gu'm bitheadh a leithid so a dhuine ar a shlugadh suas le anabarra doilgheis.

8 Uime sin guidheam oirbh, gu'n daingnicheadh sibh *bhur* gràdh dha.

9 Oir is ann chum na crìche so a sgrìobh mi do 'ur n-ionnsuidh, chum gu'm bitheadh fios bhur dearbhaidh agam, ann bheil sibh àmhail anns na h-uile nìtibh.

10 Ge b'e neach d'an toir sibh maitheanas ann an nì sam bith, bheir mise mar an ceudna: oir ma thug mise maitheanas ann an nì sam bith, cia b'e d'au d'thug mi am

2 CORINTIANACH, III, IV.

maitheanas, is ann air bhur son-se a *thug mie*, 'an fianuis Chrìosd ;

11 Air eagal gu'm faigheadh Satan an cothrom' oirm le 'chuibheartachd: oir cha-n'eil sinn aineolach air 'innleachdaibh.

12 Os bàrr, 'n uair a thàinig mi gu Troas chum soisgeul Chrìosd a *shearmonachadh*, agus a dh'fhosgladh doras dhomh leis an Tighearn,

13 Cha robh fois agam ann am spiorad, do bhrìgh nach d'fhuair mi Titus mo bhràthair: ach air gabhail mo chead diubh, dh'imich mi o sin do Mhacedonia.

14 A nis buidheachas do Dhia, a tha ginàth ag' toirt oirne buadhlachadh ann an Chrìosd, agus a tha 'foillseachadh *deadh* fhàile 'eòlais féin leinne anns gach àit.

15 Oir tha sinne do Dhia 'n ar fàile cùbhairidh Chrìosd, anns an dream a thearnar, agus anns an dream a sgriosar:

16 Do'n aon dream *tha sinn* 'n ar boltrach bàis chum bàis; agus do'n dream eile, 'n ar boltrach beatha chum beatha: agus cò a *tha* foghainteach chum nan nithean so ?

17 Oir cha-n'eil sinne mar mhòran, a thruaillcas focal Dhé: ach mar o thréibh-dhìreas, ach mar o Dhia, tha sinn a' labhairt 'am fianuis Dhé ann an Chrìosd.

CAIB. III.

1 *Air eagal gu'n cuiradh luchd-teagaisg brèige as a leth gu'n robh e 'deanamh uair gu dìomhaire, nochd Pòl gu'n robh gràsan nan Corintianach 'n an aobhar molaidh d' a mhinistireilachd.* 6 Air so chomh-shùn a mhinistirean an lagha, agus an t-soisgeil 'a chéile, 12 agus dhearbhaig gu'n robh a mhinistireilachd-san ro òirdheire.

AN tòisich sinn a rìs air sinn féin a mholadh? no am bheil feum againn, mar aig dream àraidh, air litricibh molaidh do 'ur n-ionnsuidh-se, no air *litricibh* molaidh uaibh?

2 Is sibhse ar litir-ne a tha sgrìobhta 'n ar cridheachaibh, air a h-athneachadh agus air a leughadh leis na h-uile dhaoineibh:

3 *Air dha 'bhi* tollaiseach gur sibh litir Chrìosd, a fhrithealadh leinne, a tha air a sgrìobhadh cha-n ann le dubh, ach le Spiorad an Dé bheò: cha-n ann air clàraibh cloiche, ach air clàraibh feòlmhor a' chridhe.

4 Agus tha a leithid so de dhòchas againne tre Chrìosd a thaobh Dhé:

5 Cha-n e gu bheil sinn foghainteach uainn féin chum ni sam bith a smuaineachadh mar uainn féin: ach is ann o Dhia a *tha* ar foghainteachd ;

6 A rinn sinne mar an ceudna 'n ar ministeiribh foghainteach an tiomnaidh nuaidh; cha-n ann de'n litir, ach de'n Spiorad: oir marbhaidh an litir, ach bheir an Spiorad beatha.

7 Ach ma bha ministreilachd a' bhàis, ann an sgrìobhadh air a ghearradh air clàraibh, glòrmhor, ionnus nach b'urrainn

clann Israeil amhare gu geur air gnùis Mhaois, air son glòire a ghnuise, a chuireadh air cùl;

8 Cionnus nach mò na sin a bhitheas ministreilachd an Spioraid glòrmhor?

9 Oir ma *bha* ministreilachd an dèidh glòrmhor, is ro mhò na sin a bheir ministreilachd na fircantachd barrachd ann an glòir.

10 Oir eadhon an ni a rinneadh glòrmhor, cha robh glòir sam bith aige 's a' chàs so, thaobh na glòire a tha 'toirt barrachd.

11 Oir ma *bha* an ni a chuireadh air cùl glòrmhor, is ro mhò na sin a *tha* an ni a bhunaicheas glòrmhor.

12 Uime sin a chionn gu bheil againn a shamhuil so de dhòchas, tha sinn a' cleachdadh mòr-dhànachd cinnte.

13 Agus cha-n'eil sinn mar Mhaois, a chuir folach air 'aghaidh, chum nach amhairceadh clann Israeil gu geur gu crìch an ni a chuireadh air cùl.

14 Ach dhalladh an inntinn: oir gus an là'n diugh ann an leughadh an t-seanntiomnaidh, tha'm folach ceudna a' fautuinn gun atharrachadh, ni a chuireadh air cùl ann an Chrìosd.

15 Ach eadhon gus an là'n diugh 'n uair a leugar Maois, tha am folach air an cridhe.

16 Gidheadh 'n uair a philleas e chum an Tighearna, togar am folach dheth.

17 A nis is e an Tighearn an Spiorad sin: agus far am bheil Spiorad an Tighearna, tha saorsa an sin.

18 Ach air bhi dhuinne uile le aghaidh gun fholach, ag amhare mar ann an sgàthan air glòir an Tighearna, tha sinn air ar n-atharrachadh chum na h-ìomhaigh ceudna, o ghlòir gu glòir, mar le Spiorad an Tighearna.

CAIB. IV.

1 *Chuir Pòl 'an cèill gu'n do shearmonaidh e an soisgeul le dèidh agus ann an thréibh-dhìreas; 6 agus cionnus a dh'òibrich na trioblaiden agus an geur-leannhuinn a dh'fhuilinge air a shon, chum cinn cumhadh Dhé, 12 chum maith na h-eaglais, 16 agus chum glòir shiorruidh nan abstol féin.*

UIME sin, air do'n mhinistireilachd so 'bhi againn, a réir mar a fhuair sinn tròcair, cha-n'eil sinn a' fannachadh :

2 Ach chuir sinn cùl ri nithibh folaichte na nàire, gun sinn bhi a' siubhal ann an ceilg, no a' truaillleadh focail Dhé, ach le foillseachadh na firinn, 'g ar moladh féin do choguis nan uile dhaoine ann an sealladh Dhé.

3 Ach ma tha ar soisgeul-ne folaichte, is ann dhoibh-san a tha caillte tha e folaichte :

4 Anns an do dhall dia an t-saoghail so inntinn na dream nach 'eil 'n an cridhneach, air eagal gu'n dealraicheadh orra solus soisgeil ghlòrmhoir Chrìosd, neach a's e ìomhaigh Dhé.

5 Oir cha-n'eil sinne 'g ar scarmonachadh féin, ach Iosa Chrìosd an Tighearn; agus sinn féin 'n ar seirbhisich dhuibhse air son Iosa.

6 Oir *is e* Dia a thubhairt ris an t-solus soillseachadh á dorchadas, a dhealraich ann ar cridheachaibh-ne, a *thoirt* soluis còlais glòire Dhé, ann an gnùis Iosa Crìosd.

7 Ach tha an t-ionnhas so againn ann an soithichibh creadh, chum gu'm bi òirdheireas a' chumhachd o Dhia, agus cha-n ann uainne.

8 *Tha sinn* fo thrioblaid air gach taobh, gidheadh cha-n'eil sinn ann an teanntachd; *tha sinn* ann an ioma-chomhairle, gidheadh gun sinn ann an eu-dòchas;

9 Air ar geur-leannhuinn, gidheadh gun *sinn* air ar tréigsinn; air ar tilgeadh sìos, gidheadh gun *sinn* air ar sgrios;

10 A' giùlan a ghnàth bàsachaidh an Tighearna Iosa mu'n cuairt, anns a' chorp, chum gu'm bitheadh beatha Iosa mar an ceudna air a deanamh follaiseach ann ar corp-ne.

11 Oir tha sinne a tha beò, a ghnàth air ar toirt chum bàis air son Iosa, chum gu'm bitheadh mar an ceudna beatha Iosa air a deanamh follaiseach 'nar feoil blàsmhoir-ne.

12 Uime sin tha bàs ag oibreachadh annainne, ach beatha annaibh-se.

13 Air dhuinn an spiorad creidimh sin féin a bhì againn, a réir mar tha e sgrìobhta, Chreid mi, agus uime sin labhair mi: tha sinne a' creidsinn mar an ceudna, agus uime sin tha sinn a' labhairt;

14 Air dhuinn fios a bhì againn, an ti a thog suas an Tighearna Iosa, gu'n-tog e sinne suas mar an ceudna tre Iosa, agus gu'n cuir e 'n a làthair *sinn* maille ribhse.

15 Oir tha na h-uile *nithean* air bhur son-se, chum gu'm bitheadh an gràs a tha saoiibhir, tre bhuidheachas mhòran, ro phailt chum glòire Dhé.

16 Uime sin cha-n'eil sinn a' fannachadh, ach ged thruaillcar ar duine o'n leth muigh, gidheadh tha an duine o'n leth stigh air athnuadhachadh o là gu là.

17 Oir tha ar n-amhghar eutrom, nach 'eil ach ré scalain, ag oibreachadh dhuinne trom-chudthrom glòire a tha nì's ro anabarraighe' agus sìor-mhaireannach;

18 Air dhuinn a bhì ag amharc cha-n ann air na nithibh a tha r'am faicinn, ach air na nithibh nach 'eil r'am faicinn: oir tha na nithean a chithear, aimsireil; ach tha na nithean nach faiccar, sìorruidh.

CAIB. V.

1 Chuir Pòl 'an cèill gu'n robh e 'an dòchas glòire sìorruidh, agus le sàil rìthe, agus ris a' bhreth dheireannach, a' deanamh dìchill air deadh choguis a choimhead; 12 cha-n ann chum gu'n deanadh e bòsd as féin a thaobh so, 14 ach mar neach a fhuair beatha o Chrìosd, tha e dìchiollach chum a bheatha a chaitheadh do Chrìosd a mhàin, 16 agus chum muinntir eile a dheanamh rèidh ri Dia tre Chrìosd mar an ceudna.

OIR tha fios againn, nan sgaoilteadh o chéile ar tigh talmhaidh a' phàilliuin

so, gu bheil againn aitreabh o Dhia, tigh nach do thogadh le làmhnan, sìorruidh anns na nèamhan.

2 Oir tha sinn ri osnaich an so, a' miannachadh 'bhi air ar n-éideadh le ar tigh o nèamh:

3 O air dhuinn bhi air ar n-éideadh, nach faighear lomnochd sinn.

4 Oir tha sinne a tha anns a' phàilliuin so ri osnaich, air dhuinn a bhì fo uallaich: cha-n e air son gu'm bu mhiann leinn bhi air ar rùsgadh, ach air ar n-eudachadh, chum gu'm bi bàsmhorachd air a slugadh suas le beatha.

5 A nis an ti a dh'òibrich sinne chum so féin, *is e* Dia e, a thug dhuinne mar an ceudna geall-daingnich an Spioraid.

6 Uime sin *tha sinn* a ghnàth deadh-mhisneachail, air dhuinn fios a bhì againn am feadh a tha sinn aig an tigh 's a' choluinn, gu bheil sinn air choigrich o'n Tighearna;

7 (Oir tha sinn a' gluasad a réir creidimh, agus cha-n ann a réir seallaidh.)

8 Tha deadh mhisneach againn, agus bu ròghnuiche leinn gu mòra bhi air choigrich as a' choluinn, agus a bhì làthair maille ris an Tighearna.

9 Uime sin tha sinn a' deanamh ar dìchill, chum eò aca bhitheas sinn a làthair no air choigrich, gu'm bi sinn taitneach dhàsan.

10 Oir is éigin duinn uile 'bhi air ar nochdadh an làthair caithir-breitheanais Chrìosd; chum gu faigh gach neach na nithean a rinn e 's a' choluinn, a réir an nì a rinn e, ma's maith no olc e.

11 Uime sin air dhuinn fios a bhì againn air uambas an Tighearna, tha sinn a' cur impidh air daoineibh; ach tha sinn follaiseach do Dhia, agus tha dòchas agam mar an ceudna gu bheil sinn air a deanamh follaiseach ann bhur coguisibh-se.

12 Oir cha-n'eil sinn 'g ar moladh féin a ris dhuibhse, ach tha sinn a' toirt fàth uail dhuibh do ar taobh, chum gu'm bi *freagradh* agaibh dhoibh-san a tha 'deanamh uail ann an gnùis, agus cha-n ann 'an cridhe.

13 Oir ma tha sinn a dh'easbhuidh céille, *is ann* do Dhia: agus ma tha ar ciall againn, *is ann* duibh-se.

14 Oir tha gràdh Chrìosd 'g ar co-éig-neachadh, air dhuinn breithneachadh mar so, ma fhuair a h-aon bàs air son nan uile, gu'n robh na h-uile marbh.

15 Agus gu'n d'fhuair e bàs air son nan uile, chum iadsan a tha beò, nach bitheadh iad á so suas beò dhoibh féin, ach dhàsan a dh'fhuiling am bàs air an son, agus a dh'éirich a ris.

16 Uime sin, cha-n aithne dhuinne á so suas aon duine a réir na feòla: seadh, ged

b'aithne dhuinn Criosd a rèir na feòla, gidheadh a nis cha-n aithne dhuinn e n's mò.

17 Uime sin ma tha neach sam bith ann an Criosd, is creutair nuadh e: chaidh na seann nithean seachad, feuch, rinneadh na h-uile nithean nuadh.

18 Agus is ann o Dhia tha na h-uile nithean, neach a rinn sinne rèidh ris féin tre Iosa Criosd, agus a thug dhuinn ministreilachd na rèite;

19 Eadhon, gu'n robh Dia ann an Criosd, a' deanamh an t-saoghail rèidh ris féin, gun a bhi a' meas an cionta dhoibh; agus dh'carb e ruinne focal na rèite.

20 Uime sin is teachdairean sinn air son Chriosd, mar gu'n cuireadh Dia impidh leinne: tha sinne a' guidhe oirbh as uelid Chriosd, bithibh rèidh ri Dia.

21 Oir rinu e esan do nach b'aithne peacadh, 'n a iobairt-phaeacaidh air ar son-ne; chum gu'n bithenaid air ar deanamh 'n ar fireantachd Dhé annsan.

CAIB. VI.

1 Gu'n do dhearbh Pòl e féin 'n a mhinisteir fìrinneach do Chriosd, aron le earailibh, 3 agus le ionracas a bheatha, 4 agus leis gach gnè trioblaid agus maslaidh fhulang gu foighidneach air son an t-soisgeil: 10 umpa so labhair e gu dàna ri, a chionn gu'n robh a chrìdhe fosgailte dhoibh; 13 agus gu'n roòh dàil aige ris an aigne cheudna uatha, &c.

UIME sin tha sinn mar chomh-oibrich-can leis san, a' guidhe oirbh, gun sibh a ghabhail gràis Dhé 'an diomhain.

2 (Oir tha e ag ràdh, Ann an àm taitneach dh'éisd mi riut, agus ann an là slàinte rinn mi còmhnaidh leat: feuch, a nis an t-àm taitneach; feuch, a nis là slàinte.)

3 Gun a bhi 'toirt aobhair oibhlein air bith ann an aon ni, chum nach faigheadh a' mhinistireilachd mi-chliu:

4 Ach anns gach ni 'g ar dearbhadh féin mar mhinisteiribh Dhé, ann am mòr-foighidin, ann an àmhgharaibh, ann an uireasbhuidh, ann an teamtachdaibh,

5 Ann am buillibh, ann am prìosanaibh, ann an luasgadh o àit gu h-àit, ann an saothair, ann am faire, ann an trasgaibh,

6 Ann am fìor-ghloime, ann an eòlas, ann am fad-fhulangas, ann an caoinheas, ann an spiorad naomh, ann an gràdh gun cheilg,

7 Ann am focal na fìrinne, ann an cumhachd Dhé, le airm na fireantachd air an làimh dheis agus chlì,

8 Tre urram agus eas-urram, tre mhi-chliu agus dheadh-chliu: mar mhealltairibh, gidheadh fìrinneach;

9 Mar dhream nach aithnichear, gidheadh air am bheil deadh aithne; mar dhream a tha 'faghail a' bhàis, gidheadh feuch, tha sinn beò; mar dhream a smachdaichear, agus gun am marbhadh;

10 Mar dhream a tha brònach, gidheadh a

ghnàth a' deanamh gairdeachais; mar dhaoine bochda, gidheadh a tha 'deanamh mòrain saoiubhir; mar dhaoine aig nach 'eil ni sam bith, gidheadh a' seallbhachadh nan uile nithean.

11 Tha ar beul-ne fosgailte dhuibhse, O a Chorintianacha, tha ar cridhe air a dheanamh farsuinn.

12 Cha-n'eil sibh ann an cumhannachd annainne, ach tha sibh ann an cumhannachd ann blur n-innibh féin.

13 A nis mar ath-dhioladh 's an ni sin féin, (tha mi a' labhairt mar ri m' chloinn,) bithibh-se farsuinn mar an ceudna.

14 Na cuing-cheanglar gu neo-chothromach sibh maille ri mì-chreidmheach: oir ciod e caidreamh na fireantachd ri neo-fhìreantachd? agus ciod e comunn an t-soluis ris an dorchadas?

15 Agus ciod an réite a tha cadar Criosd agus Belial? no ciod i cuid a' chreidmheach, maille ri ana-creidmheach?

16 Agus ciod a' cho-réite a tha aig teampull Dhé ri h-ìodholaibh? oir is sibhse teampull an Dé bheò; a réir mar a thubhairt Dia, Gabhaidh mise còmhnuidh anna, agus gluaisidh mi 'n am measg; agus bithidh mise a'm' Dhia acaas, agus bithidh iadsan 'n an sluagh agam-sa.

17 Uime sin thigibh a mach as am meadhon, agus dealaichibh ri, tha an Tighearn ag ràdh, agus na beanaibh ris an ni neo-ghlan; agus gabhaidh mise a m' ionnsuidh sibh,

18 Agus bithidh mi a'm' Athair dhuibh, agus bithidh sibhse 'n ur mic agus 'n ur nigheanaibh dhomh-sa, tha an Tighearn uile-chumhachdach ag ràdh.

CAIB. VII.

1 Dh'earailich Pòl na Corintianaich chum gloine beatha, 2 agus chum an inntinn a bhi ann dhasan a tha aige dhoibh: 3 air eagall gu'n saoilteadh gu'n robh e 'cur so 'an amharas, chuir e 'an cèill doibh menul nu chomhfhurtachd a fhuair e 'n a trioblaidibh, o'n sgeul a thug Titus dha air am bròn diadhaidh, 13 agus air an caoinheas agus an àmhachd do Thitus.

UIME sin, a mhuinntir mo ghràidh, air dhuinn na geallaidhean so 'bhi againn, glanamaid sinn féin o gach uile shalachar feòla agus spioraid, a' coimhlionadh naomhachd ann an eagall Dhé.

2 Gabhaidh ruinne: cha d'rinn sinn cucoir air aon duine, cha do thruaill sinn aon duine, cha do mheall sinn aon duine.

3 Cha-n ann chum bhur dìtidh tha mi a' labhairt so: oir thubhairt mi roimh, gu bheil sibh ann ar cridheachaibh-ne chum bàsachadh maille ribh, agus a bhi beò maille ribh.

4 Is mòr mo dhànachd cainnte do 'ur taobh-se, is mòr m'uaill as bhur leth: lionadh le comhfhurtachd mi, tha mi thar

tonhas aoibhneach ann ar n-uile àmhghar-ne.

5 Oir an uair a thàinig sinn gu Macedonia, cha d'fhuair ar feòil fois sam bith, ach bha sinn fo àmhghar air gach taobh; an leth am muigh *bha* còmhraig, an leth a stigh *bha* eagal:

6 Ach Dia a bheir comhfhurtachd dhoibh-san a tha air an leagadh sìos, thug e comhfhurtachd dhuinne le teachd Thituis:

7 Agus cha-n e le a theachd-san a mhàin, ach mar an ceudna leis a' chomhfhurtachd a fhuair esan uaibhse, 'n uair a chuir e 'an cèill duinn bhur dian-thogradh, bhur caoidh, bhur teas-gràdh dhomh-sa; air chor as gur mòid a rinn mi gairdeachas.

8 Oir ge do chuir mi doilgheas oirbh leis an litir, cha-n'eil aithreachas orm, ged 'bha aithreachas orm: oir tha mi 'faicinn gu'n do chuir an litir sin doilgheas oirbh, ged nach *d' rinn i so* ach ré tamuill.

9 A nis tha gairdeachas orm, cha-n ann air son sibh a bhi doilich, ach gu robh sibh doilieh chum aithreachais: oir bha doilgheas oirbh air mhodh diadhaidh, chum nach tigeadh call oirbh ann an aon ni do ar taobh-ne.

10 Oir oibrichidh am bròn diadhaidh aithreachas chum slàinte de nach gabhar aithreachas: ach oibrichidh doilgheas an t-saoghail bàs.

11 Oir feuch, an ni so féin doilgheas diadhaidh a bhi oirbh, eiod e meud an dùrachd a dh'oibrich e annaibh, seadh, *ciod* an glanadh oirbh féin, seadh, *ciod* an ro-dhiom, seadh, *ciod* an t-eagal, seadh, *ciod* an dian-thogradh, seadh, *ciod* an t-eud, seadh, *ciod* an togradh dioghaltais? anns gach ni dhearbh sibh sibh féin a bhi glan 's a' chùis so.

12 Uime sin ge do sgrìobh mi do 'ur n-ionnsuidh, cha b'ann air a shon-san a rinn an eucoir, no air a shon-san air an d'riuneadh an eucoir, ach a chum gu foillsichteadh dhuibh ar cùram-ne mu'r timchiollse 'am fianuis Dhé.

13 Uime sin fhuair sinn comhfhurtachd air son bhur comhfhurtachd-se: seadh, bu ro mhò a rinn sinn gairdeachas, air son gairdeachais Thituis, do bhrìgh gu'n d'fhuair a spiorad suainhneas uaibhse uile.

14 Oir ma rinn mi bòsd sam bith ris-san asaibhse, cha-n'eil nàire orm; ach mar a labhair sinn na h-uile nithean ann am firinn ribhse, is amhuil sin a fhuaradh firinneach ar bòsd asaibhse ri Titus.

15 Agus tha dùrachd a ebridhe-san n's pailte do 'ur taobh-se, air dha 'bhi a' cuimhnachadh bhur n-ùmhilachd uile, mar a ghabh sibh ris le h-eagal agus ball-chrith.

16 Uime sin tha gairdeachas orm gu bheil dèanachd agam asaibh anns gach ni.

CAIB. VIII.

1 *Bhosnach Pòl na Corintianach gu tionail seirceil a dheanamh air son nan naomh bochda ann an Ierusalem, le eisempleir nam Macedonach. 7 le moladh an dian-thograidh a bha aca féin roimh, 9 le eisempleir Chriost, 14 agus leis an tairbhe spioradail a thigeadh dhoibh féin o'n tabhartas sin. 16 Mhol e dhoibh deadh-thoil Thituis, agus nam bràithrean eile.*

A NIS, a bhràithre, tha sinn a' toirt fios dhuibh air gràs Dhé, a thugadh do eaglaisibh Macedonia:

2 Eadhon gu'n robh, ann am mòr-dhearbhadh àmhghair, pailteas an aoibhneis, agus doimhne am bochdainn, ro phailt ehum a b'bhreis am fiadhaidheachd.

3 Oir (tha mi 'toirt fianuis,) *gu'n robh* iad uatha féin toileach a réir an eomais, seadh, thar an comas:

4 A' guidhe oirne gu dùrachdach, gu'n gabhamaid an tiodhlac, agus comh-roinn an fhirthealaidh do na naoimh.

5 Agus cha-n ann mar a shaoil sinne, ach thug siad iad féin air tùs do'n Tighearn, agus 'n a *dhéigh sin* dhuinne a réir toil Dhé:

6 Air chor as gu'n do chuir sinn impidh air Titus, a réir mar a thòisich e roimh, mar sin gu'n crìochnaicheadh e annaibh-se an gràs sin féin mar an ceudna.

7 Uime sin mar tha sibh pailt anns gach uile ni, ann an ereidimh, ann an ùr-labhairadh, agus ann an eòlas, agus ann an uile dhùehioll, agus ann bhur gràdh dhuinne, bithibh pailt anns a' ghràs so mar an ceudna.

8 Cha-n'eil mi a' labhairt so mar àithne, ach a thaobh dùrachd dhaoine eile, agus a dhearbhadh tréibhdhìreas bhur gràidh-se.

9 Oir is aithne dhuibh gràs ar Tighearna Iosa Crìost, ged bha e saoiibhir, gidheadh gu'n d'rinneadh boehd e air bhur son-se, chum gu'm bitheadh sibhse saoiibhir tre a bhochdainn-san.

10 Agus anns an *ni so* tha mi 'toirt mo chomhairle: oir tha so tarbhach dhuibhse, a thòisich roimh, cha-n e mhàin air deanamh, ach air a bhi togarraeh o cheann bliadhna.

11 A nis air an aobhar sin eomhlionaibh an gnìomh; ionnus mar a *bha sibh* ullamh chum na toile, mar sin *gu'm bi sibh* ullamh ehum coimhlionaidh as na bheil agaibh.

12 Oir ma bhitheas air tùs inntinn thoileach ann gabhar ris a réir mar a *tha aig neach*, agus cha-n ann a réir nan nithean nach 'eil aige.

13 Cha-n ann chum gu'm bitheadh socair aig daoine eile, agus àmhghar agaibh-se.

14 Ach a thaobh co-cheartais, chum 's an 'am so nis *gu'm bi* bhur pailteas-se 'n a choimhleasachadh air an uircasbhuidd-san, agus mar an ceudna chum gu'm bi am pailteas-san 'n a choimhleasachadh air bhur

n-uireasbhuidh-se, air chor as gu'm bi co-chearcas *eadar*aibh;

15 A réir mar a tha e sgrìobhta, An ti a *thionail* mòran, cha robh anabarr aige; agus an ti a *thionail* beagan, cha robh easbhuidh air.

16 Ach buidheachas do Dhia, a chuir an cùram dùrachdach sin féin do 'ur taobh-se ann an cridhe Thituis.

17 Oir gu deimhin ghabh e ris an impidh; ach air dha 'bhi ni bu togarraiche, chaidh e d'a thoil féin do 'ur n-ionnsuidh.

18 Agus chuir sinne maille ris am bràthair, aig am bheil a chliu 's an t-soisgeul, feadh nan eaglaisean uile:

19 (Agus cha-n e so a mhàin, ach thaghadh e leis na h-eaglaisibh mar an ceudna mar chompanach turuis dhuinne, leis an tiòdlhlac so a fhrithealadh leinne chum glòire an Tighearna siu féin, agus *chum foillseachaidh* bhur n-intinn ullamh-se.)

20 A' seachnadh so, nach tugadh neach air bith mi-chliu dhuinne taobh a' phailteis so a fhrithealadh leinne:

21 Air dhuinn a bhi ag ulluchadh nithean ciatach, cha-n e mhàin 'am fianuis an Tighearn', ach mar an ceudna 'am fianuis dhaoine.

22 Agus chuir sinn maille riur ar bràthair, a dhearbhadh sinn gu minic dùrachdach 'am mòran nithean, ach a nis uis ro dhùrachdaiche, a thaobh an ro-carbsa 'tha aige asabhlse.

23 Ma dh'fhiosraichear ni sam bith mu Thitus, is e mo chompauach-sa e, agus mo chomh-oibriche do 'ur taobh-sa: na *mu thimchioll* nam bràithrean, is iad teachdair-ean nan eaglaisean, agus glòir Chrìosd.

24 Uime sin nochdaibh dhoibh-san, agus 'am fianuis nan eaglaisean, dearbhadh bhur gràidh-se, agus ar n-uailh-ne do 'ur taobh.

CAIB. IX.

1 Dh'innis Pòl an reuson air son, ged a b'athne dha mòr-thogradh nan Corintianach, an do chuir e Titus agus na bràithrean roimh-làimh d'an ionnsuidh g'am brosnuchadh gu dèire a thoirt gu pailt, do bhrìgh gur gnè shìol-chuir iad. 10 a bheir bàrr pailt dhoibh féin, 13 agus aobhar iobairt mòr-nholaidh do Dhia.

OIR a thaobh frithealaidh do na naoimh, is neo-fheumail dhomh-sa sgrìobhadh do 'ur n-ionnsuidh.

2 Oir is aithne dhomh togarrachd bhur n-intinn, as leth am bheil mi 'deanamh uail asabhlse ris na Macedonaich, ag ràdh, Gu robh Achaia ullamh o cheann bliadhna; agus bhrosnuich bhur n-eud-se ro-mhòran.

3 Gidheadh chuir mi na bràithrean do 'ur n-ionnsuidh, air eagal gu'm bitheadh ar n-uailh-ne asabhl dìomhain 's a' chùis so; chum, mar a thubhairt mi, gu'm bitheadh sibh ullamh:

4 Air eagal ma thig na Macedonaich maille riur, agus gu'm faigh iad sibhlse neo-

ullamh, gu'm bi nàire oirne, (gun a ràdh oirbhe,) a danadas na h-uailh so.

5 Uime sin bhreithnich mi gu'm b'fheumail ionpaidh a chur air na bràithribh, iad a dhol air tus do 'ur n-ionnsuidh-se, agus bhur tabhartas, air an do labhradh ribh roimh, a dheanamh mar, chum gu'm bitheadh sin ullamh, mar thiodhlac, agus cha-n ann mar ni a dh'aindeoin.

6 Ach so *tha mi ag ràdh*, An ti a chuireas gu gann, buainidh e gu gann mar an ceudna; agus an ti a chuireas gu pailt, buainidh e gu pailt mar an ceudna.

7 *Thugadh* gach duine seachad a réir rùin a chridhe; na b'ann 'an doilgeas, no le h-éigin: oir is toigh le Dia an neach a bheir seachad gu suilbhir.

8 Agus is comasach Dia air gach gràs a dheanamh ro phailt dhuibhse, chum air dhuibh anns gach uile ni làn leoir a bhi agaibh a ghnàth, gu'm bitheadh sibh pailt chum gach deadh oibre.

9 (A réir mar tha e sgrìobhta, Sgaoil e a *chuid*; thug e do na bochdaibh: mairidh 'fhìreantachd a chaidh.

10 A nis an ti a bheir sìol do'n fhear-chuir, agus aran chum bidh, gu'n tugadh e agus gu meudaichheadh e bhur eirichd-se, agus gu'n tugadh e do thoradh bhur fìreantachd fàs.)

11 Air dhuibh a bhi air bhur deanamh saobhir anns gach uile ni chum gach uile thabhartas, ni a dh'oibricheas leinne breith-buidheachais do Dhia.

12 Oir tha frithealadh na seirbhìs so, cha-n e mhàin a' leasachadh uireasbhuidh nan naomh, ach tha e mar an ceudna pailt tre mhòran breith-buidheachais do Dhia;

13 (Air dhoibh a bhi tre dhearbhadh an fhrithealaidh so a' toirt glòire do Dhia air son bhur n-umhlachd do shòisgeul Chrìosd a réir bhur n-aidmheil, agus air son bhur tabhartas fhialuidh dhoibh-san, agus do na h-uile dhaoineibh:

14 Agus tre an urnuigh air bhur son-se, aig an bheil mòr-dhèidh oirbh air son gràis Dhé a tha ro phailt annaibh.

15 Buidheachas do Dhia air son a thiodhlac do-labhairt.

CAIB. X.

1 An aghaidh nan abstol brèige, a bha 'deanamh tàir air annhuinnachd a phearsa agus air a làthaireachd chorporra, chuir Pòl 'an cèill an neart agus an t-ùghdarras spioradail sin leis an d'armaichheadh e an aghaidh cumhachdan a naimhdean uile; 7 thug e cùinte dhoibh, air dha teachd, gu'm faighheadh iad e co chumhachdach ann am focal agus a tha e nis ann an sgrìobhadh, 'n uair tha e as an làthair. &c.

A NIS tha mise féin Pòl a' guidhe oirbh, tre mhacartas agus shèimheachd Chrìosd, neach air dhomh a bhi làthair a tha fosal 'n 'ur measg, ach air dhomh a bhi uaibh a tha dàna oirbh:

2 Ach tha mi ag iarraidh oirbh a *dh'ath-chuinge*, gun *sibh a thoirt orm*, an uair a bhitheas mi làthair, a bhi dàna, leis a' mhuighin leis an soileair m' bhi dàna an aghaidh dream àraidh a tha 'toirt meas oirne, mar gu'm bitheamaid ag imcadh a réir na feòla.

3 Oir ged tha sinn ag imeachd anns an fhèid, cha-nann a réir na feòla tha sinn a' cogadh:

4 (Oir ar n-airm-chogaidh cha-n'eil iad fèidmhor, ach cumbhachdach o Dhia chum daingnichean a leagadh:)

5 A' tilgadh sìos reusonachaidh, agus gach ni àrd a dh'ardaicheas e féin an aghaidh eòlais Dhé, agus a' toirt 'am braigheadneas gach smuain chum ùmhilachd Chrìosd:

6 Agus dioghaltas ullamh againn r'a dheanamh air gach uile eas-ùmhilachd, 'n uair a choimhlionar bhur n-ùmhilachd-se.

7 An amhaire sibh air nithibh a réir an coslais? ma tha dòchas aig aon neach as féin, gur le Chrìosd e, smuainicheadh e so a ris uaith féin, mar is le Chrìosd esan, gur le Chrìosd sinne mar an ceudna.

8 Oir ged dheanaim càileigin nì's mò dh'uail as ar cumbhachd-ne, (a thug an Tighearn dhuinn chum fòghluim, agus cha-n ann chum bhur sgrios-se,) cha bhitheadh nàire orm:

9 Chum nach measar mi mar gu'm bithinn a' cur eagal oirbh le litricibh.

10 Oir tha a litrichean, (tha iadsan ag ràdh,) cudthromach agus làidir, ach *tha a làthaireachd* chorp'ora annlunn, agus a chainnt tàireil.

11 Smuainicheadh a leithid *sinn de dhuine* so, mar a tha sinne ann am focal tre litricibh, agus sinn as an làthair, mar sin gu'm *bi sinn* ann an gnìomh air dhuinn a bhi làthair.

12 Oir cha-n'eil a dhànadas againne sinn féin a chur 'an àireamh, no a choimeas ri dream àraidh a mholas iad féin: ach air dhoibh-san a bhi 'g an tomhas féin eatorra féin, agus 'g an coimeas féin ri uile, cha-n'eil iad glie.

13 Ach cha dean sinne uail á nithibh a tha thar ar tomhas, ach a réir tomhais na riaghailt a roinn Dia dhuinne, eadhon tomhas a ruigeas oirbhe.

14 Oir cha-n'eil sinne 'g ar sìneadh féin thar ar tomhas, mar nach ruigeamaid sibhse; oir thàinig sinn eadhon do 'ur n-ionnsuidhse, le soisgeul Chrìosd:

15 Gun sinn a bhi 'deanamh uail á nithibh a tha thar ar tomhas, eadhon á saothairibh dhaoine cile; ach tha dòchas againn, 'n uair a mheudaichear bhur creidimh-se, gu'm faigh sinn farsuinneachd gu pailt annaibh a réir ar riaghailt-ne,

16 Chum an soisgeul a shearmonachadh anns na *h-ionadaibh* an taobh thall duibhse, agus cha-n ann chum uail a dheanamh

ann an riaghailt duine cile, á nithibh a tha ullamh cheana.

17 Ach an ti a ni uail, deanadh e uail anns an Tighearn.

18 Oir cha-n e an ti a mholas e féin a tha ionmholta, ach an ti a mholar leis an Tighearn.

CAIB. XI.

1 *Tre ro-mheud càraim Phòil de na Corinthianach, thòisich e dh'aindeoin ri e féin a mholadh; 5 dh'innis e nach robh e a bheag goirid air na h-abstòil a bu mhò, 7 gu'n do shearmonaich e an soisgeul dhoibh gu saor, 13 agus noch e nach robh e a bheag a dheidh-làimh air an luchd-oibre chealgach sin, thaobh aon sochair a bhuineadh do'n lagh, &c.*

B'FHEARR leam gu'n giùlainicheadh sibh beagan le m'amaideachd; agus da rìreadh giùlainibh leam.

2 Oir tha mi cudmhor umaibh le h-eud diadhaidh; oir rinn mi ceangal-pòsaidh eadar sibh agus aon fhear, chum bhur cur mar òigh fhìor-ghloin an làthair Chrìosd.

3 Ach tha eagal orm, mar a mheall an nathair Eubha le a cuilbheartachd, mar sin air dòigh sam bith, gu'n truaillear bhur n-inntinnse o'n aon-fhìlteachd a tha ann an Chrìosd.

4 Oir nan deanadh an neach a thig, Iosa eilo a shearmonachadh nach do shearmonaich sinne, no *nam* faigheadh sibhse spiorad eile, nach d'fhuaib sibh, no soisgeul eile ris nach do ghabh sibh, dh'fheudadh sibh gu maith giùlan leis.

5 Oir is i mo bharail-sa nach robh mi a bheag goirid air na h-abstòlaibh a b'àirde.

6 Ach ged *tha* mi neo-fhòghluimte ann an cainnt, gidheadh cha-n'èil mi *mar sin* ann an eòlas; ach rinneadh sinn làn-fhollaiseach anns na h-uile nithibh 'n 'ur measg-se.

7 An d'rinn mi cionta le mi féin isleachadh chum gu'm bitheadh sibhse air bhur n-àrdachadh, no a chionn gu'n do shearmonaich mi soisgeul Dhé a nàsgaidh dhuibh?

8 Chreach mi eaglaisean oile, a' gabhail tuarasdai: *uatha*, chum seirbhìs a dheanamh dhuibhse.

9 Agus an uair a bha mi làthair maille ribhse agus uireasbhuidh orm, cha do leig mi mo throm air duine sam bith: oir leas-aich na bràithrean, a thàinig o Mhacedonia n'uireasbhuidh: Agus anns na h-uile nithibh choimhid mi mi féin o m' throm a leigeadh oirbhe, agus coimhididh.

10 Mar tha firinn Chrìosd annam, cha chumar an uail so uam ann an crìochaibh na h-Achaia.

11 C'ar son? An ann a chionn nach 'eil gràdh agam dhuibh? Tha fios aig Dia.

12 Ach an ni a tha mi 'deanamh, ri mi fathast e, chum gu'n toir mi air falbh cion-fàth nathasan le'm bu mhiann cion-fàth fhaotainn, chum anns an ni as am bheil iad

a' deanamh uail, gu'm faighear iad eadhon mar sinne.

13 Oir is ann d'an leithidibh sin a tha abstolan bréige, luchd-oibre cealgach, 'g an cur féin ann an cosamhlachd' abstola Chrìosd.

14 Agus cha-n iongantach sin: oir cuirear Satan féin 'an cruth aingil soille.

15 Uime sin cha ni mòr e ged chuirear ann an cruth mhinistirean na fireantachd a mhinistirean mar an ceudna; aig am bi an crìoch dheireannach a réir an oibre.

16 Tha mi ag ràdh a ris, Na measadh aon neach gur amadau mi: no fòs, gabhaibh rium mar amadan féin, chum gu'n dean mi beagan uail asam féin.

17 An ni a tha mi a' labhairt, cha-n ann a réir an Tighearna a tha mi 'g a labhairt, ach mar gu'm b'ann gu h-amaideach anns an dànadas uaille so.

18 Do bhrìgh gu bheil mòran a' deanamh uail a réir na feòla, ni mise uail mar an ceudna.

19 Oir giùlainidh sibh gu toileach le amadanaibh, do bhrìgh gu bheil sibh *féin* glie.

20 Oir fuilgidh sibh ma bheir neach ann an daorsa sibh, ma dh'itheas neach sibh, ma bheir neach bhur cuid dhibh, ma dh'ardaicheas neach e féin, ma bhuaileas neach air an aghaidh sibh.

21 Tha mi a' labhairt a thaobh eas-urraim, mar gu'm bitheamaid anmhunn: ach, ge b'e ni anns am bheil neach air bith dana, (tha mi a' labhairt gu h-amaideach) tha mise dana ann mar an ceudna.

22 An Eabhruidhich iad? *mar sin* tha mise mar an ceudna: An Israelich iad? *mar sin* tha mise mar an ceudna: An sliochd do Abraham iad? *mar sin* tha mise mar an ceudna:

23 An ministirean do Chrìosd iad? (tha mi a' labhairt mar dhuine mi-chéillidh) tha mise os an ceann 's an ni so: ann an saoth-airibh ni's pailte, ann am buillibh ni's ro mhò, ann am prìosanaibh ni's trice, ann am bàsaibh gu minic.

24 Fhuair mi o na h-Iudhaich cùig uairean dà fhichead buille ach a h-aon.

25 Ghabhadh le slataibh orm trì uairean, chlachadh mi aon uair, dh'fhuiling mi long-bhriseadh trì uairean; là agus oidheche bha mi 's an doimhne:

26 Ann an turusaibh gu minic, ann an gabhadh aimbnichean, ann an cunnartaibh fhear-reubainn, ann an cunnartaibh o m' chinneach *féin*, ann an cunnartaibh o na Cinnich, ann an cunnartaibh 's a' bhaile, ann an cunnartaibh 's an fhàsach, ann an cunnartaibh 's an fhaige, ann an cunnartaibh am measg bhràithrean breugach;

27 Ann an saothair agus sgìos, ann am fairibh gu minic, ann an ocras agus tart,

'an trasgaibh gu minic, 'am fuachd agus 'aa lomnochduidh.

28 A bhàrr air na nithibh a tha an leth muigh, an ni a tha 'teachd orm gu lathail, ro-chùram nan eaglaisean uile.

29 Cò a tha lag, agus nach 'eil mise lag? cò a tha 'faotainn oilbheim, agus nach 'eil mise a' losgadh?

30 Ma's éigin domh uail a dheanamh, is ann 'as na nithibh a bhuineas do m' an-mhuinneachd a ni mi uail.

31 Tha fios aig Dia, eadhon Athair ar Tighearna Iosa Crìosd, a tha beannaichte gu sìorruidh, nach 'eil mi 'deanamh bréige.

32 Ann an Damascus chuir uachdaran a' phobuill fo Aretas an rìgh, freiceadan air baile nan Damasceneach, 'an rùn mise a ghlacadh:

33 Ach tre uinneig leigeadh sìos ris a' bhalla mi ann an cliabh, agus chaidh mi as a làmhan.

CAIB. XII.

1 Chum abstolachd a mholadh, ged fheudadh Pòl uail a dheanamh as a thaisbeinibh iongantach, 9gidheadh is fearr leis uail a dheanamh as 'anmhuinneachd; 11 fhuair e cron doibh a chionn gu'n d'éignich iad e chum na h-uaille dìomhain so: 14 gheall e teachd a ris d'an ionnsuidh, 15 ach gu tur le aignibh ath-airèil.

GU deimhin cha-n'eil e iomchuidh dhomh-sa uail a dheanamh: ach thig mi chum seallaidhean agus taisbeanan an Tighearna.

2 B'aithne dhomh duine ann an Crìosd ceithir bliadhna deug roimhe so, (ma's anns a' choluinn, cha-n fhios domh; no as a' choluinn, cha-n fhios domh; aig Dia tha fios): a leithid sin de dhuine thogadh chum an treas nèamh.

3 Agus b'aithne dhomh a leithid sin de dhuine, (ma's anns a' choluinn, no as a' choluinn, cha-n fhios domh: aig Dia tha fios):

4 Gu'n do thogadh suas e gu pàrras, agus gu'n cual' e briathran do-labhairt, nach feud duine a labhairt.

5 Ma leithid sin de dhuine ni mi uail: ach asam féin cha dean mi uail, mur dean mi a m' anmhuinneachdaibh.

6 Oir ged a b'aill leam uail a dheanamh, cha bhi mi a'm amadan; oir labhraidh mi an fhirinn: gidheadh tha mi a' cumail orm féin, air eagal gu'm bi meas aig duine dhionthar nar tha e g am fhaicinn, no a' cluinn-tinn umam.

7 Agus air eagal gu'm bithinn air m'ardachadh thar tomhas, tre ro-mheud nan taisbean, thugadh dhomh sgolb's an fheoil, teachdair Shàtain chum gu'm buaileadh e mi, air eagal gu'm bithinn air m'ardachadh thar tomhas.

8 Air a shon so ghuidh mi an Tighearn trì uairean, gu'n imicheadh so nam.

9 Agus thubhairt e rium, Is leoir mo ghràs-sa dhuit: oir tha mo chumhachd air a dheanamh foirfe ann an amhuinneachd. Uime sin is ro thoiliche a ni mi uailh á m' amhuinneachdaibh, chum gu'n gabh cumhachd Chrìosd còmhnuidh orm.

10 Uime sin tha mi 'gabbail tlachd ann an amhuinneachdaibh, ann 'am maslaibh, ann an uircasbhuidhibh, ann an geur-lean-mhuinnibh, ann an teanntachdaibh air son Chrìosd: oir an uair a tha mi lag, an sin tha mi làidir.

11 Binneadh a'm amadan mi le uailh a dheanamh; dh'èignich sibhse mi: oir bu chòir dhomh 'bhi air mo mholadh leibhse: oir cha robh mi 'bheag sam bith fo na h-abstolaibh a's àirde, ged nach 'eil annam ach neo-ni.

12 Gu deimhin dh'oibricheadh comharan abstoil ann bhur measg-se anns gach uile fhoighidinn, ann an comharaibh agus 'an iongantasaibh, agus 'an cumhachdaibh.

13 Oir cìod an ni anns an robh sibh ni bu lugha na eaglaisean eile, mur e nach do leig mi féin mo throm oirbh? thugaibh maithneas dhomh 's an cucoir so.

14 Feuch, tha mi ullamh a nis an treas uair gu teachd do 'ur n-ionnsuidh; agus cha chuir mi mo throm oirbh; oir cha-n e bhur cuid a tha mi 'g iarraidh, ach sibh féin: oir cha-n'eil e mar fhiachaibh air a' chloinn ionmhas a chruinneachadh fa chomhair nam pàrantan, ach air na pàrant-aibh fa chomhair na cloinne.

15 Agus is ro thogarrach a ni mise caith-eadh agus a chaithear mi air son bhur n-anama-sa, ged mar is ro phailte a tha gràdh agam dhuibh, gur ann is lugha bhur gràdh-sa dhomh.

16 Ach bitheadh e mar sin, nach do chuir mi trom oirbh: gidheadh air dhomh 'bhi innleachdach, ghlac mi le seòltachd sibh.

17 An d'rinn mise tre aon neach dhiubhsan a chuir mi do 'ur n-ionnsuidh buannachd dhihbh?

18 Ghuidh mi air Titus *do do 'ur n-ionnsuidh*, agus chuir mi bràthair maille ris: an d'rinn Titus buannachd dhihbh? nach do ghluais sinn 's an aon spiorad? agus anns na h-aon cheumaibh?

19 A ris, an bheil sibh a' saòilsinn gu bheil sinne 'gabbail ar leithsgeil ribh? tha sinn a' labhairt 'am fianuis Dhé ann an Crìosd: ach tha an t-ìomlan, a chàirdean, chum bhur fòghluim-se.

20 Oir is eagal leam, air dhomh teachd, nach faigh mi sibh mar is miann leam, agus gu'm faighear mise dhuibhse mar nach bu mhiann leibh: air eagal gu'm bi connsachadh, farmad, fearg, comhstri, cùl-chàineadh, cogarsaich, àrdain, ceannaire 'n 'ur measg:

21 Air eagal an uair a thig mi a ris, gu'n islich mo Dhia mi 'n 'ur measg, agus gu'n

dean mi caoidh air son mòrain de'n dream a pheacaich cheana, agus nach do ghabh aithreachas de'n neòghloine, agus striopachas, agus mhacnus a rinn iad.

CAIB. XIII.

1 *Bhagair Pòl cumhachd 'abstolachd an aghaidh pheacach cruaidh-mhuinealach: 5 agus chomhairlich e dhoibh an creidimh a dhearbhadh, 7 agus am beatha a leasachadh mu'n tigeadh e; 11 chomh-dhàin e an tìr le earail choibhichinn agus le h-urnuigh.*

IS is o an treas uair a tha mi a' teachd do 'ur n-ionnsuidh: ann am beul dithis no triuir fhianuiscan bithidh gach focal seasmhach.

2 Dh'innis mi cheana, agus tha mi roimh-làimh ag innscadh dhuibh, mar gu'm bithinn a làthair an dara uair; agus a nis air dhomh 'bhi as bhur làthair, tha mi a' sgrìobhadh chum na dream a pheacaich roimh so, agus chum chàich uile, ma thig mi a ris, nach caomhain mi:

3 O tha sibh ag iarraidh dearbhaidh air Crìosd a' labhairt annam-sa, neach do 'ur taobh-se nach 'eil annhunn, ach a tha cumhachdach annaibh.

4 Oir ged a cheusadh e tre amhuinneachd, gidheadh tha e beò tre chumhachd Dhé: oir tha sinne mar an ceudna annhunn ann-san, gidheadh bithidh sinn beò maille ris tre chumhachd Dhé do 'ur taobh-se.

5 Ceasnaichibh sibh féin, am bheil sibh 's a' chreidimh: dearbhaibh sibh féin: nach aithne dhuibh sibh féin, gu bheil Iosa Crìosd annaibh, mur daoine a chuireadh air cùl sibh?

6 Ach tha dòchas agam gu'm bi fhios agaibh nìach daoine a chuireadh air cùl sinne.

7 A nis tha mi 'guidhe air Dia gun sibhse a dheanamh uile air bith; cha-n ann chum gu'm faicear sinne 'bhi dearbhata, ach chum gu'n deanadh sibhse an ni sin a tha maith, ged robh sinne mar dhaoine a chuireadh air cùl.

8 Oir cha-n urrainn sinn ni air bith a dheanamh an aghaidh na firinn, ach air son na firinn.

9 Oir tha sinn subhach an uair a tha sinn *féin* annhunn, agus sibhse làidir; agus tha sinn a' guidhe so mar an ceudna, sibhse 'bhi coimhlionta.

10 Is ann uime so a sgrìobh mi na nithean so do 'ur n-ionnsuidh air dhomh 'bhi as bhur làthair, chum air dhomh a bhi làthair nach bithinn garg, a réir a' chumhachd a thug an Tighearn dhomh chum fòghluim, agus cha-n ann chum sgrìos.

11 Fa dheòidh, a bhràithrean, slàn leibh: bithibh dìomhlalta, bithibh subhach, bithibh a dh'aon inntinn, bithibh sìochail; agus bithidh Dia a' ghlàidh agus na sìthe maille ribh.

12 Cuiribh fàilte air a chèile le pòig naoinh.

13 Tha na naoinh uile a' cur beannachd do 'ur n-ionnsuidh.

14 Gràs an Tighearna Iosa Crìosd, agus gràdh Dhé, agus comh-chomunn an Spioraid naoinh, *gu'n robh* maille ribh uile Amen.

LITIR AN ABSTOIL PHOIL

CHUM NAN

GALATIACH.

CAIB. I.

1 *Tha iongantais air Pòl gu'n do thrèig na Galatianach eusan agus an soisgeul co luath: 8 agus mhalluich e an dream sin a shearmonaicheas aon soisgeul eile ach na shearmonaich e fèin; 11 dh'fhòghluim e'n soisgeul cha b'ann o dhaoibh, ach o Dhia, 13 agus nochd e ciod a ghnè dhuine 'bha ann mu'n no ghairmeadh e.*

POL abstol, (cha-n ann o dhaoibh, no tre dhuine, ach tre Iosa Crìosd, agus tre Dhia an t-Athair, a thog suas e o na marbhaibh.)

2 Agus na bràithrean uile a tha maille rium, chum eaglaisean Ghalatia:

3 Gràs duibh, agus sìth o Dhia an t-Athair, agus o ar Tighearn Iosa Crìosd,

4 A thug e fèin airson arpeacaidhean, chum gu'n saoradh e sinn o'n droch shaoghal a tha làthair, a réir toile Dhé agus arn-Athar-ne:

5 Dhàsan *gu robh* glòir gu saoghal nan saoghal. Amen.

6 Is ionghnadh leam gu'n d'atharraicheadh sibh co luath uaithe-san a ghairm sibh tre ghràs Chrìosd, gu soisgeul eile:

7 Nì nach *soisgeul* eile; ach tha dream àraidh 'g 'ur buaireadh, le'n àill soisgeul Chrìosd a thilgeadh bun os ceann.

8 Ach nan deanamaid-ne, no aingeal o nèamh, soisgeul eile a shearmonachadh duibh, ach *an soisgeul a shearmonaich* sinne duibh, bitheadh e malluichte.

9 Amhuil mar a thubhairt sinn roimh, tha mise ag ràdh a nis a ris mar an ceudna, Ma shearmonaicheas neach sam bith soisgeul eile duibh, ach *an soisgeul a ghabh sibh*, bitheadh e malluichte.

10 Oir am bheil mi nis a' cur impidh air daoibh, no air Dia? no am bheil mi 'g iarraidh daoine a thoileachadh? oir nam bithinn fathast a' toileachadh dhaoine, cha bhithinn a'm' sheirbhiseach aig Crìosd.

11 Ach tha mi 'toirt fios duibh, a bhràithrean, an soisgeul a shearmonaich leam-sa, nach ann a réir duine a-tha e.

12 Oir cha b'ann o dhuine a fhuair mi e, nì mò a theagaisgeadh dhomh e, ach tre fhoillseachadh Iosa Crìosd.

13 Oir chuala sibh mo chaithe-beatha-sa 's an aimsir a chaidh seachad, ann an creidimh nan Iudhach, gu'n d'rim mi 'thar

tomhas geur-leannanhuinn air eaglais Dhe, agus gu'n d'fhàsaich mi i:

14 Agus gu'n d'fhàinig mi air m'aghaidh ann an creidimh nan Iudhach thar mòran de m' chomh-aoisibh am measg mo chinnich fèin, air dhomh 'bhi nì bu ro eudmhoire ma ghnàthannaibh mo shìnnircachd.

15 Ach an uair a b'i deadh thoil Dhé, a sgar o bhroinn mo mhàthar mi, agus a ghairm mi tre a ghràs,

16 A Mhac fèin fhoillseachadh annam, chum gu'n searmonaichinn e am measg nan Cinneach; air ball cha do chuir mi comhairle ri feòil agus fuil:

17 Nì mò 'chaidh mi suas gu Ierusalem, chum na muinntir sin a bha 'n an abstol-aibh romham; ach chaidh mi gu Arabia, agus a ris thàinig mi air m'aisgu Damascus.

18 An déigh sin 'an ceann thri bliadhna, chaidh mi suas gu Ierusalem, a dh'fhaicinn Pheadair, agus dh'fhan mi maille ris cùig làithean deug.

19 Ach neach air bith eile de na h-abstol-aibh cha-n fhaca mi, ach Seumas bràthair an Tighearna.

20 A nis *anns* na nithibh a tha mi a' sgrìobhadh duibh, feuch, an làthair Dhé, cha-n'èil mi 'deanamh bréige.

21 'N a dhéigh sin thàinig mi gu crìoch-aibh Shiria agus Chìlicia;

22 Agus cha robh còlasorm a thaobh m' fhaicinn aig eaglaisibh Iudea, a bha ann an Crìosd:

23 Ach a mhàin chual' iad, An ti anns an àm a chaidh seachad a bha 'g ar geur-leannanhuinn, gu bheil e nis a' searmonachadh a' chreidimh a bha e a' sgrìos roimhe so:

24 Agus thug iad glòir do Dhia air mo shon-sa.

CAIB. II.

1 *Chuir an t-abstol 'an cèill e'uin a chaidh e suas gu Ierusalem, agus e'ar son nach do thim-chioll-ghearradh Titus. 11 Chuir e'n aghaidh Pheadair, agus dh'innis e dha a reuson, 14 e'ar son a tha e fèin, agus muinntir eile, a tha 'n an Iudhaich, a' creidsinn gu'm bi iad air am fireanachadh tre chreidimh ann an Crìosd, agus cha-n ann tre oibribh. 20 Cha chaithe an dream a tha air am fireanachadh tre chreidimh am beatha ann am peacadh.*

AN sin 'an ceann cheithir bliadhna deug chaidh mi a' sìs suas gu Ierusalem,

maille ri Barnabas, a' toirt Thituis leam mar an ceudna.

2 Agus chaidh mi suas a réir foillseachaidh, agus chuir mi 'an éill dhoibh an soisgeul a tha mi a' searmonachadh am measg nan Cinneach, ach ann an uaignidheas dhoibh-san d'an robh meas, air eagal air chor sam bith gu'n ruithinn, no gu'n do ruith mi an diomhain.

3 Ach cha b'éigin do Thitus féin a bha a'm' chuideachd, a bhi air a thimchioll-ghearradh, ged bu Ghrengach e:

4 Agus sin air son bhràithrean bréige, a ghloid a steach 'n ar measg, a thàinig a steach 'an uaignidheas a dh'fhàicinn ar saorsa, a tha againn ann an Iosa Crìosd, chum ar toirt fo dhaorsa.

5 Do nach do ghéill sinn eadhon ré uaire; chum gu'm buanaicheadh firinn an t-soisgeil maille ribhse.

6 Ach o'n dream sin, a mheasadh gu'm bu ni éigin iad, (ge b'e air bith bh'annata roimh, cha-n'eil suim ann domh-sa: cha-n'eil meas aig Dia do phearsa duine,) oir iadsan a mheasadh *gu'm bu ni éigin iad*, cha do phàirtich iad le'n còmhraidh 'bheag sam bith rium-sa.

7 Ach air an làimheile, 'n uair a chunnaic iad gu'n d'earbadh soisgeul an neo-thimchioll-ghearraidh rium-sa, mar a *d'hearbadh soisgeul an timchioll-ghearraidh ri Peadar;*

8 (Oir an ti a dh'oibrich gu h-éifeachdach ann am Peadar chum abstolachd an timchioll-ghearraidh, dh'oibrich e gu cumhachdach annam-sa mar an ceudna chum nan Cinneach:

9 Agus an uair a thuig Seunas, agus Cephas, agus Eoin, a tha air am meas 'n am puist, au gràs a thugadh dhomh, thug iad dhomh-sa agus do Bharnabas deas làmh a' chomuinn; ionnus *gu'n rachamaid* chum nan Cinneach, agus iad féin chum an timchioll-ghearraidh.

10 A mhàin *b'àill leo* gu'm bitheamaid cuimhneachail air na bochdaibh; ni mar an ceudna a bha ro-thoil agam féin a dheanamh.

11 Ach an uair a thàinig Peadar gu Antioch, sheas mi 'n a aghaidh as an eudan, a chionn gu'n robh e r'a choireachadh.

12 Oir roimh do dhream àraidh teachd o Sheumas, dh'ith e biadh maille ris ua Cinuich: ach an uair a thàinig iadsan, chaidh e a thaobh agus thearbaidh se e féin, air eagal na muinntir a bha de'n timchioll-ghearraidh.

13 Agus rinn na h-Iudhaich eile gnùis-mhealladh maille ris mar an ceudna; ionnus gu'n d'thugadh Barnabas mar an ceudna a thaobh le'n cluain.

14 Ach an uair a chunnaic mise nach do ghluais iad gu trèibhdhreach, a réir firinn an t-soisgeil, thubhairt mi ri Peadar 'n am fianuis uile, Ma tha thusa, a tha a'd' Iudhach, a' caitheadh do bheatha a réir nan

Cinneach, agus cha-n ann a réir nan Iudhach, c'ar son a ta thu 'g éigneachadh nan Cinneach ann beatha 'chaitheadh mar na h-Iudhaich?

15 Air dhuinne a *tha 'n ar* n-Iudhaich a thaobh nàidur, agus cha-n ann 'n ar peacaidh de na Cinuich,

16 Fios a bhi againn nach 'eil duine air fhìreanachadh o oibrìbh an lagha, ach tre chreidimh Iosa Crìosd, chreid sinne féin ann an Iosa Crìosd; chum gu'm bitheamaid air ar fireanachadh o chreidimh Chriosd, agus cha-n ann o oibrìbh an lagha: oir o oibrìbh an lagha cha bhi feòil sam bith air a fireanachadh.

17 Ach air dhuinne 'bhi 'g iarraidh a bhi air ar fireanachadh tre Chriosd, ma gheibhear 'n ar peacaidh sinn féin, *an bheil*, uime sin, Crìosd 'n a mhuisteir peacaidh? Nar leigeadh Dia.

18 Oir ma thogas mi a ris suas na nithean a leag mi, tha mi 'deanamh ciontaich dhìom féin.

19 Oir tha mise tre'n lagh marbh do'n lagh, chum gu'm bithiuu beò do Dhia.

20 Tha mi air mo cheusadh maille ri Crìosd: gidheadh tha mi beò; ach cha mhise, ach Crìosd a tha beò annam: agus a' bheatha a tha mi uis a' caitheadh s an fheòil, tha mi 'g a caitheadh tre chreidimh Mhìe Dhé, a ghràdhaich mi, agus a thug e féin air mo shon.

21 Cha-n'eil mi a' cur gràis Dhé 'an neo-bhrìgh: oir ma tha fireantachd tre'n lagh, is ann gun aobhar a fhuair Crìosd bàs.

CÀIB. III.

1 *Dh'fheadraich ant-abstol cìod a dh'aom na Galatianaich gus an creidimh a thrèigsinn, agus dòigh a chur 's an lagh.* 6 *Tha 'n dream a tha 'creidsinn air am fireanachadh, 9 agus air an beannachadh maille ri Abraham: 10 dhearbhaidh Pòl so le iomadh reuson.*

O A Ghalatianacha amaideach, cò a chuir druidheadh oirbh, ionnus nach bitheadh sibh ùmhal do'n fhìrinn, d'au robh Crìosd air a nochdadh gu soilleir fa chomhair bhur sùl, air a cheusadh 'n 'ur measg?

2 So a mhàin b'àill leam fhòghlum uaibh, An ann o oibrìbh an lagha a fhuair sibh an Spiorad, no o éisdeachd a' chreidimh?

3 Am bheil sibh co amaideach *as sin?* air dhuibh tòiseachadh 's an Spiorad, am bheil sibh a nis air bhur deanamh foirfe leis an fheòil?

4 An d'fhuiling sibh na h-uiread sin de nithibh gu diomhain? ma's ann da rìreadh gu diomhain.

5 An ti uime sin a tha 'frithealadh dhuibh an Spioraid, agus ag oibreachadh mhìorbhuilean 'n 'ur measg, an ann tre oibrìbh an lagha, no tre éisdeachd a' chreidimh a *ni e so?*

6 Amhuil mar a chreid Abraham Dia, agus a mheasadh sin dha mar fhìreantachd.

GALATIANACH, IV.

7 Uime sin bitheadh fhios agaibh, an dream a *tha* de'n chreidimh, gur iad sin clann Abraham.

8 Oir air fhaicinn roimh do'n sgrìobtuir gu'm fireanaicheadh Dia na Cinnich tre chreidimh, shearmonaich e an soisgeul roimh-làimh do Abraham, *ag ràdh*, Beann-aichear na h-uile Chinnich annad-sa.

9 Uime sin tha an dream a *tha* de'n chreidimh, air an beannachadh maille ri Abraham, fìor-chreidmheach.

10 Oir a mhead 's a *tha* de oibribh an lagha, tha iad fo'n mhallachadh: oir *tha e* sgrìobhta, *Is* mallnichte gach neach nach buanaich anns na h-uile nithibh a *tha* sgrìobhta ann an leabhar an lagha chum an deanamh.

11 Ach *is* ni follaiseach, nach fireanaichear neach sam bith tre'n lagh 'am fianuis Dhé: oir, Bithidh am firean beò tre chreidimh.

12 Agus cha-n'eil an lagh o chreidimh: ach, An duine a ni iad gheibh e beatha anna.

13 Shaor Crìosd sinne o mhallachadh an lagha, air dha 'bhi air a dheanamh 'n a mhallachadh air ar son: oir *tha e* sgrìobhta, *Is* mallnichte gach aon a chrochar air crann:

14 Chum gu'n tigeadh beannachadh Abraham air na Cinnich tre Iosa Crìosd; ionnus gu faigheamaid gealladh an Spioraid tre chreidimh.

15 A bhràithrean, tha mi a' labhairt mar dhnine; ged nach bi ann ach coimhcheangal dñine, ma *tha e* air a dhaingneachadh, cha chuir neach air bith air cùl *e*, agus cha chuirear ni sam bith ris.

16 A nis is ann do Abraham a thugadh na geallaidhean agns d'a shìol. Cha-n abair e, Agus do shìolaibh, mar gu'm bitheadh *e* labhairt mu mhòran; ach mar mu aon, Agus do d' shìol-sa, neach a's e Crìosd.

17 Agus tha mi ag ràdh so, nach fliendar gu'n cuir an lagha, a thngadh 'an ceann cheithir cheud agus dheich bliadhna fìchead 'n a dhéigh, an coimhcheangal 'an neobhrigh, a dhaingnicheadh roimh le Dia ann an Crìosd, ionnus gu'n cuireadh e an gealladh air cùl.

18 Oir ma's ann o'n lagh a *tha* an oighreachd, cha-n'eil i ni's mò o'n ghealladh: ach thng Dia gu saor i do Abraham tre ghealladh.

19 C'ar son uime sin a thugadh an lagh? thngadh e air son eusaontais, gus an tigeadh an sìol, d'an d'rinneadh an gealladh; air 'orduchadh le ainglibh 'an làimh eadar-mheadhonair.

20 A nis an t-eadar-mheadhonair, cha-n ann air son aoin a *tha e'n* a eadar-mheadhonair; ach is aon Dia.

21 Uime sin am bheil an lagh an aghaidh gheallaidhean Dhé? Nar leigeadh Dia: oir nam bitheadh lagh air a thabhairt a bhitheadh comasach air beatha 'thoirt uath, gu deimhin is ann o'n lagh a bhitheadh fireantachd.

eadh comasach air beatha 'thoirt uath, gu deimhin is ann o'n lagh a bhitheadh fireantachd.

22 Ach dh'fhàg an sgrìobtuir na h-uile dhaoine dùinte 's a' pheacadh, chum gu'm bitheadh an gealladh tre chreidimh Iosa Crìosd air a thoirt dhoibh-san a *tha* 'creid-sinn.

23 Ach mu'n d'fhàinig an creidimh, choimh-ideadh sinn fo 'n lagh, air ar druideadh a steach chum a' chreidimh, a bha gu bhi air 'fhoillseachadh.

24 Uime sin b'e-an lagh, ar n-oide-fògh-luim *g'ar treòrachadh* gu Crìosd, chum gu'm bitheamaid air ar fireanachadh tre chreidimh.

25 Ach air teachd do'n chreidimh, cha-n'eil sinn ni's mò fo oide-fòghluim.

26 Oir is sibhse uile mic Dhé tre chreidimh ann an Iosa Crìosd.

27 Oir a mhead agaibh 's a' bhaisteadh do Chrìosd, chuir sibh umaibh Crìosd.

28 Cha-n'eil Indhach no Greugach, cha-n'eil saor no daor, cha-n'eil fìrionn no boirionn ann: oir is aon sibh uile ann an Iosa Crìosd.

29 Agus ma's le Crìosd sibh, is sibh sìol Abraham gun amharus, agus is oighreach-an sibh a réir a' gheallaidh.

CAIB. IV.

1 Bha sinn fo 'n lagh. gus an d'fhàinig Crìosd, mar a *tha* an t-oighre fo 'oide-fòghluim gus an tig e gu h-aois. 5 Ach shaor Crìosd sinn o'n lagh: 7 uime sin cha-n'eil sinn 'n ar seirbhiseach ni's faide dha. 14 Chuir Pòl 'an cuimhne dhoibh an deadh-ghean d'asan, agus a dheadh-rùn fèin doibh-san; 22 agus noch e gur sinne clann Abraham thaobh na mnà saoire.

A NIS tha mi ag ràdh, am feadh a bhitheas an t-oighre 'n a leannbh, nach 'eil eadar-dhealachadh sam bith eadar e agns seirbhiseach, ged is e Tighearn nan uile;

2 Ach *tha e* fo luchd-coimhid, agus fo luchd-riaghlaidh gu teachd na h-aimsir a dh'orduich an t-athair.

3 Agns mar an ceudna sinne, 'n uair a bha sinn 'n ar leanabaibh, bha sinn 'n daorsa fo chend fhòghlum an t-saoghail:

4 Ach an uair a thàinig coimhlionadh na h-aimsir, chuir Dia a Mhac féin naith, a ghineadh o mhnai, a rinneadh fo 'n lagh,

5 Chum gu'n saoradh e iadsan a bha fo 'n lagh, ionnus gu faigheamaid-ne uchd-mhacachd na cloinne.

6 Agns do bhrìgh gur mic sibh, chuir Dia Spiorad a Mhic féin ann blur eridheach-aibh, ag éigheach, Abba, Athair.

7 Uime sin cha seirbhiseach thu ni's mò, ach mac; agus ma's mac, is oighre mar an ceudna air Dia tre Chrìosd.

8 Gidheadh, an nair nach b'aithne dhuibh Dia, rinn sibh seirbhiseach dhoibh-san nach 'eil 'n an diathan thaobh nàdur.

9 Ach a nis air dhuibh Dia aithneachadh,

no mar is fearr a dh'fhèudar a ràdh, a bhi air bhur n-aithneachadh le Dia, cionnus tha sibh ag ath-philleadh chum nan ceud-thois-each anmhuinn agus bochda, d'am miann leibh a bhi a ris fo dhaorsa?

10 Tha sibh a' coimhead làithean, agus mhìosan, agus aimsirean, agus bhliadhnan. 11 Tha eagal orm do 'ur taobh gu'n do chaith mi gu dìomhain mo shaothair oirbh.

12 Guidheam oirbh, a bhràithre, bitlibh mar tha mise; oir *tha* mise mar sibhse: cha d'rinn sibh cucoir sam bith orm.

13 Tha fhìos agaibh gu'm *b'ann* tre an-mhuinneachd na feòla, a shearmonaich mi dhuibh an soisgeul air tùs.

14 Agus air mo bhuaircadh a bha ann am fhèoil, cha d'rinn sibh tarceis, agus cha do ghabh sibh gràin diom; ach glabh sibh rium mar aingeal Dhé, mar Iosa Crìosd.

15 Ciod e ma seadh an sonas sin a bha agaibh? oir tha mi 'deanamh fianuis duibh, nam bu chomasach e, gu'n spìonadh sibh a mach bhur sùilean fèin, agus gu'n tugadh sibh dhomh-sa iad.

16 Uime sin an d'rinnceadh nàmkaid duibh dhuim, air son mi dh'inneadh na firinn duibh?

17 Tha iadsan eudmhor umaibh, *ach* cha-n ann gu maith; ach b'àill leo sinne dhruid-eadh a mach, chum gu'm bitheadh sibhse eudmhor umpa fèin.

18 Ach *is* maith a bhi eudmhor ann an *nì* maith a ghnàth, agus cha-n e mhàin an uair tha mise a làthair maille ribh.

19 Mo chlann bheag, air am bheil mi a ris ri saothair, gus an dealbhar Crìosd annaibh.

20 B'àill leam a bhi nis a làthair maille ribh, agus mo ghuth a chaochladh, oir tha mi fo anharus umaibh.

21 Imsibh dhomh, sibhse le'm miann a bhi fo 'n lagh, nach chuinn sibh an lagh?

22 Oir tha e sgrìobhta, gu'n robh aig Abraham dithis mhac; aon ri banoglaich, agus an *mac* eile ri mnaoi shaoir.

23 Agus esan a *bh'aige* ris a' bhanoglaich, ghineadh a réir na feòla e; ach esan a *bh'aige* ris a' mhuaoi shaoir, tre ghealladh.

24 Na nithean so is samhladh iad; oir is iad so an dà choimhcheangal; aon diubh o bheinn Shinaì, a tha a' breith chum daorsa, a's i Agar.

25 Oir is i Agar beinn Shinaì ann an Arabia, agus tha i a' comh-fhreagradh do Ierusalem a tha nis ann, agus tha i fo dhaorsa maille r'a cloinn.

26 Ach tha an Ierusalem a tha shuas saor, agus is màthair dhuinn uile i.

27 Oir tha e sgrìobhta, Dean gairdeachas, a bhean neo-thorrach nach 'eil a' breith *doinne*; bris a mach agus glaoth, thusa nach 'eil ri saothair; oir is lionnhoirc clann na mnà aonaranaich, na na mnà aig am bheil fear

28 A nis, a bhràithre, is sinne, mar a bha Isaac, clann a' gheallaidh.

29 Ach mar a rinn esan a rugadh a réir na feòla, 's an àm sin geur-leannhuinn a' *rugadh* a réir an Spioraid, is amhuil sin a tha nis mar an ceudna.

30 Ach ciod tha an sgrìobhtair ag ràdh? Tilg a mach a' bhanoglaich agus a mac: oir cha bhi mac na banoglaich 'n a oighre maille ri mac na mnà saoire.

31 Uime sin, a bhràithre, cha sinne clann na banoglaich, ach na mnà saoire.

CAIB. V.

1 *Bhosnuich an t-abstol na Galatianaich gu seasamh 'n an saorsa, 3 agus gun an timchioll-ghearradh a ghnàthachadh: 13 ach roghuinn a dheanamh de ghràdh, nì a's e coimhlionadh an lagha: 19 chuir e sìos oibre na feòla, 22 agus dh'aimeich e toradh an Spioraid: 25 agus dh'earalaiche chum gluasad 's an Spiorad.*

UIME sin seasaibh gu daingean anns an t-saorsa leis an d'rinn Crìosd saor sinn, agus na bitlibh a ris air bhur cuibhreacadh le cuing na daorsa.

2 Feuch, tha mise Pòl ag ràdh ribh, ma thimchioll-ghearrar sibh, nach bi tairbhe air bith dhuibh ann an Crìosd.

3 Oir tha mi a ris a' deanamh fianuis do gach uile dhuine a thimchioll-ghearrar, gu bheil e mar fhiachaibh air an lagh gu h-ìomlan a choimhlionadh.

4 Cha-n'eil tairbhe sam bith ann an Crìosd dhuibhse a tha air bhur fireanachadh tre'n lagh; thuit sibh o ghràs.

5 Oir tha sinne tre'n Spiorad a' feicheadh ri dòchas fireantachd o chreidinnh.

6 Oir ann an Iosa Crìosd, cha-n'eil èifeachd sam bith ann an timchioll-ghearradh, no ann an neo-thimchioll-ghearradh, ach ann an creidinnh a dh'oibricheas tre ghràdh.

7 Is maith a ruith sibh; cò a bhac sibh o 'bhi ùmhal do'n fhìrinn?

8 Cha *d'fhàinig* an impidh so o'n ti a ghairm sibh.

9 Goirtichidh beagan de thaois ghoirt am meall uile.

10 Tha muinghin agam asaibh 's an Tigh-earn, nach bi sibh dh'aon dòigh air atharrachadh intinn: ach an ti a tha 'cur dragha oirbh, giùlainidh e a bhreitheanas, cò air bith e.

11 Agus mise, a bhràithre, ma shearmonaicheas mi fathast an timchioll-ghearradh, c'ar son a nithear fathast geur-leannhuinn orm? an sin bhitheadh oibheum a' chroinn-chusaidd air a chur air cùl.

12 B'fhearr leam gu'm bitheadh iadsan a tha 'cur nì-shuaimhnis oirbh eadhon air an gearradh uaibh.

13 Oir, a bhràithre, ghairmeadh chum saorsa sibh; a mhàin na *deanaibh* an t-saorsa 'n a cionfàth do'n fhèoil, ach le gràdh deanaibh seirbhis d'a chèile.

14 Oir tha an lagh uile air a choimh-

lionadh ann an aon fhocal, *eadhon* an so, Gràdhaidhidh tu do choimhearsnach mar thu féin.

15 Ach ma bhitheas sibh a' teumadh agus ag ithcadh a chéile, thugaibh aire nach claidhear le a chéile sibh.

16 Tha mi ag ràdh ma scadh, Gluaisibh 's an Spiorad, agus cha choimhlion sibh anamian ann na feòla.

17 Oir tha an fheòil a' miannachadh an aghaidh an Spioraid, agus an Spiorad an aghaidh na feòla: agus tha iad sin an aghaidh a chéile; ionnus nach faigh sibh na nithean a bu mhiann leibh a dheanamh.

18 Ach ma threòraichear leis an Spiorad sibh, cha-n'eil sibh fè'n lagh.

19 A nis tha oibre na feòla follaiscach, a's iad *so*, Adhaltrannas, striopachas, neòghloine, macnus,

20 Iodhol-aoradh, druidheachd, naimhdeas, connsachadh, co-fharpuis, fearg, combhstri, aimhreite, saobh-chrèidimh,

21 Farmad, mortadh, misg, ruidhteireachd, agus an leithid sin: mu bheil mi ag innseadh dhuibh roimh-làimh, mar a dh'innis mi dhuibh cheana mar an ceudna, nach scalbh-aich iadsan a ni an leithid sin rìoghachd Dhé.

22 Ach is e toradh an Spioraid gràdh, aoibhneas, sìth, fad-fhulangas, caomhalachd, maithreas, creidimh,

23 Macantas, stuaim: an aghaidh an samhail sin cha-n'eil lagh.

24 Agus iadsan a's le Crìosd, cheus iad an fheòil, maille r'a h-an-tograibh agus a h-anamianibh.

25 Ma's beò dhuinn 's an Spiorad, gluais-eamaid 's an Spiorad mar an ceudna.

26 Na bitheamaid déidheil air glòir dhìomhaoin, a' brosnachadh a chéile, a' gabhail farmaid r'a chéile.

CAIB. VI.

1 *Dh'iarr Pòl air na Galatianach buntainn gu sèimh ri bràthair a thuistich, 2 agus uallach a chéile a ghàidàn, 6 a bhi tabhartach d'an luchd-teagaisg, 9 agus gun sgitheachadh de mhaith a dheanamh: 12 nochd e ciod a tha iadsan a tha 'searmonachadh an timchioll-ghearraidh ag iarraidh: 14 cha dean e féin uall a' nì sam bith ach a' crann-ceusaidh Chrìosd.*

A BHIRATHRE, ma ghlaicar neach ann an coire air bith gu h-obann, sibhse a tha spioradail, togaibh suas a shamhuil sin de dhuine ann an spiorad na macantachd; a' toirt aire dhuit féin, nach buaircar thu mar an ceudna.

2 Giùlainibh uallaichean a chéile, agus mar sin coimhlionaibh lagh Chrìosd.

3 Oir ma shaoilcas duine gur nì éigin e féin, gun a bhi ann ach neo-nì, tha e 'g a mhealladh féin.

4 Ach dcarbhadh gach neach 'obair féin, agus an sin bithidh aobhar gairdeachais aige d'a thaobh féin a mhàin, agus cha-n ann a thaobh neach eile.

5 Oir giùlainidh gach neach 'uallach féin.

6 Comh-roinneadh an neach a tha air a theagasg 's an fhocal, ris an neach a tha 'g a theagasg, anns na h-uile nithibh maith.

7 Na mcallar sibh; cha deanar fanoid air Dia: oir ge b'e nì a shìol-chuireas duine an nì ceudna buainidh e.

8 Oir an ti a chuireas d'a fheòil féin, buainidh e o'n fheòil truailidheachd; ach an ti a chuireas do'n Spiorad, buainidh e o'n Spiorad a' bheatha shuthainn.

9 Agus na fasamaid sgèith de mhaith a dheanamh: oir ann an àm iomchuidh buainidh sinn, mur fannaich sinn.

10 Uime sin a réir mar tha cothrom againn, deanamaid maith do na h-uile dhaoineibh, ach gu h-àraidh dhoibh-san a tha de theaghlach a' chreidimh.

11 Tha sibh a' faicinn meud na litreach a sgrìobh mi dhuibh le mo làimh féin.

12 A mheud 's le'm miann iad féin a thaisbeanadh gu sgiamhach 's an fheòil, tha iad 'g'ur n-éigneachadh gu bhi air bhur timchioll-ghearradh; a mhàin chum nach deantadh geur-leamhlùinn orra air son crann-ceusaidh Chrìosd.

13 Oir cha-n'eil iadsan féin a tha air an timchioll-ghearradh a' coimhead an lagha: ach is àill leo sibhse 'bhi air bhur timchioll-ghearradh, chum as gu'n dean iad uall ann bhur feòil.

14 Ach nar leigeadh Dia gu'n deanainn-sa uall ach ann an crann-ceusaidh ar Tigh-earna Iosa Crìosd, tre'm bheil an saoghal air a cheusadh dhomh-sa, agus mise do'n t-saoghal.

15 Oir ann an Iosa Crìosd cha-n'eil éifeachd air bith ann an timchioll-ghearradh, no ann an neo-timchioll-ghearradh, ach ann an cruthachadh nuadh.

16 Agus a mheud 's a shiubhlas a réir na riaghailt so, sìth orra, agus tròcair, agus air Israel Dhé.

17 O so a mach na cuireadh neach sam bith dragh orn; oir tha mi 'giùlan chomh-aran an Tighearna Iosa ann am chorp.

18 A bhràithre, *gu' robh* gràs ar Tigh-earna Iosa Crìosd maille ri bhur spiorad Amen.

EPHESIANACH.

CAIB. I.

1 *An déigh fáille, 3 agus breith-buidheachais air son nan Ephesianach, 4 labhair Pól nu thaghadh, 6 agus ucht-mhacachd a thaobh gráis, 11 ní a's e am fíor thobar o'm bheil sláinte a' chinne-daoinne a' sruthadh, &c.*

PÓL, abstol Iosa Críost tré thóil Dhé, chum nan naomh a tha ann an Ephesus, agus nan creidmheach ann an Iosa Críost :
2 Grás dhuibh, agus síth o Dhia ar n-Athair, agus o'n Tighearn Iosa Críost.

3 Beannaichte *gu robh* Dia, eadhon Athair ar Tighearna Iosa Críost, a bheannaich sinne leis gach uile bheannachadh spioradail ann an *ionadaibh* nèamhaidh ann an Críost :

4 A réir mar a thagh e sinne ann-san, mu'n do leagadh bunait an domhain, chum gu'm bitheamaid naomha, agus neo-choireach 'n a lathair-san ann an grádh :

5 A roimh-orduichsinne chum ucht-mhacachd na cloinne tre Iosa Críost dha féin, a réir deadh-ghean a thoile.

6 Chum cliu glóire a ghráis, tre an d'rinn e sinne taitneach ann a *Mhac* grádhach :

7 Anns am bheil againne saorsa tre 'fhuilsan, maithanas nam peacadh, a réir saoihbheis a ghráis ;

8 Anns an robh e ro phailt dhuinne 's an uile ghliocas, agus thuigse :

9 A dh'fhoillsich dhuinn rùn-diomhair a thoile, a réir a dheadh-ghean féin, a rùnaich e ann féin :

10 Chum ann am frithealadh coimhlionaidh nan aimsir, gu'n cruinnicheadh e ann an aon na h-uile nithean ann an Críost, araon na nithean, a tha air nèamh, agus na *nith-ean* a tha air thalamh, eadhon ann-san :

11 Anns an d'fhuair sinne mar an ceudna oighreachd, air dhuinn a bhi air ar roimh-orduchadh a réir rùn an tì a tha 'g oibreachadh nan uile nithean a réir comhairle a thoile féin ;

12 Ionns gu'm bitheamaid-ne, a chuir air tús dòchas ann an Críost, chum cliu a glóire-san.

13 Anns an do chuir sibhse mar an ceudna *dòchas*, air dhuibh focal na firinn a chluinntinn, eadhon soisgeul bhuir sláinte : neach an déigh dhuibh creidsinn ann, chuir-cadh seula oirbh le Spiorad naomh sin a' gheallaidh,

14 Neach a's e geall-daingnich ar n-oighreachd-ne, gu teachd saorsa na scilbhe a cheannaicheadh, chum cliu a glóire.

15 Uime sin air chluinntinn domh-sa mar an ceudna bhuir creidimh-se anns an Tighearn Iosa, agus bhuir grádh do na naomh uile,

16 Cha-n'éil mi a' sgur de bhi 'toirt buidheachais air bhuir son, a' luaidh oirbh ann am urnuighibh ;

17 Gu'n tugadh Dia ar Tighearna Iosa Críost, Athair na glóire, spiorad gliocais agus foillseachaidh dhuibh, ann an eòlas airsan ;

18 Sìleann 'ur n-inntinn a bhi air an soillseachadh, chum fios a bhi agaibh ciod e dòchas a ghairme-san, agus ciod e saoihbheas glóire oighreachd-san anns na naomh, 19 Agus ciod e ro-mheud a chumhachd do ar taobh-ne a tha 'creidsinn, a réir oibreachaidh a thréun neirt ;

20 A dh'oibrich e ann an Críost, 'n uair a thog e o na marbha e, agus a chuir e 'n a shuidhe air a dheas-làimh féin e anns na *h-ionadaibh* nèamhaidh,

21 Gu ro árd os ceann gach uile uachdar-anachd, agus cumhachd, agus neirt, agus tighearnais, agus gach ainme a dh'ainmichear, cha-n e m'haoin 's an t-saoghal so, ach 's an t-saoghal ri teachd mar an ceudna :

22 Agus chuir e na h-uile nithean fo a ehosaibh, agus thug se e gu bhi 'n a cheann os ceann nan uile nithean do'n eaglais,

23 A tha 'n a corp aige, lànachd an tì a tha 'lìonadh nan uile nithean anns na h-uile.

CAIB. II.

1 *Le bhi 'coimheas r'a chéile ar cor a thaobh nàduir, 5 agus ciod e ar cor a thaobh gráis, 10 chuir Pól 'an cèll gu'n do chruthaicheadh sinn air son dheuch oibre; agus air dhuinn a bhi air ar toirt am fagus tre Chríost, 11 nach còir dhuinn ar beatha a chaitheadh mar Chinnich, 12 agus mar choigrich, amhail anns an àm a chaidh seachad, 19 ach mar luchd aoin bhaile ris na naomh, agus mar theaghlach Dhé.*

AGUS sibhse bheothaich e, a bha marbh peacaidhibh ;

2 Anns an do ghluais sibh 's na h-amaibh a chaidh seachad, a réir gnàtha an t-saoghail so, a réir uachdarain cumhachd an athair, an spioraid a tha nis ag oibreachadh ann an cloinn na h-eas-umhlachd :

3 Am measg an robh againn uile mar an ceudna ar caithe-beatha roimh so, ann an ana-miannaibh ar feòla, a' deanamh toil na feòla, agus nan smuain ; agus bha sinn a

thaobh nàduir 'n ar cloinn feirge, eadhon mar chàch.

4 Ach Dia, a tha saoi bhir ann an trècar, air son a mhòr-ghràidh leis an do ghràdh-aich e sinn,

5 Eadhon air dhuinn a bhi marbh ann am peacaidhibh, chomh-bheothaich e sinn maille ri Crìosd ; (le gràs tha sibh air bhur tearnadh ;)

6 Agus chomh-thog, agus chomh-shuidhich e sinn ann an *ionadaibh* nèamhaidh ann an Iosa Crìosd :

7 Chum gu'm foillsicheadh e anns na linnibh ri teachd saoi bheas ro phailt a ghràis, ann an caoimheas d'ar taobh-ne tre Iosa Crìosd.

8 Oir is ann le gràs a tha sibh air bhur tearnadh, tre chreidimh ; agus *sin* cha-n ann uaidh fèin : *is e* tìodhlac Dhé e :

9 Cha-n ann o oibribh, chum nach deanadh neach air bith uaidh :

10 Oir is sinne 'obair-san, air ar cruthachadh ann an Iosa Crìosd chum dhcadh oibre, air son an d'ulluich Dia roimh-làimh *sin*, chum gu'n gluaisamaid anna.

11 Uime sin cuimhnichibh, air dhuibh a bhi 's an aimsir a chaidh thairis 'n ur Cinnich 's an fheadhail, ris an abrar an neo-thimchioll-ghcarradh leo-san d'an goirear an timchioll-ghcarradh làmh-dheanta 's an fheadhail ;

12 Gu'n robh sibh 's an àm sin as eugmhais Chrìosd, 'n 'ur coimhich do chomh-fhlaitheachd Israeil, agus 'n 'ur coigrich do choimhecheanglaibh a' gheallaidh, as eugmhais dòchais, agus gun Dia anns an t-saoghal :

13 Ach a nis ann an Iosa Crìosd, tha sibhse a bha roimh so fad o làimh, air bhur toirt an fagus tre fhuil Chrìosd.

14 Oir is esan ar sìth-ne, a rinn aon *dhinn* araon, agus a bhris sìos balla meadhonach an eadar-dhealachaidh ;

15 Air dha an naimhdeas a chur air cùl tre 'fheadhail fèin, *eadhon* lagh nan àitheantan, a *chuireadh sìos* ann an orduighibh, chum gu'n deanadh e ann fèin de dhithis aon duine nuadh, *mar sin* a' deanamh sìthe :

16 Agus gu'n deanadh e réidh faraon iad ri Dia ann an aon chorp tre a' chrann-cheusaidh, air dha an naimhdeas a mharbhadh le sin :

17 Agus thàinig e agus shearmonaich e sìth dhuiphse a bha 'am fad, agus dhoibh-san a bha 'am fagus.

18 Oir trid-san tha araon slighe againn gu dol a steach tre aon Spiorad chum an Athar.

19 A nis uime sin cha-n'èil sibh ni's mò 'n 'ur coigrich agus 'n 'ur coimhich, ach 'n 'ur luchd aoin bhaile ris na naoimh, agus 'n 'ur muinntir-teaghlach Dhé ;

20 Agus tha sibh air bhur togail suas air bunait nan abstol agus nam fàidhean air

bhi do Iosa Crìosd fèin 'n a *chloich*-chinn na h-oisinn ;

21 Anns am bheil an aitreabh uile, ceangailte gu ceart r'a chéile, a' fas suas chum a bhi 'n a teampull naomh 's an Tighearn :

22 Anns am bheil sibhse mar an ceudna air bhur comh-thogail suas chum a bhi 'n 'ur tigh-còmhnuidh do Dhia tre an Spiorad.

CAIB. III.

1 *Rinneadh an rùn-dìomhair, gu'n bitheadh na Cinnich air an saoradh, fhoillseachadh do Phòl ; 8 agus thugadh an gràs dhàsan sin a shearmonachadh : 13 dh'arr e air na Ephesianaich gun iad a dh'fhanmachadh air son a thrioblaid-san, 14 agus ghuidh e gu'n tuiagadh iadsan mòr-ghràdh Chrìosd d'an taobh.*

A IR an aobhar so, tha mise Pòl a'm' phrìosanach Iosa Crìosd, air bhur son-se, a Chinneacha ;

2 O chuala sibh mu fhrithealadh gràis Dhé, a thugadh dhomh-sa air bhur son-se :

3 Gu'n d'rinn e aithnichte dhomh tre fhoillseachadh an rùn-dìomhair, (mar a sgrìobh mi roimh gu h-aithghearr,

4 Leis am feud sibh, air dhuibh a leughadh, m'èolas ann an rùn-dìomhair Chrìosd a thuigsinn ;)

5 Nì, ann an linnibh eile, air nach d'thugadh fios do chloinn nan daoine, mar tha e nis air fhoillseachadh d'a abstolaibh naomha agus d'a fheadhail tre an Spiorad ;

6 Gu'm bitheadh na Cinnich 'n an comh-oighreachaibh, agus 'n an comh-chorp, agus 'n an luchd-comhpairt d'a ghealladh-san ann an Crìosd, tre an t-soisgeul :

7 Air an d'rinnadh mise a'm' mhinistear, a réir tìodhlaic gràis Dhé a thugadh dhomh, a réir oibreachaidh éifeachdaich a chumhachd-san.

8 Dhomh-sa, a's lugha na'n ti a's lugha de na naoimh uile, thugadh an gràs so, saoi bheas Chrìosd, nach feudar a rannsachadh, a shearmonachadh am measg nan Cinnich ;

9 Agus gu'n deanainn soilleir do na h-uile *dhaoinibh*, ciod e common an rùn-dìomhair sin, a bha falaichte ann an Dia o thoiseach an t-saoghail, a chruthaich na h-uile nithean tre Iosa Crìosd ;

10 Chu'm gu'n deantadh aithnichte nis do na h-uachdaranachdaibh, agus do na cumhachdaibh ann an *ionadaibh* nèamhaidh, leis an eaglais, gliocas eagsamhuil Dhé,

11 A réir an rùn shiorruidh a rùnaich e ann an Iosa Crìosd ar Tighearn :

12 Anns am bheil againn dànachd agus slighe gu dol a steach ann am muinghin tre a chreidimh-san.

13 Uime sin tha mi ag iarraidh nach lagaidh sibh á leth mo thrioblaidhean-sa air bhur son, ni a's e bhur glòir-sa.

14 Air an aobhar so tha mi a' lùbadh mo ghlùine do Athair ar Tighearna Iosa Crìosd,

15 Air an ainmichear an teaghlach uile air àèamh agus air talamh.

16 Gu'n deònaicheadh e dhuibh a réir saobhréis a ghlòire, 'bhi air bbur neartachadh gu treun, tre a Spiorad-san anns an duine an leth stigh;

17 Ionnsu gu'n gabh Crìosd còmhnuidh ann bbur cridhe tre chreidimh; chum air dhuibh 'bhi air bbur frcumhachadh, agus air bbur stéidheachadh ann an gràdh,

18 Gu'm bi sibh comasach maille ris na naoimh uile, air a thuigsinn ciod e leud, agus fad, agus doimhne, agus àirde;

19 Agus air gràdh Chrìosd aithneachadh, a chaidh thar gach uile còlas, chum gu'm bi sibh air bbur lìonadh le uile lànachd Dhé.

20 A nis dhàsan d'an comas na h-uile nithcan a dheanamh gu h-anabarrach ro phlaht, thar gach ni a's urrainn sinne iarraidh no smuaineachadh, a réir a' chumhachd a tha 'g oibreachadh gu h-éifeachdach annainn,

21 Dhàsan *gu robh* glòir anns an eaglais tre Iosa Crìosd, air feadh gach uile linn, gu saoghal nan saoghal. Amen.

CAIB. IV.

1 *Dh'earalaich an t-abstol na h-Ephesianach chum aonachd; 7 agus chuir e 'an cèill gu'n d'fhug Dia chum na crìche so tiodhlacan cagsamhail do dhaoimibh, 13 ionnus gu'm bìtheadh 'eaglais air a togail, 16 agus gu'm fàsadh i suas ann an Crìosd; 18 ghairme iad o neòghloine nan Cinnceach, 24 chum an nuadh-dhuine a chur umpa.*

UIME sin, tha mise prìosanach an Tighearna, a' guidhe oirbh gu'n gluais sibh gu cubhaidh do'n ghairm leis an do ghairm-cadh sibh;

2 Leis gach uile irioslachd inntinn agus mhacantas, le fad-fhulangas, a' giùlan le 'chéile ann an gràdh;

3 A' deanamh dìchill air aonachd an Spiorad a choinneadh ann an ceangal na sìthe.

4 *Is* ann chorp agus aon Spiorad *a tha ann*, amhuil mar an ceudna a ghairmeadh sibh ann an aon mhuilinghin bbur gairme;

5 Aon Tighearn, aon chreidimh, aon bhaisteadh,

6 Aon Dia agus Athair nan uile, a *tha* os ceann nan uile, agus tre na h-uile, agus annaibh-se uile.

7 Ach thugadh gràs do gach aon againn, a réir tomhais tiodhlaic Chrìosd.

8 Uime sin tha e ag ràdh, Air dol suas da an àird, thug e bruid 'am bairdeanas, agus thug e tiodhlacan do dhaoimibh.

9 (A nis gu'n deachaidh e suas, ciod e ach gu'n deachaidh e air tùs sìos gu ionadaibh iochdarach na talmhainn?)

10 An ti a chaidh sìos, is e sin féin e a chaidh suas mar an ceudna gu ro àrd os ceann nan uile nèamh, chum gu'n lìonadh e na h-uile nithean.

11 Agus thug e dream àraidh gu 'bhi 'n an

abstolaibh; dream eile, gu 'bhi 'n am faidhibh; agus dream eile, gu 'bhi 'n an soisgeul-aichibh; agus dream eile, gu 'bhi 'n an aodhairibh, agus 'n an luchd-teagaisg;

12 Chum na naoimh a dheasachadh, chum oibre na ministreileachd, chum togail suas cuirp Chrìosd:

13 Gus an tig sinn uile ann an aonachd a' chreidimh, agus eòlais Mhic Dhé, chum duine iomlain, chum tomhais àirde lànachd Chrìosd:

14 Chum as nach bi sinn á so suas 'n ar leanabaibh, air ar tonn-luasgadh, agus air argiùlan mu'n cuairt leis gach uile ghaoith teagaisg, le cleasachd dhaoine, agus seòltachd chealgach, leis am bheil iad gu h-inn-leachdach ri feall-fholach chum meallaidh:

15 Ach a' labhairt na firinn ann an gràdh, gu 'm fàs sinn suas anns na h-uile nithibh chuige-san, a's e an ceann, *eadhon* Crìosd:

16 O'm bheil an corp uile, air a cheangal gu ceart, agus air a dhlùthachadh tre an ni sin a tha gach alt a' toirt uaidh, a réir oibreachaidh éifeachdaich ann an tomhas gach buill, a' faghail fàs cuirp, chum a thogail féin suas ann an gràdh.

17 So uime sin tha mi ag ràdh, agus ag guidhe 'am fianuis an Tighearna, gun sibh a dh'imcacadh á so suas mar a tha na Cinnich eile ag imeachd, ann an diomhanas an inntinn féin;

18 Aig am bheil an tuisge air a dorchachadh, air dhoibh a bhi 'n an coimhich do bheatha Dhé, thaobh an aincolais a tha amta, tre chruas an cridhe:

19 Muinntir, air dhoibh am mothachadh a chall, a thug iad féin thairis do mhi-nàire, chum gach uile neòghloine 'chur 'an gnìomh le ciòcas.

20 Ach cha d'fhòghluim sibhse Crìosd mar so;

21 O chuala sibh e, agus o theagaisgeadh leis sibh, mar tha an fhirinn ann an Iosa:

22 Gu'n cuir sibh dhibh, thaobh a' cheud chaithe-beatha, an seann duine, a tha truailidh a réir nan ana-miann cealgach;

23 Agus gu'm bi sibh air bbur n-athnuadhachadh ann an spiorad bbur n-inntinn;

24 Agus gu'n cuir sibh unaibh an nuadh-dhuine, a tha air a chruthachadh a réir Dhe ann am fireantachd agus ann am fìor-naomhachd.

25 Uime sin air dhuibh a' bhreug a chur uaibh, labhraibh an fhirinn gach neach r'a choimhearsnach: oir is buill sin d'a chéile.

26 Bithheadh fearg oirbh, agus na peacaichibh: na luidheadh a' ghrian air bbur corr-uich:

27 Agus na tugaibh àite do'n diabol.

28 An ti a ghoid, na goideadh e ni's mò: ach gu na fearr leis saothair a dheanamh, ag oibreachadh an ni a tha maith le a lamhan, chum gu'm bi aige ni r'a phàir-

teachadh ris an neach air am bheil uireas-bhuidh.

29 Na tigeadh cainnt thruaillidh air bith a nach as bhur beul, ach an ni sin a tha maith chum deadh-fhòghlum, ionnus gu'n toir e gràs do'n luchd-èisdeachd.

30 Agus na cuiribh doilgheas air Spiorad naomh Dhé, leis an do chuireadh seula oirbh gu là na saorsa.

31 Bitheadh gach uile sheirbhe, agus corr-uich, agus fearg, agus gàrrthaich, agus toibheum air an togail uaibh, maille ris gach uile mhìrnn.

32 Agus bithibh caomhneil teo-chridheach d'a chéile; a' toirt maitheanas d'a chéile, eadhon mar a thug Dia maitheanas dhuibhse ann an Crìosd.

CAIB. V.

1 *An dèigh earrailean coitcheinn chum gràidh, 3 chum striopachas a sheachnadh, 4 agus na h-uile neòghloine, 7 gun chomhlacadar a chumail ri daoineibh ainmhidh, 15 imeachd gu faicilleach, 18 agus a bhi air an lìonadh leis an Spiorad, 22 labhair Pòl mu dhleasdanasaiibh fa leth, cionnus is còir do mhnàibh' bhi ùmhal d'am fearaibh-pòda, 25 agus is còir do na fir am mnathan a ghràdhachadh.*

UIME sin bithibh-se 'n 'ur luchd-leannmuinn air Dia, mar chloinn ghràdhaich;

2 Agus gluaisibh ann an gràdh, eadhon mar a ghràdhaich Crìosd sinne, agus a thug se e féin air ar son, 'n a thabhartas agus 'n a iobairt deadh-fhàile do Dhia.

3 Ach na bitheadh striopachas, agus gach uile neòghloine, no sannt, uiread as air an ainmeachadh 'n 'ur measg, mar is eubhaidh do naomh:

4 No draosdachd, no còmhraidh amaid-each, no bao-shùgradh, nithean nach 'eil iomchuidh: ach gu ma fearr *leibh* breith-buidheachais.

5 Oir tha fios agaibh air so, nach 'eil aig fear-striopachais air bith, no aig neach neòghlan, no aig duine sanntach, (a tha 'n a fhear-iodhol-aoraidh,) oighreachd ann an rìoghachd Chrìosd agus Dhé.

6 Na mealladh neach air bith sibh le briathraibh dìomhain: oir air son nan nithean sin tha fearg Dhé a' teachd air cloinn na h-eas-ùmhilachd.

7 Na bithibh-se uime sin 'n 'ur luchd-comhairt riu.

8 Oir bha sibh uair-éigin 'n 'ur dorchadas, ach a nis tha sibh 'n 'ur solus 'n an Tighearn: gluaisibh mar chloinn an t-solais;

9 (Oir tha toradh an Spioraid anns an uile mhaithneas, agus ionracas, agus fhir-inn);

10 A' dearbhadh ciod an ni a tha tait-neach do'n Tighearn.

11 Agus na bitheadh comh-chomunnagaibh ri oiribh neo-tharbhach an dorchadais, ach gu ma fearr *leibh* an cronachadh.

12 Oir is gràineil eadhon r'an inuseadh na

nithean a tha air an deanaibh leo, ann an uaignidheas.

13 Ach tha na h-uile nithean a tha air an cronachadh, air an deanaibh follaiseach leis an t-solus: oir gach uile ni a ni soilleir, is solus e.

14 Uime sin tha e ag ràdh, Mosgail, thusa a tha a'd' chodal, agus éirich e na mairbh, agus bheir Crìosd solus duit.

15 Feuchaibh uime sin gu'n gluais sibh gu faicilleach, cha-n ann mar amadain, ach mar dhaoine glìce,

16 Ag ath-cheannach na h-aimsir, do bhrìgh gu bheil na làithean ole.

17 Air an aobhar sin na bithibh-se neo-ghlìce, ach a' tuigsinn ciod i toil an Tighearna.

18 Agus na bithibh air mhisg le fion, anns am bheil anabarr; ach bithibh air bhur lìonadh leis an Spiorad:

19 A' labhairt ribh féin ann an salmaibh, ann an laoidhibh, agus ann an dànaibh spioradail, a' seinn agus a' deanaibh ciuil 'n 'ur cridhe do'n Tighearn:

20 A' toirt buidheachais a ghnàth air son nan uile nithean do Dhia, eadhon an t-Athair, ann an ainm ar Tighearna Iosa Crìosd;

21 Air dhuibh a bhi ùmhal d'a chéile ann an eagail Dhé.

22 A mhnathan, bithibh ùmhal do 'ur fear-aibh féin, mar do'n Tighearn.

23 Oir is e am fear ceann na mnà, eadhon mar is e Crìosd ceann na h-eaglais: agus is esan Slànuidhear a' chuirp.

24 Uime sin mar a tha'n eaglais ùmhal do Chrìosd, mar sin *bitheadh* na mnathan d'am fearaibh féin mar an ceudna anns gach ni:

25 Fheara, gràdhaichibh blur mnathan féin, eadhon mar a ghràdhaich Crìosd an eaglais, agus a thug se e féin air a son;

26 Chum gu naomhaicheadh, agus gu'n glanadh e i le ionnlad an uisge tre an fhocal.

27 Chum gu'n cuireadh e 'n a làthair féin i 'n a h-eaglais glhòrmoir, gun smal, gun phreasadh, no ni air bith d'an leithidibh sin; ach chum gu'm bitheadh i naomh, agus neo-lochdach.

28 Is amhluidh sin is còir do na fearaibh am mnathan féin a ghràdhachadh, mar an cuirp féin: an ti a ghràdhaicheas a bhean, tha e 'g a ghràdhachadh féin.

29 Oir cha d'thug duine air bith riamh fuath d'a fheòil féin; ach altrumaidh agus eiridnidh e i, eadhon mar a tha an Tighearn a' deanaibh do'n eaglais:

30 Oir is buill sinn d'a chorp, d'a fheòil, agus d'a chnàmhan-san.

31 Air an aobhar so figaidh duine 'athair agus a mhàthair, agus diùth-leanaidh e r'a mhnai, agus bithidh an dìthibh 'n an aob fheòil.

32 Is dìomhaireachd mhòr so: ach tha mi a' labhairt mu Chrìosd agus an eaglais.

33 Gidheadh, thugadh gach aon agaibh-se fa leth gràdh d'a mhnai amhuil mar dha féin, agus *feuchadh* a' bhean gu'n toir i irram d'a fear.

CAIB. VI.

1 *Deasdanas cloinne d'am pàrantaibh, 5 agus sheirbhiseach d'am maighstiribh. 10 Is cogadh ar beatha, 12 cha'n ann a mhàin an aghaidh sola agus feòla, ach mar an ceudna an aghaidh naimhdean spioradail. 13 Airm a' Chrìosdaidh, 18 agus cionnus is còir an gnàthachadh. 21 Tha Tichicus air a mholadh.*

A CHLANN, bithibh ùmhal do 'ur pàrantaibh féin 's an Tighearn: oir tha seo ceart.

2 Thoir urram do d' athair agus do d' mhàthair, (is i so a' chuid àithne le gealladh.)

3 Chum gu'n éirich gu maith dhuit, agus gu'm bi thu fad-shaoghalach air an talamh.

4 Agus aithriche, na brosnuiclibh bhur clann chum feirge: ach togaibh iad ann an oilean agus ann an teagasg an Tighearna.

5 A sheirbhiseacha, bithibh ùmhal do 'ur maighstiribh a réir na feòla, le h-eagal agus crith, ann an tréibhdhireas bhur cridhe, mar do Chrìosd:

6 Cha'n ann le sùil-sheirbhis, mar dhream a ni toil dhaoine, ach mar sheirbhisich Chrìosd, a' deanamh toil Dhé o'n chridhe;

7 Le deadh thoil a' deanamh seirbhis, mar do'n Tighearn, agus cha'n ann do dhaoineibh:

8 Air dhuibh fios a bhi agaibh, ge b'e maith air bith a ni aon neach, gu'm faigh e an ni so féin o'n Tighearn, ma's saor no daor e.

9 Agus a mhaighstirean, deanaibh-se na nithean ceudna dhoibh-san, a' leigeadh dhìbh bagraidh: air dhuibh fios a bhi agaibh gu bheil bhur maighstir féin air nèamh mar an ceudna, agus nach 'eil gnùis-bhreth maille ris.

10 Fadheoidh, mo bhràithre, bithibh làidir 's an Tighearn, agus ann an ucart a chumhachd-san.

11 **C**airibh umaibh uile armachd Dhe, chum gu'm bi sibh comasach air seasamh an aghaidh cuilbheirtean an diabhail.

200

12 Oir cha-n'eil sinn a' gleachdadh *amhàin* ri fuil agus feòil, ach ri uachdaranachdaibh, ri cumhachdaibh, ri riaghlairibh dorchadais an t-saoghail so, ri aingidheachd spioradail ann an *ionadaibh* àrda.

13 Uime sin glacaibh do 'ur n-ionnsuidh uile armachd Dhé, chum gu'm bi sibh comasach air seasamh an aghaidh *a' bhuaireidh* 's an droch là, agus air dhuibh na h-uile ni a dhìcanamh, chum seasamh.

14 Seasaibh uime sin, air blii do 'ur leasraidh air an crìoslachadh le firinn, agus uchd-éididh na fireantachd umaibh;

15 Agus ulluchadh soisgeil na sìthe mar bhrògan agaibh air bhur cosaibh;

16 Thar gach uile ni, a' glacadh do 'ur n-ionnsuidh sgéithe a' chreidimh, leis am bi sibh comasach air uile shaighdean teinnteach an droch *Spioraid* a mhùchadh.

17 Agus glacaibh clogaid na slàinte, agus claidheamh an Spioraid, ni a's e focal Dhé:

18 A' deanamh urnuigh a ghnàth leis gach uile ghnè urnuigh agus asluchaidh 's an Spiorad, agus a' deanamh faire chum an ni so féin maille ris gach uile bhuanachadh, agus ghluidheadh air son nan naomh uile;

19 Agus air mo shonsa, chum gu'n toirear dhomh comas labhairt, le fosgladh mo bhcoil ann an dànachd, chum gu foillsich mi rùn-dìomhair an t-soisgeil;

20 Air son am bheil mi a'm' theachdair ann an geimhlibh: chum gu'n labhair mi gu dàna uime, mar is còir dhomh labhairt.

21 Ach a chum gu'm bi fhios agaibh-se mar an ceudna air na nithibh a bhuineas dhomh-sa, *agus* ciod a tha mi a' deanamh, foillsichidh Tichicus, bràthair gràdhach agus ministear firinneach 's an Tighearn, na h-uile ni dhuibh:

22 Neach a chuir mi do 'ur n-ionnsuidh air son an aobhair so féin, chum gu'm bithicadh fios nan nithean a bhuineas duinne agaibh, agus gu'n tugadh e comhfhurtachd do 'ur cridhe.

23 Sìth *gu robh* do na bràithribh, agus gràdh maille ri creidimh, o Dhia an t-Athair, agus an Tighearn Iosa Crìosd.

24 *Gu robh* gràs maille rìusan uile a tha 'gràdhachadh ar Tighearn Iosa Crìosd ann an tréibhdhireas. Amen.

LITIR AN ABSTOIL PHOIL

CHUM NAM

PHILIPIANACH.

CAIB. I.

1 *Chuir an t-abstol 'an cèill a thaingealachd do Dhia, agus a ghràdh do na Philipianaich, air son toraidh an creidimh, agus an comhpairt 'n a fhuilangas; 9 rinn e urraigha ghnàth ri Dia gu'm fàsadh iad ann an gràs: 12 nochd e an tairbhe a fhuair creidimh Chriosd o 'fhuilangas-san ann an Ròimh, 21 agus co toil-each 's a tha e air Chriosd a ghlòrachadh, le a bheatha no le 'bhàs. 27 Dh'earraich e iad chum aonachd inntinn.*

POL agus Timoteus, seirbhisich Iosa Crìosd, chum nan naomh uile ann an Iosa Crìosd, a tha ann am Philipi, maille ris na h-easbuigibh agus ris na deacon-ai bh:

2 Gràs duibh agus sìth o Dhia ar n-Ath-air, agus o'n Tighearn Iosa Crìosd.

3 Tha mi 'toirt buidheachais do m' Dhia gach uair a chuimhnichas mi oirbh,

4 A ghnàth ann am uile urnuighibh air bhur son-se uile, le gairdeachas a' deauamh guidhe,

5 Air son bhur comh-roinn de'n t-soisgeul, o'n cheud là gus a nis;

6 Air dhomh 'bhi dearbhta as an nì so féin, eadhon an ti a thòisich air deadh obair annaibh, gu'n coimhlion e i gu là Iosa Crìosd;

7 Eadhon mar is còir dhomh so a smuain-eachadh umaibh uile, do bhrìgh gu bheil sibh agam ann am chridhe, agus gu bheil sibh uile 'n 'ur luchd comh-roinn de m' ghràs-sa, araon ann am gheimhlibh, agus ann an seasamh air son, agus ann an daing-neachadh an t-soisgeil.

8 Oir is e Dia m'fhianuis, cia mòr mo dhéidh oirbh uile, ann an innibh Iosa Crìosd.

9 Agus tha mi a' guidhe so, gu'm bitheadh bhur gràdh-se air a mheudachadh nì's mò agus nì's mò ann an eòlas, agus ann an uile thuigse:

10 Chum gu'n dearbh sibh na nithean a's fearr; chum gu'm bi sibh trèibhdhireach, agus gun tuisleadh gu là Chriosd;

11 Air bhur lionadh le toraibh na fireantachd, a tha tre Iosa Crìosd chum glòire agus cliu Dhé.

12 Ach is àill leam, a bhràithrean, fios a bhì agai bh, na nithean a thachair dhomh-sa, gur mò a dh'éirich leo an soisgeul a chur air aghaidh:

13 Ionnus gu bheil mo gheimhlean-sa ann an Crìosd iouraidheach ann an lùchairt uile, agus anns gach àit eile;

14 Agus gu bheil mòran de na bràith-

ribh 's an Tighearn a' gabhail misnich o m' gheimhlibh, leis an tuilleadh mòr-dhànachd a' labhairt an fhocail gun eagal.

15 Tha oidh gu dearbh a' searmonachadh Chriosd tre fharmaid agus strì, agus cuid eile tre dheadh thoil.

16 Tha aon dream a' searmonachadh Chriosd tre chonnspoid, cha-n ann gu trèibhdhireach, a' saolsinn àmhghar a chur ri m' gheimhlibh-sa:

17 Ach an dream eile o glràdh, air dhoibh fios a bhì aca gu'n do chuireadh mise gu seasamh air son an t-soisgeil.

18 Ciod ma ta? gidheadh air gach aon chor, co aca is ann 'an coslas a mhàin, no da rìreadh, tha Crìosd air a shearmonachadh; agus air a shon so tha mise a' dean-amh gairdeachais, seadh, agus nì mi gaird-eachas.

19 Oir tha fhios agam gu'n tig so chum slàinte dhomh-sa tre bhur n-urnuighse, agus tre fìrithleadh Spioraid Iosa Crìosd.

20 A réir mo ro-dhùil, agus mo dhòcheais, nach cuirear nàire orm ann an nì air bith, ach leis an uile dhànachd labhairt, mar a ghnàth, gu'm bi Crìosd a nis mar an ceudna air 'ardachadh a'm' chorp-sa, ma's ann tre bheatha no tre bhàs.

21 Oir dhomh-sa 'bhi beò is e sin Crìosd, agus bàs fhaotainn is buannachd dhomh so.

22 Ach ma's beò dhomh 's an fheadh, 's e so toradh m'òibre: ach ciod d'an deanainn roghainn, cha-n fhios domh.

23 Oir tha mi air mo theannachadh cadar dhà nì, air dhomh 'bhi togarrach air siubhal, agus a bhì maille ri Crìosd; oir is e so a's ro fhearr:

24 Gidheadh, 's e mi dh'fhantuinn 's an fheadh a's feumail dhuibhse.

25 Agus air dhomh 'bhi cinnteach á so, tha fhios agam gu'm fuirich mi agus gu'n còmhnuich mi maille ri sibh uile, chum bhur cur-se air bhur n-aghaidh, agus chum gaird-eachais a' chreidimh:

26 Chum gu'm bi bhur gairdeachas nì's pailte ann an Iosa Crìosd do m' thaobh-sa, air son mi 'bhi a ris a làthair maille ribh.

27 A mhàin caithibh bhur beatha gu cubhaidh do shoisgeul Chriosd: chum cò aca a thig mi agus a chì mi sibh, no a bhithas mi as 'ur làthair, gu'n cluinn mi mu 'ur timchioll, gu bheil sibh a' seasamh gu daingean ann an aon spiorad, le aon inntinn, a' gleacadh le 'chéile air son creidimh an t-soisgeil;

PHILIPPIANACH, II.

28 Gun gheilt ann an ni sam bith oirbh o bhrathair naimhaidh : ni a tha dhoibh-san 'n a chomhara cinnteach air sgrios, ach dhuibhse air slàinte, agus sin o Dhia.

29 Oir thiodhlaicheadh dhuibhse air son Chrìosd, cha-n e mhàin creidsinn ann, ach mar an ceudna fulang air a shon ;

30 Air dhuibh an còmhrag ceudna 'bhi agaibh a chunnaic sibh annam-sa, agus a tha sibh a nis a' cluinntinn a bhi annam.

CAIB. II.

1 *Dh'earalaich Pòl na Philipianach chum aonachd agus irioslachd inntinn, le eisempeir isleachaidh agus àrdachaidh Chrìosd ; 12 chum iad a dhul air an aghaidh gu càramach ann an slighe na slàinte, ionnus gu'n bitheadh iad 'n an solus do'n t-saoghal aingidh, 16 agus 'n an comhfhurtachd dhàsan an abstol-san, neach a tha ullamh eadhon chum a bhi air ìobradh suas do Dhia air an son.*

UIME sin ma tha comhfhurtachd air bith ann an Crìosd, ma tha sòlas air bith gràidh, ma tha comh-chomunn air bith an Spioraid, ma tha truas air bith agus tràde-airean ;

2 Coimhlionaibh mo ghairdeachas, gu'm bi sibh a dh'aon inntinn, a dh'aon ghràdh, a dh'aon toil, a dh'aon bhreithneachadh.

3 Na deanar aon ni tre chonnsaid, no tre ghloir dhìomhain, ach ann an irioslachd inntinn measadh gach aon gur fearr neach cile na e fèin.

4 Na seallaibh gach aon air na nithibh sin a bhuineas da fèin, ach gach aon air na nithibh a bhuineas do dhaoibh eile mar an ceudna.

5 Uime sin bitheadh an inntinn cheudna annaibhse, a bha ann an Iosa Crìosd :

6 Neach air bhi dha ann an cruth Dhé, nach do mheas e 'n a reubainn e fèin a bhi comh-ionann ri Dia :

7 Ach chuir se e fèin ann an dèimeas, a' gabhail air fèin cruth seirbhìsich, air a dheanamh ann an coslas dhaoine :

8 Agus air dha 'bhi air 'fhaghail ann an cruth mar dhuine, dh'irioslaich se e fèin, agus bha e ùmhail gu bàs, eadhon bàs a' chroinn-cheusaidh.

9 Air an aobhar sin dh'ardaich Dia e gu ro àrd mar an ceudna, agus thug e dha ainm os ceann gach uile ainm :

10 Chum do ainm Iosa gu'n lùbadh gach glàn, de nithibh a tha air nèamh, agus de nithibh a tha air thalamh, agus de nithibh a tha 'n talamh ;

11 Agus gu'n aidicheadh gach teagadh gur e Iosa Crìosd an Tighearn, chum glòire Dhé an Athar.

12 Uime sin, a mhuinntir mo ghràidh, mar a bha sibh ùmhail a ghnàth, cha-n e a mhàin a'm lathair-sa, ach ni's ro mhò as mo lathair, làn-oibrichibh bhrathair slàinte fèin le h-cagal agus ball-chrith.

13 Oir is e Dia a dh'oibricheas annaibh,

araon an toil agus an gnìomh a réir a dh'eadh-ghan fèin.

14 Deanaibh na h-uile nithean gum ghearan, agus gun deasboirachd :

15 Chum gu'm bi sibh neo-choircach, agus neo-chronail, 'n 'ur cloimn do Dhia, neo-lechdach, 'am meadhon ginealaich fhiair agus chrosda, measg am bheil sibhse a' dealrachadh mar ìochrain sholuis 's an t-saoghal ;

16 A' cumail a mach focail na beatha ; chum gu'n dean mise uail ann an là Chrìosd, do bhrìgh nach do ruith mi gu dìomhain, agus nach do shaothraich mi gu dìomhain.

17 Seadh agus ma dh'ìobrar mi air ìobairt agus seirbhìs fhollaiseach bhrathair creidimhse, tha aoibhneas orm, agus tha mia 'deanamh gairdeachais maille ribhse uile.

18 Air an dòigh cheudna bitheadh aoibhneas oirbhse, agus deanaibh gairdeachas maille riumsa.

19 Ach tha dòchas agam anns an Tighearn Iosa, Timoteus a chur gu goirid do 'ur n-ionnsuidh, chum gu'm bi mise mar an ceudna ann an deadh mhnìsich, air dhomh fios fhaotainn ciod a's cor dhuibhse.

20 Oir cha-n'eil duine air bith agam comh-ionann inntinn ris-san, air am bi càram nan nithean a bhuineas dhuibhse gu dùrachd-ach.

21 Oir tha na h-uile ag iarraidh nan nithcan a bhuineas doibh fèin, cha-n iad na nithcan a bhuineas do Iosa Crìosd.

22 Ach is aithne dhuibh a dhearbhadh-san, mar mhac d'a athair, gu'n d'inn e seirbhìs maille riumsa anns an t-soisgeul.

23 Uime sin tha dùil agam esan a chur do 'ur n-ionnsuidh air ball, co luath as a chi mi ciod a's cor dhomh fèin.

24 Ach tha carbsa agam anns an Tighearn, gu'n tig mi fèin do 'ur n-ionnsuidh gu h-aithghearr mar an ceudna.

25 Gidheadh mheas mi gu'm bfheumail Epaphroditus mo bhrathair, agus mo chomh-oibriche, agus mo chomh-shaighdear, ach bhrathair teachdair-se, agus an ti a fhritheil do m'uireasbhuidh, a chur do 'ur n-ionnsuidh.

26 Oir bha déidh mhòr aig oirbh uile, agus bha e làn tuirse, do bhrìgh gu'n cuala sibhse gu'n robh e tinn.

27 Agus gu deimhin bha e tinn fagus do'n bhàs ; gidheadh rinn Dia tràceair air ; agus cha b'ann airsan a mhàin, ach ormsa mar an ceudna, chum nach bitheadh doilgheas air muin doilgheis orm.

28 Uime sin bu togarraiche a chuir mi do 'ur n-ionnsuidh e, chum air dhuibh 'fhaicinn a ris, gu'm bitheadh aoibhneas oirbh, agus gu'm bu lughaid mo dhoilgheas-sa.

29 Air an aobhar sin gabhaibh ris 's an Tighearn leis an uile aoibhneas, agus bith-cadh meas mòr agaibh air an leithidibh sin :

30 Do bhrìgh air son oibre Chrìosd gu

robh e dlùth do'n bhàs, agus nach robh suim aige d'a bheatha féin, chum gu'n deanadh e suas uireasbhuidh bhuir seirbhís-se do m' thaobh-sa.

CAIB. III.

1 *Thug Pòl rabhadh do na Philipianaich iad a bhí air am faicill o luchd-teagaisg bréige an timchioll-ghearraidh; 4 nochd e gu bheil aige féin tuilleadh aobhair na aca-san, earbsadh a fireantachd an lagha; 7 ní gidheadh a mheas e mar aolach agus mar chall chum Iosa Críost agus fhíreantachd-san a chosnadh; 12 dh'aicidh e a neo-fhoirfeachd féin anns an ní so, &c.*

OS bàrr, mo bhràithre, deanaibh gairdeachas 's an Tighearn. Gu deimhin cha leasg leam-sa na nithean ceudna a sgrìobhadh do bhuir n-ionnsuidh, ach dhuibhsse tha so tearuinte.

2 Bithibh air bhuir faicill o mhadraibh, bithibh air bhuir faicill o dhroch luchd-oibre, coimhidibh sibh féin o'n chomh-ghearradh.

3 Oir is sinne an timchioll-ghearradh, a tha 'deanamh aoraidh do Dhia 's an Spiorad, agus a' deanamh gairdeachais ann an Iosa Críost, agus nach 'eil a' cur muinghin 's an fheòil:

4 Ged dh'fhendainn-sa mar an ceudna muinghin a bhí agam 's an fheòil. Ma shaoileas aon neach eile gu'm feud e muinghin a chur 's an fheòil, is mò na sin a dh'fheudas mise:

5 Air mo thimchioll-ghearradh air an ochd-amh là, de chinneach Israeil, de thréibh Bheniamin, a'm' Eabhruidheach de na h-Eabhruidhich; a réir an lagha, a'm' Phairiseach;

6 A thaobh end, a' deanamh geur-leanmhuinn air an eaglais; a réir na fireantachd a tha 's an lagh, neo-choireach.

7 Aeh na nithean a bha 'n am buannachd dhomh, mheas mi iad sin 'n an call air son Chríost.

8 Seadh gun amharus, agus tha mi a' meas nan uile nithean 'n an call, air son ro-òirdh-eirceis eòlais Iosa Críost mo Thighearna: air son an d'fhuiling mi call nan uile nithcan, agus tha mi a' meas gur aolach iad chum gu'n cosnainn Críost,

9 Agus gu'm faighear ann-san mi, gun m'fhíreantachd féin agam, a tha o'n lagh, ach an fhíreantachd sin a tha tre chreidimh Chríost, an fhíreantachd a tha o Dhia tre chreidimh:

10 Chum eòlas a bhí agam airsan, agus air cumbachd 'aiseirigh-san, agus air comh-chomunn 'fhuilangaís, air bhí dhomh air mo chur ann an coslas crutha r'a bhàs;

11 Dh'fhenchainn am feudainn air aon chor teachd chum aiseirigh nam marbha.

12 Cha-n e gu'n d'ràinig mi cheana, no gu bheil mi cheana foirfe: ach tha mi a' leantuin, dh'fheuchainn am faigh mi greim de'n ní sin féin air son an do ghabhadh greim dhìom le Iosa Críost.

13 A bhràithrean, cha-n'eil mi a' meas gu'n do ghlac mi greim: ach aon ní tha mi a' deanamh, air dhomh na nithean, a tha air mo chùl a dhì-chuimhneachadh, agus a bhí 'g am shìneadh féin chum nan nithean a tha romham,

14 Tha mi a' dian-ruith dh'ionnsuidh a' chomharaidh, chum duaise àrd-ghairme Dhé ann an Iosa Críost.

15 Uime sin a' mheud dhinne 's a tha dìongmhalta, bitheadh an inntinn so againn: agus ma tha sibh ann an ní sam bith air atharrachadh inntinn, foillsichidh Dia an ní so féin duibh.

16 Gidheadh, an ní air an d'ràinig sinn cheana, gluaiseamaid a réir aoin riaghailt, bitheamaid a dh'aon inntinn.

17 A bhràithrean, bithibhse le 'chéile 'n 'ur luchd-leanmhuinn ormsa, agus thugaibh an aire dhoibh-san a tha 'gluasad air an dòigh sin, mar tha sinne 'n ar n-eisempleir againh.

18 (Oir tha mòran a' gluasad, mu'n dubh-airt mi gu minic ribh, agus mu'm bheil mi nis, eadhon a' gul, agus ràdh ribh, gur bairmhean iad do chrann-ceusaidh Chríost:

19 D'an crìoch a bhí air an sgrìos, d'an dia am brù; agus aig am bheil an glòir 'n an nàire, aig am bheil an aire air nithibh talmhaidh.)

20 Oir tha ar caithe-beatha-ne air nèamh, an t-ionad as am bheil dùil againn fòs ris an t-Slànuidhear, an Tighearn Iosa Críost;

21 A chruth-atharraicheas ar corp diblidh, chum gu'n deanar e comh-chosmhail r'a chorp glòrmhor féin, a réir an oibreachaidh leis am bheil e comasach air na h-uile nith-ean a chur fo cheannsal féin.

CAIB. IV.

1 *O chomhairleibh mionaideach. 4 chaidh an t-abstol air aghaidh chum carailean coitcheunn; 10 nochd e cionnus a rinn e gairdeachas air son an tabhartais dha, agus e 'n a luidhe air prìosan; 19 agus chrìochnaich e le h-urnuigh agus beannachdaibh.*

UIME sin, mo bhràithrean gràdhach agus air am bheil mo dhéidh, m'aobh-neas agus mo chrùn, seasaibh mar so gu daingean 's an Tighearn, a mhuintir mo ghràidh.

2 Tha mi a' guidhe air Euodias, agus tha mi a' guidhe air Sintiche, iad a bhí dh'aon inntinn 's an Tighearn.

3 Agus tha mi ag iarraidh ortsa mar an ceudna, a chompanaich dhileis, dean còmh-nadh ris na mnàibh sin a rinn saothair maille riun-sa 's an t-soisgeul, maille ri Clemens, agus a' chuid eile de m' chomh-oibrichibh, aig am bheil an ainmean ann an leabhar na beatha.

4 Deanaibh gairdeachas 's an Tighearn a ghnàth: a ris tha mi ag ràdh, Deanaibh gairdeachas.

5 Bitheadh bhuir measarrachd follaiseach

do na h-uile dhaoibh. *Tha'n Tighearn ann fagus.*

6 Na bitheadh ro-chùram ni sam bith oirbh: ach anns gach uile ni le h-urnuigh agus asluchadh maille ri breith-buidheachais, bitheadh bhur n-iartruis air an deanamh aithnichte do Dhia.

7 Agus coimhididh sith Dhé, a tha thar gach uile thuigse, bhur cridhe agus blur n-inntinn ann an Iosa Criosd.

8 Fa dheoidh, a bhràithrean, ge b'e nithean a tha fìor, ge b'e nithean a tha urramach, ge b'e nithean a tha ceart, ge b'e nithean a tha fìor-ghlan, ge b'e nithean a tha ion-ghràidh, ge b'e nithean a tha ion-mholta; ma tha deadh-bheus air bith ann, ma tha moladh air bith ann, smuainichibh air na nithibh sin.

9 Na nithean sin araon a dh'fhòghluim, agus a ghabh sibh, agus a chual' agus a chunnaic sibh annam-sa, deanaibh: agus bithidh Dia na sìthe maille ribh.

10 Ach rinn mi gairdeachas gu mòr 's an Tighearn do bhrìgh gu'n d'ath-ùraicheadh a nis fa dheireadh bhur cùram umam-sa; ni mar an ceudna anns an robh sibh cùram-ach, ach cha robh cothrom agaibh.

11 Cha-n e gu bheil mi a' labhairt a thaobh uircasbhuidh: oir dh'fhòghluim mi, ge b'e staid 's am bheil mi, a bhi toilichte.

12 Is aithne dhomh a bhi ìosal, agus is aithne dhomh mar an ceudna pailteas a mhealtuinn: anns gach àit, agus anns na h-uile nithibh theagaisgeadh mi, araon a bhi sàthach agus ocrach, araon pailteas a shealbhadh agus uircasbhuidh fhulang.

13 Is urrainn mi na h-uile nithean dheanamh tre Chrìosd, a neartaicheas mi.

14 Gidheadh, is maith a rinn sibh gu'n de chomh-phàirtich sibh ri m' thrioblaid.

15 Agus a nis bitheadh fhios agaibhse, 'Philipianacha, ann an toiseach an t-soisgeil, 'n uair a dh'fhàg mi Macedonia, nach do roinn eaglais air bith rium-sa, thaobh tabhairt agus gabhail, ach sibhse a mha'n.

16 Oir cadhon ann an Tesalonica chuir sibh aon uair agus a rìs a m' ionnsuidh leasachadh do m' uircasbhuidh.

17 Cha-n e gu bheil mi ag iarraidh tabhairtais: ach tha mi ag iarraidh toraidh a bhitheas pailt chum blur cunntais-se.

18 Ach tha mi 'sealbhadh nan uile nithean, agus tha pailteas agam: lionadh mi, air dhomh na nithean fhaotainn o Ephraim agus a chuireadh uaibhse, fàile deadh-chùbhraidh, iobairt thaitneach, anns am bheil tlachd aig Dia.

19 Ach leasaidh mo Dhia-sa bhur n-uircasbhuidh uile, a réir a shaoibheis ann an glòir, tre Iosa Criosd.

20 A nis do Dhia agus ar n-Athair-ne gu robh glòir gu saoghal nan saoghal. Amen.

21 Cuiribh fàilte air gach uile naomh ann an Iosa Criosd. Tha na bràithrean a tha maille rium, a' cur fàilte oirbh.

22 Tha na naoimh uile a' cur fàilte oirbh, gu h-àraidh iadsan a tha de theaghlach Checasair.

23 Gràs ar Tighearna Iosa Criosd gu robh maille ribh uile. Amen.

LITIR AN ABSTOIL PHOIL

CHUM NAN

COLOSIANACH.

CAIB. I.

1 An dèigh fàilte 'chur air na Colosianaich, thug Pol buidheachas do Dhia air son an creidimh, 7 dhainnigh e teagasg Ephraim, 9 ghuidh e gu'm bitheadh an gràs air a mheudachadh, 14 chuir e 'an cèill cò e am fìor Chrìosd, 21 thug e misneach dhoibh gu gabhail ri Chrìosd; 25 agus mhol e a mhinistireachd féin.

POL abstol Iosa Criosd tre thoil Dhé, agus Timoteus ar bràthair,

2 Chum nan naomh agus nam bràthar dileas ann an Chrìosd, a tha ann an Colose: Gràs gu robh dhuibh, agus sìth o Dhia ar n-Athair, agus o'n Tighearn Iosa Criosd.

3 Tha sinn a' toirt buidheachais do Dhia, agus Athair ar Tighearna Iosa Criosd, a' sìor-dheanamh urnuigh air bhur son-se;

4 O chuala sinn ionradh blur creidimh

ann an Iosa Criosd, agus bhur gràidh do na naoimh uile;

5 Air son an dòchais a tha air a thasgadh fa 'ur comhair air nèamh, air an cuala sibh ionradh roimh ann am focal firinn an t-soisgeil:

6 A thàinig do 'ur n-ionnsuidhse, mar anns an t-saoghal uile; agus a tha 'toirt toraidh uaidh, mar tha e 'deanamh mar an ceudna 'n 'ur measg-se, o'n là anns an cuala sibh e, agus 's an d'fhuair sibh eòlas air gràs Dhé ann am firinn.

7 A réir fòs mar a dh'fhòghluim sibh o Ephraim ar comh-sheirbhiseach gràdhach-ne, a tha air bhur son-se 'n a mhinistear dileas do Chrìosd;

8 A chuir 'an cèill dhuinne mar an ceudna bhur gràdh-se anns an Spiorad.

9 Air an aobhar so, cha-n'eil sinne mar an ceudna a' sgar, o'n là a chuala sinn e, a dheanamh urnuigh air bhur son-se, agus a ghuidhe gu'm bitheadh sibh air bhur lìonadh le eòlas a thoile, 's an uile ghliocas agus thuigse spioradail;

10 Chum gu'n gluaiseadh sibh gu cubhaidh do'n Tighearn chum gach uile thoileachaidh, a' toirt toraidh uaihbh 's an uile dheadh obair, agus a' fas ann an eòlas Dhé;

11 Air bhur neartachadh leis an uile neart a réir a chumhachd ghlòrmoir-san, chum an uile fhoighidin agus fhad-fhulangais maille ri gairdeachas;

12 A' tabhairt buidheachais do'n Athair, a rinn sinne iomchuidh chum a bhì 'n ar luchd comh-pairt a dh' oighreachd nan naomh 's an t-solus:

13 A shaor sinn o chumhachd an dorchadais, agus a dh'atharraich sinn chum rìoghachd Mic a ghràidh-san:

14 Anns am bheil againn saorsa tre fhuilt-san, eadhon maithneas nam peacadh:

15 Neach a's e iomhaigh an Dé neo-fhaicsinnich, ceud-ghin a' chruthachaidh uile:

16 Oir is ann leis-san a chruthaich eadhon na h-uile nithean a tha air nèamh, agus a tha air talamh, faicsinneach agus neo-fhaicsinneach, ma's àrd-chaitirichean iad, no tigh-carnais, no uachdararachdan, no cumhachdan; is ann leis-san agus air a shon-san a chruthaich eadhon na h-uile nithean:

17 Agus tha ean roimh na h-uile nithibh, agus trid-san tha na h-uile nithean a' comh-sheasamh.

18 Agus is e ceann a' chuirp, eadhon na h-eaglais: neach a's e an toiseach, an ceud-ghin o na mairbh; chum gu'm bitheadh aige àrd-cheannas anns na h-uile.

19 Oir b'e deadh thoil an Athar, gu'n còmhnuicheadh gach uile iomlanachd annsan;

20 Agus gu'n bitheadh na h-uile air an deanamh rèidh ris féin trid-san, air dha sìth a dheanamh tre fhuilt a chroinn-cheusaidh-san; trid-san, tha mi ag ràdh, ma's nithean iad a tha air talamh, no nithean a tha air nèamh.

21 Agus sibhse a bha uair-éigin 'n 'ur coimhich, agus 'n 'ur naimhaidh ann bhur n-intinn thaobh dhroch oibre, nis rinn e rèidh ris féin.

22 Ann an corp 'fheòla féin tre'n bhàs, chum sibhse a chur naomha, agus neo-lochdach, agus neo-choireach, 'n a lathair-san:

23 Ma dh'fhanas sibh anns a' chreidimh bunaiteach agus daingean, gun a bhì air bhur n-atharrachadh o dhòchas a t-soisgeil, a chuala sibh, agus a shearmonaicheadh do gach uile chreutair a tha fo nèamh; air an d'rinneadh mise Pòl a'm' mhinisteir.

24 Tha mi nis a' deanamh gairdeachais ann am fhulangasaibh air bhur son-se, agus

a' còimhlionadh a mheud 's a tha dhéidh-làimh de àmhlgharaibh Chrìosd ann am fhèidil, air son a chuirp-san, eadhon na h-eaglais:

25 D'an d'rinneadh mise a'm' mhinisteir, a réir stiubhardachd Dhé a thugadh dhomh air bhur son-se, a còimhlionadh fòcal Dhé;

26 Eadhon an rùn-dìomhair a bha folaidhte o na linnibh, agus o na gincalachaibh a chaidh seachad, ach a nis a tha air'fhoillseachadh d'a naoimh-san:

27 D'am bu toil le Dia fhoillseachadh cìod e saobhbheas glòire an rùn-dìomhair so am measg nan Cinneach; neach a's e Crìosd annaibhse, dòchas na glòire;

28 Neach a tha sinne a' searmonachadh, a' toirt rabhaidh do gach duine, agus a' teagasg gach uile dhuine anns an uile ghliocas; chum gu nochd sinn gach uile dhuine 'n a lathair-san iomlan ann an Iosa Crìosd:

29 An ni chum am bheil mise mar an ceudna a' saothreachadh, a' deanamh sbàirn a réir 'oibreachaidh-san, a tha 'g oibreachadh annam gu cumhachdach.

CAIB. II.

1 Dh'earlaich Pòl na Colosianach a bhì bunaiteach ann an Crìosd, 's agus a bhì air am faicill o bheulathrisiòh dìomhain, 18 o aoradh do ainglibh: 20 agus o dheas-ghnàth-aibh an lagha, nithean a chrìochnaich eadhon ann an Crìosd.

OIR b'àill leam fios a bhì agaibh cìod e meud mo chòmhraig air bhur son-se, agus air son na dream a tha ann an Laodicea, agus air son a mheud 's nach faca m'aghaidh anns an fhèidil:

2 Ionns gu'm faigheadh an cridhe sòlas, air dhuibh a bhì air an dlùth-cheangal r'a chèile ann an gràdh, agus chum uile shaoibhreis an làr dearbh-bheachd tuigse, chum eòlais rùn-dìomhair Dhé, eadhon an Athar, agus Chrìosd;

3 Anns am bheil uile ionmhais a' ghliocais agus an eòlais folaidhte.

4 Agus so tha mi ag ràdh, air eagal gu mealladh neach air bith sibh le briathraibh seòlta.

5 Oir ged tha mi uaihbh 's an fhèidil, gidheadh tha mi maille ribh 's an Spiorad, a' deanamh gairdeachais agus a' faicinn bhur n-òrdugh, agus seasnachd bhur creidimh ann an Crìosd.

6 Uine sin mar a ghabh sibh do 'ur n-ionnsuidh na Tighearn Iosa Crìosd, ghuaisibh ann:

7 Air dhuibh a bhì air bhur freumhachadh agus air bhur togail suas annsan, agus air bhur daingneachadh 's a' chreidimh, a réir mar a thicagaisgeadh sibh, a' meudachadh ann le breith buidheachais.

8 Thugaibh an airc nach dean neach air bith foirneart oirbh tre fheallsanachd agus mealltaireachd dhìomhain, a réir beul-aithris dhaoine, a réir ceud-thoiseachan an t-saoghail, agus cha-n ann a réir Chrìosd:

COLOSIANACH, III.

9 Oir anusan tha uile iomlanachd na diadhachd a' gabhail còmhnuidh gu corporra.

10 Agus tha sibhse coimhlionta annsan, neach a's e ceann gach uile uachdaranachd agus chumhachd ;

11 Anns an bheil sibh mar an ceudna air bhur timchioll-ghearradh leis an timchioll-ghearradh nach d'rinneadh le làmhnan, ann an càr dhiubh cuirp pheacaidhean na feòla, le timchioll-ghearradh Chrìosd :

12 Air dhuibh a bhi adhlaithe maille ris ann am baisteadh, anns am bheil sibh mar an ceudna air bhur togail suas maille ris tre chreidimh air 'oibreachadh le Dia, a thog suas esan o na maibh.

13 Agus sibhse a bha marbh 'n' urn-euceartaibh agus *ann* an neo-timchioll-ghearradh bhur feòla, bheothlaich e maille ris, a' maitheadh dhuibh nan uile euceart ;

14 A' dubhadh a mach làmh-sgrìobhaidh nan orduighean do ar taobh-ne, a bha 'n ar n-aghaidh, agus thug e as an t-slighe i, air dha a sparradh ri a chrann-ceusaidh-san :

15 Air dha uachdaranachdan agus cumhachdan a chreachadh, rinn e ball-sampuill duibh gu follaiseach, a' deanamh buaidh-chaitheirmes an ceann tre 'n *chrann* ud féin.

16 Uime sin na tugadh aon ueach breth oirbh air son bidh, no dibhe, no thaobh là féille, no gealaich nuaidh, no slàbaidcan :

17 A tha 'n an sgàile air na nithibh a tha ri teachd ; ach *is* le Crìosd an corp.

18 Na mealladh aon neach bhur duais uaibh le irioslachd féin-thoile, agus aoradh do ainglibh, a' foirneadh a steach *gu dàna* chum nan nithean nach fac e, gu dìomhain air a shéideadh suas le 'inntinn fhèidhhoir féin ;

19 Agus gun an ceann a chumail, o'm bheil an corp uile, air dha 'bhi air a bheathachadh tre altaibh agus bhannaibh, agus air a dhlùth-cheangal r'a chéile, a' fas le fas Dhé.

20 Uime sin na fhuair sibh bàs maille ri Crìosd o cheud thoiseachaibh an t-saoghail, c'ar son, mar dhaoine a tha beò 's an t-saoghal, a tha sibh fo orduighibh,

21 (Na bean, na blais, na làimhsich ;

22 Nithean a théid uile gu neo-ni le'n gnàthachadh,) a réir àitheantan agus teag-asgan dhaoine ?

23 Nithean gun amharus aig am bheil samhladh gliocas ann an aoradh féin-thoile agus irioslachd, agus mi-chaoimhnadh a' chuirp, cha-n ann 'an urram sam bith chum sàsachadh na feòla.

CAIB. III.

1 *Nochd Pòl do na Colosianach c'àit an còir dhuibh Crìosd iarraidh : 5 Chomhairlich e dhoibh an ana-miannan fèidhhoir a claoaidh. 10 an seann duine 'chur dhuibh, agus Crìosd a chur umpa ; 12 dh'earalaich e iad chum seirce, irioslachd, agus iomadh àicseadanais eile.*

UIME sin na dh'éirich sibh maille ri Crìosd, iarraidh na nithean a tha

ehuas, far am bheil Crìosd 'n a shuidhe aig deas làmh Dhé.

2 Suidhichibh bhur n-aighe air na nithibh a tha shuas, agus cha-n ann air na nithibh a tha air an talamh.

3 Oir tha sibh marbh, agus tha bhur beatha folaichte maille ri Crìosd ann an Dia.

4 'N uair a dh'fhoillsichear Crìosd, neach a's e ar beatha-ne, an sin bithidh sibhse mar an ceudna air bhur foillseachadh maille ris ann an glòir.

5 Uime sin claoidhibh bhur buill a tha air an talamh, striopachas, neòghloine, fonn-collaich, ana-miannan, agus sannt, ni a's iodhol-aoradh :

6 Nithean air son am bheil fearg Dhé a' teachd air cloinn na h-eas-ùmhcladh.

7 Anns an robh sibhse mar an ceudna a' gluasad uair-éigin, 'n uair a bha sibh a' caitheamh bhur beatha 'n am measg.

8 Ach a nis cuiribhse uaibh na nithean so uile ; fearg, corruich, mì-run, toibheum, cainnt shalach as bhur beul.

9 Na deanaibh breug d'a chéile, do bhrìgh gu'n do chuir sibh dhiubh an seann duine maille r'a gnìomharaibh,

10 Agus gu'n do chuir sibh umaibh an *duine* nuadh, a tha air ath-nuadhachadh ann an còlas, a réir iomhaigh an tì a chruthaich e.

11 Far nach 'eil Greugach no Iudhach, timchioll-ghearradh, no neo-timchioll-ghearradh, *duine* borb, Sitianach, daor no saor : ach *is* e Crìosd na h-uile, agus anns na h-uile.

12 Uime sin cuiribhse umaibh, (mar dhaoine taghta Dhé, naomha agus ionmhuinn,) iunigh thròcairean, caomhalachd, irioslachd inntinn, macantas, fad-fhulangas ;

13 A' giùlan le 'chéile, agus a' maitheadh d'a chéile, ma tha cùis ghearrain aig neach an aghaidh neach : mar a thug Crìosd maitheanas dhuibhse, mar sin deanaibhse mar an ceudna.

14 Agus thar na nithibh so uile, *cuiribh umaibh* gràdh, ni a's e coimheangal na foirfeachd.

15 Agus bithcadh sibh Dhé a' riaghladh ann bhur cridhe, chum am bheil sibh mar an ceudna air bhur gairm ann an aon chorp ; agus bithibh taingeil.

16 Gabhadh focal Chrìosd còmhnuidh aunaibh gu saobhir 's an uile ghliocas, a' teag-asg agus a' comhairleachadh a chéile le salmaibh, agus laoidhibh, agus dànaibh spioradail, a' deanamh ciuil do'u Tighearn le gràs ann bhur cridhe.

17 Agus gach ni air bith a ni sibh ann am focal no ann an gnìomh, deanaibh *iad* uile ann an ainm an Tighearna Iosa, a' toirt buidheachais do Dhia, eadhon an t-Athair trid-san.

18 A mhnathan, bithibh ùnhal do 'ur

fearaibh féin, mar is eubhaidh, anns an Tighearn.

19 Fheara-pòsda, gràdhaichibh *bhur* mna-than, agus na bitlibh scarbh 'u an aghaidh.

20 A chlann, bitlibh ùmhail do 'ur pàrant-aibh anns na h-uile nithibh: oir tha so tait-neach do'n Tighearn.

21 Aithrichean, na brosnuichibh bhur clann *chum feirge*, air eagal gu'n caill iad am misneach.

22 A sheirbhiseachla, bithibh ùmhail do 'ur maighstiribh a réir na feòla, anns na h-uile nithibh; cha-n ann le seirbhis-sùl, mar dhream a tha 'toileachadh dhaoine, ach ann an tréibhdhreas cridhe, ann an eagal Dhé:

23 Agus ge b'e air bith ni a ni sibh, deanaibh o bhur cridhe e, mar do'n Tighearn, agus cha-n ann do dhaoibh;

24 Air dhuibh fios a bhi agaibh, gu'm faigh sibh o'n Tighearn duais na h-oighreachd: oir is ann do'n Tighearn Crìosd a tha sibh a' deanamh seirbhis.

25 Ach an ti a ni eucoir, gheibh e toillteanas na h-cucorach a rinne e: agus cha-n'eil leth-bhreth ann.

CAIB. IV.

1 Chuir Pòl impiadh air na Colosianach a bhi dèrachdach ann an urnuigh, 5 agus gluasaid gu glic thaobh na muinntir sin nach 'eil fathast air teachd chum fìor eòlais Chrìosd. 10 Chuir e fàilte orra, agus ghluaidh e gach uile ghnè soirbheachaidh doibh.

A MHAIGHSTIREAN, thugaibh do 'ur seirbhisich an ni sin a tha ceart agus cothromach, air dhuibh fios a bhi agaibh gu bheil agaibh féin maighstir mar an ceudna air nèamh.

2 Buanaichibh ann an urnuigh, a' deanamh faire innte le breith-buidheachais;

3 Ag urnuigh mar an ceudna air ar son-ne, chum gu'm fosgladh Dia dhuinn dorus na h-ùr-labhaird, a chur 'an cèill rùn-dìomh-air Chrìosd, air son am bheil mise ann an cuibhreachaibh:

4 Chum gu'm foillsich mi e, mar is còir dhomh labhairt.

5 Gluaisibh ann an gliocas thaobh na dream sin a tha an leth muigh, ag ath-cheannach na h-aimsir.

6 Bitheadh bhur còmhradh a gl'nàth ann an gràs, air a dheanamh blasda le salann, chum gu'm bi fhios agaibh cionnus is còir dhuibh gach neach a fhreagairt.

7 Foillsichidh Tichicus, bràthair gràdhach, agus ministear dileas, agus comh-sheirbhis-each 's an Tighearn, gach ni dhuibh mu m' thimchioll-sa:

8 A chuir mi do 'ur n-ionnsuidh chum na criche so féin, gu'm bitheadh fios bhur staidse aige, agus gu'n tugadh e comhfhurtachd do 'ur cridheachaibh.

9 Maille ri Onesimus, bràthair dileas agus gràdhach, a tha dhibh féin: Ni iad aithnichte dhuibh na h-uile nithean a tha an so.

10 Tha Aristarchus mo chomh-phrìosanach a' cur fàilte oirbh, agus Marcus, mac peathar do Bharnabas, (mu'n d'fhuair sibh aitheantan; na thig e do 'ur n-ionnsuidh, gabhaibh ris:)

11 Agus Iosa, ris an abrar Iustus, muinntir a tha de'n timchioll-ghearradh. 'S iad sin a mhàin mo chomh-oibrichean chum rioghachd Dhé, a bha 'n an comhfhurtachd dhomh.

12 Tha Epaphras, a tha dhibh féin, seirbhiseach Chrìosd, a' cur fàilte oirbh, a ghnàth a' deanamh sbàirn dhùrachdaich air bhur son ann an urnuighibh, chum gu'n seas sibh foirfe, agus coimhlionta ann an uile thoil Dhé.

13 Oir tha mi 'deanamh fianuis dha, gu bheil mòr theas-ghràdh aige dhuibhse, agus dhoibh-san a tha ann an Laodicea, agus do'n mhuinntir a tha ann an Hierapolis.

14 Tha Lucas an léigh gràdhach, agus Demas a' cur fàilte oirbh.

15 Cuiribh fàilte air na bràithribh a tha ann an Laodicea, agus air Nymphas, agus air an eaglais a tha 'n a thigh.

16 Agus an uair a leughar an litir so 'n 'ur measg-se, thugaibh fainear gu'n leughar i ann an caglais nan Laodiceanach mar an ceudna; agus gu'n leugh sibhse cuideachd an litir o Laodicea.

17 Agus abraibh ri Archipus, Thoir an aire do'n mhinistirealachd a fhuair thu 's an Tighearn, gu'n coimhlion thu i.

18 Fàilte uam-sa Pòl le m' làimh féin. Cuimhnichibh mo chuibhreachan. Gràs gu robh maille ribh. Amen.

TESALONIANACH.

CAIB. I.

1 *Thug Pòl fios do na Tesalonianaich co chuimhneachail as a bha e orra anns gach àm, ann am breith-buidheachais agus urnuigh air an son; 5 agus mar an ceudna cho dearbhta 's a bha e de fhìrinn, agus de thrèibhdhìrean an creidimh, agus an iompachaidh gu Dia.*

POL, agus Siluanus, agus Timoteus chum eaglais nan Tesalonianach, a tha ann an Dia au t-Athair, agus anns an Tighearn Iosa Crìosd: gràs duibh, agus sìth o Dhia ar n-Athair, agus o'n Tighearn Iosa Crìosd.

2 Tha sinn a' toirt buidheachais do Dhia a ghuàth air bhur son-se uile, a' toirt iomraidh oirbh ann ar n-urnuighibh-ne;

3 A' cuimhneachadh guin sgar obair bhur creidimh, agus saothair *bhur* gràidh, agus foighidinn bhur dòchais 'n ar Tighearn Iosa Crìosd, 'am fianuis Dhé, agus ar n-Athair-ne:

4 Air dhuinn fios a bhi againn, a bhràithre gràdhachta le Dia, air bhur taghadh-sa.

5 Oir cha d'fhàinig ar soisgeul-ne do 'ur n-ionnsuidh-se ann am focal a mhàin, ach mar an ceudna ann am cumhachd, agus anns an Spiorad naomh, agus ann am mòr làn-dearbhadh; mar is aithne dhuibh ciod a' ghnè dhaoine 'bha annainn 'n 'ur measg air bhur son-se.

6 Agus rinneadh sibh 'n 'ur luchd-leanmhuinn oirne, agus air an Tighearn, 'n uair a ghabh sibh ris an fìocail ann am mòr-àmhghar, le h-aoibhneas an Spioraid naomh:

7 Ionns gu robh sibh 'n 'ur n-eisempleiribh dhoibh-san uile a tha 'creidsinn ann am Macedonia, agus ann an Achaia.

8 Oir uaibhse chaidh fuaim fòcail an Tighearna mach, cha-n ann a mhàin ann am Macedonia agus ann an Achaia, ach mar an ceudna anns gach àit, tha bhur creidimh ann an Dia air a sgaoileadh a mach, ionns nach 'cil feum air sinne a labhairt ni air bith.

9 Oir tha iad féin a' foillseachadh mu ar timchioll-ne, ciod a' ghnè dhol a steach a bha againn do 'ur n-ionnsuidh-se, agus cionnus a phill sibh chum Dhé o ìodholaibh, a dheanamh seirbhis do'u Dia bheò agus fhlòr,

10 Agus gu feitheamh r'a Mhac o nèamh, a thog e suas o na mairbh, *eadhon* Iosa a shaor sinne o'n fheirg a tha ri teachd.

CAIB. II.

1 *Chuir Pòl 'an cèill cionnus a chaidh an soisgeul a shearmonachadh do na Tesalonianaich, agus ciod an dòigh air an do ghabh iad ris. 17 Thug e reuson seachad c'ar son a bha e co fhada uatha, agus mar an ceudna c'ar son a tha nis a thogradh co mòr r'an faicinn.*

OIR is aithne dhuibh féin, a bhràithre, ar dol-ne a steach do 'ur n-ionnsuidh, nach robh e ann an dìomhain:

2 Ach fòs air dhuinn fulang roimh, agus an dèigh ar maslachaidh ann am Philipi, mar is aithne dhuibh, bha dèanachd againn ann ar Dia-ne soisgeul Dhé a labhairt ri bhshe ann am mòr-ghealachd.

3 Oir cha robh ar n-carail-ne o mhealltaireachd, no o neòghloine, no ann an ceilg:

4 Ach mar a uheasadh sinne le Dia iomchuidh gu'm bitheadh an soisgeul air earbsadh ruinn, is amhuil sin a labhramaid, cha-n ann mar dhrean a tha 'toileachadh dhaoine, ach Dhé, a tha 'dearbhadh ar eridheachan.

5 Oir cha do ghnàthaich sinu uair air bith briathran mìodalach, mar is aithne dhuibh, uo leithseugul sannta; 's e Dia ar fianuis:

6 Ni mò dh'iarr sinn urram o dhaoineibh, no uaibhshe, no o dhaoineibh eile, ged fheudamaid ar trom a leagadh oirbhshe, mar abstolaibh Chrìosd.

7 Ach bha sinn caomh 'n 'ur measg-se, amhuil a dh'altrum as banaltrum a clann féiu:

8 Mar sin, air bhi dhuinne ro dhéidheil oirblise, bu toileach leinn cha-n e mhàin soisgeul Dhé a phàirteachadh ri bhshe, ach mar au ceudna ar n-anaman féin, do bhrìgh gu'n robh sibh ro ionmhuinn leinn.

9 Oir is cuimhne leibh, a bhràithre, ar saothair, agus ar sgìos-ne: oir air dhuinn a bhi ri h-obair a dh'oidhche agus a là, chum nach cuireamaid trom air neach sam bith agaibh, shearmonaich sinn duibh soisgeul Dhé.

10 Is fianuiscean sibhse, agus Dia, cia naomh, agus cia cothromach, agus neo-lochdach a ghiùlain sinne sinn féiu 'u 'ur measg-sa a tha 'creidsinn:

11 Mar is aithne dhuibh, cionnus a dh'earailich sinn, agus a thug sinn comhfhurtachd, agus a chuir siun impidh air gach aon agaibh fa leth, (mar a ni Athair d'a chloinn.)

12 Gu'n gluaiseadh sibh gu eubhaidh do Dhia, a ghairm sibh chum a rìoghachd agus a ghloire féin.

13 Uime sin tha sinne mar an ceudna a' toirt buidheachais do Dhia gun sgar, do bhrìgh 'n uair a ghabh sibh ri focal Dhé a chuala sibh uainne, gu'n do ghabh sibh ris cha-n ann *mar* fhocal dhaoine, ach, (mar is e gu' firinneach,) focal Dhé, a tha 'g oibreachadh gu h-èifeachdach annaibh-sa a tha 'creidsinn.

14 Oir rinneadh sibhse, a bhràithre, 'n 'ur luchd-leanmhuinn air eaglaisibh Dhé, ann an Indeà, a tha ann an Iosa Crìosd: oir dh'fhuiling sibhse na nithean ceudna o bhrù luchd-dùthcha féin, mar a dh'fhuiling iadsan o na h-Iudhaich:

15 A chuir araon an Tighearn Iosa, agus am fàidhean féin gu bàs, agus a rinn geur-leanmhuinn oirne; agus nach 'eil a' toileachadh Dhé, agus a tha'n aghaidh nan uile dhaoine:

16 A tha 'bacadh dhuinne labhairt ris na Cinnich, chum gu'm bitheadh iad air an tearnadh, chum sir-lionaidh suas am peacaidhean: oir thàinig an fhearg orra mu dheireadh.

17 Ach air dhuinne, a bhràithre, 'bhi air ar dealachadh uaibhse rè tamuil bhig 'am pearsa, ach cha-n ann 'an cridhe, is ro mhòid a rinn sinn dìchioll air bhrù n-aghaidh fhaicinn le mòr-thogradh.

18 Uime sin bu mhiann leinn teachd do 'ur n-ionnsuidh, (eadhon leam-sa Pòl,) uair no dhà: ach bhac Satan sinn.

19 Oir ciod e ar dòchas-ne, no ar n-aobhneas, no ar crùn-uaille? nach sibhse féin e 'am fianuis ar Tighearna Iosa Crìosd aig a theachd?

20 Oir is sibhse ar glòir-ne agus ar n-aobhneas.

CAIB. III.

1 Dhearbh Pòl a mhòr-ghràdh do na *Tesalonianaich*, le Timoteus a chur d'an ionnsuidh chum an neartachadh agus comhfhurtachd a thoirt doibh, agus le a ghairdeachas 'n an deadh ghràdh, 18 agus le urnuigh a dheanamh air an son, agus le a mhòr-thogradh air teachd gu tèarainte d'an ionnsuidh.

AIR an aobhar sin, an nair nach 'burr-ainn sinn cumail oirne féin ni b'fhaide, bu taitneach leinn a bhi air ar fàgail 'n ar n-aonar 'am baile na h-Aithne:

2 Agus chuir sinn Timoteus ar bràthair agus ministèir Dhé, agus ar comh-oibriche ann an soisgeul Chrìosd, chum sibhse a dhaingneachadh, agus comhfhurtachd a thoirt duibh mu thimchioll bhrù creidimh;

3 Chum nach gluaisteadh neach air bith agaibh leis na trioblaidibh so; oir tha fhios agaibh féin gu'n d'orduicheadh sinn a dh'ionnsuidh so.

4 Oir gu deimhin, an uair a bha sinn muille ribh, dh'innis sinn duibh roimhlàimh, gu robh sinn gu àmhghar fhulang; eadhon mar a thachair, agus is aithne dhuibh.

5 Air an aobhar so, 'n nair nach robh mise comasach air cumail orm féin pi b'fhaide, chuir mi a dh'faghail fios mu 'ur creidimh, air eagal air chor sam bith gu'n do bhuair an buaireadair sibh, agus gu'm bitheadh ar saothair-ne diomhain.

6 Ach a nis an uair a thàinig Timoteus uaibhse do ar n-ionnsuidh-ne, agus a thug e deadh sgeul duinn mu 'ur creidimh agus bhrù gràdh, agus gu bheil cuimhne mhaith agaibh oirne a ghnàth, a' miannachadh gu mòr sinne fhaicinn, amhuil a tha sinne mar an ceudna sibhse fhaicinn.

7 Uime so, a bhràithre, fhuair sinne comhfhurtachd do 'ur taobh ann ar n-uile àmhghar agus theinn tre bhrù creidimh-se:

8 Oir tha sinne beò a nis, ma sheasas sibhse gu bunaitheach 's an Tighearn.

9 Oir ciod am buidheachas a dh'fheudas sinn iocadh do Dhia as bhrù leth-se, air sòn an aoibhneis sin uile leis am bheil sinn ri gairdeachas do 'ur taobh 'am fianuis ar Dé-ne,

10 A dh'oidheche agus a là a' guidhe gu ro dhùrachdach gu'm faiceamaid bhrù n-aghaidh-se, agus gu'n leasaicheadh uireasbhuidh bhrù creidimh?

11 A nis gu'n deanadh Dia féin, eadhon ar n-Athair, agus ar Tighearn Iosa Crìosd ar slighe-ne a thredrachadh do 'ur n-ionnsuidh-se.

12 Agus gu'n tugadh an Tighearn oirbh fas agus a bhi ro phailt ann an gràdh da chéile, agus do na h-uile dhaoimibh, mar a tha sinne dhuibhse;

13 Chum gu'n daingnich e bhrù cridheachan neo-choireach ann an naomhachd 'am fianuis Dhé, eadhon ar n-Athar-ne, aig teachd ar Tighearna Iosa Crìosd maille r'a naomh uile.

CAIB. IV.

1 Chuir Pòl impidh air na *Tesalonianaich* dol air an aghaidh anns gach uile ghnè dhiadhachd, 6 am beatha a chaitheadh gu nasmh agus gu cothromach, 9 a chéile a ghràdhachadh, 11 an gnòthuichean féin a leantuinn gu sànhach; 13 agus fa dheireadh bròn ionchuidh a dheanamh air son nam marbh.

OS bàrr ma ta, a bhràithre, cuireamaid a dh'impidh agus a dh'atcheuinge oirbh tre'n Tighearn Iosa, mar a fhuair sibh uainne cionnus is còir dhuibh imeachd, agus Dia a thoileachadh, gu meudaicheadh sibh mar sin nì's mò agus nì's mò.

2 Oir tha fhios agaibh ciod iad na h-àith-eantan a thug sinne dhuibh tre'n Tighearn Iosa.

3 Oir is i so toil Dhé, eadhon bhrù naomhachadh-se, sibh a sheachnadh trìopsachais:

4 Gu'm b'aithne do gach aon agaibh a shoitheadh féin a shealbhadh ann an naomhachd, agus ann an urram;

5 Cha-n ann ann am fonn ana-miannach,

mar a nì na Cinnich aig nach 'eil eòlas air Dia :

6 Gun neach air bith a dheanamh cucoir no mealltaireachd 's a' chùis air a bhràthair; do bhrìgh gur e'n Tighearna a nì dìoghaltas air an uile leithidibh sin, a réir mar a dh'innis sinne mar an ceudna duibh roimh, agus a rinn sinn fianuis.

7 Oir cha do ghairm Dia sinne gu neòghloine, ach gu naomhachd.

8 Uime sin an neach a nì tàir, cha-n ann air duine tha e 'deanamh tàir, ach air Dia, a thug dhuinne a Spiorad naomh féin.

9 Ach a thaobh gràidh bhràthaireil, cha-n'eil feum agaibh mise a sgrìobhadh do 'ur n-ionnsuidh: oir tha sibh féin air bhur teagasg o Dhia gràdh a thoirt d'a chéile.

10 Agus gu deimhin tha sibh a' deanamh so thaobh nam bràthar uile, a tha ann am Macedonia gu h-ìomlan: ach guidheamaid oirbh, a bhràithre, sibh a mheudachadh nì's mò agus nì's mò;

11 Agus gu'n dean sibh bhur dìchioll a bhi cùin, agus bhur gnothuchean féin a dheanamh, agus saothreachadh le 'ur làmhann féin, (amhuil a dh'aithe sinne dhuibh);

12 Chum gu'n gluais sibh gu cubhaidh thaobh na muinntir sin a tha'n leth muigh, agus nach bi uireasbhuidh nì sam bith oirbh.

13 Ach cha b'àill leam, a bhràithre, sibh a bhi aineolach thaobh na muinntir sin a tha 'n an codal, chum nach dean sibh bròn, eadhon mar dhaoine eile aig nach 'eil dòchas.

14 Oir ma chreideas sinn gu'n d'fhuair Iosa bàs, agus gu'n d'éirich e ris, amhuil sin mar an ceudna ann dream a choidil ann an Iosa, bheir Dia maille ris.

15 Oir so tha sinn ag ràdh ribh ann am focal an Tighearna, nach bi againne a tha beò agus a dh'fhàgar gu teachd an Tighearna, toiseach orra-san a tha 'n an codal.

16 Oir thig an Tighearna féin a nuas o nèamh le àrd-iolaich, le guth an àrd-aingil, agus le trompaid Dhé: agus éiridh na maibh ann an Crìosd air tùs:

17 An déigh sin sinne a bhitheas beò agus a dh'fhàgar, togar suas sinn maille ri-u-san anns na neulaibh, 'an còdhail an Tighearna 's an athar: agus mar sin bithidh sinn gu sìorruidh maille ris an Tighearna.

18 Uime sin thugaibh comhfhurtachd d'a chéile leis na briathraibh so.

CAIB. V.

1 Chaidh an t-abstol air aghaidh ann an labhairt mu theachd Crìosd gu breitheanas, 16 thug e ìomadh comhairle seachad, 23 agus chomh-dhàin e an tìtìr.

ACH mu thimcheall nan aimsirean agus nan am cha-n'eil feum agaibh-se, a bhràithre, mise a sgrìobhadh do 'ur n-ionnsuidh.

2 Oir tha sàr fhios agaibh féin gu'n tig là an Tighearna mar ghaduiche 's an oidhche.

3 Oir an uair a their iad, Sìth agus tearuinteachd, an sin thig sgrios obann orra, mar shaothair air mnaoi thorraich; agus cha téid iad as.

4 Ach cha-n'eil sibhise, a bhràithre, 's an dorchadas, ionnus gu'm beireadh an là sin oirbh mar ghaduiche.

5 Is sibhise uile clann an t-soluis, agus clann an là: cha-n ann de'n oidhche, no de'n dorchadas sinn.

6 Uime sin na coideamaid mar dhaoine eile; ach deanamaid faire agus bitheamaid stuama.

7 Oir an dream a choidleas, is anns an oidhche a choidleas iad: agus an dream a tha air mhisg, is anns an oidhche 'tha iad air mhisg.

8 Ach bithicamaid-ne a tha de'n là stuama, a' cur oirn uchd-éididh a' chreidimh agus a' ghlàidh, agus mar chlogaid, dòchas na slàinte.

9 Oir cha d'orduich Dia sinn chum feirge; ach chum slàinte fhaotainn tre ar Tighearna Iosa Crìosd,

10 A fhuair bàs air ar son, chum co aca is faire no codal dhuinn, gu'm bitheamaid beò maille ris.

11 Uime sin thugaibh comhfurtachd d'a chéile, agus togaibh suas gach aon a chéile, eadhon mar tha sibh a' deanamh.

12 Agus guidheamaid oirbh, a bhràithre, aithne 'bhi agaibh air an dream a tha 'saoithreachadh 'n 'ur measg, agus a tha os bhur ceann 's an Tighearna, agus a tha 'g 'ur comhairleachadh;

13 Agus meas mòr a bhi agaibh dhiubh ann an gràdh air son an oibre. Bithibh sìochail 'n 'ur measg féin.

14 A nis guidheamaid oirbh, a bhràithre, thugaibh rabhadh dhoibh-san a tha mìriaghaitreachd, thugaibh comhfhurtachd dhoibh-san a tha lag-chridheach, cumaibh suas iadsan a tha annhunn, bithibh foighidneach a thaobh nan uile dhaoine.

15 Feuchaibh nach ioc neach ole air son uile do dhuine sam bith; ach leanaibh-se a ghnàth an nì a tha maith, araon do 'ur taobh féin, agus a thaobh nan uile dhaoine.

16 Deanaibh gairdeachas a ghnàth.

17 Deanaibh urnuigh gun sgur.

18 Anns gach uile nì thugaibh buidheachas; oir is i so toil Dhé ann an Iosa Crìosd do 'ur taobh.

19 Na mìchaibh an Spiorad.

20 Na deanaibh tàir air fàidheadair-eachd.

21 Dearbhaibh na h-uile nithean: eumaibh gu daingean an nì sin a tha maith.

22 Seachnaibh gach uile choslas uile.

23 Agus gu'n deanadh Dia na sìthe féin naomha sibh gu h-ìomlan; agus gu'n dednaicheadh Dia gu'm bi bhur n-uile spiorad,

2 TESALONIANACH, I, II.

agus anam, agus chorp air an gleidheadh gu neo-choireach, gu teachd ar Tighearna Iosa Crìosd.

24 *Is* firinneach an Ti a tha 'g'ur gairm, neach mar an ceudna a ni e.

25 A bhràithre, deanaibh urnuigh air ar son-ne.

26 Cuiribh fàilte air na bràithribh uile le pòig naomh.

27 Tha mi a' sparradh oirbh á h-uchd an Tighearna, gu'n leughar an litir so do na bràithribh naomha uile.

28 *Gu'n robh* gràs ar Tighearna Iosa Crìosd maille ribh. Amen.

DARA LITIR AN ABSTOIL PHOIL

CHUM NAN

TESALONIANACH.

CAIB. I.

1 *Thug Pòl fios do na Tesalonianaich air an deadh bharail a tha aige mu'n creidimh, an gràdh, agus am foighidin; 5 agus ghnàthaich e reusanan chum comhfhurtachd a thoirt doibh fo'n geur-leanmhuinn, gu h-àraidh o cheart-bhreitheanas Dhé.*

POL, agus Siluanas, agus Timoteus, chum eaglais nan Tesalonianach, ann an Dia ar n-Athair, agus anns an Tighearn Iosa Crìosd:

2 Gràs *gu robh* dhuibh, agus sìth o Dhia ar n-Athair, agus o'n Tighearn Iosa Crìosd.

3 Tha e mar fhliachaibh oirne buidh-eachas a thoirt do Dhia a ghnàth air bhur son-se, a bhràithre, mar is cubhaidh, do bhrìgh gu bheil bhur creidimh a' fas gu ro mhòr, agus gu bheil gràdh gach aoin agaibh uile a' meudachadh d'a chèile:

4 Ionnsu gu bheil sinne féin a' deanamh uaille asaibh-se ann an eaglaisibh Dhé, air son bhur foighidin agus bhur creidimh ann bhur n-uile gheur-leanmhuinnibh agus àmhgharaibh a tha sibh a' fulang:

5 *Ni a tha 'n* a chomharadh follaiscach air ceart-bhreitheanas Dhé, chum gu measar gur airidh sibhse air rìoghachd Dhé, air son am bheil sibh a' fulang:

6 Do bhrìgh gur ceart an ni do Dhia, àmhghar iocadh dhoibh-san a tha 'cur àmhghair oirbh;

7 Agus dhuibhlise a tha fo àmhghar, fois maille ruinne, 'n uair a dh'fhoillsichear an Tighearn Iosa o nèamh, maille r'a ainglibh cumhachdach,

8 Ann an teine lasarach, a' deanamh dìoghaltas air an dream aig nach 'eil còlas air Dia, agus nach 'eil ùmhal do shoisgeul ar Tighearna Iosa Crìosd.

9 Muinntir air an deantar pèanas le sgrios sìorruidh o làthair an Tighearna, agus o ghlòir a chumhachd;

10 'N uair a thig e gu bhi air a ghlòrachadh 'n a naoimh, agus chum gu'n deantar iongantach e anna-san uile a tha 'creidsinn 's an là sin, (do bhrìgh gu'n do chreidcadh ar fianuis-ne 'u 'ur measg-se.)

11 Air an aobhar so tha sinne mar an ceudna a' deanamh sìor-urnuigh air bhur son-se, chum gu meas ar Dia-ne gur airidh sibhse air a' ghairm so, agus gu'n coimhlion e uile dheadh-ghean a mhaitheis, agus obair a' chreidimh le cumhachd:

12 Chum gu'm bi ainm ar Tighearna Iosa Crìosd air a ghlòrachadh annaibh-se, agus sibh-se ann-san, a réir gràis ar Dé-ne, agus an Tighearna Iosa Crìosd.

CAIB. II.

1 *Is àille Pòl gu'm buanaicheadh na Tesalonianaich 's an fhirinn ris an do ghabh iad: 3 nochd e gu'm bi clonadh o'n chreidimh ann, 9 agus gu'm foillsichear an t-ana-Crìosd roimh theachd là an Tighearna; 15 agus 'an lorg so dh'aùhris e a ris a cheud earail, agus rinn e urnuigh air an son.*

ANIS guidheamaid oirbh, a bhràithre, a thaobh teachd ar Tighearna Iosa Crìosd, agus ar comhchruinneachaidh-ne d'a ionnsuidh,

2 Gun sibh a bhi gu h-ealamh air bhur crathadh 'n 'ur n-intinn, no fo bhuaireas, le spiorad, no le focal, no le litir, mar uaimne, mar gu'm bitheadh là Chrìosd am fagus.

3 Na mealladh neach sam bith sibh air aon chor: oir cha *tig an là sin* mur tig air tùs tréigeadh-creidimh, agus mur foillsichear duine sin a' pheacaidh, mac an sgrios;

4 A tha 'cur an aghaidh agus 'g a àrdachadh féin os ceann gach ni ris an abrar Dia, no d'an deantar aoradh; ionnsu mar Dhia gu'm bheil e 'n a shuidhe ann an teampull Dhé, 'g a nochdadh féin gur Dia e.

5 Nach cuimhne leibh, air dhomh 'bhi fathast maille ribh, gu'n d'innis mi na nithcan so dhuibh?

6 Agus is aithne dhuibh ciod a tha 'bacadh nis e 'bhi air fhoillseachadh 'n a àm féin.

7 Oir tha rùn-dìomhair na h-ain-diadhachd ag oibreachadh cheana, a mhàin gus an toirear air falbh an ti a tha nis a' bacadh.

8 Agus an sin foillsichear an t-aingidh sin, a chlaoidheas an l'ighearn le h-anail a bheòil

féin, agus d'an cur e as le dealradh a theachd :

9 *Eadhon esan*, aig am bheil a theachd a réir oibreachaidh Shàtain, maille ris an uile chumbachd, agus chomharaibh, agus iong-anta-saibh breugach,

10 Agus maille ri uile mhealltaireachd na h-eucorach anntasan a chaillear; a chionn nach do ghabh iad gràdh na firinn, chum gu'n tearuineadh iad.

11 Agus air a shon so cuiridh Dia treun-oibreachadh meallaidh d'an ionnsuidh, ionnus gu'n creid iad a' bhreug :

12 Chum gu'm bi iad uile air an dìteadh, nach do chreid an fhìrinn, ach aig an robh tlachd anns an eucòir.

13 Ach tha e mar fhiachaibh oirne buidheachas a thoirt do Dhia a ghnàth air bhuirson-se, a bhràithre, ionnmhuinn do'n Tighearn, do bhrìgh gu'n do thagh Dia sibh o thùs chum slàinte, tre naomhachadh an Spioraid, agus creidsinn na firinn :

14 Chum an do ghairn e sibh tre ar soisgeul-ne, chum sibh a dh'fhaotainn glòire ar Tighearna Iosa Crìosd.

15 Uime sin, a bhràithre, seasaibh gu daingean, agus cumaidh na teagasgan a thugadh dhuibh, co dhiubh is ann le focal, no le ar litir-ne.

16 A nis gu'n tugadh ar Tighearn Iosa Crìosd e féin, agus Dia, eadhon ar n-Athair-ne, a ghràdhaidh sinn, agus a thug dhuinn sòlas sìorruidh, agus dòchas maith tre ghràs,

17 Comhfhurtachd do 'ur cridhe-sa, agus gu'n daingnicheadh e sibh anns gach uile dheadh fhocal agus ghnìomh.

CAIB. III.

1 *Dh'iarr Pòl urnuigh nan Tesalonianach air a shon féin; 3 chuir e 'an céill meud an carbsa a tha aige asda; 5 ghuidh e Dia as an leth; 6 thug e iomadh comhairle orra, gu h-àraidh iad a sheachnadh diomhanais, agus droch cuideachd; 16 agus fa dheireadh chrìochnaich e le iomadh beannachd d'an ionnsuidh, agus le urnuigh air an son.*

FA dheoidh, a bhràithre, deanaibh urnuigh air ar son-ne, chum gu'n ruith focal an Tighearna, agus gu'm bi e air a ghlòrachadh mar ann bhuirson-se;

2 Agus chum gu'n saorar sinne o dhaoibh mi-reusonta agus olca: oir cha-n ann aig na h-uile a tha creidimh.

3 Ach tha an Tighearn dìleas, a dhaingnicheas agus a choimhideas o'n olc sibh.

4 Agus tha carbsa againn 's an Tighearn

do 'ur taobh-se, gu bheil sibh araon a' deanamh, agus gu'n dean sibh, na nithean a tha sinn ag àithneadh dhuibh.

5 Agus gu'n seòladh an Tighearn bhuir crideachan chum gràidh Dhé, agus chum foighidinn Chrìosd.

6 A nis àithneamaid dhuibh, a bhràithre, ann an ainm ar Tighearna Iosa Crìosd, sibh féin a dhealachadh ris gach uile bhràthair a tha 'g imeachd gu mi-riaghailteach, agus cha-n ann a réir an teagaisg a fhuair e uainne.

7 Oir tha fhios agaibh féin cionnus is còir dhuibh ar lorg-ne 'leantuinn: oir cha do ghiùlain sinne sinn féin gu mi-riaghailteach 'n 'ur measg;

8 Ni mò a dh'ith sinn aran duine sam bith a nasgaidh; ach le saothair agus an-shocair, a dh'oidheche agus a là ri h-obair, chum nach cuireamaid ar trom air aon agaibh:

9 Cha-n e nach 'eil comas againn, ach a chum gu'n deanamaid sinn féin 'n ar n-eis-impleir dhuibhse, gu ar leantuinn.

10 Oir an uair a bha sinn maille ribh, thug sinn an àithne so dhuibh, mur àill le neach obair a dheanamh, gun e dh'itheadh bith.

11 Oir tha sinn a' cluinntinn gu bheil daoine àraidh ag imeachd gu mi-riaghailteach 'n 'ur measg, nach 'eil a' deanamh oibre sam bith, ach a' gabhail gnothuich ri nithibh nach buin doibh.

12 A nis tha sinn a' toirt àithne d'an leithidibh sin, agus ag earlachadh orra tre ar Tighearn Iosa Crìosd, le saothreachadh gu ciùin, gu'n ith iad an aran féin.

13 Agus sibhse, a bhràithre, na sgèithichibh a dheanamh maith.

14 Agus ma tha neach sam bith nach toir ùmhlachd do ar focal-ne tre an litir so, comharaichibh esau, agus na bitheadh comhludair agaibh ris, chum gu'm bi nàire air.

15 Gidheadh na measaibh e mar nàmhaid, ach thugaibh comhairle air mar bhràthair.

16 A nis gu'n tugadh Tighearn na sìthe e féin sìth dhuibhse a ghnàth, air gach aon chor. *Gu'n robh* an Tighearn maille ribh uile.

17 Fàilte uamsa Pòl le m' làimh féin, ni a's e an comharadh anns gach uile litir: mar so tha mi a' sgriobhadh.

18 Gràs ar Tighearna Iosa Crìosd *gu robh* maille ribh uile. Amen.

THIMOTEUIS.

CAIB. I.

1 *Tha ar t-ordugh a thugadh do Thimoteus 'n uair a chaidh Pòl do Mhacedonia, air a chur 'an cuimhne dha. 5 Mu thimchioll seum dligeach an lagha, 11 agus gairm Phòil gu 'bhi 'n a abstol; 28 agus nu thimchioll Himeneus agus Alecsander.*

POL abstol Iosa Criosd, a réir àithne Dhé ar Slànuidhir, agus an Tighearna Iosa Criosd, *neach a's e ar dòchas;*

2 Chum Thimoteus m'fhìor mhic anns a' chreidimh: Gràs, tròcair, agus sìth o Dhia ar n-Athair, agus o Iosa Criosd ar Tighearn.

3 Mar a dh'iarr mi ort fantuinn ann an Ephesus, 'n uair a chaidh mi do Mhacedonia, chum gu'n tugadh tu ordugh do dhream àraidh gun atharrachadh teagaisg a thoirt natha;

4 Agus gun aire a thoirt do sgeulachdaibh, agus do shloinnteachd neo-chrìochnaich, a bheir aobhar do cheisdibh, nìs mò na dh' fhòghlum diadhaidh, a tha tre chreidimh: *dean mar sin.*

5 A nis is e a's crìoch do'n àithne gràdh à cridhe glan, agus à coguis mhaith, agus à creidimh neo-chealgach:

6 Nithean air do dhream àraidh clonadh uatha, chaidh iad a thaobh chum dìomhnaise cainte;

7 A' miannachadh 'bhi 'n an luchd-teagaisg an lagha, agus gun iad a' tìginn cìod a tha iad ag ràdh, no cìod iad na nithean mu'm bheil iad a' toirt cainte.

8 Ach tha fhios againn gu bheil an lagh maith, na ghnàthaicheas neach gu dligeach e:

9 Air do fhios air so a bhi aige, nach ann do dhuine fireanach a dh'orduicheadh an lagh, ach do dhaoineibh neo-dhligeach agus eas-ùmhail, dhoibh-san a tha mi-dhiadhaidh agus do pheacaich, do dhaoineibh mi-naomha agus neo-chràbhach, do luchd-marbhaidh aithrichean agus do luchd-marbhaidh mhàithrichean, do luchd-mortaidh,

10 Do luchd-strìopachais, do luchd-anamiana mi-nàdurra, do luchd-goìd dhaoine, do bhreugairibh, do luchd-eithich, agus ma tha nì sam bith eile a tha'n aghaidh teagaisg fhallain,

11 A réir soisgeil ghlòrmhoir an Dé bheannaichte, a dh'earbadh rium-sa.

12 Agus tha mi a' toirt buidheachais do Iosa Criosd ar Tighearn, a neartaich mi, do bhrìgh gu'n do mheas e mi dìleas, 'g am chur 's a' mhinistreachd;

13 A bha roimh 'am fhear-labhairt toibheim, agus 'am fhear-geur-leannmhuinn, agus 'am dhuine eucorach. Ach fluair mi tròcair, do bhrìgh gu'n d'rinn mi so tre ain-eolas, ann am mi-chreidimh:

14 Agus bha gràs ar Tighearna thar tomhas ro phailt *dhomh*, maille ri creidimh, agus ri gràdh a tha ann an Iosa Criosd.

15 Is fìor an ràdh so, agus is airidh e air gach aon chor air gabhail ris, gu'n d'fhàinig Iosa Criosd do'n t-saoghal a thearnadh pheacach, d'am mise an cend-fhear.

16 Gidheadh, air a shon so fluair mi tròcair, chum gu'm foillsicheadh Criosd annam-sa air tùs, an uile fhad-fhulangas, mar shaimpleir dhoibh-san a chreideadh ann, an dèigh so, chum na beatha maireannaich.

17 A nis do'n Rìgh shiorridh, neo-thruaillidh, neo-fhaicsinneach, do Dhia a tha mhàin glic, *gu robh* urram agus glòir, gu saoghal nan saoghal. Amen.

18 An àithne so tha mi ag earbsadh rint, 'Thimoteuis a mhic, a réir nam fàidheadair-eachd a rinneadh umad roimh so, chum tridsan gu'n cogadh tu deadh chogadh;

19 A' coimhead creidimh agus deadh chognis; nì air do chnìd *de dhaoineibh* a chur uatha, rinn iad long-bhriseadh thaobh a' chreidimh.

20 D'am bheil Himeneus agus Alecsander; muinntir a thug mise thairis do Shàtan, chum le'n smachdachadh gu'm fòghlumadh iad gun toibheum a labhairt.

CAIB. II.

1 *Nochd Pòl gur còir urnuigh agus breith-buidheachais a ghnàthachadh air son nan uile dhaoine. 9 Cionnus is còir do mhnàibh a bhi air an sgeadachadh; 12 cha-n'eil e ceadichte dhoibh teagasg a thoirt uatha: 15 saorair iad ann am breith doinne na bhvanaicheas iad 's a' chreidimh.*

THA mi ag iarraidh uime sin, roimh na h-nìle nithibh, gu'n deanar a' tchuinge, urnuighean, cadar-ghnidhe, agus breith-buidheachais air son nan uile dhaoine:

2 Air son rìghrean, agus air son nan uile a tha ann an ùghdarras: chum gu'n caith sinn ar beatha gu foisneach agus gu sìochail, anns an uile dhiadhachd agus chiatachd.

3 Oir *tha* so maith agus taitneach 'am fianuis Dhé ar Slànuidhir:

4 Neach leis an àill na h-nìle dhaoine 'bhi air an tearnadh, agus iad a' tleachd chum eòlas na fìrinn.

1 THIMOTEUIS, III, IV.

5 Oir is aon Dia a tha ann, agus aon eadar-mheadhonaib cadar Dia agus daoine, an duine Iosa Crìosd ;

6 A thug e féin 'n a éiric air son nan uile, mar fhianuis ann an àm iomchuidh ;

7 Chum an d'orduicheadh mise a'm' shear-monaiche, agus a'm' abstol, (tha mi a' labhairt na firinn ann an Crìosd, cha-n'eil mi a' deanamh breige,) 'am fhear-teagaisg nan Cinneach ann an creidimh agus ann am firinn.

8 Uime sin is àill leam na fir a dheanamh urnuigh 's gach àit, a' togail suas làmhnan naomha, gun fheirg, gun amharus :

9 Air an dòigh cheudna, na mnathan a chur cudaich iomchuidh umpa, 'g an sgeadachadh féin le nàiseachd agus stuaim: cha-n ann le casadh an gruaige, no le h-òr, no le neamhnuidibh, no le culaidhibh luachmhor ;

10 Ach, (mar is eubhaidh do mhnathan a tha 'g aideachadh diadhachd,) le deadh oibribh.

11 Fòghlumadh a' bhean ann an ciùineas leis an uile àmhlachd.

12 Ach cha-n'eil mi a' ceadachadh do mhnasoi teagasg a thoirt naipe, no ceannas a ghilacadh air an fhear, ach i 'bhi 'n a tosd.

13 Oir is e Adhamh a chruthaicheadh air tùs, agus 'n a dhéigh sin Eubha.

14 Agus cha b'e Adhamh a mhealladh, ach air do'n mhnasoi 'bhi air a mealladh, bha i 's a' chionta.

15 Gidheadh tèarnar i tre bhreith cloinne, na bhuanachas iad ann an creidimh, agus ann an gràdh, agus ann an naomhachd, maille ri stuaim.

CAIB. III.

1 Ciod iad na buaidhean a's còir a bhi air na h-easbuigibh, agus air na deaconaibh, agus air am mnathan ; 14 agus e'ar son a sgrìobh Pòl na nithean so gu Timoteus. 15 Mu thim-chioll na h-eaglais, agus na firinn beannaichte a tha air a teagasg agus air a h-aideachadh innte.

IS ràdh fìor so, Ma tha togradh aig aon duine chum dreuchd easbuig, tha e 'miannachadh deadh oibre.

2 Uime sin is còir do easbuig a bhi neo-lochdach, 'n a fhear aoin mhnatha, faireil, ciallach, deadh-bheusach, fialuidh, ealamh gu teagasg ;

3 Gun a bhi 'n a phòitear, gun a bhi tuas-aideach, gun a bhi déidheil air buannachd shalaidh ; ach macanta, neo-thuasaidheach, neo-shanntach ;

4 'N a dhuine a riaghlas a thigh féin gu maith, aig am bheil a chlann fo smachd maille ris an uile shuidheachadh-inntinn ;

5 (Oir mur aithne do dhuine a thigh féin a riaghladh, cionnus a ghabhas e cùram de eaglais Dhé ?)

6 Gun a bhi 'n a nuadh-chreideach, air eagal, air dha 'bhi air at le h-uabhar, gu'n tuit e ann an dìteadh an diabhail.

7 Is còir dha mar an ceudna deadh theist-eas a bhi aige uatha-san a tha'n leth muigh ; air eagal gu'n tuit e ann an scainnìl, agus ann an ribe an diabhail.

8 Mar an ceudna is còir do na deaconaibh a bhi suidhichte, gun an teagadh 'bhi leam, leat, gun a bhi cionail air mòran fiona, gun a bhi déidheil air buannachd shalaidh ;

9 A' cumail rùn-dìomhair a' chreidimh ann an coguis ghloin.

10 Agus bitheadh iadsan mar an ceudna air an dearbhadh an toiseach ; agus an sin gnàthaicheadh iad dreuchd deacoin, air dhoibh a bhi air am faghail neo-choireach.

11 Is amhuil sin is còir do na mnathan a bhi suidhichte, gun a bhi 'n an luchd-tuail-eis ; ach a bhi measarra, ionraic 's na h-uile nithibh.

12 Bitheadh na deacoin 'n am fir aoin mhnatha, a' riaghladh an cloinne, agus an tighe féin gu maith.

13 Oir an dream a ghnàthaich dreuchd deacoin gu maith, tha iad a' cosnadh deadh cheum dhoibh féin, agus dànachd mhòr 's a' chreidimh, a tha ann an Iosa Crìosd.

14 Tha mi a' sgrìobhadh nan nithean so a d'ionnsuidh, 'an dòchas teachd gu grad a d'ionnsuidh :

15 Ach ma ni mi moille, chum gu'm bi fhios agad cionnus is còir dhuit thu féin a ghiùlan ann an tigh Dhé, ni a's e eaglais an Dè bheò, post agus stéidh-dhaingneachaidh na firinn.

16 Agus gun amharus is mòr rùn-dìomhair air na diadhachd : dh'fhoillsicheadh Dia 's an fheadh, dh'fhìreanaicheadh e 's an spiorad, chunnacas le ainglibh e, shearmonaicheadh e do na Cinnich, chreideadh ann air an t-saoghal, ghabhadh suas e chum glòire.

CAIB. IV.

1 Roimh-innis Pòl gu'n tèid daoine anns na h-aimsiribh deireannach air seacharan o'n chreidimh : 6 agus chum nach bitheadh Timoteus a dhéidh-lainh 'n a dhleasdanas, thug e comhairtean eag-samhuil air.

ANIS tha an Spiorad ag ràdh gu soilleir, anns na h-aimsiribh deireannach gu'n tréig dream àraidh an creidimh, a' toirt aire do spioradaibh mealltach, agus do theagasgaibh dheamhan ;

2 Tre cheilg bhreugairean, air bhi d'an coguisibh air an losgadh le iarunn dearg ;

3 A' toirmcag pòsaidh, agus ag iarraidh bidheannan a sheachnadh, a chruthaich Dia chum an gabhail maille ri breith-buidh-eachais leosan a tha 'creidsinn, agus aig am bheil eòlas na firinn.

4 Oir is maith gach ni a chruthaich Dia, agus cha-n ion ni sam bith a dh'iùltadh, a ghabhar le breith-buidheachais :

5 Oir tha e air a naomhachadh le focal Dhé agus le h-urnuigh.

6 Ma chuireas tu na nithean so 'an cuimhnè

do na bràithribh, bithidh tu a'd' dheadh mhinisteir do Iosa Crìosd, air d'altrum suas ann am briathraibh a' chreidimh, agus an deadh theagaisg, air an do ghabh thu eblas:

7 Ach diùlt sgenlachdan mi-dhiadhaidh shean bhan, agus cleachd thu fèin chum diadhachd.

8 Oir tha an cleachdadh corporra tarbhach chum beag nithean; ach tha'n diadhachd tarbhach chum nan uile nithean, aig am bheil gealladh na beatha 'tha làthair, agus a chum teachd.

9 Is ràdh fìrinn each so, agus is airidh e air gach aon chor air gabhail ris.

10 Oir is ann nime so a tha sinn an dè cluid ri saothair, agus a' fulang maslaidh, do bhrìgh gu bheil dòchas againn's an Dia bheò, neach a's e Slànnidhear nan uile dhaoine, gu h-àraidh nan creidmheach.

11 Aithn agus teagaisg na nithean so.

12 Na deanadh duine sam bith tarenis air d'òige; ach bi thusa a'd' eisimpleir do na creidmheach, ann am focal, ann an caithe-beatha, ann an gràdh, ann an spiorad, ann an creidimh, ann am fìor-ghloine.

13 Gus an tig mi, thoir an aire do leughadh, do earail, do theagsg.

14 Na dearmad an tiodhlac a tha annad, a thugadh dhuit tre fhàidheadaireachd, maille ri leagadh làmh na seanaireachd ort.

15 Smuainich air na nithibh sin; thoir thu fèin gu tur dhoibh, chum gu'm bi do theachd air d'aghaidh follaiseach do na h-uile.

16 Thoir aire dhuit fèin, agus do d' theagsg; buanaich annta: oir le so a dheanamh, saoraidh tu araon thu fèin, agus iadsan a tha 'g èisdeachd riut.

CAIB. V.

1 *Riaghailtean a's còir a leantuinn ann an cronachadh.* 3 *M' bhantrachaibh.* 17 *Mushean-airibh.* 23 *Comhairle do Thimoteus mu thimchioll a shlàinte, &c.*

NA garg-chronaich seanair, ach cuir impidh air mar athair, agus air na h-òig-flùir mar bhràithribh;

2 Na mnathan aosda mar mhàithrichibh, na mnathan òga mar pheathraichibh, maille ris an nùle fìor-ghloine.

3 Thoir urram do bhantrachaibh a tha 'n am bantrachaibh da rìreadh.

4 Ach ma tha bantrach air bith aig am bheil clann no oghachan, foghlumadh iad air tùs a bhli dleasdhanach 'n an tighibh fèin, agus ath-dhiol a thoirt d'am pàrantaibh: oir tha so maith agus taitneach 'am fianuis Dhé.

5 A nis cuiridh ise a tha 'n a bantrach da rìreadh, agus air a fàgail 'n a h-aonar, a dòchas ann an Dia, agus buanaichidh i a là agus a dh'òidhe ann an athcheuingibh, agus ann an urnuighibh.

6 Ach ise a tha 'caitheadh a beatha 'am macnus, air dhi 'bhi beò, tha i marbh.

7 Uime sin aithn na nithean so dhoibh, chum gu'm bi iad neo-lochdach.

8 Ach mur dean duine solar air son a chuideachd fèin, agus gu h-àraidh air son muinntir a theaghaich, dh'èicheadh e'n creidimh, agus is mìosa e na ana-creideach.

9 Na gabhar bantrach's an àireamh a bhitheas fo thri fichead biadhna dh'aois, a bha 'n a mnaoi aoin duine,

10 Air am bheil teistean a thaobh dheadh oibre; ma thog i clann, ma thug i aoidh eachd seachad, ma dh'ionnlaid i cosan nan naomh, ma dh'fhòir i air luchd-àmhghair, ma lean i gu dicheillach gach deadh obair.

11 Ach diùlt na bantrachan òga: oir an uair a dh'fhàsas iad mear an aghaidh Chrìosd, is miann leo pòsadh;

12 Muinntir a tha fo dhèidh, a chiomn gu'n do thréig iad an cènd chreidimh.

13 Agus os bàrr, foghlumaidh iad a bhli dionhanach, a' dol m'n cuairt o thigh gu thigh; agus cha-n e mhàin dìomhanach, ach mar an cendna gabhannach, agus a' gabhail gnothnich ris na nithibh nach buin doibh, a' labhairt nithean nach bi chòir dhoibh.

14 Is àill leam uime sin na mnathan òga a phòsadh, iad a bhreith cloinne, a stiùradh an tìghe, agus gun chion-fath air bith a thoirt do'n eascaraid labhairt gu toibheumach.

15 Oir tha cuid cheana air dol a thaobh an dèigh Slàinte.

16 Ma tha aig creidmheach no aig ban-chreidmheach bantrachan, fòireadh iad orra, agus na bitheadh an trom air an eaglais; chum gu'n dean i cabhair orra-san a tha 'n am bantrachaibh da rìreadh.

17 Measar gur airidh na seanairean a riaghlas gu maith air urram dùbailte, gu h-àraidh iadsan a tha 'saoithreachadh's an fhocal agus ann an teagsg.

18 Oir tha an sgrìobtur ag ràdh, Na ceangail beul an daimh a tha 'sàltairt an arbhair: agus, Is airidh na t-òibriche air a thnarsdal.

19 Na gabh casaid an aghaidh seanair, ach le dithis no triuir a dh' fhiannisibh.

20 Iadsan a tha 'peacachadh cronaich an làthair nan uile, chum gu'n gabh càch cagal mar an cendna.

21 Tha mi a' sparradh ort 'am fianuis Dhé, agus an Tighearna Iosa Crìosd, agus nan aingel taghta, gu'n coimhid thu na nith-eann so, gun aon a chur roimh neach eile, gun ui air bith a dheanamh le claon-bhreth.

22 Na leag do làmhann gu h-obann air duine sam bith, agus na bitheadh comhpairt agad de pheacaibh dhaoine eile: coimhid thu fèin glan.

23 Na h-òl uisge nì's mò, ach cleachd beagan fìona air son do ghloine, agus d'am-mhinneachd mhinie.

24 Tha peacaidhean enid de dhaoineibh follaiseach roimh-làimh, a' dol rompa chum

breitheanais; agus tha *peacaidhean* dhream àraidh 'g an leantuinn.

25 Mar an ceudna tha deadh oibre *cuid* follaiseach roimh-làimh; agus na *h-oibre* a tha de ghné eile, cha-n fheudar am folach.

CAIB. VI.

1 *Mu dhleasdanas sheirbhiseach*: 3 *Cha chòir* *comunn* a bhi againn ri droch luchd-teagaisg. 6 *Is buannachd mhòr an diadhachd*. 10 *'S e* *gaol an airgid freumh gach uile*. 11 *Cìod is* *còir do Thimoteus a sheachnadh*, agus a leantuinn; 17 agus *cìod mu'n còir dha rabhadh a thoirt do'n dream a tha saobhair*.

MEASADH a' mheud 's a tha fo 'n chuing 'n an seirbhiseach, gur airidh am maighstirean féin air an uile urram; chum nach faigh ainm Dhé, agus a theag-asg toibheum.

2 Agus iadsan aig am bheil maighstirean creidmheach, na deanadh iad tarcuais orra, air son gur bràithrean iad: ach gu ma fearr leo scribhis a dheanamh *dhoibh*, do bhrìgh gu bheil iad creidmheach agus ionmhuinn, 'n an luchd-comhairteach do thìodhlac *a' ghràis*. Na nithean so teagaisg agus earailich.

3 Ma bheir aon neach atharrachadh teagaisg uath, agus nach aontaich e do bhriathraibh fallain, eadhon do bhriathraibh ar Tighearna Iosa Crìosd, agus do'n teagasg, a tha réir na diadhachd:

4 Tha e uaibhreach, gun eòlas aige air ui sam bith, ach e as a chéill mu thimchioll cheisdeau, agus bhriathar-connsachaidh, o'n tig farmad, comhstri, anacaint, droch amharusan,

5 Fiar-dheasboireachd dhaoine aig am bheil inntinn thruaillidh, agus as eugmhais na firinn, a' meas gur buannachd an diadhachd: dealaich ri an leithidibh sin.

6 Ach is buannachd mhòr an diadhachd maille ri inntinn thoilichte.

7 Oir cha d'thug sinn ui air bith *leinn* do'n t-saoghal so, agus *is* soilleir nach urrainn sinn ni sam bith a thoirt as.

8 Uime sin air dhuinn biadh agus eudach a bhi againn, bitheamaid toilichte leo sin.

9 Ach an dream le'n àill a bhi beartach, tuitidh iad ann am buaircadh, agus ann am ribe, agus ann an iomadh ana-miann amaid-each agus ciùrrail, a bhàthas daoine ann am milleadh agus ann an sgrios.

10 Oir is e gaol au airgid freumh gach uile: ni am feadh a mhiannaich dream àraidh, chaidh iad air seacharan o'n chreidimh, agus throimh-lotsiad iad féin le iomadh cràdh.

11 Ach thusa, O òglaich Dhé, teich o na nithibh sin: agus lean fireantachd, diadhachd, creidimh, gràdh, foighidin, ceannsaichd.

12 Còmhraig deadh còmhrag a' chreidimh, gabh greim de'n bheatha mhaireannach, chum mar au ceudna an do ghairmeachd thu, agus dh'aicid thu deadh aidmheil au lathair mhòran fhiauuisean.

13 Tha mi a' sparradh ort ann am fianuis Dhé, a bheothaicheas na h-uile nithean, agus 'am fianuis Iosa Crìosd, a rinn fianuis air deadh aidmheil an lathair Phontius Philait;

14 Thu 'choimhead na h-àithne so gun smal, gun lochd, gu teachd ar Tighearna Iosa Crìosd:

15 Ni, 'n a àmaibh féin, a dh'fhoillsicheas an ti a tha beannaichte, agus a mhàin cumhachdach, Rìgh na rìgh agus Tighearn nan tighearn;

16 Neach 'u a aonar aig am bheil neobhàsmhorachd, a tha 'n a còmhnuidh 's an t-solus dh'ionnsuidh nach feudar teachd; neach nach faca duine sam bith, agus nach mò dh'fheudas e 'fhaicinn: dhàsan *gu'n robh* urram agus cumhachd sìorruidh. Amen.

17 Thoir àithne do ua daoineibh a tha saobhair 's an t-saoghal so, gun iad a bhi àrd-inntiuneach, agus gun dòchas a chur ann an saobhreas neo-chiunteach, ach anns an Dia bheò, a tha 'toirt duinn nan uile nithean gu saobhair r'am mealtuinn:

18 Iad a dheanamh maith, iad a bhi saobhair ann an deadh oibribh, ealamh gu roinu, comh-pàrteach;

19 A' tasgadh suas doibh féiu deadh bhunait fa chomhair an àm ri teachd, chum gu'n deau iad greim air a' bheatha mhaireannach.

20 O Thimoteus, coimhid an ni sin a dh'earbadh riut, a' seachnadh faoin-chòmhraidhean mhi-naomha, agus comh-chogadh eòlais d'au toirear gu breugach an t-àim sin.

21 Ni air bhi do dhream àraidh ag aidmheil, chaidh iad air seacharan thaobh a' chreidimh. Gràs gu robh maille riut. Amen.

DARA LITIR AN ABSTOIL PHOIL

CHUM

THIMOTEUIS.

CAIB. I.

1 *Gràdh Phòil do Thimoteus: 5 an creidimh trèibhdhireach a bha ann an Timoteus féin, agus 'n a mhàthair agus 'n a shean-mhàthair. 6 Chuir e ìmpidh air tiodhlac Dhé a bha ann a dhàsgadh suas, 8 e bhi seasmhach agus foighidneach fo gheur-leanmhuinn, 13 agus e a bhuanachadh ann an earail agus ann am fìrinn an teagaisg a dh'fhòghluim e uath-san, &c.*

POL abstol Iosa Crìosd tre thoil Dhé. a' réir geallaidh na beatha, a tha ann an Iosa Crìosd.

2 Gu Timoteus mo mhac gràdhach : Gràs, trècàir, agus sìth o Dhia an t-Athair, agus o Iosa Crìosd ar Tighearn.

3 Tha mi 'toirt buidheachais do Dhia, do'm bheil mi a' deanaidh seirbhis o m' shinnisribh le coguis ghloin, gu bheil agam cuimhne ortsa a ghnàth a là agus a dh'oidheche ann am urnuighibh ;

4 Air dhomh 'bhi ro thogarrach air thusa fhaicinn, a' cuimhneachadh do dheur, chum gu'm bi mi air mo lìonadh le gairdeachas ;

5 'N uair a chluinnicheas mi an creidimh neo-chealgach a tha annad-sa, a chòmhnuich air tùs a'd' shean-mhàthair Lois, agus a'd' mhàthair Eunice: agus is deimhin leam a tha annad-sa mar an ceudna.

6 Air an aobhar so tha mi 'cur 'an cuimhne dhuit, thu dh'ath-bheothachadh tiodhlaic Dhé, a tha annad tre chur mo làmh-sa ort.

7 Oir cha d'thug Dia dhuinne spiorad na geilt; ach spiorad a' chumhachd, agus a' ghràidh, agus na h-inntinn fhallain.

8 Uime sin na gabh-sa nàire de fhianuis ar Tighearna, no dhìom-sa a phrìosanach: ach bithheadh do chuid agad a dh' àmhghar an t-soisgeil, a réir cumbachd Dhé;

9 A shaor sinne agus a ghairm sinn le gairm naomh, cha-n ann a réir ar n-oibre, ach a réir a ruin féin, agus a ghràs a thugadh dhuinne ann an Iosa Crìosd, roinn thoiseach an t-saoghail;

10 Ach a dh'fhoillsicheadh a nis troimh theachd ar Slànuighir Iosa Crìosd, a chuir as do'u bhàs, agus a thug beatha agus ueo-bhàsmhorachd chum soluis, tre an t-soisgeul;

11 Chum an d'orduicheadh mise a'm' shearmonaiche, agus a'm' abstol, agus a'm' fhear-teagaisg nau Cinneach;

12 An t-aobhar airson am bheil mi mar an ceudna a' fulang nan nithean so: gidheadh cha-nèil nàire orm: oir tha fhios agam co

ann a chreid nui, agus is dearbh leam gu bheil esan comasach air an nì sin a dh'earb mi ris a chloimhead fa chomhair an là sin.

13 Cum gu daingean sanhladh fìrinneach nam briathar fallain, a chuala tu uam-sa, anu au creidimh agus ann an gràdh a tha ann an Iosa Crìosd.

14 Coimhid an taisgeach maith siu a dh'earbadh riut, tre an Spiorad naomh, a tha 'chòmhluidh annainn.

15 Tha fhios so agad, gu'n do phill iadsan uile a tha 's au Asia uam-sa; d'am bheil Phigellus agus Hermogenes.

16 Gu'n tugadh an Tighearn trècàir do theaghlach Onesiphorus; oir is minic a thug e sòlas dhomh-sa, agus cha do ghabh e nàire de m' shlabhbraidh.

17 Ach au uair a bha e 's an Ròimh dh'farr e mach mi gu dìchiollach, agus fhuair e mi.

18 Gu'n deònaicheadh an Tighearn dhàsan gu'm faigh e trècàir o'n Tighearn 's an là sin: agus tha sàr-fhios agad, cia lion nì anns an d'rinn e frithealadh dhomh-sa ann an Ephesus.

CAIB. II.

1 *Chuir Pòl ìmpidh air Timoteus a ris a bhi seasmhach agus buan-mhaireannach, agus dleasdanas fìor-òglach an Tighearna 'chur 'an gnìomh, leis an fhocal a roinn gu ceart, agus faoin-chaint mhi-dhiadhaidh a sheachnadh. 17 Mu Hìmeneus agus Philetus. 19 Tha bunait an Tighearna cinnteach. 22 Cionnus is còir do sheirbhiseach an Tighearn e' féin a ghiùlan.*

UIME sin bi-sa, a mhic, làidir anns a' ghràs a tha ann an Iosa Crìosd.

2 Agus na nithean a chuala tu uam-sa am measg mhòrain fhianuisean, earb thusa na nithean sin féin ri daoineibh fìrinneach, a bhitheas iomchuidh gu daoine cile a theagasg mar an ceudna.

3 Fuiligh thusa uime sin cruaidh-chàs, mar dheadh shaighdear Iosa Crìosd.

4 Cha dean neach sam bith a leanas an cogadh e féin a ribeadh ann an gnothuichibh na beatha so: chum gu'n toilich e an ti a thagh e gu bhi 'n a shaighdear.

5 Agus mar an ceudna ged a ni fear air bith sbàirn, cha chrùnàr e mur dean e sbàirn gu dligeach.

6 Is còir do'n treabhaiche a shaoithricheas air tùs, comh-roinn fhaotainn de'n toradh.

7 Smuainich air na nithibh a tha mi ag ràdh; agus gu'n tugadh an Tighearn dhuit tuigse anns na h-uile nithibh.

8 Cuimhnich gu'n do thogadh o na mairbh Iosa Crìosd, de shìol Dhaibhidh, a réir mo shoigseil-sa;

9 Air son am bheil mise a' fulang mar fhear droch-bheirt, *eadhon* gu geimhlìbh; ach cha-n'eil focal Dhé ceangailte.

10 Uime sin tha mi ag iomchar nan uile nithean air son nan daoine taghta, chum gu'm faigh iadsan mar an ceudna an t-slàinte a tha ann an Iosa Crìosd, maille ri glòir shìorruidh.

11 Is ràdh fìor so, Ma bhàsaicheas sinn maille ris, gu'm bi sinn beò mar au ceudna maille ris:

12 Ma dh'fhuingeas sinn, rìghichidh sinu mar an ceudna maille ris; ma dh'àicheadhas sinn e, àicheadhaidh esan sinne mar an ceudna.

13 Mur creid sinne, gidheadh tha esan a' fantuinn firinnicach; cha-n'eil e'u comas da e féin àicheadh.

14 Cuir na nithean sin 'an cuimhne dhoibh, a' cur sparraidh orra 'an fiauuis an Tighearna, gun iad a bhi 'comhsachadh nu fhoclaibh anns nach 'eil tairbhe sam bith, ach a thilgeas bun os ceann an luchd-èisdeachd.

15 Dean dìchioll air thu féin a nochdadh dearbhata do Dhia, a'd' shaothraiche, nach ruig a leas nàire a ghabhail a' roinn focail na firinn gu ceart.

16 Ach seachainn faoin-chainnt mhi-naomha; oir thèid iad air aghaidh chum an tuilleadh mi-dhiadhachd.

17 Agus itheadh am focal mar chnàmhuinn; d'am bheil Himeneus agus Philetus;

18 Muinntir thaobh na firinn a chaidh air seacharan, ag ràdh gu'n deachaidh an aiseirigh cheana seachad; agus a tha 'tilgadh creidimh dream àraidh bun os ceann.

19 Gidheadh, tha bunait Dhé a' seasamh daingean, aig am bheil an seula so, Isathne do'n Tighearn an dream sin a's leis. Agus, Gach neach a tha 'g ainmeachadh ainm Crìosd, tréigeadh e eucoir.

20 Ach ann an tigh mòr cha-n e m'hàin gu bheil soithichean òir, agus airgid, ach mar an ceudna *soithichean* fiodha, agus creadha; agus cuid diubh chum urrainn, agus cuid eile chum eas-urrainn.

21 Uime sin ma ghlanas neach e féin uatha so, bithidh e 'na shoithicheal chum urrainn, air a naomhachadh, agus iomchuidd chum feum a' mhaighstir, deas chum gach uile dheadh oibre.

22 Teich uime sin o ana-miannaibh na h-òige: ach lean fireantachd, creidimh, gràdh, sìth, maille riù-san a tha 'gairm air an Tighearn o chridhe glan.

23 Ach seachainn ceisdean amaideach agus neo-fhògluimte, air dhuit fios a bhi agad gu'n tog iad comsaichidhean.

24 Agus cha-n fheadh òglach au Tighearna 'bhi connspòideach; ach ciùin ris na h-uile

dhaoinibh, ealamh chum teagaisg, foighidneach,

25 Ann an ceannsachd a' teagasg na dream a sheasas 'u a aghaidh; dh'fheuchaimn an toir Dia ur air bith aithreachas dhoibh, chum aidmheil na firinn.

26 Agus air mosgladh dhoibh gu'n téid iad as o ribe an diabhuil, aig am bheil iad air am beò-ghlacadh chum a thoile.

CAIB. III.

1 *Thug Pòl rabhadh do Thimoteus nu thimchioll nan aman ri teachd; 6 dh'innis e cò iad naomhdean na firinn; 10 chuir e 'eismeileir féin roimhe, 16 agus mhol e na sgrìobhtairean naomha.*

ACH bitheadh fhios se agad, gu'n tig anns na làithibh deireannach aimsirean cunnartach.

2 Oir bithidh daoine féin-speiseil, sann-tach, ràiteachail, uaibhreach, toibheumach, eas-ùmhail do phàrantaibh, mi-thaingeil, mi-naomha,

3 Gun ghràdh nàdurra, 'n an luchd brisidh còmhcheangail, taileasach, neo-gheam-nuidh, borb, gun ghaol do'n mhaith,

4 Fealltach, ceann-laidir, àrdanach, aig am bheil bàrr gràidh do shàimh na tha aca do Dhia;

5 Aig am bheil coslas diadhachd, ach a tha 'g àicheadh a cumhachd: o'n leithidibh sin tionndaidh-sa air falbh.

6 Oir is ann diubh so a tha 'n dream sin a dh'èalaidheas a stigh do thighean, agus a bheil leo 'am braighdeanas mnathan suarach air an uallachadh le peacadhibh, air an iomain le iomadh gnè ana-mianna,

7 A'sior-fhòghlum, agus gun chonias dhoibh gu bràth teachd chum eòlais na firinn.

8 Agus mar a chuir Iannas agus Iambres an aghaidh Mhaois, mar sin tha iadsan a' cur an aghaidh na firinn: daoine aig am bheil intinn thruaillidh, gun tuigse thaobh a' chreidimh.

9 Ach cha téid iad nì's faide air an aghaidh: oir bithidh am mi-chiall follaiseach do na h-uile *dhaoinibh*, mar a bha am *mi-chiall-san* mar an ceudna.

10 Ach tha làn-fhios agad air mo theagasg-sa, mo ghnè beatha, mo rùn, mo chreidimh, m'fhad-fhulangas, mo shìre, m'fhoighidinn,

11 Mo gheur-leannmhuinnibh, m'fhulangais a thàinig orm ann an Antioch, ann an Iconium, ann an Lìstra; ciod e meud nan geur-leannmhuinn a ghluclain mi: ach asda uile shaor an Tighearn mi.

12 Seadh, fuilingidh iadsan uile leis an àill am beatha a chaitheadh gu diadhaidh ann an Iosa Crìosd, geur-leannmhuinn.

13 Ach fàsaidh droch dhaoine agus meall-tairean nì's miosa agus nì's miosa, a' meall-adh, agus air am mealladh.

14 Ach buanaich thusa anns na nithibh a dh'fhògluim thu, agus air an d'rinneadh

thu dearbh-fhiosrach, air dhuit fios a bhi agad cia uait a dh'fhòghluim thu iad;

15 Agus o bha thu 'a d' leanabh gu'm b' aithne dhuit na sgrìobtuirean naomha, a tha comasach air do dheanamh glic chum slàinte, tre 'n chreidinn a tha ann an Iosa Crìosd.

16 Tha an sgrìobtur uile air a dheachdadh le Spìrad Dhé, agus tha e tarbhach chum teagasg, chum spreige, chum leasachaidh, chum oilein ann am fireantachd:

17 Chum gu'm bi òglach Dhé coimhliouta, làu deas chum gach uile dheadh oibre.

CAIB. IV.

1 Chuir Pòl impidh air Timoteus a dheanas a dheanamh leis an uile chùram agus dìchioll; 6 thug e cainte dha gu bheil a bhàs fèin ann fagus; 9 is aill leis e 'theachd gu grad d'a ionnsuidh, agus Marcus a thoirt leis, agus nithean àraidh eile mu'n do sgrìobh e d'a ionnsuidh; 14 thug e rabhadh dha 'bhi air fhaicill o Alecander an ceard-umha, &c.

THA mi a' sparradh ort uime sin 'am fianuis Dhé, agus an Tighearna Iosa Crìosd, a bheir breth air na beothaibh agus air na marbhaibh, aig a theachd dhcalrach, agus ann a rìoghachd:

2 Searmonaich an focal, bi dùrachdach ann an àm agus ann an an-àm: spreig, cron-aich, earailich leis an uile fhad-fhulangas agus theagasg.

3 Oir thig an t-àm anns nach bi fulang aca air teagasg fallain: ach air do chluasaibh tachasach a bhi aca, carnaidh iad snas dhoibh fèin luchd-teagaisg a réir an anna-miannan;

4 Agus tionndaidh iad an cluas an o'n fhèirinn, agus ionpaichear iad chum sgeulachdan faoinne.

5 Ach dean thusa faire anns na h-uile nithibh, fuiling cruaidh-chàs, dean obair soisgeul-aiche, coimhion do mhinistrealachd.

6 Oir tha mise nis gu 'bhi air mìobradh, agus tha àm mo shìubhail ann fagus.

7 Chòmhraig mi an deadh chòmhrag, chrìochnaich mi mo thurus, gheidh mi an creidimh.

8 O so mach taisgear fa m' chomhair crùn

fireantachd, a bheir an Tighearna, am breith-eamh cothromach, dhomh 's an là ud: agus cha-n aun dhomh-sa a mhàin, ach dhoibh-san uile mar an ceudna, leis an ionmhuinn a theachd-sau.

9 Dean do dhìchioll air teachd a m' ionnsuidh gu luath:

10 Oir thréig Demas mi, air dha an saoghal so a tha làthair a ghràdhachadh, agus chaidh e do Thesalonica; Crescens do Ghalatia, Titus do Dhalmatia.

11 Tha Lucas 'n a aonar maille rium. Gabh Marcus agus thoir leat e: oir tha e feumail dhomh-sa chum na ministrealachd.

12 Ach chuir mi Tichicus gu h-Ephesus.

13 An fhalluing a dh'fhàg mi ann an Troas aig Carpus, 'n uair a thig thu, thoir leat, agus na leabhraichean, ach gu h-àraidh na meambranan.

14 Rinn Alecander an ceard-umha iomadh olc orm: gu'n tugadh an Tighearna dha a réir a ghnìomharan:

15 Bi thusa mar an ceudna air d'fhaicill uait, oir chuir e gu mòr an aghaidh ar briathar-ne.

16 Aig mo cheud fhreagradh cha robh aon neach leam, ach thréig na h-uile mi: nìor agrar orra e.

17 Gidheadh, sheas an Tighearna làmh rium, agus neartaich e mi; chum tromham-sa gu'm bitheadh an scharmonachadh air a làn-fhoills-eachadh, agus gu'n cluinneadh na Cinnich uile e: agus shaoradh mi á beul an leòmhain.

18 Agus saoraidh an Tighearna mi o gach uile dhroch obair, agus gleidhidh e mi chum a rìoghachd nèamhaidh féiu: dhà-san *gu'n robh* glòir gu saoghal nan saoghal. Amen.

19 Cuir faillte air Prisca, agus air Aculla, agus air teaghlach Onesiphorus.

20 Dh'fhan Erastus ann an Corintus: ach dh'fhàg mi Trophimus gu tinn ann am Miletum.

21 Dean dìchioll air teachd roimh'n gheamhradh. Tha Eubulus, agus Pudens, agus Linus, agus Claudia, agus na bràithrean uile a' cur faillte ort.

22 *Gu'n robh* an Tighearna Iosa Crìosd maille ri d'spìrad. Gràs maille ribh. Amen.

LITIR AN ABSTOIL PHOIL

CHUM

THITUIS.

CAIB. I.

1 *Car son a dh'fhàgadh Titus ann an Crete.* 6 Cìod na buaidhean is còir 'bhi aca-san a thaghar 'n am ministearibh. 11 Is éigin beòil droch luchd-teagaisg a dhruidealh: 12 cìod a' ghnè dhaoine a tha anna.

POL seirbhiseach Dhé, agus abstol Iosa Crìosd, a réir creidimh dhaoine taghta

Dhé, agus aidmheil na fìrinn a tha réir diadhachd:

2 Ann an dòchas na beatha maireannaich, a gheall Dia, do nach comasach brèig a dheanamh, roimh chruthachadh an t-saoghail:

3 Ach dh'fhoillsich e 'fhocal féin, ann an àm iomchuidh tre shearmonachadh, a dh'

earbadh rium-sa, a réir àithne Dhé ar Slàn-uidhir :

4 Chum Thituis *mo* dhearbhbh mhic féin a réir a' chreidimh choitcheinn: Gràs, trècair, agus sith o' Dhia an t-Athair, agus o'n Tigh-earn Iosa Crìosd ar Slànuidhear.

5 Aire a shon so dh'fhàg mi thu ann an Crete, chum gu'n cuireadh tu 'n ordugh na nithean a dh'fhàgadh gun deanamh, agus gu'n suidhicheadh tu seanairean anns gach baile, a réir mar a dh'àithn mise dhuit.

6 Ma tha neach sam bith neo-lochdach, 'n a fhear aoin mhnatha, aig am bheil a chlann creidimhach, nach 'eil fo mhi-chliu thaobh ana-caitheimh, no eas-ùmhail :

7 Oir is còir do easbuig a bhi neo-choir-each, mar stiùbhard Dhé ; gun a bhi féin-thoileil, no feargach, no òlmhor, no tuasaid-each, no déidheil air buannachd neòghloin ;

8 Ach aoidheil, déidheil air daoineibh maithe, ciallach, cothromach, naomh, measarra ;

9 A' cumail an fhocail fhìor gu daingean a réir teagaisg, chum gu'm bi e comasach le teagasg fallain, araon air earail a thabhairt, agus an dream a sheasas 'n a aghaidh a chur as am barail.

10 Oir tha mòran ann a tha mi-riaghailt-each, a labhras gu dìomhain, agus a tha 'n am mealltairibh, gu h-àraidh iadsan a tha de'n timchioll-ghearradh :

11 Muinntir a's còir am beul a dhruideadh, òream a tha 'tionndadh thighean ionlan bun os ceann, a' teagasg nan nithean nach còir a theagasg, air ghaol buannachd shal-aich.

12 Thubhairt neach àraidh dhiubh féin, eadhon fàidh dhiubh féin, *Is breugairean a ghnàth na Cretich*, droch fhìadh-bheath-aichean, builg mhall.

13 Tha an fhianais so fìor: air an aobhar sin cronaich gu geur iad, chum gu'm bi iad fallain 's a' chreidimh ;

14 Gun' bhi 'toirt aire do fhaoin-sgeulachd-aibh Iudhach, agus do àitheantaibh dhaoine, a thionndaidheas o'n fhìrinn

15 Oir gu deimhin tha na h-uile nithean glan do'n dream a tha glan: ach dhoibh-san a tha salach, agus mi-chreidmheach, *cha-n' eil* aon ni glan ; ach tha an inntinn agus an cogus féin air an salachadh.

16 Tha iad a' gabhail orra eòlas a bhi aca air Dia ; ach ann an oiribh tha iad 'g a ùicheadh, air dhoibh a bhi gràineil, agus eas-ùmhail, agus a thaobh gach deadh oibre as eugmhais tuigse.

CAIB. II.

1 Comhairlean air an tabhairt do Thitus araon mu thimchioll a theagaisg agus a chaithe-beatha. 9 Mu dhleasdanas sheirbhisach, agus mar an ceudna mu dhleasdanas nan uile Chrisduidhean.

A CH labhair thusa na nithean a thig ri teagasg fallain :

2 Eadhon na daoine aosda 'bhi aireil, suidhichte, measarra, fallain 's a' chreidimh, ann an gràdh, ann am foighidinn :

3 Mar an ceudna na mnathan aosda 'bhi 'n an giùlan mar is cubhaidh do naomhachd, gun a bhi 'n an luchd-tuaileis, gun a bhi trom a air fion, a bhi 'n an luchd-teagaisg air nithibh maithe ;

4 Chum gu'n teagaisg iad na mnathan òga 'bhi ciallach, gràdhach air am fearaibh, gràdhach: air an cloinn,

5 'Bhi eagnuidh, geamnuidh, 'fantuinn aig an tigh, a bhi maithe, ùmhail d'am fearaibh chum nach faigh focal Dhé mi-chiu.

6 Cuir impidh air na daoineibh òga mar an ceudna, iad a bhi ciallach.

7 Anns na h-uile nithibh 'g ad nochdadh féin ann ad eisempleir dheadh oibre: ann an teagasg a' nochdadh neo-thruaillidheachd, suidheachadh inntinn, tréibhdhireis,

8 Càinnt fhallain nach fheadar a dhìt-cadh; chum gu'm bi nàire air an neach a tha 'n 'ur n-aghaidh, a chionn nach 'eil droch ni sam bith aige r'a labhairt unaibh.

9 Earailich seirbhisich a bhi ùmhail d'am maighistiribh féin, agus an deadh-thoileachadh anns na h-uile nithibh: gun' bhi a' labhairt 'n an aghaidh ;

10 Gun a bhi 'ceileachadh aon ni d'an cuid, ach a' nochdadh gach uile dheadh thairisneachd; chum gu'n dean iad teagasg Dhé ar Slànuidhir maiseach anns na h-uile nithibh.

11 Oir dh'fhoillsicheadh gràs slàinteil Dhé do na h-uile dhaoineibh,

12 A' teagasg dhuinn gach mi-dhiadhachd agus ana-miann saoghalta ùicheadh, agus ar beatha a chaitheadh gu stuama, gu cothromach, agus gu diadhaidh anns an t-saogh-al so làthair ;

13 Air dhuinn sùil a bhi againn ris an dòchas bheannaichte sin, eadhon foillseachadh glòire an Dé mhòir, agus ar Slànuidhir Iosa Crìosd :

14 A thug e féin air ar son, chum gu'n saoradh e sinn o gach aingidheachd, agus gu'n glanadh e dhia féin sluagh soirruichte, eudmhor mu dhcadh oiribh.

15 Na nithean so labhair, agus earailich, agus cronaich leis an uile ùghdarras. Na deanadh duine sam bith tàir ort.

CAIB. III.

1 Tha Titus air a sheòladh le Pòl, araon mu thimchioll nan nithean a bhuicheadh dha 'teagasg, agus nach buicheadh: 10 is àill leis e 'chur cùl ri luchd saobh-chreidimh: 12 an dèigh so, dh'innis e dha an t-àm, agus an t-àit anns am b' àill leis e theacadh d'a ionnsuidh; agus mar sin chrìochnaich e.

CUIR 'an cuimhne dhoibh a bhi ùmhail do uachdaranachdaibh agus do chumhachdaibh, géill a thoirt do luchd-riaghlaidh, 'bhi ullamh chum gach uile dheadh oibre.

2 Gun ole a labhairt mu neach air bith,

a bhi nec-thuasaideach, ciùin, a' taisbeanadh an uile cheannasachd do na h-uile dhaoibh.

3 Oir bha sinne féin uair-éigin eu-céillidh, eas-umhal, air scacharan, a' deanamh seirbhis do ionad gnè ana-miann agus an-toil, a' caitheamh ar beatha ann am mì-run agus 'am farmad, fuath-thoilteannach, agus 'a toirt fuath d'a chéile.

4 Ach an uair a dh'fhoillsicheadh caomhneas agus gràdh Dhé ar Slànuidhir do dhaoibh,

5 Cha-n ann o oibribh fireantachd a rinne sinne, ach a réir a thrèair féin shaor e sinn, tre ionnlad na h-ath-ghineamhuinn, agus ath-nuadhachadh an Spioraid naoimh:

6 A dhòirt e oirne gu saoi bhir, tre Iosa Crìosd ar Slànuidhear;

7 Chum air dhuinn a bhi air ar fireanachadh tre a ghràs-san, gu'm bitheamaid air ar deanamh 'n ar n-oighreachaibh a réir dòchais na beatha maireannaich.

8 Is fìor an ràdh so, agus is àill leam thu 'thoirt dearbh-chinntè air na nithibh sin, chum gu'm bitheadh iadsan a chreid ann an Dia, cùramach air toiseach a bhi aca ann an deadh oibribh: oir tha na nithean ro maith agus tarbhach do dhaoibh.

9 Ach seachainn ceisdear amaideach, agus

sloinntaireachd, agus connspoidèan, agus connasachadh mu'n lagh; oir tha iad gu tairbhc agus dìomhain.

10 Duine a tha 'n a shaobh-chreidmheach, an dèigh na ceud agus na dara comhairle diult:

11 Air do fhios a bhi agad gu bheil a leithid sin a dhuine air a chur bun os ceann, agus gu bheil e a' peacachadh, air dha 'bhi air fhéin-dhiteadh.

12 'N uair a chuireas mi Artemas a d' ionnsuidh, no Tichicus, dean dìchioll air teachd a m' ionnsuidh gu Nicopolis: oir is ann an sin a chuir mi romham an geamhradh a chaitheadh.

13 Thoir Senas am fear-lagha agus Apollos air an aghaidh 's an t-slighe gu dùrachdach, chum nach bi ni air bith dh'uireas-bhuidh orra.

14 Agus fòghlumadh ar nuinntir-ne mar an ceudna deadh oibre a dhcanamh gu dùrachdach fa chomhair ghnàthachadh feumail, chum nach bi iad neo-tharbhach.

15 Tha'n dream a tha maille rium uile a' cur failte ort. Cuir failte orra-san le'n ionmhuinn sinne 's a' chreidimh. Gràs maille ribh uile. Amen.

LITIR AN ABSTOIL PHOIL

CHUM

PHILEMOIN.

1 Is taitneach le Pòl a bhi 'cluinntinn mu chreidimh agus ghràdh Philemoin: 9 air am bheil e 'g iarraidh maithneas a thabhairt do Onesimus a sheirbhiseach, agus gabhail ris a ris gu càirdeil.

PÒL, prìosanach Iosa Crìosd, agus Timoteus ar bràthair, chum Philemoin a's ionmhuinn leinn, agus ar comh-shaath-raiche,

2 Agus chum Aphia ionmhuinn, agus Archipuis ar comh-shaighdear, agus chum na h-eaglais a tha ann ad thigh:

3 Gràs gu robh dhuibh, agus sìth o Dhia ar n-Athair, agus o'n Tighearna Iosa Crìosd.

4 Tha mi a' toirt buidheachais do m' Dhia, a' sìor-thoirt luaidh ort-sa ann am urnuighibh,

5 Air dhomh 'bhi 'cluinntinn mu d' ghràdh, agus chreidimh, a tha agad a thaobh an Tighearna Iosa, agus a thaobh nan uile naomh;

6 Chum gu'm bi comh-chomunn do chreidimh éifeachdach ann an aidmheil an uile mhaith a tha annaibh ann an Iosa Crìosd.

7 Oir tha subhachas ro mhòr agus comh-fhurtachd againne ann do ghràdh-sa, do bhrìgh gu bheil innigh nan naomh air faotainn suaimhneis tromhad-sa, a bhràthair.

8 Uime sin ged fhendainn a bhi ro dhàna ann an Crìosd, chum an ni a tha iomchuidh àithneadh dhuitse,

9 Gidheadh is fearr leam air son gràidh impidh a chur ort, air 'bhi dhomh mar Phòl an t-aosda, agus a nis mar an ceudna a'm' phrìosanach air son Iosa Crìosd.

10 Guidheam ort air son mo mhic Onesimus, a gbin mi ann am gheimhlibh:

11 Neach a bha uair-éigin neo-tharbhach dhuitse, ach a nis a tha tarbhach dhuitse agus dhomh-sa:

12 Neach a chuir mi air ais: nime sir gabh-sa ris mar ri m' innigh féin.

13 Neach a bu mhiann leam a chumail maille rium féin, chum gu'n deanadh e frithealadh dhomh ann ad àite-sa, ann an geimhlibh an t-soisgeil:

14 Ach as eugmhais d'inntinn-sa cha bu toil leam ni sam bith a dhcanamh; chum

nach bitheadh do mhaith-sa mar gu b'ann
2 dh'aindeoin, ach o d' thoil féin.

15 Oir theagamh gur ann air a shon so a
dh'fhàg e thu ré tamuill, chum gu'm faigh-
eadh tu e gu siorruidh;

16 Cha-n ann á sosuas mar sheirbhiseach,
ach os ceann seirbhiseach, 'n a bhráthair
grádhach, gu h-áraidh dhomh-sa, agus nach
mò na sin dhuitse, arann anns an fheòil,
agus anns an Tighearn?

17 Uime sin ma mheasas tu mise mar
fhear comh-roinne, gabh ris-san mar rium
féin.

18 Agus ma rinn e eucoir ort, no ma tha e
ann am fiachaibh sam bith dhuit, cuir sin
as mo leth-sa.

19 Sgrìobh mise Pòl le m' làimh féin e,
agus dìolaidh mi e: ged nach 'eil mi ag

ràdh riut, gu'n dlighear leat thu féin os
bàrr dhomh.

20 Seadh, a bhráthair, faigheam gaird-
eachas do d' thaobh 's an Tighearn: dean
suaimhneach mo chridhe 's an Tighearn.

21 Air dhomh 'bhi earbsach á d'ùmhlaichd
sgriobh mi a d'ionnsuidh, oir tha fhios agam
gu'n dean thusa mar an ceudna nì's mò na
a tha mi ag ràdh.

22 Ach maille ri so ulluieh mar an ceudna
fardoch air moshon: oir tha dòchas agam, tre
bhurn-urnuighibh-se, gu'n toirear mi dhuibh.

23 Tha Epaphras mo chomh-phrìosanach
ann an Iosa Crìosd,

24 Marcus, Aristarchus, Demas, Lucas, mo
chomh-luchd-oibre, a' cur failte ort.

25 Gràs ar Tighearna Iosa Crìosd *gu robh*
maille ri 'ur spiorad-se. Amen.

LITIR AN ABSTOIL PHOIL

CHUM NAN

EABHRUIDHEACH.

CAIB. I.

1 *Tha Crìosd a thàinig o'n Athair anns na h-am-
aibh deireannach so, 4 nì's mò na na h-aing-
lean, arann thaobh a phearsa agus a dhreuchd.*

DIA, a labhair o shean gu minic, agus
air iomadh dòigh ris na h-aithrichibh
leis na fàidhibh,

2 Labhair e anns na làithibh deireannach
so ruinne tre a Mhac, a dh'orduich e 'n a
oighe air na h-uile nithean, tre'n do chru-
thaich e fòs na saoghal.

3 Neach air 'bhi dha 'n a dhealradh a
ghlòire-san, agus 'n a fhìor ìomhaigh a
phearsa, agus a' cumail suas nan uile nith-
ean le focal a chumbachd, 'n uair a ghlan e
ar peacaidhean troimh féin, shuidh e air
deas làimh na mòrachd anns na h-àrdaibh:

4 Air dha 'bhi air a dheanamh nì's ro òir-
dheirce na na h-ainglean, mheud 's gu'n
d'fhuair e mar oighreachd ainm a bu ro
fhearr na iadsan.

5 Oir cò de na h-ainglean ris an dubhairt
e uair air bith, Is tu mo Mhac-sa, an diugh
ghin mi thu? agus a ris, Bithidh mise a'm'
Athair dhà-san, agus bithidh esan 'n a
Mhac dhomh-sa.

6 Agus a ris, 'n uair a tha e a' tabhairt a'
cheud-ghin a steach do'n t-saoghal, tha e
ag ràdh, Agus deanadh uile ainglean Dhé
aoradh dha.

7 Agus a thaobh nan aingeal tha e ag
ràdh, Neach a tha 'deanamh ainglean 'n an
spioradaibh, agus a mhinisteirean 'n an
lasair theine.

8 Ach ris a' Mhac *tha e ag ràdh, Tàna do*

rìgh-chaithir, a Dhé, gu saoghal nan saoghal;
*is slat-rioghail ro chothromach slat do rìgh-
achd-sa:*

9 Ghràdhaich thu fireantachd, agus thug
thu fuath do aingidheachd; uime sin dh'ung
Dia, do Dhia-sa, thu le oladh aoibhneis os
ceann do chompanach.

10 Agus, Leag thusa, a Thighearna, bun-
aitean na talmhainn air tùs; agus is iad na
nèamhan oibre do làmh:

11 Teirgidh iadsan, ach mairidh tusa: agus
fasaidh iad uile sean mar eudach;

12 Agus fìlidh tu iad mar bhrat, agus
caochladhear iad: ach is tusa an ticeudna,
agus cha-n fhàilnich do bhliadhnachan.

13 Ach cò de na h-ainglibh ris an dubh-
airt e uair air bith, Suidh air mo dheas-
làimh, gus an cuir mi do naimhdean 'n an
stòl-chos fo d'chosaidh?

14 Nach spioradan frithealaidh iad uile,
air an cur a mach chum frithealadh dhoibh-
san a bhitheas 'n an oighreachaibh air
slàinte?

CAIB. II.

1 *Is còir dhuinn a bhli ùmhal do Chrìosd, 5 agus
sin do bhrìgh gu'n d'aontaich e ar nàdur-ne a
ghabhail air féin, 14 mar a bha sin feumail.*

UIME sin is còir dhuinn an ro thuill-
eadh aire a thoirt do na nithibh a
chuala sinn, air eagal uair sam bith gu'n
leigeamaid ruith leo.

2 Oir ma bha am focal a labhradh le
h-ainglibh seasmhach, agus gu'n d'fhuair
gach uile bhriseadh agus eas-ùmhlaichd
dìol-thuarasdal dligheach;

3 Cionnus a théid sinne as, ma nì sinn dì-meas air slàinte co mòr, a thòisich air tùs air 'bhi air a labhairt leis an Tighearn, agus a rinneadh dearbhta dhuinne leo-san a chual e;

4 Air bhi do Dhia a' deauamh comh-fhianuis leo, araon le comharaibh agus le h-iongantassibh, agus le feartaibh eag-samhla, agus le tiodhlacaibh an Spioraid naomh, a réir a thoile féin?

5 Oir cha do chuir e fo cheannsal nan aingeal an saoghal ri teachd, mu'm bheil sinn a' labhairt.

6 Ach rinu ueach fianuis ann an ionad àraidh, ag ràdh, Ciod e an duine gu'n eumhuicheadh tu air? no mac au duine gu'm fiosraicheadh tu e?

7 Rinn thu e ré tamuill bhig n's isle na na h-ainglean; chrùn thu e le glòir agus le h-urram, agus chuir thu e os ceau oibre do làmh:

8 Chuir thu na h-uile nithean sìos fo a chos-aibh. Oir aun an cur nan uile nithean fodha dha, cha d'fhàg e nì air bith gun chur foidhe. Ach a nis cha-nèil sinn a' faicinn nan uile nithean fathast air an cur f'a cheannsal.

9 Ach chì sinn Iosa, a rinneadh ré ùine bhig nì b'isle na na h-ainglean, chum tre ghràs Dhé gu'm blaiscadh e bàs air son gach uile dhuine, tre fhulang a' bhàis air a chrùnadh le glòir agus le h-urram.

10 Oir b'iomchuidh dhàsan, air son *am bheil* na h-uile nithean, agus tre'm *bheil* na h-uile nithean, ann an tabhairt mhòran mhac chum glòire, ceannard an slàinte a dheanamh foirfe tre fhulangasaibh.

11 Oir tha araon an ti a naomhaicheas, agus iadsan a naomhaichear, uile o aon: air an aobhar siu cha uàr leis bràithrean a ghairm diubh,

12 Ag ràdh, Cuiridh mi d'ainm 'an céill do m' bhràithribh, ann am meadhon na h-eaglais seinnidh mi cliu dhuith.

13 Agus a rìs, Cuiridh mi mo dhòchas ann. Agus a rìs, Feuch mise, agus a' chlanu a thug Dia dhomh.

14 Uime sin, mheud 's gu bheil aig a' chloinn comh-roinu a dh' fheòil agus a dh' fhuil, ghabh esan mar an ceudua roin diubh sin; chum tre'n bhàs gu'n claoideadh e esan, aig am bheil cumhachd a' bhàis, 's e sin, an diabhul;

15 Agus gu'n saoradh e iadsan a bha tre eagal a' bhàis rè am beatha uile fo dhaorsa.

16 Oir gu deimhin cha do ghabh e *nàdur* nan aingal air; ach ghabh e sìol Abrahaim air.

17 Uime sin b'fheumail da anns na h-uile nithibh a bhi air a dheanamh cosmhuil r'a bhràithribh; chum gu'm bitheadh e 'n a àrd-shagart trèaireach agus dìleas ann an nithibh a thaobh Dhé, chum réite a dheanamh air son pheacaidhean an t-sluaigh:

18 Oir a mheud 's gu'n d'fhuiling e féin, air dha 'bhi air a bhuairleadh, is comasach e air cabhair a dheanamh orra-san a tha air am buairleadh.

CAIB. III.

1 *Is mò Crìosd na Maois: 7 uime sin mur creid sinn annsan, bitheadh sinn n's toillteanaiche air dìoghaltas na Israel cruaidh-chridheach.*

UIME sin, a bhràithre naomha, a tha 'n 'ur luchd-comhpairt de'n ghairm uèamhaidh, thugaibh fainear Iosa Crìosd, abstol agus àrd-shagart an n-aidmheil;

2 A bha dìleas dhàsan a dh'orduich e, amhuil a bha Maois mar an ceudna 'n a thigh-san uile.

3 Oir mheasadh gu'm b'airidh an *Ti* so air glòir a bu mhò na Maois, mheud 's gu bheil tuilleadh urraim aig an neach a thog an tigh, ua aig an tigh féin.

4 Oir tha gach uile thigh air a thogail le aon éigin; ach an ti a thog na h-uile uithean, is e Dia.

5 Agus gu deimhin *bha* Maois dìleas 'n a thigh-san uile mar sheirbhiseach, chum fianuis air ua nithibh siu a bha gu bhi air an labhairt an déigh sin;

6 Ach Crìosd mar Mhac os ceann a thighe féin: agus is sinne a thigh-san, ma chumas sinn dànachd, agus gairdeachas an dòchais, gu daingean gus a' chrìoch.

7 Uime sin, mar tha an Spiorad naomh ag ràdh, An diugh, ma chluinuas sibh a ghuth,

8 Na cruaidhichibh blur cridhe, mar anns a' bhrosnachadh, ann an là a' bhuairidh 's an fhàsach:

9 Far an do bluaire blm n-aithrichean mi, agus a dhearbhadh iad mi, agus a chunnaic iad m'oibre ré dhà fhichead bliadhna.

10 Uime sin bha diomb orm ris a' gheinealach sin, agus thubhairt mi, Tha iad a ghnàth air seacharan 'n au cridhe; agus cha do ghabh iad eòlas air mo shligheibh-sa.

11 Ionnsu gu'n d'thug mi mo mhioman a'm' fheirg, Nach téid iad a steach do m' shuaimhneas.

12 Thugaibh an aire, a bhràithre, air eagal gu'm bi ann an aon neach agaibh droch cridhe-mi-chreidimh, ann an tréigsinn an Dé bheò.

13 Ach earaillichibh a chéile gach aon là, am feadh a ghoirear An là 'n diugh dheth; air eagal gu'n cruaidhichear neach air bith agaibh tre mhealltaireachd a' pheacaidh.

14 Oir rinneadh sinne 'n ar luchd-comhpairt de Chrìosd, ma chumas sinn toiseach ar muinglin gu daingean gus a' chrìoch;

15 Am feadh a theirear, An diugh, ma chluinuas sibh a ghuth, na cruaidhichibh blur cridhe, mar anns a' bhrosnachadh.

16 Oir air do dhream àraidh cluinntinn, bhrosnuich iad: ach cha b'iadsan uile a thàinig a mach as au Eiphit le Maois.

17 Ach cò ris a bha diomb air ré dhà fhichead bliadhna? *nach ann* rìusan a pheacaich, muinntir aig an do thuit an coluinnan anns an fhàsach?

18 Agus cò iad d'au d'thug e a mhionnan nach rachadh iad a steach d'a shuaimhneas, ach dhoibh-san nach do chreid?

19 Mar so chi sinn nach b'urrainn iad dol a steach air son mi-chreidimh.

CAIB. IV.

1 *Tha fois nan Crìosluidhean air a faghail tre chreidimh.* 12 *Cumhachd focail Dhé.* 14 *Tre ar n-àrd-shagart Iosa Mac Dhé, a bha fo thrìoblaidibh, ach saor o pheacadh,* 16 *is còir dhuinn, agus feudaidh sinn dol gu dàna chum caithir nan gràs.*

UIME sin bitheadh faitheas oirnn, air eagal air bhi do ghealladh dol a steach d'a shuaimhneas air fhàgail againn, gu'n tigeadh aon neach agaibh a dhéidh-làimh air.

2 Oir shearmonaicheadh an soisgeul dhuinne, amhuil a rinneadh dhoibh-san: ach cha robh tairbhe dhoibh anns an fhocal a chaidh a shearmonachadh, do bhrìgh nach robh e air a mheasgadh le creidimh anns an dream a chual e.

3 Oir tha sinne a chreid a' dol a steach do shuaimhneas, amhuil a thubhairt e, Mar a thug mi mo mhionnan a'm' fheirg, Nach téid iad a steach do m'shuaimhneas: ged bha na h-oibre crìochuichte o thoiseach an t-saoghail.

4 Oir labhair e ann an ionad àraidh mu'n t-seachdamh là air an dòigh so, Agus ghabh Dia fois air an t-seachdamh là o' oibrìbh uile.

5 Agus anns an ionad so a ris, Cha téid iad a steach do m' shuaimhneas.

6 Do bhrìgh uime sin gu'n tuigear uaith so gu'n téid dream àraidh a steach ann, agus nach deachaidh an dream, d'an do shearmonaicheadh e air tùs, a steach air son am mi-chreidimh;

7 A ris, tha e 'suidheachadh là àraidh, ag ràdh ann an Daibhidh, An diugh, an déigh aimsir o fhada; mar a theirear, An diugh, ma chluinneas sibh a ghuth, na cruaidhichibh bhuir cridhe.

8 Oir nam bitheadh Iosua air toirt suaimhneis dhoibh, cha labhradh e an déigh sin mu là eile.

9 Uime sin dh'fhàgadh fois *fu chomhair* sluaigh Dhé.

10 Oir an ti a chaidh steach d'a shuaimhneas-san, ghabh esan tàmh o' oibrìbh-san, amhuil a ghabh Dia o' oibrìbh féin.

11 Deanamaid dìchioll uime sin air dol a steach do'n t-suaimhneas sin, air eagal gu'n tuit aon neach a réir eisempleir cheudna a' mi-chreidimh.

12 Oir *tha* focal Dhe beò agus cumhachdach, agus n's géire na claidheamh dà fhaobhair air bith, a' ruigheachd eadhon

chum eadar-sgaraidh an anama agus an spioraid, agus nan alt agus nan smear, agus a' toirt breith air smuaintibh agus rùnaibh a' chridhe.

13 Agus cha-n'eil creutair sam bith nach 'eil follaiseach 'n a làthair-san: ach *tha* na h-uile nithean lomnochd, agus fosgailte do shùilibh an ti d'am feum sinn cunntas a thabhairt.

14 Do bhrìgh uime sin gu bheil againn àrd-shagart mòr, a chaidh a steach do na nàmhnan, Iosa Mac Dhé, cumamaid gu daingean ar n-aidmheil.

15 Oir cha-n'eil àrd-shagart againn nach 'eil comasach air comhfhulangas a bhi aige r'ar n-anmhuinneachdaibh; ach a bhuair-cadh 's na h-uile nithibh air an dòigh cheudna ruinne, *ach* as eugmhais peacaidh.

16 Thigeamaid uime sin le dànachd gu rìgh-chaitir nan gràs, chum gu faigh sinn trècair, agus gu'n amais sinn air gràs ehum cabhair ann an àm feuma.

CAIB. V.

1 *Ughdarras agus urram sagartachd ar Slàn-uilidh: 11 màirnealachd 'n an eòlas air a chionachadh.*

OIR tha gach uile àrd-shagart, air a thoirt o mheasg dhaoine, air orduchadh air son dhaoine ann an nithibh a thaobh Dhé, chum gu'n toir e suas araon tiodhlacan agus iobairtean air son pheacaidhean:

2 Neach a tha comasach air truas a ghabhail ris an dream a tha aineolach, agus air seacharan; do bhrìgh gu bheil e féin mar an ceudna air a chuariteachadh le h-anmhuinneachd:

3 Agus air a shon so, is còir dha iobradh air son pheacaidhean, mar as leth an t-sluaigh, is amhuil sin as a leth féin mar an ceudna.

4 Agus cha ghabh aon duine an t-urram so dha féin, ach an ti a tha air a ghairm o Dhia, mar *bha* Aaron:

5 Is amhuil sin, cha do ghlòraich Crìosd e féin, gu 'bhi air a dheanamh 'n a àrd-shagart; ach an ti a thubhairt ris, Is tu mo Mhac, an diugh ghin mi thu.

6 A réir mar tha e ag ràdh mar an ceudna ann an ionad eile, *Is* sagart *thu* gu sìorruidh a réir ordugh Mhelchisedeic.

7 Neach ann an làithibh 'fheòla, an déigh dha urnuighean agus atheuingean, maille ri h-àrd-éighich agus deuraibh, iobradh suas do'n ti a bha comasach air a shaoradh o'n bhàs, agus dh'éisdeadh ris thaobh an nì roimh an robh eagal air.

8 Ged bu Mhac e, dh'fhòghluim e ùmhlachd o na nithibh a dh'fhuiling e:

9 Agus air dha 'bhi air a dheanamh foirfe, rinneadh e 'n a ùghdar slàinte sìorruidh dhoibh-san uile a bhitheas ùmhal dha;

10 Air a ghairm le Dia 'n a àrd-shagart a réir ordugh Mhelchisedeic.

11 Mu'm bheil mòran againn r'a labhairt, agus cruaidh r'am mìneachadh; do bhrìgh gu bheil sibh mall 'n 'ur n-éisdeachd.

12 Oir ged bu chòir dhuibh a réir na h-aim-sir 'bhi 'n 'ur luchd-teagaisg, tha feum agaibh gu'n teagaisgeadh neach dhuibh a ris cìod iad ceud-thoiseachan bhriathar Dhé; agus tha sibh air teachd chum na h-inbhe sin, gur mò a tha bannne dh'uireasbhuidh oirbh na biadh làidir.

13 Oir gach neach a tha 'gnàthachadh bannne, tha e neo-theòma air focal na fir-eantachd: oir is naoidhean e.

14 Ach is ann do dhaoineibh foirfe a bhuineas biadh làidir, aig am bheil an ceudfaidh, tre ghnàthachadh fada, air an cleachdadh ri eadar-dhealachadh a chur eadar maith agus olc.

CAIB. VI.

1 *Chuir Pòl impidhair na h-Eabhruidhich, gun iad a thuiteam air an ais o'n chreidimh; 11 ach a bhi seasmhach, 12 d'chiollach, agus feitheamh gu foighidneach ri Dia, 13 do bhrìgh gu bheil esan fìor agus cinnteach 'n a ghealladh.*

UIME sin air fàgail duinn ceud-thoiseachan teagaisg Chrìosd, rachamaid air ar n-aghaidh chum foirfeachd; gun a bhi ris a' suidheachadh bunaitean aithreachais o oiribh marbha, agus creidimh thaobh Dhé,

2 *Bunaitean teagaisg nam bàisde, agus leagaidh nan làmh, agus aiseirigh nam marbh, agus breitheanais shìorruidh.*

3 Agus ni sinn so, ma cheadaicheas Dia.

4 Oir is eu-comasach an dream sin a chaidh aon uair a shoillsachadh, agus a bhlais an tìodhlac nèamhaidh, agus a rinneadh 'n an luchd-comhpairt de'n Spiorad naomh,

5 Agus a bhlais deadh fhocal Dhé, agus cumhachdan an t-saoghail ri teachd,

6 Agus a thuit air faibh, athl-nuadhachadh chum aithreachais: do bhrìgh gu bheil iad a' ceusadh Mhic Dhé a ris dhoibh féin, agus 'g a chur gu nàire fhollaisich.

7 Oir an talamh a dh'òlas a steach an t-uisge a tha 'teachd gu mìnic air, agus a bheir uaith luibhean iomchuidh do'n dream leis an saothraichear e, gheibh e beannachadh o Dhia:

8 Ach an talamh sin a bheir uaith droigh-ionn agus drisean, tha e air a chur air cùl, agus fagus do mhallachadh; d'an deireadh 'bhi air a losgadh.

9 Ach is dearbh leinn nithean a's fearr mu'r timchioll-se, a mhuinntir ionmhuinn, agus nithean a tha dlùth do shlàinte, ged tha sinn a' labhairt mar so.

10 Oir cha-n'eil Dia mi-chlothrach, gu'n dì-chuimlmicheadh e obair agus saothair bhuir gràidh, a nochd sibh a thaobh ainmesan, an fad gu'n d'rinne sibh frith-ealadh do na naoimh, agus gu bheil sibh a' frith-ealadh.

11 Agus is miann leinne gu'n dean gach aon agaibh an dùrachd ceudna a nochdadh, chum làn-dearbhaidh an dòchais gus a' chrìoch:

12 Chum nach bi sibh leasg, ach 'n 'ur luchd-leannmuinn orra-san, a tha tre chreidimh agus fhoighidin a' sealbhachadh nan geallaidhean.

13 Oir an uair a thug Dia gealladh do Abraham, do bhrìgh nach feudadh e miònnan a thoirt air neach 'bu mhò, thug e miònnan air féin.

14 Ag ràdh, Gu fìrinnach, beannaichidh mi gu mòr thu, agus ni mi ro lionmhor thu.

15 Agus mar sin an déigh dhàsan feith-eamh gu foighidneach, fhuair e sealbh air a' ghealladh.

16 Oir gu deimhin bheir daoine miònnan air an neach a's mò: agus dhoibh-san is crìoch air gach uile chonnsachadh miònnan chum daingneachaidh.

17 Uime sin air bhi do Dhia toileach air neo-chaochluidheachd a chomhairle fheuchainn ni's pailte do oighreachaibh a' gheallaidh, dhaingnich e le miònaibh e:

18 Chum tre dhà ni neo-chaochluidheach, anns an robh e eu-comasach gu'n deanadh Dia breng, gu'm bitheadh againne comh-fhurtachd làidir, a theich chum dèidein gu greim a dheanamh air an dòchas a chuireadh romhainn:

19 Ni a tha againn mar acair an anama, araon cinnteach agus daingean, agus a théid a steach do'n ionad sin a tha'n taobh stigh de'n bhrat-roinn,

20 Far an deachaidh an roimh-rnith-fhear a steach air ar son-ne, eadhon Iosa, a rinn-eadh 'n a àrd-shagart gu sìorruidh a réir orduigh Mhelchisedeic.

CAIB. VII.

1 *Is sagart Iosa Crìosd a réir orduigh Mhelchisedeic; 11 agus mar sin ni's ro òirdheirce na na sagartan a tha de orduigh Aaroin.*

OIR b'e am Melchisedec so rìgh Shaleim, sagart an Dé a's ro àirde, neach a choinnich Abraham a' pùltinn o mharbhadh nan rìghrean, agus a bhceannaich e;

2 D'an d'thug Abraham eadhon deachamh de'n uile: neach a's e air tùs, air 'eadar-theangachadh, rìgh na fireantachd, agus 'n a dhéigh sin mar an ceudna, rìgh Shaleim, 's e sin, rìgh na sìthe;

3 Gun athair, gun mhàthair, gun sinnsir-eachd, gun toiseach làithean, gun deireadh beatha aige; ach air a dheanamh cosmhuil ri Mac Dhé, tha e 'fantuinn 'n a shagart gu sìorruidh.

4 A nis thugaibh an aire cia mòr an duine so, d'an d'thug eadhon am prìomh-athair Abraham an deachamh de'n chreich.

5 Agus gu deimhin iadsan de chloinn Lebhì, a tha 'fotainn na sagartachd, tha àithne aca deachamh a thogail o'n t-sluagh a réir an lagha, sin r'a ràdh, o'm bràithribh

féin, ged thàinig iad a mach á leasraidh Abraham:

6 Ach an ti nach 'eil air a shloinneadh uatha-san, fhuair a deachamh o Abraham, agus bheannaich e esan aig an robh na geallaidhean.

7 Agus gun agadh sam bith, beannaichear an ti a's lugha leis an ti a's fearr.

8 Agus an so tha daoine a gheibh bàs a' faotainn deachaimh: ach an sin an ti aig am bheil fianuis gu bheil e beò.

9 Agus mar a dh'fheadas mi 'ràdh, fhuair ann an Abraham deachamh o Lebhi féin, a thogas an deachamh:

10 Oir bha e fathast ann an leasraidh 'athar, an uair a choinnich Melchisedec e.

11 A nis nan tigeachd foirfeachd tre shagartachd nan Lebhitheach, (oir is ann r'a linn a thugadh an lagh do'n t-sluaigh,) ciod am feum a bha air sagart eile éirigh a réir orduigh Mhelchisedec, agus nach bitheadh e air a ghairm a réir orduigh Aaroin?

12 Oir air do'n t-sagartachd a bhi air a h-atharrachadh, is éigin an lagh a bhi air atharrachadh mar an ceudna.

13 Oir an ti air an labhrar na nithean sin, buinidh e do thréibh eile, de nach d'rian aon neach frithealadh aig an altair.

14 Oir is soilleir gur ann o Iudah dh'éirich ar Tighearn, treubh air nach do labhair Maois ni air bith tlaobh sagartachd.

15 Agus tha e fathast ni's ro shoilleire, am feadh gu'n d'éirich sagart eile a réir coslais Mhelchisedec,

16 A rinneadh 'n a shagart, cha-n ann a réir lagha àithne fheadhainn, ach a réir cumhachd beatha gun chrìch.

17 Oir tha e 'deanamh fianuis, Gur sagart thu gach linn a réir orduigh Mhelchisedec.

18 Oir gu deimhin tha an àithne roimhe air a cur air cùl, air son i 'bhi annhunn agus neo-tharbhach.

19 Oir cha d'rinn an lagh ni sam bith foirfe, ach rinn toirt a steach dòchais a's fearr e; tre'm bheil sinn a' teachd an fagus do Dhia.

20 Agus a mheud 's nach d'rinneadh sagart deth gun mhionnaibh;

21 (Oir rinneadh sagartan dhiubh-san as eugnais mhionnan: ach dheth-san le mionnaibh, tre'n ti a thubhairt ris, Mhionnaich an Tighearn, agus cha ghabh e aithreachas, Is sagart thu gu sìorruidh, a réir orduigh Mhelchisedec.)

22 Is co mòr as sin a rinneadh Iosa 'n a urras air coimhcheangal a's fearr.

23 Agus bha gu deimhin mòran diubh-san 'n an sagartaibh, do bhrìgh gu'n do bhacadh dhoibh leis a' bhàs a bhi maireann:

24 Ach an duine so, do bhrìgh gu mair e gu sìorruidh, tha sagartachd neo-chaoch-luidheach aige.

25 Air an aobhar sin tha e mar an ceudna comasach air an dream a thig a dh'ionn-

suidh Dhé trid-san a thèarnadh gu h-ìomlan, do bhrìgh gu bheil e beò gu sìorruidh gu eadar-ghuidhe a dheanamh air an son.

26 Oir bha' shamhuil sin de àrd-shagart ionchuidh dhuinne, a bha naomh, neo-lochdach, neo-thruaillidh, air a dhealachadh o pheacaidh, agus a rinneadh ni's àirde na na nèamhan;

27 Nach feum gach là mar na h-àrd-shagart ud iobairtean a thoirt suas, air tùs air son a pheacaidhean féin, agus an déigh sin air son pheacaidhean an t-sluaigh: oir rinn e so aon uair, 's an àm 's an tug se e féin mar iobairt.

28 Oir tha an lagh a' deanamh àrd-shagartan de dhaoineibh aig am bheil annluinn-eachd; ach focal nam mionnan a bha an déigh an lagha, a' deanamh àrd-shagart de'n Mhac, a tha air a dheanamh ìomlan gu sìorruidh.

CAIB. VIII.

1 *Le sagartachd shìorruidh Chriosd tha sagartachd Lebhitheach Aaroin air a cur air cùl: 7 agus an coimhcheangal aimsireil a rinneadh ris na sinnsiribh, le coimhcheangal sìorruidh an t-soisgeil.*

A NIS is e so, suim nan nithean a labhair againn, a tha air suidhe air deis rìgh-chaitheach na mòrachd anns na nèamhan;

2 Ministear nan ionad naomha, agus an fhìor phàilliuin, a shuidhich an Tighearn, agus cha bu duine.

3 Oir tha gach uile àrd-shagart air 'orduchadh chum tìodhlacan agus iobairtean a thoirt suas: uime sin b'éigin gu'm bitheadh aig an duine so mar an ceudna ni-éigin r'a tabhairt suas.

4 Oir nam bitheadh e air thalamh, cha bhithheadh e 'n a shagart, do bhrìgh gu bheil sagartan ann a tha 'tabhairt suas tìodhlac a réir an lagha:

5 Muinntir a tha 'deanamh seirbhis le samhlaidh agus sgàile nan nithean nèamhaidh, a réir mar a dh'orduchadh do Mhaois le Dia 'n uair a bha e air tì am pàilliuin a clur suas. Oir feuch, (tha e ag ràdh,) gu'n dean thu na h-uile nithean réir an t-saimpler a nochdadh dhuit 's an t-sliabh.

6 Ach a nis fhuair e ministereachd a's ro fhèarr, a mheud 's gu bheil e mar an ceudna 'n a eadar mheadhonair air coimhcheangal a's fearr, a chaidh a dhaingneachadh air geallaidhneibh a's fearr.

7 Oir nam bitheadh an ceud choimhcheangal sin gun uireasbhuidh; cha-n iarrtadh àit do'n dara coimhcheangal.

8 Oir, a' faotainn croin dhoibh, tha e ag ràdh, Feuch thig na làithean, (tha an Tighearn ag ràdh,) anns an dean mi coimhcheangal nuadh ri tigh Israeil, agus ri tigh Iudah:

9 Cha-n ann a réir a' choimhcheangail a rinn mi r'an aithrichibh, anns an là a rug

mi air làimh orra chum an treòrachadh a mach á talamh na h-Eiphit; do bhrìgh nach d'fhan iad ann am choimhcheangal, agus chuir mise suarach iadsan, tha an Tighearn ag ràdh.

10 Oir is e so an coimhcheangal a ni mi ri tigh Israeil an déigh nan làithean ud, tha an Tighearn ag ràdh; Cuiridh mi mo reachd an 'u an inntinn, agus sgrìobhaidh mi iad air au cridheachaibh: agus bithidh mi a'un Dhia dhoibh, agus bithidh iadsan 'n au sluagh dhomh-sa.

11 Agus cha teagaisg iad gach aon a choinhearsnach, agus gach aon a bhràthair, ag ràdh, Gabh eòlas air an Tighearn: oir bithidh eòlas aca uile orm, o'n neach a's lugha gus an neach a's mò dhiubh.

12 Oir bithidh mise trècraich r'an eucartaibh, agus am peacaidhean agus au aingidheachd cha chumhnuich mi ni's mò.

13 Am feadh a tha e ag ràdh, *Coimhcheangal* uadha, riun e'n ceud *choimhcheangal* sean. A nis an ni a tha aosda agus air fas sean, tha e agus do dhol as an t-sealladh.

CAIB. IX.

1 *Tha Pòl a' mineachadh nan ìobairt fo'n lagh, agus gach gnàthachaidh a bha 'n an cuideachd; 11 tha iad gu mòr thaobh feobhais goirid air fuil agus ìobairt Chrìosd.*

BHA na seadh gu dearbh aig a' cheud phàillium orduighean a thaobh seirbhis Dhé, agus naomh-ionad saoghalta.

2 Oir dheasaicheadh an ceud phàillium, anns an robh an coinneir, agus am bòrd, agus aran na fianuis, ris an abrar an t-ionad uamh.

3 Agus an taobh a stigh de'n dara roinn-bhrat, am pàillium ris an abrar an t-ionad a's ro naomhe;

4 Anns an robh an tùiseir òir, agus àire a' choimhcheangail air a còmh-dachadh mu'n cuairt le h-òr, anns an robh a' phoit òir 's an robh am maua, agus slat Aaroin a bha fo bhlàth, agus clàir a' choimhcheangail;

5 Agus os a ceann, cherubau na glòire, a' cur sgàile air caithir na tròcair; mu nach urrainn sinn a nis labhairt fa leth.

6 A nis an uair a bha na nithean so air an cur 'an ordugh mar so, chaidh na sagartan a ghnàth a steach do'n cheud phàillium, a' còmhlonadh seirbhis Dhé:

7 Ach do'n dara pàillium chaidh an t-àrd-shagart 'n a aonar a steach aon uair 's a' bhladhna, cha b'ann as eugmhais fola, a thug e suas air a shon féin, agus air son seacharain an t-sluaigh:

8 Air bhi do'n Spiorad naomh a' nochdadh so, nach robh fathast an t-slighe chum an ionaid a bu ro naomhe air a foillseachadh, am feadh 's a bha an ceud phàillium fathast 'n a sheasamh:

9 Nì a bha 'n a shamhladh do'n aimsir a tha làthair, anns an robh araon tiodhlacan agus ìobairtean air an toirt suas, nach robh

comasach air an ti a bha 'deanamh na seirbhis sin a dheanamh còimhlionta, thaobh a choguis,

10 An t-seirbhis a bha mhàin ann am biadhaidh agus ann an deochaidh, agus ann au ionadh gnè ionnlaid, agus deas-ghnàth-achaibh a thaobh na feòla, a chuireadh mar uallaich orra gu àm an leasachaidh.

11 Ach air teachd do Chrìosd 'n a àrd-shagart nan nithean maith a bha ri teachd, tre phàillium a bu mhò agus a bu dìong-mhalta, nach d'rinneadh le làmban, sin r'a ràdh, nach robh de'n togail so;

12 Agus cha b'ann tre fhuil ghabhar agus laogh, ach tre fhuil féin a chaidh e steach aon uair do'n ionad naomh, air dha saorsa shìorruidh fhaotainn dhuinne.

13 Oir ma nì fuil tharb, agus ghabhar agus luathre aighe air a crathadh air an dream a bha neòghlan, an naomhachadh chum glanaidh na feòla;

14 Cia mòr a's mò 'nì fuil Chrìosd, a thug e féin suas tre'u Spiorad shìorruidh gun lochd do Dhia, bhuir coguis-se 'ghlanadh o oiribh marbha chum seirbhis a dheanamh do'u Dia bhed?

15 Agus air a shon so is esan eadar-mheadhonair an tiomnaidh-nauidh, ionnus tre fhulangas a' bhàis, chum saorsa nan eucart a bha fo 'n cheud thiemnadh a chosnadh, gu'm faigheadh iadsan a tha air an gairu gealladh na h-oighreachd shìorruidh.

16 Oir far am bheil tiomnadh, is éigin bàs an tiomnaidh-fhir a bhi ann mar an ceudna.

17 Oir tha tiomnadh daingean au déigh bàis dhaoine: ach cha-n'eil brìgh sam bith ann am feadh a tha'n tiomnaidh-fhear beò.

18 A réir sin, nì mòr bha'n ceud *tiomnadh* air a choisreagadh as eugmhais fola.

19 Oir an uair a labhradh gach uile àithne réir an lagha ris an t-sluaigh uile le Maois, air dha fuil laogh agus ghabhar a ghabhail, maille ri h-uise, agus oluinn scarlaid, agus lìosop, chrath e iad araon air an leabhar agus air an t-sluaigh uile,

20 Ag ràdh, 'S i so fuil an tiomnaidh a dh'àithn Dia dhuibh.

21 Os bàrr, chrath e mar an ceudna an fhuil air a' phàillium, agus air soithichibh na naomh-sheirbhis uile.

22 Agus is beag nach 'eil na h-uile nithean air an glanadh le fuil a réir an lagha; agus as eugmhais dòrtadh fola cha-n'eil maith-eanas r'a fhaotainn.

23 B'fheumail uime sin gu'm bitheadh samhlaidh nan nithean a tha 's na nàmhnan air an glanadh leo so; ach na nithean nàmhaidh féin le ìobairtibh a b'fhearr na iad so:

24 Oir cha deachaidh Chrìosd a steach do na h-ionadaibh naomha làmh-dheanta, nìthean a tha 'n an samhlaichas air an fhìor ionad; ach do nàmh féin, chum a nis o

féin a nochdadh ann am fianuis Dhé air ar son-ne :

25 No fòs chum e féin ìobradh gu minic, mar a théid an t-àrd-shagart gach bliadhna steach do'n ionad naomh, le fuil nach leis féin.

26 (Oir mar sin b'éigin gu'm fulaingeadh e gu minic o thoiseach an t-saoghail) ach a nis dh'fhoillsicheadh e aon uair ann an deir-eadh an t-saoghail, chum peacadh a chur air cùl tre e féin ìobradh.

27 Agus amhuil a tha e air orduchadh do dhaoimibh bàs fhaotainn aon uair, ach 'n a dhéigh so breitheanas :

28 Mar sin thugadh Crìosd suas aon uair a thoirt air falbh peacaidhean mhòrain, ach an dara uair as eugmhais peacaidh foillsich-ear e dhoibh-san aig am bheil suil r'is, chum slàinte.

CAIB. X.

1 *Anmhuinneachd ìobairtean an lagha, 10 Thug ìobairt cuirp Chrìosd, a thugadh suas aon uair, peacadh gu sìorruidh air fòlhb. 19 Earail chum an creidimh a ghlèidheadh gu daingean, le foighidín agus buidheachas.*

UIME sin air bhi aig an lagh sgàile nithean maithes ri teachd, agus cha-n e fìor-choslas nan nithean féin, cha-n'eil e comasach dha an dream a thig d'a iounsuidh a chaoidh a dheanamh coimhlionta leis na h-ìobairtibh sin, a bha iad a' toirt suas o bhliadhna gu bliadhna a ghnàth.

2 Oir an sin nach sguireadh iad de bhi 'g an toirt suas? do bhrìgh nach bitheadh aig luchd deanamh na naomh-sheirbhis tuilleadh coguis air bith peacaidh, air dhoibh a bhi aon uair air an glanadh.

3 Ach anns na h-ìobairtibh sin *nithear* ath-chuimhneachadh air na peac'aibh gach bliadhna.

4 Oir cha-n'eil e'n comas gu'n tugadh fuil tharbh agus ghabhar peacaidhean air falbh.

5 Uime sin ag teachd dha do'n t-saoghal, tha e ag ràdh, ìobairt agus tabhartas cha b'aill leat, ach dh'ulluich thu corp dhomh-sa:

6 Ann an ìobairtibh-loisgte, agus ann an ìobairtibh air son peacaidh cha robh tlachd agad:

7 An sin thubhairt mise, Feuch, tha mi a' teachd, (ann an ròla an leabhair tha sud sgrìobhta orm,) chum do thoil-sa a dheanamh, O Dhé.

8 Air dha a ràdh roimh sin, ìobairt, agus tabhartas, agus ìobairtean-loisgte, agus ìobairt air son peacaidh cha b'aill leat, agus cha robh do thlachd anna, (a tha air an toirt suas a réir an lagha:)

9 An sin thubhairt e, Feuch, tha mi a' teachd a dheanamh do thoil-sa, O Dhé. Tha e'cur air cùl a' cheud ni, chum gu'n daingnich e an dara ni.

10 Leis an toil so tha sinne air ar naomhachadh, tre toirt suas cuirp Iosa Crìosd aon uair.

11 Agus tha gach uile shagart a' seasamh gach là, a' frithealadh agus a' toirt suas nan ìobairt cheudna gu minic, nithean do nach 'eil e'n comas a chaoidh peacaidhean a thoirt air falbh:

12 Ach an duine so, an déigh dha aon ìobairt a thoirt suas air son peacaidh, shuidh e a chaoidh tuilleadh air deas làmh Dhé;

13 A' feitheamh o sin suas gus an cuirear a naimhdean 'n an stòl-chos fo 'chosaibh.

14 Oir le aon ìobairt rinn e chaoidh foirfe iadsan a tha air an naomhachadh.

15 Agus tha an Spiorad naomh mar an ceudna a' deanamh fianuis duinne *air na nithibh so*: oir an déigh dha 'ràdh roimh,

16 Is e so an coimhcheangal a ni mi ri u an déigh nan làithean ud, tha an Tighearn ag ràdh, Cuiridh mi mo reachdan 'n an cridhe, agus sgrìobhaidh mi iad air an intinn:

17 Agus am peacaidhean agus an euceartan cha chumhnich mi ni's mò.

18 A nis, far am bheil maitheanas nan nithean so, cha-n'eil tabhartas air son peacaidh ann ni's mò.

19 Uime sin, a bhràithrean, do bhrìgh gu bheil dànachd againn chum dol a steach do'n ionad a's naomhe tre fhuil Iosa,

20 Air slighe nuaidh agus bheò a choisrig e dhuinne, tre'n roinn-bhrat, sin r'a ràdh, tre 'fheòil féin:

21 Agus do bhrìgh gu bheil againn àrd-shagart os ceann tighe Dhé,

22 Thigcamaid ann agus le cridhe fìor, ann an làn dearbhbheachd a' chreidimh, le ar cridheachaibh air an crath-ghlanadh o dhroch coguis, agus le ar cuirp air an nigh-eadh le h-nisge glan.

23 Cumamaid gu daingean aidmheil ar dòchais gun chlaonadh, (oir is fìrinneach an ti a gheall:)

24 Agus thugamaid an aire d'a chéile chum ar brosnachadh gu gràdh, agus gu deadh oibribh:

25 Gun bhi 'leigeadh dhiinn sinn féin a chruinneachadh 'an ceann a chéile, mar is gnàth le dream àraidh; ach a' comhairleachadh a *chéile*: agus gu ma mòid a *ni sinn* so, gu bheil sibh a' faicinn an là a' tarruing ann agus.

26 Oir ma pheacacheas sinn de ar toil féin an déigh dhuinn eòlas na fìrinn fhaotainn, cha-n fhàgar tuilleadh dhuinn ìobairt air son peacaidh,

27 Ach dùil eagalach ri breitheanas, agus fearg theinnteach, a sgrìosas na h-eascaird-ean.

28 An neach a rinn tàir air lagh Mhaois, blàsaich e gun trèacar, fo dhithis no thriuir a dh'fhiannaisibh:

29 Cia mòr is mò na sin am peanas a shaoileas sibh air am measar esan toillteanach, a shaltair fo 'chosaibh Mac Dhé, agus a mheas mar ni mi-naomh fuil a'

choimhcheangail, leis an do naouhaicheadh e, agus a rinn tarcuais air Spiorad nan gràs?

30 Oir is aithne dhuinn an Ti a thubhairt. Is leam-sa an dòghaltas, agus bheir mi dìoladh uam, tha an Tighearn ag ràdh: agus a ris, Bheir an Tighearn breth air a shluagh.

31 Is ni eagalach tuiteam ann an làmh an Dé bheò.

32 Ach bitheadh ath-chuimhne agaibh air na làithibh a chaidh seachad, anns an d'fhuiling sibh, an déigh dhuibh a bhi air bhrù soilseachadh, gleachda mòr fulangais;

33 Ann an cuid am feadh a rinneadh sibh 'n 'ur ball-amhaire, araou tre mhaslaibh agus thrioblaidibh; agus ann an cuid, am feadh a rinneadh sibh 'n 'ur companaich dhoibh-san ris an do bhuineadh uar sin.

34 Oir bha comh-fhulangas agaibh rium-sa ann am gheimhlibh, agus ghabh sibh le luathghair ri creachadh bhrù maoin, air dhuibh fios a bhi agaibh annaibh féin gu bheil agaibh air nèamh maoina's fearr, agus a tha maireunach.

35 Uime sin na tilgibh uaibh bhrù muin-ghin, aig am bheil mòr dhiol-thuarasdal.

36 Oir tha feum agaibh air foighidin; chum an déigh dhuibh toil Dhé a dhean-aml, gu'm faigh sibh an gealladh.

37 Oir fathast sealau beag, agus an ti a tha ri teachd thig e, agus cha dean e moille.

38 A nis bithidh am firean beò tre chreidimh: ach maphillas *neach sam bith* air ais, cha bhi aig m'anam-sa tlachd ann.

39 Ach cha-n'eil sinne de'n dream sin a philllas air an ais chum sgrios; ach de'n dream a chreideas, chum tearuaidh an anama.

CAIB. XI.

1 *Ciod e creidimh.* 6 *As eugmhais creidimh cha-n'eil e'n comas duinn toil Dhé a dhean-aml;* 7 *deadh thoradh a' ghràis sin anns na h-àithricheibh o shean.*

A NIS is e creidimh brìgh nan nithean ri'm bheil dòchas, dearbh-chinntean nan nithean nach faicear.

2 Oir is ann tre so a fhuair na sinnsirean deadh theistean.

3 Tre chreidimh tha siun a' tuigsinn gu'n do chruthaicheadh na saoghail tre fhocal Dhé, air chor as nach d'rinneadh na nithean a chluichear de nithibh a bha r'am faicinn.

4 Tre chreidimh thug Abel suas do Dhia iobairt ni b'fhearr na 'thug Cain, tre an d'thugadh teistean dha gu'n robh e 'n a fhèirean, air bhi do Dhia a' deanamh fianuis dha thiodhlacaibh: agus tre sin, air dha 'bhi marbh, tha e fathast a' labhairt.

5 Tre chreidimh dh'atharraicheadh Enoch chum nach faiceadh e bàs; agus cha d'fhuaradh e, do bhrìgh gu'n d'atharraich Dia e: oir roimh 'atharrachadh thugadh fianuis da, Gu'n do thaitinn e ri Dia.

6 Ach as eugmhais creidimh cha-n'eil e'n comas a thoileachadh: oir is éigin do'n ti a thig a dh'ionnsuidh Dhé a chreidsinn gu bheil e ann, agus gur e an Ti e a bheir duais do'n dream a dh'iarraas e gu dìchiollach.

7 Tre chreidimh air do Noah rabhadh fhaotainn o Dhia mu thimcheall nithean nach robh idir r'am faicinn, agus eagal a ghabhail, dh'ulluich e àire chum tearnadh a theaghlach; tre'n do dhìt e an saoghal agus rinneadh e 'n a oighreachd au fhìreantachd a tha thaobh creidimh.

8 Tre chreidimh, 'n uair a ghairmeadh Abraham gu dol a mach do ionad a bha e gu fhaotainn au déigh sin mar oighbreachd, fhreagair e; agus dh'imich e mach gun fhios a bhi aige c'àit an robh e 'dol.

9 Tre chreidimh bha e air chuairt ann an tìr a' gheallaidh, mar ann an tìr choimhich, a' gabhail còmhnuidh ann am pàilliunaibh maille ri h-Isaac agus Jacob, comh-oighreachau a' gheallaidh cheudna.

10 Oir bha shùil aige ri baile aig am bheil buaitean, air am bheil Dia 'n a fhear-dealbhaidh agus 'n a fhear-togail.

11 Tre chreidimh mar an ceudna fhuair Sarah féiu neart gu sliochd a ghabhail 'n a broinn, agus rug i leanabh an déigh dhi dol thar aois *cloinne* do bhrìgh gu'n do mheas i gu'n robh esau firinneach a thug an gealladh.

12 Uime sin ghineadh o aon a mhàin, agus esan ionann agus marbh, sliochd mar reultan nèimh thaobh Ìonmhoireachd, agus mar a' ghaiueamh air tràigh na fairge do-àireamh.

13 Fhuair iad so uile bàs ann an creidimh, gun na geallaidhean fhaotainn, ach air dhoibh am faicinn fad o làimh, (agus an làn-chreidsinn,) ghabh iad riu, agus dh'aidich iad gu'm bu choirigh agus luchd-cuairt air an talamh iad féin.

14 Oir an dream a tha ag ràdh nan uithean sin, tha iad a' nochdadh gu soilleir gu bheil iad ag iarraidh dùthcha.

15 Agus gu firinneach nam bitheadh iad cuimhneachail air an *dùthaich* sin, as an d'thàinig iad a mach, dh'fheudadh iad am iomchuidh fhagbail air pillcadh:

16 Ach a nis tha dèidh 'aca air *dùthaich* a's fearr, eadhon *dùthaich* nèamhaidh: uime sin cha nàr le Dia, gu'n goirear an Dia-san dheth: oir dh'ulluich e dhoibh baile.

17 Tre chreidimh dh'ìobair Abraham, air dha 'bhi air a dhearbhadh, a *mhac* Isaac; agus thug an ti a fhuair na gealla-dhean suas 'aon-ghin *mhic*;

18 Ris an dubhradh, Ann an Isaac goirear do shliochd:

19 A' meas gu'm bu chomasach Dia air a thogail cadhon o na marbhaibh; o'n d'fhuair se e eadhon ann an cosamhlachd.

20 Tre chreidimh bheannaich Isaac Iacob agus Esau mu thimchioll nithean a bha ri teachd.

21 Tre chreidimh bheannaich Iacob, ag faghail bàis da, dithis mhac Ioseph; agus rinn e aoradh, *a' leigeadh a chudthrom* air bàrr a bhata.

22 Tre chreidimh rinn Ioseph, ri àm faghail a' bhàis da, iomradh air dol a mach chloinn Israeil; agus thug e àithne mu thimchioll a chnàmh.

23 Tre chreidimh an uair a rugadh Maois, dh'fholaicheadh e trì mìosan le 'phàrant- aibh, do bhrìgh gu'm fac iad gu'm bu lean- abh tlachdmhor e; agus cha robh eagal orra roimh àithne an rìgh.

24 Tre chreidimh air teachd gu h-aois do Mhaois, dhiùlt e 'bhi air a ghairm 'n a mhac do nighinn Pharaoh;

25 A' rògmachadh àmhghar fhulang maille ri sluagh Dhé, roimh shòlas a' pheacaidh a mhealtuinn ré seal;

26 A' meas gu'm bu mhò an saoihbreas masladh Chrìosd na ionmhais na h-Eiphit: oir bha sùil aige ris an luach-saoithreach.

27 Tre chreidimh thréig e'n Eiphit, gun eagal a bhli air roimh chorruich an rìgh: oir bha e làidir 'n a inntinn, mar neach a bha 'faicinn an ti a tha neo-fhaicsinneach.

28 Tre chreidimh ghléidh e a' chàisg, agus an dòrtadh fola, chum nach beanadh an ti a sgrios na ceud-ghin rìusan.

29 Tre chreidimh chaidh iad tre na mhuir ruaidh, mar tre thalamh tioran: ni 'n uair a thug na h-Eiphitich ionnsuidh air a dheauamh, bhàthadh iad.

30 Tre chreidimh thuit ballachan Iericho, an dèigh a bhli air an cuairteachadh ré sheachd làithean.

31 Is ann tre chreidimh nach do sgriosadh Rahab an striopach maille rìusan nach do chreid, 'n uair a ghabh i ris an luchd-brathaidh ann an sìth.

32 Agus ciod tuilleadh a their mi? oir theirgeadh an ùine dhomh ann an labhairt mu Ghideon, Bharac agus Shampson, agus Iepthah, Dhaibhidh mar an ceudna, agus Shamuel, agus na fàidhibh:

33 Muinntir, tre chreidimh, a cheannsaich rioghachdan, a dh'oihrich fireantachd, a fhuair geallaidhean, a dhruid beoil leòmhnan,

34 A mhùch neart teiue, a chaidh as o fhaobhar a' chlaidheimh, o anmhuinneachd a rinneadh neartmhor, a dh'fhàs treun ann an cath, a chuir air theicheadh armailean nan coimheach.

35 Fhuair mnathan am mairbh air an togail a ris gu beatha: agus chràidh-phianadh dream eile, gun iad a ghabhail ri saorsa; chum gu faigheadh iad aiseirigh a b'fhearr.

36 Fhuair dream eile deuchainn a dh'fuan- oidibh, agus de sgiùrsaibh, seadh fòs, de gheimhlibh agus de phrìosan.

37 Chlachadh iad, shàbhadh as a chéile

iad, bhuaireadh iad, chuireadh gu bàs leis a' chlaidheimh iad: chaidh iad mu'n cuairt 'n am fògaraich ann an croicinnibh chaor- ach agus ghabhar, ann an uireasbhuidh, ann an trioblaidibh, ann an cràdh;

38 (Dream air nach b'airidh an saoghal;) a' dol air seacharan ann am fasaichibh, agus air sléibhtibh, agus ann an uamhaibh agus ann an slochdaibh ua talmhainn.

39 Agus air dhoibh so uile deadh theistean fhaotainn tre chreidimh, cha d'fhuair iad an gealladh:

40 Air do Dhia ni éigin a's fearr a sholar dhuinne, ionnus nach bitheadh iadsan air an deanamh foirfe as ar n-eugmhais-ne.

CAIB. XII.

1 *Earail chum a bhì bunaiteach ann an creid- imh, foighidin, agus diodhachd.* 22 Moladh an Tiomnaidh-nuaidh os ceann an t-seann- Tiomnaidh.

UIME sin, air dhuinne 'bhi air ar cuairt- eachadh le neul co mòr a dh' fhlànais- ibh, cuireamaid dhinn gach lethtrom, agus ann peacadh a tha gu furas ag iadhadh umainn, agus ruitheamaid le foighidin an réis a chuireadh romhainn.

2 Ag amhare air Iosa, ceannard agus fear- crìochnachaidh ar creidimh, neach air son an aoibhneis a chuireadh roimhe, a dh'fhuiling an crann-ceusaidh, a' cur na nàire 'an neo- shuin, agus a shuidh air deis rìgh-chath- rach Dhé.

3 Uime sin thugaibh fainear esan a dh'fhuiling a shamhuil sin de ana-caint o pheacaich 'n a aghaidh féin, air cagal gu'm bi sibh sgèth agus lag ann bhur n-inntinn- ibh.

4 Cha do sheas sibh fathast gu fuil, a' cathachadh an aghaidh peacaidh.

5 Agus dhì-chuimhuich sibh an earail a tha 'labhairt ribh mar ri cloinn, A mhic, na cuir suarach smachdachadh an Tighearn', agus na fannaich 'n uair a chronaichear leis thu:

6 Oir an ti a's ionmhuinn leis an Tighearn, smachdaichidh se e, agus sgiùrsaidh e gach mac ris an gabh e.

7 Ma ghiùlaineas sibh smachdachadh, tha Dia a' buntuin ribh mar ri cloinn: oir cò am mac nach smachdaich an t-Athair?

8 Ach ma tha sibh as eugmhais smachd- achaidh, d'am bheil na h-uile 'n an luchd- comhpairt, an sin is clann diolain sibh, agus cha chlann dligheach.

9 Os bàrr, bha againn aithrichean thaobh na feòla, a smachdaich sinn, agus thug sinn urram dhoibh: nach mòr gu mòr is còir dhuinn a bhì ùmhal do Athair nan spiorad, agus a bhì beò?

10 Oirgu deimhin smachdaich iadsan sinn ré beagan làithean a réir an toile féin; ach esan chum ar leas, ionnus gu'm bitheamaid 'n ar luchd-comhpairt d'a naomhachd.

11 Ach cha mheasar smachdachadh air

bith am feadh a tha e làthair sòlasath, ach doilgheasach : gidheadh, 'n a dhéigh sin bheir e uaith toradh sìochail na fireantachd, do'n dream a tha *gu dligheach* air an cleachdadh ris.

12 Uime sin, togaibh suas na làmhnan a tha air tuiteam sìos, agus *neartaichibh* na glhinean laga ;

13 Agus deanaibh cos-cheuman dìreach do 'ur cosaibh, air eagal gu'm bi an ni sin a tha bacach air a thionndadh as an t-slighe ; ach gu ma mò 'bhitheadh e air a sllànuchadh.

14 Leanaibh sìth maille ris na h-uile dhaoineibh, agus naomhachd, ni as eugmhais nach faic ueach air bith au Tighearn :

15 A' toirt an ro-aire, air eagal gu'n tig ueach sam bith a dhéidh-làimh air gràs Dhé : air eagal air fàs suas do fhrèimh seirbhe sam bith, gu'n cuir e dragh oirbh, agus le so gu'm bi mòran air an salachadh :

16 Air eagal gu'm bi fear strìopachais ann, no neach mi-naomh sam bith, mar Esau, a reic air son aoin ghreim bìdh còir a cheudbheirthe.

17 Oir tha fhios agaibh 'n uair a b'àill leis an déigh sin am beannachadh a shealbhadh, gu'n do dhiùltadh e : oir cha d'fhuair e àit aithreachais, ged dh'iarr se e gu dùrachdach le deuraibh.

18 Oir cha d'fhàinig sibh chum an t-sléibh ris am feudtadh beantuinn, agus a bha 'losgadh le teine, no chum duibhre, agus dorchadais, agus doinnin,

19 Agus fuaim na trompaid, agus guth nam briathar, ionnus gu'n do ghuidh an dream a chual' e nach labhairteadh am focal riu tuilleadh :

20 (Oir cha b'urrainn iad an ni sin a chaidh àithneadh dhoibhìomchar, Agus na bheanas fiu ainmhidh ris an t-sliabh, clachar e, no cuirear sleagh a mach troimhe.

21 Agus bu co uamhasach an sealladh, as gu'n dubhairt Maois, Tha eagal ro mhòr agus crith orm.)

22 Ach tha sibh air teachd gu sliabh Shioin, agus gu caithir an Dé bheò, an Ierusalem nèamhaidh, agus cuideachd do-àireamh a dl' ainglibh,

23 Gu làn-choimhthional agus eaglais nan ceud-ghin, a tha sgrìobhta 's na nèamhan, agus gu Dia breitheamh nan uile, agus gu spioradaibh nam firean air an deanamh foirfe,

24 Agus gu Iosa eadar-mheadhonair a' choimhcheangail nuaidh, agus chum fola a' chrathaidh, a tha 'labhairt nithean a's fearr na *faul* Abeil.

25 Thugaibh an aire nach diùlt sibh esan a tha 'labhairt : oir mur deachaidh iadsan as a dhiùlt an ti a labhair *o Dhia riu* air talamh, is lugha gu mòr na sin a *théid* sinne as, ma thionndaidheas sinn air falbh uaithe-san a tha 'labhairt o nèamh :

26 Neach aig an do chrathl a ghuth an talamh an sin : ach a nis gheall e, ag ràdh, Aon uair eile fathast crathaidh mi cha-n e an talamh a mhàin, ach uèamh mar an ceudna.

27 Agus tha *am focal* so, Aon uair eile, a' ciallachadh atharrachaidh nan nithean sin a ghabhas crathadh, mar nithean a rinn-eadh, chum gu'm fanadh na nithean nach gabh crathadh.

28 Uime sin air dhuinne rioghachd fhaotainn nach feudar a ghluasad, bitheadh againn gràs, leis an dean sinn seirbhis gu taitneach do Dhia, le h-urram agus eagal diadhaidh :

29 Oir tha ar Dia-ue 'n a theine dian-loisgeach.

CAIB. XIII.

1 *Comhairlean eagsamhuil chum seirc, 4 chum caithe-beatha ciutach, 5 chum sannt a sheachnadh, 7 chum a bhi dleasdhanach do luchd-searmonachaidh an t-soisgeil, 9 a bhi air ar faicill o theagasgaibh coimheach, 16 déirce 'thoirt seachad, 17 a bhi àmhul do uachdaran-aibh, 18 urmaigh a dheanamh air son an abstoil, 19 An comh-dhànadh.*

FANADH gràdh bràthaireil *agaibh*.

2 Na dearmadaibh aoidheadh a thoirt do choigrich ; oir le so thug dream àraidh aoidheadh do ainglibh gun fhios doibh.

3 Bithibh cuimhneachail orra-san a tha ceangailte, mar gu'm bitheadh sibh ceangailte maille riu ; agus air an dream a tha 'fulang anshocair, mar mhuinntir a tha sibh féin mar an ceudna anus a' choluinn.

4 *Tha'm* pòsadh urramach anns na h-uile, agus an leabadh neo-shalach : ach air luchd-strìopachais agus adhaltranais bheir Dia breth.

5 *Bitheadh* *blur* caithe-beatha gun sannt ; agus bithibh toilichte leis na nithibh a tha làthair agaibh : oir thubhairt e, Cha-n fhàg, agus cha tréig mi am feasd thu.

6 Ionnus gu'm feud sinn a ràdh gu dàna, Is e'n Tighearn m'fhear-cuideachaidh, agus cha-n eagal leam aon ni a dh'fheudas duine 'dheanamh orm.

7 Bithibh cuimhneachail air blur cinn-iùil, a labhair ribh focal Dhé : leanaibh an creidimh-san, a' beachdachadh air crìch an caithe-beatha :

8 Iosa Criosd an dé, agus an diugh, agus gu sìorruidh an ti ceudna.

9 Na bithibh air blur giùlan mu'n cuairt le teagasgaibh eugsamhuil coimheach : oir is maith an ni an cridhe 'bhi air a dhaingneachadh le gràs, cha-n ann le biadhaibh, nithean nach d'thug tairbhe do'n dream a ghnàth-aich iad.

10 Tha altair againne, de nach 'eil còir aca-san a bheag itheadh, a tha 'deanamh seirbhis do'n phàillium.

11 Oir tha cuirp nan ainmhidhean sin, aig am bheil am fuil air a toirt a steach air sou

peacaidh do'n ionad naomh leis an àrd-shagart, air an losgadh an leth muigh de'n champ.

12 Uime sin chum gu'n deanadh Iosa an sluagh a naomhachadh le 'fhuil féin, dh'fhuiling e mar an ceudna an taobh a muigh de'n gheata.

13 Air an aobhar sin rachamaid a mach d'a ionnsuidh-san an taobh a muigh de'n champ, a' giùlan a mhaslachd-san.

14 Oir an so cha-n'eil againn baile a mhair-eas, ach tha sinn ag iarraidh aoin a tha ri teachd.

15 Uime sin trid-san thuganaid suas ìob-airt buidheachais do Dhia a ghnàth, 's e sin, toradh ar bilean, a' toirt molaidh d'a ainm.

16 Ach na dì-chuinneachibh maith a dheanamh, agus comh-roinn a thoirt uaibh: oir tha an leithidean sin a dh'ìobairtibh taitneach do Dhia.

17 Bithibh ùmhail do 'ur cinn-ùil, agus thugaibh géill doibh: oir tha iad ri faire air bhur n-anamaibh, mar mhuinntir d'an éigin cunntas a thoirt uatha: chum gu'n dean iad e le gairdeachas, agus cha-n ann le doilheas: oir tha so neo-tharbhach dluibhse.

18 Deanaibh urnuigh air ar son-ne: oir is

dòigh leinn gu bheil deadh choguis againn, air dhuinn a bhi toileach ar beatha a chaith-eadh gu cubhaidh anns na h-nile nithibh.

19 Ach is mòid a ghluidheam oirbh so a dheanamh, chum gur luathaid a dh'aisgear mise dhuibh.

20 A nis gu'n deanadh Dia na sìthe, a thug air ais o na marbhaibh ar Tighearn Iosa, àrd-bhuachaill nan caorach, tre fhuil a' choimhecheangail shiorruidh,

21 Sibhse coimhlionta anns gach uile dheadh obair, chum sibh a dheanamh a thoile-san, ag oibreachadh annaibh an nia tha taitneach 'n a làthair-san, trè Iosa Crìosd; dhàsan *gu robh* glòir gu saoghal nan saoghal. Amen.

22 Agus guidheam oirbh, a bhràithrean, sibh a ghiùlan focal na h-ealach; oir sgriobh mi gu h-aithghearr do 'ur n-ionnsuidh.

23 Bitheadh fhios agaibh gu'n do chuir-eadh ar bràthair Timoteus air a chomas; maille ris-san, ma thig e gu h-aithghearr, chi mi sibh.

24 Cuiribh failte orra-san uile a tha 'n an cinn-ùil duibh, agus air na naoimh uile. Tha muinntir na h-Eadailt a' cur failte oirbh.

25 Gràs *gu robh* maille ribh uile. Amen.

LITIR CHOITCHIONN AN ABSTOIL

SHEUMAIS.

CAIB. I.

1 Is còir dhuinn gairdeachas a dheanamh fo thrìoblaid, 5 gliocas iarraidh o Dhia, 13 agus ann ar deuchainneibh gun sinn a ciar ar n-annhuinneuchd no ar peacaidhean as a leth-san, 19 ach gu'm bu fearr leinn a bhi ùmhail d'a fhocal.

2 **T**HA Seumas seirbhiseach Dhé, agus an Tighearn 'Iosa Crìosd, a' cur beannachd chum an dà thrèibh dheug a tha air an sgapadh o'chéile.

2 Mo bhràithrean, measaibh mar an uile ghairdeachas 'n uair a thuiteas sibh ann an ionadh gnè dheuchainnean;

3 Air dhuibh fios so bhi agaibh, gu'n oibrich dearbhadh bhur creidimh foighidín.

4 Ach bitheadh aig an fhoighidín a h-obair choimhlionta féin, chum gu'm bi sibh dìog-mhalta agus iomlan, gun uireasbhuidh ni sam bith.

5 Ma tha aon neach agaibh a dh'uireasbhuidh gliocais, iarradh e o Dhia, a bheir do gach neach gu pailt, agus nach dean maoidheamh; agus bheirear dha e.

6 Ach iarradh e le creidimh, gun a bhi fo amharus sam bith: oir an ti a tha fo amh-

arus, is cosmhuil e ri tonn na fairge, a shéid-e ar le gaoith, agus a tha air a luasgadh a null agus a nall.

7 Oir na saoiladh an duine sin gu'm faigh e ni air bith o'n Tighearn.

8 Tha fear na h-inntinn dhùbailte neo-sheasmhach 'n a uile shlighibh.

9 Deanadh am bràthair a tha ìosal gairdeachas 'n a àrdachadh:

10 Ach an duine saoi-bhir, 'n a ìsleachadh: do bhrìgh mar bhlàth an fheoir gu'n téid e seachad:

11 Oir air éirigh do'n ghréin le dian-theas, bheir i crìonadh air an fheur, agus tuitidh a bhlàth, agus théid maise a dhreach am muga: is amhuil sin mar an ceudna a sheargas an duine saoi-bhir 'n a shlighibh.

12 Is beannaichte an duine a ghiùlaincas buaireadh: oir 'n uair a dhcarbhar e, gheibh e crùn na beatha, a gheall an Tighearn do'n dream a ghràdhaicheas e.

13 Na h-abradh neach sam bith 'n uair a bhuairear e, Tha mi air mo bhuaireadh le Dia: oir cha chomhasach Dia a bhuaireadh le h-òle, ni mò a bhuaireas e neach sam bith.

14 Ach tha gach duine air a bhuairleadh, 'n uair a thairngear, agus a thàlaidhear e le 'ana-miann féin.

15 An sin air bli do'n ana-miann torrach, beiridh e peacadh: agus air do'n pheacadh a bli air a chrìochnachadh, beiridh e bàs.

16 Na bithibh air bhur mealladh, mo bhràithrean gràdhach.

17 Tha gach uile dheadh thabhartas, agus gach uile thiodhlac iomlan o'n àirde, a' teachd a nuas o Athair na soillse, maille ris nach 'eil atharrachadh, no sgàile tionndaidh.

18 O 'thoil féin ghin e sinn le focal na firinn, chum gu'm bitheamaid 'n ar gnè cheudtoraidh d'a chreutairibh.

19 Uime sin, mo bhràithrean gràdhach, bitheadh gach duine ealamh chum éisdeachd, mall chum labhairt, mall chum feirge:

20 Oir cha-n oibrich fearg duine fireant-achd Dhé.

21 Uime sin cuiribh uaibh gach uile shalachar, agus anabhar m'ruin, agus gabhaibh do bhur n-ionnsuidh le macantas am focal a tha air a shuidheachadh annaibh, a tha comasach air bhur n-anaman a thearnadh.

22 Ach bithibhse 'n 'ur luchd-eur-an gnìomh an fhocail, agus na b'ann 'n 'ur luchd-éisdeachd a mhàin, 'g 'ur mealladh féin.

23 Oir ma tha neach air bith 'n a fhear-éisdeachd an fhocail, agus cha-n ann 'n a fhear-deanaimh *d'a réir*, is cosmhuil e ri duine a tha 'g amharc air 'aghaidh nàdurra féin ann an sgàthan:

24 Oir bheachdaich e air féin, agus dh'imich e roimhe, agus dhì-chuimhnich e air ball cìod an coslas duine a bh'ann féin.

25 Ach ge b'e 'bheachdaicheas gu dùrachdach air lagh coimhlionta na saorsa, agus a bhuanicheas *ann*, gun e bhi 'n a fhear-éisdeachd dearmadach, ach 'n a fhear-deanaimh na h-oibre, bithidh an duine so beannaichte 'n a dicanadas.

26 Ma shaoileas neach air bith 'n 'ur measg gu bheil e diadhaidh, gun a bhi 'cur sréin r'a theangaidh, ach a' mealladh a chridhe féin, is dìomhain diadhachd an duine so.

27 'S i so an diadhadh fhìor-ghlan agus neo-shalach 'am fianuis Dhé agus an Athar, dilleachdain agus bantrachan fhìosrachadh 'n an trioblaid, *agus* neach 'g a choimhead féin gun smal o'n t-saoghal.

CAIB. II.

1 *Cha-n'eil e 'comh-fhreagradh d'ar n-aidmheil Chrìosdaidh suim a bhi againn de dhaoineibh saoihir agus àir a dheanadh air ar bràithreibh bochda; 13 is mò 'bu chòir dhuinn a bhi seirceil agus tròcùireach: 14 agus gun uail a dheanadh a creidimh far nach 'eil oibre, &c.*

MO bhràithrean, na bitheadh agaibh creidimh ar Tighearna Iosa Crìosd,

Tighearna na glòire, maille ri gnàibh-breth.

2 Oir ma thig a steach do 'ur coimhlional duine air am bheil fainne òir, ann an eudach dealrach, agus gu'n tig a steach mar an ceudna duine bochd ann an eudach suarach:

3 Agus gu'n amhaire sibh le meas air an duine sin air am bheil an deadh thrusgan, agus gu'n abair sibh ris, Suidh thusa an so ann an àit inbheach; agus gu'n abair sibh ris an *duine* bhochd, Seas thusa an sin, no suidh an so fo stòl mo chos:

4 Nach 'eil sibh mar sin leth-bhretheach annaibh féin, agus nach d'rinneadh sibh 'n 'ur breitheamhnaibh dhroch smuaintean?

5 Eisdibh, mo bhràithrean gràdhach, nach do thagh Dia bochdan an t-saoghail so, saoihir ann an creidimh, agus 'n an oighreachaibh air an rioghachd, a gheall e dhoibh-san a ghràdhachas e?

6 Ach thug sibhse masladh do'n bhochd. Nach 'eil na daoine saoihir ri ain-tighearnas oirbh, agus 'g 'ur tarruing gu caithrichibh-breitheanais?

7 Nach 'eil iad a' toirt tobheim do'n ainm òirdheire, a dh'ahumichear oirbh?

8 Ma choimhlionas sibh an lagh rioghail a réir an sgrìobtair, Gràdhach do choimhearsnach mar thu féin, is matha a nì sibh:

9 Ach ma nì sibh leth-bhreth air daoineibh, tha sibh a' deanamh peacaidh, agus tha sibh air bhur fàgail shìos leis an lagh mar a luchd-brisidh.

10 Oir ge b'e neach a choimhideas an lagh nìle, agus a thuislicheas ann an aon *àithne*, tha e ciontach de'n iomlan.

11 Oir an ti a thubhairt, Na dean adhalt-ranas, thubhairt e mar an ceudna, Na dean mortadh. A nis ged nach dean thu adhalt-ranas, gidheadh ma nì thu mortadh, rinneadh fear-brisidh an lagha dhiot.

12 Gu ma h-amhluidh sin a labhras sibhse, agus gu ma h-amhluidh a nì sibh, mar iad-san air an téid breth a thoirt le lagh na saorsa.

13 Oir gheibh esan breitheanas gun tròc- air, nach d' rinn tròc- air; agus nì tròc- air gairdeachas an aghaidh breitheanaidh.

14 Cìod an tairbhe, mo bhràithrean, ged their aon neach gu bheil creidimh aige, agus gum oibre 'bhi aige? an urrain creidimh a thearnadh?

15 Ma bhitheas bràthair no piuthar lomnochd, agus a dh'uireasbhuidh teachd-an-tir lathail;

16 Agus gu'n abair neach agaibhse rin, Imichibh 'an sìth, bithibh air bhur garadh, agus bithibh air bhur sàsachadh: gidheadh nach toir sibh dhoibh na nithean sin a tha feumail do'n chorp; cìod an tairbhe *tha ann?*

17 Is amhuil sin creidimh mar an ceudna, mur bi oibre aige, tha e marbh, air dha 'bhi leis féin.

18 Ach tha neach àraidh ag ràdh, Tha creidimh agad-sa, agus tha oibre agam-sa: nochd dhomh-sa do chreidimh as eugmhais d'oibre, agus nochdaidh mise dhuitse mo chreidimh le m' oibrìbh.

19 Tha thu 'creidsinn gu bheil aon Dia ann; is maith a nì thu: tha na deamhain a' creidsinn mar an ceudna, agus tha iad a' crìochnachadh.

20 Ach, O dhuine dhìomhain, an àill leat fios fhaotainn, gu bheil creidimh as eugmhais oibre marbh?

21 Nach deachaidh ar n-athair Abraham fhìreanachadh le oibrìbh, 'n uair a thug e suas a mhac Isaac air an altair?

22 Nach léir dhuìt gu'n do chomh-oibrich creidimh le 'ghnìomharaibh, agus gu'n d'rinneadh creidimh iomlan le oibrìbh?

23 Agus choimhlionadh an sgrìobtuir a tha ag ràdh, Chreid Abraham Dia, agus mheasadh sin da mar fhìreantachd: agus ghoir-eadh caraid Dhé dheth.

24 Chi sibh uime sin gu'm fireanaichear duine le oibrìbh, agus cha-n ann le creidimh a mhàin.

25 Amhuil sin mar an ceudna, nach robh Rahab an strìopach air a fireanachadh le oibrìbh, 'n uair a ghabh i ris na teachdairibh, agus a chuir i mach air slighe eile iad?

26 Oir mar a tha an corp marbh as eugmhais an spioraid, mar sin mar an ceudna tha creidimh marbh as eugmhais oibre.

CAIB. III.

1 *Cha chòir grad-bhreth a thoirt air daoine eile, no an crìonachadh gu ladurna; 5 ach is mò is còir dhuinn srian a chur 'ar teagaidh, ball beag, ach a tha 'n a h-inneal cumhachdach chum mòr mhaith no òle a dheanamh: 13 tha'n dream sin a tha fìor-ghlic ciùin agus sìochail, gun tad, gun strì.*

MO bhàithrean, na bithibh 'n 'ur mòran mhaighstirean, air dhuibh fios a bhi agaibh gu'm faigh sinn an tuilleadh breith-eanais.

2 Oir ann am mòran nithibh tha sinn uile eiontach. Mur 'eil duine eiontach ann am focal, is duine iomlan an t-sin, comasach mar an ceudna air srian a chur ris a' chorp uile.

3 Feuch, tha sinn a' cur srian an beul nan each, chum gu'm bi iad ùmhail dhuinn; agus tionndaidh sinn an corp uile mu'n cuairt.

4 Feuch mar an ceudna na longan, ged a tha iad co mòr, agus ged a shéidear iad le garbh-ghaothaibh, gidheadh tionndaidhear mu'n cuairt iad le stiùir ro bhig, ge b'e taobh gus am miann leis an stiùradair.

5 Is amhuil sin is ball beag an teagadh, agus nì i mòr-uail. Feuch, eia mòr an connach a lassas teine beag!

6 Agus is teine an teagadh, saoghal a dh'aingidheachd: mar sin tha an teagadh air a suidheachadh am measg ar ball, ionnus gu'n salaich i an corp gu h-iomlan, agus

gu'n las i cùrsa an nàduir; agus i féin air a lasadh o ifrinn.

7 Oir tha gach uile ghnè fhiadh-bheath-aichean, agus eunlaith, agus nithean snàig-each, agus nithean 's an fhairege, air an ceannsaichadh; agus cheannsaichadh iad leis a' chinne-daoine:

8 Ach cha chomasach do dhuine air bith an teagadh 'cheannsaichadh; is òle dochasgaidh i, làn de nimh marbhtach.

9 Leatha-sa tha sinn a' beannachadh Dhé, eadhon an Athar; agus leatha-sa tha sinn a' mallachadh dhaoine, a rinneadh a réir iomhaigh Dhé.

10 As an aon bheul tha beannachadh agus mallachadh a' teachd a mach. Mo bhlàithrean, cha chòir do na nithibh so 'bhi mar so.

11 An cuir tobar a mach as an aon suil uisge milis agus searbh.

12 An urrainn craobh-fhìge, mo bhlàithrean, dearkan olaidh a thoirt uaipe? no a' chraobh-fhìona, figean? marsin cha-n urrainn tobar sam bith sàile agus uisge milis a thoirt naith araon.

13 Cò a tha 'n a dhuine glic agus aig am bheil eòlas 'n 'ur measg? nochdadh e á deadh chaithe-beatha 'oibre féin le ceannsaich gliocais.

14 Ach ma tha eud searbh agus comhstri agaibh 'n 'ur cridhe, na deanaibh uail, agus na deanaibh breug an aghaidh na fìrinn.

15 Cha-n ann o'n àirde tha 'n gliocas so a' teachd a nuas, ach tha e talmhaidh, collaidh, diabhluidh.

16 Oir far am bheil farmad agus comhstri, an sin tha buaircas, agus gach uile dhroch ghnìomh.

17 Ach tha an gliocas a tha o'n àirde air tùs glan, an dèigh sin sìochail, ciùin, agus so-chomhairleachaidh, làn de thròcair agus de dheadh thoraibh, gun leth-bhreth agus gun cheilg.

18 Agus tha toradh na fìreantachd air a chur ann an sìth do luchd-deanamh na sìthe.

CAIB. IV.

1 *Is còir dhuinn cathachadh an aghaidh samta, 4 neo-mheasarrachd, 5 uabhair, 11 cùl-chàineadh, agus breth ghrad mu dhaoineibh eile; 13 agus gun a bhàr earbach a soirbheachadh ann ar gnothachibh saoghailta, &c.*

CIA as tha cogaidhean agus còmhragan a' teachd 'n 'ur measg? nach ann as a so, eadhon o bhur n-ana-miannaibh, a tha 'cogadh ann bhur ballaibh?

2 Tha sibh a' miannachadh, agus cha-n'eil agaibh: tha sibh a' marbhadh, agus a' dian-shanntachadh, agus cha-n'eil e'n comas duibh nì fhaotainn: tha sibh a' cathachadh agus a' eogadh, gidheadh cha-n'eil agaibh, do bhrìgh nach 'eil sibh ag iarraidh.

3 Tha sibh ag iarraidh, agus cha-n'eil sibh a' faotainn, do bhrìgh gu bheil sibh ag iarraidh gu h-òle, chum gu'n caith sibh air bhur n-ana-miannaibh.

4 Adhaltrannaeha, agus a bhan-adhalt-rannacha, nach 'eil fhios agaibh gur naimh-deas an aghaidh Dhé càirdcas an t-saoghail? ge b'e air bith neach uime sin leis an àill a bhi 'n a charaid do'n t-saoghail, tha e 'n a nàmhaid do Dhia.

5 An bheil sibh a' smuaineachadh gu bheil an sgrìobtuir gu dìomhain a' labhairt? Tha an spiorad a tha 'chòmhnuidh annainn a' togradh gu fàrnad.

6 Ach bheir e gràs a's mò uaith: uime sin tha e ag ràdh, Tha Dia a' cur an aghaidh nan uaibhreach, ach a' toirt gràis dhoibhsan a tha iriosal.

7 Uime sin àmhlaichibh sibh féin do Dhia; cuiribh an aghaidh an diabhail, agus teichidh e uaibh:

8 Dlùthaichibh ri Dia, agus dlùthaichidh e ribh: glanaibh *bhur* làmhnan, a pheacacha, agus glanaibh *bhur* cridhe, sibhse aig am bheil an inntinn dhùbailte.

9 Bithibh ann an àmhghar, agus deanaibh caoidh, agus gul: bitheadh *bhur* gàire air a thionndadh gu bròn, agus *bhur* u-aobh-neas gu tùirse.

10 Irioslaichibh sibh féin 'am fianuis an Tighearn', agus àrdachidh e sibh.

11 Na labhairbh ole mu 'chéile, a bhràithre. An ti a tha 'labhairt uile m'a bhràithre, agus a' toirt breth air a bhràithre, tha e 'labhairt uile mu'n lagh, agus a' toirt breth air an lagh: ach ma tha thu 'toirt breth air an lagh, cha-n fhear-coimhlionaidh an lagha thu, ach breitheamh.

12 Tha aon fhear-tabhairt lagha ann, a's urrainn saoradh agus sgrìos: co thusa a tha 'toirt breth air neach eile?

13 Iuicibh a nis, sibhse a tha ag ràdh, Thuid sinn an diugh no màireach gus a' leithid so de bhaile, agus fanaidh sinn an sin ré bliadhna, agus nì sinn ceannachd, agus gheibh sinn buannachd:

14 'N uair nach 'eil fhios agaibh ciod a tharlas air an là màireach: oir ciod i *bhur* beatha? is deatach i a chithear ré ùine bhig, agus an dèigh sin a thèid as an t-scalladh.

15 'An àite *gu'm bu chòir* dhuibh a ràdh, Ma's toil leis an Tighearn, bithidh sinn beò, agus nì sinn so, no sud.

16 Ach a nis tha sibh a' deanamh uaille as l'ur ràiteachas féin: is ole gach uile shamhuil sin a dh' uail.

17 Uime sin dhàsan d'an aithne maith a dheanamh, agus nach deane, is peacadh e dha.

CAIB. V.

1 Tha aobhar aig daoibh aingidh saobhair eagal a bhi orra roimh dhioghaltas Dhé. 7 Bu chòir dhuinn a bhi foighidneach a rèir eisempleir nam fàidhean, agus Iob; 12 mionnan a sheachnadh; 13 urnuigh a ghnàthachadh ann an anshocair, agus sailm a sheinn ann an socair, &c.

IMICHIBH a nis, a dhaoine saobhair, deanaibh gul agus caoidh air son *bhur* àmhghar a tha 'teachd oirbh.

2 Tha *bhur* saobhreas air truailleadh, agus *bhur* n-cudach air ithcadh leis an leomann.

3 Tha *bhur* n-òr agus *bhur* n-airgiod air meirgeadh; agus bithidh am meirg-san 'n a fhianuis 'n 'ur n-aghaidh, agus ithidh i *bhur* fèidil mar theine: thaisg sibh iomhas fa chomhair nan làithean deireannach.

4 Feuch, tha tuarasdal an luchd-oibre, a bhuain sìos *bhur* n-achaidh, nì a chumadh uatha leibhse le foill, ag éigheach: agus tha glaothaich na muinntir a bhuain, air dol a stigh chum cluasau Tighearna nan sluagh.

5 Chaith sibh *bhur* beatha ann an sògh air thalamh, agus bha sibh near; dh'altrum sibh *bhur* cridheachan, mar ann an là a' mharbhadh.

6 Dhìt agus mharbh sibh am fireau, agus cha-n'eil e 'cur 'n 'ur n-aghaidh.

7 Uime sin, a bhràithre, bithibh foighidneach gu teachd an Tighearna. Feuch, feithidh an treabhaiche ri toradh luachmhor na talmhainn, agus fanaidh e gu foighidneach ris, gus am faigh e an ceud uisge agus an t-uisge deireannach.

8 Bithibh-se foighidneach mar an ceudna; socraichibh *bhur* cridheachan: oir tha teachd an Tighearna am fagus.

9 Na deanaibh gearan an aghaidh a chéile, a bhràithre, chum nach dìtear sibh: feuch, tha am Breitheamh 'n a sheasamh aig an dorus.

10 Gabhaibh, mo bhràithre, na fàidhean, a labhair ann an ainm an Tighearna, 'n an eisempleir air anshochair fhulang, agus air foighidin.

11 Feuch, measar sona leinn iadsan a dh'fhuilingeas. Chuala sibh iomradh air foighidin Iob, agus chunnaic sibh crìoch an Tighearna; gu bheil an Tighearn ro iochdmhor agus tròcaireach.

12 Ach roimh na h-uile nithean, mo bhràithre, na tugaibh mionnan, aon chuid air nèamh, no air an talamh, no air aon mhiannan eile: ach gu'm b'e *bhur còmh-radh* Scadh, seadh, agus Chan eadh, cha-n eadh; air cagal gu'n tuit sibh ann an dìt-cadh.

13 Am bheil neach sam bith fo thrioblaid 'n 'ur measg? deanadh e urnuigh. Am bheil neach sam bith subhach? seinneadh e sailm.

14 An bheil neach sam bith tinn 'n 'ur measg? cuireadh e fios air seanaibh na h-eaglais; agus deanadh iad urnuigh os a cheann, 'g a uagadh le h-olaidh ann an ainm an Tighearna:

15 Agus slànuidh urnuigh a' chreidimh an t-euslan, agus togaidh an Tighearn suas e; agus ma rinn e peacaidhean, maithear dha iad.

16 Aidichibh *bhur* lochdan d'a chéile, agus deanaibh urnuigh air son a chéile,

chum gu'n tearnar sibh : tha mòr-èifeachd ann an urnuigh dhùrachdaich an fhìrinn.

17 Bu duine Elias aig an robh comh-aighe ruinne, agus ghuidh e gu dùrachdach gun uisge 'bhi ann : agus cha d'fhàinig uisge air an talamh ré thri bliadhna agus shè mìosan.

18 Agus rinn e urnuigh a rìs, agus thug

nèamh uisge uaith, agus thug an talamh a mach a thoradh.

19 A bhràithre, ma théid aon neach agaibh-se air seacharan o'n fhìrinn, agus gu'n iompaich neach e ;

20 Bitheadh fhios aige, an duine a dh'iompaicheas peacach o sheacharan a shlighe, gu'n saor e anam o bhàs, agus gu'm folaich e mòran pheacaidhean.

CEUD LITIR CHOITCHIONN AN ABSTOIL

PHEADAIR.

CAIB. 1.

1 Bheannaich Peadar Dia air son a ghràs an iomarcach spioradail : 10 nochd e nach naidheachd ùr slàinte tre Chrìosd, ach nì mu'n robh fàidheadaireachd o shean : 13 agus a réir sin chuir e impidh orra an beatha a chaitheadh gu diadhaidh, do bhrìgh gu bheil iad a nis air an nuadh-bhreth le focal Dhé.

PEADAR abstol Iosa Crìosd, chum nan coigreach a tha air an sgapadh tre Phontus, Ghalatia, Chapadocia, Asia, agus Bhitinia,

2 A thaghadh a réir roimh-còlais Dhé an Athair, tre naomhachadh an Spioraid, chum ùmhleadh, agus crathadh fola Iosa Crìosd : Gràs agus sìth gu robh air am meudachadh dhuibhse.

3 Gu ma beannaichte gu robh Dia agus Athair ar Tighearna Iosa Crìosd, neach a réir a mhòr-thròcair, a dh'ath-ghin sinne gu beò-dhòchas, tre aiseirigh Iosa Crìosd o na mairbh,

4 Chum oighreachd neo-thruaillidh, agus neo-shalaich, agus nach searg as, a tha air a tasgadh 's na nèamhan dhuibhse,

5 A tha air bhur coinhead le cumhachd Dhé tre chrcidimh chum slàinte, a tha ullamh r'a foillseachadh 's an aimsir dheireannaich :

6 Nì anns am bheil sibh a' deanamh mòr-ghairdeachais, ged tha sibh a nis ré ùine bhig, (ma's feumail e,) fo thùirse tre iomadh buaireadh.

7 Chum gu faighear dearbhadh bhur creidimh, nì's luachinhoire gu mòr na òr a théid am mugha, ged dhearbhar le teine e, chum cliu, agus urraim, agus glòir aig foillseachadh Iosa Crìosd ;

8 D'am bheil sibh a' toirt gràidh, ged nach faca sibh e ; agus ged nach 'eil sibh a nis 'g a fhaicinn, air dhuibh 'bhi' creidsinn ann, tha sibh a' deanamh mòr-ghairdeachais le h-aobhneas air dol thar labhairt, agus làn de ghlòir :

9 A' faotainn erìche bhur creidimh, eadhon slàinte bhur n-anama :

10 Slàinte mu'n d'fhiosraich na fàidhean, agus mu'n d'rinn iad geur-rannsachadh, muinntir a rinn fàidheadaireachd mu'n ghràs a bha gu teachd do 'ur n-ionnsuidh-se ;

11 A' rannsachadh cìod i, no cìod a' ghnè aimsir a bha Spiorad Chrìosd anna-san a' foillseachadh, 'n uair a rinn e fianuis roimhlainh air fulangasaibh Chrìosd, agus a' ghlòir a bha gu'n leantainn.

12 Muinntir d'an d'fhoillsicheadh, nach b'ann doibh féin, ach dhuinne a fhrithheil iad na nithean a tha nis air an cur 'an cèill duibh leo-san a shearmonaich an soisgeul duibh, leis an Spiorad naomh a chuireadh a nuas o nèamh ; nithean air am miann leis na h-ainglibh beachdachadh.

13 Ùine sin crìoslaichibh leasraidh bhur n-inntinn, bithibh measarra, agus bitheadh dòchas dìongmhalta agaibh as a' ghràs a bheirear dhuibh aig foillseachadh Iosa Crìosd ;

14 Mar chloinn ùmhal, gun a bhi 'g'ur comh-chumadh féin ris na h-ana-miannaibh, a bha agaibh roimh ann an àm bhur n-aineolas :

15 Ach a réir mar tha esan a ghairm sibh naomh, bithibh-se naomha mar an ceudna 'n 'ur n-uile chaithe-beatha :

16 Do bhrìgh gu bheil e sgrìobhta, Bithibh-se naomha, oir tha mise naomh.

17 Agus ma ghairmeas sibh air an Athair, a bheir breth a réir oibre gach neach, gun chlaon-bhàigh ri neach seach a chéile, caithibh aimsir bhur cuairt an so le h-eagal :

18 Air dhuibh fios a bhi agaibh nach do shaoradh sibh le nithibh truailidh, mar tha airgiod agus òr, o bhur caithe-beatha dìomhain, a thugadh dhuibh o bhur sinnsir-eachd ;

19 Ach le fuil luachmhoir Chrìosd, mar fhuil Uaim gun chron, gun smat :

20 Neach gu deimhin a roimh-orduich-eadh roimh chruthachadh an t-saoghail, ach a dh'fhoillsicheadh anns na h-aimsiribh deireannach air bhur son-se ;

21 Muinntir trid-san a tha 'creidsinn ann

an Dia a thog esan o na mairbh, agus a thug glòir dha, chum gu'm bitheadh bhuir creidinnh agus bhuir muinghin ann an Dia.

22 Do bhrìgh gu'n do ghlan sibh bhuir n-anamh le ùmhlaich a thoirt do'n fhàrrinn tre 'n Spiorad, chum gràidh neo-chealgaidh do na bràithribh; *feuchaibh gu'n toir sibh gràdh d'a chèile a cridhe glan gu dùrachdach* :

23 Air dhuibh 'bhi air bhuir n-ath-ghin-camhuin, cha-n ann o shìol truailidh, ach neo-thruailidh, le focal an Dé bheò, agus a mhaireas gu sìorruidh.

24 Oir *tha* gach uile fheòil mar fheur, agus uile ghloir dhaoine mar bhàth an fheòir. Seargaidh am feur, agus tuitidh a bhàth dheth :

25 Ach fanaidh focal an Tighearna gu sìorruidh. Agus is e so am focal a shear-monaicheadh dhuibhse ann an t-soisgeul.

CAIB. II.

1 *Chomhairlich Peadar luchd-aidmheil a' chreidinnh an aghaidh mì-sheirceachaid; 4 nochd e gur e Crìosd am bunadh air am bheil iad air an togail; 11 ghluidh e orra fantuinn o ana-miannaibh feòlmhor, 13 agus a bhi ùmhla do nachdaranaidh; 18 is còir do sheirbhiseich a bhi ùmhla d'am maighstiribh, 20 agus fulang gu foighidneach air son maith a dèanamh a rèir eisimpleir Chrìosd.*

UIME sin a' cur uaibh gach uile mhì-ruin, agus gach uile mhacaltaircachd, agus chealg, agus fliarmadan, agus gach uile ana-cainnt,

2 Mar naoidhcanan air an ùr-bhreith, iarr-aibh bainne fìor-ghlan an fhocail, chum as gu'm fàs sibh leis;

3 Ma's c as gu'n do bhlaiss sibh gu *bheil* an Tighearn gràsmhor.

4 A' teachd d'a ionnsuidh-san, *mar gu* cloich bheò, a dhiùltadh gu deimhin le daoineibh, ach air a taghadh o Dhia agus luachmhor;

5 Tha sibhse nar an ceudna mar chlach-aibh beò, air bhuir togail suas 'n 'ur tigh spioradail, 'n 'ur sagartachd naomh, chum iobairtean spioradail a thoirt suas, taitneach do Dhia tre Iosa Crìosd.

6 Uime sin tha so mar an ceudna air a chur sìos anns an sgrìobtur, Feuch, cuiridh mi ann an Sion prìomh chlach-oisne thaghta, ruachmhor : agus an ti a chreideas ann, cha chuirear gu nàire e.

7 Dhuibhse uime sin a chreideas, *tha e* luachmhor: ach dhoibh-san a tha eas-ùmhla, ' chlach a dhiùlt na clachairean, rinneadh ceann na h-oisne dìth,

8 Agus clach-thuislidh, agus carraig oil-bheim, *dhoibh-san* a thuislicheas air an fuocal, air dhoibh 'bhi eas-ùmhla, chum mar n ceudna an d'orduicheadh iad.

9 Ach *is* ginealach taghta sibhse, sagartachd rioghail, cinncach naomh, sluagh son-

raichte ; chum gu'n cuireadh sibh 'an céill feartan an ti a ghairm á dorchadas sibh chum a sholuis iongantach féin :

10 Nach *robh* uair-éigin 'n 'ur sluagh, ach a nis *is* sibh sluagh Dhé: dream nach d'fhuair tròcair, ach a nis a tha air faotainn tròcair.

11 A mhuinntir mo ghràidh, guidheam oirbh, mar choigrich agus luchd-cuairt, sibh a sheachnadh ana-miannan feòlmhor, a tha 'cogadh an aghaidh an anama;

12 Air dhuibh deadh chaithe-beatha 'bhi agaibh am measg nan Cinneach; chum 'an àit ole a labhairt umaibh mar luchd mì-ghnìomh, gu'n dean iad o bhuir deadh oirribh a chi iad, Dia a ghlòrachadh ann an là an fhiosrachaidh.

13 Uime sin bithibh-se ùmhla do gach rìle riaghailt dhaoine air son an Tighearna: ma's ann do'n rìgh, mar an ti a's àirde inbhe;

14 No do nachdaranaidh, mar do'n mhuinntir a chuireadh uaith chum dìoghaltais air luchd-deanamh an uile, ach chum cliù dhoibh-san a ni maith.

15 Oir is i toil Dhé gu'n cuireadh sibhse le deadh dèanadas tosd air aincolas dhaoine amaidheach :

16 Mar dhaoine saor, agus gun *bhuir* saorsa a ghnàthachadh mar bhrat-folaich do'n ole, ach mar sheirbhiseich Dhé.

17 Thugaibh urram do na h-uile dhaoine. Gràdhaidhibh na bràithrean. Bitheadh eagal Dhé oirbh. Thugaibh urram do'n rìgh.

18 A sheirbhiseacha, *bithibh* ùmhla do 'ur maighstiribh maille ris an uile eagal, cha-n e ùmhla dhoibh-san a tha maith agus ciùin, ach mar an ceudna dhoibh-san a tha borb.

19 Oir *tha* so cliù-thoillteannach, ma dh'ionchaircas neach sam bith doilgheas air son coguis a thaobh Dhé, a' fulang gu h-eucorach.

20 Oir cìod an t-aobhar molaidh a *tha ann*, ma's e an uair a ghabhar oirbh air sor. bhuir cionta, gu'n giùlain sibh gu foighidneach e? ach ma's e 'n uair a tha sibh a' dèanamh maith, agus a' fulang *air a shon*, gu'n giùlain sibh e gu foighidneach, *tha* so taitneach do Dhia.

21 Oir is ann a dh'ionnsuidh so a ghairmeadh sibh: do bhrìgh gu'n d'fhuiling Crìosd mar an ceudna air bhuir son, a' fagail eis-eimpleir agaibh, chum gu-n leanadh sibh a cheuman:

22 Neach nach d'inn peacadh, ni mò a fhuaradh cealg 'n a bheul:

23 Neach, 'n uair a chàineadh e, nach do chàin a ris; 'n uair a dh'fhuiling e, nach do bhagair; ach a dh'earb e *féin* ris-san a bheir breth cheart:

24 Neach a ghiùlain ar peacaidhean *féin* 'n a chorp féin air a' chrann, chum air

I PHEADAIR, III, IV

dhuinn a bhi marbh do'n pheacadh, gu'm bitheamaid beò do fhìreantachd: neach le a bhuillibh-san a tha air sibhs e a thearn-adh.

25 Oir bha sibh mar chaoraich a' dol air seacharan; aeh philleadh sibh a nis chum Buachaill agus Easbuig bhur n-anama.

CAIB. III.

1 *Theagaisg Peadar dleasdanas bhàn agus fhear-pòda d'a chèile; 8 dh'earalaich e na h-uile dhaoine chum aonachd agus gràidh, 14 agus geur-leannmhuinn shulag: 19 Chuir e mar an ceudna 'an cèll sochairan Chrìosd do'n t-seannt saoghal.*

MAR an ceudna, a mhnathan, *bithibh* ùmhail do 'ur fearaibh féin, chum ma tha dream air bith eas-ùmhail do'n fhocal, gu'm bi iadsan mar an ceudna, as eugmhais an fhocail, air an cosnadh le deadh chaithe-beatha nam ban.

2 'N uair a bheachdaicheas iad air bhrù caithe-beatha gcamnuidh maille ri h-eagal.

3 Na b'i bhrù breaghachd, figheadh an fhuil agus a' eur oirbh, agus dheadh thrusgan umaibh, *a' bhreaghachd sin* o'n leth muigh:

4 Ach duine folaichte a' chridhe, ann an neo-thruaillidheachd spioraid mhacanta agus ehiùin, ni a tha ro luachmhor ann an sealladh Dhé.

5 Oir b'ann mar so a rinn na mnathan naomha o shean, aig an robh am muinghin ann an Dia, iad féin breagha, air dhoibh 'bhi ùmhail d'am fearaibh féin;

6 Amhuil a thug Sarah ùmhachd do Abraham, a' gairm tighearna dlieth: d'an nigheanan sibhs an fèadh 's a ni sibh gu maith, agus gun gheilt oirbh le h-uamhas sam bith.

7 Mar an ceudna, fheara, gabhaibh-se còmhnuidh maille ri a réir eòlais, a' tabh-airt urraim do'n mhnai mar do 'n t-soith-each a's aumhuinne, agus mar mhuinntir a tha 'n an comh-oighreachaibh air gràs na beatha; chum nach cuirèar bacadh air bhrù n-urnuighibh.

8 Fa dheòidh, *bithibh* uile a dh'aon inn-tinn, bitheadh comh-fhulangas agaibh r'a chèile, gràdhachibh a chèile mar bhràith-ribh, *bithibh* truacanta, càirdail:

9 Na h-ìocaibh olc air son uile, no càin-cadh air son càinidh: aeh 'n a aghaidh sin, beannaichibh; air dhuibh fios a bhi agaibh gur ann a dh'ionnsuidh so a ghairmeadh sibh, chum gu'n sealbhaicheadh sibh beanna-achadh mar oighreachd:

10 Oir ge b'e le'm bàill beatha a ghràdh-achadh, agus làithean maithc fhaicinn, cumadh e a theangadh o olc, agus a bhilean o labhairt eilg.

11 Seachnadh e olc, agus deanadh e maith; iarradh e sìth, agus leanadh e i.

12 Cir *tha* suilean an Tighearnu' air na fir-

eanaibh, agus a chluasan fosgailte r'an urnuigh: aeh *tha* gnùis an Tighearna an aghaidh na muinntir a ni olc.

13 Agus cò e a ni olc oirbh, ma bhitheas sibh 'n ur luchd-leannmhuinn air an ni sin a tha maith?

14 Ach eadhon ma dh'fhuilingeas sibh air sgàth fireantachd, *is* sona sibh: agus na bitheadh fiamh an eagail-san oirbh, agus na bithibh mi-shuaimhneach;

15 Ach naomhaichibh an Tighearna Dia ann bhrù eridheachaibh: agus *bithibh* ullamh: Anàth chum freagrachd a thoirt, maille r' ceannasachd agus eagal, do gach uile dhuine a dh'iarras oirbh reuson an dòchais a tha annaibh:

16 Air dhuibh deadh choguis a bhi agaibh; chum, 'n uair a tha iad a' labhairt uile 'n ur n-aghaidh mar luchd mi-ghnìomh, gu'n gabh iadsan nàire, a tha 'toirt toibh-eim do 'ur deadh chaithe-beatha ann an Crìosd.

17 Oir *is* fearr, ma's e sin toil Dhé, sibh a dh'fhulang air son maith a dheanamh, na air son olc a dheanamh.

18 Oir dh'fhuiling Crìosd féin aon uair air son pheacaidhean, am firean air son nan neo-fhìrcan, (chum gu'n tugadh e sinne gu Dia,) air dha 'bhi air a chur gu bàs 's an fheòil, aeh air a bheothachadh tre an Spiorad:

19 Leis an deachaidh e mar an ceudna, agus an do shearmonaich e do na spiorad-aihb ann am prìosan;

20 A bha o shean cas-ùmhail, 'n uair a dh'fheith fad-fhulangas Dhé aon uair ann an làithibh Noah, am feadh a bha àire 'g a h-ulluchadh, anns an robh beagan, sin r'a ràdh, oehd anaman, air an tearnadh tre uisge.

21 Tha am baisteadh, mar shamhlachas a tha'comh-fhreagrachd dha so, (cha-n e cur dhinn sal na feòla, aeh freagrachd deadh eloguis thaobh Dhé,) nis 'g ar tearnadh-ne, tre aiseirigh Iosa Crìosd:

22 Neach air dha dol gu nèamh, a tha air deas làimh Dhé, air do ainglibh, agus do uachdranachdaibh, agus do chumhachdaibh 'bhi air an cur fo 'cheannsal-san.

CAIB. IV.

1 *Dh'earalaich Peadar luchd-aidmheil a' chreid-
imh gu sgr de pheacadh o eisempleir Chrìosd,
agus do bhrìgh gu bheil a' chrìoch dheireann-
ach a' dlùth-theannadh oirnn: 12 agus thug e
comh-fhuilachd dhoibh an aghaidh geur-leann-
mhuinn.*

TIME sin, o dh'fhuiling Crìosd air a' son-ne 's an fheòil, armaichibh-se mar an ceudna sibh féin leis an inn-tinn cheudna: oir an ti a dh'fhuiling anns an fheòil, sgur e de pheacadh;

2 Chum nach caithheadh e fuigheall 'aismir anns an fheòil, a réir ana-miannan dhaoine, aeh a réir toile Dhé

3 Oir is leoir dhuinn a' chuid a chaidh seachad de aimsir ar beatha gu toil nan Cinneach a dheanamh, 'n uair a shiubhail sinn ann am macius, ann an ana-miannaibh, ann an anabharra fiona, ann an geòd-aireachd, ann am pòiteireachd, agus ann an iodhol-aoradh an-dligheach:

4 Ni anns am bheil iad a' gabhail iongantais, a chionn nach 'eil sibhse a' ruith maille ri anns an neo-mheasarrachd cheudna gun tomhas, a' labhairt uile *umaibh*:

5 Muinntir a bheir cunntas dhàsan, a tha ullamh gu breth a thoirt air na beothaibh agus air na mairbh.

6 Oir is ann chum na crìche so a shearmonaicheadh an soisgeul dhoibh-san a tha marbh mar an ceudna, chum gu'n tugtadh breth orra a réir dhaoine 's an fheoil, ach gu'm bitheadh iad beò a réir Dhé 's an Spiorad.

7 Ach tha crìoch nan uile nithean am fagus: uime sin bithibh measarra, agus deanaibh faire chum urnuigh.

8 Agus roimh na h-uile nithibh bitheadh agaibh teas-ghràdh d'a chèile; oir cuiridh gràdh folach air mòran pheacaidhean.

9 Thugaibh aoidheachd d'a chèile gun ghearan.

10 A réir mar a fhuair gach aon an tìodh-lac, *mar sin* deanaibh frithealadh d'a chèile, mar dheadh stiùbhardaibh air gràs cagsamhuil Dhé.

11 Ma labhras neach sam bith, *labhradh e* mar bhriathraibh Dhé; ma tha neach sam bith ri frithealadh, *deanadh se e* mar o'n chomas a bheir Dia *dha*; chum gu'm bi Dia air a ghlòrachadh anns na h-uile nithibh tre Iosa Crìosd: dhàsan gu robh glòir agus cumhachd gu saoghal nan saoghal. Amen.

12 A mhuinntir mo ghràidh, na bitheadh iongantais oirbh thaobh na deuchainn theinntich, a thig oirbh chum bhur dearbhadh, mar gu'n tarladh ni-éigin neo-ghnàthach dhuibh:

13 Ach do bhrìgh gu bheil sibh 'n 'ur luchd-comhairle de fhuilangasaibh Chrìosd, deanaibh gairdeachas; chum mar an ceudna, ann an àm foillseachaidh a ghlòire, gu'n dean sibh gairdeachas le h-aobhneas ro mhòr.

14 Ma mhaslaichear sibh air son ainme Chrìosd, *is sona sibh*; oir tha Spiorad na glòire, agus Dhé a' gabhail còmhnuidh oirbh; d'an taobh-san gu deimhin tha e 'faotainn toibheim, ach do 'ur taobh-se tha e air a ghlòrachadh.

15 Ach na fuilingeadh aon agaibh mar mhortair, no *mar* ghaduiche, no *mar* flicar droch-bheirt, no mar neach a ghabhas gnòthuch ri nithibh nach buin da.

16 Gidheadh ma dh'fhuilingear duine mar Chrìosduidh, na bitheadh nàire air; ach thugadh e glòir do Dhia as a leth so.

17 Oir *thàinig* an t-àmn anns an tòisich

breitheanas aig tighe Dhé: agus ma thòisich-eas e againne, ciod a's crìoch dhoibh-san a tha eas-ùmhail do shoisgeul Dhé?

18 Agus ma's ann air éigin a thearnar am firean, c'ait an taisbein an duine mi-dhiadhaidh agus am peacach e féin?

19 Uime sin, an dream a dh'fhuilingear a réir toile Dhé, earbadh iad an anaman *ris-san* ann an deanamh maith, mar ri Cruith-ear dileas.

CAIB. V.

1 *Chuir Peadar impidh air na seanairibh treud Dhé a bheathachadh; 5 air an òigridh 'bhi ùmhail. 8 agus orra uile 'bhi stuama, fairidh, agus daingean 's a' chreidimh; 9 agus cur an aghaidh ar nàmhaid an-ìochd-inhoir an dia-bhu'.*

NA seanairean a tha 'n 'ur measg tha mi ag earalachadh, air bhì dhomh féin a'm' sheanair mar an ceudna, agus a' m' fhianuis air fulangasaibh Chrìosd, agus mar an ceudna a' m' fhear comhairle de'n ghlòir sin, a tha gu bhì air a foillseachadh:

2 Beathaichibh treud Dhé a tha 'n 'ur measg, a' gabhail cùram *dheth*, cha-n ann a dh'aindeoin, ach gu dednach; cha-n ann air son buannachd shalaich, ach le h-inntinn ealamh;

3 Ni mò mar thighearnaibh os ceann oighreachd *Dhè*, ach mar dhream a tha 'n an eisempleiribh do'n treud.

4 Agus an uair a dh'fhoillsichear an t-àrd-bhuachail, gheibh sibh crùn na glòire nach searg as.

5 Mar an ceudna, a dhaoine òga, bithibh ùmhail do na seanairibh: seadh, bithibh uile ùmhail d'a chèile, agus bithibh air bhur sgeadachadh le h-irioslachd: oir tha Dia a' cur an aghaidh nan uaibhreach, ach a' toirt gràis dhoibh-san a tha iriosal.

6 Uime sin irioslaichibh sibh féin fo làimh chumhachdaibh Dhé, chum as gu'n àrdaich e sibh ann an àm iomchuidh:

7 A' tilgeadh bhur n-uile chùram airsan: oir tha cùram aige dhihbh.

8 Bithibh stuama, deanaibh faire; do bhrìgh gu bheil bhur nàmhaid an diabhl, mar leòmhnan beuchdach, ag imeachd mu'n cuairt, a' sireadh cò a dh'fheudas e 'shlugadh suas.

9 Cuiribh-sa 'n a aghaidh, air dhuibh 'bhi daingean 's a' chreidimh, agus fhios a bhì agaibh gu bheil na fulangais chendna air an coimhlionadh ann bhur bràithribh, a tha 's an t-saoghal.

10 Ach gu'n deanadh Dia féin nan uile ghràs, a ghairm sinne chum a ghlòire shìorruidh tre Iosa Crìosd, an déigh dhuibh fulang ré ùine bhig, iomlan sibh; gu'n daingnich-eadh, gu'n neartaicheadh, gu'n socraicheadh e sibh.

11 Dhàsan *gu robh* glòir agus cumhachd, gu saoghal nan saoghal. Amen.

12 Le Siluanus bràthair dileas, (a réir mo

bharail-sa), sgrìobh mi do 'ur n-ionnsuidh gu h-aithghearr, a' teagasg, agus a' deanamh fianuis, gur e so fìor-ghràs Dhé, anns am bheil sibh 'n 'ur seasamh.

13 Tha an eaglais ann am Babilon, a thagh-

adh maille ribhse, a' cur failte oirbh, agus Marcus mo mhac.

14 Cuiribh failte air a chéile le pòig ghràidh. Sith *gu robh* maille ribh uile a tha ann an Iosa Crìosd. Amen.

DARA LITIR CHOITCHIONN AN ABSTOIL

PHEADAIR.

CAIR. I.

1 *Chum luchd-aidmheil a' chreidimh a dhuain-neachadh 'an dòchas meudachaidh gràis Dhé, 5 chur Peadar ìmpidh orra le creidimh agus deadh oirbh, an gairm a dheanamh cinnteach: 12 bha e cùramach mu so 'chur 'an cuimhne dhoibh, do bhrìgh gu robh fios aige a bhàs 'bhi 'm fagus: 16 agus thug e rabhadh dhoibh bhànaiteach ann an creidimh Chrìosd, &c.*

SIMON Peadar, seirbhiseach agus abstol Iosa Crìosd, dhoibh-sana fhuairean creidimh luachmhor ceudna ruinne, tre fhìreantachd ar Dé agus ar Slànuidhir Iosa Crìosd: 2 Gu'n robh gràs agus sìth air am meudachadh dhuibh, tre eòlas Dhé, agus Iosa ar Tighearna,

3 A réir mar a dheònuich a chumhachd diadhaidh-san dhuinne na nithean sin uile a bhuineas do bheatha agus do dhiadhachd, tre eòlas an tì sin a ghairm sinn chum glòire, agus deadh-bheus:

4 Tre an d'fhugadh dhuinn geallaidhean ro mhòr agus luachmhor, chum d'an trid-san gu'm bitheadh sibhse air bhur deanamh 'n 'ur luchd-comhpairt de nàdur na diadhachd, air dhuibh dol as o'n truaillidheachd a tha anns an t-saoghal tre ana-miann.

5 Agus a thuillcadh air so, air deanamh au uile dhìchill duibhse, cuiribh ri 'ur creidimh, deadh-bheus; agus ri deadh-bheus, eòlas;

6 Agus ri h-eòlas, stuaim; agus ri stuaim, foighidin; agus ri foighidin, diadhachd;

7 Agus ri diadhachd, gràdh bràthaireil; agus ri gràdh bràthaireil, seirc.

8 Oir ma bhithreas na nithean so annaibh, agus pailte, bheir iad oirbh gun bhi leasg, no mì-thorrach ann an eòlas ar Tighearna Iosa Crìosd.

9 Ach an tì aig nach 'eil na nithean sin, tha e dall, agus gearr-sheallach, a' dìochuimhneachadh gu'n do ghlanadh e o a sheann pheacàibh.

10 Uime sin, a bhràithre, deanaibh tuilleadh dìchill chum bhur gairm agus bhur taghadh a dheanamh cinnteach: oir ma ni sibh na nithean so, cha tuit sibh a chaoidh:

11 Oir mar sin frithcealar gu pailt dhuibh slighe a steach do rìoghachd shìorruidh ar Tighearna agus ar Slànuidhir Iosa Crìosd.

12 Uime sin cha dearmad mi na nithean

so ghnàth-chur 'an cuimhne dhuibh, ged is aithne dhuibh iad, agus ged tha sibh air bhur daingneachadh 's an fhìrinn a làthair.

13 Ach tha mi a' meas gur eòir, am feadh 's a tha mi 's a' phàilliuin so, sibhse a bhros-nuchadh le 'ur cur 'an cuimhne:

14 Air dhomh fios a bhi agam gur fagus dhomh àm cur dhiom mo phàilliuin so, amhuil a dh'fhoillsich ar Tighearna Iosa Crìosd dhomh.

15 Ach ni mise dìchioll, chum an déigh dhomh sìubhal, gu'm bi agaibh-sa gnàth-chuimhne air na nithibh so.

16 Oir cha do lean sinne faoin-sgeulachdan a dhealbhadh gu h-inncachdach, 'n uair a chuir sinn 'an cèill duibh cumhachd agus teachd ar Tighearna Iosa Crìosd, ach rinn-eadh sinn 'n ar sùil-fhianuisibh air a mhòr-achd-san.

17 Oir fhuaire e o Dhia an t-Athair urram agus glòir, 'n uair a thàinig a' shamhuil so de ghuth d'a ionnsuidh o'n ghlòir òirdheirc, Is e so mo Mhac gràdhach-sa, anns am bheil mo mhòr-thlachd.

18 Agus chuala sinne an guth so a thàinig o nèamh, 'n uair a bha sinn maille ris air an t-sliabh naomh.

19 Tha againn mar au ceudna focal fàidheadaireachd a's cinntiche: d'am maith a ni sibh aire a thoirt, mar do lèclra a tha 'toirt soluis uait ann an ionad dorchas, gus an soillsich an là, agus an éirich an reult-mhaidne 'n 'ur cridheachaibh:

20 Air dhuibh fhios so a bhi agaibh air tùs, nach 'eil fàidheadaireachd air bith de'n sgrìobtuir o thogradh *dhaoine* féin.

21 Oir cha d'fhàinig an fhàidheadaireachd a réir toil ùine o shean: ach labhair daoine naomha Dhé, mar a sheòladh iad leis an Spiorad naomh.

CAIR. II.

1 *Roimh-innis Peadar mu thimchioll luchd-teagaisg brèige, a' nochdadh am mì-dhiadhachd, agus an sgrìos a thig araoon orra fèin, agus air an luchd-leanmhuinn: 7 o'n saorar daoine diadhaidh, mar a shaoradh Lot à Sodom; 10 agus chuir e an cèill giùlan nam mealltairean mì-dhiadhaidh sin chum gu'm feudtadh an aithneachadh agus an seachnadh.*

ACH bha fàidhean brèige mar an ceudna am measg an t-sluaigh, amhuil a bhith-

eas luchd-teagaisg bréige 'n 'ur measg-sa, dream a bheil a steach 'an naighidheas saobh-chreidimh millteach, eadhon ag àich-eadh an Tighearn' a cheannaich iad, agus a bheir sgrios obann orra féin.

2 Agus leanaidh mòran an slighean millteach tre am faigh slighe na firinn mi-chliu.

3 Agus tre shannt ni iad ceannachd oirbh le briathraibh mealltach: dream nach 'eil am breitheanas a nis o chian a' deanamh moille, agus cha-n'eil an sgrios a' tur-chodal.

4 Oir mnr do chaomhain Dia na h-ainglean a pheacaich, ach air dha an tilgeadh sìos do ifrinn, gu'n d'fhag e thairis iad gu 'bhi air an coimhead ann an slabhraidhibh dorchadais, fa chomhair breitheanas.

5 Agus nach do chaomhain e an seann saoghal, ach gu'n do shaor e Noah an t-ochdamh *pearsa*, searmonaiche fireantachd, air dha an dile a thoirt air saoghal nan daoine mi-dhiadhaidh;

6 Agus a' tionndadh bailtean Shodom agus Ghomorrah gu luathre, gu'n do dhìt e le léir-sgrios iad, 'g an deanamh 'n am ball-samhuill dhoibh-san, a bhitheadh mi-dhiadhaidh an déigh sin;

7 Agus gu'n do shaor e Lot am firean, a bha fo champar le caithe-beatha neòghlan nan aingidh:

8 Oir chràidh an t-ionracan sin, agus e 'gabhail còmhinnidh 'n am measg, 'anam fireanta o là ga là, le 'bhi 'faicinn agus a' chuintinn an gnòimharan an-dligheach:)

9 Is aithne do'n Tighearn na daoine diadhaidh a shaoradh o bhuaireadh, agus na daoine eucorach a choimhead gu là a' bhrèitheanas chum peanas a dhcanamh orra:

10 Ach gu h-àraidh iadsan a leanas an fheadh ann an ana-miann na neòghloine, agus a ni tàir air uachdaranachd: Air dhoibh a bhi an-dana, féin-thoileil, cha-n eagal leo ana-cainnt a thoirt dhoibh-san a tha ann an àrd-inbhe:

11 An uair nach toir ainglean a's mò ann an neart agus ann an cnuibhadh, casaid thoibheumach 'n an aghaidh 'am fianuis an Tighearna.

12 Ach iadsan, mar ainmhidhean nàdrra en-céillidh, a rinneadh gu 'bhi air an glacadh agus air an sgrios, air dhoibh a bhi 'labhairt gu toibheumach mn na nithibh nach tuig iad, sgriosar iad 'n an truailhidheachd féin;

13 Agus gheibh iad tuarasdal na h-enceirt, mar dhream a nheasas mar shnabhachas sògh 's an là: is smala iad agus aobhar-maslaidh, a' gabhail toileachas-inntinn 'n am mealltaireachd féin, am feadh a tha iad air enmibh maille ribh;

14 Aig am bheil an sùilean làn adhalt-ranais, agus do nach 'eil e'n comas sgur de pheacadh; a' mealladh anaman neo-shnìdh-

ichte; aig am bheil an cridhe air a chleachdadh ri gnìomharaibh sanntach; clann nam mallachd:

15 A thréig an t-slighe dhìreach, agus a chaidh air seacharan, a' leantuin slighe Bhalaaim *mhic* Bhosoir, a ghràdhach duais na h-encorach;

16 Ach a fàuar achnmhasan air son 'aingidheachd: oir labhair an asal bhalbh le cainnt duine, agus thoirnais i mi-chéill an fhaidh.

17 Is tobraichean gun uisge iad so, neoii air an iomain le iom-ghaoith; fa chomhair am bheil dnibhre an dorchadais air a thasgadh gu sìornidh.

18 Oir an nair a labhras iad *briathran* atmhòr diomhanais, meallaidh iad tre aummiannaibh na feòla, tre mhaenus, iadsan a chaidh gu glan as natha-san a tha 'caitheadh am beatha ann an seacharan:

19 A' gealltuinn saorsa dhoibh, agus gun amta féin ach tràilean na truailhidheachd: oir ge b'e ni le'm buadhaichear air duine, do'n ni sin féin tha e air a chur fo dhaorsa.

20 Oir an déigh dhoibh dol as o shalcharaibh an t-saoghail tre eòlas an Tighearn' agus an t-Slànuidhir Iosa Crìosd, ma bhitheas iad a rìs air an ribeadh anna, agus air an cur fo ghéill, tha an crìoch ni's miosa na an toiseach.

21 Oir b'fhearr dhoibh gun eòlas a bhi aca air slighe na fireantachd, na, an déigh a h-eòlas fhaotainn, pillcadh o'n àithne naomh a thngadh dhoibh.

22 Ach thachair dhoibh a réir an t-sean-fhocail fhìrinnich, Phìll am madadh air ais chum a sgeith féin; agus, A' mhuc a chaidh a nigheadh, chum a h-aoirneagan 's an làthaich.

CAIB. III.

1 *Thug Peadar cinnle do luchd-aidmheil a chreidimh nu theachd Chrìosd chum breith-eancas, an aghaidh luchd-fanoid; 8 thug e rabhadh do dhaoine mi-dhiadhaidh o fhad-fhoighidinn Dhé, iad a glveasadh an aithreachais: 12 chuir e mar an ceudna 'an céill am modh air an sgriosar an saoghal so: 17 dh'earraich e iad o sin chum an uile naomhachd beatha, &c.*

AN dara litir so, a mhninntir mo ghràidh, tha mi a' sgrìobhadh do 'ur n-ionn-snidh a nis; anna le 'chéile tha mi a' brosnachadh bhnr n-intinn fhìor-ghloin le 'ur cur 'n enimhne:

2 Chum gu'm bi sibh cuimhneachail air na briathraibh a labhradh roimhe leis na fàidhibh naomha, agus air ar n-àithne-ne, abstolan an Tighearn' agus an t-Slànuidhir:

3 Air dhuibh fhios so bhi agaibh air tùs, gu'n tig anns na làithibh deireannach luchd-focaidh, ag imeachd a réir an ana-miann féin,

4 Agus ag ràdh, 'Càit am bheil gealladh a theachd? oir o choidil na h-aithrichean, tha na h-uile nithean a' fantinn mar a *bha iad* o thoiseach a' chrnthachaidh.

5 Oir tha iad aineolach air so d'an deoin, gu'n robh na nèamhan ann o chian, agus an talamh 'n a sheasamh as an uisge, agus anns an uisge, tre fhocal Dhé :

6 Tre'n deachaidh an saoghal a bha'n sin ann a sgrios, air teachd do'n dìle air.

7 Ach tha na nèamhan agus an talamh a tha nis ann, leis an fhocal sin féin air an tasgadh suas, agus air an gleidheadh fa choinhair teine air cheann là a' bhreitheanas, agus sgrios dhaoine ain-diadhaidh.

8 Ach, a mhuinntir mo ghràidh, na bithibhse aincolach air an aon ni so, Gu *bheil* aon là aig an Tighearn mar mhìle bliadhna, agus mìle bliadhna mar aon là.

9 Cha-n'eil an Tighearn mall a thaobh a gheallaidh, (mar a mheasas dream àraidh moille,) ach tha e fad-flulangach do ar taobh-ne, gun toil aige dream sam bith a bhi caillte ach na h-uile *dhaoine* 'theachd gu aithreachas.

10 Ach thig là an Tighearna mar ghaduiche 's an oidheche; anns an téid na nèamhan thairis le toirm mhòir, agus *anns* an leagh na dùilean le dian-theas; agus bithidh an talamh mar an ceudna, agus na h-oibre a tha air, air an losgadh suas.

11 Uime sin do bhrìgh gu'm bi na nithean so uile air an sgaoileadh as a chéile, ciod a' glùnè dhaoine 'bu chòir a bhi annaibh, ann an caithe-beatha naomh, agus diadhachd,

12 Le suil a bhi agaibh ris, agus luathach-

adh enim teachd là Dhé, anns am bi na nèamhan air dhoibh a bhi ri theine, air an sgaoileadh o' chéile, agus anns an leaghar na dùile le dian-theas?

13 Gidheadh tha dùil againne ri nèamhan nuadha agus talamh nuadh, a réir a gheallaidh, anns an còmhnuich fircantachd.

14 Uime sin, a mhuinntir ionmhuinn, o tha dùil agaibh ris na nithibh sin, deanaibh bhur dìchioll chum gu faighear leis-san ann an sìth sibh, gun smal agus neo-lochdach :

15 Agus measaibh gur slàinte fad-flulangas ar Tighearna; amhuil a sgrìobh ar bràthair gràdhach Pòl mar an ceudna do 'ur n-ionnsuidh, a réir a' ghliocais a thugadh dha ;

16 Amhuil mar 'n a litrichibh uile, a' labhairt anna mu na nithibh so: anns am bheil cuid de nithibh do-thuigsinn, a tha an dream a tha neo-fhòghlumta agus neo-sheasmhach a' fiaradh, amhuil mar na sgrìobtuirean eile, chum an sgrios féin.

17 Ach sibhse, a mhuinntir mo ghràidh, o's aithne dhuibh na *nithean* so roimhlàimh, thugaibh airc air eagal air dhuibhse mar an ceudna 'bhi air bhur tarruing air falbh le seacharan nan daoine ain-diadhaidh, gu'n tuit sibh o bhur seasamhachd féin.

18 Ach fasaibh ann an gràs, agus *ann an* eòlas ar Tighearn' agus ar Slànuidhir Iosa Crìosd. Dhàsan *gu robh* g'dòir a nis agus gu sìorruidh. Amen.

CEUD LITIR CHOITCHIONN AN ABSTOIL

E O I N.

CAIB. I.

1 Labhair Eoin mu phearsa Chrìosd, anns am bheil againn beatha mhaireannach, thaobh comh-chomuinn ri Dia; 5 ris an éigin duinn naomhachd beatha a chur, a dhearbhadh firinn a' comh-chomuinn sin, chum gu'm faigheamaid cinnte air maitheanas tre *ohàs* Chrìosd.

AN ni a bha ann o thùs, an ni a chuala sinne, a chunnaic sinn le ar sùilibh, air an d'amhairc sinn, agus a làimhsich ar làmhnan 'thaobh fòcal na beatha;

2 (Oir dh'fhoillsicheadh a' bhicatha, agus chunnaic sinne *i*, agus tha sinn a' deanamh fianuis, agus a' cur 'an cèill dhuibhse na beatha maircannaich ud a bha maille ris an Athair, agus a dh'fhoillsicheadh dhuinne;)

3 An ni a chunnaic agus a chuala sinn, tha sinn a' cur 'an cèill duibhse, chum gu'm bi agaibhse mar an ceudna common ruinne: agus gu firinneach tha ar common-ne ris an Athair, agus r'a Mhac Iosa Crìosd.

4 Agus tha sinn a' sgrìobhadh nan nith-

can so do 'ur n-ionnsuidh, chum gu'm bi bhur gairdeachas coimhlionta.

5 Agus is i so an teachdaireachd a chuala sinn uaith-san, agus a tha sinn a' cur 'an cèill dhuibhse, Gur solus Dia, agus nach 'eil dorchadas air bith annsan.

6 Ma their sinn gu bheil common againn ris, agus sinn a' gluasad ann an dorchadas, tha sinn a' deanamh bréige, agus cha-n'eil sinn a' deanamh na firinn :

7 Ach ma ghluaiseas sinn anns an t-solus, mar a tha esan 's an t-solus, tha common againn r'a chéile, agus glanaidh fuil Iosa Crìosd a Mhic sinn o gach uile pheacadh.

8 Ma their sinn nach 'eil peacadh againn, tha sinn 'g ar mealladh féin, agus cha-n'eil an fhìrinn annainn.

9 Ma dh'aidiceas sinn ar peacaidhean, tha esan firinneach agus ceart, chum ar peacaidhean a mhaithheadh dhuinn, agus ar glanadh o gach uile neo-fhìreantachd.

10 Ma their sinn nach do pheacaich sinn,

tha sinn a' deanamh breugaire dheth-san, agus cha-n'eil fhocal annainn.

CAIB. II.

1 *Thug Eoin comhfhartachd do luchd-aidmheil a chreidinn an aghaidh peacaidh annhuinn-eachd.* 3 *'S e fìor-còlas Dhé 'àitheantan a choimhead, 9 ar bràithrean a ghràdhachadh, 15 agus gun ghràdh a thoirt do'n t-saoghal.* 18 *Is èigin duinn a bhì air ar faicill an aghaidh luchd-meallaidh, &c.*

MO chlànn bheag, na nithean so tha mi a' sgrìobhadh do 'ur n-ionnsuidh, chum nach peacaidh sibh. Agus ma pheac-aicheas neach air bith, tha fear-tagraidh againn maille ris an Athair Iosa Crìosd am fìrean :

2 Agus is esan an ìobairt-réitich air son ar peacaidhean; agus cha-n e air son ar peacaidhean a mhàin, ach mar an ceudna air son *peacaidhean* an t-saoghail uile.

3 Agus le so tha fhios againn gur aithne dhuinn c, ma choimhideas sinn 'àitheantan.

4 An ti a their, Is aithne dhomh e, agus nach 'eil a' coimhead 'àitheantan, is breugaire e, agus cha-n'eil an fhìrinn ann.

5 Ach ge b'e 'choimhideas' fhocal, ann-san gu deimhin tha gràdh Dhé air a choimhlionadh: le so is aithne dhuinn gu bheil sinn ann-san.

6 An ti a their gu bheil e 'fantuinn ann-san, is còir dhàsan mar an ceudna gluasad, eadhon mar a ghluais esan.

7 A bhràithrean, cha-n'eil mi a' sgrìobhadh àithne nuaidh do 'ur n-ionnsuidh, ach seann àithne, a bha agaibh o thoiseach: is i an t-seann àithne am focal a chuala sibh o thùs.

8 A ris tha mi a' sgrìobhadh àithne nuaidh do 'ur n-ionnsuidh, ni a tha fìor ann-san agus annaibhse: do bhrìgh gu'n d'imich an dorchadas thairis, agus gu bheil a nis an solus fìor a' dealrachadh.

9 An ti a their gu bheil e 's an t-solus, agus a tha 'fuathachadh a bhràthar, tha e 's an dorchadas gus a nis.

10 An ti aig am bheil gràdh d'a bhràthair, tha c 'n a chòmhnuidh 's an t-solus, agus cha-n'eil aobhar oibheim air bith ann.

11 Ach an ti a tha 'fuathachadh a bhràthar, tha c anns an dorchadas, agus ag imcacadh anns an dorchadas, agus cha-n aithne dha c'ait am bheil e 'dol, do bhrìgh gu'n do dhall an dorchadas a shùilean.

12 Tha mi a' sgrìobhadh do 'ur n-ionnsuidh, a chlànn bheag, do bhrìgh gu bheil blur peacaidhean air am maithcadh dhuibh air sgàth 'ainme-san.

13 Tha mi a' sgrìobhadh do 'ur n-ionnsuidh, aithrichean, do bhrìgh gu'm b'aithne dhuibh esan a tha o thùs. Tha mi a' sgrìobhadh do 'ur n-ionnsuidh, òganacha, do bhrìgh gu'n d'thug sibh buaidh air an droch aon. Tha mi a' sgrìobhadh do 'ur n-ionnsuidh, a

chlànn bheag, do bhrìgh gu'm b'aithne dhuibh an t-Athair.

14 Sgrìobh mi do 'ur n-ionnsuidh, aithrichean, do bhrìgh gu'm b'aithne dhuibh an ti a tha ann o thùs. Sgrìobh mi do 'ur n-ionnsuidh, òganacha, do bhrìgh gu bheil sibh làidir, agus gu bheil focal Dhé 'n a chòmhnuidh annaibh, agus gu'n d'thug sibh buaidh air an droch aon.

15 Na gràdhaidhean an saoghal, no na nithean a tha 's an t-saoghal. Ma ghràdhaidheas neach air bith an saoghal, cha-n'eil gràdh an Athar ann.

16 Oir na h-uile a tha anns an t-saoghal, ana-miann na fòla, agus ana-miann nan sùl, agus uabhar na beatha, cha-n ann o'n Athair a tha iad, ach o'n t-saoghal.

17 Agus siubhlaidh an saoghal scachadh, agus 'ana-miann: ach an ti a ni toil Dhé, mairidh e chaoidh.

18 A chlànn bheag, is i an aimsir dheircennach a tha ann: agus mar a chuala sibh gu'n tig an t-ana-Crìosd, is ann mar sin a tha nis iomadh ana-Crìosd ann; o'm bheil sinn a' tuigsinn gur h-'n aimsir dheircennach a tha ann.

19 Chaidh iad a mach uainne, ach cha robh iad dhinn: oir nam bitheadh iad dhinn, gu deimhin dh'fhanadh iad maille ruinn: ach chaidh iad a mach, chum gun deantadh follaiseach iad, nach robh iad uile dhinn.

20 Ach tha agaibhse ungadh o'n ti naomh, agus is aithne dhuibh na h-uile nithean.

21 Cha dō sgrìobh mi do 'ur n-ionnsuidh, do bhrìgh nach aithne dhuibh an fhìrinn; ach do bhrìgh gur aithne dhuibh i, agus nach 'eil breug air bith o'n fhìrinn.

22 Cò a tha 'n a bhreugaire, ach esan a dh'àicheadhas gur e Iosa an Crìosd? Is e so an t-ana-Crìosd, a tha 'g àicheadh an Athar agus a' Mhic.

23 Ge b'e neach a dh'àicheadhas am Mac, cha-n'eil an t-Athair aige: [ach an ti a dh'àicheadhas am Mac, tha an t-Athair aige mar an ceudna.]

24 Uime sin fanadh an ni sin annaibhse a chuala sibh o thùs. Ma dh'fhanas an ni a chuala sibh o thùs annaibh, fanaidh sibhse mar an ceudna anns a' Mhac, agus anns an Athair.

25 Agus is e so an gcalladh a gheall e dhuinn, eadhon a' bheatha mhaireannach.

26 Sgrìobh mi na nithean so do 'ur n-ionnsuidh, mu thimchioll na dream a tha 'g 'ur mealladh.

27 Ach tha an t-ungadh a fhuair sibh uaith-san, a' fantuinn annaibh: agus cha-n'eil feum agaibh gu'n teagaisgadh aon neach sibh: Ach, mar a tha an t-ungadh so fèin 'g 'ur teagasg mu thimchioll nan uile nithean, agus a tha e fìor, agus nach breug e, eadhon mar a theagaisg e sibh, fanaibh ann.

28 Agus a nis, a chlann bheag, fanaibh ann-san: chum 'n nair a dh'fhoillsichear e, gu'm bi dānachd againn, agus nach bi nàire oirnn 'n a lathair aig a theachd.

29 Ma tha fhios agaibh gu bheil esan fireanta, tha fhios agaibh gu bheil gach neach a ni fireantachd, air a bhrèith naith-san.

CAIB. III.

1 *Chuir an t-abstol 'an cèll gràdh iongantach Dhé dhuinne, le ar deanamh 'n ar cloinn dha féin: 3 is còir dhuinn uime sin 'aitheantan a choimhead le h-urram, 11 agus mar an ceudna gràdh bràthaireil a bh' againn d'a chéile.*

FEUCHAIBH, ciod a' ghné ghràidh a thug an t-Athair dhuinne, gu'n goirt-eadh clann Dhé dhinn! uime sin cha-n aithne do'n t-saoghal sinn, do bhrìgh nach b'aithne dha esan.

2 A mhuinntir mo ghràidh, a nis is sinne mic Dhé; agus cha-n'eil e soilleir fathast ciod a bhitheas sinn: ach tha fhios againn, 'n uair a dh'fhoillsichear esan, gu'm bi sinn cosmhail ris; oir chi sinn e mar a tha e.

3 Agus gach neach aig am bheil an dòchas so ann, glanaidh se e féin, mar a tha esan glan.

4 Ge b'e neach a ni peacadh, tha e mar an ceudna a' briseadh an lagha: oir is e am peacadh briseadh an lagha.

5 Agus tha fhios agaibh gu'n d'fhoillsicheadh esan chum ar peacaidhean a thoirt air falbh; agus cha-n'eil peacadh sam bith ann-san.

6 Gach neach a dh'fhanas ann-san, cha dean e peacadh: ge b'e air bith a pheacaidheas, cha-n fhaic e esan, agus cha robh eòlas aige air.

7 A chlann bheag, na mealladh neach air bith sibh: an ti a ni fireantachd is firean e, mar is firean esan:

8 An ti a ni peacadh, is ann o'n diabhul a tha e: oir tha an diabhul a' peacachadh o thùs. Is ann chum na crìche so a dh'fhoillsicheadh Mac Dhé, gu'n sgriosadh e oibre an diabhul.

9 Ge b'e neach a ghineadh o Dhia, cha dean e peacadh: oir tha a shìol-san a' fantuinn ann: agus cha-n'eil e 'n comas da peacadh a dheanamh, do bhrìgh gu'n do ghineadh o Dhia e.

10 An so tha clann Dhé, agus clann an diabhul follaiscach: Ge b'e neach nach dean fireantachd, cha-n ann o Dhia a tha e, no an ti nach gràdhaich a bhràthair.

11 Oir is i so an teachdaireachd a chuala sibh o thùs, sinn a thoirt gràidh d'a chéile.

12 Cha-n ann mar chàin, a bha o'n droch aon, agus a mharbh a bhràthair: Agus c'ar son a mharbh se e? A chionn gu'n robh 'oibre féin olc, agus oibre a bhràthar fireanta.

13 Na bitheadh ioghnadh oirbh, mo bhràthrean, ged dh'fhanathaicheas an saoghal sibh.

14 Tha fhios againn gu'n deachaidh sinn thairis o bhàs gu beatha, a chionn gu bheil gràdh againn do na bràthribh: an ti nach gràdhaich a bhràthair, fanaidh e ann am bàs.

15 Gach neach a dh'fhuathaicheas a bhràthair, is mort-fhear e; agus tha fhios agaibh nach 'eil aig mort-fhear sam bith a' bheatha mhaireannach a' fantuinn ann.

16 Le so is aithne dhuinn gràdh Dhé, do bhrìgh gu'n do leig esan a sìos 'anam féin air ar son-ne: agus is còir dhuinn ar n-ama féin a leigeil a sìos air son nam bràthrean.

17 Agus ge b'e neach aig am bheil maoin an t-saoghail so, agus a chi a bhràthair ann an nircasbhuidh, agus a dhruideas a chridhe 'n a aghaidh, cionnns a tha gràdh Dhé a' gabhail còmhnuidh ann-san?

18 Mo chlann bheag, na gràdhaicheamaid annam focal, no ann an teangaidh; ach ann an gnìomh agus ann am fìrinn.

19 Agus le so is aithne dhuinn gu bheil sinn de'n fhirinn, agus bheir sinn dearbh-bheachd do 'ur cridheachaibh 'n a lathair.

20 Oir ma dhiteas ar cridhe sinn, is mò Dia na ar cridhe, agus is aithne dha na h-uile nithean.

21 A mhuinntir mo ghràidh, mair dìt ar cridhe sinn, tha dānachd againn a thaobh Dhé.

22 Agus ge b'e ni a dh'iarras sinn, gheibh sinn uaidh e, a chionn gu bheil sinn a' coimhead 'aitheantan, agus a' deanamh nan nithcan a tha taitneach 'n a fhianuis-san.

23 Agus is i so 'aitlne-san, gu'n creideamaid ann an ainm a Mhic Iosa Crìosd, agus gu'n gràdhaicheamaid a chéile, mar a thug esan aithne dhuinn.

24 Agus an ti a choimhideas 'aitheantan, tha e' gabhail còmhnuidh ann, agus esan ann-san: agus le so is aithne dhuinn gu bheil esan a' fuireach annainn, o'n Spiorad a thug e dhuinn.

CAIB. IV.

1 *Thug an t-abstol rabhadh dhoibh gun iad a chreidsinn gach uile buidh-teagaisg a ni bàs as an Spiorad, ach an dearhadh le riaghailteibh a' chreidinn choitinn: 7 bhosnach e iad le h-ionadhadh reuson gu gràdh bràthaireil.*

AMHUINNTIR ionmhinn, na creidibh gach nìle spiorad, ach dearbhaibh na spioradan, an ann o Dhia a tha iad: do bhrìgh gu bheil mòran fhàidhean bréige air dol a mach do'n t-saoghal.

2 Le so aithnichibh Spiorad Dhé: gach uile spiorad a dh'aidicheas gu'n d'fhàinig Iosa Crìosd 's an fheòil, is ann o Dhia a tha e.

3 Agus gach uile spiorad nach aidich gu bheil Iosa Crìosd air teachd 's an fheòil, cha-n ann o Dhia a tha e: agus is e so spiorad sin an ana-criosd, neach a chuala

sibh e 'bhi 'teachd, agus a nis tha e cheana anns an t-saoghal.

4 A chlann bheag, tha sibhse o Dhia, agus thug sibh buaidh orra-san; do bhrìgh gur mò esan a tha annaibhse, na esan a tha anns an t-saoghal.

5 Tha iadsan o'n t-saoghal: uime sin tha iad a' labhairt mu'n t-saoghal, agus tha'n saoghal ag éisdeachd rin.

6 Tha sinne o Dhia: an ti aig am bheil eòlas air Dia, éisdidh e ruinne; an ti aig a' eil o Dhia, cha-n éisd e ruinn. O so aithnichidh sinn spiorad na firinn, agus spiorad an t-scacharain.

7 A mhuinntir ionmhuinn, gràdhacheam-aid a chéile: oir is ann o Dhia 'tha'n gràdh; agus gach neach a ghràdhacheas, ghineadh o Dhia e, agus is aithne dha Dia.

8 An ti nach gràdhaich, cha-n aithne dha Dia; oir is gràdh Dia.

9 An so dh'fhoillsicheadh gràdh Dhé dhuinne, anns gu'n do chuir Dia aon-ghin Mhic do'n t-saoghal, chum gu'm bitheamaid beò trid-san.

10 An so tha gràdh, cha-n e gu'n do ghràdhaich sinne Dia, ach gu'n do ghràdhaich esan sinne, agus gu'n do chuir e a Mhac féin *gu bhi* 'n a ìobairt-réitich air son ar peacaidhean.

11 A mhuinntir ionmhuinn, ma ghràdhaich Dia sinne mar sin, tha e mar fuaich-aibh oirne a chéile a ghràdhachadh mar an ceudna.

12 Cha-n fhaca neach air bith Dia riamh. Ma ghràdhaicheas sinn a chéile, tha Dia 'n a chòmhnuidh annainn, agus tha a ghràdh air a choimhlionadh annainn.

13 O so is aithne dhuinn gu bheil sinne 'n ar còmhnuidh ann-san, agus esan annainne, do bhrìgh gu'n d'thug e dhuinn d'a Spiorad.

14 Agus chunnaic sinn agus tha sinn a' deanamh fianuis, gu'n do chuir an t-Athair am Mac naith mar Shlànuidhear an domhain.

15 Ge b'e neach a dh'aicheadh gur e Iosa Mac Dhé, tha Dia 'n a chòmhnuidh annsan, agus esan ann an Dia.

16 Agus fhuair sinn aithne air agus chreid sinn an gràdh a tha aig Dia dhuinn. Is gràdh Dia; agus an ti a tha 'fantuinn ann an gràdh, tha e 'n a chòmhnuidh ann an Dia, agus Dia ann-san.

17 An so tha ar gràdh-ne air a dheanamh coimhlionta, chum gu'm bi againn dànachd ann an là a' bhreitheanas: a chionn mar a tha esan, gur amhuil sin a tha sinne anns an t-saoghal so.

18 Cha-n'eil eagal ann an gràdh; ach tilgidh gràdh dìonmhalta an t-eagal a mach; do bhrìgh gu bheil pian 's an eagal: an ti a tha eagalach, cha d'rinnadh coimhlionta ann an gràdh e.

19 Tha gràdh againne dhàsan, do bhrìgh gu'n do ghràdhaich esan sinne an toiseach.

20 Ma their neach, Tha gràdh agam do Dhia, agus fuath aige d'a bhràthair, is breugaire e: oir an ti nach gràdhaich a bhràthair a chunnaic e, cionnus a dh'fheudas e Dia nach fac e a ghràdhachadh?

21 Agus an aithne so tha againn uaithsan, An ti a ghràdhaicheas Dia, gu'n gràdhach e a bhràthair mar an ceudna.

CAIB. V.

1 *An ti leis an ionmhuinn Dia, is ionmhuinn leis a chlann, agus coimhididh e 'aracantan, a tha eutrom, so-choimhead do na creidmhidh.* 9 'S e Iosa Mac Dhé, agus tha e comasach air sinne a thearradh, 14 agus air ar n-urnuighean, a nì sinn air ar son féin, agus air son muinntir eile, a fhreagairt.

CIA b'e neach a chreideas gur e Iosa an Crìosd, ghineadh o Dhia e; agus cia b'e 'ghràdhaicheas an ti a ghin, gràdhaichidh e mar an ceudna an ti a ghuicadh leis.

2 O so is aithne dhuinn gu bheil gràdh againn do chloinn Dhé, 'n uair a ghràdhaicheas sinn Dia, agus a choimhideas sinn 'aithcantan.

3 Oir is e so gràdh Dhé, sinn a choimhead 'aithcantan: agus cha-n'eil 'aithcantan-san trom.

4 Oir gach uile ni a ghihear o Dhia, bheir e buaidh air an t-saoghal: agus is i so a' bhuaidh a bhuadhaicheas air an t-saoghal, *eadhon* ar creidimh-ne.

5 Cò an ti a bhuadhaicheas air an t-saoghal, ach esan a tha 'creidsinn gur e Iosa Mac Dhé.

6 Is e so esan a thàinig tre uisge agus tre fhuil, Iosa Crìosd; cha-n e tre nìge a mhaìn, ach tre uisge agus fuil: agus is e an Spiorad a nì fianuis, do bhrìgh gur firinn an Spiorad.

7 Oir tha triuir a tha 'deanamh fianuis air nèamh, an t-Athair, am Focal, agus an Spiorad naomh: agus an triuir sin is aon iad.

8 Agus tha triuir a tha 'deanamh fianuis air an talamh, an Spiorad, agus an t-uisge, agus an fhuil: agus thig an trìuir sin r'a chéile ann an aon.

9 Ma ghabhas sinn ri fianuis dhaoine, 's i fianuis Dhé a's mò: oir is i so fianuis Dhé, a thug e mu thimchioll a Mhic.

10 An ti a chreideas ann am Mac Dhé, tha'n fianuis aige ann féin: an ti nach creid Dia, rinn e breugaire dheth, do bhrìgh nach do chreid e an fhianuis a rinn Dia mu thimchioll a Mhic.

11 Agus is i so an fhianuis, gu'n d'thug Dia dhuinn beatha mhaireannach: agus tha a' bheatha so 'n a Mhac.

12 An ti aig am bheil am Mac, tha beatha aige: an ti aig nach 'eil Mac Dhé, cha-n'eil beatha aige.

13 Na nìcean so sgrìobh mi do 'ur n-ionmsuidh, a tha 'creidsinn ann an ainm Mhic Dhé; chum gu'm bi fios agaibh gu bheil a'

bhacath mhaireannach agaibh, agus chum gu'n creid sibh ann an ainm Mhic Dhé.

14 Agus is e so an dòchas a tha againn ann-san, ma dh'iarras sinn ni sam bith a réir a thoile, gu'n éisd e ruinn.

15 Agus ma tha fhios againn gu'n éisd e ruinn, cia b'e ni a dh'iarras sinn, tha fhios againn gu bheil ar n-iartruis a dh'iarr sinn air againn.

16 Ma chi neach sam bith a bhràthair a' peacachadh peacaidh nach 'eil a chum bàis, iarraidh e, agus bheir e beatha dha, dhoibh-san nach 'eil a' peacachadh chum bàis. Tha peacadh chum bàis ann: a thaobh sin, cha-n'eil mi ag ràdh gur còir dha guidhe.

17 Is peacadh gach uile eucoir: agus

tha peacadh ann nach 'eil a chum bàis.

18 Tha fhios againn cia b'e neach a ghineadh le Dia, nach peacaich e; ach an ti a ghineadh o Dhia, coimhididh se c féir, agus cha bhcan an droch aon ris.

19 Tha fhios againn gur ann o l'hlia a tha sinne, agus tha'n saoghal uile 'n a luidhe 's an ole.

20 Agus tha fhios againn gu'n d'fhàinig Mac Dhé, agus gu'n d'fhug e tuigse dhuinn, chum gu'm bitheadh aithne againn air-san a tha fìor: agus tha sinne ann-san a tha fìor, ann a Mhac Iosa Crìosd. Is e so an Dia fìor, agus a' bheatha mhaireannach.

21 A chlann bhacag, coimhidibh sibh féin e iòdholaidh. Amen.

DARA LITIR AN ABSTOIL

E O I N.

1 *Chomhairlich Eoin do mhnaoi òirdheirc àraidh agus d'a cloinn buanachadh anns a' chreidimh agus ann an gràdh Crìosdaidh, 8 air eagal gu'n cailladh iad duais na h-aidmheil a rinn iad roimh; 10 agus gun ghnòthach a bhì aca ris na meallairibh sin nach toir fìor-teagasg Iosa Crìosd leo d'an ionnsuidh.*

AN seanair chum na ban-tighearna taghta, agus chum a cloinne, a's ionmhuinn leam-sa anns an fhìrinn; agus cha-n ann leam-sa mhàin, ach leo-san uile mar an ceudna a ghabh eòlas air an fhìrinn;

2 Air son na fìrinn a tha 'n a còmhnuidh annainne, agus a bhithas maille ruinn gu bràth:

3 Gràs, trèdair, agus sìth gu robh maille ribh o Dhia an t-Athair, agus o'n Tighearn Iosa Crìosd Mac an Athar, ann am fìrinn agus ann an gràdh.

4 Bha gairdeachas mòr orm, a chionn gu'n d'fhuair mi de d' chloinn-sa ag imeachd anns an fhìrinn, a réir mar a fhuair sinne aithne o'n Athair.

5 Agus a nis guidheam ort, a bhan-tighearna, cha-n e mar gu'n sgrìobhainn aithne nuadh a d'ionnsuidh, ach an aithne a bha againn o thùs, gu'n gràdhaicheamaid a chèile.

6 Agus is e so an gràdh, gu'n imicheamaid

a réir aithneanta-san. 'S i so an aithne, mar a chuala sibh o thùs, gu'n imicheadh sibh innte.

7 Oir tha mòran mhealltaircan air teachd a steach do'n t-saoghal, nach 'eil ag aidcachadh gu bheil Crìosd air teachd 's an fhèil. Is mealltair so agus ana-crìosd.

8 Thugaibh aire dhuibh féin, nach caill sinn na nithean sin a shaothraich sinn, ach gu faigh sinn làn-duais.

9 Ge b'e neach a bhriseas an lagh, agus nach fan ann an teagasg Chrìosd, cha-n'eil Dia aige: an ti a dh'fhanas ann an teagasg Chrìosd, tha araon an t-Athair agus am Mac aige.

10 Ma thig neach air bith do 'ur n-ionnsuidh, agus nach toir e an teagasg so leis, na gabhaibh e steach do 'ur tigh, agus na h-abraibh ris, Gu'n soirbhich leat.

11 Oir ge b'e neach a their ris, Gu'n soirbhich leat, tha comhpairt aige d'a dhroch oibribh.

12 Air dhomh mòran a bhì agam r'a sgrìobhadh do 'ur n-ionnsuidh, cha b'ail leam sgrìobhadh le paiper agus dubh; ach tha dòchas agam teachd do 'ur n-ionnsuidh, agus labhairt beul ri beul, chum gu'm bi a' gairdeachas coimhlionta.

13 Tha clann do pheathar taghta a' cur faillte ort. Amen.

E O I N.

1 *Mhol an t-abstol Gaius air son a dhiadhachd, 5 agus 'aoidheachd do'n fhìor luchd-teagaisg; 9 agus air an làmh eile rinn e gearan air gnàthachadh mì-chàirdeil Dhiotrephes uaibh-rich; 11 dh'innis e nach còir 'eiseimpleir-san a lean tuinn; 12 agus thug e teisteanas souvaichte do'n deadh iomradh a tha aig Demetrius.*

AN scanair chum Ghaius ghràdhaich, a's ionmhuinn leam 's an fhìrinn.

2 *A bhràthair ghràdhaich, 's e mo ghuidhe thaobh gach uile nì gu'n soirbheachadh leat agus gu'm bitheadh tu slàn, mar tha soirbheachadh le d' anam.*

3 Oir rinn mi gairdeachas gu mòr 'n uair a thàinig na bràithrean, agus a rinn iad fianuis do'n fhìrinn a tha annad-sa, mar a tha thusa ag imeachd 's an fhìrinn.

4 Cha-n'eil gairdeachas agam a's mò na 'bhi' chuinntinn gu bheil mo chlànn ag imeachd 's an fhìrinn.

5 *A bhràthair ghràdhaich, is dìleas a nì thu gach nì a tha thu 'deanamh do na bràithribh, agus do choigrich;*

6 Muinntir a rinn fianuis air do ghràdh an làthair na h-eaglais; ma bheir thu air an aghaidh iad 'n an slighe mar is cubhaidh do Dhia, is maith a nì thu:

7 Oir chaidh iad a mach air sgàth 'ainmesan, gun nì air bith a ghabhail o na Cinnich.

8 Uime sin tha e mar fhiachaibh oirne

gabhail r'an leithidibh sin, chum gu'n bith-eamaid 'n ar comh-shaothraichibh do'n fhìrinn.

9 Sgrìobh mi chum na h-eaglais: ach cha ghabh Diotrephes, leis am mianm àrd-cheannas a bhi aige 'n am measg, ruinne.

10 Uime sin ma thig mi, cuiridh mi 'an cuimhne 'oibre a tha e 'deanamh, a' bith-labhairt 'n ar n-aghaidh le briathraibh aingidh: agus cha leoir leis sin, ach nì mò a tha e féin a' gabhail ris na bràithribh, agus tha e a' bacadh na dream leis am b'àill, agus 'g an tilgeadh mach as an eaglais.

11 *A bhràthair ghràdhaich, na lean an nì a tha ole, ach an nì a tha maith. An ti a nì maith, is ann o Dhia a tha e; ach an ti a nì ole, cha-n fhac e Dia.*

12 *Tia deadh theisteanas air Demetrius o na h-uile, agus o'n fhìrinn féin: agus tha sinne mar an ceudna a' deanamh fianuis; agus tha fios agaibh gu bheil ar fianuis-ne fìor.*

13 Bha mòran agam r'a sgrìobhadh, ach cha-n àill leam sgrìobhadh le dubh agus peann a d'ionnsuidh:

14 Ach tha dòchas agam d'fhaicinn gun dàil, agus labhairidh sinn beul ri beul. Sìth maille riut. Tha na càirdean a' cur failte ort. Cuir failte air na càirdibh air an àm.

LITIR CHOITCHIONN AN ABSTOIL

I U D A I S.

1 *Bhrosnuich an t-abstol luchd-aidmheil a chreidimh gu 'bhi bunaitich: 4 Tha luchd-teagaisg brèige air teachd a steach 'n am measg chum am mealladh; agus tha pianas ro eagalach air uluchadh fa chomhair na muinntir sin, air son an droch theagaisg agus an caithe-beatha mì-naomha, &c.*

IUDAS scirbhiseach Iosa Criosd, agus I bràthair Sheumais, chum na dream a tha air an naomhachadh le Dia an t-Athair, agus air an coimhead le Iosa Criosd, air an gairn:

2 Gu robh tròcair, agus sìth, agus gràdh air am meudachadh dhuibhse.

3 A muinntir ionmhuinn, air dhomh an uile dhìchioll a dheanamh chum sgrìobhadh do 'n n-ionnsuidh mu thimchioll na slàinte enotchionn, b'fheumail domh sgrìobhadh

do bhur n-ionnsuidh, 'g'ur n-eagalachadh sibh a chathachadh gu dìchiollach air son a chreidimh a thugadh aon uair do na naomh.

4 Oir ghoid daoine àraidh a steach, a dh'orduicheadh roimh e sheam chum an dèidh so, daoine mì-dhiadhaidh, a' tionndadh gràis ar Dé-ne gu macnus, agus ag àicheadh Dhé, a's aon Uachdaran ann, agus ar Tighearn Iosa Criosd.

5 Uime sin is àill leam bhur cur 'an cuimhne, ged bha fhios agaibh aon uair air so, cionnus an dèigh do'n Tighearn ann pobull a shaoRADH á tir na h-Eiphit, a sgrìos e an dèigh sin an dream nach do chreid.

6 Agus na h-angiean nach do ghléidh an ceud inbhe, ach a dh'fhàg an àite-còmhnuidh féin, choimhid e ann an geimhlibh sìorruidh

fo dhorchadas, fa chomhair breitheanais an là mhòir.

7 Amhuil a tha Sodom agus Gomorrah, agus na bailtean mu'n cuairt orra, a thug iad fèin thairis do striopachas air a' mhodh rheudna, agus a bhla 'leantuinn feòla coinich, air an cur suas 'n am ball-sampuill, a' fulang dìoghaltais teine shìorruidh.

8 Mar an ceudna fòs tha an luchd-bruad-air sin a' salachadh na feòla, a' deanamh fàir air uachdaranachd, agus a' labhairt gu toibheumach air àrd-inbhibh.

9 Gidheadh cha do ghabh Michael an t-àrd-aingeal, 'n uair a chathaich e an aghaidh an diabhuil, agus a rinn e deasboir-eachd mu chorp Mhaois, dānadas air casaid thoibheumach a thoirt 'n a aghaidh, ach thubhairt e, Gu'n cronuicheadh an Tighearn thu.

10 Ach tha'n dream sin a' labhairt gu toibheumach air na nithibh nach aithne dhoibh: ach na nithèan sin a's aithne dhoibh air mhodh nàdurra, mar ainmhidh-ibh gun reuson, tha iad 'g an truailleadh fèin annta.

11 Is an-aobhin doibh! oir dh'imich iad ann an slighe Chàin, agus ruith iad gu togarrach ann an seacharan Bhalaaim air ghaol tuarasdail, agus sgriosadh iad ann an anacaint cheannairceich Chore.

12 Is smal iad sin ann bhur cuirmibh gràidh, 'n uair a tha iad air cuirmibh maille ribh, 'g am beathachadh fèin gun eagal: *is neòil iad* gun uisge, air an giùlan mu'n suairt le gaothaibh; craobhan searg-mheasach, gun toradh; dà uair marbh, air an spionadh as am freumhan;

13 Garbh thonn an fàirge, a sgeitheas an nàire fèin mar chobhar; reultan seachranach, d'am bheil duibhre an dorchadais gu sìorruidh air a thasgadh.

14 Agus rinn Enoch mar an ceudna, an seachdamh *pearsa* o Adhamh, fàidheadair-eachd umpa sin, ag ràdh, Feuch, tha'n

Tighearn a' teachd le deich mìle d'a naoimh,

15 A dheanamh breitheanais air na h-uile, agus chum iadsan uile a tha mi-dhiadhaidh 'n am meas fhàgail ris, a thaobh an uile ghnìomharan mi-dhiadhaidh a rinn iad gu mi-dhiadhaidh, agus a thaobh an uile *bhriathar* cruaidhe, a labhair peacaich mi-dhiadhaidh 'n a aghaidh.

16 Is luchd càrnain agus gearain an dream so, a tha 'g imeachd a réir an ana-niann fèin; agus tha'm beul a' labhairt *bhriathar* atmhor, agus iad a' toirt meas do phearsaibh dhaoine air sgàth buannachd.

17 Ach cuimhnicibh-se, a mhuinntir mo ghràidh, na fòcal a labhradh roimh le abstolaibh ar Tighearna Iosa Crìosd;

18 Mar a thubhairt iad ribh, gu'm bith-eachd anns an aimsir dheireannaich luchd-fanoid, a ghluaisheadh a réir an ana-niannan mi-dhiadhaidh fèin.

19 'S iad sin an dream a sgaras iad fèin o *chàch*, collaidh, gun an Spiorad aca.

20 Ach air bhli dhuibhse, a mhuinntir ion-mhuinn, 'g 'ur togail fèin suas ann bhur creidimh ro naomh, a' deanamh urnuigh 's an Spiorad naomh,

21 Coimhidibh sibh fèin ann an gràdh Dhé, le suil ri tròcair ar Tighearna Iosa Crìosd chum na beatha maireannaich.

22 Agus gabhaibh truas do dhream àraidh, a' deanamh eadar-dhealachaidh:

23 Agus tearnaibh dream eile le h-eagal, 'g an spionadh as an teine; a' fuathachadh eadhon an eudaich air am bheil smal na feòla.

24 A nis dhàsan a tha comasach air bhur gleidheadh o thuisleadh, agus *bhur* cur gu neo-lochdach an làthair a ghlòire le h-aobhneas ro mhòr,

25 Do'n Dia a tha mhàin glic, ar Slànuidhear, *gu robh* glòir agus mòralachd, neart agus cumhachd, a nis agus air feadh nan uile linn. Amen.

TAISBEANADH EOIN

AN DIADHAIR.

CAIB. I.

1 *Sgrìobh Eoin a thaisbeanadh chum seachd coglaisean na h-Asia, a tha air an ciattachadh leis na seachd coiminteiribh òir. 7 Teachd Chrìosd: 14 A chumhachd glòrmhor, agus a mhòralachd.*

TAISBEANADH Iosa Crìosd, a thug Dia dha, a dh'fhoillsachadh d'a sheirbhisich nithèan a's èigin teachd gu crìch ann an ùine ghearr; agus chuir e

teachdaireachd uaith, agus le 'aingal fèin dh'fhoillsich e *iad* d'a sheirbh seach Eoin:

2 A rinn fianuis air focal Dhé, agus air teistean Iosa Crìosd, agus air gach ni a chunnaic e.

3 *Is* beannaichte an ti a leughas, agus iadsan a dh'èisdeas ri bhriathraibh na fàidh eadair-eachd so, agus a choi ahideas na nithèan a tha sgrìobnata innto: oir tha'u t-àin am fagus.

4 **E** OIN chun nan seachd eaglaisean a tha 's an Asia: Gràs dhuibh, agus sìth o'n Tì a tha, agus a bha, agus a tha ri teachd; agus o na seachd spioradaibh a tha 'm fianuis a rìgh-chaithearsan;

5 Agus o Iosa Criosd, an fhianuis fhìor, an ceud-ghin o na mairbh, agus uachdaran rìghrean na talmhainn: Dhàsan a ghràdh-aich sinn, agus a dh'founlaid sinn o ar peacaidhibh 'n a fhuil fèin,

6 Agus a rinn rìghrean dhinn agus sagartan do Dhia agus d'a Athair-san; dhàsan gu robh glòir agus cumhachd gu saoghal nan saoghal. Amen.

7 Feuch, tha e 'teachd le neulaibh; agus chi gach sùile, agus iadsan *mar an ceudna* a l'ot e: agus ni uile threubhan na talmhainn caoidh air a shon-san: gu na h-ambhuidh a bhitheas. Amen.

8 Is mise Alpha agus Omega, au toiseach agus a' chrìoch, tha an Tighearn ag ràdh, a tha, agus a bha, agus a tha ri teachd, an t-Uile-chumhachdach.

9 Bha mise Eoin, bhur dearbh-bhràthair, agus bhur companach ann an àmhghar, agus ann an rìoghachd agus 'am foighidin Iosa Criosd, ann an eilean ris an abrar Patmos, air son focail Dhé, agus air son fianuis Iosa Criosd.

10 Bha mi 's an Spiorad air là an Tigh-earna, agus chuala mi air mo chùlaobh guth mòr, mar *ghuth* trompaid,

11 Ag ràdh, Is mise Alpha agus Omega, an ceud neach agus an neach deireannach: agus Sgrìobh-sa ann an leabhar an nì a chì thu, agus cuir e chum nau seachd eaglais-eau a tha 's an Asia; chum Ephesus, agus chum Smirna, agus chum Phergamois, agus chum Thiatira, agus chum Shardis, agus chum Philadelphia, agus chum Laodicea.

12 Agus thionndaidh mi a dh'fhacinn a ghutha a labhair rium. Agus air tionndadh dhomh, chunnaic mi seachd coinnleir-can òir;

13 Agus ann an meadhon nan seachd coinnleireau, *neach* cosmhail ri Mac an duine, air an robh eudach a ràinig sìos gu 'shàilteibh, agus crioslaichte le crios òir nu 'chìochaibh.

14 **B**ha a cheann agus 'fholt geal mar oluinn ghil, mar shueachda; agus a shùilean mar lasair theine;

15 Agus a chosan cosmhail ri umha fìorghlan, mar gu'm bitheadh iad a' dearg-losgadh ann an àmhuinn; agus a ghuth mar thoirm mhòran uisgeachan.

16 Agus bha aige 'n a làimh dheis seachd reultan: agus claidheamh geur dà-fhaobh-air a' teachd a mach as a bheul: agus *bha* a ghlùis mar a' ghrian a' dealrachadh 'n a làu neart.

17 Agus an nair a chunnaic mi e, thuit mi sìos aig a chosaibh 'an riochd mairbh: agus chuir e a làmh dheas orm, ag ràdh rium,

Na bitheadh eagal ort: is mise an ceud ueach agus an neach deireannach.

18 *Is mise* an tì a tha beò, agus a bha marbh; agus, feuch, tha mi beò gu saoghal nan saoghal, Amen; agus tha iuchraichean ifrinn agus a' bhàis agam.

19 Sgrìobh na nithean a chunnaic thu, agus na nithean a tha ann, agus na nithean a bhitheas an dèigh so:

20 Rùn-diomhair nan seachd reultan a chunnaic thu ann am làimh dheis, agus nan seachd coinnleirean òir. Is iad na seachd reultan, aingean nan seachd eaglaisean: agus is iad na seachd coinnleirean a chunnaic thu, na seachd eaglaisean.

CAIB. II.

1 *Cìod a dh'aitheadh do Eoin a sgrìobhadh chum aingean, (is iad sin, ministirean,) nan eaglaisean, 1 Ephesus 8 Smirna, 12 Phergamois, 18 Thiatira: agus cìod a tha air a nholadh, no a fhuaradh uireasbhuidheach anna-san.*

CHUM aingil eaglais Ephesus, Sgrìobh; Is iad so na nithean a tha an tì a tha 'cumail nan seachd reultan 'n a làimh dheis, a tha 'g imeachd ann am meadhon nan seachd coinnleirean òir, ag ràdh;

2 Is aithne dhomh d'òibre, agus do shaoth-air, agus d'fhoighidin, agus nach urrainn thu giùlan leo-san a tha òle; agus gu'n do dhearbh thu iadsan a their gur abstoil iad fèin, agus nach eadh, agus gu'n d'fhuair thu iad brengach;

3 Agus gu'n do ghiùlain thu, agus gu bheil foighidin agad, agus air sgàth m'ainme-sa gu'n d'rinn thu saothair, agus nach d'fhug thu thairis.

4 Gidheadh, tha *ni-èigin* agam a d' aghaidh, do bhrìgh gu'n do thréig thu do cheud ghràdh.

5 Cuimhnich uime sin cia uait a thuit thu, agus gabh aithreachas, agus dean na ceud òibre; no thig mi ort gu grad, agus atharrachidh mi do choinnleir as 'àite, mur gabh thu aithreachas.

6 Ach tha so agad, gur fuathach leat òibre nan Nicolaiteach, nithean mar an ceudna a's fuathach leam-sa.

7 An tì aig am bheil cluas, èisdcadh e cìod a tha an Spiorad ag ràdh ris na h-eaglaiseibh; Do'n tì a bhuadhaicheas bheir mise r'a itheadh de chraoibh na beatha, a tha ann am meadhon phàrrais Dhé.

8 Agus chum aingil eaglais Smirna, sgrìobh, Na nithean so tha esan ag ràdh, an tì a's e'n ceud neach agus an neach deireannach, a bha marbh, agus a tha beò;

9 Is aithne dhomh d'òibre, agus d'àmhghar, agus do bhochdainn, (gidheadh tha thu beartach,) agus *is aithne dhomh* toibheum na muinntir a their gur Iudhaich iad fèin, agus nach eadh, ach sionagag Shàtain.

10 Na bitheadh eagal ort roimh aon de na nithibh sin a dh'fhuilingeas tu: feuch, tilg-

idhan diabhul euid dhihb ann am prìosan, chum gu'n dearbhar sibh; agus bithidh àmhghar agaibh ré dheich làithean: bi-sa firinneach gu bàs, agus bheir mise dhuit crùn na beatha.

11 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh: An ti a bheir buaidh, cha chiùrrar leis an dara bàs e.

12 Agus chum aingil na h-eaglais a tha ann am Pergamos, sgrìobh; Na nithean so tha esan, aig am bheil an claidheamh geur dà-fhaobhair, ag ràdh:

13 Is aithne dhomh d'oibre, agus c'àit am bheil thu a'd chòmhnuidh, *eadhon far am bheil* caithir Shàtain: agus tha thu a' cumail m'ainne-sa gu daingean, agus cha d'aicheadh thu mo chreidimh, eadhon anns na Eithibh sin anns an *robh* Antipas 'n a fhianuis fhìrinneach dhomh, a mharbhadh 'n 'ur measg, faram bheil Sàtan 'n a chòmhnuidh.

14 Gidheadh, tha beagan agam a' d' aghaidh, do bhrìgh gn bheil agad an sin an dream a tha 'cumail teagaisg Bhalaaim, a theagaisg do Bhalac ceap-tuisidh a chur roimh chloinn Israeil, chum nithean a dh'ìobradh do ìodholaidh itheadh, agus strìopachas a dheanamh.

15 Is amhuil sin tha agad mar an ceudna an dream a tha 'cumail teagaisg nan Nicolaitach, ni a's fuathach lean-sa.

16 Dean aithreachas, no thig mi a d'ionnsuidh gu grad, agus cogaidh mi 'n an aghaidh le claidheamh mo bheòil.

17 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh: Dò'n ti a bhuadhaicheas bheir mi r'a itheadh de'n mlana fhluicichte, agus bheir mi dha clach gheal, agus a' chloich ainm nuadh sgrìobhta, nach aithne do neach air bith, ach dò'n ti a gheibh i.

18 Agus chum aingil na h-eaglais a tha ann an Tiatira, sgrìobh; Na nithean so tha Mac Dhé, aig am bheil a shùilean mar lasair theine, agus a chosan mar umha fìor-ghlan, ag ràdh;

19 Is aithne dhomh d'oibre, agus do ghràdh, agus do sheirbhis, agus do chreidimh, agus d'fhoighidinn, agus d'oibre deireannach; gu *bheil iad* ni's mò na do cheud oibre.

20 Gidheadh, tha agam beagan de nithibh a' d' aghaidh, gu bheil thu a' fulang do'n mhnai sin Isebel, a tha 'g ràdh gur ban-fhaidh i féin, mo sheirbhisich a theagasg agus a mhealladh chum strìopachas a dheanamh, agus nithean a dh'ìobradh do ìodholaidh itheadh.

21 Agus thug mi dhi ùine gu aithreachas a ghabhail d'a strìopachas; agus cha do ghabh i aithreachas.

22 Feuch, tilgidh mi i ann an leabaidh, agus iadsan a tha 'deanamh adhaltrannais rithe ann an àmhghar mòr, mur gabh iad aithreachas d'an gnìomharaibh.

23 Agus marbhadh mi a clann leis a' bhàs agus bithidh fhios air na h-eaglaisibh uile gur mise an ti sin a sgrùdas na h-àirnean agus na cridheachan: agus bheir mi do gach aon agaibh-se a réir bhuir n-oibre.

24 Ach ribhse tha mi ag ràdh, agus ris a' chuid eile ann an Tiatira, Mheud aig nach 'eil an teagasg so, agus do nach b'aithne doimhneachdan Shàtain, mar a their iad, cha chuir mi uallach eile oirbh;

25 Ach cumaibh gu daingean an ni a tha agaibh, gus an tig mi.

26 Agus an ti a bhuadhaicheas, agus a ghleidheas m'oibre gus a' chrìoch, dhàsan bheir mi cumhachd os ceann nan Cinn-each.

27 (Agus riaghlaidh e iad le slait iarunn: mar shoithichibh creadha briscar 'n am bloighdibh iad;) amhuil a fhuair mise o m' Athair.

28 Agus bheir mi dha reult na maidne.

29 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh.

CAIB. III.

1 *Tha aingeal eaglais Shardis air a chronachadh, 3 air earadachadh gu h-aithreachas, agus air a bhagairt mur dean e aithreachas. 8 Tha aingeal eaglais Philadelphia air a mholadh air son a dhìchill agus fhoighidinn. 15 Tha aingeal eaglais Laodicea air a chronachadh a chionn nach robh e fìor no leth. 20 Tha Crìosd 'n a sheasamh aig an doras, agus 'g a bhuaidh.*

A GUS chum aingil na h-eaglais a tha ann an Sardis, sgrìobh; Na nithean so tha an ti aig am bheil seachd spioradan Dhé, agus na seachd reultan, ag ràdh; Is aithne dhomh d'oibre, gu bheil ainm agad, gu bheil thu beò, gidheadh tha thu marbh.

2 Bi faireil, agus neartaich na nithean a tha làthair, agus a tha ullamh gu bàsachadh: oir cha d'fhuair mi d'oibre coimhlionta 'an fianuis Dhé.

3 Cuimhnich uime sin cionnus a fhuair agus a chuala tu, agus gléidh, agus gabh aithreachas. Uime sin mur dean thu faire, thig mi ort mar ghaduiche, agus cha bhì fios agad ciod i an uair anns an tig mi ort.

4 Tha beagan ainmean agad eadhon ann an Sardis, nach do shalach an eudach; agus imichidh iad maille rium-sa ann an *culaidhibh* geala: oir is airidh iad.

5 An ti a bheir buaidh, sgeadaichear e ann an eudach geal; agus cha dubh mi mach 'ainm á leabhar na beatia, ach aidichidh mi 'ainm-san 'am fianuis m' Athar, agus 'am fianuis 'aingle-san.

6 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh.

7 Agus chum aingil na h-eaglais ann am Philadelphia, sgrìobh; Na nithean so tha an ti naomh ag ràdh, an ti fìor, an ti aig am bheil iuchair Dhaibhidh, an ti a dh'fhosgla,

agus cha dhùin neach air bith; agus a dhùineas, agus cha-u fhosgail neach air bith:

8 Is aithne dhomh d'òibre: feuch, chuir mi dorus fosgailte romhad, agus cha-n urrainn neach air bith a dhùnadh: oir tha neart beag agad, agus ghléidh thu m'fhocal, agus cha d'aicheadh thu m'ainm.

9 Feuch, bheir mise *orra-san* de shionagag Shàtain, (a tha 'g ràdh gur h-Iudhaich iad fèin, agus nach eadh, ach a tha 'deanamh bréige,) feuch, bheir mise orra gu'n tig iad agus gu'n dean iad aoradh aig do chosaibh, agus gu'm bi fios aca gu'n do ghràdhaich mise thu.

10 A chionn gu'n do ghléidh thu focal m'fhoighidin-sa, gleidhidh mise thusa mar an ceudna o uair a' bhuairidh, a thig air an t-saoghal uile, a dhearbhadh na muinntir sin a tha 'u an còmhnuidh air an talamh.

11 Feuch, tha mi a' teachd gu grad: dean greim daingean air na bheil agad, chum nach glac neach air bith do chrùn.

12 Au ti a bheir buaidh, ni mi e'n a phost ann an teampull mo Dhé, agus cha téid e ni's mò a mach as: agus sgrìobhaidh mi ainm mo Dhé air, agus ainm caithreach mo Dhé, *a's i* Ierusalem nuadh, a thig a nuas o nèamh o m' Dhia: agus *sgrìobhaidh* mi m'ainm nuadh fèin *air*.

13 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh.

14 Agus chum aingil na h-eaglais ann an Laodicea, sgrìobh; Na nithean so a tha an Amen, an fhianuis dhìleas agus fhìrìneach, toiseach cruthachaidh Dhé, ag ràdh;

15 Is aithne dhomh d'òibre, nach 'eil thu aon chuid fuar no teth: b'fhearr leam gu'm bitheadh tu fuar no teth.

16 Uime sin do bhrìgh gu bheil thu uneaghlath, agus nach 'eil thu aon chuid fuar no teth, sgeithidh mi thu mach as mo bheul.

17 Do bhrìgh gu bheil thu ag ràdh, Tha mi beartach, agus air fàs ann an saoihbreas, agus gun fheum agam air ni sam bith; agus gun fhios agad gu bheil thu dòruinneach, agus truagh, agus bochd, agus dall, agus lomnochd:

18 Comhairlicheam dhuit òr a cheannach uamsa, air a dhearbhadh 's an teine, chum gu'm bi thu saoibhir; agus eudach geal, chum gu'n còmhdaichear thu, agus nach bi nàire do lomnochduidh follaiseach; agus ung do shùilean le sàbh-shùil, chum gur léir dhuit.

19 Mheadh agus is ionmhuinn leam, tha mi a' cronachadh agus a' smachdachadh; uime sin bitheadh agad-sa teas-ghràdh, agus dean aithreachas.

20 Feuch, tha mi a'm' sheasamh aig an dorus, agus a' bualadh: ma dh'éisdeas ueach sam bith ri m' ghuth, agus gu'm fosgail e'n dorus, thig mi a steach d'a ionnsuidh, agus

gabhadh mi mo shuipeir maille ris, agus esan maille rium-sa.

21 Do'n ti a bhuaadhaicheas bheir mi comas suidhe maille rium-sa air mo rìgh-chaithir, amhuil fòs a bhuaadhaim mise, agus a shuidh mi maille ri m' Athair air a rìgh-chaithir-san.

22 An ti aig am bheil cluas, éisdeadh e ciod a tha an Spiorad ag ràdh ris na h-eaglaisibh.

CAIB. IV.

1 *Chunnaic Eoin rìgh-chaithir Dhé ann am fàitheanas.* 4 *Na ceithir seanairean fichead.* 6 *Na ceithir beò-chreutairean làn de shùilibh air am beulaobh agus air an cùlaobh.* 10 *Thig na seanairean sìos an crùintean, agus rinn iad aoradh do'n ti a bha 'n a shuidhe air an rìgh-chaithir.*

AN déigh so dh'amhaire mi, agus, feuch, *bha* dorus fosgailte air nèamh; agus *bha* an ceud ghuth a chuala mi, mar *fhuaime* trompaid a' labhairt rium, ag ràdh, Thig a nìos an so, agus nochdaidh mise dhuit uith-ean a's éigin tachair an déigh so.

2 Agus air ball bha mi 's an Spiorad: agus, feuch, *bha* rìgh-chaithir air a suidheachadh air nèamh, agus *bha* neach 'n a shuidhe air an rìgh-chaithir.

3 Agus *bha* an ti a shuidh, ri amhaire air, cosmhuil ri cloich Iasper, agus Shardis: agus *bha* bogha-frois timchioll na rìgh-chaithreach mu'n cuairt, cosmhuil, r'a fhaicinn, ri Emerald.

4 Agus timchioll na rìgh-chaithreach mu'n cuairt *bha* ceithir chaithrichean fichead; agus air na caithrichibh chunnaic mi ceithir seanairean fichead 'n an suidhe, air an sgeadachadh ann an culaidhibh geala; agus *bha* aca air an cinn crùn òir.

5 Agus chaidh a mach as an rìgh-chaithir dealanaich, agus tairneanaich, agus guthan: agus *bha* seachd lòchraan theiue a' dearg-lasadh 'am fianuis na rìgh-chaithreach, a's iad seachd spioradan Dhé.

6 Agus roimh an rìgh-chaithir *bha* fairge ghloine cosmhuil ri criostal: agus ann am meadhon na rìgh-chaithreach, agus mu'n cuairt do'n rìgh-chaithir, *bha* ceithir beò-chreutairean làn de shùilibh air am beulaobh agus air an cùlaobh.

7 Agus *bha* an ceud beò-chreutair cosmhuil ri lèomhan, agus an dara beò-chreutair cosmhuil ri laogh, agus *bha* aig au treas beò-chreutair aghaidh mar dhuine, agus *bha* an ceathramh beò-chreutair cosmhuil ri òlaidh ag itealaich.

8 Agus aig na ceithir beò-chreutairibh, aig gach aon diubh fa leth, *bha* sè sgiathan mu'n cuairt da, agus *bha* iad làn de shùilibh an taobh a stigh; agus cha do sguir iad a là no dh'oidheche, ag ràdh, Naomh, naomh, naomh, an Tighearn Dia uile-chumhachdach, a bha, agus a tha, agus a bhithas.

9 Agus an uair a thug na beò-chreutairean sin glòir, agus urram, agus buidheachas

do'n ti a bha 'n a shuidhe air an rìgh-chaithir, a tha beò gu saoghal nan saoghal,

10 Thuit na ceithir seanairean fichead sìos an làthair an ti a bha 'n a shuidhe air an rìgh-chaithir, agus rinn iad aoradh dhàsan a tha beò gu saoghal nan saoghal, agus thilg iad sìos an crùintean an làthair na rìgh-chaithreach, ag ràdh,

11 Is airidh thusa, a Tighearua, air glòir, agus urram, agus cumhachd fhaotainn; oir chruthaich thu na h-uile nithean, agus air son do thoile-sa tha iad ann, agus chruthaicheadh iad.

CAIB. V.

1 *An leabhar air a sheulachadh le seuchd seulaibh, 9 a b'airidh a nàin an t-Uan a chaidh mharbhadh air fhosgladh: 12 uinne sin thu na seanairean clù dha, agus dh'aidich iad gu'n do shaor e iad le fhuil fèin.*

AGUS chunnaic mi ann an làimh dheis an ti a shuidh air an rìgh-chaithir, leabhar sgrìobhta's an taobh a stigh dheth agus air a chlàabh, air a sheulachadh le seachd seulaibh.

2 Agus chunnaic mi aingeal treun a' gairm le guth àrd, Cò a's airidh air an leabhar fhosgladh, agus air a sheulachadh fhuasgladh?

3 Agus cha robh aon neach air nàmh, no air thalamh, no fo 'n talamh comasach air an leabhar fhosgladh, no sealltuinn air.

4 Agus ghul mi gu mòr, do bhrìgh nach d'fhuaradh aon neach a b'airidh air an leabhar fhosgladh, agus a leughadh, no sealltuinn air.

5 Agus thubhairt aon de na seanairibh rium, Na guil: feuch, bhuadhaich an Leòmhna a tha de thréibh Iudha, Frcumh Dhaibhidh, air an leabhar fhosgladh, agus a sheachd seulachan fhuasgladh.

6 Agus dh'amhaire mi, agus, feuch, ann am meadhon na rìgh-chaithreach, agus nan ceithir bheò-chreutair, agus ann am meadhon nan seanairean, Uan 'n a sheas-ann mar gu'm bitheadh e air a mharbhadh, aig an robh seachd adhaircean, agus seachd suilean, a's iad seachd spioradan Dhé, a chuireadh a mach chum na talmhainn uile.

7 Agus thàinig e, agus ghlac e an leabhar à deas làimh an ti a bha 'n a shuidhe air an rìgh-chaithir.

8 Agus an uair a ghlac e'n leabhar, thuit na ceithir beò-chreutairean, agus na ceithir seanairean fichead sìos an làthair an Uain, agus aig gach aon duibh clàrsaichean, agus tuis-shoitichean òir làn de nithibh deadh-fhàile, nithean a's iad urnuighean nan naomh.

9 Agus sheinn iad òran nuadh, ag ràdh, Is airidh thusa air an leabhar a ghlacadh, agus a sheulachadh fhosgladh, do bhrìgh gu'n do mharbhadh thu, agus gu'n do shaor thu sinne do Dhia le d'fhuil fèin, as gach uile

thréibh, agus theangaidh, agus shluagh agus chiuneach;

10 Agus gu'n d'rinn thu rìghrean dhinn agus sagartan do ar Dia: agus rìghichidh sinn air an talamh.

11 Agus dh'amhaire mi, agus chuala mi guth mhòran aingeal tinchioll na rìgh-chaithreach, agus nam beathaichean, agus nan seanairean; agus b'e an àireamh deich mìle uair deich mìle, agus mìltean de mhiltibh;

12 Ag ràdh le guth àrd, Is airidh an t-Uan a chaidh a mharbhadh, air cumhachd, agus saoihbheas, agus gliocas, agus neart, agus urram, agus glòir, agus moladh fhaotainn.

13 Agus chuala mi gach uile chreutair a tha air nàmh, agus air an talamh, agus fo 'n talamh, agus a tha air a' chuan, agus na h-uile ni a tha anna, ag ràdh, Moladh, agus urram, agus glòir, agus cumhachd, *gu robh* dhàsan a tha 'n a shuidhe air an rìgh-chaithir, agus do'n Uan gu saoghal nan saoghal.

14 Agus thubhairt na ceithir beò-chreutairean, Amen. Agus thuit na ceithir seanairean fichead sìos, agus rinn iad aoradh dhàsan a tha beò gu saoghal nan saoghal.

CAIB. VI.

1 *Fosgladh nan seul 'an ordugh, far am bheil fàidheadaireachd air a cur sìos mu thinn-chioll nithean gu deireadh an t-saoghail.*

AGUS chunnaic mi, 'n uair a dh'fhosgail an t-Uan aon de na seulaibh, agus chuala mi aon de ua ceithir bheò-chreutairibh ag ràdh, mar le fuaim tairncanaich, Thig agus faic.

2 Agus chunnaic mi, agus, feuch, each geal; agus bha aig an ti a shuidh air, bogha: agus thugadh dha crùn, agus chaidh e mach a' buadhachadh, agus chum gu'm buadhaicheadh e.

3 Agus an uair a dh'fhosgail e'n dara seula, chuala mi an dara beò-chreutair ag ràdh, Thig, agus faic.

4 Agus chaidh each eile uach, a bha dearg; agus thugadh cumhachd dhàsan a shuidh air, chum sìth a thoirt o'n talaru, ionnus gu mharbhadh iad a chéile: agus thugadh claidheamh mòr dha.

5 Agus an uair a dh'fhosgail e an treas seula, chuala mi an treas beò-chreutair ag ràdh, Thig, agus faic. Agus dh'amhaire mi, agus, feuch, each dubh, agus bha aig an ti a shuidh air, meidh 'n a làimh.

6 Agus chuala mi guth ann am meadhon nan ceithir bheò-chreutairean ag ràdh, Tomhas cruithneachd air son pèghinn, agus trì tomhasan eòrna air pèghinn; agus na dean cron air an olaidh, no air an fhìon.

7 Agus an uair a dh'fhosgail e'n ceathramh seula, chuala mi guth a' cheathramh beò-chreutair ag ràdh, Thig, agus faic.

8 Agus dh'amhaire mi, agus feuch each glas; agus b'e ainm an ti a shuidh air, an Bàs, agus lean ifrinn 'n a chuideachd: agus thugadh dhoibh-san cumhachd air a' cheathramh cuid de'n talamh, a mharbhadh le claidheamh, agus le gorta, agus le bàs, agus le fiadh-bheathaichibh na talmhainn.

9 Agus an uair a dh'fhosgail e an cùig-camh seula, chunnaic mi fo 'n altair, aua-man na muinntir sin a mharbhadh air son focail Dhé, agus air son na fiauuis a chum iad:

10 Agus ghlaodh iad le guth mòr, ag ràdh, Cia fhad a bhitheas, O Thighearna naoimh agus fhìrinnich, gus an deau thu breitheanas, agus an diol thu ar fuil-ne orra-san a tha 'n an còmhnuidh air an talamh?

11 Agus thugadh do gach aon diubh trusganan fada geala, agus chaidh a ràdh riu, iad a ghabhail fois fathast ré ùine bhig, gus am bitheadh an comh-sheirbhisich mar an ceudna, agus am bràithrean a rachadh a mharbhadh mar a chaidh iadsan, air an còimblionadh.

12 Agus dh'amhaire mi 'n uair a dh'fhosgail e an seathamh seula, agus, feuch, bha crith mhòr thalmhainn ann; agus dh'fhàs a' ghrian dubh mar shaic-eudach de fhionuadh, agus dh'fhàs a' ghealach mar fhuil.

13 Agus thuit reultan nèimh air an talamh, mar a thilgeas craobh-fhige a figean an-abaich, 'n uair a chrathar i le gaoith mhòir.

14 Agus chaidh nèamh thairis mar rola leabhair air fhilleadh air a chéile; agus dh'atharraicheadh gach beinn agus eilean as an ionadaibh féin:

15 Agus dh'fhlòlach rìghbrean na talmhainn, agus na daoine mòra, agus na daoine saoi-bhir, agus na h-àrd-cheannardan, agus na daoine cumhachdach, agus gach tràill, agus gach duine saor, iad féin aon an uamhaibh agus ann an creagaibh nam beanm;

16 Agus thubhairt iad ris na sléibhtibh agus ris na creagaibh, Tuitibh oirne, agus folaichibh sinn o ghnùis an ti a tha 'n a shuidhe air an rìgh-chaithir, agus o fheirg an Uain:

17 Oir thàinig là mòr 'Theirge-san; agus cò a dh'fheudas seasamh?

CAIB. VII.

1 Chuir aingeal seula air seirbhisich Dhé 'n an eudanaibh. 4 A'creamh na muinntir a sheulaicheadh: 5 de threubhan Israèl fa leth a'creamh shonruichte, 9 de gach cinneach eile cuideachd mhòr gun àireamh, a tha 'n an seasamh an làthair na rìgh-chaithreach, air an sgeadachadh ann an trusganaibh geala: 14 Chaidh an eudach a nigheadh ann am fuil an Uain.

A GUS an déigh nan nithean sin, chunnaic mi ceithir ainglean 'n an seasamh air ceithir oisinnibh na talmhainn a' cum-

ail ceithir ghaothan na talmhainn, chum nach séideadh a' ghaoth air an talamh, no air an fhairge, no air aon chraoibh.

2 Agus chunnaic mi aingeal eile ag éirigh o'n àird an ear, aig an robh seula an Dé bheò: agus ghlaodh e le guth mòr ris na ceithir ainglibh, d'an d'thugadh cumhachd cron a dheanamh air an talamh agus air an fhairge,

3 Ag ràdh, na deanaibh dochann do'n talamh, no do'n fhairge, no do na craobhan, gus an cuir sinn seula air seirbhisich ar Dé air clàraibh an eudain.

4 Agus chuala mi àireamh na dream a sheulaicheadh: ceud agus dà fhichead agus ceithir mìle, a sheulaicheadh de uile threubhan chloinn Israèil.

5 De thréibh Iudah sheulaicheadh dà mhìle dheug. De thréibh Reubein sheulaicheadh dà mhìle dheug. De thréibh Ghad sheulaicheadh dà mhìle dheug.

6 De thréibh Aseir sheulaicheadh dà mhìle dheug. De thréibh Nephtalim sheulaicheadh dà mhìle dheug. De thréibh Mhan-aseis sheulaicheadh dà mhìle dheug.

7 De thréibh Shimcoim sheulaicheadh dà mhìle dheug. De thréibh Lebhi sheulaicheadh dà mhìle dheug. De thréibh Isachair sheulaicheadh dà mhìle dheug.

8 De thréibh Shabulon sheulaicheadh dà mhìle dheug. De thréibh Ioseph sheulaicheadh dà mhìle dheug. De thréibh Bheniamin sheulaicheadh dà mhìle dheug.

9 An déigh so dh'amhaire mi, agus, feuch, sluagh mòr, nach robh neach sam bith comasach air àireamh, do na h-uile chinnich, agus threubhan, agus shlàigh, agus theangaibh, 'n au seasamh an làthair na rìgh-chaithreach, agus an làthair an Uain, air an sgeadachadh le trusganaibh fada geala, agus pailm aca 'n an làmh an;

10 Agus ghlaodh iad le guth àrd, ag ràdh, Slàinte do ar Dia-ne a tha 'n a shuidhe air an rìgh-chaithir, agus do'n Uan.

11 Agus sheas na h-ainglean uile timchioll na rìgh-chaithreach, agus nan sean-àirean, agus nan ceithir bheò-chreutairean, agus thuit iad air an aghaidh an làthair na rìgh-chaithreach, agus rinn iad aoradh do Dhia,

12 Ag ràdh, Amen: Moladh, agus glòir, agus gliocas, agus buidheachas, agus urram, agus cumhachd, agus neart *gu robh* do ar Dia-ne gu saoghal nan saoghal. Amen.

13 Agus fhreagair aon de na seanairibh, ag ràdh rium, Cò iad sin a tha air an sgeadachadh le trusganaibh fada geala? agus cia as a thàinig iad?

14 Agus thubhairt mi ris, A Thighearna, tha fhios agad-sa. Agus thubhairt e rium, Is iad so iadsan a thàinig a h-amhghar mòr; agus nigh iad an trusgain, agus rinn iad geal iad ann am fuil an Uain.

15 Uime sin tha iad an làthair rìgh-

chaithreach Dhé, agus a' deanamh aoraidh dha a là agus a dh'oidhche 'n a theampull : agus gabhaidh an ti a tha 'n a shuidhe air an rìgh-chaithir còmhnuidh 'n am measg.

16 Cha bhi ocras orra tuilleadh, no tart n's mò ; cha mhò a bhuailcas a' ghrian orra, no teas air bith.

17 Oir beathaichidh an t-Uan a tha ann am meadhan na rìgh-chaithreach iad, agus treòrachidh e iad gu beò-thobraichibh uisge : agus tiormaichidh Dia gach deur o'n sùilb.

CAIB. VIII.

1 'N uair a dh'fhosgadh an seachdamh seula, 2 chaidh seachd trompaidean a thoirt do sheachd aingibh : 3 Chuir aingeal eile tùs maille ri urnuighibh nan naomh air an altair òir. 6 Sheid ceithir dliubh an trompaidean, agus lean plàighean mòra an lorg sin.

AGUS an nair a dh'fhosgail e an seachd-amh seula, bha tosd air nèamh mu thimchioll leth-uaire.

2 Agus chunnaic mi na seachd ainglean a sheas 'am fianuis Dhé ; agus thugadh dhoibh-san seachd trompaidean.

3 Agus thàinig aingeal eile, agus sheas e aig an altair, agus tùisear òir aige ; agus thugadh dha mòran tùise, chum gu'n tugadh se e maille ri urnuighibh nan uile naomh air an altair òir, a bha'n làthair na rìgh-chaithreach.

4 Agus chaidh deatach na tùise suas maille ri urnuighibh nan naomh, o làimh an aingil, an làthair Dhé.

5 Agus ghlac an t-aingeal an tùiseir, agus lion se e le teine na h-altarach, agus thilg e air an talamh e : agus bha guthan, agus tairneanaich, agus deakanaich, agus crith-thalmhainn ann.

6 Agus dh'ulluich na seachd ainglean aig an robh na seachd trompaidean iad féin, chum an séideadh.

7 Agus shéid an ceud aingeal, agus bha clachan-meallain ann, agus teine air am measgadh le fuil, agus thilgeadh air an talamh iad ; agus loisgeadh an treas cuid de na craobhan, agus am fear glas uile.

8 Agus shéid an dara aingeal, agus thilgeadh mar gu'm bu bheinn mhòr a' losgadh le teine anns an fhairge : agus dh'fhàs an treas cuid de'n fhairge 'n a fuil :

9 Agus fhuair an treas cuid de na creut-airibh a bha anns an fhairge, aig an robh anam, bàs ; agus mhilleadh an treas cuid de na longaibh.

10 Agus shéid an treas aingeal, agus thuit reult mhòr o nèamh, a' dearg-lasadh mar lòchran, agus thuit i air an treas cuid de na h-aibhnicheibh, agus air na tobraicheibh uisge ;

11 Agus is e an t-ainm a ghoirear de'n reult Burmaid : agus rinneadh an treas cuid de na h-uisgeachaibh 'n am burmaid ; agus fhuair mòran dhaoine bàs leis na

h-uisgeachaibh, do bhrìgh gu'n d'rinneadh searbhadh iad.

12 Agus shéid an ceathramh aingeal, agus bhuailleadh an treas cuid de'n ghréin, agus an treas cuid de'n ghealach, agus an treas cuid de na reultaibh ; ionnus gu'n d'rinneadh an treas cuid diubh dorcha, agus nach do dhealraich an là ré an treas cuid dheth, no an oidhche air a' mhòd cheudna.

13 Agus dh'amhairc mi, agus chuala mi aingeal ag itealaich ann am meadhon nèimh, ag ràdh le guth àrd, Is truagh, truagh, truagh, do luchd-àiteachaidh na talmhainn, air son guthan eile trompaid nan tri aingeal a tha fathast gu séideadh !

CAIB. IX.

1 Air séideadh do'n chùigeamh aingeal, thuit reult o nèamh, d'am bheil iuchair sluichd an dubh-aigean air a tabhairt : 2 dh'fhosgail e an slochd, agus thàinig locust cosmhul ri scorpionaibh a mach. 12 Tha a' cheud truaighe air dol thairis. 13 Chaidh an seathamh trompaid a shéideadh. 14 Tha ceithir aingil a bha ceangailte, air am fuaigladh.

AGUS shéid an cùigeamh aingeal a thrompaid, agus chunnaic mi reult a' tuiteam o nèamh chum na talmhainn : agus thugadh dha iuchair sluichd an dubh-aigean.

2 Agus dh'fhosgail e slochd an dubh-aigean, agus dh'éirich deatach as an t-slochd, mar dheataich àlhuinn mhòir theintich ; agus rinneadh a' ghrian agus an t-athar dorcha le deataich an t-sluichd.

3 Agus thàinig a mach as an deataich air an talamh locust ; agus thugadh cumhachd dhoibh, a réir mar a tha cumhachd aig scorpionaibh na talmhainn.

4 Agus chaidh a ràdh ri gu'n iad a dheanamh dochainn air fear na talmhainn, no air ni sam bith glas, no air craoibh sam bith ; ach air na daoineibh sin a mha'n aig nach 'eil seula Dhé air clàr an eudain.

5 Agus thugadh dhoibh, cha-n e gu'm marbhadh siad iad, ach gu'm bitheadh iad air am pianadh ré chùig mìosan : agus bha am pian cosmhul ri péin scorpion, 'n uair a bhuailcas e duine.

6 Agus anns na làithibh sin iarraidh daoine am bàs, agus cha-n fhaigh iad e : agus bithidh déidh aca air bàsachadh, agus teichidh am bàs uatha.

7 Agus bha cruth nan locust cosmhul ri h-eachaibh air an ulluchadh chum catha ; agus bha air an cinn mar gu'm bitheadh crùn cosmhul ri h-òr, agus bha an aghaidh-eann cosmhul ri h-aghaidhibh dhaoine.

8 Agus bha folt orra cosmhul ri folt bhan, agus bha am fìaclan mar fhiaclaibh leòmhann.

9 Agus bha aca uchd-éididhean, mar uchd-éididhean iarunn ; agus bha fuaim an sgiathan mar fhuaim charbadan mhòran each a' ruith chum catha.

10 Agus bha carbuill aca cosmhul ri

scorpionabih; agus bha gathan 'n an earbuill : agus *b'e* an cumhachd daoine a chiurradh ré chùig mìosan.

11 Agus bha rìgh aca os an ceann, *eadhon* aingeal au dubh-aigein, agus *'s e a's* ainm dha 's au Eabhra, Abadou, ach anns a' Ghréigis 's e a's ainm dha Apollon.

12 Chaidh aon truaighe thairis; feuch, tha dà thruaighe ri teachd fathast au dèigh so.

13 Agus shéid an seathamh aingeal a thrompaid, agus chuala ui guth o cheithir adharcaibh na h-altair òir, a tha'm fianuis Dhé.

14 Ag ràdh ris an t-seathamh aingeal aig au robh an trompaid, Fuasgail na ceithir aingil a tha ceangailte aig an amhaian mhòir Euphrates.

15 Agus dh'fhuasgladh na ceithir aingil, a bha ulluichte fa chomhair uaire, agus là, agus mìosa, agus bliadhna, chum gu'm marbhadh iad an treas cuid de dhaoineibh.

16 Agus *b'e* àireamh armailtean a' mharcshluaigh fichead mìle de dheich mìtibh : agus chuala mi an àireamh.

17 Agus mar so chuanaic mi na h-eich anns an taisbeauadh, agus iadsan a shuidh orra, aig an robh uchd-éididheau de theine, agus de hiaciut, agus de phronnusc: agus *bha* cinn nau each mar chinn leòmhnan; agus as am beoil thàinig a mach teine, agus deatach, agus pronnusc.

18 Leis na trì *plàighibh* so mharbhadh an treas cuid de dhaoineibh, leis an teine, agus leis an deataich, agus leis a' phronnusc, a chaidh a mach as am beoil.

19 Oir tha an cumhachdan 'n am beul, agus 'n an earbuill: oir *bha* an carbuill cosmhuil ri nathraichibh nimbe, agus bha cinn aca, agus leo sin ni iad dochann.

20 Agus cha do ghabh a' chuid cile de na daoineibh, nach do mharbhadh leis na plàighibh sin, aithreachas de oibribh an làmh, ionnus nach deanadh iad aoradh do dheamhnaibh, agus do dhealbhan òir, agus airgid, agus umha, agus cloiche, agus fiodha; uach urrainn faicinn, no chluinntinn, no imeachd:

21 Agus cha mhò a ghabh iad aithreachas d'am mortailb, no d'an druidheadh, no d'an striopachas, no d'an gadachdaibh.

CAIB. X.

1 Chunnaic Eoin aingeal treun aig an robh leabhar fosgailte 'n a làmh: 6 neach a thug mionnan airsan a tha beò gu sìorruidh, nach bi aimsir nì's mò ann. 8 Thugadh aithne do Eoin an leabhar a ghabhadh agus itheadh.

AGUS chuanaic mi aingeal cumhachd-ach eile a' teachd a nuas o nèamh, air a sgeadachadh le neul, agus bogha-frois air a cheann, agus 'aghaidh mar a' ghrian, agus a chosan mar phuist teine.

2 Agus bha aige 'n a làmh leabhran fosgailte: agus chuir e a chos dheas air an fhaierge, agus a chos chli air an talamh,

3 Agus ghlaodh e le gutn àrd, mar a bheuchdas leòmhnan: agus an uair a ghlaodh e, labhair seachd tairueanaich an guthan féin,

4 Agus an uair a labhair na seachd tairueanaich an guthan féin, bha mi 'dol a sgrìobhadh: agus chuala mi guth o nèamh, ag ràdh rium, Seulaich na nithean a labhair na seachd tairueanaich, agus ua sgrìobh iad.

5 Agus thog an t-aingeal, a chunnaic mi 'n a sheasamh air a' ulhair, agus air an talamh, a làmh gu nèamh,

6 Agus mhionnaich e airsan a tha beò gu saoghal nan saoghal, a chruthaich nèamh agus ua nithean a tha ann, agus an talamh agus na nithean a tha ann, agus an fhaierge agus na nithean a tha innte, Nach bi aimsir ann nì's mò;

7 Ach ann an làithibh gutha an t-seachd-ainm aingil, 'n uair a thòisicheas e air séid-cadh, an sin gu'm bitheadh rùn-diomhair Dhé air a chrìochuachadh, mar a dh'iunis e d'a sheirbhisich ua fàidhean.

8 Agus labhair an guth a chuala mi o nèamh, rium a ris, agus thubhairt e, Imich, glac an leabhran a tha fosgailte ann an làmh an aingil a tha 'n a sheasamh air an fhaierge, agus air an talamh.

9 Agus chaidh mi dh'ionnsuidh an aingil, agus thubhairt mi ris, Thog dhomh-sa an leabhran: agus thubhairt esan rium Glac, agus ith suas e; agus ni e do bhroinn scarbh, ach bithidh e ann ad bheul milis mar mhill.

10 Agus ghlac mi an leabhran á làmh ar aingil, agus dh'ith mi suas e; agus bha e ann am bheul milis mar mhill; agus an uair a dh'ith mi e, rinneadh mo bhrù searbh.

11 Agus thubhairt e rium, Is éigin duit a ris fàidheadaireachd a dheanamh 'am fianuis shìlgh, agus chinneach, agus theangan, agus rìghrean lìonmhor.

CAIB. XI.

1 Rinn an dà fhianuis fàidheadaireachd: 6 thugadh cumhachd dhoibh nèamh a dhruid-eadh, ionnus nach bi uisge ann: 7 ni am beathach cogadh 'n an aghaidh, agus marbaidh e iad: 8 luidhidh iad gun aithne, 11 agus an dèigh thrì lùithean agus leth là éiridh iad a ris. 14 Chaidh an dara truaighe thairis. 15 Chaidh an seachdamh trompaid a sléideadh.

AGUS thugadh dhomh cuile cosmhuil ri slait: agus sheas an t-aingeal, ag ràdh, Éirich, agus tomhais teampull Dhé, agus an altair, agus iadsan a tha 'deanamh aoraidh ann.

2 Ach fàg a mach a' chùirt a tha'n taobh a muigh de'n teampull, agus na tomhais i; oir thugadh i do na Cinnich: agus saltraidh iad fo 'n cosaibh am baile naomh ré dhà mhìos agus dhà fhichead.

3 Agus bheir mise *cumhachd* do m' dhithis fhianuisean, agus ni iad fàidheadaireachd

ré mìle agus dà cheud agus trì fichead là, eudaichte ann an saic-eudach.

4 Is iad so an dà chrann olaidh, agus an dà choinleir a tha 'n an seasamh an làthair Dhé na talmhainn.

5 Agus ma chiùrras neach air bith iad, théid teine a mach as am beul, agus claoidhidh e an naimhdean: agus ma chiùrras neach air bith iad, is éigin da 'bhi air a mharbhadh mar so.

6 Tha cumhachd aca so nèamh a dhùnadh, ionnus nach bi uisge ann, ann an làithibh am fàidheadaireachd-san: agus tha cumhachd aca air uisgeachaibh chum an tionndadh gu fuil, agus an talamh a bhualadh leis an uile phlàigh, co minic 's is toil leo.

7 Agus an uair a chrìochnaicheas iad am fianuis, ni am fiadh-bheathach a dh'éireas as an t-slochd gun iochdar cogadh 'n an aghaidh, agus bheir e buaidh orra, agus marbhaidh e iad.

8 Agus bithidh an cuirp mharbha 'n an *uidhe* ann an sràid a' bhaile mhòir, ris an abrar gu spioradail Sodom agus an Eiphit, far mar an ceudna an do cheusadh ar Tigh-earn.

9 Agus chi *cuid* de na sloigh, agus de threubhan, agus de theangaibh, agus de chinnich, an cuirp mharbha ré thri làithean gu leth, agus cha leig iad au cuirp mharbha a chur ann an uaighibh.

10 Agus ni luchd-àiteachaidh na talmhainn gairdeachas os an ceann, agus bithidh iad subhach, agus cuiridh iad biodhlacan dh'ionnsuidh a chèile; do bhrìgh gu'n do phian an dà fhàidh so iadsan a bha 'chòmh-nuidh air an talamh.

11 Agus an dèigh thri làithean gu leth, chaidh Spiorad na beatha o Dhia a steach anna, agus sheas iad air an cosaibh; agus thuit eagal mòr orra-san a chunnaic iad.

12 Agus chual' iad guth mòr o nèamh, ag ràdh riu, Thigibh a nìos an so. Agus chaidh iad suas do nèamh air neul; agus chunnaic an naimhdean iad.

13 Agus anns an uair sin féin bha crith mhòr thalmhainn ann, agus thuit an deich-eamh cuid de'n bhaile, agus mharbhadh seachd mìle pearsa 's a' chrith-thalmhainn: agus ghabh a' chuid eile eagal, agus thug iad glòir do Dhia nèimh.

14 Chaidh an dara truaighe thairis: feuch, thig an treas truaighe gu h-aithghearr.

15 Agus shéid an seachdamh aingeal a thrompaid; agus bha guthan mòra air nèamh, ag ràdh, Rinneadh rìoghachdan an t-saoghail 'n an rìoghachdaibh do ar Tigh-earn, agus d'a Chrìosd-san; agus bithidh e 'n a Rìgh gu saoghal nan saoghal.

16 Agus thuit na ceithir seanairean fìchead, a bha 'n an suidhe air an caithrichibh 'am fianuis Dhé, sìos air an aghaidh, agus rinn iad aoradh do Dhia,

17 Ag ràdh, Bheireamaid buidheachas

duit-sa, O Thighearna Dhé uile-chumhachdaich, a tha, agus a bha, agus a bhith-eas; air son gu'n do ghabh thu do chumhachd mòr a d'ionnsuidh, agus gu'n de rìghich thu.

18 Agus bha fearg air na cinnich, agus thàinig d'fhearg-sa, agus am nam marbh gu'n tugadh breth orra, agus gu'n tugadh tusa duais do d' sheirbhiseich na fàidhean, agus do na naoimh, agus dhoibh-san air am bheil eagal d'ainme, do na big agus do na mòir, agus gu 'n sgriosadh tu iadsan a sgriosas an talamh.

19 Agus dh'fhosgadh teampull Dhé air nèamh, agus chunnacas ann a theampull àire a' choimhcheangail: agus bha dealanaich, agus guthan, agus tairneanaich, agus crith-thalmhainn agus clachan-meallain mòra ann.

CAIB. XII.

1 *Tha bean a bha sgeadachle leis a' ghréin ri saothair-chloinne: 4 tha'n dragon mòr dearg 'n a sheasamh fa comhair, ullamh gus a leanabh a shlugadh suas. 6 'N uair a dh'aiseadadh i, theich i do'n fhàsach. 7 Chog Michael agus 'aingil an aghaidh an dragon. 13 Tha an dragon, an dèigh a thilgeadh sìos air an talamh, a' dian-ruagadh na mnà.*

AGUS chunnacas iongantas mòr air nèamh, bean air a sgeadachadh leis a' ghréin, agus a' ghealach fa cosaibh, agus air a ceann crùn de dhà reult dheug.

2 Agus air dhi 'bhi torrach, ghlaodh i, ri saothair-chloinne, agus bha i air a pianadh chum a h-aisead.

3 Agus chunnacas iongantas eile air nèamh, agus, feuch, dragon mòr dearg, aig an robh seachd cinn, agus deich adhaircean, agus air a chinn seachd crùn.

4 Agus tharruing 'earball an treas cuid de reultaibh nèimh, agus thilg e iad chum na talmhainn: agus sheas an dragon fa chionn-air na mnà, a bha ullamh gu 'bhi air a h-aisead, chum a leanabh a shlugadh suas 'n uair a bheireadh i e.

5 Agus rug i leanabh mic, a bha gus na cinnich uile a riaghladh le slait iarunn: agus thogadh a leanabh suas chum Dhé, agus chum a rìgh-chaitheach-san.

6 Agus theich a' bhean do'n fhàsach, far am bheil aice ionad air ulluchadh le Dia, chum gu'm bitheadh i air a beathachadh an sin ré mìle agus dà cheud agus trì fichead là.

7 Agus bha cogadh air nèamh; rinn Michael agus 'aingil cogadh an aghaidh an dragon; agus chog an dragon agus 'aingil féin;

8 Agus cha d'thug iad buaidh, cha mhò a fhuaradh an àite nì's mò air nèamh.

9 Agus thilgeadh a mach an dragon mòr, an t-seann nathair sin, ris an abrar an diabhul agus Sàtan, a tha 'mealladh an t-saoghail uile: thilgeadh a mach e chum

na talmhainn, agus thilgeadh a mach 'aingil maille ris.

10 Agus chuala mi guth mòr ag ràdh air nèamh, A nis tha slainte agus neart, agus rioghachd ar Dé-ne, agus cumhachd a Chrìosd air teachd; oir thilgeadh sìos fear-casaidh ar bràithrean, a bha 'g an casaidh an làthair ar Dé-ne a là agus a dh'oidhche.

11 Agus thug iad buaidh air tre fhuil an Uain, agus tre fhocal am fianuis-san; agus cha do ghràdhaich iad an anaman féin gu bàs.

12 Uime sin bitheadh gairdeachas oirbh, O a nèamhan, agus oirbhse a tha 'n 'ur còmhnuidh anna. An-aobhlin do luchd-àiteachaidh na talmhainn, agus na fairge! oir thàinig an diabhl a nuas do 'ur n-ionnsuidh, agus fearg ro mhòr air, do bhrìgh gur fiosrach e nach 'eil aige ach ùine ghearr.

13 Agus an uair a chunnaic an dragon gu'n do thilgeadh e chum na talmhainn, rinn e geur-leannhuinn air a' mhnaoi a rug an leanabh mic.

14 Agus do'n mhnaoi thugadh dà sgéith iolair mòire, chum gu'n rachadh i air iteal-achaidh leo do'n fhàsach, chum a h-ionaid féin; far am bheil i air a h-altrum ré ainsir, agus aimsirean, agus leth-aimsir, o aghaidh na nathrach.

15 Agus thig an nathair as a beul uisge mar thuil, an déigh na nua, chum gu'n tugadh i oirre 'bhi air a giùlan air falbh leis an t-sruth.

16 Agus rinn an talamh còmhnaidh ris a' mhnaoi; agus dh'fhosgail an talamh a bheul, agus shluig e suas an tuil, a thig an dragon as a bheul.

17 Agus bha fearg air an dragon ris a' mhnaoi, agus chaidh e 'dhecanamh cogaidh ris a' chuid eile d'a sliochd, a tha 'coimhead àitheant Dhé, agus aig am bheil fianuis Iosa Crìosd.

CAIB. XIII.

1 *Dh'éirich fiadh-bheathach as an fhairge le seachd cinn agus deich adhaircean: dhàsan thug an dragon a chumhachd. 11 Thàinig fiadh-bheathach eile a nìos as an talamh, 14 agus thug e fainear dealbh a bhi air a dhean- amh do'n cheud fhiadh-bheathach, 15 agus gu'n deanadh daoine aoradh dha, 16 agus gu'n gabhadh iad a chomharadh.*

AGUS sheas mi air gaineimh na fairge, agus chunnaic mi fiadh-bheathach ag éirigh suas as an fhairge, aig an robh seachd cinn, agus deich adhaircean, agus air 'adhaircibh deich crùn, agus air a chinn ainm toibheim.

2 Agus bu chosmhuil am fiadh-bheathach a chunnaic mi ri liopaid, agus bha a chosan mar *chosuibh* math - ghanhain, agus a bheul mar bheul leòmhain: agus thug an dragon a neart, agus a chaithir, agus cumhachd mòr dha.

3 Agus chunnaic mi aon d'a chinn mar gu'm bitheadh e air a lotadh gu bàs; agus leighiseadh a lot bàsmhor: agus ghabh an talamh uile iongantais an déigh an fhiadh-bheathaich.

4 Agus rinn iad aoradh do'n dragon, a thug a chumhachd do'n fhiadh-bheathach: agus rinn iad aoradh do'n fhiadh-bheathach, ag ràdh, Cò a tha cosmhuil ris an fhiadh-bheathach? Cò a tha comasach air cogadh a dheanamh 'n a aghaidh?

5 Agus thugadh dha beul a' labhairt nith-ean mòra, agus thoibheum; agus thugadh cumhachd dha cogadh a dheanamh ré dhà mhìos agus dà fhichead.

6 Agus dh'fhosgail e 'bheul ann an toibheum an aghaidh Dhé, chum toibheum a thoirt d'a ainm, agus d'a phàillium, agus do'n dream a tha 'n an còmhnuidh air nèamh.

7 Agus thugadh dha cogadh a dheanamh an aghaidh nan naomh, agus buaidh a thoirt orra: agus thugadh dha cumhachd os ceann gach uile thrèibh, agus theangaidh, agus chinnich.

8 Agus ni iadsan uile, a tha 'n an còmhnuidh air an talamh, aoradh dha, aig nach 'eil an ainmean sgrìobhta ann an leabhar beatha an Uain, a mharbhadh o thoiseach an t-saoghail.

9 Ma tha cluas aig neach air bith, éisd-eadh e.

10 Ma bheir neach air bith ann am braighdeanas, thèid e féin 'am braidheanas: ma mharbhas neach air bith leis a' chlaidheamh, is éigin e féin a bhi air a mharbhadh ' leis a' chlaidheamh. Is ann an so a tha foighidin agus creidimh nan naomh.

11 Agus chunnaic mi fiadh-bheathach eile ag éirigh as an talamh; agus bha aige dà adhairc cosmhuil ri uan, agus labhair e mar dhragon.

12 Agus tha e a' cur 'an gnìomh cumhachd a' cheud fhiadh-bheathaich uile 'n a fianuis, agus tha e 'toirt air an talamh, agus orrasan a tha 'n an còmhnuidh ann, aoradh a dheanamh do'n cheud fhiadh-bheathach aig an robh a lot bàsmhor air a leighcas.

13 Agus tha e a' deanamh chomharan mòra, ionnus gu bheil e 'toirt air teime teachd a nuas o nèamh air an talamh, ann am fianuis dhaoine.

14 Agus tha e a' mealladh na dream a tha 'n an còmhnuidh air an talamh, leis na comhar-aibh sin a thugadh dha a dheanamh an làthair an fhiadh-bheathaich, ag ràdh ri luchd-àiteachaidh na talmhainn, ionhaigh a dheanamh do'n bheathach aig an robh an lot o 'n chlaidheamh, agus a bha beò.

15 Agus thugadh cumhachd dha beatha a thoirt do ionhaigh an fhiadh-bheathaich, ionnus gu'n labhradh ionhaigh an fhiadh-bheathaich, agus gu'n tugadh e fainear gu'm bitheadh a mheud as nach deanadh

aoradh do Ìomhaigh an fhìadh-bheathaich, air am marbhadh.

16 Agus tha e 'toirt air na h-uile *dhaoine*, araon beag agus mòr, saobhir agus bochd, saor agus daor, comharadh a ghabhail air an làimh dheis, no air clàr an eudain ;

17 Agus nach feudadh neach sam bith ceannach no reic, ach esan aig am bitheadh an comharadh, no ainm an fhìadh-bheathaich, no àireamh 'ainme.

18 An so tha gliocas. An ti aig am bheil tuigse, àirmheadh e àireamh an fhìadh-bheathaich : oir is àireamh duine e ; agus is e 'àireamh sè ceud agus trì fichead agus sè.

CAIB. XIV.

1 *An t-Uan 'n a sheasamh air sliabh Shìoin maille r'a chuideachd.* 6 *Tha aingeal a' searmonachadh an t-soisgeil.* 8 *Tuiteam Bhabail.* 15 *Foghar an t-saoghail, agus cur a' chorrain ann.* 20 *Foghar agus preas-fiona fèirne Dhé.*

AGUS dh'amhairc mi, agus, feuch, Uan 'n a sheasamh air sliabh Shìoin, agus maille ris ceud agus dà fhichead agus ceithir mìle, aig an robh ainm 'Athar-san sgriobhta air clàr an eudain.

2 Agus chuala mi guth o fhlaithneas, mar fhuaim mhòran uisgeachan, agus mar fhuaim tairneanaich mhòir ; agus chuala mi fuaimean chlàrsairean, a' deanamh ciùil le'n clàrsaichibh féin ;

3 Agus sheinn iad mar gu'm b'òran nuadh e an làthair na rìgh-chaitheach, agus an làthair nan ceithir bheathaichean, agus nan seanairean : agus cha b'urrainn neach sam bith an t-òran sin fhòghlum, ach an ceud agus dà fhichead agus na ceithir mìle, a shaoiradh o'n talamh.

4 Is iad so an dream nach do shalaidheadh le boirionnaich ; oir is òighean iad : is iad so an dream a tha 'leantuinn an Uain ge b'e àit an tèid e : shaoiradh iad so o mheasg dhaoine, 'n an ceud thoradh do Dhia, agus do'n Uan.

5 Agus 'n am beul cha d'fhuaradh cealg : oir tha iad gun lochd an làthair rìgh-chaitheach Dhé.

6 Agus chunnaic mi aingeal eile ag itealach ann am meadhan nèimh, aig an robh an soisgeul sìorruidh r'a shearmonachadh dhoibh-san a tha 'n an còmhnuidh air an talamh, agus do gach uile chinneach, agus thréibh, agus theangaidh, agus shluagh,

7 Ag ràdh le guth àrd, Bitheadh eagal Dhé oirbh, agus thugaibh glòir dha ; oir thàinig uair a bhreitheanas : agus dean-aibh aoradh dhàsan a rinn nèamh, agus talamh, agus an fhairege, agus na tobair uisge.

8 Agus lean aingeal eile, ag ràdh, Thuit, thuit Babilon, am baile mòr sin, do bhrìgh gu'n d'thug i air gach uile chinneach òl de fhìon feirge a striopachais.

9 Agus lean an treas aingeal iad, ag ràdh

le guth àrd, Ma ni neach air bith aoradh do'n fhìadh-bheathach, agus d'a Ìomhaigh, agus ma ghabhas e a chomharadh air clàr 'cudain, no air a làimh,

10 Olaidh esan de fhìon feirge Dhé, a tha air a dhòrtadh gun mheasgadh, ann an cupan 'fheirge-san ; agus bitheadh e air a phìanadh le teine agus prunnusc, 'am fianuis nan aingeal naomha, agus 'am fianuis an Uain.

11 Agus bithidh deatach am péine-san ag éirigh suas gu saoghal nan saoghal : agus cha-n'eil fois sam bith a là no dh'òidheche aca-san a ni aoradh do'n fhìadh-bheathach agus d'a Ìomhaigh, no aig neach air bith a ghabhas comharadh 'ainme-san.

12 An so tha foighidinn nan naomh : an so tha'n dream a choimhideas àitheantan Dhé, agus creidimh Iosa.

13 Agus chuala mi guth o nèamh, ag ràdh rium, Sgriobh, Is beannaichte na mairbh a gheibh bàs 's an Tighearn, á so a mach : Seadh, tha an Spiorad ag ràdh, chum gu faigh iad fois o'n saothair ; agus leanaidh an oibre iad.

14 Agus dh'amhairc mi, agus, feuch, neul geal, agus air an neul *neach* 'n a shuidhe cosmhuil ri Mac an duine, aig an robh crùn òir air a cheann, agus corran geur 'n a làimh.

15 Agus thàinig aingeal eile mach as an teampull, a' glaothaich le guth àrd ris an ti a bha 'n a shuidhe air an neul, Sàth a steach do chorrann, agus buain : oir thàinig àm dhuit buain ; oir tha foghar na talmhainn abuich.

16 Agus shàth an ti a bha 'n a shuidhe air an neul, a chorrann 's an talamh ; agus bluaineadh an talamh.

17 Agus thàinig aingeal eile mach as an teampull a tha air nèamh, agus corran geur aige-san mar an ceudna.

18 Agus thàinig aingeal eile mach o'n altair, aig an robh cumhachd os ceann teine, agus ghlaodh e le glaoth àrd ris an ti aig an robh an corran geur, ag ràdh, Sàth a steach do chorrann geur, agus cnuasaich baguidean fionain na talmhainn : oir tha a fion-dhearcann làn abuich.

19 Agus shàth an t-aingeal a chorrann 's an talamh, agus cnuasaich e fionain na talmhainn, agus thilg e i ann am fion-amar mòr feirge Dhé.

20 Agus shaltradh am fion-amar an taobh a muigh de'n bhaile, agus thàinig fuil a mach as an fhìon-amar, gu srìanaibh nan each, feadh mhìle agus shè ceud stàid.

CAIB. XV.

1 *Na seachd aingil leis na seachd plàighibh deireannach.* 3 *Oran na muinntir a bhuadaicheas air an fhìadh-bheathach.* 7 *Na seachd soitheichean làn de fheirg Dhé.*

AGUS chunnaic mi comharadh eile air nèamh, mòr agus ìongantach, seachd

a'ngil aig an robh na seachd plàighean deireannach; oir annta so tha fearg Dhé air a coimhionadh.

2 Agus chunnaic mi mar gu'm b'fhairge ghloine, air a measgadh le teine; agus iadsan a thug buaidh air an fhiadh-bheathach, agus air 'iomhaigh, agus air a chomharadh, agus air àireamh 'ainme, 'n an seasamh air an fhairge ghloine, agus clàrsaichean Dhé aca.

3 Agus tha iad a' seinn òrain Mhaois òglaich Dhé agus òrain an Uain, ag ràdh, *Is mòr, agus is iongantach d'oibre, a Thighearna Dhé uile-chumhachdaich; is ceart agus is fìor do shlighean-sa, a Rìgh nan naomh.*

4 Cò air nach bitheadh eagal romhad, O Thighearna, agus nach tugadh glòir do d'ainm? oir *is tusa a mhàin a tha naomh*: oir thig na h-uile chinnich, agus ni iad aoradh ann ad làthair; do bhrìgh gu bheil do bhrèitheanaidh air an deanamh follais-each.

5 Agus an déigh so dh'amhaire mi, agus, feuch, dh'fhosglaidh teampull pàilliuin na fianuis air nèamh.

6 Agus thàinig a mach as an teampull na seachd aingil, aig an robh na seachd plàighean, air an sgeadachadh le lion-eudach glan agus dealrach, agus air an crioslachadh mu'n uchd le criosaibh òir.

7 Agus thug aon de na ceithir bheathaichibh do na seachd aingil seachd soitlichean òir, làn de fheirg an Dé a tha beò gu saoghal nan saoghal.

8 Agus lionadh an teampull le deataich o ghloir Dhé, agus o 'chumhachd-san; agus cha b'urrainn neach sam bith dol a stigh do'n teampull, gus am bitheadh seachd plàighean nan seachd aingel air an coimhionadh.

CAIB. XVI.

1 Dhòirt na h-aingil a mach an soitlichean làn de fheirg: 6 Na plàighean a tha 'teantuinn air sin. 15 Thig Criod mar ghaduiche: is beannaichte iadsan a ni faire.

AGUS chuala mi guth mòr as an teampull, ag ràdh ris na seachd aingil, Imichibh, agus taomaibh soitlichean feirge Dhé air an talamh.

2 Agus dh'imich an ceud aingel, agus thaom e a shoitheach air an talamh; agus dh'èirich droch neasgaid nimhneach air na daoimibh sin aig an robh comharadh an fhiadh-bheathaich, agus *orra-san* a rinn aoradh d'a 'iomhaigh.

3 Agus thaom an dara aingel a shoitheach 's an fhairge; agus rinneadh i mar fhuil duine mhairbh: agus fhuair gach anam beò bàs anns an fhairge.

4 Agus thàom an treas aingel a shoitheach anns na h-aimhuicibh agus anns na tobraichibh uisge; agus rinneadh iad 'n am fuil.

5 Agus chuala mi aingel nan uisgeachan ag ràdh, Is cothromach thusa, O Thighearna, a tha, agus a bha, agus a bhithas, do bhrìgh gu'n d'thug thu breth air an dòigh so:

6 Oir dhòirt iadsan fuil naomh agus fhàidhean, agus thug thusa dhoibh fuil r'a h-òl; oir is toilleteanach iad.

7 Agus chuala mi neach eile o'n altair ag ràdh, Seadh, a Thighearna Dhé uile-chumhachdaich, is fìor agus cothromach do bhrèitheanaidh.

8 Agus thaom an ceathramh aingel a shoitheach air a' ghréin; agus thugadh *cumhachd* dha daoine a phianadh le h-ain-teas teime.

9 Agus bha daoine air an losgadh le teas mòr, agus thug iad toibheum do ainm Dhé, aig an bheil cumhachd air na plàighibh sin: agus cha d'rinn iad aithreachas, chum glòir a thoirt dhàsan.

10 Agus thaom an cùigeamh aingel a shoitheach air rìgh-chaitir an fhiadh-bheathaich; agus rinneadh a rìoghachd dorcha; agus chagainn *daoine* an teangar tre phéin,

11 Agus thug iad toibheum do Dhia nèimh air son am piantan agus an creuchdan, agus cha do ghabh iad aithreachas d'an gnìomhar-aibh.

12 Agus thaom an seathamh aingel a shoitheach air an amhainn mhòir Euphrates; agus thiormaicheadh a h-uisge, chum gu'n ulluichtadh slighe rìghrean na h-àirde 'n ear.

13 Agus chunnaic mi 'teachd a mach á beul an dragoin, agus á beul an fhiadh-bheathaich, agus á beul an fhàidh-bhréige, tri spioradan neòghlan, cosmhuil ri losguinn.

14 Oir is iad sin spioradan dheamhan, a' deanamh chomharan, a tha 'dol a mach chum rìghrean na talmhainn, agus an domhain uile, gu'n cruinneachadh chum catha là mhòir sin an Dé uile-chumhachdaich.

15 Feuch, tha mi a' teachd mar ghaduiche. Is beannaichte esan a ui faire, agus a ghleidheas 'eudach, chum nach imich e lomnochd, agus nach faic *daoine* a uaire.

16 Agus chruinnich e iad r'a chéile chum ionaid ris an abrar 's an Eabhra, Armagedon.

17 Agus thaom an seachdamh aingel a shoitheach 's an athar; agus thàinig guth mòr a mach á teampull uèimh, o'n rìgh-chaitir, ag ràdh, Tha e deanta.

18 Agus bha guthan, agus tairneanaich, agus dealanaich ann; agus bha crith mhòr thalmhainn ann, nach robh a leithid ann o bha daoine air an talamh, a samhail de chrith-thalmhainn co mhòr.

19 Agus bha am baile mòr air a roinn 'n a thri earrannaibh, agus thuit bailtean nan cinneach: agus thàinig Babilon mhòr 'an

cumhne an làthair Dhé, a thoirt di copau fiona fraoich 'fheirge.

20 Agus theich gach uile eilean as, agus cha d'fhuaradh na beanntan.

21 Agus thàinig clachan-meallain mòra a nuas o nèamh air daoinibh, *gach clach* co throm ri talànn: agus thug daoine toibheum do Dhia, air son plàigh nan clachau-meallain; oir bha am plàigh-san ro mhòr.

CAIB. XVII.

1 *Tha bean air a sgeadachadh le purpur agus scarlaid agus copan òir 'n a làimh, 'n a suidhe air an fhiadh-bheathach, 5 neach d's i Babilon mhòr, màthair nan gràineileachd. 9 Eudarmhineachadh nan seachd ceann, 12 agus nan d'ich adhaircean. 14 Buaidh an Uain; 16 agus peanas na striopaiche.*

AGUS thàinig aon de na seachd aingil aig an robh na seachd soitheichan, agus labhair e rium, ag ràdh rium, Thig an so; nochdaidh mi dhuit breitheanas na striopaiche mòire, a tha 'n a suidhe air mòran uisgeachan:

2 Ris an d'rinn rìghrean na talmhainn striopachas, agus aig an do chuireadh luchd-àiteachaidh na talmhainn air mhìsg le fion a striopachais.

3 Agus thug e leis mi anns an spiorad do'n fhàsach: agus chunnaic mi bean 'n a suidhe air fìadh-bheathach air dhath sèarlaid, làn de ainmibh toibheim, air an robh seachd cinn agus deich adhaircean.

4 Agus bha a' bhean air a sgeadachadh ann am purpur, agus ann an sèarlaid, agus air a deanamh breagha le h-òr, agus clach-aibh luachmhor, agus neamhnuidibh, agus copan òir aice 'n a làimh, làn de ghràineileachd agus de neò-ghloine a striopachais.

5 Agus air clàr a h-eudain *bha ainm sgrìobhta, RUN-DIOMHAIR, BABILON MHOR, MATHAIR NAN STRIOPACH AGUS GHRAINEILEACHDAN NA TALMHAINN.*

6 Agus chunnaic mi a' bhean air mhìsg le fuil nan naomh, agus le fuil fhianuisan Iosa: agus an uair a chunnaic mi i, ghabh mi iongantas le h-iongantas mòr.

7 Agus thubhairt an t-aingeal rium, C'ar son a ghabh thu iongantas? Innsidh mise dhuit rùn-diomhair na mnà, agus an fhiadh-bheathaich a tha 'g a giùlan, air am bheil na seachd cinn agus na deich adhaircean.

8 Am fìadh-bheathach a chunnaic thu, bha e, agus cha-n'eil e ann; agus éiridh e suas á slochd an dubh-aigein, agus théid e am mugha: agus gabhaidh luchd-àiteachaidh na talmhainn, (aig nach 'eil an ainmean sgrìobhta ann an leabhar na beatha o thoiseach an t-saoghail,) iongantas, 'n uair a chi iad am fìadh-bheathach a bha, agus nach 'eil, agus a bhitheas ann.

9 An so tha an intinn aig am bheil gliocas. Na seachd cinn is seachd sléibhtean iad, air am bheil a' bhean 'n a suidhe.

10 Is seachd rìghrean iad mar an ceudna: tha cùig *dhiubh* air tuiteam, agus tha h-aon ann: cha d'thàinig am fear eile fathast; agus an uair a thig e, is éigin da fantuinn ré ùine bhig.

11 Agus am fìadh-bheathach a bha, agus nach 'eil ann, is esan an t-ochdamh, agus tha e o'n t-seachdnar, agus théid e am mugha.

12 Agus na deich adhaircean a chunnaic thu, is deich rìghrean iad, nach d'fhuair rìoghachd fathast, ach a tha 'faotainn cumhachd mar rìghrean ré aon uaire maille ris an fhiadh-bheathach.

13 Tha aca sin aon intinn, agus bheir iad an neart agus an cumhachd do'n fhiadh-bheathach.

14 Ni iad sin cogadh an aghaidh an Uain, agus bheir an t-Uan buaidh orra: oir is esan Tighearn nan Tighearn, agus Rìgh nan Rìgh; agus *tha* an dream a tha maille ris, air an gairm, agus air an taghadh, agus dileas.

15 Agus tha e ag ràdh rium, Na h-uisgeachan a chunnaic thu, far am bheil an striopach 'n a suidhe, is slòigh, agus coimhlthionail, agus cinnich, agus teangan iad.

16 Agus na deich adhaircean a chunnaic thu air an fhiadh-bheathach, bheir iad sin fuath do'n striopaich, agus ni iad fàs i, agus lomnochd, agus ithidh iad a fèil, agus loisgidh iad i le teine.

17 Oir chuir Dia 'n an cridhe a thoil a choimhlionadh, agus a bhi dh'aon chomhairle, agus an rìoghachd a thoirt do'n fhiadh-bheathach, gus an coimhlionar briathran Dhé.

18 Agus is i a' bhean a chunnaic thu, am baile mòr sin, a tha 'rìoghachadh os ceann rìghrean na talmhainn.

CAIB. XVIII.

1 *Thuit Babilon: 4 thugadh àithne do phobull Dhé imeachd aise: 9 rinn rìghrean na talmhainn, 11 maille ris na ceannaicibh agus na maraichibh, bròn air a son: 20 rinn na naoimh guirdeachas air son breitheanaidh Dhé oirre.*

AGUS an déigh nan nithean so chunnaic mi aingeal eil 'teachd a nuas o nèamh, aig an robh cumhachd mòr; agus dhealraich an talamh le 'ghlòir.

2 Agus ghlaodh e gu làidir le guth mòr, ag ràdh, Thuit, thuit Babilon mhòr, agus rinneadh i 'n a h-àite-còmhnuidh dheamhan, 'n a prìosan do gach spiorad neòghlan, 'n a h-ionad cumail do gach eun neòghlan agus fuathmhor.

3 Oir dh'òl na h-uile chinnich de fhìon feirge a striopachais, agus rinn rìghrean na talmhainn striopachas rithe, agus rinneadh saoi bhir ceannaichean na talmhainn le pailteas a sògha.

4 Agus chuala mi guth eile o nèamh, ag ràdh, Thigibh a mach aisde, mo phobull,

chum nach bi sibh conhpàirteach d'a peacaibh, agus nach faigh sibh *cuid* d'a plàighibh;

5 Oir tha a peacaidhean air ruigheachd suas gu nèamh, agus chuimhnich Dia a h-eucartan.

6 Thugaibh ath-dhiòl di mar a dhiòl ise ribh, agus thugaibh dhi a dhà uiread, a réir a h-oibre: anns a' chupan a lion i, lonaibh a dhà uiread di.

7 A mheud as a ghldràich si i féin, agus a chaith i a beatha gu sòghail, co mòr as sin thugaibh dhi de pheanas agus de bhròn: oir tha i ag ràdh 'n a eridhe féin, Tha mi a'm' shuidhe a'm' bhan-righinn, agus cha bhantrach mi, agus cha-n fhaic mi bròn.

8 Uime sin ann an aon là thig a plàighean, bàs, agus bròn, agus gorta; agus loisgear i gu tur le teine: oir is neartmhor au Tighearn Dia a bheir breth oirre.

9 Agus ni rìghrean na talmhainn, a rinn strìopachas agus a chaith am beatha gu sòghail maille rithe, gul agus caoidh air a son, 'n uair a chi iad deatach a losgaidh,

10 A' seasamh fad as, tre eagal a peanaiss, ag ràdh, Mo thruaighe, mo thruaighe! a' chaithir mhòr sin Babilon, a' chaithir threun sin! oir ann an aon uair thàinig do bhreith-eanas.

11 Agus ni ceannaichean na talmhainn gul agus caoidh air a son; oir cha cheannaich neach sam bith ann bathar ni's mò.

12 Bathar òir, agus airgid, agus chlach luachmhor, agus neamhnuidean, agus lìon-eudaich ghrinn, agus phurpur, agus shìoda, agus sàrlaid, agus gach uile ghnè fhiodha thùine, agus gach uile ghnè shoithichean ibhori, agus gach uile ghnè shoithichean fiodha ro luachmhor, agus umha, agus iar-uinn agus mharmoir,

13 Agus canal, agus nithean deadh-fhàile, agus oladh-ungaidh, agus tùis, agus fion, agus oladh, agus min mhìn, agus cruithneachd, agus ainmhidhean, agus caoraich, agus eich, agus carbadan, agus tràillean, agus anaman dhaoine.

14 Agus dh'imich na toraidhean air an robh mòr dhéidh d'anama, uait, agus dh'imich na h-uile ni annasach agus maiseach uait, agus cha-n fhaigh thu iad ni's mò.

15 Seasaidh ceannaichean nan nithean so a rinneadh saobhair leatha, 'am fad, air eagal a peanaiss, a' gul agus a' caoidh,

16 Agus ag ràdh, Is truagh, am baile mòr sin, a bha air a sgeadachadh le lìon-eudach grinn, agus purpur, agus sàrlaid, agus a bha air a dheanamh breagha le h-òr, agus le clachaibh luachmhor, agus le neamhnuidibh!

17 Oir ann an aon uair thugadh saobhbheas cò mòr gu neo-ni. Agus sheas gach uile long-mhaighstir, agus gach uile chuideachd a théid air longaibh, agus na seòladairean,

agus a' mheud 's a ni gnothuichean air fàirge, 'am fad,

18 Agus ghlaodh iad, an uair a chunnaic iad deatach a losgaidh, ag ràdh, Cò e am baile a's cosmhuil ris a' bhaile mhòr so?

19 Agus thilg iad duslach air an cinn, agus ghlaodh iad, a' gul agus a' caoidh, ag ràdh, Is truagh, is truagh, am baile mòr sin, anns an d'rinneadh saobhair iadsan uile aig an robh longan air an fhairge, tre a ghreadh-naehas-san! oir ann an aon uair dh'fhàsaich-eadh e.

20 Dean gairdeachas os a cheann, o a nèamh, agus sibhse abstola naomha agus fhàidhean; oir dhiòl Dia sibhse air.

21 Agus thog aingeal treun clach mar chloich-mhuilinn mhòir, agus thilg e's an fhairge i, ag ràdh, Is ann mar so le neart a thilgear sìos am baile mòr sin Babilon, agus cha-n fhaighear e ni's mò.

22 Agus cha chluinnear annad ni's mò fuaim chlàrsairean, agus luchd-ciùil, agus phiobairean, agus thrompadairean; agus cha-n fhaighear annad ni's mò fear-ceird, de ghnè ceirde sam bith; agus cha chluinnear fuaim cloiche-muilinn annad ni's mò;

23 Agus cha soillsich solus coimne annad ni's mò; agus cha chluinnear annad ni's mò guth fear-bainne no bean-bainne: oir b'iad do cheannaichean daoine mòra na talmhainn; agus le d' dhruidhreachd bha na h-uile chinnich air am mealladh:

24 Agus fhuaradh ann fuil fhàidhean, agus naomh, agus nan uile *dhaoine* a mharbhadh air an talamh.

CAIB. XIX.

1 *Tha Dia air a chliathachadh, air son gu'n d'thug e breth air an strìopach mhòir, agus gu'n do dhiòl e fuil a naomh. 7 Banais an Uain, &c.*

AGUS an déigh nan nithean so, chuala mi guth ara mhòr-shluaigh air nèamh, ag ràdh, Aleluia; Slainte, agus glòir, agus urram, agus cumhachd do'n Tighearn ar Dia-ne:

2 Oir is fìor agus is cothromach a bhreith-eanaiss; oir thug e breth air an strìopach mhòir, a thruaill an talamh le a strìopachas, agus dhiòl e fuil a sheirbhiseach féin air a làimh.

3 Agus a ris thubhairt iad, Aleluia. Agus chaidh a deatach suas gu saoghal nan saoghal.

4 Agus thuit na ceithir seanairean fichead, agus na ceithir bheò-chreutairean sìos, agus rinn iad aoradh do Dhia, a bha 'n a shuidhe air an rìgh-chaithir, ag ràdh, Amen; Aleluia.

5 Agus thàinig guth a mach o'n rìgh-chaithir, ag ràdh, Molaibh ar Dia-ne, sibhse uile a's seirbhiseich dha, agus air an bheil 'eagal-san, cadar bheag agus mhòr.

6 Agus chuala mi mar ghuth mòr-shluaigh, agus mar fhuaim mhòran uisgeachan, agus

mar thoirm tairneanaich chumhachdaich, ag ràdh, Alcluia: oir tha an Tighearn Dia uile-chumhachdach a' rioghachadh.

7 Bitheamaid aoibhinn agus deanamaid gairdeachas, agus thugamaid glòir dhàsan: oir thàinig pòsadh an Uain, agus dh'ulluich a bhean i féin.

8 Agus thugadh dhi gu'm bitheadh i air a sgeadachadh le lìon-eudach grinn, glan agus dealrach: oir is e an lìon-eudach grinn fireantachd nan naomh.

9 Agus thubhairt e rium, Sgrìobh, *Is* beannaichte iadsan a tha air an cuireadh gu suipeir-bainnse an Uain. Agus thubhairt e rium, *Is* iad so briathran fìrinneach Dhé.

10 Agus thuit mi sìos aig a chosaibh chum aoradh a dheanamh dhà: agus thubhairt e rium, Feuch nach dean thu e: is comh-sheirbhiseach dhuit féin mise, agus do d' bhràithribh aig am bheil fianuis Iosa: dean aoradh do Dhia: oir is i fianuis Iosa spiorad na fàidheadaireachd.

11 Agus chunnaic mi nèamh air fhosgladh, agus, feuch, each geal; agus ghoireadh de'n tì a shuidh air Dìleas, agus Fìor; agus ann am fireantachd tha e'deanamh breitheanais agus cogaidh.

12 Agus *bha* a shùilean mar lasair theine, agus air a cheann *bha* mòran chrùn; agus bha ainm aige sgrìobhta, nach b'aithe do neach sam bith ach e féin;

13 Agus bha e air a sgeadachadh le trusgan tunta ann am fuil: agus is e'n t-ainm a ghoirear dheth, FOCAL DHE.

14 Agus lean na h-armailtean a bha air nèamh e air eachaibh geala, air an sgeadachadh le lìon-eudach grinn, geal agus glan.

15 Agus as a bheul tha claidhean geur a' dol a mach, chum gu'm buailleadh e na cinnich leis; agus riaghlaidh e iad le slait iarainn: agus tha e a' saltradh fion-amair fraoich feirge an Dé uile-chumhachdaich.

16 Agus tha aige air a thrusgan agus air a léis ainm sgrìobhta, RIGH NAN RIGH, AGUS TIGHEARN NAN TIGHEARN.

17 Agus chunnaic mi aingeal àraidh 'n a sheasamh 's a' ghréin; agus ghlaodh e le guth àrd, ag ràdh ris an eumlaith uile, a bha 'g itealaich ann am meadhon nèimh, Thigibh, agus cruinnichibh sibh féin chum suipeir an Dé mhòir;

18 Chum gu'n ith sibh feòil rìghrean, agus feòil àrd-cheannard, agus feòil dhaoine cumhachdach, agus feòil each agus na muinntir a shuidheas orra, agus feòil nan uile *dhaoine*, araon saor agus daor, araon beag agus mòr.

19 Agus chunnaic mi am fiadh-bheathach, agus rìghrean na talmhainn, agus an armailtean air an cruinneachadh, a dheanamh cogaidh an aghaidh an tì a bha 'n a shuidhe air an each, agus an aghaidh 'armailt-san.

20 Agus ghlacadh am fiadh-bheathach, agus maille ris-san am fàidh-bréige a rinn mìorbhuilean 'n a làthair, leis an do mheall e an dream a ghabh orra comharadh an fhiadh-bheathaich, agus iadsan a rinn aoradh d'a ìomhaigh. Thilgeadh iad sin 'n an dithis beò ann an loch teine a' dearg-lasadh le pronnusc.

21 Agus mharbhadh a' chuid eile le claidheamh an tì a bha 'n a shuidhe air an each, a thàinig a mach as a bheul: agus bha an cunlaith uile air an lìonadh le'm feòil.

CAIB. XX.

1 *Sàtan ceangailte rè mhìle bliadhna.* 5 *A' cheud aiseirigh:* 6 *tha iad beannaichte aig am bheil cuid dhith.* 7 *Sàtan a ris air fhuasgladh.* 8 *Gog agus Magog.* 10 *Thilgeadh an Diabhal do'n loch theine agus phronnaisc.* 12 *An aiseirigh dheireannach agus choitcheann.*

A GUS chunnaic mi aingeal a' teachd a nuas o nèamh, agus iuchair sluichd an dubh-aigein aige, agus slabhraidh mhòr 'n a làimh.

2 Agus rug e air an dragon, an t-scann nathair nimhe sin, a's e an diabhal agus Sàtan, agus cheangail e ré mhìle bliadhna;

3 Agus thilg se e do shlochd an dubh-aigein, agus dhùin e stigh e, agus chuir e seula air, chum nach mealladh e na cinnich tuilleadh, gus an crìochnaichteadh am mìle bliadhna: agus an dèigh sin, is éigin gu'm fuasgailear e ré ùine bhig.

4 Agus chunnaic mi rìgh-chaithearchean, agus shuidh iad orra, agus thugadh breitheanas doibh: agus *chunnaic mi* anaman na muinntir de 'n do chuireadh na cinn air son fianuis Iosa, agus focail Dhé, agus nach d'rinn aoradh do'n fhiadh-bheathach, no d'a ìomhaigh, agus nach do ghabh a chomharadh air clàr an eudain, no air an làmhann; agus bha iad beò, agus rìghich iad maille ri Crìosd ré mhìle bliadhna.

5 Ach cha d'ath-bheothaichheadh a' chuid eile de na mairbh gus an robh na mìle bliadhna air an crìochnachadh. *Is i so a' cheud aiseirigh.*

6 *Is* beannaichte agus *is* naomh an tì aig am bheil cuid anns a' cheud aiseirigh: orra so cha-nèil cumhachd aig an dara bàs; ach bithidh iad 'n an sagartaibh do Dhia, agus do Chrìosd, agus rìghichidh iad maille ris mìle bliadhna.

7 Agus an uair a chrìochnaichear am mìle bliadhna, fuasgailear Sàtan as a phrìosan,

8 Agus thèid e mach a mhealladh nan cinneach, a tha ann an ceithir chearnuaibh na talmhainn, Gog agus Magog, chum an cruinneachadh gu cath; muinntir a tha ann an àireamh mar ghaineimh na fairge.

9 Agus chaidh iad suas air leud na talmhainn, agus chuairtich iad camp nan naomh, agus am baile ionmhuim: agus thàinig teine nuas o Dhia á nèamh, agus chuir e as doibh.

10 Agus thilgeadh an diabhal a mheall iad, 's an loch theineagus phronnuise, far am bheil am fiadh-bheathach, agus am fàidh-bréige, agus bithidh iad air am pianadh a là agus a dh'oidhche, gu saoghal nan saoghal.

11 Agus chunnaic mi rìgh-chaitheir mhòr gheal, agus an ti a shuidh oirre, neach aig an do theich nèamh agus talamh o a ghnùis; agus cha d'fhuaradh àite dhoibh.

12 Agus chunnaic mi na mairbh, beag agus mòr, 'n an seasamh 'am fianuis Dhé; agus dh'fhosggladh na leabhraichean: agus dh'fhosggladh leabhar eile, eadhon leabhar na beatha: agus thugadh breith air na mairbh as na nithibh sin a bha sgrìobhta 's na leabhraicheibh, a réir an gnìomharan.

13 Agus thug an fhairege uaipe na mairbh a bha imte; agus thug am bàs agus an uaigne uatha na mairbh a bha anuta: agus thugadh breith orra gach aon a réir an gnìomharan.

14 Agus thilgeadh am bàs agus ifrinn do 'n loch theine: Is e so an dara bàs.

15 Agus ge b'e air bith nach d'fhuaradh sgrìobhta ann an leabhar na beatha, thilgeadh e 's an loch theine.

CAIB. XXI.

1 Nèamh nuadh agus talamh nuadh. 10 An Ierusalem nèamhaidh, maille ri lìn-mhèineachadh oirre: 23 cha-n'eil feum aice air grèin; oir is i glòir Dhé a solus. 24 Tha rìghrean na talmhainn a' toirt an saoihbheis d'a h-ionnsuidh.

A GUS chunnaic mi nèamh nuadh, agus talamh nuadh: oir chaidh an ceud nèamh agus an ceud talamh thairis; agus cha robh fairege ann nì's mò.

2 Agus chunnaic mise Eoin am baile naomh, Ierusalem nuadh, a' teachd a nuas o Dhia á neamh, air ulluchadh mar bhean-bainne air a sgeadachadh fa chomhair a fir.

3 Agus chuala mi guth mòr á nèamh ag ràdh, Feuch, tha pàillium Dhé maille ri daoineibh, agus nì esan còmhnuidh maille riu, agus bithidh iadsan 'n an sluagh dha, agus bithidh Dia féin maille riu, agus 'n a Dhia dhoibh.

4 Agus tiorraichidh Dia gach deur o'n sùilibh; agus cha bhi bàs ann nì's mò, no bròn, no éigheach, agus cha bhi pian ann nì's mò; oir chaidh na ceud nithean thairis.

5 Agus thubhairt an ti a bha 'n a shuidhe air an rìgh-chaitheir, Feuch, tha mi a' deanamh nan uile nithean nuadh. Agus thubhairt e rium, Sgrìobh, oir tha na briathran so firinneach agus dilcas.

6 Agus thubhairt e rium, Tha e deanta. Is mise Alpha agus Omega, an tùs agus a' chrìoch: bheir mi dhàsan air am bheil tart, de thobar uisge na beatha gu saor.

7 Sealbhaichidh an ti a bheir bunaidh na h-uile nithean; agus bithidh miso 'n 'n' Dhia dhàsan agus bithidh esan 'n a mhaic dhomh sa,

8 Ach aig an dream sin a tha gealtach, agus mi-chreidmheach, agus gràineil, agus aig luchd mortaidh, agus strìopachais, agus druidheachd, agus iodhol-aoraidh, agus aig na h-uile bhreugairibh, bithidh an cuibhriom anns an loch a tha 'dearg-lasadh le teine agus pronnuse; nì a's e an dara bàs.

9 Agus thàinig a m' ionnsuidh aon de na seachd ainglibh, aig an robh na seachd soithichean làn de na seachd plàighlibh deireannach, agus labhair e rium, ag ràdh, Thig an so, nochdaidh mise dhuit a' bhean nuadh-phòsda, bean an Uain.

10 Agus thug e leis mi anns an spiorad gu beinn mhòir agus àird, agus dh'fheuch e dhomh am baile mòr sin, Ierusalem naomh, a' teachd a nuas á nèamh o Dhia,

11 Aig an robh glòir Dhé: agus bha a shoillse cosmhuil ri cloich ro luachmhoir, mar chloich Iaspis, soilleir mar chrìostal;

12 Agus bha balla mòr agus àrd aig, air an robh dà gheata dheug, agus aig na geataibh dà aingeal dheug, agus ainmean sgrìobhta orra, eadhon ainmean dà thréibh dheug chloinn Israeil.

13 Air an taobh an ear, trì geatachan; air an taobh thuath, trì geatachan; air an taobh deas, trì geatachan; agus air an taobh an iar, trì geatachan.

14 Agus bha aig balla a' bhaile dà bhunait dheug, agus amta-sain ainmean dà abstol deug an Uain.

15 Agus bha aig an ti a labhair rium, cuile-shlat òir, chum gu'n tomhaiseadh e am baile, agus a gheatachan, agus a bhalla.

16 Agus thia am baile 'n a luidhe ceithir-chearnach, agus tha 'fhad co mòr r'a leud: agus thomhais e am baile leis a' chuire-shlait, dà mhìle dheug stàide: is ionann fad, agus leud, agus àirde dha.

17 Agus thomhais e a bhalla, ceud agus dà fhichead agus ceithir lùghan-coille, a réir tomhais duine, eadhon an aingil.

18 Agus bha a bhalla air a thogail de chloich Iaspis; agus b'òr fìor-ghlan am baile, cosmhuil ri gloine shoilleir.

19 Agus bha bunaitan balla a' bhaile air an deanamh sgiamhach leis gach uile ghnè chlachan luachmhor. Bu iaspis an ceud bunait; bu shaphir, an dara; bu chalcedon, an treas; bu emerald, an ceathramh bunait;

20 Bu shardonics, an cùigeamh; bu shardius, an seachdamh; bu chrisolit, an seachdamh; bu bheril, an t-ochdamh; bu topas, an naothamh; bu chrisoprasus, an deichdeamh; bu hiacint, an t-aon deug; bu ametist, an dara bunait deug.

21 Agus an dà gheata dheug bu dà neamh-nuid dheug iad; bha gach aon fa leth de na geataibh air a' dheanamh de aon neamh-nuid: agus b'òr fìor-ghlan sràid a' bhaile, mar ghloine shoilleir.

22 Agus cha-n fhaca mi teampull ann: oir

is e'n Tighearn Dia uile-chumhachdach, agus an t-Uan a's teampull da.

23 Agus cha-n'eil feum aig a' bhaile air a' ghréin, no air a' ghealaich a dhealachadh ann: oir shoillsich glòir Dhé e, agus is e an t-Uan a's solus da.

24 Agus gluaisidh cinnich na muinntir sin a shaorair 'n a sholus: agus bheir rìghrean na talmhainn an glòir agus an urram d'a ionnsuidh.

25 Agus cha dùinear a gheatachan's an là oir cha bhi oidhe an sin.

26 Agus bheirair glòir agus urram nan cinneach d'a ionnsuidh.

27 Agus cha téid air chor sam bith a steach ann ni air bith a shalaicheas, no a dh'òibricheas gràineileachd, no a ni breug: ach iadsan a mhàin a tha sgrìobhta ann an leabhar beatha an Uain.

CAIB. XXII.

1 *Amhainn uisge na beatha, 2 craobh na beatha, 5'S e Dia féin solus na caithreach. 9 Chan fhulaing an t-aingeal aoradh a dheanamh dha. 18 Chan fheudar ni sam bith a chur ri focal Dhé, no 'thoirt uaidh.*

AGUS dh'fheuch e dhomh amhainn fhìor-ghlan de uisge na beatha, soilleir mar chrìostal, a' teachd a mach á rìgh-caithir Dhé, agus an Uain.

2 Ann am meadhan sràide na caithreach, agus air gach taobh de'n amhainn, *bha* craobh na beatha, a' giùlan dà *ghnè* dheug thoraidd, agus a' toirt a toraidh uaipe gach uile mhìos; agus *bha* duilleadh na craoibhe chum leighis nan cinneach.

3 Agus cha bhi mallachd air bith ann nì's mò: ach bithidh rìgh-caithir Dhé agus an Uain innte; agus ni a sheirblisich seirblis da.

4 Agus chi iad 'aghaidh; agus *bithidh* 'ainm-san air clàr an cudain.

5 Agus cha bhi oidhe an sin, agus cha-n'eil feum aca air coinnil, no air solus na gréine; oir bheir an Tighearn Dia solus doibh: agus rìghichidh iad gu saoghal nan saoghal.

6 Agus thubhairt e rium, *Tha* na briathran so dìleas agus fìrinneach. Agus chuir an Tighearn, Dia nam fàidhean naomha, 'aingear féin a nochdadh d'a sheirblisich na nithean sin a's éigin tachairt gu h-aithghearr.

7 Feuch, tha mi a' teachd gu luath: is beannaichte an ti a choimhideas briathran fàidheadaireachd an leabhair so.

8 Agus chunnaic mise Eòin na nithean so, agus chuala mi iad: agus an uair a chuala agus a chunnaic mi *iad*, thuit mi sìos a'

deanamh aoraidh aig cosaibh an aingil, a nochd na nithean so dhomh.

9 An sin thubhairt e rium, Feuch nach *dean thu e*: oir is comh-sheirbhiseach dhuit mise, agus do d' bhràithribh na fàidhean, agus dhoibh-san a choimhideas briathran an leabhair so: dean aoradh do Dhia.

10 Agus thubhairt e rium, Na seulaich focail fàidheadaireachd an leabhair so: oir tha an t-àm am fagus.

11 An ti a ni eucoir, deanadh e eucoir a ghnàth: agus an ti a tha salach, bitheadh e salach a ghnàth: agus an ti a tha 'n a fhìrean, bitheadh e 'n a fhìrean a ghnàth: agus an ti a tha naomh, bitheadh e naomh a ghnàth.

12 Agus, feuch, tha mi a' teachd gu h-aithghearr; agus tha mo luach-saoithreach maille rium, a thoirt do gach aon fa leth, a réir mar a bhitheas a gliniomharan.

13 Is mise Alpha agus Omega, an toiseach agus a' chrìoch, an ceud *neach* agus an *neach* deireannach.

14 Is beannaichte iadsan a ni 'àitheantas, chum gu'm bi còir aca air craoibh na beatha, agus gu'n téid iad a stigh tre na geataibh do'n bhaile.

15 Oir an taobh a muigh *tha* madraidh, agus luchd-druidheachd, agus luchd-striopachais, agus luchd-mortaidh, agus luchd ìodhol-aoraidh, agus gach neach a ghràdh-aicheas agus a ni breug.

16 Chuir mise Iosa m'aingear a dheanamh fianuis duibhse air na nithibh so anns na h-eaglaisibh. Is mise freumh agus gineal Dhaibhidh, an reult dhealrach agus mhaidne.

17 Agus tha an Spìrad agus a' bhean nuadh-phòda ag ràdh, Thig. Agus abradh an ti a chluinneas, Thig. Agus an neach air am bheil tart, thigeadh e. Agus ge b'e neach leis an àill, gabhadh e uisge na beatha gu saor.

18 Oir tha mi 'deanamh fianuis do gach uile neach a chluinneas briathran fàidh eadaireachd an leabhair so, Ma chuireas neach air bith ris na nithibh so, cuiridh Dia airsan na plàighean a tha sgrìobhta anns an leabhar so:

19 Agus ma bheir neach air bith o bhriathraibh leabhair na fàidheadaireachd so, bheir Dia a chuibhrionn-san á leabhar na beatha, agus as a' bhaile naomh, agus as na nithibh a tha sgrìobhta anns an leabhar so.

20 Tha an ti a tha 'toirt fianuis air na nithibh so ag ràdh, Gu deimhin tha mi a' teachd 'an aithghearr. Amen. Seadh, thig, a Thighearna Iosa.

21 Gràs ar Tighearna Iosa Crìosd *gu robh* maille ribh uile. Amen.

SAILM DHAIBHIDH,

ANN AN

DAN GAIDHEALACH.



EDINBURGH:

PRINTED FOR

THE NATIONAL BIBLE SOCIETY OF SCOTLAND.

SAILM DHAIBHIDH.

SALM I.

- 1 **S** BEANNAICHT' an duine sin nach
'an comhairle nan daoib, [gluais
'An slighe fhiair nan peacach baoth',
'n a sheasamh fòs nach bi;
'An caithir fanoid luchd an spòrs
nach togair suidh' gu bràth:
2 Ach 'g am bheil toil do naomh-reachd
'g a smuaineach' oidhch' is là. [Dhé,
3 Mar chraoibh is amhluidh bithidh e
'n cois aimhne fàs a ta,
A bheir 'n a h-ainsir toradh trom,
gun duilleach chall no blath.
Soirbhichidh leis gach ni d'an dean:
4 ni h-amhluidh sin do bhi
Na daoine peacach; ach mar mhol
air fhuadachadh le gaoith.
5 Is uime sin cha seas a suas
na h-aingidh anns a' bhreth,
No peacaich ann an comunn naomh
nam fireanach air leth.
6 Oir 's fìosrach Dia air slighe ghloin
nam fireanach air fad;
Ach slighe fhair nam peacach baoth',
Di-mhilltear i gu grad.

SALM II.

- 1 **C'** ARSON a ghabh na Cinnich boil',
's na slòigh le chèile cruinn,
A'smuaincachadh beairt dhìomhanaich,
nach feudar chur an suim?
2 Rìghre na talmhainn dh'èirich suas,
's na h-uachdaran gu léir;
'N aghaidh Iehobhah chruinnich iad;
's 'n aghaidh aoine ungta Dé.
3 Nis briseamaid an cuibhreach dhinn,
(sud thubhairt iad air fad.)
Na boinn a b'aill leo iadhadh oirnn,
dhinn tilgeamaid gu grad.
4 An Ti air nèamh 'n a shuidhe ta,
ni csaan gàire riu;
Is mar chluis-mhagaidh bithidh iad
do Thighearn àrd nan dùl.
5 'N sin labhraidh e am briathraibh borb
'n a chorruich riu gu garg;
Is cuiridh e gu cabhaig iad,
le lasan is le feig.
6 Gidheadh do dh'ungadh leam mo Rìgh
gu fìor air Sion caomh;
Is ehir mi e 'n a uachdaran
suas air mo thulaich naoimh.
7 Cuiridh mi 'n cèill an t-ordugh ud;
thubhairt Iehobhah rium,

- Is tu mo mhacsa; 's ann an diugh
a ghineadh thusa leam.
8 Iarr orm, 's mar oighreachd bheir mi
na fineacha gu léir: [dhuit
'S mar sheilbh ro-dhìleas bheir mi dhuit,
fad iomail crìch' gach tìr.
9 Nithear le slait de'n iarunn chruaidh,
gu luath am briseadh leat;
'N am bloighdibh beaga pronnar iad,
mar phota crè le d' neart.
10 O rìghrean, uime sin, a nis,
gabhaibh-sa ciall gu léir;
A bhreitheamhna na talmhainn fòs,
grad-fhoghlumaibh deadh bheus.
11 Do'n Tighearna Iehobhah mòr
aoraibh-sa sìos gu ceart,
Le h-eagal deanaibh scribedh mhaith
do Thighearna nam feart,
'S le ball-chrith deanaibh gairdeachas.
12 Do'n mhac grad-thugaibh pòg,
Air eagal gu las 'fheargsan ruibh,
g'ur milleadh anns an ròd.
An uair a bhitheas corruich air
a' lasadh ach gu beag.
Is beannaicht' iad, gach uile neach,
an dòchas air a leag.

SALM III.

- 1 **N**ACH lionmhor iad mo naimhde, Dhia
sior-dhol am meud gach là?
Is luchd mo thrioblaid iomadh iad,
ag éiridh rium a ghnàth.
2 Rì m'anam iomadh their nach 'eil
aon flurtachd aig an Dia:
3 Ach 's tu fear-togalach mo chinn,
mo ghloir, is tu mo sgiath.
4 Air Dia do ghairm mi féin le m' ghuth,
dh' éisd as a thulaich naoimh:
5 Luidh, choidil, agus mhosgail mi,
chum Dia mi suas gu caomh.
6 Cha-n eagal leam deich mìle sluagh,
ged chuairticheadh iad mi.
7 Mo Thighearn éirich suas gu luath,
is cuidich leam, a Dhé:
Mo naimhde bhuail thu air an gial;
bhris fiacla fòs nan daoib.
8 'S le Dia an flurtachd: air do shluagh
do bheannachd tha gun dìth.

SALM IV.

- 1 **O** THUSA Dhia ud m'ionracais,
éisd rium tràth éigheam riut;
'S tu dh'fhuasgail orm 's mi ann an teinn;
fòir orm, is éisd mo scread.

SALM V, VI, VII.

- 2 Mo ghàidh cia fhad, a chlann nan daoine,
gu nàire chaoch'leas sibh ?
A' tabhairt gràidh do dhiomhanas,
is leanas breugan ruibh ?
- 3 Biodh agaibh fios gu'n d' ròghnuich Dia
dha fèin an duine naomh ;
'N uair dh'èigheas mi, bheir e gu beachd
sar-èisdeachd do mo ghlaodh.
- 4 Biodh eagal oirbh 's na deanaibh lochd :
labhraibh ri 'ur cridh' fèin,
Gu h-uaigneach air 'ur leabaichibh
bibh tosdach mar an ceudn'.
- 5 Deadh iobairt thaitneach thugaibh naibh,
do'n ionracas a ghnàth ;
'S 'ur dòchas cuiribh ann an Dia,
ag earbsadh as gach là.
- 6 Ni maith co nochdas duinn a nis ?
tha mòran ac' ag ràdh :
Ach dealradh glan do ghnùise, Dhé,
tog oirne suas a ghnàth.
- 7 'S mò chuir thu dh'aobhneas ann am
no'n uair a's lionmhoir coire, [chridh'],
No, aca sud, a's saoihbhe fion
a' cinneachduinn gun aire.
- 8 An sìth-shàimh luidhidh mi faraon,
is coildidh mi le suain :
Oir's tusa mhàin bheir dhomh, a Dhé,
fo dhìdean, còmhnuidh bhuan.

SALM V.

- 1 **D**O m' bhriathraibh tabhair aire, Dhé,
is beachdaich air mo smuain.
- 2 Eisd guth mo ghlaoidh, mo Rìgh 's mo
oir guidheam ort gu dian. [Dhia.]
- 3 Mo ghuth do chluinnear leat, a Dhé,
air maduinn gach aoine là :
Gu moch do dheanam urnuigh riut,
is dearcam ort a ghnàth.
- 4 Cha tus' an Dia le 'm miann an t-ole ;
is lochd cha chaidir thu :
- 5 Cha seas an t-amadan a'd làth'r ;
's fuath leat luchd-mìle nach fù.
- 6 Do sgriosar leat luchd-labhairt bhreug :
is gràin le Dia faraon
An duine fuileachdach, 's an tì
chum cealgaircachd a chlaon,
- 7 Ach mise, thig mi chum do theach,
thaobh meud do ghràsa caomh' :
Is ann ad eagal aoraidh mi,
m'aghaidh ri d' theampull naomh.
- 8 Fa chùis mo naimhde, treòraich mi,
a'd' cheartas naomh, a Dhé,
Is deansa romham, air gach ball,
do shlighe dìreach rèidh.
- 9 Oir cha-n 'eil cinnt no ceart 'n am beul,
fior-aingeachd ann ta ;
An sgòrnan fosgailt' tha mar uaigh,
le mìodan teangaidh tlàth.
- 10 Le'n comhairlibh leig tuitcam dhoibh ;
sgrios iad, a Dhé, 'n an lochd :
'N am peacaibh lionmhor fuaideach iad,
oir riun iad ceannaire ort.

- 11 Ach aobhneas air gach neach gu robh
ni barrant dhiot 'n an aire :
Is deanadh iad buan ghairdeachas,
oir ni thu dhoibh cùl-taic' :
Biodh annad ait, le'n ionmhuinn d'ainm,
- 12 oir beannaichidh tu, Dhé,
Am firean : ni thu le do ghràs
a chuairteach', mar le sgèith.

SALM VI.

- 1 **A** THIGHEARN, ann ad chorruidh
Na dean mo smachdachadh gu geur,
an uair a lasas d'fhearg.
- 2 Dean tròcair orm, a Dhia nan gràs,
oir lag tha mi gun cheisd :
Dhia, slànuidh mi a nis a'm' fheum,
oir tha mo chnàmhan brist'.
- 3 Tha m'anam air a chràdh gu geur :
ach thusa, Dhé, cia fhad ?
- 4 Pill, fuasgail m'anam ; agus fòir
le tròcair orm gu grad.
- 5 Oir ort, a Thighearna, 's a' bhàs,
cha chuimhnichear gun cheisd :
Cò bheir dhuit buidheachas 's an uaigh,
no bheir ort luaidh am feasd ?
- 6 Le m' osnaich tha mi sgèith ; 's an oidhche
a' cur mo leab' air snàmh :
Le m'dheuraibh m'uirigh uisgicheam
's an àm bu chòir dhomh tàmh.
- 7 Mo shùil a ta air fàilneachadh
fa chùis mo bhròin gach tràth ;
Is tha i dol gu h-aois, air sou
m' uil' cascairde a ghnàth.
- 8 A luchd na h-aingidheachd gu léir,
imichibh uam am fad :
Oir chuala Dia gu tròcaireach
àrd-ghuth mo chaoidh gun stad.
- 9 An athchuinge a chuir mi suas,
chuala Iehobhah i ;
Is gabhaidh e gu toileach uam
an urnuigh a ni mi.
- 10 Air m' eascairdibh gu robh air fad
nàir' agus cùradh geur :
Is pilleadh iad air ais gu luath
le masladh mòr gu léir.

SALM VII.

- 1 **O** DHIA, mo Thighearn, earbam riut :
orm furtaich agus fòir,
Is saor mi fòs o shàruchadh
mo nàmh tha orm an tòir.
- 2 Air eagal, mar ni leòghan treun,
gu'n reubar m'anam leis :
A' deanamh loidart air gu min,
gun neach ga m' fhuasgladh as.
- 3 Iehobhah Dhé, ma rinn mi so ;
ma tha lochd air mo làimh :
- 4 Ma dh'ìoc mi ole do'n fhear a bha
an sìochant dhomh, 's an dàimh ;
(Ni h-amhluidh sin, ach rinn mi'n tì
a theasairgim gu blàth,

SALM VIII, IX.

- A bha gun aobhar is gun chùis
'n a nàmhaid dhomh gach là.)
- 5 Leanadh an nàmhaid m'anam féin,
glacadh se e, 's gu làr
Saltradh mo bheatha, leagadh fòs
m'urram 's an dus le tàir,
- 6 Eirich, a' d'fheirg, tog suas thu féin
fa chorruich m' eascair thréin
Is chum na breth a dh'orduich thu
mosgail fa'm chùis, a Dhé.
- 7 Mar sin ni coimhthional an t-sluaigh
do chuairteachadh gun tàmh ;
Is uime sin fa'n chùis, a Dhé,
pill féin gu ionad àrd.
- 8 Breth air an t-sluaigh gu léir bheir Dia :
réir m'ionracais dean breth,
A réir mo nèdchiont féin, a Dhé,
gu teann cuir as mo leth.
- 9 O thigeadh crìoch air olc nan daoì,
ach daingnich daoine còir' :
'S fear-sgrudaidh cridh', is rannsaich airn'
Dia cothromach na glòir.
- 10 'S e Dia mo sgiath, 's e dh'fhurtaicheas
air luchd a' chridhe cheirt.
- 11 Breitheamh luchd-còrach Dia, gach là
am feirg ri luchd droch-bheirt.
- 12 Ma 's e 's nach pill an daoì air ais,
a chlàidheamh Ìomhaidh Dia :
Air lagh a bhogha chuir gu teann,
gu caitheamh ullamh dian.
- 13 Fìor-acfuin agus innil bàis
sin dheasaich e dha féin ;
'S a shaighde guineach leig e mach
an aghaidh luchd dhroch bheus.
- 14 Mar mhnai ri saoth'r is amhluidh sin,
an daoì ri olc a ta ;
Feuch aimhleas ghabh mar thorachas,
breug rugadh leis gun stà.
- 15 Chladhaich e slochd, is threachail e,
is thuit 's a' chlais a rinn :
- 16 Thig 'aimhleas air a chloigìonn féin,
is 'fhòirneart air a cheann.
- 17 A réir a cheartais molaidh mi
an Tighearn, air gach àm :
Do ainm Iehobhah seinnidh mi,
oir 's e a's àirde th'ann.

SALM VIII.

- 1 **I**EHOBHAIH Dhia, cia mòr tha d'ainm
air feadh gach uile thir !
Do ghloir do shocraich thu os ceann
nam fàitheas is nan speur.
- 2 A beul nan naoidh 's nan cìochran maoth'
bhrìgh d'eascair dh'orduich neart,
An nàmhaid chum gu coisgeadh tu,
's an dioghaltach mi-cheart.
- 3 Do speuran tràth thug mi fuincar,
obair do mheura féin ;
A' ghealach is na reulta glan',
a dh'orduich thu le chéil' :

- 4 Duine cìod e, gu'n cuimhnichteadh ?
no 'mhac gu'm fiosraicht' leat ?
- 5 De'n inbhe, 's beag a chum thu uaitl',
air 'n d'fhuair na h-aingil ceart ;
- Oir chuir thu coron àluinn air,
le maise 's glòir thar chàch.
- 6 Air oibribh fòs do làmh thug thu
dha uachdranachd air fad.
Gach dùile chuir fo 'chosaidh dha,
a chruthaich thusa riamh :
- 7 Caoraich, is buar, 's gach ainmhidh fòs,
tha 'g imeachd air an t-sliabh.
- 8 An eunlaith tha 's an athar shuas,
an t-iasg a ta 's a' chuan,
'S na shiubhlas fòs air slighe tuinn,
sin thug thu dha gu buan.
- 9 A Dhia, ar Tighearn is ar Dia,
d'ainm-sa cia h-uasal e !
Air feadh gach talmhainn agus tìr
is mòr e sud, a Dhé.

SALM IX.

- 1 **L**E m'uile chridhe bheir mi dhuit,
àrd-mholadh binn, a Dhé ;
Is d'oibre m'òrbhuileach air fad
sior chuiridh mi an céill.
- 2 Fòs ni mi annad aoibhneas ait,
is gairdeachas gu mòr :
Do d'ainm-sa seinnidh mise cliù,
O Thi a's àirde glòir.
- 3 A rìs tràth phillear air an ais,
mo naimhde, théid gu làr ;
Oir tuitidh iad is théid doibh as,
a'd'fhianuis féin gu dàil.
- 4 Mo chòir rinn thusa sheasamh dhomh,
gu daingean is gu treun :
A'd' chaithir chothroim shuidh thu shuas,
mar bhrèitheamh ceart am binn.
- 5 Is thug thu air na cinnich smachd,
sgrios thu na daoine daoì :
An ainm do chuir thu as gu glan,
o linn gu linn a chaoidh.
- 6 (Air sgrios an uàmh chaidh crìoch am
leag thu am bailte treun' ; [fcaid']
An Ìomradhsan 's an cuimhne fòs
do theirg sin leo féin.
- 7 Ach mairidh Dia gu bunaiteach :
chuir caithir suas chum breth.
- 8 Bheir air an domhan cothrom ceart,
le còir do'n t-sluaigh fa leth.
- 9 Mar dhaingneach bithidh Dia nam fear
do'n tì a ta fo leòn :
An trioblaid, tearmann dìleas e,
ri faicinn neach fo bhròn.
- 10 Gach neach 'g am bheil air d'ainm-sa
ni dòchas dhìot, is bun : [fios]
Oir mhead 's a ta ga d' iarraidh, Dhé,
cha tréig thu iad gu tur.
- 11 Do'n Triath d'an còmhuidh Sionnaomh,
seinnibh-sa cliù gu binn ;

SALM X.

- Aithrisibh fòs am measg an t-sluaigh
na gnìomharan a rinn.
- 12 Tràth nì e rannsachadh air fuil,
'n sin cuimhneach orra ta ;
Cha leig air dearmad glaoth nam bochd,
a ghairmeas air a ghnàth.
- 13 Fòir orm, a Dhé, is amhaire air
mo thrioblaid o luchd m'fhuath' ;
A Dhé, a ta ga m' thogail suas
o dhorsaibh bàis gu luath.
- 14 An dorsaibh nighinn Shioin chaoimh
gu sgaoilinn d'uile chliu :
Is nì mi gairdeachas air sgàth
na slàinte dhèanaich thu.
- 15 Thuit sios na cinnich anns an t-slochd
a chladhaich iad do chàch ;
Is anns an lion a dh'fholuich iad,
tha'n cosa féin an sàs.
- 16 Aithnìhear Dia 's a' bhreth a nì,
'n uair thuiteas daoì 's an drip ;
Is ann an gnìomh a làmhha féin
teann-ghlacar e 's an rib.
- 17 Pillear luchd-uile is aingidheachd
gu h-ìfrinn sios gu léir ;
'S na fìneachan nach cuimhnich Dia,
pillear iad sios le chéil'.
- 18 An t-ainnis truagh cha téid am feasd,
air dearmad no air dìth ;
Air dòchas fòs au duine bhochd
gu bràth cha-n fhaiccar claidh.
- 19 A Thighearn, éirich, 's na leig buaidh
le neach d'an dual am bàs ;
Breth thugar air na cinneachaibh
a'd'fhianuis anns gach càs.
- 20 Cuir eagal orrasan gu mòr,
Iehobhah Dhia nam feart ;
Gu'n aithnìheadh na slòigh gu léir
iad féin nan daoine meat'.

SALM X.

- 1 C IOD uime 'n seas thu fad o làmh,
Iehobhah làidir thréin ?
An ainsir teinn is trioblaid mhòir
an dean thu d'fholach féin ?
- 2 An droch dhuin' tha na àrdan borb
gu dian air tòir a' bhochd :
Ach glacar iad 's na h-innleachdaibh
a dhealbhadh féin chum lochd.
- 3 Oir nì an droch dhuin' ràiteachas
à miann a chridhe féin ;
'S na daoine sanntach molaidh e,
ge beag air Dia am mèin.
- 4 An droch dhuin' a'm' fìor-àrdan gruaidh'
cha ghoir e air an Triath ;
'Na chridhe cha-n 'eil uair air bith
guè smuaineachaidh air Dia.
- 5 Tha 'uile shlighe doilghiosach,
o 'shealladh 's àrd do bhreth :
A' séideadh pluic gu fanoideach,
mu 'eascairidibh gach leth

- 6 'N a chridhe féin do labhair e,
am feasd cha ghluaiscar mi :
Oir cha tig àmhghar orm gu bràth,
no trioblaid fòs g'am chlaoidh.
- 7 Do'n iògan, mhallachadh, 's do ghò,
a bheulsan làn a ta :
Tha aimhleas mòr is dìomhanas
fo 'theangaidh-san a ghnàth.
- 8 An diomhaireachd nam bailte beag'
gnàth-suidhidh e gun fhios ;
Tha 'shùil air bochd 's air neòchiontach,
'gam mort an uaignidheas.
- Tha 'shùile nimhneach mar an ceudn',
ro-ghuineach geur gu lochd,
A' dearcadh ann an diomhaireachd
chum sgrios an fhèin bhochd.
- 9 Mar leòmhann luidh' am foill a ta,
'n a thàmh an garaidh dìon,
Ghabhail nam bochd : is ghlac e iad
'g an tarruing ann a lion.
- 10 Crùbaidh is cromaidh e gu làr,
chum dha nach mothaich neach :
Le 'laochraibh chum gu'n leagadh o
am bochd a' gabhail seach.
- 11 Is thubhairt e 'n a chridhe féin,
dhìcluimhnich Dia gun cheisd :
Seadh dh'fholuich e a ghuùis au céin,
cha léir dha sud am feasd.
- 12 Iehobhah, éirich suas an àird,
a Dhia ta neartmhor treun,
Tog suas do làmh : 's na dearmaid chaoidh
na deòraidh bochd 'n am feum.
- 13 Na daoine dona c'uim' an dean
iad tarceuis ort, a Dhé ?
An neach ud thubhairt 'n a chridh' féin,
cha-n fhiosraichear leat e.
- 14 Chunnaic thu sin, oir dhuit is léir
gach dochair is gach spid,
A chum le d'làimh gu toir thu dhoibh
comain an uile a n' d :
S' ann ortsa dh'fhàg an duine bochd
e féin a chur fo dhìon,
O's tu fear-cuidich agus neart
nan dìleachdan guu mhaoin.
- 15 Gairdean an droch dhuin' is an daoì
leòn thus', is bhris, a Dhé ;
Is rannsach 'uile lochd gu geur,
gu ruig nach faighear e.
- 16 Gu suthain is ga sìorruidh fòs,
Iehobhah ta 'n a Rìgh :
Sgriosadh na cinnich as gu tur,
is ghlanadh as a thìr.
- 17 Miann nan daoìn' ùmhhal chual tu' Dhé ;
an cridhe nì thu gleust ;
Is bheir thu air do chluais gu beachd
an gearransan gu'n éisd :
- 18 A chumail ceirt ri dìleachdain,
's ri daoinibh brùite truagh',
A chum nach tugadh duin' o'n ùir
nì 's mò air fìor-neart luaidh.

SALM XI.

- 1 **M**O dhòchas chuir mi ann an Dia ;
Ri m'anam, chum mo chur air gheilt,
teich as mar eun gu d' shliabh ?
- 2 Feuch chuir na h-aingidh bogh air lagh,
air sreing an saighead ghleus,
Thilgeadh 's an dòrch' an ti ta ceart
'n a chridhe fòs 's 'n a bheus.
- 3 Ma théid na bunaite air dhìth,
ciod ni an duine còir ?
- 4 Tha Dia 'n a theampull naomh, air
tha 'chaithir làn do ghloir : [nèamh,
Is léir d'a shùilibh-san gach dùil,
's an domhan mhòr a ta :
Le 'rosgaibh clam nan daoine' air fad
rannsaichidh e a ghnàth.
- 5 Rannsaichidh Dia na fireanaich ;
ach luchd na h-aingidheachd
Is fnath le 'anam, is gach neach
thug spéis do ragaireachd.
- 6 Air daoimibh droch-mhnint' dòirtidh Dia
nuas ribeachan gun dith ;
Is teine, pronnsc, 's doinioun gharbh,
cnibhrioun an cup' do ni.
- 7 Oir Dia tha cothromach is ceart,
is ionnmhuinn leis a' chòir :
Ag amharc air na fireanaibh
le deadh ghnùis làn do ghloir.

SALM XII.

- 1 **N**IS fòir, is cuidich leam, a Dhé,
's gun deadh dhuin' idir ann :
Na treibhdhìrich measg hloinn nan daoine'
ri 'm faghail tha ro ghann.
- 2 Labhraidh gach neach r'a choimhear-
a' bhreug le mìodal béil : [snach
Le cridhe dùbailt' làn do cheilg,
sior-labhraidh iad ri chéil'.
- 3 Gach beul tha làn do ghabhann tlàth,
d'an gnàth bhi leam is leat ;
An teangadh bhrnidhneach àrdanach
sgathar le Dia nam feart.
- 4 A thinbhairt, Orra bheir sinn buaidh
le'r teangaidh féin a mach ;
'S leinn féin ar beul : cò e an Triath
a chuireas sinn fo smachd ?
- 5 Ri sàruchadh nan deoradh truagh',
ri osnaich dhaoine bochd,
Nis éiridh mi, (ars' Dia,) g'an dion,
o'n drcam ta bagradh lochd.
- 6 Is fìorghlan focal Dhé gu dearbh ;
amhlidh mar airgid e,
A leaghadh is a ghlanadh fòs
seachd cnairt an suacan crè.
- 7 Coimhididh tns' iad uile, Dhé,
dionaidh tu iad a ghnàth.
O'n ghinealach so nis a th'ann,
's o sin a mach gu bràth.

- 8 Ghnaisidh gach aon taobh luchd an uile,
is togaidh iad an ceann ;
An t-am 's an cuircar suas gu h-àrd
na daoine' a's suaraich' t'ann.

SALM XIII.

- 1 **C**IA fhad a dhearmadar mi leat,
a Dhia, an ann gu bràth ?
Cia fhad a cheileas tu do ghnùis
o m'anam truagh gach tràth ?
- 2 Cia fhad bhios imcheist ann am chom,
le cridhe trom gach là ?
Cia fhad a chuirear tharum suas
an ti bha dhomh 'n a nàmh ?
- 3 Tabhair fairear, is freagair mi,
a Thighearna mo Dhia ;
Soillsich mo shùile, codal trom
chum bàis nach coidil mi.
- 4 Eagal gu'n abair rium mo nàmh,
chaidh agam air a nis ;
'S gu'n dean mo naimhde gairdeachas,
an uair a dh' aomar mis'.
- 5 Ach dh'earb mi á do ghràs ; is bidh
mo spiorad ait a'd' shlàint :
- 6 Is seinnidh mi gu binn do Dhia
air son a phailteis ghnàicht'.

SALM XIV.

- 1 **N**A chridhe deir an t-amadan,
cha-n 'eil ann Dia air bith :
Taid truallidh, 's oilleil, fòs an gnìomh ;
cha-n 'eil ann neach ni maith.
- 2 An Tighearna dh'amhaire e o nèamh,
air cloinn nan daoine nuas ;
A dh'fhenchainn an robh tuigs' aig neach
na dh'iarradh Dia nan gràs.
- 3 Ach chlaon an t-ìomlan dinbh a thaobh,
ro-shalach taid gn léir ;
Cha-n 'eil aon neach a' deanamh maith,
cha-n 'eil fin aon fo'n speur.
- 4 Am bheil aig droch-dhaoine' tuigs' air bith
tha 'g itheadh snas gn dian
Mo phobuill-sa, mar aran blast',
's nach 'eil a' gairm air Dia.
- 5 An sin do ghabh iad eagal mòr,
air son gn bheil gu fìor
Dia ann an ginealach is linn,
nam fireanach do shior.
- 6 Comhairl' an traghain nàraich sibh,
chionn Dia 'n a thearmann da :
- 7 A Sion O gu tigeadh mach
slàint' Israeil gach là !
An uair bheir Dia air ais o bhrnid
a phobull féin le chéil',
Air Iacob bithidh aoibhneas mòr,
's aiteas air Israeil.

SALM XV.

- 1 **C**O dh'fhanas ann ad phàillion shuas !
a Thighearna, cò e ?

- Air do chnoc naomh cò 'n ti sin leat
a chòmhnuicheadh gach ré ?
- 2 An ti a ghluais gu treibhdhreach,
is ionracas a chleachd,
Labhras an fhìrinn sin a mach
a ta 'n a chridhe steach.
- 3 An ti nach dean air neach air bith,
cùl-chàineadh 'm feasd le 'bheul,
Nach dean aon lochd d'a choimhearsnach,
's nach tog air fòs drocha sgeul.
- 4 A ni trom-thailceas air an daoi :
ach urram dhoibh a bheir
D'an cagal Dia ; 's nach caochail mionn
ged thigeadh callach air.
- 5 Airgidh air ocar nach do chuir ;
an aghaidh fòs nan saoi
Duais nach do ghabh : cha ghluaisear e
gu bràth mar sin a ni.

SALM XVI.

- 1 **D**HIA, coimhid mi, oir annad fèin
a ta mo dhòigh gu fìor ;
- 2 O m'anam, thubhairt thu ri Dia,
is tu mo Thriath gu sìor.
- 3 Mo mhaitheas ort gu dearbh cha ruig ;
ach air na naoimh a ta
Air thalamh, 's air na flathibh fìor,
'g am bheil mo ghean 's mo ghràdh.
- 4 Mòr-mheudaichear an doilghios doibh,
a dheifrìcheas gu luath
Air lorg dhée eile choimheach bhréig',
a' cur ri cràbhach truagh :
An iobairt-dhìbhe tha de fluil
cha-n ofrail mi gun cheisd,
Is air an ainmibh ann am bheul
cha toir mi luaidh am feasd.
- 5 Cuibhrionn mo chup' is m' oighreachd Dia :
's tu sheasas dhomh mo chram.
- 6 An àitibh aibhneach thuit mo lìon :
's leam oighreachd bhreagh nach gann.
- 7 Bheir mise buidheachas do Dhia,
thug comhairl' orm a'm' fheum :
Tha m'airne fòs an àm na h-oidhch'
ga m' theagasg mar an ceudn'.
- 8 Do chuir mi romham, anns gach cùis,
an Tighearn mòr a ghnàth ;
Chionn air mo dheas làimh gu bheil e,
cha ghluaisear mi gu bràth.
- 9 Mo chridh' ni aoibhneas uime sin,
ni gairdeachas mo ghloir ;
Ni m'fheoil fòs còmhuidh fhoistineach
le dìon an dòchas mòr.
- 10 Oir anns an uaigh cha-n flàgar leat
shìos m'anam, air aon achd :
'S cha leig thu fòs do d'sheirceum naomh
gu'm faic e truailidheachd.
- 11 Dhomh sligh' na beatha nochdaidh tu :
a'd' làth'r làn aoibhneas ta,
Is aig do dheas làimh fèin a Dhé,
mòr shubhachas gu bràth.

SALM XVII.

- 1 **E**ISD thus', a Thighearn, ris a' choir,
mo ghlaodh thoir aire dha ;
Is cluinn an urnuigh thig a mach
o m' bheul gun bhreug, gun ghò.
- 2 Mo bhreth o d' fhianuis thigeadh i :
le d' shùilibh léirsinneach,
Seall air na nithibh sin, a Dhé,
ta ceart is còthromach.
- 3 Dhearbhu thu mo chridh', is dh'fhiosraich
's an oidheche ; dh'fhionn gu geur ; (thu
Cha d'fhuair thu maoin : oir b'e mo rùn
nach peacaichinn le m' bheul.
- 4 Mu thimchioll oibre dhaoine fòs,
ghléidh mi mi fèin gu beachd
Le guth do bhéil, o cheumannaibh
luchd-braid is ragaireachd.
- 5 Cum m' imeachd suas, a Dhia nam feart,
a'd' shligheibh ceart gu treun :
A' d' ròidibh dìreach cum mi suas,
nach sleamhuich uam mo cheum.
- 6 Oir ghairm mi ort, a Dhé, a chionn
gu'n éisdear leatsa rium ;
Do chluas a m' ionnsuidh crom a nuas,
is fòs mo ghearan chuinn.
- 7 Taisbein do chaoimhneas iongantach,
tha gràdhach làn de chliu ;
O thus' a shoras le d' dheas-làimh,
an droing d'an dòchas thu,
O'n dream 'n an aghaidh thogas ceann.
- 8 O coimhid mi gu treun,
Mar chloich do shùil : dean folach orm,
fo sgàil' do sgiathan fèin.
- 9 O'n droch dhuin' tha ri fòirncart orm,
o naimhdeibh sgriosach treun,
A ta ga m' chuairteachd gach taobh,
mo choimhead uatha dean.
- 10 'N an saill a ta iad druידte suas,
cainnt uaibhreach tha 'n am beul.
- 11 Chrom iad gu làr, is dhearc le'n sùil ;
is chuairtich iad ar ceum.
- 12 Mar leòmhann gionach togarach
chum cobhartaich a ghnàth.
Mar leòmhann òg an dìomhaireachd
a' luidh' am plaid a ta.
- 13 Eirich, a Dhé, is caisg mo nàmh,
leag sìos gu talamh e :
O'n droch dhuin, ta 'n a chlaidheamh
sacr m'anam uaith', a Dhé. [dhuit,
- 14 O'n dream tha dhuit-sa, Dhé, mar làimh,
o dhaoineibh saoghalt' dàn',
'G am bheil an cuibhrionn is an cuid
's a' bheatha so a mhàin.
D'am bheil thu tabhairt làn am broun
à d'ionnhas dìomhair fòs :
Tha'n gineil lionmhor, is am maoin
fàgaidh d'an leanbaibh òg'.
- 15 Ach air mo shonsa, dearcam air
do ghuais am fireantachd :
Air mosgladh dhomh làn-dhiolar mi,
a Dhé, le d'chosamhlachd.

SALM XVIII.

- 1 **M**O chion ort féin, a Dhia, mo threis.
 2 Mo charraig Dia gu ceart,
 Mo dhaingneach, is mo Shlànuighear :
 mo Thighearn, is mo neart :
 An ti 's an cuir mi dòchas fòs,
 mo thargaid is mo sgiath,
 Adharc mo shlàinte e gu beachd,
 mo bhaideal àrd 's e Dia.
- 3 Nis gaiream air an Tighearna,
 d'an dlighear moladh sior :
 Mar sin o m'eascairidibh gu léir
 coimhdear mi gu fìor.
- 4 Chuir tuille dhroch dhaoibh eagal orm,
 chaidh umam guin an éig.
- 5 Pian ifrinn agus liontan bàis,
 romham 's gach àite feuch.
- 6 A'm' éigin ghoir mi air mo Thriath.
 dh' éigh mi gu h-àrd le m' ghlaodh :
 Is as a theampull naomha féin
 dh'éisd e mo ghuth gu caomh.
 'N a fhianuis is 'n a éisdeachd féin,
 mo ghlaodh do ràinig suas ;
- 7 An talamh air gach cèim an sin
 do chrìothnuich, chrathadh, ghluais .
 Bunaitean nan cnoc 's nam beann,
 do ghluaisleadh sin gu garg,
 Do chrìothnuicheadh is chrathadh iad,
 a chionn gu robh air fearg.
- 8 Chaidh deatach as a shròin a mach,
 is teine loisgeach mòr
 Chaidh as a bheul, is lasadh leis
 de eibhlìbh ni bu leòr.
- 9 Is lùb e fòs na nèamha fuidh',
 's a nuas do thuirling e :
 Fìor-dhorchadas is dubh-aigein
 bha sin fo chosaibh Dhé.
- 10 Air cherub mharcaich e gu h-àrd,
 air iteig fòs do chaidh ;
 Is bha e luath ag itealaich,
 air bharrailbh sgiath na gaoith'.
- 11 Dubh-dhorchadas mar dhìomhaireachd
 do chuir e uime féin :
 Bu phàillium da na h-uisgean dorch',
 is neulta tiugh' nan speur.
- 12 Do chaidh a neulta tiugh' le chéil',
 is clacha-meallain fòs,
 Is eibhlean tein' air thoiseach air,
 c'n dealradh bha 'n a ghnùis.
- 13 Rinn Dia sna speuraibh tairneanach,
 is leig an 'Ti a's àird,
 A ghuth a mach, le cloich-shneachd
 is eibhlìbh teith 's gach àit. [chrnaidh,
- 14 A shaighde leig e uaith' a mach,
 is sgaoil e iad air fad,
 Tein-athair orra thilg gu mòr,
 is chlaoidheadh iad gu grad.
- 15 Aigein an uisge chunn'cas ris,
 bha steidh an domhain nochdt' ;
 Le séideadh anail t'fheirge, Dhé,
 le d' achmhasan 's do smachd.

- 16 As 'ionad àrd do chuir e nuas,
 is bhuin e mise mach,
 Is rinn mo tharuing mar an ceudn'
 á h-uisgibh iomarcach.
- 17 O m'eascar thul-chuiseach is threun
 thug e dhomh fuasgladh deas,
 'S o luchd mo mhi-ruin agus m'fhuath,
 bu treis' gu mòr na mis'.
- 18 An là mo thrioblaid is mo theinn,
 thug ionnsuidh orm gun fhios :
 Ach bha mo Dhia 'n a thaice dhomh,
 cha sleamhaich uam mo chos.
- 19 Gu ionad farsuinn agus réidh
 thug esan mi a mach :
 Mo theasairginn do rinneadh leis,
 oir ghabh e annam tlachd.
- 20 Réir m'ionracais, is gloine làmh,
 do chuitich Dia maith rium :
- 21 Air seachran uaith' cha deachaidh mi :
 a shlighe choimhdeadh leam.
- 22 Oir 'uile bhreth a'm' fhianuis tha :
 a statuinn uam nìor chuir.
- 23 Bu treibhdhireach 'n a làthair mi :
 o m' aing'eachd féin do sguir.
- 24 Réir m'ionracais is gloine làmh,
 an sealladh beachd a shùl,
 Do rinneadh mise chuiteachadh
 gu caomh le Dia nan dùil.
- 25 Do'n duine ghràsail, gràmhor thu,
 dìreach do'n treibhdhireach.
- 26 Glan thu do'n duine ghlan, is fiat'
 do'n duine fhiat' fa seach.
- 27 Na daoine tha fo thrioblaid mhòir,
 làn-shaoraidh tu 's gach àit ;
 Ach bheir thu nuas a' mhuinntir sin
 'g am bheil an sealladh àrd.
- 28 Oir lasaidh tu mo choinneal domh,
 is ni mo Dhia 's mo Rìgh
 Mo dhorchadas a shoillseachadh,
 chum soilleir glan gu 'm bì.
- 29 Mor bhuidheann sluaigh, le d' threis', a
 do bhriseadh leam air fad : [Dhé,
 Le neart mo Dhia thar balla leum,
 is chaidh mi féin gun stad.
- 30 Ach Dia, a ta shlighe ceart :
 is dhearbhadh focal Dé ;
 Do'n uile dhream a dh'earbas as,
 g'an dìon' is targaid e.
- 31 Oir cò is Dia, ach thusa Dhé ?
 cò's carraig ach ar Triath ?
- 32 An neach an ni mo shlighe ceart,
 's a bheir dhomh neart, 'se Dia.
- 33 Mar chosaibh féidh ta luath chum ruitl'
 mo chosa do rinn e,
 Air m'aitibh àrd' ga m'shocrachadh,
 a chum nach gluaisteadh mi.
- 34 Gu comhrag theagaisg e mo làmh,
 ionnus gu d'thug mi buaidh,
 A' briseadh le mo ghairdeinibh
 bogha do'n stàilium chruaidh.

- 35 Thug thusa sgiath do shlàinte dhomh,
do dheas làmh chum mi suas ;
Thug orm do chaoimhneas is do ghràdh
gu h-inbhe mhòir gu'n d'fhàs.
- 36 Mo cheuma rinn thu farsuinn fo'm
sin domh mar fhuaradh thus' ;
Ionnus gur socrach sheasas mi,
cha sleamhnuich uam mo chos.
- 37 Lean mi mo naimhde anns an ruaig,
is orra rug gu cas :
Is gus 'n do chlaoidheadh iad gu léir,
mìor phill mi féin air m'ais.
- 38 Gun chomas éirigh lot mi iad,
is thuit iad sìos fo m' chois.
- 39 Le neart chum cath' 's tu chrìoslaich mi ;
na dh'éirich rium leag thus'.
- 40 Air mhuineal thug thu dhomh mo nàmh ;
luchd m'fhuath' gu'n claoidh gu léir.
- 41 Ghlaodh iad, 's d'am furtachd cha robh
air Dia, 's cha d'fhreagair e. [neach :
- 42 Amhluidh mar dhus a' dol le gaoith,
gu mìn do phronn mi iad ;
Is thilg mi iad a mach a rìs
mar chlàbar air an t-sràid.
- 43 O strì nan daoine shaor thu mi ;
rìun ceann nan cinneach dhìom ;
Na daoine riamh nach b'aitlne dhomh,
ri seirbhis dhomh do chì m'.
- 44 Air cluinntinn dhoibh-san ionradh orm,
géillidh iad dhomh gun stad ;
Is nì dhomh coigrich mar an ceudn'
an isleachadh air fad.
- 45 Làn-sheargaidh is dubh-chrionaidh as,
na coigrich ud gu léir ;
A' teachd le h-eagal 's uamhunn mhòr
a mach o'n garaidh féin.
- 46 Dia beò a ta, beannaicht' gu robh
mo eharraig féin gu brath :
Is Dia mo shlàinte bitheadh o
air 'ardachadh a ghnàth.
- 47 Mo dhioghaltas, 's mo leasachadh,
's e Dia a bheir a mach ;
'S e fòs a chuiras dhomh fo smachd
na slòigh gu h-ìomadach.
- 48 'S e dh'fhuasglas mi o m' eascairdibh :
's tu thog mi thar gach neach
A dh'éirich rium, is thug mi saor
o fhear ua h-eucorach.
- 49 Am measg nan cinneach, uimè sin,
bheir mise dhuit, a Dhé,
Mòr bhuidheachas ; do d'ainm-sa fòs
àrd-nìholadh seinnidh mi.
- 50 Bheir esan fuasgladh mòr d'a rìgh :
le pailteas nì e gràs
Air Daibhidh, neach a dh' ungas leis,
is air a shliochd gu bràth.

SALM XIX.

- 1 **G**LOIR Dhé lán-fhoillsichidh na nàmh,
's na speura gnìomh a làmh.
- 2 Tha là a' deanamh sgéil do là,
is oidhehe dh'oidhch' gun tàmh

- A' teagasg eòlais, anns gach àit.
- 3 Oir cha-n 'eil ionad ann,
No cainnt, no uirghioll fòs air bith,
nach eual an guth gach àm.
- 4 Chaidh m' fuaim air feadh gach tìre nach,
am focal chaidh an céin
Gu crìch na cruinne, chuir e annt'
buan-phàillion àrd do'n ghréin :
- 5 Neach tha mar nuadh fhear-pòsa teachd
o 'sheòmar féin a mach,
Ta ait, mar ghaisgeach treun a' ruith
a réis' gu togarach.
- 6 A' dol a mach o chrìch nan speur,
m' n' cuairt g'an crìch a ghnàth :
'S cha-n fholuichear o theas na gréin',
aon nì 's a' chruinne ta.
- 7 Is iomlan lagh Ichobhah mhòir ;
an t-anam iomp'chidh e :
Teistean an Tighearna tha dearbh ;
au simplidh glic 's e nì.
- 8 Tha statuin fòs an Tighearna ceart,
'g cur aoibhneis anns a' chridh' ;
Glan-àithnte Dé a' soillseachadh,
nan sùl nach maith a chì.
- 9 Eagal an Tighearna fìor-ghlan e,
buan-mhaireanach a ghnàth :
Fìor agus cothromach air fad,
a bhreitheanais a ta.
- 10 Is fearr r'an iarraidh iad na'n t-òr,
an t-òr a's fearr air bith :
Nì 's mìlse na a' mhil ta iad,
no cìr mheala r'a h-ith.
- 11 A' faotainn rabhaidh fòs a ta
d'òglachsa uath' a ghnàth,
'S 'n an coimhead cùramach gu dearbh
mòr-thuarasdal a ta.
- 12 Cò thuigeas uile sheachrain féin ?
glan o lechd dìomhair mi.
- 13 O pheacaidh dànadais air ais
cum d'òglach féin, a Dhé ;
Na bitheadh ac' àrd-cheannas orm :
an sin biom treibhdhreach,
Is fòs o'n pheacadh mhòr bidh mi,
fìor-ionraic uèdchiontach.
- 14 O Dhia, mo neart, 's mo shlànuighear,
an deadh thoil gabh uam féin,
Na smuainte ta a'm' chridhe stigh,
is briathra glau mo bhéil.

SALM XX.

- 1 **G**U freagradh Dia thu ann an là
do thrioblaid, is do phéin !
Gu deanadh ainm Dhé Iacoib fòs
sior-choimhead ort a' d' fheum :
- 2 Gu'n cuireadh thugad cuideachadh,
tràth, as a theampull naomh :
Is deanadh e do neartachadh
à Sion féin gu caomh.
- 3 Cuinluicheadh e gu gràsmhor dhuit
d'uil' ofraile gu grad,

- Is gabhadh e gu taitneach uait
d'ìobairte loisgt' air fad.
- 4 A réir deadh rùn do chridhe féin,
tiùbhradh e dhuit gu uaith;
Coimhlionadh e gach comhairle
tha anu ad chridhe stigh.
- 5 Nì sinne aoibhneas ann ad shlàint',
is an ann ainm ar Dia,
Suas togaidh sinn ar brataichean:
Dia dhèdnaich' t'uile mhianu!
- 6 Nìs 's fiosrach mi gu teasaig e
au ti a dh'ungadh leis:
Is le neart-saoraidh deas làimh' Dhé
o nèamh gu'n éisdear ris.
- 7 Tha cuid ag earbs' á carbadaibh,
is cuid á h-eachaibh àrd';
Ach ainm an Tighearna ar Dia
cuimhnichidh sinn 's gach àit.
- 8 Dh'ìslicheadh iadsan, 's thuit iad sìos:
ach dh'èirich sinn is shcas.
- 9 Dhia, fòir, is éisdeadh ruinn an Rìgh,
tràth nì sinu gearan ris.

SALM XXI.

- 1 **A**M meud do neirt sa, Dhé nan dùl,
bidh aoibhneas air an Rìgh:
Is ann ad shlàinte thròcairich
sòlas cia mòr do nì?
- 2 Làn mhian is rùn a chridhe féin
thug thusa dha gu seth:
Aon athcheuinge a dh'iarr a bheul
cha d' rinn thu air a cleith.
- 3 Oir beannachadh do mhaithéis mhòir
sin thug thu dha gu moch:
Is chuir thu coron àrd m'a cheann,
do'n òr a's deirge drach.
- 4 Do dh'iarr e ortsa beatha bhuan,
sin thug thu dha gu fìor:
Is thug thu sìneadh saoghail dha,
a chum bhì beò gu sìor.
- 5 A thaobh na slàinte thug thu dha,
is mòr a ghlòir gach àm;
Àrd-urram agus moralachd
chuir thusa air a cheann.
- 6 Oir rinneadh leat ro-bheannaicht' e
air feadh gach ré gu beachd;
Is rinn thu e làn-aoibhneach fòs
le d' ghnùis an tròcaireachd.
- 7 Oir ann an Dia Iehobhah mor
carbaidh an rìgh a ghnàth:
Tre thròcair fòs an Tì a's àird',
cha ghluaisear e gu bràth.
- 8 Aimsidh do ghlac air d'uile nàmh;
air d'eascar do làmh dheas.
- 9 Mar àmhuinn theinntich nì thu iad,
an aimsir d'fheirg' g'an sgrios:
'N a chorruich mhòr nì Dia gu fìor,
an slugadh sìos air fad.
Is nithear orra milleadh fòs
le teine mòr gu grad.

- 10 An toradh sgriosaidh tu o'n tìr,
's an sìol o dhaoineibh as.
- 11 Oir rinn iad feall a'd' aghaidh: 's dh'calbh
do-bheart nach d'fhead' cur leis:
- 12 Bheir thusa orra, uime sin,
gu'n tionndaidh iad an cùl,
Oir saighde geur do bhogh' air sreing
rì'n aghaidh gleusaidh tu.
- 13 Ardaich thu féin, a'd' chumhachdaibh,
a Thighearna nam feart:
Mar sin sìor-chanaidh sinn do chliù,
is uolaidh sinu do neart.

SALM XXII.

- 1 **M**O Dhia, mo Dhia cuim' thréig thu
le d'fhurtachd uam an céin; [mì?]
O bhriathraibh goirt mo bhùiridh àird,
gun fhuasgladh orm a'm' fheum?
- 2 Mo Dhia, cha d' thug thu freagradh
's an là 'n do ghairm mi ort: [dhomh,
An nair bu chòir dhomh tàmh 's an oidhch',
cha-n 'eil mi féin a'm' thosd.
- 3 Gidheadh tha thusa fìor-ghlan naomh'
a Dhé, os ceann gach sgéil,
A'd' chòmhnuidh anns an àros sin,
's an bheil cliù Israeil.
- 4 Do rinn ar sinnsir dhiotsa bun;
Is shaor thu iad mar dh'earb.
- 5 Do ghlaodh iad riut, is shaoradh iad:
dh'carb riut, gun aghaidh dhearg.
- 6 Ach mise fòs cha duin', ach enuimh:
gràin dhaoin', is tàir nan slògh.
- 7 Cùis crathaidh cinn, is casaidh bhéil,
spòrs do na chì mo dhòigh.
- 8 Ag ràdh, Do rinn e bun á Dia,
chum fhuasgladh air 'na fheum:
Nìs deanadh e a theasaiginn,
e thug e dha làn-spéis.
- 9 Ach 's tus' an ti a bhuin a mach
á broinn mo mhàthar mi;
Is tu bu bharrant dòchais dhomh,
'nuair bha mi air a' chùil.
- 10 O'n bhroinn do thilgeadh ortsa uir,
air bhith dhomh òg is maoth;
O thàinig mi o'n bhroinn a mach,
is tu mo Dhia ro-chaoimh.
- 11 A Dhé na bi-sa fada uam,
Oir 's dlùth dhomh trioblaid theann;
'S gun agam neach gu m' chuideachadh
no aen a chuireas leam.
- 12 Do chuairtich umam mòran tharbhl,
mu m' thimchioll air gach làmh;
Dh'iadh umam tairbh ro-làidir bhorb'
am Basan bha 'n an tàmh.
- 13 Gu farsuinn dh'fhosgail iad am beul,
mar leòmhnan allta garg;
A' tabhairt sìthidh reubaidh orm
le bhùreadh fiadhaich borb.
- 14 Mar uisge dhòirtedh mise mach,
mo chuamhan sgàint' o chéil:

- Mo chridh' a'm' chom an taobh a stigh,
air leaghadh ta mar chéir.
- 15 Air tìormachadh mar phota crè
a ta mo neart, a Dhé;
Mo theangadh leantuinn tha ri m' ghial,
gu h-àir-bhàis thug thu mi.
- 16 Oir dh'iadh mu'n cuairt orm madraidh
bhuaill umam thall 's a bhios [gharg'
Mòr-bhuidheann luchd na h-aingidh-
lot iad mo làmh 's mo chos. [eachd ;
- 17 Mo chnàmhan uile feudaidh mi
an àireamh aon is aon:
Gu geur tha iad ag anhlarc orm,
a' dearcadh orm gach taobh.
- 18 Mo thrusgan eatorra do roinn,
croinn thilg iad air mo bhrat.
- 19 Ach fad o m' chobhair, Dhia mo neirt,
na fan, ach deifrich ort.
- 20 Do m'anam tabhair fuasgladh deas
o'n chlaidheamh sgaiteach gheur ;
Is m'aon-ghràdh caomh gu saorar leat,
o neart nam madradh treun'.
- 21 O bheul nan leòmhnan làidir borb'
Dhé, fuasgail orm gun stad:
O adharcuibh nam buabhall treun';
oir chual thu mi gu grad.
- 22 Do m' bhràithribh cuiream d'ainms' an
's an éireachd molam thu. [céill ;
- 23 Shìl Iacob, 's a luchd eagail Dé,
glòir thugaibh dha is cliù:
Oirbhs', Iarmad Israeil air fad,
biodh 'eagal-san gu mòr:
- 24 Oir tarcuis riamh cha d'rinn air bochd,
's nìor ghabh e gràin d' a leòn:
Cha d'fholuich, 's cha do cheil a ghnùis,
g'a thréigsinn ann a theinn;
'Nuair rinn e glaoth is gearan ris,
thug éisdeachd dha gu binn.
- 25 'S an ortsa bhios mo mholadh àrd
's an éireachdas, a Dhé:
Mo bhòidean iocam fòs an làth'r
na dream d'an eagal e.
- 26 Na daoine sin tha macanta
ithidh, is gheibh an sàth:
Na dh'iarras Dia àrd-mholaidh e;
bhur cridh' bidh beò gu bràth.
- 27 Pillidh ri Dia gach iomall tìr',
is cuimhnichidh iad air:
Seadh sluagh nam fineacha gu léir
dhuit géill is urram bheir.
- 28 Air son gur le Ichobhah mòr
an rioghachd le còir cheart:
'S am measg nam fineachan air fad
's leis uachdranachd is neart.
- 29 Na daoine reamhar anns gach tìr,
ithidh, is géillidh dha:
Dha cromaidh sìos na théid 's an uaigh,
cha chum neach 'anam beò.
- 30 Thig sliochd is seirbhis ni do Dhia,
dha measar iad mar linn.

- 31 Innsidh a cheart do'n àl ri teachd,
gu'm b'esan sud a rinn.

SALM XXIII.

- 1 **I**S e Dia féin a's buachaill dhomh,
cha bhí mi ann an dith.
- 2 Bheir e fairean gu'n luidhinn sìos
air cluainibh glas' le sìth:
Is fòs ri taobh nan aìmhnichean
théid seachad sìos gu mall,
A ta e ga mo threòrachadh,
gu mìn réidh anns gach ball.
- 3 Tha 'g aìsg m'anam' dhomh air aìs -
's a' treòrachadh mo cheum
Air slighibh glan' na fireantachd,
air sgàth 'dheadh ainme féin.
- 4 Seadh ghèd ghluaisinn cadhonn trid
ghlinn dorcha sgàil' a' bhàis,
Aon olc no urchuid a theachd orm
ni h-eagal leam 's ni 'n càs;
Air son gu bheil thu leam a ghnàth,
do lorg, 's do bhata treun,
Tha iad a' tabhairt comhfhurtachd
is fuasglaidh dhomh a'm' fheum.
- 5 Dhomh dhèasaich bord air beul mo nàmh
le h-oladh dh'ung mo cheann;
Cur thairis tha mo chupan fòs,
aig meud an làin a t'ann.
- 6 Ach leanaidh maith is trècair rium,
an cian a bhios mi beò;
Is còmhnuicheam an àros Dé,
ri fad mo ré's mo là.

SALM XXIV.

- 1 **S**LE Dia an talamh, is a Èn:
an domhan, 's na bheil ann.
- 2 Oir shocraich e air cuantaibh e,
air sruthaibh leag gu teamn.
- 3 Cò e am fear sin a théid suas
gu tulaich naomha Dhé?
Is fòs 'n a ionad naomhasan,
eò sheasas ann gu réidh?
- 4 An ti 'g am bheil na làmhlan glan',
is cridhe neòchiontach;
'Anam nìor thog ri dìomhanas,
's nìor lùgh mionn ioganach.
- 5 An ti sin beannachadh o Dhia
gheibh e gu saoihbhir pailt,
Is ionracas farao'n Dia
's bun slàinte dha 'n a àire.
- 6 'S i sin a' ghinealach 's an dream
a dh'iarras e gu mòr;
Ta 'g iarraidh d'aghaidh is do ghnùis,
O Iacob, mar is còir.
- 7 Togaibh, O gheatacha, bhur cinn,
is éiribh suas gu h-àrd,
O dhorsa sìorruidh; Rìgh na glòir
gu'n tigeadh e g'a àit.
- 8 Cò e sin féin Ard-Rìgh na glòir?
an Tighearn làidir treun,
Ichobhah neartmhor, cruaidh an cath,
bheir buaidh a maeh dha féin.

9 Togaibh, O gheatacha, bhur cinn,
is éiribh suas gu h-àrd,
O dhorsa siorruidh : Rìgh na glòir'
gu'n tigeadh e g'a àit.

10 Cò e sin féin Àrd-Rìgh na glòir' ?
Iehobhah mòr nan slògh,
'Se féin a's Rìgh na glòir' a t'ann,
gun choimeas idir dha.

SALM XXV.

1 **D**HIA, togam m'anam riutsa suas.
2 Mo Dhia, mo mhuighinn dheas ;
A m' ionnsuidh na leig aobhar nàir' ;
do m'eascar gairdeachas.
3 Fo nàir' is mhasladh na leig neach
d'an gnàth bhi feitheamh ort :
Ach nàire gu robh air an dream
a ni gun aobhar lochd.

4 Foillsich do shlighe dhomh, a Dhé,
a'd' cheumaibh teagaisg mi :
5 Is treùraich mi a' d' fhèrrinn ghloin,
's mo theagasg dean, a Dhé :
Oir 's tu a's Tighearn ann gu dearbh,
's tu 's slàinte dhomh a ghnàth,
Is ort a ta mi feitheamh fòs
le foighid mhòir gach là.

6 Cuimhnich, a Dhé, do thròcair chaomh,
do chaoimhnéas làn de ghràdh :
O chian nan cian a ta iad ann,
's an aimsir fad o'n là.
7 Na cuimhnich peacaidh m'òige dhomh :
's na lochdan a rinn mi ;
A réir do thròcair cuimhnich orm,
air sgàth do ghràis, a Dhé.

8 Is maith 's is dìreach Dia nan dùl :
is air an aobhar ud
Do nithear leis na peacaich thruagh'
a theagasg anns an ròd.
9 Treùraichidh e na daoine ciùin'
am breitheanas gu ceart :
'S na daoine mìne teagaisgidh
'n a shlighe, Dia nam feart.

10 An thròcair is an fhèrrinn réidh
sud sligh' ar Dé 's gach ball ;
Do'n dream a chumas gealladh ris,
's nach leig a theist air chall.
11 Sgàth d'ainme, lagh mo chionta fòs,
oir tha sud mòr, a Dhé.
12 Cò 'm fear d'an eagal Dia ? 'S an t-sligh'
's ion-roghnuidh seòlaidh e.

13 An seasgaireachd ni 'nam tàmh,
's le 'shliochd le ceart an tìr.
14 Tha rùn an Tighearn aig an dream
d'an eagal e gu fìor :
Is nithear leis a chumhant fòs
fhoillscachadh dhoibh gu ceart.
15 A ta mo shùile féin a ghnàth
ri Tighearna nam feart,

Air son gu'n spòrnar leis mo chos
gu h-aithghearr an rib.

16 Pill thugam, is dean tròcair orm :
a'm' aonar taim, 's fo dhrip.
17 Tha teinn mo chridh' a' dol am meud ;
saor mi o m' àmhghar geur.
18 Seall air mo phéin, is m'anshocair,
's mo pheacaidh lagh gu léir.
19 Mo naimhde guineach thoir fainear,
oir tha iad lionmhor ann ;
Fuath nimhneach agus mi-runach
tha aca dhomh nach gann.
20 Dhia, coimhid m'anam, 's furtaich orm :
na leig fo nàire mi ;
Mo dhòchas uile leig mi ort,
air son gur tu mo Rìgh.
21 Nis deanadh ionracas is còir
mo dhion ; 's mi feitheamh ort.
22 Dhia, fuasgail air cloinn Israeil,
o'n uile àmhghar goirt.

SALM XXVI.

1 **T**HOIR ormsa breth, a Dhia nan dùl,
a'm' neòchiont ghluais mi féin,
Oir rinn mi dòchas maith á Dia,
cha sleamhuich uam mo cheum.
2 Dhia, fionn mo chridh', is m'àirne fòs,
fidir is ceasnuich mi.
3 Oir dheare mi air do chaoimhneas gràidh :
a'd' fhèrrinn ghluais mi, Dhé.
4 Le cuideachd dhìomhain riamh nìor
cha siubhlam le luchd-saoibh. [shuidh ;
5 Is beag orm coimhthional an uile :
's cha suidh mi sìos le baobh.
6 An neòchiont glanaidh mi mo làmh,
is cuairt'cheam d'altair, Dhé ;
7 Gu foillsichinn le moladh àrd,
do mhiorbhuile gu léir.
8 Còmhnuidh do theach is ionmhuinn leam,
a Thighearn is a Dhé,
Gnàth-àite bunaidh d'onorach,
is leam ro ionmhuinn e.
9 Le peacaichibh, luchd-deanamh uile,
na cruinnich m'anam bochd,
Na cuir mo bheath' 'n an cuideachd sud
Tha fuileachdach gu lochd.
10 'G am bheil an t-àimhleas mòr 'nan glaic :
duais-bhratha 'nan làimh dheis,
11 Ach gluaisidh mi a'm' neòchiont féin,
a'd' thròcair saor-sa mis'.
12 'N a seasamh ta mo chos gu beachd
air ionad còmhlar réidh :
Is ann an coimhthional nan naomh,
Beannaicheam thus' a Dhé.

SALM XXVII.

1 **S**E Dia mo sholus, is mo shlàint',
cò chuiras eagal orm ?
'S e neart mo bheatha Dia nan dùl,
cò chuiras fait'cheas fò'm ?
2 Mo naimhde, m'eascairde, luchd-uile,
tràth thàinig orm gu bras,
Gu gionach dh'itheadh m'fhèola suas,
fluair tuisleadh, thuit gu cas.

- 3 Ged champaicheadh a'm' aghaidh feachd,
cha-n eagal le mo chridh' :
Ged éireadh cogadh m' aghaidh fòs,
à so mo bhun do ni.
- 4 Aon ni a mhiannaich mi o Dhia,
gu minic iarram e :
A bhi a'm' chòmhnuidh feadh mo là
an tigh 's an àros Dé ;
A chum gu faicinn féin gu glan
maise Ichobhah mhòir,
Gu fiosaichinn 's gu faighinn sgeul,
'n a theampull mar is còir.
- 5 Oir ni e m'fhòlach 'n àm na h-aire'
'n a phàillion : dìon do ni
An diomhaireachd a phàillium dhomh ;
air carraig cuiridh mi.
- 6 Os ceann mo naimhde ta mu m' chuairt,
nis togar suas mo cheann :
Glan tobairt aoibhneis uime sin
d'a phàillion bheirear leam :
Is seinnidh mi gu togarach,
seadh, canaidh mi gu binn,
Ceol agus moladh àrd do Dhia
air feadh mo ré 's mo linn.
- 7 Le guth mo bheoil tràth éigheam riut,
thoir eisdeachd dhomh, a Dhé :
Le iochd dean tràcair orm, is fòir,
gu gràsmlor freagair mi.
- 8 Iarr m'aghaidh, 'n uair thubhairt thu
an sin thuir m'anam leat, [rium,
Do ghnùis, is taghaidh féin a Dhé,
sin iarraidh mi gu h-ait.
- 9 Na folaich uam do ghnùis, am feirg
na dibir d'òglach féin :
'S tu chuidich leam : a Dhé mo shlàint'
na fagsa mi 's na tréig.
- 10 'N uair thréigeas m'athair mi gu tur,
's mo mhàthair fòs faraon,
Do ni an Tighearna an sin
mo thogail suas gu caoin.
- 11 Dhia, teagaisg dhomh do shlighe féin,
is treoraich mise, Dhé,
Fa chùis mo naimhde mi-runach,
air ceumaibh dìreach réidh.
- 12 Do mhi-run m'eascairde ro-gheur
na tabhair thairis mi :
Oir dh'éirich rium luchd-flanu is bhreig',
is dream a blirùchdas nimh.
- 13 Rachadh mo mhisneach uil' air cùl,
mur creidinn maithreas Dé,
Gu faicinn sin an tìr nam beò,
ga m' fhuasgladh ann am fheum.
- 14 Fuirich gu foighidneach ri Dia,
glac thugad misneach mhòr,
Is bheir e spionnadh eridhe dhuit :
fuirich ri Dia na glòir'.
- 2 Guth m' athcheuinge, tràth éigheam riut,
éisd thus' an sin, a Dhé :
'N uair thogas mi mo làmh an suas
gu d' theampull naomha féin.
- 3 Le luchd an uile 's na h-eucorach,
na tarruing mi gu bràth ;
R'an comhearsnaich a labhras sìth,
ach olc 'n an eridhe ta.
- 4 A réir an oibre, tabhair dhoibh,
a réir an rùin chum lochd :
Is diolsa riu droch ghnìomh an làmh,
amhluidh mar thoill iad ort.
- 5 Do blirigh nach tuig iad oibre Dhé,
no gnìomh a làmh fòs,
Do ni e milleadh orr' is claidh,
's cha dean an togail suas.
- 6 Air son guth m' athcheuinge gu'n d'cisd,
mòr-bheannaicht' gu robh Dia.
- 7 Do chuir mo chridh' a dhòchas ann ;
's e Dia mo neart 's mo sgiath.
Tha mi a' faghail cnideach' uaith',
mar sin le h-aoibhneas ait
Mo chridh' a ta ; 's le m'òran binn
sior-mholam e gu pailt.
- 8 'S e Dia a's neart, 's a's treise dhoibh,
oir tha e féin gu deas
'Na neart, 's 'n a spionnadh slàinte dlùth
do'n tì a dh' ungadh leis.
- 9 Dhia, furtaich air do phobull caomh,
is beannaich d'oghreachd féin :
Dhoibh tabhair beath', is teachdantir,
tog iad am feasd, a Dhé.

SALM XXIX.

- 1 THUGAIBH, a laochraidh làidir
do Thighearna nam fear, [threun
Thugaibh do'n Tighearna ud faraon
glòir, urram, agus neart.
- 2 A' ghlòir a's cubhaidh fòs d'a ainm,
thugaibh do'n Dia ro-threun :
Sleuchdaibh do'n Tighearna faraon
am mais' a naomhachd féin.
- 3 Tha guth Dhé air na h-uisgeachaibh ;
is fòs ni Dia na glòir'
Ard-thairneanach, is suidhidh e
air uisgibh làidir mòr'.
- 4 Tha guth an Tighearna gu beachd
mòr-chumhachdach is treun :
Tha guth an Tighearna faraon
làn moralachd ann féin.
- 5 Brisidh an Tighearna le 'ghuth
na seudair a ta fàs ;
Is brisear seudair Lebanon
le 'ghuthsan aig a chruas.
- 6 Is bheir e orra leum gu clist',
amhluidh mar ghamhuinn bò :
Sliabh Shirioin is Lebanon,
mar bhuabhull meargant' òg.
- 7 Sgoiltidh guth Dhé an dealanach ;
am fasach crathaidh e ;

SALM XXVIII.

- 1 A DHIA, mo charraig, éigheam riut,
a'd' thòsd na bi-sa uam :
Eagal le d' thòsd, gur cosmhuil mi
ri dream théid sìos do'n uaigh.

- 6 Seadh fasach Chadeis mar an ceudn'
's e Dia a chrathas e.
- 9 Bheir guth Dhé fòs air aighibh àlt'
grad-sgarachdainn r' an laoiigh ;
Is ionaidh sud na coillte dlùth',
'a rùsgadh bhàrr nan craobh :
Is ann a theampull naomhasan,
cuiridh gach neach an céill
Glòir agus urram mòr ar Dia ;
g' a mholadhsan d'a réir.
- 10 Tha Dia 'n a chòmhnuidh air an tuil ;
's 'n a shuidh' am feasd 'n a Rìgh.
- 11 Bheir Dia d'a phobull neart ; is bheir
dhoibh beannachadh le sìth.

SALM XXX.

- 1 **D**HIA, molam thu, oir thog thu mi,
gàir' m'cascair cha d'rinn dhìom.
- 2 A Dhia mo Thighearn, ghlaodh mi riut,
is dh'fhurtaich orm a'm' fheum.
- 3 Do thogadh m' anam leatsa, Dhé
glan as an uaigh a nìos ;
Is ghléidh thu mi gu tearuint' beò,
do'n t-slochd nach rachain sìos.
- 4 Do'n Tighearn àrd gu cèdmhor binn
seinnibh, a naomh-shluagh féin,
Ri cuimhneach' air a naomhachdsan,
sgaoilbh a chliu an céin.
- 5 Oir 'fhearg cha mhair a' mionaid bheag,
'n a d'headh ghean beatha ta :
Trath feasgair fòs ged robh ann bròn,
thig aoibhneas leis an là.
- 6 A'm' shocair thubhairt mi mar so,
cha ghluaisear mis' an feasd :
- 7 Le d'thròcair thug thu air mo chnoc
gu daingean suas gu'n sheas :
A Dhé, do cheil thu orm do ghnùis,
chuir sin gu trioblaid mi.
- 8 Dhia, ruit do ghlaodh : is rinn ri Dia
mo ghearan is mo chaoidh :
- 9 Ciod i an tairbh' 'a'm' fhuil-sa ta,
an dèigh mo chur 's an uaigh ?
Am molar thusa leis an àir ?
an toir air t'fhirinn luaidh ?
- 10 Eisd rium a nis, a Dhia nan dùl,
dean tròcair orm is gràs ;
Is bi-sa, Dhé, d'fhear-cuidich leam,
'n uair tharlas dhomh blii 'n sàs.
- 11 Mo bhàrr gu dannsadh chaochail thu,
is m'eadach saic faraon
Do sgaoil thu dhìom, is chrìoslaich mi
le h-aoibhneas air gach taobh :
- 12 Mo ghloir gu seinnidh dhuit-sa cliu,
gun idir blii 'n a tosd :
A Dhia mo Thighearn, bheir mi dhuit
mòr-bhuidheachas am feasd.

SALM XXXI.

- 1 **A**SADSA, Dhé, ni mise bun ;
nàir' orm na leig am feasd :
Dean suasgladh dhomh a't' ionracas,
o thrioblaid is o cheisd.

- 2 Do chluas a m'ionnsuidh crom a nuas,
is furtaich orm gu dian :
A'd' charrraig dhaingean bi-sa dhomh,
tigh-tearmuinn chum mo dhion.
- 3 Oir's tu a's carraig dhìleas dhomh
's mo dhaingneach làidir treun,
Is uime sin sgàth d'ahme, Dhé,
treòraich, is stùir mo cheum.
- 4 Saor as an rib a dh'fholaich iad
buih mise mach, a Dhé :
Air son gur tus' an ti a mhàin
a's neart, 's a's treòir dhomh féin.
- 5 A'd' làimh-sa mhàin, a Dhia nan dùl,
mo spiorad tiomnam suas :
A Dhia na firinn, is mo Thriath,
's tu dh'fhuasgail air mo chruas.
- 6 Is fuath leam iad a bheir fa'ncar
na breuga dìomhaineach :
Ach dòchas ann an Dia nan gràs
chuir mi gu muinghincach.
- 7 A'd' thròcair biom gu h-aoibhneach ait :
oir thug thu, Dhé, fa'ncar
Mo thrioblaid ; 's m'anam ann an teinn
bha thusa fiosrach air.
- 8 Cha d'rinnidh leat mo dhruideadh suas
an làimh mo nàmhaid thrèin :
An àite farsuinn shoeruidh thu
mo chosan is mo cheum.
- 9 O tha mi, Dhé, an trioblaid mhòir,
dean tròcair orm gu cas :
Mo shùile, m'anam, is mo bholg,
le bròn air seargadh as.
- 10 Oir chlaoidhcadh m'anam as le bròn,
's mo bhliadhnacha le caoidh :
Do bhrìgh mo lochd claidh as do m'
mo chnàmhan air an claidh. [neart.
- 11 Mar aobhar fanoidh tha mi fòs
do m' cascairdibh gu léir,
Gu h-àraidh do mo choimhearsnaich,
mar mhasladh tha mi féin :
Is do luchd m'còlais fòs a taim
a'm' aobhar geilt is fuath' :
Gach neach a chi mi air an t-sràid,
a' teicheadh uam gu luath.
- 12 Mar dhuine marbh air dol á cuimhn' ;
mar shoitheach briste mi :
- 13 Oir chualas toibheum mòran dhaoin' ;
eagal gach taobh do bhì :
A'm' aghaidh 'n uair a chruinnich iad,
dhealbhadh iad mo bheath' a sgrios :
- 14 Ach dhìotsa, Dhé, rinn mise bun ;
is tu mo Dhia, deir mis'.
- 15 Tha m'aimsirean a'd' làimh-sa Dhé,
orm furtaich agus fòir
O làimh mo naimhdean, is o'n dream
tha leantuinnean orm an tòir.
- 16 Do ghnùis is d'aghaidh dealraicheadh
air t'òglach dìleas féin :
Air sgàth do ghràsa carthannach,
mo shaoarach dean gu treun.

- 17 Na leig fo nàire mhaslaidh mi,
a Dhia, oir ghairm mi ort:
Ach nàire biodh air luchd an uile;
san uaigh biodh iad 'nan tosd.
- 18 Cuir béil nam breug, a Dhé, 'nan tàmla,
labhras gu h-àrdanach,
'N aghaidh nam firean spreigeadh
gu spèideil tarcuiseach. [cruaidh,
- 19 Cia meud do mhaith a thaisg thu dhoibh,
d'an eagal thu faraon;
'S a rinn thu do na dh'earbas riut,
am fianuis chloinn nan daoine!
- 20 O àilgheas dhaoine ni thu 'n dìon,
fo dhìomhaireachd do ghnùis;
'S am pàillinn fòs, o stri nan teang',
ni didean dhoibh 'n an cùis.
- 21 Dia gu ma beannaichte gu bràth;
oir dh'fhoillsich e dhomh féin
A chaoimhneas càirdeil iongantach,
an caithir làidir thréin.
- 22 Thuir mi a'm' dheifir, Scaith' tha mi
o bheachd do shùl a mach:
Ach chual thu 'nuair a ghlaodh mi riut,
guth m'asluich ghearanach.
- 23 Gràdhaichibh Dia, O naoimh, air fad:
oir Dia do'n treibhdhireach
Do ni sàr-dhion, is diol gu pailt
do'n uaibhreach àilgheasach.
- 24 S' bhse a chuir an Dia nan gras
bhur dòchas mar is còir,
Bibh misneachail, is cuiridh e
neart ann bhur cridh' is treòir.

SALM XXXII.

- 1 'S BEANNAICHT' an duine sin a
'n a pheacadh maithneas; [fhuair
A fhuair le trècair folach air
a chiont' is eusaontas.
- 2 'S beannaicht' an ti nach agair Dia
'n a sheachranaibh ni's mò;
Is ann a spiorad fòs nach 'eil
claon-chealgairachd no gò.
- 3 A' fantuinn dhomh gu fad a'm' thàmh,
Luidh air mo chnàmhaibh aois,
Is b'amluidh sin gach là mo chor,
le dol do m'bhùireadh suas.
- 4 Oi ormsa bha do làmh gu trom,
air feadh gach oidhel' is là:
M' bhrìgh gu tart an t-samhraidh theith
air ath'rrachadh a ta.
- 5 Làn-fhoillsich mi mo pheacadh dhuit,
nìor cheil mi m'aingidheachd:
Aidmheil (thuir mi) do Dhia ni mis',
is mhaith thu cron mo lochd.
- 6 So fàth mu'n guidhe riut gach naomh,
's an àm am faighear thu:
F' dearbh an tuil nan uisgean mòr',
cha ruig iad air gu dlùth.
- 7 Tha thu a' t'ionad foluich dhomh,
ni coimhead orm o theinn;
s nìthear leat mo chuairteachadh
le h-òran saorsa binn.

- 8 Dhuit teagaisgidh is seòlaidh mi
am bealach is an t-iùil,
'S an tigeadh dhuitse triall gu ceart;
sin seòlam dhuit le m'shùil.
- 9 Na bi mar mhuileid, no mar each,
na h-aìnmhidhean gun chéill:
Ri'n cuirear, chum nach tig iad ort,
teann-sparrag sréin 'n am beul.
- 10 Is lionmhor bròn aig luchd an uile:
ach neach d'am barrant Dia,
Tha 'thrècair dol m'a thimchiollsan
g'a dhionadh mar ni sgiath.
- 11 A dhaoine treibhdhireach, an Dia
bibh aoibhneach agus ait:
Is deanaibh gairdeachas, gach neach
'g am bheil an cridhe ceart.

SALM XXXIII.

- 1 O SIBHSE ta 'n 'ur fireanaibh,
biodh aiteas oirbh an Dia:
Oir 's cubhaidh do na daoineibh còir,
bhi 'tabhairt cliu do'n Triath.
- 2 Air clàrsaich thugaibh moladh dha;
is air an t-saltair ghrinn,
Air inneal-ciùil nan teuda deich
seinnibh do Dhia gu binn.
- 3 Is canaibh dhasan òran nuadh:
àrd-sheinnibh fonn gun stad.
- 4 Oir's ceart a reachd: am frinn fòs
ta 'oibre deant' air fad.
- 5 Is ionmhuinn leis-san còir is ceart:
lion maithneas Dé gach tìr.
- 6 Rinn focal Dé na nèamh', 's an sluagh
rinn guth a bheoil gu léir.
- 7 Mar thòrr a ta e carnadh suas,
uisge na fàirge mòir':
A' coimhead fòs na doimhne suas,
gu dilcas an tigh-stòir.
- 8 Nis roimh an Tighearna gu mòr
biodh eagal air gach tìr;
Is air na dh'aiticheas an saogh'.
biodh fiamh roimh 'aìnm gu léir.
- 9 Oir labhair Dia, is rinneadh e:
dh'òrduich, is chuir air chois:
- 10 Chuir comhairle nan sluagh air cùl:
is innleachd dhaoine' air ais.
- 11 Tha comhairle Iehobhah vhoir
gu seasmhach buan am feasd:
Smuaintean a chridhe mar an ceudn'
o linn gu linn gun cheisd.
- 12 'S beannaicht' an cinneach sin 'g am
mar Dhia Iehobhah treun: [bheil
'S am pobull fòs a ròghnaich e
mar oighreachd bhuan dha féin.
- 13 Air chloinn nan daoine seallaidh Dia,
o nèamh nan speur a nuas.
- 14 'S léir dha gach neach 's a' chruinne-ché,
o 'ionad-còmhnuidh shuas.
- 15 An cridh' air aon dòigh chumadh leis;
thug e fa' near an gnìomh.

- 16 Cha tèarunn rìgh le meud a shluaigh ;
do'n laoch, neart mor eha dìon.
- 17 An t-cach an còmhrag 's dìomhain e,
a dheanamh furtachd leis ;
No dheanamh fuasglaidh ri àm féim,
ge mòr a lùth 's a threis'.
- 18 Feuch, sùilean Dé gu furachar
air a luchd eagail féin,
Is air an dream sin as a ghràs,
ni muighinn làidir treun :
- 19 Au anam chum a dhion o'n bhàs,
's o'n ghort an cumail bed.
- 20 Ar n-anam feithidh e air Dia ;
ar neart, 's ar sgiath gach lò.
- 21 Oir annsan ni ar cridh' a stigh
ùr-ghairdeachas gun dìth :
Is cuiridh sinu 'u a ainm ro-naomh
ar muinghiu fòs a chaoidh.
- 22 Do thròcair gu robh oirnn gu caomh,
a Tighearna, gach là,
A réir mar chuir sinn annad féin
ar dochas treun a ghnàth.

SALM XXXIV.

- 1 **I**EHOBHAH beannaicheam gu h-àrd,
gach aimsir is gach tràth :
A chliu 's a mholadh ann am bheul
gu h-ionmraiteach a ghnàth.
- 2 Is anns au Tighearna ro-threun
ni m'anam uail is glòir :
Na daoine sèimh', tràth chluineas sud,
ni gairdeachas gu mòr.
- 3 Ardaichibh leamsa Dia nam feart,
molamaid 'ainm le chèill' :
- 4 Dh'iarr mise Dia, chual' e, is bhuin
mi as gach gàbhadh geur.
- 5 Dh'amhaire iad air, is dhealraich iad ;
gun nàire air an gruaidh.
- 6 Do ghlaodh am bochd, is dh'èisd ris Dia,
Is dh'fhuasgail as gach truaigh.
- 7 Tha aingeal Dé a' campachadh'
mu'n dream d'an cagal e,
G'am fuasgladh is g'an teasairginn
o'n trioblaidibh gu léir.
- 8 O blaisibh agus faicibh so,
gur maith, 's gur milis Dia :
Am fear sin 's beannaicht' e gu beachd
a dh' earbas as an Triath.
- 9 Fìor eagal Dé, biodh oirbh, a naoimh ;
oir uireasbhuidh no dìth
Cha bhì air a luchd eagail-san,
fìor-chràbhadh dha a ni.
- 10 Bidh easbhuidh air ua leòmhnaibh òg',
is ocras orr' air leth ;
Ach air au dream a dh'iarras Dia
cha cheilear aon ni maith.
- 11 Thigibh a chlann, is éisdibh rium :
dhuibh nochdam eagal Dé.
- 12 Cò'm fear le'm b'àill bhì fada bed,
chum maith gu faicadh e ?
- 13 Coimhid do theangadh féin o'u ole,
's o labhairt ceilg' do bheul.

- 14 Seachainn an t-ole, is dean am maith :
iarr sìochaint, 's lean gu geur.
- 15 Tha sùile Dhé air fireanaibh,
's a chluas ri'n glaoth gu fìor.
- 16 Tha gnùis Dhé 'n aghaidh daoì, a chum
an cuimhne sgrìos á tìr.
- 17 Do ghlaodh na fireana ri Dia,
is dh'èisd e ri'u gu grad ;
Thug furtachd agus fuasgladh dhoibh
o'n àmhgharaibh air fad.
- 18 Do'n mhuinntir 'g am bheil cridhe brùit'
is dlùth dhoibh Dia gun cheisd :
Nì esan furtachd fòs do'n dream
'g am bheil an spiorad brist'.
- 19 Is lionmhòr trioblaid agus teinn
thig air an fhìrean chòir ;
Ach asd' air fad ni Dia nan gràs
a theasairginn fadheoidh.
- 20 A chnàmhan uile coimhdidh e :
cha-nèil a h-aon diùbh brist'.
- 21 Ach marbhaidh ole an duine da',
is claidhear e gun cheisd :
Is luchd an fharmaid, a bheir fuat'
do dhaoineibh còir is ceart,
Mòr-chiontach fagar iad 'n an lochd,
di-mhilltear iad gu beachd.
- 22 Anam a sheirbhiseach gu léir
saor fuasglaidh Dia gach àm,
Cha mhilltear idir neach dhiubh sad
ehuircas an dòchas aun.

SALM XXXV.

- 1 **T**AGAIR, a Dhia, ri luchd mo strì ;
cuir cath ri luchd mo chath'.
- 2 Glac féin do thargaid, is do sgiath,
éirich, dean còimladh maith.
- 3 Glac fòs do shleagh, 's air luchd mo thòir
am bealach druid gu teamn :
Ri m'anam abair féin mar so,
Is mi do chòmhluadh aun.
- 4 Trom-nàir' is masladh gu robh dhoibh
ta 'g iarraidh m'anam bhochd :
Is pilleadh iad le h-amhladh genr,
ta smuaineachadh dhomh lochd.
- 5 Biodh iad mar mhuillnein dol le gaoith :
'n au tòir biodh aingeal Dé :
- 6 Biodh aingeal Dé 'g an ruith gu teamn
dorch sleamhuin biodh au ceum.
- 7 Oir lìontan leag iad air mo shìon,
gun aobhar no cion-fàth :
Is slochd gun aobhar chladhaich iad,
chum m'auam chur an sàs.
- 8 Gun fhios da, thigeadh doruinn air,
is glacar e 's an lìon
A dh'fholuich e : 's an dèruinn cheudn'
tuitedh e féin gu dian.
- 9 Nì m'anam gairdeachas an Dia ;
's 'n a fhurtachd sòlas mòr.
- 10 Is their mo chnàmhan uile Dhé,
cò choimeas riuts' is còir ?

Ni teasairginn do'n duine bhochd
o'n neach ta air ro-threun,
An t-ainnis is am bochd o'n ti
le'm b'àill a chlaoidh gu léir.

- 11 Luchd fianuis bhréige dh'éirich rium,
is chuir iad as mo leth
Na nithe sin gu h-eucorach,
nach b' fhiosrach mi am bith.
12 Ole dhìol iad rium an eiric maith,
chum m'anam chur fo leòn.
13 Ach mis', air bhi dhoibh sud gu tinn,
ghabh umam culaidh bhròin :
M'anam le trasgadh dh'umhlaich mi,
's phill m'urnaigh ann am chrìos.
14 Mar charaid, bràth'r, no fear-caoidh
gu brònach crom ghluais mis'. [màth'r
15 Ach chruinnich iad, is bha iad ait,
air bhi dhomh ann an teinn :
Gun fhios domh, chruinnich cuideachd
gun tàmh mo reubadh rinn. [thair,

- 16 Le cealgairibh gu fanoideach,
'r am féisd rinn spòrsa dhìom,
Do chasadh leo am fiacra rium,
ri magadh orm gu dian.
17 Cia fhad is léir dhuit so, a Dhé ?
saor m'anam féin gu cas
O'm milleadhsan : mo shìreicin fòs,
tèaruinn o leòmhnaibh bras.

- 18 Làn-bhuidheachas do bheir mi dhuit
am measg an tionail mhòir ;
'S am measg an t-sluaigh tràth 's lion-
àrd-mholam thu le glòir. [mhor iad,
19 Mo naimhde ta gun aobhar rium,
na biodh ac' aobhneas dhìom :
Do'n dream a thug dhomh fuath gun
a'm' chaogadh sul na biom. [chuis

- 20 Oir ann an sìth cha-n'eil an tlachd,
ach ann am beartaibh claon,
An aghaidh dhaoine ciùin na tìr',
'g am buaireadh air gach taobh.
21 Gu farsuinn dh'fhosgail iad am beul,
is rium, ha, ha, a deir,
Chunnaic a nis ar sùil an ni
bu mhiannach leinn teachd air.

- 22 Ach chunnaic thusa so, a Dhia,
na bi a'd' thosd a'm' fheum :
A Thighearn is a Dhia nam feart,
na fuirich uam an cèin.
23 Tog ort, is mosgail chum mo cheirt,
fa m' chùis, mo Dhia, 's mo Rìgh.
24 Dhia, dean a réir do cheartais breth,
is dhoibh na b'aobhneas mi.

- 25 'N an eridh' na h-abradh iad riu féin,
ha, ha, 's e sud ar miann :
Is fòs na h-abradh iad a chlaoidh,
do shluig sinn e gu dian.
26 Biodh orra nàir', is tairngear iad
gu h-ambluadh mòr le chéil',
A ta gu suilhir is gu h-ait,
ri faicinn m'àmhlghair ghéir :

Is biodh iad air an sgeudachadh
le masladh is le nàir'.
Tha 'g iarraidh urrain mhòir dhoibh féin
a'm' aghaidh-sa gun tàmh.

- 27 Biodh aobhneas orra, 's gairdeachas,
a shecasas dhomh mo chòir :
Is abradh iad, Mòr-chliu gu robh
do Thighearna na glòir',
Tha gabhail tlachd do shonas buan
a sheirbhisich a ghnàth.

- 28 Is air do cheartas thig mo bheul,
is air do chliu gach là.

SALM XXXVI.

- 1 **D**EIR eusaontas an droch-dhuin' so,
'n a chridhe stigh 's 'n a chliabh
Fìor-eagal Dé am beachd a shùl
cha-n'eil, is cha robh riamh.
2 Oir ni e brionnal baoth ris féin
a réir mar thaitneas ris ;
A chionta gus am foillsichear
mar aobhar fuath d'a sgrìos.
3 Fìor-chluaintearachd is eucòir mhòr,
sud caiunt a bheoil gu tric :
Is sguir e fòs o dhecanamh maith,
is leig e dheth bhi glie.
4 Aimbheas 'n a leabaidh tha e dealbh' ;
's an t-slighe nach 'eil ceart
Shuidhich is shoeruch se e féin ;
cha-n oillteil leis droch hheart.
5 Do thròcair tha 's na nèamhaibh shuas,
a Thighearn is a Dhé :
Gu ruig na neoil, is àird nan speur,
làn ruigidh d'fhìrinn rèidh.
6 Do cheartas mar na sléibhtibh àrd',
do bhreth mar dhoimhneachd mhòir ;
Air duine 's ainmhidh ni thu, Dhé,
deadh-choimhead agus fòir.
7 O Dhia ! is priseil urramach
do chaoimhneas gràdhach caoin ;
Fo sgàil do sgéith ni uime sin,
làn dòchas clann nan daoin'.
8 Le sàill do theach is t'arois phailt
sàsuichear iad gu mòr ;
A d'amhainn làn do shòlasaibh
deoch bheir thu dhoibh r'a h-òl.
9 Tobar na beatha tha gu dearbh
agadsa, Dhia nan dùl ;
Is ann ad sholus dealrach glan,
chi sinne solus iùil.
10 Maireadh do chaoimhneas gràidh, a Dhé,
do'n dream chur còlas ort :
Is buanaich d'fhìreantachd faraon
do luchd a' chridhe cheirt.
11 Na leig do chois an àrdain bhuirb
a'm' aghaidh teachd, a Dhé :
Is làmh an droch dhuin' aingidh fòs
gu bràth na gluaiseadh mi.
12 An sin do thuit luchd-deanamh uile ;
is leagadh iad a sìos,

Ag diobhail luith cha-n fheudar leo,
gu'n éirich iad a nìos.

SALM XXXVII.

- 1 **L**ASAN no compar na biodh ort
mu dhaoibh aingidh ole,
Is na gabh farmad ris an dream
a bhios a' deanamh lochd.
- 2 Oir amhluidh mar is dual do'n fheur,
glan-sgathar iad gu grad,
Is amhluidh mar na lusa maoth'
crion-seargaidh iad air fad.
- 3 Cuir-sa do dhòchas ann an Dia,
is deanar maithreas leat,
Mar sin sior-mhealaidh tu an tìr,
's beathaichear thu gu beachd.
- 4 Gabh tlachd an Dia, is bheir e dhuit
làn rùn do chridh' a chaoidh.
- 5 Do shlighe tabhair suas do Dhia ;
earb ris, is bheir gu crìch.
- 6 Foillsichidh e do chòir 's do cheart,
mar sholus glan nan tràth ;
Is amhluidh mar àrd-mheadhon-là
do bhreitheanas a ghnàth.
- 7 Gu sàmhach fan ri Dia nan dùl,
is feith le foighid leis ;
An ti 'n a shligh' a shoirbhicheas,
na gabhsa farmad ris :
- Fa chùis an fhir a bheir gu buil
a dhroch-bheart inncachdach.
- 8 Leig corruich dhìot, tréig fearg : chum
na bi-sa frionasach. [uile]
- 9 Oir droch-dhaoine is luchd-deanamh uile
glan sgathar as gu léir :
Ach lion 'g am bheil an sùil ri Dia,
buan-mhealaidh iad an tìr.
- 10 Oir feith gu foil ré tamuill bhig,
's an droch dhuin' cha bhi ann :
'S 'n a ionad fòs, ma bheir fa'near,
cha bhi e féin no 'chlann.
- 11 Ach mealaidh daoine sèimh am feasd
am fearann is an tìr :
Lan-shòlas bheirear dhoibh faraon,
an saobhireachd na sìth'.
- 12 Tha 'n t-aingidh cunadh lochd do'n
's a' casadh fhiaca ris [t-saoi,
- 13 Nì Dia air fanoid : oir dha 's léir
gur dlùth air là a sgrios.
- 14 Na h-aingidh tharruing iad an lann ;
is chuir am bogh' air ghleus,
A leagadh aim-beartach is bhlochd,
's a mharbhadh luchd deadh bheus.
- 15 An claidheamh théid 'n an eridhe féin,
théid air am bogha claoidh.
- 16 'S fearr beagan aig an duine chòir,
na saobhreas mòr nan dao.
- 17 Oir gairdeana luchd aingidheachd
min-blirisear air an cruas ;
Ach daoine còir is fireanach
nì Dia an cumail suas.

- 18 Air aimsiribh nam fireanach
is fiosrach Dia gun cheisd :
An oighreachd is an seilbh faraon,
dhoibh 's maireannach am feasd.
- 19 Cha chuirear iad gu rudhadh gruaidh,
's an aimsir ghàbhaidh ole :
Oir gheibh iad uil' an sàth gu leòr
An làithibh gain'ne 's gort'.
- 20 Ach sgriosar droch dhaoine naimhde
bidh iad mar shailh nan uan : [Dhé,
Làn-mhillear iad, is théid dhoibh as,
mar dheataich nach 'eil buan.
- 21 An iasachd gabhaidh daoine daoi,
's cha dìol a rìs air ais ;
Am firean tha e trèaireach,
is nithear pailteas leis.
- 22 Oir meud 's a fhuair a bhcanachdsan,
sior-mhealaidh iad an tìr :
'S an dream a gheibh a mhallachdsan,
lom-sgriosar iad gu léir.
- 23 Tha Dia a' stiùireadh cheumanna
an duine naomha chòir :
Is tha e gabhail tlachd is toil'
d'a shlighe-san gu mòr.
- 24 Nan tarladh dha gu'n tuiteadh e,
cha tilgear tur e sìos :
Oir tha an Tighearna le 'laimh
'g a chumail suas a rìs.
- 25 Bha mise òg, 's a nìs an aois :
is rianh cha-n fhaca mi
'N a dhiobrachan an duine còir,
No 'shliochd ag iarraidh bìdh.
- 26 Sior-thruacant' e, is coingheallach :
beannaicht' a shliochd a ta.
- 27 Seachainn an t-òle, is dean am maith,
is còmhnuidh gabh gu bràth.
- 28 Is toigh le Dia eart bhreitheanas,
a naoimh cha tréig e chaoidh ;
Sior-chòimhdear iad : ach sgathar sìos,
droch shliochd nan daoine daoi.
- 29 Mealaidh na fireana an tìr ;
buan-chòmhnuidh nì iad innt'.
- 30 Thig beul an t-saoi air gliocas glan,
a theang' air rogha cainnt.
- 31 Tha lagh a Dhé 'n a chridh' a stigh :
cha sleamhnuich uaith a cheum.
- 32 Tha'n droch dhuin' feitheamh air an
g'a mharbhadh is g'a theum. [t-saoi,
- 33 Cha-n fhàg an Tighearna e 'n a làimh,
a dheanamh air droch-bheart ;
Cha-n fhàgar ris e ann am binn,
tràth chuirear e fo cheirt.
- 34 Feith thus' air Dia, 's 'n a shligh' gluais
is àrduichear leis thu,
An tìr gu meal thu ; is droch dhaoine'
'g am milleadh chi do shùil.
- 35 An duine malluicht' chunnaic mi
an neart, 's an inbhe mhòir,
'G a sgaoileadh féin a mach mar chraoibh,
'a' fàs gu dosrach ùr ;

- 25 Ach chaidh o seach, is feuch cha robh ;
dh'iarr, is cha d'fhuaras e.
- 37 Amhaire is feuch gur sìth is crìoch
do'n duine dhìreach réidh.
- 33 Ach sgriosar luchd an eusaontais,
is théid dhoibh as faraon :
Di-mhilltear agus sgathar sìos
crìoch dheircannach dhroch dhaoin'.
- 39 Ach furtachd fhior nam firean fòs,
thig sin o Dhia nan dùl :
Is anns an aimsir thrioblaidich,
's e 's barrant air an cùl.
- 40 Thig treis is furtachd thu' o Dhia,
le fuasgladh an deadh àm ;
Saorar iad leis o dhaoineibh olc,
oir chuir iad muinghinn ann.

SALM XXXVIII.

- 1 **A** THIGHEARN, ann ad chorruich
na cronuich mi gu garg ; [mhòir
Na dean mo smachdachadh gu geur,
an uair a lasas d'fhcarg.
- 2 Oir tha do shaighde guineach geur
sàith' annam féin gu teann :
Is orm a ta do làmh gu trom,
'g am chumail sìos gach àm.
- 3 Cha-n'èil maoin fhallaineachd a'm' fheòil,
air son do chorruich ghéir ;
A'm' chuàmhaidh cha-n'èil tàmh no fois,
air son mo pheacaidh féin.
- 4 Oir chaidh mo pheacaidh os mo cheann ;
taid orm 'n an eirc thruim.
- 5 Mo chreuchda ta ro-lobhta, 's breun ;
mo ghòruich 's coireach rium.
- 6 Tha mi gu cràiteach, euslan, crom,
a' triall gach là le bròn.
- 7 Mo leasraidh làn do ghalar breun' :
gun fhallaineachd a'm' fheòil.
- 8 Taim lag is brùit' : a' bùireadh fòs
trid an-shocair mo chridh'.
- 9 A'd' latl'r, a Dhé, tha m'uile mhiann :
cha-n' fholuicht' ort mo chaoidh.
- 10 Mo chridhe ta sior-phloscartaich,
mo neart chaidh uam gu glan ;
An taic ri fradharc geur mo shùl,
sin agam fòs cha d'fhan.
- 11 Tha luchd mo ghaol 's mo chairde
a' seasamh fad o 'm bheum, [caomh
Mo choimhearsnach is luchd mo phàirt.
a' teicheadh uam an céin.
- 12 Sealg orm a ta luchd iarraidh m'ann' :
luchd iarraidh m'uile a ghnàth,
A' labhairt nithe aimhleasach,
's a' smuaineach' ceilg' gach là.
- 13 Ach mise fòs mar bhodhar mi,
nach cluinneadh guth no sgeul :
Is cosmhuil mi ri duine balbh,
gun chomas fosglaidh béil.
- 14 Mar sin mar dhuine mi nach cluinn,
gun achinbasan 'n a bheul.

- 15 Oir dh' earb mi riut, a Dhé, mo Thriath :
Dhia, freagraidh tus' a'm' fheum.
- 16 Thubhairt mi, chum nach maoidheadh
thoir freagradh dhomh gu cas ; [iad,
Is chum nach dean iad gairdeachas
'n tràth shleamhnuicheas mo chas.
- 17 Oir 's dlùth chum claonaidh mi, 's mo
a'm' fhianuis tha do ghnàth. [bhron
- 18 Mo lochd do innseam, is fo m' chiont',
mòr aimheal ormsa ta.
- 19 Ach mheud 's a ta'nan naimhde dhomh,
's ro bheothail iad 's is treun ;
Is luchd mo mhi-rùin eucorach,
taid lionmhor mar an ceudn'.
- 20 'S iad sin a's naimhde dhomh gu fìor,
luchd-dìolaidh maith le h-olc ;
Air son gu bheil mi leantuinn air
an ni tha maith gun lochd.
- 21 Na treig mi, Thighearna : mo Dhia,
na bi-sa uam an céin.
- 22 Dhia, greas a chum mo chuideachaidh,
oir 's tu mo shlàinte féin.

SALM XXXIX.

- 1 **T**HUBHAIRT mi, bheir mi féin fa'near
mo shlighe ; 's ni mi fòs
Mo theangadh choimhead mar le sréin,
air bhith do'n daoi a'm' chòir.
- 2 Dh'fhan ni gu tosdach balbh a'm' thàmh,
o'n ni sin féin bu mhaith ;
Mhosgail mo thrioblaid is mo bhròd
annam gu mòr a stigh.
- 3 Air bhith dhomh smuaineachadh mar so,
do ghabh mo chridhe teas :
Is las an teine : is mar so
le m' theangaidh labhair mis' ;
- 4 Thoir fios, a Dhé, dhomh air mo chrìch,
tomhas mo là ciod e :
Gu faighinn còlas agus fios
cia h-annhunn gearr mo ré.
- 5 Feuch rinn thu mar leud bois' mò làith',
mar neo-ni agad m'aois :
Gach neach d'a fheabhas, e gu fìor,
's ni dìomhanach gun phris.
- 6 An samhladh bréig' a' siubhal fòs
gach duine ta gu dearbh :
Gun suaimheas fòs 'g am buaireadh féin,
an dìomhanas gun tairbh' :
A' torradh nithe, 's cur ri chéil'
mòr bheartais air gach dòigh,
Gun fhios co'n t-oighre chruinnicheas,
no mhcalas iad fadheòidh.
- 7 Ciod nis rì'm feithem féin, a Dhé ?
mo dhòchas dhiot do nim'.
- 8 Saor mi o m'uile lochd ; 's na dean
ball-maslaidh an-daoin' dhìom.
- 9 Dh'fhan mi a'm' thosd, gun fhosgladh béil,
oir leatsa rinnadh e.
- 10 Tog dhìom do bhuille, Dhé : le beum
do làimhe claoaidheadh mi.
- 11 Tràth chronuichear leat neach m'a lochd,
mar chnuimh théid as d'a shuaidh :

Gu deimhin féin 's fìor-dhìomhaus
gach duin' air bith do'n t-sluagh.

- 12 Dhia éisd ri m'urnuigh, is ri m' ghlaodh ;
ri m' dheòir a'd' thosd na bì ;
Oir coigreach agad, is fear-cuairt,
mar m' aithrichibh tha mi.
- 13 Dhia, coigil agus caomhain mi,
gu faighinn neart ri m' bheò
Mu'n siubhail mi, a' dol do'n eug,
's nach bì mi auu ni's mò.

SALM XL.

- 1 **D**H'FHEITH mi le foighid mhaith ri Dia,
chrom thugam, dh'éisd mo ghuth :
- 2 Is thug se á slochd uamhuinn mi,
á clàbar criadha tigh :
Air carraig chòmhnaidh chuir mo chos ;
mo cheuman shoeruch e.
- 3 Is òran nuadh chuir e a'm' bheul,
gu b'e sud moladh Dhé :
Chi mòran e, 's fo eagal b'ìd,
is earbaidh iad á Dia.
- 4 'S beannaicht' an duine sin gu dearbh
ni dòchas as an Triath,
Is nach gabh tlachd na toil air bith
do luchd an àrdain mhòir,
No fòs do'n dream a théid a thaobh
gu ceilg, le saobhadh glòir'.
- 5 Is lìonmhor d'òibre iongantach,
a Thighearn is a Dhé,
'S do smuaintean oirun : cha-n àirmhear
an ordugh dhuit gu réidh : [iad
Na'n cuirinn iad an céill gu mù,
no fòs na 'n innsinn iad,
An àireamh rachadh thar mo neart,
aig lìomhoireachd is meud.
- 6 Ofrail no iobairt leat cha mhiann,
dh'fhosgail thu féin mo chluas :
Lochd-iobairt agus iobairt-loisgt'
cha d'iarr thu dhuit chur suas.
- 7 Au siu do labhair mise, feuch,
a nis a ta mi 'teachd :
An ròl' an leabhair ormsa fòs
sud sgrìobhta tha gu beachd.
- 8 'S e sud mo thlachd 's mo mhiann, a Dhé,
do thoil gu deantadh leam :
Do reachd gu dearbh a ta gu buan
a'm' chridhe stigh, 's a'm' chom.
- 9 Air t'fhìreantachd 's a' choinneimh nuhòir,
a Dhé, rinn misc sgeul :
Oir feuch, a Dhé, mar 's aithne dhuit,
nìor chaisg mi féiu mo bheul.
- 10 A'm' chridhe d'fhìreantachd nìor cheil ;
ach d'fhirinn chuir mi'n céill ;
Do shlàint', 's do chaoimhneas gràdhach
o'u t-sluagh nìor cheil mi féin. [caomh
- 11 Do thròcair chaomh na cumsa uam,
a Thighearna gu bràth ;
Do chaoimhneas gràdhach, d'fhirinn fòs
gleidheadh iad mi a ghnàth.

- 12 Oir is do-àireamh iad na h-uile
ta 'g iadhadh orm mu'n cuairt :
Do ghlaic mo pheacaidh mi co teann
's nach feud mi sealltuinn suas :
O's lìonmhoir iad na folt mo chinn,
is thréig mo chridhe mi.
- 13 Dhia, gu ma toil leat furtachd orm,
grad-chuidich leam, a Dhé.
- 14 Biodh nàir' is amhluidh dhoibh faraon,
do m'anam dh'iarras claidh :
Ruairg orr' air ais, is rudhadh gruaidh',
le 'm b'àill mo chur gu dìth.
- 15 Gun àird, gun àiteach' gu robh iad,
mar thuairasdal d'an nàir',
A thubhairt rium gu fanoideach,
aha, aha, le gair.
- 16 Aoibhneas is aidhear do gach neach,
'g a d'iarraidh féin a ta :
Is abradh iad le'n toigh do shlàint'
Dia gu ma mòr a ghnàth.
- 17 Ach mis' ged tha mi ainns bochd,
smuainichidh orm an Triath :
M'fhear cabhair thu's mo Shlànuighear ;
moille na dean, a Dhia.

SALM XLI.

- 1 '**S** BEANNAICHT' am fear a bheir gu
fa'near an duine bochd : [glie
An uair a thrioblaid is a theinn,
bheir Dia e saor o'n olc.
- 2 Nì Dia a dhòn, 's a chumail beò,
is beannaicht' e 's au tìr :
Gu toil a naimhde mi-runach
na tabhair e gu sìor.
- 3 Air leabadh 'thinneis iarganaich
bheir Dia dha neart is treòir :
A leabadh nì thu dha air fad
ri h-am a thinneis mhòir.
- 4 Thubhairt mi, deausa tròcair orm,
a Thighearn is a Dhé ;
Is leighis m'anam euslan bochd,
oir t-aghaidh pheacaich mi.
- 5 Tha'n dream sin a's fìor-naimhde dhòmh
a' labhairt orm le beum :
O c'uin a sgrìosar 'ainm-san as,
's a théid e sìos do'u eug ?
- 6 Ma thig e m'amhare, labhairidh e
cainnt dhìomhauch le 'bheul :
Ta 'chridh' a' torradh nimh a stigh,
's a muigh a' deanamh sgéil.
- 7 Sìor-chogarsaich an cluais a chéil',
luchd m' fhuath' a ta air fad :
A' smuaineachadh 's a' cumadh lochd
a'm' aghaidh féin gun stad.
- 8 Droch thùneas (deir iad) tha gu dlùt
a' leantuinn ris r' a bheò ;
Air bhith dha nis 'na luidh' gu tinn,
cha-n éirich e ni's mò.
- 9 Am fear bu charaid dileas domh,
ri'n carbainn gach nì b'àill,

- 'S a dh'ith do m'aran air mo bhòrd,
a'm' aghaidh thog e 'shàil.
- 10 Ach thusa, Dhé, dean trècair orm,
is tog mi ris an àird,
A chum gu tugainn luigheachd dhoibh,
is comain cheart gun dàil.
- 11 Tre so is fiosrach mi gu beachd
gur ionmhuinn leatsa mi :
Air son nach d'fhug mo naimhde buaidh,
's nach d'rinneadh leo mo chlaoidh.
- 12 Ach mise, ann am ionracas,
's tu sheasas mi a ghnàth :
Am fianuis fòs do ghnùise, Dhé,
ga m' shoocruchadh gu bràth.
- 13 Ichobhah Dia chloinn Isracil,
beannaicht' gu robh e féin,
O aois gu h-aois suthain sìor,
Amen, agus Amen.

SALM XLII.

- 1 **M**AR thogras fiadh na sruthan uisg'
le bùircadh àrd gu geur,
Mar sin tha m'anam ploscartaich,
ag éigheach riutsa, Dhé.
- 2 Tha tart air m'anam 'n geall air Dia,
'n geall air an Dia ta beò :
O e'uin a thig 's a nochdar mi
am fianuis Dhia na glòir'?
- 3 Gach là is oidhche' is iad mo dheòir
a's eubhrionn dhomh 's a's biadh :
An uair a deir iad rium a ghnàth,
c'ait bheil a nis do Dhia?
- 4 Tha m'anam air a dhòrtadh mach,
a' cuimhneachadh gach ni ;
Oir chaidh mi leis a' chuideachd mhòir,
'dol leo gu teampull Dé ;
- Seadh chaidh mi leo le gairdeachas,
is moladh fòs le chéil',
Seadh leis a' chuideachd sin a bha
a' coimhead làithe féil'.
- 5 O m'anam ! e'uin' a leagadh thu
le dìobhail misnich sìos ?
Is e'uin' am bheil thu'n taobh stigh dhìom
fo thrioblaid is fo sgìos ?
- Cuir dòchas daingean ann an Dia,
oir fathast molam e,
Air son na furtachd is na slàint'
thig dhomh o' eudan réidh.
- 6 Thuit m'anam annam sìos, a Dhé,
ghrad-chuimhneach mi 'n sin ort ;
O thalamh Iordain, Hermoin àird,
o Mhitsar fòs nan cnoc.
- 7 Le fuaim do shruthan uisge féin,
ta doimhn' air dhoimhneach gairm :
Do stuaidhean, is do thionnan àrd'
dol tharum tha le toirm.
- 8 Orduichidh Dia d'a ghràsaibh dhomh,
a chaoimhneas anns an tò :
'S an oidhche ni mi guidhe 's ceòl
ri Dia a chum mi beò.

- 9 Mo charraig, e'uin' a thréig thu mi ?
ri Dia a deir mi féin :
Is e'uin' am bheil mi triall fo bhròn,
bhrìgh fòirneirt m'eachair thréin ?
- 10 Mar lann a'm' chnàmhaibh, m'eachairde
toirt toibheim dhomh a ta :
Tràth their iad rium gu fanoideach,
c'ait bheil do Dhia ? gach là.
- 11 O m'anam, e'uin' a leagadh thu,
le dìobhail misnich sìos ?
Is e'uin' am bheil thu'n taobh stigh
fo aimheal is fo sgìos ? [dhìom
Cuir dòchas daingean ann an Dia :
oir molam e a ghnàth,
O 's e a's slàinte do mo ghnùis,
is e mo Dhia gu bràth.

SALM XLIII.

- 1 **C**UM cothrom rium, is tagair féin
mo chùis, o'n fhineach olc,
O'n eucorach, 's o fhear na ceilg',
Dhé, saorsa mi o'n lochd.
- 2 C'ar son a thilg thu mise uait ?
's gur tu mo Dhia 's mo thrèòir ;
C'ar son bhrìgh fòirneirt m'eachairde,
an siubhlam féin fo bhròn ?
- 3 Dhia, d'fhàirinn is do sholus glan
leig thugam iad a mach :
Ga m' sheòladh chum do thulaich naoimh,
's mo thàbhairt chum do theach.
- 4 'N sin racham dh'ionnsuidh altair Dhé,
an Dé sin m' aoibhneis mhòir :
Air clàrsaich bhinn do mholam thu
O Dhia, mo Dhia na glòir'.
- 5 O m' anam, e'uin' a leagadh thu,
le dìobhail misnich sìos ?
Is e'uin' am bheil thu'n taobh stigh dhìom
fo aimheal is fo sgìos ?
Cuir dòchas daingean ann an Dia ;
oir molam e a ghnàth,
O 's e a's slàinte do mo ghnùis,
is e mo Dhia gu bràth.

SALM XLIV.

- 1 **L**ER cluasaibh chuala sinn, a Dhé,
ar sinnsir chuir an céill
Na gnìomhara a rinneadh leat,
'n an aimsir, fad o chéin.
- 2 Le d' làimh mar thilg thu mach na slòigh,
is iadsan chuir 'n an àit :
Mar rinn thu air na cinnich elaidh,
ach dhoibhsan thug an sàth.
- 3 Oir sealbh 's an tìr cha d'fhuair eadh leo
le'n elaidheamh no le'n loinn'
Nì mò a rinn an gairdean féin
an teasairginn 'n an teinn : [bhuaidh,
Ach do làmh dheas thug dhoibh a
do ghairdean neartmhor treun,
Is solus glan do ghnùis', a chionn
gu'n d' thug thu dhoibhsan spéis.
- Oir s' tusa féin, a Dhia nam feart,
mo Thighearn is mo Rìgh :

- Furtachd do Jacob orduich uait,
is fuasgail air gun dith.
- 5 'S ann tre do neartsa leagar sìos
na h-uile 's naimhde dhuinn :
Tre d'ainm-sa saltraidh sinn gu làr
an dream a dh'fhearas ruinn.
- 6 Oir as mo bhogh' cha dean mi buu,
cha-n fhurtachd dhomh mo lanu.
- 7 Ach 's tusa nàirich luchd ar fuath',
o'r naimhdibh shaor thu sinn.
- 8 Air feadh au là 's ann an Dia,
a ni sinn uail is glòir :
Is d'ainm-sa fòs air feadh gach linn,
àrd-mholaidh sinn gu mòr.
- 9 Ach rinn thu nis ar tilgeadh dhìot,
is nàirich thusa sinn :
'S a uach le'r n-armailtibh 's le'r feachd
cha-n 'eil thu féin dol leinn.
- 10 Gu teicheadh chuir thu sinn air ais,
o'n nàmhaid gheur 's a' chath :
Is luchd ar mi-ruin tha dhoibh féin
a' deanamh creich' is sgath'.
- 11 Mar chao raich thug thu sinn 'n ar biadh ;
measg chinneach sgaioleadh sinn.
- 12 Reic thu do phobull féin gun fhiach,
's gun mheud air maoin d'an cinn.
- 13 Do riun thu toibheum dhinn gu truagh
d'ar coimhearsnaich gu léir ;
Ball-fanoid do na bheil mu'n cuairt,
's ball-magaidh mar an ceudn'.
- 14 Am measg nan Geintileach air fad,
gnàth-fhocal rinn thu dhiun ;
'S am measg a' phobull anns gach àit
'n ar n-aobhar crathaidh cinn.
- 15 Tha m' amhluidh is mo mhasladh geur
a'm' fhianuis féin a ghnàth,
Rinn nàir' is rudhadh fòs mo ghruaidh'
m'fhòlach gu truagh gach là.
- 16 'S e sin mo chor thaobh guth an fhir
a chàineas mi gu h-ole,
'S a spreigeas mi ; 's a thaobh an nàmh,
's an dioghaltaich gu lochd.
- 17 Sud uile ge do thàinig oirm,
mìor dhearmaid sinne thu ;
Cha d'rinn sinn breug no briscadh clao
'n aghaidh do chùmhaint dhlùth.
- 18 Cha d' aom ar n-aighe uaitse riamh,
ar cridh' cha deach air cùl :
O d' shlighe cha do chlaon ar cos
's cha deach air seachran ihil.
- 19 An ionad dhràgon ge do phronn
thu sinne sìos gu làr,
Is ge do dh'fholuich thusa sinn
le sgàil is dubhar bàis.
- 20 Ma 's e gu'n leig sinn as ar cuimhn'
ainm uasal àrd ar Dia,
No gu dia eile coimheach bréig'
ar làmh ma shìnn sinn riamh :
- 21 Nach rannsuich Dia so féin a mach ?
oir aige ta làn-fhios

- Air dìomhaireachd a' chridhe stigh,
gach car a t'ann is cleas.
- 22 Oir, air do shonsa mharbhadh sinn,
air feadh an là gu léir,
'S mar chao raich tha sinn air ar meas,
a chasgaireadh gu geur.
- 23 Mosgail ; c'ar son a chiddeas tu ?
Dhia, fairich as do shuain ;
Gu bràth na tilg-sa sinu a mach,
na triall-sa fada uainn.
- 24 Cìod uim' am foluich thu do ghnàis ?
cìod uim' an dearmaid thu
Ar n-àmhghar, is ar n-éigin mhòr
tha 'g iadhadh oirnn gu dlùth ?
- 25 Oir chrom ar n-anam sìos do 'n àir,
ar brù ri talamh theann.
- 26 A'd' thròcair éirich, cuidich leinn,
ie furtaich oirnn 's an àm.

SALM XLV.

- 1 **D**EADH aobhar òrain naomh is ciùil
a' deachdadh ta mo chridh' :
Is labhran air na nithibh sin
a rinn mi féin do'n Rìgh :
Mar pheann an làimh fir-sgrìobhaidh
a chuireas sìos gu luath, [dheis,
Is amhluidh sin, mo theangadh ta
air t-urram àrd a' luaidh.
- 2 Is maisich' thu na clann nan daoin' ;
gràs dhòirteadh ann ad bheul :
Is air an aobhar sin rinn Dia
do bhèannachadh gach ial.
- 3 Deasuidh do chlàidheamh air do léis,
O thus' a ghaisgich mhòir :
Le d' chumhachd is le d'mhòralachd,
le greadhnachas is glòir.
- 4 Blirigh frinn, suaiceis, agus ceirt,
marcaich gu buadhach àrd,
Is nithe uamhor teagaisgidh
do dheas làmh dhuith 's gach àit.
- 5 Rachadh do shaighde geur' gu cridh'
gach eascaraid an Rìgh :
Tre sin am pobull tuitidh fo'd',
is nithear leat an claidh.
- 6 Gu suthain is gu sìorruidh ta
do chaithir àrd, a Dhé :
Slat-shuaicheantais do rìoghachdsa
is slat ro chothrom i.
- 7 O 's ionmhuinn leatsa còir is ceart,
is thug thu fuath do'n ole ;
Os ceann do chompanach chuir Dia,
do Dhia-s' ol' aoibhneis ort.
- 8 Do'n alos, mhirr, is chasia,
o d'eudach faile théid :
Leo sud do chuir iad aoibhneas ort,
o d' lùchairt geal mar dheud.
- 9 Am measg do mhnathan urramach
ta nigheana nan rìgh :
'S an òr na h-Ophir, air do dheis,
do bhan-rìgh seasaidd i.

- 10 A nighean, éisd is amhaire fòs,
is cromsa sìos do chluas ;
Tigh t'athar, is do mhuinntir féin
na cuimhnich á so suas.
- 11 Gabhaidh mar sin an Rìgh làn-toil
do d'aille thlachdmhor féin :
Oir 's e do Thighearn is do Thriath,
thoir urram dha is géill.
- 12 Thig nighean Thiruis thugad fòs,
le tìodhlacaidh gu tric ;
'S na daoine saoi bhir tha 'n am measg
ag asluch' gràis is iochd.
- 13 Nighean an Rìgh gu dearbh a stigh,
tha uile làn do ghàidh :
Tha 'culaidh eudaich uimpe fòs,
air oibreachadh le h-òr.
- 14 Am brat do obair ghréis le snàth'd,
bheirear i gus an rìgh :
Thig thugad luchd a coimheadachd,
's a maighdeana 'n a déigh.
- 15 Théid iad gu cuirt an Rìgh a steach,
ait, aoibhneach bheirear iad.
- 16 Air son do shìnsir bidh do chlann,
mar phrionnsaibh anns gach àit.
- 17 D'ainm glòrmhor do gach linn a thig,
air chuimhne cuiridh mi :
Is bheir mar sin am pobull duit
àrd-mholadh feadh gach ré.

SALM XLVI.

- 1 'S EDIA a's tearmunn duinn gu beachd,
'ar spionnadh e 's ar tréis :
An aimsir carraid agus teinn,
ar cabhair e ro-dheas.
- 2 Mar sin ged ghluais' an talamh trom,
cha-n aobhar eagail duinn :
Ged thilgeadh fòs na sléibhte mòr'
am builsgéin fairg' is tuinn.
- 3 Na h-uisgeacha le beucaich bhuirb,
ged rachadh thar a chéil :
Lén ataireachd ged bhìodh air chrith
na beanntan àrd' gu léir.
- 4 Ta amhainn ann, le 'sruthaibh sèimh,
ni caithir Dhé ro-àit ;
Fìor-àite naomh an tì a's àird',
am bheil sìor-chòmhnuidh aig.
- 5 Tha Dia 'n a meadhon innte stigh ;
mar sin cha ghluaisear i ;
Oir euideachadh is còimladh leath'
's e Dia gu moch a ni.
- 6 Do ghabh na cinnich boil', is ghluais
na ròghachda gu cas :
Air cur do Dhia a ghuth a mach,
do leagh an talamh as.
- 7 Tha Dia nan sluagh leinn féin a glmàth ;
Dia Iacoib 's tearmunn duinn.
- 8 Thigibh, is faicibh oibre Dé,
gach sgrìos air talamh rìnn.
- 9 Gu h-ìomall fòs an domhain mhòir
an cogadh ni e chosg :
Am bogha bhris, an t-sleagh do ghe-
an carbad-cogaidh loisg.

- 10 Bibh sàmhach, 's tuigibh gur mi Dia :
àrduichear mi gu sìor
Am measg nan sluagh, biodh urram
air feadh gach uile thìr. [dhomh]
- 11 Tha Dia nan sluagh ri còmhnaidh leinn,
's an còmhnuidh air ar crann :
Is e Dia Iacoib 's tearmunn duinn,
d'ar furtachd anns gach àm.

SALM XLVII.

- 1 BUAILIEH 'ur basan, uile shlòigh,
ta chòmhnuidh anns gach àit ;
Le guth 's le gairdeachas do Dhia,
suas togaibh iolach àrd :
- 2 Oir Dia ro-àrd is uamhunn e ;
Rìgh mòr os ceann gach tìr'.
- 3 Am pobull cuiridh e fòr smachd,
fòr cois na slòigh gu léir.
- 4 Mòrachd Iacoib d'an d'thug e gràdh,
mar oighreachd dhuinne thagh :
- 5 Chaidh Dia le caithream àrd a suas,
le trompaid 's fuaimneach blad.
- 6 Seinnibh do Dhia, seinn moladh : seinn
d'ar Rìgh, seinn moladh binn :
- 7 Oir's Rìgh Dia mòr os ceann gach tìr',
seinn da gu h-còlach grunn.
- 8 Tha Dia 'n a shuidh' 'n a chaithir naoinn
's e 's Rìgh air cinnich ann.
- 9 Prionnsa nan sluagh do chruinnich iad,
pobull Dhé Abrahaim ;
Air son gur le Iehobhah mhàin
sgiaith dhìdein do gach tìr :
'S e féin a's àird' 's a's urramaich,
's dha dlighear moladh sìor.

SALM XLVIII.

- 1 IS mòr Iehobhah, Dia nam feart,
'an cathair àird ar Dia ;
Is air sliaibh àrd a naomhachd féin,
ion-mholta chaidh an Triath.
- 2 Beinn Shìoin 's breagh' a suidheachadh,
aoibhneas gach fearainn i ;
Is dlùth dhi air an taobh mu thuath,
tha caithir an Ard-Rìgh.
- 3 Aithnichear Dia 'n a lùchaitibh,
mar thearmunn anns gach aire.
- 4 Oir feuch, tràth bha na rìghre cruinn,
le chéile ghabh iad thart'.
- 5 Chunnaic iad sud, is b'iongnadh leo,
le cabhaig dheifrigh as.
- 6 Ghlac eagal iad an sin, is pian,
mar mhuaoi ri saoth'r gu cas.
- 7 Cabhlach Tharsuis le gaoith an car,
mìn-bhrisear leat gu luath.
- 8 Mar chual, is amhluidh chunnaic sinn,
am baile Rìgh nan sluagh,
Am bail' ar Dé ; 's e Dia gu bràth
ni daingean e le ncart. [caomh,
- 9 A'd' theampull, air do chaoimhneas
Dhia, smuainich sinn gu ceart.
- 10 Mar d'ainm, is amhluidh sin do chliu,
gu crìch na talmhainn ta :

- Do dheas làmh làn de fhìreantachd,
 Dhia, anns gach beart a ghnàth.
 11 Beinn Shìoin gù ma h-aobhinn i,
 is Nighean Iudah ait,
 Air son do bhreitheanas, a Dhé,
 ta cothromach is ceart.
 12 Siùbhlaibh mu thimchioll Shìoin naoimh,
 is cuairt'chibh i maraon :
 Airmhibh a baideala gu dlùth,
 's a turaite gach aon.
 13 Thugaibh fa' near a bàbhuin bhreagh',
 s a caisteil àrd le beachd :
 Chum sin gu cuireadh sibh an céill
 do'n àl a ta ri teachd.
 14 Oir 's e an Dia so féin ar Dia
 gu sìorruidh is gu bràth :
 'S e fòs a stiùras sinn gu ceart
 gu h-uair is àm ar bàis.

SALM XLIX.

- 1 **E**ISDIBHSE so gach uile shluagh,
 na bheil 's a' chruinne-ché :
 2 Is cluinnibh eadar mhòr is bheag,
 ma's bochd no beartach e.
 3 Air tuisge smuainichidh mo chridh',
 air glìocas thig mo bheul.
 4 Aomaidh mo chluas gu samhlaichibh :
 nochdam cainnt dhòrach air teud.
 5 Droch làithean c'um' am b'eagal leam
 gu'n cuirinn iad an suim,
 Mòr aingidheachd is lochd mo shal
 tràth dh'iadh iad orm gu cruinn ?
 6 Na daoine sin 'n an saobhreas mòr
 'ta deanamh dòigh is treis',
 Is ann an lìonmhoireachd an stòir
 a ta ro-bhòsdail leis.
 7 A bhràth'r cha-n fhuasgail neach dhiubh
 á gàbhadh no á péin, [sud
 A thabhairt éiric as do Dhia,
 ni fheudar leis 'n a fheum :
 8 (Oir saors' an anama 's prìseil e,
 sguiridh e 'm feasd gu bea'hl :)
 9 Gu maireadh e gu sìorruidh beò,
 's nach faiceadh truailleadheachd.
 10 Oir chi e fòs na daoine glic,
 's an dream air dhiobhail céill ;
 'S na h-àmaidh, fàgail toic do chàch,
 is faghail bàis iad féin.
 11 'S e 'n smuaineachadh gu mair an tigh,
 's an còmhnuidh feadh gach ré,
 A' tabhairt air am fearann ainm,
 a réir an ainme féin.
 12 Gidheadh, an duin' an urram mòr
 cha mhair e ann gu buan :
 Ach amluaidh mar an t-ainmhidh truagh
 chum bàis a shiùbhlas uainn.
 13 An slighe sud ge gòrach i,
 taitnidh an cainnt r'an sliochd.
 14 Mar chaoirich dol san uaigh tha iad,
 'n am biadh do'n bhàs gun iochd :

- Na fireanaich g'fèibh os an ceann
 làn-uachdranachd gu moch,
 'S 'n an ionad còmhnuidh anns an uaigh,
 seargaidh an àill' 's an dreach.
 15 Bheir Dia do m'anam fuasgladh saor
 o chumhaichd bàis is uaigh',
 Oir gabhaidh e mi thuige féin,
 ga m' theasairginn le buaidh.
 16 An uair a nìthear saobhair neach,
 na glacadh fàitcheas thu ;
 'S an t-àm a chinneas glòir a theach,
 na cuireadh sud ort t'nù.
 17 Oir 'n uair a shiùbhlas e do'n eug,
 aon ni cha toir e leis :
 'S an uair a théid e sìos do'n uaigh,
 a ghloir cha lean i ris.
 18 Seadh 'anam ge do bheannaich e
 am feadh a bha e beò ;
 'S thusa, ma ni thu maith dhuit féin,
 o dhaoineibh gheibh thu glòir.
 19 Gu h-àl a shinnsear siùbhlaidh e,
 solas cha-n fhaic gu bràth.
 20 An duin' an urram, 's e gun chéill,
 mar ainmhidh gheibh e bàs.

SALM L.

- 1 **L**ABHAIR an Dia Iehobhah treun
 an talamh ghairm gu léir,
 O'n àird an ear gu h-àird an iar,
 o éirigh gu luith gréin',
 2 A Sion àrd, a's foirfe mais',
 do dhealruich Dia nam feart.
 3 Oir thig ar Dia 's cha bhi 'n a thosd,
 ach labhraidh e le neart :
 Thèid teine millteach roimh a ghnùis,
 a' lasadh suas gu garg :
 'S m'a thimchiollsan gu doinionnach,
 bidh e 'n a chaoiribh dearg'.
 4 Air talamh, is air nàmh nan neul,
 àrd-ghairmidh e gu treun,
 Gu'n tugadh e ceart bhreitheanas
 air 'uile phobull féin.
 5 A m'ionnsuidh cruinnichibh mo naoimh,
 is tionalaibh an dream
 A rinn gu dìleas is gu dlùth,
 le h-ìobairt, cùmhnant leam.
 6 A cheartas-san ni nàmh nan neul
 a chur an céill 'n a àm :
 Oir 's e Iehobhah féin gu beachd
 a's aon àrd-bhreitheamh ann.
 7 Mo phobull Isra'el éisdibh rium,
 is labhraidh mi gu ceart ;
 A'd' aghaidh togam fianuis fhior,
 's mi Dia, do Dhia gu beachd.
 8 Mu d'ofrailibh cha-n agram thu,
 no fòs mu t'ìobairt-loisg',
 Oir 'm fhianuis thug thu iad a ghnàth,
 is fhuaras iad gun fhois.
 9 Oir as do thigh cha ghabhainn uait
 mar ìobairt biorach b'd ;

- 'S cha ghabhainn gabhar fhuirionn fòs
mar ofrail as do chrò.
- 10 Gach ainmhidh beò a ta 'an coill
is leamsa sin gu léir,
'S na h-uile spreidh air mhìle enoc,
ta 'g ionaltradh air feur.
- 11 An eunlaith 's aithne dhomh air fa
ta 'g itealaich feadh bheann :
'S leam gach fiadh-bheathach uile s,
feadh gharbhluich agus ghleam.
- 12 Geur-oeras nam biodh orm, no gort,
cha chuirinn duit's an céill,
Oir 's leam an domhan mu'n iadh grìs
is na bheil ann gu léir.
- 13 Fuil ghabhar 'n e gu'n òlaim uait ?
feòil tharbh an ithinn i ?
- 14 Ioc ìobairt buidheachais do Dhia,
's do bhòidean do'n Ard-Rìgh.
- 15 An là do thrioblaid is do theinn,
goir orm an sin gu ceart :
Oir fhuasglam, is bheir thusa glòir
do m'ainms' a chuidich leat.
- 16 Ach ris an droch dhuin' labhraidh Dia,
mo statuin chur an céill
Am buineadh dhuit, no ghabhail fòs
mo chùmhaint ann ad bheul.
- 17 Do m' aghmhasan o thug thu fuath,
's an spéis riamh e nìor chuir ;
Ach thilg mo bhrìathran air do chùl,
'g an diùltadh uait gu tìr ?
- 18 Tràth chunnaic thu an gaduich' dàn,
dh'aontaich thu leis 'n a òc :
'S le luchd an adhaltranais a rìg,
b'fhear-conuinn thu 'nan locnd.
- 19 Do theangadh thug thu chumadh brei
chum uile thug thu do bheul.
- 20 Do d' bhràthair shuidh thu thabhar rt
's do mhac do mhàthar beum'. [gut 1 ;
- 21 Na nìthe so do rinneadh leat,
is dh'fhan mi dhìot a'm' thosd ;
Is shaoil thu mar a ta thu féin,
gu b'amluaidh mi gach aghd :
Ach cronaicheam do pheacaidh dh
a' d' amharc cuiream iad ;
A eum gu faiccadh do dhà shùil,
nach fòl'fhear ormsa beud.
- 22 O sibhs' a dhream nach cuimhnich
nis tuigibh so 'n a àm ;
Mu'n dean mi liodart oirbh gu cas,
gun neach d'ur furtachd ann.
- 23 An ti bheir ìobairt molaidh uaith',
's e sin bheir dhomhsa glòir :
Oir nochdam slàinte Dhé do'n fhear
a ghluaiseas mar is còir.

SALM LI.

- 1 **D**EAN tràdair orm, a Dhia nan gràs,
gu h-ìochdmhor saorsa mis',
Reir lionmhoireachd do thrèdair chaoimh,
glan as m'uil' eusaontas.

- 2 Gu h-ìomlan ionnail mi o m' lochd,
glan mi o m' chiont' a'd' glhàdh :
3 Oir tha mi 'g aidmheil m'eusaontais,
's léir dhomh mo lochd a ghnàth.
- 4 A' d'aghaidh, d'aghaidh féin a mhàin ;
do pheacaich mi gu trom,
Is ann ad fhianuis féin, a Dhé,
an t-òc so rinneadh leam :
Do chum air labhairt duit a mach,
gu biodh tu cothromach :
'S gu biodh tu glan tràth bheir thu breth
is ceart neo-eucorach.
- 5 Am peacadh, feuch, do dhealbhadh mi,
is ann an cionta fòs
Do ghabh mo mhàthair mi 'n a broinn,
tràth ghineadh mi o thùs.
- 6 An taobh a stigh do'n chridhe, feuch,
an fhirinn 's ionmhuinn leat :
'S an ionad fholuicht' bheir thu orm
gu'n tuig mi gliocas ceart.
- 7 Le hisop deansa mise glan,
is bitheam glan gu beachd ;
Dean m'ionnlad fòs, mar sin bidh mi
nì's gile dhuit na sneachd.
- 8 Guth subhachais thoir orm gu'n cluinn,
is fonn an aoibhneis ait,
Mar sin nì gairdeachas gu mòr,
na cnàmhan bhriseadh leat.
- 9 O m' pheacaibh is o m'eusaontais
fòluich do ghnùis, a Dhé ;
Mo sheachrainn is m'uil' eucoir fòs
glan thusa uam gu réidh.
- 10 Dhia, cruthaich annam cridhe glan ;
ath-nuadhaich spiorad ceart.
- 11 Na tilg o d' shealladh mi ; 's na buin
do spiorad naomha leat.
- 12 Is aisig dhomh ùr-ghairdeachas
do shlàinte chàirdeil féin ;
Is deansa fòs mo chumail suas,
le d' spiorad saor gu treun.
- 13 'N sin teagaisgeam do shlighe, Dhé,
do'n dream a bhris do reachd ;
Is pillear riut le h-aithreachas
na peacaich through gu beachd.
- 14 O chionta fola saorsa mi,
o Dhia, a Dhé mo shlàint' :
Seinnidh gu h-àrd air d'fhìreantachd
mo theangadh anns gach àit.
- 15 Mo bhile, ta air druideadh suas,
fosgail, a Dhé nan gràs ;
An sin do mholadh le mo bheul
cuiridh mi'n céill gu h-àrd.
- 16 Oir ìobairtcan cha-n iarrar leat,
no bheirinn duit gach ré :
An ofrail-loisgte fòs air bith
cha-n 'eil do thlachd, a Dhé.
- 17 An spiorad briste, tuirseach, trom,
sud ìobairt Dhé nan dùl :
Ri cridhe briste brùit', a Dhé,
gu bràth cha chuir thu cùl.

- 18 A'd'dheadh-ghean deausa maith, a Dhia,
a'ir Sion do chnoc féin :
Ballan Ierusalem gu luath,
tog suas le d' làimh gu treun.
- 19 'N sin taitnidh iobairt echartais riut,
ofrail, 's làn ofrail loisgt' ;
'N sin bheirear colpaich dhuit-sa suas,
air d'altair naomh gun fhois.

SALM LII.

- 1 **C**IOD uime 'n dean thu, ghaigich
uaill as an òle gu mòr ? [thréin,
Mairidh am feasd gun cheann gun chrìch,
deadh mhaitheas Rìgh na glòir'.
- 2 Do theang' a' dealbh an aimhleis chlaoin ;
chum ceilg' mar caltuinn ghéir.
- 3 Is annsadh leat an t-òle na maith,
is breug na briathra fìor.
- 4 A theangadh chealgach, 's ionmhuinn leat
gach focal millteach òle.
- 5 Nì Dia gu sìorruidh mar an ceudn'
làn-sgrìos a tharruing ort :
Glan-sgathar thu, is as do theach
grad spìonar thu gu tur,
A talamh is á tìr nam beò
buaineas do fhreumh á bun.
- 6 Sud chi am fìrean, gabhaidh fiamh,
is nì e gàire fòs :
- 7 Feuch, so am fear nach d'earb á Dia,
mar dhaingneach is mar thrèid :
Ach ann an lìomhoireachd a stòir
a dhòchas chuir gu treun,
'N a shaoibhreas is 'n a aingidheachd,
do neartaich se e féin.
- 8 Ach mis' mar ùr-chrann olaidh ta
'an àros Dé a ghnàth :
A' cur mo dhòchais ann a ghràs,
rì fad mo ré 's mo là.
- 9 Gu sìorruidh suthain molam thu,
chionn sud gu'n d' rinneadh leat :
Feitheam air t'ainm, oir tha e maith,
an làth'r do naomh gu beachd.

SALM LIII.

- 1 '**N** A chridhe deir an t-amadan,
cha-n 'eil ann Dia air bith :
Taid truailidh, 's gràineil fòs an lochd :
cha-n 'eil ann neach nì maith.
- 2 Dh'amhaire an Tighearna o nèamh
air cloinn nan daoine nuas,
A dh'fheuchainn an robh tuigs' aig neach,
a dh'iarraidh Dia nan gràs.
- 3 An t-ionlan diubh chaidh air an ais,
ro-shalach iad gu léir :
Cha-n 'eil aon neach a' deanamh maith,
cha-n 'eil fìu aon fo speur.
- 4 Am bheil aig droch dhaoin' tuigs' air bith
ta 'g itheadh suas gu dian,
Mo phobuill-sa mar aran blasd',
's nach 'eil a' gairm air Dia.
- 5 An sin do ghabh iad eagal mòr,
gun aobhar eagal ann :

- Sgaoil Dia a chnàmhasan o chéil',
chuir séisdeadh ort gu teann ;
Is mar an ceudna chuir thu iad
gu rudhadh gruaidh' is nàir',
Do bhrìgh gu 'n d'rinneadh orr' le Dia
trom-tharcuis agus tàir.
- 6 'S e so mo ghuidh' is m' atheluinge,
gu'n tugadh Dia nam fear
Cabhair d'a phobull Israèl,
á Sion féin le neart !
An nair bheir Dia air ais o bhruid
a phobull féin le chéil',
Air Iacob bithidh aoibhneas mòr,
's aiteas air Israel.

SALM LIV.

- 1 **T**RE d'ainm-sa teasaig mise, Dhé,
eum cothrom riom le d' neart.
- 2 Eisd m'urnuigh, thoir fa-near, a Dhé,
briathra mo bhéil gu ceart.
- 3 Oir dh'éirich coigrich riom-sa suas,
luchd-fòirneirt tha gu dian
An tòir air m'anam ; 's cha do chuir
iad Dia fa'n combhair riamh.
- 4 Ach feuch, 's e Dia m'fhear-cuideachaidh,
gu m'sheasamh anns gach cruas :
Bithidh Iehobhah leis an dream
a chumas m'anam suas.
- 5 Aimeas do m'naimhdbh diolaidh Dia :
a'd' fhirinn dean an sgath'.
- 6 Gu toileach bheir mi iobairt dhuit :
Dhé molam d'ainm, ta maith.
- 7 Oir rinn e saors' is fuasgladh dhomh
o m'uile theimn gu treun :
Ionns gu faca mi mo mhiann
air m'eascairdibh gu léir.

SALM LV.

- 1 **R**I m'urnuigh éisd : 's o m' ghuidhé,
na foluich thus' thu féin. [Dhé,
- 2 Thoir aire 's freagradh dhomh, ta caoidh
le bròn 's le bùireadh geur :
- 3 Air son guth m'eascairde gu léir,
is fòirneart fòs nan daoi :
Oir euceart thilg iad orm, am feirg
dhomh thug iad fuath gun dìth.
- 4 Mo chridh' a'm' chom tha cràiteach goirt ;
thuit ormsa uamhunn bàis.
- 5 Crith, oillt, is uamhunn thàinig orm,
ga m' shlugadh is mi 'n sàs.
- 6 'N sin thubhairt mi, Is truagh nach robh
sgiaith colmain agam nis !
'N sin theichinn as ag itealaich,
is gheibhinn tàmh is fois.
- 7 Feuch, shiubhlainn fòs air ànradh fad,
chum tàimh am fasach chruaidh ;
- 8 Is dheanainn deifir gu dol as
o dhoinnionn gharbh na gaoith'.
- 9 Dhia, roinn is sgrìos an teang' ; 's a bhaill'
bha fòirneart agus strì.
- 10 Taid dol m'a bhallaibh oidheh' is là :
tha aimeas ann is caoidh.

- 11 Eucoir ro-mhòr is ole a ta
'n a mheadhon sud gun cheisd :
Seadh feall r'a shràidibh agus cealg
cha dealaich sud am feasd.
- 12 Cha b'e mo nàmh thug maslaidh dhomh
oir dh'fhuilginn sud gu rèidh :
Cha b'e fear n'fhuath' a dh'éirich rium,
oir dhionain uaith' mi féin.
- 13 Ach thusa, fear bu choimpir dhomh,
fear m'còlais, is fear m'fùil ;
- 14 Bu bhlasd' ar comhairl', dol le càch,
gu h-àros Dhé nan dùl.
- 15 Scalbh gabhadh orr' am bàs gu grad,
's gu h-ìfrinn théid iad beò : [ghnàth,
Oir aingidheachd 'n an comhnuidh
's 'n am builsgan tha gach lò.
- 16 Ach mise, gladhnam suas ri Dia,
saoraidh Iehobhah mi.
- 17 Glaoth àrd, is urnuigh ni mi ris,
moch, feasgar, 's meadhon-là ;
Is éisdidh e gu grad ri m'ghlaoth :
- 18 M'anam 's e shaor an sìth,
O'n chath's o'n chòmhraig dh'éirich rium,
is mòran rium ri strì.
- 19 Chuinnidh an Dia ta làidir beò,
's bheir dòruinn orra 's pian :
Seadh fòs an Dia air mairionn ta,
's a bha o chian nan cian.
Is air an aobhar fòs nach 'eil
caochladh air bith 'n an staid,
Eagal an Tighearn uime sin
do thilg iad dhuibh air fad.
- 20 A làmh do shùin 'n an aghaidh sud,
a bha an sìochaint ris :
A chumhnant is a nasgadh dlùth,
gu fealltach orra bhris.
- 21 Bu shleachmhna briathra 'bhéil na 'n t-im,
ach cogadh cruaidh 'n a rùn :
Bu bhuige 'chaint na oladh thlàth,
's i ghnàth mar chladheamh rùisg't.
- 22 Ach tilg-sa d'callach trom air Dia,
's e ni do chunail suas :
Cha leig e 'm feasd do'n fhìrean chòir,
o 'shocair féin gu'n gluais,
- 23 Ach thus', a Thighearna nam feart,
a'd' chorruich cheirt gu geur,
An slochd d'am milleadh tilgidh tu
an aitim ud gu léir :
Na daoine sligheach fuileachdach,
cha mhair iad leth an làith' :
Ach annad cuiridh mis', a Dhé,
mo dhòchas is mo dhòigh.

SALM LVI.

- 1 **O** RMSA dean iochd, a Dhé, oir b'àill,
le duin' mo shlugadh suas :
Esan a tha ga m' shàruchadh
gach là le cogadh cruaidh.
- 2 Seadh b'àill le m'cascairdibh gun iochd
mo shlugadh suas gach là :
Oir 's lionmhòr iad tha cogadh rium
gun aobhar no cion-fàth.

- 3 An làithibh m'cagail earbam riut :
an Dia, a bhriathar féin
- 4 Ard mholaidh mi, is ann an Dia
chuir mi mo dhòigh gu treun.
Cha ghabh mi gealtachd uime sin,
's am feasd cha-n eagail leam,
Na dh'fheudas feoil a dheanamh orm
do lochd, le iomairt theann.
- 5 Mo bhriathar tha iad 'fiaradh fòs,
gach là mar 's toileach leo :
Chum doilgheis agus dochair dhomh
ta 'n sinuainte-san gach lò.
- 6 Tha iad le chéil' a' cruinneachadh,
is iad 'g am folach féin,
'A feitheamh m'anam', air bhith dhoibh
ro fhurachar mu m'cheum.
- 7 Gu saor an téid iad as mar sin,
le'n cuoir mhòir gun tàmh ?
A' d' fhicirg-sa leig am pobull sìos,
a Thighearna le d' làimh.
- 8 Mo sheachrain air an àircamh leat,
a' d' shearraig taisg mo dheòir :
Nach 'eil iad ann ad leabhar shìos,
air chuimhne sgriobht' gach uair ?
- 9 Mo naimhde pillidh air an ais,
tràth ghaircam ort gu team :
Is aithne dhomhsa so gu beachd,
oir tha Iehobhah leam.
- 10 An Dia, a bhriathar molaidd mi :
molam an Dia a reachd ;
- 11 An Dia do chuireadh leam gu treun
mo dhòchas féin gu beachd.
Is air an aobhar ud, a Dhé,
cha-n eagail idir leam
Na dh'fheudas duin' a dheanamh orm,
nach 'eil dheith féin ach fann.
- 12 Do bhòide ta iad ormsa, Dhé :
is iocam dhuit-sa cliu.
- 13 Oir m'anam bochd gu saor o'n bhàs,
gu gràsmhor dh'fhuasgail thu :
Is choimhead thu mo chosa fòs
o shleamhnachadh ni's mò,
A chum gu'n gluaisinn an ad làtl'r
an solus dhaoinne beò.

SALM LVII.

- 1 **D** EAN trècair orm, a Dhia nan gràs,
dean trècair orm gach ré,
Oir annadsa tha m'anam truagh
a' cur a dhòigh gu léir :
Is gabhaidh mi fo sgàil do sgéith
mo thearmunn is mo neart,
Gu ruig an uair sin anns an téid
na h-uile ud uile thart'.
- 2 Eighidh mi ris an Dia a's àird' ;
ri Dia ta làidir treun,
A chuireas leam gach cùis gu crìch,
mar chi e ormsa feum.
- 3 Cuiridh e neart o nèamh, do m' dhion
o bheum an fhuir le'm b'àill

Mo shlugadh ; cuiridh Dia a mach
'fhìrinn 's a ghràs gun dàil.

4 Tha m'anam bochd an còmlmuidh fòs
am builsgan leòmhnan garg',
Am measg na dream a'm' luidh' a taim
air lasadh ta le feirg :
Daoinè, 'g am bheil an fiacra fòs
mar shleagh 's mar shaighde geur ;
Mar chlaidheamh guineach, 's amhluidh
an teangadhsan gu léir. [sin]

5 Os ceann nan nèamh, Dhia, tog thu féin ;
os ceann gach tìr do ghlòir.

6 Air son mo cheuma ghleus iad lìon,
chrom m'anam sìos gu làr :
Slochd romham claidhaich iad, is thuit
iad féin 's an t-slochd a rinn.

7 'S gleusta mo chridhe, 's gleust', a Dhé,
dhuit canam moladh binn.

8 Mosgail mo ghlòir, 's a shaltair fòs,
a chlàrsaich dùisg an àird :
Air maduinn mosglam féin gu moch,
is seinncam ceòl gu h-àrd.

9 Dhia, measg a' phobuill, molam thu ;
dhuit seinncam measg an t-sluaigh :

10 Oir d'fhìrinn is do thròcair mhòr,
gu nèamh nan neul chaidh suas.

11 Arduichear thus', a Dhia nam feart,
os ceann àrd-nèamh nan speur :
Is togar suas do ghlòir gu h-àrd,
os ceann gach tìr gu léir.

SALM LVIII.

1 **A**N labhair sibhs', a choimhthionail,
an fhìrinn cheart neo-chlaon ?

'S an tabhair sibh gu cothromach,
breth cheart, a chlann nan daoine ?

2 Is ann b'fuiridh' tha sibh a' 'dealb' h'
mòr aingidheachd gun tàmh :
'S air talamh tha sibh tomhas fòs,
fòireigiu chruaidh 'ur làmh.

3 Luchd-uile, o thig iad as a' bhroinn,
siùbhlaidh air slighe fhàir :
Tràth bheirear iad, air seachran théid,
a' labhairt bhreug gach ial.

4 An nìmh mar nìmh na nathrach ta :
mar nathair dhruid a cluas ;

5 Rì guth nan druaidh tha eagnaigh seòlt',
nach éisd, is fòs nach gluais.

6 Am fiacra bris, a Dhé, 'n am beul ;
a Thighearn làidir thréin,
Pronn fiacra agus tuisg ro-mhòr
nan leòmhau òg' gu léir.

7 Gu'n leaghadh iad, a' sìleadh sìos,
mar uisge ruith le glèann :
'S a shaighde bris, tràth chuireas o
a bhog' air lagh gu teann.

8 Mar sheilcheig bhios a' leaghadh as,
rachadh iad as gu dian ;
Mar thoraicheas an-abuich mnà
na faicadh iad a' ghrian.

9 Ma'm mothaich seadh 'ur coireachan
o choille chriouaich teas,
Nì Dia, 's iad beò, 'u a chorruich ghéir
le cuairt-ghaoith dhian au sgrios.

10 Bidh aobhncas air an fhèinan chòir,
'n uair cliù e 'n dioghaltas :
Is ann am fuil luchd-aingidheachd
nighidh e fòs a chos.

11 Their duine 'n sin, gu bheil gun cheisid,
deadh dhuais aig daoineibh còir ;
'S gu bheil air talamh fòs, gu beachd,
'n a bhreitheamh Dia na glòir'.

SALM LIX.

1 **T**EASAIRG, is saor mi, o mo Dhia,
o m' naimhaidibh dh'éireas rium.

2 O luchd an uile ta fuileachdach,
dion mis', is cuidich leam.

3 Feuch 'n aghaidh m'anam' luidh am fàth
is chruinnich daoine treun :
Cha-n auu, a Dhia, air son mo lochd,
no cron a rinn mi féin.

4 A' ruith tha iad, gun chron a'm' thaobh,
's gu h-ullamh dol air ghleus :
Chum teachd do m' fhurtachd mosgail
is thoir fàinear am beus. [tràth,

5 O Dhé nan sluagh, Dhé Israeil,
mosgail 's gu fiosraicht' leat
Na cinnich : 's na dean iochd air neach
gu h-aingidh bhris do reachd.

6 Air teachd do'n fheasgar pillidh iad :
a' donnalaich gu h-àrd,
Mar choin, mu'n bhail' a' cuairteachadh,
is amhluidh sin tha iad.

7 Feuch, brùchdaidh iad a mach le'm beul ;
'n am bìlìbh claidheamh geur ;
Cò chluinneas sin, no bheir fa'near ?
E s' sud a's cainnt dhoibh féin.

8 Ach thusa, Dhia Iehobhabh mhòir,
nì gàire fanoiridh riu ;
Is mar bhall-magaidd bithidh fòs
na cinnich ann ad shùil.

9 Air son gur mòr 's gur maith do neart,
sior-fheitheam ort a ghnàth :
Do bhrìgh gu bheil dhomh Dia nan dùl,
'u a dhéan clùth gu bràth.

10 Bì 'dh Dia o'u tig mo thròcair chaomh,
dol romham air gach ceum :
'S e Dia bheir dhomh air m' casairidibh
mo rùn gu faic mi féin.

11 Mu'n bi mo phobull dìchuimhneach,
na marbh an aitim ud :
O Dhia ar sgiath, sgaoil iad le d' neart
is leag gu h-ìosal fo'd.

12 Fa lochd an teangaidh, 's cainnt am béil,
'n an àrdan glacar iad :
Fa chàis nam mallachd, is nam breug
a labhair iad os àird.

13 Sgrios iad a'd' fheirg, sgrios iad gu tur,
is théid iad as gu diù :
Is tuigidh 'n siu gach uile thir,
rìgh Iacoib gur e Dia.

- 14 'S air teachd do'n fheasgar pilleadh iad,
a' donnalaich gu h-àrd,
Mar choin, mu'n bhail' a' cuairteachadh,
is amlhuidh bitheadh iad.
- 15 Ag iarraidh bìdh gu seachranach,
's gu luaineach ann an teinn ;
A' deanamh gearain anns an oidhch',
mur bi an sàth 'n am broinn.
- 16 Ach mise molar leam do neart ;
gu moch a' seinn do ghràis,
Air son gur tu mo thearmunn treun,
's mo dhaingneach féin 's gach càs.
- 17 'S tu féin mo neart, dhuit canam fonn,
's e Dia mo dhéan treun :
'S e 'n Dia sin féin rinn trècair orm,
's a chuidich leam a'm' fheum.

SALM LX.

- 1 **A** DHE, do thilg thu sinne uait,
dh' fhuadaich thu sinn air fad,
Oir bha thu ruinn an corruich ghéir ;
pill ruinn thu féin gu grad.
- 2 Chuir thus' an talamh trom air chrith ;
is fòs do bhris thu e ;
Slànuaich a blriscadh, oir gu beachd
air criothnachadh tha e.
- 3 Do thaisbein thusa nithe cruaidh
do'n t-slugh a's leat le còir :
Fion buaireasach chuir uamhunn oirnn,
thug thusa dhuinn r'a òl.
- 4 Ach thug thu bratach àrd, a Dhé,
do'n dream d'an eagal thu :
A chum gu sgaoilteadh sud a mach,
bhrìgh firinn duit le cliù.
- 5 O dhaorsa chum gu saorar leat
do phobull ionmhuinn féin :
Eisd rium, is slànuaich mi gu grad
le d' dheas làimh làidir thréin.
- 6 'Na naomhachd labhair Dia nam feart,
bìdh aoibhneas orm nach gann :
Air Sechem 'ni roinn gu ceart,
gleann Shucoit toimhscair leam
- 7 'S leam Gilcad le dlighe cheirt,
Manasch 's leam gu beachd ;
'S i treubh Ephraim neart mo chinn,
bheir Iudah mach mo reachd.
- 8 Is soitheach-ionnlaid Moab dhomh ;
tilgeam thar Edom thurghaigh
Mo bhròg ; is ni mi caithream binn
thar Palestin le buaidh.
- 9 Cò bheir do'n chaithir dhaingean mi ?
's gu Edom bheir gu ceart ?
- 10 Nach tusa, Dhia, le'n d' thréigeadh sinn ?
's nach deachaidh mach le'r feachd ?
- 11 O thrioblaid tabhair còmhnaidh dhuinn,
oir 's dìomhain furtachd dhaoin'.
- 12 Tre Dhia ni sinne treubhantas,
's e shaltras naimhde foidh'n.

SALM LXI.

- 1 **R** I glòdh mo gheirain éisd, a Dhé
is m'urnmhig thoir faincar.

- 2 O iomall talmhainn éigheam riut,
's mo chridhe trom fo smal :
Dhia, treòraich chum na carraig mi
a's àirde na mi féin.
- 3 Bu tearmunn thu, 's bu chaisteal dhomh
o m' eascairdibh gu léir.
- 4 A'd' phàillion naomh ni mise tàmh
gach aimsir is gach tràth :
Mo dhòigh fo dhubhar sgàil', do sgéith,
cuidich mi féin gu bràth.
- 5 Oir chuala tu mo bhòide naomh',
's an gealladh a thug mi :
Oighreachd na muinntir thug thu dhomh
d'an eagal d'ainm, a Dhé.
- 6 Saogh' maireann agus aimsir chian
bheir thusa, Dhia, do'n Rìgh :
Mar iomadh ginealach is linn,
a bhliadhnacha 's tu ni.
- 7 Mairidh e buan am fianuis Dé,
gu bunaiteach 's gu bràth :
Trècair is firinn deasaich dha,
g'a choimhead-san gach tràth.
- 8 Mar sin gu sìorruidh seinncair cliù
do d'ainm ro uasal àrd,
'S mo bhòide naomha diolam dhiut,
o là gu là gu bràth.

SALM LXII.

- 1 **L** E foighidinn tha m'anam bochd
'feitheamh air Dia gu beachd :
'S ann uait' tha furtachd agus fòir
orm air gach taobh a' teachd.
- 2 'Se mhàin a's carraig dhidèin dhomh,
is m'fhurtachd e ro-dheas :
Mo thearmunn dìleas e faraon,
gu mòr cha ghluaisear mis'.
- 3 Cia fhad a dhealbhar aimhleas leibh ?
làn-mharbhar sibh gu beachd,
Mar bhall' air chrith, 's mar ghàradh
tha leagadh oirbh a' teachd. [dh'aom,
- 4 O urram àrd ga thilgeadh sìos
tha 'n comhairlean a' ruith :
'Si 's niann leo breug : beannachd 'n an
ach mallachd an taobh stigh. [beul,
- 5 O m'anam feith gu foighidneach
ri Dia a mhàin mar chleachd :
Oir annsan tha mo mhuighinn threun,
's mo dhòchas féin gu beachd.
- 6 'S e mhàin a's carraig dhileas dhomh,
's e mhàin mo shlàinte dheas :
Mo thearmunn daingean e faraon,
mar sin cha ghluaisear mis'.
- 7 Mo shlàinte ta 's mo ghloir an Dia,
ris carbam féin a ghlàth :
Carraig mo neirt, 's mo thearmunn treun,
's e Dia, gu buan 's gu bràth.
- 8 O phobull, cuiribh ann an Dia
bhur dòchas auns gach àm ;
'N a shianuis dòirtibh mach 'ur cridh'
's e Dia ar tearmunn ann.

9 'S ni dìomhain daoine beag' gu fìor,
tha daoine mòr' 'n am bréig :
Air meidh ri'n tomhas, 's eatruim' iad
na dìomhanas gu lèir.

10 Na h-earb a foirneart, 's na dean uail
á reubainn no droch-bheart :
Na socruch fòs do chrìdh' air stòr,
'n tràth chinneas saoihbreas leat.

11 Do labhair Dia aon uair a mach :
sùd chualas uair no dhà,
Gur leis an Dia ta cumhachdach
treis agus neart gach là.

12 Trècair, a Thighearn, buinidh dhuit,
is grasa mòr faraon :
Oir bheir thu réir a ghnìomhara,
a luigheadh do gach aon.

SALM LXIII.

1 O DHIA, is tu mo Dhia, gu moch
iarraidh mi thu gach là :
Ro-thartmhor a ta m'anam bochd,
an geall ort féin a ghnàth ;
Tha miann, is ciocras mòr air m'fheoil,
an geall ort féin gach àm,
An tìr ro-thioraim, thartmhoir, theith
'gun uisg' air bìth bhi ann.

2 Do chumhachd chum gu faicinn féin,
's do ghlòir a ta ro-chaoimh :
A réir mar chunnacas roimhe thu,
le cliu a' d'àros naomh.

3 Air son gur fearr na beatha fòs
do chaoimhneas gràdhach caoin :
Ard-mholadh dhuit le h-ìomadh cliu
mo bhile bheir faraon.

4 Mar sin an cian a bhios mi beò,
beannaicheam thu a ghnàth :
Is ann ad naomh ainm togam suas
mo làmhnan riut gach tràth.

5 Sàsuichear m'anam mar le smior,
's le saill ro-reamhar réidh :
Is bheir mo bheul 's mo bhile dhuit
àrd-mholadh ait, a Dhé :

6 'N tràth ni mi air mo leabaidh fòs,
do chuimhneachadh le tlachd,
'S an àm na faire snuaineach' ort,
a' dol do'n oidhe thart'.

7 Air son gur tu b'fhear cabhair dhomh
a Thighearn is a Dhé ;
Bìdh aoibhneas agus aiteas orm,
fo dhubhar sgàil do sgeith.

8 Tha m'anam leantuinn riut gu dlùth :
do dheas làmh chum mi suas.

9 Luchd iarraidh m'anam' bhochd g'a sgrios,
théid iadsan sìos do'n uaigh.

10 Le faobhar claidheimh agus arm
sìos tuitidh iad gu làr :
Mar chuibhriom do na sionnachaidh
do nithear iad le tàir.

11 Ach aoibhneach bìdh an rìgh an Dia :
na lùghas e gnn bheud
Ni iadsan uail : ach druidear beul
gach neach a labhras breug.

SALM LXIV.

1 TRATH ni mi urnuigh riut, a Dhé,
thoir éisdeachd dhomh gu luath ;
O eagal nàmhaid coimhid fòs,
gu tèaruint' m'anam truagh.

2 O chomhairl' dhìomhair dhaoine daoì,
o ionnsuidh ghairbh faraon,
Luchd deanamh uile is aingidheachd,
cuir folach orm gu caoin.

3 An teagadh féin do gheuraich iad,
mar chlaidheamh guineach geur ;
Tha'm bogh' air lagh, 's an saighde deas,
's iad briathra searbh am béil ;

4 Gu'n caitheadh iad an dìomhaireachd
an neach sin foirfe ta ;
Gu h-obann taid 'g a chaitheamh fòs,
gun eagal is gun sgàth.

5 A' gabhail misneich taid 's an ole,
's a labhairt tric le chéil'
Mu leagadh lion an uaignidheas,
ag ràdh, Cò 'n ti d'an léir ?

6 Gach ole do rannsaich iad a mach ;
seadh rinn iad sgrùdadh geur,
An rùn a stigh 's ro-dhìomhain e,
's an cridhe mar an ceudn'.

7 Ach saighead tilgidh orra Dia,
bhios guineach agus geur ;
Grad-bhuailcar agus lotar iad,
'g an gortachadh gu léir.

8 Mar sin bheir iadsan orra féin
toradh an teang' gu grad :
Gach uile neach d'an léir an dòigh
teichidh iad uath' am fad.

9 Mòr-eagal bithidh air gach neach
is nochdaidh obair Dhé :
Oir bheirear leo gu glic fa'near
an gnìomh ud a rinn e.

10 Ni 'm fìrean aoibhneas mòr an Dia,
a' cur a dhòchais ann :
'S gach neach 'g am bheil an cridhe ceart
ni gairdeachas nach gann.

SALM LXV.

1 THA ann an Sion 'feitheamh ort
moladh, a Dhé, gun dìth :
'S ann duit a dhìolar fòs gu pailt
a' bhoid mar gheallair i.

2 O thus' a dh'éisdeas urnuigh ghlan,
's ann thugadh thig gach aon.

3 Mo sheachrain tha an uachdar orm :
Glan thus' ar peacaidh uainn.

4 'S beannaicht' an duine sin a chaoidh
a thaghar leatsa, Dhé,
'S a bheir thu fòs am fagus duit :
còmhnuidh a'd' chùirt gheibh e.

Sàsuichear sinn le maithcas mòr
do theach, 's do theampuil naoimh.

5 Le nithibh uamhasach, bheir dhuinn,
a'd' cheartas, freagrachd caoin :

A Dhia ar slàinte, 's tn gu dearbh,
làn dòchas crìch gach tìr ;

- 'S na bheil 's an fhairge fada uaiun,
an dòchas 's tu do shior.
- 6 Le 'neartsan shoeruich sléibhte mòr',
e crioslaicht' fòs le treis.
- 7 'S e chaisgeas fuaim gach mara 's tuim,
is comh-stri dhaoine leis.
- 8 Na daoine ta an còmhnuidh thall,
's na tìrìbh fad a mach,
'N a uamhunn orra ta gu mòr,
do chomhar miorbhuileach:
Is tusa bheir air dol a mach
na maidne gach aon là,
'S air dol an fhcasgair mar an ceudn'
bhi aoibhiuu airt a ghuàth.
- 9 An talamh tha thu 'osrachadh,
's 'g a uisgeach, dh gu réidh:
Le amhainn Dhé tha làn de'n uisg',
tròmh beartach ni thu e.
Dhoibh arbhar tha thu deasachadh,
le d'fhreasdal caomha féin;
10 'S ag uisgeachadh le pailteas mòr,
nan iomaircan gu min:
A sgrìoban leagaidh tu a sìos,
le frasaibh ni thu tais;
A chinneas agus 'fhochann fòs,
beannaichidh tu le mais'.
- 11 Mu'n bhliadhna coron tha thu cur,
le d' mhaithreas féin, a Dhé;
Tha saill a' sìleadh anns gach àit,
o d' cheumannaibh gu réidh.
- 12 Air cluainibh glas an fhàsaich luim,
nuas sìlidh iad gu min;
Na tulaich bheag, gach taobh a ta
làn aoibhneis agus gean.
- 13 Na cluaincan air an sgeudachadh
le treudaibh anns gach àit;
Na glinn, le h-arbhar folaichte,
a' seinn le h-iolaich àrd.

SALM LXVI.

- 1 **T**OGAIBH, gach uile thìr gu h-àrd,
Iolach do Dhia nan dul.
- 2 D'a ainm ro-uasal scinnibh glòir,
a' tabhairt dhasan cliu.
- 3 Abraibh ri Dia, Cia h-uamhasach
gach beart do nìthear leat?
Oir géillidh dhuit do naimhde borb,
air son gur mòr do neart.
- 4 Sluchdaidh gach uile thalamh dhuit,
ag iomradh ort gu binn:
Do d'ainm ro-uasal iongantach
Nì'd moladh mòr a sheinn.
- 5 Thigibh an so is amhaircibh
air oibribh Dhé gu gcur:
Ta uamhasach 'n a ghèomharaibh
air chloinn nau daoin' gu léir.
- 6 Mar thalamh tioram rinn e 'n cuan:
is trid nan sruth bu luath
D'an cois chaidh daoine; 'u uair a bha
sinn annsan airt le buaidh.

- 7 Le 'threun-neart riaghlaidh e a chaoidh;
na sìdigh d'a shùilb' 's léir:
'S na h-àrdaichadh luchd-eusaontais
gu h-amaideach iad féin.
- 8 O dhaoine, beannaichibh ar Dia,
àrd-mholaibh e gun chlos.
- 9 'S e chum ar n-anam bòd, 's e bheir
nach carruichear ar cos.
- 10 Mar airgoid leagtha ghlan thu sinn:
's tu dh'fhidir sinn, a Dhé:
- 11 Chuir umainn lion; ar leasraidh chuir
fo dhòrainn is fo phéiu.
- 12 Thug thu air daoinibh marcachd oirnn,
tre theine 's uisge chaidh;
A ris gu h-ionad saoi bhir réidh,
's tu féin thug sinn le buaidh.
- 13 Rachan do d' thigh le ofrail-loisgt':
dhuit coimhilionam mo bhòid,
- 14 A ghealladh leam le fosgladh béil,
tràth bha mi 'n éigin mhòir.
- 15 Do'n fheudail reamhar, iobairt-loisgt'
le tùis is saill nan reith';
Ofrail nam bò, 's nan gabhar fòs
sud bheir mi dhuit fa leth.
- 16 Thigibh, is éisdibh so, gach neach
air am bheil eagal Dé,
Gach maith do rinn air m'anam bochd,
sud aithriscam gu réidh.
- 17 Do ghlaodh mi ris gu h-àrd le m'bhicul:
le m'fhcangaidh dh'ardaich' e.
- 18 A'm' chridh' ma bheir mi spéis do'n òc,
cha-n éisd an Tighearn mi.
- 19 Gu dearbhadh dh'éisd Dia riunn: thug fa'ncar
guth m'urruigh Rìgh nan dùl.
- 20 Moladh do Dhia, nìor cheil a ghràs,
's mo ghuidh' nìor chuir air cùl.

SALM LXVII.

- 1 **G**U'N deanadh Dia mòr thròcair oirnn
'S ar beannachadh a ghnàth:
Is togadh e gu gràmhor oirnn
dealradh a ghnus' gu bràth.
- 2 Chum fios do shlighe bhi gu fìor
's gach uile thìr air bith:
Is iomradh air do shlàinte chaoiml
measg fhineacha fa leth.
- 3 Moladh am pobull thus', a Dhé:
moladh gach pobull thu.
- 4 Biodh gairdeachas air fineachaibh,
gu h-ait a' seinn do chliù:
Oir ceart-bhreth bheir thu air an t-sluagh,
riaghlaidh air thalamh iad.
- 5 Moladh gach pobull thus', a Dhé:
moladh iad thu 's gach àit.
- 6 'N sin bheir gach talamh is gach fonn
dèadh thoradh trom gu pailt:
Is cuiridh Dia ar Tighearn oirnn
a bheannachadh gun airc.
- 7 Nì Dia ar beannachadh guu cheisd,
's bidh 'eagalsan gu fìor
Air gach aon neach a dh'aiticheas
fad iomaill crìch gach tìr'.

SALM LXVIII.

- 1 **E**IREADH ar Dia, is sgaoilear leis
an dream a's naimhde dha:
'S an aitim sin thug dhasan fuath,
teicheadh o 'ghnùis gu bràth.
- 2 Mar sgapar deatach, fuadaich iad:
mar leaghas teine céir,
Mar sin gu sgriosar droch dhaoine as
á fianuis Dhé gu léir.
- 3 Ach gairdeachas air daoineibh còir,
is aoibhneas gu'n robh ac'
Am fianuis Dhé, le luathghair mhòir,
's iad suilbhir agus ait.
- 4 Seinnibh do Dhia, sìor-mholaibh 'ainm:
àrdaichibh 'n Ti a ta
Marcachd air nèamh, tre'ainm-san IAH,
bibh ait 'n a làth'r a ghnàth.
- 5 Do dhilleachdain is athair Dia;
do bhantraichibh gun neart,
An tigh a naomhachd tha e ghnàth
'n a bhreitheamh dìreach ceart.
- 6 Suidhichidh Dia 'an teaglaichibh
an dream tha uaigneach truagh:
Is saoraidh e gu tròcaireach
na bheil fo chuibhreigh chruaidh;
Ach meud 's a bhios gu h-eucorach
ri ceannairc is ri lochd,
Ni iadsan còmhnuidh bhunaiteach
'am fearann tioram bochd.
- 7 Air ceann do shluagh tràth dh'imich thu
a Dhé, 's an fhàsach chruaidh;
- 8 Chrìochnaich an talamh, shìl an speur,
an làthair Dhé nan sluagh:
Sliabh Shìnai féin tha daingean àrd,
chrìochnaich is luaigs gu mòr,
An làthair Dhé, Dé Isracil,
tha urramach an glòir.
- 9 Shìl thusa, Thighearna, gu pailt
frasan a nuas gun dìth;
Is shuidhich agus dh'fhlurtaich thu
air d'òighreachd, is i sgìth.
- 10 Bha fòs do choimhthional 's do shluagh
'n an còmhnuidh innt', a Dhé,
Do d' mhaithreas rinn thu deasachadh
do d' dhaoineibh bochda féin.
- 11 An Tighearna ta làidir treun,
leig e a ghuth a mach,
'S a' chuideachd sin a dh'fhoillsich e
bu lionmhor iomarcach.
- 12 Rìghrean nan armaite 's nam feachd,
an sin le deifir theich:
'S is e dh'fhuirich aig an tigh,
bha i a' roinn na creich'.
- 13 Measg phota luidh sibh, ach bidh s.bh
mar sgiath nan colman luath,
Foluicht' le h-airgid, is an cleit'
le h-òr a's deirge snuadh.
- 14 Tràth sgaoil Dia uile-chumhachdach
na rìghrean innt' a steach:
'N sin bha i geal mar Shalmon àrd,
's i uile làn de shneachd.

- 15 An sliabh ud, Dhé, is cosmhuil e,
ri Basan measg nam beann,
Mar Bhasan mòr is amhluidh e,
gu h-àrd a thog a cheann.
- 16 C'ar son a leum sibh, bheannta àrd:
's e so àrd-thulaich Dhé,
Am miann leis tàmh, is bìthidh e
'n a chòmhnuidh ann gach ré.
- 17 Tha carbaid Dhé 'n am fiched mìl';
mìlte de ainglibh treun:
'N a theampull naomh tha Dia 'n am
ionnan 's 'n a Shìnai féin. [measg,
- 18 Is chaidh thu suas air ionad àrd,
thug bruid am braighdeanas,
Do dhaoineibh fhuair thu tiodhlaca,
le'n dean thu toirbheartas:
'S ann cheana fòs do'n mhuinntir ud
ro-cheannairceach a ta,
A chum gu'm biodh Iehobhah Dia
'n a chòmhnuidh ac' a ghnàth.
- 19 Dia gu ma beannaicht' gu robh e,
tha dòrtadh oirnn gach lù
A thiodhlaca, 's e Dia ar slàint',
an Dia a chum sin beò.
- 20 Is leinn an Dia ta làidir treun,
ni cabhair anns gach càs:
Do Dhia Iehobhah buinidh fòs
làn-teasairginn o'n bhàs.
- 21 Ach ceann a naimhde brisidh Dia;
is claigionn greannach cruaidh
An fhir a dh'imichas gu dàr
'n a chionta féin gach uair.
- 22 Deir Dia, Bheir mise air an ais
mo shluagh o Bhasan àrd;
'S o dhoimhneachd fairge bheir mi rìs,
's nìos iad le mòr bhàigh.
- 23 Chum ann am fuil do naimhde dian,
do chos gu'n deantar dearg,
'S gu'n tunar fòs 'n am fuil-san féin
teangadh do mhadradh garg'.
- 24 Do thriallsa chunnaic iad, a Dhé,
a Thighearna ro-chaoimh,
'S e triall mo Thighearna is mo Rìgh
's ann anns an àros naomh.
- 25 Luchd-òrain dh'imich iad air tùs,
Luchd-inneil ciùil a ris:
'Nam measg a' bualadh thiompan fòs
na maighdeana gu mìn.
- 26 Deanaibh-sa Dia a bheannachadh,
'n 'ur coimhthional le chéil',
Eadhon Iehobhah Dia nam feart,
o thobar Isracil.
- 27 Benjamin beag 'n triath an sud,
bha prionnsa Iudah ann,
Le'n comhairl', prionnsan Naphtali,
is prionnsan Shebuluin.
- 28 Do Dhia 'se dh'aitm is dh'orduich d'
do ncart is fòs do threòir:
An gnìomh a rinn thu air ar son
neartaich, a Dhé na glòir'.

- 29 Air son do theampuill naoimh, a Dhé,
ta aig Ierusalem,
Do bheir na rìghre ta mu'n cuairt
deadh thiodhlaca dhuit féin.
- 30 Thoir achmhasan do luchd nan sleagh,
's do chuideachd mhòir nan tarbh,
Do laoghaibh fòs a' phobuill ud,
thoir achmhasan gu garbh,
- Le mìribh airgid gus an géill
iad sud gu léir do d' smachd :
Sgaoil thus' am pobull ud, a Dhé,
a ghabh do'n chogadh tlachd.
- 31 Thig prionnsan mòr o'n Eiphit mach,
's nì Etiopia fòs
A làmhnan shineadh mach gu luath
suas ri Ard-Rìgh na glòir.
- 32 O rìoghachdan an domhain mhòir,
seinnibh do Dhia gu grinn ;
Do'n Dia a's Rìgh 's a's Tighearn ann,
seinnibh-sa moladh binn.
- 33 Do'n mharcach àrd air nèamh nan nèamh,
ta ann o'n aimsir chéin :
Feuch, tha e cur a mach a ghuth',
a ghuth' ta làidir treun.
- 34 Sior thugaibh neart do Dhia : oir tha
a ghloir thar Israel,
'S a threis a ta 's na nèamhaibh àrd,
's an neulaibh tiugh' nan speur.
- 35 O d'naomh-thigh 's uamhasach thu Dhe :
Dia Israel gu beachd,
D'a plìobull bheir sàr-neart is treòir :
's beannaichte Dia nam feart.

SALM LXIX.

- 1 **O** TEASAIRG mise, Dhé mo neart,
oir dhòirt na tuite ornn,
Is thàinig fòs air m'anam bochd
na h-uisgeacha le toirm.
- 2 An làthaich dhomhain tha mi'n sàs,
gun àit an seasainn ann ;
Le h-uisgibh domhain ghlacadh mi,
is sruth dol thar mo cheann.
- 3 Taim sgèth le m' ghlaodhaich ; agus tha
mo seornan loisgt' le tart :
Mo shùile ta air fàilneachadh,
feitheamh air Dia nam feart.
- 4 Is lionnmoire na falt mo chinn
mo naimhde gun chior-fàth,
'S an dream ud 'ds le'm b' àill mo chlaoidh
ro ghuineaca làidir ta.
- An sin an nì nach d'tbug mi leam,
dh'aigis nì uam gu beachd.
- 5 Dhia, 's fìosrach thu air m'amaideachd,
cha-n' fhòluicht' ort mo leold.
- 6 Nàir air mo sgàthsa, Dhé, na leig,
O Thighearna nan sluagh,
Àir neach air bith do'n àitim ud
tha 'feitheamh ort gach uair :
- An dream sin, O Dhia Israel,
ga d'iarraidh féin a ta,

- Na leig gu bràth fo nàire iad,
no masladh air mo sgàth.
- 7 Oir masladh dh'fhuiling air do sgàth ;
lionadh mo ghnùis le nàir'.
- 8 Do m' bhràthraibh is fear coigreach mi,
coimheach aig cloinn mo mhàth'r.
- 9 Le eud do theachsa shluigeadh mi ;
meud 's a bheir masladh dhuit,
'S ann orms' an toibheum sud gu léir
gu leth-tromach a thuit.
- 10 M'anam tràth thraisg, 's a rinn mi gul,
'n sin mhaslaich iad mo ghnìomh.
- 11 'S 'n uair chuir mi uman eudach saic,
ball-magaidh rinn iad dhìom.
- 12 Dhoibhsan a shuidheas anns a' gheat',
's eùis chòmhradh mi gach là :
'S do luchd na misg' ri am am pòit',
a'm' òran tha mi ghnàth.
- 13 Ach mise, Dhé, nì'm urnuigh riut,
's an uair a's taitneach leat :
Eisd rium, a Dhé, réir meud do ghràis
le d' eabhair fhìor thoir neart.
- 14 O'n làthaich saor mi, O mo Dhia !
chum fuidh nach rachainn sìos :
O luchd mo mhi-ruin teasaig mi,
's o dhoimhneachd uisge mios.
- 15 Na rachadh tharum tuiteach uisg',
na sluigeadh doimhneachd mi,
An slochd na druideadh orna a bheul
gu h-ìomlan chum mo chlaoidh.
- 16 Eisd rium, O Dhia, oir 's maith do ghràs :
pill rium a'd' thòrcair phailt.
- 17 Do ghnùis na ceil air t'òglach féin,
éisd rium gu luath, 's mi'n aire.
- 18 Rì m'anam druid, is fuasgail e :
o m' nàmlaid dean mo dhìon.
- 19 Mo mhasladh, m'cas-urram, 's mo nàir',
's mo naimhde, 's léir dhuit féin.
- 20 Le toibheum tha mo chridhe brist',
is mi gu h-iarganach :
Dh'iarr mi luchd truais is comhfhurtachd,
is dhiubh cha d'fhuaras neach.
- 21 Seadh, thug iad domblas dhomh mar
's 'am iotadh thug fion geur. [bhiadh,
- 22 Mar eangach dhoibh gu robh am bord ;
's mar rib an àgh gu léir.
- 23 Gun léirsinn biodh an sùilean dall,
's an leasraidh ghnàth air chrith.
- 24 Dòirt orra d'fhcarg, 's le d'chorruich ghéir
glac iad gach uair sam bith.
- 25 Mar fhàsach lom gun àiteachadh
gu robh an tàmh 's an teach,
Is anns na pàillionaibh bu leo
còmhuidh na gabhadh neach.
- 26 Oir lean iad le dian-fhoireigineadh
an ti a bhuailleadh leat ;
Is labhair iad chum doilgheis mhòir,
do'n dream a rinn thu lot.
- 27 Cuir ciont' ri 'n aingidheachd, 's na leig
a'd' cheartas iad a steach :

- 28 A leabhar fòs nam beò gu tur
dubhar iad sud a mach;
Is maille ris na fireanaibh -
a bluineas duit gun cheisd,
Is ann an àireamh dhaoine còir
na sgrìobhar iad am feasd.
- 29 Ach mise ta gu h-ainnis bochd,
is làn do bhròn faraon:
Togadh do shlàinte mi an àird,
a Dhé, gu gràsmhor caoin.
- 30 Le h-òran binn sior-mholaidh mi
deadh ainm mo Dhé gach là,
'S a chliùsan fòs sior-thogar leam
le buidheachas gu h-àrd.
- 31 'S fearr leis an Tighearn sud gu mòr
na damh ta adhareach,
No ìobairt fòs a bliuireadh neach
do bhiorach crobhanach.
- 32 Na daoine sèimh tràth chi iad so,
bidh aoibhneach aig gu leòr;
Is bidh 'ur cridh'-sa beò gu brath
ta 'g iarraidh Dhé na glòir'.
- 33 Ri bochdaibh éisdidh Dia, 's cha dean
tàir air a phrìosanaich.
- 34 Nèamh, muir, is tìr, gu moladh e,
's gach ni ta gluasadach.
- 35 Oir bailte Iudah togaidh Dia,
is saorar Sion leis,
A chum gu meal iad i gu buan,
'g a h-àiteachadh am feasd.
- 36 Do shliochd a sheirbhiseach gu fìor,
is sealbh ro-dhìleas i;
'S an dream a bheir d'a ainm-san gràdh,
sior-chòmhnuidh innte ni.

SALM LXX.

- 1 **I**EHOBHAIH Dhia, gu m' theasairginn
's gu m' chòmhnuadh, deifrich ort.
- 2 Biodh nàir' is amhladh air an dream
ta 'g iarraidh m'anam' bhochd:
Pillear an dream ud air an ais,
le m' mianm mo lochd a ghnàth,
Mòr amhladh gu robh orra sud,
is rughadh gruaidh gach là.
- 3 Gum pillear iadsan air an ais,
mar thuarsad d'an nàir',
An dream a their gu fanoideach,
Aha, aha, le tàir.
- 4 Aoibhneas is aighear, do gach neach
'g a d' iarraidh féin a ta:
Is abradh iad le 'n toigh do shlàint',
Dia gu ma mòr, a ghnàth.
- 5 Ach mise ta gu h-ainnis bochd,
a m'ionnsuidh greas, a Dhia:
Mo chabhair thu, 's mo shlànuighear -
moille na dean, mo Thriath.

SALM LXXI.

- 1 **'S** ANN ruit a ta mi 'g earbsadh, Dhé;
nàir' orm am feasd na biodh,
- 2 A d' cheartas fòir, thoir orm dol as:
aom rinn do chluas, saor mi.

- 3 A d' charraig còmhnuidh bi-sa dhomh,
d'an tàthuicheam do shìor:
Mo chaisteal, is mo dhaingneach thu,
thug àithne chum mo dhìu.
- 4 A làimh nan aingidh, O mo Dhia,
dean fuasgladh dhomh a'm' chruas,
A làimh na muinntir eucoraich,
a ta guu iochd, gun truas.
- 5 Oir 's tusa, Thighearna mo Dhia,
mo dhòchas ann am fheum'
O aois is aimsir m'òige nuas,
mo mhuinghinn thu ro-threun.
- 6 'S ann leatsa chumadh mise suas,
O thain'geas as a' bhroinn;
A bolg mo mhàthar bhuin thu mi,
sior-mholam thu gu binn.
- 7 Mar aobhar iongantais, a Dhé,
aig mòran a ta mi;
Ach 's tusa 's tèarmunn dileas dhomh,
's mo spionnadh mòr gun dìth.
- 8 Lìonar mo bheul le d' mholadh,sa,
's le d'urram féin gach lò.
- 9 Na tilg mi dhìot a'm' aois; 's na tréig
'n tràth dh'fhàillicheas mo thrèòir.
- 10 Oir m'aghaidh mheud 's is naimhde
labhair gu sgaiteach geur: [dhomh
'S an dream ta brath air m'anam bochd,
ghabh comhairle le chéil',
- 11 Ag ràdh, Do thréigeadh e le Dia,
leanaibh e nis gu teann,
Is glacaibh, oir g'a theasairginn
cha-n 'eil neach idir ann.
- 12 A Dhé, na bi-sa fada uam;
fòir orm, mo Dhia, gu luath.
- 13 Biodh nàir' is claidh air m'eascairdibh,
'g am bheil do m'anam fuath:
Masladh is nàire fol'cheadh iad,
tha 'g iarraidh m'uile gach lò.
- 14 Sior-earbam riut, is seunaidh mi
do chliu ni 's mò 's ni 's mò.
- 15 Labhraidh mo bheul air t'fhìreantachd,
's do shlàint' gach là gun sgìos:
An àireamh sud aig lìomhoireachd
cha-n fheudar leam chur sìos.
- 16 Tre neart an Tighearna mo Dhia,
fòs ghuaisidh mi a ghnàth:
Is ni mi sgeul air d'fhìreantachd,
d'fhìreantachd féin a mhàin.
- 17 O m'òige rinn thu teagasg dhomh,
a Tighearna is a Dhé:
Is chuir mi d'òibre iongantach
gu ruige so au céili.
- 18 A nis air bli dhomh aosmhor liath,
na tréig mi. Dhia nam feart:
Gu taisbeanainn do neart 's do threis,
do'n àl a t'ann, 's ri teachd.
- 19 'S ro-àrd do cheartas féin, a Dhé,
is rinn thu bearta mòr:
O Dhia, cò e a's cosmhuil riut,
no choimeas riut is còir?

- 20 Trioblaid ro-mhòr is an-shocair,
's tu thaisbein dhomh, a Dhé ;
Ath-bheothaichidh, is bheir thu ris
o dhoinhneachd talmhainn mi.
- 21 Mo mhòrachd cuiridh tus' am meud,
's bheir sòlas air gach taobh.
- 22 Air saltair molam thu, mo Dhia,
scadh d'fhìrinn ta ro-chaomh.
- Is cinneam dhuit air clàrsaich bhinn,
O Ain naoinh Israel.
- 23 Mo bhilean ni mòr-ghairdeachas,
tràth sheinneam dhuit le m' bheul :
Bidh subhachas is aoibhneas mòr
air m'anam féin, a Dhé,
A shaoradh leat gu tròcaireach
o 'thrioblaidibh gu léir.
- 24 Is bidh mo theang' air d'fhìrcantachd
ag iomradh feadh an là :
Oir nàir' is amhladh fhuair an dream
'g iarraidh mo lochd a ta.

SALM LXXII.

- 1 **D**HIA, thoir do bhreitheanas do'n rìgh,
is d'fhìrcantachd d'a mhaic.
- 2 Bheir esan ceart bhreth air do shluagh,
's do d' bhochdaibh còir 'n an airc.
- 3 Na sleibhtean àrda bheir a mach
sìochaint do'n t-sluagh gu pailt ;
Is bheir na tulaich bheaga sìth
le fireantachd gun airc.
- 4 Air daoimibh bochd a' phobuill fòs,
bheir esan breth gu ceart ;
Is clann nan ainnis saoraidh e,
mìn-bhrisidh luchd ain-neart.
- 5 Am feadh bhios grian is gealach ann,
freasdal do'n là 's do'n oidhch',
Bidh d'eagal orrasan gu mòr,
o linn gu linn a chaidh.
- 6 Mar uisge air an fhaiche bhuint',
is amhluidh thig e nuas :
Mar fhlasaibh dh'uisgicheas am fonn,
is ionnan sin a ghràs.
- 7 R'a linn-san bidh na fireanaich
gu h-àr a' fàs le blàth :
's am feadh a bhios a' ghealach ann,
bidh sìochaint pailt a ghnàth,
- 8 Bidh uachdranachd aig mar an ceudn'
o thuinn gu tuinn gu sìor,
Is ruigidh sud o'n amhainn mhòir,
gu iomall crìch gach tìr'.
- 9 Luchd-còmhluaidh fòs an fhàsaich chruidh
sleuchdaidh iad sìos 'n a làth'r ;
A naimhdean imlichidh an ùir,
a' tabhairt àmhlachd dha.
- 10 Rìgh Tharsis, is nan eileanan,
tiodhlacan bheir iad uath',
Bheir rìghrean Sheba, Seba fòs,
tabhartais dha gu luath.
- 11 Seadh, fòs 'n a fhanuis sleuchdaidh sìos
gach rìgh air thalamh ta :

- 'S gach ginealach air feadh gach tìr,
dha seirbhis ni a ghnàth.
- 12 An t-ainnis bochd gun chuideachadh,
saoraidh tràth dh'èigheas ris.
- 13 'S ni acarachd ri truaghan bochd,
is dìonar 'anam leis.
- 14 'S e theasairgeas an anam fòs
o fhoill 's o fhòirneart gheur :
Is fòs 'n a shùilbh-san gun cheisd,
's prìseil am fuil gu léir.
- 15 Bithidh e beò gu maireannach,
òr Sheba bheirear dha :
Gnàth-urnuigh nithear air a shon,
is molar e gach là.
- 16 'S an talamh cuirear dorlach sìl,
air mullach àrd nam beann ;
Is bidh a thoradh trom air chrìtl,
mar Lebanon nan crann.
- An dream a ta 's a' chaithir mhòir,
bidh toradh orr' is blàth
Gu lìonmhor, mar is dual do'n fheur
air thalamh fàs a ta.
- 17 Bidh 'ainm-san buan gu suthain sìor,
co-mhaireann ris a' ghréin ;
Is annsan beannaichear gach slògh ;
's beannaichear leo e féin.
- 18 Beannaicht' gu robh an Tighearn Dia
Dia Israel a ghnàth,
An ti a mhàin ni mìorbhuile
le treis is neart a làimh.
- 19 Beannaicht' gu robh gu sìorruidh buan
ainm glòrmhor uasal féin ;
Lionadh a ghlòir gach uile thìr,
Amen, agus Amen !

SALM LXXIII.

- 1 **G**U frinneach tha Dia ro-mhaith
do phobull Israel,
Do'n dream 'g am bheil an cridhe glan,
tha Dia dhoibh maith d'a réir.
- 2 Ach air mo shonsa, 's beag nach d'aom
mo chosa uam gu grad :
Cha mhòr nach d'rinn mo cheuma fòs
sleamhnachadh uam air fad.
- 3 Rì amadanaibh ghabh mi tnuì,
ri faicinn soirbheis dha.
- 4 Oir cuibhrichean cha-n 'eil 'n am bàs ;
neart làidir 's leo gun dìth.
- 5 Mar dhaoimibh eile cha-n 'eil iad
fo thrioblaid no fo leòn :
'S cha-n 'eil iad air an sàruchadh
mar chàch le piantaibh mòr'.
- 6 Ardan mar shlabhraidh, uime sin,
'g an cuairteachadh a ta ;
Am fòirneart féin 'g an còmhachadh
mar eudach thart' a ghnàth.
- 7 An sùile sultmhor tha le saill :
an tòic chaidh thar am miann.
- 8 Is truaillich iad, 's air fòirneart geur
labhraidh gu h-aingidh, diau.

9 An aghaidh fòs nan nèamh 's nan speur
am beul do thog iad suas ;
Air feadh na talmhainn is na tìr
an teangadhsan do ghluais.

10 Fa'n aobhar ud gu ruige so,
a shluagh-san pillidh iad ;
Is fàisgear dhoibh do 'n uisge mach,
làn cupain a's leòr meud.

11 Is their iad, Cia mar 's léir do Dhia ?
'm bheil tuigs' 's an Tì a's àird' ?

12 Feuch, sud na daoibh, tha soirbheachadh,
a' fàs 'n an stòr gach là.

13 Mo chridh' gu dearbh ghlan mi gun stà,
's 'an neo-chiont' nigh mo làmh ;

14 Oir buailt' is smachduichte ta mi
gach maduinn, 's feadh gach là.

15 Nan abrainn, Labhairidh mi mar so,
feuch, pheacaichinn gu beachd,
An aghaidh sìochd is ginealach
na cloinne 's ionmhuinn leat.

16 Tràth smuainich mi gu'n tuiginn so,
bu chruaidh-cheisd orm an gnìomh.

17 Ach chaidh mi steach do naomh-thigh
is thuig mi 'n sin an crìoch. [Dhé,

18 Gu deimhin chuir thu iad air fad
an àitibh sleamhuinn lom :
Is thilg thu iad a sìos g' an sgrios
le dioghaltas gu trom.

19 Feuch cionnus thàinig orra claidh,
am mionaid bhig na h-uair' ?
Oir tha iad air an sgrios gu tur
le oillt is eagal mòr.

20 Mar aisling 'n uair a dhùisgeas neach,
mar sin, a Dhia nan sluagh,
Ni thusa dìneas air an dealbh,
air mosgladh dhuit á suain.

21 Mar so bha air mo chridhe cràdh,
's am airuibh goimh ro-gheur.

22 Oir bha mi baòth is aineolach :
mar bhrùid a'd' làth'r, a Dhé

23 Gidheadh, tha mise maille riut,
O Thighearna, a ghnàth :
Is air mo dheas làmh ghlac thu mi,
ga m' chumail suas gach là.

24 Do nithear leat mo stiùradh fòs
le d' chomhairle a'm' fheum,
Is gabhaidh tu mi steach fadheoidh
a'd' àros ghlòrinnhor féin.

25 Cò th'agam anns na nèamhaibh shuas
ach thusa, Dhia nan dùl ?
Is cha-n 'eil neach air thalamh fòs
ach thus' am bheil mo dhùil.

26 Mo chridh' is m' fheòil faraon a ta
air fàilneachadh gun cheisd :
Gidheadh 's e neart mo chridhe Dia,
's mo chuibhrionn bhuan am feasd.

27 Oir feuch iad sin tha fada uait,
léir-sgriosar iad gu luath :
Oir ghearr thu as gach uile neach
air striopachas chaidh uait.

28 Ach dhomhsa 's maith teachd dlùth do
dh'earb mi á Dia mo neart, [Dhia ;
A chum gu foillsichinn gu sìor
gach gnìomh a rinneadh leat.

SALM LXXIV.

1 C'ARSON a thilg thu sinne uait ?
an ann gu bràth, a Dhé ?

C'arson ri caoraich d'ionaltraidh,
a las do chorruich gheur ?

2 Cuimhnich, a Dhé, do choimhthional
a cheannuich thu o chéin ;

Slat d'òighreachd fòs a shaoradh leat,
Sion do chòmhnuidh féin.

3 A chum nam fàsach siorruidh buan,
do chosa tog gu grad ;

Is chum gach oile a rinn do làmh
a'd' theampull naomh air fad.

4 Do naimhde rinn iad beucadh borb
measg coimhthionail do shluagh.

Is chuir iad suas am brataichean
mar chomhar air am buaidh.

5 Bu chliùiteach neach mar dheantadh leis
a thuagh a thogail suas,

Air crannaibh àrda dosrach tiugh,
a chum an leagadh suas.

6 Ach nis an obair shnaidhte ghrinn,
le h-ordaibh 's tuaghaibh bhris ;

7 Is chuir iad suas 'n a lasair dheirg
do theampull naomh 'g a sgrios :

Tigh còmhnuidh naomha d'ainme, Dhé
feuch, thruaill iad e le tàir,
'G a nhillcadh is 'g a leagadh sìos
co ìosal ris an làr.

8 'N an cridhe labhair iad mar so,
sgriosamaid iad le chéil :

Gach Sinagog th'ag Dia 's an tìr,
loisgeadh iad leo gu léir.

9 Ar comhara cha-n fhaicear leinn ;
fàidh cha-n 'eil idir ann,
Ni mò tha neach 'n ar measg cho gcur
d'an léir cia fad an t-àm.

10 Cia fhad a bheir, O Dhé nan dùl,
na naimhde toibheum uath' ?
An toir an nàmhaid beum am feasd
do d'ainm-sa, Dhia nan sluagh ?

11 C'arson a phillcar leat do làmh,
do dheas làmh air a h-ais ?
O buin a mach o d' blirollach i,
chum fuasgladh oirnn gu cas.

12 Oir Dia na glòir' tha neartmhor àrd,
o chian is e mo Rìgh,
Am builsgen talmhainn le mòr-neart
ag oibreach' slàint' is sìth'.

13 An fhaigre sgaoilcadh leat le d' neart,
is cinn ro-làidir chruaidh
Nan dràgon bhriseadh leat 's an uisg'
a' tabhairt orra buaidh.

14 Cinn Lebhiatain àghoir nìdhèir
's tu féin a bhris is phronn ;

Is thug thu e mar bhiadh do'n t-sluagh,
a bha 's an fhàsach lom.

- 15 'S tu sgoilt an tobar is an tuil :
's tu thiormaich aimhne mòr'.
- 16 'S tu dheasaich solus agus grian,
is leat an oidheh' 's an lò.
- 17 Crìocha na talmhainn shocruidh thu :
rim thu an samhradh teth,
'S an geamhradh fòs do rinneadh leat,
'n au aimsiribh fa leth.
- 18 Gu'n d'thug na naimhde toibheum uath'
cuir sud air chuimhne, Dhé,
'S gu'n d'thug am pobull amaideach
do d'aimn ro-uasal beum.
- 19 Anam do cholmain na toir suas
do chuideachd mhòir nan daoì :
Is coimhthional do dhebraidh bochd
na dearmaid iad a chaoidh.
- 20 Do chumhnant thoir faineir, a Dhé,
oir àitean dorch' na tìr',
Tha uile air an àiteachadh
le luchd an fhòirneirt ghéir :
- 21 Na pillair air an ais le nàir'
na dh'fhuiling fòirneart goirt :
An dream ta ainns aim-beartach,
deanadh iad moladh ort.
- 22 Tog ort is éirich suas, a Dhé ;
tagair do chùis gu treun :
Cuimhnich mar tha an t-amadan
gach là 'toirt dhuitse beum'.
- 23 'Na dearmaid guth na muinntir sin
'n an naimhdeibh dhuit a ta :
Tha bruidheann dhaoin' a dh'éirich riut,
sior-dhol an meud a ghnàth.

SALM LXXV.

- D**HUIT' bheir sinn buidheachas, a Dhé,
dhuìt buidheachas a ghnàth :
Oir foillsichidh do mhìorbhuile,
gur fagus d'aium gach là.
- 2 Tràth gheibh mi is a ghlacar leam
coimhthional mòr na tìr',
Do ni mi dhoibh deadh bhreitheanas,
gu cothromach 's gu fìor.
 - 3 Sgaioleadh an dùthaich, is an sluagh
g a h-àiteachadh a ta :
Ach mise cumaidh suas gu treun
posta na tìr' a ghnàth.
 - 4 Thubhairt mi ris gach amadan,
na gluais gu h-amaideach :
'S ri luchd an uile, Na togaibh suas
bhur n-adharc àrdanach.
 - 5 Bhur n-adharc fòs na togaibh suas :
ri cainnt le muineal cruaidh.
 - 6 Cha-n ann o'n ear, no 'n iar, no deas,
thig urram mòr no buaidh.
 - 7 Ach 's breitheamh Dia : a leagas aon,
's a thogas aon fa seach.
 - 8 Oir cup au lèinn an Tighearn ta
do 'n fhion a's deirge dreach :

Làn coimeisg tha e, dòirtidh Dia
cuid as a mach gu grad :
A dheasgairn faisgidh daoine daoì,
is òlaidh iad air fad.

- 9 Ach cuiridh mise fòs an céill
gu suthain is gu sìor,
Do Dhia ud Iacoib canar leam
àrd-mholadh binn gu fìor.
- 10 Uil' adharca nan daoine daoì,
sgathaidh mi sìos 's gach àit ;
Ach adharca nan saoi air fad
togar gu grad an àrd.

SALM LXXVI.

- 1 **A**N Iudah aithnìchear ar Dia ;
's mòr 'ainm an Isra'ì naomh.
 - 2 An Salem tha a phàillìun fòs,
a thàmh an Sion caomh.
 - 3 Saighdean a' bhogha bhris e 'n sin,
an sgiath 's an claidheamh geur.
An còmhlag is an cath faraon,
bhriseadh iad leis gu treun.
 - 4 Is mò do mhòralachd, a Dhé,
is mò gu mòr do ghloir
Na beannta thog an cìnu gu h-àrd,
le cobhartach ro-mhòr.
 - 5 Làn-chreacadh luchd a' chridhe chailm,
is chòidil iad le suain ;
Na fir a bha 'n an curaigh mhòr',
an làmh fòs cha d'fhuair.
 - 6 O thus' a's Dia do Iacob ann,
le d' achmhasan 's le d' neart,
An carbad-cogaidh is an t-each
'n an suain do chuireadh leat.
 - 7 'S cùis eagail thu, thu féin, a Dhé :
cia ueach a chlogas riut ?
No ann ad shealladh sheasas suas
an uair bhios corruich ort ?
 - 8 Thug thusa air do bhreitheanas
o nèamh gu'n cuais e :
Bha air an talamh eagal mòr
's na thàmh ghrad dh' fhuirich e.
 - 9 Tràth dh'éirich Dia chum breitheanais,
a theasairginn 's an àm,
Gach uile dhuine cùin is sèimh,
air talamh a bha ann.
 - 10 Bheir fearg is corruich dhaoin' an sin
àrd-mholadh dhuìt gu beachd ;
Is fuigheall fòs na feirge mòir',
là chòisgidh tu le d' neart.
 - 11 Geallaibh 'ur bòid gu togarach
d'ur Dia Iehobhah àrd ;
Is coimhlionaibh gu fìrinneach
na gheallar leibhse dha :
- Gach neach a ta m'a thimchiollan
thugadh iad dha 'n a àm,
Deadh-thabharta is tìodhlaca,
do'n tì 's cùis eagail ann.
- 12 Is e ni spiorad phrionnsau mòr
a sgathadh sìos le neart ;

Do righribh fòs a' chruinne-ché
's cuis eagail e gu beachd.

SALM LXXVII.

- 1 **D**H'EIGH mi ri Dia gu h-àrd le m'ghuth,
dh'éigh mi le m'ghuth gu h-àrd ;
Is thug e, 'n uair a ghlaodh mi ris,
sàr-éisdeachd dhomh gun dàil.
- 2 An là mo thrioblaid dh'iarr mi Dia :
is shruth mo leòn gun sgur,
Ré fad na h-oidhch' : is m'anam truagh
sòlas do dhiùlt gu tur.
- 3 Air Dia ghrad-chuimhnich mi an sin,
is mi an trioblaid ghéir :
Ris rinn mi gearan trom gun tàmh,
chlaoidheadh mo spiorad féin.
- 4 Chum thu mo shùil 'n a faireachadh :
tha mi co iarganach,
Nach feud mi focal cainnt no sgéil
labhairt le m' bheul a mach.
- 5 An sin air làithibh fad o chéin
smuainich mi féin le beachd ;
Air bliadhnaihbh fòs na h-aimsir céin
am aire féin bha teachd. [oidhch']
- 6 Seadh chuimhnich mi mo cheòl 's an
's rinn cainnt ri m' chridhe féin,
Is rinn mo spiorad fòs gun tàmh,
le dicheòl, sgrudadh geur.
- 7 An tilg an Tighearn uaith gu bràth ?
nach nochd e 'ghràdh ni 's mò ?
- 8 'N do sguir gu tur a ghràs am feasd ?
's a ghealladh fad gach lè ?
- 9 'N do dhearmaid Dia gu frinneach
bli gràsmhor caoin gu bràth ?
'N do dhruid e suas 'n a chorrnich mhòir
a thròcair chaomh 's a ghràdh ?
- 10 An sin ghrad fhreagair mi gu dearbh
is i so m'annuinn mhòr ;
Ach bliadhnaidh deas làimh' cuimhnich-
an Ti a's àirde glòir. [eam,]
- 11 Guomhara Dhé sior-mhedraicheam,
mar rinneadh leis gach beart,
Is d'iongantais o'n aimsir chéin
sior-chuimhnicheam gu beachd.
- 12 Air d'oibribh uile mar an ceudn'
smuainichidh mi gu tric ;
Is air gach gnìomh a rinneadh leat
sior-labhaird mi gu glic.
- 13 Do shlighe ta 's an ionad naomh,
a Thighearn is a Dhé :
Cò 's coimeas ann am meud ri Dia
a ta 'n a Dhia dhuinn féin ?
- 14 'S tu 'n ti tha 'deanamh iongantais
a Thighearna nam feart ;
Is ann am measg a' phobuill fòs
do thaisbein thu do neart.
- 15 Do shaoradh leat d'an teasairginn
do phobull dileas féin,
Clann Iacoib agus Ioseiph fòs,
le d' ghairdean neartmhor treun.

- 16 Chunnaic na h-uisgeachan thu, Dhé,
chunnaic iad thu gu beachd ;
Is ghabh iad geilt ; 's air doimhneachd fòs
bha mòran oghuidheadh.
- 17 An uisge dhòirt na neoil a nuas,
bu ro-mhòr fuaim nan speur ;
Is chaidh do shaighde corranach
a mach gu sgaiteach geur.
- 18 Ard-ghuth do thairneanaich 's an speur,
chualas, a Dhé, gu tric ;
An saoghal las le d' dhealanaieih,
an talamh ghluais is chlisg.
- 19 Do cheuma tha 's an doimhneachd mhòir,
do shlighe tha 's a' chuan :
Ach luing do chos cla-n aithnich sinn,
tha sud am folach uainn.
- 20 Is amhluidh mar gu'm biodh ann treud,
do phobull stitireadh leat ;
Le deadh làimh Mhaois is Aaroin fòs,
'g an treòrachadh gu ceart.

SALM LXXVIII.

- 1 **M**O phobull éisdibh ri mo reachd :
is cluinnibh guth mo bhéil.
- 2 Am briathraibh filidh cuiridh mi
scan-fhocail dhorch' an céill :
- 3 A chuala sinn o'r sinnsearaibh,
is air am b'fhiosrach sinn,
- 4 Cha-n fholaich sinn o'n gnealach,
'S cha cheil sinn iad o'n cloinn ;
A' foillseachadh àrd mholaidh Dhé
do 'n àl a ta ri teachd ;
'S na mìorbhuilean a rinneadh leis,
a chumhachd is a neart :
- 5 Oir lagh an Iacob dhaingnich e,
Is reachd an Israel,
A dh'orduich e d'ar n-aithrichibh,
d'an eoinn an cur an céill.
- 6 Chum fios bhi aig an àl ri teachd,
a' chlann a ta guu bhreith :
'S gu'n innseadh iad do'n linn 'n an déigh
na nithe sin fa leth.
- 7 An Dia gu'n cuireadh iad an dòigh
's nach deantadh dicluimhn' leo
Air oibribh Dhé, 's gu'n gleidheadh iad
a reachda mar is còir :
- 8 'S nach biodh iad mar an sinnsireachd,
lan ceannairc is droch-bheirt,
Gun spiorad tairis ann' do Dhia,
's an cridhe gun bhi ceart.
- 9 Clann Ephraim le armaibh gleust',
air bogh' bu chuimseach beachd,
Ach phill iad air an ais le geilt
an làithibh cath' is feachd.
- 10 Coimhcheangal Dhé nior ghleidheadh
is dhiùlt iad géill d'a reachd ; [leo]
- 11 'S na mìorbhuilean a nochd e dhoibh
á 'n cuimhne leig gu beachd.
- 12 An scalladh sùl an aithriche,
seadh fòs an tìr na h-Eiph't,
'S air machair Shòain nochdadh leis
a mìorbhuilean ro threun.

- 13 Sgoilt e an fhaire, 's thug iadsan trid ;
mar thorr na h-uisgean sheas.
- 14 'S an là le neul iad stiùir, 's an oidhch'
le solus tein' gu deas
- 15 Sgoilt creag 's an fhàsach, aisde deoch
thug, mar á doimhneachd mhòir ;
- 16 Bhuin sruth á creagaibh, thu air uisg'
ruith sìos mar thuil gu leòr.
- 17 'S an fhàsach pheacaich iad nì 's mò ;
is bhrosnuich an t-Ard Rìgh.
- 18 'N an cridhe chuir iad cathadh air ;
d'am miann ag iarraidh bidh.
- 19 Labhair iad fòs an aghaidh Dhé ;
is thubhairt iad gu dian,
An urrainn Dia 's an fhàsach mhòr
bòrd dheasachadh d'ar miann ?
- 20 Feuch, bhuail c'chreag, bhrùchd uisge
dh'éirich an tuil gu luath [mach,
Am feud e aran thabhairt fòs ?
an deasaich fèidil d'a shluagh ?
- 21 Air cluinnitium so, ghabh corruich Dia ;
ri Iacob teine las,
Is dh'éirich fearg ro-dhoinnionnach
ri Israel gu cas :
- 22 Chionn nach do chreid iad ann an Dia,
's nach d'earb iad as a shlàint' ;
- 23 Ged dh'fhosgail dorsa nàmhla fòs,
's na neòil o'n àird ged dh'àithn.
- 24 Ge d' dhòirt e orra Mana nuas,
ge 'd fhuair iad coire nan speur.
- 25 Biadh aingeal dh'ith iad : thug e dhoibh
de lòn an sàth gu léir.
- 26 'S an speur thug e air gaoith an ear
gu'n d'imich i gu treun :
Is thug e fòs le ncart a steach
a' ghaoth dheas mar an ceudn'.
- 27 Fòs dhòirt e orra nuas mar dhus,
do fheòil an uile shàth ;
'S eoin iteagach bu lionmboire
na gaineamh air an tràigh.
- 28 Do leig e sud 'n an camp a nuas
mu'n cuairt 'n an àitean-tàimh.
- 29 Seadh dh'ith iad uile 's shàsaicheadh ;
oir thug e dhoibh an sàimh.
- 30 Cha robh iad air an sgarachduinn
o mhiann an cridhe fèin ;
Ach air bhith acasan am biadh
'g a chagnadh dian 'n am beul.
- 31 A chuid bu shultmhoir' dhiubh 's bu tréin',
ghlac Dia 'n a fheirg is mharbh :
'S an òigridh thaght 'n Israel,
ghrad-bhuailleadh leis gu garbh.
- 32 Gidheadh an déigh gach gnìomh dhiubh
do pheacaich iad gu mòr ; [sud,
Is ge do rinn e mìorbhuilean,
nìor chreid iad mar bu chòir.
- 33 An làithean chaith e, uime sin,
an dìomhanas air fad ;
'S am bliadhnaidh thairis chaidh gu léir
le carraid ghéirigh an stad.
- 34 An uair a mharbhadh leis-san iad,
an sin ghrad-iarr siad e,
Seadh phill iad, agus bha iad fòs
gu moch ag iarraidh Dhé.
- 35 Is chuimhnich iadsan gu'm b'e Dia,
an carraig threun a ghuàth :
Is gu'm b'e fòs an Dia a's àird'
b'fhear-saoraidh dhoibh gach là.
- 36 Ach riun iad miodal ris le 'm beul,
le 'n teangaibh breug is gò :
- 37 Cha robh an cridhe ceart ; 's cha robh
'n a chùmhnannt dileas da.
- 38 Ach Dia, gu iochdmhor mhaith an lochd
's an sgrios cha d'rinn gu geur ;
Bu tric a phill e 'chorruich uath',
's nìor dhùisg e 'fhearg gu léir.
- 39 Oir annta chuimhnich e nach robh
ach feoil théid as mar blàth,
Is osag ghaoith' a ghabhas seach,
's nach pill a ris gu bràth.
- 40 Cia tric a bhrosnuicheadh e leo
's an fhàsach thartmhor chruaidh ;
's an dìthreabh chuireadh corruich air
le eusaontas an t-sluaigh ?
- 41 Seadh phill iad uile air an ais,
bhrosnuich iad Dia le chéil' :
Is chuir iad tomhas mar an ceudn'
air Tì naomh Israel.
- 42 Dhìchuimhnich iad, 's cha d'thug faineas
a ghairdean treun 's a làmh :
No 'n là 's an d'thug e furtachd dhoibh
is fuasgladh deas o 'n nàmh :
- 43 No fòs mar rinneadh anns an Eiph't,
comhara Dhé nam feart :
Air machair Shòain mar an ceudn'
a mhìorbhuile le neart.
- 44 An srutha chaochail e gu fuil :
's na h-uillt nach feudtadh 'n òl.
- 45 Chuir losgairn thuc', is cuileagan ;
's leo chlaoidheadh iad gu mòr.
- 46 An toradh thug e is am bàrr
do'n bhurras sgriosach bheag :
Is saothair fòs an làmh air fad,
fo ailghios locust leag.
- 47 Am fion-chroinn bhris e mar an ceudn'
le cloich-shneachd chruaidh's gach àit :
Is amhluidh mhìll le roodhadh teann
an cranna-figis àrd.
- 48 Am feudail thug e thairis fòs
do'n chloich-shneachd sgataich ghéir ;
'S le saighdibh teine-dealanaich,
ghrad-chuir e as d'an treud.
- 49 Teas feirge, trioblaid, 's corruich mhòr,
sud thilg e orr' gu grad ;
Le ainglibh ole a chur 'n am measg,
g'an claidh gu goirt air fad.
- 50 D'a chorruich rinn e bealach réidh :
'n anam nìor chum o'n bhàs ;
Am beatha thrugha thug thairis fòs
do ghalar-plàigh 's do'n chàs.

- 51 Throm-bhuailleadh leis-san anns an Eiph't,
gach ceud-ghin a bha ann :
Toiseach an neirt 's na pàillionaibh
a bha aig gincil Ham.
- 52 Ach thug e mach a phobull caomh
uair chaoraich as an tìr :
Is rinn mar threud 's an fhàsach uhlòr,
au treòrachadh gu fìor.
- 53 Leis stiùireadh iad gu tèaruinte,
gun cagal is gun sgàth :
Ach air an naimhdeibh dh'iadh an cuan,
's an shuagh ud uile bhàth.
- 54 Gu crìochaibh ionaid naomha féin
thug e a phobull leis :
Gu ruig an cuoc so choisium e,
's a bhuadhaich a làmh dheas.
- 55 Thilg e na cinnich rompa mach,
's an oighreachd roinn le crann :
Do Isra'el thug e'n àite sud
gu còmhnuidh ghabhail ann.
- 56 Ach bhrosnuich agus ghrànaich iad,
an Dia a's àirde glòir ;
Is idir cha do choimhid iad
a naomh-reachd mar bu chòir.
- 57 Ach phill iad mar an sinnseara,
's gu fealltach ghluais air fad :
Mar bhogha fiar chaidh iad a thaobh,
is chlaon iad uaith gu grad.
- 58 Le 'n dealbhaibh, is le'n àitibh àrd'
chuir iad air fearg is eud :
- 59 Tràth chuala Dia bha corruich air
is gràin ri Israel.
- 60 Ionuus a phobull gu'n do thréig,
an Siloh chuir a làmh :
'S am pàillion fòs a shoeruich e
measg dhaoine ghabhail tàimh.
- 61 Gu bruid thug suas an ucart, 's an glòir
gu làimh nan naimhde garg.
- 62 Do'n chlàidheamh thug e suas a shluagh,
ri 'oighreachd ghabh e fearg.
- 63 An teine loisg an òigridh ghleust' ;
pòsadh cha d'fhuair an òigh'n.
- 64 An sagairt thuit le claidheamh geur :
's cha d' rinn am bautreich bròn.
- 65 Ghrad-mhosgail Dia an sin, mar neach
ag éirigh as a shuain ;
Mar churaidh 'n déigh bhi pòit air fion
tràth ni e iolach chruaidh.
- 66 'N an deireadh bhuailleadh leis gu geur
a naimhde féin le fàir :
Is chuir e iad o sin a mach
gu masladh buan is nàir'.
- 67 Is pàillion Ioseiph dhiùltadh leis :
nìor thagh treubh Ephraim fòs :
- 68 Ach thagh e Iudah, slàbh Shìoin féin
d'an d'thug e gràdh gu mòr.
- 69 Thog esan 'fhàrdoch naomh an sud,
mar luchairt àrd ro-dheas :
'S mar ionad àrd air talamh teann
a dhaingnich e am fcasd.

- 70 Is 'òglach Daiblidh thagh, is thug
o chrò nan caorach e :
- 71 'S o leantuinn fòs nan caorach trom
le h-àl am measg au spréidh ;
- Is thug se e a bheathachadh
Iacob a phobull uaoimh,
Is gineal Isr'eil mar an ceudn'
a b' oighreachd dha ro-chaomh.
- 72 Réir ionracais a chridhe féin,
bheathaich e iad gu beachd :
A réir deadh sheòltachd fòs a làmh
stiùireadh leis iad gu ceart.

SALM LXXIX.

- 1 **T**HAINIG, a Dhé, na fineachan
a steach do d' oighreachd féin,
Thruaill iad do theampull uaoimh, is
'n a tòrr Ierusalem. [dh'fhàg]
- 2 Is thug iad cuirp do sheirbhiseach
mar bhiadh do eoin nan speur :
Is feoil do naomh mar chobhartach,
do bheathaichibh an t-sléibh.
- 3 Mu thimchioll fòs Ierusalem,
dhòirt iad am fuil mar uisg' :
Is cha robh neach g'an adhlacadh
's g'an cur 's an uaigh an taisg.
- 4 Ball fanoid agus maslaidh sinn
d'ar coimhearsnachaidh féin :
Cùis spòrs' is mhagaidh do gach neach
a ta m'ar cuairt gu léir.
- 5 Cia fhad a bhitheas corruich ort,
a Dhé, am bi gu bràth ?
Is d'eud am bi a' losgadh ruinn
mar lasair theith a ghnàth ?
- 6 Do chorruich air na cinnich dòirt
aig nach 'eil eòlas ort ;
Is air na rìoghachdaibh nach gairm
air d'ainm, a Dhia nam feart.
- 7 Oir mhill iad Iacob, 'fhàrdoch fòs
'n a fasach chuir iad sìos.
- 8 Na peacaidh fòs a rinneadh leinn
na cuimhnich dhuinn a rìs ;
Tionndadh gu luath do thrìacautas,
ruigeadh e oirnn mu thràth :
Oir 's diblidh bochd a nis ar staid
a' tuiteam sìos gach là.
- 9 Dcan comhnadh leinn, O Dhé ar slàint',
air sgàth glòir d'ainme féu ;
Sgàth d'ainme saor sinn, agus glan
ar peacaidh uainn gu léir.
- 10 Cìod uime 'n abradh fineacha,
c'àit bheil a nis an Dia ?
Measg fhineacha 'n ar scalladh féin,
aithnicheadh iad an Triath,
- Le dioghaltas a ghabhail diubh ;
oir dhòirteadh leo gun iochd
Fuil neòchiontach do sheirbhiseach,
gu saoi bhir is gu tric.
- 11 Osnaidh a' phrìosanaich a d' làth'r
thigeadh, a Dhné uam feart ;

'S an dream a dh'orduicheadh eum
saorsa, réir meud do neirt. [bàis

12 Riusan tha dhuinn 'n an coimhearsnaich
'n am brollach, díol am beum :
Gach masladh lé'n do spreig iad thu
seachd uaire pill riu féin.

13 Treud d'ionaltraidh, 's do phobull sinn
molaiddh sinn thu a ghnàth ;
Is cuiridh sinn an céill do chliu
o linn gu linn gu bràth.

SALM LXXX.

1 **E**ISD, aodhair Israeil, a stiùir
Ioseph mar threud le d làimh.
Thusa ta d' thàmh measg cheruban,
dealruich a mach mu thràth.
2 An làthair Ephraim 's Bheniamin,
agus Mhanaseh fòs,
Dùisg-sa do chumbachd : agus thig
g'ar saoradh mar is nòs.
3 Pill sinn a rìs, a Dhé nam feart :
tog oirne suas gu h-àrd
Deadh dhealradh glan do ghnùise nis,
is saorar sinn le d' ghràs.
4 Cia fiad, a Thighearna nan sluagh,
a leanas corruich riut,
Ri guidhe ghéir na muinntir sin
a's pobull dileas duit ?

5 Oir bheathaich thu do shluagh gu léir
le aran deur is bròin :
Is tomhas saoi bhir thug thu dhoibh
do dheuraibh goirt r'an òl.
6 Is rinn thu sinn mar aobhar strì
d'ar coimhearsnachaibh féin :
'N ar n-aobhar spòrs 'is abhacais
d'ar n-casairidh gu léir.
7 Pill sinn a rìs, O Dhé nan slògh ;
tog oirne suas gu h-àrd
Deadh dhealradh glan go ghnùis a nis,
is saorar sinn le d' ghràs.

8 Thug thu fionain as an Eiphit :
na cinnich thilg thu mach,
Is shuidhich thus' an fhionain ud
'n an ionad sud fa seach.

9 Réitich thu àite dhi ; is ghabh
i freumh gu daingean teann,
Le d' bheannachadh ; is lionadh leath'
an tìr o cheann gu ceann.

10 Na enuic ro-àrda dh'fholuich i
le sgàil 's le dùbhar féin :
A geugan bha a cinneachduinn
mar sheudair àluinn réidh.

11 An dara taobh gu ruig an cuar
chuir i a mach a meòir ;

An taobh ud eil' a geugan shù
gu ruig an amhainn mhòir.

12 A callaid c'uim' a bhriseadh leat !
ionnus gu bheil gach neach
Théid seachad air an rathad mhòr,
'g a spionadh leò fa seach.

13 Tha'n tore a thig o'n choille mach
'g a fasachadh gu léir,
Tha beathaich all' na machrach fòs
'g a slugadh suas le chéil'.
14 Pill, guidh mid ort, a Dhé nan sluagh,
is seall o nèamh a nuas,
Feuch, agus fiosaich féin a nis
an fhionain so le truas :

15 Am fion-lios sin a shuidhich thu,
le neart do làimh deis' :
'S am meanglan ud a neartaich thu
dhuith féin le lùth is treis.

16 Le lasair thcine loisgeadh i,
is ghearradh i a nuas :
Làn-mhilleadh agus sgrìosadh iad,
le achmhasan do ghnùis.

17 Air fear do dheas làimh féin, a Dhé,
gu robh do làmh gu treun :
Air mac an duin' a rinneadh leat
a neartachadh dhuith féin.

18 Mar sin cha phill sin uait a rìs ;
ath-bheothaich sinn gach lò,
Is gairmidh sinn air t'ainm an sin,
an cian a bhios sinn beò.

19 Pill sinn a rìs, a Dhé nam feart,
is foillsich féin gu h-àrd
Deadh dhealradh glan do ghnùis a nis,
is saorar sinn le d' ghràs.

SALM LXXXI.

1 **S**EINNIBH gu h-ait do Dhia ar neart ;
Dhia Iacoib fòs gu binn,

2 Is glacaibh salm is trompan fòs ;
saltair is clàrsach ghrinn.

3 An trompaid séidibh 's an ré nuadh :
air làithibh orduicht' féil'.

4 Bu lagh sud aig Dia Iacoib fòs ;
's bu reachd do Israel.

5 Do Ioseph dl'orduich sud mar theist,
air dol dha trid na h-Eiphit ;

'S an eualas cainnt is uirghioll fòs
nach tuiginn as am beul.

6 O'n uallach shaor mi 'ghualasan ;
o obair chrè a làmh.

7 Ghair thusa ann ad thrioblaid orm,
is shaor mi thu gun dàil :

An ionad dìomhair tairneanaich,
do fhrea gair mi do ghlaodh :

Aig uisgibh comhstri Mheribah,
do dhearbh mi thu faaron.

8 Eisd, O mo shluagh, is bheir mi dhuith
deadh fhianuis fòs gu ceart,
Ma dh'éisd eas tu ri guth mo bhéil,
O Israeil gu beachd.

9 Annad na biodh aon air bith
dia eile coigreach bréig',
Is do dhia coimheach fòs air bith
na cromsa sìos 's na géill.

10 'S mise de Dhia Ichobhah treun,
thug thus' o'n Eiphit le ucart ;

Gu farsuinn fosgail rium do bheul,
is lionam e gu pailt.

- 11 Gidheadh cha d' thug mo phobull féin
éisdeachd do ghuth mo bhéil,
'S cha ghabhadh rium an aitim ud
a ghin o Israel.
- 12 Mar sin do mhiann an cridhe féin
thug mise thairis iad :
'S ghluais iad 'n an comhairle neo-ghlic
a' cur an ciont' am meud.
- 13 O b'fhearr gu'm biodh mo phobull féin
a' tabhairt géill do m' reachd :
Is fòs gu'n gluaiseadh Israel
a'm' shlighibh féin gu ceart !
- 14 An naimhde smachdaichinn gu luath,
le buaidh 'g an leagadh sìos ;
Is phillim air an easairdibh
mo làmh, g'an cur fo chìs.
- 15 Luchd-fuath' an Tighearna mar sin
bheircadh làn-ùmhlaich dha ;
Ach biodh an aimsir-san ro-bhuan
is maireannach gu bràth.
- 16 Is bheireadh e g'am beathlachadh,
smior cruithneachd fòs d'a shluagh :
Do làn-dhiol bheirinn duit faraon
do'n mhill o'n charraig chruaidh.

SALM LXXXII.

- 1 **A** N coimhthional nan treun a ta
'n a sheasamh Dia nam feart :
Am measg nan dée bheir esan breth
le cothrom is le ceart.
- 2 Cia fhad a bheir sibh breitheanas
gu h-eucorach 's gach cùis ;
Toirt leth-bhreth air na daoineibh daoí,
'g am meas a réir an gnùis ?
- 3 Do dhaoineibh bochd 's do dhilleachdain
deanaibh-sa dìon le ceart :
Is ennaibh còir ria sud a ghnàth
ta cràiteach bochd gun neart :
- 4 An t-ainnis lag 's an deòradh truagh,
Deanaibh o làmh nan aingidh fòs
deadh-fhuasgladh dhoibh gu treun.
- 5 Eòlas no tuisge cha-n 'eil ac',
a' triall 's an dorcha taid ;
Tha bunaite na talmhainn fòs
air gluasad as an àit.
- 6 Is dée sibh (thubhairt mi) 's is mic
do'n Tì a's àirde t'ann :
- 7 Ach tuitidh, 's gheibh sibh bàs mar dhaoine
's mar aon do phrionnsaibh fann.
- 8 Dhia, éirich, air an talamh dean
deadh bhreitheanas gu grad :
Oir gabhadh tu mar oighreachd dluit
na fineachan air fad.

SALM LXXXIII.

- 1 **N**A bi a'd' thosd a nis, na bi
a'd' thamh, O Dhia ar ncart,
Na bi-sa samhach nis 'n ar feum,
Phia chumhachdaich nam feart.

- 2 Oir feuch, a ta do naimhde treun
ri strì is buaireas àrd ;
'S an dream ud leis am fuathach thu,
an cinn thog suas an àird.
- 3 Oir dhealbhadh iad ole gu cuilbheartach
'n aghaidh do phobull féin,
'N aghaidh do mhuinntir dhìomhair fòs
ghabh comhairle le chéil'.
- 4 A deir iad, thigibh leinn g'an sgrios
o bhì ni 's mò 'n an sluagh ;
A chum nach biodh air Israel
iomradh gu bràth no luaidh :
- 5 Oir ghabh iad comhairle le chéil' :
a' d'aghaidh ceangal rinn.
- 6 Pàillion Edoim, 's Ismaelich,
Moab is Hagaren ;
- 7 Gebal, Amon, 's Amalec.
Palestin, 's muinntir Thior ;
- 8 Dhruid Asur leo : 's bu chòmhlanadh iad
do ghineil Lot gn fìor.
- 9 Mar rinneadh leat air Midian,
's air Siserà le chéil' ;
Air Iabin aig sruth Chisoim cas
dean orra sud d'a réir :
- 10 Aig Endor mar a ehaidh an claidh
mar aolach air an làr.
- 11 Air Oreb mar riun thu 's air Seeb,
dean air an uaislibh tàir :
- Mar Sheba fòs is Shalmuna,
am prionnsan dean gu léir :
- 12 A thubhairt, Glacamaid dhuinn féin
mar oighreachd àros Dé.
- 13 Dean iad mar asbhuaín, o mo Dhia ;
mar mhol roimh ghaoith nan gleann.
- 14 Mar chlaoidheas teine coillteach chrìon,
's mar loisgeas lasair beann.
- 15 Mar sin le d' dhoinninn orra sud,
dean thusa tòrachd dhian ;
Le d'iom-ghaoith is le d' dhoinninn mhòir,
cuir orra geilt is fiamh.
- 16 An eudan lion le masladh mòr,
's le rughadh-gruaidh' gach ré,
Gu ruig an uair an iarrar leo
d'ainm glòrmhor féin, a Dhé.
- 17 Biodh amhluidh orra mar an ceudn',
is trioblaid mhòr a chaidh :
Is glacadh nàire mhaslach iad,
g'am milleadh is g'an claidh.
- 18 Gun aithnich iad gur tusa mhaìn
d'an ainm Iehobhah treun,
Tha d'uachdaran os ceann gach tìr
's an domhan mhòr gu léir.

SALM LXXXIV.

- 1 **C**IA mòr an airidh-ghràidh do theach,
Iehobhah mhòr nan sluagh !
Cia taitneach dhomhsa d'àros naomh,
O Thighearna nam buadh !
- 2 Tha m'anam fann, aig meud a mhiann
air cùirtibh Dhé gach lè :
Mo chridh' is m'fcoil ri scairtcachd
'n geall air an Dia ta beò. [chruaidh

- 3 Feuch fhuaire an sud an gealbhonn beag
tigh còmhnuidh maith 'n a fheum,
'S an gobhlán-gaoithe mar an ceudn'
do sholair nead dhi féin.
Is taisgidh i an sin a h-eoin,
's a h-àlach beag gun chli :
Aig d'altair féin, O Dhia nan sluagh,
mo Thighearn, is mo Rìgh.
- 4 'S beannaicht' an dream an còmhnuidh ta
a'd' àros naomh, a Dhé,
Oir bheir iad, (mar is cubhaidh dhoibh),
mòr-mholadh dhuit gach ré.
- 5 'S beanuacht' an dùine sin 'g am bheil
annads' a neart gach là :
An dream 'g am bheil 'n an cridhe stigh
do shlighe féin a ghnàth.
- 6 An dream sin tre ghleann Baca théid,
ni tobair ann, 'n am feum :
Is lònaidh 'n t-uisge thig a nuas
na sluic gu ruig am béil.
- 7 Sior-ghluaisidh iad mar sin gun sgìos,
a' dol o neart gu neart :
An Sion nochdar iad fadheòidh
an làthair Dhé nam feart.
- 8 O Dhia nan sluagh, chuinn m'urnuigh
Dhé Iacoib, éisd gu grad. féin,
- 9 O Dhia ar sgiath, feuch 's amhaire air
gnùis d' ungaidh féin gun stad.
- 10 'S fearr là a'd' chùirt na mìle là :
b'fhearr leam bhì 'dorsaireachd
An àros Dé, na m' còmhnuidh fòs
'am pàillìun aingidheachd.
- 11 Oir 's grian, 's is sgiath Iehobhah dia ;
is bheir e gràs is glòir ;
'S cha chum e maith air bith o'n dream
ghluaiseas gu dìreach còir.
- 12 O Thighearn is a Dia nan sluagh
is beannaicht' e gun cheisd,
An duine sin, gu muinghineach,
d'an dòchas thu am feasd.

SALM LXXXV.

- 1 **B**HA thusa gràsmhor fàbharach,
a Dhé, do d' dhùthaich féin ,
Bruid Iacoib thug thu air a h-ais
a ris le d' ghairdean treun.
- 2 Cionta do phobuill mhaith thu féin ;
dh'fholuich thu 'n uile iochd.
- 3 Choisg thu do chorruih uile, 's phill
o'n lasan a bha ort.
- 4 Pill sinn a ris, a Dhia ar slàint',
is tog do lasan dhinn.
- 5 Am bi do chorruih ruinn gu bràth ?
's an sinear d'fhearg gach linn ?
- 6 Nach deanar leatsa, Dhia nan gràs,
a ris ar tabhairt beò :
Gu'n deanadh annad gairdeachas
do phobull féin gach là ?
- 7 Taisbein do thròcair dhuinn a nis,
a Thighearn is a Dhé :
Is deònuich dhuinne d'fhuirtachd fòs,
's do shlàinte féin gach ré.

- 8 Nis éisdeam ris an ni their Dia :
labhairidh e sith gu beachd
R'a phobull naomh ; 's na pillcadh iad
a ris chum amaideachd.
- 9 Gu dearbha tha' chabhair dlùth do'n dream
d'an eagal e gu fìor ;
Chum glòir a bhì 'n a còmhnuidh fòs,
gu bunaiteach 'n ar tìr.
- 10 Tha tròcair agus fìrinn ghlan
air còmhlaichadh a chéil :
Tha ceartas agus sìochlaint mhaith
a' pògadh beul ri beul.
- 11 Is fàsaidh as an talamh fòs
fìrinn a nìos gu pailt :
Is seallaidh ceart is fireantachd
o nèamh a nuas gun aire.
- 12 Is amhluidh bheir Iehobhah dhuinn
ni maith gu toibheartach ;
Is bheir ar fearann is ar fonn
deadh thoradh trom a mach
- 13 Sior-ghluaisidh ceart is fireantachd
'n a fhianuis-san gu réidh :
Is sinn air sligh' a cheumanna
gu dìreach stiùraidh e.

SALM LXXXVI.

- 1 **A**OM rium do chluas is chuinn mi, Dhia,
oir tha mi ainnis truagh :
- 2 Deau thusa, chionn gu'm buin mi dhuit,
m'anam a dhion gu luath :
Oir 's tu mo Dhia, saor d'òglach féin
tha 'g earbsadh riut a ghnàth.
- 3 Dean tròcair orm, a Dhia, le iochd :
oir gaiream ort gach là.
- 4 Dean anam d'òglach dhileis féin
fìor-aoibhinn agus ait :
Air son gu'n togam riut, a Dhé,
m'anam gu léir a'm' aire.
- 5 Oir tha thu féin ro-mhaith, a Dhé,
làn iochd is acarachd :
Is tha thu do na ghairmeas ort,
pailt ann an tròcaireachd.
- 6 Eisd m'urnuigh, Dhia ; is thoir fainear
guth gearanach mo chaoidh.
- 7 An là mo thrioblaid gaiream ort :
oir freagraidh tusa mi.
- 8 Am measg nan dée cha-n 'eil, a Dhia,
aon neach tha cosmhuil riut :
No gnìomh air bith tha cosmhuil ris
gach gnìomh a rinneadh leat.
- 9 Thig iad, gach cinneach rinneadh leat,
is sleuchdaidh dhuit, a Dhé,
Is bheir iad glòir is inlaidh ard
do d'ainm-sa feadh gach ré.
- 10 Air son, a Dhé, gu bheil thu mòr,
's gu'n deanar oibre leat
Tha mìorbhuileach ; 's tu féin a mhàin
Dia cumhachdach nam feart.
- 11 Do shlighe teagaisg dhomh, a Dhia,
a'd' fhirinn ghluaisidh mi :

- Chum eagal d'ainne gu'n biodh orm
mo chridhe druid riut féin.
- 12 Le m' uile chridh' àrd mholam thu,
O Thighearna mo Dhia :
Do d'ainm ro-uasal bheir mi fès,
àrd ghlòir air feadh gach ial.
- 13 Oir 's mòr do thròcair dhomhsa, Dhé,
is fòs o ifrinn shìos
Thug thusa saors' do m'anam bochd,
is thog thu e a nìos.
- 14 Luchd-àrdain dh'éirich rium, a Dhé,
is cuideachd làidir dhian,
'G iarraidh m'anam, ach thus', a Dhé,
nìor chuir iad rompa riamh.
- 15 Ach tha thu, Dhé, mòr-thrèaireach,
ro-ìochd-mhor anns gach càs ;
Chum feirge mall, ach saoi-bhir pailt
am firinn is an gràs.
- 16 O pill rium, is dean trècair orm,
thoir neart do d'òglach féin,
Do mhac do bhanoglaich faraoen
dean fuasgladh ann a fheum.
- 17 Comhar air maith nochd dhomhsa, Dhia,
luchd m'fhuath' gu'm faicadh e,
'S gu'n gabhadh nair', a chionn gur tu
mo neart, is m' fhurtachd féin.

SALM LXXXVII.

- 1 **T**HA 'bhunaite's na sléibhtibh naomh' :
2 'S ro-ionmhuineach le Dia
Geatacha Shìoin, thar gach àit
a bha aig Iacob riamh.
- 3 Nithe ro-ghlòrmhor innsear ort,
a chaithir àluinn Dé.
- 4 Rahab, is Babel cuimhnicheam,
do'n dream d'an aithne mi ;
Gabh beachd air Tirus mar an ceudn',
is dùthaich Phalestin,
Maille ri Etiopia :
am fear so rugadh 'n sin.
- 5 Mu thimchioll Shìoin theirear so,
am fear so rugadh fòs,
'S am fear ud iunt' ; an Tì a's àird
socrachidh i air chòir.
- 6 Tràth sgrìobhas Dia le cuimhne mhaith
na fìneacha fa leth,
'N sin àirmhidh e gu'm b'ann an sud
bha 'm fear so air a blreith.
- 7 Luchd-scinn nan òran bidh an sud,
luchd innil-ciuil d'an réir :
'S ann annad féin, a Dhia nan gràs,
mo thobair tha gu léir.

SALM LXXXVIII.

- 1 **I**EHOBHAH Dhia mo Shlànuighir,
ort ghair mi dh'oidhch' 's a là.
- 2 A'd' fhianuis thigeadh m'urnuigh fòs :
is éisd mo ghlaodh a ghnàth.
- 3 Oir m'anam làn do thrioblaid ta ;
's do'n uaigh mo bheatha dlùth.
- 4 Seadh mhcasadh mi mar neach théid sìos
do'n t-slochd, is mi gun làth.

- 5 Saor tha mi measg nam marbh, is fòs
mar mharbh 's an uaigh gun deò,
A sgathadh sìos le d' làimh gu beachd,
's nach cuimhnichear ni 's mò.
- 6 Chuir thu m'n àite domhain, dorel
's an t-slochd a's ìsle t'ann.
- 7 Is chlaoidh thu mi le d' thonnaibh àrd',
luidh ormsa d'fhearg gu teann.
- 8 Chuir thu luchd m'èolais fada uam :
's ro-sgrèataidh mise leò :
Mar neach am prìosan druidd' a taim,
nach faigh a mach nì's mò.
- 9 Do bhrìgh mo thrioblaid tha mo shùil
ri caoidh is bròn a ghnàth :
Mo làmhnan shìnn mi riut, a Dhé,
is ghairm mi ort gach là.
- 10 Do mhiòrbhuile do'n dream tha marbh,
a Dhé, an taisbein thu ?
An éirich iad a nìos a rìs,
a thabhairt dhuitse cliù ?
- 11 Do thròcair is do chaoimhneas caomh,
am foillsichear 's an uaigh ?
Air d'fhìrinn ann an sgrios a' bhàis,
le neach an toirear luaidh ?
- 12 Am bi maoin eòlais ann an dorch'
air d'fheartaibh miorbhuileach ?
No 'm bi an tìr na dìchuimhn' fios,
no beachd air d'fhìreantachd ?
- 13 Ach riutsa ghlaodh mi, O mo Dhia :
gu moch theid m'urnuigh suas.
- 14 Dhia' c'uim an tilg thu m'anam uait ?
's an cum thu uam do ghnàis ?
- 15 O m' òige tha mi air mo chràdh,
ro-dhlùth do bhàis is uaigh ;
Air dhomh bli fulang t'uamhasan,
tha mi an imcheist chruaidh :
- 16 Oir dh'imich tharum d'fhearg gu trom ;
chlaoidh d'uamhasis mi a ghnàth :
- 17 Mar uisge chaidh iad timchioll orm,
ga m' chuairteachadh gach là.
- 18 Mo charaid chuir thu nam am fad,
's am fear thug dhomhsa gràdh :
Luchd m'èolais mar an ceudna tha
an dorchadas 'n an tàmh.

SALM LXXXIX.

- 1 **A**IR trècair Dé sìor-sheinnidh mi
is nì mi oirre sgeul ;
O àl gu h-àl gu maireannach
air d'fhìrinn thig mo bheul.
- 2 Oir thubhairt mi, gu'n togar suas
do thròcair mhòr do shìor :
Is d'fhìrinn cheart 's na nèamhaibh àrd'
socruichear leat gu fìor.
- 3 Coimhcheangal rinn mi ri m'Aon naomh
a ròghnaich mi gu sìor :
'S do Dhaibhidh tha 'n a òglach dhomh,
mhionnaich mi fèin gu fìor.
- 4 Socraichidh mi gu daingean buan
do ghinealach 's do shìol,
Do chaithir rioghail togam saas
o linn gu linn gu sìor.

- 5 Molaidh na nèamhan àrd gu binn
do mhìorbhuilean, a Dhé ;
Is d'fhìrinn ann an coimhthional
do chloinne naomha féin.
- 6 Oir cò 's na uèamhaibh choimeasar
ri Dia Iehobhah mòr ?
Is cò ta measg nan cunnachdach
cosmhuil ri Dia na glòir ?
- 7 An coimhthional nan naomh gu beachd
's cùis cagail Dia gun cheisd :
Ard-urran o gach neach mu'n cuairt
dha 's dleasdhanach ann feasd.
- 8 O Thighearna 's a Dhia nan sluagh,
cò 'n Triath sin ann an neart
Is cosmhuil riut ? a'd' fhirinn fòs
ga d' chnairteachadh gu beachd ?
- 9 Ard-onfha cuain is fairge mòir,
's tn chuireas iad fo reachd :
A tonnan àrd' tràth dh'éireas snas,
coisgidh tn iad le smachd.
- 10 Mar dhuine bnailte dol do'n eug,
mhìn-phrionnadh Rahab leat :
Do naimhde sgaoil tln as a cheil'
le d' ghairdean trenn 's le d' neart.
- 11 Is leatsa, Dhé, na flaitheanais,
's an talamh ta fò'r bunn :
'S tn dhaingnich fòs an crnime-cé,
le 'làn do thoradh trom.
- 12 An àirde deas is tuath faraon,
do chruthaicheadh iad leat :
Sliabh Thaboir agus Hermoin àird
a'd' ainm bidh aoibhneach ait.
- 13 Tha agad gairdean cunnachdach :
a ta do làmh ro-threun,
A Dhé, a ta do dheas làmh fòs
àrduichte mar an ceudn'.
- 14 Mar àite tàmh do d' chaithir rìgh
tha cothrom agus ceart :
Bidh trècair agus firinn fòs
dol roimh do ghmùis gn beachd.
- 15 'S beannaicht' an slagh a thuigeas fòs
an fhuaim tha aoibhneach ait :
An solus glan do ghmùis, a Dhé,
sior-ghluaisidh iad gu ceart.
- 16 A'd' ainms' air feadh an là bidh iad
gu h-aoibhneach mar bu chòir :
Is ann ad fhìreantachd faraon,
àrduichear iad gu mòr.
- 17 Oir mais' is glòir an spionnaidh sud
is tus' a mhàin, a Dhé :
Ar n-adhare ann ad chaoimhneas caomh
àrduichear leat gu treun.
- 18 Oir 's e Iehobhah Dia nam feart,
ar targaid is ar sgiath ;
'S e 'n ti ro-naomh sin Isracil
ar n-Ard Rìgh is ar Triath.
- 19 An taisbean, anns an àm sin féin,
labhair thu, Dhé, gu ceart
Ri d' dhuine naomh ; is thubhairt thu,
le firinn, is gn beachd ;
- Leag mise 's chuir mi cuideachadh
air gaisgeach treun nam buadh ;
Is dh'arduich mi gu mòr an neach
a thagh mi as an t-sluagh.
- 20 B'e Daibhidh neach a fhuaradh leam,
mo sheirbhiseach ro chaomh ;
'S e sin an neach a rinneadh leam
ungadh le n'oladh naomh.
- 21 Is soernichear mo làmh do shior
gu dìleas daingean leis ;
Is nì mo ghairdean cunnachdach
a neartachadh le treis.
- 22 Le mac an uile cha chlaoidhear e ;
a nàmh cha tog dheth cis.
- 23 Buailidh mi 'eascairde 'n a làth'r,
leagaidh mi 'nàmh a sìos.
- 24 Ach bidh mo trècair maille ris,
is m'fhìrinn mar an ceudn' :
Is 'adharesan a'm' ainm-sa fòs
bidh àrdaichte gu treun.
- 25 A làmh san cuiridh mi 's a' chuan,
's na sruthaibh a làmh dheas.
- 26 Carraig mo shlàinte, their c rinn,
m'athair, mo Dhia, 's mo threis.
- 27 Mo cheud-ghlin nì mi dheth faraon,
àrdnichte thar gach rìgh.
- 28 Mo chumhnant seasaidh daingean leis,
mo ghràs dha gleidhidh mi.
- 29 Is bheir mi air a shliochd gn mair
iad feadh gach linn gu bràth :
'S a chaithir rioghail uasal àrd
mar làithe nèimh a ghnàth.
- 30 Ma 's e 's gu'n tréig a chlànn mo lagh,
's nach gluais iad ann am reachd ;
- 31 Gu'n truail iad m'aitheanta ro-naomh,
m'iartruis nach cum gn ceart :
- 32 Fiosraichidh mi an sin gn beachd
le slait, an eucoir chlaon ;
Am peacaidh fiosraicheam 's an lochd,
le sgiùrsadh goirt faraon.
- 33 Gidheadh, gu tur mo chaoimhneas-gràidh
cha bluin mi uaith gun cheisd :
Cha-n fhuiling mi gu'm breugaichear,
mo ghealladh fìor am feasd.
- 34 Mo choinmhcheangal cha bhrisear leam,
no'n cùmhnant rinn mi ris ;
'S am focal a chaidh as mo bheul,
am feasd cha chaochail mis'.
- 35 Oir aon uair mhionnaich mi mar so,
's ann air mo naomhachd féin,
Do Dhaibhidh tha 'n a òglach dhomh,
am feasd nach dean mi breug.
- 36 Bithidh a shliochd 's a ghinealach
sior-mhaireannach gach ial,
'S a chaithir rioghail bithidh i
a'm' fhiannis mar a' ghrian.
- 37 Is bithidh mar a' ghealach ghlan
gu daingean buan do shior :
'S mar fhiannis anns na nèamhaibh àrd
bhios tairis agus fìor.

- 35 Ach thilg thu uait, is thréig gu tur,
is ghabh thu gràin a nis;
'S an ti dh'ung thu le d'oladh naomh,
tha thu 'an corruich ris.
- 39 Coimheangal d'òglaich dhileis féin,
sgaoil thusa, Dhé, le tàir:
'S a choron uasal thruailleadh leat,
'g a thilgeadh air an làr.
- 40 A gharadh dìdein bhriseadh leat;
's a dhaingneach làidir leag.
- 41 Mar chobhartach e do luchd-ròid.
d'a choimhearsnaich mar sgeig.
- 42 Làmh dheas a nàmhaid thog thu suas:
uil' eascaird' rinn thu ait.
- 43 Is phill thu faobhar 'arm; 's a' chath
cha d'thug thu dhasan neart.
- 44 Choisg thu a ghloir, 's a chaitheir-righ
leag thusa sìos gu làr.
- 45 Is aimsir 'òige ghearradh leat;
ehòmhdaich thu e le nàir'.
- 46 Cia fhad a dh'fholuicheas tu, Dhé,
thu féin a chaoidh nan cian?
An loisg do chorruich fòs gu cas,
mar theine lasrach dian?
- 47 Tabhair fainear is cuimhnich féin
giorrad mo ré 's mo lò:
Carson a rinn thu clann nan daoine
mar dhiomhanas no eò?
- 48 Cò e am fear am measg nam beò,
am bàs nach faicear leis?
No 'anam féin o làimh na h-uaign',
an teasairg e le treis?
- 49 C'ait bheil do chaoimhnas-gràidh, a Thighearna,
a thaisbein thu o thùs.
A mhionnaich thu air t'fhìrinn cheirt
do Dhaibhidh 'chumail suas?
- 50 Cuimhnich, a Thighearna, toibheum trom
do sheirbhiseach gu léir:
Is mar a ghiùlain mis' a'm' uchd
masladh a' phobuill thréin,
- 51 Le'n d'thug do naimhde masladh uatli'
gun aobhar, Dhé nam feart,
Oir mhasluich iadsan ceumanna
an ti a dh'ungadh leat.
- 52 Mòr-bheannaicht' agus cliùiteach fòs
gu robh Iehobhah treun,
Gu siorruidh suthain fad gach ré!
Amen agus Amen.

SALM XC.

- 1 **S** TU b'ionad còmhnuidh dhuinn gach
a Thighearna na glòir; linn,
- 2 Cian mu'n do ghineadh fòs na cnuic,
's na sléibhte beag no mòr.
Cian mu'n do dhealbh thu'n talamh trom,
no'n cruinne-cé le d' neart;
O bhith-bhuantachd gu bith-bhuantachd,
is tusa Dia gu beachd.
- 3 Gu neo-ni pillcar leatsa ris
an àine truaigh g'a sgrios;

- Is their thu fòs, O chlànn nan daoine
grad-phillibh air 'ur n-ais.
- 4 Oir mìle bliadhn' a'd' shealladh féin,
mar an là 'n dé a ta,
'N tràth théid e seach: is amhluidh fòs
mar fhorair' oidhch' a'd' làth'r.
- 5 Dh'fhuadaich thu sìos iad mar le sruth
mar chodal iad no suain:
'S a' mhaduinn bidh iad mar am feur
gu moch a dh'éireas suas.
- 6 Air maduinn brisidh e fo bhlàth,
is fasaidh e gu h-àrd:
Ri àm an fheasgair gearrar e,
is seargaidh air an làr.
- 7 Oir chaitheadh sinn le d' chorruich ghéir;
chlaoidh d'fheargsa sinn gu tur.
- 8 Ar peacaidh dhìomhair, is ar lochd,
an sealladh d'eudain chuir.
- 9 Oir ann ad fheirg ar n-uile làith'
tha teireachduinn fa seach:
Is chaithear leinn ar bliadhnaidh fòs,
mar sgeul a dh'innseadh neach.
- 10 'S iad làith' ar bliadhna mar an ceudn'
tri fichead bliadhn' 's a deich,
No, feudaidh bith, le tuilleadh neart
eith'r fichead bliadhn' do neach:
Gidheadh cha-n 'eil 'n an spionnadh sud
ach cràdh is cùradh geur:
Oir sgathar sìos gu h-ealamh e,
is siùbhlaidh sinn gu léir.
- 11 Cò aig am bheil deadh thuigs' is fios
air neart do chorruich féin?
Is amhluidh fòs mar d'eagal mòr,
tha lasair d'fheirg' d' a réir.
- 12 O teagaisg dhuinn, a Dhé nam feart,
mar àrmbhear leinn ar làith';
A chum ar cridh' a' shoeruchadh
air gliocas ceart gach tràth.
- 13 O Thighearna Iehobhah mhòir,
pill féin a ris: cia fhad?
Mu thimchioll staid do sheirbhiseach
gabh aithreachas gu grad.
- 14 O dean ar sàsachadh gu moch
le d' thròcair chaoimh, a Dhé,
A chum gu'm bi sinn aoibhneach ait,
ri fad ar là 's ar ré.
- 15 Dean subhach sinn a réir nan là
a chràidh thu sinn gu goirt:
A réir nam bliadhna ud faraon
am faca sinn an t-ole.
- 16 Taisbean do d' sheirbhiseach do ghnèmh,
faicheadh an clann do ghloir.
- 17 Is bitheadh mais' ar Tighearna Dia
a' dealradh oirnn gu mòr.
- Na gnìomhara a rinn ar làmh,
socrnich iad dhuinn, a Dhé;
Na gnìomhara a rinneadh leinn,
dean daingean iad gu léir.

SALM XCI.

- 1 **A**N neach sin tha 'n a thànùh gach uair
an ionad uaigneach Dhé,
Fo sgàil an Uile-chumhachdaich
buan-chòmhnuidh nì gach ré.
- 2 Their mi a nis mu thimchioll Dhé,
mo thearmunn e, 's mo neart;
Mo dhaingneach : cuiream dòchas ann :
mo Dhia, 's e Dia nam feart.
- 3 Gu dearbh o rib an eunadair
ni esan fuasgladh ort,
Is nì do shaoradh mar an ceudn'
o'n phlàigh tha gràineil goirt.
- 4 Le 'iteich m' e d'fhòlach fòs,
bidh t'earbsa fuidh a sgéith;
Is 'fhirinn bidh 'n a targaid dhuit,
mar sgéith do d' dhìon gach ré.
- 5 Fa chùis an uamhais anns an oidhch'
cha bhi ort geit no sgàth;
No fòs fa chùis na saighde bhios
a' ruith air feadh an là:
- 6 Cha bhi maoin eagail ort roimh 'n phlàigh
tha triall an dorchadas:
No fòs fa chùis an uile a bhios
mu mheadhion là ri sgrios.
- 7 Bidh mìle tuiteam sìos ri d' thaobh,
deich mìle fòs ri d' dheis;
Ach olc dhiubh sud cha tig a'd' chòir
no 'm fagus duit am feasd.
- 8 A mhàin le d' shùilibh seallaidh tu,
is bheir fa'near le beachd:
Droch-dhiol is tuarasdal nan daoibh,
gun cheisd do chithear leat.
- 9 A chionn gu'n d' ròghnaich thusa Dia,
mar chòmhnuidh dhuit gach àm,
An Dia ud tha 'n a thearmunn domh,
's e 'n Ti 'a's àirde t'ann:
- 10 Aon olc cha-n éirich dhuit; is plàigh
do d'fhàrdaich cha tig dlùth.
- 11 Oir bheir e àithn' d'a ainglibh, chum
a'd' ròd gu'n dìon iad thu.
- 12 Is togaidh iadsan thusa snas
gu h-àrd air bhàrr am bòs;
Eagal gu'm buailteadh leat air cloich,
aon uair air bith do chos.
- 13 Air leòmhán is air nathair nimh'
gun dòrainn saltrar leat:
Pronnaidh tu 'n dràgon sìos le d' chois.
's an leòmhán òg le d' neart.
- 14 A chionn gur ionmhuinn leis-san mi,
sàr-fhuasgladh bheir mi dha;
Air m'ainm a chionn gur eòlach e,
àrdaicheam e gach là.
- 15 Gairidh e orm, is freagram e:
'n a thrioblaid bithcam leis;
Onoir is urram bheir mi dha,
is fuasglam air gu deas.
- 16 Le saoghal fad is maireannach
sàsuaicheam e gu leòr:

Mo shlàinte dhasan mar an ceudn'
foillsichidh mi gu mòr.

SALM XCII.

- 1 **B**HI 'tabhairt buidheachais do Dhia,
's nì sàr-mhaith maiseach e;
Bhi tabhairt cliù, O Thi a's àird',
do tainm-sa feadh gach ré:
- 2 Do chaoimhneas-gràidh 's a' mhaduinn
gach là bhi' cur an cèill;
'S air d'fhirinn ta nco-mhearachdach,
gach oidhch' bhi deanamh sgéil,
- 3 Air inneal-ciùil nan teuda deich,
is air an t-saltair ghrinn;
'S air clarsaich le guth fonnmhor àrd,
a sheinneas ceòl gu binn.
- 4 Oir tre do ghniomhara, a Dhé,
rinn thu mi aoibhin ait;
Is ann an oibribh fòs do làmh
nim' gairdeachas gu pailt.
- 5 D' oibre-sa, Dhé, cia iongantach!
do smuainte cò d'an léir?
- 6 An t-amadan cha tuig e so,
's cha-n eòl do'n anhlair e.
- 7 Tràth chinneas luchd na h-aingidheachd
a nìs mar chinneas fear,
Tràth bhitheas fòs luchd-deanamh uile
a' fas fo bhlàth gu léir:
- 'S e sud is deireadh dhoibh fadheòidh
gu'n sgriosar iad am feasd.
- 8 Ach thusa, Dhé, gu sìorruidh ta
àrd-urramach gun cheisd.
- 9 Oir feuch, do naimhde féin, a Dhé,
oir feuch, do naimhde féin,
Làn-sgriosar iad: iom-sgaoilear fòs
luchd-aingidheachd gu léir:
- 10 Ach m'adharc togaidh tusa suas,
mar adharc buabhuill àird':
Le h-oladh ghloin nec-thruaillidh ùir,
ungar mi féin le d' ghràs.
- 11 Chi mi mo mhiann air m'eascairidibh;
is chuinnidh fòs mo chluas
A toil air luchd na h-aingidheachd,
a'm' aghaidh dh'éireas suas.
- 12 Bidh piseach air an fhìrean chòir
mar phailm-chramm ùrar glas:
Mar sheudar àrd air Lebanon,
a' fas gu dìreach bras.
- 13 An dream tha air an suidheachadh
an tigh 's an àros Dé
An cùirtibh greadhnach àrd' ar Dia,
sìor-fhàsaidh iad gach ré.
- 14 San àm am bi iad aosmhor liath,
bheir iad mòr mhcas a mach;
Is bithidh sultmhor le deadh bhlàth
dhiubh sud gach uile neach.
- 15 A chum gu feuch iad gu bheil Dia
ro-chothromach is ceart;
Mo charraig e, 's cha-n 'eil ann féin
aon cucoir no droch bheart.

SALM XCIII.

- 1 **I**S Rìgh Dia, air a sgeudachadh
le mòralachd gach àm ;
Ta air a sgeudachadh le neart,
is criosluichte gu teann.
Shocruicheadh leis an cruinne-cé,
nach gluaisear e a chaoidh.
- 2 Do chaithir daingean ta o chian ,
's tu féin gun tús gun chrìoch.
- 3 Do thog na tuitlean snas, a Dhé,
na tuitlean thog an guth ;
Seadh thog na tuitte suas gu h-àrd
an touna mòr' gu tugh.
- 4 Is treise Dia ta chòmhnuidh shuas
na fuaim nan uisge garbh' ;
Is treise Dia na smainnean,
is touna cuain gn dearbh.
- 5 A ta do theisteis is do reachd
ro-dhaingean agus fìor :
Tha naomhachd iomchuidh air do thigh,
a Dhé nam feart, gu sìor.

SALM XCIV.

- 1 **O** DHIA, d'am buin ceart-dhioghaltas,
Iehobhah neartmhoir thréin,
D'am bhuin a mhàin ceart-dhioghaltas,
gn dealrach nochd thu féin.
- 2 O Bhreithemh cheirt na talmhainn dean
thn féin a thogail snas ;
Is ioc do lèhd an uaibhreachais
ceart-luigheachd agus duais.
- 3 Cia fhad a ni lèhd aingidheachd,
cia fhad, a Dhia, a ni
Lèhd aingidheachd ùr-ghairdeachas,
le aoibhneas mòr gun dìth ?
- 4 Cia fhad a bhrùchdar briathra leò,
a' teachd air nithibh ernaidh ?
'S a bhitheas lèhd na h-aingidheachd,
ri ràiteachas is uail ?
- 5 Bhreis iad do shluagh gu mìn, a Dhé,
is t'òighreachd chlaoidh gn goirt.
- 6 Bantracha, coigrich, 's dilleachdain,
'g am marbhadh, is 'g am mort.
- 7 Their iad gidheadh, cha léir do Dh'a,
is fòs ni mò a ni
Dia Iacoib sùd a thoirt fa'near,
's cha chuir am feasd am prìs.
- 8 O dhaoine brùideil measg an t-sluaigh,
nis tuigibh agaibh féin,
Is amadain, cia fhad a bhios
sibh gabhail thugaibh céill ?
- 9 Au neach a chuir air faillein cluas,
am bi gun chlàisteachd ghéir ?
An Ti a dhealbh an t-sùil faraon,
nach ann da féin is léir ?
- 10 'N ti smachdaicheas na fineachan,
an e nach cronnich e ?
An ti bheir eòlas do gach neach,
an ueach gnu eòlas e ?
- 11 Air smuaintibh dhaoiu' is fiosrach Dia,
gur dìomhan iad gu beachd,

- 12 Dhia, 's beannaicht' iad d'an toir thu
is teagasg as do reachd : [smachd
- 13 Càum fois gu'n tugadh tnsa dhoirb,
o lèithibh àmhghair ole,
Gu ruig an uair an ciadhaichear
do dhaoineibh dao' an slochd.
- 14 Oir Dia cha tilg e dheth am feasd
an slagh d'an d'thug e spéis :
'S ni mò na sin a thrèigear leis
an oighreachd a's leis féin.
- 15 Ach pillidh breitheanas a ris
ri fireantachd air ais :
Is lèhd a' chridhe threibhdhriach
leanaidh 'n a déigh gu cas.
- 16 An aghaidh fòs luchd-deanamh uile
cò dh'éireas leam an àird ?
An aghaidh lèhd na h-aingidheachd
cò sheasas air mo phàirt ?
- 17 Mur bitheadh Dia Iehobhah leam
ga m' chuideachadh le buaidh,
'S beag nach robh m'anam bochd an
gn tosdach anns an uaigh. [tàmh
- 18 Trath thnbhairt mi, a ta mo chos
air sleamhnachadh uam sìos ;
Do thrècar chaomhsa 'n sin, a Dhé,
chum snas mi, agus dhion.
- 19 Air bhith do m' smuainte mmladach,
is lìonmhor ann am chom,
Do chomhfhnrtachd sa thug an sin
sòlas do m'anam trom.
- 20 Aig caithir rioghail luchd an uile
m bi comunn riut gu beachd,
Tha dealbh gn seòlta ainmleis mhòir,
's 'g a orduchadh le reachd ?
- 21 An aghaidh an'ma 'n fhircin chòir
chruinnicheadh leò gn dlùth ;
A dh'fhàgail ris fuil neochiontaich,
le breitheanas nach fiù.
- 22 Ach Dia mo dhaingneach 's e : mo Dhia
mo charraig dhion gach lè.
- 23 'S e dhlòlas orra sud air ais
gach encoir rinneadh leò,
An sgathadh sìos do nithear leis
gu ceart 'n an eucor féin ;
Is ni Iehobhah mòr ar Dia,
au sgathadh sìos gu treun.

SALM XCV.

- 1 **O** THIGIBH, seinneamaid do Dhia :
thigeadh gach ueach 'n a làth'r ;
Do charraig thréin ar slàinte fòs,
togamaid iolach àrd.
- 2 A steach 'n a fhianuis thigearmaid
le buidheachas gach là :
Togamaid còl gn suilbhreach
a' seinn le salmaibh dha :
- 3 Is Dia ro-mhòr Iehobhah treun ;
righ mòr os ceann gach dia.
- 4 Doimhneachd na talmhainn tha'n a làimh
's leis ueart nan cnoc's nan sliabh.

- 5 'S e rinn an cuan tha farsuinn mòr,
tha còir aig air is sealbh ;
'S an talamh tioram le a làimh
's e chruthaich is a dhealbha.
- 6 O thigibh agus sleuchdamaid,
is deanar cromadh leinn ;
Is air ar glùinibh tuiteamaid
do 'n Dia a chruthaich sinn :
- 7 Oir 's e ar Dia, is sinn a shluagh,
a bheathaich e mar threud,
Caoraich a làimh' : ma dh' éisdear leibh
an diugh r' a gluth gun bhreug.
- 8 Na cruaidhichear 'ur cridhe leibh,
mar anns a' chomh-stri dhian,
Mar rinneadh leibh 's an fhàsach chruaidh
ga m' bluaireadh le bhuir miann :
- 9 Tràth dh'fhionn 's a dhearb' 'ur sinnsir
's mo ghnìomh tràth chunnaic iad. [mi,
- 10 An t-àl nd rè dà fhichead bliadhn'
chuir campar orm is eud :
- Thubhairt mi, 'S pobull iad 'g am bheil
droch chridhe seachranach :
Is air mo shligibh nach do ghabh
riamh eòlas firinneach :
- 11 D'an d'fhug mi féin mo mhionnan mòr
a'm' fheing 's a'm' chorruih ghéir,
Nach rachadh iad a chaoidh a steach
do m'ionad-suaimeas féin.

SALM XCVI.

- 1 CANAIBH do'n Tighearn òran nuadh,
gach aon tìr, canaibh dha.
- 2 Seinnibh do Dhia : 'ainm beannaichibh,
nochdaibh a shlàint' gach là.
- 3 Am measg nam fineachan gu léir
sìor-thaisbeinibh a ghlòir :
Am measg gach pobull aithrisibh
a mhòrbhuile ro-mhòr.
- 4 Oir 's mòr Iehobhah Dia nam fear,
's ion-mholta feadh gach ré ;
Is aobhar eagail e faraon
os ceann nan uile dhée :
- 5 Oir uile dhée nam fineachan
is iodhoil iad gu léir :
Ach 's e Iehobhah Cruithfhear àrd
nam flaitheas is nan speur.
- 6 Ard-urram agus mòralachd
'n a fhianuis-san a ta :
Treun-spionnadh agus maisealachd
'n a theampull naomh a ghnàth.
- 7 O fhineacha nan slògh gu léir
thugaibh do Dhia nam fear ;
Thugaibh do'n Thigearna faraon
glòir, urram, agus neart.
- 8 A' ghlòir a's eubhaidh fòs d'a ainm,
do'n Tighearn thugaibh uaibh :
Thigibh d'a chàirtibh naomha steach,
is thugaibh ofrail leibh.
- 9 Do Dhia Iehobhah sleuchdaibh sìos
am mais' a naomhachd féin :
Biodh eagail oirbh, gach uile thìr,
'n a fhianuis-san gu léir.

- 10 Abraibh measg fhineach, gu bheil Dia
riaghladh mar rìgh gu beachd.
Buan-dhaingnichear an domhan leis ;
air daoimibh bheir breth cheart.
- 11 Biodh aoibhneas air na nèamhaibh àrd
is biodh an talamh ait ;
Beucadh an cuan gu farumach,
's a lànachdsan gu pait.
- 12 Biodh aoibhneas air a' mhachair fòs,
is air gach nì a t'ann :
An sin bidh aiteas air gach coill',
is air gach craoibh is crann.
- 13 An làthair Dhé ; oir tha e teachd,
oir tha e teachd gu breth ;
Air talamh chum gu'n deantadh leis
ceart-bhreitheanas fa leth :
- Le ceartas maith bheir e a mach
breth sir a' chruinne-ché ;
Bheir air a' phobull breitheanas
le fìrinn fhìor-ghlòir réidh.

SALM XCVII.

- 1 I EHOBAH mòr 's e tha 'n a Rìgh,
biodh aiteas air gach tìr ;
'S air eileanaibh tha lionmhor ann,
biodh gairdeachas gu léir.
- 2 Tha neula tiugh' is dorchadas
m'a thimchioll air gach leth :
'S e 's còmhnuidh fòs d'a chaitir-rìgh
deadh clothrom is ceart-bhreth.
- 3 Tha teine millteach roimh a ghnùis
ag imeachd air gach àird,
Le'n loisgear suas gu lasarach
a naimhdean anns gach àit.
- 4 Le solus glan a dhealanaich
dhealruich an cruinne-cé :
Chunnaic an talamh sud gu dearbh,
ghrad-chlisg is chrìothnuich e.
- 5 Na enuic, an làthair Dhia nan dùl,
leagh as air fad mar chéir ;
Roimh ghnùis Àrd-Rìgh an domhain
leagh iadsan as gu léir. [mhòir
- 6 a nèamha cuiridh 'n céill a cheart ;
is ch' gach sluagh a ghlòir.
- 7 Do dhealbhaibh snaighte meud 's a chrom
gu'n robh dhoibh amhladh mòr,
Tha deanamh uail' is ràiteachais
á iodholaibh nach fù ;
Gach uile dhée a ta sibh ann,
sleuchdaibh do Dhia nan dùl.
- 8 Rinn Sion aoibhneas nach bu ghann,
an uair a chual i'n sgeul,
Rinn nighean Iudha gairdeachas
mu d' bheitheanas, a Dhé.
- 9 Oir tha thu, Dhia Iehobhah, àrd
os ceann gach uile thìr :
Tha thu air d'ardachadh gu mòr,
os ceann gach dia gu léir.
- 10 Sibhse le'n ionmhuinn Dia ro-naomh,
fuaithaichibh olc a chaoidh ;

- Anam a naomh sìor-ghleicidhidh e ;
saoraidh o làimh uan daoi.
- 11 Cuirear mar phòr gu frasach pailt,
solus do'n fhìreanach ;
Is aoibhneas dhoibh-san fòs a ta
'n an cridhe treibhdhireach.
- 12 Biodh aiteas oirbh au Dia na glòir',
O fhìreana gu léir :
Is thugaibh buidheachas do Dhia,
ri cuimhu' a uaomhachd féin.

SALM XCVIII.

- 1 **O** SEINNIBH òran nuadh do Dhia,
rinn bearta miorbhuileach :
'S i' dheas làrùh féin 's a ghairdean naomh
thug dhasau buaidh a mach.
- 2 Feuch, thaisbein Dia gu follaiseach
'fhurtachd' s a shlàinte mhòr ;
Am fianuis chinneach nochdadh leis
'fhìreautachd féin gu leòr.
- 3 Chuimhnich e 'fhirinn is a ghràs
do theaghlach Isracil ;
Is slàint' ar Dia-ne clunnaic fòs
gach iomall tìr gu léir.
- 4 Do Dhia Iehobhah togaibh suas
àrd-iolach ait, gach tìr :
Togaibh bhuir guth : bibh subhach fòs,
is seinnibh moladh fìor.
- 5 Do Dhia Iehobhah mòr nam feart
seinnibh air clàrsaich glirinn :
Le clàrsaich (deirim) seinnibh dha,
le guth na sailm gu binn.
- 6 Le fuaim na h-adhaire seinnibh dha,
's le guth ua trompaid àird' :
Do Dhia au t-Ard-Rìgh seinnibh fòs,
le iolach ait 's gach ait.

- 7 Beucadh an fhaire mhòr gu borb,
's an làn tha innt' le chèil' ;
An domhan, is gach dùil a ta
an còmhaidh aun gu léir.
- 8 Buaileadh na tuitte mòr am bos' ;
na sléibhte bitheadh ait,
- 9 An làthair Dhé ; oir tha e teachd
air talamh thabhairt ceirt :
Le ceartas maith bheir e a mach
breth air a' chruinne-ché ;
Bheir air a' phobull breitheanas
le cothrom fìor-ghlan réidh.

SALM XCIX.

- 1 **T**HA Dia 'n a Rìgh, is criothnaicheadh
gach uile shluagh air bith .
'S e shuidheas eadar cheruban,
biodh air au talamh crith.
- 2 An Sion tha Iehobhah mòr,
is àrd os ceann gach sluagh.
- 3 D'ainn mòr ro-uamhor molar leo,
oir tha e naomh r'a lualh.
- 4 Is toigh le neart an Rìgh ceart-bhreth
's tu shocrucias a' cheart :

- An Iacob breitheanas is còir
cuiridh tu 'n gnìomh gu beachd.
- 5 Ar Dia Iehobhah àrdaichibh,
is sleuchdaibh dha gu caomh,
Aig stòl a chos gu h-urramach ;
oir tha e féin ro-naomh.
- 6 Am measg a shagart Aaron 's Maois,
bha Samuel de'n dream
. A ghair air 'ainm : dh'iarr iadsan Dia,
fhreagair e iad 's an àm.
- 7 Am baideal neoil gu gràsmhor caoin
labhair an Tighearn riu :
Na h-àitheantan a thug e dhoibh,
's a theisteas ghleidheadh leo.
- 8 Iehobhah Dia, thug freagrachd dhoibh :
's tu 'n Dia a mhaith an lochd,
Ge d' rinn thu orra dioghaltas
air son an innleachd ole.
- 9 Ar Dia Iehobhah àrdaichibh
's 'n a thulaich naomh a ghnàth,
Sìos sleuchdaibh dha gu h-iriosal ;
oir 's naomh ar Dia gu bràth.

SALM C.

- 1 **T**OGADH gach tìr àrd-iolach glaoich
do Dhia Iehobhah mòr.
- 2 Thigibh, is deanaibh seirbhis ait,
'u a làthair-san le ceòl.
- 3 Biodh agaibh fios gur easan Dia,
's e rinn sinn, 's cha sinn féin ;
A phobull sinn, 's a claoarach fòs
dh'ìoualtradh leis gu léir.
- 4 Thigibh a nis le buidheachas
'n a gheataibh-san a steach,
Is thigibh fòs le moladh mòr
an chirtibh naomh' a theach :
Is 'thugaibh dha mòr-bhuidheachas,
'ainm beannaichibh gu binn.
- 5 Oir Dia ta maith, tha thròcair buan,
is 'fhirinn feadh gach lìu.

SALM CI.

- 1 **B**RETH cheart is tròcair canar leam ;
Dhé, seinneam dhuit le ceòl.
- 2 Is iomchaiream mi féin gu glic
air slighe fhoirfe chòir.
O c'uin do m'ionnsuidh-sa a thig
thu féin, a Dhia nam feart ?
A steach a'm' fhàdaich fhàidsidh mi
le cridhe fìor-ghlau ceart.
- 3 Fa comhair fòs mo shùile féin
cha chuir mi ole am feasd ;
Obair luchd-ceannaire 's fuathach leam,
's cha lean i rium gun cheisd.
- 4 Au cridhe iargalt ceannairceach
uam triallaidh e an céin :
Eòlas no furan air an daoì
a chaoidh cha chuir mi féin.
- 5 An ti bheir beum d'a choimhearsnach,
lom-sgrìosaidd mi as 'ait ;

- An eòidhe borb cha-n fhàilidh mi,
no neach a sheallas àrd.
- 6 Bidh m' air' air fireannaibh na tìr',
gu'n gabh iad còmhnuidh leam :
An ti bhios foirfe glan 'n a bheus,
's e 's òglach dhomh gach àm.
- 7 Fear deanamh ceilg' is mealltaireachd,
a'm' thigh-sa cha-n fhaigh tàmh ;
A'm' làthair, neach a labhras breug
cha-n fhuirich e gu bràth :
- 8 Lom-sgrìosaidd mise fòs gu moch
gach droch dhuin' as an tìr,
Chum luchd an uile a sgathadh as
o chaithir Dhé gu léir.

SALM CII.

- 1 **R**I m' urnuigh éisd, Iehobhah Rìgh ;
is ruigeadh ort mo ghlaodh.
- 2 Na foluich uam do ghnùis 's an là
thig trioblaid orm gach taobh :
'S an là an gairm mi ort gu geur,
crom thugam féin do chluas ;
Is freagair mi gu deifreach,
a' furtachd air mo chruas.
- 3 Do bhrìgh gu bheil mo làith' mar ched
a' teireachduinn a ghnàth ;
Mar lic an teinntin' 's amhluidh sin
mo chnàmhan loisgte ta.
- 4 Trom-bhuailte tha mo chridhe bochd,
is shearg e mar am feur ;
Ionnus nach cuimhne leam gu beachd
greim arain chur a'm' bheul.
- 5 Le guth mo chaoidh, mo chnàmhan lean
rinn m' chraicinn féin gu teann :
- 6 Mar phelican an fhàsaich mi,
's mar chaillich-oidheh' nam beann.
- 7 Ri faire taim gu furachair,
is cosmhuil mi a ghnàth
Ri geallbhonn beag 'na aonar fòs
air mullach tighe ta.
- 8 Ri fad an là mo naimhde garg'
ga m' mhasluchadh gu geur ;
'S an dream a ta air boile rium
a'm' aghaidh mhionnach iad.
- 9 Le m' dheuraibh choimhmeasg mi mo
mar aran dh'ith mi luath', d'heoch ;
- 10 Tre lasan d'fheirg' ; oir thog thu mi
is leag thu ris gu truagh.
- 11 Mar sgàile chlaon mo làithean sìos ;
is shearg mi féin mar fheur.
- 12 Ach mairidh tus', am feasd, a Dhé,
's do chuimhne féin gu sìor.
- 13 Nis éiridh tu a dheanamh gràis
air Sion naomh gu dlùth :
Oir àm a cabhair tha air teachd,
seadh, 'n t-àm a dh'orduich thu.
- 14 Oir d'òglach tha a' gabhail tlachd
'n a clachaibh breagh' gach uair ;
Tha deadh thoil aig do sheirbhisich
d'a luathre is d'a h-àir.

- 15 Mar sin bidh air na fineachaibh
eagal roimh ainm an Triath :
Is air gach rìgh air thalamh ta
bidh roimh do ghlòir a fiamh.
- 16 'N uair thogar Sion suas le Dia
taisbeanar e 'n a ghloir.
- 17 Urnuigh nam bochd bheir e fa'near,
's cha diùlt e iad le fàir.
- 18 Do 'n àl a ta ri teachd 'n ar déigh,
sud sgriobhar dhoibh gu beachd :
'S au dream a ghinear o so suas,
molaidh iad Dia nam feart.
- 19 Oir dh'amhairc e a nuas gu beachd,
o àird a naomhachd féin ;
Is air an talamh dh'amhairc Dia,
a nuas o nèamh nan speur.
- 20 A chluinntinn osnaich ghearanach
a' phrìosanaich ta 'n sàs ;
Chum fuasgladh air a' mhuinntir sin
a dh'orduicheadh chum bàis.
- 1 An Sion chum a chur an céill
ainm uasal àrd ar Dia,
'S a dh'innseadh an Ierusalem
moladh is cliù an Triath.
- 22 An t-àm a bhios na fineacha
air cruinneachadh le chéil' ;
'S gu seirbhis Dé tràth thionailear
na rìoghachda gu léir.
- 23 Air feadh na slighe is an ròid
mo threòir do lagadh leis :
Mo làithe chuir an giorrad fòs.
- 24 'S mar so do labhair mis,
Mo Dhia, na glacar mi le bàs,
mu thimcheall leth mo là :
O aois gu h-aois gu maireannach,
do bhliadhnaidh buan a ta.
- 25 O chian leag thusa bunaite,
na talmhainn so, a Dhé ;
Is iad na nèamha fìor-ghlan àrd'
oibre do làmh a féin.
- 26 Teirgidh iadsan 's théid iad as,
ach mairidh tusa, Dhé :
Seadh teirgidh iadsan 's gabhaidh seach
mar eudach sean gu léir :
- Feuch caochlaidh tu mar thrusgan iad,
is caoch'ear iad gun cheisd.
- 27 Tha thus' a mhàin gun chaochladh ort,
's do bhliadhnaidh buan am feasd.
- 28 Bidh clann do sheirbhisich, a Dhé,
maireannach buan a ghnàth :
Is ann ad fhianuis socruchear
an ginealsan gu bràth.

SALM CIII.

- 1 **O**M'ANAM, beannaich thusa nis
an Dia Iehobhah mòr :
Moladh gach ni an taobh stigh dhiom
'ainm naomha mar is còir.
- 2 O m'anam, beannaich féin a nis
Iehobhah mòr do Dhia :

- Na dìchuimhnich na tiodhlacan
a dheòuich dhuit an Triath.
- 3 'S e mhaithreas duit gu gràs-mhor caoin
gach peacadh annad féin :
'S e bheir dhuit slàint', is furtachd fòs,
o d'euslaintibh gu léir.
- 4 Do bheatha fòs o sgrios a' bhàis,
's e dh'fhuasglas duit gu pailt :
'S e chrìnas thu le coron gràidh,
's le tròcair chaoimh gun airc.
- 5 Le 'mhaithreas is le 'thiodhlacaibh
sàr-lionaidh e do bheul :
S tha d'òige air a nuadhachadh
mar iolair luath nan speur.
- 6 Air sgàth na muinntir ud, a ta
le fòirneart air an claoidh,
Ceartas is breitheanas faraon,
's e Dia ni dhoibh gun dìth.
- 7 Do Mhaois an neach a b' òglach dha
a shlighe chuir e 'n cèill :
Is mar an ceudna 'ghnìomhara
do chlaunaibh Israeil.
- 8 Tha'n Tighearu iochd-mhor tròcaireach,
's mall 'fhearg, 's is pailt a ghràs.
- 9 Cha bhi e tagradh ruinn do shìor
's cha ghléidh e 'fhearg gu bràth.
- 10 A réir ar peacaidh iomarcaich,
dioghaltas oirnn cha d'rinn ;
'S a réir ar ciont' is eusaontais
cha d'thug e luigheachd dhuinn.
- 11 Oir mar os ceann na talmhainn ta
na speuran àrd gach ré,
Is amhluidh sin tha 'thròcair mòr
do'n dream d'an eagal e.
- 12 Mar tha an àrd an ear 's an iar
a' gabhail fad o chéil' ;
'S co fhad a chuireas Dia nan gràs
ar peacaidh uainn gu léir.
- 13 Amhluidh mar ghabhas athair dàimh
is truas d'a leanbaibh maoth,
Mar sin d'a fhìor luchd-eagail féin
Dia gabhaidh truas gu caomh.
- 14 Oir 's aithne dhasan agus 's léir
ar cruth 's ar dealbh gu ceart ;
Gur duslach talmhainn sinn air fad,
is cuimhne leis gu beachd.
- 15 An duine truagh, a ta a làith'
amhluidh mar fheur a ghnàth ;
Mar bhàrr na luibh' air machair fòs
a ta e fàs fo bhlàth.
- 16 Oir gabhaidh thairis osag ghaoith',
's cha bhi e idir ann ;
'S cha-n fhaicear e san ionad ud
an robh e fàs gu teann.
- 17 Ach mairidh tròcair Dhé gu sìor
do'n dream d'an eagal e,
Is fòs do chloinn an cloinne-san
bidh 'fhìreantachd gach ré :
- 18 Do n aitim ud a chumas ris
an cùmhnant rinn e riu :

- 'S a chuimhnicheas 'uil' àithcantan,
a chum gu'n deant' iad leo.
- 19 Dia shocruch anns na nèamhaibh àrd'
a chaithir rioghail féin ;
A rioghachd tha an uachdar fòs
os ceann gach ni fo 'n ghréin.
- 20 Sìor-bheannaichibh Iehobhah mòr,
O 'aingle treun an neart,
Tha 'deanamh iarrtuis mar is còir ;
's a' tabhairt géill d'a reachd.
- 21 Gach uile shluagh a bhuineas da,
beannaichibh Dia a nis ;
A sheirbhisich le 'n coimhlionar
gach ni a's toileach leis.
- 22 'Uil' oibre, feadh a thighearnaïs,
a rinneadh leis an Triath,
An rìgh Iehobhah beannaichibh ;
O m'anam, beannaich Dia.

SALM CIV

- 1 O M'ANAM, beannaich thusa Dia :
mo Dhia, 's tu 'n Triath ro-mhòr ;
Tha thusa air do sgeadachadh
le mòralachd is glòir.
- 2 Seadh chuir thu solus dealrach glan,
mar thrusgan umad féin ;
Is shìn thu mach, is sgaoileadh leat,
mar chùirtein nèamh nan speur.
- 3 Sailean a shedmar lcagadh leis
air uisgeachaibh mar stéidh ;
Mar charbad rinn na neula tiugh,
's e ruith air sgiathaibh gaoith'.
- 4 'S e féin a rinn na h-aingil fòs
'n an spioraid làidir threun ;
'S e rinn 'n an teine lasarach
a theachdairean gu léir.
- 5 Is bunaite na talmhainn fòs
shocrucheadh leis 'n an àit
A chum nach gluais' as 'ionad e
a chaidh nan cian gu bràth.
- 6 Is dh'fholuich thu le doimhneachd e,
ceart mar gu'm b'ann le brat :
Os ceann nam beann 's nan sleibhte àrd'
ua h-uisgeacha do stad.
- 7 Air cluinntinn doibh guth d'achmhiasain,
theich iad air falbh gu cas :
Is fòs ri guth do thairneanaich,
le deifir chaidh iad as.
- 8 Rì taobh nam beann chaidh iad a suas,
's a sìos air feadh nan gleann :
Gu ruig an t-àit' a dh'orduich thu
's a shocruch thu gu teann.
- 9 Chuir thusa rompa criochla buan
nach téid iad tharta null ;
'S nach pill iad air an ais a ris
dh'fholach na tìr' le tuinn.
- 10 Cuiridh e mach na tobraichean
air feadh nan glac 's nan gleann
A ta gun tàmh le 'n sruthaibh br
a' ruith air feadh nam beann.

- 11 Do bheathaichibh na macharach
deoch bheir e dhoibh r'a h-òl :
'S na h-asail fhiadhaich coisgidh iad
an tart 's an iota mòr.
- 12 Am fagus doibh ni coim nan speur,
tigh clùthor tàimh dhoibh féin .
Is cadar gheugan cuirear leo
an ceilcir binn an céill.
- 13 Uisgichidh e o 'sheòmraibh àrd'
na beannta mòr' gun tàmh :
An talamh tioram gheibh a dhìol
le toradh guimh do làmh.
- 14 Bheir e air fear blih fàs do'n spréidh,
's air luibh bhli fàs gun sgios
Do dhaoibh, chum gu'n tugadh iad
o'n talamh biadh a nìos :
- 15 Is fion a chuireas cridhe dhaoim'
air shubhachas 's air ghean,
Is oladh fòs a nì an gubais
le maise dealrach glan.
'S e bheir dhoibh aran mar an ceudn'
fhreasdal am feum gu leòr,
An cridhe dhaoim' a chuireas neart,
le misneich mhaith is treòir.
- 16 Tha craobhan àrd' an Tighearna
rolàn do bhrìgh gu léir,
Is seudair mhaiseach Lebanoin
a shuidhicheadh leis féin.
- 17 Is bithidh nìd 's an ionad ud
aig eunlaith luath nan speur :
Na craobhan giunhais aig an store
mar ionad tàimh dhi féin.
- 18 An tearmunn féin, am beantaibh àrd',
na gabhair fhiadhaich leag ;
Na coimein bheaga mar an ceudn'
an còsaibh blàth nan creag.
- 19 A' ghealach dh'òrdich esan fòs
a sgarachduinn nan tràth :
Is pig a' ghréin tha còlas maith
mar luidheas i gach là.
- 20 Do nìthear leatsa dorchadas,
's thig an oidhch' gu grad ;
An sin bidh beathaich allt' na coill
a' dol a mach air fad.
- 21 Ri beucadh bidh na leòmhain òg'
ag iarraidh cobhartaich,
Is bithidh iad ag iarraidh bìdh
air Dia ro-chumhachdach.
- 22 An sin 'n uair dh'éircas suas a' ghrian,
cruinnichidh iad le chéil',
Gu h-uaigneach luidhidh iad a stigh
'n an garaidh dìdein féin.
- 23 Is théid an duine mach an sin
gu 'obair mar is còir,
Is leanaidh e gu dìchiollach
a shaothair gu tràth-nòis'.
- 24 Cia fionmhor d'òibre mòr, a Dhé !
'an gliocas rinn thu iad :
An talamh fòs le d' shaoibhreas mòr,
tha làn air fad 's air leud.
- 25 Mar sin an cuan tha farsuinn mòr,
's gach nì a shnàgas ann,
Na beathaichean tha bcag is mòr,
gun orra cunntas cheann.
- 26 Tha longan siubhal ann gu tigh ;
's tha'n Lebhiatan mòr,
A chumadh is a dhealbhadh leat,
ri sìgradh ann le treòir.
- 27 Na slòigh ud uile tha, a Dhé,
a' feithcamh ort a ghnàth,
A chum dhoibh biadh gu'n tugadh tu
ga'n cumail beò geach tràth.
- 28 Na bheir thu dhoibh a'd' thoirbheartas
'g a thional sud tha iad :
Tràth dh'fhosgla tu do làmh gu pailt,
le maith sàr-lìonar iad.
- 29 Air folach dhuit do ghnàis a rìs,
thig cabhag orr' air fad ;
Eugaidh, tràth bheir thu asd an deò,
pillidh ri 'n àir gu grad.
- 30 Do spiorad féin g'an cruthachadh,
rìs cuirear leat a mach :
Aghaidh na talmhainn mar an ceudn'
ruadhaichidh tu le dreach.
- 31 Bidh glòir an Triath ro-mhaireannach
air feadh gach linn am feasd ;
Is nì Iehobhah gairdeachas
'n a ghnìomharaibh gun cheisd.
- 32 Air sealltuinn air an talamh dha,
criothmaichidh e gu grad ;
Tràth bheanas e ri sléibhtibh àrd'
bidh deatach dhiubh air fad.
- 33 Do Dhia Iehobhah seinnidh mi
an cian a bhios mi beò ;
Is bheir mi moladh mòr do m' Dhia
ri fad mo ré 's mo lò.
- 34 'S ro-mhilis blast' mo smuaintean air ;
biom ait an Dia a ghnàth.
- 35 Gu'n tigeadh sgrios air peacaichibh,
mach as an tìr gu bràth,
'S na biodh na h-aingidh ann nì 's mò,
O m'anam, moladh seinn
Do Dhia Iehobhah ; seinneamaid
le h-Alleluia binn.

SALM CV.

- 1 O THUGAIBH buidheachas do Dhia ;
air 'ainm-san gairibh féin ;
Is cuiribh fòs a ghnìomhara
am measg nan sluagh an céill.
- 2 Seinnibh do Dhia Iehobhah mòr,
sailm seinnibh dha gu binn ;
Is aithrisibh gu h-iomlan fòs
na mìorbhuilean a rinn.
- 3 As 'ainm ro-naomhasan faraon
deanaibh deadh-uail is glòir ;
Biodh gairdeachas air cridh' an dream
dh'iarras Iehobhah mòr.
- 4 Iarraibh Iehobhah mòr nam feart,
iarraibh a neart a ghnàth ;

- A ghuais ta gràsmhor fàbharach,
sior-iarraibh i gu bràth.
- 5 Cuimhnichibh fòs na mìorbhuile
a rinneadh leis gu treun:
A ghuimhara ro-iongantach,
is breithcanais a bhéil;
- 6 O sibhs' a ghincil Abraham,
deadh òglach dhileis Dé:
Sibhs' chlànn Iacoib mar an ceudn',
a ròghnuich e dha féin.
- 7 'S esan ar Tighearn is ar Dia,
Iehobhah mòr gu fìor:
Tha 'bhreithcanais ro-chothromach
air sgaoileadh feadh gach tìr.
- 8 Oir chuimhnich e gu sìorruidh buar
a choimhcheangal gu beachd:
'S am focal fòs a dh'orduich e
do mhìlteibh àl ri teachd;
- 9 An coimhcheangal a rinn e féin
ri Abraham gu caoin,
'S na mionnan a thug e le 'bheul
do Isaac òglach caomh:
- 10 Is amhluidh sin do Iacob fòs
dhaingnich se e mar reachd;
Mar chionhcheangal gu sìorruidh buan
do Israel gu beachd:
- 11 Ag ràdh, Tìr Chanaain bheir mi dhuibh,
mar chrann bhur n-òighreachd féin.
- 12 'N uair bha iad tearc, 's 'nam buidhinn
's 'n an coigrich inn' gu léir. [bhig,
- 13 Is air bhi dhoibh ag imeachd fòs
o thìr gu tìr gun tàmh;
A' triall feadh sluaigh is ròghachda,
nach fac' iad rianh roimh làmh:
- 14 Cha d' leig le neach an gortachadh;
ach smachdaich air an sgàth
Mor-rìghre neartuhor cumhachdach;
's a riu mar so ag ràdh;
- 15 'Feuchaidh nach bean sibh ris an dream
a dh' ungadh leam gu caomh:
Is fòs na deanaibh cron air bith
no lochd air m' fhàidhibh naomh.'
- 16 Fòs ghairm e gorta steach do 'n tìr,
is long an arain bhris.
- 17 Ach chuir e Ioseph rompa sìos,
reiceadh mar thràill gun fhios.
- 18 Le geimhlibh dhochainn iad a chos',
luidh e an iarunn teann;
- 19 Gu 'n uair an d' thàinig focal Dé:
is dhcarbhs' sud e 's an àm.
- 20 An rìgh an sin chuir airsan fios,
is dh'fhuasgail air gu caoin:
Seadh uachdaran nam fìneacha
is leig se e fa sgaoil.
- 21 Is air a theaghlach thug e àna
àrd-thighcarnas gu léir:
Ard-uachdranachd a stòrais mhòir,
thug esan dha d'a réir.
- 22 A cheangal mar a chiteadh dha
àrd-cheannardan na tìr':
- 'S gu'n tugadh e d'a sheanairibh
teagasg air gliocas fìor.
- 23 Do ròghachd na h-Eiphit thàinig fòs
clann Isracil gu léir,
'S bha Iacob is a shliochd air chuairt
an talamh Cham le chéil':
- 24 Thug esan air a phobull féin
an sin ro-lionmhor fas,
Is ni bu treise rinn e iad
na'n naimhdean anns gach càs.
- 25 Cridhe an dream ud dh'iompaich e
thoirt fuath d'a phobull naomh,
'S gu'n buineadh iad gu cealgach olc
r'a sheirbhisich ro-chaomh.
- 26 An sin chuir e 'dheadh òglach Maois,
Aaron a thagh e féin.
- 27 Nochd iad a bhearta mìorbhuileach,
an talamh Cham gu treun.
- 28 Chuir orra duibhre, 's dhòrchaicheadh;
'n sin thug iad géill d'a ghuth.
- 29 Dh'iompaich gu fuil an uisgeachan,
is mharbh e 'n t-iasg 'n an sruth.
- 30 Is losgann ann an lìonmhoireachd
sin bhrùchd an tìr a mach,
Am fardaichibh an rìghre-san,
's nan seòmraichibh a steach.
- 31 Air 'iarrtus thàinig iomadh gnè
do chuileagaibh gu grad:
Is miala lìonmhor mar an ceudn'
'n an crìochaibh féin air fad.
- 32 Air son an uisge thug e dhoibh
clach-shneachd gu frasach geur,
Is lasair theine-dhealanaich
air feadh na tìr' gu léir.
- 33 Na craobhan fion, is fige fòs
ghrad-bhuaileadh leis gu trom;
Is bhriseadh agus reubadh leis
gach crann a bha 'n an fonn.
- 34 Thug esan àithne 's thàinig iad,
locuist gu lìonmhor ann,
'S na burruis sgriosach iomareach,
gun orra cumtas cheann;
- 35 Gach luibh 's an fhicrean dh'itheadh leo;
is dh'itheadh leo gach meas.
- 36 B'naid e gach ceud-ghin anns an tìr,
toiseach am brìgh 's an treis'.
- 37 Ie b-òr 's le h-airgiod thug e mach
a phobull féin gun dìth;
'S cha robh 'n an treubhaibh-san air fad
neach euslainteach gun chli.
- 38 Bu shubhach leis na h-Eiphitich
'n uair chaidh iad uath' a mach.
Oir thuit an cagsalan gu mòr
le h-uamhunn air gach neach.
- 39 Neul os an ceann sgaoil esan mach
mar bhrat no cuirtein mòr;
Le teime mar an ceudn' 's an oidheil'
thug solus dhoibh gu leòr.
- 40 Am pobull dh'iarr, is thug e dhoibh
na gearra-goirt gu pailt;

'S le h-aran nèimh o speuraibh àrd'
thug dhoibh an sàth gun airc.

11 A' charraig sgoilt e, bhrùchd a mach
na h-uisgeacha gu leòr ;
Is anns an fhàsach thartmhor theth
ruith iad mar amhainn mhòir.

42 Chionn gu'n do chuimhnich e an sin
'fhocal 's a ghealladh naomh
Is mar an ceudna Abraham
'òglach ro-dhìleas caomh.

43 Is uime sin thug e a mach
a shluagh le h-aobhneas mòr ;
'S a dhaoine féin a ròghnaich e,
le gairdeachas is ceòl.

44 Is fearann fòs nam fineacha
thug esan dhoibh air fad ;
Is mheal iad mar an oighreachd féin
saothair nan cinneach ud.

45 A chum gu'n tugadh iad fa'near
a reachda mar is còir,
'S gu'n gleidheadh iad a lagh faraon,
Molaibh Iehobhah mòr.

SALM CVI.

1 **O** THUGAIBH moladh mòr do Dhia,
is buidheachas faraon,

Oir tha e maith, mairidh gu bràth
a thròcair ghràs-mhor chaoim.

2 Gnìomhara treun' Iehobhah mhòir,
co dh'fheudas chur an cèill ?
Cò dh'fheudas fòs a chliu ro-mhòr
a thaisbeanadh gu léir ?

3 'S beannaicht' an aitim ud gu beachd
a ghleidheas breitheanas,
'S an neach ud fòs a ni gach uair
ceartas is ionracas.

4 Dhia, cuimhnich ormsa, leis a' ghràdh
thug thu do d' phobull féin ;
O thig le d' shlàinte shòlasaich
gu m' fhiosrachadh a'n' fheum.

5 Gu faic sinn maith do dhaoine taght
's gu'n dean sinn aoibhneas mòr
'N an aoibhneas sud ; 's le t'òighreachd
gu'n dean sinn uail is glòir. [féin]

6 Do pheacaich sinn le'r sinnsearaibh ;
is fòs do rinneadh leinn,
Mòr chiont' a' d' aghaidh féin, a Dhé ;
gu h-aingidh pheacaich sinn.

7 Ar sinnseara cha d'thug fa'near
do bhearta mìorbhuileach,
A rinneadh leat an tìr na h-Eiph't
gu treunmhor cumhachdach ;
Is lìonmhoireachd do thròcair chaoimh'
dhìchuimhnich iad gu truagh ;
'S iad aig a' mhuir ga d' bhrosnachadh,
ri cois na fairge ruaidh'.

8 Ach theasaig e gu tèaruint' iad,
air sgàth dheadh ainme féin ;
A chum gu'n nochdadh e mar sin
a chumhachda ro-threun.

9 Leig e a mach geur aclmhasan
is thiormaich a' mhuir ruadh ;
Is stiùir e troimh an doimhneachd iad,
Mar troimh an fhàsach chruaidh.

10 O làimh an ti thug dhoibhsan fuath,
dh'fhuasgail e 'phobull féin,

11 'S o làimh an naimhde mi-runach
shaoradh leis iad gu treun.
Is dh'fholuich uisg' an eascairde :
cha d'fhan fìu aon diubh beò.

12 Chreid iad an sin a bhriathrasan,
's a chliu do sheinneadh leo.

13 Air dearmad leigeadh leo gu cas
a ghnìomhara ro-threun ;
Cha d'fhuirich iad gu foighidneach
r'a chomhairl' eagnuidh féin.

14 'S an fhàsach ghlac miann ciocrach iad,
'n sin bhuair iad Dia gu luath.

15 An iarrtus thug e dhoibh, ach chuir
caoil' air an anam truagh.

16 'S a' champa ghabh iad farmad mòr
ri Maois an duine caomh,
'S ri Aaron neach a ròghnaich Dia
dha féin 'n a shagart naomh.

17 An talamh dh'fhosgail e a bheul,
shluig Dan sios gu grad ;
Buidhinn Abiram mar an ceudn'
dh'fholuich e iad air fad.

18 Is fòs am measg an cuideachdsan
ghrad-las an teine teth ;
Is loisg an lasair suas gu léir
na h-aingidh ud fa leth.

19 Dhealbh iad an sin is rinn iad laogh,
gu truagh aig Horeb àrd,
'S do'n ìomhaigh leaght' a rinneadh leo
aoradh thug iad gun dàil.

20 Is amhluidh chaochail iad gu bochd,
an Dia 's an glòir gu léir,
Gu cosamhlachd is ìomhaigh fhaoim
an daimh a dh'ithreas feur.

21 An Dia thug tèarnadh dhoibh 'n am feum
dhìchuimhnich iad gu grad ;
An neach le 'n d' rinneadh bearta mòr'
an tìr na h-Eiph't air fad :

22 Is gnìomhara ro-iongantach
an dùthaich Cham le buaidh,
Mar sin is nithe uamhasach
ri cois na fairge ruaidh' :

23 Thubhairt e air an aobhar sin
gu'm millt' iad leis gu léir,
Mur seasadh òglach taghta, Maois,
fa chomhair, anns a' bheum :

A chum gu'n deant' a chorruih mhòr
a philleadh air a h-ais,
Eagal 'n a fheirg gu'n deanadh e
a phobull féin a sgrios.

24 Dhiùlt iad le tàir an tìr ro-mhaith ;
nìor chreid iad focal Dé :

25 'N am paillìunaibh rinn mionmhor mòr,
's d'a ghuth cha d'thug iad géill.

- 26 An sin 'n an aghaidh thog e 'làmh,
g'an sgrios 's an fhàsach lom :
- 27 A sgrios an sliochd measg fhineacha,
's ga'n sgaoileadh feadh gach fuinn.
- 28 Ri Baal-peor mar an ceudn',
naig siad iad féin gu dlùth :
Is dh'fith iad cuid do iobairtibh
nan iodhol marbh' nach fàh.
- 29 Bhrosnuich iad e mar sin gu feirg,
le'n innleachdaibh gu truagh ;
Is bhris a' phlàigh an sin gu mòr
a steach am measg an t-sluaigh.
- 30 Sheas Phinehas, is rinn e 'n ceart ;
'n sin sguir a' phlàigh d'an claidh :
- 31 Sud mheasadh dha mar fhìreantachd
o linn gu linn a chaoidh.
- 32 Aig uisge comh-stri Mheribah
bhrosnuich iad Dia a ris ;
Air chor, fa chùis a' phobuill ud,
gu'n d' éirich ole do Mhaois.
- 33 Oir rinneadh leo a spioradsan
a bhrosnachadh gu geur :
Ionuus gu'n d' labhair e an sin
gu cabhagach le 'bheul.
- 34 Na cinnich cha do sgriosadh leo
mar dh'àithn Iehobhah dhoibh :
- 35 Ach mheasg iad leis na fineachaibh,
is dh'fhòghluim iad an dòigh.
- 36 Do ìodholaibh nam fineacha
iad seirbhis rinn gu truagh :
Bha sud mar lìon 's mar ribe dhoibh,
le'n ghlacadh gu luath.
- 37 Seadh thug iad suas mar iobairtean
do dheamhnaibh 's dhealbhaibh bréig
Am mic 's an nigheana faraoon,
an aghaidh naomh-reachd Dhé.
- 38 Is fuil nan neòchiontach gu truagh
do dhòirteadh leo gun sgàth ;
B'i fuil am mac 's an nighean féin
a dhòirt iad gun chion-fàth,
- Do ìodholaibh Chanaain fòs
mar iobairt thug an sliochd ;
Mar sin do thruaillleadh leo an tìr,
le fuil gun truas gun iochd.
- 39 Is amhluidh sin le'n giùimharaibh
do thruaillleadh leo iad féin :
Chaidh iad air strìopachas o Dhia
le 'n innleachdaibh gu léir.
- 40 Fa 'n aobhar ud las corruich Dhé
r'a phobull féin gu teth :
Ionuus gu'n ghabh e gràin gu mòr
d'a oighreachd air gach leth.
- 41 Is amhluidh rinn e 'n tabhairt suas
do làmh nam fineach fiat' ;
Is thug thu dhoibh mar uachdarain,
an dream a dh'fhuathaich iad.
- 42 Rinneadh gu mòr an sàruchadh
le 'n naimhdeibh làidir treun' ;
Is leagadh iad gu h-ìosal sìos
fò'n làmh sud mar an ceudn'.
- 43 Gu minic thug e saorsa dhoibh ;
ach bhrosnuich iad e ris
Le'n combhairlibh, is leagadh iad
air son an ceannairc sìos.
- 44 Ach thug e 'n àmhghar mòr fainear,
tràth chualadh leis an glaoth ;
- 45 Is chùmhich e dhoibh mar an ceudn'
a chùmhnannt gràs-mhor caomh ;
Is ghabh e aithreachas a réir
mòr-shaoibhireachd a ghràis :
- 46 'S 'n an sealladhsan rinn braighde diubh
fluair e dhoibh iochd is truas.
- 47 Thusa Iehobhah mhòir ar Dia,
dean saoradh dhinn 'n ar feum,
Is dean, am measg nam fineacha,
ar tional leat gu léir :
Do t'ainm ro-naomh gu'n tugamaid
mor-bhuidheachas gu pailt :
Do ehliu 's do mholadh mòr faraoon
gu scinneamaid gu h-ait.
- 48 'S beannaicht' an Triath, Dia Israeil,
o chian nan cian gu bràth :
Abradh an sluagh gu léir, Amen !
molaibh-sa Dia a ghnàth.

SALM CVII.

- 1 **O** THUGAIBH moladh mòr do Dhia,
is buidheachas faraoon,
Oir tha e maith, 's mairidh gu bràth
a thròcair ghràs-mhor chaoin.
- 2 Pobull Iehobhah shaoradh leis,
labhradh mar so gun tàmh,
A' mhuinntir ud a bhuin e saor
a mach o làmh an nàmh :
- 3 Is as gach fearann is gach tìr
do chruinnicheadh iad leis,
O 'n àird an ear, 's o'n àird an iar,
o'n àirde tuath, is deas.
- 4 'S an fhàsach iad air seachran chaidh
an ionad falamh fas ;
Is bail' air bith cha d'fhuaradh leo
gu còmhnuidh ann no tàmh.
- 5 Oerach is ìotmhor bha iad fòs ;
chlaoidheadh an anam truagh.
- 6 Ghlaodh iad an sin ri Dia 'n an teinn,
shaor iad o'n àmhghar chruaidh.
- 7 Stiùir esan agus threuirich iad
air bealach ceart fa'n cois,
A chum gu'n rachadh iad fadheoidh
gu baile tàmh is fòis'.
- 8 O b'fhearr gu'm moladh daoine Dia
air son a mhaithais chaoin,
'S air son a bhearta iongantach
rinn e do chloinn nan daoine !
- 9 Oir ni e 'n t-anam miannach trom
a shàsachadh gun àirc,
'S an t-anam ciocrach lìonaidh e
le 'mhaithreas féin gu pailt.
- 10 An dream a shuidh an dorchadas,
is ann an dubhar bàis ;

- Fo chuibhreach ta an àmhghar truagh,
's an iarunn cruaidh an sàs ;
- 11 Air son gu'n robh iad ceannaireach
an aghaidh briathra Dhé,
'S air comhairle an Tì a's àird'
gu'u d'rinn iad tàir gu léir ;
- 12 Air sin an cridhe leag e sìos
le saothair is le péin ;
Thuit iad, is aon neach cha robh ann
g'an cuideachadh 'n am feum :
- 13 Ghlaodh iad an sin ri Dia 'n an aire,
dh'fhuasgail o'n teinn gu grad.
- 14 O'n dorchas bhuin, 's o dhubhar bàis,
's an cuibhreach bhris air fad.
- 15 O b'fhearr gu'm moladh daoine Dia
air son a mhaithéis chaoin,
'S air son a bhearta iongantach
rinn e do chloinn nan daoin' !
- 16 Chionn gu'n do bhriseadh leis le 'neart
ua geatan prais gu léir ;
Na stapuill iarum is na croinn
sgaoil esan as a chéil'.
- 17 Bha amadain le 'n cron 's le 'n lochd,
fo àmhghar goirt an sàs.
- 18 Bha 'n anam gabhail gràin do bhiadh,
's iad dlùth do dhorsaibh bàis.
- 19 Ghlaodh iad an sin ri Dia 'n am feum,
dh'fhuasgail o'n teinn gu grad.
- 20 Le 'fhocal rinn e 'n slànuchadh :
is shaor o'n sgrios air fad.
- 21 O b'fhearr gu'm moladh daoine Dia
air son a mhaithéis chaoin,
'S air son a bhearta iongantach
rinn e do chloinn nan daoin' !
- 22 Thugadh iad iobairt buidheachais
is cliu do Dhia na glòir' ;
Aithriseadh iad a ghnìomhara,
le subhachas is ceòl.
- 23 Luchd-loingeis théid air muir, 's a bhios
ri gnìomh an nigibh buan ;
- 24 Dhoibh sud is léir mòr-oibre Dhé,
's a mhiòrbhuilean 's a' chuan.
- 25 Air 'farrus, dùisgear leis a' ghaoth
gu h-àrd 's gu doinionnach :
Le 'n togar suas gu h-atmhor borb
a thonna garbh' fa seach.
- 26 Tha iad ag éirigh suas gu nèamh :
's a ris dol domhain sìos :
Ionnus gu'n d' leagh an anam truagh
le trioblaid chruaidh 's le sgìos.
- 27 Dol thuig' is uaith, gu tuisleach fòs,
amhluidh mar dhuin' air mhisg ;
Ionnus gu'n d' thréig gu buileach iad
gach gliocas bha 'n am measg.
- 28 Ghlaodh iad ri Dia 'n an teinn ; is shaor
e iad o'n trioblaid gheir.
- 29 Ghradh-chuireadh leis an stòirm gu feith,
's na tuinn 'n an tàmh gu léir ;
- 30 An sin the iad ro-ait, air son
gu bheil iad sàmhach beò :
- 'S gu'n d'thug e iad do'n chalachd sin,
's do'n phort bu mhiannach leo.
- 31 O b'fhearr gu'm moladh daoine Dia
air son a mhaithéis chaoin,
'S air son a bhearta iongantach
rinn e do chloinn nan daoin' !
- 32 Is fòs an coimhthional an t-sluaigh
àrd-mholar e gu mòr ;
'S an cruinneachadh nan scanair glie'
cliu thugar dha is glòir.
- 33 Ainliniche ni 'n am fasach lom,
tobair 'n an talamh cruaidh :
- 34 Tir bheartach ni e fàs, air son
mòr aingidheachd an t-sluaigh.
- 35 Am fasach tioram tionndaidh e
gu uisge tàmh nach gann,
'S gu tobair fìor-uisg' iompaichidh
am fearann tartanhor teann.
- 36 Do dhaoineibh ocrach bheir e sud
mar àite fois' is tàmh ;
A chum gu'n deasucht' caithir leo
chum còmhnuidh ann a ghnàth.
- 37 Chum craobhan fìor' a shuidheachadh,
is sìol a chur 's an fhonn,
A bheir a mach 's an aimsir cheirt
cinneas is toradh trom.
- 38 Bheannaich e fòs am pobull ud
is dh'fhàs iad lionmhor mòr ;
'S nìor leig e dhoibh dol air an ais
'n am feudail no 'n an stòr.
- 39 Lughdaichear iad gidheadh a ris,
is leigear iad gu bochd,
Le sàruchadh is àmhghar geur,
is doilgheas brònach goirt.
- 40 Air prionnsaibh dòirtear tarceis leis,
's an fhàsach mar an ceudn',
Cuiridh e iad air seachran fiar,
gun bhealach ann d'an cum.
- 41 'S o thrioblaid togaidh e am bochd,
's ni teaghlach dha mar threud.
- 42 Sud chi na fireana, 's bidh ait,
is druidear beul nam beud.
- 43 Cò iad tha glie, 's a bheir fainear
na nithe sud gu ceart ?
'S iad sin a thuigeas trèacar chaomh
is maithreas Dhé nam fearc.

SALM CVIII.

- 1 **M**O chridh' tha ann am fonn, a Dhé,
gu socair mar is còir ;
Is seinnidh mi gu ceòlmhor dhuit,
is molam thu le m' ghloir.
- 2 Mosglaidh, is éiribh grad an àird,
'shaltair 's a chlàrsach ghrinn ;
Mosglaidh mi féin, is éiridh mi
gu moch chum ceòl a sheinn,
- 3 O Thighearna Iehobhah mhòir,
measg chinneach, molam thu,
'S am measg an t-sluaigh gu h-urramach
àrd-seinnidh mi do chliu.

- 4 Oir tha do thrècair mòr os ceann
nan nèamha shuas gu léir:
Is ruigidh t'fhèirim mar an ceudn'
gu neultaibh àrd' nan speur.
- 5 Bi thusa, Dhé, os ceann nan nèamh
air t'àrdachadh gu mòr;
Is fòs os ceann gach uile thìr
togar gu sìor do ghloir.
- 6 A chum gu deanar fuasgladh leat
do d' phobull ionmhuinn féin,
O teasairg mi le d' ghairdean deas,
is freagar mi a'm' fheum.
- 7 'N a naomhachd labhair Dia nam feart:
bidh aoibhneas orm nach gam,
Air Sechem ni mi roinn gu ceart,
gleann Shucoir toimheac leam.
- 8 'S leam Gilead le dlighe cheirt,
Manasch 's leam gu beachd;
'S i treubh Ephraim neart mo chinn:
bheir Iudah mach mo reachd.
- 9 Is soitheach-ionmlaid Moab dhomh,
tilgeam thar Edom thruaigh
Mo bhròg: is ni mi caithream binn
thar Palestin le buaidh.
- 10 Cò bheir do 'n chaithir dhaingean mi?
's gu h-Edom bheir gu ceart?
- 11 Nach tusa, Dhé, le'n d' thréigeadh sinu?
's nach téid thu mach le'r feachd?
- 12 O thrioblaid tabhair còmhnuadh dhuinn,
oir 's dhomhain furtachd dhaoin'.
- 13 Trid Dhé ni sinne treubhantas:
's e shaltras naimhde fodh'm.

SALM CIX.

- 1 O DHIA, ta t'aobhar molaidh dhomh,
gu bailbh a'd' thosd na bi.
- 2 Oir beul nan daoi, 's nam fealltach tha
gnàth-fhosgailt' air mo thì:
Le teangaidh bhreugaich labhair iad
a'm' aghaidh-sa a ghnàth.
- 3 Chuairtich iad mi le briathraibh fuath':
chuir cath orm gun chion-fàth.
- 4 Air son mo ghaoil taid naimhdeil dhomh,
is mi ri urnuigh ghnàth.
- 5 Ole dhìol iad rium an éiric maith,
is fuath air son mo ghraidh.
- 6 Fear droch-bheirt cuir-sa os a cheann;
biodh Satan aig a dheis.
- 7 Urnuigh gu robh 'n a peacadh dha,
fagar am binn e ris.
- 8 Gearr gu robh 'aoid; is glacadh neach
oifig 's a dhreuchd gun iochd.
- 9 Gu'n robh a bhean 'n a ban-treabhaich,
's 'n an dilleachdain a shliochd.
- 10 Air seachran biodh a shliochd a ghnàth,
ag iarraidh déire' 'n am feum;
Is as an àitibh falamh fas
ag iarraidh bidh dhoibh féin.
- 11 Gu'n glacar fòs le luchd nam fiach
gach ni a bhuineas da:

- 'S a shaothair-san mar chobhartaich,
gu'm buineadh coigriche leo.
- 12 Na biodh neach ann ni trècair air;
na bitheadh fòs a h-aon
A ghabhas truas d'a shliochd, a bhios
'n an dilleachdain gun mhaoin.
- 13 Sgrios gu robh air a ghineil-san,
g'an sgathadh as gu léir;
Gu'n cuirear as an ainn air fad,
's an àl a thig 'n an déigh.
- 14 Aingidheachd 'aithriche gu'n robh
air chuimhn' aig Dia a ghnàth:
Is ciont' a mhlàthar mar an ceudn'
na cuirear as gu bràth.
- 15 Gu robh iad air an taisbeanadh
am fianuis Dhé do shìor;
A chum gu'n sgathadh e a mach
an iomradh as an tìr.
- 16 Oir dhearmaid e bhi trècaireach,
is shàruich e am bochd,
'S an t-ainnis, chum gu marbhadh e
neach 'g an robh cridhe goirt.
- 17 Mar thug e toil do mhallachadh,
mallaicht' biodh e gach là:
Is mar nach b'àill leis beannachadh,
na éireadh beannachd dha.
- 18 Amhluidh mar rinneadh leis e féin
a chuairteachadh gach àm.
Le h-eascant is le mallachadh,
ceart mar le trusgan teann,
'S amhluidh gu tigeadh sud gu beachd
mar uisge steach 'n a chom,
'S mar oladh druiddheadh sud gu geur
'n a clnàmhaibh féin gu trom.
- 19 Biodh sud mar eudach uime-san,
'g a 'fholach air gach tràth:
Is amhluidh mar an erios a bhios
'g a chrìoslachadh a ghnàth.
- 20 O'n Tighearna gu'n toirear sud
do m' naimhdeibh mar an duais,
'S do'n dream an aghaidh m'anam' ta
gnàth-labhairt uile gun truas.
- 21 Ach air mo chrann bi thusa, Dhé,
air sgàth d'ainm' uasail féin;
Do bhrìgh gu bheil do thrècair maith,
dean saoradh dhomh a'm' fheum.
- 22 Oir tha mi aim-beartach gu beachd,
is tha mi ainms lom,
A ta mo chridhe air a lot
an taobh a stigh de m' chom.
- 23 Is amhluidh ta mi gabhail seach
mar sgàil a' clàonadh sìos;
Air m'fhuadach' mar an locust truagh
thuig' agus uaitl a ris.
- 24 Mo ghluine ta air fàilneachadh,
aig mend mo thraisg a ghnàth;
Is m'fheòil aig diobhail sail' is sult'
air seargadh as a ta.
- 25 A'm' aobhar fochaid tha mi fòs
do'n aitim ud gu léir:

- Chràth iad an cinn gu fanoideach,
tràth sheall iad orm gu geur.
- 26 Fòir orm, a Thighearna mo Dhia;
a'd' thròcair cuidich mi
- 27 Gu'n tuig iad gur i so do làmh,
's gur tu rinn sud, a Dhé.
- 28 'N tràth bhitheas iad ri mallachadh,
beannaich-sa sinn gu pàilt;
Biodh orra nàir', air éirigh dhoibh
ach d'òglachsa biodh ait.
- 29 Gu robh iad air an cuairteachadh
m'uil' eascairde le nàir';
'S mar fhalluinn air an uachdar biodh
an amhludh féin le tàir.
- 30 Ach mise, ghnàth, àrd-mholaidh mi
Iehobhah Dia le m' bheall:
Is fòs, am measg a' choimhthionail,
cuididh mi 'chliu an céill.
- 31 Oir tha e leis an duine bhochd
'n a sheasamh air a dheis,
G'a theasairginn o'n dream le 'm bàill
'anamsan fhàgail ris.

SALM CX.

- 1 **T**HUBHAIRT Iehobhah rimo Thriath,
Bi d' shuidhe air mo dheis,
D' uil' eascairde gu'n cuir mi dhuit
'n an stòl fo bhonn do phàilt'.
- 2 A Sion cuiridh Dia a mach
slat-shuaicheantais do neirt.
'S am builsgéan d'eascairde gu léir
bi féin a'd' uachdran ceart.
- 3 Bithidh do phobull taghta féin
ro-thoileach mar is còir,
'S an là sin anns am foillsich thu
do chumhachda gu mòr:
Am mais' 's an sgéimh na naomhachd
o bholg na maidne moich, [ghrinn,
Mar dhealt a thig a nuas o nèamh,
tha d'òigridh iomarcach.
- 4 Do mhionnaich Dia Iehobhah mòr,
's chan aithreach leis gu'n d'rinn,
Réir orduigh mhaith Mhelchisedeic,
gur sagart thu gach linn.
- 5 An Tighearna ta air do dheis,
trom-bhuailear leis gu garg
Mòr rìghrean làidir cumhachdach,
's an là a lasas 'fhearg.
- 6 Bheir esan breth measg fhincachan,
lìonaidh gach àit gu fìor
Le corpaibh marbh': is lotar leis
na h-uachdrain thar gach tìr.
- 7 Is anns an t-slighe òlaidh e,
deoch as na sruthaibh luath';
Is air an aobhar ud fa-dheòidh
togaidd e 'chcamn le buaidh.

SALM CXI.

- 1 **M**OLAI BHSE Dia, sìor-mholams' o
le m'uile chridh' gu h-àrd;
An coimhthional nam fìrean còir,
's a' chuideachd mhòir 's gach àit.

- 2 Tha gnìomharan an Tighearna
iomarcach mòr gu léir;
Is leis an dream le'n tlachdmhor iad,
ramsaichear iad gu geur.
- 3 Tha 'obair-san ro-urramach,
ro-ghlòrmhor i gun cheisd;
Tha fìreantachd Iehobhah fòs
buan mhaireannach am feasd.
- 4 A ghnìomhara ro-iongantach,
air chuimhne chuir gu beachd:
A ta Iehobhah gràsmhor caoin,
is làn do thruactachd.
- 5 Thug esan biadh is lòn do'n dream
d' an eagal e a ghnàth,
'S a choimhcheangal a rinn e leo
cuimhnichidh e gu bràth.
- 6 Neart 'oibre iongantach chuir Dia
an céill d'a phobull féin;
A thabhairt doibh mar sheilbh gu buan
oighreachd nan sluagh gu léir.
- 7 Fìrinn is ceartas gnìomh a làmh;
'uil' àitheantan tha fìor.
- 8 Deanta le ceartas fìrinneach;
taid seasmhach buan do shìor.
- 9 Shaoradh le Dia a phobull féin;
is dh'orduigh e am feasd
A choimhcheangal: tha 'ainm-san naomh
is urramach gun cheisd.
- 10 Se tùs a' ghliocais eagal Dé,
tha deadh thuigs' aig an dream
Le'n coimhlìonar a reachdasan:
maividh a chliu gach àm.

SALM CXII.

- 1 **O** THUGAIBH moladh mòr do Dhia:
's beannaicht' an ti gu beachd
D' an eagal Dia, 's a ghabhas toil
gu mòr d'a lagh 's d'a reachd.
- 2 Bidh 'shliochdsan làidir anns an tìr,
's ro-bheannaicht' sìol nan saoi.
- 3 Bidh maoin is saoihbreas mòr 'n a thigh
bidh 'cheartas buan a chaoidh.
- 4 Tràth bhitheas saoi an dorchaas,
'n sin éiridh solus da:
Tha e fìor-ghràsmhor tròcaireach
is cothromach a ghnàth.
- 5 Is truacant' fòs, deadh-choingheallach,
an duine maith a chaoidh;
Is bheir leis gu seolta glic
a ghnòthuiche gu crìch:
- 6 Gu dearbh cha tig aon ni am feasd
le'n gluaisear e gu mòr;
Ach cuimhn' is iomradh maith a chaoidh
bidh air an fhìrean chòir.
- 7 Is airsan cha bhì faiteachas,
air cluinntinn dha droch-sgéil;
Tha 'chridhe socrach muinghinneach
an Dia Iehobhah treun.
- 8 Tha 'chridhe air a shocrachadh,
cha bhì air geilt no fiamh,

- Gu ruig an uair am faicear leis
air eascairdibh a mhiann.
- 9 Sgaoil e a chuid, is thug do'n bochd
's buan 'fhìreantachd an feasd;
Bidh 'adharc air a h-àrdachadh
le urrañ mòr gun cheisd.
- 10 Cràdhar an daoi, tràth chi e so,
casaidh e 'fhiacra geur',
Seargaidh e as: is sgriosar miann
nan aingidh ud gu léir.

SALM CXIII.

- 1 **M**OLAIBHSE Dia, O molaibh e,
òglacha dileas Dé;
Ard-mholaibh fòs gu h-urramach
dead aium Iehobhah thréin.
- 2 Ainm Dhé biodh beannaichte gu mòr,
o'u àm so is gu bràth.
- 3 O éirigh gu ruig luidhe gréin',
aium Dhé iou-mholta ta.
- 4 'S àrd thar gach tir Iehobhah mòr,
's a ghloir thar nèamha fòs.
- 5 Co 's coimeas ris an Tighearna
ar Dia, ta còmhnuidh shuas?
- 6 'S esan an neach a chromas sìos,
's a dh'islicheas e féin,
Dh'auharc gach ni 's an talamh ta,
's an nèamhaibh àrd' nan spur.
- 7 Togaidh e 'n deòradh truagh o'n dus;
's am bochd o'n òtrach bhreun;
- 8 'Gan cur 'n an suidh' le prionnsaibh àrd';
le prionusaibh 'phobuill féin.
- 9 Bheir e do'n mhnaoi a ta gun sliochd
tigh còmhnuidh teachlaich mhòir';
Gu bhi 'n a màthair aoihbheach mbac.
Molaibhse Dia na glòir'.

SALM CXIV.

- 1 **A**IR teachd do Isra'el as an Eiph't,
's do Jacob mach o'n dream
'Gan robh an cainnt ro-chruaidhis dhorch
aig coimhicheas an teang'.
- 2 Bha Iudah dha mar còmhnuidh naomh,
bu rìoghachd Isra'el leis.
- 3 Air faicinn sud, ghrad-theich an cuan;
sruth Iordain phill air ais.
- 4 Mar reithe bras leum beanuta suas;
leum cnocan beag' mar uain:
- 5 Iordan, c' arson a phill air d'ais?
c' arson a theich thu, chuain?
- 6 C'arson a leum sibh, shléibhte àrd',
mar reithe meargant bràs?
C'arson, mar uain nan caorach fòs,
a leum sibh, chnoca glas'?
- 7 O thalaimh, criothnaich fòs le geilt,
roimh ghnùis Iehobhah mhòir;
O criothnaich fòs le geilt roimh ghnùis,
Dhé Iacobi mar is còir!
Oir thionndaidh e an aillbhinn theann
gu loch do uisge tàimh,
'S a' charraig chruaidh gu tobar uisg',
le cunhachdaibh a làimh'.

SALM CXV.

- 1 **D**HUINNE cha-n ann, a Thriath, cha-n
ach do d'ainm usal féin. [ann,
Tabhair an clin 's a' ghloir, air sgàth
do ghràis is d'fhìrinn réidh.
- 2 C' arson a theircadh fineacha,
c'àit bheil an Dia a nis?
- 3 Ar Dia a ta air nèamh, is rinn
gach gnìomh bu toileach leis.
- 4 An òdhoil 's airgiod iad is òr,
guìomh làmbha dhaoine féin.
- 5 Tha béil ac' leis nach labhair iad;
is sùilean, leis nach léir.
- 6 Tha cluasan ac', 's cha chluin iad leo;
is sròin', gun fhàile annt'.
- 7 An làmh gun chli, an cos gun cheum;
an scornan gun smid chainnt'.
- 8 Iadsan a dhealbha 's a ghéilleas doibh,
's ro-chosmhuil iad riu féin.
- 9 O Isra'el, deansa bun a Dia;
'se 'n sgiath, 's an còmhnaidh treun.
- 10 Thigh Aaron, O dean bun a Dia;
'se 'n còmhnaidh, is an sgiath.
- 11 Luchd-eagail Dé, làn-carbaibh as:
an sgiath 's an neart 'se Dia.
- 12 Iehobhah Dia bha cuimhneach oirnn;
beannaichidh e sinn féin;
Beannaichear leis tigh Israeil,
's tigh Aaron mar an ceudn'.
- 13 Na big 's na mòir d'an eagal Dia,
beannaichidh e gu caoin.
- 14 Cuiridh e sibh au lìomhoireachd,
sibh féin 's 'ur sliochd faraon.
- 15 Is beannaicht' sibh o'n Tighearna,
rinn nèamh is làr gu léir.
- 16 An talamh thug do chloinn nan daoine';
's leis féin àrd nèamh nan spur.
- 17 Na mairbh, no'n dream théid tosdach
do'n uaigh, cha mhol iad Dia. [sìos
- 18 Ach molar leinn e nis, 's gu bràth.
Molaibh gu h-àrd an Triath.

SALM CXVI.

- 1 **I**S toigh leam Dia, air son gu'n d'éisd
ri m' ghuth, 's ri m' urnuigh fòs.
- 2 A chionn gu'n d'aom e rium a chluais
sior-éigheam ris ri m' bheò.
- 3 Chaidh umam dòruinn geur a' bhàis,
ghlac piantan ifrinn mi:
Theann-ghlacadh mi le trioblaid thruaigh,
is àmhghar cruaidh do m' chlaoidh.
- 4 Air ainm Iehobhah ghair mi 'n sin;
(mar so a' labhairt ris),
O Dhia mo Thighearn, guidham ort,
saor m' anam bochd a nis.
- 5 A ta Iehobhah gràsmhor, ccart;
's is tròcaireach ar Dia.
- 6 'S e ghleidheas daoine simplidh ciùin':
lag bha mi, 's dh'fhòir an Triath.
- 7 O m'anam, feuch gu'm pill thu nis,
gu d' shuaimhneas is gu d' thanh;

- Oir dheònuich Dia gu saoi bhir dhuit
mòr thoirbheartas a làimh'.
O ghàbhadh is o chunnart làis
shaor thusa m'anam bochd;
Mo chosan shaor o shleamhnachadh,
's mo shùil o dheuraibh goirt'.
- 2 An sealladh Dhé, an tìr nam beò,
gu dìreach gluaisear leam.
- 10 Do bhrìgh gu 'n chreid mi, labhair mi;
's mi air mo chlaoidh gu trom.
- 11 A'm' dheifir thubhairt mi mar so;
'S breugach gach duin' air bith.
- 12 Cìod dh' iocas mi do Dhia, air son
na rinn e dhomh do mhàith?
- 13 Cupan na slàinte glacar leam,
air ainm Dhé gaiream féin.
- 14 Iocam mo bhòid do Dhia, a nis
an làth'r a shluaigh gu léir.
- 15 Aig Dia 's ro-phriseil bàs a naomh.
- 16 Dhé, d'òglach 's mi gu beachd;
'S mi d'òglach, mac do bhanogach;
mo chuibhreach sgoileadh leat.
- 17 Bheir mise ìobairt-molaidh dhuit;
air ainm Dhé gaiream féin.
- 18 Iocam mo bhòid do Dhia, a nis
an làth'r a shluaigh gu léir.
- 19 An cùirtibh àluinn a'ois Dé,
a'd' bhuilsgaon féin gu fìor,
O chaithir àrd Ierusalem.
Molaibh an Triath gu sior.

SALM CXVII.

- 1 O THUGAIBH moladh mòr do Dhia,
gach fine 'ann fa leth;
Seadh molaibh Dia gu fonnhor àrd,
gach uile shluaigh air bith.
- 2 Oir 's mòr a chaoimhnas tròcaireach,
a dheònuich e dhuinn féin;
Tha fìrinn Dé sior-mhaireannach.
Molaibh Iehobhah treun.

SALM CXVIII.

- 1 O MOLAIBH Dia, oir tha e maith,
sior-mhairidh tròcair Dhé;
- 2 Abradh clann Israeil a nis,
gur buan a ghràs gach ré.
- 3 Tigh Aaron abradh iad a nis,
sior-mhairidh tròcair Dhé.
- 4 Abradh an dream d'an eagal Dia,
gur buan a ghràs gach ré
- 5 A'm' éigin ghair mi air an Triath:
fhreagair e mi gu deas,
An ionad farsuinn agus réidh
shocruch e mi le treis.
- 6 Tha Dia Iehobhah air mo chrann,
cha-nagal leam a ehaidh,
Aon ni a dh'fheadas clann nan daoine
a dheanamh orm ga m' chlaoidh.
- 7 Measg luchd mo chuideachaidh tha Dia
a' scasamh leam gu beachd:
Air luchd mo mhi-ruin, uime sin,
chi mi mo mhian a' teachd.

- 8 'S fearr na bhì 'g carbs' á duine beò,
ar dòchas chur an Dia.
- 9 'S fearr na bhì 'g carbs' á prionnsaibh mòr',
ar dòchas chur 's an Triath.
- 10 Do chuairtich umam air gach làimh
na dùthchanna gu léir:
Ach sgatham agus sgriosam iad,
an ainm Iehobhah thréin.
- 11 Do chuairtich iad mi air gach taobh,
chuairtich iad mise fòs;
Ach sgatham agus sgriosam iad
an ainm Iehobhah mhòir.
- 12 Mar bheachaibh chuairtich iad, ach
iad as mar theine dris; [chaidh
Oir ann an ainm Iehobhah thréin
ni mi gu léir an sgrios.
- 13 Ga m' leagadh, theann thu orm gu dlùth;
ach chuidich leamsa Dia.
- 14 'Se Dia mo cheòl, 's mo shlàinte fòs,
is e mo threòir an Triath.
- 15 Guth gairdeachais is slàinte ta
am pàillunaibh nan saoi:
Deas lamh Ichobhah uile thréin
fhuaradh gu treubhach i.
- 16 Ta gairdean deas an Tighearna
air àrdaeadh gu mòr;
Is rinneadh bearta treubhantais
le deas làimh Dhé na g'oir'.
- 17 Cha-n fhaigh mi bàs, ach maiream beò,
is innseam oibre Dhé.
- 18 Throm-smachdaich Dia mi, ach gu bàs
cha d'thug e thairis mi.
- 19 O fosglaidh dhomh gu farsuinn réidh
geatan an ionracais:
Is racham orrasan a steach;
Ichobhah molaidh mis'.
- 20 So dorus Dé, air 'n téid a steach
na daoine còire naomh'.
- 21 Sior-mholam thu, oir chual' thu mi;
is tu mo shlàinte chaomh.
- 22 A' chlach a dhiùlt na clachairean,
clach-chinn na h-òisinn i.
- 23 'S e Dia rinn sud, 's ro-iongantach
'n ar sùilbhi-ne an gnìomh.
- 24 So féin an là a dh'orduich Dia,
's an bi sinn suilbhir ait.
- 25 Fòir, guidheam, guidheam ort, a Dhé;
na seoirbhich leinn gu pailt.
- 26 Beannaicht' gu robh an neach a thig
an ainm Iehobhah thréin:
Thug sinne beannachd oirbhe mach,
á tigh Iehobhah féin.
- 27 'S e Dia Iehobhah dhealraich oirnn
ceanglaibh le cordaibh cruaidh,
Ri adharcaibh na h-altair' naoimh',
an ìobairt bheir sibh uaibh.
- 28 'S tusa mo Dhia, is molam thu:
àrdaicheam thu, mo Dhia.
- 29 O molaibh Dia, oir tha e maith
sior-mhairidh gràs an Triath.

SALM CXIX.

ALEPH.

- 1 **S** BEANNAICHT'an dream tha foirfe
's an t-slighe dhìrich cheirt; [glan
An dream a ghluaisas ann an lagh
àrd-Thighearna nam feart.
2 'S beannaicht' an aitim ud faraoon
le 'n coimhdear teistes Dé,
'S a dh'iarras e gu dìchiollach,
le 'n uile chridhe féin.
3 'Na shlighibhsan sior-ghluaisear leo,
's cha dean iad aingidheachd.
4 Dh'àithn thu dhuinn gu coimheadamaid
gu dìchiollach do reachd.
5 O stùir mo cheum, 's gu coimhdear leam
do reachda dìreach féin!
6 Cha ghabh mi nàir', tràth bheir mi spéis
do d'àitheantaibh gu léir.
7 Le cridhe treibhdhireach gun ghò
mòr-mholam thu gu binn,
Tràth dh'fhòglumas mi breitheanais
do cheartais naomha ghrinn.
8 'S e so mo rùn gu coimhdear leam
do reachda naomh a ghnàth:
O Thighearna, na tréig-sa mi
gu buileach no gu bràth.

BETH.

- 9 Ciod leis an glan an t-òganach
a shlighe féin gu ceart?
Trid faicill mhaith is furachrais,
réir d'fhocail is do reachd.
10 Le m'uile chridhe féin, a Dhé,
dh' iarradh leam thu gu caomh;
Na leig dhomh dol air seacharan
o d'àitheantaibh ro-naomh.
11 Air eagal peacaidh, dh'fholuich mi
a'm' chridhe d'fhocal ceart.
12 O teagaisg dhomh do reachda naomh':
's beannaicht' thu, Dhia nam feart.
13 Le m' bhlilbh, breitheanais do bhéil
nochd mi air fad 's air leud.
14 Slighe do theisteis b'aoibhnic' leam,
na saobhreas mòr d'a mheud.
15 Socraichidh mi mo smuaineachadh
air àitheantaibh do reachd;
Air ceumannaibh do shlighe féin
sior-dhearcaidh mi le beachd.
16 Gabhaidh mi tlachd is ciata mhaith
do d' statuisibh gu léir:
Air dearmad fòs cha leig mi chaoidh
deadh fhocal glan do bhéil.

GIMEL.

- 17 Riumsa ta mòglach dhuit, a Dhé,
dean toirbheartas gach àm;
A chum gu bithinn beò, is fòs
gu'n coimhdear d'fhocal leam.
18 Fosgail mo shùilean, 's chi mi 'n sin
mòr-iongantaibh do reachd.
19 'S coigreach air thalamh mi; na cèil
orm d'àitheanta ro-cheart.

- 20 Tha m'anam briste brùite stigh:
is muldach a ghnàth;
Aig meud mo thograidh is mo mhian
do d'bhreitheanais gach tràth.
21 Luchd-mabhair mhallaicht' smachdaich
a chlaon o d'iarrtus ceart. [thu,
22 Cuir spid is masladh fada uam,
oir choimhdear leam do reachd.
23 A'm' aghaidh labhair prionnsan mòr',
air snidhe dhoibh le chéil:
Ach air do statuisibh ro-naomh
do smuainich d'òglach féin.
24 A ta mi 'gabhail tlachd gu mòr
do theisteis naomha féin;
Is mar an ceudna tha iad dhomh
'n an comhairlich a'm' fheum.

DALETH.

- 25 Tha m'anam 'leantuinn ris an ùir:
réir d'fhocail beothaich mi.
26 Nochd mi mo shlighe, is dh'éisd thu rium
seòl dhomh do lagh, a Dhé.
27 Air slighe fhior-ghloin d'àitheanta
thoir dhomhsa tuigse gheur;
Mar sin air d'oibribh iongantach
labhram, 'g an cur an cèil.
28 Tha m'anam leaghadh as le bròn:
réir d'fhocail deònuich neart.
29 Cur slighe bhreugach fada uam;
a'd' ghràs thoir dhomh do reachd
30 Slighe na firinn foirfe gloin,
is i bu roghainn leam:
Is chuir mi do cheart bhreitheanais
fa m' chomhair féin gach àm.
31 Leas mi gu dlùth 's gu faicillcach
ri d' theisteis naomha féin:
Na cuir gu h-amhladh nàire mi,
O Thighearna ro-thréin.
32 An slighe fhior-ghloin d'àitheanta
sior-ruithidh mi le tlachd;
Tràth nithear leat mo chridhe teann
a chur am farsuinneachd.

HE.

- 33 Slighe do statuin teagaisg dhomh,
O Dhia Iehobhah thréin.
Is coimhdeam i gu dìchiollach,
gu crìch mo shaoghail féin.
34 Tuigs' agus eòlas tabhair dhomh,
is coimhidh mi do reachd;
Is fòs le m'uile chridhe féin
coimhdear leam e gu beachd.
35 An ceum do lagh' thoir orm bhi triall
oir leam 's ro-tlachdmhor e.
36 Gu d' theisteis naomh', 's cha-n ann gu
mo chridhe lùb, a Dhé. [sànt
37 Mo shùile pill mu'n amhaire mi
air dìomhanas gun stà:
Ach ann do shlighibh naomha féin
ath-bheothaich mi a ghnàth.
38 O daingnich d'fhocal firinneach
do d'òglach féin gu mòr;

Do'n neach thug suas e féin air fad
do d'cagal mar is còir.

- 39 P'ill uam an nàir a's eagal leam ;
oir 's maith do bhrèth, a Dhé.
40 Feuch, 's miannach leamsa d'aitheanta :
a'd' cheartas beothaich mi.

V. VAU.

- 41 Thigeadh do thròcair mar an ceudn'
a m'ionnsuidh féin, a Dhé ;
Do chomhfhurtachd, 's do shlàinte
a réir do gheallaidh féin. [chaomh,
+2 Mar sin do'n neach bheir masladh dhomh,
bidh agam freagradh deas :
Oir ann ad fhocal firinneach
mo dhòchas cuiridh mis'.
43 Focal na firinn na buin leat
gu h-iomlan as mo bheul ;
Oir ann ad bhreitheanais ro-cheart
a ta mo dhòchas féin.
44 Mar sin gu suthain is gu sior,
gnàth-choimhridhidh mi do reachd.
45 Air son gu'n iarram d'aitheanta,
gluaiseam am farsuinneachd.
46 Ri righribh labhran air do theist,
gun amhluidh orm no sgàth.
47 Is gabham tlachd do d'aitheantaibh,
's ann doibh a thug mi gràdh.
48 Ri d'aitheantaibh d'an d' thug mi toil,
togam mo làmh a' :
Is ann ad statuisibh ro-naomh
bithcam ri cnuasachd ghéir.

V. ZAIN.

- 49 Cuimhnich am focal ud, a Dhé,
do d'òglach féin a nis,
Thug thu mar bharrant dòchais dhomh,
's thug orm gu'n d'earb mi ris.
50 'S e so mo chomhfhurtachd ro-mhòr
a'm' theinn 's a'm' àmhghar geur :
Oir rinn do bhriathar firinneach
m'ath-bheothachadh gu treun.
51 Bha mi mar aobhar fanoid mhòir
aig daoineibh àrdanach ;
Gidheadh cha d' aom mi o do lagh,
le clonadh seachranach.
52 Do bhreitheanais a ta o chian,
chuimhnich mi, Dhia, gu léir :
Is glhac mi thugam féin an sin
deadh chomhfhurtachd a'm' fhèum.
53 Air son gu'n d' thréig an daoi do lagh,
ghlac uamhunn mi gu mòr.
54 An tigh mo chuairt is m'eil-thire,
do statuin b'iad mo cheòl.
55 Chuimhnich mi d'aoinn 's an oidhche', a
is choimheadh leam do reachd. [Dhé,
56 B'e so mo chuid, oir choimhid mi
d'iarrtuais, a Dhé, gu beachd.

F. CETH.

- 57 Mo chuibhrioun is mo chrannchur thu,
O Thighearn is e Dhé ;

Le gealladh cinnteach thubhairt mi,
gu coimhdinn d'fhoel féin.

- 58 Le m'uille chridhe dh'iarr mi ort
do ghuais 's do ghrasa saor :
A réir do bhriathar fhirinnich,
dean tròcair orm gu caoin.
59 Do chnuasaich mi mo shlighe féin,
's ri d' theisteach phill mo chos.
60 Rinn deifir choimhead d'aitheanta,
's nior ghabh mi tàmh no fois.
61 Chreach buidheann aingidh mi ; gidheadh
nior dhearmaid mi do reachd.
62 Eiream mu mhcadhon oidhche, chum
gu molam do bhrèth cheart.
63 'S fear-comuinn mi is companach
do n' dream d'an eagal thu ;
'S do 'n aitim ud a choimhdeas fòs
d'fhiòr-aitheantan gu dlùth.
64 A Thighearna, tha'n talamh làn
do d' ghràs 's do d' thròcair chaoimh :
'Tuigs' agus eòlas tabhair dhomh
'd' statuisibh ro-naomh.

Z. TETH.

- 65 Do d'òglach rinn thu maith, a Dhé,
a réir do bhriathar cheirt.
66 Deadh thuigs' is eòlas teagaisg dhomh,
oir chreid mi féin do reachd.
67 Mun robh mi 'n teinn, air seachran
ach d'fhocal gléidh mi nis. [chaidh
68 'S maith thus', is nithear maitheas leat :
a'd' statuin teagaisg mis'.
69 A'm' aghaidh luchd an àrdain bhuirb
dhcalbh breuga baoth le chéil :
Ach gleidhidh mise d'aitheanta
le m' chridhe féin gu léir.
70 Tha 'n cridhe-san co reamhar fòs,
ri saill aig meud an sògh :
Ach gabhaidh mise tlachd dhomh féin
a'd' laghsa, Dhé, gach lè.
71 'S maith dhomhs' a nis gu robh mi féin
an teinn 's an àmhghar geur,
A chum gu fòghlumainn le beachd
do statuin cheart gu léir.
72 'S fearr dhomh gu mòr an lagh a ta
a' teachd o d' bheul a mach,
Na mìlte mòr do'n airgidh ghlan,
's do'n òr a's deirge dreach.

I. IOD.

- 73 Do rinn, 's do dhcalbh do làmh an mi ;
dean tuigseach mi d'a réir.
A chum gu faighinn eòlas maith
Air d'aitheantaibh gu léir.
74 Tràth chi luchd d'eagail mi, b'i'd ait :
oir dh' earb mi as do theist.
75 Dnia, 's ceart do bhreitheanais, 's le còir
leòu thusa mi gun cheisd.
76 Dhé, guidheam, ort, do thròcair chaoimh
bhi dhomh mar chomhfhurtachd :
A réir an fhocail labhair thu
ri d'òglach féin gu beachd.

- 77 O thigeadh thugam féin a nis
do thròcar chaomh, a Dhé,
Ga m' chunail beò : oir 's e do lagh
mo thlachd 's mo mhiann gach ré.
- 78 Biodh nàir' air luchd an àrdain mhòir,
bhuin riumsa, gun chion-fàth,
Gu fealltach fiar ; ach smuainicheam
air d'aitheantaibh a ghnàth.
- 79 Pilleadh luchd d' eagail rium, 's an dream
ta eòlach air do theist.
- 80 Gu robh mo chridhe ceart a'd' reachd,
nach nàraichear mi 'm feasd.

C. CAPH.

- 81 Tha m'anam air a chlaoidh gu mòr,
feitheamh do shlàinte, Dhé :
Ach tha mo dhòchas bunaiteach
a' d' fhocal tairis féin.
- 82 A' feitheamh d' fhocail chaith mo shùil :
furtachd, O c'uin a ni ?
- 83 Oir taim mar shearraig anns an toit ;
's do reachd nior dh'earmaid mi.
- 84 Cia lion iad làithean d'òglaich féin ?
is fòs, a Dhé, cia uair
Chuireas tu breitheanas an gnìomh
Gu ta orms' an tòir ?
- 85 An dream ta làn do 'n àrdan bhorb,
chladhaich iad dhomh gu beachd
Sluichd dhomhain, chum mo ghlacadh
nach robh a réir do reachd. [leo,
- 86 An tòir gu fealltach tha iad orm ;
Dhé, cuidich leam gu grad :
Oir tairis agus frinneach
tha d'aitheantan air fad.
- 87 Air talamh chaidh ach beag mo chlaoidh ;
nior thréig mi d'iartus naomh.
- 88 'S gu'n coimhdinn teisteanas fìor do bhéil,
ath-bheothaich mi gu caomh

B. LAMED.

- 89 Tha d'fhocail bunaiteach gu bràth,
's na nèamhaibh àrd, a Dhé :
- 90 Tha d'fhìrinn is do thairisneachd
buan-nihaireannach gach ré :
Do dhàingnicheadh an talamh leat,
's na sheasamh tha d'a réir.
- 91 Taid buan an diugh réir d'orduigh féin ;
do mhuinntir iad gu léir.
- 92 Mur bhith gu 'n ghabh mi ciata mlòr
do d'fhocal frinneach,
Ghrad-fhàilnichinn is gheibhinn bàs
a'm' àmhghar iomarcach.
- 93 D'iarrtuis cha d'chumhnic mi chaoil ;
oir bheothaich thu mi leo.
- 94 'S leat mi, fòir orm ; oir dh'iarr mi féin
d'aitheanta-sa gach lò.
- 95 Bha luchd an uile gu furachar
ga m' fheitheamh chum mo sgrios ;
Ach air do theisteanas frinneach
le m' smuaintibh dearcadh mis'.
- 96 Chunnaic mi crìoch gach ni a ta
sa' bheatha so d' a mheud ;

Ach d'aithne tha gun tomhas fòs
aig farsuinneachd is leud.

D. MEM.

- 97 Cia ionmhuinn leam do laghsa, Dhé !
mo smuaineach' e gach là.
- 98 Thar m'earcar thug thu gliocas dhomh
le d' reachd, ta leam a ghnàth.
- 99 Is tuigsich' mi n'an aitim ud
thug teagasg dhomh gu léir ;
Blàrigh gur ann air do theisteanas naomh
taim smuaineachadh gu geur.
- 100 Taim tuigseach eagnuidh fòs os ceann
gach scanair anns an tìr :
Air son gun choimheadh leam gu
iarrtuis do reachd gu fìor. [beachd
- 101 Phill mi mo chos o ròd gach uile,
gu'n coimhdinn d'fhocal ceart.
- 102 Nìor chlaon mi fòs o d' bhreitheanas ;
oir theagaisgeadh mi leat.
- 103 Le m' bhlas cia milis, O mo Dhia,
do bhriathra ceart gu léir !
do m' chàirean 's mìlse iad gu mòr
na mìl air feadh mo bhéil.
- 104 Tre d'aitheanta taim faghail fòs
tuigs' agus eòlais mhaith ;
Is uime sin 's ro-fhuathach leam
gach slighe cham air bith.

E. NUN.

- 105 Is lèchran d'fhocal féin do m' chois,
solus do m' cheum gu beachd.
- 106 Do mhionnaich mi, 's ni mi d'a réir :
gu'n coimhdinn féin do reachd.
- 107 Tha mis' an trioblaid iomarcach,
O Thighearna nam feart :
A réir an fhocail labhair thu,
ath-bheothaich mi le d' neart.
- 108 Gabh uam gu taitneach, guidheam ort,
ofraill mo bhéil a nis,
A bheir mi dhuit gu toileach saor ;
stùir mi a'd' bhreitheanas.
- 109 Tha m'anam bochd a'm' làimh a ghnàth :
ach chumhnic mi do reachd.
- 110 Leag droch dhaoin' romham lion ; gidh-
nìor chlaon o d'iarrtus ceart. [eadh
- 111 Do theisteis fhìor ghabh mise féin
mar in' oighreachd bhuan am feasd ;
Oir 's iad a bheir do m'chridhe leòint'
mòr-shubhachas gun cheisd.
- 112 Dh'aom mi mo chridhe fòs a chum
gu deanar leam a ghnàth,
Do statuin cheart a chur an gnìomh,
o so a mach gu bràth.

F. SAMECH.

- 113 Is fuath leam smuainte dìomhanach ;
do d' reachd ach thug mi gràdh.
- 114 'S tu m' ionad-foluich, 's tu mo sgiath :
à d'fhocal m' carbsa ta.
- 115 O sibhs' a chleachd bhì deanamh uile,
imichibh uam a nis ;

- Oir àitheanta mo Thighearna
le cùram coimhdidh mis'.
- 116 Réir d'fhocail dean mo chumail suas,
a chum gu mairinn beò;
'S na leig fo nàire mi, fa chùis
mo dhòchais féin gach lò.
- 117 Ncartaich mi, 's tearnaidh mise slàn;
sior-dhearcam air do reachd.
- 118 Shaltair thu air na chlaon o d' lagh;
oir 's breug am feall gu beachd.
- 119 Mar shal droch-mhiotail tilgear uait
gach daoib' air thalamh ta:
Is uime sin 's ro-chaomh leam féin
teisteis do bhéil a ghnàth.
- 120 Do chrìothnaich m'fheòil fa'n eagal ud
a ghabh mi romhad féin;
Is lìonadh mi le uamhunn fòs,
fa d' bhrèitheanais gu léir.
2. AIN.
- 121 Rinn mi breth chothromach; na ràg
fo iochd luchd m' fhòirneirt mi.
- 122 Air d'òglach 'n urras bi chum maith;
na leig luchd-buirb do m' chlaon-lh.
- 123 Mo shùilean tha air fàilneachadh
feitheamh do shlàinte, Dhé;
'S a' feitheamh gus an coimhlionar
deadh bhriathar ceart do bhéil.
- 124 Rì d'òglach buin a réir do ghràis,
seòl dhomh do lagh gu beachd.
- 125 'S mi d'òglach, tabhair eòlas domh,
gu'n tuiginn féin do reachd.
- 126 'S mithich dhuit gnòmh a thaisbeanadh,
a Dhé Iehobhah thréin:
Oir sgaoileadh agus bhriseadh leò
d'aitheanta naomh' gu léir.
- 127 Fa'n aobhar ud, O Thighearna,
gu dearbh is ionmhuinn leam
D'aitheanta féin os ceann an òir,
an òir a's fearr a' t'ann.
- 128 Measam d'uil'-iarrtuais, uime sin,
bhi anns gach aon uil' ceart;
Is fuathach fòs le m' ehiridhe féin
gach slighe bhréig' gu beachd.
2. PE.
- 129 Tha d'fhocal is do theisteis féin,
a Dhé, ro-iongantach:
Is uime sin ni m'anam bochd
'n coimhead gu cùramach.
- 130 Bheir tionnsgnadh d'fhocail solus maith
rì dol a stigh 'n a phàirt;
Do dhaoibh simplidh aineolach,
do bheir e eòlas àrd.
- 131 Gu farsuinn dh'fhosgail mi mo bheul,
a' ploscartaich gu mòr:
Fa mheud mo thoil' do d'aitheantaibh
bhiom muladach gu leòr.
- 132 Seall agus amhaire orm, a Dhia,
dean tròcair orm gu eòmh;
Mar rinneadh leat a ghnàth do'n dream
le'm b'ionmhuinn d'ainm ro-naomh.

- 133 Peacadh na biodh an uachdar orm;
a'd' fhocal stiùir mo cheum.
- 134 O fhòirneart dhaoine teasaig mi;
is coimhdeam t'iarrtuais féin.
- 135 Dealradh do ghnùis' air d'òglach tog,
seòl dhomh do statuinn cheart.
- 136 Ruith srutha dheur o m' shùilibh fòs,
air briseadh leo do reachd.
2. TSADDI.
- 137 'S ro-chothromach thu féin, a Dhé,
's is dìreach réidh do bhrèth.
- 138 Do theisteis dh'aitheann thu dhuinn, a ta
ro thairis ceart gach leth.
- 139 Do rinn mo ghràdh is m'èud ro-mhòr
mo chaitheadh as gu léir;
Do bhrìgh gu'n dhearmaid m'eascairde
deadh bhriathra ceart do bhéil.
- 140 'S ro-fhìorghlan d'fhocal; uime sin
's ionmhuinn le d'òglach e.
- 141 Taim suarach beag, gidheadh do reachd
air dichuimhn' nìor leig mi.
- 142 Do cheartas féin is ceartas e
ta sìorruidh buan gu bràth;
Is ahluidh sin do lagh ro-cheart
'n a fhìrinn ghloin a ta.
- 143 Ghlac trioblaid mi, is ghabh orm greim
teinn agus àmhghar geur;
Gidheadh a ta mo thlachd gu mòr
a'd' àitheantaibh gu léir.
- 144 Ceartas do theisteis féin, a Dhé,
tha sìorruidh buan gun cheisd:
Deadh thuigse tabhair thusa dhomh,
is bitheam beò am feasd.

2. KOPH.

- 145 Ghlaoth mi le m' uile chridh': a Dhé
éisd, 's coimhdidh mi do reachd.
- 146 Ghlaoth mise riut, fòir orm; 's an sin
coimhdeam do theist gu beachd.
- 147 Do thionnsgain mi roimh 'n chamhan-
is ghlaoth mi riutsa, Dhé; {aich.
Oir tha mo dhòchas bunaiteach
a'd' fhocal daingean féin.
- 148 Mo shùilean tha nìs furachair'
na forair' theann na h-oidhch';
A chum gu bithinn smuaineachadh
air d'fhocal féin a chaoidh.
- 149 A réir do chaoimhneis thròcairich
éisd féin rì m' ghuth a nis:
A réir do bhrèitheanais ro-mhòir,
Iehobhah, beothaich mis'.
- 150 Luchd leannmhuinn uile tha teannadh
a ta iad fad o d' reachd. [orm:]
- 151 Dhé, tha thu 'm fagus: agus tha
d'uil' iarrtuais fìor is ceart.
- 152 Fa thimchioll fòs do theistean naomh',
o thoiseach b'fhiosrach mi,
Gu'n d'rinneadh leat an socrachadh
a chum bhi buan gach ré.

RESH.

- 153 Amhaire, a Dhé, air m'àmghar goirt,
is fuasgail orm a'm' fheum;
Fa'n aobhar nach do dhearmaid mi
an reachd a dh'àitlm thu féin.
- 154 Tagair mo chùis, is fuasgail orm;
réir d'fhocail cum mi beò.
- 155 'S fad slàint' o luchd an uile, air son
do reachd nach iarrar leo.
- 156 'S ro-lionmhor mòr do thròcair chaomh
a Thighearn is a Dhé:
A réir do bhreitheanais ro-cheirt
dean beothail ealamh mi.
- 157 'S lionmhor luchd leanmhuinn orm an
is m'eascairde faraon; [toir
Ach mis' o d' theisteas firinneach,
cha deach' air seachran claon.

W.

SCHIN.

- 161 Bha prionnsan làidir orm an tòir,
gun aobhar no cion-fath;
Ach air mo chridh' tha cagal mòr.
roimh d'fhocal féin a ghnàth.
- 162 Tha aiteas orm ri d'fhocal maith,
mar neach fhuaire creach gun tòir.
- 163 'S oillteil 's is fuath leam breug; ach
mi gràdh do d' lagh gu mòr. [thug
- 164 Tha mi a' tabhairt molaidh dhuit
seachd uairean gach aon là,
Air son do bhreitheanais gu léir-
ta ceart, a Dhé, gu bràth.
- 165 'S mòr sìth na muinntir ud a ta
a' tabhairt gràidh do d' reachd;
Cha-n éirich tuisleadh idir dhoibh,
no oibheum fòs gu beachd.
- 166 Ri d'shlàinte dh'fheith mi féin, a Dhé;
coimhdeam do reachd air chòir.
- 167 Do theisteis choimhid m'anam féin;
's ionmhuinn leam iad gu mòr.
- 168 Do theisteis agus d'àitheanta,
do choimhdeadh leam a ghnàth;
Oir tha mo shligheanna gu léir
fa d' chomhair féin gach là.

R.

TAU.

- 169 Thigeadh mo ghlaodh am fagus duit,
a d' fhianuis féin, a Dhé:
Is fòs réir d'fhocail fhàinnich
dean tuisgeach eòlach mi.
- 170 A d' làthair thigeadh m' athchuinge;
réir d'fhocail ormsa fòir.
- 171 Air teagasg dhuit do statunn dhomh,
mo bheul bheir dhuitse glòir.

- 172 Labhraidh mo theang' air d'fhocal fìor;
oir tha d'uil' iarrtuais ceart.
- 173 Deanadh do làmhsa còmhnaidh leam;
oir ròghnaich mi do reachd.
- 174 A' feitheamh air do shlàinte, Dhé,
bhiom féin gu tuirseach trom;
Is mar an ceudna tha do reachd
ro-thlachdmhor ciatach leam.
- 175 Dèanuidh do m'anam bochd bli beò,
is dhuitse bheir e glòir:
Is deanadh do cheart-bhreitheanais
deadh còmhnaidh dhomh le fòir.
- 176 Do chaidh mi féin air seacharan
mar chaoarach chailte thruaigh:
Iarr d'òglach, oir cha d'leig do d' reachd
dol as mo chuimhne uam.

SALM CXX.

- 1 **A** 'M' éigin ghlaodh mi suas ri Dia,
is dh' éisd e rium gach ré.
- 2 O'n teagaidh chealgaich, m'anam saor;
's o bheul nam breug, a Dhé.
- 3 Ciod bheirear dhuit, no nithear ort,
a theagadh làn do ghò?
- 4 Mar shaighdibh laoidh, 's iad geuraichte,
mar eibhligh aiteil beò.
- 5 Mo thruaighe mi, gu bheil mo chuairt
'am Mesech; is mo thàmh
Am bùthaibh Chedair choigrich bhuirb,
gu muldach gun dàimh!
- 6 Rinn m'anam còmhnuidh fhada bhuan
le neach thug fuath do shìth.
- 7 Gu cogadh tha iad togarach;
air sìth 'n tràth labhras mi.

SALM CXXI.

- 1 **M**ò shùile togam suas a chum
nam beann, o'n tig mo neart.
- 2 O'n Dia rinn talamh agus nèamh,
tha m'fhurtachd uile teachd.
- 3 Cha leig do d' chois air chor air bith
gu'n sleamhnuich i gu bràth;
Tàmh-neul cha tig sin air an neach
's fear-coimhid ort a ghnàth.
- 4 Feuch, air fear-coimhid Israeil,
codal cha-n aom no suain:
- 5 'S e Dia d'fhear-coimhid; 'se do sgàil
air do làimh dheis gu buan.
- 6 A' ghrian cha bhuail i thu 's an là,
no ghealach fòs 's an oidhch'.
- 7 Nì Dia do choimhead o gach olc;
nì d'anam dhion a chaoidh.
- 8 Do dhol a mach, 's do theachd a steach,
coimhididh Dia a ghnàth;
O'n aimsir so a nis a t'ann,
's o sin a mach gu bràth.

SALM CXXII.

- 1 **B**HA aoibhneas orm tràth thubhairt iad.
Gu tigh Dhé theid sinn suas.
- 2 A d' dhorsaibh, O Ierusalem,
ar cosa seasaidh fòs.

- 3 Ierusalem mar chaithir i,
thogadh gu dìleas dlùth ;
4 D'an téid na treubhan suas gu léir,
's iad treubhan Dhé nan dùl :
- Gu teisteanas Israeil, a chum
ainm Dhé gu moladh iad.
5 Oir caithrichean chum breth tha'n sin ;
's le teaghlach Dhaibhidh iad.
6 Sior-ghuidhibh do Ierusalem
sith-shàimh is sonas mòr :
A' mhuinntir sin le'n ionmhuinn thu
soirbhichidh iad gu leòr.
- 7 An taobh a stigh do d' bhallachaibh,
biodh sith is sonas maith ;
Deadh shoirbheas fòs gu robh gu bràth
a'd' luchairt àird a stigh.
8 Air sgàth mo bhràithrean 's luchd mo
dhuith guidheam sith a ghnàth. [ghaoil,
9 Air sgàth tigh naomh ar Tighearn Dia,
iarram do leas gu bràth.

SALM CXXIII.

- 1 **M**O shùile togam riutsa ta
'n còmhnuidh air nèamh nan speur.
2 Feuch, mar tha sùil nan seirbhiseach
air làimh am maighstir féin,
'S mar shùile banoglaich air làimh
a ban-tighearn faraon,
Feithidh ar sùil air Dia, gus 'n dean
e trècair oirnn gu caoin.
- 3 Dean trècair oirnn, Iehobhah Dhia,
dean trècair oirnn gu luath ;
Oir tha sinn air ar lìonadh làn
do tharcuis is do fluath.
4 Le fanoid luchd na seasgairachd,
lìonadh ar n-anam bochd ;
'S le spid na muinntir ud a ta
làn àrdain is an-ìochd

SALM CXXIV.

- 1 **N**IS abradh Israel gu fìor,
mur biodh Iehobhah leinn :
2 Mur biodh Iehobhah as ar leth,
tràth dh'èirich daoine ruinn ;
3 'N sin dheantadh leo ar slugadh beò,
'n tràth las an corruich ruinn.
4 Is ruitheadh tharuinn tuilte bras,
sruth làidir thar ar ceann.
- 5 'N sin rachadh thar ar n-anam bochd,
na tuitlean àrd' gu léir.
6 Moladh do Dhia, nach d' thug e sinn
mar chreic d'ani faclaibh geur'.
7 Mar eun á lion an cunadair,
ar n-anam truagh chaidh as :
Bhriseadh an lion is sgoileadh e,
is shaoradh sinn gu cas.
- 8 Ar còmhnaidh ta's ar euideachadh
an ainm Iehobhah thréin :
An neach a rinn an talamh fòs,
's a chruthaich nèamh nan sì eur.

SALM CXXV.

- 1 **T**HA'N dream nì dòchas ann an Dia
mar shliabh Shioin a ghnàth,
Nach feudar fòs a charuchadh,
ach mhaireas ann gu bràth.
- 2 Ceart mar a ta na beannta tric
timchioll Ierusalem,
Tha Dia mar sin, a nis 's gu sìor,
timchioll a phobuill féin.
- 3 Oir slat luchd-uile cha ghabh i tàmh
air chram nan daoine còir :
Eagal gu'n sin na fircanaich
an làmh gu peacadh mòr.
- 4 An aitim ud tha maith, a Dhé,
do mhaithreas pàirtich leò ;
Is leis an dream tha tréibhdhireach
's 'nan cridhe ta gun ghò.
- 5 Ach iadsan uile théid a thaobh
d'an slighibh claon le chéil',
Iomainidh Dia le luchd an uile.
'S bidh sith air Israel

SALM CXXVI.

- 1 **'N** TRATH thug Iehobhah air a h-ais
bruid Shioin, b' ionnan sinn
Is daoine chunnaic aising mhòr,
's a mhosgail as an suain.
- 2 Lìonadh ar beul le gàir an sin,
's ar teangadh fòs le ceòl ;
Am measg nan cinneach thubhairt iad,
Rinn Dia dhoibh bearta mòr'.
- 3 Rinn Dia mòr-bhearta air ar son,
chuir oirne gairdeachas.
- 4 Iehobhah, pill ar bruid a ris,
mar shruith 's an àirde deas.
- 5 Iadsan a chuir gu deurach sìol,
gu sublach nì iad buain.
- 6 An neach gu cur a théid a mach
le sìol ro-phrìseil caoin,
Air bhith dha gul gu moladach,
'g a iomehar sud gu fonn,
Le h-aiteas pillidh e gu dearbh,
a' giùlan sguaba trom'.

SALM CXXVII

- 1 **M**UR tog Iehobhah féin an tigh,
luchd-togaidh tha iad faoin ;
Mur gléidh Iehobhah 'm baile fòs,
luchd-faire chaill an saoth'.
- 2 Dhuibh 's dìomhain bhi ri moch-eirigh,
's an oidheh' ri caithris bhuain,
Bhi 'g itheadh arain bròin ; mar sin
d'a sheircin bheir e suain.
- 3 'Se Dia bheir toradh bronn mar dhuais ;
mar oighreachd bheir e clann.
- 4 Bidh mic na h-ìg' mar shaghaibh geur',
'n làimh ghaisgich thréin gach àm.
- 5 Is sona 'm fear 'gam bi dhiubh sud
a ghlac 's a dhorlach làn ;
Gun rugadh labhraidh iad 's a' gheat'
r' an naimhidh olc gu dàn.

SALM CXXVIII.

- 1 **S** BEANNAICHT' gach aon neach air
eagal Iehobhah mhòir; [am bheil
Is ann an slighibh fìorghlan Dé
stiùireas a cheum air chòir.
- 2 Oir toradh grìomh do làimha féin,
ithidh tu e gu h-ait:
Beannaichear thu gu mòr mar sin,
's bidh sonas ort gu pailt.
- 3 Mar fhìonain tharbhaich bìdh do bhean
'n taobh stigh do d'fhàrdaich féin;
Do chlànn mar òg chroinn-olaidh ùir
timchioll do bhùird gu léir.
- 4 Feuch, 's amhluidh sin a bheannaichear
an neach d'an eagal Dia.
- 5 A Sion gheibh thu beannachadh,
is sonas pailt o'n Triath;
Is chi thu maith Ierusalem
ré fad do làith' gu léir.
- 6 Seadh, clann do chloinne chi thu fàa,
is sìth air Israel.

SALM CXXIX.

- 1 **B**U tric a chràidh iad mi o m' oig',
deir Israel gu truagh:
2 O m' òige chràidh iad mi gu tric,
gidheadh cha d' thug iad buaidh.
- 3 'N luchd-treabhaidh threabh iad air mo
tharruing iad claisean fad. [dhuinn;
4 Ach 's ceart Iehobhah, 's bhriseadh leis
cordan nan daoibh gu grad.
- 5 Air naimhdibh Shìoin gu robh nàir',
's rachadh air cùl gu luath:
6 Mar fheur air mullach tighe ta,
a shearg mu'n d'fhàs e suas:
7 Nì leis nach lìonar glac an fhuir
a bhios gu tric a' buain;
Is leis nach lìonar sgiath an tì,
a bhios rì ceangal sguab.
- 8 Nì mò their luchd an rathaid riu,
Gu robh oirbh beannachd Dhé;
Tha sinne fòs 'gar beannachadh,
an ainm Iehobhah thréin.

SALM CXXX.

- 1 **O** 'N doimhne, O Iehobhah Dhé,
do ghlaodh mi riutsa suas.
- 2 Dhia, éisd ri m' ghuth gu furachar;
's ri m'urnuigh crom do chhuas.
- 3 Ma chomhraichear leat aingidheachd,
a Dhé, cò shecas riut?
- 4 Ach agad-sa ta iochd: a chum
gu'n strìochdt' a'd' eagal dhuit.
- 5 Ri Dia tha misc feitheamh, fòs
tha m'anam feitheamh ris;
Is ann a bhriathair fìrinneach
mo dhòchas' cuiridh mis'.
- 6 Tha m'anam bochd nì 's furachair'
a' feitheamh Dhé a ghnàth,
Na bhios luchd faire maidne fòs
rì sgarachdainn nan tràth:

- Ni 's furachair', a deiream fòs,
'g a fheitheamh-san gun ghò,
Na bhios luchd-faire anns an oidhch'
ri teachd a steach do'n là.
- 7 Biodh dòchas Israeil an Dia:
oir tha a thròcair mòr;
'S ann aig an Tighearna gu beachd
tha fuasgladh pailt gu leòr.

- 8 Is bheir e féin gun cheisd air bith
d'a phobull Israel,
Làn-shaorsadh agus fuasgladh glan
o'n aingidheachd gu léir.

SALM CXXXI.

- 1 **M**O chridhe cha-n 'eil àrdanach,
no fòs mo shùil, a Dhé;
Nìor ghluais mi ann an cùisibh mòr',
a's àirde na mi féin.
- 2 Gu dearbh, mar naoidhean chaoidh o'n
chum mi nì féin a'm' thosd: [chìeh,
Mar naoidhean chaidh o chùch a mhàth'r,
is amhluidh m'anam bochd.
- 3 Biodh dòchas maith aig Israel
an Dia Iehobhah treun,
O'n aimsir so a nis a t'ann,
's air feadh gach linn an céin.

SALM CXXXII.

- 1 **A**IR Daibhidh deansa cuimhne, Dhé,
's air uile àmhghar geur:
- 2 Mar thug e mionn' do Dhia, is bòid
do Dhia ud Iacoib treun,
- 3 Do m' thigh cha téid mi féin a steach,
no air mo leabaidh suas:
- 4 Do m' shùilibh codal fòs cha leig,
no do mo rosgaibh suain;
- 5 Gu ruig an uair am faigh mi àit
do Dhia Iehobhah treun,
Is ionad-còmhnuidh bunaiteach
do Dhia ud Iacoib féin.
- 6 Feuch, ann an crìochaibh Ephrata,
do chuala sinn an sgeul;
Air machairibh nan coilltean dlùth,
fhuair sinn e mar an ceudn'
- 7 Aig stol a choise sleuchdaidh sinn,
an àros Dhé nam feart.
- 8 Eirich, a Dhé, gu d'ionad tàimh;
thu féin is àire do ncirt.
- 9 Sgeudaicht' gu robh do shagairt-sa
a ghnàth le h-ionracas;
Is deanadh do luchd-muinntir naomh
gun tàmh ùr-ghairdcachas.
- 10 Air sgàth do sheirbhliseach ro-chaomh,
Daibhidh do'n d'thug thu buaidh,
Aghaidh an tì a dh' ungadh leat,
na cuir air ais gu truagh.
- 11 Do Dhaibhidh mhionnaich Dia gu fìor;
's cha phill e uath' am feasd,
A'd' chaithir-rioghail cuiridh mi
d'iarmaid 's do shìochd gun cheisd.

- 12 Ma ni do chlànn mo-choimhcheangal
a choimhead, is mo reachd,
An teist a ni mi theagasg dhoibh,
ma chumar leo gu ceart:
An sliochdsan suidhidh mar an ceudn'
a'd' chaithir-rìgh, gu bràth.
- 13 Oir mhiannaich agus ròghnaich Dia,
Sion mar ionad tàimh;
- 14 'Si so mo thàmh 's mo shuaimlineas fòs,
gu suthain is gu sìor:
An so ni mise fàrdach dhomh,
oir 's i mo mhiann gu fìor.
- 15 Mor-bheannaicheam a stòr gu pailt;
diolam a bochd le lòn.
- 16 Le slàint' a sagairt eudaicheam;
's a naoimh ni iolach mhòr.
- 17 Bheir mi an sin gu h-àr ar glas
air adharc Dhaibhidh fàs;
Is lòchran dh' orduich mi do 'n ta
a dh'ungadh leam tre ghràs.
- 18 Cuairtichidh mi a nàimhde-sa
le nàir' is rughadh-gruaidh':
Ach air-san bidh a choron féin
a' fàs le h-ìomadh buaidh.

SALM CXXXIII.

- 1 **O** FEUCH, cia meud am maith a nis,
cia meud an tlachd faraoon,
Bràithrean a bhi 'n an còmhluidh ghnàth
an sìth 's an ceangal caoin.
- 2 Mar oladh phrìseil air a' cheann,
ruith air an fheusaig sìos,
Air feusaig Aaroin, agus shruth
gu iomall 'eudaich ris.
- 3 Mar dhealt air Hermon, 's mar an drùchd
air sléibhtibh Shìoin shuas;
'N sin dh'orduich Dia am beannachadh
a' bheatha shìorruidh bhuan.

SALM CXXXIV.

- 1 **O** OGLACHA Iehobhah mhòir,
beannaichibh Dia a chaoidh;
Sibhse le 'n gnàth bhi 'n àros Dé
'n 'ur seasamh fcaidh na h-oidhich'.
- 2 'N a theampull togaibh suas 'ur làmh,
beannaichibh Dia nam feart.
- 3 Beannaicheadh Dia: á Sion thu,
rinn neamh is làr le neart.

SALM CXXXV.

- 1 **M**OLAIBHSE Dia, àrd-mholaibh fòs
deadh ainm Iehobhah thréin,
Is thugaibh cliù is moladh dha,
òglacha Dhé gu léir.
- 2 O sibhse ta 'n 'ur seasamh fòs
an tigh Iehobhah mhòir,
An cùirtibh àluinn tigh' ar Dia,
molaibh e mar is còir.
- 3 Molaibh an Tighearna, do bhrìgh
gu bheil e maith gach rì:
D'a ainm-san sinnibh moladh ait,
oir 's ni ro-thlachmhor e.

- 4 Oir Iacob fòs do ròghnaich Dia
'n a thròcair mhòir dha féin:
Dha féin mar ionmhas is mar sheilbh,
do thagh e Israel.
- 5 Oir 's fìosrach mi 's is deimhin leam
gu bheil Iehobhah mòr,
Gu bheil ar Tighearna faraoon
os ceann gach dia an glòir.
- 6 Gach ni air bith bu mhiannach leis,
rinn Dia an nèamh nan speur,
'S air talamh, 's anns na cuantaibh mòr',
's na doimhneachdaibh gu léir.
- 7 Bheir esan air a' cheò dol suas
o chrìch a' chruinne-ché;
Is uisge ni le dealanaich;
gaoth as a stòr bheir e.
- 8 Gach céud-ghin anns an Eiphit bha,
do bhuailleadh leis gu trom;
Do dhuine 's ainmhidh anns gach àit,
ag imeachd bha air fonn.
- 9 O Eiphit! chuir e comhara,
is mìorbhuile le chéil',
A'd' bhuilsgheansa; 's air Pharaoh fòs
's air òglachaibh gu léir.
- 10 Na cinnich Ìonmhor chlaoidheadh leis
mharbh rìghrean cumhachdach.
- 11 Do mharbhadh Og rìgh Bhàsain leis,
Sihor nan Àmorach:
Gach uile ròghachd mar an ceudn',
cia h-ìomadh ta iad ann,
Lom-sgrìosadh agus mhillleadh leis,
d'an robh an tìr Chanaain:
- 12 Am fonn 's am fearann sud air fad,
mar oighreachd thiodlaic e;
Mar oighreachd do chloinn Israeil,
a phobull dìleas féin.
- 13 Tha d'ainm, a Tighearna nam feart,
buan-mhaireannach a ghnàth;
Tha d'ìomradh buan air chuimhne, Dhé,
o linn gu linn gu bràth.
- 14 Oir air a phobull féin ni Dia
ceart bhreitheanas gu beachd;
Is gabhaidh esan aithreachas
m'a òglachaibh le iochd.
- 15 Iodhoil nan cinncach tha do'n òr,
's do'n airgiod ghlas faraoon;
Is cha-n 'eil ann' ach dìomhanas
r' neadh le làmbaibh dhaoin'.
- 16 Tha beul ac', is gun chòmhradh ann;
is sùilcan, leis nach léir.
- 17 Tha chuasan ac', 's cha chluinn iad leo;
gun anail fòs 'n am beul.
- 18 A' mhuinntir tha 'g an deanamh sud,
ro-chosmhuil iad riu féin;
'S amlhuidh gach neach ta annta fòs
ag earbsa mar an ceudn'.
- 19 O beannaichibh Iehobhah mòr,
a theaghlach Israeil;
'S a theaghlach Aaroin, beannaichibh
an Tighearna le chéil'.

- 20 O theaglach Lebhi, beannaichibh,
is thugaibh cliù do Dhia :
Sibhse d'an eagal Dia faraon,
mòr-bheannaichibh an Triath.
- 21 A Sion beannaicht' gu robh Dia,
'g am bheil a chòmhnuidh bhuan
An caitlir naomh Ierusalem,
Molaibhse Dia gach uair.

SALM CXXXVI.

- 1 **O** THUGAIBH buidheachas do Dhia,
do bhrìgh gur sàr-mhaith e ;
Air son gu mair a thròcair chaomh,
gu sìorruidh feadh gach ré.
- 2 Thugaibh do Dhia nan uile dhia
mòr bhuidheachas le chéil' ;
Air son gu mair a thròcair a chaomh
gu sìorruidh feadh gach ré.
- 3 Thugaibh do Thriath nan uile thriath
mòr bhuidheachas gu léir ;
Air son gu mair a thròcair chaomh
gu sìorruidh feadh gach ré.
- 4 Do'n Ti 'n a aonar fòs a rinn
mòr mhòrbhuile gu treun ;
Air son gu mair a thròcair chaomh
gu sìorruidh feadh gach ré.
- 5 Do'n Ti le gliocas iongantach
a chruthaich nàmh nan speur :
Air son gu mair a thròcair chaomh
gu sìorruidh feadh gach ré.
- 6 Do'n Ti a shìn air uachdar tuinn
an talamh trom gu léir ;
Air son gu mair a thròcair chaomh
gu sìorruidh feadh gach ré.
- 7 Do'n Ti a rinn na soluis mhòr'
ta 'soillseachadh nan speur ;
Air son gu mair a thròcair chaomh
gu sìorruidh feadh gach ré.
- 8 A' ghrian gu h-uachdranachd 's an là,
chum dhuinne gu'm bu léir ;
Air son gu mair a thròcair chaomh
gu sìorruidh feadh gach ré.
- 9 A' ghealach is na reulta glan'
a' riaghladh oidheh' le chéil'.
Air son gu mair a thròcair chaomh
gu sìorruidh feadh gach ré.
- 10 Do'n Ti rinn bualadh trom san Eipht'
air ceud-ghin dhain' is spreidh ;
Air son gu mair a thròcair chaomh
gu sìorruidh feadh gach ré.
- 11 Thug as am builsgan-san a mach
a phobull Israel ;
Air son gu mair a thròcair chaomh
gu sìorruidh feadh gach ré.
- 12 Le neart a ghairdein sìnte uach,
's le làimh a ta ro-threun ;
Air son gu mair a thròcair chaomh
gu sìorruidh feadh gach ré.
- 13 Do'n Ti a sgoilt an fhairge ruadh,
'n a roinnibh as a chéil' ;

- Air son gu mair a thròcair chaomh
gu sìorruidh feadh gach ré.
- 14 Is troimh a meadhon stiùradh leis,
gu tèaruint' Israel ;
Air son gu mair a thròcair chaomh
gu sìorruidh feadh gach ré.
- 15 'S an fhairge ruaidh do sgriosadh leis
Pharaoh 's a shluagh gu léir ;
Air son gu mair a thròcair chaomh
gu sìorruidh feadh gach ré.
- 16 Do'n Ti sin tre an fhàsach mhòr
a stiùir a mhuinntir féin ;
Air son gu mair a thròcair chaomh
gu sìorruidh feadh gach ré.
- 17 Dhasan a bhual 's a lot gu trom
na rìghrean làidir treun' ;
Air son gu mair a thròcair chaomh
gu sìorruidh feadh gach ré.
- 18 Is rìghrean uasal iomraiteach,
mharbh e le 'ghairdean féin ;
Air son gu mair a thròcair chaomh
gu sìorruidh feadh gach ré.
- 19 Seadh Sihon rìgh nan Amorach,
bha naimhdeil guineach geur ;
Air son gu mair a thròcair chaomh
gu sìorruidh feadh gach ré :
- 20 Is Og air Basan bha 'na rìgh,
do mharbh is chasgair e ;
Air son gu mair a thròcair chaomh
gu sìorruidh feadh gach ré.
- 21 Is thug e fòs mar òighreachd bhuain
am fearann-san gu léir ;
Air son gu mair a thròcair chaomh
gu sìorruidh feadh gach ré :
- 22 An oighreachd thug do Israel,
òglach ro dhìleas féin ;
Air son gu mair a thròcair chaomh
gu sìorruidh feadh gach ré.
- 23 Neach, air bhi dhuinu ro-òsal truagh,
a chuimhnich oirnn 'n ar feum ;
Air son gu mair a thròcair chaomh
gu sìorruidh feadh gach ré.
- 24 Gu tèaruint' bhuin sinn a mach
o neart ar naimhde treun' ;
Air son gu mair a thròcair chaomh
gu sìorruidh feadh gach ré.
- 25 Tha tabhairt beatha do gach feòil
is lòn do'n uile chré ;
Air son gu mair a thròcair chaomh
gu sìorruidh feadh gach ré.
- 26 O thugaibh moladh agus cliù
do Dhia nan nàmh 's nan speur ;
Air son gu mair a thròcair chaomh
gu sìorruidh feadh gach ré.

SALM CXXXVII.

- 1 **A**IG sruthaibh coimheach Bhabiloin,
shuidh sinn gu brònach bochd ;
An sin air Sion chuimhnich sinn,
is ghuileadh leinn gu goirt.
- 2 Air gheugaibh seilich chrochadh leinn
ar clàrsaichean au sin.

3 Oir iadsan a rinn braighde dhinn
dh'iarr òran oirnu is gean :

Seadh iadsan le'n do chrcachadh sinn
dh'iarr luathghair oirnn is ceòl ;
Seinnibh do laoidhibh Shioin duinn,
(ars' iadsan) mar bu nòs.

4 'N tìr choigrich cia mar dh'fheadar leimn
oran Ichobhah sheinn ?

5 Mur cuimhn'cheam thu, Ierusalem,
ri m' dheis nior lean a seirm.

6 Mo theangadh leanadh teann ri m'ghial,
mur cuimhnichear thu leam ;
Mur fearr leam na m'uil' aoibhneas àrd
caithir Ierusalem.

7 Clann Edoim cuimhnich thusa, Dhé,
oir thubhairt iad le tàir,
An làithibh truagh' Ierusalem,
leag, leag i, sìos gu làr.

8 O nighcan uaibhreach Bhabiloìn,
a dh'fhàsaichear gu léir :
Is sona dha, mar rinn thu oirnn
a dhiolas dhuit d'a réir.

9 Is sona dhasan ghlacas fòs
do mhaoth-chlann bheag is thruagh,
'S a phronnas iad gun acarachd,
ri clachaibh daingean cruaidh'.

SALM CXXXVIII.

1 **L**E m'uile chridh' àrd-mholam thu,
àrd-mholam thu gu caomh
2 'N làthair nan dia. Is sleuchdam dhuit,
m'aghaidh ri d'theampull naomh,
Is molam d'ainm, bhrìgh d'fhìrinn cheirt
's do chaoimhneis ghràdaich féin :
Oir d'fhocal fìorghlan dh'ardaich thu,
os ceann d'uil' ainm' gu léir.

3 'S an là a ghlaodh mi riut, a Dhé,
fhreagair thu mi gu luath ;
Is thug thu spionnadh dhomh gu leòr,
le treòir, a'm' anam truagh.

4 Bheir rìghre mòr' ua cruinne dhuit,
àrd-mholadh binn gu léir,
'S an uair an cluinnear leo, a Dha,
deadh bhriathra glan do bhéil.

5 An slighibh fòs Iehobhah mhòir,
seinnidh iad ceòl gu h-ait ;
Air son gur urramach, 's gur àrd
glòir àluinn Dhé nam feart.

6 Ge h-àrd Ichobhah, seallaidh e
air daoineibh umhal còir ;
Ach 's léir dha'n dream ud, fad o làimh,
tha làn do'n àrdan mhòr.

7 Ged ghluaisinn ann am builsgéan fòs
na trioblaid mòir' do m' chlaoidh,
A ta mi fìosrach dòchasach
gu beothaich thusa mi :
An aghaidh corruich mòir' mo nàmh,
do làmhsa sìnear leat :
Is nì do dheas làmh aun am fheum
mo theasairginn le neart.

8 Gach nì air bith a bhuineas domh,
còimhlionaidh Dia gu treun ;
Is buan do ghràs, a Dhia, gu bràth
oibre do làmh na tréig.

SALM CXXXIX.

1 **D**O rannsuich thu 's is aithne dhuit
mise, Ichobhah thréin :
2 Mo shuidh', is m' éirigh 's aithne dhuit ;
's léir dhuit mo smuain an céin.

3 Mo cheuma is mo luidh sìos,
do chuairtich thu gu dlùth ;
Is air mo shligheibh féin gu léir,
's geur fhiosrach eòlach thu.

4 Feuch cha 'n 'eil focal mòr no beag
no cainnt air bith a'm' bheul,
Mu'n labhran sud, a Dhia nam feart,
nach aithne dhuit gu léir.

5 Do chuairtich thu mi air gach taobh,
romhama faraon 's am dhéigh ;
Do làmh ta neartmhor cumhachdach
leag thusa orm, a Dhé.

6 Tha 'n t-eòlas so ro iongantach,
is ormsa tha e cruaidh ;
Cha ruig' mi air, oir tha e àrd
r' a thuigsinn is r'a luaidh.

7 Cia 'n t-àit air bith am feud mi dol
o d' spiorad glic, a Dhé ?
O d' ghnùis ta uile-léirsinneach
cia 'n taobh a theicheas mi ?

8 Nan rachainn suas air nèamh nan speur,
a ta thu féin an sud ;
Nan luidhinu ann an ifrinn shìos,
tha thu 's an ionad ud.

9 Air bharraibh sgiath na maidue fòs
nan sìubhlainn fad o làimh,
Gu h-ìomallaibh na fairge mòir'
chum còimhnuidh agus tàimh ;

10 Stiùraidh tu mi an sin, a Dhé,
le d' làimh ta treun an neart ;
's nìthear leat mo chumail fòs
le d' dheas làimh mhòir gu beachd.

11 Nan abrainn, gu dean dorchadas
gu deimhin m'fholach uait ;
Bidh 'n oidhche féin mar sholas glan
ag iadhadh orm mu'n cuairt.

12 Cha-n fhòluich uaitse dorchadas,
's co-shoilleir oidhche' is là ;
'S ceart-ionnan duits' au duibhre dorch
is solus glan nan tràth.

13 Oir feuch ghabh thusa scalbh gu moch
air m'airnibh is mi maoth ;
'S ann leat a rinneadh m'fholach fòs
am broinn mo mhàthar chaoimh.

14 Àrd-mholam thu, oir 's uamhasach,
's is mìorbhuileach mo dhealbh :
Tha d'òibre iongantach ; 's is léir
do m'anam sin gu dearbh.

15 Tràth rinneadh mi 'an dìomhaireachd,
's a dhealbhadh mi gu ceart,
An àitibh iochdrach talmhainn shìos ;
bu léir dhuit brìgh mo neirt.

16 Mo cheud-flàis an-abuich gun dreach,
do d' shùilbha-sa bu léir ;
Mo bhuill gu h-iomlan chuireadh sìos
sgriobht ann ad leabhar féin ;
Gidheadh ri aimsir is ri ùin,
do dhealbhadh iad 's an àm ;
Air bhi dhoibh roinne sin gun dreach
's nach robh a h-aon diubh ann.

17 'S ro-phrìseil uime sin, a Dhé,
do smuaintean uile leam :
'S ro-lionmhor mòr r'an àireamh iad,
's r'an cur air cunntas cheann.
18 Rì 'n àireamh 's mòr gur lionmhor iad
na gaineamh mhìn na tràigh :
Air mosgladh as mo chodal domh,
taim maille riut a ghnàth.

19 Marbhar an t-aingidh leat gu beachd,
O Thighearna ro-thrèin :
A nis, O dhaoine fuileachdach,
imichibh uam an cèin.

20 Oir labhair iad a'd' aghaidh, Dhé,
le aing'eachd eusaontais ;
Is thug do naimhde mi-runach
d'ainm naomh an dìomhanas.

21 Nach 'eil mi tabhairt fuath, a Dhia,
do'n dream thug dhuit-sa fuath ?
Nach 'eil mi gabhail gràin do'n dream
a'd' aghaidh dh'èirich suas ?

22 Fuath iomlan thug mi dhoibh gu beachd :
mar naimhdibh nim' am meas.

23 Rannsaich mi, Dhé, mo chridhe faic ;
mo smuainte feuch, dearbh mis :

24 Feuch agus amhaire féin am bheil
sligh' aingidh olc a'm' chlé ;
Is ams an t-slighe shiorruidh chòir
gu dìreach treòraich mi.

SALM CXL.

1 O 'N droch-dhuin' saor is teasaig mi,
O Dhia Iehobhah naomh :
O'n fhear a ta ri fòircegnadh
dean didean dhomh gu caomh.

2 'N an cridh tha iad a' smuaineachadh
air aimhleas mòr gach là ;
Chum cath' is comhraig chruaidh tha iad
air cruinneachadh a ghnàth.

3 Mar theangaidh nathrach, rinneadh leò
an teangadh sgaiteach gear :
A ta nìmh mhillteach nathrach fòs
am folach ann am beul.

4 O làmh nan dao, gléidh mise, Dhé,
's o luchd an fhòirneirt, dìon ;
Mo cheuman thilgeadh bun os ceann
se sud an rùn 's am miann.

5 Dh'fholuich na h-uabhrich ribe dhomh,
is corda fòs gu m' sgrios ;
Ri taobh a' bhealaich sgaol iad lìon,
is leag iad ceap gun fhios.

6 Rì Dia Iehobhah thubhairt mi,
'S tu féin gu beachd mo Dhia ;
Eis a ri guth m' atchuinge a nis,
O Thighearn is a Thriath.

7 Is tu a's spionnadh slàinte dhomh,
Iehobhah Dhia nam flath ;
Cuir dìon is folach air mo cheann
an aimsir teinn is cath'.

8 Na deònuich miann an aingidh uile
O Thighearna nam fear ;
'Ais-innleachd fòs na soirbhich leis,
mu'n dean iad uail 'n an neart.

9 Ach cinn an dream a chuairtich mi
gach taobh le tuaileas bhreug,
Gu robh iad air am folach fòs
le aimhleas mòr am béil.

10 Orra gu'n tuiteadh eibhle loisgt' ;
tilg iad 's an teine beò :
An slochdaibh domhain sìos, a chum
nach éirich iad nì 's mò.

11 Na daingnichear air talamh fòs
fear-labhairt uile a chaoidh :
Biodh olc a' sealg fir-fòiregnidh,
g'a leagadh is g'a chlaoidh.

12 Is aithne dhomhsa gu dean Dia
du'n dream ta 'n àmhghar goirt,
A chùis a sheasamh dhoibh gu treun,
is còir nan daoine bochd.

13 Do bheir na fireana gu dearbh
do t'ainm-sa moladh mòr ;
Bìdh còmhnuidh bhuan a' d'fhianuis féin,
a Dhé, aig daoine còir.

SALM CXXI.

1 O DHIA, a ta mi 'g éigheach riut,
dean deifir thugam féin ;
Is tabhair éisdeachd fòs do m' ghuth,
tràth ghlaodham riut a'm' fheum.

2 Mar bholtrach tùis a'd' lathair suas,
mar sin biodh m'urnuigh riut ;
Is togail suas mo làmh gu'n robh
mar 'n iobairt fheasgair dhuit.

3 Cuir faire ar mo bheul, a Dhia ;
dorus mo bhéil-sa gléidh.

4 Gu droch-bheirt, no gu olc air bith
na aom mo chridh', a Dhé :
Eagal le luchd na h-aingidheachd,
gu'n cuirinn olc an gnìomh,
Ge milis blasd' an sògh 's an gleus,
cha-n ith mi féin maoin diubh.

5 Buailleadh am firean mi le smachd,
gabhaidh mi sin gu caomh :
Gabhaidh mi uath an t-achmhàsan,
mar oladh phrìseil mhaoth ;
Cha bbris am bualadh ud mo cheann
oir fòs théid m'urnuigh suas,
Tràth blios an aitim ud gu truagh
'n an àmhghar cruaidh an sàs.

6 Tràth thilgear sìos air clachaibh cruaidh,
am breitheamhna gu léir ;
'N sin cluinidh iad, oir 's milis binn,
deadh bhriathra grunn mo bhéil.

7 Ar cnàmhan fòs aig beul na h-uagh'
do sgaoileadh leò le tàir.
Màr ghearrar is mar sgoiltcar fiodh
'n a spealtaibh air an làr.

- 8 Ach tha mo shùilean riutsa suas,
Iehobhah Dhia nam feart :
Na fàgsa m'anam bochd gun treòir,
's tu féin mo dhòigh 's mo neart.
- 9 O teasaig mi o'n rib', a Dhé,
a leag iad chum mo sgrios ;
'S o lìontaibh luchd na h-aingidheachd
a dh'fholuich iad gun fhios.
- 10 Ach tuiteadh luchd na h-aingidheachd
'n an lìontaibh rinneadh leò,
Am feadh bhios mise gabhail thart',
's a' tèarnadh asda beò.

SALM CXLII.

- 1 **G**HLAODH mi ri Dia le m'ghuth ; is
le m' ghuth rinn m'ruigh ris. [fòs
- 2 Mo chaoidh 'n a fhianuis dhòirt mi mach,
's mo thrioblaid dh'fhoillsich mis'.
- 3 Tràth bha mo spiorad bàite stigh,
'n sin b'aithne dhuit mo cheum ;
'S a' bhealach san do shiubhail mi,
gun fhios do leag iad lion.
- 4 Dl'amhaire mi air mo dheis, is dh'fheuch,
's cha robh fear m'èolais ann ;
No neach do m'anam bheireadh spéis
thréig cabhair mi 's an àm.
- 5 O Thighearna, do ghlaodh mi riut,
is thubhairt mi gun ghò,
Gur tu a's tèarmunn dileas domh,
's mo chuid an tìr nam beò.
- 6 Chionn gu 'n do chlaoidheadh mi gu
éisd ri mo ghlaodh 's an àm ; [truagh,
Is saor mi o lùchd m'fhoirneirt mhòir,
oir 's treise leo na leam.
- 7 A prìosan m'anam buin a mach,
t'ainm-sa gu molar leam :
Is iadhaidh umam fircana,
oir ni thu pailteas rium.

SALM CXLIII.

- 1 **R**I m'ruigh éisd, is aom do chluas
ri m'athchuinge, a Dhé ;
A' d'fhìrinn, is a'd' cheartas àrd,
gu gràsmhor freagair mi.
- 2 Na tionnsgain ann am breitheanas
le d'òglach dileas féin :
Oir 's dearbh nach saorair duine beò
a' d'fhianuis ann am binn.
- 3 Oir lean an nàmhaid eucòrach
le tòir ghéir m'anam bochd,
Mo bheatha thig e sìos le tàir,
leag ris an làr gun iochd :
Is chuir e mi an dorchadas
chum còmhnuidh ann gu truagh ;
Is ionnan mi 's an dream gu dearbh
bhiodh fada marbh 's an uaigh.
- 4 Is uime sin tha m'anam bàit'
gu cràiteach ann am chom :
Mo chridh' a'm' chliabh gu muladach,
air fas gu tuirseach trom.
- 5 Na làith' o chian do chuimhnich mi,
taim enuasachadh gun tàmh

- D' oibre gu léir ; 's a' snuaineachadh
air gnìomharaibh do làmh.
- 6 Mo làmh shìnn mi riutsa suas.
an geall tha m'anam ort,
Amhluidh mar bhitheas fearann cruaidh
air tiormachadh le tart.
- 7 Eisd rium, a Thighearna, gu grad ;
chaidh as do m'anam bochd :
Do ghnùis na-ceil, chum nach bi mi
mar dhream théid sìos do'n t-slochd.
- 8 Thoir orm gu'n cluinnear leam, gu moch,
guth binn do chaoimhneis-ghràidh ;
Oir annad chuir mi féin gu mòr
mo dhòchas is mo dhòigh :
Am bealach fòs an gluaisear leam,
thoir orm gu'n aithnich mi :
Oir riutsa tha mi togail suas
mo spioraid thruaigh, a Dhé.
- 9 O m' naimhaidibh guineach teasaig mi,
O Thighearna is a Rìgh :
A d'ionnsuidh theich mi fòs, a chum
gu foluicht' leatsa mi.
- 10 Do thoil a dheanamh teagaisg dhomh,
oir 's tu mo Dhia gu beachd :
O's maith do spiorad ; treòruich mi
gu tìr na fireantachd.
- 11 Sgàth d'ainme beothaich mi gu treun,
a Dhé Iehobhah mhòir :
Sgàth d'fhìreantachd, saor m'anam bochd
o thrioblaid ghoirt 's o leòn.
- 12 Cuir as do m' naimhaidibh tre do ghràs,
is sgrios iad sin gu léir
A ta cur m'anam' thruaigh fo leòn ;
oir 's mise d'òglach féin.

SALM CXLIV.

- 1 **B**EANNAICHT' gu robh Iehobhah
mo charraig e 's mo threòir ; [treun,
Mo làmh a theagaisgeas gu cath,
's gu comhrag mhaith mo mheòir :
- 2 Mo mhaith, mo dhòn, 's mo bhaideal àrd,
mo shlànuighear, 's mo sgiath ;
'S e cheannsaicheas mo dhaoine fo'm
mo mluighinn is e Dia.
- 3 Dhia, ciod e 'n duine, gu bheil thu
a' gabhail eòlais air ?
No ciod e mac an duine fòs
gu'n d'thug thu e fa'near ?
- 4 An duine, 's cosmhuil e gu fìor
ri dìomhanas gun stà ;
'S a làith' mar sgàil, 's mar fhaileas fòs
a' gabhail seach a ta.
- 5 O lùb, a Dhia, do fhlaithis àrd,
thig féin gun dàil a nuas :
Bean ris na sléibhtibh mòr' le d' neart,
is uath' théid deatach suas.
- 6 Cuir uait a mach do dhealanach,
is sgaoil iad sud air fad :
Is tilg a mach do shairde geur',
is claidhear iad gu grad.

- 7 Shn uait do làmh á t'ionad àrd,
saor mi, is fuasgail orm,
O uisgibh làidir iomarcach,
's o làimh nan coigreach borb'.
- 8 Iadsan 'g am bheil am béil a' teachd
air dìomhanas gach lò.
An deas làmh sud, is deas làmh i
làu iogain agus gò.
- 9 Dhuit seinneam òran nuadh, a Dhé,
's ann air au t-saltair ghriun;
Air inneal ciùil nau teuda deich,
dhuit seinneam moladh bin.
- 10 'S e Dia a bheir do righribh mòr'
slaint' agus buaidh gu treun,
'S e shaoras Daibhidh 'òglach caomh
o'n chlaidheamh mhilleach gheur.
- 11 Saor mi, is fuasgail orm o làimh
nan coimheach, 'g am bheil beul
Làu dìomhanais: 's an deas làmh fòs
'n a deas làmh foill' is brèig'.
- 12 A chum gu'm biodh ar mic a' fàs
mar ùr-chrann suas 'n an òig':
'S ar uigheana mar chlachaiibh snaidht'
au oisìun lùchairt mhòir.
- 13 Ar saibhlean làn do'n uile stòr;
ar treudan fòs a' breith
Nam mìltean, scadh deich mìltean fòs
'n ar machairibh gach leth.
- 14 Ar daimh gu h-obair làidir calm,
gun bhriseadh mach no steach,
A chum 'n ar sràidibh fòs nach biodh
guth caoidh' gu gearanach.
- 15 'S beannaicht' am pobull sin a ta
's an inbhe so gu beachd;
'S beannaicht' am pobull fòs, d'an Dia,
Iehobhah Triath nam feart.

SALM CXLV.

- 1 **A** RDUICHEAM thu, mo Dhia, 's mo
t'ainm beannaicheam gu bràth. Rìgh;
- 2 Do d'ainm am feadh bheir uise cliu;
àrduicheam thu gach là.
- 3 Tha Dia Iehobhah mòr gu dearbh;
ion-mholta Dia gu mòr:
Cha-n fheadar meud a mhòrachdsan
a rannsachadh gu leòr.
- 4 Molaidh gach àl do ghnìomhara
do'n àl a thig 'n an deigh;
Is d'òibre cumhachdach ro mhòr
sior-chuirear leò an céill.
- 5 Urram do mhòrachd ghlòrmhoir féin
cuiridh mi'n céill gu beachd;
Air d'òibrìbh iongantach gu léir
labhran, a Dhé nam feart.
- 6 Labhraidh daoine eile fòs air neart
do bhearta uamhasach:
Is mise foillsicheam gu mòr
do mhòrachd iongantach.
- 7 Is cuirear leo an céill gu pailt
iomradh do mhaithéis mhòir;
Do cheartas glan, is t'ionracas
molaidh gu binn le ceòl.

- 8 Tha'n Tighearna ro-ghràisimhor caoin,
is làn do thruacantachd;
A ta e mall chum feirg', is fòs
pailt ann an tròcaireachd.
- 9 Is maith Iehobhah do gach dùil;
tha 'thròcair chaomh gu beachd
Os ceann gach obair agus gnìomh
a rinneadh leis le neart.
- 10 Dhia, molaidh d'òibre thu air fad;
le d' naomhaibh molar thu:
11 Air glòir do rìoghachd labhraidh iad;
innsidh do neart le cliu.
- 12 A chum a bhearta cumhachdach
gu'n tuigeadh clann nan daoine;
Gu bheil a rìoghachd làn do ghlòir,
is mòralachd faraon.
- 13 Do rìoghachd féin, is rìoghachd i
ta sìorruidh buan gu beachd;
Is mairidh d'uachdranachd gu bràth
air feadh gach àil ri teachd.
- 14 Cunnaidh Iehobhah suas le neart
an dream tha 'tuiteam sìos;
'S an dream tha clonadh chum an làir,
togaidh e 'n àird a ris.
- 15 Tha sùile fòs gach dùil' air bith
a' feitheamh ort, a Rìgh;
Is tha thu anns na tràthaibh ceart
a' tabhairt dloibh an bìdh.
- 16 A' ta thu ann ad thoib'heartas
'fòsgladh do làimh' gu mòr,
Is miann gach nithe beò air bith
sàsuichear leat gu leòr.
- 17 Tha Dia 'n a uile shligheibh ceart,
is naomh 'n a uile ghnìomh.
- 18 'S dlùth Dia do mhead 's a ghairmeas
seadh ghairmeas air gu fìor. [air
- 19 Deadh mhiann gach neach d'an eagal e,
coimhlionaidh e gu pailt;
Is éisdidh esan fòs r'an glaoth,
saoraidh e iad 'n an airc.
- 20 Andream tha' tabhairt graidh do Dhia
dloibh ni e tèarmann deas;
Ach fòs na h-aingidh olc gu léir
do ni e féin an sgrìos.
- 21 A' luaidh air cliu Iehobhah thréin,
bithidh mo bheul gun cheisd:
'Ainm naomha beannaicheadh gach feoil
gu sìorruidh buan am feasd.

SALM CXLVI.

- 1 **D** IA molaibh; mol, O m'anam, Dia.
- 2 Molaidh mi Dia ri m' bheò;
Àrd-seinnidh mise cliu do m' Dhia,
ri fad mo ré 's mo lò.
- 3 Na earbaibh is na deanaibh bun
á prionnsaibh làidir treun';
No fòs á mac aoine duine a t'ann,
's gun fhurtachd ann ri feun.
- 4 Tha 'anail-san 'dol as a mach,
théid e g'a ùir air ais,
Théid as d'a smaintibh faoin gu léir,
's an là sin féin gu cas.

5 'S beannaich' an duine sin 'g am bheil
Dia Iacoib mar a neart ;
'G am bheil a dhòchas ann a Dhia,
Iehobhah Triath nam feart.

6 'S e chruthaich nèamh, is muir, is tìr,
's gach aon ni annta ta ;
'S e choinhdeas firinn mar an ceud' ²
gu sìorruidh is gu bràth.

7 Rì daoinibh ta fo fhòirneart mòr,
cumaidh e còir gu caoin,
Bheir biadh do'n ocrach ; cuiridh Dia
na prìosanaich fo sgaoil.

8 'S e Dia ta fosgladh sùil nan dall ;
togaidh Iehobhah mòr
An dream a ta air cromadh sìos ;
is caomh leis daoine còir.

9 Dia seasaidh bantrach 's dilleachdan,
's e 's dìon do 'n choigreach ann :
Ach slighe fhiar nan daoine daoi
tilgidh e bun os ceann.

10 Bidh Dia 'n a Ard-Rìgh mòr gu bràth,
do Dhia-sa, Shìon naomh ;
O linn gu linn gu maireannach.
Molaibhse Dia gu caomh.

SALM CXLVII.

1 **M**OLAIBHSE Dia ; oir 's maith bhi
àrd-mholadh binn d'ar Dia, [seinn
Oir 's tlachdmhor e 's is maiseil sud,
bhi 'tabhairt cliu do'n Triath.

2 Suas togaidh Dia Ierusalem ;
cruinnichidh e ri chéil',
An dream d'an d' rinneadh dìobaraich,
de ghineal Israeil.

3 Do'n aitim 'g am bheil cridhe brùit' ;
bheir esan slàinte mhòr :
Is ceanglaidh suas gu faicilleach
gaeh cneadh ta orra 's leòn.

4 Na reulta lìonmhor àirmhear leis ;
'g an ainmeachadh gu léir.

5 Is mòr ar Dia, 's is mòr a neart ;
gun tomhas air a chéill.

6 Togaidh Iehobhah suas gu dearbh
na daoine ciùin a ris,
Is leagar leis na daoi le tàir,
gu làr, 'g an tilgeadh sìos.

7 Seinnibh do Dhia Iehobhah mòr,
le buidheachas gu binn :
Seinnibh d'ar Dia-ne moladh àrd
air teud na clàrsaieh grinn.

8 'Se dh'fhol'cheas nèamh le neulaibh tiugh',
dh'ulluicheas uisge fòs
Do'n talamh ; 's e bheir air an fheur
bhi fàs air sléibhtibh mòr'.

9 Do'n ainmhidh 's do gach beathach beò,
bheir esan lòn gun dìth ;
Is do na fithich òg' faraon
a ghlaodhas 'g iarraidh bìdh.

10 An neart an eich cha bhi a dhùil
ge mòr a lùth 's a threis ;

Cha ghabh e tlachd an cosaibh fir
sheasas gu dìreach deas.

11 Tha Dia a' gabhail tlachd gu mòr
do'n dream d'an eagal e,
Chuireas an dòchas is an dòigh
'n a thròcair-san gach ré.

12 Thoir moladh, O Ierusalem,
do Dhia Iehobhah mòr,
Do d' Dhia-sa tabhair moladh fìor,
O Shìon, mar is còir.

13 Croinn-dhruididh fòs do dhorsa mòr
do neartaich e gu maith ;
Is bheannaich e do shìochd gu léir
a'd' mheadhon féin a stigh.

14 'S e chuireas ann ad chrìochaibh fòs
sìth agus sonas mòr :
'S e ni le smior a' chruthneachd ghloir
do shàsuehadh gu leòr.

15 'S e chuireas 'aithne mach air tìr,
ni 'fhocal ruith gu luath.

16 Bheir sneachd mar olaime ; sgaoilidh e
an liath-reodh mar an luath.

17 Leae-eighe tilgidh e a mach,
mar ghreamanna nach gann ;
Is anns an fhuachd a rinneadh leis,
cò dh'fheudas seasamh ann ?

18 Cuiridh e 'fhocal mòr a mach,
is leaghar iad a ris :
Air séideadh dha le gaoith an sin,
sruthaidh na tuitte sìos.

19 Do Iacob tha e 'foillseachadh
a bhriathar fìor-ghlan naomh,
A statuin is a bhreitheanais
do Israel gu caomh.

20 So maitheas nach do dhèdnaich e
dh'aon chinneach ta fo 'n ghréin :
A bhreitheanais cha 'b'aithne dhoibh.
Molaibh Iehobhah treun.

SALM CXLVIII.

1 **M**OLAIBHSE Dia. Ard-mholaibh
Iehobhah mòr gu bràth, [fòs
O nèamh nan speur ; molaibhse Dia,
's na h-ionadaibh a's àird'.

2 Uil' aingle Dhé, mòr-mholaibh e :
molaibh e, 'shluagh gu léir.

3 O ghrian 's a ghealach, molaibh e,
's a reulta glan nan speur.

4 O nèamha àrd' nan uile nèamh,
is uisgeachan a ta
An còmhnuidh shuas os ceann nan speur,
molaibhse Dia a ghnàth.

5 Thugadh iad cliu is moladh binn
do ainm Iehobhah thréin ;
Oir chuir e 'aithne mach le neart,
is rinneadh iad d'a réir.

6 Do rinn e fòs an daingneachadh
a chum bhi buan a ghnàth :
Is chuir e statuin orra sud
nach téid air chùl gu bràth.

- 7 O'n talamh fòs a ta fo nèamh,
molaibh Iehobhah treun ;
Uil' dhràgona ro-uamhasach,
's a dhoimhneachda gu léir.
- 8 Tein'-athair agus clach-shneachd chruaidh
an ceò théid suas, 's an sneachd ;
Gaoth dhoinionuach a' coimhlionadh
a bhriathar-san gu leachd.
- 9 Na sléibhte farsuinn atmhòr mòr',
's na tulaich fos le chéil' :
Gach craobh bheir toradh agus blàth,
's ua seudair àrd' gu léir.
- 10 Gach beathach, ainmhidh, is gach dùil
a shnàigeas air an làr,
'S gach euulaith sgiathach iteagach,
ta 'g itealaich gu h-àrd.
- 11 Gach rìgh air thalamh, làidir mòr,
's gach pobull fòs air bith ;
Na prionnsan is luchd breitheanais
tha thar gach tìr fa leth.
- 12 Na h-òig-fhcara ta calma deas,
's na maighdeana le chéil' ;
Na seanaire ta eòlach glic,
's gach leanabh òg' gu léir.
- 13 Ainm Dhé àrd-mholadh iad, oir tha
'ainm-san a mhàin ro-mhòr :
Os ceann na talmhainn is nan nèamh,
air àrdachadh tha 'ghlòir.
- 14 Adharc a shluaigh leis àrdaichear,
seadh cliu a naomh gu léir,
Sluaigh Israeil, tha dhasan dlùth,
Molaibh Iehobhah treun.


SALM CXLIX.

- 1 **M**OLAIBHSE Dia . is oran nuadh
seinnibh do Dhia gu caomh ;
Seinnibh a mholadh-san gu binn,
an coimhthional nan naomh.
- 2 Biodh Isra'ì aoibhneach ann an Dia ;
an Tì a chruthaich e ;
Deanadh clann Shìoin gairdeachas
'u an Rìgh air feadh gach ré.
- 3 Is anns an dannsadh thugadh iad
d'a ainm-san moladh binn :
A chliu le tiompan scinneadh iad,
is leis a' chlàrsaich ghrinn.
- 4 Oir tha Iehobhah 'gabhail tlachd
'n a phobull dileas féin :

- Ro-sgiamhach fòs le shlàinte u
na daoine sèimh gu léir.
- 5 Biodh air ua daoinibh naomh' an sin
ùr-ghairdeachas an glòir :
Is air an leabaich seinneadh iad
do Dhia le h-iolaich mhòir.
- 6 Gu'n robh àrd-chliu an Tighearna
gu dligeach ann am beul
Is ann an làimh-san fòs gu robh
claidheamh dà-fhaobhair geur.
- 7 A chum gu deant' air fineachaibh
làn-dioghaltas gu léir :
Is mar an ceudna air na slòigh
làn-smachdachadh gu geur.
- 8 A chum gu'n deant' an rìghrean-san
a chur fo chuibhreic ghéir ;
Fuidh gheimhlibh teann do'n iarnn
an uaisle mòr' gu léir. [chruaidh]
- 9 Chum dioghaltas a chur an gnìomh,
ta sgriobht' 'n a fhocal ceart :
So cliu nam fireanach gu léir.
Molaibhse Dia nam feart.

SALM CL.

- 1 **M**OLAIBHSE Dia. 'N a theampull
molaibhse Dia gu mòr : [naomh]
'An speuraibh àrd' a chumhachd fòs
molaibh e mar is còir.
- 2 Air son a ghnìomhara ro-threun,
molaibhse Dia 's gach àit ;
A réir a mhòrachd molaibh e,
's a ghlòir a ta ro-àrd.
- 3 I.e guth na trompaid mar an ceudn'
molaibhse Dia gu binn :
Air glàrsaich seinnibh moladh dha,
is air an t-saltair ghrinn.
- 4 Le tiompan thugaibh moladh dha,
's an dannsadh mar an ceudn' ;
Le organ togaibh suas a chliu,
's le inneal-ciùil nan teud.
- 5 Air ciombalaibh ta labhar binn
molaibhse Dia gu tàmh :
Molaibhse Dia air ciombalaibh,
nì toirm is fuaim ro-àrd.
- 6 Gach uile dhùil sam bith ta beò,
'g am bheil an deò 'n an cré,
Àrd-mholadh iadsan Dia gu mòr.
Molaibh Iehobhah treun.



SGRIOPTUIRIBH NAOMHA.

LAOIDH I. Genesis i.

- O** NEO-NI éireadh talamh 's nêamh,
so labhair guth an Triath :
O neo-ni dh'éirich talamh 's nêamh,
gu h-ùmhail mar a dh'iarr.
- 2 Shuidh air an aigein duibhre tiugh,
thuirt Dia, Biodh solus ann ;
Ghrad-las an solus dealrach glan,
's an duibhre theich gu teann.
- 3 Do neulaibh dh'àithn e togail suas,
suas thog na neoil d'a rèir ;
Le'n ionmhas uisg 'sgaoil iad 's gach àit,
a' snàmh air feadh nan speur.
- 4 Dh'àithn e do'n uisg a luidh air fonn
grad-thional gu h-aon àit ;
Dhian-ruith an fhairge, tonn air thonn
is feuch an talamh tràight' !
- 5 Le lùibhibh gorm is craobhaibh meas,
chòmhdaich e 'n talamh lom ;
Mu'n d' thàinig frasno drùchd o'n speur,
's mu 'n d' éirich grián air fonn.
- 6 Sgeadaich e 'n sin na nêamhan àrd' ;
gu dealrach las a' ghrian :
A' ghealach is na reulta dhùisg,
a chuntas mhòs is bhliadhn'.
- 7 Do'n uisge dhealbh Iehobhah treun
gach gineal éisg sa' chuan ;
Is ghairm o'n doimhne mar an ceudn'
gach eun san ealtainn shuas.
- 8 Gach dùile beò air thalamh ta
dhealbh thu le d' làimh, fa leth ;
Do'n leòmhnan bhorb 's do'n chnuimheig
thug thu maraon am bith. [fhao in
- 9 An duine chruthaich thu fadheoidh,
a'd choslas glòrmhor féin,
Gu bhí 'na uachdran dlígeach fíor
os ceann gach ní fo'n ghréin.
- 10 T'uil' oibre 'n sin a'd' làth'r, a Dhé,
gu ciatach àluinn sheas ;
Sheall thu, is thuirt gu robh gach ní
gu fíor-mhaith agus deas.
- 11 Cia glòrmhor t'oibre-sa gu léir !
cia treun thu féin an neart ;
Co 'n tí nach tugadh dhuit-sa cliù !
molams' thu. Dhia nam feart !

LAOIDH II. Gen. xxviii. 20-22.

- D**HE Bhéteil ! le d'láimh thoirbhear-
's tu bheathaich t'Isra'í féin : [taich
'S a threòraich feadh an turuis sgíth,
ar sinnseara gu léir ;

- 2 Ar bòid 's ar n-urnuigh nis a ta
aig lath'r do chaithir ghràis ;
Bí leinn, O Dhia ar n-aithriche '
's na diobair sinn gu bràth.
- 3 Tre cheumaibh dorch' ar beatha 'd so,
O trebraich thusa sinn ;
'S o là gu là ar teachd-an-tìr,
's ar n-éidibh-cuirp thoir dhuinn.
- 4 Fo sgàil do sgéith, O dean ar dìon
gu crìch ar seachrain sgíth,
Is thoir d'ar n-an'maibh fois fadheoidh
a'd' chòmhnuidh shuas an sìth.
- 5 Na tiodhlaca so, Dhé nan gràs,
thoir dhuinn o d'láimh gu fial ;
'S a nis, 's o so a mach gu bràth,
is tu a ghnàth ar Dia.

LAOIDH III. Iob i. 21.

- L**OMNOCHD marthànigsinn a steach
do 'n t-saoghal so air tús,
Is amhluidh théid sinn lomnochd as,
is taisgear sinn san tìr.
- 2 Gach ní rí 'n canar leinn gu faoin
ar maoin 's ar stòras féin,
Is iasad goirid aoin là e,
's grad-dhiolar e gu léir.
- 3 'Se Dia bheir dhuinn gach corah-
no ghearrasíad air falbh ; [fhurtachd,
Ma thug e leis, 'se féin thug uaith :
beannaicht' gach uair biodh 'ainm !
- 4 Beannaicht' gu sìorruidh gu robh Dia'
cha ghearrain sinn ní 's mò ;
Docrach no socrach biodh ar cor,
dhuits', Athair, gu robh glòir.

LAOIDH IV. Iob iii. 17-20.

- C**IA sàmhach ciùin an talla dorch
san gabh sinn uile tàmh ;
An tìr na dichuimh' far nach gluais
aon fhuathas sinn no nàmh.
- 2 Cia tosdach seimh an leabaidh 'n uaigh,
a ghabhail suain is fois ; [innt'
Théid crìoch air dragh luchd-euceirt
's gheibh daoine sgíth innt' clos
- 3 Innte cha chaidh am prìosanach
ní 's mò mar fhuair e chlaoidh ;
Cha dochainn smachd an droch rìgh
bhuirb,
's is balbh guth mhillt fhir dhaoi,
- 4 Tha lag is làidir, beag is mòr,
co-shìnt san uaigh le chéil ;
Tha naimhdean sàmhach taobh rì
is luchd na comhstri réidh. [taobh,

- 5 Co-ionnan coidlidh iad air fad
fo ghlasaibh teann a' bhàis,
Gu'n uair an gairmear iad le Dia
'na fhianuis là a' bhràth.

LAOIDH V. Iob v. 6-12.

- A** MHGHAR o'n duslach ged nach
o'n ùir ged nach tig bròn; [dùisg,
Gidheadh is lionmhor iad na h-uile
th' air mac an duine 'n tòir.
- 2 Amhluidh mar dh'èireas srada suas
gu luath air lorg a chéil'.
Mar sin tha'n duine air a bhreth
gu bròn is cùradh geur.
- 3 Ach carbam-sa ri Dia mo chùis,
is deanam m'urnuigh ris;
Riaghladh an domhain tha 'na làimh,
gu 'làthair teichidh mis'.
- 4 Tha 'oibre lionmhor agus mòr,
cò chuireas iad an céill?
An t-anam brònach ni e ait,
'S an t-anam lag ni treun.

LAOIDH VI. Iob viii. 11-22.

- G** UN làthach am fàs luachair ghlas?
no seilisteir gun sruth?
Ged fhàs, is diombuan gearr an cuairt,
seargaidh, gun bhuain, an cruth.
- 2 Is ionnan dòchas baoth an daoi,
nach feud a chaidh bhi buan;
Mar hon an damhain-allaidh fhaoine,
théid leis gach gaorth mu'n cuairt.
- 3 Trath leigeas e a thaic r'a thigh,
'aomaidh gach clach is crann;
'S luath ghreimicheas e ris, ach 's
luath'
théid 'fhardoeh bun os ceann.
- 4 Ged fhàs 'na ghàradh ris a' ghréin
a gheuga dosrach ùr;
'S ged sgaoil e 'fhreumhan domhain
do-spionta ta car ùin': [teann
- 5 Gidheadh air teachd d'a bhinn o nèamh,
spionar a fhreumh á bun;
'Aite cha 'n aithnich e ni's mò;
caochlaidh a ghlòir gu tur. [daoi,
- 6 Feuch, 's amhluidh gairdeachas nan
ni tàir air naomhreachd Dhé;
Grad-thuitidh iad: 's co grad a thig
'nan àite daoine seimh.
- 7 Ach Dia nan gràs, le eumhachd mòr,
ni daoine còir a dhòn;
An cridhe honaidh e le gean,
's am beul le moladh sìor.

LAOIDH VII. Iob ix. 2-10

- A** M bi siol Adhaimh saor o chiont',
no glan am fianuis Dé?
Ma thagras e réir ceartais ruinn,
fa' smachd théid sinn do'n eug.
- 2 Gu geur-chuiseach ma thoinhseas e
gach smuain, is guth, is gnìomh;

Leithsgeul, air son mo mhìle ciont'
a dhealbh cha'n urrain mi.

- 3 Is glic a chridh' 's is treun a làmh,
's nach aingidh dàn an sluagh
A thogas ceann an aghaidh Dhia;
cò riamh thug air-san buaidh?
- 4 Roimh 'fheirg, na sléibhte crioth-
is clisgidh iad o'm bonn; [naichidh,
O 'bhunchar luaisgidh null 's a nall,
le garbh-chrith, 'n talamh trom.
- 5 Ma thoirmisgeas e éirigh gréin',
cha'n éirich grian gu bràth:
Dubh-neulach ni e 'n speur air fad,
's gach reul théid as 'na smàl.
- 6 Coisichidh Dia san fhaierge ghairbh
carbad do ghaothaibh ni;
A shlighe àrd cò lorgaicheas
a cheuma dorch' co chi?

LAOIDH VIII. Iob xiv. 1-15.

- O** DHUINE th'air do bhreth le mnacai,
cia tearc is truagh do làith!
O'n du-lach thàinig thu, is théid
gu d' dhuslach féin gu dàil.
- 2 Mar mhaoth-lus fasaigh tu fo bhlàth
is gheibh thu bàs gu beachd:
Mar fhaileas teichidh tu gu luath,
's cha bhuan air thalamh neach.
- 3 Làn ciont' is truaigh, an seas aon dùil,
fa chomhair sùilean Dé?
Co chaidh bheir uisge soilleir glar
à tobar salach créidh?
- 4 Ar làithean air an àircamh ta,
's gun tàmh a' gabbail seach;
Is goirid gus an tig an uair
a ni do'n uaigh ar teach.
- 5 Dhé mhoir! na smachdaich aun ad
an tomhas goirid faoin, [fheirg
Do làithibh diombuan an-shocrach
thug thu do chloinn nan daoin'.
- 6 Ged chrionas lus, cha'n fhaigh e bàs,
thig 'fhas ri h-ùine nìos;
'S ged sheargas craobh sa' gheamhradh
ni'n t-carrach nuadh i ris. [fhuar
- 7 Ach aon uair 's gu'm faigh duine bàs,
cha phill a làith' ni 's mò;
A bhacatha cha dean carrach nuadh,
's air 'uaigh cha bhris an lò.
- 8 Amhluidh mar shruth a ruitheas bras,
's nach pill air ais r'a shliabh;
Tha làith' is bliadhnaidh 's linn dol
's cha phill ri neach an triall. [seach,
- 9 San uaigh 'n tràth luidheas duine sìos,
coidlidh e 'n dhon a' bhais;
'S cha dùisg e tuilleadh gus an téid
an cruinne-cé 'na smàl.
- 10 O biodh an uaigh 'na leabadh thàimh
dhomh féin, gu là mo 'Thriath,
San éirich mi gu h-aobhach suas
le naomh-shluag maiseach Dhia!

- 11 San dòehàs ait, le foighid mhòir,
feithidh mi ordugh Nèimh.
A thig san àm a shonruich Dia
an triall mi thuige féin.

LAOIDH IX. Iob xxvi. 6-14.

- C**O ghleachdas ris a' ghairdean threun
a dhealbh na speuran àrd' ?
No e'ait am folaieh neach e féin
o'n t-sùil d'an léir gach àit ?
- 2 'Na shealladh-san tha ifrinn féin
is léir-sgrìos uile rùisgt' :
'S an eilear lochd air bith no beud
o fhradharc geur a shùl ?
- 3 Air neo-ni ehroch e'n domhan mòr,
's an àirde tuath do sgaoil
Ar ionad falamh, agus phaisg
uisge sna neulaibh faoin'.
- 4 Tràth ehithear eumhachd Dhé's gach
tha sgàil 'ga fholaeh féin ; [ait,
Tha 'ehaithir euairtiehte le neòil,
's do dhuine beò eha léir.
- 5 Onfha na fairge pillidh e
le tràigh, air meud a neirt.
Is air a' ehrieh a thug e dhi
cha téid i chaoidh a thart.
- 6 Roimh aehmhasan Iehobhah thréin,
tha talamh 's nèamh air ehriht :
Clisgidh an stéidh na lasas suas
a chorruieh uair air bith.
- 7 Gun doinionn luaisgidh e an euan,
's tògaidh e suas a thuinn ;
'S an t-uabhbhaeh tilgidh e, gun nàmh,
o 'àirde bun os eeamn
- 8 'S e lionas nèamh le euideaeht naomh,
's a ni iad aobhaeh ait ;
Aeh sliochd na nathraeh tilgidh sìos
gu ionad elaidh le smaeht.
- 9 D'a oibribh 's beag a ehithear leinn,
's eha tuig sinn iad sin féin :
Aeh tairneanach a eumhachd mhòir,
eò dh'fheudas ehur an eéill ?

LAOIDH X. Gnath-fhoeail i. 20-31.

- A**N eomhthional nan iomadh slògh,
is anns na ròidibh tiugh',
Ri eloinn nan daoin' tha Glieoeas nèimh
a' togail suas a ghuth' ;
- 2 Cia fhad a ni luehd fanoid tàir
air firinn 's gràsa Dhé ?
'S a bheir sibh, amadana, spéis
d'ur toil mhi-ehéillidh féin ?
- 3 Pillibh air m' earails', air 'ur n-ais,
is bidh sibh sona ehaoidh :
Pillibh, 's a ehum bbur beannaehadh,
mo spiorad bheir mi dhuibh.
- 4 Aeh mur toir sibh mo ghuth fa'near,
's mur éisd sibh ri mo ghlaodh :
Tràth ghlaodhas sibhs' an là bbur naire,
'ur n-athehuinge bidh faoin.

- 5 Tràth ghlaeas léir-sgrìos sibh 'na euairt,
mar iom-ghaoth luath nan speur.
Ni mise fanoid air 'ur eaidh,
's 'ur n-urnigh chaoidh cha'n éisd.
- 6 O'n ròghnaieh sibh roimh bheatha bàs,
's éigin gu bràth bhi truaigh ;
Oir eiod air bith a chuireas neach,
dheth sin ni 'n neach sin buain.

LAOIDH XI. Gnath-fhoc. iii. 13-17.

- C**IA sona 'n ti do theagasg Dhé !
bheir éisdeaeht gach aon uair ;
'S ri glieoeas nèimh, le mòran tlaehd,
philleas gu moeh a chluas ?
- 2 Is fearr a stòr na 'n t-ionmhas faoin
a ta san t-saogh' gu léir ;
'S is luaehmhuine a dhuais gu mòr
na òr a' ehruinne-ehé.
- 3 Tha saoghal fada 'na làimh dheis,
is urram 'na làimh ehlì ;
Iadsan air fad a bheir dha gràdh,
's leo saoihbheas, slàint', is sìth.
- 4 Do 'n òg 'na shlighe fhiorghlan réidh
sòlas bheir e gu pailt,
'S do 'n aosda bheir e eoron glòir,
's tròdeair o Dhia gu n aire.
- 5 An uair tha dichìoll dhaoine mòr,
tha 'dhuais-san mòr d'a réir :
Do shòlasaibh tha 'shlighe làn ;
is sìth a ghnàth 's gach eeam.

LAOIDH XII. Gnath-fhoe, vi. 6-12.

- E**IRICH a lundaire gu grad,
'S thoir ort an seangan beag gun stad,
Oir ged naeh d'fhuair e riamh fear-iùil',
No neach g'a ghreasadh air a chùl ;
- 2 Fa eomhair geamhraidh ni e deas,
A' eumhneachadh gun tàmh a leas ;
San t-samhradh tursaidh e a lòn,
San fhoghar iomlan tha a stòr.
- 3 Aeh e' uin' a dh'éireas tus'o d' shuain ?
A lundaire, naeh dùisg thu suas ?
Cha'n iarr do leisg aeh tuilleadh tàimh,
Le eò do'n t-sùil, is pasgadh làmh.
- 4 Aeh feuch ! tha boehdainn agus bròu,
Ag iadhadh air gach làimh a'd' chòir ;
'S mar ghaisgeach armaeh teaeht a'd'
dhail, [sàil.
- Trom-bhruthaidh iad do eheann fo'n

LAOIDH XIII. Gnath-fhoe. viii. 22-31

- B**IBH tosdach uile, ehlannt nan daoin
tràth ghlaodhas Glieoeas Dé,
A bhriathra thugar leibh fa'near,
's d'a earail thugaibh géill.
- 2 Bu mhise Annsaeht Dhé o thùs,
mu'n robh na nèamha ann ;
'S mu'n d'fhuair an domhan mòr a
bha mise, feadh gach àm. [bhuth,
- 3 Mu'n robh ann sléibhte mòr no beag',
mu'n robh ann muir no tìr,

- No ni air bith sa' chruinne-ché;
aig deas làimh Dhé bha mi.
- 4 Tràth dhealbh e neòil is athar àrd,
an talamh tràight' 's an cuan,
'S tràth ghearr e 'n crìochan doibh fe
bha mise leis san uair. [leth,
- 5 Tràth chroch e 'n talamh cothrom
gun taic ris o aon taobh, [aicht'
Dhearc mi le gairdeachas an sin
air ionad còmhnuidh dhaoin'.
- 6 Dhealbh smuain mo chrìdh' o shior-
ruidheachd
làn-tearmunn doibh o'n bhàs;
Neo-chaochlaidheach, uath sin gu so.
tha m'ìochd dhoibh is mo ghradh.
- 7 Rì m' theagasg éisdibh uime sin,
is gheibh sibh beatha uath,
Is sona 'n ti bheir géill do m' lagh;
bidh 'n ti nach tabhair truagh.
- 8 Is mise ni gu nèarh an t-ìùl,
's an slighe réidh do m' shluagh:
Tha béatha 's cairdeas aig gach neach
a leanas mi gach uair.
- 9 Ach 's naimhde mòr'd'an an'maibh féin
na dhiultas géill do m' reachd;
'S na bheir sior-fhuath do m'theagasg
naomh,
chum ifrinn théid gu beachd.

LAOIDH XIV. Eccles. vii. 2-6.

- O** SIBHS' air fad le 'm b' àill bhì glic,
bibh tric an tigh a' bhròin:
Oir luath no mall tha sinn gu léir
ri fulang péin is leòn.
- 2 Is fearr gu mòr bhì giùlan goimh,
o àmhghar tigh na caoidh;
Na 'n crìdh' a lot le sòlas baoth,
an cuideachd dhaoine daoi.
- 3 'N tràth bhios an aghaidh tuirseach
's an t-sùil a' sìleadh dheur, [trom,
Gheibh smuainte naomh' san anam
's ni iad ni 's fearr an gné. [tamh,
- 4 An duine crìonna théid gu tric
gu bothan bochd a' bhròin;
Ach leis an dream air bheagan céill'
is aoibhinn talla cheòil.
- 5 Is diombuan aighear dhaoine daoi,
's is dlùth dhoibh àmhghar truagh:
Mar bhoisge fuaimneach droighinn
fhaoin
ghrad-chaochlaidheas gu luath.

LAOIDH XV. Eccles. ix. 4, 5, 6, 10.

- S**E nis an t-àm bhì réidh ri Dia;
'S e nis an t-àm thòirt géill do'n
Triath;
Am feadh a mhaireas là nan gràs;
Feudaidh gach neach dol as o'n bhàs.
- 2 'S i so an uair a sheachnadh truagh',
'S a thabhairt naimh a mach le buaidh;

So cothrom aigh, ta dian-dhol seach,
Deanar deadh bluìl dheth leis gach
neach.

- 3 Is fios do'n bhèd gu faigh e bàs,
Air díchuimhn' tha gach marbh an
tràs: [aimn,
An cuimhne dh'fhalbh, is dh'fhalbh an
Cha'n aithnich'r iad, 's cha'n aithne
dhoibh.
- 4 Theirig an gràdh, sguir am fuath,
'S tha'm farmad sìnte leo san uaigh;
Cha'n eòl doibh nisam bith fo 'n ghréin;
An saothair sguir maraon riu féin.
- 5 Dean díchioll uime sin 'na thràth,
Crìoch a chur air saothair do làmh:
Oir saothair, seòl, no obair ghlic.
Cha deanar leat gu bràth fo 'n lie.
- 6 San uaigh, do'm bheil sinn uile triall,
Maith'neas cha'n fhaigh, 's cha d'fhu-
aradh riamh;
Gun chaochla' bithidh cor gach neach
Gu àm d'a bhinne teachd a mach.

LAOIDH XVI. Eccles. xii. 1.

- C**UIMHNICH do Dhia an làithibh t'òig
làithibh gun bhròn gun chal;
Mu'n tig na bliadhnaidh breòite tinn,
's am fàs air t'intinn smal.
- 2 Mu'n tig gu àirde cruas do chrìdh',
grad-sgrìobh air lagh do Dhia;
'S do Chruithfhear cuimhnich fòs an
mu 'm fàs thu aosmhor liath. [tràs,
- 3 Oir, goirid uait tha pian is bròn,
na neòil tha cheana dlùth
Ni t'aoibhness dorch, is t'òige sean,
a' cur do ghean air chùl,
- 4 'S gearr gus an gearain thu gu goirt
fo sprochd is iarguin aois,
'S an cuimhnich thu air aighear t'òig',
nach pill ni 's mò do d'thaobh.

LAOIDH XVII. Isaiah i. 10-19.

- A**MHAI THEAN Shodoim! gabhaibh
do fhocal Rìgh nam feachd; [suim
Fheara Ghomorah! thigibh dlùth,
is bithidh ùmh'l d'a reachd.
- 2 Mar so a deir e, Cìod is brìgh
d'ur n-ìobairtibh gun stà?
Tha m' altair sgìth d'ur tìodhlacaibh,
's ghabh mi d'ur n-aoradh gràin.
- 3 Ged las 'ur n-ìobairtean gu nàmh,
's ged dhòrchaich tùis an speur;
Gidheadh bheir mise fuath is gràin
do ghìomh 'ur làmh 's duibh fein.
- 4 Bhur trasg 's 'ur n-urnuigh 's fuathach
's 'ur làithe féill faraon; [leam,
Oir tha 'ur crìdhe làn do cheilg,
's 'ur slighe cam is claon.
- 5 Glanaibh 'ur làmhnan o gach ole,
's na deanaibh lochd ni 's mò;

- 'Nur giùlan uile bithibh ceart,
's 'nur cridhe glan, gun ghò.
6 Na taigibh dhomhsa urram faoin,
ach foghlumaibh mo ieachd;
Teann-thagraibh chuis na bantraich
truaigh
's air fann na deana ibb lochd.
7 An sin, dearg mar choreur ged robh
'ur lochdan, nighear uaibh
An sal, is bidh sibh glan, tre ghràs,
mar shneachd a's àille snuadh.

LAOIDH XVIII. Isaiah ii. 2-6.

- F**EUCH! éiridh san linn dheireannaich
naomh theampull Dhia na glòir',
Os ceann nam beann 's nan sléibhteann
fàth iongantais ro mhòir! [ard';
2 D'a ionnsuidh thig na cinnich ait,
gach teangadh 's trenbh le chéil':
Ag ràdh, Suas greasamaid gun dàil
gu teampull àluinn Dé.
3 An solus thig O Shion àrd
dealraidh feadh dhùthcha céin;
'S do 'n Rìgh 'na shuidh' air Salem ta
bheirear 's gach àite géill.
4 Meas chiuneach 's eilean iomallach
àrd-shuidhidh e gu breth
Is smachduichear 'na cheartas leis
gach uile shluagh fa leth.
5 Le connspoid is le h-an-ìochd borb
cha bhuairear linn nan gràs;
Le speal is coltar iompaichear
gach claidheamh 's inneal bàis.
Le nàmh nì 's mò cha chasgrar nàmh
's cha bhi san àraich caoidh:
Chachruinnich troipaid slòighr'a'chèil',
's cha 'n éighear cath a chaoidh.

- 7 O ghineil Iacoib, uime sin,
thigibh gu teampull Dé;
'S 'na sholus-ran ta dealrach glan,
sior thrialamaid gu nàmh.

LAOIDH XIX. Isaiah ix. 2-8.

- F**EUCH! dh'éirich solus air na slòigh
bha chòmhnuidh 'n duibhre bàis;
Is air an t-sluagh a bha fo sgàil,
nis dhealraich Ghrian nan gràs.
2 A d'ionnsuidh-sa, a Ghrian an aigh!
Le fàilte thig gach sluagh,
'S iad aoibhinn mar luchd buain o'n
's am foghar taisgte suas. [fhàich,
3 Oir thog thu dhinn ar n-callach ghoirt,
is lotadh leat ar nàmh, [sìos
Le d'ghairdean treun ghrad-thilg thu
luchd mi-ruin chum an làir.
4 Mar laoch a' ruith feadh fola 's àir,
tha Slanuighear nam buadh;
Mar cheumaibh dhealanaich nan speur
bheir thu fo ghéill gach sluagh.

- 5 Feuch dhuinne rugadh Mac an aigh;
fhuair sinn Slanuighear treun!

- Gach treubh air thalamh géillidh dha,
is aingle nèimh gu léir.
6 Prionnsa na sìochaint canar ris,
's e'n Tì ta glie is treun;
Le ceartas riaghlaidh e gach sluagh,
o 'chaithir shuas air nàmh.

LAOIDH XX. Isaiah xxiv. 1-7.

- C**IA glòrmhor àluinn caithir Dhé!
Sion cia breagh a snuadh!
Innte chuir Dia a chaithir-rìgh.
chum marsuinn sìorruidh buan.
2 A balla dìonaidh e le 'ghràs,
gu làr cha tuit i chaoidh;
Nì slàinte tèarmunn di gach taobh,
's ifrinn cha 'n fheud a claidh.
3 A dhorsa sìorruidh, éiribh suas,
fosglaidh gu luath o chéil'; [a steach
'S gu'n rachadh naomh-shluagh Dhé
a thug d'a reachd-san géill.
4 An so gun airceas mealaidh sibh
sìth shòlasach gu bràth;
Sibhse le n' ionmhuinn àrd-ainm Dhé
's tha deanamh buin a 'ghràs.
5 Earbaibh á Dia, sìor-earbaibh as;
gach eagal fògraibh uaibh;
Aig Dia tha cumhachd chum 'ur dìon,
feadh linn nan linn gu buan.
6 Còmhnuidh nan droch dhaoin', ged is
bheir Dia le 'làimh i nuas; [àrd
'S am mòr-chuis tilgidh esan sìos,
co iosal ris an uaigh.
7 Saltraidh am bochd an sin le tàir,
àir àrais árd' nan daoì:
Tràth bhios iad sìnte air an làr,
gun éirigh 'n áird a chaoidh.

LAOIDH XXI. Isaiah xxxiii. 13-18.

- H**O! gach aon neach fad as no dlùth
do'n chùis so gabhaibh suim;
Bidh àgh is beannachd aig na naoimh.
ach sgriosar daoine daoì.
2 An ti bhios ionraic treibhdhìreach
fa chomhair Dhé gach uair,
Ri gnìomh gun ìochd nach cuir a làmh,
's air bréig gu bràth nach luaidh;
3 An ti nach laimhsich duais an uile,
's gu ceilg nach buair an saogh',
Nach seall gun ghràin air lochd air bith,
's nach gluais air slighe chlaoin:
4 An ti sin còmhnuidh gheibh gu tràth
an daingneach làidir Dhé;
Gun easbhuidh gheibh e 'theachd-antir,
is caisgear iota 's fheum.
5 Fadheòidh bidh Nèamh dha fosgailte,
le dorsaibh farsuinn fial,
'Se le Rìgh nan rìghrean bithidh e
gu téaruint' feadh gach ial.

LAOIDH XXII. Isaiah xl. 27-31

- C**'ARSON a dhòirtear leat a mach
do chaoidh, gun dàil ri ìochd?

- Ceart mar nach tugadh Dia fa' near
chùis neach air bith d'a shliochd.
- 2 Esan a chruthaich talamh 's nèamh,
am bheil a thearmunn gann?
No 'm feud an lamh a dhealbh gach nì
fàs sgith gu bràth no fann?
- 3 Maith, glic, is uile-chumhachdach,
tha 'n Triath a ta 'gar dìon;
A shlighe ged nach léir do neach,
is ceart e anns gach gnòmh.
- 4 'S mòr fàth ar misnich, uime sin,
fo cheannsal Dhia na sluagh;
Do 'n fhìrean lag bheir esan neart,
's do'n anmhunn bheir e buaidh.
- 5 Caillidh na daoine sean an treòir,
's an òigridh fien an lùth;
Ach mheud 's a dh'fheith ri Dia nan
tha slàinte dhoibhsan dlùth. [gràs,
- 6 Le cosaibh lùthar suibhlaibh iad
san t-slighe dh' ionnsuidh glòir';
'S fàsaidh an neart mar thriallas iad,
'nan giùlan diadhaidh còir.
- 7 Air sgiathaibh creidimh éiridh iad,
mar iolar luath nan speur,
Os ceann an t saoghail dhòrcha so,
gu Dia an àirde nèimh.

LAOIDH XXIII. Isaiah xlii. 1-13.

- F**EUCH m'òglach! feuch mo sheircinn
's e àrdaicht'ann am neart; [ghràidh
Mo roghainn e do'n t-sluagh gu léir,
dha thug mi spéis gu beachd.
- 2 Airsan gu saoi bhir tuirlingidh
mo Spiorad naomha féin,
Chum anns na dùthchaibh iomallach
mo bhreth gu'n cuir e 'n céill.
- 3 Séimh agus ciùin, gun gheilt no buirb,
bheir esan breth neo-chlaon; [brùit',
Cha bhris e 'm feasd a' chuile tha
's cha mhùch e'n lasair chaol.
- 4 Gu lasair séidear leis an t-srad;
do'n lag bheir e làn-bhuaidh;
Feadh mhòr-thìr 's eilean sgaoilidh 'eud,
is géillidh dha gach sluagh.
- 5 So deir an Dia ghairm nèamh gu bith,
's a las na lòchraim inìil,
A thug do 'n duine spiorad glic,
's a dhealbh gach uile dhùil:
- 6 'S tu m' Fhàidh, a ghairm 's a thog
mi suas!
gach uair is leat mo neart;
O m' uile chumhachd gheibh thu treòir
gu d' chòmhnadh anns gach beart.
- 7 Annadsa ni mi ris gach tìr
coimhcheangal sìorruidh gràidh,
Thoir saorsa do na braidhìbh leòint',
's do chinnich eòlas aigh.
- 8 Na dorsa prais grad-bhrisidh tu,
's na glasa làidir teann.

- Is solus aoibhinn agus saors'
bheir thu do 'n daor 's do'n dall.
- 9 'S mise Iehobhah; 's e sin m' ainm
air feadh gach uile ial; [faoin',
Mo ghloir cha bhuin do dhealbhaibh
's mi féin a'm' aonar Dia.
- 10 Feuch! choimhionadh a nis gach nì
gheall mi o shean do'n t-saogh'l;
'S na nithe gheallar leam an tràs
coimhlonan iad faraon.
- 11 Canaibh do 'n Tighearn òran nuadh:
air 'ainm biodh luadh 's gach àit;
Feadh muir, is tìr, is innse cian,
biodh moladh Dhia gu bràth.
- 12 A chaithir mhòr! is fhàsaich fhaoin!
molaibh araon ar Dia;
'Sa mhachair thugaibh moladh dha,
's na bheil 'nur tàmh feadh shliabh.
- 13 Seinnidh gach sluagh, gu h-aon-
sgèulach,
glòir ion-mholt' Dhé bhith-bhuain;
'S do'n chaithream aoibhinn agus throm
co-fhreagradh fonn is cuan!

LAOIDH XXIV. Isaiah xlix. 13-17.

- A** NEAMHA togaibh luathghair ait;
a thalamh, binn-cheol seinn;
A shléibhte, canaibh co-sheirm chiùil,
's gach dùil air feadh gach linn!
- 2 Feuchaibh cia tròcaireach ar Dia!
cluinnibh a bhriathra gràis;
Do'n anam through bheir comfhurt-
is saors' o dhochann bàis. [achd,
- 3 Sguiribh, an làithibh goirt 'ur claoidh',
d'uir caoidh 's d'ur gearan cruaidh:
An saoil sibh nach toir Dia fa 'near
staid gach aoin neach d'a shluagh?
- 4 An dhobair màthair ciochran maoth
a brollaich, le h-an-ìochd?
Nach maothaich osna 's deòir a cridh'
's nach gabh i truas d'a shliochd?
- 5 Ach, arsa Dia, ged chaochail ìochd
d'a gineil anns gach mnaoi,
Mo ghaol is m'ìochd-sa do mo shluagh,
gun chaochladh mairidh chaoidh.
- 6 Doinhain air dearnaibh mo dhà làimh,
ainm Shìoin ghearr mi stòs;
A balla briste càiridh' mi,
's a h-àrois togaidd ris.

LAOIDH XXV. Isaiah liii.

- C**IÀ tearc an dream, le creidimh beò
a ghabhas eòlas uainn;
No mhothaicheas o'm fiosrach féin,
mòr-chumhachd Dhé nan sluagh?
- 2 Tha IOSA teachd! gun ghreadh nachas,
a dh'fhoillseachadh cia dlùth;
Oir àille thalmhaidh air cha bhi,
no bheag do iognadh shùl.
- 3 Mar chinneas ann am fàsach fhaoin
luibh mhaoth, gun chùram sluagh,

- Mar sin, san t-saoghal aingidh so,
dh'fhàs Criosd fo ainneart suas.
- 4 Fo dhìmeas is fo tharcuis dhaoìn',
feuch fear an àmhghair thruaigh!
Is bròn a' leantuinn ris gun chlos,
an taobh a bhos do 'n uaigh.
- 5 Ach cha b'e fèin, ach sinne thoill
gach cràdh a rinn a lèon;
Oir, neochiontach sheas e 'nar riochd
's gu h-ìochdmhorghabh arbròn.
- 6 Gidheadh mar dhroch dhuin' mheas-
's mar fhògarach o ghràs: [adh e,
Tràth dhòirt e' fhuil air son an t-sluaigh,
fo osnaidh chruaidh a' bhàis.
- 7 Le 'naomh-fhuil nigh e dhinn guglan,
ar truaillicheachd 's ar lochd;
Leighis a chreuchdan, 's shaor a bhàs
gu bràth ar n-an'ma bochd.
- 8 Chaidh daoine dall is ecannairceach
air seachran trua', mar threud;
Ach ghiulain Criosd ar n-eusaontas,
is dhiol ar n-uile bheud.
- 9 Fo bhuillibh trom' ar smachdachaidh,
feuch giulan caomh Mhic Dhé!
Mar uan a' chasraidh, 's amhluidh sin,
cha d'fhosgail e a bheul.
- 10 A neochionta cò dh 'fhoillsicheas!
's e'n cuibhreach chruaidh an sàs?
Feuch dhètheadh e le samhladh reachd,
is thugadh seach gu bàs.
- 11 Le peacaich luidh e sìos san dus,
na beartaich thug dha uaigh;
Mar chaith e 'bheatha, chriochnaich e,
gun chiont', air meud a thruaigh',
- 12 Mar so ge d' bhruthadh e le Dia,
dh'éirich ar Triath a ris,
Oir iobairt iomlan aoin Mhic féin
dhiol ceartas Dé gu sìor:
- 13 Oir, arsa Dia, làn-shoirbhichidh
mo thlachd 'na làimh gun cheisd;
Bidh 'ghineall ionmhor feadh gach linn,
's bidh inbhe mòr am feasd.
- 14 Bidh 'anam ait tràth dhearcas e
air toradh pailt a phéin;
Is bheir na slòigh a shlànuich e,
chliu sìor d'an Slàn'ear treun.
- 15 Roinnidh e chreach le laochraibh
treun';
's do 'n eug bheir gach aon nàmh;
Le ciontaich ge d' luidh e san uaigh,
dh'éirich le buaidh an àird.
- 16 Dh'fhuiling e dhiolaidd cionta dhaoìn'
a dh'fhaotainn sìth' d'a shluagh;
'S mar charaid sìor-bhèd nis air nèamh,
tagraidh e'n cùis gach uair.

LAOIDH XXVI. Isaiah lv.

O DHAOINE tartmhor! thigibh chum
sruth pailt nan uisge beò;
An nasgaidh gheibh am bochd a dhiol,
gun airgiod is gun òr.

- 2 C'ar son a struidheas sibh'ur maoin
air nithibh faoin' nach biadh;
'S a chaillcas sibh 'ur saoth'r gach là,
mu ni nach sàsuich miann?
- 3 Gu deònach cromaibh riums' 'ur cluas,
ma 's àill leibh suaimhneas fìor;
Le m' theagasg bidh 'ur n-an'ma beò,
is gheibh sibh sòlas sìor.
- 4 Eisdibh, is mairibh beò gu bràth!
mo chùmhnannt gràsmhor 's leibh;
An tròcair a rinn Daibhidh ait,
gun aire bheir mise dhuibh.
- 5 Mar fhianuis ròghnaich 's thog mi e,
mar cheannard treun do m' shluagh;
Gach fine gairmidh e o chéin,
's bheir iad fo 'bhrataich buaidh.
- 6 Feuch crìocha cian nach b'aithne dhuith,
is do nach b'aithne thu, [ichidh,
Ard-fhàidh! a d'ionnsuidh cruian-
's do m' ainm-sa bheir iad cliu.
- 7 Grad-iarraibh Dia am feadh tha 'chluas
'ga cromadh nuas r' ur glaoth;
'S nuair tha e tairgseadh dhuibh a
gabhaibh ri 'shlàinte shaor. [ghràis,
- 8 Treigeadh an t-aingidh 'shlighe chlaon,
's an droch dhuin' smuain a chridh'.
Is pilleadh iad ri Dia gun dàil,
is gheibh iad slàint' is sìth.
- 9 Oir Dia tha saoiibhir ann an iocbd,
is laghaidh e gach beud;
Cha'n ionnan nàdur dha 's do dhaoìn',
a thròcair chaomh cha tréig.
- 10 Oir mar is àrd an speur, deir Dia,
os ceann na talmhainn faoin'
'S co-àrd tha m' àrd 's mo smuainte-sa
thar iùl is smuainte dhaoìn'.
- 11 Nuas silidh frasa sneachd is uisg',
's cha phill a ris an àird,
An talamh gus an taisich iad
a ghiùlan lòn 's gach àit.
- 12 Mar so aon ghuth a labhras mis'
cha tig air ais gun bhuil; [dùil,
Mo ghairm gheibh cìseachd o gach
is bidh iad ùmh'l do m' thoil.
- 13 N' sin stiùrar dùthchan iompaichte,
le h-aobhncas is le fois:
Na sléibhte seinnidh air gach taobh:
buailidh gach craobh a bos.
- 14 An àite droighinn agus dris
bidh ùr-chroinn uaine fas; [dùil,
Mar so sìor-mhairibh; 's bheir gach
àrd-chliu do Dhia nan gràs.

LAOIDH XXVII. Isaiah lvii. 15, 16.

EISDIBH! gach neach air thalamh ta,
guth Dhé ro-aird is naoimh;
'S iad so a bhriathra tròcaireach,
fath dòchais chloinn nan daoìn',
2 An àirde nèimh mo chaithir rìgh
o shiorruic'hd shocruidh mis';

- 'S lean cliu nan aingeal feadh gach
's gach buaidh ta iomlan leis. [lunn,
3 Gidheadh o m' ionad còmhuidh
sealladh ni nuas a ghnàth. [shuas,
Air luchd a' chridhe bhriste bhrùit',
's 'nam bùthan ni mi tàmh :
4 A cheangal suas an spioraid bhrùit'
's g'a thoirt o'n ùir a nìos ;
'S a bheòthachadh nan an'ma truagh'
tha dol do'n uaigh a sìos.
5 Na h-an'ma sin a dhealbh mi féin,
gheibh téaruinteachd fo m' ghràs ;
Tagradh cha dean mi riu do shìor,
mun tuit iad sìos a'm' làth'r.

LAOIDH XXVIII. Isaiah lvii. 5-9.

- F**EUCH! cìod an trasg is aill le Dia,
an e bhì cianail trom!
No sgèadaichte le samhladh bròin,
is aghaidh leòinte chrom?
2 An ionmhuinn leamsa éididh bròin,
deir Rìgh na glòir' e féin?
Le ceann air lùbadh, 's gnùis fo smal,
am faigh sibh uamsa spéis?
3 Rì daoine truagh 'gan sàrachadh,
cum baigh is cothrom maith;
'S do dhaoine bochd is an-shocrach
gabh curam, 's b'iodh ort rath.'
4 Do'n dilleachd oerach thoir do bhiadh,
's b'iodh d'fhardach fial gach uair
Do'n choigreach tha gun àite tàimh,
's do'n acrach dhiblidh thruagh.
5 Còmhdaich an lomnochd, dìon am
tog suas an ti fo leòn; [fuair,
'S na druid do chridhe le h-an-iochd
o neach air bith san fheòil.
6 An sin mar mhaduinn shoilleir chiùin,
bidh t'ùin' air thalamh bhos;
Air t'ùile shlighe dealraidh Dia,
's o t' iarguin gheibh thu fois.

LAOIDH XXIX. Tuir iii. 37-40.

- A**M measg nan cumhachdach cò 'n ti
a bheir gu crìch na 's àill?
Nach 'eil gach ni sa' chruinne-ché,
fo ordugh Dhé a mhaìnn :
2 'S esan a nì ar n-aoibhneas mòr,
no bheir dhuinn bròn fa seach;
'S i 'lànna a dhealbh an solus iùil,
's do dhuibh-neòil thug an dreach.
3 Cìod uim' an gearain duine beò,
'ga leòn fo smachdach' Dhé?
A chum a leas tha Dia 'ga chlaoidh
gu thoirt d'a ionnsuidh féin.
4 O dhaoine! rannsaichibh gu geur,
gach ceum d'ur slighe chlaoin;
'S pillibh o 'r seachranaibh gu Dia,
thaobh meud a thrèacair chaoìn.

LAOIDH XXX. Hosca vi. 1-4.

- T**HIGIBH, is rachamaid gu Dia,
le chridhe tiamhaibh bròin:
Ge d' pheacaich sinn, ni esan iochd
air an'maibh briste leòint'.
2 Air 'iarrtus dùisgidh 'n doinionn
is fasaidh balbh a rìs; [gharbh,
Is ged tha 'ghairdean treun gu sgrios,
tha e co treun g'ar dìon.
3 B' fhada 's bu chian ar n-oidhele
bhròin,
bheir teachd an lò dhuinn gean;
Oir thig ar Dia is fògraidh e
gach dòlas ruinn a lean.
4 'N sin gheibh sinn eòlas air a ghràdh,
ma thig sinn dhasan dlùth;
Bidh 'ghnùis mar gheirn na maidne
's a ghuth mar inneal-ciùil. [gloin',
5 Mar dhrùchd air bhàrr nan luibhean
màoth;
's iad air gach taobh fo bhlàth;
No mar na frasann thig a nuas
air fearann cruaidh is fas;
6 Mar sin ni dealradh gnùis ar Dé
ar n'an'ma aoibhinn ait:
Fograidh e duibhre 's doilghios uaim,
is ni sinn uail gun aire.

LAOIDH XXXI. Micah vi. 6-9.

- C**IA leis a thig mi 'm fianuis Dhé,
àrd thriath a' chruinne-ché!
No cìod an lobairt bheir mi dha,
chum e bhì ghnàth rium réidh?
2 An toilich mìle lobairt-loisgt',
le'm boltrach tuis' an Triath?
Deich mìle sruthan olaidh 'n leòr,
's gach ainmhidh beò san t-sliabh?
3 Mus leòr, an gabh e mo cheud-ghin,
an riochd mo bheatha féin;
Toradh mo chuirp an éiric m' an'm'.
chum bhì 's gach àm rium réidh?
4 Cha'n fhoghaìnn so: is aobhar gràin
le Dia gach cràbhach saoi;
'N fhocal leig e ris a rùn,
a stiùradh chloinn nan daoìn'.
5 O dhuine! so na dh'iarr e ort;
dean ceartas, miannaich iochd;
Gu h-umhal gluais an làth'r do Dhia,
is dean a riar gu glic.

LAOIDH XXXII. Habac. iii. 17, 18.

- C**HAAOIDH ged nach toir crann fìge
blàth,
's nach fàs air fion-chrann meas;
Saoth'r a' chroinn-olaidh ged a thréig,
's fàs dèis 'gun bhì air slìos;
2 Gach treud o'n mhaìnnir ged a bhuail
grad fhuathas 'nuair nach saoil:
Greigh ged nach fàg an t-Earrach
no bò air uachdar raoin; [cruaidh,

- 3 Gidheadh san Triath bidh mise ait,
is nì mi uail 'na ghràdh;
Mòr aoibhneas nì mi ann am Dhia;
's e Dia mo shlaint' gu bràth.
- 4 Bheir Dia dhomh ueart chum ruil gu
mar fhiadh air fireach àrd: [dian
Is bheir e mi gu riogh'ehd na glòir',
fa sheola caomh a ghràis.
- 5 'Se Dia mo stòr, mo bheatha 's m'ùil
o'n tig mo lùth 's mo threis;
Gainne no gort', beatha no bàs,
cha sgar o 'ghràdh mi 'm feasd.

LAOIDH XXXIII. Mat. vi. 9-14.

- A**THAIR gach dùil a bhos is shuas!
d'an dual gach cliu is glòir;
A'd làthair strìochdaidh sinne sìos,
gu h-ìosal mar is còir.
- 2 T'ainm naomhaichear 's na h-uile àit,
is aoradh dha gach slògh;
Craobh-sgaoil do Shoisgeul, 's thoir
dha buaidh,
is luathaich riogh'ehd na glòir'.
- 3 Deanadh gach dùil air thalamh bhos
do thoil mar ainglibh nèimh;
Dhi géilleadh iad le cridhe ait
s' le giulan macaut' sèimh.
- 4 Ar n-aran làthail deònuich dhuinn,
is cridhe taingeil leis;
Is ciod air bith a's cuibhrionn duinn,
do bheannachd biodh 'na chois.
- 5 Maith dhuinn ar fiacha trom, a Dhé,
a réir mar mhaithear leinn,
D'ar feichnibh féin an euceartan,
's gach beum a thug iad dhuinn.
- 6 Na leig am buaireadh sinn, a Dhé,
ach gléidh sinn o gach lochd;
Oir rioghachd, cumhachd, agus glòir,
is leat le còir gu beachd.

LAOIDH XXXIV. Mat. xi. 25-30.

- B**UIDHEACHAS follaiseach thug
d'a Athair féin, ar ràdh, [Criosd
Sior-bheannaicht' bi-sa, Dhia nam
o linn gu linn gu bràth! [feart,
- 2 'S tu cheil air daoineibh saogh'la glic
dearbh-fhriun shlàinteil uèimh,
Gidheadh a thaisbein soilleir i
do leanbaibh ùmhal scimh.
- 3 'Si so do thoil-sa, Athair chaoimh!
's do naomh-reachd seasmach buan;
Na iarradh aingle naomh' no daoine
làu-f hios an aobhair uainn.
- 4 Gach uile chumhachd dhomhs' thug
dha mhàin is fios mo ghnè; [Dia;
Is dhomh-sa mhàin a ghnè-san 's eòl,
's do'n dream d'an seòl mi e.
- 5 O sibhse ta le uallach trom
an uile 's an eagail leòint',
87

- Thigibh a n'ionnsuidh-sa, is gheibh
bhur n-anama fois is treoir.
- 6 Le cridhe umhal togarach
mo chuing-sa togaibh oirbh: [reachd,
Do m' cheannsal géilibh, is do m'
gu beachd cha 'n'eil e doirbh.
- 7 Oir caomh tha mise agus sèimh,
's cha dean mo chuing 'ur cràdh;
Foghlumaibh uam, 's 'ur n-an'ma sgith
fois shiorruidh gheibh is àgh.

LAOIDH XXXV. Matt. xxvi. 26-29.

- S**AN oidheche san do bhrathadh Ios',
'S e réidh gu 'bheatha leigcadh sìos,
Ghlac e aran, bhcannaich e, [nèamh.
Toirt buidheachais do Rìgh nan
- 2 'N sin thubhairt e r'a chàirdibh gaoil,
('S e briseadh 'n t-samhlaidh sin air
'fheibh,)
Glacaibh, ithibh; uaith so gu brath,
Air chumhne gleidhibh là mo bhàis.
- 3 Ghlac e an cupau fòs 'na làimh,
Is thog e ris a ghuth an àird,
Trath labhair e le briathraibh sìth',
Is teas-ghràdh lasadh suas 'na chrìdh':
- 4 M'fhuil, amhuil so, bheir mise seach,
Mar éric an'm' air son gach neach;
So scula cùmhaint slàint' is gràis',
Cruaidh-naisgte leamsa ann am bhàs.
- 5 Làn luchdaichte le gràdh do dhaoine',
'Tha'n cupan so, 's an ioc-shlàint' saor;
Gabhaidh dheth uile, 's bithibh beò;
Bibh cuimhneach orms' thug suas an
deò.

LAOIDH XXXVI. Air sheòl eile.

- S**AN oidhech' an d' éirich gach aon nàmh,
an aghaidh Slànuighear dhaoine',
Ghlac e, 's e réidh gu dol gu tas,
aran 'na làmhaibh naomh'.
- 2 'S air toirt da buidheachais do Dhia,
tha riaghlaidh talamh 's nèimh,
An t-aran bhris, mar shamhl' air fheoil,
is thuirt gu foil r'a threud;
- 3 Mo chorp-sa briste, amhuil so,
feuch bheir mi dhuibh gu saor;
Oir air 'ur sonsa bhriscadh e,
's air son a' chinne-daoine'.
- 4 Glacaibh is ithibh, uime sin,
is cuimhneichibh mo bhàs,
Gach uair a nì sibh 'n obair cheudn'
'na dhéigh so, gu là bhrath.
- 5 Ghlac e an sin 'na làimh an cup',
's thug buidheachas faraon,
Bha 'chrìdhe laiste le teas ghràdh,
shruth slàint' o 'bhilibh caoiu.
- 6 Feuch amhuil so bheir mise u'fhuil,
gu'r tèarn' o ghuin a' bhàis; [saor
Gabhaidh gach ueach; tha 'n iocshlaint
do gach uil'au le'n àill.

- 7 Air feadh gach linn sìor-chuimh-
nichibh,
mòr-shaoibhreas m'iochd 'smo ghrais,
So seul a' chùmhaint ni mi ruibh,
is cuimhneachan mo bhàis.

LAOIDH XXXVI. Luc i. 46-56.

- N**I m'anam uail is gairdeachas
an Dia mo shlàinte chaoimh;
Oir thog a mhaithreas Inilt suas
o m'inbhe shuaraich fhaoin.
2 Canar mi sona leis gach linn,
oir rinn mo Dhia orm iochd,
Is naomha 'ainm, 's is buan a ghràs,
nis is gach tràth gu beachd.
3 Feuch, dh'fhoillsich Dia a ghairdean
an t-uabhbheach thréig e tur; [treun,
Luchd-àrdain thilg o'n caithir-rìgh,
's an t-ìosal thog o'n dus.
4 An t-ocrach shàsuich e le lòn,
an saoi bhir leòn le gort',
Ri luchd an àilghios chuir e cùl,
is thug a rùn do'n bhochd.
5 Chuimhnich e 'thròcair is a ghràs
do Iacob òglach fèin,
Is thug e cabhair, mar a gheall,
san aimsir fad o chéin.

LAOIDH XXXVII. Luc. ii. 8-15.

- A**IR bhith do bhuachaillibh le ehéil'
a' faireadh treud san oidhch',
Thaisbeanadh Aingeal doibh o nèamh,
's am magh lìon e le soills'.
2 Bu mhòr an oillt', ach thuirt e riu,
na gabhaibh geilt no sgàth,
Oir sgeul ro ait tha agam dhuibh,
is do gach linn gu bràth.
3 'N diugh rugadh dhuibh am baile 'n Rìgh,
an Slànuighear, seadh Crìosd,
Feuch, cluinnibh uamsa comhara,
le 'm mothaich sibh gur fìor: [n sin
4 An naoidhean nèamhaidh ghèibh sibh
follais do rosgaibh dhaoin',
Se paisgt' an trusan an-uasal,
's na luidh' am prasaich fhaoin.
5 Labhair an Seraph so, 's air ball
bha 'm magh do Aingibh làn,
A' seinn gu binn do Dhia na sìth',
's b' e so bu bhrìgh d'an dàn, [shuas,
6 "Gach glòir do Dhia sna nèamhaibh
sìth bhuan air thalamh ta; [daoin'
Nochd Dia 'dheadh-thoil do'n chinne
's cha traogh am fcasd a ghràdh.

LAOIDH XXXVIII. Luc. ii. 25-33.

- D**O Shimeon an duine naomh
dh'innseadh le Spiorad Dhia,
Gu faiceadh e roimh uair a bhàis,
an Slàn'ear, Crìosd an Triath.
2 An gealladh sòlasach so dh'fheith
an naomh, o là gu là;

Is cha do mhcalladh e 'na dhùil,
choimhlionadh chùis 'na tràth.

- 3 'Nuair thugadh Iosa réir an lagh
a stigh do 'n teampull naomh,
Do Shimeon dh'fhoillsicheadh cò e,
le Spiorad nèimh gu saor.
4 'Na ghairdean aosda ghlac an naomh
an naoidhean, 's thug e cliu
Do Dhia, 's e seinn le aoibhneas àrd,
's le gairdeachas 'na ghnùis.
5 "Nis leig do t'òglach triall an sìth
chum sìorruidheachd mar gheall;
O'n chunnaic mi do shlàint', a 'Thriath
mo thriall na bitheadh mall.
6 Na lánhan so, a ghlac mo Rìgh,
na glacadh ni 'na dhéigh;
'S na shìlean so a chunnaic Crìosd,
na faiceadh ni fo'n ghréin.
7 Tha'n t-slàinte gheall thu dhuinn
's a cho-ghéall thu faraon, [shean
A'dearbhadh dhuinn gur fìor do ghràdh
gu bràth do'n chinne-daoin.
8 So Grian an aigh le'm fògrar duibhr'
a' Ghèintilich gun iùl,
Is anns an cuir do theaghlach taght'
clann Israel an dùil.

LAOIDH XXXIX. Luc. ix. 18, 19.

- C**LUINNIBH sgeul ait; Tha Ios' air
ri'n robh o shean ar dùil! [teachd
Lìonar gach cridh' le gairdeachas,
seinnear gu bràth a chliu.
2 Tha'n Spiorad dhòirteadh air gu pailt,
ri fhaicinn anns gach ni;
Tha glìocas, cumhachd, eud, is gràdh,
dealach 'na uile ghnìomh.
3 Le 'theachd, làn shaorar braighde
truagh'
bh'aig Satan fo chruaidh-ghlais;
Oir sgaoilidh e gach cuibbheach theann,
is sgealbaidh dorsa prais.
4 Le 'theachd, neul cionta théid air chùl,
's thig fradharc iùil do'n dall;
Clàisteachd do'n bhodhar, 's cainnt do'n
's do'n bhacach lùth nam ball. [bhalbh,
5 Le 'theachd, gheibh bochd is uir-eas'ach
làn diol do shaoibhreas gràis;
An cridhe briste ceanglar suas,
an t-anam truagh bidh slàn.
6 'Thàinig là-saoraidh ait o'r Dia,
's maithear ar fiacha dhuinn:
Oir choimhlion Dia a ghealladh mòr,
is bidh e 'n còmhnuidh leinn.
7 Hosana ait do Rìgh na sìth'
o so a mach gu bràth;
Co-fhreagradh nèamh, is muir, is ùr,
le co-sheirm shiorruidh dha.

LAOIDH XL. Luc. xv. 13-25.

- L**E misg is mi-bheus 'nuair a chaith
an struidhear truagh a mhaoin,

- 'S e 'g iarraidh lòn an meas nam muc,
do phlaosgaibh falamh faoin'.
- 2 Ged bhàsaichinn thuirt e, le gort',
am fearann coigreach cèin, [tràill
An teaghlach m'athar gheibh gach
na 's aill le 'chridhe fein.
- 3 Nis pillidh, 's tuitidh mi a sìos
an làthair m' Athar chaoimh;
Och! pheacaich is cha'n airidh mi,
air t'iochd-sa no iochd nèimh.
- 4 Ag ràdh so, gu tigh 'Athar phill,
le inntinn thuirseach throm;
Tràth chunnaic 'athair e fad as,
las thus is iochd 'na chom.
- 5 Ghrad-ruith 'na chòdhail, 's thug e pòg,
le furan mòr d'a mhac;
Is b'aithreach leis an struidhear thruagh
gu'n d'thug e fuath d'a smachd.
- 6 Och! pheacaich, is cha'n airidh mi,
air t'iochd-sa no iochd nèimh;
Dean mi a'm' sheirbhiseach a mhàin,
O Athair chàrdeil chaoimh!
- 7 Thugaibh a mach, ars' 'Athair ait,
a' chulaidh thaghta dha?
'S gach iochd is urram diolamaid
do'n iompachan gun dàil:
- 8 Oir bha e marbh, is tha e beò:
caillte, 's fadheòidh air sgeul;
Biodh gairdeachas oirnn uime sin,
's biodh so 'na làtha féill'.
- 9 Mar sin bidh gairdeachas air nèamh
tràth thèarnar peacach baoth;
Le pilleadh dha le h-aithreachas
gu 'Athair iochdmhor caomh.

LAOIDH XLI. Eoin iii. 14-19.

- N**UAIR thogadh suas an nathair phrais
le Maois, san fhàsach chruaidh,
Dhearc oirre 'n dream bha dlùth do'n
is shlànuicheadh an sluagh; [bhàs,
- 2 Mar so tha Crìosd air àrdachadh,
gu slainte thabhairt duinn;
Seallaidh na slòigh chaidh lot an àird,
is slànuichear gach tinn.
- 3 Cia an-mhor tròcair Dhia nan gràs:
cia pailt a ghràdh is 'iochd,
A thug a mhac mar ìobairt suas,
a dh'fhulang truaigh' 'nar riochd!
- 4 Cha'n ann a dh'iteadh cloinn nan daoine
a thàinig Crìosd o nèamh;
Geur-lann gu sgrios cha robh 'na làmh
no bagradh bàis 'na bheul.
- 5 Le creidimh slainteil géillibh-sa,
a luchd mi-bheus, d'a reachd;
Is bheir e téaruint' sibh an sìth,
g'a rìogh'chd a ta ri teachd.
- 6 Ach leanaidh dioghaltas gu luath
an sluagh nach géill 'na thràth,
An dream ni cìmeas air mac Dhé,
's nach éisd ri taigs' a ghràis.

LAOIDH XLII. Eoin xiv. 1-7.

- U**AIBH fògraibh eagal's iomgain cridh
's na biodh 'ur dòchas fann;
Earbaidh á freasdal Dé a ghnàth,
's a' m' Ghràdh-sa gach aon àm.
- 2 Gu àros m' Athar pillidh mi,
ann 's lionmhòr ionad tàimh:
'S is dealrach glòir na rìoghachd sin,
'ga ìonadh air gach làimh.
- 3 Mur biodh na nithe so mar so,
dhuibh dh'innisinn sin o thùs;
Cha mheallainn sibh le dòchas baoth,
no muinghinn fhaoin mu'n chùis.
- 4 Roimhibh théid mise chum, 'nur nainn,
gu'n gabhainn sealbha air nèamh;
'S gu'n ulluichinn a' m' rìoghachd
gu sìorruidh àite tàimh. [dhuibh
- 5 Ach pillidh mi air m'ais a rìs,
is bheir mi sibhse leam;
An sin cha dealaich sinn ni 's mò,
's cha bhì sibh brònach trom.
- 6 A' bheatha, 'n fhèirinn, is an rod
a threòraicheas gu nèamh,
Is mise sin; 's na leanas mi,
gu sonas bheir mi iad.

LAOIDH XLIII. Eoin xiv. 25-28.

- M**O ghuth cha chluinn sibh tuilleadh
nis,
ghairm m' Athair mi chum nèimh,
O'n tig an comhf hurtair gun dàil,
an Spiorad gràsmhor naomh.
- 2 A'm' ainm-sa cuiridh 'n t-Athair e,
a dheanamh dhuibh an itil;
A thoirt na chuala sibh 'nur cuimhn',
's a dh'f'hoillseachadh gach cùis.
- 3 Mo shìth mar bheannachd dealachaidh,
's mar dhìlìb gheibh sibh 'n tràs;
Mo shìth bheir dhuibh lan-chomhfhurt-
'nur beatha is 'nur bàs. [achd,
- 4 A réir droch nòis an t-saoghail eilaoin,
cha mheall ni sibh gun cheisd
Is gealladh gun a choimhlionadh
cha toir mi dhuibh am feasd.
- 5 A'd' ghealladh, Thriath, ni sinne bun,
ré fad ar turuis fhaoin;
'S ar n-earbsa làidir bidh a'd' ghradh,
ri fàghail dhuinn an t-saogh'l.

LAOIDH XLIV. Eoin xix. 30.

- F**EUCH! Iosa ceusda air a' chrann!
's a cheann a' lùbadh nuas;
'Fhuil chraobhach o gach creuchd a' ruith,
is cruithachd bàis 'na ghruaidh.
- 2 "Tha'n obair crìochnaicht,"--Labhair é,
's e tiomn' a spioraid suas;
Lub e a cheann 's cha d'fhuiling e
gnè tuilleadh péin no truaigh.'
- 3 "Tha'n obair crìochnaicht,"--Bhàsaich
air son a' chinne-daoine; [Crìosd

- Làn-fhuasgladh thug e dhuinn o'n bhàs;
o chumhachd Shatain shaor.
- 4 "Tha'n obair crìochnaicht,"—Sguir a
le 'bhròn, le 'saoth'r 's le fhuil [leòn:
Làn-channsaich e gach uile nàmh,
is chreach e iad gu tur.
- 5 "Tha'n obair crìochnaicht,"—s' linn an
do linn an t-Soisgeil ghéill: [Lagh'
Seann nithe chaidh a nis air chùl,
's tha 'n saoghal ùr gu lèir.

LAOIDH XLV. Rom. ii. 4-8.

- O** DHAOINE dao! an dean sibh tàir
air gràs is foighid Dhia?
'S an dean sibh fanoid air a neart?
an gleachd sibh ris, gun chiall?
2 A chionn gu bheil a thrècair pailt,
is' ihoighdinn cho buan,
Am meudaich sibh 'ur seacharain,
's am peacaich sibh gach uair?
- 3 A ghin mhi-thaingeil! nach ro-mhò
bu chòir do mhaithcas Dé,
Do stiùradh dh'ionnsuidh aithreachais,
's do tharruing thuige féin;
- 4 Am farr leat corruich chur air Dia,
's an Triath bhi dhuit 'na nàmh,
Is ionmhas feirge thasgaidh suas,
ni truagh thu là a' bhràth.
- 5 An là sin 's dluth, le 'dhioghaltas,
's do bhinne ni e teann:
Thig fearg is claidh ort air gach làimh,
gun neach gu d' theàrnadh ann.
- 6 Ach iadsan uil' thug géill do'n Triath,
's a ghluais gu diadhaidh naomh.
Gheibh crùn na beatha mar an duais
bhith-bhuain, fad saogh'l nansaogh'l.

LAOIDH XLVI. Rom. iii. 19-22.

- C**IA dìomhain earbsa chloinn nan
á saoth'r an làmh fèin. [daoin'
O nàdur truailidh ceannaireccach
cha sruth ach olc 's mi-bheus.
- 2 Biodh Iudhaich's Geintilich 'nan tosd,
gun fhocal as am beul; [t-sluagh
'S na deanadh duin' air bith do'n
aon uail am fianuis Dé.
- 3 An gràs a ni dhinn fireana,
cha toill ar gnìomh'ra féin;
Oir dìtidh 'n Lagh gach duine beò
gu bròn bith-bhuan is péin.
- 4 Iosa! tràth dh'earbas sinn à t'ainm,
cia luachmhor dhuinn do ghràs!
Do ghlas! a bheir dhuinn fireantachd,
's do'r n-anam dìon gu bràth.

LAOIDH XLVII. Rom. vi. 1-7.

- 'S**AM buanaich sinn gu dàn 'nar ciont',
bhrìgh saoihbheis gràsa Chrìosd?
Nar leigeadh Dia gu faigh gu bràth
an smuain so tàmh 'nar crìdh'.

- 2 Tràth thugadh sinn do Dhia gu moeh,
ri droch-bheirt chuir sinn cùl;
Is gheall sin gluasad fad ar làith'
mar chruthach àluinn ùr.
- 3 Do'n pheacadh bhàsaich sinn le Chrìosd;
leis dh'éirich sinn o'n uaigh
Gu beatha naoimh, a thrèoraicheas
gu beatha ghloirmhoir shuas.
- 4 Seadh, nis cha tràillean sinn ni 's mo,
do pheacadh no do bhàs:
Oir dh'fhuasgail Chrìosd gach cuibhreach
is mhill ar n-uile nàmh. [dhinn,

LAOIDH XLVIII. Rom. viii. 31.

- L**E creidimh 's dochas fògramaid,
geilt, ciont', is dòruinn uainn;
'Se Dia ar caraid, 's mor a threis;
cia 'n t-casair bheir oirnn buaidh?
- 2 An Ti thug 'aon-mhac air ar son,
mar chobhartach do'n bhàs;
Nach toir gach tiodhlac cile dhuinn?
's an cèil e oirnn a ghràs?
- 3 Feuch, fhuair sinn annsa ghibht bumbhò
làn-chòir air nithibh 's lugh';
Tha Chrìosd air nàmh is talamh fòs,
'na earlas a ir gach agh.
- 4 Cò nis a chuircas ciont' á leth
sluaigh thaghta Dhé nan gràs?
Cò dhiteas iad? no dhiultas sìth,
o dh' fhuiling Chrìosd am bàs?
- 5 Dh' fhuiling c 'm bàs, ach dh' éirich e
gu deas làimh Dhé le buaidh;
'N sin tagraidh e ar cùis do shìor,
is bheir làn dìon d'a shluagh.
- 6 Cò nis ma ta a sgaras sinn
o chaidreamh caomh ar Triath?
An sgaoil aon neach an cuibhreach sin
a cheangail sinn r'ar Dia?
- 7 Ged éirich dragh, 's ged bhagair bàs,
's ged iadh gach namh mu'n cuairt,
Tre Chrìosd bheir sinn gu dùlanach,
orr' uile tuilleadh 's buaidh.
- 8 Ifrinn no talamh, beath' no bàs,
no sàruach ùine buain',
O ghràdh ar Triath eha dcalaich sinn,
's cha sgar am feasd sinn uaith.
- 9 Bheir so dhuinn sonas feadh gach linn,
mar rinn e gus au tràs;
O shìorruidheachd gu sìorruidheachd
bheir Chrìosd d'ar n-an'maibh gràdh.

LAOIDH XLIX. 1 Cor. xiii.

- L**E briathraibh dhaoine is aingle nèimh,
ged labhrainn le sgèimh ghrinn;
Impidh ged ehuirinn air gach neach
le teangaidh bhlasda bhinn:
- 2 Ard-fhiosachd Faidh ged bu leam,
's ged fhoillsichinn rùn Dé;
Gun glràdh, is faoin gach ni dhiubh so,
cha dean iad dhomh gnè f beim;

- 3 Ged ath'raichinn le creidimh treun,
na slèibhteas an ceal,
Is neo-ni mi gun seirc is gràdh,
cha mhair mo ghràs ach seal.
- 4 Ged bheathaichinn le m' mhaoin am
's mo chorp ged loisginn fòs, [bochd,
Air son mo chreidimh, 's mi gun ghràdh,
cha dìong e bheag fadheòidh.
- 5 'S fad-fhulangach neo-fharmadach,
's is cairdeil gràdh gun cheisd;
Cha dean e uail a' bheartaibh féin,
's cha séidear suas e 'm feasd.
- 6 Droch amharus cha bhi aig gràdh,
's ni foighid ri droch dhaoir':
'S fath bròin leis iomradh uile is ciont;
's is toigh leis 'n fhirinn chaoir.
- 7 Giulan neo-iomchuidh 's fuath I seirc,
's féin-spéis nan clasa claoir;
Tha 'crìdhe làn le iochd is blàs
do chàch air feadh an t-saòil.
- 8 Giulainidh gràdh fad ùine mhòir',
le dòchas nithe 's fearr;
'S fuilingidh è gu macant sèimh
iom' eucoir agus tàir.
- 9 Air nèamh is talamh, feadh gach cian
sior-riaghlaidhidh caomh-sheirc;
Tràth sguireas teagadh 's fìosachd
Fàidh,
buan-mhairidh gradh gun cheisd.
- 10 'S neo-fhoirfe 'n so gach gràs air bith,
ach tionnsgnaidh làithe 's fearr,
'S an tig lan-iomlaineachd a steach,
's an teich gach ni tha cearr.
- 11 An tràs 'nar n-bìge gluaisidh sinn
mar naoidheana gun iùl:
Chum foirf'eachd; ach 'nuair dh'fhàsas
théid leanbaidheachd air chùil. [sinn,
- 12 Air thalamh mar tre dhubh-neul dorch'
is leir dhuinn dealradh Dhé;
Ach gnùis ri gnùis an nèamh na glòir'
gu soillear chì sinn e.
- 13 Tha creidimh, dòchas agus gràdh,
an tràs an so le chéil';
Ach creidimh 's dòchas failnichidh,
's buan-mhairidh gràdh gaeh ré.
- 14 Oir sluigear dòchas le làn-sheilbh,
is creidimh le beachd sùl;
'Siad so na meadhoin, 's i chrìoch gràdh
nach téid gu bràth air chùil.

LAOIDH L. 1 Cor. xv. 52-58.

- L**E fuaim na trompaid deireannaich
criothnaichidh 'm fonn gu garbh:
Fosglaidh gach uaigh is brùchdaidh
nìos
chum siorruichd cuirp nam marbh.
- 2 Feuch, éiridh churp nan saoi an sin
le misnich is mòr sgèimh,
Iad bàsmhor thuit, ach éiridh chum
ueo-bhàsmhorachd air nèamh.

- 3 Feuch faistneachd fhìor nam Fàidhear,
coimhlionta nis gu beachd; [naomh'
Gu géilleadh bàs do bheatha shior,
's gu crìochnaicheadh an gleachd.
- 4 Suas togadh creidimh luathgair ait,
is canadh e mar laoidh,
C'ait nis am bheil do ghath, a Bhàis?
c' ait, Uaigh, am bheil do bhuaidh?
- 5 B'i choguis chiontach gath a bhàis,
teann-shaithte 'n crìdhe 'n daoi;
'S b'e 'n Lagh a thug do chiont' a neart
gu luchd a' pheacaidh chlaoidh.
- 6 Ach beannaicht' gu robh Dia gu bràth!
a chuir ar nàmh fo chois,
'S a thug dhuinn tríd ar Ceannaird
buaidh shiorruidh agus fois. [Criosd
- 7 Fa 'n aobhar sin, le dùrachd crìdh',
d'ar Rìgh bheir sinne geill;
Làn-dearbhta gu faigh sinn fadheòidh,
crùn glòir' an rìoghachd nèimh.

LAOIDH LL. 2 Cor. v. 1-11.

- G**RAD-THUITIDH 'n corp sosios do'n
'na smùr fo chumhachd bàis. [uir
Ach gheibh ar n-an'ma còmhnuidh 's
gu h-àrd le Dia nan gràs: [fearr,
- 2 Gheibh an'ma naomh' an còmhnuidh
san tigh a thog dhoibh Dia; ['n sin
Tràth shaor iad o'n phriosan thruagh,
san bheil an cuairt ré cian.
 - 3 D'ar n-uallach talmhaidh sgèith, mar so
's tric thairngear osna leinn;
Ach saoraidh 'm bàs gu caomh sinn
is dhachaidh suas théid sinn. [uaith.
 - 4 Oir tha ar n-earbs a tigh a's fearr,
tràth dh'fhàgas sinn a' chriadh;
Cha'n e bhi rùisgt' ach sgeadaichte
ri 'm bheil ar dùil 's ar miann.
 - 5 So dòchas ait nan an'ma naomh'
o 'n Slàn'ear caomh an tràs,
A thug an Spiorad dhoibh maraon,
mar sheul is earlais gràidh.
 - 6 Sior-ghluaisidh sinn le creidimh beò,
an gealladh glòrmhor Dhia;
'S bidh sinn, ré fad ar cuairt' sa' chorp,
ag osnaich 'n déigh ar Triath.
 - 7 Na 's ait le 'r n-an'maibh fhaotainn
's ro-fhada leinn e uainn; ['s fad,
Air imrich b' ait leinn dol o 'n fheòil,
's ar còmhnuidh fhaotainn shuas.
 - 8 Ach anns a' chorp, no as a' chorp,
an so no 'n sin 'gam bi,
Sinn féin thoirt suas do sheirbhis
'se so ar miann gu sior. [Dhia,
 - 9 Chum caithir-bhrcitheanais Mhic Dhé,
feuch, théid gach uile neach;
A dh'fhaotainn péin no turasdail,
mar thoill iad uaith fa seach.

- 10 Breth chothromach neo-chlaon an sin
gheibh deadh-ghnìomh agus lochd ;
'S bidh cor gach neach gu sìorruidh,
a bheus, ma's maith no olc. [réir

LAOIDH LII. Philip. ii. 7-12.

- S**IBHSE ta ainmichte air Crìosd,
leanaibh gu sìor a cheum ;
'Nur n-iinntinn is 'nur coluadar
bibh cosmhuil ris gu léir. [Crìosd,
2 Cruth 's coslas Dhé ged bha air
's uil' iomhaigh Rìgh na glòir
Ged b'ionnan nàdur 's inbhe dhoibh,
co-ionnan air gach doigh ;
3 Gidheadh a mhòrachd chuir e thaobh,
is daoineachd ghabh air féin
Chum sinne shaoradh, chuir e sgàil,
ré seal, air àilleachd nèimh.
4 Seadh chrom ar Slànighcar a sìos
gu inbhe òsal tràill ; [ceus'
Strìochd e do'n bhàs, seadh bàs na
an ro-mhòr péin is nàir.
5 Feuch dh'ardaich Dia, fa'n aobhar sin
an Triath a shaor a shluagh ;
'Thug e dha rìoghachd thar gach rìgh,
is ainm thar ainm r'a luadh.
6 A chum do ainm an Tighearn Ios'
gu'n strìochd gach uile ghluin,
Sna nèanhaibh shuas, air talamh bhos,
gu h-urramach 's gu h-ùmh'l.
7 Seadh strìochdaidh dhasan mar an
is gèillidh ifrinn shìos : [ceudn',
Gach treubh is teangadh 's dùil a t'
aidichidh 'ainm gu sìor. [ann,

LAOIDH LIII. 1 Tesal. iv. 13-18.

- B**IODH misneach aig luchd-muimth
tràth chiiad luchd an gaoil [Crìosd,
A' dol gu còdal ann an Ios',
cha 'n i so crìoch an saòil.
2 C'ar son ma ta bhios sibh ri bròn,
mar dhrèam gun dòchas mòr ;
Am bheil sa' bhàs ach teachdair sìth
'gan gairm gu rìogh'chd na glòir' ?
3 Mar chaochail Crìosd 's mar dhùisg
le buaidh o staid a' bhàis : [e suas
Is amhluidh dh'éireas fos a shluagh
le luathghair là a' bhràth.
4 O thig an là san tuirling Crìosd,
le h-iolaich, o na neòil,
Le guth Ard-aingil's fuaim na truimp,
a chluinn gach marbh is beò.
5 'N sin ath'rraichear an dream tha beò,
's dùisgear na slòigh ta marbh ;
Liubhraidh gach uigh na fhuair i féin,
's bidh sléibht' air chrith gu garbh.
6 Eiridh na naoimh a suas air tùs,
o'n ùir le h-aobhneas mòr ;
Ni aingle Dhré an coinneachadh,
's an togai leò gu glòir.

- 7 Le chéile théid iad suas gu h-ait,
gu tigh an Athar chaoimh, [Traith,
Sam faigh iad còmhnuidh shìor le 'n
gun iarguin is gun chlaoidh.
8 Fòs tamull beag, is ruigidh sinn
an caladh ait fadheòidh,
San coinnich sinn na sgaradh uainn,
's cha dealaich sinn ni 's mò.

LAOIDH LIV. 2 Tim. i. 12.

- C**HA 'n aobhar náire leamsa Crìosd,
na 'chùis a dhion gu beachd :
A crann a cheusaidh ni mi uail ;
Gèilleam gach uair d'a reachd.
2 IOSA, mo DHIA ! is eòl dhomh 'ainm,
is earbam as gu bràth ;
Cha nàraich esan m'anam truagh,
's cha chum e uam a ghràs.
3 Daingean is buan, mar chaithir Dhia,
gach cian tha gealladh Crìosd ;
O ! 's tèaruint' m'anam-sa 'na làimh,
gu là a theachd a rìs.
4 San là sin fàitichidh e m' ainm,
an làthair 'Athar chaoimh ;
Is sealbh san Nuadh Ierusalem
do m'anam bheir le naoimh.

LAOIDH LV. 1 Tim. iv. 5, 7, 8, 18

- C**HRIOCHNAICH mi nis mo chath 's
mo réis ;
is dlùth dhomh eng is uaigh ;
M'anam a choisrig mi do Dhia,
triallaidh gu neamh le buaidh.
2 Le armaibh nèamhaidh chuir mi'n cath,
fo bhrataich Crìosd mo Thriath :
Ruith mi mo réis, mo dhùiseachd
dhearbh,
's tha m' earbs' '4 duais o m' Dhia.
3 Fam' chomhair-sa thaig Dia air nèamh,
gu tèaruint' crùn na glòir' ;
A chuireas a làmh-san air mo cheann
air teachd do'n là mhòr.
4 Mo Dhia cha d' orduich dhomhsa
an coron so mar dhuais ; [mhàin
Ach do gach neach le'n ionmhuinn
a mhic, o nèamh a nuas. [teachd
5 O lochd 's o chunnart dìonaidd Crìosd ;
mo choinhead ni gach uair ;
'S gu tèaruint' m'anam trebraichidh
gu rìogh'chd na glòire shuas.
6 Bheir mi, le còmhnaidh treun mo
dùlan do ifrinn féin ; [Thriath,
Is dhasan gu robh glòir ro-àrd
is cliu gu bràth. Amen !

LAOIDH LVI. Titus iii. 3-9.

- A**IDICHIDH sinn le tuirse cridh'
ro mheud ar ciont', a Dhé,
B' amaideach faoin ar n-uile smuain,
's cha b'fhearr ar giùlan gnè.

- 2 Ach thoir, O m'anam, cliu is gràdh
do àrd-ainm Rìgh nan sluagh,
Nach d'fhag thu 'n feasd, gun teasair-
am peacadh, nàire, 's truaigh. [ginn,
- 3 Cha 'n ann tre oibribh fireantaehd,
no gnìomh ar làimha féin,
Ach tre ghràs Dhé, an Iosa Criosd,
a shaorar sinn o phéin.
- 4 Is ann an trècair Dhé a mhàin,
a ta ar muinghinn threun;
A thrècair shaor ar n-an'ma truagh',
's ghlan uainn gach eiont' is beud.
- 5 Tha'n Spiorad dhòirteadh oirnn tre
a' nigheadh dhinn gach sal, [los',
A' fadadh teas ghràidh feadh ar eridh',
's 'gar deanamh naomha glan.
- 6 Mar so, làn-fhùreanaicht' le gràs;
gach là le beatha nuaidh [leinn,
Sior ghluaisidh sinn, 's an Spiorad
gu ruig ar n-oighreachd shuas.
- 7 Na h-uile 'gam bheil shamhuil so
do chreidimh 's dòchas naomh,
Sior-dhearbhadh iad, le giùlan maith,
nach 'eil an dòchas faoin.

LAOIDH LVII. Eabh. iv 14.

- I**OSA Mae Dhé, leig aon uair sìos
a bheath' air son a shluaigh.
Tha nis a' tagradh 'n eùis air neamh
mar shagart treun bheir buaidh.
- 2 Tre beatha 's bàs sior-leanamaid
ri Criosd gu daingean dlùth:
O chreidimh 's dòchas gheibh sinn
is théid gach geilt air eùil. [neart
 - 3 Gu borb eha bhuin ri laigse dhaoine
caomh-Shagart àrd an àigh;
Tha 'chridhe làn do thruacantaehd,
tha 'anam làn do ghràdh.
 - 4 Co-fhulangas tha aig an Triath
air iarguin 's laigs' a shluaigh;
Oir dh'fhiosraich e 'na phearsa féin
gach deuchainn agus truaigh'.
 - 5 Dh'fhiosraich e 'na phearsa féin,
gidheadh as eugmhais lochd:
Oir nàdur duine ge do ghabh,
eha b'aithne dha-san ole.
 - 6 Bu tuirseach deurach air ar son,
a eath e 'làith' fo 'n ghréin;
'S ge h-àrd e nis air deas làimh Dhé,
co-mhothaichidh ar péin.
 - 7 Le dànachd naomba, uime sin,
théid sinn gu 'chaithir-ghràis;
Is fàth gach gearain dòirtidh sinn
'na fhianuis anns gach cas;
 - 8 A chum gu'n còmhnaidh esan leinn
réir saoi bhreacaidh a ghràis;
'S gu'n tugadh e d'ar n-an'maibh lag
neart agus fois gu bràth.

LAOIDH LVIII. Air dhòigh eile.

- S**AN teanpull am bheil Dia 'na thàmh,
(Tigh nach do thogadh riamh le làimh,
Tha Sagart àrd a' ehinne-daoin',
Ar Slànuighear 's ar earaid eoin.
- 2 Esan a sheas an àit a shluaigh,
Dhoirt 'fhuil 'nan riochd, 's a luidh
san uaigh,
Tha cuimhneach orra fòs air nèamh,
An Slànuighear 's an earaid seimh.
 - 3 Ge h-àrd e nis sna nèamhaibh shuas
Tha 'shùil a' deareadh oirnn a nuas;
Lan sgeadaichte le nadur dhaoine,
Tha e mìn eòlach air an saoth'r,
 - 4 Co-fhulangas tha aige ghnàth.
'S co-mhothaachadh ri 'n uile chràdh;
Tha cuimhn' aig air a thrioblaid féin
A dheoir, a ghoimh, is 'osnaich gheur.
 - 5 Gach dòrainn dh'fheudas oirne teachd,
Fo shamhuil sin rinn esan gleachd;
D'ar n-uile bhròn tha 'chuid-san mòr,
Is bheir e cabhair dhuinn gu leòr.
 - 6 Fa 'n aobhair sin théid sinn gu dàn
Le 'r n-uile ghearan gus a làth'r;
Is guidhidh sinn a chòmhnaidh treun
G'ar euideachadh an uair ar féim.

LAOIDH LIX. Eabh. xii. 1-13.

- F**EUCH neoilro-thiugh do fhianuisibh
ag iadhadh oirnn mu 'n euairt:
An déigh, mar sinne, fulang cian,
thug Dia leis iad a suas.
- 2 Air lorg nan naomh so ruitheamaid,
chum Chriosd, le foighid bhuain;
Gach leth-trom 's peacadh leanail-
grad-thilgeamaid fad uainn. [teach
 - 3 Aeh riaghailt-stiùraidh 's fearr na so,
's ion thoirt fa'near air tús;
Eisempleir Ios' a stiùras sinn,
tre chreidimh chum ar erùin.
 - 4 Ri 'r Ceannard, suas sior-dhearcaimaid,
neach, air son aoibhneis mhòir
Bha roinhe, dh'f huiling ceusadh's nàir
's an tràs tha riaghladh 'n glòir.
 - 5 Ma ghiulain Criosd gu foighidneach
droch ehannt is fanoid sluagh,
'N ion duine, 'nuair ar sàruchaidh,
bhi gearan cràidh no truaigh'?
 - 6 Ri deuchainn ghairebhand'rinn sibh strì
mar Ios', gu fuil is bàs?
Is focal Dè 'n do dhearmaid sibh,
tha gealltuinn duibh a ghràis.
 - 7 A mhie, deir e, le foighidinn,
sior-fhuiling mo chaomh-smaehd,
Is ereid, 'nuair dhearbhas àmhghar
gu bheil aig Dia dhìot tlaehd. [thu,
 - 8 Teagaisgidh 'n t-Athair caomh mar so
a naomh-chlann dhilcas féin,
G' am fiosrachadh le docair chruaidh,
's le iomadh truaigh is péin.

- 9 Chi sinn mar so gur toigh leis sinn,
tràth smachdaichear sinn leis,
'S nach leig e uaith air seachran sinn,
gun suim air bith d'ar leas.
- 10 Do ghuth ar n-Athar thalmhaidh bhos,
nach tric a thug sinn géill?
'S do thoil ar n-Athar nèamhaidh shuas
nach toir sinn suas sinn féin?
- 11 Bheir Athair talmhaidh smachd gutric,
gun fhios c'ar son d'a chloinn;
Ach Dia a mhàin a chum ar leas,
bheir dochair 's euslaint dhuinn.
- 12 Is deacair leinne achmhasan
is smachdachadh ar De;
Ach toradh sìth, is fireantachd
gu siorruidh thig 'nan déigh.
- 13 A nis ma ta na meathar sinn
le misnich lag ni 's mò;
Ach earbamaid á tròcair Dhé,
's dha gèilleamaid r'ar beò.

LAOIDH LX. Eabh. xiii. 20, 21.

- A**THAIR na sìth', 's a Dhé na seire!
do d' neart bheir sinne cliu;
An neart a dhùisg ar n-Aodhair suas,
le buaidh, o ghlaish na h-ùir'.
- 2 O'n ùir thog thu ar Triath an àird,
gun spàirn o chuibhreigh bàis;
Mar sin le 'fhuil is 'aiseirigh,
shior naisg c'n cùmhnant gràis.
 - 3 Le d' spiorad seulaich sinn, a Dhé,
is dean sinn ùmh'l do d' thoil;
Chum as o d' naomh-reachd nach bi
air seachran truagh a' dol. [sinn]
 - 4 O! sgrìobh do lagh air clàr ar crìdh'
'nar gnìomh sior-dhealradh e?
'Naisnruigidhsinn, fo cheannsal Chrìosd,
air seilbh an rìoghachd nèimh.

LAOIDH LXI. 1 Pead. i. 3-4.

- B**EANNAICHT' gurobhar Diagusior,
caomh Athair Chrìosd ar Triath;
Beannaicht' gu robh a thròcair mhòr,
's a mhòrachd feadh gach ial.
- 2 O'n naigh tràth thog thu ris do Mhac,
's a ghlac thu e gu nèamh,
Iàn-chinnteach rinn thu sinne fòs
gu'n toir thu beò sin féin.
 - 3 Ri oighreachd shiorruidh ann an glòir
beò dhèchas thug thu dhuinn;
Oighreachd neo-thruaillidh saor o smal,
a mhaireas feadh gach linn.
 - 4 Gu ruige sin, le d' chumhachd treun,
làn thearuint' bidh gach naomh;
'Tre chreidimh stiùrar sinn gu slàint'
le gràs do Spioraid Naoimh.

LAOIDH LXII. 2 Pead. iii. 3-14.

- F**EUCH! anns na làithibh deireannach
suas èiridh gineal ole; [srian]
- D'am miannaibh peacach bheir iad
's 'nam briathraibh their mar so.

- 2 C' àit bheil an gealladh thuirt o shean
gu robh am breitheamh dlùth?
O linn ar sinnsear gus a so,
cha'n fhaic sinn gnè do mhùth.
- 3 Tha bliadhn' air bhliadnaibh ruith gun
mar bha o thùs an t-saol: [tamh,
'Smarthonn air thuinn a' ruith gu traigh,
gu bràth bidh gineal dhaoin'.
- 4 So deir iad, aineolachd d'an deòin
gu'n d' dhòirteadh tuil a nuas,
A sgrios an saoghal ceannairceach
a chaidh air seachran truagh.
- 5 Ach sgrios nach ionnan gheibh an
s' na daoine ole a t'ann; [saogh'l-s
Le teine lasrach millear iad,
's is gearr gu ruig an t-àm.
- 6 Ge fada leis na naoimh an ùin',
's an dùil ri teachd an Triath,
'Na shealladh-san is ionnan là
is linn, no mìle bliadhn'.
- 7 Cha d'chluimhn' geallaidh rugar Crìosd,
ach gaol bhì 'n sìth ri daoine;
A' feitheamh dh'fheuch am pillcar leo,
's an iarr iad tròcair chaoin.
- 8 Gidheadh marghaduich anns an oidhech'
nach cum na croinn a mach,
Grad-thuirlingidh an Triath a nuas,
's thig fuathas air gach neach.
- 9 Le tairneanaich 's le dealan speur,
na nèamha teichidh as;
Na dùilean leaghaidh, 's thèid an saogh'l
'na chaoiribh le dian theas.
- 10 O'n théid gach ni mar so a sgrios,
mar fhuair sinn fios o Dhia,
Nach iomchuidh dhuinne deasachadh
fa chomhair teachd ar Triath.
- 11 Cìanaomh bu chòir dhuinn bhigach uair
'narsmuain, 'narcainnt, 's 'nargnìomh,
'Nuair tha ar sùil ri crìch an t-saogh'l
's ri caochladh gach aoin ni?

LAOIDH LXIII. 1 Eoin iii. 1-4.

- F**EUCH! saobhbreas iongantach a
thug Dia ar slàinte dhuinn, [ghràidh
Peacach is truailidh fòs ged bha,
clann dha-san rinneadh dhuinn.
- 2 Folaicht' tha 'n t-urram so an tràs,
's ro-àrd á sealladh dhaoine;
Mar so air Crìosd e féin san fheòil
neo-còlach bha an saogh'l.
 - 3 Is àrd ar n-inbhe cheana 'n so,
ach 's àirde bhios sinn shuas;
Gidheadh an inbhe sin cha léir
do neach fo 'n ghréin san uairs'.
 - 4 Ach 's léir dhuinn so, gu faic sin Dia,
ar Triath, seadh gnùis ri gnùis;
'S gu'n iompaichear gu 'choslas sinn
tràth mhoglas sinn o'n ùir.
 - 5 Gach neach 'gam bheil an dòchas so,
'na chòmhradh is 'na gnìomh,

Biodh déigh aig air bhi naomh is glan,
ceart amhuil a bha Criosd.

LAOIDH LXIV. Taisb. i. 5-9.

- D**HASAN a ghràdhaich an 'ma dhaoin',
's a dhòirt gaeh braon d'a fluil,
A chum ar cionta ghlanadh uainn,
's ar deanamh naomh gu tur :
- 2 Dhasan rinn sagairt 's rìghrean dhinn,
air feadh gach linn, do Dhia,
Biodh moladh, urram agus gràdh,
gu bràth air feadh gach ial.
- 3 Lionar gach beul le binn-ehcòl da,
's gach cridh' le teas-ghràdh caomh,
Air talamh canar moladh dha,
's gu h-àrd le ainglibh naomh' !
- 4 Feuch teachd mhic Dé air neulaibh
's ro-ait, le 'shluagh an là; [tingh',
Aehguilidh a luchd-casgraidh truagh,
le àmhghar is le cràdh.
- 5 'S tu'n cuud neach, 's an neach deir-
cannach,
's leat bith gun tùs gun chrìoch ;
Maith, glic, is uile-chumhachdach,
bha, tha thu, 's bithidh chaoidh.

LAOIDH LXV. Taisb. v. 6.

- A**IR caithir rìoghail 'Athar fèin,
feuch dealradh glòir' an Uain ;
Ur-urram deasaichibh d'a ainm,
is bibh le taing 'ga luadh.
- 2 Feuch, ìosal aig a chosaibh strìoehdt'
tha'n Eaglais shìorruidh shuas,
Le boltrach cùbhraidh ìobairt thùis'
's le clàraibh ciùil ri fuaim.
- 3 Is iad so urnuighean nan naomh,
's na laoidhean tha iad seinn ;
Ri'n urnuigheromaidh Criosd a chluas,
dò'n luathghair gabhaidh suim.
- 4 Rùn dìomhair sìorruidh do thoil'
O Athair, cò d'an léir? [naoimh,
Cò aeh do mhae a leughas sin,
's a dh'fhuasgaileas gach seul !
- 5 Cluinn ! armait ucèimh le'n luathghair
timchioll na caithreach-rih ; [ait,
Mìlte do mhiltibh 's àircamh dhoibh,
ach 's aon a ruhàin an cridh'.
- 6 'S airidh an t-Uan, a dh'ìobaireadh,
deir iad, air inbh' ro-ard !
'S airidh, oir b'e ar n-ìobairt-ue,
co-fhreagradh daoìn 's gach àit !
- 7 Is airidh an t-Uan, a strìoehd do'n bhàs,
air àgh is beannachd buan ;
Biodh slàinte, glòir, is aoibhneas àrd
gu bràth air ceann an Uain !
- 8 O'r cionta shaor e sinu le 'fluil,
's thug braighde truagh' à péin ;
Rinn sagairt 's rìghrean dhinn do Dhia,
gu riaghladh shuas leis fèin.
- 9 As gach aon teangaidh agus ùir,
thìonal 's thug Criosd a shìoehd ;

Gach dùthaich chéin is innis cuain,
fios fluair air saobhbreas 'ìochd.

- 10 'S airidh air géill 's air ceannsal Criosd,
air talamh 's nàmh gu bràth ;
Is cliu ni 's fearr na 's urrainn daom',
thugadh naomh-aingle dha !
- 11 Gach neach tha 'g àiteachadh nan
no chruinne-chè a bhos ; [nèamh,
Gach dùil air bith, do Rìgh nan slugh,
seinnibh gach uair gun fhois.
- 12 An cruthach' aontaicheadh gu léir,
thoirt géill is cliu do 'n Triath,
Thariaghladh anns nan càmhaibh shuas,
's do 'n Uan air feadh gach ial.

LAOIDH LXVI. Taisb. vii. 15.

- C**IA dealrach glòir a 'mhaithe-shluagh
an trusgain ur' cia geal ! [ud !
Cionnus a thàinig iad gu soills'
's cò dh'ionnlaid dhiubh gach sal ?
- 2 Feuch, sud an dream a ràinig nèamh,
troimh dheuchainn ghairbh is chru-
'Sa nigh an trusgainann am fuil, [aidh,
fuil ìoc-shlaiteach an Uain.
- 3 Nis sleuchdar leo le glùnaibh lùbt
gu h-ùmh'l aig caithir Dhia ;
'S le an'maibh cràbhach mo laidh iad
a mhòrachd feadh gach ial. [Dhè,
- 4 Gaeh cridh' bidh ait le làth'reachd
's gach beul am fonn gu semn ;
Co-fhreagradh 'n teampull uoamh
d'au àrd Hosana bhinn. [gach tràth
- 5 Ocras no tart cha chlaoidh an sin,
uo boisge loisgeach gréin ;
'S e Dia an grian, 's o dhealradh
sior-sgaolidh là an céin. [caoinh,
- 6 Stùraidh an t-Uan a naomh-threud
gu tobar slàint' nach traigh ; [fèin
Is tiormaichidh gu bràth o'u gruaidh
deur truaighe, bròin is cràidh.

LAOIDH LXVII. Taisb. xxi. 1-9.

- N**ACH glòrmhor àrd au sealladh so,
chithear le sùilibh dhaoìn' !
Am fonn 's an fhaighe gabhail seach,
's na speura sean maraon.
- 2 O nèamh thiig Nuadh Ierusalem,
là'n ulluichte d'a Rìgh ;
Feuch nìs gach nì ath-uadhaichte ;
is fluair sinn àgh gu sìor.
- 3 Cliu seinnidh aingle coimheadachd,
is armait fhìlthail nèimh.
Feuch, chi gach sùil a' chaithir rìgh
air an suidh Iosa fèin. [nuas
- 4 Dh' atharraich Dia ehum dhaoìn' a
a phàillium uasal naomh :
Le daoìn' tha chòmhnuidh ; 's iad a
shluagh ;
's d'a shluagh 's e 'n tearmun caoinh.
- 5 Deur mulaid siabaidh e le 'laimh
gu cairdeal bhàrr an gruaidh .

- Is eugaidh eagal, caoidh, is cràdh,
is àmhghar, bàs, is uaigh.
- 6 Feuch, gach ni saoghailt' caochlaidh
so deir an Rìgh sior-bheò; [mi!
An domhan as an amharc thèid,
's cha ruith ùin' fèin ni 's mò.
- 7 'S mi'n ceud neach, 's an neach deir-
eannach,
gun ath'rrachadh, gu bràth;
ATAIM: so m'ainm 's mo chuimh-
neachan
air feadh gach linn gu bràth;
- 8 Do dhaoineibh bheir mo ghràsa pailt
ni maith, gun luach, gu saor;
O dhuine thartmhoir, òl do dhìol
do 'n òc-shlàint so nach traogh.

- 9 Do'n ti bheir buaidh air eusaontas,
bheir mise oighreachd mic;
Is aidhichidh mi 'n lath'r gach sluaigh,
a ghluasad naomha glic.
- 10 Ach daoine nedghlan 's breugairean
's luchd-muir thug spéis do bhàs,
Le mheud 's a dhiùlt gu h-amaideach
mo ghràs, le fanoid 's tàir;
- 11 A' m' fhianuis tilgear fada sìos,
an cuibhreigh shiorruidh chruaidh,
Gu builsgan faire lasaraich,
sam faigh iad peanas buan.
- 12 O bithcam-sa air deas làimh Chrìosd,
tràth dhiobras fonn is cuan;
Is faighcam failte uaith air m' ainm
gu sonas annmhor buan.

DANA SPIORADAIL.

DAN. I.

- AIR t'uile thròcair, O mo Dhia,
tràth dhearcas mi gu dlùth,
A' mosgladh suas tha m'anam blàth,
le h-ìoghnadh, gràdh, is cliu.
- 2 Cha'n urrainn mi le briathraibh beòil,
an taing a chur an cèill,
Tha lasadh ann am chridhe stigh,
ach dhuits' an sin is léir.
- 3 Do fhreasdal chum mo bheatha beò,
gun uireasbhuidh, gun dìth,
Ri am dhomh bhi sa bhroinna m' thosd,
's an crochadh ris a' chich.
- 4 Ri m'ghcaran is ri m'osnaich mhaoth,
chrom thu gu caomh do chluas,
'S m' m' b'urraim mi aon urnuigh
dhealbh,
do 'n bhalbh ghabh thusa truas.
- 5 Tiodhlaca lionmhor dheònaich t'ìochd
gu tric do m'anam maoth, [ncart,
Mun robh a'm' chridhe leanbaidh
a thoirt fa'near a h-aon.
- 6 Tràth ruith mi dian, gun mhotha chadh,
an ceumaibh sleamhna m' òig';
Do làmh nach facas, dhion is stiùir,
is chum, gu so, mi beò.
- 7 O iomadh slochd do-lèirsinn leam,
o rib is cangach bàis,
'S o bhuairibh cealgach blasd' an uile,
thug thu mi tèaruint' slàn.
- 8 Tràth shearg mo ghruaidh fo anshocair
rinn thus i nuadh le slàint'; [bròn
'S tràth bha mi bàitht' am peacadh 's
do m'anam dheònaich gràs.

- 9 Shruth mìle sochair shaoghailta,
o d' làimh ro fhaoilidh chaoin;
Is ann an caraid dileas dlùth,
dhùblaich tha m' uile mhaoin.
- 10 Deich mìle mhillte comhar gràidh
fhuaire mi gach là o m' Dhia;
Is ni nach lugha, cridhe ait,
a mheal le tlachd iad riamh.
- 11 Am fad is beò mi molaidd mi
àrd-rìgh mo bheatha 's m'ùil;
'S an dèigh mo bhàis, an saoghal cèin
cuiridh mi 'n cèill a chliu.
- 12 Tràth theirgeas ncamh, is muir, is tir,
's thig crìoch air là is oidhch',
Mo chridhe taingeil seinnidh cliu
do Dhia nan dùl a chaidh.
- 13 Feadh linnte bith-bhuantachd gu léir
togaidd mi òran binn;
Ach O! 's ro ghoirid bith-bhuantachd,
gu moladh Dhé a sheinn.

DAN. II.

- N A speuran àrd a's aille dreach, [mach,
'S a sgaol an gorm-bhrat cian a
Le 'n reultaibh dealrach maiscach
grinn, [bhinn.
Tha seinn d'an Cruithear co-sheirm
- 2 Tha ghrian gun sgios o là gu là,
A' sgaileadh cliu a Dia 's gach àit,
'S a glaothaich feadh gach ùr fa leth,
"Cia treun an Dia thug dhomh mo
bhith"!

- 8 Au-moch, tràth dh'aomas neòil nan speur,
Togaidh a' ghealach ait an sgeul;
'S do'n talamh, chluinn le tosd a guth,
Innsidh i cò thug dhi a cruth.
- 4 Na mìlte reul tha dh'ise dlùth,
Gach solus eile 's lèchran iùil,
Canaidh an sgeul so fad is cian,
O 'n àird an ear gu ruig an iar.
- 5 Sàmhach is ciùin ged tha an triall,
Mu 'n talamh dh'orcha so ag iadh;
Guth ged nach cluinnear fos no fuaim,
Nan imeachd dealrach tosdach shuas;
- 6 Gidheadh le cluaisibh tuigse glie,
Chluinnear am fonn 's an ceòl gu tric,
A' seinn gun tàmh air feadh gach linn,
"Is tusa, Dhia, a chruthaich sinn."

DAN. III.

- T**RATH dh'èireas mi le ciont' is geilt,
o leabaidh dhoirch a' bhàis,
'S a chi mi m' Breitheamh gnùis ri
cò ghiulaineas a làth'r. [gnùis:]
- 2 Ma 's e 's gu bheil mo chridh' fo gheilt,
seadh cheana leis au smuain
Tràth dh'fheudar trècair fhaotainn
is maitheanas gu saor; [pailt,
- 3 O cionnus idir sheasas mi,
tràth dh' fhoillsichear thu, Rìgh,
A'd' shuidh' air caithir bhreitheanais,
a thoirt air m'anam binn'.
- 4 Ach dh'innis thu do luchd a' bhròin,
tha leònt' air son an lochd,
Gu'm faigh an urnuigh is an caoidh
sàr-èisdeachd uait gu beachd.
- 5 O seall ma ta air bròn mo chridh'
mu 'm bi e tuilleadh 's mall,
'S èisd acain bàis mo Shlànuighir
a ghuidh dhomh slàint' gu teann.
- 6 Mo dh'ùil ri maitheanas, a Dhé,
cha chaill mi féin gu bràth;
Oir 's ann a chosnadh maitheanais
a fhuair do Mhac am bàs.

DAN. IV.

- F**AILTE do 'n là san d' éirich Criosd,
le cumhachd uios o'n uaigh;
'S an d' fhuair e air gach uile uamh,
air ifrinn 's bàs làn-bhuaidh.
- 2 'Na leabaidh thosdaich anns an uir
ghabh Rìgh nau dùl a thàmh,

Gu ruig an treas là glòrmhoir sin
a shonraich e roimh làimh.

- 3 Chuir ifrinn 's uaigh an lamh r'a chéil,
g'a chumail shìos fo ghlaig;
Ach bhris an gaisgeach dheth gach
is dhùisg e'n àird gu cas. [sàs]
- 4 Do t'ainm ro àrd, a Thriath uam
gach uair bheir sinne cliù; [buadh,
'S le 'r n-ait Hosana fàiltichidh
an là san d' éirich thu.
- 5 Slainte is cliù gun chrìch d'ar Dia,
an Triath e'n d' shaoradh sinn;
Dha seinneadh nèamh is fonn is cuan
gach uair Hosana bhinn.
- 6 Do'n Ath'r, do'n Mhac, 's do'n Spiorad
an t-aon Dia beò is fìor, [Naomh,
Biodh glòir mar bha, a ta, 's bhios,
o so a mach gu sìor.

DAN. V.

- T**HAINIG an uair: 's tha mis' a' triall;
Chual mi 'n guth ta ga m' ghairm
gu Dia
Sguireadh m' uil' àmhghar nis, a Rìgh,
'S ceadaich do t'òglach triall an sìth.
- 2 Chròchuaich mi nis mo chath 's mo
reis [réidh;
Mo dhuais tha cinnteach, 's m'anam
Tha m'fhianuis shuas le Dia nan gràs,
Mo theistean anns na nèamhaibh àrd'.
- 3 M'earbsa cha'n 'eil a'm' neòchiorc féin;
Strìochdam san dus am fianais Dé;
Tre fuil is fearta Chrìosd a mhàin,
Tha m'earbs a' d'ìochd, O Dhia 'sa d'-
shlaint. [t-saogh'l]
- 4 Cha chruaidh leam dealach' ris an
Mur cruaidh bhi fàgail luchd mo
ghaoil;
Leighis am bròn, a Dhia nan gràs,
'S ri call dhoibh caraid, cum riu bàigh.
- 5 Air t'iarrtus tha mi falbh gun dàil,
Mo spiorad tiomnam suas do d'làimh;
O! sin a mach do ghairdean treun,
'S o ghat a bhàis dhon mi le d' sgéith.
- 6 Thainig an uair: 's tha mis' a' triall;
Chual mi 'n guth ta ga m' ghairm gu
Dia;
Sguireadh m' uil' àmhghar nis, a Rìgh,
'S ceadaich do t'òglach triall an sìth.

